



Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>



BIBLIOTHECA S. J.
Maison Saint-Augustin
ENGHIEN


E 281/1



g -

1-E-

COMMENTARIA
IN
SCRIPTURAM SACRAM
R. P. CORNELII A LAPIDE.



COULOMMIERS. — TYP. A. MOUSSIN.

COMMENTARIA
IN
SCRIPTURAM SACRAM

R. P. CORNELII A LAPIDE,

E SOCIETATE JESU,

SANCTÆ SCRIPTURÆ OLIM LOVANIÆ, POSTEA ROMÆ PROFESSORIS,

ACCURATE RECOGNOVIT AC NOTIS ILLUSTRAVIT

AUGUSTINUS GRAMPON,

DIOECESIS AMBIAN. PRESBYTER.

EDITIO NOVA

ACCURATE EXPURGATA MENDIS QUÆ IN PRIOREM IRREPSEANT

TOMUS DECIMUS OCTAVUS

DIVI PAULI EPISTOLARUM



PARISIIS

LUDOVICUS VIVÈS, BIBLIOPOLA EDITOR

VIA DELAMBRE, 9

M DCCC LXXIV

ILLUSTRISSIMO ET REVERENDISSIMO DOMINO

D. MATTHIÆ HOVIO

ARCHIEPISCOPO MECHLINIENSI.

S. Ambrosius, exemplar et speculum Pastorum et Pontificum, ILLUSTRIS-
SIME ET REVERENDIS-
SIME DOMINE, Sacerdotibus et Præsulibus adeo impense commendare
solebat studium S. Scripturæ, ut eam vocaret *librum sacerdotalem*, qua in re
secutus est magnum illum et cœlestem Dionysium, qui S. Pauli discipulus et
admirator (Paulum enim ipse virum divinum et secundum solem vocat, et sus-
picit) asseverat S. *Scripturam esse substantiam sacerdotii nostri*.

S. Ambrosius,
lib. III
De Fide,
cap. VII.
S. Diony-
sius, *De*
Divin.
Nom.
cap. VII.

Atque ne plus dixisse quam fecisse videretur Ambrosius, hujusce rei seipsum
exemplum præbuit : illius enim continuus et indefessus labor in S. Scriptura
tum legenda et perscrutanda, tum voce et scripto explananda liquido patet,
partim ex commentariis et tractatibus, quos in illam multos et luculentos edi-
dit; partim ex sermonibus et concionibus, quibus quasi strenuus Ecclesiæ Pas-
tor populum suum assidue verbo Dei pavit et instruxit : quarum quanta fuerit
vis et energia vel ex eo conjicere licet, quod iisdem S. Augustinum, jam tum
Manichæum, et in hæresi sua æque doctum ac pertinacem, ad sanam fidem con-
verterit, Ecclesiæque Catholicæ (quale lumen!) restituerit, imò dederit.

Eccle-
siast.
Hie-
rarch.
cap. I.

Quinimo hinc S. Scripturæ studio non tantum vigens valensque jugiter in-
sudavit, sed et senescens eidem continue incumbere, adeoque immori voluit
S. Ambrosius : nam usque ad ultimam ægritudinem suam, ait Paulinus, non
cessavit unquam scribere, commentari et exponere sacras Litteras; ac denique
commentationi *Psalm. XLVII* : « Magnus Dominus et laudabilis nimis, » immor-
tuus est : unde et commentarium in eum inabsolutum reliquit, duobus ultimis
ejus versibus intactis, quo tempore sphaera ignea cœlitus demissa caput ejus cin-
gens et allambens, evidens signum et testimonium dedit, hosce ejus commen-
tarios a Deo et Spiritu Sancto non tantum probari, sed et ab eodem aspiratos et
suggestos fuisse; perinde ac alias eidem S. Ambrosio contra Arianos disputanti

Paulinus
in *Vita*
S. Am-
brosii.

Testis est
ipse Am-
brosius
apud Da-
mascen.
orat. 3
pro Ima-
ginibus.

et accertanti S. Paulus corporea specie noctu apparens, tam eum, quam ejus dicta et scripta confirmavit et roboravit.

S. Ambrosium secutus est per omnia hoc sæculo B. Carolus Borromæus, novus Mediclanensium Ambrosius, qui S. Scripturam suis Clericis et Pastoribus tam verbo, quam exemplo studiose commendavit. Solebat enim ipse eam assidue et volvere, et populo explanare, idque tanto studio, devotione et reverentia, ut ultimis vitæ suæ annis S. Scripturam, quasi ipsissimas Dei ad homines litteras, non nisi nudo capite et flexis genibus venerabundus lectitaret.

Fuit B. Borromæus Mediolanensium, tu, ILLUSTRISSE DOMINE, noster Belgarum es Ambrosius, ac proinde instar Ambrosii et ipse S. Scriptura mire delectaris, et eandem tuis impense commendas. Hausit e S. Scriptura atque in primis e S. Paulo Ambrosius doctrinam sanam, vitæ innocentiam, comitate mixtam morum gravitatem, spiritum Episcopalem, imo Apostolicum; hausisti pariter et tu, ac vita tua ita exprimis illud S. Pauli ad Titum: « In omnibus teipsum præbe exemplum bonorum operum, in doctrina, in integritate, in gravitate, verbum sanum, irreprehensibile, ut is qui ex adverso est, vereatur, nihil habens malum dicere de nobis; » ut omnes hoc Paulinum Archiepiscopi schema in moribus tuis, quasi in viva idea descriptum et depictum non tam legere, quam videre et cominus intueri sibi videantur.

Fuit S. Ambrosius hæresomastyx, atque Arianos undique persecutus est et profligavit: flagellum hæreticorum similiter es, ILLUSTRISSE DOMINE, adeo ut in tota Flandria nullæ urbes magis intactæ sint ab hæresi, quam tua Mechlinia, Lovanium et Bruxella: quod eo mirabilius et illustrius est, quo magis hic undique hæreticis circimur, et pene commiscemur. Facit hoc tua strenua vigilantia et auctoritas, quam ipsi etiam hæretici ita suspiciunt, timent et reverentur, ut in hisce cum Hollandis induciis in tua diœcesi non dico nidulari, sed vel hæreses suas profiteri et palam facere non audeant. Vidimus in hoc genere nuper novum illum dogmatistam P., non Paulum, secreto suos errores magno multorum favore, pariter et periculo spargentem, a te detegi, revinci, suaque dogmata ejurare, itaque grande incendium, quod Brabantis imminebat, in ipso fomite restinxisti.

S. Am-
brosius,
epist. ad
Marcel-
linum.
sororem.

In S. Ambrosio enituit invicta animi magnitudo, libertas et constantia, qua et Justinæ Imperatricis Arianæ audaciam, et Maximi Eugenique tyrannidem repressit, nec minas, nec mortem veritus; quin et Calligono, Imperatoris eunucho, cædem minitanti placido et hilari vultu respondit: « Deus permittat tibi ut impleas quod minaris: ego enim patiar quod Episcopi, tu facies quod spadonis. »

Theodosium vero Imperatorem peccantem quam libere et redarguit et in ordinem redegit! cui proinde Theodosius apud Nectarium, Patriarcham Constantinopolitanum, illud elogium dedit: « Solum Ambrosium novi Episcopum dignum eo nomine: hic veritatis magister est, qui me docuit quid inter Imperatorem et Episcopum intersit. »

Integritatem et constantiam tuam, ILLUSTRISSE DOMINE, norunt et experti sunt summi juxta ac infimi, ejusque opinionem et famam apud omnes ita certam, itaque ex tot annorum usu et experientia quasi præscriptione firmatam vindicas et oblines, ut citius vitam quam constantiam, ILLUSTRISSIMAM R. T. dimissuram cuncti existiment; quo fit ut nemo, etiamsi potentissimus sit, ab ea petere aliquid audeat, quod vel in minimo æquitatis, aut disciplinæ Ecclesiasticæ cancellos, non dico transgredi, sed vel prætergredi videatur: qua in re dictitant illud, quod de Chrysostomo olim celebratum est: Archiepiscopus Mechliniensis nil nisi peccatum timet; nimirum cum Timotheo et S. Paulo didicisti illud: « Non enim dedit nobis Deus spiritum timoris, sed virtutis. »

S. Ambrosius Mediolanensem Rempubicam et Ecclesiam pravis moribus et viliis infectam et corruptam expurgavit, pristinaque integritati et splendori restituit, atque aliud quasi Mediolanum, perinde ac B. Borromæus nuper, nobis exhibuit, ILLUSTRISSIMA R. T. hanc nostram Mechliniensem diœcesim paucis abhinc annis tam ex hæreticorum, quam ex bellorum et hostium incursu silvescentem, desertam et pene depositam, adeo ut rure et in pagis non tam Christiani, quam Indi et Barbari (utpote qui multis annis nec sacra, nec sacerdotes viderant) habitare viderentur, ita reformavit et reparavit, ut hic impletum videatur illud *Isaiæ*: « Populus qui ambulabat in tenebris, vidit lucem magnam, habitantibus in regione umbræ mortis lux orta est eis. » Et: « Ponam desertum in stagna aquarum, et terram inviam in rivos aquarum; dabo in solitudinem cedrum, et spinam, et myrtum, et lignum olivæ, ut videant, et sciant, et recogitent, quia manus Domini fecit hoc, et Sanctus Israel creavit illud. »

Jam quanta, te duce et chorago, Mechliniæ in choro est psalmodiæ et officii divini decor, ordo, reverentia? quis Ecclesiæ, quis rituum ornatus et dignitas? quanta sacrorum omnium religio et majestas? Verbo dicam: Ambrosiana est; qui eam intuentur, mirantur et stupent, sibi que videntur spectare sacram castrorum aciem ordinatam, imo vivam imaginem cœlestis hierarchiæ æque ac harmoniæ. Non abblandior, non narro secreta, sed publica, quæ res ipsa palam loquitur.

Denique nunquam non ob oculos habes vivam S. Ambrosii effigiem, ideam inquam perfecti, omnibusque numeris absoluti Pontificis, quam S. Bernardus Eugenio Pontifici ita præscribit et ad vivum depingit : « Considera, oportere te esse formam justitiæ, sanctimoniam speculum, pietatis exemplar, assertorem veritatis, fidei defensorem, doctorem Gentium, Christianorum ducem, amicum sponsi, sponsæ paranympum, cleri ordinatorem, pastorem plebium, magistrum insipientium, refugium oppressorum, pauperum advocatum, miserorum spem, tutorem pupillorum, judicem viduarum, oculum cæcorum, linguam mutorum, baculum senum, ultorem scelerum, malorum metum, bonorum gloriam, virgam potentium, malleum tyrannorum, Regum patrem, legum moderatorem, Canonum dispensatorem, sal terræ, orbis lumen, sacerdotem Altissimi, vicarium Christi, Christum Domini, postremo Deum Pharaonis. »

Quapropter sub tali Antistite Mechliniensis Ecclesia hoc tempore et doctrina et disciplina, et morum integritate ac pietate, ita composita instructaque est, ut non tantum Belgicis, sed et totius Europæ Ecclesiis, quasi forma et exemplar proponi possit; quam ad rem multum adjuvit, et indies adjuvat SERENISSIM. Principum nostrorum avita pietas, religio et zelus; qui tua consilia reverentur, et constanter foveant, tutantur et promovent, ut merito sperare debeamus in hoc Belgii quasi deliquio, talibus Principibus et Præsulibus pristinum religionis æque ac Reipublicæ vigorem, florem et decus postliminio Belgio restitutum iri. Ita nimirum Gratianus et Valentinianus Junior, Imperatores, quamdiu S. Ambrosii quasi pædagogi sui et hierarchæ monita secuti sunt, imperium pie et prospere administrarunt, atque Italiæ regnum pacificum et felix reddiderunt. Ita Constantinus, Constans, Theodosius, Marcianus, Carolus et alii Reges et Imperatores Pontificum, quasi parentum suorum, placitis et votis obsecundantes, a Deo benedicti, directi et fortunati fuerunt, atque Imperium tam Orientis quam Occidentis, pietate et religione juxta ac opibus et gloria florens inclytumque præstiterunt.

Ambrosium itaque nobis exhibes, ILLUSTRISSE DOMINE, studio et doctrina, Ambrosium sapientia et prudentia, Ambrosium comitate, integritate, gravitate, Ambrosium libertate et constantia, Ambrosium vigilantia, fortitudine et zelo, ideoque instar Ambrosii sacras Litteras, ac præcipue Paulinas hasce epistolas quasi librum sacerdotalem, quasi vivum Pastorum et Præsulum speculum avide complecteris, atque earum æque studiosus es ac doctor; indeque Pauli mores, spiritum, animos et ignes imbibisti, atque indies magis hauris et imbibis; pe-

rinde ac libros Sapientiales Salomonis et Siracidæ assidue, etiam in itineribus et hospitiiis (instar magni illius Hosii Cardinalis, qui Concilio Tridentino præfuit) teris et volvis, eorumque sententias gravissimas, quæ in rebus quibusque particularem prudentiam tam humanam, quam divinam docent atque præscribunt, quasi ad unguem calles, atque ex earum præscripto et dictamine actus omnes tuos moderaris et dirigis.

Cui ergo justius hocce Paulinum opus, atque imprimis Pontificales atque Archiepiscopales ejus ad Titum et Timotheum epistolas dedicem, nisi ILLUSTRISSIMÆ R. T., quæ et proprius noster Episcopus es, imo Archiepiscopus, Belgii-que Hierarcha, et S. Pauli gradum ac munus sortitus, eundem æmulari, verbisque et moribus exprimere satagis, atque plures Titos et Timotheos nobis instruis, formas et creas; uti anno præcedente Vicarium tuum, virum integrum, prudentem, fortem æque ac suavem, atque in negotiis Ecclesiasticis apprime versatum, et longo usu exercitatum, Reverendissimum Gandensem (Gandensium delicias) formasti et creasti?

Accedit, quod ego per plures annos ab ILLUSTRISSIMA R. T., et Reverendissimo Gandensi, Vicario tunc tuo, statis anni festis solemnioribus Mechliniam evocatus, in Metropolitana Ecclesia tua pœnitentiarium egerim, dumque sæpius cum ILLUSTRISSIMA R. T. familiariter agerem, auctor et incentor hujus operis mihi fuisti; amice enim monebas et hortabaris me, ut ea, quæ in totam S. Scripturam jam per octodecim annos semel iterumque in celebri hac urbe tua et Universitate Lovaniensi publice docuissem, typis evulgarem, omnibusque Belgis, quin et aliis provinciis communia facerem. Atque ego quidem tum detrectabam, et excusabam, dicebamque libros esse liberos: eo quod non minor libris, hoc præsertim tam erudito sæculo, quam liberis concipiendis, fovendis et educandis cura, labor et sollicitudo sit adhibenda. Eram enim, et etiamnum sum, silentii et quietis amantior, alteque mihi impressi illud, λάθε βιώσας; et illud S. Job: « Dixi, In nidulo meo moriar; » et illud S. Hieronymi de S. Hilarione: « Crebro mutabat locum, non ex levitate, sed honorem fugiens et importunitatem. Semper enim silentium et vitam ignobilem desiderabat. » Quocirca octogesimo ætatis anno moriens fidenter dicebat: « Egredere, anima mea, quid times? Septuaginta prope annis servisti Christo, et mortem times? » Præsertim cum antiquæ et continuæ meæ infirmitates jugiter me admoneant brevitatis vitæ, ut disponam domui meæ, utque animam meam virtutibus, et cœlestium divinarumque rerum tractatione expoliam, præparemque ad felicem transitum, et ad

beatam æternitatem; hæc enim una cura est, quæ Religiosum assidue ad humanarum rerum contemptum, et ad cœlestium desiderium, cœlestemque vitam exstimulat et impellit, quæque me ab ipso Religionis ingressu pupugit, et assidue Deo excitante pungit et stimulat.

Verum cum ad ILLUSTRISSIMÆ R. T. amicam exhortationem accessit Superiorum meorum, quibus quasi Dei in Religione hac nostra vicariis, voto obedientiæ obstrictus sum, voluntas et imperium, jubens ut hæc ipsa ederem, acquiescendum mihi fuit, etsi res mihi debili et infirmo difficilis esset et laboriosa; malim enim vitam perdere, quam obedientiam. Cœpi igitur inter Magdalenam et Martham horas et operas parti, atque rem Deo duce aggredi, orsusque sum ab Epistolis S. Pauli: tum quod illæ gravissimæ sint, uti et difficillimæ; tum quod eas tertio et exacte præ aliis S. Scripturæ libris docuissem; tum quod antagonistæ Sectarii nostri Paulum assidue crepitent, eumque a se suisque sectis stare apud imperitum vulgus clamitent; tum denique quod Paulus, utpote vas electionis et Doctor Gentium, hisce Epistolis tam Præsules et Pastores, quam Principes, Magistratus et Christianos quoslibet, cujuscumque conditionis, status et gradus sint, ad sapientiam æque ac virtutem, et perfectionem Christianam instruat et informet: quas ob causas, in hoc opere licet aliis commentatoribus sim brevior, præ meo tamen more paulo fui fusior, addidique subinde ea, quæ et dogmata, et quæstiones controversas, et morum compositionem spectant; non tamen alia, nec aliunde quam ex re nata, et ex horto hoc nostro Paulino petita: quam ad rem hinc inde raras et selectas veterum sententias, exempla et apophthegmata inserui, quæ proprium cujusque tam spiritum, quam sapientiam et prudentiam acuere et excitare, atque ad eundem in aliis acuendum et excitandum Pastoribus et Ecclesiasticis adjumento esse possint: hæc enim Christianæ prudentiæ, spiritus et zeli fomenta crebro suggerit et aspirat Paulus.

Porro hisce commentariis conscribendis et limandis multis annis assiduo et ingenti labore incubui, studuique quatuor rebus quam maxime: *primo*, soliditati, ut genuinam Pauli mentem explicarem; *secundo*, brevitati, in studio enim sacræ Scripturæ verissimum est illud: « Ars longa, vita brevis; » ea de causa ex tot et tam vastis aliorum commentariis quasi mellilegium feci, et relictis furfuribus pollinem dedi: mea vero pari delectu et brevitate tradidi, Citavi Patres ad verbum, quantum brevis tulit; sed ob eam subinde illos in verbis luxuriantes restrinxi, atque sententias illorum illustriores tantum citavi, easque etiam si disparatas, mediis omissis, conjunxi, verbo uno, aut verbi casu ad

congruam syntaxin adaptato, et commutato, **Illorum** enim medullam et energiam paucis tradere intendi, ideoque nonnunquam, sed rarius, plura eorum verba satis involuta uno alterove meo clariore commutavi, ut prolixitatem vitarem: sed ita, ut fideliter sensa eorum semper expresserim. *Tertio*, methodo, de qua mox dicam; *quarto*, claritati; σοφὸν enim τὸ ἀσφές, sapiens et eruditum est quod clarum est, non quod obscurum. Ut quid enim lingua et sermo nobis datus est, nisi ut clare sensa mentis tum nostræ, tum alienæ efferat et explicet? ut quid difficiles et obscuros auctores explicamus, si nostra obscuritate, licet elegantiori, tam nos nostraque dicta et scripta, instar sepiarum, quam ipsos auctores magis implicamus et involvimus?

Scopus itaque meus fuit, solide, breviter, **medullæ** et clare tradere sensum maxime genuinum et litteralem harum epistolarum, uti et reliquæ deinceps S. Scripturæ: ideoque ex textu Græco, Hebræo et Syro, atque ex Patribus et Doctoribus ea profero, quæ sensum hunc genuinum vel demonstrant, vel illustrant. Hunc scopum in omnibus spectavi et specto, in hunc ubique collimo; an assequar, Lectorum esto iudicium.

Quamobrem florida et parerga non secor, nec elegantiam ambio; Theologum enim ago, non oratorem; veritatem vestigo, utilitatem quæro, non umbras et pompam; insisto rebus, non verbis: præsertim cum Apostolus ipse, quem interprelor, profiteatur se imperitum sermone, sed non scientia, *I Cor. ii*: « Et sermo meus, inquit ipse, non in persuasibilibus humanæ sapientiæ verbis, sed in ostensione spiritus et virtutis. » Qui enim verborum elegantie studet et incumbit, necesse est ut tantumdem rerum ipsarum studio et profunditati demat et detrahat.

Quare stylo utor didactico et methodico, per notationes, quæstiones, numeros, membra et puncta inciso et distincto, qui in scholis usitatus ad disciplinam et memoriam aptissimus est: hic enim ornari res ipsa vetat, contenta doceri.

Methodus mea hæc est: post brevem synopsis totius capituli rem aggredior, atque illustriores Patrum et Doctorum expositiones ordine quamque suo afferro: tum ut plenus et perfectus sit commentarius; tum ut S. Scripturæ fecunditas appareat; tum quia hæc varietas in cathedris et pulpitis, cum multa materia multum affert tam ornamentum quam emolumentum. Sensem vero illum, qui maxime genuinus videtur, expresse designo, eumque alijs præfero et illustro. Connexionem quoque et vim ratiocinationum Paulinarum, ubi eæ obscuræ sunt, clare ostendo, et in forma dialectica propono. Porro aliorum expositiones sæpe

non refello, tum ne longior sim, tum ob reverentiam auctorum, tum quia multæ sunt probabiles, tum quia veræ et genuinæ sententiæ propositio ac confirmatio, reipsa adversarum est refutatio. Aversor Criticos qui ex aliorum censura famam aucupantur; sed falso: nam et ipsi similes patiuntur vel Criticos, vel Apologeticos. Vere dixit Ausonius: « Tria iis avertenda sunt qui gloriam quærunt: oculi a scriptis aliorum, manus a pecunia quam alius possidet, aures a secretis principum. » Denique Christiani animi semper esse duxi, aliorum labores fovere, laudare, mirari; nullius carpere, despicere, abjicere et impedire. Quid enim quærimus? gloriam Christi, non nostram, ut Christi nomen per nos et alios quosvis toto orbe propagetur, secundum mensuram gratiæ cuique a Deo datæ.

Uniformem hanc brevitatem et methodum, quantum licuit, ubique servavi. Verum, prout ipse Paulus subinde magis assurgit, subinde magis se demittit; in nonnullis epistolis planus et facilis, in aliis (uti clare patet in epistola ad Ephesios) obscurus est et sublimis, adeo ut ipse sibi dissimilis et difformis esse videatur: ita pariter necessum me fuit in ejus interpretatione nunc vela contrahere, nunc laxare; nunc attollere, nunc demittere.

Accipe igitur, ILLUSTRISSE et REVERENDISSE DOMINE, hoc levidense amoris et observantiæ meæ erga ILLUSTRISSEM R. T. testimonium et mnemosyonon, imo debitum: ad hoc enim me tum aliis titulis, tum eo præsertim obligas, quod tam me, quam totam Societatem nostram adeo amice et benevole foves et complecteris.

Norunt hoc nostri Lovanienses et Bruxellenses, cujus rei, ut alia præteream, illud recens et illustre argumentum dedisti, quod a biennio nostrum tirocinium atque Domum probationis in tuam urbem Mechliniensem admisisti, quodque tirones nostros, quasi parvulos tuos Benjamins, ita amas, visitas, juvas et protegis, ut iis videaris esse Abraham, pater, inquam, dilecti Isaaci, et magnæ ejus prosapiæ fidelis ac religiosæ ad aliorum salutem comparatæ, quam Christo Jesu ejusque Ecclesiæ instruis et adornas, ut in partem laborum et messis ipsi grandiores facti quandoque veniant, utque ILLUSTRISSEM R. T., tuosque quasi subsidiarii milites adjuvent, tum in catechizanda et erudienda plebe, tum in hæreticis revincendis, tum in peccatoribus convertendis, tum in omni disciplina Ecclesiastica spirituque Christiano augendo et promovendo: viri enim Religiosi, qui suas in mundo res et spes pro Christi amore, ut eum quam proxime sequerentur, abdicarunt; quique in ipsa religione tum litteris, tum moribus, tum rerum

divinarum meditatione multis annis exculti fuerunt , atque instar Noe et Enoch cum Deo ambulare didicerunt : veri, inquam , Religiosi , utpote Deo devincti et conjuncti , nec sua lucra , sed quæ sunt Jesu Christi quærentes , selecta et aptissima sunt Dei instrumenta ad animas convertendas , dirigendas , et perficiendas et salvandas , uti tum hujus sæculi , tum aliorum præcedentium multiplex experientia docuit , et docet. Atque hæc est causa , quæ ILLUSTRISSIM. R. T. impellit , ut tirocinium hoc nostrum , et totam Societatem , quæ a Deo hoc sæculo excitata fuit ut Luthero et Calvino se opponeret , ut Indos , Japones et Chinenses converteret , ut languescientes Christianos et Clericos excitaret , tenere diligas , defendas et promoveas.

Divina bonitas ILLUSTRISSIMAM R. T. in multos annos nobis , Belgio et Ecclesiæ suæ incolumem servet , induatque nova virtute ex alto , ut renovetur sicut aquilæ senectus , imo juvenus tua , utque B. Borromæi et S. Ambrosii æmulus Paulum nobis plene perfecteque exprimas , fiasque magnus Pastor et Doctor multarum gentium tum Episcopali , tum Archiepiscopali jure , ILLUSTRISSIMÆ R. T. subditarum ; ac denique , cum apparuerit summus ille Princeps Pastorum , ab eodem percipias immarcessibilem gloriæ coronam. Amen. Lovanii ex nostro Collegio , anno Domini 1614 , ipso S. Thomæ Aquinatis.

ILLUSTRISSIM. R. T.

Servus in Christo

CORNELIUS CORNELII Soc. Jesu.

FACULTAS PROVINCIALIS.

CAROLUS SCRIBANI,

SOCIETATIS JESU PER PROVINCIAM FLANDRO-BELGICAM PRÆPOSITUS PROVINCIALIS.

Cum *Commentartum P. Cornelti a Lapide in omnes Epistolas D. Pauli* quatuor Societatis nostræ Theologi, quibus id commissum fuit, recognoverint, et in lucem edi posse probaverint: pro potestate mihi facta ab admodum R. P. N. Claudio Aquaviva, Societatis nostræ Præposito Generali, concedo hæredibus Mart. Nutii facultatem typis eum mandandi. In cujus rei fidem hasce mea manu subscriptas sigilloque officii munitas dedi, Antuerpiæ, 21 martii, anno 1614.

CAROLUS SCRIBANI.

APPROBATIO CENSORIS.

Illi *Commentarii in omnes S. Pauli Epistolas*, auctore R. P. Cornelio Cornelii, Societatis Jesu Presbytero, sunt docti ac pii, et digni qui studiosorum manibus terantur. Quare utilissimum judico, ut in publicum prodeant. Quod testor 14 januarii, anno 1613.

EGBERTUS SPITHOLDIUS,

S. T. L. Canonicus et Plebanus Antuerpiensis, librorum Censor.

Annotationes quibus *Commentaria R. P. Cornelti a Lapide in omnes S. Pauli Epistolas* illustravit ac ditavit Aug. CRAMPON, Presbyter diocesis Ambianensis,
Nil obstat quin imprimantur.

Datum Ambiani, ultimo februarii, anno 1858.

† JACOBUS-ANTONIUS,

Ambian. Episcopus.

DE SENSU ACCOMMODATO ⁽¹⁾.

I. De natura, diversisque formis ac nominibus sensus accommodati.

Sensus *accommodatus*, vel, ut barbare magis dici solet, *accommodatitius*, a quibusdam autem κατὰ κάλλησιν recte nuncupatus, est, quem voces atque enuntiationes Scripturarum præferunt, quum aptantur alii rei exprimendæ, ac ea sit, quam auctor expressit. Hinc *transumptivus* quoque a Cajetano apposite dictus est. Nec male subinde huic sensui nomen illud inderes, quo pessime Theodorus Mopsuestenus designavit sensum illorum oraculorum, ex quibus scriptores novi Testamenti argumenta petiere, et λατ' ἐλάσιν diceres. Adde, sensum qui spiritalis a Patribus aliisque vocatur, non raro alium non esse, nisi hunc sensum accommodatum, qui proinde alia quoque nomina apud eos sortitur, quibus spiritalis sensus vocari solet.

Hunc autem tanquam Scripturarum sensum haberi nec debere nec posse, earumque testimonia quæ κατὰ κάλλησιν ad aliquid confirmandum producimus, nulla ad id divina auctoritate pollere, quivis facile intelligit. Quum enim in hunc sensum Scripturas accipimus, nihil aliud præstamus, nisi ut earum verbis ac locutionibus rem aliquam enuntiemus, quam aliis verbis ac locutionibus ne minimo quidem auctoritatis detrimento enuntiaremus. Neque enim, quia Spiritus Sanctus probet ac velit illud, cui verba Scripturarum ea ratione accommodamus, consequens ideo est, illud ipsum verbis hisce eum exprimere voluisse, quum longe aliud sit loquentis propositum, ac sensus qui locutionibus subet, aut subesse potest.

Pro diverso genere rerum significatarum, aut modo quo significantur, facile poteris sensum hunc in easdem formas dispertire ac sensum litteralem et spiritalem. Pro diversa autem ratione, qua Scripturarum verba et locutiones rebus aliis exprimendis aptamus, sensus accommodatus distingui solet a quibusdam in *extensivum*, seu *secundum extensionem*, et in *allusivum*, seu *secundum allusionem*. Prior habetur, quum Scripturarum verba horumque significationem veluti extendimus ad ea quæ aliquid simile aut commune habent cum iis, de quibus a Spiritu Sancto dicta sunt verba hæc; posterior vero, quum verbis huiusmodi alludimus alicui rei designandæ ab eo, quem verba hæc, ut sunt in Scripturis, exhibent, sensu alienæ prorsus ac disparatæ. Prioris specimen haberes, si quis admissam culpam excusaret illis Hevæ verbis: « Serpens decepit me; » aut amissum visum defleret dicens cum Tobia: « Quale gaudium mihi erit, qui in tenebris sedeo, et lumen cœli non video? » Posterioris, si quis verba illa: « Cum sancto sanctus eris, ... et cum perverso perverteris, » quibus psaltes Deum alloquitur, adhibeat ad indicandos effectus bonæ vel prævæ conversationis. Priorem porro posteriori præferendum esse satis apparet. Hoc sacrarum Scripturarum usu D. Bernardus cæteros antecellit.

II. An Scriptores biblicorum ex bibliis verba in sensum accommodatum quandoque acceperint?

Quæri solet, an ipsi auctores sacrarum Scripturarum usi quandoque sint harum verbis in sensum accommodatum acceptis. Quantum ad vaticinia, quæ ex vetere Testamento deprompta producantur a scriptoribus novi Testamenti, ita sentiunt post Theodorum Mopsuestenum Sociniani ac Rationalistarum plerique. Contra vero alii, non prophetias modo, sed quascumque sententias biblicorum negant in eum sensum acceptas unquam fuisse a Scriptoribus sacris. Utrumque tamen falsum est, sed primum insuper tanquam absonum a Christiana doctrina Vigilii Pont. Max. reprobavit. Dicimus itaque, nulla omnino vaticinia in sensum accommodatum accepisse Scriptores sacros, ubi prophetarum testimonio aliquid confirmare instituebant; attamen inter alias Scriptu-

(1) Hæc de sensu accommodato, ex P. Patritii opere cui titulus, *De interpretatione Scripturarum Sacrarum libri II*, deprompta et fere exscripta, nonnihil, ut spero, facient tum ad quædam Paulinarum epistolarum loca illustranda, tum ad lectores de sano et licito sacrarum verborum usu monendos.

rarum sententias, quas vel Scriptores illi, D. Paulus imprimis, vel Christus ipse produxere, nonnullas ita ab eis acceptas reperiri maxime in novo Testamento, v. g. *Matth.* vii, 23 ex *Psal.* vi, 9; x, 36 ex *Mich.* vii, 6; *Luc.* xxiii, 30 ex *Oseæ* x, 8; *Ephes.* iv, 25 ex *Zachar.* viii, 16.

Cæterum nihili faciendum est argumentum *προληπτικόν*, quo ducti nonnulli nobiscum sentire recusant. Est autem illud, quod ratio hæc usurpandi testimonia Scripturarum minus decere videatur vel ipsos Scriptores *θεοπνεύστους*, vel Scripturarum sanctitatem. Eccur enim id dedecet Scriptores illos, quos non dedecuit et a profanis scriptoribus verba ac sententias mutuari? « Quis enim nesciat, inquit Hieronymus, *ad Magnum*, epist. 70 (al. 84), et in Moyse et in prophetarum voluminibus quædam assumpta de Gentilium libris? » Paulus profecto non illud se dedecere arbitratus est, ut quædam proferret sive ex Phœnomenis Arati (*Act.* xvii, 28), sive ex Oraculis Epimenidæ (*Tit.* i, 12), atque adeo ex turpi quadam Menandri fabula *Thatdis* nomine inscripta (*I Cor.* xv, 33). Sed neque Scripturarum sanctitatem mos iste dedecet. Si enim hanc minime violant vel oratores sacri, vel Patres, vel Ecclesia ipsa, quum illarum verba sit usurpant, cur eam violari dicamus, quum id agunt Scriptores ipsi bibliorum? Num Spiritui Sancto, quem præcipuum auctorem Scripturæ habent, minime liceat sua propria verba, quoties voluerit, aliis atque aliis rebus significandis adhibere.

Hæc quum affirmamus, haudquaquam volumus ut de facili quis aliquid tale sese in Scripturis deprehendisse credat. Quinimo cavendum omnino est, ne forte, dum sententias Scripturarum rebus aliis in Scripturis ipsis quærimus, nimium iis concedamus, qui *liberaliorem*, ut vocant, seu verius liberiores audacioremque Scripturarum explicandarum rationem sectantur; quum reapse neque adeo frequenter a sacris Scriptoribus illud fiat, neque factum esse credendum sit, nisi ubi optima ratio ita credere cogit. Quare, ne hac in re peccemus, diligenter attendere oportet ea indicia quæ mox suggerentur.

III. Quatenus liceat Scripturis hac ratione uti, quidque in hoc attendere oporteat?

An liceat voces atque enuntiationes Scripturarum aliis rebus exprimendis aptare quam iis, quas verbis illis auctores ipsi expresserunt, religio est dubitare, quum id et Patres fecerint, et Ecclesia ipsa in sacris et in cæremoniis faciat quam frequenter. Neque modo id licet, sed cum laude quoque fit nec sine pietatis emolumento; siquidem iis, qui Deum bibliorum auctorem agnoscunt, ipse vocum, quibus ea constant, sonus sanctum quid præfert, reverendum atque divinum, quod ad pios affectus ciendos mirifice valet. Nonnulla tamen in hoc Scripturarum usu sunt observanda, quibus neglectis, non solum eo, quod diximus, emolumento usus hic destitueretur, sed facile quoque improbandus atque illicitus prorsus evaderet. Ea vero sunt quæ subjungamus.

Malum omnino accommodationis genus est et cumprimis cavendum, quum sensum accommodatum pro litterali aut spiritali accipimus, atque aliis obtrudimus. Id peccant, qui testimoniis Scriptorum sacrorum in hunc sensum acceptis utuntur ad aliquid comprobandum, puta, si quis alteri persuadere conaretur vitandum esse improborum consortium argumento desumpto ex loco illo: « Cum perverso perverteris. » Hæc enim horumque similia hoc modo accommodata, si quid fortasse momenti habent ad aliquid probandum, nequaquam illud habent ab auctoritate Scripturarum, quæ non in hunc sensum ea nobis exhibent, sed quia vel primum aliquod scientiarum aut morum principium continent, vel aliquam veritatem, de qua jam aliis rationibus constat. Maxime vero omnium id peccant, qui hoc idem faciunt ad prava dogmata aut ad proprii capitis commenta confirmanda. Contra hos lege Tridentina, sess. iv, cautum est.

Neque levius falli aut fallere dicendi sunt, qui verum Scripturarum sensum sive litteralem sive spiritalem tquam accommodatum accipiunt aut tradunt. Id, sicut diximus supra, peccavit Theodorus Mopsuestenus, hodieque peccant Sociniani et Rationalistæ. Ad hoc ipsum Grotius sæpius offendisse jure ac merito redarguitur.

His porro venia magis digni nequaquam sunt, nec minus ut violatæ religionis rei sunt habendi, qui sanctissima verba Scripturarum ad scurrilia vel turpia, aut etiam impia, edicenda detorqueant. Patrum enim qui Tridenti concilium habuere, decreto judicium de illis plane jam factum est, quod sic habet: « Post hæc temeritatem illam reprimere volens (Synodus), qua ad profana quæque convertuntur et torquentur verba et sententiæ sacræ Scripturæ, ad scurrilia scil., fabu-

losa, vana, adulationes, detractioes, superstitiones, impias et diabolicas incantationes, divinationes, sortes, libellos etiam famosos, mandat et præcipit, ad tollendam hujusmodi irreverentiam et contemptum, ne de cætero quisquam quomodolibet verba Scripturæ sacræ ad hæc et similia audeat usurpare, ut omnes hujus generis homines, temeratores et violatores verbi Dei, juris et arbitrii pœnis per episcopos coerceantur, » *sess. iv.* Tanti vero criminis rei traducendi non sunt, qui quædam Scripturarum proverbialia aut quosdam similitudines rebus aliis quam iis, de quibus iictæ sunt, accommodant ita, ut levem aliquem lusum minimeque turpem exhibeant, præsertim si ipsa verba tale aliquid præferant etiam accepta in eum sensum, quem habent in ipsis Scripturis, ut si rem tibi molestam dicas esse, « sicut acetum dentibus et fumus oculis, » *Prov. x, 26.* Multo vero magis si verba sint perditorum hominum, ut si hominem avarum sacco sordide percentem irrideas verbis Judæ Iscariotæ : « Ut quid perditio hæc? » *Matth. xxvi, 8.*

Incongruum omnino atque ineptum est, si non criminosum ac minus decens, accommodare verba Scripturarum rebus nimis dissimilibus ac disparatis ab illa, quam verbis hisce Scriptor sacer enuntiavit; ut si quis Romanum gymnasium laudaturus illud ex Proverbiorum libro proferret : « Sapientia ædificavit sibi domum. » Hac arte sive hoc modo usurpandi sententias Scripturarum excelluere plerique oratores, qui sæculo xvii floruerunt. Hunc autem scopulum vix fugies, si te altera sensus accommodati species nimium delectet, quæ *per allusionem* fieri dicitur. Id a se peccatum in adolescentia fuisse Hieronymus conquestus est, præfat. *Commentarii de Abdia.*

Denique sedulo attende sensum accommodatum haudquaquam haberi, quum verba Scripturarum usurpantur aliqua ex his rationibus quas subdimus. Ac primo, cum hæc producimus, ut inde, ob similem aut potiore rationem, rei, de qua agimus, veritatem aliis probemus. Licet enim, quum ita producuntur, rebus aliis aptari dici possint, non tamen aptantur ad eas exprimendas atque edicendas, quod fit quum in sensum accommodatum accipiuntur. Sic Paulus Hebræos, ut Deo fiderent, hortabatur verbis illis : « Non te deseram, neque derelinquam, » *Hebr. xiii, 5,* quibus Deus Josuem allocutus fuerat, *Jos. i, 5;* quæ tamen nequaquam usurpasse Paulus putandus est in sensum accommodatum, sed ut inde argumentum sumeret, ac si dixisset : *Sicut* Deus Josue promisit se nunquam ei auxilio defuturum, *ita* neque vos unquam deseret. Idem Paulus, ut probet sacrarum ministris, quæ victui necessaria sunt, ea deneganda non esse, affert hanc legem ex Deuteronomio : « Non ligabis os bovis terentis, » non quidem in sensum spiritalem acceptam, ut plures opinantur, neque in sensum accommodatum, ut nonnullis placet, sed in litteralem, ut confirmet, inquam, sententiam suam argumento, ut vocant, *a minore ad majus,* ac si diceret : Quum vetemur a Deo bobus triturantibus os colligare, quominus edant de iis quæ terunt, magis sane multo divino numini is adversaretur, qui sacerdotibus, dum pro nobis laborant, victum præbere abnueret. Num enim Deo boves curæ sunt, non autem ipsius ministri? aut magis saltem, quam his, consultum bobus esse cœlit? Quæ omnia ex integro sermonis contextu apparent.

Quum Scripturarum sententias exempli aut similitudinis causa adhibemus, dici nequeunt usurpari atque accipi in sensum accommodatum; non enim id facimus, ut rem aliquam exprimamus atque edicamus, sed ut eam magis declaremus, atque sermonem exornemus. Id autem sic esse prodit ipse dicendi modus, ostenditque germanum verborum significatum non excludi. Hac ratione Paulus, *II Cor. viii, 15,* eleemosynam laudans affert illud Exodi : « Nec qui plus collegerat, habuit amplius, nec qui minus paraverat, reperit minus, » *xvi, 8,* quod de manna dictum est æquo pondere a singulis Israelitis collecto; illud, inquam, affert, similitudinis causa, ut manifestum fit illis verbis : « Sicut scriptum est, » quibus exorditur, et quæ, ut nullo modo evincunt Exodi effatum, sive in litteralem sensum, sive in spiritalem id accipias, ad eleemosynam pertinere, ita satis declarant neque in sensum accommodatum accipi a Paulo, sed totam hujus sententiam sic sonare : Divitum esse pauperibus opem ferre, quo quædam bonorum æqualitas sit inter Christianos, sicut contigit illis, qui manna colligebant, de quibus scriptum est, etc.

Denique in sensum accommodatum usurpari Scripturæ dicendæ non sunt, quum ad aliquam rem confirmandam depromimus ex illis effata, proverbialia, ac præcepta quædam universalialia, quæ personam nullam nullamque rem certam attingunt, quanquam ab eo prolata fuerint, qui vel unum ali-

quem aut plures alloqueretur, vel de certa aliqua re ageret. Hujusmodi sunt illa, quæ Samuel protulit Saulem redarguens : « Melior est enim obedientia, quam victimæ, » I *Reg.* xv, 22; et quæ Deus de Judæis loquens : « Numquid voluntatis meæ est mors impii? » *Ezech.* xviii, 23. Si enim prioribus alicui suadeas, ut legibus obtemperet, posterioribus vero, ut Deum sibi benignum futurum speret, profecto non ea usurpas in sensum accommodatum, sed in proprium ac germanum.

COMMENTARIA

IN OMNES

S. PAULI EPISTOLAS.

PROŒMIUM.

QUIS, QUALIS, QUANTUS S. PAULUS.

Octo dotes et prae-rogativae d. vi Pauli. Octo dotes et prae-rogativae eximiae in S. Paulo considerandae et admirandae sunt. *Prima* est, praecleara ejus natura et indoles; *secunda* est, mira ejus vocatio et gratia; *tertia* est, rara ejus sapientia; *quarta*, heroicæ ejus virtutes; *quinta*, efficacia et fructus in evangelizando; *sexta*, illustre illius martyrium; *septima*, miracula; *octava*, ejusdem fama et gloria.

CAPUT PRIMUM.

De Pauli genere et indole.

Paulus Tarsensis et civis Romanus. Quoad *primum*, fuit Paulus nobili Judæorum prosapia ortus, e tribu Benjamin. S. Hieronymus, lib. *De Scrip. Eccles.*, cap. xv, videtur tradere Paulum Gischalæ, Judææ oppido, natum esse; quo a Romanis capto, eum cum parentibus suis Tarsum Ciliciæ commigrasse. Verum idem S. Hieronymus, in epist. *ad Philem.*, hanc traditionem fabulam appellat, et vere fabula est. Certum enim est Paulum non Gischalæ, sed Tarsi natum esse. Id enim ipse affirmat *Act. xxii*: « Ego, inquit, sum vir Judæus, natus in Tarso Ciliciæ. »

Tarsensis jus civitatis Romanæ consecuti a Julio Cæsare, quo nomine? Porro Tarsus Ciliciæ erat metropolis, et jus municipale a Romanis fuerat consecuta, ita ut Tarsenses censerentur cives Romani et civium Romanorum privilegiis fruerentur. Unde Paulus, *Act. xvi*, 37, et *xxii*, 25, civem Romanum se esse proclamat: « Si hominem Romanum, inquit, et indemnatum licet vobis flagellare? » Cumque diceret Tribunus: « Ego multa summa civitatem, » vel, ut Græca habent, *πολιτείαν*, *civilitatem*, « hanc consecutus sum; » respondit Paulus: « Ego autem et natus sum. » Jus hoc civitatis Romanæ adepti sunt Tarsenses a Julio Cæsare et ab Augusto, eo quod utriusque partes in bellis civilibus strenue adjuvissent. Unde et Tarsus Juliopolis est dicta, ut testatur Dio Cassius, lib. XLVII.

Litterarum Græcarum et Hac de causa liberaliter et nobiliter educatus fuit Paulus, atque Græcorum litteris et liberalibus disciplinis egregie excultus: nam harum scholæ florebant Tarsi, usque ita dediti erant Tarsenses,

ut teste Strabone, lib. XIV, in studiis hisce superarent Athenas et Alexandriam; adeoque ipsa Roma Tarsensibus litteratis abundavit. Paulus ergo Gentilium scientiis Tarsi apprimè imbutus, inde, quod genere Judæus esset, ad Judæorum metropolim Hierosolymam, ut sacris disciplinis a Gamaliel erudiretur, profectus est. « Ego, inquit ipse *Act. xxii*, nutritus sum in ista civitate, secus pedes Gamaliel eruditus juxta veritatem paternæ legis, æmulator legis, sicut et vos omnes. »

Tantum vero in hisce profecit, ut Tertullianus, lib. V *Contra Marcion.*, ante finem, asserere non dubitet neminem magis nosse medullas Scripturarum, quam S. Paulum. Audi et S. Hieronymum *ad Paulinum*: « Cur dicitur, inquit, Paulus vas electionis? nempe, quia legis et S. Scripturarum erat armarium. »

D. Paulus secta Pharisæus. Fuit autem Paulus Pharisæus, quæ secta apud Judæos erat nobilissima et præstantissima. Ita enim ipse ait *Act. xxvi*, 5: « Secundum certissimam, » græce *ἐπιβεβαιωμένην*, id est *diligentissimam, exactissimam, religiosissimam*, « sectam nostræ religionis vixi Pharisæus. »

Jam vero insignis, magnanima et heroica ejus indoles elucet in ardenti ejus zelo et pugna pro Judaismo, quo, errans licet, putansque obsequium se præstare Deo, ipse adhuc adolescens ducem se præbuit Judæis ad persequendum et extirpandum Christianos.

« Saulus, inquit Lucas, *Act. viii*, devastabat Ecclesiam, per domos intrans, et trahens viros ac mulieres, tradebat in custodiam. » Et cap. ix, 1: « Saulus adhuc spirans minarum et cædis in discipulos Domini, accessit ad principem sacerdotum, et petiit ab eo epistolas in Damascus ad synagogas, ut, si quos invenisset hujus viæ viros ac mulieres, vinctos perduceret in Jerusalem. » Luculentius vero ipse Paulus, *Galat.* cap. i, vers. 13: « Supra modum, inquit, persequabar Ecclesiam Dei, et expugnabam illam, et proficiebam in Judaismo supra multos cœtaneos meos in genere meo, abundantius æmulator existens paternarum mearum traditionum. »

S. Scripturarum peritia in D. Paulo.

D. Paulus secta Pharisæus.

Zelus divi Pauli in et pro Judaismo, deinde pro Evangelio.

Nimirum mystice impletum est in Paulo vaticinium Jacobi, *Genes. XLIX* : « Benjamin lupus rapax, mane comedet prædam, et vespere dividet spolia. » Præclare S. Augustinus, lib. XXII *Contra Faust.*, cap. LXX : « Animæ, inquit, virtutis capaces ac fertiles præmittunt sæpe vitia, quibus hoc ipsum indicent, cui virtuti sint potissimum accommodatæ, si fuerint præceptis excultæ. Sic Moyses occidens Ægyptium, vitiosa quidem, sed magnæ fertilitatis signa fundebat : ita quoque Pauli sævitia silvestre erat vitium, sed magnæ fertilitatis erat indicium. » Quis enim postmodum in Evangelio toto orbe propagando animos et ignes Pauli æquavit? quis in laboribus pluribus? quis in carceribus abundantius? quis in crucibus et plagis majoribus? quis in periculis tam interitus? quis in arduis tam audax et excelsus? quis tanta, non dicam moliri, sed et cogitare ausus fuit, quanta molitus est; fecit et confecit Paulus?

Generosa
indoles
S. Pauli.

CAPUT II.

De mira S. Pauli vocatione et gratia.

Secundo, illustris Pauli vocatio et gratia imprimis in eo elucet, quod ipse a Christo immortalis et glorioso e cælis vocatus sit, cum alii Apostoli a Christo mortali in terra vocati sint. Rursum, quod Christus cum Paulo quasi duellum inierit, eumque sui odio flagrantem, in ipsa persecutione in terram prostraverit, vicerit, subegerit. Cum enim inelamasset illi Christus : « Saule, Saule, quid me persequeris? » Mox ille : « Quis es, Domine? » Rursum Christus : « Ego sum Jesus, quem tu persequeris : durum est tibi contra stimulum calcitrare. » Cui ille statim manus dans : « Domine, quid me vis facere? » Quam valida hæc Christi cum Paulo contentio! quam potens vocatio! quam efficax gratia, quæ momento cor Pauli hostile sibi subditum, amicum et obsequens effecit, quæ Saulum in Paulum, lupum in agnum, persecutorem in prædicatorem, Judæum in Apostolum commutavit! Et qualem quantumque Apostolum, audi : « Vas electionis (instrumentum et organum electum) est mihi iste, ut portet nomen meum coram Gentibus, et regibus, et filiis Israel. Ego enim ostendam illi, quanta oporteat eum pro nomine meo pati. »

Echineis
sive
remora
qua vir-
tute na-
ves deti-
neat.

Mirantur S. Ambrosius, Basilus, Aristoteles, Plinius et alii echineida, sive remoram, exiguum pisciculum, qui vastissimas navium moles validissimis etiam ventorum turbinibus agitat, nullo suo labore, non detinendo, non manus injiciendo, non alio modo quam iis adhærendo, remoratur et sistit. Causam et modum hæc naves sistendi varii varium divinant. Alii fieri id putant, quod echineis navi qualitatem aliquam imprimat, quæ ejus impetum licet citatissimum remoretur; alii, quod adhærendo detineat per virtutem sibi innatam, sicut homo per manum

detinet lapidem ne cadat; alii, quod primo se ipsam sistat, et immobiliter adhæreat loco et spatio suo, ita ut nulla vi, etiam navim impellente, inde dimoveri possit, ac consequenter nec navis cui adhæret cuique se affixit.

Quanto magis mirum fuit in Paulo, eum hominem turbinibus concupiscentiæ in bœrathrum ruentem præcipitem sistere? ejus amores et æstus inhibere, imo in contrarium reflectere? ad Christum, quem pessime oderat, trahere, Christo unire et vincere?

Paulus :
gratia,
quasi
remora
detentus

Hanc sui vocationem et gratiam admirans Paulus, *Timoth. I, xv* : « Fidelis, inquit, sermo et omni acceptione dignus : quod Christus Jesus venit in hunc mundum peccatores salvos facere, quorum primus ego sum. Sed ideo misericordiam consecutus sum, ut in me primo ostenderet Christus Jesus omnem patientiam, ad informationem eorum, qui credituri sunt illi, in vitam æternam. » Quis pœnitens veniam et gratiam non speret, cum Saulum blasphemum et persecutorem Christi, ab eo in gratiam intimamque amicitiam receptum videt?

Jam vero quanta fuit Christi gratia, qua Paulum Gentium doctorem orbis magistrum creavit? « Mihi, inquit ipse, *Ephes. cap. III, 8*, omnium Sanctorum minimo data est gratia hæc, in Gentibus evangelizare investigabiles divitias Christi, et illuminare omnes, quæ sit dispensatio sacramenti absconditi a sæculis in Deo. » Et I *Timoth. cap. II, vers. 7* : « In quo positus sum ego prædicator et Apostolus (veritatem dico, non mentior), doctor Gentium in fide et veritate. » Dicebat ille adulator :

Gratia D.
Pauli et
singula-
ris coope-
ratio.

Divisum imperium cum Jove Caesar habet.

Nos vere dicere possumus Christum cum Paulo, non imperium, sed titulos et munia sua divisisse: Christus enim orbis est redemptor et doctor; Paulus vero præco est et doctor orbis omniumque gentium.

Tituli
Christo
et Paulo
commu-
nes :
Christus
orbis re-
demptor,
Paulus
doctor.

Huic vero gratiæ quam strenue cooperatus est Paulus? quanta fide munus sibi commissum obivit? quam sedulum, ardentem et indefessum se Gentibus omnibus præconem exhibuit? Dicit ipse, *Roman. XI, 13* : « Quamdiu ego sum Gentium Apostolus, ministerium meum honorificabo, » Spartam quam nactus sum, exornabo; et I *Cor. cap. XV, vers. 10* : « Gratia Dei sum id quod sum, et gratia ejus in me vacua non fuit; sed abundantius illis omnibus laboravi : non ego autem, sed gratia Dei mecum. »

Porro quantos Evangelii et Gentium causa labores generose exantlarit, quanta pericula intrepidus adierit, quanta ludibria, ærumnas, plagas et verbera alacer sustinuerit, enarrat ipse I *Cor. cap. IV, vers. 9* : « Spectaculum, inquit, facti sumus mundo, et angelis et hominibus : nos stulti propter Christum, usque in hanc horam et esurimus, et sitimus, et nudi sumus, et colaphis cædi-

Labores,
pericula,
afflictio-
nes Pauli
pro E-
vangelio.

mur, et instabiles sumus (ἀστατοὶ, incertis locis et sedibus vagamur et discurremus), et laboramus operantes manibus nostris : maledicimur, et benedicimur; persecutionem patimur, et sustinemus; blasphemamur, et obsecramus; tanquam purgamenta hujus mundi facti sumus, omnium peripsema usque adhuc. »

Uberius vero, plenius, nervosius laborum et passionum suarum catalogum seriemque generosis Christi athleta pertexit, aut potius perstringit II *Corinth.* xi, 23 : « In laboribus, inquit, plurimis, in carceribus abundantius, in plagis supra modum, in mortibus frequenter. A Judæis quinquies quadragenas una minus accepi. Ter virgis cæsus sum, semel lapidatus sum, ter naufragium feci, nocte et die in profundo maris fui : in itineribus sæpe, periculis fluminum, periculis latronum, periculis ex genere, periculis ex Gentibus, periculis in civitate, periculis in solitudine, periculis in mari, periculis in falsis fratribus : in labore et ærumna, in vigiliis multis, in fame et siti, in jejuniis multis, in frigore et nuditate. »

CAPUT III.

De rara Pauli sapientia.

Epistola D. Pauli continent medullam fidei et religionis Christianæ. *Tertio*, eximia Pauli sapientia passim in epistolis ejus conspicua est. Ipsæ enim continent medullam fidei et religionis Christianæ. Sane de gratia, de prædestinatione; de Christi redemptione et tota ejus in carne œconomia, de matrimonio et jure conjugum, de cœlibatu, de Ven. Sacramento et sacrificio, de novem ordinibus angelorum, de muniis Episcoporum, Presbyterorum, Diaconorum totoque ordine hierarchico nullus ita plane, graviter, exacte et sapienter disseruit ac Paulus. Taceo naturalem et græcancam ejus scientiam, in qua Tarsi insigniter, ut dixi, excultus fuit, quam etiam Ethnici admirati sunt : adeo, ut tradat S. Chrysostomus, hom. 3 in I ad Cor., apud Ethnicos disceptatum fuisse, an Paulus Platoni, cujus doctrinæ gravitatem et subtilitatem illi in primis venerantur, præferendus esset.

Paulus Ethnicis ipsis admirandus, Platoni præfertur.

Memoria dignum quod de S. Paulo scribit Clemens Alexandrinus, lib. VI *Stromat.*, his verbis : « Quomodo Deus Judæos salvos esse voluit, dans eis Prophetas; ita etiam Græcorum spectatissimos propriæ suæ linguæ exercitatos, prout poterant capere Dei beneficentiam, a vulgo secrevit. Præter Petri prædicationem declaravit Paulus Apostolus dicens : Libros quoque Græcos sumite, agnoscite Sibyllam, quomodo unum Deum significet, et ea quæ sunt futura : Hydaspem sumite, et legite, et invenietis Dei Filium multo clarius et apertius esse scriptum, et quemadmodum adversus Christum multi reges instruerent aciem, qui eum habent odio, et eos qui nomen ejus gestant, et ejus fideles, et adventum, et tolerantiam. » Hæc Clemens, non ex epistolis, sed ex concionibus

S. Pauli, per manus tradita posteris consignavit : unde discas quanti veteres ac S. Paulus Sibyllina oracula fecerint. Ita Baronius in *Apparatu Annal.*

Christianam et divinam ejus sapientiam intueamur : cujus præcellentiam et profunditatem satis ipse insinuat, cum ad Gal. i, asseverat se Evangelium non ab homine accepisse et didicisse, sed per revelationem Jesu Christi. Rursum, quod II *Cor.* xii, se raptum asserat in tertium et summum Beatorum cœlum, scilicet in paradisum, ibique audivisse arcana verba, quæ non licet homini loqui, quæ oculus non vidit, nec auris audivit, nec in cor hominis ascenderunt. Sublimia illa ac cœlestia, homini ineffabilia, imo incomprehensibilia sunt. « Tria sunt, ait Sapiens, mihi difficilia : via aquilæ in cœlo, via colubri super terram, via navis in medio mari. » Quis aquilam hanc Paulum in cœlum perniciosissime se librantem vel visu assequatur? Paulus ergo non in terrena, sed in cœlesti schola eruditus, ibidem quasi creatus et consecratus est magister Evangelii doctorque orbis.

Ejus illa minationes, revelationes, nesotrap tus.

Moses in Sina collocutus cum Domino, acceptis ab eo legis tabulis, inde prodiit quasi novus et cœlestis legislator ad populum : Paulus vero non e Sina, sed e cœlo, quasi Propheta, imo quasi angelus urano-gnomon in terram descendit, ut arcana legis Evangelicæ toti orbi panderet, atque eructaret mysteria æternis temporibus tacita et abscondita a constitutione mundi. Quapropter Origenes affirmat extitisse nonnullos, qui crederent Paulum esse veritatis Spiritum a Patre missum, quem Christus suis discipulis promiserat, dicens, *Joan.* xv : « Ego rogabo Patrem, et alium Paracletum dabit vobis, Spiritum veritatis, quem mundus non potest accipere : ille vos docebit omnia, et suggeret vobis omnia quæcumque dixerò vobis. »

Paulus Moses Evangelicus.

Verius et solidius S. Dionysius Areopagita, Pauli proles et hæres, cap. vii *De Divin. Nominib.*, Paulum communem nostrum solem; et alibi, eundem sapientiæ abyssum indigitat, ab eoque altissima sacramenta suamque Ecclesiasticam pariter et Cœlestem Hierarchiam accepisse se gloriatur.

Paulus ab aliis quibus creditus Spiritus veritatis a Patre missus, a Christo promissus.

Audi S. Chrysostomum, hom. 4 *De Laudibus S. Pauli* : « Paulus, inquit, archetypus honorum, cui omnem prædicationem, res orbis, mysteria cuncta universamque dispensationem Deus concessit. Ipse cœlum solem habens justitiæ, ipse mare sapientiæ purissimum et profundissimum. »

Illustra Paulicologia.

Audi S. Hieronymum, epist. 61 ad *Pammachium* : « Paulus, inquit, vas electionis, tuba Evangelii, rugitus leonis nostri, flumen eloquentiæ Christianæ, qui mysterium retro generationibus ignoratum, et profundum divitiarum sapientiæ et scientiæ Dei magis miratur, quam loquitur : quem quotiescumque lego, videor mihi non verba, sed audire tonitrua. »

Paulus tuba Evangelii, tonitrua Gentium.

Amplius dico : Paulus doctor fuit Petri, doctor

Paulus

PROCEMIUM DE PRÆROGATIVIS S. PAULI.

Doctor Petri, Apostolorum, Angelorum. Apostolorum; imo doctor Angelorum. Ut alia præteream, Paulus insigni sapientia; fiducia et constantia Petrum a recto tramite Christianæ libertatis deviantem, et nonnihil in Judaismum inclinantem, redarguit, revocavit et correxit. « Cum venisset, ait ipse *Galat. II*; Cephas Antiochiam, in faciem ei restitit, quia reprehensibilis erat. Et cum vidissem quod non recte ambularet ad veritatem Evangelii, dixi Cepha coram omnibus: Si tu, cum Judæus sis, gentiliter visis, et non judaice, quomodo Gentes cogis judaizare? » Rursum, magnum illud mysterium vocationis Gentium ad fidem et ad Christum primus ipse mox a sua conversione, utpote doctor Gentium a Deo electus et declaratus, *Act. IX, 15*, plene cognovit: ipse Apostolus, ipse Ecclesiam, ipse angelos edocuit. Loquatur ipse, imo loquatur potius per eum Spiritus Sanctus, *Ephes. III*: « Prout potestis, inquit, intelligere prudentiam meam in Christo: mihi omnium Sanctorum minimo data est hæc gratia, in Gentibus evangelizare; ut innotescat principibus et potestatibus in cælestibus per Ecclesiam (puta per me Ecclesiæ doctorem) multiformis sapientia Dei secundum præfinitionem sæculorum, quam fecit in Christo Jesu Domino nostro. »

S. Chrysostomus ab omnibus Paulum legi voluit olim. Nemo jam mirabitur S. Chrysostomum, præfatione in *Epist. ad Romanos*, proclamare laicos omnes, etiam opifices et mercatores, Paulum identidem legere debere. Quod si cui id per negotia non liceat, hic, inquit, saltem me Paulum enarrantem et explicantem assidue audiat: quare commentaria quæ in Paulum reliquit nobis Chrysostomus, homiliæ ejusdem fuerunt *ad Populum*. Sane ipse Chrysostomus, ut refert Georgius, Patriarcha Alexandrinus, in ejus Vita, nunquam sinebat Paulum e manibus elabi, sed assidue eum legebat, ac miraculi loco habebat ejus sapientiam.

Paulus hæresomastix. Jam vero Paulus hæresomastix sua sapientia et acrimonia omnes Novatorum ætatum omnium errores destruit et configit. Auctor est S. Augustinus, lib. VII *Confess.*, *XXI*, sub initio conversionis avidissime se sacram Scripturam et præ cæteris Apostolum Paulum ingenti fructu legitasse; quinimo Pauli lectione plane conversum se fatetur idem Augustinus, ut mox ex eo audiemus. Atque hæc fuit causa, cur prisci hæretici Paulum Paulique epistolas proscripserint. Fuerunt illi triplices. Primi omnes Pauli epistolas repudiarent easque a canone S. Scripturæ detruncarunt.

Hæretici veteres Paulum rejecerunt, omnesque epistolas. Horum parens et dux, teste Irenæo, lib. I, cap. *XXVI*, et Eusebio, lib. III *Histor.*, cap. *XXVII*, fuit mentis inops Ebion (sic namque in eum vere ludit S. Ignatius: Ebion enim hebraice pauperem et inopem significat), qui judaizans Apostolum Paulum, quasi legis suæ hostem, Apostatam et Græcum per summam contumeliam appellabat. Hunc ducem et errorem secutos esse Helcheseitas, auctor est Eusebius, lib. VI, cap. *XXVII*.

Secundi non omnes quidem Pauli epistolas,

sed aliquas duntaxat, quas scripserat suis dogmatibus infestas videbant, ex catalogo sacro, more, ingenio et fastu hæreticis usitato abraserunt. Ii fuerunt Encratitæ, Severiani, Marcionitæ, Manichæi, Ariani, Aetiani: nimirum Encratitæ et Marcionitæ utramque ad Timotheum, et unam ad Titum, alii alias sustulerunt.

Tertii omnes Pauli epistolas receperunt, verum asseruerunt in iis multa esse scripta dictante non Spiritu Sancto, sed genio et ratione humana: uti epistolam ad Philemonem, item ea quæ naturaliter et familiariter scire et scribere poterat Paulus. Ita censuit anonymus ille, Fabricii discipulus, contra quem S. Augustinus sub nomine adversarii legis et Prophetarum duos libros edidit. Huc etiam allusit Erasmus, cum in cap. II et *XXVII Matthæi* asserit scriptores sacros subinde memoria lapsos esse, et leves quosdam errores admisisse. Alii denique subinde vitiatas et a falsario quopiam depravatas hasce epistolas somniarunt.

Hac similitudo de causa Marcion, teste Epiphonio, hæret. 42, e cæteris epistolis, quas ipse admittebat, id quod sibi videbatur, quodque palato et oculis suis non allubescerebat, spongia sua politula et delicatula, quasi spurium extersit ac dispunxit.

Verum veritas et auctoritas S. Pauli has omnes nebulas mox dispulit atque disjecit; adeo ut jam vel fanaticorum, vel umbrarum potius quam hominum obsolete et emortuæ sint hæc cum suis auctoribus hæreses. Quare iis refutandis non immorabor; videat, qui volet, Irenæum, Epiphanium, Petrum Cluniacensem, epistola priore *Contra Henricianos et Petrobrusianos*, atque Sixtum Senensem, lib. VII *Biblioth.*, cap. VII. Tantum illud hic animadversione dignum est, veteres illos hæreticos, licet epistolas hasce respuerent, eas tamen Paulo ascripsisse. Itaque communis Orthodoxorum jam olim omnium consensus fuit, et est, hasce omnes epistolas, excepta una ad Hebræos, de qua aliquando dubitarunt nonnulli (ut suo loco dicam), esse canonicas, plenas majestate et spiritu Apostolico: quinimo nostri Sectarum hasce Pauli epistolas præ cæteris sacræ Scripturæ libris laudant, colunt et jactitant. Sed et hi in alium lapidem impingunt. Dum enim non advertunt, quando, contra quos, qua de causa tam acriter subinde insurgat Paulus, a mente et sententia Pauli aberrant: nam uti ille qui acrius errorem aut vitium aliquod persequitur, in oppositum aliudque extremum videtur declinare et impingere; ita Paulus, dum contra Judæos Gentesque sui temporis disputans, legis et naturæ opera caeremoniasque elevat et convellit, dum Christi fidem et gratiam inculcat; videtur imperitis tollere liberum arbitrium, operaque bona et meritoria, atque uni fidei salutem et justitiam ascribere et consignare. Nimirum, imperiti et stulti dum fugiunt vitia, in contraria currunt.

Hoc modo Philippus ille, vere Melanchthon, pro

cheselt. Aliqui hæretici aliquot Pauli epistolæ sustulerunt.

Quidam non omnia in epistolis Pauli a S. Spiritu dicta esse somniarunt.

Erasmus error.

Marcion epistolas Pauli a suis mutilare.

Omnes consentiant has epistolas esse Pauli, non alterius cujusquam.

Hæretici nostri avi ex male intellectis Pauli epistolis errores suos nituntur firmare. Videntur contra quos et quando Paulus scribat.

Melanch-

tho ha- sua Confessione, vel potius confusione, Augus-
reticus tana passim testem citat S. Paulum; atque ut in
Paulum ejus epistolis homo profanus egregie versatus
circum- videretur, nunquam sine iis incedere, nunquam
fert. prandere aut cenare, nusquam considerare aut cu-
bare consueverat. Quare suo huic Philippo hoc
Lutherus elogium dedit Lutherus : « Ego tibi, mi Melanch-
stolide et thon, vere tribuo, neminem melius te scripsisse
superbe in D. Paulum. Ego scio, quo judicio et spiritu
extollit hoc de te pronuntio : Hieronymi et Origenis com-
Melanch- mentaria esse meras nugas et ineptias, si tuis
thonis comparantur. » Quale hoc supercilium ? nimirum
sui in di- ἡ Πλάτων φιλονεικῇ, ἡ Φίλων πλατωνίζει, nimirum πύθια
vum Pau- φιλοπιπίζει, Lutherus philippizat, quia Philippus
lum com- lutherizat. Itaque vere ad suam mentem dixit
menta. Lutherus : Nullus melius, scilicet ad Lutheri pa-
latum et sensum, nullus melius, hoc est luthera-
nius, in D. Paulum scripsit, quam Melanchthon.
Hieronymus, Origenes alique Patres, quia anti-
lutherane, ideo Luthero pessime scripserunt : suis
enim scriptis novam Lutheri fidem ejusque ca-
cangelion configunt, destruunt, evertunt.

Calvinus, odium Dei et hominum, passim pro
fide sua calva et bonorum operum inope, pro
servo arbitrio, pro reprobationis, prædestinationis,
virtutum peccatorumque fato, pro justitia
Christi nobis imputata, pro concupiscentiæ culpa
aliisque similibus sibi placitis, testes Paulum et
S. Augustinum producit, eos a se stare clamitat,
et quasi hæresum suarum auctores dilaudat. Sed
fallitur erro, fallitur impostor, ut suis quibusque
locis ostendam. Atque, ut ex ungue leonem agnos-
cas videasque quam ipse alique Novantes para-
logizent, qualiaque ex Paulo sophismata texant :

Paralo- Accipe e multis unum, commune et frequens
gismi alii- eorum sophisma, imo fraudem manifestam. Solent
quot hæ- ipsi a propositione Pauli indefinita inferre univer-
retico- salem; solent ex una parte totum concludere;
rum. solent ab affirmativa indefinita inferre negativam

4. Quod universalem, v. g. Fides, inquit, teste Paulo,
sola fides justificat; ergo opera non justificant, ergo nihil
justificet aliud a fide justificat; quod perinde est ac si
itali ratione concluderent : Panis alit hominem,
ergo caro aut piscis non alit hominem : Homo
vivit per respirationem, ergo non vivit per ci-
bum : Homo est animal, ergo leo non est ani-
mal.

Alterum accipe : Paulus sæpe obscurus est et
difficilis; eo abutuntur Novantes, ejusque obscu-
ritate, quasi latebris, errores suos velant et con-
tegunt; atque ex obscura Pauli sententia dog-
mata sua æque obscura et abstrusa demonstrare
nituntur. Verum hic seipsos conficiunt. Hic enim
vel ex sua confessione convincuntur et fateri co-
guntur, Paulum et S. Scripturam non esse cla-
ram et perspicuam, ac consequenter non posse
esse judicem, qui controversias fidei decideret,
enodet et determinet. Judex enim qui obscuram
et ambiguam fert sententiam, quam utraque liti-
gantium pars sibi arrogare et attribuire possit,

litem non decedit, non determinat, neutri parti
causam adjudicat. Lis ergo in fide et religione
apud hæreticos interminabilis, καὶ ἀσπονδος πόλεμος
sit oportet. Omnes enim ipsi Paulinis sententiis
ad suas hæreses utuntur et abutuntur, et de ea-
rum sensu intelligentiaque perpetuo cum Ortho-
doxis, imo inter seipsos concertant.

Exemplo non obscuro, sed claro res patebit :
asserit S. Paulus Christum in institutione Eucha-
ristiæ dixisse : « Hoc est corpus meum, hic est
sanguis meus. » Idem iisdem verbis dixerunt
Evangelistæ omnes, qui ultimam Christi cœnam
enarrarunt. Calvinus et Calvinī assecleæ verba
Christi clara, simplicia, historica, testamentaria
ultimæ voluntatis Christi, ad figuram et tropum
torquent sensumque esse volunt : Hoc est figura
corporis et sanguinis mei. Quid agitis ? cornici-
bus, vobis ipsis, inquam, oculis configitis. Ad
Scripturam orthodoxos provocatis, ad illam quasi
judicem certum et clarum appellatis, per eam
omnem traditionem Patrum et Ecclesiæ excludi-
tis. Scripturam proferimus, Scripturæ verba clara
et plana sunt : « Hoc est corpus meum, hic est
sanguis meus. » Nos planum et clarum verborum
sensem amplectimur, vos illum declinatis; imo
verba ipsa vestra explicatione invertitis et ever-
titis, quia pro corpore figuram et umbram cor-
poris surrogatis : quo jure ? qua fide ? Pari jure
et modo licebit omnia testamenta, omnes libros,
omnes historias, fidem omnem subruere.

Asserit Scriptura Christum esse natum, passum,
crucifixum : pari libertate, qua vos, exponet Ma-
nichæus Christum natum, passum et crucifixum
esse, non revera, sed per figuram, speciem et
apparentiam tantum. Asserit Scriptura Filium esse
Deum : exponet more vestro Arius Filium esse
Deum, non proprie, sed tropice per metonymiam,
puta esse Deum, hoc est esse hominem divinum.
Asserit Scriptura in fide SS. Trinitatis, Patris, et
Filii et Spiritus Sancti, nos esse baptizandos : ex-
ponet vestro genio Sabellius, hæc tria significare
Trinitatem, non personarum, sed nomen tan-
tum, et potestatum unius ejusdemque personæ
divinæ. Si in loco tam plano, tam claro nobis
obstrepitis, si de sensu tam aperto nobiscum con-
tenditis, quid facietis in locis plane obscuris et im-
plicatis ?

Quid ? Vos ipsi in hoc aliisque Pauli locis, de
Pauli mente acerrime inter vos ipsos digladi-
mini : quis lites hasce componet ? quis hic judex
sedebit ? quis arbiter ? Sane, nisi veneranda sæcu-
lorum omnium antiquitas causam definiat, nisi
prisca majorum Patrumque fides canam verita-
tem ostendat, nisi Ecclesia, quæ columna est et
firmamentum veritatis (Ecclesiæ enim a Christo
data est S. Scriptura ejusque sensus conceditur, ut
sit ejus custos et doctrix), audiat : nemo erit ad
diem usque judicii, qui lites hasce resolvat et
terminet. Quis credat Christum Dominum tam
male consuluisse et providisse Ecclesiæ suæ, cum

2. Verba,
Hoc est
corpus
meum,
in se cla-
rissima
ad figu-
ram sig-
nifican-
dam de-
torquent
Calvinia-
ni.

inconve-
nientia
quæ se-
quantur
explica-
tionem
Calvinis-
tarum.

Ad Eccle-
siam et
antiqui-
tatem in
dubiis
confu-
tandum.

omnis alia hominum respublica suos iudices habeat, qui lites quasvis decident et determinent. Plurima talia recenset illustrissimus Cardinalis Bellarminus in suo opere *Controvers.*, quod vere est panoplia rectæ fidei opusque æterna memoria dignum. Prævidit hoc et præmonuit S. Petrus, *epist.* II, cap. III : « Charissimus, inquit, frater noster Paulus secundum datam sibi sapientiam scripsit vobis, sicut et in omnibus epistolis : in quibus sunt quædam difficilia intellectu, quæ indocti et instabiles depravant, sicut et cæteras Scripturas ad suam ipsorum perditionem. »

D. Petri
iudicium
de obscuro
Pauli
narum
Epistola-
rum.

Cæterum Paulum non Calvinianæ, neo Lutherane, sed Catholicæ et Romanæ fuisse religionis et fidei, nemo eum lectitans ambigere potest. Paulus enim asserit se fuisse cælibem, cælibatum laudat, virginitatem suadet; gloriatur in cruce, in jejuniis, in vigiliis; castigat corpus suum; reprobis fieri timet; merita bonorum operum commendat, Deumque eis redditurum coronam iustitiæ asseverat; damnat eos qui fidem Deo datam, vota, inquam, violant; docet homines esse liberi arbitrii, eisque ut liberis suadet et præcipit actus humilitatis, obedientiæ, charitatis, etc.; docet hominem sui peccati et damnationis esse auctorem, ac thesaurizare sibi iram, non Deum qui vult omnes homines salvos fieri et ad agnitionem veritatis venire, etc. Hæc loquitur, hæc scribit Paulus. Utri hæc docent, Catholicæ et Romani, an Calvinistæ et Lutherani? Tuam fidem, tuum iudicium, tuam conscientiam, o lector, appello. Scio, dices, Catholicæ, non Calvinistæ, nec Lutherani, qui nullos cælibes, nullas virgines habent, omnes conjugatos volunt, qui jejunia et poenitentias horrent, corpus delicate habent, fide divina et speciali credunt singuli se prædestinatos et salvandos, merita operum execrantur, votifragi sunt et votifragos recipiunt ac laudant, docent homines libero carere arbitrio, Deum omnium humanorum operum, tam bonorum quam malorum, ac consequenter tam damnationis quam salvationis cujusque esse auctorem; fidem solam tegere peccata, justificare, salvare, etc. Quæ ergo conventio Christo cum Belial, luci cum tenebris, Paulo cum Calvino?

Verum, missis hæreticis, ad nostros Orthodoxos redeamus. Paulus, ut dixi, oceanus et abyssus est tam sapientiæ, quam zeli et spiritus divini, atque utraque hæc ita mixtim et glomeratim eructat et convolvit, ut se ipse capere suamque vim expromere non posse videatur; ac veluti balistæ nostræ nitrato ac sulphureo pulvere gravida, eo accenso ingentes ferri, æris, lapidum globos, fulminum instar, flammis eluctantibus cum horrendo fragore et fumi convoluzione contorquent; ita incensum Pauli pectus sapientia æque ac spiritu gravidum et turgidum, cum densas utriusque flammæ expromere et ejaculari nititur, quasi fumo intermicantia fulgura, et crebra tonitrua verborum et sententiarum vomit et con-

Paulus
oceanus
sapientie,
zeli
et spiri-
tus divi-
ni.

Paulus
tam ba-
listæ com-
paratur.

globat, eaque de causa menti audientium et legentium nebulam non raro effundit, quæ deinde si a doctore elucidetur et clarescat, in magnum doctrinæ et charitatis incendium flammescit. « Prædicatio mea, inquit ipse I *Corinth.* II, non in persuasibilibus humanæ sapientiæ verbis, sed in ostensione spiritus et virtutis : ut fides vestra non sit in sapientia hominum, sed in virtute Dei. Sapientiam autem loquimur inter perfectos; sapientiam vero non hujus sæculi, neque principum hujus sæculi, qui destruuntur; sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram, quam nemo principum hujus sæculi cognovit. » Apostolus ergo sensu et rebus turgidus, ad verba et syntaxim non æque respicit, sed multa commiscet, inserit, incidit, mutilat, divaricat, absorbet. Hinc crebræ ei sunt aposiopeses, mutilæ sententiæ, hyperbata, anantapodota; et id genus tropi, qui legenti vel interpreti supplendi vel ordinandi sunt. Taceo phrases Græcas et Hebræas : Paulus enim, uti Hebræus erat, ita hebraïsmis abundat. Atque hæc una inter alias obscuritatis harum epistolarum est causa, qua retardatus et revocatus S. Augustinus, vir licet tanti ingenii et eruditionis, commentarium olim in epistolam ad Romanos orsus, mox resiliit; « Cœperam, ait S. Augustinus, lib. I *Retract.*, cap. XXV, in epistolam ad Romanos; sed quoniam, si perficeretur, plures futuri erant libri, et ipsius operis labore ac magnitudine deterritus, in alia faciliora deflexus sum. » S. vero Chrysostomus, magnus Pauli admirator, interpres et assecla, quem deinceps Theophylactus, Photius, Oecumenius, Euthymius et alii secuti sunt, quique nobis quoque præ aliis in hoc commentario faciem prælucebat : Chrysostomus, inquam, cujus maxima in Paulinis epistolis explicandis laus constat, felicius idipsum tentavit, non suo, sed Pauli lumine et institutione. Dum enim hosce suos in Paulum commentarios dictaret, visus est vir quidam augustus, S. Pauli effigie et habitu, ei astare, qui ea quæ scriberet in aurem suggereret. Cujus rei testis oculatus est Proclus, qui postea factus est Episcopus Constantinopolitanus, apud Leonem Augustum in Vita S. Chrysostomi. Unde et Damascenus, *De Imaginib.*, orat. I, testatur S. Chrysostomum in museo perpetuo habuisse imaginem S. Pauli, in eamque sæpe oculos et animum intendisse. Denique graviter æque ac vere Eusebius, lib. III *Histor.*, cap. XXIV : « Paulus, inquit, qui inter cæteros Apostolos eruditior etiam in verbis videtur, et in sensibus præpotens, non amplius quam parvulum epistolarum suarum corpus reliquit, quod utique immensa continet intra se atque innu-mera sacramenta : utpote qui usque ad tertium cælum raptus, quæ gererentur inspexerat, et in ipsum quoque Deo dignum paradisum abductus, viderat ibi ineffabilia verba, et doctri-

Paulites
timor-
um de
sublimi
tate do-
ctrinæ
suar.

Charac-
ter dicen-
di in his
epistolis
plane mi-
rus.

Unde
obscura
epistola
Paulina.

S. An-
gustinus
a comen-
tationi-
bus in
Paulum
deter-
ritus.
S. Chry-
sostomus
auctori
dux in
hisc
commen-
tariis.

S. Chry-
sostomo
in Pau-
lum scri-
benti,
Paulus
ipse as-
titisse et
scriben-
da sug-
gessisse
visus.
S. Chry-
sostomus
imagi-
nem S.
Pauli ve-
neratur.
Eusebii
grave de
S. Paulo
iudicium

nam filius interim scholæ discipulus effectus ex-
ceperat. »

CAPUT IV.

De virtutibus S. Pauli.

Quarto, Paulus virtutum omnium illustre fuit
speculum et exemplar: quippe qui eas exacte
gentes omnes toto orbe dispersas docere debe-
ret, non tam verbis quam factis: longa enim et
languida est doctrina virtutum per verba; brevis
vero et efficax eadem est per facta et exempla.
Viderunt id quoque Gentiles Philosophi. Quare
Epictetus, *Enchiridii* cap. xxix: « Nunquam, in-
quit, te Philosophum profitearis, nec apud impe-
ritos multum disputa de præceptis, velut in con-
vivio, nec dic quo pacto sit edendum, sed ede
ut deceat. Nam et oves non fœnum afferunt opio-
nibus, sed pastu intra se concocto exterius
proferunt lanam. Et tu ergo ne verba ostendas
imperitis, sed opera quæ verborum concoctio-
nem sequuntur. »

Paulus ergo Christianæ virtutis et perfectionis
magister peritissimus, eandem magis vita et
gestis quam sermone docuit et expressit. Unde
II Cor. vi, 4: « Exhibeamus (Græce συνιστάμε; ἐκ τούτων,
id est *commendantes*, hoc est *commendamus*) nos-
metipsos sicut Dei ministros, in multa patientia,
in tribulationibus, in necessitatibus, in angustiis,
in plagis, in laboribus, in vigiliis, in jejuniis, in
castitate, in scientia, in longanimitate, in suavi-
tate, in Spiritu Sancto, in charitate non ficta, in
verbo veritatis, in virtute Dei, per arma justitiæ

a dextris et a sinistris. » « Paulus, inquit Chry-
sostomus, omnium virtutum fuit arca; adeo ut,
etiamsi quis totum contra eum justorum chorum
sigillatim appendat, inveniat trutinam virtutum
ponderibus a Pauli parte depressam. » Porro vir-
tutes hasce in hisce epistolis, quasi in horto quo-
dam deliciarum ita luculente inseruit et expres-
sit, ut, si Paulum non aliunde, certe ex scriptis
suis agnoscas et admireris; quin et in teipso per-
sentiscas. Sicut enim in sole diutius inambulan-
tes, calorem inde sibi cum colore conciliant vel
nescientes, nec advertentes; ita fieri non potest,
ut qui non obiter et parergō; sed accurate et
sedulo Paulum versat, Pauli sensu non affletur
ac spiritu. Age, si lubet, in hoc deliciarum para-
diso inambulemus, libemus florem et pomum
hinc inde unum.

Vis violam humilitatis? « Ego, inquit, sum mi-
nimus Apostolorum, qui non sum dignus vocari
Apostolus, quoniam persecutus sum Ecclesiam
Dei. Novissime omnium tanquam abortivo visus
est et mihi Christus. Mihi omnium sanctorum mi-
nimo data est hæc gratia. Blasphemus fui, et
persecutor, et contumeliosus. »

Vis myrrham pœnitentiæ? « Christus Jesus ve-
nit in hunc mundum peccatores salvos facere,
quorum primus ego sum. Castigo corpus meum,

et in servitutem redigo, ne, cum aliis prædica-
verim, ipse reprobus efficiar. Eramus aliquando
et nos insipientes, increduli, errantes, servientes
desideriis et voluptatibus, in malitia et invidia
agentes, odibiles, odientes invicem. Cum autem
benignitas et humanitas apparuit Salvatoris nos-
tri Dei, non ex operibus justitiæ quæ fecimus nos,
sed secundum suam misericordiam, salvos nos
fecit. »

Vis juglandem temperantiæ? « Usque in hanc
horam esurimus et sitimus. » Abstemium fuisse
Paulum et nunquam vinum bibisse censet Baro-
nius, anno Christi 36, et alii. Idque ex eo colligi
potest, quod Timotheus, Pauli discipulus, ex Pauli
utique institutione, exemplo et disciplina, abste-
mius fuerit. « Noli, inquit ipse, I ad Timot. cap.
v, 23, adhuc aquam bibere, sed modico vino
utere, propter stomachum tuum, et frequentes
tuas infirmitates. » Idem colligitur ex voto naza-
ræatus, quod, ut satisfaceret Judæis, fecit Paulus,
Act. xxi, statimque postero die explevit. At quo-
modo illud explere potuit postero die, atque pu-
rificari in templo, nisi jam ante sua consuetudine
vino (quod proprium erat hujus ritus et nazara-
æatus, teste Josepho, lib. II *Belli*, cap. xv) absti-
nuisset? alioqui enim fuisset hæc non religio, sed
potius quedam legis illusio, et simulatæ sancti-
tatis effectio, et tanquam in scena fabula, ac in
re gesta affectatum mendacium, quæ omnia prorsus
indigna sunt non solum tanto Apostolo, sed
et quolibet Christiano.

Vis lilia castitatis? « Æmulor vos Dei æmula-
tione. Despondi enim vos uni viro virginem cas-
tam exhibere Christo. » Rursum: « De virginibus
præceptum Domini non habeo: consilium autem
do, tanquam misericordiam consecutus a Do-
mino, ut sim fidelis. Existimo enim hoc bonum
esse, propter instantem necessitatem. Volo omnes
homines esse sicut meipsum. » Unde liquet, Pau-
lum non conjugalem, sed cœlibem egisse vitam,
uti communis habet Patrum et Orthodoxorum
sensus et consensus.

Vis palmam contemptus mundi, humanæ lau-
dis et vituperii? « Si adhuc hominibus placerem,
Christi servus non essem. Mihi pro minimo est,
ut a vobis judicem, aut ab humano die; sed neque
meipsum judico: qui autem judicat me, Domi-
nus est. »

Vis amaranthum crucis? « Mihi absit gloriari
nisi in cruce Domini nostri Jesu Christi, per quem
mihi mundus crucifixus est, et ego mundo. Nemo
mihi molestus sit: ego enim stigmata Domini
nostri Jesu Christi in corpore meo porto. »

Vis rosam aculeatam amoris Christi? « Vivo
ego, jam non ego; vivit vero in me Christus; mihi
vivere Christus est, et mori lucrum. » Hæc etiam
de causa singulis sepe periodis nomen Jesu vel
Christi repetit et personat; utpote quod plus-
quam adamantinis litteris cordi insculpserat. Sane
si cui Sanctorum, Paulo certe, Jesus erat mel in

Exemplo
docendi
alii.

Exempla
virtutum
in Paulo.

Paulus
virtutum
arca.

Epistola
Pauli ve-
lit hor-
tus vir-
tutum an-
tori sui.

Emili-
tas S.
Pauli.

Pœniten-
tia.

Tempe-
rantia.

Vino ab-
stinuit
Paulus.

Castitas.

Paulus
cælebs.

Contemp-
tus mun-
di.

Amor
crucis.

Amor
Christi.

SS. no-
men Jesu

Paulo
ubique
n ore et
calamo.
Assidua
cum
Christo
conversa-
tio.

ore, melos in aure, júbilus in corde. Quam assidua fuerit Pauli cum Christo conversatio, docet S. Chrysostomus, hom. 55 in *Matth.*, cap. XVI: « Paulus, inquit, cum in terris esset, ubi Seraphim sunt, ibi conversabatur, propius Christo assistens quam hastati et stipatores isti regi assistunt: quippe cum isti aspectum huc illuc circumferant, ille vero nulla rerum specie motus universam mentis aciem ad regem (Christum) semper tenderet. »

Cœlestes
Pauli co-
gitationes et de-
sideria.

Vis hyacinthum cœlestium cogitationum et desideriorum? « Fratres, jam non estis hospites et advenæ; sed estis cives Sanctorum et domestici Dei. Non habemus hic manentem civitatem, sed futuram inquirimus. Nostra conversatio in cœlis est: unde et Salvatorem expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ. » Et vero omnia in hisce epistolis cœlestes spirant animos et ignes. Nec aliud in eis ubique agit Paulus, quam ut doceat omnes terrena despiciere, concupiscentiæ turbines sedare, carnis fluxos et infimos, sed incensos amores restringere, mentem ad cœlestia et ad Deum avocare, illi unire et sociare.

Gratitudo, ora-
tio, de-
votio.

Vis heliotropium gratitudinis, orationis et devotionis? *Ephes. I*: « Benedictus, inquit, Deus et Pater Domini nostri Jesu Christi, qui benedixit nos in omni benedictione spirituali, in cœlestibus, in Christo: sicut elegit nos in ipso ante mundi constitutionem, ut essemus sancti et immaculati in conspectu ejus in charitate. Qui prædestinavit nos in adoptionem filiorum per Jesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo, in quo habemus redemptionem per sanguinem ejus, remissionem peccatorum, secundum divitiis gratiæ ejus quæ superabundavit in nobis, in omni sapientia et prudentia: ut notum faceret nobis sacramentum voluntatis suæ, secundum beneplacitum ejus, quod proposuit in eo, in dispensatione plenitudinis temporum, instaurare omnia in Christo, quæ in cœlis, et quæ in terra sunt, in ipso. In quo etiam et nos sorte vocati sumus, prædestinati secundum propositum ejus, qui operatur omnia secundum consilium voluntatis suæ: ut simus in laudem gloriæ ejus nos, qui ante speravimus in Christo. » En quos gurgites, quæ flumina gratiarum et laudum convolvit et revolvit, eructat et regurgitat in Deum omnium fontem.

Charitas.

Vis (ut alia præteream) malogranatum charitatis? Hoc sane in Paulo tam vernans, tam redolens, tam punice erubens mire adblanditur. Accipe et degusta: « Quis nos separabit a charitate Christi? tribulatio? an angustia? an fames? an nuditas? an periculum? an persecutio? an gladius? sicut scriptum est: Quia propter te mortificamur tota die, æstimati sumus sicut oves occisionis. Sed in

his omnibus superamus propter eum qui dilexit nos. Certus sum (πίστευμαι, certo mihi persuadeo, fixum mihi et certum est) quia neque mors (comminata), neque vita (promissa), neque angeli, neque principatus, neque virtutes, neque instantia, neque futura, neque fortitudo, neque altitudo; neque profundum (neque cœli, neque inferi), neque creatura alia (quæ esse aut fingi possit), poterit nos separare a charitate Dei, quæ est in Christo Jesu Domino nostro. »

Atque ne putes otiosa et inania hæc tantum esse amantis desideria, aut adulantis verba, audi efficaciam charitatis verba. Hac charitate armatus Paulus, inquit Chrysostomus, Neronem omnesque tyrannos velut quosdam culices æstimabat; hac charitate labores, pericula, cruciatus, mortem, mille supplicia quasi ludum putabat esse puerorum; hac charitate Paulus victus Jesu Christi magis quam diademate coronatus gloriatur. « Ego, inquit ipse, in laboribus plurimis, in carceribus abundantius, in plagis supra modum, in mortibus frequenter. » Neque hic stetit amor Pauli, sed quotidie celsior assurgens, et quasi incorporeus, imo igneus ad omnes labores, quæ retro sunt obliviscens, ad ea vero quæ priora sunt, extendens seipsum, ad destinatum persequeretur bravium supernæ vocationis Dei in Christo Jesu: nec ante destitit, quam amoris divini vicem reddens, illi vitam cum sudore et sanguine refudit et profudit. Miremur jam Paulum Dei amore ab Orientis in Occidentem pervolasse; miremur eum sua charitate totum mundum esse complexum; miremur eum tot terras et maria oberrasse. Nimirum consecravit se ipse Deo et amoris Christi, ideoque illi omnes homines totumque orbem offerre, et ex hominibus, imo brutis et dæmonibus angelos efficere, impensa sudoris et sanguinis sui satagebat; ac velut ignis ventusque validissimus totum mundum percurrit, percurrenteque purgavit. Pectus ergo Pauli fuit tentorium Christi, Deum toto orbe vehens et circumferens. Docet id S. Gregorius, lib. XXVII *Moral.*, cap. VIII, explicans illud Job, xxxvi, 29, Si voluerit extendere nubes quasi tentorium: « Dum catenis, ait, victus Romam peteret Paulus, occupaturus mundum, latens in ejus pectore quasi sub tentorio ibat Deus: quia et occultus videri non peterat, et per verba prædicationis proditus, iter inchoatæ gratiæ sine cessatione peragebat. » Ibat ergo sic Romam in Paulo Deus, ibat Christus, inde velut a capite invasurus et debellaturus mundum.

Dominus enim est, qui facit angelos suos spiritus, et ministros suos flammam ignis. « Quotidie, inquit ipse, immolor propter gloriam vestram, fratres: sed etsi immolor super sacrificium et obsequium fidei vestræ, gaudeo et congratulor omnibus vobis. » Sim ego sacerdos, vos hostia, libamen sanguis meus. Hac de causa, quasi pater qui totum orbem genuisset, sic perturbabatur, sic

Actuosa
Pauli
charitas.

Charitas
Pauli ve-
lut effro-
nis et in-
satiabili-
lis.

Objectum
charitatis
ejus to-
tus mun-
dus.

Immolat
seipsum
Aposto-
lus.

Sollicitudo
de Pauli

charitatis sollicitus erat; sic omnes in regnum Dei festina-
bat inducere. « Instantia; inquit, mea quotidiana,
sollicitudo omnium Ecclesiarum : quis infirmatur, et ego non infirmor? quis scandalizatur, et ego non uror? » Hac de causa factus est Judæis tanquam sub lege, infirmis infirmus, omnibus omnia factus est, ut omnes Christo lucrifaceret.

Ut mater Hic amor coegit eum quasi matrem, os et verba amavit mutare, alternis blandiendo, increpando, rogando, terrendo, consolando, et in omnes partes se suosque versando. « O insensati, inquit, Galatæ; » et statim blandiens : « Filioli, ait, mei, quos iterum parturio, donec Christus formetur in vobis. » Et Philip. II : « Si qua ergo, ait, consolatio in Christo, si quod solatium charitatis, si quæ viscera miserationis; implete gaudium meum, ut idem sapiatis, eandem charitatem habentes. » En qua charitate se pene eviscerat. Denique Paulus charitate incensus non aliud sategabat, quam Dei cultum et gloriam propagare omnesque ad Dei fidem et amorem perducere.

Paulus ferrocandenti similis. « Sicut ferrum, inquit S. Chrysostomus, homil. 3 De Pauli Laudibus, missum in ignem totum ignis efficitur; sic Paulus charitate succensus, totus factus est charitas. Unde nunc per epistolas, nunc per exhortationes, nunc per præces, nunc per minas, nunc per se, nunc per suos omni studio conabatur erigere laborantes, stantes firmare, humi jacentes attollere, sanare contritos, torpentes animare, hostes retundere, more optimi ducis, militis et medici, omnium officiorum personas et munia unus ipse subibat. »

Exemplum in-credibilis charitatis in Paulo optante anathema esse pro Judæis. Accipe e multis unum vivum hujus charitatis in finissimos infestissimosque sibi terra marique hostes, Judæos et judaizantes, exemplum pariter et argumentum : « Veritatem dico in Christo; non mentior, testimonium mihi perhibente conscientia mea in Spiritu Sancto : » ne putes me aulicismo, amphibolia, rhetorica amplificatione uti ; ne putes me ludere ; testor Christum, testor conscientiam meam, testor Spiritum Sanctum hujus mei doloris et amoris conscios, imo causas : « Quoniam tristitia mihi magna est, et continuus dolor cordi meo. Optabam enim ego ipse anathema esse a Christo pro fratribus meis, qui sunt cognati mei secundum carnem. » Quid agis, Paule ? nonne desipis ? nonne contra charitatem, contra Christum, pro cæcis Judæis pugnas ? Nequaquam, sed pro charitate contra charitatem in charitatem conitor et tendo ; optabam et opto anathema esse a Christo ; opto pro charitate Christi a Christo divelli ; opto pro salute Judæorum, non ab amore, sed a beatitudine et gloria Christi, a Christo et cælo, etiam in æternum, si opus sit, exul excludi : depono pro eis esse anathema, depono esse diris devotum caput ; dempto peccato et charitatis naufragio, depono mihi æternum eorum exitium. Opto oroque, Domine, omnia irarum tuarum fulmina Judæis imminetia, ut eis parcas, in

meum caput retorqueas, vibres, effundas, exhaustas,

Me me, adsum qui feci, in me convertito ferrum.

CAPUT V.

De efficacia et fructu prædicationis S. Pauli.

Quinto, ex dictis consequitur admirabilem in Paulo extitisse agendi dicendique efficaciam, qua homines quoquoersum impelleret. Quid enim non persuadeat tantus zelus, tam ignita charitas ? Si enim magnes ferrum ad se trahit, eandemque vim ferro communicat, ut aliud ad se ferrum trahat ; hoc iterum aliud et aliud, quasi catenam nectendo, ait S. Augustinus, sive hoc fiat vi a polo, ad quem vergit, magneti communicata ; sive tanquam a fine, ut ipsum ferrum interna et innata virtute, naturali pondere se libret et moveat ad magnetem, quasi ad centrum suum ; seu potius, ut passim censent melioris notæ Philosophi, id fiat ex sympathia quadam ferri et magnetis, per potentiam attractivam in magnete, quæ qualitatem seu vim impellentem imprimat ferro, qua illud ad se impellat et trahat : quidni homines rapiat amor ? quidni Paulus sua ardenti charitate cunctis sibi Christoque devinciatur ? magnes enim amoris est amor ; efficacissimum philtrum ut ameris, est *ama*.

Magnetis vis.

Charitas sincera magneto potentior.

Disputante Paulo apud injustum et incestum præsidem Felicem de justitia, castitate et judicio futuro, tremefactus est Præses, quantumvis impius et scelestus. Pariter et Festus : « Insanis, inquit, Paule, multæ te litteræ ad insaniam convertunt. » Cui Paulus : « Non insanio, optime Feste, sed veritatis et sobrietatis verba loquor. » Agrippa denique Rex : « In modico, inquit, suades me Christianum fieri. » Cui Paulus : « Opto apud Deum, et in modico ; et in magno, non tantum te, sed etiam omnes qui audiunt hodie, fieri tales, qualis et ego sum, exceptis vinculis his. » Audi Lycaonios ad Pauli Evangelium et vocem attonitos, Actor. XIV : « Dii similes facti hominibus descenderunt ad nos, et vocabant Paulum Mercurium, quoniam ipse dux erat verbi, » illique tanquam Deo sacerdos Lycaonius hostiam parabat, quam eidem sacrificasset, ni Paulus ipse acri objurgatione prohibuisset.

Pauli de virtutibus disserentis efficacia.

Dens putatur ob singularem prædicationis vim.

Quod de Catone Majore in ejus Vita refert Plutarchus, eum de tribus tota vita indoluisse : primo, quod unquam secretum credidisset mulieri ; secundo, quod navigio ivisset aliquo, quo pedibus ire poterat ; tertio, quod vel uno die mansisset intestatus in hac tam brevi, fragili incertaque vita : hoc de S. Augustino ferunt, eum tribus s. maxime delectatum, tria hæc unice optasse et desiderasse : primo, videre Christum in carne conversantem, secundo, cernere Romam in flore et pristino imperii splendore triumphantem ; tertio, audire Paulum in sede et cathedra fulminantem.

Gato de tribus dolat.

Augustinus tria optavit.

De hisce tribus S. Augustini votis Ravisius, Lipsius et alii plures scripserunt. Sane si scripta Pauli et oratio mortua tantam vim habet ad animos legentium et audientium commovendos: quid fieret, si non Demosthenem, ut Æschines, sed Paulum audisses viva voce et spiritu sua verba resonantem? Potuit una Paulina vox lecta Augustinum convertere; quid fecisset integra vivaque oratio? Narrat ipse Augustinus, lib. VIII *Confess.*, cap. II, animi sui æstum et duellum, cum hinc in hæresi et libidine retineretur vinculis inolitæ consuetudinis et voluptatis, inde metu, gratia ac inspiratione Dei retraheretur, audisse se vocem inclamantem: «Tolle, lege: Tolle, lege;» apparuisse mox librum, ac Deo regente, oculos subito coniecisse in illud Pauli, *Roman.* XIII: «Non in comessionibus et ebrietatibus, non in cubilibus et impudiciis, non in contentione et emulatione; sed induimini Dominum Jesum Christum.» Qua sententia quasi fulmine iotus Augustinus litem diremit, et ab hæresi ad fidem, a scortatione ad castitatem, non maritalem, sed religiosam, cælibem omnino et intactum ultro se transtulit, eamque illibatam constanter in omnem omnino vitam conservavit.

Augustini conversio debetur lectioni Pauli.

S. Joannes Chrysostomus Paulum assidue versabat, et ex eo tantus evasit ecclesiastes, ut Chrysostomus, puta os aureum, dici meruerit. Quare idem Chrysostomus ecclesiastæ futuro non alium magis quam Paulum legendum censet. Addo ego, ipsum etiam Chrysostomum, Pauli imitorem, eidem diligenter volvendum esse. S. Dominicus, illustris Prædicatorum Ordinis caput et fundator, dum suos ad id munus formaret et Prædicatores institueret, præ omnibus jussit, ut S. Scripturas et maxime S. Paulum assidue tererent. Ita Fratres ab eo missi ad prædicandum, sola Biblia, aut solas epistolas S. Pauli secum deferebant, indeque tanto spiritu concionabantur, ut plurimos converterent ad poenitentiam: quin et ipse Dominicus epistolas S. Pauli totas callebat et memoria tenebat. Atque, quod rarum est et memorabile, ipse S. Paulus apparuit S. Dominico, suum illi offerens librum ad concionandum; itaque eum quasi prædicatorem, et Prædicatorum magistrum, consecravit, uti refert auctor Vitæ ejus, lib. II, cap. I.

Similiter S. Thomæ Aquinati, S. Dominici alumno et discipulo atque Doctori Angelico, S. Paulus per noctem vigilanti et oranti apparuit eumque docuit, atque obscurum Isaïæ locum, qui plures dies eum torserat, cujusque explicationem multis jejuniis et orationibus a Deo postulaverat, explanavit, ut ipsemet socio et scribæ suo Reginaldo facilitatem dictandi insolitam advertenti, ab eo importunis precibus rogatus et pene coactus revelavit. Quocirca ea hora qua mortuus est S. Thomas in monasterio Fossæ novæ, F. Paulus Aquilinus insigni probitate et existimatione, in visione vidit illum Neapoli in frequenti

auditorio prælegentem, et S. Paulum cum multa Sanctorum frequentia ingredientem in scholas. Cum autem S. Thomas e cathedra descenderet, honoris causa in ejus occursum processurus; Apostolus jussit eum pergere in prælectione suscepta. Sciscitabatur vero ex illo S. Thomas, num probe assecutus esset mentem Epistolarum ejus. Apostolus respondit: «Quantum quidem assequi potest quispiam in mortali corpore.» Et subdidit: «At nunc tamen eo te perducturus sum ubi longe majori institueris cognitione et intelligentia.» Atque hæc dicens videbatur illum, apprehensa veste, secum e scholis educere. Tum vero F. Paulus Aquilinus cepit clamare fortiter: «Succurrite, Fratres, succurrite: en F. Thomas auferatur a nobis.» Ad quos clamores excitati Fratres quærebant ex eo, quidnam vidisset ita clamitans. Illo autem visionem omnem ordine referente, hora annotatur; et facta diligenti inquisitione animadversum est ea ipsa Doctorem sanctum excessisse e vivis. Ita ad verbum habet ejus Vita. Discant Scholastici a S. Thoma studere S. Paulo: ita pariter ejus lumen et opem, præsertim in hora mortis, experientur.

Jam vero eadem prædicandi energia in Paulo, multis aliis capitibus illustrior evadit. *Primo*, si spectemus inculta novalia, barbaras, inquam, gentes, quas ipse primus Evangelio subegit, erudit, excoluit, expolivit. «Sic, inquit ipse *Rom.* XV, prædicavi Evangelium hoc, non ubi nominatus est Christus, ne super alienum fundamentum ædificarem, sed sicut scriptum est: Quibus non est annuntiatum de eo, videbunt, et qui non audierunt, intelligent.»

Secundo, quod ipse amplissime Christi fidem a Jerusalem ad Illyricum usque, per omnes intermedias provincias propagavit. «Non audeo, inquit ibidem, aliquid loqui eorum quæ per me non efficit Christus in obedientiam Gentium, verbis et factis, in virtute signorum et prodigiorum, in virtute Spiritus Sancti: ita ut ab Jerusalem per circuitum usque ad Illyricum repleverim Evangelium Christi.» Inde ab Illyricum in Italiam et Hispaniam pergens, easdem aliasque provincias evangelizando peragravit. Imo vero S. Irenæus, lib. III, cap. I, disertè asserit Paulum una cum Petro Romæ evangelizasse, ac Romanam Ecclesiam (quæ caput et matrix est omnium Ecclesiarum) fundasse.

Denique tota Ecclesia Paulum quasi suum totiusque orbis doctorem colit et indigitat, atque antonomastice Apostolum nominat. Unde in Collecta de S. Paulo ita precatur: «Deus qui universum mundum S. Pauli Apostoli prædicatione docuisti.» Quare merito S. Paulum admiratur Chrysostomus, homil. 4 *De ejus Laudibus*: «Et enim, inquit, homo ignobilis (Paulus), abjectus, et circumforaneus, qui artem exercebat in pelli-bus, in tantum virtute progressus est, ut vix triginta annorum spatio Romanos et Persas et Par-

Vis prædicationis Pauli etiam colligitur: *Primo*, ex eo quod ipse us ad multos Evangelium detulerit.

Secundo, quod maxime distans regiones prædicando complexus sit.

Regiones a Paulo prædicante peragratæ.

Ecclesia Paulum singularem Apostoli nomine honorat.

Gentes a Paulo conversas brevi tempore.

thes et Medos et Indos et Scythas et Ethiopas et Sauromatas et Saracenos, et omne prorsus humanum genus sub jugum mitteret veritatis. »

Tertio, quod divini spiritus vehementia æstuarit. **Tertio**, ex sapientia et spiritu vehementi, quo afflatus et inflammatus Paulus ignes divinos ejaculabatur, eosque omnibus, etiam potentibus, principibus et sapientibus mundi aspirabat, et vel invitos accendebat, atque ad ecclestia rapiebat. « Sermo, inquit, noster non in persuasibilibus humanæ sapientiæ verbis, sed in ostensione spiritus et virtutis. » Diffiteri idipsum non potuit

Luciani de Paulo testimonium.

Lucianus Paulo cœvus, sed Pauli et Christianorum hostis et sannio, qui in *Philopatro* ita Paulum pingit et ridet : « Quando autem Galilæus ille recalvaster, naso aquilino, qui in tertium usque cœlum per aerem ingressus, quæ optima et pulcherrima sunt, inde didicit, per aquam nos renovavit, in beatorum vestigia insistere fecit, et ex impiorum regionibus nos redemit. » Beatus Cyrillus, lib. III *Dialogorum de SS. Trinitate*, Paulum « Christi promptuarium » appellat, ex quo scilicet quaslibet Christi opes et dotes depromere possimus. Idem, lib. III *Contra Julian.*, asserit Paulum a Juliano Apostata vocatum esse magum : cui ipse respondet, Paulum hactenus vocari posse magum, quod sapienter incantavit Gentiles, eosque ad Christum traxerit concinnitate et efficacia doctrinæ. Quo sensu Clemens Alexandrinus Christum vocat Pæonium medicum et incantatorem animarum.

Comparatio Pauli cum Eliseo.

De Elia ita scribit Ecclesiasticus, cap. XLVIII : « Surrexit Elias propheta quasi ignis, et verbum ipsius quasi facula ardebat. Qui dejecisti reges ad perniciem, et confregisti facile potentiam ipsorum, et gloriosos de lecto suo; qui audis in Sina iudicium, qui receptus es in turbine ignis, in curru equorum igneorum. » Talis fuit Paulus. Cum rapiendus esset Elias in cœlum, obsecrabat eum Eliseus : « Obsecro, inquit, ut fiat in me duplex spiritus tuus. » Obsecravit, et impetravit : « Cumque pergerent, et incedentes sermocinarentur, ecce currus igneus et equi ignei dividerunt utrumque, et ascendit Elias per turbinem in cœlum. » Eliseus autem videbat et clamabat : « Pater mi, (quo raperis? tu quies) currus Israel, et auriga ejus. » Pari modo Paulus quasi alter Eliseus, Christi Domini, quasi veri Eliæ, ascendentis in cœlum, duplicem videtur obtinuisse spiritum. E cœlo enim a Christo vocatus, imo ad cœlum raptus est Paulus; indeque radiat, quasi ignis, ut verbum ejus quasi facula arderet, ut merito illi pariter acclamare liceat : « Pater mi, currus Ecclesiæ, et auriga ejus : » tu solus universum orbem, quasi pater, charitatis visceribus, voce animoque complexus, tanquam auriga, Evangelii tui curru in cœlum subvaxisti.

Effecta prædicationis Pauli.

Hoc ipsum, imo amplius asserit Chrysostomus, homil. 4 *De Laudibus S. Pauli* : « Sicut, inquit, radii solis orientibus fugantur tenebræ, feræ latitant, recondunt se fures et latrones; sic præ-

dicatione fulgente et Evangelium disseminante Paulo, fugabatur error veritasque remeabat; idololatria, ebrietates, comessationes, stupra, adulteria, aliaque dictu fœda defecerunt atque consumpta sunt, instar cæræ ignis vapore pereuntis, et instar palearum, quæ subito cremantur incendio. »

CAPUT VI.

De S. Pauli martyrio.

Sexto, nobilis fuit Pauli mors et martyrium multis nominibus. **Primo**, quod illud constantissime subierit sub Nerone Cæsare, cujus crudelitas omnibus historiis celebratur. Rursum, quod Romæ passus sit in conspectu totius orbis. « Tunc, inquit Tertullianus, in *Scorpiaco*, cap. xv, Paulus civitatis Romanæ consequitur nativitatem, cum illo martyrii renascitur generositate. » Ad hæc, quod cum B. Petro, Apostolorum Principe, eodem anno et die occisus sit.

Nobilitas mortis Pauli.

Secundo, ex causa. Passim enim veteres tradunt Petrum et Paulum cum Simone Mago Romæ decertasse, ac de eo triumphasse, adeoque illum arte magica in cœlum evolantem suis precibus dejecisse, illique crura elisisse, ita ut sanguine ejus Nero, cui Simon ob magicas præstigias erat in deliciis, aspersus fuerit. Unde Suetonius; in *Nerone*, cap. XII, narrans a Nerone in theatro exhibitum spectaculum, quo Icarus hic exhibetur volatus, sic ait : « Icarus primo statim conatu juxta cubiculum ejus decidit, ipsumque cruore respersit. » Hæc de causa in Petrum et Paulum, quasi Simonis sui antagonistas, infensus Nero, eos ad necem persecutus est. Altera, et Paulo propria causa fuit, quam enarrat S. Chrysostomus, lib. I *Adversus Vituperat. vitæ monastica* : « Paulus, inquit, pellicam Neronis, quam ille deperibat, cum induxisset fidei ac religionis sacramenta suscipere, persuaserat una incestum illum impurumque congressum declinare; hæc ille crimina objectans, corruptoremque nequam, flagitiosum ac nebulonem Paulum vocitans, primum conjecit in vincula; cum vero ut puellæ ejusmodi monita atque consilia dare desineret; persuadere non posset, eundem necavit. » Pro castitate ergo æque ac pro fide Paulus martyr occubuit.

Causa mortis Pauli, quod una cum Petro Simonem Magum superavit.

Alteram mortis causam, quod pellicem Neroni detractam Christo et castimoniam adjunxit.

Tertio, quod Paulus, præcisa cervice, pro sanguine lac profuderit, symbolum utique innocentie et castitatis, pro qua tuenda moriebatur. Hujus rei certus testis est S. Ambrosius, *serm.* 68, cum ait : « De Pauli cervice, cum eam persecutor gladio percussisset, dicitur fluxisse lactis magis unda, quam sanguinis, et mirum in modum sanctum Apostolum baptismi gratia, in ipsa cæde extitisse splendidum potius quam cruentum. Quid enim mirum, si abundat lacte nutritor Ecclesiæ, sicut ipse ad Corinthios ait: Lac vobis

Et cervice Pauli decollati lac mazavit.

potum dedi? » S. quoque Chrysostomus, orat. in *Principes Apostolorum* : « Beatus, inquit, Paulus, cui caput ense præcisum est, vir, cujus laudes verbis exprimi nequeunt : at cujusmodi ensis illius guttur, Dominicum, inquam, instrumentum, cœlo suspiciendum, et terræ tremendum, pervasit? qualis locus tuum, Paule, sanguinem excepit, qui lacteus apparuit in ejus veste, qui te percussit : qui quidem sanguis barbaricum illius animum reddens melle dulciorem, ut ipsa una cum sociis ad fidem traduceretur, ita affect. » Nimirum in Paulo adimpletum est illud Jeremiæ : « Nazaræi ejus candidiores nive, nitidiores lacte, rubicundiores ebore antiquo, sapphiro pulchriores. »

In morte Paulicarnifices conversi: Quarto, quod, ut ait hic Chrysostomus, Paulus suos carnifices, sua lactea nece, ad Christi fidem converterit. Addit *Martyrologium Romanum*, Beda, Usuardus et alii, Paulum cum duceretur ad mortem, tres milites apparitores convertisse, puta Longinum, Acestorum et Megistum, ut habent acta SS. Nerei et Achillei, quos idem Nero martyrio affecti secunda julii; qua die eorum memoria in Menologiis et Ecclesia recolitur.

Resecti capitis saltus tres fontes elicit. Quinto, quod resectum Pauli caput tres in terra quasi saltus dedit, et quolibet saltu e terra fontem elicit, unum lactei, alios alterius saporis : cujus rei hanc dant causam, quod Pauli cervix recisa primo lac, deinde sanguinem dederit. Celeberrimus est hic Romæ locus trium fontium, qui omnium peregrinorum concursu visitur.

Memorable est quod Jacobus de Vitriaco Cardinalis scribit in *Vita S. Mariæ Oigniacensis*, lib. II, cap. XI, scilicet S. Stephanum e cœlis lapsum interfuisse martyrio S. Pauli, ejusque animam in cœlum transtulisse Deoque obtulisse : « Dicebat (S. Maria Oigniacensis rapta in exstasi), inquit, cum de B. Stephano profomartyre caneret, quem paradisi rosarium appellabat, illi sub mortem oranti Dominum, pro munere dedisse S. Paulum : et B. Paulo, peracto martyrio, e corpore excedenti S. Stephanum adfuisse, ejusque spiritum obtulisse Domino, atque dixisse : Domine, hoc ingenti et singulari munere tu me donasti : ego vero multiplici fructu auctum tibi illud reddo. »

Sepulcrum Pauli celebratur. Sexto, quod Pauli sepulcrum quasi nobilissimum victoriæ trophæum, totius orbis peregrinatione et Christianorum undequaque concursu celebratur uti pluribus dicam cap. VIII.

Ætas Pauli. Porro S. Chrysostomus, S. Pauli studiosissimus æque ac peritissimus, loco jam citato asseverat Paulum occubuisse anno ætatis suæ sexagesimo octavo : quare cum occubuerit anno Neronis 13, ut communior et verior habet Chronologorum sententia, sequitur eum occubuisse anno 34 a sua conversione, anno vero 36 a passione Christi : tot enim annos, scilicet 36, invenies, si ab anno Neronis 13 retrocedas, et computes ad annum Tiberii 18 quo passus est Christus : secundo au-

tem anno a passione Christi conversus est Paulus. Rursum, si Paulus conversus ad Christum 34 annos laboravit pro Evangelio, et anno ætatis 68 occubuit, sequitur eum ad Christum esse conversum pariter anno ætatis suæ 34, ut totidem annos vixerit post conversionem, quod ante : si enim duplices annos 34, conficies 68, quæ est integra ætas vitæ S. Pauli. Alii volunt Paulum conversum esse anno ætatis 25, eo quod a Luca vocetur adolescens in lapidatione S. Stephani. Verum pro *adolescens* græce est *νῆπιος*, id est juvenis, item homo audax, juvenili audacia et ferocia præditus, qualis erat Paulus anno ætatis 34. Quæ fuerit Pauli forma et statura, dicam II *Corinth.* x, 10.

Præterea quod scribit Nicephorus, lib. II, cap. xxxvi, Paulum tertia die e martyrio Neroni, uti ei prædixerat, apparuisse in visione, eique professum esse non esse aliam viam ad salutem, quam fidem in Jesum Christum : eaque visione mire consternatum fuisse Neronem. Porro de loco sepulcri S. Pauli divinitus designato, deque Orientalibus ejus corpus asportare volentibus, per tonitrua et fulgura deterritis, audi S. Gregorium, lib. III, *epist.* 30 : « De corporibus vero beatorum Apostolorum quid ego dicturus sum, dum constet quia eo tempore quo passi sunt, ex Oriente fideles venerunt, qui eorum corpora sicut civium suorum repeterent? Quæ ducta usque ad secundum urbem miliarium, in loco qui dicitur Catacumbas, collocata sunt. Sed dum ea exinde levare omnis eorum multitudo conveniens niteretur, ita eos vis tonitruum atque fulguris nimio metu terruit atque dispersit, ut talia denuo nullatenus attentare præsumerent. Tunc autem exeuntes Romani, qui hoc ex Domini pietate meruerunt, eorum corpora levarunt, et in locis quibus nunc sunt condita, posuerunt. »

Denique locus martyrii Pauli post eum ita nobilitatus est, ut plurimi Martyres ibidem cæsi sint, fueritque quasi communis Christianorum laniena, ut jure Martyrium nuncupari possit. Avebant Christiani ibidem sanguinem profundere, ubi Paulus eorum doctor suum profuderat. Ut alios taceam, ibidem S. Zeno dux cum decem millibus militum, gloriosum pro Christo agonem et mortem obiit. Cum enim Diocletianus et Maximianus eos, quia Christiani erant, ad lutum, lapides et lateres convehendos in fabricam thermarum suarum damnassent; ea consummata, timentes ne ob numerum seditionem concitarent, omnes ad Aquas Salvias duci et capite plecti jusserunt. Celebrat Ecclesia eorum diem natalem in *Martyrologio* 9 julii. Quocirca ibidem locum monasterio suis adaptando delegit, et a Pontifice dono accepit S. Bernardus, in eoque primum Abbatem creavit eum, qui postea Summus Pontifex creatus, Eugenius III appellatus est, ad quem et scripsit libros *De Consideratione*. Hic itidem vidit S. Bernardus, quasi alter Jacob, scalam as-

Tempus conversionis S. Pauli.

Corpus sancti Pauli ad Catacumbas fulminis rotantam.

cedentium angelorum et descendentium : nimirum angeli tuentur locum, ubi Angelus ille coelestis potius quam terrestris, puta S. Paulus, corpus pro Christo exiit, ac ad angelose volavit. Loco ergo hoc civis sui, qui tot angelicos effecit homines, jure delectantur, et ad eum visendum colendumque, S. Bernardum omnesque Christianos invitarent et invitant, in cujus rei memoriam ibidem sacellum ædificatum est, quod Scala cœli appellatur : ubi pro animabus e Purgatorio liberandis, Pontifices amplas indulgentias concesserunt. Hæc omnia templum, imo tria templa visitantibus, et tabellas juxta altare, in quibus hæc omnia descripta sunt; æque ac Annales Romanos legentibus, notissima et certissima sunt. Tribus enim templis locus hic S. Pauli decoratus et consecratus est : primo, S. Pauli ; secundo, S. Vincentii et Anastasii ; tertio, quod dicitur *Scala cœli*, ob visionem S. Bernardi quam jam recensui. Omitto basilicam imperatoriam, quam Constantinus Magnus non longe a loco martyrii, in honorem S. Pauli ædificavit, in qua corpus S. Pauli a S. Sylvestro Pontifice conditum est, de qua cap. viii.

CAPUT VII.

De miraculis S. Pauli.

Septimo, miraculis maximis et plurimis Paulus excelluit. Pauca ex iis recenset Lucas in Actis; sed multa ex iis verbo perstringit dicens *Actor. xix, 11* : « Virtutesque non quaslibet faciebat Deus per manum Pauli : ita ut etiam super languidos deferrentur a corpore ejus sudaria, et semicinctia, et recedebant ab eis languores, et spiritus nequam egrediebantur. » Addit Chrysostomus, hom. 8 in *epist. ad Rom.*, Paulum sua umbra non tantum morbos, æque ac Petrum depulisse, sed etiam mortuos suscitasse.

Umbra
Pauli
mortuos
suscitavit.

Linguarum dono eminuit Paulus : licet enim illud in Pentecoste, utpote necdum conversus, cum cæteris Apostolis non acceperit, tamen postea speciatim a Christo infusus adeptus est : hoc enim illi, qui omnium gentium futurus erat doctor, necessarium erat ad evangelizandum tota Syria, Asia, Græcia, Macedonia, Achaia, Italia, Hispania. Unde ipse, I *Corint. xiv, 18* : « Gratias, inquit, ago Deo meo, quod omnium vestrum lingua loquor. »

Lingua
donum
in Paulo.

Prophetiæ spiritus major fuit in Paulo : Christus enim qui Paulum primo sua præsentia convertit, *Actor. ix*, eum deinde per omnem viam et vitam ita direxit, ut non tam Paulus, quam Christus per Paulum omnia gessisse videatur. Ita Troade in Macedoniam per visionem eum evocavit, *Actor. xvi, 9* : « Visio, inquit Lucas, per noctem Paulo ostensa est : Vir Macedo quidam erat stans, et deprecans eum, et dicens : Transiens in Macedoniam adjuva nos ; ut autem visum vidit, statim quesivimus proficisci in Macedoniam, certi

Prophetiæ
spiritus.

facti quod vocasset nos Deus evangelizare eis. » Christus vero ita frequens apparuit Paulo, ut illi familiaris, in graviore quolibet casu occurreret et assisteret. Ita, *Actor. xviii, 9*, Corinthi per visionem dixit Paulo : « Noli timere, sed loquere, et ne taceas ; propter quod ego sum tecum : et nemo apponetur tibi ut noceat te ; quoniam populus est mihi multus in hac civitate. » Ita Christo monente et adjuvante, periculum et insidias Judæorum Hierosolymæ evasit, *Actor. xxii, 17* : « Factum est, inquit ipse, revertenti mihi in Jerusalem, et oranti in templo, fieri me in stupore mentis, et videre illum dicentem mihi : Festina, et exi velociter ex Jerusalem : quoniam non recipient testimonium tuum de me. Vade quoniam ego in nationes longe mittam te. » Rursum, *Actor. xxiii*, cum Hierosolymæ captus esset Paulus, « nocte assistens ei Dominus ait : Constans esto ; sicut enim testificatus es de me in Jerusalem, sic te oportet et Romæ testificari. »

Christus
Paulo ap-
paruit
familia-
riter.

Christus
Paulum
monet.

Pari modo in naufragio Adriatico, submisso angelo affuit ei, eumque, et propter ipsum 276 animas certo mortis periculo liberavit, *Act. xxvii, 22* : « Nunc, inquit ipse, suadeo vobis bono animo esse : amissio enim nullius animæ erit ex vobis, præterquam navis. Astitit enim mihi hac nocte angelus Dei, cujus sum ego, et cui deservio, dicens : Ne timeas, Paule, Cæsari te oportet assistere : et ecce donavit tibi Deus omnes qui navigant tecum. » Sic cum sisteretur quasi reus Neroni, II *Timoth. iv, 16* : « In prima, inquit, mea defensione nemo mihi affuit, sed omnes me dereliquerunt. Dominus autem mihi astitit et confortavit me, ut per me prædicatio impleatur, et audiant omnes gentes : et liberatus sum de ore leonis. »

Naufraga-
nti
Paulo
adest an-
gelus.

Quid multa ? unicus ille raptus in tertium cœlum, quem soli Paulo, nulli alteri Apostolorum vel Prophetarum, concessum legimus, luculentum perhibet testimonium prophetis et extasibus Pauli. Rursum, plures alias revelationes habuisse Paulum, easque pressisse silentio, manifestum est ex eo quod ipse ait II *ad Corinth. xii, 1* : « Veniam ad visiones et revelationes Domini. » Et post enarratum sui raptum : « Si, inquit, voluero gloriari, non ero insipiens : parco autem, ne quis me existimet supra id quod videt in me ; et ne magnitudo revelationum extollat me, datus est mihi stimulus carnis meæ, angelus Satanae, qui me colaphizet. »

Raptus
in ter-
tium cœ-
lum.

Revela-
tiones
Paulo
factæ.

Mortuos suscitavit Paulus, uti Eutychum adolescentem illum, *Act. xx*, qui in concione Pauli indormiens, lapsusque ex alto expiravit. Super quem Paulus incumbens eumque complexus dicit : « Nolite turbari, anima enim ejus in ipso est. » De suis hisce miraculis scribens I *ad Thesalonicensenses* Paulus, statim initio : « Evangelium, inquit, nostrum non fuit ad vos in sermone tantum, sed et in virtute, et in Spiritu Sancto, et in plenitudine multa. » Et II *Cor. xii, 12* : « Signa :

Mortuos
suscitavit.

inquit, apostolatus mei facta sunt super vos, in omni patientia, in signis, et prodigiis, et virtutibus. » Mox ut a Spiritu Sancto Paulus segregatus, designatus et missus est evangelizare Gentibus, cum Paphum pervenisset, primum edidit miraculum, quo suam vim et potentiam non tantum in homines, etiam magos, sed vel maxime in dæmones ostendit, eosque subegit et compescuit. Elymam magum, qui Paulum Proconsulem a fide avertebat, intuens Paulus dixit : « O plene omni dolo et omni fallacia, fili diaboli, inimice omnis justitiæ, non desinis subvertere vias Domini rectas. Et nunc ecce manus Domini super te, et eris cæcus, non videns solem. Et confestim cecidit in eum caligo et tenebræ, et circuiens quærebat qui ei manum daret. Tunc Proconsul credidit, admirans super doctrina Domini, » Act. xiii, 10.

Primo
Pauli
miraculo
victus
Elymas
taagus.

Lycaonii vero videntes miracula Pauli, stupefacti exclamaverunt eum esse Deum, Act. xiv. Pari modo Melitenses, cum vipera invasisset manum Pauli, Act. xxviii, putarentque eum mox veneno ejus inflandum et enectum iri, videntes eum viperam excutere nihilque ab ea lædi, dicebant eum esse Deum et inviolabile numen.

Viperam
illæsus o
manu ex-
cutit.

Atque hic adverte memorabile continuumque miraculum, quod Deus insulæ Melitæ, sive Maltæ, ab eo tempore ob S. Pauli merita concessit; ut scilicet in ea insula serpentes et scorpiones, qui alibi sunt lethales, Pauli munere sint innoxii; adeoque ut quævis animalia venenata, etiam aliunde transportata, venenum in Melita ponant nocendique facultate destituantur; quin et glebæ ejusdem insulæ contra venena antidotum præbeant, quam insulani gratiam sancti Pauli nominant, qua Paulus sinistram, quam de eo quasi scelerato, quod a vipera invaderetur, opinionem conceperant Melitenses, in perpetuum abolevit, atque hospitii sui benevolentiam compensavit : nam ante hoc Pauli factum viperas aliosque serpentes in Malta, æque ac alibi noxios fuisse, patet ex eo quod insulani putabant Paulum a vipera correptum, mox extinguendum esse. Ita mihi Romæ narrarunt et asseverarunt nostri Patres Siculi, addentes hanc vim maxime sentire in gleba, et frustis lapidis decisis ex carcere Melitensi, in quo transiens hospitatus fuit S. Paulus : quocirca eadem Romam afferuntur et distribuuntur, uti et mihi ab iisdem pars istius lapidis candidi instar cretæ, distributa et donata fuit.

Addit Alanus Copus, *Dialog. III*, cap. xxviii, eos quos nasci contingit in festo Conversionis S. Pauli, puta 25 januarii, quæcumque eos orbis pars in lucem proferat; non horrere nec formidare angues; imo, quod majus est, sola saliva horum morsibus mederi. Idem asseverat, et ex certa experientia confirmat vir egregie doctus et exactus, Thomas Fazellus, *De Rebus Siculis*, decade I, lib. I, cap. i. Est genus hominum, qui se de cognatione Pauli temere et falso venditant; hi quoque angues contrectant, nec ab eis læduntur;

Nati in
festo Con-
versionis
sancti
Pauli ve-
nenatis
meden-
tur mor-
sibus.

verum compertum est istos contra angulum morsum antidotis efficacibus se præmunire.

Porro ostenta et prodigia a Paulo post mortem multa sunt edita. Pauca e multis afferam. S. Paulus cum S. Petro apparens Constantino Magno Imperatori curationem a lepra ei promisit, si curaret se baptizari a S. Sylvestro, et superstitionem omnem abjiceret, ac Christo templa ædificaret. Fecit imperata Constantinus, promissum præstitit Paulus, eumque sanum et purum sibi et suis restituit. Quare Constantinus insignem basilicam in gratiarum actionem nomine S. Pauli erexit. De qua cap. viii. Ita ex monumentis Romanæ Ecclesiæ narrat Baronius in gestis Constantini.

S. Ambrosius, lib. VII, *epist.* 53, narrat sibi vigilantem apparuisse S. Paulum, et revelasse corpora SS. Gervasii et Protasii martyrum, dicendo : « Isti sunt qui monitis meis obtemperantes, prædia et divitias respuentes, secuti sunt Domini Jesu Christi vestigia, nihil terrenum, nihil carnale concupiscentes, in media hac Mediolanensi urbe per decem annos in Dei servitio perdurantes, ad hoc perungere meruere, ut Christi martyres fierent. Quorum corpora in eo loco invenies, in quo stas et oras. Duodecim pedum altitudine terra cooperta arcam invenies, quam arcam superius exaltabis, et in nomine eorum ecclesiam fabricabis. » Quæ omnia reipsa explesse se narrat S. Ambrosius.

Insigne est quod refert S. Gregorius, lib. III *Dialog.*, cap. xxix, de quodam Ariano Episcopo templum S. Pauli invadente, ab eo excæcato : « Cum ad Spoletanam, inquit, urbem Longobardorum Episcopus (scilicet Arianus) venisset, et locum illic ubi solemnities sua ageret, non haberet, cepit ab ejus civitatis Episcopo ecclesiam petere, quam suo errori dedicaret. Quod dum valde Episcopus negaret, idem qui venerat Arianus beati Pauli Apostoli ecclesiam illio cominus sitam, se die altero violenter intraturum esse professus est. Quod ejusdem ecclesiæ custos audiens festinus cucurrit, ecclesiam clausit, seris muniivit. Facto autem vespere lampades omnes exstinxit, seque in interioribus abscondit. In ipso autem subsequenti lucis crepusculo Arianus Episcopus collecta multitudine advenit, clausas ecclesiæ januas effringere paratus : sed repente cunctæ simul portæ divinitus concussæ, abjectis longius seris, apertæ sunt, atque cum magno sonitu omnia ecclesiæ claustra patuerunt. Effuso desuper lumine, omnes quæ extinctæ fuerant lampades, accensæ sunt. Arianus vero Episcopus, qui vim facturus advenerat, subita cæcitate percussus est, atque alienis jam manibus ad suum habitaculum reductus. Quod cum Longobardi in eadem regione positi omnes agnoscerent, nequaquam ulterius præsumperunt Catholica loca temerare. Miro enim modo res gesta est, ut quia ejusdem Ariani causa lampades in ecclesia beati Pauli fuerant extinctæ, uno eodemque tempore et ipse

lumen perderet, et in ecclesiam lumen rediret. »

B. Gregorius Turonensis, lib. *De Gloria Martyrum*, cap. **xxix**, narrat quemdam ex desperatione violentem se strangulare, ac opem S. Pauli implorantem, ab eo fuisse liberatum, mentique et vitæ meliori redditum.

Alberto Magno torquenti se in quibusdam locis difficilibus S. Dionysii *De Ecclesiæ Hierarch.*, cum ea elucidare non posset, apparuit per visionem S. Paulus quasi Missam celebrans, ac post Missam duxit Albertum ad aquas profundas instar illarum Ezechielis, cap. **xlvi**, vers. **3**, et ad domum Aaronis; cumque, eo aquas sicco pede transeunte, Albertus ab eo invitatus sequi, easque tranare non posset, evigilavit, ac resolutionem dubiorum suorum, mentem Apostolo illustrante accepit, uti ipsiusmet Alberti verbis narrat Ludovicus Castiglius, gravis auctor, in *Historia Ordinis S. Dominici*, part. **I**, lib. **III**, cap. **xlvi**. Illustra et mentem meam, o S. Paule, ut profundum hoc mare tuum, et S. Scripturæ oceanum intelligendo et explicando, penetrare ac permeare valeam.

De reliquiis S. Pauli missis in Gallias, quarum ope navigantes evaserunt naufragium, narrat idem Gregorius Turonensis, *De Gloria Martyrum*, cap. **lxxxiii**. Quin et catenæ et carcer Apostolorum etiamnum miraculis coruscant. Catenæ S. Petri integræ visuntur in basilica quam in earum honorem augustam extruxit Eudoxia Imperatrix. Sane sapius eas vidi et collo imposui, ac semper ingenti devotionis et dulcedinis internæ spiritu perfundi me sensi. Catenarum S. Pauli, uti et scipionis, sive baculi ejus viatorii pars ostenditur in basilica S. Pauli, ipso conversionis ejus die. Carcer Mamertinus ad radices Capitolii, in quem a Nerone conclusi fuere Petrus et Paulus, nunc in sacellum conversus, quotidie ab indigenis, uti et a Romipetis, ingenti concursu et veneratione visitur, ac spirat afflatque devotionem. Exstat in eo etiamnum aqua et fons quem S. Petrus orans per miraculum elicit, ut S. Processum et Martinianum, custodes carceris, a se conversos, baptizaret: ex quo quotidie hauriunt peregrini, ac a febribus aliisque morbis liberantur.

Imago Pauli lacrymata. Memorat Nicetas, lib. **I**, Andronicum Comnenum Imperatorem S. Paulo auream erexisse imaginem, in templo quadraginta Martyrum, eamque ante mortem Andronici, quasi eam portenderet, lacrymatam esse; tesserunt famuli lacrymas imaginis: illa uberiores profudit, quasi vivens in ea Paulus, ex visceribus misericordiæ, Imperatoris in se pii, licet alias impii, necem doleret et fleret.

CAPUT VIII.

De S. Pauli fama et gloria.

Octavo, quanta sit et fuerit Pauli fama et gloria, colligi potest, primo, ex iis quæ hactenus dicta

sunt; secundo, ex eo quod, sicuti Moses Judæorum, ita Paulus Gentium habitus et vocatus sit legislator et doctor; tertio, quod Petrus et Paulus censeantur duo Ecclesiæ principes. Unde S. Augustinus, lib. *De Consensu Evangel.*, cap. **x**, affirmat olim moris fuisse, ut in qua tabula Christi effigies picta extaret, in eadem hinc inde Petrus et Paulus, quasi Apostolorum duces, appingerentur. Sic etiamnum videmus in altaribus Paulum Petro appingi, idque a dextris Petri, cujus rei varias causas afferunt illustrissimi Cardinales Bellarminus et Baronius.

Pulchre Venantius Fortunatus, lib. **III Carm.**, Paulum cum Petro ita comparat et combinat :

Petrus et Paulus conjuncti passim.

Comparatio Petri et Pauli.

Cælorum portæ, lati duo lumina mundi,
Ore tonat Paulus, fulgurat arce Petrus.
Inter Apostolicas radiant luce coronas
Doctior hic monitis, celsior ille gradu.
Corda per hunc hominum reserantur, et astra per illum :
Quos docet ille stylo, suscipit ille polo.
Pandit iter cælis hic dogmate, clavibus alter
Est via cui Paulus, janua fida Petrus.
A facie hostili duo propugnacula præsent,
Quos fidei turres Urbs, caput orbis, habet.

Unde S. Leo loquens de SS. Petro et Paulo, *serm. 4* : « Duo, inquit, ista præclara divini germina seminis, in quantam sobolem germinarint, beatorum millia Martyrum protestantur, qui Apostolicorum æmuli triumphorum, urbem nostram purpuratis et longe lateque rutilantibus populis ambierunt, et quasi ex multarum honore gemmarum conserto uno diademate coronarunt. » Et de iisdem inferius : « In horum excellentia Patrum merito est excellentius gloriandum, quos gratia Dei in tantum apicem, inter omnia Ecclesiæ membra provexit, ut eos in corpore, cui caput est Christus, quasi geminum constituerit lumen oculorum : de quorum meritis atque virtutibus, quæ omnem loquendi superant facultatem, nihil diversum, nihil debemus sentire discretum; quia illos et electio pares, et labor similes, et finis fecit æquales. »

Et S. Chrysostomus, hom. **32 in epist. ad Rom.** : Roma a S. Chrysostomo amata et æstimata propter Paulum. « Ego, inquit, Romam propterea diligo, tametsi et aliunde eam laudare queam, nempe a magnificentia, ab antiquitate, a pulchritudine, a divitiis, a beilis et triumphis. Sed relictis omnibus illis, ob id illam beatam prædico, quod erga illos Paulus, dum viveret, adeo fuit benevolus, adeo illos amavit, coram disseruit, et postremo vitam finivit. Unde et civitas ista hinc facta est insignis, plusquam a reliquis omnibus, et sicut corpus magnum ac validum duos habet oculos illustres, Sanctorum videlicet illorum corpora. Non ita cælum splendescit, quando radios suos sol ex sese dimittit, sicuti Roma duas illas lampades ubique terrarum effundens. Considerate quale spectaculum visura sit Roma in resurrectione : hinc rapietur Paulus, inde Petrus in occursum Domini. Propterea celeberrima hanc urbem, non

propter copiam auri, non propter columnas, neque propter aliam phantasiam, sed propter columnas illas Ecclesiae. »

Reliquiarum Pauli cultus. Chrysostomus dedit videre et venerari sepulcrum Pauli. *Quarto*, quod ad Paulum Paulique sacras reliquias venerandas, e toto orbe Christiani Romam confluant. Audi rursum Chrysostomum, hom. jam citata, ad Pauli sepulcrum suspirantem : « Quis mihi nunc dabit circumfundi corpori Pauli, affigi sepulcro, videre pulverem corporis illius quæ adhuc in Christo deerant implentis, stigmata illius gestantis, prædicationem Evangelii ubique seminantis, pulverem, inquam, oris illius, per quod Christus locutus est. » Et paulo post : « Vellem videre sepulcrum, quo recondita sunt arma justitiæ, arma lucis, membra nunc viventia, tunc vero cum in hac vita essent, mortua. »

Imperatores Petri et Pauli sepulcra venerantur. Testatur S. Augustinus, serm. 28 *De Sanctis*, sub fine, et *epist.* 42, quod Christiani imperatores redita jam pace Ecclesiae, ad sepulcra hæc Petri et Pauli se venerabundi abjiciant, et ibi radient gemmæ diadematis, ubi fulgent beneficia flectentibus genua concessa. « Nam et ipse ille, inquit Augustinus, purpura indutus peregre proficiscitur sepulcra illa complexurus, et fastu deposito contingit Sanctos, rogans ut sibi apud Deum patrocinentur; et tabernaculorum opificem et piscatorem patronos, etiam mortuos, deprecatur ille diadema gestans. » Ita Galla Placidia, Theodosii imperatoris uxor, *epist. ad Pulcheriam Augustam* scripta, testatur se Romam ivisse non aliam ob causam, quam ut sacra Apostolorum limina viseret et veneraretur. Idem fecerunt alii reges et principes.

Reges. Unde S. Chrysostomus, hom. *Quod Christus sit Deus* : « Relictis, inquit, omnibus, ad sepulcra piscatoris et pellionis (scenoepi Pauli) currunt et reges et præsidēs et milites. Et in Constanti-nopoli reges nostri magnam gratiam putant, si non prope Apostolos, sed si vel extra eorum vestibula, corpora sua sepeliantur. » Et in II *ad Timoth.*, hom. 4 : « Nullus, inquit, ex Romanis regibus tanto in honore fuit, quanto hic est (Paulus); cæterum Imperator foris alicubi jacet abjectus : hic autem velut vivens et regnans medium urbis tenet; longe Imperatore clarior est et honoratior pellium sutor. » Quinimo, vigente et fervente persecutione, hæc sepulcra ex Oriente et Occidente, etiam cum capitis periculo, adibant certatim Christiani. Ita ex Perside venisse constat Martham, Marium et Audifacem temporibus Claudii Imperatoris ad limina Petri et Pauli, atque suæ peregrinationis præmium retulisse martyrium, quorum dies natalis sacris fastis ascriptus, in Ecclesia recolitur 19 januarii.

Christiani aulici.

Porro solent fideles ad sepulcra SS. Petri et Pauli venerabundi, plane in terram se prosternere, pavementum osculari, et toto quasi corpore proni eis supplicare. Neque id soli plebei faciunt, sed et viri graves ac Prælati : uti Cardinalem Baronium quotidie ea visitasse, ac supplicem

toto corpore procubuisse humum deosculando vidit et laudavit tota Roma. Neque id recens et novum : vetus fuit ille fidelium mos. Romipetæ enim in terram precipitui, limina Apostolorum osculabantur. Ita Prudentius in hymno S. Laurentii canit :

Apostolorum ac Martyrum
Exosculantur limina.

Et in hymno S. Hippolyti :

Oscula perspicuo figunt impressa metallo.

Sidonius Apollinaris, lib. I, *epist.* 5, de se ita scribit : « Triumphalibus Apostolorum liminibus affusus, omnem protinus sensi membris male fortibus explosum esse languorem : post quæ cœlestis experimenta patrocinii, conducti diversorii parte susceptus, » etc. Idipsum docet S. Chrysostomus loco citato; quin et hom. 30 in *epist.* II *ad Corinth.*, ait fideles solere januas et vestibula templi deosculari; et Cassiodorus, *Histor. Tripart.*, lib. IX, cap. xxx, et Fortunatus, lib. IV *De Vita sancti Martini* :

Rursus Apollinaris pretiosi limina lambe,
Fusus humi supplex.

Et Arator, *Histor. Apost.*, lib II, agens de Philippensi templo in honorem S. Pauli :

Quam bene carcer erat : tota concurrat urbe,
Qui primus nova tecta petat, quive oscula ligat
Postibus, et tacta sacretur parte cylindri.

Petrus Arvernus Venerabilis, lib. I *De Ecclesiis*, agens de liminibus Apostolorum : « Ab eisdem, ait, fidelibus dulcissime ac devotissime deosculantur. » Causam dat S. Hieronymus scribens nomine Paulæ et Eustochii ad Marcellam : quia in his « Petrus et Paulus, Christiani exercitus duces, sanguinem fudere pro Christo. » Quin et Paganos in gravi clade aut causa idipsum facitasse docet Arnobius, lib. I : « Cum per omnia supplices irent templa, cum deorum ante ora prostrati, limina ipsa converrerent osculis. » Et Tibullus :

Non ego, si merui, dubitem procumbere templis,
Et dare sacratis oscula liminibus.

Audi quid S. Gregorius scribat, lib. III, *epist.* 30, Constantiæ Augustæ, quæ in honorem S. Pauli ecclesiam in palatio ædificaverat, ad eamque reliquias S. Pauli sibi mitti petebat : « Corpora, inquit, S. Petri et Pauli tantis in ecclesiis suis curescant miraculis atque terroribus, ut neque ad orandum sine magno illuc timore possit accedi. Ego ad sacratissimum corpus S. Pauli aliquid meliorare volui; et quia necesse erat, ut juxta sepulcrum hujusmodi effodi altius debuisset, præpositus loci ipsius ossa aliqua, non quidem eidem sepulcro conjuncta, reperit : quæ quoniam levare præsumpsit, atque in alium locum trans-

Miracula ad reliquias S. Pauli.

ponere, apparentibus quibusdam tristibus signis, subita morte defunctus est. » Subdit S. Gregorius Orientales fideles voluisse tollere corpora SS. Petri et Pauli; sed per fulmina fuisse dispersos, uti cap. VII recensui, unde concludit: « Quis ergo nunc, serenissima Domina, tam temerarius possit existere, ut hæc sciens, eorum corpora non dico tangere, sed vel aliquatenus præsumat inspicere? » Denique ne Augustam vacuum dimittat: « De catenis, inquit, quas ipse S. Paulus collo et in manibus gestavit, ex quibus multa miracula in populo demonstrantur, partem aliquam vobis transmittere curabo, si tamen hanc tollere limando prævaluero. »

Basilicæ S. Pauli Quinto, Constantinus Imperator basilicam S. Paulo Apostolo, ex suggestione S. Sylvestri, inter viam Ostiensem et Tiberim erexit, et sanctum ejus corpus ita recondidit in ære et conclusit, sicut condiderat S. Petri in ejus basilica; atque ingentia eidem dona obtulit, quæ recenset Baronius anno Christi 324, p. 214 et 206. Imo, ipsemet Constantinus, epist. ad Cathol., quæ habetur tom. I Concil., ait se corpora Apostolorum Petri et Pauli in electro conclusisse: « Quia, inquit, electro nulla prævalet materia elementorum. » Unde Plinius asserit electrum esse pretiosius auro. Hanc basilicam postea Valentinianus Junior imperator amplissimam effecit anno Christi 386: exstat Valentiniani hac de re rescriptum ad Sallustium, præfectum Urbis, lib. II De Decur. urb. Roman., Cod. Theodos. Eamdem basilicam in expugnatione Romæ venerati sunt Gothi, ut eo confugientibus pepercerint: imo ipsimet Gothi S. Marcelлам ejusque filiam Principiam, sanctissimas feminas atque cognatas, ad S. Pauli basilicam perduxerunt, ut custodirentur intactæ, uti refert S. Hieronymus, epist. 145 ad Principiam. Eadem basilica postea magnis donis ornata est a S. Gregorio et a Sergio Pontifice, qui et hospitium S. Pauli Romæ in ecclesiam convertit: quæ etiamnum exstat estque vicina Collegio nostro Romano, ut multum mihi gratuler, quod in vicinia S. Pauli habitem, eumque assidue cominus quasi intuear; ac vocatur « ecclesia Beatæ Mariæ in via lata. » Plurima alia magnificentissima templa in Italia, Hispania, Germania, Gallia, Anglia, Belgio et aliis provinciis in honorem S. Pauli edificata scimus.

Quin in S. Pauli memoriam, et trophæa mox a martyrio fuisse erecta, puta ecclesiam ab Anacleto Pontifice, eamque sævientibus persecutionibus perdurasse, magisque inclaruisse, docet ex Eusebio et aliis Baronius anno Christi 106, in fine. Ex tot etiam priscis principum Romanorum titulis et trophæis, Dei providentia factum est, ut duæ ingentes columnæ marmoreæ remanserint, Antonini Imperatoris una, altera Trajani, utriusque victoriis et triumphis incisæ et cælatæ, quibus duæ Ecclesiæ columnæ a Sixto V Pontifice imponerentur. Itaque columnæ Antonini et Trajani

ex aurichalco coruscus insistent S. Paulus, Trajani S. Petrus. Utraque adeo est illustris, ut in orbe nihil sit simile, sive materiam spectes, sive altitudinem (Trajani enim est 128 pedum), sive cælaturam, sive amplitudinem, sive cochleam, quæ ab imo ad culmen per 183 gradus introrsum ascenditur; sive culminis coronicem ejusque peribolum et cancellos, quæ tam vasta sunt, ut plures simul circumeirca inambulare et libere exspatiari possint. Pari modo obeliscus Augusti Cæsaris S. Petro cessit, ac hodie ante ejus basilicam erectus instar trophæi vel pyramidis triumphalis consistit: unde a civibus D. Petri *Aguglia* nuncupatur. Ita S. Petrus Augustum et Trajanum, S. Paulus Antoninum suo solio dejecit. Nam et hic Antonino cognomento Pio, revera impio, in immensum fuit pientior; et ille Trajano fuit melior, Augusto felicior. Nimirum hæc sunt duæ columnæ, *Iachin* et *Boos*, quas Salomon ante templum erexit, III Reg. VII, 21. *Iachin* enim, id est directio et regimen, notat S. Petrum, Ecclesiæ principem et rectorem; *Boos*, id est fortitudo et fortis executio, notat S. Paulum, doctorem Gentium.

Denique S. Chrysostomus, hom. 8 De *Laudibus S. Pauli*, in fine tomi III, Paulum rerum gestarum gloria universos Patriarchas, Prophetas, Apostolos Sanctosque omnes antecelluisse asseverat. « Cui, inquit, te, o sancte Paule, justorum veteris vel novi Testamenti audeam comparare? Omnium quippe virtutem quasi in arca quadam, sed cum multo prorsus cumulo condidisti. Denique, etiamsi totum contra te aliquis sigillatim justorum appendat chorum, inveniet trutinam virtutum ponderibus a tua parte depressam. Paulus vere secundus Abel; verum non semel, sed per dies singulos immolatur: Paulus alter Noe, sed absque arca insurgentes adversus se undas impietatis enavigans: Paulus alter Abraham, non modo a patria vel gente, sed post vacationem suam, ab ipsa etiam vita prorsus abscessus: Paulus alter Isaac, sponte in hostiam colligatus: Paulus alter Jacob, quasi pro uno quodam totius mundi grege semper invigilans: Paulus alter Joseph, spirituali fame tabescenti mundo veritatis alimenta distribuens: Paulus alter Moses, qui omnes gentes a tyrannide diaboli reduxit ad Christum. » Non hic sistit S. Chrysostomus; audi plures et plura: « Paulus alter Aaron, totius mundi populis inunctus sacerdos: Paulus alter Phinees, impietatem Judæorum atque Gentilium, quasi fornicationem mentium uno fidei mucrone confodiens: Paulus alter David, qui velut quemdam Goliath in certamen diabolum provocat: Paulus alter Elias, clarius raptus in cælos: Paulus alter Eliseus, qui Gentes ab interiore lepræ pollutione purgavit: Paulus alter Ezechias, qui ad unam fidem Christi diversos populos attraxit: Paulus alter Josias, qui abominationes Gentilium dissipavit ac perdidit: Paulus alter Joannes, pro Christo capite trunca-

Gloria rerum a Paulo gestarum major quam reliqua omnium Sanctorum judicio Chrysostomi. Præferatur Abelo, Noe, Abraham, Isaac, Jacobo, Josepho, Mosi, Aaroni, Phinees, David, Elia, Eliseo, Ezechia, Josia, Joanni

Baptista. tus : Paulus alter Petrus, de cœlo vocatus ad
Petro, Evangelium : Paulus alter Gabriel, qui Christi
Gabrieli, ortum cunctis genibus nuntiavit : Paulus alter
Michaeli. Michael, qui Christianorum dux esse sortitus est.
 Etiam si angelorum, etiam si justorum hominum
 circumvolem choros, non invenio comparationem,
 cui non cumulo meritorum Paulus occurrat. »

ORATIO AUCTORIS

AD D. PAULUM

aspice nos ex alto, S. Paule : tu enim es deli-
 cium animæ nostræ. Suscipe has, exiguas licet,
 primitias operum nostrorum, imo tuorum, quas
 tibi toto animo offerimus et reddimus. Impetra

clienti tuo majorem indies sapientiam, lumen et
 gratiam, ut stadium hoc biblicum decurrere, et
 utrumque Testamentum a te toto orbe prædica-
 tum, tuamque ac Christi gloriam illustrare, ad
 sudore, quin et sanguine meo obsignare valeam.
 Hanc lauream, hanc unam laborum meorum om-
 nium mercedem, a te enixe efflagito. Fiat ita me,
 obsecro, hic spiritus tuus duplex. Da nobis quoque
 multos, si non Paulos, certe Paulinos, qui Bel-
 gium hocce nostrum, Hollandiam, Frisiam, Ze-
 landiam totumque septentrionem, quin et Indias,
 universumque orbem, quasi Soles, spiritu Apos-
 tolico illuminent, convertant et igne divino in-
 flamment ; atque in ultimo mundi die nos Christo
 nostro, cum magna fidelium messe sistas dicas-
 que : Ecce ego et pueri mei, quos dedisti mihi,
 Domine, in signum et portentum orbis

ARGUMENTUM

IN

EPISTOLAS S. PAULI.

Duplex objectum in genere spectant hæ epistolæ, doctrinam scilicet et mores Christianos : **Duplex** prior enim pars cujusque fere epistolæ dogmatica est, in qua res fidei docet Apostolus ; **epistola-** posterior ethica, in qua instruit mores fidelium, idque varie et mixtim, more epistolico, **ram D.** et more Hebræorum. Ubi nota *primo* : Res et mysteria fidei quælibet quidem docet hic **Pauli ob-** Paulus, maxime tamen tria inculcat, scilicet, *primo*, Christi œconomiam et gratiam, **jectum,** Christumque solum esse Redemptorem nostrum, a quo omnis gratia, justitia et salus **dogmati-** æterna petenda et exspectanda sit; *secundo*, judaismum et cæremonias Judaicas abrogatas **cum et** esse per legem novam Christi; *tertio*, cavendas esse hæreses jam tum suppullulantes, quas **ethicun.** sæpe hic perstringit et confutat. Missi enim sunt Apostoli post Christum, ut per orbem hæc de Christo Christique redemptione et salute promulgarent, explicarent, inculcarent, stabilirent, utpote nova omnia et orbi inaudita, necessaria tamen ad salutem.

Unde nota *secundo* : Quibusdam epistolis Paulus maxime judaizantes impugnat, et opera cæremoniasque non Christianas, sed Judaicas. Id facit epistola *ad Romanos*, *ad Galatas*, *ad Philippenses*, *ad Hebræos*. Aliis, hæreses nascentes evellit, puta Simonis Magi, cum sua sobole, id est Menandri, Saturnini, Basilidis, Gnosticorum, Carpocratis, quos etiam vivis coloribus depingit Judas et S. Petrus *epistola secunda*. Id facit epistola *ad Ephesios*, *ad Colossenses*, *ad Timotheum*. Reliquis privatim eos ad quos scribit, instruit, eorum dubia resolvit, eosque in fide et officio Christiano confirmat et perficit. Id facit epistolis *ad Corinthios*, *ad Thessalonicenses*, *ad Timotheum*, *ad Titum*, *ad Philemonem*. Hæc autem omnia præstat eximia et admirabili tum sapientia, tum efficacia et spiritu.

Nota *tertio*, hos hæreticos primævos, quos jam nominavi, coævos fuisse Apostolis. Nam **Quibus** Epiphanius, lib. I, *hæres.* 23, et Philastrius, *hæres.* 37, docet Cerinthum, qui illis fuit **epistolis** posterior, illam quæstionem de servandis legalibus Mosis simul cum christianismo movisse **in tauri-** Antiochiæ : cujus solvendæ causa coactum est primum Concilium Hierosolymitanum, **num et** *Actor. xv*; eundemque concitasse Hierosolymis seditionem in Paulum, quasi præputiatus **hæreses** adduxisset in templum : de qua *Actor. xxii*. Nec mirum, Cerinthum diu adhuc postea **impugnat** vixisse pervenisseque ad annum Christi 166, ut docet Cæsar Baronius. Nam et S. Polycarpus, Dionysius, Simeon, S. Joannes et alii ea ætate diu vixerunt. Paulus ergo adversus **Apostolus** errores horum Novatorum, nec non et Philosophorum ac Poetarum, ex quibus maxime **Quibus fidei** sua dogmata consarcinarat Simonis schola, scripsit epistolam *ad Ephesios*, *ad Colossenses*, **et mores** *ad Timotheum*, *ad Titum*. Unde facile intelligitur, quo sensu accipienda sint ea quæ de **docet?** cavenda philosophia, de falsa religione angelorum, de superstitioso delectu ciborum, deque horum similibus inculcat : videlicet eo sensu hæc accipienda esse, quo illa adstruebant Simoniani, ut suo loco demonstrabitur. Sicuti vice versa cum opera elevat Paulus, ut fidem Christi attollat, opera intelligit illa, quæ lex vetus dictabat et præscribebat, qualia jactabant Judæi, quasi suis lustrationibus, cæremoniis, sacrificiis justificarentur, nec indigerent fide, gratia, redemptione, Sacramentis et præceptis Christi.

Nota *quarto* : Posteriore epistolæ parte, Paulus virtutes Christianas et ethicam Christiana-

et ubi in
epistolis
Paulus
deceat
ethicam?

nam docet, non per continuos discursus et tractatus, uti fecit Aristoteles alique in suis ethicis, sed per varias gnomas, sive breves sententias, sæpe sine ordine congestas; hic enim fuit mos veterum Hebræorum, ut patet in Proverbiis, Ecclesiaste, Ecclesiastico; et Græcorum, ut patet ex Phocylide, Hesiodo, Theognide.

Qua lin-
gua scrip-
tæ epis-
tolæ?
Editio

Nota quinto: Omnes hæc epistolæ, excepta epistola *ad Romanos* et *ad Hebræos*, de quibus suis locis agendum est, scriptæ sunt græce, utpote ad Græcos.

Syriaca
epistola-
rum cu-
jus anti-
quitatis
et aucto-
ritatis?

Nota sexto: Extat Syriaca versio epistolarum et totius novi Testamenti, in Bibliis Regiis, qua etiamnum utuntur Christiani S. Thomæ in India, Babylonii et Æthiopes Abyssini. Guido Fabricius, qui eam in Latinum vertit, tradit Syros putare eam esse S. Marci Evangelistæ. Sed quia veteres, ut S. Athanasius, Cyrillus, Clemens, Hieronymus et alii, imo et S. Damascenus, qui in Syria vixerunt, ejus non meminerunt, cum de Scriptura et Scripturæ editionibus variis tractant, hinc videtur, hisce Patribus eorumque ætate Syriaca hæc versio esse posterior. Quædam etiam habet, quæ doctis non admodum placent. Denique idiotismus hujus Syriacæ versionis non respondet Syriacæ linguæ, qua usus est Christus, Marcus et Apostoli, ut ostendam in proœmio epistolæ *ad Hebræos*. Illud tamen contra Novantes notandum, in titulis capitum hujus Syriacæ versionis præfigi dies jejuniorum, festorum, commemorationes Sanctorum, preces pro mortuis, venerationem Crucis et alios sacros ritus, quos vel hinc patet non esse inventos a Romanis Pontificibus, sed acceptos ab Apostolis, utpote quos Asianæ et Syriacæ Ecclesiæ quasi a suis Apostolis acceptos etiamnum servant, uti faciunt et Africanæ Ecclesiæ Abyssinorum sive Æthiopum, ut testatur Damianus a Goez, libro *De Fide et Moribus Æthiopum*.

Epistola
quo loco,
ordine,
et tenore
scripta?

Nota septimo: Hic videtur esse ordo harum epistolarum. *Primo*, scripta est a Paulo epistola prior *ad Thessalonicenses*, Corinthi, anno Christi 52. *Secundo*, posterior *ad Thessalonicenses* scripta est Corinthi, anno Christi 53. *Tertio*, prior *ad Corinthios* scripta est Ephesi, anno Christi 57. *Quarto*, prior *ad Timotheum* in Macedonia, vel, ut communior habet sententia, Laodiceæ (qua de re dicam in proœmio primæ *ad Timotheum*) scripta est anno Christi 57. *Quinto*, secunda *ad Corinthios* scripta est Nicopoli, anno Christi 58. *Sexto*, epistola *ad Galatas* scripta est anno 58. *Septimo*, epistola *ad Romanos* scripta est Cenchris apud Corinthum, anno Christi 58. *Octavo*, epistola *ad Titum* e Græcia scripta est anno Christi 58. *Nono*, secunda *ad Timotheum* Romæ scripta est anno Christi 59. *Decimo*, epistola *ad Ephesios* scripta est Romæ anno Christi 59. *Undecimo*, epistola *ad Philippenses* Romæ scripta est anno Christi 60. *Duodecimo*, epistola *ad Colossenses* Romæ scripta est anno Christi 60. *Decimo tertio*, epistola *ad Philemonem* scripta est Romæ anno Christi 60. *Decimo quarto*, epistola *ad Hebræos* scripta est Romæ anno Christi 60. Ita Baronius annalium Ecclesiasticorum fax et pharus: cui per omnia assentior, excepta epist. II *ad Timotheum*, de qua ibi in fine dicendum. Paulo aliter hasce epistolas ordinant Theodoretus, Salmeron et Pererius. Ubi nota, sex ultimas scriptas esse Romæ e vinculis, ideoque plenæ sunt spiritu (1).

(1) Alio ordine D. Pauli epistolas disponit Dr. Haueberg, *Einleitung in's alte und neue Testament*, Rogensburg. 1852, scilicet: Utraque *ad Thessalonicenses* scripta est Corinthi, ann. ær. vulg. 53; epistola *ad Galatas* scripta est Ephesi, ann. 57; prior *ad Corinthios*, ibidem, ann. 57 vel 58; epistola *ad Titum*, ibidem, ann. 58; posterior *ad Corinthios*, Nicopoli, ann. 59; epistola *ad Romanos*, Corinthi, eodem anno; prior *ad Timotheum*, paulo ante Pauli Hierosolymam adventum, eodem anno; posterior *ad Timotheum*, Cæsareæ, ann. 60; epistola *ad Hebræos*, ibidem, ann. 61; reliquæ vero scriptæ sunt Romæ ann. 61-2.

At præplacet ordo et computus Doctoris Sepp, opere cui titulus in vernacula, *La Vie de Notre-Seigneur Jésus-Christ*, tom. II; hunc si sequamur, sicut jam in *Actorum* chronologia secuti sumus, singulis epistolis id tempus adscribendum erit, scilicet. Priorem *ad Thessalonicenses* Corinthi scripsit Paulus, ann. 50; posteriorem vero ibidem, ann. 54 ineunte; epistolam *ad Titum* scripsit Ephesi eodem anno, sequenti autem epistolam *ad Galatas*, ibidem; anno 54 ineunte, ibidem, scripsit *ad Corinthios* priorem; posteriorem vero in Macedonia, anno. 54, mense junii; *ad Romanos* scripsit ex Achaia, ineunte anno 55; *ad Ephesios*, et iterum *ad Timo-*

Visum hic fuit commodum fore lectori, si generalia quædam documenta, quasi canones, qui facem præferant, epistolis Paulinis præmitterem.

Scilicet cum jam Romæ captivus esset, ann. 56; ad Philemonem autem, ad Colossenses et ad Philippenses item in vinculis Romæ, ann. 57; tandem ad Hebræos, ann. 58 ineunte, paulo ante emissionem e vinculis. — Plura reperies in singularum Epistolarum Argumentis.

De ordine autem, non jam temporis, sed loci quo in bibliis epistolæ receptæ sunt, pauca addam. Nam, ut nemini ignotum est, non ut in Evangeliiis, ita etiam in epistolis, ordo temporum in bibliis servatus est. Porro, apposite monuerunt interpretes, primum locum obtinuisse epistolas integris cætibus, iisque dignioribus, scriptas; cæteris postremum aut remotiorem adscriptum. Itaque primo stat loco epistola ad Romanos, quia Roma caput orbis totiusque Ecclesiæ sedes est. Quam sequitur utraque ad Corinthios, quorum urbs in Græcia primas tenebat. Jam venit epistola ad Galatas, genti, non urbi scripta; deinde epistola ad Philippenses, quia Philippi, ex loco Act. xvi, 12, prave intellecto, Colossis et Thessalonica præstare existimabantur. Timotheus Titum antecedit, utpote Pauli comes. Epistolam denique ad Hebræos, quia diu de ea dubitatum fuit, in ultimum locum rejecerunt.

De Paulinarum epistolarum authenticis, vid. D. Glaire, *Introduction aux livres de l'Anc. et du Nouv. Testament.*, tom. VI, p. 4 seqq. Hanc authenticam ex internis argumentis egregie demonstravit, tum William Paley in *Horis Paulinis*, tum Du Voisin, *Autorité des livres du N. Testament.*

Denique de epistolarum Pauli stylo et indole, vid. D. Glaire, op. cit. ibid. p. 36 seqq.; Thaleman, *Erudition de l'Apôtre S. Paul*; J.-E. Cellérier, *De l'origine antique et divine du Nouv. Testament*, p. 302 seqq., necnon ejusdem *Essai d'une introduction critique au N. T.*, pag. 406 seqq.; Bossuet, *Panegyrique de S. Paul.*

CANONES RERUM.

PRIMUS.

Scopus et intentio scriptoris in vestiganda, ad assequendum sensum epistolarum D. Pauli.

Sit ergo primus canon: Ut quis sensum genitum tum aliarum Scripturarum, tum maxime S. Pauli assequatur, vestigandus maxime est scopus, et intentio ejus, videlicet quorsum, quibus, contra quos loquatur, an contra Judæos, an contra Gentiles, an contra Simonem. Spiritus enim ejus sublimis et acer in partem in quam inclinat, ita vehementer fertur, ut in extrema declinare videatur, alterumque extremum negare. Ita sæpe, in lib. *Retract.*, se purgat S. Augustinus, quod olim contra Manichæos, qui dicebant omnia bona a Deo bono, omnia mala a Deo malo, quasi fato, non autem ab homine libere fieri, scribens, ita liberum arbitrium prædicavit, ut gratiæ oblitus esse videatur. Contra postea, orto Pelagio, hoste gratiæ, ita gratiam extollit, ut liberum arbitrium deprimere videatur. Sic, cum judaizantes oppugnat Paulus, dicit circumcisionem nihil esse, et vetera sacramenta fuisse infirma et egena elementa, *Galat. cap. iv, 9*. Sic, ut charitatem extollat apud Corinthios in dono linguarum gloriantes, dicit sine charitate cætera dona omnia nihil esse, nihil prodesse, *I Corinth. xiii, 2*. Sic, ut supra Aaronem exaltet Melchisedech, dicit *ad Hebr. vii, 1*, eum fuisse sine patre, sine matre, sine genealogia. Non quod vere talis fuerit Melchisedech, sed quod derepente quasi talis, *Genes. xiv*, inducatur et proponatur. Sic, ut Judæos suis meritis præfidentes deprimat, provocat ad Dei misericordiam et prædestinationem, eamque exaggerans dicit: « Non volentis, neque currentis, sed miserentis est Dei: cujus vult, miseretur; et quem vult, indurat, » *Rom. ix, 16*

et 18. Quæ omnia commode accipi debent, ut suis quibusque locis ostendam.

SECUNDUS.

Hinc sæpe Paulus fidem Christi opponit non charitati, sed legi, id est gratiam opponit naturæ, Christum Mosi, sive opera facta viribus gratiæ Christi, per dictamen fidei, opponit operibus quæ fiunt viribus naturæ, per dictamen legis naturalis vel Mosaicæ. S. Paulus enim totus in eo est, ut Christum inculcet doceatque eum unum esse hominum per mortem in cruce redemptorem, et talem ab omnibus credi oportere, ab eoquæ (non autem a Mose vel a natura) omnia quæ salutis sunt, expectanda esse, qualia sunt gratia et opera ex gratia facta, Sacramenta ex præcepta legis Evangelicæ: hoc enim tunc orbi erat novum et incredibile. Ita passim Patres, et patet *I Cor. ii, 2*. Hac de causa dicit subinde Paulus Christi justitiam nobis imputari, non formaliter, sed efficienter et meritorie, de quo *Rom. iv, 5*. Et Christum factum esse nobis sapientiam, justitiam, sanctificationem, redemptionem, *I Corinth. i, 30*. Sic dicit fidem Christi, vel passionis Christi justificare, scilicet objective; quia merita passionis Christi, quæ sunt objectum fidei, quod fide credimus, meruerunt nobis justitiam et meritorie nos justificant.

Quomodo Christi justitia, satisfactio et merita nobis imputantur?

TERTIUS.

Hinc rursum sub fide non solam fidem, ut sub fide hæretici, sed ipsam charitatem omnemque gratiam a Christo manantem, quasi ramos in sua radice et causa complectitur. Ita Concilium Tridentinum, *sess. VI, cap. viii*; et patet *Rom. xii, 10*

Sub fide Paulus spiritus charitatem et opera

comprehendit, et quomodo?

3, et cap. xiv, vers. ult., et II *Thess.* i, 11, ubi sic ait : « Impleat (Deus) omnem voluntatem bonitatis et opus fidei in virtute. » Quis non videt hic Apostolum, præter fidem, opus fidei requirere? Ergo recte dicit, quod fides nos justificet, non sola (uti Lutherus addidit et pervertit), « quod absit ut sentiret vas electionis, » ait S. Augustinus, lib. *De Gratia et libero arbit.*, cap. vii; sed sicuti dicimus : hæc arbor me aluit, scilicet cum pomis et fructibus suis : hic medicus me sanavit, scilicet per pharmaca, dietam, exercitia a se præscripta, quibus sanatus sum. Nam fides est quasi doctor indicans et præscribens opera spei, poenitentiae, charitatis, quibus justificamur. Imo hac ratione recte dici potest : Sola fides me justificat; sicuti recte dicitur : Solus hic medicus me sanavit. Est enim fides in suo genere adæquata causa justitiæ, sicut medicus salutis; et quia reliqua necessaria ad justitiam et salutem fides tacite in se includit, quasi in principio, ut patet toto cap. xi ad *Hebræos*.

QUARTUS.

Sacrificium crucis, quomodo Apostolus dicat unum sacrificium novæ legis, et sub eo comprehendat sacrificium Missæ?

Sic in epistola ad *Hebræos* sacrificium crucis, quod unum nos habere ait Apostolus, opponit veteribus Aaronicis, non autem sacrificio Missæ; imo illud sub eo tacite complectitur, quasi unum et idem in substantia, licet modo diversum. Tam enim in Missa, quam in cruce idem principalis est sacerdos, scilicet Christus : eadem numero victima, scilicet corpus Christi : sunt etiam idem representatione, quia Missa representat, imo continet et applicat sacrificium crucis; sed actione et modo sacramentali et incruento, cum in cruce fuerit visibile et cruentum : quanquam, si metaphysice loquamur, hic modus sit differentia essentialis, et constituat aliam speciem ultimam sacrificii. Sicut *mincha*, quod in lege veteri farreum erat sacrificium, siccum et incruentum, differebat specie ab holocausto, quod cruentum erat et jugulatorium. Est tamen in Missa eadem victima, quæ fuit in cruce, ut dixi, et idem sacrificium in substantia saltem generica. Sacrificium enim novi Testamenti, quod est quasi genus, tam competit sacrificio Missæ, quam sacrificio crucis. Rursum, sacrificium Missæ idem est cum sacrificio crucis analogice, quia illud representat; sicut imago qua imago, sive quoad representationem, idem est cum suo exemplari. De quo plura in epistola ad *Hebræos*.

QUINTUS.

Propositiones generales negantes et affirmantes quomodo intelligendæ?

Negantes propositiones generales absolute et sine alia superaddita conditione intelliguntur : ut, « nihil damnationis est iis qui sunt in Christo. » Affirmantes vero promissiones, benedictiones et regulæ nunquam absolute, sed commode et cum conditione intelligendæ sunt : scilicet, ut significant virtutem et naturam rei, itaque fore, quantum est ex parte rei, nisi quid aliud impediat, aut si cætera requisita adsint. Sic rursum

sæpe salus tribuitur fidei, quia scilicet fides, quantum est ex parte sua, nata est perducere hominem ad spem, timorem, inde ad poenitentiam, charitatem, et tandem ad justitiam et salutem. Id ita esse patet ex eo quod aliquando salus tribuitur invocationi Dei, ut *Joel.* ii, 32; aliquando spei, timori, charitati, ut I *Cor.* xiii, 2; *Luc.* vii, 47; alibi passim ad justitiam et salutem requiritur poenitentia, ut *Luc.* xiii, 3, et II *Cor.* vii, 10. Alioquin enim nisi adhibeatur moderatio, concludetur pari modo, ad salutem nec baptismum, nec sacramenta requiri, et eum qui crediderit, salvum fore, etiamsi postea fiat infidelis. Ita S. Augustinus, lib. *De Fide et Operib.*, cap. xiv, tom. IV. Quem librum expresse conscripsit hoc fine, ut mentem Apostoli esse doceat hanc, scilicet, quod fides non excludat, sed requirat opera ex fide facta.

SEXTUS.

Quatuor sunt sensus sacræ Scripturæ, Litteralis, Allegoricus, Tropologicus vel Moralis et Anagogicus : quos Lyranus, prologo in Biblia, hoc carmine describit :

Littera gesta docet; quid credas (scilicet de Christo et Ecclesia) Allegoria;
Moralis, quid agas; quid speres, Anagogia.

v. g. Urbs Jerusalem, ait Eucherius, ad litteram significat urbem notam Judææ, allegorice Ecclesiam, tropologice animam fidelem, anagogice patriam cœlestem. Hosce quatuor sensus discrete expressit Paulus ad *Galat.* iv, ubi sic ait : « Abraham duos filios habuit, unum de ancilla et unum de libera, » en sensus litteræ planus; « quæ sunt per allegoriam dicta : hæc enim sunt duo Testamenta, » en allegoria. « Sed quomodo tunc is qui secundum carnem natus fuerat, persequabatur eum qui secundum spiritum; ita et nunc, » en tropologia. « Illa autem quæ sursum est Jerusalem, libera est, quæ est mater nostra, » en anagogia. Ubi nota, omnem Scripturam habere sensum litteralem, non autem semper alios; imo in novo Testamento vix est allegoria; in epistolis raro tropologia. Porro litteralis sensus est is quem primo littera significat, sive is proprius sit, sive metaphoricus aut parabolicus : huic autem inniti debet allegoricus et tropologicus, eique apta proportionem respondere, ut quasi ex ipso natus videatur. Sicut enim litteralis est is, quem verba primo significant; ita allegoricus est is, quem res per litteralem sensum significatæ significant. Quo ergo melius et plenius allegoria et tropologia respondet sensui litterali, eo magis apta et genuina est. Ita S. Hieronymus, in *Osæ* i, ubi retractat quod alibi dixerat, sensum accommodatum esse allegoricum, vel tropologicum.

SEPTIMUS.

Quæ de Christo vel corpore Christi dicuntur in

Quatuor sunt sensus Scripturæ

Omnis Scriptura habet sensum litteralem, non semper alios.

S. Scriptura; aliquando de solo capite, id est Christo; aliquando de solo corpore, id est Ecclesia; aliquando de utroque accipienda sunt; et solerter ex adjunctis dispiciendum est, quid de quo dicatur. Ita Augustinus ex Ticonio, lib. III *De Doctr. Christiana*, cap. xxxi et seqq.

OCTAVUS.

S. Scriptura potest habere varias versiones. Addit Leo Castrius, prologo in *Isaiam*, et varias lectiones etiam in Hebræo, intentas a Spiritu Sancto. Denique, potest eadem habere varios sensus canonicos, etiam litterales.

Primo, quod S. Scriptura possit habere varias versiones, patet *Matth. xii, 19*, ubi ex *Isaia*, juxta versionem Septuaginta de Christo dicitur, « non clamabit: » pro quo tamen noster Interpres in ipso *Isaia xlii, 2*, vertit, *non accipiet personam*. Sic pro eo quod, *Oseæ xiii, 14*, dicitur: « Ero mors tua, o mors; » Septuaginta et ex iis S. Paulus, I *Corinth. xv, 55*, vertunt, *ubi est, mors, victoria tua?* Sic versio Nostra discrepat sæpe a versione non tantum Aquilæ, Symmachi, Theodotionis, sed et Septuaginta interpretum; quorum tamen versionem probavit et recepit Ecclesia, eaque usa est per quadringentos annos, scilicet donec nostram ex Hebræo versionem euderet S. Hieronymus.

Secundo, quod possit S. Scriptura habere varias lectiones, probatur ex *Genes. xlvii, 31*, ubi noster Interpres ex Hebræo vertit, *adoravit Israel Dominum conversus ad lectuli caput*; pro quo tamen Septuaginta et ex iis S. Paulus ad *Hebræos*, cap. xi, vers. 21, verterunt, *adoravit Israel fastigium virgæ ejus*. Cujus diversitatis non alia videtur fuisse causa quam quod noster Interpres in Hebr. legerit *מטה* *mitta*, id est *lectulum*; Septuaginta vero aliis punctis legerint *מטה* *matte*, id est *virgam*. Sic ad *Hebræos*, cap. xii, vers. 6, Paulus citans *Proverb. iii, 11*, cum Septuaginta legit *כאב* *kieb*, id est *flagellat*; cum noster Interpres in *Proverb. iii, 11*, legit *כאב* *keab*, id est *sicuti pater*; vertit enim, *quasi pater in filio complacet sibi*. Pro quo Septuaginta et Paulus vertunt, *flagellat omnem filium quem recipit*.

Tertio, quod possit S. Scriptura habere varios sensus, patet *Matth. vi, 11*, ubi noster Interpres vertit sic, *panem nostrum supersubstantialem da nobis hodie*. Pro quo tamen idem Interpres, *Luca xi, 3*, vertit, *panem nostrum quotidianum da nobis hodie*. Utrobique enim in Græco eadem est vox *ἐπιούσιον*, quam Interpres in Matthæo, *supersubstantialem*, in Luca vero *quotidianum* vertit. Idem patet tum ex aliis S. Scripturæ locis, tum ex variis ejusdem loci Patrum expositionibus, commodis sæpe et litteralibus. Unde S. Augustinus, lib. XII *Confess.*, cap. xxxii: « Cum alius, inquit, dixerit: S. Scripturæ scriptor hoc sensit, quod ego; et alius: Immo quod ego: religiosius me arbitror dicere, Cur non utrumque potius, si utrumque

verum est? et si quid tertium, et si quid quartum, et si quid omnino aliud verum quispiam in his verbis videt, cur non illa omnia vidisse credatur, per quem Deus sacras Litteras, vera et diversa visuris multorum sensibus temperavit? »

NONUS.

Solet Paulus frequenter tacitis objectionibus occurrere. Unde S. Hieronymus ad *Hedibiam*, epist. 150, *Quæst. XI*: « Paulus, inquit, solet quidquid alius objicere potest, per ἀντιρροπὴν, quam Quintilianus vocat *subjectionem*, antequam objiciatur, edisserere. » Ut *Rom. i, 18*, cum dixisset: « Revelatur ira Dei de cælo super eos qui veritatem Dei in injustitia detinent, » et vidisset sibi objici posse: Unde Gentiles veritatem Dei cognoverunt? subintulit: « Quia quod notum est Dei, manifestum est in illis. Deus enim illis manifestavit. » Rursum, quia hic alius objicere denno poterat: Quomodo Deus se manifestavit Gentilibus, qui S. Scripturam non habuerunt? id ipsum præoccupans resolvit et explicat subdens: « Invisibilia enim ipsius, a creatura mundi, per ea quæ facta sunt, intellecta conspiciuntur: sempiterna quoque ejus virtus et divinitas. » Hæc de causa Apostolus sæpe more Hebræo utitur interrogatione, idque ad emphasim: interrogando enim suspendit auditorem, suspendendo attentionem excitat.

DECIMUS.

Rursum, eadem de causa solet Apostolus, si forte in argumentatione quapiam, alia necessaria inciderit quæstio, in eam digredi, et postea ad præcipuum scopum reverti. Sic I *Timoth. iii*, cum multa disputasset de Diaconis, ea occasione ad eorum uxores digreditur, ac paulo post rursum ad eosdem Diaconos redit.

UNDECIMUS.

D. Paulus, utpote in veteri lege et Testamento versatissimus, passim vel expresse, ut patet tota epistola ad *Hebræos*; vel tacite, alludit ad dicta et facta veteris Testamenti, ut ostendat Christum in Mose, Ecclesiam in Synagoga, et novum Testamentum in veteri fuisse significatum et adumbratum. Magnum enim Christo et veritati perhibet testimonium consensio utriusque Testamenti, sive consensio Mosis et Christi, Prophetarum et Apostolorum, ut docet Tertullianus passim contra Marcionem. Hac de causa Christus et Apostoli citant vetus Testamentum, ostenduntque illud novo prælusisse, Christique paronymum egisse. Ita Paulus, I *Timoth. iii*, cum Ecclesiam vocat columnam et firmamentum veritatis, alludit ad columnas templi Salomonici, Boos et Iachin. Idem facit sæpe alibi, ut in commentariis ostendam.

DUODECIMUS.

Non est in hisce epistolis requirenda semper et

D. Paulus frequenter usurpat ἀντιρροπὴν.

Quare Paulus toties alludit ad vetus Testamentum?

connexio capituli et sententiarum in epistolis Pauli? ubique connexio tam capitum quam sententiarum : quia more epistolico scripsit eas Paulus, quo scilicet amici ad amicos varia familiariter sine ordine sæpe et connexionem perscribere solent. Id patet ex epistolis *ad Corinth.*, in quibus singulis sæpe capitibus novas materias pertrahat, et quæstiones alias et alias a Corinthiis propositas resolvit, ut cap. vii resolvit quæstionem de virginitate et matrimonio; cap. viii, de idolothytis; cap. xi, de Eucharistia; cap. xiv, de prophetia; cap. xv, de resurrectione.

DECIMUS TERTIUS.

Prædestinatio, vocatio, electio duplex. Duplex est prædestinatio, vocatio, electio: una ad gratiam, secunda ad gloriam. Rursum hæc secunda est duplex: una inchoata, altera completa et efficax. Tam illius quam hujus meminit S. Scriptura. Unde subinde vocatos, prædestinatos, dilectos, electos vocat, non eos qui proxime, absolute et efficaciter destinati sunt ad gloriam et beatitudinem, sed eos qui ad fidem et gratiam christianismi destinati et vocati sunt, in qua qui perseverant, gloriam æternam assequuntur. Hæc enim prima et insignis est gratia, ac cæterarum fons, quam proinde omnibus epistolis admiratur et extollit Apostolus, opponitque vanæ fiducie, quam Judæi habebant in cæremoniis legis Moysis, Gentes in suis virtutibus moralibus. Sic *Ephes. i, 5*, omnes Christianos Ephesios vocat prædestinatos et electos ad gratiam et sanctitatem. Ait enim: « Qui prædestinavit nos in adoptionem filiorum, etc., in qua gratificavit nos in dilecto Filio suo. » Et vers. 4: « Elegit nos in ipso ante mundi constitutionem, ut essemus sancti et immaculati in conspectu ejus in charitate. » Prædestinatio ergo hæc et electio proxime est ad adoptionem, gratiam et sanctitatem, non autem ad gloriam.

Hoc sensu omnes justi sunt electi et prædestinati, scilicet complete ad gratiam et justitiam, inchoate vero ad gloriam. Hinc Paulus Christianos passim vocat electos, dilectos et vocatos sanctos; id est electos, dilectos et vocatos ad sanctitatem. Hæc distinctio prædestinationis, sive electionis inchoatæ et completæ non est recens et novitia, ut aliqui putant, sed antiqua. Nam eam non quoad verba, sed quoad rem et sententiam tradit S. Thomas, *1 part.*, Quæst. XXIV, art. 3, ubi docet aliquos scriptos esse in libro vitæ absolute et perenniter, alios tantum ad tempus, scilicet, quoad præsentem justitiam; et hos excidere posse, imo sæpe reipsa de libro vitæ deleri, juxta illud *Psal. lxxviii*: « Deleantur de libro viventium. » Nam scribi in libro vitæ, est esse prædestinatum et electum. Liber enim vitæ, est liber sive catalogus prædestinatorum et electorum. Jam scribi in hoc libro absolute, sive prædestinatio absoluta, quid est aliud quam prædestinatio completa? Et prædestinatio quoad præsentem justitiam, quid est aliud quam prædestinatio in-

choata? Hinc S. Augustinus, lib. III *Contra duas epistolas Pelagian.*, cap. iii, docet duplicem esse salutem, unam inchoatam per gratiam, alteram consummatam per gloriam. Salus inchoata ergo est præsens gratia et justitia; consummata, est ipsa gloria et beatitudo. Rursum S. Augustinus, lib. *De Prædest. Sanct.*, cap. x, non aliter prædestinationem a gratia distinguit, quam quod, inquit ipse, « prædestinatio est gratiæ præparatio, gratia vero ipsa donatio; » cum ergo gratia alia sit inchoata, alia completa, erit pariter prædestinatio alia inchoata, alia completa. Denique hanc distinctionem prædestinationis agnoscit Ecclesia, cum dominica I Quadragesimæ, in Collecta, quæ tribuitur S. Augustino, pro inchoate prædestinationis orat: « Ut omnium fidelium nomina beate prædestinationis liber ascripta retineat: » nec enim pro complete prædestinatis apte recteque oratur, ut retineantur maneatque prædestinati, cum completa eorum prædestinatio includat et præsupponat eos semper mansuros esse prædestinatos. Est enim hæc Dei prædestinatio immutabilis

DECIMUS QUARTUS.

Cum Apostolus ait nos « vocatos, prædestinatos, electos secundum propositum, » *propositum* vocat *decretum*, sive *beneplacitum* Dei, quo ex amore et favore liberali proposuit et decrevit homines peccato perditos revocare ad gratiam et salutem per Christum. Unde hoc propositum opponit debito justitiæ, vel nature, id est meritis nostris, ut plarius et fusius ostendam *Rom. cap. viii, vers. 18*.

DECIMUS QUINTUS.

Justificationem, bona opera, merita, salutem, beatitudinem sæpe Apostolus tribuit gratiæ, vocationi, electioni, misericordiæ Dei, non quasi liberum arbitrium nihil hic agat, ut vult Lutherus: sic enim ageremus, vel potius ageremur ut bruta, imo ut stipites et trunci; et ridicule nobis Deus præciperet et prohiberet id quod in nostra non est potestate et arbitrio, atque tyrannice minaretur et infligeret transgressoribus pœnas æternas. « Virtus et vitium, ait Philosophus, in nostra est potestate. Quæ autem sunt in nostra potestate, ea agere et non agere possumus. Et circa hæc versatur lex, laus, vituperium, pœna et præmium; ad ea enim quæ non sunt in nostra potestate, nemo hortatur, præcipit, punit; nemo de iis consultat, deliberat, eligit; sicut non eligimus famere, frigere, sed ea patimur. » Hæc et plura hac de re habet Aristoteles, lib. III *Ethic.*, cap. i, ii, iii, v. Tribuit ergo Sancta Scriptura opera nostra potius gratiæ, quam libero arbitrio: *primo*, quod primas et potissimas partes in iis teneat Dei gratia, quæ liberum arbitrium prævenit et excitat, eique deinde cooperatur. *Secundo*, hoc sensu totum opus bonum dat gratiæ, quia etiam

Quomodo Apostolus bona opera et merita tribuat gratiæ, et quo modo libero arbitrio, contrae-

Tres rationes, ob quas bona opera potius gratiæ quam libero arbitrio

Ex S. Thomæ et S. Augustini.

trio tri- cooperatio nostra manat a gratia Dei excitante, pendetque a gratia Dei cooperante. *Tertio*, quia tota dignitas operis supernaturalis est gratia : quod enim opus charitatis sit supernaturale et nobilissimum, Deoque gratissimum et meritum vitæ æternæ, hoc habet a gratia, non a libero arbitrio. Ab eo enim habet tantum quod sit liberum, non coactum. Ita passim docet S. Augustinus contra Pelagianos, et diserte libro *De Spiritu et Littera*, cap. xxxiv, et Concilium Tridentinum, sess. V, cap. v; imo Apostolus II *Timoth.* cap. II, vers. 19 et 21.

DECIMUS SEXTUS.

Obdura- Perditionem, obdurationem; reprobationem, tio, re- damnationem tribuit Paulus et S. Scriptura homi- probat'o, ni, idque primo et proprie : Deus enim ex se damatio quomodo vult (cum sit ipsissima bonitas et clementia infi- homini, et quomo- nita) omnium hominum justitiam et salutem : do Deo hinc sæpe Judæos dicit reprobatos, quia Chris- tribuan- tum? tum noluerunt recipere, nec in eum credere. Omne enim bonum ex Deo est, malum autem ex nobis. Ac rursum prædestinatio et vocatio opus est gratiæ Dei, quia omne opus et meritum prævenit. Reprobatio vero opus est justitiæ vindicativæ, quæ ex natura sua non prævenit, ut vult Calvinus, sed sequitur et supponit demeritum sive peccatum. Judex enim condemnans reum supponit peccatum rei. Et ex hoc capite subinde S. Scriptura reprobationem, obdurationem et perditionem, æque ac prædestinationem, vocationem et electionem tribuit Deo, quia scilicet Deus ob præcedentia demerita hominem obdurat et reprobat. Hinc ait : « Non volentis, non currentis, sed miserentis est Dei. Cujus vult, misere- tur; et quem vult, indurat. Jacob dilexi, Esau autem odio habui. »

Ubi notandum, Scripturam hisce phrasibus tantum significare altissimam et generalissimam Dei providentiam circa omnia tam bona quam mala, nihilque in mundo extra eam esse aut fieri, ut Dei manum effugere possit; quin potius Deum sua providentia omnia, etiam peccata, complecti, stringere, regere et ordinare. Providentia tamen hæc Dei circa bona et mala in specie diversa et dispar est. Nam Deus bona proprie providet, prædestinat, intendit, excitat, promovet, protegit et coronat, mala autem ex certa scientia, singula cum suis circumstantiis statuit tantum permittere, cum tamen, si vellet, facile ea posset impedire; eaque jam facta ordinat ad bonum finem et justam penam, qua ea punit. Ita S. Augustinus, *Enchiridii* cap. xi et cx.

DECIMUS SEPTIMUS.

Ob reca- Homo proprie, directe et active seipsum obdu- tionem et rat, excæcat, tradit in reprobum sensum : Deus tamen idem agere dicitur, non proprie et directe, ut vult Calvinus. Cæcitas enim mentis non tantum est simplex carentia lucis, sed affectus pra-

vus, quo quis illustrationes divinas libere repellit, vel eis obicem ponit, ut nunquam a Deo illuminetur; ac consequenter cæcitas hæc grave est peccatum, ut docet Augustinus, lib. V *Contra Julian.*, cap. III; sic et duritia cordis, sive improbitas et malitia sensus, grave peccatum est. Indurat ergo et excæcat hominem Deus : *primo*, permissive; *secundo*, sensim gratiæ non sufficientiam, sed copiam solitam subtrahendo; *tertio*, dæmoni potestatem in hominem dando, qui sponte hominem tentat, et in omne scelus et cordis obstinationem impellit; *quarto*, objiciendo homini occasiones, scilicet indendo corpori et animo eas affectiones et cogitationes, alias bonas vel indifferentes, aut exterius ea proponendo, v. g. species mulierum, opes, honores, plagas, quibus præscit hominem libere ruiturum in peccata, et se in iis obduraturum; licet Deus non hoc fine, sed alio bono ea homini objiciat et indat. Sic obduravit Pharaonem, plagas in Ægyptum immit- tendo, intendens ut iis humiliatus, resipisceret Phara; quibus tamen illo sua culpa magis exacerbatus obduruit, et fortius Deo restitit. Et hoc tantum vult Augustinus, lib. V *Contra Julianum*, cap. III, cum ait Deum non tantum patientia, sed et potentia, id est plagis suis, obdurasse Pharaonem, ut docte et solide docet Bellarminus, lib. II *De Amiss. gratiæ*, cap. IV. Potuisset enim Deus aliis modis agere cum Pharaone, quibus præsciebat eum molliendum et flectendum fore; sed noluit : maluitque ob ejus superbiam et duritiem, plagis eum contundere, quibus tamen præsciebat eum magis se obduraturum.

DECIMUS OCTAVUS.

Loquitur Paulus, uti et alii scriptores hagiographi, aliquando perfectis, aliquando et statim transit ad imperfectos : hinc aliquando laudat, aliquando vituperat. Sic Corinthios laudat quasi sanctos, et tamen mox eorum (puta imperfectorum in eis) schismata, avaritiam, libidinem aliaque vitia redarguit. Pari modo aliquando blanditur, mox minatur; estque quasi mater, quæ ut pueris persuadeat et omnibus se accommodet; se in omnes partes vertit, ex amoris vehementia. Patent hæc *Galat.* cap. III, vers. 1, et cap. IV, vers. 19 et 20.

DECIMUS NONUS.

Libertas Christiana, quam prædicant Apostoli, est exemptio, qua Christus nos exemit, non a servitute herili, non ab obedientia Decalogi, legum, Principum, Prælatorum, Superiorum; non ab operibus pœnitentiæ et satisfactionis, non ab obligatione votorum, ut volunt hæretici (quos damnat Concilium Tridentinum, sess. IX, canon. 19, 20, 21 : hæc enim irrationalis, animalis, carnalis, turpis, et contra omne naturæ jus, et contra omnem rectam rationem est libertas); sed a servitute tum legis veteris, tum

Deo 23.
cribit
Calvi-
nus.

Quater
mo hunc
minem
Deus ex-
creat et
obdurat.

S. Au-
gustinus
explica-
tu.

Liberta-
Christi-
na a qu-
bus im-
aximat?

peccati, diaboli et vitiorum hic, tum concupiscentiæ, miseriæ et mortis in cælo. Patet id

I Petri II, 13, 16, 17; Galat. V, 13. De quo plura, II Cor. III, 17.

CANONES VERBORUM.

VIGESIMUS.

Apostolus græce scripsit, ideo sæpe græcizat; sed quia Hebræus erat, hinc sæpe hebraizat. Notandum enim quod Spiritus Sanctus per eum loquens, suo se organo attemperabat, uti facit naturam gratiæ subservire tum in angelo, tum in homine. Sic per sanctos scriptores ita accommode locutus est Spiritus Sanctus, ac si ipsi suo nutu, conceptu, voce loquerentur et scriberent, ut patet II Machab. II, 27; Luc. I, 3. Hinc Apostolus eloquentia utitur non phalerata, nec verbosa Græcorum, sed simplici, gravi tamen ac nervosa Hebræorum. Unde in hisce epistolis phrases parum Græcas, quin et solæcismos, et plurimos hebraismos invenias: sic pariter Hebræam antiposin reperies, II Cor. VIII, 23; ad Ephes. II, 2, et alibi; quia Hebræi casibus carent, et eodem nomine invariato per omnes casus utuntur. «Iste (Paulus scilicet, inquit S. Hieronymus, lib. II comment. in epist. ad Ephes.) qui solæcismos in verbis facit, qui non potest hyperbaton reddere sapientiamque concludere, audacter sibi vindicat sapientiam.»

VIGESIMUS PRIMUS.

Hinc sæpe Paulus per heterosin abstracta sumit pro concretis, ut *circumcisionem* pro circumciso, id est Judæo; *præputium* pro præputiato, id est Gentili; *electionem* pro electis; *dominationes* pro dominantibus; *virtutes et potestates* pro virtute et potestate præditis. Sic dicit quod Christus nobis factus est justitia, sanctificatio, redemptio, id est factus est nobis justificator, sanctificator redemptor, ut dicitur I Cor. I, 30. Ita Theophylactus, Anselmus et alii ibidem.

VIGESIMUS SECUNDUS.

Hinc etiam per hebraismum sæpe omittit notas similitudinis, comparationis, causalitatis, atque quorumvis adverbiorum et conjunctionum vincula, ut patet I Timoth. I, 3, et alibi. Hæc enim Hebræi sæpe significant per litteras serviles, כ, ו, ו, et similes, quas ipsi sæpe subaudiunt.

VIGESIMUS TERTIUS.

Verba activa Hebræorum sæpe passionem vel permissionem significant, scilicet cum sunt in conjugatione vel significatione cal. Sic dicit Paulus, Roman. XI, 32: «Concluserit Deus omnia in incredulitate:» *concluserit*, id est concludi permisit. Ita Theodoretus, Ambrosius, Anselmus, Theophylactus, ibid. Ratio est, quia permissio ejus, sine cujus nutu nil fieri potest, quædam est

actio, non autem pura negatio. Sic ergo in Deo non negativum, sed positivum est decretum, quasi placet aulæ summi Regis, ut dicit Prosper, quo vult permittere peccata, sive quo nullum peccatum fieri posset. Ex cujus decreti vi in executione positive laxat Deus habenas male agere volenti voluntati: omnium enim voluntates Deus arctissime omnipotentis suæ manu tenet, quasi ligatas, ut nec aliud, nec alio modo, aut loco, aut tempore cogitare, aut velle, aut in ullum omnino motum erumpere possint, quam ipse positive voluerit permittere, imo effective etiam concurrere. Hoc enim spectat ad altissimam Dei circa res omnes, etiam illas, quæ peccata sunt, providentiam. Hoc ergo exprimit S. Scriptura per verba activa, ut inclinare, inducere, excæcare, tradere. Sicuti qui leonem manu tenet, et dimittit, si is aliquem occidat, dicitur tenens occidisse et immisisse leonem in hominem. Et hoc tantum vult S. Augustinus, lib. De Gratia et lib. arbit., cap. XX et seq., ubi ait, Deus voluntatem Semei et aliorum vitio suo malam in hoc speciale peccatum inclinavit, id est inclinari permisit, ut malediceret David, non alteri. Aliter ergo permittit malum Deus, aliter homo: homo negative, Deus positive; homo sæpe cum peccato, quia tenetur impedire; Deus justè et sanctè, quia summus omnium Dominus causas secundas sibi permittit, ut libertate sua in quamlibet partem utantur: vim enim naturæ inferret, si eas necessitaret ad bonum.

VIGESIMUS QUARTUS.

Eadem verba, imo et notæ causalitatis, v. g. ut, quia, propter quod, propterea, sæpe non causam, sed eventum et consecutionem significant. Sic enim vulgus antecedentem occasionem causam vocat, ut, «Blanda patrum segnes facit indulgentia natos.» Scriptura autem, quia familiariter loquitur, sæpe vulgi phrasi se accommodat. Ita Cyrillus, Chrysostomus, Theophylactus, Euthymius, in Joan. cap. XIII, vers. 38. Rursum causales particule, ut propterea, ideo, et similes, apud Paulum subinde redundant more Hebræo, et nullam causam reddunt, sed tantum præcedentia continuant cum sequentibus.

VIGESIMUS QUINTUS.

Nihil Apostolo familiarius, quam enallage præpositionum, conjunctionum et adverbiorum. Sic more Hebræorum in sumit pro per, ex, de, cum, propter, apud; et per in, significat omne genus causæ: ut, in Christo, quod singulis pene iterat versibus ad Ephes. I, jam significat per Chris-

Quomodo scriptorem et stylum hagiographum dirigit Spiritus Sanctus.

Quo decreto Deus voluit peccata, et quibus verbis permissionem peccati Scriptura hebraizans exprimit?

Quomodo S. Augustinus dicat Deum inclinasse ad Semei peccatum?

Notæ causales quid apud Paulum agant?

Enallage frequens apud Apostolum.

tum, jam propter Christum, jam ex Christo, jam cum Christo, jam in Christo. Ita ibi Theophylactus. Sic *in Domino* sæpe significat, in re vel negotio Domini, vel coram Domino, vel per Dominum, vel a Domino, vel propter Dominum, Domini amore et reverentia, ad gloriam Domini. Ex hac phrasi S. Pauli in regulis nonnullarum Religionum sæpe dicitur: « Omnes orationi incumbant cum omni diligentia in Domino, omnes invicem ament in Domino; omnes integre obediunt, studiis vacent, sincere agant in Domino. »

Tō in Domino quadruplicem habet sensum.

Varia enallages exempla in epistolis Pauli.

Ubi τὸ *in Domino* est excitamentum virtutis et industriæ, idque quadrupliciter. *Primo*, quasi dicant: Sciant omnes se Domino servire, se Domini negotium agere, non hominis. *Secundo*, non pretio, non metu, non cupiditate, sed « in Domino, » id est unius Dei amore et reverentia, id agant. *Tertio*, ut servi in oculis domini, ita ipsi coram Domino serio id agant, Dominus eorum oculis obversetur. *Quarto*, finem spectent, non suam, sed unius Domini gloriam. Sic præpositionem κατὰ, quam noster Interpres sæpe vertit *secundum*, valde ample et varie accipit Paulus. Jam enim κατὰ capit pro διὰ, id est *per*, ut « Paulus Apostolus secundum (id est *per*) imperium, » vel præceptum « Dei, » ad Titum I, 3. Jam pro *in*, ut ibidem, vers. 4: « Tito filio secundum communem fidem, » id est in communi fide. Jam et frequenter *per* illam designat materiam, sive objectum, ut *secundum* idem sit quod *circa*, ut ibidem, vers. 1: « Fidem quæ secundum, » id est *circa*, « pietatem est » et versatur, ut scilicet pietatem doceat. Jam eandem capit pro *ante*, vel *coram*, ut II Cor. cap. X, vers. 7: « Quæ secundum, » id est *ante*, « faciem sunt, videte. » Jam et sæpissime ac maxime proprie τὸ *secundum* accipit pro *juxta*, ut, « secundum Deum, secundum hominem loquor, secundum carnem, vel spiritum ambulant. » Jam τὸ κατὰ utitur pro *a* vel *ex*, denotatque per illud causam efficientem, ut Coloss. II, 8: « Ne quis vos decipiat per philosophiam secundum traditionem hominum, secundum elementa mundi, et non secundum Christum; » id est ne quis vos decipiat per philosophiam quæ manat non a Christo, sed a traditione et fictione hominum, qui de mundi elementis et auctoribus mira somniant. Denique τὸ *secundum* accipit pro *propter*, ut ad Titum III, 5: « Deus salvos nos fecit secundum, » id est *propter*, « misericordiam suam. » Pari modo voculas *tamen*, *sed*, et similes, sumit Paulus pro *imo*, *quinimo*. Sic vocem enim, non proprie, ut ait causalis, sed adversative pro *autem*, sumit Galat. II, 6. Idem facit Isaias, cap. XXVIII, vers. 11, quem locum citat Apostolus, I Cor. XIV, 21. Sic copulam et sumit Paulus pro *id est*, Ephes. I, 1; Galat. VI, 16; Coloss. II, 8.

VIGESIMUS SEXTUS.

Conduplicat Paulus quædam ad majorem emphasis, maxime in gradibus comparationis, id-

que ut plurimum excessum significet; ut *Philipp.* cap. I, vers. 23: « Multo magis melius, » id est longe melius.

VIGESIMUS SEPTIMUS.

Apostoli et Evangelistæ consarcinant in unum testimonia ex lege veteri, cum tamen e variis locis petita sint, patet *Rom.* III, 11. Sic etiam citant subinde non verbotenus, sed eodem sensu. Denique, citant eadem juxta Septuaginta, quia Gentibus græce scripserunt, quibus Græca Septuaginta versio notior erat Hebraico textu.

VIGESIMUS OCTAVUS.

Utitur Paulus sæpe verbo *induendi*, ut dicat hominem induere opprobrium et ignominiam, induere Christum, induere gloriam, immortalitatem, virtutem. Ubi τὸ *induere* significat hominem Christo et virtuti Christianæ studere, eam possidere, eaque largiter uti, et quasi veste decora circumvestiri. Rursum, hominem gloria et immortalitate abundare, amiciri et circumfundi. Alludit ad togam Hebræorum, et prætextam Romanorum: cum qua quasi virum et virilem animum, virtutem et decus induebant juvenes. Vide S. Hieronymum ad *Pammach.*, contra errores Joannis Hierosolymitani. De hac phrasi dicam plura *Rom.* XIII, in fine.

Verbum induere quid apud Paulum valeat? t unde desumptum?

VIGESIMUS NONUS.

Infinitivos per hebraismum sæpe Paulus sumit pro nominibus, aliquando pro verbis quorumlibet temporum et modorum. Rursum, sæpe imitatur Hebræos in eo quod, cum careant indicativo, pro eo utuntur participiis, ut I Cor. XII, 2: « Ad simulacra euntes, » id est ibatis. Similia sunt II Cor. X, 2, 4, 5, 12, 13. Subinde quoque Hebræi et Paulus per præteritum significat indicativum, ut *Psal.* CXV: « Credidi, » id est credo, « propter quod locutus sum, » id est loquor: de quo dicam II Cor. IV, 13. Porro tritum est Hebræos, præsertim Prophetas, de futuris loqui per præteritum, quia ea quæ prædicunt, tam certo futura sunt, ac si jam essent præterita, et in altissima amplissimaque Dei præsentia jam sunt quasi præterita.

TRIGESIMUS.

Nomina, gerundia, infinitivos subinde active, subinde passive capiunt Hebræi; et ex iis Paulus, ut, « Christus factus est nobis justitia, » id est, justificator. Contra, II Cor. cap. V, vers. ult., dicit: « Nos efficeremur justitia, » id est justii « in Christo. » Ita Chrysostomus et Cyrillus, lib. XII *Thesauri*, cap. III. Sic Deus dicitur amor et timor noster, spes et patientia nostra, scilicet passive, id est objectum amoris, timoris, spei et patientiæ nostræ; sive is quem amamus et reveremur, in quem speramus, propter quem patimur. Pari modo sæpe ab iisdem Hebræis potentia vel actus sumi-

tur pro objecto, et contra. Sic enim Hebræi colorem vocant oculum, quia color oculo videtur et percipitur, estque objectum oculi: ut *Num. xi, 7*, ubi noster Interpres vertit, *erat man coloris bdellii*, hebraice est *מַן הָיָה בְּדֶלֶי* *man en*, id est oculum, bdellii. Et *Levitici xiii, 33*, pro eo quod nos habemus, *cum viderit non crevisse lepram*; hebraice est, *שִׁי לֵפְרָא לֹא מִלְּטָה עֵינָיו* *eno*, id est suum colorem. Sic et Galli, Flandri aliæque gentes loquuntur ut dicant rem aliquam, puta, gemmam aut vestem, pulchrum habere oculum, obtutum, aspectum; volentes hac phrasi significare gemmam aut vestem pulchram habere formam aut speciem.

TRIGESIMUS PRIMUS.

Ludunt Hebræi et Paulus, elegantiae causa, vario sensu in iisdem vocibus. Sic *peccatum* nunc proprie, mox pro causa vel effectu peccati, scilicet concupiscentia, mox pro hostia pro peccato sumunt. Sic Paulus ait, *II Cor. v, 21*: « Eum qui non noverat peccatum (Christum), pro nobis peccatum (id est hostiam pro peccato) fecit. » Ita S. Augustinus, *Enchirid.* cap. xli. Estque antistasis, sive ejusdem verbi contraria significatio; qualis est, si dicam, « Amari jucundum est, si curetur, ne quid insit amari. » Sic Plautus, in *Euclyone*: « Araneas, inquit, mihi ego illas servari volo. » Locuta erat anus de inani prorsus, præter araneas, domo; at senex araneas intelligit thesaurum, qui anum latebat.

TRIGESIMUS SECUNDUS.

Verba hebræorum subinde actum inchoatum, subinde continuatum, subinde perfectum significant: inchoatum, ut *Rom. ii, 4*: « Benignitas Dei ad poenitentiam te adducit, » id est adducere conatur. Perfectum, ut *II Cor. ii, 14*: « Deus triumphat nos, » id est triumphare facit. Ita Ambrosius, et ex eo Anselmus ibi. Continuatum, ut *Joan. xiv, 1*: « In me credite, » id est pergit credere, confirmate vos in fide mea. Jam pridem enim ante in Christum crediderant Apostoli.

TRIGESIMUS TERTIUS.

Sicut Christus multis parabolis, ita et Paulus, more suæ gentis, docet per similitudines et metaphoras. Sic sæpe Ecclesiam comparat ædificio, corpori, agro, arbori, Christum Adamo, peccatum fermento. Ita S. Hieronymus, in *Matth. xviii*.

TRIGESIMUS QUARTUS.

Caro in Scripturis quid significet? Caro, ait S. Augustinus, *epist. 146 ad Consentium*, nunc proprie sumitur, nunc tropice: et tunc aliquando carnis corruptionem, aliquando concupiscentiam, aliquando homines carni deditos significat. Sic virtute præstantes, vocantur carnis expertes. « Vos, ait Paulus, *Rom. viii, 9*, in carne non estis. » Et *Joan. iii, 6*: « Quod natum est ex carne, caro est, » id est carnale, animale

est; « quod natum est ex spiritu, spiritus est, » id est spiritale est. Rursum, Apostolus subinde « carnem » vocat externam speciem et gratiam, eamque opponit spiritui, id est internæ gratiæ et efficacæ. Sic dicit Judæos gloriari « in carne, » id est in carnali circumcisione et prosapia, quod sint filii Abrahæ. Sic « sapientes secundum carnem, et sapientiam carnis, » vocat sapientiam mundanam et sapientes mundi: hoc sensu ait se neminem nosse « secundum carnem, » id est externam speciem et carnalem cognitionem, de quo plura *II Corinth. x, 2*. Ita S. Chrysostomus, Theophylactus, Anselmus et alii. Sæpius vero « carnem » vocat ipsam concupiscentiam: cujus causa est, *primo*, non quod proprie caro sit ipsa concupiscentia, aut fomes, incentrix et dictatrix peccati (nec enim caro peccati cogitationes et motus suscitatur aut format), sed metonymice: quia caro est velut officina animæ, quæ in carne quasi figulus in luto, format suarum concupiscentiarum et turpitudinum idola, per quam ea peragit et consummat.

Secunda causa est quia caro motus concupiscentiæ juvat et fovet: effervescentia enim sanguinis iram concitat, motus et concitatio spirituum generationi subservientium suscitatur libidinem: sic varii motus spirituum et sanguinis varias concupiscentias suscitant.

Tertia, caro non nuda, sed animata et informata anima concupiscente, dicitur concupiscentia: quia concupiscentia, sive anima concupiscentis, carnem inhabitat, informat et cum ea unum efficit compositum.

Denique *quarto*, multi Philosophi censent, sicuti *Quarta* sensationes (quales sunt visio, auditio, perceptio, gustus et tactus), ita et concupiscentias motusque appetitus sensitivi esse tam in corpore et organo corporeo, puta oculo, aure, lingua, spiritibus, corde, etc., quam in anima: licet alii et forte subtilius ac verius, putent eas, utpote spirituales et animales, esse in sola anima: cum enim hæc sola præcise vivat et sentiat, sola quæque vitales et animales actiones elicit, ac consequenter sola quoque eas recipit: quod enim vitalium et animalium actionum est efficiens, idem earumdem est recipiens, sive subjectum. Ad has tamen actiones corpus per organa sua, per spiritus et sanguinem, disponit et adjuvat animam, et per sympathiam, similes passionem, sed corporales, in se suscitatur et suscipit: ut v. g. cum in anima et appetitu sensitivo exurgit concupiscentia iræ et appetitus vindictæ (hic enim præcise non videtur esse in corpore, sed in sola anima), mox per consensionem quamdam naturalem et sympathiam corporis et animæ, ex anima redundat in corpus ira quædam quasi corporalis, scilicet effervescentia sanguinis et spirituum; et ita de aliis concupiscentiæ motibus, ut propter hanc sympathiam et similes utriusque motus recte concupiscentia tam in corpore, quam in

Caro pro concupiscentia sumitur, ob quatuor rationes. Prima.

Secunda.

Tertia.

Quarta.

Corpus an sensationes in se recipiat.

Sympathia corporis et animæ.

anima esse dici possit, adeoque vocari caro, ut docte docet S. Cyprianus, in prologo tractatus *De Cardinalib. Operib. Christi*. « Hoc ipsum, inquit S. Cyprianus, quod dico carnis affectus, improprie dico : quia hæc vitia propria animæ sunt, quæ sentit, et movet, et vivit, cui imputatur peccatum : quia ipsi datum est arbitrium, et iudicium, et scientia, et potentia ; per quæ possit improbare malum et eligere bonum. Corpore autem sic utitur anima, sicut faber malleo, vel incude, in qua format omnium turpitudinum idola, et fabricatur quælibet quarumcumque voluptatum simulacra. Non est caro dictatrix peccati, nec inventrix malitiæ, nec cogitatus format, nec disponit agenda ; sed officina est spiritus, qui in ea et per eam quæcumque affectaverit, peragit et consummat ; quod autem ipsa insensibilis sit, spiritu recedente dignoscitur, post cujus discesum nulli apta usui superest putredinis massa et paludis acervus : quidquid enim sentit, a natura corporis alienum probatur. »

Corpus
est officina
anima.

Deinde explicat S. Cyprianus quomodo jam dictis non obstat, quod caro adversus spiritum concupiscere dicatur : « Quod vero, inquit, caro adversus spiritum, et spiritus adversus carnem contendere dicitur et repugnare, improprie arbitror dictum : quia solius animæ lis ista est, quæ secum rixatur et cum proprio arbitrio litigat, certior in huiusmodi quæstionibus quid bonum sit, quid malum, quam in aliarum rerum inquisitionibus, quid verum sit, quid falsum. Sed desiderii sui veneno mens ebria corpus contumeliis applicat, et junctis complexibus ambo in mortiferas suavitates elapsi obdormiunt ; cumque evigilaverint, sero poenitentiam adducit confusio et inquinamentorum horror fœdatæ menti occurrit. Et in cæteris omnibus, quæ maligne patrata sunt, huiusmodi ultio peccatorem persequitur, et ipse libidinum labe crapulatus se convomit. »

TRICESIMUS QUINTUS.

Opponit Paulus spiritum carni, interiorem hominem exteriori ; legem mentis legi carnis et membrorum ; legem Dei legi peccati, id est gratiam qua per Christum renovamur, virtutem ejusque motus et dictamen opponit concupiscentiæ, ejusque motibus et dictamini. Notandum est enim, quod concupiscentiam vocat nunc *carnem*, nunc *legem* (id est dictamen) *membrorum, carnis et peccati* ; nunc *peccatum* ; nunc *exteriorem hominem, terrenum et animale* ; nunc *hominem veterem*, nunc *corpus peccati*, id est peccato obnoxium, in peccatum proclive. Et contrario gratiam et spiritum vocat « legem mentis, legem Dei, hominem novum, novam creaturam, interiorem hominem et spiritualem, » cujus phrasis originem et causam assignabo *ad Roman. vii, 22 et 23* : ita Chrysostomus, Ambrosius, Theophylactus et clarissime Anselmus ibidem.

Concupiscentia et gratia quibus nominibus designantur
D. Paulus?

TRICESIMUS SEXTUS.

Verba Hebræorum activa realia sæpe per mentalia exponenda sunt : ut *adduxit*, id est adducere voluit et prædestinavit, *Hebr. ii, 10*. Sic *Jeremiæ i, 10*, dicitur : « Constitui te ut evellas et destruas, ædifices et plantes, » Gentes scilicet et regna, id est, ut illa evellenda et destruenda, vel ædificanda et plantanda prædicas et prophetes. Simile II *ad Timoth. i, 9*, et *ad Titum i, 2*.

Rursus Hebræi comparisonem expriment per negationem, scilicet, ut id quod majus est, asserant ; quod minus, negent. Patet *Matth. ix, 13*. Ita Chrysostomus et Euthymius *ibid.*, et Augustinus, lib. X *De Civit. v*. Ut I *Cor. xv, 10* : « Abundantius omnibus laboravi, non ego, sed gratia Dei, quæ in me est » (uti legunt Græci), id est in operibus supernaturalibus plus fecit gratia Dei, quam ego ; et I *Cor. iii* : « Neque, qui plantat est aliquid, neque qui rigat ; sed qui incrementum dat Deus, » id est parum facit prædicator in conversione et perfectione animarum, si comparetur cum eo quod facit Deus interius, menti gratiam aspirando.

TRICESIMUS SEPTIMUS.

Apostolus confuse subinde loquitur et rem ponit pro adjacentibus rei. Sic *Christum* sæpe vocat Christi fidem, gratiam, institutionem, baptismum, Ecclesiam, religionem, id est christianismum ipsum. Ut *Coloss. ii, 6* : « Sicut, inquit, accepistis Jesum Christum, » id est Christi fidem, doctrinam, religionem ; « in ipso, » id est in fide et religione ipsius, « ambulate. » Et *Galat. v, 2* : « Si circumcidamini, Christus (id est christianismus) vobis nihil proderit. » Sic passim ait baptizatos « induere Christum, » id est Christi virtutes, spiritum et mores, eosque *esse, inseri, vivere, ambulare in Christo*, id est in Christi fide et gratia.

TRICESIMUS OCTAVUS.

Apostolus, quia spiritu, sapientia, sensu et rebus turget, hinc ad verba non æque respicit. « Etsi imperitus (inquit ipse) sermone, sed non scientia ; » et, « Prædicatio nostra, non in persuasibilibus humanæ sapientiæ verbis, sed in ostensione spiritus et virtutis, » I *Cor. ii*. Hinc sæpe sententias convolvit, alias et alias agglomerat, primas imperfectas relinquit et quasi alio abreptus, digreditur, multaque interloquitur, ac deinde ad primas et ad propositum redit. Patet id clare *Gal. ii, 6* ; *Ephes. iii, 1, 2 et 14*. Rursum utitur crebra ellipsi, enallage, aposiopesi, hyperbatus, et id genus tropis qui interpreti supplendi sunt, vel ordinandi. Causam dat S. Irenæus, lib. III, cap. vii : « Hyperbatus, ait, sæpe utitur Apostolus propter velocitatem sermonum suorum et impetum spiritus qui in eo est. » Porro ellipsi utitur, vel casus, vel propositionis, vel conjunctionis, vel verbi, vel integræ etiam sententiæ, ut cum

Frequens
est in tropis
Apostolus.

ait initio epist. *ad Rom.* : « Paulus Apostolus, servus Jesu Christi : » deest hic, et supplendum est, *opto*, vel *precor*, « ut multiplicetur gratia in vobis. »

TRIGESIMUS NONUS.

Hinc etiam utitur epitasi, id est vehementiori verbo, pro minus vehementi, ut *Rom.* ix, 13 : « Esau odio habui, » id est neglexi, postposui, minus amavi. Simile *Gen.* cap. xxix, vers. 31 ; *Luc.* cap. xiv, vers. 26.

QUADRAGESIMUS.

Multa verba usurpat Paulus juxta phrasim et morem provinciae suae, puta Tarsi et Ciliciae : erat enim ipse Tarsensis et Cilix, ut I *Cor.* iv, 3 : « Mihi pro minimo est, ut a vobis judicer, aut ab humano die. » Ubi *diem* posuit pro *judicio*, ex Cilicum phrasi : nam dies dici reis consuevit. Sic *ad Coloss.* ii, 18, usus est verbo *κατακρηέναι*, quod lingua Tarsensium significat insidiosè alteri palmam praeferre, ut annotavit S. Hieronymus, epist. 151 *ad Algasiam*, Quæst. X. Cilices enim Græce, sed corruptius quam alii Græci loquebantur. « Hisce, inquit Hieronymus, et aliis multis verbis usque hodie utuntur Cilices : nec hoc miremur in Apostolo, si utatur ejus linguae consuetudine, in qua natus est et nutritus, cum Virgilius, alter Homerus, apud nos patriæ suæ (Mantuae et Mantuanæ linguae) sequens consuetudinem, sceleratum frigus appellet, » *sceleratum*, id est horrende intensum, mordax et noxium ; quomodo et Galli nostri loquuntur cum aiunt : *Il fait meschamment froid*, id est scelerate, hoc est horrende est frigidum.

QUADRAGESIMUS PRIMUS.

Apostolus subinde novat quasdam voces iisque nova significatione et sensu utitur. Hunc canonem tradit et exemplis illustrat Gregorius Nyssenus, orat. in illud I *Cor.* xv, *Tunc et ipse Filius subjectus erit ei qui subiecit sibi omnia* : « Solet, inquit Nyssenus, sapientia magni Pauli, ad id quod visum fuerit, libere ad arbitrium suum verbis uti et ad suae sententiæ seriem verborum significationes adaptare, etiamsi ad aliquas alias mentis conceptiones usum dictionum trahat consuetudo. Nam unde sumpsit usum verbi *ἐκέναν*, id est « exinanivit seipsum, » *Phil.* ii et II *Cor.* xi : « Gloriationem meam nemo exinaniet aut evacuat : » et *Rom.* iv : « Exinanita est fides ; » et I *Cor.* i : « Ne inanis reddatur crux Christi : ex quonam usu hæc traxit ad suum propositum ? Quis item judicabit eum quod dixerit *ἐταπείνωσε ὑμᾶς*, id est cupidi eramus vestri, vestrique avidi ? per quam dictionem amoris habitum et effectum ostendit. Quomodo per dictionem *καταπαύσαται*, id est non agit perperam, charitatem a fastu et superbia alienam demonstrat ? Studium item contentionis et ulciscendi cupiditas quo pacto per verbum

ἐταπείνωσε, ab eo significatur ? *Rom.* ii, 8. Exercitum namque, et studium lanæ hoc nomine significatur : est enim ἡ ἐπίθεσις, proprie ancilla quæ lanam tractat, et ἐπισημασία, est ipsum lanificium. » Et post pauca, docet, cum Apostolus ait : « Tunc et ipse Filius subjectus erit ei, » pari modo per subjectionem hanc Filii, abusive intelligi non servilem ejus humilitatem, sed salutem, felicitatem, incorruptionem et regnum æternum, quod Filius a Patre, quasi illi unitus et gloriosissime subjectus, accipiet.

Quomodo intelligendum quod Filius subjectus erit Patri ?

QUADRAGESIMUS SECUNDUS.

Paulus, licet Græce scribat, subinde tamen utitur vocibus Romanis, easque ex Latinis Græcas facit, quia hæ voces usitatissimæ erant, non solum apud Latinos, sed etiam apud Græcos. Sic enim Græce scribens vocat *macellum*, *coloniam*, *sicarios*, *semicinctum*, *membrana*, *penulam*.

QUADRAGESIMUS TERTIUS.

Scriptura et Paulus dicunt aliquando nos credere in Deum, aliquando nos credere Deo. S. Augustinus, in *Psal.* lxxvii, hæc duo distinguit : « Plus, ait, est credere in Deum quam credere Deo : nam et homini cuilibet plerumque credendum est, quamvis in eum non sit credendum. » Hoc juxta communem Latinorum phrasim verum est ; verum juxta phrasim Hebræorum, Pauli et Scripturæ hæc duo idem sunt. Idem enim est Hebræis *בְּיְהוָה הֵאמִין haamin badonai*, id est credere in Deo, vel in Deum, et *הֵאמִין לַיהוָה haamin ladonai*, id est credere Deo. Hæc ergo tria apud Hebræos et in Scripturis idem significant, scilicet, credere Deo, credere in Deo et credere in Deum. Verbum enim *haamin*, id est credere, Hebræis significat contactum quemdam mentalem, quo mens quasi tangit sua credulitate et consensu rem creditam, illique adhærescit. Verba autem contactus sæpe apud Hebræos cum *bet*, id est *in*, construuntur.

QUADRAGESIMUS QUARTUS.

Verba Hebræorum sæpe non actum, sed debitum, vel officium significant, ut *Hebr.* xiii, 17 : « Ipsi enim pervigilant, » id est pervigilare debent, « quasi rationem pro animabus vestris reddaturi. » Sic Hebræi dicunt *עָשָׂה אֵשֶׁר לֹא יַעֲשֶׂה asa uscer lo tease*, id est fecit quod non fiet, hoc est fecit quod fieri non debet, sive quod facere non licet.

QUADRAGESIMUS QUINTUS.

Utitur Scriptura et Apostolus sæpe metalepsi, id est transumptione, ut *ad Philip.* ii : « Non rapinam arbitratus est esse se æqualem Deo, » id est non ut rapinam studiose retinuit, defendit, ostentavit, jactavit æqualitatem suam cum Deo Patre, sed eam quasi Dominus sponte deposuit

et celavit. Sic etiam utitur Hypallage, ut *Isaia* 1: « Cognovit bos præsepe domini sui, » id est cog-

novit bos dominum præseps sui, sive dominum se aientem in præsepio (1).

(1) « In Epistolis interpretandis multo maiorem difficultatem reperimus, quam in Evangeliiis, quod ex ipsa rei natura oritur. Qui enim historiam scribit, iis scribit quibus ignota est; adeoque omnia clare et simpliciter narrare debet: epistola vero est quasi colloquium cum amico absente, qui etiam partes suas agit, et ad cuius quesita vel cogitata nobis præcognita respondemus; quando ergo epistola est paulo longior, ita ut plura in ea capita tractentur, fieri vix potest, quin sæpe hærea-

mus, non percipientes quomodo scriptor ab uno ad alterum transeat, aut quis loquatur, an is qui scribit, an is cui scribitur. Præter hanc est et alia obscuritatis causa ipsi Paulo peculiaris, nimirum fervidum ejus ingenium, multa eruditione judaica excultum, qua fiebat, ut plura ipsi simul inciderent, et mente calamum præcurrente, sermo ejus non raro fieret abruptus. » Hæc Rosenmullerus. Cf. D. Glaire, op. cit., p. 80 et seqq.

INTERPRETES EPISTOLARUM S. PAULI.

Origenes. E Græcis primus Origenes scripsit in epistolam ad Romanos. Fusus hic est, elegans, et in moralibus excellit, dogmata quædam habet a sana fide aliena. Unde S. Hieronymus, in epist. ad Pammachium et Oceanum de Origene, sic ait: « Laudavi interpretem, non dogmatisten; ingenium, non fidem; Philosophum, non Apostolum. » Secundus est Theodoretus, qui in omnes Pauli epistolas scripsit. Brevis hic est, planus et litteralis. Tertius est S. Chrysostomus. Excellit hic tum sensu litterali, tum morali, tum spiritu Paulino. S. Chrysostomum sequuntur, quasi discipuli, Theophylactus et Oecumenius, in quibus tamen quædam cavenda et suis locis monenda sunt: ut quod, Rom. ix, prædestinationem non tantum ad gloriam, sed etiam ad gratiam ex prævisis meritis factam esse, ex vers. 11, plane contra mentem Apostoli asserere et docere videntur. Theophylactus quoque Photii, Patriarchæ Constantinopolitani (utpote a quo creatus fuit Episcopus Bulgariæ), errorem secutus est, docetque Spiritum Sanctum procedere non a Filio, sed a solo Patre. Inter Latinos, primo extant commentarii in omnes Pauli epistolas inscripti nomine S. Ambrosii, breves, sed graves passim. Verum notandum est eos non esse S. Ambrosii. Alibi impressi extant, nomine S. Athanasii, sed nec esse Athanasii, nec Ambrosii, patet primo, ex stylo, quodque hic auctor græce se nescire profiteatur, cum S. Ambrosius optime Græcam calluerit, uti indicant multa quæ ex Origene et Basilio mutuatus est. Secundo, quod nec S. Hieronymus, nec S. Augustinus eorum meminerint. Tertio, quod quædam habeant suspectæ fidei: ut quod, I Corinth. vii, docent virum non ita constringi legibus matrimonii, sicut uxor constringitur; virum enim posse facere divortium, uxorem non, qui est manifestus error, etiam ipsimet S. Ambrosio aliis locis. Sic ad Roman. iv, vers. ult., docent eos, qui baptizati sunt ante Christi passionem, accepisse remissionem peccatorum, sed non fuisse justificatos. Rursum, Rom. viii, 28, docent nos vocari ad gratiam secundum propositum, non Dei, sed nostrum: quod est Pelagianum, et contra mentem Apostoli. Sunt tamen hi commentarii veteris

auctoris. Unde ipse, I Timoth. iii, ait se hæc scribere Damaso regente Ecclesiam. Tempore Cassiodori, hi commentarii nomine Gelasii vulgabatur, ut patet ex Cassiodoro, lib. De Divinis Lectionibus, cap. viii, non Gelasii Romani Pontificis, uti putavit Cassiodorus, qui Damaso posterior fuit, sed illius, ut videtur, Episcopi Cæsariensis, qui vixit ante Concilium Chalcedonense, et scripsit librum De Duabus Naturis.

Alii hosce commentarios Remigio attribuunt: sed hic longe posterius vixit, scilicet anno Domini 880, fuitque Antisiodorensis Episcopus, cuius etiam alii in has epistolas exstant commentarii, prorsus ab his Ambrosianis diversi. Alii putant illorum auctorem esse illum qui scripsit *Quæstiones veteris et novi Testamenti*, tom. IV operum S. Augustini, quia in quibusdam cum eo consentit, sed stylo, gravitate, doctrina, methodo ab eo dissentit. S. Augustinus, lib. IV *Contra duas epistolas Pelagian.*, cap. iv, citat ex hoc commentario, in cap. v ad Roman., explicationem illius sententiæ: « in quo omnes peccaverunt, » nomine S. Hilarii. Hinc putant Doctores Lovanienses, quos sequitur Salmeron, disp. xix, et Cardinalis Belarminus, lib. De Scriptor. Eccles., in Ambrosio, Hilarium Diaconum urbis Romæ esse hujus commentarii auctorem, qui schismati Luciferi Calaritani adhæsit, et docuit rebaptizandos esse hæreticos. Unde S. Hieronymus scribens contra Luciferianos, eum vocat Deucalionem orbis.

Dices: Quomodo ergo S. Augustinus eum sanctum vocat? Respondeo: Forte deceptus fuit Augustinus nomine Hilarii, putavitque eum esse eundem cum S. Hilario Pictaviensi Episcopo; aut nomen sancti, more illius temporis accipit late pro quovis ministro Ecclesiæ. Sive ergo hic fuerit horum commentariorum auctor, sive quis alius, certe doctus est, litteralis, verbis brevis et sententiis gravis; sed, ut dixi, infarta quædam habet quæ suspecta et erronea sunt.

Secundus est S. Hieronymus, qui scripsit in epistolam ad Galatas, ad Ephesios, ad Titum et ad Philemonem. Ubi adverte, solere S. Hieronymum in præfatione dicere, quos veteres secuturus sit, ac deinde in commentario sæpe eorundem erro-

Olim inscribatur Gelasio.

Alii tribuunt eum Remigio.

Alii S. Hilario.

Hilarius Diaconus hæresis Luciferianæ fautor.

Quomodo hunc Hilarium sanctum vocet Augustinus?

Theodoretus.

Chrysost.

Theophylactus. Oecumenius.

Comment. Ambrosio inscriptus an vere sit S. Ambrosii?

mentario res transcribere, nec refutare. Quare caute legendus est in hisce S. Hieronymus, atque Origeni aliisque quos in præfatione nominat, non autem ipsi Hieronymo hi errores tribuendi sunt. Rursum notandum hic est, inter opera S. Hieronymi, post commentarium in hasce quatuor epistolas, etiam alios extare commentarios breves in omnes epistolas S. Pauli. Sed certum est intuenti et conferenti priores cum hisce posterioribus, eos non esse S. Hieronymi. Unde et in ipsa præfatione Heliodoro ascribuntur : hic enim posteriorum auctor repit, nil habet Græci, vel Hebræi, cum Hieronymus acer sit, et tam Hebræis quam Græcis abundet. Adde videri auctorem hunc esse Pelagianum. Nam, in cap. v *ad Roman.*, negare videtur peccatum originale; tractans enim illud Pauli: « Per unum hominem peccatum intravit in mundum, » sic explicat: Per Adam, inquit, intravit peccatum in mundum, » intravit, inquam, imitatione, non naturali traduce aut propagatione: » quia scilicet posteri Adæ peccatum sponte sua imitati sunt, non autem naturali propagatione ex Adamo peccatum aliquod contraxerunt: quæ expositio fuit Pelagii. Unde hic auctor ementito nomine S. Hieronymi plures decepit. Nam eum secuti sunt Sedulius, Primasius et Rupertus, adeoque commentarius Sedulii Scoti in epistolas Pauli idem cum hoc Hieronymiano esse videtur, resectis tantum plerisque, quæ manifestam Pelagii hæresim continebant. Sic et Primasii Uticensis, qui floruit sub Theodosio Imperatore fuitque S. Augustini discipulus, commentarius, ejusdem scripti, S. Hieronymo falso ascripti, non aliud quam lima et castigatio quedam est, licet per omnia non satis semper exacta et diligens.

Sedulius Tertius S. Augustinus inchoavit commentarium in epist. *ad Romanos*: « Sed difficultate et prolixitate, inquit ipse, lib. I *Retract.*, cap. xxv, Apostoli territus, destitit. » Scripsit et in epist. *ad Galathas* et in reliquas sparsim, eaque collegit Venerabilis Beda. Hos secuti sunt alii post aliquot sæcula. Primus, qui cæteris aptius, peritius, sapi-
Rupertus
Primasius
Uticensis
Angustinus
Beda
Anselmus
Cantuariensis
Haymo
Halberstatensis
Thomas
Aquinas
Petrus

magister dicitur, est S. Anselmus, Cantuariensis Archiepiscopus, Lanfranci discipulus et successor sub annum Christi 1080. Dubitat tamen Franciscus Ribera, in epist. *ad Hebræos*, an hi commentarii sint S. Anselmi; et in antiquis exemplaribus, Herveo monacho inscribuntur, teste Sixto Senensi in *Anselmo*. Nonnulla descripsit hic auctor ex commentario Ambrosiano, ut videre est in II *ad Corinthios*, cap. viii.

Haymo etiam, Halberstatensis Episcopus, in hasce epistolas breviter scripsit, simpliciter et clare anno Domini 830. Cum Primasio ita consentit, ut pene unus idemque utriusque videatur esse commentarius.

Hos secutus D. Thomas, in easdem scripsit breviter, methodice et theologicè, multumque materiæ legenti suggerit.

Magister Sententiarum, Petrus Lombardus, ex

Patribus more suo commentarium in hasce epistolas contexit: in quo hoc unum desideratur, quod Patrum loca non annotet aut designet. Huic similis est Glossa ordinaria, quam ex Patribus, tacitis locis, collegit Strabo, Rabani auditor. Sicut Anselmus Laodunensis, anno Domini 1110 (ut tradunt Sixtus Senensis et alii), auctor est Glossæ interlinearis, quæ multa breviter et punctim, sed docte et utiliter attigit. Huic Glossæ tum ordinariæ, tum interlineari adjunctus est Nicolaus Lyranus, ex Judæo Christianus, suo tempore nobilis Scripturæ interpretes. Scripsit etiam Hugo Cardinalis, qui subinde moralia puncta, eaque multa, sed breviter conglomerat e Scriptura.

E recentioribus præ aliis egregie scripserunt Cajetanus, Dionysius Carthusianus, Contarenus Cardinalis, Ambrosius Catharinus, Claudius Guiliardus, D. Hasselt, doctor Lovaniensis, qui apud nos Lovanii manuscriptus exstat; Tilemannus, Adamus Sasbout. Bene etiam Gagneus scripsit, sed immatura morte præventus, commentarium hunc quasi posthumum embryonem aliis formandum, limandum et edendum reliquit. Novissime in omnes epistolas scripsit per dubia et quæstiones P. Alfonsus Salmeron fuse et docte. In epistolam *ad Hebræos* scripsit Franciscus Ribera, singularis sacræ Scripturæ interpretes, ultimamque hic quasi cycnæam vocem edidit.

In epist. *ad Roman.* scripsit primo, Dominicus Soto docte et theologicè. Secundo, per quæstiones selectas, P. Pererius. Tercio, commentarium plenum et exactum, magno judicio edidit Cardinalis Toletus, qui Apostoli argumenta et rationes acriter indagare rimatur, neclit et stringit. Multas hic habet novas expositiones, easque vestigare et admare videtur.

In epist. *ad Timotheum* et *ad Titum* fuse et floride scripserunt noster Magalianus et Ludovicus Soto Major; et ante hos Claudius Spencæus, qui prolixas cum hæreticis nostri temporis disputationes interserit. Habet et Erasmus hic suas annotationes, grammaticales sæpe, quibus varias lectiones atque vim et significationem Græcæ dictionis expendit. Verum de nonnullis fidei articulis, uti de divinitate Filii, de descensu Christi ad inferos, de processione Spiritus Sancti a Patre et Filio, de peccato originali, de confessione sacramentali, dubie et ambigue loquitur, ovaque ponit quæ postea Lutherus et Ariani excluserunt (1).

(1) Egregie in epistolas D. Pauli recentius commentati sunt Isaacus Habert; P. Alexander, ord. Prædicatorum; Bernardinus Mauduit, quorum opera, ut optime nota, satis sit indigitare.

Estius in Paulo interpretando, via quidem et methodo optima usus, vim verborum nexumque sententiarum diligenter exquirat et invenit; justa tamen non caret reprehensione, tum quia sæpius et prolixè in quæstiones theologicæ excurrit; tum quia Thomistarum opinionibus nimium favens, totus est ut ipsum Paulum Thomistam faciat; tum quia durior est in explicandis Pauli locis de prædestinatione et reprobatione.

Lombardus.

Glossæ ordinariæ. Strabo. Anselmus Laodunensis.

Nicolaus Lyranus.

Hugo cardinalis.

Cajetanus et reliqui recentiores.

Alfonsus Salmeron.

Franciscus Ribera.

Dominicus Soto.

Pererius.

Toletus.

Magalianus.

Ludovicus Soto.

Erasmus multum favet hæreticis.

Hæretici. Ex hæreticis scripserunt multi, ac in primis Calvinus, Beza et Augustinus Marloratus, qui ex Luthero, Melanchthone, Brentio, Bulingero, Pomerano, Sarcerio, Petro Martyre et aliis *Catenam* confecit.

Ex omnibus Cornelii a Lapide commentariis primas dat commentario in S. Paulum Richardus Simon, *Histoire crit. des principaux commentateurs du Nouv. Testament*, cap. XLIV.

Joannes a Gorcum optimam epitomen ex Estii et Cornelii in Paulum commentariis conflavit, ejus præstantior editio Lovanii exiit, ann. 1754, hoc titulo: *Epi-*

Vatablus Catholicus fuit, sed ejus scripta ab hæreticis excusa et depravata sunt: alioqui vir ipse fuit egregie doctus, tam in Hebræis, quam in Græcis. Acute litteram breviterque persequitur; sed sæpe a nostro Interprete diversus est. Habet enim ipse propriam versionem, vel potius versionem Tigurinam Leonis Hebræi.

Vatablus Catholicus ab hæreticis corruptus.

tome commentariorum G. Estii et Corn. a Lapide in omnes D. Pauli Epistolas, per Johannem Gorcum, presbyterum, collecta. Editio nova, D. Pauli textu et Estii præfationibus aucta, in-8°.

COMMENTARIUS

IN EPISTOLAM

AD ROMANOS.

ARGUMENTUM.

DUÆ epistolæ hujus partes sunt. Prior, ab initio usque ad cap. XII, dogmatica est. Posterior, a cap. XII ad finem usque, ethica est, et mores instruit. In priore dogmatica, ut ait S. Augustinus et ex eo Anselmus, versatur et discutitur quæstio operum legis et gratiæ : an videlicet Judæis solis (ut ipsi jactabant), propter merita operum legis, data sit justitia et salus ; an vero omnibus omnino nationibus sine ullo operum legis aut naturæ merito, gratis a Deo concessum sit, ut per fidem in Christum et gratiam ejusdem justificentur, ac deinceps fidei et gratiæ cooperando, juste et sancte vivant, itaque salutem æternam assequantur. Hac enim de re Judæi cum Gentibus contende-
bant, Gentibus philosophiam et virtutes morales jactantibus, pro sua justitia : Judæis vero vendicantibus opera legis, et quod essent posterī Abrahæ, quibus promissus erat Messias et salus, ut, si ea potiri vellent Gentes, deberent circumcidi et fieri Judæi proselyti. Utrosque retundit hic Apostolus, ostendens quod Judæi contra legem Mosis, Gentes contra legem naturæ gravissime peccarint et utrique indiguerint redemptore ; ac proinde utrisque gratis promissus sit Messias, cujus fide et gratia gratis justificentur.

Hæc autem totius epistolæ est distributio. Primis quinque capitibus reprimit Apostolus fastum tam Judæorum, quam Gentium, ostenditque tam hos, legem naturæ ; quam illos, legem Mosis violasse. Ideoque omnes esse sub peccato, et consequenter egere Salvatore Christo ; quodque ex fide et gratia Christi, non autem ex operibus legis vel naturæ justitia petenda et spectanda sit.

Secundo, cap. VI, docet, quomodo in justitia per Christum accepta progredi, vitiisque suis resistere debeant : nam, ut ait cap. VII, post justificationem manet in justo concupiscentia, quam acuit lex, sed comprimit et superat Christi gratia.

Tertio, cap. VIII, enumerat fructus quos capimus ex fide et justitia Christi.

Quarto, cap. IX, X et XI, docet Gentes vocatas et electas esse ad justitiam, ab eaque rejectos esse Judæos ; eo quod Gentes Christo credere voluerint, Judæi vero noluerint, sed justitiam in lege

Mosis, non autem in fide Christi quæsierint, eamque sibi quasi Abrahæ posteris, jure hereditario debitam arrogarint.

Quinto, cap. XII, transit ad mores hortaturque ad exercitia Christianarum virtutum, ac denique, cap. XVI, salutationibus epistolam claudit (1).

Nota primo : Scripta est hæc epistola post utramque ad Corinthios, ut recte annotavit S. Chrysostomus et patet ex I Corinth. cap. XVI, 2, ubi collectam fieri hortatur Paulus pro pauperibus Hierosolymitanis : hac vero epistola ad Romanos, cap. XV, 25, collectam illam jam factam esse significat. Ponitur tamen hæc epistola ab Ecclesia primo loco, vel ob præminentiam Romanæ Ecclesiæ, ut censet Catharinus. Unde S. Irenæus, lib. III, cap. I, tradit S. Paulum cum S. Petro Romæ evangelizasse, et cum eo Romanam fundasse Ecclesiam, sicut et eandem cum eodem suo sanguine et martyrio consecravit. Vel, ut opinatur S. Augustinus, epist. 105 ad Sixtum, eo quod gratiam fidei commendat, quæ caput est et initium gratiarum. Vel, ut vult Theodoretus, ob exactam omnis generis doctrinam.

(1) Hæc Rosenmullerus : « Sunt totius epistolæ partes tres. I. Præfatio, cap. I, 1-17. II. Tractatio, cujus iterum duæ sunt sectiones, dogmatica et parænetica. Et in dogmatica quidem parte, primis 11 capitibus procurrende, totus in eo est, ut ostendat, non ex observatione Judaismi, sed ex observatione Christianismi, et quidem solius christianismi salutem æternam homini sperandam esse, ita ut Judaismo amplius non sit opus ; religione veteri Mosaica impietatem humanam, inter Judæos Ethnicosque prorsus eandem, non potuisse tolli, nec felicitatem veram restitui, itaque novam ad felicitatem hujus et futuræ vitæ perveniendi viam et rationem, positam esse a Deo in doctrina Jesu Christi ; ab hac sola certam salutis spem omnibus, Judæis Gentibusque esse repetendam, nec in hac retribuendum esse quidquam majorum meritis, aut legis Mosaicæ observationi, sed soli benevolentia Dei per Jesum Christum luculenta quadam ratione hominibus declarata. Altera hujus epistolæ parte, parænetica, universa vitæ Christianæ pietas commendatur, cap. XII, 1 — XV, 14. III. Peroratio, seu epilógus, quo continentur scriptionis excusatio, apostolatus commendatio, adventus promissio, intercessionis petitio, ad finem cap. XV. Caput XVI aliorum pertinere videtur. » Cf. Bible de Vence, *Préface sur l'épître aux Romains* ; Haneberg, *Einleitung*, etc., p. 614 seqq.

Quando scripta hæc epistola, et quare ponatur primo loco ?

Contentio Judæorum et Gentium.

Totius epistolæ distributio quinque capitibus.

Episto-
lam hanc
aliqui
putant
latine
scriptam.

Nota secundo : Probabiliter Salmeron, tom. I, prolegomeno 33, in fine, censet hanc unam Pauli epistolam latine esse scriptam. Primo, quia eam Apostolus scribit Latinis : ipse enim ex dono linguarum sibi infuso etiam latine norat. Secundo, quia ejus amanuensis fuit Tertius, cap. xvi, 22, quod nomen Latinum est. Dices : Cur ergo toties hic græcizat ? Respondeo : Quia hactenus inter Græcos versatus erat, ideoque in Græcam erat proclivior.

Verius
est scrip-
tam esse
græce, et
postea
versam
in Latini-
um a
Tertio.

Contra Bellarminus, lib. II *De Verbo Dei*, cap. vii, et communiter alii, omnes Pauli epistolas, præter unam ad Hebræos, græce scriptas esse contendunt. Certe S. Chrysostomus et Græci Græcum textum quasi autographum sequuntur. Idem facit et Syrus. Adde, Paulum hac epistola Judæo et Barbaro non opponere Romanum, sed Græcum, cap. i, vers. 14 et 16. Scribit enim ex Græcia, ubi inter Græcos agens Græce linguae jam assueverat, ideoque scribit græce etiam ad Romanos, quia his, uti et aliis, lingua Græca tum erat familiaris et elegans, ut dicam cap. i, vers. 16. Perinde ergo hic facit Paulus, atque si Francus vel Belga aliquis ex Francia in Belgium ad Lovanienses vel Antuerpienses scriberet francice. Tertio, idipsum confirmat, quod hæc epistola græcismis abundet, quodque Latinus noster textus ex Græco ad verbum, imo ad litteram et apicem sæpe expressus videatur, ut quod cap. i, 31 habetur : « Sine affectione, absque fœdere, sine misericordia, » quis non videt ex Græcis verbis ἀσέβως, ἀσυνήδους, ἀκαρπίτες, ad apicem esse expressum ? Nam si latine scripsisset Paulus, latine et clare dixisset : *Inhumanos, fœdifragos, inmisericordes*. Similes græcismos videbimus cap. i, 7, 8, et deinceps : ita ut hæc epistola plane stylo et phrasi Græca scripta esse videatur.

Quarto, hic videtur esse sensus et consensus interpretum tam Græcorum, quam Latinorum. Omnes enim provocant, cum lectio est dubia, ad textum Græcum, quasi ad Pauli autographum. Quod si textus Græcus sit ambiguus et variae significationis, variant quoque in expositione interpretes : nil tale fit in Latino : v. g. Rom. cap. i, vers. 1, Græcum ἐπιεικής Chrysostomus et Græci vertunt, *qui declaratus est* ; noster vero Interpres et Latini vertunt et legunt, *qui prædestinatus est*. Utrumque enim significat Græcum ἐπιεικής. Quod si Paulus latine scripsisset, *qui prædestinatus est*, nulla foret hic lis, nulla varietas, nullum dubium ; causa pro Latinis foret decisa, Latini omnes Græcos ad Latinum Pauli autographum provocarent : quod tamen nemo hactenus fecit (1).

Addo tamen, probabile esse Græcum Pauli autographum mox a Tertio, vel alio interprete, quem, ut alibi dixi, Paulus semper ad manum habebat, conversum esse in Latinum sermonem, itaque Romanis et Latinis esse transmissum ; hoc enim sua-

(1) Insuper, ait Dom Ceillier, Apostolus scribit *his qui sunt Roma*, hoc est non solum Latino-Romanis, sed etiam omnibus Christianis ex quavis natione Romæ degentibus. *Hist. générale des auteurs sacrés*, tom. I, p. 334.

dent rationes prioris sententiæ Salmeronis. Atque hac de causa, nimirum ob duritiem et obscuritatem interpretis, putavit Diodorus Tarsensis hanc epistolam præ aliis tam hiulce et obscure esse conscriptam, ut dicam cap. xvi, 22. Pari modo S. Marcus Evangelium, quod Romæ latine conscripserat, fertur Aquileiæ in Græcum transtulisse, cujus originale Venetiis etiamnum asservatur, uti testatur Petrus Episcopus Aquileiensis in *Catalogo*, lib. IV, cap. LXXVI. Sic et Irenæum, quem utpote Græcum græce scripsisse omnes consentiunt, mox a quopiam familiari ejus interprete in Latinum esse conversum opinantur nonnulli, inter quos est Fevardentius, procemio in *Irenæum* : hoc enim suadere videtur styli illius Latini vetustas et gravitas.

Denique scripta est hæc epistola anno Christi 58, ut ait Baronius (2), Corinthi, missa per Phœben, ut habent Biblia Græca, Syra et Latina Regia in fine epistolæ, cum jam S. Petrus Roma jussu Claudii abiisset in Britanniam ; tunc nimirum Paulus Romanos pastore destitutos, et inter se de quæstionibus jam dictis tumultuantes confirmavit, docuit et in concordiam redegit. Unde mirum non est, quod Paulus hac epistola Petrum, utpote Roma absentem, non salutet (3).

Scripta
est hæc
epistola
anno
Christi
58.

(2) Rectius, anno 56 inerte, ait Sepp. *Vid. Chronicon Actuum Apostolorum* tom. XVII præfatum ; et Sepp, op. cit., tom. II, p. 347.

(3) De consilio Pauli in scribenda hac ad Romanos epistola pauca dicam. Videtur nempe Paulus per Aquilam et Priscillam, et plures alios Claudii imperatoris edicto Roma expulsos, quibus Corinthi et Ephesi familiariter usus fuerat, certus factus esse de rebus Christianorum Romanorum. Paulus vero per eundem Aquilam, aliquanto post Romam redeuntem, fortassis etiam per Christianos in Macedonia, Achaia, Asia ipsi familiares factos, et Romam proficiscentes, atque insignia ejus in religionem merita narrantes ac prædicantes, Romanis innotuit. Præcipua causa, cur Apostolus hanc ad eos epistolam scriberet, fuisse videtur hæc, quod in eorum cætu, qui mixtus erat ex hominibus, ante susceptionem Christianæ religionis, partim Judaismo, partim idolorum cultui addictis, lites ortæ essent, quas componere studuit. Porro causæ dissidiorum hæc fere fuerunt : *Judæo-Christiani* opiniones Judaicas, imprimis pharisaicas cum doctrina Christiana conjungere solebant, et existimabant beneficia Messiae majori jure ad suum populum, quam ad exterarum gentes pertinere, Rom. iv, 17 ; ii, 17 ; iii, 2, 29 ; x, 12. Quin etiam de lege Mosaica ipsa, sibi, non Gentilibus concessa, valde gloriabantur, censebantque propter hujus legis et rituum sacrorum observationem, ut et propter merita majorum, Abrahami, etc., Deum ipsis fore propitium ; Gentiles contra, utpote lege destitutos, nec ab Abrahamo genus ducentes, nec ritibus sacris initiatos, tanquam homines profanos esse contemnendos, nisi et ipsi jugum legis Mosaicæ imponi sibi paterentur. *Ethnico-Christiani* vero Christianos ex Judæis, tanquam homines superstitiosos, omnique Dei misericordia indignos valde contemnebant. Inde vero altercationes et scandala enata erant, quæ a Paulo patrum carpuntur. Denique præter istam doctrinæ et opinionum varietatem, etiam vita plurimorum Christianorum variis vitiis, vel jam corrupta erat, vel certe facile corrumpi poterat. Itaque Paulus partim Judaicas opiniones refutat, partim odia et rixas pellere studet.

CAPUT PRIMUM.

SYNOPSIS CAPITIS.

Paulus commendans suum apostolatam et Evangelium, salutat Romanos, eosque visere et eis prædicare exoptat.

Hinc secundo, vers. 16, docet Evangelium et fidem Christi esse virtutem Dei in salutem omni credenti : justum enim ex fide vivere.

Unde tertio, vers. 18, docet Ethnicos ante Christum, licet Deum ex creaturis agnoverint, non tamen eum, sed idola coluisse, indeque a Deo traditos in reprobum sensum, in abominanda, quæ hic recenset, scelera incidisse. Docet ergo omnes ante Christum peccatis et iræ Dei fuisse obnoxios; ut inde concludat omnes eguisse Evangelio, fide et gratia Christi Redemptoris.

1. Paulus, servus Jesu Christi, vocatus Apostolus, segregatus in Evangelium Dei, 2. quod ante promiserat per Prophetas suos in Scripturis sanctis, 3. de Filio suo, qui factus est ei ex semine David secundum carnem, 4. qui prædestinatus est Filius Dei in virtute secundum spiritum sanctificationis ex resurrectione mortuorum Jesu Christi Domini nostri : 5. per quem accepimus gratiam et apostolatam ad obediendum fidei in omnibus Gentibus pro nomine ejus, 6. in quibus estis et vos vocati Jesu Christi : 7. omnibus qui sunt Romæ, dilectis Dei, vocatis sanctis. Gratia vobis et pax a Deo Patre nostro, et Domino Jesu Christo. 8. Primum quidem gratias ago Deo meo per Jesum Christum pro omnibus vobis : quia fides vestra annuntiatur in universo mundo. 9. Testis enim est mihi Deus, cui servio in spiritu meo in Evangelio Filii ejus, quod sine intermissione memoriam vestri facio, 10. semper in orationibus meis : obsecrans, si quomodo tandem aliquando prosperum iter habeam in voluntate Dei veniendi ad vos. 11. Desidero enim videre vos, ut aliquid impertiar vobis gratiæ spiritualis ad confirmandos vos : 12. id est simul consolari in vobis, per eam quæ invicem est, fidem vestram atque meam. 13. Nolo autem vos ignorare, fratres : quia sæpe proposui venire ad vos (et prohibitus sum usque adhuc), ut aliquem fructum habeam et in vobis, sicut et in cæteris gentibus. 14. Græcis ac Barbaris, sapientibus et insipientibus debitor sum : 15. ita (quod in me) promptum est et vobis, qui Romæ estis, evangelizare. 16. Non enim erubesco Evangelium. Virtus enim Dei est in salutem omni credenti, Judæo primum, et Græco. 17. Justitia enim Dei in eo revelatur ex fide in fidem : sicut scriptum est : Justus autem ex fide vivit. 18. Revelatur enim ira Dei de cælo super omnem impietatem et injustitiam hominum eorum qui veritatem Dei in injustitia detinent : 19. quia quod notum est Dei, manifestum est in illis. Deus enim illis manifestavit. 20. Invisibilia enim ipsius, a creatura mundi, per ea quæ facta sunt, intellecta, conspiciuntur : sempiterna quoque ejus virtus, et divinitas : ita ut sint inexcusabiles. 21. Quia cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis, et obscuratum est insipiens cor eorum ; dicentes enim se esse sapientes, stulti facti sunt. 22. Et mutaverunt gloriam incorruptibilis Dei in similitudinem imaginis corruptibilis hominis, et volucrum, et quadrupedum, et serpentium. 23. Propter quod tradidit illos Deus in desideria cordis eorum, in immunditiam : ut contumeliis afficiant corpora sua in semetipsis : 24. qui commutaverunt veritatem Dei in mendacium ; et coluerunt, et servierunt creaturæ potius quam Creatori, qui est benedictus in sæcula. Amen. 25. Propterea tradidit illos Deus in passionem ignominiæ. Nam feminæ eorum immutave-

runt naturalem usum, in eum usum qui est contra naturam. 27. Similiter autem et masculi, relicto naturali usu feminæ, exarserunt in desideriis suis in invicem, masculi in masculos turpitudinem operantes, et mercedem, quam oportuit, erroris sui in semetipsis recipientes. 28. Et sicut non probaverunt Deum habere in notitia: tradidit illos Deus in reprobum sensum, ut faciant ea quæ non conveniunt, 29. repletos omni iniquitate, malitia, fornicatione, avaritia, nequitia, plenos invidia, homicidio, contentione, dolo, malignitate, susurrones, 30. detractores, Deo odibiles, contumeliosos, superbos, elatos, inventores malorum, parentibus non obedientes, 31. insipientes, incompósitos, sine affectione, absque fœdere, sine misericordia. 32. Qui cum justitiam Dei cognovissent, non intellexerunt, quoniam qui talia agunt, digni sunt morte: et non solum qui ea faciunt, sed etiam qui consentiunt facientibus.

Vers. 1.
Pauli no-
men unde
desump-
tum?
quid si-
gnificet?

1. PAULUS. — De hoc nomine multi hic multa afferunt.

Primo, aliqui putant hoc nomen esse Græcum, et quietem, vel potius quietum significare, deducique ἀπὸ τοῦ παύειν, id est a quiescendo. Sicut e contrario Saulus (ait Ambrosius) significat inquietudinem: αἰσλος enim Græcis idem est quod commotio. Nam Saulus inquietus fuit, turbator et persecutor Ecclesiæ.

Secundo, S. Hieronymus, in *Nominib. Hebraicis*, vult nomen Paulus esse Hebræum et significare mirabilem: hoc enim significat Hebræum פֶּלֶא pele, unde Paulus. Alii Paulum interpretantur operarium, a radice פָּעַל paal, id est operatus est.

Tertio, alii censent nomen Paulus esse mixtum ex Hebræo et Græco et significare os tubæ, vel potius os tibie, quasi conflatum sit ex פֶּה pe, id est os, et αἰσός, id est tibia. Rursum S. Damasus, in *Carmina de S. Paulo*, putat Paulum in baptismo mutasse nomen Sauli in Paulus. Sed contra facit, quod post cap. ix *Actor.*, ubi Paulus baptizatur, semper vocetur Saulus, usque ad cap. xiii. Ergo post baptismum diu Sauli nomen retinuit: non ergo in baptismo nomen Pauli assumpsit. Denique Origenes putat Paulum fuisse binominem, et in circumcissione illi tam Pauli quam Sauli nomen impositum esse, sicuti Matthæus vocatus est Levi.

Nomen Pauli Romanum, quando, et qua occasione assumpsit? Verum respondeo et dico: Verius est, Paulus esse nomen Latinum et Romanum. Rursum Saulum assumpsisse hoc nomen Pauli, *Actor.* xiii, 9, ubi cum Barnaba segregatus est et designatus Apostolus Gentium, scilicet, mox ut cœpit prædicare Gentibus, puta Paulo, Proconsuli Cyprî, in quem primo e Gentibus incidit eumque convertit: ut enim illi et aliis Gentibus Paulus quasi Romanus civis, etiam nomine suo facilius se insinaret, Paulus, inquam, qui omnibus omnia fieri cupiebat, ut omnes lucrifaceret; propterea hac occasione Sergii Pauli, ut dixi, nomen Judaicum Sauli, levi mutatione unius litteræ, mutavit in nomen Romanum Pauli.

Id ita esse ex eo conjicitur, quod usque ad apostolatam suam ad Gentes et conversionem Sergii Pauli, semper vocetur Saulus, vel Saul, a

Saule primo rege suæ tribus Benjamin, quia inter Judæos agebat: post illam vero Sergii Pauli conversionem semper vocetur Paulus, quia deinceps inter Romanos et Gentes, quasi Gentium doctor et Apostolus agit. Ita S. Augustinus, lib. VIII *Confess.*, cap. iii; S. Hieronymus, in epist. ad Philemonem, Beda et Salmeron hic, et Lorinus in cap. ix *Actor.*, vers. 18.

Non ergo Sergius Paulus Saulo suum Pauli nomen ex amicitia imposuit, ut aliqui volunt; sicut Josephus fatetur se Flavii nomen accepisse a familia Flavia Titi et Vespasiani: cum potius Sergius Paulus, quasi catechumenus et discipulus a Paulo nomen accipere debuerit, quasi a magistro suo: sicuti S. Cyprianus Cæcilii nomen a Cæcilio presbytero, a quo baptizatus est, assumpsit: sed tantum occasione illius Pauli, qui nomen sibi affine gerebat, quemque primo e Gentibus convertit Paulus, sponte inter Gentes nomen Pauli assumpsit.

Hinc patet etymon Pauli esse Latinum, et Paulum idem esse quod parvum, pusillum, modicum. Unde et a parva statura Pauli nomen adhæsisse familiæ Æmiliæ, auctor est Sigonius in *Nominibus Romanis*, quasi dicat Paulus: Ego olim Judæis fui Saulus, nunc vobis Romanis Romanus sum Paulus: olim ante christianismum altus et superbus eram, quasi alter Saul; nunc Christianus effectus parvus sum Paulus; parvus, inquam, tum corpore, tum magis animi demissione. Ita S. Thomas et S. Augustinus, lib. *De Spirit. et Litt.*, cap. vii. Et in *Psalm.* lxxii: «Paulus, inquit, primo Saulus, postea Paulus, id est primo superbus, postea humilis. Saul enim, unde dictum est nomen Sauli, nostis quia rex superbus et infrenis fuit. Non quasi aliqua jactantia nomen sibi mutaverit Apostolus; sed ex Saulo factus est Paulus, ex superbo modicus. Paulum enim modicum est.» Et lib. I *De Verbis Domini*, serm. 13: «Tu es ipse Paulus, in te parvus, in Domino magnus; in te infirmus, in Domino firmissimus. Eris exaltatus, quia non es ingratus.»

Quare quod S. Hieronymus, loco jam citato, Pauli nomen censet esse nomen victoriæ et triumphî, licet a parte rei vere hoc nomen ita

Nomen Pauli etymologia.

accipi possit; tamen hæc non est vera hujus nominis ratio ex mente et intentione Pauli, qui, ut dixi, Pauli nomen non tam sublimitatis, quam familiaritatis et humilitatis studio assumpsit. Ascribam hie verba S. Hieronymi, quia pulchra sunt: « Uti Scipio, inquit, subjecta Africa, Africani sibi nomen assumpsit, et Metellus, Creta subjugata, Cretici cognomentum reportavit, et Imperatores nunc usque Romani ex subjectis gentibus Adiabeni, Parthici, Sarmatici nuncupantur; ita et Paulus, ad prædicationem Gentium missus, primo Ecclesiæ spolio proconsule Sergio Paulo, victoriæ suæ trophæa retulit erexitque vexillum, ut Paulus diceretur e Saulo. » Aptius S. Augustinus, serm. 25 *De Sanctis*, tom. X: « Patitur, inquit, Paulus quod fecerat Saulus. Saulus lapidavit, Paulus lapidatus est. Saulus Christianos virgis affecit, Paulus pro Christo quinque quadragenas una minus accepit. Saulus persecutus est Ecclesiam Dei, Paulus submissus est in sporta. Saulus vinxit, Paulus vincitus est. Et dum Paulus sæviens querit minuire numerum Christianorum, etiam ipse accessit ad numerum Confessorum, »

Apostolus igitur, ut ipsemet ait, « præsentia corporis fuit infirma. » Fuit enim nomine et corpore Paulus, id est parvus; sed ingenio, animo, virtute et factis magnus. « Animus enim non mensuratur corpore, » sed corpus transcendit. Pulchre et vere Sapiens, *Eccli.* XI, 3: « Brevis, μικρά, id est parva, in volatilibus est apes, et initium (ἀρχή, primas, principatum) dulcoris habet fructus illius. » Ita corpore parvus, sed animo celsus fuit S. Hieronymus, ut habet ejus Vita apud Ribadeneiram et alios. Idem de se innuit S. Augustinus, hom. *De Transfigur. Domini*: « Quæso, inquit, per Dominum, ne vos hominiconis fœditas offenda, dummodo qualibet occasione, de cordibus vestris peccatorum sordes abstergat. » Et *serm.* 6 inter commun. « Obseoro, ait, vos fratres, etc., ut oretis pro me exiguo et pusillo, » etc. S. Antonius, memoriæ portentum, æque ac sanctitatis et miraculorum, ab exigua statura nomen accepit: vocabatur enim Antonius. Nimirum ut ait Poeta,

Major in exiguo regnavit corpore virtus.

Et e contrario:

Nulla in tam vasto corpore mica salis.

Parvi sunt magnanimi, sur? Et Cicero: « Valentissimo quisque corpore longissime abest a sapientia. » Experientia docet communiter in parvo corpore magnos inesse animos. Virtus enim unita fortior est seipsa divisa. Virtus autem animæ in corpore parvo unitur, in magno dividitur et dispergitur. Atque hæc de causa naturaliter parvis quam magna facilius est magnanimitas, difficilior humilitas. Eleganter et cordate S. Gregorius Nazianzenus, scribens ad Nicobulum, qui Alypianæ uxori suæ

Gorgoniæ, Gregorii sororis, filiæ, exiguam staturam exprobrabat, ita rescribit, *epist.* 153: « Alypianam apud nos cavillis inaccessis ut parvam et tua proceritate indignam, o magne et vaste ac gigante tum forma, tum robore. Nunc demum intelligo animum mensuræ subijci, ac rupes margaritis præstantiores esse, corvosque lusciniis augustiores. Tu vero magnitudine tua et cubitis fruere. » Deinde subdit: « Quod si hoc quoque adjicias, eam orationis causa curvam esse, ac per ingentes mentis agitationes, perpetuam cum Deo consuetudinem habere; quid hic de tua sublimitate corporisque mensura te jactabis? Vide tempestivum silentium, loquentem audi, quam non incompta sit animadvertere, quam ut femina fortis ac strenua, quas rei domesticæ utilitates afferat, quam viri amans, ac tum illud Laconis dices: Certe animus in mensuram minime cadit, atque externum hominem oculos conjectos in internum habere oportet. Ita eam ut parvam deridere desines, et tuum conjugium faustum ac felix judicabis. »

SERVUS JESU CHRISTI. — « Servus, » scilicet honorarius, qui hebraice vocatur משרת *mescaret*, d est minister, de quo plura dicam *Philip.* cap. I, vers. 1.

VOCATUS APOSTOLUS, — id est vocatus ad apostolatam, vocatione Apostolus. Græce enim non est participium ἀποστολόμενος, id est vocatus, appellatus; sed nomen ἀπόστολος, id est vocatitius. Unde Syrus vertit קריא ושלחה *karia vaschelicha*, id est vocatitius et Apostolus, q. d. Evocatus Deique Apostolus. Ita S. Chrysostomus. Sic Hispani gloriantur quod sint *criados del Rey*, id est servi Regis, evocati a Rege, vocatitii Regis. Unde, teste Hesychio, *vocatus* dicitur nobilis. Alludit ad *Isaia* XLVIII, 12, ubi pro eo quod nos habemus: « Audi, Israel, quem ego voco, » hebraice est מכראי *mecorai*, id est vocate mi, uti vertunt Aquila; Symmachus, Vatablus et alii: Israel enim typus fuit S. Pauli et fidelium. Vide ibi dicta (1). Rursum alludit hic Paulus per nomen Hebræum et Syrum *scelicha*, id est Apostolus, ad prius suum nomen regium Saul. Saul enim hebraice significat vocatum et postulatam, scilicet a Deo ad regnum, sicut Saulus hic noster ex eadem tribu Benjamin est vocatus et postulatam ad apostolatam: estque paronomasia Hebraica, q. d. Paulus: Qui olim fui Saulus vel Saul; nunc sum *scelicha*, id est vocatus ad legationem et munus Apostolicum. Pari modo in voce *karia*, id est vocatus, alludit ad duodecim principes vocatos a Deo et Mose, ut duodecim tribubus præessent, *Num.* I, 16, uti ibi dixi. Quare parerga hic est Anselmi expositio, qua censet Paulum se non Apostolum, sed vocatum Apostolum nuncupare ex studio humi-

Paulus
vocatione
et mu-
nere
Aposto-
lus, non
tantum
appella-
tione.

(1) Simplicius: Vocatus Apostolus, id est, constitutus Apostolus, cui munus Apostolicum est demandatum, vocatus ab ipso Christo, non ut alii, honorem istum mentitus, I Cor. I, 1.

litatis, q. d. Ego non voco me Apostolum, sed ab aliis vocatus et dictus sum Apostolus: quomodo S. Bernardus ex humilitate non Abbas, sed vocatus Abbas Clarævallis dici et nuncupari voluit: repugnat enim huic expositioni textus Græcus, ut patet ex dictis.

Nota primo: Actor. ix, vocatus est a Christo Paulus Apostolus, id est legatus, missus a Christo per totum orbem evangelizare et docere Gentes, fundare et regere Ecclesias Christi, de quo plura dicam, vers. 5.

Nota secundo: Præter duodecim Apostolos, qui Matth. x, a Christo in terris vivente vocati et missi sunt prædicare regnum Dei, nomen Apostoli extensum quoque est ad Paulum, Barnabam, Silam, Lucam, Marcum aliosque, qui pene idem officium sunt sortiti, quod primi illi duodecim a Christo vocati. Unde S. Hieronymus, in cap. i ad Tit., vers. 1, Apostoli titulum in Paulo et Apostolicam dignitatem suscipiens, inquit: « Quod ait Paulus de se, Apostolus autem Jesu Christi, tale mihi videtur, quale si dixisset, Præfectus prætorio Augusti Cæsaris, magister exercitus Tiberii. Ut enim iudices sæculi hujus, quo nobiliores esse videantur, ex regibus quibus serviunt et ex dignitate qua intumescunt, vocabula sortiuntur; ita et Apostolus grandem inter Christianos sibi vindicans dignitatem, Apostolum se Christi titulo prænotavit, ut ex ipsa nominis auctoritate lecturos terreret, indicans omnes qui in Christo crederent, debere sibi esse subiectos. » Apostoli enim a Christo in totum orbem et in omnes fideles auctoritatem et imperium acceperunt.

Nota tertio: Paulus hoc Apostoli nomine, quasi titulo muneris dignitatis et professionis, se initio epistolarum, suis insinuare solet. Sicut enim reges et principes præfatur: Nos Albertus, Dei gratia Archidux Austriæ, Dux Brabantie, etc.; ita Paulus: « Ego Paulus, Dei gratia et vocatione Christi Apostolus; » non autem per me, vel amicos, vel potestatem laicam in apostolatam intrusus; hoc enim proprium est pseudo-apostolorum et hereticorum, ut docet S. Cyprianus, lib. De Unitate Ecclesiæ: « Ii sunt, ait, qui se ultro apud temerarios convenas sine divina dispensatione præficiunt, qui se præpositos sine ulla ordinationis lege constituunt (nota nomen Ordinationis, quæ sane non a magistratu, sed a Christo Jesu, ejusque vicariis Episcopis, manuum impositione ritu veteri in sacramento Ordinis suscipitur), qui, nemine episcopatum dante, Episcopi sibi nomen assumunt. » Imo S. Paulus, Hebr. v, 4: « Nec quisquam, inquit, sumit sibi honorem, sed qui vocatur a Deo, tanquam Aaron. » Et Jeremias de falsis prophetis, se per amicos aut reges intrudentibus, sic ait carpens et culpans eos, cap. xxiii, 21: « Non mittebam Prophetas, et ipsi currebant; non loquebar ad eos, et ipsi propheta-bant. » Sicut enim magistratus est ordinare civilia et civicos præfectos; ita Episcoporum est ordi-

nare sacra et sacros Præsules: hic enim est hierarchicus ordo Ecclesiæ a Deo institutus. « Scriptum est, ait Ambrosius, lib. V, epist. 33 ad Marcellinam sororem: Quæ Dei, Deo; quæ Cæsaris, Cæsari; ad Imperatorem palatia pertinent, ad sacerdotem Ecclesiæ: publicorum tibi mœnium, o Imperator, jus commissum est, non sacrorum. » Et Hosius Constantio: « Tibi, inquit, Deus Imperium commisit; nobis quæ Ecclesiæ sunt, credidit. »

SEGREGATUS IN EVANGELIUM DEI, — tanquam in rem arduam et sublimem, quæ omnem naturæ modum et rationem transcendat. Alludere rursum videtur Spiritus Sanctus ad etymon Hebræum nominis Pauli. Sicut enim Saul, vel Saulus, significat vocatum et postulatum ad munus Apostolicum, ita פֶּלֶא pele (unde Paulus), significat arduum, excellentem, mirabilem, ideoque a vulgo segregatum. Idem innuit Græcum ἀρροπιστός; ἀρροπιστός enim significat discernere aliquid et segregare tanquam eximium, puta tanquam organum electum, quale fuit Paulus. Unde et medici ἀρροπιστοὶ; vocant sententias selectas, raras et eximias. Sic Christus, Isaiæ ix, 6, vocatur פֶּלֶא pele, id est admirabilis, eximius, segregatus. Et angelus nuntians Manue Samsonis ortum, Judicum xiii, 18: « Quid queris, inquit, nomen meum, quod est mirabile, » hebraice, quod est פֶּלֶא pele.

2. QUOD ANTE PROMISERAT PER PROPHETAS SUOS IN SCRIPTURIS SANCTIS DE FILIO SUO, — q. d. Non novum, non nuper inventum, aut ex meo alteriusve hominis cerebro fabricatum est Evangelium, sed ab æterno a Deo institutum et decretum, ideoque jam olim per omnes sanctos Prophetas promissum tanquam res rara, mira, salutifera, divina, certissima et verissima; utpote quæ confirmata est et corroborata tot sæculorum tempore: temporis enim filia est veritas, ait Cicero, lib. II De Oratore (1).

3. QUI FACTUS EST ET EX SEMINE DAVID SECUNDUM CARNEM. — Syrus, Valla et Erasmus vertunt, qui genitus est, vel natus est. Sed melius vertit noster Interpres, qui factus est: Græce enim non est γεννητός, vel γεννωμένω a γεννάω, id est gigno; sed γενεῶν a γίνομαι, id est fio. Unde S. Cyrillus, lib. XI Thesauri, sub medium, dicit totam SS. Trinitatem dici et esse ἀγενήον, id est increatam, infectam, sive non creatam, non factam; solum vero Patrem esse et dici ἀγενήον, id est ingenitum, et ita Patres Christum hic non natum, sed factum interpretantur; ut Tertullianus, Contra Præxam; Irenæus, lib. III, cap. xxxii; S. Augustinus, lib. II De Trinit., cap. v. Vox enim factus magis significat humanam naturam Christi contra Marcionem, illamque Christum non e celo in Virginem intulisse, ut voluit Valentinus; sed in Virgine, et

Nomen Pauli significat hebraice excellentem, mirabilem, arduum.

Vers. 2.

Vers. 3.

Marcionis, Valentini, Ebionis hæreses

(1) Hoc addit Apostolus propter judaizantes, qui calumniabantur, Moysen et Prophetas ab Apostolo contemni, suaque privari auctoritate.

de Christo ex Virgine formatam, idque non ex copula viri, ut voluit Ebion; sed virtute Spiritus Sancti, factam et productam accepisse: ita ut Christus est ἀνάρω, id est sine patre, secundum humanitatem, sicut est ἀμήτωρ, id est sine matre, secundum deitatem.

Vers. 4. **4. QUI PRÆDESTINATUS EST FILIUS DEI.** — « Qui prædestinatus est, » Græce ἐπιθετός, quod apte et plane Syrus et Græci vertunt, *qui declaratus et agnitus est Filius Dei*. Ita Chrysostomus, Theophylactus, Œcumenius, Origenes, Theodoretus; imo Toletus sic exponit Latinum *prædestinatus*, sive *definitus*, scilicet non quoad rem, sed quoad notitiam hominum, ut *prædestinatus* idem sit quod *certificatus*, certo cognitus hominibus, q. d. Christus demonstratus et declaratus est præ aliis Sanctis, qui sunt filii Dei adoptivi, quod ipse solus sit Filius Dei naturalis. Sed hoc est torquere Latinum verbum *prædestinatus* et *prædemonstratus*, vel declaratus. Quare hoc sensu melius Ambrosius subaudit hic verbum *declarari*, dum sic exponit: Christus, latens in incarnatione, prædestinatus est, ut declararetur Filius Dei in resurrectione. *Secundo*, rectius et profundius noster Interpres, quidquid obstrepat Calvinus, Græcum ἐπιθετός vertit, *qui prædestinatus est*, et ita legunt S. Irenæus, lib. III, cap. xxxii; Hilarius, lib. VII *De Trinit.*; Augustinus, lib. *De Prædest. Sanctorum*, cap. xv; Ambrosius et alii. Græcum enim ἐπελάν, licet apud profanos sæpe significet *declarare*, tamen auctore S. Dionysio, lib. *De Divinis Nomin.*, cap. v, passim in Scriptura significat *definire*, *constituere*, *prædestinare*, ut Actor. ii, 23: « Hunc definito consilio et præscientia Dei traditum, » Græce est ἐπισημῆν βαλῆν. Actor. x, 42: « Ipse est qui constitutus est iudex vivorum et mortuorum, » Græce ἐπισημῆνός ἀπὸ τοῦ Θεοῦ. Act. xvii, 26: « Definienti statuta tempora, » Græce ἐπισημῆνός καταπέθε. »

Adde: Etiam si Origenes, Hieronymus, Tertullianus, Cyrillus, Theodoretus, Chrysostomus, Œcumenius legant in Græco ἐπιθετός, quod est ad verbum, *destinatus est*, scilicet, ab æterno: quod in re idem est cum eo quod noster Interpres vertit, *prædestinatus est*, tamen alii, ut Ambrosius, Augustinus, Irenæus locis jam citatis, et Epiphanius, *hæresi* 54, in fine, et Athanasius, lib. III *De Assumpt. hominis*, clare legunt in Græco προεπιθετός: hoc autem ad verbum idem est quod *prædestinatus est*, non autem *prædeclaratus est*. Sic enim hic verti non posse patet ex sequentibus; vox enim *præ* falsum induceret sensum.

Expositio Originis. Ubi nota: Putat Origenes Christum solum dici ἐπιθετόν, id est *destinatum*, quia antequam nasceretur homo, erat Deus Deique Filius: nos vero dici προεπιθετόν, id est *prædestinatos*, quia non eramus antequam nasceremur. Sed hæc distinctio subtilior est, quam verior et solidior; *destinatus* enim hic idem est quod *prædestinatus*, ut jam dixi. Quare non recte Origenes hunc locum sic expo-

nit, q. d. Paulus: Christus existens Filius Dei, destinatus est ut sit princeps et primogenitus ex mortuis, scilicet, ut in eos virtutem divinam exercent eisque det Spiritum sanctificationis et vivificationis.

Sensus ergo Apostoli est, q. d. Homo Christus, qui factus est ex semine David, seu cui data est essentia et existentia humanæ naturæ, prædestinatus est ad hoc, ut subsisteret in persona Filii Dei; id est prædestinatus est Jesus ad hoc, ut scilicet qui futurus erat secundum carnem filius David, idem secundum hypostasim esset Filius Dei: hoc est, prædestinatum est, ut hic homo, qui dicitur Jesus, estque filius David, esset simul Filius Dei, quia scilicet prædestinatum est, ut hic homo assumeretur a Filio Dei, illique hypostatice uniretur, ita ut idem esset homo et Deus, sive filius hominis et Filius Dei. Ita S. Augustinus, *De Prædestin. Sanctorum*, cap. xv; Anselmus, Concilium Toletanum XI, cap. i, et passim Scholastici, III part., *Quæst.* XXIV.

Dices: Pronomen *qui* refert Filium Dei, qui præcessit. Filius autem Dei non est prædestinatus, ut fieret Filius Dei, quia semper fuit Filius Dei. Ita Calvinus.

Respondeo: Pronomen *qui* refert Filium Dei, Christus materialiter prædestinatus est Filius Dei, sed quatenus factus est secundum carnem ex semine David, uti præcessit, id est refert hunc hominem Christum, qui assumptus est a persona Verbi, estque Filius Dei. Hic enim homo non fuit ab æterno Filius Dei, sed prædestinatus est Filius Dei, sicut in tempore factus est Filius Dei.

Ubi nota, S. Scripturam de Christo ita loqui, ut jam de ejus divinitate loquatur, mox ad ejus humanitatem transeat, rursum ad divinitatem redeat. Hinc fit, ut Christo det attributa quæ Deo sunt propria, et mox eidem tribuat alia quæ non nisi in hominem cadunt. Id clare videre est *Hebr.* 1, 2, ubi sic loquitur Apostolus: « Novissime diebus istis locutus est (Deus) nobis in Filio, quem constituit hæredem universorum. » Ecce hic loquitur de Filio, ut homo est; et mox loquitur de eodem, uti Deus est. Subdit enim: « Per quem fecit et sæcula, qui cum sit splendor gloriæ; » ac rursum redit ad eundem Filium qua homo est, cum statim subiungit: « Purgationem peccatorum faciens, sedet ad dexteram majestatis in excelsis. »

Dices *secundo*: Hic homo non tantum Christi naturam humanam, sed et personam, quæ Verbum est, includit; et relativum *qui*, non potest referre naturam humanam: quia sic dicendum esset, *quæ*; ergo refert personam: atqui in Christo non fuit alia persona, quam divina Verbi; hæc autem non potuit prædestinari ad unionem Verbi. Sic enim prædestinatum esset, ut idem cum eodem, sive ut idem cum seipso uniretur: quod est impossibile. Unde passim Doctores dicunt,

Christus materialiter prædestinatus est Filius Dei.

Attributa divinitatis et humanitatis quomodo Scriptura tribuat Christo?

solam naturam humanam prædestinatam et elevatam esse ad hanc unionem cum Verbo. Est hoc argumentum Toleti, quo probare contendit *prædestinatus* hic debere exponi per *declaratus*.

Respondeo : Relativum *qui* refert naturam humanam Christi in concreto, id est hunc hominem, non subsistentem, sed existentem ex semine David. Licet enim idem materialiter subsistat in persona Filii Dei, uti præcessit; tamen in nova hac propositione, mens inde, puta ab hac subsistentia et persona Verbi, præscindit, et tantum in subjecto *hic homo* hominem existentem, non autem subsistentem sive personatum concipit, donec accedat prædicatum *Filius Dei*. Sic fit in omni propositione essentiali; nam in ea semper subjectum re idem est cum prædicato, sed conceptu distinctum et quasi præcisum; ut homo est animal, leo est brutum.

Respondeo *secundo*: Pronomen *qui* refertur potest personam hujus hominis, seu hoc suppositum humanitatis Christi confuse, abstrahendo ab eo, quod idem sit suppositum divinum Filii Dei: licet enim in re idem in Christo sit suppositum humanitatis et divinitatis, tamen in conceptu nostro, quem per enuntiationem hanc exprimimus, unum ab altero seorsum concipi, itaque quasi separari et præscindi potest; ut scilicet idem hoc suppositum in subjecto concipiam tantum eatenus, quatenus est suppositum humanitatis; in prædicato vero idem concipiam, quatenus est suppositum divinitatis, sive Filii Dei; ut sensus sit, prædestinatum est ut persona Christi hominis esset non humana, uti est aliorum hominum, sed ut eadem esset cum persona Filii Dei. Ita subtiliter et erudite docet Franciscus Suarez, III *part.*, *Quæst.* XXIV. Et hoc sensu patet, Christi non tantum naturam humanam, sed et personam in confuso, sive in abstracto esse prædestinatam, ut ibidem docet Suarez et D. Thomas.

Denique notat D. Thomas, III *part.*, *Quæst.* XXIV, et Scholastici, hanc Christi prædestinationem fuisse medium, finem et exemplar nostræ prædestinationis: quia, ut Augustinus, *De Prædest. Sanct.*, cap. xv, ait: «Ea gratia fit ab initio fidei suæ homo quicumque Christianus, qua gratia homo ille ab initio suo factus est Christus. De ipso spiritu et hic renatus est, de quo ille natus. Eodem spiritu fit in nobis remissio peccatorum, quo factum est ut ille nullum habeat peccatum:» scilicet tam Christo, quam cuilibet Christiano id datur sine ullis alicujus meritis, ex mera Dei gratia.

IN VIRTUTE SECUNDUM SPIRITUM SANCTIFICATIONIS EX RESURRECTIONE MORTUORUM JESU CHRISTI DOMINI NOSTRI. — *Primo*, S. Chrysostomus et Græci hæc sic explicant, *q. d.* Declaratus est Christus esse Filius Dei, *primo*, in, id est *ex*, virtute miraculorum; *secundo*, quia dabat Spiritum Sanctum; *tertio*, ex resurrectione ex mortuis, quia inde quasi mortis Dominus resurrexit.

Secundo, Theodoretus et Toletus sic explicant, *q. d.* Christus declaratus est Filius Dei, per virtutem a Spiritu Sancto et sanctificante Apostolis collatam, qua miris signis et factis resurrectionem Christi confirmarunt: hoc autem factum est, postquam ipse Dominus a mortuis resurrexit. Huc pertinet Ambrosii expositio: Christus, inquit, prædestinatus est per Spiritum Sanctum, ut manifestaretur esse Filius Dei; in virtute qua resurrexit a mortuis.

Verum noster Interpres, ut dixi, vertit, non *declaratus*, sed *prædestinatus est*. Hujus ergo nostræ versionis hic est sensus: Christus «prædestinatus est Filius Dei in virtute,» id est cum potentia divina (Græce enim est *δύναμις*, non *ἐξουσία*, et in poni-tur pro *cum*; sic enim sæpe sumunt Hebræi *עִם* pro *cum*), ut scilicet, licet esset Filius David secundum carnem fragilem et infirmam, haberet tamen tam potentiam, quam hypostasin divinam; nimirum ut per hanc potentiam, hic homo unitus Verbo faceret miracula, remitteret peccata, sanctificaret homines: quam potentiam habuit *secundum*, id est *per*, et a natura divina, qua est «Spiritus sanctificationis,» id est fons omnis sanctitatis; vel planius, a Spiritu Sancto, qui totum hoc unionis hominis cum Deo opus in Christo peregit, eumque ita sanctificavit, ut illi virtutem dederit omnes homines sanctificandi, quæ potentia Spiritus Sancti maxime se ostendit, maximeque patuit «ex resurrectione» ex mortuis, id est in resurrectione, qua Christus se et alios mortuos suscitavit. Unde de ea tunc dixit Christus, *Matth.* xxviii: «Data est mihi omnis potestas in cælo et in terra.» Et Joannes, *Apocal.* v: «Dignus est Agnus qui occisus est, accipere virtutem et divinitatem et sapientiam.» Ita S. Augustinus et passim interpretes.

Aliqui etiam sic explicant: Christus prædestinatus est, ut esset Filius Dei, «in virtute,» id est in unione hypostatica, quæ opus fuit præstantissimum virtutis et potentiae tum Dei Patris, tum Spiritus Sancti, sive sanctificantis: per quam potentem unionem ipse Deus et Spiritus Sanctus resurrectionem mortuorum induxit, fecitque ut Christus et alii Christiani a morte corporis ad vitam beatam, peccatores vero a morte peccati ad vitam gratiæ resurgerent. Hæc expositio subtilior est; sequitur tamen et coheret cum priori, quæ planior et solidior est. Ubi nota *primo*, hic esse ellipses: supplenda enim sunt verba, *habuit, patuit*. Vide *can.* 37.

Nota *secundo*, resurrectionem, græce *ἀνάστασιν*, hic tam passive, qua Christus resurrexit, quam active, qua Christus se et alios resurgere fecit, capi posse. Ita Ambrosius.

Nota *tertio* hebraismum, «Jesu Christi Domini nostri,» id est, ipsius vel suæ: Hebræi enim, pro pronomine demonstrativo, sæpe repetunt nomen antecedens. Addit ergo hic Paulus *ἵνα* *Jesu Christi*, tum ut exprimat doceatque hoc nomen esse proprium Filii Dei, de quo locutus est; tum quia hoc

Christus;
per
Spiritu
Sanctum
ex mira-
culis et
resurrec-
tione de-
claratus
est Filius
Dei.

In unionem
hypostati-
ca de-
claratur
Patris et
Spiritus
Sancti
potentia.

dulcissimum Salvatoris nomen in deliciis, ac consequenter in corde et ore semper habebat (1).

Christus
prædesti-
natus non
simplici-
ter, sed
ut resur-
geret.

Denique S. Anselmus et ex eo Salmeron, probabiliter, plane et facile ita hunc locum explicant, ut Christus dicatur hic « prædestinatus esse Filius Dei, » non simpliciter et absolute, sed cum addito, scilicet, « in virtute resurrectionis, » id est prædestinatus esse ut resurgeret; « in virtute, » id est in potentia, gloria et maiestate immortalitatis; ut tunc quasi plene et perfecte videretur regenerari et renasci Filius Dei gloriosus et immortalis, q. d. Paulus: Prædestinatum et definitum est a Deo, ut Christus homo esset Filius Dei, non in infirmitate et humilitate, qualis initio nascens, vivens et moriens apparuit, sed in virtute et gloria resurrectionis; ut scilicet, resurgeret a mortuis essetque Filius Dei immortalis, et gloriam deitatis per corpus ostenderet: quod factum est per Spiritum Sanctum et sanctificantem; qui sicut in incarnatione animam Christi per gratiam et gloriam, ita in resurrectione corpus Christi per immortalitatem et gloriam, ac consequenter totum Christum plene et perfecte sanctificavit. « Christus, inquit Anselmus, qui prædestinatus est secundum carnem (quoniam Deus ab æterno prædestinavit, ut Verbum ejus caro fieret, quam et resuscitans glorificaret), prædestinatus est ut sit Filius Dei in virtute immortalitatis et potentiae, de qua post resurrectionem ait: Data est mihi omnis potestas in cælo et in terra. » Nam cum de electis ipse dicat, quod sunt filii Dei, quia sunt filii resurrectionis, cur non ipse magis, qui « secundum divinitatem naturaliter est semper Dei Filius, in resurrectione secundum humanitatem factus esse dicatur Filius Dei? » Unde et Pater, resuscitans Filium, dixit ei: « Filius meus es tu, ego hodie genui te, » Act. xiii, 33. Hic sensus planus et speciosus apparet, evaditque difficultates de prædestinatione Christi paulo ante allatas; sed nonnihil coarctat, deflectit et enervat generalia Apostoli verba, scilicet, quod Christus sit Filius Dei non absolute, sed in virtute et gloria resurrectionis, quodque tunc tantum habuerit Spiritum sanctificationis, quem ei absolute hic tribuit Apostolus. Explicatio ergo prior jam allata, licet paulo difficilior, magis tamen genuina, et ex mente phrasique Apostoli, magisque sublimis, solida et universalis esse videtur.

Vers. 5. 5. PER QUEM ACCEPTIMUS GRATIAM ET APOSTOLATUM AD OBEIENDUM FIDEI IN OMNIBUS GENTIBUS PRO NOMINE EJUS. — Maldonatus in notis ejus manuscriptis quas vidi Romæ, censet esse hendiadyn: « gratiam et apostolatam, » id est gratiam apostolatus, et recte. Hinc et ex vers. 4 omnium pene

(1) Τὸ Jesu Christi Domini nostri commodius in Græco connectitur cum verbis πρὸ τοῦ ὕδατος ἀβρῶν, quibus exorditur comma 3, ut interjecta vers. 3-4 parenthesi sint includenda. Hinc in versione Vulgata oritur difficultas, quia verba de Filio suo et Jesu Christi Domini nostri vario ponantur casu, quod in Græco non reperitur.

epistolarum S. Pauli, cum S. Chrysostomo et Origene, nota contra Calvinum et Erasmum, apostolatam non tantum significare legationem et missionem, aut missionis et legationis functionem, ut sonat ejus etymon, sed etiam significare officium, potestatem et dignitatem primam et summam in Ecclesia. Sicut enim jam Legatus Summi Pontificis vocatur Nuntius, vel Legatus Apostolicus; estque hæc magna dignitas: ita pariter Apostoli dicebantur et reipsa erant legati Christi, Matth. xxviii, 19, atque hoc ipso obtinebant auctoritatem summam in Ecclesia: « Pro Christo legatione fungimur, » inquit Paulus II Corinth. v, 20. Apostoli ergo erant primi a Christo, Christi vices gerebant, et Christi personam repræsentabant: sicut regis legatus regem ipsum repræsentat. Licet ergo Apostoli omnes subditi essent S. Petro, quasi Pontifici et capiti Ecclesiæ, eique obedire deberent; tamen parem cum eo potestatem habebant: Primo, toto orbe prædicandi Evangelii, « ad obediendum fidei in omnibus Gentibus, » id est ut obediatur fidei ab omnibus gentibus, scilicet, ut Apostoli sua prædicatione inducant omnes Gentes, ut se submittant, credant et obediant Evangelio. Ita S. Chrysostomus et alii. Secundo, fundandi ubique Ecclesias, id est creandi Episcopos et Presbyteros, instituendi ritum sacrorum et Sacramentorum, totumque ordinem Ecclesiæ disponendi. Tercio, mandandi, prohibendi, puniendi quosvis fideles. Adde quarto, scribendi libros canonicos. Unde Paulus hunc dignitatis et potestatis suæ titulum suis præfigit epistolis, dicens: « Paulus vocatus Apostolus; » ut jam faciunt Legati Pontificis, dicendo: « Nos Octavius Dei gratia Legatus Apostolicus. »

Apostolatus est nomen summa dignitatis in Ecclesia contra Calvinum et Erasmum.

Apostoli omnes, licet essent subditi Petro, tamen in quatuor punctis parem cum eo potestatem habebant.

Dices: Si in hisce quatuor muniis Apostoli omnes pares erant S. Petro, quomodo ergo Petrus erat eorum et Ecclesiæ totius caput?

Declaratur in quo consistebat Petri superioritas.

Respondeo: quia S. Petrus poterat aliis Apostolis quasi superior præcipere; et, si errarent, Petri erat eos corrigere; et, si dissiderent, ejusdem erat lites eorum dirimere, onera insuper et provincias cuique distribuere. Ita S. Cyprianus, lib. De Unitate Eccles. Sic ἐπισκοπῆς, sive episcopatus, non tantum est functio, sed etiam est ipsa dignitas episcopalis, sive præsulatus. Unde Psal. cxviii dicitur: « Episcopatum ejus accipiat alter, » ubi hebraice est, פקדונו pekuddato, id est præfeaturam ejus accipiat alter.

PRO NOMINE EJUS. — Aliqui hæc referunt ad τὸ obediendum. Unde Syrus vertit, ut omnes Gentes obediant fidei nominis ejus. Verum aptius hæc referas ad τὸ accepimus apostolatam, q. d. Nomine et vice Christi apostolatam accepimus, et legatione fungimur. Ita Ambrosius, vel, ut Chrysostomus et Theophylactus: « Accepimus apostolatam pro nomine ejus, » id est pro gloria et fide nominis Christi propaganda et divulganda.

6. IN QUIBUS ESTIS ET VOS VOCATI JESU CHRISTI. — Vers. 6. « Vocati, » id est vocatitii, quasi famuli vel filii

Iesu Christi. Sic vers. seq. : « Vocatis sanctis, » inquit, id est vocatis ad sanctitatem, vocatis ad Christianismum, ut sint sancti. Omnes enim Christiani vocatione sunt sancti, quia vocati sunt ad sanctimoniam; et, si vocationi suæ respondere velint, debent studere sanctitati, esseque sancti. Vide dicta, vers. 1.

Vers. 7. 7. OMNIBUS QUI SUNT ROMÆ. — Est hic hyperbaton et perturbatus ordo. Hæc enim verba referenda sunt ad prima capitis : « Paulus servus Jesu Christi; » unde aliqui omnia a vers. 2 hucusque per parenthesin intercipiunt et legunt. Vide *can.* 37. Deinde subintelligendum hic est verbum *optat*, vel *orat*, q. d. « Optat Paulus ut omnibus qui sunt Romæ, gratia et pax, » subintellige rursum, *adimpleatur*, vel *multiplicetur*; aut certe cum ait, « Paulus omnibus qui sunt Romæ, » subaudi, *scribit hanc epistolam* (1).

Modus salutandi religiosus.

Gratia Dei liberalis et efficax.

Pax duplex.

Sanctorum salutatio utilis et amandanda.

GRATIA VOBIS ET PAX A DEO PATRE NOSTRO, ET DOMINO JESU CHRISTO. — Notat Tertullianus, lib. V *Contra Marcion.*, cap. v, quod Judæorum, quos Christus secutus est, hæc erat salutatio : שלום לכם *shalom lachem*, pax vobis, id est omnia prospera et fausta sint vobis. Apostolorum vero hæc erat salutatio : « Gratia et pax vobis, » eo quod gratiæ per Christum allatæ præcones essent. Idem secuti Pontifices Romani et concionatores, virique Religiosi in suis concionibus et epistolis præmittunt gratiam, pacem; Pontifices etiam Apostolicam benedictionem.

Nota secundo : « Gratia » non est tantum benevolentia et favor Dei (ut vult Beza), sed et quod ex eo, utpote non inani, sed liberali et efficaci, sequitur, scilicet gratia et omne Dei beneficium gratuitum, quo homo dirigitur ad salutem : qualia sunt fides, spes, charitas, virtutes, earum augmenta, remissio peccatorum, illuminationes intellectus, impulsus voluntatis ad piam vitam, bona opera, in iis perseverantia et ipsa denique vita æterna.

« Pax » vero hic intelligitur illa, quam habet anima justa cum Deo; item pax conscientiæ, ut conscientia olim cogitatione suorum peccatorum et terrore iræ Dei perturbata, jam peccatis per gratiam Dei remissis in quiete sit, et quieta Deo serviat.

Moraliter notat S. Chrysostomus, in II *Timoth.* 1, 1, Pauli salutationes non tantum esse signa benevolentiae, sed et causas benedictionis et gratiæ. « Sufficit, inquit Chrysostomus, sola Pauli salutatio gratia implere eum, qui ita salutatur. » Sanctorum enim salutationes sunt tacitæ preces et benedictiones, potentes et efficaces, quæ a Deo impetrant ea bona, quæ Sancti iis quos salutant, apprecantur : unde Christus, *Matth.* x, jussit Apostolis, ut hospitibus sua salutatione bene precarentur et benedicerent : « Intrantes, inquit, do-

num, salutate eam, dicentes : Pax huic domui. » Et ne verbalem tantum ac cæremonialem hanc salutationem putes, subdit ejus fructum et efficaciam, dicens : « Et si quidem fuerit domus illa digna, veniet pax vestra super eam. » Tanti est a Sanctis salutari. Ita B. Virgo sua salutatione Elisabetham et Joannem Baptistam replevit Spiritu Sancto, *Lucæ* 1, 44. Vide hic quam potens quamque optanda et ambienda sit Sanctorum salutatio.

8. PRIMUM QUIDEM GRATIAS AGO DEO. — D. Nazianzenus, in *Apologetico*, τῆς, inquit, ἀρίστης πάντων ἀρχομένου καὶ λόγου, καὶ πράγματος, ἐκ Θεοῦ τοῦ ἀρχιστά, καὶ εἰς Θεὸν ἀποποιέσθαι, Ordo, inquit, optimus incepti et sermonis et negotii est, a Deo incipere, et in Deum desinere, ut Deo canamus : « A te principium, tibi desinet (2). »

PER JESUM CHRISTUM, — tanquam mediatorem nostrum, a quo fides, gratia et omnia bona, pro quibus Deo gratias agimus, nobis proveniunt, ait Ambrosius; et tanquam summum sacerdotem nostrum, cujus oblatione omnia nostra grata sunt Patri, ait Origenes; ac consequenter et nostra gratiarum actio grata est Patri per Christum, qui tanquam Pontifex illam Patri offert.

PRO OMNIBUS VOBIS; QUIA FIDES VESTRA ANNUNTIATUR IN UNIVERSO MUNDO, — q. d. Gratias ago Deo, cujus gratia est fides vestra. Quod enim Christo credideritis; non per vos, sed per gratiam Dei effectum est. Rursum gratias ago Deo, quia ejus gratia factum est, ut fides vestra, id est fama, excellentia et constantia fidei vestræ, quod scilicet vos, qui Romæ estis rerum domini, credideritis Evangelio, in eoque genere persistatis et proficiatis; vulgetur toto orbe Romanis subjecto, sive ubicumque nomen Romanorum est celebre, ait Chrysostomus et Theodoretus.

Hanc Pauli de Romanis sententiam et laudem, non tantum ad præsentem et illius ævi Romanos, sed et ad posteros eorum pertinere docet Hieronymus, lib. III *Contra Rufin.*, cap. iv : « Ad Romanos, ait, Apostolico ore laudatos perfidia non habet accessum, » nec a tempore S. Hieronymi hucusque habuit : nunquam enim hactenus ad nostra usque tempora hæresis Romam, sicut alias urbes occupavit. Vere Tertullianus, lib. *De Præscript. adversus hæreticos*, cap. xxxvi : « Habes, ait, Romam, unde nobis quoque auctoritas præsto est : statu felix Ecclesia, cui totam doctrinam Apostoli cum sanguine suo profuderunt. »

Quare S. Hieronymus, in præfat. lib. II *in epist. ad Galatas* : « Vultis, inquit, scire, o Paula et Eustochium, quomodo Apostolus unamquamque provinciam suis proprietatibus denotarit; usque hodie eadem vel virtutum vestigia permanent vel errorum. Romanæ plebis laudatur fides : ubi ali-

(2) Quæ nunc sequuntur ad vers. 17, pertinent ad præstationem, et continent captationem benevolentiae. Vox primum h. l. non esse ordinis particula, respiciens secundum, sed intentionis, significans imprimis, videtur.

Vers. 8. Omnia a Deo incipienda.

Romani a Paulo laudati.

Romam nunquam occupavit hæresis.

Romæ viget fides et picta.

(1) Omnibus qui sunt Romæ, Deo dilectis. Alii post Romæ delent comma.

quando tanto studio et frequentia ad ecclesias et ad Martyrum sepulcra concurritur? ubi sic ad similitudinem cœlestis tonitruum reboat Amen, et vacua idolorum templa quatiuntur? Non quod aliam habeant Romani fidem, nisi hanc quam omnes Christi Ecclesiæ, sed quod devotio in eis major sit, et simplicitas ad credendum.»

Amplius vero quippiam dicit S. Cyprianus, nimirum hæc prophetice dicta esse a S. Paulo, prævidente Romanorum futuris sæculis in fide constantiam. Sic enim ait epist. 57 ad Cornelium, ubi ejus et populi Romani, tempore persecutionis Decii, fidei robur collaudat: «Dum apud vos unus animus et una vox est, Ecclesia omnis Romana confessa est; claruit, fratres charissimi, fides, quam de vobis B. Apostolus prædicavit, et præconio futurorum merita vestra contestans, dum parentes laudat, filios provocabat.»

Uterius progreditur S. Chrysostomus hic, urgetque τὸ *annuntiatur*, cum ait Paulus: «Fides vestra annuntiatur in universo mundo,» quod scilicet sicut Ecclesia Romana, Petro et Paulo prædicante, crediderat, ita instar illius quasi matricis, cæteræ Ecclesiæ et nationes credere deberent, quod illa credidisset. «Non dixit Paulus, inquit Chrysostomus: Manifestatur, sed, Annuntiatur fides vestra; planum faciens, quod dictis nihil addendum vel demendum esset. Angeli seu nuntii hoc est opus, ea sola quæ dicuntur, deferre: ob quod sacerdos angelus vocatur, quod non sua ipsius, sed ea tantum nuntiat, quæ ab eo acceperit, a quo delegatur: quanquam Petrus inibi prædicavit; sed illius facta, sua esse ducit Paulus.»

Sacerdos angelus.

Romanus Catholicum olim significabat.

Primatus penes Ecclesiam Romanam.

Hinc «Romanus» apud veteres, non tantum orthodoxos, sed et hæreticos, idem erat quod Catholicus. Sic Jocundus Arianus ad Theodoricum regem: «Si Armogasten, inquit, gladio peremeris, Romani martyrem prædicabunt;» Romani, id est Catholici. Ita refert Victor Uticensis in persecutione Wandalica, ubi et alium martyrem commemorat, qui ab eisdem Arianis de fide rogatus, respondit, «Romanus sum;» Romanus, id est Catholicus. Pari modo Ricemer Gothus et Arianus scribit ad Ligures: «Si est Catholicus, est Romanus.» Theodosius quoque Imperator, in epistola ad Acacium Beroensem: «Decet, ait, vos probatos sacerdotes esse Romanæ religionis.» Cujus nomenclaturæ æque ac præminentie et constantie Romanæ Ecclesiæ vera ac justa causa est; quod S. Petrus suum episcopatum Antiochia Romam transtulerit, et in Romana Ecclesia cum episcopatu, primatum quoque ipsum ipsamque petram fidei et Ecclesiæ constituerit et collocarit; idque «divino consilio,» inquit S. Leo, serm. 1 De Nativ. S. Petri et Pauli, nimirum ut Evangelium et fides a Roma, quasi a capite et arce imperii citissime per totum orbem diffunderetur et diffusa conservaretur. Erat enim Roma ἡ πρώτη τῆς οἰκουμένης, quasi

epitome et compendium totius orbis: omnium enim nationum inquilini versabantur Romæ: unde Polemon apud Galenum vocat populum Romanum ὁ δῆμος τῆς οἰκουμένης.

Alii veteres Romam compellant πατρίσσια, virtutum domicilium, mundi caput, urbium regina, mater et nutrix heroum, patria legum, terrarum dea gentiumque, communis nostra patria, patria omnium, quæ, ut canit Poeta, *Æneid.* VI,

Romana et præminentia.

Imperium terris, animos æquavit Olympo.

Tu regere imperio populos, Romane, memento.

Unde et apposite Roma, Græce ῥωμα, robur, hebraice vero sublimitatem et celsitudinem a radice *רומ*, id est altus, excelsus fuit, significat, ut annotavit S. Hieronymus, lib. II *Contra Jovinian.*, ubi sic Romam alloquitur: «Te alloquar, quæ scriptam in fronte blasphemiam Christi confessione delesti, urbs potens, urbs orbis domina, urbs Apostoli voce laudata, interpretare tuum vocabulum: Roma aut fortitudinis nomen est apud Græcos, aut sublimitatis juxta Hebræos.» Quocirca ab Ecclesia Romana, quasi a matrice, veritatem fidei et traditionis Apostolicæ petendam esse docet S. Irenæus, lib. III, cap. VI: «Quoniam, inquit, valde longum est in hoc tali volumine omnium Ecclesiarum enumerare successiones; maximæ et antiquissimæ, omnibus cognite, a gloriosissimis duobus Apostolis Petro et Paulo Romæ fundatæ et constitutæ Ecclesiæ, eam quam habet ab Apostolis traditionem et annuntiatam hominibus fidem, per successiones Episcoporum pervenientem usque ad nos indicantes, confundimus omnes eos, qui quoquo modo vel per sui placentiam malam, vel vanam gloriam, vel per cæcitatem malamque sententiam, præterquam oportet colligunt. Ad hanc enim Ecclesiam propter potentioris principalem, necesse est omnem convenire Ecclesiam, hoc est eos qui sunt undique fideles, in qua semper ab his qui sunt undique conservata est ea, quæ est ab Apostolis traditio.»

Ab Ecclesia Romana veritas et Apostolica traditio.

9. TESTIS ENIM MIHI EST DEUS, CUI SERVIO IN SPIRITU MEO, etc. — Ostendit hic Paulus suum eximium in Romanos affectum, ut ita facilius se suaque deinceps iis insinuet et instillet. Hic autem affectus causa erat excitans Paulum, ut gratias ageret Deo pro fide Romanorum. Hanc enim causam significat vox causalis enim.

Var. 9.

CUI SERVIO, — quem (Deum) colo latrā; Græce enim est ὁ λατρεύω, quod verbum usu Ecclesiæ significat cultum soli Deo, quasi omnium Domino debitum. Ita S. Augustinus, lib. X *De Civit.*, cap. I. Pari modo δουλία Sanctis datur, usu theologico: neque vero dulia elidit latrā, sed potius eam includit. Sicut enim amor proximi non im-pedit, imo includit et refertur ad amorem Dei; ita et dulia et honor Sanctorum refertur ad honorem Dei; ut is, qui mirabilis est in Sanctis suis, in iis honoretur; perinde ac rex honoratur,

Dulia non im-pedit, sed includit latrā.

dum principes ejus et amici honorantur, honore scilicet inferiori, quam est honor, quo rex in sua persona honoratur.

Nota « cui (scilicet Deo) servio, » Græce λατρεύω, magna nimirum reverentia et sollicitudine; ideoque subdit dicens: « In spiritu meo; » nam λατρεύειν dictum volunt a λα, quæ particula auget in compositione, et τρεῖν, quod est tremere.

IN SPIRITU MEO, — *q. d.* Servio Deo Deumque colo spiritu et mente, non cæremoniis Judaicis. Sic enim Christus jussit Patrem adorari in spiritu et veritate, *Joan. iv, 23*: ita Origenes, Chrysostomus, Theophylactus.

Secundo, non male alii per τὸ πνῆμα, sive spiritum, hic spiritum vitalem intelligunt, *q. d.* Paulus: Ego vitam et omnes spiritus meos, sudorem et sanguinem Deo impendo, ad ultimum usque spiritum Deo deservio, pro eo quod laboro et decerto.

Vers. 10. 10. QUOMODO TANDEM ALIQUANDO PROSPERUM ITER HABEAM IN VOLUNTATE (id est, per voluntatem) DEI VENIENDI AD VOS, etc.

Vers. 12. 12. ID EST, SIMUL CONSOLARI IN VOBIS, PER EAM QUÆ INVICEM EST FIDEM. — Pro simul consolari, Græce est συμπαρακληθῆναι, id est, ut simul consolationem et lætitiā capiamus, per mutuam fidei communicationem. Ita Chrysostomus et Theodoretus.

Secundo, aptius Origenes τὸ simul consolari, refert ad τὸ confirmandum, *q. d.* Desidero videre vos ut confirmem vos instruendo et docendo in fide Christi; et hæc mea confirmatio fiat mutua consolatio nostra, ex communi fide mea et vestra, jam per me aucta et confirmata. Colligitur hic sensus ex versu seq. Unde etiam patet, melius nostrum Interpretem τὸ συμπαρακληθῆναι vertere, « simul consolari, » quam Bucerus et Beza versio rejicitur.

Buceri et Beza versio rejicitur.

Vers. 14. 14. GRÆCIS AC BARBARIS, SAPIENTIBUS ET INSPIENTIBUS DEBITOR SUM. — « Barbarus » est vox Græca, et a Græcis per onomatopœiam facta. Barbarus ergo a Græcis sapientiæ et eloquentiæ deditis, dictus est omnis is qui alia quam Græca lingua loqueretur, et hac ratione etiam Romani Græcis erant Barbari: unde Paulus hic qui hactenus inter Græcos egerat, Græcorum more et phrasi, Græcis opponit Barbaros. Sic et Cicero, lib. II *De Divinat.*, gentes omnes dividit in Græcos et Barbaros. Unde et Plautus in prologo *Asinariæ*, Latinam linguam barbaram vocat. De quo rursum dicam I *Corinth. xiv, 11*.

Vers. 14. Quinam dicti Barbari?

(1) Vers. 12 Paulus mitigat et mollit quod prius dixerat, ne suspicarentur se a Paulo tanquam infirmos contemni. Ego vicissim a vobis fructum, gaudium et solamen percipiam, ut in amicorum congressibus fieri solet.

Notant hic Chrysostomus et Theophylactus modestiam Pauli, qua ait: « Debitor sum, » *q. d.* Debitum irrecusabile evangelizandi mihi incumbit. Creditum enim et demandatum est mihi a Deo hoc munus prædicandi. Unde I *Corinth. ix, 16*, ait: « Væ mihi, si non evangelizavero! »

15. ITA (QUOD IN ME) PROMPTUM EST ET VOBIS EVANGELIZARE, — *q. d.* Itaque quod ad me attinet, promptitudo mihi adest; et ut Syrus vertit, מֵרַחֵם merchappat, satago evangelizare vobis.

Vers. 15.

16. NON ENIM ERUBESCO EVANGELIUM, — uti erubescunt Judæi, qui Evangelium de Christo crucifixo et Salvatore contemnunt, habentque pro scandalo; et Gentiles qui illud idem rident quasi stultitiam, I *Corinth. i, 23*. Tertullianus, lib. V *Contra Marcion.*, cap. XIII, legit: « Non enim me pudet Evangelii (2). »

Vers. 16.

Hanc vocem Pauli generose æque ac congrue usurpavit perillustis Palatinides, Paulus Kostka, frater B. Stanislai Kostka, uti refertur in ejus Vita; qui parentibus demortuis, hæres amplorum et nobilium dominiorum, fratrem secutus, omnia sua Christi amore contempsit et in pauperes erogavit: quin et hospitalem domum, inter alia, extruxit et dotavit, in qua ipse inter pauperes vivere, mori et sepeliri voluit, ut Christum pauperem ejusque Evangelium, quod beatos prædicat pauperes, quam proxime pauper sequeretur, vetus S. Paulæ Romanæ exemplum æmulatus, ideoque suo inter eos sepulcro inscribi jussit: « Non erubesco Evangelium. » Significans vitam sibi inopem, licet mundo ignobilem, ultro delectam, quod scholæ et libro Christi, non mundi, se addixisset: nec rubori sibi, sed splendori ducere, quod cœlestis Magister re et oratione optabile et gloriosum demonstrarat, imo fecerat. Quocirca apud Principes Poloniæ magnam sanctitatis famam obtinuit, eosque simili pio Evangelicæ paupertatis et perfectionis sensu perstrinxit. Præclare enim S. Ambrosius, lib. I *Offic.*, cap. xxx: « Neminem, inquit, debet pudere, si ex divite pauper fiat, dum largitur pauperi; quia Christus pauper factus est, cum dives esset, ut nos sua inopia ditaret. » Digna ergo principe Christiano vox: « Non erubesco Evangelium. »

VIRTUS ENIM DEI EST IN SALUTEM OMNI CREDENTI, — *q. d.* Evangelium, id est non ipsa vox vel scriptura Evangelii, sed prædicatio et fides, vel potius res prædicata per Evangelium, scilicet Christi mors, merita, Sacramenta, præcepta; promissa, licet incredulis pudori sint, scandalo et risui, nobis tamen Dei virtus sunt et potentia; Græce enim est δύναμις, per quam Deus potenter in credentibus operatur salutem, id est fidem, justitiam et vitam æternam.

Objicit Lutherus: Ergo fides sola salvat et justificat. Respondeo, nego consequentiam. Fides non sola

Fides non sola

(2) Imo honori mihi duco prædicare Evangelium; nam non erubesco per ψαίειν hic dictum est.

Justificat. enim operatur salutem non se sola et immediate, sed per spem, pœnitentiam, bona opera, Sacramenta, ad quæ hominem excitat. Vide *canonem* 3.

Evangelium operatur salutem animæ et corporis. Nota hic obiter, hanc Apostoli sententiam extendi quoque posse ad salutem corporis; est enim generaliter vera: nam Evangelium est virtus et causa instrumentalis salutis et vitæ non tantum futuræ, sed et præsentis, idque non solum voce, sed etiam scripto. Nam, ut docet S. Augustinus, tract. 7 in Joannem, Evangelii scriptus codex, cum ægrotis applicatur, morbos eorum sanat. « Cum caput, inquit, tibi dolet, laudamus, si Evangelium ad corpus tibi apposteris et non ad ligaturam cucurreris. » Rationem dat D. Thomas, II II, Quæst. XCVI, art. 4: « Verbum Dei, inquit, non est minoris efficacæ, quam reliquæ Sanctorum, sed reliquiis utimur ad salutem; ergo pari modo, imo majori, ad eandem licet uti verbo Dei scripto, sive Evangelio. »

Mos gestandi et legendi Evangelium S. Joannis unde fluxerit? Atque hinc orta est consuetudo fidelium, ut Evangelium S. Joannis contra venena, veneficia, morbos aliaque incommoda gestent et circumferant. Verum Apostolus proprie non de corporali, sed de spiritali salute hic loquitur; quam conciliat Evangelium non solum voce et prædicatione, quod proprie hic intendit Apostolus, sed etiam scripto. Hinc de B. Cæcilia canimus: « Virgo gloriosa semper Evangelium Christi gerebat in pectore. » Nimirum ut per illud conciliaret sibi fortitudinem ad martyrium, atque ad maritum, aliosque fidei hostes ad fidem convertendos: quod et factum est. Hinc etiam in Vita S. Barnabæ Apostoli legimus, illius corpus repertum fuisse sub Zenone Imperatore in Cypro, habens ad pectus Evangelium S. Matthæi, ipsius Barnabæ manu scriptum: videtur enim Barnabas Evangelium hoc secum sepeliri voluisse, ut illud haberet quasi pignus cœlestis resurrectionis Evangelio promissæ. Verum Apostolus, ut dixi, de Evangelii non scriptura, sed prædicatione hic loquitur.

Cæcilia ut Barnabas Evangelium semper habebant in pectore.

JUDÆO PRIMUM (quia primum ac potissime a Christo et Apostolis, *Matth. x, 5*, annuntiatum est Evangelium Judæis, quibus promissus erat Christus) **ET** (id est *deinde*) **GRÆCO**, — id est Gentili: quia enim Græci post Alexandrum latissime linguam cum regno propagarunt. hinc Græcus idem est quod Gentilis. Ita S. Augustinus, *epist. 200*.

Nota: Copula et hic significat *deinde*, vel *secundo*: opponitur enim *primum*. Vide *Can. 23* (1).

Vers. 17. 17. JUSTITIA ENIM DEI IN EO (Evangelio) REVELA-

(1) « Hoc et sequenti commate 17, ait Rosenmullerus, continetur primaria thesis quam in dogmatica hujus epistolæ parte tractat Apostolus, quæ est hæc: *Religionem Christianam esse auxilium efficacissimum perducendi quosvis homines, qui eam suscipiant, sive sint Judæi, sive Pagani, ad veram felicitatem et æternam salutem, nec ad eam rem opus esse amplius Judaismo.* »

TUR. — Quæres quænam hic intelligatur *justitia Dei*.

Respondent Origenes, Ambrosius et Chrysostomus, intelligi illam qua Deus in se justus est, scilicet qua juste retribuit justis præmium, impiis et injustis supplicium, ut vult Origenes; aut, ut Ambrosius, qua in se justus, id est verax est in promissis; aut, ut Chrysostomus, qua in se justus, id est bonus est et benignus hominibus propter Christum.

Secundo, Theodoretus: *Justitia Dei*, inquit, est illa, qua Christus ex rigore justitiæ Deo Patri pro nobis satisfecit.

Tertio, genuine et aptissime, S. Augustinus, lib. *De Spiritu et Litt.*, cap. ix: *Justitia Dei*, inquit, est justitia divina, non Judaica, non philosophica, qua scilicet nos Deus justificat per Christum, quæque nos revera in oculis Dei justos facit: hæc justitia revelatur et clare docetur in Evangelio Christi. Simili modo sumitur «salus», *Psalm. III, 9*, ubi dicitur, « Domini est salus, » qua scilicet salvos nos facit, *q. d.* Domini est salvare et dare nobis salutem.

EX FIDE IN FIDEM. — *Primo*, S. Anselmus hoc tripliciter exponit: *primo*, ex fide unius Dei, in fidem Trinitatis; *secundo*, ex fide primi adventus Christi ad salvandum, in fidem secundi adventus ejus ad judicandum; *tertio*, ex fide humanitatis Christi in fidem divinitatis.

Secundo, S. Augustinus, lib. *De Spiritu et Litt.*, cap. xi: *Ex fide*, inquit, prædicantium, in fidem audientium et credentium.

Tertio, S. Thomas: « *Ex fide in fidem*, » id est, ait, per fidem Christi in omni ætate necessariam ad salutem, *q. d.* *Ex fide patrum*, in fidem nepotum.

Quarto, S. Ambrosius: *Ex fide*, inquit, promittentis Dei, in fidem hominis credentis Dei promissis.

Quinto, Theodoretus et Oecumenius: *Ex fide*, inquit, rerum præteritarum in Christo, in fidem rerum futurarum in nobis.

Sexto, aptius Origenes, Chrysostomus, Theodoretus et Toletus: *Ex fide*, inquit, veteris Testamenti obscura, in claram fidem novi Testamenti, ad quam vetus illa nos ducit quasi pædagogus.

Septimo, Beda: *Ex fide*, ait, hic obscura, in fidem, id est in claram visionem in cœlis. Sic et S. Augustinus, lib. II *Quæst. Evang.*, cap. xxxix.

Octavo, et aptissime, Theophylactus, Oecumenius, Adamus et Pererius: « *Ex fide*, » inquit, incipiente et imperfecta, « *in fidem* » proficientem, perfectam, charitate formatam, similive modo augescentem, vel in se intrinsece, vel extrinsece per charitatem in virtutes alias, quas fides excitat, *q. d.* In Evangelio revelatur vera justitia, quæ est et proficit ex fide in fidem, id est, quæ incipit, alitur, augescit per fidem indies crescentem, donec credentem ad salutem perducatur, quæ Evangelii est virtus, uti præcessit. Et hic sensus op-

Justitia Dei triplex significatur.

Octuplex horum verborum sensus.

time cohæret ei quod sequitur : « Sicut scriptum est, justus autem ex fide vivit ; » ut ibi patebit : estque hebraismus hic simplicissimus et creberimus. Sic enim Hebræi significant rei profectum et augmentum, per geminationem rei mediante præpositione *in* ; ut *Psal. LXXXIII* : « Ibunt de virtute in virtutem, » id est, ibunt in profectum et augmentum omnis virtutis. » Simili sensu, *II Cor. II, 16*, vocatur « odor mortis in mortem, et odor vitæ in vitam. » Et cap. *II*, vers. ult. : « Transformamur, inquit, a claritate in claritatem, » id est in majorem claritatem. Sic in hac epist., cap. *VI*, 19 : « Exhibuistis, inquit, membra vestra servire iniquitati ad iniquitatem, » id est ad incrementum iniquitatis, ut de scelere rueretis in scelus. Eadem phrasis alibi passim occurrit.

Fides viva includit opera. Sicut scriptum est (*Habacuc II, 4*) : JUSTUS AUTEM EX FIDE VIVIT, — *q. d.* Vita gratiæ, qua vivit justus, primo, incipit a fide sola ; secundo, crescit et perficitur fide, licet non sola, sed crescente ad fidem vivam gratiæ et charitatis, per observationem mandatorum, ut ea facias, quæ fides jubet. Nam alioquin implicat vivere sine vita, aut fide viva. Sicut ergo dicitur *Proverb. IV, 23*, quod ex corde vita procedit, id est quod homo ex corde vivat et vitam hauriat, quia scilicet cor est radix vitæ, estque in homine primum vivens et ultimum moriens ; per hoc tamen non excluduntur cerebrum, pulmo, jecur, stomachus et cætera, quin ex iis quoque vivat et vitam suam hauriat homo : ita pariter dicitur quod justus ex fide vivat, quia fides est initium, radix et quasi cor vitæ spiritualis gratiæ ; per hoc tamen non excluduntur spes, charitas aliæque virtutes, quin ex iis quoque vivat justus. Vide *can. 2 et 3*.

Locus Habacuc cap. II illustratus. Citat hic Paulus Habacuc prophetam, qui cum cap. *I*, graviter questus fuisset de prosperitate impiorum, quod scilicet impii Chaldæi in victoriis et imperiis essent fortunatissimi, ideoque populo Dei, id est Judæis, tyrannice dominarentur, quodque Deus populum suum pium et fidelem, adeoque res humanas negligere videretur ; respondet ei Deus, cap. *II*, se brevi ostensurum suam providentiam et judicium, missurum scilicet se Cyrum, qui Babylonios impios subigat et evertat, Judæos pios liberet et salvet, ut recte ibidem annotavit Antonius Guevara, et patet ex vers. 5 et seq. Sub Cyro vero allegorice intelligit Christum, eumque hic præcipue significare intendit Spiritus Sanctus, qui Babylone, id est regno impietatis et diaboli everso, inde veros spirituales Israelitas, id est fideles Christianos, eruet et salvabit : « Si moram, inquit *Habacuc II, 3*, fecerit, exspecta illum : quia veniens veniet (scilicet Deus justus iudex et vindex, tam impiorum, puta Babyloniorum, quam piorum et fidelium, puta Judæorum, per Cyrum, et longe verius per Christum), et non tardabit. Ecce qui incredulus est, non erit recta anima ejus in semetipso : justus autem in fide sua vivet. » Hæc enim verba allego-

rice de Christo explicat S. Paulus, *Hebr. x, 37*, dum eos ad constantiam in fide ex Christi secundo ad judicium adventu, adhortatur : « Adhuc modicum, inquit, et qui venturus est (*Græce ὁ ἐρχόμενος*), veniet, » etc. Solet enim Christus dici *ὁ ἐρχόμενος*, id est venturus, ut verit noster Interpres : ut patet *Apoc. I, 4* ; *Matth. XI, 3* ; *Joan. I, 15* ; *Act. XIX, 4*.

Hinc sequitur, primo, Habacuc loqui de fide generatim, qua Deo quavis in re credimus, quaque proprie credebant Judæi Deo per Habacuc aliosque Prophetas, promittenti liberationem e captivitate Babylonica per Cyrum. Hac enim fide in Deum, quilibet justus pie, juste, sancte, pacate et divine vivere incipit, pergit et proficit ; dum in quavis tribulatione et miseria, hac fide et spe in Deum, vitam animæ sustentat, conservat et adauget. Dicit ergo : « Justus ex fide vivit, » *q. d.* Qui incredulus et injustus est, Deo displicet, ac consequenter vera, recta, pacata et felici vita fidei, gratiæ, justitiæ præsentis et gloriæ futuræ non vivet, quia me habet infensum ; et quia non in Deo, sed in hominibus et in humanis præsidiiis, rebusque creatis spem metumque suum ponit et defigit ; hinc inquietus erit, misere vivet, iisque semper agitabitur : fidelis autem et justus, qui credidit Deo meisque hisce ex Deo prophetiis de liberatore Cyro et ejus antitypo Christo, hic vivet vita recta, suavi, quieta, felici, sanota et imperturbata ; quia in Deo, qui vera est vita, Deique promissis per fidem et spem defixus, Deo charus Deoque curæ erit.

Sequitur secundo, quod Apostolus hanc sententiam Prophetæ, « Justus ex fide vivit, » recte applicet fidei in Christum : tum quia fides vera est illa, quam sanxit et instituit Deus ; jam autem Deus sanxit fidem veram esse fidem in Christum redemptorem ; tum quia fides de Cyro representabat allegorice fidem de Christo. Intendit enim Spiritus Sanctus per Cyrum, Cyrique liberationem representare Christum, Christique redemptionem qua suis fidelibus Christus vitam, justitiam, gratiam et gloriam impertit ; adeo ut in Christo verissima sit hæc sententia, « Justus ex fide (Christi) vivit. »

Sequitur tertio, perinde esse, sive legas absolute cum Paulo, « Justus ex fide vivit ; » sive legas, « in fide sua, » uti habent Hebræa, Aquila, Symmachus et Theodotion ; sive legas, *in fide mea*, uti vertunt Septuaginta ; legerunt enim ipsi in Hebræo אֱמוּנָתִי *emunati*, cum alii legant אֱמוּנָתָא *emunato*, id est in fide sua. Nam fides quæ in seipsa fides est, nostra est subjective, quia nobis inhæret ; Dei vero est objective, quia Deum habet pro objecto. Credit enim Christum esse redemptorem, quia Deus hoc dixit et revelavit.

Sequitur quarto, Habacuc loqui de vita non corporis, sed animæ ; non naturali, sed supernaturali, gratiæ scilicet et justitiæ, qua justus, quatenus justus est, vivit. De illa enim hanc Prophetæ

Fides et confidentia in Deum singulares fructus.

Vita et beatitudo ex fide Christi.

Fides nostra est subjective, Dei objective.

Vita spiritualis et supernaturalis crescens.

sus pro-
mittitur.

sententiam explicat S. Paulus hic, imo Propheta ipse : opponit enim hæc duo, scilicet « vivere, » quod tribuit justo et fidei, et « non habere rectam animam, » sive displicere Deo, quod tribuit incredulo et injusto ; ait enim : « Qui incredulus est, non recta erit anima ejus in semetipso, » pro quo Septuaginta vertunt, *non placebit* (id est displicebit) *animæ meæ ; justus autem in fide sua vivet*. Ergo a contrario per vivere intelligit habere animam rectam, qua placeas Deo ; ita scilicet, ut exinde a Deo tanquam amico et benevolo audeas sperare opem, liberationem et salutem, tum corporalem per Cyrum, tum potius spiritualem per Christum.

Sequitur quinto, Habacuc et Apostolum loqui tam de inchoatione vitæ supernaturalis, seu de prima justificatione, quam de secunda justificatione, seu de incremento justitiæ et vitæ spiritualis, uti patebit ad Hebræos x, 38.

Initium
conserva-
tio, incre-
menta vi-
tæ omnis
generis
homi-
num per
fidem.

Est enim hæc sententia, « Justus ex fide vivit, » generalis et universalis, pertinens tam ad Judæos, quam ad Christianos ; tam ad peccatores, qui primo justificantur, quam ad eos qui jam justificati sunt. Omnis enim horum vita spiritualis incipit, conservatur et crescit per fidem. Licet ergo Habacuc hanc sententiam ad litteram applicet Judeis in Babylone captivis, credentibus Deo promittenti Cyrum liberatorem ; tamen affert eam quasi generalem sententiam, et commune quoddam axioma aut proverbium : quod proinde recte a Paulo Christianis quoque applicatur. Adde, Judæos illos fuisse typos Christianorum. Rursum, Judæos, per fidem illam suam dictam, non tantum conservatos esse in vita gratiæ et justitiæ acceptæ, sed per eandem fidem inchoasse et disposuisse se ad hanc vitam, si necdum erant justificati. Credendo enim et sperando in Deum liberatorem et protectorem, sensim accedebant ad Deum, seque disponebant ad Dei gratiam et amicitiam, præsertim accedente fide Christi, qui per Cyrum hic adumbrabatur. Quare recte Paulus hanc sententiam tam justis jam, quam justificandis adhuc applicat. Simili modo applicat utrique illud Genes. xv : « Credidit Abraham Deo, et reputatum est illi ad justitiam, » ut dicam cap. iv, vers. 3.

Vivere in
sua fide
est per-
gere in
fide in-
choata.

Denique cum in Hebræo dicitur, « Justus in fide sua vivit, » *in sua* significat causam tam inchoantem, quam conservantem vitam ; sensus enim est : Justus in fide sua vivere pergit, uti in eadem vivere cepit. Sic dicimus : Animal calore suo vivit, id est vivere pergit, uti cepit. Hic homo in sua turpitudine vivit, id est vivere pergit in eadem turpitudine, in qua vivere cepit ; eadem, inquam, generice, licet in individuo, imo in specie alia et alia sæpe sit turpitudine, in qua vivere pergit, ab ea, in qua vivere cepit. Eodem modo, « Justus in fide sua vivit, » id est justus, uti cepit, ita pergit vivere in eadem fide, eadem, inquam, quoad objectum formale et genericum,

Fides
semper
eandem
quoad
objecta

quod est credere Deo, licet quoad objecta materialia et specifica, alia sæpe sit fides quæ inchoat, alia quæ continuat vitam gratiæ et justitiæ. Fides enim quæ inchoat justitiam, proprie et proxime est fides in Christum redemptorem ; fides vero quæ justitiam continuat et auget, quælibet alia potest esse fides, uti hic erat fides, qua Judæi credebant Deo promittenti libertatem per Cyrum. Generice ergo verum est, « Justus in sua fide vivit, » id est justus credens et sperans in Deum incipit vivere spiritualiter, incipit habere rectam animam, qua placeat Deo : ac rursus pergens et proficiens in hac sua fide et spe in Deum, pergit pariter et proficit in vita spirituali, in rectitudine et justitia animæ, in gratia et amicitia Dei, ut magis magisque Deo placeat (1).

generica
et forma-
lia, di-
versa sa-
cendum
materialia
et specifi-
ca.

18. REVELATUR ENIM IRA DEI DE COELO SUPER OMNEM IMPIETATEM ET INJUSTITIAM HOMINUM EORUM, QUI VERITATEM DEI IN INJUSTITIA DETINENT (2). — Vers. 18.

(1) Rosenmulleri hæc est totius vers. 17 interpretatio : *Nam per illud (Evangelium) manifestatur beneficium divinum (salus per Messiam), quod tribuitur propter fidem credentibus, ut (in hac etiam re valeat illud quod) scriptum est : Pius per fidem (promissis) salvabitur. Est igitur in his verbis ætiologia commatis 16 ; causa nempe indicatur, cur religio Christiana agnoscenda sit pro efficacissimo salutis adjumento. Justitia, ut Hebr. נְדָבָה, sæpe significat favorem, beneficium. Intelligitur illud beneficium quo Deus credentibus peccata remittit gratis, propter Christum, non ob legis Mosaicæ observationem, seu hominum salutem et redemptionem per Messiam. Genitivus Dei indicat eum a quo profisciscatur et tribuatur illud beneficium. Fidem, quæ ex parte hominis requiritur, esse fiduciam in promissionibus divinis reponendam, patet ex loco Habacuc, qui statim additur (conf. Rom. iii, 20 seqq.). Opponitur portioni Judæorum, qui se propter sua merita et Judaismi observationem, consequi posse justitiam Dei putabant ; quæ opinio in sequentibus refellitur. Credentibus, seu in credentes ; sic Gal. iii, 25, fides sumitur pro credentes, ad similitudinem vocum ἀπελευθέρωσας et περιποιήσας. Salvabitur, seu felix, salvus erit, quod vivere ex hebraismo sæpe notat. Locus est Habac. ii, 4. Quod ibi Propheta de liberatione Judæorum Deo conforsum ab invasione Babylonica scriptis, id potiori jure de salute æterna, quam Deus omnibus Christo credentibus collaturus est, dici potest.*

(2) Incipit hic ipsa tractatio. Et primo quidem Apostolus describit totius fere generis humani contagionem moralem, seu prolapsionem in vitæ morumque depravationem pessimam. Itaque scelerum et flagitiorum accusantur atque convincuntur a) Pagani inde a vers. 18 usque ad finem cap. i ; b) Judæi, cap. ii, quos illis nihil meliores esse docetur, cap. iii, 1-19 ; c) utrique, cap. iii, 20-23. Argumentatur Apostolus *enthymemate rhetorico* illius formæ, quæ est ex consequentibus, ita : Neque Pagani religione *naturali*, neque Judæi *Mosaica*, ad incundam vitæ rectitudinem et perfruendam salutem flecti potuerunt : ideo διευαισύνθη Θεοί, melior, et procurandæ generi humano salutis accommodatior ratio, perquam optabilis, et quam omnes ingrediantur dignissima est. Exornat autem ita argumentationem, ut primo generaliter moneat, Deum connectere mala cum sui contemptu eorum hominum, qui veritatem, quam edoceri potuissent, reprimant atque infirmant ; deinde doceat quoque dedisse Deum paganis certa adminicula tum *cognitionis*, tum *actionis* ; proxime admovisse ipsis et sui cognoscendi

« Enim » ponitur pro *autem*, et γὰρ pro *si*, ait Maldonatus in *Notis manuscriptis*. Verum melius proprie et causaliter accipias. Nam probat hic Apostolus id quod dixit, scilicet quod Evangelium sit virtus Dei in salutem omni credenti, quodque iustitia Dei in eo reveletur : id est, probat Christum Christique Evangelium et fidem, necessaria esse ad iustitiam et salutem. Quod hoc probare intendat, patet ex voce causali *enim*, quæ significat eum hic afferre rationem et causam eorum quæ immediate ante dixerat, *q. d.* Recte dixi iustitiam veram revelari per Christi Evangelium, illudque esse virtutem Dei in salutem : quia e contrario revelatur tum in eodem Evangelio, tum experientia, tum maxime revelabitur in die iudicii impietas et iniustitia hominum infidelium; revelabitur, inquam, omnes homines, qui fide Evangelii destituti fuerunt, veritatem Dei in iustitia detinuisse, ideoque esse peccatores, impios et injustos, ac consequenter Dei iræ et vindictæ æternæ obnoxios esse. Ita S. Chrysostomus, Theodoretus et Oecumenius.

Impii, increduli, iniusti vindictæ Dei obnoxii.

Est hæc sententia Apostoli, quasi thesis ejus generalis, primumque principium, ex quo probat omnes homines, utpote peccatores, indignis Christo redemptore, Christique Evangelio et fide. Hanc autem thesim probat inductione; scilicet omnes Judæos sine Christi fide, veritatem Dei in iniustitia detinuisse, esseque peccatores probat cap. seq.; omnes vero Gentes, veritatem Dei in iniustitia detinuisse, esseque peccatores iræ Dei obnoxios, probat hic versibus seq., ex eo quod omnes coluerint idola; omnes, inquam, non solum simplices et plebei, sed etiam sapientes et Philosophi, quos maxime et acerrime hic insectatur. Indee cap. III, vers. 23, concludit, omnibus tam Judeis quam Gentibus ad iustitiam et salutem omnino opus esse fide et gratia Christi, qui est scopus totius hujus discursus Paulini, adeoque totius hujus epistolæ.

QUI VERITATEM DEI IN INJUSTITIA DETINENT. —

Nota: Non ait: Qui veritatem Dei in errore et ignorantia detinent, licet et hoc verum fuerit; nam homines ante Christum multos errores Deo affluerunt, uti Deum esse corporeum, agere fato, non curare res humanas; sed ait Paulus: « Qui veritatem Dei detinent in iniustitia, » quia scilicet homines plerique ante Christum, licet agnoscerent veritatem Dei, scilicet unum esse Deum verum, opificem et rectorem universi; tamen hunc Deum non coluerunt, sed justum et Deo debitum cultum creaturis et idolis injustissime dederunt. Ergo quasi incarcerationem veritatem eamque detinuerunt seris iniquæ voluntatis, ne exiret ad

Erroris hominum circa Deum, ante Christum.

Seris iniquæ voluntatis detinuerunt Gentiles conscientiam veritatem.

pieque reverendi, et rectum a pravo discernendi facultatem atque occasionem, I, 19, 20, 22; II, 14, 15, 26, 27; tandem vero ostendat, eos nihilo tamen magis ab idololatria et vita turpissima coerceri aut advocari potuisse. Sic nexum constituit Winterberg in *Periculo exeget.* II *cap. VII ad Rom.*, pag. 22.

AVIII.

effectus et opera conformia veritati notæ; itaque vim illi intulerunt illique summam injuriam irrogarunt. Ita S. Chrysostomus et S. Augustinus, serm. 55 *De Verbis Domini secundum Joan.* Illi ergo quasi in vinculis tenuerunt judicem, nec recta dictare permiserunt legislatorem menti suæ a Deo impressum, scilicet rectæ rationis et veritatis dictamen.

Idem tropologice facit quilibet peccator, dum contra veritatis et rationis dictamen operatur et peccat. Unde S. Basilius, in *Regul. brevior.*, interrog. 63, quærit: « Quomodo veritatem in iniustitia aliquis detinet? » ac respondet: « Quotiescumque, datis sibi a Deo bonis, ad proprias voluntates abutitur, quod vitium in se fuisse negavit Apostolus, cum dixit: Non enim sumus, sicut plurimi, adulterantes verbum Dei. Et: Neque enim aliquando fuimus in sermone adulationis, neque in sermone avaritiæ (Deus testis est), nec quærentes ab hominibus gloriam, neque a vobis, neque ab aliis. »

19. QUIA QUOD NOTUM EST DEI, MANIFESTUM EST IN ILLIS: DEUS ENIM ILLIS MANIFESTAVIT. — Occurrit hic Paulus objectioni. Dicit enim aliquis, Gentes non detinuisse veritatem Dei in iniustitia, quia eam non cognoverunt; unde enim verum Deum agnovissent? Respondet Apostolus, asseritque plane eos Deum Deique veritatem agnoscere potuisse et debuisse; quin et reipsa cognovisse. Quia hæc veritas naturaliter est aperta et manifesta, eamque docet et dictat ipsa natura. Deus ergo per lumen naturæ eis hanc veritatem manifestavit, quam tamen ipsi sua malitia in iniustitia detinuerunt. Ait ergo Paulus: « Quod notum est Dei, » Græce γινώσκον τοῦ Θεοῦ, id est, quod naturaliter de Deo est cognoscibile, ut, Deum esse unum, æternum, mundi principem et vindicem (1).

Vers. 19.

Lumen naturæ Dei cognitionem potest attinere.

MANIFESTUM EST IN ILLIS. — « In illis, » id est illis, in illorum mente, intellectu, conscientia. Syrus vertit דִּיךְ יְעוֹתָה דַּלְהָא גַּלְיָא הִי בְהוֹן *di diute dalaha galia hi beun*, id est, *cognitio Dei patefacta est in ipsis*, idque, ut recte ait Chrysostomus, hom. 9 *ad Popul.*, non per angelos, non per Prophetas, non per Evangelistas; sed quia invisibilia attributa Dei creatoris a creatura intellecta conspiciuntur. Ita et alii Patres mox citandi. Solus fere Anselmus, cum aliquot recentioribus, addit Deum hanc veritatem, sive seipsum Gentilibus manifestasse per lumen non tantum naturale, sed etiam supernaturale, quasi sine lumine supernaturali et sine fide non potuerint Gentiles per solum lumen naturæ agnoscere unum esse Deum verum. Sed hoc est præter mentem Apostoli et Patrum, qui asserunt Deum Gentilibus se manifestasse per creationem et res creatas. Ex illis enim Gentiles per lumen naturæ Deum creatorem agnoscere potue-

Sine lumine supernaturali potest venire in cognitionem unius Dei, contra Anselmum. Ex creaturis po-

(1) Vers. 19, *Quod notum est Dei*, id est cognitio Dei, nam amat Paulus adjectiva neutrius generis loco substantivorum. Alii vertunt γινώσκον *cognoscibile Dei*, id est, quod de Deo ex natura cognosci potest

tuerunt et debuerunt. Addunt aliqui, « in illis, » id est, inquit, in ipsorum anima et mente, adeoque toto homine maxime relucet et cognoscitur Dei virtus et majestas; est enim homo speculum et imago Dei. Sed hoc acrius est. Subdit enim Apostolus a creatura qualibet generatim cognosci posse creatorem.

Vers. 20. **20. INVISIBILIA ENIM IPSIUS A CREATURA MUNDI PER EA QUÆ FACTA SUNT, INTELLECTA CONSPICIUNTUR, SEM-
PITERNA QUOQUE EJUS VIRTUS ET DIVINITAS. —** Quæ-
res, quænam sunt hæc *invisibilia* Dei, et quæ est
Dei *virtus et divinitas*?

Respondet primo Origenes: Dei « invisibilia, » inquit, sunt angeli; « virtus » Dei est potentia, qua Deus regit omnia; « divinitas » est essentia Dei, quæ continet universa. Verum de angelis hic nullus est sermo, sed tantum de Deo: præcessit enim, « Quod notum est Dei; » et sequitur: « Sempiterna quoque ejus (scilicet Dei) virtus et divinitas. »

Secundo ergo, S. Thomas hæc tria sic explicat et distinguit: « Invisibilia, » inquit, Dei est essentia divina invisibilis, quæ cognoscitur per viam negationis; « virtus » Dei est potentia Dei, quæ cognoscitur per viam causalitatis; « divinitas » est esse ultimum finem et summum bonum, quo omnia tendunt, quod cognoscitur per viam excellentiæ. Verum hæc subtilior quam solidior est expositio: nam divinitas non est aliud, quam essentia divina.

Tertio, S. Ambrosius, lib. II *De Spiritu Sancto*, cap. II, et Cyrillus, lib. I *Thesauri*, cap. V, et Anselmus hic sic explicant: « Invisibilia » est Pater invisibilis, « virtus » est Filius, « divinitas » est divina bonitas, quæ tribuitur Spiritui Sancto. Sed hoc est accommodatitium: nam ad litteram, certum est Philosophos ex creaturis non cognovisse SS. Trinitatem; atque sine fide, lumine ac revelatione supernaturali eam non posse cognosci; data tamen fide, potest homo in creaturis advertere vestigia quædam et quasi umbras SS. Trinitatis. Quod ergo Platonicus de Deo et Dei Verbo obscure et tenuiter cognoverunt, quodque dixit Trimegistus: « Monas genuit monadem, et in se reflexit ardorem, » q. d. Pater genuit Filium, et se reflexe amando spiravit Spiritum Sanctum, id totum a Mose et Hebræis didicerunt, ut docet Eusebius, lib. X *De Præparat. Evangel.*, cap. I; lib. XIII, cap. X: hinc et Plato vocatus est Moses Atticus.

Invisibilia Dei sunt ejus attributa spiritualia. Dico ergo: « Invisibilia » Dei sunt attributa Dei spiritualia, ut esse æternum, immensum, omniscium, optimum, maximum; « virtus » Dei est potentia, per quam Deus omnipotens omnium rerum causa est efficiens, regens et providens; « divinitas » est essentia Dei et majestas, scilicet Deum esse primum ens perfectissimum, a quo omnia pendent, a quo omnia bona expetuntur, et mala omnia avertuntur; Deum esse ultimum finem omnium rerum et operum, maxime huma-

norum, ideoque colendum esse latria, precibus, votis, sacrificiis, gratiarum actione.

Ubi nota: « Virtus » quasi potentia Dei continetur quoque inter invisibilia Dei: est enim æque ut alia, attributum Dei; eam tamen præ aliis hic exprimit Paulus, quia inter alia maxime relucet et resplendet illa in creatione et rebus creatis. Sic, Marci XVI, 7, dicit angelus mulieribus: « Ite, dicite discipulis ejus, et Petro; » non quod Petrus non esset discipulus, sed quod inter discipulos Christi quasi primus emereret.

Dices: I *Corinth.* I, 21, dicitur contrarium humanis sententiæ, quod scilicet mundus in sapientia Dei Deum non cognoverit.

Respondeo: Loquitur ibi Paulus de practica cognitione Dei, quæ conjuncta est cum Dei amore et cultu, non autem de speculativa.

Secundo: Etiam speculative non cognovit mundus multa Dei attributa, quia mentem ab eo avertit et vitii excæcavit: cognoscere tamen illa potuit et debuit.

A CREATURA MUNDI PER EA QUÆ FACTA SUNT, INTELLECTA CONSPICIUNTUR. — Per *creaturam mundi*, Anselmus intelligit hominem, qui dominus est, participium, nodus et vinculum omnis creature. Homo enim ex seipso, suisque partibus et potentiis tam corporis quam animæ, vel maxime cognoscere potest creatorem suum Deum.

Secundo, planius, generalius et melius Chrysostomus, Theodoretus, Theophylactus et S. Augustinus, tract. 2 in *Joan.*, per *creaturam mundi* accipiunt fabricam et creationem mundi, aut potius res ipsas creatas in mundo, sive mundum ipsum, qui est creatura Dei. Utrumque enim significat Græcum *κτίσις*, scilicet tam creaturam resque creatas, quam ipsam creationem.

Nota: Vox *intellecta* significat opus esse discursu, collatione et illatione, ut per opera sensibilia resque creatas ascendamus ad cognoscenda invisibilia Dei. Et hoc est quod *Sapient.* XIII, 5, dicitur: « A magnitudine speciei et creature cognoscibiliter (græce *ἀναλόγως*, id est per analogiam) poterit creator horum videri. » Syrus vertit, *בספלה* *besachala*, id est intellectu conspiciuntur et videntur, quæ oculis corporis sunt invisibilia. Pulchra paronomasia idipsum insinuant Græci; habent enim, *τὰ ἀόρατα καθορᾶται*, id est invisibilia videntur, scilicet per creaturas, quasi *διὰ κάτοπτρον*, id est per speculum.

Hinc patet primo, Deum esse non esse per se notum, scilicet ex ipsis terminis: sicut cognitio terminis, per se notum est, unum et duo facere tria; sed ad hoc, ut quis scilicet cognoscat Deum esse, opus esse discursu, scilicet ex iis quæ facta sunt, colligendo ipsum factorem Deum. Ita Scotus et D. Thomas I *part. Quæst.* II, art. 1. Unde S. Bernardus, serm. 31 in *Cant.*: « Tanta hæc, inquit, formarum varietas, atque numerositas specierum in rebus conditis; quid, nisi radii sunt delatis? monstrantes quidem quia vere sit, a quo sunt;

Potentia et virtus Dei inter attributa maxime relucet in creaturis

Mundus Deum ante Christum sapientia practica non cognovit, nec omnia Dei speculative.

Creatura mundi dupliciter intelligi potest.

Discursu opus est ad cognoscendum Deum ex creatura.

non tamen defnientes prorsus quid sit : ita quod de ipso sit, vides, sed non ipsum. Cum autem de eo quem non vides, cætera vides, scis indubitanter existere quem oportet inquirere : ut inquirentem non fraudet gratia, ignorantem negligentia non excuset. Verum hoc videndi genus commune. In promptu enim est juxta Apostolum, omni utenti ratione invisibilia Dei per ea quæ facta sunt, intellecta conspiciere. » Hinc idem, lib. *De Interiori domo*, cap. XII et XIII, docet quod speculum ad videndum Deum sit animus intuens seipsum : « Frustra, inquit ; oculum cordis erigit ad videndum Deum qui nondum idoneus est ad videndum seipsum. Prius enim necesse est ut cognoscas invisibilia spiritus tui, quam possis esse idoneus ad cognoscenda invisibilia Dei. Et si non potes cognoscere te, non præsumas apprehendere ea quæ sunt supra te. Præcipuum et principale speculum ad videndum Deum, est animus intuens seipsum.

Quænam Dei attributa discursu naturali cognosci possint ? Secundo, ex hoc loco, et ex *Sapient.* XIII, 5, patet naturali lumine cognosci posse Deum esse unum, esse liberum, habere providentiam non tantum in universali, sed cujusque hominis in particulari. Tali enim soli agendæ sunt gratiæ ab unoquoque, quod hic urget Apostolus, vers. seq. Ita S. Chrysostomus, Ambrosius, Beda, Anselmus et S. Dionysius, cap. VII *De Divin. Nomin.*, et S. Augustinus *De Spiritu et Litt.*, cap. XII.

Uter divinitatis est mundus, in quo non tantum studuit S. Antonius, sed etiam Gentiles Philosophi. Idem experientia ipsa didicerunt et docuerunt ipsimet Gentiles : nam Trismegistus dixit mundum esse librum divinitatis et speculum divinum, in quo nimirum Deus seipsum, quasi Apelles summus, clare expressit et depinxit. In hoc libro non solus studuit S. Antonius, ut de eo testatur Athanasius, alique eremi incolæ : nec solus S. Bernardus, S. Franciscus alique Sancti ; sed etiam Plato, Socrates, Aristoteles omnesque Philosophi. Idem agnovit et docuit Orpheus, cum ait : « Mundi machina est musica et admirabilis consonantia, prædicans et laudans Deum ; cœli enim enarrant gloriam Dei. » Hæc etiam est musica cœlorum, quam prædicabat Pythagoras. Unde Philo, lib. *De Unitate Dei, et duplici templo*, mundum vocat Dei templum : « Dei, inquit, templum alterum, summum verumque existimandum est, mundus scilicet hic universus, cujus sacrarium sit cœlum, in tota rerum natura præstantissimum ; donaria vero sint sidera ; sacerdotes et æditui sint potestates angelicæ, ratione sinceritatis unitati similes : alterum vero templum est manufactum, » etc. Vide hac de re pulchre disserentem S. Chrysostomum, hom. 9 *ad Popul.*, et S. Basilium, in princip. *Parabol. Salomonis* ; Anselmum hic ; Bernardum, initio lib. V *De Consider.* ; auctorem *Soliloq.*, cap. XXXI, tom. IX operum S. Augustini, et Prosperum, lib. *De Vocat. Gent.* cap. 1, qui liber falso adscribitur S. Ambrosio : « Quod est, inquit Prosper, testimonium, quod semper Domino deservivit, et nunquam de ejus

bonitate ac potestate contigit, nisi ipsa totius mundi inenarrabilis pulchritudo, et inenarrabile beneficiorum ejus dives et ordinata largitio ? per quam humanis cordibus quædam æternæ legis tabulæ præbebantur, ut in paginis elementorum, et voluminibus temporum, communis et publica divinæ institutionis doctrina legeretur. Cœlum ergo, mare, terra et omnia quæ in eis sunt, consono speciei suæ ordinationisque concentu protestabantur gloriam Dei, et prædicatione perpetua majestatem sui loquebantur auctoris : et tamen maximus hominum numerus hanc vocem non intellexit, » etc. Hinc vere et pie S. Augustinus : « Cœli, inquit, et terra clamant, Domine, ut amemus te ; » et, « Fecistis nos, Domine, ad te, et inquietum est cor nostrum donec requiescat in te. » Ita ipse, lib. I *Confess.* I.

Cœlum et terra docent nos amorem Dei.

21. CUM COGNOVISSENT DEUM, NON SICUT DEUM GLORIFICAVERUNT, AUT GRATIAS EGERUNT (Deo pro mundi fabrica, suique ac rerum omnium ad suum usum creatione et conservatione), SED EVANUERUNT (græce *ἐπαυώθησαν*, id est, vani et inanes facti sunt) IN COGITATIONIBUS. — Græce *διαλογισαί*, id est disquisitionibus et discursibus, quos ex creaturis de Deo creatore fecerant ; quia scilicet, iis relictis, ad vana idola, quæ non erant Deus, colenda deflexerunt. Ita S. Chrysostomus, Origenes, Theodoretus.

Vers. 21.

Sapientium hujus mundi stultitia et vanitas.

Secundo, « evanuerunt » in sua cogitatione et cognitione Dei, quia finem et fructum cognitionis Dei, qui est actio (de qua re pulchre S. Bernardus disserit serm. 36 in *Cantica*) honesta et cultus Dei, non sunt assectati. Hinc « et obscuratum est insipiens cor eorum, » adeoque stulti facti sunt, quia veram sapientiam, quæ in praxi et pietate consistit, respuerunt, et stultissime idola pro diis habuerunt et coluerunt.

Fructus cognitionis Dei actio honesta.

Tertio, ex S. Augustino Anselmus, « evanuerunt, » inquit, id est superbierunt hac Dei cognitione. Sed primus sensus est optimus, et hoc loco genuinus. Ita enim seipsum explicat Paulus, vers. 23.

23. MUTAVERUNT GLORIAM INCORRUPIBILIS DEI, IN SIMILITUDINEM IMAGINIS CORRUPTIBILIS HOMINIS, ET VOLUCRUM, etc. — q. d. Hi sophi, cæci et stulti, gloriosum divinitatis nomen, adorationem et confessionem, quæ Deo immortalī præstare et exhibere debebant, converterunt et collocaverunt « in similitudine (Græcum enim *ὁμοιωµατι* potest proprie capi pro *in similitudine*), vel, « in similitudinem (capiendo *in* pro *ut*, uti sæpe capitur), sive assimilationem « imaginis hominis, » id est in imaginem hominis, non naturalem, sed arte factam et assimilata, q. d. Idola pro Deo coluerunt hi sophi. Ita S. Chrysostomus ; Theophylactus et Oecumenius. Quare non recte Erasmus et Beza sic exponunt, « in similitudinem » vel *assimilationem* : quia, inquiunt, Gentiles assimilarunt Deum incorporeum rebus corporeis, puta homini, bobus, ~~ovibus~~ *ovibus*, quia in horum

Vers. 23.

Sophi idola pro Deo coluerunt.

Musica Pythagoræ est consonantia et concordia cœlorum.

Deum simulacris, quasi in imagine, Deum coluerunt. Ubi nota: Multi Gentiles putabant ipsa idola ignea et lapidea esse deos; aliqui tamen sapientiores, uti Philosophi, sciebant ipsa idola non esse deos, et tantum in idolis ipsis deos ipsis representari: verumtamen omnes tam hi, quam illi, non Deum

verum in idolo, quasi in imagine, ut vult Calvinus, sed ipsa idola, uti Deum vel Numen aliquod adorarunt, et adoranda crediderunt; idque, quia putabant idolum esse corpus Dei, aut esse simulacrum Dei, Deumque similem esse idolo, et similia habere membra, aut esse locum et sedem Dei, cui quasi naturaliter adhæreretur et præsens esset Deus. Denique censebant omnes idolum habere aliquid numinis, ut cum ad illud irent, ad deos ire se putarent, ait Cicero, lib. I *De Natura Deorum*; idque quia videbant idolum loqui et oracula dare. Excipe hic paucos Gentilium sapientissimos, qui idola colebant non ex animo, sed metu legum suarum, et ut populum metu deorum in officio continerent, ut testatur ibidem Cicero.

Peccarunt ergo primo, quia dæmonem quasi animam idoli pro Deo coluerunt, eumque ex falsis oraculis, malis consiliis, et sua propria confessione, aliisque circumstantiis, non Deum, sed dæmonem esse agnoscere potuerunt et debuerunt.

Peccarunt secundo, quia ipsa idola quasi aliquid esset Dei, adorarunt, placarunt, invocarunt; hoc enim, quidquid neget Calvinus, clarissimum est ex *Psal. cxiii*, *Baruch. vi*, et *Sapientiae xiv*. Idem expresse docent Patres, Tertullianus, Lactantius, Justinus, Athanasius, Athenagoras, Cyprianus et alii, qui passim rident Gentiles, quod lapides et ligna pro diis colant, ut etiamnum faciunt Indi et Japones. Nil ergo idolo cum imagine Christianorum, quæ nihil habet numinis, sed nudam rationem imaginis, quæ est representare suum prototypum, ut docent S. Basilus et Damascenus.

Nota secundo: Licet Catharinus de Socratis et Platonis salute bene speret et existimet, tamen Xenophon et Plato docent Socratem diis Græcorum sacrificasse, et inter alia gallum Æsculapio. Sic Plato eosdem colendos censuit, quod lex Gentium ita juberet, uti testatur Eusebius, lib. XIII *De Prepar. Evang.*, cap. viii et xi. Sic et Seneca sacrificia laudat, non quasi diis placita, sed quia legibus jussa, uti testatur S. Augustinus, lib. VI *De Civit.*, cap. x. Idem Plato, in *Epimenide*, divinum cultum tribuit cælis, astris et dæmonibus. Denique Trismegistus dæmonum simulacra colenda esse docet, ut benefaciant, inquit S. Augustinus, lib. VIII *De Civit.*, cap. xxiii. Eadem colenda esse ob metum legum politicarum docuit Cicero, lib. I *De Natura Deorum*. En quo labitur humana, etiamsi docta, infirmitas et cæcitas, si Deum deserat et a Deo deseratur, ut merito in eos hic ita detonet Apostolus.

VOLUCRUM, ET QUADRUPEDUM, ET SERPENTIUM. — Multitudo absurda idolorum et deorum Gentilium. Nam aves, serpentes, feles, crocodilos, imo alia, porros et herbas, quin et stercurium, cloacinam, pestem, febrem, aliaque his absurdiora veteres pro diis coluisse, fuse docet S. Augustinus, lib. III *De Civit.*, cap. xii, et lib. IV, cap. x et seq., et lib. XVIII, cap. xv. Unde et Juvenalis satyra penultima Ægyptios, quod sua cæpe colerent quasi numina, ita ridet:

Porrum et cæpe nefas violare ac frangere morsu.
O sanctas gentes, quibus hæc nascuntur in hortis
Numina!

24. PROPTER QUOD TRADIDIT ILLOS DEUS IN DESIDERIA CORDIS EORUM, IN IMMUNDITIAM. — Vers. 24.

« Propter quod, » q. d. Sicut illi gloriam Dei serpentibus, aliisque immundis et ignominiosis creaturis tradiderunt, ita etiam Deus tradidit illos immunditiæ, « ut contumeliis afficiant, » græce τοῦ ἀτιμαζέσθαι, id est ut ignominia afficiant « corpora sua. » Nota: Deus hos ita tradidit, non proprie immittendo, vel impellendo eos ad mala, ut vult Calvinus: hæc enim blasphemia est nimis evidens et atrox in Deum, ejusque infinitam bonitatem et sanctitatem; sed tradidit eos Deus in peccata, quia permisit eos suæ concupiscentiæ, dæmoni et occasionibus peccati, ut fornicatione et adulterio corpus suum dedecorarent. Unde *Psal. lxxx*, Dominus idem explicans ait: « Dimisi eos secundum desideria cordis eorum, ibunt in adinventionibus suis. » Sic S. Augustinus, lib. V *Contra Julian.*, cap. iii, et *De Grat. et Lib. arbit.*, cap. xxi, docet Deum tradere peccatores in prava desideria, quando non solum non apponit gratiam, sed etiam ponit occasiones et offendicula peccandi (licet alio et pio fine), in quæ eos per suam malitiam gravius ac turpius impacturos prævidet, non autem prædefinit, prædeterminat vel impellit. Talis occasio sunt opes, honores, deliciae, quibus impios Deus cumulat, ut iis bene utantur; scit tamen id eos non facturos, sed iis ad peccata abusus. Vide *can. 14* et *15*.

Objicit Beza: Deus quasi judex tradit impios carnifici, scilicet peccato; ergo non tantum permittit, sed positive tradit eos peccato.

Respondetur: Aliter permittit homo peccata, aliter Deus: homo negative, Deus positive: quia Deus voluntates omnium hominum arctissime omnipotentiae suæ manu, quasi lupum vel feram fune constrictas tenet, quam positive laxare debet, ut male agere possit. Unde recte hæc laxatio et permissio dicitur actio et traditio, maxime quando fit a Deo, ut vindice, ad puniendum præcedens peccatum, ut dixi *can. 21*.

Hinc docent Theologi peccata sequentia præcedentium peccatorum esse pœnas. Ita Magister Sententiarum, in II, dist. 36, et Augustinus, lib. V *Contra Julian.*, cap. v, ubi sic ait: « Crimina criminibus vindicantur, et supplicia peccantium non tantum sunt tormenta, sed et vitio-

Multitudo absurda idolorum et deorum Gentilium.

Deus impios peccare permittit, non prædefinit.

Permissio Dei quomodo dicitur actio et traditio?

Peccatum sequens pœna præcedentis.

rum incrementa. » Et in *Psalm. LVII*, in illud, *Supercecidit ignis*: « Inter primum, ait, peccatum apostasie et ultimam pœnam ignis æterni, media quæ sunt, et peccata sunt, et pœna peccati. » Et paulo superius, in illud ejusdem psalmi, *Iniquitatem manus vestræ concinnant*, docet quamdam esse peccatorum inter se colligationem, et velut catenam, in qua alia sint causa sequentium peccatorum, alia pœnæ præcedentium, qua de re vide quoque S. Gregorium, lib. XXV *Moral.*, IX.

Vers. 25. 25. COMMUTAVÉRUNT VERITATEM DEI IN MENDACIUM, — id est in mendax falsum idolum; *εἰδωλον* enim Græcis est res vana, inanis, umbratica, fallax et mendax; sicque idola mentiuntur se esse deos, suntque mendaces umbræ deorum: de quo plura dicam I *Cor. VIII*.

Vers. 26. 26. PROPTEREA TRADIDIT ILLOS DEUS IN PASSIONES IGNOMINIÆ. — Græce, *εἰς πάθη*, id est in libidines pathicas et pudendas, ut nimirum contra naturam non tantum masculi et pathici pueri cum masculis; sed, ut sequitur, et femine cum feminis omnes naturæ et honestatis limites transcendentes commixtæ sint. Ita Ambrosius, Theodoretus, Anselmus et alii. Dicitur hæc præpostera et vesana libido *πάθος*, non tantum quia in ea activæ libidini præpostera ut passiva respondet; sed etiam quia hæc passio ita vehemens est, ut homo illi immersus, adeo ab ea absorbeatur, ut potius pati quam agere videatur, sitque instar equi equæ adhinnientis et ad eam furentis. Jam vero Gentiles, non tantum plebeios, sed et Philosophos, ac nominatim Socratem, infami hoc pæderastiæ vitio laborasse, tradit Philo, lib. II *De Vita contemplat.* Quin et Laertius, in Vita Socratis, tradit eum in iudicio, quo ad mortem damnatus est ducentis octoginta sententiis, accusatum fuisse primo, quod Deos patrios respueret et nova dæmonia induceret; secundo, quod contra fas et jus juvenes corrumperet. Idem vitium Platoni ascribit Laertius, Gellius, lib. XVIII, cap. II, et lib. XIX, cap. XI, et Plutarchus, lib. *De Educandis liber.*, ante finem: licet Cardinalis Bessarion, Platonis propugnator, eum ab hoc vitio purgare conetur, lib. IV in *Calumniatore Platonis*, cap. II. Addit S. Chrysostomus, Solonem et alios Philosophos non tantum pæderastiam fecisse, sed et eam quasi honestam laudasse et legibus sanxisse, statuisseque ut illam exercere possent liberi, non autem servi; quasi pæderastia non servos, sed liberos tantum deceat, sitque et ipsa ars libera et liberalis. Talia monstra quoque ab hæresi nata nostra vidit et protulit ætas. Contra hos fulminat hic S. Chrysostomus et Patres sæpe.

Plato et alii Philosophi Gentiles infames pæderastia. Item hæretici nostri temporis codem vitio laborant.

Denique ut videas verissimam esse hanc Apostoli sententiam, atque Philosophos fuisse impurissimos et spurcissimos, audi ex uno Diogene Laertio, seriatim singulorum hac de re emblemata.

Diogenes lib. I. Periander, inquit, Crætea propria matre sua abusus est, lib. I.

Socrates Alcibiadi in deliciis fuit, lib. II.

Lib. II.

Theodorus ait sapientem publice absque pudore et suspicione scortis congressurum.

Phædon captus ab hostibus, infami se quæstui addixit.

Stilpo, præter uxorem, Micarete pellice utebatur.

Menedemus notatur nimium familiaris fuisse amasio Asclepiadis.

Aristippus, lib. IV *De Antiquis deliciis*, ait Platonem captum fuisse amore Stellæ astrologi et Dionis: alii Phædrum addunt, alii etiam Alexim. Plura de eo habet Laertius, lib. III.

Bion Borysthenites Theodotæ et Philetæ, scortis, palam congredebatur: item duos adolescentis, Demetrium et Myrleanum Leocharem, turpiter amavit. Unde et ab Aristone Chio, Corruptor juvenum dictus est. Idem adoptabat juvenes, ut eis abuteretur, lib. IV.

Aristoteles Hermiæ concubinam amavit, eique sacrificavit, lib. V.

Demetrius Phalareus, qui 360 statuis æreis honoratus est, a Cleone turpiter est perpersus.

Anthistenes dicebat sapientem formosissimis quibusque mulieribus congressurum, lib. VI.

Diogenes dicebat debere esse communes mulieres et filios.

Zeno uxores communes in republica statuebat, lib. VII.

Chrysippus, in libro *De Republica*, congredi jubet matribus, filiabus et filiis.

Eudoxius fuit in deliciis Theomedonti medico, lib. VIII.

Epicurus Leontiam et Themistiam meretrices, et Pithoclem, formosum adolescentem, in deliciis habebat, lib. X.

Eant nunc politici et naturalistæ nostri, Philosophos hosce ut viros probos prædicent, eosque ut sanctos et beatos canonizent, quos infandæ veneris mancipia Asmodæus auctoravit, Orcoque addixit. Præclare S. Bernardus, contra Petrum Abailardum platonizantem, epist. 109 ad *Innocentium Pontificem*: « Ubi, inquit, dum multum sudat, quomodo Platonem faciat (Abailardus) Christianum, se probat Ethnicum. »

FEMINÆ EORUM IMMUTAVÉRUNT NATURALEM USUM, IN EUM USUM QUI EST CONTRA NATURAM. — Nota, diabolico invento feminas instar virorum cum feminis active congredi. Docet id et plura Seneca, epist. 95: « Femine, ait, cum virorum licentiam æquaverint, corporum quoque virilium vitia æquaverunt: non minus pervigilant, non minus potant, oleo et mero viros provocant, libidine vero nec maribus cedunt, pati natæ. Dii illas dæque male perdant, adeo perversum commentæ genus impudicitiae, viros ineunt. » Græcis hæ femine Tribades dictæ, id est frictrices, quarum meminit Tertullianus, lib. *De Pallio*. Unde *τριβαν* *δική ἀνίλγεια* dicitur, tribadum illa insana et nefaria libido, cujus inventrix creditur fuisse Phila-

Tribu-
dum fo-
minarum
præpos-
ta libido.

nis, et ob hanc male audiit Sappho. De his agit impurissimus Lucianus, dialog. *Clonartum et Leæna*. Hæc invitus licet scripsi ad hoc, ut scient confessarii quanta sit libidinum vorago, sciantque feminas quoque, ut viros, peccatum molli-
tæi committere, ut Galenus, medici et experientia docet; et sicut illud in se exercent, ita et in alios idem exercere modis infandis.

MERCEDEM (quam oportuit) ERRORIS SUI IN SENET-
IPSIS RECIPIENTES. — Pro mercedem, græce est ἀπο-
μοχθία, id est recompensationem, sive mercedem pro meritis; ut quia contra naturæ ordinem cum ignominia creatoris, eo relicto ad creaturæ idolo-
latræ se converterunt, hac de causa juste a Deo permissi sint naturæ ordinem pariter in actu generationis invertere, et pudenda libidine se dedecorare. Ita Anselmus.

Porro idololatræ esse causam libidinis et ob-
scœnitatis, docet quoque Sapiens, cap. jv, vers. 12: « Initium, inquit, omnis fornicationis est ex-
quisitio idolorum, et adinventio illorum corruptio vitæ est; » idque primo, quia idola iis cære-
moniis colebantur, quæ ad omnem obscœnitatem homines impellerent, ut patet ex sacris Priapi, Veneris, Bacchi. Et hoc permittente Deo in suppli-
cium idololatræ, ut ait hic Paulus. *Secundo*, quia idololatræ, ut ait hic Ambrosius: « Deum incu-
riosum colentes, atque per hoc negligendum, magis hebetati sunt, et ad omnia mala admittenda facti promptiores. » Exardescit enim concupis-
centia, cum vindicem non timet Deum. Quis au-
tem timeat Deum ligneum, aut saxeum? *Tertio*, quia, ut ait S. Athanasius, orat. *Contra idola*: « Idololatria instituta est desiderio eorum qui stupris et propudiis pleni, figmentis represen-
tantur. » Jupiter enim adulter cum ut Deus colitur, quis non putet licere, imo pulchrum esse adulterari, quod ea in re deo suo similis sit? Ad-
dit S. Athanasius: « Et pene omnes civitates om-
nibus libidinibus scatent, ob immanitatem mo-
rum quam in suis diis conspiciunt; neque est in hoc genere deorum quem castum appelles. Olim certe Phœnissæ mulieres ante idola prostituēban-
tur, dedicantes numinibus suum quæstum, per-
suasæ meretricatu ea propitiari, ac prosperitatem rerum inde nasci. » Idem factitarunt virgines Ba-
bylonicæ, Syræ, Medæ, Persicæ, Lydiæ et aliæ, uti dixi *Baruch* vi, 42. Pergit S. Athanasius: « Viri quoque, abdicatione sexu, nec se amplius ma-
res esse ferentes, mulierum naturam affectave-
runt, tanquam ita honorifica grataque matri deo-
rum facturi essent. Omnes autem in turpissimis vivunt, et certamen inter se pravitatis suscipere videntur, et, ut dixit S. Paulus, Mulieres eorum mutaverunt usum. »

Infidel-
tatis et
hæresis
pœna,
omnium
monstra

Hinc patet infidelitatis, impletatis et hæresis
pœnam esse monstrosas libidines, atque hujus
rei causa est: *Primo*, quia ubi non est fides, ibi
non est gratia Dei; ubi non est gratia Dei, ibi non
est castitas, sed omnis concupiscentia: ut merito

dixerit Lutherus, concubitus homini tam neces-
sarium esse, quam cibum, et passim apud No-
vantes personat hoc axioma, castitatem esse im-
possibilem, quia vere Luthero et hæreticis impos-
sibilis est. Vere ergo dixit S. Hieronymus, lib. II
Comment. in Osee cap. ix: « Difficile est invenire
hæreticum qui diligat castitatem, etiamsi eam
verbis commendat et præ se ferat. »

Secundo, quia hæresis et infidelitas oritur ex
superbia, superbiæ autem pœna est libido, sicut
humilitatis præmium est castitas. Unde efficaci-
simum remedium ad castitatem, est humilitas.
Hæc enim justa est Dei ordinatio, ut si mens Deo,
et iis, quibus debet, se subdat, etiam sibi subdi-
tum habeat corpus suum: sin Deo Deique vica-
riis subdi nolit, etiam corpus suum sibi sentiat re-
belle, ut pulchre docet Gregorius, lib. XXVI *Moral.*,
xii: « Sic, sic, inquit, elati justa fuerant retribu-
tione feriendi, ut, quia superbiendo se hominibus
præferunt, luxuriando usque ad jumentorum si-
militudinem devolvuntur; homo enim cum in
honore esset, non intellexit, comparatus est ju-
mentis insipientibus, etc. Intus ergo videt Deus,
quod mentem elevat, et idcirco permittit foris in-
valescere, quod deponat; ergo per humilitatis
custodiam servanda est munditia castitatis. Si
enim spiritus pie sub Deo premitur, caro illicite
supra spiritum non levatur: et contra. Unde et
primus ille inobediens Adam, mox ut superbiendo
peccavit, pudenda contexit. » Ita virgo illa, de
qua Palladius in *Lausiaca*, cap. xxxiv, a dæmone
superbiæ obsessa, deserta fuit ab angelo tempe-
rantia, et turpiter lapsa.

28. SICUT NON PROBAVERUNT (græce οὐκ ἰδοὺσαν, Vers. 28.
id est non placuit eis, non est eis visum, non cu-
raverunt) DEUM HABERE IN NOTITIA (id est, ait Am-
brosius, credere Deum res nostras curare; vel, ut
alii, Deum habere præ oculis, ut illi placere et
servire intenderent. Verum simplicius et magis
proprie S. Chrysostomus, Theodoretus et Toletus
sic explicant, *g. d.* Sicuti non curarunt Deum
verum vere nosse, ut recte de eo sentirent, sed
idolis adhæserunt; eaque pro Deo agnoverunt
et coluerunt; ita pariter juste) TRADIDIT ILLOS
DEUS IN REPROBUM SENSUM, UT FACIANT EA QUÆ
NON CONVENIUNT. — Nam, ut docet S. Gregorius,
lib. XXV *Moral.*, ix: « Qui errant in Dei cognitione,
juste traduntur ut errent pariter in agendis; »
qui mentem et rationem ab errore non servant,
exponunt se pecuinis cogitationibus et vitiis, tum
quia, errante duce, errant comites: cognitio autem
est dux actionis; tum quia recedentes a Deo, re-
cedunt a virtute et gratia; tum quia ubi non est
cognitio Dei et timor, ibi dominatur effrenis concupiscentia.

Nota: « Reprobum sensum » vocat Paulus im-
probam et perversam mentem, quæ probat non
probanda, et probanda improbat ac reprobat (hoc
enim est Græcum ἀδόκιμος), v. g. quæ judicat et
probat mollitiem, fornicationem, vindictam.

libidi-
num, ob
duas ra-
tiones.

Errorem
in cogni-
tione se-
quitur
error in
actione.

ebrietatem esse appetenda et sectanda; ac tandem, cum mens per consuetudinem peccandi est excæcata, iudicat hæc ipsa vix esse peccata, essequæ licita.

Tota huius loci elegantia consistit in paronomasia et antithesi verbi δεικνύειν, et epitheti ἀδόκιμον, q. d. Quia reprobantur Dei notitiam et cultum, hinc traditi sunt in reprobam et perversam mentem: ἀδόκιμον ergo significat eos non expertes fuisse iudicii, ut vertit Beza (hoc enim minus est malum, et sæpe naturale), sed pravo, distorto et perverso fuisse iudicio, quo scelera infanda iudicabant esse licita et honesta.

Vers. 29. 29. REPLETOS (id est, ut repleantur: pendet enim vitia que nascuntur ex idololatriâ et hæresi. τὸ repletos a verbo tradidit, q. d. Hoc ipso, quo tradidit eos Deus in reprobum sensum, factum est ut replerentur, fuerintque repleti) OMNI INIQUITATE, DOLO ET MALIGNITATE. — Pro malignitate, græce est κακοθυμία, quod, ait Aristoteles, vitium est, quo omnia in deteriorem partem accipiuntur: alii *morum asperitatem* vertunt; sed hanc significat vox *incompositi*, quæ sequitur. Syrus *fraudem* vertit.

Vers. 30. 30. DEO ODIBILES. — θεοσυγες, id est Deo odibiles, vel Dei osiores, a quibus Deus abhorret, vel qui execrantur Deum. S. Cyprianus, *epist.* 68, legit *Deo abhorrentes*, *συγής* enim abhorreere significat; unde Styx, palus inferni, ita dicta est ab horrore.

ELATOS. — ἀλαζόνες, id est gloriosos et jactabundos.

Vers. 31. 31. INCOMPOSITOS. — ἀσυνθέτους, id est inciviles, barbaris moribus, ab omni societate et conversatione honesta alienos, turbulentos, qui non possunt in civitate aut familia cum aliis componi. Ita ex Demosthene Suidas. OEcumenius vertit, *separantes se ab omnibus*, id est omnes odio prosequentes et adversantes.

SINE AFFECTIONE. — ἀσέγγους, id est inhumanos, qui neminem, aiunt Theophylactus, OEcumenius et Syrus, amant, nec habent amicum. Sic in India versus Peru, Indi quidam sunt Uri nuncupati, qui ita fugiunt homines, ut rogati qui sint, respondeant se non esse homines, sed Uros, ut refert oculatus testis Josephus Acosta, lib. II *De Novo orbe*. Talis erat ille, de quo Satyricus, « nec amat, nec amatur ab ullo. » Rursum ἀσέγγους, verti po-

test, *sine pietate*, hoc est impios in parentes et cognatos.

ABSQUE FOEDERE, — id est fœdifragos. Densat hic Apostolus synathrœsmum, per rerum congeriem, ut ostendat quantum malum sit Dei ignorantia et neglectus, atque in quot quantaque scelera Gentiles per hunc Dei neglectum inciderint.

SINE MISERICORDIA, — id est immisericordes et crudeles, qui hebr. vocantur אכזרי *achzari*. Syrus vertit, cum quibus nullum est fœdus, nulla charitas, nulla pax, nulla denique misericordia in eis. Hi ergo sunt fructus idololatriæ, infidelitatis et a pari hæresis.

32. QUI CUM JUSTITIAM DEI COGNOVISSENT, NON INTELEXERUNT (noluerunt intelligere, considerare, et practice sibi persuadere), QUONIAM QUI TALIA AGUNT, DIGNI SUNT MORTE: ET NON SOLUM QUI EA FACIUNT, SED ETIAM QUI CONSENTIUNT FACIENTIBUS. — Kemnitiuss, Valla, Erasmus et Faber hic volunt corruptum esse nostrum textum, quia Græca sic habent: οἱ τινες τὸ δικαίωμα τοῦ Θεοῦ ἐπιγινώσκουσιν, ἀλλὰ καὶ συνευδοκοῦσι τοῖς πράσσουσιν, id est, qui cum justitiam Dei cognovissent, videlicet, quod qui talia agunt digni sunt morte, non solum ea faciunt, sed etiam facientibus consentiunt. Hoc enim consentire majus et pejus est, quam facere. Fit enim ex malitia, cum facere sæpe ex mera infirmitate promanet. Ita quoque legunt et explicant S. Chrysostomus, Theophylactus et OEcumenius. Verum variare et olim variasse exemplaria Græca patet ex OEcumenio, Origene et quibusdam manuscriptis. Rursum nostro Interpreti per omnia consentit Ambrosius, Sedulius, Haymo, Anselmus, Hesychius, lib. VI in *Levit.* xx; Symmachus Papa, in *Apologet. contra Anastasium Imper.*, et S. Cyprianus, lib. I, *epist.* 4. Denique nostra lectio planior et facilius est intellectu, ideoque verisimilior. Videtur enim Apostolus hic taxare Philosophos sapientiores, qui idolorum cultum, aliaque vitia jam dicta, licet mala esse scirent, nec passim ea facerent et perpetrarent, illa tamen ab aliis facta probarunt, vel dissimularunt, sive metu legum, sive amore suis placendi et timore eisdem displicendi. Vide dicta vers. 23.

Ignorantia et neglectus Dei quantum malum.

Vers. 32.

Textus hic incorrectus improbabilius dicitur a Kemnitio.

Misanthropia vitium.

CAPUT SECUNDUM.

SYNOPSIS CAPITIS.

Idem docet de Judæis, quod cap. I docuit de Gentibus, scilicet eos esse in peccatis, et egere fide et gratia Christi.

Primo ergo redarguit Judæos, qui ex data sibi lege Gentiles quasi peccatores condemnabant, cum ipsi eadem patrarent. Unde docet Deum justum judicem cuique tam Judæo, quam Gentili redditurum secundum opera.

Hinc secundo, vers. 13, asserit non auditores, sed factores legis justificari, atque non solos Judæos, sed et Gentes habere legem a natura sibi inditam.

Tertio, vers. 17, arguit Judæos quod ex lege sua alios doceant, non seipsos; quodque faciant eadem quæ in aliis carpunt.

Quarto, vers. 25, docet circumcisionem veram esse, non externam, sed internam, quæ consistit in observatione legis; quæ est circumcisio cordis in spiritu, non littera; coram Deo, non coram hominibus.

1. Propter quod inexcusabilis es, o homo omnis, qui judicas. In quo enim judicas alterum, teipsum condemnas: eadem enim agis quæ judicas. 2. Scimus enim quoniam iudicium Dei est secundum veritatem in eos qui talia agunt. 3. Existimas autem, o homo, qui judicas eos qui talia agunt, et facis ea, quia tu effugies iudicium Dei? 4. An divitias bonitatis ejus, et patientiæ, et longanimitatis contemnis? ignoras quoniam benignitas Dei ad poenitentiam te adducit? 5. Secundum autem duritiam tuam, et impoenitens cor, thesaurizas tibi iram in die iræ, et revelationis justi iudicii Dei. 6. qui reddet unicuique secundum opera ejus: 7. iis quidem, qui secundum patientiam boni operis, gloriam, et honorem, et incorruptionem quærunt, vitam æternam: 8. iis autem, qui sunt ex contentione, et qui non acquiescunt veritati, credunt autem iniquitati, ira et indignatio. 9. Tribulatio, et angustia in omnem animam hominis operantis malum, Judæi primum, et Græci: 10. gloria autem, et honor, et pax omni operanti bonum, Judæo primum, et Græco: 11. non enim est acceptio personarum apud Deum. 12. Quicumque enim sine lege peccaverunt, sine lege peribunt: et quicumque in lege peccaverunt, per legem judicabuntur. 13. Non enim auditores legis justi sunt apud Deum, sed factores legis justificabuntur. 14. Cum enim Gentes quæ legem non habent, naturaliter ea, quæ legis sunt, faciunt, ejusmodi legem non habentes, ipsi sibi sunt lex: 15. qui ostendunt opus legis scriptum in cordibus suis, testimonium reddente illis conscientia ipsorum, et inter se invicem cogitationibus accusantibus, aut etiam defendentibus, 16. in die, cum judicabit Deus occulta hominum, secundum Evangelium meum per Jesum Christum. 17. Si autem tu Judæus cognominaris, et requiescis in lege, et gloriaris in Deo, 18. et nosti voluntatem ejus, et probas utiliora, instructus per legem, 19. confidis teipsum esse ducem cæcorum, lumen eorum qui in tenebris sunt, 20. eruditorem insipientium, magistrum infantium, habentem formam scientiæ et veritatis in lege. 21. Qui ergo alium doces, teipsum non doces: qui prædicas non furandum, furaris: 22. qui dicis non mœchandum, mœcharis: qui abominaris idola, sacrilegium facis: 23. qui in lege gloriaris, per prævaricationem legis Deum inhonoras. 24. (Nomen enim Dei per vos blasphematur inter Gentes, sicut scriptum est). 25. Circumcisio quidem prodest, si legem observes: si autem prævaricator legis sis, circumcisio tua præputium facta est. 26. Si igitur præputium justitias legis custodiat, nonne præputium illius in circumcisionem reputabitur? 27. et judicabit id quod ex natura est præputium, legem consummans, te, qui per litteram et circumcisionem prævaricator legis es? 28. Non

enim qui in manifesto, Judæus est : neque quæ in manifesto, in carne, est circumcisio : 29. sed qui in abscondito, Judæus est : et circumcisio cordis in spiritu, non littera : cujus laus non ex hominibus, sed ex Deo est.

Vers. 1. 1. PROPTER QUOD INEXCUSABILIS ES, O HOMO OMNIS, QUI JUDICAS. IN QUO ENIM ALTERUM JUDICAS, TEIPSUM CONDEMNAS, etc. — *q. d.* Quia Gentes, quæ non intellexerunt gravitatem et supplicia peccatorum, uti præcessit in fine cap. præcedent., ob peccata tamen, quæ faciunt, aut quibus consentiunt, dignæ sunt morte; hac de causa multo magis vos, o Judæi, qui intellexistis ex lege Moisaica gravitatem peccatorum, et pœnas quas Deus peccatoribus intentat; quique Gentes ob peccata sua judicatis et condemnatis, et tamen eadem facitis et perpetratis, digni estis morte. Taxavit Apostolus, cap. præced., Gentes Gentiumque scelera, quibus veritatem Dei in injustitia detinuerunt; hic eadem, imo potiori de causa taxat Judæos. Nam, ut dixi cap. præced., vers. 18, proposuit thesim, quod scilicet sine fide et gratia Christi omnes sint peccatis et iræ Dei obnoxii : illam ibidem probavit ostendendo Gentes fuisse et esse in peccatis et ira Dei : hic eandem probat, idem ostendendo in Judæis, indeque concludit, cap. III, omnes tam Gentes, quam Judæos indigere Christo Christique fide et gratia, ut justificentur et salventur. *Secundo*, probabiliter Maldonatus in *Notis manuscriptis* : Respicit, ait, Paulus ad vers. 20 et 21, cap. I : « Ita ut sint inexcusabiles, » etc. *q. d.* Cum Deus eos qui se cognoverunt, sed non sicut Deum glorificaverunt, tradiderit in passiones ignominie, eos, inquam, qui veritatem detinent in injustitia; sequitur eos inexcusabiles esse cum alios male agentes damnant : ipsi enim similia, imo pejora et fœdiora faciunt; sed mutat personam tertiam in secundam, quia convertit se ad eos, eosque alloquitur et redarguit, ad majorem emphasisim. Adhuc enim generatim culpat Apostolus omnes fide et gratia Christi destitutos, tam Gentiles quam Judæos, ut patet vers. 9, usque ad vers. 17, ubi se convertit ad Judæos.

Vers. 4. 4. AN DIVITIIS BONITATIS EJUS, ET LONGANIMITATIS CONTEMNIS? — « Divitias bonitatis » vocat exuberantem Dei benignitatem. Sic passim per catachresin *divitias* sumit Paulus pro copia et abundantia, ut cap. XI, vers. 33 : « O altitudo divitiarum sapientie! » Sic alibi vocat « divitias gloriæ, divitias gratiæ, » etc. Et profani τὸ πλεονεξίαν pro εὐπορίᾳ capiunt. « Divitias bonitatis Dei, inquit Origenes, ille agnoscere potest, qui considerat quanta in terris mala quotidie homines gerant, et quomodo pene omnes declinantes et simul inutiles facti latam et spatiosam perditionis ambulanti viam : si quis consideret quanti in Deum quotidie blasphemant, et in cœlum extendunt linguas suas. Jam quid de fraudibus, de sacrilegiis et piaculis dicam? Si quis ergo hanc boni-

tatem Dei, et sustentationem ejus, et patientiam contemnit, ignorat quod per hæc ad pœnitentiam provocatur, sed nos non dissolvat hoc, et tardos ad conversionem faciat : quia rursus patientiæ ejus et sustentationis certa mensura est. » Vide Plutarchum, lib. *De Sera Numinis vindicta*; ubi illud Euripidis de Deo pertractat : « Cunctatur, talis est enim Numinis natura (1). »

AD POENITENTIAM TE ADDUCIT? — Græce εἰς μετανοίαν σε ἄγειν, id est ad pœnitentiam te agit et impellit? « Adducit » ergo, id est adducere cupit et conatur, et quantum in se est adducit. Vide *can. 32.*

5. SECUNDUM DURITIAM TUAM, ET IMPOENITENS COR, Vers. 5. THESAUORIZAS TIBI IRAM. — « Thesaurizas, inquit Bernardus, *serm. De Triplici misericordia*, tibi thesauros iræ, pro prorogatis thesauris misericordiæ, quos contemnis, et evacuas in te misericordiam Dei. » Pulchre S. Augustinus, in *Psal. C*, ad illa verba, « Misericordiam et judicium cantabo tibi, Domine, » ex hoc Apostoli loco docet jam tempus esse misericordiæ, futurum autem tempus esse judicii.

Nota : « Cor durum est, inquit Origenes, cum mens humana velut cera frigore iniquitatis obstricta, signaculum imaginis divinæ non recipit. » Egrege vero idipsum depingit S. Bernardus, lib. I *De Consider. ad Eugenium* : « Quid est, inquit, cor durum? idipsum est quod nec compunctione scinditur, nec pietate mollitur, nec movetur precibus, minis non cedit, flagellis induratur; ingratum ad beneficia est, ad consilia infidum, ad judicia sævum, inverecondum ad turpia, impavidum ad pericula, inhumanum ad humana, temerarium ad divina; præteritorum obliviscens, præsentium negligens, futura non providens. Ipsum est, cui præteritorum, præter solas injurias, nihil omnino non præterit, præsentium nihil non perit, futurorum nulla nisi forte ad ulciscendum prospectio seu præparatio est : et, ut in brevi cuncta horribilis mali mala complectar, ipsum est, quod nec Deum timet, nec hominem reveretur. »

Nota *secundo* : *Iram* vocat hic Apostolus ultionem, quæ more thesauri collecta deprometur, et universa in peccatores in die judicii effundetur. Simile dat S. Hieronymus : « Sicut, inquit, qui paulatim arcum intendit, tempus dat alteri ut fugiat; qui si fugere nolit, tanto fortius sagitta emissa configitur, quanto majori tempore arcus intensio fuit facta : sic Deus, qui laneos habet

Cordis duri pulchra hypotyposis.

Deus tarditatem supplicii gravitate compensat.

(1) Vers. 4, *q. d.* Apostolus : Tu alios omnes crudeliter damnas, dum Deus omnes benignitatis suæ divitias in te effudit, nec tantum peccanti breves inducias concedit, sed longa potentia te invitavit.

pedes, sed ferreas manus, tarditatem supplicii gravitate compensat. »

Dies judicii,
dies iræ.

IN DIE IRÆ ET REVELATIONIS JUSTI JUDICII DEI, — hoc est in die judicii, quæ dicitur « dies iræ, » quia tunc Deus omnem suam iram et justam vindictam in impios effundet, ut videatur ira Dei sua omnia tela, fulmina, tonitrua et tormenta in eos depluere et detonare. Unde hujus diei acerbissimam et terrorem ex Joële, Sophonia et Isaia graphice describit hic Origenes, quem vide, si lubet. Egregie quoque S. Bernardus, vel quisquis est auctor tractatus *De Interiori domo*, cap.

Extremi
judicii et
animæ
judicandæ
horribilis
status.

xxxviii : « Attende, ait, quam cito venit dies ultima. Præsentaberis ante tremendum judicem, accusaberis multis et magnis offensis, non dubiis, sed certis; non brevi accusatione, sed tam longa, quam longa est vita tua; non uno accusatore, sed tot quot sunt delicta tua. Ipse judex erit districtus accusator tuus, omnes etiam spiritus boni et mali coram Deo te accusabunt. Undique erunt tibi angustiae : hinc erunt accusantia peccata, inde terrens justitia, subtus patens horridum chaos inferni, desuper iratus judex, intus urens conscientia, foris ardens mundus. Si justus vix salvabitur, peccator sic deprehensus in quam partem se premet? Latere erit impossibile, apparere erit intolerabile. »

Christi
judicantis
ad
peccato-
rem ex-
probra-
tio.

Audi et Christum judicem in illa die iræ exprobrantem peccatori, apud S. Augustinum, serm. 67 *De Tempore* : « Ego, inquiet Christus, te, o homo, de limo manibus meis feci, ego terrenis artibus infudi spiritum, ego tibi meam imaginem conferre dignatus sum; tu vitalia mandata contemnens deceptorem sequi, quam Deum maluisti. Cum expulsus de paradiso mortis vinculis propter peccatum tenereris, carnem assumpsi, in præsepio expositus, et pannis involutus jacui, infantie contumelias humanosque dolores pertuli, iridentium palmas et sputa suscepi, flagellis cæsus, vepribus coronatus, cruci affixus expiravi. En clavorum vestigia, quibus affixus pependi. En perfossum vulneribus latus. Cur quod pro te pertuli, perdidisti? cur, ingratus, redemptionis tuæ munera renuisti? cur hoc habitaculum, quod mihi in te sacraveram, luxuriæ sordibus polluisti? cur me graviore criminum tuorum cruce, quam illa, in qua quondam pependeram, afflixisti? Gravior enim apud me peccatorum tuorum crux est, in qua invitus pendo, quam illa, in quam tui miseris, mortem tuam occisurus, ascendi. Et quia post omnia mala tua, ad medicamenta penitentiae confugere noluisti, ab auditu malo non mereberis liberari : despexisti enim in judice veniam. »

Var. 6.

6. QUI REDDET UNICUIQUE SECUNDUM OPERA EJUS. —

Calvinus
perperam
et impe-
rite ne-
gaturus

Nota vocem *reddet*, scilicet, quasi mercedem, ut fatetur Calvinus; sed negat inde sequi meritum, seu justos bonis operibus mereri vitam æternam, quia, inquit, hæc est mala consequentia : Est merces, ergo est meritum. Verum perperam et

imperite hoc asserit : nam *primo*, merces et meritum sunt correlativa, merces enim meriti est merces, et meritum est mercedis meritum : ergo si vita æterna est merces bonorum operum, bona opera sunt meritum vitæ æternæ.

loco pro-
bati esse
meritum
pii op-
eris. id-
que ob-
tres ra-
tiones.

Secundo, fatetur Calvinus malos malis operibus mereri mortem æternam : ergo a pari, justis bonis operibus merentur vitam æternam, atque idipsum clare et diserte docet Apostolus, vers. sequent. Respondet Calvinus, esse disparitatem, quia bona opera non habent valorem, nec proportionem cum gloria æterna, mala vero opera habent proportionem cum sua pœna. Sed errat : nam etiamsi bona opera non habeant proportionem cum gloria cœlesti, quatenus sunt opera hominis; habent tamen proportionem cum ea, quatenus sunt opera gratiæ Christi. Gratiæ enim est semen gloriæ, tum ex natura sua, tum ex ordinatione et promissione Dei.

Bona op-
era ex gra-
tia ha-
bent pro-
portio-
nem cum
gloria.

Tertio, idipsum patet ex eo, quod Apostolus non tantum dicat, *reddet*, sed « reddet unicuique secundum opera : » nam reddere secundum opera significat, reddere mercedem pro merito operum. Ita enim vulgo loquimur, itaque vulgo omnes hanc phrasim intelligunt et explicant, ac nominatim S. Augustinus, lib. *De Gratiæ et Lib. arbitrio*, cap. viii, ix, xv, xvi, xx.

Nota, per opera etiam passiones hic intelligi : nam et passiones remunerabitur Deus, quia passiones pro operibus, et quidem perfectis reputantur : difficilius enim est pati, quam agere. Unde « patientia, ut ait S. Jacobus, opus perfectum habet, » id est operis perfecti rationem et præmium, uti clare patet in Martyrum passione et gloria. Adde passiones non esse sine opere, saltem interno voluntatis. Voluntas enim patiendi, et libera acceptatio passionis arduum et heroicum est opus.

Passiones
reputan-
tur pro
perfectis
operibus.

7. IIS QUI SECUNDUM PATIENTIAM BONI OPERIS, GLORIAM, ET HONOREM, ET INCORRUPTIONEM QUÆRUNT, VITAM ÆTERNAM. — Quæres, quinam hic dicantur esse « secundum patientiam boni operis? » Cajetanus respondet esse eos qui ob bona opera, quæ faciunt, multa patiuntur : perfectio enim Christiana in duobus sita est, scilicet in bene agendo, et si, quia bene agis, mala patiaris.

Var. 7.

Secundo, Ambrosius censet esse eos qui patientia Dei, de qua vers. 4, recte utuntur, bene operando et penitendo.

Tertio, alii hæc Apostoli verba ita trajiciunt et distinguunt : qui per patientiam quæruni boni operis gloriam et mercedem.

Quarto, et optime, S. Chrysostomus, Syrus et Origenes sic explicant, *q. d.* Iis qui secundum patientiam, id est patientibus, qui patienter et constanter in omni tentatione et molestia perseverantes in bono opere et vita, quæruni et patienter expectant futuram gloriam, Deus illis eam reddet in vita æterna. Est græcismus. Sic et, vel κατὰ μουσικὴν, ἀπαύριον, sunt qui, vel quæ ad musicam,

Quadruplex
huius loci
sensus et
interpre-
tatio.

ad virtutem, pertinent scilicet, puta musici, virtute præditi. Sic vers. 8, *οἱ δὲ ἐπιβίαι*, id est « qui sunt ex contentione, » vocantur contentiosi. Sic hic *τοὶ κατ' ὑπομῶν*, idem est quod *τοὶ ὑπομίνουσιν*, id est, « iis qui sunt secundum patientiam » idem est quod patientibus, sustinentibus. Posset etiam sic exponi « secundum patientiam; » id est pro merito patientiæ, vel per patientiam, uti vertit noster Interpres Græcum *κατὰ*, cap. III, vers. 2; videtur enim respicere et explicare Apostolus id quod dixit: « Reddet unicuique secundum opera sua. »

Nota: Græcum *ὑπομῶν* et patientiam, et perseverantiam, quæ opus bonum coronat, significat.

Piam est
operari
intuitu
mercedis
eternæ.
Vers. 8.

Nota secundo: Ex hoc Apostoli loco patet, pium et sanctum esse operari intuitu mercedis eternæ, uti definit Concilium Tridentinum, sess. VI, cap. XI, et Can. 34.

8. IIS QUI SUNT EX CONTENTIONE, — id est contentiosis; est græcismus. Sic *τοὶ ἐκ περιτομῆς*, id est, « eos qui sunt ex circumcisione, » vocat circumcisos, sive Judæos. Sic et Græci *τοὶ ἐκ νόμου*, Stoicos vocant. Sic et cap. III, 28, *οἱ ἐκ πίστεως*, id est, « ii qui sunt ex fide, » vocantur fideles. Notat Paulus hisce verbis Judæos contra Gentes contendentes et rixantes (1).

IRA ET INDIGNATIO, — scilicet reddetur et retribuetur a Deo: vox enim *reddet* hic repetenda et revocanda est ex vers. 6, sed per enallagen Hebræam verbi passivi, pro activo: *reddetur*, scilicet a Deo, pro *reddet*, scilicet Deus; hoc enim in re idem est.

Notat Photius, de præmiis dici *reddet*, quia Dei proprium est benefacere: de malis vero et suppliciis dici *reddetur*, quia Deus ex se illa nobis non infligit, sed ultro nos nobis illa accersimus, Deo nolente, imo dolente. Pro « ira et indignatio, » Græce est *θυμὸς καὶ ὀργή*, quæ duo ita distinguit S. Basilus in *Psal. XXIX*: *θυμὸς μὲν γὰρ ἐστὶν ἡ κρίσις τοῦ παγῆθαι τὰς τινὰ σκυθρωπὰ τῷ ἀέθρι; ὀργὴ δὲ ὁ πόνος τῆς ἀδικίας καὶ ἡ κολασίς, ἡ ἀπὸ τοῦ δικαίου κριτοῦ κατὰ τὸ μέτρον τῆς ἀδικίας ἐπαγομένη.* « Ira, inquit, Judicium est ad infligenda talia et talia atrocia commérito; indignatio vero labor suppliciumque est a justo iudice, pro mensura injustitiæ inductum. »

Verum secundo, simplicius dici potest, indignationem ad auxesim addi iræ, et significare iram vehementem et indignantem, ut sit hendiadys: « ira et indignatio, » id est ira indignabunda, ira indignatione plena, ira spirans ignem et indignationem, quæ fumos naribus efflat.

Ira et
indigna-
tionis
discri-
men.
Vers. 9.

9. TRIBULATIO ET ANGSTIA (supple, a Deo retribuetur et immittetur) IN OMNEM ANIMAM HOMINIS OPERANTIS MALUM, JUDÆI PRIMUM, ET (id est deinde) GRÆCI, — id est Gentilis.

(1) Alii, qui sunt ex contentione, id est, qui renitent, seu repugnant Deo, ejusque institutis atque præceptis, ex hebr. *תַּרְגּוּ*, quod Septuaginta haud raro vertunt *ἐπιβίαι* τῷ Θεῷ, vel τὸν Θεόν.

10. GLORIA AUTEM ET HONOR ET PAX OMNI OPERANTI Vers. 10.
BONUM, JUDÆO PRIMUM, ET (id est deinde) GRÆCO, — id est Gentili. Nota: Per « bonum » Apostolus intelligit absolute bonum, quod nos coram Deo bonos et justos facit; vel bonum constans et continuum, quod est observatio totius legis, quæ fieri et observari non potest sine fide et gratia Christi, ut cap. III docebit Apostolus, quia « sine fide non est ulla recta et bona vita, » ait S. Augustinus, lib. *De Fide et Operibus*, cap. XXIII, et hæc sola meretur gloriam, scilicet veram et æternam, de qua hic agit Apostolus.

Cave hic errorem Origenis, quo asserit Gentes cum sola naturali Dei cognitione, et naturaliter bona rectaque vita potuisse vitare damnationem et consequi præmium, scilicet gloriam, honorem et pacem; licet non vitam æternam, quæ solis credentibus datur. Idem asserit de Judæis, qui persuasionem aliqua muniti Christo non credunt, si tamen probe vivant. Hæc enim falsa sunt: nam sine fide nemo acceptus est Deo, nec sine fide vita ulla recta et bona est, quæ vitare possit omne peccatum, et consequenter pœnam æternam evadere, ut docet S. Augustinus loco citato, et alii passim. Apostolus ergo loquitur de Gentibus et Judæis tum post, tum ante Christum, qui ex Christi fide et gratia bene operati sunt, quales fuerunt Melchisedech, Job, Ninivites, Cornelius Centurio, ait S. Chrysostomus, nam per « bonum » hic accipit absolute et perfecte bonum, ut dixi.

11. NON ENIM EST ACCEPTIO PERSONARUM APUD DEUM, — q. d. Non respicit Deus an Judæus quis sit, an Gentilis; sed utrumlibet peccantem æque punit, et utrumlibet bene agentem præmiat.

Nota primo: Hæc « acceptio personarum, » vel, ut hebraice est, *פָּנִים* *panim*, et, ut Syrus vertit, *מִן אִפְּפֵי*, id est facierum, vitium est contra justitiam distributivam, qua iudex vel distributor bonorum vel onerum communium respicit ad qualitatem personæ vel faciei, v. g. quod sit amica, grata, speciosa, dives et nobilis, etc., ideoque plus distribuit diviti quam pauperi, amico quam inimico, placenti quam displicenti. Non ergo acceptio personarum locum habet in his, quæ indebita et mere gratuita sunt: ut si dives det eleemosynam pauperi amico, non autem inimico, non est acceptor personæ.

Nota secundo: Cum Scriptura negat in Deo hanc acceptionem personarum, non accipit eam proprie pro hoc vitio, de quo jam dixi, sed quatenus acceptio hæc personarum opponitur liberali indifferentiæ Dei erga omnes homines, q. d. Deus non respicit personam, non curat an Judæus sis an Græcus, an dives an pauper, sed indifferenter suas gratias suæque dona distribuit, tam Gentibus quam Judæis, tam pauperibus quam divitibus. Id quod dixi, patet ex eo quod nec Judæi nec Gentes, nec pauperes nec divites, jus habuerint ad hæc Dei dona. Si enim Judæis peccantibus

Error
Origenis
dicentis,
Gentiles
naturaliter
Dei cog-
nitione,
et natura-
liter rec-
ta vita
posse vi-
tare dam-
nationem.

Acceptio
persona-
rum sive
facie-
rum, est
vitium
contra
justitiam
distribu-
tivam.

In Deum
proprie
non pos-
test calo-
re accep-
tio perso-
narum.

parceret Deus; non autem Gentibus; aut si Judæos bene agentes præmiaret, non autem Gentiles, vel contra, non faceret contra justitiam distributivam, nec peccaret, quia libertate et jure domini sui uteretur; nec enim cuiquam aliquid debet, ac consequenter nec ordinem, nec indifferentiam personarum in gratiarum suarum distributione servare tenetur, sicut in regni et reipublicæ officiis distribuendis ordinem et indifferentiam hanc servare tenetur princeps et magistratus. Qua de re plura dicam II *Timoth.* iv, 8. Vide et S. Augustinum, *epist.* 95, et Fulgentium, *De Gratia Christi*, cap. xxi.

Vers. 12. 12. QUICUMQUE ENIM SINE LEGE (scripta scilicet et Mosaica, uti fuerunt Gentiles) PECCAYERUNT, SINE LEGE PERIBUNT, — id est sine sententia legis Mosaicæ, quæ mortem suis transgressoribus intonat, damnabuntur: sed mitius quam Judæi, quia punientur juxta severitatem legis, non scriptæ et Mosaicæ, sed tantum naturalis, in quam cognitam peccaverunt. Ita Œcumenius. Probat hic Apostolus, quod non sit personarum acceptio apud Deum, quodque Deus indifferenter tribulet et puniat operantem malum, sive is Judæus sit, sive Græcus, ut dixit vers. 9.

Vers. 13. 13. NON ENIM AUDITORES LEGIS JUSTI SUNT APUD DEUM, SED FACTORES LEGIS JUSTIFICABUNTUR. —

Nota, justificari tripliciter in Scriptura sumi: Primo, significat ex peccatore fieri justum; secundo, ex justo fieri justiore; tertio, modo forensi, justum vel justiore censi et pronuntiari. Omnibus hisce modis hic capitur (est enim indefinita et generalis hæc Apostoli sententia), sed maxime *tertio*, nam *τὸ justificari* opponit hic Apostolus *τὸ perire et judicari*, sive condemnari, vers. præced. *Primo* ergo « factores legis justificabuntur, » quia opera fidei, timoris, spei, poenitentiae, quæ fiunt ex legis præscripto, peccatorem disponunt et præparant ad justitiam, itaque dispositive et meritorie de congruo ex peccatore faciunt justum eumque justificant.

Secundo, quia opera charitatis omnisque virtutis, quæ fiunt ex præscripto legis, si fiant a justo ex charitate aut gratia, de condigno merentur justitiæ augmentum, atque justitiam justis conservant et augent.

Tertio, denique, quia eadem declarant operantem esse justum. Qui enim facit justitiam sive opera justa, hic est justus et ab omnibus habetur justus.

Nota, Apostolum supponere hæc opera fieri ex fide et gratia Christi; agit enim de tota legis observatione, deque operibus vere bonis, Deoque acceptis ad vitam æternam, quæ non possunt esse, nisi nascentur ex fide, ut patebit cap. iii, in fine. Tantum enim Apostolus hic probare intendit, solam legis notitiam non sufficere ad justitiam, sed insuper ad eam requiri bonam actionem et observantiam legis. Quod valde notandum est contra hæreticos; qui solam fidem volunt

justificare. Calvinus, ut hoc Apostoli telum effugiat, respondet Apostolum loqui tantum de justitia politica, ut scilicet, quis videatur justus coram hominibus: ad hanc enim requiri opera externa.

Verum hoc falsum esse patet ex ipsis Apostoli verbis, quibus ait de hisce justificatis: « Justi sunt apud Deum. » Deus ergo (non autem homines, ut vult Calvinus) judicabit eos esse justos, eo quod legem et justa opera legis fecerint, quibus facti sunt justis vel justiores revera apud Deum et in oculis judicioque Dei; ac consequenter Deus non nude credentibus, sed bonum operantibus reddet quasi mercedem gloriam, et vitam æternam, ut dixit Apostolus vers. 7 et 10. « Justificari ergo apud Deum, » est apud Deum justum fieri, et justum declarari. Apostolus enim *τὸ justificari* hoc versu exponit per *τὸ justum fieri*; cum ergo dicat, non credentes, sed factores legis justificari, patet justitiam non ex fide, qua quis credit, sed ex operibus, quibus facit legem, homini obvenire.

Secundo, idem patet ex eo quod, ut fatetur Beza in cap. iii, vers. 20, justitiæ Dei repugnet, ut aliquem pro justo habeat, qui vere justus non sit: prius ergo factor legis justificari, id est justus fieri, debet, quam a Deo justus declarari possit.

Dices, eum justum fieri et factum esse per fidem præviam operibus, quam fidem et justitiam per fidem jam acceptam postea justus per opera bona declarat et demonstrat: ita ut justificationis proprie fiat per fidem, declaratio vero justificationis postea fiat per opera bona. Verum hoc dici nequit. *Primo*, quia, ut dixi, Apostolus pro eodem habet *justificari et fieri justum*, ergo cum ait: « Factores legis justificabuntur, » *τὸ justificabuntur* non tantum significat: Justi declarabuntur, sed etiam significat: Revera justi fient et erunt.

Secundo, hæc responsio ex diametro repugnat verbis Apostoli; ait enim: « Non auditores legis justis sunt apud Deum, sed factores legis justificabuntur. » Subsumo, atqui dum quis tantum pure credit per fidem, est tantum auditor, non factor legis: ergo si credens, hoc ipso quo credit, sine operibus, imo ante opera, justificatur, verum erit quod auditor legis, non autem factor legis justificetur, cujus contrarium directe hic asserit Apostolus.

Tertio, quia Judæi credebant Deo et legi; et tamen contra eos hanc sententiam intorquet Apostolus, dicens: « Non auditores, sed factores legis justificabuntur. » Ergo clarum est ex mente Apostoli, non per solam fidem, sed per opera fidei nos justificari.

Objicit Beza, loco jam citato: Si ex operibus justificamur, ergo Deus non justificat nos, sed ipsi nos facimus justos per opera nostra. Respondeo: *Primo*, idem posse inferri ex fide spe-

Calvini
hæresis
de his
sine ope-
ribus,
jugula-
tur.

Triplid
argu-
mento
ostendi-
tur, non
per fidem
solam,
sed per
opera
quoque
hominum
justifica-
ntur.

Ostendi-
tur con-
tra Be-
zam, non
homi-

mem, sed
Deum
justifica-
re.

ciali Bezæ, hoc modo : Si credendo Christum pro me esse passum, hoc ipso justificor; ergo justifico me ipsum, hoc enim credere meum est : nam credere est actus non Dei, sed hominis credentis.

Respondeo ergo secundo, negando consequentiam ; non enim homo, sed Deus homini præparanti se ad justitiam, atque pœnitenti gratis infundit justitiam : homo ergo pœnitens dicitur se disponere ad justitiam ; Deus autem solus proprie dicitur eum justificare. Quod si homo jam justus sit, tum per bona opera meretur quidem augmentum justitiæ, id est charitatis et gratiæ ; sed illud ipsum solus Deus justo infundit, ac consequenter et hunc proprie solus Deus magis justificat.

Calvini
et Bezæ
perversa
et blas-
phemia
hujus lo-
ci expositio.

Ex dictis patet, perperam Calvinum et Bezam hunc locum Apostoli sic exponere, quasi in se quidem verus sit, sed tamen contineat conditionem et rem impossibilem, q. d. Apostolus : Si quis facere posset legem, hic justificaretur ; verum, quia nemo potest facere legem, utpote cum omnes sint peccatores, hac de causa querenda est alia justificatio, ut scilicet justificemur non ex operibus, sed ex fide Christi, per quam justitia Christi nobis applicetur et imputetur ; itaque fiamus justi, non justitia operum nobis inhærente, sed justitia Christi nobis imputata. Hæc enim sunt tria principia et axiomata Calvini. *Primum* : « Impossibile est nobis præstare quæ lex jubet. » *Secundum* : « Promissio legalis annexa conditioni impossibili nihil probat. Talis est : Si sis factor legis, justificaberis. » *Tertium* : « Qui præ aliis multum progressi sunt (inquit Calvinus, lib. III *Instit.*, cap. XIX, sect. 4) in via Domini, si legem Domini intueantur, quidquid tentant aut meditantur operis, maledictum esse vident. » Equidem talem esse Calvini ejusque sequacium progressum in via Domini facile crediderim. Verum hæc expositio perversa, violenta, inepta et blasphemia est, planeque evertit et pervertit sententiam et mentem Apostoli. Nam *primo*, Apostolus hic nostram justitiam non in auditu, nec in fide, sed in factura et impletione legis fidei, constituit, uti jam ostendi : ergo si nulla, imo impossibilis est hæc justitia, quæ consistit in observatione legis, nulla prorsus erit in homine justitia, eritque justitia homini impossibilis.

Quatuor
argumen-
tis con-
vincitur
Apostoli
justifica-
tionem non
in sola
fide consti-
tuere.

Id rursus plane patet ex iis quæ dixit Paulus in præced. vers. 5, 6, 9, ad quos hic respicit et refert sese : ibi enim dixit, quod Deus reddet unicuique secundum opera, scilicet, quod iis qui sunt secundum patientiam boni operis, reddet vitam æternam ; quodque gloria, honor et pax sit omni operanti bonum. Si enim bono operi et bene operanti quasi merces redditur gloria et vita æterna, ergo in bono opere sita est justitia : nam vita æterna non nisi justitiæ est merces et præmium.

Secundo, hæc propositio : « Factores legis justificabuntur, » non est conditionalis, ut patet, sed

assertiva : sicuti ergo ; si dicas : Non spectatores, sed luctatores et victores in agone coronabuntur, recte ex hac propositione inferam ; aliquos posse esse victores, posseque luctari et vincere in agone ; ita pariter, cum ait Apostolus : « Non auditores, sed factores legis justificabuntur, » recte inde sequitur aliquos posse esse factores legis, posseque facere et implere legem. Unde et subdit Apostolus hic, quod « Gentes naturaliter ea quæ legis sunt, faciunt. »

Tertio, si hæc Apostoli propositio est conditionalis, habens conditionem impossibilem, ergo est impossibilis, significatque rem impossibilem. Nam cum conditio est impossibilis, etiam id quod hanc conditionem requirit, est impossibile. Ut si dicam : Homo habens alas volare potest ; hæc propositio est quidem conditionate vera, absolute tamen est falsa et impossibilis. Nam cum conditio, scilicet habere alas, sit homini impossibilis, impossibile quoque homini est volare, quod hanc conditionem, scilicet alas, requirit. Pari ergo modo justitia homini erit impossibilis, cum conditio, quam requirit hic Apostolus, scilicet factura legis, sit homini impossibilis, secundum Calvinum ; ac consequenter, secundum Calvinum, hæc Apostoli propositio : « Factores legis justificabuntur, » simpliciter et absolute erit falsa.

Quarto, dicere quod homini, etiam per gratiam Christi adjuto, legem implere sit impossibile, est ingens blasphemia in Deum et in Christum : hoc enim reipsa est dicere Deum esse tyrannum, utpote qui præcipiat nobis impossibilia ; legem enim Dei, sive quam præcipit Deus implere, secundum Calvinum nobis est impossibile. Rursum, hoc ipsum est dicere Christum non sufficienter nos redemisse, Christique gratiam esse infirmam et inefficacem ad implendam legem, et ad superandum peccatum.

Vere et christiane S. Augustinus, et ex eo Concilium Arausicanum et Tridentinum, sess. VI, cap. XI : « Deus, inquit, impossibilia non jubet, sed jubendo monet et facere quod possis, et petere quod non possis, et adjuvat ut possis. »

14. CUM ENIM GENTES, QUÆ LEGEM NON HABENT, Vers. 14.
NATURALITER EA, QUÆ LEGIS SUNT, FACIUNT, EJUS-
MODI LEGEM NON HABENTES, IPSI SIBI SUNT LEX. — Occurrit hic Paulus tacitæ objectioni : Quomodo Gentes, si legem non habent, possunt contra legem peccare ? Respondet eas aliam habere legem naturaliter inditam, quam faciunt, et contra quam peccant. Itaque sibi ipsi sunt lex, id est instar legis, qua damnantur. Redit enim ad vers. 12, quasi ad scopum hujus capituli et præcedentis, scilicet, ut probet tam eos, qui sub lege, quam eos, qui sine lege vixerunt, id est tam Judæos, quam Gentiles peccatores esse et opus habere fide et gratia Christi.

Dices : Quomodo Gentes naturaliter ea quæ legis sunt, faciunt ?

Respondet *primo* Zuinglius : Numa, inquit, Zin-

Dei le-
gem im-
plere non
est im-
possibile
contra
Calvi-
num.

glius
Pelagia-
nus et
Origenis-
ta.

Origenes
semina
posuit
pelagia-
nismi.

Cato, Scipio et similes Gentiles probi et iusti sine fide Christi salvi facti sunt naturaliter, id est virtute legis naturalis quam servabant. Sed Lutherus hoc arguit ut Pelagianum, et recte: id enim docet hic Origenes, qui semina jecit pelagianismi, et ipse Pelagius, epist. ad *Demetriadem*: ac proinde hæc ejus expositio damnata est a Concilio Milevitano, can. 5.

Secundo, S. Thomas, et mordicus Andreas Vega, lib. VI in *Concil. Trident.*, cap. XXI, volunt Apostolum loqui de Gentibus, quæ cognitionem quidem Dei, boni et mali tantum habent naturalem; sed tamen in voluntate habent supernaturale gratiæ auxilium quo legem totam impleant et Deo placeant. Verum hoc acriter oppugnat Michael Medina, lib. IV *De Recta fide*, cap. VII. Nam certum est ex Apostolo, *Hebr.* XI, 6, et ex toto ejus discursu hic, atque ex Concilio Tridentino, sess. VI, can. 3, sine fide et cognitione supernaturali impossibile esse legem implere et justificari, ac Deo placere.

Sine co-
gnitione
superna-
turali
impossi-
bile est
justifica-
ri.

Lyranus
explica-
tio reji-
citur.

Tertio, Lyranus censet Apostolum loqui de Gentibus, quibus Evangelium necdum erat prædicatum, habentibus fidem supernaturalem unius Dei, sed non Christi, qui servantes legis naturalis præcepta salvabantur. Verum et hoc falsum est. Nam semper fides saltem implicita Christi et observatio legis charitatis, quæ est supernaturalis, fuit necessaria ad salutem.

Ambrosii
expositio
contorta.

Quarto, Commentarius adscriptus S. Ambrosio hunc locum explicat de Gentibus fidelibus. Hæc, inquit, faciunt legem, id est credunt in Christum naturaliter, quia recta ratio naturalis testatur eis fidem Christi, tot miraculis et signis testatam, esse amplectendam. Sed hoc contortum est, nec satisfaciit: quia licet Gentes sic crederent naturaliter, tamen naturaliter non implerent legem; quod tamen hic asserit Apostolus.

Expositio
Augustini
et alio-
rum.

Quinto, melius S. Augustinus, *De Spirit. et Litt.*, a cap. XXVI ad XXX; Prosper, *Contra Collat.*, XXII; Fulgentius, *De Gratia Christi*, cap. XXVI, Anselmus et Pererius putant Apostolum loqui de Gentibus conversis ad fidem Christi, quæ naturaliter, id est non ex lege Mosaica, sed natura per Christi gratiam (quæ naturæ conformis est: sicut enim vitium est contra naturam, ita virtus et gratia est secundum naturam illique conformis) sanata, reparata et roborata, legem implent; de his enim immediate ante dixit: « Factores legis justificabuntur. » Et vers. 10: « Gloria et pax omni operanti bonum, Judæo primum et Græco. » De his etiam agit vers. 26 et 28.

Explica-
tio Sal-
meronis.

Huc refertur et Salmeronis expositio: loqui scilicet Apostolum de Gentibus ante Christum pie et sancte in lege naturæ Deo servientibus, per fidem et gratiam Dei; quales fuerunt Job, Jethro, Melchisedech, Naaman Syrus et alii.

Expositio
Chrysos-
tomi pla-

Sexto, planius et plenius ad litteram Chrysostomus, Theodoretus, Theophylactus, Œcumenius, Primasius, Sedulius, Haymo, Cyprianus, lib. III

ad *Quirinum*, cap. XCIX; Hieronymus ad *Algas.*, *lib. et plenius.* Quæst. VIII (S. Augustinus etiam, cap. XXVIII jam citato, expositionem hanc admittit, licet priorem præferat), D. Soto, Cajetanus et passim recentiores, accipiunt hunc locum Apostoli de Gentibus in gentilismo viventibus; itaque debere accipi patet, ex voce *naturaliter* et quæ legem non habent, scriptam scilicet Mosis, vel Christi (nam Gentes ad Christum conversæ habent legem Evangelicam, quæ plenior et perfectior lex est, quam fuerit lex Mosis data Judæis), sed tantum conscientiæ legem et vermem accusantem et defendentem habent. Idipsum *secundo*, patet ex eo quod hic Apostolus probare velit tam Gentes, quam Judæos egere gratia et fide Christi: ergo tam hos, quam illos intelligit, qui sine fide Christi sunt, q. d. Nolite superbire, o Judæi, contra et supra Gentes, propter legem Mosaicam, quasi auditores legis justificentur: Gentes enim non habentes scriptam legem, illam naturaliter habent inditam, quæ eos dirigit et impellit, ut pleraque opera legis naturalis perficiant naturaliter, id est ductu, lumine et virtute naturæ (1).

Dices cum S. Augustino: Paulo ante dixit Apostolus, « Factores legis justificabuntur; » atqui Gentes sine fide non possunt justificari: ergo cum eas vocat factores legis, non intelligit illas sine fide, sed conversas ad fidem.

Respondet: « Factores legis, » scilicet totius, « justificabuntur; » Gentes autem licet faciant ea legis quæ facilia sunt, ut honorare parentes, dare eleemosynam, cavere furta et cædes, non tamen possunt totam legem facere et implere sine fide et gratia Christi, tum quia legem fidei, spei, charitatis, et alias quæ supernaturales sunt, per naturam et naturæ vires implere non possunt; tum quia etiam difficiles leges naturæ, ut, Non concupisces, diliges Deum magis quam te et alias quasvis, si ingruat gravis tentatio, sine ope et viribus gratiæ implere non possunt. Nam gravi tentationi diu suis viribus resistere nequeunt, sed ad hoc egent gratia Dei. Ubi diligenter attende: Non dicit Apostolus, Gentes facere, vel implere legem; sed « ea quæ legis sunt, » id est aliqua, puta faciliora, legis præcepta facere: cum vero ait, justificari eos, qui faciunt, non dicit « ea quæ legis sunt, » sed legem, scilicet totam et integram. Hoc autem fieri nequit sine fide et gratia Christi.

Gentiles
ante fi-
dem
Christi
possunt
aliqua
legis
præcepta
implere,
non ta-
men om-
nia.

15 et 16. QUI OSTENDUNT OPUS LEGIS SCRIPTUM IN CORDIBUS SUIS, TESTIMONIUM REDDENTE ILLIS CONSCIENTIA IPSORUM, ET INTER SE INVICEM COGITATIONIBUS (ita legendum est cum S. Cypriano et Bibliis Romanis, non *cogitationum*, uti legunt alii) ACCUSANTIBUS, AUT ETIAM DEFENDENTIBUS, IN DIE CUM

Integram
legem
facientes
justifi-
cantur.

Vers. 15
et 16.

(1) Igitur cum φύσις h. l. opponatur νόμος, non significat ingenium prava educatione corruptum, sed usum rectum rationis, cujus facultas homini agnata est. Sic τὸ δίκαιον φύσις, et τὸ δίκαιον θεῶν distinguit Aristoteles, ac jurisperiti jus naturale ac civile.

JUDICABIT DEUS OCCULTA HOMINUM, SECUNDUM EVANGELIUM MEUM, PER JESUM CHRISTUM. — Pro cogitationibus, græce est λογισμῶν, id est ratiocinationibus, vel disceptationibus, « accusantibus, » scilicet hominem, etiam Gentilem, cum male agit (ut quod pollutio sit peccatum, dicat homini naturaliter conscientia: quia de ea juvenes erubescunt, anguntur, et in aliis judicant illam esse rem a ratione et naturali honestate et pudore abhorrentem, fœdam et turpem), et « defendentibus » hominem, cum bene agit: quibus scilicet cogitationibus et disceptationibus conscientia utitur, ut hominem bene aut male egisse convincat, quæ conscientia testis est omni exceptione major, Gentes habere legem menti inditam; isque testis maxime apparebit « in die judicii, » ubi propria conscientia, vel excusabit, vel accusabit quemque apud Deum, qui judicabit « per » hominem « Jesum Christum. » Ita Theophylactus.

In corde humano Deus tribunal constituit.

Cur Deus conscientiam in hominem tam durum actorem posuerit.

Nota hic insigne documentum morale. In basilica cordis humani Deus tribunal constituit, legesque in ejus tabulis incidit digito suo, rationem creavit iudicem, conscientiam actorem, testes cogitationes, quæ vel accusant vel defendunt ipsum hominem reum. Hoc enim hisce verbis clare significat Paulus. Et hoc voluit Menander, cum dixit: *Μορταλὸς ἀπὸ τοῦ συνειδήσεως ἐστὶ Θεός*, id est, Mortalibus cunctis conscientia est Deus, id est instar et vice Dei. Et Psaltes, *Psal. iv, 6*, cum ait: « Signatum est super nos lumen vultus tui, Domine. » Hinc ad iudicium hoc ipsius hominis causas Deum retulisse legimus: nam Davidi proposita est causa propria sub specie litis alienæ, et rogatus iudicium tulit contra seipsum sententiam dicens: « Vivit Dominus, quoniam filius mortis est vir qui hoc fecit, » II *Reg. xii, 5*. Et ab Achab simili stratagemate exorta est adversus seipsum mortis damnatio, illis verbis pronuntiata: « Hoc est iudicium tuum, quod ipse decrevisti, » III *Reg. xx, 40*. Et quorsum ista, rogabis, ænigmata? ne scilicet humani cordis vafrities delictum suum elevarret, et Dei iustitiam criminaretur, data opera est, ut ipse reus peccati gravitatem liber ab affectu examinans, contra seipsum pro meritis supplicium decerneret. Atque hoc sibi voluit David, cum protestatur: « Tibi soli peccavi, etc., ut justificeris in sermonibus tuis, et vincas cum iudicaris, » id est, ego me fateor graviter deliquisse, ut hac confessione tua resplendeat iustitia, et obtreptatorum ora claudantur.

Merito fidelis David delictum suum palam fatetur: audet enim aliquando cor humanum sagax Deo ipsi mentiri velle, ut videre est apud Jeremiam, cap. II, vers. 23: « Quomodo dicis: Non sum polluta, post Baalim non ambulavi? vide vias tuas in convalle, » etc. Et iterum, vers. 33: « Quid niteris bonam ostendere viam tuam? Ego iudicio contendam tecum, eo quod dixeris: Non peccavi, » etc. Et Petrus ait *Act. v, 3*: « Cur tentavit Satanas cor tuum, mentiri te Spiritui

Sancto? » Et Achaz ad Isaiam, cap. VII, vers. 12: « Non petam, inquit, et non tentabo Dominum. » De Deo se bene mereri dixit impius Achaz, quod nolit illum tentare, cum revera illi potius diffidat. Et Saul gloriatur I *Reg. xv, 20*, dicens: « Imo audivi vocem Domini, et ambulavi in via, per quam misit me Dominus, etc. Tulit autem de præda populus oves et boves, ut immolet Domino, » etc. Sed infra se prodit: « Peccavi timens populum, et obediens voci eorum. » Has ergo larvatas et mendaces conscientie excusationes revelat et dispellit Deus, cum conscientiam sibi ipsi ob oculos ponit, ut ipsa se accuset et condemnet, quod maxime faciet in die iudicii, ideoque addit Apostolus dicens: « In die, cum iudicabit Deus occulta hominum. » Ita Prado, in cap. VIII *Ezechiel*.

Jam si ista conscientia nostra nosipsum, imo seipsam accusabit in die iudicii, cogita quomodo te accusabunt dæmones tui jurati hostes. Audi S. Augustinum in *Conc. ad catechum.*, tom. VI: « Presto erit adversarius diabolus, recitabuntur verba professionis nostræ. Et si talis inventus fuerit quisque, ut debitor ex hac vita migret: exultabit ille adversarius in conspectu severissimi iudicis, superiorem se esse declamans, agensque talem causam apud talem iudicem: Æquissime, inquiet, iudex judica; justitia et iudicium præparatio sedistue. Judica meum esse, qui tuus esse noluisti; meus est, mecum damnandus est. Post renuntiationem, ut quid invasit pannos meos? Quid apud eum impudicitia faciebat, cui ipse renuntiaverat? Quid intemperantia, quid avaritia, quid ira, quid cætera mea? Postremo, æquissime fugientem a me, confugientem ad te, postea cum meis quibus renuntiaverat, apprehendi, invasorem detinui. In ipsa quodammodo mea possessione a me apprehensus est. Quid in theatro faciebat renuntiator turpium voluptatum? Thesaurizavit sibi iram in die iræ. Hæc omnia mea post renuntiationem invasit, meus esse voluit, et mea concupivit judicia; judica æquissime, quoniam quem tu non dedignatus es tanto pretio liberare, ipse mihi se postmodum voluit obligare. Poteritne os aperire is, qui post professionem suam talis invenitur, ut juste diabolo addicatur? » Unde concludit: « Videte quid agatis, filii mei, fratres mei, videte quid agatis, quomodo hanc professionem vestram custodiat. Contestamur vobis ipsum iudicem, omnesque potestates cælestes, quæ et nos audiunt admonentes, et vos excipiunt profitentes, ne in vacuum gratiam recipiatis; sed corde integro, tota virtute renuntiate tam damnosam diaboli hæreditatem. »

SECUNDUM EVANGELIUM MEUM, — secundum quod de die iudicii ejusque pœnis et præmiis evangelizare et docere soleo, edoctus a Christo: ita Theophylactus.

Hinc discite, contra hæreticos, ad Evangelium pertinere, non solum prædicationem fidei, gratia-

Larvatas ac mendaces conscientie excusationes Deus quomodo dispellit et revelat?

Diabolus accusabit peccata reus

mem E-
vangeli
pertinet
judicium
Dei.
Vers. 17.

tiae et salutis per Christum promissae, sed etiam
justi iudicii, quo Deus reddet unicuique secun-
dum opera sua, ut hic ait Apostolus.

17. SI AUTEM TU JUDÆUS COGNOMINARIS, ET RE-
QUIESCIS IN LEGE. — Supple ex præced. : Et tamen
ipsam legem non facis, nec observas; gravius
hac de causa damnaberis, q. d. Si tu, o Judæe,
gloriaris, quod sis Judæus, quodque legis sis
peritus, ita ut in doctrina legis conquiescas, et
tamen legem ipsam non facis, non imples, me-
rito sane acerbius punieris. Pro si autem, legit
noster Interpres ὁ δὲ. Sic etiam legit Origenes,
Ambrosius et Theophylactus. Jam legunt Græce
ἰδὲ, ecce, ita quoque legunt Theodoretus et OEcumen-
ienus, et sic sententia independens est et abso-
luta.

Vers. 18.

18. ET PROBAS UTILIORA. — δοκιμαζεις τὰ διαφέροντα,
quod alii vertunt, *examinas ea quæ discrepant*. Sed
noster Interpres planiuscum Theophylacto vertit,
probas utiliora : quia, ut recte Budæus annotavit,
διαφέρειν aliquando idem est, quod συμφέρειν, id
est utile esse.

Vers. 19
et 20.

19 et 20. CONFIDIS TEIPSUM ESSE DUCEM CÆCORUM,
etc. HABENTEM FORMAM SCIENTIÆ ET VERITATIS IN LEGE.
— « Habentem formam, » Græce μὴ ὥρασιν, id est
formationem, formulam, regulam agendorum
et credendorum, q. d. Putas, o Judæe, te habere
in lege, qua alios doceas eamdem legem, scien-
tiam et cultum Dei, ut eos ad virtutem et pietatem
efformes. Ita Theophylactus.

Vers. 21.

21. QUI ERGO ALIUM DOCES, TEIPSUM NON DOCES :
QUI PRÆDICAS NON FURANDUM, FURARIS. — Pulchre
et vere S. Prosper : « Bene, inquit, docere et
male vivere, quid aliud est quam se sua voce
damnare? » Et S. Bernardus, lib. II *De Consider.*
ad Eugen., ante medium : « Monstruosa, inquit,
res est gradus summus, et animus infimus; sedes
prima, et vita ima; lingua magniloqua, et ma-
nus otiosa; sermo multus, et fructus nullus;
vultus gravis, et actus levis; ingens auctoritas,
et nutans stabilitas; facies rugosa, et lingua nu-
gosa. » Idem Bernardus, serm. 3 *in Vigil. Nativ.*

Doctrina
bonis
operibus
destituta
damnabili-
lis.

Domini., damnat eam doctrinam, quæ operibus
bonis destituitur, solamque veram esse scientiam
docet eam, quæ vitam componit et mores emen-
dat : « Scientia, inquit, ista in primo gradu
operatur pœnitudinem et dolorem, ut risum in
luctum, cantum in planctum, gaudium in mœ-
rorem convertat : et incipiant tibi displicere, quæ
vehementer ante placuerant, et illa specialiter
horreas, quæ specialiter et appetebas. Sic enim
scriptum est : Quia qui addit scientiam, addit
et dolorem, ut veracis et sanctæ scientiæ sit dol-
or subsequens argumentum. In secundo vero
gradu operatur correctionem, ut jam non exhi-
beas membra tua arma iniquitatis peccato, sed
coerceas gulam, jugules luxuriam, superbiam
deprimas et facias servire corpus sanctitati, quod
iniquitati ante servierat. Pœnitudo enim sine cor-
rectione non proderit, sicut Sapiens ait : Unus

Pœnitudo
sine

correctio-
ne nihil
prodest.

edificans, et unus destruens, quid prodest eis
nisi labor? qui enim baptizatur a mortuo, et ite-
rum tangit eum, nihil proficit lavatio ejus. Sed
quia hæc diutius haberi non possunt, nisi circa
se multa circumspectione mens indefessa vigilet
et attendat, in tertio gradu operatur sollicitu-
dinem, ut jam sollicitus incipiat ambulare cum
Deo suo et ex omni parte scrutetur, ne vel levis-
sima re, tremendæ illius majestatis offendatur
aspectus. In pœnitudine accenditur, in correctione
ardet, in sollicitudine lucet, ut interius et exterius
renovetur. »

In Vitis Patrum, lib. V, cap. x, ait Abbas Pas-
tor : « Si quis docet aliquid et non facit quod
docet, similis est puteo, qui omnes ad se venien-
tes satiat et sordes delet; seipsum autem purgare
non potest, sed omnis spurcitia et immunditia in
eo est. »

22. QUI ABOMINARIS IDOLA, SACRILEGIUM FACIS, — Vers. 22
dum scilicet avaritia victus, res idolis conse-
cratas, vel demoniis immolatas, contra legem
usurpas, ait S. Chrysostomus et Theophylactus;
vel etiam dum vota violas, aut res sacras suffu-
raris, aut vendis et profanas. Hoc enim est sacri-
legium, et qui hoc facit, est sacrilegus.

23. CIRCUMCISIO QUIDEM PRODEST, SI LEGEM OBSER- Vers. 23
VES. — « Circumcisio prodest, » non per se ad
justificandum saltem adultos; sed quia facit te
esse ex populo Dei signato, cui Deus credidit sua
eloquia, ut ait Paulus, cap. seq., vers. 2. Erat
enim circumcisio primo, signum distinctivum
populi Dei ab aliis populis, qui verbi Dei ac-
cultus divini, veræque religionis et pietatis erat
hæres.

Secundo, erat signum rememorativum peccati
originalis, quod per generationem in posteros
transfunditur : hæc enim generatio, et conse-
quenter transfusio peccati originalis fit membro
illo, quod circumcidebatur.

Tertio, circumcisio erat signum præfigurativum
Messiæ, pariter et participativum : nam circum-
cisis primo Messias et Evangelium, uti promissum,
ita et revelatum est.

Quarto, erat signum commonitorium circum-
cisionis spiritalis, ut scilicet vitia a corde suo
resecarent.

26. SI AUTEM PREVARICATOR LEGIS SIS, CIRCUM- Vers. 26
CISIO TUA PRÆPUTIUM FACTA EST, — q. d. Si legem
violet, licet circumcisis sis, periurum tamen es, ac
si præputium haberes et gentilismum induisses.
Reprimit hic Paulus arrogantiam Judæorum glo-
riantium de sua circumcissione. Ita Theophylac-
tus.

SI IGITUR PRÆPUTIUM (id est præputiatus Gentilis) Circum-
JUSTITIAS LEGIS CUSTODIAT, NONNE PRÆPUTIUM ILLIUS cisio et
IN CIRCUMCISIONE REPUTABITUR? — q. d. Si Gen- præpu-
tilis legem custodiat, tunc incircumcisio illi non tium sy-
oberit, sed reputabitur potius ac si esset circum- ritualiter
cisis, quia custodia legis tantum, imo amplius quod si-
illi valebit, quam Judæo valeat circumcisio : quia, gnificent?

ut Theophylactus ait, vera circumcisio est præcisio non carnis, sed peccatorum, sive est ipsa actio vera et bona præcisio a vitiis; præputium vero est mala et turpis actio.

Nota, « præputium » hic posteriore loco capi proprie pro incircumcisione, priore vero capi pro præputiato, id est Gentili. Sic etiam capitur vers. 27, et sæpe inferius. Per hebraismum enim ponitur abstractum pro concreto. Vide *Can.* 21. Adde, quod Judæi ad majorem Gentilium detestationem, vocabant eos non præputiatos, sed « præputium; » se vero ad majorem honorem vocabant non circumcisos, sed « circumcisionem, » ut patet *Ephes.* II, vers. 41.

Nota secundo: Præcepta moralia vocantur hic *justitiæ*, Græce δικαιοσύνη, id est justificationes legis, quia præscribunt id quod æquum et justum est, quodque hominem justum facit, ut dixi *Psalm.* CXVIII, in initio.

Vers. 27. 27. ET JUDICABIT (id est, damnabit) ID QUOD EX NATURA EST PRÆPUTIUM (id est, ex genere et natalitate præputiatus, sive Gentilis; sic *Galat.* II, 15, dicitur: « Nos natura, » id est, genere et prosapia, « Judæi »), LEGEM CONSUMMANS (puta, si legem faciat et consummet), TE, QUI PER LITTERAM ET CIRCUMCISIONEM (id est te, qui habes litteram legis et circumcisionem, et tamen) PRÆVARICATOR LEGIS ES.

Nota græcismum, per litteram, id est, habens litteram. Sic enim sumitur a Græcis δῶ. Simile est I *Timoth.* II, 15: « Salvabitur per filiorum generationem, » id est salvabitur filios generans, « si permanserit in fide, » etc.

Quomodo litterale legis occidat? Secundo, tamen et melius ὅ per proprie hic capias: quia littera nuda legis sine Christi gratia irritat concupiscentiam et peccatum, ut ait Paulus cap. VII, vers. 13. Hinc II *Cor.* III, 6 et 7, ait, litteram legis occidere, et Mosis ministerium in legislatione vocat « ministrationem mortis et condemnationis: » hinc rursum, I *ad Corinthios* XV, 56, dicit quod « virtus peccati » sit lex. Sic ergo Judæus per litteram, sive legem, quasi occasionem incitantem, prævaricator est legis.

Ob tres rationes Apostolus vocat legem litteram. Nota secundo: Solet Apostolus legem Mosaicam vocare γράμμα, id est litteram, vel scripturam.

Primo, quia illa lex a Deo in tabulis lapideis fuit scripta.

Secundo, quia lex hæc indicabat Christum et ad eum homines deducebat: sicut scriptura et littera indicat conceptum scribentis, ipsamque rem quæ scribitur.

Tertio, quia lex nuda et a Christo separata erat, quasi γράμμα, id est quasi mortua quædam scriptura, quæ ad salutem parum, vel nihil proderat; quia videlicet morbum, puta peccatum et concupiscentiam in visceribus nostris latentem indicare duntaxat, non autem sanare poterat: quin vero eandem magis irritabat et acuebat, uti jam dixi. Hac de causa litteræ huic Apostolus opponit spiritum et gratiam Christi animas vivificantem.

28. NON ENIM QUI IN MANIFESTO JUDÆUS EST (per externam et publicam Judaismi observationem et professionem): NEQUE QUÆ IN MANIFESTO, IN CARNE, EST CIRCUMCISIO. — Subaudi, hic verus Deoque placens Judæus, hæc vera Deoque placens circumcisio est.

29. SED QUI IN ABSCONDITO JUDÆUS EST, — qui scilicet in corde et spiritu, per legis observantiam, fidem et gratiam, Christum (qui scopus est legis, quemque lex tota clamat et profitetur) confitetur. Subaudi, hic vere apud Deum Judæus est, et filius Abraham spiritualis. Alludit ad nomen patriarchæ Judæ (ab hoc enim, utpote patriarcha, omnes posteri dicti sunt Judæi, non autem a Juda Machabæo, ut aliqui opinati sunt); hebraice enim dictus est יהודה *Jehuda*, id est confitens, sive laudans, scilicet Deum, *Genes.* cap. XXIX, XXXV et XLIX, vers. 8. Sic a Juda natus Judæus est confitens Deum, in Christo, quasi Messia a Deo misso, qui tum ex Deo, tum ex Juda et Judæis natus est: juxta promissa Judæ facta, *Genes.* XLIX, 10.

ET CIRCUMCISIO CORDIS, — quæ cor, id est mentem, circumcidit a vitiis et passionibus, scilicet, hæc vera et Deo grata est circumcisio. Vide S. Cyprianum, tractatu *De Circumcisionis ratione*, tom. III.

IN SPIRITU, NON LITTERA. — Primo, Toletus sic explicat, q. d. Hæc circumcisio cordis fit « in spiritu, » id est, in anima per præcisionem vitiorum; « non littera, » id est, non in corpore, cujus circumcisio jussa est littera legis.

Secundo, hæc cordis circumcisio fit spiritu, id est secundum sensum spiritalem legis, non autem litteralem, qui est de circumcisione carnali. Ita S. Augustinus.

Tertio, hæc circumcisio cordis fit « spiritu, » id est gratia adjuvante et sanante, non « littera » docente et minante, id est fit per gratiam, non per legem. Ita S. Augustinus, *De Spir. et Litt.*, cap. VIII. Hoc tertium magis genuinum est, magisque ex mente ac phrasi Apostoli. Sic enim ipse loquitur II *Cor.* III, 6.

Quarto, concinnius ad Græca Maldonatus, ὅ in spiritu, non littera, refert non ad ὅ circumcisio (hæc enim non fit in littera, sed in carne), sed ad ὅ Judæus, q. d. Non qui scripta lege, legisque littera, sed qui animo et spiritu Judæus est. Judæum enim esse vocat legem habere. Id constat ex relativo ὅ, id est cujus, uti jam dicam.

Cujus (scilicet Judæi, non autem circumcisionis: Græcum enim ὅ, cum sit masculinum, Judæum respicit, non circumcisionem) LAUS NON EX HOMINIBUS, SED EX DEO EST, — q. d. Talis absconditi, interni et spiritualis Judæi laudator est Deus cardiognosces. Ita Œcumenius. Vel secundo, « cujus laus est, » cujus laus quæritur et exspectatur a Deo, q. d. Qui se Deo interius, non autem hominibus exterius probare et placere contendit, qui

Vers. 28.

Vers. 29.

Judæus significat hebraice confitens et laudans Deum.

Triplex sensus circumcisionis cordis.

non ab hominibus, sed a Deo laudari cupit et quærit, hic vere Judæus est spiritalis, eo sensu quem dixi vers. 28.

Curr Deus non instituit circumcissionem in alia parte corporis humani? Hinc tropologice S. Hieronymus (vel potius Paulinus, ut vult Erasmus; aut certe Maximus Taurinensis, ut vult Marianus), epist. ad Terasiam, de vera circumcissione, quæ extat tom. IV operum S. Hieronymi, quærit cur Deus, non in aure, digito aliave patenti corporis parte, sed in membro, quod absconditum est, circumcissionem instituerit. Et respondet, hancque dat

causam: « Illud, inquit, figuravit Dominus, quod postmodum monstravit, ne justitiam nostram coram hominibus faceremus; sed in occulto, coram eo solo, cui soli nihil est occultum, et quem solum remuneratorem bonorum novimus esse factorum. Unde non in carne palam, sed in occulto cordis Judæi esse debemus, non littera, sed spiritu. Nam littera oculis subjacet nostris, spiritus nobis carnalem refugit aspectum, ut laus juxta Apostolum ex Deo, non ex hominibus acquiratur. »

CAPUT TERTIUM.

SYNOPSIS CAPITIS.

Ex dictis cap. I et II concludit omnes homines, tam Judæos, quam Gentiles, esse sub peccato, et egere gratia Christi.

Primo ergo, ne Judæos offendat, dicit eos præcellere Gentibus in eo quod Judæis credita sint eloquia et promissa Dei, quæ Deus fideliter adimplet, etiamsi nonnulli eorum fuerint et sint increduli: est enim Deus verax; omnis autem homo mendax.

Secundo, vers. 9, æquat Judæos Gentibus, in eo quod omnes sint sub peccato, idque multis Scripturæ testimoniis probat.

Tertio, vers 20, docet eosdem a peccato liberari et justificari, non ex operibus legis, in quibus gloriabantur Judæi, sed ex fide in Christum propitiatorem.

1. Quid ergo amplius Judæo est? aut quæ utilitas circumcissionis? 2. Multum per omnem modum. Primum quidem, quia credita sunt illis eloquia Dei; 3. quid enim si quidam illorum non crediderunt? Numquid incredulitas illorum fidem Dei evacuabit? Absit. 4. Est autem Deus verax: omnis autem homo mendax, sicut scriptum est: Ut justificeris in sermonibus tuis, et vincas cum judicaris. 5. Si autem iniquitas nostra justitiam Dei commendat, quid dicemus? Numquid iniquus est Deus, qui infert iram? 6. (secundum hominem dico.) Absit. Alioquin quomodo judicabit Deus hunc mundum? 7. Si enim veritas Dei in meo mendacio abundavit in gloriam ipsius: quid adhuc et ego tanquam peccator judicor? 8. et non (sicut blasphemamur, et sicut aiunt quidam nos dicere) faciamus mala ut veniant bona: quorum damnatio justa est. 9. Quid ergo? præcellimus eos? Nequaquam. Causati enim sumus, Judæos et Græcos omnes sub peccato esse, 10. sicut scriptum est: Quia non est justus quisquam: 11. non est intelligens, non est requirens Deum. 12. Omnes declinaverunt, simul inutiles facti sunt, non est qui faciat bonum, non est usque ad unum. 13. Sepulcrum patens est guttur eorum, linguis suis dolose agebant: Venenum aspidum sub labiis eorum. 14. Quorum os maledictione et amaritudine plenum est: 15. Veloces pedes eorum ad effundendum sanguinem. 16. Contritio et infelicitas in viis eorum: 17. et viam pacis non cognoverunt. 18. Non est timor Dei ante oculos eorum. 19. Scimus autem, quoniam quæcumque lex loquitur, iis qui in lege sunt, loquitur; ut omne os obstruatur, et subditus fiat omnis mundus Deo: 20. quia ex operibus legis non justificabitur omnis caro coram illo. Per legem enim cognitio peccati. 21. Nunc autem sine lege justitia Dei manifestata est: testificata a lege et Prophetis. 22. Justitia autem Dei per fidem Jesu Christi in omnes et super omnes qui credunt in eum: non enim est distinctio. 23. Omnes enim peccaverunt, et egent gloria Dei. 24. Justificati gratis per gratiam ipsius, per redemptionem

nem, quæ est in Christo Jesu, 25. quem proposuit Deus propitiationem per fidem in sanguine ipsius, ad ostensionem justitiæ suæ, propter remissionem præcedentium delictorum, 26. in sustentatione Dei, ad ostensionem justitiæ ejus in hoc tempore : ut sit ipse justus, et justificans eum, qui est ex fide Jesu Christi. 27. Ubi est ergo gloriatio tua? Exclusa est. Per quam legem? Factorum? Non : sed per legem fidei. 28. Arbitramur enim justificari hominem per fidem sine operibus legis. 29. An Judæorum Deus tantum? nonne et Gentium? immo et Gentium. 30. Quoniam quidem unus est Deus, qui justificat circumcisionem ex fide, et præputium per fidem. 31. Legem ergo destruimus per fidem? Absit : sed legem statuimus.

Vers. 1. 1. QUID ERGO AMPLIUS JUDÆO EST? — Occurrit hic Apostolus objectioni, q. d. Si vera sunt quæ dixi cap. II de inani Judæorum lege et circumcisione, quodque Deus Gentilem æque ac Judæum præmet, si servet legem, et puniat, si eam non servet : ergo in nullo videtur Judæus præcellere Gentilem. Respondet, negando id ex dictis suis sequi. Ostendit ergo hic, in quibus Judæus præcellat Gentilem.

Nota : pro quid amplius, græce est τί τὸ περισσόν, id est quid eximium Judæo est? quid magni, quid insigne et illustre habet Judæus præ Gentili? περισσόν enim aliquando supervacaneum, aliquando ἐξαιρετόν, id est selectum et eximium significat.

Vers. 2. 2. AUT QUÆ UTILITAS CIRCUMCISIONIS? MULTUM, — scilicet utilis est circumcisio, multumque amplius habet Judæus, quam Gentilis.

PER OMNEM MODUM, — id est omnino, omnimode.

PRIMUM QUIDEM, QUIA CREDITA SUNT ILLIS ELOQUIA DEI. — Aliqui putant τὸ primum tantum esse exordium sententiæ sermonis.

Secundo, Origenes censet τὸ πρῶτον esse principium enarrationis et enumerationis, quasi Apostolus in sequentibus multa Judæorum privilegia enumeret; quod tamen nusquam apparet.

Judæi præcellant Gentibus in possessione Scripturarum et eloquiorum Dei. Unde tertio, optime S. Ambrosius : primum, inquit, id est præcipuum, primarium, et unum e primis est, quod Deus illis, Judæis scilicet, tantum populo præ aliis selecto, et circumcisione distincto, quasi depositariis et custodibus credidit velut depositum « eloquia sua, » id est, ut Chrysostomus et Theodoretus, legem suam; et ut alii, Scripturas sacras, in iisque promissiones et pacta divina, futurorumque mysteriorum prædictiones : hæc enim sunt eloquia vetera Dei. Unde græce est λόγια, q. d. oracula, teste Hesychio; hæc enim primitus Judæis a Deo sunt revelata illisque scripto per Prophetas tradita : ita ut illa non nisi per Judæos ad Gentiles devenerint. Hæc ergo eloquia Dei solum affert Apostolus, quibus Judæus præcellit Gentilem; licet plura alia afferre potuisset, ut divinam erga Judæos benevolentiam, protectionem et beneficentiam, veram fidem et religionem, miracula, sacramenta, sacrificia. sanctos Prophetas, judices, reges, Messiam

eis promissum, et ex eis natum, atque his similia : hæc, inquam, afferre hic potuisset Apostolus; sed noluit, quia hæc omnia vel explicite, vel implicite continentur in eloquiis Dei. Unde subdit Apostolus :

3. QUID ENIM SI QUIDAM ILLORUM NON CREDIDERUNT? NUMQUID INCREDULITAS EORUM FIDEM DEI EVACUABIT? — Occurrit novæ objectioni : Quomodo credita sunt Judæis eloquia Dei, cum multi eorum iis non crediderint? Respondet : Esto aliqui non crediderint, Deus tamen ex parte sua credidit eis sua eloquia ac promissa, eaque fideliter adimplevit : nec enim hominum incredulitas vel infidelitas evacuare vel enervare potest Dei fidem, id est fidelitatem, ut scilicet Deus non stet promissis, quæ fecit patribus, maxime de Messia ex Judæis nascituro, omnesque fideles justificaturo, in eloquiis S. Scripturæ ipsis creditæ. Hic vides per eloquia Dei complecti Apostolum promissa Dei.

Deus fidelis in promissis suis, licet homo sit incredulus.

Nota : Objicit sibi hanc Judæorum incredulitatem Apostolus, ut quasi aliud agens, pungat et perstringat eorum infidelitatem, qua Christo et Evangelio credere noluerunt.

Nota secundo : pro evacuabit, græce est καταργήσῃ, id est otiosam, evanidam, inefficacem, irritam reddet. Respondet enim Hebræo פָּרַע para, vel הִפְחִיז hephth. De quo plura Galat. V, 4.

4. ABSIT. EST AUTEM DEUS VERAX, OMNIS AUTEM HOMO MENDAX. — Vox autem ponitur hic pro enim, ut vertit Syrus; vide can. 25. Dat enim causam, cur incredulitas hominum Dei fidem evacuare non possit; quia scilicet Deus est verax, omnis autem homo mendax. Græca pro est, significatius habent γινώσκω, id est sit, q. d. Absit, quin potius sit et statuatur Deus verax, uti omnis homo est mendax. Unde Salmeron putat nostrum Interpretem vertisse esto, et pro eo jam corrupte legi, est. Verum S. Augustinus, Ambrosius, Cyprianus, epist. ad Cornelium, et passim Latini tam codices, quam interpretes, constanter legunt est, non esto.

Vers. 4.

EST DEUS VERAX. — Nota : Veracitas virtus est inclinans hominem, ut in verbis veritatem custodiat, opponiturque mendacio. Fidelitas vero virtus est inclinans, ut pacta, et id quod promissum est, servetur et impleatur. Omnis ergo fidelitas

Veracitatis et fidelitatis descriptio.

est veracitas, non contra; sæpe tamen, ut hio, pro eodem sumuntur.

Homo est vanitas, nihil et mendacium. OMNIS AUTEM HOMO MENDAX. — Hebraice psalmus cxv, quem hic citat Paulus, habetur כָּל אָדָם כֹּזֵב *col adam coseb*; quod primo, Theodoretus vertit, *omnis homo deficit*, q. d., ait Theodoretus et Euthymius in *Psal.* cxv: «Nihil est stabile in rebus humanis; sed universa vanitas, omnis homo vivens,» *Psal.* xxxviii, 6.

Hinc secundo, Aquila vertit, *omnis homo est mendacium*. Sic et Hieronymus (legunt hi in Hebræo alio puncto כָּזָב *casab*, pro *coseb*), id est, ut explicat Hieronymus in *Psal.* cxv: «Omne quod in hac vita videmus, omne quod intelligimus, mendacium est,» id est umbra et imago, et sæpe error est. In Deo enim solo et cælo est veritas, stabilitas, æternitas. Vel, ut alii explicant, «Omnis homo est mendacium,» id est omnis homo est res nihili, inutilis, vana et indigna, cujus Deus curam suscipiat; ut idem sit, quod dicitur *Psal.* xxx, vers. 23: «Ego dixi in excessu mentis meæ, projectus sum a facie oculorum tuorum,» q. d. Videtur mihi Davidi in hac mea trepidatione, quod obliviscaris mei, o Domine, quia sum homo mendax, id est vanus, nihili. Unde huic mox opponit dicens: «Pretiosa in conspectu Domini mors sanctorum,» q. d. Licet homo sit tam vilis, tamen eos qui sancti sunt, non negligit Deus, sed caros habet et curat.

Homo larva veritatis. Tertio, Symmachus vertit, *omnis homo mentitur*. Quod S. Basilius, in *Psal.* cxv, sic explicat: Quia David, inquit, coram Achis coactus est se simulare stultum, et quasi mentiri; hinc ait: Omnis homo cogitur subinde mentiri, uti ego hic cogor; vel, ut idem Basilius, «Omnis homo mentitur,» id est, spem datam et de se conceptam fallit; sicut seges mentitur, cum spem et laborem agricolæ fallit, q. d. Homo tantum habet mendacem speciem et larvam veritatis. Quarto, optime noster Interpres vertit, «Omnis homo mendax,» id est ex naturæ corruptæ vitio et proclivitate, habitu etiam et consuetudine quivis homo potens et pronus est ut mentiatur, et fidem datam fallat: rursum, homo sæpe, id quod dicit, nescit; et quod promisit, obliviscitur, vel per infirmitatem implere non potest, itaque reipsa mentitur. Hinc S. Augustinus, in *Sententiis*, num. 322: «Nemo, ait, habet de suo nisi peccatum et mendacium. Si quid autem habet homo veritatis atque iustitiæ, ab illo fonte est quem debemus sitire in hac eremo, ut ex eo quasi quibusdam guttis irrigati non deficiamus in via.»

Psal. cxv explicatus et illustratus. Nota: Citat hic Apostolus *Psal.* cxv, ubi dicitur: «Ego dixi in excessu,» id est, ut explicat S. Basilius, in exstasi et raptu mentis; vel potius, ut ex Hebræo vertunt Hieronymus, Augustinus et Aquila, in *stupore*, pavore et perturbatione mentis (hoc enim est חִפּוּז *chippazon*): «Omnis homo mendax,» q. d. Ego David, cum essem in tot malis, ut in me oriretur diffidentia salutis et regni

promissi, ex præcipatione animi perturbati, dixi: «Omnis homo mendax.» Ecce enim Samuel promisit mihi regnum, Saul filiam, amici et milites, quibus in castris præfui, suam promiserunt mihi fidem et opem; et ecce ego miser et pauper hic pereor, omnes me deserunt, et fidem mihi datam fallunt, Saule me persequente.

Dices: Ergo hæc verba non sunt Scriptura sacra, nec Spiritus Sancti, sed Davidis agitati malo et falso diffidentiae spiritu; quia vere evasit rex postea, hominesque non mendaces; sed veraces expertus est.

Hæc verba, Omnis homo mendax, an sint Scriptura sacra?

Respondeo: Verum est, scilicet hæc verba non esse Spiritus Sancti, quatenus dicta sunt a Davide; sed tamen quatenus illa ipsa hic dicuntur et confirmantur a S. Paulo, eatenus sunt Spiritus Sancti, qui hæc verba Davidis hic sua facit, quia a parte rei vera sunt eo sensu, quem paulo ante dedi. Adde, etiam quatenus dicta sunt a Davide, esse Scripturam sacram hactenus, quia nimirum Spiritus Sanctus, *Psal.* cxv, testatur Davidem ea dixisse, sicut in Evangelio testatur Judæos dixisse de Christo, «Dæmonium habet,» etiamsi animo turbido, imo maligno, idipsum dixerint.

Nota secundo: Loquitur Paulus hic de homine secundum statum naturæ corruptæ. Sic enim est mendax: nam per gratiam homo fit quasi Deus, et desinit esse homo et mendax, ait S. Hieronymus et S. Augustinus in *Psal.* cxv.

Nota tertio hic morale documentum. Ex natura corrupta, quatuor maxime in homine pullulant propensiones ad malum: prima est ad voluptatem et libidinem; secunda est ad excellentiam, et ad excusandum peccata; tertia est propensio ad vana, curiosa et caduca bona; quarta est propensio ad mentiendum et fallendum, ubi res propria agitur. Unde Aquila vertit, *omnis homo est mendacium*, id est, ita sæpe mentitur, ut videatur totus consutus ex mendaciis, fraudibus et vanitatibus.

Ex natura corrupta quatuor pullulant in homine propensiones ad malum.

Hinc videas perperam ex hoc loco probare Lutherum, omne opus hominis justī, etsi sanctum, peccato aliquo infectum esse esseque peccatum. Ratio Lutheri hæc est: «Facilius, inquit, est verum dicere, quam bonum agere;» atqui nequit homo verum dicere, quia omnis homo mentitur, ut ait hic Apostolus: ergo nequit quoque homo bonum agere. Sed et fallit et fallitur Lutherus; nec enim semper major propositio ipsius est vera: nam furi in equuleo, martyri in tormentis difficilimum est fateri et profiteri veritatem; illudque illi longe difficilius est, quam dare elemosynam, orare, aut aliud opus bonum facere. Deinde in minori assumit ipse falsum: non enim dicit Apostolus omnem hominem semper mentiri, sed tantum, omnem hominem esse mendacem.

Probat contra Lutherum, omne opus hominis justī non esse peccatum.

SICUT SCRIPTUM EST. — Probat quod «Deus sit verax, omnis autem homo mendax,» ex *Psal.* l, 6, ubi dicitur: «Ut justificeris in sermonibus tuis.» Ut significat hic non intentionem, sed eventum homicidii et adulterii Davidis, q. d. Peccavi, Do-

mine; sed parce et miserere mei, atque ita fiet, ut per peccata mea, quæ condonas, justus et verax ostendaris, o Deus, in tuis promissis: ita Theodoretus, et hunc esse sensum mox clarius patebit.

Hæc verba literaliter sunt Davidis: allegorice tantum et accommodatissime conveniunt Christo. ET VINCAS CUM JUDICARIS. — *Primo*, S. Hieronymus in *Psal.* L, et Gregorius in *Psal.* IV *Pœnit.*, hoc de Christo sic explicant, *q. d.* Tu solus inter omnes judicatos, o Christe, a peccato immunis, injuste adjudicatus cruci vincis; quia a morte gloriosus resurgis, et judices tuos æternæ morti adjudicabis. « Judicatus, ait S. Gregorius, Dominus vicit, quia unde in passione succubuit, inde majorem sui gloriam resurgendo manifestavit. Judicatus vicit, quia quorum ad tempus judicium moriendo subiit, eos justo judicio condemnatos æterna morte mulctavit. » Verum hic sensus non est litteralis, sed allegoricus, vel potius accommodatius: ad litteram enim sunt hæc verba Davidis penitentis et petentis a Deo veniam sui peccati, uti patet ex titulo *Psal.* L.

Secundo, Theodoretus, Euthymius et Jansenius in *Psal.* L, sic hæc explicant, *q. d.* David: In judicio, quo me homicidii, o Domine, per Nathan arguis, fateor me a te vinci, et homicidii, adulterii ac ingratitudinis reum peragi et damnari. Hic sensus satis convenit Davidi *Psal.* L, sed non bene cohæret hic apud Paulum cum præcedentibus. Vult enim per hunc versum *Psal.* L Paulus probare, quod Deus sit in promissis verax, et omnis homo mendax.

Hæc verba fragilitas et inconstantia Deo subrahente auxiliam. *Tertio*, Hesychius et Didymus, in catena Græcorum, in *Psal.* L, sic exponunt: « Ut vincas in sermonibus tuis, » quibus dixisti, o Domine, omnes declinasse et esse peccatores. Cum enim ego David insolentius contra hos de mea virtute et constantia gloriaris sim, dicens, *Psal.* XXIX: « In virtute mea non movebor in æternum; » jam lapsus in cædem Uriæ agnosco me fragilem peccatorem, atque pristinae meæ gratiæ et constantiæ non me, sed te auctorem fuisse. Verum Paulus hic agit de victoria non humanæ arrogantiae, quam Deus contundit et vincit, subrahendo suam potentiam et gratiam, sed de victoria fidelitatis Dei, qua Deus nostram infidelitatem et ingratitudinem vincit et superat. Ut patet ex vers. 3 et 4.

Locum psalmi L genuine et congruentissime explicatus. *Quarto*, aptissime et congruentissime tam Davidi, quam Paulo hæc sententia sic explicanda est, *q. d.* Fateor ego David, me coram te, o Domine, peccasse; sed parce, et promissa mihi olim a te facta restitue, indeque fiet, ut vincas, et reipsa evertas judicia hominum, qui censent et mentiuntur te non staturum promissis, quibus tum cuivis penitenti veniam (ita S. Gregorius), tum mihi Davidi proprie regnum perpetuum in Salomone et Messia filiis promisti. Promissis, inquam, non conditionatis: nam hæc non servata conditione evacuari et irrita fieri posse constat, salva fide et veritate promittentis; sed absolutis,

ita S. Thomas, scilicet ut homines hanc tandem sententiam ferant: Justus est hic Deus, qui sua pacta servat, etiam his (puta mihi Davidi meisque posteris) a quibus post pacta injuria afficitur. Sicque ergo David mendax et fallax ostendor; atque ex me meoque hoc exemplo et similitudine, quivis alius homo mihi similis pariter mendax, id est Deo infidelis et peccator; Deus vero verax et fidelis ostenditur: hoc enim probare intendit Apostolus.

5. SI AUTEM INIQUITAS NOSTRA JUSTITIAM DEI COMMENDAT, QUID DICEMUS? NUMQUID INIQUUS EST DEUS, QUI INFERT IRAM? 6. SECUNDUM HOMINEM DICO. — *Vers. 6.* Occurrit hic Apostolus objectioni hominum insipientium. Unde ait: « Secundum hominem dico, » id est ea hic oppono et objicio, quæ homo non sapiens, sed carnalis objiciat. Scilicet, si Davidis et nostra iniquitas in causa est, ut Dei justitia et fidelitas erga nos magis illustretur; ergo iniquus videtur Deus, si nos iniquos puniat, et non potius præmiet, quasi auctores, ut ejus justitia magis eluceat. Respondet Apostolus:

ABSIT, — scilicet ut iniquus sit Deus, utque iniquitas nostra per se, et natura sua Dei commendet justitiam. Hæc enim illustratio gloriæ et justitiæ Dei per accidens ex peccato sequitur. Unde subdit Apostolus dicens (1):

7. SI ENIM VERITAS DEI IN MEO MENDACIO ABUNDAVIT IN GLORIAM IPSIUS, — ut nonnulli colligunt ex eo quod dixi: « Ut justificeris in sermonibus tuis, et vincas cum judicaris, » *q. d.* Si mendacium et peccatum per se cedit in gloriam veracitatis et fidelitatis Dei, qua hominibus, licet peccatoribus et ingratissimis, promissa sua servat Deus.

QUID ADHUC ET EGO TANQUAM PECCATOR JUDICOR? — et non potius laudor, tanquam illustrator gloriæ divinæ (2)?

8. ET CUR NON FACIAMUS MALA, UT VENIANT BONA? *Vers. 8.* Sicut blasphemamur (id est sicut calumniamur), ET SICUT AIUNT QUIDAM NOS DICERE, — quasi doceamus mendacia et peccata nostra natura sua in gloriam Dei cedere, illiusque fidelitatem et misericordiam provocare et commendare. Si enim hoc verum esset, utique peccandum esset, et injustus esset Deus ulciscens peccatum. Ita passim interpretes cum Theophylacto. Videntur hi vindices hujus calumniæ occasionem sumpsisse ex eo, quod sæpe doceret Apostolus, superabundasse gratiam Dei, ubi abundavit hominum

(1) « Alioquin quomodo Deus judicabit hunc mundum? » etiam Paganos. Si obiectio hæc (vers. 5 proposita) valeret, Deus nullum hominem punire posset, nec Judæum, nec Ethnicum. Juste autem puniri Paganos a Deo, ipsi Judæi concedunt. Ergo per instantiam respondet, et Judæos ipsorum gladio jugulat Paulus.

(2) Juxta alios, Paulus hoc vers. in persona Pagani hominis loquitur: Si tu Judæus, inquit, impunitatem speras, ego Paganus eadem ratione impunitatem sperare possum. Nam per idololatriam occasio datur Deo vero ostendendi se solum esse verum Deum, gentium autem Deos nihil esse.

iniquitas, et eam cessisse in laudem gratiæ et justitiæ Dei.

Deus sapientia sua ordinat peccata ad bonum misericordiæ, vel justitiæ.

QUORUM (scilicet tam ita sentientium, quam nos calumniantium) DAMNATIO JUSTA EST. — Hi enim perinde syllogizant, et perinde faciunt, atque si quis de viro pio et patiente ita concluderet: Hic vir miræ est patientiæ, omnia tolerat, omnia dissimulat; ergo vexemus eum, milleque injurias ei irrogemus, ut ejus patientiam exerceamus et illustremus. Hic enim est paralogismus et perversa argumentatio: nam tam virtus et gloria hujus viri ex injuriis protervorum, quam gloria Dei ex peccato nostro, non per se, et natura sua provenit, sed per sapientiam viri sancti, et per sapientiam Dei, qui malum ordinare novit ad bonum misericordiæ vel justitiæ suæ, ut docet S. Augustinus in *Enchirid.*, cap. xcvi, et lib. III *De Gen. ad litter.*, cap. xxiv. «Deus, ait S. Augustinus, rerum optimus est conditor, et peccatorum justissimus ordinator.» Idem docet S. Dionysius, *De Divin. Nominib.*, cap. iv, ubi agit de malo, sub finem; et Boetius, lib. IV *De Consol.*, prosa 6, ubi sic ait: «Divina est vis cui mala quoque bona sunt, cum eis competenter utendo, alicujus boni elicet effectum. Ordo enim quidam cuncta complectitur, ut quod ab assignati ordinis ratione discedit, hoc idem licet in alium, tamen in ordinem relabatur, ne quid in regno providentiæ liceat temeritati.»

Nullum vel minimum peccatum est medium eligibile, ut gravissima peccata evitentur.

Nota hic cum Cajetano nullum peccatum, nec minimum quidem veniale, medium esse eligibile, aut faciendum, ut peccata etiam gravissima evitentur.

Dices: S. Gregorius, lib. XXXII *Moral.*, cap. xx, videtur contrarium docere. Ait enim: «Dum mens inter minora et maxima peccata constringitur, si nullus omnino sine peccato evadendi aditus pateat, minora semper eligantur.»

Respondet: S. Gregorius loquitur de scrupulis et perplexis. His enim si videatur se peccaturos quidquid agant, eligant minus, scilicet id quod eis minus malum esse videtur, si facultas doctos consulendi, aut alia ratio nodum conscientie perplexum dissolvendi, non suppetat.

Vers. 9.

9. QUID ERGO? PRÆCELLIMUS EOS? — Judæi Ethnicos, quasi ob merita nostra, legem, aut circumcisionem præ eis vocati sumus ad fidem et justitiam Christi? Redit enim hic Paulus ad propositum suum, quod tetigit vers. 2. Respondet, «Nequaquam» præcellimus nos Judæi ipsos Gentiles.

CAUSATI ENIM SUMUS, — id est causam antea attulimus; unde Græca clarius habent, *πρὸς τὴν αἰτίαν*, *præcausati sumus*.

Vers. 10 et 11. Versus sequentes citati ab Apostolo, e quibus

10 et 11. SICUT SCRIPTUM EST: QUIA NON EST JUSTUS QUISQUAM, NON EST INTELLIGENS, NON EST REQUIRENS DEUM. — Docet S. Hieronymus, præfat. in lib. XVI *Comment. in Isaiam*, sumptos esse hos versus sequentes, quos hic citat Paulus, ex variis locis Scripturæ, ex *Psal.* xiii, 1; *Psal.* lvi, 3; *Psal.*

v, 11; *Psal.* cxxxix, 4; *Psal.* ix, 7; *Isaiæ* lxi, 7; *Prov.* i, 16; atque omnes hi versus ita separati, ex hoc loco Apostoli, qui omnes hic jungit, simul translati sunt in *Psal.* xiii Latinæ versionis, etiam in editione Romana, sed sub eodem versu. Pari modo simul omnes habentur in Syra et Ægyptia versione *Psal.* xiii, et in codice Anglicani psalterii Hebraici (quem citat Arias in *Apparatu*, et Lindanus, lib. I *De Optimo genere interpret. S. Script.*) inventi sunt omnes hebraice in *Psal.* xiii. Sed codicis illius Anglicani auctoritas et antiquitas est incerta. Nam passim hi versus in Hebræo non exstant *Psal.* xiii, sed sparsim in Scripturæ locis jam citatis. Vide Franciscum Lucam in *Notis ad Psal.* xiii.

Nota: significant hi versus corruptionem hominis et naturæ, per fidem et gratiam non sanantæ, ut mox fusius ostendam; hæc enim omnis peccato est subdita, non cuivis, sed una huio, altera alteri. Quod enim particulatim cap. i de Gentibus, et cap. ii de Judæis probavit Apostolus, scilicet omnes esse sub peccato, hic more Rhetorum generatim, per complexionem et exaggerationem concludit et amplificat.

NON EST JUSTUS QUISQUAM, NON EST INTELLIGENS; NON EST REQUIRENS DEUM.

Nota primo: Citat hic Apostolus quædam non quoad verbum, sed quoad sensum. Nam *non est justus*, et, ut Græca addunt *οὐδὲν*, id est, *ne unus quidem*, nusquam scriptum est hisce verbis, sed aliis æquivalentibus, puta his: «Non est qui faciat bonum, non est intelligens, non est requirens Deum.» Itaque videtur Apostolus omnes sequentes Scripturæ versus, in quibus particulatim hominum peccata enarrat, una generali sententia quasi synopsi et argumento complexus, dicens et præmittens: «Non est justus quisquam,» eamque deinde quasi in partes dividit, dicens: «Non est intelligens, non est requirens Deum.» Licet enim hæc verba de quolibet impio a Psalte, *Psal.* xiii, dicta esse videantur; tamen *non est intelligens* proprie convenit Gentilibus, qui idola coluerunt, et Deum verum non agnoverunt: *non est requirens Deum* proprie competit Judæis, qui Deum quidem agnoverunt, sed Dei legem et voluntatem non requisiverunt, nec observarunt, et hoc videtur hic velle Paulus, q. d. Quidam non intelligunt, nec cognoscunt Deum, quales sunt Gentiles: quidam vero Deum cognoscunt, sed Dei mandata non requirunt, nec custodiunt, quales sunt Judæi; atque ideo nec Judæus, nec Gentilis, adeoque nemo justus est inter filios hominum.

Nota secundo: Citat hic Paulus *Psal.* xiii, 2, ubi sic dicitur: «Dominus de cælo prospexit super filios hominum, ut videat, si est intelligens aut requirens Deum,» q. d. Quæsitivus Deus an quis hominum esset intelligens aut requirens Deum: et quantumcumque quæsierit, neminem tamen invenit. Nam, uti præcessit ibidem, «non est qui

Corruptio naturæ per gratiam Christi non sanantæ.

Gentiles et Judæi in quibus hic taxantur?

faciat bonum, non est usque ad unum. » Unde et Paulus non verba, sed sensum reddens vertit, « non est intelligens, non est requirens Deum. » Vocula enim *et*, quæ est in *Psal.* XIII, Hebræis sæpe negantis est, idemque valet quod *non*. Id patet in juramentis Hebræorum, ut : « Hæc mihi faciat Deus, si steterit caput Elisei super ipsum, » IV *Reg.* VI, 31, id est, Juro quod non stabit caput Elisei super ipsum, juro quod demam Eliseo caput. Sic hic : « Prospexit, ut videat, si est intelligens aut requirens Deum, » idem est, ac si dicat : Prospexit et vidit Deus, quod non est intelligens quisquam, aut requirens Deum.

An de solis atheis hæc Davidis verba sint intelligenda? Quæres, an hæc Psaltis verba, « Non est intelligens, non est requirens Deum, » de omnibus omnino hominibus, an tantum de certo hominum genere dicta sint? Genebrardus, Jansenius et alii, in *Psal.* XIII, volunt illa dicta esse de solis atheis, quasi Apostolus suam universalem propositionem, scilicet omnes esse peccatores, probet tantum per exemplum atheorum, qui maximi sunt peccatores, uti omnem hominem esse mendacem, probavit per exemplum Davidis, vers. 4. Nam de solis atheis dicitur ibidem, vers. 1 : « Dixit insipiens in corde suo : Non est Deus, » hebraice אֵין אֱלֹהִים *en Elohim*, non est Elohim, id est, non est Deus judex et vindex bonorum et malorum; et, ut Chaldæus vertit, *non est potestas Dei in terra*. Elohim enim Dei non essentiam significat, sed providentiam, qua Deus mundum regit, judicat, punit, vel præmiat. Homines enim qui negant hanc Dei providentiam, sine Numinis aut vindicis metu, ruunt in omnia scelera, quæ ibi deinceps enarrat Psalter, ut notant Chrysostomus et Theodoretus in *Psal.* XIII.

Verum respondeo et dico, cum Salmerone, Toletio et aliis, hæc Psaltis verba non de solis atheis, sed de quibusvis hominibus intelligenda esse. Patet id clare ex hoc Apostoli, qui verus est Davidis interpres, loco. Nam ex hisce Psaltis verbis Apostolus hic plene et adæquate totoque conatu probare intendit, omnes omnino homines esse sub peccato. Illud autem non plene, nec adæquate ex iis probaret, si illa de solis atheis intelligenda essent. Responderent enim Judæi Paulo hæc Psaltis verba objicienti, Davidem de idololatriis et atheis loqui, ad se ista non pertinere, utpote qui sint jurati atheorum hostes, itaque rueret nervus et vis argumenti Paulini. Unde Paulus, ut hoc elidat, vers. 19, ait : « Scimus autem quoniam quæcumque lex loquitur, iis qui in lege sunt, loquitur. »

Secundo, id patet ex ipso Psalte, qui clare initio psalmi insinuat se non de atheo tantum, sed de quovis insipiente loqui. « Dixit, inquit, insipiens. » *Insipiens* autem phrasi Davidis et Sapientis est quivis impius, qui insipienter Deum suæ concupiscentiæ, et æterna bona caducis, quæ adamat, posthabet et postponit. Unde de talibus mox subdit : « Non est qui faciat bonum usque

ad unum. » Primus ergo insipiens fuit Adam pater noster, qui insipienter credidit Evæ et serpenti, adeoque uno pomo se et nos omnes perdidit; indeque nos omnes insipientes facti et nati sumus.

Describit ergo Psalter, *Psal.* illo XIII, insipientiam et corruptionem humanæ naturæ omniumque hominum, si sola eorum natura peccato vitata, sine Dei gratia illam reparante et restaurante, consideretur. Tali enim statu homines in omnia peccata proclives ruunt, adeoque tandem eo deveniunt, ut vel explicitè, vel implicitè dicant : Non est Deus judex et vindex malorum, ut scilicet licentius et magis impune peccent.

Tertio, id ipsum patet ex eo quod tam hoc *Psal.* XIII, 1, quam alibi Psalter opponat hunc statum insipientiæ et corruptionis humanæ naturæ, statui gratiæ, quo Deus naturam lapsam sanat, redimit, reparat et justificat. Ait enim : « Quoniam Dominus in generatione justa est. Quis dabit ex Sion salutare Israel? Cum averterit Dominus captivitatem plebis suæ, exultabit Jacob et lætabitur Israel. » Quod ergo dicit Psalter, *Psal.* XIII, 1 : « Dixit insipiens in corde suo : Non est Deus, » proponit hoc non quasi argumentum et scopum totius psalmi, sed quasi extremum et summum malorum, ad quod tandem pervenit hominum insipientia. Unde versibus seq. gradus peccatorum explicat, quibus sensim eo conscendunt homines. Aliter respondet et explicat illum versum Salmeron : Omnis, inquit, insipiens, id est impius et peccator, hoc ipso quo peccat, in corde suo implicitè et virtualiter dicit : « Non est Deus ; » quia ita libere et impudenter in Deum peccat, ac si Deus peccatum ejus non videret, vel punire non posset, aut non vellet, adeoque ac si Deus judex et vindex non esset : atque huic expositioni favet, quod ita se explicare videatur Psalter, vers. 2, dicens, ut hic vertit Paulus : « Non est intelligens, non est requirens Deum. »

12. OMNES DECLINAVERUNT (hebraice כָּרְסוּ *sar*, id est recesserunt, scilicet a Deo), SIMUL INUTILES FACTI SUNT. — Hebraice נִאֲלָחוּ *neelachu*, id est computruerunt, fœtuerunt; Chaldæus vertit *obtorpuerunt*, indeque inutiles facti sunt, nullos ferentes bonos fructus fidei et bonorum operum, sed tantum malos, vanos, putidos et fœtidos gulæ, luxuriæ, superbiæ aliorumque scelerum.

NON EST QUI FACIAT BONUM, NON EST USQUE AD UNUM. — « Unum, » scilicet Christum, qui excipitur, quique solus per se facit bonum, ait S. Augustinus, p. 13. Verum hic sensus non respondet Hebræo in *Psal.* XIII; ibi enim hebraice habetur אֵין נֶאֱמָר *en gam echad*, hoc est, non est quidem unus, id est nullus est.

Unde secundo, Cajetanus sic exponit : Non est qui faciat per omnia bonum, ut nunquam peccet saltem venialiter. Sic et Chrysostomus, in *Psal.* XIII, qui hanc sententiam nimis laxè extendit etiam ad B. Virginem, quam in Christi passione

Insipientia et corruptio naturæ humanæ peccato vitata.

Vers 12.

Error dicitur Chrysostomi dicentis B. Virginem de-

Huius
in pas-
sione.

putat ipse defectum et deliquium fidei cum Apostolis circa Christum Christique resurrectionem passam fuisse. Verum hic jam est error : totius enim Ecclesiæ sensus et consensus est, B. Virginem nunquam ne venialiter quidem peccasse, uti declarat Concilium Tridentinum, sess. VI, can. 23.

Tertio, S. Thomas censet hic esse hyperbolen : « non est unus, » sive nullus est, id est pauci sunt qui faciant bonum.

Quarto, Ambrosius putat Psaltem loqui non de piis, sed de impiis : horum enim nullus est bonus. Sed hoc non satisfacit ; quia Apostolus ex hoc Psaltis versu probat neminem esse pium et bonum, sed omnes omnino homines esse sub peccato et ira Dei.

Sine
Christi
gratia
nemo po-
test bo-
num fa-
cere.

Quinto ergo, hic est genuinus hujus loci sensus : « Non est qui » ex se, sine Dei, id est Christi, gratia « faciat bonum » absolute, tale scilicet, ut inde bonus et justus coram Deo dici, dignusque Dei gratia aut æterna gloria censi possit : quia omnes peccato Adæ corrupti et concupiscentia infecti, in peccata varia proclives declinant. Ita S. Augustinus in *Psal.* XIII. Hinc ergo non sequitur, omnia opera infidelium esse mala et peccata, sed tantum esse inepta ad justitiam et gratiam Dei promerendam. Hoc enim hic vocatur *bonum*.

Vers. 13.

13. SEPULCRUM PATENS EST GUTTUR EORUM, — *q. d.* Quilibet homines peccato et concupiscentia corrupti, instar sepulcri patentis, spurca, tetra, foetida, dolosa, maledicta exhalant, proloquuntur et eructant. Guttur eorum, quasi sepulcrum patens, foeditatem, putorem et abominationem lethalem mortui cordis, quasi cadaveris intus sepulti, semper exhalat. Addit S. Augustinus, in *Psal.* XIII, per *sepulcrum patens* significari voracitatem cibis inhiantis gulæ.

VENENUM ASPIDUM SUB LABIIS EORUM, — *q. d.* Iidem homines labia et os venenata habent, ut vix aliud in eos quibus irati et offensi sunt, proferant, quam contumelias et maledicta, quin et verbis addant verbera et cædes. Unde subdit Apostolus : « Veloces pedes eorum ad effundendum sanguinem. »

Vers. 16.

16. CONTRITIO ET INFELICITAS IN VIIS EORUM, — *q. d.* Viæ, gressus et conatus eorum eo tendunt, ut alios et sese invicem conterant miserosque faciant. Patet ex Hebræo. Aliter Theophylactus : « Contritio et infelicitas, » inquit, est peccatum, quia peccatum conterit et infelicem facit animam. De corruptione humanæ naturæ, tam quoad animam, quam quoad corpus, vide S. Augustinum, lib. XXII *De Civit.*, cap. XXII.

Vers. 19.

Hi ver-
sus spec-
tant æ-
que Ju-
dæos ac
Gentiles.

19. SCIMUS AUTEM QUONIAM QUÆCUMQUE LOQUITUR, IIS QUI IN LEGE SUNT, LEX LOQUITUR. — Est occupatio, *q. d.* Ne dicas, o Judæe, hos versus, qui omnes homines de tam gravibus peccatis arguunt, de solis Gentilibus loqui. Nam hi versus sunt versus legis, puta Psaltis et Prophetarum, qui non tam Gentilibus, quam iis qui in lege sunt,

id est Judæis, loquuntur, eorumque vitia increpant et castigant. Ita S. Chrysostomus et Theophylactus.

Ut OMNE OS OBSTRUATUR (ut nemo audeat se a peccato excusare), ET SUBDITUS FIAT OMNIS MUNDUS DEO. — Pro *subditus*, græce est ὑποδύκος, id est *condemnationi* (δική enim causam, crimen, condemnationem, vindictam et pœnam significat) *obnoxius*. Ita Syrus, Chrysostomus et Theophylactus, *q. d.* Scriptura versibus jam citatis ita omnes de peccatis redarguit, ut omnis homo qui est in mundo, fateri debeat se coram Deo reum esse, seque Dei iræ et vindictæ obnoxium et subditum esse, ob crimina in Deum admissa : unde S. Augustinus, lib. *De Gratia Christi*, cap. VIII, legit, « ut reus fiat omnis mundus Deo. » *Secundo*, Ambrosius : « ut mundus, inquit, subditus, » id est prostratus et supplex, « fiat Deo, itaque ad suorum peccatorum indulgentiam et Dei gratiam pervenire queat. » Addit *tertio* Theophylactus : « ut mundus » inquit, ὑποδύκος, id est condemnatus, hoc est, libertate ac fiducia carens, et indigus opis alienæ, agnoscat se egere Dei gratia et clementia. Sed primus sensus maxime proprius et genuinus est.

Triplex
hujus lo-
ci sensus.

20. QUIA EX OPERIBUS LEGIS NON JUSTIFICABITUR Vers. 20.

OMNIS CARO (omnis homo, est synecdoche) CORAM ILLO. — Est occupatio altera, *q. d.* Excipies iterum, o Judæe, et obtendes dicendo : Esto sim peccator, et in peccata incidam ; tamen habeo opera legis, aspersiones, lustrationes et sacrificia pro peccato, quibus peccatum expiem. Respondet Apostolus, hæc opera posse quidem purgare et expiare carnem et irregularitatem externam, sive carnalem et politicam, non tamen posse animam purgare et justificare a peccato : tum quia sacra Scriptura omnes omnino homines etiam qui sub lege sunt, post omnes hasce suas lustrationes, peccati condemnat ; tum quia lex et opera legis tantum indicium et demonstratio, non autem expiatio sunt peccati.

Opera et
lustratio-
nes legis
antiquæ
nihil con-
ferebant
ad delenda
peccata.

Nota : Cum Apostolus asserit hic neminem justificari ex operibus legis, veteris intellige, seu iis quæ præscribit lex vetus, seclusa fide et gratia Christi, idque patet ex eo, quod vers. 22 et passim opponat hæc opera fidei Christi : cum ergo fidem Christi justificantem iis opponit, non excludit, sed potius includit in fide opera facta ex fide. Sic enim pari modo sub lege includit opera legis, seu quæ facienda dicitur lex. Ita S. Augustinus, lib. *De Gratia et Lib. arbitr.*, cap. VII. Vide *Can.* 2 et 3.

PER LEGEM COGNITIO PECCATI. — Lex docet quid faciendum sit, quid cavendum, quid virtus sit, quid vitium et peccatum. Hinc de ea dicitur, *Prov.* VI : « Mandatum lucerna est, et lex lux et via vitæ. » Unde et hebraice vocatur תורה *thora*, id est doctrina et institutio.

Nota : pro *cognitio*, græce est ἐπίγνωσις, id est *agnitio*. Differunt autem *cognitio* et *agnitio* : nam

cognoscimus nova, agnoscimus vetera. Lex ergo non erat proprie *cognitio*, sed agnitio peccati. Quia jam ante legem a Mose latam, cognoscebant homines peccatum per lumen et legem naturæ.

Lex natura sensum obscurata, per legem Mosis declarata. Verum quia hæc lex sensum obscurabat in homine, hinc Deus per Mosen tulit legem clare explicantem, quid licitum et peccatum. Unde per legem hanc Mosis agnoverunt rursus Judæi peccatum, quod antea cognoverant, licet obscure per lumen naturæ (1).

Vers. 21. 21. NUNC AUTEM SINE LEGE (id est, ut Theodoretus et Ambrosius, lege veteri cessante), **JUSTITIA DEI** (id est justificatio, qua nos Deus a peccatis absolvit, infundendo nobis suam justitiam, id est gratiam, charitatem aliasque virtutes, per Christi Evangelium) **MANIFESTATA EST** (quæ olim ante tot sæcula) **TESTIFICATA** (est) **A LEGE ET PROPHETIS** (2). — Hi enim quasi testes divini et certissimi hanc justitiam per Christum dandam prænuntiaverunt et asseverarunt: ita S. Augustinus, lib. *De Spir. et Litt.*, cap. ix et xi: « Non dixit Apostolus, inquit Augustinus: Justitia hominis, vel, Justitia propriæ voluntatis; sed: Justitia Dei, non qua Deus justus est, sed qua induit hominem, cum justificat impium, » etc. Unde idem præclare, *sententia* 320: « Qui, ait, dedit legem, ipse dedit et gratiam: sed legem per servum suum misit, cum gratia ipse descendit: ut quia lex ostendit peccata, non tollit, volentes suis viribus legem exequi, nec valentes, cogantur ad gratiam, quæ et impossibilitatis morbum et inobedientiæ aufert reatum. »

Vers. 22. 22. JUSTITIA AUTEM (autem, id est, inquam, vide *can.* 25) **DEI** (quæ proponitur et datur) **PER FIDEM JESU CHRISTI IN OMNES** (dum scilicet omnibus offertur) **ET SUPER OMNES** (dum scilicet omnibus reipsa datur, et desuper infunditur) **QUI CREDUNT IN EUM**, — scilicet « qui credunt, » non ut dæmones, fide nuda et inani, sed, ut amici, fide charitate formata: « credunt, » inquam, Christo, ita ut illi ejusque præceptis obediant. Sive « qui credunt » fide humili, efficaci et obedienti, ut faciant mandata, quæ fides docet implenda esse. Sic vulgo dicitur duci exercitus: Si credas huic consiliario, obtinebis victoriam, scilicet si credas practice, id est si juxta ejus præcepta aciem et bellum in-

Fides charitate formata, non speculative mere, sed practica.

(1) « Per legem cognitio peccati, » id est, quilibet intuenta lege huc ducitur, ut venia sibi opus esse sentiat, et fateri cogatur causam veniæ et justificationis non querendam esse in manca legis observatione, sed potius relinqui causam culpæ. Omnes igitur, optimi etiam homines laborant imperfectione morali, et venia egent.

(2) Hactenus descripsit Apostolus totius generis humani depravationem, atque ostendit, neque Paganos religione naturali, neque Judæos lege Mosaica justificari et salvari potuisse. Redit jam ad argumentum quod cap. i, 17, leviter tantum attigerat, nempe religione Christiana monstrari viam ad veram justitiam ac salutem. Nunc autem, ait, nullo respectu ad legem, justitia Dei, id est, via ad consequendam peccatorum veniam et salutem, monstratur, promissa in lege et Prophetis.

struas. Pari modo qui credunt non speculative, sed practice Christo, id est qui Christi dictis et monitis obediunt, hi justificantur et salvantur.

Nota: Cum ait hic Apostolus justitiam Dei per Christum esse « in omnes, et super omnes, » *in omnes* significat universalitatem et diffusionem justitiæ, quod scilicet justitia hæc offeratur et diffundatur in omnes homines qui credunt in Christum: *super omnes* significat sublimitatem justitiæ, quod scilicet illa supra naturæ vires et merita, desuper e cælo homini infundatur. Ita Anselmus.

23. OMNES ENIM PECCAVERUNT, ET EGENT GLORIA DEI. — « Egent, » græce ὑπερβύττω, quod Syrus vertit, *destituuntur*; Chrysostomus, *carent*. Proprie veritas, *posteriores sunt gloria*, id est gratia Dei gloriosa et munifica, qua justificantur; nec eam viribus naturæ assequi possunt; sed egent alia priori et præveniente Dei gratia, qua ad justificationem se præparent, ideoque gratis justificantur. Utraque enim gratia, et præveniens et justificans, gratis datur; præveniens tamen per opera poenitentiae ad justificationem preparat hominem et disponit. Ita Œcumenius, Theodoretus et S. Augustinus, *De Spir. et Litt.*, cap. ix.

Gratia præveniens, et justificans gratis datur.

Nota: Cum ait Apostolus: « Omnes egent gloria Dei, » Cyrillus, lib. *De Recta fide*, per *gloriam* intelligit Christum, qui est gloria Patris hoc ipso, quo est redemptor et justificator noster, *q. d.* Paulus: Omnes egent Christo redemptore.

Quid per gloriam Dei hic intelligat Apostolus? triplex expositio.

Secundo, S. Chrysostomus sic vertit et explicat: Omnes, inquit, peccaverunt et destituuntur gloria Dei, quia ad peccatorem non gloria, sed dedecus et confusio pertinet. Unde aliqui gloriam hic proprie accipiunt, beatam scilicet, quam pro gratia vitæ bene acta rependet justis Deus in cælis. Hac enim destituuntur et indigent peccatores.

Tertio, alii, ut dixi, magis genuine ad mentem Apostoli, per *gloriam* hic accipiunt gratiam, qua glorificatur Deus. Unde S. Hieronymus, lib. VI in *Isaiam*, sub finem, et S. Augustinus, lib. I *De Peccat. meritis*, cap. xxvii, citantes non tam verba, quam sensum Apostoli, legunt, *Omnes egent gratia Dei*. Quanquam omnes hi sensus eodem fere tendunt. Nam Christi gratia est gloria quædam inchoata, sicut gloria est gratia consummata. Egemus enim Christo et gratia Christi ad hoc, ut per eam, gloriam, qua indigemus ut bene beateque semper vivamus, in cælis adipiscamur.

Omnes dicunt gloriam, id est gratiam, quæ est semen gloriam.

Hæc est ergo sententia, quam quasi judicialiter audita utraque parte, ex ore Dei pronuntiat Paulus, qua utramque partem, scilicet tam Judæos quam Gentiles, et prosternit et condemnat, *q. d.* Vos, o Judæi, arroganter contra Gentes insolescitis, vosque justos ex lege reputatis: vos vicissim Gentes, Judæos quasi recutitos contemnitis, et ob morales virtutes vobis justitiam arrogatis: ego vestram utrumque causam, justitiam, vitam et mores examinavi cap. i et ii, atque ex allegatis et

proptis iudico : Omnes tam Judæi, quam Gentes peccaverunt, et egent gratia Dei.

Stimulus **ad retin-**
dendam
humana-
nam su-
perbiam. Hæc sententia sternit omnium hominum superbiam, omnium cristas dejecit, omnesque peccati condemnat, omnes peccatores iræ Dei obnoxios pronuntiat, omnes mendicos et agentes Dei gratia, omnes supplices Deo facit; ut nonnisi ad Dei gratiam, clementiam, misericordiam et indulgentiam provocare et appellare possint. Qui ergo propriæ virtutis aut sapientiæ opinione inflatus tumet, audiat hanc Dei sententiam : « Omnes peccaverunt, et egent gloria Dei, » sibi que eam applicans, dicat : Ergo et ego peccavi, ergo et ego peccator sum, et ego magna et gloriosa Dei gratia et misericordia : ut quid ergo superbiam? ut quid tumeam? quid sapientiæ, virtutis, honoris et laudis mihi arrogabo? Præsertim si considerem illud, quod ait S. Augustinus, lib. L homil., hom. 23, tom. X : « Nullum est peccatum quod fecit homo, quod non possit facere alter homo, si desit rector, a quo factus est homo. » Rursum, si considerem quod, sicut in peccato conceptus et natus sum, ita pariter in peccatis vivo, et in peccatis moriar : peccator ergo in mundum veni, peccator vivo, peccator moriar.

Vers. 24. 24. JUSTIFICATI (id est, ut justificentur fiantque justi, et sint justificati) GRATIS. — Pendent enim hæc verba ab eo quod præcessit, « Omnes egent gloria Dei. » Hinc et Græce est participium præsentis temporis, δικαιούμενοι, quod more Hebræo ponitur pro indicativo δικαιούνται, quo carent Hebræi. Unde clare vertit Syrus, *justificantur autem gratis*. Simplicius tamen vertas, *ut justificentur gratis*, tum quia in Græco non est autem; tum quia, ut dixi, pendent hæc verba a præcedentibus, et Hebræorum participia sæpe capiuntur pro subjunctivo. Noster Interpres ad verbum vertit, *justificati*, scilicet per participium præteritum, quia Latini carent participio præsentis in verbis passivis, quale hic est *justificati*; coguntur ergo uti participio præterito pro præsentis.

Varietas
lectionum
dis-
cutitur.

GRATIS, — id est sola fide, ait Beza; sed peperam : nam *gratis* idem est quod sine meritis præcedentibus fidem, aut etiam sequentibus. Gratis enim dare significat gratuito dare sine merito : gratia enim et gratuitum opponitur merito. Unde cum dixisset Paulus : « Justificati gratis, » explicans subdit, « per gratiam ipsius. » Ubi alludit ad Hebræum חַנּוּן *chinnam*, quod a חַנּוּן *techinna*, sicut Latinum *gratis* a gratia deducitur. Itaque vox *gratis*, in hac significatione non excludit dispositiones (spei, timoris, doloris de peccatis admissis, propositi novi de vita emendanda) prævias ad justificationem, quas alibi requirit Scriptura (sic enim et ipsa fides prævia excludenda foret), sed merita sola excludit : ita Concilium Tridentinum, sess. VI, cap. VIII. Sic dives dicitur pauperem gratis adoptare in hæredem, etiamsi requirat ab eo, ut prius bonos mores et disciplinas addiscat : quia hæc non meriti, sed disposi-

Disposi-
tionem
prævia
ad jus-
tificationem
non ex-
cludunt a
gratia,
imo præ-
requi-
rantur.

tionis locum obtinent. Par enim est ut futurus filius talis tantique viri ad hoc apposite per bonos mores et disciplinas sese disponat. Vide Can. 3. Gratis ergo justificamur, ut dicamus cum Apostolo : « Gratia Dei sum id quod sum; » et cum Jeremia et Psalte : « Misericordiæ Domini, quia non sumus consumpti; Misericordias Domini in æternum cantabo; » et cum Isaia, cap. I, 9 : « Nisi Dominus exercituum reliquisset nobis semen (tropicologicum gratiæ), quasi Sodoma fuisset, et quasi Gomorrha similes essemus. »

PER GRATIAM IPSIUS (quam nanciscemur) PER REDEMPTIONEM QUÆ (facta) EST IN CHRISTO JESU, — id est per Christum Jesum. Hebræum enim כִּי, id est in, significat per, vel propter. Vide Can. 23.

Nota τὸ per redemptionem. Hinc enim inferebat Marcion : ergo homo non est creatura Dei, sed diaboli. Nemo enim emit quod suum est; Deus autem emit et redemit hominem. Ita refert Epiphanius, hæresi 41. Respondet Origenes, homil. 6 in Exod. : « Omnes, ait, creatione eramus Dei, sed pretio peccatorum vendidimus et tradidimus nos dæmoni : ideo pretio sanguinis Christi liberati a potestate dæmonis, dicimur non tam empti, quam redempti. »

Error
Marcio-
nis hinc
inferen-
tis, ho-
minem
esse crea-
turam
diaboli.

25. QUEM (Christum) PROPOSUIT DEUS PROPITIATIONEM PER FIDEM IN SANGUINE IPSIUS (1). — « Propitiationem : » ita legunt Biblia Romana. Græcum ἱλαστικὸν verti potest cum Theophylacto, *propitiatorium*, ut alludat Paulus ad propitiatorium, sive tabulam auream tegentem arcam (hanc enim Septuaginta, quos sequi solet Paulus, vocant ἱλαστήριον), quæ erat quasi thronus clementiæ Dei, ex quo propitiatus dabat responsa, indeque hebraice vocatur כַּפֹּרֶת *capporet*, id est placatorium, reconciliatorium, propitiatorium, eratque figura Christi propitiatoris, Exodi XXV, 17 : ita Theodoretus, Theophylactus, Origenes; q. d. Paulus : Pro veteri typico propitiatorio, dedit jam Deus anti-typum verum propitiatorium, ipsum scilicet Christum.

Vers. 25

Unde secundo, clarius propitiatio hic idem est, quod propitiator (ita Syrus, vide can. 21), scilicet victima propitiatus et placans Deum hominibus, idque « per fidem in sanguine ipsius, » id est, per fidem sui sanguinis et passionis, q. d. Qui fide credunt Christum passum et mortuum esse, itaque factum esse propitiatorem pro peccatis nostris, his voluit Deus Christum esse propitiatorem. Ita Anselmus. Vel plenius sic, q. d. Propitiationis vel reconciliationis Christi voluit nos Deus participes fieri per fidem, qua credimus eum esse nos-

(1) Vers. 25 et 26 : Quem (Christum) Deus proposuit expiatorem, per fidem in ejus morte collocandum, ut ostenderet justitiam et amorem suum, in eo quod credentibus remisit peccata olim ab ipsis commissa, pro sua lenitate : ut appareat, inquam (repetit enim quod dixerat, ut sæpe solet, ubi quid altius vult infingere animis), eum esse justum ac benignum, et absolvere quemlibet credentem in Jesum.

trum propitiatorem, qua fide excitamur in spem veniæ, amorem Dei et peccatorum detestationem, itaque disponimur ad justificationem: ita Concilium Tridentinum, *sess. VI*, cap. II et VI. Pulchre S. Anselmus, lib. *Cur Deus homo*, cap. IX: « Quid, ait, misericordius intelligi valet, quam cum peccatori damnato æternis tormentis, et unde se redimat non habenti, Deus Pater dicit: Accipe unigenitum meum, et da pro te; et ipse Filius: Tolle me, et redde pro te? »

Vana fides specialis justificantis hæreticorum. Nihil ergo hic habent hæretici pro fide speciali justificante, qua scilicet certissime credam mihi, mihi, inquam, in particulari et in individuo per Christum esse remissa peccata; itaque hoc ipso, quod id credo, peccata mihi remitti meque justificari, ut ipsi volunt. Nil enim tale dicit hic Apostolus; sed verba ejus generalia sunt: « Per fidem, ait, in sanguine ipsius, » id est per fidem passionis Christi.

Aliter Chrysostomus, Theodoretus, Ambrosius et Toletus, *in sanguine* referunt ad propitiatorem, *q. d.* Christus sanguine non animalium aut alieno, sed suo factus est propitiator. Sed hi trahunt et interjiciunt *per fidem*. Prior ergo sensus planior est. Adde, tunc vertendum esset, *in sanguine suo*, non *ipsius*, ut vertit Noster. Alioqui si Græca solum spectes, et phrasim Apostoli, sensus hic S. Chrysostomi probabilior est: solet enim Apostolus verba trahere, ut dixi *Can. 38*.

AD OSTENSIONEM JUSTITIÆ SUÆ. — Refert hæc verba ad quem proposuit Deus propitiationem, ad hoc scilicet, ut per eum ostenderet justitiam suam. Jam per justitiam hic Theodoretus intelligit bonitatem: hanc enim vel maxime ostendit Deus in Christo.

Secundo, Ambrosius per justitiam accipit fidelitatem, qua Deus, sicuti hanc propitiationem et justitiam per Christum dandam nobis promisit, ita et reipsa præstitit et exhibuit.

Tertio, Origenes justitiam Dei interpretatur justam peccati vindictam, qua Deus noluit gratis remittere peccata, sed pro peccato voluit justum pretium sanguinis Christi sibi persolvi. Verum quia hæc ostensio justitiæ Dei consistit in remissione peccatorum et justificatione nostra, ut sequitur: hinc

Quarto, magis genuine Chrysostomus, Augustinus, Anselmus justitiam hic proprie accipiunt, uti et paulo ante capitur, hoc sensu, *q. d.* Proposuit nobis Deus propitiatorem Christum, hoc fine, ut scilicet divitias justitiæ, qua Deus in se justus est, ostenderet, communicando nobis peccatoribus eandem justitiam; ostenderet, inquam, se esse illum, qui justificat peccatores per Christum, suamque esse hanc justitiam, non hominum. Hæc enim justitia in lege veteri non erat ostensa, nec manifestata. Hunc esse sensum patet ex eo, quod paulo post vers. 26 ita se explicat Apostolus, dicens: « Ut sit ipse (Deus) justus, et justificans eum qui est ex fide Jesu Christi. »

Nota, in hisce Apostoli verbis notari et designari omnes causas justificationis. Nam *prima* causa efficiens est Deus; *secunda*, meritoria est Christus; *tertia*, instrumentalis est sanguis Christi; *quarta*, applicans est fides; *quinta*, formalis est remissio peccatorum per gratiam sanctificantem; finalis denique, est ostensio justitiæ Dei.

Quatuor causas justificationis nostræ.

PROPTER (id est, ad) REMISSIONEM PRÆCEDENTIUM DELICTORUM, — scilicet Adæ et aliorum ante Christum; vel *propter*, id est *per* remissionem. Græce enim *διὰ* cum accusativo apud Atticos significat *per*, *q. d.* Christus omnia etiam præcedentia peccata abolevit; jam ergo amplius non est peccandum post tantum amorem et pretium nobis exhibitum: sat vitiis, sat veneri ventrique datum, nunc vivite Christo.

Nota: pro *remissionem* græce est *ἀπαρτιν*, quod *primo*, condonationem significat. Ita explicat Anselmus, Origenes et noster Interpres, ut *ἀπαρτιν* idem sit quod *ἀφαιρτιν*. *Παρίεναι* enim quandoque significat aliquid de suo remittere et transilire, id est condonare, ut notat Budæus.

Triplex hujus loci intellectus.

Secundo, *ἀπαρτιν* significat tabem, corruptionem, virium remissionem et debilitatem; ita explicat S. Chrysostomus et Theodoretus, *q. d.* *διὰ ἀπαρτιν*, id est, propter tabem præcedentium delictorum, ut scilicet antiqua et quasi tabida peccata et vitia aboleret, et mundum quasi languidum et paralyticum sanaret; hac de causa venit Christus Christique justitia in mundum.

Tertio, S. Augustinus, *De Spirit. et Litt.*, cap. III, et Ambrosius, pro *ἀπαρτιν* legunt *παρτιν*, id est propositum. Jam per *propositum præcedentium delictorum*, intelligunt ipsi benignam Dei voluntatem et beneplacitum, sive *εὐδοκίαν*, qua placuit Deo peccatoribus subvenire, eosque a præteritis suis delictis liberare. Verum primus sensus clarissimus et planissimus est.

26. PRÆCEDENTIUM DELICTORUM (quæ fuerunt) IN SUSTENTATIONE DEI, — *q. d.* Quæ delicta Deus sustentavit, id est toleravit, diu expectavit, donec Christus veniret eaque expiaret, itaque ostenderet justitiam veram in hoc tempore gratiæ, eamque credentibus daret: ita Anselmus.

Vers. 26.

UT SIT IPSE JUSTUS, ET JUSTIFICANS EUM, QUI EST EX FIDE JESU CHRISTI. — « Justus, » id est fidelis in promissis; vel potius « justus, » id est sanctus et rectissimus. Adeo odit peccatum Deus, ut ideo Filium dederit in mortem, ut pro peccato ex justitia satisfaceret, et a peccato homines ad sanctitatem et rectitudinem suam originalem, in qua a Deo conditi erant in paradiso, traduceret; itaque ipse justus suam justitiam nobis communicaret, nosque justificaret per Christum: vide dicta vers. 25.

Christus a Patre datus ut pro peccato ex justitia satisfaceret.

27. UBI EST ERGO GLORIATIO TUA? — qua, o Judæe, gloriaris et arrogas tibi ex circumcisione, sacrificiis aliisque operibus legis Mosaicæ; justitiam.

Vers. 27.

EXCLUSA EST. PER QUAM LEGEM? FACTORUM? NON;

SED PER LEGEM FIDEI. — Nota ex S. Augustino, lib. *D. Spirit. et Litt.*, cap. XIII, et passim contra Pelagianos : Lex factorum est ea, quæ jubet quid sit faciendum ; lex fidei est ipsa fides, quæ impetrat gratiam faciendi quod lex jubet.

Pulehra
antithese
legis
dei, et
factorum.

Lex factorum est lex vetus ; lex fidei est lex nova.

Lex factorum continet præceptum ; lex fidei, auxilium.

Lex factorum dat lucem, ut sciamus ; lex fidei dat virtutem, ut faciamus.

Lege factorum dicit Deus : Fac quæ jubeo ; lege fidei dicimus : Da quod jubes.

Lex factorum est ea, quæ externa opera et facta, eaque multa præscribit ; lex fidei est ea, quæ actiones interiores ordinat, inter quas prima est fides et amor.

Denique quod hic dicit Apostolus, justitiam quærendam esse ex lege fidei, non autem ex lege factorum, idem est cum eo quod dixit cap. II, vers. 29, circumcisionem cordis fieri spiritu, non littera.

VERS. 28. 28. ARBITRAMUR. — Græce λογίζομεθα, id est colligimus et ratiocinamur.

ENIM. — Græce ὅν, id est igitur : est enim hæc omnium hactenus dictorum conclusio, q. d. Igitur ex dictis colligimus et concludimus, « justificari hominem per fidem sine operibus legis. »

JUSTIFICARI HOMINEM PER FIDEM. — Lutherus addit *solum*, q. d. Apostolus : Sola fide sine ullis operibus justificamur. Cumque Catholicus quidam hoc ei objiceret, eumque quasi falsarium argueret, Lutherus ita respondit, ut patet tom. IV operum Germanic. Lutheri, quæ excusa sunt Wittenbergæ, anno Christi 1534, fol. 475, pag. 2 : « Doctor Martinus Lutherus vult sic habere, et dicit Papistam et asinum rem esse unam. Sic volo, sic jubeo, sit pro ratione voluntas. Nolumus enim Papistarum scholares esse, sed judices. Lutherus ita vult, et ait se Doctorem super omnes Doctores totius Papatus. » Audisti Luciferum Lutheri ore loquentem. Dico ergo, Apostolus ait nos justificari per fidem, non solum, sed tanquam radicem, fundamentum et initium justificationis : ita Concilium Tridentinum, sess. VI, cap. VIII ; « per fidem, » inquam, talem, quæ ad spem, poenitentiam et charitatem se diffundat, ut patet *Galat.* v, 6 ; *1 Cor.* XIII, 3. Adde, justitiam ab Apostolo fidei præ aliis virtutibus tribui, eo quod fides clare ostendat homines justificari, non propria virtute aut merito, sed Christi, in quem credentes salvi fiunt. Hæc enim initio Ecclesiæ maxime inculcanda erat mundo.

Lutherus alter
Lucifer.

Fides radix et
fundamentum
justificationis.

Locus contra
Novantes,
non sola fide

Ubi nota : Cum Apostolus hic passim fidem ab operibus separat et distinguit, opera intelligit legis, non solum cæremonialia et judicialia, ut volunt Ambrosius et Theophylactus, sed et moralia, sive decalogi (ut recte docet S. Augustinus, *De Spirit. et Litt.*, cap. IV), solo legis dictamine, et solis naturæ viribus facta. Sub fide vero gratiam,

spem, charitatem cæterasque virtutes Christianas collocat et complectitur. Id ita esse patet *primo*, ex cap. XII, vers. 3, ubi gratias, dona, virtutes quas Deus variis varie distribuit, vocat Paulus « mensuram fidei, » quam cuique Deus dividit. Idem clare patet ex epist. S. Jacobi, cap. II, vers. 21 et seq., ubi sic ait : « Abraham pater noster, nonne ex operibus justificatus est, offerens Isaac filium suum super altare ? Vides quoniam fides cooperabatur operibus illius ; et ex operibus fides consummata est ? et suppleta est Scriptura dicens : Credidit Abraham Deo, et reputatum est illi ad justitiam. » Quid clarius contra Novantes, qui ex sola fide hominem justificari volunt, dici posset ?

Secundo, idipsum patet ex scopo Apostoli. Tantum enim vult Apostolus hic probare necessitatem fidei et gratiæ Christi, ex eo quod opera sive legis, sive naturæ, sine hac fide et gratia Christi non potuerint nos a peccato justificare ; alioquin enim gratis mortuus esset Christus. Hoc autem non sequitur, si dicamus justificari nos ex operibus factis ex gratia Christi, quia illa habemus a Christo ; unde de illis, non in nobis, sed in Christo gloriamur, imo per illa magis illustramus fidem et gratiam Christi. Ita Patres et S. Augustinus, *De Fide et Operib.*, cap. IV. Agit enim Apostolus contra Judæos, qui jactabant opera non fidei, sed legis. Vide *Can.* 2 et 3.

Per opera
meritoria
nostra non
minuitur,
sed illustratur
gratia Christi.

Dices : Non videtur Apostolus hic agere contra Judæos ; nam Judæi habuerunt ante Christum fidem Christi venturi, et ex ea justificati sunt.

Respondeo : Ita est ; sed, cum Christus venit, tunc Judæi hanc fidem in Christum amiserunt, et sine fide Christi, quem recipere noluerunt, asseruerunt sibi deberi justitiam ex operibus legis, puta ex circumcisione, sacrificiis aliisque lustrationibus et observantiis legis ; itaque a justitia et salute exciderunt. Unde solenter annotavit S. Augustinus, loco jam citato, quod S. Jacobus timens ne quis ex S. Paulo erraret putaretque solam fidem justificare, scripserit suam epistolam hoc fine, ut doceat opera requiri ad justificationem. Cum ergo S. Paulus negat opera justificare, intelligit opera legis et naturæ, quæ fiunt per legem et naturæ vires, seclusa fide et gratia Christi. Cum vero S. Jacobus asserit opera justificare, opera intelligit facta ex fide et gratia Christi. Atque, ut ait S. Augustinus, lib. LXXXIII *Quæst.*, cap. LXXVI, Paulus intelligit opera quæ fidem præcedunt, Jacobus vero intelligit opera quæ fidem sequuntur.

S. Jacobus scripsit epistolam suam pro operibus, ne quis ex epistolis Pauli erraret, omnia quasi tribuentis fidei.

Licet vero Paulus generatim loquatur de operibus cujuslibet legis, etiam naturalis et decalogi, ut patet vers. 20 : « Per legem, ait, cognitio peccati ; » et cap. II, vers. 12, 13 et 14, ubi ait factores legis, non auditores justificari, et Gentes naturaliter facere ea quæ legis sunt : tamen, cum ait nos justificari per fidem sine operibus legis, per opera legis præcipue accipit opera cæremon-

Paulus loquitur de operibus ante fidem, Jacobus de operibus post fidem.

nialia et lege cæremoniali præcepta, qualia sunt circumcidere præputium, lustrare se aqua lustrali, offerre victimas pro peccato, etc. Nam loquitur de ea lege quæ opponitur fidei, fidei autem proprie opponitur non decalogus, sed lex cæremonialis, quia figura erat, sicut fides est veritas: figura autem et veritas opponuntur. Id patet ex hoc versu, ubi fidem opponit operibus legis, illique, non his, justificandi vim tribuit; et vers. 30: « Unus, ait, est Deus, qui justificat circumcisionem (circumcisum) ex fide, et præputium (præputiatum Gentilem) per fidem; » et vers. 31: « Legem ergo destruimus per fidem? absit; sed legem statuimus. » Ex quibus omnibus liquet, Apostolum præcipue agere hic de lege, quæ tanquam umbra et figura opponitur fidei, tanquam veritati et corpori; ac consequenter « opera legis » vocari ab eo opera legis cæremonialis potius quam naturalis et decalogi. Ita Maldonatus. Vult enim nos justificari per fidem, non per circumcisionem, aliasque cæremonias et sacrificia legis veteris, quibus se justificari putabant Judæi.

Vers. 29. 29. AN JUDÆORUM DEUS TANTUM? NONNE ET GENTIUM? — Est novum argumentum, quo probat Paulus ex absurdo nos justificari, non ex operibus legis, sed ex fide Christi: quia scilicet si ex operibus legis justificaremur, ergo justitia alligata esset legi Mosaicæ et Judææ, ac consequenter Deus videretur tantum Judæorum habere curam, esseque Judæorum Deus tantum, non Gentium, quod est absurdum.

Vers. 30. 30. UNUS EST DEUS (Judæorum et Gentium), QUI JUSTIFICAT CIRCUMCISIONEM (id est circumcisos; puta Judæos) EX FIDE, ET PRÆPUTIUM (id est præ-

putiatos, puta Gentiles: vide *can. 21*) PER FIDEM.

31. LEGEM ERGO DESTRUIMUS PER FIDEM? — Occurrit objectioni Judæorum dicentium: Tu, Paule, justitiam adimis legi, eamque arrogas fidei, ergo legem destruis per fidem. Respondet Paulus:

ABSIT: SED (potius) LEGEM STATUIMUS. — Quia lex statuitur et confirmatur ex eo quod illa quæ lex illa significabat et promittebat, per Evangelium (quod fidem hic appellat Paulus) completa sunt. Messias enim in lege nova adimplevit, et adimplendo quasi stabilivit et confirmavit quidquid Moses præfiguravit in lege veteri.

Nota: Opponit Paulus verbum ἱσθάνω (quod respondet Hebræo חָקַק *hekik*), id est statuo, stabilio, facio ut aliquid stet, alioqui vacillans et casurum, verbo καταργέω (quod respondet Hebræo הָפִיר *hephir*), id est destruo, aboleo, irritum facio, q. d. Ego per Evangelium adeo legem non destruo, non dejicio, ut eam per hoc stare faciam, stabiliam et confirmem. Evangelium enim est confirmatio, ratificatio, obsecratio legis et Prophetarum. Præclare S. Prosper, in *Sententiis excerptis* ex S. Augustino, quæ habentur in fine tom. III S. Augustini, num. 44: « Lex, ait, data est ut gratia quæreretur, gratia data est ut lex impleretur. Neque enim suo vitio non implebatur, sed vitio prudentiæ carnis, quod vitium per legem demonstrandum, per gratiam sanandum fuit (1). »

Evangelium est confirmatio et obsecratio legis et Prophetarum.

(1) Ostendit Paulus ab hoc commate 31 usque ad cap. iv, 25, doctrinam Apostolicam de fide non repugnare doctrinæ veteris Test., sed potius cum ea optime consentire: Per legem h. l. intelligitur doctrina quæ in sacris libris veteris Testam. continetur; fides vero est doctrina de fide.

CAPUT QUARTUM.

SYNOPSIS CAPITIS.

Pergit probare exemplo Abraham, non per opera legis aut naturæ, sed per fidem Christi, omnes justificari.

Ita Origenes et Œcumenius.

Primo ergo urget illa verba Genes. xv: Credidit Abraham Deo; et reputatum est illi ad justitiam.

Secundo, vers. 10, docet hæc verba dicta esse Abraham ante datam ipsi circumcisionem, quam postea Abraham accepit, ut esset signaculum justitiæ jam acceptæ per fidem: indeque concludit nos pari modo, non per circumcisionem aut legem, sed per fidem justificari.

Tertio, vers. 13, docet non per legem, sed per fidem nos amplecti et participare benedictionem, id est justitiam et salutem Abraham ejusque semini gratuito promissam, adeoque omnes eos, qui Abraham fidem imitantur, sive ii Gentiles sint, sive Judæi, veros esse Abraham filios et hæredes.

Quarto, vers. 18, exaggerat Abraham fidem, quod contra spem in spem crediderit se senem ex Sara anu et sterili generaturum Isaac, et semen a Deo promissum; indeque vers. 23, infert hanc Abraham fidem nobis imitandam esse, si justificari et salvari velimus.

1. Quid ergo dicemus invenisse Abraham patrem nostrum secundum carnem? 2. Si enim Abraham ex operibus justificatus est, habet gloriam, sed non apud Deum. 3. Quid

enim dicit Scriptura? Credidit Abraham Deo : et reputatum est illi ad justitiam. 4. Ei autem, qui operatur, merces non imputatur secundum gratiam, sed secundum debitum. 5. Ei vero, qui non operatur, credenti autem in eum qui justificat impium, reputatur fides ejus ad justitiam secundum propositum gratiae Dei. 6. Sicut et David dicit beatitudinem hominis, cui Deus accepto fert justitiam sine operibus : 7. Beati, quorum remissae sunt iniquitates, et quorum tecta sunt peccata. 8. Beatus vir, cui non imputavit Dominus peccatum. 9. Beatitudo ergo hæc in circumcisione tantum manet, an etiam in præputio? Dicimus enim quia reputata est Abrahæ fides ad justitiam. 10. Quomodo ergo reputata est? in circumcisione, an in præputio? Non in circumcisione, sed in præputio. 11. Et signum accepit circumcisionis, signaculum justitiæ fidei, quæ est in præputio : ut sit pater omnium credentium per præputium, ut reputetur et illis ad justitiam : 12. et sit pater circumcisionis, non iis tantum qui sunt ex circumcisione, sed et iis qui sectantur vestigia fidei : quæ est in præputio patris nostri Abrahæ. 13. Non enim per legem promissio Abrahæ, aut semini ejus, ut hæres esset mundi : sed per justitiam fidei. 14. Si enim qui ex lege, hæredes sunt, exinanita est fides, abolita est promissio. 15. Lex enim iram operatur. Ubi enim non est lex, nec prævaricatio. 16. Ideo ex fide, ut secundum gratiam firma sit promissio omni semini, non ei qui ex lege est solum, sed et ei qui ex fide est Abrahæ, qui pater est omnium nostrum, 17. (sicut scriptum est : quia patrem multarum gentium posui te), ante Deum, cui credidit, qui vivificat mortuos, et vocat ea quæ non sunt, tanquam ea quæ sunt. 18. Qui contra spem in spem credidit, ut fieret pater multarum gentium, secundum quod dictum est ei : Sic erit semen tuum. 19. Et non infirmatus est fide, nec consideravit corpus suum emortuum, cum jam fere centum esset annorum, et emortuam vulvam Saræ. 20. In repromissione etiam Dei non hæsitavit diffidentia, sed confortatus est fide, dans gloriam Deo : 21. plenissime sciens quia quæcumque promisit, potens est et facere. 22. Ideo et reputatum est illi ad justitiam. 23. Non est autem scriptum tantum propter ipsum, quia reputatum est illi ad justitiam; 24. sed et propter nos, quibus reputabitur credentibus in eum, qui suscitavit Jesum Christum Dominum nostrum a mortuis, 25. qui traditus est propter delicta nostra, et resurrexit propter justificationem nostram.

Vers. 1. 1. QUID ERGO DICEMUS INVENISSE ABRAHAM? — *q. d.* Quam justitiam, an fidei, an operum legis dicemus Abraham invenisse, id est accepisse? et, ut Syrus, adeptum esse? hoc enim Hebræis est *נָדַם מַלְטָא*, id est invenire. Sic dicitur *Lucæ* 1, et alibi : « Invenisti gratiam apud Deum, » id est nacta et adepta es Dei favorem et benevolentiam (1).

Vers. 2. 2. SI ENIM ABRAHAM EX OPERIBUS JUSTIFICATUS EST, HABET GLORIAM, SED NON APUD DEUM, — *q. d.* Si Abraham tantum habet eam justitiam, quæ ex operibus est legis aut naturæ, seclusa fide, sane ea parva est et politica, tantum habens gloriam et laudem justitiæ apud homines, qui opera externa vident et mirantur; non autem apud Deum, qui internam mentem et fidem videt et æstimat, in eaque collocat veram justitiam. Hisce tribus

(1) *Vers. 1.* Quid, exempli gratia, Abrahamum dicemus consecutum esse secundum carnem, id est, ob opera externa, ut sunt circumcisio, oblationes, sacrificia; vel, ut ait Allioli, ob meram legis adimplerionem? *Vers. 2.* Si enim, id est, sane, profecto, si Abrahamus, etc.

primis capitis versibus nonnulla supplenda sunt; ea ergo sic supple et connecte : « Quid ergo dicemus Abraham patrem nostrum invenisse secundum carnem? » (sic enim græca habent, ut verbum *invenisse* in Latino trajiciendum sit et jungendum cum *et secundum carnem*), quasi dicat : Quid fructus invenit, id est adeptus est Abraham ex circumcisione carnis, et ex cæremoniis nudam carnem tangentibus? subaudi, nihil. Hujus responsionis mox causam reddit *vers. 2*, dicens : « Si enim Abraham ex operibus (ex circumcisione sui et suorum) justificatus est, habet gloriam, sed non apud Deum : » hoc est, si enim ex operibus carnis jam dictis justitiam consecutus esset, habuisset gloriam, sed non apud Deum; jam autem certum est eum etiam apud Deum gloriam habuisse, scriptum est enim : « Credidit Abraham Deo, et reputatum est ei ad justitiam. » Ergo non ex operibus carnis, sed quia credidit, id est ex fide, justitiam consecutus est. Hinc ergo patet Apostolum maxime de operibus cæremonialibus loqui. Possunt tamen generatim opera accipi,

quæcumque solis naturæ viribus sine fide et gratia Christi sunt facta, uti communiter exponunt interpretes, sicut dicam vers. 4 et 5, hæc enim a negotio justificationis excludit Apostolus.

Pars 3. 3. QUID ENIM DICIT SCRIPTURA? — Probat Paulus ex Scriptura, *Genes. xv*, quod Abraham justitiam et gloriam apud Deum adeptus sit, non ex operibus legis, sed ex fide.

Mira & des Abrahami. CREDIT ABRAHAM DEO — promittenti sibi et Saræ conjugibus, senibus, sterilibus, infirmis et impotentibus ad generandum, semen, id est posteritatem, tum carnalem ex Isaac, tum spirituales ex Christo, credentium et Christianorum. Unde hoc credere « reputatum est illi ad justitiam, » quia hic actus fidei in Abrahamo fuit valde heroicus, ut patebit vers. 18.

Error Novantium, qui dicunt nos Christi justitia justificari. ET REPUTATUM EST ILLI AD JUSTITIAM. — *Genes. xv*, 6, in Hebræo habetur וַיַּחֲשֶׁבָה לוֹ צְדָקָה *vajacsebeha lo tsedaka*, id est, et reputavit illam, scilicet fidem, Deus illi ad justitiam: non quasi justitia Christi, id est Christo inhærens, per fidem imputetur Abraham et nobis, nosque justos formaliter non efficiat, sed denominet, uti fingunt Novantes. Sic enim dixisset Scriptura: Imputavit Deus Abraham justitiam Christi; jam autem contrarium dicit, scilicet quod Deus ipsi Abraham fidem, non Christi, sed ipsiusmet Abraham, imputarit ad justitiam.

Sensus ergo hujus phrasæ est: Fides tam Abraham quam nostra, quæ ex natura sua, uti actus est hominis, non est justitia, nec justitiam parere aut producere potest, a Deo tamen acceptatur ad justitiam tam Abraham, quam nobis tribuendam; ut scilicet propter hanc fidem, Deus Abraham et nobis justitiam largiatur et infundat, reputetque nos justos, amicos et filios suos. Et hoc est, quod subdit Apostolus vers. 5: « Secundum propositum gratiæ Dei, » id est secundum gratiosam, benevolam et liberalem Dei voluntatem, quæ statuit, ut per actum fidei formatæ, id est per contritionem, gratia justitiæque detur sine operibus, id est sine merito operum: reputari enim dicitur pro tali, quod in se tale non est, uti voluntas pro facto reputari dicitur. Ita Concilium Tridentinum, sess. VI. Ubi nota plane aliud est imputare fidem ad justitiam, vel pro justitia, aliud imputare justitiam, ut patebit vers. 6.

Gratia justitiæque quando et quomodo datur sine operibus. Alii sic explicant, q. d. Paulus: Abraham fides reputata est ei pro justitia, scilicet inchoata, id est pro via et dispositione ad justitiam.

Fides justitia inchoata est. Verum quia S. Jacobus, cap. II, 23, addit: « Et amicus Dei appellatus est, » hac de causa, justitia hic non inchoata, sed completa accipienda videtur.

Abraham justus per fidem magis justificatus est: sic et peccator per fidem justificatur. Dices: Abraham jam erat justus, et per hoc credere, tantum factus est justior et sanctior; quomodo ergo concludit Apostolus: Si Abraham ex fide factus est justior, ergo necesse est ut impius et peccator per fidem pariter justificetur fiatque justus? Alia est enim ratio primæ, alia secundæ justificationis: alioque modo justificatur peccatores, alio just, dum fiunt justiores.

Respondent aliqui, negando Abraham fuisse justum: ita Anselmus et S. Augustinus, præfat. in *Psal. xxxi*. Verum Abraham jam tum fuisse justum, sat patet *Genes. xv*, 1; ad *Hebræos xi*, 8, et idipsum docent passim alii interpretes.

Unde respondet secundo Pererius, esse hic argumentum a minori ad majus: Si Abraham jam justus adeptus est augmentum justitiæ non per opera legis, sed per fidem, qua credidit Deo promittenti magnam seminis posteritatem, *Genes. xv*, ergo multo magis initium justitiæ, seu primam justificationem, adipisci non possumus viribus naturæ, sed gratiæ tantum et fidei jam in Christum et per Christum propositæ, uti vers. 5 et sequenti explicat Paulus. Hæc expositio est probabilis.

Tertio et optime, respondet Toletus: hæc verba, *credidit Abraham*, etc., referenda esse non tantum ad immediate præcedentia, sed ad omnia antecedentia, *Genes. xii* et *xiii*. Vult enim Scriptura Abrahamum, qui pater est credentium et justorum, statuere exemplar justificationis, tum impiis, ut docet hic Paulus, vers. 5, tum justorum, ut docet Paulus, vers. 20 et seq., et Jacobus, cap. II, vers. 23. Vult ergo sacra Scriptura dicere et asserere, Abrahamum tam primo justificatum esse per fidem, cum primo Deo credidit, quam secundo justificatum esse, hoc est, justiore factum esse, et in justitia accepta crevisse, per fidem, qua secundo et deinceps Deo dicenti, loquenti, promittenti et præcipienti credidit.

Nota in Abrahamo non fuisse fidem nudam, sed sperantem, diligentem, invocantem, obediens, et vestitam charitatis et obedientiæ operibus, quibus Deum vocantem secutus est, peregrinans tanto tempore per tot labores in Chanaan, quibusque postea obtulit Deo filium suum Isaac in holocaustum, ut docet S. Jacobus, II, 23; et Paulus, *Hebr. xi*, 8; et Moses, *Genes. cap. xii*, vers. 4 et seq.

Dices: Abraham hic sua fide non credidit in Christum, sed in Deum promittentem sibi semen; quomodo ergo ex hac Abraham fide, qua ipse justificatus est, infert hic Apostolus ad justificationem nostram requiri fidem in Christum?

Respondeo, Abraham etiam in prima sua justificatione credidisse in Christum. Hoc enim licet in Genesi non exprimat Moses, tamen ex hoc aliisque Pauli locis, atque ex Evangelii idipsum certo constat. Passim enim Evangelistæ et Paulus docent neminem post lapsum potuisse justificari sine fide in Christum propitiatorem. In secunda vero justificatione non est necesse, quod Abraham actu explicito crediderit in Christum, uti nec jam idipsum in secunda nostra justificatione necessarium est.

Rursum ex fide Abraham in Deum promittentem semen, recte infert Apostolus fidem nostram in Christum, quia fides jam requisita a Deo ad justitiam, est fides in Christum; *Genes. autem xv*, Deus

Fides Abrahami fuit sperans, diligens, invocans, obediens.

Abraham in prima justificatione credidit in Christum.

ab Abrahamo tantum requisivit et exegit fidem seminis sui.

Christus præcipuum obiectum fidei
Abrahæ.
Adde Abrahamum, dum credidit hoc semen, implicite credidisse in Christum, qui primus, imo principium et finis erat in hoc semine Abrahæ promisso.

Denique credere ex tam impotentibus parentibus, Abrahamo scilicet et Sara, nasciturum tale semen, tum carnale, tum spiritale, quod credidit Abraham, arduus fuit fidei actus et amplissimus, omnia alia credenda tacite complectens. Unde recte proponitur tam a Mose, quam a Paulo quasi exemplar fidei, etiam primo justificantis.

Quæres, an Paulus hic de eadem justificatione loquatur, de qua loquitur Jacobus, cap. II, vers. 23, cum ait Abraham ex operibus justificatum esse. Negat Toletus et alii nonnulli: putant enim Paulum loqui de prima justificatione, quæ non est ex operibus, id est ex merito operum: Jacobum vero loqui de secunda justificatione, seu de justitiæ augmento; hoc enim meremur per opera bona.

Verum melius censent alii, tam Paulum quam Jacobum de utraque justificatione, prima scilicet et secunda loqui.

Paulus et Jacobus loquuntur de prima et secunda justificatione Abrahæ.
Primo, quia uterque producit justificationis Abrahæ exemplum: hæc autem justificatio Abrahæ, tam prima, quam secunda accipi debet, uti paulo ante ostendi.

Secundo, quia Jacobus profert exemplum Raab, quæ impia erat et meretrix. Ergo cum ipse ait eam adeptam esse justitiam, primam intelligit. Fuit idipsum ex testimonio S. Augustini et aliorum Doctorum probat Gabriel Vasquez, tom. II, in I II, disp. 240, cap. VIII. Paulus ergo cum excludit a justificatione opera, intelligit opera viribus naturæ facta, ut dixi cap. III, vers. 30. Jacobus vero dum ad justificationem requirit opera, intelligit opera ex fide et gratia facta: hæc enim ad utramque justificationem requiruntur; quia tam acquirendæ, quam augendæ justificationis in hoc æqua est ratio, sed in modo est differentia: ad primam enim justificationem opera tantum disponunt, secundam vero merentur non quatenus sunt opera hominis, vel naturæ, sed quatenus fiunt ex fide et gratia Christi (sic enim non hominis, sed Christi Deique sunt opera). Unde sub fide ea Paulus complectitur.

Prima et secunda justificatio est gratuita.
Atque hæc est causa, cur tam secunda, quam prima justificatio dicatur fieri gratis. Sicut enim gratis facti sumus justi, ita gratis quoque magis justificari dicimur, eo quod gratis fidem et gratiam, qua meremur secundam justitiam, id est justitiæ augmentum, accepimus: « Quid enim aliud, ait S. Augustinus, Deus dum nostra opera, quam sua dona coronat? » Quo sensu Apostolus quoque vitam æternam, quam tamen meremur, vocat gratiam, cap. VI, vers. ultim. Denique hinc docent Theologi, actum fidei esse meritorium in homine justificato, uti fuit in Abrahamo.

4. EI AUTEM QUI OPERATUR, MERCES NON IMPUTATUR Vers. 4. SECUNDUM GRATIAM, SED SECUNDUM DEBITUM. 5. EI VERO QUI NON OPERATUR (id est qui non affert sua opera suæ naturæ viribus facta, nec ex iis quærit aut sperat justitiam, quasi mercedem iis debitam), CREDENTI AUTEM IN EUM QUI JUSTIFICAT IMPIUM, REPUTATUR FIDES EJUS AD JUSTITIAM (id est hic per fidem justificatur, ut dixi vers. 3) SECUNDUM PROPOSITUM (id est liberale decretum) GRATIÆ DEI. — De hoc proposito plura dicam cap. VIII, vers. 28. Hæc est argumentatio Apostoli: Abraham justificatus est gratis per fidem, quia scilicet credidit Deo, qui sua gratia justificat impium; non autem, quia bene suo Marte operatus est, aut quia suis bonis operibus meritus est hanc justitiam: ergo et nunc hæc justificatio impiis et peccatoribus obtingit, non ex eorum operibus et meritis, sed gratis ex fide Christi, quem Deus proposuit nobis redemptorem et propitiatorem. Nam quod datur per fidem et gratiam, non merces est, sed gratia: quod vero datur pro operibus sive pro merito operum, merces est, non gratia. Cum ergo justificatio Abrahæ et nobis obtingat gratis per fidem, sequitur eam non obtingere ex operibus, ut operum et meritum nostrorum sit merces.

Justificatio per fidem non est ex operibus, sed gratuita.

6. SICUT ET DAVID DICIT (Psal. XXXI, 1) BEATITUDINEM HOMINIS (græce μακαριότητα, id est beatificationem, scilicet justificationem, illius hominis esse, id est beatum et justum esse hominem illum), CUI DEUS ACCEPTO FERT (græce λογίζεται, id est censet, reputat, ascribit) JUSTITIAM (hoc est, quem Deus censet et reputat esse justum) SINE OPERIBUS, — id est, non ex virtute aut merito operum, sed ex propria sua gratia.

Vers. 6.

Nota hæc tria idem esse Apostolo, scilicet reputari, imputari et accepto ferre justitiam, eumque hac phrasi uti, quia potissimus effectus justitiæ est Deo placere, Deo esse gratum et acceptum, a Deo reputari pro amico, justo et sancto. Deus enim justificans gratuito remittit peccata et acceptat hominem ad suam amicitiam, ideoque infundit homini inhærentem justitiam, sicut rex munificus, quem Equitem sibi socium creat, dat ei vellus aureum: idque vel ex eo patet, quod vers. 3, 4, 5, dicit Apostolus fidem, quæ homini utique inhæret, imputari, id est acceptari, ad justitiam; et operanti mercedem imputari, id est computari pro debito; quia revera omnium iudicio et computo debetur operario merces, operi promissa. Unde Budæus: λογίζεσθαι, inquit, verbum est arithmeticum, sicut ἀρρολογεῖν, musicorum, ἀνυλόειν, geometrarum: λόγος enim rationem et computum significat. Sicut ergo merces, quæ computatur et numeratur fossori aut messori, non per heri imputationem vel æstimationem, sed per propriam laboris computationem, rationem et æstimationem, est merces; ita pariter justitia a Deo nobis computata et annumerata non per solam computantis imputationem, sed per seipsam, suamque intrinsecam rationem, computa-

Gratia non tantum per Dei imputationem, sed intrinsece est justitia nostra.

Quia autem λογίζεσθαι, id est, imputare justitiam?

tur, æstimatur, et reipsa est vera et realis justitia.

Secundo, idipsum patet ex eo quod, vers. 8, simili modo dicit Apostolus, peccata imputari homini. Certum est enim, teste Calvino, peccata revera inhærere homini peccatori. Sic violatio voti dicitur reputari in peccatum, *Deuter. XXIII, 21*; et *Deut. XXIV, 13*, detentio mercedis alienæ dicitur reputari in peccatum. Constat autem hæc non tantum reputari, sed etiam revera in se esse peccata. Nec enim Deus, qui juste judicat, in peccatum reputare et quasi peccatum punire potest opus aliquod, quod vere in se non est peccatum. Unde evidens est, hanc justitiam, quam Deus nobis reputat, imputat et computat, non esse justitiam Christi nobis imputatam: hæc enim homini est extrinseca; justitia autem nostra nobis est intrinseca et inhærens, sicut et peccatum, dum peccamus, nobis intrinsecum est, intimeque inhæret.

Dicitur tamen hæc justitia nobis a Deo reputari vel imputari, quia Deus in homine vere reputat, imputat et æstimat id quod in homine est et existit, non autem id quod in eo non est, sed inesse putatur et fingitur. Est enim Deus verissimus æstimator ac ponderator omnis justitiæ et peccati, virtutis et vitii. Imputare ergo Deum alicui justitiam, est Deum æstimare eum esse justum, quia scilicet ei Deus condonavit peccata, et justitiam inhærentem infudit.

Dices: Si ita est, cur ergo Paulus idipsum hicclare non expressit? cur non dixit inhærere nobis justitiam, potius quam reputari?

Respondeo: Paulus toties hic utitur verbo imputandi, quia eo usus erat Moses in fide Abrahæ: hæc enim Abrahæ, ut ait Moses, reputata est ad justitiam. Hoc enim fidei et justificationis Abrahæ exemplum hic perurget Apostolus, ideoque verbis Mosis mordicus insistit: Abrahæ autem non dicitur imputata justitia Christi, sed fides propria, ut patet ex ipsis Mosis et Pauli verbis.

Nil ergo habent hic Novantes pro sua justitia imputativa Christi: imo potius contrarium hinc evincitur. Fides enim Abrahæ non fuit imputata illi in se, quasi hæc fides Christo, vel alicui alteri fuerit propria; Abrahæ vero fuerit a Deo imputata, quia hæc fides Abrahæ fuit propria, non aliena, non imputata, illique vere et proprie inhæsit; sed fides hæc dicitur illi imputata ad justitiam, quia ratione et respectu fidei quam Deus acceptavit, tribuit ei et donavit justitiam. *Λογίζουαι* enim, a *λογος*, significat cum ratione, vel ob rationem aliquam aliquid æstimare. Sic hic Deus æstimavit, acceptavit, habuit Abraham justum, et acceptando fecit eum justum justitiamque inhærentem ei infudit; respectu et ratione fidei illius, quia scilicet ipse credidit Deo promittenti rem tam novam, arduam, naturaliter impossibilem et incredibilem: quod ita Deo placuit, ut eum ad suam amicitiam acceptarit, eumque gratia et justitia sua dignatus sit. Atque hæc est causa, cur

XLIII.

Moses in justificatione Abrahæ usus sit verbo *חשב* *chasab*, sive *λογίζουαι*, id est æstimare, imputare.

7. BEATI QUORUM REMISSÆ SUNT INIQUITATES, — *Vers. 7.* gratuita nimirum condonatione, non meritis operum: hoc enim vult probare Paulus, et hoc proprie est remittere offensas et peccata; scilicet gratis ea condonare.

ET QUORUM TECTA SUNT PECCATA. — «Tecta,» non quasi peccata in justo maneant et lateant, ut vult Calvinus; vel quod Deo dissimulante non imputentur ad poenam, ut vult Lutherus. Hoc enim non patitur perspicax et integra Dei justitia. Sed «tecta,» id est oblitterata, obruta; ita ut non sint, nec existant amplius, quomodo tegitur hiatus terra injecta, et nuditas tegitur vestibus, et maculæ atræ teguntur et auferuntur albo colore inducto. Ita se explicat David, *Psal. L*, cum ait: «Asperges me, Domine, hyssopo, et mundabor; lavabis me, et super nivem dealbabor.» Quod enim sic omnino tectum est, ut nec a Deo videatur, hoc omnino non est. Ita S. Augustinus, lib. I *Contra duas epistol. Pelagian.*, cap. XIII: «Tecta, ait, sunt peccata, non quasi ibi sint cooperta et vivant, sed tecta sunt et abolita sunt. Si texit peccata Deus, noluit advertere; si noluit advertere, noluit animadvertere, noluit punire, noluit agnoscere; maluit ignorare;» si ignovit peccata, ergo sustulit. Sic et Nazianzenus, orat. in *S. Lavacrum*, et Gregorius, in *Psal. II pœnitentialem*, dicunt peccata tegi a Deo in justificatione, eo modo, quo vulnera a medico teguntur emplastro, per quod plane curantur et abolentur, ita ut nusquam appareant. Origenes quoque hic et Theodoretus, in *Psal. XXXI*, dicunt tegere peccatum, significare peccatum ita stirpitus eradicare, ut ne vestigium quidem remaneat.

Notat Origenes hic et S. Ambrosius, lib. II *De Pœnitent.*, cap. V, peccatum per pœnitentiam remitti, sed per bona opera tegi. Unde et S. Gregorius, hom. 4 in *Ezech.*: «Peccata, inquit, tegimus, cum bona facta malis actibus superponimus: quando ergo abdicamus mala quæ fecimus, et eligimus bona quæ faciamus, quasi tegumen ei rei superducimus, quam erubescimus videre.» Hic sensus tropologicus est.

Secundo, S. Hieronymus, in *Psal. XXXI*, dicit peccata tegi, quia peccata, inquit, quæ hic deleta sunt per pœnitentiam, in die judicii non manifestabuntur, sed tegentur et celabuntur. Verum hoc sane accipi debet; nam in die judicii omnia ejusque opera revelabuntur et judicabuntur. Unde et peccata, licet per pœnitentiam remissa, tunc manifestabuntur (hoc enim exigit publicum, plenum et exactum tam de peccatis, quam de eorumdem pœnitentia, Dei Christique judicium). Dicuntur tamen tegenda, quia per pœnitentiam tecta et condonata declarabuntur; itaque pœnitenti non ad ignominiam, sed ad laudem et gloriam cedent.

Tertio, Gregorius Nazianzenus, orat. in *S. Bap-*

6

Calvinus et Lutherus peccata hunc locum cooperantur remissionem peccatorum detorqueant. Deus tēgit peccata in ea condonando abolit.

Tropologicè quomodo tegantur peccata?

Omnia peccata revelabuntur in die judicii.

tisma, censet peccata tegi tunc, cum ea remittuntur, sed ita ut eorum reliquæ et habitus pravi in anima adhuc remaneant; remitti vero peccata tunc, cum plane peccatum cum suo habitu et radice ex anima evellitur et expugnatur.

Quarto, alii apud Ambrosium in *Apologia David*, cap. ix, dicunt peccata remitti per baptismum, tegi vero per confessionem et pœnitentiam. Idem Ambrosius, *ibid.* cap. xxiii, asserit peccata remitti ratione gratiæ, tegi ratione charitatis, deleri ratione sanguinis Christi.

Peccata remittuntur per Dei condonationem, teneantur per infusionem gratiæ. Quinto, et genuine, peccata dicuntur remitti per Dei condonationem, tegi vero per infusionem justitiæ; id est gratiæ et charitatis: hæc enim sunt vestes spirituales et pulcherrimæ, quibus animæ nuditas per peccatum inducta tegitur et ornatur. Hæc est enim stola illa prima, qua indutus est filius prodigus, *Lucæ xv*; hæc enim est vestis nuptialis, de qua dicit Christus, *Matth. xxii*: « Amice, quomodo huc intrasti, non habens vestem nuptialem? »

Vers. 8. 8. BEATUS VIR, CUI NON IMPUTAVIT DOMINUS PECCATUM. Nota rō non imputavit non sic esse accipiendum, quasi homo peccet, et tamen Deus ei hoc peccatum non imputet, hoc enim implicat. Sensus ergo est: Beatus est vir cui Deus peccatum condonavit, et consequenter non amplius illud ei imputat; quemque deinceps Deus protegit ne faciat peccatum, quod illi imputet: ratio enim peccati in eo sita est, quod sit offensa Dei, quodque illud Deus nobis imputet ad culpam et pœnam, maxime æternam. Dico æternam: nam remissa culpa, justam satisfactionem exigit Deus pro pœna temporaria, quam vult peccantem luere. Cui ergo Deus offensam non imputat ad culpam, hoc ipso eamdem illi condonat et aufert. Ita B. Justinus, in fine *Dialogi contra Tryphon*.: « Beatus, inquit, cui non imputabit Dominus peccatum, hoc est, qui pœnitenti peccata remittet: non autem sicut prædicatis vosmetipsos fallentes, etiamsi peccatores fuerint, modo Deum noverint, non imputabit eis Deus peccata. »

Notat Nazianzenus, oratione in *S. Baptisma*, Deum tunc non imputare peccatum, quando opus in se vitiosum non deputat culpæ, ob ignorantiam vel rectam intentionem operantis.

Remittitur, teneantur, non imputatur peccata, quomodo differant iuxta Augustinum? Secundo, S. Augustinus, lib. *De Diligendo Deo*, cap. xii, asserit quod remittere peccata, sit ea non ulcisci; tegere vero peccata, sit eadem non impropere; non imputare autem peccata, sit plane et ex corde illa condonare, cum scilicet Deus eum qui peccavit, ita diligit ac si nunquam peccasset.

Tertio, Origenes: Peccata, inquit, remittuntur, cum ab iis peccator per pœnitentiam se avertit; teguntur, cum bonis operibus obruuntur; non imputantur, cum omnis peccati radix ex animo evellitur. Idem habet quoque Nazianzenus supra.

Quarto, Lyranus: Peccata, inquit, non imputare, est ea non deputare ad æternam pœnam,

sed remittere et condonare tam culpam, quam pœnam æternam.

Quinto, S. Hieronymus, in *Psal. xxxi*: Peccata, inquit, remittuntur per baptismum, teguntur per charitatem, non imputantur per martyrium.

Sexto et genuine, Deum non imputare alicui peccatum, est aliquem non habere peccatum: ex eo enim quod quis peccatum non habeat, sed vitet et caveat, sequitur quod Deus illi peccatum imputare non possit. Ponit enim hic Psaltes duas beatitudines hominis justii. Prior est, de qua dicit: « Beati quorum remissæ sunt iniquitates, et quorum tecta sunt peccata, » *q. d.* Beati sunt qui a peccatis sunt expurgati, justificati et charitatis stola tecti et amicti. Posterior, cum mox subdit: « Beatus vir, cui non imputavit Dominus peccatum, » *q. d.* Beatus, imo beator est, qui postquam a peccatis expurgatus est, juste deinceps vivit, omnique studio vitat peccata, ita ut nihil mali faciat, quod ei Deus in peccatum imputare possit.

9. BEATITUDO ERGO HÆC IN CIRCUMCISIONE TANTUM Vers. 9.

MANET, AN ETIAM IN PRÆPUTIO? — Græce non est verbum manet, sed tantum ἐν τῇ περιτομῇ ἢ καὶ ἐν τῇ ἀκροβυστίᾳ, id est, in circumcisionem, an etiam in præputium; supple, cadit et convenit hæc beatitudo? *q. d.* Justitia hæc, quæ, teste Davide, nos beat, quæque inchoata est beatitudo, an ad solos circumcisos, puta Judæos, manavit, an etiam ad præputiatos, puta Gentiles? Interrogatio hæc Apostoli, more Hebræo, non interrogatio, sed acris et vehemens est assertio et conclusio, *q. d.* Ex citatis Davidis verbis, « Beatus vir, cui non imputavit Dominus peccatum, » clare concludere potestis, o Judæi, quod hæc ejus beatitudo et justitia non ad solos circumcisos, sed etiam ad Gentiles pertineat, tum quia verba ejus indefinita sunt et generalia, tamque viro Gentili, quam Judæo conveniunt; tum quia dicit beatitudinem et justitiam nostram sitam esse, non in operibus legis, sed in liberali clementia et condonatione Dei, qui gratis nobis remittit peccata. Justificatio ergo opus est non legis, quam vobis arrogatis, o Judæi, sed gratiæ, quæ communis est omnibus, tam Gentibus quam Judæis.

DICIMUS ENIM, QUIA REPUTATA EST ABRAHÆ FIDES AD JUSTITIAM. — Est secunda ratio, qua probat Paulus justitiam non ad solos Judæos, sed etiam ad Gentiles pertinere: hanc enim suam conclusionem, quæ totius epistolæ est scopus, non tantum Davidis, sed et Abrahæ testimonio probat. Est autem hæc Apostoli ratiocinatio: Abraham ante legem, imo ante circumcisionem justificatus est, non ex circumcisione aliisque operibus legis, utpote quæ nondum erant, sed ex fide: unde et circumcisionem postea accepit, ut esset signum justitiæ acceptæ per fidem: ergo justitia hæc non est ex lege et circumcisione, nec pro lege et circumcisione sola, sed pro omnibus qui fidem Abrahæ sectantur.

10. QUOMODO ERGO REPUTATA EST? IN CIRCUMCI- Vers. 10.

Deum non imputare alicui peccatum, est aliquem peccato carere.

Justificatio est communis Judæis et Gentibus, non a lege, sed a gratia.

Justitia Dei non tantum pro circumcisis, sed etiam pro incircumcisis.

SIONE, AN IN PRÆPUTIO? NON IN CIRCUMCISIONE, SED IN PRÆPUTIO. — « Quomodo, » id est, in quo statu, circumcisionis scilicet, an præputii, judaismi, an gentilismi, ut hic se explicat Apostolus, *q. d.* Circumcisiusne erat Abraham, an præputiatus, cum justificatus est? certum est, quia præputiatus erat : ergo iustitia Abrahæ non tantum pertinet ad vos, o Judæi, sed etiam ad præputiatus Gentiles. Rursum ergo Abraham est justificatus, non ex circumcisione, nec ex operibus legis, ex quibus vos, o Judæi, dicitis petendam esse omnem iustitiam, sed ex fide et gratia quæ communis est tam incircumcisis quam circumcisis. Vides hic Apostolum passim tantum velle a justificatione excludere opera et cæremonias legis, non autem opera quæ manant ex fide et gratia Christi.

Abraham adhuc præputiatus, iustificatus est non ex operibus legis.

Vers. 11. 11. ET SIGNUM ACCEPTIT CIRCUMCISIONIS SIGNACULUM IUSTITIÆ FIDEI, QUÆ EST IN PRÆPUTIO. — Prosequitur suam assertionem Apostolus, taciteque eam probat, *q. d.* Adeo Abraham non est justificatus in, vel ex circumcisione, ut circumcisionem post iustitiam acceperit, ad hoc ut esset signum iustitiæ, quam adeptus est ipse per fidem ante circumcisionem, cum adhuc esset præputiatus.

Cujus rei signaculum fuerit circumcisione. Primo. Secundo. Tertio. Quarto.

Nota, ex *Genes. xvii*, circumcisionem primario fuisse signum fœderis, quod pepigit Deus cum Abraham, quo sanxit in semine ejus, scilicet Christo, benedicendas esse omnes gentes.

Secundo, circumcisio fuit signum distinguens Abrahæ posteros ab aliis gentibus.

Tertio, circumcisio, ut ait hic Apostolus, fuit « signaculum iustitiæ fidei, » id est fuit sigillum, quo claudabatur et occultabatur quasi secretum ingens, iustitia fidei revelanda per Christum, inquit Origenes.

Quarto, et proprie ad mentem Pauli hic, S. Chrysostomi, Theodoreti, Theophylacti, Œcumenii, Augustini, lib. II *De Nuptiis et Concupisc.*, cap. II; Cyrilli, lib. IV in *Joan. I*, circumcisio erat signaculum, græce σφραγίς, quod respondet Hebræo חותם *chotam*, id est sigillum iustitiæ, quo scilicet testificabatur Deus Abrahæ iustitiam certam esse ac legitimam, iustitiam, inquam, adeptam ante per fidem, cum adhuc esset præputiatus.

Ubi nota : Licet in Abrahamo ita se res habuerit, in posteris tamen ejus secus fuit : nam in iis circumcisio non fuit signaculum iustitiæ acceptæ, sed potius accipiendæ.

QUÆ EST IN PRÆPUTIO. — Addit hoc, ut significet Abrahamum per præputium designatum fuisse patrem omnium gentium (hæ enim habent præputium), id est ipsum præputium significasse eum fore patrem omnium gentium, sicut circumcisio significavit eum patrem fore Judæorum, utpote pariter circumcisorum. Vide simile cap. vi, vers. 4, et cap. vii, vers. 4.

In posteris Abrahæ circumcisio fuit signum iustitiæ accipiendæ.

tiam, et ex fide sua illi quoqueificentur, sicut Abraham ex fide sua justificatus est.

Nota : Abraham dicitur pater Gentilium credentium, non naturalis et carnalis, sed spiritualis et mysticus : quia scilicet iis omnibus illustre fidei exemplum dedit. Rursum, quia posteris ejus secundum fidem et spiritum, iis scilicet, qui fidem Abrahæ imitaturi essent, promissa est a Deo benedictio, iustitia et salus ; hancque promissionem primus inter omnes patres a Deo accepit Abraham, et nomine omnium posterorum acceptavit : omnium, inquam, tam Gentilium, quam Judæorum. Nam Abraham, cum hanc promissionem accepit, incircumciscus erat et Gentilis.

Abraham pater omnium credentium, idque ob duas rationes.

12. ET SIT PATER CIRCUMCISIONIS, NON IIS TANTUM QUI SUNT EX CIRCUMCISIONE, SED ET IIS QUI SECTANTUR VESTIGIA FIDEI, QUÆ EST IN PRÆPUTIO PATRIS NOSTRI ABRAHÆ. — *q. d.*, ait Anselmus : « Et sit pater circumcisionis, » id est circumcisorum, puta Judæorum ; et non tantum horum, sed etiam omnium credentium, licet circumcisi non sint qui sectantur fidem Abrahæ : ut sit repetitio prioris sententiæ, complectens utrosque Abrahæ posteros, scilicet, Gentiles, et Judæos credentes, quorum pater spiritualis est Abraham.

Vers. 12.

Secundo, S. Chrysostomus, Theophylactus, Œcumenius et Toletus sic exponunt, *q. d.* Ut Abraham sit « pater circumcisionis, » id est circumcisorum, non eorum qui tantum exteriorem habent in carne circumcisionem, sed eorum qui cum carnis circumcisione sectantur quoque vestigia fidei Abrahæ. Si enim hanc ejus fidem non sectentur, licet carne circumcisi sint, non censebuntur Abraham habere patrem. Nam, ut ait Apostolus, cap. ix, vers. 8 : « Non qui filii carnis, hi filii Dei, sed qui filii sunt promissionis, æstimantur in semine. » Verum hic sensus non satis verbis Apostoli respondet, planeque invertit et trajicit voculam tantum.

Tertio ergo, plane et genuine, circumcisionem proprie videtur hic accipere Apostolus, non autem metonymice, pro ipsis circumcisis. Sic enim dicere debuisset : Et sit pater credentium per circumcisionem, sicuti dixit : « Ut sit pater credentium per præputium ; » jam autem ita non loquitur, sed mutat phrasim dicens : « Et sit pater circumcisionis. » Pater ergo, id est auctor et institutor circumcisionis, *q. d.* Abraham accepit signum circumcisionis, ut scilicet esset ipse signaculum iustitiæ acceptæ per fidem, cum adhuc esset præputiatus. Unde factum est, ut Abraham fuerit pater credentium Gentilium, fuerit quoque pater, id est auctor et institutor circumcisionis ; circumcisionis, inquam, quæ fuit signum fœderis inter Deum et Abraham, ejusque posteros initi, quo scilicet testabatur Deus se patrem fore, protectorem et amicum Abrahæ ejusque posterorum, quodque eos benediceret, justificaret et salvaret, sicuti benedixerat, justificaverat et salvaverat Abrahamum.

Abraham est pater, id est, auctor circumcisionis.

Circum-
cisio si-
gnum
fuit non
solis Ju-
dæis, sed
etiam
Gentili-
bus.

Porro circumcisio tale fuit signum, « non iis tantum qui sunt ex circumcissione, » id est, non solis Judæis, « sed et iis (Gentilibus) qui sectantur vestigia fidei, quæ est (id est, quæ fuit et apparuit) in præputio patris nostri Abrahamæ, » cum scilicet Abraham adhuc esset præputiatus et Gentilis. Hisce enim verbis explicat Apostolus cur Abrahamo incircumciso circumcisio data sit in signaculum justitiæ, nimirum ut significaret quod, sicut Abraham ante circumcisionem est justificatus et benedictus per fidem, sic et omnes qui Abrahamæ fidem imitarentur; etiamsi circumcisi non essent, justificandi et benedicendi forent per fidem. Paulus, inquit Cyrillus, lib. IV in Joan., cap. LI: « In signum fidei, quam in præputio habuit Abraham, ei circumcisionem datam asseruit: voluit enim vocationem et justitiam fidei, omni legali mandato priorem et superiorem ostendere, ut facilius persuaderet Hebræis ne justitiam fidei, prævaricationem legis putarent, sed reditum quemdam atque recursum in priorem hominis statum. »

Ubi nota, sub circumcissione Apostolum intelligere totam legem veterem omnesque legis cæremonias et opera, quia circumcisio horum omnium initium erat et professio: sicuti jam baptis-
mus est professio Christianismi totiusque legis Evangelicæ. Dum ergo Apostolus circumcisionem a justitia Abrahamæ et posterorum excludit, hoc ipso omnia legis opera omnesque cæremonias a justitia excludit. Sicut vers. 4, ἐργαζόμενοι vocavit eum qui circumcisionem aliasque legis cæremonias observat, ita nunc πίστεν et πίστεύοντα, vocat eum qui credit habetque fidem et opera moralia, etiamsi cæremonialia non habeat.

Vers. 13. 13. NON ENIM PER LEGEM PROMISSIO ABRAHÆ (1). — Supple, *contigit*, sed ante legem et ante circumcisionem; hanc enim accepit Gen. XVII, promissionem vero accepit Gen. XII, licet ea repetita sit post circumcisionem, Gen. XXII. Promissio vero hæc est, quæ sequitur: « Ut hæres esset mundi. » Probat Apostolus hic id, quod præcessit, scilicet Abraham patrem esse omnium credentium, etiam præputiatorum, et consequenter justitiam nobis obtingere non per circumcisionem et legem legisque opera, sed per fidem. Probat autem idipsum ex promissione facta Abrahamæ, hoc argumento: Abrahamæ promissa fuit benedictio, id est justitia et salus omnium gentium, non per legem et circumcisionem, sed ante eam, ex eo, quia credidit Deo; ergo posterius Abrahamæ hujus promissionis, benedictionis et justitiæ participes quoque fient, non per opera legis, sed per fidem. In fide enim, non in lege hanc justitiam constituere voluit Deus; et in fide, non in lege, imo ante legem justitiam hanc accepit

Justitia
non per
legem
aut cir-
cumcissi-
onem, sed
per fi-
dem.

Abraham, ut esset exemplar posterorum, significans eos, non ex lege, sed ex fide pariter justificandos esse.

UT HÆRES ESSET MUNDI, — ut scilicet in semine ejus benedicerentur omnes Gentes. Hæc enim est promissio facta Abrahamæ, Gen. XXII, 18, ut nimirum Abrahamæ fides, benedictio et filius, scilicet Christus, omnes Gentes sibi subigeret, sicque regnum Christi per omnes gentes dilataretur, ut dicitur Psal. II, 8: « Postula a me, et dabo tibi Gentes hæreditatem tuam, et possessionem tuam terminos terræ. » Ita Chrysostomus, Theophylactus. Sic ergo Abraham hæres est mundi, quia totum mundum habet pro filiis, et sic quasi universo mundo potitur, sed per filium suum, puta per Christum, perque « justitiam fidei, » id est fide acceptam. Hæc enim fides et justitia Abrahamæ et Christi pervasit et occupavit omnes gentes, et hæc est promissio, benedictio et hæreditas Abrahamæ, scilicet Ecclesia toto orbe diffusa, quæ est regnum fidelium, in quo rex est Christus, pater et patriarcha est Abraham.

Abraham
hæres est
mundi
per filios
et per
Christum.

Nota hic justam et amplam mercedem fidei et obedientiæ Abrahamæ. Abraham enim credidit et obedivit Deo se evocanti ex Ur Chaldæorum; atque pro Deo parvam, quam in Ur habebat, hæreditatem dereliquit, sed pro ea accepit hæreditatem totius Chananæ, imo totius mundi. Tam liberalis est Deus, tamque magnifice suos remuneratur.

Deus li-
beralis
in remun-
erando.

14. SI ENIM QUI EX LEGE, HEREDES SUNT: EXINANITA EST FIDES, ABOLITA EST PROMISSIO. — « Hæredes, » scilicet et promissionis et benedictionis Abrahamæ jam dictæ.

Nota: Tò hæredes capi potest vel active et proprie; vel passive, ut idem sit quod ipsa possessio hæreditaria, scilicet populus Christo et Abrahamæ in hæreditatem promissus, uti præcessit. Aptius tamen priori modo, scilicet active, capitur. Urget et perurget Apostolus tam hic, quam Galat. III, 18, justitiam nobis obtingere ex fide, non ex lege et legis operibus: quia si per legem obtingeret, non per fidem, sequeretur ingens absurdum, scilicet fidem et promissionem Abrahamæ esse abolitam et abrogatam; Abraham enim promissa est benedictio, non ex lege, utpote ante legem, sed ex fide, quia scilicet credidit Deo promittenti. Rursum, si ex lege datur justitia, ergo non ex promissione: pugnant enim lex et promissio, lex et fides (fides enim respondet promissioni, estque promissionis acceptatio et applicatio), quia promissio libera est et liberalis, quodque promissum est, datur liberaliter, gratuite et ex gratia; quod vero ex lege et operibus legis datur, id datur non gratuite, nec ex gratia, sed ex justitia et merito operum (1).

Si justitia
Abraham
obtingisset
ex lege,
non ex
fide, jam
promissio
Abraham
esset
abrogata.

(1) Ostenderat Apostolus incircumciso Abrahamo ob fidem tantum a Deo beneficia promissa fuisse; nunc vero ostendit hæc beneficia ipsi et posteris ob fidem, non ob legis observationem contigisse: ita Allioli.

(1) Sensus est: si Abrahamus et posterius ejus propter observatam legem accepissent bona promissa, non amplius *à tei* ex parte hominum, et *gratiæ* ex parte Dei sibi honor et sua vis constare potuisset, sed merito quodammodo fuisset locus.

Vers. 15. **15. LEX ENIM IRAM OPERATUR.** — Hic versus non videtur directe cohærere cum præcedenti, remotius ergo ad vers. 13, more Hebræo, est referendus (1). Reddit enim causam cur Abraham non potuerit promissio, id est promissa salus et iustitia, per legem obtingere : quia scilicet tantum abest ut lex hæreditatem promittat, ut potius iram operetur. Est hæc nova ratio probans per legem non obvenire nobis iustitiam, quia scilicet lex non iustitiam, sed iram operatur : quia nimirum lex causa et occasio est, non benedictionis, non iustitiæ, non hæreditatis, sed prævaricationis et consequenter maledictionis, iræ et vindictæ divinæ : si enim non esset lex, non esset prævaricatio legis ; et quia lex quasi per antiperistasin, concupiscentiam accendit : nam semper nitimur in vetitum, intellige, nisi lex jungatur fidei et gratiæ quæ legem adjuvet et concupiscentiam reprimat : quod intendit Apostolus. Scopus enim est ostendere necessitatem fidei et gratiæ Christi, ad eamque Judæos omnesque homines deducere, ut iustitiam et salutem assequantur.

Vers. 16. **16. IDEO EX FIDE, UT SECUNDUM GRATIAM FIRMA SIT PROMISSIO.** — Deducit et concludit hunc versum Apostolus ex vers. 14, q. d. Ex lege non potest accidere nobis hæreditas et iustitia Abraham : sic enim abolenda esset fides et promissio Dei ; ergo ex fide ea nobis obvenit, puta per Christum, non per Moysen, idque « ut secundum gratiam firma sit promissio : » vel, ut habent Græca, Syrus et quidam Latini codices manuscripti, *ut secundum gratiam*, ut *firma sit promissio*, q. d. Ideo ex fide obtingit nobis iustitia, ut illa sit nobis gratuita, sitque ex gratia, non ex debito et iustitia, uti ita consequenter firma sit promissio, qua Deus, uti per gratiam liberaliter promissit, ita per gratiam gratuito et liberaliter præstat et donat nobis hanc iustitiam.

Nota : Cum ait Apostolus : « Ut firma sit promissio, » non intelligit promissionem remissionis peccatorum in particulari, qua hæreticus credit fide divina sibi remissa esse peccata per fidem et pœnitentiam ; nam nil tale habent verba Apostoli, sed hoc est glossema, quod apponunt Novantes ; glossema, inquam, Aurelianense, quod textum evertit. Nam, ut alia taceam, nemini certo constat ut talem actum fidei divinæ, vel pœnitentiæ habeat : potest enim credere fide naturali, non divina, et agi spiritu naturæ, vel demonis, putans se agi Spiritu Sancto. Quin vero sine speciali Dei revelatione constare nemini potest, se credere fide divina : multo minus certo constare potest cuipiam per talem actum, qui sibi incertus est, sibi remissa esse peccata.

Loquitur ergo Apostolus de promissione facta Abraham in genere, scilicet quod in semine ejus benedicerentur, id est justificarentur et salva-

rentur omnes gentes, non tantum Judæi ex eo carnaliter nati, sed et Gentes, quæ spiritualiter ex eo per fidem nascuntur ; quia Abraham quasi patrem in fide imitantur. Tantum enim vult dicere, hanc benedictionem, id est iustitiam per fidem, non tantum promissam esse Judæis, filiis Abraham carnalibus, sed et Gentilibus, filiis spiritualibus ; non autem vult dicere, mihi, tibi, isti in particulari promissam esse iustitiam ; sed tantum in genere et non nisi sub conditione, et per consequentiam hujus syllogismi : « Omnibus, qui credunt et fidem Abraham imitantur, promissa est benedictio, id est iustitia ; atqui ego credo ; ergo mihi promissa est iustitia. » Ubi major est de fide : verum minor non est certa de fide, sed tantum certa certitudine quadam morali et conjecturali, ac consequenter nec consequens est de fide, sed tantum conjecturale.

FIRMA SIT PROMISSIO OMNI SEMINI (posteritati Abraham), **NON EI QUI EX LEGE EST SOLUM** (non soli Judæo), **SED ET EI (Gentili) QUI EX FIDE EST ABRAHÆ**, (qui Abraham patris fidem quasi genuinus ejus filius consecratur) **QUI PATER EST OMNIUM NOSTRUM**, — tam Gentilium, quam Judæorum. Est, inquam, pater propagatione non carnis, sed fidei et spiritus. Nam dum Abraham fidem imitatur, tunc ipse Abraham per Christum suam iustitiam, gratiam et spiritum in nos quasi filios suos transfundit, nosque sibi adsciscit et adoptat.

17. SICUT SCRIPTUM EST (Genes. XVII), QUIA PATREM MULTARUM GENTIUM POSUI TE. — « Posui, » id est ponam et constituam te : more enim prophetico ob certitudinem rei futuræ ponitur præteritum pro futuro.

ANTE DEUM CUI CREDIDIT. — *Primo*, Œcumenius hæc verba refert ad *sicut scriptum est*, q. d. Sicut scriptum est ante Deum, id est coram Deo, cui nos fides commendat ; vel, sicut scriptum est ex persona Dei.

Secundo, Origenes sic explicat : « Ante Deum, » id est a Deo Abraham factus est pater noster.

Tertio, Anselmus : « Ante Deum, » inquit, quia Abraham per fidem factus est pater, quæ fides Dei oculis patet, non hominum.

Quarto, S. Chrysostomus, Theodoretus et Theophylactus Græcum *κατὰ τὴν*, exponunt e regione, ex adverso, id est ad exemplum et similitudinem. Hanc enim sibi ex adverso opponunt et proponunt pictiores, cum eam exprimere volunt, q. d. Paulus : Ad exemplum et similitudinem Dei, qui universalis est omnium pater, Abraham pariter factus est pater multarum gentium.

Quinto, alii sic explicant : « Posui te patrem ante Deum, » id est patrem spirituales per generationem et cognationem spirituales, quæ coram Deo locum habet, et Deo nos gratos reddit. Sed hoc alienius et obscurius est.

Sexto, ergo planissime : « Posui te patrem ante Deum, » id est in præscientia et decreto divino, immobili, certo et irrevocabili ; needum enim

missione dicit se fide divina credere sibi remissa esse peccata per fidem et pœnitentiam.

Abraham pater omnium nostrum non propagatione carnis, sed spiritus et fidei.

Vers. 17.

Sextuplex horum verborum expositio.

Novatorum glossema Aurelianense in hunc Pauli locum.

Hæreticus temerarie ex hac pro-

(1) Bene tamen comma 15 cum præcedenti cohæret, si *γὰρ* veritas, non enim, sed *quin potius*.

Abraham actu erat pater multarum gentium, sed tantum in præscentia et prædestinatione Dei. Unde explicans subdit Paulus : « Qui vocat ea quæ non sunt, tanquam ea quæ sunt. » Ita S. Augustinus in *Psal.* cv.

Quid per mortuos intelligat Paulus, quadrupliciter exponitur. Qui vivificat mortuos. — « Mortuos, » id est peccatores, ait Anselmus : sed hoc mysticum est.

Secundo, Ambrosius : « Mortuos, » inquit, id est ad generandum invalidos, senes, imbecilles, pene enectos et mortuos, quales erant Sara et Abraham, cum generarunt Isaac.

Tertio, S. Chrysostomus : Proprie, inquit, Deus vivificat mortuos, cum eos a morte resuscitat. Hisce enim verbis Paulus commendat Dei omnipotentiam, *q. d.* Sicut Deus potest suscitare mortuos, ita potest facere, ut Gentes natæ in paganismo, spiritualiter renascantur per fidem, fiantque filii Abrahæ, idque credidit Abraham, cum credidit Deo dicenti : « Patrem multarum Gentium posui te. »

Quarto, Toletus putat Apostolum hic respicere ad fidem Abrahæ, qua jussus immolare filium Isaac, credidit quod Deus eum a se immolatum, a morte suscitaret. Verum de hac Abrahæ fide non agit hic Paulus, nec Moses *Genes.* xvii, sed tantum de fide, qua credidit Abraham Deo primo promittenti, sibi ex Sara nasciturum esse Isaac, ut patet ex verbis Apostoli, maxime sequentibus, et ex *Genes.* xvii : nam immolatio Isaac præcepta fuit postea, *Genes.* cap. xxii. Tertius ergo sensus S. Chrysostomi magis litteralis et appositus esse videtur. Alludit tamen ad Isaac, quem Abraham immolavit, credens posse Deum illum a mortuis suscitare, ut explicat idem Paulus *Hebr.* xi, 19; quæ suscitatio signum erat suscitationis Christi, cujus fide nos eramus justificandi, ut ait vers. 24. Licet enim, *Genes.* xvii, necdum reipsa immolatus et suscitatus esset Isaac, erat tamen immolatus et suscitatus in præscentia et prædestinatione Dei; atque per eum Abraham futurus erat pater multarum gentium.

Quinto — **plex sensus horum verborum.** ET VOCAT EA QUÆ NON SUNT, TANQUAM EA QUÆ SUNT. — *Primo* : Deus, ait Anselmus, vocat Gentes, « quæ non sunt, » quia viles erant et nihili, utpote infideles, a Deo primo ente remotissimæ, ut sint nobiles et fideles, adhærentes Deo primo enti.

Secundo, Ambrosius : Deus, ait, vocat Gentes « quæ non sunt » semen, ut sint semen et populus Abrahæ.

Tertio, Pererius : Deus, ait, ab æterno homines qui non erant, elegit ac prædestinavit ad vitam æternam, quasi actu essent et quasi fuissent ab æterno.

Dr' præsentia claritas et distinctio. *Quarto*, alii sic explicant, *q. d.* Paulus : Deus ita clare et distincte videt ea quæ non sunt, sed longe post futura sunt, sicuti videt et cognoscit ea quæ jam actu sunt. « Vocat » ergo, id est videt et cognoscit, ut ea vocare possit. Hinc di-

citur *Eccli.* xxiii : « Domino Deo antequam crearentur, omnia sunt agnita ; sic et post perfectum respicit omnia. »

Quinto, planissime et optime, Deus « vocat ea quæ non sunt, tanquam ea quæ sunt, » quia Deus æquale habet imperium in ea quæ non sunt, atque in ea quæ sunt, et ea quæ non sunt facit ut sint : v. g. hic facit, ut Gentes, quæ non erant, sint filii Abrahæ.

Ubi nota : Dei *vocare* est creare et facere ; omnia enim possibilia cum nondum actu sunt, sunt tamen et latent in omnipotentia Dei quasi in virtute et semine, et cum Deus suo jussu illa inde evocat, hoc ipso facit ut sint : Dei enim dicere et vocare est efficax, idemque est, quod nostrum facere. Ita S. Chrysostomus. Unde Græcum καλέω-τες τὰ μὴ ὄντα ὡς ὄντα, verti potest, qui vocat ea quæ non sunt, quasi sint. Ita S. Augustinus in *Psal.* cv. Sic Deus e tenebris et thesauris suæ potentie vocat (uti loquuntur Prophetæ) famem, gladium, siccitatem, dum facit ut sint, dumque illa quasi famulos et lictores orbi et hominibus immittit. Inde enim sumpta est metaphora : quasi Deus evocans famem, pestem, gladium, dicat : Tu fames quasi satelles veni et puni tales impios homines ; tu gladio lictor adesto, vade, plecte Flandriam ; tu grando adesdum, percella Franciam. Hoc significat Hebræum קָרָא kara, id est vocavit. Sic « stellæ, inquit Baruch, cap. iii, 34, lumen dederunt in custodiis (id est, stationibus et excubiis : stellæ enim sunt quasi milites Dei, ad ejus obsequium semper excubantes) suis : vocatæ sunt et dixerunt (non verbo, sed facto et reipsa), adsumus. » Atque hinc dicitur Deus *sabaoth*, id est exercituum, quia omnes angeli, stellæ, creaturæ quævis, etiamsi non existentes, sunt exercitus Deo ad nutum obsequentes et pro eo depugnantes.

18. Qui (Abraham) CONTRA SPEM (naturæ et naturalis potentie generativæ) IN SPEM (id est in rem speratam gratiæ et promissionis divinæ) CREDIDIT, UT (quod scilicet) FIERET PATER MULTARUM GENTIUM. — Nota : Sicuti sperare desperata, est sperare contra spem, sic et credere futura, quorum nulla est spes, est credere contra spem, quod scilicet seni Abrahæ et sterili Saræ nascetur Isaac, quia idipsum promisit Deus. Ita Theophylactus, Anselmus et Theodoretus.

Nota, quantam fidem et spem exegerit Deus ab Abrahamo, et quantam præstiterit Abraham, ut merito pater fidei et spei appelletur : nimirum, ut contra spem in spem crederet, ut speraret et crederet ea, quæ naturaliter erant impossibilia, ut contra omne medicorum et physicorum judicium, supra naturæ vires, ad Deum Deique promittentis omnipotentiam heroica fide se erigens, certissimo sibi persuaderet, ex sterili et anu Sara nasciturum sibi prolem a Deo promissam ; hacque fide meruit et impetravit non tantum prolem hanc, sed omnem Dei benedictionem. Adeo grata

Dei vocare est creare et facere.

Omnes creaturæ etiam nondum existentes quasi exercitus Deo famulantes ab eo evocantur.

Dens Sabaoth unde dicitur ?

Vers. 18.

Abraham pater fidei et spei.

Constantia fidei Abraham imitanda in rebus et articulis fidei.

fuit Deo hæc fides et spes in se : unde eam in Abrahamo, quasi in speculo nobis imitandam hic proponit, idque *primo*, in rebus et articulis fidei quæ nostrum captum et naturæ vim transcendunt, v. g., jubet Deus credi se esse Deum unum in essentia, et tamen trinum in personis : jubet credi Christi corpus realiter esse præsens in Eucharistia, etiamsi visus et sensus aliud nobis dicent. Hic fidelis contra spem naturæ credet in spem divinæ omnipotentiae, ut transcendat exilitatem dictaminis oculorum, aurium, phantasie et iudicii naturalis, et in Deum se erigens firmissime credat id quod ipse, qui est prima et infallibilis veritas, quæ nec mentiri, nec fallere potest, dixit : nimirum, « Ego et Pater (pariter et Spiritus Sanctus) unum sumus : Hoc est corpus meum ; quod pro vobis tradetur ; Hic est sanguis meus, » etc.

Item in rebus arduis, in gravibus tentationibus et tribulationibus.

Secundo, et magis ad mentem Apostoli, in rebus arduis, in gravi tentatione et tribulatione, in persecutione, in infamia, in morbis, morte, et martyrio, in apostolatu ad Indos, Anglos, Hollandos, capessendo, si quis ad eos mittatur, et naturalis suæ infirmitatis conscius trepidet, contra spem in spem credat ; cogitet homini Christiano multa supra naturam esse facienda et toleranda ; cogitet gratiam superare et transcendere naturam ; cogitet Deum, qui olim misit et mittendo fecit Apostolos et Prophetas, se quoque mittere et mittendo facturum Apostolum, dicatque : Omnia possum, non in me, sed in eo qui me confortat. Hac spe subnixa et roborati Apostoli orbem subegerunt Christo ; hac spe Martyres omnia supplicia et tyrannos vicerunt ; hac spe tenerrimæ virguncule SS. Agnes, Agatha, Febronia aliæque innumere, carnem et mundum, omniaque diaboli tentamenta et tormenta superarunt. Hæc spes multis deest, ideoque humi repunt, nec ad magna assurgunt : radix huius mali est debilitas fidei, quia non vive apprehendunt et credunt, sibi que plane persuadent Deum esse omnipotentem, Deum neminem sinere tentari supra vires, Deum esse suorum fidelissimum protectorem, Deum nostri curam gerere magis, quam pater, mater, etc. Et sane non parva est injuria Dei, tam parvam de ejus bonitate, potentia, providentia et paterna cura habere opinionem ; cum moneat Sapiens, « Sentite de Domino in bonitate, » *q. d.* Bene, pie, sancte sentite de Dei providentia, clementia aliisque attributis ; non male et impie cum Epicureis et Atheis, non timide et contracte cum timidis et pusillanimitibus. Vult enim Deus haberi a nobis optimus et clementissimus, æque ac potentissimus ; honori sibi ducit cum talis qualis revera est, a nobis creditur, speratur, colitur : sicut rex vult haberi a suis clementissimus, quodque in omnes regi utatur munificentia. Magnum ergo gratissimumque obsequium, reverentiam ac honorem Deo deferimus, cum magna ab eo speramus, cum magnam in eo, quibusvis in rebus quamvis arduis, collocamus fiduciam ; ac tum

magna largitur, tum magna operatur. Quis enim speravit in eum, et confusus est ?

Vide quanta fecerit Deus per Athanasios, Gregorios, Vincentios, Laurentios : imo per te ipsum subinde ; modicæ ergo fidei, in hac tentatione, in hac difficultate, quid dubitas, quid trepidas ? Deus adest, Deus regit et pascit te. Sane Christiano, præsertim generoso, et ad magna anhelanti, excitanda maxime est spes, ut etiam sæpe contra spem in spem credat ; sciatque spem nunquam esse nimis magnam, nec tanta sperari a Deo, quin Deus plura a se sperari velit, itaque faciet admiranda supra vires, supra naturam. « Nescitis, inquit S. Ignatius, quantas vires habeat spes in Deum. Spes quæ videtur, non est spes. » S. Xaverius una spe adeo armarat se, ut in rebus difficillimis nihil timeret nisi diffidentiam de Dei ope ; hac spe invasit Indiam solo Deo nixus, hac spe totum Orientem evangelizando percurrit ; hac spe undecim annis, quibus ibi vixit, quanta, quam stupenda, supra vires, supra humanam prudentiam aggressus est et feliciter ad Dei gloriam perfecit ?

Vere S. Bernardus, serm. 15 in Psalm. *Qui habitat* : « Sperate in eo (Deo), inquit, omnis congregatio populi : quemcumque enim locum calcaverit pes vester, vester erit : pes vester utique spes vestra est, et quatumcumque illa processerit, obtinebit. Si tamen in Deum tota figatur, ut firma sit, et non titubet. Quid timeat aspidem aut basiliscum ? quid leonis rugitus, aut draconis sibilos expavescat ? Quoniam in me speravit, liberabo eum ; porro liberatum, ne iterum egeat liberari, protegam eum et conservabo, si tamen cognoverit nomen meum, ne sibi tribuat quod liberatus est, sed nomini meo det gloriam. »

S. Augustinus vero in illud Psal. 102, *Quoniam secundum altitudinem cæli a terra corroboravit misericordiam suam super timentes se*, etc., pulchre exemplo cæli terram longe superantis et transcendens declarat, quam Dei cura et providentia circa nos transcendat omnem cogitationem et spem, ac consequenter, quantum in eam spem nostram erigere et dilatare debeamus. « Confirmavit, inquit, Dominus misericordiam suam super timentes se ; secundum quid ? secundum altitudinem cæli a terra. Quid dixit ? si aliquando potest cælum abscedere a protectione terræ, aliquando poterit Deus non protegere timentes se. Attende : cælum ubique atque undique protegit terram, et nulla pars terræ est quæ non cælo protegatur. Peccant homines sub cælo, faciunt omnia mala sub cælo, cælo tamen protegentur. Inde lux ad oculos, inde aer, inde spiritus, inde pluvia ad terram propter fructus, inde omnis misericordia a cælo. Tolle auxilium cæli a terra, statim deficiet : sicut ergo protectio cæli permanet super terram, sic protectio Dei permanet super timentes eum. Times Deum ? supra te est protectio ipsius. Sed forte flagellaris, et putas quia deseruit

sperandum.

Moralis locus pulcher de fiducia et spe in Deum.

S. Ignatius et Xaverius quid senserint de spe in Deum ?

S. Bernardi ad spem exhortatio.

S. Augustini ad fiduciam virtutem excitatio.

Defectus spei et fidei quantum malorum causa.

Deo Deo semper optime et piissime sentiendum et

te Deus : si deseruit protectio cœli terram? Quoniam secundum altitudinem cœli a terra confirmavit misericordiam suam Dominus super timentes eum. Sicut miseretur pater filiorum, sic misertus est Dominus timentibus eum. Jam sæviat quantum vult, pater est; sed afflixit nos, sed contrivit nos : pater est. »

SECUNDUM QUOD DICTUM EST EI : SIC ERIT SEMEN TUUM. — Citat Apostolus *Gen. xv, 5*, ubi Dominus dicit ad Abraham : « Suspice cœlum, et numera stellas, si potes : sic erit semen tuum, » scilicet, sicut stellæ cœli (uti addunt hic aliqui Latini codices), *q. d.* Posteritas tua, o Abraham, tum ad litteram carnalis Judæorum, tum potius allegorica credentium et Christianorum, erit instar stellarum, *primo*, innumera et maxima; *secundo*, sublimissima et cœlestis; *tertio*, constans, ordinatissima et æterna; *quarto*, potentissima; *quinto*, famosissima; *sævo*, splendidissima et gloriosissima, maxime post resurrectionem : « Qui enim docti fuerint, fulgebunt quasi splendor firmamenti, et qui ad justitiam erudiunt multos, quasi stellæ in perpetuas æternitates, » *Dan. xii, 3*. Atque huc alludit Ecclesia, cum canit pro defunctis : « Signifer tuus Michael representet eas in lucem sanctam, quam olim Abrahæ promisisti, et semini ejus. »

Vers. 19. 19. ET NON INFIRMATUS EST FIDE, NEC CONSIDERAVIT CORPUS SUUM EMORTUUM. — Græce νεκρωμένον, id est mortificatum, viribus effœtum et ad ginendam sobolem ineptum.

Dices : Quomodo ergo postea Abraham genuit filios ex Cetura?

Respondet Augustinus, *Quæst. XXXV in Genesim*, fuisse Abrahæ corpus emortuum respectu Saræ vetulæ, non autem respectu Ceturæ junioris.

Emortua *Secundo*, respondet S. Thomas, vere Abraham tunc fuisse impotentem præ senio ad generandum ex qualibet femina, sed divino miraculo redditum ei fuisse virtutem, qua ex Sara, Cetura et quacumque alia proles suscitare et generare posset. Prior explicatio est verior, uti ostendi *Gen. xvii, 17*.

Vers. 20. 20. IN REPROMISSIONE ETIAM DEI NON HESITAVIT. — Græce, ἐν διακρίσει, id est non dijudicavit, non disquisivit, quomodo scilicet id fieri posset.

Abraham Dices : Abraham, *Gen. xv, 8*, audita hac Dei promissione, illam signo confirmari petit et cupit, dicens : « Unde scire possum, quod possessurus sim eam (Chananaeam)? » Ergo videtur hæsitasse et dubitasse Abraham de Dei promissione.

Respondet : Abraham ibi non dubitat de re et substantia promissionis divinæ; nam paulo ante ibidem *vers. 6*, dicitur : « Credidit Abraham Deo, et reputatum est illi ad justitiam. » Sed tantum modum illius in executione servandum cognoscere, et ejus quod crediderat similitudinem aliquam sibi ostendi exoptat. Ita S. Augustinus, Chrysostomus et Theodoretus in *Genes. xv*.

Secundo, ut Rupertus et Tostatus ibidem, hisce verbis cupit et rogat Abraham, ut Deus promissum suum confirmet, nec ullus posterorum demeritis illud irriter et revocet.

Tertio, petit Abraham signum, inquit Cajetanus, ibidem non sibi, sed posteris, ut scilicet ipsi firmitus idipsum crederent, quod jam firmiter credebat Abraham. Hinc patet, fidem justificantem non esse fiduciam, quæ est in voluntate, sed esse assensum et actum intellectus : quia per hanc fidem, ut hic ait Paulus, Abraham « non consideravit corpus suum emortuum, et plenissime scivit quia quæcumque promisit Deus, potens est et facere. » Deinde actum ejus non vocat fidere, sed credere Deo promittenti posteritatem.

Dices : Quomodo ergo ait Paulus de hac fide Abrahæ, quod « non hæsitavit diffidentia? » hæc enim opponitur fiducia.

Respondeo : « Diffidentia » hic idem est quod incredulitas, Græce enim est ἀπιστία. Unde Syrus vertit, *nec de promissione Dei dubitavit tanquam expers fidei*. Eodem sensu accipitur diffidentia ad *Ephes. v, 6*. De quo plura ibidem.

21. DANS GLORIAM DEO, PLENISSIME SCIENS QUIA QUÆCUMQUE PROMISIT DEUS, POTENS EST ET FACERE. **Vers. 21.**

— Pro plenissime sciens, Græce est πληροφρονῶν, id est plenissime persuasus, de quo plura dicam *cap. xiv, vers. 5, q. d.* Abraham dedit gloriam Deo Deumque glorificavit sua fide, scilicet, hoc ipso, quo plane sibi persuasit Deum sua promissa, quantacumque, et posse et velle implere. Ille enim glorificat Deum, qui de Deo Deique potentia et fidelitate, ut par est, sentit, credit et prædicat.

Nota : Cum ait Paulus : « Potens est et facere, » est miosis significans, et potens est, et faciet; utrumque enim credidit Abraham, de qua phrasi plura dicam *II Cor. ix, 8*. Ubi adverte, dicit Paulus : « Potens est, » non autem, Verax est, aut, Sapiens, vel Fidelis est, quia potentia divina præ aliis Dei attributis in rebus arduis proponenda est humanæ infirmitati, ut naturam et omnia hominum auxilia transcendens, in Deum Deique potentiam se erigat, ab eaque certo speret opem, et rem promissam. « Ideo, inquit Fulgentius, lib. I ad Monimum, in Dei promissis nulla est falsitas, quia in faciendis nulla omnipotentis difficultas. » Hinc Patres docent, in tentationibus et rebus afflictis ac difficilibus, non ad homines, sed ad orationem et Deum confugiendum esse, ut anchoram spei jaciamus, non in mare, sed in cœlum, sicque animæ nostræ navem ab omni turbinum et tempestatum æstu tutam et fixam fore.

22. REPUTATUM EST ILLI AD JUSTITIAM. — q. d. **Vers. 22.** Ob tam heroicam fidem Abraham justificatus est.

23. NON EST SCRIPTUM TANTUM PROPTER IPSUM, QUIA (quod) REPUTATUM EST ILLI AD JUSTITIAM : 24. SED ET PROPTER NOS, QUIBUS REPUTABITUR (nostra fides ad justitiam) CREDENTIBUS (si credamus) IN EUM, QUI SUSCITAVIT JESUM CHRISTUM DOMINUM NOSTRUM A MORTUIS. — q. d. Abraham datur et proponitur nobis in exemplar justificationis; ac proinde si

Fides non est fiducia in voluntate, sed assensus intellectus.

Vers. 21.

In arduis et difficilibus confusionem non ad homines, sed ad Deum.

cut ipse, ita et nos non ex circumcisione, lege et Mose, sed ex fide et Christo justitiam quærere et consequi debemus.

Fides re- Nota : Hic et alibi inculcat Apostolus fide cre-
surrec- dendam esse resurrectionem Christi, quia hic erat
tionis articulus mundo tunc incredibilis, et quia hic ar-
Christi ticulus maxime est necessarius, et compendium
maxime quasi cæterorum : nam qui eum credit, credit
necessa- Jesum esse Christum et Messiam, Deum et homi-
ria. nem, salvatorem mundi, qui pro peccatis nostris
et salute nostra mortuus est et resurrexit. Tertio,
quia fides et spes resurrectionis maxime nos ex-
citât ad bene et christiane vivendum, omniaque
dura tolerandum.

Vers. 25. 25. QUI TRADITUS EST (tum a Juda et Judæis,
tum potius a Patre æterno, in mortem et crucem)
PROPTER DELICTA NOSTRA, ET RESURREXIT PROPTER
JUSTIFICATIONEM NOSTRAM. — Nota : Christus in
passione sua omne meritum, pretium et lytrum
redemptionis nostræ consummavit; unde per
suam resurrectionem non meruit nostram justi-
ficationem.

Per re- Dices : Quomodo ergo hic dicitur, quod « Chris-
surrec- tus resurrexit propter justificationem nostram? »
tionem Respondet Commentarius Ambrosio ascriptus,
Christus sensum Apostoli esse, *q. d.* Illi qui baptizati sunt
non me- ante passionem Christi, solum tunc remissionem
ruit nos- peccatorum acceperunt; post resurrectionem
tram jus- vero Christi et missum Spiritum Sanctum fuerunt
tificatio- justificati. Sed hic est error, qui satis arguit hos
nem. commentarios non esse Ambrosii. Respondet

Particula ergo cum Francisco Suarez, III *part.*, *Quæst.* LVI,
propter præpositionem *propter* quatuor causas hic posse
signifi- significare, *primo*, materialem seu objectivam. Ita
cat hic Cajetanus et Adamus, *q. d.* « Christus surrexit
quatuor propter justificationem nostram, » quia scilicet
causas. per fidem resurrectionis, qua credere cœpimus
Christum esse Dei Filium et redemptorem mundi,
perducti sumus ad justificationem, et quia Chris-
tus ipse resurrectione sua fidem suæ passionis et
deitatis roborando, spemque nostram acuendo,
justificationem nostram procuravit.

Secundo, ut S. Anselmus, Origenes et S. Tho-
mas, præpositio *propter* significare potest causam
exemplarem; *q. d.* Christus mortuus est, ut nos
ejus exemplo moriamur delictis; et resurrexit, ut
nos resurgamus ad novitatem vitæ : resurrexit
ergo Christus ad hoc, ut nobis daret typum et
exemplar resurrectionis animæ.

Humanitas *Tertio*, *propter* potest significare causam effi-
Christi cientem; nam, ut docet D. Thomas, III *part.*,
ti ejus- *Quæst.* LVI, art. 2, resurrectio humanitatis Christi
que re- est instrumentum divinitatis ejusdem, efficiens
surrectio justificationem nostram : instrumentum, inquam,

non physicum, ut volunt aliqui : resurrectio
enim, quæ per tot sæcula transiit, quomodo phy-
sice jam agere, influere et operari potest? sed
morale, quia scilicet destinavit Deus resurrectio-
nem Christi ad nostram justificationem, decre-
vitque nos non justificare, nisi post illam, et quasi
per illam, sicut rex qui promisit subditis, per
coronationem filii sui, certa privilegia, nonnisi
post eam, et quasi per eam ea elargitur; et hoc
sensu dicitur *Joan.* VII, 39 : « Nondum erat Spi-
ritus datus, quia Jesus nondum erat glorificatus. »

Quarto, et optime præpositio *propter* significat
causam quasi meritoriam : Christus enim offi-
cium suum et meritum passionis in resurrectione,
quasi in termino suo absolvit : resurrectio enim
fuit terminus et complementum passionis, meri-
torum et totius œconomiae Christi. Unde resur-
rectio et passio censentur unum opus redemp-
tionis, et una actio moralis Christi completa, qua
simul et semel meruit Christus tum remissionem
peccatorum, tum justificationem nostram : sed
ob similitudinem apposite Apostolus tribuit re-
missionem passioni, quasi satisfactioni; resurrec-
tioni vero justificationem, quia per resurrectio-
nem, quam suis meritis et virtute propria adeptus
est Christus, factus est plenus redemptor et justi-
ficator : utpote victor mortis, et consequenter vic-
tor regni peccati et injustitiæ, quod mortis erat
causa, tuncque simul suum induxit regnum vitæ,
sanctitatis et justitiæ. Unde post resurrectionem
misit Spiritum Sanctum justificatorem, misit et
Apostolos, qui vi verbi sui et sanctis Sacramentis
a se institutis nos justificarent.

Adde, nisi Christus resurrectione sua mortem
vicisset, imbellis et inefficax fuisset ad vincendum
et debellandum omnino peccatum, quod mortis est
causa, quodque morti quasi effectui suo adstric-
tum et colligatum manet, ac consequenter imbe-
cillus et impotens fuisset Christus ad justificandum
nos. Unde Syrus vertit, *resurrexit ut justificet nos*.
Qua de re plura dicam I *Cor.* XV, 17.

Denique *propter* significat causam finalem
eamque mutuam. Nam et Christus resurrexit hoc
fine, ut mitteret Apostolos et Spiritum Sanctum,
qui nos justificarent, et vicissim finis nostræ jus-
tificationis est, ut laudetur et celebretur resur-
rectio Christi, sive Christus resurgens, qui ejus
causa est et auctor. Christus ergo moriens et
resurgens, nosque secum suscitans, fuit phœ-
nix; cui proinde recte illud phœnicis ænigma
attribuas :

Vita mihi mors est, morior si cœpero nasci.
Sed prius est fatum, lætæ quam lucis origo.
Sic solos manes ipsos mihi dico parentes.

trumen-
tum mo-
rale divi-
nitatis,
efficiens
nostram
justifica-
tionem.

Præposi-
tio prop-
ter signi-
ficat causam me-
ritoriam.

Passioni
tribuitur
satisfac-
tio, re-
surrec-
tioni jus-
tificatio.

CAPUT QUINTUM.

SYNOPSIS CAPITIS.

Hactenus docuit Paulus, nos justificari non per legem, sed per fidem Christi: nunc ostendit, quanta sit tum excellentia et celsitudo, tum utilitas hujus justitiæ, quam Christus nobis attulit.

Primo ergo recenset sex fructus hujus justitiæ, quos enumerabo vers. 2, ex quibus fit ut gloriemur non tantum in spe beatitudinis, sed etiam in tribulationibus, quia charitas Dei et Christi diffusa est in cordibus nostris.

Secundo, vers. 12, opponit et præponit gratiam Christi peccato Adæ, docetque, quod, sicuti per unius Adæ inobedientiam peccatores facti sumus et morti obnoxii, ita per Christi obedientiam, justitiam et vitam æternam adipiscamur.

Tertio, vers. 20, docet legem inter Adamum et Christum subintrasse, ut abundaret delictum, idque ad hoc, ut ubi abundavit delictum, ibi abundet et gratia Christi.

1. Justificati ergo ex fide, pacem habeamus ad Deum per Dominum nostrum Jesum Christum : 2. per quem et habemus accessum per fidem in gratiam istam, in qua stamus, et gloriatur in spe gloriæ filiorum Dei. 3. Non solum autem, sed et gloriatur in tribulationibus, scientes quod tribulatio patientiam operatur; 4. patientia autem probationem, probatio vero spem. 5. Spes autem non confundit : quia charitas Dei diffusa est in cordibus nostris per Spiritum Sanctum, qui datus est nobis. 6. Ut quid enim Christus, cum adhuc infirmi essemus, secundum tempus pro impiis mortuus est? 7. Vix enim pro justo quis moritur : nam pro bono forsitan quis audeat mori. 8. Commendat autem charitatem suam Deus in nobis : quoniam cum adhuc peccatores essemus, secundum tempus, 9. Christus pro nobis mortuus est : multo igitur magis nunc justificati in sanguine ipsius, salvi erimus ab ira per ipsum. 10. Si enim cum inimici essemus, reconciliati sumus Deo per mortem filii ejus : multo magis reconciliati, salvi erimus in vita ipsius. 11. Non solum autem : sed et gloriatur in Deo per Dominum nostrum Jesum Christum, per quem nunc reconciliationem accepimus. 12. Propterea sicut per unum hominem peccatum in hunc mundum intravit, et per peccatum mors, et ita in omnes homines mors pertransiit, in quo omnes peccaverunt. 13. Usque ad legem enim peccatum erat in mundo : peccatum autem non imputabatur, cum lex non esset. 14. Sed regnavit mors ab Adam usque ad Moysen etiam in eos, qui non peccaverunt in similitudinem prævaricationis Adæ, qui est forma futuri. 15. Sed non sicut delictum, ita et donum : si enim unius delicto multi mortui sunt, multo magis gratia Dei et donum in gratia unius hominis Jesu Christi in plures abundavit. 16. Et non sicut per unum peccatum, ita et donum : nam judicium quidem ex uno in condemnationem : gratia autem ex multis delictis in justificationem. 17. Si enim unius delicto mors regnavit per unum, multo magis abundantiam gratiæ, et donationis, et justitiæ accipientes, in vita regnabunt per unum Jesum Christum. 18. Igitur sicut per unius delictum in omnes homines, in condemnationem ; sic et per unius justitiam in omnes homines, in justificationem vitæ. 19. Sicut enim per inobedientiam unius hominis, peccatores constituti sunt multi ; ita et per unius obeditionem, justi constituentur multi. 20. Lex autem subintravit ut abundaret delictum. Ubi autem abundavit delictum, superabundavit gratia, 21. ut sicut regnavit peccatum in mortem, ita et gratia regnet per justitiam in vitam æternam : per Jesum Christum Dominum nostrum.

Vers. 1. 1. JUSTIFICATI ERGO EX FIDE, PACEM HABEAMUS AD DEUM PER DOMINUM NOSTRUM JESUM CHRISTUM. — « Pacem habeamus : » ita legunt Biblia Romana, Origenes, Chrysostomus, Theodoretus, Ambrosius, Theophylactus ; sed Syrus et Græce habent εἰρήνην, id est *habeamus pacem*. Hoc enim apte infert Apostolus ex præcedentibus, q. d. Ut Ambrosius et Toletus explicant, *pacem*, id est reconciliationem et amicitiam cum Deo habemus, ex eo quod jam sumus justificati per fidem Christi. Verum, legeudo cum Romanis aliisque, non *habeamus*, sed *habeamus pacem*, primo Œcumenius et Anselmus hunc dant sensum, q. d. Paulus : Cum jam simus justificati per Christum, hinc par est ut omnes pacem in Christo servemus, nec Judæi cum Gentibus de justitia, deque prælatione contendere pergant. Sed huic sensui repugnat vox *ad Deum*, quæ significat Apostolum loqui de pace, quam habemus non cum hominibus, sed cum Deo.

Unde secundo, S. Chrysostomus et Theodoretus sic explicant, q. d. *Pacem*, id est amicitiam cum Deo in justificatione acceptam, *habeamus*, id est conservemus. Hoc valde litterale videtur.

Locus
moralis
de tran-
quillitate
conscien-
tiæ con-
tra No-
vantes.

Tertio, et maxime genuine, ad mentem Pauli sic exponemus, q. d. Cum jam simus justificati per fidem et gratiam Christi, uti hactenus demonstravi, *pacem habeamus*, id est pacato et tranquillo simus animo, nullam posthac metuentes Dei vindictam et condemnationem ; simus animo a terroribus quos ingerere solet mala conscientia, libero, læto et sereno, utpote jam reconciliati cum Deo, Deique amici et filii. Pax ergo hæc est tranquillitas, serenitas et fiducia justæ et bonæ conscientie, orta non ex certitudine fidei divinæ, qua quis certissimo credat sibi per Christum remissa esse peccata, ut volunt Novantes ; sed ex conjecturis et signis, quæ moralem quamdam certitudinem dant, nos esse justos ; cum conscientia scelerum remissione et venia in baptismo, aut Pœnitentiæ sacramento, uti confidit, accepta, nullius peccati sibi jam conscia, mentem non angit aut mordet ; sed placida et pacata studet puritati et sanctimonie, spem et amorem in Deum et cœlestia defigens, rectaque tendens ad beatitudinem et gloriam æternam. Pax hæc conscientie ingens est bonum, ut merito dixerit S. Tiburtius martyr : « Omnis nobis vilis est pœna, ubi pura comes est conscientia. » De quo plura I Tim. 1, 5. Rursum hæc pax est scutum impenetrabile, quo omnia hostium tela excipimus et elidimus. Audi S. Leonem, serm. 6 De Nativit. Christi : « Totus mundus in maligno positus est ; et, insidiante diabolo et angelis ejus, hoc innumeris tentationibus laboratur, ut hominem ad superna nitentem aut adversa terreant, aut secunda corrumpant ; sed major est qui in nobis est, quam qui adversus nos est ; et pacem cum Deo habentibus, ac semper Patri cum toto corde dicentibus : Fiat voluntas tua, nulla prævalere certamina, nulli possunt nocere conflictus. » Causam subdit : quia « con-

sensum animi carnis concupiscentiis denegantes, inimicitias quidem adversus nos ejus, qui peccati est auctor, commovemus, sed inexpugnabilem cum Deo pacem gratiæ ipsius serviendo firmamus, ut regi nostro non solum obedientia subjiciamur, sed etiam judicio copulemur. » Quocirca « ipse jam pro nobis omnia bella conficiet : ipse qui dedit velle, donabit et posse, ut simus cooperatorum operum ejus, et propheticum illud cum fidei exultatione dicamus : Dominus illuminatio mea, et salus mea, quem timebo ? Dominus defensor vitæ meæ, a quo trepidado ? »

2. PER QUEM ET HABEMUS ACCESSUM PER FIDEM IN GRATIAM TUAM — justificationis et remissionis peccatorum, ex qua pax ista sequitur (1).

Nota : et hic non tam copulativum est quam explicativum et causale, idemque valet, quod utpote, q. d. Justificati habeamus pacem per Jesum Christum, utpote per quem accessum habemus ad gratiam istam. Ita S. Chrysostomus.

IN QUA STAMUS, — id est constanter perseveramus, Græce ἵσταμεν, id est erecti consistimus, firmi permanemus.

GLORIAMUR IN SPE. — ἐν ὁμιᾷ, id est sub spe, vel propter spem, seu quia speramus gloriam præparatam filiis Dei : Græce deest et filiorum.

Nota : Primus fructus et excellentia justitiæ est pax, vers. 1. Secundus est spes gloriæ, vers. 2. Tertius est, magnitudo animi et lætitia in adversis ob spem gloriæ. « Et facere et pati fortia, non Romanum, ut aiebat Scævola, sed Christianum est. » Quartus est, quod per eam efficimur Deo amici et dilecti per charitatem, vers. 5. Quintus est, quod per eam a Deo adoptamur in filios, eoque patre gloriamur, vers. 11. Sextus est, merces vitæ æternæ, vers. ultimo.

3. NON SOLUM AUTEM (scilicet gloriamur in spe ista, inquit Theophylactus), SED ET GLORIAMUR IN TRIBULATIONIBUS, — quas propter Christum, aut pro Christo, et vita Christiana patimur, reputantes eas esse insignia Dei dona et beneficia, quibus nos ipse donat, perficit ac promovet ad patientiam omnemque virtutem, ac præsertim ad spem certam futuræ gloriæ (2). Hanc enim causam dat ipse Apostolus, cum subdit : « Scientes quod tribulatio patientiam operatur. » Eandem causam dat S. Bernardus, serm. 17 in Psalm. xc : « Siquidem, inquit, in tribulatione spes gloriæ, imo et ipsa in tribulatione gloria continetur, sicut spes fructus in semine, sic et ipse fructus in semine est. » Addit secundam : quia Deus promittit dicitque,

(1) Commatis 2 sensus est : Per quem etiam potestatem accipimus fide fruendi hujus beneficii, quo Dei favore perfruimur, etc. *Gloriamur*, tum quia felicitas operata cum honore conjuncta est, tum ut spes nostra eleganter opponatur ineptis Judæorum gloriationibus, II, 17, 23 ; III, 27.

(2) Occurrit Paulus tacitæ objectioni : vos gloriamini spe felicitatis a Deo promissæ, interim affligimini, vexamini, dedecora et contumelias adicimini. Respondet Apostolus, etc.

« Cum ipso sum in tribulatione. » Hoc est quod S. Martinus diabolo Christum se mentienti, et apparenti in gloria, respondit : « Christus suis in hac vita non nisi in cruce apparet : » ita Sulpitius in ejus Vita. Jam quis non aveat, quis non gaudet esse ubi Christus, ubi Deus est? « Bonum, ait S. Bernardus ibidem, mihi, Domine, magis tribulari, dummodo ipse sis mecum, quam regnare sine te, epulari sine te, sine te gloriari. Bonum in tribulatione magis amplecti te, in camino habere te mecum, quam esse sine te vel in cœlo. Quid enim mihi est in cœlo, et a te quid volui super terram? » Præclare S. Augustinus in *Sentent.*, num. 226 : « In præsentia, ait, vita, et deliciæ temporales dulces sunt, et temporales tribulationes amaræ sunt. Sed quis non bibat tribulationis poculum, metuens ignem gehennarum? Et quis non contemnat dulcedinem sæculi, inhians bonis vitæ æternæ? »

SCIENTES QUOD TRIBULATIO PATIENTIAM OPERATUR.

— « Operatur, » ut causa non efficiens, sed materialis, scilicet ut occasio, objectum et excitementum patientiæ : de quo vide Chrysostomum in *moralibus homil.* 9. Simili modo et sensu vulgo dicitur, quod tortores martyribus, et impii piis quos vexant, fabricant coronam in cœlis. Loquitur enim Paulus de justis constantibus et cordatis, qui ex tribulatione robustiores et perfectiores evadunt, non de timidis et levibus, qui tribulationi cedunt et succumbunt. Addit hic notatque S. Chrysostomus Deum in hoc statu lapso, quo concupiscentia diffuimus, necessario immisisse nobis tribulationes ad eam necessariam et stringendam. Sicut enim silvestres aves cicurantur cavea, equi indomiti freno, canes loro : sic per tribulationes homo alias incompositus et indomitus fit mitis, patients, flexilis, obediens Deo.

Unde notat Hugo Cardinalis Apostolum hic innuere, patientiam esse veluti terram fructiferam, quam tribulatio operatur, id est arat, colit, ut fructum ferat meritorum, eo sensu, quo *Gen.* II Adam dicitur positus in paradiso, ut operaretur illum. Hinc patet, quam alacri animo excipienda sit quævis tribulatio, utpote quæ velut diligens agricola, nostram patientiam, quasi tellurem exerceat, ut uberem meritorum segetem proferat.

Vers. 4. **4. PATIENTIA AUTEM (operatur) PROBATIONEM,** — quia scilicet nos nostramque virtutem probat, ut fornax probat aurum. Secundo et melius « patientia » operatur « probationem, » id est terminum probationis, experimentum scilicet (hoc enim significat Græcum *δοκιμή*, quod non active, sed passive tantum capitur), ut sit probatus et exploratus animus patientis, pateatque quanti Deum et cœlestia faciat (utpote pro quibus tanta tam generose patitur), ac consequenter quam laudabilis et excelsus sit. Ita Cajetanus et Toletus. Aliter ergo sumit probationem S. Jacobus, cap. I, cum e contrario ait, quod probatio fidei patientiam operetur, scilicet pro ipsa tribulatione et perse-

cutione, quæ hominem exerceat et probat : hæc enim operatur et excitat patientiam eo sensu, quem paulo ante dedi. Quocirca S. Augustinus, in *Sententiis* (quas ex eo excerpit S. Prosper et habentur in fine tomi III S. Augustini), num. 186 : « Non queratur, ait, homo quando in his quæ juste habet, patitur aliquas adversitates. Per amaritudinem enim inferiorum docetur amare meliora, ne viator tendens ad patriam stabulum præ modo diligat. »

PROBATIO VERO (operatur) SPEM, — id est spei robur et vigorem. Ita S. Chrysostomus et Anselmus : nam alioqui simpliciter spes præcedit et operatur patientiam et probationem. Hinc contra Novantes nota : Licet spes primario Dei ope et gratia nitatur, secundario tamen bonis quoque operibus patientiæ, et aliis ex gratia factis nititur. Tria hæc spem roborant, ait Bernardus in *Sententiis* : Primum, est humilitas collata sapientiæ; secundum, firmitas constantis patientiæ; tertium, veritas inspirationis occultæ.

Vers. 5. **5. SPES AUTEM NON CONFUNDIT.** — *οὐ κατασχύνει*, id est non solet puerescere, quia scilicet sperantem non frustratur, nec fallit, sed eum certo perducit ad assecutionem rei speratæ a Deo. Secus se habet spes fallax, quam collocamus in hominibus, quæ sæpe fallit, ideoque pudorem afficit : ita Theophylactus et Anselmus. Quid enim sunt spes mortalium, nisi (ut aiebat Plato) somnia vigilantium, aut potius desiderantium? « Spes, inquit S. Bernardus, serm. 37 in *Cant.*, non confundit, quia infundit certitudinem; per hanc enim ipse Spiritus testimonium perhibet spiritui nostro, quod simus Filii Dei. » Vere S. Augustinus in illud Psalmi xxx, *Odisti observantes vanitates supervacue : ego autem in Domino speravi* : « Ego, inquit, qui non observo vanitatem, in Domino speravi. Speras in pecunia, observas vanitatem; speras in honore et sublimitate aliqua potestatis humanæ, observas vanitatem; speras in aliquo amico potente, observas vanitatem. In his omnibus cum speras, aut tu expiras, et ea hic dimittis; aut cum vivis, omnia pereunt, et in spe tua deficiis. Istam vanitatem commemorat Isaïas, dicens : Omnis caro fœnum, et omnis gloria ejus quasi flos fœni. Aruit fœnum, et flos ejus decidit : verbum autem Domini manet in æternum. Ego autem, non quomodo illi qui sperant in vanitates et observant, sed in Domino speravi, qui non est vanitas, » sed ipsa veritas et stabilitas.

Idem in illud Psalmi ix, *Sperent in te qui novērunt nomen tuum* : « Ne sperent, inquit, in his rebus, quæ temporis volubilitate præterfluunt, nihil habentes, nisi Erit et Fuit. Quoniam quod in illis futurum est, cum venerit, fit statim præteritum, et quod expectatur cum cupiditate, amittitur cum dolore. In Dei autem natura non erit aliud, quasi nondum sit, aut fuit, quasi jam non sit; sed est tantum id quod est, et ipsa est æternitas. Desinant igitur sperare et diligere temporalia, et

Spes contra Novantes nititur bonis operibus. Tria spem roborant.

Vers. 5.

Moale : spei divitiæ certitudo, spei humane vanitas.

Stabilitas et firmitas spei in Deum.

se ad æternam spem conferant, qui cognoscunt nomen ejus, qui dixit : Ego sum qui sum. »

D. Bernardi pulchra ad spem exhortatio. Egregie vero, ex hoc Apostoli fundamento, quod scilicet spes non confundat, S. Bernardus omnes ad spem in Deum excitat, serm. 9 in Psal. *Qui habitat* : « Quoniam, inquit, tu es, Domine, spes mea, altissimum posuisti refugium meum. Quidquid agendum sit, quidquid declinandum, quidquid tolerandum, quidquid operandum, tu es, Domine, spes mea. Hæc una mihi omnium promissionum causa, hæc tota ratio meæ expectationis. Prætendat alter meritum, sustinere se jactet pondus diei et æstus, jejunare se bis in sabbato dicat, postremo non esse sicut cæteros homines gloriatur : mihi autem adhærere Deo bonum est, ponere in Domino Deo spem meam. Speret qui vult in incerto divitiarum. Ego vero, ne ipsa quidem nisi abs te victui necessaria spero, nimirum verbo tuo confidens, in quo abjeci omnia. Nempe tibi derelictus est pauper, orphanus tu eris adjutor. »

In quolibet particulari casu sperandum in Deo. Deinde in particulari quolibet casu sperandum esse in Deo, ita docet : « Si mihi præmia promittuntur, per te obtinenda sperabo. Si insurgant adversum me prælia, si sæviat mundus, si fremat malignus, si caro adversus spiritum concupiscat, in te ego sperabo. Qui dicit : Quoniam tu es, Domine, spes mea, jactet cogitatum suum in Domino, sciens quod enutriendus sit ab illo, sicut scriptum est : Omnem sollicitudinem vestram projicientes in eum, quoniam ipsi cura est de vobis. Ut quid enim, si hæc sapimus, ut quid cunctamur abjicere omnino spes miseras, vanas, inutiles, seductorias, et huic uni tam solidæ, tam beatæ spei, tota devotione animi inhærere? » Et causam hujus soliditatis spei assignans, subdit : « Si quid illi impossibile, si quid vel difficile est, quære aliud in quo speres : sed verbo omnia potest. Quid facilius dictu? An vero de facilitate jam non dubitas, sed ipsa tibi est suspecta voluntas? quando in se speranti desit illa majestas, quæ tam studiose monet in se sperare? plane non derelinquit sperantes in se. Adjuvabit eos, ait, et eruet eos a peccatoribus. Quære, quibus meritis? quia speraverunt in eo. Dulcis causa, attamen efficax et irrefragabilis. Quis speravit in eo, et confusus est? »

Causa soliditatis spei. Atque hic est acer stimulus, qui sanctos heroes excitavit, et etiamnum excitat ad audendum magna, ad res heroicas arduasque fortiter pro Deo vel aggrediendas, vel sustinendas. Sciebant enim se non confundendos, quia spes non confundit. De his S. Bernardus, serm. 32 in Cant. : « Jam vero, inquit, magni patris familias, seu regis majestatis schema apparere existimo his, qui accedentes ad cor altum, de majori spiritus libertate, et puritate conscientie magnanimoiores facti, consueverunt audere majora. » Dat exempla : « Talis erat Moyses, qui audebat dicere Deo : Si inveni gratiam in oculis tuis, ostende mihi teipsum. Ta-

lis Philippus, qui sibi et suis condiscipulis Patrem flagitabat ostendi. Talis et Thomas, qui nisi sua manu tangeret vulnus et fossam latus, credere recusabat. Pusilla fides, sed de magnitudine animi miro modo descendens. Talis quoque David, qui et ipse dicebat Deo : Tibi dixit cor meum, exquisivit te facies mea : faciem tuam, Domine, requiram. Tales itaque magna audent, quoniam magni sunt ; et quæ audent obtinent, juxta verbum promissionis ad ipsos, quod est istius modi : Quemcumque locum calcaverit pes vester, vester erit. Magna siquidem fides magna meretur ; et quatenus in bonis Domini fiduciæ pedem porrexeris, eatenus possidebis. » Et paulo inferius : « Igitur istius modi magnis spiritibus magnus occurrit sponsus, et magnificabit facere cum eis, ita ut dicat qui ejusmodi est : Quia fecit mihi magna qui potens est. Regem in decore suo videbunt oculi ejus præeuntem se ad speciosa deserti, ad flores rosarum, et lilia convallium, ad amœna hortorum, et irrigua fontium, ad delicias cellariorum, et odora aromatum, postremo ad ipsa secreta cubiculi. Beatus qui implevit desiderium suum ex ipsis. »

QUIA CHARITAS DEI DIFFUSA EST IN CORDIBUS nostris PER SPIRITUM SANCTUM, QUI DATUS EST nobis. — Quæres, quænam hic intelligatur *charitas Dei*? **Primo** S. Chrysostomus, Theophylactus, Ambrosius, Cajetanus et Toletus respondent, quod *charitas Dei* sit *charitas*, quæ est in ipso Deo, qua Deus nos diligit : hæc diffusa, vel, ut Græce est, *ἐκχυται*, id est *effusa* « est in cordibus nostris. » **Quia** in iis efficit *charitatem*, gratiam omniaque dona et virtutes Spiritus Sancti. Huic sensui valde favent sequentia, maxime vers. 8. Simili modo vulgo dicitur : Liberalitas regis effusa est in hunc principem ; *q. d.* Paulus : Spes non confundit, quia Dei, in quem speramus, *charitas* et liberalitas in nos effusa et profusa est, quia scilicet jam non per legis, sed per fidei justitiam accepimus ex Dei charitate Spiritum Sanctum, quo sumus effecti divinæ consortes naturæ, Deo amici, chari, dilecti, ab eoque omnibus gratiis et virtutibus dotati et ditati. Si autem antequam tales essemus, Deus dedit pro nobis Filium suum in mortem ; multo magis jam postquam tales sumus effecti, dabit nobis quasi amicis et filiis suis, tanquam pater amantissimus, ea quæ speramus et postulamus ab eo, quæque ipse filiis suis promisit.

Secundo, S. Augustinus, *De Spiritu et Litt.*, xxxii ; S. Bernardus, *epist.* 107, Anselmus et passim Doctores Scholastici, imo Concilium quoque Tridentinum, sess. VI, cap. vii, « *charitatem Dei* » hic intelligunt non eam, quæ est in ipso Deo increata et æterna, sed eam quæ est in nobis a Deo creata et donata in tempore, quam scilicet Deus nobis infundit, ut eum diligamus : illa enim proprie diffundi vel effundi dicitur, *q. d.* Paulus : Spes æternorum non confundit nos, quia *chari-*

*Primo per charitatem Dei aliqui intel-
ligunt eam quæ
est in ipso
Deo.*

*Secundo per charitatem intelligunt alii habitum charitatis infu-
sum.*

tatem habemus, qua Deum diligimus sumusque Dei amici : Deus autem amicos suos in se sperantes non confundet, imo vero iisdem diligentibus se hæc sperata æterna bona præparavit : nam vocula enim dat causam præcedentium, cur scilicet spes non confundat.

Nota : Verbo *effundi*, innuit Paulus charitatem ad omnes motus et actus animæ perficiendos se extendere : ita S. Thomas.

Tertio, plenissimus erit sensus, si charitatem Dei utramque accipias, scilicet creatam et incretam; et de utraque hunc locum explicat Origenes, Theodoretus, OEcumenius et D. Thomas, q. d. Paulus : Charitas Dei increata effudit se per charitatem creatam a se diffusam et effusam in cordibus nostris; ideoque spes, quam habemus in Deum, nos non confundet, nec pudefaciet, eo sensu, quem jam dedi.

Nota quod ait Paulus : « Per Spiritum Sanctum, qui datus est nobis. » Hinc enim patet, in justificatione non tantum gratiam Spiritus Sancti, sed et ipsum Spiritum Sanctum quasi primum Dei donum nobis dari; non solum enim Spiritus Sanctus nobis charitatem et dona sua communicat, sed et per ea in nobis ipse Spiritus Sanctus inhabitat : licet enim antea ipse in anima fuerit per essentiam, potentiam, præsentiam; datur tamen rursum animæ, dum illa justificatur, ut sit in ea novo modo, scilicet quasi in templo suo, eamque per charitatem sanctificet faciatque participem sui amoris. Est enim ipse primus et increatus amor.

Hinc refellitur error Magistri Sententiarum, lib. I *Sent.*, dist. 16 et 17, docentis charitatem quæ in nobis est, non esse qualitatem creatam et infusam, sed esse ipsummet Spiritum Sanctum, qui per se solum sine habitu charitatis infuso operatur in nobis et nobiscum actum amoris; nam Apostolus asserit hic charitatem diffundi in cordibus nostris; Spiritus autem Sanctus diffundi non potest, nisi per charitatem aliaque dona creatam et infusa.

Secundo, quia Apostolus distinguit hic charitatem a Spiritu Sancto, tanquam effectum a sua causa, ait enim : « Charitas Dei diffusa est per Spiritum Sanctum; » ergo charitas alia et diversa est a Spiritu Sancto. Sicuti lux effusa in hac domo per lampadem, alia est a lampade lucem diffundente.

Dices : S. Augustinus, lib. *De Trinitate*, cap. VII et VIII, et alibi, dicit charitatem, qua nihil melius est, esse Deum nosque Deum diligere charitate, quæ Deus est. Hæc sententia Magistro Sententiarum errandi occasionem dedit.

Respondeo, Augustinum loqui more Platoniorum : fuit enim ipse ante conversionem Platonius. Platonici autem hac phrasi utebantur, ut dicerent nos esse bonos bonitate Dei, amantes amore Dei, sapientes sapientia Dei, nos verum cognoscere veritate incommutabili, quæ hanc

est, qua phrasi tantum significare volebant, quod bonitas, amor, sapientia, veritas, quibus sumus formaliter boni, amantes, sapientes, veri, sint participatio quædam bonitatis, amoris, sapientiæ et veritatis increatæ, quæ est in Deo, non autem quod per amorem, sapientiam, bonitatem, quæ est in Deo, simus formaliter amantes, sapientes, boni : hoc enim est impossibile. Est ergo metonymia in hac phrasi; cum enim dicitur : Charitas nostra Deus est, sensus est : Charitas nostra creata manat a charitate increata, quæ est Deus ipse; et sic charitas nostra non formaliter, sed originaliter, causaliter et participative est ipse Deus.

Rursum, ex hoc Apostoli loco probari potest, justitiam esse qualitatem et donum nobis inhærens. Hoc enim insinuat verbum, *effunditur in cordibus nostris*, et *per Spiritum Sanctum, qui datus est nobis*. Ita Concilium Tridentinum, loco jam citato. Unde S. Augustinus, lib. III *De Doctrina Christ.*, cap. x : « Charitatem, inquit, voco animi motum ad fruendum Deo, propter ipsum; et se atque proximo, propter Deum. » Et lib. *De Moribus Ecclesiæ* : « Virtus, inquit, illa (charitas sive dilectio) quæ ipsius animi nostri rectissima affectio est, si in alio est, favet ut jungamur Deo; si in nobis est, ipsa conjungit. » Insuper S. Augustinus, *Sententia* 348, ex hoc loco docet multos Christianos per unum Spiritum Sanctum et unam charitatem fieri unum unitate dilectionis : « Multorum, ait, hominum multæ sunt animæ et multa sunt corda : sed ubi per dilectionem fidemque adhærent Deo, una anima et unum cor fiunt. Si ergo charitas Dei diffusa in cordibus nostris per Spiritum Sanctum, qui datus est nobis, tantam unitatem multarum animarum et multorum cordium facit; quanto magis in Patre, et Filio, et Spiritu Sancto, æterna et incommutabilis unitas manet, ut indifferens Trinitas, unus Deus, unum lumen et unum principium. »

DIFFUSA EST, — tum in baptismo, tum in operibus poenitentiae, charitatis aliarumque virtutum, quibus vel primo, vel magis justificamur; tum proprie et peculiariter in impositione manuum, ait S. Augustinus, lib. VI *Contra Julian.*, cap. xi, puta in sacramento Confirmationis : in eo enim datur et diffunditur robur et plenitudo Spiritus Sancti. Nota hunc Augustini locum : ex eo enim contra Novantes patet, Confirmationem conferre gratiam, imo plenitudinem gratiæ, ac consequenter esse Sacramentum legis novæ. Hæc enim impositio manuum non est Ordinatio, sed Confirmatio : quia hæc charitatis diffusio, quæ per eam fit, non solis Clericis, sed omnibus Christianis competit. Omnibus enim Christianis loquitur hic Apostolus, qui olim mox a baptismo sacramentum Confirmationis suscipiebant, cum soli Clerici Ordinationem susceperent.

Porro hanc charitatem in nobis diffundit Spi-

tem nos-
tram esse
Deum.

Justitia
est quali-
tas nobis
inhærens.

ritus Sanctus, ut per eam facilem et suavem reddat legem jugumque Christi. Audi S. Augustinum in *Sententiis*, num. 222 : « Omne præceptum Dei leve est amanti. Nec ob aliud intelligitur dictum : Onus meum leve est, nisi quia per Spiritum Sanctum diffunditur charitas in cordibus nostris, ut diligendo liberaliter faciamus : quia quod quis timendo facit, serviliter facit. Neo est animus rectus, quando mallet, si fieri posset, id quod rectum est non juberi. »

Vers. 6. 6. UT QUID ENIM CHRISTUS, CUM ADHUC INFIRMUS ESSEUS, SECUNDUM TEMPUS PRO IMPIIS MORTUUS EST? — Est occupatio. Dicit enim quis : Quomodo sequitur, Amicitia et charitas Dei diffusa est in cordibus nostris : ergo spes non confundit. Sequelam hanc probat hic Apostolus eo modo quo dixi ex Chrysostomo jam paulo ante vers. præced.

Peccatores infirmi. Nota : *Infirmitas* vocat hic Apostolus peccatores : hi enim infirmi sunt ex morbo peccati et consequenter impotentes ad opera salutis, ipsamque salutem sibi accersendam. Ita Theodoretus.

Secundum tempus. — Græce κατά χρόνον, id est opportune, opportuno tempore ; cum scilicet, ut ait S. Hieronymus, ad *Algasiam*, epist. 151, quæst. II et VII : « Omnia plena essent infidelitate et peccato, et maxime egerent redemptione et medico. » Vel, ut Theodoretus : « Cum tempus a Patre præscriptum esset expletum. » Sic et Theophylactus (1). Vel, ut Sedulius : « Cum ultima esset mundi ætas. » Sic enim Hebræi dicunt כֶּתֶת, id est secundum tempus, pro eo quod nos dicimus, *Hoc tempore, hac ætate*.

Varia lectio et explicatio horum verborum, secundum tempus.

Aliter id explicat Ambrosius et S. Anselmus : « Secundum tempus, » inquit, id est, ad tempus, breve scilicet, mortuus est Christus, quia tertio die resurrexit.

Aliter quoque Chrysostomus, qui hæc nectit cum τῶν infirmi ; q. d. Cum infirmi essemus secundum tempus, id est, pro eo tempore quo eramus infirmi ; quando scilicet tempus erat infirmitatis et legis, non gratiæ, tunc mortuus est Christus : sed primus sensus germanior est, magisque congruit phrasi Græcæ et menti Paulinæ.

Vers. 7. 7. VIX ENIM PRO JUSTO QUIS MORITUR : NAM PRO BONO FORSITAN QUIS AUDEAT MORI. — S. Hieronymus, ad *Algasiam*, epist. 151, quæst. VII, quinque hujus loci affert sensus.

Primus est Marcionis, qui duos faciens deos, unum veteris Testamenti, secundum novi, illum aiebat hic vocari *justum* et severum, pro quo nulli vel pauci mortem subierunt ; hunc vero *bonum* et benignum, pro quo plurimi Martyres mortui sunt.

Secundus est Arij, afferentis *justum* esse Christum, *bonum* esse Patrem.

(1) Et quidem recte. Igitur κατά χρόνον hic omnino cum mortuus est construendum est, et indicat *stato tempore*.

Tertius est aliorum, quos postea secutus est Eucherius, in *Quæst. novi Testamenti*, dicentium *justum* esse legem veterem : hæc enim erat lex justitiæ. *Bonum* vero esse Christum et legem Evangelii : hæc enim est lex bonitatis et clementiæ, unde et plurimos habet Sanctos ac Martyres.

Quartus est eorum qui censent eundem hic vocari *justum* et *bonum*, Christum scilicet.

Quintus, qui S. Hieronymo placet, est, « pro justo et bono, » id est pro justitia et re bona, v. g. pro tuenda veritate, vix et raro se morti quis obijcit.

Sextus est commentarii Ambrosiani, *justum* esse virum perfectum, *bonum* esse simplicem et innocentem, cujus commiseratione facilius quis pro eo moriatur.

Septimus est Cajetani, *justum* esse virtute præditum, *bonum* esse excellentem sanctitate et religione.

Octavus est S. Thomæ, eundem esse *justum* et *bonum*, hoc sensu, q. d. Vix pro justo quis moritur. Dixi vix, quia fieri potest ut aliquis pro bono, id est justo, moriatur, q. d. Vix sunt ; sunt tamen aliqui, qui pro viro bono et justo morti se exponant.

Nonus est aliorum, qui sic explicant, pro justo, id est pro justitia, vix aliquis ; pro bono viro, id est pro utilitate propria, nonnulli mori audent.

Decimo, optime et maxime genuine Catharinus et Vatablus censent *justum* hic vocari virum sanctum, *bonum* vero eum qui beneficus est, quique beneficentia sua multorum amorem sibi conciliat ; ut τὸ ἀγαθόν, ponatur pro ἀγαθοποιῶν, vel ἀγαθοποιῶντος, sic enim ponitur et sumitur I Reg. xxv, 15 ; Psal. lxxii, 1 ; Galat. v, 22 (ubi bonitas, quæ est fructus Spiritus Sancti, idem est quod beneficentia) ; I Reg. xxix, 6 ; Prov. xxii, 9, in Hebræo, ubi sic dicitur, תּוֹב אֵין tob ain, id est bonus oculo ; hoc est, ut noster Interpres vertit, « pronus ad misericordiam, benedicetur. » Sic Codrus, Decii, Samson et alii pro patria sua sibi bona, id est benefica, mortem oppetierunt. Sic et Leonides, rex Lacedæmonum, cum trecentis in castra Xerxis irrupturus, cum ab Ephoris rogaretur, num quid vellet : « Ego, inquit, nomine tenus vado quasi pro Græcis pugnaturus, sed reipsa pro patria moriturus. » Et ad suos : « Prædate, ait, commilitones, quasi apud inferos cœnaturi ; » itaque in hostes irrumpens et fortissime dimicans occubuit (2).

Nota : Græce est τολᾶν, id est *sustineat*.

8. COMMENDAT AUTEM CHARITATEM SUAM DEUS IN **Vers. 8.**

(2) Hoc versu magnitudinem charitatis divinæ erga nos laudat Apostolus, eamque ratione admodum populari illustrat : Inter homines inauditum est, ut quis moriatur pro justo (id est, viro bono : Christus autem mortuus est pro nobis peccatoribus). Pro viro bono (benefico, qui magnis nos afficit beneficiis), forsitan quis animum induxerit appetere mortem.

Tertius, Eucherius.

Quartus sensus.

Quintus, Hieronymus.

Sextus, Commentarii Ambrosiani.

Sptimus, Cajetani.

Octavus, D. Thomæ.

Nonus sensus.

Decimus, Catharini et Vatabli.

NOBIS (in nos, erga nos): **QUONIAM CUM ADHUC PECCATORES ESSEMU**, **CHRISTUS PRO NOBIS MORTUUS EST.** — Ecce hæc est charitas Dei et Christi in nos, de qua egit vers. 5 et deinceps, *q. d.* Inter homines nullus est tantæ charitatis, ut pro viro justo mori velit, pauci vero et rari sunt, qui pro benefactoribus suis mortem subeant; atqui Christus ex charitate sua et Patris in nos, pro nobis, iisque injustis, et malefactoribus peccatoribusque mori voluit: ergo Christus longe omnem omnium hominum charitatem superat et transcendit.

Charitas
superat
omnem
charita-
tem.

Vide hic et obstupescere immensitatem amoris Dei et Christi. Objectum amoris est bonum: nec homines quid amant nisi quia pulchrum, sapiens, dives, delicatum, nobile et in summa bonum. Quid in nobis, Domine, boni invenisti, quid pulchri quod amares? Fœdi eramus, insipientes, mendici, putidi, viles, miseri et miserabiles. Fœdos amavi, inquit, ut pulchros efficerem; inimicos amavi, ut amicos facerem; insipientes amavi, ut sapientes redderem; mendicos amavi, ut divites; viles, ut nobiles; miseros, ut beatos et gloriosos efficerem. Hæc est celsitudo et nobilitas amoris divini, qua omnes creatos amores transcendit, ut objectum non inveniat, sed amando creet. Ratio enim amandi in Deo petitur et fundatur non in objecto amato, sed in ipso Deo amante. Ideo enim amat, ut sua bona malis communicet, ut suum amorem in hostes transfundat, eosque ex hostibus faciat amicos, imo filios et hæredes, uti docet S. Dionysius, lib. *De Divin. Nomin.* Porro hunc Dei amorem facit admirabilem et stupendum, quod non angelum, non Seraphinum, sed seipsum dederit pro nobis vilissimis terræ vermiculis: dederit autem non quomodocumque, sed in mortem et crucem. Poterat nos mille modis redimere et salvare, sed ut divinum et immensum amorem in nos ostenderet, voluit seipsum pro nobis dare lytrum, omnemque sanguinem, spiritum et vitam pro nobis profundere. O amor, quantum amasti nos! o amor! o stupor!

9. SALVI ERIMUS AB IRA PER IPSUM. — « Ab ira, » id est a justa vindicta, qua Deus punit et punit peccatores, maxime in die iudicii. Ita S. Augustinus, lib. III *De Trinit.*, cap. xvi. Clara est hæc ratiocinatio Apostoli.

10. SI ENIM CUM INIMICI ESSEMU, **RECONCILIATI SUMUS DEO PER MORTEM FILII EJUS: MULTO MAGIS RECONCILIATI, SALVI ERIMUS IN VITA IPSIUS.** — « In vita, » qua scilicet ipse Christus, postquam a morte resurrexit, jam vivit vita beata et gloriosa, Hæc est argumentatio Apostoli: Si Christus dignatus est mori pro nobis, et moriens per mortem suam reconciliavit nos Deo Patri; multo magis ipse jam vivens in gloria, perficiet opus, quod cœpit, atque salvabit nos jam reconciliatos sibi et Patri, atque quasi mediator efficiet resurrectionem animæ et corporis nostri: jam enim nullus ei mortis aut passionis est labor, estque in sum-

ma gloria, potestate et amore nostri, ita ut sine ulla sui fatigatione aut molestia, unico verbo et nutu, idipsum efficere possit: ita Oecumenius. Totus hic Apostoli discursus eo tendit, ut probet spem electorum et probatorum non confundere: ad hoc enim probandum inducit et exaggerat charitatem Dei erga nos. Vide S. Augustinum, lib. XIII *De Trinit.*, cap. x.

Spes electo-
rum
propter
Christi
charita-
tem et po-
testatem
est incon-
fusibilis.

11. NON SOLUM AUTEM, — q. d. Non solum gloriamur in spe gloriæ, nec in solis tribulationibus, ut dixi vers. 3; eo enim redit post longam parenthesis. Vide *Can.* 38.

Vers. 11.

SED ET GLORIAMUR IN DEO (id est, gloriamur et prædicamus Deum nos habere patrem, amicum, familiarem, tutorem, protectorem, ac supra modum dilectorem, ait S. Chrysostomus, idque per merita Domini nostri Jesu Christi), **PER QUEM NUNC RECONCILIATIONEM ACCEPIMUS.** — Aliter Anselmus: « Gloriamur, ait, in Deo, » in eo quod consideramus nos cum illo futuros in gloria. Denique Theodoretus hæc ad proxime præcedentia refert, *q. d.* Paulus: Non tantum in futuro speramus salutem, sed etiam in præsentem in Domino gloriamur. Verum prima Chrysostomi expositio magis est ex mente et spiritu Apostoli.

12. PROPTEREA SICUT PER UNUM HOMINEM PECCATUM IN HUNC MUNDUM INTRAVIT (1). — « Propterea, » quia scilicet tanta charitate, uti jam ostendi, nos Christus amavit, ut sua morte reconciliaret nos Patri. Pergit enim hic Apostolus ostendere magnitudinem charitatis Christi erga homines, *q. d.* « Propterea, » id est, jam ut amplius declarem charitatem Christi in homines, propterea dico eum esse secundum Adam, eumque propter charitatem et beneficia in homines collata magis nostrum esse parentem, quam fuerit Adam, cum hic mortis, Christus vero vitæ sit auctor filiis suis omnibus.

Vers. 12.

Christus
secundus
Adam est
magis pa-
ter noster
quam
Adam.

SICUT PER UNUM HOMINEM PECCATUM IN HUNC MUNDUM INTRAVIT. — Est ἀναπαράδοτος. Deest enim altera similitudinis sive collationis pars, eaque supplenda est hoc modo: Ita per unum hominem, puta Christum, fuit iustitia in mundum ingressa, et per iustitiam vita, itaque vita in omnes pertransiit: in quo omnes iustificati et vivificati sunt, quicumque ex Christo per baptismum et gratiam renati sunt: hæc enim supplenda esse patet ex vers. 15 et seq.; imo, ut recte annotavit Origenes et Cajetanus, ipsemet Apostolus post longum hyperbaton, quo more suo alio abripitur, hæc eadem supplet et explet vers. 18. Simili-

Alterasi-
militu-
dinis seu
collatio-
nis pars
hic in
Apo-
lo sup-
plenda.

(1) Ostendit jam Paulus, vers. 12-21, beneficium, de quo hactenus disputaverat, pertinere non ad Judæos tantum, sed ad omnes omnino homines, et hanc felicitatem nos debere soli Jesu Christo, lege, circumcisione omnique merito nostro exclusis. Illustrat rem totam, instituens comparisonem Christi cum Adamo, qui quodammodo solus auctor peccati et pœnarum haberi potest. Quenadmodum nempe peccatum ab uno ad omnes transiit, sic quoque redemptio per unum omnibus contigit.

ter facit *ad Ephes. III*, ubi sententiam vers. 1 inchoatam, post longam digressionem tandem explet et perficit vers. 14. Vide *can. 38*. Aliter hæc adaptat Salmeron, scilicet, ut hæc pendeant a præcedentibus, *q. d.* Paulus: « Propterea » (ut scilicet gloriamur de Christo, et per Christum) reconciliationem accepimus per Christum: sicuti e contrario peccatum, mortem et damnationem per unum hominem, puta Adamum, accepimus et incurrimus. Sed hæc magis difficilis et implexa est præcedentium revocatio et subintellectio. *Per unum*, Erasmus vertit, *propter unum*. Sed perperam, et contra omnes interpretes: Græcum enim δὲ καὶ genitivo significat *per*, non *propter*.

Quæres, quis est hic unus homo?

Respondet Ambrosius esse Evam. Sed patet ex sequentibus non esse Evam, sed Adamum: hunc enim Paulus opponit Christo. Licet enim prima Eva peccarit, tamen Adam primaria fuit causa, uti generationis, ita et peccati originalis, ejusque propagationis: quia in ipso quasi capite constituta fuit nostra innocentia et justitia originalis. Unde valde verisimilis est sententia eorum qui sustinent, Adamo non peccante, licet Eva peccaret, non transfundendum fuisse peccatum originale. Ita *III, Quæst. LXXXI*, art. 3, sentiunt multi cum D. Thoma: licet aliqui contrarium teneant probabiliter, dicentes sub Adamo etiam Evam accipi. Erant enim Adam et Eva una caro, et quasi una persona: unde videtur consequi quod tam sola Eva peccante, quam solo Adamo peccante, peccatum originale ex ea contraxissent omnes ejus posterii.

PECCATUM INTRAVIT. — Pelagiani negantes peccatum originale, uti et Anabaptistæ, Faber et Zuñglius (quibus viam hic stravit Erasmus), docent peccatum hic vel metonymice accipi, pro pœna peccati, id est morte, quam solam dicunt in omnes pertransisse, vel secundo, peccatum ipsum pertransisse dicunt non propagatione, sed imitatione, quia omnes deinceps peccantes post Adam, etiam inscii ipsum secuti et reipsa imitati sunt. Unde Commentarius S. Hieronymo adscriptus, qui non est Hieronymi, sed Pelagii: « Peccatum, ait, intravit in mundum, » per Adamum; intravit, inquam, exemplo vel forma, quia scilicet Adam omnibus dedit peccati exemplum et formam. Verum hæc expositiones, vel potius evasiones et effugia cum verbis Pauli consistere nequeunt; nam, ut recte annotavit S. Augustinus, lib. *De Peccat. meritis*, cap. VIII, IX et X, Apostolus dicit peccatum intrasse, et per peccatum mortem: ergo per peccatum non intelligit mortem, sed peccatum proprie dictum, quod est causa mortis.

Secundo, quia Apostolus ait peccatum intrasse per Adam, sicut justitia intravit per Christum; atqui justitia in mundum per Christum intravit, non imitatione, nec in solo effectu suo, sed proprie per se, perque propagationem et communi-

cationem Christi: ergo pari modo peccatum in mundum intravit per Adamum.

Tertio, ut omittam Indos et alios Paganos, qui Adami peccatum, de quo nihil audierunt, imitati fuisse vere dici non possunt: Apostolus docet omnes homines peccasse in Adamo; ergo et infantes in Adamo peccarunt: infantes autem nullum habere possunt peccatum actuale: ergo necessum est ut habeant peccatum originaale propagatum ex Adamo.

Quarto, quia Concilium Milevitanum, *can. 2*, docet hunc Apostoli locum debere intelligi de peccato originali, quod generatione transfunditur. Respondet Erasmus Concilium Milevitanum fuisse particulare, ideoque se ejus decretis non teneri. Sed errat: nam approbatum est hoc Concilium ab Innocentio I, ut patet ex ejus epistola ad illud Concilium; et idem decretum iisdem verbis renovavit Concilium Tridentinum (quod fuit œcumenicum), *sess. V, can. 4*.

Dices: S. Chrysostomus ad hunc versum et ad vers. 29, ait nos ex Adamo peccatores et inobedientes nasci et esse, non proprie, sed improprie, scilicet peccatores, id est supplicio obnoxios, et mortis reos, puta mortales, passibiles, miseros.

Respondeo: Vult S. Chrysostomus dicere nos ex Adamo nasci peccatores, non proprie, id est non proprio actu, sed alieno, scilicet Adæ, ex quo reatum peccati originalis contrahimus, quo sumus rei et obnoxii morti. Nam S. Chrysostomus credidisse et docuisse peccatum originale inhærens cuique homini, patet tum ex aliis ejus locis, tum maxime ex homilia ipsius 40 in *I ad Corinth.*

Secunda, priori non absimilis hujus loci expositio est et Theodoret, qui asserit peccatum Adæ in posteros transisse non propagatione, sed occasione et incitatione; quia scilicet ex peccato Adæ omnes nascimur mortales, miseri, cupidi, indeque fit, ut in multa peccata labamur. Unde patet Theodoretum hic peccatum non proprie capere, sed metonymice, ut nimirum peccatum idem sit, quod propensio et proclivitas ad peccandum, scilicet ut peccatum idem sit, quod concupiscentia.

Verum hæc expositio iisdem argumentis quibus prior refellitur. Porro argumentum Theodoret est hoc: Quia, inquit, Apostolus vers. 19 ait peccatum hoc transisse in multos, non autem in omnes, uti dixisset, si peccatum ipsum originale intellexisset: ergo per peccatum intelligit pronitatem ad peccandum; non enim omnes, sed multi proni sunt ad peccatum. Verum hæc ratio debilis et nulla est: nam multi hic, uti et alibi, idem sunt, quod omnes. Ita enim explicat ipse Apostolus, vers. 12 et 18. Nota tamen Theodoret credidisse peccatum originale, ut patet cap. XII in *Epitome decretorum divinatorum*, ubi illud confitetur et adstruit.

Tertio, Cajetanus docet hic tantum Apostolum

Concilii
Milevita-
nici cano-
nica aucto-
ritas.

S. Chry-
sostomus
c. edidit
et docuit
peccatum
originale
inhærens
cuique
homini.

Theodo-
reti expo-
sitiō re-
fellitur
priori si-
milis.

Non sola
pronitas
ad pec-
candum
transivit
ad pos-
teros.

dicere, quod omnes Adæ posteri incurrant debitum, seu necessitatem contrahendi peccatum originale et mortem: non autem quod de facto omnes incurrant ipsum peccatum; nam probabile, inquit, est beatam Virginem non incurrisse peccatum originale: rursus probabile est non omnes Adæ posteros incurrisse mortem: nam Core, Dathan et Abiron vivi descenderunt ad inferos.

Non tantum necessitas peccandi, sed et peccatum ipsum in omnes homines pertransiit, contra Cajetanum. Sed certum est hunc Apostoli locum intelligi debere non tantum de necessitate contrahendi peccatum originale, sed etiam de ipso peccato originali, quod de facto omnes contrahunt. Vult enim dicere, omnes Adæ posteros de facto hoc peccatum ex Adamo trahere et incurrere. Ita enim hunc locum intelligit et intellexit semper Ecclesia, quæ in Concilio Arausicano, Milevitano, Tridentino, sess. V, can. 2, 3, 4, ex hoc Apostoli loco probat et definit, omnes homines, etiam parvulos, peccatum originale contrahere. Idque patet ex ipsis verbis Apostoli: ait enim ipse, non necessitatem peccandi, sed peccatum ipsum mundum intrasse, et per peccatum mortem, additque: « Et ita in omnes homines mors pertransiit, » scilicet, sicut peccatum in omnes homines pertransiit: atqui non tantum necessitas moriendi, sed et ipsa actualis mors in omnes pertransiit: ergo pari modo non tantum necessitas peccandi, sed et ipsum peccatum actu in omnes pertransiit.

Ad argumentum Cajetani respondeo, privilegium et exceptionem unius beatæ Virginis, vel paucorum aliorum, de quibus alibi dicendum est, non infirmare legem generalem. Nulla est enim lex tam generalis, quæ non patiatur exceptionem.

ET PER PECCATUM MORS, ET ITA IN OMNES HOMINES MORS PERTRANSIT. — Errat ergo Seneca, et cum eo Philosophi, quorum hæc est communis sententia: « Mors homini natura est, non pœna; » imo vero « mors homini pœna est, non natura; » ut hic docet Apostolus, et Sapiens cap. II: « Deus, inquit, creavit hominem inextinguibilem, » id est, immortalem et incorruptibilem, græce *ἀθάνατον*, id est immortalitatem, vel ad immortalitatem, ut scilicet esset immortalis, si vellet Deo obedire et persistere in sua innocentia. « Invidia autem diaboli » peccatum intravit, et per peccatum « mors introiit in orbem terrarum. » Male ergo Cicero naturam, quod in homines crudelis esset, eosque morbis et morti addiceret, accusavit. Male rursus Pythagoras, et ex eo Origenes, peccata quæ animam, antequam corpori conjungeretur, in cælo commisisset, mortis et ærumnarum hominis causam esse censuerunt.

Palestre de iis S. Augustinus, lib. V *Contra Julianum*, cap. XII et XV, sic ait: « In libro tertio de *Reipublica* Tullius hominem dicit, non ut a matre, sed tanquam a neverea natura editum in vitam, corpore et nudo, et fragili, et infirmo; animo autem anxio ad molestias, humidi ad ti-

mores, molli ad labores, prono ad libidines: in quo tamen inesset tanquam obrutus quidam ignis ingenii et mentis. » Hæc Cicero. Post hæc subdit Augustinus: « Neque hoc iste auctor dixit male viventium moribus effectum, sed naturam potius accusavit. Rem vidit, causam nescivit: latebat enim eum cur esset grave jugum super filios Adam a die exitus de ventre matris eorum, usque in diem sepulturæ; cum enim sacris Litteris eruditus non esset, ignorabat originale peccatum. » Et mox de Hortensio et aliis paulo altius assurgentibus subdit: « Qui nos ob aliqua scelera suscepta in vita superiore prænarum luendarum causa natos esse dixerunt, aliquid vidisse videntur; ut verum sit illud, quod est apud Aristotelem, simili nos affectos esse supplicio, atque eos, qui quondam, cum in prædonum Hetruscorum manus incidissent, crudelitate excogitata necabantur, quorum corpora viva cum mortuis, adversa adversis accommodata quam aptissime colligabantur: sic nostros animos cum corporibus copulatos, ut vivos cum mortuis esse conjunctos. » Verum hic et alibi docent scripturæ peccatum primi parentis Adæ causam esse mortis ipsius et omnium posterorum, ac consequenter omnium quoque ærumnarum hujus vitæ.

Ubi nota primo: Simul cum peccato introiit mors in hominem, ut, sicuti lictores immittuntur in domos et bona reorum, mox ut peccarunt, ita mors inmissa sit in homines reos, eosque sensim arrodit et consumat. Dum ergo vivimus, mortem (puta mortis principia et causas) gerimus in visceribus, quæ non cessat nobis morbos et ærumnas procreare, donec planè nos mortificet et absumat. Hinc Apostolus ait: « Corpus mortuum est propter peccatum: » mortuum, id est mortis necessitati et ærumnis ita obnoxium, ut videatur non tam esse vivum quam mortuum cadaver. Magna ergo animæ pœna est quod huic cadaveri sit alligata, et cum eo quasi tabescere et mori debeat, ut aiebat Hortensius apud S. Augustinum.

Nota secundo: Effectus et quasi filia peccati est mors: peccatum enim suum lictorem procreat, culpa parit pœnam; crimen parens est et causa mortis. Unde S. Jacobus, cap. I, 15: « Concupiscentia, inquit, cum conceperit, parit peccatum; peccatum vero, cum consummatum fuerit, generat mortem. » Ubi adverte: mater peccati est ipsa concupiscentia habitualis; pater est ipsa libera voluntas; semen matris est titillatio et delectatio, quam ingerit concupiscentia; semen patris est ipse consensus voluntatis in fieri; proles est peccatum in ipso facto esse; proles hæc vel est imperfecta, ut embryo et fœtus incompletus: talis est peccatum veniale ex indeliberatione commissum; vel est proles omnino formata: talis est peccatum mortale deliberatum et consensu voluntatis consummatum; nepos vero hujus patris et matris est mors tum præsens, tum futura et

Peccata, non natura, causa sunt omnium malorum et ærumnarum nostrarum.

I accipit in item causa mortis.

Quandiu vivimus, mortem gerimus, et alimus in visceribus nostris.

Effectus et filia peccati est mors.

Tota generatio peccati; et gradus consummationis et adultæritatis.

æterna gehennæ. Hinc *Job* xviii, 13, dicitur : « Consumat brachia illius (impii) primogenita mors. »

Primogenita mors, quoniam significata habet.

Quæres, quænam hic dicitur « primogenita mors? » S. Gregorius superbiam intelligit, quia ipsa est initium peccati; ipsa enim fuit prima mors angeli et animæ hominis. *Secundo*, Philippus presbyter et Beda, in *Job* cap. xviii, accipiunt diabolum, quia ipse invexit mortem in orbem terrarum, et ipse suæ mortis inventor est. Sic capitur mors *Apocal.* xx, vers. 14. *Tertio*, Lyranus intelligit mortem præcoccem et præmaturam. *Quarto*, Hebræi intelligunt morbum, qui impium primo corripit. Vatablus et Titelmanus intelligunt morbum gravissimum et lethalem. *Quinto*, subtiliter Pineda et Mercerus accipiunt mortem non vulgarem, sed maxime acerbam, funestam et violentam, qualis est mors juvenum et divitum : quomodo *Isaie* xiv, vers. 30, « primogeniti pauperum » vocantur maxime pauperes.

Primogenita dicitur mors, quia filia est peccati primogenita, ejusque ex asse hæres.

Verum sapidior, pientior magisque genuinus videtur esse sensus, quem dat Chaldaeus, ut mors proprie dicta ipsiusmet peccatoris et peccati vocetur *primogenita*, id est primæva filia, princeps et regina : quia ipsa quasi ex jure primogenituræ, in regno peccati, quasi patris sui hæres successit et dominatur : *primogenita* enim refertur ad *τὸ illius*, scilicet impii, et ad impietatem in impio inclusam, ejus primogenitam filiam Baldal apud *Job* mortem vocat, optatque ut, sicut impietas impio dominata est, sic eidem dominetur mors, quæ est filia et hæres impietatis, idque ex asse, ut quam late patet regnum impietatis, tam late pateat et regnum mortis, *q. d.* Mors, quæ prima per peccatum invecata est in mundum, adeoque quasi primogenita peccati filia, in regno peccati princeps successit et imperat, illa, inquam, mors devoret eum, scilicet impium et instar viperæ matrem suam, hoc est peccatum et peccatorem consumat. Unde vers. seq. illud ita explicans subdit : « Calcet super eum quasi rex interitus. » Sic sumitur « primogenitus » *Psal.* lxxxviii, 28 : « Et ego, inquit Deus, primogenitum ponam illum (Salomonem, et ejus antitypum Christum) excelsum præ regibus terræ, » *q. d.* Deus : Salomon et Christus in Israele et regno meo succedent, et latissime imperabunt, tanquam primogeniti mei, qui sum Rex regum et Dominus dominantium, filii. Vere dixit ille : « Tria potentia sunt, mas, Mars, mors; sed potentissima est mors. Sicut enim Mars marem, ita mors Martem domat. »

Locus moralis de gravitate malitiæ peccati.

Denique moraliter, vide hic quantum malum sit peccatum, quod generat tot morbos, mortemque ipsam, tum præsentem, tum æternam. Vis scire quid sit peccatum? intueri tantum unitum Adæ peccatum, et considera quot millionum hominum morbos, fames, ærumnas, neces, hoc unum peccatum pepererit; quam multi et parvuli et adulti propter illud damnantur; quod Dei Filius ad illud expiandum mori debuerit; et

videbis quantum malum sit unum peccatum mortale, dicesque, cum te voluptas ad peccatum sollicitat: Ego tantillo pretio mortem et æternum pœnitere non emo.

IN QUO OMNES PECCAVÉRUNT. — « In quo, » supple, non peccato, sed uno homine. Græcum enim ϕ est masculinum, ψ vero est femininum. Ita S. Augustinus, lib. *De Peccat. meritis*, cap. x, qui et rationem addit : « Quia, inquit, omnes homines fuerunt ille unus homo, scilicet Adam; » quod intellige, non formaliter, sed originaliter, radicaliter, seminaliter et representative, quia scilicet omnes homines in primo illo homine, quasi radice, parente et principio suo contenti, censi et comprehensi fuerunt, quodque Adam fecit, omnes ejus posterius fecisse censentur. Adam enim quasi pater et princeps omnes suos posteros representabat, sicut rex representat regnum, et magistratus representat civitatem. Ita Origenes, Chrysostomus, Theophylactus, Œcumenius et passim Patres Græci et Latini.

In Adam omnes homines contenti et censi peccaverunt.

Quare perperam Erasmus, Theodoretus et Perlagiani, $\tauὸ \epsilon \phi'$ ϕ vertunt, *quatenus, in quantum*, eo quod scilicet in Adamo omnes peccaverunt. Quam expositionem S. Augustinus, lib. VI *Contra Julian.*, xv, ait esse novam et falsam. Nec mirum aut rarum est, $\epsilon \tau \iota$ cum dativo significare *in*; nam *ad Hebr.* ix, 17, $\epsilon \tau \iota \nu \epsilon \psi \alpha \tau$, idem est etiam, teste Erasmo, quod *in mortuis*. Simile est hic vers. 14. Sic dicunt Græci, $\epsilon \phi' \epsilon \pi \omega$, $\epsilon \phi' \beta \alpha \nu$, *in equo, in vobis*. Et patet legenti Paulum et Lucam, eos indifferenter uti $\epsilon \tau \iota$, $\epsilon \tau$, $\epsilon \nu$, pro *in*. Imo $\epsilon \tau \iota$ cum dativo etiam causam significat, conditionem et pactum. Sic Xenophon, $\tau \alpha \upsilon \tau \alpha$, inquit, $\kappa \alpha \iota \nu \epsilon \tau \iota \tau \omega \kappa \epsilon \rho \delta \alpha$, id est hæc facere lucri causa. Sic passim dicunt Græci, $\epsilon \tau \iota \tau \omega \mu \iota \sigma \theta \omega$, id est pro mercede, ex pacto mercedis. Sic pariter hic $\tauὸ \epsilon \phi'$ ϕ accipi potest, *q. d.* Paulus : Cujus, scilicet Adami, causa et pacto, quod ipse cum Deo iniverat, omnes peccaverunt. Et licet veritas et legas, *quatenus omnes peccaverunt*, sat adhuc ex eo colligitur, peccatum originale; quomodo enim omnes homines, etiam infantes peccaverunt, nisi per unum hominem et patrem suum, scilicet Adamum?

Perperam Erasmus et Perlagiani pro eo quod, vertunt, in quantum.

Nota primo : Sicut in peccato actuali actus peccati transit, sed relinquit post se habituale peccatum, scilicet maculam in anima, quæ non est quid physicum, sed moralis quedam turpitudine et quasi nota et infamia ex peccato admissio reliqua, scilicet est moralis aversio a Deo, et offensa Dei, ex qua homo moraliter censetur aversus a Deo, et Dei hostis, Deusque illi infensus, et ex qua denominatur peccator, estque reus coram Deo, iræque Dei obnoxius et pœna dignus; sicuti qui regem offendit aliquo actu rebellionis, post actum adhuc censetur rebellis, hostis, reus, iræque et vindictæ regis subiectus, donec rex illi condonet: ita originale peccatum partim actuale est, scilicet est actus inobedientiæ Adami, quo primum vetitum comedit; partim vero est habi-

Peccatum originale, sicut actuale, est dupliciter: actuale et habituale.

Error
Pighii et
Cathari-
ni de pec-
cato ori-
ginali.

tuale, scilicet est macula cuique homini propria, quam quisque nascendo contrahit ex Adami illo primo peccato. Unde errant Albertus Pighius et Catharinus, dum peccatum originale non inhærens cuique, sed tantum primum ipsum Adæ peccatum esse voluerunt cuique imputatum ad culpam et pœnam. Hic enim error satis refellitur ex dictis vers. 12.

Ubi adverte, juxta hanc sententiam Pighii de peccato Adæ nobis imputato, pari modo hæreticos docere Christi justitiam similiter nobis non inhærere, sed tantum imputari. Verum ex ipsiusmet Lutheri, Calvini et aliorum passim Novantium sententia, potius contrarium colligimus et concludimus hoc modo: Adam vere transfudit in nos concupiscentiam et peccatum, ut ipsimet Novantes sentiunt et docent; ergo et pari modo, Christus vere et proprie transfundit in nos justitiam inhærentem.

Actus
inobedi-
entiae
in Ada-
mo par-
tim per-
sonalis,
partim
commu-
nis.

Nota secundo: Actus ille inobedientiae Adami jam dictus partim personalis fuit et proprius, ac inhærens ipsi Adamo, et hic est ei remissus per penitentiam, ut dicitur *Sapient*, x, 2; partim generalis fuit et communis totius naturæ humanæ, omniumque Adæ posterorum. Hi enim illo actu Adamo actualiter peccante, in eo quasi capite, fonte et seminario contenti, et quasi conclusi, originaliter idem peccatum commiserunt: quod enim Adam egit et comedit, nos censemur egisse et comedis; quia voluntas nostra posita fuit a Deo summo omnium Domino in voluntate Adami, tanquam communis omnium parentis: sic ergo Adam peccans omnes nos eodem peccato infecit. Et sic peccatum originale nobis voluntarium est voluntate aliena: dicitur tamen et proprium, tum quia Adæ voluntas censebatur nostra et propria, tum quia cuique proprie inhæret ejus macula habitualis, quam post se reliquit et transfudit actus Adami.

Nota tertio: Ille actus Adæ non qua personalis, sed qua toti hominum generi et naturæ fuit communis, scilicet quatenus eodem actu nos originaliter, cum nondum essemus, peccavimus in Adamo et per Adamum, causa est ut, cum ex Adam nascimur, aversi a Deo et maculati, ac peccatores nascamur. Communitum enim frivolum est id, quod fingit Magister Sententiarum in II, disp. xxxi, scilicet qualitatem quamdam morbidam carni et semini Adæ inhærentem fuisse, quæ deinde infecerit et indies successive inficiat animas prolium et posterorum ejus peccato originali. Nec enim qualitas corporea parere potest peccatum spirituale in anima.

Error
narrati-
Senten-
tiarum
fin. entis
in Adamo
qualita-
tem mor-
bidam,
quæ
transfun-
ditur ad
posterios.

Error
Tertul-
liani re-
finitur
asserentis
peccatum
oriri ex

Multo major error est Tertulliani, putantis animam filii esse ex traduce, id est traduci et produci ab anima parentis, sicque simul trahere ab ea peccatum originale; ut enim omittam hoc esse contra philosophiam et damnatum in Concilio Lateranensi, sub Leone X, sess. VIII, ubi definitur animas singulas singulis hominibus creari

et infundi a Deo, huic Tertulliani sententiæ obstat, quod anima filii trahit hoc peccatum a parente, etiam tunc cum parens justificatus est ab originali, omnique alio peccato: quomodo ergo peccatum hoc a parentis anima, in qua amplius non est, ad animam filii traduci potest.

traduce
animæ.

Hinc nota quarto: Aliud est in Adamo peccare, aliud est peccatum Adami in omnes pertransire, sive omnes ex Adamo peccatum contrahere: illud enim actuale fuit, hoc vero habituale est, et cuique proprium ac inhærens peccatum originale, ut dixi. Cum ergo ait Paulus, *in quo*, scilicet Adamo, *omnes peccaverunt*, sensus est, quod actus ille Adami, quo ipse peccavit, omnibus imputetur et censeatur omnium fuisse proprius, indeque fit, ut quilibet Adæ filius necessitatem peccati hujus ex Adamo, una cum natura sua trahat, et necessario, cum nascitur, peccator nascatur, nisi a Dei gratia et misericordia præveniatur. Sic B. Virgo in Adamo peccavit et hanc necessitatem contrahendi peccatum originale incurrit: sed peccatum ipsum originale de facto in se non contraxit, nec habuit: quia a gratia Dei fuit præventa primo conceptionis suæ instanti, quæ peccatum omne ab ea exclusit.

Omnes
neces-
sario pec-
catum tra-
hant ab
Adamo,
nisi præ-
venian-
tur.

13. (1) USQUE AD LEGEM ENIM PECCATUM ERAT IN Vers. 13.
MUNDO. — Nota, *peccatum* hic vocat quodlibet peccatum, scilicet primum originale et quodvis actuale, quod ex eo secutum est, quod est regnum peccati. Hic Apostolus probat id, quod dixit, scilicet omnes homines in Adamo peccasse, adeoque probat ipsum peccatum originale. Probat autem hoc argumento: ante legem datam peccatum, et peccati reatus ac corruptio erat in mundo: licet enim peccatum tunc non imputaretur, id est vix reputaretur, vix æstimaretur ab hominibus, solam naturam et concupiscentiam suam sequentibus, nec legem quæ peccati fœditatem ostenderet, habentibus, tamen peccatum tunc fuisse in mundo, clare demonstrat ipsa mors omnium hominum: nam effectus, pœna et comes individua peccati est mors. Cum ergo mors etiam ante legem regnaverit et extenderit se in omnes homines, sequitur peccatum quoque, quod mortis est causa, in omnes homines regnasse et se diffudisse.

Ante le-
gem pec-
catum
erat in
mundo
quia
mors pec-
catis præ-
cedit in
mundo.

(1) Versus 13 et 14 parenthesi includendi videntur, itaque exponendi: Nam (ab Adamo) usque ad (Mosen) legem peccatum fuit in genere humano; peccatum autem non imputabatur nisi ex lege existente (a qua sit discessum). Atqui regnavit mors (noxa e peccatis oriunda) ab Adamo usque ad Mosen, in eos etiam qui non peccaverunt sicuti Adamus, qui typus est futuri: ita Rosenmullerus. Rectius et clarius Allioli hunc locum ita interpretatur: omnes per Adamum sunt peccatores, omnes, inquam, sive ante, sive post Mosen legem vixerint. Quamvis ante Mosen peccata contra legem, nondum existentem, non possent imputari, peccatores tamen erant homines, ratione sive peccati originalis, sive peccatorum actualium contra legem naturalem. Hic *omnium* reatus ex eo imprimis declaratur, quod mors, quæ est pœna peccati, *omnes*, etiam infantes, attigerit.

Occurres et excipies, ante legem fuisse quidem peccatum in mundo, verum non originale, sed actuale, quod quisque fecerat et commiserat. Hanc exceptionem disjicit et elidit Apostolus, dicens :

Vers. 14. 14. SED REGNAVIT MORS AB ADAM USQUE AD MOYSEN, ETIAM IN EOS QUI NON PECCAVERUNT IN SIMILITUDINEM PRÆVARICATIONIS ADÆ. — *q. d.* Ante Mosen et legem, ut mors, ita et peccatum hoc commune fuit etiam iis qui non peccaverunt in similitudinem prævaricationis Adæ, id est iis qui non peccaverunt actu, sicuti peccavit Adam legem prævaricando, puta infantibus. Ita Theophylactus, Theodoretus, Anselmus, Chrysostomus et S. Augustinus, lib. I *De Peccatorum meritis*, xi; relinquitur ergo peccatum originale fuisse in infantibus, et in mundo etiam ante legem. Cur enim infantes non actuale, quod perpetrare non possunt, sed originale, quod ex Adamo contraxerunt?

Qui non peccaverunt actu, ut infantes, etiam contraxerunt peccatum originale.

Aliter hæc explicat Toletus, *q. d.* Paulus : Erat quidem peccatum actuale in mundo ante legem, sed non imputabatur ad pœnam certam, verbi gratia mortis. Hæc enim tantum statui solet per legem, non naturalem, sed positivam divinam vel humanam, quæ tunc necdum erat : ergo cum videamus ante legem a Deo peccato statutam fuisse certam pœnam, scilicet mortis, omnes enim etiam ante legem ob peccatum mortui sunt, hinc sequitur, adeoque mors ipsa indicat, quod ante legem in mundo fuerit peccatum aliquod, non actuale, uti jam probavi, ergo originale, cui a Deo juste decreta et inflicta est certa pœna mortis. Verum hic sensus plus satis remotus, obscurus et implexus videtur.

Nota igitur qui non peccaverunt : ita enim legendum est cum Græcis et Latinis. Male enim Origenes et Ambrosius tollunt negationem, non, leguntque affirmative, qui peccaverunt.

IN SIMILITUDINEM PRÆVARICATIONIS ADÆ. — S. Chrysostomus hæc refert ad *regnavit mors*, *q. d.* « Regnavit mors in similitudinem prævaricationis Adæ, » id est regnavit mors in nos, quia nascimur similes Adæ prævaricanti, puta peccatores.

Triplex horum verborum explicatio.

Secundo, alii sic explicant, *q. d.* Regnavit mors etiam in eos qui non peccarunt contra legem aliquam positivam sibi datam a Deo, uti peccavit Adam, sed tantum peccarunt contra legem naturæ.

Tertio, planius, ut dixi, similitudo hæc prævaricationis Adæ sita est in actu et peccato actuali, quo peccavit Adam, legem sibi datam a Deo prævaricando. Sensus ergo est, mors regnavit in eos « qui non peccaverunt in similitudinem prævaricationis Adæ, » id est mors regnavit etiam in eos qui non peccarunt actu, uti fecit Adam, puta in infantes; ex morte enim infantum recte colligit Apostolus eorundem peccatum, quod cum non possit esse actuale, sequitur debere esse originale contractum ex Adamo.

ADÆ, QUI EST FORMA FUTURI. — *q. d.* Qualis fuit

Adam, tales post se genuit filios, puta peccatores, mortales, miseros. inquit S. Augustinus, lib. I *De Peccatorum meritis*, cap. xi.

Secundo et magis genuine, sic exponas : Adam fuit forma, typus et figura Christi venturi, *q. d.* Uterque, scilicet tam Christus, quam Adam, fuit pater noster, sed in contrarium, uti recte ostendit S. Augustinus, lib. II *De Nuptiis et Concupiscentia*, cap. xxvii. Nam *primo*, sicut Adam solus sine concubitu maris et femine, ex terra non maledicta, sed pura et integra est formatus; ita Christus ex sola purissima Virgine est natus. *Secundo*, sicut Adam solus totam posteritatem peccando perdidit, ita Christus solus moriendo reparavit.

Christus et Adam in contrarium sibi comparati.

Hinc recte adverterunt docti quidam et sapientes viri, causam, cur Deus nostram voluntatem, meritum et demeritum posuerit in voluntate Adæ, præter summum Dei dominium et libertatem, qua quidvis potest facere et statuere, hanc fuisse : ut scilicet Adam hac ratione esset typus Christi, in cujus manu et voluntate Deus ponere volebat nostram salutem, ut ille pro nobis mereretur gratiam et gloriam, sicut Adam nobis meritis est reatum et pœnam. Antequam enim peccaret aut crearetur Adam, Deus ab æterno per præscientiam conditionatam omnia futura præsciebat et prævidebat, et secundum eam absolute voluit et decrevit Adamum et omnia Adami esse propter Christum, esseque typum Christi rerumque a Christo gerendarum. Deus enim in Christo omnem suam sapientiam et gloriam ostendere voluit, ideoque statuit et decrevit ut Christus esset omnium non tantum electorum, sed et operum suorum principium, exemplar et finis, ut *Coloss. i, 15* et seq.

Causa, cur Deus omnes nostras voluntates ponit in Adamo, est, ut esset Adam typus Christi.

Fuit ergo non tantum in ipsa executione, sed etiam in ipso decreto divino mutua contradependentia Adæ et Christi. Nec enim Adam futurus fuisset pater omnium hominum ea ratione, ut suam vel justitiam vel peccatum in eos transfundere posset, nisi hoc ipso simul fuisset typus et figura Christi, qui omnium Dei filiorum futurus erat parens : nec vicissim Christus incarnatus et natus fuisset in mundo nisi Adam peccasset, nosque perdidisset, uti verior et communior habet Theologorum sententia.

Christus principium, exemplar et finis omnium operum Dei.

Nota hic, sacram Scripturam uti aliquando allegoriis in contrarium sensum. Sic Osee, cap. i et iii, jussus est a Deo fornicariam accipere in uxorem, ut significaret filios Israel fornicaturos, id est relicto Deo, Synagogæ marito, idolis adhæsus eaque adoraturos : ubi pium Osee factum, et legitimum ejus cum fornicaria matrimonium significat impium Judæorum idololatriam.

Adami et Christi mira inter se dependentia.

Pari modo, multi Patres explicant allegorice Davidis adulterium, per castum amorem Christi, scilicet quod David permissus sit a Deo adulterium committere cum Bethsabæe, ut significaret Christum exarsurum amore Ecclesiæ ex Gentibus et idololatriis congregandæ. Hanc enim allego-

Dens allegoriam in Scriptura utitur in contrarium sensum.

riam assignat S. Augustinus, lib. XXII *Contra Faustum*, cap. xxvii, et S. Ambrosius, *Apologia David* cap. iii. Similemque afferunt Angelomus, Eucherius et Rupertus in lib. II *Reg.*, cap. xi. Sic ergo et hic Adam dicitur forma, sive typus Christi in genere, non specie, quia contrario modo se habuerunt Christus et Adam: hic mortis, Christus vero vitæ et salutis fuit parens. Sed in ipsa contrarietate est similitudo quædam proportionis et propagationis, uti paulo ante ostendi.

Vers. 15. 15. SED NON SICUT DELICTUM, ITA ET DONUM. — « Delictum, » Græce παράπτωμα. Ita vocat Paulus ipsum Adami casum, ruinam et offensam: ex qua quasi causa manat effectus, scilicet ἀμαρτία, id est peccatum originale, quod est macula et reatus singulis ex Adamo natis inherens. Huic delicto et offensæ opponit χάρις, δωρεάν, χάρισμα, id est gratiam, donationem et gratuitum beneficium Christi, scilicet ejus redemptionem, satisfactionem, meritum gratiæ et remissionis peccatorum; ex quo, quasi causa, manat effectus τὸ δωρεὰν et δικαιοσύνη, id est donum gratiæ et justitiæ nobis inherens.

Casus
Adæ et
reparatio
Christi
Inter se
compa-
rantur.

Secundo, Adæ delictum dicitur παράπτωμα, q. d. Non casus, sed quasi casus, non ruina, sed pene ruina, non lapsus, sed offensio. Præpositio enim πρὸς minuit rem, cui in compositione jungitur, q. d. Parvus fuit et exiguus casus et ruina Adæ præ reparatione et gratia Christi, quia bona et beneficia Christi longe potiora et efficaciora sunt peccato Adæ, sicuti paupertas Iri comparata cum divitiis Cræsi, eam sublevare et ditare parantis, parva vel nulla est.

SI ENIM UNIUS DELICTO MULTI MORTUI SUNT: MULTO MAGIS GRATIA DEI ET DONUM IN GRATIA (per gratiam) UNIUS HOMINIS JESU CHRISTI IN PLURES ABUNDAVIT. — *Multi*, id est omnes: dicit tamen potius *multi* quam *omnes*, ut multitudinem posterorum significet, quia omnes possunt esse pauci, ait S. Augustinus, q. d. Paulus: Si per unius Adæ delictum omnes ejus posterius reatum et pœnam mortis, tam præsentis quam æternæ incurrerunt; scitote longe majus fuisse beneficium quod Christus nobis exhibuit; nam longe majora bona et dona nobis contulit gratia Christi, quam Adam abstulerit, scilicet tot gratias et dona Spiritus sancti, quæ Christus contulit Apostolis, Martyribus, Doctoribus, Eremitis, Episcopis, Virginibus aliisque filiis novi Testamenti, quibus caruit Adam, ac tandem ipsam gloriam et immortalitatem ejusque doles maximas, plurimas et diversissimas. Vide S. Chrysostomum hic, de Christi gratiarum thesauro (1).

Bonum
quod
Christus
nobis
præsti-
tit, ma-
jus est
quam
malum
quod in-
tulit
Adam.

(1) Οἱ πολλοὶ cum articulo multitudinem, omne genus humanum, designat. Nota, oppositionem hic non esse inter *multi* et *plures*, sed inter *mortem* et *gratiam Christi superabundantem*. Cæterum, per quinque versus idem fere repetitur, variatis quidem verbis, at re semper eadem manente. Notandum etiam a quibusdam interpretibus primam partem versuum 15 et 16 interrogative

Alii sic explicant, q. d. Paulus: *Abulto magis*, id est multo majori potentia, virtute, robore sua dona nobis contulit Christus, quam Adam eadem abstulerit, quia difficilius est construere, quam destruere. Hinc recte Doctores inferunt cum S. Leone, serm. 12 *De Passione*, quod valor meritum et satisfactionis Christi longe excedat demerita Adæ; idque non acceptione divina, sed ex rigida justitia et valore ipsorum operum, quem habebant per se, ex dignitate personæ operantis et patientis: sic enim peccatum Adæ, per se sua indignitate et gravitate ex summa æquitate et justitia iram Dei, pœnasque præsentis et æternas merebatur.

Valor
merito-
rum
Christi
longe ex-
cedit de-
merita
Adæ.

Nota: Pro *in plures*, Græce est εἰς τοὺς πολλούς, in multos, id est in omnes jam dictos, q. d. Sicut Adam omnibus nocuit, ita Christus omnibus profuit, sed amplius quam ille nocuerit. Ita Theophylactus.

16. ET NON SICUT PER UNUM PECCATUM (supple, Vers. 16. Adam infecit omnes), ITA ET DONUM, — supple, Adam Christi ab uno tantum peccato liberat, sed a multis, quæ posterius peccato Adæ addiderint et addent. Ita Theophylactus. Hæc est secundâ dissimilitudo Adæ et Christi. Græca habent ὅτι δὴ τὸ ἀμαρτίαντες, sicut per unum peccantem, supple, mors venit in mundum: et sic leg' t Augustinus, lib. I *De Peccat. meritis*; sed idem est sensus.

Adam
nos uno
peccato
macula-
vit,
Christus
nos libe-
rat ab
omnibus
peccatis.

NAM JUDICIUM QUIDEM EX UNO IN CONDEMNATIONEM, GRATIA AUTEM EX MULTIS DELICTIS IN JUSTIFICATIONEM. — *Judicium*, Græce κρίμα, id est reatus, scilicet fluxit ex uno peccato Adæ, in κατάκριμα, id est in condemnationem: ut omnes, etiam parvuli, essent obnoxii condemnationi, id est pœnæ damni, etsi non sensus, ut docent plerique Scholastici. E contrario beneficium et gratia Christi ex multis delictis processit ad justificationem, ut scilicet non ab uno, sed a multis, imo ab omnibus peccatis nos justificaret. Opponit Paulus χάρισμα καὶ κρίμα, id est gratiam et reatum: rursum δικαίωμα καὶ κατάκριμα, id est justificationem et condemnationem. Hinc S. Augustinus, lib. II *De Nuptiis et Concupiscentia*, cap. xxvii, docet peccatum originale sufficere ad condemnationem.

Infantes
ob pecca-
tum ori-
ginale ob-
noxii pœ-
næ dam-
ni.

17. MULTO MAGIS ABUNDANTIAM GRATIÆ, ET DONA- Vers. 17. TIONIS, ET JUSTITIÆ ACCIPIENTES, IN VITA REGNABUNT PER UNUM JESUM CHRISTUM. — *In vita regnabunt*, q. d. Adam invexit regnum mortis, Christus vero eminentius, et gratia, justitia bonisque omnibus abundantius invexit regnum vitæ, in quo nos reges fecit, ut vitam hic gratiæ divinam, et postea sine morte æternam et gloriosam adipiscamur in cœlis. Ita Theophylactus.

Nota: Non dicit Paulus, *vita regnavit*, sicut dixit, *mors regnavit*, quia suavius et gloriosius sonat, *justificati regnabunt in vita per Christum*,

sumi: *Nonne vero par est ratio peccati et doni, seu beneficii divini? et: Nonne sic se habebat donum, ut illa noxa per unum qui peccavit, veniens?*

quam si dixisset ; Vita regnabit in justificatis per Christum. Præclare S. Bernardus, epist. 190 ad Innocentium Pontif. contra errores P. Abailardi, qui docebat Christum esse nostrum doctorem, non redemptorem : « Si gratia, inquit, venumdatus sum, gratis non redimor ? Quod si dixerit : Pater tuus addixit te, respondebo : Sed frater meus redemit me. Cur non aliunde justitia, cum aliunde reatus ? Alius qui peccatorem constituit, alius qui justificat a peccato. Alter in semine, alter in sanguine. Sed justitia, inquiet, sit ejus est : quid ad te ? Esto. Sed sit etiam culpa ejus est : quid ad me ? »

Vers. 18. 18. SICUT PER UNIUS DELICTUM IN OMNES HOMINES (supple, reatus pertransit) IN CONDEMNATIONEM : SIC ET PER UNIUS (Christi) JUSTITIAM (Græce δικαιομα, id est meritum, quod est causa nostræ justificationis et justitiæ) IN OMNES HOMINES, — supple, donum et beneficium Christi pertransiit, scilicet in omnes qui a Christo spiritaliter descendunt, et baptismo in illo renati sunt. Nam Paulum proprie loqui de gratia justificante, non præveniente, patet tum ex vers. seq., tum quia Christum opponit Adamo, qui omnibus ex se natis efficax est causa damnationis, sicut Christus omnibus ex se renatis efficax est causa justificationis et immortalitatis.

Logitnr hic Paulus de gratia justificante, non præveniente

δικαιοσύνη in nobis, δικαιομα in Christo, δικαιοσύνη effective in Christo, subjective in nobis.

Nota : δικαιομα, id est meritum Christi, distinguit hic Apostolus a δικαιοσύνη, id est a justificatione, et a δικαιοσύνη, id est a justitia. Hæc enim tertia est in nobis, prima vero est in Christo, secunda autem effective quidem est in Christo, quasi agente, sed subjective est in nobis, quasi eam recipientibus. Id ita esse constat ex oppositione τοῦ δικαιοματος et τοῦ παραπτώματος. Παράπτωμα enim Apostolus vocat delictum, et offensam Adæ transfusam in posteros : ergo δικαιομα illi oppositum vocat obedientiam et justitiam Christi in posteros ejus, puta in credentes transfusam. Unde quod hoc loco vocat δικαιομα, vers. 13 vocat ὑπακοήν, id est obedientiam. Lege vers. 19, qui hunc explicat.

IN JUSTIFICATIONEM VITÆ, — qua a morte peccati ad vitam gratiæ et gloriæ revocamur. Patet vers. 16 : ita S. Augustinus, lib. De Peccat. meritis, cap. xv.

Aliter hæc explicat Toletus. Putat enim justificationem vitæ hic appellari actionem et operationem, qua Deus ex justitia et merito Christi justi omnes homines, etiam reprobos, a morte succitabit ad vitam perpetuo duraturam, non ipsorum merito ac justitia, sed Christi, ut dixi ; verum nusquam sic accipitur justificatio vitæ.

Vers. 19. 19. SICUT PER INOBEDIENTIAM UNIUS HOMINIS (Adæ) PECCATORES CONSTITUTI SUNT MULTI (omnes Adæ posterii), ITA ET PER UNIUS (Christi) OBEDIENTIONEM JUSTI CONSTITUTENTUR MULTI, — omnes scilicet, qui ex Christo per fidem et gratiam renascuntur.

Adverte hic, quis et quantus fuerit fructus unius obedientiæ, et unius inobedientiæ. Ex hoc

loco recte Doctores inferunt concluduntque hoc modo : In Adamo fuit vera inobedientia, ergo et in Christo fuit vera et proprie dicta obedientia, quæ præcepto Superioris se subjicit et conformat, ac consequenter datum fuit Christo præceptum a Patre moriendi, et sic redimendi nos. Hoc enim fuit objectum obedientiæ Christi, cui Christus obedivit.

Nota : Ab Apostolo assertur hic triplex antithesis et dissimilitudo inter Adam et Christum.

Primo, Adam omnes perdidit, Christus omnes reparavit.

Secundo, Adam unicum peccatum ad posteros transmisit, Christus ab omnibus peccatis actualibus eosdem liberat.

Tertio, Adam unum malum, quod nullo modo intendi potest, scilicet peccatum originale, propagavit ; Christus abundantiam gratiarum effudit. His adde, uberiolem et potentiolem esse gratiam Christi quam fuerit peccatum Adæ.

Quarto, quia Adæ peccatum tantum pœnam damni in nos induxit ; Christus et a pœna damni, et a pœna sensus, quæ actualibus peccatis debetur, nos liberat. Rursus ex Adamo trahimus concupiscentiam, sed per Christum illa facta est materia magnæ tam luctæ, quam victoriæ et triumphi : eamque per gloriam in cælo Christus extirpabit.

Quinto, per Adam amissa est gratia, qua homo perseverare posset ; per Christum datur gratia crebrior et uberior, ut in tanta infirmitate, inter tot hostes fortior stet, et actu perseveret. Ita S. Augustinus, toto lib. De Bono perseverantiæ.

Sexto, per Adam omnes morimur temporaliter ; per Christum resurgemus ad vitam tum animæ, tum etiam corporis immortalem et gloriosam.

Septimo, non peccatum Adæ, sed gratia Christi se extendit ad B. Virginem, quæ est mare gratiarum, et plus habet gratiæ, quam omnes homines simul. Addit Pererius, Suarez et alii, etiam ad angelos Christi gratiam se extendisse eosque per merita Christi justificatos esse, ad quos peccatum Adæ pertingere non potuit.

Octavo, licet Adam actu plures inficiat, quam ex Christo renascantur : Christi tamen gratia quoad sufficientiam et oblationem se extendit ad omnes, non tantum ex Adamo genitos, sed quoquo modo producibiles, v. g. si Deus eos de novo crearet.

Nono, per Adamum reducti sumus quasi ad statum puræ naturæ ; per Christum elevati sumus ad statum magis spiritualem et sublimiorem, quam in quo Adam fuit conditus, et ad vitam plane cælestem.

Decimo, per Adam facti sumus similes bestiis, per Christum angelis, imo natura nostra in Christo et B. Virgine exaltata est super omnes angelorum choros.

Undecimo, Adam privavit nos ligno vitæ ; Christus dat panem, qui de cælo descendit, et dat vitam æternam, puta seipsum totum, Deum scilicet

In Christo fuit vera obedientia, et Christus fuit objectum obedientiæ Christi, cui Christus obedivit.

Multi-plex Christi Antithesis.

Gratia Christi se extendit ad angelos.

Adam privavit nos ligno vitæ.

et hominem, in cibum dat nobis in Eucharistia. *Duodecimo*, Adam privavit nos gratia justitiæ originalis; Christus dat copiam gratiarum et virtutum: *primo*, quia dat virtutes, quæ non fuissent in statu innocentiae, scilicet patientiam, penitentiam, martyrium, virginitatem, apostolatium et virtutes religiosas. *Secundo*, harum et aliarum omnium majorem quam fuisset in statu innocentiae, dat copiam, intensionem et continuum augmentum.

Nota *secundo*; Sicut in Adam omnes peccavimus, sic in Christo omnes justificati sumus, id est juste pro peccatis satisfecimus, et meriti sumus justitiam; sed sicut ad contrahendum peccatum originale necesse est ex Adamo naturaliter nasci, ita ad justitiam Christi participandam, necesse est ex eo nasci spiritaliter per baptismum.

Nota *tertio*, hinc sequi contra hereticos, quod, sicut inobedientia et peccatum Adæ realiter inhæret nobis, non autem tantum imputatur nobis, ita quoque, imo magis inhæreat nobis gratia Christi, non autem tantum imputetur nobis; alioqui enim longe efficacius esset peccatum Adæ quam gratia Christi, quæ peccatum tollere non posset, sed tantum abscondere.

Vers. 20. 20. LEX AUTEM SUBINTRAVIT UT ABUNDARET DELICTUM (1).—Nota vocem «subintravit,» *q. d.* Obiter, et quasi furtim ad tempus breve, scilicet usque ad adventum Evangelii, intravit lex in mundum, ut esset Judæorum quasi pædagogus ad Christum. Græcum *παρασκήν* significat, ait Budeus, irrepere et fallere introeundo et se insinuando. Sic hic lex quasi latenter se insinuavit, et, ut noster Interpres verit, *subintravit*, directe quidem ad hoc, ut dissolutos hominum mores restringeret, illosque duceret ad Christum, qui eos sanaret; sed indirecte ad id quod sequitur, scilicet, «ut abundaret delictum,» *q. d.* Unde factum est, ut abundaret delictum. Vocula enim *ut* consequentiam significat, non causam. «Nititur enim in vitium semper, cupimusque negata.» Vide cap. xxiv. «Lex, inquit S. Augustinus in *Psal. cii*, ideo data est, ut crescente peccato, humiliarentur superbi, humiliati confiterentur, confessi sanarentur.» Idem, tract. III in *Joan.*: «Lex, inquit, minabatur, non opitulabatur; jubebat, non sanabat; languorem ostendebat, non auferebat.» Quare minus genuine S. Ambrosius, epist. 71 ad *Irenæum*, «subintravit,» inquit, lex, quia quasi fortuito intravit, ut succederet legi naturali, quæ in mentibus hominum erat obscurata. Nec enim legis naturalis mentionem hic fecit Apostolus, nec ob eam solam instaurandam data fuit lex Mosis.

Ut, non causam, sed consequentiam significat.

(1) Quid vero lex, dicere poterat Judæus? Si ita se res habet, ut Christus sit causa vitæ, sicut mortis Adamus, quid ergo egit lex Mosis? Respondet Paulus: Lex autem insuper accessit, ut atrocitas peccati eo magis appareret (nam Hebræis sapissime dicitur esse quod apparat); vel, ut sumendo *ἐκζητῶν*, eo eventu, ut numerus peccatorum multiplicaretur.

Dices: Lex publice tanta pompa in Sina rogata est et accepta, ergo non furtim intravit.

Respondeo: Nego consequentiam, quia Deus Hebræos ex Ægypto media nocte, quasi latenter eduxit in desertum Sina, ibique nil tale expectantibus legem promulgavit.

Alii vertunt, lex præterea intravit, *q. d.* Præter morbum ex Adamo contractum, accessit lex, quæ morbum auxit.

Occurrit hic Apostolus objectioni. Dicit enim aliquis: Dixisti, Paule, vers. 13: *Usque ad legem peccatum erat in mundo*: ergo post legem, et per legem Mosaicam ablatum est peccatum: ad quid enim aliud data est lex? Respondet Paulus, adeo per legem non esse ablatum peccatum, ut magis per eam sit auctum, vitio quidem hominum, sed occasione accepta ex lege, quæ multiplicavit præcepta, nec tamen hominibus infirmis vires dedit ad ea implenda.

Notat hic Apostolus tres mundi status: *primus* fuit ab Adam ad Mosen; *secundus* a Mose ad Christum; *tertius* a Christo ad finem mundi: in *primo* regnavit peccatum et mors; in *secundo* lex, quæ peccatum auxit; in *tertio* gratia, quæ peccatum et mortem sustulit.

Unde Apostolus hic quasi comœdiam instituit in tres scenas distinctam, et per prosopopœiam, cuique scenæ suam personam, quasi choragum, assignat, quæ quasi rex dominetur et regnet: tres ergo reges hic, qui inter se configunt, sunt peccatum, lex, gratia, sive Adam, Moses et Christus; quorum quisque suum habuit regnum et regnandi tempus et spatium.

Pulchre quatuor hominis status inter se comparat S. Augustinus, lib. LXXXIII *Quest.*, Quæst. LXIX: «Prima, inquit, est actio ante legem, secunda sub lege, tertia sub gratia, quarta in pace. Ante legem actio est, cum peccatum ignoramus, et sequimur carnales concupiscentias. Sub lege est actio, cum jam prohibemur a peccato, et tamen consuetudine ejus victi peccamus. Tertia actio est, cum non vincimur delectatione consuetudinis malæ, sed per gratiam ei resistimus. Quarta actio, cum omnino nihil est in homine, quod resistat spiritui. In prima ergo actione, quæ est ante legem, nulla pugna est cum voluptate. In secunda, quæ est sub lege, pugnamus, sed vincimur. In tertia pugnamus et vincimus. In quarta non pugnamus, sed perfecta et æterna pace requiescimus.»

Notanda hic est sententia D. Thomæ, de triplicis legis fine, respectu triplicium hominum.

«Circa finem legis, inquit, sciendum est, quod in populo Judæorum tria fuerunt hominum genera, sicut et in quolibet alio populo: scilicet duri, id est peccatores et rebelles, proficientes et perfecti. Quantum igitur ad duos, lex fuit data in flagellum, et quantum ad præcepta moralia, ad quorum observantiam cogeantur per poenæ comminationem, ut patet *Levit. xx*, et quantum

Lex intravit in mundum.

Peccatum per legem magis auctum.

Tres mundi status.

Tres mundi reges, Adam, Moses, Christus; peccatum, lex, gratia. Quatuor hominis status inter se comparati.

Triplex legis finis respectu triplicium hominum.

ad cæremonialia, quæ ideo sunt multiplicata, ne liceret eis diis alienis alium cultum superaddere, *Ezech. xx* : In manu valida et brachio extento, et in furore effuso regnabo super vos. Sed proficientibus, qui dicuntur mediocres, lex fuit in pædagogum, secundum illud *Galat. iii* : Lex pædagogus noster fuit in Christo. Et hoc quantum ad cæremonialia, quibus ad justitiam promovebantur. Perfectis autem fuit, quantum ad cæremonialia quidem in signum, secundum illud *Ezech. xx* : Sabbata mea dedi eis, ut essent signum inter me, etc. Quantum ad moralia vero in solatium, secundum illud quod cap. vii ait Paulus : Condecor legi Dei secundum interiorum hominem. »

UBI AUTEM ABUNDAVIT DELICTUM; SUPERABUNDAVIT GRATIA. — Ubi, id est, postquam in mundo, occasione legis invaluit peccatum; postquam mundus ad summum malorum et peccatorum venerat in statu legis, tunc mox venit Christus, quasi medicus potentissimus et clementissimus, qui abundantiam et efficaciam gratiæ suæ ostendit in

curando et abolendo peccato regnoque peccati.

21. UT SICUT REGNAVIT PECCATUM IN MORTEM (pertrahens scilicet peccatorem in mortem corporalem et æternam), ITA ET GRATIA REGNET PER JUSTITIAM IN VITAM ÆTERNAM,—ut scilicet per justitiam assequamur vitam æternam, ad quam justitia dat jus, q. d. Gratia Christi superabundavit ad hoc, ut mortis et peccati regno destructo, regnum justitiæ et æternæ vitæ instauraretur, et longe lateque propagaretur per Christum. Vide hic duo regna, unum mortis, in quo regnavit Adam et Adæ peccatum; alterum vitæ, in quo regnat Christus Christique gratia, quæ prius regnum mortis evertit. Inter hæc duo subintravit lex, ut faceret quasi interregnum, sed frustra; nam lex regnum peccati potius auxit, quam suspendit. Unde necesse fuit venire Christum, qui sua gratia regnum peccati et mortis excinderet. Præclare S. Augustinus, in *Sententiis*, num. 194 : « Rationalis anima, inquit, est domina corporis sui, quæ inferiori non bene imperabit, nisi superiori se Deo tota charitatis subiectione servierit. »

Vers. 21.

Duo regna mortis et vitæ, inter quæ lex voluit facere interregnum.

CAPUT SEXTUM.

SYNOPSIS CAPITIS.

Hoc capite, de more, Apostolus post dogmata, ad mores dogmatibus conformes transit, hortaturque fideles, ut justitiæ per Christum acceptæ servandæ et augendæ studeant.

Primo ergo, docet nos in baptismo Christo consepultos, complantatos, et commortuos esse peccato, ut deinceps in novitate vitæ ambulemus, sicut Christus semel mortuus, ad novam vitam, non amplius moriturus resurrexit, ut et nos quandoque cum eo ad gloriam resurgamus.

Secundo, vers. 12, docet in Christianis non debere regnare peccatum, ut obediant concupiscentiis ejus, utpote qui per Christi gratiam liberati sunt a peccato, et servi effecti justitiæ; itaque par esse, ut membra sua tradant in obsequium justitiæ ad vitam, quæ prius tradiderant immunditiæ ad mortem. Nam, ut ait vers. ultimo : Stipendia peccati, mors : gratia autem Dei, vita æterna.

1. Quid ergo dicemus? Permanebimus in peccato ut gratia abundet? 2. Absit. Qui enim mortui sumus peccato, quomodo adhuc vivemus in illo? 3. An ignoratis, quia quicumque baptizati sumus in Christo Jesu, in morte ipsius baptizati sumus? 4. Consepulti enim sumus cum illo per baptismum in mortem : ut quomodo Christus surrexit a mortuis per gloriam Patris, ita et nos in novitate vitæ ambulemus. 5. Si enim complantati facti sumus similitudini mortis ejus : simul et resurrectionis erimus. 6. Hoc scientes, quia vetus homo noster simul crucifixus est, ut destruat corpus peccati, et ultra non serviamus peccato. 7. Qui enim mortuus est, justificatus est a peccato. 8. Si autem mortui sumus cum Christo, credimus quia simul etiam vivemus cum Christo : 9. scientes quod Christus resurgens ex mortuis jam non moritur, mors illi ultra non dominabitur. 10. Quod enim mortuus est peccato, mortuus est semel : quod autem vivit, vivit Deo. 11. Ita et vos existimate, vos mortuos quidem esse peccato, viventes autem Deo in Christo Jesu Domino nostro. 12. Non ergo regnet peccatum in vestro mortali corpore, ut obediat concupiscentiis ejus. 13. Sed neque exhibeatis membra vestra arma iniquitatis peccato : sed exhibete vos Deo, tanquam ex mortuis viventes : et membra vestra arma justitiæ Deo. 14. Peccatum enim vobis non

dominabitur : non enim sub lege estis, sed sub gratia. 15. Quid ergo? peccabimus, quoniam non sumus sub lege, sed sub gratia? Absit. 16. Nescitis quoniam cui exhibetis vos servos ad obediendum, servi estis ejus, cui obeditis, sive peccati ad mortem, sive obedi-tionis ad justitiam? 17. Gratias autem Deo, quod fuistis servi peccati, obedistis autem ex corde in eam formam doctrinae, in quam traditi estis. 18. Liberati autem a peccato, servi facti estis justitiae. 19. Humanum dico, propter infirmitatem carnis vestrae : sicut enim exhibuistis membra vestra servire immunditiae, et iniquitati ad iniquitatem; ita nunc exhibete membra vestra servire justitiae in sanctificationem. 20. Cum enim servi essetis peccati, liberi fuistis justitiae. 21. Quem ergo fructum habuistis tunc in illis, in quibus nunc erubescitis? Nam finis illorum mors est. 22. Nunc vero liberati a peccato, servi autem facti Deo, habetis fructum vestrum in sanctificationem, finem vero vitam aeternam. 23. Stipendia enim peccati, mors. Gratia autem Dei, vita aeterna, in Christo Jesu Domino nostro.

Vers. 1.

1. QUID ERGO DICEMUS? PERMANEBIMUS IN PECCATO UT GRATIA ABUNDET? — Est prolepsis, qua Apostolus occurrit quorundam objectioni. Dicit enim quis : Si, o Paule, verum est, quod dixisti cap. superiori, in fine : « Ubi abundavit delictum, superabundavit gratia; » ergo peccata peccatis addenda sunt, ut gratia Dei magis abundet.

Respondet Paulus, Absit : ita Patres. Unde patet peccatum hic proprie accipi, licet aliqui metonymice pro fomite peccati accipiant (1).

Vers. 2.
Duplex
horum
verbo-
rum sen-
sus.

2. QUI ENIM MORTUI SUMUS PECCATO, QUOMODO ADHUC VIVEMUS IN ILLO? — Nota : *in peccato* potest hic accipi dupliciter, scilicet *primo*, ut sit ablativi casus, idemque sit « mortui peccato, » quod mortui per peccatum, quomodo loquitur Apostolus, *Ephes. II, 5*; *secundo*, ut *in peccato*, sit dativi casus, et tunc mori peccato, idem est quod renuntiare peccato, abdicare peccatum. S. Chrysostomus utroque modo hic accipit, unde duplicem affert expositionem. *Primo*, « qui mortui sumus peccato, » id est, inquit, qui vitam spiritualem per peccatum amisimus. Vel *secundo*, qui peccato deleti amplius ei non obediunt, sed illi jam renuntiavimus, illudque abdicavimus. Verum secundus hic sensus potior est, magisque genuinus; opponitur enim directa anthithesi ei, quod subdit Apostolus, *quomodo adhuc vivemus in illo?*

Quid sit
vivere
justitiae
vel pec-
cato?

Nota : Vivere justitiae, vel peccato, est operationes vitae circa justitiam vel peccatum, seu opera peccati vitalia facere et exercere, scilicet cum homo rationalis per voluntatem, amorem, desiderium, gaudium obedit, delectatur, sequitur, fruatur concupiscentiis et appetitibus, qui sunt contra legem Dei, nec divinae, sed suae vo-

luntati indulget. Sic a contrario peccato mortuus dicitur, cum haec opera vitae, hos amores non habet, sed a se praescindit et abdicat. Mors enim est plena derelictio, et separatio, ac praescisio. Sicut ergo Religiosi mortui debent esse mundo, ut non delectentur, nec misceant se rebus mundanis, ita omnes Christiani mortui debent esse peccato. Vide dicta *Galat. VI, 14*.

Nota : Hoc cap. peccatum et peccati fomitem considerat Apostolus, quasi dominum quemdam, aut regem in homine tunc regnantem, quando pravis ejus motibus et desiderii obsequitur : persistit enim in prosopopeia, de qua dixi cap. praeced., vers. 20.

3. QUICUMQUE BAPTIZATI SUMUS IN CHRISTO JESU, IN MORTE IPSIUS BAPTIZATI SUMUS. — *Baptizati in Christo*, id est baptizati in virtute, nomine, meritis non Joannis, sed Christi : ita Origenes et Anselmus.

Secundo Pererius, *in Christo*, inquit, id est per Christum. Sed Graeca habent *ἐν Χριστῷ*, in Christum, et ita legit Tertullianus, lib. *De Resurrect. carnis*, q. d. Paulus; Per baptismum estis inserti in Christum quasi rami in novam arborem, et facti estis de ejus corpore, mystico scilicet, quod est Ecclesia. Ex hoc loco et simili- bus putarunt nonnulli validum esse baptismum, si quis hac forma baptizet : « Ego te baptizo in nomine Christi, » omisso nomine Patris et Spiritus Sancti. Ita censent Magister, in IV, dist. III; Adrianus, *ibid.*, *Quaest. I*, art. 2; Cajetanus, III *part.*, *Quaest. LXVI*, art. 6. Idem videtur sensisse ut pri- vatus Doctor, Nicolaus I Pontifex respondens ad consulta Bulgarorum. Ait enim : « Hi profecto, & in nomine Trinitatis, vel tantum in nomine Christi, sicut in Actis Apostolorum legitur, baptizati sunt, rebaptizari non debent. » Idem docet S. Ambrosius, lib. I *De Spiritu Sancto*, cap. III, et Beda in *Act. x*.

Secundo, S. Thomas, III *part.*, *Quaest. LXVI*, art. 6, censet Apostolos ex Dei dispensatione baptizasse in nomine Christi, ad nomen ejus illustrandum; nunc autem id non licere, nec

Vers. 3.

In Chris-
to sumus
duplici-
ter bap-
tizati.

An bap-
tismus in
nomine
solus
Christi
valeat?

(1) Sequitur tractationis dogmaticae altera pars, qua respondetur ad varias objectiones, quae doctrinae superiori opponi poterant, et fortassis etiam solebant. Et hoc quidem cap. VI prolixè demonstrat Paulus, hac doctrina hominibus non dari occasionem et licentiam peccandi; esse potius illius hanc vim, ut ad mentis et vitae emendationem monstret viam, atque ad eam incitet hominesque permoveat.

valere baptismum, nisi conferatur exprimendo tres personas SS. Trinitatis.

Verum alii Patres et Doctores passim censent non valere, nec unquam valuisse baptismum, nisi nominentur singulae personae SS. Trinitatis, Citat eos Suarez, III part., *Quaest.* LXVI, art. 6. Imo idipsum definivit Pelagius Pontifex, cap. *Si revera de consecrat.*, dist. 4, ubi talem qui baptizatus est in nomine Domini, id est Christi, dicit esse rebaptizandum in nomine Patris, et Filii, et Spiritus Sancti. Idem asseverat Zacharias Pontifex eadem dist., cap. *In Synoda Anglorum*. Cum ergo ait Paulus nos baptizari in Christo, et Lucas in *Actis*, in nomine Jesu, intellige, in Christo, id est, primo, in auctoritate, virtute et meritis Christi; secundo, in baptismo a Christo instituto, qui confertur in nomine Patris, et Filii, et Spiritus Sancti; tertio, in nomine Christi, sed non solo; quarto, probabile est Apostolos addidisse in baptismo haec verba, *Jesu Christi*, dicendo: Ego te baptizo in nomine Patris, et Filii ejus Jesu Christi, et Spiritus Sancti. Hoc enim plurimum conducebat ad illustrandum novum hoc nomen Christi apud Judaeos et Gentes, praesertim cum sic Christus poneretur cum Patre et Spiritu Sancto, auctor sanctificationis, Ita S. Basiliius, lib. *De Spiritu Sancto*, cap. XII, aperte asserit in baptismi forma nullam trium personarum posse omitti; et ideo cum Paulus ait nos baptizari in Christo, vel in Spiritu Sancto, ceteras quoque personas intelligendas esse. « Siquidem, inquit, Christi appellatio, totius deitatis est professio: quippe quae simul declarat et Deum (Patrem) qui unxit, et Filium qui unctus est, et Spiritum Sanctum qui est unctio, sicut a Petro in *Actis* didicimus: Jesum Nazarenum, quem unxit Deus Spiritu Sancto; item in *Isaia* cap. LXI: Spiritus Domini super me, eo quod unxit me. Et Psalter, *Psal.* XLIV: Propterea unxit te Deus, Deus tuus oleo exultationis, ultra participes tuos. »

IN MORTE. — Graece ἐκ νεκρῶν, in mortem, id est in similitudinem et representationem mortis Christi baptizati sumus. Qui enim baptizantur et aquis immerguntur, Christum mortuum et sepultum representant allegorice, idque ut tropologica similitudine significant, sicut Christus mortuus est vitae temporali, ita se mori peccato, ait S. Chrysostomus, per baptismum, quo peccata merguntur et sepeliuntur: mori, inquam, peccato, tum per vim et efficaciam baptismi, ut ait S. Augustinus, *Enchir.* LI (ubi hinc probat infantes habere peccatum originale, quia scilicet baptizantur); tum per propositum sanctum novae vitae, quod concipit baptizatus: ita Tertullianus, lib. *De Penitentia*.

Probat hic Apostolus nos mortuos esse peccato, nec illi vivere debere, ex eo quod per baptismum inserti sumus Christo, ut vivamus vita Christi et Christiana: haec enim ex diametro peccato repugnat.

4. CONSEPULTI SUMUS CUM ILLO PER BAPTISMUM IN MORTEM. — Probat Apostolus nos esse mortuos peccato, ex mystica baptismi sepultura; unde ait, *consepulti sumus*, q. d. Nos tanquam mortui peccato sepulti sumus in baptismo, sicut Christus mortuus corporaliter traditus est sepulturae, nemo enim sepelitur nisi mortuus. Ritus ergo baptismi, scilicet trina mersio allegorice representat tres dies sepulturae Christi, et tropologice representat sepulturam et mortem peccati. Unde ex hac causa et representatione, in die sepulturae Christi, scilicet sabbato sancto, sollemnis baptismus celebrari solet. Vide Damascenum, lib. IV *De Fide*, cap. x.

Nota hic dissimilitudinem inter sepulturam Christi et baptismum. Christus enim prius mortuus est, quam sepultus: haec vero baptismi sepultura, quia Sacramentum est, mortem peccati in nobis efficit; itaque morte peccati est prior et anterior, non tempore, sed natura, ut recte advertit Pererius et Toletus, et hoc est quod ait Paulus; « Consepulti sumus in mortem, » q. d. Cum Christo in baptismo quasi sepelimur, ad hoc ut moriamur peccato; hanc enim peccati mortem affert et inducit haec sepultura baptismi. Hinc moraliter Patres monent nos, ut semper ante oculos habeamus professionem, quam fecimus in baptismo, dicentes: « Abrenuntio Satanæ, » et consequenter peccato.

« Ingressus es, inquit S. Ambrosius, lib. *De iis qui mysteriis initiantur*, cap. II, regenerationis sacramentum, repete quid interrogatus sis, recognosce quid responderis. Repuntiasti diabolo et operibus ejus, mundo et luxurie ejus ac voluptatibus, tenetur vox tua non in tumultu mortuorum, sed in libro viventium. Praesentibus angelis locutus es; non est fallere, non est negare. » Et S. Augustinus, lib. IV *De Symbolo ad Catech.*, cap. I, tom. IX: « Exclusus est, inquit, inimicus de cordibus vestris; huic vos renuntiare professi estis, in qua professione non hominibus, sed Deo et angelis ejus conscribentibus dixistis: Renuntio. Renuntiate non solum vocibus, sed et moribus; non tantum sono linguae, sed et actu vitae; nec tantum labiis sonantibus, sed et operibus pronuntiantibus. Scitote vos cum callido, antiquo et veteroso inimico suscepisse certamen: non in vobis post renuntiationem inveniat opera sua, non jure vos attrahat in servitutem suam: deprehenderis enim et detegeris, Christiane, quando aliud agis, et aliud profiteris: fidelis in nomine, aliud demonstras in opere, non tenens promissionis tuae fidem; modo ingrediens ecclesiam orationes fundere, post modicum in spectaculis cum histrionibus impudice clamare. Quid tibi cum pompis diaboli, quibus renuntiasti? » Hinc etiam baptizatis sacerdos dat vestem candidam, quasi testem puritatis et innocentiae, dicens: « Accipe vestem candidam, sanctam et immaculatam, quam perferas sine macula ante tribunal Christi;

Vers. 4.

Baptismus pulchre representat sepulturam Christi peccatoris.

Dissimilitudo inter sepulturam Christi et baptismum.

Morale de abrenuntiatione Satanæ et peccati, quam faciunt Christiani in baptismo.

Baptizatis sacerdos dat vestem candidam.

ut habens vitam æternam. » Qua de re ita Lactantius canit in *Carmine paschali* :

Candidus egreditur niveis exercitus unctis,
Atque velus vitium purgat in amne novo.
Fulgentes animas vestis quoque candida signat,
Et grege de niveo gaudia pastor habet.

Quare pathetice Muritta Diaconus, apud Victorē Uticensem, lib. III *Persecution. Wandal.*, ad Elpidophorum apostatam et carnificem tam suum quam aliorum orthodoxorum, expandens et ventilans lintea illa, quibus Elpidophorum olim e sacro fonte susceperat : « Hæc, inquit, sunt lintea, Elpidophore, minister erroris, quæ te accusabunt, dum majestas venerit judicantis, custodiēte diligentia mea ad testimonium tuæ perditionis, ad demergendum te in abyssu putei sulphurantis. Hæc te immaculatum cinxerant de fonte surgentem. Hæc te acrius persequentur flammantem gehennam cum cæperis possidere, quia induisti te maledictionem sicut vestimentum, scindens atque amittens veri baptismatis et fidei sacramentum. Quid facturus es, miser, cum servi patris familias ad cœnam regiam congregare cœperint invitatos? Tunc te aliquando vocatum, terribiliter indignatus, exutum stolam Rex conspiciet nuptialem, dicetque tibi : Amice, quomodo huc venisti, vestem non habens nuptialem? Non video quod contuli, non nosco quod dedi. Perdidisti militiæ chlamydem, quam in tela virgineorum membrorum decem mensibus texi, et tendiculas crucis, quas extendens aqua mundavi, et purpura mei sanguinis decoravi, non conspiciunt oculi mei; characterem non video Trinitatis; talis non poterit interesse epulis meis : ligate eum pedibus et manibus, » etc.

UT QUOMODO CHRISTUS RESURREXIT A MORTUIS PER GLORIAM PATRIS, ITA ET NOS IN NOVITATE VITÆ AMBULEMUS. — *Per gloriam Patris*, id est per divinam virtutem; vel, ut Theodoretus et Theophylactus, per propriam divinitatem suam; eadem enim est gloria, sive gloriosa divinitas Patris et Filii.

Secundo et aptius Cajetanus, ut plenior sit comparatio inter Christum et nos, sic explicat, *per gloriam Patris*, id est, inquit, per vitam gloriosam et immortalem, quam Christus resurgens accepit a Patre, q. d. Christus resurrexit ad hoc, ut gloriosam et divinitati convenientem vitam ageret, qualis decet Filium Dei. Unde congruum est, ut et nos baptismo resurgentes novam vitam dignam filiis Dei agamus, idque continuo et constanter in ea pergendo et proficiendo : hoc enim significat verbum, *ambulemus*.

Posset *tertio*, Græcum δὲ verti *propter*, vel ut Syrus vertit, *in gloriam Patris*. Valde enim glorificatus est Pater in resuscitatione et resurrectione Christi. Præclare S. Augustinus in *Enchiridio*, cap. LIII : « Quidquid, inquit, gestum est in cruce Christi, in sepultura, in resurrectione tertia die,

in ascensione in cœlum et sede ad dexteram Patris, ita gestum est, ut iis rebus non tantum mystice dictis, sed etiam gestis, configuraretur vita Christiana, quæ hic geritur. Nam, propter ejus crucem dictum est : Qui Jesu Christi sunt, carnem suam crucifixerunt cum vitiis et concupiscentiis; propter sepulturam : Consepulti sumus cum Christo per baptismum in mortem; propter resurrectionem : Ut quemadmodum Christus resurrexit a mortuis per gloriam Patris, ita et nos in novitate vitæ ambulemus; propter ascensionem sedemque ad dexteram Patris : Si consurrexistis cum Christo, quæ sursum sunt quærite, ubi Christus est ad dexteram Dei sedens; quæ sursum sunt sapite, non quæ super terram. »

5. SI ENIM COMPLANTATI FACTI SUMUS SIMILITUDINI MORTIS EJUS, SIMUL ET (supple, complantati similitudini) RESURRECTIONIS ERIMUS. — Excitat hic Apostolus ad novitatem vitæ, per spem resurrectionis.

Nota: Pro *complantati*, græce est *σµαρτυρι*, quod non est participium, sed nomen, quasi dicas, *consititii*. Jam sensus est, si Christo insiti sumus, perinde ac rami inseruntur arbori, ut ex ea succum sugant et hauriant, sic ut ex morte Christi, cujus similitudinem gessimus in baptismo, tanquam e radice similem quamdam peccati mortem sugamus, ut nimirum per mortem Christi, in qua baptizati sumus, mortui simus peccatis; si, inquam, ita inseramur Christo, participes quoque erimus resurrectionis Christi. Ergo *in similitudine* ex hebraismo accipitur pro *in similitudinem*, id est in conformationem mortis Christi. Posset tamen cum Syro sic accipi: *similitudini*, id est, per similitudinem, vel in similitudine, puta in baptismo, quæ est similitudo et representatio mortis et sepulture Christi.

Verum antithesis sequens primum sensum exposcit; nam pari modo tacite subdit Apostolus, quod aliquando complantati et insiti erimus Christo, similitudini, id est ad similitudinem, resurrectionis ejus, ut nimirum ex Christo quasi resurgente, similem nos ipsi resurrectionem sugamus et participemus. Persistit Paulus in metaphora plantæ. Sic enim sacra Scriptura Christum vocat virgultum et vitem, nos palmites, et Christus in nobis dicitur crescere, nosque in Christo dicimur adolescere, esseque arbores frugiferæ, quas ministri Christi dicuntur plantare et rigare. Dicit ergo : Sicut ramus in arbore insitus, moriente quasi per hiemem arbore, illi pariter etiam ipse commoritur, et rursum arbore tempore veris quasi resurgente, una quoque ramus resurgit: sic qui Christo consitus, peccato commoritur, in hieme hujus vitæ et passionis : et hic Christo quoque in vere illo universali resurrectione, cum novum cœlum et nova terra repullulascent, consurgit ad gloriam. Ita Origenes. Unde et Tertullianus, lib. *De Carnis resurrect.*, cap. XLVII, sic legit : « Si enim consati sumus simulacro mortis Christi, simul et resurrectionis erimus; » illudque sic

Vers. 3.

Christo insiti sumus at rami arbori.

In Christo dicimur crescere.

explicat: « per simulacrum (per representationem) enim morimur in baptismo, sed per veritatem resurgemus in carne, sicut et Christus. »

Sensus ergo est, q. d. Paulus: Sicut mortis et passionis Christi in hac vita consortes facti sumus, ita pariter et resurrectionis Christi in futura vita consortes fitemur: nam et huic insiti sumus, utpote ejus, æque ac mortis Christi, in baptismo gessimus similitudinem. Nam sicut immersione, quæ fit in baptismo, configuramur Christo mortuo et sepulto; ita vicissim emersione ex aquis baptismi, configuramur Christo resurgenti: quod si autem resurrectionis Christi participes futuri sumus, fierique debemus; ergo pariter in novitate vitæ, quam resurrectio Christi significat, quamque resurrectio nostra postulat et prærequirit, ambulandum nobis est.

Sicut immersione in aquam baptismi conficimur Christo mortuo et sepulto, ita emersione resurgenti.

Si cum Christo patimur, cum ipso glorificabimur.

Pulchre Nazianzenus, orat. I in Pascha: « Heri, inquit, cum Christo in crucem agebar, hodie simul cum illo glorificor; heri commoriebar, hodie simul vivificor; heri consepeliebar, hodie simul resurgo, » etc. Et Tertullianus, lib. De Corona militis, cap. xiv: « Christus, inquit, favos post fella gustavit, nec antea Rex gloriæ a cælestibus est salutatus, quam rex Judæorum proscriptus in cruce: minoratus, primum a Patre modicum quid citra angelos, ita gloria et honore coronatus est. » Ita et nos, si hic fella gustemus, postea favos cum Christo gustabimus.

Complantati resurrectioni Christi, est in novitate vitæ ambulare.

Aliter hæc explicant Toletus et Adamus; nimirum, ut complantari resurrectioni Christi, sit idem quod in novitate vitæ ambulare, uti præcessit, q. d. Paulus: Si tanquam surculi quidam insiti sumus Christo per baptismum, sic ut similitudinem mortis ejus in nobis habeamus, moriendo peccatis, erimus quoque hoc ipso complantati, sive insiti, vel ingenerati similitudini resurrectionis ejus: quæ similitudo posita est in novitate vitæ, ut nimirum sicut Christus ad novam et beatam vitam resurrexit, ita quoque nos ad novitatem vitæ resurgamus et in ea vivamus et ambulemus. Verum si hoc voluisset Apostolus, dixisset potius, simul et resurrectionis sumus; jam autem non dicit sumus, sed erimus: unde magis genuine et proprie videtur spectare futuram resurrectionem.

Præpositio συν significat similitudinem cum Christo, effectum et causam fructum ejus in nobis.

Nota vim præpositionis συν, id est cum, in Græcis Apostoli vocibus, σύνκρυσσις, συνθέπτεσθαι, συζευρωσθαι, σύνζω, συμπάσχειν, συμμερρωσθαι, συμπροσκύνειν, συνδύξασθαι, id est complantati sumus, consepulti, concrucifixi, conviventes, compatibles, conformati, conregnantes, conglorificati Christo: συν enim significat primo, similitudinem nostram in his cum Christo.

Secundo, significat causam omnium horum in nobis esse hanc, quod scilicet simus uniti Christo, quasi rami arbori, ita ut hæc omnia quasi succum arboris Christi a Christo Christique cruce et passione sugamus.

Tertio, συν significat effectum et fructum quem

Christus a nobis requirit, ut scilicet hæc conemur cum Christo in nobis perficere, Christumque in hisce assidue imitari et prosequi, ut cum ipso pariter glorificemur.

6. HOC SCIENTES, QUIA (quod) VETUS NOSTER HOMO Vern. 4. SIMUL CRUCIFIXUS EST. — Refer $\tau\acute{o}$ hoc scientes, ad omnia præcedentia, sed maxime ad $\tau\acute{o}$ mortui sumus, et ad $\tau\acute{o}$ complantati facti sumus similitudini mortis ejus, ut in novitate vitæ ambulemus, q. d. Debemus mortui esse peccato, et in novitate vitæ ambulare, hoc scientes, id est, cum sciamus (per hebraismum enim ponitur participium pro verbo) quod vetus noster homo crucifixus sit (1).

Nota: *Vetus homo*, inquit D. Thomas, primo, Quis dicitur macula ex actu peccati relicta; secundo, est ipsa consuetudo peccandi; tertio, est concupiscentia; quarto et clarius Toletus: *Vetus homo*, inquit, dicitur is qui peccatum et concupiscentias, nascendo ex veteri Adamo, traxit et sequitur, puta, vetus vita, veteres mores, vetus in concupiscentiis et peccatis, instar veteris Adami, vivendi ratio, uti pluribus dicam cap. vii. Hic ergo jam dictus vetus homo crucifixus est cum Christo, primo, per representationem; baptismo enim representamus crucem Christi, et vitiis, scilicet nos cum Christo esse crucifixos, et crucifixisse nostra vitia; secundo, per efficientiam, quia scilicet virtute Christi in cruce mortui, quæ baptismi nobis applicatur, peccata nostra deleta sunt. Crux enim peccatorum nostrorum est mors et destructio.

Vetus homo crucifixus est cum Christo dupliciter.

Ut DESTRUATUR CORPUS PECCATI. — Primo, Origenes, Chrysostomus, Ambrosius, Anselmus et Toletus: « Corpus peccati, » inquirunt, est tota peccatorum massa, quæ quasi unum esse corpus hominis veteris, cujus membra sunt libido, avaritia, fornicatio cuilibet Christiano mortificanda, ut ait Apostolus Coloss. iii, 5. Hanc peccatorum massam vocat Apostolus « corpus peccati, » ut persistat in metaphora crucis, de qua dixit: *Vetus noster homo crucifixus est*: non enim accidentia, nec spiritus, sed corpora hominum crucifigi solent.

Corpus peccati, tota peccatorum massa.

Nota hic peccata non legi per justitiam imputativam, sed omnino mori et deleri in baptismo per gratiam et justitiam infusam, ut hic coactus fatetur Calvinus sui oblitus.

Peccata non per justitiam imputativam, sed infusam delentur. Corpus peccati est corpus assumptum peccati.

Secundo, idem Origenes sic explicat, ut corpus peccati, id est corpus in peccato conceptum, nutritum et peccare solitum, destruat, non substantia, sed qualitate, id est enervetur: hoc enim est Græcum καταργηθῆναι. Unde et Tertullianus, lib. De Resurr. carnis, cap. xlvii, sic legit et explicat:

(1) Pergit Paulus ex cruce, morte et resurrectione Christi multas sumere similitudines, et eis aptare allegorica loquendi genera. Adjungit prosopopeiam, qua delectatur plurimum. Veterem illam sentiendi consuetudinem dicit, ad similitudinem Christi cruci alligendam esse; sicut cruci allixus non sine gravi dolore moritur, ita illa vitiosa natura non sine dolore vi sua privatur.

« Ut evacuetur corpus delinquentiæ, per emendationem vitæ, non per interitum substantiæ. »

Tertio, Theodoretus sic legit, ut corpus nostrum evacuetur peccato, id est, ut peccatis sit vacuum; verum primus sensus Apostoli menti et phrasi magis est conformis.

7. QUI ENIM MORTUUS EST, JUSTIFICATUS EST A PECCATO. — Causam dat cur ultra non debeamus servire peccato: Quia, inquit, qui conformatus Christo crucifixo, et morti Christi in cruce morientis, mortuus est peccato, seu vitæ veteri, hic « justificatus, » id est absolutus est prorsus a peccato, ut non debeat habere cum eo commercium: sicut homo mortuus absolutus est ab hujus vitæ negotiis, ut iis se miscere non debeat, nec possit.

Secundo, S. Basilius, lib. *De Baptismo*: « Qui, inquit, mortuus est, hic justificatus, id est purgatus est a peccato per justitiam a Deo datam et infusam. »

Tertio, specialius et profundius, juxta primum sensum S. Chrysostomus et Theodoretus sic explicant, tanquam alludat Paulus ad servum, qui dum vivit, servituti astringitur, sed in morte ab eadem absolvitur et liberatur: hanc enim metaphoram servi, vers. 16 et seq., urget Apostolus, q. d. Sicut servus mortuus, per mortem justificatus, id est absolutus et liberatus est a jure et dominio heri, puta a servitute, ita ut heri in eum nullum herile habeat jus vel imperium: pari modo et nos a servitute peccati justificati, id est liberati et absoluti sumus hoc ipso quo eidem mortui sumus per baptismum, ut proinde amplius peccato vacare et servire non debeamus.

8. SI MORTUI SUMUS CUM CHRISTO, CREDIMUS QUIA SIMUL ETIAM VIVEMUS CUM CHRISTO. — « Simul vivemus, » in vita nimirum futura, beata et æterna. Ita Origenes, Chrysostomus, Theodoretus et Anselmus. Secundo, Toletus: « Credimus, inquit, id est confidimus, quod simul cum Christo in nova vita gratiæ vivemus, id est vivere pergemus. » Sed prior sensus planior est: Apostolus enim more concionatoris, identidem Christianis proponit præmium æternæ vitæ, ut nos ad bonam sanctamque vitam alliciat et excitet, idèoque ab anagoge baptismi, salit ad tropologiam, puta a resurrectione salit ad mortificationem vitiorum, et novitatem vitæ; et mox ab ea ad resurrectionem reddit, idque facit secundo et tertio, sed aliis et aliis verbis. Nam hanc baptismi anagogem sive resurrectionem proposuit vers. 5, et eandem hoc vers. 8, et rursum vers. 9 et 11; aliis verbis inculcat. Rursum eidem tropologiam de novitate vitæ præposuit vers. 4, et iterum subnexuit vers. 6, 7, 9, 11 et seq.

Idem faciendum est cuivis ecclesiastæ, ut scilicet misceat præmia cum virtutibus, utque suis auditoribus jam celum et cælestes coronas, jam fugam vitiorum et Christianos mores, quibus cælestes coronæ acquiruntur, proponat.

9. SCIENTES QUOD CHRISTUS RESURGENS (Græce *ἔγερται*; id est suscitatus, vel qui resurrexit, est enim præteriti temporis) **EX MORTUIS JAM NON MORITUR, MORS ILLI ULTRA NON DOMINABITUR.** — Pendent hæc a præcedentibus, q. d. Si mortui sumus peccato; credimus quia simul etiam vivemus cum Christo, in vita scilicet beata et immortal. Scimus enim Christum, postquam resurrexit a mortuis; talem vitam jam vivere, nec amplius moriturum; imò mori non posse: Cum ergo vita nostra beata post resurrectionem similis et conformis sit futura vitæ Christi, sequitur nos quod tunc amplius non morituros; imò mori non posse. Ex quibus discursu tacite Christianis colligendum relinquit Apostolus; eos utpote jam mortuos peccato, et traductos in novitatem vitæ, adeoque ordientes hic beatam vitam; et tendentes ad gloriosam immortalitatem; constanter in hac viâ vitæque sancta persistere debere, ut in mortui peccati non recidant, sed sanctam et felicem immortalitatem per constantiam vitæ piæ et Christianæ representent atque inchoent. Infert Origenes ex eo quod ait Apostolus: « Mors illi ultra non dominabitur, » ergo mors antea, puta in cruce, dominata est Christo: Porro Origenes per mortem intelligit diabolum; sed clarum est ex præcedentibus mortem proprie hic accipi. Mors ergo quasi dominus et rex hic inducitur, quæ Christo omnibusque hominibus fuit dominata, sed per Christum dominio hoc suo est spoliata.

10. QUOD ENIM MORTUUS EST PECCATO, MORTUUS EST SEMEL. — S. Hilarius, lib. IX *De Trinit.*, putat quod esse relativum; sicque vertit et legit, « quod mortuum est, peccato mortuum est semel; quod autem vivit, vivit Deo, » q. d. Mortuum est Christi corpus semel propter peccatum, sed vivit et vixit, vivetque semper ejus divinitas; et ita vertendum esse contendit Faber Stapulensis, qui nostrum taxat Interpretem, quod vertat mortuus, non mortuum. Verum nostrum Interpretem defendit Erasmus; et alii passim, imò et Beza. Græcè enim *ἓ*; id est quod, pro *ὅτι* capitur, vel certe subaudiendum est *ἅπα*; q. d. *ἅπας ὁ*, id est in eo quod mortuus fuit, vel quantum ad mortem Christi attinet, semel ipse peccato mortuus est: aptius enim dicitur Christus mori et vivere, quam corpus Christi; ne scilicet videatur cum Nestorio separare in Christo corpus et hominem a deitate.

PECCATO MORTUUS EST SEMEL. — Hilarius, lib. IX *De Trinit.*, et Oecumenius: « Peccato, » inquit, id est corpore; puta corporaliter, mortuus est semel Christus. Corpus enim dicitur « peccatum » metonymice, quia peccati est subjectum. Simili sensu vocatur « caro peccati, » licet in Christo tantum fuerit similitudo carnis peccati: vel ut Pererius explicat, « mortuus est Christus peccato, » id est vitæ passibili et mortali, qualis est in corpore hoc peccatis subdito.

rum, jam
cælestes
coronas
proponere.
Vers. 9.

Christi-
anis ca-
vendum
reincide-
re in pris-
tina pec-
cata.

Error
Origenis
potentis
mortem,
id est dia-
bolum,
Christo
domina-
tam.

Vers. 10.

Fabri
lectio fa-
vens Nes-
torio hic
rejjcitur.

Triplex
horum
verbo-
rum ex-
plicatio.

Secundo, S. Ambrosius, serm. 18 in Psal. cxxxiii, vers. 7 : Mortuus, inquit, est Christus « peccato, » id est peccatori, puta propter peccatores.

Tertio et optime, S. Chrysostomus et Theodoretus, mortuus est Christus « peccato, » id est propter peccatum, ad peccatum in nobis mortificandum et abolendum; hanc enim vim habet *lamed* dativi Hebræis. Aliter ergo Christus mortuus dicitur peccato, aliter nos; Christus effective, nos subjective; Christus semel ἀπὸ θανάτου, est mortuus, nos autem ἑσχατὸν nominaliter, quasi semper mortui peccato esse et permanere debeamus.

QUOD AUTEM VIVIT, VIVIT DEO. — « Vivit Deo; » id est divinitate et anima. Ita Oecumenius.

Secundo, S. Chrysostomus et Toletus : « Vivit Deo, » id est per Dei virtutem.

Tertio et optime, Christus jam post resurrectionem « vivit Deo, » id est apud Deum, et simili Deo vivit vitam, cœlestem, divinam, beatam, immortalem. Rursum, « vivit Deo, » id est ad Dei gloriam, ut Deum perpetuo laudet et celebret: sicut enim mortuus est propter peccatum, sic vivit propter Deum et Dei gloriam.

Vers. 11. 11. ITA ET VOS EXISTIMATE VOS MORTUOS QUIDEM ESSE PECCATO, VIVENTES AUTEM DEO. — Quis sit mortuus peccato, pulchre et minutim explicat S. Prosper, lib. *De Vita contemp.*, cap. xxi: « Quid est, inquit, mori peccato, nisi damnandis operibus omnino non vivere, nihil concupiscere carnaliter, nihil ambire? Ut sicut qui mortuus est carne, nulli jam detrahit, nullum aversatur, despicit, nullius pudicitiam callida circumventionem corrumpit, nemini violentus existit, neminem calumniatur aut opprimit, non invidet bonis, aut insultat afflictis, non luxuriæ carnis inservit, non violentiæ deditus in se bibendi sitim bibendo magis ac magis accendit, non odiorum facibus inardescit, non compendia injusta sectatur, non potentibus aut divitibus adulatur, non inquieta curiositate rapiatur, non domesticæ sollicitudinis cura distenditur, non officiosis occurrit salutationibus delectatur, nec superbiorum injuriis fatigatur; non eum superbia inflat, non ambitio ventosâ præcipitat, non vana gloria turpiter jactat, non desiderium gloriosæ opinionis inflammat, non distentio alieni actus illaqueat, non ad societatem turpium turpitudinis amor invitat, non rabies insanæ furoris exagitat, non sumptuosarum deliciarum studium mactat, non ardor animosæ contentionis exanimat. » Deinde alio schemate per epitheta singulorum vitiorum propria idipsum pro-equitur, dicens: « Quem non facit impudentem audacia, iniquum injustitia, ferum inclementia, varium inconstantia, pertinacem contumacia, insanum vesania, deliciosum gula, rebellem inobedientia, vanum jactantia, infidelem perfidia, levem facilitas, sævum crudelitas, manducatorem turpis edacitas, impatientem mobilitas, mobilem instabilitas, vagum spiritus »

pulchra hypotyposis hominis omnibus vitiis dediti: et vicissim hominis omnia vitia mortificantis.

in infirmitas, iracundum animositas, suspiciosum perversitas, verbosum vanitas, injuriosum malignitas: qui remotus est prorsus a sæcularibus illecebris, remotus ab immunditiis et inimicitiiis, remotus ab insidiis alienis, remotus a rapinis vel occultioribus vel apertis, remotus a mendaciis sive perjuriis, postremo remotus ab omni genere flagitiorum atque facinorum, quibus carnaliter viventes, Deum offendant: sicut, inquam, carne mortuus nec facere ea potest, quæ dixi, nec pati, ita et his, et talibus vitiis omnino non vivunt, qui viventes Deo, carnem suam cum vitiis et concupiscentiis crucifigunt. »

VIVENTES AUTEM DEO; — ut scilicet spiritu Dei, sive vita spiritali et divina; puta vita gratiæ, non peccato, sed Deo servientes; vivatis, id est vitam hanc gratiæ in baptismo acceptam conservetis; enim viventes hic significat actum, non inchoatum, sed continuatum, juxta can. 32. Unde ait, « existimate, » id est reputate, cogitate, perpendite, resolvite, concludite, et omnino decernite; vos Deo deinceps semper debere et velle vivere.

IN CHRISTO, — id est, per Christum; vel; ut Toletus, ad similitudinem Christi, quia ita vivit, ut amplius non moriatur, q. d. Pari modo, nec vos amplius mori debetis per peccatum. Sepe Hebræi sumunt *in*, id est *in*, pro *in* similitudinis, ut *in* Christo idem sit. quod instar Christi.

12. NON REGNET PECCATUM IN VESTRO MOR-TALI CORPORE; UT OBEDIATIS CONCUPISCENTIIS EJUS. — « Peccatum » intellige, proprie dictum: Sic enim accepit peccatum Apostolus vers. 1, 2, 6, 7, 10 et 11.

Notat S. Chrysostomus et Theodoretus non dici: Non tyrannizet quasi invitis vobis peccatum: quid peccatum in nobis regnare non potest, nisi nobis volentibus; illudque sponte acceptantibus, ac consequenter nobis invitis imperare et tyrannizare non potest.

Alii, non improbabiler (1), metonymice capiunt hic « peccatum, » ut idem sit; quod fomes peccati et concupiscentia. Unde notant S. Augustinus, in Psal. xxxv, et Gregorius, lib. *XIV Moral.*, cap. ix, non dicere Apostolum: Non sit, non habet: hoc enim est impossibile; sed, Non regnet in vobis peccatum, ut scilicet illi vos subjiciatis, ejusque desideriis et concupiscentiis obediat, ut sequitur.

Perperam ergo Beza sic explicat non regnet peccatum, q. d. Apostolus: Peccato et concupiscentiæ reluctetur spiritus, attamen illam non vincat. Sed perperam, ut dixi; nam si in hac lucta spiritus non vincit carnem et concupiscentiam, ergo concupiscentia ipsa vincit et regnat. Nimirum fallitur Beza, nec videt quod aliud est esse vel existere peccatum, aliud, vincere peccatum et concupiscentiam. Est quidem in homine caro et concupiscentia; et in hac vita plane extirpari

(1) imo probabilius

▲ vita gratiæ non est redeundum ad mortem peccati.

Vers. 12.

Peccatum non nisi volentibus dominatur.

Peccatum pro fomite peccati et concupiscentiæ.

Putida Beza explicatio.

nequit, sed tamen in justo vincitur et supprimitur a dominante ratione et spiritu.

Nota $\tau\acute{o}$ *mortali*, cum ait Apostolus : « In vestro mortali corpore, » stimulus dat ad pugnam et ad resistendum concupiscentiis, quia scilicet hæ fluxæ et evanidæ sunt, unaque cum mortali hoc corpore intermoriatur. Unde notat hic S. Chrysostomus breve in hac vita et corpore, peccati æque ac luctæ contra peccatum esse tempus, cum victoriæ et gloriæ sit æternum et immensum : « Quid ergo, o homo, longa hic, quid solida gaudia quæris? breve est et caducum, quidquid hic vides. » Dicit ergo Apostolus : « Per Christum, gratia ejus quasi rex regnat in mentibus fidelium : ergo in iis non regnet peccatum. » Graviter et eloquenter S. Leo, serm. 1 *De Quatragesima* : « Si, inquit, mens rectori suo subdita, et supernis muneribus delectata, terrenæ voluptatis incitamenta calcaverit, et in suo mortali corpore regnare peccatum non sinerit, ordinatissimum tenebit ratio principatum, et munitiones ejus nulla spiritualium nequitiarum labefactabit illusio : quia tunc est vera pax hominis, et vera libertas, quando et caro animo iudice regitur, et animus Deo præside gubernatur. »

Vers. 13. 13. SED NEQUE EXHIBEATIS MEMBRA VESTRA ARMA INIQUITATIS PECCATO. — « Arma, » id est instrumenta servientia peccato : sic enim Hebræi vocant כלי חמס *kele chamas*, vasa, id est, arma iniquitatis, quomodo vocantur Simeon et Levi, Genes. XLIX, 3.

In anima duplex et contrarium regnum. Nota, in anima duplex et contrarium esse regnum peccati et justitiæ. Peccatum ad regni sui dilatationem utitur membris nostris, quasi armis, dum manu ad verbera, lingua ad detractiones, oculis ad curiositatem abutitur. Contra fit in regno justitiæ, dum illa, manu ad eleemosynam, lingua ad Dei laudem, oculis ad studium utitur. Hac de causa Apostolus membra nostra vocat arma tam peccati quam justitiæ.

SED EXHIBETE VOS DEO, TANQUAM EX MORTUIS VIVENTES. — *q. d.* Quin potius ita vivite, ut ostendatis vos ex morte peccati resuscitados esse ad vitam gratiæ. Videtur enim Paulus respicere ad vers. 11.

Secundo et plenius, *q. d.* Servite Deo, uti facere oportet eos, qui semel peccato mortui in baptismo, jam vivunt justitiæ et Deo, in nova vita Christiana, ad quam cum Christo et instar Christi resurrexerunt. Hunc esse sensum patet ex antecedentibus.

Tertio, aliqui sic explicant, *q. d.* Ita exacte, timorate et fervide servite Deo, ac si a morte naturali ad vitam revocati essetis. Cogitate quam pie et sancte vixerint, Deoque servierint qui in morte ad Dei tribunal rapti, ejus rigorem, æque ac inferorum pœnas, et cœlitum gloriam spectarunt, ac deinde vitæ sunt restituti. Cogitate quantum penitentiam egerit S. Diethelmus, quam narrat Venerab. Beda, lib. V *Hist. Ang.*, lib. XIII, qui causam

tantæ austeritatis rogatus, non aliud respondebat quam : Austeriora vidi, frigidiora vidi. Similia habet Beda, *De Sancto Furseo*, lib. III, cap. XIX. Cogitate quales cruciatus sponte subierit S. Christina mirabilis, a morte rediens ad vitam, quæ se injiciebat in fornaces ardentes, in stagna gelidissima, in rotas molendinorum, ut cum iis volveretur et laceraretur, etc., idque ad hoc, ut animas (quarum horrendas pœnas in raptu viderat) e Purgatorio liberaret. uti refert Cardinalis Jacobus a Vitriaco in ejus Vita. Vos ergo hosce imitamini, ac oculis fidei mentisque spectate mortis horrorem, judicii terrorem, gehennæ acerbitatem, æternitatis immensitatem, ac ita vivite, quasi ea oculis, æque ac ipsi, spectassetis, et a morte ad vitam rediissetis : certo enim certius illa vos manent, uti certa fides vos docet. Hic sensus pius est, sed accommodatius potius quam genuinus, uti patet ex dictis.

14. PECCATUM ENIM VOBIS NON DOMINABITUR, — id Vers. 14. est *dominari nequit*; $\tau\acute{o}$ « enim dominabitur » sumitur per hebraismum *דומינאז*, sive pro modo potentiali. Occurrit Paulus objectioni huic : Quomodo possumus servire justitiæ, non peccato, cum imbecilles sumus ad resistendum peccato ejusque tentationibus; et hactenus totus mundus, adeoque nos ipsi servierimus peccato? Respondet Apostolus : Licet peccatum in mundo, tempore Adæ, et tempore legis Mosaicæ dominatum sit, vobis tamen, o Christiani, qui per baptismum mortui estis peccato, et gratia Christi roborati, peccatum dominari non potest : intellege, per se et jure suo, uti dominatum fuit ante Christum, nisi videlicet vos ipsi sponte gratiam Christi abjiciatis, et dedatis vos peccato. Unde explicans causamque assignans, subdit Apostolus.

NON ENIM SUB LEGE ESTIS, SED SUB GRATIA. *q. d.* — Peccatum iis qui sub gratia sunt, dominari nequit, nisi ipsi libere se peccato subjiciant; iis vero qui sub lege sunt, non sub gratia, quasi jure hæreditario ab Adamo hucusque præscripto dominatur peccatum. Licet ergo peccatum fi leles, qui sunt sub gratia, oppugnet, eisque bellum moveat, tamen iis suo nutu et imperio dominari nequit, quin vero facile ab iisdem per gratiam Spiritus Sancti vinci et domari potest. Præclare S. Leo, serm. 7 *De Jejunio decimi mensis* : « Fremit, inquit, adversarius, et cruentas inimicitias ad quietas convertit insidias, ut quos vincere fame et gelu, flammis ferroque non poterat, otio tabefaceret, cupiditatibus irretiret, ambitione inflaret, voluptate corrumpere. Sed iis malis, atque aliis omnibus destruendis habet acies Christiana potentes munitiones, et arma victricia, Deo scilicet instruente milites suos, ut spiritu veritatis mansuetudo iram, largitas avaritiam, benignitas extinguat invidiam. Commutante etenim dextera Excelsi corda multorum, rediit in novitatem vastas, et ab iniquitatis famulis ministri prodire »

Peccatum per se et suo jure dominari non potest in Christianos.

justitiæ. Subegit luxuriam continentia, humilitas arrogantiam propulsavit; et qui impudicitia sorduerant, castitate nituerunt. »

Secundo, Maldonatus, in *Notis manuscript.*, sic explicat : « Non estis sub lege, » id est non acceptis spiritum servitutis, ut dicit cap. viii, *sed spiritum adoptionis filiorum Dei*. Itaque non debetis permittere ut quidquam aliud vobis dominetur. Atque ita sequitur, « Quid ergo? peccabimus? (1) »

Vers. 15. 15. QUID ERGO? PECCABIMUS, QUIA NON SUMUS SUB LEGE, SED SUB GRATIA? — Occurrit novæ objectioni. Objiciet enim quis : Dixisti, o Paule, nos non esse sub lege, sed sub gratia, ideoque peccatum nobis non posse dominari, ergo licenter et impune legem transilire et peccare possumus, atque indulgere nostris concupiscentiis et peccatis, quia liberi sumus, et quidquid faciamus, peccatum nobis dominari nequit; sed nos potius peccato et concupiscentiis dominabimur, si pro libito eas accersamus, vel repellamus. Hoc enim est argumentum libertinorum etiam modernorum. Respondet Paulus : « Absit, » quia licet simus sub gratia, non sub lege, tamen legem aspernari aut prævaricari non licet; sed potius per gratiam legem adimplere debemus. Rursum, licet peccatum nobis perse et suo jure dominari nequeat, tamen nobis dominari potest, et de facto dominabitur, si sponte nos illi addicamus, et quasi servos ejus dominio subjiciamus. Et hoc est quod subdit Apostolus dicens :

Vers. 16. 16. NESCITIS QUONIAM CUI EXHIBETIS VOS SERVOS AD OBEDIENDUM, SERVI ESTIS EJUS CUI OBEDITIS, SIVE PECCATI (quod ducit) AD MORTEM, SIVE OBEDICTIONIS (quæ ducit) AD JUSTITIAM. — Proponit hic Apostolus duos reges, eosque sibi invicem opponit : prior rex est peccatum, sive inobedientia divinæ legis : hujus servi sunt omnes peccatores, qui illi obediunt, quorum stipendium et finis est mors; posterior rex est obeditio, sive obedientia Dei et legis divinæ, puta Evangelii : hujus servi sunt omnes fideles, qui Evangelio obediunt; horum stipendium, fructus et finis est justitia et vita æterna. Hæc est quasi major propositio Apostoli, sub qua tacite hanc minorem subsumendam, et hanc conclusionem inferendam relinquit : Atqui, o fideles Christiani, in baptismo renuntiastis peccato, et devovistis vos servos Christo et fidei, ad obediendum Evangelio; ergo non estis servi peccati, nec peccato servire debetis, sed Christo et obedientiæ, id est fidei et Evangelio.

Nota : Lex Christi dicitur lex obedientiæ, quia docet homines obedire Deo, et (quod proprie hic spectat Apostolus) fidei, Christo, Evangelio, Præ-

(1) Quum verba *lex et gratia* sibi opponuntur, prius legem Mosis, posterius Evangelium designat. Igitur sensus est : Non amplius legi Mosaicæ obstricti estis, quæ jubet, minatur poenas; sed Evangelio, eoque libentius Deo obsequi debetis, quod nos jam non per minas et poenas, sed per promissiones allicit, imo sibi per Spiritum Sanctum charitate devincit.

XVIII.

latis, Principibus, facitque sibi subditos, flexiles et obedientes; uti experientia constat, et confitentur ipsi quoque Ethnici principes moderni in Giappone et India.

17. GRATIAS AUTEM DEO; QUOD FUISTIS (esse dei- Vers. 17.
sistis) SERVI PECCATI, OBEDISTIS AUTEM EX CORDE IN EAM FORMAM DOCTRINÆ, IN QUAM TRADITI ESTIS. — Græce εἰς τὴν παραδεδωγμένην τύπον διδασκῆς. q. d. Obedistis doctrinæ Evangelicæ, in quam quasi in typum immissi estis a Deo et Apostolis, ut illi, quasi formæ et typo vos apprimateis et conformetis. Sicuti enim charta typis typographorum impressa in se exprimit typorum litteras, et doctrinam litteris contentam; ita pariter vos vestra obedientia Evangelicæ doctrinæ, quasi formæ, typo et normæ recte vivendi vos apprimentes et conformantes, vita vestra et moribus eandem exprimitis et representatis.

Doctrina Evangelica moribus exprimebatur.

18. LIBERATI AUTEM A PECCATO, SERVI FACTI ESTIS Vers. 18.
JUSTITIÆ. Pendet hæc sententia a præcedenti, scilicet, « gratias autem (ago) Deo, quod fuistis servi peccati, » eamque continuat et explet.

19. HUMANUM DICO, PROPTER INFIRMITATEM CARNIS Vers. 19.
VESTRÆ : Sicut enim (q. d. humanum enim est ut sicut) EXHIBUISTIS MEMBRA VESTRA SERVIRE IMMUNDITIÆ ET INIQUITATI AD INIQUITATEM, ITA NUNC EXHIBETE MEMBRA VESTRA SERVIRE JUSTITIÆ, IN SANCTIFICATIONEM. — Tertullianus, lib. *De Resur. carn.*, XLVII, legit : « Sicut exhibuistis membra vestra famula immunditiæ et iniquitati, ita et nunc exhibete membra vestra famula justitiæ in sanctificum. »

Sensus est : Ego a vobis, o Romani Christiani, rem exigo humanam, id est æquam, moderatam et facilem (similis phrasis est II Reg. vii, 14; et I Cor. x, 13), ut scilicet, tantum tantoque conatu studeatis justitiæ « in sanctificationem, » id est, ut in dies magis magisque sanctificemini, quanto olim studuistis « iniquitati ad iniquitatem, » ita scilicet, ut ex una iniquitate rueretis in aliam, fieretisque semper sceleratior, q. d. Majora a vobis, o fideles, possem exigere cum *Baruch.* cap. iv, vers. 28, ubi sic ait : « Sicut fuit sensus vester, ut erraretis a Deo, decies tantum iterum convertentes requiretis eum; » verum ego ex humanitate, non tantum, non amplius, sed par studium, requiro.

Tantocumque studentiam virtutis, quanto quis secutus est vitam.

Pulchre hæc explicat ex S. Augustino S. Anselmus : « Sicut, inquit, ad peccandum vos nullus cogebat timor, sed ipsius libido voluptasque peccati; sic ad juste vivendum non vos supplicii metus urgeat, sed ducat delectatio charitasque justitiæ. Sicut ergo ille iniquissimus est, quem ne poenæ quidem temporales deterrent ab immundis operibus sordidæ voluptatis; ita justissimus ille est, qui ne poenarum quidem temporalium timore revocatur a sanctis operibus luminosissimæ charitatis. »

Pulchra exhortatio, qui suadent Anselmus et Origenes tantum servire justitiæ, quantum quis servavit iniquitatem.

Et Origenes : « Pudorem, inquit, hisce verbis auditoribus incutit Apostolus, ut hoc saltem obsequium impendant justitiæ, quod prius imper-

derunt iniquitati, quasi dicat : Currebant prius pedes vestri ad effundendum, nunc autem ad liberandum sanguinem currant. Protendebantur manus prius ut aliena diriperent, nunc protendantur ut propria largiantur. Circumspiciebant prius oculi alienum ad concupiscendum, nunc circumspiciant pauperes ad miserendum, et unius cuiusque membri ministerium, quod exhibuit vitiis, aptet virtutibus, et actum quem exhibuit immunditiæ, ad castitatem nunc sanctitatemque convertat. »

Videtur hanc *justitiam* hic pro omnibus simul virtutibus nominasse : sicut e contrario *iniquitatem* pro omnibus simul vitiis posuisse. Opponit enim Apostolus a vers. 12 hucusque regnum justitiæ et regnum peccati, sive iniquitatis et injustitiæ. Quare nimis arcto aliqui per *iniquitatem* et *injustitiam* intelligunt adulterium; per *immunditiam*, alias libidines, quæ sine proximi injuria fiunt; per *sanctitatem* et *justitiam* intelligunt castitatem. Moraliter vide quoque S. Gregorium, lib. XIX *Moral.*, cap. xxv, et Bernardum, *Tractatu de Vita solitaria*. Nimirum multi, ut luxuriæ, laceris, crapulæ serviant, ad omnia patienda fortes sunt : post conversionem ad virtutem vires sibi deesse causantur.

Alii cum Syro sic explicant : « Humanum dico, » id est loquor hominum more, ut ad vestrum caput me demittam, utendo nomine servitutis et libertatis in rebus spiritualibus (1).

Alii volunt hæc esse verba, quasi præmollientis, et veniam petentis, quia de rebus inhonestis locuturus erat; sed primus sensus jam datus est genuinus.

Vers. 20. 20. CUM ENIM SERVI ESSETIS PECCATI, LIBERI FUISTIS JUSTITIÆ. — « Justitiæ, » id est a justitia ejusque pulcherrimo statu, q. d. Cum serviretis peccato, expertes fuistis justitiæ : subtraxistis enim vos dominio justitiæ, et quasi omni lege soluti, in peccata ruistis. Ita Anselmus, quem vide. Dat enim Apostolus hic causam cur sub peccato servierint iniquitati in iniquitatem; curque fuerint effusi in omnia scelera, quia scilicet omnino expertes erant justitiæ, ac proinde quasi omni freno soluti, currebant ad omnes voluptates vetitas. Rursum opponitur hæc sententia illi, vers. 18, « Liberati a peccato, servi facti estis justitiæ. »

Objicit Beza : Hi peccatores sunt servi peccati, eique mancipati, ergo non habent liberum arbitrium : « Miror, ait, qua fronte Sophistæ suum audeant tueri liberum arbitrium, liberum sane justitiæ, servum autem peccati. » Insulse, quasi liberum vocetur arbitrium quod peccato servit. Itaque

Respondeo cum S. Bernardo, lib. *De Gratia et Libero arbitr.* : Triplex est libertas, naturæ, gratiæ,

(1) Ita et S. Chrysostomus : *Humanum loquor*, id est, ait, dicam de iis rebus humana concludendi ratione, exemplis desumptis ab iis rebus, quæ in consuetudine positæ sunt.

gloriæ. *Prima* opponitur necessitati naturali, facitque liberum arbitrium; *tertia* opponitur morti et ærumnis hujus vitæ, facitque beatum; *secunda* opponitur peccato, facitque justum et sanctum. De ea, non autem de prima aut tertia hic agit Apostolus. Alludit enim ad servos Hebræos septem annis servientes, *Exodi* XXI, 2. Peccatores enim sponte sua et voluntaria obedientia addicunt se peccato, quasi domino, ut hic docet Apostolus : sicuti vice versa, iidem sponte sua addicunt se justitiæ, quasi dominæ, cum gratia Dei adjuti ad justitiæ regnum libere se transferunt.

Hæc justitiæ libertas, ut ait Anselmus, libertas est et dicitur, propter recti facti justitiæ, et quia liberaliter operatur : eadem tamen etiam est servitus, propter præcepti obedientiam. Sic servi boni libere et libenter serviunt dominis suis; adeoque omnes et boni et mali in servitute sua servant liberum arbitrium : quidni ergo idipsum servant homines, sive justitiæ, sive peccato serviant? Moraliter : Peccatores servi sunt suarum cupiditatum. Vide dicta *Exodi* cap. XXIII, vers. ultim.

22. HABETIS FRUCTUM VESTRUM IN SANCTIFICATIONE — continuam scilicet, ut eatis de sanctitate in sanctificationem, ut indies magis magisque sanctificemini. Est hebraismus. « In sanctificationem, » id est ipsam sanctificationem, ejusque continuationem et incrementum, habetis pro fructu justitiæ, quia scilicet justitiæ facit et parit hunc fructum, ut qui eam habet, pure sancteque vivat, sancta et præclara faciat opera, et continuis virtutum operibus se magis sanctificet, quibus promereatur et aliquando adipiscatur quasi finem et mercedem vilam æternam.

23. STIPENDIA ENIM PECCATI, MORS. GRATIA AUTEM DEI, VITA ÆTERNA IN CHRISTO — id est, per Christum. « Stipendia, » Græce ὀψώνια, quod significat id quod cum pane comeditur, vel quasi ὀψέωνον, pretium quod vesperi datur : quod apte respondet ei quod præcessit, « Finem vero vitam æternam. »

Secundo, ὀψώνιον, ait Nazianzenus, *orat.* 23, quæ inscribitur de suis sermonibus *ad Julianum*, tributorum exactorem, significat τὸ βασιλικὸν σιτηρεῖον, καὶ τὰς ὑπαρχούσας ἐκ νόμου τοῖς ἀξιωμακοῖς δωρεάς, id est regium commeatum, et dona quæ ex lege dignitatibus tribuebantur; et, ut ait Theophylactus; ὀψώνιον significat cibarium quod militibus ab imperatore datur. Sic hic peccatum servantibus sibi quasi cibarium, scilicet vile stipendium, dat mortem. Unde passim omnes ὀψώνιον hic vertunt, *Cibarium peccati mors*. Unde passim omnes ὀψώνιον hic vertunt, *Cibarium peccati mors*. Unde passim omnes ὀψώνιον hic vertunt, *Cibarium peccati mors*. Unde passim omnes ὀψώνιον hic vertunt, *Cibarium peccati mors*.

GRATIA (id est *gratuitum Dei donum*, est) **VITA ÆTERNA**. — Tertullianus, lib. *De Resurrect. carnis*, cap. XLVII, legit *donativum Dei vita æterna*. Donativum est donum quod ab imperatore militi donatur.

Duplex regnum, Dei et peccati, describitur. Nota: Apostolus hic describit duplex regnum, Dei et peccati: in utroque sunt arma membra nostra; milites et servi illius sunt homines justī, hujus impī; hujus stipendium est mors; illius vita æterna. Unde *secundo*, apta antithesis ejus quod præcessit: «Stipendia peccati mors,» exigebat ut pari modo diceret: «Stipendium vero justitiæ est vita æterna,» perinde ac alibi eandem vocat coronam justitiæ; maluit tamen dicere: «Gratia Dei est vita æterna,» quia hæc epistola contra Judæos et Gentiles operibus legis vel naturæ præfidentes, necessitatem gratiæ Christi passim inculcat; et quia dissimilis est hic ratio peccati et justitiæ: peccato enim non gratis, sed quasi stipendium omnino debitum redditur mors et damnatio; non sic justitiæ meritis redditur vita æterna. Hæc enim merita manant ex gratia, quasi semine et radice: gratia, inquam, indignis collata, unde et ipsa vocari possunt, et reipsa sunt gratia. Ita S. Augustinus; *epist. 103*. Unde idem S. Augustinus primam gratiam, vocat gratiam; vitam vero æternam, vocat gratiam pro gratia: et «Deus cum coronat nostra merita, quid aliud coronat quam sua dona?» ait ex S. Augustino Cælestinus Papa *ad Episcopos Galliæ*, cap. XII, et Concilium Tridentinum, *sess. VI*, cap. XVI.

Peccatum ex natura sua moritur mortem, non ita gratia vitam æternam.

Merita nostra non sunt condigna vita æterna.

Secundo, vita æterna dicitur *gratia*, quia licet operibus ex gratia factis debeatur vita æterna, tamen, si labor noster nude spectetur, ipsa est gratia, quia non sunt condignæ passionibus hujus temporis ad futuram gloriam: ita Theodoretus. Gratia ergo est vita æterna, quia exiguis operibus, laboribus et passionibus obtinetur. Sicuti si rux pauperem adoptaret in filium, hac lege, si vellet sibi obedire, diceretur eum adoptare ex gratia.

Tertio, vita æterna dicitur *gratia*, quia gratuita sua ordinatione Deus decrevit et promisit justorum operibus vitam æternam, sine qua promissione vita hæc non esset eis debita. Adde, Apostolum vitam æternam noluisse vocare stipendium, quia Græce est *ἀπὸν*, scilicet vile et cibarium stipendium: hoc autem non convenit excellentissimo præmio justitiæ, quod est vita æterna.

Sensus ergo Apostoli est hic: Sicuti peccatum hominem ducit ad mortem, quasi ad finem et stipendium suum; ita gratia, quæ nos a peccato liberat facitque servos Dei justitiæ et sanctitatis, ducit nos ad vitam æternam, quasi ad finem, terminum et coronam suam: hoc enim est quod paulo ante dixit, quodque hic urget Apostolus: «Habetis, inquit, fructum vestrum in sanctificationem, finem vero vitam æternam.» Gratia ergo est vita æterna, non in se, et formaliter; sed finaliter, quia finem et coronidem habet vitam æternam. Est metonymia.

Gratia finaliter est vita æterna. Hinc contra Eunomium, Begardos et Beguinās, patet homines solo naturæ lumine solisque naturæ viribus non posse videre Deum et beari; alioquin enim vita æterna non esset gratia.

Error Eunomii, Begardorum et Beguinæ.

Nota: Præmium Beatorum non vocatur delictiæ; non opes, non honores, sed «vita æterna.» *Primo*, quia hæc directe opponitur stipendio et supplicio Adæ et peccatorum, quod est mors æterna; *secundo*, quia hæc vita includit quasi radix omne bonum: nec enim vita in tormentis, vita dicitur, sed mors potius; ergo hæc vita vitalis est, et perfecta qua animalis, qua humana, qua angelica, qua divina est. Vivit ibi memoria, recordatione omnium præteritorum. Vivit ibi intellectus, cognitione et visione Dei. Vivit ibi voluntas, fruitione omnis boni. Pari modo vivunt ibi appetitus concupiscibilis, irascibilis, et sensus omnes, suisque fruuntur deliciis. Includit ergo hæc vita omnes delicias, opes, honores, et omnium vitarum, sensuum, potentiarum oblectamenta.

runi, hominem posse solis naturæ vitiis videre Deum.

Ob duas rationes præmium Beatorum vocatur vita æterna.

Secundo, vita hæc non est mille annorum, non mille millionum annorum, sed est æterna. Æterna enim esse debet, ut sit beata. Audi S. Augustinum, lib. LXXXIII *Quæst.*, Quæst. XXXV: «Quid, ait, est aliud beate vivere, nisi æternum aliquid cognoscendo habere? Æternum est enim de quo solo recte fidentur, quod amanti auferri non potest, etc. Omnium enim rerum præstantissimum est quod æternum est. Et propterea id habere non possumus, nisi ea re qua præstantiores sumus, id est mente.» Et mox: «Et quoniam id quod amatur, afficiat ex se amantem necesse est, fit ut sit amatum quod æternum est, æternitate animum afficiat. Quocirca ea demum vita beata, quæ æterna est. Quid vero æternum est, et quod æternitate animum afficiat, nisi Deus?» Unde Christus ait, *Joan. xvii*: «Hæc est autem vita æterna, ut cognoscant te solum verum Deum, et quem misisti Jesum Christum.» Quid est æternitas? est duratio semper præsens, est unum perpetuum hodie, quod non transit in præteritum aut futurum. Quid est æternitas? est ævum ævorum, ait S. Dionysius, cap. x *De Divinis nominibus*, quod non interit, sed eodem modo semper se habet. Quid est æternitas? est circulus, cujus centrum est semper, circumferentia nunquam, quia nunquam, nullo tempore claudi aut terminari potest. Quid est æternitas? est stabilitas immutabilitas et immortalitas. Quamdiu durabit æternitas? semper; post mille annos, post centum millia annorum, post mille milliones annorum, necdum finis, necdum medium, necdum principium æternitatis; sed ejus mensura est semper: quamdiu durabit semper, tamdiu durabit æternitas. Quamdiu cælum erit cælum, quamdiu terra erit terra, quamdiu Deus erit Deus, qui tempus ab ævo ire jubet, stabilisque manens dat cuncta moveri, tamdiu durabit æternitas, tamdiu beati erunt beati, tamdiu damnati erunt damnati: sicut erat in principio, et nunc, et semper, et in sæcula sæculorum. Quid est æternitas? est axis stabilis et immobilis circa quem volvitur rota mundi, temporis et sæculorum omnium. Quid est æternitas? est inter-

Æternitas quid sit?

Locus
moralis
pro consi-
deratione
æternita-
tis.

minabilis vitæ tota simul et perfecta possessio, inquit Boetius, lib. V *De Consolatione*, prosa 6 : « O chara veritas, vera æternitas, æterna felicitas, Deus meus ! » ait S. Augustinus. O æternitas, æternitas ! quam longa es æternitas ! quam raro versaris in mentibus hominum ! Si hanc sæpe cogitarem, quam leve videretur et momentaneum quidquid est tribulationis nostræ, quam nihil esset arduum, quam alacres essemus ad omne bonum, quam bene expenderemus momentum hoc, unde pendet æternitas nostra ! Merito Regius Propheta : « Cogitavi, inquit, dies antiquos, et annos æternos in mente habui. » Nam « durum, quod cruciat, æternum : felix, quæ beat, æternitas. A morte pendent : mors a vita : hæc a momento ; elige. Vixisse semel, periisse semel, æternum est. »

Æterna
vitæ ad-
miranda
felicitas.

Hanc æternam vitam, et hujus vitæ bona ac felicitatem pulchre describit S. Augustinus, lib. XXII *De Civit.*, cap. xxx : « Quanta, inquit, erit illic felicitas, ubi nullum erit malum, nullum latebit bonum, vacabitur Dei laudibus, quia erit omnia in omnibus ! Beati qui habitant in domo tua, Domine, in sæcula sæculorum laudabunt te. Omnia membra et viscera incorruptibilis corporis proficient in laudibus Dei. Vera ibi gloria erit, ubi laudantis nec errore quisquam, nec adulatione laudabitur. Verus honor, qui nulli negabitur digno, nulli deferetur indigno, sed nec eum ambiet ullus indignus, ubi nullus permittetur esse nisi dignus. » Mox præmium Beatorum essentiale describit : « Præmium virtutis erit ipse qui virtutem dedit, et qui seipsum, quo melius et majus nihil possit esse, promisit. Quid est enim aliud quod per prophetam dixit : Ero illorum Deus, et ipsi erunt mihi plebs : ego ero quæcumque ab omnibus honeste desiderantur, et vita, et salus, et victus, et copia, et gloria, et honor, et pax, et omnia bona ? Sic enim et illud recte intelligitur : Erit Deus omnia in omnibus ; ipse finis erit desideriorum nostrorum. Atque id etiam beata civitas illa magnum in se bonum videbit, quod

nulli superiori ullus inferior invidet, sicut in corpore non vult oculus esse, qui est digitus, cum membrum utrumque contineat totius carnis pacata compago. » Deinde inferius : « Quantum, inquit, attinet ad scientiam rationalem, erit anima memor præteritorum malorum suorum : quantum autem ad experientis sensum, prorsus immemor : carebunt enim præteritis malis, ita ut penitus deleantur de sensibus eorum. Ibi perficietur : Vacate et videte, quoniam ego sum Deus. Ibi vacantes in sabbato requiei videbimus, quoniam suavis est Dominus, quoniam ipse est Deus, quo pleni erimus, quando ipse erit omnia in omnibus. »

Scientia
rationalis
qualis
in vita
beata ?

Audi et auctorem libri *De Spiritu et anima*, tom. III operum S. Augustini, cap. LX, hanc vitam compellantem : « Non est in te corruptela, nec defectus, nec senectus, nec ira ; sed pax perennis, gloria solemnis, lætitia sempiterna, sollemnitas continua. Vere tantum gaudium et exultatio, flos et decus juventutis, et perfectæ salutis. Non est in te heri, nec hesternum, sed est idem hodiernum. Tibi salus, tibi vita, tibi pax est infinita, tibi Deus omnia. Gloriosa dicta sunt de te, civitas Dei ; sicut enim lætantium omnium habitatio est in te. Nullus in te timor, tristitia nulla : desiderium omne transit in gaudium, dum præsto est quidquid optatur, et quidquid desideratur, abundat. » Et infra : « Ipsi vero qui redempti fuerint a Domino, quam devote confitebuntur, et dicent : Quam bonus Israel Deus ! quoniam in sæculum misericordia ejus. Lætitia siquidem sempiterna erit in eis, et exaltationes Dei in gutture eorum in æternum, et in sæculum sæculi, in perpetuas æternitates. Beati omnes, qui habitant in domo tua, Domine, in sæcula sæculorum laudabunt te. Inebriabuntur ab ubertate domus tuæ, et torrente voluptatis tuæ potabis eos. Quoniam apud te est fons vitæ, et in lumine tuo videbimus lumen : cum videbimus te in te, et nos in te, et te in nobis visione continua et felicitate perpetua. »

Gaudia
vitæ æ-
ternæ.

Musica
Beato-
rum.

CAPUT SEPTIMUM.

SYNOPSIS CAPITIS.

Quod cap. præcedenti dixerat, nos non esse sub peccato, ex eo quod non simus sub lege, sed sub gratia, fusius hic probat exemplo uxoris, quæ solvitur a lege viri, si is moriatur. Pari enim modo legem nobis, et nos legi mortuos esse docet.

In le, vers. 7, docet quod lex, licet in se sancta sit, per occasionem tamen, nimirum indicando et vetando peccatum, magis illud in homine prono in vitia auxerit.

Tertio, hac occasione, vers. 14, transit ad concupiscentiam, quæ ex peccato et lege est reliqua, docetque viros etiam justos, licet invitos, eandem pati, et contra eam assidue luctari.

1. An ignoratis, fratres (scientibus enim legem loquor), quia lex in homine dominatur, quanto tempore vivit? 2. Nam quæ sub viro est mulier, vivente viro, alligata est legi : si autem mortuus fuerit vir ejus, soluta est a lege viri. 3. Igitur, vivente viro, vocabitur adultera, si fuerit cum alio viro : si autem mortuus fuerit vir ejus, liberata est a lege viri : ut non sit adultera, si fuerit cum alio viro. 4. Itaque, fratres mei, et vos mortificati estis legi per corpus Christi : ut sitis alterius, qui ex mortuis resurrexit, ut fructificemus Deo. 5. Cum enim essemus in carne, passionibus peccatorum, quæ per legem erant, operabantur in membris nostris, ut fructificarent morti. 6. Nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ. 7. Quid ergo dicemus? lex peccatum est? Absit. Sed peccatum non cognovi, nisi per legem : nam concupiscentiam nesciebam, nisi lex diceret : Non concupisces. 8. Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. 9. Ego autem vivebam sine lege aliquando. Sed cum venisset mandatum, peccatum revixit. 10. Ego autem mortuus sum : et inventum est mihi mandatum, quod erat ad vitam, hoc esse ad mortem. 11. Nam peccatum occasione accepta per mandatum, seduxit me, et per illud occidit. 12. Itaque lex quidem sancta, et mandatum sanctum, et justum, et bonum. 13. Quod ergo bonum est, mihi factum est mors? Absit. Sed peccatum, ut appareat peccatum, per bonum operatum est mihi mortem : ut fiat supra modum peccans peccatum per mandatum. 14. Scimus enim quia lex spiritualis est : ego autem carnalis sum, venumdatus sub peccato. 15. Quod enim operor, non intelligo, non enim quod volo bonum, hoc ago : sed quod odi malum, illud facio. 16. Si autem quod nolo, illud facio : consentio legi, quoniam bona est. 17. Nunc autem jam non ego operor illud, sed quod habitat in me peccatum. 18. Scio enim quia non habitat in me, hoc est in carne mea, bonum. Nam velle adjacet mihi : perficere autem bonum non invenio. 19. Non enim quod volo bonum, hoc facio : sed quod nolo malum ; hoc ago. 20. Si autem quod nolo, illud facio : jam non ego operor illud, sed quod habitat in me, peccatum. 21. Invenio igitur legem, volenti mihi facere bonum, quoniam mihi malum adjacet. 22. Condelector enim legi Dei secundum interiorem hominem : 23. video autem aliam legem in membris meis, repugnantem legi mentis meæ, et captivantem me in lege peccati, quæ est in membris meis. 24. Infelix ego homo, quis me liberabit de corpore mortis hujus? 25. Gratia Dei per Jesum Christum Dominum nostrum. Igitur ego ipse mente servio legi Dei ; carne autem, legi peccati.

Hoc capite identidem dicit urgetque Apostolus, quod nos, Christiani, non simus sub lege, quod

S. Chrysostomus intelligit de lege cæremoniali : « Quia, inquit Chrysostomus, non sumus sub

cæremoniis legis, ideo non sumus sub lege. » Sed hæc expositio non est ad mentem Apostoli hoc loco : nam, ut patet vers. 7 et seq., loquitur Apostolus etiam de lege naturali et decalogo. Unde nota, aliud est lege teneri, aliud esse sub lege. Nam lege veteri morali, id est decalogo, tenemur, sed non sumus sub illa, id est sub ejus statu et dominio, quod est hominem obligare, nec tamen dare gratiam ad eam implendam, ut quasi servus ea teneatur, et captivus possideatur, et tanquam reus ab ea damnetur. Ab hoc enim legis statu nos gratia Christi liberat, quæ charitatis dat spiritum, ut quæ lex jubet, faciamus sponte, libenter, amore virtutis, non timore pœnæ.

Christiani non sunt sub lege veteri, sed legem tenentur.

Vers. 1. Dominatus legis qualis?

1. AN IGNORATIS QUIA LEX IN HOMINE DOMINATUR, QUANTO TEMPORE VIVIT? — « Dominatur » jubendo, terrendo, reum faciendo, accusando, condemnando : hic enim est dominatus legis. « Quanto tempore vivit, » scilicet ipsa lex, inquit Origenes et Ambrosius. *Secundo*, « quanto tempore vivit, » scilicet ipse homo : ita S. Chrysostomus, Theodoretus, S. Augustinus, lib. LXXXIII *Quæstionum*, Quæst. LXVI; S. Thomas, Theophylactus et Oecumenius. Sed eodem uterque hic sensus redit Toletus hæc arctat ex sequentibus ad legem matrimonii : sed nihil est quod cogat generalem Apostoli sententiam arctare ad unam matrimonii legem : quod enim de ea subjecit Apostolus, non per modum plenæ et adæquatæ explanationis, sed per modum exempli subjecit.

Vers. 2.

2. NAM QUÆ SUB VIRO EST MULIER, VIVENTE VIRO, ALLIGATA EST LEGI. — Ex unica lege matrimonii apposite, ut statim ostendam, probat Apostolus ea quæ in genere de lege dixerat. Nota *primo* : pro quæ sub viro est, græce est unica vox, ὡς ἀνδρός, q. d. *Subvira*. Nota *secundo*, « alligata est legi, » scilicet matrimoniali præcipienti fidem et obedientiam marito. S. Ambrosius legit : « vivente viro, alligata est lege ; » alii vertunt, « viventi viro alligata est lege. » Ita Græca, Syrus et Erasmus. Tertullianus, lib. *De Monogamia*, cap. XIII, legit : « viventi viro vincla est. » Sed eodem hæc omnia redeunt : nam uxor hoc ipso, quo legi matrimoniali, etiam marito, quamdiu is vivit, alligata est.

Exemplum obligationis legis in muliere conjugata.

Sensus allegoricens insinuat.

Apostolus hoc capite pulchra utitur metaphora vel potius allegoria : nimirum peccatum, mors et lex, quæ occasionaliter peccatum et mortem fovet, est maritus ; anima nostra est uxor ; proles sunt opera mala ; hoc marito mortuo, transit anima ad secundum maritum, nupsitque Deo, et peperit proles bonorum operum. Ita S. Augustinus, *Quæst.* LXVI jam citata, et lib. XV *Contra Faustum*, cap. VIII. Idem docet Theophylactus, hancque esse mentem et phrasim Apostoli, patet ex vers. 4 et seq.

SI MORTUUS FUERIT VIR EJUS, SOLUTA EST A LEGE VIRI, — scilicet a lege matrimonii, qua sub viri potestate mulier tenebatur. Græce est ἀπὸ τοῦ νόμου τοῦ ἀνδρός : quod potest etiam verti a lege viro, quia lex matrimonialis est quasi legalis uxoris

Lex matrimonii legalis

maritus, sicut vicissim maritus uxori est quasi lex viva.

uxoris maritus.

4. ITAQUE, FRATRES MEI, ET VOS MORTIFICATI ESTIS LEGI PER CORPUS CHRISTI. — Vox itaque significat hanc esse conclusionem, quam Apostolus deducit ex exemplo uxoris jam allato. Hæc enim est argumentatio Apostoli : Uxor, marito mortuo, soluta est vinculo et lege mariti ; atqui lex, quæ erat quasi maritus noster, jam mortua est, et esse desiit per Christum : ergo nos pariter lege liberati et soluti sumus, nec sub lege, sed sub gratia degimus.

Triplex hujus loci sensus.

Nota : cum ait Apostolus : « Vos mortificati estis, » est hypallage, q. d. Lex quæ erat quasi maritus vester, jam per Christum mortificata et mortua est, quia scilicet in vobis mortuum est et esse desiit legis illud imperium, quo lex minatur, accusat, terret, damnat et punit, de quo dixi vers. 1. Hæc enim de causa lex homines vitiosos peiores facit, quia dat eis occasionem prævaricationis et contemptus ; contrarium facit gratia, contra quam hic legem distinguit Apostolus.

Hinc *secundo*, lex, id est legis reatus et prævaricatio, quam lex per litteram, cui gratia defuit, faciebat occasionaliter et objective, mortua est, ait S. Augustinus, lib. XV *Contra Faustum*, cap. VIII. Verum Apostolus prudenter et caute, ne Judæos offendant, si dicat legem esse mortuam, et ut ab utroque conjugē mortuo (per Christum enim sicuti lex nobis, ita nos legi mortui sumus) dissolutum ostendat matrimonium ; hæc de causa non dicit : Lex mortua est ; sed dicit : Vos quasi uxores mortificati mortuique estis, et soluti lege, quasi marito jam mortuo, quia Christo jam vivitis et ei in Evangelica gratia servitis : ita Chrysostomus, Oecumenius, Ambrosius, Anselmus.

Sensus D. Augustini.

Aliter Toletus : Homo, inquit, quoad naturam est uxor ; hujus maritus fuit homo vetus, cujus lex erat lex vetus : hoc mortuo, successit alter huic uxori maritus, scilicet homo novus, cujus lex est lex fidei et Christi. Sed hoc est obscurius et alienius : nam Apostolus uxoris hujus maritum facit non hominem novum aut veterem, sed ipsam legem.

Nota : cum Apostolus dicit : « Nos mortuos esse legi per corpus Christi, » intelligit immolatum in cruce, per corporalem Christi passionem et mortem. Per hanc enim mortua est lex vetus nobis, et nos legi.

Alii : « per corpus Christi, » inquiunt, id est quia incorporati estis Christo per baptismum. Verum prior sensus planior est et simplicior. Hic est ergo discursus Apostoli : Lex non dominatur homini, nisi quasi vivens viventi ; atqui vos non vivitis, sed estis mortui legi, et lex vobis per Christi crucem et mortem mortua est : ergo non estis sub lege, id est sub dominatu legis.

Lex non dominatur nisi viventibus : Christiani autem mortui sunt in Christo ; ergo legem non dominantur.

UT SITIS ALTERIUS, QUI EX MORTUIS RESURREXIT. — Hic clare patet, Apostolum, uti dixi, distinguere duo matrimonia unius hominis et animæ

Duo ma- quasi uxoris. Prius cum veteri homine, ut vult
trimonia Toletus, vel potius cum lege dominante veteri
unius ho- homini. Hic prior hominis maritus (puta lex)
minis et mortuus est et mortificatus in passione corporis
animæ. Christi. Unde idem homo et anima secundum
 matrimonium iniit cum homine novo, id est cum
 Christo resurgente, quia illi per baptismum in-
 corporatus, et cum eo quasi factus est una caro.
 Ex hoc matrimonio novas proles concepit: unde
 sequitur:

UT FRUCTIFICEMUS DEO, — id est, ut vivas proles
 ex hoc cum Christo matrimonio pariamus Deo,
 scilicet opera fidei, spei, charitatis et aliarum
 virtutum; quæ ex semine, id est gratia Christi et
 Dei concepimus, ut illa Christo et Deo quasi eo-
 rum parenti offeramus.

Vers. 5. 5. CUM ESSEMUS IN CARNE, — cum scilicet carna-
 libus desideriis astricti teneremur, inquit An-
 selmus.

PASSIONES PECCATORUM, — id est passiones inci-
 tantes ad peccata, puta affectus vitiosi.

QUÆ PER LEGEM ERANT, — id est quæ acuebantur
 et excitabantur occasione legis.

OPERABANTUR IN MEMBRIS NOSTRIS, UT FRUCTIFICA-
 RENT MORTI, — ut scilicet fructus peccatorum
 parentem, qui nos ducerent ad mortem æternam.

Vers. 6. 6. NUNC AUTEM (per Christi crucem et mortem)
 SOLUTI SUMUS A LEGE (quæ erat occasio peccati, et
 consequenter) MORTIS, IN QUÀ DETINEBAMUR. —
 « Soluti sumus, » græce καταργήσαμεν, id est *enervati*
sumus: quod opponit Apostolus τῇ ἐνεργείᾳ, id est
 intimæ et efficacissimæ operationi passionum,
 vers. præced. Est hypallage, « enervati
 sumus, » id est *enervata in nobis est lex*, quia lex
 vires et nervos suos, scilicet dominium et jus
 quasi maritale, quod in nos habebat, amisit.
 Simili modo Galat. v, 4, dicit: « Evacuati estis a
 Christo, » id est Christus Christique redemptio
 vobis facta est per judaismum vacua, cassa et
 inutilis.

Varie Nota: pro *mortis*, noster Interpres in Græco
lectiones. legit θανάτου; jam legunt ἀποθνήσκειν, id est *mortui*
sumus, scilicet legi, in qua detinebamur. Alii le-
 gunt ἀποθνήσκοντες, scilicet νόμου, id est *mortua lege*,
 in qua detinebamur.

ITA UT SERVIAMUS (Deo et Christo) IN NOVITATE
 SPIRITUS, ET NON IN VETUSTATE LITTERÆ, — non in
 veteri vivendi genere, animali et carnali, cujus
 magistra est legis littera, non gratia. Ita Ansel-
 mus. Lex enim homini vetustatem suam indica-
 bat quidem et vetabat, sed adeo non auferebat,
 ut per occasionem etiam eandem auxerit: magis
 enim refricabat, irritabat et incitabat veteres
 concupiscentiæ affectus.

Lex ve-
tustatem
vetabat,
non aufe-
rebat.

Vers. 7. 7. QUID ERGO DICEMUS? LEX PECCATUM EST? ABSIT.
 — Crebras hic Apostolus interjicit occupationes,
 iisque gaudet. Talis est hic: poterat enim quis
 ex eo quod Paulus, vers. 5 et 6, legem vocaverat
 legem mortis, dixeratque passiones peccatorum
 per legem esse et excitari, objicere: Ergo lex

ipsa est peccatum. Quod enim est causa peccati
 et mortis, hoc peccatum est. Respondet Aposto-
 lus: « Absit. » Non enim lex in se peccatum est (1).

SED PECCATUM NON COGNOVI, NISI PER LEGEM: NAM
 CONCUPISCENTIAM NESCIEBAM (esse peccatum), NISI
 LEX DICERET: NON CONCUPISCES. — Nota: Concu-
 piscencia in Decalogo vetatur speciali præcepto,
 scilicet nono et decimo, ex eo quod plerique
 existimarent sexto præcepto: *Non mœchaberis*; et
 septimo: *Non facies furtum*, vetari tantum actum
 externum, internum autem non esse vetitum aut
 cavendum. Quin et post datam legem Josephus,
 lib. XII *Antiq.*, cap. XIII, et Judæi alii, quos cor-
 rigit Christus, *Matth.* v, 12 et 28, idem putasse
 videntur: unde præceptum, « Non concupisces, »
 sic explicabant, quod illo non vetaretur concupis-
 centia mere interna, sed tantum conatus et ma-
 chinatio exterior ad eam explendam, et ad faci-
 nus opusque perpetrandum. Verum hic conatus
 et hæc machinatio, et inchoatio est et pars quæ-
 dam operis; unde eodem præcepto vetatur, quo
 ipsum opus, puta sexto et septimo.

Actus in-
 terior
 peccati
 æque ac
 externus
 est veti-
 tus.

Adde, ut demus illa seorsim vetari præcepto
 nono et decimo, nihilominus certum et clarum
 est illa non tam vetari ideo, quod exterius se
 prodant, quam quia a mala voluntate prodeunt.
 Voluntas enim in se mala et vetita, virus malitiæ
 suæ actui externo instillat, eamque proprie hæc
 verba significant et prohibent, cum dicitur:
 « Non concupisces. » Unde colligas omnem alium
 voluntatis motum præceptis aliis adversantem,
 isdem pariter vetari. Si enim hic concupiscentia,
 ad quam naturaliter maxime proclives sumus,
 tanquam mala et illicita vetatur, ergo multo
 magis actus voluntatis, quo volumus id quod
 lege vetitum est, ipsa lege vetatur.

Voluntas
 interior
 mala pro-
 hibetur
 hoc præ-
 cepto, *Non con-
 cupisces*.

Hæretici, Lutherus et Calvinus in alio sunt ex-
 tremo. Putant enim concupiscentiam peccato origi-
 nali reliquam, id est motus appetitus sensitivi
 et voluntatis inordinatos, qui præveniunt ratio-
 nem et liberum voluntatis assensum, hic prohi-
 beri. « Mandatur, ait Calvinus in cap. XX *Exod.*,
 præcepto, *Non concupisces*, ne quis impurus ap-
 petitus animos nostros incitet. Hinc perspicitur
 quibus præstigiis fascinarit Satan scholas omnes
 Papales, in quibus personat axioma istud, concu-
 piscenciam in baptizatis non esse peccatum, quia
 stimulus est ad virtutem. » Et in cap. VI *Levit.*:
 « Quamvis, inquit, neque adulteri, neque fures,
 neque homicidæ simus; nemo tamen est quem
 non reatu constringat ultimum legis præceptum,
 Non concupisces. »

Refuta-
 tur Lu-
 theri et
 Calvini
 error di-
 centium
 motus ra-
 tionem
 præve-
 nientes
 esse pec-
 camina-
 sos.

Verum hæc esse falsa, et præcepto *Non concu-
 pises* vetari, non deliberatam et involuntariam,
 sed tantum voluntariam et liberam concupiscentiam,
 sive consensum voluntatis in illicita, patet

Primum
 argumen-
 tum ex
 Hebræo
 contra

(1) Nec peccati magistra, sed arguit tantum homi-
 nes et convincit malefactorem, quod ostendit Paulus
 vers. 7-12.

Calvi-
lani.

primo, quia pro non concupisces, in Hebræo est verbum **חָמַד** *chamad*, quod non significat concupiscere, vel habere concupiscentiam, quæ naturæ nostræ vitium est; sed nude significat tantum appetere et desiderare; unde et rebus cœlestibus tribuitur. Concupiscentia autem, quæ naturæ vitium est et morbus, proprie significatur nomine **תַּשְׁכָּחָה** *tescuka*, et nomine **בִּצְעָה** *betsa*. Cum ergo dicitur: *Non concupisces*, significatur, ut patet ex Hebræo *chamad*, et prohibetur tantum libera voluntatis appetentia ad sibi vendicandum rem alienam vel illicitam.

Secun-
dam ar-
gumen-
tum con-
tra Cal-
vianum.

Secundo, id ipsum patet ex eo quod præceptum hoc, uti et cætera, non detur brutis, non pueris, sed creaturæ rationali, ratione et libera voluntate utenti, quæ sola legis est capax, solaque potest legem implere vel transgredi. Hi autem motus concupiscentiæ rationem et libertatem præveniunt, nec magis sunt humani actus, aut in potestate, ratione et arbitrio hominis, quam iidem sint in potestate equi, canis, leonis, alteriusve bruti. Sicut ergo leoni imperari nequit, ne irascatur; cani, ne ringat; equo, ne adhinniat: sic nec homini imperari potest, ne primos similes concupiscentiæ motus sentiat, et qui eos puniret, tyrannus esset. « Peccatum enim (inquit S. Augustinus, lib. I *Retr.*, cap. xv, estque hic communis hominum et naturæ sensus) ita in sua essentia includit voluntarium, ut, si hoc desit, desinat esse peccatum. » Unde Apostolus, vers. 17 et seq.: « Jam, inquit, non ego operor illud, » *q. d.* *Non concupiscere* non est actus meus, quia non est humanus et liber: unde mihi imputari, vitio verti, aut puniri non potest: sed potius quia, ut idem ait vers. 16, 22, 23, « condelector, consentio, mente servio legi; » hinc hic meus actus, utpote mentis rationalis et liberæ, censeri debet, quod scilicet mente detestando motus concupiscentiæ legi contrarios, legi ipsi adhæream et obediam.

Tertium
contra
Calvi-
anum ar-
gumen-
tum.

Tertio, id patet ex eo quod Paulus, cap. præced., vers. 12, et S. Scriptura alibi ita se explicet: ut *Eccli.* xviii, 30: « Post concupiscentias tuas non eas; » et S. Jacobus, cap. i, vers. 13, concupiscentiam et tentationem non peccatum esse, sed peccatum parere, si videlicet pater peccati, consensus voluntatis, accedat, diserte asserit.

Quartum
argumen-
tum ex
consensu
et expli-
catione
Patrum.

Quarto, ita hoc præceptum explicant omnes Patres. Vide Chrysostomum, homil. 12 in *Matth.*; Cyrillum, lib. III *Contra Julian.*, sub medium; Basilium, *De Constit. monast.*, cap. ii; Nyssenum, lib. *De Octo Beatitud.*; Ambrosium, lib. I *Offic.*, cap. xxi; Hieronymum, *ad Eustoch.*, de custod. virg.; Prosperum, lib. II *De Vita contemplat.*, cap. iii, et lib. III, cap. iv; Gregorium, lib. XXI *Moral.*, cap. iii; Augustinum, lib. I *Contra duas epist. Pelag.*, cap. x et xiii, et lib. VI *Contra Julian.*, cap. xi, et lib. II *De Peccat. meritis*, cap. iv, xxxiii et xxxiv: ita denique explicat et definit Concilium Tridentinum, sess. V.

Dices: Augustinus, epist. 200 *ad Asellium*,

dicit hoc præceptum, « Non concupisces, » in hac vita non impleri, sed in ea nos tantum tendere et contendere ad locum, in quo illud compleamus, puta ad cœlum. Idem docet lib. I *De Nuptiis et Concup.*, cap. xxiii et xxix, et lib. *De Spiritu et Litt.*, cap. ultim.

Respondeo: D. Augustinus in explicatione huius præcepti jungit sensum litteralem et anagogicum: litterali enim sensu hic præcipitur, ut concupiscentias et desideria prava non sequamur, sed iis resistamus, eaque sensim omnino evellere et eradicare conemur, eoque conari possumus et debemus in hac vita; anagogico vero sensu præcipitur, ut nulla omnino in nobis talia desideria sint: quo modo hoc præceptum, uti et omnis alia anagoge Scripturæ, non ad præsentem vitam, sed ad futuram in cœlo pertinet. Sic ergo hoc non præcipitur hic, ut in hac vita impleatur; sed præsentis lætæ erit merces, fietque tunc cum Deus mandabit virtuti suæ, et omni ex parte præcipitabit peccatum et mortem in infernum. Vult ergo dicere S. Augustinus præcepto, *Non concupisces*, nobis præcipi, ut per virilem et constantem in hac vita luctam contra concupiscentiam, eo tendamus et connitamur, ut scilicet mereamur omnino ab ea liberari in cœlo, utque ibi plenissime impleatur in nobis *non concupisces*: ut scilicet nec consentiamus, nec sentiamus motus concupiscentiæ. Simili modo explicat S. Augustinus præceptum dilectionis Dei, lib. *De Spiritu et Litt.*, cap. ultim.

S. Au-
gustinus
dum di-
cit præ-
ceptum,
*Non con-
cupisces*,
hic non
impleri,
anagoge-
ceintelli-
gentius.Per luc-
tam con-
tra con-
cupiscen-
tiam hic
in mun-
do, me-
remur
liberari
concupis-
centia in
cœlo.

8. OCCASIONE AUTEM ACCEPTA, PECCATUM PER MAN-
DATUM OPERATUM EST IN ME OMNEM CONCUPISCENTIAM.

Vers. 9.

— Quæres, quidnam hic vocetur et sit peccatum? Respondet *primo*, Œcumenius, Ambrosius et Methodius apud Epiphanium, *hæresi* 64, peccatum hic esse diabolum.

Pecca-
tum hic
potest
quæque
significa-
re.

Secundo, S. Chrysostomus vult esse socordiam: socors enim ex lege accipit occasionem augendi concupiscentiam.

Tertio, Anselmus putat peccatum hic esse concupiscentiam, sive peccati fomitem: hic enim quasi sopitus et canis dormiens, occasione legis sibi adversæ excitatus et irritatus, exarsit in omnis generis pravos motus, iræ scilicet, superbix, gulæ et cæterorum vitiorum (1).

Quarto, Hieronymus, *ad Algasiam*, Quæst. VIII, censet peccatum hic esse legis objectum, seu id quod lege prohibetur.

Quinto et optime, Toletus proprie hic accipit peccatum. Sic enim paulo ante illud accepit Apostolus, et sensus est, *q. d.* Homo in statu peccati peccatum ipsum occasione legis auxit. Peccatum enim nisi deleatur, in nova peccata hominem per-

(1) Recte, ut videtur. Notum est illud Ovidii, *Amor.* II, xix, 3:

Quod licet, ingratum est; quod non licet, acrius urit.

Et ibid. III, iv, 17:

Nititur in vetitum semper, cupimusque negata.

trahit, quia vires gratiæ et honorum habituum, quibus peccato resistimus, homini vel adimit, vel imminuit, et sui delectationem animo ingerit, idque magis data lege, per quam peccatum, quasi canis dormiens, ut dixi, excitatus exarsit in omnem concupiscentiam : ideoque lex peccati et mortis causa, vel potius occasio fuit : quod docere et probare hic intendit Apostolus.

SINE LEGE ENIM PECCATUM MORTUUM ERAT. — *Primo*, Theodoretus et Cajetanus sic explicant, *q. d.* Paulus : Ante legem, puta in statu innocentiae, « peccatum mortuum erat, » id est non erat. Sed quid hoc facit ad rem et rhombum?

Triplex
horum
verborum
explicatio.

Secundo, Ambrosius : « Peccatum, » inquit, id est diabolus mortuus erat; quia quasi dormiens, utpote securus de homine peccatore quem possidebat, parum curabat eum ulterius sollicitare et trahere ad peccatum : sed hoc longe remotius est.

Tertio et optime, « sine lege peccatum mortuum, » id est sopitum erat : per legem enim excitatum revixit, ut dixi vers. præced.

Vers. 9.

9. EGO AUTEM VIVEBAM SINE LEGE ALIQUANDO. — *q. d.* Ego aliquando legem non cognoscebam, quando nimirum nondum poteram habere usum rationis, et tamen motus concupiscentiæ sentiebam, qui tamen defectu rationis peccata non erant. Ita S. Augustinus, lib. VI *Contra Julian.*, cap. XI, et S. Hieronymus *ad Algas.*, Quæst. VIII. Vel potius, « ego vivebam sine lege, » nimirum tunc, cum adolescere inciperem et peccare, nec tamen legem Mosis edoctus essem : tunc enim vivebam quasi exlex, ac consequenter peccatum non curabam, non agnoscebam, non aestimabam; hinc ad illud non multum incitabar.

Secundo, S. Chrysostomus, Oecumenius, Toletus hic, et S. Augustinus, lib. I *Contra duas epist. Pelagian.*, cap. IX; S. Ambrosius, lib. I *De Jacob et vita beata*, censent Apostolum loqui in persona eorum; qui ante Mosen et legem vixerunt. Sed prior sensus planior est, et aptior verbis Apostoli.

Vers. 10.

10. SED CUM VENISSET MANDATUM (in notitiam meam, hinc) **PECCATUM** (quasi per antiperistasin legis se intendit, et) **REVIXIT**; (et per illud) **EGO MORTUUS SUM** : (itaque) **INVENTUM EST MIHI MANDATUM**, **QUOD** (datum) **ERAT AD VITAM** (mihi demonstrandam et procurandam), **HOC ESSE** (cedere mihi) **AD MORTEM**.

Vers. 11.

11. PECCATUM, OCCASIONE ACCEPTA, PER MANDATUM SEDUXIT ME (in suas partes me dolose traxit) **ET PER ILLUD OCCIDIT**, — infigans animæ vulnus culpæ lethalis, per exardescentem occasione legis concupiscentiam, uti dixi vers. 8. In verbo *seduxit* alludit ad primorum parentum seductionem, quæ occasione mandati facta est, cum serpens tentaret dicereque : « Cur præcepit vobis Dominus? » *Gen. III, 2.*

ITAEQUE LEX QUIDEM SANCTA, ET MANDATUM SANCTUM, ET JUSTUM, ET BONUM. — Id est mandata legis sancta, justa et bona sunt : « sancta, » quia præ-

scribunt quomodo Deus sancte coli debeat; « justa, » quia præscribunt ut proximum non lædas, sed ei quod suum est tribuas; « bona, » quia præscribunt ea, quibus quisque in se bonus sit, ac bonis moribus virtuteque præditus. Et quia hæc tria apposite fiunt per triplicia legis veteris præcepta, scilicet per caeremonialia, quibus sanctus cultus et religio erga Deum; per judicialia, quibus justitia erga proximum; per moralia, quibus bonitas et continentia erga seipsum præscribuntur.

Hinc S. Thomas, I II, *Quæst. XCIX*, art. IV, putat hic mandatum legis vocari « sanctum, » propter præcepta caeremonialia; « justum, » propter judicialia; « bonum, » propter moralia, et forte eo etiam respexit Apostolus; proprie tamen videtur agere de quolibet particulari legis mandato : hoc enim significat Græcum *ἐντολή*, ut sic distinguat mandatum a lege, quasi partem a toto. Respicit enim ad mandatum, *non concupisces*, quod paulo ante citavit; *q. d.* Hoc mandatum, *non concupisces*, et quodvis aliud in se *sanctum* est, quia facit hominem purum, castum, sanctum; et *justum* est, quia hominem cohibet, ne injuste alienam uxorem aut rem concupiscat; et *bonum* est, quia hominem bonum facit omnesque animi vires et motus bene et rite ordinat ac componit.

13. QUOD ERGO BONUM EST, MIHI FACTUM EST MORS? — *q. d.* Objicies : Ergone mandatum, quod erat bonum in seipso, mutatum est, factumque mihi *mors*, id est causa et occasio peccati, et consequenter mortis? Respondet : Absit : non fuit hæc mutatio vitium et culpa ipsius mandati, sed peccati et hominis mandato abutentis.

Lex san-
cta prop-
ter præ-
cepta cae-
remonia-
lia, jus-
ta prop-
ter judi-
cialia,
bona
propter
moralia.

Vers. 13.
Manda-
tum quo-
modo fac-
tum homi-
ni pecc-
atum et
mors.

PECCATUM, UT APPAREAT PECCATUM (ut robur et vires peccati manifestentur), **PER BONUM** (per mandatum, occasionaliter) **OPERATUM EST MIHI MORTEM** (animæ præsentem et æternam) : **UT FIAT SUPRA MODUM PECCANS PECCATUM PER MANDATUM.** — S. Hieronymus *ad Algas.*, Quæst. VIII, legit « ut fiat peccantius peccatum. » S. Augustinus, lib. I *ad Simplic.*, Quæst. I, legit, « ut fiat supra modum peccator peccatum. » Græce enim est *ὑπερβολῶς*; *ἡ ἀμαρτία*, quasi dicas sceleratum scelus, vel peccatrix peccantia, id est malitia peccati ingens et exuberans, *q. d.* Inde apparet ingens peccati vis et malitia, quod per rem bonam, puta per legem, magis malitia ejus increverit, quodque per eandem hominem magis invaserit et occiderit. Est prosopopeia : peccatum enim hic inducitur quasi persona, quæ habeat artem peccandi et peccata fingendi, suggerendi, machinandi, eamque exerceat, uti faciunt lenones et lenæ. Cave hic commentarium S. Hieronymo adscriptum, qui negat traducem peccati originalis (1).

Peccatum
persona
est ha-
bens ar-
tem pec-
candi.

UT APPAREAT PECCATUM. — Maldonatus, in *Notis*

(1) Vers 13. « Ut fiat supra modum, » etc., id est, ut proclivitas ad peccatum fieret longe pessima, occasione legis.

manuscript., paulo aliter vertit et explicat, nimirum, sed peccatum «dum apparet peccatum, per bonum operatum est mihi mortem, dum fit supra modum peccans peccatum, » ut *ita*, id est *ut*, capiatur pro *ita*, id est *dum*. Sed Nostra versio uti propria, ita genuina est. Ubi nota, *ut* non significat causam finalem, puta finem intentum, sed consecutionem, uti paulo ante explicui.

Vers. 14. 14. SCIMUS ENIM QUIA LEX SPIRITUALIS EST; EGO AUTEM CARNALIS SUM, VENUNDATUS SUB PECCATO. — Probat hic Apostolus id, quod dixit, scilicet legem esse sanctam, et legem non esse causam mortis, sed peccatum lege declaratum et prohibitum, hominemque peccato subditum, qui prava carnis et peccati desideria sectatur. Id autem probat ex eo: « Quia lex, inquit, spiritualis est, » id est spiritualia præcipit, non carnalia; « ego autem carnalis sum, » id est sector ea, quæ carni et concupiscentiæ placent, utpote « venundatus sub peccato; » ego ergo sub dominatu peccati vivens, mihi ipsi carnalis vitæ et peccati, ac consequenter mortis sum causa, non autem lex.

Nota: Lex dicitur spiritualis, *primo*, ut explicat S. Chrysostomus, quia præscribit ea quæ spiritus et hominis spiritualis sunt: scilicet virtutes sequi, vitia fugere; *secundo*, quia lex homines dirigit ad cultum unius Dei, qui purissimus est spiritus, a quo etiam data est: ita Ambrosius; *tertio*, quia lex impleri non potest, nisi per spiritum et gratiam a viris spiritualibus: ita S. Augustinus, hic in expositione quarundam propositionum hujus epistolæ, num. 41; *quarto*, ut S. Thomas, quia lex cum spiritu hominis congruit, et, ut Cajetanus, spiritum hominis dirigit et regulat, tam circa Deum, quam circa seipsum et proximum; *quinto*, quia lex spiritualiter accepta ducit et præparat homines ad legem Evangelicam, quæ est lex spiritus et vitæ.

Ego AUTEM CARNALIS SUM. — Notant Græci Paulum hic, usque ad vers. 25, inducere personam hominis peccatoris constituti sub lege, qui nondum gratia Christi liberatus est a servitute peccati. Ita Origenes, Chrysostomus, Theophylactus, Basilius in *Regul. brevior.*, in resp. ad 16 interrog.; Commentarius Ambrosii, Hieronymus *ad Algas.*, Quæst. VIII; imo S. Augustinus hic, et *ad Simplic.* lib. I, Quæst. I, quos libros ipse scripsit, dum esset junior. Et probant ex eo quod ait Apostolus: *primo*, « ego carnalis; » *secundo*, « venundatus sub peccato; » *tertio*, « video aliam legem captivantem me in lege peccati: » hæc enim non videntur esse viri sancti et perfecti, qualis erat Paulus, sed peccatoris aut certe recens conversi, ut vult Origenes: « in quo, inquit, remanet infirmitas et proclivitas ad pristina vitia, ut licet velit ea vincere et facere omne bonum, non tamen statim voluntatem sequatur effectus, sed sæpe cadat, et a vitiis solitis vincatur, v. g., decernit quis, et vult cohibere iram, sed quia longa consuetudine ira ei dominata est, obsistit ejus volun-

tati ac proposito, et in solita sibi rursus itinera vis furoris erumpit. Sic et in virtutibus vult bene agere, sed non statim voluntatem sequitur effectus: sicut qui vult esse sapiens, non statim ut vult, sapiens effectus est; sed prius adhibendus est labor, studium, sollicitudo, vigiliæ, doctrinæ institutio, et vix aliquando longo usu, meditatione continua, sapiens efficitur. »

Secundo tamen, idem S. Augustinus postea senior et doctior effectus, dum scribit contra Pelagianos, docet hunc locum omnino explicandum esse de viris sanctis, ipsoque Paulo; illiusque hic concupiscentiæ et spiritus luctam graphice ab eodem depingi. Ita ipse lib. I *Retract.*, cap. XXIII; lib. VI *Contra Julian.*, cap. XI, ubi ait hanc esse expositionem S. Hilarii, Nazianzeni, Ambrosii (unde colligitur commentaria in has epistolas et in hunc locum S. Ambrosio ascripta, revera non esse S. Ambrosii, habent enim hoc loco contrarium) et cæterorum Ecclesiæ Sanctorum et notorum Doctorum. Sic quoque explicant S. Gregorius, lib. XIX *Moral.*, cap. VI; S. Hieronymus, lib. II *Contra Pelagianos*; Anselmus, Primasius, D. Thomas, Pererius, Adamus et alii.

Hæc ergo expositio verior et germanior esse videtur. Idque probatur *primo*, quia non ait Apostolus: *Eram*, vel *vivebam*, uti dixi vers. 9, sed ait: *Sum*, *consentio*, *condelector*, in præsentia. Ergo hoc versu transit a statu præterito legis et peccati ad statum gratiæ, sed cum concupiscentia luctantis, q. d. Vis legis, vel potius peccati lege abutentis, quam dixi, ex eo apparet, quod etiamnum sub gratia licet constitutus, tantos tamen adhuc ejus effectus et incitamenta concupiscentiæ sentiam, ut videar esse carnalis.

Secundo, idem patet ex eo quod ait: « Jam non ego operor illud; » hæc enim verba indicant Apostolum non loqui de peccatore: peccator enim operatur peccatum. Loquitur ergo de viro justo et sancto.

Tertio, idem indicat, cum ait: « Condelector legi secundum interiorem hominem; » et: « Ego ipse servio mente legi Dei, » et cum ait cap. seq.: « Nihil ergo nunc damnationis est iis, qui sunt in Christo Jesu, » quæ omnia non cadunt, nisi in virum justum et sanctum.

Tertia explicatio hujus loci est Cassiani, qui *Collatione* 23, vult hic describi luctam Marthæ et Magdalænæ, vitæ scilicet activæ et contemplativæ. Verum hoc non litterale est, sed mysticum, vel potius accommodativum.

VENUNDATUS SUB PECCATO. — Nota *primo*, peccatum hic idem esse, quod ante, sed materialiter tantum, sive objective, id est capi pro objecto peccati, sive fomite et concupiscentia. Unde hanc vers. 23 vocat *legem in membris repugnantem legi mentis*. Ita S. Hieronymus et Anselmus supra. Neque novum est Apostolum a peccato formaliter sumpto, transire ad peccatum materialiter sumptum. Sic enim ipse sæpe ludit in vocibus, ut dixi *can.* 31.

Loquitur Paulus de se et quolibet sancto.

Probat tribus rationibus.

Lucta vitæ activæ et contemplativæ.

Transit Apostolus a peccato formaliter sumpto ad materialiter sumptum.

Lex spiritualis vocatur ob quinque rationes.

An S. Paulus hic loquatur in persona peccatoris, an de seipso et quovis sancto?

Concupiscentia ob quinque rationes peccatum dicitur. Unde nota *secundo*, concupiscentiam hic dici peccatum, non formaliter et proprie, ut vult Calvinus; sed *primo*, quia ipsa est materiale peccatum: est enim concupiscentia contra Dei legem, illique ad rationem formalem peccati nihil deest, nisi consensus voluntatis; *secundo*, quia ipsa incitat ad peccatum; *tertio*, quia ipsa est effectus peccati: ita Concilium Tridentinum, *sess. V*; *quarto*, quia ipsa est poena peccati; *quinto*, quia ipsa est instrumentum, quo per actum generationis, peccatum originale transfunditur in posteros Adæ.

Concupiscentia secundum Augustinum peccatum est, et poena peccati et causa peccati. Hinc S. Augustinus, lib. V *Contra Julian.*, cap. III, docet concupiscentiam et peccatum esse, et poenam peccati, et causam peccati. « Sicut, inquit, cæcitas cordis, quam solus removet illuminator Deus, et peccatum est, quo in Deum non creditur, et poena peccati, qua cor superbum digna animadversione punitur, et causa peccati, cum mali aliquid cæci cordis errore committitur: ita concupiscentia carnis, adversus quam bonus concupiscit spiritus, et peccatum est, quia inest illi inobedientia contra dominatum mentis; et poena peccati est, quia reddita est meritis inobedientis; et causa peccati est, defectione consentientis vel contagione nascentis. »

Error Juliani Pelagiani putantis concupiscentiam non esse a natura corrupta. Ubi adverte, concupiscentiam ab Augustino dici peccatum eodem sensu, quo explicui eandem hic peccatum dici ab Apostolo: vult enim docere Augustinus concupiscentiam non esse naturalem conditionem, proprietatem et perfectionem manantem ex natura hominis, ut volebat Julianus; sed esse peccatum, id est esse vitium natum et propagatum ex peccato originali, quod negabat Julianus, utpote Pelagianus. Unde cap. seq., docet S. Augustinus concupiscentiam esse perpetuam materiam luctæ, virtutis et victoriæ, ac consequenter non esse peccatum formaliter et proprie, nisi ei succumbat et consentiat libera voluntas.

Homines ab Adamo venditi peccato, et traditi concupiscentiæ. Nota *tertio*, dicit Apostolus de se, quod *sit venumdatus*, scilicet ab Adamo, pretio pomi, et traditus (Hebræum enim מכר *machar*, et vendere, et tradere significat; quod enim venditur, traditur ementi, quasi domino) *sub peccatum*, ut habent Græca, id est in servitutem peccati originalis; et consequenter, quod ipse etiamnum, justificatus licet, sit tamen concupiscentiæ (quæ in locum peccati originalis quasi successit, ut in justis remaneat) obnoxius, quasi servus emptitius, ut ejus motus velit, nolit, ubique sentiat. Unde Syrus vertit מוכן לחטית *mezabban lachatita*, id est *venditus sum peccato*, hoc est, traditus sum concupiscentiæ.

Sic Achab, lib. III *Regum*, cap. XXI, dicitur *venumdatus*, ut *faceret malum*, id est sua mala voluntate servum se addixit peccato, quasi vendisset se, vel locasset se et suas operas, non ad aliud quam ad peccandum. Alludit enim Scriptura hac phrasi ad servos Hebræorum, qui se vendebant ad opera servilia dominis præstanda,

q. d. Achab tradidit et totum se impendit idolis, quasi eorum mancipium, quasi idololatriæ a dominis suis idolis tanquam servus addictus esset; non quasi esset rex Israelitarum liber et ingenue conditionis. Sic S. Augustinus, in *Expositionibus propositionum hujus epistolæ*, num. 42: « Quisque, ait, peccando animam suam diabolo vendit, accepta, tanquam pretio, dulcedine temporalis voluptatis. » Concupiscentiæ ergo quasi tyranno traditi sumus, etiam just; non tamen proprie peccato: nec enim concupiscentia cogit nos ad peccatum, quia ejus motus sentire non est peccatum, sed eis libere consentire peccatum est, ait S. Bernardus.

Peccando anima diabolo venditur villi pretio.

13. QUOD ENIM OPEROR, NON INTELLIGO. — *Primo*, hæc verba sic explicat S. Chrysostomus, *q. d.* Peccator quibus modis deceptus sit, ut peccatum operetur, non cognoscit.

Vers. 13. Sextuplex hujus loci sensus et elucidatio.

Secundo, Theodoretus sic explicat, *q. d.* Peccator peccati malitiam perfecte non nescit.

Tertio, Toletus: Peccator, inquit, quod operatur non intelligit, quia contra judicium intellectus, quo speculative judicat hoc non esse faciendum, operatur et peccat.

Quarto, Anselmus sic exponit, *q. d.* In regulis præceptorum Dei non invenio, quæ concupiscentia mea appetit.

Quinto, Methodius, apud Epiphanium, *hæresi* 62, sic, *q. d.* Qui bonum operatur, sæpe distractione et malas cogitationes patitur, ut non intelligat suas passiones et sua opera.

Sexto et optime, S. Augustinus, lib. I *Contra duas epist. Pelagian.*, cap. XI, hunc dat sensum: « Quod operor, non intelligo, » id est, per rationem et voluntatem non approbo opera et motus concupiscentiæ meæ. Hunc esse sensum patet ex seq. Sic *Psal.* I dicitur: « Novit (id est amat et approbat) Dominus viam justorum. » Et *Matth.* VII: « Non novi vos, » id est *non amo vos, non approbo*: hæc enim est scientia practica. Rursum eosdem concupiscentiæ motus « non intelligo, » quia hi motus rationem et intellectum præveniunt.

Sensus optimus D. Augustini.

Probat hic Apostolus se venumdatum sub peccato, id est *esse servum concupiscentiæ*, ex eo quod faciat non illa quæ sibi facienda videntur, sed illa quæ dominus, scilicet concupiscentia, sibi imperat, puta concupiscere: id deinde probat verbis consequentibus.

NON ENIM QUOD VOLO BONUM, HOC AGO: SED QUOD ODI MALUM, ILLUD FACIO. — Ita legunt Biblia Romana, aliaque correctiora (licet Græca non habeant *et bonum*, illud tamen habent vers. 19). Jam quod ad sensum, *primo*, S. Chrysostomus sic explicat, *q. d.* In peccatoribus est quædam velleitas boni, et odium quoddam imperfectum mali, etiam dum peccant.

Duplex hujus loci sensus.

Secundo et melius, S. Augustinus et Anselmus, qui hæc exponunt, non de peccatore, sed de justo, qualis erat Paulus, ut dixi: Malum, inquit,

quod justus odit, et tamen facit, est concupiscentia, quam justus naturaliter, sed involuntarie operatur, vel potius patitur et sentit invitatus; bonum vero quod justus non agit, cum tamen velit, est bonum opus facere alacriter, et totis viribus sine concupiscentia repugnante. Vel brevius, non concupiscere bonum est, quod vult et optat justus; malum vero, quod odit, est concupiscere, q. d. Paulus: Vellem non concupiscere, et nollem concupiscere, et tamen concupisco.

Nota: *Facio* significat hic actionem hominis imperfectam, id est actum concupiscendi appetitus, citra rationis assensum, idque patet ex phrasi Hebræorum, de qua dixi *can.* 32. Præsertim quia motus concupiscentiæ non tantum sunt in appetitu sensitivo, sed et in voluntate, quæ naturaliter ex origine sua in Adamo vitata propendit in bona delectabilia, honorifica et curiosa. Unde explicans subdit Apostolus: « Jam non ego operor illud, sed quod habitat in me peccatum. » Hic actus concupiscendi non est meus, non est humanus, quia non est liber et deliberatus, sed est actus inhabitantis in me peccati, id est concupiscentiæ. Hinc S. Augustinus in *Sententiis*, sent. 383: « Approbare, inquit, falsa pro veris, ut erres invitatus, et resistente repugnatione carnalis vinculi, non posse ab illicitis operibus temperare, non est natura instituti hominis, sed pœna damnati. »

Voluntas
in Adamo
vitata
propendit
in bona
delectabilia,
honorifica
et curiosa.

Vers. 16. 16. SI AUTEM QUOD NOLO, ILLUD FACIO (id est si concupisco, quod tamen nolo et nolens facio, vel potius patior), CONSENTIO LEGI (id est ratione et voluntate approbo), QUONIAM (quod lex in se) BONA EST. — Unde Syrus vertit, *suffragium fero legi, quod bona est*, quasi dicat: Si concupisco nolens et invitatus, mens et voluntas mea integra est et intacta, quia legi adhæret et cum ea consentit (4).

Vers. 17. 17. NUNC AUTEM (nunc ergo) JAM NON EGO OPEROR ILLUD (scilicet humane, id est deliberate), SED QUOD HABITAT IN ME PECCATUM. — Id est concupiscentia, ut dixi vers. 14, hæc enim habitat in carne mea, non autem ipsa virtus et bonum, id est bonitas. Hoc est enim quod subdit Apostolus.

Vers. 18. 18. SCIO QUIA NON HABITAT IN ME, HOC EST IN CARNE MEA, BONUM. NAM VELLE, ADJACET MIHI: PERFICERE AUTEM BONUM, NON INVENIO. — q. d. Facultas et bona voluntas volendi id quod bonum est, est in me justificato; sed vix, et non nisi difficulter illud perficere possum: *Spiritus enim promptus est, caro autem infirma*, imo reluctans spiritui. Ita S. Augustinus, Anselmus, S. Thomas, Primasius et Syrus. Idem explicat, repetit et inculcat Apostolus, vers. 21. Vere S. Bernardus, serm. 84 in *Cantica*: « Jacet, inquit, voluntas, ubi non suppetit

(4) Rectius, ut videtur: Si vero non quod volo, hoc idem efficio, tacitus assentior legi, camque bonam esse testor. Verum hoc esse experientia docet. sæpe enim fatentur homines, hoc vel illud recte prohibitum esse, et tamen affectibus abrepti, faciunt quod illicitum esse fatentur.

facultas. » Et S. Augustinus, lib. X *Confess.*, cap. XL, in terra gemens et suspirans ad cælum: « Recido, inquit, in hæc ærumnosa ponderibus, et resorbeor solitis, et teneor, et multum fleo, sed multum teneor. Tantum consuetudinis sarcina degravat. Hic esse valeo, nec volo; illic volo, nec valeo: miser utrobique. »

Merito S. Gregorius Nazianzenus, in Carmine ad virgines, carnem vocat echeneida, sive remoram pisciculum. Sicut enim remora navis, ita caro hominis in cælum cursum inhibet et sistit. Hanc ergo remoram amovendam esse docet, dum canit:

Ne vitæ ipsa tuæ immittas echeneida, carnem,
Quæ velut injecta properantem compede puppim
Detinet, ac tantum cogit subsistere molem.

Vide et Abbatem Theonam apud Cassianum, *Colat.* 23, ubi fuse hanc Apostoli sententiam pertractat.

21. INVENIO IGITUR (in meipso) LEGEM (quæ sequitur scilicet), QUONIAM (quod) MIHI VOLENTI FACERE BONUM, MALUM ADJACET, — et inest, malum, inquam, concupiscentiæ mihi innatæ, quæ bono et legi Dei repugnat. Adverte hic, et in teipso experire, cum bonum aliquod, præsertim heroicum vis aggredi, maxime senties insurgentem et sese opponentem concupiscentiam.

Nota hic Hebraicam trajectionem: vox enim *quoniam*, quam postponit Paulus dicens: « Invenio, volenti bonum facere, quoniam mihi malum adjacet, » præponenda est hoc modo, « Invenio, quoniam mihi volenti bonum facere, malum adjacet. » Aliter alii hæc explicant, quos vide, si lubet, apud Toletum.

22. CONDELECTOR LEGI DEI SECUNDUM INTERIOREM HOMINEM. — Quæres, quis dicatur interior, quis exterior homo? *Primo*, Manichæi ex hoc loco docuerunt in homine duas esse animas, unam bonam, a qua virtutes; secundam malam, a qua vitia manant; ac consequenter in ipso homine esse quasi duos homines, unum interiorem, alterum exteriorem.

Secundo, Illyricus rigidus Lutheranus: « Interior homo, inquit, est anima et spiritus Dei; exterior homo est peccatum originale, quod quasi forma substantialis animam afficit. » Putat enim ipse peccatum non esse accidens, sed formam et substantiam quamdam tetram et horridam, talemque qualem vulgo imaginamur diabolum.

Tertio, Calvinus: « Interior homo, inquit, est superior pars animæ, sive mens consentiens legi Dei; exterior est eadem mens quatenus concupiscit mala. » Putat enim Calvinus in eadem omnino animæ portione et facultate hanc esse pugnam, ideoque hominem etiam justum simpliciter tam esse peccatorem, quam justum; quod implicat. Porro hæc ejus doctrina sequitur ex altero ejus principio, quo homini re ipsa vere et

Vers. 1

Trajectio
Hebraica.

Vers. 22.

Error
Manichæorum
de interiori et
exteriori
homine.

Circa
idem error
Illyrici
Lutherani.

Delirium
Calvini
circa duplicem
hominem.

Tollit
Calvinus
liberum
arbitri-
um.

proprie partem superiorem, id est rationem et liberum arbitrium, adimit: tunc enim necessario sequitur, quod in parte inferiori tam dominetur concupiscentia, quam virtus; quodque inferior hæc pars, non re ipsa, sed nomine tenus in superiorem et inferiorem dividatur. Verum hæc omnia adducta sunt, erronea et hæretica.

Expositio
Photii
et Toletii.

Quarto, Photius et Toletus sic explicant: Homo interior est ratio, quæ etiam in peccatoribus relictatur exteriori, id est sensui et appetitui.

Unde
origen
pugna et
contra-
dictio in
anima?

Verum nota: In homine una tantum est anima, quæ simul est rationalis et sensitiva; et post privationem iustitiæ originalis peccato contractam, hæc contra illam, scilicet sensitiva contra rationalem, maxime gratia imbutam, adeoque ipsa anima contrariis appetitibus secum pugnat, etiam in homine justificato: ita ut ex operationibus ejus duplex in eo videatur esse anima et duplex homo. Cujus rei causa est eminentia animæ rationalis, quæ virtute in se continet animam sensitivam et vegetativam, facitque in homine una anima, quod in tribus, scilicet in planta, in equo, in homine faciunt tres animæ, scilicet vegetativa, sensitiva et rationalis.

Unus ho-
mo ratio-
ne diver-
sum
statum
vocatur
exterior
vel inte-
rior.

Dico ergo, unus idemque est homo, sed ratione diversorum statuum, affectionum et operationum, dicitur exterior vel interior. Interiorem Apostolus nunc novum vocat, nunc renovatum, scilicet a Christo, nunc spiritualem, nunc mentem: exteriorem, animale vocat, vel veterem, quem scilicet a veteri Adamo traximus; eundem vocat carnem, vel membra synecdochice et metonymice: quia scilicet, maxime vim suam ostendit in membris, carne et appetitu sensitivo. Hæc enim corruptio derivata ex carnali Adamo, maxime se pandit et exerit in carne et carnalibus desideriis, imo per ea animam sollicitat et commovet, licet proprie in anima resideat. Hinc Apostolus, Galat. v, superbiam, invidiam, rixas, vocat opera carnis, id est concupiscentiæ et veteris hominis.

Interior
homi-
nis ani-
ma, lex,
operatio.

Interior homo est mens, ut recte Cajetanus; vel aptius, ipse homo gratia, charitate et spiritu Dei imbutus et vivens: hujus anima, est gratia et charitas: hujus lex, est lex divina ejusque dictamen, ut, Esto castus, sobrius, humilis, obediens, Deum time et ama: hujus vitalis operatio, est Deum amare, colere, obedire.

Exterior
homi-
nis ani-
ma, lux,
operatio.

Exterior, sive vetus homo est concupiscentia, seu vitiositas, omnibus animæ potentiis, ipsique etiam menti et voluntati insidens; vel est mens, aut potius est ipse homo omnibus suis potentiis vitiatum et corruptum: hujus anima, est concupiscentia: hujus lex, est vitiosa inclinatio, vel aliquod dictamen concupiscibile, Dei legi contrarium, v. g.: Inebria te, fornicare, superbi: hujus operatio vitalis, est concupiscere vinum, opes, delicias, amicas. Concupiscentia ergo et homo exterior est in anima, voluntate et mente, sed qua parte naturaliter agunt, et in objecta sua

feruntur motu naturali; virtus vero et homo interior est in eadem anima voluntate et mente, sed qua parte ratione et libertate utitur, et suis actibus, ipsique concupiscentiæ dominatur, maxime cum gratia Dei pollet.

Est hic locus moralis pro lucta concupiscentiæ et spiritus, quam graphice depingit in se S. Augustinus, lib. VIII *Confess.*, cap. XI, et serm. 43 *De Tempore*, tom. X. Ascribam hic verba S. Augustini, quia rem hanc plane ob oculos ponunt, ut qui in se hanc luctam cum Paulo et S. Augustino sentiunt, sed explicare nequeunt, in Augustino expressam et explicatam videant, discantque qua ratione victoria potiri possint, præsertim cum vitam commutare et a statu peccati ad statum gratiæ transire moliantur. « Dicebam, inquit, apud me intus: Ecce modo fiat, modo fiat. Et cum verbo jam ibam in placitum, jam pene faciebam, et non faciebam; nec relabebam tamen in pristina, sed de proximo stabam et respirabam; et item conabar, et paulo minus ibi eram, et paulo minus jam jamque attingebam et tenebam; et non ibi eram, nec attingebam, nec tenebam; hæsitans mori morti, et vitæ vivere; plusque in me valebat deterius inolitum, quam melius insolitum: punctumque ipsum temporis, quo aliud futurus eram, quanto propius admovebatur, tanto amplius incutiebat horrorem; sed non recutiebat retro, nec avertebat, sed suspendebat. » Hactenus audivimus primum concupiscentiæ insultum in Augustino.

Locus
moralis
de lucta
concupis-
centiæ et
spiritus.

Primus
concupis-
centiæ
insultus.

Sequitur secundus. « Retinebant me nugæ nugarum, et vanitates vanitatum, antiquæ amicæ meæ, et succutiebant vestem meam carneam, et submurmurabant: Dimittisne nos? et a momento isto non erimus tecum ultra in æternum? et a momento non tibi licebit hoc et istud, ultra in æternum? Et quæ suggerebant in eo, quod dixi, Hoc et istud! quæ suggerebant, Deus meus, avertat ab anima servi tui misericordia tua: quas sordes suggerebant, quæ dedecora! Et audiebam eas jam longe minus quam dimidiis, non tanquam libere contradicentes eundo in obviam, sed veluti a dorso mussitantes, et discedentem quasi furtim vellicantes ut respicerem; retardabant tamen me cunctantem abripere atque excutere ab eis, et transilire quo vocabar, cum diceret mihi consuetudo violenta: Putasne sine istis poteris? »

Secun-
dus e-
n-
cupiscentiæ
in-
sultus.

En tertius concupiscentiæ insultus, sed remissior, prævalente gratia et constantia S. Augustini. « Sed jam tepidissime hoc dicebat. Aperiebatur enim ab ea parte, qua intenderam faciem, et quo transire trepidabam, casta dignitas continentiæ, serena, et non dissolute hilaris, honeste blandiens, ut venirem, neque dubitarem, et extendens ad me suscipiendum et amplectendum pias manus, plenas gregibus honorum exemplorum. Ibi tot pueri et puellæ, ibi juvenus multa, et omnis ætas, et graves viduæ, et virgines anus, et in

Tertius
concupiscentiæ
insultus.

Efficax ad
virtutem
et conti-
nenti-
am
exhorta-
tio.

omnibus ipsa continentia nequaquam sterilis, sed fecunda mater filiorum gaudiorum de marito te, Domine. Et irridebat me derisione exhortatoria, quasi diceret: Tu non poteris, quod isti et istæ? An vero isti et istæ in semetipsis hoc possunt, ac non in Domino Deo suo? Dominus Deus eorum me dedit eis. Quid in te stas et non stas? Projice te in eum, noli metuere; non se subtrahet, ut cadas. Projice te securus, excipiet te, sanabit te. Et erubescbam nimis, quia illarum nugarum murmur adhuc audiebam, et cunctabundus pendebam. Et rursus illa quasi diceret: Obsurdesce adversus immunda illa membra tua super terram, ut mortificentur. Narrant tibi delectationes, sed non sicut lex Domini Dei tui. Ista controversia in corde meo, non nisi de meipso adversus meipsum. » Hæc Augustinus.

Lucta
spiritua-
lis utili-
tas.

Secundo, lucta hujus utilitatem docet S. Gregorius, lib. XIX *Moral.*, vi: « Optima, ait, virtutis custos est infirmitas, vel pressurarum, vel tentationum: et fit certo moderamine, ut, dum quisque Sanctorum jam quidem interius ad summa rapitur, sed adhuc tentatur exterius, nec desperationis lapsum, nec elationis incurrat; sicque cognoscimus in profectu, quod accepimus; in defectu, quid sumus; et sic subtilissima interni iudicii moderatione infra summa, et supra infima, in quodam medio anima libratur. » Et S. Bernardus, serm. in cæna Domini, *De Baptismo. et Sacramento altaris*: « Ad humiliandos nos ipsam (concupiscentiam) adhuc patitur vivere in nobis, et graviter affligere nos, ut sentiamus quid nobis gratia præstet, et semper ad illius auxilium recurramus: sic et de minoribus istis peccatis pia dispensatione nobiscum agitur, ut non penitus auferantur, sed in illis nos erudiat Deus, ut, cum minima cavere non possumus, certi simus quod non nostris viribus majora superemus, semperque timorati et omnino solliciti simus quomodo ejus gratiam non amittamus, quam nobis tam multipliciter necessariam esse sentimus. »

Vers. 23.

23. VIDEO ALIAM LEGEM IN MEMBRIS MEIS, REPUGNANTEM LEGI MENTIS MEÆ, ET CAPTIVANTEM ME IN LEGE PECCATI. — « Repugnantem, » græce ἀντιπα-
ρευμένην, id est contra militentem, rebellantem. Est metaphora a lucta et pugna.

Vitiosas
inclina-
tiones
sentire
coguntur
et justi.

Rursum, « captivantem me, » non voluntatis consensione, ut vult Chrysostomus (putat enim ipse hæc omnia de statu peccati et de peccatore dici), sed commotione, ait S. Augustinus, ut scilicet captivus reddat et subiciat legi peccati, id est concupiscentiæ; ita ut etiam invitatus et reluctans, vitiosas ejus inclinationes, dictamina, impulsus sentire cogat, et ejus laqueos et motus evadere non possim.

Aliqui ex S. Augustino sic explicant: « Captivantem, » id est captivare conantem; sed græce est ἀιχμαλωτίζοντά με, id est capientem me; et Syriace עבדך sabeli, id est quod captivum me reddit.

De facto enim omnes, non sub peccato, sed sub concupiscentia quasi captivi tenemur.

Nota hic hebraismum; « in lege peccati, » id est sibi ipsi. Eadem enim est lex peccati et membrorum, scilicet concupiscentia, ut dixi. Sic dicitur Genes. xix, 24: « Pluit Dominus a Domino, » id est a seipso. Dicitur concupiscentia lex peccati, quia est fomes ad peccatum sollicitans, peccatum dictans et suggerens.

24. INFELIX (græce ταλαίπωρος, id est miser, Vers. 24
ærumnosus) EGO HOMO, QUIS ME LIBERABIT DE CORPORE MORTIS HUIUS? — id est a congerie omnium peccatorum, inquit Calvinus; vel, ut Commentarius Ambrosii, ab universitate vitiorum. Sed hæc expositio impropria, remota et aliena est. Unde dico, « de corpore mortis, » id est a corpore moribundo, et peccandi affectibus, ac consequenter morti et corruptioni obnoxio; quodque, ut ait S. Hieronymus, tum corporalem, tum, ut Photius, animæ sæpe spirituales mortem inducit. Ita S. Augustinus, lib. I *Contra duas epist. Pelag.*, xi. Est metalepsis. « Liberari a corpore mortis, inquit S. Augustinus, est omni sanato languore concupiscentiæ carnis, non ad pœnam recipere corpus, sed ad gloriam. Non enim a corpore mortis impii liberabuntur unquam, quibus in resurrectione eadem corpora ad æterna tormenta reddentur. »

Nota, mors Hebræis per metonymiam et catachresin sæpe morbum, pestem, luem et afflictionem quamlibet gravem significat. Sic Pharaos, Exod. x, 17: « Rogate, inquit, Dominum, ut auferat a me mortem istam: mortem, id est plagam locustarum depascentium herbas et germina. Sic IV Reg. iv, 40, dicitur: Mors, id est amarities colocyntidarum, in olla est. Pari modo hic corpus mortis accipi potest corpus obnoxium multis morbis, afflictionibus et ærumnis. Est hoc ardens Apostoli ex hoc misero et mortali corpore ad beatam et cœlestem vitam anhelantis suspirium.

Audi pari modo suspirantem auctorem (Hugonem Victorinum, si credimus Trithemio) lib. *De Spir. et Anima*, qui extat tom. III operum S. Augustini, cap. LXII: « Audi, inquit, o anima, qualis sis: onerata es peccatis, irretita vitiis, capta illecebris, affixa membris, confixa oculis, distenta negotiis, contracta timoribus, afflicta doloribus, erroribus vaga, suspitionibus inquieta, sollicitudinibus anxia, advena in terra inimicorum, coinquinata cum mortuis, deputata cum iis qui in inferno sunt. » Et cap. LX: « Quando veniam et apparebo ante faciem Domini, ad videndum eum in bonitate electorum suorum, ad lætandum in lætitia gentis suæ, ut laudetur cum hæreditate sua? Quando videbo civitatem illam, de qua dictum est: Plateæ tuæ, Jerusalem, sternerentur auro mundo, et in te cantabitur canticum lætitiæ, et per omnes vicos tuos ab universis dicetur Alleluia? O civitas sancta, civitas speciosa, de longinquo te saluto, ad te clamo, te requiro; desi-

Per mor-
tem He-
bræi
quamvis
afflictio-
nem et
plagam
intelli-
gunt.

Animæ
suspiran-
tis proso-
popæia.

Civitatis
superne

immensa felicitas et gaudium. dero enim videre te, et requiescere in te : sed non sinor carne retentus. O civitas desiderabilis! muri tui lapis unus, custos tuus ipse Deus, cives tui semper læti; semper enim gratulantur in visione Dei, » etc.

Vers. 25. 25. GRATIA DEI PER JESUM CHRISTUM. — Supple, liberabit me quandoque a corpore mortis hujus, puta in futura resurrectione, dando mihi corpus immortale et gloriosum.

Nota, pro *gratia Dei*, noster Interpres legit in Græco χάρις τοῦ Θεοῦ. Ita quoque legit S. Ambrosius, Origenes, Hieronymus, S. Augustinus et alii. Verum S. Chrysostomus, Theodoretus, Œcumenius, Theophylactus, Hieronymus ad *Algasiam*, et Græci codices jam legunt εὐχαριστῶ τῷ Θεῷ, gratias ago Deo, qui scilicet me liberabit a corpore mortis, per Jesum Christum.

Verum nostra lectio aptior, ideoque verior est; nec enim gratiarum actio, sed gratia respicit futurum. Nam gratiæ proprie non aguntur pro beneficio futuro et accipiendi, sed præterito et jam accepto : τὸ autem liberabit hic est futurum, non præteritum.

Adde, τὸ *gratia Dei* tacite includit τὸ *gratias ago Deo*. Nam dicere : gratiā Dei per Christum me liberabit, hancque gratiam confiteri et celebrare, est re ipsa gratias agere Deo.

IGITUR EGO IPSE MENTE SERVIO LEGI DEI; CARNE AUTEM, LEGI PECCATI, — eo sensu, quem jam dedī vers. 22 et 23. Totum hunc Apostoli locum de lucta carnis et spiritus, sive concupiscentiæ et continentiæ, egregie tractat S. Augustinus, lib. *De Continentia*, tom. IV; hunc enim librum non esse Hugonis Victorini, ut suspicatur Erasmus, sed ipsius Augustini, ex Beda, Possidonio et aliis docent DD. Lovanienses, qui accurate et correctissime opera omnia S. Augustini ediderunt.

In illo ergo libro docet primo Augustinus, sub fine cap. II, in hac vita perpetuam esse hanc luctam, et sufficere nobis, si non consentiamus malis concupiscentiæ, itaque futurum ut in altera beata vita illam non sentiamus. « Nunc quamdiu, inquit, concupiscit caro adversus spiritum, et spiritus adversus carnem, sat est nobis non consentire malis, quæ sentimus in nobis. Nam ipsa continentia cum frænâ cohibetque libidines, simul et appetit bonum, ad cujus immortalitatem tendimus, et respuit malum, cum quo in hac mortalitate contendimus. »

Deinde docet eos tantum hanc luctam sentire, qui concupiscentiæ reluctantur, non autem eos qui illi cedunt et consentiunt. « Hanc pugnam, inquit, non experiuntur in semetipsis nisi bellatores virtutum, debellatoresque vitiorum. Non expugnat concupiscentiæ malum, nisi continentia bonum. Sunt autem qui legem Dei omnino nescientes, malas concupiscentias nec in hostibus deputant, eisque miserabili cæcitate servientes, insuper etiam beatos se putant satiando eas, potius quam domando. »

Tertio, docet Christianos quasi Christi milites ad hanc pugnam ab Apostolo accendi, ut non permittant concupiscentiam in se regnare, quod fit, cum illi obediunt; sed illi resistent, eamque resistendo doment et minuant, licet eam extinguere nequeant; sic enim ait : « Milites Christianos Apostolica tuba isto sonitu accendit in prælium : Non regnet peccatum in vestro mortali corpore ad obediendum desideriis ejus. Tunc autem regnare ostenditur, si desideriis ejus obeditur, quibus non est obediendum, ne obediens regnet. Cum hortatur Apostolus, ut spiritu facta carnis mortificemus, tuba utique canit; bellum, in quo versamur, ostendit, et ut acriter dimicemus, et hostes nostros mortificemus, ne ab eis mortificemur, accendit. »

Quarto, hostes nostros describit, et hujus pugnae milites utrimque recenset : hinc scilicet opera carnis, inde fructus spiritus in aciem producens. « Hostes autem nostri, inquit, opera sunt carnis, quæ sunt fornicatio, immunditia, luxuria, idolorum servitus, veneficia, inimicitia, contentiones, æmulationes, etc. In hoc prælio adversus carnalem exercitum velut aliam producens aciem spiritalem : Fructus spiritus est, inquit, charitas, gaudium, pax, longanimitas, benignitas, bonitas, fides, mansuetudo, continentia. Hæc est actio continentia, si opera carnis mortificantur. »

Quinto, cap. VII, docet non esse duas in homine naturas ex contrariis inter se principiis ortas, et inter se assidue confligentes, unam boni, alteram mali, ut voluerunt Manichæi. Sed hoc bellum oriri ex languore concupiscentiæ, quam peccatum in naturam hominis bonam, et bene a bono Deo conditam invexit. « Languorem autem istum, inquit, culpa meruit, natura non habuit; quam sane culpam per lavacrum regenerationis Dei gratia fidelibus jam remisit, sed sub ejusdem medici manibus adhuc natura cum suo languore confligit. In tali autem pugna sanitas erit tota victoria, cum justus dicet : Benedic, anima mea Domino, qui sanat omnes languores tuos. »

Sexto, ostendit carni ipsi bonum esse, ut ejus pravis desideriis resistatur, ut ita ipsa caro a suis vitiis purgetur. « Audi, inquit, Apostolum dicentem : Scio quod non habitat in me (quod ut exponeret, addit), hoc est, in carne mea, bonum. Se itaque dixit esse carnem suam. Non ergo est ipsa inimica nostra; et quando ejus vitiis resistitur, ipsa amatur, quia ipsa curatur : nemo enim unquam carnem suam odio habuit, ut ipse Apostolus dicit. Et ipse alio loco, ait : Mente servio legi Dei; carne, legi peccati. Quomodo carne, legi peccati? numquid concupiscentiæ consentiendo carnali? Absit : sed motus desideriorum illi habendo, quos habere nolebat, et tamen habebat; sed eis non consentiendo, mente serviebat legi Dei, et tenebat membra, ne fierent arma peccati. »

Septimo, ostendit quo sensu dicat Apostolus se Quo aut-

Tuba Apostolica ad bellum spiritus adversus carnem.

Hostes nostri, et hujus pugnae cum carne milites.

In homine non sunt duæ naturæ, una a bono Deo, et altera a malo, ut volunt Manichæi.

Bonum est carni, ut ei resistatur.

Luctam carnis et spiritus non sentiunt qui carni non resistunt.

su Pau-
lus dicat
se velle
bonum,
non ta-
men per-
ficere?

propter concupiscentiam, velle quidem bonum, non tamen perficere. « Fiunt, inquit, itaque in nobis concupiscentiæ malæ, quando id quod non licet, libet: sed non perficiuntur, cum legi Dei mente serviente libidines continentur, et bonum fit, cum id, quod male libet, vincente bona delectatione non fit: sed boni perfectio non impletur, quamdiu legi peccati carne serviente libido illic, quamvis contineatur, tamen movetur; non enim opus esset ut contineretur, nisi moveretur. Erit ergo perfectio boni, quando erit consumptio mali; illud erit summum, hoc erit nullum. Quod si in ista mortalitate sperandum putamus, fallimur; tunc enim erit, quando mors non erit, sed summum bonum erit, » etc.

Continen-
tia non
tantum
contra li-
bidinem,
sed etiam
contra
quoslibet
alios concu-
piscen-
tiæ motus
luc-
tatur.

Octavo, cap. XIII, docet continentiam luctari non solum contra libidinem, verum etiam contra quoslibet alios concupiscentiæ motus, eamque illos frænare et compescere. « Continentia, inquit, omnibus prorsus delectationibus concupiscentiæ, quæ adversantur dilectioni sapientiæ, coercendis atque sanandis invigilat, ut homo non secundum hominem vivens, jam possit dicere: Vivo autem non ego, vivit vero in me Christus; ubi enim non ego, ibi felicius ego, ut quando secundum hominem reprobis ullis motus exurgit, cui non consentit, qui mente legi Dei servit, dicat etiam illud: Jam non ego operor illud. »

Mortifi-
candi
mali mo-
tus tum
ne in
opus ex-
eant, tum
ne volun-

Nono denique, demonstrat per continentiam mortificandos esse concupiscentiæ motus, tum ne in opus exeant, tum ne voluntas in mente et cogitatione iis inhereat et consentiat, ut iis mortui, Christo et justitiæ vivamus. « Mortificate, inquit Apostolus, membra vestra, quæ sunt super

terram, fornicationem, immunditiam, etc. Et quomodo ista mortificantur opere continentiae, nisi cum eis mente non consentitur, neque exhibentur eis arma corporis membra? Et quod est vigilantia majore continentiae curandum, ipsa etiam nostra cogitatio, si eorum quadam suggestionem et quasi susurratione tangatur, tamen ab eis, ne oblectetur, avertitur. »

Præsentissimum porro concupiscentiæ antidotum est cogitatio et inspectio mortis, et morientium, ac mortuorum.

Abbas Elias, apud Sophronium, in *Prato Spirituali*, cap. x, narrat de se, quod visitatus a femina religiosa, post ejus abitum, gravem senserit tentationem libidinis, a qua victus exiverit ad eam cum illa explendam. « Cum vero, inquit, ferme uno stadio ab ejus adhuc spelæo distarem, urente graviter æstu libidinis, repente factus in exstasi, vidi apertam terram, et me hiatu terræ absorptum. Aspicioque illic cadavera putrida jacentia et resoluta, et incredibili fœtore plena, quemdamque reverendi habitus virum ea mihi demonstrantem, ac dicentem: Ecce istud mulieris est, istud viri, istud pueri; fruiere jam ut vis, et quantum libet concupiscentia tua: hujus tamen voluptatis gratia vide quot labores emittere voluisti: vide propter quod peccatum vos ipsos privare vultis regno cœlorum. Væ humanæ miseriæ! propter unius horæ voluptatem tanti laboris mercede frustramini. Ego autem præ nimio fœtore in terra corruui. Tunc accedens vir ille venerabilis, qui mihi apparuerat, erexit me. Et gratias agens Deo, reversus sum in locum meum. » Plura vide *Numer.* XI, 20 et 34.

CAPUT OCTAVUM.

SYNOPSIS CAPITIS.

Hactenus explicavit Apostolus infirmitatem legis, peccati et concupiscentiæ: hic vires gratiæ et spiritus Christi explicat, seu quanta bona justis per Christum Christique spiritum dentur.

Primo ergo ex dictis concludit eos qui Christo per fidem et gratiam sunt insiti, ab omni culpa et damnatione esse liberos, eos scilicet, qui non secundum carnem, sed secundum spiritum vivunt.

Unde secundo, vers. 12, multis probat nos secundum spiritum, quem accepimus, debere vivere, spiritum, inquam, adoptionis, in quo clamamus: Abba, Pater, qui nos Dei filios ac futuræ gloriæ cum Christo cohæredes efficit.

Inde tertio, vers. 19, ostendit, quanta, quamque ambienda sit hæc gloria, utpote ad quam suspiret non solum omnis creatura, quæ in hac vita vanitati subjecta est, sed et hi, qui spiritus primitias acceperunt. Unde, vers. 26, asserit spiritum adjuvare infirmitatem nostram, et postulare pro nobis.

Denique, vers. 28, exaggerat charitatem Dei erga se diligentes, qua omnia eis cooperantur in bonum, utpote, quos præscivit et prædestinavit conformes fieri Christo, et pro quibus tradidit Christum in mortem. Ex quo, vers. 35, concludit: Quis ergo nos separabit a charitate Christi?

1. Nihil ergo nunc damnationis est iis qui sunt in Christo Jesu, qui non secundum carnem ambulant. 2. Lex enim spiritus vitæ in Christo Jesu liberavit me a lege peccati et

mortis. 3. Nam quod impossibile erat legi, in quo infirmabatur per carnem, Deus Filium suum mittens in similitudinem carnis peccati, et de peccato damnavit peccatum in carne, 4. ut justificatio legis impleteretur in nobis, qui non secundum carnem ambulamus, sed secundum spiritum. 5. Qui enim secundum carnem sunt, quæ carnis sunt, sapiunt; qui vero secundum spiritum sunt, quæ sunt spiritus, sentiunt. 6. Nam prudentia carnis, mors est: prudentia autem spiritus, vita et pax. 7. Quoniam sapientia carnis inimica est Deo: legi enim Dei non est subjecta, nec enim potest. 8. Qui autem in carne sunt, Deo placere non possunt. 9. Vos autem in carne non estis, sed in spiritu: si tamen Spiritus Dei habitat in vobis. Si quis autem Spiritum Christi non habet, hic non est ejus. 10. Si autem Christus in vobis est, corpus quidem mortuum est propter peccatum, spiritus vero vivit propter justificationem. 11. Quod si Spiritus ejus, qui suscitavit Jesum a mortuis, habitat in vobis, qui suscitavit Jesum Christum a mortuis, vivificabit et mortalia corpora vestra, propter inhabitantem Spiritum ejus in vobis. 12. Ergo, fratres, debitores sumus non carni, ut secundum carnem vivamus. 13. Si enim secundum carnem vixeritis, moriemini: si autem spiritu facta carnis mortificaveritis, vivetis. 14. Quicumque enim Spiritu Dei aguntur, ii sunt filii Dei. 15. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). 16. Ipse enim Spiritus testimonium reddit spiritui nostro, quod sumus filii Dei. 17. Si autem filii, et hæredes: hæredes quidem Dei, cohæredes autem Christi: si tamen compatimur, ut et conglorificemur. 18. Existimo enim quod non sunt condignæ passionibus hujus temporis ad futuram gloriam, quæ revelabitur in nobis. 19. Nam expectatio creaturæ, revelationem filiorum Dei expectat. 20. Vanitati enim creatura subjecta est non volens, sed propter eum, qui subiecit eam in spe: 21. quia et ipsa creatura liberabitur a servitute corruptionis in libertatem gloriæ filiorum Dei. 22. Scimus enim quod omnis creatura ingemiscit, et parturit usque adhuc. 23. Non solum autem illa, sed et nos ipsi primitias spiritus habentes; et ipsi intra nos gemimus, adoptionem filiorum Dei expectantes, redemptionem corporis nostri. 24. Spe enim salvi facti sumus. Spes autem quæ videtur, non est spes: nam quod videt quis, quid sperat? 25. Si autem quod non videmus, speramus, per patientiam expectamus. 26. Similiter autem et Spiritus adjuvat infirmitatem nostram: nam quid oremus, sicut oportet, nescimus: sed ipse Spiritus postulat pro nobis gemitibus inenarrabilibus. 27. Qui autem scrutatur corda, scit quid desideret Spiritus: quia secundum Deum postulat pro sanctis. 28. Scimus autem quoniam diligentibus Deum omnia cooperantur in bonum, iis, qui secundum propositum vocati sunt sancti. 29. Nam quos præscivit, et prædestinavit conformes fieri imaginis Filii sui, ut sit ipse primogenitus in multis fratribus. 30. Quos autem prædestinavit, hos et vocavit; et quos vocavit, hos et justificavit: quos autem justificavit, illos et glorificavit. 31. Quid ergo dicemus ad hæc? si Deus pro nobis, quis contra nos? 32. Qui etiam proprio Filio suo non pepercit, sed pro nobis omnibus tradidit illum: quomodo non etiam cum illo omnia nobis donavit? 33. Quis accusabit adversus electos Dei? Deus qui justificat. 34. Quis est qui condemnet? Christus Jesus, qui mortuus est, imo qui et resurrexit, qui est ad dexteram Dei, qui etiam interpellat pro nobis. 35. Quis ergo nos separabit a charitate Christi? tribulatio? an angustia? an fames? an nuditas? an periculum? an persecutio? an gladius? 36. (Sicut scriptum est: Quia propter te mortificamur tota die: æstimati sumus sicut oves occisionis.) 37. Sed in his omnibus superamus propter eum, qui dilexit nos. 38. Certus sum enim, quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, 39. neque altitudo, neque profundum, neque creatura alia poterit nos separare a charitate Dei, quæ est in Christo Jesu Domino nostro.

Vers. 1.

1. NIMIL ERGO DAMNATIONIS (nihil damnatione dignum, nihil damnabile, nulla damnabilis culpa: ita Concilium Tridentinum, sess. III, can. 5, etiam si motus concupiscentiæ sentiant) EST IIS, QUI SUNT IN CHRISTO JESU, — id est, qui sunt justificati, Christoque in baptismo insiti per fidem, spem et charitatem. Cum iustitia ergo non consistit reatus culpæ damnabilis, sed bene reatus pænæ, puta obligatio ad pœnam temporalem. Hinc patet primo, nec concupiscentiam, nec aliud quippiam in renatis esse peccatum damnatione dignum; secundo, gratiam justificantem et baptismum non tantum tegere aut radere peccata, sed eradere omnino et tollere, ac tertio, vere nos justificari, non tecte, non imputative.

Baptizati
vere jus-
tifican-
tur, sine
ulla pec-
cati re-
liqua.

Dices: Quomodo ergo dicit S. Augustinus, lib. I *Contra duas epist. Pelag.*, cap. XIII, concupiscentiam in iustis transire reatu, manere actu?

Respondeo: Sensus est, concupiscentiam, quæ peccatum originale erat, vel potius cum eo conjuncta erat, reatu peccati hujus in baptismo absterro, remanere actu. Patet enim culpa peccati originalis in baptismo remissa, concupiscentiam actu remanere ad luctam. Videtur enim S. Augustinus putasse concupiscentiam in non renatis esse peccatum originale, cujus contrarium multi doctores docent, idque videtur verius. Videtur enim peccatum originale, uti et habituale, consistere non in ipsa concupiscentia, sed in morali aversione a Deo, quæ remanet ex actu præterito, vel Adæ, vel proprio; sicque explicari potest S. Augustinus, ut hanc aversionem vocet reatum cum concupiscentia conjunctum, qui transit, cum in baptismo tollitur et remittitur, remanente nihilo minus ipsa concupiscentia.

Pecca-
tum ori-
ginale
non con-
sistit in
ipsa con-
cupiscen-
tia, sed
in morali
aversione
a Deo.

Vers. 2.

2. LEX SPIRITUS VITÆ IN CHRISTO JESU (id est, per Christum Jesum) LIBERAVIT ME A LEGE PECCATI ET MORTIS. — Pro *liberavit* Tertullianus, lib. *De Resurrect. carn.*, cap. XLVI, legit *manumisit*. Fuimus enim quasi mancipia peccati et mortis, sed a Christo manumissi et libertate donati sumus.

Jam « lex spiritus vitæ, » id est *lex spiritus vivificantis*, puta, lex gratiæ et charitatis per Christum liberavit me a lege peccati et mortis, hoc est, a dietamine, jure, dominatu, reatu concupiscentiæ; ut, licet eam sentiam, non tamen consentiam. Ita S. Augustinus, lib. I *Contra duas epist. Pelag.*, cap. X, Theophylactus, Anselmus et alii. Est enim concupiscentia lex peccati, quia est fomes, ut dixi, ad peccatum sollicitans: consequenter est lex mortis, quia *stipendium peccati est mors*.

Alii, « a lege peccati, » id est, inquit, a lege Mosi, quæ occasio erat peccati et mortis. Sic enim eam vocat cap. VII, vers. 6. Verum prior sensus videtur planior et germanior; nam paulo ante, cap. præced. vers. 23 et ultim., concupiscentiam vocavit legem peccati; de lege vero proprie dicta absolute subdit Apostolus dicens:

Vers. 3.

3. NAM QUOD IMPOSSIBILE ERAT LEGI (Mosaicæ, etiam naturali et decalogo), IN QUO INFIRMABATUR

PER CARNEM, — q. d. Quatenus lex impotens erat et invalida propter carnem nostram peccato et concupiscentia infectam, quæ sanare non poterat. Ita Theophylactus. Aliter Origenes, qui per « carnem » intelligit crassam, litteralem et carnalem legis intelligentiam; atque istam legis infirmitatem et impotentiam in eo collocat, quod impossibile fuerit legis cæremonias omnes secundum carnem, id est secundum litteram, observare. Verum hic sensus impertinens videtur et improprius. Ista enim infirmitas non legis erat, sed hominis.

DEUS FILIUM SUUM MITTENS (Græce πέμψας, id est cum misisset, q. d. misso Filio) IN SIMILITUDINEM CARNIS PECCATI, — id est, carnis peccatricis, q. d. Deus mittens Filium suum, præstitit et supplevit legis et carnis impotentiam; vel hebraismo, mittens, id est misit Christum, ut assumeret carnem humanam similem carni peccatrici aliorum hominum. Ita Theophylactus. Scilicet Christus natus est mortalis, vitæ nostræ ærumnas mortemque est passus, quæ debentur peccatoribus. Unde et per æneum serpentem a Mose erectum, Num. XXI, præsignatus est, utpote qui cum videretur habere venenum peccati, revera tamen non habere.

Christus
serpens
æneus
eum vi-
deretur
habere
venenum
peccati,
non ha-
buit.
Commen-
tarius
pseudo
Hierony-
mi, et
Mani-
cheorum
et Mar-
cionis
hæreses
circa
Christi
humani-
tatem ju-
gulan-
tur.

Quare non bene Commentarius Hieronymo ascriptus: caro peccati, id est, ait, in qua erat non peccatum, sed proclivitas ad peccatum. Perperam etiam Manichæi similitudinem carnis peccati, carnem non veram, sed apparentem et similem veræ interpretantur: quia Christus, inquit, non veram, sed phantasticam carnem assumpsit. Nam, ut bene annotavit S. Basilius, *epist. 65*, non ait Apostolus: in similitudinem carnis humanæ, sed carnis peccati; et Tertullianus, lib. V *Contra Marcion.*, cap. XIV: « Similitudo, inquit, ad titulum peccati pertinet, non ad substantiæ mendacium. Nam nec addidisset, *peccati*, si substantiæ similitudinem vellet intelligi, ut negaret veritatem. Tantum enim carnis posuisset, non et *peccati*: cum vero sic struxit, *carnis peccati*, et substantiam confirmavit, id est carnem, et similitudinem ad vitium substantiæ retulit, id est ad peccatum. » Et paulo ante: « Voluit Deus peccati carnem simili substantia redimere, id est carnea, quæ peccatrici carni similis esset, cum peccatrix ipsa non esset. Nam et hæc erit Dei virtus, in substantia pari perficere salutem. »

ET DE PECCATO DAMNAVIT PECCATUM IN CARNE. — Tres Augustini expositiones, quarum prima est: « de peccato, » id est, per peccatum, hoc est, hostiam expiatricem peccati, scilicet, per corpus suum crucifixum, damnavit, id est abolevit, sustulit peccatum. Sic etiam Origenes. Ita enim alibi sæpe peccatum metonymice significat hostiam destinatam expiando peccato, ut dicam II Cor. V, vers. ultim.

Tres Au-
gustini
expositio-
nes in
hæc ver-
ba.

Secunda est: « de peccato, » id est, per peccatum

Judæorum, quo Christum crucifixerunt, deletum est peccatum.

Tertia, « de peccato, » id est, *per carnem Christi*, quæ similis erat carni peccati, deleuit peccatum. Sed repugnat Græcum $\pi\epsilon\pi\iota$, quod non *per*, sed *de* significat.

Quarta est Anselmi : « de peccato, » id est *morte sua*, quæ erat peccati effectus, Christus damnavit peccatum. Sed et hoc remotum et alienum est.

Quinta est Theophylacti : « de peccato, » id est, *pro peccato*, vel propter peccatum expugnandum et abolendum, « damnavit, » id est destruxit et sustulit « peccatum in carne » sua moriens (1) : sed Græcum $\pi\epsilon\pi\iota$ non significat *propter*. Adde, quod hic sensus tautologicus videatur.

Sexta Hilarii. *Sexto*, Hilarius in *Psal. LXVII* : Christus, inquit, damnavit peccatum, id est *diabolum*, « de peccato, » in carnem Christi admissio, quia ejus mortis fuit auctor. Sed hoc quoque incommodum et durum videtur, ut scilicet ipse dæmon dicatur peccatum, cum peccatum paulo ante et passim hic proprie capiatur.

Septima et *optima* expositio. *Septimo*, optime S. Chrysostomus, Theodoretus, Theophylactus : Christus, inquit, in carne patiens et moriens damnavit et sustulit peccatum, quasi reum peccati, eo quod injuste vim intulerit Christo, illumque occiderit innocentem, eo quod videret eum habere similitudinem carnis peccati : hæc enim de causa juste peccatum suo dominio, quod habebat in alios homines, privatum est. Qui enim manum extendit in aliena, juste privatur suis. Est prosopopœia : peccatum enim quasi tyrannus hic regno privatur. Sic Christus morte sua damnavit et occidit mortem. Simile est *Joan. XVI*, 8, ubi dicitur, quod Spiritus Sanctus arguet mundum de peccato, de justitia et de judicio.

Vers. 4. 4. UT JUSTIFICATIO LEGIS IMPLERETUR IN NOBIS. — *q. d.* Ut totum quod lex præcipit, quasi justum et debitum, implemus. Alii $\delta\iota\kappa\alpha\iota\omega\mu\alpha$ pro $\delta\iota\kappa\alpha\iota\omega\sigma\iota$; accipiunt, *q. d.* Ut justificatio a peccatis quam lex exigebat, impleretur in nobis, et hoc planius est. Hinc patet per solam naturam et legem, sine gratia Christi, hominem in hac corruptione non posse totam legem totumque decalogum implere.

Vers. 5. 5. QUI SECUNDUM CARNEM SUNT, QUÆ CARNIS SUNT, SAPIUNT (id est cogitant, amant, quærunt, iisque se pascunt et oblectant); QUI VERO SECUNDUM SPIRITUM SUNT (homines spirituales, secundum spiritum viventes), QUÆ SUNT SPIRITUS, SENTIUNT, — id est, *sapiunt* : Græce enim idem est verbum quod ante, scilicet $\varphi\rho\nu\epsilon\iota\sigma\kappa\iota$, *q. d.* Homines carnales bona carnalia sectantur, probant, eligunt, ambiunt : spirituales vero spiritualia ambiunt, ut scilicet per legem charitatis sua studia, curas et actiones di-

Carnalium et spiritualium diversa studia.

(1) Ita et Allioli : Et peccati causa (ad expianda peccata) condemnavit, vi sua privavit peccatum (concupiscentiam) quod se per carnem exserit, id est, destruxit vim pravæ cupiditatis in nobis.

rigant; ut motibus et instinctibus Spiritus Sancti obsecundent, et secundum illos vitam et mores componant; ut bona non terrena, sed spiritualia et æterna adament, omnique studio conquirant; $\tau\epsilon$ enim *sentire* et *sapere* hic actiones sunt non tam intellectus, quam appetitus et voluntatis.

6. NAM PRUDENTIA CARNIS, MORS EST, — id est *sapere ac vivere secundum carnem mortem affert tum corporis, tum animæ; tum præsentem, tum maxime æternam*. Hic sensus patet ex textu græco, vers. 5, ubi $\varphi\rho\nu\epsilon\iota\nu\ \tau\alpha\ \tau\eta\ \sigma\alpha\rho\kappa\iota$, est *sapere carnalia*. Unde $\varphi\rho\nu\eta\mu\alpha$, vocat hanc prudentiam, sive sapientiam, id est hoc sapere. Sic prudentia spiritus est sapere et vivere secundum spiritum. Unde eandem prudentiam, vers. seq., *sapientiam* vocat. Ibi enim in Græco idem est $\varphi\rho\nu\eta\mu\alpha$. Idem ergo hic sunt hæc quatuor, scilicet sapere, sentire, sapientia et prudentia : quæ non aliud significant quam amorem, affectum, curam et studium carnis, id est rerum carnalium; vel spiritus, id est rerum spiritualium.

Prudentia carnis est sapere carnalia.

Nota vocem causalem *nam* : ex illa enim patet Apostolum hic dare causam præcedentium, scilicet illius quod dixit vers. 4, justificationem legis impleri in iis qui non secundum carnem, sed secundum spiritum ambulant. Causa hæc est, quod prudentia, id est, amor et studium carnis mortem afferat : inde enim sequitur eandem, non justitiam, sed peccatum afferre : peccatum enim mortis est causa, et inseparabiliter cum morte conjunctum; prudentia vero et studium spiritus, vitam et pacem affert : inde enim sequitur eandem afferre quoque justitiam, utpote quæ vitæ est causa, et necessario cum vita et pace conjuncta est.

Prudentia carnis mortem, prudentia spiritus vitam operatur.

« Prudentia carnis, inquit Anselmus, est corum machinationibus tegere, sensum verbis velare, quæ falsa sunt vera ostendere, quæ vera sunt fallacia demonstrare, honorum culmina quærere, adepta temporalis gloriæ vanitate gaudere, irrogata ab aliis mala multipliciter reddere; cum vires suppetunt, nullis resistentibus cedere; cum virtutis possibilitas deest, quidquid explere per malitiam non valet, hoc impacifica bonitate simulare. Prudentia vero spiritus, id est justorum sapientia, est nihil per ostensiones fingere, sensum verbis aperire, vera, ut sunt, diligere, falsa evitare, bona gratis exhibere, mala libentius tolerare quam facere, nullam injuriæ ultionem quærere, pro veritate contumelias pati, lucrum putare. » Ubi nota, hæc tantum esse partem prudentiæ carnis, illaque apud Latinos proprie vocari prudentiam carnis : nam Græcum $\varphi\rho\nu\eta\mu\alpha$, ut dixi, ad omnes carnales affectiones, saporis et amores se extendit.

Prudentia carnis pulchre describitur.

Prudentia spiritus quid sit?

PRUDENTIA AUTEM SPIRITUS (est) VITA ET PAX. — Id est, sapere, amare, sectari spiritualia, vitam æternam et pacem, id est omnium bonorum proventum et tranquillam possessionem conciliat, *Rom. II*, 7.

7. QUONIAM SAPIENTIA CARNIS (sapere carnalia) *Vers. 7.*

INIMICA EST DEO. — Dat hic causam cur prudentia et sapientia carnis non vitam, sed mortem afferrat, quia nimirum ipsa inimica est Deo et legi divinæ: vita autem nostra animæ, maxime beata, a Deo pendet, et donatur Dei amicis, non inimicis; nam inimicos suos Deus æterna morte punit.

Vers. 8. 8. QUI AUTEM IN CARNE SUNT (qui carnis affectibus serviunt eosque explent, qui carnaliter vivunt), **DEO PLACERE NON POSSUNT.** — Tò autem capitur pro enim (1): dat enim hic causam cur prudentia et sapientia carnis inimica sit Deo, quia nimirum Deus, qui purissimus est spiritus, impuros carnis affectus et opera odit et execratur, quo fit, ut ii qui carnales sunt, Deo placere non possint.

Vers. 9. 9. VOS IN CARNE NON ESTIS, SED IN SPIRITU. — q. d. Vos carnales non estis, carnalia non queritis, non amatis, sed spiritualia: anima enim magis est ubi amat, quam ubi animat. Ita S. Leo, serm. 1 *De Resurrectione*: « Quamvis, inquit, spe salvi facti sumus, et corruptibilem adhuc carnem mortalemque gestamus, recte tamen dicimur in carne non esse, si carnales nobis non dominantur affectus; et merito ejus rei deponimus nuncupationem, cujus non sequimur voluntatem. »

SI TAMEN SPIRITUS DEI HABITAT IN VOBIS. — Ecce quid sit esse in spiritu, nimirum Spiritum Dei non transire, sed habitare sedemque permanentem figere in aliquo.

Spiritus Sanctus hic et dona ipsius per spiritum significatur. Nota, *Spiritus* hic tam Spiritum Sanctum, quam spiritum charitatis et gratiæ nobis a Spiritu Sancto communicatum et infusum significat: hic enim ab illo separari nequit; nam Spiritus Sanctus per spiritum gratiæ inhabitat in anima nostra. Pulchre S. Augustinus in *Sententiis*, num. 168: « Sicut, ait, non est a carne, sed supra carnem, quod facit eam vivere; sic non est ab anima, sed supra animam, quod eam facit beate vivere: quia ut vita carnis anima est, ita beata vita hominis Deus est. »

SI QUIS AUTEM SPIRITUM CHRISTI NON HABET, HIC NON EST EJUS. — Nota hic, eundem esse Spiritum Christi et Dei, et consequenter Christum esse Deum. Rursum, si hic est Spiritus Christi, æque ac Dei, ergo Spiritus Sanctus a Filio æque ac a Patre procedit, inquit S. Ambrosius, lib. III *De Spiritu Sancto*, cap. IX. Examine hic quisque, an sentiat in se spiritum, affectus, amores et studia, quos in se habuit vitæ suæ expressit Christus, ut videat an ipse sit Christi, an vero mundi, vel diaboli. Spiritus enim Christi humilis et cœlestis est; spiritus mundi vanus, terrenus et carnalis; spiritus diaboli superbus est, arrogans et indvidus.

SI CHRISTUS IN VOBIS EST, — per Spiritum suum Sanctum, ejusque gratiam et charitatem.

Vers. 10. 10. CORPUS QUIDEM MORTUUM EST PROPTER PECCA-

(1) Rectius, pro *igitur*: deducantur enim hæc e superioribus. Ita Allioli.

TUM. — « Corpus mortuum, » Græce est νεκρόν, id est mortale, mortis necessitati subjectum.

Notat S. Augustinus, contra Pelagianos et Philosophos, qui docent hominem etiam ante lapsum moriturum, et mori ex naturæ necessitate (quod idem docuit Eugubinus in *Genes.* II), hic ab Apostolo dici *corpus mortuum*, non propter naturam, sed propter peccatum. Secundo, dici *mortuum*, non mortale, quia ante lapsum poterat esse mortale, licet non moriturum, si nimirum in innocentia persisteret. *Mortuum* ergo est post peccatum, id est mortis necessitati factum est obnoxium, ita brevi et certo, ut quasi jam habeatur et dicatur mortuum. Ita S. Augustinus, lib. I *De Peccat. meritis*, cap. IV.

SPIRITUS VERO VIVIT PROPTER JUSTIFICATIONEM. — Legit noster Interpres ζῇ, id est vivit. Jam legunt ζωῇ, id est vita, q. d. Spiritus Sanctus, qui in se est vivens, ipsaque vita essentialis et increata, est causa vitæ nostræ spiritualis, eamque nobis communicat, dum nos facit vivere vitam non carnis, sed spiritus in charitate et gratia. Ita legunt et intelligunt S. Chrysostomus, Ambrosius, Augustinus et alii: et huic sensui favent sequentia. Nam vers. seq., spiritus intelligitur non noster, sed Spiritus Sanctus idem, ut videtur, qui hic.

Verum noster Interpres, Origenes et Theodoretus legunt, « spiritus vivit, » id est mens nostra vivit, tum jam vita gratiæ; tum vivit, id est vivet vita gloriæ in resurrectione: sicut corpus jam mortuum est propter peccatum. Vivit, inquam, « propter justificationem: » Græce διὰ δικαιοσύνης, id est propter justitiam, ut nimirum serviat justitiæ, inquit Origenes. Putat enim ipse τὸ propter significare hic causam finalem. Verum aptius τὸ propter, vel propter (utrovis enim modo veritas) significat vel causam formalem (vitæ enim spiritualis causa formalis est justitia, sive gratia infusa), vel meritoriam, hoc sensu, q. d. Vivit, id est vivet, corpus nostrum in resurrectione et cœlo propter justitiam. Justitia enim meretur hanc vitam, illius enim merces et præmium est gloria et vita æterna. Pari enim modo dicitur corpus mortuum propter peccatum, quia scilicet merito, vel potius demerito peccati poenam mortis incurrimus.

11. QUOD SI SPIRITUS EJUS (Spiritus Patris) HABITAT IN VOBIS: QUI SUSCITAVIT JESUM A MORTUIS (ipse Deus Pater), **VIVIFICABIT ET MORTALIA CORPORA VESTRA, PROPTER INHABITANTEM SPIRITUM EJUS IN VOBIS.** — « Vivificabit, » nimirum in resurrectione, hoc est, donabit vobis corpora immortalia et gloriosa: nam alioquin et reprobi tunc vivificabuntur, sed ad poenam.

Nota τὸ propter inhabitantem *Spiritum*. Hinc enim patet Spiritum Sanctum per spiritum charitatis in nobis inhabitantem esse causam resurrectionis et vitæ gloriôsæ. Est enim hic Spiritus in se vita, omnia animans, vegetans et vivificans; ac proinde sicut Christi corpus, ita et nostrum vivificabit in

Homo nonnatura, sed peccati necessitate morti est obnoxius.

Tò propter hic causam non finalem, sed formalem et meritoriam significat.

Vers. 11.

Justitia, et Spiritus Sanctus in gratia

In nobis resurrectione, si ipse in nobis inhabitet. Significat ergo hic Paulus justitiam esse causam moralem et meritoriam resurrectionis. Ita Molina *De Opere sex dierum*, disp. XXVIII (1).

Vers. 12. 12. ERGO DEBITORES SUMUS NON CARNI, UT SECUNDUM CARNEM VIVAMUS. — Supple, sed debitores sumus spiritui, ut secundum spiritum vivamus.

Christo obstricti tanquam capiti spirituali, spiritualiter vivere debemus. Nota *ergo*: colligit enim Apostolus hanc conclusionem ex dictis, *q. d.* Dixi hactenus vos non esse in carne, sed in spiritu, et a Christo translatos esse a carne ad spiritum: Christus enim novam spiritus vitam induxit. Ergo cum in baptismo nos obstrinxerimus Christo, quasi parenti et capiti nostro, sequitur pariter nos obstrictos et debitores esse non carni, ut carnaliter, sed spiritui, ut spiritualiter vivamus: Christus enim est et vivit non in carne, sed spiritu.

Vers. 13. 13. SI SECUNDUM CARNEM VIXERITIS, MORIEMINI; SI AUTEM SPIRITU (per spiritum) FACTA CARNIS MORTIFICAVERITIS, VIVETIS. — Probat hic Apostolus sex argumentis, Christianis esse vivendum non secundum carnem, sed secundum spiritum; eaque proponit sex seqq. versibus. *Primum* est hoc versu: quia si secundum carnem vivant, morientur morte gehennæ et æternæ; si autem secundum spiritum vivant, non morientur, sed vivent vita beata et æterna.

Sex argumenta, quibus ostendit Apostolus Christianis vivendum non secundum carnem, sed spiritum. *Primum.* Secundum est vers. 14, quia si secundum spiritum vivant, et dicentur et erunt filii Dei.

Tertium est vers. 15, quia ad hoc acceperunt spiritum adoptionis, ut nimirum secundum spiritum vivant.

Quartum. Quartum est vers. 17, quia si id faciant, erunt heredes Dei.

Quintum. Quintum est vers. 18, quia non sunt condignæ passionones, quas pro vita spirituali tuenda patimur, ad futuram gloriam, quæ revelabitur in nobis.

Sextum. Sextum indicat vers. 20, quia alias, si non spiritui, sed carni et creaturis serviant, servient vanitati: omnis enim caro et creatura vanitati et corruptioni subjecta est.

Pulchre S. Augustinus, serm. 13 *De Verbis Apostoli*: « Epicurei, inquit, posuerunt suam beatitudinem in carne carnisque voluptatibus; Stoici in anima, puta in virtute sua. Dicebat Epicureus: Mihi frui carne bonum est; dicebat Stoicus: Mihi frui mea mente bonum est; dicebat Apostolus: Mihi autem adhærere Deo bonum est. Errat Epicureus, fallitur Stoicus. Tunc enim recte anima vivit, si non secundum carnem, nec secundum seipsam, sed secundum Deum vivat. Sicut enim anima carnis, ita Deus animæ est vita. »

Nota *ergo mortificaveritis*. Vivunt enim in appetitu nostro carnalia desideria actusque concupiscentiæ, quibus vitaliter concupiscimus vina,

(1) Alii: *corpus*, id est natura vestra vitiosa, vos morti addidit propter peccatum, id est concupiscentiam; sed *spiritus*, pars nobilior, vivit propter justificationis gratiam.

veneres, honores aliasque res carnales. Sed hæc ipsa per continentiam et mortificationem demandanda, frenanda, eradicanda sunt, iis scilicet resistendo, eaque supprimendo; quod fieri nequit, nisi hæc desideria mortificemus, id est mortem iis afferamus. Mori enim debent, ut amplius non vivant, sed vivat in nobis virtus et continentia. Atque hinc est quod hæc concupiscentiæ, utpote vitales, sine magno animæ sensu et dolore mortificari nequeant. Magis enim vitaliter inhaerent animæ, quam dens capiti, imo quam anima ipsi corpori: si ergo dens a maxilla, et anima a corpore evelli nequit sine ingenti dolore, sequitur concupiscentias quoque has vitales ex appetitu et anima sine ingenti dolore evelli non posse: necesse est enim, ut tam hic, quam ibi mors et dolor mortis interveniat.

14. QUICUMQUE SPIRITU DEI AGUNTUR (non ut bruta, sed ut homines ratione et libertate præditi), II SUNT FILII DEI. — Unde S. Augustinus, serm. 13 *De Verbis Apostoli*: « Dicet, inquit, mihi aliquis: Ergo agimur, non agimus. Respondeo, imo et agis et ageris; et tunc bene agis, si a bono agaris. Spiritus enim Dei, qui te agit, adjutor est agentibus. Nemo autem agitur, si ab illo nihil agatur. Spiritus enim adjuvat infirmitatem nostram. » Idem, lib. *De Corrept. et Gratia*, cap. II: Intelligant, inquit, si filii Dei sunt, se spiritu Dei agi, ut quod agendum est agant; et cum egerint, illi a quo aguntur, gratias agant. Aguntur enim, ut agant, non ut ipsi nihil agant, et ad hoc eis ostenditur, quid agere debeant; ut quando id agunt, sicut agendum est, id est cum dilectione et delectatione justitiæ, suavitatem quam dedit Dominus, ut terra eorum daret fructum suum, accepisse se gaudeant. » Vide eundem de *Pugna animæ*, tom. IX. Sicut ergo Samson ad heroica fortitudinis opera patranda spiritu Dei correptus agebatur, unde antequam ea aggrediretur Samson, dicit sacra Scriptura: « Irruit spiritus Domini in Samson; » ita pariter justi et sancti ad spiritualia opera, utpote heroica opera, spiritu Dei aguntur.

15. NON ACCEPISTIS SPIRITUM SERVITUTIS IN TIMORE. Vers. 15. — Græce *ἐκ φόβου*, id est *ad timorem*, *q. d.* ait S. Chrysostomus et Theodoretus: Non accepistis spiritum servorum ad timendum, ut Judæi, qui metu pænæ a peccatis coercerantur; ut timore suppliciorum adigendi sitis ad legem Dei implendam.

Quæres: Quis sit hic spiritus timoris? Est lex, ait S. Augustinus, serm. 13 *De Verbis Apostoli*. Secundo et planius, est Spiritus Sanctus, inquit Anselmus, qui Judæis dedit legem timoris, quasi servis; nobis autem dat spiritum amoris, gratiam et veniam, quasi filiis. Tertio et planissime, spiritus timoris est spiritus servilis, quem acceperunt Judæi, ut quasi servi legi obedirent. Spiritus ergo timoris est ipse timor Judæis a Deo injectus, qui eos quasi servos agebat et impellebat, ad implendum id quod præceptum erat, quique

Omnia concupiscentiæ nobis vitaliter inhaerent, sine magno animæ dolore evelli nequeunt.

ers. 14.

Agimur et agimur; non agimur, nisi agamur.

Vers. 15.

Spiritus timoris triplicem patitur hic sensum.

eos cohibebat ab opere externo contra legem patrandō; sed internam cupiditatem compescere et evellere non poterat.

ACCEPISTIS SPIRITUM ADOPTIONIS FILIORUM, IN QUO CLAMAMUS: ABBA, PATER. — « Spiritum adoptionis, » id est charitatem et gratiam Spiritus Sancti, vel potius ipsummet Spiritum Sanctum, per quem adoptati sumus in filios Dei. Nam de Spiritu Sancto subdit, quod testimonium reddat spiritui nostro, quod sumus filii Dei. Unde ex hoc loco nota: Filiatio et adoptio nostra in eo videtur consistere, quod, sicuti Deus Christo homini dedit seipsum, id est deitatem et Verbum, ut hunc hominem qui dicitur Christus, faceret Filium Dei: ita nobis dat Spiritum Sanctum, ejusque deitatem, ut nos faciat suos filios, nosque adoptet. Sic enim apud homines pater dicitur, qui naturam suam filio communicat. Cum ergo pari modo Deus dando nobis Spiritum Sanctum, naturam suam divinam nobis communicet, sequitur eum tunc nos facere et adoptare in filios. In Eucharistia dat quidem nobis seipsum Filius, suamque naturam, sed ad cibum proprie, non autem ad generationem, vel adoptionem, uti in justificatione facit Deus et Spiritus Sanctus. Porro Spiritus Sanctus nos sibi in filios adoptat dupliciter: primo, per gratiam, quasi accidentaliter; secundo, per naturam, quasi substantialiter. In justificatione enim ipsa natura et substantia deitatis se homini communicat, miroque modo eidem se unit, uti docet Franciscus Suarez, lib. XII De Deo trino et uno, cap. v. De qua re plura dixi Osee, cap. i, 10, ac rursum dicam II Petri i, 4, ad illud: « Ut efficiamini divinæ consortes naturæ. »

IN QUO (per quem Spiritum Sanctum) CLAMAMUS (non voce, sed filiali et fiduciali affectu): ABBA (id est), PATER, — præ dulcedine et teneritudine amoris, quasi infantes teneri, qui carissimum parentem balbutientes blandula et iterata vocula compellere solent: Pater, pater. Hinc et maxime ex vers. 26 patet, ait S. Augustinus, epist. 103: « Quod sicut sine spiritu fidei non est quisquam recte crediturus, ita sine spiritu orationis nemo est salubriter oraturus. »

Nota hic, gratiam et adoptionem, æqueque operationes et effectus, licet communes sint SS. Trinitati, appropriari tamen Spiritui Sancto, quia Spiritus Sanctus procedit per voluntatem et amorem, et primus ac notionalis est amor: alioqui re ipsa, sicut se dat et communicat justis Spiritus Sanctus, sic et Pater et Filius, eosque SS. Trinitas sibi in filios adoptat, in iisque habitat. Hoc est enim quod dicitur Joan. xiv, 23: « Ad eum veniemus, et mansionem apud eum faciemus. »

ABBA, PATER, — ὁ πατήρ, id est pater, est nominativus, quem ad auxesin, pro vocativo hic poni putat Syrus. Vertit enim ipse אבא אבא abba, abun, id est abba, pater noster.

Secundo et proprie, q. d. Paulus: Abba, quod significat pater. Pater enim nominativi est casus,

additurque ut explicet Hebræum, vel potius Chaldæum Abba. Unde Biblia Regia et Romana ὁ pater includunt parenthesi. Sic dicitur Joan. i, 38: « Rabbi (quod dicitur interpretatum magister); » et Joan. ix, 7: « Siloe (quod interpretatur Misus). » Alludit enim Paulus hic ad Evangelium S. Marci, quod Romæ sciebat esse conscriptum notumque Romanis. Nam Marci xiv, 36, dicitur Abba (scilicet id est), pater. Christus enim non dixit Græce, vel Latine ὁ pater, sed tantum dixit Hebraice, vel potius Syro-chaldaice, ὁ Abba, quod explicat Marcus dicens, pater. Tangit autem has duas linguas Apostolus hic, et ad Galat. iv, 6, ait S. Augustinus, De Spirit. et Litt., cap. xxxii, et Anselmus, ad hoc ut significetur idem esse Deus, eademque apud Deum esse adoptio Judæorum et Gentium. Abba enim Judæorum, pater Græcorum et Gentium est idioma et vox.

16. IPSE SPIRITUS TESTIMONIUM REDDIT SPIRITUI NOSTRO, QUOD SUMUS FILII DEI. — « Testimonium reddit, » Græce συμμαρτυρεῖ, id est contestificatur spiritui nostro. Quod primo, sic potest accipi, quasi verbum compositum ponatur pro simplici, ut contestificatur idem sit, quod testificatur, uti vertit noster Interpres, et Græci.

Secundo, potest accipi proprie, ut contestificatur idem sit, quod simul cum spiritu nostro testatur, quasi duos hic testes filiationis nostræ producat Paulus, nimirum Spiritum Sanctum et spiritum nostrum, q. d. Spiritus Sanctus simul cum spiritu nostro testificatur nos esse filios Dei, scilicet dum nos excitat et spiritum nostrum, ut dicamus: Abba, pater.

« Spiritus Sanctus, inquit Bernardus, serm. 2 in Pentecost., donat animæ, primo, pignus salutis, scilicet testimonium quod filius Dei sis; secundo, robur vitæ, ut in laboribus, vigiliis et in omnibus observantiis delectabiliter incedas; tertio, scientiæ lumen, ut cum omnia bene feceris, te servum inutilem putes, et quidquid boni in te inveneris, illi tribuas, a quo omne bonum est. »

Nota: hoc testimonium Spiritus Sancti, quo nobis testatur nos esse filios Dei, non est certum certitudine fidei, ut volunt hæretici; hoc enim damnat Concilium Tridentinum, et Apostolus, I Cor. iv, 3, et alibi; nec etiam certum est certitudine infallibili, ut volunt Catharinus et Cajetanus; sed tantum certum est certitudine conjecturali, quæ tamen certitudo cum sanctitate crescit, adeo ut Andreas Vega, Ruardus, et eos secutus Pererius putent aliquos viros valde sanctos sine speciali Dei revelatione, ex signis et affectibus Spiritus Sancti, quos valde crebros, claros et efficaces in se experiuntur, habere certitudinem non quidem infallibilem, ita ut ausint jurare se esse in gratia Dei, sed talem et tantam, quæ omnem metum et formidinem oppositi excludat non solum ab affectu et fiducia, sed etiam ab intellectu et persuasionem: ita ut tales tam certo sciant se esse in gratia Dei, quam certo scimus

Spiritus Sanctus, ut nos adoptet in filios, se nobis communicat.

Quid requiratur ad spirituales generationem?

Adoptio, et gratia collatio, cur approprietur Spiritui Sancto?

Deus pater est Judæorum et Gentium.

Vers. 16.

Triplex bonum, quod animæ: justitiam, donat Spiritus Sanctus.

Testimonium, Spiritus Sancti, quo nobis testatur nos esse filios Dei, non adfert certitudinem fidei contra hæreticos.

Quantam certitudinem habeant perfectiores de sua salutem?

et credimus Constantinopolim vel Alexandriam esse, ex eo quod passim omnes dicunt illas urbes esse et existere.

Dices : Testimonium hoc est a Spiritu Sancto, ergo est omnino certum.

Testimonium Spiritus Sancti et spes conjuncta habet incertitudinem et timorem. Respondeo : In se quidem est certum, nobis tamen non est certum; quia non sumus certi omnino illud esse a Spiritu Sancto, non autem a diabolo. Unde I Joan. iv, 1, dicitur : « Probate spiritus, si ex Deo sint, » an diabolo, a natura et a pharisæis. Experientia enim quotidiana docet plurimos hic falli. Nam hæretici omnes jactant Spiritum Sanctum; qui tamen contraria docent et credunt, suntque in sectas quam plurimas divisi, et quisque certo sibi persuadet se agi et illuminari a Spiritu Sancto, cum constet plerisque, imo omnes falli : nec enim Spiritus Sanctus contraria, præsertim erronea et hæretica, docet vel inspirat. Si in fide et certitudine fidei suæ falli possunt, multo magis in certitudine gratiæ et charitatis falli possunt. Unde I Cor. iv, 4, Apostolus de se dubitat dicens : « Nihil mihi conscius sum, sed non in hoc justificatus sum. » Apostolus ergo hic per hoc testimonium Spiritus Sancti, non vult inducere fidem specialem justitiæ cujusque fidelis, sed tantum vult corroborare spem nostram. Spes autem non exigit sui objecti plenam certitudinem, sed potius cum incertitudine et timore illud amittendi conjuncta est.

Testimonium Spiritus Sancti quintupliciter intelligi potest. Quæres : Quodnam est hoc testimonium? Respondet primo Origenes, esse hoc, quod aperimur nos ex amore legem Dei implere, non ex timore.

Secundo, Ambrosius et Anselmus respondent esse imitationem Dei et Christi; per illam enim finis similes Deo, ac consequenter filii Dei.

Tertio, Theodoretus respondet testimonium hoc esse sacram doctrinam, quæ docet Deo, quasi patri obediens, eumque invocantes esse filios Dei.

Quarto, Sedulius respondet esse Spiritum Sanctum qui datus est nobis. Hic enim testatur nos esse filios Dei.

Quinto, optime S. Chrysostomus et Toletus respondent, testimonium hoc esse clamorem, de quo locutus est Apostolus vers. præced.; dum enim clamamus filiali affectu : *Abba, pater*, per Spiritum Sanctum, ipse clamor noster, et Spiritus Sanctus, auctor hujus clamoris, nobiscum testatur, ut habet Græcus, spiritui, id est menti nostræ, nos esse filios Dei, maxime si accedat pia vita, mundi contemptus, cœlestium desiderium, innocentia, pax conscientiæ, libenter audire et cogitare de Deo et rebus salutis, zelus honoris Dei et salutis animarum, pro Deo multa pati, ac præsertim, si, ut Cajetanus solerter annotavit, quis in se hæc duo sentiat : **primo**, amorem Dei, ad prompte obediendum Spiritui Sancto; **secundo**, continuam Dei gubernationem, quasi paternam, qua se ad bona opera dirigat, et a peccatis gra-

vioribus custodiat; addit **tertio** S. Gregorius, lib. I *Dialog.* cap. 1, humilitatem, si illa cum aliis virtutibus jungatur; addit **quarto** S. Basilii, odium ingens peccati, ac zelum ad illud in se et in aliis extirpandum. Ita enim ipse, interrog. 296 in *Regul. brevioribus*, querit : « Qua ratione, inquit, persuaderi possit animæ cuiquam, quod a peccatis sit libera » et expurgata, ac consequenter quod Dei sit amica et filia? ac respondet : « Si quis in seipso animi affectionem illam similem David inesse animadverterit, apud quem est : Iniquitatem odio habui, et abominatus sum; aut assecutum se præceptum illud Apostoli, qui dixit : Mortificate igitur membra vestra, quæ sunt super terram, fornicationem, immunditiam, libidinem, concupiscentiam malam et avaritiam, quæ est simulacrorum servitus, propter quæ venit ira Dei super filios incredulitatis; ut vere dicere illud possit : Non adhesit mihi cor pravam, declinantem a me malignum non cognoscebam. » Deinde hujus odii peccati hoc dat signum : « Porro intelligit aliquis se in hujusmodi affectione positum, si etiam adversus peccantes admirabilem et horrore plenam sanctorum virorum misericordiam illam imitatus sit, velut David quidem, apud quem est : Vidi prævaricantes, et tabescebam; Apostoli vero, qui ait : Quis infirmatur, et ego non infirmor? quis scandalizatur, et ego non uror? Quodcumque igitur quis vel in suis, vel in alienis peccatis eo modo, quo diximus, animo affectum se esse animadverterit, tunc sine dubio credat se liberum esse a peccato, » ac consequenter se esse in gratia, adeoque esse filium Dei.

Denique tria his similia signa dat S. Bernardus, serm. *De quatuor orandi modis* : « At fortasse quæras, inquit, unde aut quomodo nosse poteris, utrum hanc consecutus sis indulgentiam. Sic nimirum conservandæ humilitatis gratia, divina solet pietas ordinare, ut quanto quis plus proficit, eo minus se reputet profecisse. » Ac post pauca : « Tunc ait Dominus paralytico : Surge, tolle lectum tuum, et ambula. Et tu ergo **primo**, si jam surgis desiderio supernorum; **secundo**, si grabatum tollis, corpus scilicet a terrenis elevans voluptatibus, ut jam non feratur anima concupiscentiis ejus, sed magis ipsa, ut dignum est, regat illud, et ferat quo non vult; **tertio**, si demum ambulas; quæ retro sunt obliviscens, et ad ea quæ ante sunt te extendens, desiderio et proposito proficiendi : curatum te esse non dubites; neque enim surgere poteris, si non aliquatenus onus esset alleviatum, nec grabatum tollere, nisi exoneratus magis; quia nec ambulare in fervore conversationis cum peccatorum gravi mole possibile est. »

Ex hisce signis et testimoniis oritur in anima nostra certitudo conjecturalis justitiæ et sanctitatis nostræ, quæ nobis sufficere debet, nec alia quaerenda est : Deus enim vult nostram spem sanctita-

Detestari et abominari peccatum in se et aliis est signum status gratiæ.

Tria signa a S. Bernardo adferuntur status gratiæ.

Quatuor efficacia testimonia, quod quis sit filius Dei.

Certitudo conjecturalis justitiæ et sanctitatis nostræ, quæ nobis sufficere debet, nec alia quaerenda est : Deus enim vult nostram spem sanctita-

tis cur
nobis
sufficere
debeat?

mixtam esse formidine, nosque sollicitos ac suspensos tenere, ut securitate non torpescamus, sed cum metu et tremore, vigilantem et studiose nostram salutem operemur. Unde pulchre S. Gregorius, *epist.* 186, quæ est libri sexti 22, ad Gregoriam, cubiculariam Augustæ, petentem sibi dari plenam certitudinem (qualem pollicentur Novantes nostri) et revelationem de remissione peccatorum suorum, ita rescribit: « Quod vero dulcedo tua in suis epistolis subjunxit, importunam se mihi existere, quoadusque scribam mihi esse revelatum, quia peccata tua dimissa sunt, rem et difficilem, etiam et inutilem, postulasti. Difficilem quidem, quia ego indignus sum, cui revelatio fieri debeat: inutilem vero, quia secunda de peccatis tuis fieri non debes, nisi cum jam in die vitæ tuæ ultimo plangere eadem peccata minime valebis. Quæ dies quousque veniat, suspecta semper ac semper trepida metuere culpas debes, atque eas quotidianis fletibus lavare. » Deinde idipsum exemplo S. Pauli confirmat dicens: « Certe Paulus Apostolus jam ad tertium cælum ascenderat, in paradysum quoque ductus fuerat, arcana verba audierat, quæ homini loqui non liceret; et tamen adhuc trepidans dicebat: Castigo corpus meum, et servituti subicio, ne forte aliis prædicans, ipse reprobis efficiar. Adhuc timet, qui jam ad cælum ducitur, et jam timere non vult, qui adhuc in terra conversatur? » Denique causam hujus incertitudinis subdit, dum ait: « Perpende, dulcissima filia, quia mater negligentia solet esse securitas: habere ergo in hac vita non debes securitatem, per quam negligens reddaris. Scriptum est enim: Beatus vir qui semper est pavidus. Et rursus scriptum est: Servite Domino in timore, et exultate ei cum tremore. In paucis ergo hujus vitæ tempore mentem vestram necesse est ut tremor teneat; quatenus per securitatis gaudium sine fine postmodum exultet. »

Vers. 17.

17. SI AUTEM FILII (Dei sumus, ergo) ET HÆREDES — Dei sumus. Dices: Ergo non opus est bonis operibus. Si enim vita æterna nobis obtingit ex hereditate, ergo non ex meritis bonorum operum.

Filiatio Dei et jus hæreditatis cælestis stabilendum bonis operibus.

Respondeo: Nego consequentiam, quia filiatio hæc accepta in baptismo, et consequenter jus ad hæreditatem cælestem, conservanda et augenda sunt per bona opera, præsertim patientiæ; quibus eandem hæreditatem et gloriam, atque gloriæ augmentum mereamur. Sic enim Deus ordinavit, ut qui facit justitiam, justus sit et hæres Dei, utque tanta felicitas et gloria nonnisi per labores, dolores et cruce, magnamque et multam patientiam, cum Christo nobis obtingat. Unde subdit Apostolus: « Si tamen compatimur (patimur cum Christo), ut et (cum eo) conglorificemur. » Nervose S. Cyprianus, *serm.* 2 *De Zelo et livore*: « Si hominibus, ait, lætum est et gloriosum filios habere consimiles, et tunc magis generasse delectat, si ad patrem lineamentis paribus soboles

successive respondeat: quanto magis in Deo Patre lætitia est, cum quis sic spiritualiter nascitur, ut actibus ejus et laudibus divina generositas prædicetur? » Et S. Augustinus, *epist.* 83 *ad Consentium*: « Cogitemus nos tanto similiores Deo, quanto esse poterimus ejus participatione justiores. »

Nota: Apostolus duodecim hic argumentis hortatur fideles ad patientiam, et opera patientiæ: singula enim ejus verba pondus habent, et pleraque novam rationem et stimulum suggerunt.

Primo enim ait: Si tamen compatimur, *q. d.* Christus dux noster in cruce præit, quidni eum quasi milites generosi sub crucis vexillo subsequamur?

Secundum est, cum subdit: Ut et conglorificemur, *q. d.* Non qualem qualem, sed ipsam Christi Filii Dei gloriam, pro præmio assequemur, ut, sicut communis fuit nobis passio cum Christo, ita communis sit et gloria.

Tertium est, quod ait vers. 1: Non sunt condignæ passionibus, *q. d.* Modica passione emes gloriam immensam; quasi si obolo emeris totum orbem. Si quis etiam hostis coronatos aut gemmas in dorsum tuum conjiceret, non doleres, sed gauderes, colligeres eas; et, ut aiebat S. Juniperus: Talibus lapidibus lapidari vellem Parisiis Aureliam usque. Hæ gemmæ, hi lapides pretiosi, sunt tribulationes.

Quartum est, quod ibidem addit: Hujus temporis, *q. d.* Momentanea passione emes beatam æternitatem.

Quintum est, vers. 19: Nam expectatio creaturæ revelationem filiorum Dei expectat, *q. d.* Omnes creaturæ nobiscum patiuntur et expectant, ut per nostram patientiam nobiscum gloriam et renovationem adipiscantur. Ergo pati oportet illarum tam exemplo, quam commodo, quia nostra patientia omnibus hanc gloriam conciliabimus.

Sextum est, quod ait ibidem: Revelationem filiorum Dei expectat, *q. d.* Cœpimus esse filii Dei, sed perficere oportet hanc filiationem, ut per patientiam adoptionem et hæreditatem filiorum Dei in cœlis assequamur.

Septimum est, quod affert vers. 22: Omnis creatura ingemiscit et parturit usque adhuc, *q. d.* Aliæ creaturæ ab exordio mundi hucusque patiuntur, homo autem brevi tempore vitæ suæ: quidni ergo fortiter ferat brevem crucem, quam constanter creaturæ aliæ per tot sæcula tulerunt?

Octavum, quod habet vers. 23: Expectantes redemptionem corporis nostri, *q. d.* Corpus hoc miserum et ærumnosum per patientiam fiet impassibile et gloriosum: patientiam ergo hanc animose amplectamur.

Nonum est, vers. 24: Spe, inquit, salvi facti sumus, *q. d.* Certam habemus spem, nos brevi omni passione liberandos: spes hæc animos excitet ad dura quævis toleranda. « O passi gra-

Duodecim argumenta incitantia ad patientiam adferuntur ab Apostolo. Primum.

Secundum.

Tertium.

Tribulationes, gemmæ et lapides pretiosi, quibus Sancti lapidantur.

Quartum.

Quintum.

Sextum.

Septimum.

Octavum.

Nonum.

viora, dabit Deus his quoque finem, » et finem celerem.

Decim. *Decimum* est : Spiritus, inquit, adjuvat infirmitatem nostram, et postulat pro nobis : quidni ergo tali adiutore et succollatore fortiter crucem nostram humeris excipiamus?

Undecim. *Undecimum* est, vers. 28 et seqq. : Diligentibus, inquit, Deum omnia cooperantur in bonum. Fera mus ergo alacriter infamiam, morbos, famem, ærumnas, persecutiones, mala omnia; quia hæc omnia nobis Deus in bonum convertet.

Duodecim. *Duodecimum* est, vers. 29, quod patientes sint prædestinati : Deus enim suos amicos et electos prædestinavit, ut sint conformes Filio suo, tam in patientia, quam in gloria. Denique si Deus pro nobis, quis contra nos?

Vers. 18. 18. NON SUNT CONDIGNÆ (S. Augustinus legit *indignæ sunt*) PASSIONES HUIUS TEMPORIS AD FUTURAM GLORIAM (1), — scilicet quatenus passiones

humanæ sunt et temporaneæ : eædem tamen ad gloriam futuram condignæ sunt, quatenus sunt passiones gratiæ Christi meritis innixæ, seu quatenus hæc passiones per gratiam Christi suscipiuntur et tolerantur. Explico : si passionum nostrarum naturam, vim, dignitatem, in se, et ut nostri sunt arbitrii, cum libere et voluntarie sufferuntur; si earumdem acerbiter, multitudinem, durationem aliasque circumstantias naturales spectes; non sunt condignæ ad futuram gloriam; si vero passiones hasce spectes, prout gratia et charitate Dei informantur, ab eaque manant, sive prout ex Dei amore, fide, spe, cultu, obedientia et patientia Christiana suscipiuntur et tolerantur, sic condignæ sunt ad futuram gloriam : sic enim sunt actus gratiæ, charitatis, patientiæ, etc.; gratia autem semen est gloriæ. Itaque sicut semen, licet in se exiguum, vim tamen et efficaciam seminalem habet producendi flores, frondes et fructus : ita tam passio, quam actio manans ex gratia et charitate Dei, licet in se exigua sit, vim tamen habet et efficaciam producendi tum physice et dispositive (est enim gratia dispositio ad gloriam, illique connaturalis), tum potius moraliter et meritorie gloriam cœlestem et beatam. Huius sententiæ et axiomatis parallela

Gratia semen gloriæ, dispositio ad gloriam, gloriæ connaturalis.

est ista quam S. Furseus auditur concinentes angelos : « Nullus labor durus, nullum tempus longum quo gloria æternitatis acquiritur, » uti refert Venerabilis Beda, lib. III *Historiæ Anglicæ*, cap. XIX.

Ergo nihil hic habent hæretici ut tollant meritum; nam eodem modo de Christo dicere poterat, imo dixit Apostolus : « Non sunt condignæ passiones huius temporis, tam Christi, quam nostræ scilicet, ad futuram gloriam. » Sicut ergo modicum auri valet equum aut bovem, tum sui valore et pretio, tum ex institutione et æstimatione hominum : sic modicum in se opus ex gratia factum, meretur vitam æternam, tum sua ipsius dignitate et pretio; tum ex promissione et institutione Dei. Pari modo non sunt condignæ voluptates huius sæculi ad pœnas æternas, quas tamen juste eos mereri qui iis indulgent, nemo negat.

Hiscæ tamen jam dictis ad plenam explicationem sententiæ huius Paulinæ adde : etiamsi opus bonum spectes, quatenus ex gratia et charitate fit, adhuc tamen propriæ et adæquate non est condignum ad tantam gloriam : licet enim cum ea proportionem quamdam habeat, non tamen æquam dignitatem; quæ enim proportio est inter terrenam passionem et martyrium unius horæ, cum æterna et immensa gloria cœlesti?

Passio et opus bonum quam proportionem habeat cum æterna gloria.

Audi S. Augustinum in *Sententiis*, num. 272 : « Sæviat, ait, et fremat mundus, increpet linguis, coruscet armis; quidquid fecerit, quantulum illud erit ad illud quod accepturi sumus? Appendo quod patior contra id quod spero : hoc quidem sentio, illud spero; et tamen incomparabiliter majus est quod speratur, quam quod aufertur. Quidquid est quod contra Christi nomen sævit, si potest vinci, tolerabile est : si non potest, proficit præmio citius consequendo; et fidelis fine temporalis mali, transit in perceptionem æterni boni. » Eodem dilemmate S. Sebastianus martyr (ut habetur in ejus Actis) SS. Marco et Marcelliano acerrime tentatis a suis parentibus, et jam nutantibus, persuasit constantiam in fide et martyrio, dicens : Omnis labor et dolor huius vitæ obitus pro Christo, aut lentus et longus est, aut acer et intensus. Si acer, brevis est, et diu durare nequit mortemque accelerat; si lentus, tolerabilis est. State ergo fortiter, tolerate et lentos et acres dolores, quia hi parient vobis coronam et gaudium immensum æque ac æternum.

Rursum : « Si quotidie, ait idem Augustinus, serm. 2 *De Festo omnium Sanct.*, oporteret nos tormenta perferre, si gehennam ipsam parvo tempore tolerare, ut Christum videre digni essemus venientem in gloria, et Sanctorum ejus numero sociari, nonne erat dignum pati omne quod triste est, ut tantum boni tantæque gloriæ participes haberemur! » Vide eundem serm. 37 et 44 *De Sanctis*. Hinc aiebat S. Franciscus : « Tanta est gloria, quam exspecto, ut omnis me pœna delectet, omnis morbus, humiliatio omnis, persecutio omnis,

SS. Francisci et Abibi de passio-

(1) Apostolus, laudatis superius atque commendatis insignibus beneficiis a Christo et Christianismo allatis, pergit ad caput de miseriis quibus anguntur Christiani. Objici poterat, cum tanta Christianæ religionis laude haud facile conciliari posse pressuras et calamitates ubique obvias. Hanc offensam removet Paulus, tum admonitione, quod nondum omnimoda felicitas obtingere possit hominibus, quæ potius futuro tempori reservetur, ac spe tantum capiatur, vers. 19-25; tum commendatione præsentis fructus, quem inter ipsas miserias religio Christiana afferat, 26-39, quum nos certos reddit, secundum ordinationem divinam piis Dei cultoribus etiam mala ad bonum cedere, vers. 28, eosque olim fore felicissimos, exemplo Christi, cui nonnisi per miserias huius vitæ aditus ad summum felicitatis dignitatisque culmen pervenisset, vers. 29 seqq.

num to-
lerantia
illustra
apo-
phtheg-
mata.

mortificatio omnis. » Et Abibus, diaconus et martyr, ut habetur in Actis ejus, cum in persecutione Licinii sub annum Christi 316, Edessenam civitatem obiret, omnes confirmans ad pietatem et constantiam in fide, captus a Lysania, unguis laceratus, suspensus, omnibusque membris distortus atque luxatus, rogatus a Præsidente, quamnam ei utilitatem tormenta conciliarent, quæ corpus illius tantum consumebant, respondit Christi Martyr : « Non ad præsens usque tempus, inquit, nostra consistunt, nec ea solum sequimur, quæ cernuntur. Quod si tu quoque volueris aspicere ad spem et promissam nobis remunerationem, forte etiam dices cum Paulo : Non sunt condignæ passionibus hujus temporis ad futuram gloriam quæ revelabitur in nobis. » Qua de causa in ignem conjectus ore flammam excipiens, spiritum martyris Deo reddidit.

Huc quoque pertinet illud S. Gregorii, lib. VI *Moral.*, cap. VIII : « Sancti viri, inquit, foris despecti sunt, et velut indigni omnia tolerant, sed dignos se supernis sedibus confidentes, æternitatis gloriam cum certitudine expectant. » Refert Joannes Moschus in *Prato spirit.* (qui liber in II Nicæna Synodo generali citatur), cap. cxxx, quod Abbas Athanasius audierit choros laudantium Deum, cumque vellet ad eos ingredi, audiit : « Nemo huc ingreditur negligens : abite, certate, contemnite vanitatem sæculi. »

Pulchre et apposite S. Bernardus, *De Conversione ad Cleric.*, cap. xxx : « Non sunt condignæ, ait, passionibus hujus temporis ad præteritam culpam quæ remittitur, ad præsentem consolationis gratiam quæ immittitur, ad futuram gloriam quæ promittitur nobis. » Et alibi : « Propter quatuor totam vitam nostram debemus Christo. Totos nos debemus satisfactioni pro peccatis præteritis, totos creatori, totos redemptori, totos futuræ gloriæ. Ecce quatuor creditores, quibus nos totos debemus. »

Vers. 11. 19. NAM EXPECTATIO CREATURÆ REVELATIONEM FILIORUM DEI EXPECTAT. — Nota, quod *nam* dat rationem præcedentium, *q. d.* Certissimo in nobis, totique mundo revelabitur hæc gloria, quia omnis creatura eam avidissime expectat : videturque innatum et insitum a Deo illi hoc desiderium : quod sicut Deus illi inseruit, ita et explebit.

Qualis in creaturis sit expectatio gloriæ? EXPECTATIO. — Græce ἀπεκκαραδία, id est sollicita, anxiosa, ut ait Theophylactus, et quasi erecto exsertoque capite expectatio. S. Hilarius, lib. XII *De Trinitat.*, vertit, *longinqua*; Ambrosius, *frequens expectatio*, scilicet ab origine mundi. Componitur enim hæc Græca vox, ex ἀπὸ, id est a, et κεφαλή, id est caput, et δεικνύναι, id est videre; quia qui valde aliquid videre desiderant, porrecto capite, subinde illud prospiciunt aut suspiciunt in altum, uti in montes aut in cælum, quasi rem desideratam inde expectent.

Nota emphasim : Non dicit : Creatura expectat, sed, Expectatio creaturæ expectat; *q. d.* Crea-

turæ ita avidè hanc gloriam expectant, ut videantur esse ipsa expectatio.

CREATURÆ. — Primo, Origenes, Theodoretus et Nazianzenus, orat. 4 *Contra Julian.*, et Cyrillus, lib. III *Thesauri*, cap. I et VII, per creaturam intelligunt angelos, qui vanitati et servituti corruptionis non suæ, sed hominum, maxime electorum serviunt, et ab hac servitute liberabuntur in hominum resurrectione. Verum hæc expositio distorta et pene violenta videtur : nec enim angeli, cum sint beati, propter hominum vanitatem proprie dici possunt subjecti vanitati, et in ea esse inviti, ab eaque fore liberandi, ut recte annotavit D. Thomas.

Secundo, S. Augustinus hic in expositione proposita supra, et lib. LXXXIII *Quæstionum*, Quæst. LXVII; Anselmus, Gregorius, lib. IV *Moral.*, cap. XLI; Andreas Masius, in *Josue* cap. VI, vers. 15; Catharinus et Cajetanus hic : *omnis creatura*, inquit, id est omnis homo, qui est nodus et vinculum omnis creaturæ, et microcosmus, et mundi miraculum, ut aiebat Trismegistus : quia nimirum homo ab omnibus creaturis aliquid participat, scilicet ab elementis esse, a plantis vegetari, ab animalibus sentire, ab angelis ratiocinari; et sic omnes creaturæ in homine et cum homine patiuntur, optantque inde liberari. Homo enim, qui constantiæ statum volens deseruit, pressus justo mortalitatis pondere, nolens vanitati, id est mutabilitati corruptionis suæ servit. Sic creatura capitur pro homine, *Marci* cap. ult., vers. 15. Aliter etiam S. Augustinus supra : *Creatura*, inquit, id est homo infidelis, liberabitur a servitute corruptionis, id est a peccato; quia vocabitur ad fidem, fietque filius, ut postea libertatem gloriæ filiorum assequatur. Verum Apostolus loquitur hic de liberatione a corruptione, non peccati in hac vita, sed mortalitatis in futura.

Tertio, et optime creatura hic proprie accipitur. Nam, vers. 22, opponitur hominibus et filiis Dei. Ita S. Chrysostomus, Theodoretus, Theophylactus, Oecumenius, Ambrosius, lib. IV *Hexameron*; Hilarius, lib. XII *De Trinit.*; Sotus, Adamus, Pererius et Toletus. *Creatura* ergo hic sunt cæli, elementa omniaque creata; ut sit prosopopœia, *q. d.* Paulus : Omnes creaturæ avidissime naturali appetitu expectant tempus, quo filii Dei gloria donabuntur, ut cum eis quibus servierunt, quasi dominis, ipsæ quoque suam gloriam, renovationem ac perfectionem, tanquam famuli accipiant. Sic arbor per appetitum, non rationalem, nec animale, sed naturalem, dicitur expectare suum fructum, et semen suam messem, *q. d.* Apostolus : Atque hoc magnum est argumentum, gloriam illam nobis preparatam ingentem esse et inæstimabilem, quod omnes creaturæ etiam insensibiles totæ ad illam anhelent.

20. VANITATI CREATURA SUBJECTA EST NON VOLENS, SED PROPTER EUM, QUI SUBJECTUS EAM IN SPE, — « Vanitas » hic est defectus mutabilitatis, et opera ser-

Per creaturam intelliguntur angeli, ut quidam.

Per creaturam intelligunt hominem microcosmum participantem aliquid de omnibus creaturis

Per creaturam intelligit Paulus cælos, elementa et omnia creata, quæ renovationem suam in hominibus resurrectione expectant.

Triplex
hujus lo-
ci expli-
catio.

vilis, labores, passionem et corruptiones, quibus creatura occupantur propter hominem, ut patet ex sequent. (1). Hinc Chrysostomus, Theodoretus, Theophylactus et Eucumenius aiunt cœlos esse corruptibiles, intellige qualitate, non substantia.

Secundo, Erasmus Græcum παραίετρα, vertit *frustrationem*, q. d. Natura non assequitur quod intendit, dum unum individuum ex alio propagat, ne species intercidat, ea re moliens quasi immortalitatem quamdam; sed frustra: nec enim eam assequetur ante resurrectionem nostram.

Hæresis
Origenis
soli, lu-
na, cœ-
lis et ele-
mentis
animam
tribuen-
tis.

Tertio, Origenes, lib. I *Periarchon*, VII: Vanitas, inquit, hæc sunt corpora, in quæ animæ ante corpus existentes ob peccata sua sunt de-trusæ; et talia corpora sunt etiam sol, luna, imo et terra et cœli. Hæc enim omnia habent animas, quæ ante ea extiterunt, ac consequenter possunt ipsa peccare, iudiciumque Christi æque ac homines subibunt. Hæc ergo corpora proprie expectant resurrectionem, et ut a corruptione liberentur, proprie sperant et ingemiscunt. Hæc est Origenis hæresis, de qua Epiphanius, *hæresi* 64, et S. Hieronymus *ad Avitum*, absona sane et absurda. Est enim contra omnem rationem, philosophiam, experientiam.

Vanitas
et muta-
bilitas a
creatura
inclinati-
one a-
liena.

NON VOLENS, — id est, non sponte (uti legit Comment. S. Hieronymo ascriptus, et Hilarius superius citatus), hoc est, non ex naturali inclinatione: quæque enim creatura naturaliter amat suum esse, et conservari, suamque perfectionem, ideoque abhorret ab hac vanitate et corruptione. Ita D. Thomas. Creatura ergo vanitati huic subjecta est non sponte sua, sed propter eum (Deum Deique ordinationem) qui huic vanitati eam subiecit, propter hominem, ut scilicet illi serviat in hoc mortali statu.

IN SPE, — sub spe liberationis et commutationis in melius in communi hominum rerumque omnium resurrectione et renovatione.

Vers. 21.
Triplex
hujus lo-
ci sensus.

21. CREATURA LIBERABITUR A SERVITUTE CORRUPTIONIS, IN LIBERTATEM GLORIÆ FILIORUM DEI. — *Primo*, Ambrosius legit in *libertate*, cum scilicet in illa erit, q. d. Cum libertatem, id est incorruptionem, adepti fuerit. Sic et Theodoretus.

Secundo, S. Chrysostomus: in, id est propter, vel in commendationem libertatis et gloriæ filiorum Dei. Sicut enim nutrix pueri regii, cum puer coronatur, et ipsa propter ipsum de bonis regis participat: ita pariter, cum homo gloria donabitur, hanc ejus gloriam cæteræ creaturæ, quæ homini servierunt, participabunt, inquit Chrysostomus.

Tertio et planius, « in libertatem, » id est in imitationem, vel ad exemplum libertatis filiorum Dei, ut similem quamdam libertatem, stabilitatem et immortalitatem creaturæ aliæ accipiant. In ergo

(1) V. g., solem et lunam pro numine habuere; aurum et argentum irritamentum sunt cupiditatis, et multa alia, usui congrua data, superbiam, gulam, luxuriam inseruiunt.

exemplarem, vel etiam finalem causam significat. Ita Pererius et Toletus (2).

Nota: Libertas gloriæ hic idem est, quod libertas gloriosa. *Secundo*, libertas hæc non naturæ, nec gratiæ, sed gloriæ, est liberatio ab omni miseria, infirmitate, afflictione, corruptione, adeoque ab omni malo animi et corporis, culpæ et pœnæ.

22. SCIMUS QUOD OMNIS CREATURA INGEMISCIT ET PARTURIT USQUE ADHUC. — Hinc hæretici quidam apud S. Augustinum, *Quæst.* LXVII inter LXXXIII, multa impia et inepta de angelis tradiderunt, v. g. quod omnes in dolore et gemitibus sint, donec nos homines penitus ab omni miseria liberemur. Verum hæc frivola sunt; et Apostolus non loquitur de angelis, ut dixi, sed de creaturis inanimis et irrationabilibus, q. d. Omnes creaturæ inanimæ anxie, et magno cum dolore finem malorum expectant. Est enim prosopopœia, ut notat S. Chrysostomus et Theophylactus, per quam Apostolus duo significat: *primo*, continuas et magnas passiones, corruptiones et mutabiles creaturarum; *secundo*, ab eis vehementem aversionem, ita ut si haberent sensum, gement quasi parturientes, idque ab exordio mundi et lapsus hominis, usque nunc.

23. SED ET NOS IPSI PRIMITIAS SPIRITUS HABENTES, ET IPSI INTRA NOS GEMIMUS, ADOPTIONEM FILIORUM DEI EXPECTANTES. — Nota rō *primitias spiritus habentes*. *Primo* S. Augustinus, lib. LXXXIII *Quæst.*, *Quæst.* LXVII, sic explicat, q. d. Nos Christiani, qui nos quasi primitias Deo obtulimus.

Secundo et melius, S. Ambrosius et Anselmus, q. d. Nos Apostoli, qui prima et potiora Spiritus Sancti dona accepimus, videmurque vobis admirabiles, gemimus tamen sub hoc onere corporis.

Tertio et optime, S. Chrysostomus, Theodoretus et Cyrillus, lib. XIV *Theaur.* cap. 1: Omnes, inquit, Christiani (præsertim primitivæ illius Ecclesiæ) cum justitia accipiunt primitias spiritus, quia primos fructus et pinguedinem spiritus, scilicet veram Dei cognitionem, et amorem, ac veræ felicitatis spem habent et prælibant, idque sæpe cum affluentia divinæ consolationis; hæc enim gratia et hæc vita pia et christiana, sunt primitivæ redemptionis et liberationis a peccato, cui accedet consummata gratia, scilicet felicitatis et gloriæ, et perfecta redemptio ac liberatio ab omni malo, quæ fiet in resurrectione: hæc enim erit corporis nostri redemptio a morte omnique miseria, ad quam gemimus et anhelamus. Nam Paulus hic non solis Apostolis, sed omnibus Christianis loquitur, ut patet vers. 15 et 24.

ADOPTIONEM. — Nota: In primo instanti justificationis infunditur homini charitas et gratia, per quam homo particeps fit divinæ naturæ, et consequenter acceptus ad gloriam, et hæres Dei;

(2) Alii, etc., pro *iv*, id est, eo tempore quo filii Dei gloriosa fruuntur libertate.

Vers. 22.

Aliquo-
rum hæ-
resis di-
centium
angelos
genero
et versari
in dolo-
re.

Creatu-
ræ ge-
munt
dum cor-
rumpun-
tur et mu-
tan-
tur.

Vers. 23.

Triplex
sensus
horum
verbo-
rum.

Dulcedo
spiritus
et conso-
lationis
primiti-
væ Ecclæ-
siæ.

ideoque hoc ipso fit filius Dei adoptivus, sicut Christus est Filius Dei naturalis, ut patet vers. 17. Itaque adoptio nostra, qua adoptamur in filios et hæredes Dei, contingit nobis in ipsa justificatione.

Adoptio nostra contingit in justificatione. Quod ergo hic Apostolus ait, in cœlis demum dandam esse hanc adoptionem, intellige consummatam, quæ est ipsa possessio juris et hæreditatis, ad quam adoptati sumus, videlicet redemptio corporis nostri, quæ partim erit liberatio a mortalitate et concupiscentia, partim gloria corporis ex animæ gloria dimanans: ita S. Chrysostomus et S. Ambrosius, *epist.* 22. Adoptio ergo inchoata fit hic, sed perfecta erit in cœlo. Pari modo de salute bifariam loquitur Apostolus; nam ad *Ti-tum*, III, 5, dicit: « Salvos nos fecit per lavacrum regenerationis; » e contrario vero hic ait: « Spe salvi facti sumus. » Eadem enim ratio est salutis, quæ adoptionis, scilicet salus inchoata est iustitia, qua salvamur a morte animæ, puta a peccato; hæc nobis contingit in baptismo, ut ipse dicit ad *Ti-tum*, III. Perfecta vero salus ab omni miseria et malo continget nobis in cœlo: unde eam necdum habemus, sed speramus; et hoc est quod hic ait: « Spe salvi facti sumus, » *q. d.* Speramus salutem, quam hic per gratiam inchoavimus, complendam fore in nobis per gloriam in cœlo (1).

Adoptio et salus dupliciter inchoata et perfecta.

Vers. 24. Non tantum fides, sed et spes necessaria ad salutem. **24. SPE ENIM SALVI FACTI SUMUS.** — Tò enim dat causam cur dixerit nos expectare hanc adoptionem filiorum in cœlis, quia scilicet necdum re, sed tantum spe salvi facti sumus: per spem enim tendimus ad salutem, quam speramus nos adepturos in cœlo. Hinc patet non solam fidem, sed et spem requiri ad salutem.

Tropologice vide S. Augustinum, *serm.* 25 *De Verbis Apostoli*, de longanimitate et constanti spe.

SPES AUTEM QUÆ VIDETUR, NON EST SPES. — *q. d.* Spes, id est *res sperata*, si adsit, si possideatur, non amplius speratur. Transit Apostolus ab actu et habitu spei, ad ejus objectum; unum enim cum altero connexum est. Pendent hæc a sequentibus. Hisce enim verbis solatur Apostolus fideles, qui hic multa patiuntur, ob spem gloriæ; suggerit enim sæpe mens afflictæ homini afflictio: Ubi est quod speras? vides tua mala quæ pateris, non vides gloriam propter quam pateris. Huic suggestioni occurrit hic Apostolus dicens, nos mala præsentia videre, sed futura bona necdum videre, verum ea sperare, et per patientiam expectare debere.

Bona invisibilia speranda pro malis præsentibus.

NAM QUOD VIDET QUIS, QUID SPERAT? — Cur speret? *q. d.* Frustra quis sperat id quod jam videt, tenet et possidet. Est enim hic catachresis in verbo *videt*; videre enim hic ponitur pro quovis sentire, cognoscere, frui, possidere. Sic vulgo dicitur quispiam cernere hæreditatem, id est eam adire et possidere. Est enim visus sensuum omnium

certissimus et nobilissimus, per quem mens objecta visa quasi tangit et possidet. Loquitur enim Apostolus non de visione Dei, sed de gloria corporis possidenda: hæc enim est redemptio corporis nostri, uti dixi.

Nota: hæc Apostoli verba pari modo recte intorqueas contra fidem specialem hæreticorum, si videlicet sic argumenteris: Peccator pœnitens sperare jubetur in Scriptura veniam per Christum, non ergo certus est de ea: quod enim videt quis, quid sperat? Pulchre S. Augustinus, *serm.* 29 *De Verbis Apostoli*, spem comparat ovo: « Spes enim, inquit, nondum pervenit ad rem, et ovum est aliquid, sed nondum est pulvis (2). »

Injustitiam filii specialis hæreticorum.

26. SIMILITER ET SPIRITUS ADJUVAT INFIRMITATEM NOSTRAM (3). — Queritur hic, quo pertineat *et similiter*. Respondeo, pertinet ad omnes effectus et dona Spiritus Sancti, quæ toto hoc cap. hucusque recensuit Apostolus. Dixit enim vers. 11, quod « Spiritus Sanctus habitans in nobis, vivificabit mortalia corpora nostra, » et vers. 14, quod « Spiritus nos faciat filios et hæredes Dei. » Rursum ibidem dixit, quod Spiritus Sanctus faciat nos clamare: Abba, pater. Denique vers. 23 (ad quem maxime hic respicit Apostolus) dixit, quod nos primitias Spiritus habentes gemimus, adoptionem filiorum Dei expectantes. Jam ulterius dicit, quod præterea Spiritus Sanctus adjuvet nostram infirmitatem quam patimur. *q. d.* Dixi hactenus Spiritum Sanctum varia in nobis operari, ac præsertim facere ut gemamus et suspiremus ad gloriam cœlestem: jam dico eundem Spiritum, sicuti jam dicta in nobis operatur, ita similiter operari in nobis robur et auxilium, quo adjuvat infirmitatem nostram.

Spiritus Sanctus operatur in nobis gemitum, robur, auxilium, et scientiam bene orandi.

Rursum *et* hic idem est, quod *præter vel insuper*, *q. d.* Spiritus Sanctus præter gemitum, spem et patientiam, quæ in nobis operatur, insuper adjuvat etiam in hoc gemitu infirmitatem nostram, ut scilicet magna alacritate et fortitudine toleremus infirmitates animæ et corporis, vitæque hujus corruptibilis, propter quas gemimus et suspiramus ad cœlum, utque eas constanter superemus, maxime per orationem. Docet enim nos Spiritus Sanctus quid orare, et a quibus infirmitatibus liberari, a quibus non liberari, sed in iis confortari, petere et orare debeamus. De infirmitate enim orandi hic vel maxime agi patet ex vocola causali *nam*, quam subdit dicens: « Nam quid oremus, sicut oportet, nescimus. »

(2) Commatum 24 et 25 sensum hunc dat Allioli: *spe enim felices et beati (nunc) sumus (non tantum fide, nisi fide quæ spem charitatemque amplectatur); atqui spes necessario futurum aliquid intendit, patientiam ergo et fortitudinem supponit ac requirit.*

(3) Jam progreditur Paulus ad alium fructum, *præsentem* scilicet, quem inter ipsas miseras religio Christiana afferat, quæ sunt consolationes Spiritus Sancti cordibus nostris inhabitantis.

(1) « Redemptionem corporis nostri, » id est liberationem ab ejus fragilitate et miseriis in resurrectione gloriosa.

Oratio enim proprium remedium est infirmitatum nostrarum ad eas superandas.

Est hic decimum argumentum, ut dixi vers. 17, quo fideles excitat Apostolus ad patientiam, scilicet, quod in omni passione et infirmitate habeamus opem et auxilium Spiritus Sancti, qui nos roborat et consolatur in omni tribulatione, quique postulat pro nobis gemitibus inenarrabilibus.

Nota primo : Spiritus Sancti et Dei proprium est nos adjuvare. Hinc Cicero, lib. II *De Natura deor.* : « Jupiter, inquit, id est juvenis pater, a Poetis pater divumque hominumque dicitur, a majoribus autem nostris optimus maximus; et quidem ante optimus, id est beneficentissimus, quam maximus : quia majus est, certeque gratius prodesse omnibus, quam opes magnas habere. »

Nota secundo : Novem sunt præcipuæ hominis infirmitates ortæ ex peccato, contra quas robur dat Spiritus Sanctus. *Prima*, sunt morbi, ærumnæ et mala quævis illata corpori vel animo; in his roborat nos Spiritus Sanctus, ut ea de manu Dei accipiamus, Deumque in eis laudemus.

Secunda est in intellectu ignorantia, quid hic et nunc agere aut fugere oporteat; et improvidentia, quid in futurum providere aut cavere homo debeat.

Tertia est in voluntate infirmitas ad amandum bona, solida et æterna, quæ nobis sunt abscondita; et ad contemnendum bona præsentia et caduca, quæ sensus feriunt et alliciunt.

Quarta est in memoria infirmitas, ut recorderemur tum beneficiorum Dei, ut iis grati simus; tum judiciorum Dei, quibus malos punit, bonos præmiat; tum præceptorum Dei; tum peccatorum nostrorum, ut iis compungamur et poeniteamus.

Quinta infirmitas est in spiritu et appetitu concupiscibili, ut spiritus concupiscentiæ carnis relictetur.

Sexta est in irascibili; ut iram, odium et vindictam contra eos, qui nobis malefaciunt aut maledicunt, compescamus.

Septima infirmitas est ad aggrediendum opera ardua et heroica.

Octava est ad perseverandum in Dei obsequio et primo fervore.

Nona est ad orandum Deum, sicut oportet. De nona hac maxime, ut dixi, agit hic Apostolus.

NAM QUID OREMUS, SICUT OPORTET, NESCIMUS, — quia sex modis in orando erratur : *Primo*, si bonum temporale petamus animæ nociturum. Quocirca S. Augustinus in *Sententiis*, sent. 212 : « Fideliter, ait, supplicans Deo pro necessitatibus hujus vitæ, misericorditer non auditur. Quid enim infirmo utile sit, magis novit medicus quam ægrotus. Si enim id postulat quod Deus præcipit et promittit, fiet omnino quod poscit; quia accipiet charitas quod parat veritas. *Secundo*, si ten-

tatione aut malo aliquo (uti Paulus stimulo carnis) quod prosit nobis ad humilitatem et alias virtutes, liberari oremus. *Tertio*, si quid petamus ex ambitione, uti filii Zebedæi petebant primas in regno Christi. *Quarto*, si quid petamus ex zelo indiscreto, uti iidem optarunt ignem de celo mitti in Samaritanos Christum respuentes. *Quinto*, si petatur id quod utilius est differri, ut per hanc dilationem studium orationis et meritum perseverantiæ ac virtutis in nobis accrescat. *Sexto*, et maxime, si petamus statum, aut vitam, modumque certum : v. g. vivere in Religione, sacerdotio, matrimonio, cum Deus sciat alium statum nobis et nostræ complexionis magis convenire, ut in eo salvemur, vel plus gloriæ adipiscamur. Plurimi enim in matrimonio et in sæculo damnantur, qui in cælibatu salvarentur, et contra. Hinc optima oratio est, petere quotidie ut Deus iis mediis et viis nos regat et ducat, quæ peccati non habent scandalum; quibus prævidet nos recta ad finem, id est vitam æternam, perventuros, et in ea sanctiores ac beatiore futuros, ut in omni negotio, priusquam illud aggrediamur, oremus cum Propheta : « Domine, quid me vis facere? paratum cor meum, Deus; vias tuas, Domine, demonstra mihi, et semitas tuas edoce me; » et cum Josaphat rege, II *Paral.* *xx*, 12 : « Cum ignoremus, Domine, quid agere debeamus, hoc solum habemus residui, ut oculos nostros dirigamus ad te; » tu me dirige per illas vias, officia, exercitia, actiones et passiones, quibus prævides me ad cælum majoremque gloriam perventurum : hæc pie et sapienter Pererius et Salmeron.

IPSE SPIRITUS POSTULAT PRO NOBIS GEMITIBUS INENARRABILIBUS. — Quæres quis sit hic « spiritus? » Respondet *primo*, Lyranus, esse angelum : angelus enim custos postulat pro nobis. Verum toto hoc capite angeli non meminit Paulus, et cum toto hoc capite sæpius nominarit spiritum, nunquam tamen intellexit angelum.

Secundo, S. Chrysostomus, Theophylactus, Oecumenius, per *spiritum* accipiunt virum spiritualem, puta ministrum Ecclesiæ, cui in primitiva Ecclesia gratia orandi pro populo, qui sæpe inutilia postulasset, data erat a Spiritu Sancto, qualis jam est sacerdos vel diaconus; illi enim ministro primitivæ Ecclesiæ jam successit diaconus pro populo supplicans, et ministrans sacerdoti et Ecclesiæ.

Tertio, S. Augustinus, tract. 6 in *Joan.* : « Spiritus, inquit, id est charitas ipsa gemit, charitas ipsa orat; » contra hanc aures claudere non novit, qui illam dedit. Sic etiam explicat S. Anselmus Augustinum de more secutus.

Quarto, Theodoretus vult *spiritum* esse gratiam Spiritus Sancti, qua excitati oramus; vel esse spiritum orationis.

Quinto, alii volunt *spiritum* esse superiorem animæ portionem gratia Dei illustratam et adju-

Animo resignato et indifferenti orandum est ut Deus nos ducat in omnibus iis viis et modis, quibus præcitat nos ad salutem perventuros. Perspiratum hic Lyranus intelligit angelum.

Alii ministrum Ecclesiæ.

Alii charitatem.

Alii gratiam Spiritus Sancti, alii superiorem

animæ
portio-
nem gra-
tia illu-
stratam.

tam, quæ spiritus vocatur, et carni contraria est, Galat. V, 17. Hæc enim pars docet nos, ut petamus secundum Deum, id est ea quæ Deo placent, et ut respuamus ea quæ carni grata sunt; et quanto magis caro suas voluptates concupiscit, tanto magis spiritus gemit et petit pro nobis instantius ea quæ nobis videt esse salutaria: unde Ethnici dicunt mentem deprecari semper ad optima. Hic sensus aptus est et commodus: sic enim sæpe etiam hoc nomen « spiritus » accipit Apostolus.

Ipse est
Spiritus
Sanctus
optime
hic intel-
ligitur.

Sexto, optime et planissime spiritus hic est ipse Spiritus Sanctus: hic enim est qui adjuvat infirmitatem nostram, quique docet nos quid orare debeamus, cum ipsi hoc sæpe nesciamus: unde Apostolus hunc Spiritum opponit nobis, sive spiritui nostro, qua noster, id est naturalis et humanus est. Hic sensus est plurimorum Patrum, ut Origenis hic, Nazianzeni, orat. 5 De Theologia; Ambrosii, epist. 23 ad Horont.; Hilarii, in Ps. LXIV; Augustini, epist. 121, quæ est De orando Deo, xv, et aliorum.

Arii et
Macedo-
nii hæ-
resis de
Spiritu
Sancto.

Quæres secundo, quomodo Spiritus Sanctus postulet pro nobis? Respondent primo Arius et Macedonius, quia Spiritus Sanctus non est Deus, sed minor Patre, ideoque proprie Patrem orat et postulat pro nobis. Hanc hæresim refellit S. Augustinus, lib. I Contra Maxim., post initium, et alii.

Spiritus
Sanctus
non pos-
tulat,
sed pos-
tulare
nos facit.

Secundo, S. Augustinus, epist. 121 De orando Deo, cap. xv; Gregorius, lib. II Moral., cap. xxii, et Anselmus: Spiritus Sanctus, inquiunt, postulat, id est postulare et gemere nos facit, ut sit hebraismus, quo cal ponitur pro *hiphil*. Sic Matth. x, 20, dicitur: « Spiritus Patris, qui loquitur in vobis, » id est qui loqui vos facit. Pulchra similitudine hunc sensum illustrat Origenes hic: « Sicut, inquit, magister ut rudem plane discipulum litteras doceat, ad ejus ruditatem se dimittit, primusque litteras pronuntiat, pueroque præit, ut puer repetens id quod pronuntiavit magister, idipsum addiscat: ita Spiritus Sanctus, ubi perturbationibus carnis perturbari nostrum spiritum viderit et nescientem quid orare debeat, uti oportet, ipse quasi magister orationem præmittit, animoque nostro immittit, quam noster spiritus (si tamen discipulus esse Spiritus Sancti desiderat) prosequatur; ipse gemitus proponit et excitat in nobis, quibus noster spiritus discat ingemiscere, ut repropitiet sibi Deum. » Hæc et plura Origenes.

Alia hu-
jus loci
scholas-
tica et
genuina
explica-
tio.

Tertio et genuine, Spiritus Sanctus postulat, id est, desideria amicorum suorum eorumque gemitus inenarrabiles in consistorio SS. Trinitatis quasi paracletus, id est advocatus noster, exponit magna instantia, magno pondere et magna auctoritate. Hæc enim omnia significat Græcum *ὑπερεκπύλλω*, id est, *superexpostulat*: nam *ὑπερ* notat præeminentiam Spiritus Sancti in postulando, quasi ipse præit omnibus postulationibus, sitque quasi magister et præfectus libellorum sup-

plicum nostrorum apud Deum: et Latinum postulare, inquit Ulpianus, lib. I tit. De postulando, est desiderium suum, vel amici sui in jure apud eum qui juris dictioni præest, exponere. Simili modo, vers. 34, dicitur Filius interpellare pro nobis. Ita Nazianzenus, orat. 2 De Filio, qui pro *ὑπερεκπύλλω*, vertit, *προσβαίνει*, id est legatione fungitur, legatum agit, et tanquam legatus, internuntius et interpres noster postulat pro nobis Spiritus Sanctus. Ita quoque exponit D. Thomas, III part., Quæst. XXI, art. 4.

Exponit autem Spiritus Sanctus hæc vota et hos gemitus nostros Sanctissimæ Trinitati, hoc ipso, quo illa per intellectionem divinam cognoscit, et intellectu ea proloquitur cum affectu et amore coram SS. Trinitate: licet enim intellectio hæc et locutio essentialis sit et tribus personis communis, attribuitur tamen vel Filio, cum nuda est et sola; vel Spiritui Sancto, cum jungitur amori, et ex eo promanat, ut hic fit. Charitas enim, amor et gratia attribuuntur Spiritui Sancto, ut sapientia attribuitur Filio, potentia Patri. Vide D. Thomam et Doctores, I part., Quæst. XXXVII et XXXVIII.

Spiritus
Sanctus
quomodo
SS. Tri-
nitati
orationes
nostras
exponit?

GEMITUS INENARRABILIS. — Primo, S. Ambrosius, epist. 23: « inenarrabilibus, » inquit, id est celestibus et divinis: hi enim gemitus sunt Spiritus Sancti, cujus potentia, efficacia et modus agendi ac postulandi est inenarrabilis.

Quid in-
telliga-
tur per
gemitus
inenarra-
biles?

Secundo, S. Augustinus loco jam citato: « inenarrabilibus, » inquit, id est ignotis: gemimus enim et suspiramus ad gloriam, quam non videmus, nec agnoscimus. Sic et Anselmus.

Tertio, Toletus: « inenarrabilibus, » inquit, id est occultis et inexplicabilibus; quia nimirum Spiritus Sanctus sæpe per nostros gemitus alia petit et impetrat, imo contraria iis quæ nos cupimus et petimus. Viæ enim particulares, quæ cuique ut in cælum recta tendat, convenientes sunt et congruæ, homini sæpe ignotæ sunt et ineffabiles, solique Spiritui Sancto cognitæ. Unde de eo subdit Apostolus dicens: « Qui autem scrutatur corda, scit quid desideret spiritus. »

Quarto proprie et genuine, hi gemitus, quos in nobis excitat, et excitatos proponit SS. Trinitati ipse Spiritus Sanctus, dicuntur inenarrabiles, quia major est affectus interior charitatis suscitans illos gemitus, omni externo sermone; adeo ut eum viri sancti effari et sæpe eloqui non possint, maxime dum coelestem gloriam ejusque perfectissimam pacem flagrantissimo gemitu desiderant. Sic Apostolus gemit ineffabiliter, primo, ex tædio exilii et corporis hujus moribundi, dicens: « Infelix ego homo, quis me liberabit de corpore mortis hujus? » Secundo, ex desiderio cæli, dicens: « Cupio dissolvi et esse cum Christo. » Tertio, ex dolore et desiderio salutis aliorum, et percontium, dicens: « Quis infirmatur, et ego non infirmor? » et: « Optabam anathema esse pro fratribus. » Ex dictis patet, hos gemitus inenarrabi-

Gemitus
dicuntur
inenarra-
biles,
quia ma-
jor est
affectus
interior
illos sus-
citans
omni ex-
terno
sermone

les in nobis esse subjective; in Spiritu Sancto vero eos esse partim effective, quia eos efficit in nobis, partim objective, quia eos ipse sibi totique SS. Trinitati objicit et proponit, dum postulat pro nobis.

Vis orationis in quo consistat.

Rursum, ex hoc loco disce donum et efficaciam orationis, non in verbis, sed gemitu, affectu, desiderio, orationibus jaculatoriis et suspiriis ignitis consistere.

Vers. 27.

27. QUI SCRUTATUR CORDA (puta Deus Pater), SCIT QUID DESIDERET SPIRITUS: QUIA SECUNDUM DEUM POSTULAT PRO SANCTIS. — Pendent hæc ab immediate præcedentibus, q. d. Dixi nos nescire quid oremus, sed Spiritum Sanctum inspirare nobis orationes nostras casque offerre Deo, ac postulare pro nobis: idque nobis convenit et perutile est. Nam nos ipsi sæpe non intelligimus orationes nostras, et per eas petimus res nobis noxias vel inutiles: Spiritus Sanctus autem eas intelligit, et per eas non intendit impetrare nobis nisi id quod nobis proficuum et salutare est. Deus autem scit, respicit et attendit, non quid nos desideremus, sed quid desideret et intendat Spiritus impetrare nobis a Deo, per preces quas nobis suggerit. Porro Spiritum Sanctum tantum intendere id quod nobis bonum est et salutare, patet ex eo, quod ipse « secundum Deum postulat pro sanctis, » quia nimirum illis postulat ea, quæ sunt secundum Deum Deique mentem et voluntatem, quæque Deo grata, sancta et accepta sunt; hæc autem nobis salutaria sunt. Ita S. Chrysostomus, Theodoretus, Ambrosius. Aliter Origenes: Spiritus Sanctus, inquit, postulat secundum divinitatem, seu quatenus ipse Deus est: Christus vero postulat secundum humanitatem, seu quatenus homo est. Sed hoc alienius est, nec satis coheret cum præcedentibus; quæ enim hæc est ratio: Pater scit quid desideret Spiritus, quia ipse Spiritus, quia Deus est, postulat pro sanctis?

Spiritus Sanctus dirigit et corrigit orationes nostras.

Sensus Origenis.

Vers. 28.

28. SCIMUS AUTEM QUONIAM DILIGENTIBUS DEUM OMNIA COOPERANTUR IN BONUM IIS, QUI SECUNDUM PROPOSITUM VOCATI SUNT SANCTI. — Toletus hæc connectit proxime præcedentibus, q. d. Paulus: Quod postulatio Spiritus Sancti sit efficax, et proficua ipsis Sanctis, patet ex effectu: nam sive detur sanctis, sive negetur id, quod ipsi petunt, Spiritus tamen impetrat semper et efficit ut omnia eis cooperentur in bonum, uti de facto fieri scimus et experimur. Verum juxta hunc sensum, pro scimus autem, dicendum fuisset, scimus enim, vel, unde et scimus. Potius ergo videtur Apostolus hæc connectere cum vers. 17, 18 et seq., ubi agit de passionibus, afflictionibus, vanitate, corruptione et ærumnis, quas Sancti patiuntur in hac vita, et propter quas gement et suspirant ad cælum, q. d. Multa, ut dixi, Sancti patiuntur in hac vita, verum tamen iis omnia cooperantur in bonum: animose ergo et læto animo omnia ista perferant. Est enim hic undecimum Apostoli argumentum, quo fideles incitat ad patientiam, ut dixi vers. 17. « Omnia » ergo, id est omnes tribulationes, inquit Am-

Omnes tribulationes et passiones Sanctis cooperantur in bonum.

brosius et Hieronymus, de his enim hactenus egit Apostolus. S. Augustinus, lib. *De Correp. et Grat.* cap. 1, addit « omnia, » etiam peccata Sanctis cooperari in bonum. « Nam prædestinati, ait, ex casu humiliores, cautiores et ferventiores resurgunt; » ita etiam explicat Anselmus et S. Thomas, S. Augustinum secuti. Sic e contrario S. Augustinus, serm. 78 *De Temp. et Soliloq.*, cap. XXVIII: « Improbis, ait, et reprobis omnia cooperantur in malum, et ipsa oratio eorum vertitur eis in peccatum. » Quod intellige non proprie et per se, sed per accidens, quia scilicet omnis gratia omniaque dona Dei, ac consequenter ipsa etiam oratio cedit reprobis in graviorem culpam, et graviorem damnationem, hoc ipso, quo hisce Dei donis abutuntur, dum iis uti et per illa se convertere suamque salutem procurare nolunt. Est enim hæc ingens eorum ingratitude, neglectus et contemptus gratiæ Dei.

Prædestinatis quomodo omnia etiam peccata cooperantur in bonum, reprobis etiam virtutes in malum?

Adde, reprobos sæpe orare perperam, scilicet illa quæ faciunt ad explendas suas concupiscentias et libidines: aut, si orent ea quæ bona sunt, non serio tamen orare, sed esse in sua impietate obstinatos, in eaque indies se magis obdurare; itaque ex oratione omnibusque rebus adeo nihil proficere, ut potius peiores fiant, itaque omnia vertant in majorem duritiem, et consequenter damnationem suam. Verum hæc sunt præter mentem Apostoli, qui hic non de peccatis, sed de tribulationibus agit, ut dixi. Ipsius enim mens est hortari fideles et Sanctos ad omnes tribulationes fortiter perferendas, ex eo quod eis cedant et cooperentur in bonum.

Mens et intentio Apostoli in hisce verbis.

Nota, Græcum *συνεργει*, tam verti potest in singulari *cooperatur*, quam in plurali *cooperantur*, ut sensus sit: Spiritus Sanctus diligentibus Deum omnia cooperatur in bonum, facitque ut omnia quantumvis tristia et adversa, eis cedant in bonum; ita legit et intelligit Theodoretus.

Notat S. Bernardus, serm. *De Fallacia vitæ præsentis*, Sanctis omnia cooperari, non ad libitum, non ad voluptatem, sed ad bonum. Quia sæpe sibi suoque appetitui contraria, dura et molesta perferre coguntur; hæc tamen ipsa, puta molestia, dolor, morbi, mors omniaque acerba Sanctis, licet non ad voluptatem, ad bonum tamen eorum, sive patientiæ, sive humilitatis, sive continentiæ, sive aliarum virtutum, et ad bonum gloriæ tam præsentis, quam æternæ cooperantur. Ita persecutiones Martyribus in bonum heroicæ fortitudinis et lauræ martyrii cesserunt, atque aliis in exemplum et stimulum, ut iis semper creverit Ecclesia. Hinc canit Prudentius, hymno 4 in *Cæsaraugust. Martyr.*:

Ad quale bonum omnia Sanctis cooperantur.

Nec furor quisquam sine laude nostrum
Cessit, aut clari vacuus cruoris:
Martyrum semper numerus sub omni
Grandine crescit.

« Plures efficimur, ait Tertullianus in *Apolog.*.

quoties metimur a vobis : semen est sanguis Christianorum. » Et S. Hieronymus, epist. ad Theophilum : « Persecutionibus, ait, Ecclesia crevit, martyriis coronata est. » Et S. Cyprianus, serm. 5 *De Lapsis* : « Adest, ait, militum Christi cohors candida, qui persecutionis urgentis ferociam stabili congressione fregerunt, parati ad patientiam carceris, armati ad tolerantiam mortis. Repugnastis fortiter sæculo, spectaculum gloriosum præbistis Deo, secuturis fratribus fuistis exemplo. Quam vos læto sinu excipit mater Ecclesia de prælio revertentes ! quam beata, quam gaudens portas suas aperit, ut adunatis agminibus intretis de hoste prostrato trophæa referentes ! Cum triumphantibus viris et feminæ veniunt, quæ cum sæculo dimicantes, sexum quoque vice-runt. Veniunt geminata militiæ suæ gloria virgines, et pueri annos suos virtutibus transeuntes, nec non et circumstantium cætera multitudo vestram sequitur, » etc.

Atque hos triumphos sæpe in hac vita Deus miraculis illustravit. S. Joanni Damasceno Leo Isaurus Imperator amputari jussit manum, qua pro SS. imaginum cultu scripserat : recisam hanc ei ad imaginem suam oranti restituit B. Virgo. Ariani in Africa orthodoxos Confessores lingua mutilarunt : hi postea, Dei miraculo, sine lingua æque ut ante locuti, Christi divinitatem celebrarunt. Theophilus Imperator, iconoclasta, monachum quemdam Lazarum, pictorem tunc celeberrimum, crudelibus excruciatum modis coniecit in vincula, eo quod sanctas imagines pinxisset : qui cum ex plagis recreatus, iterum pio picturarum operi se dedisset, ignitis laminis ei manus aduri jussit : sed Dei nutu factum est, ut nihilominus postea probe pinxerit, ac si nihil passus esset.

Quisquis ergo inique pateris calumnias, opprobria, verbera, damna, morbos, etc., tolera, supera : hæc adversa fac instrumenta virtutis et gloriæ. « Electi, inquit S. Gregorius, in tentatione proficiunt, et quod eis diabolus præparat ad ruinam, hoc Deus eis convertit in gloriam. » Fallere enim nequit Apostolus, imo Spiritus Sanctus per eum promittens ac dicens : « Diligentibus Deum omnia cooperantur in bonum. » Quocirca S. Augustinus in *Sententiis*, sent. 158 : « Inimici Ecclesiæ, ait, si accipiant corporaliter potestatem affligendi, exercent ejus patientiam : si tantummodo male sentiendo adversantur, exercent ejus sapientiam ; et ut etiam inimici diligantur, exercent ejus benevolentiam : quia Deus iis qui eum diligunt, omnia cooperantur in bonum. »

IIS QUI SECUNDUM PROPOSITUM VOCATI SUNT SANCTI, — id est, iis qui vocati sunt ad sanctitatem. Vide dicta cap. I, vers. 1.

Quæres, quodnam sit hoc « propositum, » et quinam dicantur « vocati secundum propositum. »

Primo, Origenes, Theodoretus et Commentarii S. Ambrosio et Hieronymo ascripti hæc sic ex-

plicant : omnia diligentibus Deum cooperantur in bonum, iis scilicet, qui ad hanc dilectionem vocati sunt a Deo secundum propositum non Dei, sed suum ; quia scilicet Deus eos solos vocavit ad fidem, gratiam et amicitiam suam, quos proposito suo, id est prompta sua voluntate, fidem hanc et gratiam a Deo oblatam acceptaturos prævidit. Verum hoc quasi dogma Pelagianum passim, sed maxime in lib. *De Prædest. Sanctorum*, egregie refellit et confutat S. Augustinus.

Secundo, S. Chrysostomus, Theophylactus et Oecumenius, pari modo intelligunt hic propositum non Dei, sed ipsorum hominum, qui a Deo vocati sunt ; ita ut bonum hoc eorum propositum non quidem sit causa et ratio cur a Deo vocati sint, sed tamen sit conditio et determinatio eorum qui vocati sunt, q. d. Paulus : Non omnibus vocatis omnia cooperantur in bonum, sed iis qui suo proposito vocationi Dei consentiunt et obediunt : hoc sine errore dicitur, sed præter mentem Apostoli. Nec enim Apostolus hic propositum hominum, sed Dei ipsius intelligit.

Unde *tertio* optime S. Augustinus, lib. *De Cor. rept. et Grat.*, cap. vii, et passim alibi, Anselmus et alii per *propositum* hoc accipiunt æternum Dei beneplacitum, liberale decretum, voluntariam et gratuitam Dei constitutionem, quæ *Act. II, 23*, vocatur *definitum consilium*, idque vel ex eo patet, quod *II Tim. I, 9*, et alibi, Paulus opponit opera nostra huic proposito liberali et gratiæ Dei. *Propositum* ergo est liberale et gratuitum Dei consilium et decretum, quo proposuit, statuit et decrevit Deus ab æterno ex mera sua bonitate et clementia, homines peccato perditos per Christum vocare ad gratiam et sanctitatem, sine ullo eorum merito, uti fuse explicat Apostolus, *Ephes. I*.

Nota : Tò *secundum propositum* est epitheton significans causam dilectionis, directionis et protectionis justorum, cur videlicet eis omnia cooperentur in bonum, quia scilicet Deus illos amat, dirigit et protegit, *secundum propositum*, id est serio, ex corde et certo proposito. Unde iidem hic sunt diligentes Deum, et ii « qui secundum propositum vocati sunt sancti, » ut patet ex Græco τοῖς ἀγαπῶσι τὸν Θεόν, et τοῖς κατὰ πρόθεσιν κλητοῖς. q. d. Diligentibus Deum, et vicissim dilectis a Deo, utpote vocatis a Deo ad fidem et dilectionem ex benevoli cordis proposito, omnia, Deo dirigente ad suorum dilectorum commodum, cooperantur in bonum. Nec Græcum πρόθεσιν, nec latine *propositum* aliud includit aut innuit. Sic enim dicimus : Proposui hoc facere, id est statui, decrevi, hoc est meum propositum, ut te vocem ad prandium ; quos rex diligit ex proposito, nemo eos lædere aut nocere potest. Hinc Apostolus, *II Timoth. I, 9* ; *Ephes. I, 5, 9, 11* ; *Roman. IV, 5*, et alibi, expresse propositum hocce Dei opponit operibus quæ jactabant Judæi.

Cum ergo ait nos vocatos *secundum propositum*, tantum vult excludere meritum operum, q. d.

Propositum hominum, non Dei, intelligunt hic aliqui.

Propositum hic significat æternum Dei beneplacitum, et liberale decretum, definitum consilium. Quid sit hoc Dei decretum et propositum ?

Tò *secundum propositum* est epitheton significans causam directionis et protectionis justorum, ut patet ex Græco.

Vocatos tantum vult excludere meritum operum, q. d.

Adem a solo Deo, non a meritis nostris.

Quod sumus vocati ad fidem, gratiam, sanctimoniam, esttribuendum liberali Dei proposito, voluntati et gratiæ, non nostris meritis. Sic Luc. II, dicitur: « Pax (sit) hominibus bonæ voluntatis, » Græce εὐδοκία, id est beneplaciti et benevolentiae divinæ, ubi τὸ bonæ voluntatis non est particula limitans τὸ hominibus, q. d. Pax sit hominibus, non omnibus, sed iis tantum qui sunt bonæ voluntatis, uti aliqui explicant: sed est particula causalis. Dat enim causam cur nato Christo pax optanda et danda sit hominibus; quia nimirum Deus suam bonam voluntatem, id est benevolentiam, reconciliationem et amicitiam hominibus jam per Christum exhibere destinavit et decrevit. Ita Theophylactus, Euthymius et alii ibidem. Quod enim Apostolus hic vocat προpositον, id est propositum; Lucas, cap. II, vocat εὐδοκίαν, id est beneplacitum.

VCIS. 29. 29. NAM QUOS PRÆSCIVIT ET PRÆDESTINAVIT CONFORMES FIERI IMAGINIS FILII SUI, UT SIT IPSE PRIMOGENITUS IN MULTIS FRATRIBUS. — Primo, Pelagiani, quibus hic favere videtur Theodoretus, Chrysostomus et Theophylactus, sic explicabant hunc locum, q. d. Paulus: Quos Deus præscivit et prævidit, sua vocatione et gratia, si illa eis daretur, bene per liberum suum arbitrium usuros, hos prædestinavit ad hanc vocationem, gratiam, justitiam et vitæ sanctitatem, ut in ea conformentur Christo. Verum hunc errorem acriter passim scribens contra Pelagianos, sed maxime lib. De Prædest. Sanctorum, confutat S. Augustinus. Et ratio est, quia prima gratia est mera gratia, nec Deus eam dat nobis, quia prævidet nos fore sanctos, sed ut simus sancti, ut ait Apostolus, Ephes. cap. I, vers. 4.

Prima gratia est mera gratia.

Aliquorum Scholasticorum explicatio de electione ante prævisa merita.

Secundo, aliqui Scholastici, I part., Quæst. XXIII, sic explicant, q. d. Paulus: Quibus gratis Deus dare gloriam decrevit ante prævisa merita, hos prædestinavit, ut merita ad eam promerendam acciperent. Verum hac ratione alii cum Ambrosio et Haymone, pari jure contrarium suppleant, hoc modo: quos Deus præscivit fore devotos, sanctos et conformes Christo in vita et passionibus, hos prædestinavit ut sint Christo conformes in gloria; hoc enim proprie innuit verbum præscivit. Præscientia enim est rerum nostrarum et operum, quæ facimus, sicut prædestinatio est Dei et divini arbitrii ac voluntatis.

Explicatio Dionysii Carthusiani et L. Molinae.

Tertio, alii hunc locum exponunt de Dei præscientia conditionata. Ita Dionysius Carthusianus et Ludovicus Molina, I part., Quæst. XXIII, art. 4, disp. I, memb. 11, q. d. Paulus: Quos Deus præscivit per præscientiam conditionatam, futuros pro sui arbitrii libertate, in sanctitate conformes Christo; futuros, inquam, tales non absolute, sed ex hypothesi, si nimirum ex parte sua Deus vellet eis dare gratiam suam, eaque auxilia, quæ eis misericorditer postea dedit: hos et prædestinavit, ut tales forent, decernendo nimirum absolute illam gratiam illaque auxilia suo tempore

illis dare et exhibere, quibus de facto sanctificarentur et conformarentur Christo.

Quarto, non improbabilius satisque apposite Gabriel Vasquez, I part., Quæst. XXIII, sic explicat: Quos Deus præscivit sibi amicos et dilectos per gratiam suam futuros, hos etiam prædestinavit ad hoc, ut paterentur et fierent conformes Filio suo in patientia, utpote qui pro nobis tot labores et ærumnas sustinuit. Jam hinc colligendum relinquit Apostolus, quod sicut Deus omnes passiones et cruces Christi fecit ei cooperari in bonum et gloriam, ita pariter sanctorum et dilectorum suorum passiones, ad quas eos cum Christo prædestinavit, convertet illis in bonum et gloriam. Ita Origenes et Cyrillus apud Oecumenium. Hoc enim intendit hic probare Apostolus: nam hoc capite hortatur fideles ad passionum tolerantiam ex spe secuturi fructus et gloriæ, patet vers. 17, 18 et omnibus seq. Subdit deinde Apostolus: « Quos autem prædestinavit, hos et vocavit; et quos vocavit, hos et justificavit; quos autem justificavit, illos et glorificavit; » Quibus verbis recenset omnia media per quæ Deus ipsos fideles ad hunc finem patiendi pro Christo, et ad hanc conformitatem, qua Christo patienti sunt conformes, perduxit. Ad hanc enim patientiam et conformitatem Christi primo illos Deus vocavit: deinde per tribulationes eos magis magisque justificavit et sanctificavit; ac denique tot laboribus et ærumnis fortiter superatis, eosdem cum Christo gloriosos, celebres et magnos effecit. Græcum enim ἰδοξασ, quod noster Interpres vertit, glorificavit, alii vertunt, magnificavit, vel nos magnos effecit: ita Vasquez.

Quinto, Toletus sic explicat, q. d. Quos Deus præscivit fore suos, se diligentes, hos etiam prædestinavit, ut sint conformes Christo; ut, sicut Christus est Filius Dei naturalis, ita ipsi sint filii Dei adoptivi, per gratiam, charitatem, amicitiam et patientiam in hac vita, et in iis perseverando, per gloriam in futura; sicque conformentur Christo Filio Dei naturali in adoptione gratiæ, patientiæ et gloriæ.

Ubi nota: scire Dei, phrasi Apostoli et Scripturæ practicum est, et connotat favorem et affectum Dei, ut patet cap. II, 2; Galat. IV, 9; I Petr. I, 2, et II Tim. II, 19; unde « præscivit » est prædilexit, ait Origenes et S. Augustinus, et præscit idem sunt quod prædilecti; unde et alibi dicit Apostolus « novit, » id est noscens diligit « Dominus qui sunt ejus. » Præscivit ergo Deus hic proprie hosce fideles fore suos, quodque Deum essent dilecturi, et vicissim ipsos præscivit, id est eosdem suos amicos et dilectores fore præsciens, prædilexit, q. d. Omnia diligentibus Deum Deique amicis cooperantur in bonum, quia Deus eos præscivit fore suos, suique dilectores, eosque tales fore præsciens, prædilexit: atque hac de causa eosdem prædestinavit, ut sint conformes Filio suo, tam in gratia et patientia, quam in glo-

Explicatio appositae Gabrielis Vasquez

Ordo mediæ, per quæ Deus ipsos fideles ad patiendum cum Christo conformitatem destinavit

Expositio Toletii

Scire Dei practicum quid et quale?

ria. Sicut ergo Deus Filio suo etiam tormenta acerbissima cooperatus est, et convertit in bonum : sic et his filiis suis adoptivis omnia quantumvis dura et acerba cooperabitur et convertet idem Deus in bonum.

Expositio
et senten-
tia aucto-
ria.

Verum mihi sæpius et diutius hunc locum expendenti, hic visus est esse sensus planissimus, maximeque obviis et congruis, ideoque genuinus : ut nimirum hic versus et hæc sententia jungatur cum versu et sententia proxime sequenti, quasi ab eo pendeat, ibique sensus ejus expleatur, quia enim de more expatiatur hic Apostolus in verbo *prædestinavit*, ut explicet qualis et quanta sit hæc prædestinatio, atque ad quid eos Deus prædestinavit, nimirum ad hoc, ut sint conformes Filio suo : hac de causa hoc versu cœptum sermonem incidit, quem ut perficiat, vers. seq. eundem resumit dicens : « Quos autem prædestinavit, » *q. d.* Quos, inquam, præscivit et prædestinavit, ut dixi vers. præcedenti, hos et vocavit. Hunc esse sensum probatur *primo*, quia dispar est modus loquendi hic, et vers. sequent.; hic enim ait : « Quos præscivit et prædestinavit; » vers. seq. vero ait : « Quos prædestinavit, hos et justificavit. » Ergo *et præscivit et prædestinavit* non divellenda, sed jungenda sunt, et referenda ad idem, scilicet ad *et conformes fieri Filio suo*. Alioqui enim dixisset Apostolus : « Quos præscivit, hos et prædestinavit, » sicuti paulo post dixit : « Quos prædestinavit, hos et vocavit. »

Paulus
hoc versu
cœptum
sermo-
nem in-
terrum-
pit,
quem re-
sumit
vers. seq.

Secundo, hunc esse sensum patet, quia hoc sensu nihil supplendum est, sed ipse sensus seipso consistit, et per se plenus ac perspicuus est; cum alii multa supplere debeant, ut « quos præscivit, » scilicet fore diligentes Deum : ubi rursum supplere debent *et hos et prædestinavit*.

Satisfit
objectio-
ni.

Tertio, quia hic sensus respondet mori et spiritui Paulino, qui ita excurrere et abripi, atque post multa redire, et prius dicta resumere solet, ut ostendi cap. v, vers. 12. Tantum huic expositioni objici posset, quod hoc sensu vox *autem* ponatur pro *inquam* : quod novum et inusitatum videtur. Verum facile ad hoc respondetur, hanc adverbiorum enallagen non esse novam, sed frequentem Apostolo, ut ostendi *Can.* 23.

Copula
et hic
causam
vel au-
xesin si-
gnificat.

Nota *primo*, copulam et hic dare auxesin, vel causam, idemque valere quod *imo vero, imo etiam, vel quia, quoniam, q. d.* Quos Deus præscivit, imo vero prædestinavit ad hoc, ut sint conformes Filio suo; vel quos Deus fore præscivit conformes Filio suo, quia eos ad hoc prædestinavit : præscientia enim hæc, utpote absoluta, posterior est prædestinatione, tanquam effectus sua causa : ideo enim præscit Deus nos fore conformes Filio suo, quia ad hoc nos prædestinavit, suaque gratia vocavit et deduxit. Utrumque ergo verbum, scilicet tam *præscivit*, quam *prædestinavit*, directe et expresse respicit *et conformes fieri Filio suo*; indirecte vero, oblique et tacite *et præscivit* respicit diligentes Deum : *prædestinavit* vero respicit pro-

positum, de quibus egit Apostolus vers. præced., hoc enim Dei propositum æternum est ipsa æterna Dei prædestinatio.

Unde nota *secundo* : vox *nam* dat hic causam cur diligentibus Deum omnia cooperentur in bonum; simulque explicat, qui sint « sancti vocati secundum propositum, » scilicet ii, quos Deus præscivit et prædestinavit, ut sint conformes Christo quasi imagini, id est exemplari suo. Ubi adverte : non dicit Apostolus : « Quos præscivit, hos et prædestinavit, » sed tantum : « Quos præscivit et prædestinavit, » ut innuat eosdem esse præscitos et prædestinatos, scilicet diligentes Deum et sanctos, vocatos secundum propositum et beneplacitum Dei. Hi enim diligentes Deum et sancti vocati secundum Dei propositum sunt præsciti et prædestinati a Deo, ad hoc ut sint conformes Filio.

Vox *nam*
dat cau-
sam cur
diligenti-
bus
Deum
omnia
cooperen-
tur in
bonum.

Sensus ergo est : Diligentibus Deum et sanctis vocatis secundum propositum, omnia etiam tristissima cooperantur in bonum, quia hi sunt illi, quos Deus ab æterno præscivit et prædestinavit fore conformes Filio suo, tam in dilectione hac, sanctitate, patientia et gratia, quam in futura gloria : si nimirum ipsi in dilectione, sanctitate, gratia et patientia sua perseverent. Atque sicuti hos ab æterno præscivit et prædestinavit Deus tales per gratiam suam fore : ita et in tempore eosdem eodem per gratiam suam vocavit; vocatos, vocationique obediētes justificavit; justificatos vero, et in justitia constanter in omni tentatione et persecutione permanentes glorificabit. Vides ergo quomodo in bonum, nimirum ad gloriam cœlestem et æternam, diligentibus Deum, ipso Deo dirigente, omnia cooperentur.

Unde nota *tertio* tria argumenta et incitamenta patientiæ, quæ fidelibus tacite suggerit et objicit hic Apostolus, scilicet *primum*, quod ait : « Præscivit et prædestinavit, » *q. d.* Passiones, crucēs et ærumnas nostras non carni, non dæmoni, non hosti, sed Deo ascribere debemus. Ipse enim ab æterno eas præscivit, imo prædestinavit, et cuique suas dare decrevit, ut per eas quisque conformetur Christo patienti et resurgenti. Deus ergo, qui omnia constituit in numero, pondere et mensura, ipse ab æterno cuique diligenti se, suam crucem definivit et limitavit, ut tantum, non minus, nec amplius pateretur. Ipse per crucem eum in patientia, puritate, gratia et charitate expolire et perficere decrevit; ipse per crucem ad gloriam eum deducere constituit. Quis ergo horreat aut fugiat crucem a Deo patre amantissimo sibi ab æterno decretam et admensam? *Secundum* argumentum patientiæ suggerit *et conformes Filio, q. d.* Per crucem conformamur Filio Dei et Christo crucifixo : quæ ingens est dignitas et utilitas. Si-

Tria ar-
gumenta
et incita-
menta
patientiæ
fidelibus
a Paulo
sugge-
runtur.

cut enim hic conformamur Christo in tribulatione, ita conformabimur eidem in beatitudine. Quis ergo non ambiat crucem cum Christo? *Tertium* argumentum patientiæ innuit vox *fratribus*, Similitudo et fraternitas cum Christo expatiatur.

Deus no-
bis nos-
tras pas-
siones et
crucēs ab
æterno con-
stituit.

Similitu-
do et fra-
ternitas
cum
Christo
expatiatur.

Assimila- **tia nas-** **citur.** *q. d.* Per crucem non tantum fimus conformes, sed et fratres Christi, ac consequenter fimus filii et hæredes Dei. Quis ergo non optet crucem? quis patientiam, quæ tanti boni est causa, non amplectatur et exosculetur? Unde Syrus vertit, *et a principio cognovit eos, et ipsos obsignavit in similitudine Filii sui.*

CONFORMES FIERI IMAGINIS FILII SUI. — D. Thomas et Adamus hæc verba exponunt de Filio, quatenus Deus est, *q. d.* Nos filii adoptivi imitabimur Filium Dei naturalem. Prædestinavit enim nos Deus, ut illi simus conformes in gloria. Unde et Origenes sic explicat: Prædestinavit nos Deus, ut in sapientia, iustitia et veritate Deo simus conformes.

Verum melius S. Chrysostomus, Hieronymus, Anselmus et alii passim per *filium* hic intelligunt Christum, quia homo est, quia Christus ut homo primogenitus est in multis fratribus. Simile est *Philip. III.*, vers. ult., *q. d.* Paulus: Electi omnes Christo homini conformes erunt in gratia et gloria, idque hoc fine, ut nimirum ipse Christus sit tanquam prima mensura, primaque imago, id est exemplar cæterorum.

Unde ulterius nota: Origenes per « imaginem Filii, » *primo*, Christi animam accipit, quæ specialis ratione imago Filii Dei dicitur, quia Filium, sive Verbum Dei in se integre suscipit, illumque perfectissime refert sua sapientia et gratia.

Secunda. *Secundo*, Theodoretus, Ambrosius et Hieronymus: Imago, inquit, hæc est corpus, vel humanitas Christi gloriosa.

Tertia. *Tertio*, S. Athanasius ad Serap., *De Spiritu Sancto*, et S. Basilius, lib. V *Contra Eunom.*: Imago, inquit, hæc est Spiritus Sanctus, qui est imago Filii, *q. d.* Prædestinavit suos Deus, ut sint conformes imagini Filii, id est, ut sint conformes ipsi Spiritui Sancto, ut nimirum sint puri et sancti, sicuti Spiritus Sanctus purissimus et sanctissimus est. Verum hæc, licet ingeniosa, obscuriora tamen et alieniora a phrasi et mente Pauli esse videntur.

Quarta **est optima.** Dico ergo plane et simpliciter, imago Filii Dei est exemplar Filii Dei, puta est ipse Filius Dei, qui est nostrum exemplar, ex quo gratia nostra et gloria, quasi imago ex suo exemplari expressa est. Christus enim qui est Filius Dei naturalis, omnibus sanctis hominibus, qui sunt filii Dei adoptivi, est exemplar sanctitatis, gratiæ, virtutum, consequenter et gloriæ ac felicitatis æternæ, adeoque omnis nostra sanctitas, dilectio, patientia, gratia et gloria quasi imago ex Christi sanctitate, dilectione, patientia, gratia et gloria, quasi ex suo exemplari depicta et expressa est. « Imago » ergo hic metonymice capitur pro suo exemplari, cujus est imago, uti et capitur *Gen. I.*, 26, cum dicitur: « Faciamus hominem ad imaginem (id est *exemplar*) et similitudinem nostram. » Potest tamen « imago » hic proprie capi, uti capit Tolemus, ut Filius hic dicatur « imago, » non respectu nostri, sed respectu Patris æterni. Christus enim

hoc ipso, quo est Filius Dei Patris naturalis, eo ipso est imago Dei Patris, *q. d.* Paulus: Prædestinavit nos Deus, ut simus conformes Filio Dei, in quantum ipse filius, et consequenter imago est patris, ut nimirum pari ratione nos ipsimet Patri per Filium assimilemur et conformemur.

UT SIT IPSE (Christus Dei Filius) PRIMOGENITUS IN MULTIS (in omnibus) FRATRIBUS, — puta fidelibus, sanctis, amicis, electis et dilectis Dei.

Nota: Christus filiorum Dei est primogenitus: *Christus* *obtres* *rationes* *filiorum* *Dei* *primogenitus.* *primo*, quia ipse est Filius Dei naturalis, cum cæteri sint tantum adoptivi; *secundo*, quia ante omnes prædestinatus fuit Christus ad hanc filiationem et unionem cum Verbo, et consequenter ad omnem suam gratiam et gloriam; *tertio*, quia Christus finis, scopus et exemplar fuit et est omnium prædestinatorum et electorum, uti ex hoc loco aliisque docet S. Augustinus, lib. *De Prædest. Sanct.*, cap. xv.

30. QUOS AUTEM PRÆDESTINAVIT (ab æterno), NOS ET VOCAVIT, — in tempore, dando eis gratiam et vocationem, ad quam eos prædestinavit. Vocavit, inquam, eos tum vocatione externa, per exempla, flagella, conciones; tum maxime interna, per gratiam prævenientem et excitantem, quæ æternæ vocationi respondet et commensa est ex liberali Dei ordinatione.

Nota: « vocavit, » id est *vocat*, *vocavit* aut *vocabit*. Sic et *justificavit*, quod sequitur, idem est; quod *justificat*, *justificavit* aut *justificabit* et *glorificavit*, idem est quod *glorificat*, *glorificavit* aut *glorificabit*. Præterita enim hæc more Hebræo ponuntur pro quolibet tempore: utitur autem Apostolus potius præteritis, quam futuris, quia hæc præterita congrue, utpote in eodem tempore, respondent primo verbo et præterito *prædestinavit*, ex quo alia hæc præterita, quasi effectus ex sua causa certissimo, quantum ex est parte Dei, manantes, deducit et derivat Apostolus.

QUOS AUTEM JUSTIFICAVIT, ILLOS (in iustitia ad finem vitæ perseverantes) ET GLORIFICAVIT. — S. Chrysostomus, Theophylactus, Theodoretus et Commentarii S. Hieronymo et Ambrosio ascripti, gloriam hic accipiunt non æternam, sed præsentis vitæ, quod scilicet sint filii Dei; hæc enim ingens Sanctorum et justorum est gloria, puta adoptio et filiatio divina. Unde Græcum *δοξασαι*, id est *glorificavit*, verti quoque potest, celebres, magnos, gloriosos reddidit, scilicet ærumnis, tentationibus, martyriis aliisque patientiæ et virtutum heroicis actibus et meritis. Origenes tamen, S. Augustinus, *De Prædest. Sanct.*; Fulgentius, *ad Monimum*, cap. xi, et jam passim Theologi, *et glorificavit* accipiunt de gloria beatitudinis æternæ; qui sensus planior est, aptior et sublimior.

Hinc Scholastici tres ponunt effectus prædestinationis, nimirum vocationem, justificationem, glorificationem; ac consequenter colligunt gloriam et beatitudinem æternam esse effectum prædestinationis.

men ima-
ginis res-
pectu
Patris.

Christus
obtres
rationes
filiorum
Dei
primogenitus.

Verba
præterita
hic tam
signifi-
cant
præsens
quam fu-
turum.

Glorifica-
tionem
hic æter-
nam in-
tellegit
Paulus.

Tres ef-
fectus
prædesti-
nationis.

Vers. 31. 31. QUID ERGO DICEMUS AD HÆC? SI DEUS PRO
Scutum impene-
trabile patientiæ
Sancto-
rum.

NOBIS, QUIS CONTRA NOS? — Ecce hic est scutum impenetrabile patientiæ Sanctorum, quo excipiunt et elidunt omnia hostium jacula: nimirum, « Si Deus pro nobis, quis contra nos, » scilicet, demonum vel hominum insurgat, ut nostram salutem impediatur, cum Deus eam curet per æternum propositum prædestinationis suæ, perque temporaneam vocationem, justificationem et glorificationem suam? Deo autem nemo est potentior, supple, si Deum sequi et obedire pergamus, nec impedire salutem nostram: Deus enim non vult nolentes, nec invitos salvare. « Si Deus pro nobis, quis contra nos? Quis contra nos? » ait S. Chrysostomus. Terrarum orbis contra nos, et tyranni, et populi, et cognati, et cives, etc. Verum hi etsi contra nos stent, tantum abest ut nobis incommodent, ut vel nolentes coronarum nobis auctores existant, ipsa Dei sapientia illorum insidias in nostram salutem et gloriam convertente. Plura vide apud eundem.

Tradunt Hebræi, uti R. Isaac Benhole, Reuchlinus, lib. III *Cabal.*; Marcerus, in *Abbreviatur. Hebr.*; Sixtus Senensis, lib. I *Biblioth.*, et Genebrardus, in *Chronolog.*, simili emblemate pro scuto usos fuisse Machabæos, nimirum illo versiculo cantici et triumpho Hebræorum, merso Pharaone, *Exodi. xv, 11*: « Quis similis tui in fortibus, Domine? » quod quasi insigne belli et victoriæ ubique præferebant, hostesque fortissimos et numerosissimos parva manu prosternebant: indeque tradunt eos dictos esse hebr. מַכַּבִּי *Machabi*, id est *Machabæos*, nimirum a litteris Hebraicis, quæ sunt initiales singularum dictionum versiculi jam dicti, qui in Hebræo sic habet מִי כִמְךָ בְּאֵלִים *mi camocha baelim Jehova*. Si enim a prima dictione *mi* capias primam litteram M, a secunda primam C, a tertia primam B, a quarta I, easque conjungas, facies *Machabi*, id est *Machabæus*.

Vers. 32. 32. QUI ETIAM PROPRIO FILIO SUO NON PEPERCIT. — Hinc Adrianus Papa, epist. ad *Episc. Hispan.*, Concilium Francofurtiense et DD. docent Christum, in quantum homo est, id est secundum humanitatem, vere ac proprie esse Filium Dei, scilicet ob gratiam unionis cum Verbo, sive cum persona Filii Dei, quia in quantum homo traditus est pro nobis in mortem, quod de eo hic asserit Paulus.

QUOMODO NON ETIAM CUM ILLO OMNIA NOBIS DONAVIT? — « Omnia » quæ scilicet spectant vocationem, justificationem, glorificationem et salutem nostram, ut nulla adversa, vel prospera, nulli hostes, nulli persecutores eam impedire possint, nisi sponte iis cedamus et succumbamus (1).

Vers. 33. 33. QUIS ACCUSABIT ADVERSUS ELECTOS DEI? — « Electos » hic et alibi intelligit Paulus, non eos

(1) Quod in Abrahamo signum fuerat amoris in Deum, *Gen. xxi, 12*, id in Deo signum est benevolentiae erga homines. Populare dictum. Facilius est dare omne aliud, quam filium.

qui electi sunt efficaciter et immediate ad gloriam cœlestem, sed eos qui electi sunt ad fidem et gratiam Christianismi. Omnes ergo veri Christiani sunt electi, nimirum complete ad gratiam, inchoate vero ad gloriam, ut dixi vers. 28 et *Can. 13* unde sequitur;

33 et 34. DEUS QUI JUSTIFICAT; QUIS EST QUI CON- Vers. 34.
DEMNET? — *q. d.* Deus est qui hosce electos, puta fideles suos verosque Christianos, a peccatis et ab intenta peccati et demonis actione absolvit justosque pronuntiat. « Quis ergo diabolus, ait Anselmus, vel homo contrariam damnationis sententiam in eos ferat? » *q. d.* Nemo, nisi frustra; aut quid noceant eis accusationes et damnationes hominum, cum Deus eos justificat? Alludit Paulus ad *Isaiæ I, 8* et 9, ubi sic dicitur: « Juxta est qui justificat me, quis contradicet mihi? Ecce Dominus Deus auxiliator meus, quis est qui condemnet me? » Pro *condemnet me*, hebraice est יִרְשָׁעִי *irscienti*, id est injustum vel impium me faciet, hoc est, impium me judicabit et declarabit; opponit enim hæc duo הַצַּדִּיק *hustdic*, et הַרְשָׁעִי *harscia*, id est justificare et injustum facere, sive injustum judicare, quod est condemnare.

Excitat Paulus omnibus hisce versibus fideles ad fiduciam, patientiam, magnanimitatem, amorem in Deum. Unde duo elidit hic diffidentiae jacula. Primum est persecutio exterior hostium, quales tunc erant Ethnici permulti, qui Christianos bonis et vita non raro spoliabant; ne ergo huic cedant, Deoque diffident Christiani, opponit illi S. Paulus hic scutum divinum, dicens vers. 31: « Si Deus pro nobis, quis contra nos? » Alterum diffidentiae jaculum est interior metus et conscientiae anxietas ob peccata olim admissa, ne forte illa a nobis quandoque exigantur et rependantur, hoc hic elidit dicens: « Deus est qui justificat, quis est qui condemnet? »

CHRISTUS JESUS (supple, est), qui (pro nobis) MORTUUS EST, IMO QUI RESURREXIT, QUI EST AD DEXTERAM DEI, QUI ETIAM INTERPELLAT PRO NOBIS. — Repete ex præcedentibus: « Quis ergo accusabit adversus electos Dei? quis eos condemnet? » *q. d.* Christus: Adeo eos non accusabit, ut pro eis mortuus sit, et resurrexit ad hoc, ut ad dexteram Dei sedens interpellat pro eis. Dixerat Apostolus, vers. 26, de Spiritu Sancto, quod adjuvet infirmitatem nostram, et postulet pro nobis. Dixerat quoque de Patre, vers. 32, quod proprium Filium traderit pro nobis. Supererat ipse Filius: de eo hic dicit, quod mortuus sit, quodque interpellat pro nobis, *q. d.* Tota ergo SS. Trinitas nos fideles suos impense amat, fovet, tuetur. Quid ergo timeamus, quem metuamus accusatorem? cum talem, imo tales habeamus advocatos et patronos, qui nos nostraque curant sedulo; ac consequenter efficiunt, ut omnia nobis cooperentur in bonum, cedantque nobis ad salutem et gloriam æternam.

Duo diffidentiae
jacula
elidit
Paulus.

Tota
Sanctissima Tri-
nitas est
pro nobis.

Notat Cajetanus, *pro nobis* referendum esse ad omnia præcedentia, scilicet ad *mortuus est*, et ad *resurrexit*, et ad *sedet ad dexteram Dei*. Magis tamen refertur ad *interpellat pro nobis*. Ubi advertit, *imo qui resurrexit* habere emphasim et tacitam præoccupationem: ne quis enim diceret Christum quidem mortuum esse pro nobis, sed post mortem nihil amplius pro nobis pati vel agere, occurrit Apostolus dicens: imo vero post mortem magis satagit pro nobis, curatque nostra et nostram salutem; nam sicuti mortuus est pro nobis, ita multo magis pro nobis resurrexit, ut nimirum viam ad resurrectionem et beatitudinem cœlestem nobis panderet, utque post resurrectionem scanderet in cœlum, ibique sedens ad dexteram Patris interpellaret pro nobis.

QUI ETIAM INTERPELLAT PRO NOBIS. — Quæres, quomodo Christus in cœlis interpellat et oret pro nobis?

Christus sicut pro nobis mortuus est, ita et resurrexit.

Orat Christus pro nobis oratione interpretativa.

Respondeo primo: Orat Christus oratione interpretativa, scilicet exhibendo se et cicatrices suas, quas in passione acceptas adhuc servat, et Patri ostentat; ac consequenter orat, sua merita, suos labores, suas passiones allegando divino conspectui; et hoc est, quod ait Apostolus, *Hebr. ix, 24*: «Introivit (Christus) in ipsum cœlum, ut appareat nunc vultui Dei pro nobis.» Ita docet D. Thomas, *ibid.*; S. Gregorius, *lib. XXII Moral.*, cap. XVIII; Rupertus, *lib. IX De Divinis officiis*, cap. III, et alii.

Christus proprie et vere orat pro nobis quia homo.

Secundo, proprie Christus, qua homo, in cœlis orat pro nobis, perinde ac in terra oravit. Est enim ibi, æque ut hic, advocatus, mediator et pontifex noster, cuius proprium est orare pro populo. Videtur id negare Rupertus loco citato: verum alii Patres passim id ipsum asserunt, imo Christus ipse *Joan. xiv, 13*, ubi loquens de sua ascensione ad Patrem in cœlum: «Ego, inquit, ad Patrem vado, et quodcumque petieritis in nomine meo, hoc faciam. Si diligitis me, mandata mea servate; et ego rogabo Patrem, et alium Paracletum dabit vobis.» Quid est *rogabo*, nisi postulabo, petam, precabor? Rursum id ipsum significat hic Paulus, cum ait: «Interpellat pro nobis.» Quid est enim *interpellat*, nisi intercedit, orat, obsecrat pro nobis? Idem patet *ad Hebr. vii, 27*. Unde Nazianzenus, *orat. 4 De Theolog.*: «interpellat,» inquit, id est pro nobis mediationis ratione supplicat. Et S. Gregorius in *Psal. v Pœnit.*: «Quotidie, inquit, orat Christus pro Ecclesia, de quo testatur Apostolus, quia sedens ad dexteram Patris interpellat pro nobis.» Idem docet S. Augustinus in *Psal. xxix*, Theodoretus, Chrysostomus, Theophylactus, Bonaventura, Abulensis, Sotus et alii, quos citat et sequitur Franciscus Suarez, *III part.*, disp. XLV, sect. 2.

Differentia Christi et hominis in hac vita, et jam

Ubi nota: Orat Christus in cœlis pro nobis oratione proprie dicta, non qua denuo mereatur vel impetret aliquid, uti fecit in hac vita, in qua omne suum meritum consummavit, omniaque quæ im-

petranda erant, impetravit, ac proinde nihil jam ei merendum vel impetrandum restat; sed quæ petat exigendo jus suis meritis debitum, et præmium a Patre impetratum, scilicet gratiam et salutem nostram, dum illa quasi promerita sibi que a Patre promissa reipsa nobis dari, erogari et applicari possit et exigit, ea tamen reverentia, humilitate et submissione, quam homo et creatura debet suo creatori. In hac ergo vita Christus oravit Patrem anxius, sollicitus et cum lacrymis, jam vero Patrem orat lætissimus, liberrimus et beatissimus. Omnis enim humilitas, anxietas et vilitas Christo glorificato indigna, jam ab ejus oratione removenda est, inquit Nazianzenus et Augustinus, loco citato.

Objicies: Christus est jam beatus, cui Pater omnia dedit in manus; ergo non est quod Patrem oret.

Respondeo: Licet Christus sit beatus, omniumque habens potestatem, tamen est et homo, et qua homo est creatura, quæ Deo creatori ac Domino suo debitum cultum religionis exhibere, eumque agnoscere, revereri et honorare tenetur, scilicet illum adorando, laudando, gratias agendo: cur non etiam interpellando proprie et postulando? hoc enim est advocati et pontificis, præsertim cum Christus, qua homo, omnem suam potestatem, dignitatem et gloriam a Deo continuo accipiat, totusque a Deo pendeat, omnisque gratia et gloria a Deo ad nos derivari et descendere debeat per merita et preces Christi. Sic ergo Deus Pater omnia dedit in manus Christi, quia Christo nihil negat, sed illi concedit quicquid petit, et sic Christus ut homo, omnia potest, non immediate et independenter; hoc enim est proprium Dei; sed mediate et dependenter a Deo, tanquam mediator et pontifex, cuius est a Deo sua petere et impetrare.

Christus etiam omnia accepit a Deo, tamen dependet a Deo, qua creatura.

Objicies secundo: Si Christus in cœlis oret pro nobis: ergo licebit orare hoc modo: «Christe, ora pro nobis.»

An liceat orare: Christe, ora pro nobis?

Respondeo licere, si intelligas Christe, qua homo; Ecclesia tamen ita non orat, quia Christo redemptori tribuit id quod habet dignius et præstantius, oratque Christum, non ut intercedat qua homo, sed ut det, qua Deus, id quod petitur.

35. QUIS ERGO NOS SEPARABIT A CHARITATE CHRISTI? — Quæres, quænam hic dicitur «charitas Christi?» an illa quæ est in ipso Christo, ipsoque Deo, qua scilicet Deus per Christum nos diligit: an vero illa quæ est in nobis, qua nos Christum Deumque diligimus? Hæretici, et nonnulli Catholici, uti Toletus et Pererius, intelligunt charitatem, non eam quæ est in nobis, sed eam quæ est in ipso Christo, ipsoque Deo, qua scilicet Deus nos amat per Christum mediatorem, quem pro nobis dedit in mortem, facitque dilectis suis omnia cooperari in bonum, qua scilicet eos prædestinat, vocat, justificat, glorificat: ut pergat Apostolus in commendanda charitate Dei erga dili-

Vers. 35.

Quidam hunc locum intelligunt de charitate qua est in Deo.

gentes se, et vocatos secundum propositum, *q. d.* Nec gladius, nec fames, nec dæmon, nec angelus, nihil denique erit quod possit Deum revocare ab hoc amore, ut eos desinat diligere, regere, protegere, ut sinat eos a se et salute excidere.

Patres intelligunt de nostra charitate. Verum S. Chrysostomus; Origenes, Theodoretus, Ambrosius, Theophylactus, Anselmus et passim alii Patres, et recentiores intelligunt hic charitatem non quæ in Deo, sed quæ in nobis est, qua nos Christum et Deum diligimus: hanc enim elicit, protegit, conservat et accendit in nobis ipsa Christi et Dei charitas, *q. d.* Si ita (ut ostendi vers. 29 et sequent.) nos Christus et Deus dilexit et diligit, quomodo non vicissim eum diligemus et diligere pergemus? ecquid erit, quod nos ab ejus amicitia et amore divellat? Hunc esse sensum patet, quia sequentia ostendunt animos Pauli, et cujusvis sancti, amore Dei flagrantis. Nec enim recte dicitur, quod angustia, fames, nuditas, gladius charitatem, quæ in Deo est, separet a nobis, aut separare possit; de nostra autem charitate optime dicitur: nec fames, nec gladius me separabit ab amore Christi; hæc omnia superabo charitate Christi.

Secundo, quia si Paulus loqueretur de Christi amore erga nos, non diceret: « Quis nos separabit a charitate Christi? » sed, « Quis Christum separabit a charitate nostra? »

Loquitur Apostolus de voluntate fervida, resoluta, constanti. *Tertio*, quia de hac charitate, quæ in nobis est, mox subdit: « Sed in his omnibus superamus, propter eum qui dilexit nos; » et clarius vers. ult.: « Certus sum quod neque mors, neque vita, etc., poterit nos separare a charitate Dei, quæ est in Christo. » S. Bernardus, *serm. De Duplici baptism. et de relinquenda propria voluntate*, quærit: « Quis nos separabit a charitate Christi? » ac respondet: Neque mors, neque angeli, nec aliquid quod extra hominem est, sed sola propria hominis voluntas hanc separationem efficere potest. Verum hoc non est ad mentem Apostoli, quia Apostolus voluntate fervida, resoluta, constanti, de eaque non dubitans, asserit, quod nemo se sui que similes separabit a charitate Christi: perinde ac si amicus amicum ardentissime amans, et pro eo mori resolutus diceret: « Quis me separabit a te, quin te sequar usque ad mortem? » uti de Niso et Euryalo narrat Virgilius. Dicit ergo Apostolus, Christum tam fortiter, quam suaviter diligens: « Quis nos separabit a charitate Christi? »

TRIBULATIO — Certe non, quia gloriamur in tribulationibus.

AN ANGUSTIA — Multo minus: quia licet foris instant pugnae, intus timores, in omnibus tamen superamus, propter eum, qui dilexit nos. Angustias omnes devorat, imo absorbet latitudo charitatis Christi; perinde ut balæna parvos deglutit pisculos, et ignis maximus guttas aquæ vix sentiens haurit: aquæ enim multæ non poterunt extinguere charitatem, nec flumina obruent illam.

AN FAMES — Minime: quia meus cibus est

Christus, quocum semper vescar, non possum fame perire: imo fames, serpens, sitis, ardor, arenae, dulcia virtuti, dulcia charitati. Charitas hæc omnia non fugit, non patitur, sed ambit et invadit.

Scribit Seneca de seipso, *epist.* 63: « In quacumque, inquit, positione mentis sim, cum lego Sextium, libet omnes casus provocare, libet exclamare: Quid cessas, fortuna? congregere, paratus sum; illius animum induo, qui quærit ubi se experiatur, ubi virtutem suam ostendat:

Spumantemque dari, pecora inter inertia, votis
Optat aprum, aut fulvum descendere monte leonem.

Libet aliquid habere quod vincam, cujus patientia exercear. » Hæc Ethnicus; quid hic dicat Christianus? quid Paulus? utique dicit: Cum Christum in cruce intueor, et lego purpureos toto corpore amoris mei characteres, libet exclamare: Veni inedia, veni dolor, veni crux, venite leones; vos ambio, ut amorem meum in Christum ostendam, ut amorem amoris rependam: vobis gaudeo, vobis glorior, vobis exulto.

AN NUDITAS — Neutiquam; quia vestit me charitas Christi, et libens sequar nudus eum, qui cum dives esset et amictus lumine sicut vestimento, propter me egenus et nudus fieri dignatus est.

AN PERICULUM — Nequaquam; sum enim miles veteranus Christi, qui pericula non fugio, sed ambio; qui adversus principatus et potestates tenebrarum harum millies bella suscepi, pugnavi et vici; tot victoriis assuetus, hostes timere, in periculis trepidare non possum.

AN PERSECUTIO — Nullo modo, persecuti sunt me Judæi, Gentiles, Barbari, Græci, principes, magistratus; lapidibus, virgis, verberibus mulctarunt: sed quid? Christum mihi adimere non potuerunt. Ecce vivo vegetior et fortior, Christoque intimius amore conjungor.

AN GLADIUS — Minime gentium; resecet ille caput a corpore, ut anima ad Christum, qui amor meus est, evolet; mihi vivere Christus est, et mori lucrum. Omnibus his aliisque ærumnis et tormentis excelsior est charitas Christi: animus in cœlis, in Christo, in æternitate defixus ridet omnia quæ sub cœlo sunt, tanquam vilia et exilia; reges et tyrannos non pluris facit, quam pulices; plagas et verbera pulicum morsus æstimat, ut ait Chrysostomus; cruces et mortes, quasi brevem, facilem et certum ad Christum et beatitudinem transitum et januam reputat et ambit. Quid mirum ergo, si charitate Christi flagrans in tribulationibus non tribuletur, sed exultet; in angustias non coarctetur, sed consolatione diffluat; in fame non esuriat, non sitiit, sed Christi gratia, patientia et fortitudine satur sit et ebrius; in nuditate non frigeat, sed caleat et æstuet charitate; in periculis non metuat, sed secure in Christi protectione obdormiat; in persecutione hostes

Nota excellitatem charitatis Christi omnibus malis majora.

Christi charitas

ut martyr laudatus, inter omnia mundi tormenta triumphabat.

non fugiat, sed iis cum Christo libere et intrepide se quasi athleta invictus offerat; in gladio et morte non doleat, non pereat, sed quasi martyr laureatus triumphet? Idipsum pulchre et pie canit Prosper in Epigram. *De Dilectione Christi*:

Et quid erit (*inquit*) quod me separet a Domino?
 Ignem adhibe, rimare manu mea viscera tortor:
 Effugiant poenas membra soluta tuas.
 Carcere si caeco claudar, nectarque catenis,
 Liber in excessu mentis adiho Deum.
 Si mucrone paret cervicem abscindere lictor,
 Impavidum inveniet mors cita, poena brevis.
 Non metuo exilium, mundus domus omnibus una est;
 Sperno famem, Domini sit mihi sermo cibus.

Contempserunt Philosophi Gentiles mortem studio humanæ vel virtutis, vel gloriæ. Ita Daminas conversus ad eos qui timebant Philippum Macedonem: « O semiviri, inquit, quid nobis acerbi potest accidere, qui mortem contemnimus? » testis est Plutarchus.

Alius tyranno necem comminanti: « Hemina, ait, sanguinis in tua est potestate, eam accipe, amplius quod mineris non habes. »

Theodorus Lysimacho tyranno mortem minitanti et crucem: « Nihil, ait, interest, humine an in sublimi putrescam. » Ac rursum: « Præclaram, inquit, rem effecisti, si cantharidis vim consecutus es. » Cantharis enim insectum et animalculum vilissimum suo veneno hominem occidere potest; testis est Cicero, *Tuscul.* cap. v.

Plura de Anaxarcho, Empedocle et aliis habet Tertullianus, *Apolog.* cap. l.

Quid ergo faciet philosophus et miles Christianus amore Dei et spe cœlestis gloriæ? Audi quid fecerint philosophi Christiani. S. Basilius cum a Valente Imperatore in exilium pro fide cogeretur, exhibitus est ad tribunal præfecti, terroribusque et minis maximis actus, ut, nisi præceptis principis obediret, sciret sibi impendere interitum, tum ille intrepidus ad præfectum: Atque utinam aliquid mihi esset digni muneris, quod offerrem huic, qui maturius Basilium de nodo follis huius absolveret. Cumque daretur ei vox quæ erat media ad deliberandum, denuo respondit: Ego cras idem ero qui nunc sum, tu te utinam non mutares! Ita *Ecclesiast. Histor.* lib. I, cap. ix.

Tales tamque celsos et leoninos animos ostendit S. Chrysostomus, cum ab Eudoxia in exilium pelleretur, et extrema quæque metueret. Scribens enim ad *Cyriacum*, epist. 3, tom. V, ita ait: « Ego cum e civitate fugarer, nihil eorum curabam, sed dicebam intra memetipsum: Si quidem vult me regina exulem, agat in exilium: Domini est terra, et plenitudo ejus. Et si vult secare, secet: idem passus est Isaias, subscribat illi. Si vult in pelagus mittere, Jonæ recordabor. Si me lapidare vult, lapidet me: Stephanum habeo primum martyrem socium. Si et caput tollere vult, tollat: habeo socium Joannem Baptistam.

Et si substantiam auferre, auferat: nudus exivi de utero matris meæ, et nudus revertar illuc, » etc.

36. SICUT SCRIPTUM EST (Ps. XLIII, vers. 22): QUIA PROPTER TE MORTIFICAMUR (in mortem mortisque pericula, plagas et ærumnas tradimur: unde S. Cyprianus legit, *occidimur*) TOTA DIE, ÆSTIMATI SUMUS SICUT OVES OCCISIONIS.

Nota igitur propter te, q. d. Propter fidem, amorem, confessionem et cultum nominis tui: sunt enim hæc verba Machabæorum aliorumque Judæorum ab Antiocho Epiphane afflictorum, et plagis ac morte mulcatorum; ut notat ibidem Theodoretus. Allegorice vero sunt hæc verba Ecclesiæ, Apostolorum et Martyrum, qui a persecutoribus et tyrannis vexantur, et carceribus, verberibus mortique traduntur. Hunc vers. ita legit Tertullianus, *Scorpiaci* cap. XIII: « Tui causa mortificamur tota die, deputati sumus, ut pecora jugulationis, » id est ut pecora certæ et proximæ neci destinata, et jamjam jugulanda.

37. SED IN HIS OMNIBUS SUPERAMUS (græce *ὑπερνικῶμεν*, id est plus quam victores sumus, supervincimus, scilicet, insigni et illustri victoria, ait Theophylactus et Oecumenius, quam consequimur, dum non resistendo, sed patiendo et moriendo, superamus hostes omnes et quævis adversa, in iisque gloriamur, idque) PROPTER EUM, id est amore et exemplo Christi; vel, ut Græci et Syrus habent, per eum, id est per auxillium gratiæ Christi), QUI DILEXIT NOS.

Triplex ergo rationem hujus supervictoriæ affert hic Apostolus. Prima est a facilitate vincendi; quia sola ipsa tolerantia contra hostes ubique trophæa erigimus. Secunda, quia per ipsa tormenta et persecutiones superamus: quæ nova est et mira vincendi ratio. Tertia, ob victoriæ certitudinem: plusquam enim superare est, aliquem sic ad certamen descendere, quasi jam victoriæ dominus sit. Unde ait: « Certus sum enim, quia neque mors, neque vita, » etc.

« Hoc, inquit Chrysostomus, hom. 23 in *Matth.*, testantur Apostoli, qui torrente totius orbis in se pariter irruente, tyrannorum scilicet atque populorum, Judæorum atque Gentium, suorum et alienorum, pulsata fluctibus rupe firmiter constiterunt. » Et infra: « Hoc est enim maxime mirabile, quia cum plurimas illi paterentur insidias, maximeque in illos tempestatum turbines frequentes irruerent, nequaquam tamen eorum animos labefactare potuerunt, nec eis aliquem incutere mœrorem. Exagitat te undique inimicus, et afflictionibus mille circumdat, sed clariorem tibi profecto texit coronam. Quod autem præcipue mirandum est, non modo nihil omnino lædunt, qui talibus insidias machinantur, sed eos etiam faciunt oppugnatione meliores. » Deinde idipsum probat, eosdem apposite comparando adamantini, stimulo et igni, dicens: « Et qui adversus stimulum calcitrat, sine dubio ipse compungitur suisque propriis ictibus vulneratur; et qui im-

Triplex ratio victoriæ Christianorum.

pugnat virtutem tenentes, ipse profecto subruitur, et malitia tanto efficitur infirmior, quanto contra virtutem diutius præliatur. Et sicut qui ignem ligat in vestimento, illum quidem non extinguit, vestimentum vero comburit: ita etiam qui in virtute positos persequiebantur, comprehendebant, ac sæpius colligabant, illos quidem reddebant ex his omnibus clariores, se autem perdebant. »

Vers. 33 et 39. Hæreticorum Novantium pro fide peculiaris illatio. 38 et 39. CERTUS SUM ENIM, QUIA NEQUE MORS, NEQUE VITA, etc., POTERIT NOS SEPARARE A CHARITATE DEI. — « Certus sum; » ergo, aiunt hæretici, electi fide credunt esse se impeccabiles et ad gloriam electos. Respondent aliqui, Paulum de se loqui, eique revelatum fuisse se esse prædestinatum et confirmatum in gratia.

Alii putant Paulum hic loqui in persona electorum, q. d. Electi finaliter non possunt separari a charitate, aut mori in peccato.

Verum respondeo: pro *certus sum*, græce est *πίστευμαι*, id est certam in Domino spem habeo, persuasum habeo, confido, ut legit Ambrosius, Hieronymus, Quæst. IV ad *Algasiam*, Syrus, imo Erasmus, Beza et Vatablus. Hoc enim sensu τὸ *πίστευμαι* usurpat Paulus cap. xv, vers. 14; *Hebr.* cap. vi, vers. 9, et II *Tim.* i, 5, et alibi. Significat ergo Paulus hisce verbis, ait S. Augustinus, lib. *De Moribus Eccles.*, cap. xi et seq., potentiam et efficaciam charitatis, q. d. Nullus est terror, qui possit permovere hominem, qui charitate flagrat, ut Deum offendant; tamen ibidem docet S. Augustinus, charitatem posse amitti, et diligentissime esse servandam. Sic miles animosus et ardore belli ac victoriæ accensus diceret: Certus et resolutus sum, quod nec tela, nec saxa, nec ignes me arcebunt a mœnibus, quin ea consendam, uti de Sinone ait Virgilius:

In utrumque paratus,
Aut versare dolos, aut certæ occumbere morti.

ostenditur hunc locum nihil facere pro fide specialiter hæreticorum. Adde, ipsos hæreticos, qui hunc locum pro sua fide speciali nobis obijciunt, aliosque Doctores Catholicos hæc accipere de charitate Dei, non nostra, q. d. Paulus: Charitas qua Deus suos dilectos amat, curat, dirigit ad salutem, ita sua, certa et immutabilis est, ut nulla omnino creatura ab ea nos possit divellere, aut efficere ut illa nos desinat amare, vel ut amor ejus frustretur suo effectui, puta gratia, justitia, salute nostra, « quæ est in Christo, » id est per Christum, qui hanc Dei charitatem, sua morte nobis conciliavit. Intellige, nisi nos sponte per peccatum ab ejus amore avellamus, et nolimus ab eo amari et regi. Et hoc est quod ait S. Bernardus: « Nulla creatura a Dei charitate separare nos potest, sed sola propria voluntas id ipsum potest. » Certitudo ergo hæc ex parte Dei summa est, estque certitudo fidei: sed ex parte nostra moralis tantum est certitudo, qualem affert firma resolutio firmumque propositum hominis; de quo loqui hic Apostolum verius est, ut dixi.

Exclamat hic S. Chrysostomus: « O animam furentem insania, sed quæ sobrietatem pariat! omnia quæ in cælis, quæ in terra, quæ sub terra, quæ supra cælos sunt, visibilia et invisibilia, præ amore Christi transcendens nihil aestimabat: unum hoc metuebat, ne a Christi dilectione excideret. » « Hac charitate Paulus ornatus, inquit idem Chrysostomus, homil. 2 *De Laudibus Pauli*, tyrannos ipsumque adeo Neronem, velut quosdam culices aestimabat, hac mortem, cruciatus et mille supplicia, ludum putabat esse puerorum; hac Paulus vinctus Jesu Christi, magis quam diademate coronatus, gloriatur: etenim coarctatus carcere cælum habitabat; hac libentius verbera excipiebat et vulnera, quam alii bravia diripiunt; hac labores non minus quam requiem, dolores non minus quam præmia, quam triumphales pompas et trophæa diligebat. Ego, inquit, in laboribus plurimis, in carceribus abundantius, in plagis supra modum, in mortibus, » etc.

Hac charitate succensus S. Tiburtius martyr, ut habent ejus Acta, ad Torquatium judicem insultans, et quasi triumphans dicebat: « Applica equuleos, suspende Christianos, damna, percutite, incende, universa denique supplicia adhibe: si exilium minaris, hoc philosophantibus est totus mundus; si mortis supplicium, evadimus mundi carcerem; si ignes, majora his in cupiditatibus incendia vincimus: decerne quidquid libet, omnis nobis vilis est pœna, ubi pura comes est conscientia. » Tiburtium mox secuti Marcus et Marcellianus fratres, cum pedes eorum clavis acutis stipiti confixi essent, psallebant dicentes: « Ecce quam bonum et quam jucundum habitare fratres in unum? nunquam tam bene epulati sumus, quia modo cœpimus esse fixi in amore Christi; utinam, o iudex, nos sic esse permittas, quamdiu hujus corporis tegimur indumento! »

Pulchre de hac charitatis suavi vi et violentia, qua amantis cor totum in Deum quem amat, abripitur, S. Bernardus, serm. 79 in *Cant.*, in illud cap. iii, *Num quem diligit anima mea, vidistis?* « O amor, inquit, præceps, vehemens, flagrans, impetuose, qui præter te aliud cogitare non sinis, fastidis cætera, contemnis omnia præter te; te contentus, captivam ducis rationem et intellectum, mirabiliter triumphum agens rerum omnium. En omne quod cogitat ista, quod loquitur, te sonat, te redolet, et aliud nihil: ita tibi ipsius et cor vindicasti et linguam. Num quem diligit anima mea, vidistis? Quasi vero hi sciant quid cogitet ipsa, non explicat verbis sponsi nomen; ut perpendas amorem hunc sanctum non lingua aestimandum esse et verbo, sed opere et veritate. Et præterea quoniam sicut idioma Græcum, qui græce peritus non est, intelligere non valet; sic et proprios amoris terminos ac nomina solus amans intelligit: aliis autem illa loquens apparebit barbarus. At isti vigiles, quia idioma am-

Nota mirabilem charitatis suavitatem et violentiam in viris sanctis et martyribus.

Pulchra amoris a Bernardo, ejusque passionum descriptio.

ris callebant, docent dilectam. Tenui eum, nec dimittam. » Deinde idipsum exemplo Jacobi Patriarchæ declarat : « Dixit Jacob angelo, cum quo luctabatur usque mane, postulanti uti eum dimitteret, quia viderat appropinquantem auroram : Non dimittam te, nisi benedixeris mihi ; et benedixit ei in eodem loco, et post hoc dimisit illum. Sponsa autem etiam benedictionem consecuta, invento eo, quem diliget anima ejus, ait : Tenui eum, nec dimittam ; dimittere eum non vult, nec ille forsitan minus teneri vult, de quo dicitur : Deliciæ meæ esse cum filiis hominum. Quid hac copula fortius, quæ una duorum tam vehementi voluntate firmata est ? Tenui eum, nec dimittam, et tenet illa, juxta illud : Tenuisti manum dexteram meam ; non teneret, nisi teneretur misericordia Dei. »

NEQUE FORTITUDO. — Ita legunt Biblia Romana. Sed delent hoc Græca, Syra et Ambrosiana ; nec habet sibi respondens quid, uti habent cætera, quæ paria sunt : quodque enim suum habet compar, ut patet cum dicit : « Neque mors, neque vita, neque instantia (id est præsentia bona, vel mala, inquit Anselmus), neque futura. »

39. NEQUE ALTITUDO, NEQUE PROFUNDUM. — Id est nulla prosperitas, nulla adversitas, nulla gloriosa, vel humilia, inquit Œcumenius et ex eo Toletus.

Secundo, D. Thomas et Anselmus sic explicant : « Neque altitudo, » scilicet arcis et rupis, ex qua quis minaretur præcipitium, ni a Dei amore recedas ; « neque profundum, » puta mare aut flumen, in quo pari modo minaretur quis submersionem, nos separabit a charitate.

Tertio et efficacius, Theodoretus : « neque altitudo, neque profundum, » id est nec cæli, nec inferi, q. d. Etiam si promittas regnum cæleste, etiam si gehennam mineris Deum amanti, ut separet eum a charitate, nihil tamen apud eum effeceris, ait S. Chrysostomus. Est hyperbole. Subintelligitur enim, si videlicet hoc promittere, vel hoc minari tali conditione quis posset, q. d. Paulus : Hoc unum non tam timeo, quam adversor, abhorreo et detestor, scilicet separationem a charitate et dilectione Dei, « quæ est in Christo » (id est per Christum ; qua scilicet Deo per Christum Christique fidem, gratiam et amorem jungimur et unimur : vide *Can. 25*) ; præ hac separatione omnia quasi ludicra contemno, nam separari a Christo ipsa gehenna mihi magis horrendum est : sicut vicissim in Christi charitate perdurare quovis regno mihi jucundius est, ait S. Chrysostomus.

Pulchre, subtiliter et nervose sigillatim hæc explicans S. Augustinus, lib. I *De Moribus Ecclesiæ*, cap. XI, tom. I : « Nemo, inquit, nos separat a charitate Domini, minando mortem ; idipsum enim quod diligimus Deum, mori non potest, cum mors ipsa sit non diligere Deum. Nemo ab ea separat pollicendo vitam : nemo enim ab ipso fonte separat, pollicendo aquam. Non separat an-

gelus : non enim est angelus, cum inhæremus Deo, nostra mente potentior. Non separat virtus quæ potestate habet in hoc mundo : nam toto mundo omnino sublimior est mens inhærens Deo. » Pergit Augustinus : « Non separant instantes molestiæ : hoc enim leviores eas sentimus, quo ei unde nos separare moliantur, arctius inhæremus. Non separat promissio futurorum : nam et quidquid boni futurum est, certius promittit Deus ; et nihil est ipso Deo melius, qui jam bene sibi inhærentibus præsens est. Non separat altitudo, neque profundum : quid enim mihi cælum polliceatur, ut a cæli fabricatore sejungar ? aut quid terreat infernus, ut Deum deseram ? quem si nunquam deseruissem, inferna nescivissem. Postremo, quis me locus ab ejus charitate divellet, qui non ubique totus esset, si ullo contineretur loco ? »

Ita resoluta et solidata fuit in amore Christi præ aliis Sanctis S. Agatha, virginum heroina, ut cum esset nobilissima, ditissima, honestissima et pulcherrima, ac præses Siciliæ Quintianus ejus amore captus, non tam judicem ageret, quam procum, sed frustra, ideoque tandem eam tradidisset Aphrodisiæ, ut eam suis lenociniis flecteret præsidique obsequentem efficeret, illaque quasi siren nocte et die voluptates et delicias illi occineret, S. Agatha quasi surda mentem in Deo defigens immobilis persisteret : cumque illa finem sollicitandi non faceret, demum ei virgo sancta respondit : « Tuas voces, Aphrodisia, tuamque linguam, non ut tuam, sed ut dæmonis organum et linguam accipio. Pudeat te mihi hæc fœda et indigna proponere. Si non pudet, cessa tamen : operam enim perdis, surdo canis. Ego enim ita fundata et firmata sum in amore Domini mei Jesu, tamque constans in voto virginitatis meæ quod ipsi nuncupavi, ut per ipsius gratiam confidam quod prius soli deficiet sua lux, igni calor, nivi albedo, quam ego mutem meam voluntatem et propositum. Præparet Quintianus leones, accendat rogam, distendat equuleos, aperiat portas inferni si potest, omnemque dæmonum vim et tormenta contra me concitet, libens omnia excipiam ut moriar Christiana et virgo. Nullam Quintiani violentiam timeo, quia Deus, cui animam et corpus consecravi, me tutabitur. » Quocirca Aphrodisia referens ad Quintianum ea, quæ in Agatha viderat et exploraverat : « Facilius, ait, est lapides molles et teneros facere, aut ferrum in plumbum convertere, quam mentem Agathæ a Christi amore et castitate ad te traducere. Ego enim et filiæ meæ per triginta dies, noctu diuque nihil aliud egimus, quam ejus animum pulsare et tundere, nunc blanditiis, nunc minis, nunc promissis ; sed ipsa omnia quæ sub cælo sunt, propter Christum non pluris facit quam terram quam pedibus calcas ; imo noctu diuque non aliud cogitat, non aliud somniat quam ut moriatur pro Christo. » Quintianus ergo Agatham accersens, novis modis

artibusque cunctis ejus rursum animum pertentavit, promittens ei quidquid desiderari potest in hoc mundo, si sibi obsequeretur. Cui sancta : « Ego extra Christum nec vitam, nec salutem, nec quid aliud opto aut desidero. Nec est, o Quintiane, quod putes me tuis minis, sævitia et tormentis percellere. Scias enim non esse cervam fessam et sitibundam, quæ ita desideret limpida aquam, atque ego desidero et sitio tua tormenta, ut per ea Christum meum amplectar eique uniar. Si velis in me stringere gladium, ecce collum meum; si flagella, ecce dorsum

meum; si ignem, ecce totum meum corpus. Ecce meas manus, meos pedes, membra mea omnia tibi offero, excrucia ea ut lubet. Ure, seca, stringe, lacera, distende, liga, excrucia, occide : quanto in me eris crudelior, tanto majus in me beneficium conferes, tanto plus consolationis et gloriæ a dulci meo sponso accipiam. Quid tardas? quid moraris? animo sitiendi omnis mora longa est. » Dixit, et præstitit; nam mamillæ abscissionem; ignes, testas aliaque dira tormenta alacri fortique animo perpressa, martyr in cælum evolavit die 5 februarii.

CAPUT NONUM.

SYNOPSIS CAPITIS.

Docet Judæos rejectos esse a justitia et salute ob infidelitatem; Gentes vero ad eam ascitas esse propter fidem.

Primo ergo ostendit hic Paulus suum amorem in Judæos, et dolorem de eorum ruina et repulsa.

Secundo, vers. 6, ostendit non propterea irritas esse promissiones a Deo Abrahæ ejusque filiis, sive Israelitis, factas, eo quod illæ non pertineant ad filios carnis, puta Judæos, sed ad filios promissionis et electionis divinæ, puta ad Christianos, qui credendo in Christum Abrahæ fidem imitantur.

Tertio, vers. 14, docet hoc non esse iniquum, eo quod Deus, cum sit omnium Dominus, cujus vult miscereatur, et quem vult induret : induret, inquam, non duritiem eis immittendo, sed sustinendo eos in multa patientia, quasi vasa iræ apta in interitum, ut ipse Apostolus explicans ait vers. 22.

Quarto, vers. 24, hos filios promissionis docet partim esse Judæos credentes in Christum, sed paucos, partim Gentes, easque plurimas.

Denique, vers. 30, propriam, directam et adæquatam dat causam, cur Judæi a justitia et salute sint repulsi, Gentes vero ad eam ascitæ; nimirum quod Judæi noluerint credere in Christum, Gentes vero in eum crediderint. Omnis enim justificatio et salus nostra (Deo ita volente et decernente) ab uno Christo petenda et expectanda est.

1. Veritatem dico in Christo, non mentior : testimonium mihi perhibente conscientia mea in Spiritu Sancto : 2. quoniam tristitia mihi magna est, et continuus dolor cordi meo. 3. Optabam enim ego ipse anathema esse a Christo pro fratribus meis, qui sunt cognati mei secundum carnem, 4. qui sunt Israelitæ, quorum adoptio est filiorum, et gloria, et testamentum, et legislatio, et obsequium, et promissa : 5. quorum patres, et ex quibus est Christus secundum carnem, qui est super omnia Deus benedictus in sæcula. Amen. 6. Non autem quod exciderit verbum Dei. Non enim omnes qui ex Israel sunt, ii sunt Israelitæ : 7. neque qui semen sunt Abrahæ, omnes filii : sed in Isaac vocabitur tibi semen : 3. id est, non qui filii carnis, hi filii Dei : sed qui filii sunt promissionis, æstimantur in semine. 9. Promissionis enim verbum hoc est : Secundum hoc tempus veniam; et erit Saræ filius. 10. Non solum autem illa; sed et Rebecca ex uno concubitu habens, Isaac patris nostri. 11. Cum enim nondum nati fuissent, aut aliquid boni egissent, aut mali (ut secundum electionem propositum Dei maneret), 12. non ex operibus, sed ex vocante dictum est ei : 13. Quia major serviet minori, sicut scriptum est : Jacob dilexi, Esau autem odio habui. 14. Quid ergo dicemus? numquid iniquitas apud Deum? Absit. 15. Moysi enim dicit : Miserebor cujus misereor; et misericordiam præstabo cui miserebor. 16. Igitur non volentis, neque currentis, sed miserentis est Dei. 17. Dicit enim Scriptura Pharaoni : Quia in

hoc ipsum excitavi te, ut ostendam in te virtutem meam; et ut annuntietur nomen meum in universa terra. 18. Ergo cujus vult miseretur, et quem vult indurat. 19. Dicis itaque mihi: Quid adhuc queritur? voluntati enim ejus quis resistit? 20. O homo, tu quis es, qui respondeas Deo? Numquid dicit figmentum ei, qui se finxit: Quid me fecisti sic? 21. An non habet potestatem figulus luti, ex eadem massa facere aliud quidem vas in honorem, aliud vero in contumeliam? 22. Quod si Deus volens ostendere iram, et notam facere potentiam suam, sustinuit in multa patientia vasa iræ, apta in interitum, 23. ut ostenderet divitias gloriæ suæ in vasa misericordiæ, quæ præparavit in gloriam. 24. Quos et vocavit nos non solum ex Judæis, sed etiam ex Gentibus, 25. sicut in Osee dicit: Vocabo non plebem meam, plebem meam; et non dilectam, dilectam; non misericordiam consecutam, misericordiam consecutam. 26. Et erit: In loco, ubi dictum est eis: Non plebs mea vos: ibi vocabuntur filii Dei vivi. 27. Isaias autem clamat pro Israel: Si fuerit numerus filiorum Israel tanquam arena maris, reliquiæ salvæ fient. 28. Verbum enim consummans et abbrevians in æquitate: quia verbum brevium faciet Dominus super terram; 29. et sicut prædixit Isaias: Nisi Dominus sabaoth reliquisset nobis semen, sicut Sodoma facti essemus, et sicut Gomorrha similes fuisset. 30. Quid ergo dicemus? Quod gentes, quæ non sectabantur justitiam, apprehenderunt justitiam: justitiam autem, quæ ex fide est. 31. Israel vero sectando legem justitiæ, in legem justitiæ non pervenit. 32. Quare? Quia non ex fide, sed quasi ex operibus: offenderunt enim in lapidem offensionis, 33. sicut scriptum est: Ecce pono in Sion lapidem offensionis, et petram scandali et omnis; qui credit in eum, non confundetur.

Cur Judæi re-
jecti a fi-
de et via
salutis.

Descendit hic Apostolus a thesi ad hypothesin. Hactenus enim docuit, non legalia, sed fidem Christi unicam esse viam ad justitiam et salutem: nunc tribus capitibus sequentibus (1) docet Gentes electas esse ad hanc justitiam et salutem, quia hanc fidei Christi viam iniverunt: Judæos vero ab eadem rejectos esse non defectu vocationis, ut patet cap. x, vers. 12, vel gratiæ, utpote quam

(1) « Novum argumentum tractat Paulus ab hoc cap. ix usque ad finem cap. xi, nempe de gentis Judaicæ statu ac conditione misera, de causis unde ea sit repetenda, de fine denique in quem aliquando sit exitura. Causam hæc scribendi Apostolus habuisse videtur hanc, quod Judæi, non tantum in veteri sua religione perseverantes, sed etiam ipsi e Judæis Christiani ægre ferrent, Ethnicos paribus juribus cum Judæis frui. Hoc enim vehementer pugnabat cum iis opinionibus quas Judæi ex magistris suis hauserant: posteros Abrahami, Isaaci et Jacobi semper præcipuo apud Deum loco fore, et, quamvis multa delinquerent, Deum ista condonaturum, tum ob majorem virtutes, tum ob professionem veræ religionis. Ostendit ergo Apostolus, Deum et in puniendo et beneficiendo semper esse justissimum æquissimumque, et magnæ esse temeritatis disputare contra id, quod Deus faciat, cap. ix, vers. 6-18; deinde vero docet, Judæis hæc mala accidere ipsa eorum culpa, propter suam improbitatem, superbiam et incredulitatem, ix, 19; x, 21; denique etiam solatur Christianorum animos ea cogitatione, multos Judæorum jam Christo nomen dedisse, et fore aliquando tempus, quo universa gens Judaica ad religionem Christi sit accessura, cap. xi. Ac primum, quia credi poterat Paulus aut infensus Judæis, aut propensor in Christianos e Gentibus vocatos, suspensionem hanc longe a se amolitur ix, 1-5, et quidem jurejurando adhibito per Christum. » Hæc apposite Rosenmüllerus.

maximam, imo Christum ipsum totum soli ipsi habuerunt; sed quia carnali patri Abrahamo et Mosi legislatori, legisque operibus præfisi, inde sibi salutem et justitiam arrogarunt; Christi vero, quasi hominis abjecti fidem et gratiam contempserunt. Id diserte patet cap. xi, vers. 20, 30 et seq.

Hoc ergo cap. docet primo, idipsum non esse contra promissa, nec etiam contra justitiam Dei; nam *Abrahæ semen*, id est filii, cui *benedictio*, id est justitia, amicitia, Dei protectio et salus promissa fuit a Deo, non intelliguntur filii secundum carnem, puta Judæi, sed secundum spiritum et fidem, puta Christiani.

Secundo, docet causam cur Deus filiis non carnis, sed spiritus, id est *non Judæis*, sed Christianis promissam hanc benedictionem consignari voluerit, esse non illorum demeritum, vel horum meritum; sed puram voluntatem, electionem et misericordiam Dei, qui novam posteritatem, non carnalem, sed spiritualem, scilicet fidelium Christianorum, eligere et adoptare voluit ad hæc promissa; cum ad eadem carnalem Abrahæ posteritatem, puta Judæos, adoptare potuisset si voluisset (uti eos in lege veteri adoptavit sibi in filios), vel alium ordinem et viam benedictionis et justificationis instituere.

Unde patet, Apostolum hoc cap. proprie et directe non agere de vocatione Judæorum et Gentium ad fidem, sed hanc utrorumque vocationem præsupponere; nec rursum agere eum de gratia præveniente, ejusque disparitate, quasi docere velit Judæis minorem datam esse gratiam, Genti-

Filiis
non car-
nalibus
Abrahæ,
sed spiri-
tualibus
promissa
benedic-
tio.

Cur
Deus fi-
lios
Abrahæ
non car-
nales,
sed spiri-
tuales
adoptavit?

Judæis
non de-
fuere
gratia
internæ
et exter-
næ.

Agit bus majorem; Judæis inefficacem, Gentibus effi-
Apostolus cacem : sed agere de gratia justificante, ut patet
 da toto cap. præced. et aliis omnibus, hucusque.
 gratia Vide et lege præ aliis caput in et iv, et ita esse
 justifi- videbis. Totius enim epistolæ quæstio est hæc :
 cante, unde justificetur homo? Cui respondet Apostolus,
 non præ- hominem justificari per fidem et gratiam Christi,
 veniente. non per cæremonias aut opera legis. Ex qua res-
Prob. ponsione recte hoc cap. et seq. infert et concludit
Primo. Gentes justificatas esse, quia fidem et gratiam
 Christi amplexæ sunt, non autem Judæos, utpote
 qui eam amplecti noluerunt.

Secundo. *Secundo*, idipsum, scilicet quod Apostolus non
 agat hic de gratia præveniente, sed justificante,
 patet ex eo, quia hæc est benedictio promissa
 Abraham et semini ejus, scilicet : « Ero Deus tuus
 et seminis tui, » nimirum ad hoc, ut te et poste-
 ros tuos secundum fidem et spiritum, quasi jus-
 tos, filios et amicos meos amem, protegam, com-
 plectar : ergo benedictio hæc Abraham non est
 aliud quam justitia et amicitia Dei.

Tertio. *Tertio*, idipsum patet, ex eo quod hæc benedictio
 jam dicta præsupponat et requirat, ut jam
 natus quis sit filius Abraham, non secundum car-
 nem, sed secundum spiritum, puta, ut quis per
 fidem et baptismum renatus sit in Christo : hic
 enim est filius Abraham et hæres benedictionis, id
 est, justitiæ et salutis. Promissa ergo hæc Abraham
 benedictio non est fides, nec vocatio, aut gratia
 præveniens, utpote quam jam filius hic et hæres
 præsupponitur habere : per hanc enim debet
 nasci quis filius spiritualis Abraham, ut capax fiat
 hujus benedictionis ejusdem, perinde ac in hu-
 manis aliquis prius debet nasci, fierique filius
 patris sui, antequam ejusdem hæres fieri, vel jus
 ad hæreditatem acquirere possit.

Quarto. *Quarto*, idipsum clare patet ex conclusione toti-
 us hujus disputationis, quam colligit Apostolus
 hoc cap. vers. 30 et seq., ubi concludit Gentes
 justitiam adeptas esse, quia crediderunt Christo,
 Judæos vero ab ea excidisse, quia eam non in
 fide Christi, sed in lege Mosis quæsierunt. Ex
 his omnibus patet Apostolum hoc cap. et seq.
Corollarium proprie non agere de gratia præveniente congrua,
 quoddam vel incongrua, multo minus de electione et elec-
 ex quo tis ad gloriam, deque reprobatione et reprobis
 pendet intelligentia ad pœnas æternas; sed agere de gratia justifi-
 totius hujus gentis, quam per fidem Christi adeptæ sunt Gen-
 jus capitis. tes, a qua Judæi exclusi sunt propter increduli-
 tatem. Atque hoc punctum maxime hic notandum
 est : ex illo enim pendet genuina applicatio pa-
 riter et explicatio totius capitis, omniumque illius
 antithesium, adeoque tota mens Apostoli, uti fu-
 sius ipso capitis decursu declarabo.

Vers. 1. 1. VERITATEM DICO IN CHRISTO, NON MENTIOR,
 TESTIMONIUM MIHI PERHIBENTE CONSCIENTIA MEA IN
 SPIRITU SANCTO. — Nota *in Christo*, q. d. Verita-
 tem dico, uti facere par est eum, qui Christum
 revereatur; vel « in Christo, » id est *per Christum*,
 quem testem invoco, q. d. Testor Christum, juro

per Christum me verum dicere. *Beth* enim, id est
in, apud Hebræos subinde est nota et vox juran-
 tis, ut patet *Genes. xxii, 16; Josue ii, 12*. Addunt
 Theophylactus et Oecumenius, Paulum hic per
 tres testes jurare, scilicet per Christum, per cons-
 cientiam, per Spiritum Sanctum. Verum illud,
 « testimonium perhibente mihi conscientia, » non
 videtur esse juramentum, sed tantum asseveratio
 se non mentiri, cum conscientia hoc illi dictet et
 attestetur; conscientia, inquam, mota et excitata
 ac impulsata a Spiritu Sancto : hoc enim significat
in Spiritu Sancto, quod idem valet ac *per Spiritum Sanctum*.

Paulus
hic non
jurat per
conscien-
tiam, sed
per Chris-
tum.

2. QUONIAM (quod) TRISTITIA MIHI MAGNA EST, ET
 CONTINUUS DOLOR CORDI MELO. — Scilicet ob rejec-
 tionem et reprobationem Judæorum a justitia et
 salute. Hanc enim causam doloris sui in seq. ex-
 primit Paulus; sed hic initio eamdem artificiose
 celat et tegit, ut prius ostendat suum in Judæos
 affectum, itaque eos sibi devinciat, ne putent
 eum ex odio legis et Judæorum hæc dicere, neve
 initio statim eos tam tristi nuntio percellat.

Vers. 2.
Tristitia
Pauli ob
Judæo-
rum re-
probatio-
nem.

3. OPTABAM EGO IPSE ANATHEMA ESSE A CHRISTO
 PRO FRATRIBUS MEIS. — « Optabam » S. Chrysos-
 tomus, Origenes et Theophylactus vertunt, *opta-
rem*, vel *optarim*, si videlicet possibile esset, et si
 divina dispositio id pateretur. Intelligunt ipsi in
 Græco *ἐάν*, et videntur legisse *ὀρχίζων*. Nam *ὀρχίζων*,
 uti jam legitur, non video quomodo aliud esse
 possit, quam præteritum imperfectum, *opta-
bam* (1). Optabam ergo, idem est ac si dicat : jam
 pridem optavi et continuo opto, et, ut ait Ansel-
 mus, jamdiu optare cœpi. Cajetanus vero sic ex-
 plicat, q. d. Modo non opto, sed optabam in
 judaismo existens, esse anathema, id est separari
 a Christo.

Vers. 3.

Verum non recte : nec enim optat quis sepa-
 rari ab eo, a quo omnino jam separatus est :
 Paulus autem in judaismo plane erat separatus
 a Christo, Christique hostis acerrimus. Adde, non
 recte probare Paulum amorem suum in Judæos
 præsentem ex præterito. Nam dixissent Judæi :
 Tu quidem, Judæus existens, nos Judæos amasti,
 sed jam cum religione affectum in nos mutasti.

Cajetani
explica-
tio hic
refuta-
tur.

Nota : Quia Paulus hic dicturus erat ea quæ
 Judæis sciebat fore valde odiosa, scilicet eorum
 repudium a Deo et justitia, hinc eos initio sibi
 conciliat tot tamque gravibus verbis, intimum
 animi sui dolorem et sensum, indeque eximium
 suum in eos amorem ostendens; unde optat pro
 eis fieri anathema.

ANATHEMA ESSE. — *Primo*, aliqui apud Oecume-
 nium sic explicant : Optarim me nondum esse ad
 Christum conversum, sed adhuc esse anathema
 a Christo, si hoc ad fidem Judæorum conferret.
 Sed hoc votum est illicitum et impium.

Quintu-
plex ho-
rum ver-
borum
expositio

(1) *ὀρχίζων* legit S. Chrysostomus, nam imperfectum
 pro optativo frequens est Græcis, sive addito, sive non
 addito *ἐάν*.

Secundo, S. Thomas et Lyranus sic explicant: Opto diutius abesse a Christi gloria, ut vivens in hac vita Judæis proxim.

Tertio, Ambrosius, Anselmus et Toletus hunc dant sensum: Cum essem Judæus, eram Christi hostis, adeo ut anathema et velut execratio ac maledictio a Christo et Christianis haberi vellem. Verum huic sensui obstant ea, quæ paulo ante produxi.

Quarto, Dionysius Carthusianus et Abulensis, in cap. xxxii *Exodi*, censent esse hyperbolen, quia tantum Paulus velit significare et testari eximium suum in Judæos amorem, quo quidvis pro eis optet perpeti.

Quinto, Origenes et S. Hieronymus *ad Algas*, Quæst. IX: Optabam, inquiunt, esse anathema, id est occisionem et martyrium, ac mortem corporis pro Judæis subire. Sed huic expositioni repugnat vox a Christo. Mors enim separat hominem a vita, sed non a Christo: quin imo martyrem cum Christo maxime conjungit.

Verum omnes hi sensus pectus et amorem Paulinum non explent, non satisfaciunt illius incenso zelo et spiritui, ut recte annotavit S. Chrysostomus, Oecumenius et Theodoretus.

Unde nota: «Anathema» Syrus vertit, חרמה *cherma*; alludit enim Apostolus ad votum חרם *cherem*, quod Septuaginta vertunt et vocant anathema, quo res Deo consecrata moriebatur, aut civiliter, aut naturaliter, atque in æternum separabatur a domino suo et usibus profanis. Pro quo adverte, Hebræum *cherem* significare occisionem, excisionem, succisionem, a radice חרם *charam*, id est, occidit, excidit, succidit. Inde votum *cherem* dicebatur votum maximum, quo res vota Deo ita consecrabatur, ut destrui vel occidi deberet. *Cherem* ergo idem est, quod occisio, interfectio, consecratio, anathema, sive res ita Deo devota et in totum consecrata, ut in ejus honorem vel occidi, vel consumi debeat. Patet hoc *Levit. xxvii, 28*: «Omne, inquit, quod Domino consecratur (hebraice omne *cherem*, quod יחריץ *ia-charom*, id est plane et plene consecrabitur Domino tanquam *cherem*), sive homo fuerit, sive animal, sive ager, non vāniet (non vendetur), nec redimni poterit. Quidquid semel fuerit consecratum (hoc voto et hac consecratione *cherem*, id est anathematis), sanctum sanctorum (id est omnino sanctum et consecratum) erit Domino. Et omnis consecratio (hebraice omne *cherem*, id est anathema) quæ offertur ab homine, non redimetur, sed morte morietur.» Cujus exemplum est *Numer. xxi, 2*: «At Israel, inquit, voto *cherem* se Domino obligans ait: Si tradideris populum istum (chananæum) in manu mea, delebo ודחורמתי *vehacharamti*, id est succidam, excidam) urbes ejus. Exaudivitque Dominus preces Israel, et tradidit Chananæum, quem ille interfecit, subversis urbibus ejus, et vocavit nomen loci ejus *Horma* (sive *Cherem*, chet enim Hebræum alii pronuntiat

per *h*, alii per *ch*: unde alii dicunt *herem* et *horma*, alii vero *cherem* et *chorma*), id est anathema.» Vide dicta *Levit. xxvii, 28*.

Significat itaque *cherem* vel *anathema*, teste Budaëo, separationem, succisionem, exitium æternum et extremum. Optat ergo Paulus heroico quodam excessu, quasi cæcæ charitatis, quæ abstrahit, nec considerat an res sit possibilis, an secundum Dei ordinationem, nec ne: vel si non abstrahit, optat sub tacita conditione, si Deus vellet et si fieri posset (ita S. Chrysostomus, Origenes, Theophylactus, qui legunt *optarem*); optat, inquam, sibi *cherem* et *anathema*, id est æternam separationem, non a charitate, sed a beatitudine et gloria futura cum Christo (id enim significat vox, a Christo), ut Judæi salventur. Ita Theodoretus, Oecumenius, Anselmus, Theophylactus, Sotus, Catharinus; imo optat, ait Chrysostomus, in æternum perire; et, ut Cassianus ait *Collat. 32, cap. vi*, æternis addici pœnis, idque tum pro gloria Dei, ut ait Chrysostomus, ne scilicet Deus a Judæis blasphemetur, sed in æternum laudetur; tum pro salute ipsorum Judæorum. Optat ergo hic Paulus illud idem, quod in simili casu optavit Moses, *Exodi xxxii, 31*, dicens: «Aut dimitte eis hanc noxam, aut, si non facis, dele me de libro tuo quem scripsisti.»

Hinc patet cuilibet viro sancto idem licere optare, scilicet, ut deleatur de libro vitæ et separetur a fruitione et beata societate Christi et Sanctorum in cœlis, sine tamen sua culpa, dummodo hac ratione et conditione posita, multi alii Deum agnoscerent, diligerent et bearentur, ut inter alios docet Ludovicus Molina, I *part., Quæst. XXIV*, in fine. Hoc enim majus est Dei bonum et gloria, quam sit mea unius beatitudo; et consequenter hoc optare non minuit, sed augeat charitatem et propriam perfectionem, ad quam magis inclinatur charitas, quam ad propriam gloriam et beatitudinem: præsertim quia ipsa novit et scit Deum, utpote liberalissimum, tam liberali animo, qui sua commoda suamque beatitudinem divinæ gloriæ et fratrum salutis posthabet et postponit, liberaliter quoque charitatis, gratiarum et aliorum donorum cumulos et incrementa repensurum, nec passurum ut liberalitate suæ creaturæ vincatur.

Nota hic illustre exemplum pro dignitate et nobilitate animarum earumque zelo. «Quid ais, Paule? ait Chrysostomus; nonne jam dixisti: Quis nos separabit a charitate Christi? imo ait: Quia amo Christum, cupio separari a fruitione Christi, ut plures, imo omnes eum ament et laudent.» Addit S. Chrysostomus: «Quia nos, inquit, longe sumus ab hac dilectione, idcirco intelligere hæc ejus dicta non possumus.» Sic Christus fieri voluit pro nobis maledictum. «Et quid mirum, inquit Origenes, si, cum Dominus (Christus) pro servis maledictum sit factus, servus (Paulus) pro fratribus anathema fiat?» Optatio ergo hæc Pauli

Paulus aptat sibi *cherem* et anathema a beatitudine; imo damnationem æternam, exemplo Moysi.

Licet optare pro multorum salute æternam damnationem.

Illustra exemplum pro dignitate et zelo animarum.

Alludit Apostolus ad votum *cherem*, quod votum erat maximum.

Votum *cherem*, et anathema quid sit? perque ipsum civiliter vel naturaliter res devote moriebatur.

pia, sancta et efficax fuit ex parte et voluntate ipsius; ex parte tamen objecti, non fuit omnino absoluta et efficax. Optabat enim rem impossibilem et repugnantem ordinationi divinæ. Deus enim ordinavit ut mea salus et beatitudo sit medium ad Dei gloriam et salutem, ac beatitudinem proximorum promovendam et augendam; non autem ordinavit ut privatio beatitudinis meæ sit medium et procuratio salutis alienæ, idque optime sciebat Paulus: unde simpliciter loquendo actus hic, sive votum et optatio hæc in eo non potuit esse plane absoluta et efficax.

Optatio hæc Pauli non fuit absoluta, utpote ordinationi Dei repugnans.

Vers. 4.

4. QUI SUNT COGNATI MEI SECUNDUM CARNEM, QUI SUNT ISRAELITÆ, — qui sunt posterii Israelis, sive Jacobi magni illius Patriarchæ. Omnia enim hæc quæ hic sequuntur, spectant ad laudem Judæorum, iisque se Paulus ad eorum amorem mirifice accendi insinuat.

QUORUM ADOPTIO EST FILIORUM. — Quos Deus adoptavit in filios, cum sibi suoque cultui eos addixit, *Exodi* iv, 22, dicens: « Filius meus primogenitus Israel; » et jam per Christum vult eosdem sibi adoptare præ omnibus in filios et hæredes.

Gloria Israelitarum tripliciter hic potest accipi.

ET GLORIA. — Judæorum gloria, inquit Chrysostomus et Anselmus, est hæc, quod ipsi soli præ omnibus gentibus vocati sint, et reipsa fuerint populus et Ecclesia Dei.

Secundo, Theodoretus: Judæorum, inquit, gloria hæc est, quod Deus Judæis solis seipsum per tot tamque gloriosa miracula et prophetias, atque per tam singularem protectionem et providentiam, perque tot tantaque beneficia, tamquam patrem amantissimum, et tanquam Deum gloriosum, potentissimum æque ac elementissimum se ostendit et exhibuit.

Tertio, Toletus: Judæorum gloria, inquit, erat arca Testamenti, quæ Dei potentiam et gloriam referebat: Deus enim gloriosus in templo Judæorum sedebat super propitiatorio sustentato a Cherubinis, ita ut arcam haberet pro scabello pedum suorum. Unde arca a Philistæis capta, uxor Phinees parturiens filium quem peperit, vocavit Ichabod, id est *ubi gloria?* dicens: « Translata est gloria de Israel, quia capta est arca Dei, » *I Reg. iv, 21, q. d.* « Fuimus Troes, fuit Ilium, et ingens gloria Teucrorum, » puta *Israelitarum*. Omnes hi sensus accomodi sunt; secundus tamen planior est et plenior.

ET TESTAMENTUM. — *q. d.* Quibuscum pactum sæpius Deus iniit, græce enim est *διαθήκη*, id est *testamenta*; vel quibus datum est vetus testamentum, et novum promissum. Tertio, simplicius Noster vertit, « testamentum, » vetus scilicet. Græcum enim *διαθήκη*, cum significat testamentum, plerumque pluriter usurpatur, inquit Budæus.

Nota: Græcum *διαθήκη* et *testamentum* et *pactum* significat. Hinc sæpe noster Interpres testamentum usurpat pro quovis pacto, ut dicam *ad Hebr. ix, 15*.

LEGISLATIO. — *q. d.* Qui (scilicet Judæi) præ cæteris gentibus legem a Deo, e cælo, in Sina acceperunt, et jam novam accipiunt in Sion. Nam cui populo data est lex vetus, eidem nova promissa est, et per Christum exhibita, indeque per omnes gentes propagata.

OBSEQUIUM. — Græce *λατρεία*, id est *cultus et religio Dei*, Deoque soli competens et debitus, *q. d.* Deus solis Judæis dedit verum sui cultum veramque religionem.

PROMISSA. — *q. d.* Benedictio Abraham promissa, omnesque aliæ promissiones Dei, quas ipse tam veteri, quam novo Testamento hominibus fecit, primo et primario ante omnes alias gentes spectant ad Judæos. Harum autem promissionum maxima est ipse Messias, sive Christus, puta redemptio, justitia ac salus præstanda per Christum.

Maxima promissionum veteris Testamenti Christus.

5. QUORUM PATRES (scilicet sunt illi inclyti et insignes patriarchæ Abraham, Isaac et Jacob; qui primo mira virtutum facinora ediderunt) ET (secundo) EX QUIBUS EST CHRISTUS. — *q. d.* Judæorum patres sunt etiam parentes Christi. Secundo et aptius, « quorum, » supple parentes, sunt patres, id est Patriarchæ nostri celebres, puta Abraham, Isaac et Jacob. Hi enim antonomastice vocantur et sunt patres.

Vers. 5.

ET EX QUIBUS (scilicet Israelitis) EST CHRISTUS SECUNDUM CARNEM. — Mira enim dignitas Judæorum est, quod Christus ex eis sit natus. Ita distinguit hæc Syrus, ut *quorum patres* referat ad præcedentem versum; ex *quibus vero et ex quibus est Christus*, inchoet seq. vers.; cum ergo ait: « Ex quibus, » supple, non patribus, sed Judæis sive Israelitis, de quibus egit vers. 4 hucusque, atque hæc ita dividi et explicari postulat conjunctio et.

QUI (Christus) EST SUPER OMNIA. — Supple, quæ sunt extra Deum. Non ergo est Christus supra Spiritum Sanctum. Ita S. Gregorius, hom. 8 in *Ezech.*, Ambrosius et alii. Male ergo hinc inferebant Macedoniani, Spiritum Sanctum esse Deo Christoque minorem, esseque creaturam.

QUI EST SUPER OMNIA DEUS BENEDICTUS IN SÆCULA. — Hinc S. Athanasius, Augustinus, Hilarius, Tertullianus, et alii passim probant contra Arium, Filium esse Deum. Respondet Erasmus; vocem « Deus » forte esse additam; nam Hilarius, in *Psal. cxxii*, et S. Cyprianus, lib. II *Contra Judæos*, illam non legunt. Sed errat; nam omnes codices Latini, Græci et Syrus legunt *Deus*. Ita quoque legunt Patres passim ac nominatim ipse Hilarius, lib. VIII *De Trinit.*, ubi integrum citat hoc testimonium: Cypriani quoque exemplaria antiqua extant, in quibus loco citato *Deus* legitur.

Rursum Erasmus hic contra omnes ponit punctum post *omnia*, et sequentia ab eo divellit, *q. d.* Paulus: « Ex quibus est Christus, qui est super omnia, » punctum. « Deus (Pater) sit benedictus in sæcula. » Quis non videt hanc novam,

Error Macedonianorum ex hoc loco inferentium Spiritum Sanctum esse Christum minorem Contra Arianos et Erasmus a hinc ostenditur Filium esse Deum.

Vers. 6. hiuleam, distortam et absonam esse diastolen?
6. NON AUTEM QUOD EXCIDERIT VERBUM DEI. — « Non autem, » græce *ὅχι, ὅτι δὲ*, quod Photius vertit, *non taliter vero, vel non autem velut exciderit verbum Dei.*

Secundo, Toletus vertit, *non possibile est autem quod exciderit verbum Dei*, itaque explicat nostram versionem, *q. d.* « Non autem, » supple, fieri potest, quod exciderit verbum Dei. Verum prior Photii explicatio planior est, *q. d.* Paulus : Hæc autem quæ jam dixi de Judæorum repulsa et reprobatione a iustitia et salute, dico, non quasi « exciderit, » id est irritum sit, verbum et promissum Dei : nimirum quasi Deus aliis, scilicet Judæis, promiserit iustitiam et salutem per Christum; aliis vero, scilicet Gentibus, eandem dederit. Ita Theophylactus. Occurrit hic Paulus objectioni Judæorum, qui indigne ferebant in Ecclesia et Christianismo Gentes idololatrias sibi præferri, dicitantes hoc esse contra promissa Dei.

Obiciebant ergo ipsi Paulo : Promissio Messie, iustitiæ et salutis a Deo facta est Abrahæ et semini ejus; atqui nos Judæi sumus semen Abrahæ, non autem Gentiles : ergo si hæc promissio a nobis ad Gentes (ut tu, o Paule, asseris et prædicas) translata est, sequitur quod promissio Dei revocata, cassata et irrita facta sit, quodque Deus sit instabilis et infidelis in suis promissis. Huic objectioni et cavillationi Judæorum respondet Apostolus vers. sequent., hanc promissionem factam esse posteris Abrahæ, non carnalibus, sed spiritualibus, puta Christianis, non Judæis.

Nota : Hoc verbum, sive hæc promissa benedictio, est iustitia, salus et vita æterna promissa credentibus in Christum, ejusque gratiam amplectentibus. Id patet *primo*, ex sequentibus : soli enim credentes censentur filii Abrahæ, scilicet spirituales, ac consequenter hæredes ejus benedictionis. *Secundo*, idem patet ex cap. III ad Galat., vers. 14, et ex hac epist. cap. IV, vers. 3 et 24. *Tertio*, idem ostenditur ex eo, quod Apostolus non respiciat ad promissionem Abrahæ factam de terra Chanaan possidenda, deque multiplicanda ejus sobole ad instar stellarum cæli : utrumque enim hoc etiam tempore Christi habebant Judæi, non Gentes : hæ enim nunquam possederunt terram Chanaan. Apostolus autem docet hic promissam Abrahæ benedictionem non in Judæis, sed in Gentibus, puta Christianis, adimpletam esse. Ergo respicit ad promissionem, non illam temporalem jam dictam, sed ad aliam spiritualem, nimirum ad illam quæ continetur Genes. XII, 2, et Genes. XVII, 7, estque talis : « Benedicam tibi, erisque benedictus : ero Deus tuus, et seminis tui post te : » quia nimirum, ut sequitur Genes. XII, 3, et Genes. XXII, 18, « in te, et in semine tuo, » scilicet in Christo, per fidem « benedicentur, » id est iustitiam, gratiam, gloriam assequuntur « omnes gentes. »

Ubi adverte, in Genesi, locis jamjam citatis, Abrahæ semini promissas esse duplices benedictiones : unas carnales, datas carnalibus Abrahæ filiis, puta Judæis, de possidenda terra Chanaan, deque ejus fertilitate et copia prolis; secundas spirituales, promissas spiritualibus filiis, id est credentibus et fidelibus, ut sunt hæc quas hic citat Apostolus. Rursum utrasque benedictiones jam dictas in Genesi locis citatis miscet Scriptura, sicuti Prophetæ futuram Judæorum redemptionem et felicitatem temporalem miscent cum spirituali. Hæreditas enim et possessio terræ Chanaan a Judæis inita significabat hæreditatem cæli, ad quam asciscuntur, et jus acquirunt credentes, in fide et baptismo Christi regenerati, quasi filii justificati et adoptati a Deo. Apostolus ergo, relicta temporali Abrahæ benedictione (utpote de qua nulla erat inter Judæos et Gentiles contentio, quin ea solis Judæis cederet), solam spiritualem urget et persequitur : ad hanc enim asciti sunt Gentiles, Judæis exclusis.

7. NEQUE QUI SEMEN SUNT ABRAHÆ, OMNES FILII. Vers. 7. — *Neque qui*, græce *οὐδ' ἐτι*, neque quia semen sunt Abrahæ. Sic quoque legunt Syrus et Ambrosius, estque hæc lectio nervosior, *q. d.* Non omnes qui ex semine Abrahæ carnaliter sunt progeniti, eo ipso censentur filii Abrahæ, tales nimirum ad quos pertineat benedictio et hæreditas Abrahæ, nam, ut sequitur : SED, subaudi, dictum est Genes. XXI, 12, ad Abraham, id quod sequitur. IN ISAAC VOCABITUR TIBI SEMEN. — Est hebraismus, *q. d.* Isaac erit et vocabitur tuum semen, id est verus et genuinus tuus filius, ac consequenter tuæ benedictionis hæres, non autem Ismael. Sic apud Hebræos, et in S. Scriptura super aliquem vocari semen aut nomen Jacob, est aliquem vocari filium Jacobi aut Jacobæum. Simili hebraismo dicitur hic vers. 8 : « Æstimantur in semine, » id est æstimantur semen.

Secundo et simplicius, « in Isaac, » id est in posteris Isaac, *q. d.* Posteritas tua, o Abraham, censebitur per Isaac, qui Dei promissione et virtute supernaturali natus est tibi seni et sterili Saræ; non per Ismael, qui filius est carnis, id est, sola naturali virtute generatus; ac consequenter Isaac et Isaacidæ erunt hæredes tui, non autem Ismael, nec Ismaelitæ, neque alii tui filii, quos ex Cetura genuisti, *q. d.* Paulus : Ita ergo etiam jam veri spirituales Israelitæ et filii Abrahæ

Abrahæ duplices benedictiones promissas.

Filii promissionis hære les filii Abrahæ et Jacob.

Natura-
nis gene-
ratio ni-
hil facit
ad hære-
ditatem
et legiti-
mam pos-
teritatem
Abrahæ.

sunt, non quos naturalis generatio ejus, sed quos gratia et virtus promissionis spiritualis regeneravit per fidem et gratiam : et sic patet ex illis non excidisse promissam a Deo Abrahæ benedictionem, scilicet justitiam Dei, gratiam, amicitiam et salutem : hi enim eorum sunt hæredes, id est pauci Judæi, et plurimi e Gentibus, per baptismum in Christo renati.

Vers. 8.

8. ID EST, NON QUI FILII CARNIS, HI FILII DEI. — *q. d.* Non Ismael, nec alii carnaliter ex Abrahamo geniti, sunt filii Dei, quos scilicet Deus adoptavit et promisit Abrahæ, ut in iis suas promissiones, puta benedictiones Abrahæ et semini ejus promissas, adimpleret.

SED QUI FILII SUNT PROMISSIONIS, ÆSTIMANTUR IN SEMINE. — *q. d.* Sed filii a Deo Abrahæ promissi æstimantur « in semine, » id est æstimantur semen, sive filii et hæredes Abrahæ, et consequenter ipsius Dei divinæque promissionis Abrahæ factæ.

Duplex
hujus lo-
ci sensus.

Nota : Duplex est hujus loci sensus. Loquitur enim Apostolus de utraque filiatione et promissione, scilicet tam de spirituali quam de temporali Abrahæ facta. Nam Isaac duplici modo fuit filius promissus Abrahæ : primo, temporalis, et sic ipse cum posteris Judæis, non autem Ismael hæres fuit terræ Chanaan aliarumque promissionum temporalium Abrahæ patri suo factarum ; atque hoc sensu Isaac et Isaacidæ, sive Judæi, vocantur filii et hæredes Dei temporales.

Isaac
promis-
sus Abra-
hæ filius
tempora-
lis et spi-
ritualis.

Secundo, Isaac quoque fuit filius promissus Abrahæ spiritualis, tum quia Isaac secutus est fidem et gratiam patris sui Abrahæ, tum quia Isaac hæres fuit promissionum spiritualium, quas Deus Abrahæ pollicitus erat, nimirum in semine ejus (puta in Christo) benedicendas, id est justificandas et salvandas esse omnes Gentes. Christus enim ex Abrahamo per Isaac, non per Ismael descendit. Et hoc sensu omnes fideles et Christiani censentur filii Isaac æque ac Abrahæ ; atque de hisce maxime loquitur Paulus. Hi enim vocantur proprie filii Dei, et hi sunt filii non carnis, sed promissionis, horumque typus fuit Isaac et Isaacidæ, sive Judæi ex Isaac temporaliter prognati. Unde priorem sensum obiter solum perstringit, et quasi tantum ad eum alludit hic Apostolus, ut ex eo assurgat ad secundum, eumque stabiliat. Scopus enim ejus est probare benedictiones spirituales, puta justitiam et salutem Abrahæ ejusque posteris promissam, non promissam esse carnalibus Abrahæ filiis, puta Judæis ; sed spiritualibus, puta Christianis (4).

(4) Sensum bene Noesseltus exprimit sic : *Filii promissi*, hoc est ii, qui in eo similes sunt Isaac, ut, quemadmodum is præter naturæ vim, solius divinæ promissionis virtute, Abrahamo atque Saræ natus erat, jam per ætatis imbecillitatem viribus ad procreandam sobolem destitutis, sic isti divina prorsus virtute gignantur, atque a Deo nati, et Abrahami, tanquam spiritualis patris sui, fide moribusque similes existant, isti demum λογίζονται εἰς ἀντίπα, seu tanquam veri Abrahæ filii habentur.

Nota, fideles et Christianos esse filios promissionis, id est promissos a Deo : primo, quia promisit Deus per Prophetas fore Christianos, sive gentem Christianorum ; secundo, quia eis a Deo per eosdem Prophetas promissa est justitia et salus, eo quod Christo credant et obediant : hæc enim fidelium generatio non naturalis est, sed libera, fitque per gratiam, quasi patrem ; et per consensum voluntatis, quasi matrem.

Christia-
ni filii
promis-
sionis et
duas
causas.

Nota secundo : Apostolus loquitur hic non de hoc, vel illo Christiano in particulari, sed in genere de Christianis in Christum credentibus : hi enim, rejectis Judæis incredulis, successerunt in spiritualem filiationem et familiam Abrahæ, et consequenter in hæreditatem benedictionis, puta justitiæ et salutis illi promissæ.

Vers. 9.

9. PROMISSIONIS ENIM VERBUM HOC EST, — scilicet quod sequitur, citaturque ex *Genes. xvii.* Probat hic Apostolus, id quod dixit, scilicet Isaac fuisse Abrahæ filium, non carnis, id est carnali virtute genitum ; sed promissionis, id est, virtute divina a Deo promissa conceptum et genitum. Probat, inquam, ex eo quod dicitur *Genes. xviii.*

SECUNDUM HOC TEMPUS VENIAM, ET ERIT SARÆ FILIUS. — *q. d.* Anno proximo, sub hoc anni tempus veniam ad te, et tunc Sara conjux tua, licet sterilis et vetula, filium habebit. Sunt hæc verba angeli ad Abraham promittentis ei filium Isaac ex Sara conjuge sua, *Genes. xviii, 10.*

10. NON SOLUM AUTEM ILLA (Sara), SED ET REBECCA, — scilicet idipsum experta est, filios nimirum a Deo censi non carnaliter genitos, sed eos qui divinitus promittantur, eligantur et adoptentur. Nam Jacob filius ejus (Rebecæ), licet junior, quia promissus et electus a Deo, prælatus fuit Esau seniori, factusque est successor et hæres Isaac patris sui.

Vers. 10.

EX UNO CONCUBITU HABENS, — scilicet conceptum vel fœtum. Noster Interpres in Græco legit ἑξ ἑνὸς κοιτῶ, ex uno cubili, vel concubitu. Et ita legit S. Hieronymus, Ambrosius, Augustinus, Anselmus et alii passim. Jam Græci legunt ἑξ ἑνὸς κοιτῆς ἔχουσα, id est ex uno, scilicet Isaac, « concubitum habens, » id est concipiens ; unda Beza et Erasmus volunt nostrum textum hic esse corruptum. Sed verisimile est nostrum Interpretem habuisse emendatius exemplar Græcum, quia Patres eum sequuntur, estque versionis ipsius pressior sensus et ordinatior, *q. d.* Ne dicas Ismaelem neglectum a Deo, et ab Abrahamo, quia genitus est ex Agar serva ; Isaac vero electum, quia ex Sara libera est natus ; en Rebecca una ex uno eodemque concubitu simul duos edidit filios, e quibus tamen minor, scilicet Jacob, fuit dilectus et electus a Deo, Esau vero senior fuit neglectus et rejectus. Ita Chrysostomus et Theophylactus.

Sensus ergo est, *q. d.* Paulus : Gloriaris, o Judæe, te filium esse Abrahæ ; arrogas tibi ejus benedictionem, justitiam et salutem, quia filius ejus es secundum carnem : falleris, nam filius

Ostendit
Apostolus
in Ju-
dæis in-
credulis

promissa Dei non excidisse. carnis fuit et Ismael et Esau, hi tamen a familia Abrahamæ sunt exclusi : Isaac vero et Jacob electi et adsciti sunt ad eam, quia filii erant non carnis, sed promissionis divinæ. Quid miraris ergo, si jam Deus Judæos in filiatione carnali insistentes et gloriantes repellat, Christianos vero credentes, quasi filios promissionis, adsciscat in familiam Abrahamæ, ut sint hæredes benedictionis, id est justitiæ et salutis Abrahamæ promissæ? Nonne vides in hisce non excidisse promissa Dei; esto in Judæis incredulis ea exciderint, utpote quibus nunquam fuerunt promissa?

Vers. 11. 11. CUM NONDUM NATI FUISSENT (ex Rebecca Jacob et Esau), AUT ALIQUID BONI EGISSENT, AUT MALI. — Probat hic Paulus Rebecca filium juniorem, scilicet Jacob, prælatum esse Esau seniori, non ex præcellentia ætatis, nativitatæ aut etiam meritorum, sed ex electione et promissione divina, quia nimirum ante eorum nativitatem et operationem dictum est a Deo : Major, scilicet Esau, serviet minori, scilicet Jacobo.

Triplex hujus loci expositio. Prima, Theodoret. UT SECUNDUM ELECTIONEM PROPOSITUM DEI MANERET. — *Primo*, Theodoretus sic explicat, *q. d.* Paulus : Ideo Jacob prælatus est Esau, ut electio divina, qua hos probat, illos reprobat, juxta ipsorum varia proposita bona vel mala prævisa, maneret firma. Sed hoc est contra mentem et verba Apostoli; ait enim ipse : « Ut propositum Dei, non hominum, maneret (firmum) secundum electionem, » utique non hominum, sed Dei pariter; illius enim est electio, cujus est propositum.

Secunda, Chrysostomi et Ambrosii. *Secundo*, SS. Chrysostomus et Ambrosius sic explicant : « Ut propositum, sive decretum Dei, quo Esau repulit, Jacob amavit, maneret secundum electionem; » quæ electio facta est ex præscientia, qua prævidit Esau malum, Jacob bonum fore. Electio enim, inquit ipsi, unius præ alio non potest esse, nisi sit distinctio in ipsis electis; et constat ex *Malachiæ* cap. 1, Esauitas odio habitos esse a Deo ob sua peccata. Verum hic sensus pari fere modo, quo prior, verbis et magis scopo Apostoli repugnat, ut mox patebit.

Tertia, D. Augustini. Hinc *tertio* S. Augustinus, lib. III *ad Simplic.*, Quæst. II, eodem modo quidem electionem hanc intelligit; sed *ut secundum electionem propositum maneret*, nectit præcedentibus : « Cum nondum aliquid boni egissent, aut mali, » quasi ea explicet, imo ex iis educatur, *q. d.* Elegit Deus Jacob, cum nondum aliquid boni egisset; et Esau repulit, cum nondum aliquid mali egisset : ita nimirum, ut propositum hoc Dei quo Jacob elegit præ Esau, non potuerit esse et manere secundum electionem operum; quia scilicet eligi solet is, qui est melior, sanctior et dignior.

Gennini et verus sensus Apostoli. Verum nota Dei electionem vers. seq. opponi operibus, ac consequenter eam versari circa paria, et æque digna vel indigna. Sensus ergo est : Deus Jacob ante nativitatem et ante ejus opera bona prætulit Esau, hac de causa, ut nimirum

firmum esset id quod per se et sponte sua elegerat Deus, et secum constituerat, videlicet Jacob extollere et honorare præ Esau : ex tunc enim Deus suo decreto Jacobum præferebat Esau, *q. d.* Sicut Deus Jacobum, non quia ipse id merebatur, sed quia ipse filius erat electus et promissus a Deo, prætulit Esau fratri, quasi filio secundum carnem seniori et digniori, fecitque Jacobum solum hæredem benedictionum Abrahamæ avi sui; ita allegorice, non carnales posteros Abrahamæ, sed spirituales elegit idem Deus, qui essent filii Abrahamæ et benedictionis ejus hæredes; idque non ex eorum merito prævio, sed ex libera sua electione et dignatione.

Si ergo quæras, o Judæe, cur Deus noluit posteritatem nostram carnalem, sed aliam, quæ secundum fidem esset, elegit? Respondeo, quia ita placuit eligere Deo. Si quæras, cur in posteris Abrahamæ, non secundum carnem, puta in Judæis; sed secundum fidem, puta in Christianis; benedictiones promissas Abrahamæ impleri voluit? Respondeo, id ita factum est, non quia Judæi id demeriti sunt, aut Christiani antequam essent Christiani, id meriti sunt; sed quia id ita Deo placuit. Ita Toletus, *annot. 21* et seq., qui primus genuinum sensum Apostoli hic annotavit. Hunc verum esse sensum Apostoli patebit ex seq. (1).

Vers. 12 et 13. 12 et 13. NON EX OPERIBUS (Jacob et Esau præviis et a Deo prævisis), SED EX VOCANTE (ex gratuita Dei vocatione et electione) DICTUM EST EI (Rebecca matri) : QUIA MAJOR SERVIET MINORI, — puta Esau Jacobo serviet, non in sua persona, sed in suis posteris : Judæi enim Jacobi posteri soli, quasi hæredes Abrahamæ, possederunt terram promissam Chanaan, et beneficiis Dei locupletati sunt, eisque servierunt Idumæi, posteri Esau, tempore Davidis et Salomonis (ut patet II *Reg. cap. viii*). Jam hæc Judæis sibi applicanda, et allegoriam Jacobi et Esau adaptandam relinquit Paulus, hoc modo, *q. d.* Pari ergo ratione qua Jacob et Esau, nec vos, o Judæi, propter opera legis aut naturæ adepti estis benedictionem Abrahamæ, ut in justitia præferremini Gentibus; imo vero, ut dicetur vers. 31, quia operibus legis superbe præfisi estis, et fidem ac vocationem Christi requisistis, postpositi et rejecti estis. E contrario vero Gentes, quæ in Dei cognitione, cultu et Ecclesia vobis sunt juniores, quia non operibus suis confisæ, sed gratiæ et vocationi Dei obsecutæ sunt, vobis prælatæ sunt in hæreditaria benedictione salutis et justitiæ Abrahamæ promissa, et per Christum exhibita, ut explicat ipse Paulus, vers. 30. Unde pariter et proportionaliter ad hunc sensum asserit S. Augustinus, lib. I *ad Sim-*

Causa rejectionis Judæorum, et electionis Gentium.

(1) Alii : Ut (*ἀπεδεικνύει*) benignitas (*πρόδοσις*; enim est *propositum*, voluntas, inde in specie *benigna voluntas*) libera (*ἐλευθέρη* est electio, libertas; *κατὰ* autem eleganter periphrasim facit adjectivi) Dei perstaret (appareret, constaret esse), non ex merito, sed ex benignitate largientis (*καλὴν* enim est *vocare, invitare, offerre*).

plac., Quæst. II, quod Esau odio sit habitus et reprobatus, ex eo quod vocationem Dei contempserit.

Filii promissionis præsignati a Jacob sunt Christiani, filii carnis sunt Judæi, quorum typus Esau.

Ut hæc plenius intelligas, nota *primo*, hic filios promissionis, quos significat Jacob, allegorice esse Christianos baptismo et gratia Christi renatos: filios vero carnis, quos significat Esau, esse Judæos. Cum ergo ait Paulus: « Major serviet minori, » sensus litteralis est: Esau serviet Jacobo; sensus vero allegoricus, quem hic directe intendit Apostolus, est: Judæi servient et postponentur Christianis, perinde ac lex vetus servivit novæ. Ita S. Augustinus, lib. XVI *De Civitate*, cap. XXXV.

Nota *secundo*: Hæc promissio, uti et vocatio Dei, non excludit, sed potius includit liberum arbitrium, quod Dei vocationi respondet et consentit, ut filius promissionis nasci et adoptari possit. Opera enim quæ hic negat Paulus, non sunt ex fide et gratia facta; nec etiam est ipsum opus, quo fidelis fidem et gratiam acceptat, credit, sperat, prænitet, ut ad remissionem peccatorum et justitiam se præparet et disponat; sed per opera, quæ hic excludit Paulus, intelligit opera legis et naturæ sine fide et ante fidem ac gratiam Christi facta: hæc enim jactabant Judæi, quasi ob ea eligendi essent ad justitiam et salutem.

Vocatio Jacob et Christianorum non supponit meritum, sed horum vocatio requirit liberum consensum.

Dices: Jacob, utpote infans, vocatus est et electus sine ullis operibus; ergo allegorice Christiani, qui a Deo vocantur ut sint filii et hæredes Abrahamæ, sine ullis operibus et sine consensu liberi arbitrii vocantur.

Respondeo: Nego consequens, non enim per omnia hic est similitudo, sed in eo tantum quod neutri ex operibus, id est meritis præviis, sed utrique, id est tam Jacob quam Christiani, ex Dei gratia vocentur, ut sint filii et hæredes Abrahamæ; ita tamen ut Christiani jam, utpote viri, vocationi Dei libere consentire debeant, itaque fieri filii Abrahamæ, quod Jacob, utpote infans, facere non potuit, ut nimirum suæ generationi et natalitati ex Abrahamo libere consentiret.

Vocatio prima excludit opera existentia et futura.

Rursum cum Apostolus ait: « Non ex operibus, sed ex vocante, » non tantum excludit opera jam actu facta, licet id velit S. Chrysostomus et Theodoretus: clarum enim est talia non potuisse esse tunc, cum nondum nati erant operantes; sed etiam excludit opera futura, quæ a Deo prævisa sunt. Hisce enim omnibus opponit vocationem et electionem Dei: alioqui enim vere ex operibus, et non ex pura vocatione et gratia facta esset hæc electio. Sicuti ex sententia Theologorum docentium, Deum nos elegisse ad gloriam ex prævisis meritis, falsum esset dicere electionem hanc factam esse ex vocante, et non ex operibus: licet enim non sit facta ex operibus actu existentibus, facta est tamen ex operibus futuris et prævisis, quæ in Dei præscientia quasi præsentia sunt et existunt; verè ergo et absolute dicendum est, quod hæc electio facta sit ex operibus, et non ex solo vocante Deo: pari ergo modo per opera hic,

non solum actu existentia; vel facta, sed etiam futura, quæ a Deo prævisa, intelligenda sunt.

Nota *tertio*, ex dictis duo hic facile infert Apostolus. Primum, non esse irrita promissa Dei Abrahamæ facta, sed in Christianis, quibus promissa sunt, impleri. Hoc enim intendit probare a vers. 6 hucusque.

Secundum est, reconciliationem cum Deo obtingere homini non ex operibus justitiæ, sed gratis, per Dei vocationem et gratiam. Ex ea enim Deus jam non carnales posteros Abrahamæ, sed spirituales filios elegit et vocavit, qui essent filii Abrahamæ, ac consequenter justitiæ et benedictionis hæredes: hæc enim electio et adoptio est ex mera Dei voluntate, neutrius merito vel demerito; placuit tamen Deo eam Christianis et credentibus dare et consignare, cum æque eandem Judæis et circumcisis, posterisque Abrahamæ carnalibus dare et consignare potuisset, si voluisset.

Nota *quarto*: Non loquitur hic Apostolus, ut dixi initio capituli, de electione et vocatione ad gratiam prævenientem, sed ad filiationem, justitiam et salutem. Hæc enim est benedictio et hæreditas Abrahamæ, quæ proinde supponit illos nasci filios, non carnis, sed spiritus: filii autem spiritus nasci non possunt, nisi per fidem baptismo renascantur Christiani: hæc ergo præsupponuntur benedictioni et hæreditati, imo et filiationi a Deo jam institutæ et acceptatæ. Deus enim in filios suos jam adoptare et acceptare statuit eos solos, non qui circumcisione et lege, sed qui baptismo et fide Christi spiritualiter renascuntur. Prius ergo natura sic renasci debent, quam a Deo in filios Abrahamæ adoptentur. Sicut olim Judæi prius ex Abraham nasci debebant, quam ejus filii secundum carnem esse possent.

SICUT SCRIPTUM EST (*Malachia* 1): JACOB DILEXI, ESAU AUTEM ODIS HABUI. — Probat hic Apostolus promissionem qua dixit: Major serviet minori, puta Esau serviet Jacobo, reipsa impletam esse, ex eo quod Malachias, vel potius Deus per Malachiam, dicit: « Jacob dilexi, Esau autem odio habui. »

JACOB DILEXI. — *Primo*, S. Chrysostomus, Theodoretus, Oecumenius, Theophylactus sic explicant, q. d. Jacob ad æternam vitam et coronam dilexi et elegi: Esau vero in æternum reprobavi, antequam quidquam boni vel mali actu et re ipsa egissent; quia hujus opera pessima, illius vero opera optima fore prævidi. Sed hoc est contra mentem Apostoli, vers. 11 et 12. Patet enim non opera facta, quæ satis excludit, cum ait: « Cum nondum nati fuissent; » sed futura omnia a Deo prævisa ab eo hic excludi: his enim omnibus opponit unam Dei electionem. Ita S. Augustinus et passim alii.

Secundo, alij plane ex adverso prædestinationem et reprobationem, saltem quoad primum effectum, volunt esse ante omnem prævisionem operis et peccati etiam originalis, q. d. Sopsita

Nota dat Apostoli corollaria.

Loquitur hic Apostolus de electione et vocatione ad filiationem et salutem, non ad gratiam prævenientem.

Quintuplex horum verborum explicatio. Prima, Chrysostomi et aliorum.

Secunda, Petri Lombardi.

omni praevisiōe peccati, etiam originalis, Jacob, id est praedestinos, elegi; Esau, id est reprobos, odio habui, id est permisi sibi in peccatum et dampnari. Ita Petrus Lombardus, lib. I *Sentent.*, dist. xlii, et alii.

Tertio, S. Thomas: « Jacob, inquit, dilexi, id est praedestinos sine ejus meritis; sed Esau odio habui, » id est reprobavi et damnare decrevi, sed ob praevisi ejus demerita. Hinc aliqui sic exponunt, q. d. Sine meritis Jacob ad gloriam dilexi et elegi, et hoc tantum, inquit, vult hic probare Apostolus; « Esau autem odio habui, » post praevisi demerita, id est Esau post praevisi ejus peccata reprobavi et damnavi. Ponunt enim ipsi duplicem reprobationem: Primam permissivam vel negativam, qua permittitur reprobos peccare et in peccato mori. Haec praedestinationi opponitur non contrarie, sed contradictorie, sicuti opponuntur misereri et non misereri. Secundam positivam, qua Deus mortuum in peccato reprobatur et damnatur. Jam priorem censent fieri ante demerita, secundam post demerita.

Quarto, Cajetanus et alii multi: « Jacob dilexi, » id est, inquit, gratiam talem tamque congruam dare Jacobo decrevi, qua peccato originali omnique alio liberetur, et ad vitam aeternam perveniat; « Esau autem » ob peccatum originale « odio habui, » id est sibi permittere decrevi, ut in peccata labatur et damnatur; et utrumque hoc factum est ante praevisi utriusque merita. Huic sensui favere videtur S. Augustinus, *epist.* 103.

Pro genuino hujus loci sensu nota, nec Paulum, nec Malachiam loqui de Jacob et Esau personaliter tantum; sed et vel maxime de posteris eorum. Rursum, non loqui eum de singulis praedestinis et reprobis, nec de dilectione vel electione ad gloriam, et reprobatione ad infernum; sed ad litteram loquitur directe Malachias de posteris Jacob et Esau; atque illos dilectos et electos esse ad bona potissimum temporalia, praeposteris Esau, ut patet intuitu Malachiam. Nam verisimile est salvatum esse ipsum Esau; et multo magis Job ejusque filios, et alios oriundos ex Esau (Job enim prognatum esse ex Esau, docent S. Augustinus, Origenes, Chrysostomus, Ambrosius, Gregorius, Sedulius, Abulensis et alii, quos citat et sequitur Rineda in *Job*, cap. i, vers. 4, n. 32). Idem patet intuitu Apostolum hic, maxime vers. praeced.; Apostolus tamen ex hac electione Jacobaeorum sive Judaeorum praedestinos ad bona temporalia, allegorice assurgit ad praedestinationem Christianorum praedestinos ad benedictionem et bona spiritualia.

Sensus ergo est: Quod dixi Jacob praedestinos a Deo vocante, et praelatum fuisse fratri Esau, sive quod « major serviet minori, » id patet ex eventu. Ita enim, ut alia priora taceam, evenisse docet suo tempore Malachias, videlicet quod, cum tam vos, o Judaei, quam Idumaeos propter peccata Chaldaeis tradidissetis, vos ta-

men diligens dilectionemque pristinam conservans, ex captivitate Babylonica reduxerim, et in patriam restituerim: Idumaeos autem in vastitate et captivitate Babylonica reliquerim, et eorum terram in solitudinem redactam draconibus habitandam dederim, ut ait Malachias. Ecce hoc est ad litteram: « Jacob dilexi, Esau autem odio habui, » Unde patet haec verba non referri ad vers. 11, « cum nondum nati fuissent, » quia tunc Malachias necdum scripserat, « Jacob dilexi; » sed ad illud vers. praeced., « non ex operibus, sed ex vocante dictum est: Major serviet minori. » Quod enim haec vocatio et prophetia, quae dicit: « Major serviet minori, » vere impleta sit, probat ex eo quod de facto Deus dilexerit Jacob, postquam is natus est; Esau autem odio habuerit, ut testatur Malachias.

Dilexi ergo Jacob, non ex operibus, sed ex mea vocatio et dignatione, quia ante omnem praevisionem meritorum statui eum ejusque posteros eligere in populum et Ecclesiam meam, illosque ornare bonis temporalibus, adde et spiritualibus. Ex hac enim mea dilectione secuta est tanta Jacobaeorum multiplicatio, liberatio ex Aegypto, sustentatio per manna in deserto, ducatus per columnam ignis et nubes, legislatio, instructio, sacerdotium, protectio singularis in mille difficultatibus, tot revelationes, ut Deus inter eos assidue versari videretur, tot victoriae, spolia, tot regnorum ejectis incolis fortissimis possessiones, tot judices, sacerdotes sancti, Prophetae. Hanc dilectionem in vos, o Judaei, ego Deus vester continuo, et in ea pergo, uti ipsemet assevero per Malachiam; cum e captivitate vos reduco in patriam, cumque ibi vos protego, et deinceps protegam evehamque per Machabaeos, ac denique dabo vobis Christum Sanctum sanctorum, cum matre ejus dilecta et electa, cumque Apostolis aliisque primis Christianis et sanctis: hi enim ex Judaeis sunt orti. Pari modo allegorice ante omnem praevisionem meritorum « dilexi Jacob, » id est Christianos, qui sunt posterj Abraham et Jacobi secundum fidem et spiritum, donando scilicet eos mea justitia, gratia, amicitia, ac tandem si in ea perseverant, vita aeterna, uti mox fusius dicam.

ESAU AUTEM ODIO HABUI. — Id est neglexi. Sic Lia dicitur a Jacobo « odio habita, » id est neglecta praepachele, *Genes.* xxix, 31. Sic *Lucæ* xiv, 26, jubemur odio habere, id est minus diligere et postponere patrem, matrem, uxorem et animam Christo et amori Christi, q. d. Non elegi in populum et Ecclesiam meam Idumaeos, et coegi eos servire Judaeis, dedique eis terram sterilem, montes Seir, et proprie eos odio habui, cum ob peccata eos Chaldaeis vastandos tradidi et in captivitate dereliqui, quod proprie intendit Malachias.

Dicitur: Si ob peccata derelicti et odio habiti Idumaei, ergo non ex vocante, sed ex ope-

tus ad litteram genuine explicatione.

Litteralis et allegoricus sensus horum verborum: Jacob dilexi.

Verus et litteralis sensus horum verborum: Esau odio habui.

Malachias locus hic ab Apostolo citatus.

anta et
post pec-
cata odio
habiti?

ribus odio sunt habiti : quod negat Apostolus vers. præced.

Respondeo : Etiam ante peccata neglecti fuerunt a Deo Idumæi præ Jacobæis, ut dixi; post peccata tamen proprie sunt odio habiti et derelicti : sed æque et forte magis peccarunt Judæi quam Idumæi; unde et eadem captivitate Babylonica cum eis puniti sunt. Non ergo ex operibus, id est ex discrimine operum fuit quod Jacob dilexerit, et e captivitate reduxerit; Esau vero odio habuerit et in captivitate reliquerit, cum utrique hac misericordia indigni essent. Sed hæc discretio et electio Jacobæorum facta est ex gratia et vocatione Dei, qui Jacob ejusque posteros dilexit et diligere perrexit etiam post peccata male de se meritos; Esau autem neglexit et negligere perrexit.

Paulus
tantum
intendit
ostende-
re cur
rejecit
Judæi,
Gentes
electæ.

Hinc allegorice tacite infert Apostolus : Sic etiam jam Jacob, id est credentes Christianos, qui sunt filii promissionis, et semen spirituale Abraham et Jacobi, per fidem et gratiam generatos, quasi filios dilexi, quia eos ad justitiam et viam salutis promovi; Esau vero, id est semen carnis, puta Judæos de operibus et patre Abraham gloriantes et Christi fidem spernentes, a justitia et salute repuli et rejeci. Ita S. Augustinus, lib. XVI *De Civit.*, cap. xxxv. Idque « non ex operibus, » quia tam Christiani ante fidem, quam Judæi, nulla habebant operum merita : nam utrique erant in peccatis; sed ex gratia et vocatione Christi, quam amplexati sunt Christiani, ideoque dilecti; respuerunt Judæi, et ideo odio sunt habiti. Apostolus enim hic totus in eo est, et hoc tantum intendit ostendere, cur scilicet Gentes justitiam sint adeptæ, Judæi vero ab ea sint rejeci et reprobat, uti probavi initio capitis.

Rursum idem patet ex eo, quod hic versus uti et alii præced. et sequentes pendeant et educantur ex vers. 6. Omnes enim eo diriguntur, ut demonstrent filios, non carnis, sed fidei et spiritus, puta fideles Christianos, esse filios et hæredes benedictionis, id est justitiæ Abraham promissæ; ideoque non excidisse promissa Dei Abraham facta, utpote quæ filiis Abraham spiritualibus, non autem carnalibus, promissa et præstita a Deo sint. Hæc autem promissa benedictio facta Abraham ejusque filiis secundum fidem et spiritum, non est alia quam justitia et amicitia cum Deo, uti initio capitis ostendi : ergo dilectio hæc Jacobi præ Esau pariter est justitia et amicitia cum Deo. Nam Deus dilexit Jacob ad hoc, ut eum benedictionis Abraham faceret hæredem : « Jacob ergo dilexi, » id est Jacobo et Jacobi filiis secundum fidem et spiritum, puta Christianis, contuli benedictionem Abraham, hoc est, eos in Christum credentes justificavi, sanctificavi, et in filios meos adoptavi; « Esau autem odio habui, » id est Idumæos, Judæos aliosque infideles, qui sunt posterii Abraham secundum carnem, et quorum typus fuit Esau, repuli a mea justitia, sanctitate et adoptione.

Non ergo intendit hic Apostolus ostendere, ut recte docet Toletus, annot. 24, cur aliquis in particulari, Petrus, v. g.; electus sit ad gloriam, Judas vero reprobatus sit ad gehennam.

Huic tamen speciali prædestinationi et electioni nonnulli hæc verba Apostoli sic accommodant : Ante prævisionem meritorum Petrum dilexi, id est, Petro gratiam prædestinationis dedi, scilicet talem, cui prævidebam eum cooperaturum, perseveraturum, et consequenter salvandum : Judam vero odio habui, id est Judæ gratiam non dedi talem, sed aliam, cum qua prævidebam eum non perseveraturum, sed casurum et damnandum, licet hoc non intenderem : quia serio et sincere dedi ei gratiam, sicuti dedi Petro, intendens ut et ipse cooperaretur et perseveraret, quod ipse tam facile ac Petrus facere poterat, si voluisset; sed præsciebam ipsum hoc non facturum, idque ex mera sua libertate. Hæc enim præscientia futuræ vel non futuræ cooperationis et effectus, distinguit gratiam prædestinationis, quæ datur electis, a gratia communi, quæ datur reprobis. Hæc autem gratia prædestinationis non datur ex operibus, sed ex gratia et liberali voluntate, proposito et intentione Dei. Verum, uti jam dixi, hic sensus est accommodatitius, non autem proprie destinatus vel intentus ab Apostolo.

14. QUID ERGO DICEMUS? NUMQUID INIQUITAS Vers. 14.
(Græce ἀδικία, id est *injustitia*) EST APUD DEUM? — Apostolus hic occurrit tacitæ objectioni : Si Deus sine merito Jacob dilexit, Esau vero illi æqualem odio habuit; ergo injustus videtur : hoc autem dicere est impium. Respondet Apostolus : ABSIT, et rationem reddens, atque objectionem solvens subdit :

15. MOYSI ENIM DICIT (*Exodi xxxiii, 19*) : MISE- Vers. 15.
REBOR CUIUS MISEREBOR, — id est cujus voluero misereri. Est hæc generalis Mosis sententia ubique vera; Apostolus tamen eam applicat ad suum propositum, q. d. Prædestinatio hæc et electio Jacobi præ Esau, et allegorice filiorum fidei Abraham, id est Christianorum, præ filiis carnis, id est Judæis, non est cuiquam debita, nec opus justitiæ, sed misericordiæ, ac consequenter mihi liberum et gratuitum; nunquam ergo iniquum, q. d. Ergo nulla est iniquitas in carnalium Judæorum repulsa, et credentium acceptione ad justitiam, gratiam et salutem, quæ sunt benedictio Abraham et semini ejus promissa, quia acceptatio hæc nulli est debita, sed plane est in Dei arbitrio, ut eam det gratis et gratiose, cui voluerit; non ergo Judæis feci injuriam, cum Gentibus feci misericordiam; potui enim, prout volui, in fide collocare benedictionem Abraham : sicut poteram in carnali generatione et circumcisione eandem collocare; sed nolui : volui enim tam Gentes, quam Judæos per fidem facere Ecclesiam meam. Quare non genuine, nec ad mentem Apostoli Anselmus hæc sic explicat, q. d. Cujus miserebor per vocationem, ejusdem miserebor per

Specia-
lem alt-
erius in
particu-
lari præ-
destina-
tionem,
vel re-
probatio-
nem hic
locus non
concer-
nit.
Potest
applicari
prædesti-
nationi
Petri, et
Judæ re-
probati-
oni.

Nulla
in Deo
iniqui-
tas, quando
Judæos
rejecit,
Gentes
vero ele-
git.

operationem, id est faciam ut talis credat et recte operetur (1).

Vers. 16.
Sextu-
plex hu-
jus loci
expositio.
Prima,
Calvini.

16. Igitur non volentis, neque currentis, sed miserentis est Dei. — Tollitur, inquit Calvinus, hic cooperatio liberi arbitrii, interior per *volentis*, exterior per *currentis*, quia totum opus bonum est « miserentis, » id est gratiæ Dei. Respondeo : Verum est, in hac causa et quæstione quam hic agitat Apostolus, tollitur liberum arbitrium, quia hæc causa et quæstio solum Deum tangit, non hominem, uti mox ostendam : ergone illud ipsum in humanis operibus, meritis, consiliis, quæ humani sunt arbitrii et electionis, tollendum est?

Secunda,
Origenis,
Ambro-
sii et
Hierony-
mi.

Secundo, Origenes, Ambrosius et Hieronymus, Quæst. X ad *Hedubiam*, volunt hæc esse verba ob-
gigientis Judæi. Unde et S. Chrysostomus et Theodoretus aiunt Paulum his verbis augere quæ-
stionem.

Tertia,
Iliotii et
Chrysos-
tomi.

Tertio, Photius et Chrysostomus sic explicant : Non est volentis, neque currentis tantum, sed etiam Dei miserentis. Verum hoc refellit D. Augustinus, quia sic pariter dicere potuisset Paulus : Non est Dei miserentis, scilicet tantum, sed et hominis volentis, atque currentis; intelligit ergo S. Augustinus id, quod hic ait Paulus, solius Dei miserentis esse. Sed respondere posset S. Chrysostomus S. Augustino, Paulum non pari ratione hoc dicere potuisse, quia potiores partes in bono opere, conversione et justificatione sunt gratiæ et Dei miserentis ac prævenientis, non hominis volentis; hocque tantum hac phrasi Hebraica Paulum significare voluisse. Hebræi enim ita comparationem suam efferre solent, ut quod majus est affirmant, quod minus est negent; ut « misericordiam volo, non sacrificium, » id est misericordiam magis volo, quam sacrificium. Vide *Canonem* 36.

Quarta,
explica-
tio ap-
tantium
hunc lo-
cum præ-
destina-
tioni sin-
gularum,
non ex
prævisio-
ne ope-
rum, sed

Quarto, aliqui Doctores Scholastici ex S. Augustino, *epist.* 103, aptant hæc ad prædestinationem singulorum, quæ non est ex operum prævisione, sed ex sola Dei voluntate. Misereri enim, inquiunt, est dare gratiam congruam, cum qua videt Deus hominem cooperaturum et salvandum : ut autem Deus det talem gratiam nobis, non aliam incongruam, cum qua prævidet nos non cooperaturos, hoc mereri non possumus.

Quinto, Ludovicus Molina ex S. Augustino, *En-*

chiridii cap. xxxii, exponit : « Non est volentis, scilicet velle; neque currentis, scilicet currere; sed Dei, qui sua gratia et misericordia nos excitat ad velle cique cooperatur : nam velle etiam nostrum est; sed præparatur ut velit voluntas, a Domino, » q. d. Velle id quod bonum est, hoc, inquam, velle non est virium naturæ, sed gratiæ, quæ tamen gratia et misericordia non excludit, sed includit liberum gratiæ amplexum, sive liberum arbitrium gratiæ consentiens, et per gratiam operans : est enim hic liber gratiæ amplexus gratiæ prævenientis effectus; gratiæ vero coope-
rantis et comitantis concausa, vel potius concausatio.

Verum ex dictis patet, omnes hasce expositiones directe non tangere scopum et sensum S. Pauli. Non enim ipse hic disputat de causa boni operis, nec etiam de prædestinatione ad gloriam vel ad gratiam congruam; sed disputat de justitia et gratia justificante, quæritque unde ea nobis obveniat, an a nostra bona voluntate et conatu, an vero a gratia et misericordia Dei?

Sexto, ergo optime et planissime ad litteram Anastasius, in *Quæst. S. Scripturæ*, Quæst. LIX, sic explicat, q. d. Paulus : Benedictio Abrahæ et Isaac non fuit Esau volentis et currentis in campum ad venandum, ut, cum ex sua venatione comedisset pater, benediceret ei; sed fuit Jacobi, cujus Deus misertus est, ut in eum caderet, non in Esau, licet is senior esset et primogenitus. Rursum, ut recte explicat Toletus, Jacob benedictionem, et ex ea filiationem hæreditatemque Isaaci patris sui, et consequenter Abrahæ avi sui, est consecutus, ut nimirum Abrahæ et Isaaci familia censeretur esse familia Jacob et Jacobæorum, non autem familia Esau et Idumæorum; idque obtinuit Jacob, non ex eo quod ipse monitu matris suæ volens et currens citius attulit hædum quam Esau, sed quia Deus ita voluit et misertus est ejus, non Esau.

Pari modo allegorice, quod populus Christianus, cujus typus fuit Jacob, ex Gentibus et Judæis adunatus per fidem Christi, in posteritatem Abrahæ reciperetur, ut nimirum ipse esset Ecclesia et populus Dei, et consequenter hæres justitiæ et salutis, indeque hæres donorum Spiritus Sancti, amicitiae et protectionis Dei (quæ fuit benedictio Abrahæ promissa); Judæi vero carnales rejicerentur a justitia, ac consequenter a populo et Ecclesia Dei, ut non essent ex amicis et ex filiis Dei; hoc, inquam, non contigit ex voluntate, aut præviis operibus horum, vel istorum; sed ex sola Dei voluntate, cui placuit in fide Christi collocare benedictionem et filiationem Abrahæ, ut fideles Christiani sint populus, filii et Ecclesia Dei; sicut olim erant Judæi secundum carnem ex Abraham nati, quia tunc ita placebat Deo : nunc autem aliter illi visum est.

Opera ergo quæ hic excludit Apostolus, qui-
busque negat nos meruisse hanc benedictionem

ex mera
Dei vo-
luntate.
Quinta,
Ludovici
Molina
ex Sancto
Augustino.

Sexta,
Anasta-
sii.

Toletus
expositio.

Sensus
allegori-
cus.

Per ope-
ra lega-

(1) Dixit Deus hæc, quum Moses rogaret ut Deus se ipsi manifestaret, in signum futuri favoris. Est igitur h. l. sermo de eximio quodam et plane extraordinario beneficio, cujus non quivis homo potest fieri participes. Itaque non affert hæc Apostolus quasi suæ disputationis alias reddere rationes non possit, nam reddet aliquas (sub finem capitis); sed quod prius quam eo veniat, edomare vult contradictoris audaciam. Nam in tota hac disputatione agit cum hominibus superbis, hypocritis, suamque dignitatem non ex veræ virtutis studio, sed externarum rerum vanitate metentibus; igitur contra hos initio potestatem et jus Dei magna vi et auctoritate defendit.

Id non
merue-
runt be-
nedictio-
nem Ju-
dæi.

et justitiam, sunt, non opera ex fide facta, sed circumcisio aliaque opera legē Mosaica præscripta, ex quibus Judæi hanc filiationem et benedictionem Abrahæ sibi deberi putabant, sed falso. Unde hisce eorum operibus opponit Apostolus Dei vocationem, dilectionem, misericordiam, gratiam et fidem per Christum exhibitam et propositam, atque ex hac, non autem ex operibus Mosaicis jam dictis, hos justificari et salvari docet, urget et inculcat. Hic enim est scopus totius capituli, imo totius epistolæ, ut dixi initio.

Licet de
congruo
fides et
dispositi-
o mereatur
justificatio-
nem, ta-
men jus-
tificatio
est vera
gratia.

Dices : In Christianis fides est dispositio ad justitiam, et meretur de congruo ipsam justificationem; nam, ut ait S. Augustinus, *epist. 103* : « Nec ipsa remissio peccatorum sine aliquo merito est, sed fides hanc impetrat. » Et *epist. 106* : « Si quis, inquit, dixerit, quod gratiam bene operandi fides mereatur, negare non possumus, imo vero gratissime confitemur. » Ergo justificatio non est meræ gratiæ, nec solius miserentis Dei.

Respondeo : Nego consequentiam, quia meritum hoc de congruo non aliud est quam dispositio; dispositio autem proprie non dat meritum, nec vim justificandi, sed tantum est dispositio ad justitiam, quia Deus ita voluit, cum posset aliter statuere; quinimo sine dispositione posset hos justificare. Fidelis ergo licet et pœnitens quis sit, gratis tamen et misericorditer, ac indebite accipit remissionem peccatorum, et justificatur, quia ita placuit Deo miserenti. Sicuti si rex reis læsæ majestatis daret veniam, restitueretque in suam gratiam et pristinam dignitatem, sed eos solos qui ad aulam regiam venirent et veniam peterent : omnes rei ita veniam adepti, non suo labori aut petitioni, sed regis misericordiæ veniam hanc et restitutionem attribuerent : ita et hic cum Deo res nostra se habet.

Distinctio
inter
currentem
virtutem
naturæ et
gratiæ.

Adde et miserentis opponi et volentis et currentis, scilicet viribus naturæ, et suis, non vero opponi volenti et currenti viribus gratiæ et misericordiæ Dei, sed potius illud includere aut præsupponere. Non enim miseretur, id est justificat Deus aliquem, nisi quem nasci secundum spiritum, id est fidelem et pœnitentem viderit. Hic enim solus est Abrahæ filius, cui hæc misericordia promissa est.

Vers. 17.

17. Dicit Scriptura (*Exodi IX, 10*) PHARAONI : QUIA IN HOC IPSUM EXCITAVI TE, UT OSTENDAM IN TE VIRTUTEM MEAM. — Probavit Apostolus, vers. 13 et 16 præced., non esse iniquum quod Deus gratuita electione et voluntate Jacob dilexerit, ejusque misertus sit, sine illius operibus et meritis. Hic probat secundam antithesin suæ partem, scilicet quod Esau odio habuerit, et noluerit ejus misereri, id non ex demeritis Esau præ Jacob accidisse, sed ex Dei voluntate, qui noluit ejus misereri. Est enim hoc Deo liberum, ut patet in Pharaone, quem quia obduratus erat in suis peccatis, sibi suisque peccatis permisit et dimisit, ac tandem punivit mergendo eum in mari Rubro;

Ratio ob
quam
Deus no-
luerit mi-
sereri
Esau et
Pharao-
nis.

cum tamen misertus sit Nabuchodonosoris et aliorum, qui æque ut Pharo mali et obdurati fuerunt.

Excitavi te; — te, o Pharo, regem constitui, sustinui, ut videret Chaldaeus et Septuaginta; conservavi, permisisti ut in populum meum tyrannus insurgeres; ut ego vicissim in te, quasi hostem, tot plagis potentissimis insurgerem, tandemque te mergerem in mari Rubro : ut sit omnes meam justitiam ac potentiam agnoscant, timeant et colant. Ita S. Chrysostomus et Photius.

Aliter Anselmus : Excitavi, inquit, tuam malitiam sopitam per mea signa et plagas, ut durior fieres. Sic etiam explicat D. Thomas et S. Augustinus, lib. III *Contra Julian.*, cap. II.

UT OSTENDAM IN TE VIRTUTEM MEAM. — Nota : Hæc non prima et præcipua, sed una inter alias et ultima causa fuit cur Deus excitavit Pharaonem. Prima enim causa fuit, ut Pharo Deo creatori suo obediret, et bene beateque viveret, qui finis est omni homini a Deo præstitutus; sed quia prævidebat Deus eum contumaciter inobedientis suis et potentiæ oblectaturum, hinc hanc ejus malitiam ordinavit ad suam gloriam, ut eum per mirabiles plagas castigando comprimeret, corrigeret et converteret. Sed cum iis magis indurari cerneret, plagas plagis addere decrevit, et tandem cum suis mergere eum in mari Rubro, ad hoc, ut hæc plagæ et clades omnibus hominibus Dei virtutem, non longanimitatem, ut interpretatur Oecumenius, sed ut Græce est, δύναμις, id est potentiam, ob oculos ponerent, atque impiis et rebellibus metum Dei incuterent.

Dæ causæ
ob
quas
Deus ex-
citavit
Pharao-
nem.

Nota, Pharaonem et impios tolerari a Deo primaria voluntate ad hoc, ut se corrigant et salventur. Id enim docet Paulus, *Roman. II, 4*. Vocula ergo ut hic eventum vel causam remotam significat, uti jam explicui. Vide *Can. 24*.

Impit
a Deo to-
lerantur
ut sal-
ventur.

18. ERGO CUIUS VULT MISERETUR, ET QUEM VULT INDURAT. — Hinc horrendum suum dogma de reprobatione et prædestinatione deducit Calvinus; docetque quod Deus post lapsum Adæ, ut efficaciter singulos electos elegit et destinavit ad gloriam, quasi ad finem suum, et consequenter eosdem destinavit ad fidem et gratiam quasi ad media tali fini congrua : ita pariter singulos reprobos ante omnem prævisionem operum et demeritorum destinavit ad pœnas æternas, quasi ad finem suum, et consequenter eosdem destinavit ad actus malos, quibus has pœnas mererentur; atque ex hac prædestinatione, inquit ipse, manat executio efficax gratiæ et gloriæ in bonis et electis, in malis vero et reprobis manat certus et necessarius lapsus in peccata quælibet, atque in iis obduratio, excecatio, mors et damnatio æterna, ita ut homo in negotio salutis vel damnationis suæ eternæ nihil libere agat, sed agat actus et adactus in omnibus a Deo : perinde ac agitur et adigitur globus a rotante, securis a secante, lutum a figulo, cui reniti nequit, imo a quo non tam agit,

Vers. 18.
Horren-
dum dog-
ma Cal-
vini de
prædes-
tinatione
et repro-
batione.

quam agitur et patitur. Hoc est fatum Calvini longe generalius, efficacius et violentius fato Stoicorum.

Fatum
Calvini
violenti-
us fato
Stoico-
rum re-
fatur.

Verum si hoc fatum demus, ut taceam illius impietatem in Deum, recte reprobi dicent cum Luciano in *Jove confutato*: « Si Parca omnium rerum est causa: ergo si quis patrem occiderit, Parca in culpa est. Si Minos recte velit uti iudicio, multo æquius fatum pro Sisypheo puniet, et Parcam pro Tantalo. Quid enim illi injuste egerunt, quando jussi dicto audientes fuerunt? » Sæpe mirari soleo, quomodo tam atrox blasphemia, tam horribilis sententia, imo quævis aliæ hominibus a Calvino persuaderi potuerint; cum ex hoc uno quasi ex ungue leonem agnoscere possint et debeant. Hinc enim sequitur, ut alia omit- tam, hominem necessario velit nolit peccare, quoties peccat; necessario blasphemare et execrari Deum, quoties blasphematur et execratur; ac consequenter omnes eos qui damnantur, damnationem hanc non potuisse avertere, sed necessario et inevitabiliter damnari, et æternis ignibus cruciari. Hoc enim Dei decretum prævium, quod ponit Calvinus, homini reprobo est inevitabile et ineluctabile, ejusque pariter executio ineluctabilis est.

Absurda
quæ se-
quantur
ex Cal-
vini hæ-
resi de
reprobatione.

Imo ex hoc ejus principio et fato sequitur non hominem, qui tantum motum Dei necessario recipit, sed Deum solum, qui motum imprimit, te ad actum malum impellit et prædeterminat ex meta et libera sua voluntate; Deum, inquam, solum causare actum peccati, et consequenter solum peccare. Quæ est blasphemia a sæculis non audita, nimirum quod aliquis Deum, qui ip-sissima est bonitas per essentiam et omnis boni fons, faceret omnis malitiæ fontem, id est ex Deo faceret demonem, hoc nostro sæculo fecit Calvinus. O tempora! o monstra! horruit hoc Manes et Manichæi, et ne Deo bono tam essent injurii, illi Deum quemdam malum opposuerunt, quasi fontem omnis mali. Longe hoc erat tolerabilius.

Manem
et Mani-
chæos
impietate
et blas-
phemiis
superat
Calvinus
dum
Deum fa-
cit auc-
torem
peccati.

Omitto quod hoc fatum Calvini hominem in desperationem adigat: si enim quos libuit Deus damnationi et gehennæ addixit, sine ullo præviso eorum demerito, quis non timeat, non percellatur? quis non semper anxius decretum hoc Dei capiti suo imminens suspiciat, dicatque: Quid si Deus damnationi me addiderit? quis scit an inter reprobos me collocarit? Si ita est, actum est de me: perii, æternum ero miser et damnatus, ut quid de bona vita laboro? pereundum mihi est, imo peccandum. Ad hoc urgeor Dei fato, cui reluctari, a quo me subducere tam est impossibile, quam contra Deum pugnare.

Pulehre et graviter S. Augustinus, cap. xxiii *De Gratia et Libero arbit.*: « Deus, inquit, reddit mala pro malis, quia justus est; bona pro malis, quia bonus est; bona pro bonis, quia bonus et justus est: solum non reddit mala bonis, quia injustus non est. »

Nota: « reddit non prædestinit, non prævenit, non prædeterminat. Quod ergo ad verum et orthodoxum sententiæ Paulinæ sensum attinet, putant aliqui hanc ejus illationem: « Ergo cuius vult miseretur, et quem vult indurat, » non inferri ex mente ipsius Pauli, sed ex mente Judæorum, Paulo adversantium et obstrepentium, qui hanc sententiam, quasi ingens absurdum, ex dictis Pauli colligant, illique objectent. Ita censent Origenes et Hieronymus ad *Hedibiam*, Quæst. X.

Excutitur
sententia
horum
verborum,
Cujus
vult mi-
seretur,
et quem
vult in-
durat.

Verum non hæc, sed proxime sequentia verba esse obiectum Judæorum, patet ex illis ipsis. Sequitur enim: « Dicis itaque mihi, » etc.

Dico ergo: Apostolus hic ex illo testimonio, « Miserebor ejus misereor, » scilicet Jacobi, et allegorice populi fidelis, sive Christiiani, quem dilexi, infert: « Ergo ejus vult miseretur. » Ex illo vero, « In hoc ipsum excitavi te, ut ostendam in te virtutem meam, » infert et colligit: « Ergo quem vult indurat, » scilicet Pharaonem; et per consequens non ex operibus, sed quia vult, odio habet Esau, et allegorice carnales Judæos, quos repellit a benedictione Abrahæ. Hoc enim est, quod toto hoc capite probare contendit, scilicet Dei voluntate credentes adscitos, et Judæos repulsos esse a benedictione Abrahæ. Omnes ergo hæ sententiæ pendent, et connexæ ac concatenatæ sunt cum vers. 13; deducuntur enim omnes hæ antitheses ex prima illa vers. 13: « Jacob dilexi, Esau autem odio habui, » illiusque probatio et explicatio sunt.

Omnes
hæ sen-
tentia
Pauli
connexæ
sunt cum
versu 13,
eumque
explicat.

Nota primo: Deus « indurat, » id est indurat proprie, et consequenter odio habet, ut Esau, et punit ac punivit, ut Pharaonem; ad hos enim omnes jam dictos, puta Esau, Pharaonem, etc., se extendit « indurat per metalepsin.

Nota secundo: Deus indurat peccatorem, quia ejus non miseretur, sed eum in sua duritia et peccatis relinquit; eamque aut indulgendo aut flagellando augeri permittit, opponit enim Apostolus hæc duo misereri et indurare. Ergo indurare est non misereri: cum ergo misereri sit liberare a peccato (peccatum enim maxima est miseria, quæ maxima indiget misericordia) et iustificare, sequitur, quod non misereri sive indurare, sit idem quod in justitia et peccatis duritiaque sua peccatorem relinquere et negligere: sic enim se explicat Apostolus vers. 22. Nam peccatores se sua malitia proprie et directe obdurare docet Isaias, cap. 1, 16, et David, *Psal.* xciv, 8. Idem patet in Pharaone, qui in Scriptura quasi speculum et exemplar obdurationis proponitur, de quo proprie hic loquitur Apostolus. Quod enim Pharaon non a Deo, sed a scipso suæque malitia proprie et directe sit obduratus, demonstratur,

Deum in-
durare
peccato-
rem hi-
hil est
aliud
quam
ejus non
misereri,
eumque
in pecca-
to relin-
quere.

Primo, ex eo quod Deus, misso Moyse, Pharaoni decies præcepit dimissionem populi Judaici; ergo voluit ut missum faceret populum; non ergo eum obdurare voluit. Hoc enim proprie velle, est

Probat
id qua-
druplici-
ter.

velle efficaciter ut Pharaon nolit populum dimittere : velle autem ut dimittat, idque præcipere, ac rursum efficaciter id nolle, ideoque obdurare, manifeste inter se pugnant. Rursum, si Dei voluntas erat obdurare Pharaonem, ergo Pharaon ei se conformans non peccabat : Dei enim voluntas omnis bonæ voluntatis mensura est.

Secundo, Deus reluctantem Pharaonem gravissime punivit; atqui « Deus non est auctor eorum, quorum est ultor, » inquit S. Fulgentius, lib. I ad Monimum, cap. III.

Tertio, Pharaon ipse paulatim Deo, Moysi et Hebræis cessit, dum *primo*, eos sine prolibus et armentis; *secundo*, cum prolibus, sed sine armentis; *tertio*, omnino cum suis abire permisit : ergo ipse se flectebat et obdurabat; quin vero Pharaon ipse non tam impius fuit ut duritiei suæ causam in Deum evomeret, sed sibi eam tribuit, *Exodi* cap. X, vers. 16 : « Peccavi, inquit, in Dominum. » Quod enim Calvinus Deum culpa liberare contendat, peccatum Pharaoni, obdurationem Deotribuendo, tam impie quam imperite id facit : si enim durities Pharaonis peccatum est, cur pariter peccatum non sit obduratio, quæ duritiei est causa? Causa enim ad peccatum impellens utique peccat, *Joan.* VIII, 34, *Rom.* I, 32; et vel maxime tunc, cum efficaciter impellit, ut ei alter resistere nequeat. At instat Calvinus : obdurare in Deo non esse culpam, quia justum hoc Dei iudicium est; sed frivola est et inanis hæc larva, si enim durities culpa est, quocumque fine, quocumque iudicio ad eam impellas, culpam admittis : quod enim in se malum est et culpa, nullo fine licet, ideoque non justum est hoc, sed impium Calvini iudicium; tantumque est dicere ac si aperte pronunties : Deus peccati auctor est, sed hoc fine, ut iudicium suum et præcedentium peccatorum vindictam exercent.

Quarto, non Pharaon tantum sibi, sed et Scriptura culpam et obdurationem eidem tribuit, cum eum iam immunem et liberum a pœna, ad ingenium sponte rediisse narrat *Exodi* VIII, 15 : « Videns, inquit, Pharaon quod data esset requies, ingravavit cor suum. » Et cap. IX, vers. 34 : « Videns Pharaon quod cessasset pluvia, auxit peccatum, et ingravatum est cor ejus, » id est, ut habetur in Hebræo, יכבד לכו *iachbed libbo*, id est *aggravavit ipse cor suum*. Idem patet cap. VIII, vers. ult. in Hebræo. Unde quoties noster Interpres in *Exodo* vertit, « ingravatum est, » accipe, ingravavit se cor, id est voluntas Pharaonis; sic enim Hebræa ubique veritas. Ipse ergo Pharaon proprie et positive se induravit, Deus vero permissive et negative : quia cum voluntatem ejus sua manu contineret, illam a malo non compescuit, sed illi laxavit frena, ad Hebræorum oppressionem : sicut qui canem venaticum funibus ligatum tenet, in leporem eum dicitur immittere, si eum vinculis solvat, et in leporem ferri sinat. Rursum Deus subtrahendo et suspendendo fla-

gella sua, quæ Pharaonem mollebant, eum induravit, quia, iis cessantibus, ipse mox ad ingenium et duritiem suam rediit. Quando enim Deus plagas infligebat Pharaoni, Pharaon promittebat quod dimitteret Hebræos; quando vero plagas subducebat, rursum indurabatur Pharaon. Unde *Exodi* VIII, 15, dicitur : « Videns Pharaon quod data esset requies, ingravavit cor suum. » Ita Anastasius Nicenus in *Quæstionibus S. Scripturæ*, quæst. XXIX.

Adde : Sicut pueri nequam verberibus fiunt duriores, sic et Pharaon verberibus Dei indies factus est durior. Unde sicut præceptor flagellando puerum pervicacem, dicitur eum flagellis suis obdurare, magisque pervicacem efficere : ita Deus suis plagis dicitur indurasse et durius reddidisse cor Pharaonis durum et pervicax, non effective, sed objective, id est non efficiendo et immittendo illi duritiem, sed objiciendo flagella, quibus ipse magis seipsum obduravit, fortiusque Deo restitit. Ita explicant hunc locum Patres omnes et interpretes Catholici.

Nota tertio : « Misereri » hic in Apostolo generale est; sed Apostolus illud applicat Jacobo, quod scilicet Deus e captivitate Babylonica eum reduxerit; et allegorice credentibus, quod scilicet ipsi a servitute peccati a Deo gratis sint liberati et justificati, ut dixi. Poterat enim Deus, si voluisset, credentes, imo et pœnitentes, non justificare, id est eorum non misereri.

Nota quarto : Ut omnia dicta in unum colligamus, hæ omnes antitheses, quas Apostolus a vers. 7 hucusque conglomerat, applicandæ et explicandæ sunt per hoc, quod Christiani, qui sunt filii spiritus, promissionis, gratiæ et fidei, credendo in Christum eique obediendo, benedictionem Abraham, id est justitiam, sint adepti : Judæi vero, qui sunt filii carnis, id est carnaliter nati ex Abraham, quique ex operibus vi legis et naturæ factis, id est humanis et carnalibus, justitiam quærebant, eamque parere et producere contendebant, repellendo fidem Christi, a benedictione pariter et justitia, ac via salutis sint repulsi. Quod ut clarius demonstrarem, applicabo singulas antitheses.

Prima est, vers. 7. Non Ismael filius carnis, sed Isaac filius promissionis æstimatur filius Abraham et hæres : sic non Judæi filii carnis increduli, sed Christiani credentes, quasi filii promissionis æstimantur filii et hæres benedictionis et justitiæ Abraham.

Secunda est, vers. 13 : « Major serviet minori, » id est Judæi postponentur et servient Christianis.

Tertia est ibidem : « Jacob dilexi, Esau odio habui, » hoc est Christianos credentes dilexi, Judæos incredulos odio habui.

Quarta est, vers. 16 : « Non est volentis, neque currentis, sed miserentis Dei; » id est, justitia non est Judæi volentis et currentis ad eam naturæ

Dens subtrahendo flagella induravit Pharaonem.

Item flagellis, at pueri, induravit Pharaonem.

Misereri hic generale est, et significat liberationem e captivitate Babylonica.

Anacephalæosis antitheseon Pauli in hoc capitulo.

Prima antithese ejus applicatio.

Tertia.

Quarta.

viribus et operibus, sed est Christiani credentis, cui Deus justitiam misericorditer largiri et donare voluit.

Quinta. Quinta est, vers. 18 : « Cujus vult, » v. g. Isaaci, Jacobi, Nabuchodonosoris, « miseretur; quem vult, » v. g. Ismael, Esau eorumque posteros et Pharaonem, « obdurat. » Id est, Deus miseretur populi Christiani fidelis, dando ei justitiam; Judæos vero fidei rebelles indurat, id est in sua injustitia, duritia, rebellionem permittit ac deserit, et a vera justitia ac salute arcet et repellit.

Sexta. Sexta est, vers. 21, 22, 23, ubi Apostolus Christianos credentes vocat « vasa in honorem, et vasa misericordiæ; » Judæos vero incredulos vocat vasa in contumeliam, vasa iræ, apta in interitum. »

Mens et scopus Apostoli est ostendere Christianos ob demeritos, Judæos ob incredulitatem rejectos. Ubi nota quinto, Judæos semper hic accipi debere incredulos, et fidem Christi repellentes, suæque legi insistentes : sicut in Christianis involvitur acceptatio fidei et gratiæ, et obedientia erga Christum; nec enim Christiani electi sunt ad justitiam, nisi prius prævisa fuerit eorum fides et obedientia : nec Judæi ante rejecti a justitia, quam prævisi sunt fidem et gratiam Christi repellere. Sicut ergo in Christianis fides presupponitur eorum dilectioni et benedictioni, id est justificationi, ita in Judæis semper includitur et presupponitur eorum incredulitas, quasi obiectum odii. Ob incredulitatem enim suam a Deo rejecti et odio habiti sunt : ita ut a parte rei prius sit eos esse incredulos, quam odio haberi a Deo; sicuti vice versa, prius est Christianos credere et obedire Christo, quam diligere et justificari a Deo. Hæc est ergo perpetua antithesis Apostoli, quam tot probat exemplis : nimirum, « Judæi increduli repulsi sunt a justitia, Christiani vero credentes justitia donati sunt. » Ad hanc omnia collimant, per hanc resolvenda sunt omnia, hic est scopus, hæc mens Apostoli.

Misericordiæ Dei est in fide constituere justitiam. Nota sexto : Apostolus utrumque horum dicit factum esse ex vocante et miserente Deo, non ex operibus præviis : quia quod credentes justificentur, alii vero non credentes repellantur a justitia, est misericordiæ Dei, cui placuit in fide constituere justitiam, et credentes gratis justificare; cum potuisset non credentes in Christum justificare, et alia in re justitiam constituere, aliumque justificationis modum præscribere, v. g. circumcisionem, aut naturalem descensum ex Abraham, milleque alios modos, quos Deus ipse habet in thesauris suæ sapientiæ et providentiæ.

Apostolus hic non agit de vocatione congrua vel incongrua. Ex dictis clarum est, Apostolum non agere hic de vocatione congrua vel incongrua ad primam gratiam vel gloriam; nec de gratia efficaci, vel inefficaci : sed agere de vocatione ad justitiam.

Nota septimo : Apostolus primario hic intendit ostendere, quod Isaac Ismaeli, Jacob Esau fratri suo, id est Christiani Judæis sint prælati et prædicti, non esse ex meritis eorum præviis; secun-

dario tamen ostendit, quod Ismael, Esau et Judæi sint odio habiti, id est neglecti, postpositi et repulsi a familia, benedictione et justitia Abraham, id non accidisse ex eorum demerito prævio; prævio, inquam, ante fidem vel repulsam fidei, quasi in judaismo demeruerint præ Gentibus repelli, sed utrumque hoc fuisse voluntatis et electionis Dei, qui ante omne meritum utriuslibet voluit Isaac præ Ismael censi et esse filium et hæredem Abraham, ac Jacobum præ Esau benedicti ab Isaac, ejusque et per illum Abraham censi filium et hæredem; ac consequenter utriusque posteros, Isaacidas scilicet et Jacobæos, præ Ismaelitis et Idumæis, filios esse et hæredes Abraham.

Si dicas, postea Idumæos odio esse habitos ob peccata, cum, ut ait Malachias, capti et eversi sunt, respondebit Paulus, et Jacobæos peccasse, et captos esse ob sua peccata. Non ergo ex operibus et demeritis, in quibus erant pares, hi præ illis dilecti et reducti sunt; sed quia hos, et horum parentes præ illis dilexit et elegit Deus in populum et Ecclesiam suam. Similiter quod Pharaonem præ Nabuchodonosore et aliis induravit, id est in sua malitia et duritia reliquerit et oppresserit Deus, non fuit ex demerito Pharaonis, quasi durior et deterior fuerit Nabuchodonosore et aliis similiter obduratis : sed quod voluerit Nabuchodonosoris misereri eique regnum restituere, Pharaoni noluerit. Ita plane in sensu allegorico (quem maxime hic significare intendit Apostolus, ita tamen ut priorem sensum litteralem tantum obiter quasi perstringat, et presupponat suæ allegoriæ), quod Judæos incredulos præ Christianis credentibus repulerit, et odio habuerit idem Deus, non fuit ex demeritis præviis, quasi Judæi in judaismo præ Gentibus in gentilismo id demeruerint, cum utrique fuerint in peccatis, et magis Gentes; sed fuit ex voluntate Dei, qui voluit credentes eligere ad justitiam, incredulos ab ea repellere.

Si ergo quæras cur Christiani electi sint ad justitiam, Judæi vero ab ea repulsi? Respondet Apostolus, vers. 30 et seq., quia Christiani fidem Christi amplexi sunt, Judæi eam repulerunt. Si pergas quærere cur Judæi fidem repellentes rejecti sint, Christiani vero amplectentes fidem electi? Respondit semper hucusque Apostolus causam esse, quod Christiani credentes sunt filii promissionis, quos elegit Deus, etisque promisit misericordiam, puta justitiam : hoc est, quia placuit Deo in fide Christi collocare benedictionem et filiationem Abraham, ipsam scilicet justitiam; non autem quia Gentes hoc meruerunt, vel Judæi in judaismo demeruerunt, aut meruerunt ea privari præ Gentibus. Ecce hoc est quod toties per tot sententias hic volvit, revolvit et inculcat Apostolus.

19. DICIS ITAQUE MIHI : QUID ADHUC QUERITUR? Vers. 19. — Græce *μυφεται*, id est *queritur, conqueritur*; non autem *quæritur, conquiritur*, licet ita legat

Electio Isaaci et Jacobi non fuit ex meritis præviis, nec Ismael et Esau repulsi a demeritis.

Sensus allegoricus in his omnibus a Paulo intensus.

Placuit Deo in fide Christi collocare benedictionem.

et intelligat S. Thomas. Est occupatio querula. Obijciat enim quis : Si Deus « cuius vult miseretur, et quem vult indurat, » cur ergo queritur, conqueritur et succenset Deus Pharaoni aliisque impiis per Prophetas, eosque punit? Ipse enim Deus, ut ais, o Paule, eos indurat.

VOLUNTATI ENIM EJUS QUIS RESISTIT? — aut, ut Græce est, ἀνίσταται, id est *restitit unquam*. Hanc objectionem Apostolus primo retundit objectu absoluti domini et majestatis Dei, contra quam nemo queri possit aut debeat; deinde directe illi respondet vers. 22.

Nota : statim illi respondere potuisset Paulus, Deum juste queri de impiis, quia propria voluntate peccant. Verum quia agit contra superbos et querulos impios, qui irreverenter et arroganter queruntur, seque opponunt Deo, Deique voluntati et judiciis; hinc primo, eorum superbiam et superbam querelam retundit objectu reverentiae et celsitudinis divinae, maxime quia hoc ipso, licet non respondeat ad ipsam eorum interrogationem et objectionem, ad originem tamen et causam ejusdem respondet.

Causa hæc est, quod impii nolint subesse voluntati divinae ejusque imperio, illudque vellent exequere si possent, utpote per quod sciunt se plectendos et dammandos. Dicunt ergo ipsi : Si Deus cuius vult miseretur, et quem vult indurat, quid mirum est nos esse miseros et induratos? voluntate enim Dei tales sumus : voluntati autem ejus quis resistit? Hanc causam aufert et elidit Apostolus dicens, voluntatis divinae, utpote sapientissimæ, optimæ et eminentissimæ a creatura non esse querendam rationem; neminem enim de ea queri, vel illi obstrepere debere, sed illam omnes silentio venerari, illique summa humilitate et reverentia se submittere debere. Ait ergo :

Vers. 20. 20. O HOMO (Græce *ἄνθρωπος*, atqui o homo), TU QUIS ES, QUI RESPONDEAS DEO? — Pulchre S. Gregorius, lib. IX *Moral.*, cap. VIII, inquit : « Respondere Deo non posse convincitur, qui homo nominatur; qui per hoc quod de humo sumptus est, iudicia superna discutere dignus non est. »

Vers. 21. 21. NUMQUID DICIT FIGMENTUM EI QUI SE FINXIT : QUID ME FECISTI SIC? AN NON HABET POTESTATEM FIGULUS LUTI, EX EADEM MASSA FACERE ALIUD QUIDEM VAS IN HONOREM, ALIUD VERO IN CONTUMELIAM? — Pergit Apostolus retundere et reprimere importunam et arrogantem impiorum contra Deum objectionem, dicens quod non magis Deo factori et creatori suo resistere vel oggannire debeant, quam lutum figulo.

Nota primo : Apostolus hic Deum comparat figulo, et homines luto, non quasi homines, æque ac lutum, electione et libera voluntate destituantur; contrarium enim hic significat Apostolus, vers. 22 et vers. 24, et quia alioqui pari ratione homines, æque ac lutum, anima et ratione carebant, inquit S. Chrysostomus; sed ut significet quod homines non magis Deo miserenti vel in-

duranti, pudenti vel præmiati obstrepere debeant, quam lutum figulo, ut statim planius ostendam. Ad hoc enim tantum inducitur hæc figuli et luti similitudo; nam illud hic Paulus ad *Jerem.* XVIII, 6, ubi sic ait Dominus : « Ecce sicut lutum in manu figuli, ita et vos in manu mea, » *q. d.* Sicut vas luteum est in manu figuli, ut illud frangat, et ex eo faciat aliud vas, vel prius renovet : sic et ego vos, o Judæi, a me destinatos Chaldaico excidio, si prænitueritis; reformabo, mutabo sententiam, et calamitatem vestram in felicitatem convertam : Ita Theodoretus, ut ex vasis contumeliæ, id est ingloriis, fiat vasa in honorem, id est honorifica.

Nota secundo : S. Augustinus et alii censent Apostolum hic loqui de massa, id est communitate hominum non tantum originali, sed et actuali peccato respersa (loquitur enim hic Paulus de impiis et incredulis Judæis), ex qua hos Deus liberat et eligit ad gloriam, alios relinquit et destinat ad poenam æternam. Ita S. Augustinus, lib. I ad *Simplician.*, Quæst. II, et Fulgentius, ad *Monimum*, lib. I, cap. XXVI.

Ubi adverte : ex massa peccati originalis, Deus non intendit positive facere aliquem vas in contumeliam, uti demonstravi vers. 13, sed tantum permissive; Imo Deus intendit, quantum est ex parte sua, omnes ex hac massa corrupta et perditam eripere et salvare per Christum. Ideo enim Christum mediatorem omnibus dedit, volens quantum est ex parte sua, ut per Christum omnes salventur. Ex massa vero et complemento peccatorum actualium, quæ peccatores ipsi faciunt et adiungunt peccato originali, etiam positive facit Deus vasa in contumeliam; quia destinat eos ad poenam et opprobrium æternum, quos videt in peccatis hinc suis mori. Ex hoc ergo Apostoli loco etiam juxta mentem S. Augustini intellecto, non fecte elicitur aut concluditur Deum aliquem reprobasse, vel decrevisse a regno cælorum excludere ob solum prævisum peccatum originale ejus, vel ante actualia ejus peccata, in quibus prævidebatur ipse moriturus. Imo Gregorius de Valentia, *part. I, Quæst. XXIII*, puncto 3, col. 463, docet ad hanc perditionis massam ex mente S. Augustini pertinere, et in eam recidere eos, qui post originale peccatum sibi remissum, actualia peccata committunt. Hoc est enim quod ait S. Augustinus, *Enchir.* XXX : « Creatura rationalis quæ in hominibus erat, peccatis atque suppliciis, et originalibus, et propriis tota perierat. » Et *epist.* 103 : « Una, ait, est ex Adam massa peccatorum et impiorum, in qua et Judæi et Gentes, remota gratia Dei, ad unam pertinent conspersionem. » Lib. I ad *Simplician.*, Quæst. II : « Propter hoc, ait, inexcusabilis est omnis peccator, vel reatu originis, vel additamento etiam propriæ voluntatis. » Et paulo post : « In vasis, inquit, propter meritum massæ, in contumeliam debitam factis (id est, in omnibus his qui ob peccata

Sensus litteralis exentiatur : est quæ de capite te Babylonia et Jeremia cap. XLII.

An Deus ex massa hominum peccatis respersa destinet alia vasa in honorem, alia in contumeliam?

Dens ex hac massa intendit omnes salvare.

Non potest concludi ex hoc loco Deum ob solum peccatum originale aliquos reprobasse.

destinati sunt ad gehennam) iniquitatem damnare novit Deus, non facere. » Et lib. LXXXIII *Quest.*, *Quest.* LXVIII, docet reprobos non posse dicere Deo : Cur me fecisti vas in contumeliam ? quia jam sunt massa luti, id est peccati, post Adæ prævaricationem. Et concludit : « Si vis hoc posse dicere Deo : Cur me fecisti ? noli esse lutum, sed fieri filius Dei per ipsius misericordiam. » Quocirca graves theologi, ex mente S. Augustini, censent Deum neminem reprobasse, id est cælo exclusisse, et destinasse gehennæ, nisi post prævisum ejus finale peccatum, quod scilicet, in originali, vel actuali peccato moreretur. Audi Cardinalem Bellarminum, lib. II *De Gratia et Lib. arbitr.*, cap. xvi : « Dicimus, inquit, causam reprobationis esse prævisionem peccati originalis vel actualis ; quia non omnes Deus reprobatur propter originale peccatum, cum illud vere nonnullis reprobis per baptismi gratiam remittatur ; sed alios propter originale tantum, ut parvulos non baptizatos ; alios propter actuale tantum, ut baptizatos adultos ; alios propter utrumque, ut infideles adultes, de qua re vide Augustinum, *De Correp. et Grat.*, cap. XIII, et Prosperum, in *Respons.* ad eap. II Gallorum. » Verum quidquid sit de hæc massa peccatorum, eorumque electione et reprobatione, dico de ea non loqui hic Apostolum.

Ut ergo genuinam Apostoli mentem explicem, assero Deum tantum in eo comparari hic figulo, quod, sicut figulus potes ei eodem luto facere vas unum in honorem, aliud in contumeliam : ita Deus ex eadem massa hominum, cujus vult miseretur et quem vult indurat. Cujus ergo miseretur, id est quem a peccato liberat et justificat, uti Christianos credentes, hos facit vasa in honorem : quem vero indurat, uti Pharaonem et Judæos incredulos, hos facit vasa in contumeliam ; sed sicut Deus positive et directe miseretur, sic positive et directe facit vasa in honorem ; et sicut permissive et indirecte tantum indurat, sic permissive et indirecte tantum facit vasa in contumeliam. Non ergo vas in honorem hio est electus ad gloriam, nec vas in contumeliam est reprobatus ad gehennam ; sed vas in honorem est justificatus, vas in contumeliam est impius qui est in peccato.

Posset secundo, *in misereri* temporaliter accipi pro dare bona et præmia temporalia, qualia Deus dedit Jacobo et Judæis ; *indurare* vero per metalepsim, ut dixi, pro punire et malis afficere, ut plagis affecit Deus Pharaonem. Unde Toletus censet Apostolum hac similitudine tantum velle significare, quod Deus pro libito nulla alia causa ex jure dominii summi et potentie eminentissimæ, quam habet in homines, possit quævis bona vel mala cuilibet immittere, sicut figulus pro libito vasa facit aut vilia aut honorifica, et sic vas in contumeliam non est peccator formaliter : sic enim Deus non facit vas in contumeliam ; sed est is cui Deus poenās et mala irrogat, uti Pharaō, Esau, Judæi : contra is est vas in honorem, cui Deus bona et beneficia confert, uti Jacob et Christiani. Sed prior sensus quem dedi, pressior est, profundior et præcedentibus magis connexus.

Denique in hæc antithesi Græce elegatis est paronomasia. Vocatur enim *οὐκός* et *εὐκός* et *ἀδύνατος*, id est vas decoris et vas dedecoris.

Sensus tropologicus.

Tropologice nota : Lutum est homo, quia ex limo factus, ut cum timore et humilitate Deo se subdat, in cujus manu est status hostis, gloria, divitiæ, virtus, salus et omne bonum nostrum ; nimirum ut discat homo totus pendere a Deo, quasi figulo suo, illique se totum restituat, cujus potestatem effugere non potest. Sic ergo hac phrasi tacite jubet et monet nos Deus, ut cum *Jerem.* cap. xviii, jam citato, sæpe descendamus ad domum figuli, ut videamus originem patris nostri Adami ex luto, hebraice Adami ex Adama, lutei ex luto, nobisque dicamus : Quid superbis, terra et cinis, imo lutum vilissimum, quod pecudum pedibus calcatur ?

Stupe descendendum homini ad domum figuli, et originem suam.

Secundo : sicut lutum tantum est lutum, sed ex manu figuli hanc vel illam formam sortitur : ita homo ex sua humo nil nisi humum et lutum habet ; sed ex Deo habet quod sit homo rationalis, dives, nobilis, sapiens, felix, graciosus. Deus enim cuique dat suam formam, et « cuique dividit sua dona prout vult, » *Ecclesi.* xxxiii, 14 ; ipse enim fecit nos, non ipsi nos.

Tertio : hinc sequitur quod quisque sua sorte contentus esse debeat ; sicut enim lutum non potest dicere figulo : Cur me fecisti sic ? sic nec nos Deo dicere possumus : Cur nos fecisti pauperes, ignobiles, rudes, infirmos ; illos vero divites, nobiles, sapientes, validos et fortes ?

22 et 23. QUOD SI DEUS VOLENS OSTENDERE IRAM, ET NOTAM FACERE POTENTIAM SUAM, SUSTINUIT IN MULTA PATIENTIA VASA IRÆ, APTA IN INTERITUM : UT OSTENDERET DIVITIAS GLORIÆ SUÆ IN VASA MISERICORDIÆ, QUÆ PRÆPARAVIT IN GLORIAM. — Apostolus hic perfecte respondet quærelæ quam proposuit vers. 19. Si Deus homines indurat, cur queritur et induratos punit ? Respondet ergo hic hoc modo, *q. d.* Indurati ipsi positive se fecerunt et aptarunt vasa iræ ; Deus ergo non fecit eos, sed « sustinuit, » id est patienter peccare permisit, differens illi supplicium, sicque eos indurasse dicitur. Idque duplici de causa : Prior est, ut iram, id est justam et potentem suam vindictam in eos ostenderet, uti fecit, dum Pharaonem mersit in mari Rubro : putabat enim Pharaō Dei patientiam, per quam non puniebat eum Deus, inipotentiam esse. Posterior est, ut ex hac severitate Dei in induratos appareat gloriosa Dei misericordia, opulencia et liberalitas « in vasa misericordiæ, » id est in sanctos et electos, quibus non poenam, sed gloriam præparavit.

Duplici de causa Deus permissio se habet erga peccantes.

Nota primo : « Quod si Deus sustinuit vasa iræ ; »

supple, quid ad te? vel, tu quis es, qui respondeas Deo? quid habes quod queri possis? Est enim hic aposiopesi, sive reticentia, frequens Apostolo.

Vasa misericordiae non sunt efficaciter electi ad gloriam. Nota secundo: « Vasa misericordiae » hic non vocantur efficaciter electi ad gloriam, sed credentes et iusti, quos gratia sua dirigit et ordinat Deus ad gloriam, ut patet ex sequentibus: consequenter vasa irae sunt mali et indurati, qui se ordinant et disponunt ad iram et poenam aeternam.

Nota tertio: « Vasa misericordiae » eadem sunt cum iis quae vers. praeced. vocantur « vasa in honorem; » sic « vasa irae » vocantur ea quae sunt « in contumeliam. »

Vasa irae propria culpa aptata sunt ad interitum. Nota quarto: « Vasa irae » non aptavit Deus, sed apta, Graece *κατασκευάσθη*, id est aptata et apparata sunt, propria scilicet culpa et impenitentia (ita Graeci Patres, D. Thomas et passim interpretes) ad interitum et condemnationem; unde et Deus non fecit, sed sustinuit ea in multa patientia, patienter scilicet expectans eorum resipiscentiam et poenitentiam: quam utique non expectasset, nisi ipsa in illorum fuisset manu et potestate; quia scilicet paratus erat Deus eos sua gratia adjuvare, si eam illi implorare eique cooperari voluissent. E contrario, vasa misericordiae Deus preparavit in gloriam. Bonum enim et praedestinatio a Deo est, malum vero et reprobatio a nobis est; homo solus peccare potest et peccat, Deus vero solus a peccato liberat.

Vers. 24. 24. QUOS ET VOCAVIT NOS NON SOLUM EX JUDÆIS, SED ETIAM EX GENTIBUS. — Nota, quod quos refert « vasa misericordiae, » quae praecesserunt, puta sanctos: quod ergo idem est ac si dicat, haec vasa misericordiae, non lutea, sed humana, sunt ii quos Deus ad se, suamque gratiam, amicitiam et filiationem « vocavit, » nempe nos fideles, tum ex Judæis, tum ex Gentibus. Putabant Judæi se solos a Messia vocandos esse ad ejus regnum, Ecclesiam et bona omnia. Contrarium hic probat Apostolus ex Prophetis, nimirum Gentes quoque ab eo ad eadem bona vocandas esse.

Vers. 25. 25. SICUT IN OSEE DICIT: VOCABO NON PLEBEM MEAM, PLEBEM MEAM. — q. d. Vocabo Gentes idololatrias, quae non fuerunt plebs mea, ad meam fidem et cultum, ut, cum fuerint ad me conversae, vocem eas plebem meam. S. Paulum recte citare Osee locum, eumque de Gentibus explicare ostendit Osee 1, 10.

ET NON MISERICORDIAM CONSECRATAM, MISERICORDIAM CONSECRATAM. — Delent hoc Graeca, Origenes, Ambrosius, Chrysostomus, Theophylactus, Oecumenius, Sedulius et alii; sed legunt Biblia Romana aliaque Latina, et S. Hieronymus in Osee 1, ibique habent illud Hebraea. Illud vero « non dilectam, dilectam, » quod non habet Syrus, nec Hebraeus, habent Septuaginta quoad sensum in Osee, et Graeca ac Latina hic. Vide Notationes Francisci Lucae in S. Scripturam. Jam sensus hic planus est. Gentes enim, quas paulo ante dixit ex non

plebe factas esse plebem Dei, hic ex statu derelictionis dicit esse translatas in statum misericordiae et gratiae Dei, ut plebs Gentilis, quae antea non erat misericordiam consecuta, jam vocaretur misericordiam consecuta.

26. ET ERIT: IN LOCO UBI DICTUM EST EIS: NON PLEBS MEA VOS; IBI VOCABUNTUR FILII DEI, — q. d. In loco, ubi antea non erat plebs mea, puta in Italia, Gallia, Germania, India, « ibi vocabuntur, » id est erunt filii Dei. Tò enim *vocari* per metonymiam saepe in Scriptura significat esse. Quod enim re ipsa tale est, hoc per sermonem tale dici et vocari potest.

27. ISAIAS AUTEM CLAMAT PRO ISRAEL. — Probat hic Paulus ex Isaia priorem partem vers. 24, scilicet quod Deus ad se suamque gratiam vocabit per Christum Judæos ad Christum convertendos, sed paucos. Plerique enim omnes, ut ait Paulus vers. 32, offenderunt in lapidem offensionis, puta in Christum. Posteriores partem vers. 24, de Gentibus ad Christum vocandis et convertendis, jam probavit Paulus, vers. 23, ex Osee propheta. Ait ergo Isaias:

SI FUERIT NUMERUS FILIORUM ISRAEL TANQUAM ARENA MARIS (innumerabilis), RELIQUAE (id est pauci) SALVAE FIENT. — Isaias habet, *convertentur ad Dominum*. Unde patet ceteros omnes Judæos rejectos esse, uti hactenus docuit Paulus, et in eorum locum Gentes surrogatas accepisse promissa Dei, ac proinde ea non excidisse, sed in Gentibus impleta esse, quod a vers. 6 hucusque probare intendit et contendit Apostolus.

28. VERBUM ENIM CONSUMMANS ET ABBREVIANS IN AQUITATE, — supple, Deus est, ut patet ex Graeco, ubi *consummans* est nominativi casus, *verbum* vero accusativi. Sic enim habet Graecus λόγον ᾧ συνετέλεσεν καὶ συντέλειον, q. d. Deus consummabit et abbreviabit verbum, id est rem, puta numerum fidelium ex Israel brevem, id est exiguum conficiet, idque « in equitate » et iustitia: tum quia iuste incredulos et impios Judæos ita abbreviavit, consumpsit et attrivit (quod proprie hic spectat Paulus); tum quia vice versa primos credentes piosque Judæos, puta Apostolos, et per eos omnes gentes fecit abundare equitate, iustitia et sanctimonia. Sicut enim Deus justus est in infideles et impios, eos puniendo et consumendo: ita justus est in fideles et pios, eos praemiando, faciendo scilicet ut in eis et per eos in aliis gentibus abundent gratia et iustitia. Utrumque hunc sensum, sed magis posterioriorem, significant verba Isaiae, qui habet: « Consummatio abbreviata inundabit iustitiam (1). »

Pro quo nota: citat hic Paulus Isaiam, cap. x,

(1) Vers. 28: *Perficiet enim Deus et subito absolvit rem pro veracitate sua: rem sic decretam exsequetur Dominus in terra*. Sententia in utroque membro eadem est, aliis tantum verbis expressa. Tò quia in Vulgato interprete, Hebr. כִּי, redundat vel exponendum utique, *perfecto*.

Gentes quomodo ex non plebe factae sint plebs Dei? Vers. 24

Cor tam pauci Judaeorum ad Christum convertendi?

Isaias hic illustrat. x.

Loquitur qui ad litteram loquitur de Judæis ex vastatione Sennacherib reliquis, de eisque ait : « Consummatio abbreviata inundabit justitiam, » *q. d.* Tempore Ezechie vastatio illa Sennacherib, quæ plurimos Judæorum consumpsit et abbreviavit, id est paucos fecit, faciet ut in paucis reliquis Judæorum superstitibus « inundet, » id est instar aquarum exundantium abundet justitia, tum puniens impietatem, tum præmians pios, quos hoc terrore et clade percussos ad Deum verum invocandum et colendum compellet; uti re ipsa evenisse patet II *Paralip.* xxx, 7. Hinc allegorice (quod maxime hic intendit Spiritus Sanctus) hanc sententiam de suis Judæis explicat S. Paulus, *q. d.* « Consummatio abbreviata inundabit justitiam, » id est consummatio faciamque finem, et quidem brevissimum, judaismi et Judæorum per Titum, ita tamen ut pauci ex iis relinquantur et convertantur ad Christum; et tum justitia, quæ ex fide est, inundabit et propagabitur per omnes gentes, orbemque pietatis quasi altero diluvio obruet. Hoc est ergo « verbum brevium, quod faciet Dominus super terram, » uti prædixit Isaias.

Loquitur Isaias de Judæis reliquis ex vastatione Sennacherib.

Sensus allegorice hic a Paulo præcipue intensus.

Verbum abbreviatum tripliciter intelligi potest.

Ob tres rationes idem verbum dicitur consummationem.

Verbum abbreviatum est verbum incarnationis.

FACTI ESSEMU, ET SICUT GOMORRA SIMILES FUISSEMU. — *q. d.* Nisi Dominus reliquisset nobis semen, id est aliquos superstitibus, fuissetis juste, ut Sodoma, omnino deleti. Loquitur Isaias ad litteram de Judæis qui superfuere captivitati Babylonicæ. Allegorice S. Paulus idipsum explicat hic de paucis Judæis, qui in communi cæterorum infidelitate crediderunt in Christum, *q. d.* Nisi tempore Christi parum reliquiarum, videlicet B. Virginem, Apostolos et paucos electos ex Judæis credentes elegisset Deus, reprobatu fuisset totus Israel ob infidelitatem, et periisset, uti Sodoma. Ita S. Hieronymus, Cyrillus, Rupertus, Haymo in *Isaiæ* i, et S. Augustinus, lib. I *ad Simplician.*, Quæst. II (1).

Litteralis sensus Isaiæ, et allegorice a Paulo intensus.

Hoc tropologice sibi applicet dicatque prænitens, et grata Deo anima : Nisi semen gratiæ et sanctarum inspirationum reliquisset Deus in me, periissem in peccatis meis, ut Sodoma.

Sensus tropologicus.

Alii, ut Origenes et Photius apud Œcumenium, per « semen » hoc accipiunt Christum vel doctrinam Christi.

30 et 31. QUID ERGO DICENUS? QUOD GENTES, QUÆ NON SECTABANTUR JUSTITIAM, APPREHENDERUNT JUSTITIAM : JUSTITIAM AUTEM QUÆ EX FIDE EST. ISRAEL VERO SECTANDO LEGEM JUSTITIÆ, IN LEGEM JUSTITIÆ NON PERVENIT, — *q. d.* Judæi sectantes « legem justitiæ, » id est legem ipsorum opinione justificantem, « in legem justitiæ, » id est in legem vere justificantem, venerunt quidem, hoc est (per legem quasi radicem) venire cœperunt, sed non pervenerunt, *q. d.* Falsus est Israel putans se habere legem justitiæ, cum lex justitiæ non sit lex vetus, sed lex gratiæ.

Vers. 30 et 31.

Græca pro « non pervenit, » habent οὐκ ἐφίκαται, id est proprie, non antevertit, non prævenit, scilicet Israel Gentes in acquirenda justitia.

Lex justitiæ non est lex vetus, sed lex gratiæ.

Nota : hic Apostolus post longam totius capitis disputationem resolvit quætionem, et dat propriam causam cur rejecti sint Judæi a justitia et salute, Gentes vero ad eam sint ascitæ et electæ : nimirum quia Judæi eam quæsierunt ubi non debebant, scilicet in operibus legis, non in fide Christi, ubi eam posuit Deus : hoc est enim quod subdit Apostolus.

Propria causa ob quam Judæi a justitia rejecti.

32. QUARE? QUIA NON EX FIDE, SED QUASI EX OPERIBUS, — supple, justitiam quæsierunt Judæi; Gentes vero fidem Christi amplexæ sunt, et per hanc fidem quæsierunt et invenerunt veram justitiam. Hic versiculus cum sequenti diligentissime notandus et perpendendus est : directe enim solvit nodum lris et controversiæ Judæorum et Gentium.

Vers. 32.

(1) Aliis hic Isaiæ locus non est vaticinium de rebus Nov. Test., sed ab Apostolo positus ideo, quod satis declarat non esse quod Judæi tam jactarent Dei benevolentiam in omnes eos, qui se Judæos profiterentur; neque enim hos caros esse Deo universos, sed exosos potius et interfectioni quasi datos, nisi proborum hominum pietas severitatem Dei quodammodo retardaret.

Vers. 29. 29. ET SICUT PRÆDIXIT ISAIAS : NISI DOMINUS SARRACOTE RELIQUISET NOBIS SEMEN, SICUT SODOMA

Tō quasi Nota : Cum ait Paulus, « quasi ex operibus, » non est comparativum, sed assertivum. Adde **quasi** sonare præsumptionem vel fastum : præsumentes siquidem Judæi sibi propter opera legis deberi justitiam, sed falso.

Verz. 33. 33. OFFENDERUNT ENIM IN LAPIDEM OFFENSIONIS (in Christum), SICUT SCRIPTUM EST : ECCE PONO IN SION LAPIDEM OFFENSIONIS, ET PETRAM SCANDALI. — Citat Paulus *Isaiæ* xxviii, 16 et viii, 14. Cap. xxviii, sic habet *Isaias* : « Ecce ego mittam in fundamentis Sion, » id est *Ecclesiæ*, quæ in Pentecoste cœpit in Sion, « lapidem angularem. » Cap. vero viii, sic habet : « Timorem ejus (scilicet regis Syriæ Rasin) ne timeatis, neque paveatis : Dominum exercituum sanctificate (id est glorificate, sperando in eum, illique placendo et obediendo, sicque vobis eum conciliando); ipse (sit) pavor vester, et ipse terror vester (tum passive, quem ut terribilem revearemini; tum active, qui faciat vos regi Syriæ et hostibus terribiles), et erit vobis in sanctificationem, » q. d. Dominus credentes et sperantes in se sanctificabit, et ut sanctos suos proteget, eritque eis quasi sanctuarium et asylum. Hoc enim significat Hebræum מִקְדָּשׁ *micdas*. « Incredulis autem ex duabus domibus, » hoc est, ex duobus regnis, puta Juda et Israel, sive duarum et decem tribuum Israel, erit « in lapidem offensionis, » in quem impingant. Dicent enim : Deus noster non est tam potens et fortis, quam putabamus, non potest liberare nos, itaque ab hoste conteremur. Est metaphora ab iis sumpta, qui per viam incedentes, in lapides quos non vident, pedibus impingunt.

Varia loca *Isaiæ* explicata et illustrata. **Allegorice** Apostolus hic hæc verba *Isaiæ* de Christo explicat. Nam Christus Judæis fuit lapis offensionis; quia videntes Judæi Christi humilitatem, paupertatem, mortem, noluerunt eum agnoscere Messiam, offensi ejus abiectione; expectabant enim Messiam, quasi filium Davidis et Salomonis opulentum et magnificum, qui eadem pompa regali veniret et Judæos ditaret et bearet. Sed iste modus, utpote nimis carnalis, non placuit Deo. Hinc alium modum justificandi et salutis elegit, scilicet proponere Christum pauperem et crucifixum mediatorum, ut per eum justitiam

et salutem speremus, cum mille alios modos alligere potuisset. Et sic originaliter et famose est electionis Dei, proxime vero et immediate est culpa Judæorum, quod ipsi sunt rejecti a justitia et salute. Sicut e contrario, obedientia et fides in Christum tantibus causa est quod ipsæ sint acceptæ et electæ ad justitiam et salutem.

Nota : idem hic est « lapis offensionis, et petra scandali. » Augustinus tamen, in *Psal.* xlv, hæc duo distinguit : Christus, inquit, in vita fuit lapis offensionis, in quem sua incredulitate impegerunt Judæi; post resurrectionem vero fuit eisdem petra scandali, quando ut gravis petra cecidit supra Judæos, eosque per Titum et Vespasianum contrivit.

OMNIS QUI CREDIT IN EUM, NON CONFUNDETUR. — Citat Paulus *Isaiæ* xxviii, 16, ubi pro « non confundetur, » Interpres noster vertit, « non festinet, » scilicet fidelis, volens sibi statim Christum ab *Isaiæ* et Prophetis promissum exhiberi; sed expectet patienter, quia certissime ego Deus promissionem meam de Christo complebo. Septuaginta vero, et ex iis S. Petrus, I *epist.* ii, 7, et Paulus hic vertunt, *non confundetur*, scilicet tum hic, tum in die judicii, q. d. Qui credit in Christum, non confundetur, non pudebit, sua fide et spe non frustrabitur; sed certo videbit et assequetur ea quæ de Christo credidit et speravit, scilicet justitiam et gratiam in hac vita, et salutem ac gloriam in futura. Hoc enim sensu dixit Apostolus cap. v, quod spes in Christum non confundat.

Atque hoc idem est, quod significat *Isaias* dicens : « Qui crediderit in eum (Christum), non festinet, » q. d. Fidelis non discurrat huc illuc, ad querendum et videndum Christum, uti solent discurrere homines anxii et metu trepidi. « Non festinet » ergo idem est ac si dicat, « non trepidet : » non enim confundetur, sed certo consequetur rem a se creditam et speratam. Itaque in verbo « festinet » est metalepsis. Simili modo loquitur Virgilius de apihus :

Ille intus trepidæ rerum per cerea castra
Discurrunt.

Qui enim trepidant, festini huc illucque discurrunt, uti faciunt apes.

Lapis offensionis et petra scandali quomodo loquuntur?

Fidei et spei Christianæ inconstabilis certitudo.

CAPUT DECIMUM.

SYNOPSIS CAPITIS.

Veram causam repulsæ Judæorum a justitia, quam capit dare cap. præced. vers. 30, puta Judæorum infidelitatem in Christum, hoc cap. persequitur et perurget Apostolus. Unde primo, usque ad vers. 12, justitiæ legis opponit et anteponit justitiam Dei, eamque sitam esse docet in fide Christi.

Secundo, a vers. 12, ad finem ostendit Deum ad hanc fidem et justitiam vocasse, non solos Judæos, sed omnes Gentes, ac proinde eis prædicari debuisse Evangelium, idque probat testimonio Isaia, Davidis et Mosis.

Denique vers. ultimo, ex Isaia probat Deum vocare Judæos ad Christum, sed eos Christo nolle credere, eique contradicere.

1. Fratres, voluntas quidem cordis mei, et obsecratio ad Deum, fit pro illis in salutem. 2. Testimonium enim perhibeo illis quod æmulationem Dei habent, sed non secundum scientiam. 3. Ignorantes enim justitiam Dei, et suam quærentes statuere, justitiæ Dei non sunt subjecti. 4. Finis enim legis, Christus ad justitiam omni credenti. 5. Moyses enim scripsit, quoniam justitiam, quæ ex lege est, qui fecerit homo, vivet in ea. 6. Quæ autem ex fide est justitia, sic dicit: Ne dixeris in corde tuo: Quis ascendet in cælum? id est, Christum deducere. 7. Aut quis descendet in abyssum? hoc est, Christum a mortuis revocare. 8. Sed quid dicit Scripturæ? Prope est verbum in ore tuo, et in corde tuo: hoc est verbum fidei, quod prædicamus. 9. Quia si confitearis in ore tuo Dominum Jesum, et in corde tuo credideris, quod Deus illum suscitavit a mortuis, salvus eris. 10. Corde enim creditur ad justitiam: ore autem confessio fit ad salutem. 11. Dicit enim Scriptura: Omnis qui credit in illum, non confundetur. 12. Non enim est distinctio Judæi et Græci: nam idem Dominus omnium, dives in omnes qui invocant illum. 13. Omnis enim quicumque invocaverit nomen Domini, salvus erit. 14. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? 15. Quomodo vero prædicabunt nisi mittantur? sicut scriptum est: Quam speciosi pedes evangelizantium pacem, evangelizantium bona! 16. Sed non omnes obediunt Evangelio. Isaïas enim dicit: Domine, quis credidit auditui nostro? 17. Ergo fides ex auditu, auditus autem per verbum Christi? 18. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum. 19. Sed dico: Numquid Israel non cognovit? Primus Moyses dicit: Ego ad æmulationem vos adducam in non gentem: in gentem insipientem, in iram vos mittam. 20. Isaïas autem audet, et dicit: Inventus sum a non quærentibus me: palam apparui iis, qui me non interrogabant. 21. Ad Israel autem dicit: Tota die expandi manus meas ad populum non credentem et contradicentem.

Vers. 1. 1. FRATRES, VOLUNTAS QUIDEM CORDIS MEI, ET OBSECRATIO AD DEUM, FIT PRO ILLIS (Judeis) IN SALUTEM. — Pro voluntas græce est *ἐθέλω*, id est propensus animi affectus, et vehemens desiderium mihi est erga Judæos, ut salventur. Unde oro et obsecro pro illis, idque, ne putent ipsi hæc tristitia de ipsorum repudio et repulsa a Christo me dixisse ex odio, sed potius ex commiseratione. Ita S. Chrysostomus, Theodoretus, Oecumenius.

2. TESTIMONIUM ENIM PERHIBEO ILLIS, QUOD ÆMULATIONEM DEI HABENT, SED NON SECUNDUM SCIENTIAM, — verum secundum errorem, *g. d.* Judæi zelum errantem pro lege Mosaica tuenda habent, putantque se agi zelo Dei, sed errant; quia vere contra Dei honorem et veritatem agunt, cum fidem et legem Christi, quæ vera est lex Dei, oppugnant. Judæorum error et castitas.

3. IGNORANTES ENIM JUSTITIAM DEI, ET SUAM QUÆ- Vers. 2.

Vera justitia consistit in revocatione hominis cum Deo.

RENTES STATUERE, JUSTITIÆ DEI NON SUNT SUBJECTI. — « Justitiam Dei » Paulus intelligit eam, quæ nos facit justos, non coram hominibus, sed coram Deo; quæ sita est in reconciliatione hominis cum Deo, per fidem Christi, sicuti Judæorum justitia sita erat in impletione legis coram hominibus. Unde eam Paulus vocat « justitiam suam, » id est ex suis et naturæ viribus et legis operibus paratam : huic enim opponitur « justitia Dei, » id est a Deo et Dei gratia proveniens. Pro « non sunt subjecti, » Græca clarius habent, *οὐκ ὑπατάσσουσιν*, non subdiderunt se illi, non obediunt, *q. d.* Quia Judæi suam justitiam ex lege quæsierunt, hinc noluerunt se subdere fidei Christi, ac consequenter nec veræ justitiæ Dei. Hanc enim Deus in fide et obedientia Christi constituit. Unde sequitur :

Vers. 4. Christus ob quatuor rationes est finis legis.

4. FINIS ENIM LEGIS (est) CHRISTUS, AD JUSTITIAM OMNI CREDENTI. — Quæres, quomodo finis legis sit Christus? Respondet *primo* S. Augustinus, quia Christus legis umbras implens eam terminavit et cessare fecit. Ita ipse lib. II *Contra advers. legis et Prophet.*, cap. VII, et S. Gregorius, hom. 16 in *Ezech.*

Secundo, Chrysostomus et Photius : « Finis, » inquit, id est perfectio et consummatio legis est Christus, quia quod lex non potuit, scilicet justum facere hominem, hoc fecit Christus. Hebræum enim *כלה* *cala*, perinde ut Græcum *ἔλεος* (id est finis) tam consummationem, quam consumptionem significat.

Tertio, Anselmus : « Finis, » inquit, id est perfectio, legis est Christus, quia scilicet sine fide Christi, lex perfici et impleri non potuit, nec potest.

Quarto et aptissime, Theodoretus, « Finis, » id est, ut Syrus vertit, *סכּה* *sache*, hoc est *scopus* legis est Christus, quia tota lex ad Christum, quasi ad finem, terminum et scopum suum, refertur, tendit, ducit et vocat. Alludit hic eleganter et ingeniose Paulus in Hebræa voce *תּוֹרָה* *tora*, id est lex, ad radicem *יָרָה* *iara*, id est jacere, sagittare, quasi lex sit sagitta, quæ collimat in Christum, quasi scopum suum, idque « ad justitiam omni credenti, » ut scilicet per fidem Christi omnes credentes in eum justitiam assequantur. Fidem hic intellige non nudam et solam, sed quæ se in proles spei, pœnitentiæ et bonorum operum, quasi mater fecunda porrigit et extendit, vide *Can. 3.*

Moraliter S. Augustinus, in *Sentent.*, num. 106 : « Finis, ait, fidelium Christus est, ad quem cum pervenerit currentis intentio, non habet quod possit amplius invenire, sed habet in quo debeat permanere. »

Vers. 5. Probatur Judæos non esse subjectos justitiæ Dei.

5. MOYSES ENIM SCRIPSIT (Levit. XVIII, 5), QUONIAM JUSTITIAM, QUÆ EX LEGE EST, QUI FECERIT HOMO, VIVET IN EA. — Probat hic Apostolus id quod dixit vers. 3, nimirum Judæos, eo quod suam ex lege justitiam velint statuere, justitiæ Dei, quæ sola vera est justitia, non esse subjectos. Probat autem

idipsum ex eo, quod justitia ex lege plane diversa, imo adversa et opposita sit justitiæ Dei : tum quia hanc suam justitiam Deus constituit non in lege, sed in fide Christi ; tum (quod proprie hic urget Apostolus) quia Moses justitiæ legali et justis secundum legem promisit tantum vitam temporalem : Deus vero justitiæ fidei, sive fidelibus suis justis promittit salutem et vitam æternam (1).

Nota : « Facere justitiam quæ ex lege est, » sive facere justitiam legalem, est facere et implere præcepta legis. Hæc enim præcepta sunt justitiæ legalis objectiva, id est sunt ipsum justum legale, sive justum et æquum, quod lex præscribit, quodque legaliter et civice observantem facit justum, ex eo, quod ipse se suæ legi et regulæ conformet. Hanc ergo « justitiam » legalem « qui fecerit homo, vivet in ea : » vita nimirum spirituali, per justificationem, inquit S. Augustinus, *q. d.* Paulus : Atqui lex sine fide Christi impleri non potest ; ergo tacite monet et indicat lex ipsa, ut Christi gratiam flagitemus : hanc enim subsumptionem intelligendam hic et supplendam relinquere Apostolum, censet S. Augustinus, lib. *De Spiritu et Littera*, cap. XXIX. Sic fere explicat quoque S. Chrysostomus et Œcumenius.

Verum aptius Theodoretus, Ambrosius, Anselmus sic explicant, *q. d.* Paulus : Qui fecerit justitiam legis, puta justum, quod lege præscriptum est, hic vivet in ea ; hoc est, hic non punietur morte, quam lex transgressoribus sui sæpe intendat ; vivetque vita temporali prospera, quam lex servantibus se promittit, *Ezech. XX, Levit. XVIII* ; supple hic alteram antitheseos partem, *q. d.* E contrario vero, qui fidem Christi amplexus fuerit, hic vivet vita justitiæ in hoc mundo, et in futuro vivet vita salutis, gloriæ et felicitatis æternæ. Hanc enim antithesim tacite Paulus significat hic, et vers. 9.

6 et 7. NE DIXERIS IN CORDE TUO : QUIS ASCENDET IN COELUM ? ID EST CHRISTUM DEDUCERE : AUT QUIS DESCENDET IN ABYSSUM ? HOC EST CHRISTUM A MORTUIS REVOCARE. — Nota : Tò *id est*, vel, ut græce est, *τοιούτοις*, hoc est, hoc significat, explicat verba *Deuter. XXX, 14*, per significationem allegoricam, uti mox explanabo, *q. d.* Moses dixit : « Quis ascendet in cælum ? » quod allegorice significat : Quis ascendet in cælum, Christum deducere ? id est, ut e cælo Christum deducat ? « Quis descendet in abyssum ? » quod allegorice significat : Quis descendet in abyssum, Christum a mortuis revocare ? id est, ut Christum a mortuis revocet ? Subaudit enim Paulus (in sua allegoriæ Mosis expli-

Vivet in ea, id est, non punietur, sed vivet vita temporali.

Vers. 6 et 7.

Excutitur variis sensus et lectio

(1) Videtur in his verbis esse objectio Judæi, provocantis ad Mosen ipsum : Nonne vero ipse Moses dicit, observatione legis vivere, seu salvari homines ? Respondet Paulus, vers. 6-11, hoc esse quidem verum quamdiu valebat legum Mosaicarum auctoritas, sed nunc ostendi faciliorem viam ad salutem perveniendi. Bene tamen coherent omnia, si verba hæc Pauli esse dicamus, non adversarii.

horum
verbo-
rum.
cassione, quam subdit post, *id est*, et legenti repe-
tendum relinquit *et quis descendet*, et *quis ascen-*
det? Sic enim explenda est hæc ejus sententia :
Quis ascendet in cælum? id est quis ascendet in
cælum, Christum deducere? Quis descendet in
abyssum? id est quis descendet in abyssum, Chris-
tum a mortuis revocare?

Unde clare Syrus vertit : *Quis scandit cælos*, et
Meschicho, id est Christum Messiam, *deduxit*? *Quis*
descendit in abyssum inferorum, et *eduxit Meschicho*
ex mortuis? Ubi nota, recte et clare Syrus vertit
infinitivos Apostoli per præterita, quia infinitivos
Hebræus ponitur vice omnium temporum. Sen-
sus ergo est : Ne dicas, ad certitudinem fidei et
ad justificationem opus est Christo præsentem, ut
eum videamus, ejusque aspectu et præsentia sa-
nemur et justificemur; itaque ipse vel cælo, vel
inferno revocandus est. Non putes hoc a te peti :
propinquus enim et facilis justificationis jam mo-
dus est, si in Christum credas mortuum et resus-
citatum, licet absentem; et corde ac ore idipsum
profitearis, *q. d.* Ne dicas, o Judæe, legi assuete :
lex Mosi nobis vicina est, et plana : fides et jus-
titia Christi salutem quidem promittit, sed obs-
cura est et remota; nam erras et falleris, non
enim ita se res habet, quia, ut sequitur (1):

Vers. 8. 8. PROPE EST VERBUM (justitiæ et salutis) IN ORE
TUO, ET IN CORDE TUO : HOC EST VERBUM FIDEI, QUOD
PRÆDICAMUS, — idque clarius verbis proxime se-
quentibus explicat Paulus. Hunc genuinum hujus
loci esse sensum patet tum ex anteced. et seq.,
tum ex ipsis verbis Mosis, *Deuter. xxx, 12*, quæ hic
citatur Paulus, quæque paulo post hic transcribam.

Nota : Apostolus copia et vehementia sapientiæ
ac spiritus quasi abreptus, et in omnes partes sese
versans, ut Judæis fidem Christi persuadeat, eor-
um objectiones et difficultates discutiat et dis-
pellat, parenthesim hanc interserit more suo, ut
dixi *Can. 38*; nam antithesin versus præced. de
justitia Dei opposita justitiæ legis, infra demum
vers. 9 ponit et explet.

Aliter Chrysostomus hoc explicat, *q. d.* « Ne di-
xeris, » id est ne incredibilis tibi videatur incarnatio
et resurrectio Christi, et, ut ait Theodoretus, ne sis
nimis curiosus in iis scrutandis. Unde et Anselmus
sic explicat : Ne dicas : Nemo in cælum ascendit,
quia hoc est negare Christum ascendisse. Nec dic-
cas neminem descendisse ad inferos, quia hoc est
revocare Christum ab inferis, id est negare eum
passum esse et descendisse ad inferos. Sic fere et
Vatablus : Ne dicas, inquit, o Judæe incredule :
Quis ascendet in cælum, hoc est Christum ex
alto deducere? *q. d.* Dicere, Quis ascendet in
cælum? est velle Christum e cælo in terram evo-

care, et affirmare eum nondum ad nos descen-
disse. Quis descendet in abyssum, ut inde afferat
ad nos Evangelium? id est Christum, est mortuis
revocare, *q. d.* Dicere, Quis descendet in abys-
sum? est affirmare Christum a morte et inferno,
in quem moriens descendit, nondum resurrexisse.
Sed hæc omnia coactiora sunt et impliciora.

Longe coactius hæc torquent Beza et Calvinus,
cum sic explicant : Ne dicas : Quomodo justifi-
cabor, ut ascendam in cælum, evadam infernum?
quia Christus in cælum conscendit, ut tibi viam
sterneret eo ascendendi; atque descendit ad infe-
ros, ut te inde liberaret. Hic enim sensus evertit
verba Apostoli et Mosis. Illud enim, *quis des-*
cendit, ut alia taceam, optantis est et ambientis,
non fugientis, æque ut *et quis ascendet*. Primus
ergo sensus planissimus est et aptissimus. Citat
hic Paulus *Deuter. xxx, 13*. Ubi nota : Pro « quis
descendit in abyssum? » Moses habet, « quis trans-
fretabit mare? » quia Paulus non tam citat lit-
teram et verba Mosis, quam allegorice tantum
alludit ad dicta Mosis : unde non per omnia ver-
bum verbo reddit. Hinc nota *secundo* : Licet Cajeta-
nus, Adamus, Pererius, Toletus putent Mosem
ad litteram loqui de Christo et Christi justitia;
referunt enim hæc ejus verba ad pœnitentiam, de
qua eodem cap. egerat Moses, vers. 4 : pœnitentia
enim et dilectio Dei, ac consequenter peccatorum
venia, ipsaque justitia sine fide Christi haberi
non potest; tamen longe planius est, ut non litte-
raliter, sed allegorice tantum alludat Apostolus
ad Mosem. Moses enim ad litteram, sive in sensu
litterali loquitur non de Christo ejusque Evan-
gelio, sed de lege data Judæis, ut patet eum in-
tuenti. Ita Chrysostomus, Theodoretus, Theophy-
lactus, Œcumenius, Abulensis, Soto.

Idque rursum patet ex eo quod ibidem subdit
Moses : « Considera quod hodie proposuerim in
conspectu tuo vitam et bonum, et e contrario
mortem et malum; ut diligas Dominum, etc.,
benedicatque tibi in terra, ad quam ingredieris
possidendam; » quæ verba Mosem ad Judæos
suos loqui clarissimum est. Quæ ergo hisce ver-
bis Moses præmittit, dicens : « Mandatum hoc
quod ego præcipio tibi hodie, non supra te est,
neque procul positum; nec in cælo situm, ut
possis dicere : Quis nostrum valet ad cælum as-
cendere, ut deferat illud ad nos, ut audiamus
atque opere compleamus? neque trans mare po-
situm, ut causeris, et dicas : Quis ex nobis po-
terit transfretare mare, et illud ad nos usque de-
ferre, ut possimus audire et facere quod præ-
ceptum est? Sed juxta te est sermo valde in ore
tuo, et in corde tuo, » id est habes legem ad
manum, ut in corde, id est memoria et mente,
eam rumines et ore proloquaris : hæc, inquam,
verba æque ac sequentia Mosem ad suos Judæos
litteraliter loqui plane certum, evidens et mani-
festum est : ita tamen ut eadem hæc ejus verba
allegorice Evangelio ejusque catechumenis et fi-

Calvini
et Beza
explica-
tio.

Deut.
cap. xxx
illustra-
tum.

Parenthe-
sis hic,
et digres-
sio in
Paulo.

Chrysos-
tomi et
Vatabli
expositio
coactior
et impli-
cior.

Logarith-
mus ad
suos Ju-
dæos
cap. xxx
Deut.

(1) Sensus commatum 6 et 7 est hic : Quod Moses de
sua lege affirmavit, scilicet eam non esse acquisitu diffi-
cilem, ut ad eam tenendam opus sit peregrinatione in
dissitas terrarum regiones, hoc majori jure valere ait
Paulus de Evangelio et fide in Christum, per quam sal-
vandi sunt homines.

non de delibus optime convenient. Æque enim, imo magis ad manum est omnibus jam Evangelium et fides Christi, quam olim fuerit lex Mosis : ita ut fidem hanc omnes facillime corde, id est mente, complecti, et ore proloqui, itaque justificari et salvari possint. Unde sequitur :

Vers. 9. 9. SI CONFITEARIS IN ORE TUO DOMINUM JESUM, ET IN CORDE TUO CREDIDERIS QUOD DEUS ILLUM SUSCITAVIT A MORTUIS, SALVUS ERIS; — « salvus eris, » scilicet a peccato, et consequenter a morte ac damnatione, per beatam et gloriosam cum Christo resurrectionem. Siye, « salvus eris » hic inchoate per justificationem, complete vero salvus eris in cœlo per glorificationem. Hæc enim est duplex salus, quam Christus nobis attulit. Hinc patet, fidem justificationem non esse specialem, qua credam mihi in particulari remissa esse per Christum peccata. Apostolus enim non docet, illud esse objectum fidei, esseque credendum, sed hoc, quod scilicet Christus resurrexit a mortuis.

Nota : Ut quis justificetur, non solum Christi resurrectionem, sed plura alia debet credere de Patre, de Spiritu Sancto et de ipso Christo, scilicet, quod ipse pro nobis sit factus homo, quod sit crucifixus, quod descenderit ad inferos, quod sit Filius Dei, redemptor, etc. Apostolus tamen solum hic ponit resurrectionis Christi articulum, quia ille quasi terminus cæteros præsupponit et complectitur, et difficillima a Judæis, qui Christum occiderant, credebatur; quem si crederent, factum suum ipsi retractarent, pœniterent, et omnia de Christo credenda crederent. Vides ergo Apostolum cum uni rei salutem nostram tribuit, alias res æque necessarias ad justitiam et salutem non excludere : sic, nimirum, cum ipse fidel justitiam tribuit, non excludit spem, timorem, pœnitentiam, charitatem. Vide *Can. 3.*

Vers. 10. 10. CORDE CREDITUR AD JUSTITIAM, ORE AUTEM CONFESSIO FIT AD SALUTEM. — *q. d.* Fides cordis valet et necessaria est ad acquirendam justitiam; professio vero fidei, quæ sit ore, valet et necessaria est ad justitiam hanc conservandam et augendam, et consequenter ad salutem æternam promerendam et consequendam.

Nota : *re corde*, id est mente et voluntate : licet enim fides sit actus intellectus, tamen ob ejus ineventiantiam actusque difficultatem, necessarius est concursus et imperium piæ voluntatis, quæ intellectui imperet, ut tam obscura et difficilia credat; eoque actus hic fit liber et meritorius. *Cor* ergo hic et voluntatem et intellectum significat. Sic *cor* pro mente et intellectu capitur *Eccli. cap. xxi, vers. 29* : « In ore fatuorum, cor illorum; et in corde sapientium, os illorum. » Et *Osee vii, 11* : « Factus est Ephraim quasi columba seducta, non habens cor. » Sic dicitur :

Sedes passionum humana- rum. Cor sapit, et pulmo loquitur, fel commovet iram, Splen ridere facit, cogit amare jecur.

Veteres enim putabant, mentis et sapientiæ sedem,

aut certe fontem esse in corde; uti est ira in felle, amoris in jecore.

Hinc patet necessitas honorum operum. Apostolus enim non solum fidem, sed etiam professionem fidei (quæ utique heroicum est fortitudinis et pietatis opus) quasi ad salutem necessariam, hoc loco requirit. Hoc telum et argumentum ut defugeret quidam Illyricanus in colloquio Altenburgensi, hanc Apostoli sententiam ita vertit, *Ore confessio fit de salute*; sed imperite et inapte. Sicut enim corde creditur non de justitia, sed ad justitiam : sic et ore confessio fit non de salute, sed ad salutem; hoc enim exigit antithesis Apostoli, et hoc significat Græcum *ita*, scilicet, *ita*, vel *ad*, non autem, *de*.

Secundo, hanc versionem repugnare Apostolo, patet ex voce *enim*, quæ dat causam præcedentium, cur scilicet dixerit : « Si confitearis in ore tuo Dominum Jesum, et in corde tuo credideris, salvus eris. » Hujus enim sui dicti rationem et causam Apostolus mox subdit dicens : « Corde enim creditur ad justitiam, ore autem confessio fit ad salutem. » Ex hac enim propositione recte sequitur : ergo « *si* corde credideris et ore confitearis, salvus eris. » Quis non videt hic utrobique tam in antecedente, quam in consequente salutem non soli fidei, sed etiam professioni fidei tribui, ipsamque æque ac fidem salvare, et salvos nos facere.

Nota secundo : Hanc propositionem Apostoli licet invertere et transponere hoc modo : « Corde etiam creditur ad salutem, et ore quoque confessio fit ad justitiam; » antequam enim quis adultus baptizetur et justificetur, ore profiteri debet fidem Christi. Aptius tamen Apostolus fidei cordis tribuit justitiam, professioni vero oris salutem : quia fidei et pœnitentiæ proprie respondet justificatio, professioni vero salus, uti patet in Martyribus, qui per fidei professionem, salutem et gloriam æternam adepti sunt. Adde, Apostolus justitiam et salutem fere pro eodem accipit. Est enim justitia salus inchoata, et salus est justitia completa; suntque hæc duo connexa : justitia enim justum perducit ad salutem. Unum ergo sub alio intelligit Apostolus, ut patet ex sequentibus. Sic cap. seq. vers. 8, ait reliquias Israel salvas factas, id est justificatas esse. Denique hinc S. Augustinus, lib. I *De Fide et Symbolo*, docet fidem exigere officium non tantum cordis, sed et linguae, scilicet fidei professionem.

Ita S. Gordius martyr, cum ob fidem Christi dampnatus esset ad regum, multique ei condolentes flerent, dixit : « Nolite flere super me, sed super inimicos Dei, qui ignem nobis parant, sed sibi met gehennæ incendia thesaurizant. Ego pro nomine Domini mille mortes, si necesse sit, adire paratus sum. » Cumque alii instarent, ut Christum ore saltem negaret, corde retineret : « Lingua, inquit, quam Christi beneficio retineo, adduci non potest, ut auctorem suum negat. Corde ore-

re hoc loco probatur necessitas honorum operum.

Perversa hic hereticorum perversio et inversio.

Fidei cordis justitia, professioni vero oris salus tribuitur.

dimus ad justitiam, ore ad salutem confitemur. » Ergo vultu alacri in ignis supplicium volens se immisit. Testis est S. Basilius, serm. *De Gordio Martyra*.

Sic Eleazarus sub Antiocho jussus porcinam contra legem comedere, cum amici aliam carnem ei afferrent, ut simularet eam esse porcinam, eamque comedens mortem evaderet: « Non, inquit, ætati nostræ dignum est fingere, ut multi adolescentes propter meam simulationem decipiantur. Nam etsi in presenti tempore supplicii hominum eripiar, sed manum Omnipotentis nec vivus, nec defunctus effugiam. Quamobrem fortiter vita excedendo, senectute quidem dignus apparebo; adolescentibus autem exemplum forte relinquam, si prompto animo ac fortiter pro gravissimis ac sanctissimis legibus honesta morte perfungar, » II *Machab.* vi, 24.

Vers. 11. 11. DIXIT SCRIPTURA (*Isaia xxviii, 16*): OMNIS QUI CREDIT IN ILLUM, NON CONFUNDETUR, — non pudebit, non frustrabitur sua fide et spe, sed justitiam et salutem speratam omnino assequetur. Hebræum est *לֹא יִכְזֶה* lo iachis, id est non festinabit, hoc est non confundetur: pudibundi enim dum confunduntur, festinant ut abeant, seque abscondant præ pudore. Forte pro lo iachis, Septuaginta legerunt *יִכְזֶה לֹא* lo iabos, id est non confundetur. Hic clarum est sub fide professionem quoque fidei, ac consequenter bona opera intelligenda esse. Vult enim probare Apostolus id quod dixit, scilicet: « Corde creditur ad justitiam, ore autem confessio fit ad salutem. » Id probat ex *Isaia*, qui dicit: « Omnis qui credit in illum (Christum), non confundetur. » Ergo cum ait: « Omnis qui credit, » subaudi, et qui ore profitetur, quique obedit Christo, hic non confundetur, sed salvus erit. Tam enim Apostolo hic probandum est, professionem fidei, quam fidem ipsam requiri ad justitiam et salutem. Sic vulgo dicimus, si credideris huic advocato, causam obtinebis: si credideris, id est si illi obediveris, si ejus consilium secutus et executus fueris. Vide *Can.* 3 et 4.

Vers. 12. 12. NON EST DISTINCTIO JUDEI ET GRÆCI. — Urget Apostolus in verbis *Isaie* vocem *omnis*, q. d. Omnis sive Judæus, sive Græcus, qui credit in Christum, hic salvus erit. Deus enim in negotio justitiæ et salutis non distinguit, non curat, an Judæus sis, an Græcus, id est Gentilis. Dicit hoc contra Judæos, qui sibi solis justitiam, curam et amicitiam Dei arrogabant. Transit ergo hic Apostolus a priori capituli parte (qua hucusque probavit veram justitiam consistere in fide et obedientia Christi, ideoque Judæos Christo incredulos a justitia excidisse) ad alteram partem, qua probat Gentium vocationem. Sanxit enim decrevitque Deus, ut Gentes fideles Judæis incredulis exclusi succederent in Dei Ecclesia, justitia et salute.

Vers. 13. 13. IDEM EST DOMINUS OMNIUM, DIVES IN OMNES

QUI INVOCANT ILLUM. — « Dives, » id est affluens, liberalis, munificus, et copiose suas gratias suasque dona elargiens. Est metalepsis.

QUICUMQUE INVOCAVERIT NOMEN DOMINI, SALVUS ERIT. — Vides salutem, quam vers. 11 tribuit fidei, hic tribui invocationi Dei. Quicumque ergo invocaverit Deum prout oportet, scilicet cum debita fide, spe, contritione et charitate, hic salvus erit. Alioqui enim certum est Turcas, hæreticos et improbos Christianos, etiamsi Deum invocent, non salvandos, sed damnandos esse. Porro hanc sententiam citat Paulus ex *Joel*, II, 32.

Nota: Apostolus hic opponit Dei invocationem fidei internæ. Unde sub invocatione professionem, gratiarum actionem, laudem, votum, sacrificium, juramentum omnemque externum cultum Dei intelligit: sicut eundem intelligit nomine juramenti, *Psal.* LXII, 12 et alibi. Est synecdoche.

Invocatio Dei hic opponitur fidei.

14. QUOMODO ERGO INVOCABUNT, EN QUEM NON CREDIDERUNT. — Torquent hæc Novantes contra invocationem Sanctorum: Si, inquit, in Sanctos non credimus, sed in Deum, quomodo eos invocabimus? Respondeo: Vox ergo significat hanc sententiam referri et inferri ex præcedenti sermone Joëlis, qui habet: « Omnis qui invocaverit nomen Domini, salvus erit. » Hic ergo repetendum est *et nomen Domini*, hoc modo: « Quomodo invocabunt nomen Domini, in quem non crediderunt? » q. d. Quomodo invocabunt Deum, quasi Dominum et auctorem salutis omnisque boni, in quem non credunt? Sic enim solus Deus invocatur a fidelibus in Ecclesia, scilicet quasi Dominus et auctor salutis eorum. Nam alioquin etiam *et invocari* hominibus tribui, cum eorum opem imploramus, patet *Isaia* xxxiv, 12; *Osee* vii, 11. Et sic Sanctos invocamus, non quasi auctores, sed quasi opitulatores et intercessores nostros apud Deum (1).

Vers. 14. Novantes hanc locum torquent contrainvocationem Sanctorum.

QUOMODO ERGO? — q. d. Si non solis Judæis, sed omnibus sine discrimine Gentibus Deum invocantibus a Deo promissa est justitia et salus: ergo necessaria est omnibus fides, et fidei prædicatio. Nemo enim potest invocare Deum et Christum, in quem non credit. Nemo autem credere potest, nisi ei annuntietur et prædicetur quid credendum sit, quidque credi velit et jubeat Deus. Sensim enim et gradatim eo tendit Apostolus, ut ostendat, non solis Judæis, sed et quibusvis Gentibus (Deo ita ordinante) prædicandum esse Evangelium, ut non mirentur Judæi, si ipse Paulus non Judæorum, sed Gentium sit Apostolus, prædicator et doctor.

Differentia invocationis Dei et Sanctorum.

(1) Infert Apostolus ex vers. 13 recte Evangelium prædicari et Judæis et Gentilibus. Deus enim omnibus suis piis cultoribus promisit salutem, sive natione sint Judæi, sive Gentiles; ergo etiam omnibus, non habita generis natione, offerenda est salus, quod fit prædicatione Evangelii. Eleganti sorte utitur Apostolus, ab effectus ad causas progrediente, ad confirmandam sententiam.

Transit Apostolus a priori parte capituli ad posteriorem, de Gentium vocatione.

Nota : Apostolus hanc interrogationem educit quasi consequentiam ex versu præced. Ibi enim dixit : « Omnis quicumque invocaverit nomen Domini, salvus erit ; » ex illa propositione hic infert : « Quomodo ergo invocabunt, in quem non crediderunt ? » *q. d.* Si, ut salvi sint homines, debent invocare Deum Salvatorem, ergo prius in eum credere eumque agnoscere debent, tanquam suum salvatorem. Nemo enim invocatur eum, in quem non credit, quem non agnoscit, utpote a quo nihil opis vel auxilii sperat.

Interrogatio hæc : « Quomodo ergo invocabunt, in quem non crediderunt ? » resolvenda est in negationem hoc modo, *q. d.* Ergo necesse est credere in Deum, ut eum invocent, quia nemo potest invocare Deum, in quem non credit. Si ergo generalis est, omnibusque Gentibus communis hæc Dei invocatio, erit pariter iisdem et fides fideique prædicatio communis. Destruit hic Paulus errorem Judæorum, qui uti sibi solis justitiam, ita et fidem et prædicationem Evangelii arrogabant. Contrarium enim hic ipse docet, nimirum omnibus Gentibus prædicandum esse Evangelium, ut credant et justificentur ac salventur ; « quia Deus dives est in omnes qui invocant illum : » si in omnes, ergo tam in Gentes quam in Judæos.

Vers. 15. 15. QUOMODO CREDENT EI QUEM NON AUDIERUNT ?
 Probat Deum velle ut omnibus gentibus prædicetur Evangelium.
 QUOMODO AUTEM AUDIENT SINE PRÆDICANTE ? QUOMODO VERO PRÆDICABUNT, NISI MITTANTUR ? — Est climax, sive elegans et nervosa gradatio, qua, ex eo quod Deus per Joelem omnibus se invocantibus salutem promiserit, colligit Apostolus omnibus Gentibus prædicandum esse Evangelium. Probat autem sic : Deus est dives in omnes, vultque omnes salvare ; atqui salvari non possunt nisi Deum invocent, invocare non possunt nisi in eum credant, credere non possunt nisi ejus præcones audiant, audire non possunt nisi præcones prædicent, prædicare hi non possunt nisi mittantur ; ergo a primo ad ultimum colligendum est, quod Deus qui vult omnium Gentium salutem, voluerit et decreverit mittere præcones suos, puta Apostolos, ad omnes Gentes, ut eis prædicent Evangelium, per quod ipsæ credant, justificentur et salventur.

Nota *quomodo prædicabunt, nisi mittantur ?* utique non a rege aut civili magistratu, sed a Deo, qui ministros suos mittit, ut vocet homines ad fidem, justitiam et regnum suum ; hoc enim solius est Dei. Hinc patet neminem esse audientem, nisi legitime mittatur ad prædicandum a Deo, ut satis patet ex Isaia, quem citat hic Apostolus. A Deo, inquam, vel proxime et immediate, et tunc opus est miraculis, vel signis supernaturalibus, quibus is qui mittitur, hominibus probet se mitti a Deo ; vel mediate, ut nimirum mittatur a Christi vicariis et successoribus, scilicet Pontificibus et Episcopis, uti ordinarie fit ex institutione Christi. Vide dicta cap. 1, vers. 4.

Nota secundo : Pulchre hic Paulus describit ordinem justificationis, sive ordinem rerum, quibus pervenitur ad justitiam et salutem. In hoc enim ordine primo, est missio prædicantium ; secundo, ipsa Evangelii prædicatio ; tertio, audientium fides ; quarto, eorundem invocatio et cultus Dei ; quinto, salus, tum præsens, scilicet justificatio a morbo peccati, tum futura, scilicet liberatio a morte et corruptione per gloriam cælestem.

SICUT SCRIPTUM EST (Isaia LII, 7) : QUAM SPECIOSI PEDES EVANGELIZANTIUM PACEM, EVANGELIZANTIUM BONA ! — Sensus est : quam pulcher, suavis et gratus erit adventus et discursus annuntiantium Evangelium, ejusque bona et læta nuntia, scilicet pacem cum Deo, gratiam, justitiam et salutem ! seu : quam grati et accepti erunt auditoribus suis Apostoli, hæc bona hominibus per totum orbem annuntiantes et evangelizantes ! Est synecdoche ; pes enim pro homine ponitur : pedes ergo evangelizantium sunt homines, puta Apostoli discurrentes et evangelizantes per totum orbem.

Notat pulchre Toletus Apostolorum pedes posse laudari, primo, a velocitate, qua celerissime discurrent per totum orbem ; secundo, a fortitudine ; tertio, a munditia ; sed quarto et maxime a specie ; quia non armis, non minis, sed specie et pulchritudine, id est suavitate sanctissimæ vitæ et doctrinæ, efficaciter hominum mentes ad fidem traxerunt, quin et reges, philosophos et Barbaros, hominesque sceleratissimos converterunt, idque toto mundo et brevissimo tempore, quod ingentis miraculi instar est. Species ergo hæc pedum significat splendorem sapientiæ, doctrinæ, virtutis et pietatis Apostolorum. Et hujus rei symbolo docet Origenes Christum lavisse pedes Apostolorum in ultima cœna, tumque impleri cœpisse hoc Isaia vaticinium.

Nota : In Isaia pro *quam speciosi*, hebraice est נָאוּ מֵאָוָה *ma navu* : quod Toletus et aliqui alii vertunt, *quam desiderabiles et concupiscibiles sunt pedes evangelizantium !* ut *navu* sit *niphal* a radice אָוָה *ava*, id est affectavit, desideravit, concupivit. Verum doctiores Hebræi censent *navu* non esse *niphal*, sed *cal* ; idque ita esse patet ex eo, quod littera *nun* in *navu* habeat *camels*, uti verba in *cal* habent. Si enim esset *niphal*, deberet habere *chiric* vel *patach*. Rursum id patet ex Septuaginta, S. Hieronymo, Pagnino, Aria et aliis passim qui vertunt, *quam pulchri et speciosi pedes !* Radix ergo נָאוּ *navu* est נָוָה *nava*, quæ uti litteris, ita et significatione affinis est, et alludit ad radicem אָוָה *ava*. Sicut enim *ava* significat desiderare et concupiscere, ita *nava* significat esse amœnum, jucundum, decorum, formosum, pulchrum, volupe, gratiosum, quodque invitat et adblanditur, allubescit et incitat ad concupiscendum ; ac proinde *nava* recipit sæpe litteram *aleph*, ut significetur ista relatio et mutua benevolentia, qua res pulchra et amœna excitat sui

Ordo justificationis et rerum, quibus pervenitur ad justitiam et salutem.

A quatuor capitulis possunt laudari pedes Apostolorum.

Nava Hebræum significat desiderabilis, et spe iocundum.

cupidinem et desiderium, ac vicissim cupido et desiderium fertur et rapitur in rem pulchram et amœnam.

Quales Apostolorum pedes. Tales ergo fuerunt pedes Apostolorum, ipsique Apostoli, qui sua gratia, decore et venustate eloquii ac morum mundo fuerunt grati, accepti, concupiti et desiderati, omnesque in sui et Christi amorem et reverentiam rapuerunt.

Ex versione Septuaginta locis hic illustrata. Septuaginta, pro *quam speciosi*, vertunt $\omega\varsigma$ $\acute{\sigma}\rho\alpha$, id est *sicut hora super montes, pedes annuntiantis auditum*. Vocabulo $\acute{\sigma}\rho\alpha$, ait S. Hieronymus, significatur tempus, pulchritudo, cura, sollicitudo evangelizantium. Unde Tertullianus, lib. IV *Contra Marcion.*, cap. XIII, legit: «Adsum dum hora est, in montibus, ut evangelizans auditionem pacis.» Idem vero, lib. V *Contra Marcion.*, cap. II, legit, «quam tempestivi pedes evangelizantium pacem!» S. Cyrillus, $\acute{\sigma}\rho\alpha\upsilon$ accipit pro vere, q. d. Sicut ver, quod post hiemem pura luce fulget super montes, homines exhilarat, omnes agros et montes versicoloribus complet floribus, et facit omnia vernantia mira amenitate; sic Christi et Apostolorum adventus omnia fecit vernare et florere celestibus virtutibus et ornamentis. Ita Cyrillus. Unde S. Ambrosius, epist. 11 *ad Irenæum*, secundum Septuaginta legit, *tanquam maturitas in montibus*, atque sic explicat: «Christus nobis, inquit, tanquam maturitas advenit, ut nihil acerbum, nihil immaturum in nostris consiliis sit, nihil immite, nihil asperum in operibus ac moribus.» Et Tertullianus, lib. V *Contra Marcion.*, cap. V, legit, «quam maturi pedes evangelizantium bona!»

Codices Septuaginta corrupti sunt hoc loco. Verum mihi omnino verisimile est, jam olim corruptos esse codices Septuaginta; videntur enim ipsi pro $\omega\varsigma$ $\acute{\sigma}\rho\alpha$, uti corrupte jam legimus, vertisse $\omega\varsigma$ $\acute{\sigma}\rho\alpha\iota\alpha$, *quam speciosi*. Sic enim habent Hebræa, et S. Paulus hic, qui sequi solet Septuaginta. Hujus quoque rei indicium est, quod Tertullianus alias legat, *dum hora est*; alias, *quam tempestivi*, vel, *quam maturi pedes*. Ubi satis insinuat quædam exemplaria Græca legisse $\omega\varsigma$ $\acute{\sigma}\rho\alpha\iota\alpha$, quædam $\omega\varsigma$ $\acute{\sigma}\rho\alpha$, indeque ipse falsus est, putans $\acute{\sigma}\rho\alpha\iota\alpha$ ab $\acute{\sigma}\rho\alpha$ deductum et corruptum esse, ac significare tempestivos, vel maturos, cum significet speciosos et pulchros, ut patet ex Hebræo.

Vers. 16. 16. SED NON OMNES OBEIUNT EVANGELIO. — Occurrit Paulus objectioni. Dicit enim quis Judæus: Si tam speciosi sunt pedes et voces Apostolorum, cur tam multi eis non credunt, cur Judæi plerique eos explodunt? Respondet Paulus, causam esse, quod multi suis vitiiis, aut suo iudaismo affixi, nolint credere et obedire Evangelio, ideoque oculos, aures et animum avertant ab hac specie et pulchritudine Evangelii et evangelizantium.

ISAÏAS ENIM DICIT. — Probat hic Paulus non omnes credere Evangelio, ex Isaia, qui cap. LIII, vers. 1, dicit: «Domine, quis credidit auditui nostro?» q. d. Domine, quam pauci crediderunt nostræ prædicationi!

Nota: $\tau\acute{o}$ enim significat hic causam non rei, sed sermonis, sive propositionis. Dat enim causam non incredulitatis et inobedientiæ Judæorum, sed veritatis et certitudinis propositionis, sive cur hæc propositio et assertio Pauli, «non omnes obediant Evangelio,» sit vera, certa et infallibilis. Prædictio enim Isaïæ, qua inobedientiam et incredulitatem Judæorum prædixit, non fuit causa hujus inobedientiæ et incredulitatis; sed fuit causa cur hæc propositio vere et certo asseri possit, nimirum quod Judæi sint increduli et inobedientes. Hoc enim prædixit Isaïas, vel potius Spiritus Sanctus, qui falli aut fallere nequit. Simile est, si dicam: Hic homo est homicida, nam idipsum testantur Petrus et Paulus; hoc enim testimonium non est causa cur hic homo sit, sed cur vere asseri et vocari possit homicida.

DOMINE, QUIS CREDIDIT AUDITUI NOSTRO? — hoc Isaias explicatus et illustratus. est, sermoni nostro, quem scilicet nos Apostoli a Deo et Christo audivimus: ita Ambrosius; aut potius, ut Chrysostomus, quem ipsi a nobis evangelizantibus audierunt: sequitur enim, «ergo fides ex auditu.» Loquitur Isaias in persona Apostolorum, q. d. Pauci admodum ex Judæis crediderunt nostro sermoni nostræque evangelizationi. Est hebraismus; $\eta\kappa\alpha\theta\omicron\varsigma$ *schemua* enim, id est *auditus*, ponitur pro prædicatione, quæ auditur, tanquam actus pro suo objecto. Vide Can. 30.

17. ERGO FIDES EX AUDITU: AUDITUS AUTEM PER VERBUM CHRISTI. — Infert Paulus ex verbis Isaïæ citatis suam propositionem, quam proposuit vers. 14, scilicet neminem posse fide credere, nisi prius id quod credendum est sibi proponi et prædicari audiat. Hoc probat ex Isaia, qui ait: «Domine, quis credidit auditui nostro?» Inde enim sequitur, quod fides qua credimus Christo et Evangelio, sit ex auditu: auditus autem sit «per verbum Christi,» puta per prædicationem Apostolorum, qui quasi legati missi a Christo, ejus verbum prædicant.

Minus recte aliqui sic explicant: «Per verbum Christi,» id est, inquit, ex mandato Christi, qui Apostolos mittit, ut prædicent, itaque Gentes audiant Evangelium.

18. SED DICO, NUMQUID NON AUDIERUNT? — $\tau\acute{o}$ sed idem valet quod *jam vero*, vel *quin vero*. Instat enim et perurget Apostolus id quod dixit, scilicet fidem esse ex auditu, et auditum esse per verbum Christi, q. d. Dixi fidem debere nasci ex auditu, auditum autem debere nasci ex prædicatione verbi Dei et Christi: jam vero, vel quin vero, dico et interrogo: Numquid non de facto hunc auditum habuerunt, numquid non audierunt Evangelium omnes gentes? q. d. Omnino audiverunt, nam «in omnem terram exivit sonus eorum.» Hisce enim omnibus probat Apostolus, contra Judæorum opinionem, Gentibus prædicandum esse Evangelium (1).

(1) Vers. 18: Nunc autem quero, annon audiverint

Nota primo: « *audierunt*, id est partim audierunt, partim audient, uti mox clarius ostendam. Rursum; « *audierunt*, » supple, non Judæi, ut aliqui volunt, sed Gentes; de his enim sequitur: « *In omnem terram exivit sonus eorum.* » Nam de Judæis subdit vers. 19: « *Numquid Israel non cognovit?* »

Ob tres causas dubitant etiam aliquando Apostoli, an Gentibus liceret prædicare verbum Dei. **Nota secundo:** Hæc opinio, quod Judæis solis prædicandum esset Evangelium salutis, quodque ipsi soli essent vocandi a Messia ad ejus regnum et Ecclesiam, non autem Gentes, ita insedit Judæorum animis, ut et S. Petrus et Apostoli quandoque dubitarint, ut patet *Actor. x*, an Gentibus liceret prædicare Evangelium; idque *primo*, quia Abraham et semini ejus, non autem exteris, promissus erat Messias; *secundo*, quia hactenus soli Judæi habuerant Ecclesiam Dei: unde eam transferendam esse ad Gentes videbatur incredibile; *tertio*, quia Judæi Gentes quasi idololatrias et incircumcisas oderant, easque hac gratia omnino indignas esse censebant.

Et quidem (græce *παρῶν*, id est *atqui*, ut vertit Vatablus et Erasmus. Simile vidimus cap. ix, vers. 20, *q. d.* Atqui, vel imo vero, David Judæus licet, testatur omnes gentes audivisse prædicationem Evangelii, cum *Psal. xviii*, ait: **IN OMNEM TERRAM EXIIT SONUS VORUM.**

Quæres, quis sit hujus versiculi Davidici sensus litteralis; et an de facto hoc tempore, quo hæc Paulus scripsit, vox et prædicatio Apostolorum exiit in omnem terram, et in omnes gentes?

Primo, S. Chrysostomus et Theophylactus putant prædicationem Evangelii factam esse apud omnes gentes ante excidium Hierosolymæ per Titum. Huic sententiæ favet quod de S. Thoma Apostolo (teste S. Stapletono in ejus Vita) scribunt veteres, eum plurimis et remotissimis, etiam Indiæ populis evangelizasse. Unde et Emmanuel Nobrega, Societatis nostræ in Brasilia Provincialis, scribit in Brasilia extare in ripa fluminis vestigia pedum hominis sancti, qui ut infideles se persequentes effugeret, super fluvium ambulavit et pertransiit, eumque ab incolis vocari Zome, qui non videtur esse alius quam S. Thomas. Rursum clarus est quod scribit P. Nicolaus Trigaultius in *Expedit. Sinens.*, lib. I, in fine, S. Thomam convertisse Sinenses, idque constare ex Breviario Chaldæo Ecclesiæ Malabaricæ S. Thomæ, quod sic habet: « Per D. Thomam Sinæ et Æthiopes conversi sunt ad veritatem. » Unde et Episcopus Ecclesiæ Malabaricæ se vocare solet « metropolitam Indiæ et Chinæ. » Denique Josephus Acosta, lib. I *De Novo orbe*, cap. xi, docet Indias veteribus fuisse cognitatas. Christus enim suos Apostolos misit per totum orbem, *Matth. xxviii*, 19: « *Euntes, ait,*

docete omnes gentes; » cui præcepto obedientes ipsi, post Christi ascensionem inter se orbem diviserunt, et quisque provincias et gentes sibi assignatas adiit et convertit. Hoc de plerisque et potioribus eo tempore provinciis verum est, non tamen universim de omnibus omnino. Quocirca:

Secundo, negat hoc S. Chrysostomi dictum Augustinus, epist. 80 ad *Hesych.*, Anselmus, Origenes et alii. Idque recte negari patet ex regionibus et populis Indiæ Occidentalis, ac quotidianis in ea Hispanorum navigationibus, quibus hoc sæculo novæ gentes plurimæ et maximæ, hactenus incognitæ, repertæ sunt, quæ nihil de Christo et Evangelio audierunt.

Tertio, Ambrosius et S. Thomas dicunt quod ad omnes gentes olim pervenerit fama Evangelii, licet non prædicatio, nec fundatio Ecclesiarum. Sed hoc non satisfacit, nec videtur verum, uti navigationum, de quibus jam dixi, experientia constat.

Alii sic explicant: « *In omnem terram*, » scilicet Romanis subjectam, et nobis nostroque orbi cognitam, exiit sonus et prædicatio Evangelii.

Verum respondeo et dico Psaltem, *Psal. xviii*, (ut patet ex ipsis ejus verbis planis et apertis) ad litteram loqui de cælis materialibus, qui per universum orbem sua pulchritudine, motu, magnitudine, stellarum varietate, splendore, influentiis enarrant et enarrabunt semper gloriam Dei: in sensu tamen allegorico, quem maxime intendit hic Spiritus Sanctus, loquitur Psaltes de Apostolis eorumque prædicatione.

Cæli ergo, qui enarrant gloriam Dei, non litteraliter, uti vult Toletus et alii, sed allegorice sive symbolice, sunt Apostoli alique præcones Evangelii: horum sonus exiit partim, partim exhibit in omnem terram. Paulatim enim impletum est, et etiamnum impletur hoc Davidis vaticinium. Præteritum ergo hic ponitur pro futuro, prophetico more, ob rei futuræ certitudinem: quod enim Prophetæ futurum prædicunt, tam certo fiet ac si jam factum esset. Hisce enim omnibus tantum probat Apostolus, ut dixi, non solis Judæis, sed omnibus Gentibus prædicatum aut prædicandum quandoque esse Evangelium.

19. SED DICO (*q. d.* Quin vero, vide dicta vers. 18): **NUMQUID ISRAEL NON COGNOVIT?** — scilicet Gentibus etiam prædicandum esse Evangelium. Licet enim hoc scire nolit et invidet, scire tamen debuit et potuit ex Mose et Isaia, qui hoc prædixerunt, uti patet ex eorum verbis, quæ hic cito et subnecto. Ita Origenes, *q. d.* Adeo verum est Gentibus prædicandum esse Evangelium, ut idipsum futurum Prophetæ Judæis prædixerint, ideoque Judæis hoc ipsum cognitum est aut esse debet.

Aliter hæc exponit S. Chrysostomus; ita scilicet, *q. d.* Paulus: Numquid Israel non audivit Evangelium? numquid non ejus vim et efficaciam cognovit? *q. d.* Omnino audivit, omnino cognovit.

Quando ad omnes gentes pervenerit, vel perventura sit Evangelii prædicatio?

Sensus litteralis David, est de cælis, allegoricus de Apostolis.

Vers. 19. A prophetis prædicandum Evangelium.

doctrinam Evangelii, id nempe Judæi, qui non obsequuntur? Hanc excusationem non valere, statim subiungit verbis e *Psal. xix*, 5, *desumptis*.

vult, sed sua pertinacia et obstinatione non vult illi credere illique obedire

Verum priorem sensum esse genuinum, patet ex sequentibus Mosis et Isaïæ verbis, quibus significant Judæos ex Gentium vocatione ad invidiam concitandos esse.

PRIMUS MOSES DICIT (*Deuter. xxxii, 21*) : EGO AD ÆMULATIONEM VOS ADDUCAM (hoc est ego Deus vos, o Judæi, qui repellitis Evangelium, ad iram et invidiam concitabo) IN (id est per) NON GENTEM (puta per Gentiles, qui non fuerunt hactenus gens mea; quos ad Christi gratiam vocabo, vobisque, o Judæi, in hac gratia et Ecclesia mea præponam), IN (id est per) GENTEM INSIPIENTEM (puta per Gentiles, qui hactenus insipienter vixerunt, et stulte adorarunt idola), IN IRAM VOS MITTAM, — bilem et invidiam jam dictam vobis commovebo, q. d. Ego Deus per Christum et Apostolos vocabo ad salutem homines viles, puta Ethnicos, Paganos et Barbaros, quos ne gentis quidem appellatione dignamini, o Judæi, sed belluas potius, vel canes, soletis appellare. Unde vos verecundati ad imitationem eorum provocemini, si sani et sapientes sitis; sin minus, ad æmulationem et indignationem concitemini, uti re ipsa futurum prævideo et prædico. Ita S. Hieronymus *ad Fabiolam*, tract. de 42 mansionibus Hebræorum in deserto, mansione ultima.

Invidia et indignatio Judæorum propter Gentium conversionem:

Vers. 20.

Isaïas propter libertatem in dicendo serra dissectus.

20. ISAÏAS AUTEM AUDET, — audacter et libere loquitur, non veritus suorum offensionem: Nam propter hæc et similia libere et animose a se dicta et prophetata serra dissectus est Isaïas a Manasse et Judæis, ut habet certissima traditio Hebræorum, ait S. Hieronymus, lib. XV in *Isaiam*, in fine. Idem tradit et canit Tertullianus, lib. III *Contradictionem*, dicens:

Quem (*Isaiam*) populus sectum ligno, sine labe repositum, Immeritum demens crudeli morte peremit.

Ex eo quod Tertullianus ait sectum ligno, colligas Isaïam lignea serra dissectum fuisse, itaque lignæ crucis Christi typum prætulisse.

INVENTUS SUM (id est *inveniar*: prophetice enim ponitur præteritum pro futuro, per cognitionem, fidem, amorem, sequelam et cultum) A NON QUÆRENTIBUS ME (puta a Gentibus, quæ antea non me, sed idola sua quærere, consulere et colere solebant. Per Apostolorum ergo prædicationem) PALAM APPARUI UIS, QUI ME NON INTERROGABANT, — pñta illis ipsis Gentibus, quæ non me, sed suum Jo- vem, Martem, Venerem consulebant et interrogabant.

21. AD ISRAEL AUTEM DICIT. — Nota: Tñ ad Israel Vers. 21. Erasmus vertit, *contra Israel*; sed melius alii vertunt, *de Israel autem dicit*: hoc enim sæpe significat Hebræum אֶלֶל, cui respondet Græcum πρὸς, et Latinum ad. Sic Hebr. cap. i, vers. 7, dicitur, « Ad angelos (hoc est de angelis) dicit; » Imo אֶלֶל potest accipi pro *lamed* dativi. Unde Syrus vertit, לְיִשְׂרָאֵל *lisrael*, id est *Israeli autem dicit*.

TOTA DIE EXPANDI MANUS MEAS AD POPULUM NON CREDENTEM, ET CONTRADICENTEM. — q. d. Toto tempore, quo ego Christus cum Judæis versatus sum, sed maxime in cruce, ait Theodoretus in *Isaiæ* lxxv, expandi et quotidie expandere manus meas, quasi profundens in eos mea munera, ut eos ad me alliciam, eosque in sinum fidei ac gratiæ meæ recipiam; apud Judæos enim totam vitam docendo insumpsit Christus, plurimæque miracula fecit ipse et Apostoli; ut taceam oracula Scripturæ per quæ assidue Deus ad Christum eos vocavit et vocat, Christumque eis demonstravit et demonstrat. Sed frustra: Judæi enim Mosis suo præfidentes, et judaismo suo affixi, Christum agnoscere nolunt, ait S. Chrysostomus, Ambrosius, Origenes et alii.

Christi amor et benedictio erga Judæos.

CAPUT UNDECIMUM.

SYNOPSIS CAPITIS.

Docuit Paulus cap. ix et x, Gentes per fidem ad justitiam et salutem adscitas, Judæos vero ob infidelitatem, ab eadem repulsos esse : nunc ad Judæorum solatium monet Gentes, ne Judæorum incredulitati et repulsæ indignentur et insultent; sed potius ei compatiantur et condoleant, utque eos ad sui imitationem provocent; idque,

Primo, quia non omnes Judæi sunt increduli, et rejecti : nam ipse Paulus et alii, quasi reliquiæ Israel salvæ factæ sunt.

Secundo, vers. 8, quia etsi plures excæcati sint, tamen eorum cæcitas salus est Gentilibus. Nam Judæorum incredulitas causa fuit cur prædicatio Evangelii, justitia et salus deflexerit ad Gentes.

Tertio, vers. 16, quia Judæi sanctorum patriarcharum sunt filii, in quibus ipsi Deo quasi consecrati et sanctificati sunt.

Quarto, vers. 17, quia Gentes, quæ erant quasi oleaster paganismi, per gratiam insertæ sunt in oleam Judæorum, puta in Ecclesiam Dei, a qua facile per infidelitatem, superbiam et inobedientiam rursum excidere possunt.

Quinto, vers. 23, quia Judæi, si recedere velint a sua infidelitate, rursum inserentur suæ oleæ, id est Ecclesiæ.

Sexto, vers. 25, quia in fine mundi, cum plenitudo Gentium intrarit, tunc omnis Israel credet, et salvus fiet.

Septimo, vers. 30, quia ipsæ etiam Gentes ante Judæos fuerunt incredulæ, et neglectæ a Deo, uti nunc Judæi, increduli et neglecti sunt. Unde, vers. 32, concludit dicens : Conclusit Deus omnia sub peccato, ut omnium misereatur. Atque hanc vicissitudinem et successionem Judæorum et Gentilium in obsequio et Ecclesia Dei admirans, exclamat : O altitudo divitiarum sapientiæ et scientiæ Dei!

1. Dico ergo : Numquid Deus repulit populum suum? Absit. Nam et ego Israelita sum ex semine Abraham, de tribu Benjamin. 2. Non repulit Deus plebem suam, quam præscivit. An nescitis in Elia quid dicit Scriptura : quemadmodum interpellat Deum adversum Israel? 3. Domine, Prophetas tuos occiderunt, altaria tua suffoderunt : et ego relictus sum solus, et quærunt animam meam. 4. Sed quid dicit illi divinum responsum? Reliqui mihi septem millia virorum, qui non curvaverunt genua ante Baal. 5. Sic ergo et in hoc tempore, reliquiæ secundum electionem gratiæ salvæ factæ sunt. 6. Si autem gratia, jam non ex operibus; alioquin gratia jam non est gratia. 7. Quid ergo? quod quærebat Israel, hoc non est consecutus : electio autem consecuta est : cæteri vero excæcati sunt. 8. Sicut scriptum est : Dedit illis Deus spiritum compunctionis : oculos ut non videant, et aures ut non audiant, usque in hodiernum diem. 9. Et David dicit : Fiat mensa eorum in laqueum, et in captionem, et in scandalum, et in retributionem illis. 10. Obscurentur oculi eorum ne videant : et dorsum eorum semper incurva. 11. Dico ergo : Numquid sic offenderunt ut caderent? Absit. Sed illorum delicto, salus est Gentibus, ut illos æmulentur. 12. Quod si delictum illorum divitiæ sunt mundi, et diminutio eorum divitiæ gentium : quanto magis plenitudo eorum? 13. Vobis enim dico Gentibus : Quamdiu quidem ego sum Gentium Apostolus, ministerium meum honorificabo; 14. si quomodo ad æmulandum provocem carnem meam, et salvos faciam aliquos ex illis. 15. Si enim amissio eorum, reconciliatio est mundi : quæ assumptio, nisi vita ex mortuis? 16. Quod si delibatio sancta est, et massa : et si radix sancta, et rami. 17. Quod si aliqui ex ramis fracti sunt, tu autem cum oleaster esses, insertus es in illis, et socius radicis et pinguedinis olivæ factus es : 18. noli gloriari

adversus ramos. Quod si gloriaris : non tu radicem portas, sed radix te. 19. Dices ergo : Fracti sunt rami ut ego inserar. 20. Bene : propter incredulitatem fracti sunt. Tu autem fide stas : noli altum sapere, sed time. 21. Si enim Deus naturalibus ramis non pepercit : ne forte nec tibi parcat. 22. Vide ergo bonitatem, et severitatem Dei : in eos quidem, qui ceciderunt, severitatem : in te autem bonitatem Dei, si permanseris in bonitate, alioquin et tu excideris. 23. Sed et illi, si non permanserint in incredulitate, inserentur : potens est enim Deus iterum inserere illos. 24. Nam si tu ex naturali excisus es oleastro, et contra naturam insertus es in bonam olivam : quanto magis ii, qui secundum naturam inserentur suæ olivæ? 25. Nolo enim vos ignorare fratres mysterium hoc (ut non sitis vobis ipsis sapientes) : quia cæcitas ex parte contigit in Israel, donec plenitudo Gentium intraret, 26. et sic omnis Israel salvus fieret, sicut scriptum est : Veniet ex Sion, qui eripiat, et avertat impietatem a Jacob. 27. Et hoc illis a me testamentum : cum abstulero peccata eorum. 28. Secundum Evangelium quidem, inimici propter vos : secundum electionem autem, charissimi propter patres. 29. Sine pœnitentia enim sunt dona, et vocatio Dei. 30. Sicut enim aliquando et vos non credidistis Deo, nunc autem misericordiam consecuti estis propter incredulitatem illorum : 31. ita et isti nunc non crediderunt in vestram misericordiam, ut et ipsi misericordiam consequantur. 32. Concludit enim Deus omnia in incredulitate : ut omnium misereatur. 33. O altitudo divitiarum sapientiæ et scientiæ Dei : quam incomprehensibilia sunt judicia ejus, et investigabiles viæ ejus! 34. Quis enim cognovit sensum Domini? Aut quis consiliarius ejus fuit? 35. Aut quis prior dedit illi et retribuetur ei? 36. Quoniam ex ipso, et per ipsum, et in ipso sunt omnia : ipsi gloria in sæcula. Amen.

Vers. 1.

Non omnes Judæos repulit Deus.

1. DICO ERGO : NUMQUID DEUS REPULIT POPULUM SUUM. — Nota τὸ dico ergo phrasis est Apostoli, qua utitur, cum sibi aliquid objicit, uti hic facit. Sensus ergo est, q. d. Dixi cap. ix et x, Judæos repulsos esse a Deo et a justitia, Gentes vero ad eam ascitas; verum ergone Deus plane repulit populum suum, puta Judæos omnes? Respondet, Absit. Nam et ego sum Judæus et Israelita, fidelis tamen et Christianus; tales quoque sunt Apostoli, multique alii, ex Judæis credentes. Non ergo repulit Deus absolute populum suum, sed tantum eos, qui Christo credere nolunt.

Vers. 2.

Quadruplex hujus loci sensus.

Evitandum hic, et discernendum dogma Pelagianum ab orthodoxyo.

2. NON REPULIT DEUS PLEBEM SUAM, QUAM PRÆSCIVIT. — Nota τὸ præscivit, quod primo, S. Chrysostomus sic explicat, q. d. Deus non repulit totam plebem Judæorum, sed eos vocavit ad Ecclesiam, quos prævidit fore dignos. Hoc si de prima vocatione ad fidem et gratiam intelligatur, Pelagianum est; sin de secunda vocatione ad justitiam intelligatur, sanum est et orthodoxum : de secunda ergo hac vocatione explicandus est S. Chrysostomus.

Secundo, Œcumenius : Præscivit, inquit, Deus Judæos ante Gentes, quia Judæi ante Gentes vocati sunt ad Christum, illique crediderunt. Hos ergo Deus præscivit, id est scivit esse suos suamque plebem, antequam Gentiles vocaret, et sciret esse suos.

Tertio, S. Augustinus, lib II De Bono persever., cap. xviii : « Non repulit Deus plebem suam, quam præscivit : » hoc est, inquit, quam præ-

destinavit, quam scilicet ab æterno decrevit ad se trahere, suamque facere. Unde alii sic explicant : « quam præscivit, » id est, quam prædilexit, quamque multis olim beneficiis affecit.

Quarto, planius et simplicius, « non repulit Deus plebem suam, quam præscivit, » id est, quam prævidit Christi fidem et gratiam sponte sua complexuram, foreque fidelem, ideoque fore plebem suam. Vide dicta cap. viii, vers. 29.

AN NESCITIS IN ELIA QUID DICIT SCRIPTURA? — « In Elia, » hoc est de Elia. Est hebraismus : bet enim ponitur pro על; vel in Elia, hoc est in historia Eliæ (1), III Reg. xix, ubi Elias apud Deum queritur, eumque interpellat adversum Israelitæ, puta adversum Achab, regem Israel, ejusque uxorem Jesabel, eorumque asseclas, dicens :

3. DOMINE, (Israelitæ) PROPHEtas TUOS OCCIDERUNT, ALTARIA TUA SUFFODERUNT. — « Altaria, » scilicet in excelsis locis et collibus Deo vero erecta. Unde hæc altaria vocantur *Excelsa* in Scriptura. Quæ licet lege Deuter. xvi, 2, vetita essent, ac proinde pie ab Ezechia et Josia eversa sint : tamen impium erat evertere ea ex odio cultus divini, verique Dei, uti fecerunt Achab et Jesabel idololatræ (2).

Vers. 3.

Altaria dicta Excelsa, quæ non licet evertere.

(1) Tempore Pauli nondum per capita et versus S. Scripturæ dispersitæ erant, ideoque earum testimonia juxta aliam, qua nunc, rationem afferebantur, personas scilicet, aut res appellando.

(2) Possunt enim intelligi ea altaria quæ pii in 40 tribubus in veri Dei honorem sibi struxerant, ex quo

ET EGO RELICTUS SUM SOLUS, ET QUÆRUNT ANIMAM MEAM. — Dixit hoc Elias incens; afflictus et ex mœstitia pusillanimitas, æstimans omnia perdit esse et longe deteriora quam revera erant: unde pusillanimitatem ejus pariter et errorem corrigit hic Dominus, dicens:

Vers. 4. 4. RELIQUI MIHI SEPTEM MILLIA VIRORUM, QUI NON CURVAVERUNT GENUA ANTE BAAL. — *q. d.* Ne putes, o Elia, te solum Dei superesse cultorem; reliquos vel esse occisos, vel ad Baal deflexisse. Ecce septem millia mea providentia et gratia conservavi, et a nece et ab idololatria; qui me neque colant, ut tu. Sic etiam hoc tempore Christi et Pauli reliquias Judæorum mihi meoque cultui, et Ecclesie conservavi, scilicet eos, qui fidem Christi amplexi sunt. Itaque verbum *reliqui* propriè significat, reservavi mihi in famulos, cultores et amicos, scilicet eos qui noluerunt adorare Baal. Hæc enim antithesis optime accommodatur scopo Apostoli, qui est ostendere, etiamsi repulerit Deus à justitia et gratia plerosque Judæos, quia incredulos Christo; paucos tamen ex iis sibi, suo cultui et amicitiae servasse, scilicet eos, qui Christo crediderunt. Rursum per verbum *reliqui* Deus suæ gratiæ virtutem ostendit et innuit. Non enim ait: Ipsi se reliquerunt, sed, Ego reliqui, græce *κατέλιπον*, hebraice *חֲסַרְתִּי* *hisarti*, id est *reservavi*; quia licet ipsi etiam servarint se, tamen potius a Dei gratia servati sunt; virtus enim gratiæ in opere bono potior est liberi arbitrii concursu. Ita S. Augustinus, lib. *De bono persévér.*, cap. xi.

Nota contra Novantes nuper ex tenebris natos, hunc locum pro conservatione et durabilitate Ecclesiæ. Nam graviter hic errant, *primo*, Melancthon, qui *Locis communibus*, cap. *De Ecclesia*, docet tempore Eliæ Ecclesiam constituisse in solis Elia, Eliseo et paucis sacerdotibus. *Secundo*, Calvinus, qui in prefatione *Institutionum* ex hoc Eliæ loco probare nititur, Ecclesiam posse deficere. *Tertio*, alii Novantes, qui hæc Ecclesiæ suæ invisibilib, id est non existentem ante Lutherum et Calvinum, adaptant, quasi fuerint ante ipsos aliqui Lutherani, qui eandem fidem docerent; quam postea Lutherus et Calvinus docuerunt; sed pauci, quales fuerunt tempore Eliæ, incogniti et absconditi.

Primo enim hoc gratis dicunt. Probandum enim eis est, tales revera fuisse. Dicant, quæso, tibi, quando, sub quo rege vel Pontifice existerint? Nominent eos saltem nomine communi suæ sectæ, vel historicos proferant qui eos existisse testentur: sic enim in Israel fuisse veros deicolos tempore Eliæ, licet Eliæ incognitos; testatur sacra historia, lib. III Reg. xix, quam citat hic Paulus. *Secundo*, licet Ecclesia Dei, cum persecutionem a Jesabele pateretur in Israel, id est in Samaria, ibidem paucos haberet fideles, eosque latentes, vel absconditos; tunc tamen eadem Ecclesia spec-

tabilis erat et florens in Juda, id est in duabus tribubus, ubi sub Josaphat, rege fideli et pio, publice templo, sacrificiis et caeremoniis Deus verne colebatur, quo qui vere fideles erant, se recipiebant, quasi ad fidei et religionis oraculum et asylum, et hoc est quod Dominus dicens: *Reliqui mihi septem millia virorum*, qui non curvaverunt genua ante Baal, » significat, dum subdit: *In Israel*, » id est in Samaria, non autem in Judâ; de eo enim non loquitur.

Licet ergo concederetur, in Israel defecisse tunc Ecclesiam, inde tamen non sequitur eam omnino defecisse, quia perstitit in Juda. Dicit nunc Lutherus, si ante sua tempora Lutherani fuerint et latuerint in Saxonia, Germania, Gallia, ubi Gentium aut terrarum visibiles et spectabiles fuerint, ut eo se recipere possent, qui veram fidem, religionem et Ecclesiam aut sectabantur, aut inquirebant? Ubi fuit Ecclesia Lutheri ante Lutherum, quæ à Luthero nomen et exordium sumpsit? sane ibidem fuit, ubi fuit Lutherus antequam nasceretur.

Tertio, in ipso Israel, id est Samaria, Ecclesiam tempore Eliæ non defecisse, sed multos habuisse veri Dei cultores, patet ex eo, quod paulo ante ex his Jesabel plurimos occiderat Prophetas, ex quibus adhuc superstites erant Elias, Eliseus, Michæas, Abdias, dispensator ipsius Achab et Jesabelis, et alii centum Prophetæ, quos abscondit Abdias jam dictus, ne occiderentur a Jesabele, ut patet III Reg. xviii, 13, aliique insuper Prophetæ, de quibus fit mentio III Reg. xx, 22, 28 et 35. Quod ergo dicit Elias ad Deum: *Prophetas tuos occiderunt, et ego relictus sum solus*; » subaudi, solus qui publice et intrepide oppono me Baal et Jesabeli: alii enim Prophetæ, ne occiderentur, latebant, sicut latebant pontifices et sacerdotes tempore Decii et Diocletiani. Ex laicis vero multo plures tunc fuisse fideles in Israel; patet ex verbis Domini: *Reliqui, inquit, mihi septem millia virorum*, qui non curvaverunt genua ante Baal. Denique totus Israel paulo ante sub Davide et Salomone, veræ fidei et Dei cultor fuerat, sed sub Jeroboam multi eum eo ad idololatriam vitulorum desciverunt.

Ostendat jam Lutherus, ostendat Calvinus non septem millia; non mille, non centum, sed viginti, sed decem, sed quinque, imo vel unum, qui ante sua tempora eandem secum fidem per omnia docuerit; ostendat fidei suæ continuationem, descensum et derivationem per singula sæcula; ostendat quinam Patres singulis annorum centuriis docuerint in Eucharistia non esse verum corpus, sed tantum signum corporis Christi, Pontificem Romanum esse Antichristum, Sanctos non esse invocandos, non esse liberum arbitrium, non operum merita, solam fidem justificare, Deum esse auctorem omnium operum tam maiorum, quam bonorum.

Hactenus id præstare, imo promittere ausus

permissi non erant ad templum ire: quo tempore lex de altaribus alibi struendis cessare videbatur.

nino defecit.

Ecclesia Lutheri ante Lutherum fuit, ubi erat Lutherus, antequam nasceretur.

Plures quam Elias Prophetæ, imo et laici fideles erant in Samaria, tempore Jesabelis.

Lutherus et Calvinus originem et continuationem suæ Ecclesiæ et fidei ostendere non possunt.

Angustia et de-
liria Cen-
turiato-
rum Mag-
deburgensium.

fuit nemo, ne ipsi quidem Centuriatores Magdeburgenses: nimirum hæc est causa, quæ ees in has angustias compellit, cogitque eo confugere, ut dicant Ecclesiam errare et deßbere posse, imo defecisse per tot annorum centurias, quot a S. Gregorio (tunc enim alunt Ecclesiam defecisse, et Antichristum in ea præsidere cœpisse) ad Lutherum interfluxerunt. Durum est telum necessitas. Itane Christus per tot sæcula sponsam suam Ecclesiam deseruit? Itane fefellit promissionem suam datam *Matth. xvi*: « Tu es Petrus, et super hanc petram (id est *super hunc Petrum*, ut habet Syrus, et Petri in cathedra Romana successores) ædificabo Ecclesiam meam, et portæ inferi non prævalent adversus eam? » Itane concidit Ecclesia, templum et domus Dei, quam Apostolus, *I Tim. cap. iii*, ait esse « columnam et firmamentum veritatis; » quam Prophetæ docent esse regnum æternum Christi? Itane per tot sæcula delituit invisibilis Ecclesia, quæ est magistra fidei, doctrinæ veritatis; quam Isaias, cap. ii, docet esse montem in vertice montium, et elevatum super omnes colles; quam Christus in dubiis et difficultatibus adiri et audiri jubet, *Matth. xviii*: « Dic, inquit, Ecclesiæ: si autem Ecclesiam non audierit, sit tibi ethnicus et publicanus? » Deus per suam bonitatem aperiat oculos omnium errantium et miserorum, qui a Luthero et Calvino, eorumque asseclis decepti, quasi oves errantes a causa Ecclesiæ se segregarunt, ut Ecclesiam priscam et stabilem, Catholicam et Apostolicam, Romanam scilicet, videant, agnoscant et ad eam quasi matrem amantissimam postliminio recurrant, cum eaque in gratiam et mutuum amplexum redeant. Amen.

Quis nu-
merus in-
telliga-
tur per
septem
millia?

SEPTEM MILLIA. — Hoc est multa millia: Septenarius enim numerus significat multitudinem, et Hebræis est familiaris, propter sabbatum; sicut et denarius propter decalogum, ait S. Hieronymus in cap. iv et *lv* *Isaiæ*. Sic *Eccles. xi, 2*, dicitur: « Da partem septem, » hoc est multis pauperibus, « nec non et octo, » id est multo pluribus. Sic *I Reg. ii, 5*, in Hebræo habetur: « Donec sterilis peperit septem, » quod noster Interpres vertit, « donec sterilis peperit plurimos. »

Baal quis
Deus?

QUI NON CURVAVERUNT GENUA ANTE BAAL. — Græcæ est feminine τῇ *Baal*, τῇ, scilicet *ἱεῶν*, hoc est *imagini Baal*. Nisi malis dicere, a Jesabele, femina Tyria, Astartem, deam Tyriorum, Israelitis ad cultum fuisse propositam, quasi Baal feminam. Baal enim Hebræis generale deorum nomen est. Verum facillime et solidissime dici potest, hic, uti et alibi, mendum irrepsisse in textum Græcum, et pro τῇ restituendum esse masculinum τῷ. Sic enim Interpres noster et veteres legisse videntur (1). Blasphæ-

(1) Baal, Idolum Phœniciorum et Chananitarum, in versione τῷ LXX in genere masculino ὁ *Baal* (dominus), et ἡ *Baal* (domina) occurrunt. Coluerunt illud nomen sub imagine tauri, erat vitales. Imago tauri exprimebat solem, imago vitæ aut vacæ exprimebat lunam: ut

mat hic Beza, dum ait Catholicos curvare genua ante Baal, cum B. Virginem et Sanctos invocant, eamque communi omnium gentium voce vocant « Dominam nostram: » Baal enim Hebr. significat dominum; sed usu gentium significat Deum, qui summus omnium est dominus. Nemo autem B. Virginem ut Deum invocat: cur autem non liceat eam vocare « Dominam nostram, » cum cives ita vocent reges et principes, famuli suos heros, imo Beza Calvinum vocet suum dominum et magistrum?

5. SIC ERGO ET IN HOC TEMPORE RELIQUÆ (hoc est pauci Judæi, credentes Christo; pauci, inquam, præ innumeris incredulis, ita ut ex tanta incredulitate et clade videantur hi pauci esse tantum reliquæ, et reliqui), SECUNDUM ELECTIONEM GRATIÆ (id est *gratuitam*), SALVÆ FACTÆ SUNT, — id est *justificatæ sunt*. Non enim agit hic Paulus de electione immediata ad gloriam, vel ad primam gratiam et fidem, sed de electione ad justitiam, uti initio cap. ix ostendi. Justitia enim est salus a peccato, estque salus inchoata, quæ perficietur in cœlesti gloria. Electio ergo hæc Dei, est dilectio Dei, de qua dixi cap. ix: « Jacob dilexi, » quam et alio nomine ibidem miserationem vocavit, dicens: « Non volentis, neque currentis, sed miserentis est Dei. »

Non agit
hic Paulus
de electione
ad gloriam.

Nota, huic electioni gratiæ non repugnare consensum liberi arbitrii, ejusque liberam acceptationem gratiæ, nec etiam fidem, pœnitentiam aliasque liberas hominis dispositiones ad justitiam: hæ enim omnes nullum meritum, nullam efficaciam, nullum jus proprie dictum homini tribuunt ad justitiam. Sed his omnibus positis meræ est electionis Dei et gratiæ, quod tales justificent, non alios qui istis carant, ut diserte ait Apostolus cap. iv, vers. 5, et ex eo Concilium Tridentinum, sess. v et vi.

Utrumque ergo verum est, et utrumque verè responderi potest, si quæras, cur fidelis pœnitens justificetur præ infideli pœnitente? Respondebo enim primo, quia ipse se disposuit, hic non. Respondebo secundo, quia gratis Deus voluit illum justificare et acceptare illius dispositiones; non autem hunc, qui eis caret. Fides enim est dispositio ad justitiam, non sua natura aut naturali vi et efficacia, sed quia Deus ita voluit et constituit. Et juxta prioram responsionem videtur loqui S. Chrysostomus, cum ait Deum ad justitiam et salutem eligere hunc præ illo, quia hunc suæ gratiæ consensurum prævidit, non illum. E contrario S. Augustinus, juxta posteriorem sensum, quærenti cur hic præ ille eligatur a Deo, respondet causam esse non humanum meritum, sed electionem et gratiam divinam. Utrumque enim verum est, eo sensu quem dixi.

Cur Ad-
dis pœni-
tens jus-
tificetur
præ infi-
deli pœ-
nitente.

Moloch vocatur rex cœli, sol; et Melecheth, regina cœli, luna. Illum a viris, hanc a mulieribus cultam esse existimat Abdrânel.

Apostolus hic electionem gratiae opponit electioni ex operibus legis, vel naturae.

Denique Apostolus hic tantum electionem gratiae opponit electioni ex operibus legis, vel naturae, ut patet ex sequentibus et ex tota epistola. Sub gratia ergo amplexum liberum gratiae, et eos qui per gratiam excitati sponte obediunt et subijciunt se gratiae, intelligit. Liber enim amplexus gratiae est quaedam gratia: fit enim a gratia praeveniente et cooperante. Unde et ipsi fideles et Sancti qui gratiae obediunt, filii gratiae sunt et nuncupantur. Fusius idipsum docet hic Toletus *notat. 4.*

Dices: *τὸ salvæ non legit S. Augustinus, et in Græco tantum est λαίμα γένον, id est reservatio facta est.*

Respondeo: *reservatio*, supple salvatorum, id est eorum qui salvi facti sunt, ut vertit Noster, hoc est eorum qui justificati sunt, facta est per electionem gratiae justificantis.

Si tamen cum nonnullis ex S. Augustino hanc reservationem, æque ut *τὸ reliqui*, sive reservavi vers. præcedenti, velis extendere, et accipere de gratia vocante et praeveniente, quasi per hanc facta sit ista reservatio salvandorum, id est justificandorum: respondeo etiam hoc vere posse dici, scilicet divinæ electionis et gratiae vocantis esse, quod hi conversi sint, non illi: quia licet utrique physice æqualem habuerint gratiam vocantem, hæc tamen gratia cum libero arbitrio in his operata est conversionem, non in illis, id est hi virtute gratiae se converterunt, non illi; quod enim hi se converterunt, virtus et efficacia fuit gratiae, qua usum et cui cooperatum fuit liberum arbitrium, prout exigebat gratia, et prout intendebat Deus gratiam hanc tribuens: quod vero alii noluerint converti, liberi arbitrii fuit malitia. Justificati ergo suam justitiam, licet libere a se acceptatam, gratiae tribuere debent; perinde ac pauper divitis gratiae tribuit, quod ejus pane sustentetur, non autem sibi hoc arrogat, licet ipse panem a divite oblatum libere debeat acceptare et comedere, si ex eo sustentari velit. Hæc enim ejus acceptatio nihil habet laudis, nihil illustre, præsertim si comparatur cum liberalitate et liberali donatione divitis.

Vers. 6.

6. Si AUTEM (hæc electio est gratiae, ut dixi, ideoque ipsa est) GRATIA, JAM NON EX OPERIBUS (1), — q. d. Si hæc electio ad justitiam, ipsa scilicet justificatio, fit ex Dei gratia, ergo non obtingit nobis ex merito operum nostrorum. Opera hic intelligo legis naturæ, imo et fidei; quatenus nimirum hæc hominis opera sunt, quia dispositiones fidei, spei, poenitentiae, uti actus humani sunt, nec habent meritum, nec efficaciam justificandi; sed tantum ex gratuita Dei ordinatione disponunt hominem ad justitiam, uti dixi.

Actus humani, ut tales non habent meritum justificandi.

(1) Hoc comma deest in multis codd., necnon in quibusdam versionibus ac Patribus. Cæterum, parenthesi videtur includendum; non enim ad universi loci consilium, sed ad solam, quæ præcesserat, *χαρίτος* vocem pertinet.

Ex ultimis hisce verbis perperam intellectis quidam argumento a contrariis ducto, ita concluderunt: Si dispositiones fidei, spei, poenitentiae, uti actus hominis sive humani sunt, non habent meritum nec efficaciam justificandi, sed tantum ex gratuita Dei ordinatione; ergo iidem actus spei, etc., considerati uti actus hominis sunt, id est uti sunt actus solius naturæ et liberi arbitrii seclusa gratia, esto ex se non habeant meritum, nec efficaciam justificandi, illud tamen habent ex gratuita Dei ordinatione. Ex ea ergo actus hominis pure naturales, sine gratia, merentur saltem de congruo justificationem, ad eamque hominem disponunt. Verum hic est error semipelagianorum, censentium solam naturam per bonum liberi arbitrii usum nos disponere ad gratiam, quem semper detestatus sum. Mentem ergo meam explico: Dum dico, *actus hominis*, vel *actus humani*, non excludo, sed includo gratiam. Clarum enim est actus fidei, spei, poenitentiae non posse elici ab homine nisi per gratiam: sed posita gratia, quodque homo ex gratia illos libere eliciat, dico hos actus humanos nec ex gratia, nec ex cooperatione hominis proprie mereri justificationem, vel ad illam dare jus et meritum homini; sed quod ad justificationem sint dispositiones, ad eamque dirigantur et ducant, totum id esse gratuitæ Dei ordinationi, beneplacito et liberalitati tribuendum, quia scilicet Deus ita statuit.

Id me voluisse vidissent, si considerassent verba mea ultima, scilicet *τὸ uti dixi*, nam vers. 5, p. 187, col. 2, ex adverso verborum jam citatorum, § Notæ, « huic electioni gratiae non repugnare, » etc., ita diserte scribo mentemque meam explico.

Igitur actus fidei, spei, poenitentiae plene considerati, uti scilicet manant tam ex gratia quam ex libero arbitrio, ex se non tribuunt jus vel meritum ad justitiam, sed ex gratuita, duntaxat Dei ordinatione illos acceptante, itaque gratis statuente, disponunt ducuntque ad justitiam. Hæc est veritas, hæc mens mea.

Porro, quod ibi et alibi dispositionem distinguo a merito, id facio ex communi Theologorum phrasi et sententia, qui dicunt docentque actus fidei, spei, timoris, etc., esse dispositiones ad justificationem, non autem eam mereri, scilicet proprie de condigno. Esto enim de congruo eam mereantur, tamen meritum hoc exile est et restrictum, nec absoluti et rigidi nomen meretur.

Denique justificatio dupliciter sumitur, scilicet *primo*, formaliter: formalis autem justificatio fit, cum Deus homini infundit gratiam justificantem et charitatem; *secundo*, dispositive, cum scilicet per actus fidei, spei, timoris poenitens se præparat et disponit ad justitiam, gratiam et charitatem. Jam cum Apostolus ait, nos sine operibus gratis justificari, nonnulli cum S. Augustino, *epist. 103*, *τὸ justificari* accipiunt secundo modo, q. d. Quod homo concipiat actus fidei, spei, poe-

nitentiæ, quibus se disponit ad justitiam, id habet non ex se suisque naturæ viribus; sed gratis, id est ex gratia Dei præveniente. Nec ego nego huc extendi posse verba Apostoli; sed tamen assero ea proprie ab Apostolo dici de justificatione formali. Id ita esse, diserte, fuse et ex professo docet Concilium Tridentinum, sess. VI, cap. VIII, ut mirum sit nonnullos dixisse de alia justificatione loqui Concilium, de alia Apostolum. Et ipse Apostolus, cap. III, vers. 21: «Nunc autem, inquit, sine lege justitia Dei manifestata est, etc. Justitia autem Dei per fidem Jesu Christi.» Et vers. 24: «Justificati gratis per gratiam ipsius, etc., propter remissionem præcedentium delictorum: ad ostensionem justitiæ ejus in hoc tempore; ut sit ipse justus, et justificans eum,» etc. Et cap. IV, 3: «Credidit Abraham Deo: et reputatum est illi ad justitiam,» Et vers. 7: «Beati, quorum remissæ sunt iniquitates, et quorum tecta sunt peccata.» Hæc omnia formalem justificationem et justitiam significant. Pluribus id ipsum confirmavi initio cap. IX.

ALIOQUIN GRATIA JAM NON EST GRATIA. — Calumniamur Kemnitiu detractum esse in nostris codicibus, quod habetur in Græcis, scilicet *εἰ δὲ ἐξ ἔργων, οὐκ ἐστὶν ἡ χάρις, καὶ τὸ ἔργον, οὐκ ἐστὶν ἡ χάρις*, id est, si vero ex operibus, jam non est gratia: alioquin opus, jam non est opus. Et ita legit Cajetanus et Theophylactus, sed hoc non legunt Origenes, Chrysostomus, Ambrosius et alii, imo Erasmus ait esse superfluum. Et sane nostra Latina lectio brevior et nervosior, ideoque verior est. Nota, τὸ ex operibus semper hic significat meritum operum: hoc enim solum opponitur gratiæ, sive gratuiti donationi et electioni.

Vers. 7. 7. QUID ERGO (supple, dicemus, et ex dictis hucusque concludemus? nimirum id quod sequitur) QUOD QUÆREBAT ISRAEL (justificari, scilicet ex meritis operum legalium), HOC NON EST CONSEQUITUS; ELECTIO AUTEM CONSECUta EST, — id est electi secundum gratiam ex Judæis, puta Judæi qui Christi fidem et gratiam amplexi sunt, hi electi a Deo ad justitiam, eam consecuti sunt. Abstractum ponitur pro concreto, nimirum *electio* pro electis, juxta Can. 30.

**CÆTERI VERO (Judæi scilicet, non electi, sed re-
jecti et repulsi a Deo et a justitia, ob suam incredulitatem) EXCÆCATI SUNT,** — proprie et directe a se suaque malitia, quia obstinate inhæserunt legi Mosis, et Christi fidem contempserunt: indirecte vero a Deo eos deserente et dimittente suæ infidelitati et obstinationi.

Vers. 8. 8. SICUT SCRIPTUM EST (Isaia VI, 9): DEDIT ILLIS DEUS SPIRITUM COMPUNCTIONIS. — Dedit, permit-
tendo, deserendo et occasiones præbendo, bonas quidem in se, sed quibus illi se magis indurarent suo vitio et culpa. Ita S. Augustinus, Chrysostomus, Theophylactus, Œcumenius.

Quæres, quis hic vocetur spiritus compunctionis? Primo, Anselmus per spiritum compunctionis

intelligit spiritum impellentem ad malum, instar stimuli, qui compungens boves incitat ad cursum.

Secundo, Ambrosius intelligit dolorem Judæorum ortum ex zelo judaismi, cum eum viderent aboleri per Evangelium.

Tertio, alii intelligunt spiritum æmulationis et invidiæ Judæorum in Christum et Christianorum multitudinem.

Verum nota: Citat hic Paulus *Isaia VI, 10*, ut vult Origenes et Chrysostomus, vel potius et clarius, *Isaia XXIX, 10*, ut censet Anselmus, ubi noster Interpres vertit, *miscuit vobis Dominus spiritum soporis; claudet oculos vestros; Prophetas et principes vestros, qui vident visiones, operiet.* Cujus loci sensus est hic: Deus vobis, o Judæi, velabit et operiet *Isaia* et alios Prophetas, ne eos intelligatis. Ita Hieronymus et Cyrillus *ibid.*, ubi adverte: pro *soporis*, Hebr. est *הרדמה tardema*, quod Theodotion vertit, *ἐξάνθη*, id est *mentis excessum*; Aquila, *καταφρόν*, id est *gravem somnum*; Chaldæus, *spiritum erroris*; Syrus, *spiritum stupiditatis*. Hebræum *tardema* significat altissimum veternum, qui homini oculorum et aurium usum omnemque sensum adimit. Unde Septuaginta, quos sequitur hic S. Paulus, vertentes *κατάνθη*, videntur hoc posuisse pro *κατανύστασι*, id est soporationem: *ὥς* enim est *nox*, et *ωσάντων*, dormire significat. Ita Hesychius.

Narrat antiquitas Philosophum quemdam sapientissimum, cerebro lapide percusso, oblitum fuisse litteras, ita ut ne quidem legere sciverit. Et Grammaticum, qui cum asino, quo vectabatur, excidisset, accepto in cerebro vulnere, prorsus omnem Grammaticam oblitum. Et Hermogenem rhetorem, qui cum doctissimus suæ ætatis esset adolescens, senem factum, omnia esse oblitum. Majus miraculum hic accidit, cum Deus Judæorum legis doctores eminentissimos fecit stupidissimos, in poenam obstinationis suæ in judaismo.

Verum noster Interpres, Chrysostomus, Theophylactus, Vatablus, Erasmus et alii proprie *κατανύστασις* vertunt, *compunctionis*. Sic *Actor. II, 37*, dicitur: «His auditis, compuncti sunt corde;» ubi Lucas in Græco posuit idem hoc verbum *κατανύστασις*. Excæcationem enim et obdurationem, quam *Isaia* per soporem et veternum significat, Septuaginta et Paulus per aliam metaphoram, scilicet per compunctionem, significaverunt: *compunctio* autem hic idem est quod transpunctio, et *compungi* idem est quod transpungi. Transpunctio hæc significat excæcationem Judæorum.

Primo, quia cum oculus clavo aut cultro transpungitur, tunc effoditur et excæcatur; et cum auris cultro transfoditur et transpungitur, auditus extinguitur, et homo fit surdus; sic Judæi mentem habent expunctam, id est transpunctam, tum clavo invidiæ in Christum et Christianos, tum clavo perfidiæ et obstinationis, ut ea quæ Christi, Dei, fidei Christianæ ac salutis sunt, videre et audire non possint, perinde ac si oculos

spiritus compunctionis?

Isaia cap. XXIX, locus illustratus.

*Mira obli-
vionis sub-
bite exempla.*

Compunctio hic significat transpunctionem et excæcationem.

Declaratur similitudine.

et aures mentis haberent transpunctas et transfossas, omnisque audiendi, videndi et intelligendi vis ac sensus in eis esset extinctus. Spiritus ergo compunctionis, id est transpunctionis, est obstinatio et livor, sive dolor et invidia a propria malitia et a dæmone Judæis aspirata et suggesta, quæ quasi clavus terebravit, transpuxit et excæcavit eorum oculos et mentem.

Trans-
punctio
significat
obstina-
tionem et
invidiam.

Declara-
tur simi-
litudine.

Ubi nota : Sicut vehementia doloris sensum tandem superat et extinguit, ut homo vi doloris incidat in animi deliquium, fiat stupidus, insensibilis, imo subinde amens et demens ; ita livor hic et dolor invidiæ adeo vehemens fuit in Judæis, ut eorum sensus, oculos, aures et mentem stupefecerit, feceritque eos insensibiles et quasi dementes in rebus fidei et salutis. Et hoc est quod ait S. Cyprianus, lib. 1, *epist.* 3 : « Judæi, inquit, transpunctæ mentis alienatione dementes Dei præcepta contemnunt, medelam vulneris negligunt, agere pœnitentiam nolunt, ante admissum facinus improvidi, post facinus obstinati, » *q. d.* Vehementia livoris et doloris et invidiæ in Christum et Christianos, tanta fuit in Judæis, ut eos alienarit a mente, feceritque quasi dementes, ut res Christianas ac divinas non magis capiant, quam saxa aut bruta, quæ mente destituuntur.

Altera si-
militudo.

Secundo, sicut cacabus aut vas cum transpungitur et pertunditur, nihil retinet aquæ, aut alterius liquoris ; et speculum cum transpungitur, speciem rei visibilis non retinet, sed quasi pertusum sinit eam effluere : ita Judæorum aures, oculi et mens invidia et obcæcatione et transpuncta et pertusa nihil retinent, sed sinunt effluere quæcumque audiunt aut vident de Christo et Christianis. Unde oculos habentes non vident, et aures habentes non audiunt. Et hoc est quod S. Cyprianus, loco jam citato, addit et dicit : « Pertusa est illis mens, hebes animus, et sensus alienus a Deo, fide, pœnitentia. »

Tertia si-
militudo.

Tertio, sicut clavus nummum aliquem transpungens, eumdem sibi inserit et affigit ; ita invidia hæc, perfidia et obstinatio in sua lege et judaismo, Judæorum animos ita transpuxit et penetravit, ut eisdem quasi clavis trabalibus, videntur confixi et affixi, adeo ut a sua perfidia sint immobiles, ac consequenter excæcati in fide Messiæ, omne lumen Scripturarum, omnem sensum rerum cœlestium amiserunt. Compunctio ergo hæc est pertinacia in sua perfidia, quæ Judæos penetravit, transpuxit, sibi que immobiliter affixit. Sic explicant compunctionem hanc S. Chrysostomus, Theophylactus, Œcumenius. Vide quo hominem adducat livor, pervicacia, proprii judicii tenacitas et obstinata voluntas.

Quinque
signa obs-
tinatæ
mentis.
Primum.

OCULOS UT NON VIDEANT, ET AURES UT NON AUDIANT. — Nota hic quinque signa et effectus obstinatæ mentis. *Primum* est cæcitas animi, de qua Job cap. xii, vers. 25 : « Palpabunt, ait, quasi in tenebris, et non in luce, et errare eos faciet quasi ebrios. » Et cap. xxiv, vers. 13 : « Ipsi

fuerunt rebelles lumini, nescierunt vias ejus, »

Secun-
dum.

Secundum est voluntaria surditas, Job xxi, 14 : « Qui dixerunt Deo : Recede a nobis, et scientiam viarum tuarum nolumus. » Talis fuit Pharaô dicens, Exodi v, 9 : « Quis est Dominus, ut audiam vocem ejus ? nescio Dominum. » De utraque *Isaias* xlii, 18 : « Surdi, audite, et cæci, intuemini ad videndum ; quis cæcus, nisi servus meus ? et surdus, nisi ad quem nuntios meos misi ? »

Tertium est contemptus Dei et hominum, *Pro-* *Tertium*
verb. xviii, 9 : « Impius, cum in profundum venerit peccatorum, contemnit ; sed sequitur eum ignominia et opprobrium. » Vicissim talis a Deo contemnitur et despicitur, *Proverb.* i, 25 : « Iste-
pexistis omne consilium meum : ego quoque in interitu vestro ridebo, et subsannabo, cum vobis id quod timebatis, advenerit. »

Quartum est incorrigibilitas, *Eccles.* vii, 14 : *Quar-*
« Considera opera Dei, quod nemo possit corri-
gere quem ille despexerit. » Huic connexa est im-
pudentia et perfricta frons, *Jerem.* iii, 3 : « Frons
meretricis facta est tibi, noluiisti erubescere. »
Prov. ii, 14 : « Lætantur cum male fecerint, et
exultant in rebus pessimis. »

Quintum est stupor, *Prov.* xiii, 34 : « Eris sicut *Quin-*
dormiens in medio mari, et quasi sopitus guber-
nator amisso clavo, et dices : Verberaverunt me,
et ego non sensi. » Huic conjuncta est difficultas,
et quædam quasi impossibilitas resipiscendi,
Jeremias xiii, 23 : « Si mutare potest Æthiops pel-
lem suam, et vos poteritis benefacere, cum didi-
ceritis malum. » Et cap. xvii, 1 : « Peccatum Juda
scriptum est stylo ferreo in ungue adamantino,
exaratum super latitudinem cordis eorum. »

9. ET DAVID (*Psal.* lxxviii, 23) : FIAT MENSA EORUM *Vete. 2.*
IN LAQUEUM, ET IN CAPTIONEM, ET IN SCANDALUM. — *Varie ex-*
Primo, nonnulli hæc sic explicant : *Mensa*, id est *plican-*
esca fellis et aeti, quam mihi Christo appara-
runt Judæi in cruce, tali et ipsi fruuntur in obsi-
dione sub Tito, et deinceps. *tur, Fiat*
mensa
eorum in
laqueum.

Secundo, Theodoretus in *Psal.* lxxviii : *Mensa*, ait, *Explica-*
flat laqueus, hoc est, lætitia eorum vertatur in *Prima.*
tristitiam. *Secunda.*

Tertio, S. Augustinus : *Mensa flat laqueus*, hoc *Tertia.*
est, inquit, fides eorum fiat incredulitas et per-
fidia.

Quarto, S. Hilarius in eumdem *Psal.* lxxviii : *Quarta.*
Mensa flat eis laqueus, hoc est, ait, sacrificia ve-
tera eis obsint.

Quinto, *mensa*, hoc est agnus Paschalis, *flat Ju-* *Quinta.*
dæis in laqueum, ut nimirum occasione paschatis
omnes Hierosolymam convenient, ibique a Tito
obsideantur et capiantur : ita enim re ipsa eve-
nisse narrat Josephus, lib. vii *Belii*, cap. xvii.

Sexto, planior et simplicior sensus est, *q. d.* *Sexta pla-*
Sicut aves et pisces esca hami, vel retis capiun-
tur : ita Judæorum mensam, id est cibum, po-
tum et omnem rerum temporalium affluentiam
(usuris sæpe partam) qua vita sustentatur et re-
creatur, Deus vertat Judæis in exitium, ut iis su-

Mensa hic est temporarium co-
pia.
perbiant, lasciviant, et Romanos provocent ad sui deprædationem et exoidium; utque iis, utpote per usuram partis, et incentivis ad omnem luxum et fastum, sibi viam sternaant ad infernum. Ita S. Chrysostomus.

Mensa animæ
est sacra
Scriptura
et lex
Dei.
Rursus, mensa spiritalis animæ, ait Anselmus, Origenes et Cajetanus, scilicet mensa legis Dei et S. Scripturæ, quas Judæi unas reputant delicias et summum suum bonum fiat eis in scandalum et in retributionem, id est in pœnam demeritorum, ut scilicet justo Dei judicio, quia ea abusi sunt, et quia ex ea Christum agnoscere noluerunt, jam inde mortem et exæcationem petant, unde vitam et lumen captabant.

Vers. 10. 10. ET DORSUM EORUM SEMPER INCURVA. — *q. d.* Magis magisque, o Deus, onera illos, eo modo quo potes, erroribus, scandalis, calamitatibus, servitute, ait Theodoretus, ut oneribus pressi, cœu silicernia curvati in terram, incedant.

Secundo, « dorsum eorum incurva, » hoc est, effice ut voluntas affectusque eorum curvati in terram lucro et terræ affligantur, ne adspiciant aut requirant bona cœlestia. Sic Poeta dicit:

O curvæ in terris animæ, et cœlestium inanes!

tales jam videmus Judæos,

Vers. 11. 11. DICO ERGO: NUMQUID SIC OFFENDERUNT, UT CADERENT? — *q. d.* Si hæc dicta Davidis de Judæis tam funesta, vera sunt; ergo Judæi in Christum, quasi in lapidem offensionis ita impeerunt et offenderunt, « ut caderent, » sine ulla spæ resurgendi: hoc est, ut pleno et irreparabili casu elisi et attriti corruerint. Ita S. Chrysostomus et Theophylactus.

Objeit sibi (nam et dico ergo objicientis est, ut dixi vers. 4) hoc Apostolus, ad leniendam ruinæ Judæorum invidiam et acerbitatem. Unde respondet:

ABBIT. SED ILLORUM DELICTO (per delictum, ruinam et lapsum Judæorum) **SALUS EST GENTIUM, UT ILLOS ÆMULENTUR.** — *q. d.* Adeo non sprevit omnino Deus Judæos, ut voluerit uti vocatione Gentium ad Judæorum conversionem; ideo enim Judæis, fidei obluantibus, vocavit ad justitiam et salutem Gentes, et Apostoli ad Gentes suam prædicationem transtulerunt, ut Judæi Gentium sanctimoniam, ac dona fidei et gratiæ Spiritus Sancti videntes, sancta quasi invidia excitarentur ad eos imitandos, fidemque Christi reciperent. Et hoc est quod ait, « ut eos æmulentur, » id est ut Gentes provocent « eos, » scilicet Judæos, ad æmulationem et sui imitationem. Hoc enim est *ut æmulentur*: nam idipsum significat Hebræum *אָפּהָרְבָּהּ* *kinna*, id est æmulari; et sic sumitur Græcum *παράκλησις*, vers. 14. Ita Origenes, Chrysostomus, Theodoretus et Ambrosius.

**Uno d-
ciente
alio eli-
gitur.**
Nota: Uno cadente et excidente a gratia et gloria, alius mox a Deo erigitur et destinatur ad eadentis coronam. Sic angelis labentibus, homines; Judæis incredulis, Gentes; uni genti cadenti

altera surrogatur et succedit. Hinc Apoc. III, 11, quisque monetur: « Tene quod habes, ut nemo accipiat coronam tuam, »

12. QUOD SI DELICTUM ILLORUM DIVITIÆ SUNT **Vers. 12.** **MUNDI, ET DIMINUTIO EORUM DIVITIÆ GENTIUM.** — *q. d.* Si Judæorum incredulitas et diminutio, id est paucitas credentium, Gentibus occasio fuit tanti boni et tantarum divitiarum spiritualium, scilicet prædicationis Evangelii (hæc enim a Judæis repulsa ad Gentes deflexit), fidei, justitiæ et salutis, ut quantum Judæi tum gratia, tum numero credentium imminuti sunt, tantum Gentes tam numero, quam gratia credentium ditarentur et crescerent.

QUANTO MAGIS PLENITUDO EORUM, — cum videlicet plena eorum multitudo, atque universus Israel in fine mundi credet Christo, supple, ditabit et provocabit, confirmabitque Gentes ad se imitandum; maxime cum multi ex Israelitis ab infantia in sacris Litteris versati, cum Elia et Henoch per orbem prædicabunt, et Christum a Scriptura efficaciter et clare Judæis demonstrabunt,

Nota: Non dicit Apostolus, conversio eorum, sed plenitudo; quia hæc appositè opponit eorumdem diminutioni. Est argumentum a minori ad majus: hoc enim contingit et sequitur per se, illud vero per accedens. Magis autem verisimile est futurum esse id, quod per se ex re quapiam natum est sequi, quam id quod tantum per accedens sequitur, *q. d.* Si de malo quod per se adversatur bono, puta de Judæorum incredulitate, per accidentariam occasionem divina sapientia tantum elicit bonum, puta conversionem omnium Gentium, quæ millies plures sunt Judæis; quanto magis ex bono, quod per se ordinatur ad bonum, puta ex Judæorum fide et conversione, eliciet idem Deus ingens bonum, puta Gentium in fide propagationem et confirmationem, ut ita per Judæos totus mundus ad florentem optimumque statum, adeoque ad salutem et gloriam æternam perducatur? En quam Apostolus Gentibus facit desiderabilem Judæorum fidem et conversionem, ut Judæis incredulis non insultent, sed iis condoleant et compatiantur, eosque verbo et exemplo convertere satagant. Ad idipsum mox Gentes incitat suo exemplo, dum subdit:

13. MINISTERIUM MEUM HONORIFICABO (1). — Nota **Vers. 13.** *ut honorificabo*, id est laudabo, honorifice peragam, illustrabo et exornabo prædicationem Evangelii apud Gentes; ut Spartam quam nactus sum, quæque mihi commissæ est, hæc exornem, quod Hebræi dicunt *אָבָהּ* *acabbed*, id est condecorabo,

(1) Commata 13-15 ad vers. 11 referenda sunt, *q. d.* Apostolus: Quia Judæi ad æmulationem sunt excitandi, illustrabo (operor ut fructiferum reddam) ministerium meum apud vos, ut exemplo vestro provocentur sanguinei mei ad Ecclesiam intrandam, quod maximi est momenti, nam eorum conversio totius mundi conversionem operabitur. Ita Allioli in h. l.

Cur dixerit Apostolus plenitudo?

glorificabo tam verbis quam factis. Unde Syrus vertit, מְשַׁבַּח *mesabbach*, id est gloriosam efficiam, encomiis celebrabo. Ita S. Bernardus, epist. 28 ad Arduitionem, Gebennensem Episcopum, eum hisce verbis exstimulat: « Paulum, inquit, imitari curato in honorificando ministerium tuum. Honorificabis autem gravitate morum, maturitate consiliorum, actuum honestate. Hæc sunt quæ officium Episcopale maxime nobilitant et ornant. » Et epist. 42 ad Henricum, Senonensem Archiepiscopum: « Non in corrigendis, inquit, sis remissior, non severior in parcendis, non pusillanimis in exspectandis. Nec superfluous in victu, nec notabilis in vestitu. Non citus ad promittendum, non ad reddendum tardus, nec prodigus dator. Istorum consilium longe semper faciet a vobis malum tempori vetus, sed cupiditati novum, simoniam et matrem ejus avaritiam, quæ est idolorum servitus. Et ut brevi omnia sermone concludam, si his credideritis in omnibus exemplo Apostoli, honorificabitis ministerium vestrum: ministerium, inquam, non dominium. Ipsum itaque honorificabitis, non vos. Nam qui quærit quæ sua sunt, se cupit honorari, non ministerium. » Novum deinde modum honorificandi subjicit: « Honorificabitis autem non cultu vestium, non eorum fastu, non amplis ædificiis, sed ornatis moribus, studiis spiritualibus, operibus bonis. Quam multi aliter! Cernitur in nonnullis sacerdotibus vestium cultus plurimus, virtutum aut nullus, aut exiguus. » Et paulo post: « Non Christi stigmata sunt hæc, quæ isti Martyrum exemplo circumferant in corpore suo: muliebria potius esse noscuntur insignia. »

Vers. 14. Quanti fecerit Judæos Apostolus. 14. SI QUOMODO AD ÆMULANDUM PROVOCEM CARNEM MEAM, — puta Judæos, qui mihi secundum carnem cognati et consanguinei sunt, q. d. Tanti facio Judæos eorumque salutem, ut non tam Gentium, quam Judæorum me Apostolum esse profitear. Nam ideo Gentium sum Apostolus, ut nimirum hoc meo apostolatu apud Gentes, provocem Judæos ad sanctam quamdam æmulationem; ut scilicet ipsi tam me, quam Gentes quas convertio, imitentur in fide et zelo Christi.

Vers. 15. 15. SI ENIM AMISSIO (abjectio, reprobatio: græce enim est ἀποβολή; S. Augustinus legit, *si rejectio*) EORUM (Judæorum) RECONCILIATIO EST MUNDI (puta occasio est conversionis et reconciliationis omnium gentium totius mundi, juxta sensum jam datum, vers. 12), quæ (qualis et quam læta erit) ASSUMPTIO (id est, ut Syrus, restitutio et adjunctio Judæorum ad Christum? sane non erit alia), NISI (talis qualis est) VITA EX MORTUIS, — si nimirum mortuus quis, vel potius plurimi mortui ad vitam resurgant, q. d. Si Judæorum incredulitas et abjectio Gentibus et universo orbi attulit occasionem reconciliationis, quia videlicet fides a Judæis repulsa ad Gentes pertransiit: quam gaudenda res erit, si etiam ipsi Judæi rursum assumantur ad fidem? Videlicet perinde erit ac si mortuus

quis ad vitam revocetur: imo ac si mundus ipse, qui Gentibus constat et Judæis, altera parte demortuus, integer plane reviviscat; quomodo mortuo ad vitam redeunte, gaudent omnes, et nemo dolet, aut detrimentum patitur. Ita Ambrosius.

Secundo, « nisi vita ex mortuis, » q. d. Judæis assumptis et conversis ad Christum, nihil jam restabit amplius (Gentes enim omnes ad Christum jam tum conversæ erunt), nisi ut veniat finis mundi, et mortuorum resurrectio, et redemptionis hominum consummatio, ut nimirum omnes tam Judæi, quam Gentes fideles et electi cum Christo transeant ad vitam et gloriam æternam. Ita S. Chrysostomus, Theodoretus, Anselmus, Cajetanus.

16. QUOD SI DELIBATIO SANCTA EST, ET MASSA. — Vers. 16. q. d. « Si delibatio, » hoc est primitiæ pastæ ciborum et panum Deo consecrentur, etiam tota reliqua massa vel pasta censetur quasi Deo consecrata. Alludit enim Apostolus ad Numer. xv, 29, ut patet, si græcos textus utrobique conferas. Utrobique enim est ἀπαρχή et ὄψαρα, pro quo noster interpres ibi *pulmenta*, hic *massam* vertit. Jam sensus est, q. d. Quandoquidem Judæorum primitiæ, id est, ut Chrysostomus, *Patriarchæ et Prophetæ*; et, ut Theodoretus, *Christus*; et, ut aptissime, Ambrosius et Anselmus, *Apostoli et primi Christiani* ex Judæis, ceu primitiæ oblatis sunt Deo et deputati ad fidem et sanctitatem, etiam reliquum corpus Judæorum Deo censetur oblatum et deputatum, atque morali quadam æstimatione et analogica quadam sanctitatis aspergine sanctificatum, quasi in spe, præparatione, semine ac familia, scilicet in sanctis progenitoribus. Est nova ratio, qua Paulus probat Judæos non esse respuendos, quasi a Deo rejectos et reprobos, ex eo quod ipsi sanctorum patrum sint filii, ideoque sancti, juxta sensum jam datum.

Nihil ergo hic habet Calvinus quo probet infantes fidelium esse sanctos, nec egere baptismo, ut sanctificentur: pari enim modo probaret Judæos incredulos esse sanctos, quia eorum parentes fuerunt sancti. De his enim ad litteram loquitur Apostolus. Simili modo I *Corinth. vii, 14*, non tantum filios, sed et conjugem vocat sanctum, si alter conjux sit sanctus, id est Christianus; quem tamen proprie per alterum conjugem sanctificari, nemo, ne ipse quidem Calvinus, dixerit.

ET SI RADIX SANCTA, ET RAMI. — Idem dicit alia metaphora, q. d. Si Patriarchæ sancti fuerunt et sunt: ergo filii eorum, puta Judæi, a sanctitate non sunt repellendi, inquit Theodoretus; imo ipsi in suis parentibus morali quadam denominatione jam sancti et sanctificati esse videntur, adeoque re ipsa sancti sunt, si suæ radici, id est fidei et sanctitati suorum parentum, inhæreant et insistant. Unde sequitur:

17. QUOD SI ALIQUI EX RAMIS (ex Judæis) FRAC TI SUNT. — Græce ἐκκεκοτόμενοι, *defracti sunt*, puta a

Judæis conversi omnia erant consummata.

Locus ex lib. Numer. illustratus.

Delibatio hic sunt Apostoli et primi Christiani.

Judæi cur non respuendi?

Rejicitur error Calvinianus negantis baptismum infantibus fidelium esse necessarium.

Quomodo filii in parentibus sanctificati dicantur?

Maximi gaudii occasio erit Judæorum conversio.

sua radice, scilicet a fide et iustitia suorum parentum exciderunt, eo quod fidem quam in Christum venturum habuerunt, in eum venientem abjecerunt. Pendet sensus hujus sententiæ a sequentibus, ibique expletur. Subdit enim Paulus :

Gentes oleæ agrestis comparantur. TU AUTEM (o popule Gentilis), CUM OLEASTER ESSES (ἀγριέλαιος, agrestis olea, et infrugifera bonorum operum, ob infidelitatem et impietatem, quia Gentilis), SOCIUS (particeps) RADICIS ET PINGUEDINIS OLIVÆ FACTUS ES, — puta fidei, gratiæ et pinguedinis Spiritus Sancti, quam Judæorum parentes habuerunt, maxime Abraham pater credentium ejusque posterii, qui fuerunt Ecclesia Dei : hæc enim est oliva.

Nomen olivæ, ait Anselmus, sumptum est ex *Jeremiæ xi, 16*, ubi de populo Israel dicitur : « Olivam uberem (hebraice *רענן* *raanan*, id est *virentem*), pulchram, fructiferam, speciosam, vocavit Dominus nomen tuum, » q. d. O Israel, o Synagoga, eras Domino quasi oliva virens et florens, cum eum sincere et fideliter coleres, in summa pace et rerum abundantia felix, beata ac famosissima inter Gentes. Sæpe Scriptura Ecclesiam et fideles comparat arboribus ; sic Christus est vitis, nos palmites, nos in hac vite et olea illi complantamur, et quasi plantæ et rami adolescimus. Vide dicta cap. vi, vers. 3.

Vers. 18. 18. NOLI GLORIARI ADVERSUS RAMOS (jam fractos, puta contra Judæos, incredulos) ; QUOD SI GLORIARIS, NON TU RADICEM PORTAS, SED RADIX TE. — q. d. Si tu, o Gentilis fidelis, insultas Judæo infideli, respondebitur et dicetur tibi, te tantum insertum esse radici, id est fidei et Ecclesiæ sanctorum Patriarcharum, Prophetarum et Apostolorum, qui omnes Judæi fuerunt, ab eaque te omnem gloriam et utilitatem sugere, idque gratis, ideoque rursum excindi posse ; ut et rami naturales, id est Judæi, ob superbiam effracti et evulsi sunt.

Vers. 19. 19. DICES ERGO : FRACTI SUNT RAMI, UT EGO INSERAR. — Tū ut hic et alibi, non finem, aut scopum a Deo intentum, sed tantum eventum et consecutionem significat, q. d. Fracti sunt et rejecti Judæi ab Ecclesia : unde factum et consecutum est, ut ego Gentilis Judæorum vice illi aggregarer et insererer.

Vers. 20. 20. BENE (et recte dicis ; sed scito, quod) PROPTER INCREDULITATEM FRACTI SUNT, TU AUTEM FIDESTAS (male Erasmus et Cajetanus putant vertendum, *stetisti*, vel *constitisti* ; nam Græcum *ἐστηκας* licet sit præteritum, vim tamen habet præsentis. Hoc enim creberrimum est Hebræis. *Stas* ergo, id est insertus es oleæ per fidem) ; NOLI (ergo) ALTUM SAPERE (id est superbire), SED TIME. — Gluten enim quo radici et oleæ jam dictæ uniris, scilicet fides, non est ita firma, quin ab ea excidere, et consequenter a radice separari possis, uti jam multas gentes ab Ecclesia separatas et a fide excidisse videmus.

Nota hic contra Calvinum, hominem posse

XVIII.

excidere a fide et gratia ; Gentes enim hæc veram habebant fidem, et tamen Apostolus minatur eis excidium a fide et Ecclesia. Sicut Judæi veram habentes Christi fidem, eo veniente, illam perderunt.

Rursum locus hic totus moralis est, excitans quemlibet fidelem ad timorem et diligentiam in officiis Christianismi, ne, si in iis negligens sit, a fide vel statu, vocatione et gradu suo excidat, sicuti Judæi exciderunt, et nostri apostatæ quotidie excidunt. « Optimus virtutum et beneficiorum custos est timor, » ait Anselmus. « Ideo, inquit S. Augustinus, *epist. 107*, non perseveraturi perseveraturis providentissima Dei voluntate miscentur, ne regenerati et pie vivere incipientes securi alta sapiamus. » Rursum ex hoc loco docet S. Chrysostomus, in *Moralit*, patrum merita filios degeneres non juvare. Audi et S. Bernardinum, *epist. 42 ad Henricum*, Senonensem Archiepiscopum : « Noli, ait, altum sapere, sed time. In alto positum non altum sapere difficile est, et omnino inusitatum. sed quanto inusitatus, tanto gloriosius. Timor de adepta jam altitudine, tædere magis quam placere facit altiora. Non vos ergo felices, quia præestis : sed si non prodestis, infelices putate. Ut autem secure præesse possitis, subesse et vos si cui debetis, non dedignemini. Dedignatio quippe subjectionis, prælationis reddit indignum. Sapientis est consilium : Quanto major es, tanto humilia te in omnibus. Sapientiæ vero præceptum : Qui major est vestrum, fiat sicut junior. »

21. SI ENIM DEUS NATURALIBUS RAMIS (Judæis, *Vers. 21.* expellendo eos a sua Ecclesia, amicitia et salute) NON PEPERCIT (time), NE FORTE NEC TIBI (Gentili insititio, si in fidem aut vitam Christianam pecces) PARCAT.

22. IN EOS QUIDEM, QUI CECIDERUNT, SEVERITATEM (quia incredulos Deus exclusit a se, sua gratia, amicitia et salute) : IN TE AUTEM BONITATEM (*χρηστότητα*, id est *benignitatem*, qua scilicet te ad suam gratiam, amicitiam et gloriam adscivit et accepit) DEI, SI PERMANSERIS IN BONITATE. — Hoc est, in fide Christi, ait Clemens Alexandrinus, lib. I *Pædag.*, cap. viii.

Secundo, Anselmus : « In bonitate, » inquit, hoc est in gratia et bonis operibus. Verum hæc non sunt genuina ; nam bonitas hæc non est hominis, sed Dei. Est enim eadem cum ea, de qua paulo ante dixit : « Vide in te bonitatem Dei. » Græce enim utrobique est *χρηστότης*, id est bonitas, benignitas. Sensus ergo est, q. d. Vide, o fidelis, Dei erga te bonitatem et benignitatem, si tu in hac Dei bonitate permanseris, nimirum si digne vivas illa benignitate, quam tibi præstitit Deus, illam laudando, illi gratias agendo, illi serviendo et obediendo, ut te semper eadem Dei bonitas suis favoris et curæ paternæ brachiis stringat, teneat, foveat et complectatur. Alioquin enim, si huic Dei bonitati ingratus sis, inobediens et rebellis et tu excideris ex hac olea Dei, id est Ecclesia.

13

Terseve-
rantia.

Nota $\tau\delta$ si permanseris. Hinc enim patet primo, quod perseverantia certum est signum et causa electionis et prædestinationis ad salutem et gloriam æternam. Hinc patet secundo, quod de perseverantia hac nemo sit certus. Vide S. Augustinum, lib. XI *De Civitate Dei*, cap. XII.

Vers. 23. 23. SED ET ILLI (Judei increduli) SI NON PERMANERINT IN INCREDULITATE, INSENERENTUR (in hanc oleam Ecclesiæ, de qua dixi vers. 17); POTENS EST ENIM DEUS ITERUM INSERERE ILLOS. — Nota in voce « potens est » miosin : $\tau\delta$ potens enim non nudam Dei potentiam, sed et actum effectumque significat, q. d. Si Judei suam perfidiam mutent in fidem, Deus per suam potentiam potest eos inserere, adeoque re ipsa potenter rursus inseret eos suæ Ecclesiæ. Similis est phrasis II *Corinth.* IX, 8.

Vers. 24. 24. NAM SI TU EX NATURALI EXCISUS ES OLEASTRO (puta ex gentilitate et paganismo, qui sterilis, incultus et agrestis fuit instar oleastri, sive oleæ agrestis et silvestris), ET CONTRA NATURAM (oleastri hujus) INSERTUS ES IN BONAM OLIVAM (Ecclesiæ, quæ culta est, fertilis et suavis, instar oleæ), QUANTO MAGIS II QUI SECUNDUM NATURAM (puta Judei, qui secundum naturalem propagationem prognati sunt ex hac olea, puta a fidelibus et sanctis Patriarchis, quibus promissio Messiæ facta est, qui proinde erant populus et Ecclesia Dei : Abrahæ enim dictæ sunt promissiones et semini ejus : Judei, inquam, si suam perfidiam deserant, et credant in Christum, rursus) INSENERENTUR SUÆ OLIVÆ, — pristinae scilicet Ecclesiæ Dei?

Hunc locum pulchre tractat S. Augustinus in *Psal.* LXXII, ubi in hac oleastri in olivam, puta Gentilis populi in Judaicum et fidelem, insitionem duo annotavit miracula. Prius est, quod dicat Apostolus oleastrum insertum esse in oliva, cum e contrario oliva inseri soleat in oleastro. Posterius est, quod oleaster ille insertus in oliva, non oleastri, sed olivæ fructus protulerit, cum in naturali insitione contrarium accidit : siquidem id quod inseritur ipsum est quod crescit, fructumque fert non arboris cui inseritur, sed sureali proprii qui fuit insertus. Atque hac de causa Paulus hanc insitionem appellat « contra naturam. »

Vers. 25. 25. NOLO ENIM VOS IGNORARE, FRATRES, MYSTERIUM HOC (quod sequitur, scilicet), QUIA (quod) CÆCITAS EX PARTE CONTIGIT IN ISRAEL, DONEC PLENITUDO GENTIUM INTRARET. — Probat hic Paulus id quod dixit, non ita Judæos esse exclusos ab Ecclesia et regno Dei, quin rursus illi inseri possint, ex eo quod de facto rursus illi inserendi sint post conversionem et insitionem Gentium. Idque Apostolus vocat *mysterium*, id est mirabile, arcanum et stupendum Dei judicium, et dispositionem, providentiam, permissionem et ordinationem, qua factum est et consecutum, ut misso Christo primo Judæi exacerarentur, hoc consilio, ut Gentes vocarentur ad salutem, ac deinde omnes Judæi illuminarentur, crederent et salvarentur.

UT NON SITIS VOBIS IPSIS SAPIENTES. — Ne vos pru-

dentis seu sapientes rati, efferamini et aliquid vobis insolenter arrogetis. Ita Theodoretus. Unde aliqui vertunt : « Ne sitis insolentes, » vel el di. Est ergo metalepsis, « ne sitis sapientes, » id est superbi. Sapientia enim parit superbiam. Loquitur Apostolus Gentibus fidelibus ne de sua fide, sapientia et prudentia superbiant et insolescant contra Judæos in sua incredulitate et cæcitate manentes.

QUIA CÆCITAS EX PARTE (id est aliquibus, inquit S. Chrysostomus et Theodoretus) CONTIGIT IN ISRAEL. — Pro cæcitas, græce est $\pi\acute{\omega}\rho\omega\varsigma$, id est obduratio. Sed $\pi\acute{\omega}\rho\omega\varsigma$ subinde idem est quod $\pi\acute{\iota}\rho\alpha\varsigma$, id est cæcitas. Ita Theodoretus, Syrus et alii.

DONEC PLENITUDO GENTIUM INTRARET. — Tò intraret per enallagen ponitur hic pro intret, q. d. Cæcitas erit in Israel, donec numerus eorum, qui ex Gentibus credituri sunt, plene compleatur, intretque in ovile Christi. Et sic post eos omnis Israel salvus fiet, et ex utraque Gentium ac Judæorum plenitudine, una plena et perfecta consurget existetque Ecclesia.

26. ET SIC OMNIS ISRAEL SALVUS FIERET. — Græce $\zeta\eta\eta\iota\sigma\tau\alpha\iota$, id est salvus erit, salvabitur. Aliqui hic Israel non carnalem, sed spiritalem accipiunt, puta omnes ex Judæis et Gentibus credentes et salvandos. Ita Theodoretus, Augustinus, Hieronymus, in cap. XI *Isaiæ*, Cæsarius apud Nazianzenum, *dialog.* 4. Verum patet Apostolum toto hoc capite agere de Israele carnali, non spirituali. Ita docent alii omnes Patres et interpretes Græci et Latini.

Unde secundo, melius S. Chrysostomus, Ambrosius, Origenes et Hilarius in *Psal.* LVIII : « Omnis Israel, » inquit, hoc est omnes Judæi. Quare ex hoc loco S. Chrysostomus, S. Thomas, Cajetanus et Sotus censent omnes omnino Judæos in fine mundi convertendos et salvandos esse.

Tertio et optime, « omnis Israel, » id est pene omnes, plurimi ex singulis tribubus Israel, excepta una tribu Dan, in fine mundi convertentur et salvabuntur. Excipio tribum Dan, quia ex hac nulli signantur inter 144 millia signatorum ex XII tribubus Israel, *Apocal.* VII. Unde multi putant Danitas adhesuros contribuli suo Antichristo. Sane S. Hippolytus, lib. *De Consumm. sæculi*, et multi alii docent, quod Antichristus præcipuos sectatores et propugnatores habebit Judæos. Idque satis significat Christus *Joan.* V, 43, et Paulus II *Thessal.* II, 10, ut ibi dicam. Ergo omnes omnino Judæi in fine mundi non convertentur ad Christum.

SICUT SCRIPTUM EST (*Isaiæ* LIX, 20) : VENIET EX SION, QUI ERIPAT, ET AVERTAT IMPIETATEM A JACOB. — Puta ab Israel; Jacob enim ab angelo vocatus est Israel, *Genes.* XXXII, 28, indeque omnes ejus posterii, puta Judæi, vocantur familia Jacob vel Israel.

Nota, pro ex Sion, hebraice est צִיּוֹן *letsion*, quod noster Interpres in *Isaia* vertit, « veniet

Sapientia arrogantis; circulum.

Judei illuminabuntur post Gentium adimpletam conversionem.

Vers. 26.

An omnes Judæi in fine mundi convertentur? Affirmant multi. Negant alii, et tribum Dan excipiunt, idque verius.

Sion, » id est *Sioni*; Septuaginta et ex iis Cyrillus vertunt, prout jam in iis legimus, ἔθενεν Σιών, propter Sion. Sed S. Hieronymus docet eos vertisse, ἐκ Σιών, ex Sion : idque verum esse, patet hic ex S. Paulo, et Hebræum ἡ subinde significat de, ut patet II Reg. xv, 49. Jam sensus est, q. d. Isaias : Ex gente et tribu Juda, quæ habitat in Sion, nascetur Christus, qui Jacobi, id est omnium tribuum Israel, iniquitatem auferet.

Christus nascetur ex habitatoribus Sion.

Vers. 27. 27. ET HOC ILLIS A ME TESTAMENTUM, — hoc est fœdus (de quo dicam I Corinth. xi, 25) quod ego Deus cum hisce Judæis credentibus inibo. Hoc fœdus Isaias, cap. LIX, sequentibus verbis explicat, dicens : « Spiritus meus qui est in te, et verba mea quæ posui in ore tuo, non recedent de ore tuo, et de ore seminis tui usque in sempiternum, » q. d. « Spiritus Sanctus qui est in te, » o Christe (ita Procopius et Cyrillus ibidem : volunt enim ipsi hæc esse verba Patris ad Filium); vel potius, « qui est in te, » o Jacob et Sion, id est, o Ecclesia ex Judæis congreganda, « et verba mea, » id est lex mea et præcepta mea, « non recedent de ore tuo; » sed ea exqueris et præstabis, tum fide, tum fidei professione et vita sancta, per gratiam et opem ejusdem Spiritus : novum enim Testamentum est fœdus gratiæ et Spiritus; sicut vetus Testamentum fuit fœdus legis, minarum et pœnarum, uti fusius describit Jeremias, cap. XXXI, 33.

Addit et explicat non Isaias, sed Apostolus, id fore, cum abstulerit Deus peccata eorum, in fine scilicet mundi, ut ait S. Chrysostomus et S. Augustinus, lib. XX De Civit., cap. xxix, per prædicationem Eliæ et Henoch, ut patet Malach. i, 5, et Apocal. xi, 3. Ex hoc ergo Apostoli loco; uti et ex Malachia, certissime statuitur traditio Ecclesiæ, de conversione Judæorum ad Christum in fine mundi.

Vers. 28. 28. SECUNDUM EVANGELIUM (cui adversantur Judæi) INIMICI (sunt Dei) PROPTER VOS, — ut vos, o Gentes, hac occasione recipiatis prædicationem et fidem. Ita Ambrosius et alii. Urget, repetit et inculcat hoc Apostolus, ut Gentes beneficium Evangelii sibi occasione Judæorum præstitum agnoscant, ideoque illis, licet incredulis, non indignentur, sed commisceantur.

SECUNDUM ELECTIONEM AUTEM (qua Deus olim Judæos in populum sibi elegit) DEO CHARISSIMI (sunt) PROPTER PATRES, — scilicet sanctos Patriarchas, Deo amicos, quibus Deus promisit se filios eorum in fine mundi ad Christum conversurum, electurum ad suam amicitiam, Ecclesiam et salutem, postquam Gentium plenitudo intrarit : Deus autem promissa sua servabit et complebit, ac propterea, cum in fine mundi Judæi fidem suscipient, lætissime suscipientur ab Ecclesia propter eorum patres. Ita Ambrosius, Origenes, Augustinus.

Vers. 29. 29. SINE PŒNITENTIA SUNT DONA, ET VOCATIO DEI. — « Sine pœnitentia, » græce ἀμετάνοια, impo-

nitibilia, id est *immutabilia*. Unde codex Basileensis legit ἀμετάλλατα, et Syrus vertit, non mutavit Deus donum suum et vocationem. Sensus est : Licet Judæi jam sint increduli, Deus tamen non revocat id, quod absolute dedit, vel promisit, ac consequenter quod Patriarchis promisit, puta vocationem, protectionem et amorem erga filios eorum, maxime convertendos in fine mundi : hoc re ipsa præstabit, q. d. Deus Judæos, quos olim ad se per Mosem vocavit, et promisit decrevitque ad Christum vocare, donisque gratiæ et gloriæ afficere, hosce jam de facto vocat, et maxime vocabit in fine mundi, eisque bona spiritualia quæ promisit, largietur : tunc enim Judæi pertæsi tot malorum et tam longæ suæ cæcitatibus et desolationis, per prædicationem et miracula Eliæ et Henoch, aperient oculos credentque in Christum.

Dens stabilis in promissis.

Notat S. Thomas et Cafetanus, hanc propositionem Apostoli : « Sine pœnitentia sunt dona, et vocatio Dei, » veram esse de vocatione efficaci et absoluta, quæ effectum suum consequitur, qualis est prædestinatorum. Hoc verum est, atque hoc loco ex præscientia conversionis Judæorum in fine mundi talis efficax intelligitur Dei vocatio. In genere tamen hæc propositio Apostoli etiam de inefficaci vocatione et gratia vera est, quantum est ex parte Dei. Sic Deus vocavit Hebræos, eisque promisit fertilitatem terræ Chanaan, sub conditione : Si impleatis legem meam; Judæi hanc conditionem non servarunt, unde Deus re ipsa non implevit subinde promissionem hanc suam. Sed quantum est ex parte sua, promissionem adimplevit, quia paratus erat dare, et de facto dedisset eis hanc fertilitatem, si ipsi conditione et pactis, id est lege sua, stetissent.

Sententia Apostoli tam vera est de vocatione efficaci,

quam inefficaci, quantum est ex parte Dei.

Secundo, Ambrosius sic explicat : « Sine pœnitentia sunt dona Dei, » q. d. Donum baptismi non indiget pœnitentia, sed sola fidei professione, quod sic intellige : Baptismus non indiget pœnitentia, scilicet satisfactoria. Nam aliqui baptizandus pœnitere debet et dolere de peccatis admissis. Ita S. Thomas. Verum hic sensus non est ad mentem Apostoli.

Explicatio S. Ambrosii minus propria.

Nihil ergo hic habent Novantes pro sua certitudine gratiæ singulorum fidelium et electorum, etiam teste Calvino : quia, ut ipse fatetur, Apostolus hic loquitur de electione, non cuiusque, sed totius gentis Judaicæ. Multo absurdius hinc inferat alius quispiam novator : « Sine pœnitentia sunt dona Dei; » ergo sine pœnitentia, per solam fidem Deus dat peccatoribus veniam et gratiam.

Refutatur certitudo gratiæ, quam sibi vane promittunt Novatores.

30. SICUT ALIQUANDO ET VOS (o Gentes) NON CREDIDISTIS, etc., PROPTER INCREDULITATEM ILLORUM (Judæorum) : 31. ITA ET ISTI (Judæi) NUNC NON CREDIDERUNT IN VESTRAM MISERICORDIAM (ut vos, o Gentes, ea occasione misericordiam prædicationis, fidei et gratiæ a Deo reciperetis) : UT ET Ipsi (Judæi) MISERICORDIAM CONSEQUANTUR, — ut provocati scilicet vestro exemplo, maxime cum vide-

Vers. 30.

Vers. 31.

Deus sanctis Patriarchis promisit conversionem posteroribus.

rint plenitudinem Gentium intrasse, credant in Christum, itaque misericordiam, gratiam et gloriam consequantur.

Vers. 32. 32. CONCLUSIT ENIM DEUS OMNIA IN INCREDULITATE, UT OMNIUM MISEREATUR, — *Concluit*, id est, convicit Deus successive omnes homines infidelitatis, inquit S. Chrysostomus et Theodoretus.

Secundo et melius, Origenes : *Concluit*, id est concludi permisit Deus omnes sub peccato, et sub incredulitate. Peccator enim peccato, quasi saxo vel carcere clauditur; quia ex eo sine Dei gratia egredi nequit.

Concludit Apostolus totam hanc disputationem suam ceptam cap. ix, eadem propositione, quam proposuit cap. i et ii, scilicet, omnes homines tam Judæos quam Gentes esse peccatores, et sub peccati iugo concludi, atque indigere gratia Dei et Christi, ut hac ratione tam Gentes quam Judæos humiliet, itaque utrosque ad concordiam redigat, utque donum Dei et gratiam, ac beneficium Christi illustret. Sed quod cap. i et ii dixit et ostendit de variis peccatis, id jam fidei necessitate demonstrata, concludit de uno peccato infidelitatis, q. d. Deus tam Judæos quam Gentes tenebris longæ infidelitatis successive et vicissim concludi permisit, ut eos ad fidem et gratiam suam vocaret ac liberaret, itaque gloriosam suam misericordiam omnibus patefaceret.

Nota primo : « Omnia, » id est omnes, ut habet Græcus et Syrus, scilicet tam Judæos, quam Gentes.

Nota secundo : Pro *incredulitate*, græce est ἀπίθεια, quæ idem est quod pertinacia non credendi, etiam auditis quibuscumque rationibus, q. d. impersuasibilitas. Verum Apostolus hic ἀπίθειαν tribuit etiam Gentibus : unde videtur ἀπίθειαν pro ἀπιστίᾳ, puta pro *infidelitate*, sumere.

Nota tertio : Cum ait : « ut omnium misereatur, » omnium intellige non hominum, sed nationum, id est tam Gentilium quam Judæorum. Est enim distributio pro generibus singulorum, non autem pro singulis generum. Ne quis ergo hinc cum Origene concludat, dæmones et damnatos aliquando salvandos fore. Ita S. Augustinus, lib. XXI *De Civit.*, cap. xxiv.

Vers. 33. 33. O ALTITUDO DIVITIARUM! (o profundas divitias! græce ὁ βάθος πλούτου, o profundum divitiarum, vel thesauri! q. d. O alta profunditas et profunda altitudo! ὁ βάθος! ὁ ἄβυσσος! o profundum! o abyssus! o profundum abyssi et abyssalem profunditatem divitiarum) SAPIENTIÆ ET SCIENTIÆ DEI!

Nota : *Altitudo* sæpe pro profunditate sumitur, quia profunditas, licet respectu nostri climatis descendat, tamen respectu alterius orbis et hemispherii tendit in altum; sic altus puteus vocatur profundus, et fossa alta, id est profunda.

Nota secundo : *o divitiarum* Ambrosius et Augustinus jungunt cum sapientia et scientia Dei, q. d. O altas divitias! o profundos thesauros sapientiæ et scientiæ Dei! o abyssalem et immen-

sam sapientiam Dei! Vide S. Augustinum, serm. 11 *De Verbis Apostoli*. Nomen enim *divitiarum* copiam et exuberantiam significat, uti et nomen *altitudo*. Verum S. Chrysostomus, Origenes et Theodoretus melius ista distinguunt: Græca enim et Syrus hæc tria distinguunt per copulam et : sic enim habent, ὁ βάθος πλούτου, καὶ σοφίας καὶ γνώσεως Θεοῦ, *O profundum divitiarum et sapientiæ et scientiæ Dei!* Huic distinctioni favent antecedentia et sequentia. Primo, quia Apostolus hic divinæ misericordiæ, de qua præcessit, non minus quam sapientiæ abyssum admiratur. Secundo, quia hæc tria ita distincta distinctim probat tribus sequentibus interrogationibus, scilicet, profundum sapientiæ, cum ait : « Quis cognovit sensum Domini? » profundum scientiæ, cum addit : « Aut quis consiliarius ejus fuit? » profundum divitiarum, cum subdit : « Aut quis prior dedit illi? »

Ubi abverte : per *divitias* accipit hic Paulus magnitudinem misericordiæ Dei, qua nos divites fecit in omnibus donis gratiæ et gloriæ, ut patet *Ephes.* i. Sensus ergo est, q. d. O profundam misericordiam, sapientiam et scientiam Dei! Misericordiam, qua omnium misertus est; sapientiam, qua, ut ait Gregorius, lib. XXIX *Moral.* xxviii, omnia concludi permisit sub peccato et infidelitate, quaque ita omnia dispensavit, ut primo negligeret gentes, ut sic Judæos eligeret; deinde Judæos rejiceret, ut sic eligeret Gentes; denique utrosque in fine eligeret et complecteretur. Scientiam, qua omnia futura distinctissime novit antequam fiant, ut Judæorum rejectionem, Gentium adoptionem et justitiam : quod hoc loco spectat Apostolus. Ob hoc enim exclamat : « O altitudo divitiarum sapientiæ et scientiæ Dei! » Et hoc ipsum est, quod a cap. ix hucusque per tria hæc capita docere et demonstrare intendit.

Si enim Deus Messiam misisset cum pompa, divitem, splendidum et magnificum quasi alterum Salomonem, Judæi eum recepissent. Rursum Deus mille alios modos habebat, quibus Judæos ad se traheret : sed noluit eos Judæis exhibere, voluitque unicum hunc justitiæ et salutis modum proponere, scilicet Messiam pauperem et crucifixum, quem sciebat a Judæis repudiandum, a Gentibus vero acceptandum. Si quæras, cur ita statuit, elegit et fecit Deus? non aliud respondere possum, quam quod Paulus hic respondet : « O altitudo divitiarum sapientiæ et scientiæ Dei! »

Nota tertio, quanta sit altitudo divinæ scientiæ : nam undecim modis et rationibus Dei scientia excellit et transcendit omnem scientiam angelicam et humanam. Primo, ratione objecti; Deus enim sua scientia cognoscit omnia præterita, præsentia, futura, omnia possibilea, atque seipsum quasi pelagus rerum omnium. Secundo, ratione modi et perfectionis in cognoscendo; cognoscit enim Deus omnia perfectissime, omni modo quo sunt cognoscibilia, ideoque omnia comprehendit. Tertio, ratione medi; Deus enim non per species, Tertia:

Græca et Syriaca lectio probatur

Divitiæ hic sunt immensa misericordia Dei.

Sapientia Dei hic quæram?

Scientia Dei hic quæram?

Rationes undecim quibus Dei scientia transcendit creaturam. Prima. Secunda.

Quarta. nec per effectus, sed per suam essentiam, quasi speculum clarissimum omnia cognoscit. *Quarto*, ratione celeritatis; in instanti enim, et uno mentis intuitu Deus omnia simul cognoscit. *Quinto*, ratione certitudinis; quia omnia, etiam contingentia, per se incerta, certissime cognoscit. *Sexto*, ratione æternitatis; quia nunquam ejus cognitio incæpit, nunquam desinet. *Septimo*, ratione uniformitatis; quia cognitio Dei est invariabilis, et eadem semper, non proficiens, nec deficiens. *Octavo*, ratione simplicitatis et unitatis; quia uno et simplicissimo actu intelligendi Deus et seipsum, et alia omnia cognoscit. *Nono*, ratione entitatis; cognitio enim Dei non est accidentaria, ut est in hominibus et angelis, sed est substantialis Deo, estque ipsemet Deus. *Decimo*, ratione causalitatis; quia cognitio Dei est idea et causa omnium rerum quæ fiunt. *Undecimo*, ratione fecunditatis et communicationis; quia Dei sapientia et scientia, quasi lux maxima, seipsam diffundit ad angelos, homines omniaque animalia, facitque cognosci et cognoscere omnia. Apostolus hic maxime considerat et miratur primum, quintum et decimum. Ita Pererius.

QUAM INCOMPREHENSIBILIA (Tertullianus, *Contra Hermogen.*, in fine, legit, *ininvestibilia*) SUNT JUDICIA ET INVESTIGABILES (ἀνεξιχνίαστοι, id est, non investigabiles, impervestigabiles) VIÆ (id est consilia, modi, opera, rationes providentiæ) EJUS!

Vers. 34. 34. QUIS ENIM COGNOVIT SENSUM (græce νόον, hoc est mentem, cogitationem) DOMINI? — Hæc judicia Dei sternunt quaecumque superbiam. « Dii (ait Comicus) homines quasi pilas habent. » Et Zeno Imperator : « Ludibrium Dei est homo; » ut homine quasi pila ludat Dei Sapientia in orbe terrarum. Hinc abyssus humanæ miseriæ invocatur abyssum divinæ misericordiæ, ait S. Augustinus. Pari modo abyssus humanæ ignorantie et insipientiæ invocatur abyssum divinæ scientiæ et sapientiæ.

AUT QUIS CONSILIARIUS EJUS FUIT? — *Consiliarius*, non tantum qui det consilium Deo, uti explicat Isaias (ad quem hic Paulus alludit), cap. xl, 13, sed etiam qui particeps et conscius sit consilii Dei; hic enim est σύμβουλος, q. d. Nemo est conscius consiliorum et arcanorum divinorum, ac proinde nemo scrutari debet cur, Judæis relictis, Gentes sibi jam asciverit Deus. Pulchre S. Bernardus, *epist. 107* : « Quis, inquit, cognovit sensum Domini, aut quis consiliarius ejus fuit? non equidem nullus, sed rarus. Soli sane qui veraciter dicere possunt : Unigenitus qui est in sinu Patris, ipse enarravit nobis. Væ mundo a strepitu. Clamat in populis iisdem Unigenitus tanquam magni consilii angelus : Qui habet aures audiendi, audiat. Et quoniam dignos non invenit sensus, quibus Patris committat arcanum, textit parabolas turbis; ut audientes non audiant, et videntes non intelligant. Cæterum amici sursum audiunt : Vobis datum est nosse mysterium regni Dei. Quibus et loquitur :

Nolite timere, pusillus grex, quia complacuit Patri vestro dare vobis regnum. Qui sunt hi? utique quos præscivit conformes fieri imaginis Filii Dei, ut sit ipse primogenitus in multis fratribus. Magnum secretumque innotuit consilium, novit Dominus qui sunt ejus. Sed quod notum erat Deo, manifestatum est hominibus. Nec alios sane dignatus est tanti participatione mysterii, nisi eos ipsos quos suos præscivit et prædestinavit. »

35. AUT QUIS PRIOR DEDIT ILLI, — quod non acceperit ab eo. Patet ex seqq.; tali enim titulo gratitudinis vere et proprie obstringeretur Deus, deberetque illi gratias agere, et par pari retribuere. Sensus ergo est, q. d. Nulli Deus ullo jure aut titulo obstringitur : quia nihil ab ullo accepit; quod prius non dederit illi. Nulli ergo Deus est debitor; ac proinde non est injustus, infidelis aut ingratus, si Gentes illuminet, Judæos vero in sua cæcitate relinquat.

Unde patet nihil hic contra merita dici. Nam, ut recte S. Augustinus, *De Verbis Apostoli*, serm. 16 : « Debitor nobis factus est Deus, non aliquid a nobis accipiendo; sed quod ei placuit promittendo nobis, ut dicamus ei : Redde quæ promisti, quia fecimus quod jussisti; et hoc ipsum quod fecimus tu fecisti, quia nos laborantes juvisti. » Hanc sententiam sumpsisse videtur Apostolus ex *Job xli, 2*, ubi ait Dominus : « Quis ante dedit mihi, ut reddam ei? » Porro neminem Deo quippiam primo dedisse, quod non acceperit ab eo, probat Apostolus illa sententia quam subdit, dicens :

36. QUONIAM EX IPSO, ET PER IPSUM, ET IN IPSO SUNT OMNIA : IPSI GLORIA IN SÆCULA. AMEN. — « Ex ipso, » scilicet ut primo effectore, omnia esse acceperunt; « per ipsum, » quasi directorem, omnia disponuntur, diriguntur, perficiuntur; « in ipso, » hoc est ejus virtute, omnia conservantur, durant, operantur. Græce εἰς αὐτόν, in ipsum, scilicet omnia respiciunt et tendunt.

Nota : Licet hæc tria convenient Deo, id est, tribus personis SS. Trinitatis; tamen, ut docet S. Augustinus, lib. I *De Trinit.*, vi, et ex eo passim doctores, præpositio ex appropriatur Patri, eumque insinuat, tanquam primum omnium principium, a quo omnia promanant, et a quo omnis potestas, actio et effectio profluit.

Per vero appropriatur Filio, quia per significat originem a Patre, et sapientiam per quam facta sunt omnia. Hinc et Gentiles Deum, puta Jovem, vocarunt Δία, id est per, de quo audi Aristidem, hymno in Jovem : « Est, inquit, Jupiter omnium rerum auctor et opifex, et per eum tum cœlestia, tum terrestria omnia efficiuntur, ut et nomen ipsum, a causæ vocabulo non procul remotum, declarat, cum Δία eum vocamus. Ζεύς quidem vocatur, quod vitæ omnibus et essentiæ sit auctor : rursum, efficienti causæ cognominem ipsum dicimus, Δις appellantes, quod per ipsum facta sint et fiant omnia. » Δις enim Græcis idem est quod

Deus nulli debitor.

Pulcher locus S. Augustini de eo quod Deus nobis debet.

Vers. 35.

Tō ex ay appropriatur Patri.

Per Filio.

Omnibus ignota Dei consilia.

Quid homino respectu Dei?

per, propter; unde notat causam efficientem. Rursum, *per* significat mediatorem, ostium, pastorem et viam nostram ad Patrem: quæ omnia competunt Filio. Ita S. Basilius, lib. *De Spiritu Sancto*, cap. v et xxvi.

In Spiritui Sancto. In denique appropriatur Spiritui Sancto, utpote cui attribuitur bonitas, amor, unio et perfectio. Est enim Spiritus Sanctus amor notionalis Patris et Filii, estque ipse in SS. Trinitate quasi finis, a quo ad aliam personam non fit progressus. Denique cum dicitur, *Ipsi gloria*, significatur unitas essentialis, ut Athanasius, Hilarius, Augustinus, Origenes, Gregorius et alii docent contra Arianos.

Ex ipso ergo Deo sunt omnia, scilicet quæ habent verum esse, ait D. Thomas. Peccata autem non habent verum esse, sed potius ab eo deficient; unde non sunt ex Deo. Hæc enim est ratio formalis peccati, quod sit defectus a bono, et consequenter ab esse: quidquid tamen materię et entitatis est in peccatis, id totum est ex Deo. Ita D. Thomas.

Arianorum hæresis ex D. Basilio confutatur. Hunc locum tractat S. Basilius, lib. *De Spiritu Sancto* contra Arianos, qui, ut ipse ait, syllabas observant. Unde cap. ii, per *τὸ ex quo* Ariani, inquit, volunt significari conditorem mundi; per *τὸ per quem*, operis ministrum et instrumentum; per *τὸ in quo*, tempus et locum operis. Ita ut Filius tantum sit instrumentum Patris: Spiritus Sanctus vero tantum locum aut tempus præbuerit rebus conditis. Contra hos cap. iii et seqq., ostendit S. Basilius, indifferenter Scripturam hisce propositionibus uti, easque singulas omnibus personis tribuere. Unde cap. v, hunc locum explicat de Deo et omnibus personis junctim. Ex ipso enim Deo omnibusque personis omnia creata sunt; per ipsum omnia conservantur; in ipsum (Græce enim est *ἐν*; αὐτὸν) universa se convertunt invincibili atque insedabili quodam desiderio et arcano affectu, tanquam ad principem suum et gubernatorem vitæ ac totius universi respicientia.

Spiritus Sanctus natus odus est nobis, non tamen ad mentem Apostoli hic. Rursum cap. xxvi, ostendit quomodo prepositio *in* tribuatur Spiritui Sancto, idque varie. Primo enim Spiritus Sanctus in nobis est tanquam forma in materia. Ipse enim in nobis est quasi forma divina, a qua spirituales dicimur. Secundo, Spiritus Sanctus in nobis est, quasi habitus, vel ars in artifice; sic enim ipse adest Sanctis ad opera virtutum et miraculorum exercenda. Tercio, Spiritus Sanctus in nobis est, velut totum in partibus, quia totas suas gratias partialiter in suos fideles distribuit. Quarto, Spiritus Sanctus in nobis est, uti locatum in loco: sic enim in Sanctis est, quasi in templo suo. Hæc vera sunt; sed huic loco non congruunt: Apostolus enim hic non dicit Spiritum Sanctum esse in nobis, sed e contrario nos et omnia esse in ipso, scilicet Spiritu Sancto.

Pari modo S. Chrysostomus, Theophylactus et Œcumenius nullam hic personarum distinctionem significant, quasi hæc tria, *ex ipso, per ipsum et*

in ipso, proprie ipsi Deo, et consequenter singulis personis, competant; idque faciunt ne Arianis dent occasionem dicendi Filium esse *per*, id est instrumentum Patris.

Verum melius Latini censent quod, licet hæc tria seorsim posita dentur cuius personæ, tamen cum junguntur, singula singulis approprientur. Ita S. Augustinus loco jam citato: ubi ex hisce tribus præpositionibus probat Trinitatem et æqualitatem in una essentia divina. Sic et S. Ambrosius, Anselmus et Gregorius, lib. XXIX *Moral.*, cap. xxviii.

Unde idem S. Augustinus, lib. I *De Doct. Christ.*, cap. v: « Nec facile, ait, invenio nomen, quod tantæ excellentiæ conveniat, nisi quod melius ita dicitur: Trinitas hæc, unus Deus, ex quo, per quem, in quo omnia; eadem una substantia; unus tamen non est alter; eadem tribus potestas, eadem eternitas, eadem incommutabilitas, eadem majestas; in Patre unitas, in Filio æqualitas, in Spiritu Sancto unitatis æqualitatisque concordia. Et tria hæc, unum omnia propter Patrem, æqualia omnia propter Filium, connexa omnia propter Spiritum Sanctum, » scilicet singulis appropriando hæc, quæ tamen re ipsa omnibus sunt communia. Ut nimirum omnia dicantur æqualia propter Filium, quia Filius primum est æquale Patri; pari modo omnia dicantur connexa propter Spiritum Sanctum, quia Spiritus Sanctus procedit, ut nexus, amor et concordia Patris et Filii.

Præclare et subtiliter S. Bernardus, lib. V *De Consider.*, cap. vi: « Quid est, inquit, Deus? non sane occurrit melius, quam, Qui est. Hoc ipse de se voluit responderi, hoc docuit, dicente Moyse ad populum, ipso quidem injungente: Qui est, misit me ad vos. Quid item Deus? Sine quo nihil est. Quid est Deus? Principium. Quid est Deus? Cui sæcula nec accesserunt, nec decesserunt, nec coæterna tamen. Quid est Deus? Ex quo omnia, per quem omnia, in quo omnia. Ex quo omnia, creabiliter, non seminabiliter, » *q. d.* Deus creavit omnia non ex semine (sic enim semen esset increatum, nec Deus illud, ac consequenter non omnia creasset); « per quem omnia, ne alium auctorem atque alium opificem arbitreris; in quo omnia, non quasi in loco, sed quasi in virtute. Ex quo omnia, tanquam uno principio auctore omnium; per quem omnia, ne alterum inducatur principium artifex; in quo omnia, ne tertius inducatur locus. Ex quo omnia, non de quo, quia non est materia Deus. Efficiens causa est causæ materialis; frustra Philosophi materiam quæerunt, non eguit materia Deus. Non enim officinam quæsit, non artificem. Ipse per se, in se omnia fecit. Unde? de nihilo. Nam si ex aliquo fecit, illud non fecit, ac per hoc nec omnia. »

IPSI GLORIA. — Hinc ex Apostolorum institutione et usu, ut docet S. Basilius, lib. *De Spir. Sancto*, cap. vii, xxvii, xxix, et ex eo Baronius, tom. III, anno Christi 325, cœpit a tempore Apostolorum *tri*, etc.

Egregius locus S. Augustini de SS. Trinitate, maxime contra Arianos.

Quando dici cœpit tam *Gloria Patri*, etc.

hæc doxologia SS. Trinitatis, Christianis mente et ore frequentanda : « Gloria Patri, et Filio et Spiritui Sancto ; » cui, ut habet Concilium Vasense, cap. v, Concilium Nicenum addidit : « Sicut erat in principio, et nunc, et semper, et in sæcula sæculorum, Amen. » Idque ut per hoc retunderet Arianos, qui dicebant : « Erat quando non erat, » id est, erat, scilicet tempus, quando non erat Filius.

Hieronymus, epist. ad Damasum, rogat eum ut post singulos psalmos jubeat addi : « Gloria Patri, et Filio et Spiritui Sancto. » Sed hæc epistola non videtur esse Hieronymi, videturque conficta. Hic enim mos addendi psalmis, « Gloria Patri, et Filio et Spiritui Sancto, » etc., fuit ante S. Hieronymum, ut dixi ex S. Basilio. Quin et Cassianus, cap. viii, lib. I, testis est suo tempore in Occidente post psalmos, quasi ex usu veteri, totum populum conclamare solitum : « Gloria Patri, et Filio et Spiritui Sancto. »

Gloria ergo Patri, ex quo omnia ; gloria Filio, per quem omnia ; gloria Spiritui Sancto, in quo omnia. Gloria Patri, ex quo omnis paternitas in cælo et in terra ; gloria Filio, per quem omnis filiatio ; gloria Spiritui Sancto, in quo omnis sanctitas et sanctificatio. Gloria Patri, ex quo æternitas ; gloria Filio, per quem omnis species et pulchritudo ; gloria Spiritui Sancto, in quo omnis felicitas et fruitio. Gloria Patri, ex quo omnis unitas ; gloria Filio, per quem omnis æqualitas ; gloria Spiritui Sancto, in quo omnis amor et concordia. Gloria Patri, ex quo omnis potentia : gloria Filio, per quem omnis sapientia ; gloria Spiritui Sancto, in quo omnis bonitas. Gloria Patri, qui me creavit, gloria Filio, per quem redemptus sum ; gloria Spiritui Sancto, in quo justificatus sum. Gloria Patri, qui me prædestinavit ; gloria Filio, per cujus sanguinem ablatus sum ; gloria Spiritui Sancto, in quo glorificabor in æternum. Amen

Quomodo
intelligi
glossam
Gloria
Patri,
etc.?
explicat
ur utili-
ter et pio
in eam :
gratum,
qui in
Hoc ex-
nuncis
sepe re-
p-tunt
hoc Glo-
ria Pa-
tri, etc.

A. quoad-
ditum,
Sicut
erat in,
etc.?

Antiquis-
sumus do-
xologia
Gloria
Patri,
etc.

CAPUT DUODECIMUM.

SYNOPSIS CAPITIS.

Incipit hic secunda pars epistolæ, qua Apostolus a fide et dogmatibus transit ad mores fidei consonos. Hoc ergo capite monet fideles, ut exhibeant se hostiam Deo, utque probent et sapiant quæ sit voluntas Dei bona, beneplacens et perfecta : nimirum primo, vers. 3, ut de susceptis donis non se efferant, sed sapiant ad sobrietatem, atque in modum membrorum ejusdem corporis, quisque suo dono contentus, eo rite utatur ad proximorum utilitatem.

Secunda
epistola
pars,
ethica.

Secundo, vers. 9, ut dilectioni sinceræ, prudenti, patienti et forti dent operam. Unde dilectionis officia et conditiones recenset.

Tertio, vers. 16, ut dilectioni jungant humilitatem, qua etiam bonum pro malo reddant, et vincant in bono malum. Christianis enim maxime commendandæ sunt hæc duæ virtutes, scilicet charitas ac humilitas. Hæc enim sunt compendium cæterarum, et in his duabus vita et perfectio Christiana consistit.

1. Obsecro itaque vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. 2. Et nolite conformari huic sæculo, sed reformamini in novitate sensus vestri : ut probetis quæ sit voluntas Dei bona, et beneplacens, et perfecta. 3. Dico enim per gratiam quæ data est mihi, omnibus qui sunt inter vos : Non plus sapere quam oportet sapere, sed sapere ad sobrietatem : et unicuique sicut Deus divisit mensuram fidei. 4. Sicut enim in uno corpore multa membra habemus, omnia autem membra non eundem actum habent : 5. ita multi unum corpus sumus in Christo, singuli autem alterius membra. 6. Habentes autem donationes secundum gratiam, quæ data est nobis, differentes : sive prophetiam secundum rationem fidei, 7. sive ministerium in ministrando, sive qui docet in doctrina, 8. qui exhortatur in exhortando, qui tribuit in simplicitate, qui præest in sollicitudine, qui misereatur in hilaritate. 9. Dilectio sine simulatione. Odientes malum, adhærentes bono : 10. charitate fraternitatis invicem diligentes ; honore invicem prævenientes : 11. sollicitudine non pigri ; spiritu ferventes : Domino servientes : 12. spe gaudentes ; in tribulatione patientes ; orationi instantes : 13. necessitatibus sanctorum communicantes ; hospitalitatem sectantes. 14. Benedicite persequentibus vos : benedicite, et nolite maledicere. 15. Gaudere cum

gaudentibus, flere cum flentibus. 16. Idipsum invicem sentientes : non alta sapientes, sed humilibus consentientes. Nolite esse prudentes apud vosmetipsos : 17. Nulli malum pro malo reddentes : providentes bona non tantum coram Deo, sed etiam coram omnibus hominibus. 18. Si fieri potest, quod ex vobis est, cum omnibus hominibus pacem habentes : 19. Non vosmetipsos defendentes, charissimi, sed date locum iræ. Scriptum est enim : Mihi vindicta : ego retribuam, dicit Dominus. 20. Sed si esurierit inimicus tuus, ciba illum : si sitit, potum da illi. Hoc enim faciens, carbonēs ignis congeres super caput ejus. 21. Noli vinci a malo, sed vince in bono malum.

Var. 1. 4. OBSECO ITAQUE VOS, FRATRES, PER MISERICORDIAM DEI (4), — διὰ τῶν ἐλεησµῶν, *per miserationes*, scilicet vobis, o Gentes, a Deo per Christum exhibitas, de quibus dixi totis tribus capitibus præced., q. d. Docui hactenus vos, o Gentes, per Dei gratiam et misericordiam ascitas esse ad justitiam et salutem, Judæos vero ab ea repulsos esse; nunc, ut a dogmatibus ad mores transeam, obsecro vos, o Gentes fideles, qui tantam Dei misericordiam, gratiam et justitiam consecuti estis, ut Deo grati sitis, ut digne Deo tantaque gratia vivatis, ut opere præstetis quod fides dictat, quodque Deus et Christus a vobis efflagitat.

Nota : ἐλεησµοί, hoc est miserationes, sunt illæ quas Hebræi vocant רַחֲמִים *rachamim*, id est viscera misericordiæ, hoc est visceralis misericordia et ex intimis visceribus commiseratio, cum scilicet quis alterius miseria ex intimis medullis commoveatur et tangitur, ut videatur velle sua viscera in eum effundere. Talis enim fuit hæc Dei in nos miseria, cum viscera sua ipsumque unigenitum suum Christum in nos effudit. De qua canit Zacharias, *Lucæ 1*: « Per viscera misericordiæ Dei nostri, in quibus visitavit nos oriens ex alto. » Viscera hæc ingens habent πάθος. Rursum per τὸν fratres, Apostolus gratiam sibi et benevolentiam fidelium, etiam Judæorum, conciliat.

Dei erga nos misericordia ex intimis velut visceribus profecta.

Vis vocis, Fratres.

Locus notandus Tertulliani de Christiana et spirituali fraternitate.

Secundo, vox fratres vim habet et energiam ad charitatem, aliaque quæ hic Apostolus fidelibus commendat, persuadendum. Nam, ut pulchre et vere ait Tertullianus, *Apolog. xxxix*, scribens contra Gentiles: « Fratres, inquit, vestri sumus, jure nostræ matris unius; etsi vos parum homines, quia mali fratres. At quanto dignius fratres et dicuntur et habentur, qui unum Patrem Deum agnoverunt, qui unum spiritum biberunt sanctitatis, qui de uno utero ignorantie ejusdem, ad unam lucem expaverint veritatis? Rursum ex substantia familiari fratres sumus, quæ penes vos (o Gentiles) pene dirimit fraternitatem. Itaque quia anima animoque miscemur, nihil de rei communicatione dubitamus: omnia indiscreta apud nos, præter uxores. » Unde addidit ibidem Tertullianus, hanc Gentilium de Christianis fuisse vocem

(4) Sequitur pars nujus epistolæ *paranetica*, in qua hoc tanquam primum ponit Apostolus, obstrictos esse Christianos ad vitam tantis beneficiis divinis dignam.

et sententiam : « Vide ut invicem se diligant, et ut pro alterutro mori sint parati ! »

UT EXHIBEATIS CORPORA VESTRA. — Græce παραστήσαι, id est, ut Syrus, דַּתְּקִימוֹן *dattekimun*, hoc est, ut sistatis, q. d. Sistite et offerte Deo corpora vestra, alienate illa a vobis, ac transferte ea tanquam hostiam vivam in Dei dominium, ut iis utamini, non ad libitum, sed ad Dei cultum et honorem. Ita S. Chrysostomus.

HOSTIAM VIVENTEM, — id est virtutibus deditam; quia caro viliis dedita mortua est, inquit S. Gregorius, *hom. 22 in Ezech.*, et S. Ambrosius hic: sic I *Petri 2*, dicitur: « Ut peccatis mortui justitiæ vivamus. » Verum hic sensus mysticus est. *Secundo* alii: *viventem*, inquit, id est charitate formatam. *Tertio*, *viventem*, id est quæ vitam, scilicet Christum, in se gerat et dicat: Mortem Jesu in corpore circumferimus, ut et vita Jesu in corpore nostro manifestetur. Sed et hæc mystica sunt.

Dico ergo: alludit hic Paulus ad veteres Judæorum et Gentium hostias, quæ occidebantur, illisque, teste S. Chrysostomo, opponit novas hostias viventes, q. d. Cum dico, ut corpora vestra exhibeatis hostiam Deo, non intelligo sic, ut illa occidi debeant, uti hostiæ boum mactantur, sed ut ex corporibus vestris, non occisis, sed viventibus et mortificatis, faciatis hostiam Deo. Corpus ergo fidelium et sanctorum est hostia vivens, *primo*, quia manet vivum; *secundo* et melius, quia se vivum per opera novæ vitæ spiritualis, puta charitatis, eleemosynæ, orationis et quarumvis virtutum Deo offert: ita Origenes et S. Chrysostomus. Omne enim opus, ait S. Augustinus in lib. X *De Civit.*, cap. v, quod fit, ut sancta societate Deo inhæreatur, generali nomine sacrificium est et hostia; *tertio* et propriissime, per actus mortificationis corpus fit hostia vivens, quia vivens mortificatur, castigatur, et spiritui ad omne spiritus officium exequendum, ad Dei honorem et obsequium subditur.

Est enim mortificatio, viva quædam mors: facit enim in corpore mori concupiscentias carnis, dum eas truncat, per vivos continentie, abstinentiæ, patientiæ et penitentiæ actus; ita ut corpus proprie sit hostia mortua, quia moritur suis vitalibus concupiscentiis, easque mortificat, occidit et immolat Deo: sit tamen idipsum quoque

Hostia vivens, corpus est Christiani hominis et pii, mortificatione castigatum.

Mortificationis officium.

hostia viva, per vivos contrariorum virtutum actus. Vult ergo Apostolus, nos semper cor nostrum exhibere Deo hostiam vivam; ut scilicet semper mortificationi corporis, id est concupiscentiarum corporis, incumbamus; itaque ad vitam quietam, sanctam et perfectam, adeoque ad martirium, si opus sit, pro Christo et pietate subeundum, nos comparemus. Hostes enim nostri sunt concupiscentiæ: si ergo eas vincamus et occidamus, hostiam offeremus Deo. Inde enim dicta est victima et hostia, uti canit Poeta:

Victima quæ cecidit dextra victricis, vocatur,
Hostibus a domitis hostia nomen habet.

Etymologia victima et hostia.

Immolanda victima, quæ per certa animalia significatur.

Pulchre Origenes: « Si superbiam, inquit, corporis tui vincas et reseces, immolas Deo vitulum; si iracundiam, arietem; si libidinem, hircum; si vagos et lubricos cogitationum volatus, columbam et turturum. » Rursus idem Origenes: « *Prima*, inquit, post Apostolos hostia, est martyrum; *secunda*, virginum; *tertia*, continentium; *quarta*, conjugatorum. »

Similiter notat hic D. Thomas triplicem esse hostiam: *primam* animæ, scilicet orationem; *secundam* corporis, scilicet mortificationem, jejunium, abstinenciam, castitatem; *tertiam* operum, scilicet elemosynam. Ita S. Cyprianus, lib. III, *epist.* 25, Nemesianum cæterosque ad metalla ob Christi fidem damnatos, dolentes quod ibidem Eucharistiæ sacrificio destituerentur, consolatur dicendo, ipsosmet factos esse hostias vivas Deo: « Celebratis, inquit, et offertis sacrificium Deo, et pretiosum pariter et gloriosum, et plurimum vobis ad retributionem præmiorum cœlestium profuturum, cum Scriptura divina dicat: Sacrificium Deo spiritus contribulatus, cor contritum et humiliatum, Deus, non despicies. Hoc vos sacrificium Deo offertis, hoc sacrificium sine intermissione die ac nocte celebratis, hostiæ facti Deo, et vosmetipsos sanctas atque immaculatas victimas exhibentes, sicut Apostolus adhortatur et dicit: Oro ergo vos, fratres, per misericordiam Dei, ut constituatis corpora vestra hostiam vivam, sanctam et placentem Deo. »

SANCTAM. — « Sanctum » est, quod Deo et Dei cultui dicatum, et ab omni, non tantum immundo, sed et profano usu separatum est. Jubet ergo Paulus hic corpus nostrum separari ab omni servitio iniquitatis, ut sanctissimo Dei servitio et cultui addicatur, *q. d.* Antea, o Romani, corpus vestrum servivit idolis, veneri, ventri, ambitioni; fuistis Martyres mundi et diaboli: jam serviat Deo soli, quasi Deo sanctum et consecratum.

Secundo, « sanctum » idem est quod purum et illibatum. Hostia ergo sancta est corpus impollutum et incontaminatum, ipsaque corporis castitas, puritas, integritas. Sic virgo dicitur « sancta, » id est pura, « et corpore, et spiritu, » I Cor. vii, 34.

DEO PLACENTEM. — Tò Deo potest referri ad *plac-*

entem cum nostro Interprete, vel ad *exhibeatis*, et ad omnia sequentia; idque aptius est et plenius, ut patet ex Græco. Vult enim Paulus nos sistere Deo corpus nostrum, quasi hostiam viventem, sanctam, placentem, ut nimirum ipsum sit *primo*, hostia viva Deo; *secundo*, sit hostia sancta Deo; ac denique sit hostia placens Deo. Sic enim habent Græca: Παραστήσαι τὰ σώματα ὑμῶν θυσίαν ζώσαν, ἁγίαν, ὑπάρεσκον τῷ Θεῷ. Addit Apostolus τὸ *placentem*, quia potest esse hostia in se sancta, sed non placens Deo, si nimirum eam offerens Deo displiceat.

Sic multi jejunant, peregrinantur, mortificant corpora sua, non mentem, non animum; quia superbi sunt, capitosi, rebelles et invidi, etc. Hinc Deo non placent ipsi, nec hostiæ eorum, utpote quæ a peccatoribus, qui in peccatis suis manent, offeruntur. Ideoque licet in se bonæ sint, tamen apud Deum nec gratiam, nec gloriam merentur. Ita S. Augustinus, lib. *De Falsa et vera pœnit.*, cap. xv, et S. Gregorius, lib. VII, *epist.* 126.

Nota: Alludit hic Paulus ad conditiones victimarum Judaicarum. *Primo* enim victima Aaronica debebat esse sine macula, integra et sana. Hinc « viventem » requirit Paulus. *Secundo*, per ipsam immolationem sanctificabatur, ut fas non esset eam contingi ab immundis. Sic hic requirit Paulus « sanctam, » ut scilicet per devotionem mentis corpus Deo consecremus. *Tertio* in ipsa crematione victimæ dicebatur ipsa fieri et esse in odorem suavitatis Deo. Sic hic requirit Paulus « Deo placentem. » *Quarto*, sal victimæ addebatur, ut patet *Levit.* II, 13. Sale autem significatur sapientia spiritualis. Unde Christus, *Marci* IX, 49, dicit: « Habete in vobis sal, » quo scilicet cum ratione et sapientia spirituali omnia agatis, et ad Dei gloriam referatis.

Hujus hostiæ altare, inquit Gregorius, hom. 22 in *Ezech.*, est cor, in quo scilicet ex mœrore compunctionis ignis ardet, et caro consumitur. Et tales, ait, quotidie in templo videmus, qui æterni iudicii memores se Deo sacrificium in lamentum compunctionis mactant, ut corpora sua castigantes, ea exhibeant hostiam sanctam, Deo placentem.

RATIONABILE OBSEQUIUM VESTRUM, — *q. d.*, ait Anselmus: Sic opera bona facite, ut eorum rationem reddere possitis.

Secundo, S. Basilius in *Brevior. regul.*, regula 230: Rationabile, inquit, sit obsequium vestrum, ut scilicet considerate et circumspecte, sana ratione rectoque consilio divinam impleatis voluntatem, ut rationem ducem sequamini, non animi impetum ac libidinem.

Tertio, D. Thomas sic explicat « rationabile obsequium, » *q. d.* Paulus: Corporum afflictio non sit nimia, sed moderata et rationabilis. Nam, ut inquit S. Bernardus, serm. 40 in *Cantica*: « Discretio est moderatrix et auriga virtutum, affectuum, morum; omni virtuti ordinem ponit, ordo modum tribuit, et decorum et perpetuitatem.

Frustra multi offerunt hostias in se bonas, sed propter offerentem Deo displicentes.

Quatuor conditiones victimæ: Indulce debent spiritualiter convenire victimæ Christianæ.

Altare et ignis hostiæ Christianæ.

Quid obsequium rationabile? Prima expositio. Secunda.

Tertia.

Discretionis commendatio.

Tolle hanc, virtus vitium erit. » Unde idem Bernardus alibi docet eum, qui in corpore edomando et mortificando indiscretus et nimis est, quatuor hæc injuste rapere, scilicet, « corpori effectum, animo affectum, proximo exemplum, Deo honorem. » Indequè concludit, « eum sacrilegi crimen incurrere, cum templo Dei vivo abutatur, Deoque debitum honorem deroget : quia nimirum casus unius alios quam plurimos terret, et a via spiritualis vitæ retrahit : » cum nimirum vident aliquem per nimium vitæ rigorem, nimiasque pœnitentias incidere in morbos, phantasias, ineptitudinem, et subinde mortem ipsam incurrere.

Quarta et optima.

Quarto et optime; « rationabile, » id est non corporale, uti olim erat Judæorum; sed spirituale sit « obsequium, » id est cultus vester et latria, ut habet Græcus. Rursum cultus vester hic non sit irrationalis, uti erat Gentium stulte idola colentium; sed sit rationalis, qui scilicet rationales homines decet; nimirum non pecudibus, sed fide, spe, charitate sacrificate; non idolis, sed Deo. Ita S. Chrysostomus, Photius et Theodoretus.

Unde Græce est λογικὴν λατρείαν, logicam, id est rationalem, latrām vel cultum, quo Deus colitur rationaliter, exhibete et præstate Deo. Porro λογική, sive rationalis, cultus est, quem recta ratio dicat. Recta autem ratio dicat, Deum magis interna fide, spe, pietate, amore et puritate mentis, quam externis corporis cæremoniis colendum esse, q. d. Paulus : Volo, o fideles, ut exhibeatis corpus vestrum, quasi hostiam Deo, non corporalem, non irrationalem, sed rationalem et spiritualem; ut scilicet a pura et sancta mente, ratione et spiritu, quasi animatum, vivificatum, directum et gubernatum Deo offeratur ipsum corpus, omnesque corporis motus et actus.

Quinta. Per rationabile obsequium, non intelligitur SS. Eucharistia.

Quinto alii : *Rationabile obsequium*, inquit, est sacrificium Eucharistiæ, scilicet corpus Christi humanum et rationabile, Deo oblatum : quia in Canone Missæ, et in Liturgiis S. Basilii et S. Chrysostomi Eucharistia vocatur *rationalis hostia*. Verum verba præcedentia hic exigunt alium sensum, scilicet illum quem assignavi; ait enim Apostolus : « Ut exhibeatis corpora vestra, » non autem corpus Christi, « hostiam Deo. »

Vers. 2.

2. Et nolite conformari huic sæculo. — Dixit Paulus de corporis hostia, jam agit de animæ oblatione, cujus perfectio sita est in duobus : primo, ut se retrahat a noxiis et maculantibus; secundo, ut se convertat ad ea quibus proficit et perficitur. Unde de primo ait Apostolus : « Nolite conformari huic sæculo; » de secundo : « Reformamini in novitate sensus vestri. » Nam, ut ait S. Augustinus, lib. XXII *De Civit.*, cap. xvi : « Ubi reformamur ne conformemur huic sæculo, ibi conformamur Filio Dei. »

Nota : Non ait, Nolite uti sæculo : hoc enim est impossibile. Utendum enim est nobis cibo, potu, quiete, recreatione, hominibus; sed, « Nolite con-

formari, » Græce μή συσχηματίζεσθε, ne configuremini, id est ne figuram mundi induatis, ut tales fiatis qualis est mundus et mundani, scilicet vani, superbi, ambitiosi, terrena tantum quærentes, non cœlestia.

SED REFORMAMINI IN NOVITATE SENSUS VESTRI. — q. d. Figuram mundi fugite, et novam mentis formam assumite; abjicite figuram fragilem veteris et carnalis vitæ, atque novam et stabilem formam vitæ spiritualis induite. Ubi adverte : Sæculo tribuit Paulus σχῆμα, id est figuram, figura enim parum durabilis est et externa. Significat ergo figura, sæculi inconstantiam et apparentiam potius quam existentiam. Novitati mentis tribuit μορφήν, id est formam, qua significatur soliditas rerum spiritualium, ac permanentia : forma enim constantior est et interior, et ad substantiam pertinet. Ita S. Chrysostomus.

Pro reformamini, græce est μεταμορφώσθε, id est, ut S. Cyprianus legit, epist. 77 ad Nemesianum, « transformamini, » ut scilicet transeat ex veteri figura in novam formam, q. d. Studete quotidianæ renovationi mentis vestræ, ut resecando vitia, virtutibus mens quotidie innovetur : sicque hac metamorphosi fiet, ut in dies transmutemini magis et magis in alios homines. Semper enim nobis quantumcumque profecerimus, hac metamorphosi et transformatione opus est.

Nota primo : Non ait, « innovamini, » nova opera facite; sed, « reformamini, » et formam pristinae novitatis assumite. Sicut enim ignis vehementius et diutius calefacit, quia formam habet et calorem, a quo manat calefactio; ita vult Paulus, ut novitatem, quasi formam induamus, ut per eam novitatis opera assidue operemur, q. d. Induite formam novitatis sensus, id est, ut græce est νόος, mentis; ut mentem virtutibus innovetis, ut diligatis et quæeratis ea quæ sunt mentis et spiritus, ut opera nova, spiritualia et divina edatis ex hac nova et divina forma Spiritus Sancti.

Nota secundo : Sicut vetustas in Scriptura est peccatum Adæ et omnia ex illo secuta, tum peccata, tum pœnæ et ærumnæ, uti concupiscentia, ignorantia, error, etc.; ita ex adverso novitas est remissio peccatorum, gratia, charitas, virtutes, alacritas, zelus; atque sicut in vetustatem jam dictam per peccatum recidimus, ita vicissim ab eadem renovamur per pœnitentiam ac fervorem, studiumque novæ vitæ.

De qua re pulchre S. Gregorius, lib. XXII *Moral.*, cap. iv : « Animus noster, inquit, dum igne amoris excoquitur, semper in se servat claritatem pulchritudinis quotidiana innovatione fervoris; nescit enim mens per torporem veterascere, quæ studet per desiderium semper inchoare. Hinc namque per Paulum dicitur : Renovamini spiritu mentis vestræ. Hinc Psalmista, qui ad perfectionis jam culmen pervenerat, quasi inchoans dicebat : Dixi, nunc cœpi, quia videlicet nisi

Figura sæculo tribuitur, quia transitio. Forma renovationi spiritus, quia permanentis.

Reformationi studendum.

Quid vetustas in Scriptura?

Quid novitas?

Egregius locus S. Gregorii de studio renovationis.

In quibus sita animæ perfectio oblatio?

lassescere ab inchoatis volumus, valde necesse est ut inchoare vos quotidie credamus. »

S. Antonii moribundi ad perpetuam spiritus renovationem exhortatio. Quare S. Antonius moriturus suis discipulis hoc unicum vitæ præceptum, quasi stimulum ad omnem virtutem dedit, teste S. Athanasio in ejus Vita : « Hoc, inquit, sit primum cunctis in commune mandatum, nullum in arrepti propositi vigore lassescere, sed quasi incipientem augere semper debere quod cœperit. Ego quidem, filioli, secundum eloquia Scripturarum, Patrum gradior viam : jam enim Dominus me invitat, jam cupio videre cœlestia. Sed vos, o viscera mea, admoneo, ne tanti temporis laborem repente perdat; hodie vos religiosum studium arripuisse arbitramini, et cœptæ voluntatis fortitudo succrescat. »

Alia Barlaami ad Josaphat. Simile præceptum Barlaam moriturus Josaphat olim regi, jam discipulo suo et anachoretæ dedit, teste Damasceno, in *Historia Barlaam et Josaphat*, cap. xxxix : « Nunc, inquit, quandoquidem mortis meæ tempus instat, atque collactanea et mihi æqualis ea cupiditas, quæ, ut cum Christo essem, semper me tenuit, jam expletur; tu quidem corpus meum terræ conde, pulverique pulverem redde. Post autem ipse in hoc loco hære, susceptum spiritualis vitæ genus persequens, meæque tenuitatis memoriam retinens. Tu vero, fili, ne religiosæ exercitationis laborem metuas, neque ad temporis longitudinem, ad dæmonum insidia elanguescas : quin potius ipsorum imbecillitatem Christi virtute communitus audax irride. » Addit deinde stimulum, dicens : « Ad laborum autem duritiam ac temporis diuturnitatem animo ita comparatus esto, tanquam quotidie discessum e vita exspectans, atque eundem diem tibi vitæ monasticæ tum initium, tum finem esse existimans. Sic semper ea quæ a tergo sunt, obliviscens, atque ad ea quæ a fronte sunt teipsum extendens, ad destinatum persequere, ad bravium supernæ vocationis Dei in Christo Jesu. »

Rursus alia S. Francisci. Simili stimulo se et fratres suos ad vitæ renovationem et spiritus fervorem sub vitæ finem incitabat S. Franciscus, ut refert S. Bonaventura in ejus Vita, cap. xiv : « Incipiamus, fratres, ait, servire Domino Deo nostro, quia usque nunc parum profecimus. Flagrabat etiam S. Franciscus, inquit Bonaventura, desiderio magno ad humilitatis redire primordia, ut leprosis, sicut a principio, ministraret, corpusque jam præ labore collapsum revocaret ad pristinam servitutem. Proponebat, Christo duce, se facturum ingentia, et fatiscientibus membris, spiritu fortis et fervidus, novo sperabat certamine de hoste triumphum : neque enim languor, vel desidia locum habet, ubi amoris stimulus semper ad majora perurget. »

UT PROBETIS QUE SIT VOLUNTAS DEI BONA, ET BENEPLACENS, ET PERFECTA. — « Ut probetis, » hoc est, ut exquiratis et consideretis, inquit Origenes.

Secundo et melius, « ut probetis, » hoc est, experiamini, et quodam judicio ac gustu spirituali agnoscatis, et, ut Syrus, distinguatis, sapiatis et

sentiat, quid a vobis requirat Deus, quid sit ab eo volitum, puta quid sit bonum, quid beneplacens, quid perfectum.

Ubi adverte : Quo magis reformamur spiritu mentis nostræ, eo magis illustramur a Deo, magisque purgata mente probamus et sapimus quid sit bonum, melius et optimum, a Deo volitum Deoque gratum.

Nota : Apostolus hic distinguit triplicem voluntatem Dei : alia enim est « bona, » alia « beneplacens, » alia « perfecta. »

Quæres quomodo hæc tria distinguenda sint? Respondet *primo* S. Anselmus : « Voluntas Dei bona, » inquit, est in incipientibus et conjugatis; « beneplacens » est in proficientibus et continentibus; « perfecta » est in perfectis et in virginibus.

Secundo, alii : « Voluntas bona, » inquit, est ea quæ non est ab irato Deo. Rursum, « voluntas bona » est ea quæ vult id quod absolute bonum est : talis autem non est ea quæ vult id quod tantum permittitur ex indulgentia, quomodo permittuntur secundæ nuptiæ, ait Comment. S. Hieronymo ascriptus.

Tertio, S. Chrysostomus : « Voluntas bona, » inquit, est lex vetus; « beneplacens, » est Evangelium, quod præstat legi veteri. Rursum S. Basilii in *Regulis brevior.*, interrog. 276 : « Voluntas Dei bona » est, inquit, ut velimus id quod in se; et ex genere suo bonum est. « Beneplacens, » cum fit illud Apostoli : Omnia ad gloriam Dei facite; et : Omnia honeste, et secundum ordinem fiant. « Perfecta, » cum nulla ex parte manca est, sed quoad omnia recta et perfecta.

Quarto et optime, voluntas hic idem est quod volitum, seu id quod vult Deus a nobis fieri. Sensus ergo est, q. d. Ut sciatis quæ sit voluntas Dei bona, id est quid Deus a nobis velit fieri bonum; et beneplacens, id est melius; et perfectum, id est optimum et sibi gratissimum. Sunt enim hi tres gradus boni voliti a Deo, seu boni quod a nobis requirit Deus. Idipsum clarius significat textus Græcus, qui sic habet, τὸ τὸ θέλημα τοῦ Θεοῦ, τὸ ἀγαθὸν καὶ εὐάρεστον καὶ τέλειον. Quod S. Augustinus, lib. X *De Civit.*, cap. vi, Ambrosius et Chrysostomus vertunt, « ut probetis quæ sit voluntas Dei, quod bonum et beneplacitum et perfectum, » id est quid sit bonum, melius et perfectum, ut habet Commentarius Hieronymi.

Loquitur Apostolus de voluntate signi, sive præcepti et consilii, quam Deus hominibus adimplendam proponit; non autem loquitur de voluntate beneplaciti Dei, hæc enim necessario adimpletur. Non bene ergo Cajetanus τὸ beneplacens refert ad homines, quibus Dei voluntas grata est et suavis, ideoque placet : vult enim Apostolus per gradus sensim in dies nos proficere et ascendere : ut *primo* bona, *secundo* meliora, *tertio* optima Deoque gratissima sapiamus et operemur.

Videtur autem Apostolus in sequentibus hanc triplicem Dei voluntatem explicare, et in particu-

Fructus reformationis interioris.

Triplex Dei voluntas secundum Apostolum quænam? Prima expositio.

Secunda.

Tertia.

Quarta et genuina.

Refertur Cajetani expositio.

Quibus ab Apostolo

tolo des-
cribatur
Dei vo-
luntas
bona?

Benepla-
cens.

Perfecta.

lari describere; nimirum voluntatem bonam describere a versu 2 ad 3, quod scilicet ea consistat in eo, ut sapiamus ad sobrietatem, utque officio nostro juxta gratiam nobis datam rite et modeste perfungamur; voluntatem vero Dei beneplacentem videtur describere a vers. 9 et 16, scilicet, quod illa consistat in dilectione sincera, fervida, forti et liberali; denique voluntatem Dei perfectam videtur describere a vers. 16 ad finem capituli, scilicet, quod illa consistat in charitate perfecta, quæ sibi conjunctam habet humilitatem insignem, qua etiam inimicos amore præveniamus, eisque bonum pro malo reddamus, adeoque vincamus in bono malum. Hæc enim est perfecta charitas et Deo gratissima, ideoque perfecta Dei voluntas. Quocirca S. Clemens, lib. II *Constit. Apost.*, cap. LXV, hæc refert ad salutem animarum: « Nos, inquit, audivimus ex ore Domini nostri Jesu Christi, et optime edocti dicimus, quænam sit voluntas Dei bona, beneplacens et perfecta, quæ nobis per Jesum Christum declarata est; scilicet ne ullus pereat, sed potius omnes homines, cum ei uno consensu crediderint, laudibus eundem uno animo et ore celebrantes, iidem in sempiternum vivant. » Hinc inter hujus bonæ voluntatis actus et officia Apostolus vers. 7 ponit doctrinam, exhortationem, misericordiam, hospitalitatem, etc.

Vult ergo Apostolus, ut primo bene, mox melius, ac demum perfectissime sanctissimam Dei voluntatem in omnibus cognoscere et complere studeamus: hæc enim Dei voluntas regula est, mensura, fons et origo omnis virtutis et sanctitatis, cui proinde nostra voluntas plane conformanda est, si sancti et perfecti esse velimus.

Rarum
exem-
plum
confor-
mantis se
voluntati
divinæ.

Cujus rei memorabile exemplum narrat Divus Taulerus, in *Colloquio theologi et mendici*, pag. 683, quod quia rarum est, et clare ostendit punctum et apicem perfectionis Christianæ, quem hic tangit et præscribit Apostolus, multisque ad illum magno fuit documento et incitamento, hic adscribam: « Fuit, inquit, olim insignis quidam Theologus, qui annis octo precibus continuis a Domino id cupiebat obtinere, ut ipsi hominem quemdam ostenderet, qui eum viam veritatis edoceret. Cumque vice quadam vehementissimo hujus rei flagraret desiderio, vox quædam cœlitus lapsa, ita ipsum allocuta est: Exi foras ad limina templi, et offendes illic hominem, qui te viam veritatis edoceat. Exiens igitur invenit mendicum quemdam diruptis, sordidis, lutosus pedibus, cujus vestes in universum vix tribus obolis supputares: quem salutans ita affatus est: Det tibi Deus prosperum mane. Respondit mendicus: Non memini me unquam adversum mane habuisse. Et Magister: Eia, inquit, ut fortunatum te faciat Deus. Quid ita loqueris? Respondit mendicus: Sed nec infortunatus aliquando fui. Et ille: Felix esto, ait: quid sibi hæc tua verba volunt? Et pauper: Nunquam, ait, infelix fui. Rursus itaque

Magister: Salvete, inquit, te Deus. Jam, nunc apertius loquere; neque enim capio quid dicas. »

Audi jam divinum animum: « Tum pauper respondit: Id faciam libenter. Optabas mihi, Magister, prosperum mane, et ego me nunquam adversum mane habuisse respondi: quando enim fame premor, Deum laudo; si frigus patior, si grandis, si nix, si pluvia cadit, si aura serena est vel turbulenta, Deum laudo; si miser sum atque despectus, Deum similiter laudo, et ideo nunquam triste mihi mane contigit. Optabas etiam me fortunatum fieri, et ego nunquam me infortunatum fuisse respondi: novi enim cum Deo vivere, certusque sum, quidquid ille facit, non posse non esse optimum. Unde quidquid ipse vel dabat, vel evenire mihi permittebat, sive gratum id esset, sive contrarium, dulce vel amarum, lætus id tanquam optimum ab ipso suscepi, et ideo nunquam infortunatus fui. Dicebas præterea, ut felicem me faceret Deus; ad quod similiter, nunquam me infelicem fuisse subjunxi: soli namque divinæ voluntati inhærere statui, in quam sic integre omnem meam transfudi voluntatem; ut quidquid ille vult, et ego velim, et meam ipsi voluntatem ex integro resignarem. »

Quis for-
tunatus
et vere
felix?

Audi sublimiorem philosophiam: « Hæc cum mendicus ille retulisset, ita eum rursus Magister affatus est: Quid, obsecro, dicturus esses, si te Dominus Majestatis in abyssum demergere vellet? Et ille: In abyssum, inquit, me demergeret? Et revera si id faceret, duo mihi brachia sunt, in quibus eum amplexarer. Unum est vera humilitas, et hoc illi suppono, atque per ipsum sacratissimæ humanitati ipsius unitus sum. Alterum, idemque dexterum, est amor, qui divinitati ipsius unitus est, atque per hunc ipsum circumplector, ita ut mecum ad infernum descendere cogeretur. Optatius autem mihi foret in inferno cum Deo esse, quam vel in cœlis sine illo. Ex his igitur Magister ille didicit, veram resignationem cum humilitate profunda compendiosissimam ad Deum semitam esse. »

Audi sapientiæ apicem: « Dehinc iterum ex illo mendico percunctatus est, unde venisset. Cui ille, a Deo se venisse respondit. Cumque Magister, ubi eum reperisset, sciscitaretur: Ibi, inquit ille, ubi creaturas omnes dereliqui. Et Magister: Ubi vero, ait, Deum reliquisti? Respondit pauper: In mundis cordibus, et hominibus bonæ voluntatis. Et Magister: Quisnam, ait, es tu? Respondit ille se regem esse. Sciscitante Magistro, ubinam esset regnum ipsius; in anima sua id esse respondit. Sic enim, ait, et externos et internos sensus meos regere novi, ut cunctæ affectiones et vires animæ meæ mihi subditæ sint. Quod perfecto regnum cunctis mundi hujus regnis præstantius esse nullus ambigit. Et rursus Magister: Quid, inquit, ad hanc te perfectionem perduxit? Respondit pauper: Nimirum silentium meum, sublimes meditationes, et unio cum Deo. In nulla re quæ Deo minor foret, quiescere potui. Jam vero Deum

Ubi Deus
inveniri
queat?

meum inveni, et in ipso pacem et quietem habeo sempiternam. »

Vers. 3. 3. DICO ENIM. — *q. d.* Hæc quæ jam dicam, sunt opera Deo placentia et perfecta, quæ dixi vos debere facere : nam vox enim dat causam præcedentium, cum eisque hæc sequentia connectit, *q. d.* Dixi, ut probetis quæ sit voluntas Dei. Hæc est enim voluntas Dei, ut non plus sapiatis quam oportet, sed sapiatis ad sobrietatem, etc.; quæ plene vos facere convenit, si veri Christiani esse velitis. Addit Apostolus se hæc dicere *per gratiam sibi datam*, hoc est per peritiam spiritualem et sapientiam a Spiritu Sancto sibi aspiratam. Ita Ambrosius.

Secundo, « per gratiam, » qua scilicet se gratum et acceptum esse sciebat Romanis fidelibus, ut libere quidvis eis dicere auderet. Ita Origenes.

Tertio et optime, « per gratiam, » id est per apostolatam, vel munus Apostolicum gratis mihi a Deo datum, *q. d.* Ex munere, officio et auctoritate Apostolica dico et edico ea quæ sequuntur.

NON PLUS SAPERE QUAM OPORTET SAPERE ; SED SAPERE AD SOBRIETATEM, — *q. d.* Servare oportet modum et medium in omni virtute : virtus enim, si in extrema defluat, fit vitium, inquit Origenes.

Secundo, S. Irenæus, lib. V, cap. xx ; S. Augustinus, *epist.* 47 ; Gregorius, hom. 3 in *Ezech.*, et Anselmus, sic explicant, *q. d.* Ne sitis curiosi in rebus fidei perscrutandis, ut sapere velitis plura et ultra quam fides sana doceat aut permittat ; hic enim est fons hæresium.

Tertio, S. Chrysostomus sic exponit, *q. d.* Non plus de se existimare oportet, quam par est ; sed existimare sobrie, parce et cum modestia, ut vertit Syrus ; maxime ne superbe et petulanter sibi quis aliquid tribuens et arrogans, ut sequitur, ultra sui talenti mensuram sese extendat, et alieno talento officioque se ingerat, v. g., ut Grammaticus iudicium sibi arroget de rebus theologis, ut plebeius de rebus sacris discernere velit. Ita Ambrosius et Basilii in *Reg. brevior.*, regul. 264. Hunc esse sensum patet ex sequentibus.

SED SAPERE AD SOBRIETATEM. — Græce εἰς τὸ σωφροσύνην, id est, εἰς σωφροσύνην, quod Irenæus, lib. V, cap. xx, vertit, « sapite ad prudentiam ; » Hieronymus, lib. I *Contra Jovinian.*, « sapite ad pudicitiam ; » S. Augustinus, *epist.* 47, « sapite ad temperantiam. Temperantia autem, ait Augustinus, est modus et temperamentum quo quisque uti debet, ut intra suos terminos se coerceat. » Et hoc noster Interpres vult, cum vertit, « sapere ad sobrietatem. » Hoc enim proprie est σωφροσύνη, vel, ut pulchra paronomasia habent Græca, φρονεῖν εἰς σωφροσύνην, quasi dicas, *sapere ad sapere sobrie*. Hinc S. Chrysostomus et Syrus vertunt, *sapite ad modestiam*, id est *ad humilitatem*. Græcum σωφροσύνην, ait S. Chrysostomus, dicitur ἀπὸ τοῦ σωᾶς τὰς ψυχὰς εἶναι, id est, ab eo quod mentes habeantur sanæ ; sanas autem facit modestia et humilitas. Nam immodestus et superbus mente valere

nequit, id est firmus consistere, sani et constantis iudicii ac propositi esse nequit, sed desipit, exorbitat et quovis demente furiosior fit, inquit S. Chrysostomus (1).

Hinc moraliter hæc Apostoli verba explicans S. Bernardus, serm. in illud *Proverb.* III, *Beatus homo qui invenit sapientiam* : « Sobria, inquit, sapientia est, in pœnitentia peccatorum præteritorum, in contemptu præsentium commodorum, in desiderio futurorum præmiorum. Invenisti plane sapientiam, si prioris vitæ peccata defleas ; si hujus sæculi desiderabilia parvipendas, si æternam beatitudinem toto desiderio concupiscas. Invenisti sapientiam, si tibi horum singula sapiunt prout sunt, ut hæc quidem amara et omnino fugienda, ista quoque velut caduca et transitoria contemnenda, illa vero ut perfecta bona totis appetenda desideriis, intimo quodam animi sapore dijudices et discernas. » Subdit deinde : « Atque hæc quidem sobria est sapientia, et vomitum nescit, ubi et timoris frigus ex recordatione peccatorum, et charitatis fervor ex appetitu divinarum promissionum, tepiditatem amovet earum quæ non sunt pessimorum occupationum ; ut nec evomas sapientiam, nec evomaris ab ea. »

ET UNICUIQUE SICUT DEUS DIVISIT. — Tò et legunt Romana, non Græca, estque legendum ut sensus constet. Sensus enim est, *q. d.* Dico quemque debere sapere ad sobrietatem, et sapere (τὸ enim sapere hic repetendum est) eo modo et mensura sicut Deus unicuique divisit.

UNICUIQUE SICUT. — Est hyperbaton. Rectus enim ordo exigit, ut hæc verba transponas, et dicas : « Sicut unicuique divisit Deus ; » nisi malis referre hæc altius ad verbum dico, *q. d.* Dico unicuique vestrum, ut sapiat, sicut Deus ei divisit et disperstitus est suam mensuram fidei et sapientiæ.

MENSURAM FIDEI. — *Primo*, S. Augustinus et Irenæus locis jam citatis sic explicant, *q. d.* Intra fidei mensuram et terminum debet se omnis intellectus humanus continere.

Secundo, Toletus per *mensuram fidei* accipit mensuram fidelitatis, hoc est, ea talenta, functiones et gratias, quas quisque accepit a Deo et Ecclesia, ut fideliter eas dispenset et administret ; ut sit metonymia, qua functiones cujusque fidei commissæ vocentur fides, sive mensura fidei.

Tertio et optime, S. Chrysostomus, Theodoretus, Origenes, Ambrosius et Œcumenius : Fides, inquit, metonymice capitur pro donis fidei et gratiæ, maxime externis et visibilibus, quæ in primitiva Ecclesia fidelibus conferebat Spiritus Sanctus. Unde vers. 6 et seq., hanc mensuram fidei vocat Paulus charismata, id est donationes Spiritus Sancti differentes, scilicet, quod Spiritus Sanctus huic dederit prophetiam, illi doctrinam, tertio exhortationem, quarto ministerium, etc.,

(1) « Sapere ad sobrietatem, » id est *modeste de se sentire*, juxta Græcum.

Quænam
vocetur
mensura
fidei ?
Prima ex-
positio.
Secunda.

Tertia
et germa-
na.
Mensura
fidei sunt
dona fidei
et gratiæ
maxime
exteriora.

Fides fe-
re tota
hac epis-
tola me-
tonymice
pro cha-
ritate,
gratia et
donis,
ex fide
eaa radi-
ce pro-
genatis.

uli mox patebit, *q. d.* Quisque se contineat intra mensuram doni, gratiæ, talenti, officii sibi commissi, quod per fidem credendo accepit; nec alia attentet, *v. g.*, cui datum est ministerium, ille ministret, non doceat: vicissim, cui data est doctrina, ille doceat, nec se ingerat ministerio alteri tradito. Ex hoc ergo loco patet, quomodo superius tota hac epistola fidem acceperit Paulus, nimirum pro charitate, gratia et donis fidem sequentibus. Hæc enim metonymice dicuntur fides, quia ex fide quasi radice et matrice nascuntur, ut dixi *Can. 3.*

Vers. 4. 4. SICUT ENIM IN UNO CORPORE MULTA MEMBRA HABEMUS, OMNIA AUTEM MEMBRA NON EUMDEM ACTUM (actionem, functionem, operationem) HABENT:

Vers. 5. 5. ITA MULTI (hoc est, omnes nos fideles, qui sumus quasi varia membra, varias gratias et functiones habentia) UNUM CORPUS SUMUS IN CHRISTO.— Puta una Ecclesia sumus, cujus nexus interior est per fidem et gratiam; exterior per Sacramenta a Christo instituta. Per hæc enim omnes neclimur et jungimur cum Christo, et in Christo; hujus enim corporis, id est Ecclesiæ, caput est Christus.

Sacra-
menta
Christi-
anorum
sunt ne-
xus.

Ecclesiæ
et corpo-
rishuma-
ni simi-
lilitudo
quadru-
plex.

Nota: Sicut in corpore sunt quatuor: *primo*, unitas corporis; *secundo*, diversitas membrorum; *tertio*, diversitas officiorum in membris singulis; *quarto*, aptitudo et dos cujusque membri ad suum officium exequendum; ita prorsus per omnia se res habet in Ecclesia, ejusque singulis membris, puta fidelibus Christianis. Probat hic Apostolus, quemque fidelem debere sapere ad sobrietatem, utique ea mensura et dono fidei ac gratiæ quod ei divisit Deus: non autem ultra debere sapere, nec sibi arrogare donum et munus alteri commissum. Probat autem hoc a simili, puta a membris corporis humani; hæc enim singula suis muniis et functionibus contenta sunt, nec se officiis alterius membri ingerunt, illave usurpant. Pari ergo modo facere debent fideles, qui sunt membra ejusdem corporis Christi, puta Ecclesiæ.

SINGULI AUTEM ALTER ALTERIUS MEMBRA. — Non ut corporis, sed ut commembri, « membra, » id est, *commembra sumus, q. d.* Ergo quodque membrum, puta fidelis quilibet, non sibi soli, sed etiam aliis operari debet, uti fit in corpore naturali.

Vers. 6. 6. HABENTES (id est habemus) AUTEM. — Est hebraismus: Hebræi enim *benoni*, sive participium, usurpant pro indicativo, quo carent. Unde patet hic novum incipere sensum, non autem hæc cum priori versu neclenda esse, uti volunt recentiores. Explicat ergo hic Paulus varios actus et functiones membrorum Ecclesiæ: hoc enim exigit similitudo allata de corpore, ut, sicut in corpore quodque membrum suam habet gratiam et functionem, sive actum; ita in Ecclesia fidelis quisque suum habeat talentum, sive officium et charisma, ejusque functionem. Dicit ergo:

HABENTES AUTEM DONATIONES SECUNDUM GRATIAM, QUE DATA EST NOBIS, DIFFERENTES. — « Donationes, »

Græce *χαρίσματα*, id est *dona, talenta diversa*. Ecce hic explicat Paulus mensuram fidei quam Deus variis varie dividit, ut dixi vers. 3. Nimirum hæc mensura fidei sunt dona et gratiæ differentes, quas Deus varie fidelibus dispersit, ut quisque sua gratia, suoque dono utatur et contentus sit, nec aliud ambiat, *q. d.* Hæc gratiarum distributio, hic donorum ordo et limes a Deo est, quique eum perturbat, et plus quam oportet sapit, donaque quæ non accepit, sibi arrogat, et aliorum officia ambit: hic Dei ordinationi et providentiæ resistit in his quæ omnino gratis a Deo accepit; Deus enim sua providentia cuique suam distribuit et admensus est gratiam et functionem, quam quisque bene et fideliter obire et intra quam se continere debet, nec ultra sapere, ne audiat: Sutor ultra crepidam. Hæc enim est voluntas Dei, vers. 2, qui ita suam cuique gratiam, pensum ac spartam distribuit ac limitavit.

Porro, hæc charismata et dona in sequentibus enumerat Apostolus: ac primo quidem illa propria, quæ Ecclesiasticas res et personas concernunt; hæc enim ante omnia recte ordinanda sunt. Deinde, vers. 9, recenset illa dona, quæ omnibus Christianis, etiam laicis et plebeis, sunt communia. Incipit ergo ab Ecclesiasticis, dicitque:

SIVE PROPHETIAM SECUNDUM RATIONEM FIDEI, SIVE MINISTERIUM IN MINISTRANDO. — Multi hæc generatim accipiunt de quavis prophetia et ministerio: verum magis genuine dicimus Apostolum enumerare hic charismatum et functionum Ecclesiasticarum genera. Sunt enim duo: *unum* est prophetia, *secundum* est diaconia, sive ministerium. *Prophetiæ* nomine intelligit Paulus doctrinam, et ea quæ ad docendi munus pertinent (ut ostendam I *Corinth.* XIV, initio). *Diaconiæ* vero nomine intelligit alia externa Ecclesiastica munia, quæ a se abdicarunt, et in Diaconos rejecerunt Apostoli, dicentes *Actor. VI, 2*: « Non est æquum nos derelinquere verbum Dei, et ministrare mensis. Considerate ergo, fratres, viros ex vobis boni testimonii septem, plenos Spiritu Sancto et sapientia, quos constituamus super hoc opus: nos vero orationi et ministerio verbi instantes erimus. » Vides hic Apostolos Ecclesiasticas functiones stables et perpetuas in duo divisisse, scilicet in doctrinam, sive prædicationem verbi Dei, quæ hic *prophetia* vocatur, et in *diaconiam*: ac priorem, quasi præcipuam sibi reservasse; posteriorem in Diaconos transtulisse.

Hanc Apostolorum divisionem sequitur Paulus hoc loco, et I *Timoth.* III, ubi Ecclesiæ ministros, qui Ecclesiæ munia obeunt, dividit tantum in Episcopos et Diaconos: sub Episcopis Parochos et Presbyteros, sub Diaconis cæteros inferiores Ordines intelligens. Episcopi enim sunt prophetæ, id est doctores Ecclesiæ; Diaconi vero cæterique eis subservientes, sunt eorum administri. *Prophetia* ergo, id est doctrina, cessit

Cuique manendum in tra limites suos.

Ordo servatus ab Apostolo in recensendis functionibus membrorum Ecclesiæ.

Ecclesiasticorum duo munia tradit, prophetiam et diaconiam. Quid prophetia hic? Quid diaconia?

Utraque ab Apostolis instituta, sed altera tantum instituta.

Ministri Ecclesiæ aut Episcopi aut Diaconi.

Apostolis, Episcopis et Parochis : diaconia vero, sive ministerium, cessit Diaconis eorumque administris.

Deinde Apostolus hæc duo genera, scilicet prophetiam et diaconiam, in suas species partitur et dividit : nimirum prophetæ alii sunt doctores, quales erant Apostoli et Episcopi; alii sunt exhortatores sive pastores, quales sunt Presbyteri et Parochi. Pari modo Diaconi et ministrantes, alii sunt eleemosynarii, qui eleemosynas distribuunt; alii præfecti, qui præsent in sollicitudine; alii hospitalarii, qui ægros et miseros curant. Hæc omnia magis patebunt ex sequentibus.

Divisio prophetiæ.

Divisio diaconia.

Fides hic accipitur pro intelligentia rerum divinarum.

Nota : Cum ait Apostolus, *secundum rationem fidei*, fides hic non tantum est fides, qua credimus articulis fidei, quæ fides est omnibus fidelibus communis; sed potius fides hic est intelligentia perfecta rerum divinarum et Scripturarum, quæ non tam humano studio, labore et industria, quam Dei illuminantis operatione et inspiratione acquiritur. Unde I *Corinth. XII, 9*, ponitur hæc fides inter gratias gratis datas : « Alteri, ait, fides (datur) in eodem spiritu. » Dicit ergo : « Habemus prophetiam, » hoc est, gratiam explicandi doctrinam et Scripturam sacram, « secundum analogiam, » ut habent Græci, id est secundum proportionem et mensuram « fidei, » id est intelligentiæ et sapientiæ a Deo nobis concessæ. Ergo juxta eam quisque prophetet, non plura suo ingenio comminiscatur : inde enim ortæ sunt hæreses. Huc accedit Anselmus, qui ita explicat, « secundum rationem fidei, » id est, ut nihil extra regulam fidei loquamur, aut sapiamus.

Secunda acceptio fidei.

Secundo, Ambrosius vult Apostolum hic præscribere prophetæ, hoc est doctori, ut doceat « secundum rationem fidei, » hoc est, prout fides credentium exigit, seu prout fert auditorum capacitas et salus. Huic enim Spiritus Sanctus donum suum, quod prophetæ, id est doctori dat, attemperat, et ab eodem pari modo attemperari vult.

Tertia.

Tertio, posset *fides* hic capi, uti eam accepit Apostolus, vers. 3, pro dono et charismate fidei; ut idem sit mensura fidei, quod ratio vel analogia fidei. Verum, quia Apostolus jungit hic fidem prophetiæ, hinc melius, ut dixi, *fidem* specialius accipimus pro dono intelligentiæ sacræ Scripturæ et mysteriorum fidei, quod initio Ecclesiæ multis communicabat Spiritus Sanctus.

Vers. 7.

7. SIVE MINISTERIUM IN MINISTRANDO. — Græce *ἐν τῇ διακονίᾳ*, id est sive *diaconiam in diaconia*, repeto *habemus*. Priore loco *διακονία*, munus ipsum significat : posteriore vero ipsam muneris functionem, *q. d.* Fungimur diaconia, id est ministerio, secundum gratiam aut munus ministrandi. Nemo enim in Ecclesia ministrat, qui ad tale ministerium non habet titulum, gratiam aut ordinem, quo ei deputatur.

Nota : Per *diaconiam* aliqui accipiunt episcopatum, presbyterium et reliquos ordines. Ita *Salmo-*

ron. Verum melius, ut jam dixi, Toletus et alii censent *diaconiam*, sive *ministerium* esse secundum functionis Ecclesiasticæ genus, oppositum prophetiæ, versarique circa res et munia charitatis externa, eaque varia, ut patebit ex sequentibus.

Syrus et recentiores suppleant hic : Qui ministrat, versetur in ministrando; qui docet, versetur in docendo; qui præest, versetur in sollicitudine, et ita de aliis. Verum Paulus videtur potius id, quod generatim dixerat : Habemus donationes secundum gratiam » et talenta « diferentes, » hic tantum per species explicare, enumerando illas donationes, sive charismata, scilicet ministerium, quod consistit in ministrando; doctoratum, qui consistit in doctrina; exhortationem, quæ consistit in exhortando, etc. Inde tamen consequenter ex vers. 3, repetendum et inferendum relinquit in singulis, ut quisque sua gratia et talento, ac donis jam dictis utatur pro mensura sibi data a Deo, uti mox particularius explicabo.

SIVE QUI DOCET IN DOCTRINA. — Hic duas dat species prophetiæ : *prima* est, « qui docet, » id est qui habet functionem docendi, eam habet « in doctrina, » *ἐν διδασκαλίᾳ*, id est secundum gratiam doctrinæ et magisterii, quam a Deo accepit; non enim omnes eandem habent peritiam divinarum. *Secunda* est :

Prophetiæ prior species est gratia docendi.

8. QUI EXHORTATUR IN EXHORTANDO. — Græce *ἐν παρακλήσει*, in *exhortatione*, in exhortationis gratia et talento, quod accepit, id facit, puta exhortatur. Sub exhortatione etiam consolationem accipe. Exhortatorem vocat hic Apostolus eum, quem I *Corinth. XII, 28*, « doctorem, » et *Ephes. IV, 11*, vocat « pastorem; » eum scilicet, qui ex officio doctrinam cum exhortatione, monitione, adeoque cum Sacramentorum administratione conjungit, uti jam faciunt Parochi. Ex hisce Apostoli sententiis tacite collige, *q. d.* Quisque ergo, tam qui docet, quam qui exhortatur, doceat et exhortetur, suoque talento utatur, pro gratia et mensura sibi a Deo concessa.

Vers. 8. Altera, exhortandi et consolandi gratia.

QUI TRIBUT IN SIMPLICITATE. — Enumeratis speciebus et functionibus prophetiæ, enumerat hic functiones diaconia, sive ministerii, easque tres, cum suis charismatibus, seu donationibus differentibus. *Prima* est, « qui tribuit, » *q. d.* Qui habet functionem et officium distribuendi eleemosynas, uti olim habebant diaconi, *Act. VI, 5*, eam habet « in simplicitate, » id est, secundum gratiam simplicitatis. Hanc enim gratiam simul cum officio tali dare solet Spiritus Sanctus, *q. d.* Videat ergo quisque eleemosynarius, ut secundum hanc simplicitatem tribuat et distribuatur eleemosynas.

Diaconia functio triplex.

Prima functio diaconia erogare eleemosynas.

Quæritur, quænam sit hæc « simplicitas? » *Primo*, Origenes sic explicat : Qui tribuit, inquit, tribuat in simplicitate, id est non ex vana gloria. Duplex enim est, qui actu externo videtur alteri dare eleemosynam, cum interno proprium commodum, scilicet laudem, quærit.

Quæritur quænam sit simplicitas secundum quam eroganda sunt

Secundo, Chrysostomus et Theodoretus : « Sim-

eleemo-
synæ?
Variæ
respon-
siones.
Prima.
Secunda.
Tertia.

plicitas, » inquit, est liberalitas. Hæc enim simpliciter dat manu extensa : cum avarus manum contrahat, ægre ac tarde modicum quid erogat.

Tertio, Theodoretus : « Qui tribuit, » inquit, tribuat « in simplicitate, » hoc est simpliciter, libere et resolute, nimirum, ut non cogitet an ea quæ habet sibi sufficiant, an ad futuros casus sint necessaria; sed Deo confidat, quod ille sibi et futuris omnibus providebit.

Quarta. *Quarto*, alii recentiores : « In simplicitate, » inquit, « tribuit, » qui non expectat ut sibi retribuatur, multi enim dant hoc fine, ut majora recipiant, sed hi non dant simpliciter, neque tam dant, quam vendunt sua dona. Qua de re pulchre Seneca, lib. I *De Benefic.*, cap. 1 : « Demus; inquit, beneficia, non feneremus. Dignus est decipi, qui de recipiendo cogitavit, cum daret. »

Quinta. *Quinto*, alii : « In simplicitate, » inquit, « tribuit » is, qui ita sincere et pure tribuit, ut non velit allicere eum, cui tribuit ad peccatum aut aliam turpitudinem.

Sexta. *Sexto* et optime, Anselmus : « Simplicitas, » inquit, hæc opponitur duplicitati, id est dolo, fraudi, hypocrisi, acceptioni personarum, item et curiositati. Simplex ergo est, qui non aliud intendit, quam quod intendi debet : duplex vero est, qui aliud intendit vel spectat, quam debet. Simplex itaque in eleemosyna danda est, qui non considerat an is cui dat, sit amicus, familiaris, commodus, vel utilis, aut gratus futurus, sed an indigeat. Rursum, qui non nimis curiose inquirat an bonus sit, an dyscolus, an fictus is cui dat eleemosynam (de qua re pulchre tractat hic S. Chrysostomus, in *moralibus hom.* 21); sed, ut ait Ambrosius, in omnes indigentes puro se fundit affectu, et candide, prudenter tamen, sua sibi-que commissa erogat : tales enim ad functionem eleemosynarii aptissimi, ideoque eligendi sunt. De hac simplicitate eleemosynæ rursus dicam II *Corinth.* VIII, 2.

Qualisde-
beat esse
eleemo-
synarius?

QUI PRÆEST IN SOLLICITUDINE.—Id est, qui habet functionem in Ecclesia, ut præsint, eam habeat secundum gratiam sollicitudinis, græce *σπουδῆς*, id est studii, ut totus serio illi vigil incumbat, et diligentiae, ut sedulus et celer sit in executione : qui enim hanc gratiam acceperunt, sunt aptissimi et eligendi, ut præsint.

Nota : Per præsidem hunc Apostolus non tam intelligit Pastorem et Prælatus qui præest in spiritalibus (hunc enim, ut dixi paulo ante, intellexit nomine exhortatoris), quam præfectum qui præest rebus temporalibus et externis, quique politiam Ecclesiasticam administrat, quales erant Archidiaconi, qui præerant cæteris Diaconis eleemosynariis et hospitalariis. Hunc enim præsidem Apostolus numerat inter Diaconos, qui in ministrando versantur; estque hæc presidentia secunda species diaconiae, quam Paulus, I *Corinth.* cap. XII, vers. 28, « gubernationem » vocat. Jam ex eo quod dicit Apostolus, « qui præest in sol-

licitudine, » tacite colligendum relinquit, *q. d.* Ergo qui præest, in gratia sollicitudinis se contineat, in eaque præsint, ut debitam eorum qui sibi commissi sunt curam et sollicitudinem gerat.

QUI MISERETUR IN HILARITATE.—Hæc est tertia species diaconiae maxime pertinens ad hospitalarios et olim ad viduas illas, de quibus ait Apostolus, I *Tim.* V, 9. *q. d.* Qui functionem misericordiae in tractandis et curandis pauperibus et ægris (de ægris enim et miseris proprie hic est sermo) in Ecclesia exercent, id faciunt secundum donum hilaritatis; quæ in tribus consistit : *primo*, in animi lætitia, ut vincant tedium et nauseam ulcerosorum et morbidorum; *secundo*, in vultus alacritate, ut per eam ægros, qui ex ægritudine mœrore laborant, consolentur et sublevent; *tertio*, in verborum affabilitate, qua ægros multis indigentes, et multa petentes a se non absterreant, sed alliciant, ut suam opem et operam fideliter implorent. Jam ex eo quod dicit Paulus : « Qui miseretur in hilaritate, » tacite colligendum relinquit, *q. d.* Ergo cum misereris, utere dono « hilaritatis, » quod Deus tibi cum officio dedit, ut hilarem te præbeas miseris et ægrotis.

Nota : Hilaritas maxime requiritur in misericordia; nam, ut ait Chrysostomus, hominibus nihil ita turpe et indecorum videtur, atque esse miserum, indigere, et ab aliis ea quibus indigent, accipere; ac proinde, inquit, nisi excellenti hilaritate suspicionem illam sustuleris, ostenderisque quod magis a miseris beneficium accipias quam des, magis dejicies accipientem, quam refocillabis.

Hinc idem Chrysostomus, hom. 33 *ad Popul.* : « Vera, ait, eleemosyna est, sic dare, ut gaudeas te dare, putans te accipere magis quam dare. Non enim tam pauperibus, quam nobis prosumus, plura accipientes quam dantes. » Pauper enim Christum repræsentat, et Christo datur quidquid in pauperem erogatur : Christus autem se liberalitate vinci non patitur, sed plura dat quam accipiat. Merito ergo Sapiens, *Ecclesi.* XXXV, 11 : « In omni, inquit, dato hilarem fac vultum tuum, et in exultatione sanctifica decimas tuas. » Et Nazianzenus : « Beneficentiæ, inquit, gratia promptitudine geminatur. »

Est tamen hilaritas alibi quoque perutilis, adeoque ipsa est quasi flos ornans, et quasi mel dulcorans, ac perficiens omnes alias virtutes. Unde B. Prosper, *Sentent.* 112 : « Cum bonum, inquit, facis, hilariter fac. Si enim tristis facis, magis de te fit, quam facis. » Hinc S. Augustinus, lib. *De Perfectione justitiæ*, ait peccare justum, si in beneficentia ei surrepat tedium quo fuscetur hilaritas, in qua datorem diligit Deus.

Hucusque recensuit Apostolus donationes, sive charismata Ecclesiastica, modumque eis utendi præscripsit : ita tamen ut laici eundem modum sibi suisque officiis multis in rebus adaptare et accommodare possint ac debeant. Deinceps ergo

Tertia,
est cura
pauperum
et ægrotorum

Hilaritas
in tractandis
miseris
necessaria
in tribus
consistit.

Hilaritas
maxime
necessaria
in operibus
misericordiae.

Hilaritas
com-
menda-
tio.

Translatio
a charismati-
bus Ecclesiasticis
ad laica.

recenset Apostolus charismata et officia virtutum Christianis omnibus et laicis communia. Præscribit ergo eis dilectionem, docetque qualis illa esse qualesque virtutum actus exercere et imperare debeat. Dilectio enim est auriga et regina virtutum omnium, præsertim si conjunctam habeat humilitatem; tunc enim pene omnia officia hominis Christiani comprehendit, eaque recte ordinat et disponit juxta voluntatem et beneplacitum Dei. Itaque dicit :

Vers. 9. 9. DILECTIO (scilicet sit) SINE SIMULATIONE, — id est, sincera sit et candida, et, ut græce est, ἀνυπόκριτος, id est non sit hypocrita et ficta, ut scilicet, sicut ait S. Joannes, *epist.* I, cap. III, vers. 18 : « Non diligamus verbo, neque lingua, sed opere et veritate. »

Hactenus ostendit Paulus quæ sit voluntas Dei in iis qui habent functionem in Ecclesia; nunc in omnibus Christianis idipsum ostendit.

Unde de dilectione Christianorum docet *primo*, eam esse debere sinceram.

Secundo, nos per eam proximum diligere debere, ut tamen ejus mala et peccata odio habeamus, virtutes vero illius amplectamur.

Tertio, requirit ut hæc dilectio sit fraterna, ut quasi fratres ex uno patre Christo nati, invicem amemus.

Quarto, ut eadem sit sine superbia et fastu, ut scilicet honore invicem præveniamus.

Quinto, ut eadem sit celeris et sedula, non pigra.

Sexto, ut eadem sit ardens et fervens.

Septimo, ut non sibi suisque commodis et gloriæ, sed Deo serviat, ut patet vers. 11 : ita Salmeron. Sequitur ergo de hac dilectione :

ODIENTES (ἀποστρεφόντες, *abhorrentes*) MALUM : (hoc non sufficit, sed requiritur ut sint) ADHÆRENTES (græce κολλώμενοι, id est *agglutinati*) BONO, — et virtuti, supple *simus* : ita S. Chrysostomus et Origenes.

Nota *primo*, sequentia omnia participia usque ad finem capituli, more Hebræo per imperativum vel optativum exponenda sunt, hoc modo, « odientes, » id est odiamus, vel odite « malum; adhærentes, » id est adhæreamus « bono; diligentes, » id est diligamus; « honore invicem prævenientes, » id est præveniamus; « spiritu ferventes, » id est ferveamus; « Domino servientes, » id est serviamus, vel servite : et ita de aliis. Porro utitur continuo hisce participiis hic Apostolus, ut ostendat hæc omnia virtutum officia, quæ per hæc participia ad finem usque capituli recenset, pendere a dilectione, illique conjungi, et ab ea imperari, adeoque hæc esse quasi epitheta et emblemata dilectionis. Similiter facit I *Corinth.* cap. XIII, dicens : « Charitas patiens est, benigna est, » etc. Licet enim sequentes gnomæ, sive sententiæ breves et illustres, sint de variis et disparatis virtutum officiis, quas more Hebræo mixtim, sine ordine et connexionem proponere solet Apostolus; tamen hic, ut dixi, omnes ad dilectionem

aliquo modo referri possunt, idque indicant omnia hæc participia.

Nota *secundo* ὁ odientes : nam in Christiano requiritur ingens odium peccati, quia hoc odium perficit virtutem contrariam, et quantum crescit odium mali, tantum et crescit amor boni. Sunt enim qui amant virtutem, verbi gratia temperantiam; sed quia ebrietatem non detestantur, hac de causa temperantiam ex animo, serio ac resolute non amplectuntur.

10. CHARITATE FRATERNITATIS (græce φιλαδελφία, hoc est, *charitate fraterna*, qua fratres se diligunt; eadem et nos Christiani, quasi filii Dei in Christo, et quasi invicem fratres) INVICEM DILIGENTES, — id est diligamus, eoque magis, quo fraternitas spiritualis perfectior est carnali, ait S. Ambrosius, *serm.* 9, et S. Augustinus, *serm.* 27 *De Verbis Apostoli*.

Nota *primo* : Male quidam hic legunt : « Charitatem fraternitatis invicem diligentes, » quasi ipsam charitatem diligere velit Apostolus : nam vox *invicem*, et clarius Græcum εἰς ἀλλήλους, clare significant Apostolum non loqui de amore charitatis ipsius, sed de amore fratrum.

Secundo, fratres hic vocat non quosvis proximos, etiamsi Gentiles sint et Pagani, sed Christianos tantum. Hi enim invicem olim vocabantur *fratres*, et amabant ut fratres, tanquam qui ex eadem matre Ecclesia, et eodem patre Christo geniti essent. Hos enim, utpote nobis et Christo conjunctiores, magis quam infideles et Paganos diligere tenemur novo dilectionis præcepto, de quo *Joan.* XIII, 34, dicit Christus : « Mandatum novum do vobis, ut diligatis invicem, sicut dilexi vos : » de quo ibidem fusius egi.

Tertio, φιλαδελφία componitur ex φίλος, id est *amicus*, et ἀδελφός, id est *frater* : compositio autem hæc intensam charitatem significat, inquit Theodoretus, scilicet qua invicem diligamus, non solum tanquam amicos, sed etiam tanquam fratres conjunctissimos, *q. d.* Amicitia non qualis qualis sit inter vos, o fideles, sed summa, intima et arctissima, qualem decet esse inter fratres amantissimos.

Quarto, pro *diligentes*, græce est φιλόσorgetαι : *σοργή* autem significat naturalem et ingentem affectum pietatis, quo parentes feruntur in liberos, fratres, cognatos, idque permanent. Hoc enim est φιλόσorgetαι, id est, non amantes, sed amatores, scilicet affectuosi et stabiles, quasi ex habitu; est enim nomen, non participium. Unde Tertullianus, lib. V *Contra Marcion.*, cap. XIV, legit : « Amore fraternitatis invicem affectuosi. » Vult ergo Paulus ut tam dulces affectus sentiant et gerant Christiani erga invicem, quales gerunt parentes erga filios, et contra : utque ex tali affectu omnibus opulentur et subveniant. Hinc Tertullianus, lib. I *Contra Marcion.*, Primasius, Sedulius, Haymo, Commentarius Ambrosii et Hieronymi pro « diligentes » legunt, *benigni*.

Odium peccati inculcatur.

Lectio quorundam rejecta.

Christiani fratres inter se.

Quid φιλαδελφία?

Amor inter Christianos quantus esse debeat?

HONORE INVICEM PRÆVENIENTES. — *Invicem*, scilicet pares, impares etiam, cum hoc charitas exigit, vel cum hoc necesse est, ac ad aversionem tollendam inter Superiorem et subditum : aut certe cum ad hoc superiorem excellens humilitas impellit. Est enim hic heroicus actus humilitatis, qui ordinarie non est præcepti, sed consilii. Non enim ait Apostolus, Honorem debitum reddentes, sed, « Honore invicem prævenientes, » ut scilicet Christiani instar Christi, quo majores sunt, eo magis se demittant, et aliis submittant, eisque primas deferant in incessu, in mensa, in consessu aliisque rebus omnibus. Ut hoc exterius fiat, oportet interius facere id quod monet Apostolus, *Philip. II, 3*, dicens : « Superiores sibi invicem arbitantes. » Qua de re plura ibi dicenda sunt.

Submissio exterior ab Apostolo commendatur.

Vera. 11. **11. SOLLICITUDINE NON PIGRI.** — *q. d.* Non tantum honore, sed et favore, officio, ope, cura invicem præveniamus, idque non pigre, sed sedulo. Græce enim est *σπουδή*, id est studio, diligentia, scilicet invicem juvandi (1), ne sitis pigri. Contra hoc peccant, qui opem præstant, sed seram, cum proximus vel malo suo liberatus est, vel desperatus, ut juvari non possit.

Sedulitas.

SPIRITU FERVENTES. — « Spiritu, » id est charitate, vel Spiritu Sancto, quasi igne; vel simplicius, « spiritu, » hoc est, impetu quodam animi succensi, ferveamus ad faciendum officium : sic enim erimus sollicitudine non pigri.

Nota : Loquitur Apostolus de fervore, non tantum ad benefaciendum proximo; sed ad omne virtutis officium. Est enim hæc ejus indefinita et generalis sententia : et dilectio sive charitas (a qua hæc omnia aliquo modo pendent) dictat et imperat, ut ferveamus non tantum in charitatis, sed etiam in aliarum virtutum officiis omnibus.

Apostolus inculcat fervorem ad omne opus bonum.

In tribus consistit hic fervor, ait S. Basilus in *Regulis breviorib.*, resp. 239 : *Primo*, ut in ea re quam agimus, sit tota animi intentio; *secundo*, ut adsit inexplicabilis cupiditas bene operandi; *tertio*, ut accedat assiduitas et continuatio, qua nullum charitatis erga proximum aut virtutis officium recusemus. Sicut enim olla quæ fervet, non quiescit, sed semper bullit, in altum se erigit, atque ignitas bullas et vapores sursum ejaculatur; ita charitas otiosa esse non debet, nec potest, sed oportet ut continuo ad majora semper proficiat et exiliat, atque per sinceram intentionem, orationem, desideria ac gemitus, quasi vapores, ad Deum ascendat. Opponitur hic fervor tepori, de quo *Apocalypsis III, 15*.

Fervor hic intrinsecus est.

S. Bernardus, *serm. 6 De Ascensione*, hominem spiritu ferventem sic describit : « Advertere potes in omnibus fere religiosis congregationibus viros repletos consolatione, superabundantes gaudio, jucundos, semper hilares, ferventes spiritu, nocte dieque meditantes in lege Domini, crebro suspi-

Descriptio hominis spiritu ferventis.

cientes in cælum, et puras manus in oratione levantes, sollicitos observatores conscientiarum et devotos sectatores bonorum operum; quibus amabilis disciplina, labor manuum delectabilis, et universa denique conversationis hujus austeritas refrigerium videatur. »

Deinde, ut ex hoc quasi simulacro ferventis hominis tepidus cognoscatur, descriptionem tepidi subjungit in hunc modum : « Contra sane, inquit, invenire est homines, *primo*, pusillanimes et remissos; *secundo*, deficientes sub onere; *tertio*, virga et calcaribus indigentes; *quarto*, quorum remissa lætitia, pusillanimis tristitia est; *quinto*, quorum brevis et rara compunctio; *sexto*, animalis cogitatio; *septimo*, tepida conversatio; *octavo*, obedientia sine devotione; *nono*, sermo sine circumspectione; *decimo*, quorum oratio sine cordis intentione; *undecimo*, lectio sine (sui nempe) ædificatione; *duodecimo*, quos vix gehennæ metus inhibet; *decimo tertio*, vix pudor cohibet; *decimo quarto*, vix ratio frænhat; *decimo quinto*, vix disciplina coeret. »

Descriptio tepidi.

Audi Ruffinum, lib. III in *Vitis Patr.*, num. 204 : « Quidam senex, inquit, dixit : Sicut ad succensam ollam muscæ non appropinquant; si vero tepida fuerit, insident in ea, et faciunt vermes : ita et monachum succensum igne divini amoris fugiunt dæmones; tepidum vero illudunt et insequantur. »

DOMINO SERVIENTES. — Ambrosius et Erasmus legunt, *καὶ πρὸς*, id est *tempori servientes*, *q. d.* Ne fervor vester sit importunus, sed modeste et honeste suo tempore fidem et charitatem promove. Sic Pittacus dixit : *γινώσκει καὶ πρὸς, nosce tempus*, id est temporis opportunitatem prospice et capta; ne importuno et incongruo tempore quippiam aggrediaris.

Alii sic explicant, « tempori servientes, » *q. d.* Apostolus : Nolite tanta tamque præclara temporis salutiferi opportunitate abuti. Ecce enim nunc tempus acceptabile, ecce nunc dies salutis, quo Christus in mundum et carnem veniens, gratiam et salutem e cælo nobis attulit; sollicite ergo tempore hoc utimini, illud jam habetis, paulo post non habituri. Ergo tempori servit, qui temporis occasione utitur ad bonum, quique diligenter cavet ne nugis aut rebus parum proficuis se occupans, temporis ad serviendum Deo, et ad lucra ac præmia in cælis comparanda concessi, jacturam faciat. Verum Syrus, Latina et Græca passim legunt non *καὶ πρὸς*, sed *Κυρίῳ*, id est *Domino*, scilicet Christo, non idolis servientes, hoc est servite, etiam in persecutionibus, per novam vitam Christianam, ideoque spiritu fervete, uti præcessit.

Quid tempori servire?

12. SPE GAUDENTES. — Tantorum enim bonorum quæ suis fidelibus Deus in cælo præparavit, expectatio et spes, ingens parit gaudium, ita ut in quavis etiam gravi tribulatione Christianus gaudeat et exultet. Ita sanctus ille abbas Apollo apud Palladium in *Lausiaca*, cap. LII, cum ali-

Vulgata lectio confirmatur.

Vers. 12. Spes futurorum est mater gaudii. abbas Apollo

(1) Seu potius, officia explendi.

exhortatio ad gaudium quem e suis tristem ac pusillanimum videret, ut eum ad lætitiā et gaudium erigeret : « Tristentur, inquit, mundani, tristentur Judæi, tristentur peccatores, qui aliam spem non habent : nos vero, qui tanta spe cœlestis gloriæ digni habili sumus, quomodo non perpetuo lætābimur? » Hinc Philo spem vocat « gaudium ante gaudium. »

Lætitiæ mentis in S. Antonii vultum redundabat. Ita S. Athanasius de S. Antonio scribit, eum semper tam in adversis quam in prosperis lætum fuisse, mentisque lætitiā prætulisse, atque ex ea agnitus fuisse ab ignotis. « Si quis enim, inquit, ignarus ejus, inter multitudinem monachorum eum videre desiderasset, nullo indicante, cæteris prætermisissis, ad Antonium currebat, et animæ puritatem agnoscebat ex vultu, et per speculum corporis gratiam sanctæ mentis intuebatur : nam semper hilarem faciem gerens, liquido ostendebat se de cœlestibus cogitare. »

IN TRIBULATIONE PATIENTES. — Tertullianus, lib. V *Contra Marcion.*, cap. XIV, legit *pressuram sustinentes*.

ORATIONI INSTANTES. — Προσευχῇ προσκαρτεροῦντες, hoc est, in oratione assidue perdurantes, vel instantes cum assiduitate; προσκαρτερεῖν enim est cum patientia et perseverantia quadam insistere, incumbere, multum esse et assiduum in aliqua re. Quod I *Thessal.* v, 17, dicitur : « Sine intermissione orate. » Et *Lucæ* XVIII, 1 : « Quoniam oportet semper orare. »

Vers. 13. 13. NECESSITATIBUS SANCTORUM COMMUNICANTES. — Ambrosius pro χρεῖαις, id est *necessitatibus*, legit μνηαῖς, id est *memoriis*. Ita quoque legit S. Hilarius, lib. *Contra Constantium*, in fine : « Apostolus, inquit, jubet communicare nos Sanctorum memoriis, tu (o Constanti) eas damnare elegisti. » Ita quoque legit Origenes (et ex eo Commentarius Hieronymo ascriptus) duplicemque dat sensum : Primo, « memoriis Sanctorum communicate, » hoc est, ex recordatione Sanctorum proficite. Secundo, mementote Sanctorum in solemnibus collectis; quomodo Ecclesia eorum meminit in Canone Missæ, cum ait : « Communicantes, et memoria[m] venerantes imprimis gloriosæ semperque Virginis Mariæ, sanctorum Apostolorum Petri, Pauli, » etc. Ex qua explicatione Origenis discant Novantes veterem in Ecclesia ritum et morem invocationis et commemorationis Sanctorum in publicis Ecclesiæ precibus.

Locus contra Novatores pro Sanctorum commemoratione in precibus, et in Canone Missæ. Verum passim Græca, Latina, Syrus, interpretes Græci et Latini, teste Francisco Luca, legunt χρεῖαις, quod S. Hieronymus vertit, *usibus*; Noster, *necessitatibus*, id est inopiæ Sanctorum, puta Christianorum, communicate. « Sancti, fratres, discipuli » olim erat nomenclatura Christianorum; quia erant ipsi Deo dedicati, et per baptismum sancti effecti.

Stabilita Vulgata lectio. Urget S. Chrysostomus « communicantes, » id est *communicate*, q. d. Communes facite cum Sanctis opes vestras, ut commune cum eis lucrum habeatis, et sitis participes meritorum, patientiæ et coronæ ipsorum.

HOSPITALITATEM SECTANTES, — δεικνόντες, id est *persequentes*, scilicet nolentes et recusantes cogendo ad hospitium, uti fecit Abraham. De hospitalitate Christianorum plura dicam *Hebr.* XIII, 2.

14. BENEDICITE PERSEQUENTIBUS VOS, — hoc est, bene precamini, et orate pro eis. Male ergo Erasmus vertit : « Bene loquamini de his qui vos insectantur. » Non est hoc præcepti, ut vult Calvinus, qui addit vix ullum hoc præceptum implere : nimirum, quia docet ipse Deum homini præcipere impossibilia, quod ne tyrannus quidem faceret; sed est consilii, uti et præcedentia, « Orationi instantes; honore invicem prævenientes; spe gaudentes; spiritu ferventes. »

ET NOLITE MALEDICERE. — Græce μὴ καταραῖσθε, id est, *ne execramini*; et, ut Syrus, *ne imprecamini eis mala*, scilicet ex animo vindictæ cupido : nam ex zelo justitiæ mala quandoque impiis imprecati sunt Sancti, ut Elisæus, Job et ipse Paulus, *Actor.* XXV, 3.

15. GAUDERE (ita legendum cum Bibliis Romanis et Græcis, non *gaudete*. « Gaudere » scilicet oportet; vel potius infinitivus χαίρειν, id est *gaudere*, attice ponitur pro imperativo χαίρετε, id est *gaudete*) CUM GAUDENTIBUS. — q. d. Ea sit sympathia inter vos, Christiani, ut fratrum bona vel mala æque vos ac illos tangant. Ita S. Basiliius, homil. in *Julittam Martyrem* : « Flendum, inquit, nobis cum flentibus; tu enim simul atque videris fratrem, ob eorum quæ admisit penitentiam, se proluentem lacrymis, huic collugeto et condole : ita enim fiet, ut ex alienis malis castiges proprium. Talis erat, qui dicit : Dejectio, sive defectio, animi tenuit me pro peccatoribus relinquentibus legem tuam. Fle igitur super peccatum. Peccatum est animæ ægritudo, peccatum est mors animæ alioqui immortalis, peccatum luctu et implacabilibus lamentis est dignum. Flebat Paulus inimicos crucis Christi. Flebat et Jeremias interfectionem pereuntis populi, qui, sane quod lacrymæ suapte natura profluentes non satis essent illi ad planctus magnitudinem, cupide expetebat sibi infundi lacrymarum fontem, et extremum solitudinis diversorium, dicens : Et sedebo, et plorabo populum hunc dies multos, eos qui pereunt. Sane istiusmodi luctum ac lacrymas depredicat Apostoli sententia, et felices astruit. »

Sapide quoque S. Bernardus, serm. *De B. Magdalena* : « Vere, inquit, meliora sunt ubera sponsæ vino isto. Quænam, ais, sunt ista? Procedat in medium Paulus Apostolus, et ubera felici lacte manantia vobis assignet. Gaudete, inquit, cum gaudentibus, flete cum flentibus. O quam brevi sermunculo totius religionis depinxit insigne! quam eleganti clausula proposuit pietatem, æquitatem statuit, submovit invidiam! His uberibus mater Ecclesia lactat proficientes, nutrit perfectos. Gaudete, inquit, cum gaudentibus. Facessat hinc sæcularis plausus, insania, et lætitiā mundialis abscedat : quia non est gaudere impiis, di-

Vers. 14

Ergo Calvinus de præceptis De

Vers. 15

cit Dominus. » Et mox : « Mens enim ab hujus mundi aspergine pure pressequae detera, et in divinæ contemplationis acumen totum desiderii sui figens affectum, gaudens gaudet in Domino, et exultat anima sua in Deo salutari suo. Talis anima minas aspernatur, nescit timorem, spem falsam eludit et omnium scandalorum immunis, in pace in idipsum dormiens requiescit. » Subjicit deinde : « Secunda est, flere cum flentibus. Numquid Apostolus præcipit flere rerum amissionem, filiorum mortes, morborum instantiam? etc. Absit. Plorandi enim sunt qui taliter plorant. Religiosa enim tristitia aut alienum luget peccatum aut proprium. Hæc est mamilla compassionis, prior fuit congratulationis. » Et post pauca : « Amator innocentie, pacis amicus, patientie cibus, patientibus compatiens, et congaudens gaudentibus, perfectionis metam cursu consummato contingit. » Ergo congaudere et condolere sunt signa perfectionis, imo actus virtutis perfectæ.

Vers. 16. Quid sit idipsum invicem sentire? Prima expositio.

16. IDIPSUM INVICEM (Græce εἰς ἀλλήλους, id est ad alterutrum) SENTIENTES, — ut scilicet non sint, ait Anselmus, in vobis schismata, sed animo et affectu mutuo consentiatis. Unde Maldonatus in *Notis manuscr.* sic explicat : « Idipsum sentite, vel sapite in invicem, » id est invicem consentite, tam judicio, quam voluntate, vel unus sapiat quæ sapit alter, nec velit videri plus sapere quam cæteri, ut judicium suum et sententiam cæterorum judicio et sententiæ præferat superbe. Hic sensus satis est verisimilis et appositus.

Secunda. *Secundo*, « idipsum invicem sentite, » hoc est, inquit Chrysostomus, æqualia de invicem cogitate. Et Ambrosius : Considera de te quod de aliis, scilicet, quod homo sis, et Christianus æque ac proximus tuus ; ac consequenter non te efferas, licet alio sis ditior et honoratior. Unde Syrus vertit, *quæ sentitis de vobis ipsis, de fratribus vestris sentite*.

Tertia et genuina. *Tertio* et optime, Origenes sic explicat, *q. d.* Eodem animo inter vos, et erga vos mutuo sitis affecti, ut quisque quod sibi sentit et sapit, id est quærit, diligit, curat, vult (hoc enim est Græcum *προσβύτης*), hoc ipsum alteri sapiat, id est quærat, velit ; quod sibi non sapit, id est nollet sibi, hoc nec alteri sapiat, id est velit.

Posset etiam sic explicari : « Idipsum invicem sentientes, » *q. d.* Idipsum invicem sentite, ut si proximus gaudeat, sentiatis ejus gaudium, et cum eo gaudeatis ; si fleat, cum eo fleatis : ut τὸ αὐτὸ προσβύτης, idem sit quod *ὁμοπροβύτης*, vel τὴν αὐτὴν *πρόβητα ἔχετε*, id est eandem mentem, eundem sensum habete ; mente, animo et sensu consentite. Sed tunc idem diceret Paulus quod dixit vers. præced. : « Gaudere cum gaudentibus, flere cum flentibus. » Unde prius, quod dixi, est aptius ; præsertim quia Apostolus, cum solum vult significare et commendare eundem sensum, et affectus consensum, tantum dicere solet, τὸ αὐτὸ προσβύτης, idem sapite, vel τὸ ἓν προσβύτης, unum idemque

sentientes ; hic vero addit εἰς ἀλλήλους, id est in alterutrum idipsum sapite, quod non tantum consensum, sed et benevolentiam et beneficentiam vel in actu, vel in voluntate, desiderio et sollicitudine significat.

Nota : Apostolus a vers. 9 usque ad 12, descripsit qualis debeat esse dilectio Christianorum, a vers. vero 12 hucusque describit quibus rebus dilectio hæc adjuvetur, excitetur et roboretur, nimirum *primo*, spe cælestis gloriæ ; *secundo*, patientia tribulationum ; *tertio*, orationis instantia ; *quarto*, bonis operibus eleemosynæ, hospitalitatis et dilectionis inimicorum ; *quinto*, et maxime sympathia, eodemque sensu et consensu, ut, nimirum quis proximi dolores, bona et mala sua faciat, eaque in se sentiat, quasi unam cum eo habens animam ; et hoc est quod de primis Christianis dicitur *Actor. iv, 32* : « Multitudinis credentium erat cor unum, et anima una. »

NON ALTA (non elate, de vobis ipsis) SENTIENTES, ut velitis supra alios eminere, ut ambiatis honores. Nota : *Prima* virtus Christianorum Deo beneplacita est charitas, de qua hactenus egit Apostolus. *Secunda* est humilitas, quæ charitatis debet esse comes et adiutrix. Docet ergo hic Apostolus charitatem debere esse humilem, sibi que sociare humilitatem, ut sit ambidextra.

Humilitatis itaque, sive charitatis humilis, novem actus recenset : *primum*, non alta sapere ; *secundum*, humilibus rebus et personis vilibus delectari ; *tertium*, apud se non esse prudentem ; *quartum*, nulli malum pro malo reddere ; *quintum*, providere bona coram hominibus ; *sextum*, pacem cum hominibus colere ; *septimum*, se non ulcisci ; *octavum*, dare locum iræ ; *nonum*, inimicis benefacere.

Simili fere modo Cassianus, lib. IV *Institut. renunt.*, cap. xxxix, alia, sed similia humilitatis indicia et officia enumerat : « Humilitas, ait, his indicibus comprobatur : *primo*, si homo in se mortificatas habeat omnes voluntates ; *secundo*, si non solum actuum suorum, verum etiam cogitationum nihil suum celaverit seniore ; *tertio*, si nihil suæ discretionis, sed judicio ejus universa committat, ac monita ejus sitiens libenter auscultet ; *quarto*, si in omnibus servet obedientiam, mansuetudinem et patientiæ constantiam ; *quinto*, si non solum injuriam inferat nulli, sed ne ab alio quidem sibimet irrogatam doleat atque tristetur ; *sexto*, si nihil agat, nihil præsumat, quod non vel communis regula, vel majorum exhortantur exempla ; *septimo*, si omni vilitate contentus sit, et ad omnia se, quæ sibi præbentur, velut operarium malum, judicari indignum ; *octavo*, si semetipsum cunctis inferiorem non superficie pronuntiet labiorum, sed intimo cordis credat affectu ; *nono*, si linguam cohibeat, vel non sit clamosus in voce ; *decimo*, si non sit facilis ad promptus in risu. »

S. Anselmus vero, lib. *De Similit.*, cap. x, hu-

Anacephalæosis antedictorum ab Apostole, de quinque virtutibus quæ charitatem perdunt.

Dua Christianorum virtutes, charitas et humilitas.

Novem actus charitatis humilis, sive humilitatis.

Humilitatis indicia decem ex Cassiano.

Humilitatis septem gradus ex S. Anselmo.

humilitatem ponit in sui contemptu, cujus septem gradus ita describit : « *primus*, inquit, est contemptibilem se esse cognoscere; *secundus*, de hoc dolere; *tertius*, hoc confiteri; *quartus*, hoc aliis persuadere loco et tempore; *quintus*, patienter sustinere dum id ab aliis dicitur; *sextus*, æquo animo ferre se contemptibiliter tractari; *septimus*, hoc ipsum gratum habere, appetere et amare. » Ex horum contrariis facile est assignare gradus superbiæ, iisque assignandi sunt retrogrado ordine : sicut enim bonum procedit construendo, ita malum destruendo; id autem quod in constructione est ultimum, in destructione est primum : v. g., in domo construenda proceditur a fundamento ad culmen; in destruenda, a culmine ad fundamentum.

Gradus superbiæ.

Primus ergo gradus contemptus est, refugere et odisse sui contemptum, qui opponitur ultimo gradui humilitatis. *Secundus* est, indigne ferre sui contemptum, qui opponitur sexto gradui humilitatis : et ita deinceps retrocedendo. Vide et duodecim gradus humilitatis apud S. Benedictum in *Regula*, cap. vii, qui etiam recensentur apud S. Bernardum, *Appendice II*, pag. 103.

Humilitatis definitio ex Climaco.

Audi et Climacum, *gradu 23*, cujus titulus est : *De victrice passionum omnium altissima humilitate*; ubi *primo* humilitatem ex variis Patrum sententiis ita describit : Humilitatem alius dicebat esse recte factorum intentissimam oblivionem. Alius, extremum se omnium magisque peccatis obnoxium putare. Alius, suam imbecillitatem agnoscere. Alius, in irritationibus anticipare proximum, primumque iracundiam solvere. Alius, gratiæ Dei et misericordiæ agnitionem. Alius rursum, contriti animi sensum, et voluntatis propriæ abnegationem. Ego vero eam ineffabilem divitiarum Dei thesaurum esse dico.

Humilitatis proprietates quinque.

Secundo, proprietates ejus ita assignat. *Prima* et præcipua est, ignominie suavissima et jucundissima perpassio, quam anima, ut morbos suos et peccata maxima sedet atque consumat, supinis manibus expectat et complectitur. *Secundo*, est omnis iracundiæ victoria. *Tertio*, ut bonis suis nunquam aliquis infideliter credat, jugiterque addiscere desideret. *Quarto*, sicubi hypocrisis apparet, detractio, vel alius serpens occultus, humilitas statim eum ex cordis cavernis in lucem adducit et occidit. Denique humilis non increpat, non judicat, non appetit dominari, est mitis, placidus, ad compunctionem facilis, misericors, super omnia autem tranquilluss, serenuss, obtemperans, fræni patiens, hilaris, vigil, impiger, placida animi tranquillitate beatus.

Fructus.

Tertio, humilitatis commoda, merita et præmia ita recenset. *Primo*, humilitas est protectio divina, ex qua fit ut recte facta nostra non videamus. *Secundo*, humilitas est vilitatis abyssus, furibus omnibus inviolabilis. *Tertio*, humilitas est turris fortitudinis a facie inimici. *Quarto*, humilis anima est vallis inter medium montium sita, sine arro-

gantia semper atque immobilis permanens, omniumque frugum parens. *Quinto*, si quem intra paucos annos altissimam videas acquisivisse tranquillitatem, noli hunc existimare aliam, quam hanc beatam celeremque viam iniisse. *Sexto*, superbia ex angelis dæmones fecit, humilitas ex dæmonibus angelos facit.

Quarto, media humilitatem acquirendi hæc suggerit : *primo*, considerare peccata præterita; *secundo*, perpendere passionem et humiliationem Christi; *tertio*, intueri suos quotidianos defectus, tentationes, morbos et lapsus.

Quinto, hos ejus actus et quasi gradus ita promiscue enumerat. *Primo*, suam voluntatem alteri subicere; qui enim mente est humili, voluntatem suam ut deceptricem detestatur, Deique et Dei vicariorum voluntati prompte obtemperat, sequæ Dei curæ fidelissimæ committit, qui per asinam quoque Balaam docuit et direxit. *Secundo*, sui præfidentiam et loquacitatem relegare. *Tertio*, paupertatem colere, et mendicorum vita vivere. *Quarto*, nobilitatem, sapientiam, virtutes et dotes suas occultare. *Quinto*, sicut summa superbia est virtutes quæ non adsunt, simulare; ita summa humilitas est, culpas quæ non insunt, confingere. *Sexto*, honores et laudes constanter fugere : hæc omnia B. Climacus pene ad verbum. Ita S. Hilarion, teste S. Hieronymo, honorem fugiens et importunitatem, silentium desiderabat et vitam ignobilem; ideoque vagus huc illuc semper fugit : ubique tamen ejus sanctitas prodebatur per miracula et per energumenos.

SED HUMILIBUS CONSENTIENTES. — *q. d.* Humilis conditionis hominibus (ita Syrus et Chrysostomus) vos accommodantes, condescendentes et obsecundantes; non autem eos aspernantes, Græcè τῶς ταπεινῶς συναπαυγάμενοι, *q. d.* Impetu quodam simul abrepti et abducti cum humilibus, id est vilibus et abjectis; hi enim sunt ταπεινοί. Unde Tertullianus, lib. V *Contra Marc.* cap. xiv, legit, *humilibus assentantes*.

Secundo, potest τὸ ταπεινὸν; esse neutrum, et opponi altis, *q. d.* Villæ ambite, non altæ; fugite honores, fugite divitum et nobilium commercia; ambite abjectionem, paupertatem, atque plebeiorum et pauperum consortia.

NOLITE ESSE PRUDENTES APUD VOSMETIPSOS. — *Primo*, Origenes sic explicat : Ne putetis vos esse prudentes.

Secundo, Ambrosius, *q. d.* Prudentiam vestram non in vestros tantum, sed in aliorum quoque usus convertite.

Tertio, S. Basilii in *Reg. brevior.*, resp. 260, *q. d.* Ne humanæ prudentiæ innitamini, sed divinæ.

Quarto, et plane S. Chrysostomus et Theodoretus, *q. d.* Ne putetis vestra consilia vobis sufficere, quasi aliorum consilio non egeatis, ne nimium vestræ prudentiæ et judicio tribuat. Non dicitur Christianum sibi sapere.

APUD VOSMETIPSOS, — id est in opinione vestra, in oculis vestris.

Vers. 17. 17. PROVIDENTES BONA NON TANTUM CORAM DEO, SED ETIAM CORAM OMNIBUS HOMINIBUS. — Respicit Paulus ad *Proverb. III, 4*, juxta Septuaginta, qui ita habent: Προνοεῖ κατὰ ἐνώπιον Κυρίου καὶ ἀνθρώπων. « Provide bona coram Domino et hominibus: » licet hic apud Paulum in Græco exciderit τὸ coram Domino, q. d. Ita honeste, amice, juste et sancte vivite, ut vita vestra et conversatio bona et amabilis non tantum Deo, sed et hominibus probetur, nec a quoquam jure culpari possit, sed cæteris in exemplum virtutis luceat et præfulgeat. « Deo debemus, ait S. Bernardus, conscientiam, proximo famam. »

Conversatio sit probabilis.

Deo debemus conscientiam, proximo famam.

Secundo, Græci jungunt hoc cum eo quod præcessit: « Nulli malum pro malo reddentes, » q. d. Paulus: Non sufficit vobis malum pro malo non reddere, sed oportet ut bona quoque provideatis, id est benefaciatis omnibus, etiam inimicis. Verum hic sensus arctior est. Succulente S. Bernardus, serm. *De Triplici judicio*: « Tribus, inquit, modis providemus bona coram hominibus, id est habitu, actione, sermone. Habitu, ne sit notabilis; actione, ne sit reprehensibilis; sermone, ne sit contemptibilis. Tribus etiam modis coram Deo, cogitatione, affectione et intentione. Nam et cogitatio debet esse sancta; unde scriptum est: Cogitatio sancta servabit te; et affectio pura, et intentio recta. »

Vers. 19. 19. NON VOSMETIPROS DEFENDENTES, CHARISSIMI. — Pro « defendentes, » Græce est ἐκδικούντες, id est vindicantes. Ita S. Chrysostomus; unde et Tertullianus legit: « Non vosmetipsos ulciscetes. » Ita quoque Syrus et alii. Sic etiam alibi noster Interpretes vertit, ut *Judith I, 42*, et cap. II, 1. Sic Nonius Marcellus ex Ennio: « Serva, inquit, cives, defende (id est vindica, ulciscere) hostes. » Et Virgilius: « Solstitium pecori defendite. » Et Tertullianus, lib. II *Contra Marcionem*, pro eo quod nos habemus: « Mihi vindicta, et ego retribuam, » legit: « Mihi defensa, et ego defendam; » et Gellius, lib. I, cap. IX: « Defendere, inquit, idem est quod depellere. » Unde patet tempore nostri Interpretis « defendere » usitatum fuisse pro vindicare. Hinc S. Cyprianus, lib. *De Patientia*: « Nec defendi, ait, ante Dominum servi irreligiosa festinatione properemus; » defendi, id est vindicari.

Defendere pro vindicare aut depellere.

Locus moralis contra vindictam ex Tertulliano. Primo.

Vetat ergo Paulus hic vindictam et ultionis appetitum: contra quem egregia documenta et pharmaca assignat Tertullianus, lib. *De Patientia*, cap. IX et X.

« Hæc, inquit, ulciscendi libido negotium curat aut gloriæ, aut malitiæ: sed gloria ubique vana est; et malitia Domino odiosa, hoc quidem loco maxime: quia malum duplicat, quod semel factum est. Quid enim refert inter provocantem et provocatum, nisi quod ille prior in maleficio deprehenditur, iste posterior? »

Secundo.

« Uterque læsi Domini reus est, qui omnem nequam prohibet et damnat, quique præcipit malum malo non rependendum. »

« Quem honorem litabimus Domino, si nobis Tertio. arbitrium defensionis (id est ultionis) arrogaverimus? »

« Quid credimus judicem illum, si non et ultorem? Hoc se nobis repromittit dicens: Vindictam mihi, et ego vindicabo; id est patientiam mihi, et ego patientiam remunerabo. »

« Qui vindicat se, honorem unici judicis, id est Quinto. Dei, abstulit. »

« Post vindictam sequitur poenitentia, fuga et Sexto. reatus, ut pari modo plectamur. »

« Nihil impatientia susceptum, sine impetu Septimo. transigi novit: quidquid impetu actum est, aut offendit, aut corrui, aut præceps abiit. »

« Si levius defendaris, insanies; si uberius, one- Octavo. raberis »

« Quid mihi cum ultione, cujus modum regere Nono. non possum per impatientiam doloris? »

« Si patientiæ incubabo, non dolebo; si non Decimo. dolebo, ulcisci non desiderabo. »

SED DATE LOCUM IRÆ, — supple, divinæ, ait Chry- Quid sit
sostomus, Theodoretus, Œcumenius et S. Augus- adre lo-
tinus in *Psa'm. LXXVIII, q. d.* Relinquitte Deo vin- cum iræ?
dictam vestræ injuriæ. Huic expositioni nonnihil Primæ
favent sequentia. positio.

Secundo, Ambrosius et Anselmus: « Da locum Secunda. iræ, » id est, inquit, fuge, tace, cede irato et furenti; et, ut Origenes ait, fer patienter iratum fratrem, nihil contradicendo aut faciendo: sic enim ira ejus subsidet, illumque æque ac te sibi et paci restitues.

Tertio et perfectius, S. Basilius in *Regulis brevioribus*, resp. 244, et ex eo Toletus sic explicant: « Date locum iræ, » donec scilicet ira compleatur, itaque cesset, ut si iratus dextram tuam maxillam feriat, porrigas ei et sinistram potius, quam vindices te. « Da, inquit Basilius, locum iræ quasi torrenti, qui obvia quæque impetu suo rapidissimo devolvit. » Sic fere S. Athanasius *ad Antiochum*, Quæst. CXXIX: « Da locum iræ, » inquit, hoc est, da veniam iræ, iram et injuriam tibi illatam condona. »

Quarto et perfectissime, abbas Joseph apud Cas- Quarta.
sianum, *Collat. XVI, cap. XXVII*: « Date locum iræ, et perfec-
hoc est, inquit, non sint corda sic impatientie et tissima.
pusillanimitatis angustiis coarctata, ut violentam commotionis procellam, cum irruerit, sustinere non possint: sed dilatamini in cordibus vestris; suscipientes adversos iracundiæ fluctus in illis extensis sinibus charitatis, quæ omnia suffert, omnia sustinet. Et ita mens vestra, amplitudine longanimitatis ac patientiæ dilatata, habeat in se consiliorum salutares recessus (nota), in quibus receptus quodammodo, atque diffusus teterrimus iracundiæ fumus protinus evanescat. » « Date ergo locum iræ, » id est, excipite iracunda verba et verbera in sinibus cordis, patientiæ et charitatis vestræ, ibique ea extinguite et obruite charitate. Sic etiam Livius dixit, lib. I, *Decad. I*: « Date iræ spatium. »

Solet enim Paulus ad perfectiora gradatim assurgere. Verum secundus sensus simplicior est et genuinus.

Hoc Apostoli malagma, imo philtum suis Constantinopolis Catholicis inculcavit S. Gregorius Nazianzenus : dum enim ipsi ab Arianis sub Valente Ariano Imperatore vexati et oppressi, eo mortuo, sub Theodosio Orthodoxo Imperatore, par pari eis reddere, eosque paribus molestiis afflicere cogitarent, hæc ad eos dixit Nazianzenus : « Non hæc, mi grex, a nobis poscit Christus, neque sic Evangelium nos docet. Hæc mea sit ultio, ut qui nos affecerunt injuriis, salutem consequantur. Præstate illis beneficia qui vos odio prosequuntur. Quod si animus vehementer exæstuat, neque coerceri se ira patitur, quod ab hoc alterum est præstate, ut hæc Christo permittatis, ac futuro tribunali reservetis. Mea enim est ultio, ego rependam, ait Dominus. » His dictis populum placavit, et in suam sententiam pertraxit. Neque sequens re ipsa præstitit quod suos verbo docuit. Cum enim in Concilio Constantinopolitano similitates quorundam Episcoporum et dissidia essent exorta, eo quod Nazianzenus, ipsis inconsultis, ab aliis esset consecratus Episcopus Constantinopolitanus, loco suo et gradu sponte cessit, atque ita eos allocutus est : « Suppliciter vos per Trinitatem ipsam oro, ut inter vos omnia recte pacificeque constituatis : quod si ego dissensionis inter vos causa sum, nequaquam Jona vate venerabilior videri debeo, abjicite me in mare, ac turbam tempestas hæc inter vos sedabitur. Lubens equidem patiar quidquid volueritis, quanquam innocens, vestræ concordie causa. Ejicite me solio, ab urbe pellite, tantum veritatem et pacem diligite. Valete, pastores sacri, meorumque laborum perpetuo recordamini. » His dictis, abiit ad Theodosium Imperatorem, dimissionem petens : « Supplex, inquit, oro ut laboribus hisce liberer, esto finis invidiæ, pacem colant Antistites, idque tua opera. Hoc ego munus a te flagito, hoc mihi postremum beneficium largire. » Admiratus virtutem viri Theodosius vix tandem acquievit, ac Nectarium ei substitui passus est. Ita Gregorius Presbyter in *Vita Nazianzeni*.

sime ; erit enim non hominis, sed Dei, cujus opera ingentia, magnifica et terrifica sunt, hæc ultio. Ex eo enim quod Deus sibi hanc vindictam reservat, colligimus ingentem et terribilem eam fore. Nam, ut hæc verba rursum citans *ad Hebræos*, x, 30, eaque explicans subjicit Apostolus : « Horrendum est incidere in manus Dei viventis. » Non debet ergo homo seipsum ulcisci : quia hoc esset præripere et invadere officium Dei, de ejusque vindicta diffidere, quæ tanta erit, ut potius commiseratione et compassione digni sint, qui cum nobis leves injurias irrogant, in manus Dei viventis et irati incident, in quas horrendum est incidere. Experientur enim non humanam, sed divinam, Deoque dignam ultionem. Pulchre et acute S. Bernardus, serm. 3 *De Annuntiat.* : « Mihi vindicta, et ego retribuam, dicit Dominus. Ita prorsus est. Ipse retribuet, sed si ei vindictam serves, si non tollas ab eo judicium, si non reddas retribuendis tibi mala. Faciet judicium, sed injuriam patienti : in æquitate judicabit, sed pro mansuetis terræ. » Et paulo ante : « Alioquin qui patientiam non servaverit, perdet justitiam, hoc est vitam perdet, hoc est animam suam. »

Ex hac Mosis et Pauli sententia, Manichæi, Anabaptistæ, Lutherus et Erasmus docent, apud Christianos non licere magistratui bello, aliove modo vindicare reipublicæ injurias et improborum peccata. Sed errant gravissime : nam vindicta magistratus est Dei, ut patet cap. sequenti, initio. Privata ergo vindicta hic tantum prohibetur, non autem illa quæ fit per justitiam et potestatem publicam. Nam, ut ait S. Augustinus, *epist.* 5 : « Agenda sunt multa etiam cum invitis, benigna quadam asperitate plectendis, quorum potius utilitati consulendum est quam voluntati. Nam cui licentia iniquitatis eripitur, utiliter vincitur : quoniam nihil est infelicius felicitate peccantium, qua pœnalis nutritur impunitas, et mala voluntas velut hostis interior roboratur. »

20. SI ESURIERIT INIMICUS TUUS, CIBA ILLUM. — Vers. 20. Hæc sententia sumpta est ex cap. xxv *Proverb.*, vers. 21. Pro ciba, græce est verbum *ψωμίζω*, quod emphasis habet, significatque indulgenter pascere, veluti minutatim insipato pane, sive bolos in os ingerere, sicut matres parvulis, aves pullis cibum in os inserunt ; aut frustulatim concisum cibum ad comedendum offerre, id quod apud aliquos fit erga eos quibus singulariter favetur in conviviis.

Moraliter S. Augustinus, lib. I *De Serm. Domini in monte*, cap. xxxiii et xxxiv, sex dat gradus patientiæ erga inimicum : *primus* est, nolle lædere aliquem ; *secundus*, si læsus sit, velle tantum lædere, quantum læsus est, non amplius ; *tertius*, minus velle lædere, quam læsus sit ; *quartus*, nolle lædere, licet læsus sit ; *quintus*, si læsus sit, paratum se exhibere ut amplius lædatur ; *sextus* et perfectissimus est, si læsus lædenti beneficiat et subveniat.

Vers. 19. 19. SCRIPTUM EST ENIM : MIHI VINDICTA (supple, *competit*), EGO RETRIBUAM, DICIT DOMINUS. — Citat Deo pro- prium ul- cisci. Paulus *Deuter.* xxxii, 35, ubi habetur לִי נָקָם וְשָׂוִי *li nakam vescallem*, id est, mihi ultio et retribuere, sive retributio ; subaudi *competit*. Noster Interpres vertit, *mea est ultio*, id est, ad me pertinet, mihi debetur ultio ; Vatablus vertit, *meum est ulcisci*, q. d. Ego Deus sum omnium justissimus provisor, judex et vindex, cujus proprium munus est injurias ulcisci et pœnas de iis sumere.

Est occupatio : occurrit enim hic Paulus objectioni, q. d. Objicies mihi : Si me non ulciscar, ergo mea injuria manebit inulta. Respondeo : Nequaquam, quia Deus ulciscetur, idque gravis-

Horrenda est Dei vindicta.

Licet magistratibus ulcisci injurias reipublicæ.

Impunitatis infelicitas.

Quid ψωμίζω? Inimicus quomodo pascendus?

Patientiæ erga inimicum gradus sex ex S. Augustino.

Qui sint
carbones
ignis
hic?
Prima ex-
positio.

HOC ENIM FACIENS, CARBONES IGNIS CONGERES SUPER CAPUT EJUS. — *Primo*, Origenes, Chrysostomus; Theodoretus et Eucherius in *Quæst. novi Testam.*, sic explicant, *q. d.* Si cibus inimicum, hac ratione eum, si persistat nocere, gravioris poenæ et ignis æterni reum facies. Sed hoc non est ad rem, et hoc intendere esset gravissimum odium. Nisi dicas hoc tantum ab Apostolo quasi sponte sua eventurum dici, ad consolationem justorum patientium persecutionem ab impiis; scilicet quod impii non evadent vindictam Dei, si in malitia persistant, iustis hoc non intendentibus, sed permittentibus.

Secunda.

Unde *secundo*, simpliciter sic aliqui explicant: « Carbones ignis congeres, » id est rubore suffundes faciem illius, ut tua beneficentia pudefactus et charitate victus cedat, odiumque in amorem convertat. Ita noster Gaspardus Sanchez, in *Isaiæ* cap. XIII, num. 13: « Carbones, inquit, ignis congeres super caput ejus, id est faciem ejus ardere facies eo sanguine, quem pudor ad maxillas evocat; non secus atque si supra caput carbones congeris, qui faciem inflammarent. Quomodo enim ille non pudefiat, qui videt tam liberalem atque ingenuum animum a se fuisse offensum, a quo pro injuria tale recepit beneficium? »

Tertia.

Tertio, idem, *Isaiæ* xxxv, in fine, alium affert sensum, *q. d.* « Pro injuriis acceptis beneficia confer in inimicos; tunc enim beneficia erunt instar carbonum, quos congeres in inimicos; quia eo modo excruciantur inimici, cum videant injurias, pro quibus ipsi plagas exspectabant, beneficiis compensari. Fert autem omnium linguarum consuetudo, ut quos aut verbis ignominiose, aut operibus dure et inclementer accipimus, eos urere dicamur. »

Quarta et
genuina.

Quarto et genuine, idem et S. Hieronymus, *ad Hedibiam*, *Quæst. I*, et S. Augustinus, *serm. 168 De Temp.*: « Congeres, inquit, super caput (inimici, eum cibando) carbones ignis, » id est ignitos, non iræ, sed charitatis et amoris, qui eum inflamment ad redamandum. « Nulla major, ait S. Augustinus, *tract. De Catechiz. rudibus*, est provocatio ad amandum, quam prævenire amando, » nimirum efficacissimum est philtum, ut ameris ama.

Carbones
ignis in
caput hos-
tis con-
gerere,
est amore
eum ad
redaman-
dum in-
cendere.

Hosce duos versus mutuatus est Apostolus ex *Prov. xxv, 21 et 22*, juxta Septuaginta, qui ibi verunt, τοῦτο γὰρ ποιῶν, ἀνθρακας πυρὸς σαρκοῦς ἐπὶ τῆς κεφαλῆς αὐτοῦ, id est hoc enim faciens, carbones ignis congeres, vel concervabis, super caput ejus; cum hebr. tantum sit, quia prunus tu accipis, vel incendis super caput ejus. S. Cyprianus, lib. III *ad Quirin.*, legit: « carbones vivos superfundes in caput ejus. » Significat Sapiens hac phrasi, prunas (id est amorem et beneficia) sic in acervum magnum congerendas, ut earum vis caput hominis, puta hostis, excedat, totusque homo calefiat a pedibus usque ad caput. Si enim prunæ tan-

tum in imo ponantur, non mox totus homo calescit, sed id fiet, si congerantur super caput ejus: a capite enim spiritus, motus, sensus et calor in totum corpus derivatur, *q. d.* Ciba et pota inimicum, omniaque in eum beneficia congere; ita fiet, ut quasi prunis acervum appositis, earum vis caput excedat, ipsumque et ex eo totum hominem calefaciat, faciatque ut inimicus, omni inimicitia deposita et velut beneficiorum igne consumpta, totus accendatur in amorem ejus quem prius oderat. Hanc vincendi rationem etiam in Cicerone laudavit Valerius Maximus, lib. IV, II, subjiciens: « Speciosius aliquando injuriæ beneficiis vincuntur, quam mutui odii pertinacia pensantur. » Ita Jansenius in *Proverb. xxv*. Adde, potius dicit caput, quam manus, vel pedes, quia est sedes sensuum, phantasie, mentis et affectus, v. g. amoris vel odii; unde et facies vel serena et blanda, vel austera et torva, mox amorem vel odium capitis et mentis indicat. Frigus ergo odii in mente et capite, beneficiis quasi carbonibus in caput congestis resolvendum, et in calorem amoris commutandum, apposite dicit et monet.

Denique sicut serpens virus habet in capite, ita et hostis ibidem habet odium; unde Scriptura caput ejus petendum et conterendum docet. Sicut ergo Hercules dicitur hydræ capita resecando non potuisse eam interimere, quia uno resecto, mox renascebatur aliud; sed ea ustulando et torrendo, confecisse hydram: ita et hydra hæc inimicitie tolli nequit gladiis, perimendo inimicos, quia uno cæso, mox alii filii vel nepotes succedunt, qui suorum necem ulciscantur. Igne ergo charitatis et carbonibus beneficiorum in caput eorum congestis, ustulanda, suffocanda et comburenda est hæc hydra, hoc frigidum virus invidiæ et inimicitie. Alludit Salomon ad illud patris sui Davidis, *Psal. cxix*: « Sagittæ potentis acutæ cum carbonibus desolatoriis, » *q. d.* Contra linguam hostilem et dolosam unicum remedium est verbum Dei, acutum ut sagitta, urens, consumens et desolans hostilitatem et dolum, ut carbo. Ita S. Augustinus ibidem, qui et addit exempla Sanctorum et actus charitatis esse carbones desolatorios terrenæ et inimicæ cogitationis: et hoc est quod hic dicit Salomon, et ex eo Paulus.

Tropologicæ, carbones ignis sunt urentes poenitentiae gemitus, quibus superbia sanatur ejus, qui dolet se inimicum fuisse hominis, a quo ejus miserie subvenit. Ita S. Augustinus, lib. III *De Doctr. Christ.*, cap. XVI.

21. NOLI VINCI A MALO. — « A malo, » scilicet ab injuria illata, et consequenter a dæmone, qui injuriam hanc et injuriantem excitat, ut et suam et tuam pacem, pariter ac conscientiam turbet. Rursum, « noli vinci a malo, » a tua scilicet impatientia; nemo enim læditur et vincitur nisi a seipso, ait S. Chrysostomus; nam, ut ait S. Ambrosius, lib. I *Offic.*, cap. xxxvi: « Vindicare se non est

Tropo-
logica.

Vers. 21.

actus fortitudinis, sed abjectionis et timiditatis. Vincitur ab inimico, non vincit, qui se vindicat. » Nam si læsus ab aliquo doleas, et impatienter agas, te ille vicit : si hilariter sustineas, si benefacias, tu vicisti. Nempe « idcirco quis te lædit (ait Tertullianus, lib. *De Patientia*) ut doleas ; quia fructus lædenti in dolore læsi est. Ergo cum fructum ejus everteris non dolendo, ipse doleat necesse est amissione fructus sui : tunc tu non modo illæsus abibis, sed insuper et adversarii tui frustratione delectatus, et dolore defensus. » Hucusque Tertullianus.

Oblivio injuriæ est actus magnanimi. Imo Aristoteles, lib. IV *Ethicor.*, cap. III, docet magnanimi esse oblivisci injuriarum : « Sicut enim, inquit, debilis stomachi est, cibum durior non posse concoquere ; ita pusillanimi est, verbum duriusculum non posse sustinere. » Hinc de Julio Cæsare ait Cicero, orat. *pro Marcello* : « Cæsar nihil oblivisci solet nisi injurias. » sive hoc dixerit vere Cæsarem laudando, sive fide eidem adulando, ait S. Augustinus, *epist.* 5. Quam longe ab hac virtute abest vulgus hominum, qui (uti dicere solet B. Thomas Morus) beneficia pulveri, maleficia marmori insculpunt.

SED VINCE IN BONO MALUM, — id est malefacta benefactis supera, malitiam vince bonitate, tum ut per maleficium alterius beneficentia tua sit illustrior atque augustior ; tum ut vincas ejus improbitatem beneficiis, ut ex improbo probus et bonus fiat, ex hoste amicus. Porro S. Augustinus in *Sententiis*, sentent. 247 : « Non vincit, ait, in bono malum, qui in superficie bonus est, et in alto malus ; opere parcens, corde sæviens ; manu mitis, voluntate crudelis. »

Modus heroicus vincendi inimicos est patientia. Pulchre de hac victoria disserit hic in morali S. Chrysostomus, ubi docet vinci inimicum non talione, sed patientia, contemptu, risu : « In Olympicis, ait, certaminibus diabolo consecratis lex est, malefaciendo vincere ; in stadio Christi omnino lex est contraria : hic enim non eum, qui percutit, sed qui percutitur, coronari decretum est. Illud demum est divinæ virtutis, illud cœleste stadium, illud angelorum theatrum. Si mansuetudinem exhiberemus, essemus omnibus insuperabiles, nec ulla ad nos injuria perveniret. Roga inimicum, an non doleat, an non censeat se victum, cum rides, cum contemnis ejus injurias ? » Vide et Senecam in *Sapiente*.

Audi Cleobuli, qui unus fuit e septem Græciæ Sapientibus, pium æque ac prudens diligendi præceptum : « Amicum tibi beneficio adjuuge, ut te impensius amet ; inimicum vero sic tractabis, ut eum tibi aliquando amicum spes. Cautio tamen hic adhibenda erit, ut illorum infamiam, horum vero insidias vitemus. »

Illustra exempla divitiarum, sive obli- filio mandaret, responderit : « Mando, inquit, ei

ut obliviscatur potus hujus, quem nunc ab Atheniensibus oblatum bibo. »

Non minus rarum et mirabile fuit exemplum Lycurgi, regis Lacedæmoniorum, qui cum a ferroce juvene Alcandro oculo orbatus esset, eumque a populo accepisset in suam potestatem, ut ad libitum eundem tractaret et plecteret, nihil gravius in juvenem statuit : imo vero illum optime instituit, vitia correxit et ad omnem honestatem efformavit ; itaque bonis moribus jam præditum in theatrum ad populum produxit, dicens : « En juvenem, quem a vobis injurium et violentum accepi, jam frugi et popularem vobis restituo. » Auctor est Plutarchus in *Vita Lyc.*, et alii.

Tyrrhæum, Pittaci filium, Cumis faber occiderat. Cumani homicidam vinctum miserunt ad Pittacum, ut de eo supplicium sumeret ; at ille, cognita causa, dimisit hominem dicens : « Ignoscencia potior est pœnitentia, » sentiens utilius esse condonare quam meminisse injuriæ et ulcisci.

Antigonus rex dicere solebat, « clementiam plus posse quam violentiam. »

Darius rex invidet clementiæ Alexandri Magni, et a diis precabatur, « ut aut superare posset clementia Alexandrum ; aut, si ipse regno spoliaretur, solus Alexander in Persarum regno imperaret. »

Trajanus amicis culpantibus quod nimis clemens esset, ait : « Talis sum Imperator privatis, quales mihi Imperatori privatos opto. »

Titus Imperator Domitianum fratrem insidias molientem non est ultus, sed his verbis admonuit : « Quid opus te parricidio petere, quod me volente obventurum est, imo quod jam habes, imperii particeps ? »

Thodosius Junior rogatus cur neminem eorum a quibus lædebatur, supplicio afficeret ? respondit : « Utinam mihi liceret et mortuos ad vitam revocare ! »

Ad privatas injurias oportet principem esse facilem ad ignoscendum, in eos vero qui lædunt rempublicam decet esse severum.

Augustus Cæsar Cinnæ machinanti sibi necem condonavit, aitque : « Cinna, tibi iterum vitam do prius hosti, nunc insidiatori ac parricidæ ; » eique consulatum obtulit. Vis exitum ? Cinnam habuit perpetuo amicissimum, solus illi fuit hæres. Suetonius in *Augusto*.

S. Basilius, homil. 11 *De Patientia*, tria trium illustrium sapientum recenset exempla. *Primum* : « Probris, inquit, plebeius quidam afficiebat Periclem, ille vero ea negligebat : et sane tota die perseverabant, ille quidem conviciando, hic vero nihili pendendo. Deinde cum jam advesperasceret, et ille præ tenebris vix discederet, cum lumine ipsum Pericles domum deduxit, ne ipse inquinaret philosophiæ studium. *Secundum* : Cædebat quidam Socratem, in ipsam faciem impetu facto ; ille vero non obvium ibat, sed permittebat, ut se temulentus ille ira expleret, ita ut jam in-

Phocion, Lycour-
gus.

Pittacum.

Antigon-
us.

Darius do
clemen-
tia cum
Alexan-
dro con-
ten lit.

Traja-
nus.

Titus.

Theodo-
sius Jun-
ior.

Augus-
tus.

tumesceret et præ plagis saniosa ejus facies esset. Ubi autem ille cædere destitisset, Socrates nil aliud fecisse dicitur, quam quod eum fronti suæ, veluti statuæ cujusdam opificem, inscripserit, atque ita ultus est hominem. *Tertium* : Euclidi quidam mortem minatus est, ac juravit se eum occisurum; at ille contra juravit, se eum placaturum, ac ne animo in se hostili sit, effecturum.»

Egrege vero Christiana illa virgo sanctitate illustris apud D. Taulerum in *Inst.*, cap. xxxi, moriens rogata, quomodo ad tantam sanctitatem pervenisset? respondit : « *primo*, afflictiones meas nulli nisi Deo quæsta sum, et statim aut consolabar, aut confortabar a Domino; *secundo*, corde semper fui liberalissimo, et si quando opere non poteram, animo saltem dabam; *tertio*, iis a quibus læsa fui, beneficium singulare rependi, quod non fecissem, nisi læsa ab eis fuisset. » Ecce hæc

Tria me-
dia ad in-
signem
sancti-
moniam.

est voluntas Dei bona, beneplacens et perfecta, quam a vers. 2 huc usque per singula persequitur, hicque complet et perficit Apostolus.

Excelluit in hac virtute S. P. N. Ignatius, ut cum compilatorem pecuniæ suæ Rothomagi ægro- tantem et ab omnibus desertum, Parisiis advo- lans, toto triduo nec comedens, nec bibens, adiit, eleemosynis a se conquisitis juvit, sanitati resti- tuit et in Hispaniam cum litteris commendatitiis misit. Rursum, cum accusatorem suum in Socie- tatem recepit. Notum est eum Cardinales alios- que sibi et Societati infensos una visitatione ita immutasse, ut qui antea impugnatores, jam pa- troni et nutritii ejus essent. Nonne carbonēs ignis congessit super capita eorum? Denique in *For- mula orandi* præscripsit nobis, ut assidue pro re- gibus, prælatis, benefactoribus, ac præsertim pro inimicis Societatis oraremus.

CAPUT DECIMUM TERTIUM.

SYNOPSIS CAPITIS.

A charitate et humilitate transit hic Apostolus ad obedientiam, docetque octo rationibus (quas colligam vers. 1), Christianos magistratibus sæcularibus debere parere, non solum propter iram, sed etiam propter conscientiam.

Secundo, vers. 8, urget rursum dilectionem proximi, docetque quod plenitudo legis sit dilectio.

Tertio, vers. 11, urget fideles, ut splendente luce Evangelii de somno peccatorum surgant, utque fugientes gulam, libidinem, ambitionem, induantur Dominum Jesum Christum. Quare Apostolus prima parte capituli, videtur hominem recte componere per obedientiam erga Superiores; in secunda parte, per cha- ritem erga æquales et inferiores; in tertia, per temperantiam, continentiam et modestiam erga seipsum.

1. Omnis anima potestatibus sublimioribus subdita sit : non est enim potestas nisi a Deo : quæ autem sunt, a Deo ordinatæ sunt. 2. Itaque qui resistit potestati, Dei ordina- tioni resistit. Qui autem resistunt, ipsi sibi damnationem acquirunt : 3. nam principes non sunt timori boni operis, sed mali. Vis autem non timere potestatem? Bonum fac, et habe- bis laudem ex illa : 4. Dei enim minister est tibi in bonum. Si autem malum feceris, time : non enim sine causa gladium portat. Dei enim minister est, vindex in iram ei, qui malum agit. 5. Ideo necessitate subditi estote non solum propter iram, sed etiam propter conscien- tiam. 6. Ideo enim et tributa præstatis : ministri enim Dei sunt, in hoc ipsum servientes. 7. Reddite ergo omnibus debita : cui tributum, tributum; cui vectigal, vectigal; cui timo- rem, timorem; cui honorem, honorem. 8. Nemini quidquam debeatis, nisi ut invicem diligatis : qui enim diligit proximum, legem implevit. 9. Nam : Non adulterabis : Non occides : Non furaberis : Non falsum testimonium dices : Non concupisces; et si quod est aliud mandatum, in hoc verbo instauratur : Diliges proximum tuum sicut teipsum. 10. Dilectio proximi malum non operatur. Plenitudo ergo legis est dilectio. 11. Et hoc scientes tempus, quia hora est jam nos de somno surgere. Nunc enim propior est nostra salus, quam cum credidimus. 12. Nox præcessit, dies autem appropinquavit. Abjiciamus ergo opera tenebrarum, et induamur arma lucis. 13. Sicut in die honeste ambulemus : non in comessionibus et ebrietatibus, non in cubilibus et impudiciis, non in contentione

et æmulatione : 14. sed induimini Dominum Jesum Christum, et carnis curam ne feceritis in desideriis.

Vers. 1. 1. OMNIS ANIMA (omnis homo) POTESTATIBUS SUB-
 LIMIORIBUS (id est principibus et magistratibus
 qui potestate regendi et imperandi sunt præditi;
 ponitur enim abstractum pro concreto, *potestati-*
bus, hoc est, potestate præditi) SUBDITA SIT; —
 scilicet iis in rebus in quibus potestas illa subli-
 mior et superior est, habetque jus et jurisdic-
 tionem, puta in temporalibus, subdita sit regi et
 potestati civili, quod proprie hic intendit Apos-
 tolus : per potestatem enim, civilem intelligit; in
 spiritualibus vero subdita sit Prælati, Episcopis
 et Pontifici (1).

Nota : Pro *potestatibus sublimioribus*, Græce est
ὑπερτατάς ἐκτετατάς, *potestatibus supereminentibus*,
 vel *præcellentibus*, uti Noster vertit I Petr. II :
 « Sive regi quasi præcellenti. » Syrus vertit, *po-*
testatibus dignitate præditi, id est magistratibus
 sæcularibus, qui potestate regendi præditi sunt,
 sive duces, sive gubernatores, sive Consules, Præ-
 tores, etc.

Sæculares enim magistratus hic intelligere Apos-
 tolum patet, quia his solvuntur tributa et vecti-
 galia, quæ hisce potestatibus solvi jubet ipse,
 vers. 7. Ita S. Basilius, *De Constitutione monast.*,
 cap. XXIII.

Nota ex Clemente Alexandrino, lib. IV *Strom.*,
 et S. Augustino in *Psal. cxviii*, conc. 31 : Initio
 Ecclesiæ, puta tempore Christi et Pauli, rumor
 erat, per Evangelium politias humanas, regna
 et respublicas sæculares everti, uti jam fit ab hæ-
 reticis prætendentibus libertatem Evangelii : unde
 contrarium docent et studiose inculcant Chris-
 tus, cum solvit didrachma, et cum jussit Cæsari
 reddi ea quæ Cæsaris sunt, et Apostoli, idque ne
 in odium traheretur Christiana religio, et ne
 Christiani abuterentur libertate fidei ad omnem
 malitiam.

Ortus est hic rumor ex secta Judæ et Galilæo-
 rum, de qua *Act. iv*, in fine, qui pro libertate
 sua tuenda omne dominium Cæsaris et vectigal;
 etiam morte proposita abnuebant, de quo Jose-
 phus, lib. XVIII *Antiq.*, 1. Quæ secta diu inter Ju-
 dæos vixit, adeoque Christus et Apostoli in ejus
 suspitionem vocati sunt, quia origine erant Gali-
 læi, et rerum novarum præcones. Hos Galilæos
 secuti sunt Judæi omnes, et de facto Romanis re-
 bellarunt, quod dicerent populum Dei liberum

(1) Sequitur parænesis ad obsequium magistratibus
 quibusvis, etiam iniquis, præstandum. Quam necessaria
 fuerit ista admonitio, discimus ex historia. Nam sub
 imperio Claudii et Neronis, innumeri fuerunt cives,
 qui horum Imperatorum dominationem exosi, imperium
 eorum detrectare, resque novas moliri conarentur. Inde
 factum est, ut Caligula morte violenta, Claudius veneno,
 et Nero denique non feliciore fato, de medio tollerentur.
 Et jam antea Judæi, Romæ commorantes, ob tumultum
 concitatum sub imperio Claudii, ex urbe erant ejecti.

non debere subijci et servire infidelibus Romanis;
 ideoque a Tito excisi sunt. Hinc etiam eadem ca-
 lumnia in Christianos, qui origine erant et habebantur
 Judæi, derivata est : unde Apostoli, ut eam
 amoliantur, sæpe docent principibus dandum
 esse honorem et tributum.

Quare octo argumentis probat hic Apostolus,
 principibus et magistratibus deberi obedientiam.

Primum est hoc versu : Quia hæc est ordinatio
 Dei et præceptum divinum.

Secundum, vers. 4 : Quia ministri sunt Dei, Dei
 vices gerunt : iis ergo quasi Dei vicariis reverentia
 et obedientia præstanda est.

Tertium, versu eod. : Quia gladium portant, ut
 inobedientes plectant.

Quartum, vers. 5 : Quia eis parendum est prop-
 ter conscientiam : hæc enim peccati fiet rea, si
 inobediens eis sis.

Quintum, vers. 2 : Quia Deus iis, qui eis resis-
 tunt, minatur damnationem. S. Augustinus in
 illud *Psalmi cxviii*, A verbis tuis formidavit cor
 meum : « Habuerunt, ait, principes sua verba :
 Occido, proscribo, in exilium mitto. Sed hæc non
 possunt comparari huic : Hic potest corpus et
 animam mittere in gehennam; ob id a verbis tuis
 formidavit cor meum. » Jam verbum et præcep-
 tum Dei est, ut sub pœna damnationis obediamus
 magistratibus, etiam sæcularibus.

Sextum, vers. 6 : Quia hanc subjectionem et obe-
 dientiam indicant tributa, quæ subditi pendunt
 magistratibus : his enim tributis testantur et pro-
 fidentur se eis esse subjectos.

Septimum, vers. 8 : Quia charitas Christiana hoc
 exigit, nimirum, ut omnes quemque pro suo
 gradu et modo diligamus : pares ut pares amando,
 superiores ut superiores reverendo eisque obedi-
 endo.

Octavum, vers. 13 et 14 : Quia lex Christiana
 arcta est, vetat comessationes et libidines, præ-
 cipit omnem disciplinam et sanctimoniam, ut in-
 duamur Dominum Jesum Christum. Multo ergo
 magis præcipit obedire magistratui et legi civili,
 quæ civilem honestatem tantum et communem
 reipublicæ pacem et concordiam spectat. Hanc
 enim tuendam esse, ideoque magistratibus obe-
 diendum esse, dictat lex naturæ et jus Gentium.

His rationibus probat Apostolus et Evangelium
 et Christianismum regna et magistratus non ever-
 tere, sed firmare et stabilire : quia nil regna et
 principes ita confirmat, ac subditorum bona,
 Christiana et sancta vita. Adeo, ut etiam nunc prin-
 cipes Japones et Indi Gentiles ament Christianos, et
 suis copiam faciant baptismi et christianismi sus-
 ciendi; quia subditos Christianos, magis quam
 Ethnicos, faciles et obsequentes, regnaque sua per
 eos magis firmari, pacari et florere experiuntur.

Octo ar-
 gumentis
 confirma-
 tur obe-
 dientia
 principi-
 bus debi-
 ta.
 Primum,
 Secun-
 dum.
 Tertium.
 Quartum

Quintum

Sextum.

Septi-
 mum.

Octavum

Christia-
 ni subdi-
 ti regum
 etiam
 Ethnico-
 rum ro-
 bar sunt.

NON EST ENIM POTESTAS NISI A DEO, — *q. d.* Principatus et magistratus non a diabolo, nec a solo homine, sed a Deo ejusque divina ordinatione et dispositione conditi et instituti sunt : eis ergo obediendum est.

Potestas *Nota primo* : Potestas sæcularis est a Deo mediate, quia natura et recta ratio, quæ a Deo est, dictat et hominibus persuasit præficere reipublicæ magistratus, a quibus regantur. Potestas vero Ecclesiastica immediate est a Deo instituta, quia Christus ipse Petrum et Apostolos Ecclesiæ præfecit.

Neroni *Nota secundo* : Nero, Diocletianus, Domitianus alique similes, qui legitime creati sunt Imperatores, licet tyrannice imperarint, tyranni tamen non fuerunt, sed veri Imperatores, ideoque potestatem a Deo acceperunt, cui proinde omnes, etiam Christiani, in conscientia parere debebant : quanquam ipsi hac potestate contra Christianos, eos persequendo et occidendo, abusi sunt.

D. Augustinus *Pulchre S. Augustinus, lib. V De Civit., cap. XXI* : « Non tribuamus, inquit, dandi regni atque imperii potestatem, nisi Deo vero, qui dat felicitatem in regno cælorum solis piis, regnum vero terrenum et piis et impiis, sicut ei placet, cui nihil injuste placet. » Et infra : « Qui dedit, inquit, Mario, ipse et Cæsari ; qui Augusto, ipse et Neroni ; qui Vespasiano vel patri vel filio suavissimis Imperatoribus, ipse et Domitiano crudelissimo : et ne per singulos ire necesse sit, qui Constantino Christiano, ipse Apostatæ Juliano. »

Quæ autem sunt, a Deo ordinatæ sunt. — Ita legunt Biblia Romana, Græca et Syrus. Græce ergo τὸ ἐκ τοῦ Θεοῦ ponitur pro ἀπὸ Θεοῦ. Dicit itaque Apostolus hic *primo*, quod potestates etiam Gentilium, quæ sunt et existunt, a Deo institutæ et ordinatæ sint, ad hoc scilicet, ut homines a multis peccatis retraherent, et ut omnes justitiam pacemque colerent, nec se more piscium devorarent. *Secundo*, asserit hasce potestates carere ataxia, et esse apto ordine inter se distributas et subordinatas a Deo, vel sub Deo : utrumque enim significat Græcum ἐκ τοῦ Θεοῦ. *Tertio*, affirmat hunc earum ordinem non tantum institutum, sed et præceptum sancitumque esse a Deo, ita ut illi resistere aut contraire non liceat. Græcum enim τεταγμέναι, id est ordinatæ, constitutæ, decretæ, non tantum ordinem, sed et constitutionem, decretum et præceptum, illudque stabile et firmum significat.

Quomodo ordinata a Deo omnis potestas? Hæ ergo potestates non sunt ordinatæ eo modo, quo condita et ordinata a Deo sunt natura et ordines rerum naturalium, v. g., appetitus et societates leonum, luporum, ursorum, cum quibus hominibus sæpe bellandum est : sed eo modo, quo leges et sanctiones ordinatæ sunt, quibus resistere non licet : est enim magistratus lex quædam viva et sancta ; sicut e converso lex est magistratus quidem silens et mutus. Aut eo modo, quo dux ordinat suos milites : hic enim non sim-

plicem eis ordinem ponit, sed cuique suum locum et munus injungit, in quo firmus ad mortem usque consistere debet, a quo nemo nisi hostis eum depellere audeat. Pari enim modo Deus potestates has ordinans et subordinans, cuique suum munus injungit, cui nemo, nisi hostis Dei haberi velit, resistere audeat ; ita ut earum τάξις et ordo sit διατάξις, id est ordinatio, constitutio et sanctio quædam firma et inviolabilis, cui omnes auscultare et obedire debeant. Unde idipsum explicans Apostolus subdit :

2. QUI AUTEM RESISTUNT, IPSI SIBI DAMNATIONEM ACQUIRUNT. — *Damnationem*, tum ab ipsa potestate temporariam, tum a Deo æternam in inferno. Ita S. Chrysostomus, Theophylactus, Oecumenius. Hinc patet mortale esse peccatum resistere potestati civili. Ita S. Augustinus, *epist.* 50, Ambrosius, Bernardus, lib. *De Præcept. et dispensatione*.

3. NAM PRINCIPES NON SUNT TIMORI (οὐκ αἰοῦ φόβος, non sunt timor et terror) BONI OPERIS, SED MALI. — Loquitur Paulus de timore supplicii, non reverentiæ, quem vulgus metum reverentialem vocat. Hunc enim habent boni, non mali.

VIS NON TIMERE POTESTATEM ? BONUM FAC, ET HABEBIS LAUDEM EX ILLA. — Tum quia punitio malorum quam facit magistratus, laus est bonorum ; tum quia idem magistratus bonos laudat et præmiat. Pulchre S. Gregorius Nazianzenus, *orat.* 17 : « Cum Christo imperium geris, cum Christo munus hoc administras : ab illo gladium accepisti, non tam ut eo utaris quam ut mineris, ac terras : quare tibi videndum est, ut illum tanquam donarium quoddam, purum et integrum ei qui dedit serves. »

4. DEI MINISTER EST TIBI IN BONUM, — ut ad bona, lege, laudibus et præmiis te provocet, et adversus impios et violentos te tueatur.

SI MALUM FECERIS, TIME : NON ENIM SINE CAUSA GLADIUM PORTAT. — *Gladius* enim significat magistratum habere potestatem vitæ et necis. Hac de causa iis qui habent merum imperium gladius nudus præfertur, et Romani Consules lictores cum fascibus virgarum et securibus ante se ducebant.

DEI ENIM MINISTER EST, VINDEXT IN IRAM, — scilicet ad iram, hoc est supplicium sumendum de malefactoribus. Ad hoc enim institutus est magistratus, ut pacem publicam conservet, et vitæ communis honestatem et societatem tueatur, ideoque eos qui eam perturbant, plectit. Metonymice hic *ira* significat pœnam, quia pœna est effectus iræ et vindictæ.

5. IDEO NECESSITATE (aliqui legunt, necessitati) SUBDITI ESTOTE, — *q. d.* Ideo necesse est, ideo oportet vos subdi potestati. Ita Syrus et Græci, scilicet tum propter iram, vindictam et gladium, quem gerit et minatur ; tum propter obligationem et ordinationem divinam, quæ etiam conscientiam ad hanc subjectionem obstringit : unde sequitur :

NON SOLUM PROPTER IRAM, SED ETIAM PROPTER CONSCIENTIAM. — *Conscientiam* non aliorum, quos scandalo offendis, uti aliqui recentiores expli- cant; non etiam propter conscientiam beneficiorum, quæ a magistratibus pacem communem tuentibus recipis, et ob quæ tributa præstas, ut exponunt Græci: sed proprie propter tuam conscientiam, ne scilicet ea fiat rea inobedientiæ coram Deo; Dei enim minister est magistratus, ut præcessit. Unde conscientia dictat, ei quasi Dei ministro obediendum esse, et consequenter in Deum peccare illum, qui ei non obedit.

Nota ex hoc loco contra Gersonem, leges Ecclesiasticas, et contra Almainum, leges civiles, etiam Gentilium, impiorum et infidelium principum, seculo quoque scandalo, obligare in conscientia sub peccato mortali, si res gravis gravi obligatione vel interminatione præcipiatur ab eis. Apostolus enim loquitur de legibus Imperatorum Romanorum, qui tum erant infideles.

6. IDEO ENIM ET TRIBUTA PRÆSTATIS. — Est novum argumentum a signo, quo probat Paulus magistratibus esse obediendum, *q. d.* Tributum, quod vos, o fideles, datis et præstatis regibus et principibus, signum est tum vestræ subjectionis, tum illorum potestatis, ministerii, oneris, pervigilisque laboris.

MINISTRI DEI SUNT, IN HOC IPSUM SERVIENTES, — toti scilicet in hoc ipsum incumbentes. Græcum enim *πρεσβυτεροι*, quod S. Augustinus, lib. IV *De Doctrina Christiana*, cap. xxix, vertit, *perseverantes*, significat continuam, diligentem et intensam curam, ut Dei loco bonis sint in tutelam, malis in ultionem, utque sibi subditos a malis retrahant, et ad virtutes promoveant.

Notent hic principes, tributis quasi mercede se ali et conduci a republica, ut illi serviant illamque defendant.

7. REDDITE OMNIBUS DEBITA: CUI TRIBUTUM (debitis), TRIBUTUM (reddite); CUI VECTIGAL (debitis), VECTIGAL (reddite). — *Tributum*, græce *φόρος*, est tributum vel census facultatum et personarum. Unde et latine *tributum* dicitur a tribuendo, vel contribuendo. *Vectigal*, græce *τελος*, est id quod pro mercibus importatis vel exportatis penditur. Ita ex Strabone Budæus. Unde latine *vectigal* a vehendo dicitur, quia solvitur ex his quæ advehuntur vel evehuntur, ad securitatem et restaurationem viarum, pontium, aggerum, etc.

CUI TIMOREM (debitis, illi reddite) TIMOREM, — id est reverentiam, et inde consequentem obedientiam. Ita S. Chrysostomus et Theophylactus. Est metalepsis. Sic alibi sæpe dicitur: « Timete Dominum, » id est *reveremini Dominum*.

8. NEMINI QUIDQUAM DEBEATIS, NISI UT INVICEM DILIGATIS — *q. d.* Mature debita vestra exsolvite, statum debitis omnibus vos liberate, excepto debito charitatis, quo nunquam exsolvi potestis, tum erga pares, tum erga Superiores et parentes, quos diligere semper debetis, eos honorando et

obediendo. Hoc enim debitum semper manet, ut nunquam illi ita solvendo sitis, quin semper ulterius debitum restet. Ita S. Chrysostomus, Augustinus et Fulgentius, serm. *De Charitate*. Audi S. Augustinum, epist. 62 ad *Cælestinum*: « Semper, inquit, debeo charitatem, quæ sola etiam reddita detinet debitorem. » Et rursum: « Mutuam charitatem libens reddo gaudensque recipio; quam recipio, adhuc repeto; quam reddo, adhuc debeo. » Nihil ergo hic habent Anabaptistæ et Trinitarii, ut ex hoc loco apud Christianos aboleant magistratus et iudices ac judicia, quibus civilia iustitiæ debita repetantur. Charitas enim et debitum charitatis dictat, ante omnia solvendum esse debitum iustitiæ, si quod sit, uti jam explicui; nam aliqui hic verteret omnes versus præcedentes, quibus civilem potestatem, iudices et judicia sanxit et confirmavit Apostolus.

QUI ENIM DILIGIT PROXIMUM, LEGEM IMPLEVIT. — « Legem, » scilicet eam quæ proximum spectat, quam subdit Apostolus, dicens: « Diliges proximum tuum, sicut teipsum. »

Nota: Pro « proximum, » hic græce est *τὸν ἑταίρον*, id est *alterum*. Lege ergo charitatis diligendus est omnis alter homo, sive amicus sit, sive inimicus; sive domesticus, sive peregrinus; sive fidelis, sive infidelis. Id ita esse patet ex eo, quod rem cujusvis barbari et pagani furari, occidere, concupiscere, sit contra legem charitatis secundæ tabulæ, quæ proximum et hominum socialem vitam spectat. Hunc genuinum esse hujus loci sensum patet ex ratione quam subjicit Apostolus, dum ait:

9. NAM: NON ADULTERABIS, NON OCCIDES, NON FURABERIS, NON FALSUM TESTIMONIUM DICES, NON CONUPISCES; ET SI QUOD EST ALIUD MANDATUM, IN HOC VERBO INSTAURATUR: DILIGES PROXIMUM TUUM SICUT TEIPSUM. — Vides, ut hic recenseat tantum præcepta secundæ tabulæ quæ proximum spectant, illaque omnia in uno dilectionis proximi præcepto concludi asseveret. Cum ergo exinde inferendum relinquit, quod « qui diligit proximum, legem implevit, » non dubium est ipsum eandem legem, nimirum secundæ tabulæ tantum, quæ proximum spectat, intelligere: de eadem enim lege loquitur in consequente, de qua locutus est in antecedente.

Secundo tamen S. Augustinus, lib. VIII *De Trinitate*, cap. viii, sic explicat: « Qui diligit proximum, legem implevit; » legem, scilicet omnem tam primæ, quam secundæ tabulæ. Et ratio est, quia dilectio proximi includit et præsupponit dilectionem Dei, ut sui causam et fontem. Proximus enim diligendus est propter Deum; proximus ergo vera charitate diligi nequit, nisi simul, imo prius, diligatur Deus. Unde S. Joannes senex per singulas collectas hoc solum prædicabat: « Filioli, diligite invicem; » rogatus causam, respondit: « Quia præceptum Domini est: et si

Debitum charitatis perpetuum est, et insolubile

Anabaptistarum et Trinitariorum error excluditur.

Quis proximus?

Vers. 2.

Omnem legem implet qui proximum diligit

solum hoc fiat, sufficit. » Testis est S. Hieronymus, in cap. vi epist. ad Galat.

Charitatem pro-
ximi in-
volvere
charita-
tem Dei,
pulehram
similitu-
dine cir-
culi et
centri os-
tenditur.

Pulehram circuli et centri similitudine idipsum declarat B. Dorotheus, tom. III *Biblioth. SS. Patrum*, doctrina 6, in fine : Circulus, inquit, est mundus, centrum est Deus, lineæ a circumferentia ad centrum ductæ significant hominis varias affectiones, actiones et amores; sicut ergo lineæ, quo magis a circumferentia distant, magisque accedunt ad centrum, eo sibi invicem magis appropinquant adeoque tandem in centro coeunt : ita amor noster quo magis a carne et mundo avellitur, magisque ad Deum accedit, eo magis et ad proximum accedit, tandemque in Deo ipso coit et unitur. « Quo enim magis, inquit, a Dei dilectione recedimus, eo magis et a proximi amore distamus : quantum vero Dei charitati adheremus, tantum et proximi; quantumque proximo, tantum et Deo conjungimur. »

Dilige,
et fac
quod vis.

Præclare quoque S. Augustinus, tractatu 7 in epist. I S. Joannis : « Semel, inquit, breve præceptum tibi præcipitur : Dilige, et fac quod vis, sive taceas, dilectione taceas; sive clames, dilectione clames; sive emendes, dilectione emendes; sive parcas, dilectione parcas : radix sit intus dilectionis, non potest de ista radice nisi bonum existere. » Idem, lib. I *De Doct. Christ.*, xxii : « Cum autem, ait, Toto corde, tota anima, tota mente, nullam vitæ nostræ partem relinquit, quæ vacare debeat, et quasi locum dare, quasi alia re velit frui; sed quidquid aliud diligendum venerit in animum, illuc rapiatur, quo totius dilectionis impetus currit : quisquis ergo recte proximum diligit, hoc cum eo debet agere, ut etiam ipse toto corde, tota anima, tota mente diligat Deum. Sic enim eum diligens sicut seipsum, totam dilectionem sui et illius refert in illam dilectionem Dei, quæ nullum a se rivulum duci extra se patitur, cujus derivatione minuitur. »

ET SI QUOD EST ALIUD MANDATUM. — « Aliud; » videlicet secundæ tabulæ tangens proximum; omittit hic Paulus primum mandatum secundæ tabulæ, scilicet : *Honora patrem et matrem*; idque facit, quia de honore parentibus, puta Superioribus, quos ut parentes colere debemus, debito, hactenus tractavit.

IN HOC VERBO INSTAURATUR. — S. Augustinus, epist. 29, legit, *recapitulatur*, id est summam comprehenditur, hoc enim est Græcum ἀνακεφαλαιῶται, ad caput, ad summam, ad compendium revocatur. Et hoc forte voluit Ambrosius vertens, consummatur : idem intelligit noster Interpretes, dum vertit, *instauratur*. Sic enim *Ephes.* i, 10, idem verbum Græcum vertit, dicitque omnia instaurari in Christo, tam ea quæ in cælis, quam quæ in terris sunt; quia nimirum omnia hæc ad Christum, quasi ad caput suum revocata sunt. Quanquam Salmeron putat nostrum Interpretem hic in Græco legisse ἀνακινῶται, id est instauratur, renovatur. « Merito, inquit Tertullianus, lib. V

Contra Marcion., cap. xiv, totam Creatoris disciplinam principali præcepto ejus conclusit : Diliges proximum tanquam te. »

DILIGES PROXIMUM TUUM SICUT TEIPSUM. — Citat Apostolus *Levit.* xix, 18, ubi habetur : « Diliges amicum tuum sicut teipsum. » Ex quo loco Judæi a contrario sensu colligebant et inferebant : ergo inimici odio habendi sunt, uti refert Christus *Matth.* v, 43. Verum illa collectio omnino est invalida : nec enim consequentia valet, nec antecedens est verum, prout ipsi intelligebant. Nam amicus non significat hic benevolum nobis, sed omnem proximum. Id patet ex Septuaginta, qui τὸν πλησίον, id est proximum, vertunt; et ex Chaldæo, qui vertit, ܚܒܪܐ ܚܒܪܐ, id est socium tuum. Sic et Hebræum ܠܝ ܪܥܐ, non tantum amicum proprie dictum significat, sed et per metaphoram Hebræis usitatam, transfertur ad eum qui nobiscum quavis ratione conjunctus est, sive quocum nobis quidpiam intercedit negotii. Talis autem est omnis homo; nam ut minimum omnis homo cuius alteri communi creatione et similitudine Dei amicus et conjunctus est, uti et communi ex primo parente origine, communi redemptione, communi Ecclesia et Sacramentis, communi gratia, charitate, ordinatione et cursu ad vitam eternam. Ita Augustinus, Hieronymus et Theophylactus in *Matth.* v, 43. Nam dilectionem inimicorum præceptam esse Judæis, patet *Exodi* xxiii, 4.

Unde hic S. Paulus, vers. 8, ut dixi, hoc Levitici præceptum vertit græce, ἀγαπήσεις τὸν ἑαυτὸν, *diliges alterum*. Quanquam Salmeron valde probabiliter pro ἑαυτὸν putet legendum esse ἑαυτοῦ. Ita enim habent Hebræa, Septuaginta et Chaldæus, uti jam ostendi.

Nota : Præceptum hoc, « Diliges proximum tuum sicut teipsum, » explicatur per duo, primo, per affirmativum, *Matth.* vii : « Quaecumque vultis ut faciant vobis homines, et vos facite illis. » Secundo, per negativum, *Tob.* iv, 16 : « Quod ab alio oderis fieri tibi, vide ne tu aliquando alteri facias. »

Unde patet, ὅτι sicut non significare æqualitatem dilectionis (nam ordinata charitate magis se diligere debet homo, quam proximum), sed similitudinem et formam, q. d. Ea officia charitatis exhibe proximo, et eo modo, quæ et quomodo tibi exhibes et exhiberi cupis, maxime ut ex charitate eum diligas sincero amore amicitiae, non concupiscentiae, ut scilicet velis proximo bonum honestum, utile delectabile, non quia hoc tibi, sed quia hoc illi bonum est et commodum; sicut hæc eadem bona tibi cupis, non propter alienum, sed propter tuum bonum et commodum. Ita Cajetanus. Sic accipitur ὅτι sicut, *Deut.* xviii, 13; *Joan.* xvii, 21; *Malach.* iii, 4.

10. DILECTIO PROXIMI MALUM NON OPERATUR, — Vers. 10. Fructus dilectionis imo multa bona operatur, præsertim ea quæ jam dicta sunt vers. 8 et deinceps : implet enim to-

Judæo-
rum de
inimicis
odio
habendis
error re-
jicitur.

Bursus
explicat-
ur quia
proximus
ex He-
bræo rea.

Quid il-
lud sit ut
teipsum.

nis pro- tam legem, et servat politiam convictumque hu-
ximi. manum, atque proximo bona quæ potest procur-
rat. Est miosis.

Quomodo PLENITUDO ERGO LEGIS EST DILECTIO. — « Pleni-
intelliga- tudo, » hoc est consummatio; Syrus, *adimpletio*,
tur hoc, q. d. Ex dictis vers. 8 et deinceps patet, quod
Plenitu- totalis adimpletio et plena observatio legis est di-
do legis lectio, et quod is qui diligit proximum, leges
dilectio, omnes quæ proximum tangunt, quæque nos ad
ex mente eundem rite ordinant, adimplet. Sic et qui Deum
Apostoli? diligit, implet præcepta primæ tabulæ, quæ Deum
positio. concernunt. Sicut ergo odium et charitatis defec-
tus totius legis est dissolutio; ita e contrario
charitas est principium, et causa efficiens et im-
perans, ut cæteræ omnes leges impleantur. Est
argumentum a proportionem: Si dilectio proximi
implet legem spectantem proximum, ergo dilectio
simpliciter implet legem; ita ut sine ea lex om-
nino impleri non possit, cum ea vero et per eam
omnino impleatur, uti sæpe ex hoc aliisque locis
docet et asserit S. Augustinus.

Secunda. Secundo, Toletus: « plenitudo, » inquit; id est
finis et scopus, « legis est dilectio: » tota lex in-
tendit nos ducere ad charitatem.

Tertia. Tertio, « plenitudo legis est dilectio, » quia
charitas impellit hominem ut perfecte legem
adimpleat; qui enim charitate caret, imperfecte
legem implet, et sæpe ab ea deficit et aberrat.
Unde S. Augustinus, in *Sentent.*, num. 223: « Ple-
nitudo, ait, legis est charitas, quia per chari-
tatem lex impletur, non per timorem. In tantum
enim fiunt mandata justitiæ, in quantum adjuvat
spiritus gratiæ. »

Quarta. Quarto, « plenitudo legis est dilectio, » quia
qui ex charitate implet legem, meritum habet;
qui ea caret, caret et merito et mercede. Hæ ex-
positiones veræ sunt et morales; sed prima
quam dedi, litteralis est, genuina et ex mente
Apostoli.

Lex non Ex hoc loco nota, legem non impleri sola fide,
impletur credendo, sed præter fidem requiri charitatis
sola fide. opera, ut hic se explicat Apostolus; ait enim:
« Plenitudo legis est, » non fides, sed « dilectio. »
Huic Paulinæ sententiæ consentit Aristoteles, lib.
VIII *Ethic.*, et post eum Tullius, lib. *De Amicitia*:

Loc qui- « Amicitia, inquit, continet civitates, et si homines
damegre- sint amici, non est opus justitia: si vero sint justi
gii de gent amicitia; et quod est maxime justum, ad
charitate amicitiam pertinet. » Et hoc est quod ait S. Au-
gustinus, lib. *De Natura et Grat.*, vii: « Charitas
inchoata, inchoata justitia est; charitas profecta,
profecta justitia est; sed charitas de corde puro,
conscientia bona, et fide non ficta. » Idem, lib. XV
De Civit., cap. XXII, sic ait: « Definitio brevis
et vera virtutis est ordo amoris. Unde sponsa: Ordi-
navit, inquit, in me charitatem. » Idem, lib. *De*
Moribus Eccles., cap. xv, vult omnem virtutem
definiendam esse per charitatem, perinde ac So-
crates olim omnes virtutes definiebat per pruden-
tiam. Sanctus quoque Chrysostomus: « Charitas,

inquit, est virtutum principium et finis; ipsa est
radix, fundamentum et fastigium. »

Hinc primo, erravit Marcion, dum ex hoc loco
contra vetus Testamentum ita argumentatus est:
Lex vetus moralis omnino jam cessavit, quia
charitas est plenitudo legis: ergo lex illa jam
non est necessaria. Erravit, inquam, nam charitas
dicitur « legis plenitudo, » id est consummatio,
compendium, et, ut Origenes ait, *epilogus*: sicut
ergo epilogus non tollit præcedentes orationis
partes, qui potius easdem summatim complecti-
tur; ita et charitas non tollit legem, sed includit.
Est enim lex objectum charitatis, quia charitas
inclinat hominem, ut legem, quasi regulam vitæ,
intueatur semper et impleat; præcepta legis sunt
ergo præcepta charitatis. Amor enim Dei dicat
servanda esse præcepta primæ tabulæ, amor
proximi præcepta secundæ.

Secundo, ex hoc loco patet errare nostros No-
vantes, qui dicunt in hac vita legem non posse
impleri. Apostolus enim non hortatur nos hic ad
legem implendam, quasi ad ideam aliquam Pla-
tonicam, vel futuram in cælo, sed tanquam ad
rem, quam pro infirmitate nostra in hac vita
præstare possumus; nam omnimoda et plenis-
sima legis impletio, ita ut ne venialiter quidem
in legem unquam pecces, non hic præcipitur,
sed in futuro. Ita Concilium Tridentinum, sess. VI,
can. 18.

11. Et hoc (scilicet quod jam dixi, præstemus) Vers. 11.
SCIENTES TEMPUS: QUIA HORA EST JAM NOS DE SOMNO
SURGERE. — « Et hoc, » est emphasis, q. d. Red-
dite debita, diligite proximos, ut jam dixi (respi-
cit enim hic Paulus ad vers. 8 et seq.), « et hoc
scientes, » id est, idque cum sciamus, « tempus, »
græce *καιρος*, id est *opportunitatem*, quam nobis
affert Evangelium, scilicet ad diligendum prox-
imos, ad reddendum omnibus debita, ad imple-
dam totam legem, jam adesse, et quia jam tem-
pus est et hora de somno peccatorum surgendi.
Ulamur ergo hoc tempore et hac opportunitate,
dum illam habemus: brevi enim eam non habe-
bimus. Nam, ut Poeta canit:

Fronte capillata est, a tergo occasio calva;

ut postquam illa pertransiit, apprehendi et revo-
cari non possit.

QUIA HORA EST JAM NOS DE SOMNO SURGERE. —
« Hora, » scilicet diei, q. d. Nox, cæcitas, igno-
rantia, dissimulatio, excusatio infidelitatis et pec-
catorum ante Christum transiit. En tempus et
opportunitas, scilicet hora diei gratiæ, fidei et
legis Christi jam adest, qua sol ipse Christus ra-
dios et lumen fidei per orbem spargere inceperit,
tenebris errorum depulsis. Ego tempus est ut sur-
gamus, Græce *εγερθῆναι*, ut excitemur et expergis-
camur a somno peccatorum.

Moraliter hinc infert S. Chrysostomus, hom. 62
ad Populum: « Paratos igitur, inquit, nos esse et
expeditos ad hinc navigandum, et dicere oportet:

Marcio-
nis argu-
mentum
everti-
tur.

Charitas
inter vir-
tutes est,
quod epi-
logus in-
ter par-
tes ora-
tionis.

Legem
posse im-
pleri
evinquitur
contra
hæreti-
cos.

Occasione
servien-
dum.

Cohorta-
tio ad vi-
gilantiam

spiritua-
lem.

Paratum cor meum, Deus; in bello enim sumus in mundo : in circuitu impij ambulant, peccatores intendunt arcum. Recordemur, fratres, quod tempus breve est et iudicium præ foribus est. Nox præcessit, expurgamur jam a somniis; etenim jucunda sunt presentia, sed somniis nihilominus fallacia. Nemo debet dormire solem cernens. »

Exempla
vigilan-
tiæ.

Et infra vigiliam hanc exemplo militis, piscatoris, agricolæ et pastoris perurget, dicens : « Opus est vigilantia, dilecti ; nam et miles dormit, non in lecto, sed humi ; piscator non dormiens piscatur, stans aliquando peragit noctem ; agricola vigilat, ne domini vinea lædatur ; et pastor sub dio stans noctem consummat, gregem custodiens, sicut Jacob dicebat : Æstu urebar et gelu, et somnus fugiebat ab oculis meis. Et quæ ipsius vigiliæ ratio ? ne ulla ovis a fera voraretur. Si vero tanta de irrationali pecude cura, qualem esse decet de rationali anima sollicitudinem gerentis ? Propter hanc Jacob operarius lapidem ad caput sibi posuit dormiens, ut facilius evigilaret ; unde scalam vidit ad cælos usque pertingentem. Nos esse vult Dominus paratos, proptereaque posuit incertum exitum nostrum, ut continue vigilemus et pugnemus. »

Pulchre quoque S. Augustinus a quo hanc vigiliam, qua a somno hoc evigilemus, petere debeamus, explicat in illud *Psal. LXII, Deus, Deus meus, ad te de luce vigilo* : « Quid est, inquit, vigilare ? utique non dormire ; quid est dormire ? Est somnus animæ et est somnus corporis ; somnum corporis omnes debemus habere, alias deficit homo. » Et infra : « Illud autem cavere debemus, ne ipsa anima nostra dormiat ; malus enim est animæ somnus. Somnus animæ est oblivisci Deum suum. Quæcumque anima oblita fuerit Deum suum, dormivit. Vita enim vestra et mores vestri vigilare debent in Christo, ut sentiant alii Pagani dormientes, et ad sonum vigiliarum vestrarum excitentur et ipsi, excutiant somnum, et incipiant in Christo vobiscum dicere : Deus, Deus meus, ad te de luce vigilo. » De hac hora vide dicta I *Cerinth. VII, 29, et Ephes. v, 15*.

NUNC ENIM (in die et luce Evangelii) PROPRIOR EST (et præsens) NOSTRA SALUS (justitia et gloria), QUAM CUM CREDIDIMUS, — id est, quam fuerit ante Christi adventum, cum sola fide absentem Christum et gratiam ac salutem futuram crederemus et speraremus. Hunc esse sensum patet ex sequent. et præcedent.

Ubi nota : Loquitur hic generatim et confuse Apostolus de iis quæ Christum præcesserunt. Unde quædam hic intexit, quæ Judæis, alia quæ Gentibus magis convenient. Judæis convenit *et credidimus* ; soli enim Judæi fere credebant et sperabant Messiam venturum. Gentibus autem magis convenit *et nox præcessit*, scilicet nox paganismi, idololatriæ et omnium vitiorum : quanquam Judæis sua quoque fuerit nox ignorantiae, caeremoniarum, judaismi (qui quasi velamen fuit legis

novæ) errorum et traditionum Pharisaicarum (uti ostendit Christus *Matth. v*), ac denique vitiorum et peccatorum, a quibus liberari non potuerunt nisi oriente sole, puta Christo Domino. qui noctem hanc dispulit et illuminavit omnes sedentes in tenebris et in umbra mortis.

Aliter hunc locum explicat S. Chrysostomus, *q. d.* Paulus : Quo magis ætate, æque ac fide et meritis crescimus, eo propius fini et beatitudini æternæ accedimus nunc, quam cum credere incipimus. Quid enim est aliud vita nostra, quam cursus et pernix cursus ad mortem, et per mortem ad immortalitatem ? Curramus ergo, fratres nostri, pernici cursu ad metam hanc : grandis enim nobis restat via, et tempus currendi breve est.

12. NOX PRÆCESSIT. — S. Cyprianus, lib. *De Zelo* Vers. 12. et *Livore*, et Syrus vertunt, *transiit*, et S. Hieronymus in *Matth. xxvi*, legit, *præterit*. Græcum *πρότερον* proprie significat *processit*, ut legit S. Augustinus, *epist. 80*, et ita explicat S. Chrysostomus et Theophylactus. Origenis Interpres, *homil. 35*, vertit, *promovit*, id est progressa est, ad finem tendit, ac ferme jam præterit. Sed eodem redeunt hæc omnia, et se invicem illustrant. Jam sensus esse potest :

Primo, nox hujus vitæ *πρότερον*, id est processit et ad finem tendit, quia appropinquat dies, scilicet iudicii et resurrectionis : ejus ergo metu et spe vivamus honeste. Ita Athanasius in *Quæstion. ad Antioch.*, Quæst. XC ; S. Chrysostomus hic ; S. Augustinus, *epist. 80 ad Hesych.*, et S. Basilii in cap. *xiii Isaie*.

Secundo, S. Gregorius, lib. *XXIX Moral.*, cap. 11 : Nox, inquit, est tempus ante Christum, dies est dies resurrectionis, aurora media est tempus Evangelii : hæc diei vicinior est, quam nox : ergo nobis vicinior est salus et dies, quam iis qui fuerunt ante Christum.

Tertio, Anselmus et Origenes : Nox, inquiunt, est hæc vita ; dies est vita post mortem, quæ cuique eo est vicinior, quo magis in dies mors appropinquat.

Quarto et optime, nox est tempus ante Christum, plenum tenebris infidelitatis et peccatorum ; dies est tempus præsens Evangelii, quo sol Christus lucis suæ, id est gratiæ et fidei suæ, radios toto orbe diffudit, *q. d.* Præsentem jam Christo, et luce Evangelii, nox peccatorum abiit ; dies gratiæ, justitiæ et salutis adest : ergo in hoc die opera tenebrarum abjicere, atque honeste ambulare et christiane vivere debemus. Ita S. Cyprianus, lib. *De Zelo et Livore* ; Ambrosius, in *Psal. xlv* ; S. Augustinus et Theodoretus hic.

ABJICIAMUS OPERA TENEBRARUM, — puta peccata, quæ tenebras quærunt, lucemque Dei et hominum fugiunt ; nam, ut ait Poeta :

Nox et amor, vinumque nihil moderabile suadent :
Illa pudore caret ; Liber amorque, metu.

Et Job *xxiv, 15* : « Oculus adulteri observat cali-

Quæ nox
nocturni ?

Varie ex-
ponitur
to præ-
cessit.

Nox,
dies, au-
rora, re-
lata ad
tempus
adventus
Christi.

Quid op-
time per
noctem
et diem
intelliga-
tur ?

Peccata
tenebris
amica.

gnem, dicens: Non me videbit oculus, et operiet vultum suum: perfodit in tenebris domus, sicut in die condixerant sibi, et ignoraverunt lucem. Si subito apparuerit aurora, arbitrantur umbram mortis; et sic in tenebris quasi in luce ambulant. »

Quid arma lucis? INDUAMUR ARMA LUCIS. — « Arma lucis » sunt opera fidei, gratiæ et virtutum, quibus veluti armis contra hostes tres, mundum, carnem, dæmonem, bello tam offensivo, quam defensivo depugnamus. Monet ergo tacite hic Paulus vitam Christianam esse militiam, illique contra hostes jam dictos hæc lucis arma suggerit. *Secundo*, Græci subinde ἔπλα, id est *arma*, latius capiunt. Unde et Homerus ἐπιπλαῖσαι, id est *armari*, capit pro ἐκπλαῖσαι, id est *instrui, apparari*. Hic ergo ἔπλα, id est *arma*, sunt habitus, vestitus, apparatus, quo homines in die et luce se tegunt et ornant, q. d. Paulus: Dies Evangelii nobis illuxit; ergo par est ut armis lucis, id est habitu et vestitu qui lucem et diem decet, induamur. Unde sequitur:

Vers. 13. 13. Sicut in die, — quo solliciti sunt homines honesti de tegenda nuditate, et cultu ac corporis habitu honesto et decenti, non autem noctu, cum a nemine conspiciuntur.

HONESTE, — εὐσχημένως, *composite, decore*,

AMBULEMUS, — conversemur, ut omnis noster incessus, motus, gestus, sermo, actio talis sit, qualem decet esse in die et luce Evangelii, in qua spectaculum facti sumus mundo, angelis et hominibus.

NON IN COMESSATIONIBUS ET EBRIETATIBUS. — Comessationes sunt convivia, quæ non honestatis, sed gulæ causa fiunt.

Unde comessari dictum, et comædia: et a quibus initiis orta? Nota: Chamos idolum fuit Moab, cui Salomon fanum ædificavit, III Reg. xi, 7. Inde deducunt Græcum Κῶμος, qui deus fuit temulentiae, scilicet Bacchus apud Philostratum. Unde κωμάειν, significat *lascivire*. Inde Latinum comessari, et comædia. Nam ab ebrietate, ait Athenæus, lib. II *De Cænis Sapientum*, comædia atque tragedia inventæ sunt in Icario, urbe Atticæ, idque ipsius vindemiæ tempore. Unde et Trygædia ab initio fuit appellata. Forte Chamos, ut notat Stuckius, lib. I *Convival.*, cap. x, a Syro-Chaldæo ܫܡܫܐ *camas*, id est occultare, latitare, deducitur, ut per Chamos intelligatur Bacchus κωμῖλος, sive cui noctu sacra faciebant per comessationes, et consequentes effrænes libidines, teste Plutarcho et Pausania.

Atque huc alludit Apostolus, dum ait: « Non in comessationibus et ebrietatibus (quæ noctu agitantur), sed sicut in die honeste ambulemus. » Unde et κωμάειν dicebantur, qui coronati et bene poti in alienum convivium irruerant, non sine tibicine. Hinc κῶμοι quoque vocantur saltationes, et, ut Syrus vertit, cantiones lascivæ. Hæc ergo omnia vel significat, vel importat κῶμος, sive comessatio.

NON IN CUBILIBUS. — Hoc est, non in fornicatio-

nibus, quæ fiunt in cubilibus et fornicibus: est metonymia.

ET IMPUDICITIIS. — Id est, aliis fœdioribus speciebus libidinis. Græcum enim ἀσέλγεια est lascivia, id est petulantior libido.

Hæc verba diremerunt litem et luctam castitatis et libidinis in Augustino. « Ego, inquit ipse lib. VIII *Conf.*, cap. ult., sub quadam fici arbore stravi me nescio quomodo, et dimisi habenas lacrymis, et proruperunt flumina oculorum meorum, acceptabile sacrificium tuum. Et non quidem his verbis, sed in hac sententia multa dixi tibi: Et tu, Domine, usquequo? Usquequo irasceris in finem? Ne memor fueris iniquitatum nostrarum antiquarum. Sentiebam enim me ab eis teneri, et jactabam voces miserabiles: Quamdiu, quamdiu, eras et eras? Quare non modo? quare non hac hora finis turpitudinis meæ. » Audiant hæc juvenes, qui cum suis concupiscentiis luctantur, audiant et imitentur. « Dicebam hæc, et flebam amarissima contritione cordis mei. Et ecce audio vocem de vicina domo cum cantu dicentis, et crebro repetentis quasi pueri an puellæ, nescio: Tolle, lege; tolle, lege, etc. Audieram de Antonio, quod ex Evangelica lectione, cui forte supervenerat, admonitus fuerit, tanquam sibi diceretur quod legebatur: Vade, vende omnia quæ habes, et da pauperibus, et habebis thesaurum in celis, et veni, sequere me; et tali oraculo confestim ad te esse conversum. Itaque redii ad eum locum, ubi sedebat Alipius; ibi enim posueram codicem Apostoli, cum inde surrexeram. Arripui, aperui et legi in silentio capitulum, quo primum conjecti sunt oculi mei: Non in comessationibus et ebrietatibus, non in cubilibus et impudiciis, non in contentione et æmulatione, sed induite D. Jesum Christum, et carnis providentiam ne feceritis in concupiscentiis. Nec ultra volui legere, nec opus erat. » En subitam Augustini mutationem. « Statim quippe cum fine hujusce sententiæ, quasi luce securitatis infusa cordi meo, omnes dubitationis tenebræ diffugerunt, etc. Dirupisti, Domine, vincula mea, tibi sacrificabo hostiam laudis. Quam suave mihi subito factum est, carere suavitatibus nugarum! Et quas amittere metus fuerat, jam dimittere gaudium erat; ejiciebas enim eas a me, vera tu et summa suavitas, ejiciebas et intrabas pro eis omni voluptate dulcior. »

Vide quam facilem et jucundam per gratiam Christi expertus sit Augustinus castitatem et cælibatum, quem prius ut difficillimum horrebat, imo impossibilem reputabat. Idem sensit et expertus est S. Cyprianus, lib. II, *epist.* 2, et Lactantius, lib. III *Instit.*, cap. xvi. Vah! ergo Luthero, qui doces concubitum homini tam necessarium esse, quam cibum. Idem hodie non unus, sed multa cælibum millia experiuntur, qui Dei gratiam invocantes eique collaborantes, tam suavem quam felicem et sanctam in virginitate et cælibatu vitam degunt.

His verbis non in cubilibus, etc., D. Augustinus perfectis, castitatem serio amplectitur.

S. Antonii conversio.

Lutheri resania in sectanda corporis voluptate manifestatur.

NON IN CONTENTIONE ET ÆMULATIONE. — Contentio est concertatio pro gloria et honore, cui semper conjuncta est æmulatio, id est invidia boni alieni. Ecce hæc sunt tria capitalia vitia Christiano cavenda, scilicet gula, libido, rixa et invidia, de quibus vide D. Augustinum, *epist.* 64.

Vers. 14. 14. SED INDUIMINI DOMINUM JESUM CHRISTUM, — ut scilicet Jesus, id est Jesu spiritus, gratia, virtus, vita, in vobis eluceant. Vide *Can.* 37. Induimini ergo et ornatu vos Christi virtutibus, maxime ut ex externa vita et professione, quasi veste agnoscat omnes, vos esse servos Christi. Ita S. Chrysostomus. Est hebraismus : Hebræi enim **לָבַשׁ** *labas*, id est indui dicunt aliquem pudore, decore, salute, justitia, maledictione, id est his repleti, copiose decorari, vel dedecorari. Indumentum ergo significat copiam undique circumfusam. Cyrillus, lib. IX *in Genes.*, censet Paulum hic alludere ad illud *Isaïæ* LXI : « Gaudens gaudebo in Domino, et exultabit anima mea in Deo meo ; quia induit me vestimentis salutis, et indumento justitiæ circumdedit me. » Vel, ut Septuaginta vertunt : « Induit me altitium salutis, et tunicam lætitiæ. » Vel, ut alii vertunt : « Induit mihi vestimentum Jesum, » id est induit mihi Jesum, tanquam vestimentum, et tanquam tunicam lætitiæ.

Pulchre S. Basilius in *Psal.* XLIV, explicans illud, « Omnis gloria filiae regis ab intus, in fimbriis aureis, circumdata varietate : Induite, inquit, Dominum Jesum, non secundum exteriorem hominem, sed mens nostra Dei memoria circumamiciatur. Puto enim spiritalem pertexi tunc vestem, cum operatio comes attextitur verbo doctrinæ. Sicut enim pallium tegendo corpori tunc pertexitur, dum subtegmen innectitur stamini : sic ubi verbum primas in ordiendo obtinuerit, si mox actiones verbo consentaneæ attextantur, tunc exornandæ animæ decenti-simus, et plurimum habens honestatis amictus confici possit : animæ, inquam, secundum virtutem et verbo et opere suam absolventi vitam, » *q. d.* Sicut textor subtegmen intexit stamini, ita doctor Christianus vitam congruentem intexit suæ doctrinæ : itaque pertextet sibi vestem Christi, qua undique tegatur et ornetur.

Quis sit Christus induere ? Nota : Verbum induimini multa innuit : nam *primo*, Christum induere est Christi virtutes in se exprimere, idque copiose et perfecte.

Secundo : Christum induit, ait D. Thomas, qui Christum imitatur, quia sicut homo continetur vestimento, et sub ejus colore videtur : ita in eo qui Christum imitatur, solus Christus ejusque indumenti color, id est sanctitas, apparet. Unde S. Chrysostomus : « Induere, ait, Christum, est undique in nobis per sanctimoniam et mansuetudinem Christum conspicuum esse. Homo enim indutus id esse videtur, quod indutus est : appareat itaque in nobis Christus. » Christianus ergo quasi viva imago, viva forma, vivus habitus Christi sit oportet, imo sit alter quasi Christus,

ut in ejus vita, gestu, habitu et moribus omnes se Christum videre putent. Sane quot sunt Christiani, tot deberent esse et Christi. Cogita qualis et quanta fuerit in singulis dictis et factis Christi modestia, temperantia, circumspectio, charitas, patientia, gratia ; quanta morum suavitas, gravitas et decor : hæc indue, hæc moribus exprime, et Christum indues, Christum exprimes, Christus eris.

Tertio, sicut vestes totum corpus contegunt, ita *Tertius* Christi virtutes ad omnes nostras actiones pertinere, easque ornare et formare debent, ut Christum in omni opere et sermone referamus et exprimamus.

Quarto, cum jubemur Christum induere, mone- *Quartus* mur hoc ipso veterem hominem exuere, *Colos.* III, 9.

Quinto, uti vestis pretiosa corpus non tantum *Quintus* tegit, sed et ornat : ita Christi virtutes animam exornant.

Sexto, qui vestes induit, earum pondus non *Sextus* sentit, uti sentit qui eas involutas in sarcina gestat : ita qui Christum habet non involutum in speculatione, sed explicatum in actione et imitatione, non sentit virtutum Christi difficultatem.

Moraliter vide S. Chrysostomum, quomodo *Christus est nobis omnia.* Christus quoad omnia, tam interna quam externa sit plenitudo nostra, undique nos vestibus ornans, coronans. Est enim Christus noster vir, nostra via, sponsus, potus, cibus, vita, sacerdos, præceptor, pater, frater, hæres, domus, hospes, amicus noster ; ut ei merito dicamus : « Amor meus, Jesus meus, et omnia. »

ET CARNIS CURAM NE FECERITIS IN DESIDERIIS, — *Immoderata corporis curam fugiendam.* ad explenda desideria, et, ut Græce est, *ἐμψυχία*, id est *cupiditates*, scilicet intemperantes et immo-dicas carnis ; quia, ut aiebat Philosophus ille : « Nimia carnis et corporis cura, magna animi et virtutis est incuria. » Unde et alter dicebat : « Ad majora natus sum, quam ut me corporis mei mancipium efficiam. » Vide S. Gregorium, lib. VI *Moral.*, cap. XL. Nam aliqui moderatam curam carnis, id est corporis, laudat Apostolus, *Ephes.* V, 29, dicens : « Nemo unquam carnem suam odio habuit, sed nutrit et fovet eam. » Efficaciter S. Bernardus, *De Convers. ad Cleric.*, cap. XIII : « Unde, inquit, hæc tanta pusillanimitas et abjectio tam miserabilis, ut egregia creatura capax æternæ beatitudinis et gloriæ magni Dei, utpole cujus sit inspiratione condita, similitudine insignita, cruce redempta, fide dotata, spiritu adoptata, miseram non erubescat sub putredine hac corporeorum sensuum gerere servitutem ? Merito plane ne eos quidem apprehendere potest, quæ talem deserens sponsum, tales sequitur amatores ; merito siliquis esuriit et non acceperit, qui porcos pascere maluit, quam paternis epulis satiari. Insanus siquidem labor, pascere sterilem quæ non parit, et viduæ benefacere nolle ; omittere curam cordis, et curam carnis agere in desiderio ; impinguare et fovere cadaver putridum, quod paulo post verminum esca futurum nullatenus dubitatur. »

CAPUT DECIMUM QUARTUM.

SYNOPSIS CAPITIS.

Docet, eos qui sunt in fide firmiores debere eos qui infirmi sunt fovere, quodque nec hi, nec illi se invicem judicare debeant, si illi cibis lege veteri vetitis vescantur, hi iisdem abstineant; sed unusquisque, inquit, in suo sensu abundet. Nam omnes eundem habemus Dominum, cui vivimus et morimur, quique solus omnium iudex est.

Secundo, vers. 13, docet firmiores, quod, etsi jam nullus cibus sit immundus, nemo tamen quidquam edere debeat, quo proximus scandalizetur.

Tertio, vers. 22, docet infirmos, ne quidquam comedant, aut agant contra suam conscientiam.

1. Infirmum autem in fide assumite, non in disceptationibus cogitationum. 2. Alius enim credit se manducare omnia : qui autem infirmus est, olus manducet. 3. Is, qui manducat, non manducantem non spernat; et qui non manducat, manducantem non judicet : Deus enim illum assumpsit. 4. Tu quis es, qui iudicas alienum servum? Domino suo stat, aut cadit; stabit autem : potens est enim Deus statuere illum. 5. Nam alius iudicat diem inter diem; alius autem iudicat omnem diem : unusquisque in suo sensu abundet. 6. Qui sapit diem, Domino sapit. Et qui manducat, Domino manducat : gratias enim agit Deo. Et qui non manducat, Domino non manducat, et gratias agit Deo. 7. Nemo enim nostrum sibi vivit, et nemo sibi moritur. 8. Sive enim vivimus, Domino vivimus; sive morimur, Domino morimur. Sive ergo vivimus, sive morimur, Domini sumus. 9. In hoc enim Christus mortuus est et resurrexit, ut et mortuorum et vivorum dominetur. 10. Tu autem quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi. 11. Scriptum est enim : Vivo ego, dicit Dominus, quoniam mihi flectetur omne genu; et omnis lingua confitebitur Deo. 12. Itaque unusquisque nostrum pro se rationem reddet Deo. 13. Non ergo amplius invicem iudicemus : sed hoc iudicate magis, ne ponatis offendiculum fratri, vel scandalum. 14. Scio, et confido in Domino Jesu, quia nihil commune per ipsum, nisi ei qui existimat quid commune esse, illi commune est. 15. Si enim propter cibum frater tuus contristatur, jam non secundum charitatem ambulas. Noli cibo tuo illum perdere, pro quo Christus mortuus est. 16. Non ergo blasphemetur bonum nostrum. 17. Non est enim regnum Dei esca, et potus : sed justitia, et pax, et gaudium in Spiritu Sancto. 18. Qui enim in hoc servit Deo, placet Deo, et probatus est hominibus. 19. Itaque quæ pacis sunt, sectemur; et quæ ædificationis sunt, in invicem custodiamus. 20. Noli propter escam destruere opus Dei. Omnia quidem sunt munda : sed malum est homini, qui per offendiculum manducat. 21. Bonum est non manducare carnem, et non bibere vinum, neque in quo frater tuus offenditur, aut scandalizatur, aut infirmatur. 22. Tu fidem habes? penes te ipsum habe coram Deo : Beatus qui non iudicat semetipsum in eo, quod probat. 23. Qui autem discernit, si manducaverit, damnatus est, quia non ex fide. Omne autem, quod non est ex fide, peccatum est.

Vers. 1. 1. INFIRMUM IN FIDE ASSUMITE, — id est *fove*te. Sic sæpe in *Psalm.* dicitur : « Dominus suscepit, vel assumpsit me, et Dominus est susceptor meus; » *susceptor*, id est adjutor, fautor et protector meus.

Nota : Judæi aliqui conversi ad Christum puta-

bant secundum legem veterem adhuc *abstinen-* dum esse cibis lege vetitis et idolothytis; id est *Infirmi* cibis, qui idolis fuerunt oblati. Hos « infirmos » *vocantur* vocat Apostolus; errabant enim, idque vel quia *quorum* nondum erant in fide satis instructi, vel certe *conscien-* quia ab antiqua gentilitia persuasionem de idolis *tia erro-* *nea*.

et idolothytis, quasi sacris et quid numinis habentibus, aut a judaica observantia et consuetudine ægre avocari poterant : unde et alios contra eam facientes damnabant.

Converso-
rum tum
Judæo-
rum,
tum Gen-
tilium de
cibus ve-
titis dis-
sensio.

Alii vero in fide Christiana perfecti et plene edocti contrarium tenebant, et intrepide faciebant, maxime Gentiles, qui Judæis et Judaicæ abstinentiæ libertatem Evangelicam opponebant. Sicque hi contra Judæos sæpe altercabantur de hac abstinentia, deque esu libero; atque comedendo quoslibet cibos, etiam lege Mosaica vetitos, Judæos scandalizabant : Judæi contra eos judicabant et damnabant, quasi qui inique contra legem agerent, et cum idolis adhuc communionem haberent. Utrosque hoc cap. corripit Apostolus, et hoc quidem versu perfectiones monet ne infirmos abjiciant, sed assumant et foveant, ac veritatem libertatemque Christianam edoceant. Ita S. Augustinus hic, et Clemens Alexandrinus, lib. II *Pædag.*, cap. I, et S. Basilius in *Reg. brevior.*, reg. 64.

Tollitur
ab Aposto-
lo cau-
sa dissen-
sionis in-
ter Ju-
dæos et
Gentiles.

Succidit ergo hoc cap. Apostolus causam practicam dissidii Judæorum et Gentium, puta differentiam in abstinentia et observantiis Judaicis : sicuti initio epistolæ et deinceps succidit ejusdem dissidii causam quasi speculativam, puta differentiam in causa et modo justificationis, docens nos non ex lege, sed ex fide Christi justificari. Itaque sicuti ab hoc Judæorum et Gentium dissidio et dissidii succisione cœpit hanc epistolam, ita et in eodem eandem terminat; hac enim de causa, et hoc scopo ac fine scripsit hanc epistolam.

Conne-
ctio hujus
capitis
cum an-
teceden-
tibus.

Et quamvis in epistolis non sit necesse, imo non possit sæpe, unum caput alteri connecti, eo quod more epistolico res plane diversas et disparatas tractent; tamen possunt hæc præcedentibus ita connecti, *q. d.* Paulus : Inculcavi vobis, o Romani, cap. XII et XIII, dilectionem proximorum, utque omnes induamini Jesum Christum; sed id ita a vobis præstari volo, ut tamen infirmos in fide et charitate Christi, qui Christum necdum plene induerunt, non aspernemini; sed eadem charitate eosdem assumatis, toleretis, foveatis, doceatis et curetis (1).

NON IN DISCEPTATIONIBUS COGITATIONUM, — id est, *opinionum*, *q. d.* Assumite infirmos, verum non ita, ut cum ipsis contendatis et disceptetis utri bene sentiant aut male, vos scilicet, an illi. Unde clarius Græca, μή τις διαλογίζεσθαι διαλογισμῶν, *veritas, non in altercationibus disputationum.*

Vers. 2.

2. ALIUS ENIM CREDIT SE MANDUCARE OMNIA. — *q. d.* Alius putat licere resciri omnibus quasi mundis, eo quod in lege Evangelica nihil legaliter sit immundum. Tamen enim *credit* non significat fidem,

(1) *Fides* h. l. non est assensus qui præbetur doctrinæ, sed est persuasio de eo, quid liceat, quid non? et *fidei* objectum non sunt dogmata, sed officia de agendo. Alii finem commatis vertunt, *ne in ipsius sententiam curiose inquiratis, eamque severe damnetis.*

sed opinionem, sive credulitatem; uti dicam versu ultimo.

QUI INFIRMUS EST, OLUS MANDUCET. — Ita legunt Biblia Romana; sed Græci, Chrysostomus, Theodoretus, Œcumenius et S. Augustinus legunt, *olus manducat*. Jam varii varium hic dant sensum.

Primo, Origenes sic explicat : « Qui infirmus est, olus manducet, » id est, doctrinam facilem et communem quæ datur infirmis, sequatur.

Secundo, S. Chrysostomus : « Qui infirmus est, proprie olus tantum manducet, » prætextu abstinentiæ, ne, si carnem comedat et suilla casu apposita absterneat, deprehendatur ex legis observantia abstinere esseque Judæus et judaizare.

Tertio, S. Augustinus : « Qui infirmus est, olus tantum manducet, » ne, si carne vescatur, forte ex errore idolothytis, quibus scrupulose abstinendum putat, eum vesci contingat. Sic fere et Anselmus.

Quarto, Ambrosius : « Qui infirmus est, olus manducet, » quia, inquit, erant tunc aliqui, qui putabant omni carne abstinendum esse Christianis.

Quinto, Toletus sic explicat, *q. d.* Aliqui sunt qui, etiamsi nullos alios cibos habeant præter olera quibus vesci liceat, iis eligunt potius quam carne lege vetita, aut idolis immolata vesci.

Verum optime et planissime, Perierius per *olus* hic accipit herbas, et quidquid veteri lege edi non vetatur quasi immundum. Hoc enim infirmus judaizans comedat licet. Peculiariter *olus* nominat Apostolus, quia nil herbarum vetitum erat Judæis, cum multi pisces et aves, ac bestię vetita essent. In olere ergo infirmis nil erat periculi, nil scrupuli; *q. d.* Judæus qui infirmus est in fide et libertate Evangelica, putatque cibis lege veteri vetitis adhuc abstinendum esse, ille iis absterneat, et olera aliaque lege permissa comedat (2).

3. IS QUI MANDUCAT (quidlibet, puta Gentilis), NON MANDUCANTEM (certos cibos lege vetitos, puta Judæum) NON SPERNAT : ET QUI NON MANDUCAT (Judæus), MANDUCANTEM (Gentilem) NON JUDICET, — non damnet quasi legis transgressorem, vel gulæ addictum.

DEUS ENIM ILLUM ASSUMPSIT, — *q. d.* Deus illum ad fidem et gratiam Evangelii vocavit, per charismata etiam sensibilia, quæ visibiliter tunc in baptismo dabantur, qualia erant donum linguarum, prophetiæ, etc. *q. d.* Quis ergo eum judicet et damnet, quem Deus probavit et advocavit? Probat hic Apostolus cavendum esse iudicium temerarium, neminemque debere proximum suum judicare, quatuor rationibus : *Prima* est hoc vers., quia Dominus proximum sibi in servum assumpsit; servus autem domino suo stat aut cadit; quatuor

Olus manducare, quid sit, varie explicatum? Prima expositio. Secunda.

Tertia.

Quarta.

Quinta.

Sexta et optima.

Olus Apostolus pro herbis accipit propria.

Vers. 3.

Judicium temerarium esse cavendum de cetera quatuor

rationibus. non ergo ad te pertinet de eo judicare. *Secunda*
Prima. est vers. 5, quia in rebus adiaphoris servanda est
Secunda. regula hæc : « Unusquisque in suo sensu abundet. » *Tertia* est vers. 6, quia tam qui manducat, quam qui non manducat, Domino id facit, Domino enim morimur et vivimus; ergo neuter culpandus, sed uterque laudandus est. *Quarta* est vers. 10, quia unus omnium est iudex Christus Dominus; non ergo nostrum est invicem judicare Si enim hoc facimus, Christo iudicium suum præripimus.

Vers. 4. 4. TU QUIS ES QUI JUDICAS ALIENUM SERVUM? — Alloquitur Apostolus non manducantem « qui judicat, » id est damnat, manducantem cibos lege interdictos. Patet ex verbis præced. et seqq. To enim *judicat* refert ad non manducantem. Jubet ergo, ut non manducans Judæus manducantem Gentilem non judicet, sed Dei, cujus servus est, iudicio eundem relinquat. Unde subdit :

Stare DOMINO SUO STAT, AUT CADIT. — *q. d.* Sive male, sive bene faciat manducando, id ad domini sui, puta ad Dei honorem vel injuriam pertinet. Ita aliqui. *Secundo* et genuine : « Domino suo stat, aut cadit, » hoc est, apud dominum suum causa cadet, et condemnabitur; vel stabit, id est absolvetur, *q. d.* Dei interest, et illius est iudicium, cujus homo est servus, ipse videat et judicet an comedendo quidlibet bene vel male agat; tua nil interest : tu ergo eum noli judicare, sed Dei iudicio eum relinque; agit enim Apostolus de viando iudicio temerario, et ad nos non pertinente.

Duplex STABIT AUTEM : POTENS EST ENIM DEUS STATUERE
hujus lo- ILLUM. — *q. d.* Ne timeas, o Judæe infirme, Gen-
cis sensus. tiles, si vescantur idolothytis et cibis lege vetitis,
Primus. facile ad gentilismum reversuros : vicissim, o Gentilis, ne timeas Judæo, si legem servet et cibis lege vetitis abstineat, eum ad judaismum reversurum; quia si in judaismum vel gentilismum cadit, non tibi, sed Domino Deo, cujus servus est, cadit : verum meliora spero, scilicet quod non cadet, sed stabit in fide et sanctitate, cum ejus Dominus, puta Deus, potens sit eum statuere et stabilire. Ne ergo scrupulose aliquem judices aut damnes.

Secundus. *Secundo* et aptius : « Stabit, » id est absolvetur, et non cadet causa in iudicio Domini sui, quia scilicet falsum crimen violatæ legis illi manducanti infirmus imponit; nec enim manducans violavit legem, utpote quam scit abolitam. Potens est enim Deus illum statuere, id est absolvere, et de facto illum absolvet. Hoc enim per miosin significat *potens est*, uti dixi cap. XI, vers. 23.

Vers. 5. 5. NAM ALIUS JUDICAT DIEM INTER DIEM, ALIUS
Quid sit AUTEM JUDICAT OMNEM DIEM. — Vocula *nam* non
judicare dat causam, nec est causalis hoc loco, sed dis-
diem in- tinctiva : græce enim est *πῶς*, id est *quidem*.

Prima ex- Jam varii varium hic dant sensum. *Primo*, Origenes, Chrysostomus, Theodoretus, Ambrosius, Anselmus, sic explicant, *q. d.* Alius diebus interpositis jejunat, alius cunctis diebus et uterque

recte agit. Sed nulli erant illo tempore ita infirmi, qui ex lege putarent omni die esse jejunandum.

Secundo, Theodoretus et Theophylactus sic explicant, *q. d.* Aliqui tantum certa die abstinent suilla et alia immunda carne, aliqui vero omni die iisdem abstinent; sed prius hoc non est verisimile, cum lex suillam et similia vetaret omni die et absolute.

Tertio, Augustinus hic in propositionibus sic explicat : Alius, scilicet homo, cum judicet præsentia, « judicat inter diem et diem, » quia proximum, quem hodie judicat malum, cras invenit et judicat esse bonum et correctum, vel contra. *q. d.* Homo in dies iudicium mutat; « alius autem, id est Deus, omnem diem judicat, » quia non tantum qualis quisque sit hodie, sed etiam qualis omni die futurus sit, præscit et cognoscit; ac proinde neminem, etiam improbum, judicare debemus : quia qualis futurus sit, ignoramus. Hic sensus subtilior et altior est; verum non est ad mentem et propositum Apostoli : Apostolus enim de variis variorum hominum, non autem de diversis Dei et hominum judiciis agit.

Quarto, S. Hieronymus, lib. II *Contra Jovinian.*, et Salmeron hunc dant sensum : « Alius, » scilicet Judæus, judicat diem alium præ alio esse festum et sanctiorem ex legis præscripto, v. g. sabbatum, neomeniam, diem expiationis; alius autem, scilicet Gentilis, putat et judicat omnem diem esse æqualem, æque festum et sanctum. Hæc expositio valde verisimilis est. Verum quia Apostolus in præced. et seq. non agit de festis, sed tantum de delectu ciborum, hinc melius accipias hic dies, non festos, sed jejunii et abstinentiæ.

Quod ut intelligas, nota : Duplex abstinentia ciborum Judæis fuit præcepta, una perpetua, ut scilicet semper abstinerent suilla, leporina et omni animali quod ungulam non dividit aut non ruminat, *Levit. xi*.

Secunda temporaria, qua certis diebus jejunabant, vel quibusdam cibis abstinebant, ut in paschate abstinebant fermento, in diebus quibus votum habebant nazaræatus, abstinebant vino, aceto, uvis, *Num. 6*. Dicit ergo Apostolus de hac secunda abstinentia. Judæus in fide Christi adhuc infirmus, uno die secundum præscriptum legis veteris certis cibis abstinet, aliis diebus non abstinet; Gentilis vero judicat omnem diem esse æqualem, et omni die indifferenter quovis cibo vescitur, fruens libertate Evangelii : et uterque bene facit. Est hebraismus : Hebræi enim verbum simplex sumunt pro compositis, quibus carent : sic hic *κρίνω*, id est *judico*, sumitur pro *διακρίνω*, id est *discerno*, sicut vers. 13 sumitur pro *κατακρίνω*, id est *damno*, *condemno*. Sensus ergo est, *q. d.* Alius judicat, id est, discernit et separat diem unum ut sanctum et abstinentiæ dicatum, ab alio quasi minus sancto, nec abstinentiæ dicato; alius vero judicat omnes dies esse æque sanctos, quibus vel vesci, vel jejunare liceat pro cujusque libito.

Apostolus loquitur de festis et jejuniis Judaicis, non Christianis.

Nota, Apostolum tantum loqui de festis et jejuniis Judaicis, ut fatetur Melanchthon, Bucerus et Beza, idque patet ex præced., et quia tum nondum erant Sanctorum festa, vel jejunia Christianis ab Ecclesia indicta et instituta. Unde male contra ea torquent hæc Novantes. Sane si ea ab Ecclesia tunc instituta ac præcepta fuissent, utique absolute ea servari jussisset Apostolus, uti alias similia Apostolorum decreta jussit servari, Act. xvi, 4.

UNUSQUISQUE IN SUO SENSU ABUNDET. — Pro abundet, græce est πληροφεισθαι; Budæus, Erasmus et alii vertunt, *plene persuasus sit*, plenam habeat probationem et certitudinem. Noster interpret passim magis proprie et fideliter ad verbum, ut bene probat Ribera in cap. vi Hebr., vers. 11, vertit, *plenus sit*, plenitudinem habeat, expleat, abundet. Græcum enim πληροφειν non deducitur από τῷ πλήρῃ, id est *plenus*, et φερῶν, id est *comperire, deprehendere*, ut vult Erasmus; nam φερῶν per ω scribitur, πληροφειν per ο micron: sed από τῷ πλήρῃ; et φέρειν, id est *plenum ferre, plenitudinem habere*. Sic a φέρειν deducitur et componitur καρποφειν, id est *fructum ferre*; κεραιφειν, id est *cornua ferre*; βιβλιοφειν, id est *librum ferre*; δαφνοφειν, id est *laurum ferre*; δωροφειν, id est *donum ferre*; et multa similia. Pari ergo modo πληροφεισθαι idem est quod plenum esse, vel (active) explere, abundare; et πληροφειν idem est quod plenitudo.

Hæc prima et genuina verbi hujus est significatio: inde tamen Græci hoc verbum intellectui et actui mentis attribuentes, sumunt pro plena persuasione, fide, certitudine; quia intellectus, rationis ac judicii plenitudo est plena ejus persuasio: sicut enim crumena impletur pecunia, stomachus et appetitus expletur cibo, ita intellectus capacitas et cognoscendi aviditas impletur probatione tali, quæ plenam intellectui fidem faciat illique rem persuadeat, itaque ejus veri desiderium, quod scilicet habet ad cognoscendam veritatem, satiet et expleat: quasi πληροφεισθαι sit πλήρῃ πίστιν φέρειν, id est *plenam fidem et persuasionem asserre*.

UNUSQUISQUE ERGO IN SUO SENSU ABUNDET, — hoc est, quisque suo judicio perfruatur, plene illud sequatur, quisque suum sensum abunde expleat; hoc enim, ut dixi, proprie est Græcum πληροφεισθαι, id est plenum esse, et Latinum abundare in suo sensu, atque ita in rebus indifferentibus vulgo dicimus: « Quisque in suo sensu abundet, » id est, quisque suum judicium, suum sensum sequatur: in aliis enim quæ indifferentia non sunt, hoc suadere et facere non licet. Hunc esse sensum hujus loci patet ex vers. seq., ubi Apostolus tam manducantem, quam non manducantem laudat. Uterque enim suum sensum sequendo bene agit: nam uterque Domino manducat, vel non manducat. Ita Basilius in Moral., regul. LIV, cap. 1, et Ambrosius: « Quisque, ait, suo consilio remittatur. »

Potest tamen secundo, cum Erasmo, Budæo, Secunda. Vatablo et aliis, Græcum πληροφεισθαι verti, *certus esto*, q. d. Paulus: Quisque in sua mente certus esto, et plene persuasus, scilicet, id quod facit manducando, vel non manducando, licitum esse et Deo gratum. Unde Syrus: Quisque, inquit, in scientia animæ suæ confirmetur. Sic quoque accipi posset nostrum « abundet, » ut idem sit, quod plene et abunde certus sit, q. d. Quisque abunde et plene certus sit, id quod agit bonum esse ac licitum; nil agat semiplena, id est fluctuante et dubitante conscientia. Verum prior sensus, quem paulo ante attuli, est aptior et significantior.

Tertio, S. Augustinus sic exponit: « Quisque in suo sensu abundet, » hoc est, quisque quantum humano intellectui concessum est, tantum audeat judicare; altiora quæ homines superant, non sapiat, non judicet.

Quarto, recentiores aliqui sic explicant: « Quisque in suo sensu, » id est sive hoc, sive illud sentiat, « abundet, » nimirum in charitate, ut scilicet ex charitate ad aliorum ædificationem id sentiat et faciat. Sed hæc non respondent Græco πληροφεισθαι.

Nota: Apostolum loqui de rebus indifferentibus, q. d. Quisque suum sequatur sensum, sive ut omnibus cibis, si in fide perfectus sit, etiam immundis, et vel semper, vel certo die per lege velitis, vescatur, æque ut cibis in lege mundis et permissis; sive ut iisdem, si infirmus in fide sit et scrupulosus, abstineat, vel ob reverentiam legis Mosi, vel ob ignorantiam inculpatam, qua putat illam adhuc obligare.

Unde nota secundo: Licet legales cæremoniae, legisque obligatio abrogata et mortua fuerit post mortem Christi in Pentecoste, non tamen illæ cæremoniae et observantiae legales statim ubique, et apud omnes fuere mortiferae, sed tantum post sufficientem promulgationem, explicationem et confirmationem Evangelii et fidei Christianæ. Poterant ergo illæ eo usque servari, ob scandalum infirmorum et ad Synagogam cum honore sepe- liendam, non autem tanquam necessaria ad salutem, vel tanquam obligantia ex lege veteri, nisi id fieret ex ignorantia inculcata, quali multi tunc laborabant, etiam Apostoli, usque ad visionem saltem S. Petri, quæ narratur Act. x.

Nota tertio: Licet errarent hi Judæi, tamen in hoc errore permitti eos hoc cap. vult Apostolus, ob temporis immaturitatem, donec plenius in fide instruantur; ne, si statim revocentur a consuetis ritibus et observationibus, turbati resiliant a fide, quia infirmi. Hinc Apostoli permiserunt Judæis servare legem Mosi cum Evangelio ad tempus, tum ut cum honore legem, alias bonam et sanctam, sensim commutarent in Evangelium; tum ut Judæos qui legi assueverant, facilius allicerent ad Christianismum.

Dices: Cur ergo Apostolus Galatas tam dure increpat cap. 1, quod legem veterem servarent?

Μηροφειν quid proprie significet, et unde componitur?

Uti stomachus expletur cibo, ita intellectus ratione et demonstratione.

In indifferentibus cuique licitum sequi opinionem.

Quid τὸ quisque in suo sensu abundet? V. i. n. a. v. p. s. i. t. i. o. et genuina.

Lex vetus abrogata fuit in Pentecoste.

Erroneus aliquos in Judæis recens conversis toleravit Ecclesia primitiva.

Liberti-
norum
omnia li-
centia re-
fultatur.

Respondeo : Quia Galatæ Gentiles erant, non Judæi; unde assumpserant ipsi sacra aliena, scilicet Judaica, quasi necessaria ad salutem, qui erat exploratus error, et recidendus Apostolo. Vide ergo quam contra mentem Apostoli libertini hæc trahant ad libertatem fidei, ut cuique permittatur credere quod volet. Alii vero trahant hæc ad libertatem non jejunandi, non obediendi præceptis Ecclesiæ : cum hæc præcepta sint, uti supponitur; Apostolus autem loquatur de rebus non præceptis, sed indifferentibus, uti jam ostendi.

Vers. 6.

Sapere
pro dis-
cernere.

6. QUI SAPIT DIEM, DOMINO SAPIT. — « Qui sapit, » hoc est, qui judicat et discernit diem abstinentiæ a die quo non est abstinendum. Est metalepsis. Sapere enim discernimus cibos : hinc *sapere* hic significat discernere, et discernendo observare diem abstinentiæ : qui ergo ita sapit et discernit diem abstinentiæ (1), « Domino sapit, » hoc est ad Dei legislatoris obsequium id facit et discernit. Ita S. Chrysostomus. Græca addunt καὶ ὁ μὴ φρονεῖν τὴν ἡμέραν Κυρίου ὅς φρονεῖ, et qui non sapit, aut discernit diem, Domino non discernit, q. d. Sive quis discernat diem, sive non, bene de eo existimandum est, et bene interpretandum (nisi contrarium constiterit), quod scilicet id faciat ad honorem Dei : cujus signum est, quod gratias agat Deo. Unde explicando subdit Apostolus :

ET QUI MANDUCAT (idolothyta et cibos lege vetitos), DOMINO (ad Domini Dei honorem) MANDUCAT. ET QUI NON MANDUCAT (qui idolothytis et cibis lege vetitis abstinet), DOMINO NON MANDUCAT, (id est, ad Domini honorem iis abstinet) : ET GRATIAS AGIT DEO, — non tam quia vetitis abstinet, quam quia lege concessis ulitur.

Gratiarum
actio
in cibi
sumptione
de usur-
pata Ju-
dæis.

Ubi nota, τὸ *non manducare* non esse puram negationem, sed mixtam habere affirmationem, atque idem esse quod vesci cibo lege permissio, rejecto vetito; de hoc enim gratias agit. Nota Judæos ex prisco patrum more in cibi sumptione gratiarum actionem usurpasse : qua de re plura dicam I *Timoth.* IV, 4.

Vers. 7.

7. NEMO ENIM NOSTRUM SIBI VIVIT, ET NEMO SIBI MORITUR. — q. d. Non ad nostrum usum et commodum præcipue, sed ad Dei obsequium vivimus et morimur; ille enim est dominus nostræ vitæ et mortis, in cujus usum et laudem omnia nostra, ac consequenter omnis tam abstinencia, quam manducatio nostra tendere debent : sicut servi omnia sua in dominorum suorum usum et commodum referre solent et debent (2).

Vers. 8.

8. SIVE ENIM VIVIMUS, DOMINO VIVIMUS; SIVE MORIMUR, DOMINO MORIMUR. SIVE ERGO VIVIMUS, SIVE

(1) Alii : Qui sapit, id est, studio fertur, huc est propensus, ut aliquem diem sanctiorem judicet aliis, is id judicat, huc fertur in honorem Domini, id est pio animo.

(2) Hic est sensus commatum 6-8 : Omnia vel levia et adiaphora ad Deum referre Christianos docet, quasi rationem reddituros ante tribunal Christi judicis; omne enim nostrum (quod exprimitur hic per *vivere et mori*) Deo subjacet : ita Allioli.

MORIMUR, DOMINI SUMUS. — q. d. Nos quasi servi, ad Dei quasi Domini creatoris et redemptoris nostri honorem referimus nostram vitam, mortem et omnia : si omnia, ergo et dierum et ciborum observationem et discretionem, vel eorundem indifferentiam et libertatem : ergo hæc non sunt peccata. Peccatum enim est contra honorem Domini, estque inobedientia contra Dominum, q. d. Totum, quod sumus, quod agimus, quod vivimus, quod morimur, est Christi Domini : ejus enim servi sumus. Ad ejus ergo obsequium et usum vita, mors et omnia nostra cedunt et tendunt, eoque sponte quasi servi ejus referimus omnia : ipse enim est Dominus et iudex noster; ab eo judicandi sumus : non ergo invicem judicemus. Utrumque enim Apostolum spectare, scilicet *primo*, in hoc ciborum delectu, vel abstinencia non esse peccatum, quia utrumque fit ad honorem Domini, cui vivimus et morimur, patet ex vers præced. : Domino, inquit, manducat, vel non manducat; gratias enim agit Deo. Et *secundo*, in hoc delectu non debere fideles se invicem judicare, cum sint servi, sed totum judicium relinquere Christo Domino, patet ex vers. 10.

Omni
nostra ad
Dei obse-
quium referenda.

Secundo, non male Anselmus sic exponit, q. d. Domini gloriam vivendo et moriendo querimus, ut possideamur ab eo quasi servi, sive viventes, sive mortui simus. Hinc pro ejus gloria lubentes vitam et omnia impendimus, mortem et sanguinem profundimus : non ergo de cibis ciborumque libero delectu minute et anxie disputemus aut tricemur. Hic sensus consequitur ex priori, eumque perficit et complet. Unde etiam S. Chrysostomus : « Per hæc verba, inquit, ostendit Paulus, quod majorem nostri habeat curam Deus, quam nos ipsi, et quod vitam nostram divitias suas, et mortem damnum æstimet : non enim nobis ipsis tantum morimur, sed et si morimur, Domino morimur : mortem vero hic eam, quæ ex fide est, vocat. »

Gloria
Dei sit fi-
nis actionum
nostrarum.

Tropologice Gregorius, hom. 22 in *Ezech.* : « Sibi, inquit, sancti nec vivunt, nec moriuntur. Sibi non vivunt, quia per omne quod agunt, ad lucra spiritualia anhelant, atque orando, predicando, sanctis operibus insistendo, cœlestis patriæ cives multiplicare desiderant. Sibi minime moriuntur, quia in conspectu hominum Deum sua morte glorificant, ad quem pervenire etiam moriendo festinant. »

9. IN HOC ENIM CHRISTUS MORTUUS EST, ET RESUR- Vers. 9.
REXIT; UT ET MORTUORUM ET VIVORUM DOMINETUR. —

Probat Apostolus id quod præcessit : « Sive vivimus, Domino vivimus; sive morimur, Domino morimur; » id est probat vivos et mortuos esse Domini, sive Christum Dominum dominari vivos et mortuis. Probat, inquam, ex causa; hac enim de causa est Christus mortuus et resurrexit, ut ex morte et resurrectione sua, dominium in vivos et mortuos, vel potius domini hujus sui usum et exercitium adipisceretur, utque omnibus dominaretur.

Qua de
causa
Christus
dominatur
vivos
et mor-
tuos?

Notandum est enim, non dicit: ut fiat dominus, scilicet, ut accipiat jus et potestatem dominandi; sed « ut dominetur, » id est ut exercent acceptæ potestatis et dominii usum. Nam Christus a primo instanti suæ incarnationis, ratione unionis hypostaticæ, fuit Dominus omnium: sed post mortem hujus dominii plenum exercitium accepit. Pari modo Christus potestatem judicariam, æque ac corporis gloriam, licet ratione unionis hypostaticæ sibi debitam, patiundo et moriendo meruit, eamque merito suæ humilitatis et mortis adeptus est post resurrectionem. Adde, meminisse Apostolum hic resurrectionis Christi, quia hæc exemplar est nostræ resurrectionis. Sicut enim Christus mortuus est ut dominetur mortuorum, ita resurrexit ut dominetur vivorum: ergo resurgemus in vitam æternam, ut Christus nobis vivis dominetur in æternum.

Nota: *σκανδαλον* a *σκαμνός*, id est *obliquus*, Græcis est lignum incurvum, sive obliquum, quo muscipula sustinetur, cui esca alligatur, ut mus eam arrodens, muscipulam in se evertat. Hinc Theologi « scandalum » vocant id, quod alteri est occasio peccati et ruinæ; uti hic est comedere idolythia, vel cibos lege veteri vetitos, coram Judæis in fide Christi novellis, qui id putant esse illicitum.

Scandalum quid et unde?

14. SCIO ET CONFIDO (*πίστευω*, id est, ut Chrysostomus, *persuasus sum*, compertum habeo plenissime, vel fido, fidenter teneo et doceo, securus sum me non decipi) IN DOMINO JESU (a quo didici, et scio id quod dico et doceo) QUIA (quod) NIHIL COMMUNE PER IPSUM (*q. d.* Scio per Christum, id est per Christi legem et libertatem, nullam escam esse communem, id est immundam), NISI EI QUI (per errorem vel conscientiam erroneam) EXISTINAT QUID COMMUNE ESSE, ILLI COMMUNE (id est immundum et vetitum) EST. — Quia enim cibis apud Judæos per legem Mosaicam immundis Gentiles omnes promiscue et communiter utebantur et vescebantur, itaque immunda hæc Judæorum Gentilibus erant communia; hinc « commune » idem est quod immundum; et *communicare*, sive commune facere, idem est quod polluere et profanare, ut patet *Act. x, 14, Marc. vii, 18*. Vide Hieronymum in *xv Matth.*

Judæis immunda, erant Gentibus communia.

Commune idem est quod immundum.

Secundo, Origenes, Chrysostomus, Theophylactus et Syrus sic explicant, *per ipsum*, scilicet cibum, *q. d.* Nullus cibis per seipsum est immundus. Ubi nota, cibum in se mundum, fuisse immundum, quia erat lege vetitus: rudiores tamen putabant cibos prohiberi, quod in se immundi essent; sed errabant, quia ignorabant veram legis mentem et causam, scilicet significationem moralem et mysticam hujus abstinence, de qua dixi *Levit. xi*. Vide S. Augustinum, lib. VI *Contra Faust.*, vii.

15. SI ENIM (græce *εἰ δὲ*, si vero) PROPTER CIBUM FRATER TUUS CONTRISTATUR, JAM NON SECUNDUM CHARITATEM AMBULAS. — *q. d.* Si frater tuus existimat cibum esse communem et vitandum, et tu tamen eum comedis, itaque fratrem contristas et scandalizas, peccas contra charitatem: provocas enim illum, ut contra conscientiam eundem cibum comedat; vel ut hoc tuo scandalo offensus, a te et tua fide, ac religione resiliat, et redeat ad pristinum suum judaismum, vel gentilismum.

Vers. 15.

NOLI CIBO TUO ILLUM PERDERE, PRO QUO CHRISTUS MORTUUS EST. — Est hic acer stimulus et aculeus, quo Paulus pungit fideles, ut diligentissime caveant scandala, *q. d.* Christus dedit vitam pro fratre suo, tu pro eo da, aut potius relinque cibum; Christus ei mortuo vitam sua morte restituit, tu hanc illi tua vili esca noli adimere, noli eum perdere.

16. NON ERGO BLASPHEMETUR (a Gentilibus propter vestram discordiam et scandalum) BONUM nostrum. — Ita legunt Biblia Romana et Syrus; sed

Vers. 16.

Christus post mortem obtinuit exercitium dominii sui. Christus sibi corporis gloriam et potestatem judicariam meruit.

Vers. 10. 10. TU QUID JUDICAS FRATREM TUUM? OMNES ENIM STABIMUS ANTE TRIBUNAL CHRISTI. — *q. d.* Unus erit iudex, scilicet Christus: ergo invicem non judicemus. Non enim sumus domini nostri, vel aliorum; sed omnes alienæ sumus potestatis, omnes servi Christi, ac consequenter omnes ab eo judicandi, non autem iudices aliorum constituti sumus. Moraliter S. Chrysostomus: « Recordemur, inquit, perpetuo terribilis illius tribunalis, fluminis ignei, vinculorum insolubilium, profundarum tenebrarum, stridorum dentium, venenosique vermis. »

Vers. 11. 11. SCRIPTUM EST ENIM (*Isaia xlv, 24*): VIVO EGO (juro per vitam meam), DICIT DOMINUS, QUONIAM (quod) MIHI FLECTETUR OMNE GENU (omnes gentes me colent et adorabunt: est enim hoc loco prophetia de conversione omnium gentium ad Christum), ET OMNIS LINGUA CONFITEBITUR DEO. — *q. d.* Omnes homines in Christum hominem agnoscent pro Deo et iudice summo, laudabuntque meam clementiam vel justitiam, sed boni voluntarie, mali invite et coacte. *Isaia* habet: « Mihi jurabit omnis lingua. » *Jurabit*, id est confitebitur. Est enim jusjurandum, vera ac aperta ejus Dei professio, quem ut testem et perjurii vindicem appellamus; adeo ut aliquando synecdochice jusjurandum declaret universum Dei cultum, et jurare in Deo, vel per Deum verum, idem sit quod Deum verum colere, ut patet *Isaia xix, 18; Psal. lxxii, vers. 12*: « Laudabuntur, inquit Psaltes, omnes qui jurant in eo, » id est omnes qui eum colunt.

Jurare pro confitei.

Vers. 13. 13. HOC JUDICATE (decernite, statuete) MAGIS, NE PONATIS OFFENDICULUM FRATRI, VEL SCANDALUM. — Syrus hæc duo pro eodem accipit; sed Apostolus disjungit et distinguit. « Offendiculum » ergo, græce *πρόσκειμα*, est id in quod impingis, offensis, cadis et peccas. Unde *πρόσκειμα*, ait Budæus, est *πταίσμα*, id est casus, offensio, peccatum. « Scandalum » vero est id in quod impingis, id est titubas, turbas et tentaris, sed non cadis, non corruis, non peccas.

Offendiculum quid?

Græca legunt *ὑμῶν*, id est *vestrum*. Quæres quodnam sit hoc *bonum*? Respondet *primo*, Origenes, est Christiana religio; *secundo*, Theodoretus, est fides; *tertio*, Ambrosius, est doctrina Christi; *quarto*, Chrysostomus, est spes futuri præmii, aut perfecta pietas; *quinto*, Anselmus, est manducans bona et licita. Hæc omnia eodem redeunt. Scilicet *bonum*, hoc est libertas et fides Christiana, quam ut fideles per scandalum non obijciant blasphemiae Gentilium, monet et urget hic Apostolus. Ita Anselmus et S. Thomas. Gentes enim scandalizabantur et a christianismo avertiebantur, cum videbant Christianos ita inter se contendere de cibis et ciborum delectu.

Vers. 17. 17. NON EST REGNUM DEI ESCA ET POTUS; SED

JUSTITIA, ET PAX, ET GAUDIUM IN SPIRITU SANCTO.

— *q. d.* Pietas, fides et charitas, quibus Deus regnat in nobis, non consistunt per se in certo cibo et potu, quasi hæc per se necessaria sint ad gratiam et beatitudinem assequendam, et per hæc grati fiamus Deo, cum sint per se adiaphora. Dico, *per se*, quia ex obedientia possunt esse necessaria, uti patet in Adamo, cui esus ligni scientiæ boni et mali vetitus fuit et cætera concessa sunt: idem patet in jejuniis Ecclesiæ; cum enim hæc ab Ecclesia indicuntur, tunc tanquam obedientiæ et temperantiæ vel objecta, vel actus pariunt justitiam, pacem et gaudium Spiritus Sancti, in quibus proprie et per se consistit regnum Dei jam dictum.

Certiusci-
bus et
potus per
se indif-
ferentes,
accedente
præcepto
necessa-
rii sunt.

Regnum
Dei tri-
plex
scilicet.

Adde: non dicit Paulus, Regnum Dei non est abstinentia; sed, « Regnum Dei non est esca. » Quod notent Novantes, qui ut pro suis escis pugnent, impugnant jejunia Ecclesiæ. Sic I *Cor.* cap. VIII, vers. 8: « Esca, inquit, nos non commendat Deo. »

Nota: Apostolus hic et alibi « regnum Dei » vocat gratiam, per quam Deus regnat in nobis, quæ peccata delentur, quaque Deo reconciliamur, vel gratiores efficiamur, atque jus ad regnum et beatitudinem æternam acquirimus: patet ex sequent. Gratia ergo dicitur « regnum Dei » inchoative, quia per gratiam incipit Deus regnare in nobis, et quia gratia est inchoatio gloriæ et regni cælestis, in quo Deus plene et perfecte regnabit in nobis. Est metonymia. Regnum enim hic idem est quod modus, ratio, forma regni et regiminis Dei; hæc enim forma et norma non est sita in esca et potu, sed in justitia, pace et gaudio Spiritus Sancti.

Primo,
gratia est
inchoati-
ve re-
gnum
Dei.

Secundo. Posset, *secundo*, alia metonymia « regnum » hic pro subditis qui reguntur, capi, ut « regnum Dei » vocet hic ipsos Christianos et sanctos, quos Deus regit et gubernat: hi non sunt esca et potus, id est, non fiunt per escam et potum, ut vox *sunt* sumatur non formaliter, sed causaliter pro *sunt*, per metonymiam, *q. d.* Non propterea reddimur sancti et boni Christiani, in quibus Deus regnet, quod cibis lege interdictis libere vescamur; sed justitia, pace et gaudio Spiritus Sancti reddimur

sancti verique Christiani, et consequenter finis regnum Dei.

Tertio, Anselmus proprie accipit regnum cælorum, hoc sensu, *q. d.* In cælo non erunt carnales deliciae, non esca, non potus; sed justitia, pax et gaudium. Verum hoc anagogicum est.

Tertio,
regnum
Dei est
regnum
cælorum

Moraliter audi S. Bernardum, serm. 2 in hæc ipsa Apostoli verba: « Filii hominum, usquequo gravi corde? quia corpore pingui; ut quid diligitis vanitatem et veritatem negligitis? Pinguedo carnis, deliciae corporis, saturitas ventris, aut ante mortem vos deserent, aut vos in morte illas relinquetis. Quoniam (inquit sanctus) cum interierit, non sumet omnia, neque descendet cum eo gloria ejus. Sicut oves in inferno positi sunt, mors depascet eos. Quam bene sicut oves? quia detracto vellere mundalium divitiarum, dure pressequæ detonsi sempiternis nudi deputabuntur incendiis. Mors depascet eos, quia semper moriuntur ad vitam, et semper vivant ad mortem. Ergo hic caro vermibus, illic anima ignibus deputatur, donec rursus infelici collegio colligati tormentis pœnalibus socientur, qui socii fuerunt in vitiis. O delicate, qui deliciis et divitiis circumfusus atque confusus, confusionem expectas et mortem; non est regnum Dei esca et potus, non purpura et byssus: quia dives ille utroque circumfluus, in puncto ad inferna descendit; sed justitia, et pax, et gaudium in Spiritu Sancto. »

18. QUI IN HOC (in hisce quæ dixi, puta in pace, justitia et gaudio Spiritus Sancti, in quibus consistit regnum Dei) SERVIT CHRISTO, PLACET DEO. **Vers. 18.**

20. NOLI PROPTER ESCAM DESTRUERE OPUS DEI. — **Vers. 20.** « Opus, » puta ædificium Dei, scilicet fidem, charitatem et religionem Christianam in proximo. Vel « opus Dei, » hoc est, proximum ipsum, quem Deus fecit Christianum, fidelem, pium, imo domum et templum suum. Vide dicta vers. 16. Sic *Ephes.* II, vers. 10, dicitur: « Ipsius sumus factura, creati in Christo Jesu in operibus bonis, » etc.

21. BONUM EST NON MANDUCARE CARNEM ET NON BIBERE VINUM, NEQUE (aliud quid simile facere) IN QUO FRATER (proximus) TUUS OFFENDITUR. — Ita legunt Biblia Romana; alii legunt « offendit: » nam et græce est *παραίττω*, id est offendit, impingit, hoc est scandalizatur; idem ergo hic est *offendit et offenditur*; qui enim scandalizatur offendit et offenditur. **Vers. 21.**

22. TU FIDEM HABES? PENES TEMETIPSUM HABE CORAM DEO. — *Primo*, Toletus « fidem » hic proprie accipit, scilicet fidem veram et Christianam, qua recte credis quemlibet cibum esse mundum, itaque eum comedis. **Vers. 22.**

Secundo et melius, fides idem est quod persuasio certa et segura: « fidem » ergo « habes, » hoc est, in conscientia certus et securus es, nihil apud Christianos esse immundum legaliter, omnes escas etiam lege veteri vetitas eis esse permissas. Ita S. Chrysostomus et Ambrosius, idque ex mente Apostoli, ut patebit vers. ult. Occurrit

Fides hic
idem est
quod
conscien-
tia.

hic Apostolus tacitæ objectioni dicentium : Fides mihi dictat legales caeremonias esse abolitas, meque licite quibuslibet posse vesci; sequar ergo fidem meam, escas lege vetitas manducabo, esto infirmiores inde offendantur. Respondet Apostolus : Tu fidem habes, sed eam.

HABE PENES TENETIPSUM, — *q. d.* Noli illam jactare illaque uti cum fratris scandalo. Fides enim confitenda est semper, non autem semper profitenda; profiteri enim est sponte fidem publicare, confiteri est respondere interrogatum, ait S. Cyprianus, *epist.* 83. Idem dico de fide, id est persuasionem, vel credulitate conscientiae, de qua proprie hic agit Apostolus.

**INSTRUC-
tio pro
scrupu-
losis et
infirmis.** BEATUS QUI NON JUDICAT SEMETIPSUM IN EO QUOD
PROBAT. — Occasione ejus quod dixit : « Tu fidem habes, » transit hic Apostolus ad instructionem infirmi, qui vel exemplo doctoris comedentis, vel gula illectus, edebat suillam, aut aliud lege vetitum contra conscientiam, sicque peccabat. Dicit ergo : « Beatus qui non judicat (qui non condemnat scrupulose : ita Ambrosius et Theodoretus) semetipsum in eo quod probat, » quod eligit, quod amplectitur, *q. d.* Beatus est qui nihil agit contra conscientiam, qui non movet sibi dubia, et scrupulos in re alias licita et adiaphora, qualis est vesci idolothytis, aut cibis Judæis vetitis.

Secunda. *Secundo*, Salmeron : « Beatus est; inquit, qui non judicat semetipsum » bene agere, ut sibi de virtute blanditur, se justum reputet et sanctum; sed potius cum Apostolo dicit : « Nihil mihi conscius sum; sed non in hoc justificatus sum : qui autem judicat me, Dominus est. »

Tertia. *Tertio*, alii sic exponunt, *q. d.* Beatus est qui judicium illius rei, quam approbat, agit, exequitur, non sumit ex se et suo capite, sed a viris peritis, probis et sapientibus; nam in rebus agendis prudentis est non suo; sed sapientum consilio niti.

Quarta. *Quarto*, Toletus : Beatus, inquit, est qui non judicat se recte facere, dum comedit cum scandalo proximi id quod alias probat, id est, quod alias per fidem approbat, scilicet cibum hunc quem comedit, uti et quemlibet alium, permissum et licitum esse. Verum primum sensum exigit id quod sequitur.

Vers. 23. QUI DISCERNIT (cibum a cibo, quasi illicitum et vetitum a licito et permissu), SI MANDUCAVERIT, DAMNATUS EST (peccati et damnationis reatum incurrit), QUIA NON EX FIDE, — hoc est, quia non ex conscientiae dictamine et credulitate, qua credit licere hoc cibo vesci, supple, *manducat*, *q. d.* Quia manducat et agit contra conscientiam, hinc peccato et damnationi se obstringit. Ita S. Chrysostomus. Pro *qui discernit*, græce est διακρίνειν, quod etiam verti potest, qui disceptat, qui dubitat, sitne licitum, v. g. vesci suilla, necne. Ita S. Chrysostomus, Theophylactus, Oecumenius.

OMNE QUOD NON EST EX FIDE, PECCATUM EST. —

Nota, « fidem » hic non tantum includere veritatem generalem et speculativam, sed et particularem et practicam. Fides ergo est dictamen conscientiae, sive persuasio et credulitas, qua juxta regulas fidei et prudentiae credis te hic, v. g. comedendo idolothyta, aut cibos lege veteri vetitos, non male, sed recte agere et Deo placere : quod enim non est secundum hanc credulitatem, id est, quod est contra conscientiam, hoc peccatum est. Ita S. Chrysostomus, Theodoretus, Ambrosius, Theophylactus, Oecumenius.

Hunc esse sensum, et hoc significare hic fidem, patet tum ex Græco πίστις : fides enim græce dicitur πίστις, id est *persuasio*, ἀπὸ τοῦ πείθω, id est *sua- dere*, persuadere; tum ex ipso discursu Apostoli. Loquitur enim Apostolus infirmis, id est errantibus et scrupulosis, qui ex errore conscientiae putabant non licere sibi vesci cibis lege vetitis. His ait : Qui discernit cibum hunc quasi illicitum ab alio licito; si manducat id quod discernit quasi illicitum, damnatus est; quia non ex fide, id est, quia non ex credulitate quod id liceat, sed contra conscientiae dictamen manducat. Idem patet ex I Cor. viii, 1, ubi fidem hanc explicans Apostolus, eam vocat scientiam. Ait enim : « De iis autem quæ idolis sacrificantur, scimus quia omnes scientiam habemus. » Et vers. 4 : « De escis autem quæ idolis immolantur, scimus quia nihil est idolum in mundo, et quod nullus est Deus; nisi unus. » Fides ergo est scientia, qua quis scit idolum nihil esse, ac consequenter idolothyta nihil contrahere numinis falsi, aut vitii ex idolo cui immolantur, ut propterea esus eorum fidelibus sit illicitus; ac consequenter licite fideles iis vesci posse, perinde ac si idolo non essent immolata. Rursum, sicuti fides dicitur credulitas qua quis credit quid esse verum et a Deo revelatum; ita pariter fides dici potest (uti hic dicitur) credulitas qua quis credit quippiam esse licitum; hoc enim est verum practicum, quod quasi objectum spectat fides hæc practica : sicut prior fides speculativa pro objecto habet verum speculativum. Insuper Cicero, lib. I *Officior.* : « Fides, inquit, est dictorum conventorumque constantia et veritas. Ex quo credamus, quia fiat quod dictum est, appellatam fidem. » Pari ergo ratione cum fit quod in mente dictum est, puta quod mens et ratio faciendum dictat, fides est dicique debet; et qui hoc agit, fideliter et ex fide, ac fide bona agere dicitur.

Hinc Theologi docent conscientiam, licet erroneam, semper ligare, ut nunquam contra eam agere liceat; sed eam deponere per prudens rationis aut viri sapientis consilium; vel, si id non possit, sequi eam oporteat, si videlicet res ipsa differri non possit.

Dices : S. Augustinus, lib. IV *Contra Julian.*, iii, et lib. *De Gratia Christi*, cap. xxvi, et *epist.* 103; Prosper quoque lib. VIII *De Vita contempl.*, cap. i et v; Bernardus, lib. *De Præcept. et dispens.*, fidem

*Fides hic
idem est
quod dic-
tamen
conscien-
tia.*

*Etymon.
πίστις.*

*Conscien-
tia etiam
erronea
obligat :
deponen-
da tamen
est.*

hic proprie accipiunt; ergo cum ait Apostolus: « Omne quod non est ex fide, peccatum est, » hinc recte inferam, quod omnia omnium infidelium opera, etiam bona, uti sunt eleemosynæ, cum non sint, nec fiant ex fide, sint peccata. Admittunt illationem hanc nonnulli Doctores Scholastici, ut Gregorius Ariminus, Capreolus, Catharinus.

Verum respondeo : S. Augustinus cum suis *quod non est ex fide*, per miosin sic accipit, q. d. Apostolus : Quod est ex infidelitate, vel quod est contra fidem, quodque sit ad cultum idoli, hoc peccatum est, uti patet. Et quia S. Augustinus putabat pleraque opera ab infidelibus fieri hoc fine, scilicet ad colendum idolum, hinc consequenter pleraque eorum opera putavit esse peccata. Sed hoc de omnibus non est verum; imo certum est infideles posse facere et de facto facere multa opera moraliter bona, ut honorare parentes, dare eleemosynam, servare promissa, non ad cultum idoli sui (de quo sæpe non cogitant)

sed tantum hac de causa, quia illa honesta sunt, quia recta ratio illa dicat, ita ut hæc eorum opera moraliter bona sint, nec ullo malo fine, aut circumstantia vitientur.

Rursum, Origenes, Anselmus, S. Leo, serm. 2 *De Jejuniis Pentecostes*, et Prosper per auxesin sic exponunt : « Omne quod non est ex fide, peccatum est, » id est, peccato conjunctum est : quia omnis infidelium virtus vana, inanis et falsa virtus est, nec hominem peccato liberare, aut absolute bonum coram Deo efficere valet. « Omnis infidelium vita, inquit Prosper in *Sentent.* excerptis ex S. Augustino, sentent. 106, peccatum est, et nihil est bonum sine summo bono. Ubi enim deest agnitio æternæ et incommutabilis veritatis, falsa virtus est, etiam in optimis moribus. »

Verum, ut dixi, hæc non sunt hoc loco genuina, nec ad mentem Apostoli : Apostolus enim per fidem hic non intelligit fidem Christianam, sed credulitatem, persuasionem et dictamen conscientiae.

Expositio Prosperi.

CAPUT DECIMUM QUINTUM.

SYNOPSIS CAPITIS.

Concludit, tam Gentes quam Judæos ad fidem et gratiam Christi vocatos, Deo gratias, invicem gratulationem et pacem debere.

Primo ergo docet quemque proximorum utilitati, et mutuae paci studere debere, quodque Christus tam Judæos ex promissione, quam Gentes ex misericordia ad se et salutem vocaverit.

Secundo, vers. 15, excusat se quod liberius Romanis scripserit, tanquam Gentium Apostolus ostendens quomodo hoc munus sit executus, nimirum quod ab Jerusalem ad Illyricum primus ipse ubique evangelizaverit.

Tertio, vers. 24, destinat ire in Hispaniam, prius tamen deferre eleemosynam in Judæam, ac deinde in transitu videre Romanos, petens ut pro se interim orent.

1. Debemus autem nos firmiores imbecillitates infirmorum sustinere, et non nobis placere. 2. Unusquisque vestrum proximo suo placeat in bonum, ad ædificationem. 3. Etenim Christus non sibi placuit, sed sicut scriptum est : Improperia impropertantium tibi ceciderunt super me. 4. Quaecumque enim scripta sunt, ad nostram doctrinam scripta sunt : ut per patientiam et consolationem Scripturarum, spem habeamus. 5. Deus autem patientiæ et solatii det vobis idipsum sapere in alterutrum secundum Jesum Christum : 6. ut unanimes, uno ore honorificetis Deum, et Patrem Domini nostri Jesu Christi. 7. Propter quod suscipite invicem, sicut et Christus suscepit vos in honorem Dei. 8. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum : 9. Gentes autem super misericordia honorare Deum, sicut scriptum est : Propterea confitebor tibi in Gentibus, Domine, et nomini tuo cantabo. 10. Et iterum dicit : Lætamini, Gentes, cum plebe ejus. 11. Et iterum : Laudate, omnes Gentes, Dominum ; et magnificate eum, omnes populi. 12. Et rursus Isaias ait : Erit radix Jesse, et qui exurget regere Gentes, in eum Gentes sperabunt. 13. Deus autem spei repleat vos omni gaudio et pace in credendo : ut abundetis in spe et virtute Spiritus Sancti. 14. Certus sum autem,

fratres mei, et ego ipse de vobis, quoniam et ipsi pleni estis dilectione, repleti omni scientia, ita ut possitis alterutrum monere. 15. Audacius autem scripsi vobis, fratres, ex parte, tanquam in memoriam vos reducens : propter gratiam, quæ data est mihi a Deo, 16. ut sim minister Christi Jesu in Gentibus : sanctificans Evangelium Dei, ut fiat oblatio Gentium accepta, et sanctificata in Spiritu Sancto. 17. Habeo igitur gloriam in Christo Jesu ad Deum. 18. Non enim audeo aliquid loqui eorum, quæ per me non efficit Christus in obedientiam Gentium, verbo et factis : 19. in virtute signorum et prodigiorum, in virtute Spiritus Sancti : ita ut ab Jerusalem per circuitum usque ad Illyricum repleverim Evangelium Christi. 20. Sic autem prædicavi Evangelium hoc, non ubi nominatus est Christus, ne super alienum fundamentum ædificarem ; sed sicut scriptum est : 21. Quibus non est annuntiatum de eo, videbunt ; et qui non audierunt, intelligent. 22. Propter quod et impediabar plurimum venire ad vos, et prohibitus sum usque adhuc. 23. Nunc vero ulterius locum non habens in his regionibus, cupiditatem autem habens veniendi ad vos ex multis jam præcedentibus annis : 24. cum in Hispaniam proficisci cœpero, spero quod præteriens videam vos, et a vobis deducar illuc, si vobis primum ex parte fructus fuero. 25. Nunc igitur proficiscar in Jerusalem ministrare sanctis. 26. Probaverunt enim Macedonia et Achaia collationem aliquam facere in pauperes sanctorum, qui sunt in Jerusalem. 27. Placuit enim eis ; et debitores sunt eorum. Nam si spiritualium eorum participes facti sunt Gentiles, debent et in carnalibus ministrare illis. 28. Hoc igitur cum consummavero, et assignavero eis fructum hunc, per vos proficiscar in Hispaniam. 29. Scio autem quoniam veniens ad vos, in abundantia benedictionis Evangelii Christi veniām. 30. Obsecro ergo vos, fratres, per Dominum nostrum Jesum Christum, et per charitatem Sancti Spiritus, ut adjuvetis me in orationibus vestris pro me ad Deum, 31. ut liberer ab infidelibus, qui sunt in Judæa, et obsequii mei oblatio accepta fiat in Jerusalem sanctis, 32. ut veniam ad vos in gaudio per voluntatem Dei, et refrigerer vobiscum. 33. Deus autem pacis sit cum omnibus vobis. Amen.

Vers. 1. 1. DEBEMUS IMBECILLITATES INFIRMORUM SUSTINERE. — βαρύνειν, id est ferre, portare instar bajulorum, opitulari illis, et, ut explicat S. Basilius in *Regul. brevioribus*, regul. 177, eas curare, « sicut Christus, inquit Basilius, nostras infirmitates portavit, id est curavit. » Sic *Galat. vi, 2*, ait : « Alter alterius onera portate. » Qua de re plura dicam ibi.

ET NON NOBIS PLACERE, — non nostro animo morem gerere, ut quæ grata nobis sunt et utilia, sectemur cum proximi scandalo vel incommodo, v. g. ut idclothyta et escas lege vetitas comedamus cum offendiculo infirmorum, de quibus egit cap. præced., eo enim alludit, imo redit : repetit enim dicta initio capitis præced., ut patet verba utrimque conferenti.

Vers. 2. 2. UNUSQUISQUE VESTRUM PROXIMO SUO PLACEAT (conscendat, morem gerat, obsecundet, illi se accomodet, non in malum, sed in) BONUM, AD ÆDIFICATIONEM, — ut scilicet illum sua charitate, continentia, modestia ædificet, pelliciatque ad omne bonum.

Vers. 3. 3. ETENIM CHRISTUS NON SIBI PLACUIT. — Imitamini Christum. Nam Christus suæ voluntati, naturæ, quieti et commodis non servivit, ut nos et nostra negligeret, sed ea omnia et vitam suam pro nostra salute exposuit ; ita ergo et nos Chris-

tiani debemus facere pro fratrum salute, eorumque infirmitates sustinere ; et ne eos scandalizemus, a multis etiam licitis et nobis commodis abstinere, atque impense eorum salutem procurare.

SED (supple, nostris commodis servivit Christus), SICUT SCRIPTUM EST (*Psal. LXVIII, 10*) : IMPROPERIA IMPROPERANTIUM TIBI CECIDERUNT SUPER ME. — *q. d.* Opprobria et peccata contra te, o Deus, facta, ita me Christum afflixerunt, atque si in me facta essent ; adeoque pro eis indolui et me humiliavi, ut susceperim ea in me puniendi et eluendi in carne mea. Idque primo, ut honorem tibi per peccata hominum quasi ablatum, mea satisfactione redderem et restituerem. Secundo, ut iram tuam in homines placarem. Hoc enim secundum hic innuit Apostolus ; primum vero directe innuit Psalter, ut recte annotavit Jansenius in *Ps. LXVIII*.

4. QUÆCUMQUE SCRIPTA SUNT, AD NOSTRAM DOCTRINAM SCRIPTA SUNT. — Hisce verbis ostendit Paulus se versiculum *Psal. LXVIII* jam citatum, licet is in persona Christi dictus et scriptus sit, non male ad Romanorum institutionem hic citasse et transulisse, quia quæcumque scripta sunt in sacra Scriptura, præsertim de Christo, ad nostram, qui Christiani sumus, doctrinam, institutionem et imitationem scripta sunt.

UT PER PATIENTIAM ET CONSOLATIONEM SCRIPTURARUM SPEM HABEAMUS, — futuræ gloriæ et vitæ æternæ. Pro *per consolationem*, græce est διὰ τῆς παρακλήσεως. Quod *secundo*, verti potest cum Ambrosio « per exhortationem, » scilicet ad bona opera; hæc enim spem exacuunt. Facit hoc Scriptura per exempla, quæ narrat, per exhortationes, per promissiones et præmia, quæ Deus servis suis promittit in Scriptura. His enim nos consolatur, exhortatur et in spem beatitudinis excitat.

Nota: « Patientia Scripturarum » est ea, quam nos docent Scripturæ; « consolatio » autem, qua nos consolantur: ita Maldonatus in *Notis manusc.* Alii « patientiam » per se sumunt, et distinguunt a « consolatione Scripturarum. » Porro « patientiam » intelligit, qua instar Christi infirmitates infirmorum sustineamus, ut patet vers. 1 et 3 (1).

Vers. 5. 5. DEUS AUTEM PATIENTIÆ ET SOLATII, — scilicet auctor, dator. Sic et vers. 13 et 33, vocatur « Deus pacis et spei, » scilicet largitor; ita Theophylactus.

Secundo, « Deus patientiæ et solatii, » hoc est Deus patientissimus et summe consolans, ita ut in sua deitate includat patientiam et consolationem, sitque per essentiam ipse totus consolatio, imo mare et oceanus consolationis, quam in servos suos etiam in hac vita, ita effundit subinde, in accerrimis quoque tribulationibus et doloribus, ut cor mortale illam non capiat, sed exclamare cogatur cum S. Xaverio: « Satis est, Domine, satis est. »

Deus totus consolatio.

DET VOBIS IDIPSUM SAPERE (consentire, esse concordēs, tum iudicio, tum affectu, eundemque affectum, benevolentiam et beneficentiam invicem exhibere. Vide dicta cap. XII, vers. 16, idque) SECUNDUM JESUM CHRISTUM; — id est, secundum legem, vitam, exemplum et præscriptum Christi, sive prout requirit Christus et Christianismus.

Vers. 7. 7. PROPTER QUOD SUSCIPITE INVICEM, SICUT ET CHRISTUS SUSCEPIT VOS. — Pro *suscipite*, græce est παραλαμβάνετε, hoc est, ultro excipite invicem, mutuo vos juvate et fovete, remotis dissidiis, tum ex ciborum delectu, tum ex diversitate nationum, scilicet Judæorum et Gentium, ortis. Quia Christus utrosque suscepit, pro utrisque mortuus est, utrisque salutis media dedit, utrosque beare et in cælo unire cupit.

Nota *primo*: « Suscipere » in Scriptura, maxime psalmis, significat juvare, fovere, promovere, uti dixi cap. XIV, vers. 1.

Nota *secundo*: Postquam dixit Apostolus, « Suscipite invicem, sicut et Christus suscepit vos, » addit: « In honorem Dei, » quia cum Christi redemptio, qua nos in filios suscepit et adoptavit, cessit in honorem Dei, tum mutua Christianorum susceptio et concordia, ad quam Christus quasi

pater eos suscepit in unam Ecclesiam et familiam, in Dei honorem tendit et vergit. Multum enim religioni detrahatur ex discordia eorum qui sub uno militant nomine Christiano, ut notat Ambrosius. Et contra ex concordia fidelium plurimum illi accedit; adeo ut Gentilium admirantium et collaudantium illa olim vox communis de Christianis fuerit: « Videte ut isti invicem diligant, » uti superius ex Tertulliano ostendi.

Concordia Christiani concinuntur.

8. DICO ENIM CHRISTUM JESUM MINISTRUM FUISSE CIRCUMCISIONIS (2), — non proprie: Christus enim circumcisionem et legem veterem abrogavit, aut potius implevit; sed « circumcisionis, » id est circumcisorum, minister, id est prædicator et operator salutis, ac doctor fuit Christus. Intra Judæorum enim fines docendo et evangelizando se continuit Christus. Ita Anselmus. Unde dicit ipse *Matth. XV, 24*: « Non sum missus nisi ad oves quæ perierunt domus Israel. »

Christus Judæorum doctor.

Aliter explicant S. Chrysostomus et Theophylactus, nimirum Christum dici *ministram circumcisionis*, quia Christus circumciscus est, et legem veterem servavit. Jam sensus est, *q. d.* Paulus: Ergo, o Gentes, quasi novitiæ in fide, humiliter vos gerite erga Judæos, eosque in judaismo suo quasi inveteratos tolerare, utpote quos Christus toleravit: imo quorum minister fuit et Apostolus; idque « propter veritatem, » id est veracitatem, « Dei, ad confirmandas promissiones patrum: » ut nimirum Deus ostenderet se veracem in promissis patribus factis; hac enim de causa Deus Judæis Christum a se promissum dedit et exhibuit, quasi ex fidelitate et iustitia; Gentibus vero eundem dedit gratis et ex pura misericordia. Et hoc est quod subdit Paulus dicens:

9. GENTES AUTEM (repete, *dico*) SUPER MISERICORDIA (pro misericordia sibi per Christum exhibita debere) HONORARE DEUM, SICUT SCRIPTUM EST (*Psal. XVII, 50*): PROPTEREA (propter vocationem, gratiam aliaque beneficia Gentibus præstita, quæ in sensu allegorico recensuit Psaltes, psalmo illo *XVII*) CONFITEBOR TIBI IN GENTIBUS, DOMINE. — *q. d.* Inter Gentes, o Domine, aperte profitebor et celebrabo tuum nomen, misericordiam et beneficia eis exhibita.

Vers. 9.

10. ITERUM DICIT (*Deut. XXXII, 43*, juxta Septuaginta): LETAMINI, GENTES, CUM PLEBE EJUS, — cum Judæis conversis. Conglomerat Apostolus hic testimonia Scripturæ de vocatione Gentium, tum ut Judæis eam magis persuadeat, tum ut Gentes hoc beneficium magis ponderent, Deoque gratias agant.

Vers. 10.

12. ET RURSUS ISAIAS AIT (cap. XI, 10): ERIT RA-

Vers. 12.

(2) Utitur Paulus hoc argumento: Quia Christus et Judæis (vers. 8), et Paganis (vers. 9) prodesse, atque ex ambobus unum cætum efficere voluerit, debet et alter Christianorum alteri lenis esse, atque ita ei secundum exemplum Christi inservire, neque eum infestare. — « Ministrum fuisse circumcisionis, » id est *inservisse* Judæis, scil. ad stabiliendam Dei veritatem, etc.

(1) Aliis est hendyadis, scil. per patientiam et per consolationem Scripturarum, id est, *per patientiam ex consolatione Scripturarum fluentem*.

DIX JESSE, ET QUI EXURGET REGERE GENTES. — Nota: Metonymice «radix» hic est virga ex radice pullulans. Sic *Isaia* LIII, 2, de Christo dicitur: «Ascendet sicut virgultum coram eo, et sicut radix de terra sitienti.» Et *Isaia* XI, 1: «Egredietur virga de radice Jesse.» Radix ergo Jesse est Christus ortus ex stirpe Davidis et Jesse.

Christus vocatur radix Jesse ob quatuor causas. Prima et genuina. Secunda.

Subtilius et sublimius hic aliqui philosophantur: nam *Apocal.* v, ubi rursum Christus vocatur «radix David», Andreas Cæsar et Rupertus id ita explicant: Christus, inquiunt, quoad divinitatem est radix David, licet quoad humanitatem ipse fuerit ex radice David. Nam Christus, quia homo, natus est ex semine David; sed qua Deus, fuit radix, id est creator et Dominus, Davidis.

Tertia.

Tertio, Aretas et Ansbertus ibidem: Christus, inquiunt, est radix David, quia David non fuit radix, sed tantum semen, ex quo ortus est Christus quasi radix, germinans omnes fideles, omnem gratiam et gloriam.

Quarta: David radix Christi, quoad humanitatem; Christus radix Davidis, quoad sanctificationem.

Quarto, Pererius ibidem: David, inquit, fuit radix Christi, quoad humanam naturam; Christus vicissim fuit radix Davidis, quoad eximiam sanctificationem, exaltationem et glorificationem Davidis. Ob hoc enim ita exaltatus fuit David, et tot donis cumulatus a Deo, quod ex ejus stirpe nasciturus erat Christus, qui appellandus erat filius David.

Verum primus sensus est litteralis et genuinus, tum quia eum exposcit phrasis Hebræa, tum quia ita explicat se Scriptura, *Apocal.* XXII, 16, cum dicit: «Ego sum radix et genus David.»

ET QUI EXURGET REGERE GENTES, IN IPSUM GENTES SPERABUNT. — «Et», hic significat *id est*, q. d. Radix hic ille est, vel idem est, qui reget Gentes, uti prædixit *Isaia*s, cap. XI, 10, ubi ad verbum sic habetur: «Qui stat in signum populorum», hebraice לֵבֶן עֲמִיץ *lenes amim*, id est in vexillum Gentium, ut scilicet ad Christi regis castra et vexillum Gentes confluant: itaque «ipsum Gentes deprecabuntur», q. d. Cum surculus iste ex radice Jesseæ germinans, scilicet Christus, in crucem exaltatus et erectus fuerit in signum et vexillum, omnes tam Judæos quam Gentiles trahet ad se et sua castra, ait S. Hieronymus in cap. XI *Isaia*, ut in illum credant, sperent, invocent et ab eo accipiant gratiam, justitiam, salutem et gloriam; ac consequenter ipse Christus quasi dux belli, suo vexillo omnes Gentes quasi milites suos sibi subdet et reget, ut pugnent contra diabolum, peccatum, carnem et mundum, ac pugnando vincant et triumphent.

Vers. 12.

13. DEUS AUTEM SPEI (scilicet auctor, cujus gratia factum est, ut in eum speretis, vide dicta vers. 5) **REPLEAT VOS OMNI GAUDIO ET PACE IN CREDENDO**, — ut nimirum in fide suscepta nullas contentiones cum fratribus habeatis, uti hactenus habuistis Judæi cum Gentibus; sed perennem pacem, et concordiam mutuam colatis. Aut, q. d. Deus efficiat, ut credatis, id est pergatis credere, et in fide sus-

cepta sitis firmi et constantes, utque ex hac fide vestra gaudio et pace repleamini. Ita Maldonatus in *Notis manuscr.*

UT ABUNDETIS IN SPE ET VIRTUTE SPIRITUS SANCTI — Græce ἐν δυνάμει, id est in *fortitudine* accepta a Spiritu Sancto, puta in gratia et donis Spiritus Sancti, quibus anima sit robusta et potens ad quodlibet bonum arduum et magnificum operandum.

14. CERTUS SUM AUTEM, — πίστευον, persuasum habeo, confido in Domino, mihi certo persuadeo. Certitudo hæc ex affectu charitatis bene de suis sentientis, et ex rumore ac sermone hominum fide dignorum oriebatur.

CERTUS SUM ERGO DE VOBIS, QUONIAM (quod) **ET IPSI PLENI ESTIS DILECTIONE, REPLETI OMNI SCIENTIA, ITA UT POSSITIS ALTERUTRUM MONERE.** — Nota hic modestiam Apostoli, qua se mire insinuat Romanis, q. d. Ego vos, o Romani, hac epistola doceo et admoneo, non quasi ignaros, torpidos aut improbos, quique non possitis invicem monere: certus enim sum vos plenos esse dilectione et scientia; sed tantum, ut ostendam animi mei affectum erga vos, utque memoriam eorum quæ scitis vobis reficem, tanquam Apostolus vester, uti ipse se explicat vers. sequent. (1).

Nota *secundo*, hæc duo in monitore requiri, scilicet *primo*, dilectionem, quæ inducat eum ad proximi salutem procurandam, et per quam monendum sibi conciliet, ut monita sua placide accipiat; unde pro *dilectione* græce est ἀγάπην, id est bonitas, sive benigna charitas. *Secundo*, scientiam, ut sciat monitor quid, quando, quomodo monere debeat. De quo pulchra et practica documenta dat S. Gregorius in *Pastorali*.

15. AUDACIUS SCRIPSI VOBIS, FRATRES, EX PARTE, TANQUAM IN MEMORIAM VOS REDUCENS, PROPTER GRATIAM (apostolatuum) **QUÆ DATA EST MIHI A DEO.** — Discant hinc Superiores subditis non superbe, sed humiliter imperare, scribere, monere, sicut Apostolus hic: «Scripsi», inquit, hæc non docens, sed «in memoriam vos reducens», ut officio et muneri, puta apostolatui meo, satisfaciam. Monitioni enim et correctioni magnam suavitatem, gratiam et efficaciam dat humilitas (2).

16. UT SIM MINISTER CHRISTI JESU. — «Minister», id est, supple sacrorum, id est sacerdos: Græce enim non est δίακονος, sed λειτουργός, q. d. Sacerdos sum hoc ipso quod Apostolus.

SANCTIFICANS EVANGELIUM DEI, — id est, sacris operans prædicando Evangelium sanctum, et per quod Gentes sanctificantur. Græce enim est λειτουργούντα (quo nomine Septuaginta reddunt Hebræum כֹּהֵן *cohen*, id est sacerdos sacrificans) ὁ εὐαγγέλιον, quod S. Augustinus vertit, *consecrans*

(1) «Et ipsi», id est sponte vestra, sine meo monitu, scil. spero vos fore (aut, jam esse) benignitate plenos.

(2) *Tō ex parte* vel lenit *audacius*, q. d. Paulo audacius, liberior; vel refertur ad *scripsi*, q. d. Paulus, se liberior scripsisse in nonnullis epistolæ locis.

Vers. 14.

Modestia Apostoli.

Monitoris conditiones duc. Prima, dilectio.

Secunda, scientia.

Vers. 15.

Humilitas Apostoli in monendo.

Vers. 16.

Quid
sanctifi-
care, vel
sacrifica-
re Evan-
gelium?

Prædica-
tio non
est laico-
rum mu-
nus.

Evangelium, id est Evangelii prædicationem. « Sanctificare » ergo hic, est sacrificare, sive sanctam victimam (puta Gentes fideles et sanctas per Evangelii prædicationem) facere, consecrare, offerre Deo. Sic *Joan. xvii, 19*, ait Christus: « Pro eis ego sanctifico meipsum, » id est meipsum in sanctam victimam in cruce consecro et offero pro ipsis. Adde, voce *sanctificans* significat hic Apostolus prædicationem Evangelii, quasi rem sacram, non ad sartores et laicos, sed ad presbyteros Deo consecratos pertinere.

UT FIAT OBLATIO GENTIUM ACCEPTA, ET SANCTIFICATA IN SPIRITU SANCTO, — *q. d.* Ad hoc sum Sacerdos mysticus, puta præco Evangelii, ut nimirum per meam prædicationem Gentiles placeant Deo et sanctificentur per Spiritum Sanctum, itaque quasi victima munda et acceptissima Deo offerantur et consecrentur, ait S. Augustinus, ipsique deinde opera sancta Deo quasi victimas offerant.

Pulchra
allegoria
de con-
versione
Gentium.

Nota: Ex Græco patet hic esse illustrem metaphoram, vel potius allegoriam, petitam ex victimarum immolatione. Est enim hic sacrificium, ipsa Gentium conversio, et oblatio Deo: victimæ sunt ipsæ Gentes conversæ et oblatae Deo; sacerdos est Paulus et quivis præco Evangelii; consecratio est ipsa prædicationis Evangelii, qua Gentes convertuntur et Deo sanctificantur; ignis quo Deo incenduntur et comburuntur, est Spiritus Sanctus: ita S. Chrysostomus et Theophylactus.

Simili ergo modo omnes qui convertunt animas, sunt Sacerdotes; labor docendi et concionandi est consecratio; victimæ præstantissimæ sunt ipsæ animæ; sacrificium est ipsa earundem conversio. Vide hic qua puritate, religione et studio concionatores alique similes tractare debeant suas conciones, suaque munia circa proximorum salutem obire, nimirum perinde ac si sacrificarent et sacris (uti re ipsa faciunt) operarentur.

Concio-
natores
quomodo
suo mu-
nere fun-
gi de-
beant?

Prædica-
tionem
Evan-
gelii uni-
cum esse
in Eccle-
sia sacri-
ficium
communi-
scuntur
hæ-
retici.

Nota secundo: Ex hoc loco hæretici contendunt non aliud in Ecclesia esse sacrificium, quam prædicationem Evangelii. Sed errant, quia nemo non videt hæc omnia esse metaphorica. Et simili metaphora, vers. 25, eleemosynam vocat Apostolus liturgiam; uti et II *Corinth. ix, 12* in Græco. Sic et cap. xii, 1, corpora nostra vocavit « hostiam viventem. » Nam solam Eucharistiam esse sacrificium proprie dictum, patet I *Corinth. x, 20* et 21; *Hebr. vii, 17*; *Hebr. xiii, 10*; *Act. xiii, 2* in Græco.

Vers. 17.

17. HABEO Igitur GLORIAM IN CHRISTO JESU AD DEUM, — *q. d.* Ex eo quod sum minister Christi atque sacerdos, et Apostolus Gentium, uti jam dixi, habeo unde glorier, non in me, sed « in Christo, » qui per me operatus est, et in dies operatur salutem Gentium; idque « ad Deum, » id est in iis rebus quæ ad Deum pertinent, puta in rebus salutis, quæ ad gratiam et gloriam divinam spectant. Hoc enim est Græce τὰ πρὸς τὸν Θεόν.

18. NON AUDEO ALIQUID LOQUI EORUM, QUÆ PER ME NON EFFICIT CHRISTUS, IN (circa conversionem et) OBEDIENTIAM GENTIUM, — *q. d.* Habeo unde glorier, si cogitem et loquar, non falsa, sed vera, puta ea quæ vere per me efficit Christus, in tam mira et magnifica tot Gentium conversione. Est iniosis. Ex modestia enim Paulus non dicit expresse se mira hæc efficere, sed id tantum ex contrario colligendum relinquit, dicens: « Non audeo aliquid loqui eorum, quæ per me non efficit Christus; » inde enim recte a contrario sequitur: ergo quidquid loquor et glorior de iis quæ per me efficit Christus, id ipsum vere loquor et glorior. In verbo *audeo*, respicit ad id quod dixit vers. 15: « Audacius autem scripsi, » *q. d.* Audacius scripsi ob gratiam, quam vident omnes mihi datam a Deo: non enim audeo scribere et gloriar de meis viribus et gestis, quasi meis, uti faciunt vani et superbi.

19. IN VIRTUTE SPIRITUS SANCTI, — ἐν δυνάμει, hoc est, in potentia, robore, efficacia, puta in potenti et efficaci operatione Spiritus Sancti, quam explicat dum subdit:

ITA UT AB JERUSALEM USQUE AD ILLYRICUM (quæ nunc Slavonia, vel Bosnia dicitur) REPLEVERIM (plene annuntiaverim ubique) EVANGELIUM CHRISTI. — Est Hebraica catachresis. Replere enim Evangelium est plene illud prædicare. Ita Vatablus. Potest secundo, « Evangelium » hic accipi pro prædicatione Evangelii, et « implere » pro perficere, *q. d.* Ut impleam et perficiam prædicationem Evangelii. Sic enim III *Reg. i, 14*, dicit Nathan ad Bethsabée: « Ego complebo, id est perficiam, sermones tuos; » sic sæpe alibi « implere » significat perficere.

Implere
Evan-
gelium
quid?
Prima
expositio,
et
gemma.
Secunda.

Tertio, Toletus sic explicat, *q. d.* Ego Evangelium quasi rete implevi multitudine Gentilium quos converti, quasi piscibus. Hic sensus acutior est quam germanior: potius hac ratione per Hebræum hypallagen, « replere Evangelium » significaret, Evangelio replere provincias ab Jerusalem usque ad Illyricum. Sic enim Hebræi loquuntur: replere lapides vel gemmas in ephod, hoc est, ephod replere et ornare gemmis et lapidibus pretiosis, ut patet *Exodi xxxix, 10*, et *Exodi xxxi, 3* in Hebræo. Indeque Hebræi gemmas Rationalis vocant אבני מילואים *abne milluim*, id est lapides plenitudinum, ut patet *Exod. xxv, 7* in Hebræo; quia, ut explicat Chaldaeus, hæc gemmæ celaturas ephod et Rationalis implebant, perinde ac smaragdus palam annuli implere solet. Pari enim hebraismo dici hic posset, Paulum Evangelium implevisse, hoc est, Evangelio quasi gemma pretiosissima implevisse et ornasse mentes hominum, omnesque provincias, quæ sunt quasi annuli, ephod et Rationale Christi. Atque hic sensus forte pluribus placebit videbiturque ad hebræam phrasim maxime accedere.

Tertia.

Quarta.

Evan-
gelium
quasi
gemma
implet et
ornat
rentes
homi-
num.

Nota hic ingentem zelum et circuitum Apostoli: duos in hoc loco prædicationis suæ terminos sta-

Regiones
ab Apo-

tolo
Evange-
lii luce
illu. tra-
tae recen-
sentur.

tuit, Jerusalem et Illyricum; medias omnes regiones, Arabiam, Damascum, Antiochiam, Seleuciam, Cyprum, Pamphyliam, Pisidiam, Lycaoniam, Syriam, Ciliciam, Phrygiam, Galatiam, Mysiam, Troadem, Achaïam, Epirum et alias, quasi fulmen, omnes fide Christi illustrans et charitate inflammans, paucis annis ipse pervasit.

Vers. 20. 20. SIC AUTEM PRÆDICAŪI. — Οὕτω φιλοτιμούμενον, sic magno studio connisus sum et ambivi evangelizare. In Græco est hebraismus. Accusativus enim per antiptosis ponitur pro nominativo, scilicet φιλοτιμούμενον pro φιλοτιμώμενος; idque fit quia præcesserunt accusativi, ut nimirum cum illis hic quoque consentiat et concordet.

SICUT SCRIPTUM EST (Isaïæ LII, 15, ubi extat de vocatione Gentium prophetia, quam partim per Paulum impleri voluit Christus, partim per alios

Vers. 21. Apostolos : ait enim Isaïas) : QUIBUS NON EST ANNUNTIATUM DE EO (puta Gentes Deum et Christum ignorantes), VIDEBUNT, — cognoscent eumdem.

Vers. 22. 22. IMPEDIEBAR PLURIMUM (τὰ πολλὰ, id est pluries : ita Syrus) VENIRE AD VOS.

Vers. 23. 23. ULTERIUS LOCUM NON HABENS IN HIS REGIONIBUS. — « Locum, » scilicet vacuum, cum in eis repleverim, ut dixi vers. 19, Evangelium, ubique fundatis Ecclesiis, ubique constitutis et ordinalis Episcopis et Presbyteris, qui mea cœpta perficiant.

Vers. 24. 24. CUM IN HISPANIAM PROFICISCI COEPEO, SPERO QUOD PRÆTERIENS VIDEAM (videbo) VOS. — Nota, plerosque omnes Patres docere Paulum, uti promisit hic, ita revera ivisse in Hispaniam, scilicet post liberationem ex primo carcere Romano sub Nerone, quæ contigit anno Christi 61, ubi Lucas finit Acta Pauli et Apostolorum. Postea enim octo annos supervixit Paulus : occisus enim est anno Neronis 14, Christi 69, licet gesta hisce octo annis nec Lucas, nec quis alius scripserit : ita docent S. Hippolytus, Athanasius, Cyrillus, Sophronius, Epiphanius, Chrysostomus, Theodoretus, Hieronymus, Gregorius, Isidorus, Beda, Ado, Metaphrastus, quos citat et sequitur Baronius anno Christi 61, et Pererius hic. Negat tamen idipsum S. Thomas ac D. Soto, et videntur favere Gelasius Papa, et Innocentius I, epist. ad Decentium; sed eos facile excusat Pererius. Astipulatur et Romanum Martyrologium 23 septembris, dum ait : « Narbonæ in Gallia natalis S. Pauli Episcopi, quem tradunt fuisse Sergium Paulum Proconsulem, qui a Paulo Apostolo baptizatus, et, cum in Hispaniam pergeret, apud Narbonam relictus, ibidem episcopali dignitate donatus est : ubi prædicationis officio non segniter expleto, clarus miraculis migravit in cælum. »

Audi quæ de Probo, Xantippe, Philotheo et aliis in Hispania a S. Paulo conversis, narrat ex Sophronio Joannes Vasseus in Chron. Hispan. : Sophronius, inquit, Patriarcha Hierosolymitanus, scribit Italiam, Gallias et Hispanias transitu B. Pauli illustratas : qui cum in domo Probi, illustris ejusdam viri, hospitio susceptus in Hispania fuisset,

et Xantippe, uxor ejusdem Probi, modestiam hospitii sedulius in eum intenta, admiraretur; divina voluntate factum est, ut, dum sic intenta vultui peregrini inhæreret, appareret ante frontem Pauli quasi litteris aureis scriptum : « Paulus Apostolus, prædicator Christi. » Quæ cum prænuntia fama multa de Apostolo audisset, et diu desiderasset vultum ejus videre, gaudio pariter resoluta et stupore, cum lacrymis corruit ad ejus pedes. Edocta autem mysteria Christi, cum viro et familia Christo regenerata est. Sed et traditur Philotheus, ejus regionis princeps, Paulo adhæsisse, factus Christi confessor. Quin et Menologia Græcorum S. Xantippes a Paulo in Hispania conversæ diem natalem consignant 25 septembris.

SI VOBIS PRIMUM EX PARTE FRUITUS FUERO. — Nota τὸ ex parte, q. d. Inexplebile habeo vestri desiderium, ut nunquam totum illud saturare possim, sed duntaxat ex parte; præsertim si tantum in transitu vos videam et salutem, uti destino : ita Theophylactus.

Nota secundo : Pro fructus fuero, græce est ἐμπλησθῶ, id est expletus fuero, scilicet jucunditate honestæ delectationis, quam ex vestra præsentia et consuetudine capiam : hoc enim est frui. Sic enim fructio distinguitur ab amore, qui abstrahit ab amati præsentia, et a desiderio, quod est rei absentis. Ita Theologi ex S. Augustino, lib. I De Doctrina Christ., cap. XXXIII.

25. PROFICISCAR IN JERUSALEM MINISTRARE SANCTIS, — ut Judæis Christianis in paupertate et necessitate constitutis deferam collectam eleemosynarum, quam pro eis feci in Macedonia et Achaia. Pro ministrare, græce est λειτουργῆσαι, quasi eleemosyna sit liturgia et sacrificium, ipsique eleemosynarii sint λειτουργοί, sive sacerdotes et sacrifici Dei : quia eleemosyna est generale quoddam sacrificium, Deoque gratissimum. Nam de ea dicit Dominus : « Misericordiam volo, non sacrificium. » Vide dicta vers. 16.

26. IN PAUPERES SANCTORUM, — hoc est, in pauperes sanctos, puta in pauperes Christianos. Sic Plinius « ovorum oblonga » dixit, pro ova oblonga.

27. SI SPIRITUALIUM EORUM PARTICIPES FACTI SUNT GENTILES, DEBENT ET IN CARNALIBUS (in temporalibus bonis) MINISTRARE ILLIS. — Nota : Spiritualia bona a Judæis acceperunt Gentiles, primo, quia Christum, Apostolos, fidem, etc., Gentes a Judæis, quibus hæc promissa et data sunt, acceperunt; secundo, quia per preces, obsequia et ministeria sua subserviebant Christiani, qui erant in Judæa, Apostolis et Evangelio apud Gentes.

28. CUM ASSIGNAVERO EIS FRUCTUM HUNC. — Pro assigna-vero, » græce est ἀπαρτίζω, obsignavero, id est obsignatam a Gentilibus pecuniam fideliter tradidero, ne quis putet me inde quid usurpasse. Solent enim veteres annulis suis obsignare ea, quæ fideliter servata vel translata cuperent. En quam caute providet Paulus bona

Fructus
quid?

Apostoli
in egen-
tes beni-
gnitas.

Spiritua-
lia bona
a Judæis
in Gentes
collata.

Cautela
Apostoli
in trao-
tandis
pecuniis.

coram Deo et hominibus, in pio opere eleemosynæ.

Nota : *Fructum* vocat eleemosynam, quæ, ut ait Chrysostomus, fructus est et commodum, non tam accipienti, quam danti. Nam Christus inquit : « Beatius est dare quam accipere. » *Beatius*, quia liberalius, generosius, virtuosius et magis meritorium.

Apostolus tamen proprie eleemosynam hic vocat *fructum*, non dantium, sed accipientium eam, fructum scilicet spiritualium bonorum, quæ Judæi communicarant Gentibus, ut dixi vers. 27. Sicuti præcones fructum suæ prædicationis habent sustentationem et alimoniam.

Vers. 29. **29. IN ABUNDANTIA BENEDICTIONIS EVANGELII CHRISTI**
Benedictio Pauli
quintuplex.
Adven-
tus Apostoli Ro-
manis
causa benedictionis Evan-
gelicæ.

VENIAM. — Ita lege cum Romanis et Græco. Per *benedictionem*, primo, Ambrosius accipit miracula; secundo, Theodoretus, pericula quæ passurus erat Paulus propter Evangelium; tertio, Theophylactus, eleemosynas quas Romæ erat collecturus pro Hierosolymitanis; quarto, Chrysostomus sic explicat, *q. d.* Scio cum veniam, inveniam vos plenos omnibus donis spiritualibus; quinto et optime, benedictio hæc est gratia et charismata Evangelii, *q. d.* Deus per meum adventum, prædicationem et conversationem copiosam vobis impertietur Evangelicorum mysteriorum cognitionem, amorem, consolationem, gratiam et fructum. Ita Origenes et Anselmus.

30. OBSECO VOS UT ADJUVETIS ME IN ORATIONIBUS VESTRIS AD DEUM. — Pro *adjuvetis me*, græce est *συναντισχεσθαι μοι*, id est, *ut concertetis in agone mecum*. Præsignabat Apostolus certamen quod postea habuit Hierosolymis, Act. xxi, 27, ubi captus fuit ab infidelibus Judæis, contra quos precibus certabat, et Romanorum, ut secum certent, preces sic implorat. Ita S. Chrysostomus.

Multo ergo magis licet invocare, sine ulla Dei injuria, opem Sanctorum in cælis cum Christo regnantium. Si enim Paulus hic sine injuria Dei, id est honoris, invocationis et adorationis Dei petit : O Romani, orate pro me; cur sim Deo injurius, si dicam : S. Petre, ora pro me?

31. OBSEQUII MEI (ministerii eleemosynarum, quas defero Christianis pauperibus in Judæa de- gentibus) **OBLATIO ACCEPTA FIAT IN JERUSALEM SANC- TIS.** — *q. d.* Orate pro me, non tantum ad hoc, ut eleemosyna quam perfero, secure ad Hierosolymitanorum manus perveniat; sed etiam ad hoc, ut grata sit illis et hilariter accepta, neve propter me displiceat, aut minus arrideat. Erat enim Paulus Judæo-Christianis suspectus, quasi hostis judaismi et Gentium patronus.

32. UT REFRIGERER VOBISCUM. — *q. d.* Ut refo- ciller et ex tot laboribus recreer videns vestrum profectum in Evangelio, et vos pariter recreemini videntes me, de quo multa inaudistis.

CAPUT DECIMUM SEXTUM.

SYNOPSIS CAPITIS.

Totum caput continet salutationes. Unde colligas humanitatem Pauli, benevolentiam et charitatem maternam erga singulos. Discant hic præcones, imo Christiani omnes, illud : Saluta libenter, resaluta libentius.

Interim secundo, vers. 17, jubet ut caveant eos qui faciunt dissensiones et offendicula.

Tertio, vers. 23, Deo, qui omnes Gentes per Christum vocavit ad Evangelium et salutem, optat et tribuit honorem et gloriam æternam.

1. Commendo autem vobis Phœben sororem nostram, quæ est in ministerio Ecclesiæ, quæ est in Cenchris : 2. ut eam suscipiatis in Domino digne sanctis, et assistatis ei in quocumque negotio vestri indiguerit : etenim ipsa quoque astitit multis, et mihi ipsi. 3. Salute Priscam et Aquilam, adjutores meos in Christo Jesu 4. (qui pro anima mea suas cer- vices supposuerunt : quibus non solus ego gratias ago, sed et cunctæ Ecclesiæ Gentium); 5. et domesticam ecclesiam eorum. Salute Epænetum dilectum mihi, qui est primitivus Asiæ in Christo. 6. Salute Mariam, quæ multum laboravit in vobis. 7. Salute Andronicum et Juniam, cognatos et concaptivos meos : qui sunt nobiles in Apostolis, qui et ante me fuerunt in Christo. 8. Salute Ampliatum dilectissimum mihi in Domino. 9. Salute Urbanum, adjutorem nostrum in Christo Jesu, et Stachyn dilectum meum. 10. Salute Apellen probum in Christo. 11. Salute eos qui sunt ex Aristoboli domo. Salute Herodionem cognatum meum; salute eos qui sunt ex Narcissi domo, qui sunt in Domino. 12. Salute Tryphænam et Tryphosam, quæ laborant in Domino. Salute Persidem

charissimam, quæ multum laboravit in Domino. 13. Salutate Rufum electum in Domino, et matrem ejus, et meam. 14. Salutate Asyncritum, Phlegontem, Hermam, Patrobam, Hermen, et qui cum eis sunt fratres. 15. Salutate Philologum et Juliam, Nereum et sororem ejus, et Olympiadem et omnes qui cum eis sunt, sanctos. 16. Salutate invicem in osculo sancto. Salutant vos omnes Ecclesiæ Christi. 17. Rogo autem vos, fratres, ut observetis eos, qui dissensiones et offendicula præter doctrinam quam vos didicistis, faciunt, et declinate ab illis. 18. Hujuscemodi enim Christo Domino nostro non serviunt, sed suo ventri: et per dulces sermones et benedictiones seducunt corda innocentium. 19. Vestra enim obedientia in omnem locum divulgata est. Gaudeo igitur in vobis. Sed volo vos sapientes esse in bono et simplices in malo. 20. Deus autem pacis conterat Satanam sub pedibus vestris velociter. Gratia Domini nostri Jesu Christi vobiscum. 21. Salutat vos Timotheus adjutor meus, et Lucius, et Jason et Sosipater cognati mei. 22. Saluto vos ego Tertius, qui scripsi epistolam, in Domino. 23. Salutat vos Caius hospes meus, et universa Ecclesia. Salutat vos Erastus, arcarius civitatis, et Quartus, frater. 24. Gratia Domini nostri Jesu Christi cum omnibus vobis. Amen. 25. Ei autem qui potens est vos confirmare juxta Evangelium meum, et prædicationem Jesu Christi, secundum revelationem mysterii temporibus æternis taciti, 26. (quod nunc patefactum est per Scripturas Prophetarum secundum præceptum æterni Dei, ad obeditionem fidei) in cunctis Gentibus cogniti, 27. soli sapienti Deo, per Jesum Christum, cui honos et gloria in sæcula sæculorum. Amen.

Vers. 1. 1. COMMENDO VOBIS PHOEBEN SOROREM NOSTRAM, QUÆ EST IN MINISTERIO ECCLESIAE, QUÆ EST IN CENCHRIS.—Nota: Paulus vocat Phœben « sororem, » ob cognationem, non carnis, sed fidei et religionis. Sicut enim omnes viri Christiani vocabantur fratres, ita omnes feminæ Christianæ vocabantur sorores. Male ergo quidam recentiores « sororem » interpretantur uxorem Pauli, cum qua, inquit, vivebat jam cælebs. Nam Paulus ipse innuptis se annumerat I *Corinth.* vii, 8. Phœbe hæc, ut hinc patet, Corintho profecta fuit Romam, atque adeo latræx fuit hujus epistole ad Romanos, ut habent Græca, Syra et Latina Complut. in fine epistolæ. Nota secundo: Fuit hæc Phœbe « in ministerio Ecclesiæ, » græce δῆκλον, id est, ut explicant S. Chrysostomus et Origenes, *diaconissa*. Quenam fuerint olim diaconissæ, dicam I *Timoth.* v, 9 (1). Nota tertio: Cenchri erat portus et pagus Corinthi. Ita Origenes. Ergo etiam in pagis jam tum Christi fides erat pervulgata et celebris.

Vers. 2. 2. UT EAM SUSCIPIATIS IN DOMINO. — Domini nomine et amore, propter Dominum, vel in Domini gratia et charitate Christiana. Vide *Can.* 23. Unde subdit Paulus:

DIGNE SANCTIS, — scilicet, uti decet Christianos excipere Christianos, qui quasi sancti recipi debent. Ita S. Chrysostomus.

IPSA QUOQUE ASTITIT MULTIS. — Προσῆλθε ἑνὶ τῷ, id est *assistrix fuit*, quod Eustathius et Græci nonnulli exponunt προσέειπε, id est præfecta hospitum fuit. Videtur ergo hæc Phœbe fuisse ex illis, de quibus I *Timoth.* v, 10, dicitur: « Si hospitio recepit, si pedes sanctorum lavit, » etc.

(1) Vide et Binghamum, *Origines Eccles.* ii, 22.

3. SALUTATE PRISCAM ET AQUILAM, — Judæos scenopagos, qui nuper Roma a Claudio ejecti, sed jam eo reversi erant, ut hic docet Apostolus. Vide *Actor.* xviii, 2 (2).

4. QUI PRO ANIMA MEA SUAS CERVICES SUPPOSUERUNT, — *q. d.* Qui pro vita mea tuenda suam objecerunt periculo, vel in illa seditione Ephesi per Demetrium excitata, de qua *Actor.* xix, 24; vel in Corinthiaca, de qua *Actor.* xviii, 12; vel in alia simili.

5. ET DOMESTICAM ECCLESIAM (familiam Christianam) EORUM (3).

SALUTATE EPENETUM, QUI EST PRIMITIVUS ASIÆ. — Ita Biblia Romana: nam Syrus et Græca jam habent *Achaïæ*, pro *Asiæ*, *q. d.* Salutate Epœnetum, qui primus in Asia ad fidem Christi est conversus. Unde Græca habent, ὁ ἐστὶν ἀρχὴ τῆς Ἀχαΐας, qui est primitivus Achaïæ. Ita Chrysostomus et Theodoretus.

7. ANDRONICUM ET JUNIAM, COGNATOS MEOS, — gentiles meos, qui scilicet mecum ejusdem sunt gentis, puta sunt Judæi. Sic enim Paulus cap. ix, vers. 8, omnes Judæos vocat suos « cognatos. »

QUI SUNT NOBILES IN APOSTOLIS. — *q. d.* Qui inter Apostolos et doctores sunt insignes et illustres. Ita S. Chrysostomus et Theodoretus. Non enim soli illi duodecim vocati a Christo, sed et Paulus, Silas, Barnabas alique similes apud Ethnicos et infideles evangelizantes, fuerunt et etiam

(2) Prisca hæc eadem est, quæ in *Actis*, xviii, 2, Priscilla dicitur. Sic Livilla, Secundilla, Tertulla, pro Livia, Secunda, Tertia.

(3) Id est, cœtum, qui in eorum ædibus convenire solet. Nam in ædibus privatis tum Christiani convenire solebant.

num sunt Apostoli. De personis et sanctis hisce vide Baronium, in *Annalibus* et in *Martyrologio*.

QUI ET ANTE ME FUERUNT IN CHRISTO. — In fide Christi, q. d. Qui ante me crediderunt, et Christiani fuerunt.

Vers. 10. **10. SALUTATE APELLEN PROBUM** (græce δόκιμον, *Apelles*, *probatum*) IN CHRISTO, — hoc est christianismo. Vide *Can.* 37.

Vers. 11. **11. SALUTATE EOS QUI SUNT EX NARCISSI DOMO, QUI SUNT IN DOMINO**, — qui sunt in Domini nostri Jesu Christi fide et Ecclesia, q. d. Salutate ex Narcissi domo omnes qui credunt Christo. Unde videntur in eadem domo aliqui fuisse infideles, quos salutari non jubet.

Vers. 14. **14. HERMAS**. — Hic Hermas auctor est libri, qui inscribitur *Pastor*, eo quod in ipso angelus pastor, protector et custos ipsius Hermæ, qui et angelus pœnitentiæ ipsius dicitur, inducatur duodecim præcepta vitæ bene agendæ præscribens: qui liber apud veteres magnæ fuit auctoritatis.

Vers. 16. **16. SALUTATE INVICEM IN OSCULO SANCTO**, — non Gentili, sed «sancto», id est Christiano, religioso, honesto, modesto, casto, sincero, fraterno, de quo plura dicam II *Corinth.* XIII, 12.

Cur S. Paulus non salutet hic S. Petrum? Quæres, cur S. Petrum non salutet hic Paulus? An quia Romæ Petrus nunquam fuit, ut ex hoc loco contendunt Novantes? Respondeo: Minime; sed causa est, vel quod ad Petrum peculiarias litteras dederit Paulus, vel quod Petrus, utpote

Regiones a S. Petro perlustratæ, cum Roma pulchra esset. Judæus, ante aliquot annos Roma pulsus a Claudio Imperatore, etiamnum abesset; discurrerat enim ad alias in Italia, Hispania, Africa et Britannia Ecclesias fundandas et juvandas, ut tradit et docet Innocentius I, epist. ad *Decentium*, et ex ea Baronius, Bellarminus et alii. Nam aliqui Priscilla et Aquila, alique Judæi, quos hic salutatur, Romam redierant, edicto Claudii jam oblitterato vel revocato, aut certe illo stante furtim et clanculum irreperentes.

SALUTANT VOS OMNES ECCLESIE CHRISTI. — Non quod ab eis salutandi Romanos accepisset Paulus mandatum, longe enim aberant; sed quia earum charitatem et affectum noverat, quo Romanos salvare et prospere agere cupiebant; et quia ipse erat caput omnium Ecclesiarum, omnes Ecclesias repræsentans, sicut rex regnum. Sicut ergo regnum per regem loquitur et salutatur, ita et Ecclesiæ per Paulum; ut quod ipse facit, Ecclesiæ censeantur fecisse.

Sic I *Corinth.* cap. ult., vers. 19, dicit Paulus: «Salutant vos Ecclesiæ Asiæ.» Sic quoque vulgo et vere amicis et familiaribus scribimus: Salutatur ille vel iste familiaris tuus, et meus, etiamsi nobis nil tale dixerit, quia novimus ejus mentem, qua alium salvare et bene agere desiderat. Hæc enim mens est hominum invicem scribentium, hic usus communis, verus et mendacii expers.

Vers. 17. **17. ROGO UT OBSERVETIS EOS, QUI DISSENSIONES PRÆTER** (id est contra, ut vertit Erasmus) **DOCTRINAM, QUAM VOS DIDICISTIS, FACIUNT**. — Sic *Galat.* I, 8, dicit

Apostolus anathema iis qui aliud evangelizant, præter, id est contra id, quod evangelizatum est.

18. HUIUSCEMODI PER DULCES SERMONES ET BENEDICTIONES (hoc est adulationes, assentationes, inquit Theophylactus) **SEDUCUNT CORDA INNOCENTIIUM**. — Per «dulces sermones»; græce δὲ τῶν χρηστολογίας. Ubi nota: a Græco χρηστός, id est utilis vel commodus, Gentilibus vocabantur *Chrestii*, homines utiles vel benefici. Unde Lucianus in *Philopatros*: «Pauci, inquit, chrestii, id est frugi, sunt, quemadmodum ubique video.» Contra vero «chrestologi» dicebantur, qui cum bene loquerentur, male tamen agebant; qua de causa Pertinacem Imperatorem Chrestologum esse appellatum, auctor est Julius Capitolinus. Tales chrestologos Apostolus hic vocat hæreticos et pseudodoctores, eorumque chrestologiam, id est blandiloquentiam, cavendam esse monet.

19. VESTRA OBIEDIENTIA (qua prompte et perfecte Evangelio credidistis) **IN OMNEM LOCUM DIVULGATA EST**. — q. d. Ergo, o Romani, uti cœpistis, ita pergitte tueri hanc fidem et obedientiam. Vide dicta cap. I, vers. 8.

VOLO VOS SAPIENTES ESSE IN BONO, ET SIMPLICES IN MALO. — «Sapientes», id est prudentes et cautos, ne a bono quod accepistis, illorum seductorum dulcibus et blandis persuasionibus excidatis. Ad malum autem «simplices», id est rudes, quasi nescientes male agere, qui nullam nocendi artem teneatis.

Nota: «Simplex» græce dicitur ἀπλῆτος, quod deducitur a ἀπλῆς, et a privativo, q. d. Sine cornu, placidus, innocens; vel ἀπὸ τοῦ μίχῃν, id est *miscere*, et a privativo, q. d. Immixtus, purus, sincerus, et exinde metaphorice, simplex, qui non novit adulterare, miscere, corrumpere, vitare. Sic *Matth.* X, 16, jubet Christus, ut simus ἀπλῆτοι ὡς περιστέραι, simplices sicut columbæ.

20. DEUS PACIS (amator et auctor) **CONTERAT SATANAM** (qui magister est omnium dissensionum) **SUB PEDIBUS VESTRIS VELOCITER**. — q. d. Deus conterat cito dissensiones vestras cum suo principe. Ita S. Chrysostomus et Theodoretus.

Secundo, Origenes: «Deus conterat Satanam», hoc est, inquit, omnem spiritum qui adversatur credentibus, quique per suos ministros, quasi serpens insidiatur calcaneo vestro et vos ad defectionem a fide sollicitat. Alludit ad *Genes.* III, 15: «Ipsa (vel, ut directe habent Hebræa, הוּא hu, id est ipsum semen, sive proles mulieris, puta Christus) conteret caput tuum.»

Tertio, proprie *Satan*, id est diabolus, conteri, hoc est deijci, calcari ac vinci hic dicitur, cum ejus populus, scilicet idololatæ et infideles, maxime reges et principes qui Evangelio adversantur, deijciuntur. Orat ergo hic Paulus, ut populus Christianus his omnibus fiat potentior, ut pro Imperatoribus et principibus idololatri Christiani surrogentur, utque Deus pacis persecutores Ecclesiæ convertat, eoque illi subjiciat. Ita Ansel-

Qui sint Chrestii et Chrestologi?

Vers. 19.

Simplex et ἀπλῆτος quis?

Vers. 20.

Quid τὸ Deus conterat Satanam? Prima expositio. Secunda.

Tertia. Satanar conteritur, cum potentia principum Gentilium decrescit.

Statua
Martis
a S. Sem-
pronio
construita.

mus. Sic inter alios S. Sempronius martyr productus ad Martis simulacrum, jussusque illud adorare, dixit: « Conterat te Dominus Jesus Christus Filius Dei vivi, » ac mox simulacrum ipsum sensim liquefactum defluxit: ut habent acta S. Nemesii martyris.

Illic sensus accommodus et illustris est: primus tamen sensus quem dedi, magis respondet præcedentibus, puta versui 17 et seq.

Vers. 22. 22. SALUTO VOS EGO TERTIUS, QUI SCRIPSI EPISTOLAM, IN DOMINO. — Hoc est, propter Dominum, aut potius, q. d. Salutem, quæ a Christo Domino est et proficiscitur, vobis precor.

Tertius scriba exaravit hanc epistolam dictante Apostolo.

Tertius hic posita factus est Episcopus Iconii.

Tertii imperitia in excipiendis Apostoli sententiis.

Nota: Pro « Tertius, » aliqui legunt « Terentius, » sed perperam. « Tertius » ergo hic nomen est proprium scribæ, qui dictante Paulo epistolam scripsit. Estque hæc ejus sententia Scriptura sacra, uti reliqua epistola, quia illam ipsam vel Paulo, ut videtur, vel Spiritu Sancto dictante scripsit Tertius. Hunc factum esse Episcopum Iconii Diodorus Tarsensis hic, et Dorotheus in Synopsi testantur, ubi et martyrio coronatus est 21 junii, ut habent Martyrologia. De hoc Tertio ita ex Diodoro Tarsensi scribit Sixtus Senensis lib. II. in *Tertio*: « Tertius, inquit, Iconii Episcopus, Pauli discipulus et amanuensis, scripsit dictante Apostolo eam, quæ est ad Romanos epistola; in cujus fine salutationem quoque suam apponens ait: Saluto vos ego Tertius, qui scripsi epistolam hanc, in Domino. Is cum esset parum sermone peritus, nec satis in scribendo exercitatus, epistolam, quæ propter multitudinem ac sublimitatem questionum, cæteris Pauli epistolis obscurior est, longe reddidit obscurissimam, dum sensus et cogitationes Pauli elocutionibus interdum confusis et inabsolutis sententiis, ac transposita nonnunquam ordinis serie conatus est explicare. Diodorus Tarsensis Episcopus, in *Expositione epistolæ ad Romanos*, hujus rei testis est. Theodolus, Cœlesyriæ presbyter, in *Expositione epistolæ ad Romanos*, pro Tertio, Terentium legit. »

Vers. 23. 23. SALUTAT VOS CAIUS, HOSPEX MEUS. — Ad hunc Caium scripsit S. Joannes tertiam suam epistolam Catholicam, in qua eum ab hospitalitate et misericordia in pauperes dilaudat.

ET UNIVERSA ECCLESIA, — scilicet quæ est Corinthi, unde hanc epistolam scripsit Paulus. Videtur ergo ex hoc loco, Caii domus fuisse ecclesia, sive locus ad quem ad synaxes congregabantur Christiani, qui erant Corinthi. Unde Ambrosius, Syrus et Græca legunt, τῆς ἐκκλησίας ὄλης, q. d. Caius est hospes non tantum meus, sed etiam universæ Ecclesiæ Corinthiæ.

ERASTUS, ARCAIUS, (græce οἰκονόμος, id est *quæstor*) CIVITATIS, — Corinthi, ut dixi, cui nimirum commissa erat cura publici ærarii.

Vers. 24. 24. GRATIA DOMINI NOSTRI JESU CHRISTI CUM OMNIBUS VOBIS. AMEN. — Nota: Apostolus passim epistolis suis et præmittit et subjungit apprecia-

tionem gratiæ, ut doceat nil ita Christiano in votis esse debere, ac Dei gratiam gratiæque augmentum, quæ scilicet non hominibus, sed Deo gratissimus, ac placeamus: sic enim ad omnia virtutum opera validi ac potentes efficimur, degimusque in perpetua pace ac lætitia. Sicut enim famulus qui regi servit, apud quem gratosus est, nihil tristitiæ sentit, quidquid inimicitiae vel adversitatis aliunde occurrat; ita nos nihil mœroris sentiemus, sive amici alique nos deserant et infestent, sive pericula et tribulationes ingruant, si in Dei gratia simus, si Deus nos gratia sua roborat et confirmet.

Sic insuper, inquit S. Chrysostomus, hom. 10 in epist. II ad *Timoth.* in morali: « Si in gratia Dei sis, terribilis eris non tantum hominibus, sed et dæmonibus. Tales fuere Apostoli, qui, calcatis divitiis, Domini sui imperio sunt potiti. Ille, aiebant, morbo liberetur, ille dæmonibus: illum liga, hunc solve. In terris fiebant ista, sed e cœlis proficiscebantur. » Et rationem subdit dicens: « Hic enim honor redundat in Dominum. Quo enim potentior est famulus, eo majori admirationi est dominus. » Addit deinde Chrysostomus, nos omni vi et violentia nobis et concupiscentiis illata, ad hanc gratiam assequendam conitti debere.

23. EI QUI POTENS EST VOS CONFIRMARE JUXTA EVANGELIUM MEUM (supple, sit honor et gloria, ut patebit vers. ult. in fine) ET PRÆDICATIONEM JESU CHRISTI (de Jesu Christo Salvatore) SECUNDUM REVELATIONEM MYSTERII, — q. d. Prædicatio Evangelii Christi non est prædicatio veritatis et rei humano lumine cognite, sed est prædicatio rei cognite per revelationem divinam: nimirum est prædicatio magni illius mysterii, quod tota hac epistola tractatum est, scilicet omnes omnino homines, etiam Gentiles et paganos, justificari ex fide Christi, idque gratis et sine ullis cujuspiam meritis.

TEMPORIBUS ÆTERNIS. — Nota, nec mundum, nec tempus esse ab æterno, uti voluit Plato. Dicuntur ergo tempora æterna, non secundum rem, sed secundum imaginationem, quæ scilicet fingimus ante mundum æternitati coexistisse. Ita Anselmus, q. d. Paulus: Non est recens inventum Evangelii; sed ab æterno semper fuit ipsum Evangelium in secreto divinitatis consilio, menteque divina tacitum et occultum, et nunquam hactenus in mundo pro palatum aut prædicatum. Unde subdit:

26. QUOD (scilicet mysterium jam dictum: Græcum enim φανερόντος referri debet ad μυστικόν) NUNC PATEFACTUM EST (declaratum et demonstratum est) PER SCRIPTURAS PROPHETARUM (qui Christum, Christique Evangelium prædixerunt), SECUNDUM PRÆCEPTUM ÆTERNI DEI, AD OBEDICTIONEM FIDEI, — ut nimirum omnes Gentes Evangelium fidemque Christi audiant, illique credant et obediant.

IN CUNCTIS (quibusvis sine discrimine) GENTIBUS COGNITI, — scilicet mysterii: eo enim τὸ *cogniti* referri patet ex Græco et ex parentesi Ro-

Gratia
Dei quanta
sit?

Virtus
gratiæ
Dei.

Vers. 23.

Mysterium tota
hac epistola
tractatum.

Vers. 26.

mana, quæ omnia a τὸ quod nunc patefactum est, hucusque duobus semicirculis includit. Græcizat ergo hic noster Interpres; cum alioqui clare, uti cœperat, dicere debuisset: «Mysterii, quod nunc patefactum est et in cunctis Gentibus cognitum;» vel, ut Græce est, γνωσθέντος, id est notificatum et manifestatum est.

Vers. 27. 27. SOLI SAPIENTI DEO PER JESUM CHRISTUM.—Hæc refert ad «ei qui potens est,» vers. 25, q. d. Soli sapienti et potenti Deo per Christum et Christianam religionem omnis sit honor et gloria sempiterna.

Nota: Gloria sit «soli,» non Patri, ut Ariani; sed «Deo,» id est SS. Trinitati, cui per Christum hominem omnis honor defertur. Ita S. Augustinus, lib. III *Contra Maxim.*, cap. XIII. Nam Christus Deus et homo cum sit, ut Deus honorem recipit cum Patre et Spiritu Sancto; ut homo vero illum defert. Detulit autem, cum prædicavit in mundo SS. Trinitatem, et jussit baptizari in nomine Patris, et Filii, et Spiritus Sancti omnes gentes.

Sapien- Nota secundo: Vox «sapienti» innuit, per nul-
tia solius lam hominum sapientiam hominem potuisse viam
Dei est. salutis agnoscere: quia solus Deus a seipso, et per essentiam sapiens est, qui eam per fidem nobis manifestavit. Hinc solus sapiens dicitur: respicit enim Paulus ad mysterium, de quo dixit vers. 25. Ita Anselmus. Vide *Baruch*, cap. III, vers. 32 et 37.

CUI HONOR ET GLORIA IN SÆCULA SÆCULORUM. AMEN. — Τὸ cui hebraismo redundat. Ita S. Augustinus. Hebræi enim repetunt relativum cum antecedente. Unde Græca et Syrus non habent τὸ cui. Sic ergo hæc omnia ordinanda sunt: Ei qui potens est vos confirmare, videlicet soli sapienti Deo, sit honor et gloria. Amen.

Vide S. Chrysostomum hic in morali, hom. ult., pulchre et pathetice ostendentem quantum S. Paulus suo zelo, labore et fervore honorarit et glorificarit Deum.

O Rex sæculorum, o revelator mysterii temporibus æternis taciti, o æterne Deus, immortalis et invisibilis, o qui habitas in celsis montibus ÆTERNITATIS! qui ex alto despicias arcta vitæ nostræ, omniumque temporum sub te labentium spatia; tibi honor, tibi gloria in sæcula sæculorum! Tu nobis beatæ ÆTERNITATIS aditum, devicta morte, reserasti: fac nos semper ejus memores ita sobrie, juste et pie vivere, ut ejus participes efficiamur; da nobis ita sancte et heroice hoc vitæ momentum transigere, ut in sæcula sæculorum te frui, te laudare, te cum omnibus Angelis et Sanctis celebrare mereamur, o vera charitas, o chara ÆTERNITAS! Deus meus et omnia. Amen (1).

(1) In Græco additur subscriptio hæc: Πρὸς Ῥωμαίους ἔγραψεν ἀπὸ Κορίνθου διὰ Φιλίππου, τῆς διακόνου, τῆς ἐν Κεργραιῖ ἐκκλησίας. Sed certum et exploratum est subscriptiones additas esse ab incertis auctoribus, qui ex certis historicis περιστάσεσι collegerunt, ubi epistola quedam scripta, per quem missa, quo tempore exarata sit. Auctor subscriptionis epistolæ ad Rom. sic videtur argumentatus esse: Paulus, cap. xv, 26, scripsit Macedonas et Achæos collegisse pecunias in usum pauperum Christianorum Hierosolymitanorum; in Achaia autem fuit Corinthus; ergo epistola scripta est *Corinthi*. Hoc vero non sequi, nemo non videt. Porro, cap. xvi, 1, Paulus commendat Romanis Phœben, diaconissam Cenchreensem; ergo epistola *per eam scripta est*; quoniam tamen Tertius eam scripsisse dicatur vers. 22. Res itaque manet incerta. Consentunt ταύτῃ Origenes, Theodoretus, Euthalius, et nunc plerique statuunt, Corinthi hanc epistolam esse scriptam; et quidem anno 55, ait Sepp.

COMMENTARIUS

IN PRIMAM EPISTOLAM (4)

AD CORINTHIOS.

ARGUMENTUM.

Describitur Corinthus.

Achaia sive Peloponnesus, quæ nunc vulgo Morea dicitur, olim celebres habuit urbes; harum metropolis et nobile emporium erat Corinthus, inquit Chrysostomus, duobus inelyta portubus, quorum Lechaëum Ionio, Schonus Ægeo imminet mari. Unde a duplici hoc mari Poetæ « Corinthum bimarem » vocarunt, ut Ovidius, lib. IV *Fastor.* :

Adriacumque patens late, bimaremque Corinthum.

Fertur autem Corinthus primo a Sisypho latrone, Æoli filio, condita fuisse, et Coreyra nominata, auctore Strabone, lib. VIII *Geogr.*, postea Ephyre : deinde eversa, et instaurata a Corintho Marathonis, seu Pelopis (ut Suidæ placet), sive (ut alii malunt) Orestis filio, Corinthus appellata. Hanc urbem Cicero, *pro lege Manilia*, Græciæ totius lumen appellat. Eo enim potentiae propter situs opportunitatem pervenit, ut vix Romanæ urbi concederet.

Abundabat ergo Corinthus opibus, mercibus et metallis, ac præsertim ære, fuitque æs Corinthiacum celeberrimum et laudatissimum; adeo ut Plinius, lib. IV, cap. II, tradat illud auro et argento æquiparari. Ex hac opulentia manavit Corinthiorum fastus, ingluviæ, luxus, libido, magnificentia, ut ea abierit in proverbium : « Non cuivis homini contingit adire Corinthum. » Ubi Demosthenes muliereculæ, pro horario usu corporis, deposcenti octona auri talenta, respondit : « Ego tanti pœnitere non emo. » Hac de causa in hac eorum vitia subiunde, ac præsertim cap. VI, invenitur Apostolus.

Rursum secundo, Corinthi erat Oratorum et Philosophorum frequentia; inter quos fuit Perianther, unus e septem Græciæ sapientibus. Adit ergo

Paulus Corinthum, ut in urbe tam frequenti et celebri disseminaret Evangelium, in eaque annum et sex menses evangelizavit, ac multos ad Christum convertit, confirmante eum Domino, qui ei per visionem Corinthi apparens : « Noli, inquit, timere, sed loquere, et ne taceas, propter quod ego sum tecum, et nemo apponetur tibi ut noceat te, quoniam populus est mihi multus in hac civitate, » *Actor.* XVIII, 9. Hac Pauli prædicatione Corinthii Christiani mire profecerunt, adeo ut eorum sapientiam, prophetiam, aliasque eis a Deo datas gratias cap. I, 5; XIV, 26, et alibi celebret ipse Paulus.

Hinc tertio, inter Corinthios orta est superbia, ambitio, et contentiones, præsertim postquam Apollo, vir eloquens et potens in Scripturis, supervenit Corinthum, *Act.* XVIII, 27; tunc enim nonnulli hunc Apollo prætulerunt Paulo, quasi in sermone minus eleganti et eloquenti; indeque orta sunt schismata, uno jactante et dicente : « Ego sum Pauli; » altero : « Ego sum Apollo, » etc. Paulus ergo hanc ad eos scribit epistolam, in qua statim per quatuor prima capita eos ab humanæ sapientiæ et eloquentiæ fastu, atque inani magistrorum suorum Pauli vel Apollo venditatione, ad humilitatem crucis, ad Christi fidem et doctrinam abducit.

Quarto, scripserant Corinthii ad Paulum varia dubia proponentes, ut patet cap. VII, vers. 1, quæ ipse hac epistola resolvit : unde postquam primis quatuor capitibus, eorum schismata et vanæ sapientiæ ambitionem retudisset; deinde, cap. V, jussisset excommunicari et vitari incestuosum, ac cap. VI, litigia eorum coram iudice infideli, atque fornicationem insectatus fuisset; cap. VII, primum eorum dubium de matrimonio et virginitate enodat, docetque quæ sint jura matrimonii Christiani, eique opponit et anteponit consilium Evangelicum virginitatis et celibatus. Mox cap. VIII et X, dubium secundum eorum de idolothytorum esu aggreditur, asseritque illum in se licitum esse, sed cavendum, ubi est scandalum infirmorum. Deinde cap. IX, ut ostendat, quam ido-

Pauli apud eos prædicatione.

Corinthiorum ambitio, contentiones et schismata.

Paulus hac epistola Corinthiorum schismata, incestum, fornicationem, et idolothytum solvit.

(1) Juxta hodiernos multos, non duas, sed tres epistolas ad Corinthios scripsit Paulus : ea quæ in libris *prima* inscribitur, revera *secunda* est; *prima* autem, anno præcedente, scil. 53, ait Sepp, scripta, nunc est deperdita. Præcipuum autem argumentum petunt e I *Cor.* V, 9-11. Ita Michaelis, Rosenmullerus, Sepp, *op. cit.* tom. II, p. 336; conf. D. Glaire, *op.* tom. VI, p. 69.

lothytorum scandala sint cavenda, asseverat se ob ædificationem proximorum, abstinuisse stipendio sustentationis, sibi evangelizanti debito, ac labore manuum victum sibi comparasse. Inde cap. xi, tertium Corinthiorum dubium, de mulierum velatione, et quartum de cœna. Eucharistica ejusque agape resolvit. Mox cap. xii, disputat de gratiis gratis datis, easque varie variis a Spiritu Sancto distribui docet. Cap. xiii, demonstrat inter Dei dona et gratias excellere charitatem. Cap. xiv, quinto Corinthiorum dubio, An donum linguarum præstet prophetiæ? negative respondet. Cap. xv, sextum dubium eorum resolvit, probando multis resurrectionem, ejusque doctes, modum et ordinem docendo. Cap. xvi, jubet fieri collectam eleemosynarum pro pauperibus Hierosolymitanis; ac denique salutationibus claudit epistolam.

Quando et ubi scripta hæc epistola? Nota quinto: Scripta est tam hæc prima, quam secunda ad Corinthios, ante epistolam ad Romanos; nam, ut notat Chrysostomus, Apostolus, I Corinth. xvi, 2, Corinthios ad collectam, qua su-

blevent famem pauperum Hierosolymitanorum, adhortatur, quam Rom. xv, 25 et 26, jam factam esse docet. Rursum scriptam esse hanc epistolam Philippis, et missam per Timotheum habent Græca, Syra et Regia Latina, in fine epistolæ; sed videtur potius ex cap. xvi, vers. 8 et aliis Ephesi scripta (Actor. xix, 1) anno Christi 57. Ita Baronius, OEcumenius (1) et alii.

(1) De occasione hujus epistolæ egregie disputat Sepp, op. cit. ibid., eamque scriptam dicit ann. 54 inenite, ita ut in proximum Pascha Corinthum perveniret. Cf. Chronicon quod præfixi Actis Apostol.

De stylo et elocutione, vide D. Glaire, ibid. p. 74; hæc vero tradit Rosenmullerus: « In Epistolis Pauli ad Cor. frequentior quam in cæteris ejusdem epistolis, et tantum non continuus est respectus ad historicas περιστασεις, quarum cognitio primis quidem lectoribus, in re præsentibus, obvia fuerat, nobis vero ex ipsis demum Apostoli litteris, et maximam partem obscuris indiciis repetenda est; quæ harum epistolarum propria difficultas. Multa in hanc rem utiliter collegit et accurate disputavit Sterrius, in peculiari Commentatione, cui titulus: *Notitiæ historicæ Epistolarum Pauli ad Cor. interpretationi inservientes*, Tubingæ. »

CAPUT PRIMUM.

SYNOPSIS CAPITIS.

Agit gratias Deo, pro gratia Corinthiis data, spondetque quod Deus in ea illos confirmabit. Deinde, vers. 10, insectatur eorum schisma, quo hic dicebat: Ego sum Pauli; ille: Ego sum Apollo; cum omnes sint Christi.

Tertio, vers. 17, radicem schismatis succidit, dum docet non debere Corinthios spectare eloquentiam Apollo, vel alterius prædicatoris; sed rem prædicatam, scilicet crucem, quæ licet Judæis sit scandalum, Gentibus stultitia, fidelibus tamen est Dei virtus et sapientia.

Hinc quarto, vers. 26, consequenter docet Deum non vocasse ad prædicationem et fidem crucis et salutis sapientes, potentes et nobiles mundi, sed stultos, infirmos et ignobiles Apostolos, aliosque primos fideles, idque ne quis in se, sed tantum in Deo gloriatur.

1. Paulus vocatus Apostolus Jesu Christi per voluntatem Dei, et Sosthenes frater, 2. Ecclesiæ Dei, quæ est Corinthi, sanctificatis in Christo Jesu, vocatis sanctis, cum omnibus qui invocant nomen Domini nostri Jesu Christi, in omni loco ipsorum, et nostro. 3. Gratia vobis et pax a Deo Patre nostro, et Domino Jesu Christo. 4. Gratias ago Deo meo semper pro vobis in gratia Dei, quæ data est vobis in Christo Jesu: 5. quod in omnibus divites facti estis in illo, in omni verbo et in omni scientia: 6. sicut testimonium Christi confirmatum est in vobis; 7. ita ut nihil vobis desit in ulla gratia, expectantibus revelationem Domini nostri Jesu Christi, 8. qui et confirmabit vos usque in finem sine crimine, in die adventus Domini nostri Jesu Christi. 9. Fidelis Deus, per quem vocati estis in societatem Filii ejus Jesu Christi Domini nostri. 10. Obsecro autem vos, fratres, per nomen Domini nostri Jesu Christi, ut idipsum dicatis omnes, et non sint in vobis schismata: sitis autem perfecti in eodem sensu et in eadem sententia. 11. Significatum est enim mihi de vobis, fratres mei, ab iis qui sunt Chloes, quia contentiones sunt inter vos. 12. Hoc autem dico, quod unusquisque vestrum dicit: Ego quidem sum Pauli: ego autem Apollo: ego vero Cephæ: ego autem Christi. 13. Divisus est Christus? Numquid Paulus crucifixus est pro vobis? aut in nomine Pauli baptizati estis? 14. Gratias ago Deo quod neminem vestrum baptizavi, nisi Crispum et Caium: 15. ne quis dicat quod in nomine meo baptizati estis. 16. Baptizavi autem et Stephanæ domum: cæterum nescio si quem alium baptizaverim. 17. Non enim misit me Christus baptizare, sed evangelizare: non in sapientia verbi, ut non evacuetur crux Christi. 18. Verbum enim crucis pereuntibus quidem stultitia est: iis autem, qui salvi fiunt, id est nobis, Dei virtus est. Scriptum est enim: 19. Perdam sapientiam sapientium, et prudentiam prudentium reprobabo. 20. Ubi sapiens? ubi scriba? ubi conquisitor hujus sæculi? Nonne stultam fecit Deus sapientiam hujus mundi? 21. Nam quia in Dei sapientia non cognovit mundus per sapientiam Deum, placuit Deo per stultitiam prædicationis salvos facere credentes. 22. Quoniam et Judæi signa petunt, et Græci sapientiam quærunt: 23. nos autem prædicamus Christum crucifixum, Judæis quidem scandalum, Gentibus autem stultitiam; 24. ipsis autem vocatis Judæis, atque Græcis, Christum Dei virtutem et Dei sapientiam: 25. quia quod stultum est Dei, sapientius est hominibus; et quod infirmum est Dei, fortius est hominibus. 26. Videte enim vocationem vestram, fratres, quia non multi sapientes secundum carnem, non multi potentes, non multi nobiles: 27. sed quæ stulta sunt mundi elegit Deus, ut confundat sapientes; et infirma mundi elegit Deus, ut con-

fundat fortia; 28. et ignobilia mundi, et contemptibilia elegit Deus, et ea quæ non sunt, ut ea quæ sunt destrueret : 29. ut non gloriatur omnis caro in conspectu ejus. 30. Ex ipso autem vos estis in Christo Jesu, qui factus est nobis sapientia a Deo, et justitia, et sanctificatio, et redemptio : 31. ut, quemadmodum scriptum est : Qui gloriatur, in Domino gloriatur.

Vers. 1. 1. SOSTHENES (1). — Erat hic princeps synagogæ Corinthi, conversus ad Christum a Paulo, pro fide coram Gallione proconsule acriter verberatus, *Actor. XVIII*, vers. 17, ac post mortem relatus inter Sanctos, 28 novembris.

Vers. 2. 2. ECCLESIAE DEI, QUÆ EST CORINTHI, SANCTIFICATIS IN CHRISTO JESU, VOCATIS SANCTIS (supple, scribit, et salutem dicit Paulus, precando) : GRATIA VOBIS

Vers. 3. ET PAX A DEO. — Pro *vocatis sanctis*, Syrus vertit, *vocatis et sanctis*. Græce enim semper non est participium *λεγόμενος*, aut *καλεσμένος*, id est vocatus, dictus, appellatus; sed *κατὰ*, nomen, quasi dicat : Vocatilius sanctitatis, vel vocatione sanctus, vocatus ad sanctimoniam.

Beneficium vocationis cum admiratione et humilitate recensendum. Error Pelagii circa vocationem.

Nota primo, hoc beneficium vocationis Paulum toto hoc capite et passim alibi admirari.

Secundo, illud et omnia cætera humiliter ac pie divinæ benevolentiae et potestati adscribere. De humilitate locum hic habet insignem Chrysostomus, in morali homil. primæ.

Tertio, hinc patet contra Pelagium, non nostris meritis, sed mera Dei gratia nos vocatos esse ad fidem et gratiam Christi. Ita Chrysostomus et passim Augustinus. Rursum, hinc omnes Christiani olim dicti sunt Sancti, non actu, sed vocatione, professione, debito.

Quarto, hos Sanctos dicit « in Christo, » id est per Christi merita, sanctificados, scilicet in baptismo et deinceps.

Quinto, et Ecclesiæ et vocatis sanctis idem sunt. Est enim appositio sive explicatio Ecclesiæ; ut si quæras, quid sit Ecclesia? respondebo hinc ex S. Paulo : Sunt vocati Sancti; sive est congregatio et cætus fidelium, qui vocati sunt ad sanctitatem.

Unde sexto, hinc patet Ecclesiam esse visibilem. Scribit enim Paulus hæc non ideæ abstractæ, sed Ecclesiæ, quæ est Corinthi, quæ ejus litteras legere et videre poterat, ut patet.

Septimo, ex hoc loco liquet eandem ubique esse Ecclesiam, cujus pars erat Ecclesia Corinthiorum. Unde ait : « Cum omnibus qui invocant nomen Domini nostri Jesu Christi, in omni loco ipsorum et nostro, » id est, omnibus Christianis ubicumque consistent; sive mecum hoc in loco nostro, sive in alio quolibet suo loco. « Ipsorum » ergo, scilicet Corinthiorum, « et nostro, » scilicet meo et Sosthenis. Addit hoc, ne quis putaret cum dixit, « Domini nostri Jesu Christi, » dicere voluisse Christum dominum esse solius Pauli et Sosthenis. Ita Chrysostomus : « Eoque,

ait, tacite innuit Paulus, Corinthios semotis contentionibus debere esse concordēs, quasi membra ejusdem Ecclesiæ et capitis Christi. » Deinde innuit se scribere hanc epistolam proprie quidem ad Corinthios, sed tamen cupere esse circularem ad omnes Christianos, uti circulares erant epistolæ aliorum Apostolorum et Episcoporum primis illis sæculis (2). Nam quod Cajetanus nostro interpretatur, q. d. Nostra jurisdictio se extendit Corinthum, et ad Corinthios, ut urbs et locus Corinthi sit et ipsorum et noster, coactum est. Denique cur dicatur Ecclesia, vel evocatio, vel cætus vocatorum ad fidem, quæ olim synagoga, id est congregatio, dicebatur, et quid sit, qualis, quæ ejus notæ, vide Bellarminum, *De Ecclesia*, lib. I, cap. I, II et seq., solide et docte edisserentem.

4. GRATIAS AGO DEO MEO SEMPER PRO VOBIS IN GRATIA DEI, QUÆ DATA EST VOBIS IN CHRISTO JESU.

— « In gratia, » Syrus כַּרְתָּא עַל al tabula, græce ἐπὶ τῇ χάριτι, id est, propter gratiam Dei, « quæ data est vobis in Christo, » id est, per Christum. Vide *Can. 23*. « Origo, inquit S. Bernardus, serm. 13 in Cantica, omnium fontium et fluviorum mare est : virtutum autem et scientiarum origo est Dominus Jesus Christus : continentia carnis, cordis industria, voluntatis rectitudo ex illo fonte manant; remittatur (per gratiarum actionem) ad suum principium cæleste profluvium, quo ulterius terræ refundatur : Gloriam meam alteri non dabo, inquit Deus, » *Isaia XLVIII*, 11.

Gratiarum actio frequens debet esse Christiano.

5. QUOD IN OMNIBUS DIVITES FACTI ESTIS IN ILLO (per illum Christum) IN OMNI VERBO (prædicationis Evangelii) ET OMNI SCIENTIA, — id est, spiritali ejus intelligentia, q. d. Gratias ago Deo, quod vobis copiosam per me et Apollo exhibuerit præ-

(2) Quid Paulus voluerit verbis, ἐν παντὶ τόπῳ, αὐτῶν τε καὶ ἡμῶν, in omni loco ipsorum, et nostro, obscurum est. Alii ita vertunt : Qui invocant nomen Domini Jesu Christi in quovis loco, Domini, inquam, tum ipsorum, tum nostri, ut verba αὐτῶν τε, etc., referenda sint ad Κορινθίους, Domini : ita Chrysostomus, Photius et Theophylactus. Alii : sive natione sint Gentiles, sive Judæi. Nonnulli existimant Apostolum respicere ad partes in quas ecclesia Corinthiaca erat divisa, quarum alia se a Paulo, alia ab Apollone, alia a Petro, alia a Christo denominabat; diversas nempe partes diversis quoque locis ad sacra celebranda convenisse; quare Paulum ab initio statim monuisse se non scribere ad eos solum, qui se nominarent suos (nostro), sed ad Christianos Corinthios omnino omnes, ubicumque demum ad sacra celebranda congregarentur. Aliis denique cū in omni loco ipsorum sunt Christiani, qui Corinthi, aut Cenchreis, aut in reliqua Achaia versabantur, et cum Corinthiis versati erant; cū in loco ipsorum, qui tum apud Paulum Ephesi versabantur.

(1) Vers. 1-9 continent totius epistolæ exordium, et modestam benevolentis captationem.

dicationem et doctrinam Evangelii, ejusque sensum et intelligentiam.

Vers. 6. 6. SICUT TESTIMONIUM CHRISTI CONFIRMATUM EST IN VOBIS, — id est, quibus, seu testimoniis duobus Christiana fides fundata et firmata est in vobis. Nam Græci Græcum *κζθως*, id est *sicut*, per enallagen interpretantur, *δι' ὧν*, per quæ, scilicet verbum et scientiam. Alii sic explicant « sicut testimonium, » etc. *q. d.* Quibus rebus, scilicet, prædicatione Evangelii ejusque scientia, quasi certo testimonio cognoscitur vos esse fideles et discipulos Christi (1).

Vers. 7. 7. EXPECTANTIBUS REVELATIONEM DOMINI NOSTRI JESU CHRISTI, — in secundo illius adventu, quando omnium gratiarum copiam et consummationem in gloria cœlesti a Christo accipietis.

Vers. 8. 8. QUI ET CONFIRMABIT VOS (quantum est ex parte sua, id est gratiam dabit, quæ vos confirmare possit et actu confirmabit, si eam recipere, ea uti, et vos confirmare in Christi fide et charitate velitis, de quo rursum vers. 9 : « confirmabit, » inquam, ad hoc, ut sitis et persistatis) USQUE IN FINEM (vitæ) SINE CRIMINE, — græce ἀνεκλήτους, id est inculpati, quos nemo culpæ aut criminari possit, quasi crimen aliquod contra fidem et charitatem Christi commiseritis; τὸ enim sine crimine referri ad confirmabit, patet ex Græco βεβαιῶσαι ἀνεκλήτους, id est confirmabit inculpatos, sive in-criminales, ut scilicet tales sint et perseverent. Loquitur Apostolus toti Ecclesiæ, in qua plerique erant sancti et inculpati, etiamsi pauci aliqui schismata sererent, quos mox versu sequenti redarguit et culpât.

In ecclesia Corinthiorum plerique erant sancti.

IN DIE ADVENTUS DOMINI NOSTRI JESU CHRISTI. — Est ellipsis, frequens Apostolo; supplendum enim est, ut sitis et appareatis sine crimine illo die adventus et judicii Christi : nisi malis *ἡ τῆς ἡμέρας* poni pro *εἰς τῆς ἡμέρας*, in die pro in diem (sæpe enim *ἡ* et *εἰς* confundit Apostolus), ut explicet τὸ in finem per τὸ in die adventus Christi : hic enim ultimus noster et rerum omnium erit finis.

Vers. 9. 9. FIDELIS DEUS, PER QUEM VOCATI ESTIS IN SOCIETATEM FILII EJUS JESU CHRISTI. — Nota : « Fidelis » S. Paulo idem est quod constans, verax, ut ostendam I *Timoth.* 1, 13, non quasi, ut vult Calvinus, solum efficaciter a se vocatos eosque omnes Deus salvet, et quemque illorum se salvum fore firma fide credere jubeat et efficiat. Ut quid enim mox vers. sequenti de Corinthiorum salute sollicitus schismata eorum inculcat? An non crediderant Corinthii? et tamen in schismata lapsi periculum damnationis incurrerant, ideoque illud ab eis avertere satagit Paulus. Possunt ergo fideles in peccata labi et damnari.

Error Calvini circa efficaciam Dei vocationem.

Dicitur itaque Deus « fidelis, » quia non sine causa suum vobis, o Corinthii, subtrahet auxilium, quod dare cœpit, et deinceps se daturum

(1) Alii : Nam religionis Christianæ veritas vobis confirmata est.

promisit, ut persistatis et confirmemini in fide et societate Jesu; nec vos deseret, nisi prius a vobis deseratur, ut docet Concilium Tridentinum (ex S. Augustino), sess. VI, cap. XI et XIII, ubi tria docet eadem quæ hic Apostolus :

Primo, justificatis omnibus Deum gratiam Christi dare, qua in justitia perseverare possunt, si velint. *Secundo*, eos sua voluntate posse ab ea excidere. *Tertio*, neminem scire an sit perseveraturus, an sit de numero electorum, nisi specialem hac de re a Deo revelationem habeat.

Nota secundo : « Societatem filii » hic vocat Paulus communionem fidei, gratiæ et gloriæ Christi, quæ habetur in Ecclesia Christi; sive ipsum christianismum, in quo habemus societatem filiationis, hæreditatis, Sacramentorum et omnium bonorum Christi, *q. d.* Vocati estis, ut sitis filii Dei, socii, membra, fratres et cohæredes Christi. Ita Anselmus, Ambrosius, Theophylactus, Chrysostomus, quem vide. Sic S. Joannes ait *epist.* I, cap. 1, 3 : « Ut et vos societatem habeatis nobiscum, et societas nostra sit cum Patre, et cum Filio ejus Jesu Christo. »

Ubi advertet : Licet, ut ait Apostolus, omnes fideles Christiani sint de societate Christi, tamen alii aliis magis sunt de hac societate; scilicet, qui magis Christi vitam et gratiam participant, et qui non tantum præcepta, sed et consilia Christi sequuntur : sicut de societate Christi magis erant Apostoli, quam alii Christiani.

Insulse cavillantur hæretici : Paulus omnes Christianos dicit esse vocatos in societatem Filii Dei : ergo perperam Jesuitæ sibi solis arrogant nomen Societatis Jesu. Pari enim modo inferrent : Omnes Christiani colunt SS. Trinitatem, B. Virginem, angelos : ergo perperam Ecclesia instituit Ordines et Sodalitates nomine SS. Trinitatis, B. Virginis, angelorum, etc. Hæ enim Sodalitates alios non excludunt ab horum cultu, sed nomen aliis commune sibi appropriant, ut eo excitentur ad majorem et singularem pietatem erga SS. Trinitatem, B. Virginem, angelos, utque alios quoque ad eundem excitent.

Sciant vero Jesuitas hoc nomen sibi non dedisse, sed Summos Pontifices Romanos ipsumque fundatorem S. Ignatium, qui ex humilitate et gloriæ vitandæ causa, suos non voluit vocari Ignatianos, sed Societatis Jesu, idque ex visione quadam, qua agens de Societate fundata, vidit Jesum crucem bajulantem, sibi que dicentem : « Ego vobis Romæ propitius ero : » quando divinitus ita illustratus fuit, ut non dubitaret hanc esse Dei voluntatem, hoc nomen Jesu Societati huic dandum esse. Audiant Ribadeneiram, lib. II *Vitæ S. Ignatii*, cap. XI : « Societatem Jesu appellari voluit, ut qui huc vocati fuerint, non se in Ignatii Ordinem aliquem ascriptos, sed in Societatem Filii Dei Jesu Christi Domini nostri vocatos agnoscant : sub illo summo Imperatore mereant; ejus signa sequantur, crucem suam cupide tollant, et

nisi prius desertum.

Tri-tanda circa negotium vocationis et electionis divi-ne.

in auctorem fidei et consummatorem Jesum aspiciant, qui proposito sibi gaudio sustinuit crucem, confusione contempta. Et ne defatigentur animis deficientes, certum illis atque persuasum sit ducem suum sibi præsto esse: illum non Ignatio solum et sociis, ut videmus hactenus fuisse, sed sibi quoque futurum semper propitium sperent. » Et Pium V Pontif., in *Bulla Societ.*, pag. 74: « Qui, inquit, sicut nomen Sociorum Jesu assumpserunt, ita opere, doctrina et exemplis D. N. Jesum Christum imitari, et ejus vestigia sequi nituntur. » Sicut ergo S. Paulus Timotheum, *epist.* II, cap. II, vers. 3, hortatur ut laboret ac certet, « sicut bonus miles Christi Jesu: » ita « Societas Jesu » suo nomine monetur et excitatur ut pro gloria Dei et salute animarum laboret, « quasi militia, seu legio, seu cohors militum sociata sub duce Jesu. » Plura vide apud Julium Nigronium de hoc titulo, et apud Jacobum Gretserum, Franciscum Montanum et alios, qui apologias pro Societate hac scripserunt.

Vers. 10. 10. OBSECO VOS, FRATRES, PER NOMEN DOMINI NOSTRI JESU CHRISTI (in cujus unam eandemque societatem, familiam, domum et Ecclesiam vocati sumus omnes, quicumque fideles et Christiani sumus), UT IDIPSUM DICATIS OMNES — scilicet, quasi fratres germani, verbis et voce, consentialis, dicatisque omnes simul: « Ego sum Christi; » non autem hic dicat: « Ego sum Pauli; » ille: « Ego sum Apollo. » Rursum non tantum voce, sed et mente consentialis; alioqui enim ficta et simulata foret verbalis vestra oris confessio. Unde subdit quasi radicem concordie dicens (1):

Exhortatio Apostoli ad concordiam et fugam discordie. SITIS PERFECTI IN EODEM SENSU ET IN EADEM SENTENTIA. — Legunt aliqui in Græco, ὁμόου, id est scientia, itaque legunt Latina Plantiniana; sed corrigendum est ὁμόου, id est sententia, itaque legunt Latina Romana. Pro « perfecti, » græce est καταρτισμένοι, id est, ut Theophylactus, « Sitis coagmentati, » sive « perfecte compacti in eodem sensu et in eadem sententia, » ut idem sentiatis, et inter vos consentialis in Christo, ut vobis invicem apte cohæreatis in una mente et sensu in Christo; καταρτισμένον enim significat ita apte et congruenter aliquid componere et coagmentare, ut partes inter se et cum toto congruant; atque quia tunc res perfecta atque absoluta est, cum concinne et congruenter hoc modo composita est, hinc hoc verbum significat quoque perficere, ut *Psalm.* VIII, 3: « Ex ore infantium et lactentium perfecisti (græce καταρτίσω) laudem. » II ad *Corinth.* cap. ult., vers. 11: « De cætero, fratres, gaudete, perfecti esote, » id est, inter vos mutuo et cum capite vestro congruite. Hoc enim significat Græ-

cum καταρτίζω. *Psalm.* XXXIX, 7: « Aurem autem perfecisti mihi, » græce καταρτίσω μοι.

14. SIGNIFICATUM EST ENIM MIHI AB IIS QUI SUNT Vers. 14. CHLOES. — Putant aliqui τὸ Chloes esse nomen loci: sed hic locus alibi nusquam legitur; nec Græca satis patiuntur Chloes esse locum. Unde verius Chrysostomus et Syrus putant hoc esse nomen familie vel femine, q. d. Ex familia Chloes audivi. Simili græcismo dicitur *Roman.* XVI, vers. 10: « Salutate eos qui sunt ex Aristoboli, Narcissi, » scilicet domo et familia.

12. QUOD UNUSQUISQUE VESTRUM (hoc est quilibet Vers. 12. ex iis, qui inter vos contendunt, et schismatis partem aliquam fovent; erant enim inter Corinthios multi alii cordati et pacifici, a schismate et consequenter a verbis sequentibus alieni) DICIT (vicissim, alternative, vel respective: non enim quisque dicebat): EGO QUIDEM SUM PAULI, EGO APOLLO, EGO VERO CEPHÆ, — sed vicissim, cum diceret unus: « Ego sum Pauli; » alter dicebat: « Ego Apollo; » alter: « Ego vero Cephæ. » In voce ergo unusquisque, est acceptatio distributiva et disjunctiva familiaris Hebræis; quisque enim ambizioso et contentiose dicebat: « Ego sum Pauli; » vel: « Ego Apollo, Ego vero Cephæ. » Ego sum Pauli, scilicet discipulus, catechumenus; Ego Cephæ, scilicet a B. Petro Pontifice edoctus, vel baptizatus, Antiochiæ, Romæ, aut alibi. Nam hucusque Petrus Corinthi non fuerat, ut colligitur cap. IV, 15. Unde Baronius vult hæc verba esse eorum, qui declinabant schismata, quæ proprie ob Paulum et Apollo exorta erant, ut patet cap. III, 4; utque ea vitarent, aliis suos magistros jactantibus, ipsi dictitabant se nec Pauli, nec Apollo, sed Petri, Præsidis Ecclesiæ, esse discipulos; quasi dicerent: Hic dicit et jactat se esse Pauli discipulum, ille Apollo; ego vero dico me esse Cephæ, id est, me esse discipulum Petri, qui caput est Ecclesiæ et vicarius Christi: illi enim adhæreo, illo glorior; ille per Paulum vel Apollo, aliumve me convertit et baptizavit. Unde alius altius assurgens dicebat: « Ego sum Christi; » qui scilicet est ipse summus Princeps Apostolorum et Ecclesiæ, cujus vicarius est Petrus, cujus ministri sunt Paulus et Apollo.

Notandum est enim quod addit: « Ego autem Vers. 12. Christi, » non male, sed recte loquentium esse, si absit contentio, et contemptus Apostolorum et vicariorum Christi, uti jam Anabaptistæ contemnunt Prælatos; omnes enim decebat dicere: Nos sumus Christi, puta Christiani. Taxat ergo Corinthios, ex quibus non omnes, ut par erat, sed aliqui tantum Christianos se esse dicerent, alii vero aut Pauli, aut Apollo, aut Cephæ sese discipulos nuncuparent. Ita Ambrosius, Theophylactus, D. Thomas. Occasio schismatis videtur fuisse, quod Apollo, qui eloquens, acer et potens erat in Scripturis, Corinthi tum docebat, *Actor.* XVIII, 27, ita ut ejus respectu nonnulli Paulus visus sit frigidior et jejunior, utpote qui studio sermonis

Schismata et contentiones Corinthiorum.

Recte loquuntur qui dicunt se esse Christi, modo non contemnunt Prælatos Ecclesiæ.

(1) Vers. 10 — cap. IV, reprehendit Apostolus Corinthios propter factiones et schismata quibus laborabant, atque simplicitatem doctrinæ Christianæ, tum adversus ambitiosos græcanicæ philosophiæ jactatores, tum contra supersticiosos Judæos ita asserit, ut auditores suos ad rectam agendi rationem revocet.

et scientiæ cultum et ornatum vitaret; ut ipse ait cap. II, vers. 4.

Denique hinc Hieronymus, *ad Titum* 1, putat Episcopum presbyteris jurisdictione esse prælatum, ut schismata hæc tollerentur, cum antea, ait, communi presbyterorum consilio Ecclesiæ gubernarentur: quæ verba Hieronymi *ad Titum* 1 elucidanda sunt.

Vers. 13. 13. NUMQUID IN NOMINE PAULI BAPTIZATI ESTIS? — *q. d.* Unus est Christus, in cuius nomine æque omnes baptizati estis: ergo frustra pro nobis, baptismi ministris, de præcellentia contenditis. Hinc Theologi docent baptismum et Sacramenta non valere, nec operari ex opere operantis, vel ministri; sed ex opere operato.

Ubi nota: Baptizari « in nomine Christi » idem est quod in invocatione, professione, virtute, merito et baptismo Christi baptizari, ac consequenter in nomen Christi transcribi, ut a Christo dicamini Christiani, non Pauliani, vel Apolliniani. Ita Græci. Vide de potestate excellentiæ, quam habet Christus in baptismo et aliis Sacramentis, S. Thomam.

Secundo, hinc S. Thomas et alii, adeoque Græcorum historia docet Græcos accepisse hanc suam baptismi formam, ut non dicant: Ego te baptizo; sed: « Baptizetur servus Christi in nomine Patris, et Filii, et Spiritus Sancti; » ne quis dicat: Ego sum Pauli, Ego sum Apollo.

Tertio, inepte hinc Erasmus, Faber et Novantes a pari inferunt: Ergo perperam dicit hic: Ego sum Scoti; ille: Ego D. Thomæ; hic: Ego sum Francisci; ille: Ego sum Dominici alumnus et discipulus; quia Apostolus tantum insectatur contentiones de præminetia et schismata quibus Corinthiis aliqui superbiebant, et Ecclesiam scindebant in studia partium, quasi fidei et baptismi vim et excellentiam tribuerent ipsi ministro, Paulo vel Apollo, non autem Christo. Neutiquam vero carpit monastica instituta, vel Philosophorum aut Theologorum scholas et academias: quæ licet exercitiis, ritibus, sentiis discrepent, tamen in eadem fide Christi, charitate et humilitate Christiana connexa sunt. Si quis aliter faxit, vanus is erit, et hujus vanitatem et contentionem cum Paulo ad Corinthios hos amandabimus; hominis hoc vitium est, non Ordinis: uti Corinthiorum quorundam hoc vitium erat, non Ecclesiæ. Longe verius aptiusque hæc in schismata Novantium retorqueas; ipsi enim dicunt, Ego sum Calvinii, Ego Lutheri, Ego Mennonis, idque in rebus fidei et religionis: aliam enim fidem inducit Calvinus, aliam Lutherus, aliam Menno. Hæc enim Religionum et Ordinum varietas ad majorem Ecclesiæ tum decorem, tum fortitudinem, tum unionem inducta est: sic enim castra in suas legiones distributa, sunt magis decora, fortia et unita. Si enim hac distributione carerent, magna in eis esset confusio. Religiosi variorum Ordinum uniti sunt, non tantum sub uno capite,

Summo Pontifice, in una Ecclesia; sed etiam in eo, quod non in statu laico vel ecclesiastico, sed in Religione simul omnes versantur. Religionem enim in Ecclesia unam quasi legionem eamque fortissimam constituunt. Sicut ergo unius corporis membra inter se unita sunt, et sicut unius legionis milites magis inter se, quam cum alia legione uniti sunt; ita prorsus Religiosi qui ad apicem perfectionis contendunt et arctiori nexu religionis et voti Deo devincti sunt, arctius quoque sibi invicem astringuntur.

Si quis ergo est inter eos, qui alteri Ordini detrahit, invidet, impedit, hujus vana est religio; hic non Religiosus, imo non Christianus, sed profanus est; nec spiritui Dei, sed dæmonis agitur.

Verus enim Religiosus cum S. Bernardo in *Apolo-*log. dicit: « Unum Ordinem opere teneo, cæteros charitate. » Franciscanus sum Ordine, sed charitate Dominicanus. Augustinianus, Benedictus, etc., itaque omnium Ordinum et Religionum Religiosus sum, unius opere, reliquorum charitate; quare omnium Ordinum bonis lætor, omnium prospero successu gaudeo, nulli invideo; omnes enim mei sunt, et ego omnium. « Numquid divisus est Christus » in diversis Religiosorum Ordinibus? Absit. Idem enim Christus omnium Religionum est institutor, auctor et rector, idque ad majorem earum inter se unionem. Quod ergo causa esse debet majoris unionis, non sit causa turpissimæ, Deoque exosæ divisionis; ne audiamus illud: « Cum sit inter vos zelus et contentio, nonne carnales estis? » et illud: « An oculus tuus nequam est, quia ego bonus sum? » Si Deo placuit Ordines alios aliis addere, novos veteribus in subsidium submittere, novam eis gratiam et spiritum dare, quis Deum carpat? Quis novis invidet? Quis Ecclesiam talibus operariis defraudet. Esto palmam ferant: gaudebo Deum per eos honorari animasque plures salvari, itaque laborum eorum particeps fiam; non enim meam, sed Dei gloriam quero.

16. BAPTIZAVI STEPHANÆ DOMUM. — Stephanas, Vers. 16. ait Theophylactus, vir erat Corinthi celebris, quem proinde a fide et charitate laudat Paulus cap. XVI, 17.

17. NON MISIT ME CHRISTUS BAPTIZARE, SED EVANGELIZARE (1). — Hæc duo sunt officia Pastorum, scilicet prædicatio et Sacramentorum administratio; sed illud principalius. Unde Episcoporum, Archiepiscoporum et Primatum præcipuum munus est prædicatio Evangelii; quod per se, nisi legitime impediatur, exercere debent, inquit Con-

Religiosus unus, per charitatem omnium est Ordinarius.

Præcipuum Episcoporum munus est præ-

(1) Transit Apostolus ad apologiam doctrinæ suæ et modi quo in ea tradenda usus fuerit. Agit nempe, usque ad cap. II, 2, de *sententia* et *argumento* doctrinæ suæ, itque negat accommodari ad hominum præjudicatas opiniones, ut instar Philosophorum reticere vel adulterare audeat, quæ plerisque improbari et stulta videri sciat; deinde de *modo* quo Corinthi in enuntianda doctrina divina usus fuerit.

dicare Evangelium. cilium Tridentinum, sess. V, cap. II et, sess. XXIV, cap. IV. Baptismum vero aliaque Sacramenta Parochis eorumque adiutoribus cum Paulo committere possunt.

NON IN SAPIENTIA VERBI (id est cum eloquentia et sermonis ornatu non Evangelico. Græce enim est *σοφία*, unde Sophi et Sophistæ dicti sunt oratores, maxime forenses, ait Plutarchus in *Themistocle*. Talis fuit Libanius sophista, tales sunt et nostri Novantes spermologi, qui se recte verbi ministros indigitant. Non ita Paulus; idque) UT NON EVACUETUR CRUX CHRISTI, — id est inanis reddatur, dum putant homines se salutem assecutos, et sibi fidem persuasam esse vi humanæ eloquentiæ, non vi passionis Christi. Hæc fuit origo schismatis dicentium : Ego sum Pauli, Ego Apollo; quod scilicet Apollo eloquens placeret nonnullis Corinthiis delicatis et eloquentiæ studiosis; aliis vero spiritum magis quam verba querentibus, placeret Paulus, imperitus quidem sermone, sed non scientia. Unde Paulus hic, et per tria sequentia capita, multis eloquentiam et sapientiam sæcularem insectatur et deprimit. Hinc secundo, « sapientia verbi, » græce *σοφία λόγου*, accipi potest naturalis philosophia, q. d. Rationalis sapientia; hanc enim opponit cruci, vers. 18; deinde, vers. 19, 20, 27 explicat illam esse philosophiam, et humanam rationem ac prudentiam. Ita Maldonatus in *Notis*.

VERS. 18. 18. VERBUM CRUCIS PEREUNTIBUS STULTITIA EST. — q. d. Sermo de cruce salvatrice, sive quod per crucem et passionem Christi redempti sumus, incredulis ac perversis hominibus, ideoque perituris stultitia apparet. Et hoc est quod Isaias, cap. VIII, in persona Christi ait: « Ecce ego et pueri mei, quos dedit mihi Dominus in signum et in portentum Israel, » de quo plura dicam *Hebr.* II, 13.

DEI VIRTUS EST. — « Virtus, » Græce *δύναμις*, id est potentia, rohur, fortitudo, de quo plura vers. 24.

VERS. 19. 19. SCRIPTUM EST ENIM. — Isaiæ XXIX, 14, ubi sic ait: « Peribit sapientia a sapientibus ejus, et intellectus prudentium ejus abscondetur, » passive. Sed Septuaginta, quos sequitur Paulus, vertunt active, *ἀπολώ την σοφίαν τῶν σοφῶν, καὶ τὴν σύνεσιν τῶν συνετῶν κρύψω*, Perdam sapientiam sapientum, et prudentiam prudentium abscondam. Pro quo Paulus habet *ἀθετήσω*, reprobo; et, ut Tertullianus vertit, irritam faciam; estque idem sensus: peribit enim sapientia, quia Deus eam perdet et abiciet. Forte etiam Septuaginta pro *אבדה* *abeda*, id est peribit, legerunt *אבדה* *abbeda* pro *אבדה* *aabbeda*, id est perdam, per crasim in futuro Piel. Nota, Paulum referre ad universum genus sapientiæ sæcularis id, quod Propheta proprie de Judæorum sapientia, quæ Pharisaica erat, dixit: Est enim par quoad hoc, utriusque, imo omnis sapientiæ sæcularis, ratio, q. d. Faciam ut sapientia sæculari omnes ad salutem uti nolint, sed Evangelio et cruce Christi.

20. UBI SAPIENS (id est *philosophus* Gentilium)? UBI SCRIBA? — id est *doctor* Judæorum. Cital Paulus Isaiæ XXXIII, 18: « Ubi, inquit, est litteratus? ubi legis verba ponderans (id est scriba)? ubi doctor parvulorum? » qui re ipsa « est conquistator sæculi. »

Nota: Sicut Græci suos sapientes vocabant Philosophos, Chaldæi Magos; ita Judæi suos doctores vocabant *Sopharim*: quod Septuaginta *σοφισταί*, Noster Scribas vertit; a *שפח* *sepher*, id est littera vel scriptura: quasi dicas, litterati aut scribæ, eo quod circa sacras Litteras versarentur. Illorum enim officium erat sacram Scripturam incorruptam servare, correctæ ejus descriptioni invigilare, illam interpretari, tum scripto, tum voce, et inde responsa conscribere, vel enarrare. Ita Epiphanius, *hæresi* 16. Unde *sopher* potest etiam deduci a *שפח* *saphar*, id est enarrare, recensere, ut *sopher* idem sit quod enarrator et explicator legis. Sed Noster et Septuaginta ad *sepher* respiciunt. Sic Grammatici olim dicti sunt, qui grammata et litteras versabant, et dubias Poetarum sententias explicabant. Judæorum enim studium omne erat in sacris Litteris, nec alias fere norant. Ita Jansenius, Toletus, Maldonatus et alii in Evangelia, ubi crebra Scribarum est mentio.

UBI CONQUISITOR SÆCULI? — Physicus, qui naturæ et mundi arcana curiose scrutatur, q. d. Abjecti sunt Philosophi et Scribæ, omnesque mundi sapientes depressi et confusi sunt, per predicationem Apostolorum et gloriam Evangelii. Ita Chrysostomus (1).

Notat hic Paulus et in seq. tum veteres, tum novos Philosophos; non Christianos, ut volunt Anabaptistæ: tales enim erant Dionysius Areopagita, Hierotheus, Paulus, Clemens Romanus, Nathanael, Gamaliel, Apollo; sed Ethnicos, qui hoc eodem tempore, quasi æmuli Apostolorum orbem circumibant, et specie pietatis, sapientiæ et eloquentiæ populos a Christo et Apostolis ad se traducere, quasi ipsi soli docerent veram sapientiam et viam ad virtutem, justitiam et salutem, conati sunt, qualis fuit Musonius, Dio, Epictetus, Damys, Diogenes minor, Apollonius Tyaneus, qui hoc eodem tempore sua magia ita Græcis admirationi fuit, ut Ephesi statua donatus, et inter divos relatus sit; testis Philostratus, lib. IV: vide Baronium, anno Christi 73, pag. 777.

Eleganter et nervose more suo Tertullianus, lib. *De Idol.*, cap. IX: « Post Evangelium, inquit, nusquam invenias aut sophistas, aut incantatores, aut conjectores, aut magos, nisi plane punitos. Ubi sapiens? ubi litterator? ubi conquistator hujus ævi? Nonne infatuavit Deus sapientiam hujus sæculi? Nihil scis, mathematicæ, si nesciebas te futurum Christianum: sin sciebas, hoc quoque

(1) Alii: *Acutus et subtilis disputator* (nam *σζητεῖν*, *disputare*, apud Græcos usitatissimum est verbum) *hujus ævi*, id est, *hæc ævo vivens*; vel, *perverso ævi genio conformis*.

Scriba
qualis,
et unde
dicti?

Philoso-
phi Gen-
tiles, non
Christia-
ni taxan-
tur a
Paulo.

scire debueras, nihil tibi futurum cum ista professione. Ipsa te de periculo suo institueret, quæ aliorum climacterica precavit. Non est tibi pars, neque sors in ista ratione. Non potest regna cœlorum sperare cujus digitus aut radius abutitur cœlo. »

NONNE STULTAM FECIT DEUS SAPIENTIAM HUIUS MUNDI? — « Stultam fecit, » id est *stultam ostendit*: ponitur verbum reale pro mentali vel verbali, juxta *Can. 36*. « Stultam, » inquam, in crucis et Christi ac salutis cognitione: ad hanc enim fide opus est, non acumine. Ita Chrysostomus. Patet ex seq. Vide *Baruch III, 22*. « Scientia piscatorum, inquit Ambrosius, stultam fecit scientiam Philosophorum, » cum scilicet suos et naturæ terminos egressa est.

In quibus ostendit Deus stultam mundi sapientiam? Sic enim in creatione stultum ostendit Deus illud axioma Philosophorum, quo dixerunt: « Ex nihilo nihil fit, » ideoque putarunt mundum esse increatum et æternum. Sic in incarnatione stultum ostendit illud eorum dictum: « Deus corpore, loco, tempore claudi nequit. » In passione illud: « Deus pati et mori non potest. » Sic in Eucharistia, stulta ostendit Deus hæc eorumdem, uti et Novantium nostrorum principia: « Accidens non potest esse sine subiecto; corpus nequit esse in puncto; duo corpora non possunt esse in eodem loco. » Licet enim hæc naturæ, non tamen Deo (qui omnipotens est, omnemque naturam transcendit) impossibilia sunt.

Hunc locum Pauli citatis S. Paulinus, epist. 27 ad Aprum, ex advocato ad vitam monasticam conversum, ideoque hominum ludibriis expositum, ita eum in proposito confirmat docetque hominum risus et sannas continere: « Gratulor, inquit, quod illam reprobam a Deo sapientiam respicisti, et cum parvulis Christi quam cum sapientibus titundi habere consortium thalasti. Inde jam et hanc gratiam mereris a Domino, ut te oderint homines; quod non fieret, nisi verus imitator Christi esse cœpisses. » Et inferius, fructum et dignitatem propositi illius demonstrans: « Gaude, inquit, et extilta, ecce enim merces tua copiosa est in cœlis; non enim te, sed illum qui in te esse cœpit, oderunt, cujus opus est in te, et humilitas quam contemnunt, et castitas quam detestantur: in quo te bono Prophetarum Apostolorumque participem esse lætus agnosce. Ab initio sæculorum Christus in suis patitur et triumphat; in Abel, occisus est a fratre; in Noe, irrisus a filio; in Abraham, peregrinatus; in Isaac, oblat; in Jacob, famulatus; in Joseph, venditus; in Mose, expositus et fugatus; in Prophetis, lapidatus et sectus; in Apostolis, terra marique jactatus; in Martyribus, toties et tam varie occisus. Ipse et in te patitur opprobria, et ipsum in te odit hic mundus: sed gratias ipsi, quod vincit eum judicatur, et triumphat in nobis. » Deinde laudans et admirans vitæ ejus commutationem: « Ubi, inquit, nunc tu ille es aliquando terribilis advocatus et

judex? Quis daret mihi pennas, et volarem ad te, videns te, non te, et videns ex leone vitulum: videns in Apro Christum, nunc versa ferocitatis et virtutis vice aprum sæculo, agnum Deo? non enim de silva, sed de segete aper es, qui bonis disciplinarum fructibus opimaris, et in fruge virtutum tibi pastus es (1). »

21. QUIA IN DEI SAPIENTIA NON COGNOVIT MUNDUS PER SAPIENTIAM DEUM: PLACUIT DEO PER STULTITIAM PRÆDICATIONIS SALVOS FACERE CREDENTES. — Nota in *Dei sapientia*, quam scilicet ostendit in sapientissima et tam stupenda mundi fabrica et gubernatione, ait D. Thomas, q. d. Mundus stultus non cognovit in hæc sapienti fabrica Deum practice, ut auctorem salutis, et ducem ad bonam et beatam vitam; nec etiam speculative, quia Deum finxerunt etiam Philosophi impotentem ad creandum, eumque putarunt necessario agere, carere providentia, etc.

Hinc Deus per rem, quæ mundo videtur stulta, scilicet per crucem, mundo se et salutem veram revelavit, ut stultis se accommodaret et cum eis quasi stultesceret, uti præceptor cum pueris re- puerascit et balbutit. Sic Christus, quia non intelligebatur ut Deus, hominibus se revelavit ut homo et passibilis: hoc autem ingens est sapientia. Ita D. Thomas, Anselmus et alii (2).

Præclare S. Leo, serm. 5 de Nativit., citatis hisce Apostoli verbis: « Mundo ergo, inquit, id est prudentibus mundi, sapientia sua cæcitas facta est; nec potuerunt per illam cognoscere Deum, ad cujus notitiam non nisi in sapientia ejus acceditur. Et ideo quia mundus de vanitate suorum dogmatum superbiebat, in eo constituit Dominus salvandorum fidem, quod et indignum videretur et stultum, ut et deficientibus omnibus opinionum præsumptionibus, sola Dei gratia revelaret quod comprehendere humana intelligentia non valeret. »

22. QUONIAM ET JUDÆI SIGNA (miracula) PETUNT: NOS AUTEM PRÆDICAMUS CHRISTUM CRUCIFIXUM. — Thebanus ille, rogatus quid de Romanis sentiret, respondit: « Romani in lanceis, Græci in eloquentia, Thebani in virtutibus gloriantur. » At Apostolus dicit se et Christianos in Christo crucifixo gloriari: hæc nostra est lancea, hæc eloquentia, hæc virtus.

23. NOS AUTEM PRÆDICAMUS CHRISTUM CRUCIFIXUM: JUDEIS QUIDEM SCANDALUM, GENTIBUS AUTEM STULTITIAM. — Videtur alludere ad paronomasiam Hebræam, q. d. Christi sive Messie crux Judeis est מִשְׁכָּל *mischkal*, id est scandalum; Gentibus מִסְכָּל *miskal*, id est stultitia. « Ipsi autem vocatis » ad fidem est שֶׁכֶל *sechel*, id est in-

(1) Sensus totius hujus loci est: Ostende mihi Philosophos et doctos homines inter Judæos et Græcos, qui tunc homines ad tantam sanctitatem perdaxerint, quot et ad quantum nos per sermonem crucis.

(2) « Per sapientiam, » scil. suam, id est, cum omni eruditione sua, ac scientiæ superbo apparatus.

Densum mundo quasi stultescit, ut stulto se accommodet.

Loens hic Pauli ex Hebræo illustratus per insignem paronomasiam.

dustria, sapientia et virtus, sive potentia (Græce enim *δύναμις*; est) Dei. Hinc auctor Lexici Bibliorum Complutensium, in radice *סכל* *sachal*, docet *משכל* *mascal*, tam Chaldaeorum, quam Indorum Christianorum S. Thomæ (qui cum a Babylonii Episcopum accipiant, eorum quoque lingua, puta Chaldaea, quæ Hebrææ est dialectus, in sacris utuntur) lingua significare crucem; atque a se, Indum quemdam Christicolam, qui crucem in manu semper gestabat, interrogatum quo illam nomine lingua sua appellaret, respondisse *משכל* *mascal*, quasi dicas, sapientiam, industriam; indeque se collegisse Paulum, I Cor. I, 24, eo alluisse, cum ait : « Prædicamus Christum crucifixum, Judæis quidem scandalum, Gentibus autem stultitiam; ipsis autem vocatis Judæis atque Græcis, Christum Dei virtutem et sapientiam. » Siquidem hæc vox, commutatis tantum litteris symbolicis et punctis, crucem, scandalum, stultitiam et sapientiam significat.

**Cruz lin-
gua Chal-
daica et
Judaica ,
significat
Dei sa-
pientiam
et virtu-
tem.**

Virtus
crucis in
se et sui
prædica-
tione elu-
xit in sex
admiran-
dis.

Nota cum Chrysostomo, hom. 6 in morali hic,
et supra ad vers. 17 : Virtus crucis non tantum
in se, sed etiam in sui prædicatione eluxit. *Primo*,
in eo quod Apostoli pauci, pisces, pauperes,
illitterati, obscuro, Judæi, toti mundo exosi, or-
bem tamen cruci subiecerint. *Secundo* quod hos

Nota cum Chrysostomo, hom. 6 in morali hic, et supra ad vers. 17 : Virtus crucis non tantum in se, sed etiam in sui prædicatione eluxit. *Primo*, in eo quod Apostoli pauci, piscatores, pauperes, illitterati, obscuro, Judæi, toti mundo exosi, orbem tamen cruci subjecerint. *Secundo*, quod hostes ferocissimos, dæmones, peccatores, mortem infernum, reges, principes, philosophos, oratores, Græcos, Barbaros, leges, judicia, religiones antiquissimas et temporis vetustatem pervicerint. *Tertio*, quod non armis, non sapientia, non eloquentia, sed simplici prædicatione persuaserint. *Quarto*, quod tam brevi tempore per totum orbem Christi fidem sparserint. *Quinto*, quod liberime et fortissime tyrannorum minas, verbera, mortes et tormenta, naturæ viribus intoleranda superarint, per Christi gratiam. *Sexto*, quod doctrinam non de Deo glorioso, sed crucifixo, eoque Salvatore credendo et adorando, legemque Christi, naturæ et carni non gratam, sed repugnantem persuaserint. Quare pulchre et apte Tertullianus, lib. *Contra Judæos*, Christi regnum omnium regum et populorum regnis ita confert et præfert : « Salomon, inquit, regnavit, sed in finibus Judææ tantum a Dan usque ad Bersabee. Babylonius et Parthis regnavit Darius, non ultra; Ægyptiis Pharaon, sed illis tantum. Nabuchodonosor ab India usque ad Æthiopiam habuit regni sui terminum. Alexander Macedo nunquam Asiam universam et cæteras regiones, postquam devicerat, tenuit. Sic Germani, Britanni, Mauri, Romani, imperii sui habent terminos. Christi autem nomen et regnum ubique porrigitur, ubique creditur, ab omnibus gentibus colitur, ubique regnat, ubique adoratur; omnibus æqualis, omnibus Rex, omnibus Judex, omnibus Deus et Dominus est. »

Regnum
Christi
omnium
regum et
populo-
rum re-
gna su-
perat.

infamiam, sed gloriam: « Nemo unquam innocens, inquit, male interemptus infamis est, nec turpitudinis alicujus commaculatur nota, qui non suo merito pœnas graves, sed cruciatoris perpetitur sævitatem; et tamen, o isti, qui hominem noscolere vita functum ignominiosa ridetis, nonne Liberum et vos patrem membratim a Titanis dissipatum, fanorum consecratione mactatis? Nonne Æsculapium medicaminum repertorem, post pœnas et supplicia fulminis, custodem nuncupastis et præsidem sanitatis, valetudinis et salutis? Nonne ipsum Herculeum magnum sacrificiis, hostiis et thure invitatis incenso, quem ipsi vos fertis vivum arsisse post pœnas, et concrematum in funestis busticetis? Nonne illum Atyñ Phrygem abscissum et spoliatum viro, magnæ Matris in adytis Deum propitium, Deum sanctum Gallorum conclamatione testamini? Nonne ipsum Romulum patrem, senatorum manibus dilaceratum centum, et Quirinum esse Martium dicitis, et sacerdotibus et pulvinaribus honoratis, et in ædibus adoratis amplissimis, et post omnia cœlum ascendisse juratis? Aut igitur ridendi et vos estis, qui nomines gravissimis cruciatibus interemptos Deos putatis, et colitis; aut si certa est ratio, our id vobis faciendum putetis, et nobis permittite scire, quibus istud causis rationibusque faciamus. »

23. QUIA QUOD STULTUM EST DEI, SAPIENTIUS EST Vers. 23.
HOMINIBUS; ET QUOD INFIRMUM EST DEI, FORTIUS EST
HOMINIBUS. — Id est stultitia et infirmitas Dei, id Christi
crux si-
gnum
victoria
et trium-
phi.
scilicet, quod in Deo et Christo nato et passo pu-
tant stultum et infirmum, scilicet Dei humanitas,
mortalitas, passio, crux, fuit id, quo sapientis-
sime et fortissime Christus quasi victus, vicit ho-
mines, Satanam et totum orbem, ait Ambrosius
et Anselmus, q. d. In eo patet mira Dei sapientia
et virtus, quod per rem stultam et infirmam, scilicet
crucem, sapientiam omnem et fortitudinem
vicerit. Unde illud *Habacuc* III: «Cornu in ma-
nibus ejus, » S. Hieronymus et Augustinus ex-
ponunt sic: Fortitudo et arma, quibus quasi
cornibus hostes transfixit Christus, fuerunt bra-
chia crucis, cui affixæ erant manus Christi.
Hinc et Constantino Magno contra Maxentium
pugnato crux e cælo ostensa, cum hac inscrip-
tione: «In hoc signo vinces, » ut testatur Euse-
bius, lib. I *Vitæ Constant.*, cap. XXII.

Loens
Habacuc
in illus-
tratus.

Litteraliter et moraliter nota : fortitudo et magis sapientia crucis, ut docet D. Thomas, III part., Quæst. XLVI, art. 3 et 4, et S. Augustinus, lib. XIII De Trinit., cap. xii, patet primo, quia summum Deus in cruce nobis ostendit amorem, ut hac arte nos ad se traheret : Deus enim nulla necessitate compulsus, nulla spe propriæ utilitatis illectus, solo nostri amore ad crucem sponte descendit, ita tamen sapienter, ut per hoc deitatis suæ celsitudini et gloriæ nihil detraberet. Deitas enim in se nihil est passa, sed omnem passionem in humanitate assumpta sustinuit. Secundo, quia in cruce redemit hominem, non per potentiam deitatis,

In qua-
tuor re-
bus patet
et elucet
fortitudo
et sapien-
tia crucis.

sed per justitiam et humilitatem passionis, ut ait S. Augustinus. *Tertio*, quia in cruce perfectissimum obedientiae, constantiae, poenitentiae, patientiae, fortitudinis, mortificationis vitiorum omniumque virtutum exemplar nobis imitandum proposuit. *Quarto*, quia in cruce mundi sapientiam et fastum confutavit, deditque homini lapso per superbiam et delicias, speculum vitae, scilicet, modum per humilitatem et crucem reparandi se.

Quocirca S. Bernardus, *ad Milites templi*, xi: «Nec minus, inquit, profuit infirmitas Christi quam majestas: quia etsi ex deitatis potentia peccati jugum jubendo submovit, ex carnis tamen infirmitate mortis jura moriendo concussit. Unde pulchre ait Apostolus: Quod infirmum est Dei, fortius est hominibus. Sed et illa ejus stultitia, per quam ei placuit salvum facere mundum, ut mundi confutaret sapientiam, confunderet sapientes: quod videlicet cum in forma Dei esset, Deo æqualis, semetipsum exinanivit formam servi accipiens; quod dives cum esset, propter nos egenus factus est, de magno parvus, de celso humilis, infirmus de potente; quod esuriit, quod sitiit, quod fatigatus est in itinere, et cætera quæ passus est voluntate, non necessitate: hæc ergo ipsius stultitia nonne fuit nobis via prudentiæ, justitiæ forma, sanctitatis exemplum? Ob hoc item Apostolus: Quod stultum est, inquit, Dei, sapientius est hominibus. Mors ergo a morte, vita ab errore, a peccato gratia liberavit. Et quidem mors per justitiam suam peregit victoriam: quia justus exsolvendo quæ non rapuit, jure omnino quod amiserat, accepit.»

Unde Simeon Salus, Franciscus et maximi Sancti quæsierunt stulti haberi a mundo, ut Deo magis placerent; adeoque Religiones nonnullæ hunc quasi apicem perfectionis et sapientiæ Christianæ suis præscribunt, ut tantum ament, cupiant, amplectantur sui contemptum, irrisiones, opprobria, injurias, quin et stulti haberi exoptent, quantum mundani sectantur sapientiæ famam, honorem, nominis celebritatem. Idque *primo*, hac de causa, ut sic mundum perfecte contemnant. *Secundo*, ut seipsos maxime humilient et innatum gloriæ, laudis, honoris ac celsitudinis appetitum extirpent. *Tertio*, ut magis conformentur Christo, ejusque vestibus et insignibus induantur, qui propter nos, et ut daret nobis exemplum virtutis et perfectionis, hæc ipsa elegit, voluit haberi stultus, factus est opprobrium hominum et abjectio plebis. Dicunt ergo ipsi cum Paulo: «Mihi absit gloriari nisi in cruce Domini nostri Jesu Christi, per quem mihi mundus crucifixus est, et ego mundo.»

Hæc omnia docet crux Christi, si eam sæpe contempleris; nimirum crux est fons sapientiæ. S. Bonaventura rogatus, unde tantam hausisset sapientiam, Crucifixum ostendit oculis pene attritum. B. Jacoponus, vir nobilis et litteratus, cum ex cruce Christi didicisset mundo stultescere,

rogatus a Christo sibi apparente amice et familiariter, cur hanc stultitiam ita adamaret, respondit pio lepore, ut solebat: «Quia stultior me fuisti, Domine.»

Denique virtutem et elogia crucis paucis ita complectitur S. Chrysostomus, homil. 4 *De Cruce et Latrone*: «Si nosse desideras virtutem crucis, et quantum possum ad ejus laudem dicere, audi: Crux spes est Christianorum, resurrectio mortuorum, desperatorum via, claudorum baculus, consolatio pauperum, refrænatio divitum, destructio superbiorum, male viventium pœna, adversus dæmones triumphus, devictio diaboli, adolescentum prædagogus, sustentatio inopum, spes desperatorum, navigantium gubernator, periclitantium portus, obsessorum murus, pater orphanorum, defensor viduarum, justorum consiliarius, tribulorum requies, parvulorum custos, vivorum caput, senum finis, lumen in tenebris sedentium, regum magnificentia, scutum perpetuum, insensatorum sapientia, libertas servorum, Imperatorum philosophia, lex impiorum, martyrum gloriatio, monachorum abstinencia, virginum castitas, gaudium sacerdotum, Ecclesiæ fundamentum, templorum destructio, idolorum repulsio, scandalum Judæorum, perditio impiorum, invalidorum virtus, ægrotantium medicus, esurientium panis, silitium fons, nudorum protectio.»

26. VIDETE ENIM Vocationem vestram, fratres, Vers. 24.

QUIA NON MULTI SAPIENTES SECUNDUM CARNEM, NON MULTI POTENTES. — Nota: Tò enim dat causam præcedentium, estque hic alia probatio ejus quod dixit vers. 23: «Placuit Deo per stultitiam prædicationis salvos facere credentes;» id ipsum enim probat duobus argumentis: *Primo*, vers. 23, ex objecto prædicationis, quia scilicet Deo placuit per crucem salvos nos facere, hoc autem mundo videtur stultitia. *Secundo*, idem probat hic ex ipsis ministris prædicationis, quia scilicet ipsi Apostoli prædicantes crucem et salutem fuerunt homines viles, rudes, abjecti et stulti coram mundo.

Rursum, tò enim hunc versum cum vers. 25 proxime præcedenti apte connectit; ibi enim dixerat Apostolus: «Quod stultum est Dei, sapientius est hominibus; et quod infirmum est Dei, fortius est hominibus.» Quæ sententia indefinita et generalis vera est, tam in ipsa cruce, quam in ipsis crucis prædicatoribus, ut docet Athanasius, Quæst. CXXIX *ad Antiochum*.

Adeoque tò enim hic significat aptam convenientiam prædicatorum cum ipsa cruce, quasi dicat: Deus voluit stultitia et infirmitate crucis uti, eaque superare et sibi subdere omnium hominum sapientiam et potentiam, idque patet, non solum in ipsa cruce crucisque victoria, sed etiam in Apostolis crucem prædicantibus; nam non elegit Deus sapientes et potentes mundi, sed pauperes, idiotas et stultos coram mundo Apostolos, qui crucis trophæum per totum ornen-

Virtus et elogia crucis.

Apta convenientia prædicatorum crucis Christi, cum ipsa cruce.

Quales elegerit Deus ad fundandam Ecclesiam?

circumferrent; crucisque fidem toti mundo persuaderent, ut omnes homines crederent et sperarent se per crucem Christi justitiam et salutem adepturos.

Est ratio a simili, sive ab analogia; qualis enim fuit crux, scilicet vilis, abjecta et stulta mundo, tales decebat quoque esse crucis præcones. Deus enim cruci prædicandæ ita congrue omnia adaptavit mira sua sapientia, ut tam prædicatores, quam ipsi credentes quoque cruci congruerent: primi enim credentes et ad fidem vocati, fuerunt homines plebei, viles, obscuri, peccatores, publicani et meretrices.

VOCANTES **VIDETE VOCATIONEM**, — id est rationem et modum vocationis vestræ: quia Apostoli qui vos vocarunt, non sunt sapientes secundum carnem, id est carnali, terrena, mundana sapientia, quæ spiritualem et divinam nescit. Ita S. Thomas; loquitur enim maxime de vocantibus Apostolis. *Serundo* tamen, recte Chrysostomus ex vers. 2, etiam de vocatis et conversis accipit; nam plures indocti fuere conversi ad Christum, pauciores docti et nobiles, utpote superbi, ut, « Videte vocationem, » idem sit, quod videte vocantes et vocatos, quales scilicet sint, vide *Can. 21 et 30*.

Nota: Aliqui sapientes et potentes fuere vocati, ut Dionysius Areopagita, Paulus Proconsul, Nicodemus, Paulus hic noster, sed pauci; et Apostolus loquitur maxime de Apostolis, qui primi vocati sunt, cum essent pauperes et abjecti. Unde Ambrosius, lib. V in *Lucam*, ad illud cap. VI, *Elegit duodecim ex eis*: « Adverte, ait, coeleste consilium: non sapientes aliquos, non divites, non nobiles, sed piscatores et publicanos, quos dirigeret, elegit, ne traduxisse prudentia, ne redemisse divitiis, ne potentia nobilitatisque auctoritate traxisse aliquos ad suam gratiam videretur, ut veritatis ratio, non disputationis gratia prævaleret. » Et S. Augustinus, *De Verbis Domini*, serm. 59, tom. X: « Magna, inquit, artificis misericordia; sciebat enim quod, si eligeret senatorem, diceret senator: Dignitas mea electa est; si eligeret divitem, diceret dives: Opulentia mea electa est; si regem, diceret rex: Potestas mea; si oratorem: Eloquentia mea; si philosophum: Sapientia mea electa est. Interim, inquit Dominus, differuntur superbi isti, multum tument: da mihi prius istum piscatorem; veni tu, pauper: nihil habes, nihil nosti, sequere me: tam largo fonti vas inane admovendum est: dimisit retia piscator, accepit gratiam, et factus est divinus orator: leguntur modo verba piscatorum, et subduntur colla oratorum. » Vanum ergo videtur, quod de nobilitate et purpura S. Bartholomæi apostoli fabulantur nonnulli.

Vers. 27. **27. SED QUÆ STULTA SUNT MUNDI ELEGIT DEUS, UT CONFUNDAT SAPIENTES.** (Nota: *stulta*, *infirmas*, *ignobilia mundi*, per auxesin, vocat Paulus ipsos fideles vocatos ad Christum, vel potius ipsos vocantes, scilicet Apostolos; hos enim, quia rudes,

pauperes, ignobiles, ideoque coram mundo stultat for-
tos, mundique ludibria, opponit sapientibus, tia.
fortibus et potentibus mundi; eosdem vocat) **EA** Vers. 28.
QUÆ NON SUNT (id est abjecta, quæ pro nihilo habentur, q. d. Deus elegit Apostolos abjectos, qui pro nihilo habebantur), ut **EA QUÆ SUNT** (id est, ea quæ habentur in pretio, puta sapientes et potentes mundi) **DESTRUERET**, — et quasi annihilaret.

Ubi nota: Tria quæ mundus solet admirari, scilicet sapientia, potentia et nobilitas, a Deo fuerunt neglecta in vocatione hominum ad fidem, justitiam et salutem; atque e contrario, tria his contraria fuerunt ab eo electa, scilicet insipientia, impotentia et ignobilitas. Primi enim vocantes Apostoli, æque ac primi vocati, tam Judæi, quam Gentiles, fuerunt secundum mundum insipientes, impotentes, ignobiles. Idque ut ostenderet Deus divinum hoc esse opus, Deique gratiæ, non autem humanæ excellentiæ, ascribendam esse hanc vocationem. Ita secundo post Apostolos sæculo elegit Agnetem, virgunculam tredecim annorum, quæ sua admirabili fortitudine stupefaceret et confunderet Præsides omnesque Gentiles. Unde merito in ejus Collecta orat Ecclesia: « Omnipotens sempiterne Deus, qui infirma mundi eligis ut fortia quæque confundas: concede propitius, ut qui B. Agnetis, virginis et martyris tuæ, solemnia colimus, ejus apud te patrocinia sentiamus. » Tales fuere et S. Agatha, Lucia, Dorothea, Barbara et sexcentæ aliæ, quas ad hoc excitasse videtur Deus, ut in earum debilitate gratiæ suæ vim ostenderet, quodque virtus divina in infirmitate humana perficitur. Quocirca in earum Collecta orat Ecclesia: « Deus qui inter cætera potentia tuæ miracula, etiam in sexu fragili victoriam martyrii contulisti: concede propitius, ut qui beatæ N. virginis et martyris natalitia colimus, per ejus ad te exempla gradiamur. »

29. UT NON GLORIETUR OMNIS CARO. — « Non omnis, » id est nullus; est hebraismus. Rursum « caro, » id est homo: est synecdoche, q. d. Ideo Deus elegit et vocavit ad Christum non sapientes, nobiles, potentes; sed rudes, ignobiles et impotentes, ut nullus homo gloriatur se vocatum ad christianismum ob suam sapientiam, opes, nobilitatem, fortitudinem, merita; sed sciat se vocatum ex mera Dei gratia. Ita Anselmus.

30. EX IP SO AUT EM V OS EST IS IN CHRISTO JESU. — Vers. 30.
« Ex ipso, » id est ipsius, scilicet Dei, dono, per ipsius gratiam, et vos vocati estis ad fidem Christo-
toque creditis. Ita Anselmus. *Esse enim in Christo*, est Christo esse incorporatum in baptismo, sive esse in Christi Ecclesia et Christianismo, juxta *Can. 37*.

QUI (CHRISTUS) FACTUS EST NOBIS SAPIENTIA A DEO, ET JUSTITIA, ET SANCTIFICATIO, ET REDEMPTIO. — « Justitia, » imputativa, inquit Novantes; quia scilicet non per veram et inherenter, sed tantum per externam Christi justitiam nobis imputatam

Tria mundi admirabilia a Deo neglecta in vocatione hominum.

Vocatio nostra ex gratia Dei.

Ostenditur contra Novantes.

non ex-
jternam
ustitiam
imputa-
tivam
Christi,
sed inha-
rentem
justo
compe-
tere.

coram Deo, videmur esse justī. Sed contra insto: ergo sic et Christi redemptio activa (hanc enim addit Apostolus) nobis imputabitur, ac consequenter erimus nos redemptores nostri, quod est absurdum. *Secundo*, sapientia nobis inhæret et fides; ergo et justitia: eodem enim modo ait Apostolus Christum factum esse nobis justitiam et sapientiam.

Christus
meritorie
et satis-
factorie
factus est
nobis jus-
titia.

Dico ergo ex *Can. 21*, cum Chrysostomo, Theophylacto, Anselmo, Ambrosio, S. Thoma, sensus hujus loci hic est: Christus factus est nobis auctor et causa veræ et Christianæ sapientiæ, redemptionis, sanctitatis et justitiæ: *Primo*, satisfactorie et meritorie, idque maxime hoc spectat Apostolus; quia Christus pro debito humano, justissimo sanguinis sui pretio satisfecit, et meruit nobis justitiam, sapientiam et sanctitatem, adeoque factus est nobis justitia, quia justitia, id est satisfactio, Christi nostra est, perinde ac si nos Deo satisfecissemus. Unde, ut Theologi docent, in justificatione per Sacramenta quasi prius natura, Christi satisfactio nobis applicatur; ut deinde posterius natura, propter eam remittantur peccata, et gratia infundatur. Damnatur ergo hic error Petri Abailardi, quem jam sequuntur Sociniani, qui docent Christum fuisse doctorem orbis, non redemptorem, nimirum eum missum esse a Patre, ut daret hominibus exemplum perfectæ virtutis, non autem ut a peccatis eos liberaret et redimeret. Quos insectans S. Bernardus, epist. 190 ad *Innocentium Pontificem*: « Finis legis, inquit, Christus, ad salutem omni credenti, *Roman. x*. Denique, qui factus est nobis, inquit, justitia a Deo Patre. Quæ ergo mihi justitia facta est, mea non est? Si mea traducta culpa, cur non et mea indulta justitia? Et sane mihi tutior donata quam innata. Nam ista quidem gloriā habet, sed non apud Deum. Illa autem cum sit salutis efficax, materiam non habet gloriandi, nisi in Domino. Nam et si justus fuero, non levabo caput, inquit *Job, cap. x*, ne videlicet responsum accipiat: Quid habes quod non accepisti? si autem accepisti, quid gloriaris quasi non acceperis? Hæc est justitia hominis in sanguine Redemptoris, quam homo perditionis (Abailardus) exsufflans atque subsannans, in tantum evacuare conatur, ut totum quod Dominus gloriæ semetipsum exinanivit, etc., quod passus indigna, etc., ad id solum pulet et disputet redigendum, ut traderet hominibus formam vitæ vivendo et docendo, patiēdo autem et moriendo charitatis metam præfigeret, » etc. Ratio Abailardi erat fallax et frivola: Diabolus, inquit, nullum jus habebat in hominem: ergo homo non egebat liberatore. Antecedens enim verum est de jure legitimo, non de jure usurpato, quo homo peccans sponte subdiderat se diabolo, peccato et inferno.

Christus
exempla-

Secundo, exemplariter, quia Christi justitia perfectissimum est exemplar, ad quod omnis nostra

justitia conformari debet, q. d. Paulus: « Christus factus est nobis justitia, » id est exemplar et speculum justitiæ.

Tertio, efficienter, quia justitiam hanc efficit Christus et producit per sua Sacramenta, et quia docet veram sapientiam ac scientiam Sanctorum, quomodo scilicet bene et christiane vivere, et qua via ad cælum et ad beatitudinem tendere debeamus.

Quarto, finaliter, quia ipse Christus et gloria Christi, finis est nostræ justitiæ et sanctitatis. Symbolice S. Bernardus, *serm. 22 in Cantica*, hæc quatuor, « sapientia, justitia, sanctificatio, redemptio, » adaptat primo, quatuor Christi operibus: « Christus, inquit, factus est nobis sapientia in prædicatione, justitia in absolutione peccatorum, sanctificatio in conversatione quam habuit cum peccatoribus, redemptio in passione quam sustinuit pro peccatoribus. » Et inferius: « Christus factus est nobis a Deo sapientia, docens prudentiam; et justitia, delicta donans; et sanctificatio in exemplum temperantiæ, continenter vivens; et redemptio in exemplum patientiæ, fortiter moriens. Ubinam, quæso, vera prudentia, nisi in Christi doctrina? Unde vera justitia, nisi de Christi misericordia? Ubi vera temperantia, nisi in Christi vita? Ubi vera fortitudo, nisi in Christi passione? » *Secundo*, consequenter S. Bernardus hæc quatuor adaptat quatuor virtutibus cardinalibus, prudentiæ, justitiæ, temperantiæ et fortitudini, quas Christus nobis communicat, dum subdit dicens: « Soli ergo qui ejus doctrina imbuti sunt, prudentes dicendi sunt; soli justī, qui de ejus misericordia veniam peccatorum consecuti sunt; soli temperantes, qui ejus vitam imitari student; soli fortes, qui ejus patientiæ documenta fortiter in adversis tenent. Incassum proinde quis laborat in acquisitione virtutum, si aliunde eas sperandas putat, quam a Domino virtutum; cujus doctrina, seminarium prudentiæ; cujus misericordia, opus justitiæ; cujus vita, speculum temperantiæ; cujus mors insigne est fortitudinis. »

31. UT QUI GLORIATUR, IN DOMINO GLORIETUR. — Vers. 31.

Citat non verba, sed sensum *Jerem. ix, 23*. Ita Ambrosius, Theophylactus, Anselmus, D. Thomas. Jeremias sic habet: « Non gloriatur sapiens in sapientia sua, et non gloriatur fortis in fortitudine sua, et non gloriatur dives in divitiis suis; sed in hoc gloriatur qui gloriatur, scire et nosse me: » hoc autem est « in Domino gloriari. »

Nota: Loquitur Jeremias de liberatione a manibus Nabuchodonosoris et clade Chaldæorum, Judææ imminentiū, q. d. Judæi gloriantur in consiliis suorum sapientium, in robore militum, in opibus Hierosolymæ, quasi iis tuti futuri sint contra Chaldæos; sed errant: vera enim gloriatio est scire et nosse Deum, id est Dei providentiam; quodque ipse solus est, qui facit misericordiam, et quos vult, misericorditer liberat, non autem

riter, effi-
cienter et
finaliter
factus
est nobis
justitia.

Symboli-
ce Chris-
tus nobis
est justitia, forti-
tudo, tem-
perantia, pruden-
tia.

Loens Je-
remlæ ix
illustra-
tus et ex-
phicatus.

homo sapiens, dives, aut fortis; quodque ipse solus justam pœnam infert, cui vult, a qua nemo sapiens, fortis aut dives liberare potest; sicut vobis, o Judei, inferet, facietque ut mors, id est Chaldæus hostis, mortem inferens, ascendat per fenestras, ut per eas in domos penetrans, parvulos omnesque trucidet.

Triplex
gloria
Christi
in operi-
bus quæ-
renda.

Id recte Apostolus hic vocantibus et vocatis ad christianismum adaptat, ut nemo gratiam christianismi sibi, suis viribus, aut naturæ donis tribuat, sed gratiæ Christi, et consequenter tacite infert, *q. d.* Non ergo, o Corinthii, in vobis, non in Paulo, vel Apollo, præceptoribus vestris, sed in Domino gloriâmini: hoc enim initio probare proposuit Paulus, eoque omnia referenda sunt. « Ille, ait Anselmus, in solo Domino gloriatur, qui cognoscit non suum, sed illius esse, non solum ut sit, sed etiam ut non nisi ab illo bene sit sibi, a quo habet ut sit. » Rursum, qui habens aliquid, unde placeat Deo, non id suæ sapientiæ, potentiæ, operibus, ingenio, meritis; sed soli gratiæ Dei acceptum fert. *Tertio*, qui in omnibus quæ facit, non suam, sed Domini gloriam quærit.

Scripsit in hæc Apostoli verba insignem sermonem S. Bernardus, *De Triplici Gloria*. Idem, *serm. 23*

in Cantic.: « Propterea, inquit, et omnis gloria Sanctorum intus, non foris est, hoc est, non in flore fœni, aut in ore vulgi, sed in Domino: quod conscientiæ solus sit arbiter Deus, cui soli placere desiderant, et cui placere sola vera et summa gloria est. » Et *serm. 13 in Cantic.*: « Fratres, nemo vestrum velit laudari in vita ista; quia quidquid hic favoris captas, quod ad Deum non retuleris, ipsi furaris. Tu enim, putride pulvis, unde gloria tibi, unde? » Et in *Sententiis*: « Noverat Apostolus gloriam propriam Creatoris esse, non creaturæ; sed consideravit rationalem creaturam adeo affectare gloriam, ut aut vix, aut nunquam ab hoc compesci desiderio possit, quippe quæ ad imaginem facta est Creatoris. Propterea saluberrimum adinvenit consilium, dicens: Quandoquidem nobis persuaderi non potest non gloriari, saltem qui gloriatur, in Domino gloriatur. » Dicamus ergo jugiter cum Psalte: « Non nobis, Domine, non nobis, sed nomini tuo da gloriam. » Et cum viginti quatuor senioribus mittentibus coronas suas ante thronum: « Sedit in throno, et Agno benedictio, et honor, et gloria, et potestas in sæcula sæculorum. Amen, » *Apoc. cap. iv, vers. 11, et cap. v, vers. 13 et 14.*

CAPUT SECUNDUM.

SYNOPSIS CAPITIS.

Pergit extollere Christi sapientiam spiritualem super omnem naturalem et animalem.

Unde dicit, primo, se non aliud scire et prædicare quam Christum crucifixum; idque non in doctis humanæ sapientiæ verbis, sed in ostensione spiritus et virtutis.

Nihilominus secundo, vers. 3, asserit se sapientiam loqui inter perfectos; sapientiam, inquam, mundo absconditam, quam nec oculus vidit, nec auris audivit, sed solus Dei Spiritus revelavit.

Hinc tertio, vers. 14, docet animalem non percipere ea quæ Dei sunt; spiritalem autem omnia percipere et judicare.

1. Et ego, cum venissem ad vos, fratres, veni non in sublimitate sermonis, aut sapientiæ, annuntians vobis testimonium Christi. 2. Non enim judicavi me scire aliquid inter vos, nisi Jesum Christum, et hunc crucifixum. 3. Et ego in infirmitate, et timore, et tremore multo fui apud vos; 4. et sermo meus, et prædicatio mea non in persuasibilibus humanæ sapientiæ verbis, sed in ostensione spiritus et virtutis: 5. ut fides vestra non sit in sapientia hominum, sed in virtute Dei. 6. Sapientiam autem loquimur inter perfectos; sapientiam vero non hujus sæculi, neque principum hujus sæculi, qui destruuntur: 7. sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram, 8. quam nemo principum hujus sæculi cognovit: si enim cognovissent, nunquam Dominum gloriæ crucifixissent. 9. Sed, sicut scriptum est: Quod oculus non vidit, nec auris audivit, nec in cor hominis ascendit, quæ præparavit Deus iis qui diligunt illum: 10. nobis autem revelavit Deus per Spiritum suum: Spiritus enim omnia scrutatur, etiam profunda Dei. 11. Quis enim hominum scit quæ sunt hominis, nisi spiritus hominis, qui in ipso est? ita et quæ Dei sunt, nemo cognovit, nisi Spiritus Dei.

12. Nos autem non spiritum hujus mundi accepimus, sed Spiritum, qui ex Deo est, ut sciamus quæ a Deo donata sunt nobis : 13. quæ et loquimur non in doctis humanæ sapientiæ verbis, sed in doctrina Spiritus, spiritualibus spiritualia comparantes. 14. Animalis autem homo non percipit ea, quæ sunt Spiritus Dei : stultitia enim est illi, et non potest intelligere : quia spiritualiter examinatur. 15. Spiritualis autem judicat omnia : et ipse a nemine judicatur. 16. Quis enim cognovit sensum Domini, qui instruat eum ? Nos autem sensum Christi habemus.

Vers. 1. 1. ET EGO, CUM VENISSEM AD VOS, FRATRES, VENI NON IN SUBLIMITATE SERMONIS, AUT SAPIENTIÆ. — A thesi præcedenti capite posita descendit Apostolus ad hypothesin. Descendit Apostolus a thesi ad hypothesin, *q. d.* Dixi cap. præced. Deum in Evangelio prædicando noluisse uti sapientia sapientium sæcularium; sed eam rejecisse et reprobasse; atque per stultitiam prædicationis voluisse salvos facere credentes, ideoque non multos nobiles et sapientes, sed ignobiles et rudes Apostolos elegisse, ad promulgandum Evangelium; ex hisce infero dicoque : « Et ego, » id est, itaque ego quoque quasi unus e grege Apostolorum, qui juxta electionem et voluntatem Dei non sunt usi eloquentia et sapientia sæculari, iisdem uti nolui, venique ad vos, non in sublimitate, sed in simplicitate sermonis et sapientiæ.

Vers. 2. 2. NON ENIM JUDICAVI ME SCIRE ALIQUID INTER VOS, NISI JESUM CHRISTUM, ET HUNC CRUCIFIXUM. — In Apostolo fuit humana sapientia, sed ea uti noluit. Nota « judicavi. » *q. d.* Non reputavi, non aestimavi aliam scientiam, quam eam quæ est de Jesu crucifixo, Salvatore nostro : unde ita me gessi inter vos, quasi nihil scirem sapientiæ humanæ, cum tamen multum ejus callerem, nam alibi Poetas græcos cito; sed apud vos dissimulavi, ut simpliciter, uti alii Apostoli, prædicarem tantum Christum crucifixum : non quod alia fidei mysteria non prædicarim, sed quod præcipue docuerim et inculcarim in una Christi cruce esse gloriantum, et sperandam esse justitiam ac salutem, crucemque, ut addit Anselmus, imitandam esse, ac vitia crucifigenda esse Christiano. In Christo enim crucifixo, præter alia, videre est, hæc tria Christum elegisse et amplexum esse, scilicet summum dolorem, summam paupertatem, sive nuditatem, et summam ignominiam. Christus ergo suo dolore crucifixit nobisque crucifigendam docuit concupiscentiam carnis; pari modo sua paupertate crucifixit concupiscentiam oculorum, sive philargyriam; ac denique sua ignominia crucifixit superbiam vitæ : quæ tria sunt generalia mundi vitia omniumque peccatorum fontes, ut docet S. Joannes, *epist.* I, cap. II, vers. 16. Vide de cruce Christi dicta cap. I, vers. 23.

Vers. 3. 3. ET (ITIQUE) EGO IN INFIRMITATE (id est, in ærumnis, tribulatione et persecutione), ET TIMORE, ET TREMORE MULTO (ob infestationem Judæorum et Gentium me persequentium [1]) FUI APUD VOS. —

(1) Alii : Me apud vos gessi imbellem (indoctum), valdeque modestum ac verecundum.

Notat Chrysostomus et Anselmus Apostolum hic *epist.* II, cap. XI, vers. 30 et cap. XII, vers. 5, 9, 10 et alibi, *infirmatatem* vocare ærumnas ex periculis, insidiis, exiliis, metu quotidiano, calumniis, odiis. Rursus Paulum ingentes ærumnas et persecutiones passum esse Corinthi, satis patet ex eo, quod oportuerit eum ibidem a Christo in visione contra eas corroborari, *Actor.* XVIII, 9 : « Noli, inquit Christus Paulo, timere ; ego sum tecum, nemo apponetur tibi ut noceat te. » Unde mox ibidem tumultum contra Paulum excitarent Judæi, eumque pertraxerunt ad tribunal Gallionis, præsidis Achaïæ, ac publice coram eo Sosthenem archisynagogum diverberarunt, *Act.* XVIII, 12.

4. ET SERMO MEUS (privatus et familiaris), ET PRÆDICATIO MEA (concio publica : ita sermonem a predicatione distinguit S. Thomas et Glossa, quin et Seneca ; *epist.* 38 : « Plurimum, inquit, proficit sermo, qui minutatim irrepserit animo ; disputationes præparatæ et effusæ, audiente populo (quas postea nominat conciones), plus habent strepitus, minus familiaritatis. » Hic ergo sermo noster, æque ac prædicatio) NON (fuit) IN PERSUASIBILIBUS (id est persuasoriis, sive exquisitis ad persuadendum : sic *incredibilis* in Scripturis idem est, quod *incredulus*) HUMANÆ SAPIENTIÆ VERBIS. — In hisce enim excellebant, Paulumque superabant oratores et philosophi qui erant Corinthi. Paulus vero novam philosophiam, novo dicendi et agendi modo, Corinthiis persuadere debebat, in eoque præcelluit omnibus oratoribus et philosophis, scilicet, « in ostensione spiritus et virtutis. » Ita S. Martinus, teste Sulpitio, dicebat : « Regnum Dei non in eloquentia, sed in fide constat ; » et S. Augustinus, *serm.* 1 *De Accedentibus ad gratiam* : « Non, inquit, vobis tonantia et poetica verba proferimus, non aliqua grammaticorum arte composita, nec eloquentia sæculari deserto sermone fucata, sed prædicamus Christum crucifixum ; » et lib. *Contra Felician.*, cap. II : « Nec præsumam, ait, unquam in sapientia verbi, nec evacuetur crux Christi : sed Scripturam auctoritate contentus, simplicitati obedire potius studeo, quam tumori. »

Hæc ergo fuit demonstratio Apostolorum, ostendere nimirum, primo, magnum zelum et spiritum eructantem sapientia et arcana, non humana, sed divina, ita ut manifeste cernerent auditores Spiritum Sanctum per os eorum loqui; secundo, ostendere magnas virtutes, id est prodigiosa.

Ærumna et tribulationes Pauli Corinthiaca.

Duo ostendebant Apostoli in ostensione spiritus et virtutis.

gia et miracula. Unde Origenes, lib. I *Contra Celsum*: «Disciplina, inquit, nostra propriam quamdam habet demonstrationem, diviniorum quam sint Græcorum demonstrationes, quam Apostolus nominat demonstrationem spiritus et virtutis, utpote Spiritu per prophetias (aliter hic explicat spiritum Origenes, quam explicui, sed, ut videtur, minus genuine) fidem adstruente iis quæ de Christo feruntur; virtute vero, per prodigia quæ facta credimus.» Nam, ut ait Oecumenius, «demonstratio quæ per opera est et signa, firmior est ea quæ ex verbis producitur.» Hæc ergo fuit ratio prædicandi apostolica, eaque efficacissima, quam sibi proponant ac imitentur nostri concionatores, ut nimirum sermo eorum non sit comptus, fucatus, affectatus, «in persuasibilibus humanæ sapientiæ verbis, sed in ostensione spiritus et virtutis.» Ita evadent Apostolici, ac verba eorum erunt quasi ignitæ sagittæ corda penetrantes, et quasi mallei contentes petras. Audi S. Hieronymum, epist. 2 ad *Nepotianum*: «Docente, inquit, te in ecclesia, non clamor populi, sed gemitus suscitetur; lacrymæ auditorum laudes tuæ sint.» Hic spiritus, uti et concionis fructus, oratione a Deo impetrandus est. Unde Origenes, lib. VI *Contra Celsum*, citans hæc eadem Apostoli verba: «Hæc verba, inquit, quid aliud sibi volunt, quam non satis esse, ut verum sit et natum ad movendos animos hominum, quod dicimus, nisi doctori divinitus concessa sit vis quædam, et dictis ejus adsit gratiæ cœlestis energia? Et hoc est quod ait David *Psal.* LXVII: Dominus dabit verbum evangelizantibus virtute multa.»

Ratio prædicandi Apostolica, efficacissima, omnibus concionatoribus imitanda.

Lacrymæ auditorum laudes sunt concionatoris. Spiritus et fructus concionis oratione impetrandus.

Vers. 5.

5. UT FIDES VESTRA NON SIT IN SAPIENTIA HOMINUM, SED IN VIRTUTE DEI. — *q. d.* Ideo Deus vult me evangelizare, non in persuasibilibus humanæ sapientiæ verbis, sed in ostensione spiritus et virtutis, «ut fides vestra,» id est conversio vestra ad fidem Christi, tribuatur non hominum sapientiæ et eloquentiæ, sed virtuti, id est potentiæ et efficaciæ Dei; nimirum, ut fides vestra sit fundata, non in hominum, sed in Dei sapientia et potentia. Ita Anselmus et alii.

Conversio non tribuenda eloquentiæ concionatoris.

Vers. 6.

6. SAPIENTIAM AUTEM LOQUIMUR INTER PERFECTOS. — «Sapientiam,» scilicet Christianam; de Christi cruce, gratia, salute et gloria æterna nobis acquisita per Christum, «loquor inter perfectos,» id est fideles; qui licet sint simplices, tamen in rebus salutis præ Aristotele et quovis alio philosopho perfecte sapiunt: ita Chrysostomus et Anselmus; quique non solum baptismo renati, sed etiam sacramento Confirmationis confirmati, perfectionem christianismi adepti, perfectæque Christiani effecti sunt. Inde enim a S. Dionysio et aliis sacramentum Confirmationis dicitur *τελειωσις*, id est *perfectio*, vel *consummatio*; ipsique confirmati vocantur perfecti, vel consummati. Ita Salmeron. Idemque insinuat Irenæus, lib. V, cap. VI, cum ait: «Sapientiam loquimur inter perfectos, dicens perfectos eos qui acceperunt

Confirmatio sacramentum perfectio dicitur, et consummatio.

Spiritum Sanctum, et omnibus loquuntur linguis per Spiritum Dei, quemadmodum et ipse loquebatur.»

Secundo simplicius, «sapientiam,» id est secretiora et altiora fidei mysteria, uti de resurrectione, Antichristo, reprobatione, prædestinatione; vel potius, «sapientiam,» id est profundiorum et altiorum rerum fidei explicationem, uti de modo, consilio et fine incarnationis, passionis et redemptionis Christi; ita enim hanc sapientiam Paulus explicat versibus proxime sequentibus. Hanc non rudibus initio, sed provecitis perfectisque loquor et edissero. Unde hos perfectos, vers. 15, vocat spirituales, eosque animalibus, parvulis ac carnalibus opponit, *q. d.* Licet, ut dixi vers. 4, expers videar sapientiæ humanæ, non tamen divinæ; tametsi enim vobis, quia parvulis, tantum lac, id est simplicem et facilem doctrinam, dederim, ut ait cap. seq., vers. 2, tamen sapientiam arcanam et divinam loquor inter perfectos.

Quos per perfectos intelligat Apostolus, et quid per sapientiam?

Tuetur Apostolus hisce verbis suam auctoritatem apud Corinthios, qui audito Apollo, viro eloquente et sapiente, Paulum quasi ineloquentem et imperitum parvi facere videbantur.

SAPIENTIAM VERO NON HUIUS SÆCULI, NEQUE PRINCIPUM HUIUS SÆCULI. — Anselmus, Ambrosius, Cajetanus et alii per «principes huius sæculi,» dæmones intelligunt, qui in hoc aere, et in impiis filiisque huius sæculi dominantur: indeque probant dæmonem ante passionem Christi, licet sciret Christum esse Deum et Messiam, nescisse tamen, an ejus morte dæmonis imperium esset destruendum et homines redimendi, ut dicitur vers. 8. Hoc verum est, verius idipsum est in hominibus.

Principes huius sæculi dæmones quid de Messia redemptionis sciverint?

Unde *secundo*, simplicius Chrysostomus, Theophylactus, Anselmus, Tertullianus, lib. III *Contra Marcionem*, cap. VI; Origenes, homil. 2 in *Cantica*, per *principes sæculi* accipiunt primores, qui inter homines sapientia, opibus, vel potentia præstant; unde ait: «Qui destruunt,» id est abolentur, transeunt, evanescent. Hoc enim est Græcum τῶν καταργουμένων; et hi proprie Christum crucifixerunt, ut dicitur vers. 8. Tales fuerunt Pilatus, Herodes, Annas, Caiphas alique principes Judæorum et Gentium.

Principes huius sæculi primores hominum

7. SED LOQUIMUR DEI SAPIENTIAM IN MYSTERIO. — Est hebraismus, ponitur enim *in* *bet*, id est *in*, pro regimine genitivi. «Sapientiam in mysterio,» id est sapientiam mysterii, puta magni illius et arcani consilii divini de Verbi incarnatione et redemptione hominum per Christum, quæ nulla ratione naturali cognosci potest ab homine, imo nec ab angelo. Patet *Ephes.* III, vers. 4 et 5. Unde I *Timoth.* III, 16, hanc sapientiam mysterii vocat «magnum pietatis sacramentum.» Ita Theophylactus, Ambrosius, Oecumenius hic, atque Hieronymus et Leo Castrius in *Isaiæ* cap. LXIV. Idem tamen Leo, *secundo*, etiam hanc sapientiam in-

Vers. 7.

Per sapientiam in mysterio quid intelligat Apostolus?

terpretatur de magnitudine gloriæ Beatorum : hæc enim finis fuit Verbi incarnati et passi, ut sequitur.

Secundo, simplicius *in mysterio* refer non ad « sapientiam, » sed ad « loquimur, » *q. d.* « In mysterio, » id est, secreto et apud pauciores, scilicet eos, qui spiritales et perfecti sunt, sapientiam hanc profundiorum et occultam, quæ abscondita est, loquimur. Unde Syrus vertit « loquimur Dei sapientiam in arcano ; » et Tertullianus, « loquimur sapientiam Dei in occulto ; » et quia, si voluisset dicere sapientiam mysterii, potius dixisset : Quod absconditum est ; jam autem dicit : « Quæ abscondita est. » Denique quia hoc proprie est, loqui in mysterio : mystæ enim dicti sunt, ait Eustathius, ἀπὸ τοῦ μύειν τὸ σῶμα, id est, a claudendo os : eo quod mysteria et arcana religionis suæ non vulgarent, sed celarent, et tantum ea secreto docerent paucos qui sacerdotes vel sapientiores erant. Hinc S. Dionysius et alii liberos scripserunt de Mystica Theologia.

Mystæ
dicti
ἀπὸ τοῦ
μύειν τὸ
σῶμα.

Vers. 8. 8. QUAM NEMO PRINCIPUM HUIUS SÆCULI COGNOVIT. — Pronomen *quam* refer tam, vel potius, ad *gloriam nostram*, quam ad *sapientiam*, *q. d.* Si hanc sapientiam, vel potius gloriam, ejusque per Christum prædestinationem cognovissent Pilatus, Annas, Caiphas aliique principes Judæorum, nunquam Dominum ipsius gloriæ, scilicet Christum, cujus merito nobis ante sæcula, puta ab æterno, prædestinata et præparata est hæc æterna gloria, crucifixissent. Advertit id solerter Gabriel Vasquez, I *part.*, disp. 2, cap. III, et patet ex seq. Hinc tacite infert Apostolus, neminem aliorum principum hanc Christi sapientiam et gloriam cognovisse. Est enim argumentum ab exemplo primario : Judæi enim præ Gentibus erant sapientissimi, maxime in divinis ; si ergo illi non cognoverunt, multo magis alii ignorarunt.

Si prin-
cipes An-
nas,
Caiphas
et Pila-
tus hanc
sapientiam
Christi
habuis-
sent, nun-
quam
eum cruci-
fixis-
sent.

Vers. 9. 9. SED, — scilicet abscondita fuit eis hæc sapientia et gloria, quæ finis est sapientiæ istius ; Idque probat ex eo, quod de ea scripsit Isaias : « Oculus non vidit, nec auris audivit. » Est ellipsis. Vide *Can.* 38.

Locus
Isaiæ
LXIV ex-
plicatus
et illus-
tratus.

Loquitur
Isaias de
gloria
Beato-
rum.

SICUT SCRIPTUM EST : QUOD OCULUS NON VIDIT, NEC AURIS AUDIVIT, NEC IN COR HOMINIS ASCENDIT, QUÆ PRÆPARAVIT DEUS IIS QUI DILIGUNT ILLUM. — Nota, Isaiam cap. LXIV, quem hic citat Paulus, agere de incarnatione Christi et vita presenti. Unde hunc versiculum de miraculis Christi, deque sapientia, virtutibus omnique gratia, quam Christus nobis hic vivens communicavit, accipiunt Chrysostomus, Ambrosius, Theophylactus, Oecumenius.

Secundo et aptius, videtur admirans Isaias avolare ab incarnatione et Christo homine, ad gloriam celestem, quæ fructus est et finis incarnationis Christi. Tales enim raptus et transitus Prophetis, ob lumen propheticum sublime et amplum, sunt familiares.

Patet ex ipsis verbis, et quia ait : « Expectan-

tibus ; » et : « Occurristi facienti justitiam. » Ergo loquitur de fructu operum justorum, scilicet vita æterna, quam expectamus : nam fructus incarnationis et fides non occurrat facientibus justitiam, sed sedentibus in tenebris et peccatis. Ita Hieronymus in cap. LXIV *Isaiæ* ; S. Dionysius, *De celesti Hierarchia*, cap. XII, et Vasquez loco citato. Unde S. Bernardus, serm. 4 *in Vigil. Nativ.* : « Non vidit, inquit, oculus lucem inaccessibilem, non audivit auris pacem incomprehensibilem, etc. Sed quid est quod in cor hominis non ascendit ? Utique quia fons est, et ascensum nescit. Scimus enim quia fontium natura est rivos sectari convallium, montium ardua declinare : quia Deus superbis resistit, humilibus autem dat gratiam. »

De hac beatitudinis magnitudine pie scribit et dissuaviatur Augustinus in *Meditationibus*, cap. XXXII et seq., et *Soliloquiorum* cap. XXXV et XXXVI, qui libelli collecti videntur ab aliquo pio ex operibus Augustini. Apposite vero ad hunc Apostoli locum auctor libri *De Spiritu et Anima* (qui extat tom. III operum S. Augustini), cap. XXXVI : « Sicut, inquit, exterior homo circa ista temporalia quinque partito sensu afficitur, id est visu, auditu, gustu et cæteris ; sic interior homo, in beata vita, circa quinque ineffabilia Dei, ineffabili amore afficitur : cum enim Deum suum amabit, quamdam lucem, quamdam vocem, quemdam odorem, quemdam cibum, et quemdam amplexum interiorum amabit : ibi enim fulget, quod non capit locus ; ibi sonat, quod non rapit tempus ; ibi olet, quod non spargit ventus ; ibi sapit, quod non minuit edacitas ; ibi hæret, quod non divellit satietas ; ibi siquidem videtur Deus sine intermissione ; cognoscitur sine errore ; amatur sine offensione ; laudatur sine fatigatione. »

Hæc Apostoli sententia olim S. Adrianum convertit martyremque effecit : cum enim ipse miles esset florenti ætate, scilicet viginti octo annorum, videretque tantam Christianorum Martyrum in tormentis pro Christi fide tolerandis constantiam, interrogavit eos : Quid pro tantis pœnis expectatis ? quid est quod vos tanta tormenta superare compellit ? Responderunt illi : « Speramus bona illa, quæ nec oculus vidit, nec auris audivit, nec in cor hominis ascenderunt, quæ præparavit Deus diligentibus se. » Hac voce tactus Adrianus conversusque, curat se illico inscribi catalogo Martyrum, durumque martyrium alacer subiit Nicomediæ (inspectante et incitante eum S. Natalia uxore), sub Diocetiano, anno Domini 306.

Tertio, plena erit hujus loci intelligentia, si utrumque sensum jam dictum jungas, *q. d.* « Oculus non vidit, » etc., id est superant omnem sensum, experientiam, cogitationem naturalem, et omne hominis naturale desiderium, ea bona, quæ tu, o Domine Deus, præparasti per Christum, expectantibus te, tum in hac vita, scilicet iis qui aliquid de illis jam inaudierunt ; tum maxime et propriissime in futura gloria : in illa enim

Beatitu-
dinis
æternæ
suavitas
et volup-
tas.

Hæc
Apostoli
sententia
fecit Mar-
tyres.

Superant
omne des-
iderium
bona nobis
a Deo præpara-
ta.

Deus, qui est omnia bona, dabit se Beatis, et erit omnia in omnibus, ait Anselmus. Hisce enim Isaïæ verbis probat Apostolus id quod dixerat, scilicet arcanam et absconditam esse sapientiam, æque ac gloriam Christi, uti dixi paragrapho præcedenti.

Nota : « In cor hominis non ascendit, » id est in mentem hominis non venit, sive homo naturaliter cogitare, concipere, aut intelligere nequit : cor enim per catachresin Hebræis mentem significat; nam quod cor est in corpore, scilicet prima et nobilissima corporis pars, adeoque fons et principium vitæ, hoc mens est in anima; adde, cor subministrat cerebro spiritus animales, qui imaginationi et consequenter intellectioni subserviunt. Hinc Aristoteles, *De Somno et Vigilia*, cap. II, refragante licet Galeno omnibusque medicis, sensum communem non in cerebro, sed in corde collocavit. Pulchre quidam vitales hominis partes, per suas functiones distinxit atque secrevit hoc disticho :

Cor sapit, et pulmo loquitur, fel commovet iram,
Splēn ridere facit, cogit amare jecur.

Hebræi mentis cogitationem vocant *ascensum*, et cogitare vocant *ascendere in cor* : quia res cogitata et intellecta primo a terra aliore objecto ascendit in oculos vel aures, indeque ad sensum communem et phantasiam, inde denique ad mentem quasi arcem et culmen hominis : summum enim in homine est mens.

Nota secundo : Pro *expectantibus*, ut habet Isaïas, Paulus habet *diligentibus*, quia expectatio a dilectione manat naturaliter.

Vers. 10. 10. NOBIS REVELAVIT DEUS PER SPIRITUM SUUM. —

Putat per Spiritum Sanctum. Est prolepsis, sive occupatio : occurrit enim tacite objectioni huic : Si hanc sapientiam et gloriam quam Christus suis amicis præparavit, oculus non vidit, nec ea in cor hominis ascendit; unde ergo tu, Paule, eandem te callere et prædicare jactitas? Respondet Paulus se eandem scire non per visionem, sensationem, vel conceptionem aliquam naturalem, sed per instinctum et revelationem Dei. Unde Clemens Alexandrinus, lib. I *Pædag.*, cap. XI, sic interpretatur *et nec auris audivit* : « Præter illam, inquit, solam, quæ in tertium cælum rapta est, » puta Pauli, qui in paradiso aure sua audivit hæc arcana verba, quæ non licet homini loqui. Ait ergo Paulus : « Nobis autem, » scilicet spiritualibus Prophetis et Apostolis, hæc Deus revelavit, ut vos parvulos, o Corinthii, aliosque eadem doceamus. Hinc patet gloriam et beatitudinem nostram, non tantum esse supernaturalem in assecutione, sed etiam in cognitione; cognitione, inquam, non quidditativa, sed obscura et ænigmatica, qualis erat Apostolorum et aliorum viatorum; et consequenter, non esse in homine perfectum et efficax desiderium, vel appetitum naturalem hujus beatitudinis. Ita Scholastici, I *Part.*, *Quest.* XII, art. 1.

SPIRITUS OMNIA SCRUTATUR, ETIAM PROFUNDA DEI.

— Nota primo, catachresin, « scrutatur, » id est penetrat et perspicit : homines enim ut quid ignotum perspiciant, illud scrutari et inquirere solent; Deus autem sine inquisitione omnia uno mentis cernit in ictu et intuitu. Ita S. Thomas, Theodoretus et Theophylactus.

Secundo, « profunda Dei » vocat omnia intima et secretissima Dei consilia; inter quæ maximum est hoc mysterium gloriæ et redemptionis hominum per Christum; hæc omnia penetrat et pervidet Spiritus Sanctus, quia unius cum Deo est essentie et cognitionis, ac consequenter ita profunda Dei scrutatur, ut nihil remaneat in Deo incognitum; sed ejus cognitio et visio objectum suum adæquet, Deumque tantum cognoscat quantum cognosci potest, id est, comprehendat Spiritus Sanctus, utpote Deus, tam Deum et Divinitatem, quam seipsum. Ita Molina, I *part.*, *Quest.* XIV, art. 3, Theodoretus, S. Thomas. Hinc Ambrosius et veteres contra Macedonium probant Spiritum Sanctum esse Deum, q. d. Paulus : Hec mysteria et arcana Dei revelavit nobis Spiritus Sanctus, ille omnium secretorum Dei est conscius, ideoque scrutatur et pervidet profunda Dei.

11. QUIS HOMINUM SCIT QUÆ SUNT HOMINIS? — Quæ in hominis intimis, puta in corde et mente delitescunt, nimirum cogitationes, volitiones et intentiones, ipsumque profundum cordis humani.

QUÆ DEI SUNT (quæ in Dei mente sunt abscondita, puta cogitationes, consilia et determinationes divinæ voluntatis), NEMO COGNOVIT, NISI SPIRITUS DEI, — id est Spiritus Sanctus, qui eorum æque ac sui ipsius est conscius; est enim Spiritus Sanctus Deo intimus, æque ac spiritus hominis ipsi est intimus; ac proinde sicut spiritus hominis humanitatis, ita Spiritus Dei divinitatis divinæque omniscientiæ et omnipotentiae est participes.

Nota : Cum ait, « Nemo cognovit, nisi Spiritus, » subaudiendum est, et nisi is cui voluerit Spiritus ea revelare, uti mihi et Apostolis illum ea revelasse dixi vers. 10.

Nota secundo : Cum dicit, « Nemo nisi Spiritus, » non excludit Filium : hic enim cum sit Verbum, etiam scit profunda Dei. Nam in divinis, cum vox exclusiva vel exceptiva tribuitur uni personæ, respectu essentialium attributorum, non excludit alias personas divinas, sed essentias alias a divina : nam tantum excludit ea, quæ naturæ sunt diversæ a Deo, q. d. Nemo scit secreta Dei, nisi Spiritus Dei, et illi qui eandem cum Spiritu habent naturam, intellectum, cognitionem, scilicet Pater et Filius; hi soli sciunt profunda Dei, nemo alius.

12. NOS NON SPIRITUM HUIUS MUNDI ACCEPIMUS, SED SPIRITUM QUI EX DEO EST. — Opponit spiritum mundi, Spiritui qui ex Deo est, et hunc sibi et Apostolis, illum mundi sapientibus et hominibus animalibus attribuit. Spiritus ergo mundi est, qui

Gordi-
en tri-
buan-
tibus?
nes?

Vitalium
hominis
partium
functio-
nes.

Hebræi
mentis
cogitatio-
nem as-
censum
vocant,
et quare?

Sapientiam
et gloriam
Dei sciuit
Paulus
revelatio-
ne divina.

In homi-
ne non
est natu-
ralis ap-
petitus
beatitudi-
nis super-
naturalis,
visionis Dei
scilicet.

Divinitas
Spiritus
Sancti
probat
contra
Macedo-
nianos.

Vers. 11.

Spiritus
hominis
ut homi-
ni inti-
mus, ita
Spiritus
Dei, Deo.

Particula
exclusiva
in divinis
non tan-
git perso-
nas, si
attributa
sint es-
sentialia,
non notio-
nalia.

Spiritus
Dei et
mundani
sibi contra-
rii.

a mundo suggeritur, a mundana nimirum et animali prudentia, quique ad mundana, terrena et carnalia bona aspirat, facitque homines mundanos et animales; sicuti e contrario spiritus Dei est, qui a Deo et divina sapientia suggeritur, quique nos ad cœlestia et divina bona sectanda impellit, facitque homines spirituales et cœlestes. Unde subdit Apostolus :

UT SCIAMUS QUÆ A DEO DONATA SUNT NOBIS. — *q. d.* Hic spiritus ostendit et revelat nobis, quæ et quanta bona a Deo nobis, scilicet Apostolis, aliisque diligentibus Deum, donata sunt, nimirum tanta quanta nec oculus vidit, nec auris audivit, nec in cor hominis ascenderunt, ut dixi vers 9: eo enim redit et respicit hic Paulus.

Hæreticorum fides particularis stulta est, et falsa præscriptio et impostura.

UT SCIAMUS. — Hinc hæretici stabiliunt fidem suam particularem qua quisque fidelis et Christianus certo scit, imo fide divina credere debet, per Christum se habere dona Dei, scilicet remissionem peccatorum, gratiam, justitiam, et, ut Calvinus, se electum esse ad gloriam æternam. Verum hæc non est fides, sed stulta et falsa præscriptio et impostura; quia non certo scimus, an nos ad justitiam rite disposuerimus, et an credamus certo, et ita ut oportet; nec usquam in sacra Scriptura hoc scriptum et revelatum est, scilicet, me credere ut oportet, uti nec me esse justum et electum.

Scimus quæ et quanta dona dedit Deus Ecclesiæ suæ.

Respondeo ergo, Apostolum loqui in genere de donis, iisque tantum quæ data sunt Apostolis et Ecclesiæ, *q. d.* Ut sciamus nos, Apostoli, quibus et quantis donis et beneficiis in genere, nos, id est Ecclesiam suam, ditavit Christus, scilicet, quanta gratia Spiritus Sancti, redemptione, virtutibus, et maxime quanta gloria: de hac enim egit vers. 9, et hæc sunt in Deo, ut ait vers. 11, id est Dei libera voluntate et prædestinatione; et hæc a Deo Ecclesiæ data esse, per Spiritum ejus et revelationem scimus: hæc enim loquimur et prædicamus, ut sequitur, quasi articulum fidei; sed me esse ex iis, vel eorum esse participem, non est fidei, sed conjecturæ; nec publice prædicandum. sed secreto sperandum est. Vide *Can.* 9.

Tō ut sciamus dupliciter accipi potest.

Quæ ut clarius et plenius intelligantur, nota, *tō ut sciamus* dupliciter, scilicet *primo* objective, *secundo* subjective, posse accipi: objective enim sciebant Apostoli, et omnes fideles, ex prophetiis, miraculis aliisque signis divinis Deum suæ congregationi, sive Ecclesiæ, per Christi Apostolos congregatæ, et deinceps congregandæ, promississe, et juxta promissa dedisse suam gratiam, remissionem peccatorum, justitiam aliæque gratiarum dona, ac denique spem certam vitæ æternæ: Ecclesiæ, inquam, in communi; non autem in particulari huic vel illi fideli, quia in particulari nescimus an hic vel ille vere sit fidelis.

Deus revelavit Ecclesiæ suæ

Hoc modo *tō ut sciamus*, idem est, quod ut credamus. Credimus enim Ecclesiam Catholicam esse sanctam, in eaque esse remissionem peccatorum et vitam æternam. Deus ergo tantum re-

velavit Ecclesiam esse sanctam, non autem me esse sanctum; licet enim revelaverit et promiserit omnibus in Ecclesia rite credentibus et pœnitentibus remissionem peccatorum et justitiam, non tamen revelavit me rite credere et pœnitere; ac proinde nec revelavit mihi remissa esse peccata meque esse justum.

sanctam, non autem in particulari huic vel illi.

Secundo, *tō ut sciamus* subjective capi potest, *q. d.* Ut nos Apostoli in nobis quasi subjectis, per experientiam sciamus, quantam sapientiam et gratiam nobis donavit Deus; et tunc *tō ut sciamus* non significat credamus, sed ut experiamur.

Nec enim quisquam Apostolorum fide divina credebatur se habere hanc sapientiam et gratiam; sed ejus actus et effectus in se experiebatur ita vehementes, crebros, claros et certos, ut moraliter non dubitaret se habere veram Dei sapientiam et gratiam. Erant enim Apostoli pleni gratia et sapientia, eamque alios docere, totique mundo aspirare debebant. Licet ergo Apostoli sciverint per experientiam se esse justos et sanctos, non tamen id sciebant, vel sciunt alii fideles; sed tantum sperant, atque ex signis probæ et honestæ vitæ conjectant et opinantur. Neutri tamen idipsum credunt fide divina: omnis enim experientia tantum generat fidem humanam, non autem divinam, quæ sola Dei revelatione nititur et gignitur.

Apostoli moraliter dubitare non poterant, quin haberent Dei sapientiam et gratiam.

13. QUÆ ET LOQUIMUR NON IN DOCTIS HUMANÆ V. 13.

SAPIENTIÆ VERBIS, SED IN DOCTRINA SPIRITUS. — « Non in doctis, » id est non in verbis Ciceronianis, Demosthenicis, Aristotelicis, quæ et qualia docet humana sapientia; « sed in doctrina Spiritus, » id est in iis verbis quæ et qualia docet Spiritus Sanctus. Videtur legisse Interpretes ἡ δὲ ἀρχή, id est in doctrina: jam Græce legitur ἡ διδασκαλία, id est in doctis, uti præcessit, sed idem est sensus.

SPIRITUALIBUS (REBUS) SPIRITUALIA (VERBA ET DISCURSUS) COMPARANTES, — et conferentes, *q. d.* Doceo hanc spirituales sapientiam e Scriptura et aliis spiritualibus discursibus, non autem philosophicis, rhetoricis, aut terrenis rationibus, conceptibus et eloquiis: ita S. Chrysostomus; v. g. « Si queritur, inquit Oecumenius, an surrexerit tertia die Christus? ex Jona probationes et testimonium adduco. Si queritur an natus sit Dominus ex Virgine? ex sterilibus Anna et Elisabeth sumitur probatio et comparatio. » Hic causam et rationem a priori assignat Apostolus, cur Dei nutu abstinuerit ab eloquentia et sapientia mundana in sua prædicatione. Causa est, quod sapientia humana et divina plurimum inter se differant. Cum ergo sermo debeat rei esse accommodatus, plane decuit sermonem, quo prædicabatur divina sapientia, illi esse accommodatum, ac differre a sermone humanæ sapientiæ, nimirum ut esset simplex, gravis, efficax et divinus, tanquam a Spiritu Sancto proficiscens, qui omnem orationis fucum respueret: hic enim ornari res ipsa vetat, contenta doceri. Nam sicuti

Qualibus rationibus et discursibus Paulus probaverit fidei mysteria?

Causa cur abstinuerit Paulus ab eloquentia et sapientia mundana.

humanæ sapientiæ verba vehunt secum sapientiam et spiritum hominis dicentis : ita sermones Spiritus Sancti invehunt in animam sapientiam Dei, et spiritus ejus, per Apostolos loquentis.

Vers. 14. 14. ANIMALIS HOMO NON PERCIPIT EA QUÆ SUNT SPIRITUS DEI. — « Animalis » hic dicitur, qui tantum sensus et naturale rationis lumen sequitur; sive qui « secundum animam est, et secundum animam sapit, quique animæ sensa et cogitata sequitur: » quales erant Apostoli ante Spiritum Sanctum, et Corinthii hoc tempore, quærentes eloquentiam; et jam multi fideles etiam non mali, qui altiora non capiunt.

Animalis tripliciter dicitur. Nota : *Animalis* dicitur, qui anima vivit, sumiturque tripliciter : *Primo*, qui crescit, nutritur, eget cibo, ut animalia. Sic Adam, creatus licet in gratia, dicitur animalis, I Cor. xv, 45 et 46.

Secundo, qui sequitur animæ, id est concupiscentiæ, desideria. Sic Judæos vocat « animales, spiritum non habentes. »

Pulchra animalitatis descriptio. *Tertio*, qui scientiam, non spiritualem et sublimem, sed animæ sensibus que obviam et facilem sequitur. Ita hic capitur. « Animalitas, inquit S. Bernardus, vel quisquis est auctor tractatus *De Vita solitaria*, post initium, est vitæ modus sensibus corporis serviens, scilicet cum anima quasi extra se, per sensus corporis circa dilectorum delectationes corporum affecta, eorum fruitione pascit vel nutrit sensualitatem suam; seu cum intra se regrediens, et corpora quibus forti glutino amoris et consuetudinis adhæsit, ad locum incorporeæ naturæ secum ferre non prævalens, eorum illuc secum trahit imagines, et amabilius ibi cum eis conversatur; quibus assuefacta, nihil putat esse nisi vel quale foris reliquit, vel quale intus contraxit : inde quamdiu licet, jucundum habet secundum delectationes corporis vivere; cum autem ab eis avertitur, nescit nisi corporea imaginando cogitare. »

Sic spiritualis dicitur, qui spiritu vivit,

Spiritualis etiam tripliciter dicitur. *Primo*, quasi spiritus, non egens cibo : sic Christus post resurrectionem dicitur spiritualis, I Cor. xv, 45.

Secundo, qui spiritus instinctum, dictamen et impulsus sequitur. Ita sæpe alibi.

Incipientium status animalis, proficientium rationalis, perfectiorum spiritualis. *Tertio*, qui spiritus sublimem doctrinam capit et haurit. Ita hic vocatur spiritualis, inquit Chrysostomus, D. Thomas et alii. Moraliter S. Bernardus loco jam citato : « Incipientium, inquit, status potest dici animalis; proficientium, rationalis; perfectorum, spiritualis : sunt enim animales, qui per se nec ratione aguntur, nec trahuntur affectu, et tamen vel auctoritate permoti, vel doctrina commoniti, vel exemplo provocati, bonum approbant et imitantur : sunt rationales, qui per rationis iudicium, boni cognitionem habent et appetitum, sed nondum habent affectum : sunt perfecti, qui spiritu aguntur, quia S. Spiritu plenius illuminantur, unde et spiritales nominantur; et quoniam sapit eis bonum, cujus trahuntur affectu,

sapientes vocantur. » Deinde hæc tria inter se comparans, ex eisque gradus et scalam virtutum conficiens, ista subdit : « Primus status circa corpus se habet; secundus circa animam se exercet; tertius nonnisi in Deo requiem habet; initium boni in conversione est perfecta obedientia; profectus, subicere corpus suum; perfectio, usu boni consuetudinem vertisse in dilectionem. Initium vero rationalis est intelligere ea, quæ in doctrina fidei apponuntur ei; profectus, talia præparare qualia apponuntur; perfectio, cum in affectum mentis transit iudicium rationis. Perfectio vero hominis rationalis initium est hominis spiritualis; profectus ejus, revelata facie speculari gloriam Dei; perfectio vero transformari in eandem imaginem a claritate in claritatem, sicut a Domini spiritu. »

QUIA SPIRITUALITER (JUXTA RATIONES SPIRITUS SANCTI ET REGULAS FIDEI) EXAMINANTUR (1). — Ita Biblia Romana : male ergo quidam legunt, « examinatur, » id est examinando revocatur ad intellectum spiritualem et sublimem; dum scilicet in spiritualibus instituitur, vel cum spiritualia animali proponuntur, sive cum animalis in spiritualibus interrogatur et examinatur (hoc enim est *ἀναξιπύρα*), non potest ea intelligere.

Vers. 15. 15. SPIRITUALIS AUTEM JUDICAT OMNIA. — Vocatur, ut dixi, « spiritualis, » qui fidem et prudentiam, atque doctrinam Spiritus Sancti sequitur, qui Spiritum rectorem animæ habet, et doctorem. Ita Chrysostomus, Anselmus, D. Thomas.

JUDICAT OMNIA. — Hinc Calvinus et Anabaptistæ, cujusque spiritualis, id est fidelis, spiritum privatum et fanaticum, faciunt iudicem controversiarum fidei et Scripturæ interpretem; sed imperite, quia non omnes Christiani sunt spirituales, sed tantum perfecti, ut dixi vers. 5.

Secundo, quia alii ignorant an quis habeat hunc spiritum, an sit spiritualis, imo an vere sit fidelis. Ergo spiritus hic privatus et occultus non potest publicus omnium esse iudex; sed Concilia et Pontifex. Hos enim constat esse spirituales, regi a Spiritu Sancto, qui eos constituit Doctores, et per eos regit et docet Ecclesiam.

Tertio, quia maxime spirituales erant Patres, qui tamen subinde errarunt.

Quarto, quia patet simplices fideles egere Pastoribus et Doctoribus, quos ad docendum posuit Deus in Ecclesia, ut ait Apostolus, *Ephes. iv, 11*.

Respondeo ergo : « Spiritualis judicat omnia; omnia, » inquam, in genere, id est tam spiritualia, puta divina et sublimia, quam animalia, puta terrena et facilia; cum animalis tantum judicet animalia, ut sit distributio pro generibus singulorum, non pro singulis generum. Sic dicimus : Ego omni, id est quolibet cibo vescor.

Secundo, « Spiritualis omnia judicat, » id est examinat, redarguit et discernit secundum regulas fidei et prudentiæ divinæ : quæ habet, ut in

(1) Id est, dijudicanda sunt.

eo quo quis spiritalis est, et a spiritu satis instructus, v. g. in rebus fidei claris et certis, omnia iudicet secundum articulos fidei, hæresesque et errores illi contrarios condemnet. Sin autem nova oriatur quæstio in fide aut moribus, eaque obscura et dubia, eadem prudentia dictat homini spiritali, qui in hac quæstione necdum spiritalis est, nec a spiritu satis instructus, ejusdem Spiritus indicio recurrendum esse ad Superiores, ad Doctores, ad Ecclesiam Romanam quasi matricem, ut illa hanc questionem decidat et definiat. Hæc enim plane ad mentem Apostoli spiritalis est, et omnia iudicat per Spiritus Sancti directionem et assistentiam. Hanc enim S. Petro, et in eo successoribus Petri, promisit Christus, *Matth.* cap. XVIII, vers. 18; *Luc.* cap. XXII, vers. 32. Hi ergo maxime spirituales sunt, hique omnia iudicant: secus est de aliis inferioribus, qui licet spirituales sint, sæpe tamen Superiorum iudicium exquirere debent: alioqui enim qui spiritalis est, nec patris, nec magistri, nec prælati iudicio stare et parere deberet. Quatenus ergo spiritalis ductum Spiritus, vel per se docentis, vel ad doctores mittentis sequitur, eatenus errare non potest. Sic S. Joannes ait eum, qui natus est ex Deo, peccare non posse, quatenus videlicet ex Deo natus, in eo manet. Ita D. Thomas, Anselmus, Ambrosius, Theophylactus, Chrysostomus, q. d. Paulus: Vir spiritalis de arcanis fidei mysteriis et rebus passim bene iudicat, et si dubitet, scit quid agere, quos consulere debeat, ut instruatur. Sic Aristoteles, lib. III *Ethic.*, IV: « Vir, ait, bonus recte in omnibus iudicat, et virtuosus est regula et mensura omnium humanorum; » quia scilicet iudicium et affectum habet bene compositum, et conformem rationi et legi, inquit D. Thomas: hic tamen in casibus difficilioribus debet consulere prudentiores et magis legis peritos. Id magis patebit paragrafo sequenti (1).

(1) Alii: Is enim qui a spiritu edoctus est, convincere quemlibet profanum (nam pro omnia Græcum habet πάντα, æque omnia et omnem significans, vertendum autem omnem, tanquam singularis numeri accusativum, ut respondeat voci nullo in membro opposito) potest, ipse autem a nullo convinci (erroris).

ET IPSE A NEMINE JUDICATUR, — id est redarguitur, condemnatur. Ita Chrysostomus, quatenus videlicet spiritaliter iudicat: alioqui enim et Petrus iudicatus, id est redargutus, est a Paulo, *Galat.* II, 11. Contra, animalis a spiritali spiritaliter examinatur et iudicatur: licet, ut dixit, non percipiat, nec intelligat: tantum enim toto hoc loco vult Apostolus per spirituales excludere animalem et mundanam sapientiam, et conferre ac præferre spiritualem animali, qua gloriabantur Corinthii, et cujus imperitum Paulum postponebant Apollo. Unde tacite Corinthios vocat animales, quia quærebant docta humanæ sapientiæ verba, id est humanam sapientiam et eloquentiam, qualem mirabantur in Apollo; dicitque eos non posse iudicare de spiritalibus, et Pauli sapientia spiritali; se vero et sibi similes viros spirituales iudicare debere tam de sapientia spiritali quam animali, et hoc, et non aliud, vult Apostolus.

16. QUIS COGNOVIT (per se scilicet) SENSUM DOMINI? — Alludit ad *Isaïæ* XL, 13, ubi pro « quis cognovit? » hebraice est מי תכין *mi ticken*, id est quis mensuravit, hoc est, quis plene et adæquate perspexit et penetravit spiritum Domini? q. d. Cum spiritalis a Deo sit edoctus, ejusque regulas sequatur, hinc quatenus talis est, a nemine iudicari potest (hoc enim quod præcessit probat hic Apostolus); qui enim eum iudicare vellet, deberet spiritu Dei sapientior esse aut major, ut spiritum Dei penetrare et quasi mensurare posset. At quis is est? sane nullus. Ita Chrysostomus. Potest tamen et debet sæpe spiritalis iudicari, quia nescitur esse spiritalis in tali re. Unde, cap. XIV, 29: « Prophetæ, inquit, duo aut tres dicant, et cæteri dijudicent. » Imo multi se jactant spirituales, qui sunt animales, uti Anabaptistæ: secus de Paulo, quem omnes habebant pro spiritali. Unde sequitur:

NOS SENSUM CHRISTI HABEMUS. — « Sensus, » id est mentem, intelligentiam, sapientiam Christi, puta spiritualem et divinam, non animalem et humanam: nostra enim sapientia non Platonis est, non Pythagoræ, sed Christi, qui sua ipsius dogmata menti nostræ infudit. Ita Chrysostomus.

Prudentia spiritalis in rebus dubiis recurrit ad iudicium Ecclesiæ Romanæ.

Spiritalis sequitur ductum Spiritus, vel per se docentis, vel ad doctores mittentis.

Animalis sapientia multis nominibus cedit spiritali.

Vers. 16. *Isaïæ* XL locus illustratus ex Hebræo.

Potest et debet sæpe spiritalis iudicari.

CAPUT TERTIUM.

SYNOPSIS CAPITIS.

Instat schismati Corinthiorum componendo, per subjectionem et unionem in Christo et Deo.

Unde primo, docet Paulum et Apollo tantum esse ministros Christi, additque: Ego plantavi, Apollo rigavit; sed Deus incrementum dedit.

Secundo, vers. 10, docet Ecclesiæ fundamentum esse Christum: videat ergo quisque quid illi superædificet: si enim fœnum et stipulam, salvus erit, sic tamen quasi per ignem.

Tertio, vers. 16: Vos, inquit, estis templum Dei; videte ergo ne per schismata illud scindatis et violetis.

Ac tandem concludit, vers. 21: Nemo itaque gloriatur in hominibus: omnia enim vestra sunt, vos autem Christi, Christus autem Dei.

1. Et ego, fratres, non potui vobis loqui quasi spiritualibus, sed quasi carnalibus. Tanquam parvulis in Christo, 2. lac vobis potum dedi, non escam: nondum enim poteratis; sed nec nunc quidem potestis: adhuc enim carnales estis. 3. Cum enim sit inter vos zelus et contentio, nonne carnales estis, et secundum hominem ambulatis? 4. Cum enim quis dicat: Ego quidem sum Pauli; alius autem: Ego Apollo, nonne homines estis? Quid igitur est Apollo? quid vero Paulus? 5. Ministri ejus, cui credidistis, et unicuique sicut Dominus dedit. 6. Ego plantavi, Apollo rigavit; sed Deus incrementum dedit. 7. Itaque neque qui plantat est aliquid, neque qui rigat; sed qui incrementum dat, Deus. 8. Qui autem plantat et qui rigat, unum sunt. Unusquisque autem propriam mercedem accipiet secundum suum laborem. 9. Dei enim sumus adjutores: Dei agricultura estis, Dei ædificatio estis. 10. Secundum gratiam Dei, quæ data est mihi, ut sapiens architectus fundamentum posui: alius autem superædificat. Unusquisque autem videat quomodo superædificet. 11. Fundamentum enim aliud nemo potest ponere præter id quod positum est, quod est Christus Jesus. 12. Si quis autem superædificat super fundamentum hoc aurum, argentum, lapides pretiosos, ligna, fœnum, stipulam, 13. uniuscujusque opus manifestum erit: dies enim Domini declarabit, quia in igne revelabitur, et uniuscujusque opus quale sit, ignis probabit. 14. Si cujus opus manserit quod superædificavit, mercedem accipiet. 15. Si cujus opus arserit, detrimentum patietur: ipse autem salvus erit, sic tamen quasi per ignem. 16. Nescitis quia templum Dei estis, et Spiritus Dei habitat in vobis? 17. Si quis autem templum Dei violaverit, disperdet illum Deus. Templum enim Dei sanctum est, quod estis vos. 18. Nemo se seducat: si quis videtur inter vos sapiens esse in hoc sæculo, stultus fiat ut sit sapiens. 19. Sapientia enim hujus mundi, stultitia est apud Deum. Scriptum est enim: Comprehendam sapientes in astutia eorum. 20. Et iterum: Dominus novit cogitationes sapientium, quoniam vanæ sunt. 21. Nemo itaque gloriatur in hominibus. 22. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura: omnia enim vestra sunt, 23. vos autem Christi, Christus autem Dei.

Vers. 1 et 2. TANQUAM PARVULIS IN CHRISTO, LAC VOBIS POTUM DEDI, NON ESCAM. — Apostolus cap. præced., ut tueretur suam auctoritatem, et insipientiæ atque infantie in dicendo opinionem de se conceptam ex animis Corinthiorum eximeret, dixit se sapientiam loqui inter perfectos; sapientiam, inquam, absconditam, quam nec

oculus vidit, neo auris audivit, sed Deus revelavit: nunc quasi occurrens tacitæ objectioni, causam dat eam hanc sapientiam non ostenderit apud Corinthios, culpamque a se in Corinthios declinat; quod nimirum ipsi quasi parvuli et carnales tantæ sapientiæ necdum essent capaces, ac proinde non esca, sed lacte nutriendi.

Corinthii
quare
non esca,
sed lacte
nutrien-
di?

Quid
Aposto-
lus per
lac, quid
per es-
cam in-
telligat?

Ubi adverte : « Lac » vocat Apostolus faciliorem, suaviorem et simpliciorum doctrinam de Christi humanitate et gratia ac redemptione, qualis convenit catechumenis recens conversis, et adhuc carnalibus ; « escam », id est solidum cibum, vocat perfectiorem, robustiorem et de altioribus mysteriis doctrinam, uti de Deo, de Dei spiritu et spiritualibus, de crucis sapientia, potentia, amore, de quibus cap. præced. Ita Ambrosius, Theophylactus, S. Thomas, Anselmus, quem vide hic pro morali : « Idem, ait, Christus homini est lac, per incarnationem ; angelo solidus cibus, per divinitatem : idem Christus crucifixus, eadem lectio, eadem concio a carnalibus accipitur ut lac, a spiritualibus ut solidus cibus. »

Dno loca
Isaiæ
xxviii et
lv expli-
cata.

Alludit hic Paulus more suo ad *Isaiæ* xxviii, 9, ubi dicitur : « Quem docebit scientia, et quem intelligere faciet auditum ? ablactatos a lacte, avulsos ab uberibus ; » et ad *Isaiæ* lv, 1, ubi sic ait : « Omnes sitientes, venite ad aquas, et qui non habetis argentum, proparate, emite et comedite : venite, emite absque ulla commutatione vinum et lac, » *q. d.*, ut vertit Chaldæus : Omnes discere, et sitim cupiditatis extinguere volentes, venite ad aquas doctrinæ et gratiæ Christi : ab eo accipite, haurite et bibite spiritum Evangelicum.

Ubi nota : « Vinum » vocat Isaias, id quod Paulus hic « escam, » sive solidum cibum, qui symbolice significat sapientiam spiritualem et plenam perfectorum, sicut « lac » significat disciplinam imperfectorum et parvulorum. Hinc olim recens baptizatis, et alba veste indutis dabatur vinum et lac : qui mos, ait Hierosolymus in citatum locum *Isaiæ*, usque hodie in Occidentis Ecclesiis servatur. Alibi iisdem dabatur lac et mel, teste Tertulliano, lib. I *Contra Marcion.*, cap. xiv, ut significaretur primo, eorum infantia et innocentia in Christo, lac enim utriusque est symbolum. Unde Homerus, teste Clemente, lib. I *Pædag.*, vi, viros innocentes et justos vocat γαλακτοφάγους, id est, lacte viventes. Secundo, ut assimilarentur Christo, de quo cecinit *Isaias* vii, 15 : « Butyrum et mel comedet. » Tertio, ut significaretur vitæ Christianæ suavitas, humilitas et mansuetudo infantilis. Unde et primo Missæ sacrificio, quod audiebant baptizati in paschate, scilicet Dominica in albis, recitabatur illa epistola B. Petri : « Quasi modo geniti infantes, rationabile sine dolo lac concupiscite. » Hinc B. Agnes dicebat : « Lac et mel ex ore ejus suscepi, » teste Ambrosio, *serm.* 90. De hoc lacte fuse disserit Clemens, lib. I *Pædag.*, cap. vi.

Vers. 1.

3. CUM SIT INTER VOS ZELUS ET CONTENTIO, NONNE CARNALES ESTIS ? — Nota : « Carnalis » hic vocatur, qui non tantum naturale sensus et rationis iudicium ; sed etiam carnis, id est sensualitatis et concupiscentiæ, dictamen et impulsus sequitur ; itaque, ut recte advertit S. Thomas, idem est carnalis, animalis, secundum hominem ambulans, scilicet spiritu Dei destitutus, qui sequi-

tur motus concupiscentiæ, sive naturæ corruptæ.

Ubi nota secundo, hic et ad *Galat.* v, 19, « opera carnis, » id est naturæ corruptæ, non tantum vocari gulam et libidinem (qui proprie sunt in carne), sed etiam zelum, emulationem, contentiones, quæ sunt vitia mentis. Vide dicta *Rom.* vii, 22 et *Galat.* v, vers. 17, *q. d.* Paulus : Vos, o Corinthii, estis carnales, id est contentiosi, quia ut pueri inaniter de dignitate magistrorum contentis, dum hic suum Paulum, alter suum Apollo præfert et venditat.

5. MINISTRI EJUS, CUI CREDIDISTIS. — Pro cui, Vers. 5. græce jam est, δι' ὧν, per quos credidistis.

Et unicuique, — ministrorum scilicet, competit ministerium tale et tantum, quale et quantum cuique Dominus dedit. Ergo in uno Deo glorandum est, non in ministris Paulo vel Apollo : hi enim non sunt domini, vel auctores fidei vestræ, o Corinthii, sed tantum instrumenta, per quæ operatur Deus. Ita Anselmus, Ambrosius, Theophylactus.

6. EGO PLANTAVI, APOLLO RIGAVIT ; SED DEUS INCREMENTUM DEDIT. — *q. d.* Ego primus Corinthi fidei semina jeci, primus evangelizavi, quæ deinde superveniens Apollo provexit, patet *Actor.* xviii, 26. « Sed dedit Deus incrementum, » id est, interius dedit vitam et vigorem gratiæ ad crescendo et adolescendum in fide, virtute et christianismo ; hoc enim solius est Dei. Vide Augustinum, tract. 5 in *Joannem*.

Nota : Deus plantis dat incrementum, non quasi speciale et quotidianum augmentum per se solum eis suggerat, ut intelligunt rustici ; sed quia ad crescendo vim et vigorem ipsi naturæ seminis vel radicis indidit et conservat, id est, quasi continuo indit et instillat (conservatio enim divina non est aliud quam primæ creationis, vel actionis divinæ continuatio) eique cooperatur ; et quia pluviam, æstum, ventos, aliaque ad fruges opportuna sua dispositione regit ac temperat, quorum contemperatione meliori vel minori, melior vel minor nascitur fructus. Pari modo seres habet in semine verbi Dei, ejusque messe, fructu et profectu in mentibus hominum

Hinc patet primo, exteriorem concionem, vocationem, exempla, miracula non sufficere ad conversionem et vitam spiritualem inchoandam, vel promovendam. Secundo, hinc Prosper, lib. II *De Vocat. Gent.*, cap. vi et viii, probat, quod, licet omnes æqualiter eandem concionem audiant, alii tamen parum, alii vero multum ex ea proficiant, illi nimirum, quos Deus peculiari interna motione afficit, et quorum corda tangit, ut vitam mutant vel serio proficiant in melius. Unde illi tam concionatores, quam auditores in concione plurimum proficiunt, qui pro hac motione Deum sedulo precantur.

7. NEQUE QUI PLANTAT EST ALIQUID, NEQUE QUI RIGAT ; SED QUI INCREMENTUM DAT, DEUS. — *q. d.* Agricola qui plantat et rigat, parum est, parum

Vitia
mentis
vocalur
etiam
opera
carnia.

Recens
baptiza-
tis olim
dabatur
vinum et
lac, item
et mel.
Illum
cremon-
narium
rationes
et con-
gruen-
tia.

Conser-
vatio di-
vina non
est aliud
quam
primæ
creatio-
nis, vel
actionis
continua-
tio.

Cui tri-
bunda
interior
hominis
vocatio ?

Deus
principa-
le agens
creatura
instru-
mentum

affert, et quasi nihil præ Deo; nam tantum exterius agit, et quidquid agit, accipit a Deo agitque ut instrumentum Dei : Deus autem, per se interius, ut principale agens, operatur, vimque et vigorem crescendi sufficit et suggerit : actio enim tribuitur principali agenti, et maxime causæ primæ, vide *Can.* 15 et 36 : ita S. Thomas, Theophylactus, et pulchre S. Augustinus, tractatu 7 in *Epist.* I Joannis : « Ministeria forinsecus, inquit, adjutoria sunt et admonitiones : cathedram tamen in cælo habet, qui corda docet; sic sunt hæc verba quæ forinsecus dicimus, quomodo est agricola ad arborem. Forinsecus enim agricola operatur, quia adhibet aquam diligentiamque agriculturæ, sed tamen poma non format; » sed ea format Deus cum arbore concurrens, arborique vim poma gignendi indens et suggerens. Pari modo parum facit concionatoris vox : sonat enim tantum exterius; sed Deus est, qui cum ea concurrens interius, per gratiam suam animam illuminat et convertit.

Vers. 8.
Coopera-
tio mu-
tua in
Evan-
gelio.

8. QUI PLANTAT ET QUI RIGAT, UNUM SUNT. — « Unum sunt, » officio scilicet et ministerio, inquit S. Thomas, Anselmus et alii, id est, æque omnes sunt ministri, *q. d.* Ergo unus præ alio, puta Paulus præ Apollo, non est contemnendus aut extollendus. Rursus, ergo omnes eadem charitate et unionem complecti debetis, non autem propter eos facere schismata : licet enim in se diversi sint, omnes tamen unum idemque officium obeunt, unumque sunt in Christo, qui odit schismata, amat unionem, suosque ministros, licet debiles, fovet ac tuetur, eosque non ut homines, sed ut suos vicarios ab omnibus coli, et in honore ac pretio haberi vult.

Merita
bonorum
operum.

UNUSQUISQUE AUTEM PROPRIAM MERCEDEM ACCIPIET SECUNDUM SUUM LABOREM. — Locus hic clare docet merita bonorum operum : ubi enim merces est, ibi et meritum est. Hæc enim sunt correlativa.

Concio-
natorum
sæpe
meretur
ubi nul-
lus appa-
ret fruc-
tus, vel
exiguus.

Nota : Non dicit, quisque recipiet mercedem secundum fructum quem fecit, sed « recipiet secundum laborem; » quia fructus non est in nostra, sed Dei dantis incrementum, manu. Itaque integrum laboris præmium essentielle habebis ex concione, vel instructione tua, licet nullus sequatur fructus, nullus hæreticus vel peccator convertatur; imo sæpe majus, quia difficilius est et magis arduum concionari, ubi nullus vel exiguus apparet fructus, quam ubi concioni multi applaudunt, vel ex concione proficiunt.

Vers. 9.
Concio-
natoris
dignitas.

9. DEI ENIM SUMUS ADJUTORES. — « Ingens hæc, angelica, imo divina est dignitas, ait S. Dionysius, *De Cælest. Hierarch.* cap. III, Dei cooperatorem fieri in conversione animarum, divinamque in se operationem palam cunctis ostendere. »

DEI (non autem Pauli, vel Apollo, ut in iis gloriari possitis) AGRICULTURA ESTIS. — Persistit in metaphora agricolæ. Agricola primarius est Deus, famuli sunt Paulus et Apollo : ager sunt Corinthii; semen est gratia, fructus sunt bona opera :

Deus colit interius per Spiritum, Paulus juvat exterius per vocem. Ita Anselmus.

DEI ÆDIFICATIO ESTIS. — Idem dicit alia metaphora ædificii et architecti : primus enim architectus est Deus; secundus et minister, est Paulus; ædificium est Ecclesia, et quævis animæ Christianæ. Ita Anselmus.

Nota, Hebræos et Syros gaudere metaphoris et parabolis, easque miscere et conglomerare, atque ab una ad aliam transilire.

Hebræi
et Syri
gaudent
metapho-
ris.
Vers. 16

10. SECUNDUM (id est per) GRATIAM DEI, QUæ DATA EST MIHI, UT SAPIENS ARCHITECTUS FUNDAMENTUM POSUI. — *q. d.* Non mea est hæc fabrica, non meum est hoc opus Ecclesiæ Corinthiæ; licet enim ego quasi architectus prima illius fundamenta evangelizando jecerim, tamen quidquid ego in ea feci et perfecti, non meis, sed gratiæ Dei viribus effeci : tota hæc Ecclesiæ vestræ fabrica non mihi, sed gratiæ Dei tribuenda est.

Omnia
gratiæ
tribuenda.

11. FUNDAMENTUM ENIM ALIUD NEMO POTEST PONERE, PRÆTER ID QUOD POSITUM EST, QUOD EST CHRISTUS JESUS. — *Tò enim* dat causam præcedentium, *q. d.* Fundamentum Ecclesiæ vestræ ego posui : Apollo et alii videant quid illi superædificent, non autem quid de novo fundent. Nam non est quod in fundamento collocando occupentur : illud enim ego posui; et aliud ab eo poni nequit, cum hoc fundamentum sit ipse Christus Jesus. Fundamentum ergo Ecclesiæ, et cujusque in ea animæ fidelis, est Jesus Christus, id est, fides in Christum Jesum Salvatorem nostrum, ac præsertim fides viva per charitatem, super quam ego vos ædificavi. Ita Anselmus et S. Gregorius, lib. VII, *epist.* 47. Hoc sensu solus Christus est Ecclesiæ fundamentum, puta fundamentum fundamentorum, ut ait S. Augustinus in *Psal.* LXXXVI, vers. 1, quod scilicet seipso consistit, omnia sustinet, etiam Petrum. Alio sensu Petrus est fundamentum Ecclesiæ, idque secundarium, quia scilicet ipse firmus est in fide, ut publice errorem docere non possit, sed alios semper in ea confirmet et illuminet. Ita S. Thomas et passim DD. Catholici. Simili sensu non solus Petrus, sed omnes Apostoli vocantur fundamenta Ecclesiæ, *Psal.* LXXXVI, vers. 1, ubi dicitur : « Fundamenta ejus (Sionis, id est Ecclesiæ) in montibus sanctis; » et Joannes, *Apocal.* XXI, vers. 19, duodecim Apostolos collocat et nominat fundamenta Jerusalem, sive Ecclesiæ cælestis.

Vers. 16.

Funda-
mentum
Ecclesiæ
et animæ
fidelis est
Jesus
Christus,
id est,
fides
Christi
viva per
charita-
tem.
Petrus
secunda-
rium
funda-
mentum
Ecclesiæ.

12. SI QUIS SUPERÆDIFICAT SUPER FUNDAMENTUM HOC, AURUM, ARGENTUM, LAPIDES PRETIOSOS, LIGNA, FOENUM, STIPULAM, 13. UNUSCUIQUE OPUS MANIFESTUM ERIT : DIES ENIM DOMINI DECLARABIT, QUIA IN IGNE REVELABITUR. — Est metaphora a domo per ignem confligente, quæ si ex auro et lapidibus pretiosis constructa sit, igne non læditur; sin ex ligno et stipula, adurit.

Vers. 12.

Vers. 13.

Ubi obiter adverte, per lapides pretiosos hic intelligi marmoreos, porphyreticos et similes, non autem adamantes et gemmas : non enim ex his

Per lap-
ides pre-
tiosos in-

telliguntur marmorei, non adstantes. sed ex illis, construi solent domus nobilium et principum : quemadmodum de Roma gloriabatur Augustus Cæsar : « Accepi civitatem lateritiam, relinquo marmoream. » Sensus ergo Apostoli est,

q. d. Si oriatur incendium, domus ex marmoribus et auro structa, illo non lædetur, sed magis clarescet : vicina vero domus e ligno et stipulis conflagrabit, et qui eam inhabitat, elabetur quidem, sed ambustus; ita si quis Christianorum, præsertim Doctorum et Prædicatorum Evangelii (de his enim egit hactenus a vers. 4, et de hisce potissimum hic agi, patet conferenti vers. 6 et 10 :

ita Ambrosius et Anselmus), fidei Christi superædificet aurum et argentum, id est opera sancta (ita Theodoretus et Theophylactus), ac præsertim doctrinam sanam, proficuum et sanctam : hic mercedem accipiet. Ita Ambrosius, Anselmus et S. Thomas, quem vide : « Aurum, ait ipse, est charitas; argentum, sapientia et contemplatio; lapides pretiosi, sunt virtutes aliæ; » e contrario

lignum, fœnum, stipula sunt peccata, non gravia illa et mortalia, ut vult Chrysostomus, Theophylactus et Turrianus, lib. IV *Contra Magdeb.* xiii (hæc enim æs sunt et plumbum, ut notat S. Augustinus *Enchiridii* cap. lxxviii, Anselmus et S. Thomas; nec etiam superædificantur, sed obrunt et destruunt ædificium, scilicet fidem vivam, quæ meretur mercedem a Christo); sed levia et venialia, quibus scilicet mens adhærescit ad vana, v. g. ad carnis commoda, nugas, vanam gloriam.

Proprie vero ad mentem et scopum Apostoli, lignum, fœnum, stipula, est doctrina incerta, frivola, pomposa, phalerata, curiosa, inutilis. Ita Ambrosius, S. Thomas, Theodoretus, Anselmus. Qui enim hæc superstruit fundamento fidei Christi, hic salvus erit; sic tamen quasi per ignem, ut ait Paulus, vers. 13.

Nota : Hoc vers. et vers. 10 digreditur Apostolus, transitque a Corinthiis ad eorum doctores, ac tacite monet Apollo et alios Evangelii præcones, maxime eloquentes, quibus periculum est a vanitate, ut eam caveant et puræ veritatis sint magistri, ne, si secus faciant, igne hoc expiari debeant; nam aliquos tales fuisse Corinthi, eosque contentione et schismatis fuisse causam vel occasionem, satis insinuat Apostolus tum hic, tum cap. seq., vers. 6, 10, 15, 18, 19, ut ibi dicam.

Vers. 13. 13. DIES ENIM DOMINI. — Græce tantum est ἡ ἡμέρα, illa dies, scilicet albo, vel atro signanda lapillo, id est, dies iudicii, maxime universalis; quia hæc in igne revelabitur. Illa enim Domini, jam nostra est dies, ait Anselmus, Theodoretus, Ambrosius, S. Thomas. Et patet II *Timoth.* iv, 8, ubi ait : « Quam reddet mihi Dominus in illa die, justus iudex; » II *Timoth.* i, vers. 12 : « Potens est servare depositum meum in illam diem; » hac epist., cap. v, vers. 5 : « Ut spiritus salvus sit in die Domini nostri Jesu Christi. » Quibus aliisque locis per illam diem antonomastice intelligit diem celeberrimum iudicii universalis.

Nota, sub hac die iudicii universalis, etiam diem particularis iudicii accipi. Est enim unum et idem utriusque iudicium, eademque utriusque sententia.

IN IGNE REVELABITUR. — Quæres, quis hic ignis? de eo enim tria hic dicit Apostolus : primo, quod dies Domini in igne revelabitur; secundo, quod cujusque opus probabit; tertio, quod ædificantes lignum, fœnum, stipulam per illum transibunt, salvique erunt, « sic tamen quasi per ignem. »

Multi veterum, ut Origenes, hom. 14 in *Lucam*; Ambrosius, in *Psal.* xxxvi; Lactantius, lib. VII, cap. xxi; Basilii, in *Isaia* iv; Rupertus, lib. II in *Genesim*, cap. xxxii, accipiunt ignem verum, quem putant omnes animas, etiam Petri et Pauli, in cœlum euntes transire debere, ut, si impuræ sint, per eum purgentur; sive is sit conflagrationis in fine mundi, sive purgatorius sub terra, sive alius in æthere. Nam Bedæ, lib. III *Hist.*, xix, ait S. Fursem vidisse in via ad cœlum maximos ignes, per quos necessario transeundum erat. Sed hæc sententia; licet non sit damnata, nec eam reprobare audeat Bellarminus, lib. II *De Purgatorio*, cap. i, caret tamen fundamento. Nam hic locus Apostoli, quo solo ejus auctores nituntur, alium habet sensum. Visio illa Fursei visio tantum fuit, quæ per speciem corpoream ignis, spirituale Dei iudicium, pœnasque futuras hominibus carnalibus representaret, uti inferius declarabo.

Secundo, S. Chrysostomus et Theophylactus quos secuti sunt Græci in Concilio Florentino, respondent esse ignem inferni, in quo peccator manebit salvus, id est vivens et incorruptus, ut semper puniatur. Sed hoc est contortum : salvum enim esse, ubique in Scriptura significat esse incolumem et felicem, non autem vivum manere in pœnis. Ita omnes alii interpretes et Patres Latini initio Concilii Florentini.

Ubi nota : Licet Chrysostomus hunc locum de inferno intelligat, non tamen negat esse Purgatorium, ut falso asseruit Marcus, Archiepiscopus Ephesus, in Concil. Florent.; imo illud diserte confitetur hom. 32 in *Matth.*, et hom. 3 in *epist. ad Philipp.*, et hom. 4 in *epist. ad Hebræos*, et alibi; quibus locis hortatur fideles ut orent pro fidelibus defunctis in Purgatorio existentibus : pro illis enim qui sunt in inferno, ubi non est redemptio, non est orandum.

Tertio, hæretici respondent hunc ignem esse ignem tribulationis hujus vitæ (quod etiam insinuat Anselmus et Gregorius, IV *Dial.*, xxxix, et S. Augustinus in *Psal.* xxxvii, qui tamen etiam de Purgatorio accipiunt), vel confusionis, quam ipsi comminiscuntur Spiritum Sanctum in vita, vel in morte, illustratione sua injicere Sanctis, qua, verbi gratia, ut ipsi aiunt, SS. Bernardo, Francisco, Dominico in morte demonstravit suos errores de monachismo, Missa, confessione, ut eos agnoscerent et retractarent.

Dies Domini est dies iudicii particularis.

Quis ignis in die Domini?

Prima sententia

Putant aliqui omnes animas etiam Petri et Pauli, ignem transire debere cum in cœlum eunt.

Visio Fursei de igne futuro.

Secunda sententia Chrysostomi.

Locus Concilii Florentini de Purgatorio.

Tertia hæreticorum, esse ignem tribulationis.

S. Bernardus, Franciscus, Dominicus non retractant in morte monachum. Sed hoc fingitur gratis, nec talis extat retractatio horum aliorumque Sanctorum in morte, imo potius constans exhortatio ad suos, ut in vita monastica persistent et proficiant.

Adde, multos subito esse mortuos, et etiamnum mori quosdam in somno et dormientes, qui peccatis venialibus inquinati decedunt : ubi hi purgantur ? non utique in cœlo, quia nihil coinquatum intrabit in illud, *Apoc. xxi, 27*; non in inferno, quia hic est locus damnatorum : ergo in purgatorio. Post hanc vitam enim non est locus solitæ misericordiæ et condonationis, sed justitiæ et justæ satisfactionis, vel potius satisfactionis ; ne quis dicat Deum sic mortuis gratis remittere peccata, id est omnem culpam et pœnam.

Denique dies mortis non dicitur dies Domini, sed dies iudicii : nec ignis significat illam confusionem, sed verum ignem.

Calvinus dicit ignem hic sumi metaphoricè, sicut lignum, fœnum, stipula : Obiecit Calvinus : lignum, fœnum, stipula capiuntur metaphoricè ; ergo et ignis. Respondeo negando consequentiam ; quia patet diem Domini igne propriè dicto revelandum esse, ut mox pluribus demonstrabo.

Quarto, Sedulius, Lyranus, Cajetanus, Theodoretus, Ambrosius, ignem hunc esse volunt strictum et acre examen divini iudicii, puniens peccata post mortem per ignem ; aut, ut Bellarminus, esse ignem partim Purgatorii, partim iudicii, *q. d.* Sicut peccatorum opera suum habebunt ignem examinis, sic et ipsi male operantes suum habebunt ignem, sed ultionis in Purgatorio. Figure enim et analogice ignis vocatur ipsum examen et iudicium, quia instar ignis purissimum, sincerissimum, celerrimum, efficacissimum erit, *Malach. iii, 2*; *Hebr. xii, 29*. Sed verba Apostoli cum non nisi ignem sonent, et ingeminent secundo et tertio, plane et propriè significare videntur ignem verum et univocum, atque unum eundemque, non metaphoricum, æquivocum et varium.

Dico ergo primo, certum est hunc locum intelligi de igne purgatorio. Ita Concilium Florentinum, Ambrosius, Theodoretus, S. Thomas, Anselmus hic, et passim Patres Græci et Latini, quos fuse citat Bellarminus et Salmeron hic, in fine *disp. vi*. Estque hæc traditio et sensus communis Ecclesiæ et Doctorum, licet verba in particulari alii aliter explicant, et Purgatorio adaptent.

Dices : Si Concilium Florentinum intelligit hunc locum de igne purgatorio, ergo de fide est, de eo intelligi debere, et consequenter de fide est non tantum esse Purgatorium, sed et in eo igne animas purgari.

Respondeo : Nego consequentiam ; quia licet Patres Latini in Florentino Concilio ita intelligant, ac consequenter certum sit esse ignem purgatorium, noluerunt tamen definire quasi de fide esse ignem, sed tantum esse Purgatorium ; idque ne Græcos offenderent, qui concedebant quidem Purgatorium, negabant tamen in eo esse ignem ;

sed dicebant esse locum obscurum, et laborum plenum.

Dico secundo : ignis de quo Apostolus hic agit, propriè est ignis conflagrationis mundi. Patet, quia erit in die Domini, id est iudicii extremi : hic autem dies passim in Scriptura describitur per ignem, quo conflagrabit mundus : ut *Psalm. xcvi* : « Ignis ante ipsum præcedet ; » *II Thessal. i, 8*, dicitur iudex Christus revelandus « in flamma ignis. » Idem dicit Joel, cap. ii, 3 ; et S. Petrus, *epist. II*, cap. iii, vers. 12 ; et Ecclesia cum canit : « Qui venturus est judicare vivos et mortuos, et sæculum per ignem. » Hic enim ignis simul erit conflagrationis mundi et simul probatorius et purgatorius eorum qui tunc vivant : ita passim Theologi ; eritque prævius, imo comes et lictor Christi iudicis ; et si non omnibus (v. g. puris omnino : hoc enim nimis durum videtur, ut recte advertit Franciscus Suarez), certe impuris mortem et pœnam afferet, acrem magis vel minus pro meritis cujusque : damnatos deinde secum hic ignis in infernum convolvit, et sic dicitur, quod « dies Domini in igne revelabitur. » Quod licet Oecumenius referat ad opus, quod sequitur, *q. d.* Revelabitur, et uniuscujusque opus probabit ignis ; alii vero referant ad Dominum, quasi dicant : Dominus revelabitur in igne, quia dies non tam revelari videtur, quam alia omnia revelare : tamen melius dicitur, quod ipsa dies revelabitur, quod sit Domini, id est per ignem apparebit quod sit dies divinx ultionis et iudicii.

Petes : Quomodo hic ignis purgat opera, quæ jam transierunt, et non sunt ?

Respondeo : Quia Scriptura sic loquitur, quod opera bonorum et malorum sequuntur eos, quasi adhuc homini post mortem adsint et insint, quia scilicet reatus eorum manet in homine, quo hominem obligant ad pœnam, vel præmium.

Petes secundo : Quomodo opera dicuntur ardere ?

Respondeo : Dupliciter ; primo, metaphoricè, quia comparantur stipulæ, quæ propriè ardet ; opera vero ardent metaphoricè, id est puniuntur, reprobantur, abolentur, uti lignum quod igne consumitur.

Secundo, metonymice, quia ipse operans propter opera sua ardet et uritur.

Ubi nota : Utitur hac metaphora et metonymia Apostolus, ut persistat in metaphora ædificii, quam cœpit a vers. 9 hucusque, et quia alludit ad ignem conflagrationis, qui omnia ædificia mundi comburet. Homo enim operibus suis sibi quasi ædificium ædificat, sicut bombyces et erucæ serico quod nent, folliculos, quasi domos sibi faciunt, quibus se involvunt, ut si folliculum aduras, bombyces aduras, et contra : ita hic metaphoricè opus, quasi ædificium aduritur, quia ipse operans et ædificator, cui opera adherent et quasi inhaerent, aduritur. Adde opus dici exuri potius, quam operantem, quia operans non

Conclusio secunda : hunc ignem propriè esse conflagrationis mundi.

Quomodo dies Domini in igne revelabitur ?

Quomodo hic ignis purgat opera quæ transierunt, et jam non sunt ?

Quomodo dicuntur ardere opera ?

Pulchra similitudo, quæ declaratur quomodo opera metaphoricè ardeant.

exurit, sed salvus fit, sic tamen quasi per ignem; operum autem reatus hoc igne exurit et aboletur.

Petes tertio : Quomodo aurum et argentum, id est bona opera, hic ignis probat?

Quomodo hic ignis probat bona opera?
Respondeo : Hoc ipso quo ea non attingit, et operantes quasi omnino puros, illæsos et intactos relinquit, satis probat operum et operariorum perfectionem; lignum vero, stipulam, fenum manifestabit et uret, id est puniet, cum eos qui venialia operati sunt, invadet et uret, et ab iis purificabit, ita ut salvi sint, sic tamen quasi per ignem. Sic olim dicebatur et fiebat (quod postea per Canones prohibitum est, quasi tentativum Dei) criminis proba per ferrum candens : offerebatur enim illud reo tractandum manibus, vel pedibus nudis; quod si vere reus erat, urebatur; si innocens, non lædebatur, uti contigit S. Cunegundi, uxori Henrici Imperatoris et tribus pueris in fornace Babylonia : illa enim suam castitatem ferro candente, super quo nudis plantis ambulavit; hi suam innocentiam, in fornace ignita illæsi, probarunt.

Canones prohibuerunt criminis probam per ferrum candens.
S. Cunegundi suam castitatem ferro candente præhavit.
Quomodo hic ignis uniuscujusque opus probat?
Dices : Quomodo ignis uniuscujusque opus probat? Paulus enim, et omnes jam mortui, non experiuntur ignem conflagrationis mundi.

Respondeo : Quia Paulus ita loqui solet, quasi sibi et suis instet dies mundi ultimus, et hic ignis, ut scilicet stimulet omnes, ut se parent ad istum diem, quasi incertum et vicinum.

Adde : Ille ignis erit purgatorius totius mundi, et omnium quæ sunt in eo, adeoque si quid in aliquo olim mortuo necdum eat purgatum esset, id ab illo igne invaderetur et expiaretur, et sic cujusque, etiam olim mortui, opus hic ignis manifestabit; erit enim ultima hæc totius mundi proba et expiatio.

Conclusio tertia, Apostolus per hunc ignem intelligit ignem Purgatorii.
Dico tertio : Sicut sub die Domini intelligit Apostolus diem mortis, et sub judicio extremo intelligit particulare, quasi unum et idem; ita a pari sub igne, Christum judicem ad universale judicium comitatur, et purgatur quidquid illo tempore purgandum restabit, proportionaliter intelligi vult ignem, quo statim animæ purgantur post mortem. Per hunc ignem ergo intelligit ignem Purgatorii.

Nec obstat, quod ignis conflagrationis sit ante mortem, ut multi volunt, quia post mortem esse deberet; expiabit enim totius vitæ et mortis peccata; sed esse nequit post mortem, ita ut mortuos purget; quia mortui tunc a morte statim resurgent et rapiuntur ad judicium.

Probat per hunc ignem in illi ignem Purgatorii.
Adde, si quis ante mortem non satis eo purgatus esset, post mortem eodem igne, quasi purgatorio, plene expiabitur. Probat hæc sententia, quia loquitur Apostolus præsentibus, qui vere ignem conflagrationis non erant visuri, sed suum purgatorium hic post mortem, æque ut illi in morte habituri. Cur enim hi magis quam illi sint immunes ab igne, si æque illum sunt meriti?

Secundo, quia Græce est ἀποκαλύπτειται, id est revelatur, scilicet in præsentibus, dies Domini, puta in præsentibus vita cum morimur. Secundo ex testu Græco.

Tertio, quia uniuscujusque opus hoc igne Purgatorii expiabitur, cum igne conflagrationis tantum expiandum sit eorum opus, qui tunc vivent. Tertio.

Quarto, quia de igne Purgatorii hunc locum accipiunt omnes Catholici Patres, et Doctores Latini et Concilium Florentinum, initio, estque consensus et traditio Ecclesiæ. Quarto.

Quinto, quia hoc proprie est opus Purgatorii, probare scilicet et purgare, et de eo propriissime dicitur, quod « salvus erit, » sic tamen quasi per ignem : salvus, inquam, statim a morte, cum plene purgatus ex purgatorio evolabit in celum, ante ignem conflagrationis et diem Domini. Quinto.

Sicut ergo igni conflagrationis recte competit, quod ait Apostolus, quod per eum dies Domini reveletur : sic igni Purgatorii proprie competit, quod uniuscujusque opus probabit, et quod justus qui peccavit, salvus erit, sic tamen quasi per ignem. Quomodo per ignem salvis quis erit?

Addo graves Theologos, ut Franciscus Suarez, III part., tom. II, disp. LVII, sect. 1, negare ignem conflagrationis homines occisurum et purgaturum, sed tantum post resurrectionem, in ipso universali judicio, ignem illum fore, ad terrorem et raptum damnandorum, et ut post judicium mundum exurat et renovet; dici tamen subinde, quod bonos probabit et purgabit, quia testis erit Christo ferenti sententiam innocentiae et purgationis antea factæ in igne Purgatorii : ergo magis certum est probationem, de qua hic agit Apostolus, futuram per ignem Purgatorii, quam per ignem conflagrationis mundi. Suarez negat ignem conflagrationis homines occisurum.

Totus ergo hic Apostoli locus de die judicii, tam particularis, quam universalis, deque igne tam Purgatorii, quam conflagrationis mundi intelligendus est.

Petes primo, cur hæc ita commiscet Apostolus, ut mixtim loquatur de utroque judicio et utroque igne? Causa est, primo, quia sicut unum et idem erit utrumque judicium, puta universale et particulare, ita quasi unus et idem est ignis Purgatorii et conflagrationis mundi : hic enim mundum, ille homines purgat; et ignis Purgatorii ad ignem conflagrationis, quasi ad universale mundi purgatorium, tanquam pars ad totum ordinatur, in eumque desinet, et forte commutabitur; ut idem numero ignis, qui jam est Purgatorii, Purgatorio desinente et finito in fine mundi, fiat ignis conflagrationis. Unus Apostolus hic mixtim loquitur de utroque judicio, et utroque igne, scilicet conflagrationis et Purgatorii?

Secundo, quia ita loqui solet Apostolus de die judicii universalis, ac si statim a morte et judicio particulari instet et imminet, ac consequenter perinde ac si ab igne Purgatorii mox transeat ad ignem conflagrationis et consummationis mundi; idque ut omnes ad illum diem tam terribilem sancte et pie vivendo se comparent. Id patet I Thessal IV, 15; Hebr. XI, vers. ultimum; II Corinth.

cap. v, 1, 3, 4. Pari modo Prophetæ sæpe, et Christus ipse, *Matthæi* xxiv, mixtim loquuntur de typo et antitypo, puta de excidio urbis Jerusalem et de excidio orbis totius, quasi de uno eodemque excidio, et quasi post excidium urbis Jerusalem mox secuturum sit excidium orbis; adeo ut ita revera futurum, tunc cum hæc diceret Christus, putarent Apostoli, licet postea melius edocti contrarium senserint et docuerint.

Quis
ignis as-
sistet
Christo
in judi-
cio parti-
culari?

Petes secundo : Quomodo iudicio particulari applicari potest, quod ait Apostolus, « quia in igne revelabitur? » Quis ignis assistet Christo iudici in iudicio particulari, ut probet et declaret cuiusque hominis opera?

Respondeo : Christo in iudicio particulari assistit ignis Purgatorii, quia Christo iudici ad manum paratus adest, ut probet, puniat et purget cuiusque opera.

Examen
particu-
lare tri-
buit
Aposto-
lus igni
Purgato-
rii,
per pro-
poeiam.

Notanda enim est prosopopœia, qua utitur hic Apostolus, dum hoc examen et probationem tribuit igni Purgatorii; quasi ignis hic esset assessor iudicis Christi, coram quo omnes mortui transire debeant, tanquam milites coram suo duce, ut ab eo lustrentur, ut si quos ineptor et impuros viderit, corripiat et purget. Facit autem hoc Apostolus, primo, ut persistat in metaphora auri, et conflatoris, qui per ignem omnia probat et purgat; secundo, ut apta proportionem respondeat ignis hic purgatorius igni conflagrationis et purgationis mundi, ad quem primario, ut dixi, respicit, dum ait : « Dies Domini in igne revelabitur. »

Ubi nota : Sicuti dum Prophetæ et Christus typum cum antitypo commiscunt, mixtimque loquuntur, verbi gratia, de Salomone et Christo, de excidio urbis et orbis, quædam quæ magis uni, puta typo; quædam quæ magis alteri, puta antitypo, conveniunt, commemorant : ita facit et Paulus hic; nam quod ait : « Dies Domini in igne revelabitur, » magis convenit igni conflagrationis mundi; quod vero addit : « Uniuscujusque opus quale sit, ignis probabit, et ipse salvus erit, sic tamen quasi per ignem, » magis convenit igni Purgatorii, ut patet ex dictis.

Ignis
Purgato-
rii quo-
modo
Christo
in parti-
culari ju-
dicio as-
sistet?

Ignis ergo Purgatorii Christo iudici in particulari iudicio paratus adest et assistit, tanquam explorator, lictor, carcer et vindex, ut singulorum opera examinet, scilicet bonorum aurea opera intacta relinquo, aliorum vero lignum, fœnum, stipulam, quasi sibi proportionata corripiendo, urendo, puniendo, eo modo quo dixi conclusione secunda; et ita « detrimentum » quisque « patietur, » Græce ζημιωθήσεται, id est pœna mulctabitur, operans, ita tamen, ut salvus fiat per ignem, et sic in die obitus et iudicii particularis cuique revelatur hic ignis. Et hoc significat dicta visio Fursei : cum enim ipse quasi mortuus videret ignem sibi appropinquantem, dixit angelo suo : « Domine, ecce ignis mihi appropinquat. Respondit angelus : Quod non accendisti, non ardebit te. Licet enim terribilis et grandis

Detri-
mentum
patietur, id
est, pœ-
na mulc-
tabitur.

Collo-
quium
Fursei
cum an-
gelo in

rogus videatur, tamen juxta merita operum singulos examinat, quia uniuscujusque cupiditas in hoc igne ardebit. Sicut enim quis ardet in corpore per illicitam cupiditatem, ita solutus a corpore ardebit per debitam pœnam. »

visione
habitu.

Sensus ergo totius hujus loci est, q. d. Paulus : Vide, o Apollo, videte, o magistri, videte, o Corinthii, quid doceatis, quid discatis, an fœnum, an vana, an ventosa, an curiosa, an terrena; quia ignis Purgatorii Christo iudici quasi explorator assistens, probabit cuiusque opus et doctrinam, statim post mortem, in iudicio particulari; et consequenter ignis conflagrationis mundi, in quem desinet ignis Purgatorii, in iudicio universali declarabit opus cuiusque igne Purgatorii probatum et purgatum esse, ut in iudicio hoc, coram toto mundo appareat, quale fuerit; adeoque si quod opus necdum plene probatum sit igne Purgatorii, id ipsum igne conflagrationis mundi probabitur et purgabitur : erit enim hæc ultima mundi proba.

Quis tan-
dem sen-
sus sit
totius
huius lo-
ci a vers.
12 us-
que ad
16?

IPSE SALVUS ERIT, SIC TAMEN QUASI PER IGNEM. — Perperam Isidorus Clarius vertit ex Græco, « ipsum, scilicet, fundamentum salvum erit. » Licet enim θεμέλιος, id est *fundamentum*, sit masculini generis, ut congruere possit cum αὐτός, id est *ipse*; tamen id huic loco et menti Apostoli non convenit. Vult enim Apostolus hac similitudine ostendere, igne puniendos esse doctores, qui fidei Christi vana et curiosa superædificant.

Taxatur
Isidori
Clarii
versio.

Rursum, « mercedem accipiet, non ad fundamentum, sed ad doctrinam referri debet, ut patet. Ergo et quod illi opponitur, scilicet, « ipse salvus erit, sic tamen quasi per ignem, » ad doctorem pariter, sed vana ædificantem et docentem, referendum est.

Nota : Tò quasi signum est veritatis, non similitudinis, ut et Joannis i, 14 : « Vidimus gloriam ejus, gloriam quasi unigeniti a Patre, » id est vidimus eam gloriam Christi, quæ decebat vere unigenitum Patris; et alibi sæpe.

Vox Qua-
si signi-
ficat ver-
itatem,
non simi-
litudi-
nem.

Secundo, potest « quasi » esse nota similitudinis, q. d. Salvus erit sicut is, qui ex incensa domo elabitur, et transit ambustus per ignem, ut dixi vers. 12. Hinc patet ergo esse Purgatorium, et esse ignem. Unde Chrysostomus, homil. 69 ad Popul. : « Statuerunt, ait, Apostoli, ut in Missæ sacrificio oretur pro defunctis. » Et Dionysius Areopagita, cap. vii, part. iii *Eccles. Hierarch.*, tradit has orationes, easque ait se accepisse ab Apostolis. Nam, ut S. Augustinus in *Psal. xxxvii* ait : « Quia dicitur, Salvus erit, hinc ignis ille contemnitur; sed gravior erit, quam quidquid homini pati potest in hac vita. » Et S. Bernardus, *De obitu Humberti* : « Quod hic negleximus, illic centupliciter reddemus. »

Apos-
tolorum
statutum
ut in Mis-
sæ sacri-
ficio ore-
tur pro
defunctis.

Unde ignem Purgatorii multi volunt eundem esse cum igne inferni, cui vicinum est Purgatorium, sed ab eo differentem, quod hic æternus sit, ille temporarius. Ex quibus prudenter conclu-

In quo
differt
ignis
Purgato-
rii ab

igne in-ferni? dit Anselmus: « Si propter tormenta vitanda hic regi paremus, pareamus voluntati Dñi, ut ignem illum acerbiorē omnibus tormentis evadamus. » Et S. Chrysostomus, homil. 5 De Pœnit. : « Pœnitentiæ, inquit, tempus nunc est, præoccupet pœnitentia penam, præoccupemus faciem ejus in confessione: rogam peccatorum extinguamus, non jam aquis multis, sed paucis lacrymis. » Sane satius et suavius est purgari fonte quam igne: satius est in Purgatorio pœnitentiæ per totam vitam degere, quam in Purgatorio ignis per annum commorari.

Tropologice: Totum hunc locum apposite pertractat S. Bernardus, serm. De ligno, fœno et stipula: « Fundamentum, inquit, Christus est, lignum fragile est, fœnum molle, stipula levis. Lignum sunt, qui fortiter incepterunt, sed fracti non renodantur. Fœnum sunt, qui fugienda mollitiæ tepefacti, nec summitate digiti (ut dicitur) labores arduos attingere volunt. Stipula sunt, qui levitatis motibus exsufflati, nunquam in eodem statu permanent. Et timendum quidem est de istis, sed non desperandum: quia si in fundamento Christum habuerint, hoc est in hac via vitam finirent, salvi erunt, sic tamen per ignem. » Deinde ignem hunc non litteraliter, sed tropologice explicat: « Ignis, inquit, tria habet, fumum, lucem, ardorem. Fumus excitat lacrymas, lux vicina illuminat, ardor adurit. Ita et qui ejusmodi est, fumum, hoc est amaritudinem in mente habere debet, quia tepidus est, quia remissus est, quia levis, quia ordinem quantum in se est subruit et perturbat. Sed et lucem in ore, ut qualis est in mente, talem se in confessione et dicat et planget; ut et linguam acuat conscientia, et conscientiam arguat lingua. Necesse est quoque ut ardorem sentiat in corpore, id est pœnitentiæ tribulationem, et si non multimodam, aliquam tamen. Putas quia sic compunctos corde, ore confessos, corpore fatigatos abjiciet, qui omnes homines vult salvos fieri, et neminem vult perire? » Denique de aliis subdit: « Sunt et alii qui ædificant super fundamentum hoc aurum, argentum et lapides pretiosos, qui vehementer incipiunt, vehementius proficiunt, vehementissime perficiunt, non attendentes quid caro possit, sed quid spiritus velit. »

Vers. 16. 16. NESCITIS QUA TEMPLUM DEI ESTIS. — Respicit et redit Apostolus ad vers. 9: « Dei ædificatio estis, » q. d. Estis ædificium non hominis, sed Dei, ac consequenter non profanum, sed sanctum, puta templum Dei, in quo Deus habitat per fidem, gratiam, charitatem et dona sua. Ita Anselmus et alii passim. De templo hoc plura dicam II Cor. VI, 16.

Quomodo anima dedicetur Deo in templum, vide S. Bernardum, serm. 1 De Dedic. Eccles., ubi ait: Quinque sunt in dedicatione, aspersio, inscriptio, inunctio, illuminatio, benedictio; hæc et in anima spiritualiter fiunt: quæ fuse deinde explicat.

Nota: Hactenus egit Apostolus de iis Doctoribus et fidelibus qui superædificant ædificio sancto, id est templo: jam de illis agit, qui everunt illud; unde subdit:

17. SI QUIS AUTEM TEMPLUM DEI VIOLAVERIT, DISPERDET ILLUM DEUS. — Pro « si quis violaverit, » græce est *phéipai*, id est *corrumpit* vel *vitiat*, uti legit Tertullianus, scilicet per mortalem superbiam sapientiæ animalis et humanæ, per novam, erroneam et pestiferam doctrinam; per schismata, uti vos facitis, o Corinthii, inquit Anselmus; et qui quovis alio modo Ecclesiam, vel animam fidem, quæ est templum Dei, corrumpit, hunc disperdet Deus. Loquitur Apostolus maxime de corruptione, quæ fit docendo et persuadendo falsam doctrinam, superbiendo, aliis invidendo, schismata concitando. De doctoribus enim uti cœpit, ita et finit hoc caput. Patet ex seqq. q. d. Hic corruptor non salvus erit per ignem, sed in igne æterno ardebit.

18. SI QUIS VIDETUR INTER VOS SAPIENS ESSE IN HOC SÆCULO (sapientia scilicet et eloquentia sæculari, rhetorica, philosophica, mundana, terrena, ideoque quasi sapiens superbiat, et ex fastu alios despiciat), STULTUS FIAT, UT SIT SAPIENS. — « Stultus, » nimirum humilitatis fideique, et crucis Christi stultitia, de qua dixi cap. I, vers. 21 et seq., coram mundo; quæque tamen coram Deo vera et sola est sapientia, ait Anselmus. Cum enim sapientia hujus mundi stultitia sit apud Deum, et contra, sequitur nos non posse aliter vere sapere, nisi secundum mundum stulti simus, ut, licet magni sapientesque mundo videamur, tamen quasi pueri, imo quasi stulti subdamus nos fidei, disciplinæ, cruci et obedientiæ Christi. « Ita tres magi Puerum adorantes in præsepio, inquit S. Bernardus, serm. 1 De Epiphania, insipientes facti sunt, ut fierent sapientes, et perdocuit eos Spiritus quod postea prædicavit Apostolus: Qui vult sapiens esse, stultus fiat, ut sit sapiens; ingrediuntur stabulum, inveniunt pannis involutum infantulum: non illis sordet stabulum, non pannis offenduntur, non scandalizantur lactentis infantia; prociunt, venerantur ut regem, adorant ut Deum; sed profecto qui illos adduxit, ipse et instruxit; et qui per stellam foris admonuit, ipse in occulto cordis edocuit. » Querit S. Basilius in Regul. brevior., interrog. 274: « Quomodo efficitur aliquis stultus in hoc sæculo? » ac respondet: « Si formidaverit iudicium Domini dicentis: Væ qui sapientes estis in oculis vestris, et coram vobismetipsis prudentes; et illum fuerit imitatus, qui dixit: Ut jumentum factus sum apud te; atque abjecta omni cassa opinione prudentiæ suæ, de iis quæ cogitaverit, nihil antea tanquam rectum approbaverit, imo ne initio quidem prorsus quidquam cogitaverit, priusquam ab ipso Domini mandato scire didicerit, quid placeat Deo, sive in opere, sive in verbo, sive in cogitatione. »

19. SAPIENTIA HUIUS MUNDI, STULTITIA EST APUD DEUM. —

Vers. 17.

Quibus peccatis templum Dei violatur potissimum?

Vers. 18.

Quis sapiens in hoc sæculo? quo modo stultus fieri debeat, ut sit sapiens?

S. Bernardus ait tres magos inipientes factos esse ut fierent sapientes.

DEUM, — quia Deus reprobavit sapientiam sæcularem, et abiecit quasi fatuam: *Primo*, quia nihil sapit salutare et divinum, nihil etiam facit ad negotium salutis.

Secundo, Deus ea uti noluit in Evangelio prædicando, sed potius rudibus Apostolis.

Tertio, quia sæpe contraria est fidei, tum in speculativis, uti mysterio Sanctissimæ Trinitatis, incarnationis, mortis Filii Dei, repugnant omnes sæculi sapientes, quasi illa impossibilia et incredibilia sint; tum in practicis et moralibus. Christus enim jubet diligere inimicos, mundana sapientia jubet eos odio prosequi; Christus jubet vincere in bono malum, mundana sapientia jubet in malo vincere malum; Christus beatos prædicat pauperes, mites, fientes, esurientes, persecutionem patientes: mundus vero beatos prædicat divites, elatos, ridentes, epulantes, dominantes.

SCRIPTUM EST ENIM: COMPREHENDAM SAPIENTES IN ASTUTIA EORUM. — Citat Job cap. v, vers. 13. Pro «comprehendam,» hebraice est לָכַד *loched*, græce δὲραστόμενος, id est *capiens manu injecta*; participium ponitur pro verbo: *capiens, id est capiam, comprehendam.* Vide Can. 29.

Sunt hæc verba non Job, sed Eliphaz, qui falso disputat contra Job, volens probare Job peccasse, et per peccata calamitates suas esse promeritum: unde redarguitur a Deo, Job XLII, 7, ac proinde verba hæc Eliphaz non habent auctoritatem sacræ Scripturæ, sed viri sapientis, ut dixi Job IV. Probat enim Paulus hanc Eliphaz sententiam, quia in se vera est, et sapienter a sapiente illo dicta.

Nota: Comprehendit Deus sapientes in astutia sua, quando per id, quo astute volebant evertere consilium Dei, Deus illud ipsum adimplet: ut cum fratres Joseph, volentes ejus somnia de principatu ipsius futuro evertere, illum depressoerunt, et quasi servum vendiderunt in Ægyptum; Deus vero per hoc ipsum exaltavit, et principem Ægypti constituit, fratresque eum adorare coegit. Pari modo Deus comprehendit sapientiam Pharaonis in mari Rubro, Saulis et Achitophelis volentium perdere Davidem, Aman in cruce, qua cogitabat perdere Mardocheum. Ita S. Thomas.

Vers. 20. DEUS NOVIT COGITATIONES SAPIENTUM, QUONIAM VANÆ SUNT. — Pro «sapientum,» Ps. XCIII, 11, habetur *hominum*, scilicet non vulgarium, sed sapientum; hi enim sua sapientia multa cogitant et machinantur. Omnibus hisce sentiis et rationibus Apostolus docet Corinthios, vanam et inanem esse sapientiam et eloquentiam sæcularem, in qua ipsi gloriabantur, et ob quam Apollo præponebant Paulo. Veram autem sapientiam esse fidem et doctrinam Christianam, quam ipse eis, simplici licet sermone, ardenti tamen et effiaci spiritu prædicaverat.

Moraliter S. Hieronymus, in Psalm. XCIII: «Vultis, inquit, scire quoniam cogitationes hominum vanæ sunt: pater et mater nutriunt filium, pro-

mittunt sibi de illo felicitatem, mittunt ad studia, erudiunt, venit usque ad adolescentiam, disponent ut etiam militet; cum omnia cogitaverint per annos triginta, una febricula venit et tollit omnes cogitationes. O curas hominum! o quantum est in rebus inane! Una cogitatio felix est, cogitare de Domino.»

21. NEMO GLORIEtur IN HOMINIBUS (eloquentibus, vel sapientibus, puta Apollo, Paulo, etc.). **22. OMNIA ENIM VESTRA SUNT**, SIVE PAULUS, SIVE APOLLO, SIVE CEPHAS, SIVE MUNDUS, SIVE VITA, SIVE MORS, SIVE PRÆSENTIA, SIVE FUTURA, — q. d. Noli tu in Paulo, ille in Apollo gloriari, quia tam Paulus quam Apollo et omnes alii homines, imo omnes creaturæ, cuius vestrum communes sunt, vobisque communiter ad salutem vestram procurandam subserviunt.

Nota, «omnia vestra sunt,» non quasi omnia bona sint communia, uti erant in statu innocentie; aut quasi justi omnium rerum sint proprie domini, ut delirant Hus, Wiclef et alii; sed «vestra sunt,» non possessione, sed fine et usu, quia scilicet vobis in ministerium et auxilium salutis deputata et data sunt: ita Anselmus, Ambrosius, Theodoretus, S. Thomas, Chrysostomus; data, inquam, ad usum vel realem, vel mentalem, qui est in omnibus creaturis agnoscere et laudare creatorem, et hoc est quod vulgo dicitur: «Fideli totus mundus divitiarum est.» Vide Theodoretum, serm. 10 *De Providentia*. Unde Chrysostomus ait: «Alia ratione nos Christi, alia ratione Christus est Dei, alia mundus est noster; nos enim Christi sumus, ut opus; Christus autem est Dei, ut filius charissimus; noster vero mundus est, non ut opus, sed quia propter nos factus est.» Vester ergo est mundus, id est, omnes creaturæ mundi corpori et animæ vestræ serviunt; vestra est vita, ut in ea merita colligatis; vestra mors, quia per mortem transitis ad vitam æternam; vel mors, id est martyrium vestrum est; vestra sunt præsentia, tam adversa quam prospera, quia illis utimini in bonum; vestra sunt futura bona, quia illis fruimini: unde jam vestra sunt in spe, re ipsa erunt in cælo. Ita S. Thomas et Anselmus. Vestra quoque sunt mala, infernus et damnati, ut illis dominemini.

Vulgus dicitur, Fidei totus mundus divitiarum est.

23. VOS AUTEM CHRISTI, — ut membra mystica Christi capitis et domini estis, ac consequenter Christi possessio estis, sanguine ejus empti. Ita Anselmus et S. Thomas, q. d. Ergo vobis, o Corinthii, non in hominibus Paulo, vel Apollo, sed in Christo gloriandum est.

CHRISTUS AUTEM DEI, — supple, est, idque *primo*, quia qua Deus, Dei est Filius. Ita Chrysostomus, Theodoretus, Anselmus, Ambrosius, qui ait: «Christus est Dei Filius ejus faciens voluntatem, ut et nos ipsius faciamus voluntatem.»

Secundo et aptius: Christus qua homo, Dei est, quasi domini et capitis sui, creatura et possessio, ait S. Thomas et Cajetanus.

Omnium
creatura-
rum finis
est Chris-
tus, ut
homo.

Ex dictis patet, fideles sanctos et maxime electos, esse finem propter quem Deus omnia creavit : horum vero omnium finis est Christus, ut homo. Hæc enim gloria per se tali homini debebatur, scilicet, ut omnium creaturarum et hominum esset finis, ut omnia illi servirent, ut omnia ad ejus gloriam ordinarentur : Christus autem est propter Deum et Dei gloriam, q. d. Apostolus : Ergo non in Paulo, vel Apollo, sed in solo Deo, ad quem omnia alia reducuntur, est gloriandum.

Meum et
Tuum
sunt ver-
ba ina-
nia.

Pulchre in morali hom. 10, S. Chrysostomus : « Omnia, ait, nostra a Christo habemus, et quod sumus, et vitam, et lucem, et spiritum, et aerem, et terram; et si quid horum abstulerit, peribimus; inquilini enim sumus et peregrini : Meum quippe et Tuum verba tantum inania sunt, re autem non existunt (intellige ut ita sit tuum, sicut est Dei,

ut scilicet absolutum, independens et perpetuum rei habeas dominium. Nam ad tempus tantum tibi concessit Deus dominium, quod si cum Dei dominio comparetur, potius usus est quam dominium). Licet domum tuam esse dixeris, inaniter loqueris, siquidem et aer, et terra, et materia, conditoris est, et tu ipse, qui eam effingis, item et alia omnia; quod si usus tuus est, incertus tamen est, non tantum propter mortem, sed ante mortem quoque propter rerum instabilitatem. Duplici namque ratione sumus Dei, creationis et fidei; et anima tua non est tua, quomodo pecuniæ erunt tuæ? Cum vero non sint tua, sed Domini, in conservos ea te erogare oportet. Noli ergo dicere : Rem meam consumo : non tua est, sed aliena, imo communia sunt tibi et conservo, quemadmodum et sol, et aer, et omnia. » Hactenus Chrysostomus.

Del sumus per creationem et fidem.

CAPUT QUARTUM.

SYNOPSIS CAPITIS.

Pergit in schismate, fastu et gloriations Corinthiorum, ac præsertim Doctorum aliquorum arrogantium, qui Paulum despiciebant, evellendis.

Idque primo, ostendens se non curare, nec curanda esse hominum judicia, sed solius Dei.

Secundo, vers. 7, eorum inflationem redarguit, dicens : Quid habes quod non accepisti?

Tertio et maxime, urget eos, vers. 9, suo et aliorum Apostolorum exemplo, qui in omni humilitate, afflictione et despectu, quasi purgamenta mundi et peripsema, ubique evangelizabant.

Quarto, premit eos, vers. 15, tanquam filios suos, quod quasi Pater illos genuerit in Christo, minaturque se brevi venturum Corinthum, ut hos pseudodoctores gloriosos et inflatos redarguat et puniat.

1. Sic nos existimet homo ut ministros Christi, et dispensatores mysteriorum Dei. 2. Hic jam quæritur inter dispensatores, ut fidelis quis inveniatur. 3. Mihi autem pro minimo est ut a vobis judicer, aut ab humano die : sed neque meipsum judico. 4. Nihil enim mihi conscius sum ; sed non in hoc justificatus sum : qui autem judicat me, Dominus est. 5. Itaque nolite ante tempus judicare, quoadusque veniat Dominus : qui et illuminabit abscondita tenebrarum, et manifestabit consilia cordium; et tunc laus erit unicuique a Deo. 6. Hæc autem, fratres, transfiguravi in me et Apollo, propter vos : ut in nobis discatis, ne supra quam scriptum est, unus adversus alterum infletur pro alio. 7. Quis enim te discernit? Quid autem habes quod non accepisti? Si autem accepisti, quid gloriaris quasi non acceperis? 8. Jam saturati estis, jam divites facti estis : sine nobis regnatis; et utinam regnetis, ut et nos vobiscum regnemus! 9. Puto enim quod Deus nos Apostolos novissimos ostendit, tanquam morti destinatos : quia spectaculum facti sumus mundo, et angelis, et hominibus. 10. Nos stulti propter Christum, vos autem prudentes in Christo : nos infirmi, vos autem fortes : vos nobiles, nos autem ignobiles. 11. Usque in hanc horam et esurimus, et sitimus, et nudi sumus, et colaphis cædimur, et instabiles sumus, 12. et laboramus operantes manibus nostris : maledicimur, et benedicimus : persecutionem patimur, et sustinemus : 13. blasphemamur, et obsecramus : tanquam purgamenta hujus mundi facti sumus, omnium peripsema usque adhuc. 14. Non ut confundam vos, hæc scribo, sed ut filios meos charissimos moneo. 15. Nam si decem millia pædagogorum habeatis in Christo,

sed non multos patres. Nam in Christo Jesu per Evangelium ego vos genui. 16. Rogo ergo vos, imitatores mei estote, sicut et ego Christi. 17. Ideo misi ad vos Timotheum, qui est filius meus charissimus et fidelis in Domino : qui vos commonefaciet vias meas, quæ sunt in Christo Jesu, sicut ubique in omni Ecclesia doceo. 18. Tanquam non venturus sim ad vos, sic inflati sunt quidam. 19. Veniam autem ad vos cito, si Dominus voluerit : et cognoscam non sermonem eorum qui inflati sunt, sed virtutem. 20. Non enim in sermone est regnum Dei, sed in virtute. 21. Quid vultis? in virga veniam ad vos, an in charitate et spiritu mansuetudinis?

Vers. 1. 1. SIC NOS EXISTIMET HOMO UT MINISTROS CHRISTI (1). — « Homo, » id est unusquisque. Hoc enim est Hebræum *אִישׁ* *isch*, *q. d.* Vetui ne in hominibus, Paulo et Apollo, gloriemini; ne quis hinc nos contemnat, dico : Sic nos quisque Apostolos existimet, id est æstimet, quasi ministros Christi et dispensatores mysteriorum Christi.

Pontifex Romanus potest dispensare in votis et legibus.

DISPENSATORES. — Kemnitius cavillatur, hinc Concilium Tridentinum probare Pontificem posse dispensare in votis et legibus; sed perperam, inquit, quia hic dispensare non significat relaxare, ut vult Concilium, sed distribuere. Respondeo, Concilium id optime intellexisse, sed tantum ita argumentari : Si credita est Pontifici dispensatio rerum Ecclesiæ, ergo potest certis casibus, ubi res exigit, dispensare, id est solvere vota, iuramenta, pœnitentias et debitum pœnæ temporariæ remittere : sicut dispensator in domo multa potest, ubi honor vel utilitas domini id exigit, dispensare, donare, vel relaxare; hoc enim ad regimen domus sibi commissum spectat, modo ea bene dispense, non temere dissipet, ut docet S. Bernardus, lib. *De Præcept. et disp.*, et lib. III *De Consider. ad Eugenium* : « Quæritur, inquit, inter dispensatores, ut fidelis quis inveniatur. Ubi necessitas urget, excusabilis dispensatio est. Ubi utilitas provocat, dispensatio laudabilis est. Utilitas dico communis, non propria : nam cum nihil horum est, non plane fidelis dispensatio, sed crudelis dissipatio est. »

Quis sit dispensator ille?

Ubi nota : Pro *dispensator*, græce est *œconomus*, qui domus curam habet, in ea omnia regit, distribuit, ordinat : quin et donat et debita relaxat, ubi sincere credit hoc domino suo placere, vel utile esse ad domini sui honorem. Ejus enim præcipua virtus est fidelitas et prudentia. Sic Pontifex in Ecclesia quasi domo Dei, omnia ordinat, dat indulgentias, relaxat vota, quasi œconomus et vicarius Christi.

Quæ sint mysteria Dei?

Corinthiorum

MYSTERIORUM DEI — mysticæ, arcane et divinæ doctrinæ, atque Sacramentorum Christi. Utraque enim hæc sunt mysteria Christi, eaque Christus credidit Paulo et Apostolis, quasi œconomis suis. Unde Corinthiorum contentio et schisma maxime ex sacramento Baptismi oriebatur, quod hic jac-

taret se baptizatum a Paulo, ille ab Apollo, ut patet cap. I, 13.

2. HIC JAM QUÆRITUR INTER DISPENSATORES, UT FIDELIS QUIS INVENIATUR, — *q. d.* Avocavi vos, o Corinthii, a sapientiæ et eloquentiæ humanæ examine, ad simplicem et humilem Christi doctrinam, ut non disputetis an Paulus, an Apollo sit sapientior vel eloquentior, dixique utrumque nostrum tantum esse dispensatorem hujus doctrinæ : forte vos in comparisonem nostri proclives, jam de fidei nostra dispensatione disputare incipietis, et quærere quod de dispensatore homines quærere solent, an fideles simus, et an Paulus sit fidelior quam Apollo, an vero Apollo Paulo sit fidelior in suo prædicationis officio. Multi vestrum dicunt : Paulus est fidelior et effacior, sed Apollo eloquentior. Alii alios suos catechistas et magistros ostentantes suam sapientiam jactant, quasi nobis meliores et fideliores. Quare ut omnem hanc comparisonem et vestra judicia succidam, dico me non curare vestra et quorumvis judicia, sed solius Dei. Ita ex Chrysostomo Theophylactus (2).

Nota : Præcipua dos dispensatoris est fidelitas, ut notat Christus *Lucæ XII*, 42 : « Quis putas, inquit, est fidelis dispensator et prudens? » Ad quam Christi sententiam alludit hic Paulus. « Fidelis autem est, inquit Theophylactus, si herilia bona sibi non vendicat et attribuat, ut non veluti dominus res tractet, sed veluti aliena et herilia dispense; non sua esse dicens, quæ sunt heri, sed e diverso quæ sua sunt, heri esse. » Talis est doctor et prædicator, qui non suam, sed Dei unius gloriam et animarum conversionem salutemque quærit et spectat, eamque omni diligentia, non tantum prædicatione sua, sed et sanctionibus, perfectæque vitæ exemplo procurare satagit.

Fidelis prædicator non suam, sed Dei gloriam quærit.

3. MIHI PRO MINIMO EST (parvi æstimarim) UT A VOBIS JUDICER, AUT AB HUMANO DIE — id est, ab humano judicio. Sic enim dies Domini vocatur et est judicium Domini : sic reis dicitur dies, cum citantur ut sistant se judicio, metonymice. Ita Hieronymus *ad Algas.*, Quæst. X. Ubi addit, Paulum utpote ex Tarso Ciliciæ oriundum, ex Cilicum phrasi Græca, humanum diem vocasse humanum judicium.

Quis huius manus vel huius minis dies?

(2) « Hic jam quæritur, » id est *cæterum requiritur*, etc.

(1) Ostendit nunc Apostolus quo loco haberi debeant, quibus Corinthii hactenus iusto plus vel minus tribuerant, cap. I, 12; III, 4, 5. Igitur, vers. 1-6 hujus capituli proxime cohærent cum capite præced.

Illustratur locus Jeremiae cap. xvii, vers. 16.

Verum potius Paulus Hebræus, ab Hebræorum idiotismo hanc phrasim mutuatus videtur; alludit enim ad *Jerem. xvii, 16*, ubi Jeremias a suis irrisus et afflictus ubi suas prophetias, sic ait: «Diem hominis non desideravi, Domine, tu scis.» Ubi nota: Dies hominis est ille, quo homo prosperatur, et tanquam potens, felix et gloriosus honoratur et laudatur ab omnibus, *q. d. Jeremias*: Non desideravi vitam longiorem, prosperitatem, opes, honores, delicias, plausus hominum: si enim hæc spectassem, non tristitia et dira eis prophetassem, sed eorum gloriæ et cupiditatibus applausissem; jam autem id minime feci, nec diem et plausum hominis desideravi. Scio enim quod homo sit *אנוש enosh*, id est miser, fragilis, et cito cum suo plausu omnibusque suis bonis periturus et moriturus: hoc sciens et cogitans, non homini, sed tibi soli, o Domine Deus, in meis prophetiis et concionibus servire, placere; obedire, et a te solo commendari desideravi; ideoque te judicem et testem unicum huius mei desiderii invoco, dicens: «Tu scis,» perinde ac Job invocatur dicens, cap. *xvi*, vers. 20: «Ecce enim in cælo testis meus, et conscius meus in excelsis.» Ita S. Hieronymus, Rabanus, Hugo, S. Thomas, Lyranus in *Jerem. xvii*. Jeremiam ergo imitatus, Apostolus ait: «Mihi pro minimo est, ut a vobis judicer, aut ab humano die,» id est, a potentia et sapientia huius mundi, ab hominum favore et commendatione, ab humano iudicio. Nihil timeo quid vos de me judicetis, aut potentissimi et clarissimi huius mundi. Felix qui dicere potuit: «Diem hominis non desideravi» ita ut huius rei testem habeat Deum. Hæc summa perfectio est, qua omnia ut stercora reputamus, ut Christum crucifaciamus. Id Moses jam grandis effecit (grandium enim hæc res est), negans se esse filium filiae Pharaonis, magis eligens affligi cum populo Dei, quam temporalis peccati habere iurisdictionem, *Hebr. xi*.

Egregie S. Chrysostomus, in morali hic: «Ne igitur, inquit, aliorum laudes requiramus. Hoc enim illi (Domino Deo) injuria est, si tanquam non sufficiat ad nos laudandum, eo omisso, ad conservos festinemus. Quemadmodum enim qui in parvo theatro certant, magnum sibi inquirunt, ac si illud non satis sit ad præbendum de se spectaculum: sic qui in Dei conspectu certantes, inde hominum sibi famam quærent, majori omisso theatro, minoris cupiditate magnum sibi supplicium accersunt. Hoc igitur omnia pervertit, hoc universum orbem terrarum perturbavit, quoniam hominum respectu omnia facimus, et in bonis operibus nulla nobis cura est, ut laudatorem Deum habeamus, sed laudem nobis a conservis nostris inquirimus. In sceleribus rursum, Deo contempto, homines formidamus, et homine præsentem nemo scortaretur; sed licet majorem in modum libidine flagraret, affectus tamen violentia, pudore hominum vinceretur. Cum autem

Deus videat, non modo adulterantur, non modo scortantur, verum et alia longe graviora et ausi sunt, et audent. Nonne hoc vel solum satis esset, quo cælitus innumeris peteremur fulminibus? Hinc omnia orta sunt mala, quod scilicet in rebus turpibus non Deum, sed homines timeamus.»

Idem Chrysostomus, hom. 17 in epist. ad Rom.: «Quemadmodum, ait, pueri ludentes ex sæno coronas invicem imponunt, coronatum autem sæpenumero, ejus rei ignarum, post tergum irrident; ita sane et nunc, qui te in faciem prædicant, apud seipsos clanculum subsannant, atque ita quid aliud fit, quam quod et nobis invicem sænum coronantes imponimus? Et utinam nihil aliud quam sænum! Nunc autem multo etiam documento plena est hæc nostra corona: nam omnia nostra recte facta perdit. Considerata itaque ipsius vilitate, damnum illud effugito. Quod si centum, vel mille, vel innumeri extiterint laudatores qui applaudant, nihil tamen illi omnes a graculis desuper garrientibus differrent. Imo si angelorum theatrum perpenderis, apparebunt illi vermibus etiam viliores, illorumque præconium, araneorum textura, fumisque et somniis infirmius. Dic ad animam tuam quemadmodum Paulus dixit: Ignoras quod angelos judicabimus? atque ab hoc cæno excitatam increpato deinceps; ac dicito: Angelos judicatura es, et vis ab immun-dis judicari?»

Prudenter quoque S. Hieronymus ad *Pammach. de obitu Paulinæ*: «Prima, inquit, monachi virtus est, contemnere hominum judicia, et semper Apostoli recordari dicentis: Si adhuc hominibus placerem, Christi servus non essem. Tale quid et Dominus loquitur ad Prophetas: quod posuerit faciem eorum quasi urbem æneam et lapidem adamantinum et columnam ferream, ne paverent ad injurias populi, sed impudentiam subsannantium frontis rigore contererent.»

Denique Anselmus hic: «Justi, inquit, non humana judicia, sed æterni judicis examen aspi-ciunt, atque ideo derogantium verba cum Paulo despiciunt.» Hoc est ergo quod quidam Sanctorum dixit: «Si vis esse beatus, discite contemnere et contemni.»

SED NEQUE MEIPSUM JUDICO.— Græce *ἀναξιπώ*, id est *dijudico*, *q. d.* Non possum certo judicare me, mea opera, intentionem, conscientiam.

4. NIHIL MIHI CONSCIUS SUM, SED NON IN HOC JUSTIFICATUS SUM, — *q. d.* Non judico me, nam licet nullius infidelitatis in munere Apostolico mihi conscius sim, non ideo tamen revera justus sum; non coram hominibus: horum enim iudicium non curo, ut dixi; sed coram Deo: ipse enim forte in me peccata videt, quæ ego non video. Unde S. Basilius, in *Constit. Monast.* cap. 1: «Cum in multis rebus, inquit, offendamus omnes, majorem tamen offensarum partem ne intelligimus quidem. Idecirco Apostolus dicebat: Nihil mihi conscius sum, sed in hoc justificatus non

Laus hominum sænum est.

Prima monachi virtus est contemnere hominum judicia.

Morale Chrysostomi de contemnenda laude, et hominum iudiciis.

In sceleribus homines formidamus, magis quam Deum.

Vers. 4.

sum; quod idem est ac si diceret: Multa delicta committo, quæ committere me non intelligo. Propter hanc causam etiam Propheta ait: Delicta quis intelligit? Quare nihil mentitus sis, si te peccatorem appellaveris.

Insti non certo sciunt se esse justos. Hinc patet contra Novantes, justos non certo scire, multo minus credere, se esse justos. Respondent ipsi, Apostolum nescisse se justum esse, spectando tantum opera sua, id tamen scivisse ex fide, et sacra Scriptura, quæ promittit omni in Christum credenti justitiam, *q. d.* Scio me esse justum, non quia vito peccatum et sancte vivo, sed per misericordiam Dei, quia credo Christum gratis me justificare. Sed hæc responsio frivola est et commentitia; subdit enim Apostolus:

Vers. 5. 5. QUOADUSQUE VENIAT DOMINUS, QUI ET ILLUMINABIT ABSCONDITA TENEBRARUM, — id est tenebras, obscuras, occultas hominum cogitationes et actiones. Ergo vult soli Deo arcana hominis, maxime intentiones, secretas inclinationes et fundum cordis, qui homini est profunda abyssus, ac consequenter justitiam certo patere; ita ut nemo alterum, imo nec seipsum judicare debeat, sive ex fide, sive ex operibus, sive ex gratia Christi, nisi solus Deus. Pulamus enim sæpe nos bene agere, cum male agimus; nos ex gratia et Dei amore facere, quod amore nostræ gloriæ, vel cupiditatis facimus. Ita Chrysostomus, Ambrosius hic, et Hieronymus, dialog. 2 *Contra Pelag.*, initio, ac Basilius, *Constitut. Monast.* cap. II, ubi sic ait: « Cum multis in rebus offendamus Deum, majorem tamen offensarum partem ne intelligimus quidem; idcirco Apostolus dicebat: Nihil mihi conscius sum, sed non in hoc justificatus sum; quod idem est ac si diceret: Multa delicta committo, quæ committere me non intelligo. Propter hanc causam Propheta ait: Delicta quis intelligit? » Pulchre quoque hac de re disserit S. Augustinus, in *Psal.* **XLI**, ad illud: *Abyssus*, scilicet humanæ miseriæ et cæcitatibus, *abyssum* divini luminis et misericordiæ invocat.

Confirmatur *primo*, quia etiam Deus non scit nos esse justos ex operibus, sed ex fide; et hoc tam scimus nos, quam Deus, quia fide credimus secundum Novantes; ergo secundum ipsos falsum est quod ait Apostolus, nos id non scire, sed solum Deum.

Secundo, quia Deum illuminare abscondita tenebrarum et manifestare consilia cordium, non est Deum pervidere et manifestare fidem, sed machinationes, intentiones et opera cujusque.

Tertio, quia sicut opera nostra nobis incerta sunt, ita et fides, quæ sola juxta Novantes justificat; quia non certo scit homo, se credere in Christum fide firma et divina; ergo multo minus scit se per illam esse justum. Idem alibi sæpe docet Spiritus Sanctus, ut *Ecclesiast.* **IX**, **1**: « Nescit homo utrum amore, an odio dignus sit. » *Proverb.* cap. **XX**, vers. **9**: « Quis potest dicere: Mundum est cor meum? *Job* **IX**, **21**: « Si simplex fuero,

hoc ipsum ignorabit anima mea. » *Jerem.* **XVII**, **9**: « Pravum est cor omnium, et inscrutabile. »

6. HÆC AUTEM TRANSFIGURAVI IN ME ET APOLLO, **Vers. 6.** PROPTER VOS, UT IN NOBIS DISCATIS, NE SUPRA QUAM SCRIPTUM EST (quam scripsi cap. II, vers. 2, 3. *Secundo*, S. Chrysostomus, « ne supra, » id est, contra Sacram Scripturam, quæ docet non esse superbiendum. Insulse ergo hoc loco abutuntur Novantes contra traditiones), UNUS ADVERSUS ALTERUM INFLETUR PRO ALIO. — « Hæc autem, » scilicet quæ dixi contra inanem discretionem et gloriationem magistrorum, et de non curanda laude et judicio hominum, sed Dei solius; « transfiguravi, » græce μετασχηματίσας, in figuram trans tuli, typum et exemplum eorum constitui in me et Apollo, *q. d.* Aliorum personam in nos duos transposui, et de iis sub nostro nomine locutus sum, ne quos magistros, qui infideles sunt dispensatores vanique doctores (contra quos maxime ago hoc capite), eorumve discipulos apud vos vel nominando, vel generatim perstringendo offenderem. « Ut in nobis, » id est, sub persona et nomine nostro, qui primi vestri patres sumus, multo magis alios magistros (qui hujus schismatis vestri sunt occasio, cum ego et Apollo ab illo simus immunes et innocentes) intelligatis; utque nostro exemplo, modestia, concordia, vos, o Corinthii, non inflemini, nec gloriemini « pro alio, » scilicet catechista, vel præceptore, dicendo: Ego ab Apollo baptizatus sum; Ego a Paulo conversus. Vel potius vos, o magistri, non superbiatis, et quasi aliis magistris sapientiores et eloquentiores, « pro alio, » id est, pro discipulis vestris quasi sapientioribus, præ aliorum magistrorum discipulis, non inflemini, supra quam a me jam scriptum est; non vos jactetis de vestra schola et disciplina, nec discipulis jactandi detis occasionem.

Deinceps enim magis ipsos magistros, quam Corinthios arguit, sed modeste et tacito nomine; magistros, inquam, qui hujus vanitatis, contentionis et schismatis inter discipulos suos Corinthios erant causa et fomes. Patet vers. **13**, **18**, **19**, et cap. præced., vers. **10** et **12**, et cap. **XI** toto epistolæ II. Nam iidem videntur esse pseudodoctores, quos hic modestius, utpote latentes, et necdum satis se prodentes, et quos *epist.* II, cap. **XI**, acrius, utpote jam imposturæ, judaismi et pseudodoctrinæ convictos, taxat et redarguit. Unde in Græco, ut notant ex Chrysostomo Theophylactus et Oecumenius, prius Paulus taxat magistros. Habet enim, ἵνα ἐν ταῖς μαθήταις τὸ μὴ ὑπερὶ ὃ γέγραπται, ᾗροντες, id est, ut discatis (vos o magistri) in nobis Paulo et Apollo magistris, non sentire supra id quod scriptum est, scilicet a me, putatos (et multo magis vos) tantum esse dispensatores Dei. Deinde consequenter comprimit discipulos dicens: ἵνα μὴ εἰς ὑπὲρ τὸ ἐνός φυσικῶς κατὰ τοῦ ἑτέρου, id est, ut unus non infletur contra alterum, pro alio, scilicet præceptore suo, quasi sapien-

Paulus deinceps tacito nomine magistros, schismatis auctores, arguit, quam Corinthios.

In discipulis Paulus corripit magistros.

tiore vel eloquentiore. Videtur ergo Paulus hic ad Corinthios continuare sermonem; sed in eis, et per eos objurat hic eorum doctores, et, ut vers. 15 ait, pædagogos: sicut solers et discretus pædagogus, volens filios principis increpare, honoris et reverentiæ causa, eorum famulos increpat, quasi facti auctores, ut idipsum sibi filii principis attribuunt.

Superbus metaphoricè dicitur inflatus.

INFLETUR, — id est, superbiat et intumescat typho elationis et arrogantiae. Nota: Apte superbus dicitur *inflatus* et *inflari*, id est, superbire, metaphora sumpta ab utribus. Utres enim dicuntur inflari, cum intus licet inanes et vani, flatu tamen ac vento ita distenduntur et tument, ut corporis crassi molem et speciem præ se ferant. Pari modo superbus, qui ob scientiam, eloquentiam, similemve dotem turget et extollitur, intus vera scientia, sapientia et virtute vacuus, exterius vanæ presumptionis et arrogantiae vento ita inflatur et tumet, ut utri inflato et ventoso quam similissimus sit.

Vers. 7.

7. QUIS ENIM TE DISCERNIT? — Græcum διακρίνει tam anteposit et præfert, quam discernit, segregat, adjudicat, significat. Theophylactus vertit, φησὶς, q. d. Cujus suffragio tibi hæc discretio et præcellentia tribuitur? Jam sententiam hanc Chrysostomus et Theophylactus sic explicant: « Quis, » nimirum non homo, sed Deus, te « discernit? » ut redeat Paulus ad vers. 3 et 4. Idem enim hic græce est verbum διακρίνω, quod ibi, q. d. Dei est te discernere, id est, judicare; hominum iudicia curare non debes.

Dei est discernere, id est, judicare.

Secundo et melius, q. d. Quis te discernit, id est, segregat, aut eximit a cæterorum grege, tanquam iis præstantiorem, o Corinthie catechumene? q. d. Nullus, nisi tu qui inflaris: licet enim a sanctiore, eloquentiore, doctiore esses baptizatus aut edoctus, non ideo es sanctior aut doctior. Ad hanc enim discipulorum discretionem Apostolum proprie respicere, patet ex omnibus præcedentibus, et docent Ambrosius, Anselmus, Theodoretus.

Tertio et maxime ad mentem Apostoli, qui videtur, ut dixi, potius magistris loqui, quam discipulis, hic videtur genuinus hujus loci esse sensus: Quis te, o magister, discernit, quasi in Christianismo aut evangelizando majorem et meliorem, nisi tu qui ob sapientiam et eloquentiam te vane præ aliis extollis, et tui, quos quasi Psaphonis aves, te quasi suum magistrum extollere et laudare docuisti? Si dicas: Labor, studium, industria mea me discernit ab aliis, quibus præsto. Respondeo: « Quid habes quod non accepisti? » q. d. Tuum laborem, et ingenium, et alia naturæ dona, in quibus gloriaris, accepisti a Deo, multo magis supernaturalia accepisti a Deo; ergo Deo dare debes omnem gloriam. Sapienter S. Ephrem, tract. *De Pœnitentia*: « Præbe, inquit, Deo non tua, ut tibi det quæ sunt sua. » Hinc Concilium Arausicanum, can. 22, definit

Omnia naturæ dona a Deo sunt, multo magis supernaturalia.

nos a nobis nihil habere, nisi mendacium et peccatum. Hic est sensus litteralis, et mens Apostoli (1).

Nihil a nobis habemus, nisi mendacium et peccatum.

Ubi tamen nota, quod S. Augustinus sæpe, Prosper, Fulgentius et Concilium Arausicanum II, can. 6, hanc generalem Apostoli sententiam: « Quis te discernit? » a discretionem donorum naturalium, puta sapientiæ et eloquentiæ, de qua proprie loquitur hic Apostolus, ex paritate rationis transferunt ad discretionem donorum supernaturalium gratiæ et prædestinationis divinæ: tam enim alia naturæ dona, et bona opera solis naturæ viribus facta, quam labor, studium et sapientia magistrorum impertinentia sunt ad gratiam et sanctitatem; et si illa dona non discernunt hominem, ut in naturalibus gloriari possit quasi sapientior, eloquentior, excellentior, multo minus eadem discernent hominem in supernaturalibus rebus, ut glorietur, quod ex iis factus sit sanctus vel sanctior. Hac de causa itaque S. Augustinus cum suis, rō quis te discernit? refert ad gratiam et prædestinationem, hoc sensu, quod nemo se a massa perditionis et peccatorum secernere possit, et ordiri initium salutis suæ per se et viribus naturæ suæ, uti volebant Pelagiani et Semipelagiani.

Opera solis naturæ viribus facta impertinentia sunt ad gratiam et sanctitatem.

Nemo potest ordiri initium salutis per se et viribus naturæ suæ, uti volebant Pelagiani et Semipelagiani.

Sic ergo Deus discernit justum a non justo, non naturæ vires, quia Deus est prima et præcipua causa donorum, quæ sunt in justificato: ita ut nil habeat justificatus, quo a non justificato discernitur, quod a Deo non acceperit, atque adeo de quo gloriari possit, quasi id non acceperit: id tamen non tollit, quin illud ipsum simul pendeat a libera cooperatione voluntatis nostræ, sine qua illud ipsum non esset. Nam per liberum arbitrium adjutum gratia discernere se eum qui convertitur, ab eo qui non convertitur, docet S. Augustinus, *De Spir. et Litt.*, cap. xxxiv, ubi sic ait: « Consentire vocationi divinæ, vel ab ea dissentire, propriæ voluntatis est; quæ res non solum non infirmat quod dictum est: Quid enim habes, quod non accepisti? verum etiam confirmat. Accipere quippe et habere anima non potest dona, de quibus hoc audit, nisi consentiendo; ac per hoc quid habeat, et quid accipiat, Dei est: accipere autem et habere utique accipientis et habentis est, » puta consentientis libere Dei vocationi et gratiæ, ut ante dixit S. Augustinus. Breviter quoque et nervose S. Bernardus, tract. *De Gratia et libero arbitr.*: « Quod, inquit, a Deo soli datur libero arbitrio, tam absque consensu non potest esse accipientis, quam absque gratia dantis. »

Opera ex gratia facta pendent simul a libera cooperatione voluntatis nostræ.

Si ergo quæras: Quis discernit credentem a nolente credere, posito quod parem cum eo a Deo acceperit gratiam excitantem ad credendum?

(1) Vanum quemdam inanique tumore inflatum doctorem Paulus alloquitur, qui fortassis Apostolum, a quo tamen Christianam doctrinam acceperat, nunc contemnebat; sed et alios huic similes intelligit.

Accepta gratia credens sualibera voluntate se determinat ad credendum. Respondeo : Credens sua libera voluntate, non per vires naturæ, uti voluit Pelagius, sed per vires gratiæ, se discernit a non credente : in ipsius enim arbitrio erat gratiæ assentiri, vel non assentiri, ac consequenter credere, vel non credere ; cum ergo credit, libere credit, libere gratiæ Dei assentitur, libere se a non credente discernit.

Dices : Ergo in eo, quod se discernit, gloriari potest.

Nullum motum, conatum, nutum in actu supernaturali fidei, potest homo facere viribus naturæ. Respondeo, non ita posse gloriari, quin præcipuum, imo totum tribuat Deo, et in eo gloriatur, cujus gratia se discernit. Ratio est, quia neque actum illum quo se discernit, neque gratiæ amplexum, qui non distinguitur a consensu, neque ullum omnino conatum, motum aut nutum in illum actum fecit, aut facere potuit, aut voluit virtute naturali, sed tantum viribus gratiæ. Nam in eo actu ne minima quidem est ratio formalis, quæ solis liberi arbitrii viribus sit effecta. Totum enim illud opus secundum substantiam suam, et omnes modos reales est a gratia, et totum a libero arbitrio ; sicut quodque opus totum a Deo est, ut causa prima, et totum a causa secunda ; sed a gratia habet, quod sit a supernaturale, meritorium, omnemque suam dignitatem ; a libero arbitrio tantum habet, quod sit opus liberum. Sic ergo quia ipse actus et cooperatio liberi arbitrii est a gratia excitante et cooperante, hinc non magis gloriari potest in sua cooperatione et electione homo, quam pauper cui offeruntur centum aurei, gloriari potest se eos accepisse. Et hoc tantum vult Apostolus, scilicet neminem in aliquo ita gloriari posse, quasi suum sit, et a Deo idipsum non acceperit.

Actus dei a gratia habet, quod sit supernaturalis et meritorius ; a libero arbitrio, quod sit liber. Alioqui enim omnis virtus et virtuosus per se laude et gloria est dignus ; sed laus hæc ultimo, uti et virtus, Deo est danda : viribus enim non naturæ, non suis, sed gratiæ, id est, viribus Dei, se discernit et convertit, quicumque se convertit et discernit.

Omnis virtus et virtuosus, laude et gloria est dignus. Nec aliud velle Apostolum patet, quia, ut dixi, loquitur ad litteram de discretione in sapientia, eloquentia et aliis donis naturalibus, quæ clarum est hominem posse suo labore, industria ac studio comparare, ut in iis excellat, ac se ab aliis minus doctis secernat, ac consequenter posse illa suo labori et studio tribuere, in eoque gloriari, sed modeste. Tantum ergo gloriationem illam excludit Apostolus, quæ ex superbia et aliorum contemptu oritur ; si videlicet ita superbe gloriaris, quasi hæc dona de quibus gloriaris, a te habeas, nec a Deo acceperis, ut in Deum quasi primum auctorem illa non refundas : hoc enim est, quod se explicans, diserte subdit Apostolus, dum ait : « Quid autem habes quod non accepisti ? Si autem accepisti, quid gloriaris, quasi non acceperis ? » Ergo si eandem hanc Apostoli sententiam : « Quis te discernit ? » accommodes gratiæ ac rebus supernaturalibus, tantum excludet illa ex usu et mente Pauli secretionem et gloriationem

similem, scilicet ortam ex superbia, qua alios contemnas, omnia tibi tribuas, nec ultimate in primum fontem Deum, Deique gratiam referas : hoc autem non facis, si dicas te viribus ac robore gratiæ libere teipsum discernere et secernere a peccatoribus, volentibus in peccato remanere : tunc enim primam et ultimam laudem et gloriam das Deo et gratiæ Dei ; etsi liberum arbitrium suam quoque laudem et gloriam habeat, sed a gratia et a Deo acceptam.

Ex dictis sequitur, eum qui convertitur, ab eo qui non convertitur, discerni et converti tum per gratiam, tum per liberum arbitrium : licet enim gratiam prævenientem cum alio sæpe physice æqualem tantum habeat, tamen insuper habet gratiam cooperantem, quam non habet ille qui non vult converti : cum ea enim libere se discernit et convertitur. Rursum, gratia ejus præveniens prævisa est hic et nunc in eo fore efficax ; et cum hoc prævideret Deus, illam illi destinavit, cum qua sciebat certissimo illum cooperaturum et convertendum : talem autem non dedit alteri, qui non convertitur ; hoc autem in genere moris æstimandum est, utpote quo re ipsa convertimur et salvamur. Est enim hæc gratia efficax propria prædestinatorum et electorum, si nimirum in finem usque vitæ efficax perseveret. Ita S. Augustinus. Unde patet non tam liberum arbitrium, quam gratiam discernere justum a non justo ; quia gratia operatur conversionem et justificationem in justo, qui non impedit efficaciam et operationem gratiæ, sed illi consentit et cooperatur. Id autem gratia non operatur in non justo, quia is ponit obicem et impedimentum gratiæ in eo, quod illi consentire et cooperari renuit ; itaque fit, ut gratia in ipso sit inefficax et cassa. Quocirca sapienter monet S. Ephrem, tract. in illud, *Attende tibi*, cap. x : « Charitatem, ait, cum omnibus habe, et ab omnibus abstine. » Hæc enim duo, beneficentia et continentia, summæ sanctitatis sunt indicia, quæ homines, quantumvis barbaros, emolliunt sibi que devinciunt. Ac proinde hæc duo sunt insignia Dei dona, duæque illustres Dei gratiæ, quæ præ aliis sanctum a non sancto secernunt ac segregant.

8. **JAM SATURATI ESTIS**, — oppleti scilicet sapientia, gratia et donis Spiritus Sancti, quibus vos jactatis, non tam Corinthii, quam magistri, quasi nil discendum vobis restet in Christianismo, sed quasi doctores sitis perfecti, cum vix sitis discipuli veræ et perfectæ sapientiæ. Est ironia. Ita Chrysostomus, Theophylactus, Anselmus. « Paucis satiari, ait S. Chrysostomus, imbecillis est animæ ; et parva accessione putare se ditescere, nauseabundæ est et miseræ : siquidem pietas insatiabilis est. »

Notat S. Thomas Paulum hic in Corinthiis, vel potius eorum magistris, tangere quatuor superbæ species : *Prima* est, cum qui bonum quod habet, id se non a Deo, sed a seipso habere putat ;

Vers. 8.

Ironia Apostoli utitur ad Corinthios.

Quatuor superbiæ species in magistris Co-

Gloriatio ea tantum quæ ex superbia, et aliorum contemptu oritur, hic excluditur.

rinhio-
rum.

hanc tangit, cum ait : « Quid gloriaris quasi non acceperis ? » quibus verbis etiam tangit *Secundam*, quæ est, cum quis bonum, quod habet, suis meritis ascribit. *Tertia* est, cum quis jaclat se habere quod non habet; hanc tangit, cum ait : « Jam saturati, jam divites facti estis. » *Quarta* est, cum quis alios despicit, vultque haberi singularis; hanc tangit, cum ait : « Sine nobis regnatis. »

SINE NOBIS REGNATIS (sine nostro auxilio omnibus Dei bonis excellere et triumphare vos putatis, o Corinthii; et magis vos, o magistri, inter discipulos quasi comparato regno, summam dignitatem vobis vindicatis, nobis exclusis); ET UTINAM REGNETIS, UT ET NOS VOBISCUM REGNEMUS, — quasi sequaces et æmuli vestri, aut potius quasi patres vestri; hoc enim revera sumus. Ita Theophylactus, Anselmus et Chrysostomus, q. d. Non recuso socios in regno Christi, id est, in regenda Ecclesia, modo regant ut oportet, hoc est, salutis fidelium incumbant.

Vers. 9.

9. PUTO QUOD DEUS NOS APOSTOLOS NOVISSIMOS OSTENDIT, TANQUAM MORTI DESTINATOS. — Opponit se et sinceros Apostolos vanis magistris, suamque gloriam et commoda quærentibus, q. d. Dixi : Ulinam nos Apostoli vobiscum regnemus : adeo enim nos non regnamus, non triumphamus, ut putem, quod « novissimos, » id est postremos et abjectissimos, « ostendit, » id est, exhibuit nos Deus, quasi sotes morti destinatos.

Secundo et simplicius : « Deus nos Apostolos novissimos, » id est, qui sumus novissimi, quos scilicet ultimis hisce temporibus misit in mundum; « ostendit, » Græce ἀπέδειξεν, id est designavit, ὡς ἡμιθανείς, tanquam homines morti destinatos et addictos, v. g. damnatos ad bestias. Unde Tertullianus legit, *velut bestiarios*, q. d. Deus designavit nos non regno et triumphis, sed morti, persecutioni et martyrio.

Isaias,
Jeremias
et alii
Propheta
quasi
Apostoli
a Deo
missi
sunt ad
Judæos.
Paulus
novissi-
mus
Aposto-
lorum.

Nota : Apostolos « novissimos » vocat, respectu priorum, scilicet Isaïæ, Jeremiæ et aliorum prophetarum, quos Deus quasi Apostolos misit ad Judæos, Isaïæ vi, 9 et alibi : et maxime se vocat novissimum, quia post cæteros Apostolos a Christo in terris vivente vocatos et missos, ipse a Christo regnante jam in cælis, vocatus est ad apostolatam.

Rursum, « ostendit, » id est primo, designavit; secundo, effecit, exhibuit, et, ut Syrus, constituit. Sic ostendere, in Scriptura, significat sæpe exhibere et facere, ut *Psal. lxx, 5* : « Ostendisti populo tuo dura; » *Psal. lxx, 20* : « Quantas ostendisti mihi tribulationes ? » « Ostendisti, » id est immisisti, exhibuisti. *Tertio*, « ostendit, » id est in ostentum et exemplum aliorum proposuit. Unde sequitur :

Specta-
culum

SPECTACULUM FACTI SUMUS MUNDO, ET ANGELIS, ET HOMINIBUS. — « Spectaculum, » Græce θέατρον. Unde S. Hieronymus in *Epitaphio Paulæ* legit :

« Theatrum facti sumus, » q. d. Facti sumus ut facti sumus damnati; qui in theatro morituri, vel cum bestiis pugnaturi ab omnibus spectantur. Videtur alludere ab bestiarios, qui Romæ et alibi inclusi caveis, spectante populo bestiis objiciebantur, q. d. Mundus spectare nos gestit, quasi stultos, magos aut novitatum circumforaneos, vel potius ut homines ad bestias damnatos.

Nota : « Mundo, » id est, angelis et hominibus : hi enim soli in mundo nos spectant. Unde angeli et homines carent Græco articulo, quem habet mundus : τῷ κόσμῳ, καὶ ἀγγέλοις, καὶ ἀνθρώποις. Angelis bonis spectaculum facti sumus compassionis, et pariter dignæ admirationis ac venerationis; malis autem odii et gaudii (gaudent enim mali angeli et homines de nostra contumelia, afflictione et morte), sed et pariter confusionis et terroris; hominibus bonis spectaculum sumus et exemplum fortitudinis, fidei, innocentiae, patientiae, mansuetudinis, constantiae et sanctæ conversationis, ait Titelmannus.

Moraliter vide de theatro hujus vitæ, in quo coram Deo omnia agimus, Chrysostomum in *moral. hom. 12*. Sic Augustus moriturus, ait Suetonius, ad amicos astantes : Satisne, inquit, commode personam nostram hac scena, hoc theatro egimus? Commode, responderunt amici; tum ille : Valet et plaudite; et reductis cortinis animam efflavit. Melius et aptius Edmundus Campianus, nobilis Angliæ martyr, vero Campianus, vere pugil et athleta Christi, jam martyrio afficiendus in theatro hoc ultimum concionis suæ thema proclamavit : Spectaculum facti sumus mundo, et angelis, et hominibus. Tale enim theatrum et spectaculum hic ad litteram intelligit Apostolus. « Nullum theatrum virtute et conscientia (ac præsertim apud Christianos, martyrio), majus est, » inquit Cicero, *Il Quæst. Tuscul.*

Apte quoque et pie magna illa Paula, ut refert Hieronymus in ejus *Epitaphio*, cuidam susurrioni suggerenti, quod præ nimio fervore virtutum quibusdam videretur insana, et cerebrum illius dicerent confovendum, respondit : « Theatrum, seu spectaculum, facti sumus Deo, et angelis, et hominibus. Et : Nos stulti propter Christum, sed stultum Dei sapientius est hominibus. Unde et Salvator loquitur ad Patrem : Tu scis insipientiam meam. Et iterum : Tanquam prodigium factus sum multis, et tu adjutor fortis. Ut jumentum factus sum apud te, et ego semper tecum. »

Denique S. Chrysostomus, *homil. 17 in epist. ad Rom.*, hinc docet nos fugere debere opthalmoduliam, id est, oculorum humanorum servitutem, ut in oculos Dei oculos nostros conjiciamus, et in illius conspectu theatroque perpetuo versemur. Duo, inquit, sunt theatra : alterum amplissimum, ubi Rex regum, hoc est Deus, nobilissimis angelis stipatus, ad spectandum sedet; alterum angustissimum, ubi æthiopes pauci, rerum ignari stant, id est, homines. Magna igitur

Afflictio-
nibus
nostris
angel
boni
compa-
tiuntur,
mali con-
gaudent.

Thea-
trum vi-
tae.

Thea-
trum
marty-
rium.

Thea-
trum
S. Paulæ

Insania est, amplissimum Dei angelorumque theatrum repudiare; in paucorum vero aethiopum theatro versari, illorumque oculis magno labore inservire: cum habeas in cœlis theatrum constitutum, cur in terra spectatores tibi colligis? Paulo aliter, apposite tamen ad mores, hæc verba tractat S. Bernardus, *serm.* 31 inter parvos: «Spectaculum, inquit, facti sumus mundo, et angelis, et hominibus. Ita plane et malis et bonis pariter. Illos enim sollicitat invidiæ passio, istos compassio misericordiæ, ut in nos incessanter intendant: illi quidem defectum nostrum, isti profectum desiderantes. Nimirum in probatione sumus, inter paradisum et infernum intermedi, velut inter claustrum et sæculum constituti. Diligenter consideratur utrimque quid agimus; utrimque dicitur: O si ad nos transeat! intentione quidem dissimili, sed non dispari forsitan voluntate. Quod si ita omnium oculi in nos, nostri quo abierunt, aut quare soli recesserunt a nobis?» Et mox: «Exurgamus aliquando, fratres, nec in vano accipiamus animas nostras, pro quibus alii tanto zelo, vel in bonum vigilant, vel in malum.»

Vers. 10. 10. NOS STULTI PROPTER CHRISTUM, VOS AUTEM PRUDENTES IN CHRISTO. — Pergit in ironia versus octavi, *q. d.* Nos stulti reputamur propter Christum crucifixum quem prædicamus, et cujus causa temere videmur nos obijcere tot periculis: hoc enim Gentibus videtur stultitia. Vos autem videmini vobis ipsis esse prudentes in Evangelio Christi, ob eloquentiam et philosophiam, quas illi miscetis, et quia sic prædicatis Christum; ut caute caveatis, ne quid periculi ejus causa incurralis: hinc

NOS INFIRMI, — quia multa gravia et adversa, puta famem, sitim, nuditatem, labores, calumnias, maledicta, persecutiones, ut sequitur *vers. 11*, sufferimus; nec resistimus, quod infirmitatis videtur.

VOS FORTES (et validi, quia vestra sæculari eloquentia, sapientia, amicitia, mala et adversa quæ occurrunt, facile avertitis: hinc) **VOS NOBILES**, (id est, gloriosi), **NOS IGNOBILES**, — inglorii, inhonorati, ignominiosi. Modeste, sed acriter, suo utpote magistri exemplo docet, non in gloria; opibus, sapientia, eloquentia, hominum favore, sed contumelia, gloriæ contemptu, Christique cruce gloriandum esse Christiano præsertim doctori et prædicatori: ita Chrysostomus. Itaque ruborem injicit et ipsis magistris delicatis, vanis et mollibus, et Corinthiis, qui tales potius sectarentur, quam Christi Apostolos, qui labores, opes, famam et vitam pro ipsis profundebant. Sic Isaias in persona tum sua et Prophetarum, tum Pauli et Apostolorum, *viii, 18*, ait: «Ecce ego et pueri mei, quos dedit mihi Dominus in portentum Israel.» Et, ut habent Annales Minorum, S. Franciscus dicebat se esse fatuellum Christi in mundo, ad hoc a Christo ipso delectum.

11. USQUE IN HANC HORAM ET ESURIUS, ET SITIMUS, ET NUDI SUMUS, ET COLAPHIS CÆDIMUR, ET INSTABILES SUMUS. — Pro *instabiles sumus*, græce est ἀστατοι, certam sedem non habemus, incertis sedibus erramus et vagamur. Ita Syrus, Chrysostomus et alii. Nota hic insignem descriptionem vitæ Apostolicæ: similis est *epist. II, cap. XI, vers. 23*, quam sibi præfigere debent et æmulari, qui ad eandem vocantur; uti faciunt magno zelo viri Apostolici in Anglia, Hollandia, India, Japonia.

Præclare S. Chrysostomus, *homil. 52 in Acta Apost.*, exponens verba illa S. Pauli, *Actorum xxvi, Opto omnes, qui audiunt, fieri tales, qualis et ego sum, exceptis vinculis his*: «Talis, inquit, est anima cœlesti amore sublimis, ut pro ingenti ducat gloria, vinctum esse pro Christo. Sicut enim proci non spectat nisi amasiam, et amasia fit ei omnia: sic qui igne Christi captus fuerit, talis fit, qualis esset homo solus super terram habitans, qui nihil curat gloriam et ignominiam. Tentationes enim sic contemnit ac flagella et carceres, quasi in alieno corpore pateretur, quemadmodum si adamantinum possideret corpus. Ea autem quæ suavia sunt in hac vita, ita ridet et non sentit sicut nos, vel ipsi mortui corpora mortua: tantum autem adest ne ab affectione quadam capiatur, quantum aurum, quod digne probatur, a macula abscedit. Hæc omnia operatur amor hominis ad Deum, si ingens fuerit.» Nos autem hæc non capimus, quia frigidi sumus, et cœlestis hujus philosophiæ imperiti. Vidit hoc, sed eminus et per umbram, Diogenes philosophus, qui interrogatus, quinam essent hominum nobilissimi? respondit: «Contemptores opum, gloriæ, voluptatis et vitæ; contrariis autem, puta paupertate, obscuritate, famē, laborē ac morte superiores.» Testis est Laertius et alii in ejus Vita. Vidit hoc Diogenes, sed præstare non potuit; fuit enim et ipse vanitatis et gloriæ mancipium.

12. MALEDICIMUR, ET BENEDICIMUR. — *q. d.* Infideles et Judæi nos subsannant, nobisque male precantur, dicendo: Mactentur, pereant, eant in malam crucem isti novi Dei crucifixi præcones; at nos iis bene precamur, ut Deus iis suam lucem, gratiam et salutem impertiatur. S. Basilii, in *Regulis brevior.*, *regul. 226*, notat hic ulterius per «maledicere et benedicere,» significari *malefacere* et *benefacere*: «Nimirum, inquit, monemur, ut patientia utamur adversus omnes, et ut eos qui inique nos insectantur, benigne factis remunermur: ut videlicet hoc non adversus maledicos tantum servemus, sed adversus quemcumque, qui malevolentiam suam adversum nos exerceat, et dicto illi pareamus: Noli vinci a malo, sed vince in bono malum.»

13. BLASPHEMAMUR, — probris afficimur, vocamur magi et malefici. «Blasphemare» ergo est maledicere, conviciari. Sic ad *Titum, III, 2*: «Neminem blasphemare,» id est conviciari.

Vers. 11.

Insignis descriptio vitæ Apostolicæ.

Amor Dei magnus quanta operetur in homine.

Diogenes Ὀυρανός.

Vers. 12.

Vers. 13.

In cruce Christi gloriandum est Christiano.

ET OBSECRAMUS, — mansuete eos compellamus more obsecrantium : ita Græci; vel, Deum pro iis obsecramus : ita Cajetanus; sed prius melius respondet Græco παρακαλοῦμεν. Aliter S. Basilius, *reg.* 226 paulo ante citata, ubi παρακαλοῦμεν more communi vertit, *consolamur*, id est, inquit, *explemus* animos eorum in veritatis perceptione. Sic sumitur consolari, *Roman.* I : « Ut aliquid impertiar vobis gratiæ spiritualis ad confirmandos vos, id est, simul consolari in vobis, per eam quæ invicem est, fidem vestram atque meam. »

TANQUAM PURGAMENTA HUIUS MUNDI FACTI SUMUS. — « Purgamenta » vocat fæces, excrementa, sordes, inquit Theophylactus et Theodoretus. Unde Syrus vertit נִפְתָּה *nephata*, id est, tanquam ster-
cus mundi facti sumus, idque non semel, sed semper usque ad hanc horam. Ita Theophylactus. Græce est ὡς περικαθάρματα, *q. d.* Tanquam sordes undique everrendo collectæ facti sumus; hoc enim notat περι, *q. d.* Habemur contemptissimi, abjectissimi, indigni hominum consortio, mundo ejiciendi, exterminandi.

Alludit Paulus ad Jeremiam, qui *Thren.* III, 48, ait : « Eradicationem et abjectionem posuisti me in medio populorum : » ubi hebr. כְּחִי וְכַח סֶחִי *umaos*, id est, abrasionem sive rasuram, et reprobationem, sive sordes quæ reprobantur et ejiciuntur, fecistis me : quod Paulus clare expressit, dum *sechi* sive abrasionem vertit, « purgamenta; » *maos* sive reprobam scobem et sordes, vocat « peripsema. » Jeremias enim a Judæis incarcerationatus, abrasus et reprobatus, adeoque damnatus ad mortem, fuit typus Pauli et Apostolorum, qui a Judæis et Gentibus incarcerationati, abrasi, rejecti et tandem occisi fuerunt.

Secundo, Gagneius et alii legunt per diastolen, ὡς περ καθάρματα, quasi piacula, aut piacularæ hostiæ : unde Ambrosius in *Psal.* CXVIII, *serm.* 8, legit : « Facti sumus lustramenta mundi. »

Ubi nota : Καθάρματα, vel anathema, Gentilibus erant scelesti et exitiales homines, qui famis, tempestatis alteriusve publicæ calamitatis sedandæ causa immolabantur : quales se fecerunt Decii devoteutes se pro patria, et Curtius, qui ad luem communem sedandam et numen placandum, hostiam pro salute patriæ se devovit, atque armatus Romæ in terræ hiatum insiliit. Sic Servius in illud *Æneid.* III :

Quid non mortalia pectora cogis, auri sacra fames !

notat famem dici sacram ex more Gallorum. Cum enim Massilienses peste laborarent, unus e pauperibus se offerebat alendum anno integro publicis et purioribus cibis, postea verbenis vestibusque sacris ornatus, circumducebatur per urbem, cum execrationibus, ut in eum inciderent omnia mala civitatis; sicquemactabatur, vel in aquas projiciebatur. Unde Budeus ex Suida et aliis : καθάρματα, ait, erant homines sacri, quos quasi onus totius civitatis sceleribus in mare projiciebant,

et Neptuno sacrificabant, addentes hæc verba : Περιψήμα ἡμῶν γένου : Esto nostrum peripsema, id est, nostra piacularis victima. Tale piaculum fuit apud Hebræos, caper emissarius, *Levit.* XVI, 21. Sed, ut dixi, Noster et Græca passim legunt περικαθάρματα, id est, purgamenta : unde prior sensus verior et simplicior est; agit enim Paulus de sui et suorum contemptu, quod quasi sordes et res vilissimæ omnium linguis et pedibus calcarentur. Unde sequitur :

OMNIUM PERIPSEMA USQUE ADHUC. — « Peripsema » est abjecta scobs, ramentum resque vilissimæ, quæ abijciuntur et calcantur ab omnibus. Ita Chrysostomus, Theophylactus, Anselmus. Περιψῆν enim abstergere, limare, radere significat. Oecumenius per « peripsema » intelligit vilem panniculum, vel strophium quo sudores absterguntur. Secundo, alii ex Budeo, ut dixi, « peripsema » vertunt, piacularis hostia. Unde et Syrus transtulit, כּוּפָרָא דְכִלְנֵשׁ *cuphara decullenas*, id est, piaculum omnium.

14 et 15. NON UT CONFUNDAM VOS HÆC SCRIBO (ut scilicet vobis hæc exprobre). NAM IN CHRISTO JESU PER EVANGELIUM EGO VOS GENUI, — ac per consequens ego solus vobis sum pater spiritualis; cæteri vero doctores vobis tantum sunt instar pædagogorum, qui puerum a patre genitum format et instruit. Subindicat Paulus revera Corinthiis pudendum fuisse, quod postpositis Apostolis, qui ipsos ad Christum converterant, quique ipsorum causa tanta patiebantur, sectarentur gloriosulos quosdam magistros, eorumque discipuli dici vellent (1).

17. QUI VOS COMMONEFACIET VIAS MEAS, — meam scilicet doctrinam, et vitam christianam, inquit S. Thomas et Anselmus.

IN CHRISTO, — in Christi religione, in Chistianismo, vide *Can.* 37.

19. COGNOSCAM NON SERMONEM (facundiam) EORUM, SED VIRTUTEM. — Græce, δύναμιν, id est, *energiam*.

20. NON ENIM IN SERMONE EST REGNUM DEI, SED IN VIRTUTE. — Id est virtus, energia spiritus, et perfectio christiana et maxime apostolica, qua Deus regnat, et Evangelii suæque gratiæ et spiritus efficaciam ostendit in nobis et in Ecclesia, non est sita in eloquentia, sed in potenti operatione Spiritus Sancti, scilicet in efficacia sermonis, potestate miraculorum, expulsionem dæmonum : et potius, inquit Theophylactus et Cajetanus, in tolerantia et vita apostolica, quam descripsit vers. 9, 10, 11, morum conversione et sanctimonia. Sic et Chrysostomus et Anselmus; nam S. Joannes Baptista nullum fecit miraculum, et tamen regnum Dei prædicare cepit in virtute sanctæ vitæ, spiritu et efficacia sermonis et prædicationis. Si-

(1) Dicere poterant Corinthii : Nos habemus alios patres, id est, alios doctores præter te, qui nos moneant. Respondet Paulus : Isti cæteri doctores vestri non tam patres, quam potius pædagogus vestri sunt; magis suum quam vestrum commodum quærant.

Piacula-
ris victi-
ma apud
Hebræos
caper
emissa-
rius.

Quid sit
peri-
ipsema?

Vers. 14
et 15.
Pater Co-
rinthio-
rum
Paulus.

Vers. 17.

Vers. 19.

Vers. 20.

Perfectio
Apostoli-
ca non
est sita
in elo-
quentia,
sed in
potenti
operatio-
ne Spiritus
Sancti.

S. Joannes
Baptista nul-
lum fecit
miraculo-
rum.

mile est ad Roman. XIV, 17 : « Regnum Dei non est esca et potus. »

Vers. 21. 21. QUID VULTIS? IN VIRGA VENIAM AD VOS? — quæ me quasi patrem vestrum, ut dixi vers. 13, decet. « Virga, » inquam, id est severitate correptionis et potestate puniendi. Ita Chrysostomus, Theophylactus, Anselmus.

Nota hic potestatem puniendi in Ecclesia, et Prælati Ecclesiæ, quam cap. sequent. exercet Paulus. Œcumenius et Cajetanus hæc Apostoli verba referunt ad caput sequens, in quo acriter objurgat Corinthios, ob incestum fornicarii. Recte tamen hæc verba aptari possunt præcedentibus, in quibus taxavit inflationem Corinthiorum.

Potestas puniendi in Ecclesia ejusque Prælati.

CAPUT QUINTUM.

SYNOPSIS CAPITIS.

Transit Apostolus a schismate Corinthiorum, ad scandalum incestus; itaque Corinthios reprehendit, quod in incestu publice viventem tolerarent; quare ipse eundem jubet excommunicari et tradi Satanæ.

Secundo, vers. 6, mandat ut hoc et quodlibet aliud peccati fermentum expurgent, quo puri Pascha perenne celebrent, et jugiter epulentur in azymis sinceritatis et veritatis.

Tertio, imperat eis, vers. 9, ne commisceantur Christianis palam criminosis; nam quod ad infideles et Paganos attinet, asserit eos non subesse suo et Ecclesiæ judicio.

1. Omnino auditur inter vos fornicatio, et talis fornicatio, qualis nec inter Gentes, ita ut uxorem patris sui aliquis habeat. 2. Et vos inflati estis; et non magis luctum habuistis ut tollatur de medio vestrum qui hoc opus fecit. 3. Ego quidem absens corpore, præsens autem spiritu, jam judicavi ut præsens, eum qui sic operatus est, 4. in nomine Domini nostri Jesu Christi, congregatis vobis et meo spiritu, cum virtute Domini nostri Jesu Christi. 5. tradere hujusmodi Satanæ in interitum carnis, ut spiritus salvus sit in die Domini nostri Jesu Christi. 6. Non est bona gloriatio vestra. Nescitis quia modicum fermentum totam massam corrumpit? 7. Expurgate vetus fermentum, ut sitis nova conspersio, sicut estis azymi. Etenim Pascha nostrum immolatus est Christus. 8. Itaque epulemur, non in fermento veteri, neque in fermento malitiæ et nequitiae; sed in azymis sinceritatis et veritatis. 9. Scripsi vobis in epistola : Ne commisceamini fornicariis. 10. Non utique fornicariis hujus mundi, aut avaris, aut rapacibus, aut idolis servientibus : alioquin debueratis de hoc mundo exiisse. 11. Nunc autem scripsi vobis non commisceri : si is, qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax : cum ejusmodi nec cibum sumere. 12. Quid enim mihi de iis, qui foris sunt, judicare? Nonne de iis, qui intus sunt, vos judicatis? 13. Nam eos qui foris sunt, Deus judicabit. Auferte malum ex vobis ipsis.

Vers. 1. 1. OMNINO (non vago rumore, sed certa fama et judicio) AUDITUR INTER VOS TALIS FORNICATIO, QUALIS NEC INTER GENTES, ITA UT UXOREM PATRIS SUI (id est *novercam*) ALIQUIS HABEAT, — scilicet sibi concubinam. Nota, Gentes non barbaras, sed civiles et honestas, ex dictamine et pudore naturali, aversatas esse congressum privigni cum noverca. Unde Poetæ laudant Hippolytum, qui maluit patris Thesei iram incurrere, quam Phedræ novercali libidini parere : sollicitatus enim a Phedra, cum renuisset facinus, accusatus ab ea falso, quod se sollicitasset, apud patrem, ab eo quatuor equis discerptus fuit. Extat tamen apud Valerium Maximum, lib V, cap. De Parentum amore in li-

Gentes aversatas sunt congressum privigni cum noverca.

beros, hujus copulæ exemplum in Seleuco rege, qui Antiocho filio Stratonice uxorem suam tradidit, cum Antiochus amore illius ægrotaret ad mortem, idque ex medico cognovisset Seleucus.

Nota secundo : Theodoretus in præfatione epistolæ, et Chrysostomus hic, hunc fornicarium fuisse insignem, potentem, et ducem factionis et schismatis inter Corinthios. Unde et ex schismate cap. præced. statim ad eum transit hoc cap. v.

Quæritur, an hic fornicarius, vel potius incestuosus, uxorem patris viventis an mortui accepit? Respondent aliqui, mortui : sed videtur potius viventis patris fuisse uxor ; hæc enim proprie dicitur uxor patris. Et quia *epist.* II, cap. VII,

Hic fornicarius uxorem

patris vi-
vi habuit
sibi con-
cubinam

vers. 12, alt: « Hæc scripsi, non propter eum qui fecit injuriam, nec propter eum qui passus est, » scilicet pater: ergo vivebat adhuc pater. Ita Anselmus et alii. Erat ergo hic incestus simul et adulterium, in quo contumaciter hic homo permanebat; sine contumacia enim non potuisset excommunicari (1).

Vers. 9.

2. ET VOS INFLATI ESTIS. — *q. d.* Et vos interim in vestris superbis contentionibus occupamini, et negligitis correctionem hujus incestus, nec curatis ut reus tollatur, id est expellatur, e cœtu vestro, et excommunicetur. Ita Chrysostomus, Theophylactus, Anselmus. Disce hic quanta cura satagere debeant non tantum Prælati, sed etiam fideles quique, ut scandala et scandalosi de Ecclesia tollantur.

Vers. 3.

Excom-
municatur a
Paulo
fornica-
rius.

3. EGO QUIDEM ABSENS CORPORE, PRÆSENS AUTEM SPIRITU (uti Pastorem et Episcopum Ecclesiæ suæ cura sua et vigilantia præsentem semper esse oportet, etiamsi corpore ab ea sit absens), JAM JUDICAVI (id est statui, et de facto hisce verbis statuo, judico et impero eum excommunicari et tradi Satanæ, idque) IN NOMINE CHRISTI, — id est auctoritate et vice Christi, qua fungor, dum impero et judico.

Chrysostomus vero *in nomine Christi*, refert ad id quod sequitur, *congregatis vobis*, *q. d.* Nominem Christi vos congregante, pro quo convenistis. Vult enim Paulus, ut congregatis omnibus, sive in publica Corinthiorum congregatione ex Ecclesia excommunicetur hic fornicarius. Potest tertio, *in nomine Domini nostri Jesu Christi* referri ad *tradere Satanæ*. Quia traditio hæc et executio sententiæ fit virtute, nomine et vice Christi.

Vers. 4
et 5.

4. CONGREGATIS VOBIS ET ME O SPIRITU, CUM VIRTUTE DOMINI NOSTRI JESU, TRADERE HUIUSMODI SATANÆ. — *q. d.* Judico et jubeo, ut dum vos, o Corinthii, in Ecclesia estis congregati, quibus « meo spiritu, » hoc est animo, affectu et auctoritate sum præsens cum potestate et virtute Christi mihi data, excommunicetur, et tradatur inestuosus Satanæ, qui extra Ecclesiam regnat, ibique excommunicatos solet in anima, et etiam in corpore hoc tempore affligere. Hinc patet, hoc non dici a Paulo, quasi in Ecclesia, id est tota congregatione, et plebe ac laicis sit potestas excommunicandi, non autem in Prælati, ut volunt hæretici; contrarium enim dicit: « Ego, inquit, judicavi; » sed tantum, quod velit Apostolus publice excommunicationem fieri per præpositum Ecclesiæ, ad terrorem aliorum. Unde non dicit: Ut vos congregati tradatis eum; sed, « Congregatis vobis, » id est in congregatione et Ecclesia vestra, judicavi tradere eum Satanæ, scilicet per illum, cujus est tradere, puta qui nomine Christi vice mea præest Ecclesiæ vestræ. Sic enim in omni

Non est
plebi et
laicis po-
testas ex-
commu-
nicandi.

republica judicium facit respublica, non voce populari, sed per suos judices et magistratus.

Adde, hac phrasi uti Apostolum, ut significet hanc potestatem et spiritum Ecclesiæ esse datum, et se ac Prælatos nomine Ecclesiæ illa potestate fungi eamque exercere: hoc sensu, non quod tota Ecclesia immediate eam a Christo acceperit, sed quod Christus hanc potestatem dederit Paulo et Prælati non propter se, sed ad bonum Ecclesiæ, ut, quia Ecclesia tota non potest eam exercere (sic enim in ea esset magna confusio, si singuli deberent rogari et dicere sententiam), eam saltem exerceat per sua capita et rectores. Denique, quia res odiosa est excommunicatio, vult Paulus eam ex communi Ecclesiæ consensu et spiritu fieri, ut sic omnes sibi conciliat, ne quis fornicarium virum potentem tueatur, et Paulum nimis severitatis accuset. Unde sponte sua defert illis tacite quasi judicium, et ex modestia Corinthios sibi adsciscit, quasi judices, id est approbatores et executores sententiæ a se latæ, ut fornicarium hunc publice excommunicent per Ecclesiæ præpositum. Sic enim solent modesti principes, et duces exercitus in causa ardua et periculosa, si primarius aliquis miles plectendus sit, ne exercitum exacerbent, primariorum militum sententiam exquirere, imo illis quasi judicium deferre. Ita Chrysostomus, Ambrosius, Theophylactus, Anselmus.

CUM VIRTUTE DOMINI NOSTRI JESU. — Refer ad « tradere, » vel potius cum Ambrosio ad « congregatis vobis et meo spiritu, » *q. d.* In hac actione, puta excommunicatione, Christi Spiritus vobis adest, et maxime meo spiritui adest. Christus enim Ecclesiæ suam virtutem et potestatem communicavit, ut Ecclesia per suos rectores et Prælatos posset contumaces excommunicare et tradere Satanæ.

5. TRADERE SATANÆ. — Putat Theophylactus his verbis Paulum actu excommunicare fornicarium; sed verius est, tantum iis jubere Paulum, ut excommunicetur a Prælati in ipsa Corinthiorum Ecclesia. Ita Syrus. Hoc enim est « judicavi tradere, » id est, ut tradatur: alioqui dixisset: Trado. Hoc etiam significat « congregatis vobis, » *q. d.* In vestra congregatione et Ecclesia tradatur Satanæ.

Ubi nota, veteres hunc locum accipere de excommunicatione et potestate excommunicandi, quæ est in Prælati Ecclesiæ. Ita Chrysostomus, Anselmus, Augustinus, etc., quos vide apud Baronium, anno Christi 57, pag. 448.

Nota secundo: Excommunicati dicuntur *tradi Satanæ*, quia ejecti extra societatem Christi et Ecclesiæ, ejusque bonis privati, scilicet orationibus, suffragiis, sacrificiis, Sacramentis, Dei protectione, cura pastoralis, tyrannidi et incursibus diaboli, cujus regnum est extra Ecclesiam, ita exponuntur, ut in eos magis quam ante grassetur, et in omne malum impellat. Ita Ambrosius, Augustinus, lib. III *Contra epist. Parmen.*, cap. II;

Quare
Paulus
Corin-
thios si-
bi adscis-
cat qua-
si judi-
ces ad
excom-
munican-
dum for-
nicari-
um?

Vers. 5.

Quare ex-
commu-
nicati di-
cantur
tradi Sa-
tanæ?

(1) Si Maimonidi fides habenda est, Judæi putabant licitas esse nuptias cum noverca post transitum a genti-
lismo ad Judaicam religionem (Maimonides ex *Jebamoth*,
f. 982). Cf. Sepp, op. cit. tom. II, p. 339.

Hieronymus, epist. I ad Heliod. cap. 1; Innocentius apud S. Augustinum, epist. 51.

Quomodo excommunicatus tradatur in interitum carnis? IN INTERITUM CARNIS, — ut aegritudine corporis, vulneribus, aut plagis ipsum maceret diabolus, ut caro ejus atteratur carnisque vigor intreat, ut ita humiliatus resipiscat. Ita Theodoretus, Chrysostomus, Theophylactus, Oecumenius, Anselmus.

Secunde, Ambrosius et Anselmus hic, et S. Augustinus loco paulo ante citato, sic explicant, q. d. « In interitum carnis, » id est, ut carnalis voluptas in eo intreat per hanc confusionem et pudorem: hac de causa trado eum Satanæ. Verum quia pudor hic, licet coerceat hominem ab actu externo, si periculum sit quod is in vulgus erumpet, non tamen internam carnis concupiscentiam interimit: hinc prior plurium Patrum sensus est verior et aptior.

Excommunicati olim a dæmone corpora-liter vexabantur. Ex quibus Patribus colligitur, excommunicatos olim dæmoni traditos (ut discerent excommunicationem timere), etiam ab eo corporaliter (quod aliqui hic negant) fuisse divexatos, et quasi possessos. Id enim diserte docet Theodoretus tum hic, tum I *Timoth.* 1, 20, et ibidem Ambrosius dicit hanc esse majorum traditionem, idque proprie significat hic interitus carnis. Hoc etiam illa phrasis innuit, qua excommunicati dicuntur possideri a diabolo, ut habetur cap. *Audi*, et cap. *Omnis*, 11, Quæst. III. Hæc enim phrasis ex illa corporali vexatione, quam in primitiva Ecclesia dæmon in excommunicatos exercebat, manasse videtur.

Exemplum ejusdem rei. Exempla crebra sunt in Vitis Patrum, ac nominatim in Vita S. Ambrosii scripta per Paulinum. Cum enim Ambrosius quemdam Satanæ tradidisset, dæmon eodem momento eum abripiens, discerpere cœpit. Et hac de causa, *Matth.* x, dedit Christus Apostolis potestatem spirituum immundorum, scilicet tum ad eos expellendum, tum ad eos immittendum, ad vexationem corporis, ait D. Thomas. Denique excommunicatos traditos ab Ecclesia Satanæ, possessos ac vexatos fuisse a dæmone multis exemplis docent Delrio, *De Magia*, lib. III, part. I, Quæst. VII; Petrus Tyræus, *De Dæmon.*, part. II, cap. xxx; Serarius, in *Tobiæ* cap. vi, Quæst. XX.

Finis excommunicationis. UT SPIRITUS SALVUS SIT IN DIE DOMINI. — q. d. Ut anima et mens hac pœna resipiscens et renovata, salva sit in die iudicii. Hinc patet finem excommunicationis eo ferri debere, ut pudorem et afflictionem excommunicato injiciat, quo humilietur, ut recipi oret, veniamque roget Ecclesiam et Deum; utque fideles pro eo secreto orent, et curent ut rursus sibi uniatur.

Vers. 6. 6. NON EST BONA GLORIATIO VESTRA, — jactantia vestra, qua vos jactatis de sapientia sæculari, quaque dicitis: Ego sum Pauli, ego Apollo, mala est et intempestiva; cum potius oculos et animos demittere deberetis, eo quod tantum scelus inter vos sustineatis. Ita Anselmus. Addit ex Chry-

sostomo Theophylactus: « Obscure, inquit, et clanculum subindicat, quod ipsi Corinthii non permiserint hunc fornicarium resipiscere, gloriantes ejus nomine: erat enim unus ex ipsorum sapientibus. »

MODICUM FERMENTUM TOTAM MASSAM CORRUMPIT? — Græce ζυμῆ, id est fermentat, puta totam farinæ conspersæ massam sapore et acore suo inficit. Unde Tertullianus vertit, *desipit*, id est desidiam facit. Est ergo sensus Pauli, q. d. Hæc unius fornicarii labes omnes vos quasi fermentum pervadit et aspergit, primo, ut propter unum ira Dei in vos omnes totamque Ecclesiam, quæ illam tolerat labem, sævire possit. Ita Ambrosius et Anselmus. **Secundo**, ut unius hoc exemplum, si inultum maneat, alii sequantur, et scandalum hoc alios inficiat. Ita Chrysostomus, q. d. Agite ergo, scandalum hoc tollite, et separate ab Ecclesia per excommunicationem.

7. EXPURGATE VETUS FERMENTUM, — putidum istum fornicarium e cœtu vestro, ne eum totum quasi fermentum inficiat, ejicite. Ergo non soli prædestinati, aut peccatores occulti, sed et publici (qualis erat hic fornicarius) sunt in Ecclesia, donec excommunicentur. Ita Chrysostomus et Anselmus, qui secundo apte, generalius etiam accipiunt fermentum pro fornicatione, ejusque dissimulatione, et quavis malitia ac vicio, quod pari ratione jubet Apostolus ex anima cujusque et tota Ecclesia auferri, hoc vers. et seq. et 11, q. d. Expurgate et ejicite a vobis hoc fornicationis et quodvis aliud peccati alterius fermentum: proprie tamen et directe respicit Apostolus (uti jam dixi) ad fornicarium ejusque incestum.

UT SITIS NOVA CONSPERSIO, — id est nova massa, hoc est, ut sit vestra Ecclesia nova et pura. « Conspersio » enim græce dicitur φύραμα (ἀπὸ τοῦ φέρω, id est a miscendo), hebraice בַּצָּק *batsac*, id est farina aqua mixta et macerata, massa conspersa, quæ vulgo pasta dicitur.

SICUT ESTIS AZYMI, — id est, ut Chrysostomus et Anselmus, sicut per baptismum facti estis « azy- mi, » id est a fermento peccati puri, et consequenter deinceps vocatione et professione estis, hoc est esse debetis « azy- mi, » puri scilicet et sancti. Hebraeis enim fieri dicitur, quod fieri debet; et, quod non fiet, significat id quod fieri non debet. Sic Christiani vocantur Sancti, quia debent esse sancti. Alii proprie accipiunt *estis*, q. d. Sicut præter unicum incestuosum, reliqui fere omnes reipsa estis azy- mi, id est puri (1).

Hæc vitæ et morum azyma tam verbis, quam ceremoniis in baptismo cuique proponit Ecclesia, dum post signatum chrismate verticem, baptizatum induit veste candida, et porrigens ardentem cereum, dicit illi: « Accipe vestem

(1) Forsan respicit Paulus ad festum Paschæ, quo hanc epistolam Corinthii receperant, et in quo etiam Christiani ex Judæis vescebantur azy- mis, ut sensus sit: sicut nunc vivitis festos dies azymorum, etc.

Corrumpit græce est fermentat.

Vers. 7.

Quid sit conspersio?

Hebraeis dicitur fieri quod debet fieri.

candidam, sanctam et immaculatam, quam perferas sine macula ante tribunal Domini nostri Jesu Christi, et habeas vitam æternam, et vivas in sæcula sæculorum. Amen.» Vel, ut S. Hieronymus habet in epist. ad Damasum: «Accipe lampadem ardentem irreprehensibilem, custodi baptismum tuum, serva Dei mandata, ut, cum Dominus venerit ad nuptias, possis occurrere ei una cum omnibus Sanctis, in aula cœlesti, habeasque vitam æternam, et vivas in sæcula sæculorum.

Quid per candellam et vestem candidam in baptismo significatur?

Amen.» Tam enim candela ardente, quam veste candida significatur primo, pura et exemplaris vita et conversatio; secundo, manumissio et libertas a potestate peccati et diaboli; tertio, de eisdem victoria et triumphus. Romani enim veste candida donabant servos, cum eos in libertatem asserebant; candida etiam triumphantes utebantur. De hac veste S. Ambrosius, lib. De iis qui initiuntur myster., cap. vii, jam baptizatum alloquens: «Accepisti, inquit, vestimenta candida, ut esset indicium, quod exueris involucrum peccatorum, et indueris innocentiae casta velamina.» De eadem Paulinus sic canit:

Inde parens sacro ducit de fonte sacerdos
Infantes niveos corpore, corde, habitu.

Vide S. Augustinum, Lactantium et Victorem Uticensem, quorum verba recitavi Rom. cap. vi, vers. 4.

Unde dicitur Sabbatum in albis, et Dominica in albis?

Hinc et sabbatum primum a festo Paschæ, sabbatum in albis, et sequens dies Dominica in albis vocatur, quod tunc candidam vestem neophyti deponerant: ita tamen ut (sicuti recte annotavit Baronius anno Christi 58, pag. 606) candidum agnum Dei (ut vocant) ex cereo paschali confectum et a Pontifice benedictum acciperent, eumque ex collo suspensum gestarent, ut perpetuo admonerentur puritatis et innocentiae, atque a Christo Agno paschali discerent deinceps in omni opere esse azymi, puri, mites et humiles corde.

Panes azymi cuius rei typus sint?

ETENIM PASCHA NOSTRUM IMMOLATUS EST CHRISTUS. — Nota τὸ etenim, q. d. Jure exigo ut sitis azymi et puri, quia pascha agitis, in quo omnia Judæis erant azyma; sicut enim pascha typus erat Christi, ita panes azymi erant typus Christianorum et innocentiae baptismalis, ac vitæ puræ et Christianæ. Argumentatur Apostolus a sensu allegorico paschæ et azymorum.

Derivatio nominis pascha.

PASCHA. — Nota: Ex Hebreo פסח pesach, Syri et Chaldæi de more addentes נ, formant pischa, vel pascha. Noster, Exodi xii, 41 et alibi, transfert phase, ut sit facilius vox, et magis vicina Græcis et Latinis: hi enim nullas habent voces quæ desinant in ch, unde Hebræum chet finale Septuaginta in dissyllabis in E vertere solent. Sic pro Noach, Hebræo vertunt Noe, pro Corach Core, pro Therach Thare; ita hic pro pesach, phase. Est ergo pascha Hebræa, vel potius Chaldæa vox, non Græca ἀπὸ τοῦ πάσχειν, a patiando, quasi pascha idem sit quod passio Domini, ut nonnulli

linguarum imperiti opinati sunt: deducitur enim ab Hebræo פסח pasach, quod transire, vel potius transilire significat: inde enim פסח pisseach, hebraice dicitur claudus, quod quasi saltitans incedat. Unde Symmachus et Josephus pascha vertunt, τῆς ἐξόδου, id est transcensum; S. Hieronymus, in Nominib. Hebraicis, transgressum vel transcensionem. Pascha ergo dicitur, id est transcensus, quia angelus videns postes Hebræorum sanguine agni pro hoc transitu vel transcensu immolati, illitos, transliebat Hebræorum domos, ut in eis nullum primogenitorum percuteret, et in vicinas Ægyptiorum domos sanguine agni non notatas insiliebat, in iisque omnia primogenita occidebat. Hinc a felici hoc transitu vel transcensu, agnus pro eo immolatus dicitur phase, vel pascha, id est hostia paschalis, hoc est hostia pro hoc transitu et transcensu immolata, Exodi xii, 41 et seq. Inde et dies ipse, et festum quo hoc contigit, quoque annua ejus memoria recurrit et celebratur, proprie dicitur Pascha.

Quid sit pascha?

Allegorice hic agnus significabat Christum. «Pascha ergo nostrum,» id est, agnus paschalis noster pro nobis immolatus est Christus, ut quicumque ejus sanguine et passione in baptismo et Sacramentis tinguntur, tuti sint et immunes a devastante angelo, qui eos transiliat, et insiliat in infideles et impios, qui non sunt tincti sanguine Christi, ut eos morte æterna occidat: tinctos enim a Pharaonis, id est diaboli et peccati, jugo eripuit Christus, eosque omni libertate, donis et gratiis cumulavit, et in dies cumulat. Græci addunt τῆς ἡμῶν, pro nobis, ut hæc sit sententia: «Etenim pascha nostrum pro nobis immolatus est Christus.» Vide de paschæ origine et ritu dicta Exodi xii.

Agnus paschalis allegorice est Christus.

Moraliter, S. Bernardus, serm. 4 in die Paschæ: «Pascha, inquit, nostrum immolatus est Christus. Amplectamur commendatas nobis in cruce virtutes, humilitatem, patientiam, obedientiam et charitatem. In hac quoque tam præcipua solemnitate quid commendetur nobis, sedula cogitatione pensemus: nempe resurrectio, transitus et transmigratio. Christus enim, fratres, non recidit hodie, sed resurrexit; non rediit, sed transiit; transmigravit, non remeavit. Denique et ipsum quod celebramus pascha, transitus, non reditus interpretatur; et Galilæa, ubi videndus nobis promittitur qui resurrexit, non remeationem sonat, sed transmigrationem.» Deinde illa explicans subdit: «Luximus his diebus, compunctioni et orationi, gravitati et abstinentiæ dediti. Si negligentias planximus, quid causæ est ut nunc recidamus in easdem? Inveniemur nunc iterum curiosi ut ante, verbosi ut ante, pigri et negligentes ut ante, vani, suspiciosi, detractores, iracundi, cæterisque impliciti vitiis quæ tam anxie deplojavimus his diebus? Lavi pedes meos: quomodo iterum inquinabo eos? Proh dolor! peccandi tempus, terminus recidendi facta est resurrectio

Salvatoris; ex hoc nempe comessationes et ebrietates redeunt, cubilia et impudicitiae repetuntur: quasi ad hoc surrexerit Christus, et non magis ad justificationem nostram. Non est hic transitus, sed reditus. Propter hoc (ut ait Apostolus) multi infirmi, et imbecilles, et dormiunt multi. Propter hoc crebra in diversis regionibus hominum mortalitas, specialiter his diebus. » Idem notat S. Anselmus in I Cor. xi, 30, scilicet in paschate grassari morbos et multos mori, ob indignam multorum communionem, et peccata vel non rite expiata, vel repetita.

Vers. 8. 8. ITAQUE EPULEMUR. — Græcus, Syrus et Ambrosius legunt, *itaque festum agamus*; hoc enim est Græcum *ἐορτάζωμεν*. Noster tamen vertit, *epulemur*, quia solebant festa solemnibus epulis celebrari, in signum letitiæ.

Nota: Epulum et festum hoc est, vel agni paschalis, vel azymorum. Pro quo adverte ex Exodi, XII, vesperam 14 lunæ, sive paschæ, proprie non fuisse festum, sed sequens mane, quod dicebatur solemnitas primi azymorum, quæ durabat dies septem, quibus nonnisi azymis vesci licebat; illisque diebus vice agni paschalis prius, puta præcedente decima quarta luna, sive die (Hebræi enim uti menses, ita et dies habebant lunares: nam novilunium erat prima dies mensis, et ab eo consequenter cæteros dies numerabant) mensis primi Nisan, immolati, immolabant alias victimas paschales, puta holocausta et pacifica, de quibus Num. xxviii, 19.

Sensus ergo est: Christus pro nobis quasi phase immolatus, nos redemit, nobisque initiavit solemnitate azymorum. Itaque post hoc pascha, post Christi immolationem et redemptionem, agamus festum hoc azymorum spirituale, ut simus azymi et puri, ac consequenter vescamur azymis, id est, fruamur puritate vitæ per septimanam nostræ vitæ, id est, per totum ejus decursum (septem enim diebus reolutis omne nostrum tempus decurrit: unde septenarius universalitatis est symbolum), eoque memoriam redemptionis Christi, agni paschalis nostri, puris et dignis moribus, sacrificiis et laudibus celebremus. Verum, quia vespera paschæ poterat etiam referri ad sequens mane primi azymorum, nam a vespera in vesperam celebrabant Judæi sua festa: hinc etiam hæc vespera festum dici potest, aut certe vocari festa, id est, festiva immolatio, et epulum agni. Unde Noster vertit hic, *epulemur*.

Secundus. Hinc colligi potest secundus sensus, videlicet, q. d. Perenne habeamus pascha, unus continuusque sit nobis dies festus paschæ; ut Christo agno paschali ejusque beneficiis et donis quotidie vescamur, et festive epulemur spiritualiter fide, spe, charitate, aut etiam realiter in venerabili Sacramento, idque in azymis, id est cum azymis, sinceritatis et veritatis. Vide Chrysostomum et Anselmum. Nam licet agnus paschalis quoad immolatio-

nem figura esset sacrificii Christi in cruce, tamen quoad azyma et esum magis erat figura sacrificii incruenti, in Eucharistia. Ita per pascha hic, Christus in Eucharistiæ sacrificio immolatus et manducatum intelligunt S. Cyprianus, serm. *De Cæna Domini*; Nazianzenus, orat. *De Pascha*; Chrysostomus, serm. *De Prodit. Julæ*; Ambrosius, in cap. i *Lucæ*; Hieronymus et Origenes, in cap. xxvi *Matth.* Unde S. Andreas Apostolus ad *Ægeam* tyrannum: « Ego, ait, quotidie Agnum immaculatum immolo, cujus carnem cum omnis populus comederit, agnus tamen qui sacrificatus est, integer perseverat, et vivus. » Hinc etiam Ecclesia hunc locum Apostoli, pro epistola legit in solemnitate paschæ, quando omnes communicare, et de hoc Agno paschali manducare præcipit; cum in primitiva Ecclesia de eodem fideles quotidie manducarent, uti hic hortatur Apostolus.

Moraliter Chrysostomus epulandum dicit, non quia pascha est, aut pentecoste, sed quia omne tempus, tempus epulationis est Christianis, ob collatorum beneficiorum excellentiam: « Quid enim boni inquit, non concessit Filius Dei pro te natus, mortuus? Te liberavit et in regnum vocavit, quomodo ergo non semper epularis? » Hinc S. Sylvester omnes dies vocavit ferias, ut dicamus feria prima, secunda, tertia, quia omni die Christiani a peccato feriari debent et Deo vacare, et festum agere spirituale. Hinc et Clemens Alexandrinus, lib. VII *Stromat.*: « Universa, inquit, vita viri justus est quidam celebris ac sanctus dies festus. »

NON IN FERMENTO MALITIÆ ET NEQUITIÆ. — « Nequitia, » græce *πορνεία*, quod Vatablus recte, *versutia*; alii, *pravitas*, vertunt: nequam enim est, qui meditate, et cum dolo ac fraude male agit. Veteres Latini per malitiam et nequitiam significabant omnia hominum vitia et scelera. Hinc illud Publii Africani apud Gellium, lib. VII, cap. xi: « Omnia mala, probra, flagitia quæ homines faciunt, in duabus rebus sunt: malitia atque nequitia. »

SED IN AZYMIS SINCERITATIS ET VERITATIS. — Est Quæ azyma sinceritatis et veritatis? hebraismus, q. d. Epulemur, non in panibus azymis, non triticeis, sed spiritualibus, qui sunt « sinceritas (id est puritas) et veritas, » non intellectus, neque oris tantum; sed veritas vitæ, id est, justitia Christiana, hoc est, debitum quodvis Christianæ virtutis, seu id ad quod obligantur Christiani, quod est omnis virtutis honestas, maxime simplicitas, fidelitas, veracitas. Opponitur enim hic *sinceritas*, id est sincera ac pura vita, *malitia*; *veritas* vero, vel vita vera, *nequitia*; vel, ut Vatablus vertit, *versutia*, id est, hypocrisis, dolo, fraudi. Ita Theophylactus. Alludit ad cænas puras paschatis, in quibus non fermento, sed azymo, id est, puro pane vescabantur, quæ symbolum erant absolutissimæ puritatis.

9. SCRIPSI VOBIS, — nimirum vers. 2 hujus cap.: Vers. 9. ita Theodoretus et Chrysostomus, licet D. Thomas,

Pascha est Christus in Eucharistia.

Pascha tale celebravit quotidie S. Andreas.

Morale de jugo epulo spirituali Christianorum.

Unde dicuntur feria prima, secunda, tertia.

Vespera 14 lunæ sive paschæ proprie non fuit festum.

Quid sit vesci azymis, et agere pascha? Prima dispositio.

Glossa, Lyranus, Cajetanus, putent alia anteriori epistola, quæ interciderit, id scripsisse Paulum : scripsi, inquam, id quod sequitur :

Vers. 9
et 10.

9 et 10. NE COMMISCEAMINI (ne habeatis consortium cum) FORNICARIIS, NON UTIQUE FORNICARIIS HUIUS MUNDI (*q. d.* Cum dixi et scripsi : Ne commisceamini fornicariis, non intellexi fornicarios Paganos esse vitandos) : ALIOQUIN DEBUERATIS DE HOC MUNDO EXIISSE ; — totus enim mundus plenus est Paganis, eisque vel fornicariis, vel avaris, vel idolis servantibus ; sed « si is qui frater est, » id est, si sit Christianus, ait Ambrosius, et publice male audiat quasi fornicator, hunc vitate.

Vers. 11.

11. SI IS, QUI FRATER NOMINATUR, EST FORNICATOR. — Tò *nominatur* refer ad *frater*, quanquam ex Græco cum Oecumenio referri potest ad *fornicator* ; *q. d.* Qui publice nominatur fornicator. Unde Augustinus, lib. III *contra Parmen.*, cap. II : *Nominatur*, inquit, id est, judicatur, condemnatur in iudicio de fornicatione, tanquam fornicator (1).

Quis avarus, quis rapax ?

AUT AVARUS, AUT RAPAX. — « Avarus » est, qui clam aliena capit per fraudes ; « rapax, » qui per vim apertam. Nec enim avarus qui tenacius sua retinet, cælo excludetur, nisi neget eleemosynam pauperi in extrema et gravi necessitate ; multo minus a societate fidelium est excludendus : quod tamen hic jubet Apostolus. « Avarum » ergo intelligit furem, vel raptorem, ut dixi. Unde pro « avarus, » græce est *πλεονέκτης*, quod idem est atque *πλεονεκτικός*. *Πλεονεκτικός* ; autem Aristoteli dicitur fraudator et circumscriptor, ait Budæus. *Πλεονέκτης* enim fraudare significat, ut patet II *Cor.* VII, 2, et XII, 18.

12. QUID MIHI DE IIS, QUI FORIS SUNT, JUDICARE ?

Vers. 12.

NONNE DE IIS, QUI INTUS SUNT, VOS JUDICATIS ? — Nota : « Judicare » hic uti et alibi, idem est quod damnare et punire fornicarios, *v. g.* pœna separationis et vitætionis, quasi excommunicationis cujusdam, quæ fertur hoc ipso, quo aliis puris et innocentibus præcipitur, ut cum fornicariis hisce non commisceantur, *q. d.* Hoc ipso quo edico, Non commisceamini fornicariis, indirecte et consequenter judico et damno ipsosmet fornicarios, quasi fontes et noxios cavendos et fugiendos ; idque hac de causa, ut nimirum ipsi, cum vident se hac lege ab aliis vitari, confundantur et resipiscant : damno, inquam, fornicarios, non eos qui « foris, » id est extra Ecclesiam, sunt, puta Paganos (hi enim cum sint extra Ecclesiam, pariter extra meam jurisdictionem sunt) ; sed eos qui in Ecclesia sunt, puta fideles, qui meæ curæ et jurisdictioni sunt subjecti.

Paganos non judicat Ecclesia ?

Dices : Si eos qui foris sunt non possumus judicare : ergo Ecclesia non potest judicare et punire hæreticos et schismaticos ; hi enim sunt foris, id est extra Ecclesiam.

Respondeo, eos esse extra Ecclesiam, quia bonis Ecclesiæ sunt privati ; intus tamen sunt, quia ejus jurisdictioni subsunt ; hoc ipso enim quo characterem baptismi retinent, manent sua prima professione Ecclesiæ devincti, obligati, subjecti. Unde tenentur jejuniis, festis aliisque legibus Ecclesiæ : suntque in Ecclesia, sicut mancipia in familia, et rei incarcerati in urbe.

Qua ratione hæretici et schismatici sint in Ecclesia.

13. AUFERTE MALUM EX VOBIS IPSIS, — ejicite e cætu vestro fornicarium : nam Græce est τὸν πορνέον.

Vers. 13.

(1) « Nunc autem scripsi vobis, » id est, sed hæc fuit mea mens, quum ita scriberem. Nunc hic vinum habet ad-versativam, ut apud Ciceronem sepe ponitur, *nunc vero*.

CAPUT SEXTUM.

SYNOPSIS CAPITIS.

Transit Apostolus ad litigia et judicia, arguitque Corinthios, quod lites instituant coram judice Ethnico, easque subinde iniquas et injustas.

Inde secundo, vers. 9, docet iniquos, quorum varias species enumerat, regnum Dei non possessuros.

Tertio, vers. 13, transit ad fornicationem, eamque insectatur multis argumentis. Colligam ea in fine capituli.

1. Audet aliquis vestrum habens negotium adversus alterum, judicari apud iniquos, et non apud sanctos ? 2. An nescitis quoniam sancti de hoc mundo judicabunt ? Et si in vobis judicabitur mundus, indigni estis qui de minimis judicetis ? 3. Nescitis quoniam angelos judicabimus ? quanto magis sæcularia ? 4. Sæcularia igitur judicia si habueritis, contempnibiles, qui sunt in Ecclesia, illos constituite ad judicandum. 5. Ad verecundiam vestram dico. Sic non est inter vos sapiens quisquam, qui possit judicare inter fratrem suum ? 6. Sed frater cum fratre iudicio contendit : et hoc apud infideles ? 7. Jam quidem omnino

delictum est in vobis, quod judicia habetis inter vos. Quare non magis injuriam accipitis? quare non magis fraudem patimini? 8. Sed vos injuriam facitis, et fraudatis: et hoc fratribus. 9. An nescitis quia iniqui regnum Dei non possidebunt? Nolite errare: neque fornicarii, neque idolis servientes, neque adulteri, 10. neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. 11. Et hæc quidam fuistis: sed abluti estis, sed sanctificati estis, sed justificati estis in nomine Domini nostri Jesu Christi, et in Spiritu Dei nostri. 12. Omnia mihi licent, sed non omnia expediunt. Omnia mihi licent, sed ego sub nullius redigar potestate. 13. Esca ventri, et venter escis: Deus autem et hunc et has destruet: corpus autem non fornicationi, sed Domino, et Dominus corpori. 14. Deus vero et Dominum suscitavit, et nos suscitabit per virtutem suam. 15. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. 16. An nescitis quoniam qui adhæret meretrici, unum corpus efficitur? Erunt enim (inquit) duo in carne una. 17. Qui autem adhæret Domino, unus spiritus est. 18. Fugite fornicationem. Omne peccatum quodcumque fecerit homo, extra corpus est: qui autem fornicatur, in corpus suum peccat. 19. An nescitis quoniam membra vestra templum sunt Spiritus Sancti, qui in vobis est, quem habetis a Deo, et non estis vestri? 20. Empti enim estis pretio magno. Glorificate, et portate Deum in corpore vestro.

Vers. 1. 1. AUDET ALIQUIS VESTRUM HABENS NEGOTIUM
Quid hic (item) ADVERSUS ALTERUM (puta fratrem, sive Christianum. Ita Syrus) JUDICARI? — Syrus דנדון *dandun*, id est iudicio experiri, iudicio contendere: sic enim Hebræi dicunt נספח *nispah*, iudicatus est, pro iudicio contendit, ut I Reg. xii, 7, dicit Samuel: «Nunc ergo state, ut iudicio contendam (hebraice אשפטה *issapeta*, id est iudicer) adversum vos coram Domino.» Et Ezech. xi, 35: «Adducam vos in desertum populorum, et iudicabor (id est iudicium subibo, litigabo) vobiscum ibi facie ad faciem: sicut iudicio contendi adversum patres vestros in deserto terræ Egypti.» Et Jerem. ii, 35: «Ecce ego iudicio contendam tecum,» hebraice אמתך נספח *nispah otach*, id est iudicabor tecum. Pari modo Græcum ἀπὸ τοῦ δικαστοῦ, id est iudicari, verbum medium est, tam activæ quam passivæ significationis: hic autem activæ est. Nam Apostolus non carpit eos, qui ad tribunalia Ethnorum trahebantur, hi enim ea declinare non poterant; sed eos, qui fratres ad hæc tribunalia trahebant, aut communi utriusque litigantis consensu eadem adibant (1).

JUDICARI APUD INIQUOS (puta apud Gentiles infideles: *iniquos* enim opponit *sanctis*, cum ait) ET NON APUD SANCTOS. — «Sancti» autem vocabantur fideles et Christiani, uti sæpe jam dixi. Ita Chrysostomus, Theophylactus, Anselmus. Græce est οἱ τῶν ἁγίων, id est, *apud iustos*, quia infideles carent fide, qua iustus vivit, ac consequenter iniusti sunt, et sæpe proprie injustitiam commit-

tunt, q. d. Cum sint iniusti hi iudices, ab eis iustitia non est expectanda, cum sæpe uti fidem, ita et iustitiam pervertant.

2. SI IN VOBIS JUDICABITUR MUNDUS, INDIGNI ESTIS QUI DE MINIMIS JUDICETIS? — q. d. Si per vos Christianos et sanctos iudicabitur totus mundus, quanto magis per vos, quasi arbitros, minimæ vestræ lites componi debent?

3. NESCITIS QUONIAM ANGELOS JUDICABIMUS? — Aliqui per «angelos» sacerdotes intelligunt: hi enim a *Malachia*, cap. ii, vocantur «angeli Domini exercituum.» Sed hoc alienum est a mente Pauli. Unde et Patres passim hic proprie angelos accipiunt.

Nota hic agi de die iudicii generalis. Ita Chrysostomus, Theodoretus, Ambrosius, Anselmus.

Hinc sequitur *primo*, illo die iudicandos esse non tantum homines, sed et angelos bonos et malos (de malis angelis hunc locum accipiunt Chrysostomus, Theodoretus, Theophylactus, Anselmus). Est enim una Ecclesia hominum et angelorum, unumque caput et iudex Christus. Hoc etiam pertinet ad publicam gloriam divinæ iustitiæ et ad laudem angelorum.

Sequitur *secundo*, quod Christus et Sancti non improprie, quomodo dicitur *Matth. xii, 41*, quod regina Austri et Ninivite surgent in iudicio, et condemnabunt generationem istam, gentem scilicet Judæorum; sed iudicio proprie dicto (tali enim iudicabant sæcularia Corinthii) iudicabunt sua potestate et auctoritate angelos, uti et homines: bonos quidem iudicio approbationis, laudis et glorificationis; malos vero propriissime iudicio condemnationis et exprobrationis: quod scilicet ipsi, cum homines essent in corpore fragili, Dei cultum omnemque puritatem amplexi sint, quod

Vers. 4. Mundus iudicabitur per Sanctos et Christianos.

Vers. 3.

In generali iudicio iudicandi sunt homines et angeli tam boni quam mali.

Quomodo homines sancti iudicabunt angelos bonos et malos?

(1) Judæis permissum erat a Romanis, habere lituum suarum arbitros ex suis cœtibus. Eodem privilegio igitur et Christiani gaudebant, præcipue illi ex Judæis. Sed nonnulli Corinthii, spretis arbitris Christianis, iudices Ethnicos adibant.

illi, cum essent incorporei et puri spiritus, facere noluerunt, ait Theophylactus et Theodoretus. Rursum, quia Sancti victores dæmonis in hac vita fuerunt, hinc pro præmio in iudicio malitiam ejus, superbiam et imbecillitatem coram toto mundo traducent et quasi victo, vili, contemptibili, a Deo projecto et in æternum damnato insultabunt; uti et Christus, *Coloss. II, 15*. Quæ res dæmonibus superbissimis maxima et molestissima pœna erit, ut pulchre docet Franciscus Suarez, *III part., Quæst. LIX*, disp. LVII, sect. 8. Adde Apostolos et viros Apostolicos, qui, relictis omnibus, Christum proxime secuti sunt, iudici Christo proximos fore, quasi primores et assessores regni: itaque una et eadem cum Christo sententia, uti Cardinales cum Papa, omnes alios judicabunt, *Matth. XIX, 28*.

QUANTO MAGIS SÆCULARIA? — scilicet negotia, quæ ad communem hominum usum pertinent (hoc enim significat Græcum *βιωτικά*), subaudi, digni et apti sumus judicare: si nimirum hoc iudicium ad nos deferatur a partibus litigantibus, aut si huic iudicio præficiamur ab Ecclesia, vel a republica: nam si angelos judicare valemus, quidni et sæcularia? Angeli enim tantum sæcularibus præstant, quantum cælum terræ præcellit.

vers. 4. 4. CONTEMPTIBILES IN ECCLESIA (potius quam Gentiles; iudices sive arbitros) CONSTITUTE AD JUDICANDUM. — Ita Theodoretus (1). Unde subdit:

vers. 5. 5. SIC NON EST INTER VOS QUISQUAM SAPIENS, QUI POSSIT JUDICARE INTER FRATREM SUUM? — Est mycterismus, sive ironia cum stomacho, et tacita quadam subsannatione et exprobratione. Paulo aliter hæc, quasi serio dicta accipiunt Sedulius, et Gregorius, lib. XIX *Moral.*, cap. XXI: «Contemptibiles, inquiunt, qui sunt, constituite ad iudicandum. Quasi dicat. Qui minoris sunt meriti in Ecclesia, et nullis magnarum virtutum donis pollent, ipsi de terrenis negotiis iudicent: quatenus per quos magna nequeunt, bona minora suppleantur.»

Indicium causarum sæcularium commissum fuit presbyteris. Nota: Hoc iudicium causarum sæcularium postea inter Christianos commissum fuit presbyteris et Episcopis, ut patet ex Clemente, lib. I *Constit.*, cap. XLIX; I, LI, et epist. 4 ad *Jacobum fratrem Domini*: «Si qui, inquit, fratres negotia habent inter se, apud cognitores sæculi ne iudicentur, sed apud presbyteros Ecclesiæ quidquid est illud dirimatur, et omni modo obediant statutis eorum.» Idque postea lege Cæsarea, quæ exstat XI, *Quæst. 1*, can. *Quicumque*, et can. *Velumus*, statuit Theodosius Imperator et confirmavit Carolus Magnus, nimirum ut quisque, sive reus, sive actor, possit, relicto tribunali sæculari, etiam post litem contestatam, adire iudicem Ecclesiasticum. Unde hoc munere iudicis inter fideles suos functi sunt Gregorius Thaumaturgus, Neocæsariensis

Episcopus, ut patet ex Nysseno in ejus Vita; S. Ambrosius, ut patet lib. II *Offic.*, cap. XXIX, ubi etiam Imperatorum injusta iudicia irritasse se dicit; S. Augustinus, ut patet *De Opere monach.*, cap. XXVI; Synesius, ut patet *epist. 57* et *58*. Sed crescente nimis numero Christianorum et litium, Episcopi hoc iudicium ad iudices sæculares, sed Christianos, rejecerunt; idque ex doctrina et institutione S. Petri, qui ad Clementem, et in eo ad quosvis Episcopos ita loquitur, *epist. 1* Clementis jam citata: «Nec enim iudicem, inquit, aut cognitorem sæcularium negotiorum hodie te ordinatum vult Christus, ne præfocatus præsentibus non possis verbo Dei vacare, et secundum veritatis regulam secernere bonos a malis.»

Episcopi iudicium causarum sæcularium ad sæculares iudices rejecerunt.

Dices: Cur ergo Apostolus iudicium non mandat hic Episcopo? Respondet Ambrosius, quia is nondum erat Corinthi: «Necdum, ait, rector in eorum Ecclesia erat constitutus;» recter enim a Paulo conversi erant Corinthii, erantque fideles adhuc pauci.

SIC NON EST (Græce *οὐκ ἔστι* pro *οὐκ ἔστιν*) INTER VOS SAPIENS, QUI POSSIT JUDICARE INTER FRATREM? — Subaudi, et fratrem, hoc est, inter fratres, puta Christianos litigantes.

7. JAM QUIDEM OMNINO DELICTUM EST IN VOBIS. — Vers. 7.

«Delictum,» Græce *ἥττημα*, quod Theophylactus vertit, «condemnatio et pudor.» *Secundo*, simplicius, *ἥττημα*, id est *minoratio*, diminutio, defectus; ut cum quis ab alio vincitur, et per hoc viribus aut animo minuitur, q. d. Imperfectio, dejectio, impotentia animi est in vobis, quod scilicet iræ, lucri, contentionisque affectu vincimini, et quod nihil pati et sufferre potestis. Parvi enim et obiecti est animi, ab ira, ab injuria, ab avaritia, ab impatientia vinci: magnanimus enim animus habet supra hæc omnia elatum et excelsum; omnia ut se minora et indigna despiciat, ideoque injurias non curat, sed contemnit: impotentia, inquam, animi et lucri cupidus sunt, quæ vos impellunt, ut in infidelium tribunali litigetis, cum scandalo aliorum, tum fidelium, tum infidelium, qui sic Christi fidem contemnunt.

Quis sit vere magnanimus?

QUARE NON MAGIS INJURIAM ACCIPITIS? — Id est, ut græce, *ἀδικεῖτε*, damnum patimini, ut decet Christianos novos in tanta paucitate, primo fervore, pacis et perfectionis professione.

Unde nota: Hic locus non favet Anabaptistis, qui hinc volunt omnem potestatem judicariam auferre magistratibus. Nam, ut Chrysostomus, Apostolus hic non iudicium taxat, sed *primo*, impatientiam litigantium. *Secundo*, quod fratribus, id est Christianis, injuriam faciant; hoc enim est quod ait vers. 8: «Sed vos injuriam facitis, et fraudatis, et hoc fratribus.» *Tertio*, quod de his iudicium infidelibus et injustis permittant. *Quarto*, quod apud eos per calumniam pauperes opprimant. *Quinto*, quod pacem fraternam, vinculum charitatis, fidemque ipsam hoc scandalo lædant. Addit Cajetanus alterutrum litigantium semper

Apostolus iudicium a iudice hic non taxat, et volunt Anabaptistæ.

(1) Alii Græcum *καὶ ἐν* in indicativo, cum interrogandi signo, vertunt: an contemptos, scil. ethnicos, an d. Ecclesiam arbitros et iudices constituitis?

delinquere, quia alteruter fovet injustam causam, nisi per ignorantiam excusetur. Quare S. Augustinus, *Enchirid.* cap. LXXVIII, lites etiam justas vix suscipi ait sine peccato, saltem veniali; quia fere procedunt ex nimio amore rerum temporalium; et vix carent periculo odii, malevolentiae, calumniae. Accedit jactura temporis, pacis ac tranquillitatis internae, quae nisi bono majore compensentur, non sine peccato lites etiam justae suscipiuntur. Hinc Christus, *Matth.* v, 40, ita sancit: « Ei qui vult tecum in iudicio contendere, et tunicam tuam tollere, dimitte ei et pallium. » Bonum majus est necessitas propria, publica, familiae, pietas, justitiae obligatio; ut cum monasterii aut pauperum bona vis tutari aut recuperare publico iudicio. Sic Paulus ad iudicium Caesaris appellat, *Act.* xxv, 11. Denique Apostolus non reprehendit hic iudicia ex parte iudicis, sed ex parte litigantium. Itaque etiamsi peccatum esset litigare, non tamen peccatum esset judicare; iudicia enim finem imponunt litibus, quod valde bonum est. S. Paulo astipulatur S. Clemens Romanus illi coevalus, imo discipulus, lib. II *Constit. Apost.*, xlv: « Pulchra, ait, christiani hominis laus est, cum nemine litigare. Sin autem alicujus opera aut tentatione quapiam factum fuerit, ut incidat ei lis, det operam, ut dirimatur, quamvis opus sit aliquid damni facere, et ne adeat ad iudicium gentilium; imo ne patiamini, ut saeculares magistratus de causis vestris iudicent: per eos enim diabolus studet, ut famulis Dei probrum etiam excitet; quasi non habeatis vos quempiam sapientem, qui possit inter vos jus dicere, aut controversiam dirimere. »

Vers 9 et 10. 9 et 10. NEQUE FORNICARII, NEQUE ADULTERI, etc., REGNUM DEI POSSIDEBUNT. — Hinc patet non tantum adulterium, sed etiam fornicationem, qua solutus cum soluta peccat, esse contra legem, tam Christi quam naturae. Erravit turpiter in hac re R. Moses Aegyptius, lib. III *More*, cap. L, ubi congressum Judae cum Thamar, *Genes.* xxxviii, excusat hoc nomine, quod ante legem Mosis licitum esset meretricari. Turpius errant nostri politici, qui licet concedant lege Christi vetitam esse fornicationem, negant tamen eam lege Mosis fuisse vetitam. Id enim admittit Moses, et alii Rabbini passim docent, *Exod.* xx, sexto Decalogi praecepto: *Non mœchaberis*, non solum mœchiam sive adulterium, sed etiam incestum, sodomiam, fornicationem omnemque concubitum et libidinem, quae limites matrimonii egreditur, esse vetitam. Ita Tobias, cap. iv: « Attende, inquit, fili mi, ab omni fornicatione, et præter uxorem tuam, nunquam patiaris crimen scire. » Ita Apostolus hic fornicationem annumerat adulterio, idololatriæ aliisque peccatis quae sunt contra legem naturae et Decalogi, hominesque natura sua excludunt a regno Dei: repugnat enim fornicatio primæ creationi hominis et institutioni matrimonii, qua Deus naturæ omniumque Dominus alligavit usum

membrorum generationi servientium, matrimonio, et extra illud homini utendi facultatem ademit: repugnat et fidei conjugali atque bono proli, quæ recte educari nequit in fornicatione, sed tantum in matrimonio. Hinc *Deuter.* xxii, 21, jubetur lapidari puella, quæ ante nuptias in domo patris fornicata est. Et Sapiens, *Eccli.* xix, 3, ait: « Qui se jungit fornicariis, erit nequam: putredo et vermis hæreditabunt illum. » Denique ut alia taceam, *Num.* xxv, 9, ob fornicationem Hebræorum cum filiabus Moab, cæsa sunt ex eis viginti quatuor millia.

MOLLES. — Mollities est pollutio.

AVARI. — Hi sunt qui per fraudes, injustos contractus et dolosas lites aliena expilant. Distinguuntur enim hic a furibus et a rapacibus. Vide dicta cap. v, 10.

EBRIOSI. — Græcum *μεθύοντες*, tam ebrium, quam ebriosum significat: quare « ebriosi » hic non proprie frequentiam, vel consuetudinem se inebriandi, sed actum denotat; sic enim et cætera hic, ut fur, maledicus, adulter, actum significant; unus enim eorum actus eos a cælo excludet. Idem patet *Galat.* v, 21. Una ergo perfecta ebrietas est peccatum mortale, quia privat hominem usu rationis, ut sit quasi bestia; et hominem exponit periculo rixæ, libidinis et multorum peccatorum. Aliter S. Thomas: Ebrietas, inquit, non est peccatum mortale, ob ignorantiam fortitudinis vini, vel debilitatem proprii capitis: quæ tamen excusatio tollitur per frequentem experientiam: ideo signanter ait Apostolus « ebriosus », non *ebrius*. Sed prior explicatio est solidior.

11. SED ABLUTI ESTIS, SED SANCTIFICATI ESTIS, SED JUSTIFICATI ESTIS (per baptismum), IN SPIRITU DEI NOSTRI, — per Spiritum Sanctum. Ita Chrysostomus, Theophylactus, Œcumenius. Pulchrum hujus ablutionis et mutationis morum per baptismum et Christianismum factæ exemplum de seipso narrat S. Cyprianus, epist. 2 *ad Donatum*, ubi candide confitetur, qualis fuerit ante baptismum, qualis subito evaserit per gratiam baptismi, quidque sibi contulerit Christianismus, qui, ut ipse ait, est « mors criminum et vita virtutum. » Similia habet Nazianzenus, *Orat. funebr. in laudem Cypriani*, ubi enarrat mirabilem ejus conversionem, et cordis vitæque commutationem, quam baptismo percepit.

12. OMNIA MIHI LICENT, SED NON OMNIA EXPEDIUNT (1). — « Omnia mihi licent, » per liberum arbitrium, inquit Theodoretus et Œcumenius, putat licet, et in mea potestate est fornicari, rapere, inebriari et cætera, quæ hic præmisit Apostolus: v-

(1) Non male suspicatur Storrius, in *Notitiis historicis Epistolarum Pauli ad Cor. interpretationi inservientibus*, licentiores Corinthios verba πάντα μοι ἔστιν, quæ olim ex Apostolo, de cibis locuto, forte audierant, et de cibis per se spectatis intelligere debebant, transtulisse ad eum cum idololatria conjunctum, imo ad consequentem epulis idololatricis πορνείαν, vers. 13.

legemnatu-
ra?

Gravissima
punitio for-
nicationis.

Qui mol-
les, ava-
ri,

et ebri-
si?

Quare
perfecta
ebrietas
sit pecca-
tum mor-
tale?

Vers 11.

Vers. 12.
Quid
Paulus
velit per
omnia
mihi li-
cent?

rum hæc non expediunt saluti animæ meæ, quia peccata sunt.

Sed hunc sensum recte refellit Ambrosius : « Quomodo, inquit, licet quod prohibetur? aut certe si omnia licent, nihil potest esse illicitum, » *q. d.* Ambrosius : Illud dicitur licere quod nulla lege est prohibitum; non autem id quod est liberi arbitrii facere, vel omittere. Sensus itaque hujus loci est : « Omnia mihi licent, » omnia nimirum adiaphora, et lege non prohibita. Ita Chrysostomus, qui cum Theophylacto hæc refert ad vers. sequent.

Vers. 13. 13. ESCA VENTRI, ET VENTER ESCIS. — *q. d.* Licet mihi omnibus cibis vesci, sed non sinam gulam alicujus cibi mihi dominari, ut fiam mancipium ventris.

Secundo, Ambrosius et S. Thomas referunt ad sumptus, *q. d.* Licet mihi evangelizanti a vobis accipere sumptus et victum; sed ego eos non accipiam, ne ulli fiam obnoxius et meam libertatem perdam; ut more epistolico varia misceat Apostolus, quæ sciebat illos ad quos scribit, aliunde intelligere.

Tertio et aptissime, Anselmus et S. Thomas referunt hanc sententiam ad superiora de judiciis, *q. d.* Hæc contra judicia dixi, non quasi illicitum sit ex se in iudicio sua repetere, sed quod nolim sub aliorum, scilicet iudicum, advocatorum, procuratorum, maxime infidelium, potestatem vos redigi. Unde vertit Syrus, *nemo in me potestatem exercebit.*

Quæ consideranda in omnibus nostris operibus? Moraliter S. Bernardus, lib. III *De Consider. ad Eugenium* : « Spiritualis, inquit, homo omne opus suum trina consideratione præveniet, primo, an liceat; deinde, an deceat; postremo, an expediat. Nam etsi constat, in Christiana utique philosophia, non decere nisi quæ licent, non expedire nisi quæ decent et licent; non continuo tamen omne quod licet, decere aut expedire consequens erit. »

Venter vilissima pars hominis. ESCA VENTRI (scilicet destinata est, æque ac) VENTER ESCIS. — *q. d.* Cur lites suscipitis ob temporalia, quæ fere ad escas et ventrem tendunt? Esca enim res caduca est et vilis, ad hoc facta, ut in ventrem projiciatur : venter autem vilissima pars hominis tantum est ad hoc, ut escas coquat, digerat, egerat, corrumpat, estque vas sordium; et tam esca quam venter peribunt, quia in morte fiet esca vermium; et licet venter resurget, non tamen amplius escas admittet. Simul *secundo*, transit hic ex composito ad gulam Apostolus, quia gula est mater libidinis, quam deinceps insectatur. Ita Theophylactus. Unde S. Athanasius, vel quisquis est auctor (nam non esse S. Athanasium Alexandrinum, patet ex eo quod Quæst. XXIII citat ipsum Athanasium, et ab eo diversam sequatur sententiam; et ex eo, quod citet Epiphanius et Gregorium Nyssenum, qui S. Athanasio fuerunt posteriores), Athanasius, inquam, ad Antiochum, Quæst. CXXXIII, per ventrem hic intelli-

git ingluviem et crapulam, *q. d.* « Esca ventri et venter escis, id est ad crapulam venter habet desiderium, et hæc ad illum : verum qui crapulæ ventrique deditus est, non potest servire Deo, sed sui ipsius ventris servus est, ideo abolebit illum Deus. »

DEUS ET HUNC (ventrem) ET HAS (escas) DESTRUET — *καταργήσιν*, abolebit, in morte et resurrectione, ut scilicet non sit amplius venter escarum, qui escis pascatur; nec escæ sint ventris, ut ventrem inescant et impleant.

CORPUS NON FORNICATIONI (destinatum et datum est, ut fornicemur), SED (ut) DOMINO (casto corpore serviamus, Christumque ut caput castis et sanctis moribus sequamur. Ita Anselmus et Chrysostomus. Unde sequitur), ET DOMINUS CORPORI. — Christus scilicet corpori nostro datus est in caput, ut illi quasi immineat, *q. d.* Ergo corpora nostra non fornicationi, sed Christo capiti quasi membra pure servire debent, semperque caput suum Christum, Christique puritatem æmulari. *Secundo*, « Dominus corpori, » id est Christus corpori casto et puro erit præmium, eique incorruptionem et immortalitatem donabit. Ita Ambrosius et Anselmus. Prior sensus est simplicior, nam de resurrectione sequitur, cum subdit :

Vers. 14. 14. DEUS VERO ET DOMINUM (Christum et crucifixum et mortuum) SUSCITAVIT : ET NOS (si cum Christo gulæ et libidini moriamur, eaque crucifigamus) SUSCITABIT.

15. NESCITIS QUONIAM CORPORA VESTRA MEMBRA SUNT CHRISTI? — Vos ipsi enim, ac consequenter corpus et anima vestra, estis membra Ecclesiæ Christi. Pulchre S. Augustinus, *serm.* 18 in hæc Apostoli verba : « Vita, inquit, corporis anima est, vita animæ Deus est. Spiritus Dei habitat in anima, et per animam in corpore, ut et corpora nostra templum sint Spiritus Sancti, quem habemus a Deo. »

TOLLENS ERGO MEMBRA CHRISTI, FACIAM MEMBRA MERETRICIS? ABSIT. — « Tollens, » non quasi avelens et separans a Christo; Christi enim et Ecclesiæ membrum manet fornicator, quamdiu fidem veram retinet. Sed « tollens, » id est accipiens, et; ut D. Thomas, injuste subtrahens sua membra generationi destinata, obsequio et servitio Christi, cujus sunt. Fidelis enim fornicans hæc generationis membra et corpus suum, quasi membrum, Christo, cujus est, suffuratur, et dat meretrici. Tollit ergo a Christo corporis sui usum, non dominium.

Vers. 16. 16. QUI ADHÆRET MERETRICI, UNUM CORPUS EFFICITUR. ERUNT ENIM, INQUIT, DUO IN CARNE UNA. — « Unum corpus, » per corporum unionem et commixtionem, ut, sicut mercatores in societate unas habent opes, quia communes, sic fornicarii unum habeant corpus, quia utriusque corpus est utrique commune, ait Cajetanus. Et sic sunt « duo in carne una, » id est duo sunt una caro, *q. d.* E duobus fiet unus homo, non spiritualis, sed carnalis, et quasi totus caro.

Crapula deditus non potest servire Deo.

Vers. 14.

Vers. 15.
Corpus nostrum et anima sunt membra Christi.

Vers. 16.

Quomodo fornicarius cum meretrice unum corpus efficitur?

ERUNT ENIM; INQUIT (Scriptura sacra), duo in CARNE UNA. — Citat hæc verba Paulus ex *Gen.* cap. II, vers. 24, ubi dicuntur de conjugibus: bene tamen Apostolus ea refert ad fornicantes, quia actus externi seu conjugum, seu fornicantium, secundum speciem naturæ non differunt, licet in genere moris specie, imo genere, differant: horum enim actus sunt libidinis et vitii, illorum vero actus sunt temperantiæ, justitiæ et virtutis. Ita S. Thomas.

Nota: De conjugibus dicitur, quod « erunt duo in carne una, » id est duo erunt una caro: primo, per copulam carnalem, ut hic explicat Apostolus. Secundo, « erunt una caro, » synecdochice, id est unus homo, una persona: vir enim et femina civiliter unum sunt, et censentur una persona civilis. Tertio, quia conjux est dominus corporis sui comparis, et sic unius caro est alterius caro. Patet cap. seq., vers. 3. Quarto, effective, quia unam carnem; scilicet prolem, generant.

Quare Deus ex costa Adami fecit Evam? Nota secundo: Hac phrasi utitur Scriptura hoc fine, ut ostendat inter humanas necessitudines arctissimum et inviolabile esse vinculum matrimonii. Hinc ex Adami costa fecit Deus Evam, quasi vir et femina non tam duo quam unus sint, debeantque unum esse amore et voluntate, adeoque si sit opus, conjux conjugis causa debeat patrem et matrem deserere; ut dicitur *Genes.* II, 24. Citat ergo Apostolus hunc locum, ut demonstret quantum se deiciat et infamet fornicator, utpote qui tam arcte jungatur cum meretricula vilissima, ut unum fiat cum illa, et in ipsam, in scortum scilicet et meretricem, se quasi transformet.

Vers. 17. 17. QUI AUTEM ADHÆRET DOMINO (cum eo fit et) **EST UNUS SPIRITUS.** — « Unus, » non essentialiter, ut voluit Almaricus et illuminati quidam fanatici, sed accidentaliter: unus, inquam, charitate, voluntatis consensu, gratia et gloria, quæ hominem faciunt quasi divinum et Deum, ut cum Deo quasi unus idemque sit spiritus. Ita Ambrosius, Anselmus, OEcumenius. Unde ex hoc loco S. Basilius, lib. *De Vera Virginit.*, demonstrat animam castam et sanctam esse sponsam Dei, eamque in divinæ imaginis excellentiam transferri, ut cum Deo unus fiat spiritus; atque ex hac cum Deo conjunctione haurire omnem puritatem, virtutem, incorruptionem, pacem et tranquillitatem: « Quocirca, inquit, anima quæ Christo copulata est tanquam sapientiæ Verbi Dei sponsa, sapiens ac prudens sit necesse est, ut omni stultitiæ et insipientiæ nota jugi divinarum rerum meditatione explosa, sapientiæ, cui conjuncta est, ornetur pulchritudine: donec æternam sapientiam sibi penitus jungat, unumque cum eo, cui inhæsit, effecta, ex corruptibili fiat incorruptibilis, ex imperita prudens ac sapientissima, tanquam Verbi cui adhæsit costa, atque (ut breviter dicam)

ex homine mortali immortalis Deus; sic ut ille, cui conjuncta est, omnibus manifestetur. »

Præclare vero S. Bernardus, serm. 7 in *Cantica*, hoc Dei cum anima (quæ pura et casta dilectione Deo adhæret) connubium, et ex eo manantem bonorum communicationem ita describit: « Anima, inquit, quæ diligit Deum, sponsa vocatur: hæc enim duo nomina, sponsa et sponsus, maxime indicant internos affectus; his enim omnia communia sunt, una hæreditas, una domus, una mensa, unus lectus, una caro. Propter hanc relinquit homo patrem et matrem, etc., et erunt duo in carne una. » Deinde eorumdem amorem et osculum prosequitur dicens: « Sponsa itaque dicitur illa, quæ amat; amat autem quæ osculum petit, non petit libertatem, non mercedem, non hæreditatem, sed osculum more plane castissimæ sponse, ac sacrum spirantis amorem, nec omnino valentis flammam dissimulare, quam patitur. Osculetur, inquit, me osculo oris sui. Quasi dicat: Quid mihi est in cælo, et a te quid volui super terram? » Denique hujus amoris puritatem et vehementiam ita explicat: « Amat profecto caste quæ ipsum, quem amat, quærit, non aliud quid præter ipsum. Amat sancte, quia non in concupiscentia carnis, sed in puritate spiritus. Amat ardentem, quæ ita proprio inebriatur amore, ut majestatem non cogitet. Quid enim? respicit terram, et facit eam tremere; tangit montes, et fumigant; et ista se ab eo postulat osculari? ebria est? ebria certe, quia fortassis de cella vinaria egressa erat. O quanta amoris vis! quanta in spiritu libertatis fiducia! Perfecta charitas foras mittit timorem. Nec dicit: Me osculetur iste, vel ille sponsus, vel amicus, vel rex; sed indeterminate loquitur: Osculetur me, quemadmodum et Maria Magdalena dixit, loquens de Christo Domino, quem in monumento non reperiens, sublatum credidit: Si tu sustulisti eum, dicito mihi, ubi posuisti eum, et ego eum tollam. Quem eum? non aperit; quia palam omnibus esse credit, quod a suo corde nec ad instans recedere potest. Sic sponsa: Osculetur me, ait, ille qui nunquam a corde meo absens est: quia amore accensa credit nomen sponsi omnibus conspicuum esse. » Plura de hac animæ Deo adhærentis cum Deo desponsatione et conjunctione dicam II *Corinth.* XI, 2.

Rursum idem Bernardus, sive auctor tract. *De Vita solitar.*, ante finem: « Unitas, inquit, spiritus cum Deo hominis cor sursum habentis, proficientis in Deum voluntatis est perfectio. Cum jam non solum vult quæ Deus vult, sed sic est non tantum affectus, sed etiam in affectu profectus, ut non possit velle nisi quod Deus vult: velle autem quod Deus vult, hoc jam simile Deo esse est: non posse velle nisi quod vult Deus, hoc est jam esse quod Deus est, cui jam velle et esse idipsum est. Unde bene dicitur, quod tunc videbimus eum sicuti est; cum sic similes ei eri-

Anima
casta
sponsa
Dei est.

Excellentia et utilitas hominis cum Deo uniti.

mus, hoc erimus quod ipse est : quibus enim potestas data est filios Dei fieri, data est potestas, non quidem ut sint Deus, sed sint tamen quod Deus est. »

Unitas spiritus cum Deo est similitudo tri. Deinde prosequitur Bernardus triplicem similitudinem hominum cum Deo, ac deinde subiungit : « Dicitur autem hæc similitudo Dei unitas spiritus, non tantum quia efficit eam, vel afficit ei spiritum hominis Spiritus Sanctus, sed quia est ipsa Spiritus Sanctus, Deus charitas : qui cum sit amor Patris et Filii, et unitas, et suavitas, et bonum, et osculum, et amplexus, et quidquid commune potest esse amborum in summa illa unitate veritatis et veritate unitatis, hoc idem homini suo modo fit ad Deum, quod cum substantiali unitate Filio est ad Patrem, et Patri ad Filium; cum in amplexu Patris et Filii mediam quodammodo se invenit hominis beata conscientia : cum modo ineffabili incogitabilique fieri meretur homo Dei, non Deus; sed tamen quod Deus est ex natura, homo ex gratia. »

Vers. 18. Sola libido fugiendo vincitur. 18. FUGITE FORNICATIONEM. — Quia, ut Anselmus, Cassianus et passim Patres docent, alia vitia pugnando, sola libido fugiendo vincitur, scilicet fugiendo feminas, objecta, occasiones libidinis, divertendo oculos et mentem, ut alia videat et cogitet. Si enim turpi tentationi te opponas et cogitationi repugnes, cogitando magis commoves imaginationem earumdem, indeque carnem et concupiscentiam innatam et in libidinem profusam magis accendis.

OMNE PECCATUM EXTRA CORPUS EST, — corpus proprium non maculat, non polluit.

Dices : Si quis se occidat, mutilet, castret, hic in corpus suum peccabit : ergo non omne peccatum a fornicatione distinctum extra corpus est.

Respondeo : *Omne peccatum*, id est omne genus peccatorum, quod communiter et ordinarie committunt homines, extra corpus est. Septem enim sunt vitia capitalia, quæ Theologi ex S. Paulo dividunt in spiritualia, et corporalia sive carnalia; carnalia duo sunt, gula, et libido : spiritualia sunt quinque, puta superbia, avaritia, ira, invidia; acedia, ex quibus ira et invidia subinde per se prorumpunt in necem proximi, non autem in necem propriam nisi per accidens, raro et extraordinarie; ac consequenter iracundus per se et ordinarie non peccat in corpus proprium, sed alienum, quod lædit vel occidit, q. d. Apostolus :

Vitia capitalia dupliciter dividunt Theologi. *Omne peccatum*, id est pleraque omnia peccata, quæ ordinarie et communiter faciunt homines, extra corpus sunt. Non ergo sub *omne peccatum*, comprehendit sui mutilationem vel occisionem, quæ per accidens, raro et extravanter fiunt; non etiam comprehendit gulam, uti mox dicam.

QUI FORNICATUR, IN CORPUS SUUM PECCAT. — S. Hieronymus, epist. ad Amadum, tom. III, duas huius loci expositiones affert, quarum prima est : fornicator peccat in corpus, id est in uxorem

suam. *Secunda*, in corpore defigit stimulos veneris, qui etiam post peccatum, cum vult pœnitere, ad pristina cum titillent. « Alia, ait S. Hieronymus, peccata forinsecus sunt, quæ post factum pœnitundinem habent, et licet invitet lucrum, mordet conscientia. Sola libido etiam in ipso tempore pœnitendi, præteritos stimulos patitur, et titillationem carnis et incentiva peccati, ut per hæc quæ corrigi cupimus cogitantes, rursum sit materia peccandi. » Id expertum se fatur S. Hieronymus, epist. 22 ad Eustochium. Experta idipsum est et sancta Maria Egyptiaca, quæ totidem annos quot veneri servierat, scilicet 17, hos stimulos pœnitens est passa, ut narrat Sophronius, Hierosolymorum Patriarcha, in ejus Vita.

ŒCUMENIUS decem alias ejus loci habet expositiones. Totidem adfert Isidorus Pelusiota, lib. IV, epist. 129. Verum sensus proprius et genuinus huius loci est : « Qui fornicatur, in corpus suum peccat, » hoc est, qui fornicatur, corpori suo injurius est, corpori suo gravem injuriam irrogat : primo, quia corpus suum polluit, coinquinat et maculat. Ita Nyssenus, oratione in hanc Apostoli sententiam.

Secundo, quia corpus suum fornicando debilitat, exhaurit, et sæpe lue venerea, aliisque morbis inficit et consumit. Ita S. Athanasius apud Œcumenium. Utroque modo gulosus quoque et ebriosus in corpus suum peccat : quia illud phelgmatis, vomitu aliisque sordibus sæpe dedecorat, illiusque vires et calorem naturalem debilitat, lædit et obruit. Unde sub fornicatione hic gula et ebrietas quasi illi affinis, imo mater, intelligi potest : qua de causa de gula paulo ante, vers. 13, egisse videtur Apostolus : hæc enim duo, scilicet gula et libido, propria sunt vitia corporis, unde et peccata carnalia vocantur; reliqua vitia sunt spiritus et mentis, uti paulo ante dixi.

Tertio, fornicator corpori suo injurius est, quia ipse solus corpus suum liberum, purum et nobile viliissimæ meretricis juri, servituti et potestati subiecit, ut cum ea quasi unum quid fiat. Perinde enim ac si quis corpus nobile, sanum et speciosum colligaret corpori alicujus putidi leprosi, diceretur injuriam gravem facere corpori tam nobili et pulchro; ita qui corpus suum liberum, purum ac nobile, a Deo creatum, et sanguine Christi redemptum et ablutum, meretrici sordidæ, abjectæ et infami commiscet, gravem corpori suo injuriam irrogat; hanc enim injuriam omnibus hisce versibus exaggerat Apostolus.

Quarto, fornicator in corpus suum peccat et injurius est, quia in corpore fœdam et pudendam libidinem excitat, quæ ita mentem absorbet, ut in illius actu nihil aliud homo cogitare possit. Facit ergo fornicator corpus suum mancipium libidinis et concupiscentiæ, ut in eo fœda libido dominetur, illudque totum sibi vindicat : nec gula, nec aliud vitium in corpore tam pudendam et tam vehementem concupiscentiam excitat, quæ

Onas
scintillas
relinquat
libido,

ejusque
exemplum.

Quare
fornicator
in
corpus
suum
peccat?
Prima
causa.
Secunda.

Quare
ebriosus
et gulosus
in
suum
corpus
peccat?

Tertia.

Similitudo
decla-
rans
quam
fœ-
dum
sit
meretricium.

Quarta.

Sola libido sibi corpus mancipet, ut libido. Sola ergo libido dominatur corpori, illudque sua concupiscentia et peccato inficit, subjugat et corrumpit.

19. AN NESCITIS QUONIAM MEMBRA VESTRA TEMPLUM SUNT SPIRITUS SANCTI? etc. — Ergo quasi sacrilegi sunt, qui per libidinem polluunt corpora sua, quæ sunt templa Spiritus Sancti. Illi enim injuriam irrogant, dum corpus ipsi dicatum auferunt et transferunt ad veneris dæmonem. Porro corpora fidelium templum sunt Spiritus Sancti, quia ipsi membra sunt Christi, et quia fideles cum Deo unus sunt Spiritus. Vide dicta vers. 16 et 17, et quæ dicturus sum *Epist.* II, cap. VI, vers. 16. Acute et eleganter Tertullianus, *De Cultu feminae*, cap. I, hujus templi ædituam et antistitem constituit pudicitiam: « Nam cum omnes, inquit, templum sinus Dei, illato in nos et consecrato Spiritu Sancto, ejus templi æditua et antistes pudicitia est, quæ nihil immundum, nec profanum inferri sinat, ne Deus ille qui inhabitat, inquinatam sedem offensus derelinquat. » Fidelis ergo et justus est templum, in quo per gratiam habitat et colitur Spiritus Sanctus, quem iis dedit Deus, ut in iis operetur sanctas cogitationes, affectiones, sermones, actus. Quare indignum est, ut ejus corpus et anima per fornicationem fiat fanum impuræ Veneris et Priapi: hæc enim gravis est injuria in Deum et Spiritum Sanctum. Hinc S. Seraphia virgo et martyr, cum Præses ei diceret: « Ubi est templum Christi quem adoras, et quo sacrificio? » respondit: « Ego castitatem colens templum sum Christi, cui meipsam in sacrificium offero. » Ait Præses: « Si castitas tibi ablata fuerit, Christi templum esse desines? » Ad quem virgo: « Si quis templum Dei violaverit, disperdet illum Deus. » Immisit igitur Præses duos juvenes qui eam violarent: sed illa orante terræmotus extitit, juvenesque exanimati cecidere; verum illius precibus vitæ restituti sunt. Ita habet ejus *Vita* apud Surium, 3 septembris.

20. EMPTI ESTIS PRETIO MAGNO. GLORIFICATE ET PORTATE DEUM IN CORPORE VESTRO, — *q. d.* Magni æstimate, magni facite vestra corpora, cum ea licetur dæmon turpi et brevi corporis voluptate. Ne corpus tuum vilipendas, ne gratis vendas, imo maximi ducas: hæc est enim gloria Dei, si magni fiant illa corpora, quæ Deus tanto sibi pretio comparavit, scilicet sanguine suo. Hinc nomen gloriosum Christiani est Emptus et Redemptus, scilicet a peccato et gentilismo, idque pretio sanguinis Christi. Sic olim filii Christianorum empti a Turcis, et a christianismo ad turcismum traducti, vocabantur *mamluchi*, id est empti. Cum enim Tartari subegissent Armeniam, venderunt pueros Christianorum: hos Melech-Sala, Ægypti Sultanus, emit magno numero, ipsosque in militia exerceri curavit, et vocavit *mamluchos*, id est emptos. *מלך* *malac* enim Arabice significat emere et acquirere. Post mortem Sultani Melech-Sala cœperunt Mamluchi ex suo collegio, quod solis

Christianis apostatis constabat, regem constituere anno Christi 1252. Ut autem cœperunt Mamluchi sub Frederico II Imperatore, ita extirpati sunt a Selymo Ægyptum occupante, anno Christi 1516. Tunc enim Mamluchi regnare et esse desierunt.

GLORIFICATE DEUM IN CORPORE VESTRO, — castum illud servando in obsequium spiritus et Dei.

Nota: *Tò portate* non est in Græco. Ut equus, ait D. Thomas, portat dominum et sessorem, et ad ejus voluntatem movetur; ita corpus Dei voluntati et obsequio mancipetur. Græca addunt: *καὶ ἐν τῷ πνεύματι ὑμῶν, ἀλλά ἐν τοῦ Θεοῦ, et in spiritu vestro, quæ sunt Dei, q. d.* Glorificate et portate Deum, et in corpore et in mente, quia utraque sunt Dei.

Nota, Corinthios fuisse in venerem, ac consequenter in gulam propensos. Id patet ex Suida verbo *Cothys*, qui ait: « Cothys dæmon apud Corinthios colitur, præses effeminatorum et impudicorum. » Idem docet Herodotus in *Clio*, et Strabo, lib. VIII: « Fanum Veneris, ait Strabo, Corinthi ita fuit locuples, ut plures quam mille haberit sacrorum famulas meretrices, quas Dæ viri mulieresque dedicarunt. » Inde in proverbium abiit *κοιτῶν ἄστυ*, hoc est, lascivire, genio et libidini vacare. Hinc Apostolus impense Corinthios dehortatur a solita fornicatione; idque variis rationibus ex diversis locis petitis: *primo*, a creatione; *secundo*, a resurrectione corporis; *tertio*, a fœditate libidinis et injuria in corpus; *quarto*, a dignitate corporis.

Ex quibus colligas sex argumenta, quibus eos deterret a scortatione. *Primum* est, quia corpus non est nostrum, sed Domini, vers. 13. *Secundum*, quia, si castum sit, resurget in gloria, vers. 14. *Tertium*, quia corpus nostrum membrum est Christi, vers. 15. *Quartum*, quia corpus castum templum est Spiritus Sancti, ut per castitatem Deo adhærens fiat unus spiritus cum Deo, vers. 17. *Quintum*, quia libido corpus dedecorat et contaminat, vers. 18. *Sextum*, quia corpus nostrum Christi sanguine emptum est; ergo indignum est, et Deo, Christo ac Spiritui Sancto injurium, si quis illud det meretrici, vers. 20. Vide Chrysostomum in *Moral.*

Moraliter et S. Bernardus in psal. *Qui habitat*, serm. 7: « Glorificate, inquit, dilectissimi, et portate interim Christum in corpore vestro, onus delectabile, suave pondus, sarcinam salutarem, etiamsi premere aliquando forte videtur, etiamsi interdum latera tundit et flagellat recalcitrantem, etiamsi aliquando in camo et fræno maxillas constringit, et coercet omnino feliciter. Esto ut jumentum, minime tamen jumentum, patienter quidem sustinens onus, sed honorem intelligens: sapienter et delectabiliter cogitans tam ipsius oneris qualitatem, quam propriam utilitatem. » Sic S. Ignatius Martyr vocatus est Deifer et Christifer, idemque B. Virginem in suis ad eam epistolis *Christiferam* consulat, ait S. Bernardus.

Quando et a quo extirpati Mamluchi?

Cothys est præses impudicorum.

Proverbium *κοιτῶν ἄστυ*.

Sex argumentis Paulus dehortatur Corinthios a fornicatione.

Filii Christianorum a Turcis empti olim *Mamluchi* vocantur.

CAPUT SEPTIMUM.

SYNOPSIS CAPITIS.

- Quinque** Respondet Corinthiorum quæstionibus de jure matrimonii, et consilio virginitatis ac cælibatus.
quæstio- **Prima** quæstio est, An Christiano, utpote jam renato, et sanctificato, liceat matrimonium ejusque usus?
nes Co- Respondet Paulus, licere, imo conjugii petenti debitum reddi debere: Uxori, inquit, vir debitum
rinthio- reddat, et uxor viro: adeoque melius esse nubere, quam uri.
rum circa **Secunda** est vers. 10, de divortio, An liceat facere divortium? Respondet Paulus negative.
matrimo- **Tertia** est vers. 12, Quid si fidelis conjugem habeat infidelem, potestne cum eo manere et habitare? Res-
nium re- pondet posse, imo debere, si infidelis consentiat pacifice habitare cum fidei.
solvit hic **Quarta** est vers. 17, An ob christianismum mutandus sit status? ut conjux, v. g. qui servus fuit in paga-
Aposto- nismo, per christianismum fiat liber; qui Ethnicus fuit, fiat Judæus. Respondet negative, adeoque
lus. quemque in suo statu manere debere.
Quinta est vers. 25, An saltem illæ quæ virgines convertuntur ad Christum, manere debeant virgines?
 Respondet, virginitatem nemini præcipi, sed omnibus consuli, quasi matrimonio meliorem ob sex rationes.
Prima est, ob necessitatem præsentis temporis, quod breve nobis datum est ad lucra, non temporalia, sed
 æterna comparanda: hisce autem comparandis tota insistit virgo, vers. 26.
Secunda vers. 27, quia conjugatus, conjugio quasi vinculo alligatus est uxori: cælebs autem solutus est et
 liber.
Tertia vers. 28, quia cælebs caret tribulatione carnis, quæ est in conjugio.
Quarta vers. 32, quia virgo tantum cogitat quomodo placeat Deo; conjugatus divisum habet cor et curam
 in uxorem et Deum.
Quinta vers. 34, quia virgo sancta est et corpore et spiritu; conjugatus nec corpore, nec spiritu sæpe.
Sexta vers. 35, quia cælibatus facultatem præbet virgini sine impedimento Dominum obsecrandi; cum
 conjugatus mille habeat impedimenta devotionis et pietatis.

1. De quibus autem scripsistis mihi: Bonum est homini mulierem non tangere; 2. propter fornicationem autem unusquisque suam uxorem habeat, et unaquæque suum virum habeat. 3. Uxori vir debitum reddat: similiter autem et uxor viro. 4. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier. 5. Nolite fraudare invicem, nisi forte ex consensu ad tempus, ut vacetis orationi: et iterum revertimini in idipsum, ne tentet vos Satanas propter incontinentiam vestram. 6. Hoc autem dico secundum indulgentiam, non secundum imperium. 7. Volo enim omnes vos esse sicut meipsum; sed unusquisque proprium donum habet ex Deo: alius quidem sic, alius vero sic. 8. Dico autem non nuptis et viduis: bonum est illis si sic permaneant, sicut et ego. 9. Quod si non se continent, nubant. Melius est enim nubere, quam uri. 10. Iis autem, qui matrimonio juncti sunt, præcipio non ego, sed Dominus, uxorem a viro non discedere: 11. quod si discesserit, manere innuptam, aut viro suo reconciliari. Et vir uxorem non dimittat. 12. Nam cæteris ego dico, non Dominus. Si quis frater uxorem habet infidelem, et hæc consentit habitare cum illo, non dimittat illam. 13. Et si qua mulier fidelis habet virum infidelem, et hic consentit habitare cum illa, non dimittat virum: 14. sanctificatus est enim vir infidelis per mulierem fidelem, et sanctificata est mulier infidelis per virum fidelem: alioquin filii vestri immundi essent, nunc autem sancti sunt. 15. Quod si infidelis discedit, discedat: non enim servituti subjectus est frater aut soror in hujusmodi: in pace autem vocavit nos Deus. 16. Unde enim scis, mulier, si virum salvum facies? aut unde scis, vir, si mulierem salvam facies? 17. Nisi unicuique sicut divi-

sit Dominus, unumquemque sicut vocavit Deus, ita ambulet, et sicut in omnibus Ecclesiis doceo. 18. Circumcisis aliquis vocatus est? non adducat præputium. In præputio aliquis vocatus est? non circumcidatur. 19. Circumcisio nihil est, et præputium nihil est: sed observatio mandatorum Dei. 20. Unusquisque in qua vocatione vocatus est, in ea permaneat. 21. Servus vocatus es? non sit tibi curæ: sed et si potes fieri liber, magis utere. 22. Qui enim in Domino vocatus est servus, libertus est Domini; similiter qui liber vocatus est, servus est Christi. 23. Pretio empti estis, nolite fieri servi hominum. 24. Unusquisque in quo vocatus est, fratres, in hoc permaneat apud Deum. 25. De virginibus autem præceptum Domini non habeo: consilium autem do, tanquam misericordiam consecutus a Domino, ut sim fidelis. 26. Existimo ergo hoc bonum esse propter instantem necessitatem, quoniam bonum est homini sic esse. 27. Alligatus es uxori? noli quærere solutionem. Solutus es ab uxore? noli quærere uxorem. 28. Si autem acceperis uxorem, non peccasti. Et si nupserit virgo, non peccavit: tribulationem tamen carnis habebunt huiusmodi. Ego autem vobis parco. 29. Hoc itaque dico, fratres: Tempus breve est: reliquum est, ut et qui habent uxores, tanquam non habentes sint; 30. et qui flent, tanquam non flentes; et qui gaudent, tanquam non gaudentes; et qui emunt, tanquam non possidentes; 31. et qui utuntur hoc mundo, tanquam non utantur: præterit enim figura huius mundi. 32. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. 33. Qui autem cum uxore est, sollicitus est quæ sunt mundi, quomodo placeat uxori, et divisus est. 34. Et mulier innupta, et virgo cogitat quæ Domini sunt, ut sit sancta corpore et spiritu. Quæ autem nupta est, cogitat quæ sunt mundi, quomodo placeat viro. 35. Porro hoc ad utilitatem vestram dico: non ut laqueum vobis injiciam, sed ad id, quod honestum est, et quod facultatem præbeat sine impedimento Dominum obsecrandi. 36. Si quis autem turpem se videri existimat super virgine sua, quod sit superadulta, et ita oportet fieri: quod vult faciat; non peccat, si nubat. 37. Nam qui statuit in corde suo firmus, non habens necessitatem, potestatem autem habens suæ voluntatis, et hoc iudicavit in corde suo, servare virginem suam, bene facit. 38. Igitur et qui matrimonio jungit virginem suam, bene facit; et qui non jungit, melius facit. 39. Mulier alligata est legi quanto tempore vir ejus vivit, quod si dormierit vir ejus, liberata est: cui vult nubat: tantum in Domino. 40. Beatior autem erit si sic permanserit secundum meum consilium: puto autem quod et ego Spiritum Dei habeam.

Vera. 1.

1. DE QUIBUS AUTEM SCRIPSISTIS MIHI. — q. d.

Quod attinet ad quæstiones quas mihi proposuistis de matrimonii et cælibatus jure, usu, fructu, sic respondeo: « Bonum est homini mulierem non tangere. » Ubi nota ex S. Anselmo et Ambrosio, Pseudo-apostoli quidam, ut sanctiores viderentur, docebant nuptias esse spernendas, idque ex verbis Christi, *Matth. x, 12*: « Sunt eunuchi, qui seipsos castraverunt propter regnum celorum: » quod ipsi de omnibus Christianis dictum interpretabantur; maxime cum actus fornicationis, quem tantopere insectatus est Apostolus cap. præced., non multum distare videatur, imo physice idem sit cum actu conjugii. Quæsierunt ergo Corinthii per litteras a Paulo, an Christiani tam sancti esse deberent, itaque vacare orationi, pietati, castitati, ut a re uxoria prorsus abstinere tenerentur, etiam conjugati?

BONUM EST HOMINI MULIEREM NON TANGERE. —

« Bonum, » græce καλόν, id est, pulchrum, res præclara, eximia est. Ita Theophylactus. « Bonum » ergo non est hic idem quod utile, vel commodum, ut vertit Erasmus; sed est bonum morale et spirituale, quod per se facit ad concupiscentiæ victoriam, pietatem et salutem, ut patet vers. 32, 34, 35. Rursum, *tangere*, vel cognoscere mulierem Hebræis honeste et modeste loquentibus idem est, quod exercere actum conjugii.

Addit S. Hieronymus, lib. I *Contra Jovinian.*, Apostolum dicere « tangere, » quia vel ipse mulieris tactus, quasi contagiosus est et viro fugiendus. Audi S. Hieronymum: « Non dicit Apostolus: Bonum est uxorem non habere; sed, Bonum est mulierem non tangere, quasi et in tactu periculum sit, quod qui illam tetigerit, non evadat; nempe quæ virorum pretiosas animas rapit, et facit adolescentium evolare corda. Alligabit quis in sinu ignem, et non comburetur? aut ambula-

Quale bonum sit homini mulierem non tangere?

Quantum periculum mulierem tangere.

Pseudo-apostoli quidam dixerunt nuptias esse spernendas.

bit super carbones ignis, et non ardebit? Quomodo igitur qui ignem tetigerit, statim adurit: ita viri tactus et feminae sentit naturam suam, et diversitatem sexus intelligit. Narrant et Gentilium fabulæ, Mithram et Erichthonium, vel in lapide, vel in terra, de solo æstu libidinis esse generatos. Unde et noster Joseph, quia tangere eum volebat Ægyptia, fugit ex manibus ejus; et quasi ad morsum rabidissimæ carnis, ne paulatim virus serperet, pallium quod tetigerat, abjecit. » Hucusque S. Hieronymus. Notent hoc viri, notent adolescentes.

Refert Cardinalis a Vitriaco, vir gravis et doctus, de S. Maria d'Oignies, quod ipsa jejuniis ita corpus maceravit et siccarit, ut per plures annos ne primos quidem libidinis motus senserit; cumque quidam gravis vir casto et spiritali affectu manum ejus stringeret, indeque sentiret carnis motus, illa hoc ignorans audivit vocem de cælo: « Noli me tangere, » nec intellexit, sed eam narravit alteri qui rem intellexit, et deinceps tali contactu abstinuit.

Narrat S. Gregorius, lib. IV *Dialog.*, cap. XI, S. Ursinum presbyterum ab uxore separatam caste vixisse; cumque moriturus ultimum traheret spiritum, accessit uxor naribus ejus aurem admovent, ut sentiret si quod adhuc ei vitale spiramen inesset. Quod ille sentiens, cui tenuissimus inerat flatus, quanto valuit nisu vocem collegit, dicens: « Recede a me, mulier, adhuc igniculus vivit, paleam tolle. » Vere Poeta:

Regulus ut visu, Siren Acheloia cantu,
Et necat affricu Thessala saga levi:
Sic oculis, manibus, sic urit femina cantu;
Sic trifidum fulmen Væjovis esse queat.

Infert hinc recte S. Hieronymus, lib. I *Contra Jovinian.*: Ergo malum est homini mulierem tangere; non dicit, peccatum, ut Jovinianus et alii calumniati sunt S. Hieronymum, sed *malum est*: quia hoc tangere actus est concupiscentiæ, et carnalis praviæque delectationis, quæ tamen excusatur per bonum conjugii, sed plane tollitur per bonum cælibatus.

Dices, *Genes.* II, 18, dicitur: « Non est bonum hominem esse solum; » ergo bonum est homini mulierem tangere.

Respondeo: Deus in *Genesi* loquitur de bono speciei, Paulus de bono individui; Deus tempore mundi vacui, Paulus pleni; Deus de bono temporalis, Paulus de bono vitæ spiritalis et æternæ. In hac enim bonum est homini mulierem non tangere.

Vers. 2. 2. PROPTER FORNICATIONEM AUTEM (ne scilicet in eam incidat, si cælebs sit, et tamen caste vivere nolit), UNUSQUISQUE SUAM UXOREM HABEAT. — Si « unusquisque, » ergo et sacerdos et monachus, aiunt Malanchthon et Bucerus, uxorem habere debet. Respondeo: « Unusquisque, » liber scilicet, nec voto, morbo, senio aliove impedimento

adstrictus; hic enim est incapax matrimonii. Leges autem et documenta accipienda sunt pro subjecta materia; et tantum dantur capitibus, non impeditis: ei ergo qui liber est et solutus ac habilis, Apostolus non præcipit, sed consulit et permittit, ut, si timeat fornicationem, uxorem ducat, vel ducta utatur, potius quam in periculum fornicationis incidat. Ita Patres quos citabo vers. 9, in fine. Et patet, quia alioqui secum pugnaret Apostolus: nam toto capite suadet castitatem.

Adde, Apostolum proprie tantum loqui conjugatis, non autem iis qui cælibes sunt; hisce enim loqui incipit vers. 8, ut patet ex conjunctione adversativa autem, cum ait: « Dico autem non nuptis et viduis, » et ex eo, quod hic dicit *habeat*, non autem, *ducat*, quia scilicet loquebatur illis qui jam duxerant uxores. Ita Hieronymus, lib. I *Contra Jovian.*, g. d.: « Unusquisque conjugatus uxorem suam habeat, » id est habere pergat, retineat, non eam dimittat aut repudiet, sed potius ea legitime et caste utatur; τὸ enim *habeat* significat actum, non inchoatum, sed continuatum. Sic II *Timoth.*, I, 13: « Formam, inquit, habe sanorum verborum; » *habe*, id est, retine et conserva ea quæ habes et accepisti a me. Sic *Lucæ* XIX, 26: « Omni habenti (id est, talento suo utenti) dabitur; ab eo autem qui non habet (id est qui non utitur, non exercet talentum suum), et quod habet auferetur ab eo: » alioqui enim proprie non potest auferri a quoquam id quod non habet. Vide *Can.* 32. Hunc esse sensum patet ex sequentibus; subdit enim explicans se Apostolus: « Uxori vir debitum reddat, similiter et uxor viro, » etc.

3. UXORI VIR DEBITUM REDDAT. — « Debitum, » **Vers. 2.** græce *ὀφειλόμενον εἰς τὴν*, *debitam benevolentiam*: ita honesta periphrasi debitum conjugale circumscribit Apostolus.

4. MULIER SUI CORPORIS POTESTATEM NON HABET, **Vers. 4.** SED VIR. — « Sui corporis, » scilicet, secundum ea membra quæ sexum distinguunt, et quatenus ea serviunt actui conjugali; « potestatem, » ut pro sua voluntate possit continere, vel alteri se conjugere; « non habet mulier, » puta uxor; sed maritus, idque sibi tantum, non alteri. Ita S. Augustinus, lib. V *Contra Julian.*, cap. IV. Unde pro « potestatem non habet, » græce est, οὐκ ἐξουσίαν, id est, jus non habet, scilicet ad continendum, vel ut alteri corpus suum tradat.

SIMILITER ET VIR (maritus) SUI CORPORIS POTESTATEM NON HABET, SED MULIER. — Unde patet, licet in administratione familiæ uxor inferior et subiecta esse debeat marito, in jure tamen et debito conjugali exigendo et reddendo eandem parem esse marito, et æquale cum eo jus mutui corporis habere, idque ex contractu matrimonii, in quo alter alteri æqualiter tradidit potestatem corporis sui, et parem potestatem in corpus alterius, puta conjugis, accepit: tam ergo maritus uxori,

Lat Apostolus: uxorem, et quæ ratione?

Explicatus locus S. Lucæ cap. XIX, v. 26.

Quomodo mulier non habeat potestatem sui corporis?

In qua uxoris marito, et maritus uxori obstrin-gatur?

Præclarum factum Josephi ob castitatem.

Quibus permittit-

quam uxor marito in fide et debito conjugali obstringitur. Ita diserte ex hoc Apostoli loco docent S. Chrysostomus, Theophylactus, Œcumenius, Primasius, Anselmus hic, et S. Hieronymus citatus XXXII, *Quæst.* II, cap. *Apostolus* : « Ad paria, inquit Hieronymus, judicantur vir et uxor. » « Cum ergo, inquit Chrysostomus hic *homil.* 19, ad tentandum meretrix accesserit, dicas non esse tuum corpus, sed uxoris; itidem et uxor dicat iis, qui volunt expugnare pudicitiam : Corpus meum non est meum, sed viri. »

Vers. 5. 5. NOLITE FRAUDARE INVICEM (negando debitum conjugale), NISI FORTE EX CONSENSU AD TEMPUS, UT VACETIS ORATIONI. — Græca addunt, καὶ τῇ νηστείᾳ, et jejunio. Hinc Nicolaus I, cap. L in *Responsis ad quæstiones Bulgarorum*, scribit eisdem, ut tota Quadragesima usu uxorum abstineant. Hoc consilii est.

Paulus permittit usum conjugii, non præcipit, idque patet quinque rationibus. ET ITERUM REVERTIMINI IN IDIPSUM. — Græce ἐν τῷ αὐτῷ συνήχεσθε, in idem convenite, scilicet ad consuetum debitum conjugale reddendum. Hinc P. Martyr et Magdeburgenses volunt, non licere conjugibus ex mutuo consensu vovere perpetuam continentiam.

Verum respondeo, Apostolum hic non præcipere, sed permittere conjugibus usum conjugii. Patet id *primo*, nam subdit :

Vers. 6. 6. HOC AUTEM DICO SECUNDUM INDULGENTIAM, NON SECUNDUM IMPERIUM. — *q. d.* Copulam indulgeo (1), non præcipio. Imo S. Augustinus, *Enchirid.* cap. LXXVIII, legit : « Hoc dico secundum veniam. » Græcum enim συγγνώμῃ ignoscenciam, sive veniam significat, et inde colligit S. Augustinus esse peccatum veniale misceri conjugii, non filiorum, sed carnalis voluptatis causa, ad vitandas tentationes Satanae : peccato enim datur venia; sic et indulgentia est de peccato, vel certe minori bono, ut recte annotavit D. Thomas. *Secundo*, quia permittit Apostolus, ut conjuges ad tempus, quo vacant orationi et jejunio, contineant se. Ergo si tota vita velint vacare orationi et jejunio, permittit eis, ut tota vita se contineant. *Tertio*, « Revertimini, » ait; et causam affert : « Ne tentet vos Satanas, propter incontinentiam vestram, » ut scilicet periculum sit ne labamini in adulterium, vel alias libidines, eo quod sitis incontinentes. Ergo si cesset causa, scilicet periculum incontinentiæ, uti cessat in iis qui eam generose frenant et domant, permittit, ut se semper contineant. *Quarto*, quia ait vers. 7 : « Volo enim omnes esse sicut meipsum, » id est, non castos quomodolibet, sed omnino continentes, cælibes, imo virgines, uti ego cælebs sum. Ita Ambrosius, Theodorctus, Theophylactus, Anselmus, Chrysostomus, Œcumenius hic, et Epiphanius, *hæresi* 78; Hieronymus, epist. 22 ad *Eustochium*.

(1) Igitur συγγνώμῃ hic non veniam delicti, sed æquam concessionem significat. Juxta quosdam, hoc, scil. quod tunc dicam vers. 7 et 8.

Quinto, quia primis Ecclesiæ temporibus multos conjuges juxta hæc monita Pauli, ex mutuo consensu perpetuam servasse castitatem, docet Tertullianus, lib. I *Ad Uxorem*, cap. VI, et lib. *De Resurr. carnis*, cap. VIII, et lib. *De Veland. virg.*, cap. XIII. Idem testatur auctor commentariorum *De Singularitate Clericorum* apud S. Cyprianum.

Accipe exempla conjugum, non e plebe, sed illustrium tam genere, quam sanctitate et gloria, qui in conjugio continentiam et castitatem illibatam servarunt. *Primum* sit B. Virginis et Josephi, qui vexillum castitatis non tantum virginibus, sed et conjugatis erexerunt. *Secundum*, S. Cæcilius et Valeriani, nobilium martyrum, ut merito S. Cæciliæ corpus hoc sæculo a Clemente VIII, post tot annorum centurias, illæsum et integrum sit repertum. *Tertium*, S. Juliani et Basilissæ, quorum Vita illustris extat apud Surium. *Quartum*, S. Pulcheriæ Augustæ, sororis Theodosii Imperatoris, quæ cum perpetuam Deo vovisset virginitatem, mortuo Theodosio, ea conditione nupsit Marciano, eumque creavit Imperatorem, ut suam castitatem Deo votam conservaret, quod et præstitit, teste Cedreno et aliis. *Quintum*, Henrici II Imperatoris et Cunegundis, quæ ut suam virginitatem probaret, illæsa super ferrum candens ambulavit. *Sextum*, Boleslai V, Polonorum principis, qui inde Pudici nomen accepit, et Cunegundis, Belæ Hungarorum regis filiæ. *Septimum*, Conradi regis, filii Henrici IV Imperatoris, cum conjugē sua Mathilde. *Octavum*, Alfonsi II, Asturum regis, qui cum conjugē sua continentiam servans, Casti nomen accepit. *Nonum* exemplum det Richardis regina, quæ cum marito Carolo Crasso rege, cælebs permansit. *Decimum* det Pharaïldis, neptis S. Amelbergæ æque ac Pipini, perpetua in conjugio virgo. *Undecimum* det Eduardus III et Egitha virgines et conjuges. *Duodecimum* det Ethelreda, Orientalium Anglorum regina, quæ bis conjugata, semper virgo permansit. Denique *decimum tertium* dent duo conjuges Arvernenses, de quibus narrat Gregorius Turonensis, lib. *De Gloria Confess.*, cap. XXXII, quod cum uxor obiisset, maritus elevatis in cælum manibus dixerit : « Gratias tibi, rerum omnium Artifex, ago, quod, sicut mihi eam commendare dignatus es, ita tibi reddo ab omni voluptatis conjugio impollutam. At illa subridens ait : Sile, sile, vir Dei, quia non est necesse prodere nostrum secretum. Paulo post mortuus est maritus alioque loco sepultus; et ecce mane facto, inventa sunt pariter esse sepulcra, quæ usque hodie sic perdurant : idcirco nunc incolæ, Duos Amantes vocitant, et summo venerantur honore. » Hodie quoque exempla non desunt.

7. VOLO ENIM OMNES ESSE SICUT MEIPSUM, — quoad cælibatum et continentiam uti jam dixi.

Nota volo, id est vellem, cuperem, optarem, si commode fieri posset. Volo ergo significat hic actum volendi inchoatum et imperfectum, juxta

Exempla conjugum qui virginitalatem servarunt.

Omnes,
id est
singuli.

Can. 32. Id patet ex eo quod hoc volo corrigens Apostolus addit : « Sed unusquisque proprium donum habet ex Deo. » Rursum *omnes*, id est singulos, sive *omnes* seorsim, non collectim. Nam si collectim omnes abstinerent, nullum esset matrimonium, et species humana ac mundus interiret. Sic dicimur posse vitare omnia peccata venialia; omnia, non collectim, sed seorsim, hoc est singula. Alii *omnes* collectim accipiunt : quia si Deus omnibus hanc mentem continendi inspiraret, signum esset jam compleri electorum numerum, Deumque velle mundo finem inducere. Sed Paulus sciebat Deum pro illo tempore velle contrarium, scilicet ut adhuc Ecclesia Dei cresceret et propagaretur per matrimonia. Prior ergo explicatio verior.

SED UNUSQUISQUE PROPRIUM DONUM HABET EX DEO : ALIUS QUIDEM SIC, ALIUS VERO SIC. — « Proprium donum habet, » scilicet propriæ voluntatis, inquit liber *De Castitate* falso adscriptus Sixto III Pontifici, qui extat tom. V *Biblioth. SS. Patrum*, est enim Pelagiani alicujus. Nam toto libro docet castitatem esse opus liberi arbitrii et propriæ voluntatis, non gratiæ Dei. Vide Bellarminum, lib. II *De Monachis*, cap. xxxi, et lib. I *De Clericis*, cap. xxi, ad 4. Verum hic est error Pelagii : propria enim voluntas, si ab ea tollas gratiam Dei, non potest dici *proprium* Dei donum. Nam propria voluntas non est aliud, quam electio libera propriæ voluntatis. Deus enim voluntatem liberam, similem et æqualem omnibus indidit : quare quod hic eligat castitatem, ille matrimonium, non potest dici donum Dei, si tollas Dei gratiam; sed idipsumtribuendum est cujusque liberæ electioni, quæ proinde in diversis dispar est et diversa.

Dico ergo, *proprium donum*, castitatis nimirum conjugalis, virginialis, aut vidualis : Ergo, inquit hæretici, sacerdotes et monachi, si non habent donum virginitalis, possunt inire matrimonium. Sed sic pariter inferam : Ergo conjuges, si non habent donum castitatis conjugalis, uti sunt multi qui adulterantur, poterunt adulterari, vel cum adulteris secundas inire nuptias. Rursum, si uxor absit, nolit, vel ægroet, poterit maritus aliam adire, si dicat se non habere donum viduitatis. Quod licet admittat furens Lutherus, horrent tamen omnes, et instar monstri habuerunt Romani aliique Gentiles ex ipso naturæ instinctu et dictamine.

Respondeo ergo cum Chrysostomo et Patribus citatis : Apostolus hic consolatur et indulget infirmioribus et conjugatis, quod donum et statum castitatis conjugalis amplexi sint, cum antea virginialis amplecti potuissent. Nam de aliis non nuptis subdit, « bonum esse si sic permaneant, » id est, permanere velint, q. d. « Volo, id est velim, omnes esse sicut meipsum, » hoc est, esse virgines, uti ego virgo sum : sed nolo id præcipere, imo consolor conjuges; eisque usum conjugii

indulgeo, ut se solentur cogitando quod unusquisque proprium donum habet ex Deo, se vero habere donum conjugii, id est castitatem conjugalem : nam et conjugium est donum Dei et a Deo institutum. Vult enim Deus ad complementum universi aliquos, sed in genere et indeterminate, esse in conjugio : licet donum hoc conjugii minus sit dono virginitalis.

Dices : Non tantum donum conjugii est a Deo, sed et quod illud sit huic homini proprium, aliud alteri, v. g. quod hic sit virgo, ille conjugatus, est a Deo.

Respondeo : Hoc subinde verum est, ut, cum Deus huic inspirat animum ad cælibatum, illi ad conjugium, v. g. reginæ alicui, quæ prolem probam et regno et Ecclesiæ perutilem gignere potest : non tamen semper id facit Deus, sed indifferenter sæpe se habet, ita ut in multorum arbitrio omnino relinquat, ut eligant vel matrimonium, vel cælibatum.

Instabis, quomodo ergo, ait Apostolus : « Unusquisque proprium donum habet ex Deo ? » Respondeo : *Donum* hoc dupliciter accipi potest. *Primo*, status ipse, v. g. matrimonii, cælibatus, religionis. *Secundo*, gratia necessaria et propria huic vel illi statui. Si primo modo sumas, tunc donum cujusque proprium est a Deo, sed materialiter tantum, quia donum id, quod quisque elegit et sibi proprium fecit, est etiam a Deo. Deus enim conjugium, cælibatum aliosque status vel per se, vel per Ecclesiam instituit, et volenti hunc illumve amplecti, hunc illumve tribuit et concedit; atque sic proprium donum quisque habet partim ex Deo, partim ex se et suo voluntario amplexu. Nam proprie et formaliter, quod donum illud huic vel illi sit proprium, sæpe est a libera electione : potest tamen eatenus dici a Deo esse, quatenus omnis directio causarum secundarum et omnis boni providentia est a Deo. Deus enim communi sua providentia dirigit quemque per parentes, socios, confessarios, præceptores, et alias occasiones et causas secundas, quibus fit ut hic matrimonio, ille sacerdotio se addicat, sed libere. Nam omnis hæc directio, non necessaria est ei, sed libera.

Ubi nota : Potuisset dicere Apostolus : Quisque proprium statum habet ex se, quem sua libertate elegit; maluit tamen dicere : « Quisque donum proprium habet ex Deo, » quia vult conjugatos consolari. Ne quis ergo eorum pusillanimitas et poenitens excruciet se et dicat : Paulus vult nos esse similes sui, virgines et cælibes; ut quid ergo ego miser et infelix conjugium inii? Mea est culpa, quod statum virginitalis meliorem non sim amplexus, quod tanto bono me fraudaverim, quod in distractiones has et molestias conjugii me conjecerim. Hic enim mos est hominum pusillanimitas, afflictorum et melancholicorum : maxime cum in suo statu difficultates experiuntur, ideoque meliora et perfectiora appetunt, ut se

Eligere
matrimo-
nium
vel celi-
batum,
unuscu-
jusque
arbitrio
plerum-
que Deus
relinquit

Donum
pro-
prium a
Deo du-
pliciter
accipitur.

Quis-que
pro-
prium
donum
habet
partim a
Deo, par-
tim a se.

Male hæ-
retici di-
cunt sa-
cerdotes
posse ini-
re matri-
monium.

Quare
non dicat
Paulus,
Quisque
pro-
prium
statum
habet ex
se?

exercent, dum sibi et suæ imprudentiæ tribuunt lucri, vel boni alicujus jacturam, et miserias quas incurrunt. Paulus ergo, ut hoc discutiat, dicit, non hominis hoc esse, sed Dei (eo sensu quo dixi) donum; ut quisque in suo statu et vocatione quasi Dei dono conquiescat, lætus vivat, sese perficiat Deoque gratias agat.

Deus dat gratiam propriam cuiilibet statui. *Secundo*, potest hoc donum esse gratia propria cuique statui: aliam enim gratiam requirunt conjugēs, ut in fide conjugali; aliam virgines, ut in virginitate vivant; et hæc gratia propria cuique, formaliter est a Deo, quia posito quod elegeris statum certum, v. g. matrimonii aut cælibatus, Deus dabit tibi gratiam et donum proprium illi statui, ut in eo recte vivere possis, si velis. Hoc enim spectat ad rectam et ordinatam Dei providentiam, ut cum noluerit singulis statum certum præscribere, sed status electionem, uti et alia pleraque hominis arbitrio et electioni reliquerit: ubi is elegerit eum, hominem non deserat, sed gratiam illi statui necessariam ad honeste vivendum ipsi tribuat. Deus enim et natura non desunt in necessariis; maxime, quia Deus, ut ait

Deus omnibus media ad salutem necessaria dat. Apostolus, vult omnes homines, in quovis statu, salvos fieri; ac consequenter omnibus media ad salutem necessaria suppeditat, quibus si uti velint, sancte vivere et salvari possunt. Alioquin enim multis impossibile esset salvari, puta Religiosis aliisque qui se voto castitatis; conjugibus, qui se matrimonio cum certa persona, difficili, infirma, vel exosa astrinxerunt: ad quod superandum et præstandum gratiam propriam et sufficientem a Deo non acceperunt. Nec enim conjuges matrimonio, nec Religiosi voto suo absolvi possunt, ut alium statum sibi magis convenientem capessant.

Hoc modo sensus hujus loci: « Unusquisque proprium donum habet ex Deo, » est. *q. d.* Elige statum quemvis, et Deus dabit tibi gratiam competentem et propriam, ut in illo statu decenter et sancte vivas. Ita Ambrosius. Et hoc proprie hic intendit Apostolus, ut patet ex voce, *Volo autem, q. d.* Dixi me conjugatis usum conjugii indulgere, non imperare: vellem enim omnes eo abstinere, et colere castitatem, exercereque cælibatum; sed quisque proprium habet donum, eo se soletur, illud exerceat, ut scilicet celebs, qui castitatem virginalē vel vidualem accepit, id est, gratiam qua possit se continere, eam accipiet quasi donum Dei; conjugatus, qui castitatem conjugalem accepit, id est gratiam caste utendi conjugio, eam accipiet quasi donum Dei, ea contentus sit, ea se soletur, ea utatur quasi dono Dei.

Mc-nachi etiam apostatis gratiam sufficientem habent, ut casto vivere possint. Hinc sequitur *primo*, Deum monachis, etiam apostatis, dare donum et gratiam sufficientem, qua casti esse possint si velint; si videlicet Deum orent, vacent jejuniis, piæ lectioni, labori, perpetuæ occupationi: alioqui enim obligarentur ad impossibile, et Deus deesset in necessariis, nec haberent ipsi suo statui proprium donum,

quod tamen hic asserit Apostolus: « Unusquisque, » inquit, scilicet tam celebs, tam virgo, quam conjugatus, « donum habet » castitatis, sibi et suo statui proprium.

Sequitur *secundo*, si quis statum mutet in melius, Deum etiam mutare, et dare ei majus donum, et majorem propriamque illi statui gratiam. Hoc enim ad statum perfectiorem necessarium est. Ita definit Concilium Tridentinum, *sess. xxiv*, can. 9: « Si quis dixerit, inquit, clericos in sacris Ordinibus constitutos, vel regulares castitatem solemniter professos, qui non sentiunt se castitatis habere donum, posse contrahere matrimonium, anathema sit, cum Deus id recte petentibus non deneget, nec patiatur nos supra id quod possumus tentari. »

DONUM HABET EX DEO. — Nota, duplicia Dei esse dona. *Primo*, quædam tota sunt ex Deo. Sic dona naturæ, id est Dei, quatenus est auctor et opifex naturæ, sunt ingenium, judicium, memoria, bona indoles. Dona vero gratiæ sunt fides, spes, charitas omnesque virtutes infusæ a Deo, quatenus est auctor gratiæ.

Secundo, alia dona sunt quidem a Deo, sed requirunt quoad suum effectum nostram cooperationem: sic gratiæ prævenientes et inspirationes bonæ sunt dona Dei; sic opera bona et actus omnium virtutum sunt dona Dei, ait S. Augustinus, quia Deus gratiam dat, *primo* prævenientem, qua excitat ad hæc opera et hos actus; *secundo*, cooperantem, qua cum homine eadem operatur et producit; sed ita ut velit ea libere fieri ab homine, esseque in ejus potestate, ut ea faciat vel non faciat, ut gratia data utatur vel non utatur. Sic ergo opera bona sunt dona Dei; sunt tamen homini libera, et in arbitrio hominis ac potestate. Tale donum castitatis, scilicet secundi generis, intelligit hic Apostolus. Donum ergo hoc castitatis proprie est habitus infusus, vel acquisitus castitatis in iis qui habent hunc habitum: in iis vero qui nondum habent habitum, est sufficiens auxilium gratiæ, tum internæ, tum externæ, singulis præparatum a Deo, ut cum libera sua cooperatione castus in suo statu esse quisque possit, si velit illo auxilio uti. Quod patet, quia, ut dicitur vers. 25, 33, 38, cælibatus est consilium Dei et Christi, qui illum omnibus proponit et consulit: non consulit autem, nisi quod in ejusque est potestate; in potestate autem ejusque non est cælibatus, nisi voluntas a gratia Dei adjuvetur; ergo Christus cuique hanc gratiam ad cælibatum et virginitatem necessariam præparavit, et paratus est dare. Si cuique paratus est dare castitatem virginalē, ergo multo magis maritalem. Quisque ergo sui status proprium donum, id est propriam gratiam habet in actu primo, in Dei præparatione, et habebit eandem in actu secundo, si velit serio et constanter Deum orare, ut gratiam sibi præparatam exhibeat, et si gratiæ exhibitæ strenue velit cooperari.

Canon Trident. de castitate clericorum: regularium.

Duplicia sunt Dei dona.

Omnia bona opera sunt dona Dei.

Omnia bona opera sunt homini libera.

Cælibatus in ejusque est potestate, si Dei gratiam invocare, sique cooperari velit: id quod præbatur.

Vers. 8. 8. DICO NON NUPTIS ET VIDUIS : BONUM EST ILLIS SI SIC PERMANEANT (scilicet innuptæ uti sunt), sicut et ego — innuptus permaneo. Hinc clarissimum est S. Paulum non habuisse uxorem, sed cælibem fuisse. Ita Patres citati vers. 7.

Vers. 9. 9. SI NON SE CONTINENT, NUBANT; MELIUS (sati-
cum ait) **Melius** EST ENIM NUBERE, QUAM URI. — Videtur Apostolus
est nube- alludere ad verba Noemi, quibus nurus suas Moab
re quam bitidas hortatur, ut in patriam suam Moab re-
uri, allu- deant, ibique nubant, dicens, *Ruth* cap. I, vers. 13:
dit ad **הלח תענגה לכלתי היתה לאיש** *halahen teagena*
Ruth. 1. *lebilthi heioth leisch*, id est numquid aduremini abs-
13. que marito? Præstat vos juvenculas redire et nu-
bere marito, quam mecum manere cælibes absque

marito et uri; licet S. Hieronymus verbat, *velutæ eritis antequam nubatis*: accipit enim adustionem pro senecta, quæ vi caloris consumpto humido radicali adusta et consumpta videtur. Nam quod Pagninus et alii vertunt, *Numquid eritis clausæ absque marito?* commentum videtur R. Kimchi, quem sequuntur: qui fingit radicem **הענגה** *teagena* esse **הגנה** *aga*, eamque significare claudere; cum nusquam alibi nec significatio hæc, nec radix hæc *aga* invenitur. Radix ergo *teagena* non est *aga*, sed **ערג** *ug* usitata Hebræis, quæ significat urere, ustulare, adurere: unde **ערגות** *uggot* vocantur panes subcineritii, qui sub prunis sunt cocti et ustulati.

Quo sen- Jam « melius est nubere quam uri, » scilicet, nisi jam per votum nupseris Christo. Vide S. Ambrosium, *ad Virgin. lapsam*, cap. v. Voto enim castitatis obstrictis, eamque professis, æque ut maritis, satius est uri et fornicari, quam secundo nubere. Nuptiæ enim hæc permanens sacrilegium sunt, vel adulterium, quod pejus est fornicatione, vel sacrilegio transeunte: sicut satius est peccare quam esse in statu continuo peccati, et peccare ex obstatione et contemptu. Verum optimum est nec nubere, nec uri, sed continere, inquit Ambrosius, quod possunt facere omnes castitatem professi, ut dixi vers. 7, licet gravissime tententur, uti fecit in sua tentatione tam molesta

In igne Apostolus, II *Corinth. XII*, 9, alique sancti plurimi, ac nominatim ille, cui fortissime gravi tentationi resistenti acclamarunt dæmones ab eo victi et confusi: « Vicisti, vicisti; quia in igne fuisti, et non arsisisti. »

et vicio- Nota: Uri non significat calere, aut tentari libidinis ardoribus, sed iis lædi, vinci, cedere et consentire: nam uri dicitur ab igne, non qui ejus calorem sentit, sed qui ab eo læditur et aduritur. Sic de Didone, quæ superata et capta erat amore *Aeneæ*, canit Virgilius, IV *Aeneid.*:

Uritur infelix Dido, totaque vagatur urbe
Furens.

Onare Et *Ecclesiasticus*, cap. XXIII, vers. 22: « Anima, inquit, calida, æstuans libidine, quasi ignis ardens non extinguetur, donec aliquid glutiat. » Apostolus enim dat causam, cur velit incontinentes et

fragiles nubere, ne scilicet urantur, id est fornicentur: nam alios generosos pugiles vult continere, q. d. Qui se non continent, nubant; melius est enim nubere, quam non continere. Ita Theodoretus, Ambrosius, Anselmus, S. Thomas, Augustinus, *De sancta Virgin.*, cap. LXXIV; Hieronymus, *Apolog. pro libris contra Jovin.* Melius, inquit Hieronymus, est nubere quam uri, id est melius est maritum ducere, quam fornicari. Et Ambrosius: « Uri, inquit, est desideriis agi, vel vinci; cum enim voluntas calori carnis consentit, uritur: nam desideria pati, et non vinci, illustris viri est et perfecti. »

Dices: S. Cyprianus, epist. 11, lib. I *ad Ponton.*, ait de virginibus Christo dicatis: « Si perseverare nolint, aut non possint, melius est nubere, quam uri. »

Respondet bene ex Turriano et Hosio Pamelius, non loqui Cyprianum de virginibus Christo jam dicatis, sed dicandis; has monet, ne se Christo dicent et devoteant, si perseverare nolint: nam eadem epistola docet illas esse adulteras Christi, si post votum castitatis viris copulentur. Loquitur ergo de liberis et solutis, nec voto astrictis, æque ut Apostolus hic. Perperam ergo et impudenter Erasmus more suo ad citatum Cypriani locum in margine annotat hæc verba: Virginibus sacris permittit Cyprianus nubere.

Dices secundo, S. Augustinus, lib. *De sancta Virgin.*, cap. XXXIV, ait, quod illæ quæ voto adstrictæ fornicantur, melius facerent si nubarent, quam urerentur, id est, flamma concupiscentiæ vastarentur.

Respondeo primo, obiter hoc dicit S. Augustinus hoc sensu, quod nimirum talibus melius, id est, minus malum sit nubere, quam fornicari: non ergo negat eas peccare nubendo, sed tantum asserit eas minus peccare nubendo, quam fornicando. Sic diceremus latroni: melius est hominem spoliare, quam occidere: melius, id est, minus malum est. Secundo, talibus etiam absolute melius est nubere, quam uri, si videlicet legitime has nuptias ineant, puta cum consensu Ecclesiæ et dispensatione Pontificis in voto continentiae. Tertio, forte S. Augustinus fuit in hac sententia, quæ non videtur improbabilis, scilicet, quod etiam seclusa dispensatione talibus, voto licet astrictis, satius sit nubere, quam fornicari, videlicet assidue; quia nimirum vivunt et degunt in statu fornicationis et concubinato. Et ratio est, quia talis, si nubat, peccat quidem graviter contra votum, nubendo; post nuptias tamen potest servare votum castitatis, ita ut non peccet, si videlicet non exigit, sed tantum reddat debitum, uti fere fit in mulieribus, de quibus loquitur S. Augustinus; sin autem talis assidue fornicetur, tunc assidue iteratis actibus violat votum, ac consequenter gravius peccat quam si nubet. Illi enim actus fornicationis assidue iterati, videntur longe gravius esse malum et graviora peccata, quam

velit ta-
continen-
tes nuti-
re?

Non de-
bent vir-
gines
Christo
sedicare,
si nolint
perseve-
rare.

Quomodo
dicat S.
Augusti-
nus vo-
to ad-
strictas
si forni-
cantur,
melius
facere.
si nube-
rent,
quam
ureren-
tur.

Voto ad-
stricta
nux red-
dere po-
test debi-
tum,
non ex-
gere.

unus actus et contractus matrimonii contra votum continentiae initus : licet enim hic unus actus virtute et implicite includat multos, puta petitionem et redditionem debiti conjugalitatis quoties conjugum lubebit, tamen hoc tantum fit remote et implicite; qui autem assidue fornicatur, proxime et explicite peccat, et quotidie iterat hosce actus; ergo gravius peccat : pejus enim est explicite et multis actibus peccare, quam uno tacito et implicito.

Ubi adverte, tempore S. Augustini illae quae voverant et professae erant castitatem, licet peccarent nubendo, validum tamen contrahebant matrimonium : necdum enim illo tempore ab Ecclesia votum solemne constitutum erat impedimentum dirimens matrimonium, uti satis hic insinuat Augustinus. Denique, quod S. Augustinus censeat tales simpliciter et absolute debere servare votum suum et continere, patet ex sequentibus; subdit enim : « Hæ quas pœnitet professionis, et piget confessionis, nisi correctum cor dirigant, et Dei timore rursus libidinem vincant, in mortuis deputandæ sunt. »

Melius est nubere quam uri, non dicitur voto adstrictis. Ad extremum, quod Apostolus hic loquatur iis qui liberi sunt, non autem iis qui voto astricti sunt, diserte docent Chrysostomus, Theodoretus, Theophylactus, Œcumenius hic, Epiphanius, hæresi 61; Ambrosius, *Ad Virgin. lapsam*, cap. v; Augustinus, lib. I *De Adulter. conjug.*, cap. xv; Hieronymus, lib. I *Contra Jovinian.* Exactissime vero S. Ephrem ante 1300 annos rogatus, ad quem pertineat hæc Apostoli sententia, « Melius est nubere quam uri; » hac de re tractatum scripsit, in quo multis demonstrat, eam non ad Religiosos aut clericos, eosque qui castitatem voverunt, sed ad sæculares qui liberi et soluti sunt, pertinere.

Vers. 10. 10. IIS AUTEM QUI MATRIMONIO JUNCTI SUNT. — Transit Apostolus a quæstione de matrimonio ad quæstionem de divortio. Proposuerant enim Corinthiis Paulo, ut patet ex ejus responsione hoc versu, secundam hanc de divortio quæstionem : nimirum, posito quod in matrimonio licitus, imo debitus sit usus illius, uti jam respondit Paulus, an saltem non liceat fideli conjugii matrimonium solvere, ac facere divortium. Rursum, an facto divortio, non possit alteri nubere, vel aliam ducere. Huic quæstioni respondet hic Apostolus dicens :

Vers. 11. 11. IIS QUI MATRIMONIO JUNCTI SUNT, PRÆCIPIO NON EGO, SED DOMINUS, UXOREM A VIRO NON DISCEDERE : QUOD SI DISCESSERIT, MANERE INNUPTAM, AUT VIRO SUO RECONCILIARI. — « Manere innuptam. » Hinc sequitur divortium, etiam justum et licitum, non solvere matrimonii vinculum, sed tantum tori consortium, ut si conjux sit adultera, non liceat viro innocenti aliud inire matrimonium. Eadem est ratio uxoris, si vir sit adulter.

Hæc nota contra hæreticos et Erasmus, Cajetanum et Catharinum, qui dicunt id e Scriptura non posse probari, sed tantum e Canonibus. **VIII.**

rum errant, ut patet ex hoc loco Pauli. Nam Apostolum hic de justo divortio (quod facit uxor cum est innocens et læsa a marito, v. g. quia adulter est) loqui, patet, quia permittit, ut separata maneat, aut ut reconcilietur viro : si enim de divortio injusto (v. g. cum uxor fugit a marito sine ulla mariti culpa) loqueretur, non separationem permittere, sed omnino reconciliationem imperare deberet.

Dices : **Vox reconciliari** notat offensam et injuriam in uxore, quæ fecit divortium; ergo intelligit divortium injustum.

Respondeo negando antecedens : nam **reconciliari** significat tantum in gratiam mutuam redire, et tam offendens dicitur reconciliari offenso, quam offensus offendentem, ut II *Machab.* I, 5 : « Ut Deus exaudiat orationes vestras, et reconcilietur vobis. » Ita hunc locum explicant Concilia et Patres, indeque docent fornicationem solvere matrimonium quoad torum et cohabitationem, non autem quoad vinculum, ita ut liceat aliam ducere. Sic explicant et docent Concilium Milevitanum, cap. xvii; Elibertinum, cap. ix; Florentinum, in *Instruct. Armen. de matrim.*; Tridentinum, sess. XX, can. 7; Evaristus Papa, *epist.* 2; S. Augustinus, lib. II *De Adulterinis conjug.*, cap. iv; Hieronymus, *epist. ad Amandum*; Theodoretus, Œcumenius, Haymo, Anselmus et alii hic.

Dices : Ambrosius hic ait Apostolum tantum nominare uxorem, quia huic nunquam licet alteri nubere post divortium; viro autem licet, postquam adulteram uxorem dimiserit, aliam ducere, quia est caput mulieris.

Respondeo : Ex hisce et similibus patet hunc commentarium in Epistolas Pauli non esse S. Ambrosii, aut certe hæc ei inserta esse. Nam in matrimonio et divortio par esse jus tam uxoris, quam viri; docet verus Ambrosius, lib. VIII in *Lucam*, et lib. I *De Abraham*, cap. iv. Apostolus ergo quod de uxore dicit, pari jure de viro intelligit : loquitur enim iis omnibus qui matrimonio juncti sunt, ut ipse ait; et vers. 4 docuit par esse uxoris et viri in matrimonio jus, et parem mutui corporis potestatem.

ET VIR UXOREM NON DIMITTAT — sine gravi et justa causa. Nam ob fornicationem et aliis justis de causis licet dimittere.

12. NAM CÆTERIS EGO DICO, NON DOMINUS. SI QUIS FRATER UXOREM HABET INFIDELIEM, ET HÆC CONSENTIT HABITARE CUM ILLO; NON DIMITTAT ILLAM. — « Cæteris, » scilicet conjugibus disparis cultus, « ego dico, si frater, » puta fidelis Christianus, habeat uxorem infidelem, etc. *q. d.* Vers. 10 et hactenus tacite locutus sum conjugibus utrimque fidelibus, uti satis innui vers. 5 dicens : « Ut vacetis orationi; » hic autem iis loquor, quorum alter fidelis est, alter infidelis. Ita multi explicant cum S. Augustino mox citando.

Verum si ita est, valde mirum est cur hoc non clarius expresserit Apostolus, quod unico verbo

Adulterium totum solvere, non vinculum, Patres et Concilia docent.

Idem docet S. Ambrosius.

addito facere potuisset, dicendo: «Fidelibus autem qui matrimonio juncti sunt, præcipio non ego, sed Dominus: cæteris vero (puta infidelibus, videlicet si fidelis ducat infidelem) ego dico, non Dominus.» Jam vero dicendo, non, «fidelibus;» sed, «iis qui matrimonio juncti sunt,» videtur generatim et abstracte loqui de omnibus conjugatis, sive ii fideles sint, sive infideles; nam quod vers. 3 ad fideles obiter se convertat, mirum non est. Excipit enim ibi a generali lege debiti conjugalibus conjuges fideles, cum ex mutuo consensu vacant orationi. Hæc autem exceptio ad generales conjugii leges, quas hic omnibus conjugibus præscribit Apostolus, non est extendenda. Adde, hactenus Apostolus ne verbum quidem fecit de infideli, vel de dispari cultu.

Unde *secundo* et melius, «cæteris» scilicet, qui matrimonio juncti non sunt. Opponit enim hunc versum versui 10, ut patet ex voce *nam*, et ex voce *cæteris*: quod mox clarius patebit.

Ego dico, non Dominus. — «Ego dico,» id est ego præcipio, inquit Theodoretus. *Secundo* et melius, S. Augustinus, lib. I *De Adulterin. conjugis*, cap. xiii et seq., Anselmus et S. Thomas, «ego dico,» id est, ego consulo id quod sequitur, scilicet, ut fidelis infidelem conjugem pacificam non dimittat.

Tertio et optime, Romana, Plantiniana aliaque correctissima Biblia sic distinguunt, ut post *nam cæteris ego dico, non Dominus*, ponant punctum, sicque hæc verba a sequentibus disjungant, quasi referenda sint ad superiora: «cæteris» scilicet matrimonio non junctis et non nuptis, non Dominus præcipit (non enim præcipit subaudiendum relinquit ex antithesi versus præcedentis, ubi sic ait: «Iis qui matrimonio juncti sunt, præcipio, non ego, sed Dominus; cæteris autem,» id est non junctis matrimonio, «Dominus non præcipit»), sed ego dico et consulo id, quod paulo ante dixi et consului vers. 8, scilicet: «Bonum est si sic permaneant,» puta inuupti. Ad præcedentia enim debere hæc referri, non ad sequentia, patet ex puncto interjecto, ut dixi, et quia *cæteris* opponit Apostolus præcedentibus, scilicet iis qui matrimonio juncti sunt: ergo cæteri sunt qui matrimonio non sunt juncti, id est inuupti, non autem conjuges disparis cultus; horum enim hactenus ne meminit quidem. Denique ita se explicat vers. 25, cum ait: «De virginibus autem præceptum Domini non habeo, consilium autem do:» quod idem est cum eo quod hic ait: «Cæteris ego dico, non Dominus.»

Virginitas non est præceptum, sed consilium. Tertia questio Corinthiorum, an fidelis possit conjugem infidelem?

Si quis frater uxorem habet infidelem. — Tertia est hæc questio a Corinthiis Paulo proposita, an conjux fidelis possit cohabitare coniugi infideli. S. Augustinus et alii, ut dixi, nectunt hæc præcedentibus: «Cæteris ego dico, non Dominus,» q. d. Quamvis Christus fidelis permiserit dimittere uxorem infidelem, tamen ego dico et consulo ut eam non dimittat; quia eam dimitti non expedit

saluti prolium et conjugis infidelis, si illa consentit, scilicet sine contumelia Creatoris et fidei, fidelis cohabitare. Hinc multi Doctores, quos citat Henriquez, lib. XI *De Matrim.*, cap. viii, colligunt indirecte per antithesin: ergo cum Paulus vetet quod Christus permittit, poterit ex Christi permissione fidelis conjux conjugem infidelem nolentem converti dimittere, et alias inire nuptias. Sicut e contrario cum uterque fidelis est, neutrum licet, uti præcessit. Sed si disjungamus hæc, uti Romana, aliaque passim per punctum interjectum disjungunt, nihil tale hinc probari potest. Imo Thomas Sanchez, tom. II *De Matrim.*, disp. LXXIII, num. 7, qui legit sine puncto, ut S. Augustinus, ad sequentia hæc referendo, tantum vult hinc præcise evinci, Christum fideli coniugi permittere tori divortium, non autem matrimonii cum infideli initi dissolutionem. Posset *tertio*, aliquis sic explicare: «Ego dico, non Christus;» quia Christus hac de re nihil statuit, sed permittit statuendum Apostolis et Ecclesiæ, pro varietate temporum, uti postea Ecclesia irritavit matrimonium fidelis cum infideli, si fidelis existens ducat infidelem; ergo secundum lectionem S. Augustini hæc sententia ex hoc loco obscure et dubie elicitur: secundum vero lectionem Romanam et veriore, nullo modo hinc elici potest. Tantum enim vult Apostolus ut fidelis infidelem non dimittat, si consentit infidelis habitare cum infideli. De quo plura vers. 15.

Nota: Infidelitas tempore S. Pauli nec erat impedimentum dirimens matrimonium cum fideli contractum, nec impediens contrahendum aut contractum, si fideli non erat periculum perversionis, sed infidelis consentiret cum fideli manente fideli pacifice habitare, ut hic docet Apostolus. Jam autem consuetudine inductum est in Ecclesia, ut non hæresis, sed infidelitas, non tantum impediatur, sed et dirimat matrimonium, quod fidelis existens fidelis contrahere vellet cum infideli.

Jam in 3 delitas (non olim) aspelix et dirimit matrimonium.

14. SANCTIFICATUS EST ENIM VIR INFIDELIS PER MULIEREM FIDEM, — q. d. Matrimonium et conjunctio ista sancta est: unde non profanatur, nec polluitur fidelis per contactum infidelis, uti vos scrupulose timetis; sed potius infidelis morali quadam denominatione et quasi sanctitatis aspergine, ait Anselmus, inde sanctificatur: tum quia maritus est sanctæ, id est fidelis conjugis; tum quia eam in fide sua non impediendo, et benevole cum ea vivendo, quasi viam sternit sibi, ut per preces, merita, verba et exempla fidelis conjugis convertatur et ipse, fiatque sanctus: sicut S. Cæcilia maritum suum Valerianum convertit, Theodora Sisinnium, Clotildis Clodovæum. Ita Anselmus, Theophylactus, Chrysostomus.

Vers. 14. Quo modo vir infidelis per uxorem sanctificatur?

Cæcilia maritum suum convertit, et alia.

Illustris fuit S. Natalia, uxor S. Adriani martyris, quæ maritum non tantum ad fidem, sed et ad gloriosum pro ea martyrium obeundum provexit. Cum enim audisset velitum esse feminis ne ser

virent Martyribus, neve ad eos in carcerem aditus illis aperiretur, totondit capillos suos, et veste virili induta carcerem ingressa Martyres suis officiis recreavit. Quam post secutæ sunt aliæ matronæ habitu similiter ementito. Ac tandem cum Maximianus tyrannus id comperisset, jussit incudem in carcerem inferri, et Martyrum pedibus subjici, vecteque ferro manus ac tibia illorum confringi. Fecerunt lictores quod jussi fuerant. Id ut vidit B. Natalia, occurrit eis, rogavitque ut ab Adriano inciperent. Obtemperarunt carnifices, et cum imposuissent Adriani tibiam super incudem, B. Natalia pedem ejus apprehendens extendit super incudem. Carnifices vero multa vi cædentes, amputarunt pedes ejus, et crura confregerunt. Porro B. Natalia ait ad Adrianum: « Precor te, mi domine, serve Christi, dum adhuc in te hæret spiritus, extende etiam manum, ut amputent eam, ut sanctis Martyribus similis efficiaris per omnia: majora enim supplicia illi perpessi sunt, quam tu. » Extendit ergo manum beatissimus Adrianus et porrexit eam Natalia, illa imposuit illam incudi, et carnifices similiter eam amputarunt. Deinde amovenit ab illo incudem, et mox spiritum reddidit. Ita habet *Vita* ejus. 8 septembris.

Memorable est quod scribit Gennadius, Patriarcha Constantinopolitanus, in expositione Concilii Florentini, *sess. V*, de Theophilo, Imperatore non pagano, sed hæretico, Michaelis Balbi filio, precibus Augustæ uxoris ejus salvato. Cum enim ipse sacras imagines oppugnasset, os ejus admodum diductum est, ut viscera ejus conspicerentur: ad mentem ergo rediit, et sacram imaginem osculatus est. Paulo post inde ad Dei tribunal raptus est, pro quo cum assiduæ preces a sanctis viris et a regina effunderentur, ei venia data est. Nam Theophilum in somnis regina conspexit vinctum tractumque ab innumerabili præcedentium et subsequendum multitudine. Ante illum ferebantur diversa instrumentorum genera ad torquendum accommodata, ipsaque videbatur eos sequi qui ad pœnam adducebantur, quousque ad conspectum terribilis judicis pervenerunt, Theophilumque ante ipsum statuerunt. Provoluta igitur ad judicis illius tremendi pedes enixe multis lacrymis Augusta pro viro suo deprecabatur. Ad quam terribilis judex dixit: « Mulier, magna est fides tua, propter te sacerdotumque tuorum preces conjugi tuo do veniam. » Tunc ministris suis dixit: « Solvite eum uxoriq[ue] ejus tradite. » Similiter et Patriarcha, Methodius scilicet, omnium hæreticorum, Theophilique ipsius adnotatis scriptisque nominibus, hæc eadem sub sacra mensa collocavit, eademque nocte qua regina visionem adspexit, vidit et ipse divinum angelum magnum templum ingredientem, qui dixit: « Episcopo, exaudite sunt preces tuæ, et veniam Theophilus impetravit. » Somno ergo experrectus ad sacram mensam venit, ibique cum legeret paulo ante

conscriptum libellum, invenit (o Dei judicia!) Theophili nomen abolitum. Ita Gennadius supra citatus, et Baronius, tom. IX *Annal.*, ad annum Christi 842.

ALIOQUI FILII VESTRI IMMUNDI ESSENT (*q. d.* Si ab infideli conjuge faceretis divortium, filii vestri haberentur quasi nati ex illicito toro, adulterini, illegitimi), NUNC AUTEM SANCTI SUNT, — id est *mundi*. Tò enim *sancti* opponitur immundis: mundi autem, id est ex honesto et legitimo matrimonio concepti et nati. Ita Ambrosius, Anselmus, Augustinus, lib. II *De Peccat. meritis*, cap. xxvi.

Secundo, proprie *immundi* essent, quia a parente infideli, in odium conjugis fidelis facientes divortium, pellicentur et educabuntur in infidelitate, præsertim si infidelis sit pater; quia in repudio plerumque proles sequuntur patrem. Nunc autem manente fidei cum infideli in conjugio, « sancti sunt, » quia connivente infideli, facile fidelis parentis fide, diligentia ac cura sanctificari, baptizari et christiane educari possunt. Ita S. Augustinus, lib. III *De Peccat. meritis*, cap. xii, et ex Tertulliano Hieronymus, epist. 153 *ad Paulinum*.

Hinc Calvinus et Beza suum dogma de traduce justitiæ hauserunt, docentque fidelium filios proprie esse sanctos, et sine baptismo salvari: quia hoc ipso quo fidelium sunt filii, censentur esse in Ecclesia nati, juxta fœdus divinum: « Ero Deus tuus et seminis tui, » *Genes. xvii*, 7. Quemadmodum jure civili censentur liberi, qui ex altero parente libero nascuntur.

Sed errant: quia pariter ait Apostolus sanctificari virum infidelem per conjugem fidem: talis autem vir per conjugem suam præcise et proprie non sanctificatur, ut patet; ergo nec filius. *Secundo*, Ecclesia non est civilis respublica, sed supernaturalis, et in ea nemo nascitur Christianus, sed baptismo, uti et olim circumcisione, *Genes. xvii*, spiritaliter renascitur quisque et fit sanctus, non civiliter, sed realiter per fidem, spem et charitatem animæ infusam. Ita Patres et tota Ecclesia. *Tertio*, quia *Joan. iii*, 5, absolute dicitur: « Nisi quis renatus fuerit ex aqua et Spiritu Sancto, non potest introire in regnum Dei. » Ergo falsum est, quod aliquis non renatus ex aqua, scilicet, qui natus est ex parentibus fidelibus, possit introire in regnum Dei.

15. QUOD SI INFIDELIS DISCEDIT, DISCEDAT. — Si nimirum infidelis dissolutionem querit, vel non vult cohabitare sine Creatoris injuria, quia scilicet, vult conjugem pertrahere ad infidelitatem, aut aliud crimen, vel blasphemias jactat in Deum, fidem, aut Christum, ait ex communi Doctorum sententia, Thomas Sanchez, tomo citato, disp. lxxiv: hoc enim ipso moraliter censetur velle discedere et querere separationem, tunc discedat et fidelis a tali conjuge infideli, quia melius est, inquit Chrysostomus, divortium nuptiarum facere, quam pietatis.

Qui filii immundi sint, qui sancti?

Calvinus et Beza falso dicunt fidei filios sine baptismo salvari.

Vers. 15.

Quo casu liceat conjugem infidelem dimittere?

Licet cer-
to casu
divor-
tium ma-
trimo-
nii, non
tantum
tori,
cum infi-
deli con-
juge fa-
cere.

Nota, Apostolum permittere hoc casu non tan-
tum tori divortium, ut vult Dominicus Soto in
IV, disp. xxxix, art. 4, sed etiam matrimonii, ita
ut possit conjux fidelis aliud matrimonium inire:
hoc enim in gratiam fidei concessit Christus. Alio-
quin enim servituti subjectus esset frater aut sor-
ror, id est Christianus aut Christiana: magna
enim servitus est teneri matrimonio et obstric-
tum esse infideli, ita ut alteri nubere non possis;
sed etiamsi discedat infidelis, continere debeas
et vivere cælebs. Ita S. Augustinus, lib. I *De*
Adulter. conjug., cap. xiii, S. Thomas et Ambro-
sius, qui ait: « Non debetur ei reverentia conjugii,
qui horret Auctorem conjugii, sed potest alteri se
jungere. » Et patet cap. *Quanto*, et cap. *Gaude-*
mus, tit. *de divort.*, et cap. *Si infidelis*, 28, *Quæst.* II.

Multi
DD. line
colligunt, fi-
deli, hoc
ipso quo
infidelis
conjux
non vult
converti,
licere
aliud
intra
matrimo-
nium.

Imo multi Doctores, quos citat Henriquez, lib. XI
De Matrim., cap. viii, post initium, inter quos est
S. Augustinus, lib. I *De Adulter. conjug.*, cap. xix
et seq., ex hoc versu et vers. 12 colligunt fidelem,
cujus conjux infidelis non vult converti, licet
sine contumelia Creatoris velit fideli cohabitare,
hoc ipso habere jus aliud matrimonium ineundi.
Sed S. Paulus et citata Jura canonica tantum
exprimunt casum, quo infidelis vult discedere, vel
est in fidem blasphemus. Unde alii Doctores, quos
citat Henriquez, putant hoc tantum casu licere
fideli nubere alteri. Idque sane verius est, quia,
ut dixi, hoc tantum vult S. Paulus et canones ci-
tati. Et quia priores Doctores contrariæ sententiæ
tantum nituntur glossis in capitula quæ paulo
ante citavi, quæ glossæ subinde Aurelianenses
sunt, et textui deformes ac reformandæ.

Glossa
per se
non po-
test con-
dere jus
aut le-
gem no-
vam.

Adde, Glossam per se non posse condere jus
aut legem novam: cum ergo constet fuisse verum
matrimonium, quod conjuges infideles contraxe-
runt, nec constet per conversionem alterius con-
jugis illud solvi, eo quod nec jus divinum, nec
Ecclesiasticum extet, quod illud solvat; sequitur
in matrimonio jam contracto, quod natura sua
est insolubile, illis esse persistendum. Confirma-
tur, quia uterque conjux est in possessione bonæ
fidei; ergo ea depelli nequit, nisi constet, ad ma-
trimonium hoc, alterutrum vel utrumque nullum
jus habere, aut hoc jure excidisse per conversio-
nem alterius: hoc autem non constat, sed ut
summum dubium est; in dubio autem melior est
conditio possidentis, nec possessor ob dubium
supervenienti possessione justa depelli potest.

Possessor
ob du-
bium
superve-
nienti pos-
sessione
justa de-
pelli non
potest.

Addit tamen Sanchez, disp. Lxxiv, num. 9, li-
cere fideli converso alteri nubere, quia Ecclesia
jam illi vetat, ne maneat cum infideli, qui non
vult converti, ob periculum perversionis, quod
fere semper est: tunc enim censeri infidelem dis-
cedere, quia non vult licito et debito modo fideli
cohabitare. Hoc autem, scilicet, ne maneat fidelis
cum infideli, vult Sanchez, Ecclesiam jam passim
vetare. Sed id negant Navarrus et alii: quia licet
Concilium Toletanum IV, can. 61, vetet conjugi
fideli manere cum infideli, si infidelis sit et ma-

nere velit Judæus, quia Judæi perveracissimi sunt,
et in sua secta perversissimi; non tamen id vetat
si infidelis conjux sit Paganus: nec alia exstat
lex id vetans.

Adde Concilium Toletanum fuisse particulare,
et illum canonem varie a variis explicari, uti
refert Sanchez, disp. Lxxiv, num. 6. Et sane ni-
mis durum esset et scandalosum, si in India, Ja-
ponia, China, ubi jam primum inducitur fides,
sub regibus infidelibus cogentur Christiani di-
mittere uxores, quas in infidelitate duxerunt: aut
si uxores cogentur deserere maritos, præsertim
nobiles et principes, nolentes ad fidem Christi
converti, qui inde caperent occasionem elimi-
nandi Christianos et Christianam fidem. Secus
est in Hispania et inter Christianos, ubi Ecclesia
hoc statuere posset sine scandalo, idque vel lege
generali, qualis tamen nulla exstat scripta, ut
dixi, vel ex usu et consuetudine, vetando singulis
in particulari, ne maneant cum infideli conjuge,
ob periculum perversionis: cui præcepto parere
debebit fidelis, et consequenter non ipse erit in
culpa, sed infidelis (qui secundum legem conju-
gis fidelis et Ecclesiæ præceptum cum eo habitare
non vult), cur fiat divortium, censebiturque hoc
ipso infidelis velle discedere, ac consequenter
fideli fas erit, ad aliud matrimonium transire, ut
docte dixit Sanchez. Ita Cæsara regina, uxor Per-
sarum regis, tempore Mauritiæ Imperatoris, Con-
stantinopolim secreto fugiens, ibique conversa et
baptizata, cum maritus eam repeteret, ad eum
redire noluit, nisi ipse Christianus fieret; quare
ipse Constantinopolim veniens, ibique baptizatus,
et ab Augusto de fonte levatus, accepta conjuge
lætus ad suos rediit. Id contigit sub annum Do-
mini 593, uti ex Paulo Diacono et Gregorio Tu-
ronensi refert Baronius. Hæc omnia quæ dixi,
intellige de matrimonio quod uterque conjux in
infidelitate contraxit, si alter postea ad fidem
convertatur, alter vero nolit converti. Nam ma-
trimonium quo fidelis nubit infideli, non a Paulo,
sed ab Ecclesia postea irritatum est: unde cultus
disparitas est impedimentum dirimens matrimo-
nium. Quare Theresia, soror Adelfonsi regis Le-
gionis, Abdallæ regi Arabum nubere noluit, nisi
ipse Christianus fieret; promisit ille, sed fidei.
Ergo Theresiæ advenienti et reluctanti vim in-
tulit; sed morbo a Deo percussus sanari non
potuit, nisi Theresiam ad fratrem remitteret:
ita refert Rodericus, Vazæus et Baronius anno
Christi 983.

Et S. Eurosia, Bohemiæ regis filia, capta a Mau-
rorum principe, mori maluit quam ei nubere,
cumque ferientis gladium patienter expectaret,
audita est hæc angelica vox: « Veni, electa mea,
sponsa Christi, accipe coronam quam tibi Domi-
nus preparavit; et donum, ut, quotiescumque
pro pluvia, vel contra quamcumque tempestatem
fueris a Christi fidelibus invocata, erit eorum
oratio exaudita. » Cum hoc audisset, brachiis de-

In qui-
bus locis
Ecclesia
pos-
sit
statuere,
ut fide-
lis
deserat
uxorem
infide-
lem?

Cultus
dispari-
tas est
impedi-
mentum
dirimens
matrimo-
nium.

truncatis et pedibus, expiravit miraculis celebris, ut refert Lucius Marinæus Siculus, lib. V *De Rebus Hispan.*

IN PACE AUTEM VOCAVIT NOS DEUS. — « In pace, » id est, ut Syrus, *ad pacem* (ὡς de more ponitur pro εἰ), scilicet conscientie cum Deo, et concordie cum hominibus, *q. d.* Ergo ex parte nostra a maritis infidelibus non discedamus, sed quam possumus pacifice maneamus. *Secundo* et aptius, per *pacem* hic accipias quietem vitamque quietam, quam conjugi fideli suadet Apostolus, ut eam in divortio et solitudine præferat conjugio et conjugi infideli, qui vult discedere, dum suis jurgiis et litigiis fidelem incessit, pacemque illius perturbat: sic enim melius cum discessione, de qua proxime præcessit, hæc cohærent, de quo mox plura.

Vers. 16. 16. **UNDE SCIS, MULIER, SI VIRUM SALVUM FACIES?** Sequendo priorem jam dictam pacis significationem, sensus erit, *q. d.* In pace mane et vive, quoad potes, o fidelis, cum conjuge infideli, quia nescis bonum, quod inde consequi potest: forte manendo cum conjuge infideli, eum convertes et salvum facies. Ita Chrysostomus, Ambrosius, Anselmus, Theophylactus et alii.

Nota hebraismum *si*, id est forte: simile est *Joelis* II, 14 et alibi. Dat enim causam, cur in pace vocarit nos Deus, velique pacifice conjugem fidelem cum infideli manere et vivere, ut scilicet per pacem hanc fidelis infidelem convertat.

Secundo et planius (sequendo posteriorem jam dictam pacis acceptionem) aptior hic sensus erit: « In pace vocavit nos Deus. Unde enim scis, mulier, si virum salvum facies? » *q. d.* Donum Christi est pax; ad hanc, non autem ad servitutem inquietam et rixosam, vocati sumus a Christo. Si ergo infidelis rixis, probris, minis in fidem et fidelem conjugem discessionem quærit, discede, o conjux fidelis, ab eo, ut pacifice vivas, neque præendas spem conversionis ejus. Unde enim id speres in homine pagano, blasphemus, rixosus? ac consequenter, unde scis, vel unde speras, quod eum salvum facies?

Vers. 17. 17. **NISI UNICUIQUE SICUT DIVISIT DOMINUS, UNUMQUE SUT SUT VOCAVIT DEUS, ITA AMBULET.** — Hæc clara syntaxi ita construe: Ita ambulet quisque, sicut unicuique divisit Dominus, et sicut unumquemque vocavit Deus.

Nota: *To nisi* hic, ut vertit Syrus, idem est quod *ἐν ἧ* ella, id est *sed, verumtamen*, vel, hoc tamen salvo: vide *Can. 25, q. d.* Hæc dixi de conjugio fidelis cum infideli, deque discessione et divortio, si infidelis illud quærat, deque pace et pacifica vita; ita tamen, ut nolim divortium quæri, aut pacem turbari, per cupidinem et desiderium mutandi statum, quod videlicet fidelis, quia fidelis et in Christianam libertatem assertus, cupiat et prætendat mutare statum et conditionem suam servilem in liberam, Gentilem in Judaicam. Edico ergo ut quisque fidelis statum et conditio-

nem, quam dedit Dominus, quamque habuit antequam esset fidelis, retineat, sive Judæus sit, sive Gentilis; sive servus sit, sive liber; quisque in sua sorte ambulet, ea contentus christiane vivat, nec ob Christianismum statum mutet inquiete, et cum scandalo Gentilium. Græce pro *nisi*, est *εἰ μὴ*, quod recentiores vertunt, *an non*, et ad præcedentem sententiam referunt, *q. d.* Unde scis si mulierem salvam facies, an non? Sed Græcum *εἰ μὴ* significat etiam *nisi alioqui*. Ita Noster, Erasmus et alii, qui id ipsum jungunt sequentibus.

Videtur hæc quarta fuisse quæstio, quam Corinthii proposuerunt Paulo: An scilicet Christiani, si ante conversionem fuissent servi, per Christianismum fierent liberi, adeoque, an omnes servi et mancipia, si converterentur ad Christum, hoc ipso asserebantur in libertatem? hoc enim suadere et exigere videtur Christiana libertas, in quam a Christo redempti et asserti sumus. Rursum, an Gentiles, facti vel futuri Christiani, deberent circumcidi fierique Judæi? quia enim Apostoli et primi Christiani fuerunt Judæi, et ex Judæis cœpit Christianismus: hinc putabant nonnulli neminem posse esse Christianum, nisi prius Judaismo initiaretur. Utrique quæstioni respondet hic Paulus negative.

18. CIRCUMCISUS ALIQUIS VOCATUS EST? NON ADDUCAT PRÆPUTIUM. — Græce *μὴ ἐπιτετάτω*, id est *non attrahat*, scilicet ferro, præputium. Ita Theophylactus et Photius.

Nota circumcisis præputium potuisse reduci, cute per instrumentum attractorium, quod spatistæ vocant, adducta, ut glandem rursus operiret, ut docet Celsus, lib. VII, cap. xxv. Idque eos, qui a Judæis apostatabant ad Gentes, facere solitos esse, patet I *Machab. 1, 18*; et ex Josepho, lib. XII *Antiq.*, cap. VI; et ex Epiphano, lib. *De Ponder. et Mensur.*; ubi hujus reductionis auctorem ponit Esau, ideoque dictum esse: « Esau odio habui. » Indeque docet Judæos, cum ad Samaritas transirent, vel contra, secundo circumcidi solitos, et sic secundo se circumcidisse Symmachum, qui æque ac Aquila et Theodotion celebris fuit sacræ Scripturæ interpres: sicuti Anabaptistæ suos transfugas secundo baptizant.

Inde putavit interpres apud Martialem, explicans illud epigrammatis 1, in *Cæliam*:

Nec recutitorum fugis inguina Judæorum;

recutitos esse Judæos, ita dictos: Quoniam, inquit, Judæis pueris cutis inguinis rescindebatur, postea cum cutis succresceret, dicebantur *recutiti*. Et Persius, *satyra* V, « Recutita sabbata » vocat Judaica festa. Ubi interpres: Judæos, inquit, vocat recutitos, quibus nova cutis restituta est. Aliis tamen locis tam ipse, quam alii appellant recutitos, id est circumcisos, quasi recisos cute, ut recutitus sit idem, quod *apella*, id est, sine pelle, de quo Poeta:

— Credat Judæus apella,
Non ego.

Quarta quæstio a Corinthiis Paulo proposita. An servi per Christianismum fierent liberi? Quædam opinio neminem posse esse Christianum, nisi prius fiat Judæus. Vers. 18.

Præputium circumcisis reduci potest, idque Judæi apostate faciebant.

Reductionis præputii auctor fuit Esau, ideoque odio habitus, ait Epiphanius. Symmachus his circumcisis.

Quare recutiti vocati sunt Judæi? Quæ recutita sabbata?

Quis dicatur apella?

Paulus non vult divortium quæri per desiderium mutandi statum.

Suadet Paulus conjugi fideli ab infideli discedere ob rixas, etc.

Idque verius est : nam non est verisimile , naturaliter per se recrevisse cutem circumcisione præcisam, maxime in viris; et quia alioqui non arte, sed natura factum esset : cum tamen Celsus et Epiphanius arti id tribuant, eamque describant.

Aliter hunc locum explicat S. Hieronymus , in cap. LIII *Isaïæ* : «Circumcisis, inquit, aliquis vocatus est, non adducat præputium, id est, ut aliis verbis subdit Apostolus : Absque uxore vocatus es, non ducas uxorem.» Sed hic sensus mysticus et symbolicus est, non litteralis et genuinus.

Vers. 19. 19. CIRCUMCISIO NIHIL EST. — *q. d.* Circumcisio nec prodest, nec obest ad salutem homini Christiano; agit enim de Judæis ad Christianismum conversis, ut patet ex præced. Vide Cajetanum, Ambrosium, Anselmum.

Vers. 20. 20. UNUSQUISQUE IN QUA VOCATIONE VOCATUS EST, IN EA PERMANEAT. — Ut si circumcisis, servus, conjugatus venerit ad Christianismum, propter eum, statum non mutet, sed maneat circumcisis, servus, conjugatus, *q. d.* Statum tuum retine, quisquis ille sit, scilicet si status sit licitus et honestus; nam alias S. Cyprianus noluit histriones ad Ecclesiæ Sacramenta admitti.

Præclare S. Ephrem, *Adhortatione* 4, tom. II : «In quo, ait, vocatus es opere, firma anchoras ac funes (ut ibi quasi in portu a procellis tutus consistas) ne in pelagus tua navis impellatur.»

Vers. 21. 21. SERVUS VOCATUS ES? NON SIT TIBI CURÆ, — ne de eo sis anxie sollicitus, quod servus sis, quasi servitus sit conditio christianis hominibus indigna : sed de eo potius te consolare, quod a misera servitute peccati ac mortis sis per Christum manumissus, Deique servus effectus, licet in hac vita homini servias, quamdiu Deo visum fuerit : patet ex vers. seq. Vide hac de re apophthegmata quæ citavi *Exod. I, 12*.

Aurea est gnome S. Augustini in *Sententiis*, num. 53 : «Justis, ait, quidquid malorum aliquis dominus irrogat, non pœna est criminis, sed examen virtutis. Nam etiam bonus si serviat, liber est : malus autem etsi regnet, servus est, nec unius nominis, sed, quod gravius est, tot dominorum, quot vitiorum.» Et num. 124 : «Libera semper est servitus apud Deum, cui non necessitas servit, sed charitas.»

SED ET SI POTES FIERI LIBER, MAGIS UTERE, — scilicet ipsa servitute, ad Domini gloriam, humilitatis causa. Unde Theodoretus sic exponit : Gratia, inquit, non novit differentiam servitutis et dominii. Ne fugias ergo servitutem tanquam fide indignam. Quod si fieri possit ut libertatem assequaris, pergeservire, et expecta remunerationem. Sic quoque explicat S. Chrysostomus, Theophylactus et D. Thomas. Huic expositioni apte cohæret id quod sequitur : «Qui enim in Domino vocatus est servus, libertus est Domini.»

Paulus *Secundo*, aptius et planius : «Si potes fieri liber,» si potes a servitute liberari, «magis utere,» hac scilicet potestate et commoditate, ac servitu-

tem excute, *q. d.* Si potes fieri liber. libertatem amplectere, eaque frui : hoc enim plane significat *magis utere*; hocque præ alio suadendum, æque ac optandum est. Quis enim non malit fieri liber, quam manere servus? præsertim si infideli serviat, ita ut libere Christo servire non possit; hoc etiam mox clare suadet Paulus dicens : «Pretio empti estis; nolite fieri servi hominum.»

Nota : Servos hic intelligit Apostolus, non mercenarios, quales jam sunt apud Christianos, sed mancipia, qualia habebant Gentiles, etiam conversi ad Christum, et etiamnum ex Turcis et Mauris habent Christiani. Opponit enim servos liberis.

S. Hieronymus, in *Apolog. pro libris ad Jovinian.*, ex Origene, initio lib. I in *Epistol. ad Roman.*, aliter hæc explicat, nimirum de servitute matrimonii, *q. d.* Si tanquam servus alligatus es matrimonio, «non sit tibi curæ,» id est non te exerceat, quasi in matrimonio pie vivere et salutem assequi nequeas. «Sed et si potes fieri liber, magis utere,» *q. d.* Si tamen potes persuadere uxori, ut separatim cælibes vivatis, magis hoc amplectere. Verum prior sensus planior est et germanior.

Vers. 22. 22. QUI ENIM IN DOMINO VOCATUS EST SERVUS. — Hæc verba non ad proxime præcedentia : «Sed et si potes fieri liber, magis utere;» sed ad præcedentia more Hebræo referenda sunt, scilicet ad illa : «Servus vocatus es? non sit tibi curæ;» hoc enim præcipue intendit hic Apostolus, scilicet, ut servos doceat sua servili conditione esse contentos eamque patienter ferre, donec Dei providentia aliud statuatur eosque servitute liberet. Jam «in Domino,» id est a Domino, et ad fidem gratiamque Domini Jesu. Vide *Can. 23*.

LIBERTUS EST DOMINI. — A Domino, scilicet Christo, est manumissus, et in libertatem Christianam assertus, *q. d.* Servi heriles, si fiant Christiani, non ambiant fieri liberi a servitute herili, sed gloriantur quod a servitute peccati asserti sint in libertatem gratiæ et adoptionis filiorum Dei. Vide Chrysostomum hic, et in *moralibus hom. 19*, quam servitus libertati Christianæ non obsit.

Vers. 23. 23. PRETIO EMPTI ESTIS (puta sanguine Christi, qui antonomastice dicitur pretium, utpote ingens et immensum. Ita Ambrosius, *q. d.* Christus vos pretio maximo e servitute peccati emit et redemit, fecitque sibi liberos; ergo) NOLITE FIERI SERVI HOMINUM, — ne vos in servos vendatis, aut servituti mancipetis, si possitis libertate gaudere : hæc enim civilis libertas decet Christi libertum, ut eo melius toti Christo serviatis, quo minus ulli hero, Ethnico præsertim, servitis.

Hinc postea Constantinus Magnus, sub annum Christi 330, in honorem Christi et favorem Christianæ religionis sanxit, ne ullo modo Judæus Christianum servum haberet, aut possideret : Judæum autem qui secus faceret, jussit capite plecti, et servum talem libertate donari, ut patet lege unica lib. I *Codicis*, titulus. *ne Christianum man-*

bertatem amplectantur si possint; si non, consolentur se fide Christianæ

Vers. 23.

Vers. 23. Sanguis Christi antonomastice dicitur pretium.

Constantinus Magnus sanxit ne Judæus Christianum servum haberet.

cipium hæreticus, vel Judæus, vel Paganus habeat: neque enim fas esse censebat Christi redemptoris occisoribus, Christianos Christi morte redemptos, servitutis jugo subijci. Quam legem tres Constantini filii deinde confirmarunt, teste Sozomeno, lib. III, cap. xvii. Sic S. Gregorius sanxit ut servus Judæi, volens converti ad Christianismum, hoc ipso fieret liber, ut patet lib. III, *epist.* 9. Similia habet Concilium Toletanum IV, cap. LXIV.

Hæc intellige de Judæis et Paganis, qui jurisdictionis alicujus principis Christiani subjecti sunt: talium enim servi Christiani hoc ipso fiunt liberi, ac proinde possunt dominum deserere; imo si sint infideles, possunt fugere ad Ecclesiam, ut fiant Christiani et consequenter liberi. De his enim leges loquuntur: « In illis vero infidelibus, qui temporaliter Ecclesiæ vel ejus membris non subjacent, prædictum jus Ecclesia non statuit, licet posset instituere de jure. Habet enim auctoritatem Dei, et infideles merito suæ infidelitatis merentur potestatem amittere super fideles, qui transferuntur in filios Dei. Verum hoc non facit Ecclesia, ad scandalum vitandum, » inquit S. Thomas, II II, *Quæst.* X, art. 10.

Secundo, alii non male sic quoque explicant: « Nolite fieri servi hominum; » ita videlicet, ut hominibus serviendo Dei obsequium negligatis. Illi enim fiunt servi hominum, qui homines præcipue respiciunt, eisque adulantur etiam cum male agunt, atque eis per omnia obediunt et serviunt, etiamsi peccata præcipiant. Ita S. Chrysostomus et Hieronymus in cap. vi *ad Ephes.* Sic enim Apostolus *ad Ephesios* vi, præcipit servis, ut serviant heris, non sicut hominibus, sed sicut Domino, et propter Dominum (1).

Vers. 24. 24. UNUSQUE IN QUO VOCATUS EST, FRATRES, IN HAC PERMANEAT APUD DEUM, — *q. d.* Verumtamen quisque in suo statu, sive herili, sive servili, in quo vocatus est, et venit ad Christianismum, permaneat.

Nota *τὸ apud Deum*, cui scilicet servit et adhæret in Christianismo et Ecclesia, *q. d.* In eodem statu, in quo vocatus et conversus est, quisque permaneat in Christianismo et Dei obsequio, ne Gentes causentur per Christianismum servos fieri inquietos, et ambire libertatem.

Vers. 25. 25. DE VIRGINIBUS (ut scilicet maneant virgines, et serviant Deo in virginitate) PRÆCEPTUM DOMINI NON HABEO: CONSILIUM AUTEM DO, — ut id faciant. Vide *Can.* 38. Est hæc quæstio quinta Corinthiorum, an virgines in Christianismo debeant manere virgines? Respondet Paulus lege Christi nulli præcipi virginitatem, sed eandem omnibus consuli.

Quinta quæstio Corinthiorum, An virgines debeant manere virgines?

(1) Vel: Nolite in vos ultro arcessere servitutem non necessariam, quam vobis imponere volunt pro suo habitu, v. g. doctores nonnulli, qui omnibus ad Christianam religionem accessuris circumcisionem præcipiunt: ita Allioli.

Ex hoc loco probatur communis illa Patrum sententia, qua asserunt cælibatum esse in potestate nostra, si illum a Deo petamus, et ad eum conemur heroica fortitudine, cooperemurque Dei gratiæ per debita media, ita ut quilibet sine conjugæ cælebs vivere possit, si velit, quantumvis a natura vel habitu in libidinem proclivis sit. Ita docet Tertullianus, lib. *De Monogamia*, prope finem; Chrysostomus, Origenes et Hieronymus in cap. xix *Matth.*; Nazianzenus, *orat.* 13; Ambrosius, lib. *De Viduis*; Augustinus in *Psal.* cxxxvii: « Qui hortatur, inquit Augustinus, ut voveas, ipse adjuvat ut reddas. » Et lib. VI *Conf.*, cap. xi: « Utique dares continentiam, si gemitu interno pulsarem aures tuas. » Idem satis insinuat Paulus hoc versu et vers. 7, ubi omnibus communiter consulit virginitatem: non consulitur autem, uti nec præcipitur, nisi id quod est in nostra potestate, id est, nisi id quod possumus facere cum gratia Dei, quam scilicet Deus nobis preparavit et offert, si eam imploremus eique cooperari velimus.

Cælibatus in conjugislibet est potestate cum Dei gratia.

Idem docet Christus, *Matth.* xix, ubi Apostolis dicentibus, ob onera et difficultates matrimonii non expedire nubere, Christus, illud approbans, subjungit *primo*: « Non omnes capiunt verbum istud; » Græce *ὁ χωρεῖται*, quod Origenes et Nazianzenus, *orat.* 31 *De Tribus eunuchorum generibus*, vertunt, « non omnes sunt capaces; » per capacitatem intelligentes propensionem naturalem ad castitatem, quam non omnes habent. Verum melius alii passim, *τὸ ὁ χωρεῖται* vertunt, tanquam vasa non suscipiunt in se, non approbant, non comprehendunt, non amplectuntur castitatem, utpote difficilem.

Hinc *secundo*, subdit Christus: « Sunt eunuchi qui se castraverunt, » sua scilicet libera voluntate se castos effecerunt, idque perpetuo voto firmanunt. Hoc enim significat vox *eunuchi*, scilicet impotentiam moralem: idem significat vox *castraverunt*. Alioqui enim potius dixisset Christus: Sunt qui se castrant, aut castrare nituntur. Ita S. Hieronymus, ibidem; Epiphanius, *hæresi* 58; Fulgentius, lib. *De Fide ad Petrum*, cap. iii; Augustinus, *De Sancta virgin.*, cap. xxx.

Qui sint eunuchi per impotentiam moralem?

Tertio, addit Christus hos eunuchos ita se castrasse, non propter molestias rei uxoriæ, non etiam propter Evangelium, ut melius illud prædicent, quemadmodum detorqueant hæc Christi verba hæretici; sed propter « regnum celorum, » scilicet promerendum. Ita Origenes, Hilarius, Chrysostomus, Euthymius ibidem, et S. Augustinus, cap. xxiii, lib. *De Sancta virgin.*

Denique concludit Christus dicens: « Qui potest capere, capiat. » Quæ verba sunt cohortantis et excitantis ad heroicam virtutem, æque ac ad præmium illustre. Hisce ergo verbis Christus proponit omnibus consilium castitatis, quasi rem valde heroicam et eximiam. Non dicit Christus, inquit Chrysostomus, non omnes possunt, sed,

Quid significat, Qui potest capere, capiat?

non omnes capiunt, id est omnes quidem capere possunt, sed tamen non omnes capere volunt; et Hieronymus : « His, inquit, datum est a Deo castrare se, qui petierunt, qui voluerunt, qui ut acciperent, laboraverunt. »

Dices : Quomodo ergo ait Christus : « Qui potest capere, capiat? » Hisce enim verbis significat, non omnes posse hoc capere. Respondco, *τὸ qui potest*, tantum significat rem hanc esse arduam et difficilem, *q. d.* Qui vult sibi vim inferre, qui vult omnibus viribus ad rem tam arduam coniniti, ille eam capiat et apprehendat. Sic ille apud Comicum : « Non possum, inquit, mater, hanc uxorem accipere. » *Non possum*, id est nolo, quia mihi difficile est, quia hæc uxor mihi non placet; et sic in Scriptura sæpe impossibile vocatur id, quod est difficile. Rursum, non omnes possunt continere potentia propinqua, remota tamen possunt; quia possunt orare, suaque oratione et cooperatione parere sibi potentiam propinquam continendi.

Licet ergo non omnes habeant donum continentiae quo actu contineant, sicut non omnes justi habent donum perseverantiae, quo actu in gratia perseverant : tamen sicut omnes justi habent donum perseverantiae, quo possunt perseverare, si velint; ita omnes possunt habere donum continentiae, si scilicet vires ad hoc a Deo petant, et Dei gratiae per debita media cooperentur. Secus est de dono prophetiae aliisque gratiis gratis datis, quæ sæpe nec orando, nec collaborando impetrare possumus. Quia tamen nonnulli natura et consuetudine in libidine proclives, non eos habent animos, nec eum adhibent conatum et constantiam heroicam, quam cum Dei gratia possent, sed facile sinunt se a natura et consuetudine abduci, ut tentationi veneræ succumbant; hinc talibus et tam infirmis præstat inire matrimonium : « Melius enim est nubere, quam uri. » Ita Apostolus, vers. 2, 5 et 9.

TANQUAM MISERICORDIAM CONSEQUITUR A DOMINO, UT SIM FIDELIS, — virginitatem, inquit, consulo, tanquam is qui misericorditer assumptus sum ad gratiam Apostolici muneris apud Gentes, ut fideliter illis consulam : ita Ambrosius, Anselmus, Theodoretus, *q. d.* Quo præ aliis Apostolis indignior, majori gratia et misericordia vocatus sum ad apostolatam, eo magis in eo decet me esse fidelem, et fideliter consulere iis, ad quos a Christo missus sum Apostolus.

VERS. 26. EXISTIMO ERGO HOC BONUM ESSE. — *Hoc*, scilicet virginitatem. Ita S. Ambrosius et alii. Vel aptius *hoc*, ut scilicet sint et maneant virgines, uti dixi vers. præcedenti.

PROPTER INSTANTEM NECESSITATEM, — evangelizandi et discurrendi per totum orbem, inquit nonnulli : hoc enim cum uxore et multa prole tum fuisset difficile. Verum Paulus non scribit hæc Apostolis aut Evangelistis, sed Corinthi civibus. Unde alii accipiunt « necessitatem » persecu-

tionum et fugarum in primitiva Ecclesia : virgines enim facile, conjugati vero ægre, utpote uxore et prole gravati, tyrannos effugere poterant. Tunc ergo ob hæc pericula et fugas satius erat esse cælibem, quam conjugatum. Ita hæretici.

Sed hoc carpit Calvinus : fatetur enim ipse, Apostolum *hoc*, puta virginitatem et cælibatum omnibus sæculis, etiam pacatis et nostris, toto orbe jam Christiano consulere; necessitatem ergo intelligit Calvinus inquietudinem et afflictiones varias, quibus Sancti in hac vita agitantur, ob quæ magis consulendus est cælibatus, quam matrimonium. Sed hoc quoque remotius est et generalius.

Dico ergo : « Instans hæc necessitas » est illa, quam in seq. determinat et explicat Apostolus, vers. 28 et 29, estque duplex.

Pro quo nota Græcum *ἐνεσῶσιν* duo significare : *Primum*, *instantem*, id est præsentem necessitatem. Sic enim Paulus opponit *ἐνεσῶτα καὶ μέλλοντα*, præsentia futuris, *Rom. viii, 38, et I Corinth. iii, 22*; et Græcis *ἐνεσῶς χρόνος* est *præsens tempus*. *Secundo*, proprie *ἐνεσῶς*, id est *instans*, imminens, insistens, urgens, incumbens necessitas. Utraque significatio hic convenit. Rursum « necessitas » Hebræis idem est quod angustia, afflictio, tribulatio, et quidquid hominem arctat, angustiat, stringit. Unde Psalter : « De necessitatibus, » id est de angustis, « erue me. » Et sic Apostolus suas angustias sæpe vocat « necessitates. »

Primo ergo, instans hæc necessitas est imminens et incumbens matrimonio, urgensque rei uxoriæ difficultas, molestia, afflictio, scilicet onera uteri, partus dolores, educationes liberorum, curæ, timores, zelotypia, rixæ, familiæ apparatus; opum, affinitatum, statuum curandarum et augendorum sollicitudo; mariti dominatio, cholera, ebrietas, prodigalitas, paupertas, orbitates, et ex his perpetua animi distractio, et circa hæc occupatio. Hæc enim explicans vers. 28, vocat « tribulationem carnis, » quam conjugii voluptati opponit. Ita Ambrosius, Anselmus, Chrysostomus, Theophylactus.

Secundo, simplicius et planius : « Instans necessitas, » vel, ut vertit Erasmus, Vatablus et alii, « præsens necessitas, » est, ut Syrus, *אנכניא דזמנא* *ananki desabna*, necessitas temporis, id est angustia presentis vitæ, quæ nobis vitæque nostræ incumbit et imminet, eamque arctat et urget, ut properet ad mortem et æternitatem. « Instans ergo necessitas, » est brevis temporis, quod nobis datur ad æternitatis acquisitionem; quæ proinde non mundo, non conjugii, sed animæ et Deo danda est. Ita Chrysostomus, Anselmus et S. Hieronymus, lib. I *Contra Jovinian.* : « Necessitas, ait, hæc est brevi moriendi, » *q. d.* Paulus : In hac brevi vita necessitas est placendi Deo, et studiose parandi victum et necessaria, scilicet bona opera, ut inde vivamus beati in tota æternitate. Ergo consulo virginitatem : hæc enim uni Deo

Quomodo hæretici intelligunt satius fuisse olim cælibem vivere quam conjugatum?

Quæ sit hic instans necessitas?

Incommoda matrimonii.

Alia explicatio instantis necessitatis.

intendere potest, cum conjugati per onera conjugii distraherentur: sicut formica tota æstate colligit grana in hiemem, ita tu collige merita in æternitatem. Hanc enim necessitatem explicans vers. 29, ait: « Hoc itaque dico, fratres: Tempus breve est; reliquum est, ut qui habent uxores, tanquam non habentes sint, etc., præterit enim figura hujus mundi, » q. d. Ambis sponsam, prolem, uxorias voluptates? iis inhias, in eas omnes cogitationes et curas defigis? moliris perpetuare familiam, nomen, genus? opes congeris, fundos coemis, domos construis quasi perenniter hic victurus? memineris illius Horatiani:

Linquenda tellus, et domus, et placens
Uxor.

Dona conjugii
quam ca-
dua sint
et cito
peritura.

Primo, quid te fatigas et laboribus exerceas? Brevem voluptatem, famas nominis et familiæ, quantis doloribus emis? Quid longa speras? breve est quicquid hic vides, quicquid ambis; arcta est præsens vita. Ex sæculorum et temporum decursu viceni, triceni anni vitæ tuæ assignati et circumscripti sunt. Audi Poetam:

Vitæ summa brevis spem nos vetat inchoare longam.

Secundo, urget te imminens mors: ad eam curris pernici cursu; instat iudicium, instat æternitas, longa, inquam, et nunquam finienda æternitas: arctat te Deus, cogitque ut ad eam te compares et festines.

Quare
Deus hoc
breve
tempus
vitæ in
conjugio
dedit?

Tertio, præsentem hanc vitam, hoc breve tempus tibi dedit Deus, non ut hic in conjugio voluptueris, non ut familiam stabilias, non ut præsentibus fruaris, non ut sedem figas, quasi hic diu vel in æternum mansurus; sed tantum ad hoc, ut in eo quasi stadio virtutum decurras ad metam et bravium, ad beatam, inquam, æternitatem; ut in illam oculis, animo, mente intendas et contendas, ut hunc tibi omnibusque actionibus tuis scopum præfigas. Quare licet mundus plenus sit insania, nulla tamen major aut patentior est, quam quod adeo negligat summa et sempiterna, et tanto studio sectetur infirma et transitoria, cum tanto æternæ damnationis periculo.

Pulcher
locus de
brevitate
vitæ, et
de morte
iustanti.

Quarto, indies cogites: Tantum jam vitæ meæ demptum est, forte non tantum superest: quot diebus vivo, totidem arctor et urgeor ad mortem; quid si hodie, si cras illa obveniat? Itane vixi, ut mori non dubitem? cibosne comparavi, merita, inquam, bonorum operum, quibus in omnem æternitatem mihi vivendum est? In hoc vertitur cardo salutis tuæ: quin ergo in id totus incumbis?

Quinto, quid alia tractas? Quid partiris animum in uxorem, proles, familiam, ut per diem vix semel de Deo, de cælo cogites? Quin totum colligis in illud unum quod est necessarium, ut cum Maria optimam partem eligas? Quid lucro, quid opibus, quid statibus, quid jungendis affinitatibus inhias? « O curas hominum, o quantum est in

rebus inane! Stulte, hac nocte animam tuam repetent a te; quæ autem parasti, cujus erunt? » Succedent immemores filii, pro quibus sudasti, laborasti, corpus morti, animam inferno oppignerasti, relinques ea ingratis hæredibus: si grati sint, te ex inferno liberare non poterunt.

Sexto, quin misereris animæ tuæ; quin, inquam, unius animulæ tuæ, quam Deus tibi curandam et salvandam dedit, curam geris? Quin animum a conjugio, a sponsa, a liberis; cogitationes a familia, a negotiis et curis uxoriis, quæ te terræ et terrenis immergunt, distrahunt, absorbent, avocas?

Salus ani-
mæ pro-
curanda
hoc brevi
tempore
vitæ.

Septimo, quin cælibatum quem suadeo, amplecteris? Dabit ille otium cogitandi, non quomodo mundo, sed quomodo Deo placeas, quomodo ad iter in cælum te compares, quomodo rationes tuas ad iudicium futurum componas et adæques, quomodo Deo te sis: scilicet dabit ille facultatem sine impedimento, libere et expedite Domino serviendi; Dominum assidue obsecrandi, ut orationibus, jejuniis, elemosynis insistendo merearis pariter in cælo, in gloria excellere, et vicinus Deo assistere, eoque beatissime frui in omnem æternitatem, ubi cum B. Agnete apud S. Ambrosium, *serm.* 90, semper canas: « Illi sum juncta in cælis, quem in terris posita tota animi intentione dilexi. » Et: « Regna mundi, et omnem gloriam eorum contempsi propter amorem Domini mei Jesu Christi, in quem credidi, quem dilexi, in quem speravi. »

Fructus
et com-
moda cæ-
libatus.

Denique Maldonatus in *Notis manuscr.*: « Propter instantem necessitatem, » id est, ait, propter instantem finem mundi, ut ad eum nos comparantes, non implicemur matrimonio et terrenis negotiis. Unde, vers. 29, de eo ait: « Tempus breve est. »

Ex dictis ruit argumentum Joviniani et Calvinii: Apostolus, inquiunt, instans vel præsens opponit futuro; ergo, si cælibatus bonus est tantum propter instantem necessitatem, non erit bonus ob futuram mercedem.

Respondeo: falsum est antecedens; imo, ut dixi, instans vel præsens necessitas est, quæ nos urget ut per cælibatum in hac brevi vita cogitemus et paremus nobis æternam mercedem. Quinimo S. Hieronymus, lib. I *Contra Jovinian.*: Ad- dit, inquit, Apostolus præsens futuro, ne quis putet virgines feliciores esse quidem quoad spiritualia, non autem quoad carnalia, cum in utroque conjugatis præsent, et in utraque vita, tam in tempore, quam in æternitate. Idem docet et diserte refellit hoc argumentum Calvinii S. Augustinus, lib. *De Sancta virginit.*, cap. xxii, tom. VI, et Apostolus hic vers. 33 et 35, ut ibi fusijs ostendam.

Dupliciter
virgi-
nes con-
jugatis
præstant.

QUONIAM BONUM EST HOMINI SIC ESSE. — Tò quoniam non causam reddit; redderet enim causam sui ipsius, quasi diceret: « Bonum est, quoniam bonum est. » Vox ergo quoniam respicit et revo-

cat, id quod præcessit; Apostolus enim, per epianalepsin, repetit id quod dixit, ut illud inculcet. *q. d.* Existimo bonum esse manere virginem propter instantem necessitatem; *quoniam*, id est quod, inquam, homini sit bonum sic esse, scilicet in virginitate.

Vers. 28. SI NUPSERIT VIRGO (habilis scilicet ad nubendum, puta libera et innupta, nec Deo consecrata. Ita Theodoretus, Theophylactus, Photius et S. Hieronymus supra: talis nubendo) NON PECCAVIT, — vide dicta vers. 2.

TRIBULATIONEM TAMEN CARNIS HABEBUNT HUIUS MODI, — aperientes sibi per conjugii copulam dolorum officinam, inquit S. Basilius, lib. *De Sancta virginit.*, ante finem. Vocat Apostolus « tribulationem carnis » conjugii, liberorum et familiæ onera, quæ jam dixi, de quibus S. Augustinus, lib. *De Sancta virginit.*, cap. XVI; S. Ambrosius, lib. I *De Virginit.*, et S. Hieronymus, *Contra Jovin.* « Tribulationem » ergo « carnis » appellat eam, quæ circa carnem et carnalia versatur, quæque carnem affligit. Hanc opponit voluptati carnis, quæ est in conjugio; illa enim per hanc tribulationem, utpote longe graviolem, ita opprimitur et eliditur, ut vix sentiat. Voluptas enim quæ est in actu conjugali valde vilis est, brutalis, faciens hominem epilepticum, uti dicebat Alexander Magnus, et verecundiæ plena, et momento transit, statimque innumeris incommodis compensatur. Mox enim a conceptu subeunt fastidia, insomnia, vertigines, melancholiæ, præcordiorum angustiae, absurdi appetitus, et naturæ totius perturbatio. Sequuntur partus dolores acerrimi, qui multis mortem afferunt. *Secundo*, proles edita mox quotidie et continuo mundanda est, cibanda, fascianda, vestienda, reponenda, cunis agitando ut dormiat, eximenda ut sugat, disponenda ut exoneret, verbis et cantu assidue mulcenda ne ploret; ita ut matres totos dies et noctes circa infantes occupentur, nec aliud fere facere aut cogitare possint. Omitto sordes, pedorem, ejulatus, morbos, pericula tam matrum quam parvulorum. *Tertio*, proles grandior effecta majores affert curas et dolores. Quantus dolor si contingat eam extinguere, si malo consortio ad flagitia et dedecora abripi? si rebellem parentibus se præbeat? si alea et poculis bona parentum consumat? si inconsulto matrimonio se involvat? Etsi enim parentes sint sanctissimi, tamen sæpe contingit ut filii sint scelerati, itaque gravissime parentes crucient. Exemplum sunt in Adamo et Caino, in Noe et Cham, in Abrahamo et Ismael, in Isaac et Esau, in Jacob et Ruben, cæterisque omnibus fere ejus filiis, in David, Amnon, et Absalom, aliisque plurimis.

Ob hæc conjugum onera, hancque tribulationem S. Augustinus secutus S. Ambrosium nulli unquam conjugem et conjugium suadere voluit.

Tria homini Dei « Hæcque tria homini Dei servanda monebat, inquit Possidonius in *Vita S. Augustini*, cap. XXVII :

primum, ut uxorem cuiquam nunquam posceret; secundum, ut militare volentem ad hoc non commendaret; tertium, ut in sua patria petitus ad convivium non iret; causamque singulorum dabat: *primum*, ne dum inter se conjugati jurgantur, eum maledicant, per quem conjuncti sunt; *secundi*, ne militiæ commendatus male agens, suam culpam suffragatori tribueret; *tertiæ*, ne per frequentiam in patriæ conviviis constitutus, temperantiæ amitteretur modus. »

EGO AUTEM VOBIS PARCO, — quod eligatis statum tribulationum, scilicet matrimonium, indulgeo, non retraho. Ita Ambrosius (1).

29. HOC ITAQUE DICO, FRATRES : TEMPUS BREVE **Vers. 29.** EST, — ὁ καιρὸς συνεσταλμένος, *tempus*, id est vitæ nostræ spatium, *contractum est*, et ut Tertullianus legit, *in collecto est* : ut cogitemus nos hic non quasi inquilinos uxoribus; et rebus quibusvis præsentibus frui; sed iis quasi peregrinos ad breve tempus uti debere, ut tendamus ad gloriosam illam civitatem, in quam quasi cives æterni conscribemur. Amplius hoc tempus accipit Ambrosius, scilicet tempus sæculi hujus, *q. d.* Breve est omne hoc tempus, et imminet dies iudicii; non ergo temporaneis sæculi voluptatibus immoremur, sed comparemus nos ad iudicium.

RELIQUUM EST UT ET QUI HABENT UXORES, TANQUAM NON HABENTES SINT, — ut scilicet non magnopere rei uxoriæ afficiantur, ut animum, mentem atque amorem magis in Domino, quam uxoribus defigant. Ita Ambrosius et Anselmus. Addit S. Augustinus, lib. I *De Serm. Domini in monte*, cap. XIV, in fine, ut pari consensu, si fieri potest, castitatem servant.

30. ET QUI EMUNT, TANQUAM NON POSSIDENTES, — **Vers. 30.** perpetui nimirum, sed tanquam usufructuarii ad vitam. Vetat enim Paulus hic immodicum rerum usum et affectum, quasi non illas possideamus, sed ab illis possideamur, ut scilicet non apponamus cor rebus momentaneis, nec nimio affectu inhæreamus ulli creaturæ ita fluxæ. Ita Anselmus. Pulchre S. Augustinus, tractatu 40 in *Joan.*, cuivis diviti modum utendi pecuniis præscribens: « Utere, inquit, nummo quemadmodum viator in stabulo (in hospitio: hinc olim hospes vocabatur stabularius, ut patet *Luc. x, 35*) utitur mensa, calice, urceo; dimissurus, non permansurus. »

Hoc ipsum ut Judæos efficaciter doceret Deus, instituit annum quinquagesimum jubilei, sanxitque ut illo anno omnes agri et prædia coempta ab emptore redirent sine pretio ad priorem dominum, qui ea vendiderat, cujus sanctionis causam dat *Levit. xxv, 23*, dicens: « Terra quoque non vendetur in perpetuum: quia mea est, et vos advenæ et coloni mei estis. Unde cuncta regio possessionis vestræ sub redemptionis condi-

servanda monebat S. Augustinus.

Quæ tribulatio carnis vocatur?

Conjugii voluptas, fellea.

Vetat Paulus immodicum rerum usum.

Quare apud Judæos Deus instituit quinquagesimum annum jubilei?

(1) Alii: Vestrum miseratione duor, id est, tutos et incolumes ab his calamitatibus vos præstare vellem.

tionem vendetur, » q. d. Ego Deus altum transcendens, verum ac proprium in terram vestram habeo dominium; quare licet mihi quas volo conditiones venditioni ejus apponere, maxime cum in eam vos tanquam advenas et colonos induxerim, talesque semper manere velim. Quare volo et statuo ut possessiones quælibet, anno jubilei, redeant ad priores dominos, idque hac de causa: ut nimirum sciatis, inquit Philo, lib. *De Cherubim*, solum Deum proprie rerum omnium esse dominum et possessorem; homines vero earum tantum habere usumfructum ad vitam, non vero dominium. « Hinc liquet, inquit Philo, nos alienis uti possessionibus: nec gloriam, nec divitias, nec honores, nec imperia, nec aliud quidpiam, vel corporis vel animi proprium, quasi hæc juris et dominii nostri sint, possidemus; sed eorum usumfructum, dum hic vivimus, habemus solum. »

Quis sit
annus ju-
bilei?

Nostra
non sunt
quibus
hic uti-
mur.

Vers. 31.

31. ET QUI UTUNTUR HOC MUNDO, TANQUAM NON UTANTUR. — *ὅς μὴ καταχρώμενοι*, id est *tanquam non abutentes*, scilicet non nimium eorum usu adhærentes. Noster Interpres verbum compositum in Græco accepit pro simplici, uti sæpe Græci faciunt: *tanquam non abutentes*, id est *tanquam non utentes*, scilicet usu firmo et tenaci, quod est abuti. Utendum enim est re taliter, qualis est. Mundo ergo fluxo fluxe et quasi obiter utendum est, tanquam eo non utaris: sin mundo adhærere vis, eo abuteris; quia re fluxa quasi non fluxa, sed firma, solida et stabili uteris. Abusus enim, ait Theophylactus, est superflui usus, et modum ac naturam rei exsuperans. Hinc Syrus vertit, *qui utuntur hoc mundo, præter æquum usum non utantur*. Sic abuti, pro *plene uti* capitur cap. ix, vers. 18. Quocirca S. Basilius in *Regul. brev.*, interrog. 70: « Abusum, inquit, damnat Apostolus, cum dicit: Tanquam utentes hoc mundo, non tanquam abutentes. Usus enim modum, ipsa inevitabilis rerum ad usum pertinentium necessitas definit. Qui autem ultra necessitatem progreditur, is aut intemperantis habendi cupiditatis, aut voluptatis libidinis, aut inanis gloriæ morbum habet. »

Præclare S. Leo, serm. 5 *De Jejunio septimi mensis*: « In dilectione Dei, inquit, nulla nimia; in dilectione autem mundi, cuncta sunt noxia. Et ideo æternis bonis inseparabiliter est inherendum, temporalibus vero transeuntibus utendum est, ut peregrinantibus nobis, et ad patriam redire properantibus, quidquid de prosperitatibus mundi hujus occurrerit, viaticum sit itineris, non illecebra mansionis. Ideo Apostolus prædicat dicens: Tempus breve est; reliquum est ut qui habent uxores, tanquam non habentes sint, etc. Præterit enim figura mundi hujus. Sed quod de specie, de copia, de varietate blanditur, non facile declinatur, nisi in illa visibilium pulchritudine Creator potius quam creatura diligatur. » Idem, serm. 11 *De Quadrag.*, citatis hisce Apostoli verbis, subdit: « Beata enim mens, quæ peregrina-

tionis suæ tempora casta sobrietate transcurrit, et in iis per quæ necesse est eam ambulare, non remanet, ut hospita magis quam domina terrenorum, nec affectibus sit innixa humanis, nec promissionibus desit divinis. »

PRÆTERIT FIGURA HUIUS MUNDI. — « Præterit, » Græcum *παράγει*, verti etiam potest, *decipit*, vel transversum agit, figura et species mundi. Nam, ut ait Augustinus, epist. 39 *ad Licentium*: « Vincula hujus mundi asperitatem habent veram, jucunditatem falsam; certum dolorem, incertam voluptatem; durum timorem timidamque quietem; rem plenam miseriæ, spem beatitudinis inanem: his tu inseras manus et pedes? » Idem serm. 23 *De Verbis Apost.*: « Temporalia, inquit, bona non cessant nos inflammare ventura, corrumpere venientia, torquere transeuntia: concupita inardescunt, adepta vilesunt, amissa vanescunt. » Et S. Bernardus: « Noli, ait, amare præsentia, quæ possessa onerant, amata inquinant, amissa cruciant. »

Falsa
mundi
delecta-
tio.

Rursum D. Gregorius, lib. VI epist. *ad Andream*: « Vita, inquit, nostra naviganti est similis: is namque qui navigat, stat, sedet, jacet, vadit, quia impulsu navis ducitur. Ita ergo et nos sumus, qui sive vigilantes, sive dormientes, sive tacentes, sive loquentes, sive ambulantes, sive volentes, sive nolentes, per momenta temporum ad finem quotidie tendimus. Cum igitur finis nostri dies advenerit, ubi nobis erit omne quod modo cum tanta cura quæritur, et cum sollicitudine congregatur? Non ergo honor, non divitiæ querendæ sunt, quæ dimittuntur. Sed si bona quærimus, illa diligamus, quæ sine fine habebimus: si autem mala pertimescimus, illa timeamus, quæ reprobis sine fine tolerantur. » Unde eidem Andræe mox consulti parvo hujus vitæ et peregrinationis tempore « sacris lectionibus vacare, cœlestia verba meditari, in æternitatis amore se accendere, de terrenis rebus secundum vires bona opera agere, et regnum perpetuum in eorum remunerationem sperare. Sic autem vivere jam in æternitatis vitam partem habere est. » S. Hilarion, ait S. Hieronymus in ejus *Vita*, « singulos hortabatur præterire figuram mundi, et eam esse veram vitam, quæ vitæ præsentis emeretur incommodo. »

FIGURA.—Græce *σχῆμα*, id est habitus, species ac status mundi fugax. Ita Ambrosius et Anselmus.

Nota: Mundo non tribuit Apostolus formam: hæc enim solidior est et constantior; sed figuram, quæ mobilis est, fugax, evanida, ut dixi *Rom. XII, 2*. « Nolite, ait Anselmus, constanter mundum diligere, quando ipse, quem diligitis, non potest constare; incassum cor quasi manenter figitis, dum fugit ipse, quem amatis. » Si mundus fugit, ergo et nuptiæ, et omnia quæ mundo clauduntur.

Præterit ista dies; nescitur origo secundi,
An labor, an requies: sic transit gloria mundi.

Quid sit
abusus?

Et ut noster Lipsius, vir tam sapiens, quam homine et humanis cunctis celsior, cum de scientiarum et rerum humanarum vanitate sæpe et familiariter colloqueremur, magno animi sensu solebat dicere, quod diu præmeditatum suo sepulcro inscribi jussit :

Vis altiore voce me tecum loqui?
Humana cuncta, fumus, umbra, vanitas,
Et scenæ imago, et, verbo ut absolvam, NIHIL.

Est enim mundus instar scenæ in qua peragitur fabula vitæ hujus, homines personæ sunt, intrant, abeunt : locus theatri est terra. « Generatio præterit, inquit Ecclesiastes, cap. I, vers. 4, et generatio advenit; terra autem in æternum stat. » Duæ in scena sunt portæ : ingredientibus ortus, egredientibus occasus, sive mors; vestes quisque hic commodato accipit : qui regem agit, non auferet secum purpuram, quam hic gestavit. Brevi finitur hæc comœdia. Audi Senecam :

Prima quæ vitam dedit hora, carpsit.

Vulgo dicimus : Dic mihi, o villa, o domus, o præbenda, o pecunia, quot dominos habuisti et quot adhuc habitura es? Dic, ubi Salomon ille rex sapientissimus, ubi Samson fortissimus, ubi Absalom pulcherrimus, ubi Cicero disertissimus, ubi Aristoteles acutissimus? Tot clari proceres; tot rerum spatia, tot ora Præsulum, tot membra fortia, tot mundi principes, tanta potentia? in ictu oculi clauduntur omnia. O esca vermium! o massa pulveris! o ros, o vanitas, quid sic extolleris! quid quæris? quid ambis? felix qui potuit mundum contemnere!

Pulcherrime et brevissime singularum rerum quæ sunt in hoc mundo fugacem vanitatem, sigillatim et quasi punctim perstringens describit Nazianzenus, tract. *De Vitæ itineribus*, qui extat sub finem operum ejus : « Quis sum? inquit, unde in vitam veni? quis rursus, postquam aliquantisper terræ gremio retentus, a pulvere ad vitam rediero, futurus sum? ubinam tandem me Deus collocabit? multæ quippe ærumnosæ vitæ hujus viæ sunt, nec ullum bonum apud homines est, quod non aliquid vitii admixtum habeat. Atque utinam non majorem quoque partem mala sibi vendicarent! Insidiæ sunt opes, sublimiumque thronorum et dignitatum fastus mera sunt insomnia. Imperio alterius subesse, grave ac molestum; paupertas pedica; pulchritudo porro brevis, atque fulgetri similis; juvenus nihil aliud, quam temporis fervor; canities, tristis vitæ occasus. Sermones vere alati, gloria aer, nobilitas vetus sanguis, robur cum apris commune, satietas petulans, matrimonium vinculum, liberorum copia curæ necessariæ mater, orbitas morbus, forum vitiorum schola, quies imbecillitas, artes abjectorum hominum, angustus alienus panis, agricultura labor, navigantium major pars in orco, patria proprium barathrum, ex-

terna regio probrum. » Deinde omnia simul complectens eorum vanitatem multis aptisque similitudinibus spectandam proponit, aitque : « Omnia denique mortalibus laboriosa sunt, humana omnia metus, risus, lanugo, umbra, ros, flatus, volatus, vapor, insomnium, fluctus, navis, vestigium, aura, pulvis, orbis quidam perpetua conversione similia omnia volvens, nunc stabilis, nunc rotans, nunc labilis, nunc fixus anni temporibus, diebus, noctibus, laboribus, morte, mœroribus, voluptatibus, morbis, calamitatibus, secundisque rerum successibus. Nunc vero non sine magna sapientia hoc a te, Christe, constitutum est, ut res omnes hujus vitæ incertæ atque instabiles sint : nempe ut rerum firmarum stabiliumque amore ac desiderio inardescamus, utque discamus a stultæ carnis cogitatione mentem abrumperet, imaginemque, illam quam divinitus accepimus, puram atque integram conservare, vitam ab hac vita alienam ducere, ac denique cum altero mundo mundum hunc commutando, difficultates omnes hujus vitæ molestiasque forti animo perferre. »

Apte quoque S. Augustinus, in *Psal. cix* ad illud : *De torrente in via bibet*. « Torrens, ait, profluxio mortalitatis humanæ est : sicut enim torrens pluvialibus aquis colligitur, redundat, perstrepat, currit, et currendo decurrit, id est, cursum finit : sic est omnis iste cursus mortalitatis. Nascuntur homines, vivunt, moriuntur, et aliis morientibus alii nascuntur. Quid hic tenetur? quid hic non decurrit? quid non quasi de pluvia collectum it in mare, in abyssum? »

Figura hæc mundi facit eum personatum et larvatum. Sicut ergo si quis tibi equum phaleratum venderet, phaleras demeres, equi corpus et membra considerares, antequam eum emeris : ita et hic facito. Personatos tibi honores, larvatas voluptates, phaleratas divitias mundus vendit : tolle phaleras, tolle larvas : introrsum quid lateat, considera : videbis omnia exilia, gracilia, inania esse.

Patheticæ vero Sapiens, cap. v, vers. 8, impiorum querelam et seram pœnitentiam hujus vanitatis adamatæ describens, eandem comparat tenui umbræ, nuntio percurrenti, navi mare secanti, avi transvolanti, sagittæ emissæ, lanugini, spumæ, fumo, vento, hospitio unius diei. Hæc ipsa fusius explicat S. Hieronymus, epist. *Ad Cyprianum*, explanans verba illa *Psal. lxxxix*, *Mille anni ante oculos tuos tanquam dies hesternæ quæ præterit* : « Aternitati, inquit, comparata, brevis est omnium temporum longitudo. » Et inferius explicans vers. 6, *Mane sicut herba transeat, mane floreat et transeat, vespere decidat, induret et arescat* : « Sicut enim, inquit, mane virens herba, et suis floribus vernans delectat oculos contemplantium, paulatimque marcescens amittit pulchritudinem, et in fœnum, quod conterendum est, vertitur : ita omnis species hominum vernat in par-

Idem multis similitudinibus declarat Nazianzenus.

Vitæ fæx comparatur cum torrente a S. Augustino.

Vitæ brevitas ex S. Hieronymo.

Vitæ caducæ similitudo.

Morale, quam breve sit mundi gaudium et fallax.

Omnia sunt transitoria.

Singularum rerum humanarum vanitatem et fugacitatem punctim tangit Nazianzenus.

vilis, floret in juvenibus, viget in perfectæ ætatis viris; et repente dum nescit, incanescit caput, rugatur facies, cutis prius extenta contrahitur, et extremo fine, quod hic dicitur vespere, id est senectute, vix moveri potest: ita ut non cognoscatur quis prior fuerit, sed pene in alium commutetur: ac denique, ut Symmachus vertit psalmo illo LXXXIX, vers. 10, succidimur repente, et avolamus. »

Vers. 32. 32. VOLO (velim, vide dicta vers. 7) AUTEM VOS SINE SOLLICITUDINE ESSE, — ac consequenter in virginitate et cœlibatu vivere.

Vers. 33. 33. QUI CUM UXORE EST, SOLLICITUS EST QUOMODO PLACEAT UXORI. — Mulier, inquit Plautus, et navis nunquam satis ornantur: qui ergo opus quærit, uxorem ducat, et navim instruat.

Et DIVISUS EST, — in multas nimirum curas distractus, ut uni Domino vacare non possit, sed partem Deus, partem et potiorum uxor et filii sibi vindicent. Ita Ambrosius.

Nota Græcos, Chrysostomum, Œcumenium, Theophylactum, Basilium et Syrum hæc sequentibus jungere, sic: μεμειραται ἡ γυνὴ καὶ ἡ παρθένος, *divisa est mulier, sive uxor, et virgo, q. d.* Diversa sunt uxoris et virginis studia; aut, ut Chrysostomus, virginem a non virgine definit et dividit otium et negotium: virgo otium, non virgo negotium agit. Sed S. Hieronymus, lib. I *Contra Jovin.*, asserit hanc lectionem non esse Apostolicæ veritatis: jamque Græca et Latina aliter distinguunt, eo sensu, quem jam dedi.

Vers. 34. 34. ET MULIER INNUPTA ET VIRGO COGITAT (μεμειραται, sollicite meditatatur, et curat) QUÆ DOMINI SUNT, UT SIT SANCTA CORPORE ET SPIRITU. — « Sancta, » id est pura et immaculata. « Virgo, » inquit Œcumenius, corpore sancta est, propter castitatem; spiritu autem sancta est, propter familiaritatem cum Deo et Spiritu Sancti inhabitationem. »

Nota hic locum apertissimum pro consiliis Evangelicis, et nominatim virginitatis: hanc enim crebro hic commendat et consulit Paulus, ut vers. 7, 8, 23, 26, 34, 33, 40. Unde Petrus Martyr et Beza hic fatentur virginitatis custodiam, non tantum ad vitandas temporarias curas et molestias, meliorem esse matrimonio, uti voluit Lutherus; sed etiam hoc præstare, quod aptior sit cultui Dei. Addunt tamen eandem in se non esse Dei cultum, vel certe non majorem, nec meliorem matrimonio.

Virginitas in se est virtus, præstatque matrimonio; id patet quatuor rationibus. Verum certum est virginitatem in hoc statu esse in se virtutem illustrem, qua Deus honoratur et colitur, longe meliorem et præstantiorem matrimonio, et premia longe majora mereri, adeoque aureolam propriam in cœlis. Dico, in hoc statu: nam in statu innocentiae virginitas non fuisse virtus, imo non fuisse, uti nec concupiscentia.

Jam quod dixi probatur primo, quia Apostolus docet hic virginitatem esse sanctitatem corporis et spiritus, et per eam nos placere Deo. Sensus enim est: Sicut mulier conjugata cogitat quomodo se pulchram conservet et ornet, ut

viro placeat; ita virgo cogitat quomodo servet corporis integritatem et sanctitatem, ut sit casta corpore et mente, ut ita placeat Deo (ita Anselmus, Theophylactus, Œcumenius, Chrysostomus et alii passim); utque hanc castitatem orationibus aliisque virtutibus ornet et augeat, quo magis placeat Deo, ut innuit Ambrosius; ergo per castitatem virginalem virgo placet Deo, adeoque ipsa castitas et virginitas est sanctitas: ita enim eam hic vocat Apostolus; si virginitas est sanctitas, profecto est et Dei cultus.

Secundo, vers. seq. Apostolus cœlibatum vocat honestum, id est, honestiorem matrimonio: ergo cœlibatus est virtus. Virtutis enim proprium obiectum est bonum honestum.

Tertio, virginitas et cœlibatus per se est pars temperantiæ ejusque actus heroicus, elicited scilicet a summa castitate, fortitudine et lucta, estque perfecta refrænatio concupiscentiæ; et sæpe a charitate, religione, voto imperatur. Unde sic argumentor: Sicut concupiscentia, maxime libidinis, mala est in se, ita eam frænare in se bonum est et Deo gratum, et magis eam frænare, magis bonum est, et magis Deo gratum; atqui virginitas magis, imo in totum refrænât concupiscentiam, cum conjugium illi indulgeat: ergo virginitas majus bonum est, et Deo gratior ac melior matrimonio; idque diserte docet Apostolus, vers. 38: « Qui matrimonio, inquit, jungit virginem suam, bene facit; et qui non jungit, melius facit; » quia nimirum facit opus melioris et præstantioris virtutis. Unde Fulgentius, *epistola* 3, cap. IV: « Adeo, inquit, virginitas virtus est, ut a virtute nomen acceperit virgo. » Et S. Hieronymus, lib. I *Contra Jovinian.*: « Virginitas, ait, hostia Christi est. »

Denique id expresse contra Jovinianum, Calvinum et similes docent S. Ambrosius, Augustinus, Chrysostomus, Athanasius, Basilus, libris quos ad hanc rem probandam de virginitate ex professo scripserunt, atque S. Thomas II II, *Quæst.* CLII, et ibidem Scholastici omnesque catholici Doctores.

Præclare S. Aldhelmus, Occidentalium Saxonum Episcopus, sub annum Domini 680, tom. III Bibliothecæ SS. Patrum, in libello *De Laudibus Virginitatis*, cap. IX: « Cum tres, inquit, sint status in Ecclesia, virginitas, cœlibatus et conjugium, ex revelatione angelica didicimus, si meritum ratio habenda est, eum has inter virtutes constituendum esse ordinem, ut sit virginitas aurum, cœlibatus argentum, conjugium ærumentum: virginitas divitiæ, cœlibatus mediocritas, conjugium paupertas: virginitas pax, cœlibatus redemptio, conjugium captivitas: virginitas sol, cœlibatus lucerna, conjugium tenebræ: virginitas regina, cœlibatus dominus, jugalitas ancilla. » Hæc ille.

Tertullianus quoque, lib. *De Pudicitia*: « Pudicitia, inquit, flos morum, honor corporum, de-

Nomen a virgo a virtute derivatur.

Inter tres in Ecclesia status virginitas præstat. Virginitas est aurum, cœlibatus argentum, conjugium ærumentum.

Laus pudicitia.

cor sexuum, fundamentum sanctitatis, præjudicium omnis bonæ mentis: quanquam rara, vixque perpetua, tamen aliquatenus in sæculo morabitur, si disciplina persuaserit, si censura compresserit.»

Denique « S. Martinus videns pratum, cujus unam partem boves depaverant, secundam porci suffoderant, tertiam illæsam, quæ diversis floribus quasi picta vernabat, dixit: Prima pars speciem gerit conjugii, quæ a pecore depasta, etsi non penitus gratiam amisit herbarum, nullam tamen florum retinet dignitatem. Secunda, quam porci pecora immunda foderunt; fornicationis fœdam imaginem præterdit. Tertia, quæ nullam sensit injuriam, gloriam virginitatis ostendit: unde herbis fœcunda luxuriat, fœni in ea fructus exuberat, et ultra omnem speciem distincta floribus, quasi gemmis micantibus ornata radiat.» Ita Sulpitius, *Dialog.* 2, cap. xi.

Octo excellentiæ virginitatis. Prima.

Ex hisce collige octo prærogativas virginitatis et vitæ cælibis. *Prima* est, quod sit imitatio vitæ et integritatis angelicæ. Angeli enim non nubunt, sed toti Deo intendunt et famulantur: idem faciunt et virgines. Audi S. Athanasium, lib. *De Virginitate*, sub finem: « O virginitas, opulentia indeficiens, corona immarcescibilis, templum Dei, domicilium Spiritus Sancti, margarita pretiosa, mortis et inferni profligatrix, angelorum vita, corona Sanctorum, » etc. Et S. Chrysostomum, lib. *De Virginit.*, cap. xi: « Virginitas, ait, tanto nuptiis præstat, quanto cælum terræ, quanto hominibus angeli antecellunt. » Et S. Augustinum, lib. *De Sancta virgin.*, cap. xiii: « Virginalis, ait, integritas angelica portio est, et in carne corruptibili incorruptionis perpetuæ meditatio. » Rursum hæc est angelorum familia illa nova, quam Christus in terra instituit, ut docet S. Hieronymus, epist. 22 *ad Eustochium*: « Statim, inquit, ut Filius Dei ingressus est super terram, novam sibi familiam instituit, ut qui ab angelis adorabatur in cælo, haberet angelos in terris. » Vide S. Fulgentium, epist. 3 *ad Probam*, cap. ix.

Secunda. *Secunda* est, quod virginitas sit holocaustum, ut ait S. Hieronymus in *Psal.* xcvi; corpus enim, et cum corpore mentem addicit et consecrat Deo, rubusque divinis: unde S. Ignatius, epist. *ad Tar-senses*, virgines vocat *sacerdotes Christi*. « Eas, inquit, quæ in virginitate degunt, in pretio habere, tanquam Christi sacerdotes. » Hinc S. Ambrosius in *Psal.* cxviii, 5, virgines vocat *martyres*: graviorem enim sæpe habent luctum quam Martyres, cum amores et vitales animæ concupiscentias pro Deo obtruncant.

Tertia. *Tertia*, quod virgo connubium spirituale ineat cum Christo, uti dicam *Epist.* II, cap. xi, vers. 2. Proles hujus conjugii sunt non corporales, sed spirituales, puta *primo*, opera virtutum; *secundo*, eleemosynæ aliaque officia charitatis; *tertio*, exempla sancta, quibus plures animas ad Christi obsequium adducunt, itaque eas Christo pariant.

Ita S. Cæcilia Valerianum maritum, Tiburtium fratrem, aliosque non tantum christianos, sed et virgines et martyres effecit. Unde de ea canit Ecclesia: « Domine Jesu Christe, seminator casti consilii, suscipe seminum fructus quos in Cæcilia seminasti. » Et: « Cæcilia famula tua quasi apis tibi argumentosa deservit. »

Quarta, quod virgines plus cæteris a Christo amantur; Christus enim quasi sponsus, virgines quasi sponsas suas adamat, uti docet S. Ambrosius, lib. I *De Virgin.* Rursum amat eas tanquam milites suos. Unde ibidem Ambrosius: « Hæc est, inquit, militia illa cælestis, quam laudantium exercitus angelorum promittebat in terris. » Vide de his militibus S. Chrysostomum, homil. 71 in *Matth.*

Quinta, quod virgines sint nobilissima pars Ecclesiæ. Audi S. Cyprianum, lib. *De Discipl. et habitu virgin.*: « Nunc nobis ad virgines sermo est, quarum quo sublimior gloria est, eo major et cura est. Flos est ille ecclesiastici germinis, decus atque ornamentum gratiæ spiritualis, læta indoles, laudis et honoris opus integrum et incorruptum, Dei imago respondens ad sanctimoniam Domini, illustrior portio gregis Christi. » Et S. Hieronymus, lib. II *Contra Jovinian.*: « Virginibus, ait, et continentibus quasi gemmis pulcherrimis Ecclesiæ monile decoratur. » Et Ecclesiasticus, cap. xxvi: « Omnis, inquit, ponderatio non est digna animæ continentis » in conjugio (de eo enim loquitur); multo ergo magis omnino continentis in cælibatu.

Hinc S. Athanasius, lib. *De Virgin.*, docet virginitatem esse notam veræ religionis et Ecclesiæ. Nam vera religio virginitatem et cælibatum suadet, complectitur, extollit: infidelitas et hæresis dissuadet, abjicit, deprimit. Et S. Ambrosius, lib. *De Viduis*: « Illi, ait, qui deorum suorum adulteria et probra venerantur, cælibatus et viduitatis statuere pœnas, ut æmuli criminum muletarent studia virtutum. »

Quare hæretici et infideles non sunt, nec esse possunt virgines: sine gratia enim Dei (cujus initium est fides) impossibile est inter tot carnis illecebras et tentationes, virginitatem servare et tueri. Unde S. Athanasius in *Apolog. ad Constantinum Imp.*: « Nusquam alibi, inquit, sanctum illud et cœleste æternæ virginitatis mandatum feliciter adimpletur, nisi duntaxat apud Christianos. »

Sexta, quod, ut ait S. Cyprianus supra, « nuptiæ replent terram, continentia cælum; » adeoque, ut ait S. Basilius, « virgines anticipent gloriam resurrectionis. » In hac enim, ut ait Christus, non nubent, neque nubentur.

Septima, quod virgines in cælis eximium habeant præmium et coronam, quodque sequantur Agnum quocumque ferit, cantantes canticum novum, quod nemo alius canere potest, *Apocal.* xiv, 3 et 4.

Octava. *Octava*, quod virginitas faciat hominem similem Deo et S. Trinitati, de quo vers. seq. Atque hæc omnia tam locum habent in virginibus quæ domi, quam in iis quæ in monasterio degunt. Tempore enim S. Pauli et Ignatii necdum erant monasteria. Cum ipsi ergo consulunt et laudant virginitatem, consulunt et laudant eam quæ domi servabatur. Ita Philippus diaconus domi habebat quatuor filias virgines, *Act. XXI, 9*, quæ etiam spiritu prophetico præditæ fuerunt, ut ibidem dicitur; idque in præmium virginitatis, ait S. Hieronymus *ad Demetr.* Philippus Apostolus ante Apostolatam tres genuit filias, quarum duæ in virginitate consenuerunt, ut ait Polycrates apud S. Hieronymum, lib. *De Script. Eccles.*, in *Polycrate*. S. Thecla, hortatu S. Pauli, coluit virginitatem, uti testatur S. Ambrosius, lib. II *De Virginit.* Eamdem coluerunt S. Iphigenia, filia regis, hortatu S. Matthæi, ut testatur Abdias in ejus *Vita*; et S. Flavia Domitilla, filia Clementis Consulis Romani, hortatu S. Clementis, teste Beda in *Martyrologio*, 7 maii; et S. Pudenciana et Praxedes, filiæ Pudentis senatoris, aliæque plurimæ. Adeo ut S. Ambrosius, lib. III *De Virginit.*, dicat, « in Ecclesia Orientali et Africana plures consecrari virgines, quam Mediolani, et in Italia nascentur homines: inde tamen non minui genus humanum, sed multiplicari. » Cujus ratio est, quia Deus non vult vinci liberalitate: si parentes ipsi unam vel alteram prolem offerunt, ipse octo vel decem reponit, fecunditatem et felices partus tribuens et domum sua benedictione replens. Ita Annæ pro Samuele sibi oblato, quinque alias proles reposuit. Ita divitibus dantibus eleemosynam Deus majores opes agrisque eorum majorem fertilitatem tribuit, ut ait S. Augustinus, serm. 219 *De Tempore*.

Vers. 35. 35. PORRO HOC AD UTILITATEM VESTRAM DICO, — ad majorem scilicet perfectionem, et profectum vestrum in spiritu et virtute, cælibatum vobis consulo.

Quis laqueus Apostoli? NON UT LAQUEUM VOBIS INJICIAM, — non quod vobis imponere velim necessitatem continendi, et vos eo cogere. Ita Oecumenius, Theophylactus, Chrysostomus. Hoc enim præceptum laqueus esset iis, qui ægre se continere possunt, quia spoliaret eos remedio suæ incontinentiæ, scilicet conjugio, et adigeret eos in peccatum fornicationis. Patet ex seq., quia laqueum, id est præceptum, opponit consilio, dum ait: « Sed ad id quod honestum est, » scilicet vos adhortans; « ad honestum, » id est honestiorem et meliorem vivendi conditionem in cælibatu, *q. d.* Hæc dico de commodis virginitatis, non ut laqueum injiciam, id est, quasi eam imperans, sed quasi consulens. Ita Theodorus, Theophylactus, Anselmus, Oecumenius.

Perperam ergo Petrus Martyr et Bucerus putant laqueum hunc esse necessitatem voti: hanc enim non Apostolus aut alius, sed sibi quisque injicit,

dum sponte vovet castitatem: qui autem sponte vovet, non magis injicit sibi laqueum, quam is qui sponte illigat se matrimonio, et uni alicui conjugii sæpe molestæ et rixosæ.

Adde vota non suscipi nisi post experimentum, et non nisi prævio maturo consilio et deliberatione; uti in monasteriis novitiis datur annus probationis, ut vires suas explorent, et deliberent an velint vovere nec ne. Quod si hunc annum haberent conjuges, ut eo se invicem probarent ante matrimonium, credo plures resisterent, et tamen jam contracto matrimonio manere coguntur cum ignota sæpe, inexperta et ingrata conjugio: quidni ergo illi qui solemnem promissione Deo facta professi sunt castitatem, quam prius experiri potuerunt et debuerunt, adigantur ut reddant vota, quæ sponte voverunt Domino Deo suo?

Longe verius est laqueus hoc dogma Buceri et Novantium, castitatem scilicet esse impossibilem, ac consequenter licere post vota nubere. Hoc enim laqueo multæ Religiosorum animæ, quin et conjugatorum, strangulant se, ut adultarentur, scortentur et damnentur: dum enim persuadent sibi impossibilem esse castitatem virginalem aut conjugalem, necessum est ut in adulteria et sacrilegia hac sua persuasionem et phantasia adigantur.

QUOD FACULTATEM PRÆBEAT (vobis virginibus) SINE IMPEDIMENTO DOMINUM OBSECRANDI. — Græce πρὸς τὸ εὐπράξενον (Erasmus et Robertus Stephanus legunt eodem sensu εὐπρόσδεον) τῷ Κυρίῳ ἀπρισπάσας, *q. d.* Ad id quod assideat Deo indistracte, seq. ut in cælibatu indivulse semper assideatis et adhæreatis Deo. Ita Theophylactus et Theodoretus, scilicet ut sit vobis facultas « Dominum assidue obsecrandi, » ut legunt Romana. Sed Plantiniana et alia passim legunt, *Dominum observandi*; S. Gregorius, p. III *Pastor.*, admon. 38, legit, *Domino observandi*. Omnes hæ lectiones Græcæ phrasi jam dictæ respondent: nam et per obsecrationem, et per observationem, et per servitium Deo adhæremus et assidemus; atque ad hæc omnia magnam facultatem præbet cælibatus, ut hic ait Apostolus. Sic Magdalena sedens secus pedes Domini audiebat verbum illius, *Luce x; 39*.

Secundo, S. Hieronymus, *Contra Jovinian.*, vertit, « Quod intende facit servire Domino absque ulla distractione; » εὐπράξενον enim duo significat, *primo*, esse assessorem constantem; *secundo*, esse assiduum in aliqua re. Sicut ergo Socrates dicitur suum habuisse genium paredrum, cujus consilio et monitu omnia agebat, et magi in annulis, atque hæresiarchæ in sua hæresi fabricanda, ut docet Irenæus, lib. I, cap. ix et xx, suggestores habent dæmones paredros, id est familiares: ita hic vice versa casti vocantur paredri, id est familiares et quasi assessores Dei, tanquam angeli quidam terrestres, qui semper ob castitatem vident faciem Patris. Hinc passim Patres comparant castos angelis. S. Bernardus, *epist. 42*: « Diffe-

Vota non sunt laqueus.

Castitatem esse impossibilem, laqueus potius est quam necessitas voti.

Quid significet εὐπράξενον?

Hæresiarchæ dæmones habent suggestores et familiares.

Casti comparantur angelis.

rantur
angelis.

runt, inquit, homo pudicus et angelus felicitate, non virtute : angeli castitas felicior, hominis fortior. » Climacus, *gradu* 13, et Basilius, *De Sancta virgin.*, dicunt nos Deo similes per castitatem fieri, et habere speciem incorruptionis cœlestis et divinæ. Imo Gentilis Cato aiebat vitam nostram similem fore vitæ deorum, si sine uxore esse possemus : itaque uxorem malum esse, sed necessarium. In quo erravit Cato : S. Paulus enim docet per gratiam Christi non esse necessarium, sed liberum cuique tam conjugium, quam cœlibatum.

Catonis
dictum
pro casti-
tate.

Lepor
beati
Thomæ
Mori.

Unde festive et acute B. Thomas Morus martyr roganti cur tam parvam duxisset uxorem, respondit se e malis libere et prudenter elegisse minimum. Verissime Sapiens, *Sap.* vi, 20 : « Incorruptio, inquit, facit esse proximum Deo ; » nam, ut ait Nazianzenus in *Carmine de virgin.*, SS. Trinitas prima est virgo, quam omnes virgines imitantur :

SS. Tri-
nitas pri-
ma virgo.

Prima (inquit) Trias virgo est; siquidem Patre natus anarcho Filius est; nec enim Pater ortum traxit ab ullo.

Et, ut ait Ambrosius, lib. I *De Virginibus* : « Virginitas e cœlo accersivit, quod imitaretur in terris. Hæc nubes, aera, angelos sideraque transcendens Verbum Dei in ipso sinu Patris invenit. Elias etiam quia nullius corporei coitus fuisse permixtus cupiditatibus invenitur, ideo curru raptus ad cœlum. » Atque hac de causa virgines non in monte, sed supra montem Sion a S. Joanne conspecti sunt, *Apoc.* xiv, ante thronum Dei cantantes canticum novum, et sequentes Agnum quocumque ierit. Hinc et vitam cœlibem dici quasi cœlitem, illudque verum cœlibis esse etymon censet S. Hieronymus, lib. II *Contra Jovinian.*, in fine (quidquid ibidem S. Hieronymo obstrepat Erasmus), et Caius Jurisconsultus, et nuper Lipsius. « Caius, inquit Quintilianus, lib. I, cap. x, cœlibes dixit, quasi cœlites et cœlestes, quod onere gravissimo vacent nuptiarum. Per continentiam quippe colligimur et redigimur in unum, a quo in multa defluximus. » Hoc præclare et intellexerunt et præstiterunt quatuor illæ heroinæ et reginæ sorores Theodosii Imperatoris, inter quas eminuit Pulcheria, quæ virginitatem Deo voverunt, ad quas B. Cyrillus scripsit librum *De Fide ad Reginas*, de quibus Nicephorus, lib. XIV, cap. II, pag. 612, tom. I. Additque Nicephorus de hisce reginis : « Diu, inquit, noctuque hymnis laudibusque celebrabant Deum : institutum namque, propter quod virginitatem erant complexæ, nec ignaviam, nec otium decere existimabant. »

Cur Elias
curru
raptus ad
cœlum?

Cœlibes
dictiqua-
si cœli-
tes.

Cœliba-
tus ap-
tissimus
ad om-
nem sa-
pientiam
acquiren-
dam.
Dictum
Ciceronis

Atque hinc consequitur cœlibatum aptissimum esse ad sapientiam omnem acquirendam : quod Aristoteles quoque et Philosophi docuerunt, et Cicero reipsa præstitit ; cum enim Terentiam uxorem suam repudiasset, rogatus cur aliam non duceret, respondit se non posse simul philosophari et uxori operam dare : nam cœlebs ab aliis curis liber totus sapientiæ intendit. Rursum, ani-

mum purum ac sapientiæ capacem habet. *Tertio*, a Deo cui familiaris est, mire illustratur. Cum enim castus paredrus et assessor sit Dei, ut hic ait Apostolus, sequitur castum quoque esse assessorem divinæ et æternæ sapientiæ : hæc enim paredrus et assessor est Dei. « Da mihi (inquit Salomon, *Sapient.* ix, 4), Domine, sedium tuarum assistricem (Græce *πάρεδρον*, id est *assistricem*) sapientiam. » Unde S. Hieronymus, lib. I *Contra Jovinian.*, asserit Sibyllas ob virginitatem obtinuisse a Deo donum prophetiæ.

de non
ducenda
uxore.

Hinc sapientia et castitas quasi sorores S. Gregorius Nazianzenum complexæ sunt. Nam, ut narrat Rufinus in *Prologo apolog.*, et S. Aldhelmus, *De Laudib. virgin.*, cap. XII : « Cum B. Nazianzenus Athenis studiis vacaret, vidit per soporem sedenti sibi et legenti duas decoras dextra lævaque feminas assedissee : quas ille castitatis instinctu oculo torviore inspicens, quænam essent, quidnam vellent percunctabatur ; at illæ familiarius eum et ambitiosius complectentes aiunt : Ne moleste accipias, juvenis, notæ tibi satis et familiares sumus ; altera enim ex nobis sapientia, altera castitas dicitur, et missæ sumus a Domino tecum habitare, quia jucundum nobis et mundum in tuo corde habitaculum præparasti. » En tibi sorores gemellæ castitas et sapientia.

Visio B.
Gregorii
Nazianze-
ni de sa-
pientia et
castitate.

Hinc *secundo*, consequitur tanta Dei et angelorum cum virginibus communicatio, familiaritas et protectio, qua illarum vicissim quasi paredri easdem illæsas et inviolatas ab omni vi et petulantia tyrannorum servaverunt : cujus rei testis est S. Basilius, *De Vera virgin.*

Deus et
angeli
paredri
sunt vir-
ginum.

Illustre exemplum extat in Vita S. Theophilæ, quæ sub Maximiano Imperatore ad prostibulum damnata, cum eo duceretur, ita orabat : « Mi Jesu, meus amor, mea lux, meus spiritus, meus custos castitatis et vitæ, vide eam quæ tibi desponsata est, festina ne lupi tuam pecudem lanient ; serva, sponse, sponsam ; meam conserva castitatem, fons castitatis. » Ingressa ergo prostibulum, librum Evangeliorum e sinu protulit, at teneque legit : affuit mox angelus, qui primum juvenem procacem ad eam ingredi volentem morte, secundum cæcitatem, alios aliis pœnis multavit, ita ut nemo amplius ad eam ingredi auderet. Sed libidine in reverentiam versa, cum plures religione tacti locum intrassent, viderunt Theophilam honeste sedentem, et libro incumbentem : adolescentem autem quemdam prope eam stantem, luce quadam ineffabili, pulchritudine vero incredibili, veluti quædam fulguris tela emittentem ex oculis ; qui tandem Theophilam educens ad ecclesiam, eamque in vestibulo statuens, cum *Pax tibi* dixisset, recessit, attonitis Gentibus et exclamantibus : Quis est sicut Christianorum Deus ? Similia sunt in Vita S. Agnetis, Cæciliæ, Luciae et aliarum virginum. Adeoque mirum hoc et notatu dignum in vita et martyrio SS. Virginum, quod, cum pulcherrimas virgines ab impuris-

Illustre
exem-
plum S.
Theophi-
læ de vir-
ginitate.

Deus et simis tyrannis, promissis, metu et vi ad stuprum sollicitas, imo publico iudicio damnatas sapisime legamus, nullam tamen violatam, sed omnes Deo et angelis tutoribus virginitatem conservasse, adeoque auxisse martyrio conspiciamus.

Vers. 36. 36. SI QUIS TURPEM SE VIDERI EXISTIMAT SUPER VIRGINE SUA : — *εἰ δὲ τις ἀσχημονεῖν ἐπὶ τῇ παρθένῳ αὐτοῦ νομίζει*, id est, si quis indecens esse putat, et apud mundanos homines se suamque filiam despici, ait Syrus : quasi turpe sit et indecorum, quod illa virgo plus æquo sit superadulta, græce *ἐνέπαυρος*, *superætunea*, super ætatem sit nubilis, nec tamen viro tradatur, quasi florem ætatis, vel ætatem maturam conjugio prætereat. Ita Theophylactus et Syrus.

ET ITA OPORTET FIERI, — et ita potius fieri debere putat pater, ut collocet illam viro in matrimonium, vel quia ipsa non vult continere, vel quia stirpem et prolem ex ea quærit, vel alias ob causas.

QUOD VULT FACIAT, — filiam tradat nuptui si vult; vel servet virginem, si id malit.

Nota, hanc Apostoli sententiam non significare in patris potestate esse filiam servare virginem, etiamsi ipsa nolit; aut patrem posse filiam dare marito cui ipsi libuerit, etiamsi filia in eum non consentiat; aut consensum filiae in maritum non sufficere ad matrimonium, nisi et pater aut tutor in illud consentiat, uti statuerunt Jura civilia, dum sanxerunt filiorum vel filiarum familias matrimonia esse irrita, nisi is consentiat qui habet eos in potestate, ut habetur *Instit. de nuptiis*, et ff. *De jure nuptiarum*. Contrarium enim sanxit Jus naturale, divinum et canonicum. Tantum ergo innuit

consulere tamen potest.

Apostolus hic, et vers. 37, consultum et congruum esse, ut parentes videntes filiae vel filii propensionem ad nubendum, tanquam sapientiores conjugem idoneam, more veterum, quærant illi, filiumque ac filiam in hac re debere parentum consilium et voluntatem sequi, si prudenter sibi et familiae consulere velit, nisi justam afferat excusationem (1). Sic Abraham, Isaac, Tobias filiis suis sponsas designaverunt, quas filii parentis voluntatem et consilium secuti sponte amplexi sunt.

SI NUBAT. — Græca post *non peccat*, ponunt punctum, et pro *nubat* habent *γαμίζωσιν*, jungantur matrimonio, si videlicet illud eligant et malint. Utitur plurali, ut et virginem et procum comprehendat, quem significavit aliquid in eam minus honestum committere, ut in procis et amasiis fieri solet : ne hoc ulterius fiat, dicit *γαμίζωσιν*, id est, copulentur matrimonio. Ita Maldonatus in *Notis*.

Vers. 37. 37. NAM QUI STATUIT IN CORDE SUO FIRMUS, NON

(1) Paulus hic loquitur more Judæorum, imo Græcorum, apud quos filiorum matrimonia ex paterna auctoritate pendebant. De hujusmodi autem moris æquitate silet Apostolus.

HABENS NECESSITATEM, etc., SERVARE VIRGINEM SUAM, BENE FACIT. — *Τὸ nam* dat causam ejus, quod dixit : « Quod vult faciat; » nam sive nubat, non peccat; sive non nubat, sed virgo servetur, bene facit, imo melius facit, tam pater, quam virgo filia. Unde Græca clarius habent *ὁ δὲ*, qui vero non dat nuptui, sed servat virginem, bene facit, *q. d.* Prior non male, hic vero bene, imo melius facit.

NON HABENS NECESSITATEM, — dare filiam nuptui, ob carentiam doni continentiae, aiunt hæretici, *q. d.* Qui cogitur filiam dare nuptui, eo quod careat dono continentiae, si eam servet virginem, male facit : qui autem non cogitur dare, eo quod filia habeat donum continentiae, si eam servet virginem, bene facit.

Non habens necessitatem explicat hæretici.

Sed errant, quia *τὸ non habens necessitatem*, sicut et *τὸ habens potestatem*, refertur ad « servare virginem, » *q. d.* Bene facit qui servat filiam virginem, nisi necessitate cogatur eam servare virginem sine conjugio, ob inopiam, infamiam, aut quia nemo eam vult conjugem, aliisve de causis. Hoc enim necessitatis est, non virtutis : virtutis vero est, si nulla cogat necessitas, sed impellat pietas, ut virginitatem eligat libera voluntas. Ita Chrysostomus, Theophylactus, OEcumenius.

POTESTATEM AUTEM HABENS SUB VOLUNTATIS, — ut possit pater quod vult, id est, ut ei sit liberum servare virginem, quia videlicet virgo consentit manere virgo.

Nota hæc Apostoli verba, et ex iis disce hominem habere liberum arbitrium, etiam in moralibus et supernaturalibus, uti hic est perpetua virginitas. Pater enim non potest eam velle in filia, nisi filia eam eligat et amplectatur libere.

Homo habet liberum arbitrium etiam in supernaturalibus.

Posset secundo simpliciter sic accipi, *non habens necessitatem*, scilicet præcepti, sed *potestatem voluntatis*, id est liberam electionem, ut sine peccato eligat quod vult, *q. d.* Virginitas non præcepti est, sed consilii; qui ergo vult filiam servare virginem, ad id nulla lege cogitur; bene tamen facit, quia consilium Christi et meum adimplet.

39. QUOD SI DORMIERIT, — mortuus sit. Mors fidelium dicitur somnus : ex eo enim evigilabunt in resurrectione. Hinc pii Christiani cum quis defunctus est, obdormivit, inquit, in Domino, id est mortuus est.

Vers. 39.

CUI VULT NUBAT, TANTUM IN DOMINO. — Græci Patres sic accipiunt *τὸ in Domino*, *q. d.* Secundum Dei legem, quæ jubet ut cum temperantia, et proles, non libidinis causa matrimonium contrahas. Ita S. Basilius, lib. *De Vera virginitate*. : « Quid, ait, est in Domino nubere? non ut vile mancipium voluptatibus carnis ad concubitum pertrahi, sed iudicio et commodioris vite ratione nuptias eligere. Ideo enim et matrimonii necessitatem Creator in natura constituit. »

Quid sit in Domino matrimonium inquit?

Secundo, « in Domino, » id est religiose, cum Dei timore et ad Domini gloriam : quod fiet maxime, si nubat viro probro et Christiano.

Unde tertio, proprie ad mentem Apostoli, « in

Domino, » id est, in Domini Ecclesia et christianismo. « Nubat » ergo « in Domino, » id est, nubat viro Christiano. Vide *Can.* 25 et 37. Ita Ambrosius, Theodoretus, Theophylactus, Anselmus, Sedulius, D. Thomas, Augustinus, lib. I *De Adulter. conjug.*, cap. XXI.

Quare ve-
tuit Ec-
clesia
matrimo-
nium Ca-
tholicis
cum hæ-
retica, et
irritavit
Christia-
ni cum
Pagana?
Hinc Ecclesia postea omnino vetuit ob periculum perversionis, et ob indecentiam, matrimonium Catholici cum hæretica, et irritavit matrimonium Christiani cum pagana : estque peccatum mortale contrahere cum hæretico vel hæretica. Excipe Germaniam, Poloniam, Galliam, ubi cum Catholicis permixti vivunt hæretici; ibi enim id licet, modo conjux Catholica libere permittatur, et absque perversionis periculo in fide permanere, et in eandem prolem educare, ut docet Thomas, Sanchez, *disp.* LXXII, num. 3, tom. II. Sed quia hoc difficile fit, hinc passim cavenda et dissuadenda sunt talium connubia. Hinc denique contra Tertullianum, Montanistas, Novatianum patet licitas esse secundas nuptias.

Quarto, « nubat in Domino, » hoc est secundum leges et ritus Ecclesiæ, ab ipsis Apostolis (qui Domini vice et auctoritate fungebantur) traditos. Ritibus autem ab Apostolis instituti, et a tota Ecclesia recepti hi sunt potissimi : Primo, ut contrahatur in præsentia sacerdotis ad id legitime deputati. « Decet enim, ut ait S. Ignatius ad Polycarpum, ut et ducentes uxores, et nubentes cum

Episcopi arbitrio jungantur, ut nuptiæ juxta præceptum Domini, non autem ob concupiscentiam colisse videantur. » Secundo, ut in celebratione matrimonii sacrificium Missæ offeratur. Tercio, ut contrahentes Eucharistiam percipiant, etc. Unde Tertullianus, lib. II *Ad uxorem*, in fine : « Unde, ait, sufficiam ad enarrandam felicitatem ejus matrimonii, quod Ecclesia conciliat, et confirmat oblatio (Missæ sacrificium), et obsignatum angeli (id est sacerdotes) renuntiant? »

40. BEATIOR AUTEM ERIT (tum hic in quiete et sanctiore vita, tum in futuro : majori beatitudine felicior et gloriosior erit in cælo, ait Ambrosius), si sic (separata in viduitate) PERMANERIT. — Hinc patet consilium viduitatis, tanquam melioris matrimonio, et patet ex dictis et ex Patribus citatis vers. 7. Vide S. Augustinum, lib. *De Bono viduitatis*, tom. IV, et Ambrosium, lib. *De Viduis*, tom. I.

PUTO AUTEM, QUOD ET EGO SPIRITUM DEI HABEAM, — nimirum spiritum consilii, secundum quem puto me ista fideliter suadere : ita Anselmus et alii.

Nota 2 et ego, q. d. Sicut et alii Apostoli, ita et ego Spiritum Dei habeo. Modeste suam auctoritatem interponit, ne videatur hæc humano, non divino spiritu dicere et consulere. Secundo, notat S. Augustinus, tract. 37 in *Joan.*, 2 puto non dubitantis esse, sed asseverantis et increpantis.

Vers. 40.

Viduitas
melior et
beatior
matrimo-
nio.

CAPUT OCTAVUM.

SYNOPSIS CAPITIS.

Respondet Paulus secundæ questionem generalem sibi a Corinthiis propositam de idolothyti, an eis vesci liceat?

Ac respondet primo, per se id non esse illicitum, cum idolum nihil sit.

Secundo, tamen docet id esse illicitum, si fiat repugnante conscientia, aut cum scandalo infirmorum, quod valde cavendum esse inculcat.

Respon-
det Pau-
lus se-
cundæ
questio-
ni gene-
rali Co-
rinthio-
rum.

1. De iis autem, quæ idolis sacrificantur, scimus quia omnes scientiam habemus. Scientia inflat, charitas vero ædificat. 2. Si quis autem se existimat scire aliquid, nondum cognovit quemadmodum oporteat eum scire. 3. Si quis autem diligit Deum, hic cognitus est ab eo. 4. De escis autem, quæ idolis immolantur, scimus quia nihil est idolum in mundo, et quod nullus est Deus, nisi unus. 5. Nam etsi sunt qui dicantur dii sive in cælo, sive in terra (siquidem sunt dii multi, et domini multi), 6. nobis tamen unus Deus, Pater, ex quo omnia, et nos in illum : et unus Dominus Jesus Christus, per quem omnia, et nos per ipsum. 7. Sed non in omnibus est scientia. Quidam autem cum conscientia usque nunc idoli, quasi idolothytum manducant : et conscientia ipsorum cum sit infirma, polluitur. 8. Esca autem nos non commendat in Deo. Neque enim si manducaverimus, abundabimus : neque si non manducaverimus, deficiemus. 9. Videte autem, ne forte hæc licentia vestra offendiculum fiat infirmis. 10. Si enim quis viderit eum, qui habet scientiam, in idolio recumbentem : nonne conscientia ejus, cum sit infirma, ædificabitur ad manducandum idolothyta? 11. Et peribit infirmus in tua scientia frater, propter quem Christus mor-

tuus est? 12. Sic autem peccantes in fratres, et percutientes conscientiam eorum infirmam, in Christum peccatis. 13. Quapropter si esca scandalizat fratrem meum, non manducabo carnem in æternum, ne fratrem meum scandalizem.

Quid sint
Idolothytis?

Pro intellectu trium sequentium capitum,
Nota: Idolothyta sunt idolis immolata, puta carnes, panis, vinum, etc., quæ idolis offerebantur: ita dicuntur ἀπὸ τοῦ εἰδωλὸν καὶ θύειν; ab immolando idolis. Hæc idolothyta comedere per se non erat peccatum, ut docet D. Thomas I II, *Quæst.* CIII, art. 4, ad 3. Erat tamen peccatum, *primo*, si id fieret ex infidelitate, ut si quis idololatra ad idoli cultum ea comederet, vel si id fieret ex infirmitate fidelis, quod crebrum erat tempore Pauli. Nam multi recens conversi et rudiores erant, qui vel non plene abjecerant opinionem suam de idolis et idolothytis, quasi aliquid numinis vel divini haberent; vel certe ex pristina consuetudine non poterant vincere phantasiam suam de diis suis, Jove, Minerva, Marte (quos paulo ante quasi deos coluerant), et de sanctitate ciborum illis consecratorum. Semper enim cibos hos quasi sanctos et consecratos imaginabantur, etiam si fides Christi illis contrarium dictaret.

Secundus.

Secundo, ex conscientia erronea, si quis putans esse illicitum comedere idolothytum, illud contra conscientiam comederet, putans scilicet hoc esse participationem cum idolis et professionem idololatriæ; vel carnem ab idolo, sive demone, cui oblata est, esse contaminatam, et comedentem contaminare, ut docuit Apostolus, *Rom.* XIV.

Tertius.

Tertio, ex scandalo, si quis sciens idolum nihil esse, tamen ad ostendendam suam scientiam et libertatem coram infirmis idolothyta comedit, itaque eos provocet (ait Paulus, vers. 10), ut et ipsi contra conscientiam eadem comendant, vel ut putent eum qui illa comedit peccare in fidem, vel redire ad idolorum cultum, et alios eodem trahere.

Quartus.

Quarto, ex præcepto Apostolico, quo *Actor.* XV, 19, vetant Apostoli idolothytorum esum.

Quintus.

Quinto, si eo modo, et iis circumstantiis quis ea comedit, v. g. in idolio, cum peragitur sacrificium idololatricum, ut censeatur id fieri ad idolorum cultum, et comedens censeatur profiteri idololatriam; perinde atque is qui accedit ad cœnam Calvinis, censetur profiteri calvinismum. De quo casu *« S. Augustinus, lib. De Bono conjugali, cap. XVI, quod citatur 32, Quæst. IV, cap. Sicut satius: « Satius est fame mori, quam idolothytis vesci. »*

Quare Julianus Imperator catholicos vesci idolothytis?

Quomodo Julianus Imperator Catholicos Constantinopolitanos ad speciem quamdam externam idololatriæ compelleret, omnes idolothytis vesci coegit. Rem gestam ita narrat Nectarius Episcopus Constantinopolitanus, oratione quam habuit in exordio jejunii Quadragesimalis: « Cuncta, inquit, cibaria, quæ venum publice in foris exponi solerent, sacrificiis diis immolatis infecit

ac polluit, ut sic omnes illi cogerentur vesci cibis immolatis, nisi fame confici vellent; cum oraculo Theodori Martyris, quoniam modo consulendum esset fidelibus fame periclitantibus, fuit divinitus demonstratum: nempe, ut tunc loco panis cocto frumento omnes uterentur in cibum, quod ditiores pauperioribus liberaliter elargiti sunt per totam hebdomadam, quando Julianus desperans se quod volebat perficere posse, victus Christianorum continentia et constantia, rursus puros cibos absque ulla labe in foris apponi jussit. » Ubi

Nota, quod ait « victus continentia Christianorum: » magna enim et spontanea fuit hæc eorum abstinencia. Licet enim potuissent cibis a Juliano contaminatis vesci, tanquam cibis communibus; sed noluerunt, idque in odium Juliani et idolorum. Quod licite poterant iis vesci, patet, quia non poterat Julianus cibos communes hoc contactu vitare, vel dæmonibus sacros efficere, ita ut qui illis vesceretur, censeretur idola colere, et idololatriam profiteri. Esto enim Julianus hoc intenderet, tamen unus ipse erat, nec poterat commune hominum iudicium mutare, qui censebant rem hanc non esse idololatricam, sed adiaphoram. Unde Antiocheni cives, cum simili modo cibum et potum eorum infecisset Julianus, libere et sine scrupulo eundem manducarunt et biberunt, ut narrat Theodoretus, lib. I *Histor.*, cap. XIV. Hinc S. Augustinus, *epist.* 154, docet licere vesci olere, quod in horto idoli nascitur, et bibere de puteo, vel fonte, qui est in templo idoli, vel in quem cecidit idolothytum. De hac re plura dicam cap. X, vers. 21.

Nota *secundo*: Corinthi erant aliqui doctiores qui sciebant et sentiebant quod ita res erat, scilicet idola cum idolothytis nullam vim habere: itaque comedebant illa etiam cum scandalo rudiorum et infirmorum, idque ut ostentarent suam scientiam et libertatem. Alii vero rudiores, vel non plene abjecerant opinionem suam de idolis et idolothytis, vel certe ex pristina consuetudine de iis quasi sanctis et sanctificatis, non poterant vincere phantasiam suam uti dixi: unde facile ad ea relabi poterant. Hinc Apostolus timens illis periculum idololatriæ, cap. X, 14, ait: « Fugite ab idolorum cultura. » Proposuerunt ergo Corinthii quæstionem hanc Apostolo, an liceat idolothytis vesci? Unde

Nota *tertio*: Apostolus illi quæstioni hic respondet *primo*, idolum et idolothyta nullam vim habere; *secundo*, idolothytis abstinendum esse, est scandalum, idque agit hoc capite. *quarto*, Apostolum hic tantum inchoare responsum ad quæstionem de idolothytis co-

Constantia Christianorum contra Julianum.

Licet habere de puteo qui est in templo idoli.

Idolothytis abstinendum est ubi est scandalum.

medendis : illam enim absolvit, et perfecte respondet cap. x; vers. 20 et 21; nam non tantum ob scandalum non licet iis vesci, sed etiam cessante scandalo absolute in idoliis, id est templis, aris, vel mensis idolorum, ubi illa comedi solebant, coram idololatriis illa offerentibus, iis vesci non licet. Hoc enim esset profiteri idololatriam, et colere idolum epulo, quo consummatur sacrificium illi oblatum : hoc enim epulum pars quædam erat et perfectio sacrificii. Et sic intelligendus est *Apocal. II, 14* et 20, ubi angelus, id est Episcopus, Pergami et Thyatiræ redarguitur, quod permiserit suos manducare de idolothytis, nimirum quasi cibis sacris et divinis, idque in honorem idolorum. Hoc enim fuit scandalum, quod Balac rex instinctu Balaam misit coram filiis Israel; hisce enim idolothytis pellecti sunt filii Israel ad cultum et adorationem Beelphegor, *Num. xxv, 2*. Eadem de causa vetantur idolothyta in Concilio Gangrensi, cap. II, et in Concilio III Aurelianensi, cap. XIX.

Nota quinto, Apostolum subticere præceptum Apostolorum *Actor. xv*, quo absolute vetant esum idolothytorum : quia illud præceptum tantum dirigebatur ad Antiochenos eorumque vicinos (ut patet ex vers. 23 ibidem), ubi plurimi erant Judæi, qui idola et idolothyta execrabantur. Hi enim cum Gentibus miserant legatos Hierosolymam ad Apostolos, ut quæstionem de legalibus servandis deciderent : quibus Apostoli respondent legalia non esse servanda; sed tamen abstinendum esse ab esu idolothytorum, idque concordiam Judæorum cum Gentibus causa : licet postea etiam aliæ Gentes ab Antochia remotissimæ hoc præceptum Apostolicum amplexæ sint sponte, ob reverentiam Apostolorum, ut ostendit Baronius, anno Christi 51, post medium, p. 441.

Vers. 1. 1. DE IIS AUTEM QUÆ IDOLIS SACRIFICANTUR, SCI-MUS, — quod, scilicet, immolata idolis ab aliis cibis non differant, nec plus habeant numinis vel religionis, ut quidam vestrum, o Corinthii, persuasi videntur. Vide Chrysostomum.

QUIA OMNES (bene et plane in fide Christi instituti) SCIENTIAM (id est, sufficientem rerum Christianarum cognitionem) HABEMUS, — ex qua scimus idolothyta esse adiaphora.

SCIENTIA INFLAT. — *q. d.* Scientia hæc vestra, qua scitis idola nihil esse, et consequenter licitum idolothytis vesci, iisque vescimini cum scandalo ignorantium hoc : hæc, inquam, scientia facit vos superbire contra ignorantes, eosque despicere. Pro *inflat* græce est *quasi*, id est, tumet, turgit instar folliis vento distenti. Talis enim est ventosa scientia. Hinc superbus diabolus dictus est *δαίμων* quasi *δαίμων*, id est doctus, peritus, sciens, inquit Plato in *Cratyllo*. Vere S. Augustinus in *Sentent.*, n. 241 : « Humilium, ait, virtus est, de scientia non gloriari; quia communis est omnibus sicut lucis, ita participatio veritatis. »

ICAT, — scilicet infirmis et

ignaros : ut eos enim in fide et pietate Christiana contineat et promoveat, id quod eis obesse potest, scilicet idolothytorum esum, dimittit. Superbum ergo facit ventosa scientia, nisi charitate temperetur. Ita Anselmus.

Hinc patet hanc scientiam infantem contrariam esse charitati : inducit enim contemptum proximorum, cum charitas pro proximis sollicita sit, ut eos ædificet. Apposite S. Bernardus, *serm. 36 in Cantica* : « Sicut, inquit, cibus indigestus malos generat humores, et corpus non nutrit, sed corrumpit, ita ex multa scientia ingesta stomacho animæ, qui est memoria, si igne Christi decocta non fuerit, et sic per quosdam artus animæ, mores scilicet atque actus, transfusa atque digesta, nonne reputabitur in peccatum, tanquam cibus conversus in pravos noxiosque humores (1)? »

2. SI QUIS SE EXISTIMAT SCIRE ALIQUID, NONDUM COGNOVIT QUEMADMODUM OPORTEAT EUM SCIRE. — Id est, qui putans se aliquid scire inde inflatur, hic necdum scit quis sit finis, usus et modus scientiæ, videlicet ut per scientiam non superbias, pro sis quibus possis, nemini obsis, neminem scandalizes; et sic a Deo agnoscaris et amaris, ut sequitur. Notat ostentantes suam scientiam de idolothytis quod liceret iis vesci, quodque iis vincerentur cum scandalo rudiorum.

Pulchre S. Bernardus, *serm. 36* jam citato, explicans hunc Apostoli locum : « Vides, inquit, quoniam non probat multa scientem, si modum sciendi nescierit. Modus est, ut scias quo ordine, quo studio, quo fine quæque nosse opus. Quo ordine? ut id prius quod maturius ad salutem. Quo studio? ut id ardentius quod vehementius ad amorem. Quo fine? ut non ad inanem gloriam, curiositatem aut aliquid simile, sed tantum ad ædificationem tuam vel proximi. Sunt namque qui scire volunt, eo fine tantum ut sciant, et turpis curiositas est. Et sunt qui scire volunt ut sciatur et ipsi, et turpis vanitas est, qui profecto non evadent subsannantem Satyricum :

Scire tuum nihil est, nisi te scire hoc sciat alter.

Et sunt qui scire volunt ut scientiam suam ven-

(1) Alii cum Noesselto verba, *scimus quia omnes scientiam habemus*, non Pauli esse arbitrantur, sed Corinthiorum, quorum sententiam recitet, atque tum contra dicat : Hujusmodi autem intelligentes vel scientia, contemnit alios, et facit, ut nullam rationem habeamus ejus quod aliis de ea re videatur. Charitas vero consulit iis, curat quod aliis prodest. Noesseli ratio est, quod Paulus, qui infra vers. 7, scribit *sed non in omnibus est scientia*, aperte sibi contradicere, si vers. 1 affirmasset *quia omnes scientiam habemus*.

Multi interpretes verba *scimus quia*, usque ad *cognitus est ab eis* parenthesi concludenda putant, hac ratione ducti, quod vers. 4 iisdem pene verbis Paulus orationem concludat. Sed non est eadem sententia vers. 1-3 et vers. 4 seq.; nostro enim loco *universe* admonet, cavendum esse, ne illo recto judicio abutantur; sed vers. 4 et seq. examinat rationem qua Corinthii jus suum defendebant.

Idolothy-tis non licet vesci in idoliis.

Quare angelus, id est Episcopus, Pergami redarguitur *Apoc. II, vers. 14 et 20*. Filii Israel idolothytis pellecti sunt ad cultum Beelphegor.

Apostoli absolute vetarunt esum idolothytorum.

Vers. 1.

Quæ scientia inflat?

Scientia inflans contraria est charitati.

Pulchra comparatio scientiæ infantis cum cibo indigesto.

Vers. 2.

Quis finis, usus et modus scientiæ?

Quinque molis scientia homines nutantur partim bene, partim male.

dant, et turpis quæstus est. Sed sunt quoque qui scire volunt ut ædificent, et charitas est: et item scire volunt ut ædificentur, et prudentia est. Horum omnium soli ultimi duo non inveniuntur in abusione scientiæ, quippe qui ad hoc volunt intelligere ut beneficiant. » Idem, lib. *De Conscientia*, cap. II: « Multi, ait, quærent scientiam, pauci conscientiam. Si vero tanto studio et sollicitudine quæreretur conscientia, quanto quæritur sæcularis et vana scientia, et citius apprehenderetur, et utilius retineretur. »

Vers. 3. 3. SI QUIS DILIGIT DEUM (et propter Deum proximum, ut eum idolothytorum esu aliave re non scandalizet, sed ædificet), HIC COGNITUS EST AB EO, — id est, hic a Deo approbatus et dilectus est, in hujus scientia complacitum est Deo (1).

Nota: Qui diligit Deum, diligit et proximum, quia dilectio Dei jubet et imperat ut proximus diligatur propter Deum; et in dilectione proximi probatur et cernitur dilectio Dei, ut ait Joannes, *epist.* I, cap. IV, 20.

Vers. 4. 4. DE ESCIS QUÆ IDOLIS IMMOLANTUR, SCIMUS QUIA NIHIL EST IDOLUM (q. d. Idolum non est id quod existimatur, et quod representat, non est Deus. Unde explicans subdit), ET QUOD NULLUS EST DEUS, NISI UNUS. — q. d. Idolum nihil est, id est, nihil tale est quale præ se fert, quia nihil habet numinis; materialiter est lignum, formaliter nihil: quia imago est falsæ rei, sive Dei qui non est; ac consequenter idolothytum qua tale, nihil est, id est nihil habet numinis vel sanctitatis ex idolo, cui est oblatum (2).

Alludit Apostolus ad hebræum *עליל* *elil*: nam idolum dicitur *עליל* *elil*, id est vanitas, res vana, inanis: vel potius, ut *elil* sit diminutivum ab *אל* *el*, id est, Deus fortis, q. d. *Elil*, id est deiculus; forticulus: vel, ut alii, *elil* quasi *אל אל* *al el*, id est: non Deus, non habens potentiam, fortitudinem Dei, inops ad consolandum et juvandum, q. d. Idolum non est Deus, sed vana, falsa et inanis umbra Dei. Sic idolum Græcis præscis erat imago quævis inanis et mendax, qualia sunt vana phantasmata, spectra, umbræ mortuorum et, ut Virgilius ait: « Tenuēs sine corpore vitæ, » et « cava sub imagine formæ. » Id patet ex Platone in *Thæteto*, ex Luciano in dialogo *De Mortuis*, ex Homero *Odyssæ* XI, et Eustathio, ibidem. « Εἰδωλόν » græce formam sonat, ab eo per diminutionem « ἰδωλόν » deductum idem est quod formula, » ait Tertullianus, lib. *De Idolol.*, cap. III. Unde sacra Scriptura et scriptores Ecclesiastici nomen

(1) Alii pro *cognitus est*, vertunt recte *edoctus est*, more Hebræorum qui verba neutra adhibent pro activis.

(2) Refellit nunc Paulus duplicem rationem, qua Corinthii sententiam suam de jure idolothytis vescendi defendebant, vel consuetudinem excusabant, unam vers. 4-7, alteram vers. 8 seq. Prima igitur ratio erat, deos gentium non esse deos, et ne existere quidem. Rem ipsam concedit quidem Apostolus et confirmat, sed falsum esse id, quod Corinthii ex hac propositione in se vera concludebant, ostendit vers. 7.

idoli arctarunt ad imaginem Dei qui habetur Deus; revera non est, ut patet hic ex Apostolo. Et passim simulacra et deos Gentium Septuaginta in veteri Testamento vertunt et vocant idola.

Quare falluntur et fallunt Henricus Stephanus et Joannes Scapula in lexicis suis asserentes idolum apud scriptores Ecclesiasticos vocari omne simulacrum numen aliquod representans, quod honore et cultu dignatur. Non enim omne simulacrum, vel imago numinis cujuslibet, est idolum, sed tantum numinis falsi. Ita Cyprianus, *De Exhort. mart.*, cap. I; Tertullianus, lib. *de De Idololatria*; Athanasius, orat. *Contra Idola*, sub finem.

Fraus ergo illa Novantium cavenda, qui idolum cum imagine confundunt, ut, cum idola in Scripturis vetantur, inde concludant omnes imagines vetari. Vide Bellarminum, lib. II *De Imaginibus*, cap. V, ubi solide demonstrat quod idolum sit similitudo rei falsæ, imago vero rei veræ.

5. NAM ET SI SUNT QUI DICANTUR DII (a Paganis, et apud eos sunt dii et domini multi, ut sequitur: dii, inquam, tam cœlestes, uti sol, luna, stellæ; quam terrestres, ut Jupiter, Apollo, Hercules), 6. NOBIS TAMEN UNUS EST DEUS, PATER, EX QUO OMNIA, ET NOS IN ILLUM, — in illius scilicet gloriæ et cultum creati sumus.

Nota: Scriptura tribuit Patri præpositionem *ex*, ut primo principio; Filio *per*, quia idea est et Verbum, per quod omnia facta sunt. Unde hic Apostolus: « Et unus Dominus Jesus Christus, per quem omnia, et nos per ipsum, » scilicet creati et redempti sumus. Spiritui Sancto tribuit *in*, quia Spiritus Sanctus est vinculum et amor Patris et Filii. Vide dicta *Rom.* cap. XI, vers. ultimo.

Nota contra Arianos: Cum ait Paulus: « Unus Deus, » excludit tantum falsos deos, non Filium et Spiritum Sanctum; sic cum subdit: « Unus Dominus Jesus, » excludit tantum falsos dominos, puta deos, non Patrem et Spiritum Sanctum.

7. SED IN OMNIBUS EST SCIENTIA, — jam dicta, quod idolum et idolothytum nihil sit. Nam, ut sequitur:

QUIDAM AUTEM (id est, quidam enim, juxta *Can.* 25) CUM CONSCIENTIA IDOLI (ex erronea conscientia putantes quod idolum habeat aliquid divinitatis) QUASI IDOLOTHYTUM MANDUCANT, — id est, cum reverentia, quasi venerandum, quod numini in idolo latenti sit oblatum et sanctificatum. Ita Anselmus.

Aliter explicat Theophylactus, q. d. Paulus: Quidam comedunt idolothytum cum erronea conscientia, qua putant, quod idolothytum ab idolo sit immutatum, et physice a dæmone afflatum, perinde ac si halitu diabolico infectum esset, vel certe ac si moraliter vitiatum et pollutum esset ex eo, quod censetur jam esse res diaboli et cibis dæmonis, itaque comedentem immutet et contamine; comedunt ergo idolothytum cum

Falso idolum vocatur omne simulacrum numen ali quod representans.

Idolum cum imagine non confundendum.

Qui dii cœlestes, qui terrestres? Vers. 6.

Quare Scriptura tribuat Patri præpositionem *ex*; Filio, *per*; Spiritui Sancto, *in*?

Vers. 7.

conscientia quod per illud polluentur et inficiuntur.

Hic sensus etiam commodus et probabilis est : nam non est dubium inter Corinthios recens conversos, alios nimis scrupulosos, alios nimis superstitiosos fuisse.

CONSCIENTIA EORUM CUM SIT INFIRMA (non plene in fide instructa circa idolothyta), POLLUITUR. — Quia contra conscientiam, aliorum exemplo manducant idolothyta. Ita Chrysostomus.

Re-
futa-
tur doc-
trina Li-
bertino-
rum de
conscien-
tia pec-
cati.

Insaniunt Libertini, dum ex hoc loco docent nec fornicationem, nec ebrietatem, nec quid aliud esse peccatum, nisi quis ea in re sibi formet peccati conscientiam et scrupulum. Suadent itaque ipsi deponendam esse omnem conscientiam, ut non pecces, quidquid agas. Libertini ergo nullam habent conscientiam; ac proinde videntur et hominem, et rationem, et virtutem omnem exuisse: quæ vero dementia est hoc Apostolo tribuere? Quis enim non videt Apostolum hic loqui non de peccatis rebusve illicitis, sed adiaphoris, quale est manducare idolothyta.

Vers. 8.

8. ESCA AUTEM NOS NON COMMENDAT DEO. — *q. d.* Idolothytorum, vel aliorum ciborum esus per se nihil facit ad pietatem, qua Deo placeatur; ideoque non debemus nos firmiores, quasi pietatis causa, velle passim omnibus indifferenter uti. Convertit enim hic se Apostolus ad perfectiores, eos monens, ut vitent scandalum infirmorum.

Quomodo
esca non
commen-
det nos
Deo?

Inepte ergo, imo perperam abutuntur hoc loco hæretici contra delectum ciborum et jejunia Ecclesiæ : esca enim non commendat nos Deo, quia non est virtus : sed abstinencia ab esca vetita est actus temperantiæ, obedientiæ et religionis, ideoque nos Deo commendat, sicut commendavit Daniele cum sociis, Rechabitas, Joannem Baptistam et alios. Vide dicta Rom. XIV, 17.

NEQUE ENIM SI MANDUCAVERIMUS (idolothyta), ABUNDABIMUS, — scilicet virtute, merito et gratia, quæ nos commendat apud Deum, uti præcessit, *q. d.* Per esum idolothytorum nihil magnum, abundans, copiosum, nihil gratiæ spiritalis nobis accedet, ut iis inhiare non debeamus. Ita Chrysostomus.

Secundo, et simplicius, ut sit nova ratio dissuadens esum idolothytorum. Sensus est, *q. d.* Sive edamus idolothyta, non ideo escis et deliciis, bonisque abundabimus; sive non edamus, non ideo escis et deliciis deficiemus : aliis enim vesci licebit. Sic vulgo dicimus, sive ad convivium hoc vocer, sive non, non ideo saturabor vel esuriam, non ideo pinguior ero vel macrior, ditior vel pauperior. Ostendit quam escæ sint res viles et exiles, ideoque omittendæ ob scandalum, et postponendæ ædificationi proximorum. Ita Anselmus.

9. VIDETE, NE HÆC LICENTIA VESTRA (comedendi idolothyta) OFFENDICULUM FIAT INFIRMIS. 10. SI ENIM QUIS VIDERIT EUM, QUI HABET SCIENTIAM (idolothytum nihil esse), IN IDOLIO RECUMBENTEM : NONNE

ers. 9
et 10.

CONSCIENTIA IPSIUS, CUM SIT INFIRMA, ÆDIFICABITUR AD MANDUCANDUM IDOLOTHYTA? — « In idolio, » id est, inquit Erasmus, in epulo idolorum; *secundo*, proprie, « in idolio, » id est, templo vel mensa idolis consecrata. Nam ibi accumbabant comesaturi idolothyta : tales enim epulas, utpote sacras, in templo instrui solere, docet Herodotus in *Clio*, Virgilius VIII *Æneid.*, in sacrificio Evandri et epulo cum Trojanis. Sic et Judæi victimas pacificas comedebant in atrio templi, *Deuter. xvi*, 11. Hinc Syrus hic vertit, *si quis te viderit accumbentem inter idola*.

Sacræ
epule in
templo
instrue-
bantur.

Unde patet, idolothyta edere in idolio, non tantum esse malum propter scandalum, sed etiam per se, quia est professio idololatriæ, ut dicitur cap. x.

Quare
idoloth-
yta edere
in idolio
est ma-
lum?
Tropolo-
gice,
quæ sit
scientia
idoloth-
ytorum?

Tropologice Anselmus : Scientia idolothytorum est scientia vanitatis philosophorum, poetarum, oratorum Gentilium; hæc cavenda est. Absit ut ore Christiano sonet : Jupiter omnipotens, et me Hercules, et me Castor, et cætera portenta magis quam numina.

Nota : « Ædificabitur, » id est provocabitur, erigetur ut comedat idolothyta quasi sacra, et quasi quid gratiæ inde accepturus, aut sacrificaturus numini cuiquam, sicque redeat ad idololatriam. Alii : « ædificabitur, » inquit, id est provocabitur, ut contra conscientiam, qua putat cibum idolo oblatum ab eo esse afflatum et contaminatum, indeque se contaminandum, cum manducet, ut dixi vers. 7.

12. SIC PECCANTES IN FRATRES, ET PERCUTIENTES Vers. 12.
(scandalizantes, et per scandalum vulnerantes) CONSCIENTIAM EORUM INFIRMAM, IN CHRISTUM PECCATIS. — Christus enim sibi factum arrogat quod uni ex minimis suis factum fuerit, *Matth. xxv*, 40. Rursum qui scandalizant proximum, in Christum peccant : quia Christi fabricam, puta proximorum probitatem et salutem, quam Christus suo sanguine construxit, malo suo exemplo destruunt et evertunt.

Scandalizantes
proximum in
Christum pec-
cant.

13. QUAPROPTER SI ESCA SCANDALIZAT FRATREM MEUM ; NON MANDUCABO CARNEM IN ÆTERNUM. — « Hoc magistri (inquit Chrysostomus) optimi est officium, suo exemplo docere quæ præcipit. Et non dicit, sive juste, sive injuste, sed quomodocumque. Et non dico, inquit, idolothytum, quod et propter aliam causam prohibetur : sed si quod licet et permittitur, scandalizat, etiam illo abstineo ; neque una aut altera die, sed toto vitæ tempore. Non enim manducabo, inquit, carnes in æternum. Et non inquit : Ne perdam fratrem, sed simpliciter : Ut non scandalizem. Etenim ultimæ amentię est, quæ Christo pretiosissima sunt, et talia, ut eorum gratia mortem obire non recusaverit, ita nos despiciatissima arbitrari, ut escis propterea non abstineamus. »

Vers. 13.

Vide de scandalo S. Basilium in *Regulis brevior.*, Quomodo
Reg. 64, ubi in fine ait, eo scandalum esse ma-
creavit

secunda-
tum? Jus, quo is qui illud dat, majori scientia aut gradu sanguinem peccantium, qui illius malum exemplum sequuntur, requireret et reposcet.

CAPUT NONUM.

SYNOPSIS CAPITIS.

Pergit suo exemplo docere, quam sint cavenda scandala, narratque se stipendium, sive alimenta prædicatoribus debita accipere noluisse, idque majoris tum meriti, tum ædificationis causa.

Hinc secundo, vers. 7, probat sex argumentis (quæ colligam vers. 12) hæc alimenta sibi aliisque evangelizantibus deberi.

Tertio, vers. 20, eadem de causa ostendit se omnibus omnia esse factum, ut discant Corinthii, quam cuius ædificatio et salus proximi curanda sit.

Quarto, vers. 24, ad eandem ædificationem incitat, docens vitam nostram esse stadium et agonem virtutis, in quo semper ad meliora, et ad bravium jugi abstinencia, et corporis castigatione currendum et certandum est.

1. Non sum liber? Non sum Apostolus? Nonne Christum Jesum Dominum nostrum vidi? Nonne opus meum vos estis in Domino? 2. Et si aliis non sum Apostolus, sed tamen vobis sum: nam signaculum apostolatus mei vos estis in Domino. 3. Mea defensio apud eos, qui me interrogant, hæc est: 4. Numquid non habemus potestatem manducandi et bibendi? 5. Numquid non habemus potestatem mulierem sororem circumducendi, sicut et cæteri Apostoli, et fratres Domini, et Cephas? 6. Aut ego solus, et Barnabas, non habemus potestatem hoc operandi? 7. Quis militat suis stipendiis unquam? Quis plantat vineam, et de fructu ejus non edit? Quis pascit gregem, et de lacte gregis non manducat? 8. Numquid secundum hominem hæc dico? An et lex hæc non dicit? 9. Scriptum est enim in lege secundum Moysen: Non alligabis os bovi trituranti. Numquid de bobus cura est Deo? 10. An non propter nos utique hoc dicit? Nam propter nos scripta sunt: Quoniam debet in spe, qui arat, arare, et qui triturat, in spe fructus percipiendi. 11. Si nos vobis spiritualia seminavimus, magnum est si nos carnalia vestra metamus? 12. Si alii potestatis vestræ participes sunt, quare non potius nos? sed non usi sumus hac potestate: sed omnia sustinemus, ne quod offendiculum demus Evangelio Christi. 13. Nescitis quoniam qui in sacrario operantur, quæ de sacrario sunt, edunt? et qui altari deserviunt, cum altari participant? Ita et Dominus ordinavit iis, qui Evangelium enuntiant, de Evangelio vivere. 15. Ego autem nullo horum usus sum. Non autem scripsi hæc ut ita fiant in me: bonum est enim mihi magis mori, quam ut gloriam meam quis evacuet. 16. Nam si evangelizavero, non est mihi gloria: necessitas enim mihi incumbit: vix enim mihi est, si non evangelizavero. 17. Si enim volens hoc ago, mercedem habeo: si autem invitus, dispensatio mihi credita est. 18. Quæ est ergo merces mea? Ut Evangelium prædicans, sine sumptu ponam Evangelium, ut non abutar potestate mea in Evangelio. 19. Nam cum liber essem ex omnibus, omnium me servum feci, ut plures lucrificerem. 20. Et factus sum Judæis tanquam Judæus, ut Judæos lucrarer. 21. Iis qui sub lege sunt, quasi sub lege essem (cum ipse non essem sub lege), ut eos, qui sub lege erant, lucrificerem. Iis qui sine lege erant, tanquam sine lege essem (cum sine lege Dei non essem: sed in lege essem Christi), ut lucrificerem eos, qui sine lege erant. 22. Factus sum infirmis infirmus, ut infirmos lucrificerem. Omnibus omnia factus sum, ut omnes facerem salvos. 23. Omnia autem facio propter Evangelium, ut particeps ejus efficiar. 24. Nescitis quod ii qui in stadio currunt, omnes quidem currunt, sed unus accipit bravium? Sic currite ut comprehendatis. 25. Omnis

autem, qui in agone contendit, ab omnibus se abstinet; et illi quidem ut corruptibilem coronam accipiant: nos autem incorruptam. 26. Ego igitur sic curro, non quasi in incertum; sic pugno, non quasi aerem verberans. 27. Sed castigo corpus meum, et in servitutem redigo: ne forte cum aliis prædicaverim, ipse reprobus efficiar.

Vers. 1. 1. NON SUM LIBER? NON SUM APOSTOLUS? — Quæres: Quomodo hæc coherent præcedentibus? videtur enim ex abrupto hic loqui Paulus.

Docet Paulus cavenda esse scandala. Respondeo: Dixerat Paulus in fine cap. præced. omnino cavenda esse scandala: hic ut illud persuadeat, proponit se in exemplum, quod tam ad cavendum scandalum, quam ad dandum raræ virtutis exemplum, jure suo tot nominibus sibi debito cesserit, nolens recipere stipendium prædicationis suæ, sed proprio labore victum sibi parans; ut et Corinthii suo jure decedant, ac præsertim non vescantur idolothytiis, in gratiam proximorum, cum vident eos inde scandalizari, aut in periculum peccati induci. Simul tamen Paulus tacite, et quasi aliud agens contra pseudoapostolos suæ prædicationis sinceritatem et auctoritatem hac narratione tuetur, utpote qui gratis tanto labore evangelizavit, cum pseudoapostoli sua lucra ex Evangelio captarent. Dicit ergo: « Non sum liber? non sum Apostolus? » *q. d.* Nonne mei juris sum, ut tanquam Christi Apostolus sumptus et alimoniam a vobis exigere et accipere possim? hoc tamen non facio, ut ostendam quanti sit facienda proximi salus, et consequenter quam vos scandala idolothytorum, et alia quævis vitare debeatis. Ita Chrysostomus, quem vide in moral. hic homil. 20 *De cavendo scandalo.*

Quare Hebræi sapientantur interrogatione? Nota: Utitur hic crebra interrogatione Apostolus, tum ex phrasi Hebræorum, qui ea gaudent, cum se insinuare, vel aliquid inculcare volunt; tum ad majorem emphasim et energiam orationis.

Probat Paulus se esse Apostolum. NONNE CHRISTUM VIDI? NONNE OPUS MEUM VOS? — *q. d.* Hinc patet me esse Apostolum, quia Christum vidi, et ab eo ad evangelizandum missus sum, *Actor. ix, 3, et Actor. xxii, 18.*

Unde dicitur Hebræi cum ben? *Secundo*, quia vos meum estis opus in Christo Domino, id est, quia ego per Evangelium in Christo vos genui; vestra Ecclesia a me ædificata est, vos estis mea structura. Alludit ad Hebræum בן *ben*, id est filius: dicitur enim בן *ben*, quasi בנין *binian*, id est fabrica, vel ædificium, a radice בנה *bana*, id est ædificavit, quasi filius sit fabrica et ædificium patris, *q. d.* Vos estis mei filii, mea fabrica, meum ædificium in Christo.

Vers. 2. 2. NAM SIGNACULUM APOSTOLATUS MEI VOS ESTIS IN DOMINO. — « Signaculum, græce σφραγίς, sigillum, id est testimonium apostolatus mei extat in vobis, scilicet in evangelizando, in edendis miraculis, in labore et periculis, quæ vel suscepi, vel feci apud vos ad vestram conversionem, quibus quasi sigillis divinis consignavi, confirmavi et corroboravi apostolatam meum. Hæc enim

clare testantur me esse verum Apostolum, a Deo missum ad vos docendos et salvandos.

3. MEA DEFENSIO APUD EOS, QUI ME INTERROGANT **Vers. 3.** (qui inquirunt de mea vocatione et apostolatu), HÆC EST, — quæ extat in vobis, ut dixi vers. præced. Ita Anselmus. Sed Chrysostomus et Ambrosius æque apposite hæc referunt ad sequentem versum.

Nota: *Interrogare*, id est inquirere, est judiciale verbum: Latini enim dicunt, interrogare aliquem de legibus, id est examinare secundum leges (1).

4. NUMQUID NON HABEMUS POTESTATEM MANDUCANDI? — scilicet de sumptibus vestris, *q. d.* Hæc est gloria et defensio mea, et mei apostolatus, quod nullo pretio, ut pseudoapostoli; imo nec ullo sumptu accepto, ut Apostoli alii, sed gratis evangelizem, cum tamen ad sumptum hunc jus ac potestatem habeam, æque ac alii.

5. NUMQUID NON HABEMUS POTESTATEM MULIEREM SOROREM CIRCUMDUCENDI, SICUT ET CÆTERI APOSTOLI. — « Mulierem sororem, » græce ἀδελφὴν γυναῖκα. Quod Beza, Petrus Martyr, Vatablus et Valla vertunt; *sororem uxorem.* Ergo, inquirunt, Paulus fuit conjugatus. Licet enim Græcum γυναῖκα et mulierem et uxorem significet, hic tamen significare uxorem, patet ex verbo « circumducendi. » Virorum enim est circumducere uxores, non sorores.

Sed errant: Christus enim circumduxit mulieres, non ut maritus uxores, sed ut doctor discipulas et quasi famulas, vel vitæ et victus administras; *Lucæ viii, 3.*

Secundo, quia inepte dicitur soror uxor, et redundat vox soror.

Tertio, quia in Græco non est articulus τὴν designans certam mulierem, scilicet uxorem.

Quarto, quia Paulum fuisse virginem, patet cap. vii, vers. 8. Ita diserte docent et explicant hunc locum S. Augustinus, *De Opere monachor.*, cap. iv; Hieronymus, lib. I *Contra Jovinian.*; Chrysostomus, Ambrosius, Theodoretus, Theophylactus hic et alii Patres passim, præter unum Clementem Alexandrinum, lib. III *Stromat.* Imo S. Hieronymus docet inter Apostolos solum Petrum habuisse uxorem, idque tantum ante conversionem; idem tradit Tertullianus, lib. *De Monogamia*, ante medium: « Petrum, inquit, solum invenio maritum. »

Dico ergo, « sororem mulierem » esse Chris-

(1) De industria usurpavit Apostolus hoc forense vocabulum, ut obiter perstringat eorum audaciam, qui ipsius vocationem in dubium vocabant, quasi judices sederent de hac causa cognituri.

Vers. 4. Quomodo se Paulus distinguat a pseudoapostolis?

Hinc falso Paulus dicitur conjugatus fuisse.

Paulus fuit vir.

Gold in-
telliga-
tur per
mulie-
remora-
rem?

tianam matronam (sic in *Actis Apost.* dicitur, « Viri fratres, » id est viri Christiani), quæ scilicet Paulo subministraret necessaria de suis facultatibus, *q. d.* Possem matronam quæ me aleret, circumducere, æque ut Petrus, sed nolo; quia scilicet hæc res Gentiles, quorum Paulus erat Apostolus, offendere, eisque malam suspicionem indere potuisset. Ita Ambrosius, Chrysostomus, Theodoretus, Oecumenius, Anselmus.

Respon-
sio Baro-
nii de
Pauli no-
mine in-
ter ux-
oratos po-
sita apud
S. Igna-
tium.

Dices : S. Ignatius, epist. ad *Philadelph.*, ponit Paulum inter conjugatos. Respondet bene Baronius anno Christi 57, pag. 318, et alii, Pauli nomen ibi insertum esse a Græcis clericis posterioribus, ut suo conjugio Pauli exemplum prætexerent : nam exemplaria epistolarum S. Ignatii Vaticana, Sfortiana et alia antiquissima et correctissima non habent nomen Pauli.

Clemen-
tis Ale-
xandri
opinio re-
futatur
de conju-
gio Pau-
li.

Dices secundo : Clemens Alexandrinus; lib. III *Stromat.*, hic per *ἑταῖρα* intelligit uxorem Pauli. Respondeo primo : Verum est; sed addit illum post apostolatam non habuisse eam ut uxorem, sed ut sororem : quod est contra hæreticos. Secundo, contra Clementem sunt omnes Patres.

Frates
Domini
per he-
brais-
mum co-
gnati
sunt.

FRATRES DOMINI. — Est hebraismus : « fratres, » id est cognati Christi, scilicet Jacobus, Joannes, Judas. Ita Anselmus.

Et CEPHAS, — imo Petrus, princeps Apostolorum et Ecclesiæ (1).

Vers. 7.
Æquum
est evan-
gelizantes
ex Evan-
gelio vi-
vere.

7. QUIS MILITAT SUIS STIPENDIIS UNQUAM? — *q. d.* Sicut æquum est milites alii et vivere suis stipendiis; vinitorem pasci fructu suæ vineæ, pastorem lacte gregis quem pascit : ita par est præcones Evangelii vivere ex Evangelio, puta ex sua vinea, scilicet Ecclesia, et ex suo grege, id est Christianorum bonis, sumptus et alimoniam accipere. Incipit hic Apostolus multis jus suum de accipiendi prædicationis stipendio probare, ut posteriori omnes sciant illud plane prædicatoribus verbi Dei deberi, utque ostendat quanto et quam claro jure suo cesserit ipse, dum hæc stipendia recusavit in gratiam Corinthiorum, ut eos hac liberalitate et generositate sua pelliceret ad Christum, et ad salutem promoveret. Rationes ejus omnes colligam et digeram vers. 12.

Vers. 8.

8. NUMQUID SECUNDUM HOMINEM HÆC DICO? — an humanis tantum rationibus et similitudinibus militis, vinitoris, pastoris jam allatis mea dicta probo et confirmo? Minime. Quin vero illa ipsa ex lege et divina stabili et communio.

Vers. 9.

9. SCRIPTUM EST IN LEGE MOYSIS (*Deuter. xxv*) : NON ALLIGABIS OS BOVI TRITURANTI, — quia nimirum par est ut animalia laborantia comedant : unde ego Deus veto claudi capistro ora boum triturantium ne comedant ex sua tritura. Solebant enim in Palestina, ut etiamnum in Canariis et nonnullis regionibus fit, per boves, qui circum-

acti ungulis pedum suorum segetes terebant, na sece-
grana excutere. Unde poeta : tum un-
gulis
bonum ex-
cutiuntur.

—— Bobusque tritulant.

Hunc esse sensum litteralem, patet ex verbis, quæ legem hanc duris Judæis insinuant.

Dices : Apostolus hic videtur excludere hunc sensum; ait enim : « Numquid de bobus cura est Deo? » Respondet Abulensis in *Deuter. xxv*, hujus sententiæ : « Non alligabis os bovi trituranti, » duplicem esse sensum litteralem : Primum plenum de bobus, ut verba sonant, quem jam dedi, qui tamen minus præcipuus est. Secundum, quem hic affert Apostolus de prædicatoribus, eumque esse præcipuum et magis intentum a Spiritu Sancto, *q. d.* Apostolus, minus præcipuum Dei curam esse de bobus; præcipuum vero de prædicatoribus, ideoque magis ad litteram præcepisse ut prædicatores alantur, quam ut boves, cum dixit : « Non alligabis os bovi trituranti. »

Verum non esse utrumque hunc sensum litteralem, sed primum tantum, patet. Nam bos litteraliter non significat prædicatorem, sed tantum verum bovem, prædicatorem autem tantum significat typice. Alioqui enim omnis allegoria esset sensus litteralis : quod plane est falsum. Nam sensus litteralis est is, qui primo per sententiam aliquam significatur; allegoricus autem vel typicus, qui secundo, seu mediante sensu litterali. Sicut ergo umbra corporis non est corpus, ita typicus sensus non potest esse litteralis, sed tantum litterali sensu adumbratus.

Dico ergo sensum litteralem esse quem diximus, typicum autem, vel tropologicum esse quem dat Apostolus, videlicet prædicatoribus dandam esse alimoniam, eosque posse vivere ex Evangelio, sicut bos alitur sua tritura; quorum quia præcipua Deo est cura, ut præcipue hac lege intenderet significare typice, prædicatores alendos esse; hinc Apostolus ait : « Numquid de bobus cura est Deo? »

Ubi nota : De fide est, Deo curam esse de bobus; Deus enim sua providentia curat et prospicit passeribus de victu rebusque necessariis, *Matth. x*, 29, et pullis corvorum invocantibus eum, *Psal. cxlvi*, cunctisque animalibus et creaturis, ut docet *Psaltes* tum alibi, tum toto *Psal. ciii*. Sensus ergo Apostoli est, *q. d.* Præcipua cura Dei in hac lege non fuit boum, sed altius quid spectavit, videlicet nos et nostri similes, qui sumus boves typici laborantes et tritantes in agro et area Dominica, ex Evangelio posse vivere, et hoc est quod subdit :

10. AN NON PROPTER NOS UTIQUE HOC DICIT? NAM PROPTER NOS SCRIPTA SUNT. — Apostolus ergo hic, uti sæpe alias, argumentatur ex sensu, non litterali, sed allegorico; vel potius ex sensu litterali argumentatur ad allegoricum; per argumentum a minori ad majus, *q. d.* Si bos vivit ex tritura, ergo multo magis Apostolus ex Evangelio. Ita

Explica-
tur locus
Deut. xxv
de bove
trituran-
te.

Quis tro-
pologi-
cus ejus-
dem loci
sensus?

De fide
est curam
esse : Deo
de bobus
cæteris-
que ani-
mantibus.

Vers. 10.

(1) Vers. 6 in Græco, pro hoc operari, scil. idem facere quod Cephas, etc., legitur *ὡς ἐργάζεσθαι*, id est a labore manuum victus causa abstinere.

Tertullianus, lib. V *Contra Marc.*, cap. VII, et Theodoretus, Quæst. XXI in *Deut.* Ubi

Nota, licet sensus literalis sit primus, allegoricum tamen posse esse primum, et præcipuum, sive magis intentum a Spiritu Sancto, uti hic fit.

QUONIAM DEBET IN SPE, QUI ARAT, ARARE. — Est nova ratio ab exemplo aratorum et trituratorum, q. d. Qui arant et triturant, arant et triturant « in spe, » sperantes scilicet mercedem, et quod participes erunt messis et trituræ suæ. Ergo et prædicator sperare potest alimoniam ex sua prædicatione. Pulchre de hac spe canit Ovidius, lib. I *De Ponto* :

Spes fovet agricolas, spes sulcis credit aratis
Semina, quæ magno fœnore reddat ager.

Operari
spe mer-
cedis
æternæ,
bonum
est et me-
ritorium.

Hinc a proportionem minoris ad majus deducitur et evincitur esse actum spei et virtutis, si quis spe mercedis æternæ operetur, et consequenter actum hunc bonum esse et meritum. Unde Facultas Parisiensis, ut testatur in hunc locum scribens Claudius Guiliardus, ex hac et similibus Apostoli sententiis, definivit hunc articulum cujusdam, « Qui præmii causa certat, non certaturus nisi sciat dandum præmium, is seipsum præmio frustratur, » erroneum esse. Idem definit Concilium Tridentinum, sess. VI, can. 31.

Vers. 12.

12. SI ALII POTESTATIS VESTRÆ PARTICIPES SUNT, QUARE NON POTIUS NOS? — « Potestatis vestræ, » id est juris sui quod habent in vos. Unde Græce clarius dicitur, ἐξουσίας ὑμῶν, *potestatis vestrum*, id est quam habent in vos. Vestræ enim passive capitur, juxta Can. 30, q. d. Si alii usi sunt jure accipiendi alimoniam, quod habent in vos, cur non et ego uti possim? P. Salmeron Græcum ἐξουσίας, id est *potestatis*, accipit pro οὐσίας, id est *substantiæ*, q. d. Si alii participes sunt vestræ substantiæ, facultatum et opum, cur non et ego? Sed velim videre locum et exemplum, ubi ἐξουσία significet opes.

Sex argu-
mentis
Paulus
probat li-
cere mi-
nistis
Ecclesiæ
a suis
sumptus
accipere.

Nota : Apostolus probat hic sex argumentis licere sibi aliisque ministris verbi Dei et Ecclesiæ, a suis sumptus accipere : *primo*, exemplis aliorum Apostolorum, vers. 8; *secundo*, similitudinibus militum, pastorum et agricolarum, vers. 7; *tertio*, ex lege Moysis, vers. 9; *quarto*, vers. 13, ex exemplo sacerdotum et Levitarum veteris Testamenti, qui ex victimis et oblationibus altaris, cui serviebant, vivebant; *quinto*, vers. 14, ex Dei et Christi ordinatione; *sexto*, vers. 11, ex ipsa rei natura, sive jure, non tantum divino positivo, sed etiam naturali, quod dicat, sicut operario debetur merces, ita ministro verbi et Ecclesiæ debetur stipendium, non quasi pretium rei sacræ (hoc enim indignum esset et simoniacum), sed quasi stipendium sustentationis quod vocant, quo scilicet sustentetur, ut suas functiones sacras pro populo obire possit. Unde hoc stipendium ei debetur ex justitia. Ita Chrysostomus.

Quo titu-
lo debea-
tur mer-
ces mi-
nistis
verbi
Dei?

SED NON USI SUMUS HAC POTESTATE (jure accipiendi stipendium) : SED OMNIA SUSTINEMUS, — omnem scilicet penuriam, et omnes labores, quo penuriam levemus, laborando manibus nostris suscipimus et toleramus.

NE QUOD OFFENDICULUM DEMUS EVANGELIO CHRISTI. — « Offendiculum, » Græce ὀφθαλμὸς, id est interruptionem, interpellationem, remoram, q. d. Ne accipiendo sumptus demus occasionem, qua homines tenaces et indiscreti abutantur, ut remorentur Evangelium, illique obloquantur. Nam non fuisse hic scandalum ab Apostolis datum, sed acceptum ab aliis; in Apostolo autem fuisse opus liberæ supererogationis, quod noluerit stipendium sibi debitum accipere, patet ex omnibus antecedentibus, et vers. 13, ubi ait : « Bonum est mihi magis (id est melius et satius duco) mori, quam ut gloriam meam (quod gratis et liberaliter evangelizem) quis evacuet. »

13. NESCITIS QUONIAM QUI IN SACRARIO (id est in templo) OPERANTUR (id est sacris funguntur aut subserviunt, ut sacerdotes et Levitæ), QUÆ DE SACRARIO SUNT (id est hostias aut templi proventus, puta decimas et primitias, participant et) EDUNT? — Nota τὸ operantur. Sacerdotum enim erat jugulare, excoire, secare, coquere, comburere victimas : quod operosum est, estque alias opus laionum. Græca jam habent οἱ τὰ ἐν τῷ ἱερῷ ἐργαζόμενοι, qui sacris operantur, de sacrario comedunt. Noster et Syrus aptius legerunt, οἱ ἐν τῷ ἱερῷ ἐργαζόμενοι, qui in sacrario operantur.

Officia
sacerdo-
tis in le-
ge audi-
qua.

ET QUI ALTARI DESERVIUNT. — Græce τῶ θυσιαστηρίου προσδιδόντες, id est *sacrario assistentes, sive assistentes*. Non dicit, ait S. Chrysostomus, sacerdotes, sed qui assident altari, ut intelligamus assiduam cultum sacrorum requiri a ministris templi Christi, qui de bonis templi participant. Contra hodie nulli magis absunt ab altari, quam aliqui qui maxime participes sunt altarium et decimarum, quos Concilium Tridentinum damnat.

Diligen-
tia com-
menda-
tur mi-
nistis
Ecclesiæ

CUM ALTARI (de oblationibus altaris) PARTICIPANT. — Est metonymia.

14. ITA ET DOMINUS ORDINAVIT IIS QUI EVANGELIUM ANNUNTIANT, DE EVANGELIO VIVERE. — Ita enim sancit Christus, Lucæ x, 7 : « In eadem autem domo manete edentes et bibentes quæ apud illos sunt. Dignus est enim operarius mercede sua. » Similia habet Matthæus x, 10, 11 et 14.

Vers. 14.

15. BONUM EST MIHI MAGIS (melius est) MORI, QUAM UT GLORIAM MEAM QUIS EVACUET. — « Gloriam meam, » evangelizandi scilicet ἀδανῶς, sine sumptibus; sive « gloriam » de opere liberali, indebito et supererogationis, patet ex vers. 18. Hinc patet esse consilium Evangelicum, evangelizare gratis non accipiendo sumptus, quod modo nonnulli viri Apostolici et Religiosi sequuntur. Ita Theophylactus, Theodoretus et Anselmus. Vide Chrysostomum et Anselmum.

Vers. 15.

Nota : Pro gloria, græce non est δόξα, id est gloria, sed δόξα, id est *gloriatio*, qua scilicet glo-

Consi-
lium
Evan-
gelicum
est
gratis
evange-
lizare.

riari poterat Paulus apud Deum, vel potius apud homines, maxime pseudoapostolos, qui Corinthiis graves erant et sumptuosi; se eis ἀδάναον, prædicasse Evangelium. Unde contra hos gloriatur cap. xi, epist. II, 7 et seq., se nulli in sumptu oneri fuisse.

Sub mortali peccato fuit præceptum Apostolis evangelizare. Eodem præcepto tenentur Pastores, Episcopi, Archiepiscopi, Vers. 17. **VE MIHI EST, SI NON EVANGELIZAVERO.** — Hinc patet gravi præcepto præceptum fuisse Apostolis, Matth. xxviii, 19, ut evangelizent, et doceant omnes Gentes, adeo ut, si neglexissent evangelizare, peccassent mortaliter: talibus enim intentatur vae iræ Dei et gehennæ. Eodem præcepto jam tenentur Pastores, Episcopi, Archiepiscopi, ut dixi cap. i, 17.

17. SI ENIM VOLENS HOC AGO, MERCEDEM HABEO, — id est, ut Chrysostomus, Theophylactus, Oecumenius, Anselmus, si voluntarius, liberaliter et gratis prædicem, habeo non qualem qualem mercedem operis præcepti, scilicet prædicationis, ut alii Apostoli, sed mercedem per excellentiam, scilicet copiosam gloriam operis indebiti et heroici (quale est gratis prædicare) animique sponte sua tam liberalis apud Deum.

SI AUTEM INVITUS. — Græce ἐκων, non ultroneus, nec liberaliter aut gratis prædicem, sed quasi coactus præcepto Dei, vel metu pænæ. Opponit enim Apostolus hæc duo, ἐκων et ἐκὼν; atqui ἐκὼν Græcis idem est quod sponte sua, sua voluntate, electione, et motu proprio rem agere: ergo ἐκων idem hic est, quod jussum, motum et quasi coactum aliena voluntate et præcepto operari.

DISPENSATIO MIHI CREDITA EST, — q. d. Tunc non habeo gloriam illam singularem, sed neque pecco, quia officio fungor meo, et facio quod jubeor. Nam commissæ est mihi et demandata hæc dispensatio, sive administratio Evangelii. Tunc non pecco, sed serviliter ago, sicut agit dispensans sibi credita non sponte, sed propter præceptum domini, eo quasi adactus, quia quod debuit facere fecit, ut ait Christus in parabola, Lucæ xvii, 8. Ita Patres citati, et patet ex antecedentibus et sequentibus.

Aliorum explicatio hujus loci. Aliter aliqui explicant, nimirum sic: Si volens hoc ago, id est evangelizo, habeo meritum et mercedem, quia libera voluntate præceptum Christi impleo: sin invitus et voluntate reluctante, careo merito et mercede, quia præcepto ad hoc cogor. «Dispensatio» enim Evangelii «mihi credita est,» commissæ et præcepta, et sic per me licet invitum dispensatur et propagatur Evangelium Christi, ut aliis proficiam, licet non mihi: quia hoc verba proprie et simpliciter sonare videntur. Et huic explicationi favent S. Thomas, Lyranus et commentarius Ambrosii. Sed antecedentia et sequentia priorem sensum, qui est Græcorum et Communis, requirunt: mercedem enim non vocat qualem qualem, sed «gloriam,» id est gloriosam et singularem ex opere tam heroico, indebito et liberali, quale est evangelizare gratis.

18. QUÆ EST ERGO MERCES MEA? — gloriosa illa et singularis jam dicta (1).

Nota: Merces ponitur hic pro merito, sive opere heroico et meritorio magnæ mercedis per metonymiam. Sequitur enim: «Ut Evangelium prædicans, sine sumptu ponam,» tradam et annuntiem; Græce ἀδάναον, id est a sumptibus immune, reddam Evangelium: immunes enim civitates vocat Cicero, quæ nullum solvunt vectigal. Ecce merces, id est meritum, Pauli, scilicet sine sumptu prædicare Evangelium.

Ex hoc ergo loco clare patet, non omnia opera bona esse præcepti; sed nonnulla esse consilii et supererogationis, taliaque insignem et illustrem gloriam et coronam apud Deum promereri. Inter consilia itaque Evangelica ponit hic Apostolus prædicare gratis, ut dixi vers. 10. Ita S. Chrysostomus, Ambrosius et S. Augustinus, lib. De Opere monachor., cap. v. Vide Bellarminum, lib. II De Monachis, cap. ix.

Nota: Alii Apostoli, utpote zelo Dei pleni, æque ac Paulus gratis evangelizassent, si inde majorem animarum fructum et gloriam apud Deum sperassent. Verum hæc non sperabant: nam fideles in eos erant liberales, ac Judæi eis erant ad dicti, sponteque omnia sua eis offerebant, ut patet Actor. iv, 34. Paulus autem quasi extra ordinem et numerum duodecim Apostolorum, post mortem Christi ad apostolatam vocatus, auctoritatem sibi conciliare debebat, ad eamque rem perutile fore censuit, si gratis prædicaret. Rursum Corinthiis, licet divites, tenaciores tamen erant: ne ergo illi putarent Paulum non se, sed sua bona quærere; hac de causa Paulus gratis eis prædicavit. A Thessalonicensibus vero et Philippensibus, utpote liberalioribus, alimoniam accepit, ut infra videbimus. Denique voluit Paulus hac ratione Judæis, quibus invisus erat, et pseudoapostolis os claudere, Hanc causam ipsemet assignat epist. II, cap. xi, vers. 12, ubi ait: «Quod autem facio (quod gratis prædico) et faciam; ut amputem occasionem eorum, qui volunt occasionem, ut in quo gloriantur, inveniantur sicut et nos.»

UT NON ABUTAR POTESTATE MEA IN EVANGELIO. — Id est, ut non utar summo jure et libertate mea in minus bonum Evangelii. Non quod recipere sumptus pro prædicatione revera sit abusus, sed quia minoris boni est usus. Unde recte Theophylactus: Abutar, id est, inquit, omnino utar omni jure meo: sic enim καταχρησθαι pro χρεῖσθαι, abusus pro pleno usu posuit, cap. vii, vers. 31 in Græco, ut ibidem annotavi. Sic vocem abuti caput S. Paulinus, epist. 11, cum ait: «Itaque prompto filii Imperatoris assensu, mater Augusta, patefactis ad opera bona thesauris, toto abusa fisco est.»

Dices: Ambrosius hic abusus intelligit proprie

(1) Vers. 18. Quidnam igitur est, cur præmium et mercedem expectare queam a Deo? quod ita Evangelium annuntio, ut nullam mercedem accipiam, ab hominibus scilicet.

Vers. 18.

Merces hic ponitur pro merito.

Non omnia opera bona sunt præcepti, sed aliqua sunt consilii.

Quare Paulus gratis evangelizavit?

Ab aliquibus alimoniam accepit Paulus dum evangelizaret.

Abutar, id est, omnino utar.

talem qui sit peccatum, ait enim : Qui utuntur jure suo cum non expedit, seu cum alius detrimentum patitur, rei fiunt; ergo peccant. Respon- deo : Hoc verum est, cum facile possunt cedere jure suo, et ni hoc faciant, alii grave damnum patientur; tunc enim charitas jubet ut cedas : quod Ambrosio adscriptus Commentarius hic videtur putare locum habuisse in Paulo et Corin- thiis.

Qnam
difficile
fuerit
Paulo
cedere
jure
sustenta-
tionis
apud
Corin-
thios.

Verum contrarium est longe verius; nam valde difficile erat Apostolo cedere jure sustentationis sibi a Corinthiis debitæ, quia cedendo debebat ipse manibus laborando noctes ducere insomnes, ut sibi et suis victum compararet, cum Corinthii, qui divites erant et permulti, facile eum alere po- tuissent : nec debuissent in eo scandalizari, quia alii Apostoli ita faciebant, et omnis lex et ratio dictat esse æquissimum, ut qui pro alio laborat, ab eo alatur. Voluit ergo Apostolus dare illustre exemplum paupertatis, sinceritatis, zeli, ad ma- jorem apud teneros in fide et divites avaros, fidei et christianismi commendationem et propagatio- nem. Hoc autem tam heroicum opus charitas non præcipit, sed consulit. Unde vers. seq. dicit se in hisce fuisse liberum.

Quare
Paulus
cesserit
jure sus-
tentatio-
nis?

Vers. 19. 19. NAM CUM LIBER ESSEM EX OMNIBUS (ab omni- bus, *q. d.* Cum nemini essem obstrictus), OMNIUM (tamen) ME SERVUM FECI, — ad omnia me demisi, etiam ad inopiam et famem, omnium infirmitati- bus me accommodavi, ut, cum Corinthios vide- rem in danda Apostolis sustentatione tardiores et parciores, ego noluerim quidquam ab eis in sumptum accipere ut eorum infirmitati condes- cenderem, et sic omnes lucrifacerem.

Vers. 21. 21. IIS QUI SUB LEGE SUNT (Judæis, factus sum) QUASI SUB LEGE ESSEM, — Mosaica nimirum. Factus est Paulus quasi sub lege, cum Timotheum cir- cumcidit, ait OEcumenius, cum purificatus voti causa templum adiit, *Actor. XXI, 26.*

IIS QUI SINE LEGE ERANT (Gentilibus, factus sum meque exhibui) TANQUAM SINE LEGE ESSEM, — quasi naturam tantum ducem et lucem sequeretur, ut fa- ciunt Gentiles. Ita OEcumenius, Theophylactus et Chrysostomus.

Vers. 22. 22. OMNIBUS OMNIA FACTUS SUM, — non mentien- tis, vel peccantis actu, sed compatientis affectu, ut omnium moribus me contemperans quantum honestas et Dei lex patitur, omnium morbis me- deri possem. Ita S. Augustinus, *epist. 9 et 19* : « Non mentiendo, inquit, sed compatiendo; non simulantis astu, sed commiserantis affectu omni- bus omnia factus est Paulus. »

Non ergo vult Apostolus id, quod volunt et agunt politici, ut nimirum per fas et nefas omni- bus se accommodent, et simulent se cum hære- ticis hæreticos, cum Turcis Turcas, cum castis castos, cum obscænis obscænos. Id enim reprobat Paulus ad *Galat. II, 11* et sequent. Quocirca prudens est dogma S. Ephrem in illud, *Attende tibi, cap. x* : « Charitatem cum omnibus habe, et

ab omnibus abstine. » Et illud S. Bernardi, quod omnem virtutem complectitur : « Vive cautus tibi, utilis aliis, gratus Deo. » S. Jordanes, suc- cessor S. Dominici in Generalatu Ordinis, solebat dicere, ut habet ejus *Vita* : « Si cuicumque scien- tiæ aut disciplinæ tantum studuissem, quantum studui huic sententiæ S. Pauli : Omnibus omnia factus sum, essem doctissimus et eminentissimus in illa : quia tota vita mea studui me accommo- dare cuilibet, ut essem miles cum milite, nobilis cum nobili, plebeius cum plebeio, procurando semper hac ratione ipsorum emendationem, at- que advigilando ne perderem aut læderem ani- mam meam per lucrum alienæ. »

23. OMNIA FACIO PROPTER EVANGELIUM, UT PARTI- CEPS EJUS EFFICIAR, — ut nimirum fructum præ- dicati Evangelii suo tempore percipiam et parti- cipem cum aliis prædicatoribus. Græce enim pro particeps est *συμμετοικός*, *q. d.* Comparticeps, con- socius. Unde *secundo*, Chrysostomus : Evangelii, inquit, id est fidelium Evangelii, *q. d.* Ut coronarum fidelibus repositarum fiam particeps. Ubi recte advertit Chrysostomus miram Pauli humi- litatem, utpote qui aliis, etiam communibus fide- libus se æquat, cum omnium non tantum fide- lium, sed etiam Apostolorum labores superasset, ut patet I *Cor. XV, 10.*

24. II QUI IN STADIO CURRUNT, OMNES QUIDEM CUR- RUNT, SED UNUS ACCIPIT BRAVIUM, — *q. d.* Ideo sine sumptu evangelizo, ideo omnibus omnia fio, ideo laboro, quia in stadio hoc curro, quia ad bravium concerto pro præmio, etiam primo et maximo (1).

UNUS ACCIPIT BRAVIUM, — *q. d.* Sicut in stadio, ita in via et vita Christiana non omnes currentes accipient bravium, sed tantum bene et rite cur- rentes ad metam usque. Rite, inquam, secundum leges stadii, quas agonotheta Christus cursoribus præscripsit, et secundum quas rite currentibus bravium promisit. Cum ergo ait « unus, » non negat plures accipere bravium. Non enim vult dicere, ut recte advertit S. Chrysostomus, quod unus tantum Christianus cæteris omnibus præ- currens et ferventior ad opera virtutis, bravium sit accepturus. Nam similitudo non debet per omnia esse similis, sed tantum in eo, in quo fit comparatio : hic autem fit in eo, quod sicut in stadio qui recte currit, accipit bravium, sic et qui recte currit in christianismo, coronam gloriæ ac- cipiat. Quod patet, quia sic explicat se dicens : « Sic currite ut comprehendatis, » non unus, sed singuli. Adde, in stadio sæpe non tantum illi qui primo metam attingit, et velocissime cur- rit, sed et secundo, tertio, quarto, suum dari bravium.

(1) Suum exemplum jam Paulus comparatione qua- dam Corinthiis commendat luculentius, et quidem simi- litudine a re ipsis maxime nota, desumpta. Se omnes vires intendere, ait, ut consequatur illud præmium de quo vers. 23, et monet Corinthios ut hoc suum exemplum imitentur.

Vers. 23.

Mira
Pauli
humilitas

Vers. 24.

Quomodo
intelligenda
est una
accipit
bravium

Apostolus tamen dicit *unus*, non *tres*, vel *quatuor*, quia proprie respicit ad bravium, id est aureolam et excellens præmium, quod non omnibus electis, sed paucis heroice certantibus datur, ut iis qui non tantum præcepta, sed et consilia Christi heroice sequuntur. Respicit enim Paulus ad bravium, quod sibi expectat ex eo, quod unus ipse præ omnibus Apostolis evangelizasset gratis, ingenti labore et charitate, « omnibus omnia factus, » vers. 18 et 22, *q. d.* O Christiani, currite non tantum rite, ut comprehendatis, sed et quam optime et velocissime currite, ut primum et nobilissimum gloriæ bravium reportetis. Socordis enim animæ est dicere: Sufficit mihi si salver, si ad cælum perveniam. Quisque enim conari debet ut in cælo sit primus, primumque ibidem referat bravium, inquit Chrysostomus.

Quisque debet conare ut primus sit in cælo.

Alii hæc de mansionibus, vel coronis et braviis, singulis electis præparatis accipiunt, *q. d.* Unusquisque sic currat, ut suum bravium comprehendat. Sed id acutius est, quam simplicius.

Aliter quoque Anselmus: Currunt, inquit, Ethnici, hæretici, reprobi, sed unus Christianorum et electorum populus bravium accipit. Verum Apostolus solis Christianis loquitur quasi currentibus, eosque incitat ut currant et comprehendant bravium, ad quod per Christi Evangelium vocantur.

SIC CURRITE UT COMPREHENDATIS, — scilicet coronam gloriæ et bravium victoriæ. Alludit ad stadiodromos, qui cursu certantes in stadio, coronam ex edito appensam, et certantibus propositam currendo manibus predebant, itaque victores evadebant, eaque coronabantur, uti ex *Agonisticis* lib. II, cap. VII, Petri Fabri ostendi

Quæ requirantur in cursu ad bravium?

Qualis Christi cursus fuerit, bene Bernardus.

Apocal. III, ad illud vers. 11: « Tene quod habes, ut nemo accipiat coronam tuam. » Vox sic notat rectitudinem, diligentiam, celeritatem et perseverantiam, quæ maxime in cursu ad bravium requiritur. Talis fuit cursus Christi, quem omnes Christiani imitandum sibi proponere debent. « Ipse (inquit Bernardus, epist. 254 ad Guarinum) hominis sæculique auctor, quamdiu cum hominibus conversatus est, numquid stetit? et quidem teste Scriptura pertransiit beneficiando, et sanando omnes. Pertransiit ergo sicut non infructuose, ita non remisse, non pigre, non lento gradu, sed, quemadmodum de eo scriptum est: Exultavit ut gigas ad currendam viam. Porro currentem non apprehendit, qui et ipse pariter non currit: et quid prodest Christum sequi, si non contingat consequi? Ideo Paulus aiebat: Sic currite, ut comprehendatis. Ibi, Christiane, fige tui cursus profectusque metam, ubi Christus posuit suam. Factus est, inquit, obediens usque ad mortem. Quantumlibet ergo cucurreris, si usque ad mortem non perveneris, bravium non apprehendes. Bravium Christus est. » Deinde docet quod in stadio virtutis non currere, sed sistere, sit deficere et regredi. « Quod si, inquit, illo currente,

Sistere in stadio virtutis,

tu gradum sistis, non Christo appropias, sed te magis elongas, timendumque tibi est, quod ait David: Ecce qui elongant se a te, Domine, peribunt. Itaque, si proficere currere est, ubi et proficere, ibi et currere desinis: ubi vero non currere, ibi et deficere incipis. Hinc plane colligitur, quia nolle proficere, non nisi deficere est. Vidit scalam Jacob, et in scala angelos, ubi nullus residens, nullus subsistens apparuit; sed vel ascendere vel descendere videbantur universi, quatenus palam daretur intelligi, inter profectum et defectum in hoc statu mortalis vitæ nihil medium inveniri: sed quomodo ipsum corpus nostrum continue aut crescere constat aut decrescere, sic necesse sit et spiritum aut proficere semper, aut deficere. »

est deficere et regredi.

Inter profectum et defectum in hac vita nihil medium est.

Vers. 25.

25. OMNIS QUI IN AGONE CONTENDIT (*ἀγωνίζεσθαι*), id est *agonizans*, in agone decertans, gymnasticam exercens), AB OMNIBUS (scilicet eum in agone impediens) SE ABSTINET. — Nota: Alludit ad agones Olympicos aliaque certamina Græcorum, maxime Isthmia, quæ Corinthi celebrabantur in honorem Neptuni et Melicertæ, in quibus victor donabatur corona pinea. De quibus Archias poeta ita canit:

Alludit Paulus ad Isthmia certamina, et quænam illa?

Sacra per Argivas certamina quatuor urbes
Sunt duo facta viris, et duo cœlitibus;
Et Jovis et Phœbi, Melicertæque, Archemorique
Præmia: oleaster, poma, opium, picea.

Hinc *secundo*, consequenter alludit ad athletas, palæstritas et pugiles, qui pugnis; ad stadiodromos, qui cursu in stadio certabant; ad acrochiristas, qui summis inter se manibus depugnabant; ad pancratiastas, qui toto corpore, manibus pedibusque certabant. Ubi

Varia genera certatorum.

Nota *tertio*: Hi omnes delicatis cibis abstinebant, et certo necessario victu utebantur; quem Aristoteles *ἀναγκαστικήν*, quasi cibi sumendi necessitatem appellat, et panis eorum coliphium dicebatur, ἀπὸ τοῦ κολῖου καὶ ἵπῃ; id est *a robore membrorum*. Hinc Juvenalis:

Quibus cibis athleta uteretur?

Luctantur paucæ, comedunt coliphia paucæ.

Idemque ex Quintiliano, Cicerone, Aristotele docet Budæus in *Pandectis*, pag. 180. Inde dictus est victus athleticus, valetudo pugilica et athletica, id est firmissima. Et hoc est quod ait Apostolus: « Qui in agone contendit, ab omnibus se abstinet, » Græce πάντα ἐγκρατεύεται, per omnia temperans est; et, ut Cyprianus, continens. Addit Clemens Alexandrinus, lib. III *Stromat.*, secutus Platonem, lib. VIII *De Legibus*, athletas abstinuissse venere. Sicut enim libido corpus debilitat, enervat et exhaurit; ita continentia et castitas roborat corpus, ac multo magis mentem. Et ita hoc Apostoli dictum, « ab omnibus, » id est *ab omni libidine*, « se abstinet, » explicat S. Ephrem tractatu in illud Apostoli: « Melius est nubere, quam uri. »

Quæ sit valetudo athletica?

Libido corpus debilitat, castitas illud roborat.

Nota *quarto*: Stadium est vita præsens, vel

Cujusque christianismus, vel **cujusque** status, maxime evangelizandi; stadiodromus et pugil est quisque Christianus. Unde S. Dionysius, lib. *De Ecclesiast. hierarch.*, cap. vii, pag. 3, docet eos qui baptizantur, oleo inungi, ut intelligant hoc signo se inungi quasi athletas Christi, ac consequenter vocari ad sacra certamina pro fide et pietate obeunda; additque etiam mortuis eisdem solere oleum infundi, quasi athletis morte consummatis. « Atque tunc quidem, inquit, olei unctio baptizandum avocabat ad sacra certamina: nunc autem (in morte) infusum oleum designat eum qui defunctus est, eadem sacra exegisse certamina, sicque fuisse consummatum. »

Qui sint antago-
nista in
hoc sta-
dio, quæ
pugna?

Nota *quinto*: In hoc stadio et certamine antagonista est mundus, caro, dæmon; coliphium est victus sobrius et jejuniū; pugna est castigatio corporis, et omnia ardua virtutis officia, quæ cum conflictu interno vel externo peraguntur; maxime autem talis est Evangelii prædicatio et propagatio: ex quibus oritur victoria contra mundum, carnem, dæmonem. Bravium est corona incorrupta, id est gloria æterna, ad quam jam victor anhelans Paulus, II *Timoth.* iv: « Bonum, inquit, certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex. » Pœna victi est reprobatio et confusio æterna, vers. ult. *q. d.* Sicut athleta corpus abstinence, exercitio, labore subigit, exercet, parat ad cursum et luctam, ut in ea legitime et generose decertans vincat, et quasi victor coronam corruptibilem adipiscatur: ita multo magis pro corona æterna nos Christiani, et ego imprimis Apostolus vester corpus meum inedia, labore, figatione subigo et exerceo, acerbè a me omnia officia pugilum exigo, quasi athleta certaminis divini; ne corpus meum continentie, et severioris vitæ lacertos in deliciis mutet, et in imbelliam vaneat licentioris vitæ. Sed potius ut luctaturus cum dæmone, carne et mundo athleticis viribus decertem, vincam, atque coroner. Agite ergo, o Corinthii, in stadio hoc mecum decurrite, et non tantum idolothytis ob scandalum, sed et deliciis, vino et venere abstinete, ut luctaturi victoriam et bravium reportetis. Occasione enim idolothytorum, ut iis abstineant Corinthii, hæc dicit et hucusque excurrit Apostolus, ut dixi cap. viii initio.

Quod
bravium?

Quæ pœ-
næ victi?

Pugna
et morti-
ficatio
Pauli.

**Epami-
ondas**
glorio-
sus in cer-
tamen.

Epaminondas, dux Thebanus, fortissime in bello dimicans, læsus ad mortem, moriens rogavit, an suus clypeus esset salvus, et an hostes essent cæsi; cum et illum salvum, et hos cæsos audisset: « Nunc finis, ait, vitæ meæ: sed melius et altius initium advenit: nunc Epaminondas nascitur, quia sic moritur. » Ita Valerius Maximus. Si Epaminondas pro victoria temporaria, pro laude et gloria corruptibili ita certavit, ita læte et gloriose mortuus est; quid faciet miles Christi pro corona incorruptibili, pro gloria sempiterna?

Præclare Tertullianus, *ad Martyres*, cap. iv: « Si tantum, inquit, terrenæ gloriæ licet de corporis et animi rigore, ut gladium, ignem, crucem, bestias, tormenta contemnant, sub præmio laudis humanæ; possum dicere: Modicæ sunt istæ passionibus ad consecutionem gloriæ cœlestis. Tanti vitrum, quanti verum margaritum? Quis ergo non libentissime tantum pro vero habeat erogare, quantum alii pro falso? »

De Junio Bruto jubente occidi filios, qui cum Tarquiniis contra Romanos conspiraverant, dixit Virgilius:

Vicit amor patriæ, laudumque immensa cupido.

Christianum ergo:

Vincat amor Christi, cœlique immensa cupido.

Audiat pugil Christi classicum S. Chrysostomi, *serm. De Martyribus*, tom. III: « Delicatus es miles, si putas te posse sine pugna vincere, sine certamine triumphare. Exsere vires, fortiter dimica, atrociter in prælio isto concerta. Considera pactum, conditionem attende, militiam nosce: pactum, quod spondidisti; conditionem, qua accessisti; militiam, cui nomen dedisti. »

Hinc patet, ait Chrysostomus, non solam fidem sufficere ad salutem, sed etiam opera requiri, imo labores athleticos, atque imprimis insignem continentiam ab omnibus mundi illecebris. Nam, ut ait S. Hieronymus, *epist. 34 ad Julianum*: « Difficile, imo impossibile est, ut præsentibus quis et futuris fruatur bonis, ut hic ventrem et ibi mentem expleat, ut de deliciis transeat ad delicias, ut in utroque sæculo primus sit, ut in cœlo et in terra appareat gloriosus. »

Moraliter S. Augustinus athletas Christi pie ex Dei ope consolatur et animat *serm.* 103, ubi sic ait: « Adjuvat certantes, qui certamen indixit; non te sic spectat Deus in agone certantem, ut populus solet athletam: clamore enim populus monet athletam, adjuvare non novit. Coronam parare potest qui indixit certamen, vires autem subministrare non potest. Deus autem quando spectat certantes suos, adjuvat eos certantes et invocantes. Nam vox athlete ipsius est *Psalm.* xciii: Si dicebam: Motus est pes meus, misericordia tua, Domine, adjuvat me. » Et S. Dionysius, *De Ecclesiast. hierarch.*, cap. ii, sub finem: « Certantibus, inquit, Dominus præmia proponit ut Deus; leges autem certaminis tulit ut sapiens, præmiaque vincentibus decora constituit et pulcherrima: et quod est profecto divinius, ipse ut est summe clemens et bonus, in suis bellatoribus vincit, dum in illis habitans, pro illorum salute atque victoria adversus mortis et corruptionis imperium pugnat. »

26. EGO SIC PUGNO, NON QUASI AEREM VERBERANS. — Vers. 26. *Pugno*, id est, prælior in bello, inquit S. Thomas. Verum græce est *πυγμαία*, id est, *pugilem ago, pugnis certo*. Persistit enim in palæstra et athleticis.

Non sola
fides ad
salutem
sufficit,
sed opera
etiam re-
quirun-
tur.

Christus
athletas
suos con-
solatur
et cor-
roborat.

Aerem NON QUASI AEREM VERBERANS. — Id est, frustra et inaniter laborans; sed hostem verbero, scilicet corpus et carnem meam subigo, qua subacta facile duo reliqui hostes, scilicet daemon et mundus, subiguntur. Nec enim daemon et mundus nos, nisi per corpus nostrum, puta per oculos, aures, linguam aliosque sensus aggredi, tentare, ferire, sauciare, occidere possunt.

27. SED CASTIGO CORPUS MEUM, ET IN SERVITUTEM REDIGO. — « Castigo, ait Ambrosius, jejuniis angio; » S. Basilius, lib. *De Virginit.*, « plagis affligo. » Origenes, « macero. » « Daemon, ait S. Augustinus, *De Utilit. jejunii*, sæpe assumit patrocinium ipsius (carnis) contra animam, et dicit: Quid facis, quia jejunas? tibi ipsi poenam ingeris, tuus ipse tortor et crucidator existis. Responde ei: Castigo, ne me hoc jumentum præcipitet. » Caro enim nostra est instrumentum, imo « laqueus diaboli, » ut ait S. Bernardus, serm. 8 in *Psalm. xc.* Græce *ἐπιμαρτυρῶ*, quod Erasmus ex Theophylacto, et Paulinus, epist. 58 ad S. Augustinum, vertunt, *lividum facio*, vel livoris et sanguinis nota suggillo oculos. Græci enim *ὀφθαλμοὺς*, oculos vocant; *ἐπιμαρτυρῶ*, tales oculorum notas, teste Hesychio et Suida.

Et in gymniciis pugil, qui antagonistam in humum dejiciebat, eum supplantare dicebatur; suggillare vero, cum notam insignem faciei infixisset.

Verum alii omnes generalius accipiunt hic *ἐπιμαρτυρῶ*, ut sit idem quod *ἐπιμαρτυρῶ*, id est, subigo, coerceo, contundo. Nostrum *castigo* utrique sensui convenit, sed melius secundo, qui planior et simplicior est, et Græco convenientior. Nam juxta priorem sensum, *ἐπιμαρτυρῶ* non per « micron, sed per « mega scribendum esset: derivatur enim ab *ὀφθαλμοῦς*, ut dixi. Jam autem communiter etiam veteres legunt hic per « micron; Theophylactus tamen, OEcumenius et Erasmus legunt per « mega; quæ lectio satis apte pugili congruit.

Porro castigatio corporis fit per jejunia, cilia, humiliationes, plagas aliasque carnis macerationes et afflictiones. Hinc nonnulli censent Paulum corpori suo plagas et verbera infixisse. Hoc enim proprie significat τὸ castigo, et *ἐπιμαρτυρῶ*, quod Beza, Malanchthon, Castalion et Henricus Stephanus vertunt, *contundo*: contusio autem non fit sine percussione et verberare, sive baculo, sive flagellis, aliove instrumento et modo illa fiat. Et quia jejunium (quod nonnulli, ut Ambrosius, Gregorius et Chrysostomus mox citandi, putant fuisse hanc Pauli castigationem) non tam pugna et lucta est, quam præparatio ad luctam; de illo enim dixit: « Omnis qui in agone contendit, ab omnibus se abstinere. » Pluribus id probat Jacobus Gretserus, lib. I *De Disciplinis*, cap. 17.

Rursus, ut notant Anselmus et S. Gregorius loco mox citando, Apostolus dum carnem castigat et flagellat, hoc ipso simul daemone antagonistam suum, cum concupiscentia nostra carnali confœderatum, et in iustro carnis delitescen-

tem, per eamque nos tentantem et oppugnantem flagellat et verberat.

NE REPROBUS EFFICIAR, — id est, *reprobatus*, q. d. Ne reprober et rejiciar a Deo cœloque excludar. Erudite Maldonatus in *Notis manuse.*: ἀδόκιμον, ait, id est *reprobum*, vocari arbitror hoc loco, qui in certamine vincitur, quia de pugilibus agitur, q. d. Ne cum ego doceam alios vincere, ipse vincar. Loquitur Apostolus non de reprobatione æterna, quæ est in mente divina, sed temporali, quæ est executio æternæ. Hanc enim significat verbum *efficiar*. Alludit ad *Jerem. cap. vi*, vers. ultim., ubi sic dicitur: « Argentum reprobum vocate eos, quia Dominus projecit, » hebraice *דונא מאס*, id est *reprobavit*, « illos. »

Unde patet Apostolum non loqui, uti aliqui volunt, de reprobatione hominum, de qua loquitur *epist. II*, cap. XIII, vers. 7, q. d. Quod doceo, hoc facio, nimirum non laute vivo, sed castigo corpus meum, ne ab hominibus rejiciar et reprober, quasi qui non faciam ea quæ doceo. Jeremias enim clare loquitur de reprobatione, non hominum, sed Dei: et hanc passim alibi significat reprobatio, et reprobus, cum absolute ponitur, et ad homines non restringitur, uti restringitur citato cap. XIII, *epist. II*. Hinc patet incertitudo gratiæ et prædestinationis. Paulus metuit damnari, tu fide credes te salvandum?

Secundo, hinc colligitur Paulum non habuisse revelationem de sua salute. Ita S. Gregorius, lib. VI; *epist. 22 ad Gregoriam*.

Tertio, non ita fuisse confirmatum in gratia, quin ab ea excidere potuisset.

Ex hoc Apostoli loco patet pugnam et luctam Christianam, tum in aliis conflictibus, tum maxime in corpore et carne subigenda et castiganda sitam esse. Hic enim est internus et gravissimus noster hostis, ideoque præ cæteris omnibus carnis insidiæ formidandæ sunt, ut ait Origenes in cap. VIII *ad Rom.*, in fine. Atque ad hanc luctam per coliphium, id est, sobrietatem, nos comparare debemus; adeoque in ipsa sobrietate hanc luctam inchoare, in eaque quotidie incrementum, roborari et perfici; a gula ergo debellanda Christiano incipiendum est: ea enim debellata facilius cætera vitia profligabit, ut Cassianus alique docent. Hinc ergo patet, pugili et militi Christiano castigandum esse corpus, ne illius concupiscentiæ eum in perditionem abripiant; adeoque corporis castigationem per vigiliam, jejunia aliasque afflictiones et austeritates rectam esse ad salutem viam, esseque instrumentum aptissimum ad virtutem et perfectionem, plenamque vitiorum victoriam, si sit discreta, et viribus ac valetudini commensurata, ut docet S. Thomas II II, *Quæst. CLXXXVIII*, art. 7.

Sed veteres Ecclesiæ Doctores hac de re audiamus. Ambrosius, *epist. ad Eccles. Vercellensem*: « Audio, inquit, homines qui dicunt nullum esse abstinentiæ meritum, delirare eos qui castigant

Duple
reprobatio,
æterna et
temporalis.

Incertitudo gratiæ et prædestinationis etiam in Paulo.

In quibus consistat lucta Christiana?

A gula debellanda inchoandum est Christiano, Morale de castigatione corporis, Austeritates sunt recta via ad salutem.

Egregius locus S. Ambrosii.

tra hære-
ticos de-
licias
suaden-
tes;

carnem suam, ut menti subditam faciant, quod nunquam fecisset, neque scripsisset Paulus, si deliramentum putasset (notent hoc Novantes nostri); gloriatur autem dicens: Castigo corpus meum, et in servitutem redigo, ne, cum aliis prædicaverim, ipse reprobis inveniatur. Ergo qui non castigant corpus suum, et volunt prædicare aliis, ipsi reprobi habentur. Quæ istos Epicuros nova schola misit, qui voluptatem prædicent, delicias suadeant? Dominus Jesus, volens nos adversus diaboli tentamenta fortiores reddere, certaturus jejunavit, ut sciremus quia aliter illecebras mali non possemus vincere. Qua causa Christus jejunaverit, hi astruant, nisi ut nobis exemplo esset ejus jejunium?

Et Gre-
gorii de
gula re-
frænanda;

S. Gregorius, lib. XXX *Moral.*, cap. XXVI: «Muros Jerusalem coquorum princeps (Nabuzardan) destruit, quia virtutes animæ, dum non restringitur venter, perdit. Hinc est quod Paulus contra Jerusalem mœnia decertanti vires coquorum principi (id est ventri) subtrahebat, cum diceret: Castigo corpus meum, et servituti subji- cio. Unde præmiserat: Sic pugno non quasi aërem verberans, quia, cum carnem restringimus, ipsis abstinentiæ nostræ ictibus, non aërem, sed immundos spiritus verberamus; et cum hoc quod est intra nos subijcimus, extra positus adversariis pugnos damus. Hinc est quod, cum rex Babylonis succendi fornacem jubet, stuppæ et picis ministrari congeriem præcepit, sed tamen abstinentes pueros hoc igne minime consumit: quia antiquus hostis, licet innumeras ciborum concupiscentias nostris obtutibus opponat, quibus libidinis ignis crescat, bonis tamen mentibus superni Spiritus gratia insibilat, ut a carnalis concupiscentiæ æstibus illæse perdurent.»

Et S. Ba-
silius de
corpore
castigan-
do.

S. Basilius, hom. *De Legendis Gentilium libris*: «Est, inquit, corpus castigandum, ac feræ cujusdam instar cohibendum, et ab ipso adversus animam tumultus orientes, ratione veluti flagello compescendi, ne frænum voluptati omnino laxando, mens velut auriga ab equis contumacibus, et minime obtemperantibus, feratur ac rapiatur; ac inter cætera Pythagoræ meminisse dicti oportet, qui videns quemdam exercitationibus ac cibis laute appositeque sese curantem ac saginantem: Heus, inquit, miser, non desinis continuo duriorem tibi carcerem præparare! Ideo et Platonem dicunt, cognito quod ex corpore est nocumento, Academiæ Athenis loco pestilenti elegisse, ut nimiam corporis prosperitatem, veluti vitæ palmitē luxuriantem amputaret. Ego vero bonam valetudinem quæ in summo sit, ex medicis sæpe audiavi fallacem esse. Quando igitur ipsa corporis diligentia et corpori pariter et animæ inutilis esse apparet, hanc sarcinam delinire, et illi famulari, manifesta fuerit insania. Si autem hoc contem- nere studeamus, nihil aliud rerum humanarum facile admirabimur.» Idem Basilius in *Regul. fu-* *sius disp.*, Reg., 17: «Uti, inquit, optimus cor-

Quare
Plato
Acade-
miæ in
loco pes-
tilenti
elegit?

Pugilem
Christi

poris habitus, et coloris bonitas pugilem a cæte-
ris distinguit; sic Christianum a cæteris secernit
macilentia corporis, pallorque deflorescens, qui
continentiæ velut adjunctus est comes: indicio
est enim Christi mandatorum vere pugilem esse,
qui in infirmitate corporis adversarium suum in
lucta prosternit; et quam potens sit in pietatis
certaminibus, declarat convenienter verbis illis:
Cum infirmor, tunc potens sum.»

S. Chrysostomus hic: «Castigo corpus meum, *S. Chry-*
g. d. Multum sustineo laborem, ut sobrie vivam; *sostomus*
si quidem intractabilis est cupiditas, ventris vo- *de casti-*
racitas; verumtamen eam cohibeo, et non trado *gando*
me ipsum affectibus, sed affectus comprimo, et *corpore.*
et ipsam naturam multis sudoribus subji- cio; hæc
autem dico, ut nemo a certando desperet pro
virtute; nam laboriosum est. Quare, inquit, cas-
tigo et in servitutem redigo; non dixit, Perdo et
punio, non enim inimica caro est; sed, Castigo
et redigo in servitutem, quod Domini est, non
hostis; magistri, non inimici; exercitatoris, non
adversarii; ne forte cum aliis prædicaverim, ipse
reprobis inveniatur. Quod si Paulus hoc timuit,
cum talis esset præceptor, et post prædicationem,
et orbis terrarum susceptum patrocinium formi-
davit; quidnam nos dicemus?»

S. Hieronymus contra Jovinianum hæreticum, *S. Hie-*
hostem jejunii, castitatis et austeritatis, hæc ipsa *ronymus*
mire tuetur et deprædicat, adeoque sub finem *de deli-*
lib. II: «Quod multi, inquit, acquiescunt senten- *ciis cor-*
tiæ tuæ, o Joviniane, indicium voluptatis est; et *poris re-*
pro magna sapientia deputas, si plures porci *frænanda.*
post te currant, quos gehennæ succidiæ (vel, ut
alii legunt, succendio) nutrias. Basilides, magis-
ter luxuriæ et turpissimorum complexuum, post
tot annos in Jovinianum, quasi in Euphorbum,
transformatus est, ut Latina quoque lingua ha-
beret hæresim suam. Vexillum crucis, et prædi-
cationis austeritas (notent hæc Novantes) idolo-
rum templa destruxerat. E regione luxuria penis,
ventris et gutturis subvertere nititur fortitudinem
crucis. Semper pseudoprophetæ dulcia pollicen-
tur, nec modicum placent. Amara est veritas, et
qui eam prædicant, replentur amaritudine.»

Cassianus, lib. V. *De Instit. renunt.*, cap. XVII et
seq: «Vis, inquit, audire verum athletam Christi,
legitimo agonis jure certantem? Ego igitur, in-
quit, sic curro non quasi in incertum; sic pugno
non quasi aërem verberans; sed castigo corpus
meum et servituti subji- cio, ne aliis prædicans ipse
reprobis efficiar. Vides ut in seipso, id est, in
carne sua, colluctationum summam, velut in base
quadam firmissima statuerit, et proventum pu-
gnæ in sola castigatione carnis, et in subjectione
sui corporis collocarit?» Et aliquanto post repe-
titis hisce Apostoli verbis, subdit: «Quod proprie
ad continentie labores et corporale jejunium at-
que afflictionem carnis pertinet: per hanc se pu-
gilem quemdam strenuum suæ carnis esse des-
cribens, nec in vanum adversus eam ictus conti-

debet ma-
cies et
pallor,
ait S.
Basilius

S. Hie-
ronymus
de deli-
ciis cor-
poris re-
frænanda.

Pseudo-
prophetæ
dulcia
pollicen-
tur.

nentiæ exercuisse designans, sed triumphum pugnae mortificatione sui corporis acquisisse: quo verberibus continentiae castigato, et cæstibus jejuniorum eliso, victori spiritui immortalitatis coronam, et incorruptionis contulit palmam.» Et paucis interjectis: «Sic pugnat, jejuniis scilicet et afflictione carnali, non quasi aerem verberans, id est, in vanum ictus continentiae porrigens, per quos non aerem vacuum, sed illos spiritus qui in eo versantur, castigatione sui corporis verberabat. Qui enim dicit: Non quasi aerem verberans, ostendit se tametsi non aerem vacuum et inanem, aliquos tamen in aere verberare.»

Porro non tantum ad libidinem, sed et superbiam omniaque vitia frangenda, et quasvis virtutes comparandas, castigandum esse corpus, docet S. Hieronymus, epist. 14 ad Celantiam: «Qui, ait, probabiliter ac scienter abstinentiae virtutem tenent, eo affligunt carnem suam, quo animæ frangant superbiam; ut quasi de quodam fastigio contemptus sui atque arrogantiae descendant ad implendam Domini voluntatem, quæ maxime in humilitate perficitur. Idcirco a variis ciborum desideriis mentem retrahunt, ut totam ejus vim occupent in cupiditate virtutum. Jamque minus jejuniæ et abstinentiae laborem caro sentit, ani-

ma esuriens justitiam. Nam et vas electionis Paulus, dum castigat corpus suum et in servitutem redigit, ne aliis prædicans ipse reprobus inveniat, non ob solam, ut quidam imperiti putant, hoc facit castitatem; non enim huic tantum modo, sed omnibus omnino virtutibus abstinentia opitulatur.»

Denique prisci illi sanctissimi in eremo patres studio perfectionis ita corpus castigarunt, ut pene videatur incredibile; Deoque id placuisse, patet ex vita eorum tam sancta, quam longæva et felici. Videre est Hieronymum in Vita S. Hilarionis, S. Pauli, S. Malchi; Athanasium in Vita S. Antonii, Theodoretum in Vita Simeonis Stylitis, qui 80 annos perpetuo noctu diuque sub dio stetit in columna, vix cibum, vix somnum capiens, aliorumque plurimorum. Adeoque a viris prudentibus in *Vitis Sanctorum* solenter observatum est, nullos pene Sanctos miraculis, et gestorum rerumque admirandarum gloria claruisse, nisi illos qui jejuniis et vitæ austeritate excelluerunt, quique corpus affligerunt, aut a Deo morbis, vel ab hostibus et tyrannis tormentis et ærumnis afflicti fuerunt; cæteros Sanctos qui communem vitam egerunt, multum quidem sibi et Ecclesiæ profuisse, sed miracula aut nulla, aut rara patrasse.

Exempla Sanctorum qui in castigatione corpore illustres fuerunt.

Soli Sancti austera vita claruerunt miraculis.

CAPUT DECIMUM.

SYNOPSIS CAPITIS.

Occasione agonis, in quo abstinentes riteque certantes præmiantur, inertes luxurique dediti reprobantur et confunduntur, de quo egit in fine capitis præcedentis, digreditur hic Apostolus ad veterum Hebræorum mores, concupiscentias et vitia, maxime idololatriam; punitionem pariter et reprobationem; ut horum exemplo doceat Corinthios, quam cavenda sint vitia et tentationes, maxime idololatria.

Hinc consequenter, vers. 18, descendit et redit ad idolothyta, quæstionemque de iis, cap. VIII, inchoatam absolvit; ac primo, docet iis non licere vesci, quatenus idolothyta seu idolis immolata sunt: hoc enim esset immolationi et sacrificio idololatrico consentire, et profiteri idololatriam.

Secundo, vers. 22, docet non licere idolothytis vesci, ubi infirmiores hac re scandalizantur. Unde, vers. 31, ædificationem maxime Corinthiis commendat, utque omnia in gloriam Dei, et salutem proximorum faciant.

1. Nolo enim vos ignorare, fratres, quoniam patres nostri omnes sub nube fuerunt, et omnes mare transierunt: 2. et omnes in Moyse baptizati sunt in nube et in mari: 3. et omnes eandem escam spiritalem manducaverunt, 4. et omnes eundem potum spiritalem biberunt (bibebant autem de spiritali, consequente eos petra: petra autem erat Christus); 5. sed non in pluribus eorum beneplacitum est Deo, nam prostrati sunt in deserto. 6. Hæc autem in figura facta sunt nostri, ut non simus concupiscentes malorum, sicut et illi concupierunt. 7. Neque idololatræ efficiamini, sicut quidam ex ipsis: quemadmodum scriptum est: Sedit populus manducare, et bibere, et surrexerunt ludere. 8. Neque fornicemur, sicut quidam ex ipsis fornicati sunt, et ceciderunt una die viginti tria millia. 9. Neque tentemus Christum, sicut quidam eorum tentaverunt, et a serpentibus perierunt. 10. Neque murmuraveritis, sicut quidam eorum murmuraverunt, et perierunt ab exterminatore.

11. Hæc autem omnia in figura contingebant illis : scripta sunt autem ad correptionem nostram, in quos fines sæculorum devenerunt. 12. Itaque qui se existimat stare, videat ne cadat. 13. Tentatio vos non apprehendat, nisi humana : fidelis autem Deus est, qui non patietur vos tentari supra id quod potestis, sed faciet etiam cum tentatione proventum, ut possitis sustinere. 14. Propter quod, charissimi mihi, fugite ab idolorum cultura. 15. Ut prudentibus loquor, vos ipsi iudicate quod dico. 16. Calix benedictionis, cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est? 17. Quoniam unus panis, unum corpus multi sumus, omnes qui de uno pane participamus. 18. Videte Israel secundum carnem : nonne qui edunt hostias, participes sunt altaris? 19. Quid ergo? dico quod idolis immolatum sit aliquid? aut quod idolum sit aliquid? 20. Sed quæ immolant Gentes, dæmoniis immolant, et non Deo. Nolo autem vos socios fieri dæmoniorum : non potestis calicem Domini bibere, et calicem dæmoniorum : 21. non potestis mensæ Domini participes esse, et mensæ dæmoniorum. 22. An æmulamur Dominum? Numquid fortiores illo sumus? Omnia mihi licent, sed non omnia expediunt. 23. Omnia mihi licent, sed non omnia aedificant. 24. Nemo quod suum est quærat, sed quod alterius. 25. Omne quod in macello venit, manducate, nihil interrogantes propter conscientiam. 26. Domini est terra, et plenitudo ejus. 27. Si quis vocat vos infidelium, et vultis ire : omne quod vobis apponitur, manducate, nihil interrogantes propter conscientiam. 28. Si quis autem dixerit : Hoc immolatum est idolis : nolite manducare propter illum qui indicavit, et propter conscientiam : 29. conscientiam autem dico non tuam, sed alterius. Ut quid enim libertas mea iudicatur ab aliena conscientia? 30. Si ego cum gratia participo, quid blasphemor pro eo quod gratias ago? 31. Sive ergo manducatis, sive bibitis, sive aliud quid facitis, omnia in gloriam Dei facite. 32. Sine offensione estote Judæis, et Gentibus, et Ecclesiæ Dei : 33. sicut et ego per omnia omnibus placeo, non quærens quod mihi utile est, sed quod multis : ut salvi fiant.

VERS. 1. 1. NOLO ENIM VOS IGNORARE, FRATRES; QUONIAM PATRES NOSTRI OMNES SUB NUBE FUERUNT. — Vox enim causam dat dictorum in fine cap. præcedentis, q. d. Ideo dixi post baptismum Christianis esse certandum in agone, ne reprobi fiant, et bravium amittant, quia sic Hebræi post typicum baptismum et escam cœlestem, scilicet manna, terram promissionis et bravium inertes per peccata amiserunt, et e sexcentis millibus soli Josue et Caleb terram promissam ingressi sunt. Cavete ergo vos, o Corinthii, ne pariter ob inertiam et vitam fidei et baptismo difformem cœlo excludamini. Ita Chrysostomus et Anselmus. Argumentatur a typo seu figura ad rem figuratam (1).

Certandum est post baptismum Christianis.

(1) Hunc versuum 1-11 sensum statuit Allioli : Gratia spirituales quas accepistis, o Corinthii, ne vos nimis securos reddant, ita ut, iis confisi, peccata admittatis. Patres vestri sint in exemplum. Fuerunt sub nube, baptismum vestrum præfigurante, quatenus scilicet concupiscentiæ fomite sedati, illuminati mentem; mari Rubro salvi exierunt, sicut vos puri et sancti ex undis baptismi existis; manducaverunt manna, vos Eucharistiam; potaverunt aquam de petra pluribus in locis, ita ut dici possit, petram illam eos esse comitatam (vel, ut Rosenmullerus, aquam de petra, Messias præsentis et Israelitis comitantis symbolo ac documento), vos sanguinem Christi potastis, ejus gratis quasi irrigati fuistis : cavete ergo, ne, sicut Israelitæ post tot beneficia Deo inobedientes,

PATRES NOSTRI. — Patres Judeorum, e quibus ego sum, et multi inter vos, o Corinthii.

SUB NUBE. — Nubes hæc fuit columna per diem obumbrans Hebræos ut nubes, per noctem lucens ut ignis, quæ eos duxit per desertum quadraginta annis arceæ incubans, et castra eorum præcedens, eaque protegens ab æstu, super castra universa se expandendo, ejus motor et quasi auriga erat angelus : de qua plura Exod. xiii.

ET OMNES MARE (Rubrum, sive sinum Arabicum) TRANSIERUNT, — sicco pede, Mose per virgam suam aquas percutiente et dividente.

2. ET OMNES IN MOSE BAPTIZATI SUNT IN NUBE ET IN MARI, — Exod. xiv. Nota transitum maris Rubri typum fuisse baptismi, in quo sanguine Christi rubricamur, et mergimus Ægyptios, scilicet peccata; Moses typus est Christi, nubes est Spiritus Sanctus æstum concupiscentiæ refrigerans, nosque illuminans. Unde Theodoretus : « Illa, inquit, erant nostrorum typus : mare enim imitabatur piscinam seu lavacrum, nubes autem gratiam spiritus; Moses vero sacerdotem, virga autem crucem; Israel vero significabat eos qui baptiza-

Quid sit nubes sub qua patres fuerunt?

Vers. 2. Transitus maris Rubri typus fuit baptismi.

in deserto mortui sunt, ita et vos, iisdem, imo majoribus gratis adjuti, reprobi sitis, si videlicet in fornicationem aut idololatriam delabimini.

bantur; persequentes vero Ægyptii implebant figuram dæmonum; ipse autem Pharao erat imago diaboli. »

Nota secundo: Pro in Mose, græce est ἐν τῷ Μωϋσῃ, in Mosem, scilicet legislatorem, id est in legem Mosaicam, specie quadam baptismatis transundo mare, initiati sunt Hebræi; uti nos in Christum baptizamur, id est, Christo et Christianismo per baptismum initiamur et incorporamur. Unde Exod. xiv, subditur post transitum maris Rubri: « Crediderunt Domino, et Moysi servo, » id est legislatori, « ejus. » Ita aliqui.

Verum baptismus noster non fuit typus baptismi Hebræorum in mari Rubro, sed contra Hebræorum transitus in mari fuit typus nostri baptismi. Adde, in hoc transitu Hebræos non esse initiatos legi Mosaicæ, imo nondum eam accepisse, sed postea in Sina.

In transitu maris nondum erant Judæi initiati legi Mosaicæ.

Omnes Hebræi baptizati per Moysen typice.

Dico ergo simplicius, in Mosem, id est in Mose: « in Mose, » id est, ut Syrus, Chrysostomus, Theophylactus, « per Moysen, » duce Mose. Sensus itaque est, q. d. Omnes Hebræi per Moysen baptizati sunt spiritualiter et typice, seu typum gesserunt baptismi nostri, eo ipso quod cum viderunt per Moysen mare divisum, et primum Moysen mare transcurrentem, ait Chrysostomus, etiam ipsi mari se credere ausi sunt; idque « in nube, » id est sub ducatu et protectione nubis præeuntis; « et in mari, » scilicet, in quo demersis Ægyptiis in signum futuri baptismatis, ab Ægyptiaca servitute in libertatem et vitæ novitatem transibant, sicut nos per aquas baptismi transimus a servitute diaboli in regnum Christi. Ita Anselmus, Chrysostomus, Ambrosius, Theophylactus.

Ubi adverte cum Chrysostomo Scripturam nomen typi antitypo tribuere, et contra. Ita hic transitus maris Rubri vocatur baptismus, quia erat typus baptismi. Unde explicatur vers. vi: « Hæc, inquit, in figura facta sunt nostri. »

Vers. 3.

3. ET OMNES EAMDEM ESCAM SPIRITALEM MANDUCAVUNT. — « Eamdem, » non nobiscum, ut vult Calvinus, quasi tam Christiani quam Hebræi non verum Christi corpus, sed typicum comederunt.

Quomodo intelligendum eamdem escam spiritalem manducaverunt?

Dices: S. Augustinus, tract. 23 in Joan., et S. Thomas explicant, « eamdem » nobiscum. Respondeo: Intelligunt « eamdem » analogice, quia Hebræi in signo recipiunt, quod nos re ipsa. Sed hoc est præter mentem Apostoli, qui intelligit « eamdem, » non nobiscum, sed inter se, q. d. Omnes Hebræi tam boni quam mali comederunt eamdem escam, id est idem manna. Patet ex textu et seq., ait enim: « Sed non in pluribus eorum beneplacitum est Deo, » q. d. Licet omnes idem manna comederint, eamdem aquam de petra biberint, tamen non omnes placuerunt Deo. Sicut ergo illi unum habuere baptismum, et unam escam spiritalem, uti et nos; et tamen non omnes salvi facti sunt, sed multi ex iis perierunt: sic et verendum est ne multi ex nobis

pereant, quamvis eandem inter nos Sacramenta communia habeamus. Ita Chrysostomus, Theophylactus, Anselmus et alii. Cum quibus adverte manna hic dici « escam spiritalem, » id est, mysticam, sive typicam, quia manna erat typus et figura Eucharistiæ. Sic aqua petra dicitur « potus spiritalis, » quia typus erat sanguinis Christi. Alii « spiritalem » interpretantur miraculosam, scilicet non vi naturæ, sed spirituum, puta Dei et Angelorum, productam. Tale enim fuit manna, de quo canit Psaltes: « Panem Angelorum manducavit homo, » Psalm. lxxvii, 25.

Quid sit hic manna? Aqua petra typus erat sanguinis Christi.

Nota: Manna allegorice significabat Christum in Venerabili Sacramento, ut patet Joan. vi, 49 et 50; maxime vero manna significabat rem contentam et effectum sacramenti, ut fuse in citatum locum Joannis docet Chrysostomus, Theophylactus et Cyrillus. Unde et Apostolus hic ait: « Omnes eandem escam spiritalem manducaverunt, et eundem potum spiritalem biberunt. » Quod de sacra cæna etiam Calvinus accipit, dicitque manna fuisse typum corporis Christi. Ex quo recte colligas in Venerabili Sacramento vere esse carnem Christi, siquidem manna rei veræ existentis, non autem chimericæ fuerit symbolum; alioqui enim tam nos quam Judæi escam spiritalem, id est carnem typicam et symbolicam, manducabimus, neque plus veritatis significatæ habebimus quam ipsi Judæi, imo longe minus.

Manna allegorice quid significet?

Manna enim sapidius erat nostro pane, et longe clarius representabat Christi corpus quam aridus panis. Consequentiam hanc, utpote claram, quidam nuper ex novo hoc grege Minister concessit. Sed quis non videt id repugnare et S. Scripturæ, et rationi? Lex enim nova præstantior est lege veteri; ergo et sacramenta nova præstant veteribus. Unde Apostolus ait: « Hæc in figura facta sunt nostri. » Res autem figurata sua figura nobilior est, sicut corpus sua umbra, ac homo sua imagine nobilior est: ergo Sacramenta legis novæ, et præsertim Eucharistia, quasi res figurata, nobilior esse debet Sacramentis legis veteris, ipsoque manna, quod tantum typus fuit et figura Eucharistiæ nostræ. Rursum, Joan. vi, Christus disertissime corpus suum in Eucharistia præfert ipsi manna, vers. 48 et 59: « Hic est panis, inquit, qui de cælo descendit; non sicut manducaverunt patres vestri manna, et mortui sunt: qui manducat hunc panem (scilicet divinum, consecratum, et transsubstantiatum in corpus Christi) vivet in æternum. » Quod autem manna clarius representet corpus Christi, quam panis, quis non videt? id enim multis ostendi potest.

Declaratur veritas Eucharistiæ.

Manna optime representat corpus Christi.

Unde nota secundo: Aptissime congruit manna cum corpore Christi in Eucharistia, illudque pulcherrime adumbravit. Primo, idem est color specierum Eucharistiæ et manna. Secundo, sapor dulcis utriusque. Tertio, nonnisi relictis ollis Ægyptiacis, et carnis voluptatibus invenitur, au sapit utrumque. Quarto, infidelibus avaris in

Eucharistia cum manna comparatur in 14 analogiis.

vermem et iudicium vertitur utrumque. *Quinto*, manna non datum est nisi post transitum maris; Eucharistia non datur nisi post baptismum. *Sexto*, post manna Hebræi cum Amalec pugnarunt, cum ante solus pro eis Deus pugnasset contra Ægyptios : pugnarunt, inquam, et vicerunt; sic vitæ coelestis impedimenta et tentationes, quas non nisi solidioribus objici patitur Deus, Eucharistiæ virtute superantur. *Septimo*, manna panis erat absque semine, absque aratione aut alio humano opere ab Angelis factus; sic Christi corpus ex sola Virgine et Spiritus Sancti irratione natum est. *Octavo*, manna bonis et piis omnem saporis varietatem dabat. Unde *Sapient.* xvi, 20, dicitur de manna : « Angelorum esca nutriti populum tuum, et paratum panem de celo præstitisti illis sine labore; omne delectamentum in se habentem, et omnem saporis suavitatem. » Ita Christus parvulis est lac, infantibus olus, perfectis solidus cibus, ait Nyssenus. *Nono*, manna erat minutum; Christus parva hostia est circumscriptus. *Decimo*, manna pilo tusum fuit; Christus pilo crucis mortalitate exutus est. *Undecimo*, fideles admirabundi *man hu!* quid hoc, ut nobiscum sit Deus! exclamant. *Duodecimo*, omnes de manna æqualem mensuram, nimirum gomor unum, colligebant : sic totum Christum æqualiter omnes recipiunt, etsi species, sive hostia major sit aut minor. Ita Rupertus. *Decimo tertio*, sex diebus tantum colligebatur in deserto manna : sic in sabbato æternitatis et in terra promissionis velamen Sacramenti cessabit; Christoque facie ad faciem in summa quiete perfruemur. *Decimo quarto*, sole liquescebat manna : sic resolutis calore speciebus Sacramentum dissolvitur. Hæc et plura dixi et ostendi *Exod.* xxi.

Vers. 4. 4. BIBEBANT AUTEM DE SPIRITUALI (id est typica) CONSEQUENTE EOS PETRA. — Petra enim quæ dedit aquam Hebræis, erat typus Christi, qui est vera petra, e qua fluxit sanguis sitim concupiscentiæ nostræ restinguens. Sed quomodo hæc petra consequens, id est secuta, dicitur Hebræos?

Tradunt Hebræi petram in deserto miraculose Hebræos secutam. Respondent et tradunt Hebræi, et Chaldæus *Num.* xxi, 16, petram hanc per miraculum Judæos in deserto assidue secutam fuisse usque in Chanaan, eisque aquam dedisse. Unde et Syrus hic vertit : « Bibebant de petra spirituali quæ cum ipsis veniebat. » Et Tertullianus, lib. *De Baptismo*, cap. ix, hanc petram vocat *comitem* : « Hæc est, inquit, aqua, quæ de comite petra populo defluebat; » sed *mox* petram hanc interpretatur Christum, qui quoad divinitatem comitabatur et deducebat Hebræos per desertum. Unde idem, lib. III *Contra Marcion.*, cap. v : « Petram, inquit, potui subministrando comitem, Christum adlegat fuisse. » Et S. Ambrosius, in *Psal.* xxxviii, tom. II : « Umbra, inquit, in petra, quæ aquam fluxit, et populum sequebatur. Nonne umbra erat aqua de petra, quasi sanguis ex Christo, qui fugientes se populos sequebatur, ut biberent,

et non sitirent; redimerentur, et non perirent? » Idem tamen pariter per petram accipit Christum, lib. V *De Sacramentis*, cap. i : « Non immobilis petra, inquit, quæ populum sequebatur. Et tu bihe, ut te Christus sequatur. » Sed velim hujus traditionis certiores habere auctores; illi enim obstat, quod post hanc aquam e petra, *Num.* cap. xx, vers. 11, rursum murmurarunt ob aquæ inopiam, *Num.* xxi, 5. Unde, vers. 16, dedit eis Deus puteum aquæ.

Hinc alii jam hoc emolliunt, et sic explicant : « De petra consequente, » quia, inquiunt, aquæ ex petra erumpentes per longum spatium fluebant, ac quasi torrentem faciebant, qui sequebatur Hebræos donec venirent ad locum, ubi aquarum erat copia : nam si fuisset hoc unius diei beneficium, fuisset postero die, et tertio, ac quarto iterum semper percutienda petra ad aquas ex ea eliciendum. Et probatur hæc expositio : nam manna materialiter hic accipitur, ergo et petra, et potus materialis intelligi debet : sed illa quæ diximus ob stare priori sententiæ, etiam huic obstant.

Tertio, Photius pro « consequente, » vertit *obsequente*, q. d. Petra hæc obsequebatur Hebræorum siti et desiderio; sed Græcum ἀκολουθεῖν proprie sequi et consequi significat, non obsequi.

Quarto, ergo certius et aptius accipio hæc de petra spiritali, id est typica, sed significata, non significante, scilicet Christo (vide *Can.* 3), q. d. Paulus : Christi divinitatis virtute, quæ erat petra spiritalis significata per petram dantem Hebræis aquam, quæque Hebræos semper comes per desertum sequebatur, data est Hebræis aqua de petra illa materiali. Ita S. Chrysostomus, Ambrosius, Anselmus, Oecumenius.

Dices : Per « escam spiritalem » Apostolus accipit manna, non corpus Christi; et per « potum spiritalem » accipit ipsam aquam significantem sanguinem Christi, non autem ipsum sanguinem significatum : ergo pariter per petram spiritalem accipit petram realem significantem Christum, non autem ipsum Christum per petram significatum.

Respondeo : Nego consequentiam, quia Apostolus in petra invertit phrasim, et transilit a signo ad significatum. Id patet, quia explicans hanc spiritalem petram, ait : « Petra autem erat Christus, » q. d. Cum petram spiritalem dico, Christum intelligo : quid clarius? Non enim materialis et significans, sed spiritalis et significata petra erat Christus.

Instabis : Græca pro « bibebant autem; » habent *ἐπὶ τῆς πέτρης*, bibebant enim : ergo talem petram qualem potum intelligunt, q. d. Bibebant potum spiritalem, id est typicum : nam et petra dans hunc potum erat spiritalis, id est typica. Quæ enim esset connexio et ratio dicere : Bibebant potum typicum, quia petra typica erat Christus.

Respondeo : Aptæ est connexio et ratio, quia

Tentatio-
nes virtu-
te Eucha-
ristiæ supe-
rantur.

Aquas
ex petra
erumpen-
tes longo
tempore
secutas
Hebræos
quidam
putant.

Quid pro-
prie sit
hic petra
consequens?

Objectiones dicitur de petra consequente solvantur.

vox enim dat et assignat causam efficientem tanti miraculi, et potus tam miraculosi, q. d. Bibebant Hebræi aquam typicam : Christus enim per petram typicam, quæ hanc aquam eructabat, adumbratus, hanc aquam typicam miraculose eis dabat, ut Christum eam dantem agnoscerent et colerent : quod tamen, ut sequitur, plurimi eorum non fecerunt.

Nota : Petra illa dans aquam, allegorice significabat Christum, quia scilicet Christus quasi petra firmissima sustinet Ecclesiam, et « percussus, » id est occisus, « a Mose, » hoc est a Judæis, idque « virga, » hoc est cruce, « aquas » uberrimas gratiarum effudit, incredulis « contradictionis, » fidelibus « sanctificationis, » maxime aquas sanguinis sui in Eucharistia, quibus nos in hoc vitæ deserto potat, ut iis roborati tendamus ad civitatem nostram in cælis. Unde ipse Christus dicit Joan. vii, 37 : « Si quis sitit, veniat ad me, et bibat. » Et Joan. iv, 14 : « Aqua, quam ego dabo ei, fiet in eo fons aquæ salientis in vitam æternam. » Ita S. Augustinus, lib. XVI *Contra Faustum*, cap. xv.

Dices : Nonnulli Catholici juxta primam expositionem datam sic explicant : « Petra erat Christus, » id est typus Christi; ergo pariter de Eucharistia dici poterit : « Hoc est corpus meum, » id est figura corporis mei.

Hoc est corpus meum non significat, hoc est figura corporis mei. Respondeo primo : Nego consequentiam, quia petra est res disparata a Christo, qualis una non potest esse alia, ut lapis non potest esse lignum : pronomen autem hoc non est disparatum a Christi corpore, imo designat ipsum corpus; sed simile esset, si Christus dixisset : Hic panis spiritualis, sive typicus, est corpus meum; tunc enim exponi deberet sic : Hic panis est figura corporis mei.

Adde, Apostolum explicare se de petra non vera, sed spiritali; ait enim : « Bibebant autem de spiritali consequente eos petra; petra autem, » scilicet spiritalis illa jam dicta, « erat Christus. » Dicitur enim petra spiritalis, id est typica, quia typus erat Christi et Christum typice representabat : non ita loquitur Christus, nec S. Paulus de Eucharistia; sed tam ipse, quam omnes Evangelistæ constanter narrant Christum dixisse : « Hoc est corpus meum; » non autem : Hoc est spiritale vel typicum corpus meum. Secundo, ad antecedens respondeo, illam aliquorum explicationem parum esse probabilem : nam petra illa spiritalis, id est typica et significata, vere erat Christus, non typus Christi, ut dixi. Id enim clare convincunt verba S. Pauli, ut jam ostendi.

Vers. 5. 5. NAM PROSTRATI SUNT IN DESERTO. — Omnes enim Hebræi, qui duce Mose egressi sunt ex Ægypto, ob peccata sua, præsertim murmurationem, mortui sunt in deserto, dempto Josue et Caleb, qui soli cum nova mortuorum sobole ingressi sunt terram promissam, Num. xiv, 29.

Vers. 6. 6. HÆC AUTEM IN FIGURA FACTA SUNT NOSTRÆ. — « Figura » hic tam exemplum, quam typum sig-

nificat. Voluit enim Deus Hebræos statuere Christianis in exemplum, ut ex ipsorum punitione discerent Deum revereri, illique obedire, de quo plura vers. 10. Unde sequitur :

SICUT ET ILLI (patres nostri, de quibus dixi vers. 1, scilicet prisci Hebræi) CONCUPIERUNT — delicias carnum, in loco qui inde dictus est « Sepulcra concupiscentiæ, » eo quod Hebræi ibidem ob hanc carnum concupiscentiam cæsi sint a Deo, Num. xi, 33 et 34.

Unde dicta Sepulcra concupiscentiæ?

7. NEQUE IDOLOLATRÆ EFFICIAMINI, SICUT QUIDAM EX IPSIS, QUEMADMODUM SCRIPTUM EST (*Exodi xxxii, 6*) :

SEMITA POPULUS MANDUCARE ET BIBERE, ET SURRERUNT LUDERE, — cum scilicet vitulum aureum conflarunt Hebræi, dedicarunt, adorarunt : tunc enim hujus sui idoli et festi lætitiā clausurunt læto epulo. Unde cœpit populus manducare ex hostiis pacificis vitulo immolatis, ut ita solemnitate novi hujusce dei sui, more Ægyptiorum aliorumque Gentilium, communi et sacro convivio, æque ac ludis celebrarent et consummarent. Unde et « surrexerunt ludere, » saltando nimirum, et choros agendo : hos enim paulo post descendens e monte vidit Moses, *Exodi xxxii, 19*; sic enim Gentiles post sacrificia, in honorem deorum suorum ludos agebant, eosque sæpe obscenissimos. Unde Rabbinus et Tertullianus, lib. *De Jejuniis contra Psychicos*, lusum hunc Judæorum interpretantur fornicationem et impudicitiam.

Quomodo aurei vituli lætitiā clausurint Hebræi?

Gentiles post sacrificia ludos agebant.

Edebant et publica spectacula, quæ quia idolis, æque ac idolothya, dicata, vetita esse Christianis, docet Tertullianus, lib. *De Spectaculis*, quem ea de causa scripsit. Verum mox ira Dei in populum vitulantem et lascivientem desæviit, cæsis per Levitas, jubente Mose, viginti tribus hominum millibus. Inculcat hæc Corinthiis Paulus, quia est verisimile eos in gentilismo similes ludos et convivia agitasse, atque idolothya comedisse in honorem deorum suorum, ac præsertim Veneris, cui mille puellas quotidie ad meretricandum exponebant, erantque in luxum et venerem propensissimi. Unde eos tantopere vers. seq., et cap. vi, vers. 9 et seq., a scortatione deterret, ut ibi dixi, q. d. Paulus : Videte ergo, o Corinthii, ne ad idola redeatis, neve idolothya eis immolata comedatis, ut sacrificiorum idololatricorum participes efficiamini; nec lusibus, luxui et luxuriæ vos dedatis : alioqui æque ut Hebræi, quasi apostatæ et idololatræ, quasi helluones et ventres, a Deo puniemini.

Corinthii in venerem fuerant propensissimi.

8. SICUT QUIDAM EX IPSIS FORNICATI SUNT, — cum scilicet Hebræi coluerunt Beel-phegor, id est Priapum, et in ejus gratiam et cultum fornicati sunt cum filiabus Moab, Num. xxv.

Vers. 8. Quis sit Beelphegor?

ET CECIDERUNT UNA DIE VIGINTI TRIA MILLIA. — Chrysostomus, Anselmus, Cajetanus referunt hoc ad plagam ob fornicationem cum filiabus Moab, de qua jam dixi, quæ recensetur Num. xxv; sed ibi, vers. 9, dicuntur cæsa viginti quatuor millia, hic autem sunt tantum « viginti tria millia : »

licet aliqui respondeant, uno die tantum cæsa esse viginti tria millia, mille autem unum priore die esse cæsum. Sed hoc gratis dicitur: nam nihil tale dicit Scriptura. *Secundo*, Cajetanus respondet errore scribarum poni 23 pro 24. *Tertio*, Œcumenius ait quosdam legere 23 millia, *Num. xxv*, æque ut hic. *Quarto*, alii respondent Apostolum dicere verum, quia major numerus, scilicet 24, includit minorem, scilicet 23. Sed planius et apertius dicemus, Apostolum respicere ad *Exodi xxxii, 28*, ubi ob adoratum vitulum cæsa dicuntur 23 millia, ut habent Biblia Romana. Hanc ergo pœnam non refert Paulus ad fornicatores proxime præcedentes, sed remotius more Hebræorum ad idololatrias, de quibus egit *vers. 7*; nam oblitus pœnam tanto sceleri illatam exponere, quasi postliminio illam tradit: sic enim in sequentibus sceleribus pœnam semper subnectit; idque ut magis Corinthios ab idolis et idolothytis avertat; maxime, quia idololatria vituli et luxus, cum cultu et fornicatione Beel-phegor, uti in culpa, ita in pœna valde consentit. Sane Græca Pauli verba consentiunt cum Græcis *Exodi* verbis, ut putem omnino olim Græca in Exodo ita habuisse, uti jam habet Paulus: scilicet, εἰκοσι τρεῖς χιλιάδες, id est *viginti tria millia*; non autem, εἰς τρεχλίδους, id est *ad tria millia*, uti jam habent Græca in Exodo, depravata, ut videtur, facili vicinoque litterarum lapsu (1).

Vers. 9. 9. NEQUE TENTEMUS CHRISTUM, — quasi diffidentes ejus promissis, ut aliqui Corinthiorum dubitabant de resurrectione, ut patet *cap. xv*, ideoque signa petamus, *II Petri iii, 4*.

SICUT QUIDAM EORUM TENTAVERUNT, — Citat *Num. xxi, 5*, ubi dicitur: « Et tædere cœpit populum itineris ac laboris, locutusque contra Dominum et Moſen, ait: Cur eduxisti nos de Ægypto, ut moreremur in solitudine? Deest panis, non sunt aquæ: anima nostra jam nauseat super cibo isto levissimo. » Ubi nota τὸ *contra Dominum*. Hunc enim Dominum Paulus explicat hic esse Christum; ergo Christus est Dominus et Deus. Hinc Græci Patres docent angelum, qui Abraham, Isaac et Jacob apparuit, et Hebræos ex Ægypto eduxit, typum gessisse Christi in carne venturi, id est secundæ personæ in SS. Trinitate, scilicet Filii: hic enim est Christus.

ET A SERPENTIBUS PERIERUNT. — Patet *Num. xxi*, ubi post murmur Hebræorum jam dictum hanc pœnam eis inflixit Deus *vers. 6*: « Quamobrem, inquit, misit Dominus in populum ignitos serpentes. » Ubi nota, « ignitos » dici serpentes, non quod essent naturæ igneæ: hoc enim repugnat naturæ serpentum; sed ab effectu, quia suo morsu et afflatu calidissimo tantum calorem inducebant, ut qui ab eis erant morsi sibi uri viderentur:

(1) Hoc refert Rosenmullerus ad *Num. xxv, 1*, additque: « Commodissima ratio Paulum cum his conciliandi hæc est, si dicamus, 23 millia hominum vi divina, mille hominum autem gladio Phinees et sodalium ejus interisse. »

qua de causa Græcis Præsteres et Causones vocantur, quales gignuntur in Libya et Arabia, per quam transibant Hebræi in Palæstinam. Unde pro « ignitos; » hebraice est שרפים *seraphim*, quod Vatablus *urentes* vertit; Septuaginta vertunt, θανατοῦντας, id est morte afficientes.

10. SICUT QUIDAM EORUM MURMURAVERUNT, ET PERIERUNT AB EXTERMINATORE, — angelo scilicet, per quem Deus pœnas Hebræis murmurantibus inflixit, ut Core cum suis a terra vivus absorbere-tur, alia 14 millia et 700 igne perirent, *Num. xvi, 30, 33, 40, 43*. Ita Anselmus, et patet *Sapient. xviii, 20*. Hic angelus videtur fuisse Michael, dux populi, et legis in Sina dator et vindex, *Exodi xxiii, 21*, typusque Christi, ut dixi *vers. 9*. Alii « exterminatorem » hunc putant fuisse angelum malum, sive demonem, et favere videtur *Psal. lxxvii, 49*, ubi dicitur: « Misit in eos (Ægyptios) iram et immissiones, » puta plagas a Mose inflictas, « per angelos malos. » Verum loquitur ibi Psaltes de plaga Ægyptiis; Paulus vero de ea quæ Hebræis a Deo est irrogata. Adde, verius est plagas Ægyptiis inflictas fuisse ab angelis bonis, non malis: nam, ut notat S. Augustinus in citatum versum *Psal. lxxvii*, satis constat per bonos angelos Moſen vertisse aquas in sanguinem, ranas et cynipheſ produxisse: hisce enim prodigiis pœnis certabat Moſes angelique boni cum Magis Pharaonis, eorumque dæmonibus: unde illi in tertio cyniphum prodigio victi exclamaverunt: « Digitus Dei est hic. » Boni ergo angeli vocantur *Psal. lxxvii, 49, mali*, id est mala et supplicia inferentes, per eaque nocentes Ægyptiis. Unde hebraice est מלאכי רעים *malache raim*, id est *per angelos malorum*, et ut Symmachus vertit, *per angelos mala infligentes*.

Nota: Sæpius murmurarunt Hebræi in deserto, Deo val et fere semper punivit eos Deus, ut ostenderet quam præ aliis peccatis sibi displiceat murmur et rebellio. Sic *Numer. xi*, murmurantes ob concupiscentiam carniū occidit, indeque locus dictus est « Sepulcra concupiscentiæ. » Sic omnes murmurantes ob relationem exploratorum, dicentium terram Chanaan esse inexpugnabilem, illa exclusit, et interfecit in deserto, et e sexcentis millibus solus Josue et Caleb eam ingressi sunt, *Numer. xiv, 29*. Sic clarissime et severissime punivit murmur Core cum suis, ut dictum est.

11. HÆC AUTEM OMNIA IN FIGURA CONTINGEBANT ILLIS. — « Hæc omnia, » nimirum quæ jam dixi; non autem absolute omnia quæ veteri Testamento describuntur, quasi nihil in eo sit, quod non figurate aliquid futurum in novo Testamento significet. Vere enim ait S. Augustinus, lib. *XVII De Civitate*, cap. v: « Mihi scuti multum errare videntur, qui nullas res gestas in eo genere litterarum aliquid aliud, præter id quod eo modo gestæ sunt, significare arbitrantur: ita multum audere, qui prorsus ibi omnia significationibus allegoricis involuta esse contendunt. »

Quendam
viginti
tria mil-
lia cæsa,
quorum
hic mo-
minit
Paulus?

Qui ser-
pentes
vocalur
Præste-
res et
Causo-
nes.

Vers. 10.

Extermi-
nator hic
videtur
fuisse S.
Michael.

Versus
est placus
Ægypti-
is inflic-
tas fuisse
ab Ange-
lis bonis,
non ma-
lis.

Angelus
qui Abra-
hæ, Isaac,
etc., ap-
paruit,
typum
fuit
Christi.

Quare
serpentes
illi dicti
sunt
igniti?

Vers. 11.

IN FIGURA. — Notat recte Gabriel Vasquez in *I part., Quæst. I, art. 10, disp. xiv, cap. vi, figuram* hic non tam sensum allegoricum, vel mysticum significare, quam exemplum quod per accommodationem plurimum valet ad suadendum. Unde figuram explicans Paulus subdit: « Scripta sunt autem ad correptionem, » vel, ut græce est, *κυρίως*, id est *admonitionem nostram, q. d.* Deus punivit Hebræos in figura nostri, hoc est, ad exemplum nostrum, ut eorum pœna sapiamus. Unde Græca hoc versu et vers. 6, habent, *τύποι δὲ τούτων ἡμῶν ἐκτίθησαν*, quod Syrus vertit, *hæc nobis fuerunt figura, typi*; et, ut Vatablus, *exempla*: ut essent scilicet nobis exempla vitæ, et fugæ peccatorum et suppliciorum, quæ Deus peccatis infligit.

IN QUOS FINES SÆCULORUM DEVENERUNT. — « Fines sæculorum » sunt ultima mundi ætas. Hinc enim tempus Messie Prophetæ vocant « tempus novissimum; » et *Joan. epist. I, cap. II, 18*: « Horam novissimam; » *horam*, id est tempus, synecdochice. Addit Ambrosius et Chrysostomus, Apostolum ita solere loqui, tanquam instet finis mundi, ut teneat omnes suspensos, metuentes ne instet dies iudicii, ut assidue ad eum singuli se parent. De quo plura *I Thessal. IV, 15*.

Vers. 12. 12. QUI SE EXISTIMAT STARE, Videat ne cadat. — Utile est, inquit, Augustinus, lib. *De Bono persever.*, cap. VIII, omnibus, vel pene omnibus, ut quales futuri sunt, scire non possint, ut quisque, dum nescit an sit in bono perseveraturus, humiliter et sollicitè Dei gratiam imploret, cum eaque casum cavere et in gratia perseverare satagat.

Vers. 13. 13. TENTATIO VOS NON APPREHENDAT, NISI HUMANA. — Græca jam, Chrysostomus et Syrus legunt, *ἐλπίστω*, in præterito, id est *apprehendit*, non *ἐλπίζω*, in imperativo, id est *apprehendat*. Unde et S. Cyprianus, lib. III *ad Quirinum*, cap. xci, legit, « Tentatio vos non occupavit, nisi humana, » *q. d.* Esto, o Corinthii, tentemini et sollicitemini ad schismata, ad litigia, ad luxum et venerem, ad idola et idolothyta; constantes tamen estote: quia hæc tentationes, quæ vos apprehendunt et occupant, communes sunt et humanæ, quas facile, si velitis, vincetis.

Sed corripit cum Romanis, et lege, non apprehendat: hoc est, cum, ut sæpe fit, tentatio aliqua ex iis quas jam commemoravi, aut alia quælibet in animum irrepit, nolite eam fovere et apprehendere, ita ut sensim increseat, fiatque tandem insuperabilis: nam humanas et leves tentationes omnino excludere, ut eas nunquam sentiat, est impossibile. Demoniacum enim est, ait Anselmus, maligna tentatione vinci, et peccare ex malitia; angelicum, eam non sentire; humanum, sentire et vincere. Idem habet S. Gregorius, part. I *Pastoral.*, cap. XI.

FIDELIS DEUS EST, QUI NON PATIETUR VOS TENTARI SUPRA ID QUOD POTESTIS. — Hinc primo infero, si non patitur Deus nos tentari supra vires, ergo

multo minus, imo nullo modo impellit nos Deus ad peccata, ut vult Calvinus.

Secundo, ergo Deus non præcipit impossibilia, ut vult Lutherus, imo nec permittit.

Tertio, hinc sequitur nos posse tentari tam valide a dæmone et carne, ut resistere non possimus, nisi Dei gratia succurrat. Ita Chrysostomus, Anselmus.

Quarto, de facto tentationem nullam esse tantam, quin Dei gratia vinci possit.

Quinto, optimum tentationis remedium esse orationem, ut Dei opem et gratiam invocemus nostris diffusi viribus, *Matth. xxvi, 41*.

Sexto, hanc gratiam non solum electis, hic et alibi promitti, sed omnibus Deum rite invocantibus. Ita Concilium Tridentinum, *sess. XXIV, can. 9, et sess. VI, can. 11*. Loquitur enim Apostolus fidelibus, qui erant Corinthi, quorum multi non erant electi, sed aliqui contentiosi, scandalosi, ebrii, ut patet cap. XI, vers 21; imo nemo eorum sciebat se electum, ut posset hanc consolationem sibi appropriare.

Septimo, hinc sequitur in Christiani cujusque potestate esse habere auxilium sufficiens, ad vincendas omnes tentationes et peccata. Deus enim ad hoc, quasi fidelis, iis fidem suam obligat, ut docet hic Apostolus, *q. d.* Tentatio vos non apprehendat ex parte et negligentia vestra, nisi humana; nam ex parte Dei spondeo, quod Deus qui fidelis est, sicut promisit, sic et præstabit, ut non patiatur vos tentari supra id quod potestis, hoc est, non nisi humana tentatione tentari vos permittet. Intellige, si ejus gratiam et opem, ut par est, imploretis, eique cooperemini. « Deus, ait S. Augustinus, lib. *De Natur. et Gratia*, cap. XLIII, et ex eo Concilium Tridentinum, *sess. VI, can. 11*, Deus, inquam, impossibilia non jubet (cum jubet ut cuivis tentationi resistamus); sed jubendo monet et facere quod possis, et petere quod non possis, et adjuvat ut possis. » Hinc Christus, *Matth. XI*: « Jugum, inquit, meum suave est, et onus meum leve. » Et *I Joan. v, 3*, dicitur: « Mandata ejus gravia non sunt. »

Pulchra similitudine jumentorum et vasorum figuli hanc Apostoli sententiam declarat S. Ephrem, tract. *De Patientia*: Si enim, inquit, homines suis jumentis non plus oneris imponunt quam ferre queant, multo minus hominibus plus tentationum imponet Deus, quam ferre queant. Rursum, si figulus vasa sua igne excoquit eo usque, dum rite coquantur, nec ante ea eximit, ne minus cocta et solida sint; nec rursum ulterius ea sinit in igne, ne adurantur, fiantque inutilia: multo magis idem faciet Deus, ut igne tentationum eo usque nos coquat, dum percoquat et perficiat; ulterius vero tentatione aduri et consumi nos non sinet.

SED FACIET ETIAM CUM TENTATIONE PROVENTUM, UT POSSITIS SUSTINERE. — Græce est, *μερίαν οὖν τῆς πειρασμῶς καὶ τῶν ἐκείνων*, faciet cum tentatione etiam

Optimum tentationis remedium oratio.

Quisq. habet auxilium sufficiens ad vincendas tentationes saltem mediate.

Similitudines ducunt, quibus ostenditur neminem tentari ultra vires.

Angelicum est tentationem non sentire, humanum est eam sentire et vincere.

evasionem; et, ut S. Augustinus in *Psal. LXI*, et *epist. 89*, legit, *exitum*; et, ut Erasmus, *eventum*, *q. d.* Deus qui sinit vos incidere in tentationem, idem faciet ut tentatio bene eveniat: et, ut Anselmus, eam prout vobis et vestrae salutis expedit, faciet provenire, ut ex ea evadere possitis sine læsione, imo cum victoria et gloria: et hoc significat nostrum *proventus*. Itaque Græcum *ἐξέασ* significat.

Quid sit proven- tus in tentatio- ne? *Primo*, ut Theophylactus, OEcumenius et Græci, felicem exitum tentationis, ut ea bene cadat, et ad bonum proveniat: quia Deus faciet ut, aut cito cesset tentatio, nec permittatur quarto die eam pati, qui scitur eam ultra triduum non posse tolerare, ait Ambrosius; aut, si prolixior fuerit, det tolerandi facultatem, ait idem Ambrosius et Anselmus.

Secundo, Græcum *ἐξέασ* non qualem qualem *evasionem* significat, sed qua miles e prælio vel duello evadit victor, gloriosior et fortior: tales enim Sancti e tentatione evaserunt, quod Noster advertens solerter vertit, *proventum*. Unde Græcum *ἐξέασ*, in re hic idem est, quod *πρόσβασις* vel *πρόσβασις*, id est progressus, *q. d.* Deus faciet ut tentatio adeo vobis non obsit, ut cedat etiam in progressum, id est in fortitudinis, virtutis, gratiæ, victoriæ et gloriæ augmentum, ut magis in via virtutis, et via ad cælum et gloriam progrediamini. Ita Photius. Unde sequitur: « Ut possitis sustinere, » ubi pro *sustinere*, græce est *ὑπερ-συνεραίν*, id est ita sustinere, ut supersint adhuc vires ad plus aliquid sustinendum: itaque tale tantumque auxilium Deus confert, ut cum magno excessu possit quis tentationem superare. Hinc notant Patres passim, per tentationes hominem maxime progredi in virtute, et per eas virtutes augeri et roborari; et ratio est, quia eis resisti non potest, nisi per contrarios virtutum actus, eosque fortes et intensos, quos dum elicit tentatus, per eos magis habitus earum corroborat et intendit.

Secundo, quia justus per tales actus meretur, impetrat et accipit a Deo infusum sibi earundem virtutum et gratiæ augmentum.

Vers. 14. 14. PROPTER QUOD, CHARISSIMI MIHI, FUGITE AB IDOLORUM CULTURA, — non tantum, ut ea expresso sacrificio vel invocatione non colatis, sed etiam ne idolothyta, id est sacrificia eis immolata, comedatis, quasi sacra et sacrificia, uti ea comedunt Gentiles peracto sacrificio ad aras, vel in tēplis idolorum: sic enim participaretis hisce eorum sacrificiis, et censeremini iis consentire, et tacite ea laudare, imo et offerre. Ad idolothytorum enim esum descendit Apostolus in seq. Ex quibus patet Apostolum post longas digressiones, cap. ix, de stipendiis et gratuita prædicatione, deque Christiano agone, bratio et athletic, et hoc cap. x de factis et pœnis Hebræorum, ad quæ occasione idolothytorum digressus est, hoc loco ad eadem redire, atque quæstionem de idolothy-

tis, cap. viii inchoatam, hic absolvere (1). Unde per *τὸ propter quod*, significat se omnia præcedentia dixisse, ad hoc, ut absterreat eos ab idololatria et idolothytis.

16. CALIX BENEDICTIONIS, CUI BENEDICIMUS, NONNE COMMUNICATIO SANGUINIS CHRISTI EST? — Sensus est, *q. d.* « Calix benedictionis, » id est potus calicis benedicti a sacerdote, et consequenter ipse calix continens hunc potum benedictum, nonne ipsum Christi sanguinem nobis communicat? Potest *secundo*, dici calix benedictionis, quia nos benedicit et gratia cumulat. Ita Anselmus et Chrysostomus. *Tertio* et præcise, dicitur « calix benedictionis, » quia Christus ante consecrationem benedixit, id est Dei opem ad futuram transmutationem tam pani quam calici apprecatus est, *Matth. xxvi, 26*.

Unde nota ex historia ultimæ cœnæ Christi, quam describit Matthæus cap. xxvi, Lucas cap. xxii, et Paulus hic et cap. xi, Christum ante consecrationem Eucharistiæ primo gratias egisse Deo Patri, uti habent Lucas et Paulus, idque oculis de more suo in cælum elevatis, ut habetur in canone nostro et Liturgia S. Jacobi. Unde hoc Sacramentum dictum est *Eucharistia*, id est gratiarum actio, quia ipsum maxima est gratia, ac consequenter cum maxima gratiarum actione sumendum.

Secundo nota, Christum benedixisse, non Patrem, ut volunt hæretici, sed panem et vinum, ut expresse habet hic Paulus: *τὸ ποτήριον*, inquit, *τῆς εὐλογίας*, ὃ εὐλογοῦμεν, id est, *calix benedictionis, quem benedicimus*. Benedixit autem Christus panem et calicem, hoc est, Dei benedictionem et omnipotentiam super panem et vinum invocavit, ut præsto esset, et jam, et in futuris omnibus consecrationibus, ad panem convertendum in corpus, et vinum calicis in sanguinem Christi, quando legitime pronuntiantur verba consecrationis. Similis fuit benedictio panum, *Lucæ ix, 16*. Non ergo benedictio hæc fuit consecratio, licet id velit D. Thomas, III part., *Quæst. LXXVIII, art. 1, ad 1*, sed prævia oratio. Ita Concilium Tridentinum, *sess. XIII, can. 1*. Unde in Liturgia S. Jacobi, Basilii, et nostra, Christi exemplo petimus ut Deus benedicat hæc dona, ut divina virtus in panem et calicem descendat ad perficiendam consecrationem: et hinc dicitur *calix benedictionis*, id est a Christo benedictus.

NONNE COMMUNICATIO SANGUINIS CHRISTI EST? — *κοινωνία*, id est communio, vel communicatio corporis et sanguinis Christi, non solum significat nos sumere idem corpus et eundem sanguinem Christi, sed etiam nos fieri unum corpus et unum sanguinem, uti explicat vers. 17. Ergo, non typus

(1) Et quidem docet *primo*, vers. 14–24, non licere Christianis interesse ipsis epulis sacris Gentilium: hoc enim esse idololatriæ genus; *secundo*, vers. 25–32, licere ipsis carnes edere, quæ in macello venduntur, et in epulis communibus apponi solent, quamvis fortassis diis immolæ fuerint.

Vers. 16. Quis sit calix benedicti- nis? Prima explicatio. Secunda.

Tertia.

Christus ante consecrationem gratias agit Deo Patri.

Unde Ven. Sacramentum dicitur Eucharistia?

In Eucharistia prævia benedictio non est consecratio.

Calix sanguinis, ut vult Calvinus, sed ipsissimus sanguis Christi est, et nobis communicatur in calice Eucharistiæ. Si dicam, Do tibi aureum, verum intelliges, non pictum; si te invitassem ad cœnam, et epulum capti in venatione leporis, vel cervi, et pro lepore et cervo imaginem leporis, et pictum in scutella cervum tibi proponerem, an non ridiculus tibi essem? an non impostor audirem? Nonne ergo ridiculi sunt Novantes qui sanguinem et carnem, quam Christus se dare asserit, in typum et figuram sanguinis et carnis transformant? nonne Christum impostorem faciunt?

Secundo, si calix hic typus tantum est sanguinis, ut volunt Novantes, ergo non plus, imo minus habemus in Eucharistia, quam Judæi in manna et potu aquæ miraculosæ habuerunt; et Apostolus debuisse dicere, nos edere corpus spiritale, et bibere sanguinem Christi spiritalem, id est typicum, sicut Judæos dixit comedissem escam spiritalem, id est manna, et bibissem potum spiritalem, id est aquam e petra: jam vero opponit sanguinem et carnem Christi in Eucharistia, quasi corpus et rem significatam, ipsi manna et aquæ, quasi figuræ et typo spiritali, carnem et sanguinem Christi significanti; et manna vocat escam spiritalem, id est typicam, et aquam vocat potum spiritalem: carnem vero Christi in Eucharistia vocat corpus, sanguinem vocat sanguinem. Quis ergo dubitet, sicut manna fuit vere typus et umbra, sic in Eucharistia vere esse sanguinem, carnem et corpus Christi?

Probat idem *tertio*, ex eo quod, sicut dixi, hunc locum diserte explicant Theodoretus, Theophylactus, Anselmus, S. Thomas. « Non dixit, inquit Theophylactus, *μετοχή*, id est *participatio*, sed *κοινωνία*, id est *communicatio*, ut aliquid excellentius indicet, puta summam unionem; quod autem dicit hujusmodi est: Hoc quod in calice est, illud est, quod effluxit de latere Christi; et ex eo accipientes communicamus, id est unimur Christo: non pudet itaque vos, o Corinthii, ad idolorum calicem recurrere, a calice hoc, qui nos ab idolis liberavit? »

Apertissime vero S. Chrysostomus hic, in *moral. homil. 24*, ubi per sacram Synaxin exhortans Christianos ad charitatem mutuam, ita ait: « Hæc ergo cum intelligamus, dilectissimi, velimus quoque invicem unitatem servare: ad hoc enim inducit sacrificium illud formidandum et admirabile, quod jubet nobis, ut concordia et charitate maxima ad se accedamus, et aquilæ in hac vita facti, ad ipsum cœlum evolemus, vel potius supra cœlum. » Et infra, quod et quale sit corpus Christi in Eucharistia ita explicat: « Si hominis vestem nemo temere attingeret, quo pacto Domini corpus purum et immaculatum, quod divinæ illius naturæ particeps est, propter quod et sumus et vivimus, propter quod portæ inferi fractæ sunt, et cœlorum apertæ, tanta cum ignominia suscipimus? Hoc corpus affixum, verberatum, morte

victum non est: hoc corpus sol crucifixum vident radios avertit: propter hoc velum templi scissum est, et petre, et universa terra tremuit: hoc idem corpus cruentatum, et lancea vulneratum, sanguinis et aquæ fontes universo orbi salutare scaturivit. » Et inferius, Christi corpus in Eucharistia idem esse cum eo, quod fuit in præsepi, ita docet: « Hoc corpus in præsepi reveriti sunt Magi, et cum timore et tremore plurimo adoraverunt: tu vero, non in præsepi, sed in altari; non mulierem quæ in ulnis teneat, sed sacerdotem præsentem et spiritum perabunde super proposito Sacramento diffusum vides. Excitemur ergo horrescamusque, et majorem quam barbari illi, præ nobis feramus pietatem. » Et nonnullis interjectis, nos in Eucharistia Deum ipsum tangere, et manducare, et ab eo omnia bona percipere clarissime asseverat, dicens: « Hæc mensa animæ nostræ vis est, nervi mentis, fiducia vinculum, fundamentum, spes, salus, lux, vita nostra. Si hinc hoc sacrificio muniti migrabimus, maxima cum fiducia sanctum ascendemus vestibulum. Et quid futura commemoro? nam dum in hac vita sumus, ut terra nobis sit cœlum, facit hoc mysterium: sicut enim in cœlis, ita in terra regium corpus tibi videndum proponitur: non angelos, non Archangelos, non cœlos, non cœlos cœlorum, sed ipsum horum omnium Dominum tibi ostendo; neque eum conspicias tantum, sed tangis, et comedis, non hominis regium puerum, sed unigenitum Dei Filium accipis, quomodo non horrescis? et omnium sæcularium rerum amore abjicis? » Hæc et plura S. Chrysostomus.

Respondit nuper quidam novus novi Dei verbi præco, hæc concionatorie a S. Chrysostomo dici. Sed tam insulsum, quam nullum est hoc effugium. Nam S. Chrysostomus orator est, fateor, sed est doctor: orator est, sed Christianus et verax orator. Hinc in ipso commentario dogmatice loquitur, quia agit litteralem Apostoli interpretem: in morali vero subinde oratorie amplificat, sed ita ut non amplificet supra et contra veritatem rei, ut dicat v. g. lapidem esse lignum, hominem esse brutum, panem esse carnem: alioqui enim non concionator esset, sed impostor et mendax, idque in rebus fidei. Sicut enim concionator mendax esset et stolidus, qui aquam baptismi diceret esse ipsissimum Christi sanguinem, qui e latere Christi fluxit, quem Judæi suis clavis et plagis e corpore Christi eliquerunt, esse ipsum Deum ac Dominum omnium, intelligendo nimirum, aquam baptismi esse typum sanguinis Christi, eumque nobis applicare ad abluenda peccata: ita sane mendax est et stolidus, qui panem et vinum dicit esse ipsum sanguinem, ipsum corpus Christi, quod in præsepi adoratum est a Magis, quod in cruce suspensum, quod a Judæis flagellatum, cruentatum, crucifixum est, imo esse ipsum rerum omnium Dominum, atque unigenitum Dei Filium, uti S. Chry-

In Eucharistia est corpus ideum quod Magi adoraverunt in præsepio.

Effectus sanctæ communionis.

Refutatur insulsum effugium cuiusdam Novationis ministri.

Insignis S. Chrysostomi de realit. præsentia Corporis Christi in Eucharistia oratio.

sostomus hic loquitur. Appello te, lector, qui sincero oculo, et æqua mente hæc Chrysostomi verba legis: de manna, de agno paschali, aliave figura et typo hæccine vera sunt? hæccine de illis typis dixisset Chrysostomus? hæccine de sua cæna diceret Calvinus, Viretus, Zuinglius, aut alius ex eorum grege, quantumvis concionator facundissimus? Si ita auctorum sententias, Patrum dicta elevare et invertere licet, omnem fidem, omnem historiam, omnia eorum dogmata invertere, et plane in contrarium sensum torquere licebit. Denique hæc omnia magis patebunt vers. sequentibus.

PANIS QUEM FRANGIMUS, NONNE PARTICIPATIO CORPORIS DOMINI EST? — Sensus est, communicatio vel esus panis, quem frangimus, communicat nobis ipsum Christi corpus, ut illud revera singuli in Eucharistia participemus.

Dices: Eucharistia hic dicitur *panis*, ergo non est caro Christi.

Respondeo: *Panis* hebraismo significat quemvis cibum, ut patet IV Reg. VI, 22 et 23. Sic Joan. VI, 31, manna, et vers. 41, ipse Christus vocatur *panis*: panis enim communis omnium et necessarius est cibis. Adde, non dici nude panem; sed, « panem quem frangimus, » id est Eucharisticum, sive transsubstantiatum, qui est corpus Christi, panis tamen speciem et operationem retinet. Ita omnes Patres et Doctores orthodoxi.

Nota: Christus tum alias, tum in ultima cæna dicitur panem fregisse et distribuisse ex more Hebræorum, apud quos paterfamilias mensæ benedicens, discumbentibus convivis panem frangere ac cibos dividere solebat: habebant enim Orientales non panes elevatos, ut nos habemus, ita ut ad scindendum cultro esset opus; sed latos pinsebant, atque subtiles instar placentæ, unde manibus eos frangebant, ut inter alios annotavit heterodoxus, licet Stuckius, lib. II *Convival.*, cap. III. Hinc in Scriptura *frangere panem* significat convivari, et fractio panis significat quodvis convivium, cænam, refectionem; et in novo Testamento appropriatur ad hoc, ut significet cænam et communionem Eucharistiæ. Hinc *frangere panem*, est verbum ecclesiasticum et sacramentale. Unde Paulus hic Eucharistiam vocat *panem quem frangimus*, scilicet in Sacramento species corporis Christi frangentes et comedentes; et in sacrificio illas offerentes, sumentes et consumentes; de quo plura cap. seq., vers. 24.

Vers. 17. **17. QUONIAM UNUS PANIS, UNUM CORPUS MULTISUMUS, OMNES QUI DE UNO PANE PARTICIPAMUS.** — Ut, sicuti ex multis granis fit unus panis, ita ex multis fidelibus fiat unus panis sacer et vivus, puta unum corpus Christi mysticum, scilicet Ecclesia, non tantum generaliter et mystice, sed proprie et corporaliter, quia omnes realiter uniuntur corpori Christi, cum eoque fiunt unum in Eucharistia, sicut cibis fit unum cum comedente. Hinc recte contra Novantes inferri potest:

Ergo idem corpus Christi omnes vere comedimus. Respondent ipsi, in Eucharistia omnes Christianos fieri unum, quia eundem panem sacramentalem, qui est typus corporis Christi, omnes manducant. Sed contra: Quis unquam de talibus convivis dicit quod fiant unum corpus, et unus panis, eo quod de eadem mensa et pane comedant? hoc enim falso et inepte dicitur: vere autem et recte dicitur de corpore Christi, quod idem numero omnes manducamus; maxime quia hic panis sacer, ut ait S. Augustinus, comestus non mutatur in nostram substantiam, sed nos potius in se transmutat, sibi que unit et similes facit, quod non facit panis communis. Unde Cyrillus Alexandrinus, lib. IV in Joan., cap. XVII: « Sicut, inquit, cera miscetur ceræ, et fermentum pani, sic et nos corpori Christi; » et Cyrillus Hierosolymitanus, *catechesi* 4: « In sacra communione, inquit, firmus non tantum Christiferi, sed et concorporei et consanguinei Christi; » quia in ea et Christus nobis, et nos carni Christi, ac consequenter personæ, et divinitati, et omnipotentiae ejus realiter commiscemur. Idem asserit Irenæus, lib. IV, cap. XXXIV; Hilarius, *De Trinit.*, lib. VIII, Chrysostomus hic.

Hac de causa a Patribus Eucharistia dicitur *communio*, quia realiter omnes unit corpori Christi, ita ut in eo, et cum eo omnes unum sint, q. d. Communio, id est, communis unio fidelium, qui edendo idem corpus Christi verum in Eucharistia, unum corpus Christi mysticum, id est una Ecclesia, efficiuntur. Ita ex S. Augustino Beda. Unde et Concilium Tridentinum, sess. XIII, cap. VIII, ait: « Hoc Sacramentum (Eucharistiæ) est signum unitatis, vinculum charitatis, pacis et concordiae symbolum; » quia nimirum singulari modo significat et perficit unitatem corporis Christi, scilicet fidelium Ecclesiæ. Hinc etiam infantibus olim dabatur Eucharistia post baptismum, ut perfecte incorporarentur Christo: nam, ut ait Christus, Joan. VI, 53: « Qui manducat meam carnem, et bibit meum sanguinem, in me manet, et ego in eo. » Denique hac de causa Eucharistia a S. Dionysio dicta est « synaxis, » id est congregatio, eo quod solerent fideles congregari in Ecclesiam ad sumendam Eucharistiam; imo Tertullianus, lib. *De Oratione*, cap. ult., ait solvendam esse orationem corpore Domini accepto. Unde cap. seq., vers. 20, ait Apostolus: « Convenientibus vobis in unum, jam non est Dominicam cænam manducare. » Licet enim Ecclesia per fidem et baptismum fiat corpus Christi, magis tamen realiter et proprie fit ipsum corpus Christi in Eucharistia.

Obijciunt hæretici, ergo soli boni et justi sunt partes et membra Ecclesiæ, quia Apostolus dicit: « Panis unus omnes sumus; » atqui panis fit ex granis tritici, non ex paleis: ergo et Ecclesia conflatur ex justis, et non ex injustis: justis enim sunt grana, injusti sunt paleæ.

Respondeo primo: Nego consequentiam, quia similitudo non per omnia similis esse debet.

Corpus Christi nos sibi unit, facitque similes.

In Eucharistia unus concorporei et consanguinei Christi.

Quid significet communio?

Quare olim infantibus post baptismum dabatur Eucharistia?

Quare Eucharistia vocetur synaxis?

Refutatur objection hæreticorum.

Secundo, nego antecedens, quia sæpe palææ, arenæ, lentes miscentur tritico, et cum eo conflant panem. Unde Apostolus, cap. xi, 29, ait etiam malos de hoc pane edere; atqui hic ait omnes qui de hoc pane participant, esse unum corpus Christi, quod est Ecclesia: ergo et mali, qui hunc panem comedunt, sunt de Ecclesia. Vide S. Cyprianum, lib. I, epist. 6 ad Magnum.

Vers. 18. 18. VIDETE ISRAEL SECUNDUM CARNEM: NONNE QUI EDUNT HOSTIAS, PARTICIPES SUNT ALTARIS (1)? — *Altaris*, id est, victimæ in altari oblatæ: *altare* enim ponit pro sacrificio quod in altari offertur; est metonymia. Hæc omnia eo spectant, ut probet Apostolus non esse comedenda idolothyta, sensusque est: Videte, o Christiani Corinthii, carnales Israelitas: nonne ipsi dum comedunt hostias Deo oblatas, censentur participes esse sacrificii in altari Deo oblatis, et consummare ipsum sacrificium, ac per hoc quodammodo sacrificare? *q. d.* Eodem modo qui comedunt de pane Eucharistico, participes sunt sacrificii Eucharistici; et qui comedunt idolothyta, participant de sacrificiis idololatricis, illaque consummant, ac per hoc quasi sacrificant idolis. Probat ab exemplo Judæorum, eos qui vescuntur idolothytis, consentire sacrificiis idolorum, et quasi tacite sacrificare idolis. Ita Patres.

Vers. 19. 19. QUID ERGO? DICO QUOD IDOLIS IMMOLATUM SIT ALIQUID? AUT QUOD IDOLUM SIT ALIQUID? — *q. d.* Minime: idolum enim, et consequenter idolothytum, nihil est, nihil habet numinis vel virtutis, ut dixi cap. viii, vers. 4.

Vers. 20. 20. SED (dico quod ea) QUÆ IMMOLANT GENTES, DEMONIIS IMMOLANT, ET NON DEO. NOLO AUTEM VOS

Vers. 21. SOCIOS FIERI DEMONIORUM. 21. NON POTESTIS CALICEM DOMINI BIBERE, ET CALICEM DEMONIORUM; NON POTESTIS MENSÆ DOMINI PARTICIPES ESSE, ET MENSÆ DEMONIORUM. — *Mensæ*, sacræ scilicet, id est altaris, quæ est quasi mensa Dei, in qua Deus quasi convivatur nobiscum, ut dixi *Levit. i*, et patet *Malachiæ i, 12*. Ita Ambrosius, Anselmus et Concilium Tridentinum, sess. XXII, cap. i; ubi ex hoc loco docet Eucharistiam esse sacrificium. De ea enim Apostolum agere, non de sacrificio crucis, patet *primo*, quia crucis victima transiit, et jam diu desiit: hic autem agit Apostolus de sacrificio, cujus Corinthii in dies erant participes.

Secundo, ex voce « panis et mensæ Domini, » id est altaris: ubi enim est altare, ibi est et sacerdos et sacrificium; hæc enim tria sunt correlativa. Si ergo Corinthii habebant altare, habebant et sacrificium; utique non aliud, quam Eucharistiæ.

Tertio, « calix Domini » non aliud significat

(4) Alio Paulus utitur exemplo, ut ostendat, Christianos qui Gentilium sacris epulis interessent, in societatem venire cultus idololatrici. Addit *ἡ secundum carnem*, ut distinguat Judæos nondum ad Christum conversos a Christianis ex Judæis, seu Israelitis κατὰ πνεῦμα, id est secundum spiritum.

quam calicem Domino sacrificatum: nam « calix dæmoniorum » non alius est quam iis oblatus et sacrificatus.

Quarto, ex ipsa comparatione et argumentatione Apostoli, quæ talis est: sicut Judæi comedentes victimas pacificas, participant et consentiunt earum sacrificio, in altari Deo oblato; ita et idolothyta comedentes in idolo, participant et consentiunt eorum sacrificio, in altari dæmonibus oblato: sic et Christiani Eucharistiam sumentes, participes sunt sacrificii Eucharistici, et per sacerdotem Deo Eucharistiam sacrificant; ac consequenter indecens omnino est ut iidem dæmoni sacrificent, hoc ipso quo idolothyta participant, quasi partem et consummationem sacrificii idololatrici. Nemo enim potest sacrificare Deo simul et dæmoni. Ita S. Augustinus, lib. I *Contra advers. legis et prophet.*, cap. xix, tom. VI; Chrysostomus in *Morali*, Anselmus; et innuunt Theophylactus, Oecumenius, Ambrosius, Theodoretus. Diserte vero idipsum docet, multisque exemplis eorum, qui postquam idolothyta comedisissent, accedentes ad Eucharistiam a Deo puniti sunt, confirmat S. Cyprianus, serm. *De Lapsis*, additque: Non ferret terrenus Imperator aliquem ex militibus suis per fugam in castris adversariorum agere, quanto minus permittat Deus, ut sui accedant ad epulas dæmoniorum?

Nota primo: Post sacrificium peractum transferebantur ex altari mensaque idoli carnes illi immolatæ, ad mensam hominum, juxta altare vel templum positam, ut ex iis comederent illi, qui eas obtulerant, cum suis amicis et invitatis. Solebant enim sacrificia et festa epulo hoc sacro claudere. Sic *Æneid. VIII* post sacrificium Evandrum et *Æneam* fecisse, docet Virgilius dicens:

Tunc lecti juvenes certatim, aræque sacerdos
Viscera testa ferunt taurorum, onerantque canistris
Dona laboratæ Cereris, Bacchumque ministrant:
Vescitur Æneas, simul et Trojana juventus
Perpetui tergo bovis, et lustralibus extis.

Sic et Judæi de sacrificiis quæ obtulerant, comedebant in atrio ante templum, ut patet *I Reg. ix, 13* et alibi. Sic et Christus sacrificium Eucharisticum, ejusdem epulo et distributione inter Apostolos conclusit: hinc et in primitiva Ecclesia omnes fideles in Missa communicabant, ut sacrificii participes fierent, illudque hoc epulo clauderent. Rursum Gentiles, qui offerebant et immolabant victimas idolis suis, post sacrificium ex eis *μερίδας*, id est partes, secum domum asportabant, ut eas domesticis distribuere, et ad amicos transmitterent, sicque absentes sacrificii participes facerent, ut ex Herodoto et aliis docet Giraldus *De Diis Gentium*, in fine operis. Pari modo Christiani, tempore persecutionis, Eucharistiam domum deferrebant, imo ad absentes mittebant, in symbolum amicitiae et communionis, utque eos sacrificii participes

Quid sit
calix
dæmo-
niorum?

Sacrificia
et festa
olim epu-
lo clau-
debantur.

Quare
olim om-
nes fide-
les com-
municabant
in
Missa?

Quare
et in
Christia-
ni do-
mum de-

ferrent facerent. Testis est Eusebius, lib. V *Histor.*, cap. xxiv et xxix.

Nota secundo: Præcise hic Apostolus respondet quæstioni de idolothytis, an iis vesci liceat? respondet autem, nunquam licuisse, nec licere idolothytis vesci quasi idolothytis, id est, quasi idolo sacris, seu eo quod illi immolata et consecrata sunt: qui enim sic ea comedit, ipso facto tacite profitetur idolum esse sacrum, esse numen, et per idolum carnem illi oblatam esse sacram; tanquam numini alicui oblatam: quod est idololatria. Hoc autem fit, quando eo loco, modo et circumstantiis idolothytum comeditur, ut moraliter censeatur comedens ad idoli honorem et reverentiam illud comedere, ut cum has partes quasi sacras ea mente, scilicet ad idolum colendum, mittebant offerentes, et recipiebant ac comedebant amici. Rursum et clarius, si statim a sacrificio juxta aram vel templum, in idolo cum offerentibus et sacrificantibus, coram idololatris idolothytum comedas, censeris in honorem idoli illud comedere; secus est, si postea et solus ex fame aut etiam ex cupiditate illo vescaris, sive domi, sive etiam in idolo: tunc enim non censeris illo vesci quasi sacro ad honorem idoli, sed tantum videris velle satisfacere fami, aut cupiditati tuæ.

Dices: S. Augustinus, *epist.* 154, et lib. *De Bono conjug.*, xvi, et lib. XXXII *Contra Faust.*, xiii, querit, an Christianus viator fame pressus, si nihil inveniatur, nisi cibum in idolo positum, et nemo adsit, possit illum edere, an satius sit emori? ac respondet: Aut certum est, idolothytum esse, aut certum est non esse, aut ignoratur: si certum est esse, melius Christiana virtute respuitur; si autem non esse scitur, vel ignoratur, sine ullo conscientiae scrupulo in usum necessitatis assumitur: alias, ut dixi, melius respuitur, ne comedens idolis communicasse videatur. Ergo idolothyto, si constet esse idolothytum, abstinendum est.

Respondeo: Non dicit S. Augustinus: Abstinentum est idolothyto, si certum est esse; sed dicit: «Melius Christiana virtute respuitur:» satis ergo insinuat, licitum esse eo vesci, melius tamen et generosius eum facturum, qui eo absteineat, et malit mori quam eo vesci. Simile est in Carthusiano: huic enim in extrema necessitate licet carnibus vesci, ut vitam tueatur; melius tamen et sanctius ipse faciet, si ex professione sua iis abstineat, itaque moriatur, ut docet Victoria, *Relect. de temperantia*, num. 8; Azorius, lib. V *Moral.* cap. vi, in fine, et alii. Non enim tenetur vitam omni modo et tempore conservare, sed potest eam voti, aut potius professionis suæ sanctitati postponere, idque ad dandum aliis virtutis exemplum, et sanciendam Ordinis sui disciplinam et rigorem: nec enim votum expressum abstinendi carnibus faciunt Carthusiani, sed tantum abstinencia hæc constitutionibus eorum præscribitur.

22. AN ÆMULAMUR DOMINUM? — Græce παραζηλοῦμεν, Vers. 22. id est, an provocamus Dominum ad iram et zelum? an Domino æmulum rivalemque opponimus? ut eo quasi sponso relicto, dæmoni ejusque idolothytis adhæreamus, vel certe utrique adhærere, et dæmonem Deo jungere velimus. Ita Chrysostomus, Anselmus, Theophylactus. Alludit Paulus ad *Deuter.* xxxii, 21, ubi dicitur: «Ipsi me provocaverunt in eo qui non erat Deus, et irritaverunt in vanitatibus (idolis) suis.» Recte S. Hieronymus in II *Habacuc* ait, omnibus idolis assidere immundos spiritus, qui idola invocantibus respondent, dantque oracula, vel opem ferunt.

NUMQUID FORTIORES ILLO SUMUS? — *q. d.* Minime, ergo non impune nobis cedet illa æmulatio, et Dei ad iram provocatio, de qua jam dixi.

23. OMNIA MIHI LICENT. — «Omnia» scilicet adia-phora, quale est comedere idolothyta, non quasi sacra, aut quasi idolothyta, sed tanquam communes cibos.

Ubi nota: Hactenus egit Paulus de idolothytis, qua talibus, sicque vetuit ea comedere; unde vers. 14: «Fugite, ait, ab idolorum cultura,» scilicet, ne sitis mensæ et calicis dæmoniorum participes, ut explicat vers. 20, puta, comedendo cibos idolis oblatos, eo modo et iis circumstantiis, quibus censeamini eos quasi sacros, seu quasi idolothytum in honorem idoli velle comedere. Hoc vero versu transit ad secundum casum, scilicet, quo idolothytum non formaliter qua idolothytum, sed materialiter qua cibis vel caro est, comeditur, et de hoc ait: «Omnia mihi licent, sed non omnia expediunt;» quia, ut sequitur, non omnia ædificant, *q. d.* Materialiter licet vesci idolothyto per se, per accidens tamen non licet, si sequatur scandalum, patet ex vers. 27, 28, 33. Vere dixit Clemens, lib. III. *Strom.*, post principium: «Qui faciunt quidquid licet, facile dilabuntur ut faciant quod non licet;» aliter hæc explicat Theophylactus, sed præter mentem Apostoli.

24. NEMO QUOD SUUM EST QUÆRAT, SED QUOD AL- Vers. 24. TERIUS. — *q. d.* Nemo quærat ematve carnem, v. g. idolis immolatam, sibi commodam, gratam, sapidam, vilis pretii; sed in hac re aliisque similibus quærat alterius, proximi scilicet, ædificationem, ut non cum ejus scandalo et damno spiritali illam emat et comedat. Ita Theophylactus.

25. OMNE QUOD IN MACELLO VENIT, MANDUCATE, Vers. 25. NIHIL INTERROGANTES. — «Omne,» scilicet omnia tam idolis immolata, quam non immolata indifferenter comedite. «Nihil interrogantes,» græce μηδὲν ἀνακρίνοντες, id est nihil dijudicantes, vel discernentes; Ambrosius, *nihil disquirentes*; Theophylactus, *nihil hæsitantes*.

IN MACELLO. — Græce ἐν μακellῳ, pro ἐν κρεπωλίῳ; sic et Syrus retinet vocem Latinam *macelli*: sic prætorium, Cæsar, denarius, spiculator, etc., græce usurpant Evangelistæ, cum sint Latina: quia Græci a Latinis et Romanis sibi dominantibus ea quasi vulgo trita acceptarunt.

ferrent
Encha-
ristiam?
Quomodo
non li-
ceat ves-
ci idolo-
thytis?

Quomodo
licet
vesci idolo-
thytis?

Explica-
tur Au-
gustinus
de esu
idolothy-
torum.

Licet vi-
tam
sanctitati
voti aut
profes-
sionis
suæ post-
ponere.

Assident
idolis
spiritus
immundi

Vers. 23.

Vers. 24.

Vers. 25.

Carnes
sacrifica-
tae idolis
mitte-
bantur
ad macel-
lum.

Nota ex Herodoto in *Clio*, et S. Augustino, in expositione inchoata *epist. ad Rom.*, cap. lxxviii: Solebant Gentiles carnes idolis sacrificatas et oblatas, post sacrificium et epulum superfluas, mittere ad macellum vendendas, quarum lucrum ad sacerdotes derivabatur. In macello ergo censebantur, uti aliæ carnes, ad profanum et communem usum redire. «Quidam, inquit S. Augustinus, infirmiores illo tempore abstinebant a carnibus et a vino; ut ne vel nescientes inciderent in ea quæ idolis sacrificabantur; omnis enim tunc immolatio caro in macello venundabatur, et de primitiis vini libabant Gentes simulacris suis, et quidam ipsis torcularibus sacrificia faciebant.»

Quomodo
intelligendum
nihil
interrogantes
propter
conscientiam?

Unde Apostolus hunc scrupulum dispellens, monet ut promiscue emant et comedant quæ in macello proponuntur, nihil discernentes vel interrogantes, an veniant ab idolo necne, propter conscientiam, quasi illa iis maculanda sit, si veniant ab idolo. Hoc Apostoli documentum sunt secuti Christiani Antiocheni, cum Julianus Apostata eos per idolothyta ad idololatriam quasi cogere et irretire vellet. Rem gestam ita narrat Theodoretus, lib. I, cap. xiv: «Julianus, inquit, primo fontes sceleratis victimis contaminavit, quo singuli qui aquam gustarent, tetra nequitiae labe inficerentur. Deinde quæ in foro exponebantur, eadem sceleris macula inquinavit; nam panes, carnes, fructus, olera, et alia omnia esculenta aqua lustrali aspergebantur, quæ cum viderent Christiani, etsi non poterant non gemere, et scelera illa detestari, tamen eisdem vescebantur, legi Apostoli obsecuti, ita jubenti: Quidquid in macello venit, comedite, nihil interrogantes propter conscientiam.»

Qua ratione
Julianus
Antiochenos
ad idololatriam
cogere conabatur.

PROPTER CONSCIENTIAM, — quasi scrupulus sit faciendus, si vendant idolothyta, illudque rogare debeatis, an scilicet carnes quas emere vultis, fuerint idolis oblatæ, nec tales emere et comedere liceat. Ita Anselmus, Ambrosius, Theodoretus. Unde patet Paulum non loqui de jejuniis Ecclesiæ, quasi quolibet die, etiam jejunii liceat comedere carnes, quæ in macello venales exponuntur. Hæc enim jejunia et abstinentiæ non sunt adaphora, sed præcepta ab Ecclesia. Quare Paulus, *Actor. xv et xvi*, jussit servari decretum abstinentiæ a sanguine et suffocato: quod mere est positivum et a solis Apostolis sancitum.

Non loquitur
Paulus
de jejuniis
Ecclesiæ.

Vers 26.

26. DOMINI EST TERRA, ET PLENITUDO EJUS. — *q. d.* Omnis creatura, quia Domini est, bona est et munda: sic et idolothyta non immunda sunt, ut vos putatis esse, ex eo quod dæmoni sunt oblata; sed munda sunt, quia a Domino creata sunt. Ita Chrysostomus, Theophylactus, Anselmus. Alium insuper sensum affert Theophylactus, *q. d.* Abstine a cibo isto idolis immolato: universa enim terra Domini est, ac licet tibi aliunde abunde satiari et impleri; in Græco enim codice Theophylacti pro *ἀνθρώπων*, id est e supernis, corrigendum videtur *ἐκ τῆς γῆς*, id est aliunde. Sed hic sensus non

apte coheret cum eo quod præcessit: «Omne quod in macello venit, manducate.»

27. SI QUIS VOCAT VOS (ad prandium vel cœnam, ut habent hic nonnulli codices manuscripti) INFIDELIUM, ET VULTIS IRE: OMNE (etiamsi idolothytum sit) QUOD VOBIS APPONITUR, MANDUCATE, NIHIL INTERROGANTES PROPTER CONSCIENTIAM, — scilicet eo sensu, quem jam attuli; idque, ait Theophylactus: «Ne sollicitiore cura, nimiae curiositate videamini formidare idola, utque liberam et illæsam vestram retineatis conscientiam.» Si enim rogetis, et respondeatur esse idolothytum, conscientia vestra constringetur, eoque vesci non poterit, unde sequitur:

28. SI QUIS AUTEM DIXERIT (in prandio vel cœna): HOC IMMOLATUM EST IDOLIS, NOLITE MANDUCARE, PROPTER ILLUM QUI INDICAVIT, — carnem scilicet hanc esse idolis oblatam et sacram, ac consequenter religiose edendam, si videlicet indicans sit infidelis, qui te ad prandium vocavit, aut alius idololatra: si enim post illius indicium ea comedas, putabit ille te secum idololatriæ participem fieri; sin indicans sit Christianus et scrupulosus, putans non licere ea vesci, tanquam per idololatriam polluta, post illius indicium noli ea vesci, ne eum scandalizes: alioqui enim si omne tam fidelium quam infidelium scandalum cesset, idolothytis etiam indicatis et cognitis vesci licet, ut dixi cap. viii, initio.

ET PROPTER CONSCIENTIAM. — Ne scilicet lædas conscientiam fratris tui in fide infirmi, tibi in mensa assidentis, dum eum tuo exemplo provocas, ut contra conscientiam suam idolothyta comedat. Unde explicans subdit Apostolus: «Conscientiam autem dico, non tuam, sed alterius.»

29. UT QUID ENIM LIBERTAS MEA JUDICATUR AB ALIENA CONSCIENTIA? — *q. d.* Quare utar libertate mea cum scandalo, ut damner ab aliena conscientia? Illa enim cum infirma sit et rudis, putat me rem damnablem facere, si comedam idolothyta, *q. d.* Neutiquam id faciendum est. Ita Ambrosius (1).

30. SI EGO CUM GRATIA PARTICIPO, QUID BLASPHEMOR PRO EO QUOD GRATIAS AGO (2)? — *q. d.* Etsi mihi licet vesci idolothytis ex gratia Evangelicæ libertatis gratias agendo Domino, quorsum tamen cum scandalo id faciens, «blasphemor,» id est, aliorum maledictis me exponam, ut male de me loquantur quasi idololatra sim, aut idolorum communione pollutus? Posset *secundo*, sic accipi «cum gratia,» id est cum gratiarum actione. Unde sequitur explicationis ergo: «Pro eo quod

(1) Alii ante *ut quid enim* subaudiunt: Tibi autem qui meliorem cognitionem habes, licet vesci omnibus carnibus, si nemo offendatur; et interpretantur, quomodo enim condemnari et eripi mihi possit libertas mea, a conscientia aliena?

(2) Si cum gratiarum actione edo, quid ego movear aliorum obrectatione propter id cujus causa gratias ago? ita multi.

Gratias ago.» Hinc colligitur veterum morem fuisse, ut ante mensam illi benedicerent, et post eam Deo gratias agerent, qua de re plura dicam I *Timothei*. cap. iv, vers. 4 et 5.

31. SIVE MANDUCATIS, SIVE BIBITIS, SIVE ALIUD QUID FACITIS : OMNIA IN GLORIAM DEI FACITE. — Consilii hoc est, non præcepti : nec enim tenemur omnia actu, imo nec virtute, in Dei gloriam facere, licet id valde pium sit. Simili modo cap. xvi ait : « Omnia vestra in charitate fiant. » *Secundo*, si quis præceptum esse velit, cum Anselmo, Ambrosio et Cajetano de aptitudine et habilitate exponat, q. d. Ita manducate, bibite, omniaque vestra ita facite, ut apta et habilia sint ad gloriam Dei promovendam, scilicet ut talia sint, ex quibus glorificari possit Deus, nemo offendi, nec Dei gloria lædi; sed potius omnes ædificari, et consequenter Dei gloria celebrari et propagari. Et secundum hic aptius esse, patet ex præcedentibus, ubi agitur de vitando scandalo. Unde et sequitur : « Sine offensione estote Judæis, et Gentibus, et Ecclesiæ Dei. » Opponit enim Paulus gloriam Dei gloriæ dæmonum, cui serviunt qui idolothyta comedunt in honorem idoli, vel cum scandalo proximorum; cum e contrario gloriæ Dei serviant, qui idolothytis abstinent, eaque manducant et agunt, quæ Dei honorem et cultum, salutemque proximorum juvant et promovent.

Aliter S. Thomas, I II, *Quæst.* C, art. 10, ad 2, respondet præceptum esse, ut aliquando homo se et omnia sua in genere referat ad Dei gloriam, quasi ad ultimum finem. Verum Apostolus hic non de uno aut altero actu, sed de eo quod continuo et semper facere oportet, loquitur.

Tertio, plenior sensus erit, si exponas, q. d. Ita studiose Dei gloriam promovete in omnibus (quod est consilii), ut omnino caveatis, ne quid faciatis quod gloriæ Dei adversetur, aut scandalum in idolothytorum comestione (ad hanc enim proprie respicit) aut alia re detis, quo Deus vituperetur, quod est præcepti. Licet enim sit affirmativum hoc dictum et consilium Apostoli, tamen negativum præceptum includit. Unde non sequitur hinc omnia infidelium opera esse peccata, eo quod non faciant ea ad gloriam Dei veri, utpote quem ignorant : quia, ut dixi, omnia sua

opera facere, actuque ea referre ad Dei gloriam, non est præcepti, sed consilii.

Moraliter hinc Tertullianus, lib. *De Corona Militis*, et S. Hieronymus, ad *Eustochium*, asserunt, moris tunc fuisse apud Christianos, ut initio operis cujusque se signarent cruce, quasi dicerent : Hoc opus fiat ad gloriam Dei in nomine Patris, et Filii, et Spiritus Sancti. Quærit S. Basilii in *Regul. brevior.*, Reg. 196, Quomodo quis manducat et bibit ad gloriam Dei? Respondet, si beneficiorum Dei memor, ita animo et corpore sit compositus, ut non tanquam securus omnino manducet, sed ut qui inspectorem habeat Deum, et si proponat, non ut ventris Mancipium ob voluptatem manducare, sed ut operarius Dei, ut vires habeat ad fortius ei serviendum, et opera ac mandata Christi exequendum : hoc est (ut brevissime dicam), si comestione et potum referat ad laudem Dei, non quærens cibi voluptatem, sed ordinans eam et offerens ad Dei gloriam, quod sane facere et consuescere deceret omnes, non tantum Religiosos, sed et Christianos verosque Dei cultores. Quare pulchre idem Basilii, hom. in *Julittam Martyr.*, citans hunc Apostoli locum : « Sive comeditis, sive bibitis, sive aliud quid facitis, omnia ad gloriam Dei facite, » ita nos hortatur : « Accumbens mensæ, ora : esitans panem, largitori gratiam rependito : bibis vinum, memento ejus qui illud tibi dedit ad lætitiā et infirmitatum solamen : tunicam indueris, gratias agito benigno datori : suspicis in cælum et siderum pulchritudinem, procide Deo, et cole eum qui cuncta hæc in sapientia condidit. Pari modo, oriente sole et occidente, in somno et vigilia, Deo gratias age, qui hæc omnia ad tuum commodum creavit et ordinavit, ut creatorem agnoscas, ames et laudes. »

33. SICUT ET EGO PER OMNIA OMNIBUS PLACEO, — id est placere conor et satago, ut omnes ædificem, neminem offendam et scandalizem; licet actu nonnullis vel ignaris, vel æmulis, vel perversis displiceam. « Placeo » enim significat hic actum inchoatum, sive studium placendi, juxta *Can.* 32. Unde explicans subdit Apostolus : « Non quærens quod mihi utile est, sed quod multis, ut salvi fiant. »

Omnia infidelium opera non

sunt peccata.

Morale.

Christiani omnes in initio operis se cruce signabant. Quomodo quis possit manducare ad gloriam Dei?

Pulchre S. Basilii docet quomodo in particulari omnia ad Dei honorem sint faciendæ?

Vers. 33. Placeo, id est placere conor.

CAPUT UNDECIMUM.

SYNOPSIS CAPITIS.

Quinque
rationi-
bus pro-
bat Pau-
lus velan-
da esse
capita mu-
lierum.

Transit Apostolus a secunda quæstione de idolothyti ad tertiam quæstionem principalem, de velamine mulierum. Quæsierant enim Corinthii a Paulo, an mulieres Christianæ essent velandæ, necne? Respondet hic Paulus eas debere caput velare, maxime dum publice orant, idque probat quinque rationibus. Prima est, vers. 5 et 14, quia hoc exigit honestas et verecundia muliebris. Secunda, vers. 7 et seq., quia subditæ sunt viris. Tertia, vers. 10, quia si nudo capite prodeant, offendent angelos. Quarta, vers. 13, quia natura dedit illis comam pro velamine. Quinta, vers. 16, quia hæc est Ecclesiæ consuetudo.

Altera parte capitis, vers. 17, agit de cæna Eucharistiæ, carpitque in ea abusum, quod scilicet in agape sive cæna communi divites excluderent pauperes, et seorsim quisque cum suis genio et ebrietati indulgeret. Unde, vers. 23, recenset Eucharistiæ a Christo institutionem, et scelus ac pœnam indigne ad illam accedentium, jubetque ut prius quisque seipsum probet, antequam accedat.

1. Imitatores mei estote, sicut et ego Christi. 2. Laudo autem vos, fratres, quod per omnia mei memores estis : et sicut tradidi vobis, præcepta mea tenetis. 3. Volo autem vos scire quod omnis viri caput Christus est : caput autem mulieris, vir : caput vero Christi, Deus. 4. Omnis vir orans, aut prophetans velato capite, deturpat caput suum. 5. Omnis autem mulier orans, aut prophetans non velato capite, deturpat caput suum : unum enim est ac si decalvetur. 6. Nam si non velatur mulier, tondeatur. Si vero turpe est mulieri tonderi, aut decalvari, velet caput suum. 7. Vir quidem non debet velare caput suum : quoniam imago et gloria Dei est, mulier autem gloria viri est. 8. Non enim vir ex muliere est, sed mulier ex viro. 9. Etenim non est creatus vir propter mulierem, sed mulier propter virum. 10. Ideo debet mulier potestatem habere supra caput propter angelos. 11. Verumtamen neque vir sine muliere, neque mulier sine viro, in Domino. 12. Nam sicut mulier de viro, ita et vir per mulierem : omnia autem ex Deo. 13. Vos ipsi iudicate : decet mulierem non velatam orare Deum? 14. Nec ipsa natura docet vos, quod vir quidem si comam nutriat, ignominia est illi ; 15. mulier vero si comam nutriat, gloria est illi, quoniam capilli pro velamine ei dati sunt. 16. Si quis autem videtur contentiosus esse, nos talem consuetudinem non habemus, neque Ecclesia Dei. 17. Hoc autem præcipio : non laudans quod non in melius, sed in deterius convenitis. 18. Primum quidem convenientibus vobis in Ecclesiam, audio scissuras esse inter vos, et ex parte credo. 19. Nam oportet et hæreses esse, ut et qui probati sunt, manifesti fiant in vobis. 20. Convenientibus ergo vobis in unum, jam non est Dominicam cœnam manducare. 21. Unusquisque enim suam cœnam præsumit ad manducandum. Et alius quidem esurit, alius autem ebrius est. 22. Numquid domos non habetis ad manducandum et bibendum? aut Ecclesiam Dei contemnitis, et confunditis eos, qui non habent? Quid dicam vobis? Laudo vos? in hoc non laudo. 23. Ego enim accepi a Domino quod et tradidi vobis, quoniam Dominus Jesus in qua nocte tradebatur, accepit panem, 24. et gratias agens fregit, et dixit : Accipite, et manducate : hoc est corpus meum, quod pro vobis tradetur : hoc facite in meam commemorationem. 25. Similiter et calicem, postquam cœnavit, dicens : Hic calix novum testamentum est in meo sanguine. Hoc facite quotiescumque bibetis, in meam commemorationem. 26. Quotiescumque enim manducabitis panem hunc, et calicem bibetis, mortem Domini annuntiabitis donec veniat. 27. Itaque quicumque manducaverit panem hunc, vel biberit calicem Domini indigne, reus erit corporis et sanguinis Domini. 28. Probet autem

seipsum homo, et sic de pane illo edat, et de calice bibat. 29. Qui enim manducat et bibit indigne, iudicium sibi manducat et bibit, non dijudicans corpus Domini. 30. Ideo inter vos multi infirmi et imbecilles, et dormiunt multi. 31. Quod si nosmetipsos dijudicarem, non utique iudicaremur. 32. Dum iudicamur autem, a Domino corripimur, ut non cum hoc mundo damnemur. 33. Itaque fratres mei, cum convenitis ad manducandum, invicem expectate. 34. Si quis esurit, domi manducet, ut non in iudicium conveniatis. Cætera autem, cum venero, disponam.

Vers. 1. 1. IMITATORES MEI ESTOTE, SICUT ET EGO CHRISTI. — Cohærent hæc cum fine capitis præcedentis, q. d. Imitamini me, o Corinthii, in eo, quod dixi me querere non quod mihi utile est, sed quod multis, ut salvi fiant: in hoc enim animarum zelo ego Christum imitor, qui non sua commoda quæsit, sed nostram salutem, cum pro ea e cœlis in terram, et carnem nostram descendit, laboravit, sudavit, mortique et cruci se obtulit.

Vers. 2. 2. LAUDO VOS, FRATRES, QUOD PER OMNIA MEI MEMORES ESTIS. — Est hæc transitio et præmunitio ad novam quæstionem et admonitionem: quia enim Paulus mox seq. versu carpere incipit Corinthiorum abusus, de non velandis mulieribus et quod ad cœnam Eucharisticam temulenti ac discordes accederent, hinc correptionem suam de more præmolit, ut quasi pilulam saccharo oblitam facilius et suavius eam capiant et hauriant Corinthii. Dicit ergo: « Laudo vos, quod per omnia mei memores estis; græce *ἐν παντί μου μνησθεσθαι*, id est, ut Erasmus, *quod omnia mea memoria tenetis*; vel, ut Euthymius, *quod omnium quæ mea sunt memores sitis*. Noster intelligit *τὸ κατὰ*, id est *secundum*, per; sed idem est sensus. « Omnia, » intellige præcepta, documenta, monita, ut sequitur. Rursum hæc « omnia, » id est pleraque omnia, non quidem ab omnibus, sed a plerisque melioribus et potioribus vestrum observantur: nam aliqui hac epistola nonnulla Corinthiorum vitia, ac in primis hoc capite abusus cœnæ Eucharisticæ, quasi a suo et Christi præcepto dissidentem, Paulus carpit et redarguit.

SICUT TRADIDI VOBIS PRÆCEPTA MEA. — Græce, *παρέδωκα ὑμῖν τὰς παραδόσεις*, id est, ut etiam Beza vertit, tradidi vobis traditiones. Unde cum hæc non sint scriptæ ab Apostolo; nec enim alia prior hac (est enim hæc prima) Pauli ad Corinthios extat epistola, qua hasce traditiones eis præscripserit: hinc manifeste sequitur, non omnia quæ fidem et mores spectant, esse scripta in sacra Scriptura, sed multa viva voce tradidisse Paulum et Apostolos, ut diserte docet Paulus hoc vers., et clarius vers. 23 et ult. Idque patet, quia antequam scripta essent ea, quæ de cœna aliisque hic scribit Apostolus, eadem tamen a Paulo et a Christo, ut ipse ait vers. 23, præcepta servare tenebantur Corinthii. Eadem est ratio eorum, quæ solum tradita, nec unquam scripta sunt: lex enim tradita æque obligat atque lex scripta. Ita ex Chrysostomo Theophylactus et alii.

Vers. 3. 3. VOLO AUTEM VOS SCIRE, QUOD OMNIS VIRI CAPUT CHRISTUS EST: CAPUT AUTEM MULIERIS, VIR: CAPUT VERO CHRISTI, DEUS. — Hic materiam de velandis mulieribus aggreditur Apostolus. Pro quo nota: Corinthiæ mulieres non tantum luxui, sed et cultui Veneris erant addictissimæ, adeo ut quotidie mille puellas in honorem Veneris, ad ipsius templum lenonibus et lenocinio exponerent, ut dixi cap. vi in fine, idque sibi honori et pietati ducerent, putarentque se hoc modo deam Venerem sibi suisque ad felix matrimonium ineundum, vel continuandum, conciliaturas. Hinc consequenter erant impudentes et amasiorum illices, quos ut ad sui amorem allicerent, aperto vultu, oculis et capite incedebant, suam formam ostentantes; adeo, ut hic mos Corinthii honestus, decens et elegans haberetur, et Christianæ mulieres eundem morem, quasi patrium, sibi retinendum censerent. Monuerunt hac de re Paulum nonnulli Corinthii cordatiores, hancque quæstionem ei proposuerunt, an Christianis feminis liceat, vel conveniat, nudo capite incedere, vel versari, maxime in Ecclesia? Paulus respondet id non decere, nec licere, idque incipit hic probare; estque hæc prima ejus ratio: mulier est subjecta viro, quasi capiti suo; ergo velanda est: e contrario vir est subjectus Deo, tanquam gloria et imago Dei; ergo vir non est velandus; consequentiam utramque probabit vers. 7 et 10.

Nota: Caput hic idem est quod dominus, superior, rector; sic Christi hominis, sive humanitatis Christi, caput et rector est Deus, caput scilicet heterogeneum, sive alterius naturæ, et transcendens; Christus vero proprium et homogeneous est caput Ecclesiæ, idque quatuor modis, ait D. Thomas: *primo*, ratione conformitatis naturæ cum aliis hominibus; Christus enim ut homo, est caput Ecclesiæ; *secundo*, ratione perfectionis gratiarum; *tertio*, ratione sublimitatis super omnem creaturam; *quarto*, ratione influentiæ in omnes, et maxime in Ecclesiam. Sic vir quatuor modis est caput mulieris, inquit D. Thomas: « Nam *primo*, vir est perfectior muliere, non solum quantum ad corpus, quia, ut Philosophus dicit in libro *De Generatione animalium*, femina est mas occasionatus; sed etiam quantum ad animæ vigorem, secundum illud *Eccles.* vii: Virum de mille unum reperi, mulierem ex omnibus non inveni. *Secundo*, quia vir naturaliter supereminet feminæ, secundum illud *Ephes.* v: Mulieres viris suis subjectæ

Nota in
xum et
idolola-
triam
mulie-
rum Co-
rinthia-
rum.

Non licet
mulieri
nudo ca-
pite in Ec-
clesia
d. 10.

Quatuor
modis
Christus
est caput
Eccle-
siæ.

Quatuor
modis vir
est caput
mulieris.

Multa vi-
va voce
ab Apo-
stolis tra-
ditæ sunt.

Lex tra-
dita æ-
que obli-
gat ac
scripta.

sint, sicut Domino, quoniam vir caput est mulieris. *Tertio*, quia vir influit gubernando mulierem, secundum illud *Genes. III* : Sub viri potestate eris, et ipse dominabitur tui. *Quarto*, vir et femina conformes sunt in natura, secundum illud *Genes. II* : Faciamus ei adiutorium simile sibi. »

Vers. 4 et 5. OMNIS VIR ORANS, AUT PROPHETANS VELATO CAPIT, DETURPAT CAPUT SUUM; OMNIS AUTEM MULIER ORANS, AUT PROPHETANS NON VELATO CAPIT, DETURPAT CAPUT SUUM. — Est hæc secunda ratio : Turpe est viro velari, adeoque honestas, libertas et virilitas viri requirit ut vir caput non velet, sed illud apertum liberumque exponat; e contrario turpe est mulieri non velari : nam honestas et pudor muliebris requirit ut mulier velet caput suum; ergo mulier velanda est, non autem vir. Nota

mulier orans, aut prophetans : « prophetans » enim hic non sumitur proprie ut idem sit quod prophetiam proloquens, aut explicans; sed improprie, idemque est, quod sacris hymnis et psalmis Deum laudans, eosque Deo decantans. Nam loquitur hic Paulus de publico conventu, ubi non permittit mulieri loqui, nec docere, sed bene canere, cum scilicet totus cœlus canit. Sic « propheta » pro cantore capitur I *Paral. xxv, 4*, et I *Reg. x, 10*. Sic Saul dicitur fuisse inter prophetas, id est inter cantores, Dei laudes canentes. Sic filii prophetarum in libris Regum dicuntur ii, qui Dei laudibus et cultui serviebant.

Aliqui sic explicant, « prophetans, » id est prophetiam audiens. Verum nusquam sic capitur *prophetare* passive, sed semper active. Rursum mulierem hic quamlibet intelligit Apostolus, scilicet tam virginem et innuptam, quam nuptam et corruptam : omnes enim omnino velari jubet, ut docet Tertullianus, lib. *De Velandis virgin.*, cap. *iv* et *v*, additque ita Paulum intellexisse Corinthios, qui usque hodie, inquit, ex Pauli præcepto velant non tantum conjuges, sed et virgines suas.

DETURPAT. — Græce κατασχέβει, id est *dedecorat*, probro afficit caput suum, *q. d.* Si non velet se mulier in templo, facit contra naturalem honestatem et verecundiam illi inditam a Deo.

UNUM ENIM EST (perinde est, æque turpe est mulieri, si non veletur) **AC SI DECALVETUR** (1).

(1) Non modo apud Judæos, sed etiam apud gentes cultiores, obtinuit mos, ut virgines et mulieres velarent caput; contra vero turpe et indecorum est habitum, mulieris nuptæ vultum in publico aspicere et oculis aliorum usurpari posse. Græca autem consuetudo videtur fuisse, ut mulieres velamina, alias usitata, in templis tantisper seponerent, quam consuetudinem nonnulli Corinthii odio Judaismi in Ecclesiam invhere voluerunt. Paulus de ea muliere, quæ haud velata sacris Christianis intersit, dicit : *Dehonestat caput suum*, id est, suum ipsius corpus, seipsam. Negligentia enim velaminis in publico, quam Rabbini inter repudiū causas retulerunt, ipsa etiam Pauli ætate suspicionem impudicitiae habuit. *Unum enim est ac si decalvetur*, id est, rasa esset. Nam feminae tonderi non solebant, nisi quum turpes videri vellent, ut in luctu; aut iuberentur, quod erat adulterarum pœna. Cf. *Weststenium* ad h. l.

XVIII.

6. NAM SI NON VELATUR MULIER, TONDEATUR. — *Tō* nam hic non est causale, sed continuativum cum emphasi, idemque valet, quod, Atque adeo, si non velatur mulier, tondeatur.

TONDEATUR. — Græce καὶ κείρασθω, id est *etiam tondeatur*, quia par est turpitudine : scilicet tam turpe est mulieri non velari, quam tonderi, vel decalvari. Hinc inferunt hæretici : ergo perperam et turpiter Religiosæ virgines tondentur.

Respondeo : Nego consequentiam; quia Apostolus loquitur in genere de mulieribus sæcularibus, maxime maritatis, iis scilicet, quæ publice in templo spectantur, non autem loquitur de Religiosis aut reclusis. Hæ enim recte comam depouunt, ut ostendant : *primo*, se omnem sæculi ornatum contemnere; *secundo*, se non esse sub potestate viri, sed sponsum habere Christum. Isque mos fuit tempore S. Hieronymi, ut ipse ait epist. 48 ad *Sabinianum*. Idem faciebant Nazaræi, Num. cap. *vi*.

Dices : Concilium Gangrense, *Can. 17*, vetat religionis prætextu virgines tonderi.

Respondeo ex *Sozomeno*, lib. *III*, cap. *xiii*, Canon iste loquitur non de Religiosis, sed de hæreticis mulieribus, quæ relictis et invitis maritis, quasi Religionis prætextu, caput tondebant, et virilem habitum assumebant : has enim excommunicat, ut recte demonstrat Baronius, in fine tom. *IV Annal.* Adde Religiosas pro coma habere sacrum velum.

Ubi notandum est, licet Theodosius Imperator, lib. *XXVII De Episcop. et Cler.*, Codice Theodosiano, vetuerit in Occidente virgines tonderi, illas nimirum quæ juniores essent, quæque extra monasterii claustra, in sæculo publice castitatem et vitam quasi religiosam profiteri vellent; idque ob periculum scandali, si, uti subinde fiebat, contingeret eas resilire et labi; nam, ut bene advertit Baronius anno Christi 390 (hanc quoque legis hujus causam assignat Sozomenus, lib. *VII*, cap. *xvi*), eodem anno lata est a Theodosio lex hæc, quo Constantinopoli matrona illa nobilis et juvenula, diaconissaque, ut videtur, a diacono in ecclesia vitata, cum de more jussu confessarii publicam quorundam peccatorum confessionem perageret, longius progressa, etiam hoc fornicationis peccatum confessa est, magno populi scandalo : qua de causa Nectarius hunc publicum poenitentiarium et publicam confessionem sustulit; tamen communis usus semper fuit in Ecclesia, ut virgines dum religionem ingrediuntur, tondeantur. Unde in *Ægypto* et *Syria* crines resecare solitas virgines Deo sacras, docet S. Hieronymus dicta epist. 48 : « Moris est, inquit, in *Ægypto* et *Syria* monasteriis, ut tam virgo quam vidua, quæ se Deo voverint, et sæculo renuntiantes omnes delicias sæculi conculcarint, crinem monasteriorum matribus offerant desecandum, non inlecto postea, contra Apostoli voluntatem, incensuræ capite, sed ligato pariter atque velato. » Ta-

Non est turpe Religiosas mulieres tonderi.

Quas mulieres Concilium Gangrense vetat tonderi?

Quas Theodosius vetat tonderi?

Quare publica confessio sublata sit?

Mos fuit in *Ægypto* et *Syria* Religiosas tonderi

bennesiotas quoque sanctissimas virgines, quas S. Pachomius ab angelo monitus instituit, idem facitasse, auctor est Palladius, in *Lausiaca*; imo S. Basilius in *Regula monachorum* præscribit, ut in ipsa initiatione conversionis monasticæ capita radant. Hunc enim habitum decere eum, qui lugeat peccata.

Vers. 7. 7. VIR NON DEBET VELARE CAPUT SUUM : QUONIAM IMAGO ET GLORIA DEI EST. — Est hendiadys. Sicut enim dicit poeta : « Aurum frenosque momordit, » id est frenos aureos momordit : sic dicit hic Apostolus, quod vir sit Dei imago et gloria, id est imago gloriæ vel gloriosa, in qua scilicet maxime elucet Dei majestas et imperium; est enim vir in supremo rerum gradu collocatus in hoc mundo, et tanquam secundarius aliquis Deus, dominans omnibus (1). Hæc est major propositio syllogismi Paulini, sub qua hanc capesse minorem : Atqui gloria Dei revelanda est, hominis vero gloria occultanda est : ergo cum mulier sit gloria viri, vir vero Dei, sequitur quod mulier velanda sit, non vir. S. Anicetus, epist. ad *Episcopos Galliæ*, hanc Apostoli sententiam intelligit maxime de viris qui sunt in clero, seu sacerdotibus; qui ex ordinatione Apostolorum non tantum aperto capite, sed et tonso instar coronæ esse debent, uti fuit S. Petrus, ait Beda, lib. V *Hist. Angl.*, cap. xxiii, et Gregorius Turonensis, lib. *De Glor. Confess.*, xxviii, ut scilicet repræsentent et quasi gestent coronam spineam Christi, et opprobrium S. Petri aliorumque Apostolorum, atque exinde coronam gloriæ in cælis expectent.

Ubi inota : In veteri Testamento summus sacerdos nudis pedibus, et tecto capite, tiara nimirum redimitus, sacrificia et sacra peragebat, ut patet *Exod.* xxviii, 37; in novo Testamento sacerdotes Missæ sacrificium calceati, et nudo capite parantur : quia, ut docet Epiphanius, *hæresi* 80, quæ est Messalianorum, in novo Testamento Christus, qui caput nostrum est, nobis conspicuus et manifestus est, qui in lege veteri Judæis erat velatus et absconditus. Apostolus tamen hic non solis clericis, sed omnibus viris in genere loquitur, ut patet.

Nota : Non est contra hoc præceptum Apostoli, quod sacerdotes nostri dum celebrant, amictu utuntur inter vestes sacras; nunquam enim illo inter sacrificandum caput tegunt, « sed super os casulæ revolvunt, » ut ait Rupertus, lib. I *De Divin. Offic.*, cap. x. Non est ergo amictus ad tegendum caput, sed ad representandum superhumera pontificis in lege antiqua, ut scribunt

(1) Conf. S. Augustinum, *serm.* 4 in octava Paschæ : « Revelanda sunt capita eorum, quod est indicium libertatis. » *Imago Dei* h. l. sumi non videtur illa notione consueta de morali quadam præstantia et perfectione, sed de dominio. Hinc fuerunt ex antiquioribus Patribus qui negarent imaginem Dei pertinere ad sexum muliebrem, quatenus scilicet de dominio valet, non vero de similitudine Dei morali.

Alcuinus et Rabanus; vel ad significandum velum quo Judæi texerunt oculos Christi, *Matth.* cap. xxvi, ut docent Dominicus Soto in IV, dist. 13, Quæst. II, art. 4; Hugo Victorinus, lib. II *De Sacrament.*, cap. iv, et alii.

Sed vult Paulus abolere Gentilium morem, qui (quemadmodum primus instituerat Æneas, ut scribunt Plutarchus et Servius), velato capite, diis suis sacrificabant et supplicabant. Quod discrimen inter Christianos orantes et Gentiles annotavit in *Apologetico* Tertullianus, adeoque ipsas feminas Romanas inter sacrificandum fuisse capite velatas testatur Varro, lib. IV *De Lingua latina*, his verbis : « A ritu rica est dicta, quod Romano ritu, sacrificium femine cum faciant, capita velant. »

MULIER AUTEM GLORIA VIRI EST. — id est mulier facta est ad gloriam viri ex viro, velut ejus opificium et imago : unde illi subjecta est, et in signum subjectionis velanda.

Nota : « Mulier, » puta conjux, « est viri gloria, » id est gloriosa imago, ut dixi supra, quia Deus mulierem, scilicet Evam, formavit ex viro, ad viri similitudinem, ut virum tanquam suum exemplar ipsa quasi imago repræsentaret. Sita est hæc imago in mente et ratione; quod scilicet mulier instar viri sit prædita anima rationali, intellectu, voluntate, memoria, libertate, capaxque sit omnis sapientiæ, gratiæ et gloriæ, æque ac vir; ac proinde mulier est imago viri, non proprie : nam mulier in anima rationali par est et æqualis viro, et uterque, scilicet tam mulier quam vir, factus est ad imaginem Dei; sed improprie et analogice : quia scilicet mulier tanquam posterior et inferior facta est ex viro, illique similis creata est. Unde Apostolus non expresse dicit : Mulier est imago viri; sed tantum : « Mulier est gloria viri : » quia nimirum, ut recte annotavit Salmeron, mulier est insigne viri ornamentum, utpote quæ viro data est, tum in adjutorium ad propagandum liberos et familiam gubernandam, tum in materiam et quasi ditionem, in quam vir exerceat suam jurisdictionem et dominium. Dominium enim viri non tantum se extendit ad inanima et animalia bruta, sed etiam ad rationalia, puta ad mulieres et conjuges.

8. NON VIR EX MULIERE EST, SED MULIER EX VIRO. Vers. 8. — Probat duabus rationibus vel indiciis, quod mulier sit gloria viri, quasi capitis sui.

Primum est, quia mulier est viro posterior, et ex viro producta, ac consequenter vir est origo et principium ex quo orta est mulier.

9. Secundum est : ETENIM NON EST CREATUS VIR PROPTER MULIEREM, SED MULIER PROPTER VIRUM, — ut scilicet esset viro in adjutorium, ad vitæ societatem et prolis propagationem; sicut ergo vir est principium ex quo, ita est et finis propter quem producta est mulier; ac consequenter mulier est gloria viri, non autem vir est gloria mulieris.

Laus viri est, quod sit imago et gloria Dei.

Corona sacerdotis quid significet?

Olim summus sacerdos nudis pedibus et tecto capite sacrificabat: apud Christianos fit contrarium.

Quomodo mulier sit viri gloria.

Vers. 10. 10. IDEO DEBET MULIER POTESTATEM HABERE SUPRA CAPUT. — Ita Græca et Romana legunt, scilicet, *potestatem*; non autem *velamen*, uti legunt aliqui.

Nota primo: «Potestas» significat hic auctoritatem, jus, imperium, principatum, non ipsius mulieris, sed viri in mulierem; alludit enim ad *Genes. III, 16*: «Sub viri potestate eris, et ipse dominabitur tui.»

Nota secundo: «Potestas» metonymice hic significat signum potestatis viri, id est velamen, quod in capite gestat mulier, ut significet se subiectam potestati viri, ac quasi virum suo capiti insidere et dominari. «Potestas» ergo hic active ex parte viri, passive vero ex parte mulieris capitur; vide *Can. 30*. Velamen enim gestamen est illius, qui potestatem in alio reveretur: sicut enim caput nudum et liberum, signum est potestatis et domini; ita si quis illud velet, signum est hanc potestatem in eo quasi velari, constringi, ac alteri astringi et subijci. Quam ob causam Tertullianus, lib. *De Corona milit.*, cap. XIV, hoc velamen mulierum, vocat «humilitatis suæ sarcinam,» et lib. *De Veland. virgin.*, cap. XVII, «jugum illarum;» Chrysostomus vocat «insigne subjectionis;» Concilium Gangrense, *sess. XVII*, vocat «memoriam subjectionis.»

Nota tertio: Ab hoc velamine factum est, ut Latinis dicantur nubere mulieres, id est caput obnubere, sive velare, cum in viri potestatem transeunt; contra in viro etiam olim pileus libertinæ conditionis erat insigne, teste Livio in fine lib. XLV. Unde servi in necessitate militiæ ascribendi, ad pileum, id est ad libertatem, vocari dicebantur.

PROPTER ANGELOS. — Primo, ad litteram sensus est, mulieres debere habere velamen supra caput, ob reverentiam angelorum, non quod illi corpus habeant et ad libidinem incitentur, uti senserunt olim Justinus, Clemens, Tertullianus; hic enim est error, ut dixi *Genes. VI*; sed quia mulieres angelos habent testes honesti pudoris aut impudentiæ, item obedientiæ et inobedientiæ suæ. Ita Chrysostomus, Theophylactus, Theodoretus; S. Thomas, Anselmus.

Secundo, Clemens, lib. II *Hypotypos.*, per «angelos» viros bonos et sanctos accipit.

Tertio, Ambrosius, Anselmus, S. Thomas, accipiunt sacerdotes et Episcopos, qui *Apoc. II*, vocantur angeli, ne scilicet eos mulieres non velatæ forma sua ad libidinem provocent. Unde Clemens, lib. II *Pædagog.*, cap. I, hic præcipi putat, non tantum ut caput tegant, sed et frontem vultumque velamine obumbrent, quod honestiores in templis facere videmus. Verum primus sensus maxime litteralis est et genuinus (1).

(1) Rosenmullerus comma 10 sic vertit et explicat: *Quapropter uxor debet velamen habere in capite propter exploratores*. Velum h. l., ait, ἱερωαία dicitur, id est ad litteram, dignitas, prærogativa, omninoque omne quod præstat et æstimum est, quia honoris signum erat. Eam

Est hæc tertia ratio, qua probat Paulus mulieres esse velandas, videlicet quia id exigit reverentia angelorum, præsertim in templo: angeli enim templum oberrant, et singulorum habitum, gestus et vota explorant. Audi quid hac de re S. Chrysostomo contigisse, non semel, sed sæpius, narrat S. Nilus, S. Chrysostomi discipulus, epist. ad Anastasium: «Joannes, inquit, sacerdos admirandus Ecclesiæ Constantinopolitanæ et totius orbis splendor, vir animi perspicacis, omni fere tempore videbat domum Domini refertam angelorum cœtu, et tunc in primis cum divinum et incruentum sacrificium offerebatur: quo quidem tempore stupore et lætitia plenus, rem præcipuis amicis enarravit: Cum cœpisset, inquit, sacerdos sanctissimum sacrificium, plurimæ statim ex illis virtutibus descendentes, stolis indutæ splendidissimis, nudis pedibus, intentis oculis, pronæ altare magno cum silentio et reverentia, quoad reverendum illud mysterium expletum fuit, circumsteterunt. Deinde huc illic singulæ diffusæ per totam domum, Episcopis, Presbyteris et Diaconibus distributionem corporis et pretiosi sanguinis ministrantibus adhæserunt, et satagentes et sedulo adjuvantes.»

Idem S. Chrysostomus, homil. *De Sacra mensa*, admirans ait: «Ad quam assistunt Cherubini, descendunt Seraphini, qui senis alis præditi vultus demittunt: ubi omnes angeli cum sacerdote pro te legationem obeunt.» S. Ambrosius, in cap. I *Lucæ*, loquens de angelo qui apparuit Zachariæ: «Utinam, inquit, nobis quoque adolentibus altaria, sacrificium deferentibus assistat angelus, imo præbeat se videndum! Non enim dubites assistere angelum quando Christus assistit, Christus immolatur.» S. Gregorius, lib. IV *Dialog.*, cap. LVIII: «Quis, ait, fidelium habere dubium possit, in ipsa immolationis hora, ad sacerdotis vocem cœlos aperiri, in illo Jesu Christi mysterio angelorum choros adesse, summis ima sociari, terrena celestibus jungi, unum quoque ex visibilibus atque invisibilibus fieri?» S. Dionysius Areopagita, *Cælest. Hierar.*, cap. V et IX, ait angelos extremi ordinis præesse Ecclesiasticæ hierarchiæ et comministrationi sacrorum. Tertullianus, lib. *De Oratione*, cap. XIII, reprehendens abusum sedendi in Missa, sic ait: «Siquidem irreverens est assidere sub conspectu contraque conspectum ejus, quem maxime reverearis ac veneraris; quanto magis sub conspectu Dei vivi, angelo adhuc orationis astante, factum illud irreligiosissimum est, nisi exprobramus Deo, quod nos oratio fatigaverit?» Narrat Joannes Moschus, in *Prato spir.*, cap. CL, Episcopum Rumeliæ celebrantem coram Agapito

ob causam, velamentum oris Saræ, *Gen. XX, 16*, Alexandrini interpretes τὴν τρυφὴν τοῦ προσώπου eleganter vocarunt. *Exploratores*, seu speculatores, infideles scil., per quos opprobrium illud in publicum emanare poterat. Sed Veterum sententia, imo recentiorum plurimorum, magis placet, et simplicior est.

Angeli sunt in templo et sacrificio Missæ.

Qua reverentia angelus intersint sacrificio Missæ?

Quale signum sit caput velari?

Pileus libertatis est insigne.

Angeli non incitantur ad libidinem.

Qui per angelos hic intelliguntur?

Papa, cum sisteret, eo quod non videret Spiritus Sancti descensum, quem videre solebat, rogatum ab Agapito moræ causam, respondisse: Diaconum, qui flabellum tenet, removete ab altari. Eo remoto, solita signa apparuerunt, ipseque sacrificium perfecit. Idem S. Chrysostomo contigisse, ob Diaconum oculos conjicientem in mulierem, narrat Metaphrastes in *Vita S. Chrysostomi*.

Nota, ad pudorem et honestatem, olim etiam ante Christum, velamine usas esse mulieres Judæorum et Gentium, Trojanas, Romanas, Arabes, Lacænas. Unde Valerius Maximus, lib. VI, cap. III, horridum narrat C. Sulpitii maritale supplicium, qui uxorem dimisit, quod eam capite aperto foris versatam cognorat.

Tertullianus, lib. *De Veland. virginib.*, cap. XVII: « Judicabunt nos, ait, Arabiæ femine Ethnicæ, quæ non caput tantum, sed faciem quoque ita totam tegunt, ut uno oculo librato contentæ sint dimidia frui luce; potius quam totam faciem prostituere. » Idem Tertullianus, *De Corona militis*, cap. IV: « Judæis feminis, inquit, tam solemne est velamen capitis, ut inde cognoscantur. »

De Lacænis Plutarchus in *Apophth. Laconicis*, in Charilla, testis est, quod earum virgines aperta facie, viris junctæ mulieres velata facie prodire solitæ sint; ut scilicet illæ maritos invenirent, istæ viros habentes aliis placere non curarent. Sed sicut probro adscribitur Lacænis, ait Clemens, lib. II *Pædagog.*, cap. X, quod super genua tantum vestes deductas induerent, ita nec earum virgines aperta facie prodeuntes laudantur; quod sic virgineus pudor quasi venalis expositus prodereetur.

Rursum secundo, Tertullianus, lib. *De Veland. virgin.*, cap. II, culpatur eas, quæ tenui velo utebantur, quod illud irritamentum magis sit libidinis, quam tegumentum pudoris, Gentilium potius feminarum usu, quam Christo credentium comparatum. Et cap. XII, nundinatrices quasi pudicitie habet illas, quæ consilium formæ a speculo peterent; et speculum olim vitasse Christianos, satis indicat S. Justinus ad Severum *De Vita Christiana*. Denique hoc fine scripsit Tertullianus librum *De Velandis virginibus*, ut probet omnes, non tantum nuptas, sed et innuptas, etiam sæculares, non obstante quavis consuetudine, velandas esse; quia id præcipit hic Apostolus; et sic, ait cap. IV, intellexerunt Corinthii, qui usque hodie velant virgines suas: et rationes Apostoli omnibus omnino mulieribus conveniunt, ut merito abusus censeri et corrigi debeat, quod nonnullis in locis virgines nudo plane capite incedant, scilicet ut formam ostentent et sponsum capient, cum revera tum alios, tum seipsas castitatis periculis exponant, et lenonum fraudibus sese in dies obijciant; unde tot pudicitie naufragia videmus et audimus.

Veletur igitur virgo, ut tecta in publicum prodeat, ne vel ipsa videat quæ non debeat. vel in

aliorum aspectum vultus ejus incurrat. Innumerales enim per aspectum vel ipsæ perierunt, vel alios occiderunt, ut summa cautio oculis merito sit adhibenda. Unde Tertullianus loco mox citando: « Omnis, ait, publicatio virginis bonæ, stupri passio est: » nimirum quia quæ aperto vultu oculis suis libere vagatur, ut videat et videatur, facile in spiritu violatur. Et hæc ipsa evagatio index est animi non satis casti. Unde subdit Tertullianus: « Indue armaturam pudoris, circumduc vallum verecundiæ, murum sexui tuo strue, qui nec tuos emittat oculos, nec admittat alienos. » Huic officio optime serviunt calyptæ Brabantiæ (quas Heucas vocant) superne coopertæ pileis, quos honestiores ita dimittunt, ut pene totam faciem tegant et obumbrent.

Hinc tertio, olim habitus sacrarum virginum fuit flammeum, seu sacrum velum, de quo Tertullianus, *De Velandis virgin.*, cap. XV: « Pura, ait, virginitas semper timida oculos fugit, confugit ad velamen capitis, quasi ad galeam, contra ictus tentationum, contra jacula scandalorum, contra suspiciones et susurros; » additque hæc vela solemni ter solere benedici, indeque virgines dici Deo nuptas et desponsatas. Unde et Innocentius I ad *Victric.*, epist. 2, cap. XII: « Quæ, inquit, Christo spiritualiter nubunt et a sacerdotibus velantur. » Ad hæc olim hæ virgines pulla veste induebantur, et operiebantur pallio. E contrario viri Christiani habitum priscum ita pungit Lucianus in *Philopatro*, « Pallium putre, sine calceis (nudipedes ergo, vel certe soleis olim incedebant Christiani, uti jam Capucini) et tegmine, nudo capite, detonsa coma. »

11. VERUMTAMEN NEQUE VIR SINE MULIERE, NEQUE MULIER SINE VIRO, IN DOMINO. — Refer hæc non ad verum proxime præcedentem (quem proinde apte Biblia Plāntini parenthesi intercipiunt), sed ad superiorem, vers. nonum: quod enim ibi dixit, mulierem creatam esse propter virum, ne viris superbiendi, mulieribus sibi indignandi occasionem dedisse videatur Apostolus, hic mitigat, dicens, neque mulierem sine viro, nec virum sine muliere esse posse in conjugio: alter enim alterius, utpote conjugis, ope indiget, idque « in Domino, » id est Domino ita volente et disponente, vel per Dominum, et Domino auctore. Ita Ambrosius, et patet ex vers. seq.

Posset secundo, sic accipi, « in Domino, » scilicet Christo, hoc est, in re et lege Christiana: vide *Can.* 25 et 37, q. d. Ad normam Christianæ legis et ordinationis divinæ vir et mulier invicem se juvent, filios procreant, eosque pie educunt. Videtur enim submonere conjuges sui officii, et Christianæ pietatis.

12. NAM SICUT MULIER (prima, Eva) DE VIRO (formata est), ITA ET VIR PER MULIEREM (concipitur, formatur, nascitur, propagatur): OMNIA AUTEM EX DEO — fiunt, ordinantur et disponuntur.

14. NEC IPSA NATURA DOCEAT VOS — id quod præ-

Flammeum virginitatis.

Quis olim fuerit vestitus virginum? quis vir christiani?

Vers. 11.

Vers. 12.

Vers. 14.

cedit, scilicet decere mulierem non velatam orare; sed potius ejus contrarium, scilicet id quod sequitur: « Quod vir si comam nutriat, ignominia est illi: mulier vero, si comam nutriat, gloria est illi. » Hebræi enim, qualis erat Paulus, concise loquuntur, et multa subaudiunt, ut dixi *Can.* 38. Unde Græca et quædam Latina clarius per interrogationem hæc legunt, ἡ οὐδὲ αὐτὴ ἡ φύσις διδάσκει ὑμᾶς; hoc est, ut Syrus, *anne, vel nonne ipsa natura docet vos?* Noster Interpres non legit ἡ οὐδὲ, sed οὐδὲ tantum.

Vers. 15.
Alere comam effeminatum est in viro.

15. VIR SI COMAM NUTRIAT, IGNOMINIA EST ILLI. — Quia alere comam est contra decus virile, est animi mollis et effeminati, ni fiat valetudinis, aut frigoris causa. Hinc S. Augustinus, lib. *De Opere monach.*, refellit monachos quosdam, qui comam promissam habebant usque ad humeros, ut speciem et nomen sanctitatis captarent. Rursum virum decet aperto capite orare, mulierem velato, uti hactenus probavit Apostolus: ergo mulier comam alere debet, non autem vir; coma enim a natura data est illi pro velamine. Comam longam et promissam hic intellige, qualis est mulierum.

Nota: Ut mulier comam alat, non autem vir, non est absolute præceptum naturæ, aut divinum, aut Ecclesiasticum. Unde, ut dixi vers. 6, feminæ Religiosæ comam resecant: e contrario gentes nonnullæ olim comam in viris habebant pro decore et ornamento, ut Galli, a quibus dicta est Gallia Comata; et Achivi, quos passim Homerus vocat ἀνδρομήτορας Ἀχαιοί, id est crinitos Achæos. Romani quoque prisci comam alebant, et sero, nimirum sub tempore Scipionis Africani, tonsoribus uti cæperunt. Primi tonsores ex Sicilia, inquit Plinius, lib. VII, cap. LIX, in Italiam venerunt, anno post Romam conditam 454; ante intonsi fuere. Lycurgus quoque Lacedæmones voluit comam retinere. Paulus ergo non præceptum hic, sed honestatem et decentiam naturæ insinuat, scilicet naturaliter decere, ut femina cum in publicum prodit, comata et velata prodeat, non autem vir: hanc tamen naturæ decentiam Paulus hic sancit, et instar præcepti a Corinthiis servari vult, unde subdit:

Vers. 16.

16. SI QUIS AUTEM VIDETUR CONTENTIOSUS ESSE. — « Contentiosus, » ut scilicet contendat, non veritatis, sed et gloriæ et victoriæ studio (hoc enim significat Græcum φιλονεικος) feminas Christianas velandas non esse, cum in templo orant, sed pristinum Gentilium morem et nuditatem retinere debere.

Vers. 17.

17. HOC AUTEM PRÆCIPIO. — Est hæc quarta ratio probans mulieres esse velandas, petita ab ipsa natura, quæ mulieri comam dedit pro velamine, ut doceret eam esse velandam.

HOC AUTEM PRÆCIPIO: NON LAUDANS, QUOD NON IN MELIUS, SED IN DETERIUS CONVENITIS, — *q. d.* Hoc de velandis mulieribus ita præcipio, ut interim vos non laudem in eo quod sequitur, scilicet,

« quod non in melius, sed in deterius convenitis; » quod quid sit, explicat vers. seq. dicens:

18. CONVENIENTIBUS VOBIS IN ECCLESIAM, AUDIO SCISSURAS ESSE INTER VOS. — Ubi nota nomen *ecclesiam*: inde enim sequitur, jam tunc tempore Pauli fuisse ecclesias et templa. Vide de prisca ecclesiæ forma, picturis, cruce, distinctione loci feminarum, virginum, virorum, Baronium in hunc Apostoli locum.

Transit hic Apostolus a velamine mulierum ad abusum Corinthiorum in cæna Eucharistica corrigendos.

19. NAM OPORTET ET HÆRESES ESSE, — spectata nimirum humana inconstantia, superbia, novitate et pronitate, qualis erat Corinthiorum, ut dicerent: « Ego sum Pauli, Ego Apollo, » Deo permittente ad suorum probationem, necesse est et oportet sequi hæreses. Ita Cajetanus, Ambrosius, Chrysostomus.

HÆRESES, — hoc est, schismata et sectas, tum in fide, tum in moribus, quales erant hic apud Corinthios in cæna Eucharistica, nimirum de loco recumbendi, de tempore cænæ inchoandæ, de cibis et potibus, de sociis et convivis: nam in cæna Dominica et agape Corinthii divites excludabant pauperes, et seorsim illam peragebant, ut patet ex seq. (1).

UT ET QUI PROBATI SUNT (qui probi, solidi ac firmi sunt), MANIFESTI FIANT. — Tempore enim hæreseos et schismatis manifestatur quinam in fide et pietate fundati et constantes sint, uti hic apud Corinthios manifestabantur constantia et patientia pauperum, quos divites aspernabantur; rursum modestia et charitas divitum illorum, qui odebant schismata, et pauperes ad cænas et agapes suas advocabant. Ita ex Chrysostomo Theophylactus, Oecumenius.

20. CONVENIENTIBUS ERGO VOBIS IN UNUM, JAM NON EST DOMINICAM COENAM MANDUCARE, — *q. d.* Dum convenitis tali modo ad Eucharistiam et cœnam Christi Domini, jam vestra cæna non est cœna dominica, utiesse solebat; et vestrum manducare jam non est dominicam cœnam manducare, uti olim erat; non instituitis cœnam Domini (qui omnes Apostolos, quin et Judam cœnæ suæ sobriæ et piæ adhibuit), sed Bacchi aut Martis. Convenitis enim ad vos inebriandum, et pauperes excludendum: itaque quilibet in se ebrius, in pauperes vero violentus est. Ita Anselmus, Chrysostomus, Theophylactus.

Potest secundo, cum Vatablo et Erasmo Græcum οὐκ ἔστι capi pro οὐκ ἔστι, « non est, » hoc est, non licet vobis dominicam cœnam manducare, ob rationem quam subdit. Sed prior sensus penitior

(1) Rectius: Diversarum partium homines, ne in ipsis quidem conventibus sacris, a mutuis odiis abstinerebant. Videntur illi, qui dicebant se esse Cephæ, se esse Apollonis, etiam in publicis conventibus partes fecisse, ita ut in sacris conviviis instituendis res suas sibi haberent in, suas illi.

Vers. 18.
Tempore Pauli templa fuerunt.

Vers. 19.
Qua ratione oporteat hæreses esse?

Quæ schismata apud Corinthios in cæna Eucharistica fuerint?

Fructus hæreseos.

Vers. 20.

Unde Gallia dicta est Comata? Primum sub Scipione Africano Romani uti sunt tonsoribus. An præceptum sit alere comam in muliere?

est et nervosior, magisque pungit Corinthios.

Vers. 21.
Quid rō
præsumit?
Prima
explicatio
et ge-
nuina.

21. UNUSQUISQUE ENIM SUAM CŒNAM PRÆSUMIT. — *Primo*, S. Augustinus, *epist.* 118: « Præsumit, » inquit, hoc est, *sumit ante synaxim*; hoc enim proprie est præsumere: et quia ad hanc præsumptionem tollendam, jubet vers. 33, ut invicem sese exspectent, scilicet in cœna ante sanctam synaxim: nam in ipsa sacra synaxi, vel post eam non videtur opus fuisse expectatione, cum ea non celebraretur, nisi postquam omnes convenissent, eamque promiscue sumebant pauperes mixti divitibus.

Quare
olim ante Eu-
charis-
tiam in-
stituerint
Christia-
nicœnam
commu-
næ?

Ubi nota: Tempore Pauli, Christiani, ut imitarentur Christum (qui post cœnam agni et communem, Eucharistiam instituit), ante cœnam Eucharisticam, instituebant cœnam communem omnibus Christianis, tam pauperibus quam divitibus, idque in mutuæ et Christianæ charitatis symbolum. Perduravit hic mos in nonnullis Ecclesiis per multa sæcula: nam Sozomeni adhuc tempore, ut ipse narrat lib. VII *Histor.*, cap. xxix, in Ægypto, multis urbibus et pagis, sumpta cœna vulgari, exemplo Christi celebrabant et sumebant sanctam synaxim. Idem de aliis quibusdam Ecclesiis indicat Concilium Carthaginense III, *can.* 29. Hunc morem, ubi et quamdiu permissus fuit, non taxat hic Apostolus, sed ejus abusum, in iis, qui in hac cœna se inebriabant, sinentes alios pauperiores esurire. Hoc enim taxans, subdit: « Et alius quidem esurit, alius autem ebrius est; » et: « Qui manducat indigne, » hoc est, in peccato mortali ebrietatis et contemptus pauperum, « reus erit corporis et sanguinis Domini. » Rursum concludens, vers. 33: « Itaque, fratres, inquit, cum convenitis ad manducandum, invicem exspectate: si quis esurit, domi manducet, ut non in iudicium conveniatis; » scilicet, dum convenitis, ut cœnam Dominicam sive Eucharisticam manducetis, ut dixit vers. 20. Ergo loquitur de conventu qui fiebat ante, non autem post cœnam Eucharisticam.

Secunda
explicatio.

Secundo, tamen alii accipiunt rō cœnam suam *præsumit*, de agape post sanctam synaxim. Pro quo nota, in primitiva Ecclesia, ad imitationem cœnæ Christi, solitos ditiores post sanctam communionem, cœnam in Ecclesia instruere omnibus, tam divitibus quam pauperibus, in charitatis symbolum, ideoque agape vocabatur, quasi dicas, *charitas*; sed refrigescente charitate, crescente multitudine fidelium, res abiit in abusum. Divites enim privatim suam cœnam præoccupabant et instruebant sumptuosissime etiam ad ebrietatem, pauperibus vel exclusis, vel non exspectatis, multo minus invitatis, ut significatur vers. 33, et hoc videtur hic taxare Apostolus. Vide Chrysostomum in morali, sub finem *hom.* 23; Tertullianum, *Apolog.* xxix, et Baronium hic. Hac de causa Concilium Laodicense, *can.* 28, agapes in Ecclesia fieri vetuit.

Verum prior explicatio verior et solidior est,

Quid sit
agape et
quo tem-
pore fie-
bat?

ob rationes ibi illatas (1): agape enim hæc tempore Pauli fiebat, non post, sed ante sacram synaxim; licet paulo post prima hæc Ecclesiæ tempora, scilicet cum Ecclesia sanxit, ut Eucharistia ob reverentiam, nonnisi a jejunis sumeretur, post Eucharistiam celebrata sit hæc agape, ut patet ex Tertulliano et Chrysostomo jam citatis, et ex Augustino, *epist.* 118. Unde pari ratione hic Apostoli locus, iis qui post Eucharistiam celebrarunt divitum agapem, accommodari potest; Apostolus enim taxat ebrietates et arrogantias in agape, sive ea sit ante, sive post Eucharistiam. Quare inepte Novantes aliqui hunc Apostoli locum torquent contra Missas privatas, in quibus solus sacerdos communicat, quia scilicet nemo alius vult communicare; eos enim non excludit: imo optat Ecclesia, ait Concilium Tridentinum, *sess.* XXII, *can.* 6 et *can.* 8, ut qui Missam audiunt, etiam communent. Nam Apostolus hac de re hic non agit, nec de cœna Eucharistica loquitur, sed de vulgari et communi, sive agape, uti ostendi.

Quando
et quare
præceperit Ec-
clesia sanc-
tissimam Eu-
charistiam
a jejuniis
sumi?

Mala
hunc lo-
cum tor-
quent
Novantes
contra
Missas
privatas.

PRÆSUMIT AD MANDUCANDUM, — præsumit manducare, vel præsumit manducando, scilicet suam cœnam. Est hebraismus.

22. NUMQUID DOMOS NON HABETIS AD MANDUCAN- Vers. 22.
DUM ET BIBENDUM? AUT ECCLESIAM DEI CONTEMNITIS: ET CONFUNDITIS EOS (pudore afficitis pauperes) QUI NON HABENT — opes et delicias, quas in commune symbolum cum divitibus conferant? *q. d.* Si vultis convivari, et genio indulgere, inter æquales domi id facite, non in ecclesia. Si enim in ecclesia id facitis, dupliciter peccatis.

Primo, quod ecclesiam vestra crapula contaminetis et polluat.

Secundo, quod pauperes negligendo et pudefaciendo, Ecclesiam Christianam, quæ communis est pauperibus et divitibus, dividatis et discindatis.

23. EGO ENIM ACCEPI A DOMINO, QUOD ET TRADIDI Vers. 23.
VOBIS, — non scripto, ut patet, sed viva voce. Nota hunc locum pro traditionibus, quas orthodoxi verbo Dei scripto adjungendas docent.

Vers. 23.
Vis et
veritas
traditio-
num.

24. DOMINUS JESUS IN QUA NOCTE TRADEBATUR (a Vers. 24.
Juda et Judæis in mortem et crucem) ACCEPIT PANEM, ET GRATIAS AGENS FREGIT, ET DIXIT: ACCIPITE, ET MANDUCATE: HOC EST CORPUS MEUM, QUOD PRO VOBIS TRADETUR. — Nota hic quinque actiones Christi. *Primo*, Christus accepit panem; *secundo*, gratias egit Patri; *tertio*, panem benedixit, ut habet *Matth.* xxvi, 26; *quarto*, panem fregit; *quinto*, porrexit, et inter porrigendum dixit: « Accipite et manducate, hoc est corpus meum. » Hæc enim verba tam porrigentis sunt quam consecrantis.

Quinque
actiones
Christi
in insti-
tutione
Eucha-
ristiæ.

Hinc ruit argumentum Calvini: Omnia, inquit, verba hic, scilicet, « accepit, benedixit, fregit, dedit, » respiciunt et referunt panem; ergo pa-

Objectio
Calvini.
Resp. et
ostendi-

(1) Posterior tamen explicatio præplacet multis, quos inter Allioli ad h. l.

tur quæ ratione hæc verba, **Accipit benedixit, fregit, etc., ad panem referantur.**

nem acceperunt et comederunt Apostoli, non corpus Christi.

Respondeo ad antecedens: Hæc verba referunt panem, non qui manebat panis, sed qui interdandum, vi verborum et consecrationis Christi, convertebatur in corpus Christi. Sic dicere potuisset Christus in Cana Galilææ: « Accipite, et bibite, hoc est enim vinum, » si per hæc verba mutare voluisset aquam in vinum. Sic vulgo dicimus: Herodes S. Joannem incarceravit, occidit, sepelivit, vel sepeliri permisit, cum tamen non incarceravit eundem, quem sepelivit; quia hominem incarceravit, cadaver vero occisi sepelivit. Talis ergo, et consequenter æque vulgaris, est hæc Evangelistarum et Pauli de Eucharistia locutio.

Quare et quando in manus data Christianis Eucharistia?

Nota secundo, ex eo quod Christus ait: « Accipite, hoc est enim, » etc., hinc videri Christum unum panem accepisse, eumque inter consecrandum fregisse in duodecim partes, simulque singulis Apostolis unam distribuisse, quam quisque videtur manu accepisse. Unde et diu in Ecclesia Christianis fidelibus Eucharistia in manus data fuit, ut patet ex Tertulliano, lib. *De Spectaculis*; ex Cyrillo Hierosolymitano, *catechesi* 5 mystagog.; ex S. Augustino, *serm.* 44. Postea tamen, periculi et reverentiæ causa, in os data est Eucharistia.

HOC EST CORPUS MEUM. — Hæretici tropum, alii metonymiam, alii alium esse volunt, et hunc esse sensum: Hoc est figura corporis mei, aut: Hoc significat corpus meum.

Astru-
dur ver-
tas ho-
rum ver-
borum,
Hoc est
corpus
meum.
Primum
argumen-
tum pro-
bans in
his ver-
bis non
esse tro-
pum.

Sed nullum hic esse tropum patet primo, ex demonstratione pronominis *hoc*, et ex voce « corpus meum, et sanguis meus, » adeoque ex tota sententia, quæ clarissime hoc significat, ut clarius dici non potuerit. Accedit, quod Christus in ultimo hoc vite suæ die suum testamentum condiderit, et novum æternumque fœdus instituerit cum rudibus et charissimis suis discipulis, quodque præstantissimum Sacramentum, dogma pariter ac mysterium Christianæ religionis fundarit et exhibuerit, quæ omnia verbis clarissimis proponi solent et debent. Quis enim credat summam Christi sapientiam ac bonitatem ultimis suis verbis dedisse inevitabilem occasionem falsi dogmatis et perpetuæ idololatriæ? quod sane fecit, si verba hæc tam clara: « Hoc est corpus meum, » tropice tantum et figurate intelligi voluerit. Si enim ita est, ergo tota Ecclesia jam per 1500 annos in gravissimo errore et idololatria versata est, idque occasione verborum Christi, quæ ita aperta sunt, ut Lutherus ad Argentinenses scribat: « Quod si Carolostadius mihi persuadere potuisset, in Sacramento præter panem et vinum esse nihil, magno beneficio me sibi devinxisset: hac enim re valde papatui incommodassem. Verum ego me captum video, nulla elabendi via relicta: textus enim Evangelii nimis apertus est et potens, qui facile convelli non potest, multo minus verbis aut glossis e capite vertiginoso confictis subverti. »

Lutheri
de pro-
prio et
genuino
sensu
horum
verbo-
rum tes-
timo-
nium.

Ita Lutherus. Et Philippus Melancthon *ad Freder. Myconium*: « Si pro corpore, inquit, figuram corporis accipias, quid non poterit eludi hac arte? Sic licebit totam religionis formam transformare. » Ita Philippus. Scilicet sic cum Serveto Patrem, Filium, Spiritum Sanctum tria tantum esse nomina unius Dei, non tres personas; Christum assumpsisse carnem, sed phantasticam; passum mortuumque, sed tantum per imaginem et phantasma, cum Manichæis interpretari licebit; denique dicere a pari quæ poterit, non nisi per tropum Evangelia esse Evangelia, Christum esse Christum, Deum esse Deum, ut tandem, quod multis eorum contingit, nil credant. Vide quam hic fenestram atheismo Sacramentarii aperiant. Verissime dixit et prædixit Cardinalis Hosius, hæreticos tandem fore atheos, et hæresis omnis finem esse atheismum. Nimirum dum a Catholica fide ad hæresim desciscunt, in eaque nihil inveniunt stabile, nihil constans, nihil solidum; quid restat, nisi ut hæresim abjiciant, nihil credant, fiatque id quod cecinit Psaltes, *Psal.* xiii: « Dixit insipiens in corde suo, Non est Deus. » Utinam id in dies non experiremur!

Testimo-
nium
Melanch-
thonis do-
eodem
sensu.

Hæretici
sunt
atheol.

Rursum non solum Paulus, sed et alii omnes, videlicet Matthæus, Marcus, Lucas, eodem modo, iisdemque verbis, « Hoc est corpus meum, hic est sanguis meus, » hanc cœnam et historiam enarrant, et Syrus Interpres disertissime, *Marc.* xiv, 22, אִתְּהִי פַגְרִי *ithai pagri*, hoc est, ipsum corpus meum: nullus est qui tropum explicet, vel insinuet, uti alibi solet unus alium, cum obscurior est, explicare. Quo argumento convictus Erasmus, Conrado Pellicano, a quo ad Zuin-
glianismum sollicitabatur, ita rescribit: « Ad id, videlicet non esse in Eucharistia verum corpus Christi, negavi semper me posse animum inducere, præsertim cum evangelicæ atque apostolicæ litteræ tam evidenter nominent corpus quod datur, et sanguinem qui effunditur. » Et infra: « Si tibi persuasum est, in synaxi nihil esse præter panem et vinum, ego membratim discerpi malim, et omnia perpeti, quam profiteri idem quod tu profiteris; nec patiar ut tui istius dogmatis me auctorem facias, vel comitem. Ita mihi contingat nunquam a Christo sejungi, amen. » Ita Erasmus.

Erasmus
dicit se
velle dis-
cerpi pro
veritate
Eucha-
ristiæ.

Secundo, Si in Eucharistia est et manet panis, ergo figura panis successit figuræ agni. Quis autem perperam id fieri et dici non videt? agnus enim occisus in lege veteri, clarius significabat Christum patientem quam panis in lege nova. Rursum frigide et inepte agnus fuisset typus Eucharistiæ, quæ nudus est panis secundum Calvinum. Quis enim non mallet agnum habere tam in se, quam in figuram Christi, potius quam panem?

Secun-
dum argu-
mentum prin-
cipale
probandum
realem præsen-
tiam Christi
Eucha-
ristiæ.

Tertio, id magis patet in consecratione calicis: « Hic est sanguis meus novi Testamenti, qui pro vobis effundetur: » quod clarissimum est in Græco apud Lucam, cap. xxii, τοῦτο τὸ ποτήριον ἡ καινὴ

Tertium
argumen-
tum.

διαθήκη ἐν τῷ αἵματι μου, τὸ ὑπὲρ ὑμῶν ἐκχυμένον, hoc poculum est novum Testamentum in meo sanguine, quod, scilicet poculum, pro vobis effundetur. Tò enim ad πτόριον referri debet, non ad αἵματι, cum αἵματι sit dativi casus, τὸ vero nominativi; ergo poculum, sive calix sanguinis Christi pro nobis effusus est; ergo in calice hoc vere erat sanguis Christi, ita ut cum calix hic effunderetur, non effunderetur vinum, quod fuit ante consecrationem, et post eam manet, ut volunt hæretici; sed effunderetur sanguis Christi, qui erat in eo post consecrationem. Hoc enim significat « calix sanguinis qui pro vobis effundetur. » Alioqui calix vini, non sanguinis, pro nobis effusus esset, nosque calice vini redemisset Christus, quod est absurdissimum. Id magis patebit ex vers. seq. Nec dici potest cum Beza textum Græcum esse corruptum: quandoquidem omnes tam codices, quam interpretes ita legunt, olimque legerunt.

Quartum argumentum. Quarto, omnes Evangelistæ, et Paulus, corpus hoc explicant, cum addunt, « quod pro vobis datur; » aut, ut Paulus, « Quod pro vobis tradetur; » vel, ut græce est, κλάμενον, « Quod pro vobis frangitur; » atqui non figura corporis, sed verum Christi corpus pro nobis datum, traditum, fractum est: ergo verum Christi corpus a Christo datum est Apostolis. Rursum, dicit Paulus, quod « qui manducaverit hunc panem indigne, reus erit corporis et sanguinis Domini; » ergo hic vere est corpus et sanguis Domini, cui injuriosum est qui illud indigne tractat ac sumit.

Quintum argumentum. Denique ita proprie ut sonant, hæc verba consecrationis explicant Patres Græci et Latini omnium sæculorum. Hic fuit sensus totius Ecclesiæ usque ad Berengarium per annos 1030; tunc enim cœpit Berengarius, qui homo indoctus, sed gloriæ cupidus, ut novi Doctoris nomen assequeretur, primus publice contrarium docuit. Nam J. Scotus et Bertramus, qui ante Berengarium idem senserunt, obscuri fuerunt, et statim a Paschasio Rabano et aliis repressi sunt. Berengario hoc dogma quasi novum in lucem proferenti, statim se opposuerunt Lanfrancus, Cantuariensis Archiepiscopus, Guidmundus, Algerus et totus orbis Catholicus. Unde damnatus est Berengarius error in concilio Vercellensi sub Leone IX, rursum in Turonensi sub Victore II, ubi præsens convictus Berengarius publice hæresim ejuravit: sed relapsus, in Romano Concilio 113 Episcoporum sub Nicolao II, rursum convictus, libros suos cremavit, et palinodiam cecinit, quæ habetur de Consecratione, dist. II, cap. Ego Berengarius. Mox secundo relapsus, tertio in Romano Concilio sub Gregorio VII, errorem suum damnavit hac fidei professione, quam refert Thomas Waldensis, tom. II De Sacram. t. 1, cap. XLIII: « Ego Berengarius corde credo, et ore confiteor, panem et vinum converti in veram et propriam ac vivificantem carnem et sanguinem Domini nostri Jesu

Christi, et post consecrationem esse verum corpus, quod natum est de Virgine; et verum sanguinem Christi, qui de latere effluxit, non tantum per signum, sed etiam in proprietate naturæ et veritate substantiæ. » Utinam qui hoc tempore Berengarium errantem secuti sunt, sequantur et poenitentem! Berengarii hæresim primus hoc sæculo revocavit Andreas Carolstadius, cui statim sese Lutherus opposuit. Carolstadium secutus est Zuinglius, Zuinglium Calvinus; et tamen nullus fidei articulus ita omnium Patrum, totiusque Ecclesiæ consensu firmatus exstat, ut hic de veritate corporis Christi in Eucharistia.

Eundem Ecclesia in octo Conciliis generalibus definivit, scilicet in Niceno I, Niceno II, Romano sub Nicolao II, in Lateranensi, Viennensi, Constantiensi, Florentino et Tridentino: in provinciis etiam plurimis. Videat qui dubitat, Joannem Garetium, qui per singulas, hoc est sedecim a Christo annorum centurias testimonia omnium Patrum et conciliorum cujusque sæculi ordine recenset, quibus omnes aperte et unanimiter hanc veritatem confitentur: affert etiam professionem ejusdem fidei Ecclesiæ Syriacæ, Æthiopice, Armeniacæ, Indicæ. Videat et Bellarminum De Eucharistia, exacte singulorum verba proferentem et discutientem. Sane qui hos leget, videbit hanc omnium ætatum omniumque sæculorum Ecclesiæ fidem fuisse; ut merito scripserit Erasmus ad Ludovicum Berum: « Nunquam, inquit, mihi persuaderi potuit, neque poterit, Christum, qui veritas est et charitas, tamdiu passurum fuisse dialectam sponsam suam hære in errore tam abominando, ut crustulum farinaceum pro ipso adoraret. »

Atque hic apparet Zuinglii, Calvini et similium ars et ingenium. Novam illi invehunt sectam et sententiam de Eucharistia; docent in ea revera non esse corpus Christi, sed corporis tantum figuram. Unde probant? e Scripturis: consulantur verba, legantur omnes Evangelistæ, legatur et Paulus, illisne favent, an potius nobis, ac receptæ in Ecclesia sententiæ? Quid aliud omnes ingeminant quam corpus? idque pro nobis traditum: quam sanguinem? eumque pro nobis effusum. Ubi hic umbra? ubi figura? ubi typus? Atqui, inquiunt, per figuram hæc verba exponi debent: fateare ergo verba Scripturæ non tibi favere, tibi, inquam, qui non aliunde, quam ex Scripturæ verbis Scripturæ mentem scrutandam doces. Unde igitur probas ea per figuram exponi debere? si dubia essent et ambigua, unde expositio petenda? quis litem dirimeret, nisi Ecclesia, quæ columna est et fundamentum traditæ sibi a patribus veritatis? quis nisi veneranda Patrum antiquitas, majorum traditio et sæculorum priorum consensus? Citamus et proferimus per singulas annorum centurias Patres, majores omnes, Concilia nationalia et œcumenica quoque sæculo: omnes et omnia verba Christi, ut sonant, acci-

charis-
tiam.

Carolsta-
dinus pri-
mus se-
cutus est
hoc sæcu-
lo hæ-
resim Be-
rengarii,
et qui-
illum se-
cuti?

In octo
Conciliis
est de-
clata vera
et realis
præsen-
tia corpo-
ris Christi
in Eucha-
ristia.

Efficit
argumen-
tum
Erasmi
pro veri-
tate Eucha-
ristiæ.

Quam
inepte
erant
hæretici
circa veri-
tatem Eucha-
ristiæ si-
bi que
contra li-
cant.

Professio
fidei Be-
rengarii
circa Eu-

piunt, damnant tropum et figuram. Quid ergo restat, nisi ut plana Scripturæ verba, planam et claram Patrum et totius Ecclesiæ sæculis omnibus expositionem sequamini? et tamen mordicus in vestra tropica expositione persistitis. Quæ Scriptura? quæ auctoritas? quæ ratio suadet? nulla, nisi hæc una, quod hæresis vestra ita elegerit, quodque Lutheri buccinam sequamini: Sic mihi videtur, sic placet, sic volo, sic jubeo, sit pro ratione voluntas. Hæc una hoc ipsum, et vestra omnia vobis et suadet et persuadet.

Pertinacia hæreticorum.

Be Melancthon de veritate Eucharistia.

Melius proinde et sanius hæc in re Philippus Melancthon, lib. *De Veritate corporis et sanguinis Domini*: « Si ob rationes humanas, inquit, neges Christum esse in Eucharistia, quid dicet in tentatione conscientia? quam afferet causam discedendi a recepta sententia in Ecclesia? tunc ista verba: Hoc est corpus meum, fulmina erunt. Quid his opponet mens perterrefacta? quibus Scripturis, qua voce Dei se muniet, ac sibi persuadebit, necessario hic fuisse interpretandam metaphoram, cum verbum Dei præferri debeat judicio rationis? » Ita Melancthon.

Catholicis credentis veritatem Christi in Eucharistia securitas in die judicii.

Sane in hora mortis, in die illa terribili, cum sistemur tribunali Christi de fide et vita examinandi, si me roget Christus, Cur credidisti corpus meum in Eucharistia? fidenter dicam: Domine, credidi quod tu dixisti, quod me docuisti: tu verba tua per tropum non explicuisti, nec ego per tropum explicare ausus fui. Ecclesia ea simpliciter accepit, et ego simpliciter accepi: hanc fidem, hanc reverentiam me verbis tuis, me Ecclesiæ tuæ debere plane mihi persuasi.

Confusio hæretici.

Si Calvinistam roget Christus: Cur tu verba mea a proprio sensu in tropum detorsisti? quid dicet? Ita faciendum mihi videbatur, quod ratio mea non caperet, qui id fieri posset aut deceret. Atqui, inquiet ille, utri potius assentiri debebas, rationi tuæ, quæ humana est et infirma; an verbo meo, quod omnipotens est et veracissimum? Ratio Gentilibus dictabat, in me, utpote Deum, in carne natum, passum, crucifixum credere, stultum esse; et tamen tu hoc credendum putasti et credidisti, idque solis Scripturæ verbis, quæ hoc simpliciter asserunt, persuasus. Quid ergo in hoc uno Eucharistiæ articulo id, quod de illo tam diserte dixi, ad rationem tuam exigere, et juxta cerebrum tuum, tam depressum, infirmum et exiguum interpretari præsumpsisti? cur saltem Ecclesiæ omnium sæculorum expositioni et auctoritati non acquievisisti? cur plus omnibus illis sapere voluisti? Quid respondebit ad hæc? qui se excusabit? quo se vertet? Cogitet jam quisque hoc serio, et verbo Dei atque Ecclesiæ, humili fide et obedientia suum judicium submittat, ne in illa die Domini confundatur, ne cum incredulis partem accipiat in stagno ignis ardentis pice et sulphure, ne fulmen illud audiat: « Ite, maledicti, ite, increduli, in ignem æternum. »

Nec miretur tam mirabile mysterium in Eucha-

ristia, cum Christus in omni vita et mysteriis suis fuerit et sit admirabilis, *Isaiæ*, ix, 6; et de eo dicat idem *Isaias*, cap. xlv, 15: « Vere tu es Deus absconditus, Deus Israel Salvator. » Si angelus se insereret hostiæ, revera in ea esset, sed absconditus: non angelum, sed tantum panem videres, sentire, gustares; angelum tamen in eo latere crederes, si angelus aut propheta quispiam id tibi asseverasset: cur ergo pari modo non credis Christum sub hac hostia latere, sed absconditum, cum Christus idipsum asseveret, qui mentiri non potest? modum enim hunc existendi spiritualem, invisibilem et indivisibilem, qui naturalis est angelo, Deus, cum sit omnipotens, potest supernaturaliter dare corpori Christi in Eucharistia. Nemo ergo incredulus dicat: Quomodo potest Christus esse totus in tam parva hostia? cogitet Christum ibi esse instar angeli, nec modum inquirat, sed amplectatur potius immensam Christi charitatem, cujus deliciæ sunt esse cum filiis hominum, qui transiturus de mundo ad Patrem, ut ait S. Joannes, cap. xiii, « cum dilexisset suos qui erant in mundo, in finem dilexit eos; » qui, ut canit S. Thomas,

Christus est in Eucharistia instar angelus.

Christi charitas in Eucharistia.

Se nascens dedit socium,
Convalescens in edulium,
Se moriens in pretium,
Se regnans dat in præmium:

ut nos sua charitate cogeret ad se redamandum, ut, quoties hæc mysteria videmus et agimus, cogitemus illum nos hisce verbis alloqui: Ecce Christus hic se totum tibi, tu te totum da, imo redde Christo.

Dices: Eucharistia subinde vocatur « panis et genimen vitis, » id est vinum, ut patet *Joan.* vi, 57, *Matth.* xxvi, 29.

Respondeo: In ipsa narratione institutionis Eucharistiæ a nemine vocatur « panis, » sed alibi; et tum « panis » significat omnem cibum, ut dixi cap. x, vers. 17. Sic posset et « vinum » significare omnem potum, quia apud Judæos, uti et in Hispania, Italia, Gallia, Germania communis potus erat, non cerevisia, sed vinum.

Sed verius est Christum « genimen vitis » vocasse, non id quod erat in calice Eucharistico, sed quod erat in calice agni paschalis. Nam sicut de agno dixit, ut habet Lucas: « Non manducabo ex hoc, donec impleatur in regno Dei, » ita et de calice agni dixit: « Non bibam de hoc genimine (vel generatione) vitis, donec veniat regnum Dei. » Ita enim diserte, quod *Matthæus* et *Marcus* convolvunt, distinguit S. Lucas, narratque utrumque dixisse Christum ante Eucharistiam, cap. xxii, vers. 17. Tantum enim voluit Christus dicere, se deinceps cum illis non victurum, communemque cenam non sumpturum, ut hactenus vixerat et sumpserat, quia pergebat ad mortem, ait Hieronymus, *Theophylactus* et alii in illum locum.

Objectio prima: Eucharistia subinde vocatur panis. Responsio.

atqui Deus absolute potest divitem ducere ad cælum: ergo et camelum per foramen acus, ergo et corpus Christi per parvam hostiam.

Jam si duo corpora possunt esse in eodem loco, ergo a pari idem corpus, scilicet Christi, potest esse in diversis locis et hostiis: utrumque enim par est difficultatis, et par potentiae ac virtutis.

Tertio, idipsum esse possibile, patet ex alio simili. Potest enim Deus angelum (imo angelus seipsum) in puncto existentem et contractum dilatare et expandere, ut totum cubiculum occupet localiter: ergo a contrario potest Deus corpus per spatium expansum, contrahere in punctum. Si enim illud potest, cur non et hoc? praesertim cum sit omnipotens: par enim utrobique est ratio et difficultas; nec unum magis involvit contradictionem, quam aliud.

Uterius, non tantum in angelo (ne excipias angelum esse spiritum, non corpus), sed et in corporibus naturaliter idipsum facit Deus, puta in rarefactione et condensatione. Ignis enim modicam aquam, v. g. unius scyphi, calefaciendo ita naturaliter rarefacit et extendit, ut totum cacabum, qui decem scyphos continet, impleat, imo exuberet et effluat: ac rursum frigus eandem aquam ita rarefactam et extensam, deposito ab igne cacabo, ita condensat et stringit, ut eam redigat ad quantitatem decuplo minorem, puta unius scyphi. Cur ergo Deus, qui in infinitum superactivitatem nature, non possit corpus Christi, quod sex pedum est, redigere ad quantitatem unius hostiae, imo unius puncti? Deus enim, uti potest in infinitum rem unam augere, ita potest et imminuere; tam enim ad hoc, quam ad illud requiritur et sufficit virtus infinita, quam habet Deus.

Denique Christus seipsum, suumque Evangelium ac Sacramenta comparat, *Matth. xiii, 31*, grano sinapis, quod parvum quantitate, maximum est latente substantia; quæ sua vi et energia in amplissimos ramos se dilatat, fitque ingens arbor. Si hoc in grano sinapis naturaliter efficit Deus, quidni simile efficere possit, ac re ipsa, uti promisit et dixit, efficiat in Eucharistia?

Ad secundum respondeo: Christus hic nihil patitur, sed tantum species. Est enim Christus hic modo indivisibili et arcano, instar spiritus. Sicut ergo angelus hostiae se includens, aut Deus qui est realiter in omni corpore et loco, nihil patitur si hostia vel corpus illud conspuatur, comburatur, rumpatur; sic nec Christi corpus in Eucharistia quidquam patitur, quia est ibi instar angeli. «Deus, inquit Erasmus, *Prefat. in lib. Algeri*, qui juxta naturam non minus est in cloacis, quam in cælis, non lædi potest, nec inquinari: ita nec corpus Domini glorificatum.» Idem Erasmus *ad Conradum Pellican.*: «Hactenus, ait, cum omnibus Christianis adoravi Christum pro me passum in Eucharistia, nec adhuc video quidquam, cur ab hac opinione debeam recedere: nullis humanis ra-

tionibus abduci potero a concordi sententia Christiani orbis; plus enim valent apud me quinque illa verba: In principio creavit Deus cælum et terram, quam omnia Aristotelis cæterorumque philosophorum argumenta, quibus docent carere initio. Sic hic litteras divinas habemus: Hoc est corpus meum, quod pro vobis datur: Hic est sanguis meus, qui pro vobis effundetur,» etc.

Hæc paulo fusius pertractavi, ob rei gravitatem et modernas novantium controversias, quibus non paucos vicinos nostros, praesertim Hollandos, alioqui in fidem priscam et orthodoxam proclives, ob hunc Eucharistiae articulum, quasi incredibilem et impossibilem, a vera fide et salute avertunt, cum tamen nullus alius in sacra Scriptura, Patribus, Conciliis ita fundatus et stabilis sit, atque iste.

Ex dictis patet *primo*, in Eucharistia panem non manere, sed transsubstantiari in corpus Christi, et vinum in sanguinem, uti loquitur Concilium Lateranense, et semper sensit Ecclesia; ac consequenter patet *secundo*, sola panis et vini accidentia hic remanere sine subjecto. Patet *tertio*, corpus Christi hic esse per modum substantiae spiritalis, invisibile, indivisibile, totum in tota, et totum in qualibet parte hostiae, uti docent passim Theologi. Jam singula hæc consecrationis Eucharistiae verba expendamus.

Hoc. — Nota, pronomen *hoc* non tam esse substantivum et individuum vagum (ut volunt nonnulli, quasi *hoc* significet hoc ens, hanc rem, vel hoc contentum sub his speciebus, sive panis adsit, sive corpus Christi), quam esse adjectivum, idem, sed confuse significans, quod distincte et nominatim significat *corpus meum*. Sic enim accipitur in consecratione calicis: «Hic est sanguis meus.» Alioqui dicendum fuisset: Hoc est sanguis meus; sic dicitur: Hic est servus, hic est homo, etc., ubi *hic* quasi adjectivum non aliud demonstrat quam servum et hominem, quem confuse significat.

Dices: Cum Christus dixit *hoc*, nondum erat corpus Christi: ergo *hoc* non poterat pro eo supponere. Respondeo, hanc orationem, uti est consecratoria, non esse enuntiativam, sed practicam et efficacem; ac proinde *hoc* demonstrare id quod nondum est, sed quod per orationem fit, eaque finita erit.

Instabis: Hæc oratio practica, «Hoc est corpus meum,» significat, Hoc transsubstantiatur in corpus meum; ergo *hoc* designat panem; panis enim solus transsubstantiatur. Respondeo: Nego majorem, scilicet transsubstantiationem hic primo et directe significari: tantum enim primo significatur corpus Christi hic fieri et esse, ita ut designando species designetur corpus; inde tamen secundo et consequenter sequitur, panem esse transsubstantiatum et desiisse. Patet hoc ex verbis calicis: «Hic est calix sanguinis.» Si enim hæc primo significarent transsubstantiationem, debe-

In Eucharistia panis non manet.

Corpus Christi totum est in tota, et totum in qualibet parte hostiae.

Oratio consecratoria est practica.

Per *hoc* non significatur primo et directe transsubstantiatio.

ret diei *hoc*, scilicet vinum, est sanguis, vel est calix sanguinis mei, id est convertitur in calicem continentem sanguinem meum. Si tamen sic indirecte velis exponere: Hoc est, id est hoc transsubstantiatur in corpus meum; tunc concedo, quod *hoc* designet panem: hic enim transsubstantiatur. Nec mirum est, pronomen *hoc* hic aliud et aliud designare, quia hæc una propositio: «Hoc est corpus meum,» significatione est multiplex, scilicet practica est et enuntiativa, imo dupliciter practica est.

Consecratio
du
pliciter
est enun-
tiatio
practica.

Quæ omnia ut clare demonstrantur et intelligantur, adverte, si Christus accepisset solas species panis, subtracta panis substantia, easque deinde consecrasset; imo si nullas accepisset species, sed eas simul cum consecratione sui corporis creasset ex nihilo, dicendo: «Hoc est corpus meum;» tunc primario prorsus idem fecisset quod jam fecit, cum accepto pane eum consecravit et dixit: «Hoc est corpus meum;» atqui in utroque priori casu non transsubstantiasset, cum nulla præfuisset, sive præextitisset substantia panis, nec pronomen *hoc* designasset panem, aliamve substantiam, sed tantum corpus Christi, quod ibi simpliciter et nude produceretur et fieret: ergo quoque in posteriore nostro casu, nostraque consecratione, non significatur primario transsubstantiatio, nec pronomen *hoc* demonstrat panem, sed corpus Christi.

Simili modo in *Genesi* potuisset Deus creando cælum dicere: «Hoc est cælum,» id est, hoc creatur, producitur, fit, et est cælum; «Hæc est terra,» id est, hæc creatur, fit, simulque hoc ipso est et existit terra; «Hæc est Eva,» id est hæc producitur et fit, dumque fit, eodem instanti est et existit Eva. Pari ergo modo hic, dum dicitur: «Hoc est corpus, hic est sanguis meus,» sensus est: hoc consecratur, producitur et fit corpus et sanguis meus, ut in termino, sive completa consecratione re ipsa sit corpus meum, et sanguis meus.

Hoc est corpus meum,» ut patet ex ipsis verbis, proprie et primario non significat terminum a quo, scilicet panem converti et desinere; sed significat productionem et positionem termini ad quem, scilicet corporis et sanguinis Christi, eumque demonstrat pronomen *hoc* et *hic*, *q. d.* Hoc quod sub his speciebus panis et vini producitur, et fit, simulque dum fit, est et existit, est corpus et sanguis meus; secundario tamen hæc eadem oratio innuit, involvit et significat desitionem termini a quo, scilicet panis, ejusque transsubstantiationem. Quia enim sub speciebus hisce prius existit substantia panis et vini, eaque cedere debent corpori et sanguini Christi, qui hac oratione et consecratione producitur et succedit; ita ut per *hoc* non aliud quam corpus, et per *hic* non aliud quam sanguis Christi designetur et demonstretur: hinc quando hac oratione significatur

produci corpus Christi, hoc ipso significatur panem desinere, transsubstantiari in idem corpus: nam pronomen *hoc* non aliud designat quam corpus Christi: demonstrat enim, facta consecratione, hic non esse aliam substantiam, quam corporis Christi, quod solum demonstrat.

Hæc ergo oratio: «Hoc est corpus meum,» primo, simpliciter practica est, significatque: Hoc fit corpus meum.

Indeque secundo, est enuntiativa, significans: Hoc in fine consecrationis est corpus meum; sic ut pronomen *hoc* in utraque designet, non panem, sed corpus Christi in confuso.

Tertio, est conversiva et transsubstantiativa, significatque *hoc*, puta hæc panis substantia, sub his speciebus contenta, convertitur et transsubstantiatur in corpus Christi, ita nimirum, ut facta consecratione, conversione et transsubstantiatione, panis non maneat, sed sit conversus in corpus Christi, adeoque jam hic non sit panis, sed esse desierit, ejusque loco sit corpus Christi, et tunc pronomen *hoc* designat panem, qui convertitur in corpus Christi.

Est. — Nota, Christum non videri dixisse *est*, quia Hebræi et Syri non utuntur verbo substantivo, sed illud subticent, imo præsentis temporis non habent. Unde etiamnum Syrus interpres hic, et *Matth. xxvi, 26*, et *Luc. xii, 19*, eo caret: vertit enim, *הנה פגרי* *hana pagri*, hoc corpus meum. Sic et *Luc. xii, 20*, in consecratione calicis: *τοῦτο τὸ ποτήριον, ὃ καὶν διατίθω ἐν τῷ αἵματι μου*, *hic calix novum testamentum in meo sanguine*. Ac consequenter in Græca etiam et Latina lingua non videtur verbum *est* esse de essentia formæ consecrationis: in praxi tamen omitti non debet, et sine gravi peccato non potest; imo dubia esset forma et consecratio, si omitteretur.

Nota secundo: Apte tamen et clare illud verbum *est*, quia subintellectum, expressit Interpres, potius quam *fit*. Primo, quia non est transitus hic a non esse ad esse, quem communiter annuit *fit*; caro enim Christi ante fuit.

Secundo, quia *est* significat instantaneam mutationem transsubstantiationis, in qua simul sunt fieri et factum esse.

Tertio, quia pronomen *hoc* proprie demonstrat id quod est, non id quod fit: quod enim nondum est, proprie videri et demonstrari nequit; consequenter tamen dicitur subinde demonstrari, cum demonstratur fieri, et produci ut sit, existat et videatur.

Quarto, quia per *est* significatur constans veritas hujus Sacramenti.

Quinto denique, quia aptius dicitur: «Accipite, comedite, hoc est enim corpus meum,» quam: «Hoc fit corpus meum.»

Nota tertio, Christum non ante, cum panem benedixit, sed hisce verbis: «Hoc est corpus meum,» consecrasset; quia illis ex Christi imitatione sacerdotes jam consecrant, ut contra Græ-

triplex
sensu
horum
verbo-
rum, au-
tem con-
fusus
meum.

Oratio
consecra-
tiva est
etiam
transsub-
stantia-
tiva.

Veritas
est de
videtur
esse de
essentia
consecra-
tionis.

In conse-
cratione
tamen
omitti
non po-
test sine
gravi
peccato.
Quinque
causæ
enim
Christus
dixerit
est, non
fit.

To est
significat
instantaneam
mutationem
etiamque
constantem
veritatem.

Christus
istud
verbum
consecra-
vit qui-

bus nos eos docet Concilium Florentinum et Tridentinum, et passim omnes Patres. Unde hæc verba a sacerdote dicuntur *primo*, historice : intendit enim sacerdos narrare quid egerit Christus ; *secundo*, personaliter, quia intendit sacerdos simul eadem imitari, perinde ac si ipse esset Christus. Unde consecrans et transsubstantians induit personam Christi.

Caro Christi sola vi verborum hic ponitur, et in calice solus sanguis, reliqua utrobique per concomitantiam. **Christus Eucharistiam instituit et Sacramentum est sacrificium.** **CORPUS.** — Nota, *corpus* hic non totum hominem significare, sed carnem tantum ab anima distinctam, quæ sola vi verborum hic ponitur ; sicut in calice solus sanguis : anima vero et divinitas ponuntur per concomitantiam utrobique ; sicut et sanguis cum corpore sub specie panis, et vicissim corpus cum sanguine in calice per concomitantiam ponitur. Ita Concilium Tridentinum.

Nota *secundo*, Christum hic instituisse sacramentum Eucharistiæ, quod omnes sumerent ; et simul sacrificium, quod sacerdotes Deo offerrent. Ita ex Apostolica traditione docet Ecclesia, et Concilium Tridentinum, *sess. XXII*, cap. *i*, idque unicum est legis novæ sacrificium, quod omnibus veteribus successit ; ac proinde hoc unum simul est Eucharisticum, est pro peccato, est holocaustum, est pacificum.

TRADETUR. — Græce *κλῶμεν*, id est, *quod frangitur*. Ita Ambrosius ; scilicet, ut Theophylactus, frangitur jam sub speciebus, vel per species panis, quæ franguntur, consumuntur, itaque Deo « datur, » ut habet Lucas, id est immolatur corpus Christi. Hæc enim omnia significat τὸ *frangere* per metalepsim. Olim enim in sacrificio *mincha*, cum panis Deo sacrificabatur, debebat ipse panis frangi, benedici et comedi, ut notat D. Thomas, *I II*, *Quæst. LXXXV*, art. 3, ad 3. Hinc confessio Catholica Berengarii, qua suum errorem de Eucharistia primo revocavit, habet, quod corpus Christi in veritate manibus sacerdotum tractatur frangitur, et dentibus fidelium teritur, scilicet per species sacramentales panis, quæ tractantur, franguntur, teruntur. Hæc enim species non sunt amplius species panis, sed corporis Christi, quæ sola hic est substantia sub talibus speciebus, sive accidentibus ; quo fit, ut, dum hæ species videntur, tanguntur, designantur, non alia substantia quam corporis Christi videatur, tangatur, designetur : sicut ante consecrationem per easdem species, non alia quam panis substantia videbatur, tangebatur, designabatur.

Secundo. *« frangitur, »* id est paulo post frangetur et immolabitur in cruce. Ita Anselmus. Unde Noster vertit, « tradetur ; » idque quia hoc frangi et immolari non tam futurum, quam præsens erat. Dies enim paschæ et passionis Christi inchoatus erat, cum hæc dixit Christus : unde erat tunc confusum præsens ; frangetur autem flagellis in cute, clavibus in manibus et pedibus, lancea in latere, ait Cajetanus.

Tertio. *Bellarminus, lib. I De Missa, cap. XII :*

In Eucharistia, inquit, corpus Christi *frangitur*, id est dividitur et destruitur, dum scilicet sub distinctis et diversis speciebus panis et vini Deo immolatur, sumitur, consumitur, ut Christum passum et occisum representet. Hinc Chrysostomus : « Fractio, inquit, corporis in Sacramento significatio est passionis et fractionis in cruce. » Unde et tropologice hæc fractio significat mortificationem. Vide S. Dionysium, *Ecclesiast. Hierar. cap. III.*

23. SIMILITER ET CALICEM (accepit Christus) **POST- QUAM COENAVIT, Dicens : HIC CALIX NOVUM TESTAMENTUM EST IN MEO SANGUINE.** — Nota : Christus postquam coenavit cenam mysticam agni paschalis, et deinde communem aliorum ciborum, tunc demum tertiam cenam Eucharisticam instituit. Nota *secundo* : Gentiles post epulum sacrificabant, scilicet pro epulatione quasi gratias agentes Deo suo, illi libabant illiusque laudes coronati decantabant. Vide Athenæum, lib. *I*, cap. *ix*, et lib. *XV*, cap. *xx*. Sic *Æneid. VIII*, Evander Herculi libat :

Postquam exempta fames epulis, mensæque remotæ, etc.

Quare agile, o juvenes, tantarum in munere laudum,

Cingite fronde comas, et pocula porgite dextris.

Communemque vocate Deum, et date vina volentes.

Vide et Gyraldum, *De Diis Gentium*, in fine operis. Idem Judæos fecisse in sacrificio agni paschalis docent Ritualia antiqua Hebræorum ; scilicet, peracta cœna, paterfamilias accipiebat tortam azymam, eamque frangebatur in tot partes, quot erant discumbentes, sicque divisam singulis porrigebatur, dicens : « Iste est panis ærumnæ, quem comederunt patres nostri in terra Ægypti : quisquis esurit, accedat, et peragat pascha. » Deinde ipse poculum accipiebat et benedicebat, dicens : « Benedictus es, Domine, qui fructum vitis creasti, » etc. Sicque illud gustabat, gustatum dabat proximo, ille dabat vicino suo, et sic deinceps, donec per omnes circumferretur.

Horum morem Christus hic sequitur instituens Eucharistiam, idque ut hoc quasi ultimum vale, ac testamentum, atque extremæ charitatis suæ symbolum et demonstrationem discipulis et nobis daret ; utque typus agni præiret veritatem Eucharistiæ. Atque hæc est causa cur prius Christus coenaverit, et postea ultimo loco celebraverit et instituerit Eucharistiam. Jam autem (ut superius dixi) ob reverentiam tanti Sacramenti ex Apostolica traditione nonnisi a jejunis sumitur Eucharistia.

HIC CALIX NOVUM TESTAMENTUM EST IN MEO SANGUINE. — *q. d.* Hic est instrumentum authenticum et quasi charta, in qua scriptum et consignatum est novum testamentum, id est, sancitum est novum fœdus, novaque promissio divina et ultima voluntas mea consignata est, de æterna hereditate vobis danda, si mihi credatis et obediatis : scriptum est, inquam, non litteris atramenti, sed in sanguine meo, quem continet hic

Vers. 23.
Calicis
consecratio.

Ritus Ju-
dæorum
in sacri-
ficio agni
pascha-
lis.

Cur ante
institui-
tionem
Eucha-
ristiæ
Christus
coenave-
rit?

Sanguis
Christi
est no-
vum tes-
tamen-
tum, quo
sensu ?

calix. sicut charta continet scripturam testamenti.

Dices, Matthæus et Marcus habent : « Hic est sanguis testamenti ; » quomodo ergo Paulus ait : « Hic calix, id est sanguis in calice contentus, est testamentum ? »

Respondeo : « Testamentum » dupliciter sumitur : *Primo*, pro ultima voluntate testatoris ; sic Matthæus et Marcus vocant « sanguinem testamenti, » id est sanguinem quo confirmata est ultima voluntas Christi.

Secundo, « testamentum » significat scripturam, vel instrumentum hujus ultimæ voluntatis. Sic sumit hic Paulus, ideoque ipsum sanguinem vocat « testamentum. »

Nota : Alludit hic Christus ad fœdus Moysis inter Deum et populum, sancitum sanguine victimarum, *Exodi* xxiv, quod allegorice hoc fœdus Christi sanguine sancitum significabat.

Pro quo nota *secundo* : Solebant veteres fœdera victimis et sanguine sancire. Unde Livius, lib. I, loquens de fœdere inter Romanos et Albanos inito : « Positis, inquit, fœderis legibus aiebat fecialis : Populus Romanus prior non deficiet ; si prior defecerit, publico consilio, dolo malo, tu illo die, Jupiter, populum Romanum sic ferito, ut ego hunc porcum hodie feriam ; tantoque magis ferito, quanto magis potes pollesque ; et mox porcum saxo silice percussit. » Et Virgilius, lib. VIII *Æneid.*, de Romulo et Tatius :

Armati Jovis ante aram, paterasque tenentes,
Stabant, et cæsa jungebant fœdera porca.

Unde dictum sit fœdus ?

Fœdus Dei cum Abraham.

Unde et putant nonnulli fœdus dictum a fœdo, scilicet animali, puta porco, quia in fœdere macTABATUR, indeque phrasim manasse, qua fœdus ferire, percutere, icere dicimur. Idem et multo ante inter fideles et veri Dei cultores usu receptum fuit. Hinc *Genes.* xv, 9, 10, 17, Dominus in signum et confirmationem fœderis cum Abraham initi jussit immolari bovem, arietem et capram, dividitque per medium : quo facto lampas Deum significans per medias divisiones pertransiit, indicans ita dividendum fore, qui fœdus rumperet. Vide *Jeremiam*, cap. xxxiv, vers. 18, unde בְּרִית *berit*, id est fœdus, hebraice plerique אֲבָרָתָא *abarat*, id est dividere, per metathesin deducunt. Hinc Cyrillus, lib. X *Contra Julian.*, sub finem, ex Sophocle docet apud posteriores id servatum, scilicet ut euntes per medium ignem, et ferrum manibus ferentes facerent juramenta. Idem factum in fœdere Dei cum Moyse et Judæis, *Exodi* xxiv.

Quare sanguis victimarum dividetur in fœdere ?

Sanguis enim victimarum divisus est, ut significaretur eum, qui pactum violaret, simili modo sanguine suo violatam fœderis fidem luiturum. Quia vero pactum feriebat inter Deum et populum, oportebat ut tam Deus quam Israel sanguinem dividerent, eoque aspergerentur ; et cum Deus sit incorporeus, ut sanguine aspergi non possit, hinc altare sacrificiorum ejus vice sanguine tinctum fuit.

Simili modo Christus Dominus novum fœdus et testamentum sancivit seipso et sanguine suo, quasi victima et sanguine victimæ fœderalis ; præsertim quia hac victima et sanguine promeruit nobis redemptionem, gratiam, hæreditatem et omnia bona quæ in hoc fœdere suo nobis promisit, *ad Hebr.* cap. ix, vers. 15 et seq. Idque expressit hic in institutione Eucharistiæ, dicens : « Hic calix novum testamentum est in meo sanguine, » id est, ut S. Matthæus clarius explicat : « Hic est sanguis novi testamenti. » Unde contra Sacramentarios validum pro veritate corporis Christi intorqueas argumentum : si enim vero sanguine vetus sancitum est fœdus, isque intelligitur cum dicitur *Exodi* xxv, 8 : « Hic est sanguis fœderis, quod pepigit Dominus vobiscum ; » utique et vero sanguine sancitum est fœdus novum, isque intelligitur cum dicitur : « Hic est sanguis novi testamenti. » Hic enim vetus, novi et veri erat typus, ad quem certum est Christum hic respexisse.

Dices : Christus vocat « sanguinem novi testamenti, » non fœderis, uti suum vocat Moses, *Exodi* xxiv ; ergo dissimilis est hæc sanguinis lustratio.

Respondeo, hic « testamentum » dupliciter accipi : *primo*, speciatim pro ultima testatoris voluntate, vel ejus instrumento authentico, quæ quando conditionata est, promissio illius fœderis vel pacti rationem induit : imo licet absoluta voluntas sit, semper tamen mutuam involvit obligationem testatoris quidem ad dandam hæreditatem, hæredis vero ad debita, voluntatem, et onera testatoris subeunda. Quia ergo testamentum ultimam voluntatem, quæ quasi pactum quoddam maximum et firmissimum est, continet et significat ; hinc *secundo*, extensa ejus significatione, accipitur *testamentum* pro quovis pacto, promissione, fœdere, ut docet S. Hieronymus, in II *Malachiæ*, et Innocentius, cap. Cum *Marthæ*, De celebrat. Miss., et S. Augustinus, lib. *Locutionum in Genes.*, Locut. 94. Sic græcum διαθήκη, quod speciatim *testamentum* significat, aliquando pactum significat et promissionem, uti probat Budæus ; et aperte pro fœdere accipitur *Genes.* ix, 13 ; *Psalm.* lrv, 21 ; *Psalm.* lxxxviii, 4, 29, 35 ; *Psalm.* cv, 45. Hinc factum est ut Hebræum בְּרִית *berit*, quod proprie fœdus significat, passim et hic et alibi Septuaginta διαθήκη, testamentum, ut et S. Hieronymus, *Zachariæ* ix, 11, quasi idem sint בְּרִית *berit*, διαθήκη, testamentum, fœdus et pactum. Sic *Psalm.* lxxxii, 6, dicitur : « Adversum te testamentum disposuerunt (id est, fœdus inierunt) tabernacula Idumæorum et Israelitæ. » I *Maccab.* i, 12 : « Eamus et disponamus testamentum cum gentibus, » id est, fœdus pangamus cum gentibus. *Psalm.* lxxvii, 10 : « Non custodierunt testamentum Dei, » id est, pactum Dei, scilicet pacti conditiones, puta leges Dei ; unde de more idipsum posteriore hæ-

Novum fœdus Christi suo sanguine sancit.

Obiecto solvitur.

In testamento semper est nostra obligatio.

Aliquando testamentum significat pactum.

misticchio explicans subdit : « Et in lege ejus noluerunt ambulare. » « Recte, inquit S. Hieronymus, in *Jerem.* xxxii, testamentum appellatur pactum, quia in eo voluntas atque testatio eorum qui pactum ineunt, continetur. »

Hinc rursum factum est ut Christus et S. Paulus, Septuaginta secuti, per *sanguinem testamenti* intelligant sanguinem fœderis, sive in genere, sive maximi et aretissimi illius, quod morte testatoris obsignatur : tamenim primo quam secundo modo accipi potest hic *testamentum*. Primo quidem : Eucharistia enim sanguinem Christi, ut arrham nobis dat promissionis et pacti de æterna hæreditate, sive fœderis de ea nobiscum initii.

Secundo vero modo, quia fœdus hoc ultima fuit voluntas Christi, adeoque fœdus testamentarium, maximum et firmissimum. Unde et docet Apostolus Christum testatorem morte sua testamentum hoc obsignasse. De hoc Christi fœdere plura dicam ad *Hebr.* viii, 10.

HOC FACITE — quod ego jam feci : nimirum consecrate, offerte in sacrificium, sumite, distribuite Eucharistiam, uti ego consecravi, obtuli, sumpsi, distribui. Unde hic Apostoli ordinati sunt sacerdotes. Ita Concilium Tridentinum, sess. XXII, cap. i, ex Ecclesiæ perpetuo consensu.

Dices : Christus non dicit hic : Ego sacrificavi, vos etiam sacrificate.

Respondeo : Similiter non dixit : Ego Sacramentum institui, vos hoc sacramentum, hanc cœnam celebrate. Nec in cruce dixit : Ego me offero in sacrificium, sed reipsa hoc fecit. Sic et consecratio hæc erat realis oblatio sacrificii, quia per eam, quasi realem transmutationem et transsubstantiationem in honorem Dei ponebatur et offerebatur nobilissima victima Deo, scilicet corpus Christi, idque in speciem occisi et mortui animalis ; scilicet corpus separatum a sanguine, quantum est ex parte consecrationis.

Secundo, Eucharistiam esse sacrificium, innuit *postquam cœnavit, q. d.* Post agni sacrificium typicum instituit Christus verum et nobile Eucharistiæ sacrificium per agnum adumbratum : cumque agnus paschalis fuerit sacrificium et typus Eucharistiæ, ut omnes docent, sequitur et Eucharistiam esse sacrificium.

Tertio, vox testamenti innuit idem Eucharistiæ sacrificium : sanguis enim quo fœdera sanciebantur, erat sanguis victimarum. Sicut ergo cum dicitur *Exodi* xxiv, 8 : « Hic est sanguis fœderis, quod pepigit Dominus vobiscum, » intelligitur sanguis victimarum et sacrificii, quo sancitum est fœdus vetus ; ita cum dixit Christus : « Hic est sanguis testamenti, » debet intelligi sanguis sacrificii, quo sancitum est novum Testamentum, quod per vetus fœdus, sanguinem et sacrificium fuit præfiguratum. Denique in sola Eucharistia Christus proprie et perfecte est sacerdos secundum ordinem Melchisedech. Nam in cruce (si victimam ejusque mactationem, oblationes et san-

guinis effusionem spectes) Christus non fuit sacerdos secundum ordinem Melchisedech, sed secundum ordinem, id est similitudinem, Aaron. Ita Patres, quos vide apud Bellarminum, lib. I *De Missa*, cap. vi et xii, estque hic sensus Ecclesiæ et consensus omnium sæculorum.

Dices : Eucharistia est commemoratio sacrificii crucis, ergo non est sacrificium. Respondeo : Nego consequentiam, sic enim vetera sacrificia erant vera sacrificia, etiamsi representarent sacrificium crucis. Pari modo Eucharistia est verum sacrificium, etsi fiat in commemorationem sacrificii crucis.

26. QUOTIESCUMQUE MANDUCABITIS PANEM HUNC, ET Vers. 26. CALICEM BIBETIS, MORTEM DOMINI ANNUNTIABITIS, — tum verbo (hinc in Canone Missæ dicitur : Unde et nos memores tam beatæ passionis), tum potius factis et rebus, representabitis non tam vobis quam populo mortem Christi : Ita Anselmus, Theophylactus, Ambrosius. Pro *annuntiabitis*, Syrus vertit, in *memoriam revocabitis* : Hebræum enim חֲזָקִיר *hazkir*, significat commemorare, annuntiare, concionari, prædicare.

Moraliter Theophylactus : « Eo, inquit, affectu debetis esse imbuti cum sumitis Eucharistiam, perinde quasi in illa ipsa Christi essetis vespera, adeoque cœna, eidemque accumberetis toro, et ab ipso Christo acciperetis sacrum istud : illa enim ipsa est cœna, et illam ipsam mortem annuntiamus, id est demonstramus, usque ad secundum ejus adventum. »

Nota, mortem suam præ vitæ suæ gestis aliis jubet Christus annuntiare, quia morte consummatum est Christi testamentum, et ultima voluntas, ac redemptio nostra, et extremus Christi in nos amor, quo pro nobis mortem subiit, quorum omnium memoriale est Eucharistia.

Tropologice, S. Basilii in *Regula breviori*, Reg. 234 : « Mortem Domini annuntiamus cum morimur peccato, vivimus Christo ; seu, cum mundus nobis crucifixus est, et nos mundo. »

Denique nota cum S. Hippolyto, tract. *De Consummatione sæculi*, Chrysostomo, Theophylacto, Eucharistiæ sacrificium et sacramentum publice duraturum usque ad secundum Christi adventum, et Antichristum, qui illud tollet, saltem ne publice fiat, fieri possit, ut prædixit Daniel cap. xii, vers. 11. Hoc significat Paulus, dum ait : « Donec veniat, » supple, ipse Dominus gloriosus ad judicium. Unde, ut ait D. Thomas, patet ritum hunc Eucharistiæ duraturum usque ad finem mundi.

27. QUICUMQUE MANDUCAVERIT PANEM HUNC, VEL BIBERIT CALICEM DOMINI INDIGNE, REUS ERIT CORPORIS ET SANGUINIS DOMINI, — violati nimirum, indigne sumpti et tractati, ut a Juda et Judæis tractatus fuit. Ita Photius, Theophylactus et Chrysostomus. « Reus est talis, ait Chrysostomus et Theophylactus, cædis Dominicæ, ac si Dominum occidisset et Christi sanguinem effudisset. » Quod commode

fuit sacerdos dupliciter.

Obiecto solvitur.

Quo affectu sumenda sit Eucharistia ?

Quare Christus maxime jubet annuntiare mortem suam ?

Eucharistiæ sacrificium publice durabit usque ad finem sæculi et Antichristum, qui illud auferet.

Vers. 27.

et per proportionem quamdam accipit: nam absolute magis peccatum fuit homicidium, imo deicidium Christi, quam communio et sumptio Eucharistiæ indigna, sicut major injuria est regem occidere, quam conspuere aut conspurcare. Chrysostomo consentit Ambrosius, in cap. x *Hebr.*: « Hoc peccato, ait, conculcatur corpus Domini. » Et Cyprianus, serm. *De Lapsis*: « Vis, inquit, infertur corpori Domini, et ore ac manibus in Dominum delinquitur. » Vide eum, et optime id tractantem Basilium, serm. 2 *De Baptismo*, cap. III. Sicut enim regi gravem injuriam facit, qui ejus mensæ accumbit, retinens hostilitatem contra eum in animo: sic et qui cum peccato mortali accumbit mensæ Christi; et longe magis, quia ipsum Christum manducat, et in corde hostili recipit.

Nota τὸ *vel biberit*: ergo sufficit altera species in communicando et manducando S. Eucharistiam.

Secundo, hinc patet, in Eucharistia verum esse Christi corpus. Non enim de nudo signo verum est, quod qui illud indigne sumit, reus erit corporis et sanguinis Domini. Adde, si cum Calvino dicas eum qui indigne communicat, reum esse corporis Domini, non quia illud in se, sed quia ejus imaginem, scilicet Eucharistiam, violavit: inde saltem sequitur, imagines (qualem aiunt esse Eucharistiam) esse venerandas, et iconoclastas qui eas violent, reos esse corporis et sanguinis, tum Christi, tum Sanctorum: quomodo ergo Calvinus cum suis eas frangere et temerare audet?

Egregie hic capitur Calvinus, et cogitur venerari imaginem.

Vers. 28.

28. PROBET AUTEM SEIPSUM HOMO, ET SIC DE PANE ILLO EDAT.—« Probet, » hoc est se examinet, num aptus sit et digne dispositus ad tanta mysteria; atque ad ea decenter et congrue se purget et præparet, non ut examinet an habeat fidem (ut vult Calvinus: illam enim præsupponitur habere; loquitur enim Apostolus de fidelibus Corinthiis; et secundum Calvinum quisque certissimus est, fide divina credere debet se habere hanc fidem, ut secundum Calvinum examine non sit opus), sed an sibi sit conscius alicujus peccati, maxime mortalis, v. g. ebrietatis ac superbiæ, ut dixi vers. 21, illudque purget contritione et confessione. Hanc enim confessionis probationem ex jure divino, seu Christi institutione requirere et intelligere Apostolum docet Concilium Tridentinum, sess. XIII, can. 7. Idem MCC annis ante Concilium Tridentinum docuit S. Leo, epist. 91 *ad Theodor. Forojul.*, et Cyprianus, serm. *De Lapsis*. Deinde « probet se » ita, ut venialia peccata, eorumque radices serio proposito et pia ad Deum oratione evellere conetur. Ita Chrysostomus et Ambrosius. Hinc Christus post cœnam agni et communem, ante Eucharistiam, lavit pedes discipulorum, etiam Judæ, ut significaret qua puritate ad tanta mysteria accedendum sit, *Joan.* XIII.

Ad hanc probationem stimulus acer est, si

serio cogitetur id quod ait S. Gregorius, lib. IV *Dialog.*, cap. LVIII: « Hæc singulariter victima ab æterno interitu animam salvat, quæ illam nobis mortem Unigeniti per mysterium reparat, qui licet resurgens a mortuis jam non moritur, et mors ei ultra non dominabitur, tamen in semetipso immortaliter atque incorruptibiliter vivens pro nobis iterum in hoc mysterio sacræ oblationis immolatur. » Et paulo inferius: « Quis enim fidelium habere dubium possit, in ipsa immolationis hora ad sacerdotis vocem cœlos aperiri, in illo Jesu Christi mysterio angelorum choros adesce, summis ima sociari, terrena cœlestibus jungi; unum quoque ex visibilibus atque invisibilibus fieri. » Unde mox cap. LIX, subdit: « Sed necesse est, ut cum hæc agimus, nosmetipsos Deo in cordis contritione mactemus: quia qui passionis Dominiæ mysteria celebramus, debemus imitari quæ agimus. Tunc enim vere pro nobis hostia erit Deo, cum nos ipsos hostiam fecerimus. »

Cogitetur et istud nostri Thomæ Theodidacti, lib. IV *De Imitat. Christi*, II: « Ita magnum, novum et jucundum tibi videri debet, cum celebras aut Missam audis, ac si eodem die Christus primum in utero Virginis descendens homo factus esset, aut in cruce pendens pro salute hominum pateretur et moreretur. » Hoc cogitabat, hoc faciebat S. Cassius, Narniensis Episcopus, « Cui, ut scribit S. Gregorius, hom. 37 *in Evang.*, mos erat quotidianas Deo hostias offerre, cumque ad horam sacrificii venisset, velut totus in lacrymas defluens, semetipsum cum magna cordis contritione mactabat. » Unde a Domino audire meruit: « Age quod agis, operare quod operaris; non cesset pes tuus, non cesset manus tua: natali Apostolorum venies ad me, et retribuam tibi mercedem tuam. » Mortuus ergo in festo S. Petri et Pauli, evolavit in cœlum. Ita et S. Gregorius quotidie Missam magna cordis compunctione et præparatione celebrabat; cumque quadam vice comperisset quemdam pauperem in loco semoto mortuum esse repertum, Missa per aliquot dies abstinuit, deditque se lamentis ut expiaret culpam, quasi sua negligentia pauper ille fame mortuus esset, cum tamen ipsius charitas et sollicitudo esset tanta, ut omnibus pauperibus non tantum Romæ, sed et totius pene Italiæ de necessariis vitæ provideret. Ita S. Thomas de Aquino, etiam moriturus, per uberes lacrymas ad S. Synaxim se comparabat.

29. QUI ENIM MANDUCAT ET BIBIT INDIGNE, JUDICIUM SIBI MANDUCAT ET BIBIT (id est damnationem, ait Chrysostomus), NON DIJUDICANS CORPUS DOMINI,—sed eo tanquam promiscuo, communi et indifferenti cibo utens. Ita Photius et Anselmus. Nam, ut ait S. Justinus, in orat. *ad Antoninum Pium Imperatorem*: « Nos Christiani Eucharistiam non ut communem cibum sumimus, sed credimus quod, sicuti per verbum Dei, Dei Filius factus est homo, ita per verba consecrationis in Eucharistia fiat et

fit caro et sanguis Christi. » Quocirca S. Franciscus scribens ad sacerdotes Ordinis sui, ut habetur tom. V *Bibliothecæ SS. Patrum*, in fine : « Audite, inquit, fratres mei, si B. Virgo honorificatur (ut par est), quæ ipsum portavit sanctissimo utero suo; si B. Joannes Baptista contremuit, et non audebat tangere Domini verticem; si sepulcrum, in quo per aliquod tempus jacuit, sic veneratur: quantum debet sanctus, justus et dignus, qui non jam moriturus, sed in æternum victurus, et glorificatus, in quem desiderant angeli prospicere, contrectat manibus, corde et ore sumit, et aliis ad sumendum præbet, percelli et contremiscere? » Et mox : « Magna et miseranda infirmitas, quando ipsum sic præsentem habetis, et aliquid aliud in toto mundo curatis. Totus homo paveat, totus mundus contremiscat, et cælum exultet, quando super altare in manibus sacerdotis est Christus Filius Dei vivi. »

Vers. 30. **30. IDEO INTER VOS MULTI INFIRMI.** — Sic hodie, ait Anselmus; multi post pascha variis morbis corripuntur, quia indigne corpus Domini acceperunt.

Et **DORMIUNT MULTI**, — præmature moriuntur, vel potius mortui sunt (ob indigne et sine probatione sumptam Eucharistiam), et in morte quiescunt: hi enim proprie dormire dicuntur. Sic Anselmus et Chrysostomus. Imo ob hoc peccatum vexabantur a dæmone. Testis est S. Chrysostomus in I ad *Timoth.*, hom. 5. Exempla habet S. Cyprianus, serm. *De Lapsis*; scilicet quidam qui gustarat idolothyta, postea Eucharistiam, obmutuit; alius linguam discerpserat; puella, gustatis idolothyitis, revomuit Eucharistiam. Hinc notat prudenter et pie Franciscus Suarez, linguam sacerdoti et communicaturo maxime esse custodiendam; quia lingua primum est membrum, quod Christum recipit, et quasi vehiculum illius in stomachum.

Vers. 31. **31. QUOD SI NOSMETIPSOS DIJUDICAREMUS.** — « Dijudicaremus, » id est *primo* puniremur. Ita Latini. *Secundo*, condemnaremus. Ita Græci. *Tertio*, probaremus, examinaremus, discuteremus, ut si quid peccati inveniamus, illud contritione et confessione expiemus, ut jussit vers. 28. Ita Cajetanus et Gagneus. Hoc tertium est aptissimum: nam hoc est proprie *διαικνεῖν*, *dijudicare*.

NON UTIQUE JUDICAREMUR. — Non in judicio divino puniremur. Græce *εἰ γὰρ ἑαυτοὺς διακρίνομεν, οὐκ ἐκπεποιθότες*, si nos ipsos judicassetis, non utique *judicati*, id est per judicium Dei morbis et morte, ut dixit vers. 50, puniti, *fuissemus*. Ita Erasmus, Vatablus et alii. Vere S. Augustinus in *Sententiis*, Sent. 210 : « Peccata, ait, sive parva, sive magna, impunita esse non possunt; quia aut homine pœnitente, aut in judicio Deo judicante plectuntur. Cessat autem vindicta divina, si conversio præcurrit humana. Amat enim Deus contentibus parcere, et eos qui semetipsos judicant, non judicare. »

Vers. 32. **32. DUM JUDICAMUR AUTEM** (dum scilicet punimur

in præsentī vita per morbos et mortem), **A DOMINO CORRIPIMUR, UT NON CUM HOC MUNDO** (id est cum infidelibus et peccatoribus mundi) **DAMNEMUR**, — sed ut hac Dei castigatione admoniti, per penitentiam peccatum hoc indignæ communionis expiemus, itaque salvemur. Ita S. Augustinus in *Sententiis*, num. 274 : « Quando, ait, corripit Deus genus humanum, et flagellis piæ castigationis exagitat, exercet ante judicium disciplinam, et plerumque diligit quem flagellat, nolens invenire quem damnet (1). »

33. ITAQUE, FRATRES MEI, CUM CONVENITIS AD MANDUCANDUM, INVICEM EXSPECTATE. **34. SI QUIS ESURIT; DOMI MANDUCET.** — Nota, jubet hic Apostolus ut, post synaxim, invicem omnes expectent pro agape celebranda: vel potius, ut dixi vers. 21, ut invicem expectent pro cœna prævia synaxi, ut scilicet ante synaxim simul ad cœnam hanc omnes convenient communi charitate et concordia, in eaque modeste et sobrie sese reficiant, ut non indigne, scilicet in ebrietate et discordia, accedant deinde ad corpus Domini sumendum. Si quis commune hoc prandium, vel potius cœnam, expectare non possit, jubet Apostolus ut egrediatur potius domum, ibique comedat. Ad ruborem eorum hoc dicit: ita Theophylactus, Oecumenius, Chrysostomus.

Hinc deducitur moris tum fuisse, ut communicaturi toto eo die jejunarent usque ad cœnam communem; ideo enim esurientes ad eam venisse ait Apostolus. Aliter Anselmus: « Si, inquit, non potest quis expectare sanctam synaxim jejuns, domi manducet, sed ita ut postea non communicet in ecclesia. » Verum prior sensus genuinus est (2).

UT NON IN JUDICIUM (puta in condemnationem, ob superbiam, gulam, ebrietatem; inobedientiam) **CONVENIATIS.**

CÆTERA AUTEM, CUM VENERO, DISPONAM. — « Cætera, » nimirum quæ spectant ad dignam et honestam Eucharistiæ celebrationem. Est hic locus illustris pro traditionibus Ecclesiasticis. Vide S. Augustinum, *epistola* 118 : « Talis, ait S. Augustinus, traditio est, ut Eucharistia sumatur a jejunis, cum tamen Christus post cœnam eam instituerit. » Rursum, ut vino aqua immisceatur. Ita S. Cyprianus, *epist.* 63 ad *Cæcilianum*. Rursum, ut Missa pro vivis et defunctis offeratur, idque tali ritu, ornato sacerdotis, altaris, etc.

Nota olim hoc ritu Christianos communicasse: *Primo*, jejunabant usque ad cœnam Dominicam, ut colligitur vers. 34 : « Si quis esurit,

(1) Alii aliter interpungendum censent, scil. : *Si autem punimur a Domino* (hujus vitæ malis), *castigamur, ne, etc.*

(2) Aliis *ἐκδιχνοῦ*, *exspectate*, ponitur pro *προσδιχνοῦ*, *benigne et amice vos invicem excipite et tractate.*

Si quis esurit de ditioribus dicitur, quos non vult Paulus famem integram ad hanc cœnam communem afferre atque explere. Nam ad mutuum charitatem instituebantur illæ agapæ, et usus Eucharistiæ.

in com-
munican-
do ele-
rans et
notan-
dus.

Quid fue-
rit Do-
minicale?

domi manducet. » *Secundo*, populus panem et vinum offerebat in ecclesia certo loco Diaconis; hi ferebant ad altare: communicaturis apponebantur tabellæ, quasi mensulæ, uti hodie ad mensam linteo stratum communicat populus. Ante communionem clamabat præco: « Sancta sanctis. » Tum sacerdos dabat dicens: « Corpus Christi. » Respondebat accipiens: « Amen. » Illud autem accipiebant non ore, sed manu, viri nuda dextera superposita sinistræ per modum crucis: unde et manus ante lavabant; feminæ vero manu velata mundo linteo, quod Dominicale vocabatur, ut jubet Concilium Altisiodorense, *can.* 36: « Non licet, inquit Concilium, mulieri nuda manu Eucharistiam sumere. » Et *can.* 39: « Unaquæque mulier, quando communicat, Dominicale suum habeat. Quod si non habuerit, usque in alium diem Dominicum non communicet. » Et Cyrillus Hierosolymitanus, *catechesi* 5 mystag.: « Accedens autem ad communionem, inquit, non expansis manuum volis accede, neque cum disjunctis digitis, sed sinistram veluti sedem quamdam subicias dexteræ, quæ tantum Regem susceptura est, et concava manu suscipe corpus Christi, dicens: Amen. » Quinimo idipsum sanxit VI Syno-

odus Constantinopolitana, *can.* 101, qui sic habet: « Si quis immaculati corporis, in synaxis tempore esse particeps voluerit, etiam antequam ejus fiat communio, manus in crucis formam figurans sic accedat, et gratiæ communionem accipiat: eos enim qui ex auro, vel alia materia, quædam loco manus receptacula efficiunt, et per ipsa immaculatam communionem recipiunt, minime admittimus, ut qui inanimatam materiam Dei imagini præferant. » Deinde quisque manu sua acceptam Eucharistiam, in os ingerebat, scilicet sub una specie panis, eamque quotidie jejuni sumebant. Tempore S. Cypriani sumebant quoque Eucharistiam sub specie vini, ut in persecutionibus per susceptionem sanguinis Christi magis animarentur ad martyrium et sanguinis effusionem pro Christo. Unde et S. Cyprianus, *epist.* 56 ad Thibaritanos: « Gravior, inquit, nunc et ferocior pugna imminet, ad quam virtute incorrupta, et fide robusta parare se debent milites Christi, considerantes idecirco se quotidie calicem sanguinis Christi bibere, ut possint et ipsi propter Christum sanguinem fundere; » quia, ut ait S. Chrysostomus, « quasi leones ignem spirantes ab illa mensa recedimus, facti daemonibus terribiles. »

Quo tem-
pore et
quare
Eucha-
ristia su-
mebatur
sub spe-
cie vini?

CAPUT DUODECIMUM.

SYNOPSIS CAPITIS.

Transit Apostolus, et tribus sequentibus capitibus disputat de gratiis, tum gratis datis, tum gratuita facientibus. Hoc capite docet primo, gratias gratis datas varie a Spiritu Sancto distribui.

Secundo, vers. 12, ad hoc utitur exemplo corporis humani, quod licet unum sit, multa tamen et varia habet membra: indeque concludit, quemlibet in Ecclesia suo gradu et gratia contentum, debere illo fungi et uti ad commune bonum; ut quasi membra invicem se omnes juvent et foveant.

Hinc tertio, vers. 28, asserit Christum providisse Ecclesiæ de variis hominum statibus, ut alii sint Apostoli, alii Prophetæ, alii Doctores, etc.

1. De spiritualibus autem nolo vos ignorare, fratres. 2. Scitis quoniam cum Gentes essetis, ad simulacra muta prout ducebamini euntes. 3. Ideo notum vobis facio, quod nemo in Spiritu Dei loquens, dicit anathema Jesu. Et nemo potest dicere, Dominus Jesus, nisi in Spiritu Sancto. 4. Divisiones vero gratiarum sunt, idem autem Spiritus: 5. et divisiones ministrationum sunt, idem autem Dominus: 6. et divisiones operationum sunt, idem vero Deus, qui operatur omnia in omnibus. 7. Unicuique autem datur manifestatio Spiritus ad utilitatem. 8. Alii quidem per Spiritum datur sermo sapientiæ: alii autem sermo scientiæ secundum eundem Spiritum: 9. alteri fides in eodem spiritu: alii gratia sanitarum in uno spiritu: 10. alii operatio virtutum, alii prophetia, alii discretio spirituum, alii genera linguarum, alii interpretatio sermonum. 11. Hæc autem omnia operatur unus atque idem Spiritus, dividens singulis prout vult. 12. Sicut enim corpus unum est, et membra habet multa, omnia autem membra corporis cum sint multa, unum tamen corpus sunt: ita et Christus. 13. Etenim in uno Spiritu omnes nos in unum corpus baptizati sumus, sive Judæi, sive Gentiles, sive servi, sive liberi: et omnes in uno spiritu potati sumus. 14. Nam

et corpus non est unum membrum, sed multa. 15. Si dixerit pes : Quoniam non sum manus, non sum de corpore : num ideo non est de corpore? 16. Et si dixerit auris : Quoniam non sum oculus, non sum de corpore : num ideo non est de corpore? 17. Si totum corpus oculus, ubi auditus? Si totum auditus, ubi odoratus? 18. Nunc autem posuit Deus membra, unumquodque eorum in corpore sicut voluit. 19. Quod si essent omnia unum membrum, ubi corpus? 20. Nunc autem multa quidem membra, unum autem corpus. 21. Non potest autem oculus dicere manui : Opera tua non indigeo; aut iterum caput pedibus : Non estis mihi necessarii. 22. Sed multo magis quæ videntur membra corporis infirmiora esse, necessaria sunt; 23. et quæ putamus ignobiliora membra esse corporis, his honorem abundantiorum circumdamus; et quæ inhonesta sunt nostra, abundantiorum honestatem habent. 24. Honestas autem nostra nullius egent : sed Deus temperavit corpus, ei, cui deerat, abundantiorum tribuendo honorem, 25. ut non sit schisma in corpore, sed idipsum pro invicem sollicita sint membra. 26. Et si quid patitur unum membrum, compatiuntur omnia membra; sive gloriatur unum membrum, congaudent omnia membra. 27. Vos autem estis corpus Christi, et membra de membro. 28. Et quosdam quidem posuit Deus in Ecclesia primum Apostolos, secundo Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum. 29. Numquid omnes Apostoli? numquid omnes Prophetæ? numquid omnes Doctores? 30. numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur? 31. *Æmulamini* autem charismata meliora. Et adhuc excellentiorem viam vobis demonstro.

Agit hic Paulus de gratis gratis datis, ut prophetia, dona linguarum, gratia curationum, etc.; hæc enim fidelibus initio Ecclesiæ affatim a Spiritu Sancto donabantur, ut donata sunt Apostolis in Pentecoste. Occasio agendi de iis erat; quia Corinthii de his donis se jactabant, alii aliis inordinate utebantur, alii dolebant, quod ea non acceperant, quæ aliis data erant. Docet ergo Apostolus, quæ, quales, quantæ sint istæ gratiæ, et quomodo iis uti quisque debeat.

Vers. 1. 1. DE SPIRITUALIBUS (donis scilicet Spiritus Sancti) NOLO VOS IGNORARE, FRATRES, — sed doceo vos ea quæ hic subtexo. Ita Anselmus (1).

Vers. 2. 2. SCITIS QUONIAM CUM GENTES ESSETIS, AD SIMULACRA MUTA PROUT (ceu quædam mancipia) DUCERAMINI (a consuetudine, institutione majorum et sacrificulorum, atque a dæmonis impulsu) RENTES, — id est ibatis. Græce ἀπαρῆναι, *abducti*, id est abducebamini. Ponitur hic de more Hebræorum participium pro verbo, scilicet præterito imperfecto, juxta *Can. 29. Sic Rom. XII, 11* : « Spiritu, inquit, ferventes, » id est fervete; « Domino servientes, » id est servite; « spe gaudentes, » id est gaudete, etc. Ita S. Chrysostomus, *q. d.* Mementote, o Corinthii, quod cum Gentiles essetis, colebatis idola, id est lapides et saxa muta, quæ nihil habent spiritus, sensus, loquelæ, vigoris aut virtutis, et multo minus suis cultoribus

illa communicare possunt. Jam vero facti Christiani colatis Deum, qui est purus spiritus, plenus omni gratia et sapientia, quique hæc ipsa spiritalia sua dona abunde in vos effudit, uti experimini : agnoscite ergo gratiam a Christo vobis factam, agnoscite mutationem vestram, agnoscite et colite horum omnium auctorem Christum, et Spiritum Sanctum. Patet ex eo quod sequitur :

3. IDEO NOTUM VOBIS FACIO, QUOD NEMO IN SPIRITU DEI LOQUENS, DICIT ANATHEMA JESU. — Nota : *ideo* deducit hunc versum ex præcedenti, ejusque finem et scopum indicat et explet, *q. d.* Ideo renovavi vobis memoriam vestri gentilismi, et vestrorum idolorum mutorum, ut nimirum cognoscatis, et digne ponderetis æstimetisque vocationem vestram ex gentilismo, ubi simulacra muta invocabatis; et gratiam Spiritus Sancti, quam adepti estis in christianismo, ubi non idola muta, sed Christum et Spiritum Sanctum aditis et invocatis, ab eoque dona linguarum aliaque recipitis, ut sciatis fœcundum et facundum esse Spiritum Sanctum præ mutis idolis, qui vos facit tam disertos, tam sapientes, tam divinos; agnoscite ergo Spiritus Sancti potentiam, ut non contendatis amplius, uti soletis, de gratis gratis datis, cum omnia habeatis a Spiritu Sancto, quia sua dona distribuit, prout vult; et qui minora accipit, non doleat; et qui majora, non superbiat. Ita Chrysostomus.

NEMO IN SPIRITU DEI (per Spiritum, vel habens Spiritum Dei) LOQUENS, DICIT ANATHEMA JESU, — id est, maledicit Jesu, execratur Jesum. Græce

tionem
pro christi-
anismo.

Vers. 3.

Quantum
beneficium
sit esse
Christianum?

Hortatur
Corin-
thios ad
gratias
ac-

(1) *Spiritualibus*, hominibus scil., qui facultate aliqua divinitus concessa cæteris præstant : ita multi, sed minus recte.

enim est accusativus, λέγει ἀνάθεμα Ἰησοῦν, id est, ut Syrus, *dicit anathema esse Jesum* (ita legit quoque Hilarius et Tertullianus). Sed potius talis Jesum agnoscit et invocatur, quasi auctorem gratiæ, salutis omniumque donorum spiritualium : hoc enim per miosim intelligendum relinquit Paulus.

Judæi dicunt anathema Jesu.

Nota : Hæc Corinthiis dicit et inculcat Paulus, partim propter Judæos, qui etiam hodie perhibentur in synagogis suis dicere, *Horma*, id est anathema, Jesu et Christianis, ait Cajetanus ; partim et potius propter Gentiles, inter quos vivebant Corinthii ; hi enim, et horum vates, sacerdotes præsertim, maledicebant Jesu. Imo hoc signo explorabant Gentiles, maxime Præsides, an quis esset Christianus, nec ne : jubebant enim maledicere Christo, uti jussisse se fatetur Plinius, epist. ad Trajanum : « Propositus, ait, est libellus multorum nomina continens (qui accusabantur quod essent Christiani), qui negant se esse Christianos, aut fuisse, cum præsentem me deos appellarent, et imagini tuæ (quam propter hoc jusseram cum simulacris numinum adferri) thure ac vino supplicarent ; præterea maledicerent Christo, quorum nihil cogi posse dicuntur, qui sunt revera Christiani ; ergo dimittendos putavi. Alii se Christianos fuisse dixerunt, sed esse desiisse : hi omnes imaginem tuam et deorum simulacra venerati sunt, et Christo maledixerunt. » Ita Plinius.

Jubebantur olim Christiani ante Præsides maledicere Christo.

NEMO POTEST DICERE DOMINUS JESUS, NISI IN SPIRITU SANCTO. — Pro Dominus Jesus, græce est Κύριον Ἰησοῦν, *Dominum Jesum*. Ita Syrus, Ambrosius, Hilarius, lib. II *De Trinit.* ; Prosperus, lib. II *De Vocat. Gent.*, cap. II ; Origenes, homil. 17 in Genes. Opponit enim Apostolus hæc duo, dicere anathema Jesum et dicere Dominum Jesum ; id est agnoscere, credere, invocare et prædicare nomen Domini Jesu, ejusque fidem profiteri, scilicet Jesum esse Dominum nostrum, ut vertit Syrus : profiteri, inquam, et invocare uti oportet, et uti proficuum est ad salutem. Hoc facere nemo potest, « nisi in Spiritu Sancto, » id est nisi per Spiritum Sanctum : fides enim, spes et oratio sunt dona Spiritus Sancti.

Nota : Non negat hic Paulus infideles, cum solo concursu Dei generali, posse proferre nomen Jesu, aut de eo habere cogitationem aliquo modo bonam ; sed tantum, neminem absque gratia Christi et Spiritus Sancti, posse per veram fidem et pium affectum serio et ex corde invocare Dominum Jesum, illumque confiteri esse Dominum et Redemptorem nostrum ; aut etiam dicere in corde suo, et cogitare aliquid de eo, quod in suo gradu et ordine, ad remissionem peccatorum, gratiam et finem supernaturalem, id est ad beatitudinem, conferat et disponat. Ita Anselmus et Ambrosius. Et patet, quia loquitur Corinthiis fidelibus, eorumque fastum, quo in donis et gratiis suis superbiebant, reprimit, ex eo quod fidem Christi omniaque dona non a se habeant, sed a

Spiritu Sancto, q. d. Hæc dona adeo sunt non vestra, sed Spiritus Sancti, ut nec Jesum agnoscere et invocare ex vobismetipsis possitis, sed agnitio hæc et invocatio sit Spiritus Sancti donum (1).

4. DIVISIONES VERO GRATIARUM SUNT, — gratiæ *Vers. 4.* divisæ sunt per Ecclesiam, hæc uni, illa alteri datur et dividitur. Hæc enim Hebræis vocantur מַחֲלָקוֹת *machlecot*, id est divisiones.

IDEM AUTEM SPIRITUS, — scilicet est, gratias has distribuens.

5. ET DIVISIONES MINISTRATIONUM (Græce διακονῶν, *Vers. 5.* ministeriorum) SUNT, — q. d. Ministeria sacra varie distributa sunt per Ecclesiam.

IDEM AUTEM DOMINUS, — scilicet Jesus Christus est, a quo ut Deo ; et per quem ut hominem illa accipimus, quique varie ministeria sua distribuit, ut ei varie a variis ministretur. Ita Anselmus.

6. ET DIVISIONES OPERATIONUM SUNT, IDEM VERO *Vers. 6.* DEUS, QUI OPERATUR OMNIA IN OMNIBUS. — Nota : Apte Apostolus *gratias*, seu dona tribuit Spiritui Sancto ; seu fonti bonitatis ; *ministeria* Filio, seu Domino ; *operationes* Deo, scilicet Patri, quasi primo omnium principio. Ita Theophylactus, Anselmus et alii.

Nota secundo : *Gratiæ* hic intelliguntur gratis datæ ; *ministeria* sunt officia ministrandi Ecclesiæ, ut episcopatus, diaconatus, præfectura et cura pauperum ; *operationes* sunt miracula, ut expulsio demonum, sanatio ægrorum, resuscitatio mortuorum : hæc enim propriissime dicuntur ἐνεργήματα, et, ut vers. 10 se explicans addit, ἐνεργήματα δυνάμεων. Quod Erasmus vertit, *efficaciæ potentiarum* ; Noster, *operatio virtutum*. Nam δύναμις est potentia, virtus, facultas ; ἐνέργεια vero actio ; ἐνέργημα, opus, ut ex analogia linguæ græcæ liquet, et ipse Paulus declarat, dum subdit : ὁ ἐνεργῶν τὰ πάντα ἐν ἡμῖν, *qui operatur omnia in omnibus*. Ita Maldonatus in *Notis manuscr.*

Quænam hic sint gratiæ, quæ ministeria, quæ operationes ? Prima sententia. Quid ἐνεργήματα ?

Verum plenius et apertius dicemus Apostolum omnes gratias gratis datas vocare, *primo*, gratias, quia gratis dantur ; *secundo*, easdem vocare *ministrationes*, vel ministeria, quia per eas quisque ministrabat Ecclesiæ ; *tertio*, illas ipsas vocare *operationes*, græce ἐνεργήματα, q. d. efficacias : quia per illas mirificam vim accipiebant fideles a Spiritu Sancto, ut ea dicerent et facerent, quæ vim naturæ et captum hominum superant. Has ergo gratias operatur tam Spiritus Sanctus, quam Pater et Filius. Omnia enim opera ad extra, ut loquuntur Theologi, quæ scilicet in res creatas dimanant, sunt toti Trinitati communia : eadem tamen apte, qua operationes sunt, appropriantur

Secundo et melior.

Opera ad extra toti Trinitati sunt communia.

(1) Commata 2 et 3 sic nectit Allioli : Cum Gentiles essetis, temere, absque ratione ac spiritu colebatis idola. Alia Christianos decent. Deus enim quem colitis, spiritus est ; spiritu et vos agite. Nemo Christianus dicere potest anathema Jesu, quia in spiritu Dei loquitur ; et cum profert *Dominus Jesus*, id dicit in Spiritu Sancto, nam spiritu Dei instinctus est. Hic autem Spiritus multifariam, variisque donis sese exerit, etc.

Patri; qua ministraciones, Filio; qua gratiæ, Spiritui Sancto, ut dixi.

DEUS OPERATUR OMNIA. — *Primo*, operatur Deus omnia naturalia per concursum universalem, concurrentibus tamen effective causis secundis, uti contra Gabrielem Biel docent Theologi. Sic Deus operatur omnia bona naturæ et fortunæ; et quod hic sit dives, ille pauper, Dei iudicio et voluntati tribuendum est, ait Chrysostomus, de quo vide eum in morali *homil.* 29.

Secundo, operatur Deus omnia supernaturalia, tum gratum facientia; tum, quod proprie hic intendit Apostolus, gratis data, ut puta, miracula, quæcumque Sancti petunt et impetrant a Deo, vel nomine Dei fieri imperant, Deus ad preces vel nutum eorum eadem physice operatur proprie et per se.

Non ergo hinc sequitur concursum Dei præcurrere et prædeterminare concursum causæ secundæ et liberi arbitrii in operibus bonis, et gratiæ gratum facientis: quia in his Deus operatur omnia per gratiam prævenientem, qua excitat voluntatem, et per gratiam cooperantem; quæ cum voluntate et libero arbitrio libere operante simul operatur opus bonum; sed, ut dixi, Apostolus non agit proprie de operibus gratiæ gratum facientis, sed gratis datæ, ut patet ex sequentibus.

Nota: Pro *operatur*, S. Hilarius, lib. VIII *De Trinitate*, legit; *inoperatur*. Græcum enim *ἡνεργῆται* significat intimam præsentiam, vim et efficaciam, qua Deus intime omnia operatur, maxime miracula et dona gratuita. De his enim agit toto cap. Paulus.

7. UNICUIQUE AUTEM DATUR MANIFESTATIO SPIRITUS (donum scilicet Spiritus Sancti, quo manifestatur ipse Spiritus Sanctus, qui doni est auctor: datur, inquam) **AD UTILITATEM**, — non propriam, sed totius Ecclesiæ.

8. ALII QUIDEM DATUR SERMO SAPIENTIÆ, — facultas scilicet explicandi sapientiam, id est altissima mysteria Trinitatis, incarnationis, prædestinationis, ut explicat cap. XIII.

ALII AUTEM (datur) SERMO SCIENTIÆ, — ut scilicet explicet quæ ad agenda moresque pertinent. Ita sapientiam a scientia distinguit S. Augustinus, lib. XII *De Trinitate*, cap. XIV et XV, et sic capit scientiam Apostolus, cap. VIII. Alii scientiam intelligunt, qua res fidei per exempla, comparationes, rationes humanas et philosophicas explicantur.

9. ALTERI FIDES IN EODEM SPIRITU. — Paulus hic *fidem* intelligit, non theologiam, quam omnes Christiani habent; sed eam quæ mater est miraculorum, quæ excellens est fides, quæque fidem theologiam includit; estque insuper constans fiducia in Deum, ad quidvis impetrandum, et ad miracula operandum, v. g. ut Christus ait, ad montes transferendum. Patet id cap. XIII, vers. 2. Ita S. Chrysostomus.

Secundo, Ambrosius et Anselmus per *fidem* acci-

piunt donum intrepide profitendi et prædicandi fidem.

Tertio et optime, *fides* hic est intelligentia magna mysteriorum fidei ad ea contemplandum et explicandum. Sic enim *ad Rom.* XII, 6, dicit Prophetas habere prophetiam, et debere prophetare, hoc est docere, « secundum rationem fidei, » id est juxta mensuram intelligentiæ rerum fidei sibi a Deo datam. Fidem ergo hic illustrem intelligit, quæ in paucissimis est, qua qui præditi sunt, facile rebus divinis assentiuntur, ait Maldonatus in *Notis manusc.* Nam fides miraculorum videtur includi in operatione virtutum, quæ sequitur vers. seq., ut inter alios recte advertit Toletus in *Roman.* XII, 6.

ALII GRATIA SANITATUM IN UNO SPIRITU, — per unum et eundem Spiritum Sanctum.

10. ALII OPERATIO VIRTUTUM, — majorum scilicet miraculorum, quæque non corpus et morborum curam, sed animam et quævis alia spectant: qualia sunt excitare mortuos, dæmones ejicere, punire incredulos et impios per miraculum, ut S. Petrus Ananiam et Sapphiram miraculosa morte punivit, *Act.* v. Ita Chrysostomus et Ambrosius. Et sic distinguitur « operatio virtutum » a gratia sanitatum.

ALII DISCRETIO SPIRITUUM, — cogitationum scilicet, et intentionum cordis, et consequenter actionum et sermonum, ut sciat an a naturæ, an a dæmonis, an a Dei vel angeli spiritu et instinctu proficiantur. Ita Chrysostomus, Ambrosius, Anselmus. Tale donum habuit S. Hilarion, teste S. Hieronymo in ejus *Vita*, et S. Monica apud S. Augustinum, lib. III *Confes.*, cap. XI, et S. Vincentius Ferrerius, atque nonnulli hodie, præsertim qui animas regunt et dirigunt; estque confessariis hoc donum perutile, et a Deo expetendum, in quantum conscientiarum plena cognitio et cura illud requirit.

ALII INTERPRETATIO SERMONUM, — obscuriorum, maxime sacræ Scripturæ. Hinc olim in Ecclesia interpretes erant, quorum officium erat interpretari *primo*, eos qui in cætu Ecclesiæ ex dono linguarum peregrina lingua prophetabant, vel hymnos canebant; *secundo*, illos qui obscura et alta mysteria afflati Spiritu Sancto eructabant; *tertio*, epistolas S. Pauli et aliorum ad plebem suam missas publice exponere; *quarto*, eas vertere in alias linguas. Sic multi censent S. Clementem epistolam ad Hebræos ex Hebræo in Græcum vertisse. Hinc patet sacram Scripturam non esse claram omnibus, nec privato cujusvis spiritu interpretandam, ut volunt hæretici, cum ad hoc posuerit Deus in Ecclesia interpretes.

Adverte hic: Illis interpretibus jam successerunt professores linguæ Hebrææ, Græcæ et sacræ Scripturæ.

Ex hoc capite et seq. Theologi acceperunt divisionem gratiæ in gratum facientem, quæ perficit ipsum subjectum; ut sit Deo gratum, qualis

est charitas, castitas, pietas aliæque virtutes : et gratis datam, quæ ordinatur ad perfectionem aliorum; et licet Apostolus hic tantum novem numeret gratias gratis datas, plures tamen esse possunt.

Plures quam novem sunt gratias gratis datas. Quinque ex his sunt habitus permanentes, reliquæ quatuor sunt motiones transeuntes.

Ubi nota : Verisimile est ex novem hic ab Apostolo recensitis gratiis, quinque esse habitus permanentes, scilicet sapientiam, scientiam, fidem, genera linguarum et interpretationes sermonum, et aliquando etiam discretionem spirituum : reliquæ quatuor non sunt habitus, sed motiones transeuntes, scilicet gratia sanitatum, operatio virtutum, prophetia et discretio spirituum, ut recte Bellarminus annotavit lib. I *De Gratia*, cap. x.

Vers. 11. 11. DIVIDENS SINGULIS PROUT VULT. — Pro *dividens singulis*, græce est διαπονῶν (ιδίᾳ) ἰδίᾳ ἐκάστῳ, id est, dividens unicuique privatim, peculiariter, proprie, vel potius propria; scilicet cuique dona et charismata. Ita S. Hieronymus, dialogo 4 *Contra Pelagian*.

PROUT VULT, — non homo, ut intelligebat Origenes; sed Spiritus Sanctus : ergo, ait Theophylactus, Spiritus Sanctus est Dominus et Deus, neque efficitur, sed efficit omnia æque ut Pater, quia operatur omnia in omnibus, ut dixit Apostolus vers. 6; operari enim omnia, quod vers. 6 tribuit Patri, hic tribuit Spiritui Sancto.

Hinc patet *secundo*, Spiritum Sanctum, ut Deum, esse liberi arbitrii, ac libere operari.

Tertio, hinc refellas Abailardum, Wiclef, Calvinum, qui docent Deum non posse facere nisi id quod facit; hoc enim est tollere omnipotentiam a Deo, Deumque æque ac hominem subdicere fato, adeoque Deum divinitate spoliare, eamque fato consignare; sic enim Deus non operatur prout vult, sed prout voluerit fatum, rebus omnibus ipsique Deo dominans.

Vers. 12. 12. SICUT ENIM CORPUS (naturale et animale, puta hominis) UNUM EST, ET MEMBRA HABET MULTA; OMNIA AUTEM MEMBRA CORPORIS CUM SINT MULTA, UNUM TAMEN CORPUS SUNT : ITA ET CHRISTUS, — unum scilicet corpus habet, puta Ecclesiam, cuius varia sunt membra, et ipse est caput. Utitur enim Apostolus sæpe ellipsi, et multa subaudit, ut dixi *Can. 38*.

Sed objicit S. Augustinus, lib. I *De Peccat. meritis*, cap. xxxi, si hoc vellet Apostolus, tunc dicere debuisset : « Ita et Christi, » potius quam, « Christus : » Christi, scilicet corpus, id est Ecclesia, multa habet membra.

Unde *secundo*, Jacobus Faber Stapulensis hinc docet, Christi corpus, utpote toti divinitati indivulso unitum, localiter replere cælum et terram, quasi suum locum et corpus : ut, sicut Plato Deum dixit esse animam mundi, et per consequens esse quasi totum mundum, sic Christi corpus, utpote deitati intime conjunctum, sit instar divini Spiritus diffusum per totum mundum, cuius quasi partes et membra sint singula locorum

Error Fabri Stapulensis, Christi corpus localiter implere cælum et terram.

spatia et corpora : quæ tamen respectu unius deitatis et corporis Christi quasi animæ suæ, unum sint corpus, puta unus mundus. Atque hinc suam hæresim, quod corpus Christi sit ubique, sumpsisse putantur Ubiquetarii : quod insulsum dogma multi, sed exactissime Gregorius de Valentia refellit, libris quinque *Contra Ubiquetarios*.

Dico ergo *tertio*, simpliciter cum S. Augustino, sensus hujus loci est : « Ita et Christus, » scilicet est corpus unum, puta Ecclesia. Christus enim non tantum est caput Ecclesiæ, sed et corpus; quia omnia Ecclesiæ membra sustentat, et in omnibus operatur; per doctorem docet, per ministrum baptizat, per fidem credit, per poenitentem poenitet. Sic enim Christus non localiter, sed mystice et virtualiter, sive operative, et per efficientiam est corpus, hypostasis, anima et spiritus totius Ecclesiæ : et sicut Ecclesia est corpus Christi, quasi capitis, sic vicissim Christus est corpus Ecclesiæ, quasi in omnia Ecclesiæ membra se per gratiam et operationem transfundens. Sic Apostolus sæpe ait nos unum esse in Christo, nos per baptismum incorporari et complantari Christo. Et Christus ad Paulum : « Quid me, » id est Christianos meos, qui sunt membra mea, » persequeris? » *Actor. ix*. Sic rursum Paulus : « Mihi vivere Christus est, et mori lucrum. » Adeoque quod aiebat S. Franciscus : « Deus meus, amor meus, et omnia, » aiebat de Christo Paulus : « Amor noster, Christus noster, et omnia. »

Ex hoc lo coputatur Ubiquetarii suam hæresim sumpsisse. Quomodo Christus est corpus unum, puta Ecclesia. Christus per filium credit, per doctorem docet, per poenitentem poenitet, etc. Ecclesia est corpus Christi, et Christus est corpus Ecclesiæ.

13. IN UNO SPIRITU (per unum eundemque Spiritum Sanctum) OMNES NOS IN UNUM CORPUS BAPTIZATI SUMUS, SIVE JUDÆI, SIVE GENTILES, SIVE SERVI, SIVE LIBERI. — Probat Christum esse unum corpus habens multa membra, ex baptismo : quia scilicet per baptismum in unum corpus, scilicet Ecclesiæ, et consequenter Christi, renati et inserti sumus : in quo eadem anima, scilicet spiritu Christi, vivimus; et eadem esca, scilicet Eucharistia, alimur omnes, sive Judæi, sive Gentiles; sive servi, sive liberi.

Nota *in unum corpus*, scilicet Christi mysticum, quod est Ecclesia, ac consequenter in ipsum Christum, qui, uti jam dixit, est quasi corpus totius Ecclesiæ.

BAPTIZATI (id est baptismo incorporati) **SUMUS, ET OMNES IN UNO SPIRITU POTATI SUMUS, —** scilicet in calice Eucharistiæ unum Christi spiritum cum sanguine hausimus. Unde Græca quædam habent, ut legit Clemens Alexandrinus, lib. I *Pædagog.*, cap. vi : πάντες ἐν πότῳ ἑνίκεν, omnes uno potu potati sumus, ut scilicet unum eundemque ex eo Christi spiritum participemus, qui per omnia permanens singula membra vivificat, et suis functionibus reddit idonea, q. d. Non tantum nati sumus, et quasi membra inserti in idem corpus jam dictum; sed et eodem alimento utimur, scilicet carne et sanguine Christi in Eucharistia. Nam ex una specie Eucharistiæ, scilicet vini, alteram panis, id est ex potu cibum intelligit : uti e con-

trario ex panis specie vini speciem intelligit, cap. x, 17. Ita Chrysostomus et pulchre Cajetanus hic (1).

Hinc patet, omnes baptizatos, sive boni sint, sive mali, esse corpus Christi, id est esse de Ecclesia, illique quasi membra per baptismum esse insertos; anima enim hujus corporis, scilicet Ecclesiae, est fides quam habent omnes fideles, etiamsi improbe vivant. De quo plura dicam Ephes. v, 27 (2).

VERS. 22. 22. SED MULTO MAGIS QUAE VIDENTUR MEMBRA CORPORIS INFIRMIORA ESSE, NECESSARIORA SUNT. — S. Chrysostomus et Theophylactus per hæc membra oculos accipiunt, qui parvi sunt et imbecilles, sed tamen maxime necessarii. Verum, quia vers. præced. oculum inter nobiliora membra, quæ corpori dominantur, retulit, melius alii per « membra infirmiora » accipiunt ventrem et ventre contenta. Venter enim quasi culina et nutrix totius corporis, quæ singulis membris cibum concoquit et dispergit, maxime necessarius est vitæ et corpori.

VERS. 23. 23. ET QUAE PUTAMUS IGNOBILIORA MEMBRA ESSE CORPORIS, HIS HONOREM ABUNDANTIOREM CIRCUMDAMUS. — « Membra ignobiliora » sunt pedes, ait Chrysostomus, Ambrosius et Theophylactus. « His honorem abundantiore circumdamus, » id est diligentius eos custodimus, vestimus, calceamus, elegantibus crepidis, calceis, vel ocreis eos ornamus et communimus, ne in saxa impingant, ne incedendo lædantur, ne nimio frigore vel humore aliquam intemperiem noxiam, quæ in stomachum et caput redundet, contrahant.

Nota: « Honor » hic vocatur, tum ipse vestitus, tum ornatus pedum per calceos, vel ocreas, in quibus multi, præsertim juvenes nobiles et milites, curiosi sunt et elegantes: qua de causa Homerus vocat *ἐκνημίδας* *Ἀχαιῶν*, id est bene vel eleganter ocreatos Achivos.

QUAE INHONESTA SUNT NOSTRA, ABUNDANTIOREM HONESTATEM HABENT. — « Inhonesta » intelligit verenda. Ita Chrysostomus, Ambrosius et Theophylactus. Vocantur, ait S. Augustinus, lib. II *Retract.*, cap. vii, verenda « inhonesta, » non ex naturæ prima institutione, sed quia post peccatum in iis maxime regnat concupiscentia, quæ legi mentis repugnat, ideoque homini pudenda est; pudet enim hominem quasi dominum, quod membrum hoc ita sibi sentiat rebelle. Hæc « abun-

dantiores honestatem habent, » id est hæc diligentius et honestius tegimus atque vestimus, ut, etiamsi quis toto corpore nudus sit, hæc tamen membra nudari non patiat, ait Theophylactus. Rursus hæc membra honestantur in conjugio, tanquam illa quæ ad liberorum propagationem et generis nostri æternitatem necessaria sint, ait Chrysostomus. Unde et legibus Romanis quisquis ea præscidisset, et se evirasset, gravissime puniebatur, quasi qui communi generi offecisset, et vim naturæ intulisset.

Alii eadem accipiunt membra infirmiora, ignobilia et inhonesta, scilicet ventrem et membra ventri subjecta: sed Apostolus ea distinguit, et quasi distincta connectit per copulam *et*. Jam sensus est, *q. d.* Sicuti in corpore hæc membra infirmiora, et ignobilia, et inhonesta præ aliis curamus, quasi magis utilia, vel necessaria: ita et in Ecclesia qui minores sunt, licet infirmi, ignobiles, contemptibiles videantur, subinde tamen magis sunt utiles, magisque juvandi et curandi. Ita Chrysostomus, Theophylactus, Anselmus. Vide, quam mendici utiles sint Ecclesiæ, apud Chrysostomum, in *moralibus homil.* 20, et *Contra invidiam homil.* 31.

Sic apologo ventris a membris deserti, senatus Romani a plebe deserti causam apud plebem, quæ in Sacrum montem ex urbe secesserat, agit et peregit Menenius Agrippa, teste Livio, lib. II, deo. 1: « Tempore, inquit, illo, quo in homine non, ut nunc, omnia in unum consentirent, sed singulis membris suum cuique consilium, suis sermo fuerat; ferunt indignatas reliquas partes, sua cura, suo labore ac ministerio ventri omnia queri, ventrem in medio quietum nihil aliud quam datis voluptatibus frui; conspirasse inde, ne manus ad os cibum ferrent, ne os acciperet datum, nec dentes conficerent: hæc ira dum ventrem fame domare vellent, ipsa una membra totumque corpus ad extremam tabem venisse: inde apparuisse ventris quoque haud segne ministerium esse, nec magis ali quam alere eum; reddentem in omnes corporis partes hunc, quo vivimus vigemusque, divisum pariter in venas maturum confecto cibo sanguinem. Comparando hinc, quam intestina corporis seditio similis esset iræ plebis in Patres, flexit Menenius mentes hominum. »

24. HONESTA AUTEM NOSTRA (puta oculi, facies, manus, quæ sunt membra honestiora et nobiliora corporis) NULLIUS EGENT, — quia per se satis decoris et honoris habent.

ABUNDANTIOREM TRIBUENDO HONOREM, — majorem scilicet custodiam, curam, amictum, ornatum, ut dixi vers. 22.

25. UT NON SIT SCHISMA IN CORPORE (quale jam retuli ex Menenio), SED IDIPSUM PRO INVICEM SOLICITA SINT MEMBRA. — « Idipsum, » ut scilicet eandem et mutuam pro sese invicem sollicitudinem gerant; vel « idipsum, » id est in idem, sci-

Apud Romanos gravissime puniebatur evirantesse.

Mendici utiles sunt Ecclesiæ.

Apologo ventris a membris deserti reduxit Menenius plebem Romanam ex Sacro monte in urbem.

Vers. 24. Quæ membra honesta corporis?

licet bonum commune totius ejusdem corporis, sollicita sint singula membra.

Vers. 26. 26. ET SI QUID PATITUR UNUM MEMBRUM, COMPATIENTUR OMNIA MEMBRA. — « Compatiuntur, » ut sic membrum patiens dolore levetur, « non per communionem cladis, sed per solatium charitatis, » ait S. Augustinus, *epist.* 133. Unde S. Basilius in *Reg. brevior.*, *Reg.* 175, docet evidens signum dilectionis esse duplex: *primo*, si quis proximi utilitate lætetur, et pro ea laboret; *secundo*, si de ejus malo et peccato tristetur et mœreat. Qui hæc non habet, non diligit.

Sancti
suis ora-
tionibus
nos ju-
vant.
Hinc colligunt Doctores animas beatas, utpote charitate nostri flagrant, nos in miseriis et periculis nostris orationibus suis juvare; et nos vicissim juvare debere animas in Purgatorio detentas: patiuntur enim illæ acrem ignem, ac proinde crudelis sit oportet, qui eis non compatiatur, easque juvet et liberet.

SIVE GLORIATUR, — gloria afficitur, græce δὲ ἐξ-
τα, id est, ut Ambrosius, *glorificatur*; Syrus, *sive exultat unum membrum, exultabunt omnia membra*. Pulchre inquit S. Chrysostomus Salmeron: « Qui amat, inquit, habet quidquid est in corpore, scilicet Ecclesia: tolle invidiam, et tuum est quod habeo. » Rursum: « Si patiat oculus, inquit Chrysostomus, omnia dolebunt, omnia cessabunt, non pedes ibunt, non manus operabuntur, non frui jam consuetis cibis ventri lubebit, oculorum licet sit dolor. Quid ventrem, oculus, mordes? quid pedes remoraris? quid manus vincis? Quia innexa natura sunt omnia, modoque ineffabili compatiuntur. »

Vers. 27. 27. VOS AUTEM ESTIS CORPUS CHRISTI, ET MEMBRA DE MEMBRO. — Nota τὸ *membra de membro*, quod *primo*, D. Thomas sic explicat: « Vos estis membra de membro principali, » quod est Christus: est enim Christus caput Ecclesiæ. *Secundo*, Anselmus, « estis membra de membro, » id est estis membra Christi per ministerium alterius membri, scilicet Pauli, per quem Christo capiti et corpori Ecclesiæ uniti estis.

Tertia et
genuina.
Verum nota: Pro *de membro*, græce est ἐκ μέρους, id est *ex parte* (et sic legunt hic aliqui Latini), vel ad invicem, seu vicissim, ut innuit Ambrosius, *q. d.* Estis membra ex parte, id est membra partialia: quod Noster vertit, *estis membra de membro*, id est membra membrorum, hoc est commembra, compartes, *q. d.* Estis confratres ejusdem societatis et corporis mystici, scilicet Ecclesiæ. Ita Chrysostomus. Syrus vertit, *estis membra בדוכתכון beduchatchun*, id est, *in loco vestro*, ac si dicat: Quisque in parte sua et loco est membrum Ecclesiæ.

Sex pro-
prietates
corporis
et mem-
brorum
conven-
iunt Ec-
clesiæ,
Adverte hic: Sicut in corpore, *primo*, est unitas et unio corporis et animæ; *secundo*, diversitas membrorum; *tertio*, diversitas officiorum in membris singulis; *quarto*, aptitudo et dos cujusque membri ad suum officium; *quinto*, communio functionum, qua quodque non sibi soli, sed et

aliis operari debet, idque quia sunt membra unius corporis; *sexto*, quies, qua quodque suo gradu et officio contentum est, non ambit aliud, nec invidet nobiliori, sed omnium summa est unio et concordia, compassio et gaudium: ita et omnino se res habet in Ecclesia, in qua quisque a Christo, quasi anima, suum habet charisma, suum talentum, suum officium et gradum, suam functionem, qua non sibi modo, sed et aliis pro-
sit, suum ordinem et limitem a Deo: quem qui perturbat, et alium ambit, Dei ordinationi et providentiæ resistit, in his quæ gratis a Deo accepit, *q. d.* Estis, o Corinthii, membra ejusdem corporis Christi, puta Ecclesiæ; ergo non sint schismata inter vos, unus alium non spernat, non invidet, non doleat; sed juvet, amet, gaudeat; quisque suo loco, gradu, officio sit contentus: quia sic particeps erit non tantum sui boni, sed et aliorum; sicuti pes ambulat pro oculo, aure, ventre: sic vicissim oculus videt, auris audit, venter concoquit pro pede. Quod si invidet et nolit oculus pro pede videre, auris audire, venter concoquere, non tantum illud membrum, sed et seipsum lædet, inquit Chrysostomus, perinde ac si una manus aliam amputet, seipsam dedecorat et debilitat: robustior enim est, si habeat auxilium ab alia manu. Rursum, si natura tantam in corpore inter singula membra concordiam curat et servat, nec sinit inter ea nullam discordiam aut seditionem; quanto magis gratia Dei, quæ multo est potentior, animorum concordiam efficiet, in Christi Ecclesia, neque perferet ut in uno hoc corpore aliquod membrum sit seditiosum, aut discors? Si magistratus in civitate, rex in regno seditionem non tolerat, sed acerrime punit; quid faciet Christus schismaticis Ecclesiam suam scindentibus?

28. QUOSDAM POSUIT DEUS IN ECCLESIA, PRIMUM APOSTOLOS (ut caput), SECUNDO PROPHETAS (ut oculos), TERTIO DOCTORES (ut linguam: unde non principes sæculares, ut Brentius vult, sunt primi et caput Ecclesiæ; sed Apostoli et eorum successores, Papa et Episcopi; Deus enim in Ecclesia primum Apostolos posuit, ait Paulus), DEINDE VIRTUTES (græce δυνάμεις, id est, *potestates*, hoc est, miraculorum operatores: hi sunt quasi manus Ecclesiæ), EXINDE GRATIAS CURATIONUM; — curatores scilicet morborum.

OPITULATIONES, — qui aliis opitulantur, exercentque circa ægros, pauperes, miseros, peregrinos et hospites opera misericordiæ. Græce ἀνταίψεις, *susceptiones*, hoc est, ut alii legunt, subsidia, subventiones.

GUBERNATIONES, — qui alios regant et corrigant, ut Parochi, ait D. Thomas; vel potius gubernationes sunt, ut Theophylactus et Cajetanus, qui præsumt gubernationi rerum temporalium, quas fideles offerebant Ecclesiæ. Hi enim ultimi sunt quasi pedes in corpore Christi, scilicet Ecclesia: tales fuerunt Diaconi electi ab Apostolis, ut viduis et mensis præessent, *Actor. vi.*

ejus-
que a-
delibus

Unio flia-
linm tra-
ta esse d-
bet, quan-
ta est
membra-
rum in
corpora.

Mem-
brum
unum
lædens
aliud
seipsum
lædit.

Vers. 29.
In Eccle-
sia Apo-
stoli sunt
quasi ca-
put.
Propheta
quasi
oculi.
Doctores
quasi
lingua.
Virtutes
quasi ma-
nus, (E-
conomii
quasi pe-
des.

Nota, abstracta hic poni pro concretis : « virtutes, » id est operatores virtutum ; « gratias curationum, » hoc est curatores, vel potentes curare ; « opulationes, » id est opitulatores ; « gubernationes, » hoc est gubernantes ; « genera linguarum, » id est peritos linguarum variarum : hosce enim omnes subnectit Paulus Apostolis, Prophetis, Doctoribus, quasi alia membra Ecclesiæ. Vide *Can. 21*. Ita Chrysostomus.

Vers. 29. 29. NUMQUID OMNES APOSTOLI? — *q. d.* Minime : quisque ergo suo gradu, in quo a Deo in Ecclesia collocatus est, suæque gratia quam gratis a Deo accepit, contentus sit, Deoque gratias agat, et sua gratia ad Dei gloriam et Ecclesiæ commodum utatur.

Vers. 30. 30. NUMQUID OMNES GRATIAM HABENT CURATIONUM? — « Ita, ait S. Augustinus, *epist. 137*, nec in omnibus memoriis Sanctorum Deus miracula fieri voluit, qui dividit unicuique prout vult. » Itaque non mirum Deum hoc loco, hoc templo, ad hanc aut illam Deiparæ Virginis statuam miracula operari, non autem alio loco, templo, imagine; rursum huic Sancto hanc gratiam, alteri aliam concedere, v. g. ut S. Antonium invocantes, peste; Apolloniam, dolore dentium; Barbaram, subitanea morte, ne sine confessione moriantur, liberentur : quia, ut ait Apostolus, Deus has gratias dividit prout vult. Sic Deus in Probatice piscina, non alibi, regros et aridos miraculose sanabat, *Joan. v*. Sic per virgam Aaronis, non alterius, miracula fecit, *Num. xvii*. Sic ad imaginem æneï serpentis, non autem rei alterius, Judæos ignita lue liberavit, *Num. xxi, 9*.

Vers. 31. 31. ÆMULAMINI (sectamini, scilicet petite a Deo, exercete si accepistis, e jam dictis *vers. 8*) CHARISMATA MELIORA, — hoc est utiliora, puta apostolatium, prophetiam, sapientiam; scientiam, non autem donum linguarum, quod ambire, et in quo inaniter gloriarī soletis vos, o Corinthii. Ita

Anselmus. Alii legunt per interrogationem et in tempore præsentī, « æmulamini : » hoc est, si æmulamini meliora, ecce ostendo vobis viam excellentiorem. Ita Chrysostomus, Theophylactus; Œcumenius.

ADHUC EXCELLENTIOREM VIAM VOBIS DEMONSTRO. — « Viam » scilicet charitatis, quæ via est ad Deum, ad vitam et gloriam æternam, de qua cap. sequenti.

Nota : Commentarius Hieronymo adscriptus hic docet charitatem separari ab Apostolo a charismatibus, hoc est gratiis gratis datis, quod hæc gratis dentur a Deo, charitas vero nostro labore et naturæ viribus acquiratur. Unde colligas hunc Commentarium non esse S. Hieronymi, sed Pelagii vel Pelagiani alicujus, ut dixi initio. Correxerit hoc Primasius, qui multa ex hoc Commentario transcripsit, et patet charitatem esse donum Dei, *Rom. v, 5* : « Charitas Dei diffusa est in cordibus nostris per Spiritum Sanctum qui datus est nobis. » Unde hic ait Paulus : « Excellentior viam, » ἔδωκεν καὶ ὑπερβολὴν, per hyperbolen, per excessum, id est excessive meliorem et præstantiorem viam, scilicet charitatis, vobis ostendo. Ita ex Chrysostomo Theophylactus. Unde et Casianus, *Collat. XI*, cap. *xii*, sic legit : « Et adhuc excellentiorem supra modum viam vobis demonstro. » Si ergo gratiæ gratis datæ, quæ minores sunt, a Deo dantur; multo magis charitas, quæ excessive illis est melior et eminentior, a Deo peti et dari debet. In hoc ergo distinguit Apostolus charitatem a charismatibus, quod hæc gratis dentur ad utilitatem Ecclesiæ, non ad sanctificationem ejus cui dantur : charitas vero detur ad hoc, ut is qui illam habet, sanctus et gratus Deo fiat. « Ille, inquit S. Augustinus, *serm. De Laudibus charitatis*, tenet et quod patet, et quod latet in divinis eloquiis, qui charitatem tenet in moribus. »

Excellentior via ad Deum est charitas.

Error Pelagii, charitatem esse donum Dei, non Dei, sed nostrum.

In quo charitas distinguitur a charismatibus?

CAPUT DECIMUM TERTIUM.

SYNOPSIS CAPITIS.

Docet inter omnia dona et gratias excellere charitatem. Primo ergo asserit sine charitate nullum donum aut virtutem prodesse.

Secundo, vers. 4, enarrat charitatis sedecim conditiones, sive officia in proximos.

Tertio, vers. 8, ostendit charitatis præcellentiam ex eo quod etiam permaneat in cælo, cum fides ibi mutanda sit in visionem, spes in fruitionem.

1. Si linguis hominum loquar, et angelorum, charitatem autem non habeam, factus sum velut æs sonans, aut cymbalum tinniens. 2. Et si habuero prophetiam, et noverim mysteria omnia et omnem scientiam : et si habuero omnem fidem, ita ut montes transferam, charitatem autem non habuero, nihil sum. 3. Et si distribuero in cibos pauperum omnes facultates meas, et si tradidero corpus meum ita ut ardeam, charitatem autem non

habuero, nihil mihi prodest. 4. Charitas patiens est, benigna est : charitas non æmulatur, non agit perperam, non inflatur. 5. Non est ambitiosa, non quærit quæ sua sunt, non irritatur, non cogitat malum, 6. non gaudet super iniquitate, congaudet autem veritati : 7. omnia suffert, omnia credit, omnia sperat, omnia sustinet. 8. Charitas nunquam excidit : sive prophetiæ evacuabuntur, sive linguæ cessabunt, sive scientia destruetur. 9. Ex parte enim cognoscimus et ex parte prophetamus. 10. Cum autem venerit quod perfectum est, evacuabitur quod ex parte est. 11. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. 12. Videmus nunc per speculum in ænigmate : tunc autem facie ad faciem. Nunc cognosco ex parte : tunc autem cognoscam sicut et cognitus sum. 13. Nunc autem manent, fides, spes, charitas, tria hæc ; major autem horum est charitas.

Charitas Est toto hoc capite encomium charitatis. Agit virtutum omnium est regina. **na.** vero de charitate tam fuse Apostolus, tum quia charitas omnium virtutum est regina, tum quia vult per charitatem quasi medicinam efficacissimam sanare Corinthiorum fastum et schismata. Charitas enim facit ut superiores non contemnant inferiores, et ut inferiores non indignantur superiores sibi præferri. Maxime vero commendat eis charitatem, quasi donum præstantissimum, ut illam, non autem donum linguarum, prophetiæ, aut miraculorum, quæ maximi facere solebant Corinthii, consecutentur. Et hoc est quod præparans transitum suum ad charitatem, dixit in fine capituli præcedentis : « Æmulamini autem charismata meliora, et adhuc excellentiorem viam (charitatis), vobis demonstro. »

Vers. 1. 1. SI LINGUIS HOMINUM LOQUAR, ET ANGELORUM. — **Angelo-** « Angelorum linguam » aliqui Hebræam accipiunt, qua Deus, angeli et Adam locuti sunt in paradiso, de quo plura vers. 8. **Secundo**, Glossa, Durandus, Gregorius Ariminensis in II, dist. ix, Quæst. II, et Molina, I part., Quæst. CVI, art. 1, ex hoc Apostoli loco putant angelos loqui ut homines, non tantum per species angelo audienti impressas, sed etiam per nutus et signa, sed spiritualia (quæ sint quasi spirituales quidam sermones et loquelæ) illis indita in creatione, sicut Adæ lingua Hebræa fuit indita. Hinc Franciscus Albertinus, I *Corollariorum Theologicæ*, corollar. 11, quemque angelum, ait, propriam suam habere linguam, a cuiusvis alterius angeli lingua distinctam, quia Apostolus inquit : « Si linguis loquar angelorum, » non, lingua. Verum hinc sequi videtur, quod, si angeli hæc signa exhibeant, et loquantur uni, alios illa celare non possint; nihil enim naturale celare possunt, sed tantum id quod liberum est : hæc autem signa naturalia sunt, eisque cum natura indita et concreata.

Unde alii cum **D.** Thoma putant angelos sic loqui, ut conceptus suos ad alium dirigant, velintque illi innotescere; tunc enim ex congrua Dei ordinatione et concursu fieri objectum proportionatum, et poni quasi intra sphaeram cognitionis, fierique intelligibile illi, cui volunt loqui, non alteri : ita ut ille objectum hoc quasi jam ob

oculos positum videat et intelligat, non alius. Ex quo aliqui concludunt, angelos natura sua non posse mentiri. Sed contrarium videtur verius, scilicet posse eos mentiri; quia possunt angeli conceptum falsum et menti dissonum in intellectu suo formare, eumque dirigere ad alium, cui hoc modo loquuntur : sicut homo format loquelam falsam et menti dissonam cum mentitur. Non enim angeli ipsos actus voluntatis in se, id est ipsas volitiones et intentiones suas videntas exhibent : sed horum actuum conceptus in mente efformant, vel veros, vel falsos, prout volunt, eosque representant illi, cui loquuntur. Verum hæc Scholasticis fusius disputanda et dirimenda relinquamus.

Angelorum ergo hic linguæ non sunt sensibiles, ut vult Cajetanus, sed intelligibiles, scilicet hæ linguæ sunt ipsi conceptus angelici, perfectissimi et pulcherrimi. Vel certe est prosopopœia et hyperbole : « Angelorum lingua, » id est, elegantissima lingua. Sic vulgo dicimus : Divine loquitur. Simili hyperbole dicitur : Facies angeli, vel angelica, id est pulcherrima. Ita Theodoretus et Theophylactus; quia scilicet angeli in se sunt pulcherrimi, et pulcherrimos se exhibent et visu et voce, dum corpus assumunt. Sic ergo hic, uti et alibi subinde, per hyperbolen loquitur Paulus ex hypothesi, maximo emphaseos causa, *q. d.* Si essent linguæ angelorum super humanas, Hebræam, Græcam, Latinam, et ego eas callerem, neque tamen eis uteretur ad commodum proximi, quid esset aliud quam inanitas et obstrepera loquacitas? Ita Græci et Latini. Sic *Galat. I, 8* : « Licet, inquit, angelus de cælo evangelizet. » Sic *Rom. viii, 39*, cum omnes res creatas, summas, imas, medias nominasset, addit per hyperbolen : « Neque creatura alia. » Notat hic Paulus Corinthios, qui donum linguarum præ cæteris admirabantur.

CYMBALUM TINNIENS, — inconditum et confusum sonum edens, græce ἀλλόφων. Est onomatopœia, *q. d.* Sonans alala, alala. Sic Apion Grammaticus ob garrulitatem dictus est « Cymbalum orbis, » teste Suetonio, lib. *De Præclaris Grammaticis*.

2. SI HABUERO OMNEM FIDEM, ITA UT MONTES **Vers. 2.** TRANSFERAM, CHARITATEM AUTEM NON HABUERO,

Angeli natura sua possunt mentiri.

Quæ sint angelorum linguæ?

Angelo-rum lingua per prosopopœia est lingua elegantissima.

Corinthii valde admirantur donum linguarum.

NIHIL SUM. — Erasmus vult esse fictionem hyperbolicam, q. d. Charitas longe excellit fidem : sicut dicitur, Nobilitas sola est atque unica virtus.

Sed hoc nimis frigidum est : nam de elemosyna et martyrio, si absit charitas, versu sequenti dicit : « Nihil mihi prodest. » Ergo « nihil sum, » id est nullius sum pretii et gratiæ coram Deo, et in veritate ; quia justus est aliquid coram Deo, reliqui homines iniusti in oculis et æstimatione Dei sunt quasi nihil, q. d. Sine charitate nihil prodest, nihil facit amicitiam cum Deo, nihil est quod homini conciliet justitiam et salutem, ne fides quidem maxima et excellentissima, quæ montes transferat, qualis fuit in Gregorio Thaumaturgo, qui sua fide montem loco movit, ut ecclesiæ ædificandæ locum faceret, ut narrat Eusebius, lib. VII *Histor.*, cap. xxv.

Nullus est amicus Dei sine charitate.

Gregorius Thaumaturgus sua fide montem loco movit.

Bona opera penitentem ante reconciliationem quomodo prosint?

Dices : Ergo si penitens in bonis operibus se exerceat, ante reconciliationem, illa nihil ipsi prosunt. Respondent aliqui, prodesse, quia penitens, inquit, habet charitatem, non infusam quæ facit justum, sed charitatem, id est affectum sinceri amoris erga Deum, quo ad reconciliationem aspirat. Verum hic affectus non est, nec dici potest charitas : charitatem enim hic et alibi sacra Scriptura vocat eminentissimam virtutem, fide et spe majorem, quæ nos Dei amicos facit.

Secundo, quia affectus timoris, spei et fidei disponunt ad justitiam ; ergo sunt aliquid, etiam sine affectu amoris illius.

Bona opera non prosunt penitenti ante reconciliationem quomodo sequatur.

Dico ergo : Nihil prosunt bona opera peccatori penitenti, nisi sequatur charitas : sic enim ait ; elemosynam non prodesse, ut patebit vers. 3. Dispositio enim, qua dispositio, frustra est et nihil, nisi sequatur forma ad quam disponit : opera ergo sine charitate nihil sunt, id est, nullam justitiam aut salutem conferunt ; et homo sine charitate « nihil est, » scilicet secundum esse spirituale, quo per regenerationem supernaturalem accipit esse supernaturale et divinum, fitque nova Dei creatura, filius et hæres Dei.

Hinc patet, fidem solam non justificare.

Fides sola non justificat etiam excellentissima.

Respondet Beza, hic agi tantum de fide miraculorum. « Nam fides, inquit, justificans, quæ scilicet Dei misericordiam in Christo apprehendit, cogitatione quidem a charitate secerni potest, re ipsa nunquam, non magis quam lux ab igne. »

Sed contra, quia fides miraculorum includit et supponit fidem proprie dictam, quæ principium est justificationis ; imo fides miraculorum excellentissima est fides, ut hic significat Apostolus dicens : « Si habuero fidem, ita ut montes transferam ; » ergo si fides miraculorum esse potest sine charitate, etiam justificans esse poterit. *Secundo*, quia ait Apostolus, « omnem fidem, » quod fraudulenter Beza vertit, *totam fidem* : si omnem, ergo etiam justificantem. *Tertio*, quia vers. 8 et ultim. docet Apostolus, fidem, uti et spem, utique Theologicam et justificantem, in hac vita tantum manere, cum charitas maneat etiam in futura :

Fraudulenter Beza pro omni vertit, totam fidem.

ergo fides a charitate separatur. Ita Chrysostomus, Anselmus, Theophylactus et alii, ac in primis S. Augustinus, lib. XV *De Trinit.*, cap. XVIII : « Fides, ait, juxta Apostolum, sine charitate esse potest, prodesse non potest. » Et sermone de tribus virtutibus, fide, spe et charitate, tom. X, de sola charitate dicit : « quod distinguat inter filios Dei, et filios diaboli ; inter filios regni, et filios perditionis ; » ac rursum, lib. *De Natura et Gratia*, cap. ult. : « Charitas inchoata, inquit, inchoata justitia est ; charitas magna, magna justitia est ; charitas perfecta, perfecta justitia est. » Vide Bellarminum, lib. I *De Justificatione*, cap. xv. Quæ sit fides miraculorum dixi cap. præced., vers. 9. Qua ratione fidei tribuenda sit operatio miraculorum, docet D. Thomas, *De Potentia*, Quæst. VI, art. 9.

Fides sine charitate esse potest, non prodesse.

Quanta in homine est charitas, tanta est et justitia.

Porro S. Ambrosius aliter hunc locum explicat lib. IV, epist. 44 *ad Horontian.* : « Arbitror, inquit, propositi gratia hoc dixisse Apostolum ; neque enim videtur mihi, qui habet omnem fidem ita ut montes transferat, charitatem non habere : quomodo et illud, si habeat aliquis omnia mysteria et omnem scientiam, quomodo non habeat charitatem, cum dicat Joannes, epist. I, cap. v : Omnis qui credit, quia Jesus est Christus, ex Deo natus est. » Ubi S. Ambrosius censet Apostolum dixisse hoc propositi gratia, id est proponendo hypothesin, sive conditionem alias impossibilem, atque per « omnem fidem » accipit fidem perfectam, puta vivam et charitate formatam, uti ipse Ambrosius ibidem explicat, quam certum est a charitate separari non posse. Sensum ergo esse, q. d. Si per impossibile omnis fides, id est fides plena, perfecta et viva (puta charitate formata), separari posset a charitate, nihil illa fides prodesset ad justitiam et salutem. Sic Apostolus passim in epist. *ad Romanos*, ait non legem justificare, sed fidem, puta charitate formatam ; et S. Joannes ait eum qui credit, scilicet fide charitate formata, esse natum ex Deo, uti ibidem explicat S. Augustinus ; vide dicta *Can. 3* rerum in S. Paulum. Et sane licet fides illa quæ montes transfert, metaphysicæ et de possibili separari a charitate possit, tamen moraliter et de facto *vix* unquam a charitate separatur. Nunquam enim legimus fidelem charitate carentem, puta existentem in peccato mortali, transtulisse montes : hoc enim Deus non facit nisi per amicos sibi valde charos. Simili modo id quod sequitur : « Si tradidero corpus meum ita ut ardeam, charitatem autem non habuero, nihil mihi prodest, » de martyrio hypotheticæ exponit S. Chrysostomus, uti mox dicam.

3. ET SI DISTRIBUERO. — Græcum *φωμίζω* significat frustulatum quasi concisum panem aut escam ingerere ori puerorum, vel ægrotorum, ut dixi *Roman. XII, 20* ; hic vero significat omnem substantiam suam in talem usum expendere.

Vers. 3.

SI TRADIDERO CORPUS MEUM, ITA UT ARDEAM, CHARITATEM AUTEM NON HABUERO, NIHIL MIHI PRODEST.

— Græca quædam pro *καυθίσσασθαι*, id est *ardeam*, legunt *καυχῆσθαι*, id est *glorier*, et ita legit Hieronymus, in fine cap. v *ad Galatas* : sed communis Græcorum, Latinorum et Syri lectio est, *ὡς καυθίσσασθαι*, ut *ardeam*.

Dices : Ergo martyrium esse potest sine gratia et charitate, cum peccato et damnatione.

Quæst. Nota primo : Sicut eleemosynam dare, ita et Au Mar-tyr pos-sit esse sine cha-ritate et damna-ri? Quid sit marty-rium, et cuius virtutis actus? Tradere quis potest corpus variis modis et moti-vis, v. g. pro patria, pro proximo, pro corporis castigatione, ex vana gloria; rursum pro fide, pro Christi et Dei amore, et tunc est martyrium. Secundo, martyrium est actus elicitus a virtute fortitudinis, imperatus sæpe a charitate; potest tamen non a charitate, sed ab alia virtute impe-rari, ut a religione vel obedientia; puta, si quis se offerat martyrio, ut Deum honoret, vel illi obedi-at : quæ tamen manant etiam ex generali qua-dam dilectione Dei.

Tertio, martyrium ex quacumque virtute obitu-m confert gratiam justificantem, etiam primam, quasi ex opere operato, ut docent Theologi, et consequenter confert charitatem, nec ab ea ut termino suo separari potest.

Dico ergo primo, Apostolum loqui in genere de quavis traditione corporis ut ardeat, sive id faciat quis pro patria, uti fecit Mutius Scævola; qui volens occidere regem Porsenam Romam obsidentem, cum errasset, essetque jam in potestate hostium, ut ostenderet quam mortem pro patria contemneret, manum combussit : « Ut scias (aiebat ipse Porsenæ) quam vile nobis sit corpus gloriam spectantibus. » Sive id faciat quis ob inanem gloriam, uti fecit Peregrinus, qui ob immortale nomen sibi comparandum, in certaminibus Olympicis se in rogam comburendum iniecit, ut testis est oculatus Lucianus in *Peregrino*. Sive etiam quis se igni tradat ob fidem Christi, simul tamen servando odium proximi, aut voluntatem peccandi mortaliter : quod martyrium est materiale, non formale; tum enim est sine charitate et nihil prodest. Ita D. Thomas, Anselmus, Theodoretus.

Hinc dico secundo, Apostolum loqui quoque de traditione corporis in martyrio materiali et etiam formali; sed conditionate, q. d. Si martyrium esse posset sine charitate, nihil prodesset. Ita S. Chrysostomus et Theophylactus. Unde Theodoretus et S. Basilius, epist. 75 ad *Neocasarienses*, notant hic esse hyperbolen, si velis non tantum conditionate, sed et absolute Apostolum loqui.

Dico tertio, martyrium antecedenter, sive ex opere operantis, quatenus nimirum spectatur tantum opus ipsum in se, sive meritum ejus qui patitur martyrium, potest esse sine charitate. Ut si quis existens in peccato mortali pro fide Christi mori velit, necdum habens charitatem; et sic nihil prodest martyrium : consequenter tamen ex opere operato, in sui termino semper martyrium adducit charitatem; hoc enim ipso quo

quis, etiam peccator, pro fide occiditur, infunditur ei quasi ex opere operato charitas et justitia; et sic martyrium plurimum prodest. Hoc ergo modo sensus Apostoli hic erit : martyrium nihil prodest, nisi vel antecedat, vel sequatur, vel adsit charitas, sive ut principium, sive ut terminus et effectus martyrii. Ita D. Thomas, Cajetanus et Franciscus Suarez, III *part.*, Quæst. LXIX, disp. XXIX, sect. 2, q. d., ait Anselmus : Sine charitate nihil, licet excellens, prodest; cum charitate vero omnia, licet vilia, prosunt, fiuntque aurea et divina.

Nihil mihi prodest, — οὐκ ὠφελοῦμαι, non juvor, non capio utilitatem (scilicet ut justificer et salver). Ita Syrus. « Tanta est charitas, quæ si desit, frustra habentur cætera : si adsit, habentur omnia, » ait S. Augustinus, *Sententia* 326, in fine tom III.

4. CHARITAS PATIENS EST, BENIGNA EST. — Ambrosius legit, « charitas magnanima est (ita quoque sæpe legit S. Cyprianus et Tertullianus, lib. *De Patientia*, cap. XII), jucunda est. » Græce pro « patiens est, » habetur *μακροθυμῆς*, *longanimis* est. Ita et Syrus.

Nota : « Charitas patiens est, » non formaliter, sed causaliter, quia parit patientiam et benignitatem : quia patientia, æque ac benignitas, non est actus elicitus, sed imperatus a charitate. Pulchre Tertullianus, lib. *De Patientia*, cap. XI, docet nullam esse perfectam virtutem quæ non habet comitem patientiam, itaque in omnibus beatitudinibus quas Christus, *Matth.* V, enumerat, patientiam quoque intelligendam esse. Et cap. XII, docet thesaurum charitatis disciplina patientiæ contineri, et ipsam charitatem a patientia quasi a magistra erudiri. Expendens enim hæc Apostoli verba : « Charitas patiens est, » sic ait : « Dilectio summum fidei sacramentum, Christiani nominis thesaurus, cujus nisi patientiæ disciplinis eruditur? Dilectio; inquit, magnanimis est, ita patientiam sumit; benefica est, malum patientia non facit; non æmulator, id quidem patientiæ proprium est; nec protervum sapit, modestiam de patientia traxit; non inflatur, non protervit, non enim ad patientiam pertinet. Cæterum quid impatientiæ reliquisset? ideo, inquit, dilectio omnia sustinet, omnia tolerat, utique quia patiens est. »

Hinc S. Augustinus, lib. *De Morib. Eccles.*, XV, fortitudinem sic definit : « Fortitudo est amor omnia propter Deum facile sustinens. » Pari modo tres cæteras virtutes cardinales per amorem definit, scilicet eas esse varios amoris affectus : « Ut temperantiam, inquit, dicamus esse amorem, Deo sese integrum incorruptumque servantem. Justitiam esse amorem, Deo tantum servientem, et ob hoc bene imperantem cæteris, quæ homini subiecta sunt. Prudentiam esse amorem, bene discernentem ea quibus adjuvetur in Deum ab iis quibus impediri potest. » Ibidem cap. XXII : « Amor, inquit, ille, quem tota sanctitate infla-

se sine charitate; consequenter ex opere operato adducit charitatem. Sensus Apostoli

Vers. 4.

Patiens est charitas, quia parit patientiam.

Nulla perfecta virtus sine patientia.

Charitas a patientia quasi a magistra eruditur.

matum esse oportet in Deum, in non appetendis istis temperans, et in amittendis fortis vocatur. » Et paucis interjectis : « Nihil tam durum, tamque ferreum, quod non amoris igne vincatur. Quo cum se anima rapit in Deum, super omnem carnis officinam, libera et admiranda volitabit pennis pulcherrimis et integerrimis, quibus ad Dei amplexum amor castus innititur. » Omnis ergo virtus est amor et charitas, puta actus charitatis, non elicitus, sed imperatus : quia a charitate imperatur, dirigitur, formatur et perficitur. Adde, virtus per se est amor honesti. Talis fuit charitas Christi in cruce erga suos crucifixo, de qua S. Bernardus, *serm. De Passione Domini*, ait : « Flagellis cæsus est, spinis coronatus, clavis confossus, affixus patibulo, opprobriis saturatus : omnium tamen dolorum immemor, Ignosce, ait, illis, quia nesciunt quid faciunt. O quam multus es ad ignoscendum ! O quam magna multitudo dulcedinis tuæ, Domine ! O quam longe cogitationes tuæ a cogitationibus nostris ! O quam firmata est super impios misericordia tua ! Mira res ! ille clamat : Ignosce ; Judæi : Crucifige. Molliti tibi sermones ejus super oleum, et isti sunt jacula. O charitas patiens, sed et compatiens ! Charitas patiens est, sufficit. Charitas benigna est, cumulus est : quia benigna charitas etiam quos tolerat amat, et amat tam ardentem. » Et paulo inferius : « O Judæi, lapides estis, sed lapidem percutitis molliorem, de quo resonat tinnitus pietatis et ebullit oleum charitatis. Quomodo potabis, Domine, desiderantes te torrente voluptatis tuæ, qui sic perfundis crucifigentes te oleo misericordiæ tuæ ? »

NON EMULATUR, — non invidet. Nam, ut ait S. Gregorius, *homil. 5 in Evangel.* : « Voluntas bona (quam parit charitas) est, sic adversa alterius, sicut nostra pertimescere ; sic de prosperitate proximi, sicut de nostro profectu gratulari ; aliena damna nostra credere, aliena lucra nostra putare. » Ratio est, quia charitas non respicit meum et tuum, sed quæ Dei sunt ; nam, ut ait ibidem S. Gregorius : « Quidquid in hoc mundo concupiscimus, hoc proximo invidemus. » Videtur enim nobis decedere, quod alteri accedit. Hanc ob causam charitas friget, ubi cupiditas viget : e contrario cum fraterna charitas regnat, tunc cupiditas exulat ; nam, ut ait S. Augustinus, *lib. III De Doctrin. Christ.*, cap. x : « Quanto magis regnum cupiditatis destruitur, tanto charitatis augetur. »

Quid agit perperam? NON AGIT PERPERAM, — perverse, procaciter, malitiose : Græce οὐ περπερεύεται, quod alii vertunt, non garrit ; secundo, Vatablus vertit, non adulatur ; tertio, Clemens, *lib. III Pædag.*, cap. II, non est fucata, sive nimis compta. « Perperam enim, inquit Clemens, agere dicitur cultus, qui superfluitatem et inutilitatem aperte indicat. Nimium enim ornatus studium alienum est a Deo, ratione et charitate. Quarto, Cajetanus vertit, non est incon-

stans ; quinto, Theophylactus, non est præceps, levis, temeraria, stolidus ; sexto, Syrus, non est tumultuosa ; septimo, Theophylactus rursum, non se extollit, q. d. οὐ περπερεύει. Sic etiam videtur exponere S. Basilius, *Reg. 49 inter breviores* : « Quid est, » inquit, περπερεύεται ? quod interpret Latinus Basilii vertit, quid est impotenter gloriari et se jactare ? Respondet : « Id quod non ob necessitatem, sed ornatus superflui causa assumitur, perperie accusationem habet. » Verum ex hisce verbis sat patet interpretem non esse assecutum mentem S. Basilii, nec Basilium per περπερεύεται, intellexisse jactantiam et impotentem gloriationem, sed fucum et nimium ornatum, uti intellexit Clemens Alexandrinus loco jam citato. Octavo, optime Chrysostomus vertit, charitas non est procax, vel proterva, « uti est amor carnalis procorum, amasiarum et meretricum. » Unde Tertullianus, *lib. De Patientia*, cap. XII, legit, « charitas non facit protervum. » Sumpta est vox Græca περπερεύεται, et Latina « perperam, » a Perperis fratribus, ait Erasmus, qui et Cecropes sunt dicti, quorum procacia et improbitas fabulis Poetarum est nobilitata (1).

5. NON EST AMBITIOSA. — Græce ἀζηλωτή, quod Syrus vertit, non patrat quod pudendum est ; Clemens, *lib. III Pædag.*, cap. I, vertit, non indecore se gerit ; noster Interpres cum Chrysostomo, Theodoro ; Theophylacto, Œcumenio, sic accipit, q. d. Charitas nihil putat sibi esse dedecus, vel indecorum, licet vile, licet ignominiosum, aut contumeliosum quid patiat vel agat. Aut brevius : Non pudefit charitas, quia nihil, nullumque decus ambit. Noster ergo ex effectu intellexit et vertit causam ; cur enim quis non pudefiat, causa est, quia nullum honorem vel decus ambit. Unde Chrysostomus et Theophylactus putant hoc dici a Paulo contra fastuosos : « Probrum, ait Chrysostomus, et dedecus quid sit, ignorat charitas ; alis aureis omnium quos complectitur vilia tegit. » Sic Christi charitas meretrices non est aspernata, non sputa, non flagella, non pedum lotionem. S. Basilius in *Regul. brevior.*, *Reg. 246*, vertit, charitas ab habitu et forma non discedit ; Œcumenius vero, charitas non acerbè reum agit illum qui sibi inimicus est.

NON COGITAT MALUM. — Id est, si lacessitur ab aliquo charitas, non æstimat injuriam, nec petit vindictam, sed dissimulat, excusat, ignoscit. Græce enim est, οὐ λογιζεται, id est, ut Vatablus et Græci vertunt, non imputat cuiquam malum.

6. CONGAUDET AUTEM VERITATI. — « Veritati, » non tam oris aut mentis, quam vitæ, id est justitiæ, q. d. Charitas cum proximos videt juste et recte vivere, ac proficere, non invidet, sed quasi de augmento proprii profectus gaudet et hilarescit, ait ex S. Gregorio Anselmus. Opponitur enim hic veritas iniquitati ; ait enim : « Non gaudet super iniquitate, congaudet autem veritati. » Veritas

Charitas non agit perperam? id est, non est procax, vel proterva. Unde vox Latina perperam.

Vers. 5.

Charitas non pudefit quia nullum honorem ambit.

Vers. 6.

ergo hic est æquitas, probitas, justitia. Aliter explicant Græci, *q. d.* Non gaudet charitas, cum videt inimicum quid inique vel injuste pati, sed dolet; et congaudet veritati, si videat illi quod suum est, dari.

Vers. 7. 7. OMNIA SUFFERT, — instar trabis, quæ impositum onus sustinet; vel potius instar palmæ, quæ non succumbit oneri suo, sed magis instar fornicis erigitur. S. Cyprianus, tract. *De Simpliciter. Prælatorum*, legit, *omnia diligit*, *σφιγν* pro *σφιγν*. Vere S. Augustinus in *Scientiis*, num. 293: «Fortitudinem, ait, Gentilium mundana cupiditas, fortitudinem autem Christianorum Dei charitas facit, quæ diffusa est in cordibus nostris per Spiritum Sanctum, qui datus est nobis, non per voluntatis arbitrium quod est a nobis.»

Qna ratione charitas omnia credat? OMNIA CREDIT, — scilicet quæ prudenter potest sine erroris periculo credere, facile aliis assentitur; charitas non est suspicax. Ait ergo Paulus: «Omnia suffert, omnia credit, omnia sperat, omnia sustinet,» *q. d.* Charitas omnia mala et injurias suffert, omnia meliora de proximo credit et sibi persuadet, omnia bona de proximo sperat, et ab eo mala verba et verbera sustinet. Ita Chrysostomus et Græci. Aliter explicant Anselmus, D. Thomas, Lyranus, *q. d.* Charitas facit cuncta credenda credere, speranda sperare, et per patientiam expectare. Nam alioqui de quibusvis aliis rebus verum est illud Senecæ, lib. *De Moribus*: «Perinde vitium est omnia credere, ac vitium est nihil credere.» Sic quoque exponit S. Augustinus, qui ex hisce Apostoli verbis facit quadrigam charitatis, quatuor scilicet virtutum charitatis, puta fidei, spei, patientiæ et perseverantiæ; unde in serm. *De Quatuor virtutibus charitatis* sic ait: «Omnis qui pie tolerat recte credit, et omnis qui recte credit aliquid sperat, et qui sperat sustinet ne a spe cadat.» Sed prior sensus genuinus est. Agit enim Apostolus toto hoc loco de officiis charitatis, non erga Deum, sed erga proximum, docetque qualem se charitas per omnia exhibeat proximo (1).

Quibus virtutibus consistet quadriga charitatis?

Sedecim sunt fructus charitatis quos explicat Chrysostomus. Notat Chrysostomus, *hom. 34*, initio, hæc esse sedecim bona et fructus charitatis, quos Corinthiorum morbis quasi remedia opponit: «Charitas, inquit, patiens est, contentiosos notans; benigna, factiosos et clandestinos; non invidet, adversus eos qui ægre superiores ferunt; non est procax, perstringit dissolutos; non inflatur, superbos; non est fastidiosa, contra eos qui se demittere et proximo inservire nolunt; non querit quæ sua sunt, in eos qui cæteros despiciunt; non irritatur, non cogitat malum, in contumeliosos; non gaudet super iniquitate, non gaudet autem veritati, in invidos. Rursum, omnia suffert, ad solatium circumventis et oppressis; omnia

sperat, ad solatium rejectis et desperatis; omnia sustinet, et nunquam excidit, in eos qui levi causa seditiones foveant.» Hæc officia charitatis ita describit S. Gregorius, lib. *X Moral.*, cap. *viii*: «Charitas patiens est, quia illata mala æquanimiter tolerat. Benigna vero est, quia pro malis bona largiter ministrat. Non æmularur, quia per hoc, quod in præsentī mundo nihil appetit, invidere terrenis successibus nescit. Non inflatur, quia cum præmium internæ retributionis anxie desiderat, de bonis se exterioribus non exaltat. Non agit perperam, quia quæ se in solum Dei ad proximi amorem dilatat, quidquid a rectitudine discrepat, ignorat. Non est ambitiosa, quia quæ ardentem intus ad sua satagit, foris nullatenus aliena concupiscit. Non querit quæ sua sunt, quia cuncta, quæ hic transitorie possidet, velut aliena negligit, cum nihil sibi esse proprium, nisi quod secum permaneat, agnoscit. Non irritatur, quia et injuriis læcessit, ad nullos se ultionis suæ motus excitat, cum pro magnis laboribus majora post præmia expectat. Non cogitat malum, quia in amore munditiæ mentem solidans, dum omne odium radicitus eruit, versare in animo quod inquinet, nescit. Non gaudet super iniquitate, quia quæ sola dilectione erga omnes inhiat, nec de perditione adversantium exultat. Congaudet autem veritati, quia ut se cæteros diligens, per hoc quod rectum in aliis conspicit, quasi de augmento proprii profectus hilarescit.»

Et S. Gregorius.

Cælo ergo similis est anima charitate flagrans. Sicut enim cælum amplissimum totam complectitur terram, eamque per solem calefacit et fecundat, atque per pluvias etiam spinis horrentia loca irrigat: sic talis anima totius terræ incolat; etiam barbaros, etiam hostes, charitate amplectitur, et quibus valet benefacit, atque spinis odii et vitiorum horrentes sua dulcedine irrigat et confovet.

CHARITAS NUNQUAM EXCIDIT, — non intermoritur, nunquam cessabit, cætera dona in gloria cælesti cessabunt. Inferunt hæretici, si charitas nunquam excidit, ergo qui eam habet, peccare non potest, estque certus de sua salute. Respondeo: Nego consequentiam. Charitas enim nunquam excidit, scilicet per se; nam sponte sua nunquam hominem deserit, nisi prius ab eo per peccatum deseratur. «Charitas, inquit Cassianus, *Collat. iii*, cap. *vii*, est quæ sectatorem suum nunquam sinit cadere supplantatione peccati.» Quamdiu ergo charitati studebis, eamque retinere voles, nunquam illa excidet, nunquam peccabis: sin peccas, per se non excidet charitas, sed per vim eam ipse ejicies.

Charitas sua sponte hominem non deserit, nisi prius ab eo per peccatum deseratur.

SIVE PROPHETIÆ EVACUABUNTUR, SIVE LINGUÆ CESSABUNT — non tam ob obscuritatem, quam quia hic datæ sunt ob imperfectionem audientium, ut scilicet ipsi rudiores per prophetiam et linguas erudiantur. Sic in cælo cessabit fides, quia ob im-

Fides et spes cessabunt in cælo, ubi er-

(1) Pro omnia sustinet, alii vertunt, omnia expectat, bona scil., id est, non tantum sperat, sed meliora patienter præstatur.

tem cha- evidentiam imperfecta est; et spes, quia et ipsa
ritas. ob rei speratæ absentiam imperfecta est; chari-
tas vero nihil horum habet, sed in se perfecta
est; unde manebit in cælo.

SIVE LINGUÆ CESSABUNT. — Non dicit: Lingua
cessabit, sed, «Linguæ cessabunt,» quia in cælo
cessabit varietas linguarum, non tamen omnis
lingua; nam non tantum mente, sed et sensibili
lingua unanimiter laudabimus Deum. Una ergo
remanebit lingua, qua omnes utemur in cælo,
eamque fore Hebræam, qua usus fuit Adam in
statu innocentie, omnesque Patriarchæ, Prophe-
tæ et Sancti ante Christum, imo totus mundus
ante divisionem et confusionem linguarum in Ba-
bel, docet Ilaymo, Remigius, Cajetanus hic, Ga-
latinus, lib. XII *De Arcan. fid.*, cap. IV, Viguerius
in *Institut.*, cap. IX, 1, vers. 8, ubi agit de dono
linguarum. Unde in Apocalypsi græce scripta,
dicitur quod Sancti in cælo canent hebraice *Amen*,
Alleluia: in cælo enim, sublato peccato, aufere-
tur quoque confusio linguarum, atque uti ad pri-
mævum innocentie statum, ita et ad linguam
illius, ac labium unum ac primum redibimus.
Sane si qua in cælo remaneat lingua ex his, qui-
bus in hac vita utimur, crediderim illam Hebræam
fore. Sed an ulla remansura sit, non constat. Nam
Apostolus tantum dicit: «Linguæ cessabunt,»
quod sic intelligi potest, ut omnes cessent quæ
jam inter homines in usu sunt. Cum quo tamen
consistit, ut alia de novo infundatur Beatis in
cælo sensibilis lingua, eaque omni hac nostra
longe nobilior et cælestis, quæ deceat os et cor-
pus gloriosum, qua Deum corporaliter laudent:
quod an verius sit, felix nos docebit experientia.
Verius id esse censet noster Joannes Salas, in III,
tom. I, *Quæst.* V, art. 3, tract. 2, disp. 14, num.
106, sect. 14. Quia, inquit, lingua Hebræa suavitate,
copia et perspicuitate caret: ergo non sola reti-
nenda est post generalem resurrectionem. In cælo
ergo erit labium electum, ut ait Sophonius, III,
9, hoc est, specialis quædam lingua summe sua-
vis, brevis et perspicua, communis omnibus na-
tionibus, docenda a Deo. Unde S. Bernardus, in
Meditat., cap. IV: Una, inquit, erit lingua om-
nium jubilatio indefessa, etc.; non erit in illa pace
diversitas linguarum, scilicet ad communem
usum. Præter hanc autem, loquentur cum libue-
rit, aliis linguis; omnes enim habebunt donum
linguarum, et scient omnia idiomata revelatione
divina. Addit noster Salmeron et alii, in cælo Deum
omnibus linguis esse celebrandum; quia hoc vi-
detur spectare ad majorem Dei gloriam, ut omnis
lingua confiteatur quia Dominus Jesus Christus in
gloria est Dei Patris. Et sic omnis lingua erit una,
quia unum idemque sentiet et prædicabit: sicut
Martialis, *epigram.* 1, blandiendo Cæsari dixit:

Vox diversa sonat populorum, est tamen una,
Dum verus patriæ diceris esse pater.

SIVE SCIENTIA DESTRUETUR. — «Scientia,» græce

γῶσις, id est *cognitio*, scilicet ut Chrysostomus, Theodoretus et Theophylactus, imperfecta, ob-
scura et ænigmatica, ut ait Paulus vers. 12, puta
fides et quicquid fide nititur, qualis scientia est
Theologia nostra, quæ ex principiis fidei conclu-
siones deducit: hæc omnis in cælo cessabit. Nam
erit ibi alia specie Theologia, utpote ex visione
Dei et principiis evidentissimis evidentissima. Ita
Cajetanus, Molina, Vasquez et alii, initio primæ
partis.

Nota, Apostolum potius de actu scientiæ quam
habitu loqui. Unde subdit: «Ex parte enim cog-
noscimus, et ex parte prophetamus.» Et: «Cum
essem parvulus, sapiebam ut parvulus.» Et:
«Nunc cognosco ex parte, tunc autem cognos-
cam sicut et cognitus sum.» Ex actu tamen ces-
sante colligendum relinquit et habitum cessatu-
rum: frustra enim esset habitus, cujus nullus
erit usus, quia non exibat in actum. Et hoc signi-
ficat verbum, *evacuabitur*, et *destruetur*, ut scilicet
scientia, prophetia et linguæ plane et quoad
actum, et quoad habitum intereant. *Secundo*, non
male Photius sic explicat: «Scientia,» græce
γῶσις, id est doctrina et discentia, *evacuabitur*;
in cælo enim nec docebimus, nec discemus. *Ter-*
tio, alii: Scientia, inquit, id est, usus sermonis
scientiæ, quo hic res fidei per scientias naturales
explicantur et illustrantur, in cælo cessabit.

9. EX PARTE ENIM COGNOSCIMUS, ET EX PARTE
PROPHETAMUS. — «Ex parte,» hoc est, imperfecte;
Syrus vertit, *modicum ex multo cognoscimus*: hoc
enim modicum et imperfectum, quod partim per
scientiam, partim per prophetiam cognoscimus,
opponit perfecto, vers. seq., id est, perfectæ vi-
sioni et cognitioni Dei in se, et omnium in Deo;
quia revera totum quod est Dei, et omnia ejus
attributa et perfectiones in hac vita non cognos-
cimus, sed soli et omnes Beati illa cognoscunt,
idque probat exemplo parvuli, qui uti ætate, ita
scientia adolescit; Beati enim scientia sunt quasi
viri, cum in ea nos sumus pueri. Rursum scien-
tia nostra Theologica, licet certa sit, est tamen
inevidens et obscura, quia fide nititur, ideoque
tantum scientia est ex parte, sive imperfecta;
Beati vero clare et evidenter omnia cognoscunt,
imo cominus vident et intuentur.

11. CUM ESSEM PARVULUS. — Græce *νῆπιος*; hebraice
dicitur *לָאָל* *olal*, id est, puer, qui nunc incipit
loqui, cogitare, moliri, conari, studere, ludere
et agere aliquid, uti faciunt nostri parvuli. Hoc
enim significat Hebræa radix *לָאָל* *alal*. Unde sub-
dit Paulus:

LOQUEBAR UT PARVULUS, SAPIEBAM UT PARVULUS,
COGITABAM UT PARVULUS. — «Sapiebam,» græce
ἐπρόνοον, id est *sentiebam*. Ita Vatablus. Parvuli
enim, vel ut græce, *νῆπιος*, id est *infantes*, non
habent sapientiam, sed sensum, q. d. Sicut par-
vulus existens cogitavi et sapui et sensi ut par-
vulus; sed factus vir cogitavi et sapui ut vir: ita,
«cum venerit quod perfectum est,» id est per-

Quid
γῶσις,
id est
scientia.

Primæ-
positio et
genuina.
Alia
specie
in cælo
erit
Theolo-
gia.

Habitus
Theolo-
gia in
cælo ces-
sabit,
quia nul-
lus erit
eorum
usus.
Secundæ
expositio

Tertia.

Vers. 9.

Nostra
scientia
respectu
Dei est
scientia
parvuli.

Vers. 11.

fecta in cœlo sapientia, evacuabitur partialis et imperfecta scientia, quam in hac vita habemus; ut qui hic scientia sumus pueri, in cœlo eadem simus viri: alteram enim similitudinis partem ita supplendam relinquit Paulus ex vers. præced.

Vers. 12. 12. VIDEMUS (scilicet Deum et divina, quibus salvi et beati fimus, ut patet ex seq.) NUNC PER SPECULUM IN ÆNIGMATE: TUNC AUTEM FACIE AD FACIEM. — Dices: Si per speculum hic Deum videmus, ergo eum clare videmus et non in ænigmate; speculum enim non rei imaginem, ut vulgus putat, sed ipsam rem oculis exhibet.

Speculum non imaginem rei, sed rem ipsam repræsentat. Respondeo: Verum est quod speculum rem ipsam oculis exhibet; id tamen facit per radium non directum, sed reflexum, ideoque non proprie, clare, distincte, sed quasi procul, obscure et confuse rem repræsentat; talis autem est cognitio de Deo et divinis, quam habemus in hac vita; quia in cœlo directe, prope, clare videbimus Deum in se facie ad faciem.

Secunda. Secundo, pro « per speculum, » græce est δι' ἑσπρίου, id est, per inspectarium videmus: ἑσπρίον enim est id quod inspicimus, quasi medium alicujus rei videndæ, qualia sunt perspicilla senum, speculum oculare, sive vitrum viride quod scripturæ superponitur, ut oculos debiles in lectione confortat; res tamen facit videri virides, subatras et obscuras: et tale speculum proprie facit videri litteras, et rem visam non in se immediate, sed per medium obscurum, et per similitudinem umbrosam, sive, ut Apostolus ait, in ænigmate; tale ergo speculum hic accipi potest.

Tertia. Tertio, aliqui δι' ἑσπρίου vertunt, per cancellos, per transennam. Sicut enim mercatores per cancellos vimineos transeuntibus merces e domo ostentant, non prope et distincte, sed procul, summatim et confuso modo; sic Deus se nobis ostendit in hac vita (1).

Quæres: Quodnam est hoc speculum, per quod hic Deum et divina videmus in ænigmate? Respondeo: Primo, esse creaturas, quæ quasi speculum creatorem suum repræsentant. Ita S. Thomas. Secundo, esse phantasmata, quæ sunt rerum specula. Tertio, esse humanitatem Christi, ejusque mysteria, quæ divinitatem ejus velant et repræsentant. Rursum esse Sacramenta aliasque cæremonias et ritus. Ita Theodoretus. « In sanctissimo, inquit Theodoretus, baptismo videmus figuram resurrectionis, tunc autem ipsam videbimus resurrectionem; hic videmus symbola Dominici corporis, illic autem ipsum Dominum videbimus; id enim significat τὸ ad faciem. Videbimus autem ejus, non quæ sub aspectu non cadit naturam, quæ a nullo cerni potest, sed eam quæ de nobis sumpta est. » In quibus ultimis Theodoreti verbis cavendus est illius error: videtur enim dicere,

(1) Est ἑσπρίον lapis specularis, ex quo antiqui fenestras habuerunt, pellucidas quidem, sed, si cum nostris vitreis confiantur, multo obscuriores. Cf. Plinium, *Hist. Natur.*, III, 4; xxxvi, 45.

quod in cœlo tantum videbimus humanitatem Christi, quia divina natura, inquit, cerni nequit. Sed excusari potest, quod loquatur tantum de visione corporali, de qua verum est dicere, quod oculis corporis tantum videbimus humanitatem Christi. Verum hoc est præter mentem Apostoli: agit enim Apostolus de visione beatifica divinitatis vel maxime.

IN ÆNIGMATE, — per ænigma, id est per obscuram orationem, cogitationem, phantasiam. Ita Anselmus. Ænigma enim est quæstio, quæ cum involucris verborum proponitur.

TUNC AUTEM FACIE AD FACIEM. — Alludit ad Moysen, de quo dicitur *Exodi xxxiii, 11*: « Loquebatur ad Moysen facie ad faciem, sicut solet loqui homo ad amicum suum. » Et *Num. cap. xii, 8*: « Ore ad os loquor ei: et palam, et non per ænigmata et figuras (ut alii Prophetæ) Dominum videt. »

NUNC COGNOSCO EX PARTE (imperfecte, ut dixi vers. 9), TUNC AUTEM COGNOSCAM SICUT ET COGNITUS SUM. — q. d. Tum in cœlo perfecte cognoscam et intuebor Deum sicuti est in sua essentia, et reliqua Dei et fidei mysteria, sicut ipse me novit, et intuetur hoc quod sum per meam essentiam. Ita Anselmus, Theophylactus, Cajetanus, Ambrosius et Theodoretus: « Cognoscam, inquit, sicut et cognitus sum, id est sicut notus et familiaris, qui vultum amici clare intuetur. » Extendit hæc Apostoli verba S. Augustinus etiam ad cognitionem eorum, quæ hic in terris fiunt, et ad Sancti alicujus statum spectant. Unde ipse ex hoc loco probat, quod Sancti res nostras perfectius intelligant in cœlo, quam intellexerunt olim in terra, unde sequitur ipsos et preces nostras, quibus eos invocamus, cognoscere. Ita ipse lib. XXII *De Civit.*, cap. xxix. Aliter Chrysostomus et Oecumenius: Tunc, inquit, cognoscam practice, et accurram ad eum per amorem et justitiam, sicut ipse me gratia sua prævenit et præcucurrit.

Tertio, alii sic explicant: Tunc cognoscam eo perfectionis gradu ad quem ab æterno cognitus et prædestinatus sum a Deo. Sed primus sensus est genuinus; opponit enim cognitionem claram et plenam cognitioni ex parte, hoc est imperfectæ et ænigmaticæ (2).

13. NUNC AUTEM MANENT FIDES, SPES, CHARITAS, Vers. 13. TRIA HÆC: MAJOR AUTEM HORUM EST CHARITAS. — « Nunc, » græce est νῦν, et vers. præced. est ἀρτι, id est adhuc, scilicet in præsentī vita. Clare enim hoc capite docet Paulus fidem, spem et charitatem hic manere, sed in patria solam charitatem. Ita Patres. Vide Gregorium de Valentia, disp. I, Quæst. V, de subjecto fidei, puncto 2.

Dices: Irenæus, lib. II, cap. XLVII; Tertullianus, *De Patientia*, cap. XII; nunc intelligunt in cœlo: Objectio ex Irenæo et Tertulliano.

(2) Rosenmullerus: Tum vero cognoscam pro cognitione qua imbutus fuero. Alioli: Tum cognoscam Deum eo majori ac clariori cognitione, quo ego nunc justior ac sanctior ab illo cognitus sum.

Error Theodoreti de visione Beatorum quomodo excusandus?

Sancti perfectius res nostras intelligunt in cœlo, quam in terra intellexerunt.

In patria manet sola charitas.

ergo in cœlo etiam erit et manebit tam spes quam fides.

Respon- Respondeo : Hi Patres per *fidem* accipiunt om-
sio. nem firmam cognitionem, qualis est visio Dei ; per *spem* vero, firmam adhesionem in Deo amato, quæ est fruitio Dei. Hoc enim est quod ait Tertullianus : « Permanent, inquit, fides, spes, dilectio ; fides, quam Christi patientia induxit ; spes, quam hominis patientia exspectat ; dilectio, quam Deo magistro patientia comitatur. » Sed hæc non sunt ad mentem Apostoli hic, ut patet.

MAJOR (id est maxima) EST CHARITAS. — Sic Cællus :

Hespere, qui lucet cœlo jucundior ignis,

id est jucundissima stella.

Fiducia Hinc patet fidem non esse fiduciam hæretico-
heretico-rum de remissis peccatis, quia illa fiducia non
rum de est aliud quam spes roborata ; si quid est ampli-
peccatis us, scilicet proprie dicta fides, qua certissimo
remissis credas te esse justum, te esse salvandum, sicut
non est credis Deum esse, tunc superflua est spes. Quod
fides. enim certo credis, id non speras, nec sperare potes : sicut non speras Deum esse, Christum esse passum pro nobis. Spes enim quæ vere spes est, habet adjunctum metum et formidinem de oppo-

sito, qualis nulla est in fide. Insuper Apostolus hic *spem* sive fiduciam a fide distinguit, et tam *spem* quam fidem in hac vita requirit : ergo fides non est fiducia illa, quam jactant hæretici.

Patet rursum, charitatem omnium virtutum esse maximam et eminentissimam. Sicut enim inter elementa eminet ignis, inter metalla aurum, inter cœlos empyreum, inter planetas sol, inter angelos Seraphini : ita inter virtutes quasi regina eminet charitas. Ea enim est ignis cœlestis, qui animos omnium circum se inflamat ; est aurum fulgentissimum, quo cœlestes merces emimus ; empyreum cœlum est ; in quo habitat Deus et Beati ; sol est, qui omnia illuminat, fecundat, vivificat ; seraphica virtus est, quæ Seraphinos arduos efficit. Vide dicta *Deuter. vi, 5* : « Quod est in navigio gubernator, quod in civitate magistratus, quod in mundo sol, hoc inter mortales est amor. Navigium sine gubernatore labascit, civitas sine magistratu periclitatur, mundus sine sole tenebrosus efficitur ; et mortalium vita sine amore vitalis non est. Tolle ex hominibus amorem, solem e mundo sustuleris. Venuste Plautinus senex amorem appellat Deum munditiantem, id est, omnia munda et elegantia reddentem, » inquit Beroaldus.

CAPUT DECIMUM QUARTUM.

SYNOPSIS CAPITIS.

Dono linguarum præfert prophetiam, primo, quia prophetia perutilis est ad ædificationem aliorum : linguæ vero non, nisi quis eas interpretetur.

Secundo, vers. 21, quia prophetia datur fidelibus : linguæ vero datæ sunt in signum, non fidelibus, sed infidelibus, idque probat ex cap. xxviii Isaia.

Deinde, vers. 23, tradit normam qua his donis rite utantur, præscribitque ordinem qui servari debeat in sacro Ecclesiæ conventu ; in quo, vers. 34, omnino mulieres silere jubet.

1. Sectamini charitatem, æmulamini spiritalia : magis autem ut prophetetis. 2. Qui enim loquitur lingua, non hominibus loquitur, sed Deo : nemo enim audit. Spiritu autem loquitur mysteria. 3. Nam qui prophetat, hominibus loquitur ad ædificationem, et exhortationem, et consolationem. 4. Qui loquitur lingua, semetipsum ædificat : qui autem prophetat, Ecclesiam Dei ædificat. 5. Volo autem omnes vos loqui linguis : magis autem prophetare. Nam major est qui prophetat, quam qui loquitur linguis : nisi forte interpretetur, ut Ecclesia ædificationem accipiat. 6. Nunc autem, fratres, si venero ad vos linguis loquens, quid vobis prodero, nisi vobis loquar aut in revelatione, aut in scientia, aut in prophetia, aut in doctrina ? 7. Tamen quæ sine anima sunt vocem dantia, sive tibia, sive cithara, nisi distinctionem sonituum dederint, quomodo sciatur id quod canitur, aut quod citharizatur ? 8. Etenim si incertam vocem det tuba, quis parabit se ad bellum ? 9. Ita et vos per linguam nisi manifestum sermonem dederitis, quomodo sciatur id quod dicitur ? eritis enim in aera loquentes. 10. Tam multa, ut puta, genera linguarum sunt in hoc mundo : et nihil sine voce est. 11. Si ergo nesciero virtutem vocis, ero ei, cui loquor, bar-

barus : et qui loquitur, mihi barbarus. 12. Sic et vos, quoniam æmulatores estis spirituum, ad ædificationem Ecclesiæ quærite ut abundetis. 13. Et ideo qui loquitur lingua, oret ut interpretetur. 14. Nam si orem lingua, spiritus meus orat, mens autem mea sine fructu est. 15. Quid ergo est? Orabo spiritu, orabo et mente : psallam spiritu, psallam et mente. 16. Cæterum si benedixeris spiritu, qui supplet locum idiotæ, quomodo dicet, Amen, super tuam benedictionem? quoniam quid dicas, nescit; 17. nam tu quidem bene gratias agis, sed alter non ædificatur. 18. Gratias ago Deo meo, quod omnium vestrum lingua loquor. 19. Sed in Ecclesia volo quinque verba sensu meo loqui, ut et alios instruam, quam decem millia verborum in lingua. 20. Fratres, nolite pueri effici sensibus, sed malitia parvuli estote : sensibus autem perfecti estote. 21. In lege scriptum est : Quoniam in aliis linguis, et labiis aliis loquar populo huic : et nec sic exaudient me, dicit Dominus. 22. Itaque linguæ in signum sunt non fidelibus, sed infidelibus : prophetiæ autem non infidelibus, sed fidelibus. 23. Si ergo conveniat universa Ecclesia in unum, et omnes linguis loquantur, intrent autem idiotæ, aut infideles : nonne dicent quod insanitis? 24. Si autem omnes prophetent, intret autem quis infidelis, vel idiota, convincitur ab omnibus, dijudicatur ab omnibus : 25. occulta cordis ejus manifesta fiunt, et ita cadens in faciem adorabit Deum, pronuntians quod vere Deus in vobis. 26. Quid ergo est, fratres? cum convenitis, unusquisque vestrum psalmum habet, doctrinam habet, apocalypsim habet, linguam habet, interpretationem habet : omnia ad ædificationem fiant. 27. Sive lingua quis loquitur, secundum duos, aut ut multum tres, et per partes, et unus interpretetur. 28. Si autem non fuerit interpretes, taceat in Ecclesia, sibi autem loquatur, et Deo. 29. Prophetæ autem duo, aut tres dicant, et cæteri dijudicent. 30. Quod si alii revelatum fuerit sedenti, prior taceat. 31. Potestis enim omnes per singulos prophetare : ut omnes discant, et omnes exhortentur; 32. et spiritus prophetarum prophetis subjecti sunt. 33. Non enim est dissensionis Deus, sed pacis, sicut et in omnibus Ecclesiis sanctorum doceo. 34. Mulieres in Ecclesiis taceant, non enim permittitur eis loqui, sed subditas esse, sicut et lex dicit. 35. Si quid autem volunt discere, domi viros suos interrogent. Turpe est enim mulieri loqui in Ecclesia. 36. An a vobis verbum Dei processit? aut in vos solos pervenit? 37. Si quis videtur propheta esse, aut spiritualis, cognoscat quæ scribo vobis, quia Domini sunt mandata. 38. Si quis autem ignorat, ignorabitur. 39. Itaque, fratres, æmulamini prophetare : et loqui linguis nolite prohibere. 40. Omnia autem honeste et secundum ordinem fiant.

Cœpit Apostolus, cap. XII, agere de variis donis et gratiis gratis datis, quæ varie variis Spiritus Sanctus distribuit; atque ut Corinthiis jactantiam de illis et maxime de dono linguarum eximeret, idcirco, cap. XIII, hortatus est omnes ad charitatem, quasi reginam omnium gratiarum et donorum : hoc vero capite redit ad gratias gratis datas, docetque non tantum charitatem, sed et prophetiam præcellere dono linguarum.

Quæres, quid hoc cap. intelligat Apostolus per prophetare, per Prophetas? hæc enim est præcipua hujus capituli difficultas.

Nota : *Propheta*, græce προφήτης, proprie dicitur is, qui ex Dei instinctu rem, antequam eveniat, prædicit. Derivatur enim *Propheta*, non a Latino *præ* et *fari*, sed ex græco πρό, id est ante, et φημι, id est dico, loquor : non autem, ut aliqui, ex πρὸ et φημι, ut sit *Propheta* is, cui prius aliquid ap-

paret, quam fiat. Hinc *Propheta* hebraice dicitur נָבִי *nabi*, quasi a radice, וָבֹא *bo*, id est venit, ut notant doctiores Hebræi, tanquam *nabi* sit is, qui id quod venturum est, præloquitur. Hæc origo est nominis : extenditur tamen a pari nomen *Prophetæ*, ut significet eum qui arcana cordis aut alia secreta revelat, et eum qui conscius est mentis divinæ, interpretes videlicet et internuntius cœlestis numinis, quique abstrusa et arcana voluntatis ingeniique divini perspecta habet et enuntiat. Sic Abraham Deo familiaris et carus, quem Deus suo colloquio dignatus est, dicitur *Propheta*, Genes. xx, 7.

Itaque prophetia generatim in Scripturis dicitur facultas illa Dei consilia et placita plenius ac certius tum cognoscendi, tum enarrandi ad Ecclesiæ profectum, quam Spiritus Sanctus afflat et aspirat hominibus certis, qui inde *Prophetæ* vo-

Quare Abraham dicitur *Propheta*?

cantur. Hujus pars quædam est præsentio ac prædictio futurorum, aut etiam quorumvis reconditorum, sive præteritorum, sive futurorum. Pars altera, et quidem diviniore et principalior, est de Deo, Deique pietate et virtutibus dexterius et divinius disserendi facultas non studio parta, sed ab eodem Spiritu aspirata; nam si studio parta est, scientia est et doctrina, non prophetia. Itaque S. Paulus, qui Evangelium suum non ab homine accepit, sed per revelationem Jesu Christi, Galat. I, ex perpetua potius prophetia, quam doctrina docuit et prædicavit.

Facultas
de divi-
nis disse-
rendi
studio
parta
scientia
est, non
prophetia.
Septem

Primo, ergo Prophetæ vocantur, qui futura vel arcana instinctu Spiritus Sancti proloquuntur.

Secundo, doctores, non quivis, sed qui ejusdem Spiritus Sancti instinctu docent et exhortantur ad pietatem (1).

Hinc *tertio, Prophetæ dicebantur, qui arripiebantur vi quadam spiritus, ut hymnis Deum celebrarent et populum ad pietatem provocarent.* Sic I Reg. x, Spiritus insiluit in Saul, et prophetavit; et, ut dicitur cap. xix, deposuit vestes, et nudus cecinit per diem et noctem. Rursum, quia prophetæ Elias et Elisæus suos habebant discipulos, qui quasi viri religiosiores certis temporibus, tum decantandis psalmis, orando et laudando Deum, tum excutiendo, meditando et docendo legem Domini, præ aliis se studiose occupabant, quique interdum singulari afflatu Spiritus arripiebantur, ut ille qui Jehu in regem unxit: hinc omnes hi dicti sunt Prophetæ, horumque filii vel discipuli dicti sunt filii Prophetarum, de quibus sæpe fit mentio lib. IV Regum: præsertim quia inter eos semper erant aliqui veri Prophetæ.

Qui dicti
sunt filii
Prophetarum?

Hinc *quarto, extenditur Prophetæ nomen ad cantores quosvis, ut prophetare sit idem quod psallere et Dei laudes simpliciter canere.* Sic I Paralip. xxv, filii Asaph, Heman, Idithun dicuntur « prophetare in psalteriis, citharis et cymbalis, » hoc est, hæc instrumenta pulsare et Deo psallere. Erant tamen inter hos cantores veri Prophetæ, scilicet principes cantorum, Asaph, Heman, Idithun, qui ex afflatu Sancti Spiritus composuerunt psalmos eorum nomine inscriptos, ut tradunt Hebræi.

Principes
cantorum
Asaph,
etc., veri
Prophetæ
erant.
Quinto,
Propheta
est delirus.

Quinto, per catachresin Prophetæ vocantur deliri, qui ex afflatu spiritus mali insolentius delirant et insana proloquuntur. Sic I Reg. xviii, 9: « Invasit spiritus Dei malus Saul, et prophetabat in medio domus suæ, » hoc est, delirabat et insolentia loquebatur, quasi actus entusiasmo. Unde et profani poetas vocabant vates et prophetas, eo quod et ipsi viderentur Musarum quodam furore agi, instar Sibyllæ in componendis et decantandis carminibus. Ita Ovidius, lib. VI Fastor.:

Est Deus in nobis, agitante calescimus illo,
Impetus hic sacræ semina mentis habet.

(1) Et quidem est hoc, ait Allioli, præcipuum prophetiæ munus.

Sic ad Titum, cap. I, 21, Epimenides poeta dicitur *Propheta*.

Sexto, « prophetare » significat miracula facere. Hoc enim erat opus Prophetarum, qui erant viri sancti et divini, et quasi organa Dei divinæque sapientiæ et potentiæ. Sic Eccli. cap. xlviii, dicitur corpus mortuum Elisæi prophetasse, quia suo contactu mortuum resuscitavit, IV Reg. xiii, 21. Sic etiam sumitur *Propheta, Lucæ vii, 16.*

Sexto,
propheta-
re si-
gnificat
miracula
facere.
Corpus
mortuum
Elisæi
propheta-
vit, id
est, mor-
tuum re-
suscita-
vit.

Septimo, « prophetare » est prophetiam confirmare. Sic Eccli. xlix, ossa Joseph dicuntur post mortem prophetasse, id est, quando per castra et cum castris Hebræorum egredientium ex Ægypto efferebantur simul ossa Joseph, tacite testabantur et loquebantur pristinam ejus de hoc egressu prophetiam veram esse, eamque confirmabant.

Septimo,
propheta-
re est
prophetiam
confirmare.
Vera pro-
phetia
jam magna
ex parte ces-
savit.

Ex his patet, veram et proprie dictam prophetiam, qualis erat ante Christum et in primitiva Ecclesia frequens, jam magna ex parte cessasse, et apud paucissimos viros egregie sanctos, in testimonium sanctitatis eorum reperiri. Eorum enim donorum frequentia, quæ miraculo homini contingebant, qualia erant loqui linguis, prophetare et similia, fere cum Apostolis finem accepit, scilicet ut promiscue jam illa non dentur, uti tum dabantur, sed tantum paucis et raris. Miracula enim illa maxime propter infideles ad Evangelii inquisitionem et confirmationem, Dominus volui coruscare; jam vero quia satis fides est stabilita, et mundus conversus, ea subtrahit, vultque Ecclesiam solita docendi et exhortandi ratione perficere et proficere. Hæc Jansenius, in cap. xlvii *Concordiæ*.

Quæres *secundo*: Quonam horum modorum hoc capite accipitur a Paulo nomen *Prophetæ*? Respondeo *primo*: Chrysostomus et Theophylactus proprie hic capiunt, pro eo qui futura prædicat. Sic enim accepit hoc nomen Paulus, cap. xii. *Secundo*, Theodoretus prophetiam hic accipit pro cogitationum aliorumque occultorum manifestatione: favet vers. 24.

Quomodo
Paulo
Propheta
hic
accipitur?

Verum nota Apostolum hoc capite describere omnia quæ fiebant olim in conventibus fidelium in Ecclesia, eaque comprehendere nomine linguarum et nomine prophetiæ. Nam Spiritus Sanctus olim in Ecclesia afflabat multos, ut exoticis et peregrinis linguis cantica spiritualia, preces, hymnos, orationes, psalmos aliaque coram simplici et promiscua plebe canerent aut recitarent, uti factum erat in Pentecoste ab Apostolis, Act. ii. Id patet ex S. Dionysio, cap. iii *De Divinis nominibus*, et Tertulliano, *Apolog.* xxix, et hoc vocat hic Apostolus « donum linguarum, » sive « linguis loqui. » Aliis vero Spiritus Sanctus dabat exponere sanctam Scripturam, vel docere, vel verba facere de divinis, vel prædicare et exhortari, vel hymnum aut psalmum canere, vel orationem insignem populo vulgari lingua præire; subinde etiam, ut notant Chrysostomus et Theodoretus hic, arcana cordis, aliaque occulta, imo et veras

Nomine
prophetiæ
et
lingua-
rum
Paulus
compre-
hendit
omnia
quæ fie-
bant in
conventi-
bus Ec-
clesiæ.

prophetias proloqui. Et hæc omnia comprehendit hic Paulus nomine prophetie, maxime concionem et doctrinam, opponitque dono linguarum. Id patet vers. 4, 5, 6, 31, sed maxime vers. 25, 26. Nam et prisci Prophetæ non tantum futura prædicunt, sed et docent et concionantur, et psalmos orationesque miscunt. Unde prophetiam hanc Apostolus hic linguis præfert, et ad eam toto cap. hortatur, ordinatque quo modo et ordine fieri debeat, id est ordinat modum quo fieri debeant conventus et collationes spirituales in Ecclesia, tum ante, tum post sacram Synaxin. In his enim unus explicabat sacram Scripturam, alius exhortabatur, tertius hymnum; quartus psalmum canebat, etiam lingua subinde peregrina. Ita Ambrosius, Anselmus et pulchre Philo, lib. *De Essæis*, ita Essæos has collationes instituisse docet. Sic et superius cap. XI, vers. 4 et 5, accepit nomen Prophetæ.

Paulus ordinat quomodo collationes spirituales in Ecclesia fieri debeant.

Nota: Paulus hic non vocat Prophetas omnes illos, qui simpliciter explanant obscura Prophetarum et sacræ Scripturæ; nec omnes illos, qui alios docent, vel exhortantur, ut quidam putant; sed tantum eos qui id agunt ex afflatu Dei et proprio instinctu Spiritus Sancti, non autem ex eruditione, studio et labore acquisita. Patet hoc vers. 30: « Quod si alii, inquit, revelatum sit, prior taceat. » Et vers. 32: « Spiritus Prophetarum Prophetis subjecti sunt. » Ergo Prophetas hic intelligit eos qui Spiritu Sancto agebantur, et ab eo revelationem doctrinæ, vel exhortationis aut orationis alicujus accipiebant: quod tum frequens erat, ut patet vers. 26. Jam autem illo Spiritus Sancti afflatu cessante, in ejus locum successit sacra lectio, concio, psalmodia ante Missam, in Missa et post Missam, ut dicam vers. 26.

1. SECTAMINI CHARITATEM. — Græce *διόχετε*, id est, *persequimini charitatem*. Significat ardens studium charitatis, ut eam insectemur, perinde ut venator feram insequitur.

ÆMULAMINI SPIRITALIA. — Hoc est, ut Chrysostomus, dona Spiritus Sancti, scilicet gratis data, uti est donum linguarum, gratia sanitatum, et alia, de quibus cap. XI, desiderate, et ad ea conamini, maxime orando, non studio excellendi, ut vos præ aliis hisce donis jactetis, sed ex charitate, ut aliis et Ecclesiæ per ea prositis.

MAGIS AUTEM UT PROPHETETIS, — ut scilicet ex afflatu Spiritus Sancti doceatis, dicatis, vel canatis ea quæ alios ad pietatem excitent. Hoc enim est hic *prophetare*, uti jam dixi.

2. QUI ENIM LOQUITUR LINGUA (alia et peregrina), **NON HOMINIBUS LOQUITUR, SED DEO** (causam explicat et subdit, dicens): **NEMO ENIM AUDIT. SPIRITU AUTEM LOQUITUR MYSTERIA,** — q. d. « Nemo audit, » id est nemo intelligit loquentem lingua peregrina, licet ipse Spiritu afflatus loquatur subinde alta mysteria.

Nota: S. Augustinus, lib. XII *De Genesi ad litt.*, cap. VIII, Primasius et Cajetanus, legunt in nomi-

nativo: « Spiritus autem loquitur mysteria, » q. d. Paulus: Spiritus Sanctus in sacra Scriptura arcana loquitur mysteria, quæ intelligi nequeunt; nisi quis Propheta vel doctor illa interpretetur. Verum hic sensus non facit ad rem et mentem Apostoli, planeque legendum est in ablativo: « Spiritu autem loquitur mysteria, » juxta sensum jam datum: ita enim legunt passim Græci, Latini et Syrus.

3. NAM QUI PROPHETAT, HOMINIBUS LOQUITUR AD **ÆDIFICATIONEM ET EXHORTATIONEM.** — Ecce quod dixi, prophetare hic est loqui ea quæ alios ædificant, exhortantur et consolantur: ac proinde præstat prophetare quam loqui linguis peregrinis, utpote quas nemo intelligit, ut proinde nemo iis instrui, ædificari, vel consolationem aliquam accipere possit.

5. VOLO AUTEM (hoc est, velim, optarim) **OMNES VOS LOQUI LINGUIS, MAGIS AUTEM PROPHETARE** (ut scilicet alios ad pietatem excitetis). **6. NUNC AUTEM, FRATRES, SI VENERO AD VOS LINGUIS LOQUENS, QUID VOBIS PRODERO, NISI VOBIS LOQUAR AUT IN REVELATIONE** (id est nisi loquar revelationem, puta expositionem revelationis mihi factæ), **AUT IN SCIENTIA** (id est ea quæ scio per scientiam, vel a Deo infusam, vel studio partam), **AUT IN PROPHETIA** (id est ea quæ scio per prophetiam tum proprie dictam, tum improprie, scilicet prophetiam, hoc est, occultorum et obscurorum, maxime sacræ Scripturæ, explicationem), **AUT IN DOCTRINA**, — scilicet per eam docendo et accommodando meum sermonem ad captum auditorum. Sic fere D. Thomas et Theophylactus. Supple: Atqui nihil horum facere potero loquens linguis, nisi interpretationem adhibeam, ut intelligatis: ergo præstat prophetare quam linguis loqui, nisi quis linguam interpretetur.

Secundo et melius, aliter hæc accipiemus. Pro quo nota: Hic *scientia* refertur et jungenda est cum *doctrina*, sicut *revelatio* jungenda est cum *prophetia*: sicut enim ex scientia sua cognoscebant scientes et docti ea, quæ aliis communicarent per doctrinam, eos scilicet docendo: ita ex revelatione percipiebant ea, quæ aliis per prophetiam enuntiarent. In hoc enim differt prophetia a doctrina, quod prophetia accipiat per revelationem, doctrina per scientiam. Docemus enim id quod per scientiam et studium scientiæ assecuti sumus. Sensus ergo est, q. d. Paulus: Si linguis peregrinis loquar, nec vos instruem et doceam, vel per doctrinam labore et scientia partam, vel per prophetiam revelatione acceptam, nihil vobis prodero. Ita Toletus et Jansenius loco citato.

Tertio, Cassianus, *Collat.* 14, VIII, per hæc quatuor intelligit quatuor sensus sacræ Scripturæ: scilicet per *doctrinam* sensum litteralem, per *revelationem* allegoricum, per *scientiam* tropologicum, per *prophetiam* anagogicum. Sed hoc mysticum et symbolicum est (1).

(1) Quatuor hæc λέξεις, juxta Allioli, congeruntur hic

Quomodo hic differant revelatio, scientia, prophetia et doctrina? Prima expositio

Secunda et gemina.

Prophetia est per revelationem, doctrina per scientiam.

Tertia. quatuor plices. sensus sacræ Scripturæ intel- ligit

Cassia-
nus per
ræc qua-
tuor.
Vers. 7. **7. TANEM.** — Græce ἑμῶς, *q. d.* Etiam, quin etiam ex inanimatis hoc quod dico cognosci potest, scilicet linguas nihil prodesse, nisi intelligantur: nam pari modo cithara et tibia nisi distinctum dent sonum, ut intelligantur, nemini proderunt. Nemo enim sciet quid canatur aut citharizetur, ac proinde nemo iis se pascet, vel oblectabit, aut movebitur ad tripudium, ut ad numeros saltet. Gagneius pro ἑμῶς legit ἑμῶς, id est *similiter*.

Vers. 9. **9. ITA ET VOS PER LINGUAM NISI MANIFESTUM** (ἑσθημὸν, bene significantem, intelligibilem) **SERMONEM DEDERITIS, QUOMODO SCIETUR ID QUOD DICITUR?** —

Lingua est character, imago et nuntius mentis. Nam, ut ait Aristoteles, lib. II *Peri hermen.*, voces sunt notæ earum affectionum, quæ in anima delitescunt. Hinc Socrates ex voce, mentem et animum cuiusque qualis esset explorabat et pervidebat, dicebatque: «Loquere, adolescens, ut te videam.» Hoc autem fieri nequit nisi lingua loquentis audienti sit nota et manifesta.

Vers. 10. **10. TAM MULTA, UT PUTA, GENERA LINGUARUM.** — «Ut puta,» id est nempe; græce αὐτῶν, *ut res tulerit*, uti varias linguas audire contingit. Ita Œcumenius. Sed Erasmus et Vatablus non ad verbum, sed eodem sensu, αὐτῶν vertunt, *verbi gratia*.

LINGUARUM. — Græce φωνῶν, *vocum*, hoc est linguarum, idiomatum vocalium.

Quomodo nihil sit sine voce? Et **NIHIL SINE VOCE EST,** — nulla gens, nullus sermo est sine voce. Alii, nullum instrumentum est, *v. g.* cithara, tibia, quin propriam vocem et sonum reddat. Ita Œcumenius. Alii proprie, *nilil*, id est nulla res, est sine voce. Nam, ut canit Ausonius *ad Paulinum*:

Omnia esse sonantia dicit Ausonius. Nil mutum natura dedit: non aeris ales, Quadrupesve silent, habet et sua sibila serpens, Cymbala dant ictu sonitum, dant pulpita saltu Tacta pedum, tentis reboant cava tympana tergis.

Quarta et genuina. **Quarto et optime, nihil,** id est nulla linguarum, est sine voce. Græce enim est ὡδὲν αὐτῶν, scilicet φωνῶν, ἀφωρον, *nilil vocum*, hoc est linguarum, est sine voce, *q. d.* Multæ sunt linguæ, et quæque suas habet voces (1).

Vers. 11. **11. SI ERGO NESCIERO VIRTUTEM** (hoc est vim et significationem) **VOCIS, ERO EI, CUI LOQUOR, BARBARUS.** — Hoc est, ut ait Ovidius:

Barbarus hic ego sum, quia non intelligor ulli.

Quis dicitus sit Barbarus? Nota: «Barbarus» primo dictus est a Græcis per onomatopœiam is, qui aliam linguam quam Græcam sonaret; deinde a Romanis, qui aliam quam Græcam vel Romanam; postea qui aliam quamvis a patria lingua diversam loqueretur, dictus est Barbarus, quia a suis non intelligebatur. Unde Anacharsis Scythæ cum ab Atheniensibus

ut indicent doctrinam *revelatam*, apertam, cognitu et intellectu facilem.

(1) Haud obscuras scilicet, nec incondito sono constantes.

rideretur quasi Barbarus, apte respondit: «Scythæ Barbari sunt apud Athenienses, et æque hi barbari sunt apud Scythas.»

12. ÆMULATORES ESTIS SPIRITUUM, — donorum scilicet Spiritus Sancti et gratiarum, de quibus cap. XII.

AD ÆDIFICATIONEM ECCLESIE QUERITE, UT ABUNDETIS, q. d. — Petite et poscite a Deo hæc dona abunde vobis donari; sed ita ut iis utamini, non ad ostentationem, sed ad ædificationem Ecclesiæ.

13. QUI LOQUITUR LINGUA, ORET UT INTERPRETETUR. — Nota: Paulus hic loquitur de publica oratione, qua unus, privatus licet, afflatus Spiritu coram omnibus alia voce orabat, cæteris audientibus, et cum eo deprecantibus, suæque vota jungentibus, patet ex seqq. Aliter Chrysostomus, Ambrosius, Anselmus: Oret, inquit, ut donum linguas interpretandi accipiat, ut se et suam linguam interpretari possit: sed *orare* aliter capitur vers. seq., ergo et hic (2).

14. SI OREM LINGUA, SPIRITUS MEUS ORAT, MENS AUTEM MEA SINE FRUCTU EST. — «Spiritus meus orat,» hoc est spiritu meo reficior. *Secundo*, Chrysostomus: «Spiritus meus,» inquit, id est Spiritus Sancti donum, quod est in me, «orat,» id est facit me orare publiceque orationem pronuntiare. *Tertio*, «spiritus,» hoc est, vox mea spiritu vitali et vocali prolata, «orat, mens autem mea sine fructu est,» quia significationem sermonis et orationis a se prolata non intelligit. Ita ex S. Basilio, Theophylactus et Erasmus, qui pro «spiritu» vertit *halitum*. Unde et Primasius: «Spiritus, inquit, hic sermo intelligendus est, qui nonnunquam mente alia cogitante precatur.» Sed primus sensus est genuinus, ut patet ex sequentibus. Aliter D. Thomas hic «spiritum» tripliciter accipit (quem vide si lubet), sed non ad mentem Apostoli.

MENS AUTEM MEA SINE FRUCTU EST. — S. Chrysostomus, Theophylactus, Ambrosius, D. Thomas et Cajetanus, putant Apostolum hic loqui de iis, qui donum linguarum acceperant, quas tamen ipsi non intelligebant, instar asinæ Balaam, vel certe mysteria verbis contenta non penetrabant. Ita et S. Augustinus, lib. XII *De Genesi ad litt.*, cap. VIII et IX, et colligitur ex vers. 28. Hi enim sine fructu orabant talibus linguis, quia licet spiritus pia devotione in Deum pasci posset, non tamen mens pascabatur intelligentia precum verbalium.

Verum dico: «Mens,» græce νῶς, hic idem est quod sensus, ut vertit Noster vers. 19, et cap. II, vers. ult. Imo Aristoteles: Τίς ἐστὶν, inquit, τούτων τῶν ἐμφατῶν νῶς, quis est horum verborum sensus: sic etiam sumitur νῶς; *Apocal. XVII, 9, ὁ δὲ νῶς ὁ ἔχων σεφίαν*, id est, ut vertit noster Interpres et alii passim, *hic est sensus* (visionis bestię) qui

Dictum Anacharsis coram Atheniensibus de sua barbaria. Vers. 12.

Vers. 13.

Vers. 14. Triplex explicatio illius Spiritus meus orat.

Νῶς ἴδ est mens, hic est sensus.

habet sapientiam : νοῦς enim hisce locis respondet Hebræo שֵׁכֶל *sechel*, uti declarabo vers. 15; νοῦς, ergo hic idem est quod διάνοια; et sicut Rhetores opponunt inter se statum ἡντοῦ καὶ διανοίας; ita Apostolus opponit hic τὸν γλῶσσαν καὶ νοῦν, id est *linguam* et *mentem*, sive verbum et sensum. « Sensus » autem hic idem est, quod intelligentia, non activa, qua scilicet sentiam, hoc est, intelligam, sed passiva, scilicet qua sentiar; id est intelligar ab omnibus. Passive enim hic capitur *sensus*. Vide *Can. 30*. Hæc ergo mens, id est sensus, significatio et intelligentia linguarum mearum, est sine fructu, quia nemo eam capit intelligitve, ut inde ad pietatem excitetur : hoc enim intendit Apostolus, ut mox pluribus dicam. Itaque hic sensus est genuinus, eumque tradere videtur S. Basiliius, in *Reg. brevior.*, interrog. 278.

Secundo, non improbabiliter Oecumenius: Mens, inquit, id est scopus et intentio, mea est sine fructu, non loquentis, sed audientis, quem intendit loquens ad pietatem excitare. Nam de fructu audientium loqui Apostolum patet ex vers. 14, 16, 19. Ita quoque Theodoretus. Loquitur enim Apostolus de orationibus et canticis spiritualibus, quæ privati quique ex dono Spiritus Sancti componebant, et publice pronuntiabant, vel canebant in ecclesia tempore collationum spiritualium; idque in consolationem, instructionem, vel exhortationem populi: unde vult illa vulgari lingua fieri, ut ab omnibus intelligantur; alioqui enim sine fructu ea fore asserit.

Dices : ergo Missa et Horæ canonicæ jam cani debent vulgari lingua.

docere, non Mis-
 sam, sed
 privatas
 preces
 compo-
 nendas
 esse ad
 excitatio-
 nem po-
 puli, lin-
 gua vul-
 gari.
 Divina
 officia
 quare
 non sint
 dicenda
 idiomate
 vulgari?

Respondeo : Nego consequentiam, quia Apo-
 stolus loquitur de precibus, quas privatus quis-
 que componebat ad ædificationem et excitationem
 populi, non de divinis et publicis officiis, quæ
 jam approbatione, imo ordinatione et nomine
 totius Ecclesiæ et populi obeunt Clerici, ad co-
 lendum, et gravi ac uniformi quadam majestate
 latine laudandum Deum. Si enim vernacula lin-
 gua dicerentur, *primo*, rudes male res tam divi-
 nas apprehenderent, male intelligerent, errores
 et hæreses conciperent. *Secundo*, singulis provin-
 ciis, imo pene urbibus varianda esset lingua. Li-
 cet enim eadem communi lingua loquantur Ger-
 mani omnes, tamen diversum linguæ idioma
 habent singuli; aliud enim habent Westphali,
 aliud Helvetii, aliud Hassi, aliud Juliacenses, etc.;
 atque ita si vernacule diceretur divinum officium,
 in tanta idiomatum varietate schisma oriretur,
 risus et contemptus sacrorum.

Fructus Dices *secundo* : Populus non intelligit latine,
 quos po- quem ergo fructum ex Missa Latina percipit?
 pulus ex

Respondéo *primo*, particeps est istius sacrificii, et etiam Sacramenti, si velit. *Secundo*, particeps est omnium precum, quas pro omnibus maxime præsentibus fundit sacerdos. *Tertio*, per ritus et caeremonias tam decoras ad devotionem et mentem privata oratione ad Deum elevandam excita-

tur, docetur et accenditur; præsertim cum illa in concione populo Parochi explicare debeant, ut jubet Concilium Tridentinum, sess. XXII, cap. viii. Vide Bellarminum, lib. II De Verbo Dei, cap. xvi.

13. QUID ERGO (mihi vobisque faciendum) EST? Vers. 13.
ORABO SPIRITU (ut spiritus meus oratione mea
pascatur), ORABO ET MENTE, — id est orabo sensu
et intelligentia, orabo intelligenter, ut alii me
sentire, id est intelligere, possint. Alludit Paulus
ad illud Psal. XLVI : « Psallite sapienter, » pro quo
hebraice est מַשְׂכִּיל maskil, id est in intelligentia :
quod Septuaginta vertunt, σοφως, id est psallite
intelligenter, ut nimirum vos ipsi intelligatis et
sapiatis ea quæ psallitis, et ut alii qui vos au-
diunt, ea quæ psallitis intelligant. Hoc enim est
communis psaltæ officium, ita nimirum psallere,
ut possit ab aliis intelligi. Vox enim ψῶς, quæ uti-
tur hic Paulus, respondet Heb. שֶׁחַל sechel, sive
מַשְׂכִּיל maskil, et בִּינָה bina : quæ passive capiun-
tur subinde, ut Isaiæ XXXIII, 19, pro eo quod
noster Interpres verlit : « Populum alti sermonis,
ut non possis intelligere disertitudinem linguæ
eius, in quo nulla est sapientia, » hebraice est,
populum blæsum labiis, in quo non est בִּינָה bina,
id est intelligentia, qui scilicet ita blæsus est, ut
non possit intelligi. Sic Nehemiæ VIII, 8, dicitur
Esdras legisse coram populo in libro legis « dis-
tincte et aperte ad intelligendum : » hebraice שׁוֹם
שֶׁחַל som sechel, id est ponendo vel dando intel-
lectum, hoc est intelligibiliter, ita ut omnes pos-
sent intelligere (1).

16. CÆTERUM SI BENEDIXERIS SPIRITU, QUI SUPPLET LOCUM IDIOTÆ, QUOMODO DICET, AMEN, SUPER TUAM BENEDICTIONEM? QUONIAM QUID DICAS, NESCIT. — «Si benedixeris,» id est, si Deum laudaris tua lingua et spiritu. Aliter S. Thomas : Si sacerdos, inquit, publice benedixerit populo; sic quoque explicat Primasius, Haymo et Salmeron, qui, multis contendit probare Apostolum loqui hic de sacrificio Missæ, qua sacerdos benedicit non tam populum, quam Deum. Nam id videtur significare verba Græca hic εὐλογεῖν et εὐχαρισεῖν, quibus pariter utuntur Evangelistæ et Paulus in institutione Eucharistiæ, quæ inde dicta est εὐλογία, id est benedictio; et Eucharistia, id est gratiarum actio. Accedit, quod in omnibus Liturgiis Missæ, tam Jacobi et Clementis, quam Basilii et Chrysostomi, post consecrationem panis et vini populus acclamare solet, *Amen*. Videtur ergo hic velle Apostolus, ut publicæ benedictiones, preces et Missæ in Ecclesia non celebrentur ignoto prorsus et peregrino sermone; sed ut apud Græcos celebrentur græce, apud Hebræos hebraice, apud Latinos latine. Nam magna ex parte hæc idiomata ab his, qui sunt ejusdem linguæ, intelliguntur : cum enim fieri non possit, ut una lingua ab omnibus,

Vers. 16.

Olim in
Missæ
post con-
secratio-
nem po-
pulus ac-
clama-
bat.
Amen.

(1) Igitur τῷ vef h. l. est dativus, pro eis τὸ νοεῖσθαι, intelligentiæ et sensui aliorum, me audientium, id est, ita ut alii etiam me intelligant.

etiam diversis nationibus, qui eamdem sæpe Missam audiunt, intelligatur, oportuit seligi unam magis communem, quæ a plerisque honestioribus intelligatur, qualis est apud nos Latina, ita ut multi in Missa Latina apud nos loco idiotæ respondere possint, *Amen* : quod hic requirit Apostolus.

Paulum non loqui hic de communi oratione Ecclesiæ, sed propria privatorum, probatur Primo.

Secundo. Verum Apostolum non loqui de publica et solemnī benedictione Missæ, sed quavis alia, quam quisque privatim afflatus spiritu per hymnum, psalmum, vel orationem dictabat et recitabat, patet primo, ex voce *cæterum*, pro qua græce est *καὶ*, id est *quandoquidem*; quæ vox dat causam cur vers. præced. dixerit : « Orabo spiritu, orabo et mente; psallam spiritu, psallam et mente. » Loquitur ergo Paulus de benedictione non Missæ, sed psalmodum et orationum, quas quisque ex spiritu fundebat. Idem indicat Græcum *καὶ ὁ*, id est *tua*, scilicet propria et privata, *ἐκκαρτερία*, id est benedictione. Secundo, idem patet ex decursu totius capitis, ac præsertim ex conclusione totius discursus Paulini, vers. 26, ubi sic ait : « Quid ergo est, fratres? cum convenitis, unusquisque vestrum psalmum habet, doctrinam habet, apocalypsim habet, linguam habet, interpretationem habet : omnia ad ædificationem fiant; » ergo loquitur Paulus de benedictione, psalmis et linguis, non sacerdotis et publici ministri; sed de privatis, quas unusquisque ex spiritu proferebat ad communem fidelium ædificationem. Tertio, idipsum patet ex vers. 31, ubi ait : « Potestis omnes per singulos prophetare. » Et vers. 29 : « Prophetæ, inquit, duo aut tres dicant, et cæteri dijudicent; » ergo loquitur de nova et privata cujuslibet prophetia et benedictione; hæc enim examinanda et dijudicanda est. Nam communis Ecclesiæ oratio et liturgia a tota Ecclesia probata et instituta examinari et dijudicari non debet. Hæc omnia magis patebunt paragrapho seq.

Quid sit idiotæ? Prima expositio. Tertio. Idiotæ. — Gagneius ex Severiano : Idiotæ, inquit, est catechumenus. Secundo, Primasius, idiotæ, inquit, est neophytus. Tertio, et optime; idiotæ est indoctus, rudis, linguarum expers. Ita Chrysostomus, Syrus, Theophylactus, S. Thomas et alii.

Nota : S. Thomas, Primasius et Haymo per idiotam hunc accipiunt ministrum, qui in Sacro et Collectis pro populo respondet, *Amen*. Unde significant hi Patres Paulum velle, ut saltem Missæ et sacrorum minister intelligat sacerdotem, illumque qui publice lingua alia, quam vernacula orat, ut pro populo respondere possit, *Amen*. Hoc consilium et documentum bonum et conveniens est, non tamen absolute necessarium, nec genuinum ex mente Pauli.

Unde dico, idiotam hic non significare ministrum sacrorum, sed quemvis ex plebe. Græce enim est ὁ ἀναπληρῶν τὸν τόπον τοῦ ἰδιώτου, qui implet, vel occupat, locum idiotæ, id est, qui sedet inter idiotas, qui est idiota (alio enim loco sedebant

Prophetæ et Doctores, alio idiotæ et populus), uti est plebeius quisque et tota plebs indocta. Ita Chrysostomus et Theophylactus (1). Tota enim plebs, et consequenter quisque idiota, olim in sacris conventibus respondebat, *Amen*, ut patet ex Justino, *Apolog.* 2, in fine. Unde Hieronymus, in fine commentarii in epistolam ad Galat. : « In Ecclesia Romana, ait, ad instar cœlestis tonitruī reboat *Amen*. » Id jam plebs vice facit minister, ut sacerdoti oranti respondeat, *Amen*, ne confusa vox plebs Ecclesiam turbet.

Nota secundo : Loquitur hic Apostolus, ut dixi, de oratione nova et privata alicujus particularis, quæ proferebatur ad populi excitationem et ædificationem, et cui subesse poterat error, ut patet vers. 29. Hanc enim vult vulgari lingua fieri, ut eam intelligat populus, ne respondeat, *Amen*, ad orationem alicujus, qui in oratione quam facit peregrina lingua, ridicula, absurda, errores et hæreses profert; non autem loquitur Apostolus de oratione publica ab Ecclesia probata et recepta, quæ non nomine hujus vel illius, sed nomine totius Ecclesiæ profertur, in qua certum est nihil erroris contineri, cui unus minister respondet *Amen* pro populo; atque interim populus, qui hujus orationis est particeps, potest insuper alia oratione privata Deum orare. Adde Concilium Tridentinum, ut dixi, jubere, ut pro concione hæc orationes populo explicentur.

Denique licitum est orare lingua quam non intelligis, cum certo scis preces esse bonas; sicuti Moniales latine recitant Horas : et sic idiotæ, orante sacerdote latine, possunt cum illo orare et mentem Deo jungere, ac petere, ut Deus concedat id quod sacerdos, pro se et toto populo, nomine totius Ecclesiæ, optima et utilissima oratione rogat et supplicat; quia licet eam non intelligant, nec pascantur intelligentia et sensu precum, habent tamen fructum devotionis erga Deum et reverentiæ erga preces sacras : imo plus merentur et impetrant, quam illi qui eas intelligunt, si majori humilitate; pietate et fervore orent.

Ita S. Jordanes rogatus, an placerent Deo hæc Monialium preces? respondit apposite : « Sicut gemma in manu rustici, qui non novit pretium ejus, tantum valet, quantum in manu aurificis et gemmarii, qui pretium novit : sic et preces tantum valent in ore indocti qui eas non intelligit, quantum in ore docti qui intelligit; » perinde ac libellus supplex qui a rustico et idiota regi porrigitur, tantundem a rege impetrat, quantum impetraret alius qui a viro docto et litterato porrigeretur. Scriptum est enim : « Ex ore infantium et lactentium perfecisti laudem. » Et : « Si hi (infantes) tacuerint, lapides clamabunt, » *Matth.*

(1) Igitur qui supplet locum idiotæ est plebs ipsa linguæ peregrinæ imperita; nam ἀναπληρῶν τὸν τόπον τῶν; significat, ut recte animadvertit Rosenmullerus, esse in statu et conditione alicujus.

Paulus vult orationem privatam alicujus vulgari lingua fieri, non publicam.

Licitum est orare lingua quam non intelligis.

Pulchra similitudine ostenditur Latinas preces Monialium Deo placere, etiamsi eas non intelligant.

Oratio- nes non intel- lecte suam vim ha- bent, uti ostendit Abbas Pastor. **xxi, 16.** Simili modo in *Vitis Patrum*, Abbas Pas- tor, cum quidam ei conquerendo diceret : « Ecce oro, et non est compunctio in corde meo, quia nescio virtutem (significationem) verbi, respon- dit : Et tu tamen orare perge, quoniam sicut in- cantator, licet virtutem verborum quæ dicit, nes- ciat, serpens tamen audit et intelligit ea, iisque subijcitur incantanti, et humiliatur : sic et nos, quamvis ignoremus virtutem eorum quæ loqui- mur, dæmones tamen audientes ea intelligunt terrentur atque discedunt. » Vide D. Thomam et Cajetanum.

Quisque oratio- nem Do- minicam discere et intelligen- re debet. Secus est de oratione Dominica, quam quisque vernacule discere, dicere et intelligere debet, ut sciat distincte quæ et qualia a Deo petere debeat, uti jam in multis Synodis Episcoporum statu- tum est. Infert hinc aliud Cajetanus, scilicet sat- ius esse organa et musicam excludi templis, ut sic Horæ et Missæ intelligibiliter canantur, ita ut ab audientibus responderi possit, *Amen*. Sed usus jam Christianorum habet contrarium, ut cum Da- vide ad excitandam devotionem populi, qui æque vocem Latinam non intelligeret, organis subinde et musica in sacris utantur, idque

Ob tres rationes usus mu- sicæ in templis commen- datur. Prima. *Primo*, ut sicut non tantum spiritu, sed et corpore constamus, Deumque laudamus : sic non tantum voce, eaque concordi et pulcherrima, qualis est musica, sed et instrumentis Deum lau- demus. Omnis enim spiritus, omnis creatura, omne instrumentum laudare debet Deum, quem omnis laus decet.

Secunda. *Secundo*, ut audientes, præsertim plebei, ad devotionem excitentur, sicut David et Elisæus per psaltes et psalteria excitabantur, et sicut excita- bant Saulem et alios per musicam ad Dei lau- dem.

Tertia. *Tertio*, ut major sit sacrorum decor, solemnitas et majestas. Ita Prudentius in *Apotheosi* contra Judæos; et Facultas Parisiensis in sua censura, tit. 19, propos. 6, ita hunc Pauli locum expli- cat : « Scribens Paulus, In Ecclesia volo quinque verba sensu meo loqui, quam decem millia ver- borum in lingua, de concionibus, seu sermoni- bus, qui habentur ad populum, tractat, in quibus inutilis est copia verborum non intellecto- rum; non de cantibus Ecclesiasticis, quorum alia est ratio. »

quare or- gana theatri- ca olim ex tem- plis ejec- ta? Cavenda tamen est in hisce levitas, ut jubet Concilium Tridentinum. Unde S. Augustinus, in *Psalm. xxxii*, conc. 1, dicit repulsas ab ecclesia citharas et organa theatra : quia scilicet Gentiles iis ad luxum et libidinem in theatris, conviviis et sacrificiis utebantur eo tempore. Uti ergo or- ganis in ecclesia, et subinde aliis instrumentis musicis, si fiat sobrie, pie, modeste et graviter, Davidis exemplo et exhortatione, *Psalm. clxix*, vers. 3, 4, 5, 6, patet esse pium : unde et S. Joannes, in *Apocalypsis* cap. v, vers. 8, et cap. xiv, vers. 2, in cælo, ubi omnes sunt perfecti, auditur citharas, licet nostris gravioris et diviniore.

AMEN. — « Amen » (ait Hieronymus *ad Marcel- lam*, epist. 137, tom. III, et in fine Commentario- rum in epist. *ad Galat.*) Aquila, Symmachus et Theodoretus verterunt, πιστομένως, id est fideliter, sive vere; Septuaginta vertunt, γένετο, id est fiat. Significat ergo « Amen, » vere, vel etiam firmiter : radix enim אמן *aman* firmare et stabilire signi- ficat. Unde אמת *emeth*, id est firmitas, veritas. « Amen » ergo non est particula jurantis, ut vul- gus putat; sed affirmantis et confirmantis. Affir- mantis est, cum orationi præponitur, ut, *Amen*, *amen*, dico vobis. Et hoc sensu S. Augustinus, tract. 41 in *Joan.*, « amen » vocat jurationem Christi; quia Christi juratio non fuit proprie ju- ramentum, sed simplex affirmatio et asseveratio, dicendo : *Amen*, *amen*, dico vobis, *Matth. v*, 37. « Amen » vero est nota confirmantis cum orationi postponitur. Rursum, cum postponitur, et signi- ficat consensum audientis; nunc asserentis est et concedentis, nunc optantis. Concedentis est *Deut. xxviii*, ubi ad benedictiones legis servatæ, et ma- ledictiones violatæ, populus quasi eas acceptans, respondet *Amen*. In prece vero tantum est optan- tis. Sic in oratione Dominica subjungitur *Amen*, quasi signaculum orationis, et passim alias quas- vis orationes Ecclesia obsignat per *Amen*, *q. d.* Verum sit, vere fiat quod hac oratione petimus. Talmudici dicunt *Amen*, aliud esse perfectum, aliud imperfectum, idque triplex : *Primo*, « amen pupillum, » cum dicens « Amen, » precem non intelligit, sed quasi pupillus ab orante sinit se et precem suam dirigere. *Secundo*, « subreptitium, » cum ante finem orationis respondet *Amen*. *Tertio*, « sectile, » cum aliud agens animo distracto respondet *Amen*.

Quid Amen significat, et unde dictum? *Amen* non est particula jurantis.

Amen cum ora- tioni postponi- tur, est asseren- tis, con- cedentis, vel op- tantis. *Amen* est signacu- lum ora- tionis.

Triplex amen, pupillum, subreptitium et sectile.

18. GRATIAS AGO DEO MEO, QUOD OMNIUM VESTRUM LINGUA LOQUOR. — « Omnium vestrum. » Paulo aliter jam habent Græca : πάντων ὑμῶν μᾶλλον γλώσσαις λαλῶν, quod Syrus, Chrysostomus, Hieronymus *ad Hedibiam*, et alii vertunt, *magis quam omnes vos, linguis loquor*. Sic fere posset et accipi noster Interpres, dum vertit, *omnium vestrum, q. d.* Omnes linguas quas vos calletis, et ego calleo, et magis quam vos.

Dices : Quomodo ait : « Omnium vestrum lin- guis, » ut habent Græca, cum in Græcia, et ma- xime Corinthi, una tantum esset lingua. Respon- det Haymo : « Omnium vestrum linguis, » id est dialectis, loquor. *Secundo* et melius : « Omnium, » quia nimirum Corinthum confluebant advenæ et mercatores omnium gentium et linguarum, quasi ad celeberrimum emporium; sicut etiam hodie Antuerpiæ, Parisiis, Venetiis, Gallorum, Italorum, Hispanorum, Anglorum aliarumque gentium vi- get lingua æque ac mercatura. « Omnium » ergo « vestrum, » id est, omnium gentium, quæ vo- biscum et inter vos versantur, « linguis loquor, » *q. d.* Non elevo, nec vitupero donum linguarum, nam et ipse eo utor, sed non eo modo, quo vos in Ecclesia ad ostentationem, sed ad ædificationem.

Quomodo Paulus linguis omnium Corinthiorum loqueretur, cum tantum una esset lingua Corinthiorum

Vers. 19. 19. SED IN ECCLESIA VOLO, — id est, malo. Pendet enim τὸ volo a voce quam, quæ sequitur. Est hebraismus.

QUINQUE (paucissima) VERBA SENSU MEO (id est intelligentia, qua intelligar) LOQUI, UT ET ALIOS INSTRUAM, QUAM DECEN MILLIA VERBORUM IN LINGUA, — peregrina, quam audientes non intelligant.

Quomodo hic accipiendum sensu meo? Prima explicatio et genuina. **Vers. 14.** Nota: «Sensus» hic idem est quod intelligentia passiva, qua scilicet intelligor tam ego, quam sermo meus: unde explicans subdit: «Ut et alios instruem.» Opponit enim sensum hunc linguae peregrinae, quam nemo intelligit. Vide dicta

Secunda. Aliter Anselmus: *Sensu*, inquit, *meo*, id est, intelligentia mea, sed activa, scilicet, qua ego ipse intelligam ea quæ ipse loquor, ut ita melius eadem aliis exponere possim.

Tertia. Tertio, Chrysostomus: *In sensu*, inquit, id est, cum iudicio, ut scilicet discrete et cum iudicio loquar et doceam, ita ut audientes, licet rudes et imperiti, eadem intelligere, capere et retinere possint. Verum primus sensus est genuinus, ut ex dictis patet.

Vers. 20. 20. NOLITE PUERI EFFICI SENSIBUS, SED MALITIA PARVULI ESTOTE: SENSIBUS AUTEM PERFECTI ESTOTE.

— Nota: Hic aliud significat *sensus*, quam vers. præcedenti. Hic enim græce non est *νοῦς*, uti habet versus præcedens, sed *φῆμι*, id est, ut Chrysostomus et Syrus, *mens*, *q. d.* Mente, iudicio et ratione nolite effici pueri, ut pueriliter ostentetis donum vestrum linguarum.

SED MALITIA PARVULI ESTOTE, — id est, in malitia estote simplices, ut illa sit vobis incognita quasi infantibus; græce enim est *ἁπλότης*, id est, ut Chrysostomus, Theophylactus et Syrus, *infantes sitis in malitia*; et, ut S. Augustinus, lib. LXXXIII *Questionum*, Quæst. LXI, legit, *sicut infantes sitis expertes malitiæ*: nimirum, ut sicut infans dicitur qui fari non potest, multo minus nosse malitiam aut quidquam aliud; et græce *ἁπλότης* dicitur, quasi *ὡς εἰπὼν*, *q. d.* sine loqui, infans, elinguis: sic et Christianus in malo sit infans, ut illud non norit, nec de eo fari aut disserere possit, v. g. non sciat quid sit æmulatio, pollutio, fornicatio. Ita ex Chrysostomo Theophylactus. Pulchre Tertullianus, lib. *Contra Valent.*, cap. II: «Repuerascere, inquit, nos Apostolus jubet secundum Deum, ut malitia infantes per simplicitatem, ita demum sapientes sensibus simus.»

Quod etiam notavit Clemens Alexandrinus, lib. I *Pædag.*, cap. V, his verbis: «Hic autem par est attendere appellationem hujus vocabuli *ἁπλότης*, quod infantem significat; ut intelligatur τὸ *ἁπλότης* non dici de insipientibus: qui est enim insipiens, dicitur *ἁπλότης*: *ἁπλότης* autem, qui est *ἁπλότης*, ut *ἁπλότης*, qui est leni ac molli animo.» Vide eum hoc toto capite pulchre disputantem, quales pueri debeant esse omnes Christiani.

Vers. 21. 21. IN LEGE. — *Isaiæ xxviii, 11.* Aliquando enim «lex» vocatur non solus Pentateuchus, sed et Prophetæ totumque vetus Testamentum. Ita Chrysostomus.

SCRIPTUM EST: QUONIAM IN ALIIS LINGUIS ET LABIIS ALIIS LOQUAR POPULO HUIC. — Locus hic est difficilis, qui, ut intelligatur, oportet locum Isaiæ, quem hic citat Apostolus, explicare. Sic habet Isaias, cap. xxviii, 9: «Quem docebit scientiam? et quem intelligere faciet auditum? ablactatos a lacte, avulsos ab uberibus. Quia manda, remanda; manda, remanda; expecta, reexpecta; modicum ibi, modicum ibi: in loquela enim labii et lingua altera loquetur ad populum istum,» *q. d.* Deus docere solet scientiam et sapientiam eos, qui avulsi a deliciis puerilibus et vita imperfecta, quasi viri capaces sunt scientiæ: hi autem Judæi, qui, ut apud Isaiam præcessit, hisce deliciis vini et ebrietatis gaudent, nec supernas et solidas capiunt, quasi pueri sunt, et consequenter doctrinæ et veræ sapientiæ incapaces: quia scilicet hi Judæi vinolenti, ridendo me Isaiam et alios Prophetas, qui eis ebrietatis aliorumque peccatorum pœnas et supplicia e cœlo intenuimus, dicunt: *manda, remanda*, hebr. *לִצַּף צַף tsaf, latsaf, manda mandando*, hoc est, *manda, remanda*; *קַף קַף kaf lakaf*, expecta expectando, id est, *expecta, reexpecta*.

Notat S. Hieronymus, Haymo et Lyranus, in hisce verbis esse mimesim, sive ethopœiam, quæ est relatio dictorum alienorum cum derisu. Isaias enim et Prophetæ sæpe edicebant: «Hæc mandat Dominus.» Hinc isti vino dediti in conviviis per irrisionem hæc repetebant dicentes: *Manda, remanda*, id est iterum manda; *expecta, reexpecta*, id est iterum expecta. Quasi dicerent: Prophetæ obtundunt nobis aures toties repetendo: «Hæc mandat Dominus;» et minantur aut promittunt ea quæ non eveniunt, jubent expectare modicum, nunc hic, nunc ibi, et nihil sequitur. Sic subinde etiamnum concionatoribus fit, ut improbi eorum conciones et minas rideant, repetant et subsannent. Quare hæc Isaiæ verba frigide Judæi R. David, R. Abraham, et post eos Vatablus, Isidorus Clarius, Pagninus et Forerius vertunt sic: *lineam post lineam, præceptum post præceptum; parum ibi, parum ibi, q. d.* Isaias: Hi tanquam pueri ruditer et sensim lentissime docendi sunt lineam post lineam, præceptum post præceptum, perinde ac pueri docentur alphabetum; nam non puerorum docendorum, sed illorum et sannionum hæc esse verba patet ex pœna, quam vers. seq. eorum sannis intentat Isaias. Unde Septuaginta sic vertunt: *tribulationem super tribulationem, expecta spem super spem, adhuc parum, adhuc parum, propter irrisionem laborum, et linguam alteram, quia loquentur populo huic, dicentes eis: Hæc requies esurienti, et hæc est contritio, et noluerunt audire.*

Ubi nota: Septuaginta pro *צַף tsaf*, id est *manda*.

Explicatur locus Isaiæ c. xxviii, vers. 9.

In his verbis manda, remanda est mimesis.

Alia versio ejusdem loci, illiusque explicatio.

Tertia versio ejusdem loci.

legerunt **צַר** *tsar*, id est tribulatio : *vaf* enim et *resch* Hebræis vicinæ sunt litteræ. Hinc subdit Isaias : « In loquela enim labii, » heb. **בלעני שפה** *belage sapha*, id est, ut Lyranus, Forerius, Pagninus, in balbutiem labii; Arias, in blæsitatibus labii, uti solent irridentes cum gestu linguæ et labiorum ad balbutiem composito loqui. Quod Noster vertit, *loquelam labii*. Blæsi enim et balbi videntur labiis pene solis loqui, et pappare : unde clare Septuaginta et alii vertunt, in *irrisione*, vel *subsannatione labii*. Hebraicum enim **לאג** *laag* proprie competit balbis, blæsis, sannionibus; et forte alludit Isaias ad Ephraimitas, qui blæsi erant : unde *Judicum* xii, 6, pro *scibbolet*, dicebant blæse *sibbolet* : sic hic pro *tsaf*, id est manda, dicebant Judæi sanniones blæse *saf*. S. Paulus hæc Isaiæ verba non ad verbum, sed ad sensum reddit, dicens : « In aliis labiis, » quia locum Isaiæ adaptat dono linguarum Apostolis dato, qui aliis linguis non ad irrisionem, sed ad ædificationem loquebantur. Quanquam Salmeron, tom. I, pag. 33, putet in Hebræo vitiate *gimel* pro vicino *zain* irrepsisse, et pro **בלעני** *belage*, uti jam legitur in Isaiâ, legendum esse **בלעזי** *belaze*, id est in barbaris linguis, ac consequenter aliis et diversis a vestra lingua : Hebræum enim **לעז** *loez*, barbarum significat.

Hæc verba Isaiæ Paulus non ad verbum, sed ad sensum reddit.

Vernus sensus S. Pauli in hoc loco.

Sensus ergo est, *q. d.* Isaias, vel potius per Isaiam Deus : Mea exhortatio ad pœnitentiam facta Judæis per Isaiam, aliosque Prophetas, visa est vobis, o Judæi, molesta et ridicula, perinde ac si labiis blæsis et lingua barbara locutus vobis fuisset : hinc Prophetarum quasi balbutiem imitando, et subsannando blæse et balbutientes dicitis et repetitis *manda*, *remanda*. Quare ego per Chaldæos (qui videntur vobis blæsi et balbi) milites, et ministros justitiæ meæ, vos puniam, ut sannis peregrinæ suæ linguæ Chaldaicæ vos incredulos accessant et compescant, vosque jam devotos et captivos irrideant, vestraque Hebraica verba suis Chaldaicis subsannent et reproben : et horum typo, figura et similitudine, tempore Christi mittam Apostolos, qui dono variarum linguarum vestram pariter, o Judæi, incredulitatem arguant, vobisque videbuntur blæsi, et a vobis mundique sapientibus quasi stulti prædicatores crucis Christi subsannabuntur.

Ubi nota, Isaiam loqui ad litteram de suo tempore, et de Chaldæis, qui eversuri erant Jerusalem : allegorice vero loqui de dono linguarum dato Apostolis, quod proinde Apostolos non fidelibus, sed infidelibus docet esse signum, scilicet maledictionis, qua incredulos Deus ulciscitur, non benedictionis, qua suos erudit. Hunc esse sensum Isaiæ, patet ex hoc loco Apostoli. Ita S. Hieronymus et Cyrillus in *Isaiæ* xxviii.

Nota secundo : Vox enim non proprie, sed adversative hic accipitur pro *sed*; nam cum ait : « In loquela enim labii, » perinde est ac si diceret : « Sed, vel, verumtamen in loquela labii et

lingua altera loquetur (Deus per Chaldæos et Apostolos) ad populum istum, » ut eum arguat, compescat et puniat.

22. ITAQUE LINGUÆ IN SIGNUM SUNT, NON FIDELIBUS, SED INFIDELIBUS. — Ex citato Isaiæ loco, et punitione Judæorum per linguas tam Chaldæorum, quam Apostolorum, infert Apostolus : Ergo linguæ sunt in signum, scilicet maledictionis, qua incredulos Judæos (his enim proprie loquitur Isaias et Apostolus, non Gentibus) Dominus ulciscitur, ut dixi; ac proinde hoc signum a vobis fidelibus usurpandum non est ad inanem jactantiam.

PROPHETIÆ (id est doctrinæ verbi Dei, et exhortationes, signum sunt) NON INFIDELIBUS, SED FIDELIBUS. — « Signum, » inquam, benedictionis, qua Deus suos erudit et benedicit, id est ad omne bonum incitat et promovet. Vide vers. 3. Non ergo « signum » hic idem est, quod miraculum : nec enim Chaldæi miraculum fecerunt, dum sua lingua Judæos increpauerunt; sed « signum » hic est signum, sive symbolum et nota correptionis, doctrinæ et institutionis. Intellige ea, quæ de fidelibus et infidelibus dixi, primario et præcipue : nam secundario sicuti linguæ etiam fidelibus, sic vicissim prophetiæ infidelibus quoque serviunt, ut patet vers. 23 et 25.

23. SI CONVENIAT UNIVERSA ECCLESIA IN UNUM, ET OMNES LINGUIS LOQUANTUR (simul, mixtim, confuse et tumultuarie); INTRENT AUTEM IDIOTÆ, AUT INFIDELES : NONNE DICENT, QUOD INSANITIS ? 24. SI AUTEM OMNES PROPHETENT (id est doceant fidem ex Scripturis aliisque testimoniis, et concionentur de vita recte instituenda, vide dicta de prophetia initio capitis), INTRET AUTEM QUIS INFIDELIS, VEL IDIOTA, CONVINCITUR AB OMNIBUS, DJUDICATUR AB OMNIBUS, — quia nimirum ab omnibus Prophetis, id est doctoribus et concionatoribus, de sua infidelitate, malis moribus et vitiis arguitur et increpatur.

25. OCCULTA CORDIS EJUS MANIFESTA FIUNT. — *q. d.* Ex dono discretionis spirituum, sive Deo ipsius Prophetæ, id est concionatoris, linguam regentis, tanguntur et arguentur occultissima cordis ejus vitia, ut putet sibi concionatorem prophetice loqui, quod tum frequens fuisse hinc patet. Proinde hos Prophetas, id est doctores et concionatores, etiam vere ac proprie Prophetas fuisse liquet.

Simile exemplum est in Vita S. Augustini per Possidonium, cap. xv, ubi narrat S. Augustinus in concione quadam præter mentem a sua materia deflexisse, et invecum esse in manichæismum, idque Deo flectente Augustini mentem et linguam ad Manichæi cujusdam tum forte præsentis conversionem, uti postea re ipsa cognovit S. Augustinus. Unde S. Augustinus, lib. IV *De Doctr. Christ.*, cap. xv, ante concionem docet esse orandum, ut Deus accommode ad auditorum captum et motum, mentem et linguam concionantis flectat.

Alii *occulta* intelligunt peccata, quæ in infideli,

Vers. 22.

Lingua sunt signum maledictionis infidelibus

Prophetiæ sunt signum benedictionis fidelibus

Vers. 23.

Vers. 24.

Vers. 25.

Deus in concione linguam S. Augustini flectit ad conversionem ejusdem Manichæi. Antecconcione oram, cur?

vel idiota latent, quæque ipse nescit esse peccata, v. g. cum nescit idololatriam et fornicationem esse peccatum; hoc ipsum sciet, cum Prophetas ea arguentes et peccati insimulantes audiet. Sed prior sensus planior et simplicior est (1).

VERA 16. 26. QUID ERGO (faciendum) EST, FRATRES? CUM CONVENITIS (in Ecclesia), UNUSQUISQUE VESTRUM PSALMUM HABET, DOCTRINAM HABET, APOCALYPSIM HABET, LINGUAM HABET, INTERPRETATIONEM HABET: OMNIA AD ÆDIFICATIONEM FIANTE. — Vox « unusquisque » sumitur hic distributive: nec enim unus omnia jam dicta habebat, sed unus psalmum, alius doctrinam, alius aliud, q. d. Quisque vestrum vel « psalmum habet, » vel « doctrinam, » vel « apocalypsim, » vel « interpretationem, » vel donum linguarum, ut lingua peregrina Dei laudes, preces aliaque proloquatur aut decantet.

PSALMUM HABET, — gratiam psallendi, qua psalmum, vel hymnum dictet aut canat. Sic Plinius ad Trajanum scribit, Christianos solitos canere antelucanos hymnos Christo.

APOCALYPSIM HABET, — puta revelationem et explicationem aliquam vel loci alicujus S. Scripturæ obscuri, vel rei futuræ aut occultæ.

In conventibus Christianorum olim quis ritus et ordo. Ex hoc autem Pauli loco nota: in Ecclesia primæva hic erat ritus et ordo sacrorum in sacris Christianorum conventibus (ut patet ex Justino, Apolog. II ad Antoninum, in fine, et Tertulliano, in Apologet. cap. xxxix, et aliis) a Paulo et Apostolis institutus. **Primo,** canebant psalmos, etiam populus. **Secundo,** legebantur prophetiæ et sacra Scriptura. **Tertio,** Episcopus prædicabat. **Quarto,** fiebat cæna et Sacrum, quod tunc fere tantum oblatione, consecratione, communione, canone, et Pater noster, ac oratione aliqua, cui populus respondebat, Amen, constabat. **Quinto,** omnes communicabant. **Sexto,** quidam psalmos et hymnos in laudem Dei variis linguis quasi afflati spiritu dictabant et canebant: alii prophetabant. **Septimo,** alii more Judæorum sacras Scripturas interpretabantur, vel exhortabantur, iique duo vel tres, præsertim Prophetæ aut viri spirituales: alii audiebant, et subinde interrogabant, etiam femine (sed per abusum, quem Paulus hic corrigi), aliquid circa id quod dicebatur; cumque aliquid boni et pii pulchre dicebatur, simul inclamabant, Amen, Amen. **Octavo,** clauderat omnia agape, sive convivium omnibus commune in symbolum charitatis: post quod rursum succedebant hymni et orationes. Hæc enim ordine ita recenset Justinus loco paulo ante citato: « In omnibus, inquit, quas offerimus oblationibus, benedicendo laudamus (en primum, scilicet psalmodia et hymnodia) factorem omnium per Filium ejus Jesum Christum et Spiritum Sanctum. Et Solis, qui dicitur die, omnium, qui in oppidis vel ruri degunt, in eundem locum conventus fit, et

Ostenduntur hæc ex Justino:

commentaria Apostolorum aut scripta Prophetarum leguntur. » En secundum, scilicet lectio sacræ Scripturæ.

« Deinde lectore quiescente, præsidens orationem, qua populum instruit, et ad imitationem tam pulchrarum rerum cohortatur, habet. » En tertium, scilicet concio præsentis, sive Episcopi.

« Sub hæc consurgimus communiter omnes, et preces profundimus, et, sicut retulimus, precibus peractis panis offertur, et vinum, et aqua; et præpositus item, quantum pro virili sua potest, preces et gratiarum actiones fundit, et populus fauste acclamat dicens, Amen. » En quartum, scilicet Eucharistiæ oblatio et consecratio in Missa.

« Et distributio communicatioque fit eorum, in quibus gratiæ sunt actæ, cuique præsentibus autem per Diaconos mittitur. » En quintum, scilicet communio omnium.

Sextum, septimum et octavum ita mixtim describit Tertullianus loco citato: « Cæna nostra de nomine rationem sui ostendit: vocatur enim ἀγάπη, id quod dilectio apud Græcos est. Non prius discumbitur, quam oratio ad Deum prægustetur. Post aquam manualet, et lumina, ut quisque de Scripturis sanctis, vel de proprio ingenio potest, provocatur in medium Deo canere: æque oratio convivium dirimit. » Similia habet Philo, lib. De Essæis.

Et ex Tertulliano.

Nota secundo, hæc dona et hunc fervorem non diu durasse in Ecclesia, sed evanuisse; ita tamen ut ordinis jam dicti typum et methodum quoad potuit, retinuerit Ecclesia. Unde octo rebus et ritibus jam dictis hæc nostra successerunt.

Octo ritibus Ecclesiæ antiquæ successerunt octo ritus modernæ.

Primo, puta cantui et psalmodiæ, successit Matutinum, Laudes et Horæ canonicæ.

Secundo, scilicet prophetiis, successerunt lectiones tum in Horis canonicis, cum sua expositione et homiliis, tum in Missa lectio Epistolæ et Evangelii.

Tertio successit concio post Evangelium.

Quarto, æque ut olim etiam nunc fit Sacrum, in quo post Collectas clericus loco populi respondet, Amen.

Quintum intepuit, sicut et sextum et septimum et octavum, nisi quod hymni et Horæ minores post Sacrum canantur; et quod Monachi in suis conventibus de rebus spiritualibus colloqui soleant, ut patet ex Cassiano in Collationibus Patrum.

27. SIVE LINGUA QUIS LOQUITUR, SECUNDUM DUOS, VERA 27. AUT UT MULTUM TRES, ET PER PARTES, ET UNUS INTERPRETETUR. — Pendet hic versus ab eo, qui proxime præcessit, « omnia ad ædificationem fiant, » q. d. Sive quis psallat, sive doceat, sive lingua loquatur, omnia fiant ad ædificationem, ita nimirum, ut, si loquendum sit linguis, id fiat « secundum (id est per) duos, aut ut multum tres, » q. d. In singulis conventibus bini duntaxat, aut ut summum terni linguis loquantur (est græcismus); idque « per partes, » puta vicissim, ne

(1) Alii: salubres animi motus, vestra exhortatione excitati, erumpent in gestus et verba, ut sequitur.

fiat confusio; « et unus interpretetur, » ut audientes intelligant.

Vers. 29. 29. PROPHETÆ DUO AUT TRES DICANT, — SUAS prophetias scilicet, sive dogmata, lumina, monita sibi a Deo aspirata. Vide dicta initio capitis.

Male hinc hæretici contendunt ad laicos spectare doctrinam religionis. Et CÆTERI (non vulgus, sed Prophetæ, ut præcessit) DIJUDICENT, — ex dono sibi concesso, an id quod dicit Prophetæ, sive doctor, sit vere prophetia, id est, doctrina sana et utilis, necne. Non ergo ad vulgus et laicos spectat judicare de doctrina religionis, ut hinc volunt hæretici. Tam enim ineptum et insulsum est, quod vulgus dijudicet prophetias, Prophetas, Doctores, Pastores, quam si discipulus suum præceptorem, ovis suum pastorem, miles suum ducem dijudicare et arguere vellet.

Vers. 30. 30. QUOD SI ALII (aliquid melius) REVELATUM FUERIT SEDENTI (et audienti, surgat ille et loquatur, ac) PRIOR (Propheta) TACEAT, — et sedeat. « Hæc traditio Synagogæ est, ait Ambrosius, quam nos Paulus vult sectari, ut seniores dignitate disparent sedentes in cathedris, sequentes in subselliis, novissimi in pavimento supra mattas; quibus si quid revelatum fuerit, dandum locum præcipit, nec despiciendos, quia membra corporis sunt. »

Vers. 31. 31. POTESTIS ENIM OMNES PER SINGULOS PROPHE-
TARE (q. d. Possunt omnes Prophetæ sigillatim hac ratione, si nimirum servant modum et ordinem, quem jam præscripsi, exhortari), UT OMNES DISCANT ET EXHORTENTUR, — id est, exhortationem et consolationem accipiant. Passive enim capitur παρακαλεῖσθαι, id est exhortentur. Simile est *epist.* II, cap. I, 6. Alii exponunt active, hoc modo, q. d. Ut omnes discant, cum audiunt; et doceant, dum loquuntur et exhortantur.

Vers. 32. 32. ET SPIRITUS PROPHETARUM PROPHETIS SUBJECTI SUNT, — ut possint Prophetæ spiritum prophetiæ cohibere et tacere cum volunt, aliisque Prophetis dare locum dicendi. Non enim aguntur ad verba eo impetu, quo fanatici idololatræ. Nam spiritus, vel donum prophetiæ, ait D. Thomas, non est habitus, sed partim est instinctus et impressio lucis et veritatis, qua Deus illuminat mentem Prophetæ circa res futuras, obscuras, vel divinas; partim est vis, seu impetus, quo Deus cor tangit, movet et impellit ad prophetandum, sed libere. Unde Jonas et Jeremias illi ad tempus restiterunt, uti et Moyses, *Exodi* IV.

Aliter exponit Chrysostomus, q. d. Paulus: Donum prophetiæ, quod habet Propheta, subjacet iudicio et censuræ collegii Prophetarum. Sed prior sensus aptior est. Dat enim hic causam Paulus, cur Prophetæ sibi invicem cedere et tacere debeant, quia nimirum spiritus propheticus eis subjectus est.

Vers. 33. 33. NON ENIM EST DISSENSIONIS DEUS, — ut cogat hos illosve simul prophetare, tumultuari et invicem interturbare.

DISSENSIONIS — *καταστάσις*, id est, confusionis

et turbati ordinis, uti esse solet in tumultu et seditione (1).

34. MULIERES IN ECCLESIIS TACEANT, — etiam Prophetissæ, quia contra ordinem naturæ est et legis, *Genes.* III, 16, ut in conspectu virorum feminae eis subditæ loquantur. Ita Ambrosius, et ex eo Anselmus. *Secundo*, quia idipsum est præter earum verecundiam et humilitatem. Ita Anselmus. *Tertio*, quia vir melioris est iudicii, rationis, discursus et discretionis, quam femina. *Quarto*, jure, ait Anselmus, tacere jubetur femina, quæ cum loqueretur, viro suo suasit peccatum, *Genes.* III. *Quinto*, ut frenum injiciatur ejus loquacitati. Nam:

Tot pariter pelves, tot tintinnabula dicas
Pulsari,

cum dux mulieres litigant: quod facile in ecclesia contingeret, si eis docere permitteretur. De hoc mulieris silentio plura dicam I *Tim.* II, 9. Quam ergo contra Apostolum, contra fas omne, jus et decus est, si mulier caput sit Ecclesiæ alicujus?

Tropologice, mulier est passio et concupiscentia, vir est ratio; illa ergo taceat, et rationi se subdat. Vide Chrysostomum, *homil.* 37 in morali. « Mulier, inquit Aristoteles, lib. IX *De Natura animal.*, cap. I, misericors magis et ad lacrymas propensior est, quam vir: invida item magis, et querula, et maledicentior, et mordacior: præterea anxiosa, et desperans magis quam mas, atque impudentior et mendacior, quin etiam facilius decipi. »

35. SI QUID VOLUNT DISCERE, DOMI VIROS SUOS INTERROGENT. — Hinc ait Primasius: Viri adeo docti esse deberent, ut uxores suas docere et in rebus fidei instruere possent; sed, quid si indocti sint, ut sæpe fit, a quibus intruunt mulieres? Respondet Primasius: Habent concionatores, confessarios et magistros, qui eas instruant. *Secundo*, melius est illis quædam non necessaria ignorare, quam cum scandalo et inverecundia in ecclesia ea rogare et discere.

Dices: Anna Prophetissa in templo loquebatur omnibus de Christo, *Luce* II. Respondeo: Loquebatur omnibus, id est, singulis privatim, non in Ecclesia, id est, Ecclesiastico conventu, nec in templo proprie dicto: nam templum Judæorum nec mulier nec vir, sed soli sacerdotes ingredi poterant. Loquebatur ergo Anna mulieribus singulis in atrio feminarum: nam atrium distinctum ab atrio virorum habebant feminae, teste Josepho.

Dices *secundo*: Moniales in ecclesiis suis canunt. Respondeo: Ibi non est Ecclesia, id est fidelis populi conventus, sed est chorus Monialium tantum.

(1) Alii finem vers. 33 cum initio vers. 34 jungunt, ita ut sensus sit: sicut et in omnibus ecclesiis doceo, mulieres in ecclesiis taceant.

Vers. 34. Paulus probat quinquagesimo rationibus taceendum esse mulieribus in ecclesia

Sensus tropologicus.

In quibus mulier viri imperfectior et Aristoteles?

Vers. 35.

Locutio Annae Prophetissæ nihil facit pro mulierum loquela in templo. Atrium feminarum ab atrio virorum fuit distinctum.

in tem- Apostolus enim non vetat mulieres loqui aut canere inter mulieres, sed tantum id fieri vetat in communi Ecclesia, ubi scilicet tam viri quam mulieres conveniunt. Ita Cajetanus. Rursum loquitur Paulus de locutione, non publica et approbata, sed propria et privata, quæ fit docendo, exhortando, interrogando.

Adde, Apostolum proprie tantum loqui de mulieribus conjugatis; has enim jubet in Ecclesia tacere et subjici maritis, eosque domi interrogare.

Vers. 36. 36. **AN A VOBIS VERBUM DEI PROCESSIT?** — Est acris objurgatio concludens dicta hoc cap. et præcedenti, *q. d.* Nonne ante vos credidit Ecclesia Judaica, Samaria, Palæstina, Cyprus et Syria; inspicite ergo ordinem et morem illarum Ecclesiarum: an ita de suis donis contendant, an ita linguas suas jactitent, de iisque tam pueriliter glorientur, sicuti vos facitis? Ita Ambrosius et Anselmus (1).

Vers. 37. 37. **SI QUIS VIDETUR PROPHETA ESSE AUT SPIRITUALIS, COGNOSCAT QUÆ SCRIBO VOBIS; QUIA DOMINI SUNT MANDATA.** — « Domini » non per se, sed per me jubentis, ut hic ordo in vestris cœtibus et collationibus servetur.

Hic locus Nota hoc Pauli exemplum pro canonibus Pontificiis et legibus Ecclesiæ.

canones Respondet Melancthon, non posse Episcopos condere novos canones, quia postquam conscripta jam est omnis Sacra Scriptura, habent Episcopi verbum Dei plenum et sufficiens, quod sequantur; magistratum vero civilem posse novas leges condere, quia non habet verbum Dei, quod sequatur.

Pontificios commendat. Sed hæc frivola sunt, quia magistratus habet non solum jus naturæ, sed etiam jus Cæsareum amplissimum et plenissimum: ergo si omnia eo

Episcopi Sed hæc frivola sunt, quia magistratus habet non solum jus naturæ, sed etiam jus Cæsareum amplissimum et plenissimum: ergo si omnia eo

non sint statuta et definita, sed magistratus et principes debeant plura statuere et definire, cur non et Episcopi? Nec enim verbo Dei omnia statuta sunt et definita, ut patet ex iis, quæ addidit jus Canonicum.

Secundo, Paulus hic leges condit non divinas, sed humanas et ecclesiasticas, ut ex illis ipsis patet; atqui Paulus habebat verbum Dei, non quidem scriptum, sed traditione, vel revelatione divina acceptum, *Galat. 1*, idque tam plenum et perfectum, imo plenius et perfectius, quam nos habeamus: ergo si ipsi licuit verbo Dei suas addere leges, idem licebit Pontifici et Episcopis Pauli successoribus.

Paulus hic leges humanas condit.

38. SI QUIS AUTEM IGNORAT, IGNORABITUR. — *q. d.* **Vers. 38.** Qui non vult agnoscere has leges et potestatem meam, « ignorabitur, » id est, improbabitur a Deo, dicente: « Nescio vos. » Nam « qui vos audit, me audit; qui vos spernit, me spernit. » Legit noster Interpres, ἀγνοῖσθαι, cum Ambrosio, Hieronymo, Syro; jam legunt, ἀγνοεῖτω, id est, *ignorans esto*. Quod perinde est atque illud: « Qui in sordibus est, sordescat adhuc. » Aut, ut alii, « qui ignorat, ignorans esto, » id est, qui ignorat, agnoscat et gerat se tanquam ignorantem, nec ingerat se ut judicet illos et illa quæ nescit; sed potius sequatur alios, qui duces sunt prophetiæ et doctrinæ. Sed prior lectio nostri interpretis, uti planior, ita verior est et communior (2).

40. OMNIA HONESTE ET SECUNDUM ORDINEM FIANT. — Magna cura fuit Paulo, uti et S. Ignatio epist. ad Philipp., *Tarsenses* et alios, εὐταξίας, sive boni ordinis in Ecclesia, etiam in rebus indifferentibus, tum quia hic ordo in se venustus est et decorus; tum quia confusionem et perturbationem excludit; tum quia alios, etiam infideles, valde ædificat. Vide dicta *Coloss. 11, 5*.

Vers. 40. Decorus ordo in Ecclesia Paulo valde fuit oor di.

(2) Græcum ἀγνοεῖτω verti potest, *ignoret*, subaudi, *suo periculo ac detrimento*.

CAPUT DECIMUM QUINTUM.

SYNOPSIS CAPITIS.

Probat resurrectionem mortuorum contra pseudodoctores eam negantes.

Primo, ex eo quod Christus resurrexit. Deinde, vers. 23, tradit ordinem resurrectionis.

Secundo, vers. 29, resurrectionem probat auctoritate eorum qui baptizantur pro mortuis.

Tertio, vers. 35, docet, quale futurum sit corpus in resurrectione. Unde, vers. 42, assignat quatuor dotes corporis gloriosi.

Quarto, vers. 51, docet, quod omnes resurgemus, sed non omnes immutabimur, quodque in resurrectione, quæ fiet in momento canente tuba, mors plane absorbebitur.

1. Notum autem vobis facio, fratres, Evangelium, quod prædicavi vobis, quod et accepistis, in quo et stalis, 2. per quod et salvamini: qua ratione prædicaverim vobis, si tenetis,

nisi frustra credidistis. 3. Tradidi enim vobis in primis quod et accepi : quoniam **Christus** mortuus est pro peccatis nostris secundum Scripturas; 4. et quia sepultus est, et quia resurrexit tertia die secundum Scripturas; 5. et quia visus est Cephæ, et post hoc undecim. 6. Deinde visus est plus quam quingentis fratribus simul : ex quibus multi manent usque adhuc, quidam autem dormierunt. 7. Deinde visus est Jacobo, deinde Apostolis omnibus. 8. Novissime autem omnium tanquam abortivo, visus est et mihi. 9. Ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei. 10. Gratia autem Dei sum id quod sum, et gratia ejus in me vacua non fuit, sed abundantius illis omnibus laboravi : non ego autem, sed gratia Dei mecum. 11. Sive enim ego, sive illi : sic prædicamus, et sic credidistis. 12. Si autem Christus prædicatur quod resurrexit a mortuis, quomodo quidam dicunt in vobis, quoniam resurrectio mortuorum non est? 13. Si autem resurrectio mortuorum non est, neque Christus resurrexit. 14. Si autem Christus non resurrexit, inanis est ergo prædicatio nostra, inanis est et fides vestra : 15. invenimur autem et falsi testes Dei, quoniam testimonium diximus adversus Deum, quod suscitaverit Christum; quem non suscitavit, si mortui non resurgunt. 16. Nam si mortui non resurgunt, neque Christus resurrexit. 17. Quod si Christus non resurrexit, vana est fides vestra, adhuc enim estis in peccatis vestris. 18. Ergo et qui dormierunt in Christo, perierunt. 19. Si in hac vita tantum in Christo sperantes sumus, miserabiliores sumus omnibus hominibus. 20. Nunc autem Christus resurrexit a mortuis primitiæ dormientium, 21. quoniam quidem per hominem mors, et per hominem resurrectio mortuorum. 22. Et sicut in Adam omnes moriuntur, ita et in Christo omnes vivificabuntur. 23. Unusquisque autem in suo ordine, primitiæ Christus; deinde ii, qui sunt Christi, qui in adventu ejus crediderunt. 24. Deinde finis, cum tradiderit regnum Deo et Patri, cum evacuaverit omnem principatum, et potestatem, et virtutem. 25. Oportet autem illum regnare, donec ponat omnes inimicos sub pedibus ejus. 26. Novissima autem inimica destruetur mors : omnia enim subjecit sub pedibus ejus. Cum autem dicat : 27. Omnia subjecta sunt ei, sine dubio præter eum, qui subjecit ei omnia. 28. Cum autem subjecta fuerint illi omnia, tunc et ipse Filius subjectus erit ei, qui subjecit sibi omnia, ut sit Deus omnia in omnibus. 29. Alioqui quid facient qui baptizantur pro mortuis, si omnino mortui non resurgunt? ut quid et baptizantur pro illis? 30. ut quid et nos periclitamur omni hora? 31. Quotidie morior per vestram gloriam, fratres, quam habeo in Christo Jesu Domino nostro. 32. Si (secundum hominem) ad bestias pugnavi Ephesi, quid mihi prodest, si mortui non resurgunt? manducemus, et bibamus, cras enim moriemur. 33. Nolite seduci. Corruptunt mores bonos colloquia prava. 34. Evigilate, justi, et nolite peccare : ignorantiam enim Dei quidam habent, ad reverentiam vobis loquor. 35. Sed dicet aliquis : Quomodo resurgunt mortui? qualive corpore venient? 36. Insuper, tu quod seminas non vivificatur, nisi prius moriatur. 37. Et quod seminas, non corpus, quod futurum est, seminas, sed nudum granum, ut puta tritici, aut alicujus cæterorum. 38. Deus autem dat illi corpus sicut vult : et unicuique seminum proprium corpus. 39. Non omnis caro, eadem caro; sed alia quidem hominum, alia vero pecorum, alia volucrum, alia autem piscium. 40. Et corpora cælestia, et corpora terrestria : sed alia quidem cælestium gloria, alia autem terrestrium. 41. Alia claritas solis, alia claritas lunæ, et alia claritas stellarum. Stella enim a stella differt in claritate : 42. sic et resurrectio mortuorum. Seminatur in corruptione, surget in incorruptione. 43. Seminatur in ignobilitate, surget in gloria. Seminatur in infirmitate, surget in virtute. 44. Seminatur corpus animale, surget corpus spiritale. Si est corpus animale, est et spiritale, sicut scriptum est : 45. Factus est primus homo Adam in animam viventem, novissimus Adam in spiritum vivificantem. 46. Sed non prius

quod spiritale est, sed quod animale : deinde quod spiritale. 47. Primus homo de terra, terrenus : secundus homo de cœlo, cœlestis. 48. Qualis terrenus, tales et terreni : et qualis cœlestis, tales et cœlestes. 49. Igitur sicut portavimus imaginem terreni, portemus et imaginem cœlestis. 50. Hoc autem dico, fratres, quia caro et sanguis regnum Dei possidere non possunt : neque corruptio incorruptelam possidebit. 51. Ecce mysterium vobis dico : Omnes quidem resurgemus, sed non omnes immutabimur. 52. In momento, in ictu oculi, in novissima tuba : canet enim tuba, et mortui resurgent incorrupti : et nos immutabimur. 53. Oportet enim corruptibile hoc induere incorruptionem, et mortale hoc induere immortalitatem. 54. Cum autem mortale hoc induerit immortalitatem, tunc fiet sermo, qui scriptus est : Absorpta est mors in victoria. 55. Ubi est mors victoria tua? ubi est mors stimulus tuus? 56. Stimulus autem mortis peccatum est : virtus vero peccati lex. 57. Deo autem gratias, qui dedit nobis victoriam per Dominum nostrum Jesum Christum. 58. Itaque, fratres mei dilecti, stabiles estote, et immobiles : abundantes in opere Domini semper, scientes quod labor vester non est inanis in Domino.

Vers. 1. 1. NOTUM VOBIS FACIO (in memoriam vobis revoco; ita Græci) EVANGELIUM.

Vers. 2. 2. QUA RATIONE PRÆDICAVERIM. — Repete, *notum facio*; vel refer hæc ad sequens, *si retinetis*, ut sit trajectio (1).

Vers. 3. 3. QUONIAM CHRISTUS MORTUUS EST PRO PECCATIS

Vers. 4. NOSTRIS, SECUNDUM SCRIPTURAS : 4. ET QUIA (quod) SEPULTUS EST, ET QUIA RESURREXIT TERTIA DIE SECUNDUM SCRIPTURAS. — Nam Osee VI, 3, de Christo dicitur : « Vivificabit nos post duos dies : in die tertia suscitabit nos, » scilicet quando ipse a morte ad vitam tertia die resurget. Resurrectio enim Christi causa fuit cur nos suscitati sumus a morte peccati, et cur suscitandi simus a morte corporis, ut instar Christi resurgamus in die iudicii ad vitam immortalem. Vide dicta Rom. IV, 25. Ita Anselmus, Dorotheus in *Synopsi*, initio; imo veteres Hebræi, Galatinus, lib. VIII, cap. XXII. Addit ex S. Chrysostomo Theophylactus, quod Christus tertia die resurgeret, scriptum esse allegorice in Jona : Jonas enim tertia die e ventre ceti eductus, typus erat Christi ex morte et inferis tertia die reducti ad vitam.

Per resurrectionem Christi suscitati sumus a morte peccati.

Jonas in ventre ceti fuit allegoria resurrectionis Christi.

Rursus idipsum scriptum est Genes. XXII, in Isaac, qui immolandus a patre præservatus fuit a morte, tertiaque die vivus et sanus redditus est matri suæ : Isaac enim fuit figura Christi a Patre in mortem traditi et immolati, ac tertia die resuscitati. Sed hæc testimonia petuntur ex sensu allegorico, prius vero Osee petitur ex sensu literalis.

Vers. 5. 5. ET QUIA VISUS EST CEPHÆ, — Petro. Hanc primam apparitionem Christi ponit Paulus : unde innuit Christum inter viros primo apparuisse Petro. Idem innuit Lucas, cap. XXIV, 34. Dico *inter viros*; nam Magdalene Christus apparuit prius quam Petro; Marc. cap. ult., 9 (2).

Inter viros Christus primo apparuit Petro.

(1) Allioli : Ut videatis *si tenetis* meam doctrinam ita ut eam vobis tradidi.

(2) Ratio autem cur mulierum mentionem nullam Paulus faciat, ea esse videtur, vult, scilicet, proferre

ET POST HOC UNDECIM. — Scilicet in octava paschæ, præsentem jam Thoma, Christus apparuit undecim Apostolis; nam duodecimus Judas jam se suspenderat. Vel potius « undecim, » id est, toti Apostolorum collegio, quod jam erat redactum ad undecim (licet unus Thomas abesset), apparuit Christus ipsa die paschæ, sive resurrectionis Christi. Græca habent *ἐν ταῖς δώδεκα*, deinde visus est *duodecim*. Ita quoque legit Augustinus, lib. I *Quæstionum Evang.*, Quæst. CXVII. Quia (ait) licet Judas esset mortuus, censentur tamen duodecim, quia fuerunt duodecim. Sic dicuntur decemviri convenire, licet septem, vel octo tantum ex eis sint præsentem. Aliter Chrysostomus : Duodecim, inquit, quia Christus apparuit duodecimo Matthiæ post ascensionem. Sed nec hoc uspiam scriptum est, nec Paulus hic alias Christi commemorat apparitiones, quam quæ ante Christi ascensum contigerunt.

Christus apparuit undecim.

Græci habent duodecim.

6. DEINDE VISUS EST PLUSQUAM QUINGENTIS FRATRIBUS. — Græcum *ἐν πρώτῳ* significat *primo*, *plusquam*; *secundo*, significat *e cœlo*, *sursum*; et ita vertit hic Chrysostomus et Theophylactus : Visus est enim, inquit, illis Christus, non quasi e terra gradiens, sed super caput illorum, quasi e sublimi lapsus, idque ut eis non tam resurrectionem, quam ascensionem suam ostenderet et firmaret : unde quis colligat, putasse Chrysostomum hanc Christi apparitionem post ejus ascensionem contigisse. Verum id nec verum est, necque necessario ex Chrysostomi verbis colligitur.

Vers. 6. ἐν πρώτῳ, id est, plusquam, vel e cœlo.

Plane enim videtur hæc Christi apparitio ante ascensionem contigisse, Christo e loco superno quasi e cœlo; vel aere, quingentis fratribus se ostendente. Estque hæc communis Doctorum sen-

tantum testimonia quæ ad probandam resurrectionem Christi vim maximam habitura confideret, nominatim vero Cephæ et Jacobi, qui apud Corinthiorum partem non Paulum duntaxat, sed ipsos etiam cæteros Apostolos auctoritate vincebant.

tentia; nam de apparitione aliqua publica post ascensionem facta nihil uspiam legimus.

Apparuit Christus 500 fratribus ante ascensionem in Galilæa. QUINGENTIS FRATRIBUS. — Multi putant, hanc esse celeberrimam, et toties a Christo ante promissam apparitionem in monte Galilææ. Unde præmoniti eo confluerunt omnes Christiani; fuitque non in ascensione, sed ante: nam Christus non in Galilæa, sed in Judæa ex monte Oliveti, ascendit in cælum. Ita Hieronymus, Quæst. VII ad Hedibiam, et interpretes in *Matth.* xxviii, 16.

Vers. 7. 7. DEINDE VISUS EST JACOBO — Alphæi, qui frater Domini dicitur, fuitque primus Episcopus Hierosolymitanus: voverat enim Jacobus (ait Hieronymus, lib. *De Script., Ecclesiast. in Jacobo*) se non comesturum, donec videret Christum resurgentem. Unde ei apparens Christus ait: «Frater mi, comede panem tuum, quia resurrexit Filius hominis.» Sed incerta est hæc traditio, et ex aliquo apocrypho deprompta. Unde Hieronymus non approbat eam; adeoque videtur hæc falsa et conficta traditio. Nam *primo*, ex hoc Pauli loco patet, Jacobo apparuisse Christum post quingentos fratres, id est diu post resurrectionem, quousque inedia Jacobi naturaliter extendi non poterat.

Secundo. *Secundo*, quia Apostoli omnes (inter quos erat Jacobus) in morte dubitarunt de resurrectione; non ergo Jacobus juravit se usque ad eam non comesturum.

Tertio. *Tertio*, quia hanc historiam ait Hieronymus, se sumpsisse ex Evangelio secundum Hebræos, quod est apocryphum. Unde et quod ibidem additur, Christum sindonem tunc habuisse, eamque dedisse servo sacerdotis, videtur esse falsum. Nam Christi lintea remanserunt in sepulcro, *Matth.* xxviii, et corpus gloriosum, quale erat Christi, non sindone aut vestibus, sed splendore et radiis vestitur.

DEINDE APOSTOLIS OMNIBUS, — et discipulis in ascensione ad cælum. Ita Anselmus et alii.

Vers. 8. 8. NOVISSIME AUTEM OMNIUM, TANQUAM ABORTIVO, VISUS EST ET MIHI. — «Abortivo», id est, contempto et abjectitio. Ita Theophylactus et Theodoretus; quia abortivi fœtus, utpote imperfecti, tenuiores et graciliores esse solent.

Secundo. «abortivo», quia extra tempus, Christo scilicet in cœlos recepto, natus in Christo Paulus, novissimus apostolatam accepit. Ita Ambrosius et Chrysostomus.

Tertia. *Tertio*, «abortivo», quia, ut ait Anselmus, vi divina prostratus in terram, coactus et violenter renatus est Paulus; abortivi enim nature violentia ejiciuntur.

Quarta. *Quarto*, «abortivo», quia, ut idem Anselmus annotat, fœtus abortivi semimortui et cæci sæpe nascuntur. Sic Paulus in conversione cæcitate percussus est.

Quinta. *Quinto*, «abortivus» Judæorum fuit Paulus, quia non ad suos Judæos, sed ad exteris gentes missus est Apostolus. Ita aliqui apud Chrysostomum.

Aliter Baronius, anno Christi 44, pag. 377: censet enim Paulum vocari «abortivum», scilicet Apostolum; eo quod, præter et extra numerum duodecim Apostolorum, Apostolus creatus sit. Solabant enim Romæ senatores, teste Suetonio, in *Octavio*, capite xxxv, «abortivi» vocari, qui supra numerum per gratiam in senatum allegebantur. Sed an huc alludat Paulus, incertum est: nam ipse Græcis græce hæc scripsit, Corinthiis scilicet, non Romanis.

Hinc patet Christum apparuisse Paulo, non per angelum, ut vult Haymo in *Apocal.* cap. ii, sed per se; nec per imaginationem, uti apparuit eidem Paulo, *Actor.* xxii, 18; nec in raptu, uti eidem contigit, *II Cor.* xii, 2; sed in aere corporaliter: sic enim apparuit Christus Cephæ, Jacobo et Apostolis, ut præcessit: et quia alioqui non sufficienter Paulus ex hac apparitione probaret resurrectionem Christi.

Nota: Facta est hæc Christi apparitio Paulo in ejus conversione, *Actor.* ix, 3, ubi Paulus vidit Christum, sed mox lumen eum excæcavit.

Hinc rursum patet, Christum tunc e cœlo descendisse; nam Paulus audivit vocem loquentis in aere. Ita S. Thomas et alii. Unde iterum sequitur, Christum tunc fuisse in duobus locis, scilicet in cœlo empyreo et in aere, juxta Paulum. Nam cælum empyreum, ad quod ascendit Christus, nunquam exinde relinquit, ut dicitur *Actor.* iii, 21. Si Christus hic fuit in duobus locis, cur non possit esse in Eucharistia simul et in cœlo?

Sic pariter visus est Christus B. Petro Romæ, cum e fuga ad martyrium eum revocavit, dicens: «Iterum venio crucifigi», ut narrat Hegesippus, lib. iii *Excidiis Hierosolymitani*, cap. ii, et alii.

9. EGO SUM MINIMUS APOSTOLORUM, QUI NON SUM DIGNUS VOCARI APOSTOLUS. — «Dignus», græce ἱκανός, id est idoneus, q. d. Non tantum minimus et indignus ob peccata, sed et inidoneus sum ad apostolatam; qui enim persecutor fuit Ecclesiæ, inidoneus est ut in ea fiat princeps et Apostolus.

Moraliter: Nota hic humilitatem S. Pauli, qui se vocat minimum, et eo ipso erat maximus. Præclare S. Bernardus, serm. 13 in *Cant.*: «Magna et rara virtus profecto est, ut magna licet operantem, magnum te nescias, et manifestam omnibus, tuam te solum latere sanctitatem: mirabilem te apparere, et contemptibilem reputare, hoc ego ipsis virtutibus mirabilius judico. Fidelis revera famulus es, si de multa gloria Domini tui, etsi non exeunte ex te, tamen transeunte per te, nil tuis manibus adherere contingat. Quamobrem audies: Euge, serve bone et fidelis, quia supra pauca fuisti fidelis, supra multa te constituam.»

10. GRATIA DEI SUM ID QUOD SUM, — quod sum Apostolus et Doctor Gentium.

GRATIA EJUS IN ME VACUA (Græce κενός, inanis, otiosa, id est sine opere et fructu) NON FUIT. — Ambrosius legit, *gratia ejus in me pauper non fuit*, q. d. Licet persecutus sim Ecclesiam Christi, non

Abortivi senatores qui?

Christus apparuit Paulo in aere corporaliter, cum enim convertit.

Christus e cœlo descendit.

Christus Romæ apparuit S. Petro, eumque ad martyrium vocavit. Vers. 9.

Vers. 10.

tamen ideo pauperem, exiguum et minorem aliis Apostolis, sed potius majorem apostolatus gratiam accepi. Ita Ambrosius.

Subitus
calor longum
vincit teporem.

SED ABUNDANTIUS ILLIS OMNIBUS LABORAVI. — Pulchre S. Hieronymus, epist. ad Paulinum: « Subitus, inquit, calor longum vincit teporem; Paulus Apostolus de persecutore mutatus, novissimus in ordine, primus in meritis est: quia extremus licet, plus omnibus laboravit. » Nam, ut ait S. Gregorius, part. III *Pastor.*, cap. XXIX: « Fit plerumque grator Deo amore ardens post culpam vita, quam securitate torpens innocentia. »

NON EGO (solus) AUTEM, SED GRATIA DEI MECUM. — Nota primo: Ex hoc loco contra Lutherum et Calvinum, manifeste patet esse in homine liberum arbitrium, nec Deum solum omnia in nobis operari, sed ei cooperari liberum arbitrium, etiam in operibus supernaturalibus. Dicit enim Apostolus: « Mecum, » non, in me, et: « Plus omnibus laboravi. »

Paulus
cum gratia
libere
cooperatur
est.

Dices: Græca hic aliter habent, scilicet *ἐν ἐμοί, δὲ, ἀλλ' ἡ χάρις τοῦ Θεοῦ ἡ σὺν ἐμοί*, id est, non ego vero, sed gratia Dei, quæ mecum est: ergo soli gratiæ suum laborem attribuit Paulus.

Obiectio
ex Græco
solvitur.

Respondeo: Cum ait Paulus, *ἡ σὺν ἐμοί*, id est quæ mecum, supple, non τὸ ἐστ, sed τὸ laboravit. Hoc enim verbum *ἐκονίασθαι*, id est laboravit, quod præcessit, hic intelligendum et repetendum est. Nec mirum tunc mutari personam: hæc enim enallage crebra est Apostolo, ut dixi *Can.* 38. Sensus ergo est, q. d. « Non ego solus, sed gratia Dei est, quæ mecum laboravit. » Id ita esse patet ex verbo, laboravi, scilicet ego. Cum ergo subdit Paulus: « Non ego, sed gratia Dei mecum, » non excludit propriam liberi arbitrii cooperationem, sed tantum gratiæ, ut digniori operis causæ, operis laudes ascribit. Nec alius erit sensus, etiamsi cum Græcis nonnullis et S. Hieronymo, legamus: « Non ego, sed gratia Dei, quæ mecum est. » Intelligitur enim, « gratia quæ mihi in auxilium adest, et opem præstat, » mecumque operatur, q. d. Ego quidem liberum meo conatu valde laboravi, non tamen ita laboravi, ut laboris hujus decus et laudem mihi tribuam, vel arrogem; sed gratia Dei est, quæ ad hunc laborem me excitavit, adjuvit, roboravit: cui proinde primam et potissimam laboris mei laudem tribuo, dicoque et palam profiteor, non tam me, quam gratiam Dei, quæ mecum est, laborasse opusque ipsum confecisse. Vide *Can.* 36.

Verum nostra Latina lectio aptior est, ideoque verior; nam Græca verba in speciem secum pugnare videntur: si enim laboravi, ergo non laboravi gratia, nisi addas cum nostro Interprete mecum, scilicet laboravi gratia. Unde alibi passim gloriatur Apostolus in laboribus suis, patet II *Cor.* XI, 23 et seq.

Idem docet
S. Bernardus.

Hinc S. Bernardus, lib. *De Gratia et libero arbitrio*, sub finem, dicit: « Paulus inquit, Non ego, sed gratia Dei mecum, præsumens se non solum

operis esse ministrum per effectum, sed et operantis quodammodo socium per consensum. Denique et Paulus de se pronuntiat, Dei adjuutores sumus, I *Cor.* III, 9. Hinc et promeritores regni nos esse præsumimus, quod per consensum, utique voluntarium, divinæ voluntati conjungimur. »

Idem docet Anselmus hic, Chrysostomus, Theodoretus, Hieronymus, lib. II *Contra Pelagianos*, ante medium; Gregorius, lib. XVI *Moral.*, cap. X, et S. Augustinus, lib. *De Libr. arbitr. ad Valentinum*, cap. XVII, et serm. 13 *De Verbis Apostoli*: « Si non esset, inquit, operator, Deus non esset cooperator. »

11. SIVE EGO, SIVE ILLI, SIC PRÆDICAMUS, ET SIC CREDIDISTIS, — q. d. Tam ego, quam alii Apostoli, ita omnes, ut dixi vers. 3, prædicamus et asseveramus tanquam oculati testes, Christum scilicet mortuum esse, et a mortuis resurrexisse, nobisque esse visum et apparuisse. Eo enim post longam digressionem quasi ad scopum totius capituli redit Apostolus, ut scilicet ex communi et concordia omnium Apostolorum sententia et prædicatione probet resurrectionem Christi aliorumque mortuorum. Ita Chrysostomus, Anselmus et alii.

Vers. 15.

12. SI CHRISTUS PRÆDICATUR QUOD RESURREXIT A MORTUIS, QUOMODO QUIDAM DICUNT IN VOBIS, QUONIAM RESURRECTIO MORTUORUM NON EST? — « Quidam. » Hic fuit Cerinthus cum suis, qui primus post Simonem Magum hæresiarcha tempore S. Pauli negavit resurrectionem. Nam, ut refert Eusebius, lib. VII *Histor.*, cap. XXIII, et lib. III, cap. XXVIII, ex Dionysio Alexandrino, et Epiphanius, hæresi 28, Cerinthus pro Judaismo pugnans, ex Judaicis traditionibus quæcumque de Ecclesia et felicitate legis Evangelicæ prædicta fuerant, referebat ad regnum terrenum, et ad divitias ac corporis voluptates: ad hoc postea abusus est *Apoc.* XX 4, et factus est parens Chiliarum, sive hæreticorum Millenariorum. Unde aliqui putarunt Cerinthum auctorem Apocalypseo, ideoque eam rejiciendam esse. Vide Eusebium.

Vers. 12.

Cerinthus negavit resurrectionem.

Hunc errorem cum auctore taxat etiam S. Ignatius, epist. ad *Smyrnenses*, et epist. ad *Trallianos*. Resurrectionem quoque negarunt Hymenæus et Philetus, teste Apostolo, II *Tim.* II, 17.

Cerinthus fuit pater Chiliarum.

13. SI AUTEM RESURRECTIO MORTUORUM NON EST, NEQUE CHRISTUS RESURREXIT, — tum quia Christus fuit unus ex mortuis, tum quia hæc primaria mortis et resurrectionis Christi causa fuit, scilicet plena abolitio mortis, vitæ reductio; fuitque Christi resurrectio exemplar nostræ, scilicet ut alii homines resurgant ad justitiam in hac vita, et ad gloriam in altera. Alias quinque causas, cur necesse fuerit Christum resurgere, vide apud D. Thomam, III part., Quæst. LIII, art. 1.

Vers. 13.

Christi resurrectio fuit abolitio mortis.

17. QUOD SI CHRISTUS NON RESURREXIT, VANA EST FIDES VESTRA: ADHUC ENIM ESTIS IN PECCATIS VESTRIS. — Recte sequitur, si Christus non resurrexit, quod adhuc sumus in peccatis. Nam primo, si Christus non resurrexit, ergo fides in Christum sit, ad-

Vers. 17.

Si Christus non resurrexit, ad-

huc en- resuscitatum, quæ justificationis est radix, falsa
nus in est; fides autem falsa non potest esse remissionis
peccatis, peccatorum et veræ sanctitatis initium et funda-
mentum.
Prima
causa.

Secundo, quia mors Christi inefficax fuit ad re-
missionem peccatorum, si Christus in morte man-
sit ab eaque victus est. Si enim resurrectione sua
nequivit vincere mortem, ergo nec peccatum :
hoc enim vincere gravius est et difficilius quam
vincere mortem; adeoque peccatum plene non
aboleatur, nisi ejus effectus, id est mors, abolea-
tur. Ita Chrysostomus.

Tertia. Tertia, quia resurrectio Christi causa est justi-
ficationis nostræ, ut dixi Rom. iv, vers. ultim.
Sublata autem causa tollitur effectus : sublata
ergo resurrectione Christi, tollitur nostra justifi-
catio a peccatis, ac consequenter adhuc sumus et
manemus in peccatis pristinis.

Vers. 18. 18. ERGO ET QUI DORMIUNT IN CHRISTO (qui
scilicet in spe, fide, gratia et charitate Christi
mortui sunt), PERIERUNT. — Quia si corpus non
resurgit, sed plane in morte interit, interibit et
anima, quæ in æternum sine corpore esse nequit,
cum natura sua forma sit corporis; ut, nisi vio-
lente animæ suam quasi naturam, et naturalem
statum adimat Deus, debeat ei suum corpus red-
dere, de quo rursus vers. seq.

Vers. 19. 19. SI IN HAC VITA TANTUM IN CHRISTO SPERANTES
SUMUS, MISERABILIORES SUMUS OMNIBUS HOMINIBUS. —
Nota primo : Tæ sperantes significat hic non actum
spei (hunc enim certum est existere tantum in
hac vita), sed objectum spei, nimirum rem spe-
ratam, q. d. Si in Christo sperantes sumus tantum
illa bona, quæ sunt in hac vita, tunc omnibus
hominibus sumus miserabiliores, id est miserrimi
sumus omnium hominum; puta, hominum stul-
tissimi sumus, utpote qui falsa et inani spe resur-
rectionis, quæ nunquam continget, jejunia, mor-
tificationes, persecutiones aliaque dirissima pati-
mur, mundi carnisque voluptates abdicamus,
cum alii iis indulgeant. Licet ergo iis feliciores
simus ob bonum virtutis abstinentiæ, charitatis
et serenæ conscientiæ; miserrimos tamen iis su-
mus quoad spem in Christum, imo stulti ex stulta
spe. Ita Anselmus et Chrysostomus. Unde non
dicit Apostolus, *peiores*, sed, *miserabiliores sumus* :
miserabile enim est, ob virtutem se affligere, si
non sequatur præmium; præmium autem Chris-
tianæ virtutis est resurrectio.

Si mor- Si mor-
tui non tui non
resur- resur-
gunt, gunt,
Christia- Christia-
ni sunt ni sunt
miserr- miserr-
mi homi- mi homi-
num, num,
cur? cur?

Objectio. Dices : Anima potest suum habere præmium
essequæ beata, licet corpus non resurgat.

Respon- Respondeo : Potuisset Deus instituere ut anima
sio sola premiaretur et bearetur visione Dei; sed
prima. noluit : nam de facto aliter instituit, scilicet ut,
si anima beatur, beatur et corpus; si non corpus,
nec anima : quia alioqui Christus non plene vi-
cisset peccatum, quod in morte tam corporis,
quam animæ dominatur.

Secunda. Secundo, erat ea tum (ut dixit Paulus vers. 17)
hominum opinio, ut, si eis animæ immortalita-

tem probasses, statim resurrectionem corporis
admisissent : quia hæc naturaliter connexa sunt,
ut dixi versu præcedenti. Est enim in anima na-
turalis ad corpus propensio, ut sine corpore nisi
violente, et præter naturam esse non possit. Unde
resurrectio quoad substantiam, et naturæ hu-
manæ exigentiam, quasi naturalis est, licet in
modo et executione sit supernaturalis : nec enim
anima separata ulla creata vi, sed sola superna-
turali Dei virtute rursus uniri potest corpori.
Paulus ergo ex negatione resurrectionis et beati-
tudinis corporis, recte, tam secundum opinionem
communem hominum, quam secundum ipsam
rei naturam et veritatem, infert negationem im-
mortalitatis et beatitudinis animæ, ita nimirum,
ut Christiani, si non resurgant, sint omnium homi-
num miserrimi.

20. CHRISTUS RESURREXIT A MORTUIS PRIMITIÆ
DORMIENTIUM, — q. d. Primus resurgentium fuit et
est Christus; primus, inquam, ordine dignitatis
et meriti; secundo, quia in divina voluntate et in-
tentione fuit primus; tertio, causalitate. Per Chris-
tum enim omnes resurgemus.

Quarto, proprie primus tempore inter resur-
gentes ad vitam immortalem fuit Christus. Licet
enim aliqui ante Christum suscitati ab Elia et Eli-
sæo resurrexerint, tamen illi tantum resurrexe-
runt ad præsentem vitam mortalem, rursusque
mortui sunt : Christus vero primus fuit, qui re-
surrexit ad vitam beatam, gloriosam et æternam.
Ita Chrysostomus, Theodoretus, Theophylactus,
Ambrosius, Anselmus et alii passim. Hoc enim
proprie significat vox *primitiæ*, et indicant se-
quentia. Sic dicitur Christus *primogenitus mortuo-
rum*, id est ante omnes resurgens, et quasi renas-
cens ex mortuis.

Hinc de fide esse videtur, neminem ante Chris-
tum resurrexisse ad vitam immortalem : qui ergo
Christo moriente dicuntur resurrexisse, Matth.
xxvii, 52, non resurrexerunt nisi post Christum,
saltem posterius natura, quia ipsorum resurrectio
fuit dependens a resurrectione Christi tanquam
a sua causa, ut inter alios recte advertit Francis-
cus Suarez, III part., Quæst. LIII, art. 3.

Nota : « Primitiæ » dicuntur primus terræ fruc-
tus, qui olim in lege veteri Deo offerebatur. Sic
Christus post resurrectionem quasi primitivus
fructus e terra, in quam quasi granum frumenti
ceciderat, repullulans et renatus per resurrectio-
nem Deo oblatus est.

21. QUONIAM PER HOMINEM (Adamum) MORS (in-
ducta est in homines), SIC ET PER HOMINEM (Chris-
tum, inducta est) RESURRECTIO MORTUORUM. — Vox
quoniam dat causam cur Christus sit primitiæ re-
surgentium, quia scilicet per Christum, quasi
antesignatum et mortis dominatorem, in orbem
invecta est resurrectio mortuorum.

22. ET SICUT IN (id est per, et propter) ADAM
OMNES MORIUNTUR, ITA ET IN CHRISTO OMNES VIVIFI-
CABUNTUR. — Queritur, an etiam reprobi per

Resur-
rectio
quoad
substan-
tiam est
natura-
lis, quæ
ex-cu-
tionem
superna-
turalis.

Vers. 20.
Quomodo
Christus
vocatur
primitiæ
dormientium?
Prima
expositio
Secunda
Tertia.
Quarta et
quinta.

De fide
est, ne-
minem
ante
Christum
resurre-
xisse ad
vitam
immo-
rtalem.
Christus
resur-
gens tan-
quam pri-
mitivus
fructus
terre Deo
oblatus.
Vers. 21.

Vers. 22.

An re-
gredi per
Christum
tunc re-
surgent?
Negat S.
Augusti-
nus.

Christum Christique merita, sint resurrecturi et vivificandi? Negat S. Augustinus. *epist.* 28, quia horum resurrectio ad damnationem, non vita, sed mors potius dicenda est. Sic et D. Thomas ait Christum solis bonis esse causam meritoriam resurrectionis, sed efficientem omnibus.

Affir-
mant
alii:

Christus enim om-
nibus est
causa re-
surgendi.

Verum respondeo: Omnibus, etiam reprobis, resurgendi causa est Christus. *Primo*, quia Christus omnino mortem ex toto humano genere aboleri voluit per resurrectionem (hæc enim totius naturæ ingens est bonum); ergo etiam ex reprobis, non qua reprobi, sed qua homines sunt, sive abstrahendo a reprobatione. Ita S. Ambrosius, lib. *De Resurr.*, cap. XXI, et clarius Cyrillus, lib. IV in *Joan.*, cap. XII. Adde, Christum reprobis, qua reprobi sunt, meruisse resurrectionem, tanquam hostibus suis in justam vindictam, scilicet ut gloria Christi hostium suorum æterna pœna celebraretur.

Verum hæc omnia sunt præter mentem Apostoli: Apostolus enim proprie agit non de misera reproborum, sed de beata Sanctorum resurrectione, ut patet ex sequentibus.

Nota: Huc usque probavit Apostolus sex rationibus Christum resurrexisse, ut inde concluderet nos quoque a mortuis resurrecturos. Harum rationum *prima* est, vers. 5, petita a testibus, estque talis: Christus post mortem vivus apparuit Petro, Paulo, Jacobo, aliis Apostolis et quingentis fratribus; ergo vere resurrexit.

Sex ratio-
nibus
Paulus
probat
Christum
resurrexis-
se.

Prima.

Secunda. *Secunda* est, vers. 14: Si Christus non resurrexit, ergo falsa et inanis est tam prædicatio Apostolorum, quam etiam fides Christianorum.

Tertia. *Tertia*, vers. 17: Si Christus non resurrexit, ergo adhuc sumus in peccatis. Probatur consequentia, quia fides justificans et peccata expians, est illa qua creditur Christum pro nobis esse mortuum et resurrexisse.

Quarta. *Quarta*, vers. 18: Si Christus non resurrexit, ergo omnes, qui in Christo dormierunt, perierunt, et tam corpore, quam anima interierunt; anima enim sine corpore semper esse nequit.

Quinta. *Quinta*, vers. 19: Si Christo tantum servimus in hac tam arcta vita et lege Christiana sine spe resurrectionis, ergo miserabiliores sumus omnibus hominibus.

Sexta. *Sexta*, vers. 21: Per Adamum omnes moriuntur, ergo per Christum omnes resurgent et vivificabuntur; quantum enim nocuit Adam, tantum et magis nobis profuit Christus, qui ad hoc venit, ut omnes Adæ et posterorum in eo lapsus et damna non tantum repararet, sed et altius eosdem eveheret et sublimaret.

Vers. 23. Quando quisque in suo ordine resurget?

Prima expositio.

Secunda.

23. UNUSQUISQUE IN SUO ORDINE, — ut scilicet si justus sit, inter beatos; si impius, inter reprobos resurgat. Ita Chrysostomus, Theodoretus, Theophylactus.

Secundo, Commentarius S. Hieronymo ascriptus: «Unusquisque, inquit, in suo ordine,» quia scilicet altior et beator resurget, qui hic sanctior fuerit.

Tertio, Œcumenius et Primasius sic explicant: Omnes in Christo vivificandi hoc ordine resurgent, ut scilicet Christus sit primus, tum tempore, tum dignitate; *secundo*, justii resurgent; *tertio*, sequatur mundi consummatio. Hic sensus est genuinus. Ita enim se in sequentibus explicat Apostolus, dum mox subdit: «Primitiæ Christus; deinde ii qui sunt Christi, qui in adventu ejus crediderunt. Deinde finis.» Simili modo loquitur Paulus I *Thessal.* IV, 16, ut ibi fusius ostendam.

QUI IN ADVENTU EJUS CREDIDERUNT. — Nota *primo*: *Tō crediderunt* non habent Græca, sed Romana, et in Græco intelligitur. Ἀπαρχή, inquit, Χριστός, ἔπειτα οἱ τοῦ Χριστοῦ ἐν τῇ παρουσίᾳ αὐτοῦ, id est, *primitiæ Christus; deinde qui sunt Christi in ejus adventu*, supple, *credentes, hi post ipsum resurgent*. Licet Vatablus et alii simpliciter sic accipiant, in *ejus adventu*, supple, *resurgent*.

24. DEINDE FINIS. — Supple, *err; finis*, inquam, totius dispensationis Christi de salute generis humani; ac consequenter finis erit tunc sæculi, temporis, generationum, corruptionum et totius universi. Ita Anselmus. Totius enim universi finis est Christus, ejusque electi, ut si hi finiantur, finiatur et universum.

Secundo, græcum τέλος, quod Noster vertit, *finis*, potest etiam verti, *consummatio*, hoc est, ut Theodoretus, generalis et consummata omnium, etiam impiorum, resurrectio; tunc enim finem accipient omnia.

CUM TRADIDERIT REGNUM (id est Ecclesiam fidelium, et congregationem electorum) DEO ET PATRI. — Non quasi in ea jam non regnet Deus, cum Christus dicat: «Regnum Dei intra vos est;» sed quod nonnihil in ea dominantur peccata, diabolus, mors et mortalium ærumnæ, q. d. Tunc erit finis, cum obtulerit Christus Ecclesiam electorum, et quasi reddiderit illam Patri, quæ in hujus vitæ lucta regenda illi et custodienda commissa fuerat, ut in ea gloriose in æternum regnet, dicendo Patri: «Pater, tu me miseris in mundum, et postquam ascendi in cælum ad te, hos semper rexi, et a dæmonis, carnis, mundi potestate et impugnatione protexi. Ecce hi tui sunt, qui jam tibi præsto sunt. Hæc est possessio mea, mihi a te tradita; hic labor meus, meo sudore ac sanguine partus; hoc regnum meum, et tuum, jam omni peccato, tentatione, perturbatione, afflictione liberum, purgatum, expolitum, ut in illis per gloriam et triumphum regnes in æternum.» Ita Ambrosius et Augustinus, cap. VIII et X, lib. I *De Trinitate*, tom. III.

Nota *secundo*, «Deo et Patri,» id est Deo Patri: est enim hendiadys, qua hæc duo dividit Paulus, ut significet Christum, qua homo est, fideles suos Deo; qua Filius est, Patri suo oblaturum.

CUM EVACUVERIT OMNEM PRINCIPATUM, ET POTESTATEM, ET VIRTUTEM. — q. d. Cum aboleverit omnem dæmonum potestatem et subordinationem, ut amplius Ecclesiam, quæ est regnum Dei,

Tertia ex
genuina.

Vers. 24.

Finis to-
tius uni-
versus est
Christus,
ejusque
electi.

Christi
trahentis
electos et
Beatos
Patri, ad
eum præ-
statio.

impugnare non possint; de qua impugnacione plura dicam *Ephes. vi, 12*. Ita Chrysostomus, Theodoretus, Theophylactus, Ambrosius, Oecumenius.

Ex ordine Principatum et Potestatum aliqui angelos ceciderunt, factique sunt demones. Nota: « Principatus, Potestates et Virtutes » tria sunt chororum angelicorum nomina. Ex quibus, hinc patet, aliquos cecidisse et factos esse demones, qui eadem nomina retinuerunt; quia; uti eandem naturam et naturæ præcellentiam, ita et eundem ordinem, gradum ac potentiam, præsertim in impugnanda Ecclesia singuli servant, *q. d.* Cum aboleverit Christus omnem principatum dæmonum; qui sunt et vocantur Principatus et Virtutes, ne amplius fideles lacesant, tunc tradet regnum jam dictum Patri, eritque omnium finis et consummatio.

Aliter S. Augustinus hoc exponit, scilicet de angelis bonis. Aliter, nimirum de bonis angelis, hæc explicat S. Augustinus, lib. I *De Trinit.*, cap. viii, *q. d.* « Cum evacuaverit, » hoc est, cum amplius necessaria non fuerit, ideoque abolita, dispensatio et gubernatio Ecclesiæ per angelicos Principatus, Dominationes et Virtutes.

Sed prior sensus est verior. Nam de hostibus Christi hic agi patet ex versu seq., ubi sic ait:

Vers. 25. 25. OPORTET ILLUM REGNARE (hoc est Christum oportet regere Ecclesiam), DONEC PONAT (Deus Pater) OMNES INIMICOS (dæmones et omnes reprobos) SUB PEDIBUS EJUS. — « Donec, » id est, eo usque, non tantum, sed ulterius in æternum, quia, victis hostibus, non dubium est quin Christus vel maxime regnabit, licet alio modo et alia gloria quam jam. Ita Chrysostomus.

Donec significat quid antea, non quid postea factum sit. Nota: « Donec » significat tantum quid antea sit factum, de quo dubitari poterat, non quid postea factum sit. Sic Joseph, *Matth. i, 25*, dicitur non cognovisse Mariam conjugem suam, *donec peperit filium*; non quasi postea cognoverit, ut impurus inferebat Helvidius, sed quod usque ad conceptionem et partum non cognoverit. Tantum enim voluit Matthæus asserere rem miram, et naturaliter incredibilem, scilicet Christi conceptionem sine patre ex matre virgine. Sic hic asserit Paulus, Christum etiamnum, cum hostibus coluctante Ecclesia, in ea regnare: quod dubium esse poterat. Alterum vero, quod hinc consequitur, scilicet post luctam et triumphum Christum regnaturum, quasi certum omnibus relinquit et præsupponit. Præclare S. Augustinus, in *Sententiis*, num. 169: « Quamdiu, ait, vitiis repugnatur, plena pax (male aliqui legunt, *nox*) non est: quia et illa quæ resistunt, periculoso debellantur prælio, et illa quæ victa sunt, nondum securo triumphantur otio, sed adhuc sollicito premuntur imperio. »

Vers. 26. 26. NOVISSIMA INIMICA DESTRUETUR MORS. — « Mors, » quæ scilicet adhuc aliquatenus regnat in corporibus Sanctorum, omnino abolebitur in resurrectione. Ita Anselmus. Potest *secundo*, hic locus cum Hieronymo multis locis in Isaiam, cum Valabio et aliis sic verti ex Græco: Ultimus inimicus des-

truetur mors. Est hysterologia: sensus enim est, *q. d.* Inter hostes mors ultimo destruetur; hoc enim significant Græca, *ἔσχατος ἐχθρὸς καταργηται ὁ θάνατος*. *Primus* enim inimicus Christi et Christianorum est diabolus, qui a Christo in cruce victus est. *Secundus* est peccatum, quod a Christianis per gratiam Christi in hac vita vincitur. *Tertius* est mors, quæ in resurrectione ultima vincetur.

OMNIA SUBJECTI SUB PEDIBUS EJUS. — *q. d.* Omnes homines et angelos, bonos et malos, in resurrectione plane subjiciet Deus Christo.

Nota: Prophetice « subjecti » idem est quod certissimo subjiciet, ac si jam subjicisset.

26. CUM AUTEM DICAT: OMNIA SUBJECTA SUNT EI; SINE DUBIO, PRÆTER EUM, QUI SUBJECTI EI OMNIA. — *Vers. 26 et 27.*

« Dicat, » id est dicit. Est enallage modi: noster Interpres fideliter ad verbum vertit; græce enim est *ἔρη*. Addit hæc Paulus, ne quis putet Patrem ita concessisse omnia Filio, ut seipsum eorum dominio exuerit, ita ut jam Pater sit minor Filio, eique quasi subjectus. Sic enim apud homines, parentes aliqui dum senescunt, solent se bonis et statibus suis exuere, eaque transferre in filios; sed plane aliter facit Deus Pater, uti dixi.

28. TUNC ET IPSE FILIUS SUBJECTUS ERIT EI, QUI SUBJECIT SIBI OMNIA. — *Vers. 28*

Aliqui *primo*, *τὸ subjectus* accipiunt secundum divinitatem, *q. d.* Christus, qua Deus, ostendit se a Patre omnia ipsamque divinitatem accepisse; itaque quasi subjectum se esse Patri declarabit. Verum hoc durius dicitur: nec enim Filius ex eo quod omnia sua habet a Patre, ideo Patri est subjectus, sed honore per omnia par. Unde passim alii accipiunt hæc de Christo secundum humanitatem; idque

Primo, ut Chrysostomus, « subjectus erit, » id est subjectum se ostendit, tuncque omnibus patebit quam perfecta fuerit hic Christi obedientia et subjectio. Vide *Can. 36*. *sed qua homo, idque primo.*

Secundo et aptius Anselmus, Christus ut homo subjectus erit, id est subjiciet et offeret se cum electis suis ad æternam Dei laudem et participationem divinæ bonitatis, domini et gloriæ. Idem enim est hoc subjici Christi, cum eo quod dixit *vers. 24*, scilicet, quod tunc tradet Christus regnum Deo et Patri, ut in se et suis omnibus Deus Pater plenissime et gloriosissime regnet. Hæc enim Christi et Sanctorum subjectio erga Deum non misera est et servilis, sed beata et gloriosa. Nam qui in cælo Deo subjecti sunt, eos Deus habet pro filiis, quibus imperat et benedicit, quosque summa felicitate et gloria beat. Merito ergo sic subjici et servire Deo regnare est, atque talis servitus optanda est cum Davide, *Psal. Lxi*: « Nonne Deo, inquit, subjecta erit anima mea? ab ipso enim salutare meum. » E contrario, reprobi, qui non erunt Deo subjecti, hoc ipso hostes Dei erunt, omniumque hominum infelicitissimi: estque hic in nomine *subjectus* quædam antistasis, sive ejusdem verbi contraria significatio, de qua dixi *Can. 31*. Ita Gregorius Nyssenus, *orat. in* *Secundo et genuine.* *Subjici et servire Deo, regnare est.*

Quid sit hæc Apostoli verba, in qua sic ait: « Dei subjectio est perfecta et omni ex parte absoluta a malo abalienatio: Christus ergo in resurrectione subji- cietur Patri, quia in ea omnes fideles et electi Christi semoti erunt ab omni malo, tuncque sus- cipient boni principatum, et arctissime conjun- gentur cum deitate, ejusque immortalitate, regno et felicitate; atque tunc Deus erit omnia in omni- bus, quando nullum erit malum in iis quæ sunt. Non potest enim Deus esse in malo, sed neces- sario est in omni bono. Christus ergo subji- cietur Patri, cum Ecclesia Christi Patri subji- cietur, ita- que liberabitur ab omni malo. Ecclesiæ enim subjectio, Christi dicitur subjectio. »

Tertia expositio. *Tertio, ex Can. 32, potest accipi verbum erit in actu continuato: « subjectus erit, » id est in subjectione Patris, quam nunc habet Christus, in æternum perseverabit. Scripsit de hac Apostoli sententia contra Arianos Hilarius, lib. XI De Tri- nit.; S. Hieronymus, epist. ad Principiam; S. Augu- stinus, Quæst. LXVI, inter. 83, et lib. I De Tri- nit., cap. VIII, ubi sic ait: « Christus, in quantum Deus est cum illo, nos subjectos habet: in quan- tum sacerdos, nobiscum illi subjectus. »*

In celo *Ut sit DEUS OMNIA IN OMNIBUS. — Ut, scilicet, Deus sit omnem potestatem in omnia habens et ostendens; vel, ut Deus in electis sit omnia, id est vice rerum omnium; scilicet, ut sit ipse nostra vita, salus, virtus, copia, gloria, honor, pax, omnia bona, et finis ac satietas desideriorum nos- trorum. Ita Anselmus. Sic in omnibus tunc per omnia dominabitur Deus, omniaque sibi et suæ gloriæ subji- ciet. Ex hoc loco infert S. Augustinus, lib. XXII De Civit., cap. XXX, quod Sancti preces et res nostras cognoscant in celo.*

Deus in *Apposite S. Hieronymus, epist. ad Amandum: « Quod, inquit, Apostolus ait: Ut sit Deus omnia in omnibus, hoc sensu accipiendum est. Dominus atque Salvator noster nunc omnia non est in omni- bus, sed pars in singulis, verbi gratia, in Sa- lomone, sapientia; in Davide, bonitas; in Job, patientia; in Daniele, cognitio futurorum; in Pe- tro, fides; in Phinees et Paulo, zelus; in Joanne, virginitas; in cæteris, cætera. Cum autem rerum omnium finis advenerit, tunc omnia in omnibus erit, ut singuli Sanctorum omnes virtutes ha- beant, ut sit Christus totus in cunctis. » Ex hoc loco, ut refert S. Augustinus, lib. I De Trinit., cap. VIII, aliqui sunt opinati Christi humanita- tem regnaturam usque ad diem judicii; tunc vero convertendam in divinitatem, et hanc con- versionem esse illam subjectionem Christi ad Patrem, de qua subdit Paulus. Hoc delirum est. Est enim et secundum fidem, et secundum na- turam ἀδύνατον.*

Dellrant *Perperam ergo quidam contemplativi (qui ni- miam quamdam et impossibilem unionem cum Deo consecrati sunt), imo fanatici homines, ex hoc et similibus Scripturæ locis opinati sunt, quod in resurrectione omnes homines, omnes-*

que res creatæ redituræ sint ad suum esse ideale et divinum, quod ab æterno habuerunt in Deo, adeoque convertendæ sint in ipsum Deum; ita ut tunc omne esse creatum evanescere debeat, et absorberi ab ipso esse increato, puta ab ipsa di- vinitate. Quem errorem fuse impugnat Gerson, eumque impingit Ruisbrochio. Sed ab hoc errore se purgat ipse Ruisbrochius, eundemque erro- rem acriter insectatur et ipse, lib. De Vera con- templ., cap. XIX, et lib. qui inscribitur Samuel, sive de Alta contemplatione et unione cum Deo, cap. II, III et IV.

Hic vero Apostoli locus huic errori non favet, sed potius contrariatur: nam si in resurrectione Deus erit omnia in omnibus, ergo omnia, id est omnes res creatæ, erunt et permanebunt. Alio- qui enim Deus non esset omnia in omnibus, sed esset solus omnia in nullis sive in nihilo. Porro, qua ratione et modo Deus sit futurus omnia in omnibus Beatis, recte declaratur per similitudi- nes. Prima est, sicut aliquot guttæ aquæ infusæ dolio ingenti vini potentissimi, illico a vino ab- sorbentur et incorporantur; ita et Beati omnes per visionem et amorem in Deo quasi se perdent, ut a Deo quasi summo bono summe amato ab- sorberi et incorporari videantur. Secunda est, lucis solaris. Sicut enim lux solis totum occupat aerem, ut aer jam non aer, sed lux esse videatur; ita et Deus lumine gloriæ ita replebit Beatos, ut non tam homines quam dii quidam esse videantur. Tertia est, ferri accensi et igniti. Sicut enim fer- rum vi ignis igniri, et in ignem quasi transfor- mari videtur; sic et Beati Dei amore et fruitione ita accendentur, ut in Deum transformari videan- tur. Quarta, sicut ingens vas sacchari vel mellis, infusum in modicam pulem, eam non tantum melleam, sed quasi mel et saccharum efficit; ita Deus sua dulcedine adeo dulcorat et inebriat Bea- tos, ut videantur esse ipsa dulcedo. Deus enim est pelagus dulcedinis, et oceanus gaudii et con- solationis. Quinta, sicut suavissima musica et har- monia omnia audientium aures implet et mul- cet; rursum, sicut idem adamas, carbunculus, vel smaragdus, omnium intuentium oculos im- plet et rapit: ita et Deus omnium Beatorum men- tes in se rapit, mulcet et implet. Sexta, sicut spe- culum omnium ante se positorum facies et spe- cies exhibet, representat et continet, ut omnes videantur in speculo existere, vivere et moveri: ita Beati omnes in Deo existunt, vivunt et moven- tur. Deus enim rerum omnium est speculum lu- cidissimum æque ac ardentissimum.

Denique pulchre et pie S. Bernardus, serm. 11 in Cantic.: « Quis, inquit, comprehendat quam magna multitudo dulcedinis in brevi isto sermone comprehensa sit: Erit Deus omnia in omnibus? Ut de corpore taceam, in anima tria intueor, ra- tionem, voluntatem, memoriam; et hæc tria ip- sam animam esse. Quantum cuique horum in presenti sæculo desit de integritate sua et perfec-

dituras ad suum esse idea- le, quod ab æter- no habue- runt in Deo.

tione, sentit omnis qui ambulat in spiritu. Quare hoc, nisi quia Deus nondum est omnia in omnibus? Hinc est quod et ratio sæpissime in iudiciis fallitur, et voluntas quadruplici perturbatione jactatur, et memoria multiplici oblivione confunditur. Triplici huic vanitati nobilis creatura subjecta est non volens, in spe tamen. Nam qui replet in bonis desiderium animæ, ipse rationi futurus est plenitudo lucis, ipse voluntati multitudo pacis, ipse memoriæ continuatio æternitatis. O veritas, charitas, æternitas! O beata et beatificans Trinitas, ad te mea misera trinitas miserabiliter suspirat, quoniam a te infelice exulat. » Et paulo inferius: « Spera in Deo, quoniam adhuc confitebor illi: cum error videlicet a ratione, a voluntate dolor, atque a memoria timor omnis recesserit; et successerit illa quam speramus, mira serenitas, plena suavitas, æterna securitas. Primum illud faciet veritas Deus, secundum charitas Deus, tertium summa potestas Deus, ut sit Deus omnia in omnibus, ratione recipiente lucem inextinguibilem, voluntate pacem imperturbabilem consequente, memoria fonti indeficienti æternaliter inherente. Videritis vos, rectene primum illud Filio, Spiritui Sancto sequens, Patri ultimum assignetis. »

Vers. 29. 29. ALIOQUIN QUID FACIENT, QUI BAPTIZANTUR PRO MORTUIS, SI OMNINO MORTUI NON RESURGUNT? —

Quid sit baptizari pro mortuis? Aliqui intelligunt baptismum poenitentiae, quam faciunt fideles pro defunctis: « Baptizantur, » scilicet metaphorice, baptismo poenæ, afflictionum, lacrymarum, precum, etc., ut suffragentur mortuis, ut a baptismo ignis in Purgatorio liberentur. « Baptizantur, » inquam, etiam ii ipsi judaizantes, qui resurrectionem negant, ut Cerinthus et similes, aut certe eorum symmistæ Judæi, idque ex recepta fide et more Hebræorum; nam Hebræos suffragia facere solitos pro defunctis, patet ex II Machab. XVIII, 43, et ex modernis eorum ritualibus. Hic sensus optime coheret cum sequentibus. Hoc sensu sæpe alibi baptismus accipitur, ut Marci x, 38, Lucæ XII, 50, Psalm. XXXI, 6. Passim enim in Scripturis aquæ et fluctus significant tribulationes et afflictiones (1).

Potest secundo, accipi sic: « baptizantur, » id est purificantur ad sacrificia, quæ offeruntur pro mortuis; solebant enim Judæi baptizari ante sacrificium, preces omnemque rem divinam. Vide Marc. VII, 8; Hebr. VI, 2, et IX, 10.

Alii baptismum proprie dictum, idque

Primo. Aliorum varias interpretationes fuse prosequitur Bellarminus, lib. I De Purgatorio, cap. IV, et Suarez, III part., Quæst. LVI, disp. 50, sect. 4, illæque omnes fere referuntur ad baptismum proprie dictum. Atque ut eas compendio complectar,

Secundo. D. Thomas sic explicat: « Baptizantur pro mortuis, » id est, pro peccatis abluendis, quæ sunt opera mortua.

Secundo. Theodoretus, « pro mortuis, » id est, instar mortuorum a morte resurgentium, ut sci-

licet dum baptizantur, et e baptismo, quasi e sepulcro emergunt, significant resurrectionem ex mortuis.

Tertio, Epiphanius, hæresi 28, « pro mortuis, » Tertio id est, cum imminet mors, et quasi habentur pro mortuis. Tunc enim qui baptismum distulerant, omnino baptizari volebant ob fidem et spem æternitatis et resurrectionis. Unde baptizandi recitabant Symbolum, in quo est hic articulus: Credo resurrectionem mortuorum.

Quarto, Claudius Guiliandus, doctor Parisiensis: Quarto. « Baptizantur, inquit, pro mortuis » Martyres, qui patiuntur et affliguntur pro fide et articulo resurrectionis mortuorum. Illic sensus coheret apte cum sequentibus; sequitur enim: « Ut quid et nos periclitamur omni hora? »

Quinto, alii sic explicant, q. d. ad hominem: Quinto. Ut quid e vobis quidam (uti Marcionistæ postea fecerunt) errantes et superstitiosi suscipiunt baptismum pro mortuis, qui defuncti sunt sine baptismo? Ita Ambrosius et Iræneus, hæresi 28, et Tertullianus, lib. De Resurrect., cap. XXIV; item Chrysostomus.

Sexto, alii sic explicant: Baptizari pro mortuis idem est quod baptizari a mortuis, hoc est a contactu vel pro contactu mortuorum eluendo et purgando. Nam Num. XIX, præceptum erat, ut qui tangeret corpus mortui, immundus censere-
 tur, donec ablueretur aqua lustrali, cujus ritus ibi præscribitur. Sic enim ait Eccles. cap. XXXIV, vers. 30: « Qui baptizatur a mortuo, et iterum tangit eum, quid proficit lavatio illius? » Ad quem locum alludit hic Paulus: indeque apte probat resurrectionem mortuorum, q. d. Cere-
 monia illa baptismi, id est ablutionis et lustrationis post contactum cadaveris, inutilis omnino censenda foret, nisi corporum resurrectio futura esse crederetur. Ideo enim eam sanxit Deus, ut per eam indicaretur resurrectio futura: non enim alia causa ejus assignari potest. Quorsum enim propter contactum cadaveris, præsertim humani, præscribitur tam serio lotio et purificatio, nisi ad significandum carnem illam licet morte polutam et corruptam, non perpetuo in morte mansuram, sed aliquando resurrecturam? quasi per hanc lustrationem et mundationem caro humana ad immortalem vitam videretur præparari et aptari: ideoque tangens corpus humanum multo magis erat immundus et purificandus, quam si cadaver animalis alterius tetigisset; qui enim tetigisset cadaver hominis, septem diebus erat immundus; qui vero alterius animalis, solum usque ad vesperam, ut patet Levit. XI. Ait ergo Paulus: « Alioquin quid facient, qui baptizantur pro mortuis, si omnino mortui non resurgunt? ut quid baptizantur pro illis? » q. d. Potius ab hac
 cerimonia baptismi et lustrationis, quod inanis omnino esset, cessare deberent, si nulla esset spes resurrectionis. Ita Gabriel Vasquez, III part., tom. II, Quæst. LXIX, disp. 437, cap. III, num. 48,

(1) Ita Allioli.

51 et seq. Verum frigidior et exilior videtur hæc expositio ratioque ad probandam resurrectionem.

Septimo et **capit.** **me.** **Qui Clinici et Lectularii?** **Septimo**, idem S. Chrysostomus paulo ante citatus, aliam expositionem profert et præfert, videlicet, *q. d.* Paulus : Ut quid proprie baptismum suscipiunt omnes fideles pro spe resurrectionis ex mortuis, vel pro statu mortuorum, ut in eo illis post mortem sit bene, si mortui non resurgunt? Ulrique frustra hoc faciunt. Atqui hoc non est credibile, cum hic sit communis omnium fidelium sensus; adeo ut multi jam baptismum differant usque ad finem vitæ, et in lecto baptizentur, ut plene baptismo ab omni culpa et pœna purgati evolent in cœlum, beatam resurrectionem adepturi. Unde et Clinici dicuntur, quasi dicas Lectularii, de quibus a baptismo non repellendis multi canones exstant.

Hic sensus omnium videtur simplicissimus, et planissimus : hoc enim proprie significat vox baptizantur. Innuit etiam τὸ pro mortuis : « dum enim Sacramentum baptismi impenditur corpori, corpus consecratur immortalitati. » ait Tertullianus (1).

UT QUID ET BAPTIZANTUR PRO ILLIS? — scilicet, ut Græca habent, ὑπὲρ τῶν νεκρῶν, pro mortuis : si nimirum a morte non est resurrectio ad vitam, nec mortui resurgunt, ut quid pro iis, id est, pro statu mortuorum, proque resurrectione ex mortuis baptizantur? Ita passim omnes.

Vers. 30. **30. UT QUID ET NOS PERICLITAMUR OMNI HORA?** — *q. d.* Stulte nos obijcimus tot periculis et persecutionibus ob spem resurrectionis, si non est resurrectio. Est hæc nova ratio, vel potius nova pars rationis annectenda præcedenti parti et rationi, ut ex utraque integra hæc ratio confletur, *q. d.* Nos omnes resurrecturos esse, patet ex communi omnium fidelium sensu et instinctu, quem tum natura, tum fides eis indidit. Nam propter hanc resurrectionis spem omnes anhelant ad baptismum; rursum alii, ac nos in primis, propter eandem spem omnia pericula et labores audacter adimus, imo invadimus. Natura ergo et Deus, qui hunc sensum et hos animos nobis indidit causa et spe resurrectionis, liquido hoc ipso testantur nos esse resurrecturos.

Vers. 31. **31. QUOTIDIE MORIOR,** — id est, mortis periculis quotidie pro Evangelio et Gentium conversione me obijcio.

PER VESTRAM GLORIAM, — id est, propter glo-

(1) Merus et Scholzius τὸ pro mortuis per enallagen numeri accipiunt de Christo, ut sensus sit : Si per Christum non redderetur nobis vita, quid utilitatis nobis Christianis præstaret baptisma, si propter Messiam mortuum baptizaremur? Alii interpretantes h. l. βαπτίζονται maximis vitæ periculis se obijcere, ὑπὲρ τῶν νεκρῶν autem posita esse existimantes pro ὑπὲρ τῶν εἰσὶν vel ὑπὲρ τῶν νεκρῶν, hunc constituunt sensum : Quid volunt, qui maximis vitæ periculis se exponunt, ut moriantur, nec unquam ad vitam redeant? Quæ explicatio omnibus reliquis Rosenmullero videtur esse præferenda.

riam vobis obventuram in cœlis, ut scilicet eam vobis conciliem; vel potius, « per vestram gloriam, » id est per gloriationem, qua glorior de vobis, quasi meis in Christo filiis, tanquam Apostolus et pater vester, juro, et Deum in testem voco, quod « quotidie morior, » et morti me offero pro spe resurrectionis : græce enim est ὑπὲρ τῶν νεκρῶν κἀνώναι; ὑπὲρ autem Græcis est particula jurantis, et κἀνώναι non tam gloriam, quam gloriationem significat. Ilino S. Augustinus, *epist. 89*, probat licitum esse jurare. Unde Syrus vertit, *juro ego per gloriam vestram*; Ambrosius legit, *pro gloria vestra*.

QUAM HABEO IN CHRISTO. — Hoc est, quam scilicet gloriam futuram in vobis habere spero, fretus Christo Domino : ita Anselmus; vel potius, quam gloriam, puta gloriationem, habeo, id est, qua glorior in Christo : glorior enim, quod illa mihi per Christi merita obvenit. Aliter exponunt Gagneius et Photius, ut ὑπὲρ sit non tantum jurantis, sed et obtestantis : vertunt enim, *quotidie morior propter vestram*, vel, ut aliqui Græci legunt, *nostram gloriationem*, ut scilicet gloriari possim de vobis, per me conversis et Christo acquisitis.

Memento semper hic Apostolum, etiam ex sola immortalitate animæ probare corporum resurrectionem; quia hæc duo naturaliter sunt connexa, et quia homines tum non tam de resurrectione in se, quam de immortalitate animæ dubitabant; ita ut si quis animæ immortalitatem eis demonstrasset, resurrectionem statim admisissent. Ita S. Thomas.

32. SI (SECUNDUM HOMINEM) AD BESTIAS PUGNAVI **Vers. 32.** **EPHESI.** — « Secundum hominem, » id est, inquit **Quid τὸ secundum hominem?** Photius, quantum homini fuit possibile.

Secundo et melius, « secundum hominem, » hoc est, humana tantum spe, humano spiritu, audacia, temeritate, studio gloriæ, quo acti homines precipites in pericula ruunt.

Alii exponunt sic, « secundum hominem, » ut scilicet hominum more loquar, qui libenter narrant suas pugnas et certamina.

PUGNAVI AD BESTIAS EPHESI. — Theophylactus, Anselmus, Primasius et Baronius per bestias accipiunt Demetrium et socios ferinos et barbaros, pro Diana contra Paulum atrociter et ferine depugnantes, *Act. xix*. Unde Græcum κατὰ ἀνθρώπων verti potest, *si in hominem pugnavi, quasi in bestiam*. Sic Neronem Paulus vocat *leonem*, *II Tim. iv, 17*. Tales alibi vocantur *tauri*, ut *Psalm. lxxvii, 31* : « Congregatio taurorum in vaccis populorum. » Sic S. Ignatius, *epist. ad Romanos* : « Pugno, ait, quotidie cum bestiis, » id est militibus et custodibus (2).

Verum Chrysostomus, Ambrosius et alii, pro-

(2) Ita Allioli, qui addit : *secundum hominem*, id est, ut loquar hominum more, qui homines sævas bestias atque feras appellant.

τὸ per vestram gloriam est juramentum.

Apostolus ex immortalitate animæ probat resurrectionem.

Vers. 32. **Quid τὸ secundum hominem?** **Prima explicatio.** **Secunda et gemina.** **Ter. 32.**

Prie Paulum Ephesi bestiis objectum, cum eisque depugnasse, putant : hoc enim proprie significat Græcum ἐπιπορεύμενος. Deinde quia pugna illa cum Demetrio Ephesi contigit post hanc epistolam scriptam ; nam post illam tragediam, Demetrius cum suis tumultuans coegit statim Paulum Epheso excedere, ut tempus hæc scribendi Ephesi Paulus non habuerit ; antea ergo hæc scripsit Ephesi ; nam epistolam hanc Ephesi sub idem illud tempus ab eo esse scriptam verius est, et docet Baronius : ergo pugna hæc cum bestiis, de qua hic scribit, non fuit illa cum Demetrio ; utpote nondum facta, sed alia anterior.

Objecto solvitur. Dices : Mirum est, rem tantam, tamque atrocem Pauli pugnam, Lucam in *Actis* siluisse.

Pugnam Pauli ad bestias enarrat Nicephorus. Respondeo : Clarum est plura alia non minoris momenti Lucam tacuisse, ut quæ de se narrat Apostolus, II *Cor.* XI, 25 : « Ter virgis cæsus sum, semel lapidatus sum, ter naufragium feci, » etc. Hæc pene omnia omisit Lucas, ut ibi dicam. Unde pugnam hanc Pauli cum bestiis ad litteram, uti gesta est, traditione, ut videtur, acceptam narrat Nicephorus, lib. II *Histor.*, cap. XXV.

Quid ἐπιπορεύμενος? Notat Gagneius, ἐπιπορεύμενος non tantum esse ad bestias pugnare, sed usque ad extremum spiritum, utpote pro vita, contra bestias pugnare ; *q. d.* Paulus : Pro defensione Evangelii objectus bestiis, cum iis pugnavi usque ad ultimum halitum, et Deo juvante eas vel vici et occidi, non armis et pugnis, sed fide et oratione, vel effugi et evasi.

MANDUCEMUS, ET BIBAMUS, CRAS ENIM MORIEMUR. — Utitur Paulus verbis *Isaiæ* XXII, 13, *q. d.* Qui resurrectionem negatis, vel non creditis, parum abestis ab hisce verbis impiorum apud *Isaiam* ; si enim resurrectio non est, dicere nobis licebit, quod Epicurus dixit et Epicurei : *Ede, lude, bibe, post mortem nulla voluptas.*

Vers. 33. 33. CORRUMPUNT MORES BONOS COLLOQUIA PRAVA, — dicti, scilicet, erroris, puta colloquia cum atheis et incredulis, qui negant resurrectionem. Versus hic est senarius Menandri, ait S. Hieronymus. Græcum ἐμῶν non tantum colloquia, sed et commercia omnemque conversationem significat : hæc enim æque ac colloquium cum malis est mala et noxia.

Vers. 34. 34. EVIGILATE JUSTI, — expergiscimini a peccato, ut justi sitis. Quapropter Græca habent, *evigilate δικαιοῶς*, hoc est *juste* ; Syrus, *excitate corda vestra juste*, id est ad iustitiam. Unde sequitur : « Et nolite peccare ; ignorantiam enim Dei quidam habent (1). »

AD REVERENTIAM VOBIS LOQUOR. — Græce πρὸς ἐντροπὴν, id est *ad pudorem* : pudor enim est Christiano, dubitare de resurrectione et potentia divina. Sic Psaltes ait : « Tu scis confusionem meam, et reverentiam meam, » id est pudorem meum.

Et sæpe in Psalmis *reverentia* sumitur pro confusione et verecundia.

35. SED DICTE ALIQUIS : QUOMODO RESURGUNT MORTUI? QUALI AUTEM CORPORE VENIENT? 36. IN-
SIPENS, TU QUOD SEMINAS NON VIVIFICATUR, NISI PRIUS MORIATUR. — Tangit hic Apostolus radicem ulceris et causam erroris ; scilicet, nonnulli desperabant et negabant corporum resurrectionem, quia videbant ea in terra putrefieri, quasi incredibile et impossibile esset putrida corpora reformari et resuscitari. Hanc causam succidit hic Paulus, exemplo grani, quod seminatur : illud enim prius putrefit et moritur in terra ; inde quasi renascens germinat, et ex grano uno non unum, sed multa producit ; ut granum unum nudum, quod seminatur, in messe spicis et granis vestitum ac cumulatum, videatur in majori gloria resurgere. Pari modo corpora nostra putrescent, inde resurgent ad majorem gloriam.

37. ET QUOD SEMINAS, NON CORPUS, QUOD FUTURUM EST, SEMINAS, — *q. d.* Dum seminas, non seminas corpus ex semine nasciturum, puta arborum aut spicam, sed nudum semen, et granum pomi, v. g., vel tritici, et tamen Deus huic grano seminato et e terra nascenti reddit non aliud granum, sed integrum et pulchrum corpus, puta arboris vel spicæ, quod suo culmo, floribus, aristis et granis instruitur et ornatur. Hinc, ut ait S. Augustinus, *epist.* 146, tacite infert Apostolus : « Si Deus potest addere quod non erat in novo semine, multo magis potest in resurrectione reparare quod erat in hominis corpore. » Unde subdit Apostolus :

38. DEUS AUTEM DAT ILLI (semini et grano) CORPUS SICUT VULT : ET UNICUIQUE SEMINUM PROPRIUM CORPUS. — « Proprium, » id est propriæ naturæ et speciei, quia grano, v. g. tritici, Deus spicam et corpus dat, non hordei, vel avenæ, sed tritici : et sic de cæteris.

39. NON OMNIS CARO EADEM CARO. — Probat id quod præcessit, scilicet Deum dare cuique semini et rei proprium corpus, prout Deus ipse vult et statuit. Probat, inquam, exemplo : Deus, inquit, aliam et propriam carnem dat homini, aliam pecori, aliam volucribus, aliam piscibus ; aliud corpus dat cælis et cælestibus astris, aliud rebus terrestribus, *q. d.* Sic et Beatis in resurrectione, quasi in regeneratione et recreatione, proprium dabit Deus corpus, quale voluerit, et quale decet homines beatos et gloriosos ; dabit, inquam, cuique tale, quale meritis est. Est enim similitudo et analogia inter naturam et meritum ; quod, sicut natura talis, v. g. hominis, tale exigit corpus, scilicet humanum ; ita tale meritum tale exigit corpus gloriosum, ut qui minus meritis est, minus ; qui magis, magis gloriosum corpus recipiat.

41. ALIA CLARITAS SOLIS, ALIA CLARITAS LUNÆ, ET ALIA CLARITAS STELLARUM. — Hinc Chrysostomus, Theodoretus, Theophylactus, Primasius,

(1) Nesciunt, ait Allioli, aut nescire volunt, Deum posse mortuos revocare ad vitam.

Œcumenius, Beda, Augustinus, lib. *De Sancta virg.*, cap. xxvi; Hieronymus, lib. II *Contra Iovinianum*, probant non tantum gloriosam Sanctorum resurrectionem, sed et præmiorum disparitatem in cælo, prout hic disparia sunt semina meritorum.

Vers. 42. 42. SIC ET RESURRECTIO MORTUORUM, — *q. d.* Sicut alia est claritas solis; alia lunæ, alia stellarum: ita pariter proprium, et pro meritis dispar, Deus cuique Beato dabit corpus beatum et gloriosum, uti explicat Paulus in seq.

Sancti sunt stellæ. Apte Sancti et Beati comparantur stellis, ob causas quas attuli *Rom. iv, 18*, in fine. Rursum, sicut una stella alteri, ita et unus Beatus alteri, uti gratia et meritis, ita gloria et præmiis præfulget, atque

Micat inter omnes
Virginis sidus, velut inter ignes
Luna minores.

Ita B. Dominicus adhuc puer, nobili cuidam matronæ in visu apparuit, luculentam stellam in fronte gerens, cujus immodico splendore totus orbis irradiabatur, ut habet ejus Vita, lib. I, cap. I et cap. ult., in fine. Et de Simone pontifice, Oniæ filio, dicitur *Eccli. I, 6*: « Quasi stella matutina in medio nebulæ, et quasi luna plena diebus suis lucet, et quasi sol refulgens, sic ille effulsit in templo Dei. » Similia de pluribus aliis Sanctis legimus. Notent vero viri docti, et doctores justitiæ et sanctitatis illud *Daniel. xii*: « Qui docti fuerint, fulgebunt quasi splendor firmamenti, et qui ad justitiam erudiunt multos, quasi stellæ in perpetuas æternitates. » Illudque *Sap. iii*: « Fulgebunt iusti. » Hinc et Christus, *Apoc. xxii, 16*, dicit: « Ego sum stella splendida, et matutina: » Et *Apoc. i, 20*: « Septem stellæ, septem angeli (hoc est, Doctores et Episcopi) sunt septem Ecclesiarum. » Et *Apoc. xii, 1*, apparuit S. Joanni Ecclesia, quasi mulier habens in capite « coronam stellarum duodecim, » puta duodecim Apostolorum, qui Ecclesiæ ut stellæ præfulserunt, idque in capite, id est in ipso ortu et initio Ecclesiæ Christianæ, uti id exponunt Primasius, Aretas, Andreas, Episcopus Cæsariensis, Beda et alii ibidem. Denique *Apoc. ii, 28*: « Qui vicerit, inquit Christus, dabo illi stellam matutinam, » id est gloriam et visionem beatificam, quæ stella dicitur propter claritatem luminis et visionis: dicitur matutina, tum quia datur post noctem hujus sæculi, tum propter inchoationem beatitudinis, quæ complebitur in resurrectione corporum. Ita Richardus Victorinus, Primasius et Aretas ibidem.

Doctores fulgebunt quasi stellæ.

Christus victori dabit stellam matutinam, quam?

Seminatur corpus, dum ex semine patris produci-

SEMINATUR IN CORRUPTIONE, SURGET IN INCORRUPTIONE. — « Seminatur, » scilicet in creatione, cum vel a Deo, vel a semine parentis corpus hominis corruptibile produciatur. Ita Anselmus.

Secundo et aptius, « seminatur » corpus humanum, dum scilicet sepelitur, et quasi semen in

terram abjicitur, ut corrumpatur in vermes et cineres. Sic enim granum, dum seminatur in terram, abjicitur, sepelitur, corrumpitur. Ita Chrysostomus, Ambrosius, Anselmus.

Hinc errarunt quidam putantes resurrectionem fore per vires naturæ, nosque resurrecturos virtute naturali; quasi in pulveribus cadaveris resoluti sint rationes quædam seminales effectivæ resurrectionis, ut refert hic D. Thomas. Hic enim error est contra fidem et veram philosophiam, quæ docent resurrectionem esse super omnes naturæ vires: nec Apostolus in eo ponit similitudinem, sed tantum in hoc, quod, sicuti Deus unicuique semini dat proprium corpus, ut ex tritico, v. g. triticum, non hordeum, nascatur; sic Beato cuique corpus dabit secundum opus et meritum. Id ita esse, patet ex seq. vers. Ad hoc idem declarandum adduxit Paulus, vers. 39 et 40, similitudinem carnis et corporum, quæ in variis animalibus et creaturis est varia, ut ibi dixi.

Nota: Insignis imago et argumentum resurrectionis est in semine moriente, et repullulante, ac quasi resurgente. Unde S. Augustinus, serm. 34 *De Verbis Apostoli*: « Tota, inquit, hujus mundi administratio testimonium est resurrectionis futuræ. Videmus certe hiemis tempore vel adventu, arbores spoliari pomis, nudari foliis, sed eas etiam verno tempore speciem resurrectionis exprimere; quæ primo quidem incipiunt turgere in gemmis, tunc ornari in floribus, vestiri et foliis, et postmodum pomis gravari. Interrogo te, infidelis homo, qui de resurrectione dubitas, ubi sunt ista, quæ tempore, quo Deus disposuit, producuntur? Dic mihi, ubi latitant, antequam producantur? quæ nusquam quidem videntur, sed tamen Deus, qui omnipotens est, et ea ex nihilo condidit, secreta sua virtute producit. Hinc jam ad campos et prata respicite, quæ æstate transacta herbis suis spoliantur ac floribus, et nuda remanent ipsa spatia terrarum: sed iterum verno tempore revestuntur, et novo ubique germine incipiente lætatur agricola. Certe herba, quæ ante vixit et moritur, rursus reviviscit ex semine: sic etiam et nostrum corpus reviviscit ex pulvere. »

43. SEMINATUR IN IGNOBILITATE. — Puta corpus humanum dum sepelitur, et quasi semen in terram abjicitur, est ignobile, crassum, spissum, opacum. S. Ambrosius legit, *seminatur in ignominia*; S. Augustinus vero, *epist. 140*, *seminatur in contumelia*; Tertullianus, lib. *De Resurrect. carnis*, cap. lii, *seminatur in dedecoratione*.

SURGET IN GLORIA, — resurget gloriosum, clarum, fulgidum. Succidit hic Apostolus alteram radicem erroris; fuerunt enim illo tempore, qui negarent resurrectionem corporum hoc argumento, quod corpora, utpote crassa et carnea, incongrua esse dicerent animabus beatissimis, et vita divina jam fruentibus, ut testatur eos refellens S. Dionysius, cap. vii *Eccles. hierarch.* Hoc resecat hic Apostolus, dicens, in resurrectione animæ

Secundum et repullulans, seminatur dum sepelitur. Error dicitur in corpore esse semina resurrectionis.

Imago resurrectionis est in semine repullulante, ex S. Augustino.

Vers. 43.

Alterare dixit erroris negantium resurrectionem.

gloriosæ consimile dandum esse corpus gloriosum.

SEMINATUR IN INFIRMITATE, — puta infirmum, tardum, lentum, pigrum corpus moritur et sepelitur.

SURGET IN VIRTUTE, — ἐν δυνάμει, in potentia, id est potens, celer, agile.

Vers. 44. **44. SEMINATUR CORPUS ANIMALE**, — id est, quod vivat, aut potius quod vixit vita vegetativa et sensitiva, ut animalia, egens cibo et potu; item crassum, durum, cedere nescium et impenetrabile. Tale enim fuit Adæ corpus etiam in paradiso. Corpus ergo animale est, quod edit, bibit, dormit, digerit, egerit, laborat, fatigatur, suoque pondere gravat et resistit.

SURGET CORPUS SPIRITALE. — Non quod corpus in spiritum, aut in corpus aereum sit vertendum, ut voluit Origenes et Eutychius, Patriarcha Constantinopolitanus, tempore S. Gregorii (a quo convictus revocavit errorem), sed « spiritale, » id est spiritui subditum omnino et conformatum; ut cibo et potu non egeat, non laboret, non fatigetur, sed quasi cœleste sit et deificatum, atque; ut Tertullianus ait, quasi in angelicum habitum sit commutatum. Ita S. Augustinus, *De Fide et Symbol.*, cap. vi: « Spiritale, ait, dicitur corpus, non quasi in spiritum vertatur; sed quia ita spiritui subditum erit, ut cœlesti habitationi conveniat, omni fragilitate ac labe terrena in cœlestem stabilitatem mutata atque conversa. » Idem tamen ibid. cap. x, videtur dicere in resurrectione fore non carneum corpus, sed angelicum; unde id retractat cap. xvii libri primi *Retract.*, et fusius lib. ult. *De Civit.*, cap. v et xxi.

Secundo, « spiritale, » id est subtile, carens scilicet crassitie illa et duritie repletiva, hoc est, proprietate illa quantitatis corporeæ, qua hic quantitas ita locum replet, ut omne aliud corpus ab eo excludat: erit enim corpus hac proprietate carens, subtile, ut instar spiritus omnia alia corpora penetret et pervadat. Ita Damascenus, lib. IV *De Fide*, cap. xxviii; Epiphanius, in *heresi Origeneis*. Sicut enim Deus potest ab homine auferre suam proprietatem, scilicet esse risibile, et ab igne potest auferre calorem igni proprium: sic a quantitate potest auferre hanc duritiem repletivam, quæ est quantitatis naturalis proprietas.

Dos subtilitatis non est qualitas, sed assistentia omnipotentis Dei ad penetrandum alia corpora. Nota: Non erit hæc dos subtilitatis qualitas animæ infusa: hæc enim non videtur possibilis; sed erit assistentia divinæ omnipotentis, intima animæ beatæ, ut per eam possit anima ad libitum deponere illam duritiem repletivam, et aliorum corporum exclusivam, cum vult aliud corpus penetrare; possit et illam retinere, cum vult locum replere, et alia corpora excludere. Et sic hæc assistentia divinæ potentis videtur esse quasi dos animæ beatæ inexistens; sicuti gratia miraculorum in Christo fuit assistentia Dei, qua Deus assistebat humanitati Christi, ut per eam posset ipsa ad libitum miracula facere. Vide Franciscum Suarez, III *part.*, *Quæst.* LIV, art. 3.

Hinc Theologi colligunt quatuor dotes corporis gloriosi: impassibilitatem ex *prima* Apostoli antithesi, qua ait: « Seminatur in corruptione, surget in incorruptione. » Claritatem ex *secunda* antithesi, qua ait: « Seminatur in ignobilitate, surget in gloria. » Agilitatem ex *tertia*, qua ait: « Seminatur in infirmitate, surget in virtute. » Subtilitatem ex *quarta*, qua ait: « Seminatur corpus animale, surget spiritale. »

Addit Suarez, agilitatem beatorum corporum talem et tantam fore, ut Beati in instanti ab uno loco in alium transire possint, non transeundo spatium medium; quia probabile est angelos naturaliter ita moveri. Sed alii, et fore verisimilius, utrumque negant. Et sane mens hominis vix concipere potest, quomodo quis ab extremo in extremum possit moveri, nisi transeat spatium medium quod interjacet.

S. Bonaventura, in IV, dist. XLIX, part. 2, art. 2, *Quæst.* I, censet has quatuor dotes significari Sap. III, 7, cum dicitur: « Fulgebunt justi, et tanquam scintillæ in arundinetis discurrunt. Nam in fulgore, inquit, significatur claritas; in iustitia, impassibilitas, quia iustitia est perpetua et immortalis; in scintilla, subtilitas; in cursu, agilitas. » Addit deinde subtiliter, quod numerus harum quatuor dotium deduci possit ex duplici causa, scilicet formali et materiali, sed magis ex materiali. *Primo*, ex formali, quia cum in corpore nostro, inquit, sit natura et forma duplex, scilicet elementaris, quæ modo dominatur; et cœlestis, quæ est natura lucis, quæ erit sicut formalis et completiva corporis gloriosi, hæc dominabitur in resurrectione. « Igitur quia lux habet quatuor istas proprietates, sicut patet in radio, scilicet claritatem, quia illuminat; impassibilitatem, quia nihil ipsam corrumpit; agilitatem, quia subito vadit; penetrabilitatem, quia corpora diaphana sine eorum corruptione pertransit: sic etiam corpus gloriosum, in quo dominatur natura lucis, quatuor habet dotes. *Secundo* modo numerus dotium accipitur secundum causam materialem: sic corpus nostrum est compositum ex quatuor elementis. Et quia elementa sunt imperfecta, quadruplicem habet ab eis defectibilitatem. Ab aqua, quæ est elementum humidum et passibile, habet passibilitatem et corruptionem. A terra vero habet obscuritatem, quia est elementum opacum. Ab igne animalitatem, quia calor consumit continue: ideo continua indiget alimentis ciborum. Ab aere vero habet infirmitatem: aer enim facillime immutatur, et cedit cuilibet impellenti. Quoniam igitur quatuor isti defectus debent per bona opposita removeri ad hoc, quod corpus sit perfectum perfectione completa, ideo quatuor sunt dotes: contra corruptionem impassibilitas, contra obscuritatem claritas, contra animalitatem spiritualitas, id est agilitas, contra infirmitatem virtus, sive penetrabilitas, id est subtilitas. Et hæc ultima sumptio convenientior est

Quatuor dotes corporis gloriosi.

Ab angeli et Beati ab extremo in extremum transire possint, non trans eundem medium?

inter omnes; quoniam correspondet auctoritati et rationi. Auctoritati Apostoli. Ita enim sumit Apostolus dicens: Seminatur in corruptione, resurget in incorruptione: ecce impassibilitas. Seminatur in ignobilitate, surget in gloria: ecce claritas. Seminatur in infirmitate, surget in virtute: ecce penetrabilitas, id est subtilitas. Seminatur animale, surget spirituale: ecce agilitas. Unde Apostolus sumit dotes per comparisonem ad illos quatuor defectus, quos removeant. Similiter S. Augustinus, *De Civit. Dei*: Aberit, ait, a corporibus nostris omnis deformitas, omnis tarditas, omnis infirmitas, omnis corruptio. Omnis deformitas per claritatem, omnis tarditas per agilitatem, omnis infirmitas per subtilitatem, vel penetrabilitatem, omnis corruptio per impassibilitatem. » Hucusque S. Bonaventura.

SICUT SCRIPTUM EST. — Noster Interpres legit *ὡς*, id est *sicut*. Jam legunt *ὡς*, id est *ita*. Nota, hæc verba tantum referenda esse ad priorem partem versus seq., scilicet ad *factus est primus homo Adam in animam viventem*, non autem ad posteriorem, scilicet *novissimus Adam in spiritum vivificantem*. Hoc enim nusquam in Scriptura scriptum est: tantum enim probat hic ex Scriptura Paulus, quod seminetur hic corpus animale, ex eo quod Adam, parens omnium, factus sit in animam viventem, ac consequenter fuerit animal, habueritque corpus animale tam in morte quam in vita: unde commodius et planius per hyperbaton Apostolo usitatum, hæc verba hoc modo trajicias et transponas: « Factus est primus homo Adam, sicut scriptum est (*Genes. II, 7*), in animam viventem. »

Secundus. Possent tamen *secundo*, cum Theophylacto, hæc verba, « Sicut scriptum est, » ad totum vers. sequentem referri, esseque quasi explicatio et probatio ejus quod immediate præcessit, scilicet, « si est corpus animale, est et spirituale, » ut sit sensus: In universo hoc, ubi est corpus animale, oportet sit et spirituale. Hoc enim ad universi perfectionem et complementum requiritur, ut omnes rerum species et gradus sibi invicem contrarios complectatur; « sicut scriptum est, » id est sicut innuit Scriptura, *Genes. II, 7*. Nam ideo expresse dicit: « Factus est Adam in animam viventem; » ut tacite et implicite innuat, quod Christus qui secundus est Adam, priori oppositus, futurus sit in spiritum vivificantem.

Vers. 45. **45. FACTUS EST PRIMUS HOMO ADAM IN ANIMAM VIVENTEM** (hoc est, Adam factus est anima, id est animal vivens vita sensitiva et vegetativa, ac proinde cibo, potu aliisque fomentis alendum, et in animali hac vita sua conservandum est; est synecdoche. Contra), **NOVISSIMUS ADAM** (id est Christus, factus est) **IN SPIRITUM VIVIFICANTEM**, — ut scilicet haberet post resurrectionem animam gloriosam, quæ instar vivifici spiritus corpus plane vivificaret, illudque redderet spiritale, id est instar spiritus gloriosum, cibi expertus, impas-

sibile et immortale; corpus, inquam, tum suum, tum nostrum. Est rursus hic synecdoche: Christus enim dicitur factus « in spiritum vivificantem, » id est factus est spiritus vivificans, quia recepit spiritum, id est animam, vivificantem tam se quam suos.

Unde Theophylactus, Chrysostomus, Theodoretus notant non dici, *spiritum viventem*, sed *spiritum vivificantem*: anima enim, sive spiritus Christi, non tantum vivit gloriose in se, sed etiam vivificat, et eadem vita gloriosa donat tam animas quam corpora nostra. Hebræa pulchrius opponuntur נפש חיה *nephesch chaia*, id est anima vivens, et נשמת חיים *nismat chaïm*, id est spiritus vitæ, sive vivificans. Rursum *nismat* alludit ad שמים *schamaim*, id est cælum, unde subdit: « Secundus homo de cælo, cælestis. »

47. PRIMUS HOMO DE TERRA, TERRENUS: SECUNDUS HOMO DE CÆLO, CÆLESTIS. — Græce δ δούτος ἀνθρώπος ὁ κύριος ἐξ οὐρανό, *secundus homo Dominus de cælo*: quod ita depravatum esse a Marcione, patet ex Tertulliano, lib. I, cap. v *Contra Marcionem*. Unde patet Latina Biblia præ Græcis esse incorrupta. Vera ergo lectio est, *secundus homo de cælo, cælestis*.

Valentinus et Gnostici hinc voluerunt Christum habuisse corpus, non elementare et humanum, sed e cælo cæleste attulisse, transiisseque per B. Virginem, non quasi per matrem, sed sicut aqua pluvia transit per canale. Verum hæc est hæresis jam pridem damnata, ut testatur S. Augustinus, *hæresi 11*, et Irenæus, lib. I, cap. v. Vere ergo Tertullianus, *De Carne Christi*, cap. viii, et Beda: Christus, inquit, dicitur cælestis, quia cælestem vitam duxit, semperque fuit impeccabilis: Adam vero dicitur terrenus, quia peccato fuit subditus. Unde sequitur: « Qualis terrenus, tales et terreni; et qualis cælestis, tales et cælestes. »

Secundo, Christus dicitur « cælestis, » quia supra totum naturæ ordinem, cælesti virtute Spiritus Sancti ex Virgine conceptus et natus est. Ita S. Ambrosius, Hilarius, lib. I *De Trinit.*, post principium, et S. Augustinus, *dialogo ad Orosium*, Quæst. IV.

Tertio, Christus dicitur « cælestis, » ratione divini et cælestis suppositi: sic dicitur Christus filius hominis, id est homo, qui de cælo descendit, *Joan. III, 13*. Sic fere Nazianzenus, *orat. 31*, circa medium, et indicat Augustinus, *epist. 57 ad Dardanum*.

Quarto genuine et aptissime, Christus dicitur « cælestis, » id est gloriosus et incorruptibilis, uti sunt corpora cælestia. Hanc cælestem gloriam Christus in anima habuit reipsa a principio nativitatis et conceptionis suæ; in corpore vero eandem tunc habuit in actu primo, quia illi debita erat et connaturalis; sed ob passionem suspensa et dilata fuit, ut in actu secundo illam assumeret in resurrectione: obiter tamen ante mortem assumpsit Christus subinde hanc glo-

Christi anima gloriosa est spiritus vivificans.

Marcionis depravatio.

Error Valentiniani, Christum e cælo corpus attulisse.

Christus est homo cælestis qualitatem. Primo.

Secundo.

Tertio.

Quarto.

Christus
ante mor-
tem obi-
tor qua-
tuor do-
tes glo-
riosas as-
sumpsit.
Adam
quadru-
pliciter
terrenus.

riam, sive quatuor dotes corporis gloriosi, nimi-
rum claritatem in transfiguratione; agilitatem,
cum ambulavit super mare; subtilitatem, cum pe-
netravit uterum matris suæ; impassibilitatem, in
Eucharistia. Sic e contrario Adam dicitur « terre-
nus, » quia ex terra est factus, et inde atque ex
peccato mortalitatem aliasque qualitates corpo-
ris terreni, animalis, mortalis et corruptibilis con-
traxit. Ita S. Chrysostomus, Augustinus, lib. XIII
De Civitate, cap. XXIII; Tertullianus, *De Resurre-
ctione*, cap. XLIX. Agit enim hic Apostolus de resur-
rectione et corporum beatorum gloria, quorum
exemplar est Christi corpus gloriosum, eaque de
causa vocat Christum cœlestem et Christi corpus
cœleste.

Vers. 48. 48. QUALIS TERRENUS, TALES ET TERRENI (sicut
Adam e terra terrenus mortuus est, et in terram
rediit, ita et omnes terreni ab eo nati in terram
redibunt : contra), QUALIS COELESTIS, TALES ET
COELESTES, — ut sicut Christus per resurrectionem
adeptus est corpus cœleste, id est immortale et
gloriosum : ita ex eo renati Sancti fiant cœlestes,
id est immortales et gloriosi.

Vers. 49. 49. SICUT PORTAVIMUS IMAGINEM TERRENI, PORTE-
MUS ET IMAGINEM COELESTIS. — « Portemus : » le-
git noster Interpres *ὑποκαταβαίνοντες* per « ; jam per « le-
gunt *ὑποκαταβαίνοντες*, portabimus (scilicet in resurrectione,
ut præcessit) imaginem Christi cœlestis, ut ei in
corpore cœlesti, id est glorioso, configuremur :
sicut in hac vita Adamo terrestri, in vita animali
comedendo, dormiendo, moriendo, configurati
fuimus. Verum noster Interpres aptius ad sequen-
tia legit, « portemus, » quia Apostolus more suo
a littera transit ad tropologiam, et ad mores,
q. d. Sicut aliquando viximus in infidelitate et
peccatis quasi homines terreni, terræ affixi, et
animales more animalium brutorum, similes Adæ
terreno et peccatori : ita jam renati in Christo, et
vocati ab eo ad societatem immortalis vitæ et glori-
æ, totis viribus ad illam conemur et aspiramus,
ac consequenter portemus imaginem Christi cœ-
lestis, ut cœlestem hic vitam ineamus : nimirum
primo, simus, ut ille, impassibiles, id est imper-
turbabiles inter prospera et adversa, ut dicamus
illud Socraticum : « In cœlum mente conscendi,
solem hunc solumque hoc despicio. » Secundo,
simus clari instar Christi, ut luceant coram om-
nibus opera nostra bona. Tertio, simus agiles,
ut Christus, ad opera charitatis, obedientiæ et
aliarum virtutum. Quarto, simus subtiles, sicut
Christus fuit, id est penetremus cœlos per ora-
tionem et contemplationem, ut mente a terra in
Deum et cœlestia elevati, jungamur Sanctis, Deo-
que uniamur. Paulo aliter S. Cyrillus, lib. *De Fide
ad Theodosium imperatorem* : « Sicut, inquit, por-
tamus imaginem terreni, portemus et imaginem
cœlestis. Imaginem terreni peccandi propensio-
nem et mortem, quæ hinc oritur, vocat. At vero
per imaginem cœlestis, hoc est Christi, constan-
tiam in sanctitate, reditumque et instaurationem

Apostolus
trans-
lit a lit-
tera ad
tropolo-
giam.
Imagi-
nem
Christi
cœlestis
portabi-
mus, si
simus,
Primo,
impas-
sibiles,
id est im-
pertur-
babiles;
Secundo,
clari vir-
tutibus;
Tertio,
agiles ad
bona ope-
ra; Quar-
to, sub-
tiles per
oratio-
nem.

ex morte et corruptione ad vitam et immortalita-
tem designat. »

Pulchre S. Bernardus explicans hæc Apostoli
verba, *serm.* 30 inter Parvos : « Duo, ait, homines
sunt, vetus et novus : Adam vetus, Christus no-
vus. Ille terrenus, iste cœlestis : illius imago ve-
tustas, istius imago novitas. Est autem triplex
vetustas, et e contrario triplex novitas. Est enim
vetustas in corde, in ore, in corpore : in quibus
tribus modis peccavimus, cogitatione, locutione
et opere. In corde sunt desideria carnalia et sæ-
cularia, id est amor carnis et amor sæculi. In ore
est gemina vetustas, arrogantia et derogatio. Item
gemina in corpore, flagitia et facinora. Hæc om-
nia sunt imago veteris hominis, et hæc omnia
renovanda sunt in nobis. » Unde concludit : « Ha-
bitans igitur in corde est sapientia, habitans in
ore est veritas, habitans in corpore iustitia. »

50. HOC AUTEM DICO, FRATRES : QUIA CARO ET SAN-
GUIS REGNUM DEI POSSIDERE NON POSSUNT. — *Primo*,
Origenes et Euthymius sic explicant : quia in
cœlo Beati, inquit, non habebunt corpus car-
neum, sed aerum. Verum hic est apertus error
repugnans vers. 53, ut ibi ostendam. *Secundo*,
Theophylactus et Ambrosius, « caro, » inquit,
id est opera carnis, regnum Dei non possidebunt.
Tertio et genuine, « caro et sanguis, » scilicet natu-
ralis et corruptibilis, qualis fuit terreni Adam,
et qualem habemus in hac vita, regnum Dei non
possidebunt; quod enim vers. 46 et 47 Apostolus
vocavit corpus animale et terrenum, hic vocat
carnem et sanguinem. Tantum enim vult ostendere,
in cœlo non fore corpus animale et carnale, quale
hic est; sed spirituale et cœleste, eo sensu quo
explicui vers. 47. Unde explicans subdit : « Neque
corruptio, » id est caro animalis et corruptibilis,
« incorruptelam possidebit. » Ita Theodoretus,
Theophylactus, Ambrosius.

Secundo, hisce verbis Apostolus colligendum
relinquit, in cœlo non fore vitam carnalem et
animalem, quæ consistit in usu ciborum et ge-
neratione filiorum, qualem vitam et beatitudi-
nem expectant post resurrectionem Judæi et Ma-
hometani.

Ac *tertio*, insinuat eos qui ad regnum Dei ten-
dunt, non secundum carnem et sanguinem, sed
secundum spiritum Christi vivere debere, ut sic
portent imaginem non Adam terreni et carnalis,
sed Christi cœlestis et spiritualis; ut mereantur
cum Christo regnare et agere in cœlo vitam bea-
tam et cœlestem. Sic « caro » sæpe alibi carnis
corruptionem significat. Vide Augustinum, epis-
tola 146 ad Consentium.

51. ECCE MYSTERIUM VOBIS DICO. — Hisce verbis
Apostolus excitat attentionem legentium, atque
insinuat se quid magnum, tremendum, secretum
de resurrectione dicturum. Ita Theophylactus.

OMNES QUIDEM RESURGEMUS, SED NON OMNES IM-
MUTABIMUR. — Nota triplicem hic esse lectionem.
Prima est Græcorum et Syri : non omnes dormiemus,

Vers. 50.
Quæ-
do car-
et san-
guis re-
gnum
Dei ac-
poside-
bunt?
Prima ex-
plicatur.
Secunda.
Tertia et
genuina.

Tria hic
docet
Paulus.
Primum.

Secun-
dum.

Tertium.

Vers. 51.
Triplet
hic lec-
tio.
Prima.

sed omnes immutabimur, quam sequentes Chrysostomus, Theodoretus, Theophylactus, Origenes, lib. II *Contra Celsum*; Theodorus Heracleotes, et Apollinarius apud Hieronymum, epist. ad *Minerium* et *Alexandrum*; Tertullianus, *De Resurrectione carnis*, cap. xli et lxi; Augustinus, *Quæst. III ad Dulcitium*, putant non omnes homines morituros; videlicet non eos qui in fine mundi vivi obviam rapiuntur Christo Domino, itaque glorificabuntur. Hæc enim mutatio, inquit ex Chrysostomo Theophylactus, ipsis mors erit: morietur enim in eis corruptio mutata in incorruptibilitatem.

posse docet Suarez *part. III, Quæst. LIII, disp. 44, sect. 4*, ut scilicet Dei virtute hæc corporis partes ab extremo ad extremum transeant sine medio, itaque in unum locum momento temporis simul omnes coeant. Verum, ut dixi vers. 44, natura spatii et motus non videtur id pati, sed exigere ut ab extremo in illud extremum res moveri non possit, quin prius transeat spatium medium.

Hinc aliis verisimilius videtur, Dei virtute in instanti posse mobile pertransire media omnia spatia, sicque in instanti posse ab extremo in extremum per medium tamen moveri, sicut enim a sole lumen per totum hemisphærium uniformiter diffunditur in instanti diffunditur: cur similiter non possit corpus, Dei virtute, per varia loca in instanti se transfundere? si enim instantanea est hemisphærii illuminatio, cur etiam non possit esse instantanea corporum per varia loca transfusio?

Sed responderi commode potest, esse disparem rationem luminis et corporum: licet enim utriusque similis videatur esse diffusio, tamen in lumine non idem, sed aliud et aliud lumen, in aliud et aliud spatium suo ordine emittitur: hic vero in corpore idem omnino corpus in eodem instanti illud spatium relinquere et transire per sequens, rursum in eodem instanti deberet transire spatium vicinum, et in eodem instanti deberet relinquere hoc secundum spatium, et transire per tertium, et ita consequenter per quartum, quintum, sextum, et omnia media usque ad extremum; quod videtur fieri non posse: sic enim in eodem instanti corpus idem spatium transiret et relinqueret; esset in spatio hoc, et non esset; imo in omnibus spatiis mediis esset, et non esset. Unde melius D. Thomas et alii negant hanc partium corporis ad eundem locum translationem fore in instanti, præsertim quia illa fiet per angelos, qui corpora movent non in instanti, sed tempore brevissimo. Apostolus ergo hic loquitur de sola resurrectione, non autem de translatione corporum resuscitandorum, cum ait eam fore in ictu oculi, imo in momento.

IN NOVISSIMA TUBA. — Dicitur tuba hæc « novissima » respectu omnium præcedentium; nam, ut patet *Apocal. cap. viii et ix*, in fine mundi septem angeli, quibus demandata est universalis hominum cura, septem tubis clangent, ut iis extremas mundi calamitates et pœnas tubali voce prænuntient, et quasi evocent, efficiant et proferant. Post has sequetur hæc tuba novissima clangens: « Surgite, mortui, venite ad iudicium: » de qua plura dicam I *Thessal. iv, 16*.

53. OPORTET ENIM CORRUPTIBILE HOC INDUERE IN-CORRUPTIONEM. — Nota *in hoc*: inde enim patet contra Origenem, quod idem numero corpus resurget. Ita S. Hieronymus ad *Pammachium* et *Oceanum*; pronomen enim *hoc*, idem individuum corpus demonstrat.

54. TUNC FIET SERMO QUI SCRIPTUS EST: AB-

Act in instanti? Primo, asserit S. Augustinus.

Secundo, asserunt et alii.

Tertio negant alii, idque verius est.

Quænam tuba novissima?

Vers. 53.

Vers. 54

Secunda. Secunda lectio est: omnes dormiemus, sed non omnes immutabimur; extat hæc apud S. Augustinum, lib. XX *De Civitate Dei*, cap. xx, eamque probat S. Hieronymus loco jam citato.

Tertia. Tertia est Nostra: omnes quidem resurgemus, sed non omnes immutabimur, per gloriam scilicet: hanc lectionem præfert aliis S. Augustinus supra, et sine dubio hæc lectio planior, verior, certior est; et aptius coheret præcedentibus et sequentibus, et aliis locis S. Pauli, quibus docet statutum esse omnibus hominibus semel mori. Nam, ut ait ipse hic, vers. 22: « Sicut in Adam omnes moriuntur, ita et in Christo omnes vivificabuntur. »

Non est certum omnes homines morituros. Prima sententia licet non videatur vera, non est tamen ob auctores, temeritatis, ut vult Sotus et Catharinus, nec erroris damnanda. Unde Franciscus Suarez, loco supra citato, et alii dicunt, hanc sententiam, quæ docet omnes omnino homines morituros et resurrecturos, tantum esse probabiliorem contraria.

Vers. 52. 52. IN MOMENTO. — Repete *resurgemus*, quod præcessit. Græce, *ἐν ἀτόμῳ*, in *atomo*, id est indivisibili, uti est punctum temporis, et ictus sive nictus oculi, ut sequitur. « Atomus, inquit S. Hieronymus, est punctum temporis quod secari et dividi non potest. »

IN ICTU OCULI, — *ἐν ἑπὶ ὀφθαλμοῖς*, in *jactu celerimo oculi*: *ἐπὶ* enim jactum significat fulminis vel teli, a *ἐπιπῶ*, quod est jacio. Alii legunt *ἐπὶ*, teste S. Hieronymo ad *Minerium*, quod significat motum, propensionem, divergentiam lancis vel libræ, quæ celerrime ad pondus attollitur vel deprimitur; unde vocatur *momentum stateræ* a Sapiente, *Sap. xi, 23*. Hinc *ἐπὶ* etiam *momentum* significat, ut *ἐπὶ χρόνου*, vocatur *momentum temporis*.

Ex hoc loco Theodoretus, Oecumenius, Anselmus, Nyssenus, orat. *De Resurrect.*; Hieronymus, epist. ad *Minerium* jam citata; Augustinus, epist. 49, cap. i, colligunt resurrectionem non in tempore brevissimo, sed in instanti futuram: quod de corporum formatione, organizatione, animatione, vivificatione verum est, idque hæc Apostoli verba significant, cum ait *in momento*; sed de motu locali, v. g. ut partes corporis resuscitandi a variis locis in unum colligantur momento, valde dubium est. Asserit S. Augustinus, et fieri

Resurrectio fiet in instanti.

Antranslatio corporum

SORPTA EST MORS IN VICTORIA. — Quæres : Ubi hoc est scriptum? Respondent aliqui scriptum esse *Isaia* xxv, 8, ubi dicitur : « Præcipitabit mortem in sempiternum; ubi Septuaginta vertunt, *κατέπιεν*, id est, *devoravit mors prævalens*. Devoravit per hebraismum idem est, quod devorata est. Ita Eusebius, lib. IV *Demonstr.*, cap. xii, et Athanasius, lib. *De Passione et Cruce*. Vel *devoravit mors*, scilicet Christi, mortem mundi. Ita Ribera in *Osee* xiii, num. 27.

Sed hæc nonnihil obscura et torta videntur. Nam in *Isaia* diserte Septuaginta active vertunt, *κατέπιεν*, id est, *devoravit*; Paulus vero hic habet *κατέπιδεν*, id est, *devorata est*, absorpta est : quæ contraria videntur. Quare aptius dicemus Paulum citare *Isaia* locum jam dictum non secundum Septuaginta, sed secundum textum Hebræum, atque pro *בלע* *billa*, id est, præcipitavit, absorpsit, aliis punctis legisse *בלע* *bullā*, id est absorpta est mors; *לנצח* *lanetsach*, quod *primo*, verti potest, in *victoria*, ut vertit hic Paulus; *secundo*, in *perpetuum*, ut vertit S. Hieronymus, *Isaia* xxv. Vide nostrum Gasparem Sanchez ibidem.

Secundo, alii censent hæc sumpta esse non ad verbum, sed quoad sensum ex *Osee* xiii, 14, ubi dicitur : « De manu mortis liberabo eos, de morte redimam eos; » hoc enim in re idem est cum eo quod hic ait Apostolus : « Absorpta est mors in victoria. » Nam patet ex eodem *Osee* petita esse sequentia Apostoli verba, quæ continuo hisce subjungit, dicens :

Vers. 55. 55 UBI EST, MORS, VICTORIA TUA? UBI EST, MORS, STIMULUS TUUS? — Citat Paulus *Osee* cap. xiii, 14, ubi Noster vertit, *ero mors tua*, o mors; morsus tuus *ero, inferne*. Unde patet hic duplicem esse ex Hebræo versionem, utramque canonicam; tam enim Nostra in *Osee*, quam Septuaginta, quos sequitur hic Paulus, est canonica.

Ubi nota *primo* : Hebræum *אחי* *ehi* significat *ero*, ut vertit Noster in *Osee* cap. xiii, 14, jam citato. *Secundo*, ut R. Jona, *ehi* per metathesin sumitur pro *אחי* *atie*, id est *ubi*, ut vertunt Septuaginta, et Paulus hic : et ita *אחי* vertit Noster, Septuaginta et Chaldaica, *Osee* xiii, 10.

Nota *secundo* : Pro *mors tua*, hebraice est *דברך* *debarecha* : quod si a *דבר* *deber* deducas, significat *pestes tue*, q. d. O mors, ero plenissima pestis et mors tua; et, ut Symmachus vertit, *ero plaga tua*. Sin a *דבר* *dabar*, id est verbum, deducas, significat, *ubi verba tua*, vel *sermones tui*? ut vertit Aquila et quinta editio. Septuaginta vertunt *δύναμις*, hoc est *causa*; pro quo Paulus hic habet *νίκης*, id est *victoria*. Unde putant aliqui Paulum apud Septuaginta legisse *νίκης* vel *νίκη* pro *δύναμις*; sed omnia vetera exemplaria Septuaginta interpretum, teste Hieronymo, habent *δύναμις*, id est *causa*. Melius ergo dicemus, Apostolum immutasse verba, non sensum, cum pro *causa* posuit *victoriam*. Græcum enim *δύναμις* quatuor significat. *Primo*, causam forensem; et, ut Hieronymus in

Osee cap. xiii, vertit, *contentionem*, q. d. Ubi est, o mors, *causa* tua contentiosa, qua in Dei iudicio homines ob peccatum mortis reos peragebas et vincebas? *Secundo*, significat *δύναμις* sententiam, q. d. Ubi est, o mors, sententia tua, qua scilicet omnes tibi, id est morti, adjudicati sunt? *Tertio*, significat jus, q. d. Ubi est jus quod olim habebas in omnes? *Quarto*, significat pœnam, q. d. Ubi est pœna illa durissima qua homines puniebas et perdebas? Et hoc quantum alludit ad Hebræum *deber*, id est pestis; priora tria alludunt ad *dabar*, id est verbum. Ex quibus patet in re causam idem esse quod victoriam.

Nota *tertio* : Pro *morsus tuus*, hebraice est *קטבך* *katabcha*, quod Symmachus *occursum* vertit; Theodotion et quinta editio, *plagam et conclusionem*; Septuaginta *κέντρον*, id est *stimulus*, aculeus, quo scilicet mors homines confodiebat et occidebat. Proprie *katabcha* significat excisionem, qua Christus mortem omnia succidentem succidit. Hoc enim est *קטב* *katob*, scilicet evulsio, excisio, excidium, seu exitium, hoc est lues subito evellens et exscindens, qualis est febris valida, pestis, apoplexia, quæ subito mortem adfert; ipsaque mors subitanea, quæ hominem avellit et exscindit.

Noster apte vertit, *morsum*. Ubi adverte, *morsus* hic tam passive quam active sumi potest, q. d. Ego Christus mordebor a te, o mors, et o inferne; sed ita, ut a te morsus te vicissim mordeam, ita ut a te quasi absorptus viscera tua dirumpam, itaque fideles electos educam e ventre tuo.

Nota *quarto* : Pro *inferne*, ut habent Hebræa, et Noster in *Osee*, et Græca hic, *πρό σου, ᾧδν, τὸ νίκης*; ubi est, o inferne, victoria tua? Interpres noster vertit, *ubi est, mors, victoria tua?* eodem sensu; *infernus* enim et *mors* significant statum mortuorum; omnes enim olim ante Christum, post mortem in limbum descendebant. Sic *Act. ii, 24*, et alibi Græcum *θανάτου*, id est, *mortis*, noster Interpres vertit, *inferni*. Eodem ergo redit versio Septuaginta, quam sequitur Paulus, cum Nostra et Hebræo *Osee* xiii. Sensus ergo est : « Ubi est victoria et stimulus tuus, » quo soles homines occidere eisque dominari? q. d. Periiit, confractus est a Christo, qui est mors tua, o mors; et morsu suo te, o inferne, dirupit et absorpsit.

Ubi adverte : Hoc cœptum est impleri cum Christus resurrexit et animas sanctorum e limbo reduxit, sicque ex inferis quasi morsu hanc partem abstulit. Ita Anselmus et Origenes, hom. 22 in *Evangelia*, et Augustinus, serm. 137 *De Tempore*; perfecto autem implebitur in communi resurrectione, ut hic docet Apostolus. Pulchre S. Hieronymus in epitaphio Nepotiani ad Heliodorum, mortem alloquens, illique cum Paulo insultans : « Qui, inquit, per *Osee* quondam tibi rigidius minabatur, Ero mors tua, o mors; ero morsus tuus, inferne : illius morte tu mortua es ;

sim
cat
mor
sam
mas
S
scilicet
tiaz
Tertio
jus
Quarto
pœnam

Pro
morsus
L
br.
as
kato
id est
cat
dun

Christus
morsus
morsus
dit u
ferens

Inferus
et mors
scilicet
causam
tum
mortuorum

Sensus
Osee et
Pauli

S. H.
Hieronymus
et S. Origenes
in Epistola ad
Heliodorum

Duplex
lectio in
Hebræo,
indeque
varia
versio.

Deber et
Dabar.

Δύναμις
quatuor

illius morte nos vivimus : devorasti, et devorata es; dumque assumpti corporis Christi sollicitaris illecebra, et avidis faucibus prædam putas, interiora tua adunco dente (vel, ut alii legunt, *unco*) confossa sunt. Gratias tibi, Christe Salvator, tua agimus creatura, quod tam potentem adversarium nostrum, dum occideres, occidisti. »

Ita S. Franciscus cum gravissimis arderet corporis doloribus, nullum aliud fomentum habebat, quam ut ipse divinas laudes caneret, et alios canentes audiret; cumque objurgaretur ab Elia dicente, illud tempus extremum penitentiae dandum, non gaudio, respondit : « Non licere sibi aliud facere, cum sciret se brevi cum Deo fore. » B. Reginaldus, unus e primis S. Dominici sociis, cum moneretur, ut extrema se unctione, ut moris est, ad luctum cum dæmone præpararet : « Ego, inquit, hanc luctam minime reformido, quin potius lætus exspecto. Jam enim dudum mater misericordiæ me inunxit, in qua plurimum confido, et ad quam cupide proficiscor. » S. Bernardus, serm. 26 in Cant., loquens de morte fratris sui Gerardi, qui animam agens, in illam Psaltis vocem eruperat : « Laudate Dominum de cælis, laudate eum in excelsis, » sic ait : « Jam tibi, frater mi, nocte adhuc media diescebat, nox sicut dies illuminabatur. Accitus sum ego ad id miraculi, videre exultantem in morte hominem,

insultantem morti : Ubi est, mors, victoria tua? ubi est, mors, stimulus tuus? Jam non est stimulus, sed júbilus. Jam cantando moritur homo, et moriendo cantat. »

56. STIMULUS AUTEM MORTIS PECCATUM EST. — Vers. 56. « Stimulus, » per quem scilicet mors nobis præcipue nocet et pungit : sicut enim scorpius, licet parvus sit, per aculeum, ita mors per peccatum omnes occidit, ait Theophylactus, quæ sine peccato nihil poterat. Rursum, mors per peccatum, et per peccati conscientiam quasi stimulum nos stimulat et pungit, dicens animæ : Merito moreris, merito pateris, quia peccasti.

Sicut scorpius per aculeum, ita mors per peccatum occidit.

VIRTUS VERO PECCATI LEX, — q. d. Peccatum maxime vires exerit per legem, id est per occasionem legis vetantis : semper enim nitimur in vetitum, cupimusque negata, ut fusius dixi ad Rom. vii, 8 et 13. Ita Theodoretus, Theophylactus, Ambrosius, Anselmus.

57. DEO GRATIAS (agimus), QUI DEDIT NOBIS VICTORIAM — de peccato et morte. Vers. 57.

58. ITAQUE, FRATRES MEI, STABILES ESTOTE, — Ver. 58. in fide scilicet resurrectionis, ut abundetis in operibus bonis, quæ Domino Deo placent, ad ea vos excitando per spem resurrectionis et præmii æterni : scientes quod labor vester non erit inanis, nec mercedis expers apud Dominum. Hoc enim est *in Domino*.

CAPUT DECIMUM SEXTUM.

SYNOPSIS CAPITIS.

Jubet fieri collectam pro pauperibus Hierosolymitanis.

Secundo, vers. 10, commendat eis Timotheum, et vers. 13, Stephanam, Achaicum et Fortunatum.

Tertio, vers. 19, suos salutatur, et vers. 22, iis qui non diligunt Christum, intentat anathema Maran Atha.

1. De collectis autem, quæ fiunt in sanctos, sicut ordinavi Ecclesiis Galatiæ, ita et vos facite. 2. Per unam sabbati unusquisque vestrum apud se seponat, recondens quod ei bene placuerit : ut non, cum venero, tunc collectæ fiant. 3. Cum autem præsens fuero, quos probaveritis per epistolas, hos mittam perferre gratiam vestram in Jerusalem. 4. Quod si dignum fuerit ut et ego eam, mecum ibunt. 5. Veniam autem ad vos, cum Macedoniam pertransiero : nam Macedoniam pertransibo. 6. Apud vos autem forsitan manebo, vel etiam hiemabo : ut vos me deducatis quocumque iero. 7. Nolo enim vos modo in transitu videre, spero enim me aliquantulum temporis manere apud vos, si Dominus permiserit. 8. Permanebo autem Ephesi usque ad Pentecosten. 9. Ostium enim mihi apertum est magnum, et evidens : et adversarii multi. 10. Si autem venerit Timotheus, videte ut sine timore sit apud vos, opus enim Domini operatur, sicut et ego. 11. Ne quis ergo illum spernat : deducite autem illum in pace, ut veniat ad me : exspecto enim illum cum fratribus. 12. De Apollo autem fratre vobis notum facio, quoniam multum rogavi eum ut veniret ad vos cum fratribus : et utique non fuit voluntas ejus, ut nunc veniret : veniet autem, cum ei vacuum fuerit. 13. Vigilate, state in fide, viriliter agite, et confortamini. 14. Omnes

vestra in charitate fiant. 15. Obsecro autem vos, fratres, nostis domum Stephanæ, et Fortunati, et Achaici : quoniam sunt primitiæ Achaïæ, et in ministerium sanctorum ordina-verunt seipsos : 16. ut et vos subditi sitis ejusmodi, et omni cooperanti et laboranti. 17. Gaudeo autem in præsentia Stephanæ, et Fortunati, et Achaici : quoniam id, quod vobis deerat, ipsi suppleverunt : 18. refecerunt enim et meum spiritum, et vestrum. Cog-noscite ergo qui hujusmodi sunt. 19. Salutant vos Ecclesiæ Asiæ. Salutant vos in Domino multum, Aquila et Priscilla cum domestica sua Ecclesia : apud quos et hospitor. 20. Salu-tant vos omnes fratres. Salutate invicem in osculo sancto. 20. Salutatio, mea manu Pauli. 22. Si quis non amat Dominum nostrum Jesum Christum, sit anathema, Maran Atha. 23. Gratia Domini nostri Jesu Christi vobiscum. 24. Charitas mea cum omnibus vobis in Christo Jesu. Amen.

Vers. 1. 1. DE COLLECTIS (eleemosynarum) QUÆ FIUNT IN SANCTOS, SICUT ORDINAVI ECCLESII GALATIÆ, ITA ET VOS FACITE. — « In Sanctos, » hoc est in Chris-tianos pauperes Hierosolymis agentes, de quibus vers. 3, et Rom. xv, 26; Christiani enim qui Hie-rosolymis erant, a contribulibus suis, utpote Judæis, acerbissimis Christi hostibus, suis bonis sunt spoliati et valde afflicti, ut patet Hebr. x, 34. Unde S. Paulo in Concilio Hierosolymitano ita Gentium demandata fuit cura, ut tamen paupe-rum Judæorum memor esset, Gal. ii, 10. Hinc studiose pro iis collectam fieri imperat, quæ deinceps perduravit usque ad tempora Theodosii, ut dicam II Cor. initio capitis viii.

Vers. 2. 2. PER UNAM SABBATI (id est in primo die heb-domadæ, videlicet Dominica) UNUSQUISQUE VES-TRUM APUD SE SEPONAT, — id, quod volet dare ad hanc collectam.

Nota : « Unam, » id est primam : hebraismo enim ponitur numerus cardinalis pro ordinali.

Una sab-bati est prima dies heb-domadæ, puta Do-minica. *Secundo*, « sabbatum » hic idem est quod hebdo-mada, quia a sabbato quasi præcipuo die, in sab-batum sequens numerabant Judæi dies hebdo-madæ, ipsasque hebdomadas : ita scilicet, ut pri-ma sabbati, sive post sabbatum, esset Dominica. Ita Ambrosius, Chrysostomus, Theophylactus, OEcumenius et omnes alii. Simile Act. xx, 7. *Una* ergo, sive prima *sabbati* vel hebdomadæ, est dies dominica : Dominica enim conveniebant fi-deles in ecclesia, et faciebant suas oblationes, uti etiamnum faciunt. Nam ex hoc Apostoli loco patet, ex Apostolica institutione, collectam fieri solitam die dominica. Unde cum Constantinopoli ea consuetudo exolevisset, S. Chrysostomus eam restitui curavit, deque hac re insignem habuit ora-tionem illam de eleemosyna et collationibus. Rursum notat hic Chrysostomus apte juberi, ut hæc collecta fiat die dominica, quia illo die Deus mundum creavit, Genes. cap. i, et perditum re-creavit, dum Christus die dominica resurrexit, et die dominica misit Spiritum Sanctum; ut me-mores tantæ misericordiæ acceptæ illo die, in alios quoque indigentes nos ipsi misericordes et liberales simus.

Quare inepte Magdeburgici per *unam sabbati*

intelligunt sabbatum ipsum : quod non Christia-norum, sed Judæorum erat festum.

Hinc rursus patet, tempore Apostolorum, mu-tatum esse sabbatum in Dominicam, idque clare significatur Apoc. i, 10 : « Fui, inquit Joannes, in spiritu in dominica. » Hinc *secundo*, sequitur, con-tra Novantes, servandas esse traditiones etiam non scriptas : nec enim usquam Scriptura jubet Do-minicam servari pro sabbato.

SEPONAT, RECONDENS QUOD EI BENE PLACUERIT. — S. Thomas et Cajetanus putant quemque fidelium domi seposuisse in dominico die hanc collectam, ut non eodem die, sed postea eam daret in ec-clesia, tunc scilicet cum esset mittenda ad pau-peres Hierosolymitanos. Verum contrarium docet praxis, ut dixi, qua ad altare, ipso die dominico, fiunt oblationes; et Apostolus cum addit : « Ut non, cum venero, tunc collectæ fiant. » Vult ergo eas ante fieri, nimirum, ut dixi, « una sabbati, » hoc est Dominica, ut scilicet ante cœnam et aga-pem quisque apud se seponat, quod mox veniens in ecclesiam ad cœnam offerat in eleemosynam et collectam. Nota : Pro *recondens*, græce est *θησαυρίζων*, id est *thesaurisans*. Qui enim aliquid recon-dit et thesaurizat pauperibus, hic sibi ipsi thesau-rum comparat et reponit in cœlo.

QUOD EI BENE PLACUERIT. — *Ὅτι διὰ εὐδοκίας*, id est, ut Vatablus, *quod ei prospere a Deo obveniret, q. d.* Offerat pro fortune suis, pro prosperitate, quam a Deo accepit. Noster videtur legisse *εὐδοκίᾳ*, id est, *bene placuerit*. Sane, ut vidimus cap. præced., Græca multis in locis sunt corrupta.

3. MITTAM GRATIAM (eleemosynam) VESTRAM IN JERUSALEM. — Notat OEcumenius, non vocari hic eleemosynam, quæ revera talis erat, quia mise-rum est nomen eleemosynæ et indignum sanctis qui eam accepturi erant, sed civilius vocari « gra-tiam, » benedictionem, communicationem.

4. QUOD SI DIGNUM FUERIT UT ET EGO EAM, MECUM IBUNT. — Hisce verbis Paulus Corinthios stimulat ad largiorem collectam, ut scilicet tantam faciant, quam dignum sit ut ipsemet perferat (1).

8. PERMANEBO AUTEM EPHESI USQUE AD PENTECOS-

(1) Vers. 7. *Modo*, id est *hac vice*.

Apostolus mu-ta-vit sab-batum in Do-mini-cam.

Vers. 2.

Vers. 4.

Vers. 8.

TEN, — quia scilicet Ephesi erat celeberrimum illud Dianæ templum, ibique residebant Asiæ Minoris primarii. Unde Ephesi habitabat Proconsul Asiæ, et, ut Philostratus, lib. VIII *Vitæ Apollonii*, testatur, plurimum Ephesi vigeat sapientia. Itaque major ibi messis erat S. Paulo; quæ causa fuit cur Ephesi morari et permanere statueret.

Vers. 9. 9. **OSTIUM MIHI APERTUM EST MAGNUM.** — Magna scilicet Ephesi mihi se aperit occasio et aditus Evangelii seminandi, et convertendi multos. Ita Ambrosius.

Vers. 12. 12. **VENIET AUTEM (ad vos, o Corinthii, Apollo) CUM EI VACUUM (id est opportunum) FUERIT.** — Ita Ambrosius.

Vers. 14. 14. **OMNIA VESTRA IN CHARITATE FIANI.** — « In charitate, » non supernaturali, sed « in charitate, » id est sincero affectu et dilectione, qualem etiam poenitentes, imo et infideles habere possunt. Ita aliqui. Verum hæc non est charitas, quam Scriptura et Paulus fidelibus commendat, sed tantum amor naturalis, quem etiam habent Ethnici et Pagani. Sensus ergo proprie est, *q. d.* Paulus: O Corinthii, non in contentione, non cum ambitione et schismate (ut dixi capitib. II et XIV), sed cum charitate Christiana, quæ virtus est divina a Christo vobis infusa, omnia vestra facite. Est hoc partim præceptum, partim consilium, ut dixi cap. X, vers. 31.

Vers. 15 et 16. 15. **OBSECO VOS, FRATRES.** — Est hoc versu hyperbaton, quod sic cum Theophylacto ordinandum est: « Obsecro vos, fratres, ut subditi sitis Stephanæ, Fortunato, Achaico (et omni cooperanti et laboranti): nostis enim domum (id est domos, puta familias) eorum, quoniam (quod) primitiæ sunt Achaïæ (primi scilicet qui ex Achaïa crediderunt Christo), quique se (suaque) ordinauerunt et addixerunt ministerio sanctorum, » ut scilicet exerceant hospitalitatem in Christianos egenos et peregrinos, maxime qui laborant in Evangelio.

Nota *et subditi sitis*, nimirum honorando eos, eorum monita et exempla sequendo. Rursum *cooperantes et laborantes* vocantur hic illi, qui viros jam dictos adjuvant, eisque cooperabantur in re Evangelica, et pro ea cum iis laborabant.

Vers. 17. 17. **GAUDEO IN PRÆSENTIA STEPHANÆ, ET FORTUNATI, ET ACHAICI** (« in præsentia, » quia scilicet hi viri vobis præsentibus sunt, ut quod vobis deest in fide et doctrina Christiana, ipsi suppleant et doceant, vosque in ea confirment. Ita Anselmus. *Secundo* et aptius, Theophylactus, « gaudeo in præsentia, » quia scilicet hi viri mihi Paulo præsentibus sunt), **QUONIAM ID QUOD VOBIS DEERAT** (circa meum ministerium), **IPSI SUPPLEVERUNT** (ut pro vobis mihi ministrarent, suisque opibus et facultatibus me remque Christianam juvarent et promoverent; hoc est enim quod subdit Paulus):

Vers. 18. **REFECERUNT ENIM MEUM SPIRITUM, ET (consequenter) VESTRUM (quoque),** — quia mea refectio, vestra quoque refectio et recreatio est. Putat Theophylactus hos viros a Paulo Corinthiis tam impense

commendari, eo quod hi Corinthiorum schismata et vitia ad Paulum defulissent, ut eis nihil austerrum vel triste ostendant, sed potius ut eos cognoscant, id est ament, colant, honorent (1).

22. SI QUIS NON AMAT DOMINUM NOSTRUM JESUM CHRISTUM, SIT ANATHEMA, MARAN ATHA. — « Anathema » est res quæ cum execratione separatur, abjicitur et destinatur ad extremum exitium; quod in hominibus est æterna damnatio. Non sunt ergo verba excommunicantis, sed execrantis et denuntiantis æternam damnationem iis qui Christum non amant, et infidelibus. Hoc enim est Hebræum **חרם** *cherem*, ut vertit Syrus, de quo dixi Rom. IX, 3. Anathemati proxima censura erat catathema, quæ erat proprie eorum qui se damnatis conjungerent. Unde Justinus, *Quæst. CXXI*: « Anathema, inquit, dicitur id quod reconditum est, et secretum Deo, nec jam ad communem usum sumitur (ut Hebræis *cherem*); aut quod vitii culpæque causa a Deo abalienatum est. Catathema autem est assentiri iis qui anathematizant; id est diris se devovent. »

MARAN ATHA. — Ita Romana; non enim una est dictio *maranatha* (ut pleraque Biblia hic male legunt), sed duæ, *Maran atha*, ut mox patebit.

Quæres, quid sit *Maran atha*? Primo, Erasmus, Beza et Bulingerus, putant idem esse quod *anathema*, ut, sicuti dicitur *abba Pater*, ita e converso dicatur *anathema*, *Maran atha*, legendumque esse non *Maranatha*, sed **מָרָנָא מוֹתָא** *macharamota*: ut sit idem quod Hebræum **חרם** *cherem*, id est anathema, sive res addicta **מוֹתָא** *mota*, hoc est morti. Sed hoc tortum est, et longe distat *macharamota* a *Maran atha*. Nam *Maran atha* hic constanter legunt omnes Latini, Græci et Syrus.

Rursum patet linguarum peritis, *Maran atha* esse vocem Hebræo-syriacam, esseque illud ipsum quod habet hic Syrus interpres **מָרָן** *Maran*, hoc est Dominus noster, **אֵתָא** *etha*, hoc est venit, uti passim omnes hic vertunt; quod pure hebraice diceretur **אֵתָא מָרָנָא** *morenu atha*, hoc est, magister vel Dominus noster venit. *More* enim hebraice magistrum et dominum significat, pro quo Chaldaei dicunt *mar*, Arabes *mir*: inde *mara* vel *maria*, id est domina; *mar* ergo idem est quod *sar*, pro quo Arabes dicunt *sir* (unde Galli suum *Sire* acceperunt), id est dominus. Inde dicitur *Sara*, id est domina. Sic etiamnum Christiani S. Thomæ in India et Babylonia Prælatos suos et Episcopos Chaldaeos vocant *mar*, ut Mar Abraham, Mar Joseph, Mar Simeon, id est, ut Galli dicunt *Monsieur*, vel *Sire Abraham*, *sire Joseph*, *sire Simeon*.

Dices: Quid facit *Maran atha*, id est, *Dominus noster venit*, ad rem et scopum Apostoli?

Respondet Chrysostomus et Theophylactus, Paulum hac voce uti, ut ex Christi ad nostram

(1) Vers. 21. Sensus est: *Restat salutatio a me, quæ est adscripta a me ipso, propria manu.* Atque ita intelligitur, ea, quæ sequuntur, Paulum ipsum adiecisse scribentem, quum alia dictasset.

Opinio
Chryso-
stomi.

carnem adventu et charitate, nos ad omnem virtutis ingressum incitet, et ut « insinuet, ait S. Hieronymus, quod superfluum sit odiis pertinacibus adversus eum velle contendere, quem venisse jam constat. » Unde Græci legunt *ἦλθεν*, id est *venit*, in præterito, q. d., ait Chrysostomus : Ratio cur anathema denuntiem eis, quæ non amant Jesum, est quod ipse jam venit, videlicet in humilitate ad salvandum, ut nulla possit esse eum non diligentibus excusatio. Christi enim adventus et passio adeo amorem conciliat, ut venia dignus non sit, qui eum non amaverit.

Opinio
verior.

Verum hæc ratio frigidior videtur. Ergo notâ, *Maran atha* esse Syro-hebraicum, Hebræis usitatum, sicut Græcis anathema, et sicut Hebræis usitatum erat, *Amen, Osanna, Alleluia*, quæ proinde apud Latinos manserunt. Vide S. Hieronymum, epist. 137 ad *Marcellam*, et S. Augustinum, epist. 178. Subjicit itaque Paulus post *anathema, Maran atha*, quia Hebræi quempiam condemnantes solebant id facere sub comminatione et contestatione præsentis divini iudicii, ut patet *Dan. xiii*, 58 et 59; *Psal. ix*, 20, q. d. *Maran atha*, id est Dominus venit, scilicet vindex ad iudicium : aut potius *Maran atha*, id est veniat Dominus iudex, ut eum qui Christum non amat, anathemate feriat, damnet et puniat.

Est hic
euphe-
mismus.

Ubi advertit : Per euphemismum, boni ominis causa, solent Hebræi punitionem hanc tacere et subaudire. Sic dicunt jurando per execrationem : « Hæc faciat mihi Deus, et hæc addat, » non ad dentes, nec exprimentes, quam pœnam, ignem, aut mortem sibi addi velint, sibi que imprecentur, si juramentum violarint, idque ex summa juramenti religione et reverentia, atque ex sacro quodam horrore timentes verentesque ne execratio hæc vel nominata quoquo modo eos afflet et invadat : sicuti apud nos qui excandescunt, dum execrantur, vel gravem pœnam aut cladem aliqui sibi amico imprecentur, solent mox addere : Deus hoc avertat, Deus prohibeat, Deus custodiat nos. Pari modo et hic cum dicitur, *Maran atha*, hoc est, Dominus noster venit, sive veniat, supple et subaudi, ad iudicium, ut scilicet extremam et æternam cladem et calamitatem infidelibus Christianis hostibus afferat et infligat. Est enim *maran*

atha, sicut et *anathema*, vox execrantis et condemnantis ; unde Anselmus : « Si quis, inquit, non diligit Dominum Jesum, sicut ei non est utilis adventus ejus, qui jam completus est ; sic ad damnationem sit ei secundus, qui adhuc futurus est. » Huc pertinet et illa Titelmanni expositio : « sit anathema, » id est execratus, *maran atha*, id est in adventu Domini, vel cum Dominus veniet ad iudicium. Unde et S. Clemens ita videtur interpretari *Maran atha*, cum huc alludens ita ait, in fine epist. 2 : « Hæc, frater Jacobo, de ore S. Petri jubentis audiui : si quis præcepta hæc integra non custodierit, sit anathema, usque ad adventum Domini nostri Jesu Christi. » Quibus ultimis verbis quid aliud explicat, quam Petri et Pauli *Maran atha* ?

*Maran
atha* est
vox ex-
ecrantis et
condem-
nantis.

Alludit Paulus ad illud *Malachie* cap. ultim. vers. 6 : « Ne forte veniam, et percutiam terram anathemate ; » et primitus ad prophetiam Henoch, quam citat Judas, vers. 14 et 15 : « Ecce, inquit, venit Dominus in sanctis millibus suis, facere iudicium contra omnes, et arguere omnes impios. » Simile anathema est apud Rabbinos *אנא חסדא* *hasschem atha*, et contracte *אנא חסדא* *scamatha*, id est Dominus venit : licet enim *אנא חסדא* *atha*, id est venit, sit præteritum, tamen hic accipitur pro optativo *veniat* ; Hebræi enim sæpe commutant tempora, ut præteritum pro præsentem, vel futuro, aut optativo capiant.

Alludit
Paulus
ad *Ma-
lachie*
ult. cap.
vers. 6.

Ex hoc *Maran atha* Hispani Christiano-Judæos et Mauros, cum a christianismo apostatarunt, et resilierunt ad suum judaismum vel mahometismum, vocant Maranos, quasi anathemata. Ita ex diplomatibus antiquorum regum docet Joannes Mariana, lib. VII *Historiæ Hispaniæ*, et Baronius, tom. IX, in fine anni Christi 773. Maranus ergo idem est quod *καθάρμα*, et excommunicatus ob apostasiam, qui scilicet a christianismo recidit in judaismum, vel mahometismum. Errat ergo vulgus, quod dici putat, Maranus quasi Mauranus, id est Maurus vel Judæus, qui abstinet porcina, quam vulgus Hispanorum inde vocat *marana*.

Maranus
quis
et
unde
dicitur?

24. CHARITAS MEA (qua vos diligo) CUM OMNIBUS VOBIS SIT (ut simili charitate sincera vicissim me et invicem diligatis) IN CHRISTO (et propter Christum. Ita Ambrosius et Anselmus). AMEN.

Vers. 24.

ÆTERNITATEM cogita, Anathema, Maran atha!

COMMENTARIUS

IN SECUNDAM EPISTOLAM

AD CORINTHIOS.

ARGUMENTUM.

Materia
et objec-
tum hu-
jus Epi-
stolæ.

Consolatur Corinthios, quos objurgabat priori Epistola, et fornicarium excommunicatum jam poenitentem absolvit. Hinc agit de vera poenitentia, de dignitate ministrorum novi Testamenti, de infidelium societate cavenda, de patientia, de eleemosyna in pauperes Hierosolymitanos, de fuga pseudoapostolorum, qui Pauli æmuli, Corinthiis se insinuant, Paulumque deprimebant, contra quos apologiam, se laudando, texit; ac demum nonnullis Corinthiorum neodum resipiscentibus Apostolicam potestatem et minas intonat. Adeoque tota fere Epistola hæc, est apostolatus Pauli apologia et encomium (1). Scriptam

(1) Hujus Epistolæ summa, ait Bernardinus a Piconio, consolatoria est et apologetica; Corinthiorum consolatoria, Pauli defensoria. Hæc vero Rosenmullerus: « Desiderari in hac Epistola arctiorem argumenti connexionem a multis est animadversum. De causis sæpe interruptæ connexionis et turbati ordinis disputat Zieglerus, *Theol. Abhandlungen*, tom. II, p. 105. Constitui tamen possunt præter exordium et epilogum, partes principales tres, quarum prima septem primis capitibus absolvitur, in qua Apostolus potissimum adversariorum eriminationibus occurrit, atque ita muneris sui dignitatem simul et efficaciam commendat, ut passim ἀντιπαρρησίαν illorum calumniatorum interserat, imo subinde per digressiones quasdam primaria religionis Christianæ capita luculenter exponat. In secunda parte adhortatur Corinthios ad eleemosynas in usum pauperum Christianorum Hierosolymitanorum contribuendas, cap. viii-ix, simulque, multa

Philippis in Macedonia, missam per Titum et Lucam, habent Græca, Syrus et Latina Complut. in fine Epistolæ: Baronius tamen scriptam vult Nicopoli anno Christi 58, cum scilicet Apostolus Epheso, ubi primam scripsit Epistolam, post tumultum Demetrii, cedere coactus, relicto Ephesi Episcopo Timotheo, venit Troadem, ut hic ait cap. ii, ubi non inveniens Titum, perrexit in Macedoniam, ex Macedonia perrexit in Græciam, mari scilicet Ægei Cycladas adnavigans attigit Cretam, ubi Titum reliquit, ad Titum i, 5. Inde tandem in Græciam Nicopolim, ubi scilicet staterat hiemare et quiescere, devenit, ad Titum iii, 12. Ita Baronius, tom. I, pag. 575. Estque probabile ibidem in quiete et otio hanc Epistolam scripsisse: nil tamen certi hic dici potest; potuit enim Apostolus per Asiam cursitans ire et redire Philippos, ibique hæere tantisper dum hanc scriberet Epistolam: nec enim omnes Apostoli moras, cursus et recursus narrat Lucas, *Actuum* xx (2).

hujus suæ hortationis argumenta in medium producit. In tertia parte redit ad defensionem sui Apostolatus, nempe cap. x et seqq. fere usque ad finem. »

(2) Sepp scriptam hanc Epistolam putat ann. Christi 54 exeunte, in Macedonia, paulo ante eam quæ est ad Rom., quia in epist. II ad Corinth. urgetur adhuc negotium faciendæ collectæ, quam factam et paratam, ut a se perferatur Hierosolymam, ad Rom. scribens significat.

UM
scripta
fuerit
hæc Epi-
stola.

CAPUT PRIMUM.

SYNOPSIS CAPITIS.

Primo, ostendit Paulus, ex quantis in Asia tribulationibus eripuerit eum Dominus, ut ipse alios consolaretur.

Secundo, vers. 12, insinuat se Corinthiis, declarando cordis sui et doctrinæ sinceritatem.

Tertio, vers. 17, amolitur a se levitatis et inconstantiae notam : quod ad eos, uti promiserat, non venerit ; simulque asserit firmam et constantem esse suæ prædicationis veritatem.

1. Paulus Apostolus Jesu Christi per voluntatem Dei, et Timotheus frater, Ecclesiæ Dei quæ est Corinthi, cum omnibus Sanctis, qui sunt in universa Achaia. 2. Gratia vobis, et pax a Deo Patre nostro et Domino Jesu Christo. 3. Benedictus Deus et Pater Domini nostri Jesu Christi, Pater misericordiarum, et Deus totius consolationis, 4. qui consolatur nos in omni tribulatione nostra, ut possimus et ipsi consolari eos, qui in omni pressura sunt, per exhortationem qua exhortamur et ipsi a Deo. 5. Quoniam sicut abundant passionem Christi in nobis, ita et per Christum abundat consolatio nostra. 6. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earundem passionum, quas et nos patimur : 7. ut spes nostra firma sit pro vobis : scientes quod sicut socii passionum estis, sic eritis et consolationis. 8. Non enim volumus ignorare vos, fratres, de tribulatione nostra, quæ facta est in Asia, quoniam supra modum gravati sumus supra virtutem, ita ut tæderet nos etiam vivere. 9. Sed ipsi in nobismetipsis responsum mortis habuimus, ut non simus fidentes in nobis, sed in Deo qui suscitavit mortuos : 10. qui de tantis periculis nos eripuit, et eruit : in quem speramus, quoniam et adhuc eripiet, 11. adjuvantibus et vobis in oratione pro nobis : ut ex multorum personis, ejus quæ in nobis est donationis, per multos gratiæ agantur pro nobis. 12. Nam gloria nostra hæc est, testimonium conscientiæ nostræ, quod in simplicitate cordis et sinceritate Dei, et non in sapientia carnali, sed in gratia Dei, conversati sumus in hoc mundo : abundantius autem ad vos. 13. Non enim alia scribimus vobis, quam quæ legistis et cognovistis. Spero autem quod usque in finem cognoscetis ; 14. sicut et cognovistis nos ex parte, quod gloria vestra sumus, sicut et vos nostra in die Domini nostri Jesu Christi. 15. Et hac confidentia volui prius venire ad vos, ut secundam gratiam haberetis ; 16. et per vos transire in Macedoniam, et iterum a Macedonia venire ad vos, et a vobis deduci in Judæam. 17. Cum ergo hoc voluissem, numquid levitate usus sum ? Aut quæ cogito, secundum carnem cogito, ut sit apud me *Est et Non* ? 18. Fidelis autem Deus, quia sermo noster, qui fuit apud vos, non est in illo *Est et Non*. 19. Dei enim Filius Jesus Christus, qui in vobis per nos prædicatus est, per me, et per Sylvanum, et Timotheum, non fuit *Est et Non*, sed *Est* in illo fuit. 20. Quotquot enim promissiones Dei sunt, in illo *Est* : ideo et per ipsum Amen Deo ad gloriam nostram. 21. Qui autem confirmat nos vobiscum in Christo, et qui unxit nos, Deus : 22. qui et signavit nos, et dedit pignus Spiritus in cordibus nostris. 23. Ego autem testem Deum invoco in animam meam, quod parcens vobis, non veni ultra Corinthum : non quia dominamur fidei vestræ, sed adiutores sumus gaudii vestri : nam fide statis.

Vers. 1. 1. TIMOTHEUS FRATER. — « Frater, » id est co-apostolus, uti Papa Episcopos, Episcopus Canonicos, Abbas Monachos *fratres* vocant (1).

Vers. 3. 3. PATER MISERICORDIARUM — misericordissimus : est Hebraismus, de quo dixi Rom. xv, 5.

Dens cur dicatur Pater misericordiarum et non iudiciorum? Docte et pie S. Bernardus, serm. 5 *De Natali Domini* : « Recte, inquit, non, Pater iudiciorum, vel ultionum dicitur, sed, Pater misericordiarum : non modo quod pater videatur misereri potius, quam indignari, et quemadmodum pater filiorum misereatur timentium se : sed eo magis quod miserendi causam et originem sumat ex proprio ; iudicandi, vel ulciscendi, magis ex nostro (ex nostris scilicet peccatis). Sed si propter hoc Pater misericordiae, quare Pater misericordiarum? Apostolus nobis in uno Verbo, in Filio uno ipsam quoque misericordiam duplicem commendat, Patrem dicens, non unius tantum misericordiae, sed misericordiarum ; et Deum non unius, sed totius consolationis : qui consolatur nos non modo in hac vel illa, sed in omni tribulatione. Misericordiae Domini multae, ait quidam : quia videlicet multae tribulationes iustorum, et de omnibus his liberabit eos Dominus. Unus est Dei Filius ; unum Verbum, sed miseria nostra multiplex non modo magnam misericordiam, sed multitudinem quaerit miserationum. Forte tamen propter substantiam duplicem, qua subsistit humana conditio, cum sit utraque tam misera, non incongrue duplex hominum dicatur esse miseria, licet sit multiplex in utraque. Siquidem corporis et cordis nostri tribulationes multiplicatae sunt : sed ab utrisque necessitatibus eruit, qui totum hominem salvum facit. » Ubi adverte : S. Bernardus videtur *pater misericordiarum* appropriare Filio, et recte ; sed non ad mentem Apostoli. Apostolus enim illud tribuit Deo Patri, ait enim : « Benedictus Deus et Pater Domini nostri Jesu Christi, *Pater misericordiarum*, » etc. Pater ergo Christi est Pater misericordiarum.

Vers. 5. 5. SICUT ABUNDANT PASSIONES CHRISTI IN NOBIS : ITA ET PER CHRISTUM ABUNDAT CONSOLATIO NOSTRA.

Passiones Christi triplices. — « Passiones Christi » vocat *primo*, quas pro Christo patimur : ita Ambrosius ; *secundo*, « Christi, » id est, quales passus est Christus ; *tertio*, « Christi, » id est, quas ut suas reputat Christus, dicens : « Quodcumque feceritis uni ex minimis istis, mihi fecistis ; » et Saulo, *Act. ix* : « Quid me persequeris? » Ita Oecumenius ; sic Christus patitur in membris suis. Theophylactus addit dici hic *abundant*, quia Christus plura in membris, quam in seipso passus est. Extensive hoc verum est, non intensive. Sic in Laurentio ignem passus est Christus, in Stephano lapides, in Ignatio bestias : Christi enim passio et dolor his omnibus fuit major in se et intensior. Sensus ergo est, q. d.

(1) « Cum omnibus sanctis qui sunt in universa Achaia : » voluit igitur Paulus, ut exempla hujus Epistolae ad alias in Achaia Ecclesias mitterentur, ut tum fieri solebat.

Theophylactus : Ne respondeas animum, quisquis pateris afflictiones et mala, quia quantum exuberant mala, tantum exuberant consolationes.

Ubi nota *primo*, cum Theophylacto, non dici : Aequatur consolatio passionibus, sed, exuberat et longe major est consolatio ipsis afflictionibus, ut qui affligitur, eas patienter, imo lubenter et hilariter ferat, iis gaudeat et dominetur. *Secundo*, id habent passionem Christi, ut pro earum mensura det Christus et mensuram consolationum, ut quantum crescit passio, tantum crescat et consolatio. E contra passiones mundi sunt fel sine melle, et quantum illae crescant, tantum crescant et desolationes, mœores, angores. *Tertio*, hinc sequitur, quod non fugienda, sed ambienda sit crux et passio (utpote tot divinis consolationibus et gaudiis condita) cum S. Andrea, Ignatio, Xaverio, qui quotidie orabat pro cruce, nec ulla liberari volebat, nisi Deus illi graviores immitteret.

6. SIVE TRIBULAMUR, PRO VESTRA EXHORTATIONE. Vers. 6. — q. d. Tribulationes patimur, ut vos consolemur et salvemus, et ut patientia nostra, spe in Deum, ejusque consolatione vos animemus, ad afflictiones nobiscum pro fide fortiter ferendas. Ita Ambrosius. Vide Chrysostomum in morali hom. 1 *De Spe et Fortitudine in temptationibus servanda*.

QUAE (scilicet salus, quasi finis exoptatus) OPERATUR TOLERANTIAM. — Sic graece etiam Erasmus legit, τῆς ἐντολῆς ἐν ὑπομονῇ, quae operatur in tolerantia, vel hebraismo, tolerantiam, ut sit *bet* contactus. Alii passim legunt, τῆς ἐντολῆς ἐν ὑπομονῇ, id est, ut Theophylactus, quae, scilicet salus, efficitur in tolerantia ; Ambrosius, per patientiam, meritorie scilicet, ac proinde efficit tolerantiam in genere causae finalis : efficiens enim et finis invicem sibi sunt causae ; sic ergo salus quasi finis imperat et operatur patientiam, et vicissim patientia quasi efficiens operatur salutem. Adde, ἐντολῆς, licet terminatione sit passivum, significatione tamen, quasi verbum medium, saepe est activum, ut patet I *Thess. ii, 13, Galat. v, 6*, et sic cum Vatablo optime vertit Noster, « quae operatur in tolerantia, id est tolerantiam. Sic enim Hebraei loquuntur : Tango in baculo, id est, tango baculum. Sensus ergo est : Quae, scilicet tum exhortatio, tum salus, operatur tolerantiam, q. d. Exhortatio nostra excitat et animat vos ad spem salutis, ut propter eam nobiscum pro fide Christi adversa quaeque fortiter toleretis. Exhortatio ergo operatur tolerantiam effective ad eam excitando ; salus vero inde sperata operatur tolerantiam objective : perinde ac intentio finis operatur amplexum et executionem mediorum (2).

8. QUAE (tribulatio) FACTA EST IN ASIA, — Ephesi Vers. 8.

(2) Vers. 7. « Scientes, » pro *scientibus* scil. vobis : item in graeco pro εἰδέναι positum est εἰδέναι, quam structuram Graecis non fuisse inusitatam ostendit Wolfius ad h. l.

Consolationes divinae majores semper sunt passionibus.

Salus aeterna operatur in nobis tolerantiam in genere causae finalis.

De qua
tribula-
tione hic
loquatur
Paulus?

a Demetrio, argentario Dianæ, qui seditionem populi contra Paulum excitavit, qua pene oppressus fuit Paulus, Act. xix, 29. Ita S. Thomas et alii passim, unico excepto Cajetano, qui putat hujus tribulationis nusquam alibi in Scriptura fieri mentionem.

SUPRA MODUM GRAVATI SUMUS SUPRA VIRTUTEM. — Hoc est, supra vires naturæ et corporis, non gratiæ et animi; nam ope gratiæ invicto animo tribulationem hanc Paulus pertulit et superavit. « Fidelis enim Deus qui non patietur vos tentari supra id quod potestis (per vires et auxilium non naturæ, sed gratiæ), » inquit ipse I Cor. x, 13. Adde, non dicit, Tentatio, sed Gravamen, sive afflictio fuit supra virtutem, quia hæc corpus obruit et extinguit, licet animus servet patientiam, et patientia tentationem vincat.

ITA UT TÆDERET NOS ETIAM VIVERE. — « Tæderet, » per se scilicet, seu naturaliter, ita ut natura malisset mori, quam tantas afflictiones pati; non autem tædebat spectando charitatem et gratiam Dei, qua fortissime et libentissime ad Dei obsequium quasvis afflictiones tollerabat Paulus. Tale tædium fuit in pluribus Sanctis, uti S. Job, x, 1: « Tædet, inquit, animam meam vitæ meæ. » Et in Elia in persecutione Jesabelis, III Reg. xix, 4, ubi sic orat: « Sufficit mihi, Domine, tolle animam meam: neque enim melior sum quam patres mei. » Græcum *ἐκασπρόθυμα* significat tædere, significat et anxium et perplexum esse. Hinc Chrysostomus vertit, *ut dubitarem; Vatablus, ut de vita desperarem*. Unde sequitur: « In nobismetipsis responsum mortis habuimus. »

Nota: Pro nos, græce est *ὑμᾶς*, vos; sic et vers. 11: facile ex *ὑμᾶς* corruptum *ὑμᾶς*, nam sensus exigit nos, non vos. Græcus enim textus multis in locis corruptus est, ut alibi ostendi.

Vers. 9. 9. SED (ἀλλὰ, id est *sed*, ponitur pro ἀλλὰ καί, id est *quin etiam*) IPSI IN NOBISMETIPSIS RESPONSUM MORTIS HABUIMUS, — ut natura et animus aliud nihil præ sagiret et expectaret, quam mortem; mihi que de vitæ statu cogitanti responderet mens et cogitatio mea, esse (ni Deus mire succurreret) moriendum. Ita Ambrosius et Theophylactus.

Græce est ἀπόκριμα, quod primo, « responsum » significat. Secundo, Photius accipit pro crisi medicorum, q. d. Adeo afflictus fuimus, ut a natura et ab aliorum opinione, a viris, inquam, rerum peritis, quasi a medicis, ex morbi et afflictionis crisi desperatæ vitæ judicati simus. Tertio, ἀπόκριμα potest capi pro κρίμα, id est sententia damnationis, q. d. Damnationis sententiam visi sumus accepisse, tanquam essemus a iudice damnati et destinati ad certam mortem. Ita Syrus.

Vers. 10. 10. QUI (DEUS) DE TANTIS PERICULIS NOS ERIPUIT. — Græce, ex τῶν πολλῶν θανάτου, ex tali tantaque morte, id est, mortis periculis tam patentibus et evidentibus. Ita Theophylactus. Ambrosius legit, *de tantis mortibus*.

Est hebraismus. Hebræi מוֹת *mavet*, id est mor-

tem, vocant ingentia discrimina, vehementissimas afflictiones, luctus et agones mortis proximos, ipsamque mortem jamjam affore denuntiantes. Ita Chrysostomus. Sic Psalm. xvii, vers. 5 et 6: « Circumdederunt me dolores mortis et Inferni, præoccupaverunt me laquei mortis. » Et Paulus, II Cor. xi, 23, ait se fuisse in mortibus, id est mortis periculis frequenter.

11. UT EX MULTARUM PERSONIS FACIERUM. — Ita Vers. 12. legunt multa Biblia. Primasius vero ita legit, *ut ex multarum comitatu personarum* (videlicet infantium, juvenum, senum) *pro eo quod vobis donati sumus, Domino gratiæ referantur*; sed corrige cum Romanis et Græcis, *ut ex multorum personis*; vel, ut græce, *ἐκ πολλῶν προσώπων*, ex multis personis, id est ut multæ personæ gratias agent Deo pro dono in nos collato: Græcum enim *πρόσωπον* et faciem et personam significat; hic magis personam. Ambrosius legit, *ex multorum facie*, id est, ut multæ facies et ora multa Deo gratias agent, q. d. Ut per multos in magna hominum frequentia publice agantur gratiæ Deo pro liberato et recepto Paulo, communi omnium parentis et Apostolo.

EUJUS QUÆ IN NOBIS EST DONATIONIS. — Refer ad gratiæ agantur, scilicet donationis, id est, ut Vatablus, pro dono in nos collato gratiæ agantur per multos pro nobis. Sicut enim sunt creationis, redemptionis, justificationis, educationis, promotionis, et quorumlibet beneficiorum gratiæ, quæ pro quolibet beneficio benefactori ex gratitudine sunt debitæ: ita et donationis sunt gratiæ, quæ pro donatione, sive dono liberationis, vel cujuslibet rei alterius donanti agendæ et referendæ sunt.

12. NAM GLORIA NOSTRA HÆC EST, TESTIMONIUM CON- Vers. 12. **SCIENTIÆ NOSTRÆ.** — Vocula *nam* dat causam præcedentium, cur scilicet Corinthii pro Pauli liberatione Deo gratias agere, pro eoque orare debeant. Causa hæc est, quod Paulus sit eorum Apostolus, qui sincere, magna que gratia et efficacia eis evangelizavit, eosque convertit; atque hujus rei conscientiam tum suam, tum ipsorummet in testem vocat.

Nota hic, quanta sit vis et quies bonæ conscientiæ. « Nullum theatrum, inquit Cicero in *Tusculanis*, virtuti conscientia majus est. » Et Juvenalis, *Satyr.* 13:

Hæc est summa boni, mens quæ sibi conscia recti est.

Atque S. Augustinus, lib. *Contra Secundinum Manichæum*, cap. i, tom. VI: « Senti, inquit, de Augustino quidquid libet, sola me in oculis Dei conscientia non accuset. » Vide de hac re plura I *Tymoth.* 1, 5.

NON IN SAPIENTIA CARNALI, — non humana philosophia aut eloquentia prædicavi, sed gratia, zelo, efficacia ac spiritu divino (1).

(1) Vers. 13: « Quam quæ legistis, » in priori scil.

Ingentia
pericula
Hebræi
vocant
mortem.

Tædium
vitæ fuit
in aliqui-
bus sanc-
tis.

Per res-
ponsum
mortis
tria hic
possunt
intelligi.

Quanta
vis et
quies
bonæ con-
scientiæ.

Vers. 14. 14. GLORIA VESTRA SUMUS, SICUT ET VOS NOSTRA (id est, materia et obiectum gloriæ vestræ sumus, sicut vos nostræ estis; ut scilicet gloriemini nobis magistris, et nos gloriemur vobis tam bonis et morigeris discipulis, quod maxime patebit) IN DIE DOMINI, — id est in die iudicii, quo Dominus iudicium exercebit in omnes.

Vers. 15. 15. VOLUI VENIRE AD VOS, UT SECUNDAM GRATIAM HABERETIS. — Vocat «secundam gratiam» duplex beneficium et geminatum : unum per priorem epistolam, secundum per suum ad eos adventum et præsentiam. Ita Theophylactus. Vel prima gratia est primus Pauli adventus Corinthum, quo eos convertit; secunda gratia est secundus ejus adventus Corinthum ad eos in fide et gratia confirmandos.

Vers. 16. 16. PER VOS TRANSIRE IN MACEDONIAM, — scilicet obiter, ut iterum ex Macedonia venire ad vos, diutius vobiscum mansurus et omnia visitaturus : et hoc est quod ait I *epist.* cap. xvi, vers. 5, se venturum ad eos postquam Macedoniam pertransisset, scilicet venturum ut apud eos moraretur : hic vero ulterius addit se etiam in transitu ad Macedoniam voluisse eos salutare. Ita Græci. Aliter Lyranus et D. Thomas hæc loca conciliant, sed non satis probabiliter. Vide quales gyros, cursus et recursus (quos Lucas in *Actis* tacet) Evangelii causa solitus sit facere Apostolus, ut dixi in argumento Epistolæ.

Vers. 17. 17. CUM ERGO HOC (venire scilicet ad vos) VOLUISSEM (nec tamen id præstiterim), NUMQUID LEVITATE USUS SUM? — Pro *levitate*, græce est *λαπρία*, quæ ab *λαγος*, id est cervus, deducitur. Nota est enim cervorum levitas et mobilitas, æque ac serpentis astutia, columbæ simplicitas, asini tarditas, elephantis gravitas.

AUT QUÆ COGITO (quæ delibero, statuo : græce enim est *βουλευμα*), SECUNDUM CARNEM COGITO? — id est statuo, humana prudentia et levitate, quæ ob carnis commoda, lucra, personas nobiliores, imo ob solam naturæ et ingenii mobilitatem, mutabilitatem et inconstantiam facile consilia mutat. Ita Ambrosius.

UT SIT APUD ME EST ET NON, — ut in promissis instabilis sim et vanus, ut modo affirmem me ad vos venturum, modo revocem et negem, ut pueri facere solent. Ita Anselmus; *vel* affirmantis, *et* negantis est.

mea Epistola; «et cognovistis» ex conversatione et prædicatione mea apud vos : ita Allioli. Rosenmullerus vero; Eandem animi integritatem, quam in vita mea exprimere soleo, etiam in epistolis meis agnoscetis. Non opus est mihi occulto et ancipiti scribendi genere : non scribo alia, vel diversa ab iis quæ animo cogito; sed aperte scribo, ut quivis epistolam legens vel statim intelligere possit, vel post secundam lectionem sit intellecturus. — Verba autem quæ sequuntur, «Spero autem quod usque in finem cognoscetis,» junguntur ab Allioli, Storrio, etc., cum sequentibus, ut sensus sit : Spero autem fore, ut perpetuo agniti sitis, quemadmodum ex parte ante oculis habetis et agnovistis, me vobis ornamento et decori esse.

Vers. 18. 18. FIDELIS DEUS, QUIA SERMO NOSTER QUI FUIT APUD NOS, NON EST IN ILLO EST ET NON, — *q. d.* Deum veracem testor, vel novit Deus, qui fidelis et verax est testis, me vos docendo non fefellissem, ac proinde nec jam non veniendo ad vos, uti statueram, fallere voluisse.

Nota : Concionatori levitas morum et inconstantia cavenda, ne ex ea populus fidei et veritatis, quam prædicat; inconstantiam inferat et redarguat.

NON EST IN ILLO (sermone qui præcessit) EST ET NON, — id est affirmatio et negatio, ut scilicet mutem, et quod promisi, negem.

Vers. 19. 19. DEI ENIM FILIUS (*q. d.* Doctrina et prædicatione mea de Christo Dei Filio. Vide *Can.* 37) NON FUIT EST ET NON (id est varia, inconstans et sibi contraria), SED EST IN ILLO FUIT. — *q. d.* Fuit constans asseveratio : quia idem semper de Christo affirmavi et docui.

20. QUOTQUOT ENIM PROMISSIONES (in veteri Testamento de Messia) SUNT, IN ILLO EST, — in Christo constantes et veraces fuere, in eoque impletæ sunt.

Nota : Apostolum pro *Est, est; Non, non*, usum paronomasia Hebræa *כן, כן, כן, כן* *ken, ken, en, en*; vel *co, co; lo, lo*; et sic habet Evangelium Hebræum nunc, *Matth.* v, 47, quod noster Interpres vertit : «Sit sermo vester Est, est; Non, non.» *Ken* autem, cui respondet Græcum *καί*, et Latinum *est*, significat *primo*, *sic*, etiam; *secundo*, *rectum*, *verum*. Itaque triplex est ejus usus. *Primo*, notat constantem asseverationem; uti hic passim vers. 17, 18 et 19, opponiturque inconstantia et fallacia. *Secundo*, notat veritatem, seu id quod res est, opponiturque falsitati. Ita hoc vers. 20. *Tertio*, notat simplicem affirmationem, opponiturque juramento. Ita capitur *Matth.* cap. v, 37 : «Sit sermo vester Est, est; Non, non; quod autem his abundantius est (juramentum scilicet), a malo est.» Sic et *Jacobi* v, 12. Rursum nota : «Est» significat affirmationem, quia «est» affirmatum in enuntiatione facit et significat eam esse affirmantem; ut enim sit propositio negans, debet «est» copula propositionis negari. *Secundo*, «est» significat veritatem, scilicet id quod res est, reique constantiam.

IDEO ET AMEN, — supple, dicimus, id est confirmamus, et veras illas fuisse declaramus; *Amen* enim Hebræis vox est confirmantis. Ita Chrysostomus et Ambrosius. De *Amen* dixi *epist.* I, cap. xiv, vers. 16.

Quibus adde, *Amen* communiter esse adverbium et significare vere, firmiter, fideliter, stabiliter; subinde tamen esse nomen, ut sit idem quod veritas, firmitas, fidelitas, stabilitas. Sic accipitur *Isai.* lxy, 16 : «Jurabit in Deo amen,» id est veritatis, puta, in Deo vero : hoc enim exigit Hebræum regimen genitivi *אמן באלהי* *belohe amen*, id est in Deo veritatis, *q. d.* Tempore Christi, Gentilis quisque non jurabit per Jovem et deos falsos,

Levitas et inconstantia concionatori cavenda.

Vers. 20

Triplex usus verbi est.

Vocis amen significatio, originum et usus.

uti solebat, sed jam Christianus effectus jurabit per Deum verum, per Christum Christique Evangelia. Sic Deum amen Septuaginta vertunt, Deum verum, *Jerem. xi, 5*. Sic Isaias, cap. xxv, vers. 1, vocat cogitationes Dei *fideles, Amen, q. d.* Cogitationes, quæ sunt amen, hoc est ipsa veritas et firmitas, id est verissimæ et firmissimæ. Sic Christus vocatur *amen, Apocal. iii, 14*: « Hæc dicit Amen (græce ὁ ἀμὴν, qui est amen, id est stabilis, constans, verus, ipsaque stabilitas, constantia, veritas), testis fidelis et verus, qui est principium creaturæ Dei. » Sic *Apocal. cap. vii, 12*, angeli laudantes exclamant Deo: « Amen (id est veritas), benedictio, et claritas, et sapientia, et gratiarum actio, honor, et virtus, et fortitudo Deo nostro (sit) in sæcula sæculorum, amen, » id est vere ita sit et fiat; hic enim ultimum « amen » est adverbium, cum paulo ante fuerit nomen. Sic et hic accipitur: « Per ipsum (Christum) amen (id est veritatem, fidelitatem, constantiam) Deo, » supple, damus et tribuimus; dicentes: Omnia quæ Deus de Christo promisit, sunt amen, id est verissima, et verissime a Deo impleta.

AD GLORIAM NOSTRAM. — Noster vertit ἡμῶν, jam legunt, δι' ἡμῶν, per nos; Amen scilicet dicitur Deo ad gloriam, non nostram, sed Dei (1).

Vers. 21.

21. QUI AUTEM CONFIRMAT NOS. — Putant aliqui hic esse ellipsim et supplendum esse: ipse (scilicet Deus qui nos confirmat) impedivit executionem promissionis meæ, scilicet adventum meum ad vos. Longe melius alii hoc referunt ad id quod proxime præcessit, *q. d.* Per Christum impletæ sunt promissiones Dei. Qui autem sua potestate et imperio eas adimplet et præstat, est Deus ipse: Deus enim sicut promisit, ita re ipsa nos confirmat, ungit et signat in Christo. Possent *tertio*, non male hæc referri ad id quod dixit vers. 18: « Sermo noster non fuit Est et Non, sed Est in illo fuit, *q. d.* Ego in sermone et prædicatione æque ac promissis meis non sum variabilis et inconstans. Deus autem est is qui hanc constantiam mihi præstat, ne quis putet me illam meis viribus et fortitudini arroganter ascribere, cum illam non a me, sed a Deo me habere profitear. Sicut enim Deus est in se et promissis suis « est, » id est stabilis perstat, firmus et immutabilis; ita et nos confirmat, ut simus in fide et promissis firmi et stabiles (2).

(1) Ratiocinatio Pauli hæc esse videtur: Christus, Filius Dei, ita veritas ipsa est, ut sit omnium etiam Dei promissionum complementum, adimpletio et veritas: ergo nostra de Christo, veritate ipsa, et promissionum Dei complemento, prædicatio vera est, nulli mutationi aut contradictioni obnoxia.

(2) Commata 20 et 21 Rosenmullerus e græc sic vertit: Omnes enim promissiones divinæ per eum (Christum propositæ) confirmatæ sunt (eventum suum habuerunt), quæ res honori Dei cedit, per nostrum ministerium: qui nempe (Si nempe) nostram et vestram de religione Christiana persuasionem confirmat, est idem ille, qui nos et inauguravit, hoc est, Deus.

QUI UNXIT NOS DEUS, QUI ET SIGNAVIT NOS, ET DEDIT PIGNUS SPIRITUS IN CORDIBUS NOSTRIS. — Hoc signaculum, sive sigillum, ait Calvinus, est fides specialis et divina, qua quisque certo scit et credit se esse prædestinatum: sed hoc sigillum incertum est et fallax, et hæc fides mendax est, et stulta præsumptio. Nam Apostolus, qui maximam habebat fidem, reprobari timet, *I Cor. ix, 27*; non ergo fide divina credebatur certo se esse prædestinatum. Unde et passim inculcat, ut omnes fideles et sancti solliciti, cum metu et tremore suam salutem operentur: adimit ergo eis salutis suæ fidem et certitudinem.

Adde: nemo certus est talem se fidem divinam habere, et semper habiturum; imo multi a fide etiam hac Calvini defecerunt, qui antequam deficerent, putabant et credebant cum Calvino se esse prædestinatos.

Dico ergo, *signavit*, id est confirmavit quasi sigillo impresso promissiones suas Deus, dando juxta eas pignus futuræ hæreditatis, scilicet gratiam, qua nos unxit et signavit in filios Dei, crevitque a filiis diaboli. Ita Chrysostomus, Theodoretus, Oecumenius; quod sigillum Deo omnino certum est et notum, nobis tantum probabile ex conjecturis. Sic ergo confirmatio hæc, unctio et signatio fit per unam eandemque gratiam. Ita enim *Ephes. i, 13*, ait nos esse signatos Spiritu Sancto quasi pignore.

Secundo, accipi potest hic locus de baptismo; nam *primo*, in baptismo unxit nos Deus oleo gratiæ suæ; *secundo*, dedit pignus Spiritus, testimonium scilicet bonæ conscientie; *tertio*, signavit nos caractere baptismi. Vide Bellarminum, lib. II *De Effectu Sacrament.*, cap. xx. Huc refertur expositio Theophylacti et Chrysostomi. « Unxit, ait, nos, et signavit in reges, prophetas et sacerdotes. » Vide Chrysostomum in morali hic *homil. 3*, quomodo Christiani, qui cupiditatibus suis imperant, sint reges a Deo uncti.

Tertio, et maxime apposite dici potest, respicere hic Paulum ad sacramentum Confirmationis; quod statim a Baptismo omnes fideles olim suscipiebant ad se roborandum contra persecutiones; ait enim: « Confirmavit nos, dedit pignus Spiritus, unxit, signavit, » quæ singula distinguit Apostolus: hæc autem alibi, quam in sacramento Confirmationis, distingui non possunt.

Hisce ergo verbis sacramenti Confirmationis quatuor significat effectus. *Primus* est fidei, qua firmamur in Christo, *q. d.* Ideo, ut dixi vers. 18 et 19, fides et prædicatio nostra de Christo firma est et constans, quia in ea per sacramentum Confirmationis roboravit nos et confirmavit Deus in Christo, id est, per Christum et Christi merita. *Secundus* effectus est charitatis et gratiæ, qua copiose ungimur quasi chrismate spirituali. Hinc græce pro *unxit*, est χρίσας, unde deducitur Chrisma, Christus et Christiani, id est uncti. Hinc S. Augustinus, in *Sententiis*, num. 342: « Christi, ait,

Vers. 21
et 22.
Fides
specialis
Calvini-
stica de-
lira et
mendax.

Quinam
dicantur
secun-
dum
Aposto-
lum si
gnati a
Deo?

Sacra-
mentum
Confirmatio-
nis
hic res-
picit
Paulus.

Sacra-
menti
Confirmatio-
nis
quatuor
effectus
et fruc-
tus

nomen a chrismate, id est ab unctione. Quia ideo omnis Christianus sanctificatur, ut intelligat se non solum sacerdotalis et regiae dignitatis esse consortem, sed etiam contra diabolum fieri luctatorem. » *Tertius* fructus est pignus Spiritus, quod est testimonium bonae conscientiae, suggestum a Spiritu Sancto, quodque est quasi arrha futuræ gloriæ a Spiritu Sancto promissæ et dandæ. Quomodo Spiritus Sanctus dicatur pignus, vel, ut græce est, arrha, dicam *Ephes. I, 14*. *Quartus* fructus est, « signavit, » græce σφραγίσμενος, id est sigillavit, scilicet signo ac sigillo crucis in fronte, et in anima caractere, quo vos obsignavit quasi servos, imo quasi milites et duces suos. Ita Ambrosius, lib. *De his qui mysteriis initiantur*, cap. VII, et Suarez, III *part.*, *Quæst. LXIII*, art. 4 et 4.

Vers. 23. 23. TESTEM DEUM INVOCO IN ANIMAM MEAM. — Ergo licet Christiano jurare, ait Augustinus, *Quæst. V* inter LXXXIII. Jurat enim hic Apostolus, idque juramento execratorio, *q. d.* Si mentior, Deus vindex puniat et damnet animam meam.

QUOD PARCENS VOBIS, NON VENI ULTRA CORINTHUM, — ne scilicet uti cogerer auctoritate Apostolica contra vitia, et delinquentes in vobis; sed parcens vobis abstinui, ne, cum correctione ad vos veniens, vos contristarem. Ita Anselmus, et patet cap. II, vers. 1. Hic Paulus assignat veram causam mutatæ suæ promissionis, sive propositi veniendi Corinthum, fuisse scilicet ipsosmet Corinthios, qui a vitiis suis, de quibus priori epistola eos admonuerat, necdum plane abstinentes, merebantur acrius redargui et puniri: sed Apostolus humaniter cum eis agens, hac

tantum absentia sua tacite, atque per hanc epistolam aperte voluit eos officii sui denuo admonere, itaque leniter castigare et emendare.

Discant Prælati non importune semper carpere et increpare suorum vitia, ne subditi obsurdescant et callum obducant. Adde, quorundam, præsertim honestorum et verecundorum, vitia melius emendari, si patientia et dissimulatione quodam indicio tantum notentur, quam si aperta reprehensione aut punitione perstringantur et vindicentur, ut docet S. Gregorius, III *part. Pastor.*, cap. VIII et IX.

Quomodo
Prælati
in repre-
hensions
vitiis
se cerere
debeant?

ULTRA, — post primam scilicet vicem aut epistolam.

NON QUIA DOMINAMUR FIDEI VESTRÆ, SED ADJUTORES SUMUS GAUDII VESTRI. — Est figura, quæ ab oratoribus correctio dicitur, qua emollit correptionis potestatem jam dictam, *q. d.* Dixi me parcere vobis, nolle me vos punire; ut ita submoniti sponte vos ipsi corrigatis; id dixi, non quasi imperiosi simus, et quidvis pro arbitrato in religione statuamus, sed ut vos emendemus, itaque correcti gaudeatis et hic et in cælo. Correptio ergo hæc non tam correptio est quam procuratio et promotio gaudii vestri. Ita Anselmus.

NAM FIDE STATIS. — « Quæ per dilectionem operatur, non per dominium cogitur, » inquit Anselmus, *q. d.* In fide vestra non habeo quod corrigam, sed tantum in moribus, quos, quia fideles estis, non imperiose redarguam, sed leni monitione hac epistola reformabo, ut leniter emendati mecum una omnes gaudeatis: quia enim vere fideles estis, hinc non dubito vos statim meis monitis obsequentes fore.

CAPUT SECUNDUM.

SYNOPSIS CAPITIS.

Primo, asserit se ad eos non venisse, ne tam sibi quam illis esset occasio tristitiæ.

Secundo, vers. 6, hortatur ut fornicarium a se excommunicatum epist. I, cap. v, jam pœnitentem in gratiam recipiant, eumque vers. 10, ab excommunicatione et pœnitentia absolvit.

Tertio, vers. 14, docet se ubique bonum Christi odorem spargere, eumque bonis et fidelibus esse ad vitam, malis et incredulis ad mortem.

1. Statui autem hoc ipsum apud me, ne iterum in tristitia venirem ad vos. 2. Si enim ego contristo vos, et quis est qui me lætificet, nisi qui contristatur ex me? 3. Et hoc ipsum scripsi vobis, ut non cum venero, tristitiam super tristitiam habeam, de quibus oportuerat me gaudere: confidens in omnibus vobis, quia meum gaudium, omnium vestrum est. 4. Nam ex multa tribulatione, et angustia cordis scripsi vobis per multas lacrymas: non ut contristemini, sed ut sciatis, quam charitatem habeam abundantius in vobis. 5. Si quis autem contristavit, non me contristavit: sed ex parte, ut non onerem omnes vos. 6. Sufficit illi, qui ejusmodi est, objurgatio hæc quæ fit a pluribus: 7. ita ut e contrario magis donetis, et consolemini, ne forte abundantiori tristitia absorbeatur qui ejus-

modi est. 8. Propter quod obsecro vos, ut confirmetis in illum charitatem. 9. Ideo enim et scripsi, ut cognoscam experimentum vestrum, an in omnibus obedientes sitis. 10. Cui autem aliquid donastis, et ego : nam et ego quod donavi, si quid donavi, propter vos in persona Christi, 11. ut non circumveniamur a Satana : non enim ignoramus cogitationes ejus. 12. Cum venissem autem Troadem propter Evangelium Christi, et ostium mihi apertum esset in Domino, 13. non habui requiem spiritui meo, eo quod non invenerim Titum fratrem meum; sed valem faciens eis, profectus sum in Macedoniam. 14. Deo autem gratias, qui semper triumphat nos in Christo Jesu, et odorem notitiæ suæ manifestat per nos in omni loco : 15. quia Christi bonus odor sumus Deo in iis qui salvi fiunt, et in iis qui pereunt : 16. aliis quidem odor mortis in mortem, aliis autem odor vitæ in vitam. Et ad hæc quis tam idoneus? 17. Non enim sumus sicut plurimi, adulterantes verbum Dei, sed ex sinceritate, sed sicut ex Deo, coram Deo, in Christo loquimur.

Vers. 1. 1. STATUI AUTEM HOC IPSUM, — scilicet non venire ad vos et parcere vobis vestrisque delictis, ut dixi cap. I, vers. 23.

Vers. 2. 2. SI ENIM EGO CONTRISTO VOS. — Hoc est, etsi contristavi vos per epistolam primam objurgatricem, tamen jam lætificor vobiscum in fornicariis et vestra pœnitentia et tristitia. Nota : Tò si enim non causale est, sed διηγινώσκω et explicativum.

ET QUIS EST QUI ME LÆTIFICET, NISI QUI CONTRISTATUR EX ME? — q. d. Maxime me lætificat is qui ad meam objurgationem dolet et pœnitet, scilicet incestuosus ille fornicarius quem excommunicavi, *epist. I, cap. v.* Ita Ambrosius (1).

Vers. 3. 3. UT NON CUM VENERO, TRISTITIAM SUPER TRISTITIAM HABEAM. — q. d. Volui per epistolam præmissam vos objurgare et corripere, ne coram vos cogere objurgare : quod mihi valde triste foret.

CONFIDENS IN OMNIBUS VOBIS, — omnino confisus sum fore, ut quod mihi displicere intelligeretis, statim tolleretis : quia mea gaudia existimatis vobis esse communia, et consequenter dolores meos aestimatis esse vestros, ut quod mihi displicet, et vobis displiceat. Hæc omnia eo spectant, ut interim Corinthii se præparent ad Pauli adventum, seque emendent, ne, si videat eos necdum emendatos, tristetur plurimum.

Vers. 4. 4. QUAM CHARITATEM HABEAM IN VOBIS, — εἰς ὑμᾶς, erga vos.

Vers. 5. 5. NON ME (scilicet solum) CONTRISTAVIT, — fornicarius, de quo *epist. I, cap. v.*

SED EX PARTE, — quia mecum multos alios bonos contristavit, ait Anselmus, qui eum excommunicatum a me e cœtu suo cum objurgatione ejecerunt.

UT NON ONEREM OMNES VOS, — hac infamia et suspicione, quasi putem non esse multos qui doleant propter illum incestum. Priori enim epistola, cap. v, vers. 2, videbatur omnes culpasse, quasi consentientes vel dissimulantes illum incestum :

(1) Bernardinus : Nisi forte is quem mœrore affecero; seu, nisi vos, a me tristitia affecti, ac proinde nemo.

tum : « Et vos, ait, inflati estis, et non magis luctum habuistis (2). »

6. SUFFICIT ILLI OBJURGATIO HÆC, — illa publica scilicet separatio et confusio, qua a tota Ecclesia ejectus est incestuosus. Hinc patet eum post excommunicationem pœnituisse. Unde laxat et absolvit eum Apostolus hic.

7. ITA UT MAGIS DONETIS, — hoc est condonetis illi incestuoso longiorem hanc suam pœnitentiam canonicam, eum ad communionem vestram admittendo, et moras diuturnioris pœnæ relaxando; de quo plura vers. 10.

8. UT CONFIRMETIS IN ILLUM CHARITATEM, — id est, ut publico Ecclesiæ consensu declaratis vos denuo illum pro fratre complecti. Græce enim pro confirmetis, est κερδαίνει, id est, ut ratum faciat et decernatis quasi publicis Ecclesiæ comitiis illius restitutionem : κερία enim sunt comitia, et statim judiciorum dies. Ita Erasmus et Budæus.

9. IDEO ET SCRIPSI, — scilicet hanc epistolam, ut confirmetis in illum charitatem, ut præcessit (3).

UT COGNOSCAM EXPERIMENTUM, — ut habeam obedientiæ vestræ experimentum.

10. CUI AUTEM ALIQUID DONASTIS (cui gratiam et remissionem fieri per Titum rogastis), ET EGO, —

(2) Vers. 8. D. Chrysostomus : Dixi ex parte, non quod vos minorem inde mœrorem acceperitis, quam ego; sed ne illum qui stuprum perpetravit, nimium onerem. Ut indulgentius cum eo agerem, dixi ex parte. Bernardinus : Si quis contristavit, non me solum contristavit, sed etiam vos omnes ex parte, id est, saltem aliquatenus, ita ut vos non accusem, quasi delicto consentientes. Rosenmullerus : Si quis (nempe incestuosus ille) tristitiæ auctor exstitit, non tam me, quam potius quodammodo, ne quid gravius dicam, vos omnes mœrore affecit.

(3) Alii versus 9 et 10 sic interpretantur : Scripsi, priorem nempe epistolam, ut experiret an mihi per omnia obedientiam sitis præstituri. Si cui quid condonatis, et ego illud ratum habeo; nam quidquid ego condonavi, et aliquid condonasse dicendus sum, id condonavi propter vos, id est, testificandi in vos favoris mei causa, approbante Christo : quasi Paulus cogitasset, propendere Corinthiorum animos ad remittendam aliquam ejus pœnæ partem, postquam ille incestus reus per menses aliquot communionem caruerat.

scilicet donari illi et condonari rogo : ita Theodoretus, et colligitur ex cap. vii, vers. 7. Vide Can. 36. Græce est, $\phi \delta \epsilon \tau \iota \chi \alpha \rho \iota \sigma \mu \alpha \varsigma \kappa \alpha \iota \epsilon \gamma \omega$, cui donatis, et ego, scilicet dono : nam condonationem hanc neodum fuisse factam patet vers. 7, ubi eam fieri imperat, q. d. Sicut congregatis vobis et meo spiritu, illum excommunicavi, *epist.* I, cap. v : sic nunc me vobis adjungo, ut quod me hortante ei condonabitis, et ego condonem.

Praelatis
Eccle-
siae, non
laicis, ne-
gotium
absolutio-
nis com-
mittitur.
D. Paulo.

Nota contra Lutherum, hoc scribi Ecclesiae præfectis, vel potius ipsi Ecclesiae, non ut per omnes, etiam laicos, sed ut per Praelatos hanc potestatem absolventi exerceat; ita tamen ut ex quadam humanitate velit laicos huic absolutioni cooperari, et suo consensu, voto, desiderio, precibus, commiseratione, convictu quodammodo etiam ipsos condonare hoc scandalum sibi et Ecclesiae suae datum, illiusque justam poenam sive poenitentiam canonicam. Vide dicta *epist.* I, cap. v, vers. 4. Unde sequitur : « Nam et ego quod donavi, propter vos in persona Christi. » Ex quo patet Paulum proprie per potestatem et jurisdictionem quasi Christi vicarium condonasse; idque publice in Ecclesia Corinthiorum per Episcopum vel alium Praelatum declarari et promulgari jussisse; Corinthios vero condonasse tantum per preces, consensum et executionem sententiae et absolutionis Paulinae.

Id clare docet hic Chrysostomus : « Sicut, ait, cum juberet hominem rescari, non passus est penes illos esse auctoritatem condonandi, dicens : Decrevi tradere ejusmodi Satanæ; ac rursus assumpsit eos in consortium, dicens : Congregatis vobis tradere illum, duas res curans, ut et proferretur sententia, et ne fieret absque illis, ne videretur hic illos hoc facto lædere; ac neque solus eam pronuntiat, ne videretur Apostolus esse præfractus, ipsosque contemnere : itidem et hic facit. »

EGO QUOD DONAVI, SI QUID DONAVI, PROPTER VOS IN PERSONA CHRISTI. — « Donavi, » id est donare statui et rogavi, vers. 7, et vero nunc per litteras has, perque harum latorem Titum, vel quem alium, dono : vide Can. 36; et est hebraismus, quo præteritum ponitur pro presenti, « donavi, » id est dono : Hebræi enim carent indicativo, proque eo præterito utuntur.

Quæritur quid donarit Apostolus? Respondeo : Absolutionem ab excommunicatione; et simul, imo magis, indulgentiam plenam illius incestus, scilicet remissionem omnis poenæ illi debite. Patet, quia hoc erat vinculum illi injectum, *epist.* I, cap. v, scilicet excommunicatio, et simul poena tum infamis ejectionis ex Ecclesia, tum carnis, qua scilicet corporaliter affligeretur a Satana. Hic autem ab omni vinculo quo eum alligarat, absolvit. Ita Ambrosius, Anselmus, Chrysostomus, S. Thomas, Primasius.

Secundo, quia donare, id est condonare, et, ut Syrus, remittere, proprie dicimur culpam vel po-

nam; nam de excommunicatione sola melius dicitur, Absolvo. Ita Ambrosius. Id clarius significant græca $\phi \delta \epsilon \tau \iota \chi \alpha \rho \iota \sigma \mu \alpha \varsigma$, cui aliquam gratiam et indulgentiam præstat.

Tertio, quia in gratiam et ob zelum Corinthiorum, obque fornicarii contritionem, poenam ejus et confusionem, et, ut ait vers. 6, objurgationem relaxat, ne nimia tristitia desperet, ut patet vers. 6 et 7, et cap. vii, vers. 7 et 11; ergo dat ei indulgentias, et has significat vox *aliquid*, cum ait : « Cui aliquid donastis, et ego, » q. d. Aliquam poenæ partem, quam ei condonari rogastis, et ego dono et condono.

Quarto, quia non tantum coram Ecclesia, ut vult Calvinus, sed in judicio divino coram Deo, ei poenam remittit : hoc enim significat $\tau \iota$ in persona Christi; quia alioqui non fuisset hic indulgentia, aut misericordia fornicario exhibita : præstat enim hic infamia, et quavis poena corporali puniri, quam ad Dei tribunal et ignem vel inferni vel purgatorii remitti.

Hinc ergo D. Thomas et alii recte docent Apostolum et Ecclesiam dare Indulgentias. Sic olim Martyres in carcere detenti lapsos mittebant ad Episcopos, orantes ut poenam eis relaxarent, ut patet ex Tertulliano *ad Martyr.*, cap. i, et Cypriano, *epist.* 11, 21 et 22; et Concilium Nicenum, cap. xi et xii, concedit ut lapsis pro animi ardore, quo injunctam poenam suscipiunt, possit Episcopus indulgentiam præstare : vide Baronium, tom. I, pag. 592. Nota, causam dandæ indulgentiæ esse ne poenitens desperet. Hinc olim non dabatur indulgentia, nisi bona pars poenitentiae esset expleta, idque ne satisfactionis, quæ tertia poenitentiae est pars, et disciplinæ vigor laxaretur : ita S. Cyprianus *ad Martyr.*, lib. III, *epist.* 6. Et Concilium Tridentinum, sess. XXV, in decreto de Indulgentiis, jubet in Indulgentiis moderationem adhiberi juxta veterem Ecclesiæ usum, ne nimia facilitate Ecclesiastica disciplina enervetur.

SI QUID DONAVI. — Modeste extenuat suam liberalitatem. Unde Græca addunt : $\epsilon \dot{\iota} \tau \iota \chi \alpha \rho \iota \sigma \mu \alpha \varsigma \phi \chi \alpha \rho \iota \sigma \mu \alpha \varsigma$, si quid donavi cui donavi, in persona Christi, scilicet hoc feci, et donavi.

IN PERSONA CHRISTI. — Græce $\epsilon \nu \pi \rho \sigma \omega \pi \omega$, quod primo verti potest, in facie Christi, coram Christo. Ita Theodoretus, Vatablus, quod avide arripit Calvinus et Beza, q. d. « Coram Christo, » ex animo, vere et non fucate condono. Secundo, et proprie, $\pi \rho \omega \tau \omega \nu$ est vera persona, q. d. Condono vice et auctoritate Christi, cujus personam gero, qui dixit : « Quidquid solveritis super terram, erit solutum et in cælo, » inquit Ambrosius, Anselmus, Syrus, Theophylactus et Theodoretus. Hinc pulchre et nervose vertit Theophylactus, $\acute{\omicron} \varsigma \acute{\alpha} \nu \tau \iota \pi \rho \omega \tau \omega \nu \acute{\omicron} \nu \chi \rho \iota \sigma \tau \acute{\omicron}$, quod interpretes ejus, vel teste Erasmo, recte vertit, ac $\epsilon \dot{\iota}$ Christus ei donasset, cum proprie ad verbum sonet, quasi persona existens Christi; uti prorex dicitur regis esse prorex et propersona, quia vice, auctoritate et quasi in persona regis

Ex hoc
loco Pau-
li pro-
bantur
Ecclesia-
sticæ In-
dulgencia-
tiae.

Triplex
hujus lo-
ci expli-
catio.

mandat, sancit, regit, imperat, absolvit et remittit. Sicut enim Paulus, *epist. I, cap. v, vers. 4*, hunc fornicarium excommunicavit in nomine et virtute Jesu Christi, ut ibidem ait: ita hic eundem absolvere non potuit, nisi in nomine, virtute et persona Christi, perinde ac damnatus a prorege, nonnisi a prorege absolvi potest.

Vers. 11. 11. UT NON CIRCUMVENIAMUR A SATANA. — Ne decipiamur, ne scilicet fornicarius ille ob nimium rigorem a Satana in desperationem impellatur. Græce *ὥστε μὴ πλεονεκτεσθῶμεν*, ne occupemur et usurpemur velut ab injusto possessore Satana. Nam *πλεονεκτεῖν* est fraudare, extorquere, occupare quod tuum non est, ut faciunt avari, fœneratores et tyranni. Vide Chrysostomum et Theophylactum. Unde Ambrosius vertit, *ne possideamur a Satana*; non enim, ait Theophylactus, Satanas ad se pertinentia, sed nostra et quæ Christi sunt, rapit, cum animas et capit et decipit. Unde pro eo quod sequitur: « Non enim ignoramus cogitationes ejus, » Tertullianus, lib. *De Pudicit.*, cap. xiii, legit: « Non enim ignoramus injectiones ejus, » puta rapinas ejus.

NON ENIM IGNORAMUS COGITATIONES EJUS. — Dixit olim, teste Plutarcho in *Lacon.*, Chabrias, et vere: « Optimus est imperator, qui maxime cognitares habet hostium. » Pari modo optimus est dux pariter et miles Christianus, qui optime novit consilia et machinationes hostium, præsertim Satanae: ipse enim transfigurat se in angelum lucis, ut videatur nobis esse amici et angeli consilium et suggestio, quæ est inimici et diaboli. Experimur sæpe nobis suggeri suspiciones sinistras, amaritudines animi, iras, tristitias noxias, pusillanimitates, etc., putamusque nos justa causa et ratione moveri, hæcque a nobis provenire, cum proveniant et suggerantur a diabolo in nostram perniciem. Quare Christianus in talibus reflectat, an tales suggestiones sint secundum charitatem, humilitatem, patientiam, gratiam et legem Christi; sique videat eis esse contrarias, sciat esse diaboli: si dubitet, cum Superiore, confessorio, aut viro prudente conferat. Longa experientia id didicit et docuit S. Antonius, qui proinde assidue has diaboli cogitationes et technas suis discipulis detegere et explicare, modumque eas dissipandi suggerere solebat, uti patet ex ejus Vita apud S. Athanasium. Idem sæpius fecit S. Franciscus, itaque multos e suis a diabolica tentatione liberavit, uti refert S. Bonaventura, lib. I Vitæ ejus, cap. xi.

Ita ergo Satanas hic concitabat primores Ecclesiæ Corinthiorum ad iram et indignationem in hunc fornicarium, quasi qui primum nitorem suæ Ecclesiæ hac tam turpi nota maculasset, ut ei se duros et rigidos præberent; itaque ipse omni consolatione et spe destitutus, animum abjiceret, et desperaret. Hoc Satanae consilium vidit Paulus, illudque hic discutit, monens ut in gratiam eum recipiant, eique jam poenitenti veniam et remissionem indulgeant.

12. CUM VENISSEM TROADEM, ET OSTIUM (aditus **Vers. 11.** magnus) MIHI APERTUM ESSET IN DOMINO (in negotio Domini, scilicet ad propagandum ejus Evangelium: ita Anselmus), 13. NON HABUI REQUIEM **Vers. 12.** SPIRITUI MEO (in spiritu, id est in animo meo) EO QUOD NON INVENERIM TITUM, — interpretem meum, ait Hieronymus *ad Hedibiam*, qui divinorum sensuum meorum majestatem græci eloquii digno explicaret sermone. Fuit et alia causa cur Paulus Troade perrexerit in Macedoniam ad occurrendum Tito: quod scilicet a Tito quem Corinthum submiserat, avebat cognoscere statum Corinthiorum, antequam Corinthum, uti promiserat, rediret. Unde cap. vii, vers. 6, dicit se in Macedonia consolatum fuisse in adventu Titi referentis Corinthiorum fletum et desiderium Pauli. Videtur autem Titus renuntiassse Paulo necdum esse maturum tempus redeundi Corinthum. Unde Paulus iter suum ad Corinthios distulit, et hanc ad eos præmisit epistolam, quæ viam sibi ad eos sterneret, defectusque Corinthiorum corrigeret.

14. DEO GRATIAS, QUI SEMPER TRIUMPHAT NOS **Vers. 14.** IN CHRISTO. — « Triumphat, » id est triumphare facit, vide *Can. 32*. Ita Ambrosius, Anselmus. Huc pertinet versio Syri et Theophylacti: « triumphat nos, » id est conspicuos facit et ostendit; triumphus enim dicitur, per mediam urbem cum trophæis aliisque victoriæ signis progressio imperatoris victoris: sic et Deus nos victoria et trophæis de diabolo relatis conspicuos quasi triumphare facit; quæ enim videntur passiones esse et contumeliæ, sunt gloria et triumphus noster, ait Theophylactus. *Secundo*, idem Anselmus, « triumphat nos Deus, » id est de nobis, vel per nos triumphum agit de dæmone, *Coloss. ii, 15*. Ita et Græci.

Videtur Apostolus in Macedonia acres persecutiones pertulisse; unde cap. vii, 3, dicit se ibi omnem tribulationem passum: foris pugnas, intus timores; sed Dei gratia hæc omnia superavit cum gloria et triumpho. Pulchre S. Hieronymus, *epist. 150 ad Hedibiam*, Quæst. XI, docet Apostolum hic agere gratias Deo, quod dignum se elegerit, in quo ageret triumphum Filii sui in victoria tot persecutionum et malorum, quæ subibat in Gentium conversione ad Christum. « Triumphus enim Dei est, inquit Hieronymus, passio Martyrum pro Christi nomine, crucoris effusio, et inter tormenta lætitia. Cum enim quis viderit tanta perseverantia stare martyres atque torqueri, et in suis cruciatibus gloriari, odor notitiæ Dei disseminatur in Gentes, et subit tacita cogitatio, quod, nisi verum esset Evangelium, nunquam sanguine defenderetur. » Sic ergo triumphat in Apostolis prædicatio Evangelii, in qua fides vincit infidelitatem, veritas mendacium, charitas Christimalevolorum odia, patientia crucces omnes, persecutiones et mortes.

ET ODOREM (famam et suavissimam cognitionem) NOTITIÆ SUÆ MANIFESTAT.

Rationes
ob quas
Paulus
Troade
iverit in
Macedo-
niam.

Triumphus Dei
est passio
Martyrum.

Vers 15. 15. CHRISTI BONUS ODOR SUMUS, — bonam Christi famam verbo et exemplo spargimus in honorem Dei (1).

Nota : Bonus odor ex præstantibus herbis, vel pretiosis aromatibus exhalatur. Talis est Apostolorum et prædicatorum fama, gloria et decus ex virtutibus ipsorum ortum, et meritis ipsorum debitum. Hinc Sponsa, id est Ecclesia, *Cant. vii, 1*, seipsam comparat areolis aromatum, in quibus videre est venustatem, amœnitatem et pulchrum ordinem vernantium herbarum et odoratorum florum, ex quibus fragrant spiritus exhalantur. Et hoc est quod jubet Christus, *Matth. v, 16*, cum ait : « Sic luceat lux vestra coram hominibus, ut videant opera vestra bona, et glorificent Patrem vestrum, » ubi alia metaphora gloriam et bonam famam appellat splendorem ex bonorum operum luce manantem et productum.

Præclare S. Bernardus, *serm. 12 in Cantic. :* « Paulus, ait, vas electionis, revera vas aromaticum, vas odoriferum, et refertum omni pulvere pigmentario; Christi enim erat bonus odor in omni loco. Multæ profecto suavitatis fragrantiam longe lateque spargebat pectus illud, quod sic affecerat sollicitudo omnium Ecclesiarum. Vide enim quales species et aromata coacervarat sibi : Quotidie, inquit, morior propter vestram gloriam. Et rursum : Quis infirmatur, et ego non infirmor? »

Ubi nota secundo : Sicut aromata quo magis conteruntur, eo majorem spirant fragrantiam : ita Christus, Apostoli, Martyres omnesque Sancti, quo magis persecutionibus et tribulationibus pressi et quasi contriti fuerunt, eo suaviorem virtutis suæ sparserunt odorem.

Vide Ambrosium et Anselmum, vide et Bernardum, *serm. 71 in Cant.* de spirituali colore et odore virtutum, in illud, *Ego flos campi, et lilium convallium.* « Habent, inquit, mores colores suos, habent et odores; odorem in fama, colorem in conscientia. Colorem operi tuo dat ejus bonitas et cordis intentio; odorem, modestiæ et virtutis exemplum. Justus lilium est in se candidum, sed proximo odoratum : proximo enim famam, nobis debemus et providemus conscientiam. » Huc alludens S. Hieronymus : « Ea, inquit, debet esse conversatio et vita Pontificis (Pastoris et doctoris), ut omnes motus et gressus, atque universa ejus opera cælestem redoleant gratiam. »

Quin et ita subinde profani scriptores, odoris metaphora in moribus taxandis utuntur. Sic Martialis :

Postume non bene olet, qui bene semper olet :

insinuans, eum de pudicitia esse suspectum, qui peregrino semper odore, morbi sui pudendi fo-

(1) Alii : « Bonus odor sumus Deo, » id est, munus nostrum in propaganda Christi religione Deo gratum et acceptum est, sive, etc.; sicut hostiæ et thymiamata veteris legis dicebantur offerri Deo in odorem suavitatis.

tozem moliebatur dissipare. Certe de S. Catharina Senensi virgine accepimus, eam solitam nares ocludere, cum sibi forte quis obscenior, et venereis criminibus obnoxius occurrisset, tam scilicet gravis ei erat etiam ipsorum scelerum odor, Deo id in virgine illa castissima permittente. D. Basilius refert *epist. 173*, aucupes quosdam consuevisse columbarum cicurum pennas inficere odore quodam qui columbis aliis gratissimus sit, quo pellectæ pleræque in decipulam abducuntur. Ita faciendum Christiano, ut suarum virtutum odore perditos ad Christum abducatur. Quemadmodum Cæcilia virgo Valerianum sponsum suum lucrata est Christo, cum ille prima nuptiarum nocte fragrantissimum castitatis odorem instar vernarum rosarum, in conclavi sponsæ suæ esset odoratus.

16. ALII QUIDEM ODOR MORTIS IN MORTEM, ALII AUTEM ODOR VITÆ IN VITAM. — *q. d.* inquit Theophylactus : « Sumus vera acerba (thuribulum) regia, et quocumque abierimus, odorem spiritalis unguenti circumferimus, cognitionis videlicet Dei bono suffitu in omni loco homines afflamus. » Rursum ; « sicut fragrantia unguenti columbam vegetat, scarabæum necat, inquit ex Niceno Oecumenius; et sicut lumen solis oculos sanos recreat, debiles offendit; ignis aurum purgat, stipulam absumit : sic Christus malis in ruinam, bonis in resurrectionem. » Apostoli bonis odor vitæ fuerunt; malis, odor mortis; et Eucharistia « mors est malis, vita bonis. » Nota hebraismum : *Odor mortis in mortem*, id est, odor mortifer, mortem afferens; *odor vitæ in vitam*, id est, odor vitalis, vitam afferens. Fragrantia enim et fama vitæ, prædicationis et conversionis Apostolorum, bonis aspirabat vitam, improbis mortem : quia tantum sanctitatis fulgorem improbi non ferentes, in sua improbitate, invidia, odiove sese magis obfirmabant. Porro Clemens Alexandrinus, lib. II *Pædagog.* legit, *odor ex morte, et odor ex vita, q. d.* Prædicatio crucis et mortis Christi est odor ex morte incredulis, qui oritur ex morte Christi, et cedit in eorum exitium qui mortem Christi tantum ut mortem considerant, quibus illa videtur esse stultitia vel scandalum : credentibus vero est odor ex vita, quia ipsi vitam in hac morte propositam amplectuntur. Hæc enim mors in Christo fuit causa resurrectionis ad vitam gloriosam, in nobis vero est causa resurrectionis ad vitam gratiæ in hoc sæculo, et ad vitam gloriæ in futuro.

ET AD HEC QUIS TAM IDONEUS? — *q. d.* Quam pauci tam idonei ministri, qui ubique sint bonus odor Christi! Ita Ambrosius.

17. NON ENIM SUMUS SICUT PLURIMI, ADULTERAN- **Vers. 17.**
TES VERBUM DEI. — Significat vox enim, Paulum cum paucis aliis Apostolis per Dei gratiam idoneum esse ministrum Christi, qui Evangelii bonum odorem passim dispergat, uti præcessit, cum plurimi alii sint Evangelii præcones inidonei, mali odoris et famæ.

Vers. 16.

Sancti sunt acerba Christi.

Eucharistia mors malis, vita bonis.

Mores quos colores et odores habeant.

Varia genera adulterantium et cauponantium.

Nota $\tau\delta$ *adulterantes*. Adulterat, inquit Salmeron, qui se uxori non suæ conjungit : adulterat ergo verbum Dei, qui veritati falsitatem conjungit. Unde S. Gregorius, lib. XXII *Moral.*, cap. XII : « Adulterari, inquit, verbum Dei, est aut aliter de illo sentire quam est, aut ex eo non spirituales fructus, sed adulterinos fœtus querere laudis humanæ. Ex sinceritate vero loqui, est nil in eloquio extra quam oportet, scilicet et auctoris et creatoris gloriam querere. » Idem, lib. XVI *Moral.*, cap. XXV : « Adulter, ait, non prolem, sed voluptatem quærit. Et perversus quisque ac vanæ gloriæ serviens, recte adulterare verbum Dei dicitur, quia per sacrum eloquium non Deo filios gignere, sed suam scientiam desiderat ostentare. Quem enim libido gloriæ ad loquendum trahit, voluptati magis quam generationi operam impendit. »

Verum pro *adulterantes* in Græco non est $\mu\omicron\chi\epsilon\upsilon\omicron\nu\tau\epsilon\varsigma$, quod proprie mœchiam et adulterium significat; sed $\kappa\alpha\pi\eta\lambda\epsilon\upsilon\omicron\nu\tau\epsilon\varsigma$, id est cauponantes, quibus opponit Paulus sinceros et sinceritatem. Cauponantur verbum Dei, qui instar cauponum prædicant Evangelium ad quæstum ex eo colligendum, illudque referunt ad sua lucra. Noster tamen recte vertit, *adulterantes*, quia sicut caupones sæpe vina aliaque quæ vendunt, aliis rebus commiscunt, vitiant et adulterant pro quæstu: ita et avari pseudopræcones Evangelii, sua lucra miscent Evangelio, itaque Evangelicam prædicationem quæ pura esse debet, pureque referri ad unius Dei gloriam, sua avaritia vitiant, contaminant et adulterant, dum ea ad quæstum abutuntur, uti exposuit S. Gregorius. Sic, « non cauponantes bellum, sed belligerantes, » aiebat Pyrrhus rex. Capitanei enim ignavi metuentes prælium, illud transactione et pretio redimunt; alii

fidem suam duci datam, urbes et arcēs sibi creditas, pretio quasi caupones, hosti qui eum eis cauponatur, vendunt.

Rursum fidem pseudopræcones, ut hæc sua lucra hominumque gratiam capient, sæpe docent et concionantur placentia principibus aut populo, cujus aures scalpunt, itaque vana et falsa dogmata miscent Evangelio, illudque corrumpunt et adulterant. Videtur enim Apostolus hic obiter taxare hostes suos pseudoapostolos, qui christianismum judaismi mixtione adulterabant, quos acriter et ex professo insectatur cap. I et XI. Unde $\kappa\alpha\pi\eta\lambda\epsilon\upsilon\omicron\nu\tau\epsilon\varsigma$, id est, *adulterantes*, cap. IV, 2, exponit $\delta\omicron\lambda\omicron\upsilon\nu\tau\epsilon\varsigma$, id est, dolose tractantes verbum Dei. Hinc etiam hisce dolosis et falsariis, cap. III seq., opponit se aliosque sinceros Christi Apostolos, de quibus mox hic subdit :

SED EX SINCERITATE, SED SICUT EX DEO, CORAM DEO, IN CHRISTO LOQUIMUR. — *q. d.* Non sum caupo, ut pseudoapostoli, sed sincerus verbi Dei præco, qui non alia prædico quam a Deo didici, quamque ex Dei ore quasi illius legatus accepi : quique scio, et assidue memor sum, cogitoque me coram Deo stare et prædicare, omnia mea ab eo videri, audiri et notari, ut a me in hora mortis omnium rationem exigat.

Nota : $\tau\delta$ *in Christo* idem est quod pro Christo, ait Hieronymus *ad Hedibiam*; vel, de Christo, de re et doctrina Christi, de religione Christiana, *q. d.* Unius Christi doctrinam et religionem prædico, unius Christi honorem et gloriam propago et specto. Ita Ambrosius et Anselmus.

Potest secundo, $\tau\delta$ *in Christo* accipi efficacius pro *In Christi* veritate, fidelitate et sinceritate, scilicet loquor et prædico. Vide *Can.* 25 et 37. Aliter S. Chrysostomus : « in Christo, » inquit, id est, per Christum et Christi gratiam.

Pseudo-præcones verbi Dei sunt adulteri et caupones.

CAPUT TERTIUM.

SYNOPSIS CAPITIS.

Primo, asserit Paulus se non captare, nec indigere commendatione hominum, uti pseudoapostoli judaizantes eandem captabant : cum fructus suæ prædicationis se satis commendat.

Secundo, vers. 6, causam hujus rei adfert, quod scilicet Apostoli alique ministri novi Testamenti ac spiritus majori honore et gloria a Deo decorati sint quam Moses, alique ministri veteris Testamenti et litteræ.

Tertio, vers. 13, docet quod Judæi velamen adhuc habeant super cor suum in lectione veteris Testamenti, ut Christum in eo non agnoscant, illum agnitiuri, cum velamen hoc in fine mundi per Christum auferetur.

1. Incipimus iterum nosmetipsos commendare, aut numquid egemus (sicut quidam) commendatitiis epistolis ad vos, aut ex vobis? 2. Epistola nostra vos estis, scripta in cordibus nostris, quæ scitur et legitur ab omnibus hominibus. 3. Manifestati quod epistola estis Christi, ministrata a nobis, et scripta non atramento, sed spiritu Dei vivi : non in

tabulis lapideis, sed in tabulis cordis carnalibus. 4. Fiduciam autem talem habemus per Christum ad Deum : 5. non quod sufficientes simus cogitare aliquid a nobis, quasi ex nobis ; sed sufficientia nostra ex Deo est, 6. qui et idoneos nos fecit ministros novi Testamenti, non littera, sed spiritu : littera enim occidit, spiritus autem vivificat. 7. Quod si ministratio mortis litteris deformata in lapidibus, fuit in gloria, ita ut non possent intendere filii Israel in faciem Moysi propter gloriam vultus ejus, quæ evacuatur : 8. quomodo non magis ministratio Spiritus erit in gloria? 9. Nam si ministratio damnationis gloria est, multo magis abundat ministerium justitiæ in gloria. 10. Nam nec glorificatum est quod claruit in hac parte, propter excellentem gloriam. 11. Si enim quod evacuatur, per gloriam est : multo magis quod manet, in gloria est. 12. Habentes igitur talem spem, multa fiducia utimur : 13. et non sicut Moyses ponebat velamen super faciem suam, ut non intenderent filii Israel in faciem ejus, quod evacuatur, 14. sed obtusi sunt sensus eorum. Usque in hodiernum enim diem idipsum velamen in lectione veteris Testamenti manet non revelatum (quoniam in Christo evacuatur) ; 15. sed usque in hodiernum diem, cum legitur Moyses, velamen positum est super cor eorum. 16. Cum autem conversus fuerit ad Dominum, auferetur velamen, 17. Dominus autem Spiritus est. Ubi autem Spiritus Domini, ibi libertas. 18. Nos vero omnes, revelata facie gloriam Domini speculantes, in eandem imaginem transformamur a claritate in claritatem, tanquam a Domini Spiritu.

Vers. 1. 1. INCIPIMUS ITERUM NOSMETIPSOS COMMENDARE. — Quia in fine præcedentis capitis visus erat Apostolus se laudare captareque Corinthiorum gratiam : hinc suspicionem cenodoxiæ hic a se amolitur.

NUNQUID EGEMUS COMMENDATITIS EPISTOLIS AD VOS AUT EX VOBIS? — « Ex, » id est, a vobis scriptis epistolis, quibus apud alios commender (1)?

Vers. 2. 2. EPISTOLA NOSTRA VOS ESTIS. — Vos, o Corinthii, mea opera conversi, estis mihi instar epistolæ commendatitiæ ab omnibus lectæ et intellectæ, quam pro meâ commendatione exhibeo, quibus volo ; sicut enim opus commendat opificem, et sigillum rei signatæ facit fidem : sic vos quasi epistola commendatitia a vobis obsignata me commendatis. Omnes enim sciunt quales fueritis ante conversionem, scilicet intemperantes, gulæ, libidini aliisque vitiiis et cupiditatibus addicti (erat enim Corinthus emporium celeberrimum, uti omnium mercium, ita et vitiorum). Jam vero vident vos per meam prædicationem totos esse mutatos in alios homines, temperantes, castos, mites, humiles, pios, eleemosynarios. Hæc ergo vestra conversio est mea epistola commendatitia, id est, testimonium et commendatio publica meæ prædicationis apud omnes gentes.

RURSUM : EPISTOLA NOSTRA VOS ESTIS SCRIPTA IN CORDIBUS NOSTRIS, — *q. d.* Vos a me conversi estis indelebiter animo meo inscripti inculptique. Ubi nota : Paulus hanc epistolam bis scripsit. *Primo*, in seipsa, cum in Corinthiorum mente fidem et

spiritum Christi inseruit et inscripsit. *Secundo*, eandem scripsit et impressit in corde suo per eorum curam et amorem. *Tertio*, vos etiam estis epistola Christi, quorum scilicet in cordibus, ministerio meo quasi calamo inscriptus est Christus, ipseque Christus in iis per me et meam prædicationem, suam fidem, spem, charitatem et reliqua bona inscripsit non atramento, sed Spiritu Dei vivi, id est Spiritu Sancto ejusque afflatu et aspiratione, quæ spiritum charitatis et virtutum mentibus vestris inseruit. Ita Anselmus et passim Græci et Latini.

3. SCRIPTA IN TABULIS CORDIS CARNALIBUS. — **Vers. 3.** Græce *σαρκιναι*, id est *carneis*, putæ in corde molli, ductili, docili, non in lapide duro, ut lex Moysis. Alludit ad Jeremiam, cap. xxxi, vers. 33. Ita Ambrosius.

Nota : Distinguit Apostolus hæc duo *σάρκινος* et *σπυρικός* : *σάρκινος* vocat *carneum*, constantem carne, sive naturali carnis conditione et teneritudine ; *σπυρικός* vero vocat *carnalem*, qui carnis habet vitia et corruptelas, ut *Rom. vii, 14* : « Ego autem carnalis (*σάρκινος*) sum, venundatus sub peccato. » I *Corinth. iii, 3* : « Cum sit inter vos zelus et contentio, nonne carnales (*σάρκινος*) estis ? » Sic alibi carnalia vocat desideria. Alii tamen auctores hæc non distinguunt. Unde Nazianzenus τὸ *σάρκινον* τοῦ *Χριστοῦ* vocat incarnationem et humanitatem Christi (2).

4. FIDUCIAM TALEM HABEMUS PER CHRISTUM AD DEUM. — **Vers. 4.** Pro *fiduciam*, græce est *παρρησία*, quæ est

(1) Dicit hoc Apostolus, aliorum deridens ambitionem, ut ait sensus : Non opus est mihi commendatitiis litteris, quales ostendunt illi adversarii mei et falsi Apostoli ad captandam benevolentiam. Pungi videntur adversarii e Palestina potissimum adventantes : ita Allioli.

(2) **Vers. 3.** Hæc Bernardinus : Explicat et quasi corrigit quod superius dixit : Epistola nostra vos estis ; *q. d.* Quin potius estis epistola Christi, nostro ministerio scripta. *Manifestati*, id est, manifestum est per fidem et opera vestra quod estis epistola Christi, etc.

Magna Corinthiorum mutatio ex Pauli prædicatione.

persuasio cum animi confusione et confidentia, qua animus se erigit tenditque in bonum aliquod arduum quod concupiscit, quasi certo idipsum consecuturus sit. Talis est fiducia quæ suggeritur Sanctis a Spiritu Sancto ad facienda miracula, vel opera virtutum heroica, quam Deus non tantum in patrans, sed etiam in suscipiente miraculum, aliudve Dei donum, quasi congruam dispositionem exigere et præmittere, priusque donare et inspirare solet, ut anima per confidentiam hanc se dilatans et erigens, miraculi vel doni illius fiat capax, q. d. Persuasionem hanc et confidentiam, quod scilicet vos sitis epistola nostra scripta spiritu Dei vivi, habemus per gratiam Christi apud Deum, scilicet in Deum sperantes, et certo confidentes, quod ipse, uti cœpit, ita perget epistolam hanc spiritu suo perscribere et perficere. Hinc secundo, « fiduciam, » id est confidentiam, habemus ad Deum, quia confideret gloriatur in Deo de hac Dei nostraque epistola, deque ministerii nostri dignitate et fructu præ ministerio Mosis et aliorum veteris Testamenti ministrorum. Ita Anselmus, et patet ex sequentibus.

Vers. 5.

5. NON QUOD SUFFICIENTES SIMUS COGITARE ALIQUID A NOBIS. — « Aliquid, » scilicet boni, quod spectet et ordinetur ad fidem, gratiam, meritum et salutem æternam, ut quis idoneus sit minister novi Testamenti, ut præcessit. Quod si ex se nemo potest cogitare tale aliquid, ergo multo minus operari. Ita Concilium Arausicanum, can. 7, et D. Augustinus, *De Prædest. Sanctorum*, cap. II.

Fidei salutisque initium non est ex libero arbitrio. Pelagii, Beza et Calvinii errores confutati.

Hinc primo, contra Semipelagianos docet ibidem Augustinus et ex eo Scholastici, voluntatem credendi, et omne fidei salutisque initium ac desiderium non esse ex libero arbitrio, sed ex gratia præveniente. Unde falso hic Beza impingit Scholasticis, quasi hinc doceant nos a nobis principium habere boni, sed infirmum et insufficiens; omnes enim docent principium bonæ et sanctæ vitæ, cogitationis, actionis et salutis esse supernaturale, et a Dei gratia oriri, non a natura aut bonitate voluntatum.

Secundo, falso Calvinus ex hoc loco putat in libero arbitrio nullas esse vires quas exerat in operibus gratiæ; sed omnem sufficientiam, id est omnes vires omnemque conatum et actionem esse gratiæ: nam Apostolus tantum ait, liberum arbitrium ex se esse insufficiens, non autem nullas habere vires: sicut ergo homo infirmus debiles habet vires, sed insufficientes, ad ambulandum; sufficientes autem, si quis eas erigat, juvet et sustentet, sicque motui et ambulationi det initium et adjuvamentum: ita et liberum arbitrium ad bona opera ex se debile est et infirmum; sed sufficiens, si a gratia præveniente excitetur, roboretur, adjuvetur.

Dices: Sufficientia hic capi potest pro virtute, viribus et potentia cum Theophylacto et Syro. Respondeo: Et hoc verum est; nam potentia et vires liberi arbitrii ad opus supernaturale et gra-

tiae, qua supernaturale est, Deo gratum, et dignum ac meritum vitæ æternæ, non sunt ex libero arbitrio, sed ex gratia excitante et coeoperante: qua habita sufficiens est liberum arbitrium ut libere credat, amet et quidvis supernaturale operetur. Nam liberum arbitrium in omne opus habet vires naturales, ut producat opus liberum; ergo duæ hic concurrunt causæ ad idem opus: una naturalis, scilicet liberum arbitrium; secunda supernaturalis, scilicet gratia; et cuique suus respondet effectus: gratiæ respondet, quod sit opus virtutis supernaturalis; libero vero arbitrio, quod sit liberum et humanum: vide *Can. 13*. Sic homo valde infirmus non tantum insufficiens, sed et impotens est ad ambulandum, quia supra vires ejus est ambulare; fit autem potens, si robur ei aliud a socio aut aliunde addatur, tuncque viribus ipse suis (licet infirmis) simul influit cum viribus socii vel roboris sibi additi in motum et ambulationem: sed ita ut robur additum eum prævenire, et quasi ambulationem inchoare debeat, omnisque vis et energia ad ambulandum hic et nunc sit in robore addito. Quod enim supra vires suas infirmus conetur ambulare, et ambulet, id habet non a se, aut viribus suis, ut patet, sed a robore addito: eo tamen addito ipse viribus suis simul connititur ambulare, et in ambulatione facit quod potest, nisumque et motum viribus suis respondentem et commensuratum efficit et producit. Ita plane simili modo liberum arbitrium gratiæ cooperatur excitanti, ejusque influxui supernaturali in opus supernaturale concursum præbet naturalem, sibi suæque naturæ viribus commensuratum.

Moraliter ex hoc loco discimus in omni opere bono agnoscere infirmitatem nostram, omnemque illius bonitatem et dignitatem tribuere gratiæ Christi. Ita S. Gregorius, lib. XXII *Moral.*, cap. XIX: « Nemo, inquit, se alicujus virtutis aestimet etiam cum quid fortiter potest: quia si divina protectio deserat, ibi repente enerviter obruetur, ubi se valenter stare gloriatur. » Et S. Augustinus, lib. II *Contra Julianum*, cap. VIII, laudat hanc S. Cypriani vocem, qua Pelagianos confutat, dicens: « Ipsi (Pelagiani) confidunt in virtute sua et clamant: Perfectio nobis virtutis a nobis est; tu (o Cypriane) autem reclamas: Nemo suis viribus fortis est, sed Dei indulgentia et misericordia tutus est. » Idipsum canit Psaltes, *Psal. LVIII*: « Fortitudinem, ait, meam ad te custodiam, » id est fortitudinem meam apud te quasi custodiæ locum secure reponam, sperans non meis, sed tuis viribus fore me semper hostibus meis superiorem, quia tu es fons omnis virtutis et fortitudinis, ut ait ibidem S. Augustinus. Unde Cassiodorus sic exponit: « Fortitudinem meam per te custodiam; » Genebrardus vero sic: « Fortitudinem meam ad te referam, » eamque tibi acceptam feram. Peccavit in hoc Pharaon, rex Ægypti, dicens, *Ezechiel. XXX, 3*: « Meus est fluvius (Nilus

Locus moralis de omni operum nostrorum dignitate et bonitate legi adscribenda.

fecundans, sapiens et tutans Ægyptum), et ego feci memelipsum (regem tam potentem Ægypti); » ideoque audivit a Deo, vers. 5 : « Projiciam te : bestiis terræ et volatilibus cœli dedi te ad devorandum. »

Rursum ex hoc Pauli loco discimus orare Deum assidue, ut nostras cogitationes dirigat, piasque et sanctas immittat. Illæ enim omnium bonorum operum fons sunt et principium. Qua de re ita orat Ecclesia : « Largire nobis, quæsumus, Domine, semper spiritum cogitandi quæ recta sunt propitius, et agendi : ut qui sine te esse non possumus, secundum te vivere valeamus. » Denique docte et pie S. Bernardus, serm. 32 in Cant. : « Non quod sufficientes simus cogitare aliquid ex nobis tanquam ex nobis (subaudi bonum), sed sufficientia nostra ex Deo est. Cum ergo mala in corde versamus; nostra cogitatio est; si bona, Dei sermo est : illa cor nostrum dicit, hæc audit. Audiam, ait, quid loquatur in me Dominus Deus, quoniam loquetur pacem in plebem suam. Itaque pacem, justitiam, pietatem Deus in nobis loquitur : nec talia nos cogitamus ex nobis, sed in nobis audimus. Cæterum homicidia, adulteria, furta, blasphemie, et his similia de corde exeunt, nec audimus ea, sed dicimus; » aut certe diabolus ea nobis immittit et suggerit.

Vers. 6. 6. QUI ET IDONEOS NOS FECIT. — Græce ἐξάνωθεν, fecit nos sufficientes, ut vertit Noster vers. præcedent. Syrus, *fecit nos dignos ministros novi Testamenti*.

NON LITTERA, SED SPIRITU, — non lege, sed gratia, q. d. Minister sum novi Testamenti, non ita ut tabulas legis et fœderis, ejusque verba et voces afferam, uti in veteri Testamento fecit Moses; sed ut per verba mea Deus spiritum suum sanctosque impulsus vobis immittat. Ita Ambrosius, Anselmus, Chrysostomus. Vide Augustinum, lib. *De Spiritu et Litt.*, tom III. Unde Græca clarius habent, διακόνους καὶ τῆς διαθήκης, οὐ γράμματος, ἀλλὰ πνεύματος, fecit nos ministros novi Testamenti, non litteræ, sed spiritus.

LITTERA ENIM OCCIDIT. — Primo, Chrysostomus, Ambrosius, Augustinus, lib. III *De Doctr. Christ.*, cap. IV, sic explicant, q. d. Littera legis redarguit, et pœna mortis condemnat eos, qui huic litteræ, id est legis præceptis justitiæ et charitatis, non obsequuntur : hæc enim littera legis dictat, itaque sancit : « Qui legem violarit, morte moriatur, » *Levit. xx*, et alibi. Secundo, idem Augustinus ibidem : « littera occidit, » si videlicet nudis verbis, neglecto vero Scripturæ sensu, ad errores abutaris, uti faciunt hæretici et Judæi. Tercio, idem cap. v et vi : « littera occidit, » si quæ metaphorice dicuntur, ad litteram ut sonant capiantur. Quarto, idem ibidem : « littera occidit, » si quæ in lege veteri quasi typi novæ legis dicuntur, jam ad litteram servanda intelligantur. Et hoc sensu explicandi sunt Origenes, lib. III *Contra Celsum*; Didymus, lib. III *De Spiritu Sancto*, et

alii veteres, dum aiunt *litteram*, id est litteralem legis sensum, *occidere*; *spiritum* vero, id est spiritalem et allegoricum, *vivificare*. Quia videlicet jam Christianis cæremonias et ritus lege veteri præceptos ad litteram servare non licet sub pœna mortis; sed id eis faciendum est quod illæ cæremonie allegorice significabant, ut vitam gratiæ et gloriæ assequantur. Quinto, idem Augustinus, lib. *De Spiritu et Litt.*, cap. IV et seq. : « littera » tam legis novæ quam veteris, « occidit, » si a spiritu separetur; sed ideo de sola lege veteri hic dicitur, « lex occidit, » quia Moses cum legem dedit, nihil nisi litteram dedit; Christus autem simul cum lege spiritum dedit. Unde hinc docet Augustinus legem non posse impleri solis naturæ viribus, sed ad hoc Christi gratiam requiri. Sexto, Augustinus ibidem, et Anselmus hic : « littera occidit, » per occasionem : occasionaliter enim lex acuit et incitat concupiscentiam et peccatum, quod occidit animam. Hic sensus et primus maxime sunt litterales.

Sic contra, SPIRITUS VIVIFICAT. — Primo, quia Spiritus gratiæ et charitatis vitam supernaturalem dat animæ. Secundo, quia impellit et indit motum et agilitatem ad bona opera, et ad legem implendam. Tercio, quia dirigit ad vitam æternam, quam suis observatoribus lex promittit. Hujus vitæ et spiritus ministri a Christo missi fuerunt Apostoli.

7. SI MINISTRATIO MORTIS ET DAMNATIONIS (id est, si ministerium et promulgatio legis veteris mortem et damnationem comminantis et inferentis) FUIT IN GLORIA (vel ut Syrus vertit, vers. 9, *fuit gloria*, id est valde gloriosa; scilicet cum tonitru, tuba cœlesti; terræ motu montis Sina, splendore vultus Mosis, gloriose magnificeque lex vetus promulgata fuit, et) DEFORMATA. — Græce ἐντετυπωμένη, impressa et inscripta tabulis lapideis, *Exodi xix*, 20 et 34.

Nota : Paulus hic legem veterem vocat mortis ministrum et quasi lictorem; eo quod ipsius esset occidere quidem reos, non autem vivificare obsequentes. Ex hisce satis patet Paulum hæc scribere contra pseudoapostolos, eosque fuisse Judæos, atque judaismum voluisse inducere; et miscere cum christianismo. Hac enim de causa Judæos ita hic deprimit et pungit Paulus, adeoque tam legem veterem, quam Mosem vocat ministros mortis et damnationis : se vero et Apostolos, legemque Evangelicam vocat ministros justitiæ, spiritus et vitæ. Idem magis patebit cap. x et xi, ubi aperto Marte hosce Judæos obrectatores suos insectatur.

8. QUOMODO NON MAGIS MINISTRATIO SPIRITUS (et justitiæ, id est ministerium et promulgatio legis Evangelicæ, spiritum et justitiam afferentis) ERIT IN GLORIA? — Ita Chrysostomus, Ambrosius, Anselmus. Patet hæc gloria legis novæ in spiritu vehementi, ac linguis variis et igneis, quæ in Pentecoste, cum lex nova est promulgata, Apos-

Spiritus tripliciter vivificat.

Lex vetus mortis ministra.

tolos omnibus gentibus gloriosos effecerunt, *Actor. II.* Rursum in dono linguarum, prophetiæ et aliis, quæ olim in baptismo visibiliter recipiebant Christiani, ut patet *I Corinth. XIV, 26*, uti jam invisibiliter gratias, virtutes et dona Spiritus Sancti accipiunt.

ITA UT NON POSSENT INTENDERE FILII ISRAEL IN FACIEM MOSIS, PROPTER GLORIAM VULTUS EJUS. — Nota : *Exodi XXXIV, 29* et seq., Deus Mosi et Judæis tabulas legis a se scriptas daturus, et cum Mose hac de re in Sina monte colloquens, quasi sol radiantissimus Mosi suam gloriam, id est radios suæ lucis afflavit adeo fulgidus, ut Judæi in faciem Mosis quasi in alterum solem intueri non possent, sed ab eo facies suas avertere cogerentur. Hinc Moses, ut cum eis loqui posset, velamine suam velabat faciem et gloriam. Unde *Exodi XXXIV, 29*, dicitur : « Cum descenderet Moses de monte Sinai, tenebat duas tabulas testimonii, et ignorabat quod cornuta esset facies sua ex consortio sermonis Domini. » Ubi nota, *cornutum* metaphorice sumi; non enim cornua habebat in fronte Moses, ut ei affingunt pictores, sed ita lucida erat facies ejus, ut radios luminis vibraret, ejusque quasi cornua emitteret. Vide dicta *Exodi XXXIV, 29*.

QUÆ EVACUATUR. — « Quæ, » scilicet gloria, auferenda erat a Mose : hi enim radii et hic splendor, uti et vita, Mosem morientem deseruerunt, ut significarent legem veterem desituram, ejusque gloriam, adveniente nova; emorituram.

Vers. 10. 10. NAM NEC GLORIFICATUM EST, QUOD CLARUIT IN HAC PARTE. — « Nam » hebraismo hic assertivum est, non causale, juxta *Can. 24* et *25, q. d.* Atque adeo gloria Mosis in Sina non est dicenda gloria hac in parte, si videlicet comparetur cum Apostolici muneris gloria; propter ejus gloriam excellentem, qua longe præcellit Mosi. Ita Chrysostomus. Sicut, ait Theodoretus, lux lucernæ noctu fulget, sed in meridie a sole obscuratur : sic gloria Mosis a Christo obscurata est. Hoc enim significat *τὸ propter excellentem gloriam*, scilicet Christi et novi ejus Testamenti.

Ubi nota : Pro *τὸ propter*, græce est *ὅτι*, quod perperam Beza vertit, *quod attinet*. Melius Maldonatus vertit, *respectu*, ut *ὅτι* respondeat Hebræo *נֶגֶד* *neged*, id est *coram, respectu, q. d.* Lex vetus claruit, sed tantum ex parte, si respicias et conferas ejus gloriam cum gloria legis novæ : illa enim exigua fuit et obscura, hæc vero excellens est et illustris. Proprie *ὅτι* significat causam : unde Noster optime vertit, *propter*, juxta sensum datum.

Vers. 11. 11. SI ENIM QUOD EVACUATUR (Moses scilicet et lex evacuanda et abolenda per Christum), **PER GLORIAM EST** (in gloria est, gloriosa est) : **MULTO MAGIS QUOD MANET** (scilicet lex nova Christi), **IN GLORIA EST.**

Vers. 12. 12. HABENTES IGITUR TALEM SPERM. — Quod Dominus per nos Apostolos spiritum gratiæ diffun-

dat, nosque ita glorificabit deinceps præ Mose, uti fecit hactenus. Ita Chrysostomus.

MULTA FIDUCIA UTIMUR, — confidenter evangelizamus, cum libertate, ingenue, aperte. Ita Chrysostomus. Græcum enim *παρρησία*, alii *fiduciam*, alii *libertatem*, alii *evidentiam* vertunt : omnia enim hæc significat, omniaque huic loco conveniunt.

13. ET NON SICUT MOYSES PONEBAT VELAMEN. — **Vers. 13. q. d.** Moses velabat faciem suam, nos contra non velamus faciem Christi, sed illum magna libertate omnibus proponimus. Nota : *Exodi XXXIV, 33*, dicitur de Mose : « Impletisque sermonibus (id est præceptis quæ audierat a Domino in Sina, ut præcessit), posuit velamen super faciem suam. » Ex quo loco colligitur, quod Moses præcepta Dei populo promulgavit primo colloquio aperta facie et radiante ob majestatem, reverentiam et testimonium legis; sed post primam illam promulgationem deinceps quando loquebatur cum populo, velabat faciem, ut colloqui liberioris daretur copia; quando vero tabernaculum adibat, de quo cap. *XXXIII, 8*, collocuturus cum Domino, velum auferbat.

Allegoricam hujus velationis causam dat Apostolus hic vers. *14, 15, 16*. Judæis enim vetus Testamentum est velamine obductum, ut non videant internam ejus lucem novi Testamenti et Christum eo contentum : hoc velamen nobis in lege nova abstulit Christus, et auferet in fine sæculi a Judæis ad fidem convertendis.

Tropologice Gregorius, part. *III Pastoralis*, cap. *v* : Necesse est, inquit, ut prædicator (instar Mosis) auditoribus se attemperet : alta etenim quæque debent multis audientibus contegi, et vix paucis aperiri.

UT NON INTENDERENT FILII ISRAEL IN FACIEM EJUS. — « In faciem. » Ita legunt jam constanter Latini : alioqui videri posset *faciem* pro *finem* hic irrepis-
Christus abstulit velamen veteris legis.
Triplex hujus loci interpretatio.
sisse : nam Græca hic, Syrus et veteres etiam Latini, ut Ambrosius, legunt *εἰς τέλος*, *in finem*, id est Christum, mystice significatum per faciem revelatam et splendentem Mosis, uti explicant Ambrosius et Theodoretus. Alii vero magisque ad litteram : *in finem*, inquit, id est, in perfectionem et consummationem splendoris faciei ejus, scilicet Mosis; vel *in finem*, id est extremitatem, sive extremam superficiem faciei Mosis intendere non poterant filii Israel. Unde Noster clarius vertit, *in faciem ejus*. Tertio, aliter Theophylactus : Rudes, inquit, Israelitæ videre non potuerunt quod finem haberet lex, essetque abroganda. Sed hoc mysticum est; secundus ergo sensus litteralis est.

QUOD EVACUATUR (1). — *q. d.* Qui Mosis splendor abolendus erat; vel quæ facies Mosis, tam scilicet gloriosa, abolenda erat. Græcum enim *τὸ καταργου-*

(1) « Quod evacuatur, » id est, ut in græco est, ne Israelitæ viderent *finem*, seu *cessationem splendoris*, quem vultus emittebat, crederentque fœdus suum cum Deo ad tempus solummodo initum fuisse : ita Allioli.

μέου tam ad πρόσωπον, id est faciem, quam ad κάλυμμα, id est velamen, referri potest; sed Noster aptius retulit ad κάλυμμα, *velamen*, non ad *faciem*: sic enim vertere debuisset *quæ*, non *quod*, *q. d.* «Quod,» scilicet velamen Mosis abolendum erat per Christum: de velaminis enim hujus revelatione per lucem et legem novi Testamenti agit in sequentibus. Ita Anselmus, Ambrosius, Theophylactus.

Quid ad-
gnifica-
verit
splendor
et vela-
men vultus Mo-
sis?
Nota cum Theodoro: Splendor vultus Mosis instar solis significabat claritatem et gloriam Christi et legis novæ; velamen vero significabat umbram, crassas caeremonias obscuritatemque legis Mosis. Judæi non nisi velatam faciem Mosis videre potuerunt, quia increduli suis umbris caeremoniisque insistent, et a luce Evangelii excæcantur. Unde subdit:

Vers. 14. 14. SED OBTUSI SUNT SENSUS EORUM, — id est, ut habent Græca, *ἠωρώθη, occaluerunt*, hoc est, obdurerunt, occæcati sunt Judæorum oculi a splendore vultus Mosis, et allegorice excæcati sunt a splendore Evangelii. Tō enim «sed obtusi sunt» refertur et opponitur tum litteraliter, tum allegorice illi quod dixit: «Ut non intenderent in faciem ejus,» Mosis (1).

USQUE IN HODIERNUM ENIM DIEM IDIPSUM VELAMEN IN LECTIONE VETERIS TESTAMENTI MANET. — Prosequitur hic Apostolus allegoricum sensum et causam velaminis Mosis ejusque splendoris, quo percussi et quasi obtusi excæcati sunt Judæorum oculi, *q. d.* Moses et vetus testamentum usque hodie Judæis est velatum, ut Christum illo testamento per tot figuras, prophetias, caeremonias et sacrificia significatum non intelligant, non videant, non agnoscant. Rursum, vetus testamentum eis velatum est, quia illud legunt, sed non intelligunt, nec ejus sensum, finem, scopum, lucem et splendorem, qui Christus est, pervident, quasi obtusos et hebetatos haberent mentis oculos, uti olim obtusos habuerunt corporis oculos, cum in fulgentem Mosis faciem intenderent.

QUONIAM IN CHRISTO EVACUATUR. — *q. d.* Per gratiam et fidem Christi evacuatur et tollitur hoc velamen, ut clare vetus testamentum, Christumque eo significatum intelligamus et videamus.

Vers. 15. 15. SED USQUE IN HODIERNUM DIEM, CUM LEGITUR (a Judæis in Synagoga) MOYSES — lex et vetus testamentum.

VELAMEN POSITUM EST SUPER COR EORUM. — Hoc velamen est pertinax et crassa ac obstinata inhaesio, qua Judæi mordicus adherent carnalibus sacrificiis et ritibus legis veteris, itaque excæcantur, ut non videant Christum per illos ritus adumbratum. Hoc ergo est Judæorum velamen: nam legis velamen est ipsa ejus obscuritas et umbra.

(1) Sed, græc. ἀλλὰ, h. l. non opponitur; significat itaque, imo vero.

17. DOMINUS AUTEM SPIRITUS EST. — *Primo*, Pater, Filius et Spiritus Sanctus, non corpus, sed spiritus sunt; ut *spiritus* sumatur essentialiter, sitque communis toti sanctissimæ Trinitati. Ita S. Ambrosius. *Secundo*, notionaliter sumi potest pro Spiritu Sancto: unde Græca habent articulum τὸ πνεῦμα, *q. d.* Ille spiritus; et Biblia Romana, aliaque, *Spiritus* per magnum S scribunt, quasi proprium nomen. Nam Judæi agnoscunt unum Deum et Dominum, sed negant plures personas, et Spiritum Sanctum esse Deum, *q. d.* Cum Judæi, ablato hoc velamine legis, conversi fuerint ad Dominum, ut credant SS. Trinitatem, adeoque Spiritum Sanctum esse Dominum et Deum: tunc huic Deo et Domino servient non littera, crassis corporalibusque caeremoniis, sed spiritu; hic enim Dominus ad quem convertentur, est Spiritus, et Spiritus Sanctus dabit eis legem spiritus et libertatis, ut spiritualibus oculis et sensibus videant Christum in lege velatum et absconditum, illumque adorent et colant in spiritu et veritate. Hoc est enim quod dicit Christus, *Joan. iv, 23*: «Venit hora, et nunc est, quando veri adoratores adorabunt Patrem in spiritu et veritate. Nam et Pater tales quærit qui adorent eum. Spiritus est Deus, et eos qui adorant eum, in spiritu et veritate oportet adorare.» Quem locum S. Athanasius ad *Serapionem* sic explicat: Oportet, inquit, adorare Patrem in veritate, id est in Filio et Spiritu Sancto, *q. d.* Oportet adorare tres personas SS. Trinitatis, Patrem, Filium, et Spiritum Sanctum. Verum hoc mysticum est.

Unde ad litteram nota, hæc dicere Christum contra Samaritanos et Judæos. Samaritani enim falso et a se conficto cultu Deum adorabant, adeoque Deum cum idolis adorabant, ac consequenter Deum non verum, sed falsum et fictitium, utpote qui esset idolorum socius, adorabant. Judæi vero colebant quidem verum Deum, sed certis et corporeis signis, quæ erant umbræ futurorum. His utrisque opponit Christus Christianos, qui pro signis corporeis, in spiritu; pro umbris, falsitate et ignorantia, in veritate Deum, qui incorporeus et purissimus est spiritus, adorant. Spiritus ergo ibi significat spiritalem cultum fidei, spei, charitatis et aliarum virtutum, quibus non per umbras, sed in veritate, id est verissime, rectissime et propriissime Deus colitur. Quare Sacramenta novæ legis et caeremoniæ, cum non sint umbræ legis veteris, sed ornamenta et adjumenta spiritus, ad spiritum pertinent. Ita hunc locum explicant Theophylactus, Theodoretus, Chrysostomus, qui ex eo probant contra Macedonium Spiritum Sanctum esse Deum.

Dices: Idem Spiritus mox dicitur «Spiritus Domini;» quomodo ergo est Dominus? Respondeo: Est *Dominus*, quia Deus; est *Domini*, quia a Patre et Filio procedit, *q. d.* Est Spiritus Domini Patris et Domini Filii.

UMI AUTEM SPIRITUS DOMINI, IBI LIBERTAS. — Pro

Vers. 17.

Error Judæorum circa SS. Trinitatem.

Samaritanorum modus colendi Deum.

Contra Macedonium ostenditur Spiritum Sanctum esse Deum.

libertas, græce non est *παρρησία*, ut ante, sed *δυσθερία*, id est spontanea, ingenua, libera et clare illuminata voluntas : ut scilicet, ablato legis Mosis velamento, clara et spontanea voluntate ambulemus secundum legem Dei. Ita Theophylactus.

Unde nota : « Libertas » hic opponitur non obligationi legis humanæ, vel divinæ, ut volunt hæretici; sed tum velo Mosis, id est obscuritati et crassitie legis veteris; tum litteræ, id est legis servili coactioni, timori et torpori, de qua dixit vers. 6 : « Idoneos nos facit ministros novi Testamenti, non littera, sed spiritu; » ac consequenter duplex hæc est libertas.

Duplex libertas, intellectus et affectus. *Prima*, ut Chrysostomus, est intellectus, estque clara notitia mysterii Trinitatis, incarnationis, etc., quæ Judæis obscura erant : item, veræ religionis et divini cultus, quem Judæi putabant consistere in mactatione boum et arietum, cum Deus coli velit et adorari in spiritu et veritate, *Joan. iv, 23*. Ubi adverte : sicut crassities, hebetudo, obscuratio, ignorantia intellectus, qua mens quasi tenebris, vinculis et carcere constricta tenetur, recte dicitur servitus et servilis conditio; ita e contra, illuminatio, claritas et clara intellectus cognitio recte dicitur libertas, quia mens ignorantia, erroribus crassisque rerum speciebus libera, libere veritati, Deo rebusque divinis et spiritualibus vacat et intendit. Unde Aristoteles, Plutarchus, Seneca et alii dixerunt solos sapientes esse liberos.

Errores Begardorum, Suenfeldianorum, et Libertinorum hæreticorum. *Secunda libertas*, ut docet S. Augustinus, est affectus, estque amor justitiæ, non timor vindictæ, ut scilicet sponte et libere legem impleamus ex amore virtutis, non ex formidine pœnæ. Hæc enim libertas et spiritus amoris Christianorum opponitur servituti et timori servili Judæorum. Patet ex antecedentibus et sequentibus hic. Tam ergo impie quam imperite et insulse ante 300 annos Begardi, et jam Suenfeldiani et Libertini hinc, et ex versu 6, respuunt verbum Dei scriptum, quasi litteram occidentem, soloque spiritu interno dictante nos regi volunt. *Secundo*, hominem sanctum et perfectum liberum esse a lege, nec peccare etiam fornicando. *Tertio*, hinc male alii passim abolent leges humanas. Vide Bellarminum, lib. IV *De Justific.*, cap. III et IV; Belliolanum, libris XV, quos scripsit *De Libert. Christi*. Præclare Augustinus, lib. *De Continentia*, cap. III : « Non sumus, ait, sub lege bonum quidem jubente, non tamen dante; sed sumus sub gratia, quæ id, quod lex jubet, faciens nos amare, potest liberis imperare. » Vide eundem *De Spiritu et Litt.*, cap. X, et *De Natura et Gratia*, cap. LVII.

Nos vero REVELATA FACIE (Christi scilicet incarnati et mysteriorum fidei) GLORIAM DOMINI (gloriosam divinitatem et gratiam, opusque nostræ redemptionis in Mose et veteri Testamento adumbratum) SPECULANTES. — « A speculo, non autem a specula dixit *speculantes*, id est per speculum videntes, non de specula prospicientes, inquit

S. Augustinus, lib. XV *De Trinit.*, cap. VIII. Et patet ex græco : nam græce est *κατοπτρίζεσθαι*, id est quasi in speculo intuentes. Erasmus vero vertit, in speculo representantes, quia, inquit, hoc est speculum gloriæ Dei. Sed vox Græca proprie significat in speculo intueri, ut dixi, non autem representare; nam de representatione hæc subdit, cum ait : « In eandem imaginem transformamur, q. d. Cum Dei gloriam in Christo, ejusque Evangelio, quasi in speculo intuemur, per hoc quasi in eandem Dei gloriam transformamur, eamque in nobis representamus : speculum ergo hoc et speculatio, causa est representationis, non autem ipsa representatio.

Nota : Apostolus *speculum* hic vocat verum carne vestitum, et spectabile factum, quodque in Evangelio et Ecclesia spectandum proponitur, et Mose velato opponitur. Unde cap. seq. vocatur *imago Dei* : Christus enim, qua Deus, est Verbum et speculum Patris; qua homo, est speculum deitatis ejusque gratiæ et gloriæ; ac consequenter Evangelium Christi non est aliud quam speculum gloriæ Dei, idque clarissimum et lucidissimum. Hinc S. Augustinus suas sententias ex Evangelio et Sacra Scriptura collectas de vita et moribus Christianis vocat *Speculum*, quod extat tom. III operum Augustini.

Potest *secundo*, per *speculum* hoc accipi fides, per quam quasi speculum, sed ænigmaticum et obscurum, Deum et divina contemplamur, de quo speculo dixi I *Cor. xiii, 12*.

IN EANDEM IMAGINEM TRANSFORMAMUR. — « Transformamur, » non essentialiter, quasi essentia nostra transformetur in essentiam divinam, sive in suum esse ideale, quod habuit antequam crearetur, in Deo ab æterno : de quo dicit S. Joannes cap. I : « Quod factum est, in ipso vita erat. » Hic enim est error Almarici et aliorum Fanaticorum, quos refellit Gerson epistolis duabus contra Ruishbrochium scriptis, et ipse Ruishbrochius, lib. *De Vera contemplatione*. Sed transformamur accidentaliter, ut scilicet, quasi per reflexionem radiorum lucis Christi quasi speculi in nos, fiamus lucidi luce fidei et gratiæ Christi (hoc enim significat *κατοπτρίζεσθαι*), adeoque fiamus quasi specula jubar divinum emittentes, et quasi soles quidam alios illuminantes, inquit Chrysostomus et Theophylactus; imo fiamus quasi dii, divinæ consortes naturæ, ut ait S. Petrus; « quos, ut ait Paulus, *Rom. viii*, præscivit et prædestinavit (Deus) conformes fieri imaginis Filii sui. » Alludit ad Mosem, qui intuens Deum, cum eo colloquens, reflexos a Deo lucis radios accepit, ut dixi vers. 7; nec enim Moses Deum in se vidit, sed in corpore glorioso assumpto quasi in speculo. Tertullianus, lib. V *Contra Marcion.*, pro transformamur legit, transfiguramur : quasi alludat Paulus ad Christi transfigurationem in monte Thabor, qua Christus sua gloria et luce coruscus, eadem Mosem, Eliam et Apostolos aspersit, et quasi transfiguravit.

Verbum carne vestitum cur hic vocetur speculum?

Error Almarici et Fanaticorum, de transformatione hominis essentiali.

Pari enim modo nos per Evangelium, fidem et gratiam Christi transformamur et transfiguramur, dum per eam fimus divinæ veritatis, splendoris et gloriæ participes, adeo ut eandem aliis aspergamus et communicemus, tandemque in Deum ipsum a quo primo manavit, eandem reflectamus.

Christi
rita spe-
culum
morum.
Tota vita Christi, ait S. Augustinus, per hominem quem in terris gessit, morum disciplina et speculum fuit. Vide eum lib. *De Tera Religione*, cap. xvi, tom. I. Quam sapientes sunt qui hoc speculum assidue intuentur, illique mores suos conformare satagunt, itaque transformantur in alios viros, cœlestes, angelicos et divinos!

Quadru-
plex ho-
rum ver-
borum
sensus.
A CLARITATE IN CLARITATEM.—«a claritate» Christi «in claritatem» nostram, ut fiamus clari et lucidi sapientia et gratia adinstar Christi. *Secundo*, «a claritate» fidei «in claritatem» speciei et visionis. *Tertio*, Anselmus; «a claritate» creationis «in claritatem» justificationis. *Quarto* et optime, ut dixi *Rom. i, 17*, «a claritate in claritatem», id est clarius in dies ac clarius, et usque ad claritatem visionis beatificæ. Ita Ambrosius. Porro Maldonatus, in *Notis manuscript.*, sic explicat, *q. d.* Progredientes «a claritate», id est a gloria veteris

Testamenti, «in claritatem», id est gloriam novi. Simili modo dixit *Rom. i, 17*: «Ex fide in fidem.»

TANQUAM A DOMINI SPIRITU, — id est, idque per Spiritum Domini. Vox *tanquam* redundat hebraismo; vel potius cum Chrysostomo et Ambrosio significat causam congruam et dignam tantæ transformationis, *q. d.* «Tanquam», id est sicut decet Spiritum Dei nos transformare. S. Basilius, lib. *De Spiritu Sancto*, et Chrysostomus hic legunt, *tanquam a Domino Spiritu*; sic enim verti possunt Græca ἀπὸ Κυρίου πνεύματος. Unde hinc contra Macedonium probant Spiritum Sanctum esse Deum, eumque auferre velamen; dareque intellectum Scripturarum. Denique Tertullianus, lib. *V Contra Marcion.*, cap. xi, legit, *tanquam a Domino spirituum* (1).

Error
Macedo-
nii da
Spiritu
Sancto ex
hoc loco
jugula-
tur.

(1) Jam vers. 12 in eo fuit Apostolus, ut accuratius exponeret, quem habeat effectum fiducia dignitatis, qua suum munus ornatum est. Sed historia Mosaica, ad quam vers. 7 respexerat, ita recens in mente hærebat, ut ei non solum suggereret allegoriæ de Mosis velo opportunitatem vers. 13, sed etiam a consilio paulisper eum deduceret vers. 14-18, ad quod tamen cap. iv iterum redit.

CAPUT QUARTUM.

SYNOPSIS CAPITIS.

Primo, ex eo quod docuit cap. iii, tam nobile et gloriosum esse munus prædicandi Evangelium, hoc cap. iv infert, asseritque se caste, sincere et clare illud prædicare: ideoque illud omnibus cognitum esse et manifestum, præterquam iis quorum mentes excæcatæ sunt.

Secundo, vers. 7, asserit se et Apostolos pro Evangelio multa adversa pati, nec succumbere, sed fortiter semper mortificationem Jesu circumferre in corpore, propter spem melioris vitæ et resurrectionis.

Tertio, vers. 17, docet, quod momentanea et levis sua nostraque tribulatio, æternum gloriæ pondus operetur.

1. Ideo habentes hanc ministrationem, juxta quod misericordiam consecuti sumus, non deficimus; 2. sed abdicamus occulta dedecoris, non ambulantes in astutia, neque adultantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo. 3. Quod si etiam opertum est Evangelium nostrum, in iis, qui pereunt, est opertum: 4. in quibus Deus hujus sæculi excæcavit mentes infidelium, ut non fulgeat illis illuminatio Evangelii gloriæ Christi, qui est imago Dei. 5. Non enim nosmetipsos prædicamus, sed Jesum Christum Dominum nostrum, nos autem servos vestros per Jesum: 6. quoniam Deus, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei, in facie Christi Jesu. 7. Habemus autem thesaurum istum in vasis fictilibus: ut sublimitas sit virtutis Dei, et non ex nobis. 8. In omnibus tribulationem patimur, sed non angustiamur: aporiamur, sed non destituimur: 9. persecutionem patimur, sed non derelinquimur: dejicimur, sed non perimus: 10. semper mortificationem Jesu in corpore nostro circumferentes, ut et vita Jesu manifestetur in corporibus nostris. 11. Semper enim nos, qui vivimus, in mortem tradimur propter Jesum: ut et vita Jesu manifestetur in carne nostra mortali. 12. Ergo mors

in nobis operatur, vita autem in vobis. 13. Habentes autem eundem spiritum fidei, sicut scriptum est : Credidi, propter quod locutus sum : et nos credimus, propter quod et loquimur : 14. scientes quoniam qui suscitavit Jesum, et nos cum Jesu suscitabit, et constituet vobiscum. 15. Omnia enim propter vos : ut gratia abundans, per multos in gratiarum actione, abundet in gloriam Dei. 16. Propter quod non deficimus ; sed licet is, qui foris est, noster homo corrumpatur : tamen is, qui intus est, renovatur de die in diem. 17. Id enim quod in præsenti est momentaneum et leve tribulationis nostræ, supra modum in sublimitate æternum gloriæ pondus operatur in nobis, 18. non contemplantibus nobis quæ videntur, sed quæ non videntur, Quæ enim videntur, temporalia sunt : quæ autem non videntur, æterna sunt.

Vers. 1. 1. IDEO HABENTÉS HANC MINISTRATIONEM, — τὴν διακονίαν ταύτην, *tale ministerium*, apostolatus scilicet novi Testamenti, de cujus excellentia hactenus dixi; ad quod per suam misericordiam nos indignos Deus gratis assumpsit.

NON DEFICIMUS, — οὐκ ἐγκακούμεν, non cedimus, non frangimur malis et afflictionibus, non fatigamur, non *segnescimus*, ut vertit Erasmus; κακός enim subinde significat inertem et segnem.

Vers. 2. 2. SED ABDICAMUS (græce ἀπειπάμεθα, abnegamus, renuntiamus; Syrus, אִשְׁלִינָא *aslinan*, id est *execramur*) OCCULTA DEDECORIS, — occulta dedecora et crimina : turpitudine enim amat latebras, adeo ut etiam impudica querentibus illud sit in ore : Si non caste, saltem caute, q. d. Nihil admitto ne occulte quidem quod culpari possit, non sum hypocrita, uti multi pseudoapostoli. Ita Ambrosius. Pulchre idem, lib. II *Officior.*, cap. III, alludens ad anulum Gygis, quo ipse omnes videns, et a nemine visus, stuprum reginæ, necem regi intulit, itaque Lydiæ regnum adeptus est : « Da, inquit, hunc anulum sapienti, ut beneficio ejus possit latere, cum deliquerit; non minus fugiet peccatorum contagium, quam si non possit latere. Non enim latebra sapienti spes est impunitatis, sed innocentiae. Denique lex justo non est posita, sed injustis : quia justus legem habet mentis suæ et æquitatis, ac justitiæ suæ normam. » Hinc aurea illa vox Senecæ : « Etiam si scirem homines ignoraturos, et Deum ignosciturum, tamen peccare nollem ob peccati turpitudinem. » Adde, etiam si peccantes lateamus homines, Deum tamen oculatissimum judicem et vindicem latere non possumus. Hinc quisque cum Paulo abdicet a se occulta dedecoris, itaque caste vivat castamque mentem servet, ac si coram Deo consisteret.

Omnia etiam occultissima peccata cavenda.

NON AMBULANTES IN ASTUTIA, — ut aliud palam ostendamus, aliud occulte faciamus. Notat libidines pseudoapostolorum, et voluptates occultas. Nam, ut ait *Ephes. v, 12* : « Quæ in occulto fiunt ab ipsis, turpe est et dicere. »

NEQUE ADULTERANTES (græce δολοῦντες, cum dolo tractantes; Erasmus, *falsificantes*) VERBUM DEI, — uti faciunt pseudoapostoli, quia scilicet illud permiscant cum lege Mosis et Judaismo, aut quia

pro loco, tempore et personis aliud et aliud doceant. Quæ tria fecit egregie Lutherus. *Primo*, falsificavit illud *Rom. III, 28* : « Arbitramur hominem justificari per fidem, » addendo « solam, » illud *II Petr. I, 10* : « Magis satagito, ut per bona opera certam vestram vocationem et electionem faciat, » demendo, « per bona opera. » *Secundo*, traxit ad suas cupiditates Dei verbum, quando mulierculæ cuidam persuadere tentavit, dormiente marito, secum eam posse concumbere, ita explicans illud *I Cor. VII* : « Quod si dormierit vir ejus, liberata est. » *Tertio*, pro loco, tempore et personis aliter et aliter exposuit verba consecrationis; ita ut Gasparus Querhamer Saxo in *Tabula contradictionum Lutheri*, triginta sex contradictiones ipsius de sola communione Eucharistiæ vulgarit, collectas ex ejus operibus, etiam tum vivente Lutero.

COMMENDANTES NOSMETIPSOS AD OMNEM CONSCIEN-
TIAM, — q. d. Qui student conscientiæ, et ex conscientia rem judicant, hi vident me vera dicere, ut, si velint dicere quod sentiunt, negare non possint me sincere predicare, et quasi coram Deo, ac si ubique Deum inspectorem, testem et judicem intuear et reverear.

3. SI ETIAM OPERTUM EST (ut non intelligatur, Vers. 3. non credatur) EVANGELIUM NOSTRUM. — Alludit ad velamen Mosis, de quo cap. III, vers. 13; est occupatio, q. d. Dicit aliquis : Si tu, o Paule, manifestas, ut dicis, in veritate Dei verbum, commendans te ad omnem conscientiam : qui fit ergo quod hoc tuum Dei verbum non sit omnibus manifestum? Cur non omnes illi credunt? Respondet, illud bonis et fidelibus esse manifestum, impiis autem et infidelibus opertum et incognitum, utpote perditis et reprobis.

EVANGELIUM, — non scriptura Evangelii, ut volunt heretici, quasi illa sit clara omnibus electis; sed mysteria Evangelii, seu articuli fidei cuiusvis Christiano obvii et cogniti, ut Christum esse natum, passum, resurrexisse, etc., quæ evangelizabant Paulus et Apostoli, etiam antequam Evangelia essent conscripta : uti cum hæc scriberet Paulus, quædam needum erant conscripta.

IN IIS QUI PEREUNT, — in reprobis et infidelibus, q. d. Illud est signum et causa reprobationis illo-

rum, quod velamen cæcitatæ et infidelitatis habeant super cor, ut non videant nec credant Christo, ejusque mysteriis in Evangelio et novo Testamento propositis tam clare et evidenter.

Vers. 4. 4. IN QUIBUS DEUS HUIUS SÆCULI EXCÆCAVIT MENTES INFIDELIUM. — Quæres, quis dicatur « Deus huius sæculi? » *Primo*, Marcion apud Chrysostomum hinc docebat Deum quemdam esse justum; non tamen bonum, qui sit opifex sæculi. *Secundo*, Manichæi respondebant esse diabolum, hunc enim esse opificem sæculi rerumque corporalium. *Tertio*, Chrysostomus, Anselmus, Theodoretus et Theophylactus sic ordinant: Deus, scilicet verus, qui huius sæculi infidelium mentes excæcavit; vel Deus verus, sæculi auctor et opifex, infidelium mentes excæcavit. *Quarto*, Oecumenius et S. Thomas: « Deus, inquit, huius sæculi » est diabolus, qui Deus est sæculariter viventium, non creatione, sed sua perversitate, exemplo, imperio et suggestionem; et hoc videtur simplicissimum: ideo enim non Deum vocat, sed alienando, « Deum huius sæculi, » id est sæcularium, qui temporalia et caduca præferunt cœlestibus et æternis bonis. Simile est *Ephes. cap. vi, vers. 12*. *Quinto*, S. Thomas: « Deus huius sæculi » est mammona, sive opes et pompæ, in quibus sæculares ultimam finem et omne bonum quasi in Deo constituunt. Sic *Philip. cap. iii, vers. 19*, dicitur: « Quorum Deus venter est. »

INFIDELIUM. — Refer ad *in quibus*; est hebraismus, *q. d.* « Infidelium, quorum Deus excæcavit mentes. » Hebræi enim sæpe repetunt et jungunt antecedens cum relativo, quod præcessit. Sic ergo hæc connecte: Evangelium in iis infidelium, qui pereunt, opertum est; in quibus, id est quorum, Deus huius sæculi excæcavit mentes.

UT NON FULGEAT ILLIS ILLUMINATIO EVANGELII. — Pro fulgeat, græce est ἀγγέλαι, irradiet; Syrus, oriatur; ἀγρί, aiunt Chrysostomus et Theophylactus, est sublustre quiddam, et prægestus claræ lucis, sive φωτισμῶς, hoc est, illuminationis et gloriæ divinæ, quæ revelabitur in cœlis. Sicut enim aurora et lucifer, sive stella Veneris, præit et præluet soli: sic fides in hac vita quasi lucifer præit et præluet clarissimæ gloriæ et visioni in cœlis. Simile est *II Petri i, 19*.

EVANGELII GLORIÆ CHRISTI. — Est appositio: Evangelium enim dicitur gloria Christi, quia illo glorificatur Christus, Christi redemptio, resurrectio, divinitas. Ita Anselmus.

QUI EST IMAGO DEI. — Nota *primo*: Filio proprium est quod sit et procedat a Patre quasi imago Patris. *Secundo*, imago dicitur, quia ita producitur a Patre, ut ex vi productionis suæ simillimus sit Patri, eumque perfectissime representet. Est enim Verbum divinum sive terminus intellectionis Patris, qua se Pater notionaliter intelligit; Verbum autem mentis est conceptus et imago rei intellectæ, et sic distinguitur a Spiritu Sancto, qui licet Patri sit simillimus, tamen hoc non habet ex

vi productionis suæ; nam ex ea tantum habet quod sit amor notionalis, id est terminus voluntatis et amoris Patris et Filii. *Tertio*, Filius est imago Patris ratione essentiæ divinæ, quatenus scilicet eam Filius a Patre accipit: quatenus enim eam accipit a Patre, realiter ab eo diversus est, sicut imago diversa est a suo exemplari; quatenus vero eandem habet cum Patre, illi simillimus est, eumque per omnia representat. Vide Scholasticos, *I part., Quæst. XXVII et XXIX*.

Nota profunditatem Apostoli, *q. d.* Mundus ab Apostolis fidei lucem accipit; hi a Christo, uti Moses ab Angelo, qui Christi typus erat; Christus a Patre, quasi lumen de lumine, et radius a sole emanat.

DEI. — Complutensia addunt; τοῦ ἀόρατου, invisibilis.

5. NOS AUTEM SERVOS VESTROS PER JESUM. — δὲ Vers. 5. ἡμεῖς, propter Jesum (ita Syrus, Oecumenius, Ambrosius); supple, exhibemus; vel potius repete, « prædicamus nos servos vestros. » Licet enim græcum δὲ cum accusativo attice significet per, communiter tamen significat propter.

6. QUONIAM DEUS, QUI DIXIT DE TENEBRIS LUCEM Vers. 6. SPLENDESCERE, IPSE ILLUXIT IN CORDIBUS NOSTRIS. — « Qui dixit, » scilicet *Genes. i, 2*: « Fiat lux. » Nota in Genesi et creatione mundi ante omnia formatam esse lucem, quia lux qualitas est nobilissima, jucundissima, lætissima, commodissima, efficacissima et potentissima. Vide Dionysium, *De Divin. Nomin.*, cap. iv, ubi triginta quatuor proprietates lucis et ignis recenset, Deo divinisque rebus mire congruentes. Quæ et qualis fuerit hæc lux, dixi *Genes. i, 2*.

Allegorice, Hugo, lib. *De Sacram.*, pag. 1, cap. x, et alii notant, primo die, cum facta est lux, et a tenebris divisa, bonos angelos esse in bono confirmatos, malos in malo, et a bonis esse segregatos; atque ita, quod agebatur in mundo sensibili, imago erat illorum quæ in intelligibili agebantur; quin imo Augustinus passim vult hunc de angelis sensum esse litteralem.

Tropologice, lucem hanc explicat hic Apostolus, *q. d.* Uti Deus olim produxit de tenebris lucem, ita nunc ex infidelibus nos fideles fecit, fideique luce illustravit. Sic et Augustinus, lib. *I Contra Advers. leg.*, cap. viii, per hoc, quod tenebris, sive nocti, quæ luce fuit prior, lux et dies successit, et huic successerunt rursum tenebræ; significari docet, quid in homine fiat spiritualiter, peccato scilicet gratiam, et gratiæ peccatum, cum in illud recidimus, succedere. Vide S. Dionysium supra.

AD ILLUMINATIONEM (ut scilicet illuminemur a Deo: ita Græci; et vicissim, ut illuminemus et alios, ut ait Ambrosius) **SCIENTIÆ** (et cognitione) **CLARITATIS** (hoc est, clara et gloriosa) **DEI** (id est, quæ est de Deo, quæ resplendet) **IN FACIE CHRISTI**, — hoc est, in clara, vel per claram cognitionem Christi et redemptionis ejus; vulgo enim clare cog-

Quare et quomodo Filio Dei proprium sit, esse imaginem.

Lucis proprietates triginta-quatuor apud Dionysium.

Quando ceciderint angeli?

noscitur quisque per faciem (1). Hinc cognoscere in facie significat cognoscere clare et aperte. Sicut ergo noctu tæda vel fax accensa omnia tenebrosa illuminat, ideoque ambulantiis præfertur; ut viam præeat et illustret: ita et Christus quasi fax nos illuminat in nocte hujus sæculi, ut Deum certo et manifeste cognoscamus, viamque ad eum videndum, ad beatam inquam vitam, in cælum ineamus. Unde Glossa symbolice sic explicat: « In facie Christi Jesu, id est per Christum Jesum, qui est facies Patris; quia sine ipso non cognoscitur Pater. » Persistit in allusione velaminis et faciei Moysi velatæ, et Christi apertæ, de qua cap. III, vers. 15. Ita Chrysostomus. Græcum *ἐν προσώπῳ*, quod Noster hic et cap. præced., vers. 8, recte vertit; *in facie*, potest verti cum Syro, *in persona*, id est nomine, vice et auctoritate Christi, quasi ejus vicarii, illuminamus alios. Ita Gagneius, Faber et alii. Unde S. Cyrillus, lib. *De Fide ad Theod. Imperatorem*: « Illuxit, inquit, ipse cordibus nostris ad illuminationem scientiæ claritatis Dei, in facie Christi Jesu. Ecce aperte evidentique illuminatio scientiæ Dei Patris in persona Christi effulsit. »

Vers. 7.

7. HABEMUS AUTEM THESAURUM ISTUM, — id est Evangelii ministerium et prædicationem mihi creditam a Deo. Patet initio capituli vers. 1, et quia de hac immediate ante egit vers. 5 et 6.

IN VASIS FICTILIBUS, — Græce *ὑδαριναις*, *testaceis*, id est in corpore luteo, fragili, caduco, *q. d.* Paulus: Vas fictile corpus nostrum est. Sicut enim vas fictile non est aliud quam lutum igne coctum; ita et corpus nostrum nihil est aliud quam lutum animæ calore solidatum. Tolle animam, corpus in lutum ex quo formatum est, redibit: « Ipse cognovit, inquit David, *Psal. cii*, figmentum nostrum; recordatus est quoniam pulvis sumus. Ita Chrysostomus. Vel secundo, « in vasis fictilibus, » id est in nobis, qui, licet simus Apostoli, sumus tamen homines personæque luteæ et fragiles, tam anima, quam corpore, quique quasi testacea vasa viles sumus, ignobiles, inopes, abjecti, contempti, calcati, omniumque injuriis expositi.

Huic sensui favent sequentia. Sequitur enim: « In omnibus tribulationem patimur, angustiamur, aporiamur, » etc. Sic *epist. I*, cap. I, vers. 27, ait Deum Apostolos quasi infirma, ignobilia et contemptibilia mundi elegisse. Et cap. II, vers. 1, Paulus ait se ad Corinthios venisse non in sublimitate sermonis aut sapientiæ, sed in infirmitate, timore et tremore. Et cap. IV, vers. 9, ait: « Pulo

(1) « Scientiæ claritatis Dei, in facie Christi. » Paulus miratur Judæos ita hebetes ac cæcos esse, ut neque lumen Evangelicæ doctrinæ, neque muneris Apostoli dignitatem videant, quum tamen tantus splendor et *claritas* (δῆξι) Dei et Christi emicuerit per Evangelium, radiosque omnes in partes sparserit. Ista δῆξι resplenduit in facie Christi Jesu, id est, in persona, auctoritate, doctrina, iraculis, etc., Christi.

quod Deus nos Apostolos novissimos ostendit, tanquam morti destinatos: usque in hanc horam et esurimus, et sitimus, et nudi sumus, et colaphis cædimur, » etc.

Symbolice, Origenes, hom. 9 in *Numer.*: Thesaurus hic est Spiritus Sancti gratia abscondita « in vasis fictilibus, » id est in sermonibus rudibus, impolitis et inelegantibus legis et Evangelii.

UT SUBLIMITAS SIT VIRTUTIS (δυναμεις), id est potentiae et fortitudinis) DEI, ET NON EX NOBIS. — Pro ut sublimitas, Ambrosius legit, ut *eminentia*; sic et Augustinus sæpe: græce enim est *ὑπερβολή*, *q. d.* Ideo vult Deus me thesaurum istum habere in vase fictili, ut excellentia quæ in me est, et fructus quem facio in conversione tot gentium, non mihi, sed potentiae et efficaciæ Dei, ac gratiæ Christi adscribatur. S. Hieronymus in *Dialog. contra Pelag.*, legit, ut *abundantia fortitudinis nostræ sit ex Deo*. Vide Chrysostomum hic in *moral.*

Vers. 8.

8. IN OMNIBUS TRIBULATIONEM PATIMUR, SED NON ANGUSTIAMUR. — Pro non angustiamur, græce est *ὁ στενωπόμενοι*, non coarctati, non anxii redditi; alioqui necessarium est ut qui premitur, is adigatur in angustum, et angustietur: sed Apostolo rebus in angustis mens erat lata, ampla et excelsa. Syrus vertit, *premur, sed non suffocamur*. Ita canit et David, *Psal. iv*: « Cum invocarem exaudivit me Deus justitiæ meæ, in tribulatione dilatasti mihi (me). »

APORIAMUR, SED NON DESTITUIMUR. — Hoc est, ut Ambrosius, Theophylactus, Erasmus, Cajetanus, rerum omnium penuria premimur, at non opprimimur. Patet ex græco *ἀπορούμενοι*, ἀλλ' οὐκ ἐξαιρούμενοι; est paronomasia, quam imitatur Budeus dum vertit, *egentes, sed egestati non succumbentes*. Egestas enim in animo patienti, sapienti, tranquillo et in Deum defixo, quietem, sufficientiam, imo et copiam parit. Ut Christianos taceam, docuit hoc Favorinus philosophus apud Gellium, lib. IX, cap. VIII: « Verum est, inquit, quod observato rerum usu sapientes viri dixerunt, multis egere qui multa habeat; magnamque indigentiam nasci non ex inopia magna, sed ex magna copia. Multa enim desiderari ad multa quæ habeas tuenda. Quisquis igitur multa habens cavere atque egere prospicere velit, ne quid egeat, neve quid desit, jactura opus esse, non quæstu, et minus habendum esse ut minus desit. »

Possunt secundo, Græca jam dicta sic verti: Inopes consilii et perplexi sumus in mediis malis et difficultatibus; attamen nec iis, nec anxietate et tædio vincimur; non desperamus, sed in Deo consilium, remedium, exitum speramus, invenimus, et vincimus. Ita Theophylactus, Chrysostomus, Œcumenius, et hoc magis significat Græcum *aporiamur*. Est enim aporia inopia non tantum corporis, sed et animi, puta consilii inopia, dubitatio et perplexitas, cum mens undique se malis obseptam videns anxia hæret, nescitque quid consilii capere, quid aggredi debeat. Sed

Corpus
nostrum
est vas
fictile.

Indigentia nascitur non ex inopia, sed ex magna copia.

Aporia est inopia mentis et corporis

Deus Apostolis, suisque in hac aporia succurrit, suggeritque viam evadendi. Id se suosque in Indorum conversione experiri, testes sunt S. Xaverius et Gaspar Barzæus, dictitantes in India plus in quavis re et dubio docere Spiritum Sanctum, quam apud nos omnes doctores et sapientes docere possint.

Vers. 9. 9. PERSECUTIONEM PATIMUR, SED NON DERELINQUIMUR. — Acute et pie S. Gregorius Nyssenus in lib. *De Beatitudinibus*, explicans ultimam beatitudinem, quæ est: « Beati qui persecutionem patiuntur, » expendit vocem illam *persecutionem*, quæ currentium, imo præcurrentium est. Ponit ergo ob oculos virum pium et tribulationem, quasi duos esse cursores qui simul currant; sed cum ille tribulationi non cedit, quasi victorem antecedere et præcurrere: tribulationem vero a tergo viri pii subsequi, et post eum currere, ideoque appellari *persecutionem*, non consecutionem, quia persequitur virum pium, sed eum non assequitur. Docet ergo hac voce indicari, Sanctos per patientiam velocissime currere ad braviū gloriæ, et in persecutionibus maxime elucere Sanctorum in currendo vigorem et fortitudinem: « Martyrium, inquit, nobis stadium ostendit, et fidei cursum designat: nam persecutio vehemens studium celeritatis significat, imo vero etiam in currendo victoriam indicat: non enim aliter currere quis vincere potest, nisi post se reliquerit eum qui simul currit? Quoniam igitur qui propter præmium ab inimico exagitur, a tergo habet persequentem (hi autem sunt, qui martyrii cursum in certaminibus pro pietate susceptis conficiunt, quos inimici quidem persequuntur, sed non assequuntur), videtur caput et summam in spem propositæ beatitudinis, velut coronam quamdam in postremis proposuisse verbis: Beati qui persecutionem patiuntur propter justitiam, quoniam ipsorum est regnum cælorum. »

DEJICIMUR, SED NON PERIMUS. — Alludit ad vasa fictilia, de quibus dixit vers. 7, quæ mirum est ex altissima turri dejici, et tamen non frangi, non perire, *q. d.* Licet simus vasa fictilia, et ex altissimis quasi persecutionum turribus dejiciamur, non tamen frangimur, nec perimus: quia igne charitatis decocti, durati et solidati a Deo, frangi et perire non possumus. Quidam addunt: « Humiliamur, sed non confundimur; » sed hoc non habent Græca, nec Latina Romana.

Vers. 10. 10. SEMPER MORTIFICATIONEM JESU IN CORPORE NOSTRO CIRCUMFERENTES. — Græce *ὡς νεκρῶν*, id est mors, ut legit Ambrosius; vel potius, ut Noster vertit, *mortificatio* Jesu est passio mortis similis passioni Jesu Christi, quæ via est et inchoatio mortis, adeoque longa et viva mors, sive mori in fieri, non in facto esse. Passio hæc est, de qua vers. 8 et 9, ait: « Tribulationem patimur, sed non angustiamur, » etc., scilicet externa, et ab alio illata, licet etiam extendi possit ad quamvis sponte assumptam mentis et corporis castigationem. Ita Ansel-

mus. Dicitur ergo « mors, » vel « mortificatio Jesu; » quia illius exemplo toleratur; *secundo*, quia pro ejus fide et Evangelio subitur; *tertio* et optime, ut Ambrosius, quia ipsam Christi mortem et passionem nos ejus ministri in corpore nostro quasi representatione quadam gestamus et circumferimus, ut servi gestant insigne et stigma domini sui, *Galat. vi, 17.* Sic *Hebr. xi, 26*, ait Mosen tulisse improprium Christi, illudque adamasse præ thesauro Ægyptiorum. Vide ibi dicta. « Dubium non est, ait Ambrosius, quin in Martyribus occidatur Christus, et in iis qui pro fide vincula aut verbera patiuntur, quin eadem in iis patiatur et Christus. »

Dat hic causam Paulus cur in tribulatione et mortificatione non angustietur et moriatur, sed dilatetur et vivat. Causa hæc est, quod per tribulationem similis fiat Christo tam crucifixo et mortificato, quam suscitato et vivificato: itaque in ea gaudeat et sibi placeat.

Hinc moraliter Salvianus, lib. I *De vero Judicio et Providentia Dei*, docet neminem esse miserum, qui sua miseria est contentus; imo potius in ea esse beatum, quia ex voto suo in miseria vivit. Nam labor, jejuniū, paupertas, humilitas, infirmitas, persecutio non sunt molesta patientibus, sed pati nolentibus. Ita gentilibus quoque Fabriciis, Fabiis, Regulis, Camillis, paupertas et afflictio onerosa non fuit. « Nemo, inquit, aliorum sensu miser est, sed suo; et ideo non possunt esse falso judicio miseri, qui sunt vere sua conscientia beati; » et rursum: « Nulli, ut opinor, beatiore sunt quam qui ex scientia sua atque voto agunt. Humiles sunt Religiosi, hoc volunt: pauperes sunt, pauperie delectantur: sine ambitione sunt, ambitum respuunt: inhonorati sunt, honorem respuunt: lugent, lugere gestiunt: infirmi sunt, infirmitate lætantur. Cum infirmor, inquit Apostolus, tunc potens sum. Itaque quidquid acciderit iis quicumque vere religiosi sunt, beati esse dicendi sunt: quia inter quantumlibet aspera nulli lætiores sunt, quam qui hoc sunt quod volunt. »

UT ET VITA JESU MANIFESTETUR IN CORPORIBUS NOSTRIS. — « Vita, » scilicet tum futura, ut nimirum cum Christo resurgamus ad gloriam, ut sequitur vers. 14; tum præsens, ut scilicet ad instar resurrectionis Christi corpora nostra, licet afflicta, vegetiora fiant ex Spiritu ob spem resurrectionis et opem Dei, qua nos a tot in dies periculis liberat et roborat. Unde sequitur (1):

11. SEMPER ENIM NOS, QUI VIVIMUS, IN MORTEM TRADIMUR. — *q. d.* In media hac quali quali vita perpetuis mortis periculis et ærumnis exponimur. Ita Chrysostomus.

(1) Sensus itaque totius commatis est: Semper propter Jesum (alii *instar Jesu*) ejusque doctrinam mortis periculo expositi sumus, sed eripimur, ne prorsus intereamus. Allioi: sed hoc fit, ut in resurrectione futura vita Jesu in corpore nostro manifestetur.

Tribulatio car
dicatur
mors et
mortificatio
Jesu
Christi?

Nemo
miser est
qui sua
miseria
est con-
tensus.

Vers. 11.

Quod in
tribula-
tione
confor-
memur
Christo,
nos in
tribula-
tione de-
bet con-
solari.

Hoc est ergo quod nos in omni tribulatione animat, consolatur et roborat; scilicet quod cogitemus in ea nos conformari Christo patienti et resurgenti. Nam sicuti in corpore nostro tribulatio et mortificato representatur mors Christi; ita in eodem liberato, salvato et roborato representatur vita et resurrectio Christi: ut cum objicimur leonibus aliisque bestiis, quasi certissimo ab iis devorandi, illæ vero nobis parcunt et abblandiuntur: cum projicimur in ignem, ignis autem a nobis refugit, imo leni aura nos recreat: cum dejicimur in mare submergendi, sed mare nos sustentat, servatque incolumes; cum lapidarer Lystræ, et pro mortuo relinquerer, mox tamen inventus sum vivus, Act. xiv, 18. In hisce, inquam, et similibus plagis et afflictionibus particeps sum, conformor, et represento corpus Christi passum, mortuum et sepultum: quod tamen mox Dei virtute ad vitam eamque beatam et gloriosam revocatum fuit. Atque hac de causa in omni tribulatione fortis sum, imo lætor et gloriar. Ex hisce enim spem certam concipio futuræ vitæ immortalis et gloriosæ. « Propterea, inquit Oecumenius, a Deo permittitur tradi in mortem, ut manifestetur, quod a morte surrexit Christus. Qui enim in dies nos suscitavit, certe seipsum quoque excitavit, nosque aliquando plane ad immortalitatem suscitabit. »

UT ET VITA JESU (tum sancta hic, fortis, læta et alacris, ex forti vegetoque spiritu; tum beata in cœlis, ut dixi vers. præced.) MANIFESTETUR IN CARNE NOSTRA MORTALI.

Vers. 12. 12. ERGO MORS IN VOBIS OPERATUR, VITA AUTEM IN VOBIS. — *q. d.* Vestra spiritalis vita per fidem et gratiam, id est salus animæ vestræ, nostra corporali morte procuratur. Ita Ambrosius. Nam Apostolorum et martyrum passio et mors vita est Ecclesiæ. « Sanguis martyrum semen est Christianorum, » ait Tertullianus. Aliter Chrysostomus, *q. d.* Vos quiete vivitis, nec illas pro fide persecutiones sustinetis, quas ego; itaque vos vivere videmini, ego vero mori quotidie videor.

Vers. 13. 13. HABENTES AUTEM EUMDEM SPIRITUM FIDEI. — *q. d.* Sicut David tentationibus immersus et a solo Deo ereptus, dixit: « Credidi, » id est credo, quod Deus juxta promissa sua me a meis malis liberabit semper. Unde et idem audacter: « locutus sum, et etiamnum proloquor. » Ita et nos credimus et speramus, ac animose profitemur, opem, robur, liberationem et resurrectionem nostram a Deo uti promissam, ita et certissimo præstandam. Ita Theophylactus, Chrysostomus, Oecumenius (1).

Psalm. cxv Eucharisticus, quo David Deo liberatori suo gratias agit. Unde incipit, *Credidi*, *q. d.* Ego David cum in mediis periculis et malis, hinc Saule cum suis

(1) « Eumdem spiritum, » qui, scil., in illa Psaltis voce relucet, etc.

me persequente, inde Achis et Philistinis meum caput petentibus, constitutus essem, vidererque omni humana ope destitutus et quasi desperatus; credidi tamen Deo, mihi salutem, imo et per Samuelem regnum promittenti: quare idipsum intrepide locutus sum, me scilicet credere, nec dubitare, quin Deus ab omnibus hisce malis me liberaret et ad regnum a se promissum proveheret, ut me de facto jam liberavit, et ad regnum vel provexit, vel disponit. Unde subdit: « Pretiosa in conspectu Domini mors Sanctorum ejus, » *q. d.* Rara et magni ponderis ac pretii apud Deum est mors mea, aliorumque Sanctorum; ideoque illi curæ et cordi est, ut eam mihi aliisque Sanctis vix et raro, nec sine magna causa et lucro, permittat Deus, sed nos mire passim liberet et tutetur: uti ego David in spelunca, et alias sepe, cum manibus Saulis aliorumque hostium concluderer, expertus sum, ideoque cum laude et gratiarum actione exclamo: « Quid retribuam Domino pro omnibus quæ retribuit mihi? calicem salutaris accipiam; » vel, ut hebraice est, « calicem » יֵשׁוּעוֹת, id est salutem, scilicet multarum; puta calicem qui testis sit et professio publica, ne multas a Deo salutes consecutum esse, meque sæpius a morte et mortis periculis, a Deo salvatum esse, « accipiam. »

Ubi nota primo: Judæi triplex habebant sacrificium: primo, holocaustum; secundo, pro peccato; tertio, pacificum, sive salutare pro pace et salute alicujus vel privati, vel familiæ, aut reipublicæ obtenta, vel obtinenda. Nota secundo: In omni sacrificio quasi epulo Dei adhibebant libamen quasi potum; calix ergo salutaris est calix vini, qui pro salute accepta Deo libabatur, offerebatur et sumebatur ab offerentibus. Nota tertio: Hic calix figura erat calicis Eucharistiæ, qui salutis per Christum factæ non tantum memores, sed et participes nos facit.

Tropologice calix hic est martyrium et afflictiones, et pertinax conatus, ait Basilii in Ps. cxv, quo ad mortem usque peccato resistimus: Paulus enim, ait idem Basilii, martyrium ardentersitiebatur; unde non crucem, sed calicem salutaris vocat, *q. d.* Prompte hauriam quidquid mihi Dominus immiserit, etiamsi mortem et martyrium; ideoque sciens, ait Augustinus, martyrium non esse meæ virtutis, sed gratiæ Dei, hinc eam per nomen Domini invocabo, vel, ut aptius verti potest Hebræum יֵשׁוּעָא *ecra*, vocabo, publica voce predicabo et celebrabo gratiam et nomen Domini. Pari modo Christus suam passionem et mortem calicem vocat, quem Apostolis, Martyribus, nobisque omnibus propinat, Matth. cap. xx, vers. 22, et Matth. xxvi, 42. Sicuti ergo Christianus quivis Christo liberatori in gratiarum actionem offert calicem et sacrificium Eucharisticum: ita Paulus hic passiones suas, mortificationes et mortem eidem Christo, quasi calicem gratissimum libat et sacrificat; uti Martyres, cordis fidem ore profi-

Triplex
apud Ju-
deos sa-
crifi-
cium.

Calix
tropolo-
gice mar-
tyrium
vocatur.

tendo, pro eaque moriendo, omnes eidem Christo calicem sui martyrii libarunt et consecrarunt. »

CREDIDI — **הֶעֱמַנְתִּי** *heemanti*, id est *credidi* in præterito, et *credo* in præsentis: Hebræi enim præsentis tempore carent, et pro eo utuntur præterito. Secundo, « credidi, » vel « credo, » id est credere pergo; jam pridem enim Deo crediderat David. Credo ergo non tam actum inchoatum, quam continuatum significat, ut dixi *Can. 32*; maxime quia David non tantum in sua persona, sed et Pauli, ut hic patet, et nostra omnium dixit: « Credidi, » suumque *credidi* nobis imitandum et repetendum quovis tempore, proponit.

Vers. 14. **14. CONSTITUET NOS VOBISCUM**, — in gloria cum vobis resuscitatis. Nota: Ex modestia ait, non, Vos nobiscum, sed, « Nos vobiscum, » quia vos causa et objectum uti Evangelii mei, ita et gloriæ meæ estis.

Vers. 15. **15. UT GRATIA ABUNDANS** (refer ad *abundet in gloriam Dei*) **PER MULTOS IN GRATIARUM ACTIONE**, — id est, per gratiarum actionem multorum, vel dum multi propter illam gratiam gratias agunt Deo. Unde clarius Græca sic habent: *ἐν τῇ χάριτι περισσεύουσα διὰ τῶν πλειόνων τὴν εὐχαρίστησαν περισσεύουσα εἰς τὴν δόξαν τοῦ Θεοῦ*, ut *gratia illa copiosa per multorum gratiarum actionem exuberet in gloriam Dei*; et Syrus, ut, cum *abundet gratia per multos, multiplicetur pariter gratiarum actio ad gloriam Dei*.

Vers. 16. **16. PROPTER QUOD NON DEFICIMUS**, — *οὐκ ἐγκαταλείψμεν*, non cedimus, non succumbimus afflictionibus; Syrus, non est nobis *tædium*. Vide dicta vers. 1.

SED LICET IS, QUI FORIS EST, NOSTER HOMO CORRUMPATUR: TAMEN IS, QUI INTUS EST, RENOVATUR DE DIE IN DIEM. — Id est, ut Theophylactus, Ambrosius, Anselmus, licet externus homo, id est corpus, corrumpatur pressuris, plagis, fame, siti, frigore, nuditate, flagellis et morbis; tamen « qui intus est, » id est anima et spiritus, renovatur et proficit fide, spe, charitate, animi alacritate, et fortior et fulgidior, quasi aurum in igne, evadit, ait Chrysostomus.

Tribulatio externi hominis, est confortatio interioris.

Nota aliter hæc accipi *Rom. vii, 22*; nam ibi exterior homo est concupiscentia, vel homo concupiscens; interior, est charitas et spiritus, vel homo spiritu renovatus; hic autem homo exterior est corpus, interior est mens. Vel apposite magis: homo exterior est ipse homo corporalis, sive quatenus corpore visibilis, tangibilis, passibilis, et injuriarum extrinsecus illatarum susceptibilis est; interior vero homo est idem homo animatus, sive quatenus anima et mente invisibili constat, qua afflictiones corpori inflictae fortiter et alacriter sustinet: homo enim quia duabus partibus adeo contrariis constat, corpore scilicet externo et anima interna, ipsaque anima in homine quasi duplex esse videtur (quatenus enim animat, seque in corpore exterius per operationes et passiones spectandam præbet, externa, animalis et corporata videtur; quatenus vero in se consistens, menti et mentalibus operationibus

insistit, interna videtur et invisibilis), hinc et homo hæc duplici parte constans, juxta priorem externus, juxta posteriorem internus est, et dicitur.

Hinc patet contra Illyricum, peccatum originale et concupiscentiam non esse substantiam malam ex homine a dæmone formatam, hominisque substantiæ conjunctam quasi formam: hæc enim deberet esse interior homo, isque in se corruptissimus, ut renovari non possit; cujus contrarium dicit hic Apostolus.

Illyrici error peccatum originale facientis substantiam malam.

Male etiam hinc Tertullianus, ait S. Thomas, censuit animam esse corpoream, suamque habere figuram et membra ad modum corporis, ut interior homo respondeat exteriori. Sic Joannes Huartus medicus nuper in suo *Examine ingeniorum* censuit damnatorum animas torqueri igne, quia, inquit, habent sua quasi membra sive membrorum simulacra, habent suos sensus et sensationes. Hinc dives Epulo dicit se lingua torqueri, *Lucæ xvi*.

Error Tertullianici sentis animam corpoream, quem sequitur videtur Joannes Huartus.

Verum hoc de membris falsum est: anima enim uti non est corporea, ita proprie nulla membra habet; sed de sensu et sensatione est probabile. Anima enim rationalis, cum simul sit sensitiva, habet in se radicem sensus et sensationis, v. g. tactus, ut calorem, ignem, ustionem ejusque dolorem sentiat: quam sensationem, licet naturaliter sine corpore exercere non possit, supernaturaliter tamen Deus potest in anima separata hunc sensum et sensationem educere: ejus enim radicem et inchoationem habet et retinet in se anima. Ita censent jam multi subtiles Philosophi; eaque ratione facile explicant, quomodo ignis agat in animam. Et favet ratio: quia tota sensatio est in anima; cum enim oculo videmus, aure audimus, manu tangimus, ipsa visio, auditio et tactus perceptio non est in oculo, aure, manu, sed in anima. Non enim corpus, sed anima est quæ per oculum videt, per aures audit, sentitque per manum; cur ergo anima separata a corpore easdem sensationes per Dei virtutem et omnipotentiam elicere et recipere non possit? licet enim oculus, auris, manus sit organum et conditio requisita, ut naturaliter fiat sensatio, supernaturaliter tamen eam Deus supplere potest: sicut supplere potest præsentiam et approximationem objecti, ut quis oculo corporeo videat per murum ea quæ in cubiculo clauso geruntur, vel ea quæ remote fiunt in India; uti S. Anselmo aliisque Sanctis concessum legimus.

Quomodo anima sentiant ignem inferni?

DE DIE IN DIEM. — *q. d.* Sicut externus homo, id est corpus, in dies per tot plagas et ærumnas deficit et senescit: ita interior, hoc est mens, in dies renovatur et juvenescit, idque ob spem resurrectionis. Unde subdit: « Id enim quod in præsentis, » etc. Ita Abbas Barnabas apud Sophronium in *Prato Spir.*, cap. x, spinam infixit pedi, nec tolli voluit, hinc pulruit pes; mirantibus ait: « Quanto magis homo exterior patitur, tanto magis interior viget. » Ibidem, cap. viii, *Myrogenes*

hydropicus : « Orate, ait, pro me, patres, ne inferior homo hydropicus fiat; ego enim Deum oro, ut in hac infirmitate diutius durem. » Nimirum hi Sancti hanc Apostoli sententiam generalem recte adaptarunt morbis et mortificationi.

Unde crescat Martyrum robur in tormentis? Ita admirabilis ille Martyr Clemens Ancyranus cum Agathangelo sub Imperatore Diocletiano, cum omnis generis tormentis cruciaretur, corpore licet contracto, animo tamen indies fiebat valentior et robustior, ut nova semper appeteret tormenta, ad eaque excipienda vitam sibi quam diutissime prorogari a Deo petierit et obtinuerit, scilicet ad viginti octo annos, quibus assidue tortus et excarnificatus fuit : cumque Diocletianus et praesides stupeant ad tantam Martyris fortitudinem et animi magnitudinem, rogarentque eum in tormentis qui sese haberet, quomodo illa tolerare posset? Respondit hanc Pauli sententiam : « Licet is qui foris est, noster homo corumpatur : tamen is qui intus est, renovatur de die in diem. »

Vers. 17. 17. ID ENIM, QUOD IN PRÆSENTI EST MOMENTANEUM ET LEVE TRIBULATIONIS NOSTRÆ. — Græce τὸ γὰρ παρὰ τὴν ἐλαφρότητα τῆς θλίψεως ἡμῶν, quod in momento est leve, vel, potius ad verbum, momentanea levitas afflictionis nostræ; ut τὸ ἐλαφρὸν ponatur pro nomine substantivo, sitque idem quod levitas; et τὸ παρὰ τὴν fungatur vice adjectivi, sitque idem quod momentanea : quod Græcis est per familiaria. Sic Demosthenes ait : ἡ παρὰ τὴν ἡδονήν, id est, momentanea voluptas.

Ubi nota : τὸ in presenti non est in Græco expresse, sed tacite includitur in momento, vel momentaneo. Secundo, ἐλαφρὸν, ait Erasmus, id est levitas, hic dicitur de afflictione, non quasi levis sit toleratu, sed quod leviter et cito transeat. Sic et βάρος, id est pondus, quod levitati opponit; non vocat id quod gravat, sed quod solidum est, et permanet. Sic enim Græcis ἐλαφρός dicitur quasi ἐλαφρός, ab ἐλαφός, id est, cervus, q. d. Levis et celer instar cervi. Verum sic tautologiam committeret Apostolus, et quod clarius dixit : Momentaneum et æternum, idem obscurioribus verbis repeteret, dicens et explicans momentaneum per leve, æternum per pondus. Unde aptius ἐλαφρός significat hic, uti et alibi sæpe, id quod in se facile est et leve; opponitur enim gravi, sive ponderi. Sic dicitur ἐλαφρὰ ἱσθίς, levis vestis, non ponderosa, apud Xenophontem. Sic dicunt Græci ἐν ἐλαφρῷ ποιεῖσθαι, hoc est, leve ducere, parvi aestimare, q. d. Omnis nostra tribulatio momentanea est et levis, si cum æterno illo et gravissimo gloriæ pondere conferatur, perinde ac si plumam unam, vel favillam levissimam cum plumbo totius universi conferas.

hinc pulchre S. Augustinus in Psal. LIX, explicans illud Christi : « Jugum enim meum suave est, et onus (pro quo Augustinus legit, sarcina) meum leve, » sic ait : « Alia (mundi) sarcina premit et aggravat te, Christi autem sarcina sublevat

te; alia sarcina pondus habet, Christi sarcina penas habet. Nam et avi si pennas detrahas, quasi onus tollis, et quo magis onus abstulisti, eo magis in terra remanebit : redeat onus, et volat. Talis est Christi sarcina. »

Hoc cogitabat S. Joannes Chrysostomus cum in exilium Cucum duceretur. Unde cum debili et infirmo corpore, febri æstuans, nocte et die a militibus cogeretur proficisci continuo per septuaginta dies (qui eum hac ratione conficere et occidere volebant, ut gratificarentur Eudoxiæ Imperatrici, prout eum confecerunt et occiderunt, ita ut revera sit Martyr) in summa fame, siti, paupertate, Solis ardoribus, periculis Arabum; hæc omnia alacriter et genere superabat, ita ut sui oblitus nobiles matronas, Olympiadem, Pentadiam aliosque amicos propter se afflictos consolaretur et erigeret, ad fortiter carceres, ac dura quævis pro Christo toleranda. Scripsit tunc quoque tractatum illum divinum, Quod nemo læditur nisi a seipso, in quo seipsum superavit. Vivis enim rationibus ostendit, omnem veri doloris causam et materiam non ab alio, sed a nobis ipsis proficisci. Eo quod veri doloris materia et causa tantum sit peccatum (hoc enim solum verum est malum, ideoque de eo solo dolendum), quod non nisi propria et libera voluntate quisque admittit. Cætera enim mala et dolores, quicumque in mundo sunt, si cum peccato comparentur, non veros, sed pictos tantum et fictos esse, utpote leves, exiles et breves; cum peccatum inducat gravissimos, plurimos et æternos.

SUPRA MODUM IN SUBLIMITATE. — q. d. Ait Anselmus : Ut sublimetur ad cælorum angelorumque celsitudinem. Sed nota : Græce est κατὰ ὑπερβολὴν εἰς ὑπερβολήν, secundum excellentiam ad excellentiam, id est excellenter excellens, ait Theophylactus; sive mire et supra modum celsum; sublime et immensum, gloriæ videlicet pondus. Ita Œcumenius. Sic enim Hebræi per geminationem vocis significant vehementiam et superlativum, ut מְאֹד מְאֹד meod meod, id est valde valde, hoc est, supra modum, et plurimum, q. d. Incomparabiliter majus et excellentius est pondus gloriæ futuræ tribulatione quam hic patimur.

Notant Chrysostomus et Theodoretus pulchra antithesi, momentaneo opponi æternum, levi pondus, τὸ in presenti τὸ in sublimitate, tribulationi non quietem tantum, sed insuper et gloriam. Sic vers. seq. opponit τὰ βλέπομενα καὶ τὰ μὴ βλέπομενα, ea quæ videntur, et ea quæ non videntur; πρόσκαιρα καὶ αἰώνια, temporalia, sive ad tempus duratura, et æterna. Sic Machabæis, Vincentio, Laurentio, Stephano, lapides, sartagines, equulei et tormenta omnia præ gloria cælesti erant quasi momentum respectu infiniti temporis; quasi pluma, vel bulla levissima, respectu cæli, vel universi alicujus plumbei; aut potius aurei; quasi punctum, respectu totius mundi.

Brevitas earumdem tribulationum.

Lenitas tribulationum hujus vitæ.

Pulchre S. Augustinus in *Psal.* xciii, Deum dicere ait : « Venale habeo ; quid, Domine ? Regnum cœlorum ; quo emitur ? paupertate regnum, dolore gaudium, labore requies, vilitate gloria, morte vita. » Scriptum est enim : « Beati pauperes, quoniam ipsorum est regnum cœlorum : beati qui lugent, quoniam ipsi consolabuntur : beati qui esuriunt, quoniam ipsi saturabuntur, » etc. Apposite ergo Paulus gloriæ pondus attribuit, tribulationi levitatem : huic, momentaneam durationem, illi æternitatem : huic, præsens tempus et locum, illi sublimitatem et perennitatem : huic, nostram esse tribulationem, quippe quam quasi manu apprehendimus, et pugno concludimus ; illi vero, ut supra modum supraque omnem mensuram, sine ulla intermissione operetur in nobis.

Ostenditur contra Calvinum valor meritorum ex tribulationibus. **ÆTERNUM GLORIÆ PONDUS** (Syrus, *gloriam infinitam in sæcula sæculorum*) OPERATUR, — non physice et efficienter, sed moraliter et meritorie. Hinc patent merita bonorum operum. Negat id Calvinus et ex eo Beza, tantumque ait hic significari ordinem, vel quo itinere ad gloriam perveniant, scilicet per tribulationes. Sed hoc nimis est frigidum : nec enim iter, sive via dicitur operari ipsum itineris terminum, nisi per iter, non viam, sed ipsam itinerationem, sive perfectionem accipias : quæ sane termini est causa, non tantum moralis, sed et physica, propriæque efficiens : quam si concedat Calvinus in operibus bonis et meritis respectu mercedis æternæ, plus iis dabit, quam dent Catholici, qui non physicam et propriam, sed moralem tantum et meritoriam eis dant causalitatem et efficientiam. Deinde non tantum ordinem hic significari patet ex Græco *κατεργάζεται*, id est peroperatur, conficit, perficit : quod utique causam non qualem qualem, sed potentem efficacemque significat. Ita Ambrosius et maxime Chrysostomus in morali : « Deus, ait, justus iudex, eo modo reddit justis beatitudinem, quo malis infernum ; » atqui malis reddit infernum quasi meritis scelorum pœnas : ergo et justis reddit beatitudinem quasi meritam bonis operibus mercedem et præmium. Et S. Bernardus, in *Psal.* xc, serm. 17 : « Non dixit, inquit, Remunerabitur, sed, Æternum pondus gloriæ operatur in nobis. Latet gloria, fratres mei, abscondita nobis est in tribulatione : in momentaneo hoc latet æternitas, in hoc levi pondus sublime et supra modum, » q. d. In levi tribulatione latet et continetur pondus gloriæ, sicut messis latet et continetur in semine : unde cum hoc suam vim exerit, tunc illam operatur et producit. Unde subdit : « Interim ergo festinamus nobis emere agrum istum, emere thesaurum istum, qui absconditus est in agro. Omne gaudium existimemus, cum in varias inciderimus tribulationes. Dicamus ex animo : Bonum magis ire ad domum luctus, quam ad domum convivii. »

Qualis ait cor. Dices, quomodo ergo passionem vocat leves, et alibi ait : « Non sunt condignæ ? »

Respondet : Non sunt condignæ, quatenus passionem seu quatenus opera pœnalis naturæ, quia sic proportionem non habent cum tanta gloria : condignæ tamen sunt, quatenus passionem hæc tolerantur ex gratia et charitate ; sic enim sunt opera gratiæ et charitatis ; hæc enim gratia semen est gloriæ. Sicut ergo semen messi condignum est et commensuratum, ita et gratia gloriæ. *Secundo*, condignæ sunt, quatenus sunt passionem Christi, id est ex Christi meritis profectæ, eisque subordinatæ : Christus enim meruit nobis hanc patientiam passionem et afflictionem, itemque meruit ut hac patientia nostra quasi sua, et ex se suisque meritis manente, æternam gloriam mereremur.

Præclare S. Bernardus, serm. 1 *De Diversis*, singula verba Apostoli perurgens : « Perge ergo, inquit, murmurare et dicere : Longum est, grave est, non possum tam immania et tam diuturna portare. Apostolus momentaneum et leve perhibet esse quod tolerat : et certe necdum a Judæis quinquies quadragenas una minus accepisti, necdum plus omnibus laborasti, postremo necdum usque ad sanguinem restitisti : vide ergo quam non sunt condignæ passionem ad gloriam. *Primo*, quid in incertum dies et horas numeras ? transit hora, transit et pœna : nec accedunt sibi, sed cedunt potius et succedunt. Non sic gloria, non sic remuneratio, non sic merces ipsa laboris : nescit vicissitudinem, nescit finem, manet tota simul, et manet in æternum. *Secundo*, guttatim pœna bibitur, liquando sumitur, per minutias transit. Nam in remuneratione torrens est voluptatis, et fluminis impetus, torrens inundans lætitiæ, flumen gloriæ, et flumen pacis. *Tertio*, non enim nobis gloriosa vestis, non gloriosa domus, sed ipsa gloria promittitur. Nam in veritate justorum expectatio, non aliquod lætum, sed ipsa lætitia est. Gaudent in cibis, gaudent in pompis, gaudent in divitiis, gaudent et in vitiis homines : sed luctus extrema occupat ejusmodi gaudiorum. Nobis autem non favum mellis, sed purissimum et liquidissimum mel reposuit Deus, ipsam plane lætitiæ, vitam, gloriam, pacem, voluptatem, amœnitatem, felicitatem, jucunditatem et exultationem thesaurizavit nobis Dominus Deus noster : et hæc omnia unum, ut sit participatio Jerusalem in idipsum. Et hoc unum et idipsum non nisi ipse, dicente Apostolo : Quoniam erit Deus omnia in omnibus. Hæc merces nostra, hæc corona nostra, hoc bravium nostrum : ad quod utinam sic curramus, ut comprehendamus ! »

Moraliter Auctor libri *De Anima et Spiritu*, qui extat tom. III operum S. Augustini (Trithemius putat esse opus Hugonis Victorini, nam non esse S. Augustini patet ex cap. xxxvii, ubi citat Boetium, qui Augustino fuit posterior), graphice hoc gloriæ pondus, et hæc gaudia Beatorum, cap. LVII et seq. depingit : ac *primo*, describit mutuam omnium Beatorum charitatem, et exinde mutuam pondus

digitas
passio-
num et
merito-
rum nos-
trorum
ad glo-
riam ?

Graphi-
ca gaudii
Beato-
rum et
de

gloriam
descrip-
tio.

gaudium, quo quisque non sua solius, sed et singulorum aliorum beatitudine gaudebit, eritque beatus non semel, sed centies millies. *Secundo*, describit delectationem quam Beati percipient ex visione Dei. *Tertio*, ob oculos ponit plenissimam eorum pacem et suavitatem. *Quarto*, cap. LXIV, exaggerat possessionem immensi boni, quod est ipse Deus. *Quinto*, affert pulchritudinis, sanitatis, sapientiæ, melodiæ, honoris, divitiarum et omnium bonorum, quæ hic vel gustare, vel concipere possumus, copiam et affluentiam. « In cælo, inquit, est quidquid amatis, quidquid desideratis. Si delectet pulchritudo, fulgebunt justi sicut sol; si velocitas aut fortitudo, erunt similes angelis Dei; si longa et salubris vita, ibi est sana æternitas, et æterna sanitas; si satietas, satiabuntur cum apparuerit gloria Domini; si ebrietas, inebriabuntur ab ubertate domus Dei; si melodia, ibi angeli sine fine concinunt Deo; si qualibet mundi voluptas, torrente deitatis suæ potabit eos Dominus; si sapientia, omnes erunt docibiles Dei; si concordia, cibus erit illis voluntas Dei; si potestas, introibunt in potentias Domini, et omnipotentes erunt suæ voluntatis, uti Deus suæ: nam sicut poterit Deus quod volet per seipsum, ita poterunt illi quod volent per illum; si honor et divitiæ, Deus servos suos bonos et fideles super multa constituet; si vera securitas, certe ita certi

erunt nusquam illud bonum sibi defuturum, sicut certi erunt nec se sua sponte illud amissuros, nec dilectorem Deum illud dilectoribus suis invitis ablaturum. » Ex quibus omnibus recte inferit S. Gregorius, hom. 32 in *Evangel.*: « Ad magna, inquit, præmia perveniri non potest nisi per magnos labores. Unde et Paulus egregius prædicator dicebat: Non coronabitur nisi qui legitime certaverit. Delectet igitur mentem magnitudo præmiorum, sed non deterreat certamen laborum. » Tempus enim præsens, ut quidam Sanctorum ait, est laboris et poenitentiae: futurum vero erit quietis et lætitiæ.

18. *QUÆ ENIM VIDENTUR, TEMPORALIA SUNT: QUÆ AUTEM NON VIDENTUR, ÆTERNA SUNT.* — Præclare S. Augustinus in *Sententiis*, num. 270: « Inter temporalia, ait, atque æterna hoc interest, quod temporalia plus diligantur antequam habeantur, vilescant autem cum advenerint. Non enim satiat animum, nisi incorruptibilis gaudii vera et certa æternitas. Æternum vero ardentius diligitur adeptum quam desideratum. Nemo enim plus de illo æstimat quam de se habet, ut fiat vilius quia speratum est amplius. Sed tanta est ibi excellentia, ut multo plus adeptura sit charitas, quam vel fides credidit, vel spes desideravit. » Vide S. Gregorium, homil. 36 in *Evangel.*, initio, ubi idem discrimen inter voluptates carnales et spirituales assignat fusiusque pertractat. Vers. 18.

CAPUT QUINTUM.

SYNOPSIS CAPITIS.

Primo, pergit inculcare futuram gloriam, ad eamque ex hoc exilio et tabernaculo suspirat, optans peregrinari a corpore, et præsens esse ad Dominum.

Secundo, vers. 9, ostendit se contendere, non ut hominibus, sed ut uni Christo, utpote nos iudicaturus, per omnia placeat.

Tertio, vers. 14, docet se ad hoc urgeri charitate Christi, qui sua morte nos reconciliavit; itaque se jam neminem nosse secundum carnem, sed tantum si qua in Christo nova creatura.

Quarto, vers. 18, proficitur se esse ministrum et legatum Christi, ac pro Christo obsecrat ut reconcilietur Deo.

1. Scimus enim, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis. 2. Nam et in hoc ingemiscimus, habitationem nostram, quæ de cælo est, superindui cupientes: 3. si tamen vestiti, non nudi inveniamur. 4. Nam et qui sumus in hoc tabernaculo, ingemiscimus gravati: eo quod nolumus exspoliari, sed supervestiri, ut absorbeatur quod mortale est, a vita. 5. Qui autem efficit nos in hoc ipsum, Deus, qui dedit nobis pignus spiritus. 6. Audentes igitur semper, scientes quoniam, dum sumus in corpore, peregrinamur a Domino: 7. (per fidem enim ambulamus, et non per speciem). 8. Audemus autem, et bonam voluntatem habemus magis peregrinari a corpore, et præsentem esse ad Dominum. 9. Et ideo contendimus sive absentes, sive præsentem placere illi. 10. Omnes enim nos manifestari oportet ante tribunal Christi, ut referat unusquisque propria corporis,

prout gessit, sive bonum, sive malum. 11. Scientes ergo timorem Domini, hominibus suademus, Deo autem manifesti sumus. Spero autem et in conscientiis vestris manifestos nos esse. 12. Non iterum commendamus nos vobis, sed occasionem damus vobis gloriandi pro nobis : ut habeatis ad eos, qui in facie gloriantur, et non in corde. 13. Sive enim mente excedimus, Deo : sive sobrii sumus, vobis. 14. Charitas enim Christi urget nos : aestimantes hoc, quoniam si unus pro omnibus mortuus est, ergo omnes mortui sunt. 15. Et pro omnibus mortuus est Christus : ut, et qui vivunt, jam non sibi vivant, sed ei, qui pro ipsis mortuus est et resurrexit. 16. Itaque nos ex hoc neminem novimus secundum carnem. Et si cognovimus secundum carnem Christum, sed nunc jam non novimus. 17. Si qua ergo in Christo nova creatura, vetera transierunt : ecce facta sunt omnia nova. 18. Omnia autem ex Deo, qui nos reconciliavit sibi per Christum, et dedit nobis ministerium reconciliationis. 19. Quoniam quidem Deus erat in Christo mundum reconcilians sibi, non reputans illis delicta ipsorum, et posuit in nobis verbum reconciliationis. 20. Pro Christo ergo legatione fungimur, tanquam Deo exhortante per nos. Obsecramus pro Christo, reconciliamini Deo. 21. Eum, qui non noverat peccatum, pro nobis peccatum fecit, ut nos efficeremur justitia Dei in ipso.

Vers. 1. 1. SCIMUS ENIM, QUONIAM SI TERRESTRIS DOMUS (id est scimus, si corpus mortale, in quo brevi tempore quasi in tabernaculo, hoc enim Græcum *σκηνη* significat, tanquam peregrini et viatores moramur) DISSOLVATUR, QUOD DOMUM (et, ut Syrus, *œdificium*, puta firmum atque stabile) HABEMUS NON MANUFACTAM, — puta gloriam animæ et vitam æternam. Ita Photius, Anselmus, S. Thomas, Lyranus, et ita respondet versui 6 et 8, ubi ait : « Audemus peregrinari, et præsentem esse ad Dominum. » Unde ex hoc sensu et Patrum explicatione, et certius ex vers. 8, contra Tertullianum, Græcos, Armenos, Lutherum, Calvinum evincitur beatitudo animarum statim a morte, nec eas dormire sub altari usque ad resurrectionem.

Secundo et aptius : « Domum, » id est corpus resurrectione glorificatum, « habemus, » id est habebimus certo in resurrectione; et hoc magis respondet versui 4 et cap. præced.; excitat enim Apostolus ad mortificationis et passionis corporalis tolerantiam per spem resurrectionis, in qua recipiemus corpus gloriosum. Sic I Cor. xv, dicit : « Seminatur, » scilicet corpus, « in ignobilitate, surget in gloria, » id est gloriosum; et tale corpus proprie domus est animæ beatæ, sicut corpus mortale domus est animæ hic viventis et patientis. Ita S. Chrysostomus, Theodoretus, Theophylactus, S. Ambrosius.

Dices : Ipsa gloria, in quam intrat anima beata, dici potest animæ domus; sic enim dicit Christus : « Intra in gaudium Domini tui. » Respondeo, dici, « Intra in gaudium; » non quasi gaudium sit domus in quam intratur, ut volunt aliqui; sed gaudium metonymice dicitur locus ipse gaudii, q. d. Intra in nuptias cœlestes, intra in cœlum, ubi locus est gaudiorum plenissimorum et æternorum : minus enim recte ipsa gloria, vel gaudium dicitur domus, in quam intrabunt Beati.

Moraliter Chrysostomus, hom. 5 in epist. ad Hebræos : Eadem, inquit, facilitate corpus exuere debemus qua vestem, uti Joseph pallium reliquit Ægyptiæ; et B. Aloysius Gonzaga moriturus ita de morte sua loquebatur, quasi de una domo tantum in aliam migraret.

2. NAM ET IN HOC INGEMISCIMUS, HABITATIONEM **Vers. 2.** NOSTRAM, QUÆ DE COELO EST, SUPERINDUI CUPIENTES, — id est, ut Syrus, ad hoc gemimus et suspiramus, scilicet ut domus hæc terrestris et misera, id est corpus hoc mortale, dissolvatur, et habitationem, id est domum nostram, quæ de cœlo est, corpus videlicet beatum et gloriosum, superinduamus, ut sequitur. *Secundo* et melius : propter hoc, scilicet mortem et dissolutionem, quæ intervenire debet, ut a vita hac transeamus ad æternam, ingemiscimus : nam mors hæc contra naturam est; optaremus enim superindui gloria; non spoliari vita, ut sequitur vers. 4. Hic sensus magis constabit ex vers. seq. Unde S. Gregorius, lib. XXXI *Moral.*, cap. xxvi : « Ecce, inquit, Paulus et mori desiderat, et tamen carne exspoliari formidat. Cur hoc? quia, etsi victoria in perpetuum lætificat, ipsa nihilominus ad præsens pœna perturbat. Sicut enim vir fortis cum vicino jam belli certamine armis accingitur, et palpitat et festinat; tremet et sævit; quasi pavere per pallorem cernitur, sed per iram vehementer urgetur : ita vir sanctus cum passioni se propinquare conspiciat, et naturæ suæ infirmitate concutitur, et spei suæ soliditate roboratur; et de vicina morte trepidat, et tamen quod moriendo verius vivat, exsultat. Ad regnum quippe non potest nisi interposita morte transire : et ideo confidendo quasi ambigit, et quasi ambigendo confidit; et gaudens metuit, et metuens gaudet (1). »

Sancti mortem desiderant et formidant.

(1) Allioli vers. 2 et 3 sic interpretatur : Hæc speramus,

Corpus est domus animæ beatæ.

Dices : Quomodo metaphora domus et habitationis congruit cum veste quæ superinduitur? Respondeo : Apostolus duas hic metaphoras conjungit : una petitur a domo, secunda a veste. Solent enim Hebræi, quos hic imitatur D. Paulus, multas metaphoras simul implicare et convolvere. Id videre est tum in Prophetis, tum in Psalmis, tum in parabolis Christi.

Vers. 3. 3. SI TAMEN VESTITI, NON NUDI INVENIAMUR. — Pro *vestiti* nonnulli legunt *exspoliati* : facilis enim lapsus est Græci v in x, ut pro ἐνδύσμενοι, scribatur ἐκδύσμενοι : itaque legit Augustinus et ex eo Beda hic, Ambrosius, Tertullianus et Paulinus mox citandi, sicque explicat Augustinus, q. d. Super-vestiemur cœlesti gloria, si quidem exspoliati hoc corpore, Christum fuerimus induti, eoque vestiti.

Nota : Distinguit hic tria Apostolus, primo, esse nudos et exspoliatos; secundo, esse indutos; tertio, superindui, ut clarius patet ex Græco : sicut enim vers. præced. gloriam cœlestem vocavit domum et habitationem, sic etiam hic eandem alia metaphora vestem vocat. Jam locum hunc sic explicant aliqui, q. d. Cupimus superindui cœlestem habitationem, scilicet corpus cœleste et incorruptibile, sic tamen ut cum immortalitate gloria quoque donemur, gloriaque non nudi, sed vestiti inveniamur. Nam, ut ait Apostolus, I Cor. xv, 54 : « Omnes quidem resurgemus ad immortalitatem, sed non omnes immutabimur ad gloriam. » Verum de solis reprobis et damnatis hoc verum est. Illi autem licet habituri sint corpus immortale, non tamen dici possunt habituri corpus cœleste : soli enim beati, hoc habituri sunt. Cœleste ergo corpus est, quod ita est immortale, ut pariter sit et gloriosum; ac consequenter qui illud habent, necessario vestiti et non nudi inveniuntur. Apostolus autem hic ab iis qui cupiunt habere corpus cœleste, excipit, et conditionate dicit : « Si tamen vestiti, non nudi inveniamur. »

Secundo ergo aliter explicant hunc locum S. Chrysostomus, Theophylactus, Theodoretus, Ambrosius, q. d. Domus illa, id est cœlestis gloria, nobis obtinet, si ea digni inter electos, non inter reprobos inveniamur; videlicet si gratia, charitate et bonis operibus vestiti, non autem iis nudi inveniamur, et, ut ait S. Paulinus, epist. 8 ad Severum Sulpit. : « Si dispoliatus a corpore, non inveniariis nudus ab opere; » si enim iis simus vestiti, tunc Deus nos superinduet, quasi nova veste induta, stola gloriæ immortalis. Verum, quia vers. seq. nuditatem hanc explicat separationem animæ a corpore; ait enim, « nolumus exspoliari, » scilicet corpore, ut anima nuda so-

vehementer tamen opto, ut statim ex hac vita, vitato sepulcro, ingrediar cœlestem donum (nam cum tempus secundi adventus ignotum esset, Christum iterum venturum vivo Apostolo, haud erat impossibile), si tamen inventus fuero dignus qui induar, nec nudus relinquer. Rosenmüllerus : Si quidem induti, non nudi, seu sine corpore, erimus.

laque beetur, « sed supervestiri; » videtur potius, ut recte notavit Tertullianus, lib. De Resurrect. carnis, cap. XLII, nudos et exspoliatos nos vocare, cum mortui sumus, et anima corpore spoliata est; ac consequenter vestitos, cum anima corpori est conjuncta, illudque quasi vestem induit; superindutos vero, vel supervestitos, cum corpus gloria cœlesti quasi veste induitur et ornatur; ut, sicut anima corpore, ita corpus gloria vestiatur; sic enim anima corpore vestitur, sed gloria supervestitur et superinduitur. Cupimus ergo ea superindui, si « tamen vestiti, non nudi inveniamur. »

Ubi nota secundo : Vox si aliquid peculiare exigit, non commune omnibus electis, sed aliquibus proprium, videlicet iis, qui in fine mundi vivi, et corpore vestiti inveniuntur; sicque vivi, vel ita morientes, ut mox resurgant, videanturque non esse mortui sed vivi, supervestientur immortalitate. Sensus itaque est, ut recte Cajetanus, q. d. Nobis continget non dissolvi, non mori, quod naturaliter abhorremus, et propter quod gemimus, sed gloria superindui, quod tantopere cupimus, si inveniamur in fine mundi residui, nondumque mortui, sed vestiti corpore, non eo nudati, ut non, vel non nisi brevissimo tempore, moriamur, sed transeamus ex hac vita ad æternam. Patet ex sequentibus.

4. NAM ET QUI SUMUS IN HOC TABERNACULO (corporis scilicet), INGENISCIMUS GRAVATI (scilicet, ut Syrus, ob ejus (corporis) onus et pondus; ita tamen, ut cum S. Gregorio Nazianzeno dicamus : « Domine, aufer a me tunicam hanc ita gravem (corpus scilicet terrestre, ponderosum, ærumnosum), sed et da mihi leviozem), EO QUOD NOLUMUS EXSPOLIARI. — Græce ἐκδύσασθαι, exui, scilicet corpore, sed ἐπενδύσασθαι, superindui, scilicet gloria; si tamen ἐνδύσμενοι, id est vestiti carne et corpore, non ea nudati per mortem inveniamur. Apostolus enim ita loqui solet de resurrectione et die judicii, quasi ea instet, et quasi eam ipse cum aliis tunc viventibus sit visurus. Unde I Thessal. iv, vers. ultim. : « Deinde, inquit, nos qui vivimus, qui relinquimur, simul rapiemur cum illis in nubibus obviam Christo in aera, et sic semper cum Domino erimus. » De quo ibi.

EO QUOD NOLUMUS EXSPOLIARI, — corpore scilicet. Erravit ergo Plato, qui αἶμα, id est corpus, quasi σῆμα, id est sepulcrum, dici putavit, et ex illo Origenes, qui animas ob peccata in corpus hoc quasi carcerem detrusas censuit : quis enim non cuperet suo carcere spoliari? anima autem non cupit corpore spoliari; est ergo corpus animæ amicum, socium et compar, animaque corpus expetit, sicut forma materiam : et contra. Videtur ergo Platonis et Platoniorum, quorum scholæ florebant Corinthi, errorem hunc perstringere hic Apostolus.

UT ABSORBEATUR QUOD MORTALE EST, A VITA, — mortalitas ab immortalitate.

Damnati
licet cor-
pus habi-
turi,
erunt ta-
men sine
veste.

Qui hic
nudi,
vestiti
et su-
pervesti-
ti?

An illi
qui in-
venien-
tur in fi-
ne mon-
di, sint
mortui?

Vers. 4.

Error
Platonio-
rum de
sepulcro
animæ.

Vers. 5. 5. QUI AUTEM EFFICIT NOS IN HOC IPSUM, DEUS. — Græce ὁ θεὸς κατεργασάμενος, qui operatus est, perfecit, formavit nos, scilicet « qui » primo, creavit « nos in hoc ipsum, » scilicet ad hanc beatitatem et vitam immortalem, Deus est. Secundo, qui æterno suo decreto paravit et destinavit nos ad eandem illam beatitatem, idem Deus est. Tertio et optime, qui per suam gratiam voluntatem, intellectum, totumque hominem nostrum ita format, præparat, componit, quique facit nos ita vivere, ut digni simus, qui hac immortalitate beemur, ille idem est Deus. Ita Ambrosius.

QUI DEDIT NOBIS PIGNUS SPIRITUS, — id est, ut Ambrosius legit, *Spiritum, q. d.* Non dedit nobis Deus pignus auri vel argenti, id est aurum vel argentum in pignus, sed dedit nobis Spiritum Sanctum, cum ejus charitatem, virtutes et sanctitatis spiritum, quo fiducialiter Deum Patrem invocamus, clamantes quasi filii, Abba Pater, nobis infudit. Hic enim Spiritus pignus est futuræ gloriæ et hæreditatis nostræ cœlestis : ad hoc enim dedit nobis Deus hunc Spiritum, ut per illum, quasi pignus et arrham, certos nos faceret de futura hæreditate, si pergamus quasi morigeri filii Deum Patrem invocare, illique obedire, ejusque Spiritum quasi pignus retinere et conservare.

Vers. 6. 6. AUDENTES, — θαρσύνετε, confidentes, id est audemus, confidimus, audacter et fidenter pericula et mortem pro Christo et Evangelio suscipimus, imo optamus. Ita Theophylactus. Hebræi enim participium præsens usurpant pro indicativo, juxta Can. 29.

IGITUR. — Quia scilicet hanc gloriam et vitam æternam quasi hæreditatem speramus, ejusque pignus Spiritum Sanctum accepimus : ideo audeamus quævis ardua et agere et pati.

SCIENTES QUONIAM, DUM SUMUS IN CORPORE, PEREGRINAMUR A DOMINO. — Hoc est, quandiu sumus in hoc corpore, tamdiu a Domini Dei Patris nostri conspectu et hæreditate elongati et absentes, quasi peregre in terra aliena, scilicet in vita hac et corpore mortali, versamur, *q. d.* Hic peregrini sumus, quia conscripti sumus cives cæli et hæredes Dei; festinamus ergo ex peregrinatione hac tendere, et consequi patriam nostram cœlestem, Deique Patris nostri hæreditatem adire : unde audacter in pericula et necem ruimus, eaque quasi viam in cœlum invadimus. Secundo, per metalepsin, peregrinamur, id est absentes sumus, a Domino (de quo vers. 9); festinamus ergo, et peroptamus illi præsentem esse.

Unde S. Bernardus, tract. *De Præcepto et Dispens.*, cap. XVII : « Illa, inquit, circa corpus occupatio quid est, nisi a Deo quædam absentatio? et absentatio quid, nisi peregrinatio? Et peregrinamur ergo a Domino, et in corpore peregrinamur, cujus nostra nimirum et intentio præpeditur ærumnis, et curis charitas fatigatur. »

Vers. 7. 7. PER FIDEM ENIM AMBULAMUS, ET NON PER SPECIEM. — quia scilicet necdum ipsam speciem, id

est naturam et pulchritudinem Dei, in se contemplamur facie ad faciem. Ita Chrysostomus, Theodoretus, Theophylactus, Oecumenius.

Perperam ergo hinc quis doceat videri Deum a Beatis non se solo per essentiam, sed per speciem mediam, quæ essentiam repræsentet, sicut species coloris oculo impressa, oculo colorem, qui in pariete est, repræsentat : nec enim talem speciem hic intelligit Apostolus, sed speciem, quæ res in se coram clare spectatur; opponit enim speciem fidei, qua non spectamus, sed obscure credimus futura et absentia.

8. AUDEMUS AUTEM, — audemus, inquam; **Vers. 8.** petit enim et inculcat id quod dixit vers. 6 : « Audentes igitur. »

ET BONAM VOLUNTATEM HABEMUS (græce εὐδοκούμεν, bene volumus; Syrus, *peroptamus*; Chrysostomus vertit, *ἐπιδοκούμεν*, omnibus votis cupimus) MAGIS (id est malentes) PEREGRINARI A CORPORE, ET PRÆSENTES ESSE AD DOMINUM, — id est, eligentes potius abesse a corpore, ut liceat adesse Deo, ejusque præsentia, specie et facie perfrui.

Hinc probatur, animas a morte statim videre Deum : ideo enim ait nos malle peregrinari a corpore, ut præsentem simus ad Dominum, vel, ut Græcum ἐνδημῆσαι πρὸς τὸν Κύριον ad verbum proprie vertit Erasmus et Vatablus, *ut domi simus apud Dominum*, quasi in patria Patri nostro cœlesti præsentem : si enim peregrinantes et separati a corpore, domum ad Deum Patrem nostrum statim non veniremus, sed alibi in via hærendum nobis et peregrinandum esset, non desideraremus peregrinari a corpore, imo in eo, utpote loco naturali animæ, peregrinari mallems, quam alibi loco incognito : sed de Græco ἐνδημῆσαι plura vers. 9.

9. ET IDEO CONTENDIMUS, — φιλοτιμούμεθα, certatim, omni studio, ministerio, conatu et nisu nostro contendimus, certamus et ambimus Deo placere, ut in hoc studio non patiamur nos a quocumque superari.

SIVE ABSENTES, SIVE PRÆSENTES, — Deo scilicet, et consequenter corpori, sed per antithesin : hoc enim ipso, quo sumus absentes Deo, præsentem sumus corpori; et hoc ipso, quo præsentem sumus Deo, absentes sumus a corpore, uti præcessit vers. 6 et 8.

Ubi nota : Græcum ἐνδημῆσαι proprie significat domi, in populo suo agere : δῆμος enim populum significat; hujus contrarium ἐκδημῆσαι significat foris, extra populi sui fines agere, sive peregrinari. Unde Vatablus et Erasmus vertunt, *sive domi præsentem, sive foris peregre agentes*. Sed Apostolus paulo generalius hæc sumere videtur; tam enim in corpore quam apud Deum nos dicit ἐνδημῆσαι καὶ ἐκδημῆσαι, non possumus autem proprie domi esse et in corpore existentes, et separati a corpore, Deoque præsentem : sicut vicissim non possumus dici esse peregre, et in corpore, et apud Deum. Itaque ἐνδημῆσαι sumit pro incolere, inhabitare, esse

Dens non videtur
Beatis
per scientiam.

Animæ a morte statim vident Deum.

Vers. 9.

præsentem; *ἐκδημῶν* vero pro migrare, abire, absentem esse : dum enim corpus hoc præsentem incolimus, abimus et absentes sumus a Domino ; et contra, dum cælum incolimus præsentem apud Dominum, tum abimus et absentes sumus a corpore. Unde Noster clare vertit, *sive absentes, sive præsentem*, scilicet sive a Deo, sive a corpore, ut præcessit.

Verum nil obstat quominus *ἐκδημῶν* et *ἐκδημῶν* proprie capiat Apostolus pro domi esse, et peregre esse.

Pro quo nota : Apostolus, vers. 4, dixit nos duas habere domos, unam terrestrem, aliam cœlestem, et utrobique nos esse domi, scilicet tam in corpore, quasi domo naturali, quam in cœlis apud Deum, quasi domo Dei gratuita, et gratis nobis data. Consequenter duplex est peregrinatio nostra, duobusque locis peregrinamur. Uno, cum in hoc corpore et exilio a patria cœlesti et Deo semoti quasi peregre agimus et vivimus. Secundo, cum a corpore quasi domo, separati per mortem, peregre in aliam regionem et orbem, in cælum ad Deum concedimus. Hinc ergo Apostolus ait nos *ἐκδημῶν*, domi esse, et in corpore apud Deum ; ac rursum, *ἐκδημῶν*, peregrinari, peregre agere, et in corpore, et apud Deum. Id patet ex verbis ipsis expressis Apostoli, vers. 6 et 8. Hoc vero, vers. 9, ubi simpliciter dicit, *αἵτε ἐκδημῶντες, αἵτε ἐκδημῶντες*, sive domi agentes, sive peregre agentes ; licet non addat, nec exprimat *τὸ ἐν corpore, vel apud Deum*, refert se tamen ad illa eadem quasi jam præmissa vers. 6 et 8, indeque hic eadem addenda et supplenda relinquit, q. d. Ideo, sive absentes a Deo et corpori præsentem, sive præsentem Deo et a corpore absentes, id est ubicumque et in quocumque statu simus, contendimus placere Deo ut scilicet possimus præsentem esse apud Dominum, ejusque præsentia et facie perpetim frui : nisi enim Deo placeamus, nec hic corpori præsentem et a Deo absentes tendere poterimus ad ejus præsentiam ; nec a corpore absentes et Deo præsentem poterimus in ejus præsentia permanere, caque frui et beari : utrumque autem contendimus peragere et perficere, dum sumus in hac vita : quia scilicet in hac vita per omnia conando Deo placere, tendimus ad ejus præsentiam et visionem, ac secundo meremur, ut ejus præsentia semel donati in eadem perpetuo maneamus : qui enim hic Deo placet, illic non displicebit, ait Ambrosius et Anselmus.

Alii planius vertunt, *αἵτε ἐκδημῶντες, αἵτε ἐκδημῶντες*, sive incolentes, sive migrantes a corpore ad Dominum, q. d. Tota vita usque ad mortem et ultimum halitum, quo anima migrabit a corpore, Deo placere satagimus. Unde et Tertullianus, lib. *De Resurrect. carn.*, cap. XLIII, legit : *Et ideo gestimus sive peregrinantes, sive immorantes, placibiles illi esse*. Sed hic verba Apostoli generalia, et tam Deo quam corpori communia, ut dixi, restringunt ad solum corpus ; prior

ergo sensus, quem dedi, genuinus videtur (1).

10. OMNES ENIM. — Vox enim dat causam præcedentium, q. d. Contendimus placere Deo in omni opere nostro, ut in tribunali Christi, cui sistendi sumus, donemur gloria corporis, et beata Dei præsentia (ut dixit vers. 8) ac visione ; non autem ea privemur cum illis, qui Deo per opera mala displicuerunt.

NOS MANIFESTARI OPORTET (tum judici Christo, tum omnibus hominibus) ANTE TRIBUNAL CHRISTI, — ut quisque singulorum et bona et mala videat. Hinc patet Paulum quoque et Apostolos judicandos esse, sed ita, ut simul ipsi aliorum sint iudices, et condemnent eos qui sibi credere noluerunt, *Matth. XIX*, 28.

UT REFERAT UNUSQUISQUE PROPRIA CORPORIS (scilicet gesta et facta) PROUT GESSIT — *πρὸς ἃ ἐπραξεν*, secundum ea quæ fecit et gessit per corpus proprium ; Vatablus, pro eorum, quæ fecit, portione, id est pro disparitate meritorum demeritorumque, disparem quisque gloriam recipiet, vel penam.

Nota : Quæ propria sunt corporis, sunt et animæ propria ; nam anima in hoc statu et vita nihil agit, nec agere potest sine corpore : adeo ut ad cogitationem et intellectionem ipsam corporali phantasmate indigeat ; itaque propria corporis sunt, quæ anima proprie per corpus gerit et operatur (2).

Notat secundo Chrysostomus, dici « propria, » quia aliena et parentum merita in tribunali Christi filios non juvabunt, adeoque, ut ait *Ezech. cap. XIV*, vers. 14 et 20, Noe, Daniel et Job non liberabunt filium et filiam, sed tantum animas suas. Si tribunal hoc cogitaremus, cum a sociis, a libidine, a fastu, a gula tentamur, facile omnia superaremus, nulloque metu aut cupiditate a Dei lege et obedientia nos abduci pateremur. Vide Chrysostomum in morali homil. 10.

Hinc inferebant Pelagiani, infantes nullum habere peccatum, nec esse peccatum originale ; quia Christus in judicio tantum examinabit peccata propria quæ quisque gessit in corpore ; atqui infantes nihil gesserunt, nec gerere potuerunt quasi proprium : ergo peccatum non habent, quod Christus examinet et judicet.

Respondet S. Augustinus, *epist. 107*, hanc Apostoli sententiam etiam ad infantes pertinere : peccatum enim originale habituale esse eis proprium et inherens ; ipsum vero actuale Adami, ex quo propagatur in singulos ex Adamo nascentes peo-

(1) Sensus Paulinæ sententiæ hoc vers. hic est : Quomodocumque sit, sive mox deferamur (quod quidem sitienter anquirimus) ex hoc corporis domicilio ad Dominum, sive (quod patimur magis quam optamus) adhuc sejuncti a Domini consuetudine detineamur in hoc corpore, omni enititur studio, ut ei recte agendo probemur.

(2) Propria corporis, Græce τὰ ἰδιὰ τοῦ σώματος, id est ἰν σώματι, in hac vita, seu actus hujus vitæ.

catum originale habituale, licet Adamo fuerit proprium, id est, physice inherens (fuit enim esus pomi veliti, quod comedit Adam), tamen et parvulis moraliter dici proprium, quia actus hic Adami ad eos pertinuit, censeturque eorum actus proprius fuisse, sicque peccatum hoc gesserunt et commiserunt, non per se, sed per Adamum: voluntas enim Adami censebatur omnium posterorum etiam parvulorum esse voluntas.

Sed planius magisque ad Apostoli mentem responderi potest, Apostolum non loqui de infantibus, sed adultis: illos enim exhortatur ut sategant Deo per omnia placere, ut referant primum a Deo, quisque pro gestis: infantes enim, licet in Christi iudicio comparaturi sint, operum tamen examine non indigebunt, nec demeritis, sed soli originali peccato debitam poenam recipient, ut docet S. Augustinus, *serm. De omnibus Sanctis*, tom. I, et Nazianzenus, *orat. 60*, quæ est de sancto Lavacro.

Vers. 11. 11. SCIENTES Igitur (hæc quæ dixi de Christi tribunali, a quo quisque referet prout gessit; secundo et simplicius «scientes») TIMOREM DOMINI (id est, quia scimus timendum esse Dominum iudicem et vindicem, hinc eundem hunc timorem) HOMINIBUS SUADEMUS, — ut eo Dominum timeant (1).

Duplex timor Domini, et variæ ejus acceptiones in Scriptura. TIMOREM DOMINI. — *Timor* capi potest duobus modis: primo, active, quo Dominum timeamus; secundo, passive, quo Dominus est timentibus quasi iudex terrarum. Unde Syrus et Vatablus vertunt, *scientes igitur terrorem illum Domini, suademus hominibus*. Sic Jacob Deum vocat timorem patris sui Isaac, id est timoris objectum, seu, quem timuit Isaac pater suus, *Genes. xxxi, 42*. Ita hic *timor* vocatur objectum timoris, res timenda, terror, *q. d.* Scientes timendum, id est terribilem, esse Deum; sive, scientes timendum et formidandum esse Dominum. Vide *Can. 30*. Sic *Isaia viii, 13*, dicitur: «Dominum exercituum sanctificat; ipse pavor vester, et ipse terror vester.»

DEO AUTEM MANIFESTI SUMUS. — *q. d.* Deus scit me sincere Deum timere, et timorem hunc aliis suadere: quia enim Paulus ex hoc timore et cupidine Deo placendi et fruendi, quam hic præ se fert, aliquibus, maxime æmulis et pseudoapostolis, qui occasionem eum calumniandi querebant, videri potuisset se quasi sanctum laudare; hinc vanitatem hanc laudisque cupiditatem hic et in sequentibus a se amolitur.

Vers. 12. 12. UT HABEATIS — occasionem scilicet gloriandi (hoc enim repetendum relinquit) de me.

AD EOS (contra eos) QUI IN FACIE GLORIANTUR, qui externa se specie jactant, cum sibi non sint in conscientia bene conscii, sintque hypocritæ et pseudoapostoli (2).

(1) Rectius Alioli cum multis: *Omnes damus operam, ut hominibus religionem Christianam persuadeamus.*

(2) Vers. 12. Nec hanc in rem plura dicam, ne me denuo vobis commendare videar. Eo hæc commemora-

13. SIVE ENIM MENTE EXCEDIMUS, *DEO*: SIVE SOBRII SUMUS, VOBIS. — Aliqui manuscripti codices legunt, *si mente excedimus*. Græcum enim ἐξίστημι significat raptum, quo mens emota extra se abripitur, sive vehementia naturæ, morbi, cholerae, melancholiciæ aut apprehensionis in objecta nova et insolita, sive a Deo in contemplationem et extasin, sive a furore et insaniam in delirium. Omnibus his modis accipi hic potest. Imo Syrus, Chrysostomus, Theophylactus, Vatablus, Erasmus vertunt, *sive insanimus*: huic enim opponit εἴτε σωφρονεῖμεν, *sive sanamente sumus, q. d.* Sive desipimus, sive sapimus. Nam, ut ait Plato, lib. I *De Republica*, τὸ σωφρονεῖν ἐναντίον ἐστὶ τῷ μαινεσθαι, id est, sapere, sive sanamente esse, contrarium est illi quod est desipere vel insanire; sic *μακίαν*, sive insaniam, opponit τῷ σωφρονεῖν. Paulus, *Actor. xxvi, 23*: «Non insanio, inquit, optime Feste, sed veritatis et sobrietatis verba loquor.» Sic de Christo dicunt consanguinei, *Marci iii, 21*: «Quoniam in furorem versus est,» ubi græce est idem verbum ἐξίστην, quod hic.

Rursum raptus hic et insaniam accipi potest, vel laudis propriæ, vel amoris divini et contemplationis. De laude propria proprie et genuine loqui videtur Apostolus, ut sentit Ambrosius et Chrysostomus: de ea enim præcessit. Verum quia hæc laus est de excellentia ministerii novi Testamenti, deque excessu amoris et claræ speculationis Dei, hinc consequenter et secundo, de illo etiam intelligendus est, videturque alludere ad raptum Moysi, quo in Sina legem accepturus vidit gloriam Dei, ut dixit cap. iii, vers. 7. Laudavit enim se Apostolus præ Mose Mosisque raptu, cap. iii, vers. 18: «Nos vero, inquit, omnes revelata facie gloriam Domini speculantes in eandem imaginem transformamur a claritate in claritatem.» Hinc, cap. iv et v, laudat se a tribulationibus et laboribus pro Evangelio susceptis, quibus ad hanc gloriam Deique præsentiam aspirat (3).

Sensus ergo est, primo, *q. d.* Si nostri obliiti vehementia aliqua aut zelo abripimur, quem mundani putant insaniam, ut scilicet quasi insani abripiamur in laudes ministerii nostri, ac gloriosius diviniusque de nobis loquamur (superbia enim et jactantia videtur, et est insaniam, ait Ambrosius, seipsum laudare), «Deo,» hoc est, ad Dei honorem id facimus. «Sive sobrii sumus,» in sermone scilicet laudibusque nostris, «vobis» id fit, ut nimirum vos modestiam doceamus. Ita Chrysostomus. Hinc consequenter, ut dixi, secundo,

mus, ut præbeamus vobis occasionem nos collaudandi, et defendendi apud alios nostram docendi rationem; ut habeatis, quo gloriari, et causam nostram tueri possitis adversus eos qui sibi placent in rebus externis, non autem in mentis castitate puritateque.

(3) Vers. 13. Sive extra modum egredimur, scil. nos ipsos laudando, id facimus Dei causa; seu moderationem præstamus, id fit a nobis vestri causa. *Dei causa*, ut Deus celebretur, qui me huic muneri idoneum reddidit: *vestri causa*, ut meo exemplo modestiæ studeatis.

Vers. 13.

Sapere et desipere quomodo opponantur?

S. Augustinus, Anselmus, Theophylactus et alii sic explicant, *q. d.* Si rapimur in excessum vel extasin divini amoris, contemplationis et locutionis, dicentes : « Nos autem revelata facie gloriam Domini speculantes ; et : Contendimus, sive absentes, sive præsentes placere illi ; et : Bonam voluntatem habemus magis peregrinari a corpore, et præsentes esse ad Dominum ; » qua in re gloriari, et nos laudasse visi sumus. Vel, ut vertit Chrysostomus, *si insanimus*, hoc est, si videmur quandoque amore et contemplatione ebrii et insani, uti Apostoli, *Actor. II, 13*, et *Actor. XXVI, 24*, « Deo, » id est ad Dei gloriam, id facimus, etc.

Quadruplex est insaniam seu furor.

Nam Plato, in *Phedro*, quadruplicem docet esse furorem sive insaniam : *primum*, vatium ; *secundum*, mystarum ; *tertium*, poetarum ; *quartum*, amantium, huncque quartum esse optimum et felicissimum. « Divinae, inquit, insaniae sive maniae quatuor species statuuntur, quibus totidem præsunt dii. Et vaticinii quidem inspirationem tribuunt Apollini ; mysteriorum vim atque efficaciam Libero ; poeticam vero Musis ; amatorum furorem Veneri et Amori. Optimum illud præstantissimumque furoris genus quarto loco attribuimus. » Hunc quartum furorem fuisse in Paulo docet hic Theophylactus, utpote qui non in se, sed quasi raptus et mente emotus in Christo dilecto suo vixerit (amantis enim anima non tam est ubi animat, quam ubi amat), quique pro fratribus optarit fieri anathema. Sic enim habet Theophylactus. « Si insanimus Dei causa, ita insanimus ut vos ad ipsum perducamus. Insaniebat itaque Paulus amatoria quadam insaniam Deum amans, ac amatoris instar illi vivens, nempe ab amato extra seipsum raptus, ac totus in Deum translatus, nec suam ipsius vitam vivens, sed illius quem amat, amatoriam, plane dilectam et valde charam. »

Sanctus vero Augustinus, Beda et Anselmus, qui hunc locum accipiunt non de insaniam, sed de raptu et extasi Pauli, sic explicant : « Quid est, inquit Augustinus apud Bedam, *Mente excedimus Deo?* » ut illa videamus quæ non licet homini loqui. « Quid est, Temperantes sumus (sic legit Augustinus pro eo quod nos habemus, *Sobrii sumus*), vobis? Non, inquit, judicavi me scire aliquid inter vos, nisi Jesum Christum, et hunc crucifixum. » Idem S. Augustinus, in *Psal. ciii* : « Quid est, mente excessimus Deo? Excessimus omnia ista carnalia, et quod vidimus, effari non possumus. Quid est, Temperantes sumus vobis? Sic loquimur ut capere possitis : quia et Christus talem se fecit nascendo et patiendo, ut possent de illo homines loqui. »

Excessus mentis quid sit, et quomodo?

« Excessus, inquit Anselmus, mentis, est intentio ad superna, » ita ut quasi de memoria labantur infima. In hoc mentis excessu Sancti omnes fuere, quibus arcana Dei, mundum istum excedentia, revelata sunt. Sic Apostolus hic excedens mente omnem humanam fragilitatem, et

sæculi temporalitatem, omnia quæ nascendo et occidendo vanescunt, transeuntia, habitabat corde in ineffabili quadam contemplatione eorum de quibus dicit, quod audit in ineffabilia verba, quæ non licet homini loqui ; sed propter alios descendit. Unde ait : « Sobrii sumus vobis, » *q. d.* Licet alta contemplerur, sobrie tamen de iis loquimur, ut vos ea capere possitis. Ita Anselmus.

Pulchre piam hanc Pauli insaniam describit S. Bernardus, lib. *De Natura et dignitate amoris*, cap. III : « Audi, inquit, sanctam insaniam : Sive mente excedimus, Deo ; sive sobrii sumus, vobis. Vis ad hæc audire insaniam ? Si dimittis, inquit, eis peccatum, dimitte : sin autem, dele me de libro vitæ, *Exod. XXXII*. Vis aliam ? Ipsum audi Apostolum : Optabam, inquit, anathema esse a Christo pro fratribus meis. Nonne mentis bene affectæ sana quædam videtur insaniam, cum impossibile sit effectui, habere fixum in affectu, pro Christo anathema velle esse a Christo ? Hæc ad Sancti Spiritus adventum Apostolorum fuit ebrietas, hæc Pauli insaniam, cum diceret ad eum Festus : Insanis, Paule. » Rationem subdit : « Mirumne erat si insanire pronuntiabatur, qui in ipso mortis periculo ipsos iudices suos, a quibus pro Christo judicabatur, ad Christum convertere nitebatur ? Non hanc insaniam multæ litteræ in eo faciebant, sicut dicebat rex veritatem intelligens, sed dissimulans, sed (ut dictum est) Sancti Spiritus ebrietas, in qua et in parvo et in magno similes eos sibi facere gestiebat, qui eum judicabant. Et ut cætera omittam, quæ major, quæ magis inopinata insaniam, quam hominem relicto sæculo desiderantem et ardentem inhærere Christo, pro Christo rursum necessitate obedientiæ et charitatis fraternæ inhærere sæculo ; tendentem in cælum, semetipsum mergere in cœnum ? Illic est Benjamin adolescentulus, qui in mentis excessu nec se, nec suum aliquid sentit, sed eum solum in quem totus excessit. Hac insaniam insani erant Martyres inter tormenta ridentes. Ita insanire libet. »

Et idem, *serm. 83 in Cantic.*, in fine : « Pergat, inquit, quis forsitan querere a me, verbo frui quid sit ? Audi expertum : Sive, inquit, mente excedimus, Deo ; sive sobrii sumus, vobis, hoc est : Aliud mihi cum Deo, solo arbitro Deo ; aliud vobiscum mihi. Illud licuit experiri, sed minime loqui : in hoc ita condescendo vobis, ut et ego dicere, et vos capere valeatis. O quisquis curiosus es scire quid sit verbo frui, para illi non aurem, sed mentem. Non docet hoc lingua, sed gratia. Absconditur a sapientibus et prudentibus, et revelatur parvulis. »

14. CHARITAS ENIM CHRISTI (non tam passiva, *Vers. 14.* quam activa, qua scilicet Christus homines dilexit, seque totum iis impendit) URGET NOS, — ut et nos Christi exemplo et amore idem faciamus, nosque totos hominibus impendamus, ut eos faciamus salvos a morte ; ideoque, prout eis expe-

dit, nunc mente excedamus, nunc sobrii simus. Unde sequitur :

QUONIAM SI UNUS (scilicet Christus) PRO OMNIBUS MORTUUS EST, ERGO OMNES MORTUI SUNT. — Pendet hic totus versus a seq., qui ejus sensum et connexionem cum vers. 13 significat et explet. Sensus vero est, *q. d.* Tanta fuit Christi charitas, ut pro omnibus moreretur. Unde sequitur nos fuisse mortuos : ideo enim mortuus est, ut nos a morte, et corporis, et animæ, quam per peccatum incurramus, eam in se suscipiendo, liberaret. Ex quo magis patet Christi miseratio et charitas, quod scilicet e tanta mortis miseria, eam in se suscipiens nos eripuerit, quæ profecto urget nos, ut Christum redamemus, ejusque amore in proximi salutem modis omnibus incumbamus, et neminem excludamus, sed pro omnibus, etiam miseris et pauperibus, laboremus, uti fecit Christus. Aliter S. Thomas, « mortui sunt, » id est, inquit, omnes mortui esse debent vitæ veteri, seseque mortuos æstimare, ut non sibi, sed Christo vivant (1). Sed hoc obscurius est et remotius, idemque cum eo quod clare dicit versu sequenti, quem ab hoc distingui verba indicant.

OMNES MORTUI SUNT — dempta B. Virgine, ait Anselmus, quæ peccatum originale et animæ mortem nunquam incurrit. *Secundo*, et potius, « omnes mortui sunt, » scilicet in Adamo, quia in eo peccati et mortis necessitatem contraxerunt omnes, etiam Deipara, ita ut et ipsa, et omnes omnino homines Christo redemptore ejusque morte egerint : peccavit ergo et mortua est B. Virgo in Adamo, sed in seipsa peccatum et animæ mortem non contraxit, quia a Deo Deique gratia fuit præventa, ut dixi *Rom. v. 12*.

Vers. 15. 15. Et (repete ex vers. præced. *Æstimantes quoniam*) **PRO OMNIBUS MORTUUS EST CHRISTUS, UT ET QUI VIVUNT, JAM NON SIBI (non suæ gloriæ, voluntati, voluptati) VIVANT, SED (Christo) EI, QUI PRO IPSIS MORTUUS EST ET RESURREXIT,** — quique nos omnes jure redemptionis sibi servos effecit, ut sicut servus non sibi laborat et vivit, sed Domino, ita et singuli nostrum possint dicere : « Vivo ego, jam non ego, vivit vero in me Christus ; et : Anima mea illi vivet. Debet enim, ait Anselmus, anima humana in se deficere, et proficere in Christo, qui mortuus est ut nos moreremur peccatis, et resurrexit ut ad justitiæ opera resurgeremus ; et quid est aliud, Non sibi, sed ei vivant, quam ut non secundum carnem vivant in spe terrenorum et corruptibilibus honorum, sed secundum spiritum in spe resurrectionis, quæ jam ex ipsis in Christo facta est ? » hactenus Anselmus.

Vers. 16. 16. **ITAQUE NOS EX HOC NEMINEM NOVIMUS SECUNDUM CARNEM.** — *q. d.* Quia Christi tanta in nos est

charitas, nosque urget, ideoque nihili æstimamus carnalia, id est externa et præsentia, extra Christum, puta famam, valetudinem, amicitias, cognationes. Ita Chrysostomus, ut sit persona pro re ; « neminem, » hoc est nihil, ait Vatablus ; ita pariter « neminem accipit S. Augustinus, lib. IX *Contra Faust.*, cap. vii. Sed per carnem intelligit carnis corruptionem et mortalitatem, *q. d.* « Neminem novimus secundum carnem, » hoc est non novimus amplius vitam hanc carnalem et mortalem : quia certa spe meditatur et ambimus vitam futuram, spiritalem et beatam post resurrectionem, in qua jam est Christus nobisque locum parat. Hic sensus aptus est, sed paulo remotior ; Apostolus enim opponit carni, sive homini carnali, novam creaturam, quæ in hac vita est, et vivit per fidem et gratiam in Christo ; ait enim : « Si quæ ergo in Christo nova creatura. »

Quare *tertio*, sic magis vicine et proprie explices : « Ex hoc, » id est amplius, « neminem novimus, secundum carnem, » id est speciem externam, scilicet quod nobis sit cognatus, amicus, Judæus, nobilis, elegans, doctus ; his affectibus naturalibus mortuus sum, quia in Christo regeneratus illi soli vivo, ipsum solum, et omnes in ipso secundum charitatis spiritum, non secundum carnem amo, *q. d.* Ego non quero placere hominibus, aut laudes et gloriam hominum, sed Dei. Quia enim pseudoapostoli Judæi, æmuli Pauli, ut patebit cap. xi, gloriabantur se esse Hebræos, et semen Abraham, quod cap. xi, 18 vocat « secundum carnem gloriari, » hinc eos tacite perstringens, ait se neminem nosse notitia amoris et gloriationis, id est, in nemine gloriari secundum carnem, seu carnalis propinquitatis et amicitie causa, ne quidem in ipso Abraham. Sic *Pilipp. iii, 3* : « Gloriamur, inquit, in Christo Jesu, et non in carne fiduciam habentes, » *q. d.* Aliquando gloriati sumus nos esse Hebræos, et nobiles secundum carnem, jam illis affectibus mortui sumus, quia laus omnis nostra et gloriatio est Christus. Ita Gagneius.

ET SI COGNOVIMUS SECUNDUM CARNEM CHRISTUM. — Hoc est, si aliquando Christum æstimavimus et vidimus (si non ego Paulus, certe alii Apostoli nostri) præsentem, mortalem, carnis passionibus, fami, frigori obnoxium, hominem nobis similem ; nunc non novimus nisi immortalem et impassibilem. Ita Chrysostomus, Theodoretus, et Synodus VII generalis, act. 6, et favent sequentia.

Secundo, et potius Gagneius, ut dixi : Si olim novimus, hoc est, magni æstimavimus, et gloriati sumus de Christo secundum carnem, hoc est Christum carnali generatione esse Judæum, contribulem nostrum, et nos esse Hebræos Christi cognatos secundum carnem, uti pseudoapostoli gloriantur, quodque cum Christo præsentem viximus, aut etiam familiariter conversati sumus ; jam illis terrenis affectibus mortui sumus, et per Christum recreati augustius de eo sentimus, et

Quandem-
plex im-
jus in-
sensu

(1) Ita et Allioli cum Rosenmullero, qui hunc locum sic interpretatur : Christi enim (in homines) amor urget nos (atque impellit), ita argumentantes : Si unus in salutem omnium mortuus sit, hos sane omnes mortuos (sibi suoque arbitrio) censendos esse.

Christum tantum novimus secundum spiritum, id est, ut hominem divinum, orbis redemptorem, doctorem, auctorem gratiæ et salutis, atque ut tali vivimus et servimus, talemque orbe toto prædicamus (1).

Tertio, alii non improbabiler putant Paulum de se loqui pro eo tempore, quo Christum persequabatur, *q. d.* Etsi aliquando secundum carnem, id est carnaliter judicantes, indignam de Christo æstimationem habuimus, *v. g.* quod Christus futurus esset rex temporalis, qualem Messiam Judæi expectant: jam tamen non ita novimus vel existimamus.

Hinc *quarto*, perperam Faustus Manichæus explicabat sic, *q. d.* Ego Paulus in principio putavi Christum veram habuisse carnem; sed errorem postea correxī. Unde et *Phipp.* II, ait, « In similitudinem hominum factus, » *q. d.* Similem et phantasticam, sive apparentem nobis habuit carnem, non veram, non humanam. Rursum Eutyches sic ad suam hæresim hunc locum torquebat: « Non novimus, inquit, Christum secundum carnem, » quia incarnatione caro et humana natura Christi absorpta fuit a divinitate: ponebat enim ipse in Christo unam naturam æque ac personam, eamque divinam.

Vides hic quam hæretici Scripturam, quasi nasum cereum, quovis ad sua phantasmata flectant trahantque. Sic olim Iconomachi, et nuper Calvinus Admonitione *De Reliquiis*, hæc Apostoli verba detorserunt contra venerationem reliquiarum et imaginum Christi et Sanctorum; quasi diceret Apostolus: Jam post resurrectionem non novimus Christum secundum carnem, id est quidquid in Christo carnale fuit, oblivioni tradendum est, et missum faciendum, ut in eo secundum spiritum querendo et possidendo omne studium ponamus. Sed hoc non velle Apostolum, clarissimum est: quia sic vellet nos oblivisci carnis, mortis et passionis Christi, ejusque esse immemores et ingratos, cujus contrarium voluit et sanxit Christus, quando in mortis suæ memoriam perpetuam instituit Eucharistiam. Unde ipsemet Paulus, I *Corinth.* XI: « Quotiescumque, inquit, manducabitis panem hunc, et calicem bibetis, mortem Domini annuntiabitis donec veniat. » Non ergo hoc quod vult Calvinus, sed illud quod dixi, intendit hoc loco Apostolus. Ita Concilium II Nicenum, act. 6, ex Epiphania et Cyrillo.

Vers. 17. 17. SI QUA ERGO IN CHRISTO NOVA CREATURA (*q. d.* Si quis ergo mecum est in Christo regeneratus, et quasi in alium hominem et novam creaturam recreatus et transmutatus (uti ego jam non sum ille qui fui, puta Saulus, sed Paulus), in hoc) VETERA TRANSIERUNT, — veteres scilicet, tum judaismi ritus, tum potius affectus et judicia, quale est novisse aliquem secundum carnem, quod

præcessit. Ecce enim in tali facta sunt omnia nova, ut novos habeat affectus, nova judicia de re et spe Christiana, novam vitam, novam spem resurrectionis, novam gratiam, sanctitatem, justitiam. Vide de hac novitate Anselmum et S. Augustinum, tract. *De Cantico novo*, tom. IX.

Causam dat S. Bernardus, serm. *De Assumptione B. Mariæ*: « Facta, inquit, sunt omnia nova, id est, novum est castellum veteri everso. Sublata quippe cupiditate, expanditur ingens sinus desiderii, ut ad ejus adventum multo magis anhelet mens ad cœlestia, quam prius terrenis incubuerat. Jam ponitur murus continentiae, antemurale patientiae. Surgit autem hoc opus a fundamento fidei, et crescit per dilectionem proximi usque ad charitatem Dei. »

18. OMNIA AUTEM (nova jam dicta) EX DEO (*ex Vers. 18.* Dei donatione et gratia facta et data sunt), QUI NOS RECONCILIAVIT SIBI PER CHRISTUM ET DEDIT NOBIS MINISTERIUM RECONCILIATIONIS, — ut per nostram prædicationem persuadeamus hominibus Christi fidem et poenitentiam, novam et christianam vitam, itaque ipsos Deo reconciliemus.

19. QUONIAM DEUS ERAT IN CHRISTO, — quasi *Vers. 19.* Filio per unitatem essentialis. Ita Ambrosius et Primasius: unde S. Ambrosius, lib. III *De Fide ad Gratian.*, cap. v: Deus, ait, id est, sempiterna divinitas, erat in Christo, *q. d.* Christus reconciliavit mundum, quia erat Deus. *Secundo*, et melius, « Deus erat in Christo, » id est per Christum, mundum reconcilians sibi. Ita Græci. *Tertio*, Cajetanus, mundum in Christo, hoc est mundum Christo credentem, reconciliavit sibi Deus. Sed hoc coactum et distortum videtur.

NON REPUTANS ILLIS DELICTA IPSORUM. — *q. d.* Non imputans, sed gratis remittens delicta per justitiæ Christi, non imputationem, ut volunt hæretici, sed realem infusionem. Ita Chrysostomus et Anselmus.

Nota Hebraismum: Scriptura dicit Deum statuere, imputare ad peccatum, vel non imputare, non quasi in re ita non sit: sic enim falleretur Deus; sed potius, quia sincerissimum est Dei judicium, reputatque res et peccata vere ut sunt. *Secundo*, quia ex Dei judicio, puta ex lege eterna quæ est in mente Dei, pendet omnis lex, ac consequenter peccatum contra legem. *Tertio*, et maxime, quia omnis peccati remissio pendet ex Dei condonatione; condonare autem est quasi non imputare: peccatum enim ens morale est, offensa scilicet Dei, quæ pariter morali causa, scilicet condonatione, tollitur; sed Dei liberalis clementia cum hac simul gratiam, charitatem et virtutes omnes infundit, ut iis quasi realibus Dei donis ornemur, justificemur fiamusque digni amicitia Dei.

ET POSUIT IN NOBIS VERBUM RECONCILIATIONIS, — prædicationem scilicet verbi Dei, quo Deo homines reconciliemus, ut dixi *vers. præced.* Posset *secundo*, « verbum » pro re metonymice, quasi

Peccatum non remittitur per solum justitiæ imputationem, sed per infusionem.

(1) Hic sensus est ad litteram genuinus.

signum pro signato, accipi: sic «verbum reconciliationis» esset ipsa reconciliatio, sive potestas et ministerium, ut dixi vers. præced., reconciliandi homines Deo.

Vers. 20. 20. OBSECRAMUS PRO CHRISTO, RECONCILIAMINI DEO, — *q. d.* Obsecramus vice Christi, quasi legati Christi, et quasi Christus per nos vos obsecret, ut velitis Deo reconciliari. En qua industria, efficacia, zelo utitur Apostolus, ut Corinthios convertat.

Vers. 21. 21. EUM QUI NON NOVERAT PECCATUM, — scilicet per experientiam, qui tamen noverat illud per simplicem notitiam, ait D. Thomas, id est Christum, qui peccatum nunquam fecerat.

PRO NOBIS PECCATUM FECIT, — qui eramus peccatum, ait Illyricus; quia peccatum, inquit, est substantia et forma animæ nostræ. Sed hoc de nobis dicere, delirium est; de Christo, blasphemiam. «Peccatum» ergo, id est hostiam pro peccato nostro, fecit Deus Christum pro nobis, ne nos quasi victimæ piacularæ, illud æterna morte et igne lueremus. Ludit ergo Apostolus in voce «peccatum,» quia dum ait: «Eum qui non noverat peccatum,» peccatum proprie; dum vero addit: «Pro nobis peccatum fecit,» peccatum metonymice accipit, juxta *Can. 3.* Ita Ambrosius, Theophylactus, Anselmus. Hinc Christus, *Psal. xxi, 2,* nostra delicta sua vocat. Ita Theodoretus ibi. *Serundo,* «peccatum,» ait D. Thomas, id est in similitudinem carnis peccati, ut esset Christus passibilis, uti peccatores ex Adæ peccato passionibus sunt obnoxii. *Tertio,* «peccatum,» id est, ut Christus æstimaretur ab hominibus peccatum, id est peccator insignis, dum quasi infamis latro suspensus et crucifixus est. Ita Græci.

Ex hisce tribus sensibus primus cæteris plenior, significantior et nervosior est, magisque ex usu et phrasi Scripturæ, quæ sæpe «peccatum» vocat ipsam victimam piacularem sive expiatricem peccati; ut *Osee iv, 8:* «Peccata (id est hostias pro peccato oblatas) populi mei comedent (sacerdotes).» *Levit. iv, 24:* «Quia חטאת *chattat hu,* peccatum est, id est hostia pro peccato, uti vertit noster Interpres. Ibidem *vers. 21,* חטאת *chattat,* peccatum, id est victima pro peccato multitudinis est. *Ezech. cap. xliv, vers. 29,* *chattato,* peccatum suum, id est victimam pro peccato suo ipsi comedent (peccatum enim in se comedi nequit: est enim cibus nimis durus, nec ulli stomacho digestibilis). Cujus phrasis et metonymiæ ratio hæc est, quod in hostiam piacularem tota peccati pœna, noxa et ultio transcribatur, itaque in eandem peccatum ipsum transcribi et trans-

poni videatur. Noxa enim caput nocens sequitur.

Hujus rei symbolo solebat sacerdos hostiæ manus imponere, illique peccata populi imprecari. Per manus enim significantur actiones et peccata, utpote quæ manibus plerumque peraguntur, inquit Theodoretus in *Leviticis* cap. i. Manuum ergo impositio super victimam, et symbolum erat oblationis, et testimonium reatus in hostiam translatis, ut hostia fieret piaculum, itaque peccatum ipsum, id est omne pondus, pœnam et vindictam peccati, in se susciperet. Hoc modo in die solemnii expiationis pontifex hircus emissario peccata totius populi imprecabatur, eumque deinde quasi peccatis onustum per certum hominem extra castra deducebat, et dimittebat in desertum a feris devorandum. De quo ita scribitur *Levit. xvi, 20:* «Offerat hircum viventem, et posita utraque manu super caput ejus, confiteatur omnes iniquitates filiorum Israel, et universa delicta atque peccata eorum: quæ imprecans capiti ejus, emittet illum per hominem paratum in desertum. Cumque portaverit hircus omnes iniquitates eorum in terram solitariam, et dimissus fuerit in deserto, revertetur Aaron,» etc.

UT NOS EFFICEREMUR JUSTITIA DEI IN IPSO, — *q. d.* Ut nos efficeremur justi apud Deum, justitia a Deo infusa per merita Christi. Vide *Can. 21* et *30.* Ita Chrysostomus. Dicit «justitia,» non *justi,* ait Theophylactus, ut excellentiam gratiæ significet, qua fit ut nullus in justo sit nævus, nulla peccati macula, sed omnis et tota gratia ac justitia. *Serundo,* «justitia Dei,» id est ut effectus, vel similitudo justitiæ Dei increatæ nobis per creatam et infusam justitiam communicaretur. Ita Cyrillus, lib. *XII Thesauri,* cap. *III.* *Tertio,* «justitia Dei,» quia Deus debet non nobis, sed Christo et Christi meritis, ut justitiam nobis infundat, et peccata remittat. Ita Augustinus, *Enchirid. cap. xli.* Simile *I Cor. i,* vers. ult.

Objiciunt hæretici: Christus factus est pro nobis peccatum, quia peccatum nostrum illi imputatum est, et in illo punitum: ergo nos efficiamur justitia Dei, quia illa nobis imputatur.

Respondeo, non esse simile, nec enim Christus vere potuit esse peccator, uti nos vere possumus esse justi; neque hanc analogiam urget Apostolus; sed tantum quod Christus ideo suscepit nostra peccata, ut nos per eum justificaremur. Adde: Christus vere factus est peccatum, id est hostia pro peccato (hanc enim significat hic peccatum), ergo et nos vere sumus justitia Dei: sic enim apte et solide hoc argumentum in ipsos Novantes retorquemus.

Delirium et blasphemia Illyrici censetis peccatum esse substantiam et formam animæ. Triplex hujus loci sensus.

Peccatum in Scriptura sæpe vocatur victima piacularis et quare

Hircus emissarius portans peccata populi.

Triplex sensus horum verborum.

Ridicula Novatorum ex hoc loco Pauli illatio.

CAPUT SEXTUM.

SYNOPSIS CAPITIS.

Primo, hortatur ne oblatam reconciliationis (quam in fine cap. præcedentis commendavit) gratiam neglegant.

Secundo, vers. 4, docet, quales esse debeant ministri, præsertim Apostoli, et præcones Evangelii.

Tertio, vers. 11, cor suum charitate in Corinthios dilatatum pandit, eosque ad similem charitatis dilationem provocat.

Quarto, vers. 14, multis antithesibus docet quam cavenda sint fidelibus infidelium commercia et connubia.

1. Adjuvantes autem exhortamur, ne in vacuum gratiam Dei recipiatis. 2. Ait enim : Tempore accepto exaudivi te, et in die salutis adjuvi te. Ecce nunc tempus acceptabile, ecce nunc dies salutis, 3. nemini dantes ullam offensionem, ut non vituperetur ministerium nostrum : 4. sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, 5. in plagis, in carceribus, in seditionibus, in laboribus, in vigiliis, in jejuniis, 6. in castitate, in scientia, in longanimitate, in suavitate, in Spiritu Sancto, in charitate non ficta, 7. in verbo veritatis, in virtute Dei, per arma justitiæ a dextris, et a sinistris; 8. per gloriam, et ignobilitatem; per infamiam, et bonam famam; ut seductores, et veraces; sicut qui ignoti, et cogniti; 9. quasi morientes, et ecce vivimus; ut castigati, et non mortificati; 10. quasi tristes, semper autem gaudentes; sicut egentes, multos autem locupletantes; tanquam nihil habentes, et omnia possidentes. 11. Os nostrum patet ad vos, o Corinthii, cor nostrum dilatatum est. 12. Non angustiamini in nobis : angustiamini autem in visceribus vestris; 13. eandem autem habentes remunerationem, tanquam filiis dico : dilatamini et vos. 14. Nolite jugum ducere cum infidelibus. Quæ enim participatio justitiæ cum iniquitate? Aut quæ societas luci ad tenebras? 15. Quæ autem conventio Christi ad Belial? Aut quæ pars fideli cum infideli? 16. Quis autem consensus templo Dei cum idolis? Vos enim estis templum Dei vivi, sicut dicit Deus : Quoniam inhabitabo in illis, et inambulabo inter vos, et ero illorum Deus, et ipsi erunt mihi populus. 17. Propter quod exite de medio eorum, et separamini, dicit Dominus; et immundum ne tetigeritis : 18. et ego recipiam vos, et ero vobis in patrem, et vos eritis mihi in filios et filias, dicit Dominus omnipotens.

Vers. 1. 1. ADJUVANTES AUTEM. — Græce συνεργούντες, id est cooperantes Deo, ut propositam reconciliationem, de qua dixi cap. præced. vers. 18, 19 et 20, quod « Deus nos reconciliavit sibi per Christum, et dedit nobis ministerium reconciliationis, » etc., assequamini.

EXHORTAMUR, NE IN VACUUM GRATIAM DEI RECIPIAMUS. — In vacuum gratiam recipit, qui cum ea non laborat, ait Anselmus, nec ei suum studium adjungit, quique per desidiam facit ut in se gratia sit otiosa, dum eam bonis explere operibus non satagit, q. d. Ne putetis quod sola fides sit reconciliatio, quia ad eam bona vita et opera sunt necessaria. Ita Theophylactus ex Chrysostomo.

Nota : Gratiam vocat generale beneficium reconciliationis mundi et redemptionis Christi : de

illo enim egit in fine capitis præcedentis; sub illo tamen intelligit gratiam particularem, quam cuique meruit Christus, et quam cuique dat Deus, ut hujus generalis Christi redemptionis quisque particeps fiat.

2. AIT ENIM (Deus per Isaiam, cap. XLIX, vers. 8) : **Vers. 2. TEMPORE ACCEPTO EXAUDIVI TE.** — Probat Apostolus nunc esse tempus gratiæ et reconciliationis, ut hanc gratiam non in vacuum recipiamus, ex eo quod Isaias tempus hoc fore gratiæ prædixerit. Estque tacita hic occupatio. Dicere enim quis poterat : Non est in mea potestate Dei gratiam recipere, nam gratiam dare vel non dare pendet a libera voluntate Dei : quomodo ergo, o Paule, ad eam recipiendam me hortaris? Respondet Paulus : En tibi tempus acceptabile, en tempus salutis, en tempus gratiæ, quo, ut Isaias prædixit,

Tempus Evangelii tempus est gratiæ.

Deus suam gratiam omnibus offert, omniumque preces et vota exaudit.

TEMPORE ACCEPTO, — id est placito, vel placabili, ut habet Isaias. Nota: Hoc tempus est legis gratiæ, sive præsens Christianorum vita, in qua bene operandi merendique tempus est, et post illam non dicitur placitum; quia in hoc placuit Deo gratiam suam, benevolentiam, reconciliationem et salutem per Christum omnibus proponere. Dicitur acceptum et acceptabile, id est acceptissimum, maxime acceptandum, dignumque quod ab omnibus plausu et exultatione mira suscipiatur, utpote salutem adferens mundo per Christum.

Nota secundo: Sunt hæc verba Patris ad Filium, *q. d.* « Exaudi vi, » id est exaudiam (propheticæ enim ponitur præteritum pro futuro) te, Fili mi, pro membris tuis, et in membris fidelibus deprecantem, opem, gratiam et salutem postulantem; « et in die salutis, » id est in illo tempore gratiæ, quo omnes homines per te, o Christe, vocabo ad æternam salutem, « adjuvi, » id est adjuvabo te, ut in tuis membris, scilicet Christianis, salutem eis a te propositam assequaris. Ita Ambrosius, Chrysostomus, Anselmus. Unde Christus, *Isaiæ* LXI, 2, a Spiritu Sancto unctum et missum se dicit, « ut prædicarem, inquit, annum placibilem Domino, et diem ultionis Deo nostro, ut consolarer omnes lugentes. » Pro annum placibilem, hebraice est שְׁנַת רַחֲמִים *schenat ratson*, quod Septuaginta ὥδεια; vertere solent, *q. d.* annum divinæ benevolentiae et liberalitatis, qualis erat jubileus, ad quem alludit; jubileus enim typus erat hujus anni Evangelici. Totum ergo tempus prædicationis Christi, et deinceps totum legis novæ tempus, Christo obedientibus, ejusque liberalitatem acceptantibus, annus fuit et est jubileus, id est annus misericordiæ, pacis, remissionis, salutis, libertatis: in quo post longam iram Dei in nos, restitutumur in ejus gratiam, acceptationem, benevolentiam, hæreditatem, gloriam, omniaque bona pristina, quæ in paradiso in statu innocentie habuimus. Idem tempus et annus hostibus fuit ultionis dies (dies enim hic synecdochice ponitur pro tempore), quo scilicet Deus genus humanum ultus est de inimicis suis, puta dæmonibus, illos sua tyrannide expellendo.

Totum
tempus
prædica-
tionis
Christi
est annus
jubileus
et mis-
ericordiæ.

VERA. 3. 3. NEMINI DANTES (nemini date, vel demus; est hebraismus: ponitur enim participium pro præsentis conjunctivi vel imperativi) **ULLAM OFFENSIONEM** (ullum scandalum, *q. d.* Cum illum diem agamus, quo omnes ad salutem a Christo vocantur, caveamus ne cui scandalum demus, ne quis licentiori vita, aut morositate, vel impatientia nostra offensus, viam salutis, scilicet christianismum, suscipere, aut in ea progredi recuset): **UT NON VITUPERETUR MINISTERIUM NOSTRUM**, — quo nos Apostoli prædicatione, verbo, vita omnes ad hanc salutem pellicere satagimus.

VERA. 4. 4. EXHIBEAMUS NOS. — Græce συγκατα, quod Erasmus vertit, *commendantes*; alii, *declarantes*;

optime Syrus, *præstantes*, sive *exhibentes*. Rursum hoc participium capitur pro verbo sive indicativi modi, *præstantes*, id est præstamus, exhibemus, et, ut legit Ambrosius, *commendamus*, ut hisce omnibus Paulus se contra pseudoapostolos commendat et laudet, sive potius pro optativo modo, *præstantes*, id est præstemus; exhibentes, id est exhibeamus et commendemus nos. Hæc enim omnia sunt adhortantis, simul tamen et tacite laudantis se suumque apostolatam. Nam exhortatur hic Paulus omnes Christianos, sed maxime Evangelii præcones, quales multi erant Corinthi, ad vitam Evangelicam et Apostolicam; et simul hoc ipso tacite se, suam vitam, passiones, patientiam et virtutes hic describit, ut illas imitentur, easque pseudoapostolorum arrogantiae, mollitiæ, impatientiæ et vitiis opponant: contra hos enim sui æmulos et calumniatores sese hæc epistola laudare cogitur, ut patebit cap. XI.

Paulus
hic tacite
se suum-
que apos-
tolatam
laudat
contra
pseudoa-
postolos.

Proponit ergo hic vivam veri et genuini Apostoli et doctoris Evangelici imaginem, quam omnes Doctores et Pastores imitentur, et ad quam quisque doctores de fide et integritate suspectos examinet; ut videant Corinthii, quam inique ventosos suos pseudoapostolos et thrasones prætulerint Paulo ejusque sociis verbi Dei Apostolis, utpote in quos solos omnes sequentes genuini Apostoli notæ apprimere conveniant.

SICUT DEI MINISTROS IN MULTA PATIENTIA. — Exhibitio enim et ostensio patientiæ, non unius, sed multæ, est demonstratio, quæ hominibus clare ostendit et demonstrat nos esse ministros Dei.

Nota in patientia referri ad sequentia, *q. d.* Exhibeamus nos quasi Dei ministros patientes in multis tribulationibus, necessitatibus, angustiis, plagis aliisque quæ sequuntur: hanc enim patientiam quasi altiore se philosophiam mirantur homines (qui in vexationibus irasci, indignari, verbis et verberibus ulcisci se solent), ex eaque colligunt veram doctrinam, fidem, religionem, Dei spiritum. Ita S. Xaverius et socius ejus J. Fernandez in Japone diu concionantes nihil profecerunt, donec a Japone sputo in faciem appetiti, modeste detergo sputo, quasi nihil passi in concione sua perrexerunt, probra, irrisiones, aliaque plurima patientissime pertulerunt: hanc enim patientiam admirati Japones ingenio acres, quasi homines cælo lapsos colere, eorumque doctrinam et fidem certatim amplecti cœperunt. Idem intellexit Gentilis Epictetus, suosque docuit, ut se suamque sapientiam non tam per verba quam per opera, præsertim patientiæ et constantiæ, ostenderent et docerent. Ita enim præscribit suis *Enchiridii* cap. XXIX: « Et tu igitur ne verba cecleriter ostendas imperitis, sed opera quæ verborum concoctionem sequuntur. Nam et oves non fœnum afferunt opilionibus, ut demonstrent quantum comederint, sed pastu intra se concocto extra ferunt lanam et lac. » Ita Christus, *Matth. VII, 16*, de falsis Prophetis ait: « A fructibus eorum cog-

Patientia
est scilicet
philosophia.

Epicteti
philoso-
phia con-
sistebat
in patientia
et constan-
tia.

noscetis eos. » Et *Luc. viii, 15*, loquens de Evangelii semine, quod in terram bonam cadit : « Hi sunt, inquit, qui in corde bono et optimo audientes verbum retinent, et fructum afferunt in patientia. »

IN NECESSITATIBUS, — egestatibus scilicet, cibi, potus, vestium, ait Anselmus. *Secundo*, generalius Theophylactus : Necessitatem, inquit, vocat tribulationis intensionem et exaggerationem; cum illa adeo invalescit, ut inextricabilis videatur, hominemque in extremam necessitatem adigit et quasi suffocat.

Vers. 5. 5. IN SEDITIONIBUS, — ἐν ἀκαταστάσει, in agitationibus et expulsionibus crebris, ut locum non habeam ubi pedem figam, sed cogar huc illucque discurrere. Ita Theophylactus. *Secundo* tamen verti potest, in tumultibus, confusionibus, seditionibus : ita enim capitur ἀκαταστάσις, *Luc. xxi, 9*.

Vers. 6. 6. IN CASTITATE, — ἐν ἀργιότητι, in puritate, scilicet omnibus in rebus, tum quod munus corruptelam Paulus non admiserit, et a suis admitti vetuerit, tum quod citra sumptum aliorum prædicarit, ait Theophylactus. Noster pressius vertit, « in castitate : » pura enim et plena castitas, ut scilicet omni libidinis usu abstineas, et castitatem angelicam colas, ut fecit Paulus et Apostoli, signum est hominem esse divinum Deique ministrum : omnis enim hæresis et infidelitas putat, et vere putat, sibi esse impossibilem castitatem : solis enim Catholicis, fide vera Deique gratia præditis, possibilis est. Hinc apud hæreticos non est invenire virgines, et virginum contubernia, nec monachos et monasteria, imo nec sacerdotes, aut cælibes ministros, uti a Paulo et Apostolis quasi ducibus et magistris didicit et habuit omni ætate Ecclesia Catholica et Romana.

Virginitas et castitas est nota Ecclesie veræ, quæ non invenitur apud hæreticos.

IN SCIENTIA, — *q. d.* Demus operam, ne videamur nonnullis rudes et indocti rerum Christianarum agendarum et vitandarum : sed potius ostendamus nos hæc scire docendo alios, quæ bona agere, quæ mala vitare debeant, ut salutem assequantur : ex quo omnes agnoscant nos esse Dei ministros, præcones et Apostolos. Ita Ambrosius. Non male etiam Anselmus per scientiam intelligit cognitionem sacræ Scripturæ.

IN SUAVITATE, — ne per rancorem iis, qui nos vexant, simus asperi, sed per suavitatem mentis, verborum et operum iis simus dulces, benigni, benefici : sic dicent omnes nos esse ministros Dei. Adamantini enim plane animi est, ait Theophylactus, si quis, cum undique exacerbat et pungitur, non solum longanimis sit, verum etiam mitis et benignus; supra hominem hoc est, christianum est, divinum est.

Mitem esse et benignum, Christianum et divinum est.

Talis fuit S. Athanasius, de quo Nazianzenus, orat. in laudem ejusdem : « Athanasius, inquit, vita sublimis erat, verum animo humilis : ea erat comitate, ut ad eum aditus omnibus pateret, clemens, ab ira alienus, miseratione præditus, sermone jucundus, moribus jucundior, forma ange-

licus, animo magis angelicus, in oburgando placidus, in laudando erudiendi vim habens, ne aut mollities dissoluta, aut severitas fastidiosa et importuna esset : erat denique percutientibus adamas, dissidentibus magnus. »

IN SPIRITU SANCTO, — in donis et operibus ope et instinctu Spiritus Sancti factis, *q. d.* Omnia tam pio, benigno, sincero, incenso spiritu agamus, ut pateat nos non vanitate, aut superbia agi, sed a Spiritu Sancto. Ita Anselmus, Theophylactus, Chrysostomus.

7. IN VERBO VERITATIS, — ut veritatem Evangelicam vere et sincere prædicemus. **Vers. 7.**

IN VIRTUTE DEI, — ἐν δυνάμει, in potentia, faciendo scilicet miracula; aut potius, ut Chrysostomus, in constantia Christiana et fortitudine in tot adversis totque laboribus, et in vehementia sermonis et concionis efficacia : hæc enim per Dei potentiam nobis aspirata, probant nos veri Dei ministros esse potentes et admirabiles.

PER ARMA JUSTITIÆ A DEXTRIS ET A SINISTRIS. — Refer ad vers. 4 : « Exhibeamus nosmetipsos sicut Dei ministros; » inde enim omnia sequentia pendent usque ad vers. 11, *q. d.* « A dextris et a sinistris, » hoc est, tam in prosperis, quam in adversis, ubique justitiæ, id est justæ ac sanctæ vitæ, virtutumque actionibus tanquam armis utamur, ut nec prosperis elevemur, nec turbemur adversis, aut desperemus. Ita Anselmus.

Aliter Chrysostomus et Theophylactus : Arma, inquiunt, sinistra sunt adversa, dextera sunt prospera, quæ alternando Dei servos quasi arma communiant, ut nec in superbiam erigantur, nec in pusillanimitatem deprimantur (1).

8. PER GLORIAM, ET IGNOBITATEM, — *q. d.* Sive **Vers. 8.** honoremur et laudemur, sive inhonoremur et vituperemur : ut cum Lycaonii voluerunt Paulum ut Deum adorare, et mox ut impostorem lapidare, *Act. xiv*; et enim per capitulum pro in : de quo plura I *Timoth. ii, 15*.

PER INFAMIAM, ET BONAM FAMAM, — sive infame-mur, sive fama simus celebres.

UT SEDUCTORES, — quasi seductores æstimati, cum veraces simus. Ita Ambrosius.

SICUT QUI IGNOTI, ET COGNITI, — quasi qui in fidelibus et improbis habemur ignoti et obscuri, cum noti simus Deo et conscientis vestris. Ita Ambrosius.

9. QUASI MORIENTES, — quasi qui videmur propter quotidianam pericula, flagella et ærumnas semper mori; cum Deus ecce nos vivos conservet, illæsos et vegetos. **Vers. 9.**

UT CASTIGATI, ET NON MORTIFICATI — ὡς καὶ παιδευόμενοι, καὶ μὴ θανατούμενοι, ut correpti, vel castigati, et non occisi; sive, ut qui corripiamur et castigemur,

(1) Aliis tropus est desumptus a militibus, qui sinistra gerebant clypeum, dextera regebant gladium aut hastam. Aliis simplicius est proverbialis locutio, qua habere arma a dextris et a sinistris est, ad utrumque (hostem aut periculum) paratum esse.

sed non occidamur; omnia enim pendent a ver-
su 4 : « Exhibeamus nosmetipsos sicut Dei minis-
tros, » ut dixi.

Vers. 10.

10. SICUT EGENTES, MULTOS AUTEM LOCUPLETAN-
TES, — tum divinis et celestibus, tum terrenis bonis : colligebat enim Paulus eleemosynas pro pauperibus, maxime Hierosolymitanis.

Triplex
hujus
loci sen-
sus.

TANQUAM NIHIL HABENTES, ET OMNIA POSSIDENTES.
— Necessaria enim habeo, nec plura opto, imo quasi ima, mihi que subjecta, contemno : unde perinde habeo ac si omnia possiderem. *Secundo*, quia licet pauperes simus nos Apostoli, principes tamen sumus fidelium, qui ditissimi ad nostros pedes omnia deponunt. Ita Ambrosius et Anselmus. Vide Chrysostomum hic, et in *moralibus*. Posset *tertio*, sic accipi : « omnia possidentes, » scilicet libros, vestes omniaque necessaria, ut sit distributio pro generibus singulorum, non pro singulis generum ; « omnia, » id est aliqua ex omnibus, puta ex cibo, calceis, vestibus aliisque omnibus, quantum sufficit. Alii : Deum, qui est omnia, et in Deo omnia possidentes. Sed hoc mysticum est et symbolicum.

Gaudium
Sancto-
rum et
gaudium
impio-
rum quo-
modo dif-
ferant?

Notat Anselmus in tristibus hic addi *quasi*, non in prosperis, quia omnis tristitia Sanctorum hic *quasi* habet; nam brevi et in somnis *quasi* transit, videturque esse *quasi* umbra et somnium, nec esse tristitia, sed *quasi* tristitia : gaudium autem Sanctorum non habet *quasi*, quia solidum est ob spem certam eternæ beatitudinis. Contra vero impiorum gaudium hic habet *quasi*, quia breve et umbraticum videtur esse somnium; sed tristitia eorum non habebit *quasi*, quia solida erit et æterna.

Vita
Pauli et
Apostolo-
rum
fuit vita
religiosa
et cœno-
bitica.

Nota *secundo* hic, qualis fuerit vita Pauli et Apostolorum, nimirum talis, qualem Cœnobarum et Religiosorum (quales quorumque parentes fuerunt Apostoli) vitam esse scribit Nazianzenus, orat. 4 *De Pace*, dum ait : « Vita eorum sunt opes in egestate, possessio in peregrinatione, gloria in contemptu, patientia in infirmitate, proles egregia in celibatu : qui delicias aspernari pro deliciis habent; qui regni cœlestis causa humilitatem amplectuntur; qui in mundo nihil habent, et mundo superiores sunt; qui cum in carne sint, extra carnem tamen vivunt; qui pro portione Deum habent; qui propter regni spem inopia laborant, et propter inopiam regnant. » Talis fuit vita Episcoporum et virorum Apostolicorum. S. Martinum laudat Sulpitius, quod ita impleveret Episcopi dignitatem, ut monachi propositum, paupertatem et officium non desereret. De S. Augustino memorat Possidonius, eum in mensa tam frugalem fuisse, ut ad panem olera semper, carnem vero rarius et non nisi propter hospites adhiberet : cumque morti esset proximus, nullum testamentum condidisse : « Quia, inquit, unde conderet, pauper Christi non habebat. » Hic tamen vir Arianos, Manichæos, Donatistas, Pelagianos debellavit, et ex primis fuit Ecclesiæ columnis et

Doctoribus. De Exuperio, Tolosæ Episcopo, ita scribit S. Hieronymus : « Esuriens, inquit, pascit alios, et ore pallente jejuniis fame torquetur aliena. »

Hæc ergo est norma et forma vitæ Apostolicæ præscripta a S. Paulo, quam omnes sectantur perfectionis et salutis animarum studiosi : ex qua desumptum est breviarium Instituti Societatis nostræ, quod typis cūsum singuli nostrum circumferre, jugiterque oculis et menti præfigere solent, quasi domesticum monitorem, et tanquam acrem virtutis et zeli stimulum, imo quasi vivum vocationis et professionis suæ speculum. Estque tale : « Homines mundo crucifixos, et quibus mundus ipse sit crucifixus, vitæ nostræ ratio nos esse postulat : homines, inquam, novos, qui suis se affectibus exuerint, ut Christum induerent; sibi mortuos, ut justitiæ viverent. Qui, ut D. Paulus ait, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu Sancto, in charitate non ficta, in verbo veritatis, se Dei ministros exhibeant : et per arma justitiæ a dextris et a sinistris; per gloriam, et ignobilitatem; per infamiam, et bonam famam; per prospera denique et adversa magnis itineribus ad cœlestem patriam et ipsi contendant, et alios etiam quacumque possunt ope studioque compellant, maximam Dei gloriam semper intuentes. Hæc est summa, hic scopus nostrarum Constitutionum, » Jesus.

11. OS NOSTRUM PATET AD VOS, O CORINTHI, — Vers. 11.
cor meum gestio in sinum vestrum effundere, *q. d.* Os meum patet, hiat, plura vult dicere, totumque meum in vos affectum expromere, nec valet; quidquid enim et quantum dicam, minus est affectu meo, nec illum dicendo æquare et expromere, illive satisfacere possum.

Dicit hoc Apostolus, ut ostendat se ea quæ jam dixit de sua patientia, tribulationibus et virtutibus, non ex philautia, sed ex amicitia, confidentia, intimoque gaudio et amore Corinthiorum dixisse. Solent enim amici invicem sua secreta gaudia, intimaque omnia tam bona quam mala communicare, et in amici sinum confidenter effundere, itaque internum benevolentiae affectum testari et patefacere : quem, cum ingens est, exprimere magis magisque satagunt, nec tamen dicendo exæquare possunt. Ita facit hic Paulus.

COR NOSTRUM DILATATUM EST, — amore erga vos, *q. d.* Vehementissime vos amo.

Nota : Hebræi opponunt passim hæc duo צרה *Pulchra* *tsara*, et רחב *rochab*, id est στενὴ καὶ ἀνέστη, angustias et latitudinem, vel dilatationem. Per latitudinem intelligunt cor lætum, amicū, liberale, munificū; per angustias, cor triste, pusillanime, suspiciosum, avarum. Sicut enim tristitia et avaritia cor, frontem et manus arcant et contrahunt; ita lætitia, alacritas et charitas eadem dilatant et diffundunt. Sic *Psal.* cxviii, dicitur : « Viam mandatorum tuorum occurrī, cum dilatasti cor »

Pulchra
antithesis
apud
Hebræos
angustia-
rum et
latitudi-
nis.

meum. » Sic, III Reg. iv, 29, dicitur Deus Salomoni dedisse *latitudinem cordis*, id est, cor latum, liberale, regium, magnificum et magnanimum, « quasi arenam quæ est in litore maris, » ut scilicet instar arenæ in maxima esset quantitate, copia et abundantia.

Vers. 12. 12. NON ANGUSTIAMINI IN NOBIS, — sed plene et spatiosè in corde meo habitatis, latissima vos cordis charitate complector. Loquitur de corde et animo, quasi domicilio.

ANGUSTIAMINI AUTEM IN VISCERIBUS VESTRIS, — angustam vos et exiguam charitatem habetis in corde et visceribus vestris, præcordia vestra angusta sunt, ut parum in eis loci habeam, q. d. In amore et benevolentia mihi non respondetis. Videntur Corinthii obtreactione pseudoapostolorum nonnihil aversi fuisse a S. Paulo; unde tantam charitatem in eos ostendit, ut vicissim eorum in se amorem provocet et accendat.

Rursum, videbatur Paulus priore epistola arcasse Corinthios prohibendo eis idolothyta, litigium coram iudice infideli, agapes et convivia opulentiora; et vers. 14, erat eos arcaturus ad matrimonium cum fidei (licet impari) ineundum: præmunit ergo et excitat eos ut latis charitatis Christi visceribus hæc in speciem arcta, non tam sua, quam Christi præcepta excipiant.

Vers. 13. 13. EAMDEM AUTEM HABENTES REMUNERATIONEM (parem amorem rependentes mihi) DILATAMINI ET vos, — Græce, τὴν αὐτὴν ἀντιμισθίαν, eandem remunerationem, scilicet amoris; supplet Theophylactus ἀποτίναται, adfert; vel, ut Noster, habentes. Secundo, Chrysostomus refert ad sequentia, ὡς τίνα τις λέγει, tanquam filiis dico, edico, præcipio et exigo a vobis hanc charitatis remunerationem. Tertio, et planissime, ut intelligatur κατὰ, id est, secundum eandem remunerationem charitatis, πλατύνοντες καὶ ὑμῖς, dilatamini et vos, q. d. Eandem charitatis mensuram et latitudinem mihi reddite et reponite, pari mensura cor et charitatem vestram in me extendite et dilatate. Aliter etiam Vatablus, nam subintelligit propter, itaque vertit, propter eandem remunerationem dilatamini et vos, hoc est, propter repensionem benevolentiae nostræ amplificate cor vestrum, ut nos æqua latitudine capiat et diligat.

Nota: Loquitur de remuneratione et redditione amoris, non præmii cælestis, ut volunt aliqui, qui hunc dant sensum, q. d. Cum idem præmium et mercedem in cælum mecum sitis habituri, dilatate et vos charitatem vestram in me. Sed aliud esse genuinum sensum patet ex dictis.

Vers. 14. 14. NOLITE JUGUM DUCERE (participationem et commercium habere) CUM INFIDELIBUS, — in iis quæ ad religionem pertinent, aut ita arcte et familiariter, ut vos sensim inclinemini ad eorum infidelitatem et vitia, quale est ns matrimonio jungi, q. d. Separate vos ab infidelium cœtibus, templis, sacrificiis, conviviis, conjugiiis, omnique eorum commercio, vel per se impio aut injusto, vel pe-

riculoso aut scandaloso. Nolle facere uti ἑσθλῶν; de quibus dicitur Psalm. cv, vers. 34: « Commixti sunt inter Gentes, et didicerunt opera eorum, et servierunt sculptilibus eorum. » Ita Chrysostomus, Ambrosius, Theophylactus. S. Hieronymus vero, lib. I Contra Jovin., accipit de matrimonio cum infidelibus cavendo. Videtur Apostolus alludere ad Psalm. cv, 23: « Initiati sunt Beelphegor; » ibi enim hebraice est יִצְמֶדוּ *itsamedu*, id est, jugati sunt Beelphegor: יִצְמֶדוּ *tsemed* enim idem est quod par vel conjugatio duorum boum, v. g., vel hominum. Sicut enim Hebræi, Num. xxv, fornicando cum Madianitis in honorem Beelphegor, illi quasi jugati, et iugo religionis copulati sunt; ita et qui arcto commercio, v. g. conjugio, copulatur cum infideli, videtur quasi Beelphegor, id est dæmoni, qui infidelium est præses, copulari. Aliter Anselmus: infideles enim (græce ἀπίστωι, id est, ut vertit Syrus, *incredulos*) intelligit pseudoapostolos judaizantes, qui fidem Christi evacuant, et legis Mosis caeremonias statuere conabantur; ut horum societatem velit vitari Apostolus: hi enim magis perniciosi Christianis sunt magisque vitandi quam Gentiles ipsi et infideles. Hic sensus bonus est, sed partialis; Apostolus enim quorumvis infidelium et incredulorum commercia vitari vult.

Transit hic Apostolus more et licentia epistolari ad aliud punctum Corinthiis tum necessarium; scilicet, ut vitent arctas familiaritates infidelium. Frustra ergo quis quærat, quomodo hæc cum præcedentibus connexa sint.

Nota: Græce est μὴ γίνεσθαι ἑταίρους ὄντας, quod probe, ait Erasmus, Noster vertit, *ne jungamini eodem iugo cum infidelibus*. Nam si Christianus ducat uxorem Ethnicam, aut Christianus in gerendo magistratu collega sit Ethnico, dicitur ἑταίρειος. Hujusmodi matrimonia S. Hieronymus imparia vocat.

Ubi adverte, ἑταίροι apud Græcos interdum significat alterum e duobus, interdum diversum, sive e duobus, sive e pluribus. Sic dicitur ἑταίρεος, qui altero caret oculo; ἑταίρεος vero, qui diversæ est opinionis. Unde incertum est an Paulus dicat ἑταίρειους ὄντας, qui alteram jugi partem sustinent, an qui cum diversæ conditionis homine jugum ducunt.

Priorem ἑταίρων acceptionem, scilicet communem, sequitur Budeus, qui ἑταίρειους interpretatur per ἑταίρους, qui simul cum socio alteram jugi partem trahunt, q. d. Nolite cum infidelibus alteram jugi partem trahere, uti in Campinia eandem carrucam trahunt duo boves, in idem jugum unus a dextera, alter a sinistra parte, caput insertes.

Secundo, posteriorem acceptionem ἑταίρων sequuntur alii, et proprie vertunt: Nolite aliud, diversum, vel impar, jugum trahere, quod fit, quando junguntur diversæ conditionis homines æque ac jumenta, ut equus et asinus in eodem curru,

Triplex
hæc
verbu-
rum ut
tellectum

quod olim lege veteri, *Deuter. xx, 10*, vetitum erat : quo forte alludit Apostolus. Et hic secundus sensus est probabilior ex his quæ sequuntur : « Quæ enim participatio justitiæ cum iniquitate? »

Tertio, Teophylactus vertit, *nolite in alteram jugi, vel lancis* (de libra enim ipse accipit) *partem vos inclinare*, conjugii vestro, scilicet infideli, impio et injusto, vos inclinando et accommodando : nam ἰσχυρῶν, ait, est alteri lanci incumbere, et de injusta libra dicitur, quando videlicet altera lanx gravior est, ut libra in alteram partem magis pendeat, *q. d.* Sic pariter injusto conjugii et compari infideli nolite vos inclinare.

QUÆ ENIM PARTICIPATIO JUSTITIÆ CUM INIQUITATE? — id est, justis cum iniquis, puta fidelibus cum infidelibus.

Nota : Durum erat Corinthiis in tanta paucitate Christianorum arctari ad commercia et conjugia cum fidelibus ineunda. Multi enim inter eos sibi nec genere, nec opibus, nec statu, nec aliis dotibus pares inveniebant : itaque vel conjugio eis abstinendum erat, aut ducenda conjux nobilitate, gradu et divitiis impar et inferior. Rursum jure naturæ et divino eis aliisque fidelibus simpliciter et absolute prohibitum non erat ducere infidelem conjugem : erat tamen id indecens et periculosum, ideoque ab Apostolo hic prohibetur. Apostolus ergo ut hanc duritiem emolliat, eisque legem hanc suam persuadeat, quinque utitur rationibus sive antithesibus ab ipsa rei repugnantia petitis.

Primam affert cum ait : « Nolite jugum ducere, » scilicet impar et dispar (hoc enim est Græcum ἰσχυρῶν, ut dixi) « cum infidelibus, » *q. d.* Conjugium dispar ingens est onus et jugum, perinde ac si bos et equus idem currus jugum subeant, ingens uterque ob disparem et incongruum socium, jugum et laborem subit. Ergo nolite illud jugum vobis ipsis imponere. *Secundam* affert cum ait : « Quæ societas luci ad tenebras? » *q. d.* Lux et tenebræ in eundem locum aut subjectum convenire simul nequeunt : ergo congrue fieri nequit ut fidelis habens lucem fidei in idem jugum conveniat cum infideli, qui plenus est tenebris infidelitatis. *Tertia* est : « Nulla, inquit, est conventio Christi ad Belial; » atqui fideles pertinent ad Christum, infideles ad Belial : ergo hi convenire nequeunt. *Quarta*, fidelis cum infideli nullam habet partem aut communicationem, sed ab eo toto genere dissidet, tantumque distat quantum fides distat ab infidelitate, cælum ab inferno. Ergo hi conjungi non possunt. *Quinta*, templum Dei non potest associari idolis et templis dæmonum : ergo nec fidelis infideli. Fidelis enim est templum Dei, infidelis vero est templum et simulacrum diaboli.

Vers. 15. 15. QUÆ CONVENTIO CHRISTI AD BELIAL? — Græce τὸ συνώνυμον, id est, quæ consonantia, quis consensus, quæ concordantia, quod conjugium Christi, qui est omnis disciplinæ, obedientiæ, justitiæ pa-

ter, cum Belial, id est diabolo ejusque asseclis infidelibus?

Nota : Non *Beliar*, ut Græci corrupte legunt, sed *Belial* hebraice dicitur, ut vult R. Kimchi, quasi בלי יעל *beli iaal*, id est, sine utilitate, qui non prodest, qui inutilis est : quo alludit noster Interpres, *Proverb. vi, 12* : « Apostata homo Belial (ita enim est in Hebræo, id est) vir inutilis. » Vel potius a בלי עול *beli ol*, id est, sine jugo : ita enim vertit S. Hieronymus et Aquila. Hinc *Belial* significat primo, inobedientiam, rebellionem, impietatem; secundo, inobedientes, rebelles, impios; tertio, significat diabolum, qui princeps fuit omnis apostasiæ et inobedientiæ, quique primus apostata, legis, fidei et obedientiæ Dei jugum excussit. Hinc viri, vel filii *Belial* vocantur apostatæ, *q. d.* Filii diaboli, vel filii inobedientiæ, rebellionis, impietatis, hoc est improbiissimi et impiissimi.

QUÆ PARS FIDELI CUM INFIDELI? — Quid commune habet fidelis, quod participet cum infideli? Sic, III *Reg. xii, 16*, dicitur : « Quæ nobis pars in David? vel quæ hæreditas in filio Isai? » *q. d.* Nulla communicatio, nulla participatio nobis est cum Davide, nihil commune, nullam partem aut hæreditatem cum eo communem habere volumus. Hæc antithesis explicat tres præcedentes; vult enim dicere, non convenire, ut fidelis jungatur infideli, sicut non convenit, justitiam iniquitati, lucem tenebris, Christum Belial, templum Dei idolis jungi et sociari.

16. VOS ENIM ESTIS TEMPLUM DEI VIVI, — per fidem, gratiam, sanctitatem. Præclare S. Cyprianus, tract. *De Orat. Domin.* : « Conversemur, ait, quasi Dei templa, ut Deum in nobis constet habitare, ut qui cælestes et spiritales esse cœpimus, non nisi spiritalia et cælestia cogitemus et agamus. »

Nota : Templum hebraice dicitur הֵיכָל *hechal*, a radice יָכַל *iachol*, id est potuit, prævaluit, *q. d.* *Hechal*, id est basilica, dominica, regia, palatium, in quo Dominus aut rex præpotentem se ostendit, quodque illius majestatem et potentiam ostendat, tum ædificii apparatu, tum auri copia, tum instrumentorum supellectile, numero, tum ministrorum dignitate et sanctitate. Hinc Chrysostomus, homil. 17 in *epist. ad Hebr.* : Jussit, inquit, Deus templum Salomonis cum magna magnificentia fieri, ut Hebræi, qui corporalibus magis attrahebantur et alliciebantur, per illud Dei majestatem conciperent et agnoscerent. Quidni ergo Christiani ornent templa, ut domum Dei, Deumque honorent, ac Christi præsertim corpus præsentem; aliosque excitent ad Dei reverentiam et devotionem? Tale templum, talis basilica regia, imo divina, allegorice est Ecclesia, tropologice quævis anima sancta, ut hic docet Apostolus, in qua Deus per magnificam gratiam, magnifica et honorifica virtutum opera, magnifica Sacramenta, magnificam gloriam, magnificentiam suam ostendit.

Potest secundo, ut docet Villalpando in *Ezech.*

Etymologia et explicatio nominis Belial.

Templum hebraice hechal dicitur a potentia et dignitate Dei.

Ecclesia et anima est templum Dei.

tom. II, pag. 236, per metathesim **היכל** *hechal*, dici quasi **הלך** *halich*, a radice **הלך** *halach*, id est ambulavit, ingressus est; quia tabernaculum vetus erat quasi templum mobile, in quo habitans Deus ambulabat cum Hebræis per desertum in terram promissam; additque Vilalpando, *hechal* proprie dici sanctum, quia per illud ibatur in Sanctum sanctorum, ut huc alludat Psaltes, *Psalm. LXVII, 23*: « Viderunt ingressus tuos, Deus, ingressus Dei mei, regis mei, qui est in sancto. » Et Paulus hic, cum subdit: « Quoniam inhabitabo in illis, et inambulabo. » Sic latine, « templum, » primo, ut vult Isidorus, lib. XV, cap. IV, dicitur quasi tectum amplum, *q. d.* Basilica. Secundo, ut Varro, templum dicitur a tuendo, quia Deus templum quasi domum suam intuetur, tuetur et curat; et in templo, Dei tutela protegitur ab omnibus injuriis; homines etiam in eo quasi Deum intuentur, illudque quasi Dei domum tuentur ab injuria. Sic cælum, ait Varro, quod tuemur, id est intuemur, dicitur templum. Huc alludens Paulus, cum dixisset: « Vos estis templum Dei, » causam assignans subdit: « Sicut dicit Deus: Quoniam inhabitabo in illis, et inambulabo, et ero illorum Deus, et ipsi erunt mihi populus, » quem scilicet inter eos, quasi in templo meo inhabitans, intuear, tuear et protegam.

INAMBULABO. — Anthropopathos, id est undique vos protegam, quasi undequaque custos inambulans, et spiritualiter per potentias et virtutes animæ inambulabo.

Nota cum Anselmo: Citat Apostolus litteraliter *Ezech. xxxvii, 27*; tropologice, *Levit. xxvi, 12*, ubi sic dicitur: « Ponam tabernaculum meum in medio vestri, et non abiciet vos anima mea. Ambulabo inter vos, et ero Deus vester, vosque eritis populus meus. » Ubi ad litteram loquitur de tabernaculo fœderis, quod erat quasi mobile templum et domus Dei ambulantis cum Hebræis per desertum, *q. d.* In hoc tabernaculo præsens vobis adero, et illo per desertum ambulante, vobiscum et ego ambulabo, tantamque vestri curam geram, ac si inter vos corporaliter ambularem undequaque, ut nullis hostibus vos oppugnandi locus detur, cum circumquaque vos protegens inambulem.

Allegorice, hoc tabernaculum significabat Christi Ecclesiam, ut explicat *Ezech. xxxvii, 27*.

quem citat et sequitur hic D. Paulus: « Et erit (in diebus Messiae) tabernaculum meum, » id est Ecclesia mea, « in eis, » inquit Ezechiel, « et ero eis Deus, et ipsi erunt mihi populus. » Consequenter tropologice hoc tabernaculum est anima sancta, quæ templum est Dei, et ab hoc exilio in cælum perambulat.

Ubi nota: Deus inambulatur in anima quasi in tabernaculo suo, cum ex memoria in intellectum, inde in voluntatem transit per actus fidei, spei et charitatis: est enim anima sancta quasi templum, imo cælum, in quo sol est intellectus, vel zelus justitiæ; luna, fides et continentia; astra, reliquæ virtutes, ait Bernardus, *serm. 27 in Cant.* Secundo, Deus inambulatur in anima, id est, inambulare eam facit per virtutes, cum scilicet sua gratia efficit, ut eamus de virtute in virtutem, ait Anselmus et Theophylactus; et sicut in tabernaculo ibatur in Sancta sanctorum per Sanctum, scilicet per altare thymiamatis, mensam et candelabrum: ita facit ut eamus in cælum per vitæ sanctitatem, scilicet per orationem, eleemosynam, castitatem et puritatem vitæ: altare enim thymiamatis symbolum erat orationis, mensa eleemosynæ, candelabrum puritatis et splendoris vitæ. Tertio, Deus in anima inambulatur contemplatione, quia facit ut mente sequamur sua templa, scilicet Christum salientem e templo cæli in templum et uterum Virginis; inde in templum et montem Calvariæ, inde in infernum, inde in cælum. Quarto, corporaliter, ait S. Ambrosius, « Verbum caro factum habitavit » et ambulavit « in nobis, » et quotidie per sanctam communionem habitat, et per membra nostra omnemque locum nobiscum inambulatur.

17. PROPTER QUOD DICIT: EXITE DE MEDIO EORUM. — Nota, Isaiam cap. LII, vers. 11, jubere ad litteram, ut Apostoli et fideles exeant de infideli et immunda non Babylone, ut aliqui, sed Jerusalem per Titum vastanda. Verum Apostolus tropologice, vel a pari, hinc fidelibus jubet, ut infidelium nimia commercia vitent, et « immundum, » id est immundos infideles, non tangant, hoc est, cum eis non conversentur, ne eorum immunda vitia, puta crapulam, luxuriam, fastum, impietatem et improbitatem sibi affricent, ipsoque tactu et conversatione contrahant. Ita Hieronymus cum Cyrillo in *Isaia LII*, et Chrysostomus, Ambrosius, Anselmus hic.

Etymo-
logia
Latina
voci
tem-
plum.

Locus
Ezech.
xxxvii,
et Levit.
xxvi
illustra-
tus et ex-
plicatus.

CAPUT SEPTIMUM.

SYNOPSIS CAPITIS.

Primo, ostendit amorem, sinceritatem et confidentiam erga Corinthios.

Secundo, gaudium de eorum pœnitentia et emendatione, vers. 6.

Tertio, vers. 10, dat signa et actus veræ pœnitentiæ Corinthiorum.

Quarto, vers. 13, hujus pœnitentiæ, amoris et obedientiæ Corinthiorum testem allegat Titum.

1. Has ergo habentes promissiones, charissimi, mundemus nos ab omni inquinamento carnis et spiritus, perficientes sanctificationem in timore Dei. 2. Capite nos. Neminem læsimus, neminem corrupimus, neminem circumvenimus. 3. Non ad condemnationem vestram dico, prædiximus enim quod in cordibus nostris estis ad commoriendum et ad convivendum. 4. Multa enim fiducia est apud vos, multa mihi gloriatio pro vobis, repletus sum consolatione, superabundo gaudio in omni tribulatione nostra. 5. Nam et cum venissemus in Macedoniam, nullam requiem habuit caro nostra, sed omnem tribulationem passi sumus: foris pugnae, intus timores. 6. Sed qui consolatur humiles, consolatus est nos Deus in adventu Titi. 7. Non solum autem in adventu ejus, sed etiam in consolatione, qua consolatus est in vobis, referens nobis vestrum desiderium, vestrum fletum, vestram æmulationem pro me, ita ut magis gauderem. 8. Quoniam etsi contristavi vos in epistola, non me pœnitet: etsi pœniteret, videns quod epistola illa (etsi ad horam) vos contristavit, 9. nunc gaudeo: non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentum patiamini ex nobis. 10. Quæ enim secundum Deum tristitia est, pœnitentiam in salutem stabilem operatur: sæculi autem tristitia mortem operatur. 11. Ecce enim hoc ipsum, secundum Deum contristari vos, quantam in vobis operatur sollicitudinem: sed defensionem, sed indignationem, sed timorem, sed desiderium, sed æmulationem, sed vindictam; in omnibus exhibuistis vos, incontaminatos esse negotio. 12. Igitur, etsi scripsi vobis, non propter eum, qui fecit injuriam, nec propter eum, qui passus est: sed ad manifestandam sollicitudinem nostram, quam habemus pro vobis, 13. coram Deo: ideo consolati sumus. In consolatione autem nostra, abundantius magis gavisus sumus super gaudio Titi, quia refectus est spiritus ejus ab omnibus vobis. 14. Et si quid apud illum de vobis gloriatus sum, non sum confusus: sed sicut omnia vobis in veritate locuti sumus, ita et gloriatio nostra, quæ fuit ad Titum, veritas facta est, 15. et viscera ejus abundantius in vobis sunt: reminiscens omnium vestrum obedientiam, quomodo cum timore et tremore excepistis illum. 16. Gaudeo quod in omnibus confido in vobis.

Vers. 1. 1. HAS ERGO HABENTES PROMISSIONES, — nimirum Christianos fore templa Dei, ejusque filios et filias, atque habituros Deum in se inhabitantem et inambulantem, uti præcessit.

Duplex præc- **MUNDEMUS NOS AB OMNI INQUINAMENTO CARNIS**
sum, car- **ET SPIRITUS.** — Hinc Theologi sumunt divisionem
nale et **peccati: in carnale, quod versatur circa objec-**
spiritua- **tum carnale, facitque hominem quasi bestiam, uti**
le. **est gula, libido, ebrietas; et spiritale, quod ver-**
satur circa objectum spiritale, facitque hominem
quasi dæmonem, ut est ira, superbia, invidia.

Secundo, apposite S. Basilius, Reg. 54 inter breviores: Inquinamentum, inquit, carnis est, carnalia agere: inquinamentum spiritus est, talia agentibus se miscere, cum iisque versari et communicare; uti Corinthii hi miscebant colloquia, et communicabant cum fornicario, quem omnino vitari volebat Apostolus.

PERFICIENTES SANCTIFICATIONEM, — ἀγιάζοντες, *sanctimoniam*, ut mens purgata omni inquinamento carnis et spiritus, perfecte sit sancta et pura, sanctisque operibus dedita in timore Dei: quia

timor Dei, inchoatio et perfectio est veræ sapientiæ et sanctitalis, *Ecclesi.* 1, 16, et *xix*, 18; et quantum crescit timor Dei, tantum crescit et sanctimonia, adeoque perfectus Dei timor est perfecta sanctimonia. Præclare S. Basilius, *Reg.* 83 jam citata: « Sanctificatio, inquit, est, Deo ex toto continenter dedicatum adhærere, iis sollicitè exquirendis, et in studio habendis, quæ ipsi grata sint. Siquidem etiam in his quæ dona Deo offeruntur, ea repudiantur ut minime grata, quæ curta aut mutila sunt; aut quod semel Deo dedicatum donum est, id deinceps in communem usum humanum retrahere, nefarium est ac sceleratum. »

Vers. 2. CAPITARE NOS. — Græce *χωρίσαστε*, id est, *amplexamini* nos latis visceribus charitatis, sicut ego vicissim toto vos animo complector. Ita Theophylactus; vide cap. vi, vers. 11, 12 et 13. Proprie *χωρίσαστε ἡμᾶς*; significat *locate nos*, facite locum nobis, ut scilicet apud vos locum inveniam, non arctum, sed amplum, ut excipiar lato sinu charitatis vestræ: quod Noster dixit, *capite nos*; Maldonatus in *Notis manuscr.* vertit, *ferre nos æquo animo, si quid de me laudabilis dixerit* (1).

NEMINEM CIRCUMVENIMUS, — *οὐδὲνα ἐπινοεῖται*, neminem fraudavimus, nullius rem extorsimus, vel vi aut fraude occupavimus. Vide dicta cap. ii, vers. 11.

Vers. 3. 3. NON AD CONDEMNATIONEM VESTRAM DICO, — quasi damnem, culpam et arguam vos talia de me suspicari, quod scilicet aliquem læserim aut circumvenierim. Ita S. Anselmus.

IN CORDIBUS NOSTRIS ESTIS AD COMMORIENDUM ET AD CONVIVENDUM. — *q. d.* Ita vos amo, ut vobiscum et pro vobis et mori et vivere paratus sim. Quomodo hæc cohæreant cum præcedentibus, patebit vers. 4. Alludit ad artissime amantes et amasios, quibus uti vita communis erat omniaque in vita communia, ita communis erat et mors, ut uno occumbente, occumberet et alter: quales fuerunt Nisus et Euryalus apud Virgilium, *IX Æneid.*, ubi capto Euryalo inclamat Nisus:

Me, me, adsum qui feci, in me convertite ferrum,
O Rutuli; mea fraus omnis, nihil iste nec ausus,
Nec potuit....
Tum super exanimem sese projecit amicum
Confossus, placidaque ibi demum morte quievit.

Societas Soldurios Quales etiam in bellis fuerunt illi, quos Galli *Soldurios* vocant, Cæsar *devotos* interpretatur, lib. III *De Bello Gallico*. Talis quoque erat apud Thebanos *ἱερὴ λόχος*, *sacra cohors*, cujus meminit Plutarchus in *Pelopida* (2). Addit Erasmus et alii, Apostolum alludere ad illud veteris amicitiae genus, quo amico forte extincto, amicus alter ultro sibi mortem consciscerebat: quod Soldurios etiam fecisse

(1) Alii: Locum mihi date in animo vestro, complectimini me animo benevolo, seu admittite admonitiones meas.

(2) Et Horatius, *Od.* III, 13, 24: *Tecum vivere amem, tecum obeam libere.*

narrat Cæsar; quale amicitiae genus significat Horatius sibi fuisse cum Mæcenate. Unde dicti sunt *συναπείθιστοντες*, *commorientes*, uti et hic habet Paulus. Sic etiamnum in Peru et Mexico uxores et famuli chariores, marito, vel domino defuncto, in rogum, vel sepulcrum vivi se cum domini cadavere injiciunt. Et apud Japones, nobiles morte damnati, sibi cum intimis suis ventrem dissecando, mortem consciscunt. Quorum sui homicidium damnat Apostolus, amicitiam laudat et amplectatur, *q. d.* Sicut illi invicem ad mortem usque diligunt, ita et ego vos, o Corinthii, usque ad mortem amo, cupioque vobiscum vivere, vobiscum mori, non autem ut illi, cupio mihi mortem consciscere. Sed necesse non est tam longe Apostoli verba et amorem, præsertim ad illicitas et parricidas amicitias extendere; horum enim amicitia in simultanea morte, suique interemptione maxime consistebat, ac proinde a parricidio separari non potest: scelesti ergo fuit, non laudanda, sed damnanda.

4. MULTA MIHI FIDUCIA EST APUD VOS. — Græce *παρρησία*, id est *libertas*, confidentia, quæ oritur ex amore, *q. d.* Liberrime me apud vos effundo, admoneo, corripio; quia intime vos amo, uti jam dixi. Unde *glorior pro vobis*, id est, de vobis mihi tam addictis et obsequentibus. Ita Theophylactus et Ambrosius. Hæc omnia dicit Paulus, ut Corinthiis eximat diffidentiae suspicionem, ne scilicet ex diffidentia videatur dixisse: *Neminem læsimus*, etc., *q. d.* Hoc non dixi quasi diffidens vestræ de me bonæ opinionis, sed ex animi quadam libertate et confidentia, quam parit ingens amor vestri. Hinc soleo de vobis gloriari. Discant hic a S. Paulo Superiores cavere, ne subditi sibi diffident, putantes Superiorem sibi non credere, non fidere, vel non audentes se et sua Superiori committere, quasi minus sibi faventi; carentque potius, ut fidenter secum agant, ac sciant se amari; ostendant illos sibi esse curæ et cordi, bonamque se de eis ac eorum virtute habere opinionem: ita eorum animos sibi devincient, et quocumque volent, inflectent.

SUPERABUNDO GAUDIO IN OMNI TRIBULATIONE. — Quia scilicet vos correxistis ea, quæ priori epistola condemnavi, replestis me tanta consolatione, ut ea non solum abundem, sed superabundem græce est *ὑπερπερισσεύω*, id est *superexubero*, ut hæc gaudii exuberantia omnem afflictionum sensum, non secus ac copia aquarum modicum ignem extinguat. Ita Theophylactus.

Nota, amicitiam in animis amicorum quatuor affectus gignere. *Primus* affectus est fiduciæ, de quo Paulus hic ait: « Multa mihi fiducia est apud vos. » *Secundus* est gloriationis, de quo subdit: « Multa mihi gloriatio pro vobis. » *Tertius* est consolationis, de quo subiungit: « Repletus sum consolatione. » *Quartus* est exuberantis gaudii, de quo sequitur: « Superabundo gaudio in omni tribulatione. »

Vers. 6. 5. FORIS PUGNÆ, — ab infidelibus aperta inimicitia mihi fuit.

INTUS TIMORES, — in animo habui anxietates et sollicitudines tum ob falsos fratres, tum pro infirmis Christianis, ne ob tot meas et suas persecutiones a fide abducerentur. Ita Anselmus et Ambrosius.

Vers. 7. 7. CONSOLATUS EST (consolationem accepit Titus) IN VOBIS. — Tō *consolatus* capitur hic passive: Græcum enim *παρηγορη* passivum est.

REFERENS NOBIS VESTRUM DESIDERIUM (emendationis), VESTRUM FLETUM (pro peccatis pœnitentiam), ITA UT MAGIS GAUDEREM (quam scilicet ante tristatus fuerim ob schismata vestra et peccata, videns audiensque tantam) EMULATIONEM VESTRAM PRO ME; — qua scilicet me meumque honorem et apostolatam zelatis contra obrectatores tueri et propugnare.

Vers. 8. 8. CONTRISTAVI VOS IN (priori) EPISTOLA (vitia vestra arguens), VIDENS QUOD EPISTOLA ILLA (ETSI AD HORAM) VOS CONTRISTAVIT. — Est ellipsis; supplendum enim est: Tamen profuit vobis, vosque commovit ad agendam pœnitentiam, quæ vobis jugem conscientia pacem et lætitiā conciliavit.

ETSI AD HORAM, — etsi ad breve tempus, q. d. Epistola mea tantum ad breve tempus vos contristavit et excitavit ad pœnitentiam. Unde gaudeo et de epistola mea, et de vestra pœnitentia.

Vers. 9. 9. CONTRISTATI ESTIS AD PœNITENTIAM, — tristitia hæc adduxit vos ad pœnitentiam, ad fletum, vers. 7, ad indignationem et vindictam, vers. 11; ergo pœnitentia non est nuda resipiscencia, uti mox pluribus ostendam.

Vers. 10. 10. QUÆ ENIM SECUNDUM DEUM TRISTITIA EST. — **Tristitia sæculi, et tristitia secundum Deum quomodo differant?**
Nota: Apostolus ponit hic et distinguit duplicem tristitiam, unam « secundum Deum, » secundam sæculi. Tristitia sæculi, vel carnalis est, quæ nascitur ex nimio amore et amissione bonorum sæculi, uti propter opes et voluptates amissas, amicos vel potentes offensos. Hæc sæpe mortem animæ operatur, quia incitat ut per Dei offensam hæc bona recuperes. Non raro etiam operatur morbos et mortem corporis: multi enim dum nimis sua vel suos lugent, luctu opprimuntur, tabescunt et moriuntur. « Multos, inquit *Eccli.* xxx, 23, occidit tristitia, et non est utilitas in ea. » Tristitia « secundum Deum, » vel divina est, quæ concipitur propter Deum offensum (inquit S. Basilii in *Reg. brev.*, interrog. 192 et 194); hæc est contritio, et parit « pœnitentiam, » id est sui castigationem, « in salutem stabilem, » id est salutarem, firmam, solidam, græce *ἀμετακλίαν*, *impenitibilem*, et, ut Augustinus, *impenitentiam*. Unde recte Chrysostomus et Erasmus *stabilem* referunt ad *pœnitentiam*, non ad *salutem*.

Nota secundo: Tristitiam hanc distinguit Apostolus a pœnitentia, tanquam causam ab effectu: tristitia enim, id est contritio, efficit pœnitentiam, id est, sui castigationem.

Hinc patet tristitiam hanc et pœnitentiam non

esse nudam resipiscenciam et novam vitam, ut volunt hæretici; nec, ut Erasmus, nudam esse retractationem prætorum peccatorum; sed esse contritionem suique castigationem.

Patet secundo, non sola fide, sed etiam pœnitentia peccatores justificari et salutem assequi.

Patet tertio, pœnitentiam hanc includere contritionem, peccati agnitionem sive confessionem, et satisfactionem: hasque esse tres partes pœnitentiæ. Unde vers. 11, pœnitentiam explicans Apostolus: « Operatur, inquit, sollicitudinem; » scilicet reconciliandi et satisfaciendi Deo, « vindictam, » etc., de quo vers. 11.

Quare notanda est aurea sententia D. Chrysostomi, hom. 5 ad Populum, de usu, fine et fructu tristitiæ: « Tristitia, ait, ob id nobis data est, non ut in morte, aut alia re doleamus, sed ut dealeamus peccatum, quasi morbi illius remedium; sicuti ergo remedium lippitudinis illam tollit, non alios morbos: sic tristitia peccatum tollit, non alias ægitudines: verbi gratia, pecunia quis mulctatus est, doluit; non emendavit; filium amisit, doluit, non resuscitavit mortuum; contumeliis affectus est, doluit, non revocavit contumeliam; infirmatur, dolet, morbum non aufert, imo auget: at peccavit quis, tristatus est, peccata delevit: nam quæ secundum Deum tristitia est, pœnitentiam in salutem stabilem operatur; ergo tristitia tantum facta est propter peccatum, a quo nata est, ideo ut tinea ipsum corrodit et absumit. »

Ut IN NULO DETRIMENTUM PATIAMINI EX NOBIS. — Præceptor enim, ait Theophylactus, tum discipulo damnum infert, quando delinquentem non objurgat; lucrum vero adfert, si eundem increpet et corrigit.

10. QUÆ ENIM SECUNDUM DEUM TRISTITIA EST. — **Vers. 10.**
Distinguit, ut dixi, « tristitiam secundum Deum » a tristitia sæculi. Priorem ex S. Chrysostomo magistro suo ita describit Cassianus, lib. IX, cap. x, cum ait: « Utilis nobis una re tantum tristitia iudicanda est, cum hanc vel pœnititudine delictorum (de hac proprie agit hic Apostolus), vel desiderio perfectionis accensi, vel futuræ beatitudinis contemplatione concipimus. » Deinde, cap. xi, ejus notas, signa et effecta ita describit: « Hæc, inquit, tristitia, quæ pœnitentiam ad salutem stabilem operatur, obediens est, affabilis, humilis, mansueta, suavis ac patiens, utpote ex Dei charitate descendens, et ad omnem dolorem corporis ac spiritus contritionem infatigabiliter semetipsum desiderio perfectionis extendens, et quodammodo læta, ac spe profectus sui vegetata, cunctam affabilitatis et longanimitatis retinet suavitatem, habens in semetipsa omnes fructus Spiritus Sancti, quos enumerat idem Apostolus: Fructus autem Spiritus est charitas, gaudium, pax, longanimitas, bonitas, benignitas, fides, mansuetudo, continentia. » Tristitiæ vero sæculi hæc dat emblemata: « Asperrima est, impatiens, dura, »

Penitentia non est nuda resipiscencia, ut volunt Novatores.

Unus et fructus tristitiæ.

Vers. 10.

Tristitia divina quæ?

Tristitia sæculi qualis?

plena rancore et mœrore infructuoso, ac desperatione pœnali; eum quem complexa fuerit, ab industria ac dolore salutarî frangens ac revocans, utpote irrationabilis, et intercipiens non solum orationum efficaciam, verum etiam universos quos prædiximus fructus spiritales evacuans, quos novit illa (prior) conferre.»

Vers. 11. 11. ECCE ENIM HOC IPSUM, SECUNDUM DEUM CONTRISTARI VOS, QUANTAM IN VOBIS OPERATUR SOLLICITUDINEM: SED DEFENSIONEM, SED INDIGNATIONEM, SED TIMOREM, SED DESIDERIUM, SED ÆMULATIONEM,

Septem
effectus
tristitiæ.

SED VINDICTAM. — Ponit hic, teste Calvino, septem effectus tristitiæ secundum Deum et veræ pœnitentiæ, videlicet quod operetur primo, «sollicitudinem» expiandi offensam, et in gratiam cum Deo redeundi. Secundo, «sed defensionem.» Sed idem est quod *sed et*, ut legit Anselmus, id est, imo, q. d. Pœnitentia operatur in vobis «sollicitudinem,» imo et defensionem, ut me scilicet defenderetis contra pseudoapostolos et obtretractores. Pro *defensionem* græce est ἀπολογία, quod Ambrosius vertit, *excusationem*; Erasmus, *satisfactionem*; Maldonatus, *refutationem objecti criminis*, quæ, inquit, non verbis, sed factis, puta bene vivendo fit. Tertio, «sed,» id est imo et, «indignationem,» ut jam agnoscentes vestra schismata, dissimulationem incestus aliaque peccata, quæ prima epistola redargui, dolentes et pœnitentes vobisipsis indignemini, vosque ipsi redarguatis dicentes: Quid feci? quem offendi? quo prolapsus sum? ubi fuit mens mea, ubi sensus? itane demens fui? Quarto, «sed,» id est imo, «timorem,» ut timeatis deinceps non tam me, quam Deum offendere. Quinto, «sed,» hoc est imo, «desiderium,» ut desideretis vos corrigere, mihi que ac potius Deo satisfacere. Sexto, «sed,» id est imo, «æmulationem,» hoc est zelum Dei, ut Dei honorem zelantes, incestuosum illum ex Ecclesia ejiceretis, ait Anselmus et Chrysostomus. Septimo, «sed,» id est imo, «vindictam,» ut desidiâ et peccata vestra vindicaretis, tum dolore et lacrymis, ut dixit vers. 7, vos affligendo, tum aliis modis corpora animasque vestras macerando et puniendo. Ita Theodoretus, Theophylactus, Ambrosius, S. Thomas, imo et Calvinus, lib. III *Instit.*, cap. XIII, § 46: «Postrema, ait; est vindicta; quo enim severiores in nos sumus, et acriore censura quæstionem habemus de peccatis nostris, eo sperare debemus magis propitium ac misericordem Dominum. Et certe fieri non potest, quin anima divini judicii horrore perculsa, partes ultionis in exigenda de se pœna occupet (1).»

Nota: In hisce septem effectis et fructibus pœnitentiæ est gradatio. Gradatim enim a minori-

(1) Vers. 11: *Defensionem*, id est humilem *excusationem* quam ad Paulum a Tito deferri jusserant; *desiderium*, me scilicet iterum videndi; *æmulationem*, seu vehemens studium bene agendi, vel pro Pauli bona existimatione.

bus ad majores ascendit Apostolus, idque indicat vocula *sed*, quæ ponitur pro imo, q. d. Tristitia hæc de Deo offenso, non tantum induxit sollicitudinem reconciliationis, sed et defensionem Pauli; imo indignationem contra peccatum; insuper timorem sanctum cavendi deinceps peccata; quin imo desiderium satisfactionis; imo vero æmulationem et zelum contra peccatores; adeoque tandem vindictam et castigationem peccatorum, qui summus est pœnitentiæ gradus et fructus.

Hic ergo locus aperte docet pœnitentiam non esse nudam vitæ mutationem et propositum novæ vitæ, sed et veteris detestationem, castigationem, satisfactionem. Unde Concilium Tridentinum, sess. XIV, cap. VIII, ex veteri Ecclesiæ usu jubet, ut confessarii in taxanda satisfactione non tantum respiciant ad novæ vitæ custodiam, sed etiam ad peccati admissi ultionem, licet per absolutionem remissi quoad culpam.

Idem clarissime docet vetustissimus Tertullianus, lib. *De Pœnit.*, IX: «*Exomologesis*, inquit, est prosternendi et humiliandi hominis disciplina, conversationem injungens misericordiæ illicem: de ipso quoque habitu et victu mandat sacco et cineri incubare, corpus sordibus obscurare, animum mœroribus dejicere; illa quæ peccavit tristi tractatione mutare, pastum et potum pura nosse, non ventris, sed animæ causa; jejuniis preces alere, ingemiscere, lacrymari et mugire dies noctesque ad Dominum; presbyteris advolvi, et caris Dei adgeniculari, omnibus fratribus legationes deprecationis suæ injungere.»

Sic et Climacus, *De Pœnitentia*, gradu 3: «Pœnitentia, ait, est seipsum condemnans cogitatio, est consolationis corporeæ perpetua repudiatio, est voluntaria rerum omnium quæ affligunt tolerantia, est cruciatuum sibi semper opifex, est valida ventris afflictio, animæque in sensu firmissimo jugis reprehensio, est abyssus humilitatis.»

Hinc docti censent dici pœnitentiam quasi pœnæ tenentiam. Unde Ausonius inducens Metanœam, id est pœnitentiam, loquentem, sic ait:

Sum dea, quæ facti non factique exigo pœnas,
Ut te pœniteat, sic Metanœa vocor.

Adverte quam hæc repugnent genio molli Lutheri et Calvini, qui pro omnibus peccatis quantumvis plurimis et enormibus non aliam pœnitentiam injungunt, quam fidem. Crede, inquit, Deum tibi condonasse peccata per merita Christi, et hoc ipso omnem tibi culpam et pœnam condonabit. Scilicet crede te esse in campis Elysiis, crede te esse regem, et hoc ipso eris; utique si non re ipsa, certe per tuam imaginationem et phantasiam. Ita sane et amantes sibi somnia fingunt. Credat ita, qui non tam fide, quam cerebro et elleboro indiget, quique non arctam paucorum viam, quæ ducit ad vitam, sed latam et spatiosam multorum, quæ ducit ad perditio-

Pœnitentia non consistit in nuda vitæ mutatione, sed et in castigatione et satisfactione.

Pœnitentia Lutheri et Calvinii qualis?

nem, inire suo malo et periculo cupit ac destinat. Nimirum. ut Sibylla canit apud Virgilium :

Facilis descensus Averni :

Sed revocare gradum, superasque evadere ad auras,
Hoc opus, hic labor est; pauci, quos æquus amavit
Jupiter, aut ardens exivit ad æthera virtus,
Diis geniti potuere.

Forma
peniten-
tiæ a Pa-
tribus
antiquis
prescrip-
ta.

Audiant Novantes Hieronymum, vel auctorem epistolæ (quisquis est, certe gravis est et antiquus, imo Erasmus et Marianus ex stylo suspicantur esse S. Augustinum) *ad Susannam lapsam*, illi et cuivis pœnitenti lamentationis et pœnitentiæ formam præscribentem : « Quis consolabitur te, virgo filia Sion, quia magna facta est sicut mare contritio tua? Effunde cor tuum sicut aquam coram facie Domini, extolle ad eum manus tuas pro remedio peccatorum tuorum. Accipe igitur lamentum, et primo quidem nullo die quinquagesimus psalmus prætermittatur, qui in negotio tali cantatur, quem usque ad versiculum illum, *Cor contritum et humiliatum Deus non despicies*, gemitu lacrymisque percurre (Nota : pœnitenti quotidie psalmus *Miserere* cum gemitu et lacrymis recitandus est). Insuper hanc lamentationem, non sine compunctione cordis, in conspectu Dei iudicis funde : Quis dabit capiti meo aquam, et oculis meis fontem lacrymarum, ut defleam vulnera animæ meæ? Heu me, quia facta sum sicut Sodoma, et combusta sicut Gomorrha! Quis miserebitur cineri meo? Durius offendi quam Sodoma, quia legem nesciens illa deliquerat, ego accepta gratia peccavi. Si homo peccet in hominem, erit qui interveniat; ego peccavi in Dominum, quem propitiatorem inveniam? O quam acerbus fructus luxuriæ, amarior felle, crudelior gladio! Quomodo facta sum in desolationem? subito defeci, perii propter iniquitatem meam, velut somnium surgentium. Ideo in civitate Domini vilificata est imago mea, deletum est de libro nomen meum. Væ diei illi, in quo me infelicem genuit uterus, et lux ista crudelis accepit! Oportuerat me potius fuisse non natam, quam sic in gentibus fabula fierem. Propter me confusio et improprium factum est famulis Domini, et eum digne colentibus. Lugete me, montes et flumina, quia fletus filia ego sum. Meum peccatum et mea iniquitas non sunt similia offensis hominum, quia horribilis est hæc impietas, carne polluere virginem et castitatem professam. Mentita sum in Dominum altissimum, veruntamen clamabo ad Dominum : Domine, ne in furore tuo arguas me, neque in ira tua corripas me. Quoniam sagittæ tuæ, » etc. Similia præscribit Ambrosius virgini lapsæ; Cyprianus, *serm. De Lapsis*; Chrysostomus, *hom. 41 ad Populum*.

Exempla vero et mores pœnitentium Climacus loco citato enarrans hæc habet, quæ merito cuivis peccatori acres compunctionis stimulos admo-

veant. « Cum pervenissem, inquit, ad pœnitentium monasterium, imo vero ad Religionem fugientium, vidi revera res et verba quæ Deo vim inferre possent : quosdam ex reis illis vidi noctibus totis usque sub diem stare pervigiles, pedesque immobiles tenere, contra somnum vim naturæ inferre, nullam sibi ipsis requiem indulgere, sed seipsos increpare; alios in oratione reorum more, vinetis post terga manibus, humi luridas facies suas inclinantes, indignos se, qui cœlum aspicerent, vociferantes, nihil petentes, sed tacitam mutamque Deo mentem offerentes confusione plenam. Nonnullos in pavimento strato cilicio et cinere sedentes, et faciem genibus operientes, et frontem in terram collidentes. Alios pectora jugiter tundentes, animamque suam ac vitam suspirio ingenti revocantes; alios lacrymantes, alios quod id non possent, lamentantes. Vidi nonnullos veluti æneos ex mœrore effectos, et insensibiles ad omnia. Alios fixis obtutibus in terram caput assidue movere, et leonum rugitum edere. » Et paulo post, cum multa eorum verba et facta vere admirabilia retulisset, subiungit, vidisse se in illis « æstuantibus linguas instar canum ex ore procedentes. Ex his alii sub ardentissimo solis æstu seipsos cruciabant, alii acerrimo frigore se affligebant; quidam modicum aquæ gustantes, ne omnino siti arescerent, ita quiescebant; aliqui cum panis exiguum quid accepissent, reliquum tanquam illo indigni projiciebant. Quem locum apud illos risus habuit? quem sermo otiosus? quem iracundia? quem furor? ubi tenuis vini cogitatio, ubi pomorum degustatio? Jugiter ad Dominum clamabant, solaque orationis vox audiebatur. » Qui plura desiderat, apud eundem legat rara et mira ad stuporem usque. Concludit ibidem : « Vidi, et feliciores existimavi, qui post lapsum ita lugent, quam qui nunquam lapsi sunt, et seipsos non sic deflent. »

Audi denique nobilis illius S. Paulæ ob parva delicta pœnitentiam et planctum apud Hieronymum in ejus *Epitaphio* : « Mollia, etiam in gravissima febre, lectuli strata non habuit, sed super durissimam humum stratis ciliciolis, quiescebat; si tamen illa quies dicenda est, quæ jugibus pene orationibus dies noctesque jungebat, illud implens Psalmistæ : Lavabo per singulas noctes lectum meum, lacrymis meis stratum meum rigabo. In qua fontes crederes lacrymarum, ita levia peccata plangebat, ut illam gravissimorum criminum crederes ream. Cumque a nobis crebrius moneretur, ut parceret oculis, et eos servaret Evangelicæ lectioni, aiebat : Turpanda est facies, quam contra Dei præceptum purpurisso et cerussa et stibio sæpe depinxi. Affligendum est corpus, quod multis vacavit deliciis. Longus risus perpeti compensandus est fletu. Mollia et serica pretiosissima, asperitate cilicii commutanda. Quæ viro et sæculo placui, nunc Christo placere desidero. »

Hæc paulo fusius in gratiam tum Novantium,

peniten-
tium
olim in
Ecclesia.

tum pœnitentium deduxi, ut locus hic Apostoli de pœnitentia tam illustris magis illustraretur.

IN OMNIBUS EXHIBUISTIS VOS INCONTAMINATOS ESSE NEGOTIO. — Syrus : *Ostendistis quod puri sitis in illo negotio*, id est a fornicarii peccato alieni et immunes : licet enim id initio punire neglexeritis, jam tamen displicentiam ejus ostendistis illud vindicando et pœnitendo. Ita Anselmus et Theophylactus.

Vers. 12. 12. SCRIPSI VOBIS, NON PROPTER EUM QUI FECIT INJURIAM (non propter fornicarium), NEC PROPTER EUM QUI PASSUS EST, — ἀδικηέντος, id est *qui injuria affectus est*, nimirum pater cujus uxore, sua scilicet noverca, ille incestuosus abusus est. Hinc patet ipsius patrem fuisse superstitem, q. d. Cum priore epistola acrius scripsi, non particulares incestuosi, vel parentis ejus, injurias persequi volui; sed ostendere sollicitudinem, quam pro communi Ecclesiæ vestræ salute gero, ut scilicet ab ea commune hoc scandalum et publicam infamiam depellerem.

Vers. 13. 13. IDEO CONSOLATI SUMUS, — ob vestram pœnitentiam, zelum, æmulationem, etc., ut dixi vers. 6, 7, 9, 11. Græca jam pleraque (dico pleraque, nam quædam habent ut Noster, teste etiam ipso Beza) aliter hæc distinguunt, sicque habent : διὰ τοῦτο παρακληθήμεθα ἐπὶ τῇ παρακλήσει ὑμῶν, περισσοτέρως μᾶλλον ἐχάρημεν ἐπὶ τῇ χάριτι Τίτου, ὅτι ἀναπέπαιται τὸ πνεῦμα αὐτοῦ ἀπὸ πάντων ὑμῶν, id est, *idcirco consolationem accepimus ex consolatione vestri; quin uberius insuper gavisi fuimus ob gaudium Titi, quod recreatus sit spiritus illius ab omnibus vobis.*

Ubi nota, quod ait, *ex consolatione vestri*, id est quia vos pœnitentes et in pœnitentia lacrymis consolationis perfusos, ac spiritu fervidos, ut dixi vers. 11, inaudivi. «Lacrymæ pœnitentium vinum sunt angelorum,» ait S. Bernardus; imo vero vinum sunt et pœnitentium: nihil enim animam ita lætificat atque compunctio. O quam dulce pœnitenti cum Magdalena ad Jesu pedes flere, eos lacrymis rigare, tergere, deosculari, ibique audire: «Remittuntur tibi peccata tua!» Hoc nemo nisi expertus novit.

REFECTUS EST SPIRITUS EJUS, — recreatus fuit vestra correctione, fletu, zelo, ut dixi vers. 7.

14. GLORIATIO NOSTRA, QUÆ FUIT AD TITUM, VERITAS FACTA EST, — patuit Tito veram fuisse gloriationem nostram, qua apud illum gloriari soleo de vobis tam morigeris bonisque discipulis.

15. VISCERA EJUS ABUNDANTIUS IN VOBIS SUNT, — cor et viscera ejus magis jam in vos propendent, quam ante; plus jam vos diligit Titus, quam ante.

16. CONFIDO IN VOBIS. — Græce ἐκρίνω, q. d. Audeo et libere loquor et ago vobiscum, sive laudando, sive arguendo; semper enim mihi obeditis, ut proinde audeam quoque et secure possim optima sentire et gloriari de vobis. Ita Chrysostomus, Theophylactus, Ambrosius. Notat Anselmus Pauli prudentiam quasi medici, qui jam pene sanata vulnera lenissimis medicamentis consolationis et laudis curat, ut prioris increpationis ustura sanetur.

CAPUT OCTAVUM.

SYNOPSIS CAPITIS.

Primo, hortatur Corinthios ad eleemosynam pauperibus Hierosolymitanis faciendam, exemplo Macedonum, qui in eisdem tam liberales fuerunt.

Secundo, vers. 9, exemplo Christi, qui propter nos egenus factus est, ut nos sua inopia ditaret.

Tertio, vers. 10, ex ipsorum proposito et quasi promissione urget, ut eam jam quisque reipsa pro sua facultate præstet.

Quarto, vers. 13, ex eo quod per eleemosynam fiat æqualitas divitum et pauperum, qui pro temporalibus bonis rependunt spiritalia.

Quinto, vers. 16, ex eo quod Titum aliosque Apostolos ad eam colligendam miserit, ne, si parci sint, eos pudefaciant, ipsique coram eis pudeant.

1. Notam autem facimus vobis, fratres, gratiam Dei, quæ data est in Ecclesiis Macedoniæ. 2. Quod in multo experimento tribulationis abundantia gaudii ipsorum fuit, et altissima paupertas eorum abundavit in divitias simplicitatis eorum : 3. quia secundum virtutem testimonium illis reddo, et supra virtutem voluntarii fuerunt, 4. cum multa exhortatione obsecrantes nos gratiam, et communicationem ministerii, quod fit in sanctos. 5. Et non sicut speravimus, sed semetipsos dederunt primum Domino, deinde nobis per voluntatem Dei; 6. ita ut rogaremus Titum. ut quemadmodum cœpit, ita et perficiat in vobis etiam

Lacrymæ
pœnitentium
vinum
sunt
angelorum.

Vers. 14.

Vers. 15.

Vers. 16.

gratiam istam. 7. Sed sicut in omnibus abundatis fide, et sermone, et scientia, et omni sollicitudine, insuper et charitate vestra in nos, ut et in hac gratia abundetis. 8. Non quasi imperans dico : sed per aliorum sollicitudinem, etiam vestrae charitatis ingenium bonum comprobans. 9. Scitis enim gratiam Domini nostri Jesu Christi, quoniam propter vos egenus factus est, cum esset dives, ut illius inopia vos divites essetis. 10. Et consilium in hoc do : hoc enim vobis utile est, qui non solum facere, sed et velle coepistis ab anno priore; 11. nunc vero et facto perficite, ut quemadmodum promptus est animus voluntatis, ita sit et perficiendi ex eo quod habetis. 12. Si enim voluntas prompta est secundum id quod habet, accepta est, non secundum id quod non habet. 13. Non enim ut aliis sit remissio, vobis autem tribulatio, sed ex æqualitate. 14. In præsentī tempore vestra abundantia illorum inopiam suppleat : ut et illorum abundantia vestrae inopiæ sit supplementum, ut fiat æqualitas, sicut scriptum est : 15. Qui multum, non abundavit; et qui modicum, non minoravit. 16. Gratias autem Deo, qui dedit eandem sollicitudinem pro vobis in corde Titi, 17. quoniam exhortationem quidem suscepit : sed cum sollicitior esset, sua voluntate profectus est ad vos. 18. Misimus etiam cum illo fratrem, cujus laus est in Evangelio per omnes Ecclesias : 19. non solum autem, sed et ordinatus est ab Ecclesiis comes peregrinationis nostræ in hanc gratiam, quæ ministratur a nobis ad Domini gloriam, et destinatam voluntatem nostram. 20. Devitantes hoc, ne quis nos vituperet in hac plenitudine, quæ ministratur a nobis. 21. Providemus enim bona non solum coram Deo, sed etiam coram hominibus. 22. Misimus autem cum illis et fratrem nostrum, quem probavimus in multis sæpe sollicitum esse : nunc autem multo sollicitiorem, confidentia multa in vos, 23. sive pro Tito, qui est socius meus et in vos adiutor, sive fratres nostri, Apostoli Ecclesiarum, gloria Christi. 24. Ostensionem ergo, quæ est charitatis vestrae, et nostræ gloriæ pro vobis, in illos ostendite in faciem Ecclesiarum.

Origo
eleemo-
synarum
et col-
lectarum
in pri-
mitiva
Ecclesia.

Nota : Originem hujus eleemosynæ, ad quam hoc cap. et seq. hortatur Apostolus, narrat Lucas, *Actor. xi, 28* : « Surgens, inquit, unus ex eis (Prophetis Antiochiæ) nomine Agabus, significabat per spiritum famem magnam futuram in universo orbe terrarum, quæ facta est sub Claudio (anno ejus 4, ut multi; vel, ut Baronius, anno ejus 2, qui fuit Christi 44). Discipuli autem, prout quis habebat, proposuerunt singuli in ministerium mittere habitantibus in Judæa fratribus : quod et fecerunt, mittentes ad seniores per manus Barnabæ et Sauli. » Ita Lucas. Ubi nota : Antiocheni Christiani ex fervore prævenierunt famem mittentes eleemosynam per Barnabam et Paulum : nam multis annis post, hæc collecta, de qua hic Apostolus, facta est Corinthi et locis vicinis, anno Christi 58. Adde *secundo*, potiore et magis durante causam paupertatis Hierosolymitanorum fuisse, quod a nece Stephani persecutionem a Judæis ibi passi sint Christiani et patria pulsi, ac bonis privati, *Actor. viii, 1*, et *Hebr. x, 34*, ubi dicitur : « Rapinam bonorum vestrorum cum gaudio suscepistis. » Itaque deinceps Christiani a Judæis juratis Christi hostibus acerbissima assidue passi sunt; ideoque, et quia Hierosolymitana Ecclesia fuit prima et quasi matrix cæterarum, perduravit hic mos apud Christianos, ut, ad pauperes istius Ecclesiæ fovendos, fideles ex toto orbe

eleemosynas mitterent. Quem morem ad Theodosii tempora durante cum carperet Vigilantius, ita eum confirmat et laudat Hieronymus, *Contra Vigilantium* : « Hac in Judæa, inquit, usque hodie perseverante consuetudine, non solum apud nos, sed et apud Hebræos, ut qui in lege Domini meditantur die ac nocte, et partem non habent in terra nisi solum Deum, synagogarum et totius orbis foveantur ministeriis. » Hic ergo ad eleemosynam hanc excitat Apostolus Corinthios, utpote divites : erat enim Corinthus emporium Græciæ celeberrimum, et in ea mercatores opulenti, uti sunt jam Fuggeri Augustæ Vindelicorum.

Vigilantius hæreticus se opponit eleemosynis.

1. NOTAM AUTEM FACINUS VOBIS, FRATRES, GRATIAM DEI, — puta patientiam magnam, liberalitatem et misericordiam, quam Deus dedit Christianis Macedoniæ (1). Hoc enim est quod explicans subdit :

2. QUOD IN MULTO EXPERIMENTO TRIBULATIONIS ABUNDANTIA GAUDII IPSORUM FUIT, — *q. d.* Cum in variis tribulationibus quasi experimentis probarentur, erant in magno gaudio, eoque abundabant.

ET ALTISSIMA (κατὰ βάθος, id est profundissima, et

(1) Juxta quosdam, *gratia Dei* hic, seu donum Dei, est donum a Macedonibus ad aliorum pauperem sublevandum datum, et *Dei donum* dicitur, quia omnia bona ad Deum auctorem referenda sunt.

quasi ad fundum usque exhausta) PAUPERAS EORUM ABUNDAVIT IN DIVITIIS SIMPLICITATIS EORUM, — hoc est, in copiam et abundantiam benignitatis et eleemosynæ eorum, *q. d.* Macedones copiosissime et benignissime sua elargiti sunt, cum essent pauperes.

Quid sit simplicitas? Nota: «Simplicitas» hic, et cap. ix, vers. 11 et 13, significat candidam, liberalem et alacrem elargiendi voluntatem: non enim ex donorum multitudine, sed ex animi promptitudine liberalitas æstimatur, ait Chrysostomus et Theophylactus. «Simplicitas, ait Ambrosius, *epist.* 10, nihil discuit, nihil contractum, nihil suspectum, nihil fraudulentum putat, sed puro se fundit affectu.» Vide dicta *Rom.* xii, 8.

Vers. 3. 3. QUIA SECUNDUM VIRTUTEM, — secundum vires et opes suas, imo supra eas, ut sequitur.

VOLUNTARIJ FUERUNT, — αὐθίματα, non rogati, non provocati, motu proprio, sponte et ultro tam liberales fuerunt, ut supra vires facultatesque contribuerent.

Vers. 4. 4. OBSECRANTES NOS (intellige, quod addunt Græca, δεῖξάντων ὑμᾶς, ut susceperemus) GRATIAM ET COMMUNICATIONEM MINISTERII, — id est gratiosum hoc ministerium colligendi eleemosynas, ut scilicet in eo communionem et partem caperemus: hanc enim vocat «communicationem ministerii,» *q. d.* Obsecrarunt nos, ut in partem oneris veniremus, et participaremus in ministerio colligendi eleemosynas pro pauperibus Christianis Hierosolymitanis: hos enim vocat sanctos.

Nota: χάρις, id est gratiam, Apostolus hic et alibi sæpe vocat gratuitum munus, beneficium, munificentiam; et sic sæpe Cicero sumit nomen gratiæ: itaque hic ministerium ipsum et obsequium conquirendi eleemosynas, vocat gratiam; vers. vero 7 et alibi, ipsam eleemosynam vocat gratiam.

Vers. 5. 5. ET NON SICUT SPERAVIMUS. — Supple, fecerunt. *q. d.* Multo amplius dederunt quam speraveramus; sua largitate spem nostram superarunt.

SEMETIPROS DEDERUNT PRIMUM DOMINO, DEINDE NOBIS. — *q. d.* Macedones resignarunt se primo Domini voluntati, deinde nostræ, parati facere et dare, quidquid voluissent.

Cor
nam de-
bent dare
primum
Deo, qui
faciunt
eleemo-
synam.
Nota hic, eos qui faciunt eleemosynam, ut congrue eam faciant, debere primo seipsos et cor suum dare Deo, atque in signum hujus, quod scilicet seipsos jam Deo tradiderint, facere eleemosynam, qua quasi profiteantur se jam cor suum resignare Deo, idque velle hac eleemosyna, quam in honorem Dei faciunt, quasi tributo quodam testari.

PER VOLUNTATEM DEI. — διὰ θελήματος Θεοῦ, ex voluntate Dei, id est Deo ita volente, ut scilicet Dei voluntatem circa hanc eleemosynam, per meam agnoscerent, interpretarentur et sequerentur: vult enim Deus nostræ quasi vicariorum suorum voluntati populum obedire, nosque esse interpretes suæ voluntatis, ut quod nos volumus, idem Deus velit a nostris subditis fieri; pse enim di-

cit: «Qui vos audit, me audit.» Ita Anselmus et Theophylactus (1).

6. ITA UT ROGAREMUS TITUM, UT, QUEMADMODUM Vers. 6.
COEPIT, ITA ET PERFICIAT IN VOBIS ETIAM GRATIAM ISTAM. — Syrus, hanc beneficentiam, colligendi scilicet eleemosynas, *q. d.* Rogavimus Titum, ut, sicut nos in Macedonia, ita ipse colligeret Corinthi eleemosynas; non dubitantes, quin vos divites et liberales Macedonibus pauperibus in promptitudine et liberalitate non cederetis. Stimulat exemplo Macedonum Corinthios, ut largi sint in contribuendo.

7. UT ET IN HAC GRATIA ABUNDETIS. — Supple, Vers. 7.
rogo, vel curate, *q. d.* Curate, ut sicut fide, sollicitudine, charitate erga me abundatis, ita pariter et eleemosyna in pauperes abundetis. Ita Anselmus. Vide *Can.* 37.

8. NON QUASI IMPERANS DICO: SED PER ALIORUM Vers. 8.
SOLLICITUDINEM. — Scilicet per exemplum Macedonum, qui tam solliciti fuerunt subvenire pauperibus. Laudat Apostolus Macedonum et Corinthiorum charitatem.

ETIAM VESTRÆ CHARITATIS INGENIUM BONUM COM-
PROBANS. — Pro ingenium bonum, græce est γένιον, id est, ingenium (ut legit hic Primasius, Sedulius, Gagneius), germanum, genuinum, *q. d.* Hæc dico, ut charitatis vestræ ingenuitatem, germanitatem, bonitatem comprobem, experiar, perspiciam, eamque aliorum exemplo acuam et accendam. Non ergo ingenium hic significat charitatem ingeniosam, ut vult Anselmus, *q. d.* Ut comprobem et ostendam vestram charitatem habere bonum ingenium, cum sine jussu meo, sua sponte, facit quod bonum illi ingenium suggerit, dictat et suadet. Græce enim γένιον non tale ingenium, sed ingenium, seu germanam indolem significat: hanc enim Noster vocat ingenium. Secundo, pro comprobans græce est δοκιμάζων, quod primo verti potest proprie, ut probem, explorem, experiar, perspiciam germanam vestram charitatem. Ita Syrus et Vatablus. Secundo, ut eam quasi probatam et exploratam quod Macedonibus non cedat, imo superet, approbem, laudem et prædicem, et, ut inquit Theophylactus, probatiorem et fulgentiorem demonstrum. Unde Maldonatus in *Notis manusc.* vertit, probare aliis cupiens: δοκιμάζων enim, inquit, hic non effectum, sed affectum significat.

9. SCITIS ENIM GRATIAM DOMINI NOSTRI JESU Vers. 9.
CHRISTI. — Novo argumento, Christi scilicet exemplo, ad eleemosynam incitat, *q. d.* Christus Rex regum propter vos egenus factus est, cum natus in stabulo, «quia non erat ei locus in diversorio,» pro throno regali habuit præsepium; pro culcitris, fœnum; pro igne, halitum bovis et asini; pro peristromatis, araneorum telas; pro odoramentis, exercementa bonum; pro purpura, viles pannicu-

(1) Rosenmullerus: *Per voluntatem Dei*, id est, Deo ipsorum animos movente; Allioli: Persuasi se, hæc agentes, Deo gratos fore.

los; pro equitatu, bovem et asinum; pro procerum turba, Joseph et Mariam. Sic et tota deinceps vita egenus fuit Christus, et, ut græce ἐπὶ πτωχεύει, hoc est, *mendicavit*, inquit Erasmus. Unde patet Christum non tantum pauperem fuisse, sed et vere mendicasse fuisseque mendicum.

UT ILLIUS INOPIA VOS DIVITES ESSETIS, — spirituales divitiis, doctrina scilicet pietatis, peccatorum remissione, justitia, sanctimonia aliisque virtutibus, *q. d.* Ergo et vos, o Corinthii Christiani, exemplo Christi eleemosyna vestra pauperes ditare, imo vos depauperate, ut alios ditetis, si Christo esse velitis simillimi. Vide Anselmum, de divitiis et paupertate Christi, et Chrysostomum in *moralibus homil.* 17, ubi docet quam non sit erubescenda Christiano, nec extimescenda paupertas.

Christus nobis la-
loribus suis via
est ad
omnem
quietem
et beati-
tudinem.

Pulchre etiam Gregorius Nazianzenus, *orat. 1 in Pascha*, hæc Christi beneficia per antitheses oculis subjicit. « Pauper, inquit, factus est Christus, ut nos illius paupertate ditescamus; servi formam accepit, ut nos libertatem recipiamus; descendit, ut evehamur; tentatus est, ut vincamus; contemptus est, ut nos gloria afficiat; mortuus est, ut servet; ascendit, ut ad seipsum trahat humi provolutos in peccati lapsu. » Pulchre quoque S. Augustinus: « Quid facturæ sunt, inquit, divitiæ ejus, cujus paupertas nos divites fecit? » Denique ex hisce Apostoli verbis sic infert Beda hic: « Omnes ergo boni fideles sunt divites, nemo se contemnat: pauper in cella, dives in conscientia, securior dormit in terra, quam auro dives in purpura. »

Vers. 10. 10. ET CONSILIUM IN HOC DO. — Græce γράμην, quod Beza vertit, *sententiam meam edo*, sed perperam; non enim fert sententiam, sed consulit. Nam consilium hoc opponit præcepto, de quo dixit vers. 8: « Non quasi imperans dico. » Adde, si sententiam significaret, non dixisset διδωμι, id est *do*; sed λέγω, id est *dico*.

HOC ENIM VOBIS UTILE EST, QUI NON SOLUM FACERE, SED ET VELLE COEPISTIS. — *Velle*, ultro scilicet, ac nemine impellente: hoc enim, ut insinuat Paulus, plus est, quam *facere*, scilicet rogatum. Ita Anselmus. Sic Gregorius, *hom. 18 in Ezech.*: « Habet, inquit, improprium hæc ipsa consolatio, dum dicitur: Ab anno priore. Bonum quippe, sed tarde fecerant; atque ideo hoc magister non sine reprehensione laudat. Medicus quippe est qui medicamentum vulneri apponit, quod et ea quæ purgata sunt, refovet, et ea quæ putrida inveniuntur, mordet. »

Vers. 11. 11. UT, QUEMADMODUM PROMPTUS EST ANIMUS VOLUNTATIS, ITA SIT ET PERFICIENDI EX EO QUOD HABETIS. — Nota: Cum ait: « Promptus animus voluntatis, » græcizat; græce enim est, προθυμία τοῦ θέλειν, quod latinus et clarius vertas, *ut, quemadmodum inest vobis promptitudo volendi, sic insit et exequendi*: id est, ut Syrus, ut, sicut incessit vobis voluntatis hujus cupido, sic et facto exequa-

mini « ex eo quod habetis, » id est pro facultate vestra et opibus. Scitum est illud Luciani:

Celeres gratiæ dulciores: quod si tardior fuerit, Cuius gratia vana, neque gratiæ nomine digna.

Et illud:

Bis dat qui cito dat.

12. SI ENIM VOLUNTAS PROMPTA EST SECUNDUM ID QUOD HABET, ACCEPTA EST, NON SECUNDUM ID QUOD NON HABET. — « Secundum id quod habet, » ut scilicet det secundum facultates et opes suas, *q. d.* Date quod potestis. Ita Ambrosius, Chrysostomus, Anselmus. Græce est καθὼς ἐὰν ἔχη τις, εὐπρόσδεκτος, id est, *secundum id quod habet quis, acceptus est, non secundum id quod non habet*. Et ita in Latinis Bibliis legendum censet Maldonatus in *Notis manuscr.* Verum Romana et alia Biblia passim legunt, *secundum id quod habet, accepta est*, scilicet προθυμία, id est *prompta voluntas*; idque significantius est et nervosius, ac proinde germanius.

Nota hic, perfectionem et meritum eleemosynæ omnisque virtutis consistere in promptitudine voluntatis, non in multitudine donorum et magnitudine; ita ut coram Deo, ubi promptitudo hæc major est, ibi major sit et virtus, etiamsi ob paupertatem, aut aliam causam, in actum externum, sive donationem, exire non possit. Unde ait: Promptitudo accepta est, non donum. Idem patet *Marci xii, 43*. Secundo tamen, ut hæc promptitudo sit accepta Deo, ait D. Thomas, quasi vera, seria et efficax, debet exire in actum, secundum id quod habet, id est, ita ut pro viribus et opibus det quod potest. Alioqui tantum velleitas esset, non seria et prompta voluntas; non ergo exigitur ab ea, ut det id quod non habet, ut ait Apostolus, *q. d.* inquit Theophylactus: Qui habet, opus impleat; qui non habet, jam sua voluntate opus implevit. Hinc S. Leo, *serm. 4 De jejuniis* 10 mensis: « Subinde, ait, æquatur merito, qui distat impendio: quia potest par esse animus, ubi dispar est census. » Et Anselmus: « Hic omnes, ait, tam pauperes quam divites æqualiter dant, si quisque ex tanto det, quantum habet. » Hinc tertio, inter æque divites, vel æque pauperes liberalior est et plus meretur, qui plus dat; inter inæquales vero, hoc est, inter ditiores, vel pauperiores, plus meretur, qui proportionaliter secundum suas opes plura dat, licet geometricè minus det quam is qui ditior est. Patet *Marci xii, 43*. Sensus ergo est, *q. d.* ut vers. 11 diximus: « Facto perficite ex eo quod habetis, » quia προθυμία, promptitudo et voluntas accepta est et meritoria « secundum id quod habet, non secundum id quod non habet, » id est, si det id quod habet; non enim requiritur ut id det quod non habet. Ita Tobias, *cap. iv, vers. 9*, filio suo præcipit: « Quomodo potueris, inquit, ita esto misericors: si multum tibi fuerit, abundanter tribue; si exiguum tibi fuerit, etiam exi-

Perfectio et meritum eleemosynæ, etceterarum virtutum consistit in promptitudine voluntatis.

Quis liberalior sit inter æque divites, item inter inæquales?

guum libenter impertiri stude.» Et S. Augustinus in *Psal.* cxi: « Si potes, ait, dare, da; si non potes, affabilem te fac. Coronat Deus intus bonitatem, ubi non invenit facultatem. Nemo dicat: Non habeo; charitas de sacculo non erogatur.» Unde et subdit hic Paulus:

Vers. 13. 13. NON ENIM UT ALIIS SIT REMISSIO, VOBIS AUTEM TRIBULATIO. — «Remissio,» id est relaxatio, *q. d.* Non impero ut tantam eleemosynam detis, qua pauperes lautius vivant, vos necessitatem subeat: sed ut quisque pro viribus ita alienæ consuetudini necessitati, ut suam non negligat. Ita Theophylactus. Dico, *non impero*, quia id consulere possum: est enim consilium Evangelicum, dicit D. Thomas et Anselmus, ideoque majoris perfectionis, si omnia bona des pauperibus, ipseque omnino fias pauper. Ita enim consulit Christus, *Matth.* cap. xix, 21: « Si vis perfectus esse, vade, vende quæ habes, et da pauperibus; » idque non tantum si Religionem in eas, sed etiam si maneat in sæculo, uti fecit vidua illa dans duo minuta, *Marci* xii, quæ vivebat labore quotidiano totumque lucrum dabat templo, ut ipsa cum Christo pauper fieret, et paupertatis incommoda forti animo subiret. Intellige quæ dixi: dummodo tamen quis in extremam necessitatem se non conjiciat, nec familiam habeat cui providere teneatur. Addit Theophylactus, vers. seq., Apostolum hortari Corinthios ut dent supra vires, cum ait: « In præsentī tempore vestra abundantia illorum inopiam suppleat, » *q. d.* Si vis non parvam, sed abundantem mercedem habere, da abundanter; si totam, da totum: ut *abundantia* significet eleemosynam profusam, et supra vires abundantem, qualem in Macedonibus laudavit Paulus, vers. 3. Ratio est, quia hic est actus summæ et heroicæ eleemosynæ, paupertatis, fortitudinis et spei in Deum.

Exempla eorum qui ex-celluere in danda eleemo-syna. Ita fecit S. Paulinus Nolanus Episcopus, qui suis omnibus in pauperes erogatis, seipsum demum pro viduæ filio in servitutem Wandalis tradidit; cujus liberalitatem laudat S. Augustinus, lib. I *De Civit. Dei*, cap. x, et gratam Deo fuisse exitus declaravit, cum servus existens, Dei monitu declaratus et agnitus a Wandalis, honorifice cum suis omnibus domum remissus est. Idem fecit S. Paula Romana, quæ ita profusa fuit in pauperes, ut, quod toties Deum oraverat, ex voto ei contingerit, nimirum ut moriens debuerit aliena veste et sumptu sepeliri, cum ne tantillum quidem quod ad funus necessarium esset, sibi reliquum fecisset: qua de causa mire eam laudat S. Hieronymus in ejus Vita. Idem fecerunt S. Martinus, S. Joannes Eleemosynarius et alii multi. Verum *abundantia* hic magis et aptius significat abundantes opes Corinthiorum: hæc enim opponit Paulus inopiæ Hierosolymitanorum, quam ex iis levare et suppleri cupit.

Vers. 13 et 14. 13 et 14. SED EX ÆQUALITATE, IN PRÆSENTI TEMPORE VESTRA ABUNDANTIA ILLORUM INOPIAM SUP-

PLEAT, — *q. d.* Non impero tantam eleemosynam, qua fiat vobis res angusta domi, pauperibus ampla et laxa; sed qua superflua (hæc enim sunt propria eleemosynæ materia, quam ipsa erogare in pauperes non tantum suadet, sed etiam præcipit) quibus abundatis, eis communicando, suppleatis eorum inopiam, ut utrique habeatis vitæ necessaria, neutri nimis angusta, vel nimis laxa, sicque utrique inter duo extrema inopiæ et abundantiae ad mediocritatem quamdam et æqualitatem redigamini: ut et dantium copię nihil supersit, quasi superfluum; et accipientium inopiæ nihil desit, quasi necessarium. Ita Theophylactus.

UT ET ILLORUM ABUNDANTIA (in fide, spe et omni gratia) VESTRÆ INOPIÆ (spiritualis) SIT SUPPLEMENTUM, — dum oratione et meritis suis eam apud Deum sublevant in hac vita, in altera vero vos morientes recipient in æterna tabernacula: pauperum enim Christi est regnum cœlorum. Ita Anselmus.

UT FIAT ÆQUALITAS, — tam in remuneratione et eleemosyna spiritali, quam temporali, eo modo quo explicui vers. 13.

SICUT SCRIPTUM EST. — *Exodi* xvi, 18, juxta Septuaginta. Ex quo loco probat Paulus per exemplum collectionis et comestionis manna, Deum velle ut homines in communione bonorum quamdam colant æqualitatem.

15. QUI MULTUM (scilicet manna collegerat), NON ABUNDAVIT (præ eo qui minus collegerat), ET QUI MODICUM (manna collegerat), NON MINORAVIT, — id est non minus habuit illo qui plus collegerat.

Nota ex hoc *Exodi* xvi, 18, ita continuo miraculo, per 40 annos Deum in deserto pro tot centenis millibus Hebræorum pluisse manna, ut, licet maxima ejus esset copia, singuli tamen illud colligentes, sive avariores multum, sive pigriores parum, cum domum reversi illud metiebantur, unam tamen mensuram gomor, quæ ad diurnum victum cuique sufficeret, omnes reperirent, Deo vel angelo invisibiliter addente, si minus quam gomor; demente, si amplius quam gomor collegissent. Sic ergo una tunc cibi mensura erat parvulis, viris, feminis, scilicet gomor, quæ mensura tantum continebat, quantum communiter homo per diem comedere solet. Ita Nyssenius, *De Vita Moysis*; Chrysostomus hic, Anselmus, Vatablus, Theophylactus.

Causa erat primo, ut Judæorum avaritiam, gulam, nimiamque cibi et rerum terrenarum curam Deus hac ratione compesceret, ait Chrysostomus et Theophylactus. Secundo, ut hoc continuo miraculo testaretur Deus in omni necessitate ad ejus providentiam esse recurrendum, Deumque suam cuique sufficientem victus mensuram comparare, etsi laboribus minus consequi posse videatur, ut, cum assidemus mensæ, cogitemus Deum nobis pluere e cœlo manna. Sic enim et hodie non divitibus modo, sed et pauperibus, ægris etiam et debilibus, insuperque multa prole

Manna describitur, ejus quo mensurata, et collecta

Deus omnibus necessarii

videt se-
cundum
mensu-
ram sua
providen-
tia.

oneratis quotidianam tamen annonam, quæ satis sit vitæ omnium tuendæ, Deus suppeditat; quæ res consideranti mirabilis et incredibilis videtur, si census et lucrum exiguum quod faciunt, cum sumptu tanto et expensis tot capitum familiæ conferat, ut vel ex hoc solo experimento colligere liceat suavem et miram Dei in omnes providentiam. Hinc pauperes suam sortem non doleant, nec multa desiderent. « Nam cum omnes, ait Chrysostomus, unum ventrem impleamus, et uno tempore vivamus, et unum corpus tegamus, nihil magis habet dives ex abundantia, neque ex paupertate minus habet pauper; sed uterque victum habet, et amictum, et in hoc sunt æquales. »

Nota secundo : Ex allegoria manna, *Exodi* xvi, 48, juxta Septuaginta, pulchre invitat Apostolus ad eleemosynam, *q. d.* Deus æqualem omnibus mensuram dabat manna; ergo par est ut et Christiani paritatem quamdam colant, ut qui abundant opibus, egentibus tribuant, itaque illos in vitæ necessariis sibi æquent, ut ita omnes suis contenti et necessaria habentes æqualiter vivant. Ita Theophylactus ex Chrysostomo.

Ubi adverte : Sicuti divites superflua dando pauperibus, eos sibi pares faciunt, ita et pauperes communione meritorum divites sibi adæquant non omnino et geometrice, sed proportionaliter; ita ut neutri in neutro deficiant, vel nimis præ aliis abundant. Nam alioqui nec divites dando pauperibus tantum dant, ut eos sibi æque divites faciant; nec pauper reddendo diviti preces et spiritualia, dat æquale, sed multo amplius quam temporale quod accepit : nec rursus tantum dat spirituale, quantum habet. Ita D. Thomas.

In bea-
titudine
qualis
futura
æquali-
tas et
inæqua-
litas ?

Anagogice, Chrysostomus et Anselmus hæc referunt ad gloriam cœlestem, in qua omnes erunt æquales : quod intellige de beatitudine objectiva : omnes enim eundem Deum videbunt, illoque erunt saturi et beati; sed in hac visione, ac consequenter in gaudio et gloria gradus erunt et disparitas pro ratione meritorum : sicut idem erat manna, imo æquale et æqualiter omnes satians, aliter tamen his, aliter illis sapiebat.

Vers. 16. 16. GRATIAS DEO QUI DEDIT EAMDEM SOLLICITUDINEM PRO VOBIS IN CORDE TITI, — ut scilicet Titus sollicitus pro vobis vestroque profectu ac lucro spiritali vox exhortetur ad beneficentiam in pauperes, ut sequitur.

Nota : « Eamdem, » scilicet mecum, qua videlicet et ego sollicite ad hanc contributionem vos exhortor.

Vers. 17. 17. QUONIAM EXHORTATIONEM (puta munus exhortandi vos ad eleemosynam, Titus) SUSCEPIT. — Ita Anselmus.

SUA VOLUNTATE (*αὐθαίρετος*, sponte sua, me non jubente, aut rogante) PROPECTUS EST AD VOS, — ut ad hoc opus tam pium vox exhortaretur.

Vers. 18. 18. MISIMUS ETIAM CUM ILLO FRATREM, CUJUS LAUS EST IN EVANGELIO — prædicando, scilicet Barnabam : hic enim *Act. xiii*, 3, ordinatus est socius

Pauli. Ita Theodoretus, Chrysostomus, Oecumenius. Verum, quia jam Paulus a Barnaba secesserat, asciveratque sibi Silam, *Act. xv*, 40, hinc melius cum Baronio Silam accipe, aut simpliciter cum Anselmo et Hieronymo Lucam : hic enim non Apostolus, sed *frater* vocatur, scripsitque Evangelium, et individuus fuit Pauli comes. Unde et S. Ignatius *ad Ephesios* scribens hoc idem elogium Lucæ tribuit dicens : « ut testatur Lucas, cujus laus est in Evangelio. »

Laus D.
Lucæ in
Evangelio.

19. NON SOLUM AUTEM (supple, laudem habet in Vers. 19. Evangelio), SED ET ORDINATUS EST AB ECCLESIIS COMES PEREGRINATIONIS NOSTRÆ IN HANC GRATIAM, — hoc est, ad gratuitum hoc ministerium colligendi eleemosynas, ut dixi vers. 4.

Nota : Pro *ordinatus* est græce est *χειροτονῆται*, manus ei impositæ sunt, id est consecratus est diaconus, vel etiam sacerdos. Diaconi enim erat habere curam pauperum, iisque distribuere eleemosynas; sacerdotis vero erat juvare Apostolum peregrinantem in prædicatione et Sacramentorum administratione : *χειροτονία* enim a Græcis vocatur ordinationis Sacramentum, eo quod in illo Episcopus ordinandis manus imponat, ut patet I *Timoth. iv*, 14, et *v*, 22. Ita *Act. xiv*, 22, ubi Noster vertit, et cum constituissent illis per singulas Ecclesias presbyteros; græce est *χειροτονήσαντες πρεσβυτέρους κατ' ἐκκλησίαν*, id est, cum manus imposuissent presbyteris per singulas Ecclesias. Unde patet quod manus imponere presbyteris, idem sit quod ordinare, et ordinando constituere presbyteros.

Pro *comes* græce est *συνέλεγχος*; id est socius, collega.

QUÆ MINISTRATUR A NOBIS AD DOMINI GLORIAM, ET DESTINATAM VOLUNTATEM NOSTRAM. — Hoc est ad alacritatem animi nostri declarandam in hoc tam pio Dei et pauperum obsequio : græce enim est *προθυμία*, id est *animi promptitudo*, ut dixi vers. 11. « Destinatum » ergo non significat hic prædestinatum a Deo, ut exponit S. Thomas, sed promptam, paratam, alacrem.

Nota : Pro *ἡμῶν*, id est *nostram*, jam Græci legunt *ὑμῶν*, id est *vestram* promptitudinem, *q. d.* ait Theophylactus : Hanc gratiam, hoc ministerium eleemosynarum suscepimus ad hoc, ut Deus hac eleemosyna glorificetur, et vos ad eam promptiores reddamini per exhortationem Titi et Lucæ (1).

20. DEVITANTES HOC, NE QUIS NOS VITUPERET IN HAC PLENTUDINE — eleemosynarum et pecuniæ collectæ. Græce *ἐν ἰσότητι*, in abundantia, in exuberantia, nummorum scilicet, *q. d.* Misi Titum et Lucam ad eleemosynas tam largas colligendas ne quis suspicetur eas me mihi ad privatos usus

Paulus a
se aver-
tit suspi-
cionem
avaritiam.

(1) Versus 19 ex Græco sic verti potest : Verum non hoc tantum; sed et ordinatus est ab Ecclesiis, ut sit comes nostræ peregrinationis et colligendæ hujus eleemosynæ, quæ procurata est a me ad gloriam Domini amplificandam, et prolixam vestram voluntatem comprobandam.

colligere. Ita Anselmus. Solet enim magna pecuniarum vis obnoxia esse fraudis suspicioni, quia ex tanta copia facile multa clam demi possunt, ita ut nemo sciat, vel persentiscat.

Vers. 21. 21. PROVIDEMUS BONA NON SOLUM CORAM DEO, SED ETIAM CORAM HOMINIBUS. — Græcum *καλὰ* significat et bona et honesta, ut vertit Vatablus, q. d. Procuro et satago honeste agere non tantum coram Deo, sed et coram hominibus, ne homines etiam suspicaces occasionem habeant aliquid mali, vel inhonesti de me suspicandi. Quapropter ut juste et honeste me hanc collectam administrare ostendam, testes mihi adeisco Titum et Lucam, illis pecuniam bursamque committo, ego eam tractare nolo. Hinc nota, et disce hoc practicum axioma: Conscientiam Deo, proximo famam debemus; et qui famam negligit, in proximi salutem crudelis est. Vide Anselmum.

Conscientiam Deo, proximo famam debemus. Vers. 22.

22. MISIMUS AUTEM CUM ILLIS ET FRATREM NOSTRUM. — Incertum quis hic. Aliqui suspicantur esse Apollo, ait Anselmus. Sed suspicantur tantum, quia Paulus eum nec nominat, nec describit, sed Corinthiis ex præsentia cognoscendum relinquit.

Vers. 23. 23. CONFIDENTIA MULTA IN VOS (q. d. Confidens multum et sperans, illos, uti par est, a vobis honeste et amanter excipiendos (1), idque) SIVE PRO TITO, — id est partim ob amorem et venerationem Titi, qui socius est meus et adjutor apud vos; hinc patet Titum, cum hæc scriberet Paulus, fuisse Corinthi: eo enim ad eleemosynas hasce aliaque peragenda miserat eum Paulus.

(1) *Confidentia multa in vos*, id est, quia ille frater de vobis omnia sperat optima, vos nempe fore liberales: ita Rosenmullerus. Allioli: Quia ego Paulus multum spero et confido, vos illum bene excepturos esse.

Porro Maldonatus, supplens verbum *ὡςδείξατε*, id est *ostenderitis*, sic vertit, sive pro Tito aliquid charitatis ostenderitis, erga me ostenderitis; socius enim meus est. Verum non est necesse hic quippiam supplere: sensus enim per se constat, uti jam ostendi.

SIVE FRATRES. — Hoc est, sive pro fratribus cæteris qui sunt Apostoli; est antiptosis: Hebræi enim carent casibus. Vide *Can.* 37. Ita Theophylactus, q. d. Partim propter fratres cum Tito submissos, qui sunt Apostoli Ecclesiarum; partim propter Titum ipsum confido, quod illos digne, ut par est, suscipietis.

GLORIA CHRISTI. — q. d. Qui Apostoli sunt gloria Christi, id est, promonent et illustant gloriam Christi. Sive ergo, inquit Chrysostomus, eos ut fratres volueritis excipere, sive ut Apostolos Ecclesiarum, sive ut aliquid in gloriam Christi facientes, multas habebitis occasiones benevolentiae erga illos.

Est metonymia: « gloria, » id est causæ et curatores gloriæ Christi.

24. OSTENSIONEM, QUÆ EST CHARITATIS VESTRÆ, Vers. 24. ET NOSTRÆ GLORIÆ PRO VOBIS, IN ILLOS OSTENDITE. — Pronomen *quæ* habet epitasin, q. d. Charitatem ostendite insignem in Titum et socios, scilicet eam, quæ decet vos, vestramque tam liberalem charitatem pariter et gloriam, id est gloriationem nostram de vobis, ut habent Græca. Noster Interpres solet ad verbum vertere, *pro vobis*, quod nos latinus vertimus, *de vobis*; græce enim est *ὡςπρὸς ὑμῶν*.

OSTENDITE IN FACIEM (in conspectum scilicet omnium) ECCLESiarum. — Ita Anselmus; significantius tamen dicitur « ostendite in faciem, » quam ostendite in conspectum.

CAPUT NONUM.

SYNOPSIS CAPITIS.

Primo, pergīt hortari Corinthios ad eleemosynam, ex humano pudore et laude, ne scilicet coram Macedonibus, qui tam liberales fuerant, erubescant.

Secundo, vers. 6, ex fructibus eleemosynæ, quod scilicet ipsa suos eleemosynarios ditet bonis et præsentiibus et futuris.

Tertio, vers. 14, ex gratiarum actione inde in Deum redundante, et lætitia pauperum Christianorum eam excipientium, atque pro Corinthiis suis benefactoribus obsecrantium.

1. Nam de ministerio, quod fit in sanctos, ex abundanti est mihi scribere vobis. 2. Scio enim promptum animum vestrum: pro quo de vobis glorior apud Macedones. Quoniam et Achaia parata est ab anno præterito, et vestra æmulatio provocavit plurimos. 3. Misi autem fratres, ut, ne quod gloriamur de vobis, evacuetur in hac parte, ut (quemadmodum dixi) parati sitis: 4. ne, cum venerint Macedones necum, et invenerint vos imparatos, erubescamus nos (ut non dicamus vos) in hac substantia. 5. Necessarium ergo existimavi rogare

fratres, ut præveniant ad vos, et præparent repromissam benedictionem hanc paratam esse sic, quasi benedictionem, non tanquam avaritiam. 6. Hoc autem dico : Qui parce seminat, parce et metet : et qui seminat in benedictionibus, de benedictionibus et metet. 7. Unusquisque prout destinavit in corde suo, non ex tristitia, aut ex necessitate : hilarem enim datorem diligit Deus. 8. Potens est autem Deus omnem gratiam abundare facere in vobis : ut in omnibus semper omnem sufficientiam habentes, abundetis in omne opus bonum, 9. sicut scriptum est : Dispersit, dedit pauperibus : justitia ejus manet in sæculum sæculi. 10. Qui autem administrat semen seminanti, et panem ad manducandum præstabit, et multiplicabit semen vestrum, et augebit incrementa frugum justitiæ vestræ : 11. ut in omnibus locupletati abundetis in omnem simplicitatem, quæ operatur per nos gratiarum actionem Deo. 12. Quoniam ministerium hujus officii non solum supplet ea, quæ desunt sanctis, sed etiam abundat per multas gratiarum actiones in Domino : 13. per probationem ministerii hujus glorificantes Deum in obedientia confessionis vestræ, in Evangelium Christi, et simplicitate communicationis in illos, et in omnes, 14. et in ipsorum obsecratione pro vobis, desiderantium vos propter eminentem gratiam Dei in vobis. 15. Gratias Deo super inenarrabili dono ejus.

Vers. 1. 1. NAM DE MINISTERIO, QUOD FIT IN SANCTOS (q. d. Commendavi vobis in fine cap. præced. Titum cum sociis, non autem eleemosynam, pro qua veniunt; « nam de ministerio, » id est subministratione hujus eleemosynæ, quæ fit in sanctos, id est pauperes Christianos,) EX ABUNDANTI EST, — id est, superfluum est scribere vobis, cum ad illam prompti sponte vestra procurratis. Ita Anselmus. Nota artem emendicandi eleemosynas commodam esse, si laudes dantium liberalitatem: hanc callent egregie publici viarum et templorum mendici.

Vers. 2. 2. QUONIAM ET ACHAIA PARATA EST (refer ad glorior, q. d. Glorior apud Macedones, quod vos, o Corinthii, et reliqua Achaia parati sitis ad hanc contributionem eleemosynæ, ita) ET VESTRA EMULATIO (id est, zelus misericordiæ vestræ, quam apud alios prædico, et de quo glorior) PLURIMOS ad imitationem) PROVOCAVIT. — Videte ergo, ut ipso facto ostendatis, me vere gloriatum esse, ne et ego confundar et vos.

Vers. 3. 3. NE QUOD GLORIAMUR DE VOBIS, EVACUETUR IN HAC PARTE. — Græca clarius, ἵνα μὴ τὸ καύχημα ἡμῶν τὸ ἐπὶ ὑμῶν κενωθῇ, ne gloriatio nostra de vobis inanis fiat in hac parte, ne scilicet falsa appareat, ne inaniter videar gloriatum et falso, vos esse tam promptos et liberales, si parcos et imparatos vos inveniant Macedones.

Vers. 4. 4. IN HAC SUBSTANTIA, — in hac materia laudis et vituperii circa eleemosynas et tenacem avaritiam (1).

Vers. 5. 5. UT PRÆVENIANT AD VOS. — Ita Romana : hoc enim est Græcum προάλωσαν; male ergo passim, etiam Plantiniana, legunt, perveniant. « Præve-

(1) Græca multa habent, ἐν τῇ υποστάσει ταύτῃ τῆς καυχῆσεως, quod Rosenmullerus vertit, ob confidentem illam gloriationem, id est, quod inde a tanto jam tempore confidentissime gloriatum sim de vestra liberalitate. Nam ὑποστάσις sepe est fiducia.

niant, » inquam, meum et Macedonum ad vos adventum.

ET PRÆPARENT REPROMISSAM BENEDICTIONEM, — beneficentiam et eleemosynam vestram.

PARATAM ESSE. — Ut parata sit : græcismus.

SIC, QUASI BENEDICTIONEM, — ut videatur spontanea et liberalis beneficentia, non vero ab avaris extorta. Ita Anselmus et Theophylactus ex Chrysostomo. Cur liberalis eleemosyna vocetur benedictio, dicam vers. seq. Græcum εὐλογία tum benedictionem, tum bonam uberemque collationem sive eleemosynam significat. Ita hic Erasmus; εὐλογία enim derivatur ab εὖ; id est bene, et λόγος, id est dico, vel colligo. Unde hasce eleemosynæ collectiones et collationes λογίζε vocavit Apostolus, I Corinth. XVI, 1 et 2. Utraque significatio hic locum habet, hortaturque Apostolus Corinthios tam ad ultroneam et hilarem (quod significat benedictio), quam ad uberem et liberalem λογίζε, sive collationem eleemosynarum. Docet hic Apostolus quo animo danda sit eleemosyna, nimirum alacri et liberali, non coacto, constricto, avaro et sordido.

6. QUI SEMINAT IN BENEDICTIONIBUS (id est, largiter et liberaliter, ut scilicet multas benedictiones, id est beneficentias, quasi semina in pauperes effundat, hic easdem) METET. — Deus enim, qui sibi factum putat quod pauperibus fit, non sinit se liberalitate nostra vinci, sed in liberales longe liberalior est, redditque eis majori copia bona tum corporis, tum animæ.

Nota duplicem hebraismum. Primo, εὐλογία hebraice ברכה beracha, id est benedictio, significat beneficentiam; et in plurali benedictiones significant multas et copiosas beneficentias : has enim opponit paucitati, sive parce seminanti. Sic Axa, Josue XV, 19, patri Caleb dicit : « Da mihi benedictionem; » eamque explicat subdens : « Terram Australem et arentem dedisti mihi, junge et irri-

Liberalis eleemosyna est benedictio.

Magni fructus et fœnora eleemosynæ.

guam. » Sic Abigail, I *Reg.* xxv, 27, offerens sua dona Davidi : « Suscipe, inquit, benedictionem hanc, quam attulit ancilla tua. » Sic Jacob, *Genes.* cap. xlix, vers. 25, Joseph filio suo imprecatur dicens : « Benedicet tibi Deus benedictionibus cœli desuper, benedictionibus abyssi jacentis deorsum, benedictionibus uberum et vulvæ. »

Tres causas ob quas eleemosyna vocatur benedictio. Atque hæc causa est, quam hic innuit Jacob, quare Hebræi beneficentiam vocent *benedictionem*. Quia nimirum sermone pio imitari et significare volunt Dei beneficentiam, quæ omnis nostræ beneficentiæ fons est et origo, ab ejusdem benedictione promanare : Dei enim benedicere est efficax, idemque in re quod benefacere, adeoque Deus solo dicto et jussu suo nobis bona cuncta largitur. Secunda causa est, quod Patriarchæ et prisci fideles, uti et Eremitæ aliique Sancti novi Testamenti, sua dona cum fausta appreciatione et benedictione communicarent; unde ea vocabant *εὐλογίας*. Tertia causa est, quod suavius et mollius tam dando quam petendo donum quodvis vocetur *benedictio* potius quam beneficentia. Sic enim et petentes et dantes donum suum modeste extenuant. Unde pauperes honesti eleemosynam petentes quasi rem facilem et exiguum, vulgo petunt benedictiones, et divites vicissim eam dantes quasi rem parvam, vocant pariter benedictionem. Addit Theophylactus, hac voce Paulum incitare ad eleemosynam hilarem, *q. d.* Benedictio est quod das : benedictio, inquam, tam pauperis quam tua. Nemo autem benedictionem dans contristatur, sed hilariter eam impertit.

Secundus hebraismus pariter et græcismus est, cum ait *ἐν εὐλογίαις, in benedictionibus*, vel beneficiis, id est valde benefice, vel beneficentissime : Græcum enim *ἐν* cum nomine pro adverbio ponitur, ut *in justitia*, id est juste; *in sanctitate*, id est sancte.

Nota secundo : Apostolus hic alludit ad *Prov.* xii, 9, ubi dicitur : « Qui pronus est ad misericordiam, benedicetur, *q. d.* Qui parce seminat, parce et metet; » et e contrario, qui benefice seminat, benefice et metet. Idem suadet Sapiens, *Eccles.* xi, 4 : « Mitte, inquit, panem (eleemosynam) tuum super transeuntes aquas, » id est pauperes, qui in hac vita viventes præterfluunt ut aquæ, II *Reg.* xiv, 14, « quia post tempora multa invenies illum, » *q. d.* Semina eleemosynam, ut metas ejus fructus : atque licet pauperes sint, aut videantur fore ingrati vel impotentes ad reddendum, ut beneficium tuum in eos quasi in aquas jactum ac proinde perituum videatur; benefac tamen eis, quia ingens et certa ab eisdem, vel certe a Deo tibi merces reddetur. « Da partem septem (id est multis), nec non et octo (id est pluribus), » *q. d.* Da multis, imo multo pluribus, da tot pauperibus quot potes, « quia ignoras quid futurum sit mali super terram, » a quo scilicet per eleemosynam poteris te liberare. *Eccles.* xi,

3 : « Si repletæ fuerint nubes, imbrem super terram effundent, » *q. d.* Uti nubes fecunda copiosam effundit pluviam : pari modo oportet ut cor plenum uti divitiis, ita et charitate, magnas et multas eroget eleemosynas. Ita Olympiodorus, Gregorius Neocæsariensis et Vatablus in illum locum.

Nota tertio, verba « seminat » et « metet, » *q. d.* Eleemosyna, uti et alia bona opera sunt semen, quod producit messem gratiæ, imo et bonorum temporalium, ut explicat vers. 8 et 10. Unde inferas contra Calvinum, bona opera efficere et mereri præmium; semen enim virtute sua naturali producit fructum et messem : ergo et eleemosyna vere parit præmium, non physice, ut patet, ergo meritorie.

7. UNUSQUISQUE PROUT DESTINAVIT IN CORDE SUO, NON EX TRISTITIA (quam parit avarus animus), AUT EX NECESSITATE — consulendi suæ famæ et pudori, *q. d.* Quisque det sponte quod vult, non inductus et quasi coactus mea vel Titi auctoritate; non quia pudet eum minus aliis dare, ut suo honori consulat.

HILAREM ENIM DATOREM DILIGIT DEUS. — Citat *Prov.* xxii, 8, juxta Septuaginta. Pro *diligit* editio Septuaginta Caraffæ legit, *εὐλογῶ, benedicit*. De hilaritate vide dicta *Rom.* xii, 8. Pulchre S. Augustinus in *Psal.* xlii : « Si panem, inquit, dederis tristis, et panem et meritum perdidisti. » Idem, *serm.* 43 : « Si bona semina sunt bona opera, quare seminantur cum lacrymis? » Et D. Chrysostomus, tom. IV, homil. in dictum Pauli, *Oportet hæreses esse* : « Si alacriter, inquit, demus, duplex erit eleemosyna » et quia damus, et quia hilariter damus. » S. Gregorius quoque, lib. *Moral.* XXI, cap. xi, exponens illud Jobi, *Si negavi quod volebant pauperibus, et oculos viduæ expectare feci* : « Petentem, inquit, viduam expectare noluit, ut non solum ex munere, sed ex celeritate quoque muneris bonorum operum merita augeret. » Unde, *Proverb.* iii, 28, scriptum est : « Ne dicas amico tuo : Vade et revertere, cras dabo tibi, cum statim possis dare. » Et *Eccles.* xxxv, 41 : « In omni, inquit, dato hilarem fac vultum tuum. » Hilari ergo animo, non tristi, non torpido, non tardo, danda eleemosyna; itaque imitabimur Deum, qui hilariter sua bona communicat et effundit.

Charites, seu Gratias, deas pingunt Ethnici veluti tres sorores, mutuo se amplectentes, alio respectantes. Qua pictura significabant dona quomodo sint distribuenda. Prima appellatur Aglaia, generositatem significans : melius est enim dare quam accipere. « Nam beneficium qui accipit, libertatem vendit, » ait P. Syriminus. Secunda Thalia nuncupatur, id est in medio florens cursu. Tertia autem Euphrosyne, gaudium indicans. Lætatur enim in beneficiis, qui dat, et qui accipit. « Hilarem quippe datorem diligat Deus. » Vide Senecam, *De Beneficiis*.

Bona opera contra Calvinum merentur præmium. Vers. 7.

Hilaritate danda eleemosyna.

Ingens merces eleemosynæ etiam ingrato et immerenti data.

Vers. 8. 8. POTENS EST AUTEM DEUS OMNEM GRATIAM ABUNDARE FACERE IN VOBIS. — Occurrit objectioni. Dices, inquit, mihi : Si multa dederò, fiam pauper, non potero deinceps domesticis aliisque magis indigentibus succurrere. Ita Theophylactus. Huic respondet Apostolus : Ne id metuas ; crede et spera in Deum, qui « potens est omnem gratiam (id est, ut Syrus, *beneficientiam*) abundare facere in vobis, » ut semper sufficientiam bonorum habeatis, ex qua abundetis in omne opus bonum, ut scilicet assidue, continue et abunde facere possitis eleemosynas, aliisque et aliis benefacere, q. d. Deus eleemosynarios ditare potest, et assidue ditat, cum eis continuo sufficientia bona suggerit et tribuit, ut habeant semper quod erogent, sicque in beneficentia abundant. Id verum esse docet experientia, et patet vers. 10.

Respondetur objectioni avarorum contra eleemosynas.

Ubi nota : *Tò potens est facere*, non tantum potentiam Dei, sed et actum significat, q. d. Deus potens est facere, et faciet « abundare vobis gratiam et sufficientiam in vobis, » uti exponit vers. 10; est enim *mīōis et metalepsis*. Sic *dicere solet duci belli* : Vade, bellum confice, nulla parce cunctibus, ego potens sum et eos ferre, et te ditare, id est, ego eos feram, et te insuper ditabo ac promovebo.

Nota secundo : In Græco pulchre et emphatice Paulus ludit in verbo *πᾶς*, illud duplicando, imo triplicando, *ἢνα ἐν παντί πάντες πᾶσαν αὐτάρκειαν ἔχωμεν*, ut in omni, scilicet negotio, omni tempore, omnem sufficientiam habentes, q. d. Non in aliqua, sed in omni necessitate ; non aliquo, sed in omni tempore occurrente ; non aliquam, sed omnem sufficientiam, ex qua abunde cuius succurratis, dabit vobis Deus.

Nota tertio : Non dicit, ait Theophylactus, abundantiam vel exuberantiam ; sed *αὐτάρκειαν*, id est sufficientiam, habebitis ; *αὐτάρχεια* est sufficientia, qua quis sibi suisque sufficit. Vel secundo, qua quis sua sorte contentus, sibi que ac suis sufficiens plura non desiderat. Sic Deus solus proprie dicitur *αὐτάρκης*, ut qui nullo egeat, et totus in seipso acquiescat : talis est eleemosynarius. Avarus contra insatiabilis est : nam quo plus sunt potest, plus sitiuntur aquæ, sic et divitiæ. Hinc semper avarus eget. *Αὐτάρχεια*, id est sufficientia, inquit Clemens, lib. II *Pædag.*, cap. XII, est virtus per quam contenti sumus ; sive, est habitus contentus rebus iis quibus oportet, et qui per se ea acquirit quæ ad beatam vitam conferunt. Unde Hippas (teste Suida verbo *Hippias*) finem bonorum constituerebat *αὐτάρκειαν*, id est animum sua sorte contentum. Quin et Epicurus dicere solebat : « Sufficientia res est omnium ditissima, » uti narrat Clemens Alexandrinus, lib. VI *Stromatum*. Quo sensu dixit Cicero, *paradoxo* 1, « virtutem ad beate vivendum seipsa contentam esse. » Et Socrates apud Platonem, dialogo 3 *De Legibus*, ita precatur et optat : « Tantum mihi sit auri, quantum ferre queat non alius quam vir temperans. » De

Deus solus αὐτάρκης, avarus insatiabilis.

Αὐτάρχεια, finis omnium bonorum omniumque ditissima.

hac sufficientia plura dicam I *Timoth.* VI, 6, et *Philipp.* IV, 11.

9. SICUT SCRIPTUM EST (*Psal.* CXI, 9) : DISPERSIT, Vers. 9. — scilicet ubique, omni necessitate, loco, tempore, vir misericors (qualis fuit S. Laurentius, uti de eo canit Ecclesia) sua bona et suas eleemosynas : sicut qui seminat, undique spargit suum semen. Vult enim Apostolus probare quod Deus in eleemosynariis faciat abundare omnem gratiam, id est beneficentiam, et ad illam det omnem sufficientiam, uti præcessit. Id probat, quia ex hac sufficientia eleemosynarius « dispersit, » id est, undequaque sparsit et spargit, suum eleemosynæ semen, non in convivas, non in venses, sed in pauperes. Unde Oecumenius : Verbo *dispersit*, inquit, significat exuberantiam eleemosynæ. Secundo, ita « dispersit, » uti tamen non abjecerit aut perdidit, quia, ut sequitur :

JUSTITIA EJUS MANET IN SÆCULUM SÆCULI. — « Manet, » scilicet in Dei memoria et æterna mercede, quasi segete et messe. Sicut agricola dum spargit semen, non perdit illud, sed terræ mandat, ut cum fœnore decuplum recipiat. Immortalis ergo est eleemosyna, et eleemosynarium immortalis gloria beat. Unde et subjicit : « In memoria æterna erit justus, ab auditione mala non timebit, et cornu ejus, » id est dignitas, robur, ut ait ibidem Theodoretus, ac potentia ejus, « exaltabitur in gloria, » id est gloriose accrescet indies, usque dum summe exaltetur in gloria cœlesti.

Eleemosyna est immortalis.

JUSTITIA. — Id est, beneficentia ejus non perit, sed manet coram Domino, ut eam remuneretur præmiis et præsentibus et æternis. « Mercatura et negotiatio, cœlum est : da panem, et accipe paradisum ; parva da, et magna suscipe ; da mortalia, et recipe immortalia, » ait S. Chrysostomus, homil. 9 *De Pœnitent.*

Nota, in Scriptura eleemosynam ; quæ est actus misericordiæ, vocari « justitiam, » tum quia magna pars est justitiæ generalis, quæ est complexio omnium virtutum ; tum quia justitiæ et sanctitatis indicium est : sancti enim sunt misericordes ; contra, « viscera impiorum crudelia, » inquit Sapiens, *Proverb.* XII, 10. Tertio, quia ad justitiam disponit, eam meretur (primam quidem de congruo, secundam autem, hoc est, augmentum justitiæ, de condigno), conservat et auget. Unde solis misericordiis Christus dat coronam justitiæ, *Matth.* XXV, 35. Hinc duris et obstinatis in malo suadenda est quasi ultimum remedium eleemosyna, uti Daniel superbo Nabuchodonosori suasit : « Peccata tua eleemosynis redime, » *Dan.* IV, 24.

Eleemosyna cui vocetur actus justitiæ ?

10. QUI AUTEM ADMINISTRAT SEMEN SEMINANTI, Vers. 10. ET PANEM AD MANDUCANDUM PRÆSTABIT, ET MULTIPLICABIT SEMEN VESTRUM. — Occurrit secundæ objectioni ortæ ex versu psalmi jam citato : « Dispersit, etc., justitia ejus manet in sæculum, » etc., q. d. Objiciet rursum aliquis ex illo versu psalmi : Bene probas, Paule, eleemosynam manere in

Nen de-
paupe-
rantur
qui lar-
gas dant
eleemo-
synas.

mercede cœlesti; sed nondum video, quomodo inde probes nos per eleemosynam non fore depauperandos; manet ergo prior objectio nostra: Si largam dem eleemosynam, flam pauper, nec potero aliis deinceps succurrere. Huic respondet, contrarium tacite significari et educi ex eodem versu psalmi citato: sicut enim herus, qui colono suo semen administrat, ut suum agrum seminet, eidem panem ad manducandum præstat; et in messe, cum messis eum facit participem, multiplicat ei semen, id est grana seminata, ut pro uno modio quem seminavit, tres recipiat, quos rursum seminare possit, ut rursus longe plura in messe recipiat, et ita deinceps seminando semper amplius, semper longe plus metat: ita multo magis Deus, qui eleemosynariis dat bona quæ dispergant in pauperes, dabit et panem cæteraque vitæ necessaria; insuper et multiplicabit semen, id est bona, quæ rursum seminent et dispergant in pauperes: est enim Deus quasi herus noster; nos, coloni ejus; ager Dei, sunt pauperes; semen, eleemosyna. Deus itaque nos quasi colonos suos vult hoc semen, id est eleemosynam, in hunc agrum, hoc est in pauperes, dispergere; multo ergo magis dabit nobis ipsis alimoniam et messem, id est bona, quæ rursum et assidue in hunc agrum vult seminari. Notent hic divites opes sibi datas a Deo quasi semen, quod assidue in pauperes disseminant, non ut iis arcas impleant, vel in vestium, domorum ac conviviorum luxum profundant. « Est liberale officium, inquit Cicero, serere beneficium, ut possis metere fructum. »

Tiberium Imperatorem Christianum ab eleemosyna mire laudat Gregorius Turonensis, lib. V *Hist. Gallic.*, cap. xxxix, ejusque ait fuisse hanc vocem Imperatore dignam: « Non deerit fisco nostro, tantum pauperes eleemosynam accipiant, aut captivi redimantur. Hic est enim magnus thesaurus, dicente Domino: Thesaurizate vobis thesauros in cœlo. Ergo de quo Deus dedit, congregemus per pauperes in cœlo, ut Dominus nobis augere dignetur in sæculo. » Hinc Deus ejus opes mire adauxit: cum enim crucem in pavimento sculptam, ex veneratione attolli juberet, ingentem sub ea reperit thesaurum, in quo erant plus quam mille auri centenaria. Cumque inde copiosius solito largiretur pauperibus, Deus alium majorem thesaurum a Narsete, duce Italiæ, olim paratum, ei dedit. Inventus fuit in cisterna quadam, quam, dum effodiunt, tantum auri argentique reppererunt, ut per multos dies vix evacuari posset. De hoc thesauro lege Baronium, tom. VII, anno Christi 582, num. 6 et 7.

PRÆSTABIT.—Græce est *χορηγῆσαι*, *πληθύναι*, *αὐξήσαι*, quod Theophylactus, Erasmus et Vatablus vertunt per optativum, *præstet*, *multiplicet*, *augeat*; Noster cum Syro verlit in futuro *præstabit*, *multiplicabit*, *augebit*, idque melius; nam vult eis metum eximere paupertatis, ut dixi: hunc autem

nemo eximet optando, sed asserendo et promittendo panem, semen et fruges. Videtur ergo Noster legisse *χορηγῆσαι*, *πληθύνει*, *αὐξήσει*, in futuro; aut, ut Erasmus, intellexit *μεδίαι*, futurus est præstare, id est, *præstabit*; vel potius, ut Vatablus, respicit ad *δυνατός*; δὲ ὁ Θεός; vers. 8, ut idem hic repetendum relinquat, *q. d.* « Potens est Deus » *χορηγῆσαι*, *πληθύναι*, *αὐξήσαι* (qui sunt infinitivi) *præstare*, *multiplicare*, *augere* semen vestrum, etc.

MULTIPLICABIT SEMEN VESTRUM, — id est bona temporalia. « Sicut enim semen, ait Basilius, hom. 13 *De eleemosyna*, in terram jactum fructum fert centuplum: ita et eleemosyna data pauperi. Si ergo, ait, unus tantum tibi sit panis, et ad fores rogatur, deprome illum, et tollens manus in cœlum dic: De modico do fratri, et tu, Domine, da mihi periclitanti; nec dubita, quin panis, quem in hac dabis penuria, agriculturæ semen ad copiam ministrabit. » Idem Basilius in illud *Luc. XII*, *Da pauperibus de fructu domus vestrae*, ait, *pauperes concutimus et exaltamus, et copiosiores et pulchriores facimus*; *quantum vero et quieti, facile putent: sic et opes multipliciter fructus sunt, translate in pauperes*. Idem eodem modo similitudine confirmat Clemens Alexandrinus, lib. III *Pædagogi*, cap. VII, qui et aliam adhibet uberum similitudinem: Sicut, inquit, ad ubera quæ suguntur, vel mulgentur, lac solet confluere: ita et opes confluent ad eos qui erogant illas.

Idem docet S. Cyprianus, tract. *De Opere et Eleemosyna*, additque optimam hæreditatem, quam parentes liberis relinquunt, esse eleemosynam; et quo plures sunt filii, eo majorem faciendam eleemosynam; idque probat exemplo viduæ Sa reptanæ, III *Reg. XVII*; *Tobiæ IV*, 7. Hinc Sapiens ait, *Proverb. XXVIII*, 27: « Qui dat pauperi, non indigebit; qui despiciit deprecantem, sustinebit penuriam. » Et David, *Psal. XXXVI*, 26: « Tota die miseretur et commodat, et semen illius in benedictione erit. »

Exempla sunt plurima et stupenda apud Leon-
tium in *Vita S. Joannis Eleemosynarii*, qui cum Tito Imperatore diem se perdidisse deflebat, quo non dedisset eleemosynam. « Et si totus, ait, orbis veniret Alexandriam, non arctaret nostram et liberalitatem et opes; » idque didicit ex visione quadam virginis, id est misericordiæ, quæ Deo astans omnia ab ipso visa est sibi impetrare. Hinc sanctus hic Joannes, cum non haberet quod erogaret, suo eleemosynæ studio non raro per miraculum stannum et mel in aurum mutabat, et quo plus dabat, eo plus ei offerebatur quod erogaret, adeoque tam ipse cum Deo, quam Deus cum ipso de liberalitate decertare videbatur. Tandem moriens cum dimidium nummi illi restaret: « Hoc, ait, fratribus ac dominis meis, meis pauperibus, dari jubeo, ut totum Christo reddam. »

Sic Sophronius in *Prælo spiritali* (qui liber citatur et laudatur in Synodo Nicena II generali actione 4), cap. CLXXXV, narrat marito cuidam rem

Eleemo-
syna di-
tat, et
opes
confluent
ad eos
qui ero-
gant
illas.

Exempla
eorum
qui non
depaue-
rati, sed
ditati
sunt
dando
eleemo-
synas.

suam augere volenti consilium ab uxore datum, ut id quod habebat in pauperes erogaret : fore enim ut cum lucro illud reciperet. Hoc ipse secutus solidos suos distribuit in egenos, et pro quinquaginta recepit trecentos.

Pulchrius vero exemplum habet idem Sophronius, cap. cxcv, de Evagrio philosopho, qui cum audisset in ecclesia, certuplum dari in cœlo pro eleemosyna, libras sexaginta dedit Synesio Episcopo distribuendas pauperibus, accepta ab eo syngrapha quod pro una centum in cœlo esset accepturus, jussitque moriens filiis, ut syngrapham hanc manui suæ dum sepeliretur insererent. Quo facto die tertio a morte apparuit Evagrius in somniis Episcopo dicens : Vade ad sepulcrum meum, et recipe chirographum tuum, nam debitum omne recepi, imo centuplum a Christo et a te promissum. Mane Episcopus cum clero ivit ad sepulcrum, ex manu Evagrii syngrapham accepit, cujus hic erat tenor : « Evagrius philosophus Episcopo suo. Noluim te, pater, ignorare quod pecuniam omnem quam tibi vivens dedi, centuplicatam, sicut promiseras, recepi : quare nulla debiti ratione mihi astringeris. »

Similia sunt in Vita S. Lidiuinae, et aliorum sanctorum. Hinc Chrysostomus : « Eleemosyna, ait, dicitur semen, quia non est sumptus, sed relictus. » Quod probe intellexisse credibile est S. Deusdedit, qui, ut refert Martyrologium Romanum, 10 die augusti, cum ipse inops esset, tota tamen hebdomada quæstum omnem, quem fecerat labore manuum suarum, erogabat in pauperes die sabbati, spe relictus illius cœlestis adipiscendi.

« Si prolixe tuæ curam geris, relinque eis chartulam scriptam (bona scilicet pauperibus testamento relicta) in qua Deum debitorem habes, » inquit S. Chrysostomus. Cujus rei exemplum illustre exstat in Sophronio, cap. cci, de nobili quodam patricio Constantinopolitano, qui moriens bona sua relinquens pauperibus, filio dedit curatorem Christum; nec spes eum fefellit : Christus enim filio nobilem et divitem æque ac piam sponfam procuravit. Et homiliam 33 ad Populum Chrysostomus scripsit hoc titulo : « Quod eleemosyna est ars omnium quæstuosissima. » Si vis ergo fœnerari, fœnerare Deo dando eleemosynam, quia, ut scriptum est Prov. xix, 17 : « Fœneratur Domino, qui miseretur pauperis, et vicissitudinem suam reddet ei. »

ET AUĞEBIT INCREMENTA FRUGUM JUSTITIÆ VESTRÆ, — augebit proventus justitiæ et charitatis vestræ, scilicet dabit incrementum gratiæ hic, et gloriæ in cœlo. Ita Theophylactus. *Fruges* enim intelligit divinæ et æternæ remunerationis, ait Anselmus. Triplicem enim eleemosynæ fructum hic videtur assignare Apostolus. *Primum*, cum ait : « Panem ad manducandum præstabit; » *secundum*, cum subdit : « Et multiplicabit semen (opes) vestrum; » *tertium*, spiritalem, cum concludit : « Et augebit

incrementa frugum justitiæ vestræ. » Hoc sensu S. Anselmus (ut refert Edinensis in ejus Vita), cum Cantuariensium urbem ingressus ad visitandum Lanfrancum Archiepiscopum, magno honore et amore a civibus exceperetur, eis charitatis laudem et meritum explicans et rependens dixit, « eos qui charitatem faciunt, aliquid majus habere quam is cui charitas fit et exhibetur. Hic enim, inquit, recipit aliquid temporale tantum; illi vero recipiunt spiritalia, et æternas gratias a Deo expectant. » Hoc significat Christus illo suo apud mundanos divites paradoxo, cum ait : « Beatus est magis dare quam accipere, » Actor. xx, 35.

Secundo, idem Anselmus simpliciter hic accipit fruges bonorum temporalium, q. d. Deus fruges et opes vestras crescere faciet, ut semper magis ac magis eleemosynam dare sufficiatis, et augebit incrementa frugum justitiæ vestræ. Id est multo abundantiora dabit incrementa frugibus, quas promeretur justitia vestra; justitia enim est, ut quia Deus homini dat, retribuatur ex eo homo et det illi cui deest, et quia vos hujusmodi justitiam servatis, ut, sicut Deus vobis non habentibus tribuit, ita et vos aliis qui non habent tribuatis, idcirco divinitus augeantur incrementa frugum vestrarum. Hinc recte eleemosyna dicitur *semen*, quia semel eam seminans bis metet, in hoc scilicet sæculo, temporalium; in futuro cœlestium bonorum copiam. Hactenus Anselmus et recte : videtur enim Apostolus explicare quod dixit, « multiplicabit semen vestrum, » illudque inculcare, quod scilicet eleemosyna dantem non depauperet, sed ditet, ut omnem paupertatis timorem, qui passim homines ab eleemosyna avertit, quemque passim concionatoribus et monitoribus objiciunt, ex animis Corinthiorum omniumque Christianorum evellat.

Ubi tamen nota : Simplicius *fruges justitiæ* hic intelliguntur fruges beneficentiæ, sive natæ ex beneficentia, videlicet opes, quas beneficis Deus quasi messem seminantibus reddit. Incrementa enim frugum non sunt aliud quam seges et messis quæ ex semine jam dicto succrescit. Cum ergo clarum sit Apostolum dum dixit : « Multiplicabit semen vestrum, » per semen intellexisse opes in pauperes erogandas; clarum quoque esse videtur, dum mox subdit : « Et augebit incrementa frugum justitiæ vestræ, » eum per hoc non aliud intelligere quam segetem et messem similium opum, bonorum temporalium, ex semine eleemosynæ Dei nutu succrescentem. Quale enim est semen, talis est et seges, sive messis. Hanc enim semini quasi correlativam opponit Apostolus; perinde ut merces merito opponitur et correspondet. Atque hic videtur esse genuinus sensus et mens Apostoli; idque patet tum ex jam dictis, tum ex eo quod hoc, ut dixi, respondeat objectioni avavorum, qui se ab eleemosynis excusant, quod per eam redigendi sunt ad paupertatem bonorum

Eleemo-
synam
seminans
bis me-
tet.

Quænam
hic vocet
Apostolus in-
crementa
frugum?

Eleemo-
syna ars
omnium
quæstuo-
sissima.

Triplex
eleemo-
synæ
fructus

non spiritualium, sed temporalium : unde contra eos assertit hic Paulus, eleemosynam non depauperare, sed potius eos qui eam dant, ditare bonis temporalibus ; tum denique ex eo quod de bonis spiritualibus quæ affert eleemosyna, jam egerit vers. 8 et 9, eaque rursum resumat vers. 11, ut patebit ibidem ex Græco. Idem clarius significant Græca hoc versu : καὶ πληθύναι τὸν σπέρμα ὑμῶν, καὶ αὐξήσαι τὰ γενήματα τῆς δικαιοσύνης ὑμῶν, *multiplicabit semen vestrum, et augebit fruges, vel fructus, justitiæ vestræ* : γένημα enim est fructus, qui a justitiæ, id est beneficentiæ, semine generatur, semen scilicet ipsum in messe cum fenore auctum et redditum, dum pro uno seminato semine viginti aut triginta succrescunt et renascuntur. Idem ergo in eleemosyna solere Deum facere, et rependere docet hic Paulus.

Nota secundo : Alludit ad divitum possessiones et latifundia, q. d. Beneficentia est quasi ager et prædium fertilissimum, quod eleemosynariis copiosas et perennes fruges profert et progerminat ex semine suæ eleemosynæ. Primo enim dat panem, id est victum, eleemosynario ; secundo, multiplicat semen, id est opes seminandas in pauperes ; tertio, auget insuper incrementa frugum, dando copiosam messem et opes, quibus eleemosynarius in se suaque familia et statu accrescat et locupletetur. Hæc enim tria herus temporalis præstat colono suo fideli et sedulo : multo ergo magis eadem præstabit Deus eleemosynario, qui est quasi Dei colonus, ut dixi supra.

Eleemosynarius est Dei colonus.

Vers. 11. 11. UT IN OMNIBUS LOCUPLETATI ABUNDETIS. — Tò ut non est in Græco, sed tantum ἐν παντὶ πλουτίζομενοι, *in omnibus locupletati*, quod referendum est et connectendum cum vers. 8 (versum enim nonum et decimum quasi per parentheses interjicit Apostolus), q. d. Ut abundetis in omne opus bonum, πλουτίζομενοι, *locupletes et copiosi*, abundetis, inquam, « in omnem simplicitatem. » Simile hyperbaton est cap. VIII, vers. 20, et cap. IX, vers. 4. Vide Can. 38.

SIMPLICITATEM (candidam liberalitatem, ita Chrysostomus. Vide dicta cap. VIII, vers. 2) QUÆ OPERATUR PER NOS GRATIARUM ACTIONEM DEO. — q. d. Hæc vestra simplicitas et liberalitas facit, ut ego, omnesque mei, imo et Christiani, apud quos eam deprædico, gratias agant Deo, quod vobis tam pium misericordiæ affectum indiderit.

Vers. 12. 12. QUONIAM MINISTERIUM HUIUS OFFICII NON SOLUM SUPPLET EA QUÆ DESUNT SANCTIS, SED ETIAM ABUNDAT PER MULTAS GRATIARUM ACTIONES IN DOMINO. — « Ministerium huius officii, » administratio scilicet huius collectæ eleemosynarum ; græce est ἡ διακονία τῆς λειτουργίας, hoc est diaconia huius liturgiæ : quasi in hoc officio, id est in collecta eleemosynarum, sit liturgia, id est Missæ sacrificium, scilicet mysticum, in quo Corinthii quasi offerentes victimam eleemosynæ, sint sacerdotes ; altare, sint pauperes ; sacrificium, sit eleemosyna ; Paulus, sit diaconus, hoc est, minis-

Eleemosynam dans offert Deo sacrificium.

ter exhortans, procurans, colligens, deferens, distribuens eleemosynam, per quem omnes tum pauperes eleemosynam recipientes, tum divites eam dantes, Christique gratiam et spiritum videntes et collaudantes ; excitentur ad gratiarum actionem in Domino, id est apud Dominum. « Quoniam dum gratiarum actio ad Deum pro eleemosynis atque operationibus nostris pauperum oratione dirigitur, census operantis Dei retributione cumulatur, » ait S. Cyprianus ; tract. *De Opere et Eleemosyna*. Ita Chrysostomus, qui in morali hom. 20 : « Cum vides, inquit, pauperem, corpus Christi, aram Christi te videre puta, et reverere, ac eleemosynæ sacrificium offer, ex quo gloria et gratiarum actio quasi fumus ascendat ad Deum. » Sic eleemosyna est εὐχαριστία, id est gratiarum actio, et sacrificium Eucharisticum non proprie dictum, ut patet, sed metaphoricum et mysticum : sic prædicationem Evangelii et Gentium conversionem vocat sacrificium, ut dixi Rom. xv, 16. Hinc pulchre Nazianzenus, orat. *De Cura Pauperum* : « Nulla, inquit, ex omnibus re Deus perinde ac misericordia colitur : quoniam nihil aliud tam peculiare est Deo, quam illa, utpote ante quem misericordia et veritas gradiuntur. » Mox idipsum probat exemplo Christi, qui factus est pauper, ut nos ejus deitate locupletemur. Deinde ostendit nos per misericordiam Deum imitari, et quasi deos fieri. « Fias, inquit, infortunato Deus, misericordiam Dei imitando. Nihil enim adeo divinum habet homo, quam benefacere. Discas ergo viscera aperire indigentibus. Da pro magno promptitudinem (si nihil aliud habes), vel lacrymulam. Magnum enim remedium afflicto est misericordia. »

13. PER PROBATIONEM MINISTERII HUIUS. — q. d. Vers. 2. Dum probant et collaudant homines hoc pium ministerium eleemosynarum, excitantur, ut Deum Christumque glorificent, eique gratias agant, utpote cujus lex et gratia hanc vobis Christianis eleemosynam suavit et persuasit. Secundo, sic accipi potest : « per probationem, » id est explorationem et experientiam, et hoc etiam significat Græcum δοκιμή, q. d. Dum probant et experiuntur vestram charitatem et eleemosynam, quam eis ministramus, tunc Deum glorificant.

GLORIFICANTES, — dum glorificant Deum ; est hebraismus : participium ponitur pro præsentii, juxta Can. 29, et intelligitur *Deum*. Hebræi enim sæpe litteras serviles, adverbium et conjunctiones subaudiunt.

IN OBEDIENTIA CONFSSIONIS VESTRÆ, IN EVANGELIO CHRISTI. — Est hypallage, pro in confessione obedientiæ vestræ, q. d. Glorificant Deum, quia vos factis et eleemosynis confitemini et profitemini obedientiam erga Evangelium Christi, id est vos obedire Evangelio, præceptis scilicet et consiliis Christi, qui tantopere suadet et præcipit charitatem et misericordiam. Ita Chrysostomus. Secundo, si quis proprie, eoque ordine quo posita

Obedit Evangelio et consiliis Christi, qui dat eleemosynam.

sunt, verba hæc accipere velit, sensus erit : glorificant Deum in obedientia vestra, qua confitemini et profitemini Evangelium Christi. Unde Syrus, *glorificant Christum quod subditi sitis confessioni Evangelii Christi.*

Nota hebraismum, « in Evangelium, » id est erga Evangelium, vel Evangelii. Hebræum enim *bet*, id est *in*, sæpe ponitur pro regimine genitivi.

ET SIMPLICITATE COMMUNICATIONIS IN ILLOS, ET IN OMNES. — *q. d.* Non solum in obedientia vestra glorificant Deum, sed etiam in eo quod vos simpliciter, id est tam candide et liberaliter, communicatis vestra bona ipsis, omnibusque aliis egentibus. Quid sit simplicitas, dixi cap. VIII, vers. 2 (1).

(1) Vers. 13 : Laudabunt enim Deum propter hoc munus (probatio hic est id, quod experientia facta cognoscitur), quod nempe (hac vestra liberalitate) obedientiam erga religionem publice declaraveritis, et quod sincere consentiatis (in religionis professione) cum iis (in quos liberales estis), et cum omnibus (aliis Christianis). —

14. ET IN IPSORUM OBSECRATIONE PRO VOBIS. — Vers. 14.

Refer ad *glorificantes Deum, q. d.* Pauperes Hierosolymitani, qui vestram eleemosynam recipiunt, dum pro vobis orant et obsecrant, glorificant etiam Deum; sicque « dum gratiarum actio, ait S. Cyprianus, serm. *De Opere et Eleemosyna*, ad Deum pro eleemosynis pauperum oratione dirigitur, census operantis Dei retributione cumulatur. »

DESIDERANTIUM (refer ad *ipsorum*, nimirum pauperum Hierosolymitanorum) vos, — scilicet videre, vobisque frui (2).

15. GRATIAS DEO SUPER INENARRABILI DONO EJUS, Vers. 15. « *Dono* » scilicet charitatis et eleemosynæ vestræ, ex quo tam multa bona, totque Dei laudes undequaque redundant, ut merito dicatur inenarrabile. Vide Chrysostomum (3).

Multi tamen simplicitatem communicationis de liberalitate ingenua et spontanea explicant.

(2) Alii, « desiderantium, » id est impense vos amantium.

(3) Alioli per *donum* hic Christianismum intelligit.

CAPUT DECIMUM.

SYNOPSIS CAPITIS.

Primo, hoc capite et duobus sequentibus, Paulus pro suo Apostolatu apologiam texit contra pseudoapostolos, qui Paulum quasi vilem et abjectum deprimebant, eumque nimis severitatis, audaciæ et insolentiæ accusabant. Hic ergo docet Paulus arma sua non esse carnalia, sed spiritualia, eaque potentissima, utpote quibus tum omnes mundi munitiones, consilia et sapientiam prosternat, tum ulciscatur omnem inobedientiam.

Secundo, vers. 12, pseudoapostolis se opponit, quod illi falso provincias a se obitas et conversas jaclarent, cum ipse verissime plurimas obivisset et convertisset.

1. Ipse autem ego Paulus obsecro vos per mansuetudinem et modestiam Christi, qui in facie quidem humilis sum inter vos, absens autem confido in vobis. 2. Rogo autem vos ne præsens audeam, per eam confidentiam qua existimor audere in quosdam, qui arbitrantur nos tanquam secundum carnem ambulemus. 3. In carne enim ambulantes, non secundum carnem militamus. 4. Nam arma militiæ nostræ non carnalia sunt, sed potentia Deo ad destructionem munitionum, consilia destruentes, 5. et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, 6. et in promptu habentes ulcisci omnem inobedientiam, cum impleta fuerit vestra obedientia. 7. Quæ secundum faciem sunt, videte. Si quis confidit sibi Christi se esse, hoc cogitet iterum apud se, quia sicut ipse Christi est, ita et nos. 8. Nam, et si amplius aliquid gloriatus fuero de potestate nostra quam dedit nobis Dominus in ædificationem, et non in destructionem vestram : non erubescam. 9. Ut autem non existimer tanquam terrere vos per epistolas : 10. quoniam quidem epistolæ, inquiunt, graves sunt et fortes : præsentia autem corporis infirma, et sermo contemptibilis : 11. hoc cogitet qui ejusmodi est, quia quales sumus verbo per epistolas absentes, tales et præsentes in facto. 12. Non enim audeamus inserere, aut comparare nos quibusdam, qui seipsos commendant; sed ipsi in nobis

nosmetipsos metientes et comparantes nosmetipsos nobis. 13. Nos autem non in immensum gloriabimur, sed secundum mensuram regulæ, qua mensus est nobis Deus mensuram pertingendi usque ad vos. 14. Non enim quasi non pertingentes ad vos, superextendimus nos : usque ad vos enim pervenimus in Evangelio Christi. 15. Non in immensum gloriantes alienis in laboribus : spem autem habentes crescentis fidei vestræ, in vobis magnificari secundum regulam nostram in abundantiam, 16. etiam in illa, quæ ultra vos sunt, evangelizare, non in aliena regula in iis quæ præparata sunt gloriari. 17. Qui autem gloriatur, in Domino gloriatur. 18. Non enim qui seipsum commendat, ille probatus est, sed quem Deus commendat.

AGIT CONTRA PSEUDOAPOSTOLOS (1).

Nota hos pseudoapostolos gloriæ Pauli invidis, eamque elevare, et sua eloquentia, jactantia, calumniis obscurare voluisse. Hos fuisse Judæos patet cap. xi, vers. 22; fuisseque lucrari et gloriæ avidos, jactabundos ac importunos homines, patet cap. xi, vers. 20; Christum prædicasse saltem in speciem, patet cap. xi, vers. 4; sed sensim occulte et subdole Judaismum voluisse inducere, et errores suos ac hæreses, patet cap. xi, vers. 3, 12, 13. Tales fuere Cerinthus, Ebion alique judaizantes, qui Paulum quasi legis suæ apostatam dire sunt insectati. Unde et contra Cerinthum toto cap. xv, *epist.* I, resurrectionem fore demonstravit, ut ibi diximus.

Cerinthus et Ebion hæretici Pauli adversarii.

Vers. 1. 1. IPSE AUTEM EGO PAULUS. — *q. d.* Hactenus aliorum, scilicet pauperum personam et negotium egi, jam meum ago, et ex meo affectu loquor.

OBSECO VOS, — ut monita mea et jussa de recta et Christiana vita, quæ præscripsi quasi vester Apostolus, observetis.

PER MODESTIAM (*ἡνικαία*, comitatem, lenitatem, humanitatem) CHRISTI. — Obsecrat per mansuetudinem et lenitatem Christi, ait Theophylactus, ut eam reveantur, ejusque reverentia et amore Paulum obsecrantem amanter audiant, excipiant, obediant. *Secundo*, ut significet se Christi mansuetudinem imitari, non severitatem, *q. d.* Non impero, cum ex Apostolatu id possem, sed obsecro per mansuetudinem Christi, quam imitor, et præ me fero; Christus enim in corripiendis, docendis dirigendisque hominibus, miram ostendit patientiam, clementiam, modestiam, ut cum Matthæum, Magdalenam aliosque peccatores in gratiam recepit, omnem eis culpam et pœnam sine ulla verberum aut verborum asperitate benignissime condonavit.

Modestia et suavitas Pauli in corripiendis peccatoribus.

(1) Incipit jam *tertia* pars hujus epistolæ. Paulus defendit suam agendi rationem et auctoritatem adversus adversarios aliquos, qui ipsi adhuc obtrecebant, epistolæ ejus quidem severas esse concedentes, sed præsentem eum nihil valiturum, nec minis suis re ipsa satisfacturam, vers. 10. Primo igitur Paulus suam mansuetudinem defendit exemplo Christi; deinde ipsis illis amore et modestia planis precibus confirmat, non modo absentem

IN FACIE QUIDEM HUMILIS SUM (quando præsens sum, facie et specie externa humilis et abjectus videor, de quo vers. 10), ABSENS AUTEM CONFIDO IN VOBIS. — Græce *εὐφρων*, liber et audax sum erga vos. Est mimesis; ita enim dicebant, ut vers. seq. colligitur, Pauli detractores pseudoapostoli: Quid tanti facitis Paulum? humilis est, vilis, abjectus homuncio inter vos; Apollo vero et alii longe plus habent gratiæ et eloquentiæ; ipse coram illis comparere non audet; illis comparatus, imperitus videtur et barbarus: quid ergo sibi arrogat, quid præsumit absens, cum tam minaces ad vos mittit litteras, cum ita arguit, imperat, objurgat, excommunicat? Sunt ergo hæc pseudoapostolorum verba, quæ usurpat, repetit et imitatur Paulus, *q. d.* Non sum tam imperiosus, tam audax, tam severus, tam minax, cum absens sum, ut ipsi me, mihi detrahentes, describunt: sed obsecro vos per mansuetudinem Christi. Simile vers. 9 et 10. Ita Chrysostomus.

Pseudoapostolorum in Paulum calumnia.

2. ROGO AUTEM VOS (ut mea monita amanter excipiat, uti vers. præced. obsecravi), NE PRÆSENS (quorundam videns inobedientiam, rebellionem, contumaciam) AUDEAM (audacia ac potestate mea utar, eisque excommunicationem aliamve pœnam spiritualem infligam) PER EAM CONFIDENTIAM (id est libertatem) QUA EXISTIMOR AUDERE IN QUOSDAM, — hoc est, quam putant me insolentius in quosdam exercuisse. Ita Anselmus. Sed Theophylactus Græcum *λογίζομαι* non passive, id est existimor, sed active accipit pro existimo, *q. d.* Cogito et in animum induco audere et audacter punire quosdam malevolos.

Vers. 2.

QUI ARBITRANTUR NOS TANQUAM SECUNDUM CARNEM AMBULEMUS, — tanquam carnaliter vivamus. *Secundo*, et genuine ad mentem Apostoli, tanquam carnalibus mediis, carnali scilicet, humanaque ac politica prudentia, industria, astutia utar, ut, cum non ausim præsens comparere, vel imperare, absens id faciam per audaces et minaces litteras.

Nota: Apostolus secundum carnem ambulare, militare, gloriari dicit eos, qui carnalium et po-

Pulcherrimum

verbis, sed præsentem quoque re ipsa castigaturum esse esse immorigeros, si salus ecclesiæ non possit aliter restitui, vers. 8. Ita fere Rosenmüllerus.

descrip- liticorum hominum more animaliter vivunt, am-
tio qui bulant, gloriantur in specie et apparentia externa,
secun- in rebus et dotibus externis, videlicet in nobili-
dum car- tate, prosapia, eloquentia, gratia, prudentia,
nem am- iisque quasi armis nituntur ad favorem et plau-
balant. sum hominum, ut omnes sibi concilient ac sub-
jiciant; adversarios vero dejiciant, confundant,
supplantent. Patet, quia armis hisce carnalibus
opponit, vers. 4, spiritalia, id est internam ac
spirita- Christum accepit. Sic, cap. seq., vers. 18, ait pseu-
doaposto- los gloriari « secundum carnem, » id
est carnali, externa, humana nobilitate, prosa-
pia, eloquentia, gratia, etc. Sic, cap. v, vers. 15
et 16, dixit se neminem, ne Christum quidem;
nosse secundum carnem. Sic, cap. ii, *epist.* I,
animalem et carnalem philosophorum oratorum-
que sapientiam, Christi et Christianorum, ac ma-
xime Apostolorum spiritali sapientiæ opponit. Sic,
ad Galatas iii, 3, ait: « Sic stulti estis, ut cum
spiritu (id est spiritali doctrina et lege Christi)
ceperitis, nunc carne (hoc est carnali circumci-
sione et lege Mosis) consummemini, » ait Chry-
sostomus.

Vers. 4. Quenam
sint arma
carnalia?
4. NAM ARMA MILITIÆ NOSTRÆ NON CARNALIA SUNT,
— Carnalia vocat, quæ serviunt militiæ aut vitæ
carnali et corporali, ut honores, voluptates, po-
tentia sæculi hujus; hisce enim non sunt usi
Apostoli ut mundum expugnarent, Christoque
subjicerent. Vel potius, ut dixi, « arma carnalia »
sunt artes; scientiæ, rationes, praxes humanæ,
facundia, adulationes, jactantia, simulationes,
affectata gravitas et prudentia, quibus mundi
homines utuntur, ut apud suos sibi auctoritatem
parent, et reverentiam concilient; cum vera et
seria auctoritas sit donum Dei, et non tam do-
nis externis, vel assumpta gravitate, quam vir-
tutis, prudentiæ et sanctimoniam ostensione et opi-
nionem comparatur, ut Paulus et Apostoli sibi eam
compararunt.

SED POTENTIA DEO, — valida et efficacia per
Deum; et, ut Syrus, *ܠܚܝܬܐ chatla*, id est virtus
sunt Dei, quia Deus per ea potenter operatur in
animis audientium, eosque ad fidem convertit,
et prædicationem nostram persuadet, nobisque
et Christo subjicit, et dicto audientes facit, ut
quidquid volumus, dicimus, suademus, eis per-
suadeamus, et ab eis impetremus. Hæc arma, ait
Anselmus, sunt *primo*, vehementia spiritus et zeli;
secundo, efficacia prædicationis, ut Deus videatur
verbis nostris pondus ac energiam indere et in-
flare; *tertio*, sapientia; *quarto*, comitas; *quinto*,
sanctitas; *sexto*, miracula; *septimo*, crebra ora-
tio; *octavo*, pura intentio; *nono*, patientia; *de-
cimo*, charitas, scilicet cum vident homines nos
innocentissimæ vitæ non opes eorum, non hono-
res, sed salutem tantum quærere, idque tot labo-
ribus, impendiis, afflictionibus, quotidiana morte
et martyrio; eisque concionari tanto zelo, tanto
ardore, ut omnes Christum agnoscant eumque et

Patrem glorificent: hisce omnibus quasi telo ef-
ficacissimo in conscientia feriuntur, penetrantur,
vulnerantur, ut cedant credantque nostris dictis,
doctrinis, concionibus. Hisce ergo armis vitia,
diaboli regnum, totumque orbem expugnarunt
Apostoli. Unde patet apostolatam et Evangelii
prædicationem recte vocari militiam. De quo
plura I *Timoth.* i, 18.

AD DESTRUCTIONEM MUNITIONUM. — *Munitio*nes vo-
cat omnes rationes, syllogismos, sophismata, *Munitio-*
eloquentiam, virtutes philosophicas, *nes con-*
potentiam, gratiam, amicitiam et quidquid Gen- *tra Evan-*
tiles ac demones objecerunt et opposuerunt Apos- *gelium*
tolis et Evangelio. Ita Chrysostomus, Anselmus *quænam*
et alii. *sint?*

CONSILIA DESTRUENTES. — Quibus, scilicet armis;
consilia destruimus: hoc enim duplici hebraismo
sæpe utitur Apostolus. *Primo*, ut intelligat He-
bræum relativum *אֲשֶׁר ascher*, id est qui, quæ,
quod, quibus, quos, etc. *Secundo*, ut partici-
pium ponat pro indicativo, « destruentes, » pro
destruimus. Simile vidimus cap. iv, vers. 13, et
hoc cap., vers. 5, 6, 12, 15. Vide *Can.* 20. Nisi
quis referri velit ad *arma*, dicatque esse antipto-
sin, non casus, sed generis masculini pro neutro:
« destruentes » pro destruentia, *q. d.* Arma
nostra potentia sunt, et consilia destruentia. Ve-
rum *tertio*, facillime et planissime hæc referas ad
vers. 3, « non secundum carnem militamus, » *q. d.*
Militamus nos ipsi consilia destruentes, » hoc est
destruendo, ut *et nam arma militiæ*, etc., usque
ad *munitio*num, quasi per parenthesis inseratur,
ad hoc, ut militiæ jam dictæ arma explicet.

Nota: Pro *consilia* græce est *λογισμοί*. Quod
Theophylactus vertit, *syllogismos*, et humanas
Philosophorum rationes; Syrus et Erasmus, *co-*
gitationes; Noster, *consilia*, *q. d.* Nostris armis des-
truimus omnia prudentium hujus sæculi consi-
lia, quibus Evangelium nostrum evertere, suum
gentilismum, suos doctores et philosophos statu-
ere et stabilire, Christoque et nobis præferre
moliuntur.

5. ET OMNEM ALTITUDINEM, — omnem celsitudi- *Vers. 5.*
nem tum sapientiæ humanæ et philosophicæ, tum
magiæ diabolicæ Simonis Magi et similium, tum
nobilitatis et potentiæ, etiam regalis, vel imperia-
lis. Nota: Duas has machinas quasi turres Ethnici
Christo opposuerunt et Apostolis, consilia scilicet,
et altitudinem, quarum illa, callida sua ma-
chinatione, arte, dolo; hæc sublimitate et robore
suo videbatur inexpugnabilis: utraque tamen
Apostolorum armis cessit et expugnata est.

EXTOLLENTES SE ADVERSUS SCIENTIAM DEI. —
« Scientiam, » græce *γνῶσις*, id est cognitionem Dei,
quam attulit et docuit Christus, quamque nos
Christi Apostoli toto orbe docemus, fidem scilicet
de Deo trino et uno, de Dei Filio ejusque incar-
natione; morte, cruce, redemptione.

ET IN CAPTIVITATEM REDIGENTES. — Refer, quem-
admodum et *et consilia destruentes*, ad *militamus*,

Duas ma-
chinas,
quas
Ethnici
Christo
et Apos-
tolis
semper
objece-
rant.

ut dixi vers. 4, q. d. Hac militia nostra vincimus et captivamus omnes hostes nostros. Græce *αἰχμαλωτίζομεν*; πᾶν νόημα εἰς τὴν ὑπακοὴν τοῦ Χριστοῦ, id est, ut Syrus, *captivum ducimus omnem intellectum*, vel ad verbum, *omnem cogitationem ad obedientiam Christi*, ut scilicet omnis cogitatio, omnis intellectus quantumcumque in consiliis versutus, quantumcumque in sapientia altus et sublimis, quasi hostis nostris devictus armis, se dedat obediatque Evangelio Christi.

Nota : Per hoc quod dicit *omnem cogitationem, omnem intellectum*, non vult significare omnes philosophos, sapientes, potentes, qui prædicationem Apostolorum audierunt, fuisse conversos : hoc enim falsum est ; sed quod arma Apostolorum fuerint tam potentia, ut quasvis cogitationes et rationes naturalis intellectus quantumvis artificiosas, quantumvis sublimes, fidei Christi subijcere potuerint, et de facto subjecerint in illis qui hæc arma exceperunt, et in cor ac mentem admiserunt, quique iis conversi sunt. Est ergo commoda acceptio, *omnem intellectum*, id est quemlibet intellectum, quantumvis validum ac sublimem, eorum scilicet, vel in iis, qui ex gentilismo ad christianismum traducti, ex infidelibus fideles facti sunt. Multi enim ex quolibet genere sapientum et oratorum prudentia et sapientia illustres Apostolicis armis captivati Christo credere : quales fuerunt Dionysius Areopagita, Clemens Romanus, Paulus Proconsul, Justinus Philosophus, Athenagoras et alii.

Vers. 6. 6. ET IN PROMPTU HABENTES ULCISCI OMNEM INOBEDIENTIAM. — Dixit Paulus arma sua potentia esse ad debellandum quosvis Ethnicos et sapientes Gentium; hic eadem potentia esse ostendit ad ulciscendum quosvis fideles inobedientes et hæreticos, q. d. Promptum quoque mihi est et facile ulcisci rebellium et pseudoapostolorum, qui mihi detrahunt, inobedientiam, scilicet eos excommunicando.

CUM IMPLETA FUERIT VESTRA OBEDIENTIA. — Nolo enim vos eadem poena involvere; malo ut vos ipsi quæ corrigenda sunt, corrigatis, exspecto ut plene impleatis quod jussi; eosque vindictam differo, donec vos plane correcti et obedientes sitis, tum denique in contumaces illos obtrectatores ostendam et exeram gladium excommunicationis, quem nonnisi in inobedientes et præviis monitionibus rebelles et contumaces exerendum esse; hinc docent Doctores.

Vers. 7. 7. QUÆ SECUNDUM FACIEM SUNT, VIDETE, — videte quæ aperte et manifeste sunt vera vestrisque oculis evidenter subjecta, me scilicet non tantum esse Christi discipulum, sed et Apostolum cum tanta gratiæ efficacia ac potestate, quantam ipsi oculis vestris videtis. Ita Anselmus. Est cataphresis : nam quæ in facie videntur, clare videntur; homines enim per faciem dignoscuntur (1).

8. DE POTESTATE (ulciscendi; puniendi et excommunicandi) QUAM DEDIT NOBIS DOMINUS IN EDIFICATIONEM. — Hinc Concilium Tridentinum, sess. XXV, cap. III, monet gladium excommunicationis sobrie et caute ad ædificationem esse exerendum; alias enim videmus eum magis contemari quam formidari, et perniciem parare potius quam salutem, non excommunicati modo, verum etiam aliorum fidelium totiusque Ecclesiæ (2).

10. QUONIAM QUIDEM, INQUIUNT (mei obtrectatores et pseudoapostoli), EPISTOLÆ (quas ad vos scribit Paulus, o Corinthii) GRAVES SUNT ET FORTE (hoc est duræ et acres, severæ et minaces) : PRÆSENTIA AUTEM (græce ergo legendum *παρουσία* non *παρρησία*, id est *libertas*, ut habent Regia) CORPORIS INFIRMA, — vilis, abjecta, pusilla, contracta. Staturam et figuram Pauli ita Nicephorus, lib. II, cap. XXXVII, ex traditione et priscis imaginibus describit : « Paulus, ait, corpore erat parvo et contracto, atque incurvo, et paululum inflexo, facie candida, annosque plures præ se ferente, capite modico : oculis multa inerat gratia, supercilia deorsum versus vergebant, nasus pulchre inflexus, idemque longior, barba densior et satis promissa, eaque non minus, quam capitis comæ erat respersa. » Unde patet; Paulum parvo et abjecto corpore fuisse. Hinc et Chrysostomus, hom. *De Princip. Apost.*, tom. V : « Paulus, ait, tricubitalis est, et cœlos transcendit. » Lucianus insuper Paulum quasi recalvastrum ridet in *Philopatros*.

ET SERMO CONTEMPTIBILIS, — rudis, inconcinus, inelegans. Vide dicta *epist.* I, cap. I, vers. 1 et 4.

11. HOC COGITET QUI EJUSMODI EST (obtrector, qui jactat de me : « Epistolæ Pauli graves sunt et fortes : præsentia autem corporis infirma; » cogitet hoc), QUIA (id est *quod*) QUALIS SUM VERBO PER EPISTOLAS ABSENS; TALIS SUM ET PRÆSENS IN FACTO.

12. NON ENIM AUDEMUS INSERERE (id est annumerare) AUT COMPARARE NOS QUIBUSDAM, QUI SE IPSOS COMMENDANT (pseudoapostolis, qui se suaque supra veritatem extollunt, q. d. Non ea jacto, quæ non habeo, ut ipsi); SED METIENTES, ET COMPARANTES NOS METIPROS NOBIS, — id est metior me meo pede, meis dotibus, et Dei donis, rebusque a me per Dei gratiam gestis, ait Photius; illis me comparo, confero et adæquo, ut non amplius mihi arrogem quam revera a Deo acceperim et gesserim. Pro non enim audemus, græce est *ὡς γὰρ τολμῶμεν*, quod Maldonatus in *Notis* vertit, *nihil audacter*, aut *arroganter facimus*, dum nos cum illis comparamus, qui sese magnopere commendant. Verum magis apte et magis proprie vertit Noster, *non enim audemus inserere*, etc.

Est ironia, et primum quasi scomma in pseu-

(1) In Græco : Adeone illa tantum quæ foris sunt, id est, apud homines valent, respicitis?

(2) « Non erubescam, » id est : non deprehendar vanus, vel mendax.

Paulus doapostolos. Elevabant illi Pauli dicta et facta, quasi in eo nihil esset grande præter epistolas, quæ nescio quid magniloquum spirarent; sed cum ad rem ventum esset, ac præsens compareret Paulus, sermone, vultu, forma nihil illo esse abjectius: se in hac parte illi longe præstare. Ergo, inquit Paulus, fastum illorum ridens, non ausim ego homuncio istos inter gigantes comparare, eis me inserere, nedum me cum illis comparare: sed nimirum falso se tantos jactitant; ego vero de me quidquid prædico, vere prædico, meque mea magnitudine, mea gratia et factis, quæ vere gessi, metior.

Nota: Græca addunt ὅς σαρκεύς, non intelligunt, Unde Syrus, Vatablus et alii hæc non de Paulo, sed de pseudoapostolis accipiunt, ut sit hyperbaton, quod, ὅς σαρκεύς præponendo, sic ordinant et vertunt: pseudoapostoli seipsos commendant, sed non intelligunt quod seipsi seipsis metiantur, et se sibi comparent, q. d. Inepte ipsi se attolunt, et gigantes faciunt; nam perinde faciunt ac si quis sese non externa aliqua mensura (puta ulna), sed seipso vellet metiri: ut si quis pumilio jactet se gigantem esse, nec aliam jactantiæ suæ causam rationemve adferat, quam quod ita sit, ita asserat, ita sibi persuadeat. Unde Photius supplet: Non intelligunt, quam scilicet omnibus sint ridiculi; vel, ut S. Augustinus, in *Psal.* xxxiv, « non intelligunt, » ea scilicet, quæ loquuntur, quæ affirmant, quæ jactant.

Vers. 13.

Antithesis Pauli et pseudoapostolorum.

13. NOS AUTEM NON IN IMMENSUM GLORIABIMUR. (Est secundum scomma et antithesis Pauli et pseudoapostolorum: pseudoapostoli in immensum se suaque jactant, adeoque, ait Theophylactus, se usque ad fines orbis evangelizasse; sed falsissime jactant. Ego autem glorior, non falso, non in immensum, SED SECUNDUM MENSURAM REGULÆ, QUAMENSUS EST NOBIS DEUS (id est, ego me vera mensura ac regula metior, donorum videlicet et provinciarum, quam mihi sua designatione quasi mensoria regula admensus est et attribuit Deus: mensura, inquam, vel secundum) MENSURAM PERTINGENDI USQUE AD VOS, — id est evangelizandi a Judæa per interjacentes omnes provincias, Corinthum usque, q. d. Glorior, et vere glorior, de mea mensura ac magnitudine, id est multitudine provinciarum, quas Christo et Ecclesiæ adjeci, quod scilicet a Judæa Corinthum usque me meamque prædicationem extenderim. Sicut ergo gloriantur principes, si longissime latissimeque imperium propagaverint; ita Christi doctor Paulus gloriatur, quod eousque principis sui ditionem propagaverit, sperans fore, ut longius etiam imperium proferat.

Mensura quatuor habet significationes.

Nota: Regulam hic intelligit mensuram qua limites agrorum et locorum mensurant geometræ, ut dicam vers. 16. Mensura vero significat, primo, illud quo quippiam metimur, uti est regula, ulna, cubitus, pes, etc. Secundo, significat hujus mensuræ mensurantis quantitatem: alia

enim est mensura, id est quantitas ulnæ, alia cubiti. Tertio, ipsam mensurandi actionem. Quarto, ipsum mensuratum, seu id quod per mensuram nobis admensum est, ut cum modium frumenti, jugerum terræ; id est, frumentum ad modium, terram ad jugerum admensam, frumenti et terræ certam mensuram vocamus. Hic tribus ultimis modis accipi potest, sed optime in secunda acceptione.

14. NON ENIM QUASI NON PERTINGENTES AD VOS, SUPEREXTENDIMUS NOS. — Est tertium scomma et sales, quibus pseudoapostolos aspergit. Ipsi, inquit, se extendunt et superextendunt suis verbis et bombis, sed age, in re quid afferunt? quos convertunt? quas urbes, quas provincias obiverunt? nullas sane, cum e patria et vestris finibus nunquam excesserint. Forte vos Corinthios ad fidem et Ecclesiam adduxerunt? Atqui vos non illorum, sed meum opus estis in Domino; vos ego cepi, vos debellavi; vos mea sors, mea possessio estis mihi a Domino attributa; de vobis reliquisque provinciis, Judæam usque, a me subactis triumphare possum; et sicut Imperatores gentium bello domitarum nomina sibi assumebant, verbi gratia, ut P. Scipio diceretur Africanus, L. Scipio Asiaticus: ita et ego Paulus dici possum Corinthiacus, Achaicus, Macedonicus, Thracicus, Asiaticus, etc.

IN EVANGELIO — prædicando, et, ut Anselmus, propagando.

15. NON IN IMMENSUM. — Græcum τὰ ἀπύρτα, et immensum significat, et ea quæ non sunt nostræ mensuræ, regiones scilicet, quas Deus nostræ prædicationi non destinavit nec admensus est. Rursum notat pseudoapostolos, qui falso gloriabantur de regionibus multis a se obitis et conversis.

GLORIANTE IN ALIENIS LABORIBUS. — Est quartum scomma in pseudoapostolos, qui Corinthi, ubi Apostolus fundamenta fidei jecerat, subintrarunt in ejus labores. Ita Chrysostomus. Sic notant Doctores, quod hæretici nunquam zelo Evangelii et martyrii infideles adierint, eosque primo ad hæresim converterint, sed tantum fideles, eosque perverterint.

Dices: Valens Imperator, Gothis cupientibus ad christianismum converti, submisit Arianos Episcopos, qui eos Arianos fecerunt, teste Freulpho, tom. II, lib. IV, cap. xx.

Respondeo: Verum est, sed ipsi Ariani sua sponte Gothicam barbariem non adierunt zelo fidei, ut Apostolorum more in fame, siti, persecutionibus, mortibus fidem plantarent: vocati enim a Gothis volentibus Valentem Imperatori Ariano reconciliari, venerunt: nulla autem difficultas est volentibus venenum instillare. Adde, Gothos plebsque antea orthodoxos fuisse, sed ab Ulphila suo Apostolo ab Arianis decepto, pariter deceptos et ipsos, factosque Arianos, ut expresse docet Theodoretus, lib. IV *Hist.*, cap. ult.

SPERM AUTEM HABENTES CRESCENTIS FIDEI VESTRÆ.

Vers. 14.

Paulus merito Corinthiacus, Achaicus, Macedonicus, Thracicus, Asiaticus dici potest. Vers. 15.

Nunquam hæretici zelo Evangelii et martyrii infideles adierunt.

— Spero quod, cum fides vestra crescat, in ulterius non egebitis, quodque per vos aditus mihi fiet ad vicinas gentes, ut possim ulterius evangelizare, et superextendere me meamque prædicationem. Ita Chrysostomus.

IN VOBIS MAGNIFICARI, — ut per vos maiorem laudem et meritum apud Deum consequar. Unde Gagneius vertit : Spero, crescente fide vestra, nos non parum ex vobis magnificatum iri, et spero in illis etiam regionibus, quæ ultra vos sunt, prædicare ac multam inde reportare gloriam. Tunc enim magni fit præceptor, ait Theophylactus, cum discipuli proficiunt et in sapientia crescunt.

Secundo, et aptius, refer « magnificari » ad sequentia, « secundum regulam nostram in abundantiam, » q. d. Spero per vos in fide crescentes magnificari secundum regulam nostram, id est maiorem facere et extendere regulam nostram, puta fines et terminos apostolatus mei ultra vos in vicinos vestros; ut scilicet illi videntes vestram fidem, sanctimoniam, gratiam, provocati vestro exemplo avide me expetant, et Evangelium excipiant.

Unde Græcæ sic habent; Ἐλπίδα δὲ ἔχοντες αὐξανόμενης τῆς πίστεως ὑμῶν ἐν ὑμῖν μεγαλυνθῆναι κατὰ τὸν κανόνα τῶν εἰς περισσίων, quæ clarius sic verti possunt, *spem habentes fore, ut crescente fide vestra in vobis amplius* (hoc est, amplius et ulterius me extendam) *in assignata mea mensura et regula in abundantiam* (hoc est, admodum), ad evangelizandum iis regionibus, quæ ultra vos sunt.

Ubi nota : « Regulam, » ut dixi, vocat regiones sibi suæque prædicationi addictas, et quasi ad regulam admensas a Deo : cuique enim Apostolo suas Deus in orbe provincias quasi ad mensuram dividerat attribueratque. Adeoque sicut duodecim tribubus, et filiis Jacob partitus erat olim certis finibus et mensuris terram sanctam; quæ de re dicitur *Psalm. LXXVII, 54* : « Sorte divisit eis terram in funiculo distributionis : » ita pariter eorum antitypo duodecim Apostolis dividerat quasi per mensuram totum orbem terrarum, ut eum sibi et Christo subjugarent. Ita Thomas Indiam, Andreas Achaïam, Ioannes Asiam, alii alias provincias subjecerunt Evangelio.

IN ABUNDANTIAM. — Id est abunde, ut scilicet amplius semper et ulterius regulam et terminos Evangelii proferret, q. d. Necdum mihi certum terminum provinciarum constitui, nec Deus ipse præstituit, sed ulteriora semper specto et molior.

16. ETIAM IN ILLA QUÆ ULTRA VOS SUNT (ὡς ἐπέκεινα ὑμῶν, quæ ulteriora sunt vobis, « quæ ultra vos sunt, » id est longius in alias gentes ac populos), EVANGELIZARE, — spero. Hæc enim referenda sunt ad τὸ *spem habentes*.

NON IN ALIENA REGULA, — non attingo limites et terminos, id est provincias et plagas, quæ admensæ sunt et assignatæ, vel occupatæ ab aliis Apostolis, ut in ea quæ ab aliis « præparata sunt, » subintrem, et sic de alienis laboribus quasi meis

glorier : « præparata » enim vocat regiones ab aliis præparatas et excultas prædicatione Evangelii ad ferendum fructum, q. d. Nolo aliorum novalia excolere, sed prius mea ipse novalia facio, deinde excolo, ipse primus ubique fidem planto et prædico, *Rom. xv, 20*.

Nota : Κανὼν Græci vocant regulam mensuram, qua geometræ et agrimensores agros dimetiuntur : ita hic Apostolus regulam suam vocat omnes suas regiones, seu quidquid terrarum Deus velut ad regulam illi admensus erat, ut totum illud spatium excoleret, sereret verbo Dei, suæque prædicationi et Christo adjiceret. Secundo, hanc regulam et mensuram in dies protendebat Apostolus, cupiens ubique prædicare, « quasi ad possessionem terrarum et opimam hæreditatem accessisset, ait Chrysostomus, et tanquam fabricator, ait Theophylactus, orbis terrarum esset Paulus, ut illum sua regula dimetiretur, et ad suam regulam ædificaret. » Græcum enim κανὼν etiam regulam significat, ad quam architecti muros, trabes et opus suum exigunt et metiuntur, atque talem regulam hic intelligit Theophylactus; magis tamen genuine videtur ad regulam agrimensorum Paulus alludere, ut dixi.

17. QUI AUTEM GLORIATUR, IN DOMINO GLORIETUR. Vers. 17. « In Domino, » id est in veritate, et coram Domino. Secundo, et melius, « gloriatur in Domino, » id est, cum illa gloria illi fuerit a Domino delata et approbata. Subdit enim rationem : « Non enim qui se ipsum commendat, » sua falso jactando, ut faciunt pseudoapostoli, « ille probatus est, sed quem Deus commendat, » id est commendabilem facit et ostendit ex miris, quæ per eum operatur. Hic sensus est genuinus : opponit enim hæc duo, gloriari in se, et gloriari in Domino. Gloriari in se, est seipsum commendare; in Domino autem gloriari, est a Domino commendari, et in Domini commendatione gloriari. Unde tamen consequenter tertio, sequitur, ut qui vere gloriatur, non in se, sed in Domino gloriatur, illi scilicet, cujus dona sunt, omnia accepta ferendo, illi omnem gloriam dando, et ad illius laudem et gloriam omnia dirigendo. Ita Chrysostomus.

Nota : His verbis ostendit ubi, quando, qua in re sit gloriandum; simul tamen secundo, amolitur a se Apostolus ostentationis et vanæ gloriæ cupidinem, q. d. Hæc tam ampla et speciosa de me dico, non quod in me rebusque meis, sed quod in Domino gloriari velim, a quo omnem gloriam et gloriæ materiam accepi. Vide dicta I ad Corinthios, I, 31.

Moraliter : Disce hic veram laudem et gloriam non esse nisi apud Deum, eamque omni humanæ longe præstare. Nam primo, laus et gloria hominum et parva est et exilis. Quid enim sunt homines nisi culices terræ? Gloria vero Dei immensa est, quia ipse immensus est. Secundo, gloria hominum externa est et in speciem tantum; intus enim inanis est et evanida; gloria vero Dei in-

Cano
regula
mensoria
geome-
traria.

Sicut
olim
Deus duodecim
tribubus
partitus
est ter-
ram
sanctam,
ita orbem
terrarum
conver-
tendum
duode-
cim
Apostoli-
lis.

Ubi,
quando,
et qua in
re glo-
rian-
dum?

Vers. 16.

terna est et solida; hinc animam replet et satiat. *Tertio*, gloria hominum infida est, fucata et larvata: laudant multi te in facie, a tergo irridunt te. Gloria Dei fidelis est et sincera. *Quarto*, gloria hominum instabilis est, et minima rumoris aura mutatur quasi arundo. Qui hodie te laudant, cras vituperabunt; qui hodie tibi applaudunt, cras subsannabunt. Gloria vero Dei stabilis est et constans. *Quinto*, gloria hominum brevis est et momentanea, laudant te mortales cras morituri, et cum morientibus morietur laus tua. Ubi sunt laudes Cæsaris, Pompeii, Augusti? Transierunt, ut fumus evanuerunt. Laus vero Dei perpetua est et aeterna. Deus coram sanctis angelis et Beatis in omnem aeternitatem laudabit te, quod vanam mundi gloriam contempseris, quod veram et perennem apud Deum consecratus sis. *Sexto*, gloria hominum manca est, mutila et mixta. Qui enim laudatur ab his, culpatur ab illis. Quot enim sunt homines, tot sunt sensus, tot iudicia. Gloria vero Dei integra est, omnimoda et perfecta. Quem enim Deus laudat, hunc omnes celites laudant. *Septimo*, gloria hominum erronea est et mendax. Homines enim glorificant nobiles, divites, potentes, imo sæpe scurras, sceleratos et tyrannos. Gloria vero Dei verissima est et certissima: Deus enim non laudat nisi vera sapientia et virtute præditum. Rursum gloriantur homines in seipsis, in sua prudentia, virtute, fortitudine, quæ nullæ sunt; ac proinde gloriantur in falso, in eo quod est nihil, quod non est; gloria vero Dei, est in Deo, cuius omne est bonum, et a quo omnia in nos dimanant, gloriari, ac dicere: Non nobis, Domine, non nobis, sed nomini tuo da gloriam: in te laudabimur tota die. *Octavo*, gloria hominum consistit in ore laudantium, nihilque tibi confert, nihil boni imprimit: quare non est in te, sed in glorificante: sicut honor non est in honorato, sed in honorante. Gloria vero Dei est in Deo et in te: est enim efficax et fecunda. Nam beat te in animo lumine gloriæ, et in corpore dotibus gloriosis, adeoque Deus Beatis ipsissimam suam gloriam divinam et increatam fruendam et possidendam communicat. O cæci et insensati

filiis Adæ, natura avidi laudis, creati et nati ad gloriam, sed fumos et umbras gloriæ sectamini? quid gloriam non veram, sed falsam et fallacem captatis? quid ambitis, quid quæritis gloriam ubi ipsa non est? quæritis eam in terra: ipsa non est in terra, sed in cælo; quæritis eam apud homines: ipsa non est apud homines, sed apud Deum et angelos; quæritis eam in tempore et sæculo: ipsa non est in tempore, sed in aeternitate. Tu ergo, o Domine, es gloria mea, tu exultatio cordis mei: in te gloriabor et exultabo tota die: pro me autem nihil nisi in infirmitatibus meis. Quærant Judæi, quærant mundani gloriam quæ ab invicem est: ego hanc requiram quæ a solo Deo est. Omnis enim gloria humana, omnis honor temporalis, omnis altitudo mundana aeternæ tuæ gloriæ comparata, vanitas est, stultitia est, vituperium est. O veritas mea, misericordia mea, gloria mea, Deus meus, Trinitas beata, tibi soli laus, decus et gloria; tibi soli benedictio, claritas, sapientia et gratiarum actio; tibi Deo nostro honor, virtus et fortitudo in sæcula sæculorum, Amen.

18. NON ENIM QUI SEIPSUM COMMENDAT, ILLE PROBATUS EST: SED QUEM DEUS COMMENDAT. — Dices: Quomodo ergo Sancti subinde seipsos commendarunt? ut Ezechias, *Isaiæ xxxviii, 3*: « Obsecro, inquit, Domine, memento, quæso, quomodo ambulaverim coram te in veritate, et in corde perfecto, et quod bonum est in oculis tuis fecerim. » Et S. Paulus, cap. sequent. sua enarrans præclare gesta, seipsum commendat. Et *II Tim. iv, 7*: « Bonum, inquit, certamen certavi, cursum consummavi, fidem servavi: in reliquo reposita est mihi corona justitiæ. »

Respondeo: Hi quidem seipsos commendant; sed omnem commendationem in Deum Deique gratiam quasi primam causam tacite simul referunt, dicuntque: « Gratia Dei sum id quod sum. » *Secundo*, hæc ipsorum sui commendatio non ab ipsismet, sed a Spiritu Sancto, qui per os illorum loquebatur, manabat, eisque suggerebatur. Sic enim Spiritus Sanctus singulis scriptoribus Sanctæ Scripturæ ea quæ scriberent, suggessit.

Vers. 18.

Quo fine
et quare
aliqui
Sancti se
laudave-
runt?

CAPUT UNDECIMUM.

SYNOPSIS CAPITIS.

Primo, ostenso suo erga Corinthios amore, pergit suum apostolatatum contra pseudoapostolos tueri, vers. 1, quod ipsi nihil majoris spiritus vel doctrinæ Christianæ afferant, quam Paulus tradiderit.

Secundo, vers. 7, quod ipsi pro lucro, Paulus gratis evangelizaverit.

Tertio, vers. 22, quod æque ut illi, Hebræus sit, et plusquam illi minister Christi. Unde apostolatus sui insignia recenset, labores scilicet pro Christo, persecutiones, pericula, plagas, passiones, sollicitudines et curas pro Ecclesiis omnibus, in iisque gloriatur.

1. Utinam sustineretis modicum quid insipientiæ meæ, sed et supportate me. 2. Æmulator enim vos Dei æmulatione. Despondi enim vos uni viro virginem castam exhibere Christo. 3. Timeo autem, ne, sicut serpens Hevam seduxit astutia sua, ita corrumpantur sensus vestri, et excidant a simplicitate, quæ est in Christo. 4. Nam si is, qui venit, alium Christum prædicat, quem non prædicavimus; aut alium spiritum accipitis, quem non accepistis; aut aliud Evangelium, quod non recepistis: recte pateremini. 5. Existimo enim nihil me minus fecisse a magnis Apostolis. 6. Nam etsi imperitus sermone, sed non scientia. In omnibus autem manifestati sumus vobis. 7. Aut numquid peccatum feci, meipsum humilians, ut vos exaltemini, quoniam gratis Evangelium Dei evangelizavi vobis? 8. Alias Ecclesias expoliavi, accipiens stipendium ad ministerium vestrum. 9. Et cum essem apud vos et egerem, nulli onerosus fui: nam quod mihi deerat, suppleverunt fratres qui venerunt a Macedonia: et in omnibus sine onere me vobis servavi, et servabo. 10. Est veritas Christi in me, quoniam hæc gloriatio non infringetur in me in regionibus Achaïæ. 11. Quare? quia non diligo vos? Deus scit. 12. Quod autem facio, et faciam: ut amputem occasionem eorum, qui volunt occasionem, ut in quo gloriantur, inveniantur sicut et nos. 13. Nam ejusmodi pseudoapostoli sunt operarii subdoli, transfigurantes se in Apostolos Christi. 14. Et non mirum: ipse enim Satanas transfigurat se in angelum lucis. 15. Non est ergo magnum, si ministri ejus transfigurentur velut ministri justitiæ: quorum finis erit secundum opera ipsorum. 16. Iterum dico (ne quis me putet insipientem esse; alioquin velut insipientem accipite me, ut et ego modicum quid glorier): 17. Quod loquor, non loquor secundum Deum, sed quasi in insipientia, in hac substantia gloriæ. 18. Quoniam multi gloriantur secundum carnem, et ego gloriabor. 19. Libenter enim suffertis insipientes, cum sitis ipsi sapientes. 20. Sustinetis enim si quis vos in servitutem redigit, si quis devorat, si quis accipit, si quis extollitur, si quis in faciem vos cædit. 21. Secundum ignobilitatem dico, quasi nos infirmi fuerimus in hac parte. In quo quis audet (in insipientia dico), audeo et ego: 22. Hebræi sunt, et ego: Israelitæ sunt, et ego: Semen Abrahæ sunt, et ego: 23. Ministri Christi sunt (ut minus sapiens dico), plus ego: in laboribus plurimis, in carceribus abundantius, in plagis supra modum, in mortibus frequenter. 24. A Judæis quinquies quadragenas, una minus, accepi. 25. Ter virgis cæsus sum, semel lapidatus sum, ter naufragium feci, nocte et die in profundo maris fui, 26. in itineribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus: 27. in labore et ærumna, in vigiliis multis, in fame et siti, in jejuniis multis, in frigore et nuditate, 28. præter illa, quæ extrinsecus sunt, instantia mea quotidiana, sollicitudo omnium Ecclesiarum. 29. Quis infirmatur, et ego non infirmor? quis scandalizatur, et ego non

uror? 30. Si gloriari oportet : quæ infirmitatis meæ sunt, gloriabor. 31. Deus et Pater Domini nostri Jesu Christi, qui est benedictus in sæcula, scit quod non mentior. 32. Damasci præpositus Gentis Aretæ regis custodiebat civitatem Damascenorum ut me comprehenderet : 33. et per fenestram in sporta dimissus sum per murum, et sic effugi manus ejus.

Vers. 1. 1. **UTINAM SUSTINERETIS MODICUM QUID INSIPIENTIÆ MEÆ.** — id est gloriationis, quæ videtur esse insipientia; ego tamen sapientissime eam usurpo ex zelo, ut Evangelium meum et fidem apud vos tuear contra pseudoapostolos. Ita Anselmus et Chrysostomus. Est præoccupatio; se enim laudaturus, præoccupat et excusat, ne vanus vel ambitiosus videatur. Græca habent, *ὀφελον ἀνέχιστέ μου μικρὸν ἐν ἀποστολῇ, ἀλλὰ καὶ ἀνέχιστέ μου*, id est, *utinam sustinuissetis, vel tolerassetis me paulisper in imprudentia! imo et suffertis, sive toleratis me; ἀνέχιστέ enim hic potius videtur esse indicativi modi quam imperativi. Corrigit enim id quod dixerat: Utinam sustineretis, vel sustinuissetis me: imo, inquit, sustinetis me, et quod opto factum, idipsum facitis.*

Quomodo Paulus aggreditur suas laudes? Paulus hic seipsum laudare incipiens, iterum iterumque resiliit, ac ter se excusat. *Primo*, cum ait: « Utinam sustineretis! » *Secundo*, cum vocat se insipientem. *Tertio*, cum subdit, « sed et supportate me, æmuli enim vos: » idque ut ostendat quantum sibi vim inferat, cum ad laudes suas descendit. « Sicut, inquit Chrysostomus, equus præcipitium aliquod præruptumque clivum transurus se colligit, quasi hunc uno saltu exsuperaturus; verum profundum despiciens hiatum obstupescit; deinde equite urgente rursum aggreditur, necessitatemque et vim judicans subsistit aliquandiu, tandem resumpto animo se ultro fidenter adigit: sic et Paulus quasi se daturus in præceps in laudum suarum recitatione, semel, iterum ac tertio retrocedit, ac tandem adigit se ad suas laudes (1). »

Vers. 2. 2. **ÆMULOR ENIM VOS DEI ÆMULATIONE.** — Græce ζῆλος, zelor, zelotypus sum erga vos zelo Dei, q. d. Non patior æmulos pseudoapostolos, qui vos quasi virginem mecum ambiunt. Appellat enim Paulus zelum, ingentem et immodicum quemdam amorem: quasi ambiat, ut apud Corinthios in amore et zelo sit primus, nec quisquam sibi in eo præferatur. Unde Maldonatus in *Notis manusc.* vertit, *zelotypia laboro.*

Notat Chrysostomus *æmulationem*, id est zelum, *Dei dici*, q. d. Non ambio mihi hanc sponsam, sed Christo et Deo; non meæ gloriæ, commodis, lucris, sed Christi, omnia hæc adorno: Christus

(1) *Insipientiam* Paulus vocat extortam sibi apologiam, ideo quod speciem quamdam insipientiæ habeat apud eos, qui rem penitus non insipientem cum suis circumstantiis. Reprehendit simul stoliditatem adversariorum apud lectores, qui sciebant immoderate istos novos doctores gloriori.

enim sponsus est, ego tantum sponso ductor et paranympus.

DESPONDI ENIM VOS UNI VIRO. — ἡμεσοῦμεν, id est *aptavi*, ut legit Augustinus, lib. II *De Gen. contra Manichæos*; Ambrosius, *paravi*; Theophylactus, *agglutinavi*; ἀρμυζειν enim est apte et concinne applicare et connectere, exempli causa, ea quæ glutino, vel ferrumine committuntur. Potest ergo ἡμεσοῦμεν verti, primo, *conciliavi*; secundo, *despondi*; tertio, *connubio junxi*. Hæc enim sunt tria munia paranymphe et pronubi: *primo*, ut virginem conciliet illi sponso, cui eam in matrimonium dare satagit; *secundo*, ut illi despondendam curet; *tertio*, ut desponsam matrimonio jungat. Noster optime vertit, *despondi*, quia sequitur, *ut exhibeam*, scilicet in matrimonio, cum nuptiæ celebrabuntur, *virginem castam*, q. d. Ego quasi paranympus spiritualium nuptiarum mea prædicatione, « despondi vos uni viro, » scilicet Christo, et despondendo persuasi « exhiberi, » id est, ut vos exhibeatis Christo quasi sponsam virginem. Vel potius; ut Anselmus et Theophylactus, per fidem, baptismum, Christianismum jam despondi vos Christo, ut ego ipse vos exhibeam in die iudicii virgines, id est integros fide, spe et charitate nuptiali thalamo gloriæ Christi.

Notat Chrysostomus, in hac vita sponsalia agi, thalamum in futura, quando Ecclesia sponsa, id est electi omnes, ad Agni nuptias et regnum æternum inducentur, *Apoc. xxi, 2.*

Adverte: Ecclesia Corinthiorum, et quævis anima est quasi virgo et sponsa Christi sponsi, cujus paranympus est Paulus. Unde Christi ipsius sponsa zelotypiam in se transfert, nec patitur Christo sponsam surripi, et pseudosponsis, falsis apostolis et hæreticis violandam tradi; sunt enim sinceri Apostoli et prædicatores, quasi Ecclesiæ et Christi paranymphe, *Joan. iii, 29*. Sicut e contrario pseudopraecones sunt lenones Satanæ.

Est hic locus de virginis, id est Ecclesiæ, et animæ cujusque fidelis desponsatione illustris, maximæque consolationis, et a plerisque Patribus egregie pertractatus, quique etiamnum sæpe usu venit, et in cathedris pulpitisque pertractatur. Ut ergo genuine et plene intelligatur, hic paulo fusius explicandus est. Unde nota *primo*: Desponsatio hæc fit per fidem, spem aliasque virtutes. Nam, ut ait S. Augustinus, tract. 13 in *Joan.*, tom. IX: « Virginitas mentis est integra fides, solida spes, sincera charitas. » Contra meretrix et adultera fit anima, cum infidelitatis, peccatis, suggestionibus et voluntati dæmonis consentit. « Si

In hac vita animæ fidelis sponsalia aguntur, thalamus in futura.

Hæretici sunt lenones Satanæ.

Anima quando fiat adultera?

ergo, inquit Origenes, hom. 12 in *Levit.*, cap. 11, susceperis, o homo, in cubili animæ tuæ adulterum diabolo, meretricata est anima tua cum diabolo. Si spiritus iræ, si invidiæ, si superbæ, si impudiciæ, ingressus fuerit ad animam tuam, et receperis eum, et consenseris ei loquenti, et in corde tuo delectatus fueris his quæ tibi secundum suam mentem suggerit, meretricatus es cum eo.»

Bona
Christi
et animæ
desponsa-
tæ sunt
commu-
nia.

Nota secundo: Hæc desponsatio communia facit utriusque conjugis bona, adeoque bona Christi sponsi immensa communicat sponsæ, scilicet Ecclesiæ et cuique animæ fideli. Hinc quia sponsus est rex, sponsam animam, sive serva, sive vilis et pauper sit, facit reginam. «De qua, inquit Basilius, lib. *De Vera Virg.*, dicitur Ps. XLIV: Astitit regina a dextris tuis in vestitu deaurato circumdata varietate. Quare quæ nunc pannoso vestitu, ac servili habitu vilis putatur, in regno cœlorum regina, et nobilis regi astans reperitur. Contemnat igitur quidquid oculis apparet, et nuda mente, amore sponsi satiatur, totas vires suas proprii sponsi ancillas faciens, et in nulla parte oportet virginem adulteram esse: non lingua, non auribus, non oculo, non alio omnino sensu, imo neque cogitatione; sed corpus quidem velut templum quoddam aut thalamum sponsi habeat præparatum: non enim latet aliqua adulterans illius conspectum, de quo dicitur *Psal.* xciii: Qui plantavit aurem, non audiet; aut qui finxit oculum, non considerat?»

Sponsæ
Christi
electio,
dignitas
et gloria.

Et Bernardus, serm. 2 Dom. 1 post *Epiph.*, primo, hujus sponsæ electionem, dignitatem et gloriam ita describit: «Propter æthiopissam istam Filius Dei de longinquo venit, ut sibi desponsaret illam. Moses quidem æthiopissam duxit uxorem, sed non potuit ejus mutare colorem: Christus vero quam adamavit ignobilem adhuc et fœdam, gloriosam sibi exhibuit Ecclesiam, non habentem maculam aut rugam. Unde tibi, o humana anima, unde tibi hoc? unde tam inestimabilis gloria, ut ejus sponsa merearis esse, in quem desiderant angeli prospicere? Unde tibi hoc, ut ipse sit sponsus tuus, cujus pulchritudinem sol et luna mirantur, ad cujus nutum universa mutantur?»

Sponsæ
obligatio
ad amo-
rem et
gratia-
rum ac-
tionem.

Secundo, sponsæ obligationem ad gratiarum actionem et amorem reciprocum ita prosequitur: «Quid retribues Domino pro omnibus quæ retribuit tibi, ut sis socia mensæ, socia regni, et socia thalami, ut introducat te rex in cubiculum suum? Vide quibus brachiis vicariæ charitatis redamandis et amplectendus sit, qui tanti te æstimavit, imo qui tantū te fecit. Desere carnales affectus, sæculares mores dedisce, consuetudines noxias obliviscere: quid enim putas? nonne stat angelus Domini; qui secat te mediam, si forte (quod avertat ipse) alterum admiseris amatorem?» Tertio, harum nuptiarum prandium et cœnam ita distinguit: «Jam enim desponsata es illi, jam nuptiarum prandium celebratur; nam cœna quidem in cœlo paratur, sed ibi vinum non deficiet:

Harum
nuptia-
rum
pran-
dium et
cœna.

inebriabimur enim ibi ab ubertate domus Dei, et torrente voluptatis ejus potabimur. Paratum est profecto illis nuptiis flumen vini, vini inquam, quod lætificat cor, siquidem fluminis impetus lætificat civitatem Dei.»

Nota tertio: Ex hac desponsatione et animæ cum Deo connubio pulcherrimæ concipiuntur et nascuntur proles, quas describit Origenes, homil. 20 in *xxv Numer.*, cum ait: «Dum igitur anima adhæret sponso suo, et audit verbum ejus, et ipsum complectitur, sine dubio ab ipso semen suscipit, et sicut ille dixit: De timore tuo, Domine, in utero concepi et parturivi, et spiritum salutis tuæ feci super terram: inde nascetur generosa progenies, inde pudicitia oriatur, inde justitia, inde patientia, inde mansuetudo et charitas, atque omnium virtutum proles veneranda succedet.» Deinde e contrario conceptionem et proles quas anima concipit e diabolo, explicat dicens: «Quod si infelix anima divini Verbi dereliquerit sancta connubia, et in adulterinos se complexus diaboli tradiderit, generabit sine dubio etiam inde filios, sed illos, de quibus scriptum est: Filii autem adulterorum imperfecti erunt, et ex iniquo concubitu semen exterminabitur. Omnia ergo peccata filii sunt adulterii, et filii fornicationis.»

Proles
que concipi-
untur et
nascuntur ex
spirituali
anima
cum
Christo
connu-
bio.

Nota quarto: Licet, ut dixi, hæc desponsatio fiat per quasvis virtutes, maxime tamen fit per charitatem: hæc enim secum in Deum rapit omnes animæ vires et affectiones, et quo magis crescit in homine charitas, eo magis crescit hæc animæ cum Deo unio et desponsatio, ita ut animæ charitate flagrantibus, in eaque se assidue exercentes, nuptiis cum Deo, et nuptialibus bonis ac gaudiis divinis fruantur. Est enim charitas connubium, conspiratio et confirmatio duarum voluntatum, humanæ scilicet et divinæ, in unam, qua sibi mutuo in omnibus consentiunt et conformantur Deus et homo. Hinc oritur communicatio et familiaritas animæ cum Deo, oritur quies et mira voluptas animæ, æstusque tantus divini amoris, ut eo absorbeantur, et in Deum immergantur omnes aliæ animæ affectiones. «Talis conformitas, inquit D. Bernardus, serm. 36 in *Cant.*, maritat animam Verbo, cum cui videlicet similis est per naturam, similis nihilominus ipsa se exhibet per voluntatem, diligens sicut dilecta est. Ergo si perfecte diligit, nupsit. Quid hac conformitate jucundius? quid optabilius charitate? qua fit ut humano magisterio non contenta per temet, o anima, fiducialiter accedens ad Verbum, Verbo constanter inhereas, Verbum familiariter percun- teris, consultesque de omni re, quantum intellectu capax, tantum audax desiderio. Vere spiritualis sanctique connubii contractus est iste. Parum dixi, Contractus; complexus est. Complexus plane, ubi idem velle et nolle idem, unum facit spiritum de duobus. Nec verendum, ne disparitas personarum claudicare faciat convenientiam voluntatum, quia amor reverentiam nescit. Amor

Despon-
satio ani-
mæ fit
per cha-
ritatem.

22

sibi abundat; amor, ubi venerit, cæteros in se omnes traducit et captivat affectus. Propterea quæ amat, amat, et aliud novit nihil. Sponsus et sponsa sunt. Quam quæris aliam inter sponsores necessitudinem, vel connexionem, præter amari et amare?»

Impar- Si dicas, animæ conditionem et amorem longe
tus hu- inferiorem et imparem esse Deo, ac consequenter
jus con- inter Deum et animam non posse esse amicitiam
jugii ni- (hæc enim est inter pares), multo minus connu-
bil de- bium ac desponsationem, respondet S. Bernar-
eius feli- dus : « Non plane pari ubertate fluunt amans et
citate im- amor, anima et Verbum, sponsa et sponsus, crea-
minuit. tor et creatura, non magis quam sitiens et fons.

Quid ergo? Peribit propter hoc, et ex toto evacuabitur nupturæ votum, desiderium suspirantis, amantis ardor, præsumptis fiducia, quia non valet ex æquo currere cum gigante, dulcedine cum melle contendere, lenitate cum agno, candore cum lilio, claritate cum sole, charitate cum eo qui charitas est? Non, nam etsi minus diligit creatura, quoniam minor est, tamen si ex tota se diligit, nihil deest, ubi totum est. Propterea dixi: Sic amare nupsisse est; nisi quis dubitet, animam a Verbo et prius amari, et plus. Prorsus et prævenitur amando, et vincitur. Felix quæ meruit præveniri in tanta benedictione dulcedinis!»

Hinc consequenter quinto, hæc desponsatio perfectissime fit per virginitatem, et vota castitatis ac Religionis. Ita S. Augustinus, tract. 9 in Joan. : « Quæ virginitatem, inquit, Deo vovent, quamquam ampliorem honoris et dignitatis gradum in Ecclesia teneant, sine nuptiis non sunt : nam et ipsæ pertinent ad nuptias cum tota Ecclesia, in quibus nuptiis sponsus est Christus. » Et ratio est, quia, sicut sponsa totum amorem omniaque sua secum tradit marito, ita virgo et Religiosus se suaque omnia consecrat et tradit Christo. Hinc Religio vocatur et est status perfectionis, sive perfectæ charitatis. Secundo, sicut sponsa contrahens matrimonium cum sponso dicit : Accipio te in meum; ita Religiosus dicit : Voveo Deo paupertatem, castitatem, obedientiam; quibus ita astrictus et devinctus est Christo, sicut uxor obligata est marito. Hinc Tertullianus, *De Velandis virginibus*, cap. xvi : « Nupsisti, inquit, Christo, illi tradidisti carnem tuam, illi desponsasti maturitatem tuam, incede secundum sponsi tui voluntatem. » Hac de causa S. Hieronymus, *epist.* 27, matrem virginis Deo consecratæ Dei socrum ausus est nominare : quod, Hieronymum carpere volens Rufinus, nimium criticus, inter alia ei objecit. In signum nuptiarum dabatur virginibus annulus, quo quasi desponderentur Christo : « Annulo, inquit S. Agnes apud Ambrosium, *serm.* 90, fidei subarrhavit me. » Ad hæc velabantur virgines (sicut velantur illæ, quæ maritis nubunt), idque solemnī pompa a sacerdotibus, et nonnisi certis diebus, ut docet Gelasius *ad Episcopos Lucaniae*, cap. xiv, et Optatus Milevitanus, lib.

VI : « Spirituale, inquit, nubendi hoc genus est : in nuptias sponsi jam venerant voluntate et professione sua, et ut sæcularibus nuptiis renuntiassent monstrarent, spirituali sponso solverant crinem, jam cœlestes celebraverant nuptias. » Et Ambrosius *ad Virg. lapsam* : « Cæterum, inquit, quæ se spopondit Christo, et sanctum velamen accepit, jam nupsit, jam immortalī juncta est viro, et jam si voluerit nubere communi lege, adulterium perpetrat, ancilla mortis efficitur. » Sic Cyprianus, *epist.* 62, easdem vocat adulteras Christi. Ex quibus omnibus patet recte Ecclesiam (quidquid ogganniat hic Marloratus) hunc Apostoli locum accommodare virginibus, illumque legere in Missa pro epistola sanctissimarum virginum.

Perpendant hæc virgines, suamque dignitatem agnoscant, ut has nuptias religiose colant et tueantur, unique sponso Christo intendant. « Audi, inquit Hieronymus *ad Eustochium*, filia, et vide, et inclina aurem tuam, et obliviscere populum tuum, et domum patris tui, et concupiscet rex decorem tuum. Non sufficit tibi exire de terra tua, nisi obliviscaris populi tui, et domus patris tui, ut carne contempta sponsi jungaris amplexibus. Dices : Exivi de domo infantis meæ, oblita sum domum patris mei, renascor in Christo. Quid pro hoc mercedis accipio? Sequitur : Et concupiscet rex decorem tuum. Hoc ergo magnum illud est Sacramentum : Propter hoc relinquet homo patrem et matrem, et adhærebit uxori suæ, et erunt ambo; jam non, ut ibi, in carne una, sed in spiritu uno. Non est sponsus tuus arrogans, æthiopissam duxit uxorem : statim ut audire volueris sapientiam veri Salomonis, et ad eum veneris, confitebitur tibi cuncta quæ novit, et inducet te rex in cubiculum suum; et mirum in modum, colore mutato, sermo tibi ille convenit : Quæ est ista, quæ ascendit dealbata? » Et infra sponsam comparat arcæ fœderis, dicens : « Sponsa Christi arca est testamenti, intrinsecus et extrinsecus deaurata, custos legis Domini. Sicut in illa nihil aliud fuit, nisi tabulæ testamenti, ita et in te nullus sit extrinsecus cogitatus. Super hoc propitiatorium quasi super Cherubim sedere vult Dominus. Curis te sæcularibus solvere vult Dominus, ut paleas et lateres Ægypti derelinquens Moysen sequaris in eremo, et terram repromissionis introeas. Ubi in pectore virginali sæcularium negotiorum cura æstuat, statim velum templi scinditur, sponsus consurgit iratus, et dicit : Relinquetur vobis domus vestra deserta. » Et inferioris sponsi et sponsæ colloquia ita describit : « Tu semel sæculi onere projecto, sede ad pedes Domini, et dic : Inveni quem diligit anima mea, tenui eum, nec dimittam. Et ille respondebit : Una est columba mea, perfecta mea. Semper te cubiculi tui secreta custodiant, semper tecum sponsus ludat intrinsecus. Oras, loqueris ad sponsum; legis, ille tibi loquitur. Et cum te somnus oppresserit, veniet post parietem, et expergefata

Virginitatem voventibus olim eadem cæremone adhibita quæ nubentibus.

Virgines suam dignitatem et nuptias religiose debent colere.

Desponsatio animæ perfectissime fit per virginitatem et vota Religionis.

dices : Vulnerata charitate ego sum ; et rursus ab eo audies : Hortus conclusus soror mea sponsa.»

VIRGINEM CASTAM EXHIBERE (S. Cyprianus legit, assignare) CHRISTO. — Nota quid mirum in hisce nuptiis. In mundo, ait Theophylactus ex Chrysostomo, sponsæ post nuptias non manent virgines : Christi autem sponsæ quasi prius virgines non fuerint, post nuptias cum Christo virgines fiunt, id est purissimæ in fide ac moribus integre et incorruptæ ; sic Ecclesia tota est virgo. « Virginitas carnis, corpus intactum ; virginitas animæ, fides incorrupta, » ait S. Augustinus in *Sent.*, num. 79.

Ita nobilis illa virago et martyr sub Dunaan tyranno apud Homeritas, cum primo duas filias per virginitatem Deo despondisset, secundo easdem eidem per martyrium una secum despondit et consecravit. Cum enim eas ense confodi videret, earumque sanguinem sibi a tyranno porrigi, eum accipiens, gustans et in cælum suscipiens : « Tibi, inquit, Christe Domine, hoc meum offero sacrificium, et tibi martyres exhibeo castas virgines, quæ egressæ sunt ex utero meo, cum quibus me quoque connumeratam introduce in tuum thalamum, et ostende matrem propter filias lætantem. » Quare et ipsa per martyrium Christo copulata est. Rem fuse narrat ex Procopio Baronius, tom. VII, anno Christi 522, pag. 91.

Ita S. Paulus Iconii Theclam nobilissimam virginem ad Christum convertit, a conjugio avocavit, Christoque despondit. Testis est S. Gregorius Nyssenus, hom. 4 in *Cantic.* : « Talem, ait, myrrham olim Paulus infundebat ex ore suo, mixtam cum puro pudicitie lilio, in sanctæ virginis aures. Ea vero erat Thecla, quæ præclare animo suo defluentibus de lilio guttis hominem externum morte opprimit, omni cupiditate extincta. » Et S. Epiphanius, *hæres.* 78 : « Thecla, ait, incidit in S. Paulum, et a nuptiis exsolvitur, cum sponsum haberet formosissimum, ditissimum, generosissimum et illustrissimum. » Et S. Augustinus, lib. XXX *Contra Faust.*, cap. iv : « In vita, ait, contemnit terrena Sancta illa (Thecla) ut cælestium potens fiat, et oppignorata thalamo in amorem perpetuæ virginitatis Pauli eloquio succensa est. » Quocirca Thecla ignes, leones, tauros et serpentes superavit ; atque ob virginitatem in mediis flammis, quasi amiantus, illesa permansit. Ita S. Paulus Poppæam pellicem, et virgines contra Neronis illecebras armavit, ut ejus thalamo spreto, Christo se consecrarent : quocirca a Nerone ad gladium damnatus, virginitatis et martyrii laureas adeptus est, ideoque ex cervice ejus abscissa pro sanguine rubeo lac candidum et virgineum emanavit.

VERS. 3. 3. TIMEO AUTEM NE CORRUMPANTUR (a pseudoapostolis quasi stupratoribus virginitatis vestræ) **SENSUS VESTRI** (νόματα, sensa, judicia vestra), **ET EXCIDANT A SIMPLICITATE QUÆ EST IN CHRISTO**, — a nativa et germana doctrina Christiana, simplicem scilicet fidei veritatem errorum mixtione corrup-

pendo. Ita Anselmus et Theophylactus, q. d. Cavete pseudoapostolos quasi lenones Satanae, et quasi adulteros genuinæ Christi doctrinae, consequenter et Ecclesiae, et animarum vestrarum.

4. SI ALIUM CHRISTUM PRÆDICAT, — id est, prædicaret. Est enallage : ponitur enim indicativus pro subjunctivo, q. d. Si pseudoapostoli aliam doctrinam perfectiorem de Christo, vel Christi prædicarent, quam ego non prædicavi ; quasi prædicatio mea ad salutem et christianismi perfectionem non sufficiat. Est metonymia : Christus enim ponitur pro christianismo ejusque perfectione. Vide *Can.* 37. Eandem mox vocat *aliud Evangelium* : nam alioqui non modo non tolerari, vel audiri, sed et anathemati devoveri jubet eum, qui contrarium afferat evangelium, *Galat.* cap. i, vers. 8. *Aliud ergo Evangelium* hic vocat aliam clariorem vel sublimiorem Evangelii explicationem.

SI ALIUM SPIRITUM ACCIPITIS (q. d. Si alia dona Spiritus Sancti, quæ per me non accepistis, acciperetis a pseudoapostolis istis), **RECTE PATEREMINI**. — Taxat pseudoapostolorum fastum, qui se majus quiddam quam Paulus adferre jactabant. Ita Theophylactus, q. d. Ubi est ille alius Spiritus, alia dona, quæ jactant? Sane nusquam comparent. Testes vos appello, qui nihil aliud quam ventosa verba ab eis accepistis (1).

5. EXISTIMO ENIM (2) NIHIL ME MINUS FECISSE **VERS. 5.** (græce μηδὲν ὑπερβαίνειν, in nullo inferiorem fuisse, τὸν ὑπερίαν ἀποστόλων, iis qui sunt supra modum excellentes et eximii apostoli : quod Noster vertit) **A MAGNIS APOSTOLIS**, — id est præ magnis, vel, quam magni Apostoli. Objicit Beza, si in nullo Paulus inferior est eximiis Apostolis, ergo nec Petro in potestate et auctoritate ; ac consequenter Petrus non est primus Apostolorum et Ecclesiae. Respondeo : In nullo, scilicet dictorum vers. præced., scilicet in prædicatione Christi, in donatione Spiritus, in sinceritate Evangelii ; puta in laboribus et in gratiis Apostolicis nulli cedo, ut explicat vers. 23. Non ergo agit de potestate et primatu : sic enim eum sibi arrogaret. Quod est vanissimæ ambitionis. Adde : licet per magnos Apostolos Chrysostomus, Theophylactus, Œcumenius, intelligant Petrum, Jacobum, Joannem, idque simplicius videatur et verius ; recentiores tamen plerique accipiunt pseudoapostolos, qui se quasi magnos jactabant, ut sit ironia.

6. IMPERITUS SERMONE, — scilicet græco, polita nempe et verbosa eloquentia Græcorum, qualis est Isocratis, Demosthenis, Luciani. Unde in Paulo tot sunt hyperbata, ellipses, quin et solæcismi græci. Ita Chrysostomus, Theophylactus et Hieronymus, epist. 151, Quæst. X ad *Algasiam*, ubi sic ait : « Illud quoque quod crebro diximus, Et-

(1) « Recte pateremini, » id est, recte sane eum toleraretis. Alii cum ironia dictum volunt, sane toleraretis.

(2) « Enim, » id est sed, tamen.

Quomodo hæc verba Pauli nihil derogent primatui et excolentie D. Petri supra alios Apostolos?

si imperitus sermone, non tamen scientia, nequaquam Paulum de humilitate, sed de conscientiae veritate dixisse, etiam nunc approbamus. Profundos enim et reconditos sensus lingua non explicat : et cum ipse sentiat quid loquatur, in alienas aures plura non potest sermone transferre. » Idem asserit epistola ad Hedibiam, ubi addit, quod hac de causa Paulus Titum græce doctum penes se habuerit, sicut et B. Petrus Marcum. Vide dicta epist. I, cap. II, vers. 1 et 4. Contra S. Augustinus, lib IV *Doctr. Christ.*, cap. VII, putat Paulum se hic vocare *imperitum sermone*, non ex sua, sed ex obrectatorum sententia : ibi enim fuse Augustinus ostendit eloquentiam Apostoli, scilicet nervosam artis et rerum, suaque habere schemata; quod etiam verum est : Rhetorica enim Apostoli non verbosa est, sed seria, efficax, mascula, divina, adeoque Apostolus imperitus fuit non tam Rhetoricæ, quam Grammaticæ : patet enim Apostolum sua Rhetorica omnes commovisse, Dei metu perculisse, ad fidem, pietatem, misericordiam, adeoque quocumque voluisset, miro artificio ac dicendi vi pepulisse.

Præclare S. Augustinus in *Sententiis*, num. 266 : « Bonorum, ait, ingeniorum clara est indoles, in verbis disserentium verum amare, non verba. Quid enim prodest clavis aurea, si aperire quod volumus non potest? Aut quid obest lignea, si hoc potest, quando nihil quærimus, nisi patere quod clausum est? »

Vers. 7. 7. AUT NUMQUID PECCATUM FECI? — Græcum ἂν significat *an* et *aut*. Hic aptius veritas cum Syro et aliis, *an peccatum feci* meipsum humilians, dejiciens ad scenopegiam et labores manuum, quibus victum mihi pararem, humiliter nempe et tenuiter, sumptu meo victitans, ne vobis essem oneri, sed vos potius exaltarem et honorarem hac mea humiliatione? *q. d.* An hoc ipsum quod gloriæ est et beneficentiæ, impropere mihi? Patet ex seq. Ita Anselmus. Est ironia aut potius sarcasmus. Exprobrat enim Paulus Corinthiis in faciem eorum ingratitudinem, quod, cum potuisset evangelizando petere et accipere ab eis stipendium alimoniam, nec tamen fecerit, sed ab aliis Ecclesiis pauperioribus sustentari voluerit agens et prædicans Corinthi : ipsi nihilominus Corinthii hæc Pauli beneficia parvipenderint, magisque auscultarint pseudoapostolis Pauli æmulis, qui ipsorum bursas emungebant.

Vers. 8. 8. ALIAS ECCLESIAS EXSPOLIAVI, — ἰσθῆνα, *deprædatus sum*, accipiens scilicet ab eis stipendium et subsidia vitæ, ut vobis inservirem, et aliunde accepto sumptu, gratis vobis prædicarem. Utitur epistola juxta *Can.* 36, ut gravius pungat Corinthios, *q. d.* Videte continentiam meam et charitatem : alias Ecclesias etiam pauperes quasi dispoliavi, ut vobis parcerem, vosque ditarem, idque ne putaretis (uti divites et mercatores, quales erant Corinthi, sæpe pulant) me non vos, sed vestra quærere, utque pseudoapostolis os clau-

derem : agnoscite ergo me vestrum sincrum et germanum Apostolum.

9. NULLI ONEROSUS FUI. — Græce, κατενάγκασα Vers. 9. οὐδένως. Quod verbum ductum est a torpore et otio; nam otiosi premunt et imminet aliis assidue precando : quod est onerosum esse; νάπτει enim est *torpere*. Unde et νάπην dicitur *torpedo*, piscis. Ad verbum veritas κατενάγκασα οὐδένως, *non obtorpei in aliquem*, ut scilicet mea torpedine incumberem in aliquem, qui me aleret, ei que essem oneri, sed strenue meis manibus laboravi : nec tamen in prædicatione obtorpei, sed æque diligenter omnibus et singulis, docendo, monendo, consulendo me impendi, atque si nihil aliud, nulla vitæ sustentandæ necessitas cura que mihi incubisset.

Paulus laboravit manibus, ne cuiquam esset onerosus.

10. EST VERITAS CHRISTI IN ME, — in veritate Vers. 10. Christi loquor, testor Christi veritatem; vobis ego per Christum (Ambrosius, *sub Christi testimonio*) vere sancteque affirmo et juro, me nihil pro sumptu a vobis accepturum. Ita Theophylactus.

HÆC GLORIATIO (quod gratis vobis evangelizaverim) NON INFRINGETUR (Græce οὐ σπαραγίσεται, id est, *non sigillabitur*, non occludetur) IN ME, — εἰς ἐμὴν; Vatablus, *contra me*, vel potius *circa me*, ista mea, scilicet libertas et liberalitas, ac consequenter nec os meum, quin de ea glorier. Metaphora a fontibus et fluminibus, quæ obice occludi non possunt. Ita Chrysostomus et Theophylactus. Unde Maldonatus in *Notis manuscr.* vertit, *nemo os meum obstruere poterit, quo minus vere de hac re gloriari possim.*

Duplex hujus loci expositio.

Secundo, et melius ex hebraismo, ponitur simplex pro composito, σπαραγίλω, pro ἀνασπαραγίλω, vel ἀποσπαραγίλω, id est, signo vel sigillo, pro *resigno*, signum tollo; quod Noster vertit, *infringo*. Hebræi enim carent compositis, sed illa per simplex exprimunt, *q. d.* Conclusi firmo decreto me nihil a vobis accepturum, illudque constantiæ et juramenti mei sigillo ita communivi, ut nunquam sigillum hoc sim resignaturus, nec propositum hocce meum infracturus, quæcumque egestas aut necessitas mihi ingruat.

11. DEUS SCIT, — an vos non diligam.

Vers. 11.

12. QUOD AUTEM FACIO (ὃ δὲ ποίω, sed quod facio) ET FACIAM (etiam deinceps faciam, non quia vos non diligo, sed) UT ANPTEM OCCASIONEM — carpendi me, quod nihil singulare, nihil aliis amplius afferam.

Vers. 12.

UT IN QUO GLORIANTUR, INVENIANTUR SICUT ET NOS. — Gloriantur in prædicatione se esse mihi pares, cum sint inferiores; ego enim gratis, ipsi lucri causa evangelizant. Patet vers. 21. Ita Anselmus, Chrysostomus et Theophylactus.

13. TRANSFIGURANTES SE IN APOSTOLOS CHRISTI. — Vers. 13. Hinc patet hos obrectatores Pauli fuisse non fideles, qui sola vanitate, aut Pauli invidia laborarent, sed fuisse hæreticos : vocat enim eos « pseudoapostolos, » et « ministros Satanæ, » vers. 15.

Hæretici
Calvinis-
tæ simiæ
pseudoa-
postolo-
rum.

Secundo, notat eorum dolum, quod scilicet, ut Christianis imponerent, assumebant sibi figuram, speciem et nomen Apostolorum Christi, quasi Christi forent Christianæque pietatis præcones, uti nostri Calvinistæ, qui omnia sacra, ritus, Sacramenta, templa, monasteria, sacerdotia, altaria, pietatem, Dei cultum et religionem deformant ac profanant, reformatores tamen haberi dicique volunt.

Vers. 14. 14. IPSE ENIM SATANAS TRANSFIGURAT SE IN ANGELUM LUCIS. — Dicit *lucis*: solent enim angeli boni, utpote beati, lucidi et gloriosi apparere, cum se ostendunt hominibus. *Secundo*, «lucis», id est, veritatis, justitiæ, pietatis; hæc præ se fert Satanas, hæc promittit hominibus, quorum vel oculis visibiliter apparet, vel phantasæ se suæque consilia insinuat, ostendit, imprimit, cum vere sit angelus tenebrarum, quia nonnisi peccata, errores, dolos suggerit: quem ut detegas, ejusque dolos agnoscas, non sanius (ut Patres, ut viri sancti, utque ipsa docet experientia) consilium est, quam si tuas cogitationes et suggestiones viro prudenti, pio, docto, præsertim Superiori aut confessorio aperias, ejusque iudicium sequaris. Sed Satanas lucifuga, qui prodi non vult, hoc odit, hoc suis dissuadet et prohibet. Unde hujus consilii neglectu multi, etiam Eremitæ, ab eo gravissime decepti sunt. In Vitis Patrum multa et luctuosa hujusce rei exempla exstant: uti inter alia, Hieronis monachi, cui diabolus persuasit ut in puteum se præcipitem daret, affirmans fore ut inde eum Deus ob sua merita gloriose educeret. Sic quam fœda, horrenda et abominanda diabolus persuaserit Ophitis, Artotyritis, Cajanis, Circumcellionibus aliisque hæreticis, videre est apud S. Epiphanium, Irenæum et Augustinum in eorum hæresibus.

Ad Satanae dolos retegendos, omnes cogitationes et animi motus confessario apeririendi.

Ita dæmon, boni angeli specie, decipere conatus fuit S. Abraham eremitam, teste S. Ephrem in ejus Vita. Cum enim media nocte psalleret, lux instar solis in cella ejus refulsit, et vox audita est dicens: «Beatus es, Abraham, nullusque tui similis, qui omnes voluntates meas explesti.» Sed vir humilis, agnoscens dolum diaboli, exclamavit: «Obscuritas tua tecum sit in perditionem, o plene dolo atque fallacia. Ego enim homo peccator sum; sed nomen Domini mei Jesu Christi, quem dilexi et diligo, mihi murus est, in quo te increpo, immunde canis.» Et mox ut fumus ab oculis ejus evanuit.

Simili modo dæmon fulgens in splendore cum equis igneis et quasi currus igneus apparuit juxta columnam, in qua stabat S. Simeon Stylites, dicens: «Dominus misit me angelum suum, ut rapiam te, sicut rapui Eliam. Ascende ergo mecum in currum, et eamus in cœlos: optant te videre sancti Angeli, Apostoli, Martyres et Prophetæ cum Maria matre Domini.» Cumque Simeon elevans dextrum pedem ut ascenderet in currum, faceret signum crucis, mox dæmon disparuit.

Testis est Antonius, ejus discipulus, in ipsius Vita.

Alius quoque audiens a dæmone: «Ego sum Christus,» clausit oculos, dicens: «Ego in hac vita Christum nolo videre, sed in altera vita.» Hinc Patres monebant dicentes: «Etiamsi angelus in veritate tibi appareat, non suscipias facile, sed humilia te dicens: Non sum dignus angelum videre, vivens in peccatis.»

S. Joannes, qui Theodosio Imperatori prædixit victoriam contra tyrannos, vidit dæmones instar exercitus et currus ignei, dicentes: «In omnibus tæ, o homo, recte gessisti; de cætero me adora, et quasi Eliam te assumam.» Cui Joannes: «Dominum meum et Regem habeo Deum, quem semper adoro; tu autem non es rex meus.» Mox ille evanuit. Testis est Palladius in *Lausiac.*, cap. XLVI.

S. Pachomio apparuit diabolus specie Christi, dicens: «Pachomi, ego sum Christus, et venio ad te fidelem amicum meum.» Agnovit inspiratione divina fraudem Pachomius, cogitans intra se: «Adventus Christi tranquillus est, ego autem nunc turbatus variis cogitationibus æstuo.» Ergo formans signum crucis, et exsufflans in eum dixit: «Discede a me, diabole, quia maledictus es tu et visio tua, et artes insidiarum tuarum, nec habes locum apud famulos Dei.» Mox ille, relicto fœtore, discessit, dicens: «Lucratus te fuisset, nisi præcelsa virtus Christi impedisset: verumtamen quantum possum, vos impugnare non desinam.» Ita Dionysius in *Vita Pachomii*.

Valentem monachum decepit dæmon, crebro ei apparens quasi angelus. Inde enim superbia intumuit Valens, quasi qui cum angelis versaretur. Tandem dæmon apparuit ei fingens se esse Christum, cum mille angelis lampades tenentibus, et rotam igneam; dixitque ei unus: «Christus dilexit tuam vivendi libertatem et confidentiam, et venit ut videat te: egredere ergo et adora eum.» Egressus est, et pro Christo diabolus adoravit: unde factus est ita emotæ mentis, ut Ecclesiam ingressus diceret: «Ego non opus habeo communionem: Christum enim vidi hodie.» Quare Patres eum vinxerunt, et in ferreas compedes conjecerunt. Testis est Palladius, cap. XXXI.

16. ALIOQUIN VELUT INSIPIENTEM ACCIPITE ME. — Vers. 16. q. d. Quod si aliud impetrare non possum, accipite me velut insipientem, tantum ut mihi paululum gloriari liceat: nam, ut ait Cato,

Non te collaudes, nec te culpaveris ipse:
Hoc faciunt stulti, quos gloria vexat inania.

Nota: Valde præmolliit, ut ostendat quam invitus, et nonnisi coactus, descendat ad laudes suas. Ita Chrysostomus.

17. QUOD LOQUOR, — quod loqui propono et intendo, meas scilicet laudes. Vide *Can. 32.* Vers. 17.

NON SECUNDUM DEUM — erit, si secundum se spectetur; erit tamen «secundum Deum,» si

charitas et necessitas spectetur, ne videlicet, me contempto, pseudoapostolos glorificetis.

IN HAC SUBSTANTIA (in hoc subjecto, in hac materia) GLORIÆ, — qua gloriari de meis laboribus in sequentibus intendo.

Vers. 18. 18. QUONIAM MULTI GLORIANTUR SECUNDUM CARNEM (in rebus carnalibus et externis, puta in nobilitate, divitiis, sapientia, circumcisione, parentibus Hebræis gloriantur pseudoapostoli : hinc) ET EGO (iisdem) GLORIOR. — Ita Chrysostomus. Vide dicta cap. x, vers. 2.

Vers. 19. 19. LIBENTER ENIM SUFFERTIS INSIPIENTES, CUM SITIS IPSI SAPIENTES. — Est ironia, q. d. Sustinuitis insipienter jactantes se gloriabundos illos pseudoapostolos, sustinebitis, spero, et me apud sapientes sapienter et utiliter gloriantem. Theophylactus tamen et Anselmus serio hoc dictum putant ad exaggerationem et increpationem, q. d. Cum sitis in Christo sapientes, deberetis pseudoapostolorum insipientiam explodere, quomodo ergo libenter eos suffertis?

Vers. 20. 20. SUSTINETIS ENIM SI QUIS VOS IN SERVITUTEM REDIGIT. — Notat pseudoapostolorum insatiabilem arrogantiam, avaritiam, tyrannidem, q. d. Sustinetis pseudoapostolos, qui imperiose vobis utuntur ut mancipiis, quique vos devorant, id est bona vestra extorquent; quique extolluntur, hoc est seipsos laudant, se suaque magni faciunt et deprædicant; quique vos in faciem cædunt, non alapis, sed contumeliis. Unde sequitur : « Secundum ignobilitatem dico, » de quo mox. Est ergo hic acris objurgatio, q. d. Illi emungunt vestras opes, libertatem et honorem auferunt, vos insuper quasi servos onerant conviciis : ego autem humiliter me gessi, meo sumptu vixi, leve jugum Christi vobis imponere volui; et tamen illos præferis mihi, quasi non satis nobilis, non satis potens, non satis facundus præ illis tam imperiosis dominis, imo tyrannis, forem. Unde S. Bernardus, lib. I *De Consid.*, cap. III : « Sustinetis, si quis vos in servitutem redigit. Non bona, inquit, patientia, cum possis esse liber, servum te permittere fieri. Nolo dissimules servitutem, in quam certe indies dum nescis redigeris. Hebetati cordis indicium est, propriam non sentire continuam vexationem. Vexatio dat intellectum auditui, sed si nimia non fuerit : nam si sit, non intellectum dat, sed contemptum. »

Severitas in de-
jacta Superio-
rum Eccle-
siastico-
rum so-
let esse
ediosa
subdilis,
cum ta-
men ser-
viliter
subdant
se impen-

Solentur se Superiores et prælati exemplo Pauli, cum rite officio suo fungentes a suis contemnuntur aliisque posthabentur. Fuit hæc semper mundi consuetudo, eritque in finem usque (ut recte advertit hic noster Salmeron), contumaciter resistere Dei servis, ad minimas occasiones obstrepere et obmurmurare, de severitate moderata conqueri, abhorre ab omni disciplina; impostoribus autem, libertinis et pseudoapostolis serviliter se subdere, omnia illis permittere, quidquid oneris imponere ipsis libuerit, patienter sustinere. Ita Israelitæ, contempto Samuele sancto ac modesto,

maluerunt ferre jugum fastuosi et tyrannici regis, I Reg. VIII.

toribus
liber-
tis.
Vers. 21.

21. SECUNDUM IGNOBILITATEM DICO, — κατὰ ἀτιμίαν λέγω : quod proprie veritas, quantum ad ignominiam et contumeliam dico; sic enim Græci usurpant κατὰ. Hæc referenda sunt ad ea quæ præcedunt, q. d. Cum dico pseudoapostolos in faciem vos cedere, non simpliciter dico, sed quoad ignominiam et convicia, quæ in vos jactant, et in faciem exprobrant : quæ sane non minor est injuria, quam si vos instar mancipiorum alapis cæderent.

Nota : Per « ignobilitatem » Noster intelligit ignominiam, contumeliam : hanc enim significat Græcum ἀτιμία. Alii sic explicant, quasi dicat : Ad vestram ignominiam et contumeliam hoc de illorum tyrannide et avaritia dixi dicoque, ut vos pudeat, qui me legitimum Apostolum vestrum tam modestum contemnitis præ illis spuris et tyrannis. Ita Chrysostomus. Sed tunc, non κατὰ, id est secundum, sed πρὸς ἀτιμίαν, id est ad ignominiam, potius dixisset. Unde Maldonatus, in *Notis manusc.* κατ' ἀτιμίαν λέγω, sic vertit, ignominiose de me loquor, quasi ego vos in servitutem redegerim, quasi devoraverim, quasi acceperim, id est spoliaverim, etc. Nam quæ vers. 20 dixerat de ipso, dixerat ex adversariorum persona, qui S. Paulum esse talem criminabantur. Ita ipse.

QUASI NOS INFIRMI FUERIMUS IN HAC PARTE. — Refert hæc ad sustinetis, etc., q. d. Sustinetis fortes, audaces, minaces et imperiosos pseudoapostolos; me vero non sustinetis, sed contemnitis tanquam infirmum, pusillanimum et timidum, quasi qui imperiosius agere non potuerim quam feci. Est mycterismus, sive ironica naso velut contracto subsannatio, qualis erat illius qui aiebat : « Egregiam vero laudem et spolia ampla refertis, » q. d. Paulus : Potui sane eadem licentia et imperio in vos uti, quo pseudoapostoli usi sunt; sed nolui ex humilitate, modestia et charitate eximia. Ita Chrysostomus (1).

IN QUO QUIS AUDET (supple gloriari), IN INSIPIENTIA (id est quasi insipiens, vel insipienter) DICO, AUDEO ET EGO, — scilicet gloriari. Sic enim Hebræi adverbium per nomen et præpositionem exprimunt, ut dicant, in justitia, id est juste; in sanctitate, id est sancte.

22. HEBRÆI SUNT, ET EGO. — Nota : Hebræi dicuntur vel a radice עבר abar, id est transivit, quia scilicet ex Chaldaea oriundi transierunt Euphratem, ut habitarent in Palæstina, q. d. Transam-nani, uti nos dicimus transmarinos, transalpinos. Unde primus Abraham, post transitum Euphratis, Gen. XIV, 13, dicitur Hebræus : ubi Septuaginta et Aquila vertunt, περάτης, id est transilorem;

Hebræi
nominis
radix et
significa-
tio.

(1) Allioli et Storrius vertunt, cum dedecore meo fastear, quod ego, si ista sunt virtutes, imbecillus fuerim, eamque, si placet, δύναμιν assequi inter vos non potuerim. Sic subest ironia. In iis vero rebus, quibus illi audacter confidunt et gloriantur, et ego, si vanus essem (vel, ut sim eorum exemplo vanus), possem gloriari.

S. Augustinus, *Quæst.* XXXIX in *Gen.*, vertit *transiuvalem*; ita et Chrysostomus, Origenes, Theodoretus ibi. Vel certe *Hebræi* dicti sunt, quia posterius fuerunt Heber atavi Abrahæ, qui in confusione linguarum in Babel, *Gen.* x, 21, et xi, 1 et sequentibus, solus cum suis cum vera fide, religione, pietate, linguam Hebræam primævam retinuit. Male ergo quidam Hebræos quasi Abrahæos dictos putant. Ita sensit aliquando S. Augustinus, lib. I *De Consensu Evang.*, cap. xiv, sed id retractat, lib. II *Retract.*, xiv. Sensus ergo est, q. d. Apostolus: Pseudoapostoli hi gloriantur de sua nobili stirpe, se videlicet Hebræos esse posteros Heber, Abrahæ, Isaac, Jacob, ac sanctæ patrum illorum et avitæ religionis et vocationis, æquæ ut linguæ tenaces et sequaces: sed et ego Hebræus sum, et Abrahæus prosapia, idiomate, fide, religione.

Vers. 23. 23. MINISTRI CHRISTI SUNT. — Per concessionem hoc dicit: esto vocent se Christi ministros, et ego sum, imo plusquam ipsi.

UT MINUS SAPIENS DICO. — Hoc est, quasi insipiens, ut dixi vers. 21; interpres Chrysostomi vertit, *delirans loquor* (1).

IN LABORIBUS PLURIMIS, — ἐν κόποις περισσότητος, in laboribus abundantibus, id est pluribus, quam pseudoapostoli. Notent hoc Pauli exemplum Prælati et doctores, ut auctoritatem apud suos non pompa externa, sed cum Paulo laboribus et vita concilient. Ita suadet et discernit Concilium Carthaginense IV, cap. xv: «Episcopus, inquit, vilem supellectilem, mensam ac victum pauperem habeat, et dignitatis suæ auctoritatem fide ac vitæ meritis quærat.»

S. Bernardus citans hunc locum, lib. II *De Consideratione ad Eugenium Pontif.*, cap. vi, exclamat: «O præclarum ministerium! Quo non id gloriosius principatu? Si gloriari oportet, forma tibi Sanctorum præfigitur, Apostolorum proponitur gloria. Parvane tibi illa videtur? Quis mihi tribuat similem fieri in gloria Sanctorum? Clamat Apostolus: Mihi absit gloriari nisi in cruce Domini nostri Jesu Christi. Agnosce hæreditatem tuam (o Eugeni Pont.) in Christi cruce, in laboribus plurimis. Felix qui dicere potuit: Plus omnibus laboravi. Gloria est, sed nil in ea inane, nil molle, nil resupinum. Si labor terret, merces invitet. Etsi ille plus omnibus laboravit, non tamen totum elaboravit, et adhuc locus est; exi in agrum Domini tui, et considera diligenter quantis hodie de veteri maledicto silvescat spinis ac tribulis. Exi, inquam, in mundum: ager est enim mundus, isque creditus tibi. Exi in illum non tanquam dominus, sed tanquam villicus, videre et procurare unde exigendus es rationem.»

IN FLAGIS SUPRA MODUM, — ὑπερβαλλόντως, *excessive*, supra quam dici vel credi potest.

(1) «Minus sapiens,» seu insipiens, id est jactabundus; nam jactantia, quam etiam Latini *stultitia* vocant, est insipientiæ signum.

IN MORTIBUS, — mortis periculis, ubi comites mei, aut alii vel a latronibus, vel a seditiosis cædebantur, aut jugulabantur: simile habes cap. i, vers. 10, et I *ad Cor.*, xv, 31.

24. A JUDEIS QUINQUES, QUADRAGENAS, UNA MINUS, ACCEPI. — Jusserat Dominus *Deut.* xxv, 3, ut plagarum numerus quadragenarium non excederet: cui ut certius et plenius satisfacerent Judæi, non 40, sed unam minus, scilicet 39 reis infligebant. Ita Talmudici.

25. TER NAUFRAGIUM FECI, — ἐναυάγησα, naufragatus sum, naufragium passus sum.

IN PROFUNDO MARIS FUI. — Græce ἐν βυθῷ, in profundo, quod tam de puteo et carcere, quam de mari dicitur. Unde primo, aliqui, ait Theophylactus, intelligunt de puteo, cui a profunditate nomen erat Bythus, in quo tradunt Paulum, postquam periculum apud Lystrios effugerat, latuisse, *Act.* xiv, 18.

Secundo, Baronius, anno Christi 58, ex Beda et Theodoro, per *profundum* intelligit profundissimum et terriberrimum omnium carcerem Cyzicenum, in quem conjectus sit Paulus, famosissimo illi carceri similem, qui Athenis dictus est Barathrum; illique Romano, quem Tullianum appellabant.

Tertio, melius Noster vertit, in *profundo maris*: explicat enim naufragii ærumnas, quod scilicet, facto naufragio, νυχθήμερον, inquit, ἐν βυθῷ πεποίησα, noctem et diem in profundo egi, q. d. Tam immani tempestate jactatus sum, ut dies ac noctes sub profundo maris viderer esse, ait Maldonatus in *Notis manuscr.* Aut, post naufragium non in navi aut tabula, sed natans in profundo, id est alto et medio mari, diem noctemque undis jactatus egi. Ita Theophylactus, Ambrosius, S. Thomas. Imo Anselmus hinc docet sub aquis in profundo, id est maris alveo, diem noctemque egisse Paulum, et miraculo non præfocatum aquis, non devoratum a piscibus, sed vivum inde a Deo quasi alterum Jonam in litus eductum: hæcque, inquit Haymo, est traditio SS. Patrum.

Nota: De fustigatione, de naufragio hucusque, scilicet usque ad tempus quo hæc scripsit Paulus, nihil habetur in Actis Apostolorum: nam Melitense naufragium, *Act.* xxvii, diu post contigit, cum scilicet vinctus Paulus Romam missus est; flagellationem tantum unam invenimus, *Act.* xvi; lapidationem pariter unam Lystris, *Act.* xiv. Multa ergo silentio præterit Lucas in *Actis*.

26. PERICULIS EX GENERE, — ex gente mea. Insidias intelligit, quas sæpe ipsi Judæi struxerunt. Ita Anselmus.

27. IN LABORE, — ἐν κόπῳ, in fatione.

IN ÆRUMNA, — καὶ μόχθῳ; Ambrosius et Vatablus, in molestia. *Ærumna*, ait Cicero, est «ægritudo laboriosa,» veluti cum delassatus aliquis pro quiete cogitur labores novos capessere. » Unde μόχθος vocantur calamitosi.

En quibus in rebus gloriatur Apostolus, iis sci-

Vers. 24.

Vers. 25.

Quid per profundum Paulus intelligat?

Paulus diem noctemque fuit sub aquis, et inde miraculo eductus est, ait Anselmus.

Vers. 26.

Vers. 27.

In quibus rebus gloriamur sit clericis et Ecclesiasticis?

licet, de quibus jam multi non modo Christiani, sed et clerici Ecclesiaeque ministri erubescerent, uti multis deplorat B. Bernardus in declamatione in illud: « Ecce nos reliquimus omnia. » Quo abiimus? quo abiit spiritus Apostolicus? quo simplicitas Christiana? quo humilitas, labores, passion-nes, zelus primitivae Ecclesiae? Apostoli, Principes Christi, primates Ecclesiae, non in palatiis, non in rhedis, non in sericis togis, non in nobilium, famulorum, militum, equorum, canum venaticorum turba, non in conviviis et symposiis, non in opimis beneficiis, non in molli, delicata ac splendida vita triumphant: sed exultant et gloriantur in fame, in siti, in labore et ærumna, frigore et nuditate, in perenni ad barbaras gentes peregrinatione, persecutione, prædicatione, fustigatione, flagellatione, lapidatione, morte, martyrio, fationibus nocturnis et diurnis; omnibus omnia fiunt, neminem aspernantur; patres sunt pauperum et afflictorum; barbaros, rudes, inopes docent, evangelizant, solantur, eleemosynas corrogant. Hæc Apostolorum fuit vocatio; hæc Principum Ecclesiae dignitas, de qua ita gloriatur Paulus; hic spiritus fuit primorum Ecclesiae tum ministrorum, tum Christianorum: nec adhuc (Deo laus) hoc ævo deferbuit. Habuit et habet nostra ætas suos Borromæos, Pios, Xaverios, Menesios, Gaspares, Hosios.

Non ergo te pudeat, o Antistes, o Præposite, o Doctor, o Pastor, hosce imitari, horum exemplo pauperes adire, hospitalia et carceres invisere, rusticorum audire confessiones, miseris consulere, simplices ac rudes instruere, omnibus omnia fieri, omnium salutem zelari. In his non pigeat laborare, fatigari, desudare usque ad mortem, pro hac causa ludibria, quin et verbera perpeti libeat et delectet: hæc ipsa fecit et passus est Christus, fecit Paulus, fecerunt Apostoli. In his eorum virtus, sanctitas, apostolatus constitit. In ultimo illo et decretorio mundi die, cum princeps ille Pastorum et doctorum Doctor iudex considerabit singulorum facta examinaturus, et singulis æternitatis vel felicissimæ, vel miserrimæ, sententiam laturus, non te rogabit quot beneficia, quot opes, quot famulos, quantum scientiæ habuisti; sed quomodo iis usus es, quot iis convertisti, quot pauperes cibasti, potasti; quot in carcere visitasti; quantum Evangelium, fidem, gloriam meam propagasti; quot pro ea labores, pericula, quot irrisiones et persecutiones, quantum famis aut frigoris, quantum ærumnarum pro ea tolerasti. Faxit Deus hæc, dum tempus habemus, cogitemus, hæc agamus, ut primævum Ecclesiae et Apostolorum spiritum in nobis nostrisque omnibus exsuscitemus, Christum ducem, Apostolos principes sequamur, mundum senescentem et frigescentem ignita charitate et zelo succendamus; ut cum Apostolis aliquando audiamus: « Amen dico vobis, quod vos, qui secuti estis me, in regeneratione, cum sederit Filius hominis in sede

majestatis suæ, sedebitis et vos super sedes duodecim judicantes duodecim tribus Israel. »

Vide has passiones, victorias et animos Pauli laudantem Chrysostomum in morali hom. 25 et 26, ubi inter cætera: « Paulus, ait, luctator orbis et pugil omni luctæ genere certat et vincit: hic ei Apostolicus character, hisce luctis contexuit Evangelium; et quasi flamma inextinguibilis ignis, si in mare lapsa fluctibus undique mergitur, et iterum fulgida ascendit: sic et S. Paulus undique pressus, nec oppressus, cedere nescius, clarior semper redit patiendi victor, et millies martyr. »

Idem Chrysostomus, hom. 2 De Laud. S. Pauli, in fine tom. III: « Paulus, ait, præ devotionis abundantia dolores pro virtute susceptos quodammodo non sensit; quin etiam virtutem ipsam pro mercede pensavit: quotidie celsior, quotidie assurgebat ardentior, ovens in omni impugnatione referebat victoriam, verberibus et injuriis affectus triumphabat, mortem potius appetens, quam vitam; paupertatem potius, quam opulentiam; multo amplius laborem desiderans, quam alii requiem; urbes, gentes, provincias, potestates, quasi arenam vilia reputabat; horum, quæ hic habentur, nihil asperum, nihil etiam suave aestimabat; tyrannos quasi culices quosdam reputabat; mortem, cruciatus, mille supplicia, quasi ludum putabat esse puerorum, dummodo propter Christum aliquid sustineret; adamas erat, imo adamante durior et fortior; tanquam pennatus totum docendo pervolavit orbem, et velut incorporeus labores omnes periculaque contempsit, et quasi jam cælum possidens cuncta prorsus terrena despexit. » Hactenus Chrysostomus.

28. PRÆTER ILLA QUÆ EXTRINSECUS SUNT, INSTANTIA MEA QUOTIDIANA. — « Instantia, » hoc est, negotiorum moles mihi instans, circumstans et incumbens. Patet ex sequentibus: Græcum enim *ἰνστανία*, teste Budæo, significat agmen cogere, factionem ciere, v. g. cum plebs agmine facto coit, et in nobiles ac magistratus involat. Inde *ἰνστανία* hic vocat Apostolus curas multiplices, quæ quasi agmine facto undique irruebant, ipsumque pene obruebant, idque non semel, sed assidue. Unde Augustinus in *Psal. xcviij*, legit *incursus in me quotidianus*, scilicet sollicitudinum omnium Ecclesiarum; et Ambrosius: *Urgentes*, inquit, *omnium Ecclesiarum curæ*. Aliter explicat Chrysostomus, Theophylactus et Syrus, *q. d. Factiosa conspiratio in me, seditiones, tumultus,urbationes, obsidiones populorum, urbium insidiæ undique in me concitantur: hoc enim, ut dixi, significat etiam Græcum ἰνστανία et ἰνστανία. Sed hæc satis jam enarravit vers. 26, in tot undequaque periculis suis. Prior ergo sensus melior est. Unde explicans subdit: « Sollicitudo omnium Ecclesiarum. » Pulchre Anselmus et Theophylactus: « Docet ubique Paulus, sed et tanta patitur: patitur sua, et simul aliorum infirmitates tolerat et*

Passionum, victoriarum et animositatis Pauli encomium.

Vers. 28.

Quid in die iudicii ab Ecclesiasticis exigit Christus?

solatur : tolerat infirmitates singulorum, et simul de communi salute et de toto orbe sollicitus est.»

Cu. a. et sollicitudo Ecclesiarum suavis est. Præclare S. Chrysostomus hic, *homil. 18*, suo exemplo docet nihil esse hac sollicitudine, cura, studio, labore et dolore boni Pastoris pro Ecclesia suavius. « Nam et mater, inquit, pro filio dolore dolens delectatur, sollicita gaudet : cura in se amara licet sit, pro liberis tamen impensa voluptatis multum habet. » Avent viri magni et cælestes perpetuis laboribus curisque agitari, atque instar cordis aut cæli semper moveri, et quod Vespasianus, teste Suetonio, dixit, « stantes mori. » Quocirca Pacatus, in *Panegy. Theodosii* : « Gaudet, ait, divina perpetuo motu, et jugi agitatione se vegetat æternitas, et quidquid homines vocamus laborem, vestra natura est ; ut indefessa vertigo cælum rotat, ut maria aestibus inquieta sunt, et stare sol nescit : ita tu, Imperator, continuis negotiis, et in se quodam orbe redeuntibus, semper exercitus es. »

Vers. 29. 29. **QUIS INFIRMATUR** (dolet, affligitur), **ET EGO NON INFIRMOR** (non doleo, non affligor)? **QUIS SCANDALIZATUR, ET EGO NON UROR.** — Græce *παροίμαι*, hoc est, ut Theophylactus, ignesco, incendor, ardeo, tum dolore, quasi meum esset malum, quod subit proximus cum scandalizatur; tum zelo, ut illum curem, et scandalum tollam.

Locus cap. IV Ezech. illustratus. Unde S. Gregorius, *homil. 12 in Ezech.*, in illud cap. IV, *Sume tibi sartaginem ferream*, putat per sartaginem significari animum Ezechielis, qui conspecta Hierosolymæ eversione, per compassionem quasi in sartagine frigeretur, ejusque rei a Deo admoneri, cum jubetur inter se et urbem sartaginem ponere, talemque fuisse Paulum cum dixit : « Quis scandalizatur, et ego non uror? Ipsum suum cor (inquit Gregorius), quod animarum zelo succenderat, sartaginem fecerat Paulus,

in quo amore virtutum contra vitia ardebat, » et proximorum miseriis per compassionem frangebatur.

30. QUÆ INFIRMITATIS MEÆ SUNT (id est de afflictionibus, flagellis, persecutionibus et passionibus pro Christo susceptis), **GLORIABOR**, — ob quæ videor infirmus, hoc est, abjectus, afflictus, imbecillis et contemptibilis. Ita Chrysostomus. Nota : Gloriat Paulus, non in suis miraculis, sed infirmitatibus, quia in his relucet potentia et efficacia gratiæ Dei. *Secundo*, quia his superabat pseudoapostolos. *Tertio*, quia hæc sunt signa veræ virtutis et Apostoli.

32. PRÆPOSITUS GENTIS ARETÆ. — Græce *ἀρχηγός*, *Ἀρετᾶς*, satrapa Aretæ regis : fuit hic socer Herodis, ait Theophylactus. Herodes enim Antipas, qui Joannem Baptistam occidit, filiam Aretæ uxorem duxerat, teste Josepho.

33. PER FENESTRAM IN SPORTA DIMISSUS SUM. — **Vers. 33.** Nota : Contigit hæc Pauli fuga per sportam Damasci, *Actor. IX, 25*, anno Christi 39; tunc enim Aretas, rex Arabiæ et vicinæ Damasci dominus, ait Josephus, intulit bellum Herodi, quia Herodes repudiaverat Aretæ filiam, ut duceret Herodidem. In bello hoc succubuit Herodes; ergo cæsus ab Aretæ, in eum incitavit Tiberium Cæsarem, qui misit Vitellium, Syriæ præsidem, ut Aretam caperet vel occideret, teste Josepho, lib. XVIII *Antiquitatum*, cap. VII. Hac occasione usi Judæi infensi Paulo, eum apud præfectum Aretæ accusasse videntur, quod per speciem et prætextum Evangelii turbas moveret, et cives a gentilismo, et consequenter ab Aretæ averteret, foreque ut ille Damascum Judæis et Vitellio proderet. Hinc præfectus timens et credulus Paulum quærit : ille monitus per sportam e muro dimissus dilabatur, Ita D. Baronius, tom. I, pag. 304, et alii.

CAPUT DUODECIMUM.

SYNOPSIS CAPITIS.

Primo, ut se Corinthiis præ pseudoapostolis commendat, narrat suum raptum in tertium cælum.

Secundo, vers. 7, ne inde extollatur, datum sibi ait stimulum carnis : nam virtus in infirmitate perficitur.

Tertio, vers. 11, a patientia se excusat, quod ipsi compulerint eum, ut se laudaret, cum ab illis potius debuisset commendari a patientia, miraculis, prædicatione gratuita, charitate et sollicitudine.

Quarto, vers. 17, refutat calumniam sibi objectam, quod dolose non per se, sed per Titum a Corinthiis pecunias corrogavit.

*Quinto, vers. 21, metuit ne ad eos veniens inveniat aliquos dissensionibus aliisque vitiis involutos : quos tacite hoc ipso monet ne eos cum luctu et dolore castigare cogatur. **

1. Si gloriari oportet (non expedit quidem), veniam autem ad visiones et revelationes Domini. 2. Scio hominem in Christo ante annos quatuordecim (sive in corpore nescio, sive extra corpus nescio, Deus scit), raptum hujusmodi usque ad tertium cælum. 3. Et scio hujusmodi hominem (sive in corpore, sive extra corpus, nescio, Deus scit), 4. quoniam

raptus est in paradysum, et audivit arcana verba, quæ non licet homini loqui. 5. Pro huiusmodi gloriabor : pro me autem nihil gloriabor nisi in infirmitatibus meis. 6. Nam, et si voluero gloriari, non ero insipiens : veritatem enim dicam ; parco autem, ne quis me existimet supra id, quod videt in me, aut aliquid audit ex me. 7. Et ne magnitudo revelationum extollat me, datus est mihi stimulus carnis meæ angelus Satanæ, qui me colaphizet. 8. Propter quod ter Dominum rogavi, ut discederet a me ; 9. et dixit mihi : Sufficit tibi gratia mea : nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. 10. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Cum enim infirmor, tunc potens sum. 11. Factus sum insipiens, vos me coegistis. Ego enim a vobis debui commendari : nihil enim minus fui ab iis, qui sunt supra modum Apostoli : tametsi nihil sum ; 12. signa tamen apostolatus mei facta sunt super vos in omni patientia, in signis, et prodigiis, et virtutibus. 13. Quid est enim, quod minus habuistis præ cæteris Ecclesiis, nisi quod ego ipse non gravavi vos ? Donate mihi hanc injuriam. 14. Ecce tertio hoc paratus sum venire ad vos, et non ero gravis vobis. Non enim quæro quæ vestra sunt, sed vos. Nec enim debent filii parentibus thesaurizare, sed parentes filiis. 15. Ego autem libentissime impendam, et superimpendar ipse pro animabus vestris : licet plus vos diligens, minus diligar. 16. Sed esto : ego vos non gravavi ; sed cum essem astutus, dolo vos cepi. 17. Numquid per aliquem eorum, quos misi ad vos, circumveni vos ? 18. Rogavi Titum, et misi cum illo fratrem. Numquid Titus vos circumvenit ? nonne eodem spiritu ambulavimus ? nonne iisdem vestigiis ? Olim putatis quod excusemus nos apud vos ? Coram Deo in Christo loquimur : omnia autem, charissimi, propter ædificationem vestram. 20. Timeo enim, ne forte cum venero, non quales volo, inveniam vos ; et ego inveniar a vobis qualem non vultis : ne forte contentiones, æmulationes, animositates, dissensiones, detractationes, susurrations, inflationes, seditiones sint inter vos : 21. ne iterum cum venero, humiliet me Deus apud vos, et lugeam multos ex iis, qui ante peccaverunt, et non egerunt pœnitentiam super immunditia, et fornicatione, et impudicitia, quam gesserunt.

VCR. 2. 2. SCIO HOMINEM IN CHRISTO, — hominem Christianum, ut pateat, ait Theophylactus, raptum esse Paulum Christi gratia, non ope dæmonis, uti raptus fuit in aerem Simon Magus.

Quando Pauli hic raptus contigit ? ANTE ANNOS QUATUORDECIM. — Hinc deducitur raptum hunc Pauli contigisse novem circiter annis ab ejus conversione, quæ contigit anno Christi 36. Raptus ergo fuit Paulus anno Claudii imperatoris 2, Christi 44, qui fuit nonus ab ejus conversione ; quo anno, jubente Spiritu Sancto, ordinatus est cum Barnaba Apostolus et doctor Gentium, *Actor. XIII, 2*, paulo videlicet ante quam hunc Apostolatuum ordiretur. Id patet, quia (ut dixi initio epistolæ) hæc scripsit Paulus anno Christi 58, qui fuit Neronis 2, a quo si retrorsum computes annos 14, ut ipsemet hic ait, incidet in annum Christi 44. Non ergo hic raptus contigit anno conversionis Pauli (*Actor. IX, 12*), qui fuit Christi 36, licet id putarint aliqui cum S. Thoma.

Notat Theophylactus Apostoli modestiam, quod per quatuordecim annos rem tantam siluerit. *Secundo*, si tantus et tam altæ contemplationis fuerit Paulus ante annos 14, quantus ergo jam fuit

tot annorum, laborum, meritorum incrementis adauctus ? Ita Chrysostomus et Theophylactus.

SIVE IN CORPORE, NESCIO ; SIVE EXTRA CORPUS, NESCIO. — Licet Apostolus asserat se hac de re nihil certo scire, probabiliter tamen D. Thomas, II II, *Quest. CLXXV, art. 5*, et alii opinantur Pauli animam quasi formam mansisse unitam corpori : alioqui enim Paulus mortuus fuisset, et mox resurrexisset ; Deum autem non decet, ut, cum homines in exstasim rapit, eos occidat ; imo sic non fuisset hic raptus et exstasis, sed occisio et mors, multaque hic intervenissent miracula ; quæ frustra multiplicamus, cum sine iis suavius et naturalius manens in corpore rapti potuerit, ut alii Sancti rapti sunt.

RAPTUM. — « Raptus, ait D. Thomas, est ab eo quod est secundum naturam, in id quod est supra naturam, ex vi superioris naturæ elevatio. » Unde angeli et animæ beatæ non rapiuntur cum Deum vident : quia licet supra naturam eleventur, non tamen alienantur ab eo, quod est secundum naturam, id est, a naturali animæ statu qui est in homine, ut per sensus corporeos et phantasmata

Pauli anima in hoc raptu non fuit separata a corpore.

Raptus quid sit, et quibus comparatur ?

sua objecta cognoscat et intelligat: in raptu ergo alienatur et abstrahitur anima a sensibus et phantasmatis, et sic ab iis abstractus fuit Paulus; aliqui enim scivisset se esse in corpore. Hæc autem abstractio, ait D. Thomas, fieri potest vi morbi, cum tantus est, ut homo incidat in deliquium mentisque alienationem; vel etiam virtute dæmonum, ut fit in arreptitiis: sed non dicitur raptus vel exstasis, nisi fiat virtute divina, qua scilicet mens abstracta a sensibus elevatur ad supernaturalia contemplanda.

Quod fuerit hoc tertium cælum, et quot sint cæli?

USQUE AD TERTIUM COELUM. — Queritur, quodnam hoc cælum? *Primo*, hinc Basilii, homil. 1 *Hexameron*, docet non unum, ut Chrysostomus, non duos, ut Theophylactus, sed tres ut minimum esse cælos. Addunt alii tantum esse tres; tertium enim hic esse summum. Sed his litem intentabunt veteres omnes Astronomi, qui ut minimum octo; et moderni, qui ut minimum undecim cælos statuunt.

Secundo, Div. Thomas, II II, *Quæst.* CLXXV, art. 3, ad 4: « Alio modo, inquit, per tertium cælum potest intelligi aliqua visio supermundana, quæ potest dici tertium cælum triplici ratione. Uno modo, secundum ordinem potentiarum cognoscitivarum; ut primum cælum dicatur visio supermundana corporalis, quæ fit per sensum, sicut visa est manus scribentis in pariete, *Daniel.* v. Secundum autem cælum sit visio imaginaria, puta quam vidit Isaias et Joannes in *Apo-cal.* Tertium vero cælum dicatur visio intellectualis, ut S. Augustinus exponit XII *Super Genes. ad litteram.*

» *Secundo* modo potest dici tertium cælum secundum ordinem cognoscibilium, ut primum cælum dicatur cognitio cælestium corporum; secundum, cognitio cælestium spirituum; tertium, ipsius Dei cognitio.

» *Tertio* modo dici potest tertium cælum contemplatio Dei secundum gradus cognitionis, qua Deus videtur: quorum primum pertinet ad angelos infimæ hierarchiæ, secundum ad angelos mediæ, tertium ad angelos supremæ. » Hactenus D. Thomas, ut raptus fuerit Paulus ad « tertium cælum, » hoc est, ad tertiam et summam angelorum hierarchiam, ibique cum Seraphinis existens clarissime viderit Dei essentiam, indeque ardorem illum et charitatis ignem conceperit, quo deinde orbem universum accendit.

Sed respondeo, dici « tertium cælum, » id est summum, scilicet empyreum, quod est Beatorum sedes. Unde, vers. 4, vocatur paradisos. Dicitur « tertium » hebraismo: ternarius enim numerus significat omnia, et complementum rei, sive summum; tria enim sunt omnia; de quibus scilicet primo dicitur quod sint omnia: nam non de uno aut duobus, sed de tribus primo dicimus quod sint omnia. Hinc Poeta: « O terque quaterque beati, » id est, summæ beati. *Amos*, I, 3: « Super tribus, » id est omnibus, « sceleribus Damasci. » Et hic

vers. 8: « Ter Dominum rogavi; ter, » id est sæpissime, ad ultimum usque, donec respondit mihi: « Sufficit tibi gratia mea. »

Secundo, et simplicius, ut docet D. Thomas loco citato: « Primum cælum est sidereum, secundum crystallinum, tertium empyreum; » vel potius, « cælum primum est aereum, secundum sidereum, tertium empyreum. » Ita Theophylactus, Julianus Pomerius apud Theophylactum, Damascenus, lib. II *De Fide*, cap. VI, et jam alii passim: aer enim in Scriptura ex vulgi phrasi dicitur cælum, unde vocantur *volucres cæli*, hoc est, aeris: aer ergo cælum primum est, nimirum aereum; orbis omnes cælestes sunt cælum secundum, videlicet æthereum; tertium vero est empyreum. Unde male Cajetanus, rejecto cælo empyreo, tertium et summum cælum, in quo Beati habitant, vult esse crystallinum in quo sunt aquæ, quæ *Genes.* I et alibi dicuntur esse supra cælos (1).

Error Cajetani de cælo empyreo.

Mystice S. Bernardus, tract. *De Gradibus humilitatis*: Tres cæli sunt tres personæ SS. Trinitatis; item tres virtutes et dotes, quibus ad eas, et ad gratiæ et gloriæ culmen ascendimus, scilicet humilitas, charitas et perfecta unio. « Nam, inquit, quos verbo et exemplo prius Filius humiliavit, super quos deinde Spiritus Sanctus charitatem effudit, hos tandem in gloria Pater recipit. Filius facit discipulos, Paracletus consolatur amicos, Pater exultat filios. *Primo* scilicet, instruit ut magister. *Secundo*, consolatur ut amicus vel frater. *Tertio*, astringit ut filios pater. Ex prima conjunctione Verbi et rationis, humilitas nascitur. Ex secunda conjunctione Spiritus Dei et voluntatis humanæ, charitas efficitur. Ac tandem gloriosam sibi sponsam Pater conglutinat, ita ut nec ratio de se, nec voluntas de proximo cogitare sinatur; sed hoc solum beata illa anima dicere delectetur: Introduxit me rex in cubiculum suum. Putas, hos gradus Paulus non transierit, qui usque ad tertium cælum se raptum fuisse testatur? »

Quæres *secundo*, verene et realiter raptus fuerit Paulus in cælum empyreum, ut in eo localiter existeret; an vero tantum imaginarie, vel intellectualiter, ut scilicet per imaginationem videretur sibi esse in cælo, videretque ea quæ ibi geruntur, licet corpore et anima maneret in terris? Putant aliqui probabiliter, non vere, sed imaginarie raptum fuisse, quia vocat hunc raptum *visiones* et *revelationes Domini*, vers. 1 et 7. Potest enim facere Deus, ut ego existens in Belgio videam ea

An raptus hic fuerit verus, vel tantum imaginarius?

(1) Judæi septem cælos, intervallis rerum, quæ insunt, distinguere solent. Nomina horum cælorum Wetstenius ex scriptis Rabbiniis recenset: sunt nempe, *Velum*, *Expansum*, *Nubes*, *Habitaculum*, *Habitatio*, *Sedes fixa*, *Araboth*. Verum in sacris litteris tres tantummodo commemorantur cæli. Primum est *aereum*, cujus tres regiones, suprema, media, infima. Secundum est *cælum sidereum*, in quo sol, luna et stellæ. Tertium est *sedes beatorum spirituum*, quod cælum cæli appellat David, quia sublimissimum est et excellentissimum; Paradisos dicitur vers. 4.

quæ fiunt in India, imo et ea quæ fiunt in cælo, videam, inquam, vel per intellectum, vel per imaginationem, vel etiam oculis corporis, elevando scilicet eos, et cum illis concurrente supra naturam, itaque roborando et extendendo vim visivam, ut se porrigat in cælum usque: si enim illa conspiciis et pharmacis ultra naturales vires aliquo usque protendi potest, et si naturaliter hinc stellas in firmamento videmus, cur non ulterius, et ulterius vires has augere et extendere possit Deus? Ita concurrit cum S. Anselmo, ut visu corporeo cerneret per murum ea quæ post murum gerebantur, illorum species ejus oculis indendo. Sic S. Diethelmus apud Ven. Bedam, et alii per imaginationem viderunt pœnas Purgatorii: cur non et Paulus cælum empyreum, eaque quæ in eo gerebantur, ita viderit?

Aliquo-
rum
Sancto-
rum vi-
sus mira-
biliter
conforta-
tus.

Alii, et forte probabilius, censent vere et realiter raptum fuisse in cælum empyreum. *Primo*, quia græce non est ἔξωθεν, id est raptus est in exstasim, sed ἡπράγην, quod mere et simpliciter raptum abreptumque fuisse significat. Ergo non exstasim tantum, sed raptum realem est passus.

Secundo, quia Paulus dubitat an anima rapta sit cum corpore, an sine corpore; ergo eam revera et realiter raptam præsupponit: nam in visione imaginaria tantum, nullum est dubium, sed certum, non corpus, sed animam solam per imaginationem rapi.

Tertio, quia ibi revera audivit arcana verba, ut scilicet orbis jam doctor futurus, e cælo prodire videretur, ibique visa et audita quæ volebat Deus illum hominibus communicare, enarraret, cœlestemque sapientiam quasi e cælo hominibus afferret: de quo plura vers. 4.

Jam si realis fuit raptus animæ, et anima mansit corpori conjuncta (ut dixi hujus versus initio ad illud, *sive in corpore*), videtur et Pauli corpus cum anima raptum esse in paradisum: hoc enim Deo æque est facile, atque solam animam rapere, et congruum dignumque Paulo, qui non Judæorum tantum, ut Moses, sed et Gentium omnium cœlestis futurus erat doctor et Apostolus, ut totus e cælo et Dei alloquio quasi alter Moses prodiret.

Vers. 3. 3. SIVE IN CORPORE, SIVE EXTRA CORPUS, NESCIÖ. — S. Athanasius, serm. 4 *Contra Arianos*, putat Paulum scivisse modum quo raptus fuit, dicere tamen, Nescio, quia illum aliis revelare non poterat; quomodo Christus, *Marci* xiii, 32, ait se nescire diem judicii. Licet enim illum in se sciat, tamen quoad nos eum nescit; nobis enim illum indicare non potest. Verum alii melius simpliciter accipiunt τὸ *nescio*, quasi Paulus vere et proprie nescierit an in corpore, an extra corpus raptus sit, illudque exigit simplex narratio ipsius.

Vers. 4. 4. IN PARADISUM. — Ambrosius, Oecumenius, Haymo; Anselmus et Theophylactus putant Paulum his raptum fuisse, *primo*, in tertium cælum;

secundo, alius in paradisum: sed sic tertium cælum foret cælum Lunæ, Solis aut stellarum: ibi autem quid egisset Paulus? Unde alii passim dicunt eundem esse raptum, idemque esse tertium cælum et paradisum.

raptus
est Pau-
lus.

Dices: Quare ergo post raptum in tertium cælum, ait Paulus se raptum in paradisum quasi altius? Respondeo, quia in cælo empyreo vastissimo separatus est paradisus, id est locus Beatorum, quasi pars cœli nobilior et eminentior; utque innuat se non tantum intellectu raptum altissima vidisse mysteria, sed et voluntate ineffabilem inde voluptatem hausisse: hanc enim significat græce et latine paradisus, locum scilicet voluptatis.

Paradi-
sus est
locus
Beato-
rum se-
paratus
in cælo.

Nota: *Paradisus* non est vox Græca, ut vult Suidas, ἀπὸ τοῦ δάειν, id est, ab irrigando, *q. d.* hortus irriguus; nec, ut alii, παρὰ τὴν δάειν ποτίζου, id est, ab herbarum collectione, *q. d.* Hortus herbidus; sed est vox Persica, ut vult Pollux; vel potius Hebræa, significans hortum amœnis arboribus et fructibus consitum, ut patet *Eccles.* ii, 5; *Nehemiæ* ii, 8, in Hebræo; *Cant.* iv, 11: «Emissiones tuæ paradisus pomorum punicorum;» פֶּרְדִּסַּס *pardes* ergo hebraice (unde Græcum et Latinum *paradisus*) deducitur a radice פָּרָה *para*, id est protulit, fructificavit, et הָדַס *hadas*, id est myrtus: quia myrtus odore saporeque recreat, et in hortis excellit; *pardes* ergo est hortus myrtorum; inde ad quosvis hortos, sylvas et saltus voluptarios, et tandem ad quævis loca amœnissima hoc nomen translatum est. Unde hic tertium cælum vocatur paradisus.

Paradi-
sus vox
Persica,
vel He-
bræa.

Quæres, an Paulus hic divinam viderit essentiam. S. Augustinus, *epist.* 112, cap. xiii, tom. II; Clemens, lib. V *Stromat.*; Anselmus, D. Thomas, II II, *Quæst.* CLXXV, art. 3, affirmant, etsique probabile: ideo enim raptus est in paradisum, id est, locum Beatorum videntium Deum. *Secundo*, ideo audivit arcana quæ homini loqui non licet, et, ut græce est, ἀπῆρα, hoc est *ineffabilia*; reliqua enim præter divinam essentiam effari licet.

Paulus
in raptu
non vidit
divinam
essen-
tiam.

Dices: Tunc dicere debuisset se vidisse res, non audisse verba.

Respondeo: Hebraismo *audire verba* significat videre res, ait Theodoretus; ergo sicut in Prophetis visio vel videre, et audire, idem sunt, ita et in beatis mentibus.

Sed contrarium videtur probabilius: proprie enim *audire* etiam animæ separatæ, non significat clare rem intueri, sed Dei, angeli aut hominis locutionem excipere; alioqui enim clare dixisset: Vidi ineffabilia, vidi Deum. *Secundo*, quia I *Tim.* vi, 16, de Deo dicitur: «Quem nullus hominum vidit.» *Tertio*, quia si Deum vidit, vidit et statum suum, an in corpore esset, nec ne; quod tamen hic negat. *Quarto*, quia parce suas hic visiones recenset, majoraque se subicere ex humilitate docet vers. 6. Ita S. Gregorius, lib. XVIII *Moral.*, cap. v; Hieronymus, Cyrillus, Chrysostomus et

passim alii Patres et Scholastici. Vide Ludovicum Molinam, I part., Quæst. XII, art. 11, disp. II. Denique quia de Mose clarius innuit Scriptura, quod Dei essentiam viderit, et tamen satis clare demonstravi *Exodi xxxiii*, Mosen non petiisse Dei essentiam videre, neque si petierit, impetrasse: deserte enim vers. 20, negative respondet ei Dominus: « Non poteris videre faciem meam; non enim videbit me homo, et vivet. » Ac tantum vers. ult. concedit ei, ut posteriora, id est signum corporis ab angelo, qui Deum representabat, assumpti videat: petebat enim Moses ut Deus, vel potius angelus vice Dei nube se tegens, et per nubem cum ipso colloquens, eam explicaret, ut clare eum videre, et facie ad faciem cum eo colloqui posset. Respondet ei angelus, hominis oculos non ferre, nec posse videre faciem suam, sed dorsum tantum: facies enim illa ab angelo assumpta radiantissima erat, et tam admirando lumine ac majestate augusta, ut Deum Deique gloriam quadamtenus referret; vincebat ergo solis splendorem, quem cum oculis directis et irretortis homo intueri non possit, quin potius ab eo perstringatur, et quasi excæcetur: sequitur multo minus faciem hanc angeli longe splendidiorem a Mose videri potuisse, quin ab ea statim excæcetur. In dorso vero corporis illius a se assumpti ita lumen angelus attemperaverat, ut Mosis aspectus ferret. Unde permisit posteriora sua, hoc est dorsum suum ab eo videri: quo mirifice recreatus est Moses, tantoque lumine perfusus et aspersus, ut facies ejus pariter radiaret, lucisque radiis quasi cornibus quibusdam cornuta videretur, ut ibi dixi. Hæc itaque Mosis visio fuit corporalis: corporeis enim oculis vidit corpus hoc angeli a tergo; longe ergo abfuit Moses a visione divinitatis essentiaque divina. Si Moses abfuit, ergo et Paulus, qui multo obscurius et humilior de sua visione loquitur.

AUDIVIT ARCANAE VERBA, QUÆ NON LICET HOMINI LOQUI. — Quæres, quæ arcana viderit vel audierit Paulus in paradiso. Respondeo: Narrantur hæc in libro, qui inscribitur Apocalypsis, id est revelatio, Pauli: sed hic liber falso ascribitur S. Paulo, pleniusque fabulis est. Ita S. Augustinus, tract. 98 in *Joan.*, Beda, Theophylactus; et Epiphanius librum hunc tribuit Cajani in eorum hæresi.

Cajani hæretici librum ediderunt de Apocalypsi S. Pauli.

Quoniam Paulus viderit in raptu et audivit?

Dico ergo, nihil hic certo dici posse, cum ea Paulus siluerit; opinari tamen licet Paulum vidisse et audisse mira de angelorum natura, dotibus, gratia, gloria, ordinibus, ait S. Gregorius, hom. 4 in *Ezechiel*. Unde S. Dionysius, *De Coelesti Hierarchia*, ex S. Pauli doctrina ita ordines angelorum describit, quasi oculis omnia spectarit. Rursum, audisse mira de divinis quibusdam attributis nobis hic incognitis; vidisse insuper gloriam Christi: a Christo enim doctus est Evangelium, *Galat.* I, 12. Raptus enim fuit, ut ei auctoritas adderetur, ne minor esset aliis Apostolis, qui Christum in carne viderant, ab eoque edocti erant, ait

Chrysostomus. Addit Theodoretus, vidisse paradisi pulchritudinem, Sanctorum choreas et gaudia, numerosam ac modulatam hymnorum celestium vocem audisse. Unde postea admirandus exclamavit: « Oculus non vidit, nec auris audivit, nec in cor hominis ascendit, quæ præparavit Deus iis qui diligunt illum. »

Secundo, et potius, videtur audisse arcana de secreto, ratione, modo, ordine divina reprobationis et prædestinationis ac vocationis hominum, maxime Gentium et provinciarum per se convertendarum: hoc enim secretum passim miratur Paulus, *Rom.* XI, 33, et alibi, hocque maxime ad ipsum attinebat, eoque proxime mittendus erat. Ita Baronius.

Rursum audivit, ut videtur, arcana quædam Christi redemptionis ac Evangelii mysteria: hoc enim per revelationem, in hoc scilicet raptu, accepisse se dicit a Christo, *Galat.* I, 12. Denique audivit, ut apparet, arcana de œconomia, regimine ac successu Ecclesiæ presentis ac futuræ: hoc enim ad ipsius et statum et officium pertinebat: jam enim designatus erat Ecclesiæ doctor et rector; sicque ineffabilia vocat, tum quæ fari prohibitum est, tum quæ fando adæquare et plene explicare non possumus.

5. PRO EJUSMODI (ὅτις τοῦ τοιούτου, pro tali, scilicet homine a Deo raptō) (1) GLORIABOR: PRO ME AUTEM NIHIL. — Loquitur de se raptō quasi alio a se suaque naturali conditione, ad φιλανθρωπίαν vitandam, ait Oecumenius.

NISI IN INFIRMITATIBUS, — calamitatibus, passionibus. Nota: Per Hebræam metonymiam passim hic infirmitas ponitur pro dolore: sic Hebræi infirmari ponunt pro dolere, quia ejus causa est, vel effectus, vel utrumque. De quo rursum, vers. 9. Sic *Mich.* IV, vers. 10, dicitur: « Dole et satage, filia Sion, quasi parturiens. » Ubi pro *dole* in Hebræo est חולי *chuli*, id est infirmare. Sic *Osee* IV, 3: « Propter hoc lugebit terra, et infirmabitur (id est dolebit) omnis qui habitat in ea. » Sic *Isaiæ* LIII, 3, Christus vocatur « vir dolorum, sciens infirmitatem. » Quæ duo in re idem sunt, adeoque more Hebræo posterius explicat prius. Vir enim dolorum est qui scit, id est experitur, infirmitates, id est dolores. Sic *Psal.* XV, 4: « Multiplicatæ sunt infirmitates (id est dolores) eorum, postea acceleraverunt. »

Infirmitas phrasi Hebræica pro dolore ponitur.

6. PARCO AUTEM, NE QUIS ME EXISTIMET SUPRA ID QUOD VIDET IN ME, — ne videlicet quis me angelum, vel Deum aliquem putet, ut Lycaonii, qui de me et Barnaba dixerunt: « Dii similes facti hominibus descenderunt ad nos, » *Actor.* XIV, 10. Nota: Potuisset de se mirabilia magis referre, sed ea modestiæ humilitatisque studio tegit et opacat: omnes enim Sancti, ait Anselmus, non modo gloriam supra modum omnino non appetunt, sed et hoc ipsum refugiant quod esse meruerunt.

(1) Alii, de ejusmodi re.

Præclare S. Bernardus, epist. 18 ad Petrum : «Laudamus, inquit, mendaciter, delectamur inaniter, ut et vani sint qui laudantur, et mendaces qui laudant. Alii adulantur, et ficti sunt; alii laudant quod putant, et falsi sunt; alii utrorumque præconis gloriantur, et vani sunt. Solus sapiens, qui cum Apostolo dicit : Parco autem, ne quis me existimet supra id quod videt in me, aut audit aliquid ex me.»

Vers. 7. 7. ET NE MAGNITUDO REVELATIONUM EXTOLLAT ME.

— Hinc patet Paulum quasi cœlestem orbis doctorem multas et magnas habuisse revelationes, iisque quasi assuetum et enutritum fuisse. Illarum nonnullas describit Lucas. *Primam*, qua conversus est Paulus, *Actor. ix, 3. Secundam*, qua vocatus est in Macedoniam, *Actor. xvi, 9. Tertiam*, *Actor. xviii, 9*, qua Corinthi contra Judæos jussus est constanter evangelizare. *Quartam*, *Act. xxii, 17*, qua ad Gentes missus est. *Quintam*, *Act. xxvii, 23*, qua didicit se cum suis naufragium evasurum. Unde S. Augustinus, illud *Psal. lxxvii* : « Ibi (scilicet inter Apostolos) Benjamin in mentis excessu, » de Paulo intelligit, qui fuit ex tribu Benjamin.

DATUS EST MIHI STIMULUS CARNIS MEÆ ANGELUS SATANÆ, QUI ME COLAPHIZET. — « Datus est, » non a diabolo, sed a Deo; non quod Deus tentationis sit auctor, sed quia diablo tentare Paulum parato, id permisit, idque tantum in specie et materia libidinis, ad eum humiliandum. Ita Augustinus, *De Natura et Grat.*, cap. xxvii. « Hic monitor, ait Hieronymus, epist. 25 ad Paulam de obitu Blæsilæ, Paulo datus est ad premendam superbiam, uti in curru triumphali triumphanti datur monitor suggerens : Hominem te esse memento. » Uti et Pontifici cum inauguratur, stupa accensa et mox extincta, accinitur : « Pater sancte, sic transit gloria mundi. » Unde optimum remedium ad evadendas tentationes carnis, est humilitas, si in ea tanto te magis fundes et profunde demittas, quanto te magis Deus donis suis et gratis attollit : si enim tu ipse id facias ac prævenias, Deo non erit opus hunc stimulum, ut te in humilitate conservet, adhibere. Vide dicta Rom. i, 24.

Quid fuerit ille stimulus carnis, et angelus Satanæ? quatuor sententia.

STIMULUS CARNIS. — Tertullianus, lib. *De Fuga in persecut.*, cap. ii, legit *sudes*. Quæritur, quis hic? Si enim est stimulus, quomodo colaphizet ut colaphus? quomodo est angelus Satanæ? Respondet Augustinus, *De Natura et Grat.*, cap. xvi, se nescire, quis sit. Duo hic certa sunt : *Primum*, fuisse dæmonis vexationem : « Datus, inquit, mihi est angelus Satanæ, qui me colaphizet, » ut me vexet. Unde orat ut discedat, vel, ut græce, ἀποχωρῇ, id est desistat. *Secundum*, fuisse aliquid instar aculei carni ejus infixum, quod eum assidue pungeret et cruciaret.

Verum in particulari quid fuerit, certum non est. *Primo*, Anselmus, Beda, Sedulius et Hieronymus in *Galat. iv, 13* (ubi infirmitatem carnis in se agnoscit Apostolus), putant fuisse corporis ægritudines, sive capitis perpetuum dolorem, ut

vult Hieronymus; sive viscerum iliacos dolores, ut alii apud S. Thomam; sive renum infirmitatem, et podagram, ut vult Nicetas in *orat. 30 Nazianzen*, quam habuit in mortem S. Basilli; sive, ut alii, stomachi ægritudinem; sive aliquem alium morbum. Unde et S. Basilius in *Reg. fusius disp.*, cap. ult., et Augustinus in *Psal. cxxx*, stimulum hunc putant fuisse morbum Paulo æque ac S. Job a dæmone immissum : sed nusquam alibi de morbis suis queritur Apostolus, et morbi magno illi fuissent impedimento, in sua prædicatione Evangelique propagatione.

Secundo, Chrysostomus, Theophylactus, Theodoretus, Œcumenius, Ambrosius, Erasmus, stimulum hunc putant fuisse persecutiones et adversarios Pauli, de quibus sequitur vers. 10; sed hi externi erant stimuli, non carnis, et interni; et de his gloriari solet, non queri (1).

Tertio, alii probabilius censent Satanam sæpe pugnis ac verberibus Paulum (uti et aliquando S. Antonium et alios) impetivisse; ita ut dolor remaneret in corpore quasi stimulus, ex colaphis et plagis a dæmone acceptis : hoc enim plane et proprie verba significant; sed tunc apertius et ordinatius dixisset : Datus est mihi angelus Satanæ, qui me colaphizet et stimulet; nec de hoc ita quereretur generosus Pauli animus, qui omni hominum dæmonumque verberatione excelsior, de ea solet gloriari.

Quarto ergo, communiter alii censent stimulum carnis fuisse concupiscentiæ motus, libidinisque tentationes; hæc enim concupiscentia stimuli te live instar carni nostræ ita infixæ est, ut evelli in hac vita non possit. Unde græce dicitur ὀξύθυς, id est palus, stipes præacutus, stimulus, spiculum, aculeus, τῇ σαρκί, hoc est carni, videlicet impressus et infixus, et, ut Syrus, *stimulus in carne meâ*; Noster vertit, *stimulus carnis*, hoc est, carni inhærens, in carne, et a carne excitatus.

Dices : Quomodo ergo vocat eum « angelum Satanæ, » id est Luciferi ministrum, vel, ut Cajetanus ex Græco vertit, *angelum Satanam*; *Satan* enim est indeclinabile, et omnis casus apud Hebræos.

Respondeo, angelum Satanæ, vel etiam Satanam, vocat ipsum dæmonem, hunc stimulum et concupiscentiam suscitantem et accendentem; vel potius ipsum stimulum et concupiscentiam a dæmone Satana, id est suo, suæque pudicitiae adversario, suscitata et accensam, ut sit metonymia, qua causa pro effectu, et auctor pro opere suo ponitur. Dæmon enim humores commovendo, sanguinem accendendo, spiritus generationi subservientes excitando et inflammando, Pauli phantasie turpes imagines objiciendo, concupiscentiam quasi sopitam, totque laboribus, inediis,

(1) Hanc tamen Græcorum Patrum interpretationem probabilissimam esse, ea quæ proxime sequuntur, arguunt.

Stimulum fuisse tentationes libidinis, probatur ex rationibus.

Quare stimulum carnis vocet Paulus angelum Satanæ?

ærumnis pene mortificatam suscitabat, et ad turpes libidinis motus commovebat et acuebat.

Probatur *secundo*, quia hanc concupiscentiam fuisse in Paulo, patet *Rom.* cap. vii, vers. 23, ubi propter eam æque et magis quam hic, luget et gemit. Hinc etiam castigat corpus suum, *I Cor.* cap. ix.

Tertio, quia si quid aliud fuisset, clare explicasset; jam autem rem ita verecundam et pudendam tegit, vocatque metaphorice stimulum.

Quarto, quia hic stimulus datus est ei ad eum humiliandum; nihil autem castos ac virtutis amantes ita humiliat, atque hæc carnis tentatio, nihilque eos ita continet, ut cum metu et tremore suam salutem operentur, atque dum carnis suæ fragilitati lapsus in tam periculosa et proclivi ad consensum tentatione semper timent: in morbis enim, verberibus, persecutionibus et aliis ærumnis gloriantur potius et exultant, præsertim si pro Christo Christique fide et gloria illa patientur, uti patiebatur Paulus.

Quinto, quia hæc tentationes carnis proprie Sanctos non lædunt, sed colaphizant, id est ruborem ac mærorem incutiunt, sicut qui a socio colaphum accepit, non tam dolore, quam pudore suffunditur.

Sexto, quia contra has tam instanter et toties rogat obsecratque ut iis liberetur; in aliis, non liberationem, sed fortitudinem et constantiam petisset; hæc enim solæ non tam fortiter patiundo, quam fugiendo vincuntur. Rogat igitur ab iis liberari, auditque: « Sufficit tibi gratia mea: » quæ in hac materia unice est necessaria, et tentatis assidue imploranda, ut hosti domestico, et in visceribus suis latenti, semperque bellum moventi resistent, eumque superent.

Denique ita sentiunt S. Augustinus, conc. 2 in *Psal.* LVIII; Hieronymus, ad *Eustochium de custodia virginis*; Salvianus, *serm. De Circumcis.*, qui ascribit (sed falso) Cypriano; Haymo, *Theophylactus*, Anselmus, Beda, S. Thomas, Lyranus et alii; videturque communis fidelium sensus, qui hinc libidinis tentationem stimulum carnis vocant: vox autem populi est vox Dei.

Quod vero addit Hugo Cardinalis, hanc carnis tentationem in Paulo ortam fuisse ex familiaritate pulchræ virginis S. Theclæ, quam a se baptizatam circumducebat, falsum est et commentitium. Nullam enim mulierem circumduxit Paulus, ut ipse docet *I Cor.* ix, 5. Et licet circumducere eam cœpisset, debuisset tamen sub pœna peccati eam dimittere, cum tantæ tentationis et vexationis illi fuit occasio et fomes. Rursum, quid opus erat Paulo Deum tam instanter orare, ut hic stimulus discederet a se, cum ipse eum dimittere facillime potuisset? Adde, hæc fabella sumpta est ex libro qui inscribitur *Pauli et Theclæ periodi*, quem S. Hieronymus, Tertullianus et Gelasius quasi apocryphum rejiciunt.

Obijciunt Erasmus et Faber *primo*, stimulum

libidinis indecorum et indignum fuisse tanto Apostolo, eoque jam sene.

Respondeo: In statu lapso non esse indignum, imo utilem. Vide Gregorium, lib. XIX *Moral.*, cap. v et vi, et ex eo Anselmum, quam utili et prudenti consilio electi inter raptus et elevationes, hinc inde inter infirmitates et depressiones; jam in altum elati, jam quasi in abyssum demersi quasi ancipites librentur, ne vel in superbiam, vel in desperationem corruant; sed media inter utrumque via recta in celum gradientur. Unde hanc concupiscentiam fuisse in Paulo patet ad *Rom.* vii, 23. Fuisse et esse in Sanctis jam senibus experientia constat. Sic enim Nazianzenus sæpe de carnis suæ malo conqueritur, ut *epist.* 96, et in Carmine de carne sua, et de calamitate animæ suæ. Adde, Paulum non fuisse senem: juvenis enim conversus est forte 23 annorum, aut 27, *Actor.* vii, 58. Hæc autem scribit anno 22 a conversione sua; fuit ergo tum circiter quinquaginta annorum.

Obijciunt *secundo*, Apostolus statim subdit: « Libenter igitur gloriabor in infirmitatibus meis; » de libidine autem et concupiscentia non licet gloriari: ergo non hanc, sed alias infirmitates et stimulos intelligit.

Respondeo: Apostolus non tantum ad stimulum carnis immediate præcedentem, sed etiam, et quidem magis, respicit ad omnes passiones pro fide obitas, quas numeravit cap. præced., in iisque gloriatus est, et assidue gloriatur: ample enim sumit nomen « infirmitatis, » et in eo ludit, ut dicam vers. 10. Adde, de hac carnis tentatione gloriari licet, non in se, quatenus incitat ad malum, sed ut afflictio est a dæmone immissa. *Secundo*, quatenus in ea perficitur virtus Christi: uti Julius Cæsar gloriabatur, et optabat hostes validissimos, ut in eos suam virtutem et fortitudinem bellicam ostenderet. Sic Sancti plures Deum orarunt, et petierunt habere tentationes, in iisque gloriati sunt. Hinc dicitur *Jacobi* i, 2: « Omne gaudium existimate, fratres mei, cum in tentationes varias incideritis; » et vers. 12: « Beatus vir qui suffert tentationem, quoniam, cum probatus fuerit, accipiet coronam vitæ, » etc.

Moraliter nota, tentationem viris justis non esse causam ruinæ, sed stimulum virtutis: sic enim eam hic vocat Apostolus. Sicut enim calcari stimulat equi etiam generosi, animosius et velocius progrediuntur: ita et Sancti stimulo tentationis excitantur, ut animosius pergant in virtute, ne succumbant et pereant. Hinc nonnulli Sancti generosi non tristabantur, sed gaudebant in tentationibus. Ita in *Vitis Patrum*, lib. III, cap. viii, narratur de quodam Seniore, qui videns discipulum graviter tentari fornicatione: « Si vis, inquit, o fili, deprecor Dominum, ut auferat a te istam impugnationem. » Cui discipulus: « Video, pater, quia etsi laborem sustineo, sentio tamen fructum in me perficere bonum: quia per occasionem im-

Hunc stimulum carnis non indignum fuisse Paulo, ostenditur contra Erasmus et Fabrum.

Sancti quomodo et cur gloriati in tentationibus?

Hic stimulus non ortus est Paulo ex familiaritate S. Theclæ.

pugnationis hujus et amplius jejuno, et amplius in vigiliis et orationibus tolero. Sed deprecor te, ut exores pro me misericordiam Domini, ut det mihi virtutem quatenus possim sustinere, et certare legitime. » Mox senior : « Nunc, ait, cognovi, fili, quia fideliter intelligis, quod hoc spirituale certamen per patientiam ad salutem æternam animæ tuæ proficiat. Ita enim S. Apostolus dixit : Bonum certamen certavi, cursum consummavi, fidem servavi : in reliquo reposita est mihi corona justitiæ. »

Narrat S. Dorotheus de quodam sancto monacho, quod dolebat tentatione se liberatum, plangebaturque dicens et orans : « Ergone, Domine, non sum dignus, qui patiar, modicumque affligar et tribuler pro amore tuo? » Climacus, *gradu* 29, narrat de S. Ephrem, quod videns se in altissima pace et tranquillitate animi, quam ipse vocat impassibilitatem et cœlum terrestre, rogaverit Deum ut sibi restitueret pristinas tentationum impugnationes et bella, ut non perderet materiam mendi et augendi coronam suam. Sic Alexander Magnus et similes duces optabant validissimos hostes, ut eo gloriosiores de iis reportarent victoriam, quo acrius cum iis iniissent certamen. Narrat Palladius abbatem Pastorem cuidam dicenti : Oravi Deum, et liberavit me ab omni tentatione, respondisse : « Ora Deum, ut tibi tentationes tuas reddat, ne fias deses et negligens. » Retulit id ipse ad Deum, cui Deus : Recte dixit tuus magister Pastor, simulque ei tentationem restituit.

Vers. 8. 8. PROPTER QUOD TER (id est sæpe et frequenter; ternarius enim symbolum est multitudinis et universitatis) DOMINUM ROGAVI; ET DIXIT MIHI : SUFFICIT TIBI GRATIA MEA, — ut in te licet debilis, in me tamen sis fortis ad hanc tentationem superandam. Hinc patet Paulum non fuisse in sua prece exauditus, nec hoc stimulo liberatum. Causam dat S. Augustinus in *Psal.* cxxx : Sicut, inquit, æger cum ei applicatur pharmacum molestum et ardens, rogat medicum ut illud auferat : medicus autem ægrum consolatur et hortatur ad patientiam, quia novit quam utile sit quod appositum : pari modo egit hic Deus cum Paulo. « Ego novi, inquit S. Augustinus, quid apposuerim; ego novi unde ægrotas, ego novi unde saneris. Sufficit tibi gratia mea. » Sicut ergo medicus theriacam contra viperam et venena, ex ipsa vipera carne conficit : sic Deus ex nostra infirmitate contra infirmitatem, adeoque ex una concupiscentia contra aliam, v. g. ex stimulo carnis contra superbiam, medicinam et theriacam conficit.

Vers. 9. 9. NAM VIRTUS IN INFIRMITATE PERFICITUR. — Sententia generalis est, et quasi axioma morale de quavis infirmitate, proprie tamen et proxime ad stimulum carnis, qui præcessit, id est concupiscentiæ infirmitatem, respicit. Pro *virtus* græce est δύναμις μου, *potentia*, fortitudo mea (quam sci-

licet ego Deus tibi, o Paule, aliisque Sanctis communico et indo; sunt enim hæc verba Dei precibus Pauli respondentis) : hæc in infirmitate perficitur, quia quo major infirmitas, id est carnis tentatio, eo major a Christo fortitudo contra eam suggeritur. Unde sequitur : « Ut inhabitet in me virtus Christi; » et : « Cum infirmor, tunc potens sum. » Hoc proprie vult Apostolus.

Ubi nota *primo* : Virtus hæc et fortitudo est Pauli quasi accipientis; sed est Dei tanquam eam efficientis et donantis. « Virtus ergo in infirmitate perficitur, » id est virtus et potentia divina maxime illustratur, *primo*, cum in infirmis tantam fortitudinem, patientiam aliaque mira opera operatur. *Secundo*, cum is per quem operatur, infirmitatis suæ conscius nihil inde sibi vindicat, sed universam laudem uni tribuit Deo. Ubi adverte, diversam esse virtutem et potentiam mundi, et Dei; illa vi viribusque, hæc contra tolerando innotescit. *Tertio*, « virtus in infirmitate perficitur, » quia infirmitas est objectum patientiæ, fortitudinis et temperantiæ, ut nimirum infirmi magis sint sobrii si ægrotent. *Quarto*, quia infirmi sibi diligentissime cavent, ac contrariis caute resistunt, sicque fiunt exercitiores et fortiores, ait S. Thomas. Nimirum « crescit adversis agitata virtus, » adeoque in tentatione constans castitas, et quævis virtus robustior fit, ut patet in Patriarcha Joseph, Susanna, Paulo et aliis. *Quinto*, spirituatim S. Augustinus, lib. *De Gratia Christi*, cap. xii, et Anselmus : « Fortitudo, inquit, nostra est infirmitatis in veritate cognitio, et in humilitate confessio. » Et Hieronymus *ad Ctesiphontem* : « Hæc una præsentis vitæ perfectio est, ut te imperfectum agnoscas, » ut scilicet tibi diffidens, ut de tuis viribus desperans, te totum per spem firmam in Dei potentiam conjicias : Deus enim humiles et in se sperantes roborat, et quasi omnipotentes facit, ait S. Bernardus, serm. 83 in *Cantica*, ut nullis tentationibus, laboribus, periculis frangantur.

Exemplum de se narrat S. Augustinus, lib. VIII *Confess.*, cap. xi : « Cum diceret, inquit, mihi consuetudo violenta : Putasne sine istis (concupiscentiis quibus jam assuevisti) poteris vivere? aperiebatur ab ea pars, qua intenderam faciem, et quo transire trepidabam, casta dignitas continentiae, honeste blandiens, ut venirem, neque dubitarem; et extendens ad me suscipiendum et amplectendum piæ manus plenas gregibus bonorum exemplorum. Ibi tot pueri et puellæ, ibi juvenus multa, et omnis ætas, et graves viduæ, et virgines anus. Et irridebat me irrisione exhortatoria, quasi diceret : Tu non poteris quod isti et istæ? An vero isti et istæ in semetipsis possunt, ac non in Domino Deo suo? Dominus Deus eorum me dedit eis. Quid in te stas, et non stas? Projice te in eum, noli metuere, non se subtrahet ut cadas. Projice te securus, excipiet te, et sanabit te. » Hæc ille.

Virtus
fortitudo
est Dei
donantis,
hominis
accipien-
tis.

Potentia
mundi et
Dei quo-
modo dif-
ferat?

Virtus
crescit
adversis.

Infir-
morum
exemplo
virtus
accendi-
tur.

Infirmi-
tatum et
tribula-
tionum
utilitas.

« Virtus denique in infirmitate perficitur, » quia, ut ait S. Bernardus, *epist.* 254, in robusto ac vegeto corpore animus mollior atque tepidior jacet; ac rursus in corpore debili et infirmo fortior viget promptiorque spiritus. Scilicet quemadmodum ingenio pollet, cui vim natura negavit; sic cui corporeas vires negat, illi dat Deus animi robur et vigorem; et mens in corpore infirmo afflicta ad cælum et resurrectionem anhelat, aspernatur quidquid fluxum est, turbulentum, interituique obnoxium; nec præsentī sed futuro ævo, vivit, mortisque meditationem, ut aiebat Plato, hanc vitam existimat; denique totam se Deo et cælestibus addicit. « Anima morbo affecta Deo propinqua est, » ait Nazianzenus, *orat. ad cives Nazianzenos*. Audi quid illustris senex in Vitis Patrum, lib. III, num. 157, discipulo suo infirmato dixerit: « Non contristeris, fili, ex infirmitate vel plaga corporis tui: summa enim religio est, ut in infirmitate quis agat Deo gratias. Si ferrum es, per ignem æruginem amittis; si vero aurum es, per ignem probatus a magnis ad majora procedis. Ne anxieris ergo, frater: si enim Deus te vult in corpore torqueri, tu quis es, qui moleste feras? Sustine ergo, et roga Deum, ut quæ ipse vult, illa concedat. »

Anno Domini 816, B. Theophanes Abbas Sigriani ægrotus, Leoni Armeno Imperatori Iconoclastæ, minanti dira quælibet, nisi damnaret cultum imaginum, respondit: « Si ut pueros parum generosos magistri scutica perterrefaciunt, ita tu me morbo (laborabat autem calculi doloribus, adeo ut non posset incedere) et senectute confectum, minis territum iri speras: rogas accendatur, parentur tormenta, et omnia cruciatuum genera, ut scias planissime Christi virtutem in meis infirmitatibus perfici. Ego qui per humum iter facere nequeo, valetudinis infirmitate superata, in ignem insiliam. » Dixit et præstitit: nam post alias tentationes carceri inclusus, cum nulli ad eum aditus concederetur, fame, squalore et morbo acerrimo sensim confectus, post biennium animam, quasi suavam hostiam, Deo obtulit, ac post mortem miraculis claruit: quocirca ejus memoriam annuam recolit Ecclesia die 12 martii. Ita Baronius, tom. IX, anno Christi 816. Vide de infirmitatum et tribulationum utilitate Chrysostomum in *moralī homil.* 26, et S. Thomam

Denique pie S. Bernardus, tract. *De Grad. humil.*: « Virtus, ait, in infirmitate perficitur. Quæ virtus? Ipse Apostolus respondeat: Libenter gloriabor in infirmitatibus meis, ut inhabitet in me virtus Christi. Sed nondum forsitan intelligis, de qua specialiter dixerit, quia Christus omnes virtutes habuit. Sed cum omnes habuerit, præ omnibus tamen unam, id est humilitatem, nobis in se commendavit, cum ait: Discite a me quia mitis sum et humilis corde. Libenter igitur et ego, Domine Jesu, gloriabor, si potero, in infirmitate, in nervi mei contractione, ut tua virtus, id est

humilitas, perficiatur in me. Nam sufficit mihi gratia tua, cum defecerit virtus mea. »

LIBENTER IGITUR GLORIABOR IN INFIRMITATIBUS MEIS, UT INHABITET IN ME VIRTUS CHRISTI. — Nota: Ex humilitate gloriatur non in fortitudine sua, sed in infirmitate, ut sic provocet in se virtutem ac fortitudinem Christi, tacite quasi in eam se conjiciens, eamque invocans. Hinc per *infirmitatem* significat omnem passionem, tribulationem, tentationem, humiliationem, ut explicat vers. sequent. *Infirmitas* enim generatim sumitur pro quovis dolore et afflictione, quæ vel corpus, vel animus premit, dejicit, ægrum et infirmum reddit. Unde *primo*, infirmitas hæc complecti potest morbos, quos fuisse stimulum carnis in Paulo docet Basilius, Augustinus, Anselmus. *Secundo*, labores, de quibus cap. præced., vers. 27. *Tertio*, tentationes carnis, de quibus vers. 7, et alias quasvis. *Quarto*, jejunia, vigiliis aliasque carnis castigationes, quibus eam macerabat infirmabatque ut spiritui subderet, cap. præced., vers. 27. *Quinto*, contumelias, persecutiones, pericula, verbera, omnesque ærumnas, quas pro fide et Evangelio tolerabat, de quibus fuse gloriatur cap. præced., et has præcipue hic intelligit, ut explicat vers. sequent.

Solentur se infirmi in infirmitatibus suis, quod in iis quasi in domo propria et tabernaculo suo inhabitet virtus, græce *δυναμεις*, id est, fortitudo Christi. Græcum enim *ἐπισκενωσθαι* significat inhabitare quasi in tabernaculo suo: ibi enim maxime se ostendit Dei potentia, ubi maxima est infirmitas et inopia, ibique succurrit maxime, ubi maxima est necessitas. « Tibi, ait Propheta, derelictus est pauper, orphano tu eris adjutor. » Licet enim naturaliter « imbecillitas corporis animæ quoque vires secum trahat, » ut ait S. Hieronymus, præfat. in lib. II *Comment. in Amos*; ac « corpus quod corrumpitur aggravet animam, » *Sap. ix*, 15, tamen supernaturaliter secus fit. Per gratiam enim roborata anima roborat et corpus. Ita in S. Francisco cum languore corporis crescebat vigor mentis, in tantum ut gratias agens Deo, oraret morbos in centuplum augeri. « Nam tuæ, inquebat, o Domine, voluntatis adimpletio, mihi est consolatio superplena, » uti refert S. Bonaventura in ejus Vita.

Notat S. Bernardus, *serm.* 34 *in Cant.*: « Non dicit, inquit, patienter se ferre infirmitates suas, sed et gloriari, et libenter gloriari in illis, probans etiam sibi bonum esse, quod humiliaretur. Hilarum enim datorem diligit Deus. Etenim sola gratiam quam præfert, meretur læta et absoluta (non tristis, non coacta) humilitas. » Et *serm.* 23: « Optanda, ait, infirmitas, quæ Christi virtute compensatur. Quis mihi dabit non solum infirmari, sed et destitui ac deficere penitus a memetipso, ut Domini virtutum virtute stabiliar? Nam virtus in infirmitate perficitur. Quod cum ita sit, pulchre sponsa convertit sibi ad gloriam, quod et

Quinque
complec-
titur in-
firmitas
de qua
hic agit
Paulus.

pro opprobrio ab æmulis intorquetur, non modo formosam, sed et nigram se esse glorians. Nil sibi gloriosius proinde putat, quam Christi portare opprobrium. Grata ignominia crucis ei, qui crucifixo ingratus non est. »

Vers. 10. 10. PROPTER QUOD PLACEO MIHI IN INFIRMITATIBUS. — Non quod eæ per se expetendæ sint et oblectent, aut etiam menti placeant, si tentationes sint; sed placeo mihi in eis, quatenus per illas perficitur et inhabitat in me virtus Christi, ut præcessit. Verum, ut dixi, alias potius infirmitates hic intelligit, quas explicat, dum subdit: « In contumeliis, in necessitatibus (famis, sitis, nuditatis, frigoris ac similibus), in angustiis pro Christo. » Pro *placeo* græce est εὐδοκῶ, delector, q. d. Non tantum eas fortiter fero, sed et iis pascor et oblector. Ita Theophylactus.

CUM ENIM INFIRMOR (cum affligor, eaque quæ jam dixi patior), TUNC POTENS SUM, — tunc roboror, potens, fortis et validus fio, gratiæ, patientiæ, magnanimitatis, humilitatis, spei ipsiusque Dei viribus, qui tunc adest, viresque suas exerit ac mihi suggerit. Ita Chrysostomus. Aliter Oecumenius: « tunc potens sum, » hoc est, etiam tum, licet infirmus, potenter edo miracula. Aliter et S. Basilius, in *Psal. xxxii*: « Cum, ait, infirmor, tunc potens sum: virium enim corporis multitudo saluti spiritus est impedimento. » Pulchre et vero S. Bernardus, *serm. 29 in Cant.*: « Vides, inquit, quia carnis infirmitas robor spiritui augeat et subministret vires? Ita e contrario noveris carnis fortitudinem debilitatem spiritus operari. Et quid mirum si, hoste debilitato, tu fortior efficeris? Nisi forte illam tibi insanissime ducas amicam, quæ non cessat concupiscere adversus spiritum. » Subdit: Hinc « prudenter sagittari et impugnari salubriter postulat Sanctus: Confige timore tuo carnes meas. Optima timor iste sagitta, qui configit et interficit carnis desideria, ut spiritus salvus sit. Sed et qui castigat corpus suum et in servitutem redigit, nonne is tibi videtur etiam manum contra se pugnantis ipse juvare? »

Vers. 11. 11. FACTUS SUM INSIPIENS, — laudando me videor fuisse insipiens, sed vos qui minorem, quam par erat, de me opinionem habuistis, et magis pseudoapostolis hostibus meis, quam mihi credidistis, coegistis me ad hanc laudem, ut scilicet per illam, opinionem et auctoritatem meam apud vos reciperem.

NIHIL ENIM MINUS FUI (οὐδὲν ὑπερῶς, nihil inferior fui, in apostolatu scilicet, Apostolicis laboribus, gratiis, passionibus) AB IIS QUI SUNT SUPRA MODUM (id est, ab iis, qui eximii sunt et excellentissimi) APOSTOLI. — Non ergo negat præeminentiam jurisdictionis Petri, nec cum eo de primatu contendit, ut dixi cap. xi, vers. 5.

TAMETSI NIHIL SUM, — ex me: quod enim sim Apostolus, non meum est, sed gratiæ Christi. Ita Anselmus.

Vers. 12. SIGNA APOSTOLATUS MEI FACTA SUNT SUPER VOS IN

OMNI PATIENTIA, IN SIGNIS, ET PRODIGIIS, ET VIRTUTIBUS. — Nota hic genuinum apostolatus signum esse *primo*, patientiam in sui contemptu, paupertate, persecutionibus, plagis, periculis. Ita Anselmus. *Secundo*, esse miracula. Hæc enim vocat signa veræ fidei, cœlestis et divinæ doctrinæ; sive signa Dei supra naturam omnipotenter operantis, ac consequenter testantis Pauli doctrinam a se hisce signis confirmari, esseque veram et a Deo profectam; eadem vocat *prodigia*, id est portenta, stupenda et portentosa facta. Denique eadem nuncupat *virtutes*, græce δυνάμεις, potentias, fortitudines, id est, potentia gesta, omnipotentis opera, quæ Deus solus potenter operatus est per me.

Nota *secundo*: Apostoli novam mundo afferentes doctrinam Evangelii, debuerunt miraculis quasi signis suum apostolatam suamque doctrinam probare; alioqui fidem hominum temere exegissent et temere eis credidissent fideles, nec ab impostoribus et pseudoapostolis secerni potuissent: miraculis ergo probare debuerunt se Apostolos, hoc est, a Deo missos ad orbem reformandum, et luce Evangelii illuminandum. Notent hoc Novantes, et a suis novis Apostolis, Calvino, Luthero novam doctrinam et reformationem inducentibus, miracula exigant: quæ cum nunquam exhibuerint (nisi miraculum putent, quod sponte se mortuum suscitatos, ex vivo mortuum effecerint: sed a talibus miraculis, talibusque Apostolis liberet nos Dominus), certo sibi persuadeant, non Apostolos, sed impostores fuisse.

13. QUID EST ENIM, QUOD MINUS HABUISTIS PRÆ CÆTERIS ECCLESIIIS (a me et Apostolis fundatis), NISI QUOD EGO IPSE NON GRAVAVI VOS? — οὐ κατενόησα ὑμῶν, non obtorpui, torpens non incubui vobis, ut a vobis alerem, sed ipse nocte vigilans et laborans victum mihi comparavi. Vide dicta cap. xi, vers. 9. Est ironia, quasi tacite exprobrantis: hoc ipso enim non minor, sed major erat Apostolus, plurisque a Corinthiis æstimandus, quod scilicet eis gratis evangelizasset. Unde ironice subdit: « Donate mihi hanc injuriam, » quia revera non est injuria, sed insignis et generosa abstinencia et beneficencia, ob quam, si recordati essetis, o Corinthii, me magis amare, colere et suspicere deberetis.

14. ECCE TERTIO HOC (tertia hæc vice) PARATUS SUM VENIRE AD VOS. — *Primo* veni, cum vos converti; *secundo*, venire paratus, justa de causa distuli, cap. i, vers. 23; *tertio*, paratus fui cum scriberem, et reipsa post hanc epistolam veni ad vos. Ita S. Thomas et Lyranus.

NEC ENIM DEBENT FILII PARENTIBUS THESAURIZARE. — Est euphemismus, q. d. Carnales parentes filiis thesaurizant, spirituales a filiis suis, id est catechumenis et fidelibus, alendi sunt: ego vobis ita spiritualis sum pater, ut carnalis esse velim, nec opes modo, sed et me meaque omnia pro vobis

Dicta
signa
apostola-
tus D.
Pauli.

Novantes
heretici
nun-
quam pro
sua fide
fecere
miracula.

Vers. 12.

Vers. 14.

Magna
Apostoli
erga suos
charitas.

impendere. Tangit eos, ut intelligant quantus sit Apostolus, quam excelso animo, quantæ charitatis; ut confundantur quod eum non redament, sed potius colant pseudoapostolos, se suaque lucra aucupantes, eorumque bonis inhiantes.

Vers. 15. 15. EGO AUTEM LIBENTISSIME IMPENDAM (mea omnia), ET (post omnia, libentissime) SUPERIMPENDAM. — ἐδαπανηθίσσασμαι, expendar, ut meum sanguinem, meos spiritus ac vitam insumam, exhauriam et profundam pro vobis. Ita Anselmus.

Vers. 16. 16. SED CUM ESSEM ASTUTUS, DOLO VOS CEPI. — D. Thomas, II II, *Quæst.* LV, art. 4, ad 1, putat abusive hic astutiam et dolum in bonam partem capi, q. d. Artificiosa solertia et cauta prudentia ego vos a gentilismo ad christianismum converti. Sed respondeo hæc esse verba detractorum; ea enim per mimesim usurpat Apostolus, q. d. Ipsi obtrebant mihi dicentes: Paulus per se quidem nihil in sumptum exigit admittitve, sed dolo vos capit, quia scilicet Titum et alios submittit, qui vos vestraque emungant. Ita Chrysostomus. Patet ex sequentibus: hæc enim refellens subdit:

Vers. 17. 17. NUMQUID PER ALIQUEM CIRCUMVENI VOS? — «Circumveni,» ἐπιλονέεσθαι, fraudavi, occupavi et extorsi; Vatablus, *expiavi*; Ambrosius, *avarus in vos fui*.

Vers. 19. 19. OLIM PUTATIS QUOD EXCUSEMUS NOS APUD VOS. — Græce πάλιν, id est, *rursum*. Noster legit πάλαι, hoc est, *olim*, q. d. Sunt inter vos qui putent ab olim, ab olitanis et antiquis temporibus hæc a me dici in excusationem admissi criminis avaritiæ et fraudulentæ, vel quasi subdole excusent et recusem dona vestra, ut majora offeratis.

CORAM DEO IN CHRISTO LOQUIMUR. — q. d. Sine fuco sincere et vere loquimur, uti par est eum loqui, qui se in Christo, id est Christi membrum et discipulum, profitetur. Vel *secundo*, «in Christo,» id est in Christi et Christiana sinceritate et veritate loquimur, ut Christus pro Christi attributis, scilicet virtutibus sumatur, juxta *Can.* 37. Posset *tertio*, sic accipi: «coram Deo,» supple, sincere veritatem «loquimur in Christo,» id est per Christum, quem testem invoco. Sicut enim nos Latini juramus dicentes, per Deum, per Christum, sic Hebræi jurant dicentes: «in Deo, in Christo;» est enim *bet* jurantis. Unde Vatablus vertit, *testis est Deus et Christus eorum quæ loquimur*. Simile est *Rom.* ix, 1: «Veritatem dico in Christo.» Aliter Anselmus: «loquimur in Christo,» id est, secundum Christum Christique doctrinam, quæ nos docet candide et veraciter loqui. Aut, «in Christo,» id est per Christum, qui in me et per me loquitur. Sed prius sensus est simplicissimus ac maxime genuinus.

Vers. 20. 20. TIMEO, etc., NE FORTE ANIMOSITATES SINT INTER VOS. — Θυμός Græcis est ea pars animi, quæ

dicatur vis irascibilis, quam Plato ponit in precordiis, quæque obstreper rationi, cui sedem tribuit in cerebro. Inde θυμοί dicuntur animositates, iræ, audax arrogantia, impetus animi effervescentis, cum quis a sua sententia decedere non vult, sed eam mordicus tuetur, aliisque omnibus ferve se opponit, ut suos animos ostendet: hos enim actus vis irascibilis, cum ei indulgetur, producit.

SUSURRATIONS. — Ψιθυρός significat susurrum, vel sibilum, qui tenuiorem et exiliorem sonum edit. Inde ψιθυρισμαί vocantur *susurrations*, id est, occultæ et clandestinæ obtrectiones, quibus maledici et invidi quos volunt, in odium adducunt; et amicorum amicitias dissociant, dum vicissim alteri apud alterum detrahunt, eaque insurrant, quæ inimicitiam concilient. Talis susurro fuit Antipater, Herodis filius, qui ut in regnum patri succederet, seniores fratres suos ita exosos et suspectos suis susurris fecit Herodi, ut eos occideret. Verum justas numini vindici pœnas dedit Antipater, cum fraude detecta ipse ab Herode patri jam animam agente, pariter occisus est, ut fuse narrat Josephus.

INFLATIONES. — Φυσώσεις, tumores, fastus, quibus tument, turgent, inflantur superbi, elati et tumidi.

21. NE ITERUM HUMILIET ME DEUS (id est, ut Chrysostomus, contristet, deprimat, affligat me) ET MULTOS (vestrum) LUGEAM; — hoc est, lugere cogar et castigare cum luctu, quia scilicet in peccatis suis persistunt; ut nimirum eos excommunicare, vel publicam pœnitentiam injungere cogar: ad publicam enim pœnitentiam illorum, qui inde olim proprie Pœnitentes dicebantur, hæc Apostoli verba spectare, docet Augustinus ad *Salvinam*, epist. 108, sub finem.

Nota: Sicut Apostolus et prædicator maxime exultat in suorum profectu, ut dicat: Vos estis gaudium meum, corona mea: ita maxime dejectatur et mœret in suorum defectu, et in vitia prolapsu, cum exhortationum suarum fructum videt deperire, seque in vanum laborasse.

Rursum, talis invitatus, et cum luctu ad vindictam descendit: hoc est animi principis et regii. Celebris est illa Neronis in imperii sui initis mansuetissimi vox, qua sententiæ mortis in reos latæ subscribere coactus exclamavit: *O si nescirem litteras!*

QUI ANTE PECCAYERUNT, ET NON EGERUNT PœNITENTIAM SUPER IMMUNDITIA, — id est, mollitiæ aliisque libidinibus, quibus contra naturam peccatur, naturæque vis et injuria infertur. Distinguit enim Apostolus *immunditiam* a fornicatione.

ET IMPUDICITIA. — Græcum ἀσέλγεια est petulantior libido in libidinosis oculis et tactibus.

Antipater Herodis filius exemplum impii susurrantis.

Vers. 21.

Neronis mitissima vox initio imperii

Apostoli religiosa sinceritas.

CAPUT DECIMUM TERTIUM.

SYNOPSIS CAPITIS.

Brant Corinthi aliqui libidini, alii superbiae et contentionibus (ut patet cap. xi, vers. 20 et 21), alii aliis vitiis dediti, Paulique monita parvi pendebant : hisce comminatur, ut eos ad poenitentiam provocet.

Secundo, vers. 3, monet, ut gratiam et potestatem a Christo sibi datam, ejusque opera mira a se edita considerent et revereantur.

Tertio, vers. 7, orat ut nihil mali agant, ne in eos suam potestatem puniendi exercere cogatur.

Quarto, vers. 11, hortatur ad perfectionem, dilectionem, pacem et osculum sanctum, eosque salutat.

1. Ecce tertio hoc venio ad vos. In ore duorum aut trium testium stabit omne verbum. 2. Prædixi, et prædico, ut præsens et nunc absens, iis qui ante peccaverunt, et cæteris omnibus, quoniam si venero iterum, non parcam. 3. An experimentum quæritis ejus, qui in me loquitur Christus, qui in vobis non infirmatur, sed potens est in vobis? 4. Nam etsi crucifixus est ex infirmitate, sed vivit ex virtute Dei. Nam et nos infirmi sumus in illo, sed vivemus cum eo ex virtute Dei in vobis. 5. Vosmetipsos tentate si estis in fide : ipsi vos probate. An non cognoscitis vosmetipsos, quia Christus Jesus in vobis est? nisi forte reprobi estis. 6. Spero autem quod cognoscetis, quia nos non sumus reprobi. 7. Oramus autem Deum, ut nihil mali faciat, non ut nos probati appareamus, sed ut vos quod bonum est faciatis, nos autem ut reprobi simus. 8. Non enim possumus aliquid adversus veritatem, sed pro veritate. 9. Gaudemus enim, quoniam nos infirmi sumus, vos autem potentes estis. Hoc et oramus vestram consummationem. 10. Ideo hæc absens scribo, ut non præsens durius agam secundum potestatem, quam Dominus dedit mihi in ædificationem, et non in destructionem. 11. De cætero, fratres, gaudete, perfecti estote, exhortamini, idem sapite, pacem habete, et Deus pacis et dilectionis erit vobiscum. 12. Salutate invicem in osculo sancto. Salutant vos omnes sancti. 13. Gratia Domini nostri Jesu Christi, et charitas Dei, et communicatio Sancti Spiritus sit cum omnibus vobis. Amen.

Vers. 1. 1. ECCE TERTIO HOC (tertia hac vice) VENIO (venire propono) AD VOS, — vide *Can. 32*, ut scilicet puniam vos, qui per duos vel tres testes peccasse, nec poenitentiam egisse convincentur. Ita Anselmus et Cajetanus.

IN ORE DUORUM AUT TRIUM TESTIUM STABIT OMNE VERBUM, — per dicta et depositionem duorum vel trium testium stabit, græce *καθίσταται*, statuetur, rata erit, confirmabitur omnis accusatio, omnis quæstio, omnis causa et crimen : ut scilicet crimen per duos vel tres testes quasi satis superque probatum et confirmatum, sententia mea condemnem, puniam et plectam. Aliter hoc explicant nonnulli, quod scilicet tres testes vocet Apostolus tres suos adventus Corinthum. Respicere enim videtur id quod præcessit : « Ecce tertio hoc venio ad vos, » *q. d.* Ego unus sum, sed tertio ad vos adveniens (*primo*, reipsa; *secundo*, per epistolam priorem; *tertio*, rursum reipsa) trium quasi testium habeo auctoritatem. Unde Maldonatus in *Notis manuscr.*, quæ in Collegio Romano extant,

sic habet : Quod autem addit : « In ore duorum aut trium testium, » testes vocat promissiones, *q. d.* Cum tertio jam promittam, non possum expectationem vestram fallere, et, ut hispanice dici solet : *A tres va la venida*. Verum hoc frigidius est : amplius aliquid et augustius spectat mens alta Apostoli. Rursum hoc alienius videtur. Citat enim Apostolus *Deut. xix, 15*, ubi sic dicitur : « Non stabit testis unus contra aliquem ; sed in ore duorum aut trium testium stabit omne verbum. » Cujus loci planus sensus est hic : Ex testimonio non unius, sed duorum vel trium testium, in judicio reus quisque, vel condemnabitur, vel absolvetur.

Ubi nota : Licet lex hæc, quatenus judicialis est legis veteris, cum reliquis jam per Christum sit abolita : tamen quatenus jus naturæ vel potius jus gentium eandem dictat, eatenus adhuc viget, jureque tam Civili quam Canonico recepta est. Ratio enim naturalis omnes Gentes docuit æquum esse et convenire, ut nemo unius ; sed

duorum minimum testium depositione damnetur. Unus enim testis facile corrumpi, falli et fallere potest : duo non item. Legem ergo hanc uti sonat, in plano suo sensu accipit hic et sequitur Paulus, uti et Christus, *Matth. xviii, 16.*

Vers. 2. 2. PRÆDIXI, ET PRÆDICO, UT PRÆSENS (sabaudi, ita) ET NUNC ABSENS, — *q. d.* Uti præsens prædixi; ita et nunc absens prædico : Hebræi enim *caph* similitudinis sæpe subticent, id videre est in Proverbiis, singulis sæpe versibus. Græca addunt τὸ δαύτερον, iterum, vertuntque Græci sic : Prædico ut præsens, iterum et nunc absens scribo, *q. d.* Idem quod ante præsens prædixi, nunc iterum absens tanquam præsens, pari scilicet auctoritate et interminatione ac si præsens essem, prædico et scribo.

Vers. 3. 3. AN EXPERIMENTUM QUÆRITIS EJUS, QUI IN ME LOQUITUR, — *q. d.* Vultisne præcepta mea negligere, ut experiamini, an audeam et possim inobedientes punire per potestatem mihi a Christo datam? Sic præceptor dicit discipulo rebeli : Visne experiri brachium meum, virgas meas?

QUI IN VOBIS NON INFIRMATUR, — non infirmum se, sed potentem ostendit, cum scilicet in vobis per me tot mirabilia potenter est operatus, et novissime fornicarium excommunicatione mea ita punivit, et Satanæ quasi tortori cruciandum tradidit : hanc enim puniendi potentiam et vindicandi potestatem maxime significare et ostendere intendit.

Vers. 4. 4. NAM ET SI CRUCIFIXUS EST (Christus) EX INFIRMITATE (humanitatis et carnis), SED VIVIT (id est, vivit tamen et resurrexit) EX VIRTUTE DEI, — ex potentia divinitatis.

NAM ET NOS INFIRMI SUMUS IN ILLO. — « In illo, » id est cum illo et pro illo, nimirum Christo; infirmamur, hoc est, patimur et affligimur. Nota : Secundum hoc *nam* non causam, sed similitudinem significat, idemque valet quod *sic* : refert enim et assimilatur priori *nam*. Est hebraismus : Hebræi enim similitudinem explicant per conjunctionem copulativam, aut quamvis aliam, præsertim si illa geminetur : quia geminatio significat similitudinem in utroque, ut כמני כמך *camoni camocha*, sicut ego sicut tu, id est, ego sum sicuti tu, vel similis tui.

Duplex
horum
verborum
sen-
sus. SED VIVEMUS CUM EO EX VIRTUTE (ex δυνάμει, ex potentia) DEI IN VOBIS. — Hoc est, per illum, et cum illo ostendemus vitam et vigorem, puta potentiam Christi, de qua jam dixit, vim scilicet et spiritum Evangelii, ac nominatim potestatem puniendi contumaces, in vobis. Ita Theophylactus. Aliter Anselmus et Theodoretus, *q. d.* Resurgemus vobiscum per Dei virtutem ad beatam æternamque vitam. Sed prior sensus magis est ex mente Apostoli, tum quia græce est αἰ; βυα̃, quod licet verti possit, in vobis (Apostolus enim sæpe sumit αἰ; pro ἐν), tamen proprie significat in vos, vitam scilicet, et vigorem meum, puta potentiam Christi jam dictam, ejusque vindictam, exercebo; tum

quia intendit demonstrare et inculcare non resurrectionem, sed hanc suam Apostolicam potestatem et energiam tum in docendo et persuadendo, tum in operando tot signa, tot miracula, tum in vindicando ac puniendo rebelles, *q. d.* Sicut Christus in se licet infirmus, potenter tamen resurrexit ad vitam beatam et immortalem : ita pariter in nobis, et per nos Apostolos, licet infirmos, potenter tamen operatur et operabitur deinceps miras virtutes, conversiones, miracula, punitiones et vindictas.

Vers. 5. 5. VOSMETIPSOS TENTATE SI ESTIS IN FIDE. — Est acris objurgatio, *q. d.* Videmini, o Corinthii, a pseudoapostolis infatuati, non habere fidem esseque infideles; tentate ergo vos, et probate an ita sit, an credatis, necne; si enim fidem retinetis et in ea perstatis, credetis, immo videbitis Christum, ut præcessit ac sequitur, in vobis esse potentem, potenter per me operari tot miracula, tot hominum conversionem, tantam etiam vindictam incredulorum et inobedientiam; videbitis Christum per me loqui, meque vivere et vigere in vobis : quia vos ad fidem converti, ac omnium Dei donorum tam large participes feci, *q. d.* Si Christo et Evangelio creditis, et mihi credetis, quia ego Christi ac Evangelii minister sum; et, sicut miraculis aliisque signis probo ac confirmo Evangelii veritatem, sic iisdem consequenter demonstro me verum esse Apostolum Christi, ac veritatis doctorem.

Aliter Theophylactus et Gagneius, *q. d.* « Tentate, » id est periculum facite de vobis ipsis, an non per Christum habitantem in vobis potentes sitis, adeo ut per illum miracula faciatis : nam in primitiva Ecclesia etiam laici credentes miracula faciebant. Itaque intelligunt ipsi hic miraculorum fidem, cum prophetiæ et linguarum dono conjunctam : quæ fides signum est inhabitantis Christi in eo fidelium cœtu, in quo ipsa viget.

Tertio, alii sic explicant. Tentate vos an fidem habeatis, quæ per charitatem operatur, id est an sitis in charitate et amicitia Christi. Sed primus sensus genuinus est, magisque præcedentibus connexus simul et sequentibus, ut jam dictum est.

Nota verba Apostoli : « Vosmetipsos tentate si estis in fide : ipsi vos probate; » ex illis enim patet non certo scire fideles, multo minus credere debere aut posse, se fidem habere, ac consequenter certos non esse de sua justitia.

Dices : Subdit : « An non cognoscitis, quia Christus in vobis est? »

Respondeo : Non est sensus : « Quia Christus est in vobis, » hoc est in cordibus vestris, vel in fide vestra vos justificante, vel in vobis, scilicet singulis; sed in vobis, scilicet omnibus simul, hoc est, in Ecclesia vestra : videbant enim suæ Ecclesiæ tot miracula, tot gratias ac dona collata, ut non dubitarent Christum in ea esse et operari, *q. d.* Singuli ergo Corinthii huic Ecclesiæ ac Christo per fidem omnino adhærere debetis, ac

consequenter et mihi ejus præconi et vicario, meque ut talem revereri. Ita Theophylactus.

Ostenditur contra hæreticos objectum fidei non esse hoc: Me esse justum. Patet hinc secundo, objectum fidei non esse hoc, me esse justum; sed, Christum Jesum esse in nobis, id est in Ecclesia nostra, in eaque per Paulum et Apostolos potenter operari, ac consequenter nos esse veram Christi Ecclesiam, verosque doctores esse Paulum et Apostolos, eorumque sequaces.

Dices: Augustinus, lib. III *De Trinitate*, cap. I, S. Thomas hic, dicunt nos habere certam scientiam, quod fidem habeamus. Respondeo: Certo scimus nos credere et adhærere Christo, verum an hoc faciamus fide divina an humana, an tam serio, firmiter, divine, et ita ut opus est ad justitiam et salutem, hoc nescimus, sed tantum ex conjecturis opinamur.

NISI FORTE REPROBI ESTIS. — « Reprobi, » id est improbi. « Reprobis, ait Anselmus, est qui probitatem fidei et bonæ opinionis, quam in baptismo accepit, vel ignorat, vel deseruit. » Unde Theophylactus: Tacite, ait, innuit Corinthios vita et moribus corruptos esse, q. d. Ideo Christum non agnoscitis esse in vobis, quia improbi et corruptis moribus estis: corrupti enim mores sunt initium et causa apostasiæ et hæreseos. Ita libido et superbia Lutherum, Calvinum, Bucerum, Ochinum, omnesque primos illos Novantes vel sacerdotes, vel monachos, Catholicæ fidei et Ecclesiæ Romanæ excucularunt, exauctorarunt, in sacrilegas nuptias, apostasias et hæreses adegerunt.

Secundo et melius, ut patebit vers. 7, « reprobi, » id est reprobati, rejecti, adeoque viles, inglorii, abjecti, contempti, q. d. Ex signis gratiæ et miraculorum, quæ Christum potenter operatur in vobis, cognoscitis, quod Christus est in vobis, nisi forte a Christo rejecti et reprobati, ejus fide, gratia, luce ac cognitione privati, in tenebras pristinas ignorantiae vel infidelitatis retrusi et repulsi recidistis et relapsi estis, itaque viles et abjecti effecti estis. Hinc dixi: « Si estis in fide, ipsi vos probate, » probate scilicet an vestra fides sit proba et sincera; si enim proba est, cognoscetis quod Christus est in vobis: quia si hoc non cognoscitis, signum est reprobam esse, vitiatam, corruptam, vosque a Christi fide rejectos et reprobatos exoidisse, nec fideles amplius, sed infideles esse.

Vers. 6. 6. SPERO AUTEM QUOD COGNOSCEtis, QUIA NOS NON SUMUS REPROBI, — a Christo reprobati, rejecti, cujusque gratia, efficacia et potestate privati, ideoque viles et inglorii; contrarium enim videtis, Christum scilicet per me potenter operantem, Gentiles convertentem, rebelles punientem, meaque omnia probantem, mihi cooperantem, et in omnibus felicem successum dantem, ita ut me toti Achaiæ, imo toti orbi conspicuum et gloriosum efficiat.

Vers. 7. 7. ORAMUS AUTEM DEUM UT NIHIL MALI FACIATIS. Hinc S. Augustinus, *Contra Pelag.*, docet non tan-

tum gratiam requiri ut bona operemur, sed etiam ut nihil mali faciamus, scilicet ut tentationibus resistamus, vel ab ipsis præservemur, et illæsi evadamus mundi et carnis illecebras. Tentationes enim graviore superare solis naturæ viribus, et sine gratia Dei est impossibile.

NON UT NOS PROBATI APPAREAMUS (δοκιμαί, probi, probati, insignes, celebres, q. d. Non laboro de mea fama et potestate, ut a vobis mea probentur, egoque vobis virtutem meam et auctoritatem probeam ac ostendam; præsertim efficaciam puniendi illos, qui inter vos delinquant, spectari, probari, celebrari non ambio, honoris punctum non curo; unum curo) UT VOS QUO? BONUM EST FACIATIS, NOS AUTEM UT REPROBI SIMUS. — « Ut: » græce non est *ὅτι*, sed *ὥς*, id est quasi, tanquam, velut, q. d. Nos autem tanquam reprobi simus et æstimemur. *Reprobi*, id est improbi, inquit Gagneus. *Secundo* et genuine, *reprobi*, græce *ἀδόκιμοι*, rejecti, abjecti, potestate privati, inglorii, ignobiles reputemur, quasi qui non habeamus potestatem puniendi et vindicandi, cum eam ostendere non possimus in vos, si obsequentes sitis et quod bonum est faciatis, quod unice optamus. Hinc patet *reprobum* hic non opponi prædestinato, nec etiam pio et sancto, sed probato, spectato, honorato. Ita Theophylactus, Anselmus, et alii. Hæbear, inquit Theophylactus, *reprobus*, id est infirmus, abjectus, potestate vacans: quippe qui non inveniam locum puniendi vos, utpote jam vel bonos et probos, vel pœnitentes et emendatos. Sic quoque *reprobum* pro vili et abjecto accipitur I *Regum* cap. xv, vers. 9, opponiturque electo, pulchro et pretioso, cum dicitur: « Pepercit Saul et populus Agag, et optimis gregibus ovium et armentorum, vestibus et arietibus, et universis quæ pulchra erant, etc.; quidquid vero vile fuit et reprobum, hoc demoliti sunt. » Et *Psal.* cxvii, vers. 22: « Lapidem, inquit, quem reprobaverunt ædificantes, hic factus est in caput anguli, » id est Christum, quem quasi lapidem vilem, rudem, impolitum et ineptum æstimarunt, et a sua fabrica, id est a sua Synagoga, rejecerunt Scribæ et Judæi, hunc ipsum Deus facit in domo sua, id est in Ecclesia Christiana, lapidem angularem, primarium et capitalem.

8. NON ENIM POSSUMUS ALIQUID ADVERSUS VERITATEM, SED PRO VERITATE. — Nota: *Veritas* hic intelligitur non oris aut mentis, sed vitæ aut justitiæ; veritas ergo hic est æquitas et justitia, sive officium hominis Christiani, ut bonum faciat, sicut dixit vers. præced., q. d. Non possumus aliquid contra justitiam, contra juste et christiane viuentes, contra facientes id quod bonum est, ut scilicet in eos ostendamus nostram puniendi potestatem; sed pro veritate, id est æquitate, justitia, honestate possumus quidvis, ut scilicet puniamus eos qui illam violant, laudamus et præmiemus illos qui illam sectantur.

Secundo, Theophylactus: « Non possumus, »

Dei ego-
mus non
tantum
ut bona
faciamus, sed
etiam ut
mala vi-
temus.

Repro-
bus non
opponi-
tur hic
prædes-
tinato.
sed signi-
ficat vi-
lem et
abjec-
tum.

Vers. 8.
Veritas
vitæ et
justitiæ
quæ et
qualis
sit?

ferre scilicet sententiam adversus veritatem, ut nimirum puniamus eum, qui vere puniri non meretur, quia id quod bonum est operatur : sed possumus et debemus ferre sententiam pro veritate, ut plectamus eum qui reus est, verèque plecti meretur. Hic sensus sequitur ex priori, et planior est ac faciliior.

Alii sic explicant, *q. d.* Sicut non possumus, scilicet dissimulare si quid adversus veritatem faciat, hoc est adversus æquitatem et officium; ita, si secundum veritatem, hoc est officium, agatis, punire non possumus, quia nihil contra veritatem possumus, sed omnis nostra potestas pro veritate est in æquitate jam dicta tuenda et facienda.

Vers. 9. 9. GAUDEMUS ENIM, QUONIAM NOS INFIRMI SUMUS. — *q. d.* Gaudeo si infirmus habear et abjectus, quasi qui non possim ostendere potestatem vindicandi in vos, utpote potentes gratia et virtutibus, culpaque vacuos. Ita Theodoretus, Theophylactus, Anselmus.

Nota : Innocentes vocantur et sunt potentes, quia non est quod metuant vel Apostolum, vel dæmonem, vel angelum, vel mortem, vel infernum, vel quidquam in mundo. Pro *quoniam* græce est *ὅταν*, id est *quando*; vel, ut legit Ambrosius, cum nos infirmi sumus, vos autem potentes : non enim asserit se esse infirmum, illos vero potentes; sed conditionate loquitur : Gaudeo si ita sit, vel quando sic se res habet, gaudeo.

HOC ET ORAMUS (nempe) VESTRAM CONSUMMATIONEM. — Græce *κατάπτισιν*, id est perfectionem, ut sitis perfecti et consummati in omni gratia et virtute. Ita Theophylactus.

Vers. 10. 10. UT NON PRÆSENS DURIUS AGAM. — *ἵνα μὴ ἀποτόμως χρῆσθαι*, ne rigide, præcise, severe me geram; *χρῆσθαι* enim non tantum uti, sed et subinde gerere, et res administrare significat, ut *καλῶς χρῆσθαι φίλοις*, honeste se gerere erga amicos.

Vers. 11. 11. PERFECTI ESTOTE. — *Καταπτίξεσθε*, significat hoc, vestem laceram sarcire et reconcinnare. Notat vitia, solutos mores, maximeque desidiam Corinthiorum, *q. d.* Redintegramini, integri estote, corrigite priora vitia, stringite vitæ licentiam, resarcite discissam amicitiam, unionem, concordiam, ut nihil habeatis quod corrigere, et in quo potestatem meam exercere debeam. Rursum *καταπτίξεσθε* significat, apte inter vos mutuo et cum capite vestro congruite, sicut in corpore apte artus et membra tam capiti quam aliis membris congruunt et coagmentantur. Vide dicta I Cor. XII, 16.

EXHORTAMINI, — invicem ad meliora, græce *παράκαλεῖσθε*, quod Vatablus vertit, *consolationem habete*, in mutua scilicet concordia et amicitia.

IDEM SAPITE, — iudiciis et voluntatibus consentite, unanimes et concordest estote.

PACEM HABETE, ET DEUS PACIS (auctor, donator et remunerator, cui complacitum est in pace, ut quasi Deus paci præsit et presideat) ERIT VOBISCUM. — Hinc Anselmus (teste Edinero in ejus Vita) dicere solebat, eos qui in hac vita, salva æqui-

tate, se conformant aliorum voluntati, et pacem colunt, id a Deo mereri, ut Deus post hanc vitam se accomodet eorum voluntati, et cum eis pacem et amicitiam colat. E contrario vero eos qui hic ab aliis voluntate discordant, pari modo post hanc vitam neminem reperire qui sure concordet voluntati. Hanc enim esse justam divinæ justitiæ censuram : « Qua mensura mensi fueritis, remittetur vobis. » Idem in aliis virtutibus premian- dis et vitiis puniendis pari modo facit Deus.

12. SALUTATE INVICEM IN OSCULO SANCTO. — Quæritur, quodnam hoc osculum? Nota : Gentiles sibi invicem obviantes sese invicem osculo salutabant in signum amicitiae, teste Xenophonte, lib. I *Pædiæ Cyri*, et Herodoto in *Clio* : quod frustra vetare conatum Tiberium docet Suetonius. Idem mos fuit apud Hebræos, ut patet ex osculo Amasiæ et Joab, II *Reg.* xx, 9. Item ex osculo quo Judas quasi de more Christum exosculans eum prodidit. Magis vero solemne fuit primis Christianis, ut tum alias, tum præsertim in sacris conventibus ante sacram synaxim, sese osculo sive amico amplexu salutarent dicentes : « Pax tecum. » Erat hoc communicaturis reconciliationis, ac injuriæ omnis remissæ, puræque charitatis symbolum, ut docet Cyrillus, *catech.* 3 mystagogica. Unde et Tertullianus, lib. *De Orat.*, osculum vocat *orationis symbolum*.

Mysticam causam dat hic Chrysostomus, quia per os nostrum ingreditur corpus Christi; illud ergo osculamur, perinde ac januas osculamur, per quas in ecclesiam ingredimur (ubi nota : Olim Christiani osculabantur januas templorum, ex reverentia loci sacri). Vide eum, quomodo hoc os a turpibus custodire et Dei laudibus dedicare debeamus. Hoc osculum etiamnum in quibusdam Ecclesiis ante sacram synaxim usurpant Canonici. Verum quia olim fraus irrepsit, cum viri, licet locis a mulieribus distincti, furtim tamen irrepentes, eas oscularentur, hinc pro osculo oris successit osculum tabellæ pacis, quam vocant.

« Osculo » ergo « sancto, » id est, non Gentili, non carnali, non ficto, sed Christiano, religioso, casto, sincero. Ita SS. Chrysostomus et Augustinus, serm. 83 *De Diversis*. Vide Baronium, anno Christi 43.

Notat auctor libri *De Amicitia*, qui extat tom. IV operum S. Augustini, quatuor de causis honeste dari osculum. *Primo*, in signum reconciliationis, cum inimici in mutuam gratiam et amicitiam redeunt. *Secundo*, in signum pacis, ut fit in sacrificio Missæ. *Tertio*, in signum lætitiæ et quasi renovatæ dilectionis, ut cum amicus amicum post longam absentiam peregrediente redeuntem osculo salutatur. *Quarto*, in signum Catholicæ communionis, ut cum hospes suscipitur et excipitur osculo. Sed in his quid ferat cujusque regionis mos, et Gentis conditio, spectandum et sequendum est, cavendumque ne osculum hoc proserpat nimis, et in sensuale ac carnale degeneret.

nimiam
concordiam.

Vers. 12.
Mos Gentilium et Hebræorum invicem osculo salutandi.

Oscula item fuerunt olim apud Christianos usitata.

Quare mos osculandi ab Ecclesia sublati?

Quatuor de causis honeste datur osculum.

Merce: et præ-

Vers. 13. 13. GRATIA DOMINI NOSTRI JESU CHRISTI, ET CHARITAS DEI, ET COMMUNICATIO SANCTI SPIRITUS SIT CUM OMNIBUS VOBIS. — Notant Chrysostomus, Ambrosius, Theodoretus, significari hic SS. Trinitatem *ὁμοούσιον*, consubstantialtem, eam scilicet ejusdem esse naturæ, potentiæ, operationis, præsertim in opere redemptionis et salutis nostræ, de quo proprie hic agit Apostolus. « Trinitatis, ait Ambrosius, hæc complexio est, et unitas potestatis, quæ totius salutis perfectio est; dilectio enim Dei misit nobis Salvatorem Jesum, cujus gratia salvati sumus; et, ut possideamus hanc gratiam salutis, communicatio facit Spiritus Sancti. »

Propria
singula-
rum per-
sonarum.

Ubi nota *primo*: Cum ait, « charitas Dei, » scilicet Patris, Dei nomen Patri appropriatur: quia Pater est primum principium in deitate, ac fons et origo cæterarum in SS. Trinitate personarum.

Nota *secundo*: Apte charitatem tribuit Patri, gratiam Filio, communicationem Spiritui Sancto: quia a Patre Patrisque charitate cœpit nostræ redemptionis exordium, Patris inquam, qui « sic dilexit mundum, ut Filium suum unigenitum daret » pro nobis in mortem. Per Filium venit gratia, utpote qui nos nihil promeritos, imo male meritis sua morte redemit, omnemque gratiam promeruit. Gratæ vero, gratiæque donorum distributio, communicatio et participio per Spiritum Sanctum facta est. Unde S. Anselmus sic explicat: « Gratia Domini nostri Jesu Christi », qua gratis peccata condonantur, atque salus tribuitur; « et charitas Dei » Patris, qua pro nobis Filium dedit; « et communicatio Sancti Spiritus, » qui in utraque re, id est in prædicta gratia et charitate, communicavit Christo et Deo, communiter et pariter operans cum illis humanam salutem, « sit cum omnibus vobis » majoribus atque minoribus. Amen. Sic ille.

Nota *tertio*: « Communicatio » tam passive, quam active accipi potest. Passive communicatio idem est, quod participatio, *q. d.* Ut communicetur vobis Spiritus Sanctus, ut ejus gratiam et dona participetis, imo in Spiritum Sanctum quasi permutemini non essentia, sed participatione Spiritus Sancti, ait Theophylactus. *Secundo*, active, *q. d.* Spiritus Sanctus, qui cum Patre et Filio uti essentia, ita charitate, potentia et operatione communicat, communiter cum eis gratiam suam, charitatem et dona eis connexa vobis communicet et infundat: maxime ut, sublatis dissidiis et contentioneibus (de quibus in fine cap. præcedentis, et sæpe alibi hac epistola et præced.), communi unione et charitate jungamini, uti Spiritus Sanctus est *κωνονία*, id est quasi communis et socialis unio Patris et Filii, et consequenter omnium fidelium, qui communicant et participant eundem Spiritum Sanctum, in eoque ejusque chari-

tate connectuntur et uniuntur. Communicationem ergo eis optat, quæ Corinthiorum schismata tollat; *κωνονία* enim est mutua communio, societas, consortium, conjunctio, commercium.

Nota *quarto*: « Gratia, charitas, communicatio, » tam creata, quam increata, accipi possunt. Gratia et charitas increata, est benevolentia et amor Patris et Filii, qua nos amant: sic dicimur invenire gratiam, id est benevolentiam et favorem, in oculis Dei. Sic *ad Titum* II, 11: « Apparuit gratia Salvatoris nostri Dei, » dum scilicet ex suo in nos amore dignatus est pro nobis carnem nostram assumere; similiter et communicatio sancti Spiritus increata, est communio et societas, quam habet Spiritus Sanctus cum Patre et Filio: sive; est ipsa participatio divinitatis omniumque bonorum divinarum, quæ Pater et Filius cum essentia communicat Spiritui Sancto, quæque deinde Spiritus Sanctus nobis communicat. Creata vero gratia est, quæ nobis infunditur facitque nos Deo gratos; creata charitas est, qua nos Deum diligimus; creata communicatio Spiritus Sancti, est participatio donorum ejus nobis communicata.

Primo ergo de increata gratia, charitate, communicatione Spiritus Sancti hæc verba accipiendum, hic est sensus, *q. d.* Gratia, id est benevolentia Christi, et charitas qua Pater vos amat, et communicatio, id est communis ille amor et divina societas ac participatio Spiritus Sancti, qua scilicet ipse cum Patre et Filio communicat et participat omnia bona divina, quæ deinde nobis communicat, sit et maneat vobiscum; ut eundem amorem et societatem, omniaque bona divina vobis communicet et communicare pergat.

Secundo, si de creata gratia, charitate, communicatione Spiritus Sancti, quæ ex increata manat, accipias, æque apte hic erit sensus: gratia, quam Christus; et charitas, quam Pater; et dona, quæ vobis communicat Spiritus Sanctus, sint semper et maneant vobiscum: et præsertim socialis ille amor, sive dilectio mutua et fraterna, quæ clarissima est, Deo gratissima, et vobis, o Corinthii, maxime necessaria Spiritus Sancti communicatio. Similiter utroque modo accipitur charitas Dei *ad Rom.* V, 5, cum dicit: « Charitas Dei diffusa est in cordibus nostris. »

Da nobis jugem tuam gratiam, o Jesu Christe, redemptor noster; tuam jugem charitatem, o Pater, creator et glorificator noster; tui jugem communicationem, o Spiritus Sancte, justificator noster; ut in tempore et ÆTERNITATE amemus et glorificemus te Deum Patrem, te Deum Filium, te Deum Spiritum Sanctum, o una Deitas, o divina TRINITAS, o trina ÆTERNITAS. « Quid enim mihi est in cælo, et a te quid volui super terram? Deus cordis mei. et pars mea Deus in ÆTERNUM. »

Gratia,
charitas
et com-
municatio
duplex:
creata et
increata.

COMMENTARIUS

IN EPISTOLAM

AD GALATAS.

ARGUMENTUM.

Galatæ
quales et
unde
oriundi ?

Galatæ Gentiles erant, qui e Gallia in Græciam commigrarunt; unde Gallo-Græci dicti sunt. Putat Suidas hos Gallos fuisse Senonenses, qui, duce Brenno, Romam invaserunt, sed a Camillo repulsi in Græciam trajecerunt, cumque Delphos spoliare conarentur, imbre et grandine obruti sunt: pauci vero, inquit, qui evaserunt, Gallo-Græci, sive Galatæ, dicti sunt. Sed diversa ab his tradit Justinus, lib. XXV, S. Hieronymus et alii. Galatæ ab oriente habent Cappadociam, ab occidente Bithyniam, a meridie Pamphyliam, a septentrione Pontum Euxinum; tresque habuerunt nobilissimas civitates, Tanium, Pessinuntem et Ancyram, inquit Plinius, lib. V, cap. ult. Quod ad eorum linguam, « Galatæ, inquit Hieronymus, in fine Proemii in lib. II *Comment. in epist. ad Galat.*, excepto sermone Græco, quo omnis Oriens loquitur, propriam linguam eandem pene habent, quam Treviri, » Germanicam scilicet. Unde Gallos olim (inde enim hanc linguam, uti et originem sortiti sunt Galatæ) germanice locutos nonnulli opinantur: adeoque Francos ex Franconia Germaniæ prodiisse, et nomen accepisse asseverant. Quin et Clodoveus, primus in Gallia Francorum rex christianus, Sicamber vocatur. Sic enim eum ad baptismum accedentem allocutus est S. Remigius: « Mitis depone colla Sicamber; adora quod incendiisti, incende quod adorasti, » uti refert Gregorius Turonensis, lib. II *De Gestis Francor.*, cap. XXXI; constat autem Sicambros Germanos fuisse, præsertim Geldrenses. Denique S. Hieronymus, Josephus et Isidorus tradunt Galatas ortos esse ex Gomer, puta ex Gomaribus sive Cimbris, qui vel Germani, vel Germanis affines fuerunt.

Galatæ
locuti
sunt lin-
gua Tre-
virensi.

S. Remi-
gii ad
Clodo-
væum
vox.

Occasio
et scopus
huius
Episto-
læ.

Hos Galatas nonnulli et Judæis ad Christum conversi commoverant ad judaismum una cum Evangelio suscipiendum, allegando ad hoc exemplum Petri aliorumque Apostolorum, qui legem Mosis servabant. Illos hic acri cum objurgatione revocat Apostolus, docetque Christianos liberos esse a servitute legis veteris, nec ei posse subijci: licet enim Judæi legem illam suam ad tempus servare possent, ut eam cum honore sepelirent,

Gentes tamen, quales erant Galatæ, nec hanc, nec aliam justam habebant causam legis Mosis amplectendæ. Unde si eam fuissent amplexæ, censæ fuissent id facere hoc nomine, quod lex videtur ad salutem eum Evangelio esse necessaria, maxime cum Judæo-Christiani tum ita sentirent, vellentque Gentes cogere ad judaismum, æque ac christianismum: qui exploratus est error; hæc enim professio judaismi est eversio christianismi: nam Christiana religio docet judaismum abrogatum esse, nec aliam religionem admittendam esse præterquam Christi, hanc enim solam et necessariam esse et sufficere ad salutem proflitetur. Hunc ergo errorem acriter hic insectatur Apostolus.

Judæo-
Christia-
nismus
vitian-
dus, ut
hæresis.

Unde idem argumentum spectat Apostolus in hac Epistola, quod in epistola ad Romanos, adeoque hæc illius ad Romanos est quasi epitome et compendium, et multas easdem cum illa habet sententias, rationes, phrasas et discursus. Ita Hieronymus, Anselmus, Theophylactus, Chrysostomus; nisi quod in epistola ad Romanos tam Judæos, quam Gentes arguat, in hac solas Gentes; ibi rejicit opera tam legis, quam naturæ, hic legis tantum, ut fidem Christi et fidei opera stabiliat (1). Hoc igitur facit priori parte Epistolæ a cap. I ad cap. V. Posteriori deinde, videlicet a cap. V, vers. 12, usque ad finem mores instruit (2).

Argu-
mentum
huius
Episto-
læ.

(1) Hæc est inter utramque epistolam essentialis discrepantia, juxta Haneberg: Galatas alloquitur Apostolus tanquam cœtum suum, quem avertere vult ab Judaicis quibusdam erroribus; Romanis autem fere ignotis nullam loci temporisve circumstantiam commemorat. In utraque demonstratur redemptionis opus: sed in priori Paulus statu gratiæ innititur contra Judaicas opiniones, quod non fit in posteriori. Galatis gratiam quæ a peccato redimit et liberat, Romanis gratiam sanctificantem qua transformamur ad imaginem Christi gloriosi, commendat. Itaque *servitus* et *libertas* in his epistolis non eodem prorsus sensu accipiuntur: prior maxime agit de libertate Evangelii, quo caeremonialia legis Mosaicæ præcepta inutilia atque irrita facta sunt; posterior vero de libertate Christianorum, qui ad legem adimplendam amore magis quam timore excitantur. Cf. Haneberg, op. cit., VIII part., cap. III, § 8.

(2) « Argumentum Epistolæ quod attinet, duo imprimis

Scriptam Romæ habent in fine Syrus, Græca, Hieronymus, cap. v, Athanasius in *Synopsi*, Theodoretus, præfatione in *epistolas Pauli*, et alii. Negant id Chrysostomus et Baronius, tom. I, pag. 637, quia non meminit vinculorum, uti solet in aliis Romæ scriptis. Eam ergo scriptam volunt

momenta consideranda sunt : I. Defendit Paulus auctoritatem suam apostolicam, et docet, se suam doctrinam non accepisse ab hominibus, sed ab ipso Christo, cap. i-ii. II. Disputat adversus eos qui circumcisionis et universæ legis Mosaicæ desiderio tenebantur, et docet, a) Galatas ipsos et homines eos, qui diu ante Mosen vixerant, non propter obsequium erga leges Mosaicas, sed propter suam fidem, summis a Deo beneficiis ornatos esse, cap. iii, 1-18. Porro ostendit, b) leges Mosaicas sapientissimo Dei consilio nonnisi ad populi inculti mores formandos, ejusque animos ad recipiendum Messiam præparandos, datas esse, cap. iii, 19 seqq. Quum autem multi Christianorum variis vitiis dediti essent, Paulus

ante epistolam ad Romanos, idque vel Ephesi, vel in alia urbe Græciæ. Verum de tempore et loco scriptionis hujus Epistolæ nihil certi ex ipsa, vel aliunde definiri potest, estque quoad hoc omnium epistolarum Pauli incertissima (1). Extat in hanc Epistolam genuinus ac fusus commentarius S. Hieronymi, uti et S. Augustini (2).

eos ad emendandos mores graviter hortatur, cap. v, 14-vi, 10; tandemque redit ad rem summam per omnem Epistolam pertractatam, et Galatis doctrinæ integritatem servandam diligenter commendat. » Hæc Rosenmullerus ad h. l., paulum tamen ad brevitatem contracta.

(1) Sepp, op. cit. tom. II, p. 333, pro certo habet hanc Epistolam scriptam fuisse Ephesi, circa ann. 52. Cf. D. Glaire, op. cit. tom. VI, p. 89, egregie de tempore et loco ubi fuerit scripta epistola ad Galatas, disputantem.

(2) Ad intelligentiam hujus Epistolæ multum conferunt quæ attulerunt oper. cit. *ibid.*, tum Sepp, tum Haneberg.

CAPUT PRIMUM.

SYNOPSIS CAPITIS.

Primo, increpat Galatas, quod ab Evangelio a se prædicato ad judaismum abduci se sinerent a Novantibus, aliterque evangelizantibus, quibus dicit anathema.

Secundo, vers. 11, certitudinem sui Evangelii ostendit ex eo, quod a Christo illud immediate ipse accepit.

Tertio, vers. 13, narrat quomodo a judaismo, quem acerrime propugnabat, conversus sit ad Christum, ab eoque segregatus ad evangelizandum, Arabiam, Damascum, Syriam et Ciliciam peragravit.

1. Paulus Apostolus non ab hominibus, neque per hominem, sed per Jesum Christum et Deum Patrem, qui suscitavit eum a mortuis : 2. et qui mecum sunt omnes fratres, Ecclesiis Galatiæ. 3. Gratia vobis, et pax a Deo Patre et Domino nostro Jesu Christo : 4. qui dedit semetipsum pro peccatis nostris, ut eriperet nos de præsentis sæculi nequam, secundum voluntatem Dei et Patris nostri, 5. cui est gloria in sæcula sæculorum. Amen. 6. Miror quod sic tam cito transferimini ab eo, qui vos vocavit in gratiam Christi, in aliud Evangelium : 7. quod non est aliud, nisi sunt aliqui, qui vos conturbant, et volunt convertere Evangelium Christi. 8. Sed licet nos, aut angelus de cœlo evangelizet vobis præterquam quod evangelizavimus vobis, anathema sit. 9. Sicut prædiximus, et nunc iterum dico : Si quis vobis evangelizaverit præter id quod accepistis, anathema sit. 10. Modo enim hominibus suadeo, an Deo? An quæro hominibus placere? Si adhuc hominibus placerem, Christi servus non essem. 11. Notum enim vobis facio, fratres, Evangelium, quod evangelizatum est a me, quia non est secundum hominem : 12. neque enim ego ab homine accepi illud, neque didici, sed per revelationem Jesu Christi. 13. Audistis enim conversationem meam aliquando in judaismo : quoniam supra modum persequabar Ecclesiam Dei, et expugnabam illam, 14. et proficiebam in judaismo supra multos coætaneos meos in genere meo, abundantius æmulator existens paternarum mearum traditionum. 15. Cum autem placuit ei, qui me segregavit ex utero matris meæ, et vocavit per gratiam suam, 16. ut revelaret Filium suum in me, ut evangelizarem illum in Gentibus : continuo non acquievi carni et sanguini ; 17. neque veni Hierosolymam ad antecessores meos Apostolos, sed abii in Arabiam, et iterum reversus sum Damascum. 18. Deinde post annos tres veni Hierosolymam videre Petrum, et mansi apud eum diebus quindecim : 19. alium autem Apostolorum vidi neminem, nisi Jacobum fratrem Domini. 20. Quæ autem scribo vobis, ecce coram Deo, quia non mentior. 21. Deinde veni in partes Syriæ et Ciliciæ. 22. Eram autem ignotus facie Ecclesiis Judææ, quæ erant in Christo : 23. tantum autem auditum habebant : Quoniam qui persequabatur nos aliquando, nunc evangelizat fidem, quam aliquando expugnabat : 24. et in me clarificabant Deum.

Vers. 1. 1. PAULUS APOSTOLUS NON AB HOMINIBUS. — Quia scilicet cæteri Apostoli missi sunt a Christo mortali adhuc homine; Paulus vero a Christo jam toto quasi deificato, hoc est, ex omni parte immortalis. Ita S. Augustinus. Verum simplicius accipias : « Non ab hominibus, » scilicet puris, sed a Christo homine ac Deo.

Quadruplex est missio, ait Hieronymus. Alii a Deo solo mittuntur, ut Paulus ; alii a Deo per hominem, ut Josue per Moysen ; alii per hominem solum, ut qui hodie per amicos promoventur ad abbatias, decanatus, episcopatus ; alii a seipsis, ut hæretici. Præpositio ergo *ab* hic causam principalem, *per* vero instrumentalem significat. Vult

enim dicere se non ab homine, neque a Deo per hominem, sed immediate ab ipso Deo vocatum esse.

Vers. 4. 4. QUI DEDIT SEMETIPSUM, — in victimam piacularem, in lytrum et pretium redemptionis nostræ, in mortem et crucem.

PRO PECCATIS NOSTRIS. — « Ut injustitiam, ait Hieronymus, quæ erat in nobis, justitia ipse subverteret; tradidit se sapientia, ut insipientiam expugnaret; sanctitas et fortitudo sese obtulit, ut spurcitiam infirmitatemque deleteret.

Pulchra aliquot rationes cur sæculum vocetur nequam.

DE PRÆSENTI SÆCULO NEQUAM. — Cur « sæculum » vocat « nequam? » Respondent Manichæi, quia mundus hic corporeus malus est et creatus a diabolo. Sed hoc stultum est. « Sæculum » ergo « nequam » est sæcularis et carnalis vita et conversatio, qualem agit, et ad quam invitat hic mundus, mundanique homines, qui hujus tantum sæculi bona, opes videlicet, honores ac voluptates per fas et nefas aucupantur. Est metonymia, « sæculum » ponitur pro iis, quæ sunt et fiunt in sæculo: hoc enim est Hebræis עולם, et Græcis αἰών, id est sæculum. Sic; inquit Hieronymus, S. Joannes, *epist.* I, cap. v, ait: « Mundus omnis in maligno positus est: non quod mundus ipse malus sit, sed quod mala in mundo fiunt ab hominibus. Et ipse Apostolus: Redimentes, inquit, tempus, quoniam dies mali sunt. Infamantur et saltus, cum latrociniiis pleni sunt, non quod terra peccet et silvæ, sed quod infamiam homicidii loca quoque traxerint: ita et sæculum, quod est spatium temporum, non per semetipsum, aut bonum, aut malum est, sed per eos qui in illo sunt, aut bonum appellatur aut malum. » Ita Hieronymus, Anselmus, Theophylactus.

Nota: Pro *nequam*, græce est *πονηρόν*, quod S. Hieronymus vertit, *malo*; Augustinus, *maligno*; Erasmus, *versuto*, vel *misero* et *laborioso*; Vatablus, *crummoso*, maxime scilicet ob peccata, quæ admittimus in præsentis vita, quæ tot peccandi occasiones habet, cum futura vita et sæculum, ad quod nos ducit Christus, a peccato sit immune et impeccabile.

Hinc suos æones, id est sæcula, confinxit Valentinus, dicens hos æones esse animalia, et per quadradas, ogdoadas, decadas et duodecidas tot edidisse numeros sæculorum, quot Æneia foetus scrophæ generavit, ait Hieronymus.

Vers. 6. 6. MIROR QUOD SIC TAM CITO TRANSFERIMINI. — Græce est *μετατίθεσθε*, quod ad verbum significat, *transponimini*, a christianismo scilicet in judaismum; a libertate Evangelii in servitutem legalium caeremoniarum, ab Ecclesia in Synagogam. Alludit, ait Hieronymus, ad radicem Hebræam גלה *gala*, id est transmigravit, et גלגל *galal*, id est volvit, revolvit, puta globum aut rotas, q. d. Estis Galatæ, id est transmigrantes et volubiles instar globorum et rotarum, quod tam cito vos sinitis transferri et transponi ab Evangelio Christi

ad legem Mosis. Alioquin idem Hieronymus, procemio in lib. II *Comment. in epist. ad Galat.*, ex Lactantio: « Galli, inquit, antiquitus a corporis candore Galatæ nuncupabantur (Græci enim γάλα, lac vocant, inde Galli et Galatæ, q. d. Lac-tei), quod significare voluit Poeta cum ait:

Tum lactea colla
Auro innectuntur.

Cum enim dicere posset Candida, maluit dicere Lactea, ut insinuaret fuisse Gallos sive Galatas. »

AB EO QUI VOS VOCAVIT. — q. d. Apostatatis ab Evangelio, imo a Deo et Christo Jesu, idque in summam injuriam et contemptum Dei et Christi, qui vos vocavit sine meritis, imo cum demeritis vestris ex liberali amore ad gratiam, reconciliationem, amicitiam Dei et salutem. Unde pro eo, quod habemus, *ab eo qui vos vocavit in gratiam Christi*, græce est, ἀπὸ τοῦ καλίσαντος ὑμᾶς ἐν χάριτι Χριστοῦ. Quod pressius et ordinatius sic invertens ordinat et vertit S. Hieronymus et Vatablus, *miror quod a Christo, qui vos vocavit per gratiam* (ex puro scilicet amore et gratuita benevolentia), *tam cito transferamini in aliud Evangelium, q. d. Miror quod apostatatis tam facile a Deo et a Christo, qui vos vocavit tam gratiose et amanter, quod gratiæ ejus sitis tam ingrati et immemores, eamque aspernemini.*

IN ALIUD EVANGELIUM, — in aliam doctrinam de salute et Salvatore Christo, quasi mea non sufficiat, nec Christi; sed Christo addendus sit Moses, et Evangelio jungenda sit lex caeremonialis: licet ergo hi Judaizantes prædicarent Evangelium amplectendum esse cum lege Mosis, hoc ipso tamen aliud Evangelium prædicabant, et verum Pauli Evangelium destruebant, ut dicit vers. seq. Pauli enim et Christi Evangelium doctrina hæc erat: Evangelium; sive lex Christi necessaria est et sufficit ad salutem, nec alia lex est admittenda; qui aliam inducit, vel admittit, Christo Christique legi, quasi insufficienti, injurius est, adeoque Christum sua Redemptoris unici dignitate dispo-liat, aliumque Salvatorem inducit. Judaizantes vero contrarium prædicabant, scilicet: Lex Christi non sufficit, illi addenda est lex Mosis, sine ea salvari et beari non potestis; afferebant ergo aliud, imo contrarium Evangelium, et Pauli Christique Evangelium evertabant. Unde sequitur:

Vers. 7. 7. QUOD NON EST ALIUD. — S. Hieronymus et Syrus legunt, *quod non est*, q. d. Transfertis vos ad aliud Evangelium, quod profecto non est Evangelium. Græca tamen et Noster legunt, *quod non est aliud*, ut sit hebraismus, quo antecedens relativo superadditur, q. d. Transfertis vos ad aliud Evangelium, quale tamen aliud non est; nullum enim verum Evangelium aliud est ab eo quod ego vobis prædicavi. Addit Syrus: *Sed prout sunt aliqui, illud est*, q. d. Quales sunt doctores, videlicet apostatæ, judaizantes, mendaces, fallaces, tale est et eorum Evangelium, scilicet apostati-

Christi
lex suffi-
ciens ad
salutem,
nihil in-
diget le-
ge Mosis.

cum, judaizans, mendax et fallax. Si Judaizantes, qui Evangelium et doctrinam Pauli atque Ecclesiae intactam relinquebant, solum ei addendo legem Mosis, evertabant Evangelium et Christi Ecclesiam; longe magis Novantes, qui nova dogmata afferunt contraria Ecclesiae Catholicae, eam evertunt.

Novantes
magis
quam Ju-
daizan-
tes evert-
unt le-
gem
Christi.

NISI SUNT ALIQUI. — Refer ad *miror*, q. d. Miror quod tam cito deficitis ab Evangelio, nisi quod sunt aliqui qui vos conturbant: quod dum cogito, ex parte mirari desino, nec tam vobis, quam illis hanc defectionem imputo: non enim defecissetis, nisi ab illis illecti et decepti.

QUI VOS CONTURBANT, ET VOLUNT CONVERTERE EVANGELIUM CHRISTI. — «Convertere,» id est subvertere, ut Graecum μεταστῆναι ponatur pro καταστῆναι. Ita Chrysostomus. Secundo, proprie «convertere,» id est invertere, sicut vestis exterior detrita convertitur dum invertitur, ut pars interior et integrior fiat exterior; vel, ut Hieronymus, dum id quod in facie est, post tergum ponitur, et ea quae post tergum sunt, in faciem vertuntur.

Ecclesia
vestis
est, cu-
jus pars
detrita
est Syna-
goga.

Sic Ecclesia est quasi vestis una, cujus pars anterior, vel extima et jam detrita erat Ecclesia vetus, sive Synagoga cum sua lege Mosis: pars posterior, vel interior et integrior erat Ecclesia nova et Evangelium Christi. Christus ergo eam transposuit, ut extimam, utpote detritam, interiori supponeret, et posteriorem vel interiorem; scilicet Evangelium, faceret anteriorem et anteriorem, illamque omnibus quasi justitiae ac salutis vestem spectandam et amplectendam proponeret. Hi pseudodoctores contra vestem hanc a Christo inversam rursus volebant convertere, et legem praeferre, illique Evangelium supponere, denique spiritum pietatis, quam aspirat Evangelium, ad Judaicas caeremonias invertere. Sic ergo Judaizantes convertabant, id est invertabant, Christi Evangelium, dum pro eo legem Mosis substituebant, eamque Evangelio preponebant, ac consequenter Evangelium aliud invehebant. Ita Hieronymus.

V. 8. 8. SED LICET NOS, AUT ANGELUS DE COELO EVANGELIZET VOBIS, PRÆTERQUAM QUOD EVANGELIZAVIMUS VOBIS, ANATHEMA SIT. — Supple, si id fieri posset, nam de facto hoc est impossibile: angeli enim uti in beatitudine, ita et in omni veritate confirmati sunt. Est hyperbole similis illi I *Corinth.* XIII, 1: «Si linguis hominum loquar et angelorum.» Hinc, ut ait Hieronymus, eleganter Tertullianus adversus Apellem et ejus virginem Philumenem, quam angelus quidam diabolici spiritus et perversus impleverat, hunc esse scribit angelum, cui multo ante quam Apelles nasceretur, Spiritus Sancti vaticinio anathema per Apostolum prophetatum fuit. Talis fuit angelus, qui Lutherum docuit, et qui Zuinglium de Eucharistia instruxit, de quo ipsemet lib. *De Supplemento Eucharistiae* scribit, nescire se an albus, an ater fuerit: sed hinc certum est atrum fuisse, illique quasi novum Evan-

Qualis
fuerit an-
gelus qui
Lutherum
docuit?

gelium, novam fidem, nova dogmata receptae fidei contraria afferenti, ab Apostolo intentatum esse anathema.

Nota, quanta sit certitudo fidei ab Apostolis traditae, tot signis, tot miraculis a Deo confirmatae, et ad nos per continuam tot jam saeculorum traditionem transmissae, quamque in illa firmi et constantes esse debeamus; ut scilicet id potius negemus, quod sensus, quod ratio, quod demonstratio, quod auctoritas omnium hominum et angelorum (etiamsi facerent miracula ad id probandum, quod tamen est impossibile) suggerit, quam id negemus quod fides docet: quia fides primæva Dei revelatione, qui prima est et immutabilis veritas, nititur; reliqua omnia falli et fallere possunt. Imo si per impossibile Deus revelaret contrarium fidei nostrae, quam jam primo revelavit, primæ ejus revelationi credendum foret, non secundæ: quia si revelaret contrarium, mutaretur, et consequenter desineret esse Deus et prima ac infallibilis veritas; quæ omnia cum sint impossibilia, sequitur Deum contrarium revelare non posse, ac consequenter qui contrariam doctrinam afferunt, non illam Dei, sed cerebri sui, vel demonis revelatione accepisse.

Hic est ergo canon fidei, quem tradit hic Apostolus: Si novum dogma oriatur alicubi, examinetur, an concordet cum recepta et antiqua Ecclesiae Catholicae fide, quam primitus prædicavit Paulus et Apostoli: quod si inveniat ab ea dissentire, habeatur hæreticum et anathema. Hunc canonem sequuntur Patres omnes.

Canon
veræ fidei
ab anti-
quitate
et immu-
tabilitate.

B. Irenæus, lib. III, cap. IV: «Si de aliqua modica quæstione disputatio orta fuerit, nonne oportebit in antiquissimas recurrere Ecclesias, et ab eis sumere de præsentī quæstione quod certum et liquidum est?»

Tertullianus, *De Præscript.*, cap. XXI: «Quid prædicaverint Apostoli, quid illis Christus revelarit, et hic præscribam, non aliter probari debere, nisi per easdem Ecclesias, quas ipsi Apostoli condiderunt. Si hæc ita sunt, constat proinde omnem doctrinam, quæ cum illis Ecclesiis Apostolicis et matricibus originalibus fide conspirat, veritati deputandam, reliquam vero omnem de mendacio præjudicandam.» Et cap. XXXI: «Ex ipso ordine monstratur id esse Dominicum et verum; quod sit prius traditum; id autem extraneum esse et falsum, quod sit posterius immissum.»

Origenes, hom. 19 in *Matth.*: «Hæreticus habendus est omnis ille, qui Christo quidem credere se profitetur, aliud tamen de fidei veritate credit, quam habet definitio traditionis Ecclesiae.»

S. Hieronymus, epist. ad *Pammachium* et *Oecumenium*: «Quisquis assertor es novorum dogmatum, quaeso te, ut parcas humanis auribus, parcas fidei, quæ Apostolico ore laudata est. Cur post quadringentos annos (dicamus nos, Cur post mille quingentos annos, o Luthere, o Calvine, o

Menno) docere nos niteris, quod ante nescivimus? Usque in hanc diem, sine vestra illa doctrina, Christianus mundus fuit. »

Vincentius Lirinensis aureo illo libello Prescriptionum adversus profanas hæresum novitates non aliud facit, quam ut regulam hanc sanciat : « Retinenda est antiquitas, explodenda est novitas. Cum tales quidam (Novantes, inquit cap. XII, 4) circumeuntes provincias et civitates, atque errores venalities circumferendo, etiam ad Galatas devenissent; cumque his auditis Galatæ nausea quadam veritatis adfecti, Apostolicæ Catholicæque doctrinæ manna revomentes, hæreticæ novitatis sordibus oblectarentur, ita sese Apostolicæ potestatis exeruit auctoritas, ut summa cum severitate decerneret : Sed licet aut nos, inquit, aut angelus de cælo evangelizet vobis, præterquam quod evangelizavimus, anathema sit. Quid est quod ait, Sed licet nos? cur non potius, Sed licet ego? Hoc est, etiamsi Petrus, etiamsi Andreas, etiamsi Joannes, postremo etiamsi omnis Apostolorum chorus evangelizet vobis, præterquam quod evangelizavimus, anathema sit. Tremenda districtio : propter asserendam primæ fidei tenacitatem, nec sibi, nec cæteris coapostolis peperisse, parum est. Etiamsi angelus, inquit, de cælo evangelizet vobis, præterquam quod evangelizavimus, anathema sit. Non sufficiebat ad custodiam traditæ semel fidei humanæ conditionis commemorasse naturam, nisi angelicam quoque excellentiam comprehendisset. Licet nos, inquit, aut angelus de cælo. Non quia sancti cælestesque angeli peccare jam possint; sed hoc est, quod dicit : Si etiam, inquit, fiat quod fieri non potest, quisquis ille sit qui traditam semel fidem mutare tentaverit, anathema sit. »

S. Joannes Damascenus quasi leo rugiens contra Leonem Isaurum Imperatorem Iconoclastam, orat. 2 *De Imaginib.* : « Audite, inquit, populi, tribus, lingue, viri, mulieres, pueri, senes, adolescentes, infantes, gens Christianorum sancta : Si quis evangelizaverit vobis præter id quod Ecclesia Catholica a sanctis Apostolis, a Patribus atque Conciliis acceptum ad hunc usque diem servavit, eum non audieritis, neve serpentis consilium acceperitis, sicut fecit Eva, ex quo mortem est assecuta. Licet angelus, licet rex evangelizet vobis præter id quod accepistis, aures ocludite. Vereor enim illucisque progredi, quo progressus est Paulus, Anathema, inquiens, sit. » Id ideo dicit, quod sciret esse Episcoporum, non monachorum (qualis ipse erat) inferre anathema, uti docte observavit Cardinalis Baronius in fine anni Christi 730.

S. Augustinus, lib. II *Contra Cresconium*, cap. xxxi et xxxii : « Non accipio quod de baptizandis hæreticis B. Cyprianus sensit : quia hoc Ecclesia non accipit, pro qua B. Cyprianus sanguinem fudit. » Ita et reliqui Patres, estque ratio evidens, quia « Ecclesia, ut ait Apostolus, I *Tim.* III, 15, columna est et firmamentum veritatis. »

Qui ergo novi aliquid contra ejus sententiam ac dogmata comminiscitur, a domo veritatis, ipsaque veritate abscedit et aberrat, ut nervoso dilemmate concludit S. Augustinus, lib. II *Contra Gaudentium*, cap. viii : « Responde, inquit, utrum Ecclesia (oriente Donato) perierit, an non perierit? Elige quod putaveris. Si jam tum perierat, Donatum quæ peperit? si autem tot in eam sine baptismo aggregatis perire non potuit, responde quæso, ut ab ea se, tanquam malorum communionem devitans, pars Donati superaret, quæ dementia persuasit? »

Pari modo jam concludam : Oriente Luthero; Calvino, Mennone, et quovis alio Novatore, vel Ecclesia veraque fides periit, vel non periit : hæc enim duo necessario connexa sunt, vera fides et vera Ecclesia, adeo ut, si vel in uno puncto, verbi gratia, Sanctos esse invocandos, a vera fide aberraret Ecclesia, hæretica sit oportet, nec Ecclesia Dei, sed Satane : sicut privatus quisque, qui vel unam hæresim tuctur, licet in cæteris articulis recte credat, et aliis orthodoxis consentiat, non orthodoxus est, sed hæreticus. Dico ergo : Oriente Calvino, vel periit Ecclesia, vel non periit; si periit, adeoque periit a tempore Gregorii Magni, ut aiunt Novantes : ergo per 900 annos extincta fuit Ecclesia; ergo mundus per annos 900 vera fide, religione, Sacramentis, Ecclesia, saluteque caruit; ergo Christus per annos 900 sponsam suam deseruit; ergo æternum Christi regnum concidit (regnat enim Christus in Ecclesia); ergo adversus Ecclesiam portæ inferi prævaluere; ergo Calvinus natus est extra Ecclesiam, nec Ecclesiæ membrum fuit, sed infidelis, hæreticus, vel paganus; ergo a populo, a mundo quasi fidelis recipi audiri non debuit; sed tanquam infidelis ad Ecclesiam non pertinens, contemni ac rejici. Si non periit, sed in vera fide et Ecclesia natus, baptizatus, educatus, institutus est Calvinus : ergo cum in Catholica, Apostolica, Romana Ecclesia natus, baptizatus, educatus, institutus fuerit, illa utique vera erat Ecclesia, veram habens fidem; ergo cum ab ea discessit, ac segregavit se per nova dogmata Calvinus, a vera se fide et Ecclesia separavit, ab eaque apostatavit; ergo cum aliam Ecclesiam reformatam instituit, non veram et Apostolicam, sed apostaticam, schismaticam, hæreticam, non fidei, sed novorum dogmatum, sed hæresum magistram et scholam instituit. Æquus lector, qui fidem veram, extra quam salvari non potest, sincere quærit et fluctuat, consideret ac perpendat hoc dilemma, an non hæc recte consequantur? an non concludat ac convincat hæc ratio? an non hæc regula sit Lydius lapis veri dogmatis veræque fidei?

PRÆTERQUAM QUOD EVANGELIZAVIMUS VOBIS, ANATHEMA SIT. — Inferunt Novantes : ergo Conciliorum decreta et Pontificum canones sunt anathema, quia multa afferunt quæ non habentur in Evangelio, et consequenter sunt præter Evangelium.

Pala-
chrum
dilemma
Augusti-
ni contra
hæretic-
cos.

Pontifi-
cium et
Concilio-
rum de-
creta non
sunt ana-

thema, et volunt Novantes. Respondeo : « Præterquam » hic idem est quod contrarium fidei acceptæ et receptæ, qualia afferunt hæretici.

Id patet primo, quia loquitur Paulus contra Judaizantes, qui judaismum præter, id est contra, Evangelium inducere volebant : non secus ac si quis christianismo vellet ingerere calvinismum, vel turcismum, is præter christianismum, id est contra christianismum novam legem et sectam induceret. Unde vers 6, vocat hoc aliud Evangelium, ejusque præcones, vers. 7, dicit « convertere, » id est, ut Chrysostomus, evertere, « Evangelium Christi. »

Secundo, quia clarum est et certum non angelum modo, sed et Paulum plura scivisse, et consequenter evangelizare potuisse quam fecerit, ut patet II Cor. xii, 1 et 6.

Tertio, quia Paulus passim, uti et Christus, jubet servari præcepta Apostolorum et Superiorum, Act. xvi, 4; Hebr. xiii, 17, et alibi.

Denique ita explicant hunc locum Hieronymus, Augustinus, Ambrosius, Chrysostomus, Oecumenius. Sic Apostolus, I Corinth. iii, 11, παρὰ, id est præter, accipit pro contra, cum ait : « Fundamentum aliud nemo potest ponere præter (id est contra) id quod positum est, quod est Christus Jesus ; » qui enim alium Christum induceret, Antichristum induceret : sicut qui alium Papam inducit; antipapam inducit; qui alium in regno regem inducit, veri regis hostem inducit et tyrannum. Sic ad Roman. xi, 24 : « Si tu ex naturali excisus es oïastro, et contra naturam, » græce παρὰ φύσιν, hoc est præter naturam, « insertus es in bonam olivam. » Imo sic latine sæpe loquimur per miosin cum Terentio in Andria : « Præter civium morem atque legem, » id est contra morem ac legem. Sic et Græci, uti Aristoteles, lib. I De Cælo, cap. 1, loquuntur παρὰ φύσιν, præter, id est contra, naturam, παρὰ νόμον, præter, id est contra, legem.

Scripturis quo modo nihil addi possit? Simili modo Deuter. iv, 2, dicit Dominus : « Non addetis ad verbum, quod vobis loquor, nec auferetis ex eo, » id est ad præcepta quæ ego præcepturus sum, non addetis aliquid eis repugnans, novi præsertim numinis, vel idoli cultum et religionem inducens; hæc enim excludere toto illo capite, et passim in Deuter. intendit. Secundo, « non addetis, » ut dicatis esse verbum meum, quod est vestrum ; nam nulli hominum licet scripta, aut præcepta sua venditare pro præceptis a Deo datis, aut Scripturis sacris.

Similis est phrasid Apocal. cap. ult., vers. 18 : « Contestor enim audienti verba prophetiæ hujus : si quis apposerit ad hæc, apponet Deus super illum plagas scriptas in libro isto. Et si quis diminuerit de verbis libri prophetiæ hujus, auferet Deus partem ejus de libro vitæ. » Alioqui enim Prophetæ et Apostoli huic Scripturæ et præcepto multa addiderunt. Imo secum pugnaret Moyses : nam infra cap. xvii, vers. 10, jubet sub pœna mortis, sacerdotis decreto obediri. Quare præ-

clare S. Augustinus, tract. 99 in Joan., hunc locum ita explicat : « Non ait (Apostolus) : Plusquam accepistis, sed præterquam quod accepistis. Nam si illud diceret, præjudicaret sibi ipsi, qui cupiebat venire ad Thessalonicenses, ut suppleret quæ illorum fidei defuerunt. Sed qui supplet quod minus erat, addit; non quod inerat, tollit : qui autem prætergreditur regulam fidei, non accedit in via, sed recedit de via. »

Dices : Cur ergo Apostolus non dicit, Contrarium, sed « præterquam ? » Respondet Chrysostomus, ut ostendat anathema esse eum qui vel indirecte minimum Evangelii dogma labefactat. Secundo, quia Judaizantes, contra quos hic agit proprie, præter Evangelium inducebant judaismum, Judaica sacra et Sacramenta, quæ tamen hoc ipso erant contra Evangelium et legem novam Christi, ut dixi.

EVANGELIZAVIMUS, — scilicet verbo vel scripto : non ergo excludit, sed includit traditiones solo verbo traditas, quas diserte servari jubet II Thesal. ii, 14, et alibi.

ANATHEMA. — Syrus ܐܢܬܗ ܚܪܡ chere, de quo vide dicta ad Rom. ix, 3.

10. MODO ENIM HOMINIBUS SUADEO, AN DEO (1)? Vers. 10.

— Græce ἀπὸ γὰρ ἀνθρώπων πείθω ἢ τὸν Θεόν, num homines suadeo, an Deum? id est, ut Theophylactus, Vatablus, Erasmus, an humana suadeo, an divina? quasi velit Apostolus ostendere, non cui, sed quid suadeat, id est, quid credendum proponat, neque de auditoribus, sed de doctrina ipsa loquatur : jactabant enim Judaizantes se sequi Petrum, Joannem, Jacobum, qui legem veterem servandam suo exemplo docere videbantur. Contra clamat Paulus se non homines, hominumve doctrinam; sed Deum Deique doctrinam sequi, ac aliis suadere, quasi dicat : A Deo accepi quod evangelizavi, Deus mihi Evangelium meum revelavit; Dei, non hominum dogmata prædico; non humana, sed divina doceo.

Secundo, non male, quiddid obstrepat Beza, imo melius vertit Noster : « Modo (id est, nunc) hominibus suadeo, an Deo? » id est, ut Chrysostomus vertit, « an apud homines causam dico, an apud Deum? » Græcum enim πείθω (id est, suadeo, ut etiam notavit Erasmus) verbum est forense et advocatorum, quo dicuntur πείθειν κριτάς, hoc est, suadere judices, in accusativo personæ, dum eis suam causam, suum jus persuadere conantur. Unde S. Augustinus hic « suadeo » interpretatur, ut idem sit quod probatum me reddere cupio. Et S. Ambrosius « suadeo » interpretatur pro satisfacio. Sic Xenophon; Hellen. vi : Καὶ ἤσαν

Sensus
litteralis
inlaga-
tur.

(1) Triplici ratione Paulus suam Apostolicam auctoritatem vindicat : prima est, quod non ab hominibus, sed a Christo ipso vocatus et eruditus fuerit, i, 11-26; secunda est, quod cæteri Apostoli ipsum pro Apostolo habuere, cap. ii, 1-10; tertia est, quod Petrus ipse, Ecclesiæ caput et Apostolorum princeps, Pauli monitis obtemperavit, cap. ii, 11-21.

μὴ τῶν ἐκ τῶν Ἀγασίλων ἔπειθεν, *erant*, inquit, *qui Agesilaum*, id est *Agesilao*, *suadebant*. Unde Henricus Stephanus in *Lexico* docet, *πείθω*; cum significat *suadeo*, recipere et regere accusativum personæ. Adde: Græcum *πείθω*, ut docent Græci, et fatetur Beza, cum significat *persuadeo*, construi cum accusativo non rei, sed personæ. Hic autem *πείθω ἀνθρώπους*, hoc est, *homines suadeo*, idem est quod *persuadeo*; hoc est *persuadere conor*, in actu scilicet inchoato, juxta *Can. 32*. Hoc autem idem est quod *suadeo*, ut vertit Noster.

Hic sensus aptior est, *primo*, nam suadere Deum et homines significat non rem, quæ suadetur (sic enim obscura valde et intricata foret hæc phrasid), sed proprie personas, quibus persuadetur. *Secundo*, quia explicans subdit: « An quæro hominibus placere? » *q. d.* Hominibus uti placere, ita et suadere non quæro. Unde S. Hieronymus: « Suadere, inquit, quis dicitur, cum id quod ipse habet et semel imbibit, cæteris etiam conatur inserere. »

Sensus ergo est: Ego Paulus ita audacter et sincere loquor, et Judaizantibus, aliudque evangelizantibus, anathema intento: quia licet olim acerrime pro Judæis ac judaismo Evangelium impugnarim, modo tamen, id est nunc, Evangelii luce illustratus, non hominibus, præsertim Judæis, me et causam hanc meam, meumque hocce Evangelium probare satago, sed Deo, cui uni placere contendo: ut in illius tribunali sincere et fidenter illius reddam rationem, *q. d.* Non curo quid de me Judæi aliive homines censeant, quasi rigidior sim, aut patriæ et judaismi hostis: quæro enim uni Deo placere; cum enim illis olim placui, Deo displicui: quod si adhuc eis placere vellem, Deo displicerem, quia legem Mosis statuerem, Christique gratiam destruerem (1).

Si adhuc hominibus placere, Christi servus non essem. — Notant S. Hieronymus et Anselmus, ἀνθρωποπαρεσκευαν, id est *studium placendi hominibus*, vilium esse, quo quis ita hominibus assentatur, hominum favorem et gloriam captat, ut paratus sit Dei legem violare, Deumque offendere: qui enim hominibus placere studet hoc modo et fine, ut eos ad Deum Deique cultum trahat, non tam hominibus; quam Deo placere studet. « Homo, inquit S. Augustinus hic, non placet utiliter, nisi cum propter Deum placet, id est ut Deus placeat et glorificetur, cum dona ejus attenduntur in homine, aut per ministerium hominis accipiuntur. Cum autem sic placet homo, non jam homo, sed Deus placet. » Sic Paulus, I *Cor. ix, 21*, omnibus omnia factus est, ut omnes Christo lucrificeret. Vide Chrysostomum in morali homil. 29 in *epist. I ad Corinth.*, quam favor et gloria mundi hujus umbratica sit et contemnenda. Pie et cordate S. Hieronymus ad Asellum: « Gratias, inquit, ago

Deo quod dignus sim, quem mundus oderit. »

11. QUIA NON EST SECUNDUM HOMINEM. — *q. d.* Non est humanum, sed divinum Evangelium meum; non est hominis, sed Dei, et, ut Syrus, non est ab homine: non est scilicet ab hominum opinione vel inventione profectum, sed Dei; unde explicans subdit:

12. NEQUE ENIM EGO AB HOMINE ACCEPI ILLUD, SED PER REVELATIONEM JESU CHRISTI. — Tunc scilicet cum ab eo raptus fui in tertium cælum, ut dixi II *Corinth. xii, 1*.

13. PERSEQUEBAR ECCLESIAM DEI, ET EXPUGNABAM ILLAM. — Hoc est, expugnare et evertere satagem, sive expugnabam in actu inchoato, id est impugnabam illam, juxta *Can. 32*. Sic *Psalm. cxxviii*, dicitur: « Sæpe expugnaverunt me a juventute mea, » id est, sæpe oppugnaverunt me, non autem re ipsa expugnaverunt; sequitur enim: « Etenim non potuerunt (id est prævaluerunt) mihi. » S. Hieronymus et Syrus vertunt, *vastabam*, vel *devastabam*, *illam*, quasi videlicet quidam grassator et prædo, inquit S. Hieronymus. Unde Græcum ἐπείθευεν venit a πείθω, quod affine est, et, ut aliqui volunt, deducitur per metathesin a πείρω, id est, *incendo*, quod hostis urbes expugnans et agros vastans, omnia circumquaque populetur incendiis: licet alii, inquit Erasmus, πείρω, dictum velint quasi περιέω, id est *circumcurso*, uti facit hostis omnia vastans: sic et Paulus cursitabat per urbes et Synagogas, ut Christianos caperet, vinciret, occideret. Dicit hæc Paulus, ut amoliat a se suspicionem odii Judæorum, *q. d.* Impingunt mihi quod sim hostis Judæorum et judaismi, sed falso, ut patet ex vita mea anteacta. Nam ego ipse Judæus sum, et pro judaismo acrius quam ipsi pugnavi, donec Deus vocatione sua cor meum immutavit, et Christi fide ac luce illustravit (2).

14. IN GENERE MEO (in gente mea, scilicet inter Judæos; Syrus, in *cognatione mea*) ABUNDANTIUS ZELATOR, — id est, ardentior amator et imitator. *Secundo*, et melius, *q. d.* Ardentior zelator fui pro patriis institutis mihi a majoribus traditis; græce enim est ζήλωτης; zelotem ergo se vocat legis, eo quod, ut vertit Syrus, majorem in modum zelaverit doctrinam patrum suorum: nimirum, uti zelotes fuit legis per ignorantiam, putans se recte facere, ita multo magis, cognita veritate, zelotes fuit Evangelii, et zelum falsum zelo vero, eoque ardentiore expiavit. Hinc videtur Paulus natura et ingenio acri fuisse præ aliis Judæis cōtaneis suis, eaque fuit illi administra et eos virtutis: fervida enim natura non humi repit, sed ad magna se ignis instar extollit, arduaque molitur.

Pulchre et solerter S. Augustinus, lib. XXII *Con-*

(2) Alia est ratio cur Paulus hæc dicat, ut, scilicet, planum sit, se per divinam revelationem accepisse doctrinam suam. Quum enim talis tantusque fuisset persecutor religionis Christianæ, quomodo tam subito permutatus esset, nisi divina quædam revelatio eum traxisset?

(1) Allioli: Num jam homines, an Deum mihi conciliare prædicando studeo?

Paulus ante conversionem persecutor Ecclesiæ.

Fervens
natura
apta su-
blimi
virtuti.

tra Faustum, cap. LXX: «Animæ, inquit, virtutis capaces ac fertiles præmittunt sæpe vitia, quibus hoc ipsum indicent, cui virtuti sint potissimum accommodatæ, si fuerint præceptis exultæ. Sic ille animi motus, quo Moses peregrinum fratrem a cive improbo injuriam perpetientem inultum esse non pertulit, non servato ordine potestatis, vitiosa quidem, sed magnæ fertilitatis signa fundebat. Sic cum Saulum Ecclesiam persequentem Deus de cælo vocavit, prostravit, erexit, implicuit, tanquam percussit, amputavit, inseruit, fecundavit: illa namque Pauli scivita, cum secundum æmulationem paternarum traditionum persequeretur Ecclesiam, putans officium Deo se facere, tanquam silvestre erat vitium, sed magnæ fertilitatis indicium.» Hactenus Augustinus.

Vers. 15. 15. CUM AUTEM PLACUIT EI. — *Ὁτε εὐδόκησεν ὁ Θεός*, Vatablus, *cum Deo visum est*: sed plus significat *εὐδόκησεν*, benevolentiam scilicet, amorem et beneplacitum Dei, quo Deo complacuit in nobis, ut gratis et benevole nos vocaret ad suam gratiam ac salutem. Hoc enim significat Hebræum *עֲפַלְפֵּל* *chepets*, quod Septuaginta vertunt *εὐδόκησεν*. Unde subdit:

Vers. 15 et 16. QUI ME SEGREGAVIT EX UTERO MATRIS MEÆ (Deus scilicet, qui per dictam suam benevolentiam segregando me ex utero matris in hunc mundum nasci me fecit, et in hanc lucem edidit, eo scilicet fine) UT REVELARET FILIUM SUUM IN ME, — ut dicitur, vers. seq.; eo enim hic præcedens totus versus refertur, ut indicant Græca, quod scilicet Deo placuit, et quod me Deus ex utero segregavit, et quod vocavit me hoc scilicet fine, «ut revelaret Filium suum in me,» *q. d.* Deus ante omne meum meritum, me necdum natum prædestinavit, et prædestinatum segregavit ex utero, nascique fecit, ac natum vocavit, «ut revelaret Filium suum in me,» hoc est, ut me ad Christi et Evangelii agnitionem adduceret, et consequenter ad apostolatam, ut evangelizarem Christum in Gentibus. Ita Ambrosius, Anselmus, Theophylactus.

Sic de Jeremia, ait Hieronymus, dicitur cap. 1: «Priusquam te formarem in utero, novi te: et antequam exires de vulva, sanctificavi te, et prophetam in Gentibus dedi te,» eoque alludit hic Paulus: fuit enim Jeremias typus Pauli. Unde pro *sanctificavi* est *קִדְשְׁתִּי* *cadasti*, quod et sanctificavi et segregavi significat; res enim sancta dicitur quasi segregata a patre, matre rebusque terrenis, ut Deo dicetur et consecratur. Sic Paulus ab utero per Dei prædestinationem fuit quasi Deo segregatus, et consecratus Evangelio, ut esset Propheta doctorque Gentium.

Mystice, ait Anselmus, «ex utero matris,» id est, ex cecitate Synagoga; «segregavit me Deus,» ut vocatus ab eo Evangelii lucem intuerer.

Nota: «Segregatus» dicitur, quia est e grege selectus. Sic prædestinati ex hominum grege Deo seliguntur: sic multo magis Apostolus et præco-

verbi Dei se regatur a vulgo, itaque vulgaribus præstare debet sicut gregem universum pastor excellit, inquit alibi Chrysostomus.

Hac de causa Isaias propheta, cap. vi, vers. 5, gemens exclamat: «Væ mihi, quia vir pollutus labiis ego sum, et in medio populi polluta labia habentis ego habito,» *q. d.* Miserum me, qui nihilo sum civibus sanctior, cum ipsi sint mere profani. Alludit hic Paulus ad etymon sui nominis פֶּלֶא *pele*, id est excellens, eximium, mirabile, ideoque a vulgo segregatum, ut dixi Rom. 1, 4.

16. UT REVELARET FILIUM SUUM IN ME. — *In* Vers. 16. *me,»* id est mihi, in anima mea. Est hebraismus: *bet* enim Hebræis est adhaesivum.

Nota: Dicit potius *in me*, quam *mihi*, ut significet se non nudam auribus vel oculis revelationem excepisse, sed Christum Christique doctrinam et spiritum intimo totoque corde imbibisse, ita ut Christus in eo esset, et per eum loqueretur. Ita Theophylactus. Unde *secundo*, Hieronymus et Vatablus apte vertunt, *ut revelaret Filium suum per me*. Addit *tertio*, S. Hieronymus, non dici *mihi*, sed *in me*, quia in Paulo jam erat Christus: erant enim in ipso principia virtutum et Dei ac fidei semina; sed hæc non agnoscebat, nec iis credebat Paulus, donec hæc in ipso ejusque corde revelaret Deus. Hoc subtilius est, quam germanius.

NON ACQUIEVI CARNI ET SANGUINI. — *q. d.* Non Homines et caro non erant consulendi in Dei vocatione. Non adjunxi me ulli homini, non contuli de hac mea vocatione et revelatione, modoque eam exequendi, nec in consilium adhibui consanguineo; vel ullum hominem; sed certo sciens me a Deo vocari et doceri, Deum unum doctorem et ductorem secutus sum. Græce est *παρρησιάζομαι*, quod Noster, cap. 11, vers. 2 et 6, vertit *non contulerunt*; *ἀντιθέσθαι*, ait Budæus, est consilia et arcana communicare, et in sinum amicorum effundere, ut illi quasi consiliarii ac sinceri iudices, ea proberent, improberent, addant, demant, suadeant ac dissuadeant, prout eis e re nostra esse videbitur. Sic et S. Hieronymus, Chrysostomus, Theophylactus et Syrus, qui vertit, *non patrefecit carni et sanguini*, id est, ulli homini.

Nota: *Caro et sanguis* significant synecdochice hominem carne et sanguine constantem. Sic *Matth. xvi, 17*: «Caro et sanguis non revelavit tibi,» id est, nullus homo, «sed Pater meus qui in cælis est,» *q. d.* Ab homine Evangelium non sum edoctus, quia cum nullo homine illud contuli, sed a Deo solo illud per revelationem accepi. Videte ergo, o Galatæ, ne illud repellendo, et judaismi mixtione contaminando, contaminetis et repellatis Dei verbum, Denique ipsum, qui illud mihi revelavit, et prædicandum deinde prædavit.

Dices: Cur ergo postea Paulus venit Hierosolimam videre Petrum, vers. 18, imo cum eo Evangelium contulit, cap. 11, vers. 2? Respondeo, contulisse non quasi dubium, aut non satis instructum, ut plenius ac certius instructetur, sed ut

ut Pan-
ta Evan-
g. tum
contule-
rit cu
Petro?

fideles quos docebat, cernerent eum in fide et doctrina communicare et consentire cum Petro aliisque Apostolis, sicque plus fidei ejus Evangelio tribuerent.

Aliter respondet Hieronymus, illud « continuo » referendum esse ad præcedentia; sicque esse dispungendum: « Ut revelarem illum in Gentibus continuo, non acquievi carni et sanguini, » *q. d.* Cum statim juberer a Deo Gentibus evangelizare, statim acquievi, ita ut tum cum nullo mortalium conferrem, aut consilium inirem, postea tamen contuli cum Petro, Jacobo, Joanne. Sed prior solutio solidior est. Rursum *non acquievi carni et sanguini*, sic exponi potest, *q. d.* Non inivi, non adjunxi me parentibus carnalibus et consanguineis, sed illis relictis, Deum vocantem secutus sum. Ita Augustinus et Oecumenius.

Mr. Vo-
cent
Deo non
est ac-
quiescen-
tiam pa-
rentibus. Moraliter, hoc S. Pauli exemplum sequatur is, qui a Deo ad apostolatam, ad religionem, ad perfectionem Evangelicam, ad heroica opera vocatur, ut non acquiescat carni et sanguini, sed statim abeat ad id, ad quod vocari se sentit. Audiat S. Hieronymum *ad Heliodorum*: « Quid facis, ait, in domo paterna, delicate miles? ubi vallum? ubi fossa? ubi hiems acta sub pellibus? Recordare tirocinii tui diem, quo Christo in baptismo consepultus, in sacramenti verba jurasti, pro nomine ejus non te patri pareitarum esse, non matri. Ecce adversarius in pectore tuo Christum occidere conatur. Ecce donativum quod militaturus acceperas, hostilia castra suspirant. Licet parvulus ex collo pendeat nepos, licet sparso crine et scissis vestibus ubera quibus te nutrierat, mater ostendat, licet in limine pater jaceat, per calcatum perge patrem, siccis oculis ad vexillum crucis evola. Solum pietatis genus est, in hac re esse crudelem. » Et infra: « Facile rumpit hæc vincula amor Dei et gehennæ timor. Si credunt Christo, faveant mihi pro ejus nomine pugnaturus: si non credunt, mortui sepeliant mortuos suos. »

Idem *ad Furiam*, viduam nobilissimam: « Contristabitur pater, sed letabitur Christus: lugebit familia, sed angeli gratulabuntur. Faciat pater quod vult de substantia sua: non es cui nata es, sed cui renata, qui te grandi pretio redemit sanguine suo. Cave nutrices et gerulas, et istiusmodi venenatissima quæ de corio tuo satiare ventrem suum cupiunt: non suadent quod tibi, sed quod sibi prosit. »

Audiat et S. Bernardus, *serm. Ecce nos reliquimus omnia*: « Quantos, ait, mundi sapientia maledicta supplantat, et in eis conceptum extinguit spiritum, quem voluerat Dominus vehementer accendi? Noli, inquit, præcipitanter agere, diu considera, magnum est quod proponis, experire quid possis, amicos consule, ne post factum penitere contingat. Hæc sapientia mundi terrena, animalis, diabolica, inimica salutis, suf-

focatrix vite, mater tepiditatis, quæ solet Domino vomitum provocare. »

17. NEQUE VENI HIÉROSOLYMAM. — Dices, *Act. Vers. 17. cap. ix, vers. 26*, mox a conversione cum Damasco fugeret Paulus, venisse Hierosolymam. Respondet Hieronymus et Lorinus in *Act. ix*, venisse Hierosolymam statim a conversione necessitate fugæ compulsus, non autem ut Petrum videret, cum eoque conferret Evangelium; hoc enim tantum hic negat. Aliter respondet Baronius, *Act. ix* non dici Paulum statim a conversione venisse Hierosolymam, sed post dies multos: puta triennium, partim in Arabia, partim Damasci exactum; cum scilicet eo venit videre Petrum, ut hic dicit *vers. 18*, indeque venit in partes Syriæ et Ciliciæ, ut hic dicit *vers. 21*, quod Lucas, *Act. ix*, declarat dicens *vers. 30*: « Deduxerunt eum Cæsaream, et dimiserunt Tarsum, » quæ est metropolis Ciliciæ. Ita ut Lucas, *Act. ix*, taceat Pauli profectionem in Arabiam, quia in ea nihil memorabile acciderat.

An Paulus a conversione statim venit Hierosolymam?

Utraque sententia est probabilis. Priori favet id, quod subdit Lucas: « Omnes timebant eum, non credentes quod esset discipulus. Barnabas autem apprehensum illum duxit ad Apostolos, et narravit illis quomodo in via vidisset Dominum. » Conversio enim tam miraculosa Pauli non videtur potuisse per triennium latere Apostolos et alios fideles Hierosolymis; quod si ita est, vide et admirare cum Chrysostomo gratiam Dei quæ ex Paulo persecutore tanto tantum subito doctorem effecit, ut statim a conversione publice docere et disputare cum Judæis inciperet.

AD ANTECESSORES MEOS APOSTOLOS. — *πρὸς τοὺς πρὸ ἐμοῦ ἀποστόλους*, ad eos qui ante me fuerunt Apostoli, id est qui ante me vocati sunt a Christo ad apostolatam.

18. DEINDE POST ANNOS TRES VENI HIÉROSOLYMAM Vers. 18. VIDERE PETRUM. — Græce, ait Chrysostomus et Theophylactus, non est *ἰδέναι*, sed *ἰσχυρῶς*, quod dicitur de iis, qui visunt et lustrant splendidas urbes, v. g. Romam, et cum observatione intuentur ejus reliquias, Pontificem, Cardinales, clerum virosque sanctos, *q. d.* Paulus: Veni Hierosolymam « videre Petrum, » non ut ab eo aliquid discerem (licet id quoque Græco *ἰσχυρῶς* significari velit Erasmus), qui divinitus eram edoctus; sed ut tantum virum, Apostolorum scilicet principem, viderem ac honorarem. Ita Theodoretus, Chrysostomus, Ambrosius, Hieronymus. Aliam etiam causam sue Hierosolymam profectionis dat Apostolus, *cap. ii, vers. 2*: « Petrus, inquit Chrysostomus, *homil. 87 in Joan.*, os erat Apostolorum et princeps, propterea et Paulus eum præter alios visurus ascendit. » Et Hieronymus hic: « Venit Paulus videre Petrum, non ut oculos, genas vultumque ejus aspiceret: utrum macilentus an pinguis, adunco naso esset an recto, et utrum frontem vestiret coma, an (ut Clemens in *Periodis* ejus refert) calvitium haberet in ca-

Dua causa ob quas Paulus invisit Hierosolymis Petrum.

pite. Nec puto Apostolicæ fuisse gravitatis, ut post tantam triennii præparationem aliquid humanum in Petro voluerit aspicere. His oculis Paulus vidit Cepham, quibus nunc a prudentibus quibusque Paulus ipse conspicitur. Quod si cui non videtur, cum superiori sensu jungat hæc omnia, quod nihil sibi Apostoli contulerint. Nam et quod visus sit ire Hierosolymam, ad hoc isse, ut videret Apostolum; non discendi studio; qui et ipse eundem prædicationis haberet auctorem, sed honoris priori Apostolo deferendi. » Hinc patet Paulum non vidisse Petrum, ut ab eo doceretur, ut volunt Erasmus et Vatablus, hoc enim negat cap. II, vers. 6 : « Mihi, inquit, nihil contulerunt. » Et hic vers. 11 et 12, diserte asserit se non ab homine; sed a solo Deo edoctum esse (1).

Vers. 19. 19. ALIUM AUTEM APOSTOLORUM VIDI NEMINEM, NISI JACOBUM FRATREM DOMINI, — Christi scilicet consobrinum, vel cognatum; Hebræi enim cognatos vocant fratres. Addit S. Hieronymus, præ aliis Apostolis etiam Christo cognatis, Jacobum vocari fratrem Domini ob egregios mores, incomparabilem fidem et sapientiam, quibus videbatur Christo similis quasi frater. Unde et Jacobus hic cognomento dictus est Justus. *Secundo*, quia filios matris suæ, primos scilicet in Judæa credentes, huic Jacobo quasi fratri Christus ad Patrem vadens commendavit, ait Hieronymus. Fuit enim hic Jacobus Alphæi; filius Mariæ, uxoris Cleophæ, unus e duodecim Apostolis, primus Episcopus Hierosolymorum. Unde et in primo Concilio Hierosolymitano primus post Petrum sententiam dixit, *Act. xv, 13*. Hujus Jacobi extat Epistola Canonica. Ita Chrysostomus, Theophylactus, Anselmus.

Innuat tamen S. Hieronymus tam hic, quam libro *De Scriptor. Eccles.*, in Jacobo, hunc Jacobum non fuisse ex duodecim Apostolis, dici vero hic

Apostolum, quia Christum viderat, eumque prædicarat. Ita ut tres fuerint Jacobi : *primus*, frater Joannis, quem Herodes occidit; *secundus*, Alphæi, ambo Apostoli; *tertius*, hic frater Domini. Sed cum hic frater Domini vocetur Apostolus, nihilque cogat alium hunc facere a Jacobo Alphæi Apostolo, imo multa, multique eundem esse suadeant; hisce de causis prior sententia verior videtur.

20. CORAM DEO (supple, affirmo et assero), **QUIA** (id est quod) **NON MENTIOR.** — Unde brevius et planius vertit Vatablus, *quæ autem scribo vobis, ecce coram Deo, scilicet scribo, non mentior* : Græcum enim tantum habet vim asseverandi, non ita Latinum *quia* : unde omisso *quia* facilius nuda hæc asseveratio intelligitur apud Latinos. Ita Theophylactus. Ambrosius tamen et Augustinus putant esse formulam jurantis : « coram Deo, » id est Deum testor.

Nota : Tam serio et graviter asserit se alios Apostolos non vidisse, ne quis dicat Paulum secreto eos adisse; et ab eis, non a Deo edoctum esse. Ita Hieronymus.

22. ERAM AUTEM IGNOTUS FACIE, — secundum faciem non viderant me Christiani, qui erant in Judæa. Id dicit, ait Chrysostomus, ut probet se in Judæa non docuisse, nec prædicasse circumcisionem et legem veterem, sicut illi Judaizantes objectabant (2).

23. QUÆ ERANT IN CHRISTO, — in Christi fide et religione, id est quæ erant Christianæ. Vide *Can. 37*.

AUDITUM HABEBANT, — rumorem habebant. Græce ἀκούοντες ἦσαν, *audientes erant*, auditum ab illis erat, id est audierant.

24. EXPUGNABAT, — oppugnabat. Vide dicta *Vers. 22. vers. 13*.

CLARIFICABANT. — Græca ἰδοῦντες, *glorificabant*; Ambrosius legit, *magnificabant*.

(1) Hi anni tres numerari possunt vel a discessu Pauli ab Hierosolymis, vel a reditu ex Arabia Damascus. Prius præferendum esse videtur.

(2) Seu potius ut inde concludi posset, se a nullo Ecclesiæ doctore suam doctrinam didicisse, vel hominum benevolentiam captasse.

Jacobus
Alphæi
cur fra-
ter Do-
mini vo-
cetur, et
an fuerit
unus e
duode-
cim
Apostoli-
lis?

Paulus a
Deo, non
ab Aposto-
lis
edoctus.

Vers. 22.

Vers. 23

Vers. 24.

CAPUT SECUNDUM.

SYNOPSIS CAPITIS.

Docet Paulus se suum Evangelium cum Petro, Jacobo et Joanne contulisse, illudque ab eis approbatum esse per omnia, ita ut nihil ab eis doctrinae illius additum aut demptum sit.

Secundo, vers. 7, docet se ab eis accepisse dextras societatis, ut ipsi Judæis, Paulus vero Gentibus evangelizaret.

Tertio, vers. 11, narrat se palam Petrum reprehendisse, quod incaute judaismum simularet, itaque Gentes ad judaizandum incitaret.

Quarto, vers. 16, probat nos justificari non ex operibus legis, sed ex fide Christi, idque tribus rationibus : Prima est, vers. 17, quia aliqui Christus legem abolens esset peccati minister. Secunda, vers. 19, quia lex ipsa profitetur se in Christo desinere et mori. Tertia, vers. 21, quia aliqui gratis Christus mortuus esset.

1. Deinde post annos quatuordecim, iterum ascendi Hierosolymam cum Barnaba, assumpto et Tito. 2. Ascendi autem secundum revelationem : et contuli cum illis Evangelium, quod prædico in Gentibus, seorsum autem iis, qui videbantur aliquid esse : ne forte in vacuum currerem, aut cucurrissem. 3. Sed neque Titus, qui mecum erat, cum esset Gentilis, compulsus est circumcidi : 4. sed propter subintroductos falsos fratres, qui subintroierunt explorare libertatem nostram, quam habemus in Christo Jesu, ut nos in servitutem redigerent. 5. Quibus neque ad horam cessimus subiectione, ut veritas Evangelii permaneat apud vos ; 6. ab iis autem, qui videbantur esse aliquid (quales aliquando fuerint, nihil mea interest : Deus personam hominis non accipit), mihi enim qui videbantur esse aliquid, nihil contulerunt. 7. Sed e contra cum vidissent quod creditum est mihi Evangelium præputii, sicut et Petro circumcisionis 8. (qui enim operatus est Petro in apostolatam circumcisionis, operatus est et mihi inter Gentes) ; 9. et cum cognovissent gratiam, quæ data est mihi, Jacobus, et Cephas, et Joannes, qui videbantur columnæ esse, dextras dederunt mihi et Barnabæ societatis, ut nos in gentes, ipsi autem in circumcisionem : 10. tantum ut pauperum memores essemus : quod etiam sollicitus fui hoc ipsum facere. 11. Cum autem venisset Cephas Antiochiam, in faciem ei restiti, quia reprehensibilis erat. 12. Prius enim quam venirent quidam a Jacobo, cum Gentibus edebat : cum autem venissent, subtrahebat et segregabat se, timens eos qui ex circumcisione erant. 13. Et simulationi ejus consenserunt cæteri Judæi, ita ut et Barnabas duceretur ab eis in illam simulationem. 14. Sed cum vidissem quod non recte ambularent ad veritatem Evangelii, dixi Cephæ coram omnibus : Si tu, cum Judæus sis, gentiliter vivis, et non judaice : quomodo Gentes cogis judaizare ? 15. Nos natura Judæi, et non ex Gentibus peccatores. 16. Scientes autem quod non justificatur homo ex operibus legis, nisi per fidem Jesu Christi : et nos in Christo Jesu credimus, ut justificemur ex fide Christi, et non ex operibus legis : propter quod ex operibus legis non justificabitur omnis caro. 17. Quod si quærentes justificari in Christo, inventi sumus et ipsi peccatores, numquid Christus peccati minister est ? Absit. 18. Si enim quæ destruxi, iterum hæc ædifico, prævaricatorem me constituo. 19. Ego enim per legem ; legi mortuus sum, ut Deo vivam. Christo confixus sum cruci. 20. Vivo autem, jam non ego : vivit vero in me Christus. Quod autem nunc vivo in carne, in fide vivo Filii Dei, qui dilexit me, et tradidit semetipsum pro me. 21. Non abjicio gratiam Dei. Si enim per legem justitia, ergo gratis Christus mortuus est

Vers. 1. 1. POST ANNOS QUATUORDECIM ITERUM ASCENDI
Unde compn-
tandi hi
anni qua-
tuorde-
cim?
HIEROSOLYMAN. — Petes : Unde hi anni inchoandi
sint? an a conversione Pauli, de qua dixit cap. I,
vers. 15, an a triennio post eam acto Damasci et
in Arabia, de quo cap. I, vers. 18? S. Hierony-
mus numerata triennio post vocationem exacto,
cui adde hos quatuordecim annos, fiet annus a
vocatione Pauli 17, Christi 34 (a Christi enim
anno 36, quo conversus est Paulus, si 17 annos
numeres, pertinges ad annum Christi 34), Claudii
Imperatoris 12, quo hic Pauli ascensus contigit.

Verum cum Claudius sequenti anno 13 regnare
desierit, eique statim successerit Nero, cujus ano-
no 2 Paulus victus missus est Romam, ut des-
cribitur *Actor. xxvii*, hinc sequeretur, omnia gesta
Pauli, quæ describuntur ab *Actor. xv* (idem enim
est iter Pauli hic, et *Actor. xv*, ut mox dicam) ad
cap. *Actor. xxvii*, gesta esse biennio, ab anno sci-
licet Claudii 12 ad Neronis 2, quod non videtur
verisimile; illa enim gesta tot et tanta plus tem-
poris exigunt : cum præsertim ex *Actor. xviii, 14*,
constet post hæc acta Hierosolymis, Paulum per-
mansisse Corinthi anno cum dimidio, rursumque
tres annos egisse Ephesi, ut patet *Actor. xx, 31*.
Quare Baronius et alii verius putant, hos quatuor-
decim annos inchoandos esse a Pauli vocatione,
de qua dicit cap. I, vers. 15, eo enim respicit : a
vocatione enim sua tam illustri annos numerat
et consignat, sicuti nos vocationis ad papatum,
episcopatum, Religionem, annos numeramus, et
cuique hanc quasi æram statuimus (1).

**Profec-
tio hæc
Pauli
Hieroso-
lymam
est ea-
dem cum
ea quæ
describi-
tur *Ac-
tor. xv*.** Nota : Hæc Pauli Hierosolymam profectio eadem
est cum illa, qua *Actor. xv*, ad Concilium Hiero-
solymitanum profectus est : eadem enim causa,
idem locus, eadem personæ sunt utrobique. Ita
Patres, præter Chrysostomum, cujus hoc est argu-
mentum : *Actor. xv* missus est Paulus Hierosoly-
mam ab hominibus, Christianis scilicet Antioche-
nis : hic vero vers. 2 ait se Hierosolymam ascen-
disse, *secundum*, id est, *per revelationem*; ergo
hoc iter non fuit idem, sed diversum.

Respondeo, nego consequentiam : utrumque
enim verum est, missum scilicet Paulum ab An-
tiochenis, et ascendisse secundum revelationem :
quia scilicet, ut notat Beda, monitus fuit oraculo
divino, ut missionem hanc et legationem ab An-
tiochenis delatam pro eis susceperet, idque tum
communis illius quæstionis de servandis legali-
bus, ut habetur *Actor. xv*, decidendæ, tum pro-
pria sui ipsius causa, ut scilicet cum Apostolorum
principe, primariisque Apostolis conferret
suam doctrinam et Evangelium, ut hic dicitur
vers. 2.

Ex dictis sequitur, Concilium Hierosolymita-
num celebratum esse post 14 annos a conversione

(1) Juxta Allioli, hi quatuordecim anni ab itinere Pauli
in *partes Syriae et Cilicie*, non vero ab ejus ad Christia-
nismum conversione, sunt computandi. To igitur *ascendi
Hierosolymam* Pauli iter in hanc urbem, ut concilio Hie-
rosolymitano assisteret, commemorat.

Pauli, puta anno 16 a passione Christi, qui fuit
annus Claudii Imperatoris nonus, Christi 34. Ita
Baronius.

Vers. 2. 2. CONTULI CUM ILLIS EVANGELIUM; QUOD PRE-
DICO. — *Ἀνεβίβην*, contuli, communicavi, in me-
dium proposui Evangelium meum Petro et Apos-
tolis, illos quasi judices Evangelii mei consti-
tuens, ut quod illi de eo decernerent, ac communi
consilio probarent, improbarent, adderent, de-
merentque, id ego sic credendum, sic docendum
susciperem. Vide dicta cap. I, vers. 16.

Nota, Apostolum non contulisse cum Apostolis
suum Evangelium, quod dubitaret de ejus veri-
tate, vel integritate, aut certe an concordaret
cum Petri aliorumque Apostolorum Evangelio :
sciebat enim certissimo, Deo revelante, se idem
cum cæteris Apostolis Evangelium plenum et per-
fectum a Deo accepisse, ut patet cap. I, vers. 11
et 12. Contulit ergo cum Apostolis Evangelium
non propter se, sed propter alios ad Christi fidem
conversos, apud quos a pseudoapostolis juda-
izantibus diffamatus erat Paulus, quod apud Gen-
tes legi Mosis detraheret, cum contrarium doce-
rent et facerent Petrus, Jacobus et Joannes, imo
ipse Paulus apud Judæos judaizaret : Paulus
ergo, ut contrarium ostendat, suamque doctri-
nam doctrinæ Apostolorum consentientem, pari-
ter et auctoritatem tueatur, confert cum eis Evan-
gelium : « Ne forte, inquit, in vacuum currem,
aut cucurrissem. »

CUM ILLIS, — puta Hierosolymitanis primis ac
primariis Christianis : nam illud adjectivum la-
tens in substantivo Hierosolyma, quod præcessit,
more Hebræo demonstrat pronomen « illis, » sci-
licet Hierosolymitanis, ad quos Hierosolymam
ascendi.

QUI VIDEBANTUR ALIQUID ESSE, — id est qui vide-
bantur esse columnæ (ut ait vers. 9) Ecclesie, ac
primarii Apostoli. Ita Hieronymus. Græca hic, et
vers. 6, tantum habent, *ταῖς δόξαις*, qui videban-
tur, id est, ut Oecumenius, qui habebantur in
pretio. Græci enim *δοκούντες* vocant eos, qui ma-
gnæ sunt auctoritatis; *ἀδοκούντες*, quorum nulla
vel parva est auctoritas.

NE IN VACUUM CURREM, — ne pseudoapostolis
jactantibus doctrinam meam ab Apostolis repro-
bari, mihi fideique meæ fideles non credant, et
sic meus omnis labor cassus reddatur. Ita Hiero-
nymus, epist. 11 ad Augustinum, inter epistolas
Augustini; Tertullianus, lib. IV *Contra Marcionem*,
et disertè Augustinus, lib. XXVIII *Contra Faus-
tum*, cap. IV, ubi hinc contra Lutherum docet
verbum Dei etiam sincerissimum, omnesque ejus
præcones opus habere testimonio et auctoritate
hominum. « Quis est, ait S. Augustinus loco ci-
tato, tam demens, qui hodie credat esse episto-
lam Christi, quam protulerit Manichæus, et non
credat facta vel dicta esse Christi, quæ scripsit
Matthæus? Aut si etiam de Matthæo, utrum ipse
ista scripserit, dubitat, de ipso quoque Matthæo

Paulus
cur cum
aliis
Aposto-
lis con-
tulerit
Evange-
lium?

Verbum
Dei et
ejus præ-
cones
opus ha-
bent tes-
timonio
et aucto-
ritate ho-
minum,
contra
Luthe-
rum et
Novan-
tes.

non potius id credat, quod invenit in Ecclesia, quæ ab ipsis Matthæi temporibus ad hoc usque tempus certa successionem serie declaratur: et credat nescio cui transverso de Perside, post ducentos vel amplius annos venienti, et suadenti, ut illi potius, quid Christus dixerit feceritve credatur: cum ipse Apostolus Paulus post ascensionem Domini de cælo vocatus, si non inveniret in carne Apostolos, quibus communicando Evangelium ejusdem societatis esse appareret, Ecclesia illi omnino non crederet?»

Notent hæc, sibi que applicant Novantes, qui Calvino post 1500 annos venienti et dogmata nova afferenti potius quam Ecclesiæ, totque sæculorum consensio credere malunt.

Nota, testimonium hoc non pertinere ad laicos etiam magistratus, sed ad Petrum et Apostolos, id est ad Romanum Pontificem et Episcopos, Apostolorum successores, sive seorsim, sive in communi eorum Concilio: hoc enim suæ et doctrinæ et apostolatus testimonium petit Paulus ab Hierosolymitano Concilio, in quo iudices erant Apostoli, Petrus quasi præses præloquebatur et sententiam dictabat. Sic a tempore Apostolorum hucusque orbis Christianus universus in fidei dubiis, novis dogmatibus, subnascentibusque hæresibus a Pontifice Romano et Conciliis, quibus vel per se, vel per legatos præest Pontifex Romanus, veritatis decisionem et testimonium petit, ab eisque damnata dogmata, vel doctores, pro hæresibus ac hæreticis habet. Soli hæretici, quia hæretici, ab ea damnandi, hoc iudicium, hoc testimonium declinarunt, omnique ætate subterfugerunt. Unde non mirum si nostri Novantes idem defugiant: nimirum hoc ipsum novitatis, malæ fidei, hæresis certum est argumentum.

Vers. 3. 3. NEQUE TITUS, CUM ESSET GENTILIS, COMPULSUS EST CIRCUMCIDI. Nota: ait, «compulsus est,» *q. d.* Urgentibus licet, et quasi impellentibus Judæis falsis fratribus, nolui cedere et concedere, ut Titus, utpote Gentilis, circumcideretur: sic enim visus fuisset ipso facto Gentilibus asserere necessariam esse circumcisionem et legem Mosis. Unde quod postea Act. xvi, 3, Timotheum circumcidi, non id compulsus, sed sponte feci, ne Judæos irritarem: erat enim Timotheus non pure Gentilis, sed ex Judæa matre semijudæus, et ex Gentili patre semigentilis.

GENTILIS, — Græce ἑλλην, Græcus, id est Gentilis: nam tempore Alexandri Græci inter Gentiles celeberrimi et notissimi erant Judæis.

Vers. 4. 4. SED. — Repete hebraismo neque ex vers. præcedenti, *q. d.* Ne quidem urgentibus Judæis, qui erant falsi fratres, Titus est circumciscus. Ita Chrysostomus, Oecumenius. Secundo, S. Hieronymus tollit sed, ut cohæreat cum vers. præced., *q. d.* Neque Titus compulsus est circumcidi propter subintroductos falsos fratres. Tertio, aptissime et clarissime Græcum διὰ δέ, quod Noster vertit,

sed propter, accipias pro διὰ vel διὰ-α, id est nempe, cuius enallages Budæus habet exempla, *q. d.* Non compulsus est, nempe, vel, ut Gagneius vertit, etiam cum falsi fratres urgerent eum circumcidi.

Quod enim aliqui cum Primasio voculam sed proprie et adversative accipiunt, quasi velit dicere Paulus, Titum ab Apostolis quidem non fuisse compulsam circumcidi, sed tamen propter importunitatem falsorum fratrum fuisse circumciscum, plane repugnat tum sequentibus verbis, cum ait: «Quibus neque ad horam cessimus;» tum sanæ fidei. Jam enim abrogata circumcisione, et promulgato Evangelio ac baptismo, illicitum erat Gentilibus circumcidi: Titus autem plane et utroque parente Gentilis erat. Ita de Tito diserte præter alios docet S. Augustinus, epist. 19 ad Hieronymum, et lib. De Mendacio, cap. v.

SUBINTRODUCTOS (παραστάτους, quod Vatablus vertit, obiter ingressos; melius Noster, subintroductos, id est subinductitios), qui (scilicet nobis aliud agentibus, quasi exploratores insidias molientes) SUBINTROIERUNT, — παρασπῆλον, id est clanculo et insidiosè irrepserunt: hoc enim innuit παρά, quod sæpe in vitium accipitur; notatque fraudes et insidias, de quo dixi Rom. v, 20.

EXPLORARE LIBERTATEM NOSTRAM (a servitute et onere tam multiplicium cæremoniarum et observantiarum legalium), QUAM HABEMUS IN CHRISTO JESU, — per Christum, in Christi fide, Ecclesia, religione.

5. QUIBUS NEQUE AD HORAM CESSIMUS SUBJECTIONE, **Vers. 5.** — per subjectionem, subjiciendo nos Judaizantibus. Male quidam legunt in dativo, *subjectioni*.

6. AB HIS AUTEM QUI VIDEBANTUR ESSE ALIQUID **Vers. 6.** (supple, nihil doctrinæ mihi collatum est; abripitur enim more suo Apostolus, et interjicit subdens), QUALES ALIQUANDO FUERINT, NIHIL MEA INTEREST (et mox redit, sed priore casu mutato in eum, quo abreptus fuerat, dum subjicit); MIHI ENIM QUI VIDEBANTUR ESSE ALIQUID (scilicet, Petrus, Joannes, Jacobus, primarii Apostoli), NIHIL CONTULERUNT. — Ita Anselmus.

QUALES ALIQUANDO FUERINT, — quod scilicet hi primarii Apostoli, qui videntur esse aliquid, fuerint indocti, piscatores, pauperes, abjecti, cum ego civis Romanus zelo et scientia legis excellere. Ita Ambrosius et Anselmus; quia enim aliorum Apostolorum quasi judaizantium auctoritate premebatur Paulus, eam elevat, ut suam auctoritatem, et consequenter doctrinam erigat, modeste tamen. Unde subdit: «Deus personam hominis non accipit,» ut hic patet, cum piscatores in Apostolos elegit.

Secundo, Augustinus, «quales,» scilicet peccatores, *q. d.* Non est ergo quod mihi quis objiciat peccata persecutionis meæ, aut certe et Petro objiciat, quod Christum in passione negarit.

Tertio, Chrysostomus et Hieronymus, «quales fuerint,» scilicet in doctrina et observatione circumcisionis et legalium, nihil ad me; Deo red-

Triplex hæram verborum sensus, Quales aliquando fuerint.

dent rationem; Deus enim nullius personam accipit. Primus sensus maxime planus videtur esse ex mente Apostoli.

In Deo DEUS PERSONAM HOMINIS NON ACCIPIT. — « Personam, » id est personæ conditiones, quæ impertinentes sunt ad gratuitam Dei vocationem : has enim attendere in conferendis beneficiis ac officiis, in homine vitium est oppositum justitiæ distributiæ, quod προσωποληψία, hoc est personarum acceptio, dicitur; in Deo non esset vitium, sed minus congruum ejus liberalitati et celsitudini, ut dixi *Rom. II, 11*.

MIHI NIHIL CONTULERUNT. — Valla, *nihil addiderunt* : sed græce est, οὐδὲν προσανέβητο, nihil communicarunt, contenti mea sufficienti communicatione et expositione doctrinæ meæ, quam evangelizo. Vide dicta cap. I, vers. 16.

Vers. 7. 7. CREDITUM EST MIHI EVANGELIUM PRÆPUTII (id est, Gentium præputiatorum), Sicut et Petro circumcisionis, — id est, circumcisorum Judæorum. Ita Theophylactus. Vide *Can. 21*.

Petrus Dices : Ergo Petrus non fuit caput Ecclesiæ; sed tantum Judæorum Apostolus et papa. Ita Illyricus et alii. Respondent aliqui, hæc tantum dici de cura et divisione patrocinii : Petrum scilicet esse constitutum, ut Judæos; Paulum, ut Gentiles protegerent; sed quia subdit : « Qui enim operatus est Petro in apostolatam circumcisionis, » id est, ut circumcisorum Apostolus foret, « operatus est et mihi inter Gentes, » ut scilicet Gentium essem Apostolus; munus haberem, gratias, charismata Apostolica inter Gentes :

Hinc melius respondet Hieronymus, illo tempore, initio scilicet Ecclesiæ, quo Judæi a Gentibus naturaliter adhuc, ut patet vers. 12, abhorrebant, Petrus et Paulus partiti sunt non potestatem, sed operas, ut Paulus Judæis exosus primo ac præcipue Gentibus prædicaret, Petrus Judæis : nam aliqui et Paulum Judæis evangelizasse, patet *Act. ix*; et Petrum Gentibus, patet *Act. x*, et quia sedem suam Romam ad Gentes transtulit, ut historici omnes, Patres, chronici et monumenta consentiunt. Vide illa apud Bellarminum : adeo, ut hac de re et traditione velle dubitare, non sani sit cerebri, sed mentis emotæ, aut certe frontis perfrictæ.

Vers. 8. 8. QUI OPERATUS EST PETRO (ὁ ἐνεργήσας Πέτρῳ, qui inoperatus est Petro, qui in Petro suam energiam, vim et efficaciam ostendit) IN APOSTOLATUM CIRCUMCISIONIS — id est, ut fieret Apostolus Judæorum circumcisorum; is eandem in me Paulo ostendit apud et inter Gentes. Syrus vertit, *qui efficax fuit in Petro*, in me quoque efficax fuit in tot videlicet miris et miraculis patrandis, in tanta sermonis efficacia, in tot Gentium per me facta conversione.

Vers. 9. 9. CEPHAS. — Putavit Clemens Alexandrinus apud Eusebium, lib. II *Histor.*, cap. XII, et Dorotheus in *Synopsi*, Cepham hunc non fuisse Petrum Apostolum, sed unum e 70 discipulis. Verum

alium Cepham nec novit, nec celebrat Ecclesia, quam S. Petrum, eumque hic designari patet ex eo quod subdit : « Qui videbantur columnæ esse; » erat ergo Apostolus; imo princeps Apostolorum. Unde illi, quasi primario præ Jacobo et Joanne opposuit se hic Paulus, vers. 14. Qui ergo syriace in Syria, nimirum Antiochiæ, Cephas vocabatur, idem græce a Græcis dictus est Petrus. Unde quem hic Cepham, vers. 7 Petrum vocat. Ita Hieronymus, Anselmus, Baronius, Bellarminus et alii.

DEXTERAS DEDERUNT MIHI ET BARNABÆ SOCIETATIS, — id est, dextras sociales in societatis symbolum, quia in fide et dogmate utrique eramus concordēs et associati. Ita Anselmus.

UT NOS IN GENTES (ad Gentes; erga Gentes; Syrus, *inter Gentes*, supple, apostolatu fungere mur), **IPSI AUTEM** (Jacobus, Cephas et Joannes) **IN CIRCUMCISIONEM**; — id est, apud circumcisos Judæos. Ut, sicut Judæis quasi primis et primariis promissus et datus est Christus, qui inde vocatur « minister circumcisionis, » id est circumcisorum, *ad Rom. xv, 8* : ita primarii Apostoli primas suas operas apud eosdem collocarent.

10. TANTUM (supple, submonuerunt, vel rogaverunt) **UT PAUPERUM MEMORES ESSEMUS.** — « Pauperum, » scilicet Judææ, qui propter Christi fidem a Judæis spoliati erant bonis, *ad Hebr. x, 34*. Ita Chrysostomus. Idipsum evincit particula *tantum*, quæ alioqui non bene cohereret. Vel, ut Hieronymus (1), voluntarie « pauperum, » qui possessiones suas vendiderant, pretiumque dederant Apostolis, inter fideles, maxime pauperes, quorum magna erat copia, distribuendum, *Actor. II, 43*.

QUOD ETIAM SOLLICITUS FUI HOC IPSUM FACERE. — Redundat hebraismo *hoc ipsum* : Hebræi enim repetunt antecedens cum relativo.

11. IN FACIEM EI (Cephæ) **RESTITI.** — « In faciem, id est in speciem, exterius, simulate et ex composito. Ita aliqui cum Erasmo. *Secundo*, planius et verius, « in faciem, » id est, ut vulgo dicimus, in os, in barbam, aperte, palam Petro restiti, idque ut hac ratione scandalum ejus publicum publica correptione emendaretur. Ita Augustinus, Ambrosius, Beda, Anselmus et alii passim.

QUIA REPREHENSIBILIS ERAT, — ὅτι κατεργασμένος ἦν, *Quadruplex sensus horum verborum, quia reprehensus erat, ab aliis scilicet fratribus, qui hoc Petri facto fuerant offensi, ignorantes legitimam Petri mentem et causam, ait Chrysostomus et Hieronymus. Unde et Syrus vertit, quia offendebantur in eo.*

Secundo, ut Theophylactus et Oecumenius, reprehensus erat Petrus ab aliis Apostolis, quod cum Cornelio Gentili sumpsisset cibum Cæsareæ. Hinc veritus ne rursum ab eis aliisque Judæis reprehenderetur, subduxit se a Gentium mensis et conversatione.

Tertio et melius, Ambrosius, reprehensus erat,

(1) Sed minus recte.

Cephas
et Petrus
idem est.

Vers. 10.

Vers. 11.

Quadruplex sensus horum verborum, quia reprehensus erat.

scilicet a veritate et libertate Evangelica, quæ Gentes a judaismi umbris et servitute liberat et eximit.

Quarto, optime Noster vertit, *reprehensibilis*: hebraismo enim participia passiva sumuntur sæpe pro verbalibus terminatis in *bilis*, quibus carent Hebræi. Ita Latini passim, et patet ex antecedit. et consequentibus: dat enim causam cur restiterit ei, scilicet hanc, « quia reprehensibilis erat, » puta in simulatione judaismi, ut sequitur.

An Petrus vere a Paulo reprehensus? Quæritur, an vere reprehensibilis et reprehensum fuerit Petrus a Paulo. Acris hac de re per multos annos fuit dissertatio inter S. Hieronymum et Augustinum, ut patet ex epistolis utriusque, tom. II operum Augustini, cap. VIII, IX et seq. Negant Hieronymus, Chrysostomus, Theophylactus, Baronius, putantque tantum utrimque simulatam fuisse reprehensionem: Petrus scilicet, qui Hierosolymis cum Judæis judaice vixerat, idque licite, veniens Antiochiam cum Gentibus gentiliter vixit; sed supervenientibus Judæis a Jacobo Hieronyma Antiochiam missis, ne eos offenderet, utpote primos et primarios in fide et Ecclesia Christi, ut dixi vers. 9, a Gentibus ad Judæos se subduxit; simul ut daret occasionem Paulo Gentium Apostolo se reprehendendi; utque, ei cedens, ipso facto doceret Judæos, non esse amplius judaizandum. E contrario S. Augustinus asserit Petrum vere fuisse reprehensibilem et reprehensum a Paulo: id enim verba clare significant.

An licet aliquando simulare et mentiri? Hinc secundo, inter Hieronymum et Augustinum orta est quæstio de simulatione et mendacio. Hieronymus enim asserit licere subinde simulare instar Petri hic. Negat Augustinus Petrum simulasse, docetque nunquam licere mentiri aut simulare, præsertim in negotio fidei et religionis. Sed in hac secunda quæstione non videntur Hieronymus et Augustinus satis se invicem intellexisse; non enim dixit Hieronymus Petrum mentitum esse, aut simulasse judaismum exterius, quem interius in corde detestaretur, uti Hieronymum videtur intellexisse Augustinus, cum in eum tam acriter insurgit, quasi doceret Petrum licite judaismum simulasse: sic enim cuilibet fidei licita foret falsæ fidei hæreseosque professio, qui est error in fide. Sed tantum docet Hieronymus, ut et Chrysostomus, non veram, sed simulatam fuisse reprehensionem Petri a Paulo: ex composito enim utriusque consensu Paulum reprehendisse Petrum incaute, non simulationis, sed dissimulationis jam dictæ, Petrumque reprehensionem hanc admisisse ex composito, ut Petro in speciem reprehensio judaizantes vere reprehenderentur, et cum Petro agnoscerent non esse judaizandum: quod licitum esse non negat Augustinus; negat tamen ita accidisse, cum ex ejus sententia, vera, et non simulata fuerit hæc reprehensio.

Menda- Quare male ex hoc loco Cassianus, *collat.* 17, tion om- cap. XVII usque ad XXV; Origenes, Clemens, Eras-

XVIII.

mus et alii apud Sixtum Senensem, lib. V, *an-* nino et *notat.* 103, putant licere subinde mentiri, ap- semper est illicitum. probantque illud Platonis axioma: « Licet res mala sit mendacium, eo tamen aliquando utendum est, perinde ac utimur helleboro, vel alio medicamine. » Hic enim jam certus est error damnatus ab Innocentio III, tit. *De Usuris*, cap. *Super eo*; imo ab *Eccli.*, cap. VII, vers. 14: « Noli, inquit, velle mentiri omne mendacium. » Et contra eum diserte scripsit Augustinus librum *De Mendacio*, et lib. *Contra Mendacium*. Neque est, quod quis objiciat Hieronymum et Chrysostomum hic: quia illi, ut dixi, non mendacium in Petro, sed facti, puta reprehensionis simulationem, vel potius occultam compositionem tantum admittunt et excusant: hæc enim subinde licita est, ut patet in stratagematibus militum quibus hostes, fugam simulando, in latentes insidias pellunt.

Fuit et tertia quæstio inter S. Hieronymum et Augustinum; quando cessarit lex vetus, et legalia præcepta. Sed hæc alio spectat, de qua tamen dico breviter: Quoad obligationem lex vetus cessavit in Pentecoste; tunc enim promulgata fuit lex nova, cœpitque obligare; ac proinde abolita est lex vetus, desiitque obligare: non tamen ita cessavit, quin adhuc ad tempus servari posset, donec Judæi sensim et suaviter ab ea abducerentur, eamque cum honore sepelirent. In hoc dissidio Augustini et Hieronymi, verior videtur S. Augustini sententia.

Quando cessaverit lex vetus?

Dico ergo primo: In hoc Petri facto fuit aliquod peccatum, non erroris in fide, ut quidam temere asseruerunt; sed in facto, incautæ videlicet simulationis et professionis judaismi, quodque scandalum daret Gentibus ut secum judaizarent, subducendo scilicet se a Gentibus, quibus hactenus convixerat, et ad Judæos advenientes subito transiens, cum eisque judaice vivens. Unde Gentes jure opinari poterant judaismum tam sibi, quam illi esse necessarium ad salutem, et Christianos obligare: licet enim necdum mortiferæ essent lex et cæremoniæ veteres, servarique possent ad legem suaviter et cum honore sepeliendam, et Judæorum animos ad Christi fidem alliciendos; erant tamen mortuæ, et insuper mortiferæ, si quis eas servaret, putans, vel ita se gerens, quasi ad eas teneretur, et quasi lex vetus Christianos obligaret. Petrus autem licet id non putaret, ita tamen incaute se gessit, ut Gentibus hoc suspicandi justam occasionem dederit.

Patet, quia id clare secundo et tertio hic docet Petrus II. Paulus: « Ei, inquit, restiti, quia reprehensibilis erat. » Et vers. 14: « Cum vidissem quod non recte ambularent ad veritatem Evangelii, dixi Cephæ: Quomodo Gentes cogis judaizare? » tua scilicet simulatione, et, ut Græce, hypocrisi: quæ omnia Petrum peccasse evincunt; vel (quod absit) mentitur Paulus, ait S. Augustinus, epist. 8, 9 et 19 ad Hieronymum; Cyprianus, epist. ad Quir-

Petrus II. et non peccaverit in fide, tamen incaute egit judaizando, et quantum fuerit hoc peccatum Petri.

tum; Gregorius, homil. 18 in *Ezech.*; Ambrosius, et passim Latini veteres et moderni.

Dico *secundo*: Hoc tamen peccatum Petri leve fuit et veniale, aut materiale tantum, ex inconsideratione nimirum vel defectu luminis et prudentiæ: putabat enim bona fide Petrus se Judæorum, quorum præcipue hactenus fuerat doctor et Apostolus, offensionem cavere debere potius quam Gentium, et Gentes idipsum scire, aut facile cogitare posse. Sed in hac sua opinione erravit Petrus; licet enim, ait D. Thomas, Spiritus Sanctus in Apostolos descendens in Pentecoste, eos deinceps confirmaverit in prudentia et gratia, ut evitarent omnia peccata mortalia, non tamen ut omnia venialia effugerent.

Nola, uti in verbis, ita et in factis esse mendacium. Verbi gratia, si quis exterius se gerat ut amicum vel probum, cum sit inimicus vel improbus, hic mentitur, estque hoc mendacium facti, quod proprie dicitur hypocrisis. Sic si quis Christianus Pömæ gestet pileum flavum, mentitur se esse Judæum.

Ubi tamen adverte cum Cajetano, facta facilius quam verba excusari a mendacio vel hypocrisi. Ratio est, quia verba proprie et expresse sunt signa conceptuum mentis, et ad illos significandos sunt instituta: facta non item, sed latiore patiuntur interpretationem. Unde si milites metum et fugam simulent; ut hostem pelliciant in insidias, non est proprie hypocrisis vel mendacium; esset tamen mendacium, si idipsum verbo enuntiarent dicentes: Nos fugimus, quia timemus vestrum, o hostes, robur.

Ubi nota *secundo*, hanc regulam: cum in facto aliquo justa est causa veritatem tegendi et dissimulandi; nulla in eo est hypocrisis vel mendacium. Sic in hoc facto et dissimulatione sua Petrus ex parte justam habuit causam, scilicet metum ne offenderet Judæos: abducere enim se a Gentibus, et accedere ad Judæos, non est dicere absolute: Ego sum Judæus, et judaizo; sed est dicere: Ego malo Judæis servire et adherere, quam Gentibus; hujus enim rei justam habeo causam, scilicet quod sum Apostolus et doctor Judæorum potius quam Gentium. Dico, *ex parte aliqua*: nam omni ex parte et in totum non fuit justa hæc causa: debebat enim Petrus ita curare Judæos, ut tamen non negligeret, nec offenderet Gentes; erat enim omnium tam Judæorum, quam Gentium pastor et rector. Unde hac ex parte, quod scilicet Gentes offenderet, peccavit Petrus ex inconsideratione et venialiter. Vix enim potest humanæ mentis infirmitas in rebus perplexis omnes circumstantias ita considerare et librare, ut non aliquando cæcutiat eligatque id quod sibi bonum videtur respectu unius, non considerans id malum esse respectu alterius.

Dices: Ergo Paulus, utpote corripiens ac corrigens Petrum, Petro auctoritate par fuit, vel superior, ac consequenter Petrus Pauli et Apostolorum caput et princeps non fuit.

Respondeo: Nego consequentiam; nam ab inferioribus corrigi posse superiores cum humili charitate, pro veritate tuenda, hinc docet Augustinus, *epist.* 19, Cyprianus, Gregorius, S. Thomas et alii supra, qui clare docent Petrum superiorem a Paulo inferiore correptum esse. Unde infero: cum Paulus cæteris Apostolis fuerit par, hos etiam Petro inferiores fuisse, ac consequenter Petrum Apostolorum totiusque Ecclesiæ, cujus Apostoli sunt capita, caput esse. Unde apte Gregorius, homil. 18 in *Ezech.*: « Tacuit Petrus, ut qui primus erat in apostolatus culmine, primus esset in humilitate. » Et Augustinus, *epist.* 19 ad *Hieronymum*: « Rarius, ait, et sanctius exemplum Petrus posteris præbuit, quo non dedignarentur a posterioribus corrigi, quam Paulus, quo confidenter auderent minores majoribus pro defendenda veritate, salva charitate, resistere. »

11. CUM GENTIBUS EDERAT, — sine delectu suillam *Vers. 12.* aliosque cibos, quos Judæis vetuit Moses, *Levit.* XI, hoc facto docens, hujus delectus totiusque legis observationem non esse necessariam. Ita Anselmus.

13. ET SIMULATIONI EJUS CONSENSERUNT CÆTERI *Vers. 13.* JUDEI, — *q. d.* Cæteri Judæi simulabant cum Petro. Ita Græci.

Quæritur, quæ et qualis fuerit hæc simulatio? Respondent Hieronymus, Chrysostomus, Oecumenius, fuisse dispensationem, prudentiam et cautionem, ne scilicet Judæos offenderent, pruderterque texisse immunitatem a lege. Melius Augustinus, Anselmus et Latini censent vitium fuisse hypocrisis, quod simplicitati ac veritati opponitur. Unde Græce est *συνημιψύχῃ αὐτῷ*, *hypocritice egerunt cum ipsis*. Simulabant enim legis observationem, cum vere non intenderent eam servare: sciebant enim eam abolitam esse, se tamen aliis Judæis accommodare intendebant. Hos secutus Barnabas et ipse finxit, id est, ita se gessit, ac si cibos cum Judæis discerneret, et Gentium conversionem abhorreret, quasi Judæi præferendi essent Gentibus conversis, et quasi lex vetus ad salutem esset necessaria: ita enim se gerebant, ut jure ex eorum facto id opinari possent Gentes, licet id non intenderent, imo forte non adverterent Petrus et Barnabas.

14. SED CUM VIDISSEM QUOD NON RECTE AMBULARENT AD VERITATEM EVANGELII. — Pro *recte ambularent*, significantius Græce dicitur *ὀρθοδόξως*, quod respondet Hebræo *יָשָׁר יֵשְׁכָר* et *יָשָׁר יֵשְׁכָר*, significatque recto pede incedere, recta dirigere gressum, ut non cespites, neque ad dextram, vel sinistram deflectas.

DIXI CEPHÆ: SI TU, CUM JUDEUS SIS, GENTILITER VIVIS, ET NON JUDAICE, QUOMODO GENTES COGIS JUDAIZARE? — « Gentiliter vivis, » id est, communi cibo et mensa indifferenter cum Gentibus hactenus vixisti, sciens nimirum abolitas esse legis cæremonias per Christum, et mortuas esse, licet necdum mortiferas, donec sufficienter pro-

minor
Paulo,
nec
æqualis,
sed
ma-
jor.

Apostoli
a Spiritu
sancto
confirma-
ti, ut
non pec-
carent
mortaliter.
potuerunt
tamen
peccare
venialiter.
Mendacium
duplex,
in verbis
et factis,
et quan-
do men-
daci-
facti sit
licitum?

Simula-
tio ju-
daica in
Apostolis
vitium
hypocri-
sis.

Petrus
licet cor-
rectus a
Paulo,
non fuit

mulgetur Evangelium. Ita Anselmus, *q. d.* Si tu, o Petre, cum sis Judeus, cum Gentibus gentiliter vivere soles, et hactenus vixisti: quare jam eos fugis, vivisque judaice, ac tuo exemplo cogis Gentes judaizare?

Vers. 15. 15. NOS NATURA (naturalis generatione, origine, prosapia) JUDÆI (sumus), NON EX GENTIBUS PECCATO-RES, — non gentiles peccatores. Judæi enim Gentes, quia idololatræ erant, vocabant arroganti contemptu « peccatores; » quasi ipsi essent justī, aiunt Augustinus et Anselmus (1).

Vers. 16. 16. NON JUSTIFICATUR HOMO EX OPERIBUS LEGIS, NISI PER FIDEM JESU CHRISTI. — « Nisi, » id est *sed*; Græcum enim ἵνα μὴ respondet Hebræo **לֹא**, id est *verum, verumtamen*; sic etiam Latini usurpant voculam *nisi*, ut Cicero, lib. XIII *epist. Famil.*: « De re, inquit, nihil judicare possum, nisi (id est *sed*) mihi certo persuadeo te talem virum nihil temere fecisse. » Ita Syrus, et passim alii, Beza quoque et Oecumenius, et patet ex antithesi: vult enim justificationem non tribui operibus legis, *sed* fidei Christi. Cum ergo hanc antithesin significet per *nisi* eoque opponat fidem operibus, sequitur *nisi* hic esse adversativum, idemque esse quod *sed*. Secus esset, si simpliciter sine antithesi poneretur. Verbi gratia, cum dico: Homo non vivit, nisi per animam, *nisi* hic idem valet quod *tantum*: hæc enim propositio exceptiva idem valet, quod hæc duæ, per quas exponi debet: scilicet, homo vivit per animam, et per nullam aliam rem vivit homo, quam per animam. Male ergo Novantes hic exponunt *nisi per fidem Christi*, id est, inquit, *sed tantum per fidem Christi*.

Novantes male ex hoc loco probant solam nudam fidem requiri ad salutem.

Quomodo differant credere in Deum, et credere in Christo? Adde: licet id vellet ac diceret Apostolus, nihil tamen diceret pro eorum fide sola justificante; hanc enim propositionem hic admittit D. Thomas et Adamus Sasbout: Homo non justificatur ex operibus legis, sed tantum ex fide Christi: hic enim vocula *tantum* solum excludit opera legis, non spei, timoris, charitatis, poenitentiae, quæ fides gignit et producit; hæc enim sub fide quasi filiae sub matre intelliguntur, ut dixi *Can. 3.*

NOS IN CHRISTO JESU CREDIMUS. — Græce sic Χριστὸν Ἰησοῦν, in *Christum Jesum*. Nota: Idem est Hebræis *credere Deo, credere in Deo, et credere in Deum*; sic idem est *credere Christo, credere in Christo, et credere in Christum*, credere scilicet illum esse Christum, id est Messiam, salvatorem et redemptorem mundi: est enim hebraice **בְּיָדָיו** contactus, mentalis scilicet. Itaque dicunt Hebræi **הֵאֲמִין בְּאֲדֹנָי** *heemin badonai, credidi in Domino, vel in Dominum*, id est, credidi Domino. Id pluribus exemplis demonstrat Franciscus Ribera in *Jonæ III*, num. 29.

CREDIMUS UT JUSTIFICEMUR. — Græca **πιστεύομεν**, *credimus ut justificemur*. Ita Hieronymus, Vatablus et alii. Et hoc aptius respondet vers. seq.,

(1) Quærent Interpretes utrum in vers. 15-21 continetur Pauli ad Petrum oratio, an Paulus jam Galatas aut Galatarum doctores alloquatur. Prius Rosenmullero præplacet, posterius sequitur Allioli.

qui hinc pendet, quasi ex conditione jam posita et præterita.

PROPTER QUOD (διότι, id est *quia, propterea quod*) **EX OPERIBUS LEGIS NON JUSTIFICABITUR OMNIS CARO**, — id est, nullus homo; « non omnis » enim Hebræis idem est quod nullus, et « caro » synecdochice idem est quod homo.

Vers. 17. 17. QUOD SI QUÆRENTES JUSTIFICARI IN CHRISTO, INVENTI SUMUS ET IPSI PECCATO-RES, NUMQUID CHRISTUS PECCATI MINISTER EST? — *q. d.* Si adhuc sumus in peccato, quia peccati remissionem et justitiam quæsimus in Christi fide, cum ibi non sit quærenda, sed in lege, ut volunt Judaizantes, ergo Christus peccatum fovet; sustulit enim legem quæ sola peccatum tollit. « Numquid ergo Christus peccati minister est, » *q. d.* An Christus peccato inservit illud fovendo et conservando, hoc ipso quo legem tollit ad justificationem, et peccati deletionem, ut ipsi aiunt, necessariam, et suam statuit legem gratiæ quasi quæ sola justificet, cum, ut ipsi aiunt, sine lege justificare non possit? ac si dicat: minime. Ita Hieronymus, Chrysostomus, Primasius, Anselmus, Theophylactus.

Triplex hujus loci sensus.

Secundo, Vatablus: peccatorem, ait, inveniri, est, docere cum lege Evangelica Mosaicæ legis observationem esse necessariam ad justificationem: hoc enim docere, peccatum est et error in fide, *q. d.* Si ita aliquando (ut nobis imponunt Judaizantes, sed mendaciter et per calumniam) falso nos docuimus, numquid propterea Christus peccati minister est? numquid Christi lex et doctrina Evangelica ministra est peccati? ut scilicet idem doceat, puta legem Mosis necessariam esse ad justitiam; hoc enim docere, peccatum est.

Tertio alii, *q. d.* Quod si nos quoque, qui nos jactamus per Christum justificatos, inveniamur peccatores, quia scilicet non minus indulgemus cupiditatibus nostris, quam Judæi vel Gentes a Christo alienæ: num ideo dicendum erit falsam esse hanc doctrinam de justificatione ex fide Christi? quasi Christus nisi legi conjunctus peccatores, non autem justos, nos reddat. Absit; quod enim aliqui Christi fidem sequentes carni indulgent et peccant, non id Christi, nec fidei, sed eorum qui Christi gratia abutuntur, vitium est.

Primus sensus, qui est Patrum, pressior est et melior, quia nihil aliunde supplet, uti secundus supplet, peccatores dici, quod doceant legem cum Evangelio servandam esse; tertius, quia cupiditatibus indulgent. Deinde, quia magis est ex mente et scopo Apostoli: vult enim probare ex fide Christi, non ex lege Mosis nos justificari; alioqui si fidem Christi sectantes adhuc invenimur peccatores, sequitur quod Christus nos decepit, promittens justitiam ex fide, quam præstare non potuit; eritque peccati non victor, non destructor, sed fautor et minister, præsertim quia legem, ut ipsi aiunt, justificantem, et peccati victicram

abolevit, et consequenter peccati regnum restituit et stabilivit.

Nota hebraismum. Hebræi enim consequentiam enuntiant per interrogationem, præsertim cum absurdum quid inferunt. « Numquid Christus peccati minister est? » id est, ut Syrus et alii, ergo Christus peccati minister est, quod est absurdum. Unde id explicans subdit: « Absit. » Sic *numquid* pro *ergo* capitur *Rom. III, 5; Joan. VIII, 53; Jerem. XVIII, 20.* Adde: ἀπα, si non circumflexo, sed acuto notetur accentu, significat utique, ergo, igitur, ut patet hic vers. ult.; cum circumflexo enim significat numquid, nonne, ut legit et vertit hic Noster et Græci.

Vers. 18. 18. SI ENIM QUÆ DESTRUXI (si vim justificandi, quam detraxi legis observantiæ) ITERUM HÆC ÆDIFICO (id est, rursum legi eam assero, ut calumniantur Judæi me occulte judaizare, ergo) PRÆVARICATOREM ME CONSTITUITO, — quia quasi Proteus ad omnem ventum fidem muto. Est aliud argumentum probans perstandum esse Christianis in abolitione legis, vel potius occurrit tacitæ objectioni et mentali calumniæ. Dicetis, inquit, vel cogitabilis id quod Judæi, sed falso, vobis inculcant, me apud Judæos et secreto judaizare; sed absit hæc a me hypocrisis: si enim quæ publice destruo, hæc eadem privatim vel apud meos re-ædifico, sane prævaricator sum, quia hypocrita et impostor: quod nemo dixerit (1).

Vers. 19. 19. EGO ENIM PER LEGEM (ostendentem Christum, in eoque desinentem et mortuam) LEGI MORTUUS SUM, — id est, desii legi obnoxius esse: cæremonialium quidem absolute et omnino, morali vero et decalogo non absolute, sed quatenus lex illa pædagogus tantum, accusator ac vindex erat scelerum. Per legem ergo legi mortuus sum, quia lex ipsa dictabat moriendum esse legi, vivendum autem Christo. Ita Augustinus. Vide Chrysostomum. Est hæc secunda (prima enim fuit vers. 17) ratio probans nos justificari non ex lege, sed ex fide Christi, q. d. Lex ipsa mihi Christum indicavit et ostendit, ipsa me ad Christum remisit, imo deduxit, ipsa se in Christo desinere, mori et *viviri* testata et professa est. Cur ergo, o Judæi, legem sponte sua mortuam, Christoque cedentem resuscitare et restituere vultis invitam? Hinc tamen nullo modo sequitur, legem decalogi quoad obligationem per Christum desiisse, esseque abrogatam. Est enim lex illa hac parte non vetus, non Mosaica, sed naturalis, æterna et immutabilis. Vide dicta *Rom. VII, 1 (2).*

(1) « Paulus in prima persona, leniendi vituperii causa, loquitur; sed reprehendit adversarios. Bene hic observat Theodoretus, pulchre Paulum ἀντιστρέφειν, *invertere accusationem*: quum dicerent Judaizantes, esse transgressionem legis, si negligatur; ille contra dicit, esse transgressionem, si quis Christianus legis Mosaicæ auctoritatem instauret religionis causa. » Hæc Rosenmullerus ad h. l.

(2) Alii simpliciter vertunt, *per unam legem* (vel doctrinam) *alteri mortuus sum*, id est, per Christianam

Quare impie Lutherus in hunc locum, et rursum in cap. IV hujus epistolæ: « Legi, inquit, mori, nihil aliud est, quam ad legem non esse obligatum, ab eaque liberum esse, sive cæremonialis sit, sive moralis; certum enim est decalogum solis Judæis esse datum, et non nobis. » Idem lib. *De Libertate Christiana*: « Christiano, inquit, neque opera, neque lex necessaria est, quia per fidem liber est ab omni lege. » Idem rursum, tom. I Wittenbergensis editionis, fol. 189 et 190: « Oportet, inquit, cor humanum legem Dei, atque adeo Deum ipsum supra modum odisse. » Audite hæc; qui ab eo ejusque asseclis misere decepti estis, et exhorrescite vocem non hominis, sed Satanæ: quid enim Satanæ, Dei et hominum juratus hostis, de Deo magis blasphemum et horrendum dicere, ac hominibus in suam perniciem suggerere posset?

Non absimilis est Calvinus, cujus hic est dialogismus, lib. III *Instit.*, cap. XIX, § 2, 4, 7: « Conscientia dicente, Peccasti; responde, Imo peccavi: ergo Deus puniet et condemnabit? Non; at lex hoc dicit? Sed nihil mihi cum lege. Quare? Quia libertatem habeo. »

Hoccine est purum putum Evangelium? Hoccine sensit docuitve Paulus? « Legem, inquit *ad Rom. III, 31*, destruimus per fidem? absit: sed legem statuimus. » Audi S. Augustinum, lib. III *Contra epist. Pelag.*, cap. IV: « Quis, inquit, ita impius est, ut dicat se propterea præcepta non servare, quod Christianus sit non sub lege, sed sub gratia? » Quis credat Lutherum et Calvinum doctores et reformatores Ecclesiæ a Deo missos, qui jugum omne, legem omnem, non modo humanam, sed et divinam ac naturalem, excutiant, enervant, abolent?

Vers. 19 et 20. 19 et 20. CHRISTO CONFIXUS SUM CRUCI: VIVO AUTEM JAM NON EGO, VIVIT VERO IN ME CHRISTUS. — q. d. Ego per baptismum cum Christo crucifixus, atque peccato et veteri vitæ, cæremoniis, ac legi, ut jam dixi, mortuus sum, indeque quasi ab arbore veteri resectus sum, ut arbori novæ crucis Christi novus quasi ramus inserar, ab eaque vitam ac succum gratiæ sugam, ita ut non tam ego quam vivat in me Christus: quia non lex, non natura, non concupiscentia, non voluntas propria, sed Christus ipse suæ gratiæ quasi animæ, et virtutum quasi potentiarum motibus me agit ad omne bonum, et ad vitales virtutum actiones, ut Christi humilitas, fortitudo, sapientia, gaudium, pax, aliæque virtutes in me vivant et vigeant. Ita Hieronymus, Chrysostomus, Anselmus, et S. Gregorius, homil. 32 *in Evang.*, quem audi: « Tunc, inquit, nos ipsos relinquimus, tunc nos ipsos abnegamus, cum mutamus quod per vetustatem fuimus, et ad hoc nitimur ad quod per novitatem vocamur. Pensemus quomodo se Paulus

doctrinam effectum est, ut Mosaicam illam religionem abjicerem.

Imple
Lutheri
et Calvi-
ni voces
et dog-
mata.

Fides est
stabilis,
et ab ho-
mine im-
mutabi-
lis.

lex cæ-
renonia-
lis deest,
non mo-
ralis et
naturalis
decalogi.

Vers. 19
et 20.

abnegaverat, qui dicebat : Vivo autem, jam non ego. Extinctus quippe fuerat sævus ille persecutor, et vivere cœperat pius prædicator. Si enim ipse esset, pius profecto non esset. Sed qui se vivere denegat, dicat unde est quod sancta verba per doctrinam veritatis clamat. Protinus subdit : Vivit vero in me Christus. Ac si aperte dicat : Ego quidem a memetipso extinctus sum, quia carnaliter non vivo; sed tamen essentialiter mortuus non sum, quia in Christo spiritualiter vivo. » « Vide, inquit S. Chrysostomus, exactam vite rationem, et admirare. Quoniam enim seipsum Christo et cruci totum præbuerat, et ad illius voluntatem omnia faciebat, non dixit : Vivo ego Christo; sed, quod longe majus est, Vivit vero in me Christus. » « Non vivit, ait S. Hieronymus, ille qui quondam vivebat in lege, quippe qui persequeretur Ecclesiam. Vivit autem in eo Christus sapientia, fortitudo, pax, gaudium, cæteræque virtutes, quas qui non habet, non potest dicere : Vivit autem in me Christus. »

Unde S. Bernardus, serm. 7 in Quadragesima : « Vivo, inquit, jam non ego, vivit vero in me Christus. Ac si diceret : Ad alia quidem omnia mortuus sum, non sentio, non attendo, non curo : si quæ vero sunt Christi, hæc vivum inveniunt et paratum. Nam si non aliud possum, saltem sentio : placet quod ad ejus honorem fieri video, displicent quæ aliter fiunt. Imo vivo non tam ego, quam Christus in me. »

Christus ergo in me docet, concionatur, orat, laborat, patitur, omniaque opera mea in me operatur : ita ut Paulus non tam Paulus quam Christus, et Paulus in Christum, ac vicissim Christus in Paulum transformatus videatur. « Talis enim quisque nostrum est, qualis est ejus dilectio : terram diligis, terra eris; Deum diligis, Deus eris, » ait S. Augustinus, tract. 2 in epist. 1 Joan. Amor enim transformat amantem in rem amatam, ut ait S. Dionysius. Unde et Osee, cap. ix, vers. 10 : « Facti sunt, ait, abominabiles sicut ea quæ dilexerunt. »

Est metaphora, vel allegoria : Lex vetus est quasi arbor vetus, lex nova et crux quasi arbor nova; ab illa præcisi sumus, ut huic inserti, novam ab ea gratiæ vitam sugeremus. Sic Rom. vi, dixit nos complantatos, consepultos, concrucifixos, commortuos, conresurgentes Christo, ut ibi dixi. Unde clarius ad verbum veritas ex Græco, *Χριστὸ συνεκρίβωμαι*, Christo concrucifixus sum, quasi arbori crucis Christi insertus et complantatus, ut communem arboris succum et vitam hauriam, gratiam videlicet et charitatem. Hinc S. Ignatius, epist. ad Rom., *ἡμῶς ἰσὺς ἰσὺρωται*, amor, inquit, meus crucifixus est, Christus scilicet, qui est amor meus, vita mea, anima mea, ita nimirum, ut cum Christo simul quasi amor meus, anima mea, ipseque ego totus crucifixus sim.

Nota hic amoris et charitatis proprietates. Prima est, quam tradit S. Dionysius, De Divin. Nomin.,

cap. iv : « Amor, inquit, est virtus faciens unionem. » Hanc significat Apostolus hic cum ait : « Christo confixus sum cruci, » q. d. Unitus sum et quasi unus cum Christo crucifixus.

Secunda proprietates amoris est, mutua inhæsiō qua se mutuo amant et redamant Deus et homo, sibi que vicissim bona volunt et procurant, ut dicant cum sponsa in Cant. : « Dilectus meus mihi, et ego illi. » Hanc significat hic Paulus, cum ait se in Christo, et Christum in se vivere.

Tertia charitatis proprietates est, cogitare assidue et in oculis mentis habere Christum et Deum : est enim amor nexus animorum; jam necere non potest animos, si non jungat cogitationes. Hanc significat Paulus per verba vivo et vivit utique vita rationali memoriæ, intellectus et voluntatis.

Quarta est, exstasis : « Exstasin, inquit Dionysius loco citato, facit divinus amor, amatores suo statu dimovet, et sui juris esse non sinit, sed in ea quæ amant penitus transfert. Idcirco et Paulus ille magnus, cum divino amore flagraret, excessive illius virtutis particeps factus, vivo, inquit, jam non ego, vivit vero in me Christus; tanquam verus amator, mentis excessum patiens. Audebimus et id loqui, quod ipse quoque auctor omnium pro amatoris bonitatis magnitudine extra se sit, ad omnia quæ sunt pertingendo multiplicis providentiæ ratione. » Nimirum exstatis amor rapuit Deum, tum ut se suaque bona communicaret creaturis per creationem, tum potius ut suam Verbi hypostasim communicaret humanæ creaturæ quam assumpsit per incarnationem : « exinanivit enim semetipsum pro nobis formam servi accipiens, in similitudinem hominum factus, et habitu inventus ut homo. » Exstasis ergo Verbum transformavit in hominem, eumque crucifixum, ac habentem speciem peccatoris, quia nos peccatores eramus, reique mortis et crucis : nostram enim formam, excepto peccato, quoad omnia Christus assumpsit ex ingenti et exstatico nostri amore.

Hæc exstasis amoris Pauli cor in cor Christi dilatando transmutavit, et Paulum in Christum quasi transformavit : perinde ut de Catharina Senensi legimus, eam ex vehementia amoris Christi ab eo flagitasse, ut cor suum, proprio sublato, ei communicaret : Christumque ei annuentem cor exemisse, novumque christiforme ei indidisse. Hoc est quod ait S. Chrysostomus, hom. 23 in epist. ad Rom., in morali, ubi citans hæc verba Pauli : « Vivo jam non ego, vivit vero in me Christus, » subdit : « Cor itaque Christi erat cor Pauli, tabulaque Spiritus Sancti, atque charitatis volumen. » Unde idem paulo superius cor Pauli vocat « cor orbis, » datque rationem : « Cor enim istud adeo fuit latum, ut in se suscepit et integras urbes, et populos, et gentes. Cor enim meum, inquit, dilatatum est. Verumtamen ut latum fuerit, tamen sæpe occupavit et pressit illud, quæ

amoris
proprie-
tates
quatuor

Exstasis
amoris
Verbum
transformavit in
hominem.

Amor
meus
cruci-
fixus
est, ait
S. Ignatius.

Charitatis
et

ipsum dilatabat dilectio. Ex multa quippe tribulatione, inquit, et anxietate cordis scripsi vobis. Et dissolutum etiam vellem videre cor istud, erga unumquemque pereuntium accensum et ignitum, secundo parturiens filiorum abortus, cor Deum videns, cœlis ipsis sublimius, orbe latius, radiis solaribus exhilaratus, igne ferventius, adamante solidius, fluvios emittens aquæ vivæ, ubi erat fons exiliens, et irrigans non terræ superficiem, sed animas hominum. »

Sancti exultant. Hanc Christi exstasin Sancti in Christi amorem abrepti persenserunt. S. Dominicus in Missa Christi corpus elevans in altum sublatus est, et ab igne quo intus ardebat, corpus ejus subvectum velut in ignem conversum, terram deserens in cœlum ferebatur, ut Christo amori suo jungeretur et immergeretur. S. Franciscus ab illo Seraph, qui sibi in nocte apparuerat, mirabilem in mente, ut ait S. Bonaventura, recepit ardorem, et in carne non minus mirabilem admisit effigiem, ut jam non tam terrestris homo quam cœlestis Seraphicus et imago crucifixi crederetur, cum quinque Salvatoris vulnera, quasi totus in Christum transformatus, et quinque ignis charitatis Christi ustiones de monte detulit, toti mundo prodigium et portentum factus.

Audi et Gregorium Nyssenum, homil. 13 in Cant. : « Mihi vita Christus est : Hisce verbis, ait, tantum non clamat Apostolus, nullam in se affectionem humanam vivere, non fastum, non tumiditatem, non voluptatem, non dolorem, non iram, non metum, non audaciam, non injuriarum memoriam, non invidiam, non vindictæ, avaritiæ, honoris aut gloriæ cupidinem; sed his omnibus abrasis, solus (inquit) ille mihi superest, qui nihil est horum, qui est ipsa sanctificatio, et puritas, et immortalitas, et lumen, et veritas, qui pascitur inter lilia in splendoribus Sanctorum. »

Christi cruci confixi mente et corpore. Ita in cruce Christi gloriabatur, eamque amebat S. Andreas Apostolus. Dum enim crucem prædicat, ad crucem ab Ægea Proconsule Achaïæ damnatus, accedens ad crucem sibi paratam exclamavit, et dixit : « O bona crux diu desiderata, sollicitè amata, sine intermissione quæsita, et aliquando concupienti animo præparata, securus et gaudens venio ad te : et tu exultans suscipias me discipulum ejus, qui pependit in te magister meus; ut per te me recipiat, qui per te me redemit. » Cruce ita salutata et oratione facta, expoliavit se vestibus, easque tradidit carnificibus, qui accedentes, levaverunt eum in crucem, et extendentes funibus totum corpus ejus (quasi in equuleo) suspenderunt. In qua cruce suspensus populum docens biduo supervixit : et rogato Domino, ne eum sineret de cruce deponi, circumdatus magno splendore de cœlo, abscedente postmodum lumine, emisit spiritum. Ita habent Acta ejus fidelissima.

Ita S. Petrus ad crucem a Nerone damnatus, petiit et impetravit, ne capite sursum ut Chris-

tus, sed deorsum inverso corpore suspenderetur.

Apud Hierapolim, Asiæ civitatem, Claudio imperante, S. Philippus Apostolus Scythis fidem annuntiavit, multisque baptizatis, ab infidelibus tandem crucifixus, et lapidibus obrutus, felici martyrio obiit. Ita Eusebius, et ex eo Baronius, anno Christi 54.

In majori Armenia sub Astyage rege, S. Bartholomæus Apostolus, per Lycaontam verbo Dei disseminato, templo Astaroth in inferiore India vero Deo dicato, et rege Polemio cum universa regia civitate baptizato, paucis post diebus comprehensus, fustibus primum cæsus, deinde cruci suffixus, e vivo corpore detracta pelle, die vigesimaquarta sequenti, abscisso capite, extinctus est.

Romæ Decio et Valeriano Imperatoribus, S. Sixtus Papa in Tullianum carcerem conjectus, deinde cruci affixus est, teste Prudentio, *καὶ σταυρῶν*, in hymno 2 de S. Laurentio, ubi sic ait :

Fore hoc sacerdos dixerat, jam Sixtus affluxit cruci,
Laurentium flentem videns crucis sub ipso stipite :
Desiste decessu meo flentem dolenter fundere.

Præcedo, frater, tu quoque post hoc sequeris triduum.

Parisiis sub Adriano Imperatore, S. Dionysius Areopagita, flagellis primum contusus, deinde igni ferisque objectus non læditur, mox in crucem tollitur, e qua sublatus et cæsus iterum, amputatum caput suum ad duo millia passuum propriis manibus gestavit. Ita Baronius in *Martyrol.*, 9 octobris.

S. Calliopius, pius adolescens, ad convivium in deorum celebritatem paratum invitatus, respondit : « Christianus sum, et Christum jejuniis celeberrimo, nec quæ sunt flagitiosis atque impuris idolis immolata, licet in os eorum qui Christum colunt, ingredi. » Quod cum audisset Præses, jussit eum immaniter cædi, et tandem dixit post multa verbera et increpationes : Nunc saltem ab insania discede, et Imperatorum decretis obtemperans, diis sacrificata, ut vivas : alioquin ut magister tuus, suffigeris in crucem. « Admiror, inquit Calliopius, impudentiam tuam, qui cum sæpe ex me audieris Christianum me esse, et Christianum esse moriturum, et in Christo victurum, tam impudenter pergis veritatem oppugnare. Festino eandem, quam magister meus pertulit, mortem oppetere. » Hæc cum ille dixisset, Præfectus ex responsis Martyris animadvertens eum a proposito deduci non posse, sententiam tulit, ut quinta sabbatorum paschæ in crucem ageretur. Quod mater ejus intelligens, quinque nummos ministris dedit, ut eum contraria ratione, quam Christus Dominus crucifixus fuit, affigerent cruci. Quinto igitur sabbatorum pronus in caput crucifixus est, et die parasceves animam egit. Et vox de cœlo audita est, ita sonans : « Veni, civis Christi, et coheres sanctorum angelorum. » Ita habet ejus Vita apud Surium, 7 aprilis.

Mirus vero fuit S. Wernheri pueri crucis amor,

et in ea martyrium: hic enim confessus, et communionis sacra percepta, furtim captus a Judæis, in die parasceves instar Christi, in ejus odium, ab eis ad columnam ligneam suspensus, acriter flagellatus, cultro per totius corporis venas barbara immanitate incisus, forficibus quoque summo cruciatu in pedibus, manibus, collo et capite insectus fuit, ut omnem sanguinem exprimerent, ita ut totus vulneribus confectus videretur. Mansit autem sanctus puer ita triduo ad columnam suspensus, donec sanguis fluere desineret. Hos cruciatus tolerans summa patientia, in laudibus Dei spiritum Christo crucifixo reddidit. Ita habet ejus Vita apud Surium, 2 aprilis. Similia de pueris a Judæis crucifigi solitis scribit Socrates, lib. VII *Hist.*, cap. xvi.

Ado in *Martyr.*, 22 maii, et ex eo Baronius, anno Christi 440, narrat simile de Julia ancilla sancta: hæc capta fuit a Felice principe, cumque ei Felix blanditiis non posset suadere ut idolis sacrificaret, præcepit eam alapis cædi, deinde crinibus torqueri, flagellari, et tandem crucifigi, et sic in cruce sanctum efflavit spiritum, de cuius ore columba exivit et in cælum evolavit. « Mullerem fortem quis inveniet? procul et de ultimis finibus pretium ejus. »

Nuper in Japone a Taicosama rege sex Fratres Franciscani, tres e nostra Societate, septemdecim laici Japones, inter quos erat Aloisius, puer annorum duodecim, et Antonius, annorum tredecim, singuli singulis crucibus affixi, mucrone dextero latere transverberati, hilares et exultantes martyrii agonem peregerunt.

Vers. 20. 20. QUI DILEXIT ME, ET TRADIDIT SEMETIPSUM

PRO ME. — Nota *sa* et *me*, non *nos*, vel *nobis*; ita enim loquitur, *primo*, ex vehementia et deliciis amoris. *Secundo*, quia præ omnibus judicabat se peccatis obnoxium, ac mortis Christi reum. *Tertio*, ut Chrysostomus, quia quisque Christo pro sua passione ac morte gratias eas agere debet, ac si pro se solo passus fuisset, quia singulis tantum profuit quantum omnibus, et pro uno solo redimendo æque mori debuisset Christus. « Beatus multumque felix, ait Hieronymus, qui vivente in se Christo per singulas cogitationes et opera potest dicere: In fide vivo Filii Dei, qui dilexit me, et tradidit semetipsum pro me. » Christus se totum tibi, tu te totum da, imo redde Christo.

21. NON ABJICIO GRATIAM CHRISTI. — οὐκ ἀφίστημι, Vers. 21. *non rejicio*, non repello, non aspernor; Ambrosius, *non sum ingratus gratiæ Dei*; Augustinus, *non irritam facio gratiam Dei*, ut faciunt illi, qui volunt statuere legem et justitiam ex lege, ait Hieronymus, ut et illi, inquit, qui post baptismum peccatis sordiantur. Sed hoc morale est, prius vero litterale et ex mente Apostoli.

SI ENIM PER LEGEM JUSTITIA, ERGO GRATIS CHRISTUS MORTUUS EST. — Quia mortuus est Christus ad justitiam suæ mortis pretio nobis comparandam: hoc autem pretium frustra dedit, frustra impendit, si ex lege eandem justitiam habere poteramus. Est argumentum tertium ab impossibili, *q. d.* Nemo tam vecors est, ut dicat Christum frustra tot et tanta passum, ac mortuum; atqui hæc omnia passus, et mortuus est pro justitia nobis promerenda: ergo hæc justitia non contingit nobis a Moyse, sed a Christo; non ex lege, sed ex fide.

Vehementia et
delicia
divini
erga nos
amoris.

Tertium
argu-
mentum
pro le-
gis abo-
litione.

CAPUT TERTIUM.

SYNOPSIS CAPITIS.

Pergit probare quinque rationibus, nos justificari non per legem et opera legis, sed per fidem Christi.

Prima petitur ab experientia, vers. 2, quia scilicet experti erant Galatæ se non in circumcisione, sed in baptismo Spiritum Sanctum ejusque dona accepisse.

Secunda, vers. 6, ab exemplo Abraham, qui justificatus est, quia credidit Deo, id est ex fide.

Tertio, vers. 10, quia qui sub lege sunt, sunt sub maledicto, quod lex omnibus sui prævaricatoribus intendat, a quo Christus nos liberavit factus pro nobis maledictum.

Quarto, vers. 11, ex Habacuc, qui dicit: Justus ex fide vivit.

Quinto, vers. 16, quia Abraham et posteris ejus promissa est benedictio, id est justitia et salus: ergo ex promissione, quam fide apprehendimus, non autem ex lege justificamur: lex enim, ut ait vers. 24, tantum data fuit ad hoc, ut quasi pædagogus Judæos duceret ad Christum, ut ex fide Christi justificarentur, Christumque induerent, et unum cum eo omnes fierent.

1. O insensati Galatæ, quis vos fascinavit non obedire veritati, ante quorum oculos Jesus Christus præscriptus est, in vobis crucifixus? 2. Hoc solum a vobis volo discere: Ex operibus legis Spiritum accepistis, an ex auditu fidei? 3. Sic stulti estis, ut, cum spiritu cœpe-

ritis, nunc carne consummemini? 4. Tanta passi estis sine causa? si tamen sine causa. 5. Qui ergo tribuit vobis Spiritum, et operatur virtutes in vobis: ex operibus legis, an ex auditu fidei? 6. Sicut scriptum est: Abraham credidit Deo, et reputatum est illi ad iustitiam. 7. Cognoscite ergo, quia qui ex fide sunt, ii sunt filii Abrahæ. 8. Providens autem Scriptura, quia ex fide justificat Gentes Deus, prænuntiavit Abrahæ: Quia benedicentur in te omnes Gentes. 9. Igitur qui ex fide sunt, benedicentur cum fideli Abraham. 10. Quicumque enim ex operibus legis sunt, sub maledicto sunt. Scriptum est enim: Maledictus omnis qui non permanserit in omnibus, quæ scripta sunt in libro legis, ut faciat ea. 11. Quoniam autem in lege nemo justificatur apud Deum, manifestum est: quia justus ex fide vivit. 12. Lex autem non est ex fide, sed, Qui fecerit ea, vivet in illis. 13. Christus nos redemit de maledicto legis, factus pro nobis maledictum: quia scriptum est: Maledictus omnis qui pendet in ligno. 14. Ut in Gentibus benedictio Abrahæ fieret in Christo Jesu, ut pollicitationem Spiritus accipiamus per fidem. 15. Fratres (secundum hominem dico), tamen hominis confirmatum testamentum nemo spernit, aut superordinat. 16. Abrahæ dictæ sunt promissiones, et semini ejus. Non dicit: Et seminibus, quasi in multis; sed quasi in uno: Et semini tuo, qui est Christus. 17. Hoc autem dico, testamentum confirmatum a Deo, quæ post quadringentos et triginta annos facta est lex, non irritum facit ad evacuandam promissionem. 18. Nam si ex lege hæreditas, jam non ex promissione. Abrahæ autem per repromissionem donavit Deus. 19. Quid igitur lex? Propter transgressionem posita est, donec veniret semen, cui promiserat, ordinata per angelos in manu mediatoris. 20. Mediator autem unius non est: Deus autem unus est. 21. Lex ergo adversus promissa Dei? Absit. Si enim data esset lex, quæ posset vivificare, vere ex lege esset iustitia. 22. Sed conclusit Scriptura omnia sub peccato, ut promissio ex fide Jesu Christi daretur credentibus. 23. Prius autem quam veniret fides, sub lege custodiebamur conclusi in eam fidem, quæ revelanda erat. 24. Itaque lex pædagogus noster fuit in Christo, ut ex fide justificemur. 25. At ubi venit fides, jam non sumus sub pædagogo. 26. Omnes enim filii Dei estis per fidem, quæ est in Christo Jesu. 27. Quicumque enim in Christo baptizati estis, Christum induistis. 28. Non est Judæus, neque Græcus: non est servus, neque liber: non est masculus, neque femina. Omnes enim vos unum estis in Christo Jesu. 29. Si autem vos Christi: ergo semen Abrahæ estis, secundum promissionem hæredes.

Vers. 1. 1. O INSENSATI. — Græce ὁ ἀνόητος, o stulti. Ita Augustinus. Syrus *או חסירי רעין* o chasere reina! o destituti mente! « Quæque provincia, ait Hieronymus, suas habet proprietates: Cretenses mendaces notat Epimenides; vanos Mauros, feroces Dalmatas Latinus pulsat historicus; timidos Phryges omnes Poetæ lacerant. Græcis, inquit Tullius pro Flacco, ingenita inest levitas, et erudita vanitas: in hunc modum arbitror Apostolum Galatas regionis suæ proprietate pulsasse, quod vitio gentis indociles sint, vecordes, et ad sapientiam tardiores. » Idem Hieronymus, præmio lib. II *Comment. in epist. ad Galat.*: « Sic, inquit, et Hilarius latinæ eloquentiæ Rhodanus, Gallus ipse et Pictavis genitus, in hymnorum carmine Gallos indociles vocat (sui scilicet rexi, cum plerique adhuc infideles essent, indeque barbari). » Et infra: « Scit mecum qui vidit An-cyram, Galatiæ metropolim, quod nunc usque schismatibus dilacerata sit. Omitto Cataphrygas, Ophitas, Borboritas et Manichæos. Quis unquam

Passalorincitas, et Ascodrobos, et Artotyritas, et cætera magis portenta, quam nomina in aliqua parte Romani orbis audivit? Antiquæ stultitiæ usque hodie manent vestigia. » Ita Hieronymus, quibus verbis Galatas stolidos fuisse probat, ex eo quod tot stolidas invenerint vel admiserint hæreses.

Nota: Est hoc convicium Apostoli non indignationis, sed charitatis, contumelia scilicet materialis, non formalis, quia non conviciandi animo prolata, sed ex amore et zelo, ut duos Galatas feriat, molliat, corrigat. Ita Gregorius, III part. *Pastoral.* cap. viii. Sic enim parentes, qui filios verberibus castigant, multo magis verbis eosdem castigare possunt, et convicio, eorum vitium quasi mordaci sale inurere. Sic Christus, *Matth.* cap. xxii, vers. 13, scribas vocat *hypocritas*. Sic Paulus Elymam vocat *filium diaboli*, *Act.* cap. xiii, vers. 10.

Nota secundo: Convicium hoc emollit, cum dicit: « Quis vos fascinavit, » q. d. Vestram cæcitatem

Varia-
rum gen-
tium vi-
tia et
proprie-
tates.

Superio-
ribus li-
cet sub-
ditis
verbis
mordaci-
bus cas-
tigata.

non tam vestræ dementiæ, quam fascino Judæorum tribuo.

QUIS VOS FASCINAVIT? Græcum *βασανίσαι* significat *primo*, invadere, *q. d.* Quis Judæus vobis invidit Evangelii libertatem? Ita Theophylactus et Anselmus. *Secundo*, significat fascinare, incantare, et perstringere oculos, ut putes te videre, quod revera non vides, vel ut non videas quæ coram te sunt, quæque alii vident. Id aptius huic loco convenit. Unde sequitur: « Ante quorum oculos præscriptus est Christus; » oculis enim maxime teneris fascinum hoc imponi per oculos et intuitum fascinantis solebat, indeque Græci *βασανίσαι* dictum putant *παρὰ τὸ φαίνει καίεναι*, quod oculis, et per oculos noceat. Unde Virgilius:

Nescio quis teneros oculos mihi fascinat agnos.

q. d. Quis oculus nequam et invidus vos in fide Christi teneros et novellos, o Galatæ, in hanc fraudem, cæcitatem et errorem judaismi induxit? ita Hieronymus et Anselmus. « Dicitur enim fascinum, ait Hieronymus, proprie infantibus nocere, et ætati parvulæ, et his qui firmo necdum vestigio figunt gradum. » Ait ergo Paulus: Quis vos, o Galatæ, fascinavit, ut clarissimam Evangelii lucem ante oculos vestros radiantem non videatis? unde subdit:

ANTE QUORUM OCULOS JESUS CHRISTUS PRÆSCRIPTUS EST IN VOBIS CRUCIFIXUS. — S. Anselmus et alii legunt, *proscriptus*, id est exheredatus, et, ut Ambrosius, *spoliatus* et condemnatus, *q. d.* Vos Christum Ecclesia vestra quasi sua hæreditate privastis et expulistis: sed corrige cum Romanis *præscriptus*.

Quod *primo*, S. Augustinus, inquit Erasmus, accipit de præscriptione juris, qua bona per possessionem certi temporis, puta triennii in mobilibus, decennii in immobilibus, a possessore præscribuntur, et in ejus jus ac dominium trans-eunt; Christus ergo præscriptus est, id est, præscriptione legis veteris, quæ per tot centenos annos nomen veræ legis, veræque Dei Ecclesiæ possidens præscripsit, Christus exclusus est sua possessione, Ecclesia scilicet vestra, o Galatæ, a Judaizantibus. Ita enim in Augustino toto hoc loco vult legi Erasmus, *præscriptus* pro *proscriptus*, sed fallitur: nam omnes codices, tam Basilenses, quam Lovanienses correctissimi hoc loco Augustini habent *proscriptus*, non *præscriptus*; sicque explicat Augustinus, cum ait: « Judæis illam (scilicet hæreditatem) auferentibus, eumque scilicet Christum) expellentibus: » quod sane non præscribentium, sed proscribentium est.

Secundo, S. Hieronymus: « præscriptus, » id est, inquit, jam ante descripta sunt in Prophetis et Sacramentis legis veteris, o Galatæ, passio, crux et mors Christi.

Tertio et optime, maximeque genuine, « præscriptus, » id est præ oculis vestris scriptus, et, ut Syrus, pingendo depictus est (Græcum enim

προεγραψέν commune est scripturæ et picturæ) in vobis, id est ante vos, in oculis vestris, Christus crucifixus. Est hyperbaton; sic enim verba ordinanda sunt: « Ante quorum oculos Christus in vobis est præscriptus crucifixus, » *q. d.* Christus velut depictus in cruce pendens vobis exhibitus est: neque enim vere apud Galatas fuit Christus crucifixus, sed illis per prædicationem et fidem representatus est crucifixus. *Τὸ* enim *crucifixus* idem est quod *ut crucifixus*: subauditur enim vocola similitudinis *ut vel sicut*, more Hebræorum.

Ubi nota, *τὸ* in vobis per pleonasmum Hebraicum, quo antecedens cum relativo repetitur, interjici: idem est enim *αὐτὸς κατ' ὁραματισμόν*, id est *quibus coram oculis*, et *ἐν ὑμῖν*, in vobis. Unde clarius illud omittens Syrus, ita vertit, *ecce quasi pingendo depictus fuerat coram oculis vestris Iesua Meschicho crucifixus*; nam multa alia interjicit et trajicit sæpe Apostolus, ut dixi Can. 38.

Sensus ergo est, *q. d.* Licet Christus Hierosolymæ crucifixus sit, tamen per prædicationem meam quasi vivam et expressam imaginem depicta vobis est, o Galatæ, passio, vita et crux Christi, ut in illa prædicatione mea per fidem Christum crucifixum in vobis quasi presentem ante oculos vestros intuiti sitis; ita ut fidei oculis videritis exactius crucem Christi, quam ipsi Judæi, qui Hierosolymæ cruci astiterunt, Christumque in ea pendentem conspexerunt, inquit Theophylactus et Chrysostomus, *q. d.* Qui potuerunt oculi vestri fascinari, quibus ad vivum prædicatione mea depinxi et representavi Christum crucifixum (1)?

Potest *quarto*, accipi plane ut verba sonant, idque efficacius, *q. d.* Nuper vestra hac ætate, quasi ante oculos vestros, ac forte aliquibus vestrum Hierosolymæ presentibus et spectantibus, Christus descriptus et depictus est, cum scilicet in vobis, id est vestra ætate, vestro tempore et sæculo, vel in vobis, id est in vicinia vestra, scilicet in Judæa, pene inter vos et ante oculos vestros est crucifixus; in cruce enim Christus clavis, spinis, flagellis, lancea, quasi calamis; sanguine, quasi atramento descriptus et depictus est, quasi victima mactata pro peccatis nostris, ut ab eis justificaremur, id est depictus est quasi redemptor, justificator, propitiator et salvator noster, *q. d.* Fierine potest vestros sic oculos fascinari, ut Christum redemptorem vestrum pene adhuc ante oculos vestros pendentem non intueamini, ut tam vivi recentisque beneficii, redemptionis, inquam, vestræ obliviscamini? ut Christum non agnoscatis vivis adeo coloribus, imo sanguine proprio in cruce depictum? Quomodo enim ita pingitur, nisi quia peccati expiator et justificator est peccatoris? ita Chrysostomus.

Hoc sensu Christus ipse crucifixus quasi imago

(1) Ita omnes hodierni interpretes.

Fascinum quid, et quomodo fiat?

Præscriptio quid in Jure?

Quadruplex sensus horum, Christus præscriptus est in vobis.

Christus quomodo nobis scriptus et depictus?

vel liber proponitur, in quo sanguineis litteris descriptus et depictus est ipse Christus. Vis scire quis qualisve sit Christus? librum hunc lege, crucem inspice, in ea scriptum leges libri titulum: Jesus Nazarenus, id est servator, vel sanctificator et consecrator, qui scilicet nos Deo consecravit et sanctificavit; Rex Judæorum. Leges: « Christus factus est pro nobis peccatum, ut nos efficeremur justitia Dei in ipso; » solus enim ipse peccatum nostrum in se suscepit et expiavit: quid enim est peccatum, nisi christicidium, nisi deicidium? Leges quoque in libro hoc, in Christi, inquam, vulnere, vibice, livore, amore: Amor, amor tui, o homo, ita me pinxit, ita me rubricavit, ita me figuravit. Cernis ut in toto corpore scriptus, imo sculptus amor? Hic denique Christianæ philosophiæ sapientiam, ipsumque Christianæ philosophiæ apicem legenti et contemplanti demonstrabit.

Peccatum est christicidium et deicidium.

Vers. 2. 2. EX OPERIBUS LEGIS SPIRITUM ACCEPISTIS, AN EX AUDITU FIDEI? — « Spiritum, » id est Spiritum Sanctum cum visibilibus suis donis linguarum, prophetiæ, et aliis, quæ olim in baptismo dabantur, quasi indices Spiritus Sancti, ejusque donorum invisibilibus, scilicet gratiæ, charitatis aliarumque virtutum, quas in baptismo infundit Spiritus Sanctus, q. d. Unde, o Galatæ, accepistis spiritum gratiæ, justitiæ, et donorum Spiritus Sancti? clarum est, quod non ex circumcisione et operibus legis, sed ex auditu fidei, puta in baptismo Christi, non ante.

EX AUDITU FIDEI, — id est ex prædicatione fidei, quam audistis, vel ex auditu, quo fidem audistis, etque obedistis: auditus enim et active et passive sumi potest hic, uti et *Isaia* LIII, 4. Vide *Can.* 30.

Vers. 3. Per spiritum hic doctrina Christi, per carnem circumciscitur.

3. UT CUM SPIRITU CŒPERITIS (cum spirituali Christi doctrina, baptismo, Sacramentis, spiritualibus gratiis ab eo acceptis, spirituali vita et conversatione cœperitis vivere), CARNE (id est circumcisione, et aliis carnalibus legis cærimonis) CONSUMMEMINI. — Alii, *carne*, inquirunt, id est carnalibus vitiis, gulæ, libidinis: sed hoc est præter scopum et mentem Apostoli. Unde S. Bernardus; serm. 33 in *Cant.*, hæc explicat, vel potius applicat iis, qui indiscreto fervore per nimias orationes, pœnitentias, labores, etc., ita vires exhauriunt, ut fiant inutiles: hi enim postea fiunt ignavi, et carne consummantur, dum toti student valetudini, itaque fiunt sensuales et carnales. Vide de carne dicta I *Cor.* III, 2.

CONSUMMEMINI. — Græca ἐντρέφονται πνεύματι, νῦν σὰπλ' ἐπιταλίσθαι, qui cœpistis spiritu, carne consummamini; Syrus, absolvisis, q. d. Carne finitis, et in eam desinitis. Notat Theophylactus, non dici active, consummetis, perficiatis, sed passive « consummemini, » perficiamini, ut innuat quod brutorum instar paterentur se concidi et circumcidi a Judaizantibus. Secundo, non dicit ἡλίσθαι, id est consummamini, sed per ἐντρέφονται, id est post consummamini, q. d. Post consummationem a Christo

acceptam, aliam ex veteri lege, quasi quintam in curru rotam, vultis superinducere. Ita Chrysostomus.

4. TANTA PASSI ESTIS (scilicet ab infidelibus propter Christi fidem) SINE CAUSA, — id est frustra, si videlicet ab illa ad Mosen transeat. Ita Hieronymus (1).

SI TAMEN SINE CAUSA, — id est, si tamen frustra; supple, quod erit nisi respiscatis, q. d. Hortor ergo ut respiscatis, et in Christi fide persistatis. Ita Hieronymus (1).

5. QUI ERGO TRIBUIT (ὁ ἐπιχορηγῶν, qui (scilicet Deus vel Christus) subministrat, suggerit, et, ut Syrus, indit) ET OPERATUR — ἐνεργῶν, qui inoperatur per intimam et divinam suam energiam, vim et potentiam. Vide dicta I *Cor.* XII, 6.

VIRTUTES, — miracula. Supple; facite ea ex lege, an ex fide? q. d. Clarum est, et experientia scitis quod non ex lege, sed ex fide, id est per fidem Christi. Unde subdit:

6. SICUT SCRIPTUM EST: ABRAHAM CREDIDIT DEO, ET REPUTATUM EST ILLI AD JUSTITIAM. — Est secundum argumentum petiitum ab exemplo Abraham, quo probat nos non justificari ex lege, sed ex fide; non a Mose, sed a Christo, q. d. Abraham in circumcisis, et ante legem accepit Spiritum, et justificatus est non ex operibus legis, quæ necdum erat, sed ex fide Christi venturi: ita et vos ex Christi fide justificamini. Ita Anselmus.

REPUTATUM EST ILLI AD JUSTITIAM, — id est, inde justificatus est. Vide de hac phrasi, deque ipsa Abraham justificatione, dicta ad *Rom.* IV, 3.

7. ERGO QUI EX FIDE SUNT (græcismus, id est fideles, Abraham fidei imitantes), II SUNT FILII ABRAHÆ, — spirituales scilicet, non per generationem, sed per imitationem, ac consequenter ad eos pertinet benedictio, justitia et salus Abraham promissa. Ita Hieronymus.

8. PROVIDENS SCRIPTURA, — longe ante prospectans: hoc enim est Græcum προνοῶν (2).

PRÆNUNTIAVIT ABRAHÆ — προεγγέλλεσθαι, præevangelizavit, lætissimum ei tulit nuntium hoc de futura posterorum ejus, id est fidelium, benedictione per Christi fidem, q. d. Ergo non est novum Evangelium de Christo, fide, justitia fidei, sed Abraham tempore notum.

QUIA (quod) BENEDICENTUR IN TE OMNES GENTES. — Notat Cajetanus, *Genes.* XII, Deum, cum Abrahamum evocaret, ut egrederetur de terra sua, scilicet Chaldææ, et de cognatione sua, veniretque in terram, quam illi monstraturus erat, septem Abrahamo benedictiones, sive bona ingentia promississe. Septenarius autem symbolum est universitatis, id est omnium bonorum.

Primum, quod promisit, fuit principatus, seu paternitas magnæ gentis, cum ait: « Faciamque

Septem Abraham

(1) Allioli: Dummodo sufficiat dixisse frustra! si enim maneat in illa perversitate, pejora vobis accident, v. g. amittetis Spiritum, etc.

(2) Scriptura, id est, Spiritus Sanctus, qui in Scripturis loquitur.

mo benedictiones promissas.

te in gentem magnam. » *Secundum*, frugum opumque copia, cum ait : « Et benedicam tibi. » *Tertium*, nominis celebritas et gloria, cum ait : « Et magnificabo nomen tuum. » *Quartum*, complexio omnium benedictionum et bonorum, cum ait : « Erisque benedictus. » Ubi hebraice est *וְיִבְרַח בְּרַכָּה* *hekte beracha*, sis benedictio, id est, ita plene per omnia sis benedictus, ut ipsa videaris esse benedictio, utque homines culpiam benedicere volentes te in exemplum statuunt, dicentes : Fiat tibi, benedicat tibi Deus, sicut fecit et benedixit Abraham; quemadmodum inaugurando Cæsari acclamabant : Sit Augusto felicior, sit Trajano melior. *Quintum*, quod non solum tibi, o Abraham, sed et amicis tuis benefaciam, inquit Dominus, cum ait : « Benedicam benedicientibus tibi. » *Sextum*, quod inimicos tuos, tuasque injurias ulciscar, cum ait : « Maledicam maledicentibus tibi. » Hæc sex fere corporalia sunt et temporalia. *Septimum* vero ac præcipuum, spiritale est et æternum, cum ait : « In te benedicentur universæ cognitiones terræ. »

Pro quo nota : « In te, » id est in semine tuo, ut exponitur *Genes. xii, 17*, hoc est in Christo, qui ex Abraham natus est, ut hic exponit Apostolus vers. 16, *q. d.* Per Christum Filium tuum, perque fidem in Christum omnes gentes benedicentur, id est justificabuntur, fientque amici et Filii Dei, ac consequenter hæredes regni Dei, ut aliquando audiant : « Venite, benedicti Patris mei, possidete paratum vobis regnum a constitutione mundi. » Est ergo quod gaudeas, Abraham, quia per Christum filium tuum pater eris omnium credentium, iustorum et electorum. Ita Hieronymus, Anselmus et alii.

Posset *secundo*, etiam sic accipi : « In te, » id est instar tui, ad tui imitationem et exemplum, *q. d.* Sicut tu per fidem, ita et omnes Gentes per fidem, non per opera legis, « benedicentur, » id est justificabuntur, Hebræi enim litteram *ב* *bet*, id est *in*, sæpe sumunt pro affini servili littera *כ* *caph*, quæ est nota similitudinis et comparisonis. Ita Chrysostomus, Augustinus, Theophylactus, Oecumenius, S. Thomas.

Dicere Dei idem est quod facere, et benedicere idem quod benefacere. Adverte hic : Sicut dicere Dei, utpote efficax, idem est quod facere (*ipse enim dixit, et facta sunt*) : Ita benedicere Dei, idem est quod benefacere, et bona largiri, quæ quo majora sunt, eo major est benedictio. Jam quia maximum bonum est gratia et iustitia, per quam simus divinæ consortes naturæ, amici, filii hæredesque Dei et gloriæ cœlestis, hinc benedictio absolute posita eandem per antonomasiam significat. Hæc ergo Abraham benedictio propriè hanc Abraham justificationem significat, ac posterorum ejus, hoc est, fidelium, qui per Christum renati Abraham fidem imitantur. Unde recte explicant Patres : benedicentur, id est, inquirunt, justificabuntur; benedictionem, id est iustitiam assequuntur; nec enim majus bonum benedictionemve Deus nobis de-

nare potest, quam suam iustitiam, amicitiam, filiationem.

Denique hinc patet, non bene Pagninum vertisse, in *te benedicent se omnes gentes*, dicendo scilicet : Utinam sim tam felix et benedictus, quam Abraham fuit, Hebræum enim *נִבְרַחְךָ* *nibrechu*, pure passivum est, conjugationis scilicet passivæ *niphal*, proprièque significat *benedicentur*; non ergo significat actionem reflexam agentis in seipsum, scilicet, *benedicent se* : hæc enim significatur ultima conjugatione *hitpael*. Rursum versionem ac sensum Pagnini plane hic excludit versio ac sensus S. Pauli.

9. Igitur qui ex fide sunt, benedicentur cum *Vers. 9.*
fidei Abraham. — Infert hanc conclusionem ex antecedente præmisso vers. præced., *q. d.* A Deo prædictum et promissum est Abraham : « In te, » id est in semine tuo, scilicet Christo, id est per Christum ac Christi merita, « omnes Gentes, » quæ illi credent et obedient, hæc Christi fide et obedientia, « benedicentur, » hoc est, justificabuntur; igitur vere hæc eis benedictio et iustitia obveniet. Probat per consequentia : quia Dei prædictio ac promissio falli aut fallere non potest. Ex secundo sensu jam dicto, vers. 8, simile est argumentum : Prædictum et promissum est Abraham : « In te, » id est instar tui, « benedicentur omnes Gentes; » atqui tu, o Abraham, ex fide justificatus es, ut vers. 6 probavi ex verbis *Genes. cap. xv*; ergo et Gentes per fidem justificabuntur, ac consequenter, qui ex fide sunt, id est fideles, « benedicentur, » hoc est justificabuntur, « cum fidei Abraham. » Hunc secundum sensum magis innuit *cum fidei Abraham, q. d.* Instar fidelis Abraham Gentes per fidem æquè ipse justificabuntur.

Nota rursum græcismum : « Qui ex fide sunt, » hoc est fideles; sic « qui ex circumcisione sunt, » id est Judæi circumcisionis legisque veteris sectatores. Eosdem vers. sequent. vocat eos « qui sunt ex operibus legis, » hoc est, qui opera legis sectantur, iis nituntur, ex iis sperant et arrogant sibi iustitiam. *Secundo*, pro *benedicentur* græce est *δικαιούνται*, id est *benedicuntur*, in præsentia.

10. Quicumque i. e. operibus legis sunt, sub *Vers. 10.*
ledicto sunt. — Quæsitivè vers. 8, unde iustitia obtingat, an ex lege, an ex fide? tacite respondit ex fide, idque hucusque probavit exemplo Abraham; jam idem probat *tertio*, alteram adversamque partem destruendo, videlicet quod non ex lege : « Quia, inquit, quicumque ex operibus legis sunt (id est qui iis nituntur, fidunt, iustificari volunt), sub maledicto sunt, » hoc est, maledictioni et execrationi, puta æternæ damnationi, sunt obnoxii; ergo lex non benedictionem, sed maledictionem adfert.

Antecedens probat hoc syllogismo : Quicumque non facit totam legem, est maledictus a lege : atqui nemo sine fide et gratia Christi facit totam legem, uti suppose, tanquam vobis experientia

Daplex
hujus
loci
sensus.

Non a
lege, sed
a Christo
datur
gratia:
lex male-
dicit, fi-
des bene-
dicit.

notum; scitis enim legem sine gratia impleri non posse, et legem non dare gratiam, sed Christum, legemque tantum docere, minari et punire: ergo sine fide nemo est immunis a maledicto legis, quod lex sui violatoribus intentat, sed omnes maledicti sunt a lege, *q. d.* Ergo lex maledicit, sola fides benedicit.

Magis dialectice, videlicet in prima figura in *barbara*, ita hoc argumentum dispones: Quicumque aliquam legem violat, est maledictus a lege; atqui omnes, qui sub lege sunt seclusi a fide et gratia Christi, legem violant: ergo omnes qui sub lege sunt, sunt ab ea maledicti. Majorem probat verbis sequentibus, sententia scilicet *Deut. xxvii, 26*. Minorem, ut dixi, supponit ut certam et notam; infert ergo conclusionem æque certam et infallibilem. Ubi nota, necessario hanc minorem supplendam esse: si enim sola major ponatur, nihil concludet, potuissentque dicere Galatis Judaizantes: Nos sumus tam sub benedictione quam sub maledictione; sicut enim lex sui violatores maledicit, ita sui observatores benedicit, *Deut. xxviii, 2*: si ergo legem veterem servaveritis, eritis nobiscum benedicti; sed hoc necessario minore jam dicta suppleta corrui.

SCRIPTUM EST ENIM: MALEDICTUS OMNIS QUI NON PERMANERIT IN OMNIBUS, QUÆ SCRIPTA SUNT IN LIBRO LEGIS. — Aquila vertit, *ma'edictus, qui non statuerit*; Symmachus, *qui non fir.averit*; Theodotion, *qui non suscitaverit verba legis hujus, ut faciat ea*, id est, ut Syrus, *qui ea non præstiterit*. Septuaginta non verbum, sed sensum reddunt: *et obsequium, qui non immanserit*. Sed major vis est in Hebræo *הֵכִימ* *hekim*, id est, stare fecerit; qui enim firmiter et constanter per omnia legem observat, eam facto et exemplo quasi stabilit, statuit, erigit, firmat et sancit. Unde ut vim vocis exprimant, Septuaginta et Paulus addunt *in omnibus*, quod non est in Hebræo. Hæc est major syllogismi supra dicti.

Lex non
est im-
possibi-
lis, ut
vult Cal-
vinus.

Nota: Relinquit minorem ut experientia notam; non hanc, ut vult Calvinus: Atqui nemo potest facere legem; ergo lex impossibilis est, et omnes necessario sunt sub legis maledicto: hoc enim impium est; sed istam: Atqui nemo sine fide et gratia Christi facit universam legem: ergo sine fide Christi, omnes sunt sub maledicto. Ita Hieronymus. Sic enim lex non est impossibilis, et Deus non præcipit impossibilia; licet enim per naturæ legisque vires tota impleri non possit, potest tamen tota impleri per vires gratiæ, quam Deus credentibus et orantibus omnibus, tam Judæis quam Gentibus, per mediatorem Christum paratus est dare.

Leges
quædam
divinæ
tantum
obligan-
t sunt sub
veniali.

Nota secundo, non omnes, qui aliquam legem violabant, fuisse maledictos: quædam enim leges etiamsi divinæ essent et a Deo latæ, tamen ob materiæ parvitatem tantum obligabant sub peccato veniali, ut lex vetans in nido capi matrem simul cum pullis, *Deuter. xxii, 6*; et lex ve-

tans vineam seri altero semine, *ibid. vers. 9*, et lex vetans vestem ex lana linoque contextam, *vers. 11*. Loquitur ergo lex, *Deuter. xxvii*, quam citat hic Paulus, de legibus Decalogi, quæ graves sunt, ac de rebus magni momenti, ideoque obligant sub peccato mortali: quarum qui vel unam violat, maledictus est. Inspice citatum cap. *xxvi Deuter.*, ac ita esse videbis. Supponit Apostolus sine gratia Christi totum Decalogum a nemine impleri posse: ideoque concludit, omnes qui sub lege sunt, esse ab ea maledictos.

11. QUONIAM AUTEM. — Est nova et quarta ratio, Vers 11
probans nos non ex lege, sed ex fide Christi justificari; conglomerat enim Apostolus rationes et Scripturæ loca, ut Galatis id persuadeat. Unde sicut *vers. 6*, usus est argumento petito ab exemplo Abrahæ, et *vers. præced.* idem probavit ex maledictione quam lex suis intentat, *Deut. xxvii*, ita hic idem probat ex *Habacuc*, cap. *ii*, *vers. 4*, ubi dicitur: *Justus non ex lege, sed ex fide vivit*, quem locum explicavi *Rom. i, 17*.

12. LEX AUTEM NON EST FIDE (lex non docet, Vers 12
non affert fidem et gratiam, qua legem impleamus, justificemur, juste, sancte ac beate vivamus), sed (supple, tantum de lege dicitur, *Ezech. xx, 11, Levit. xviii, 9*): QUI FECERIT EA (videlicet quæ lex jubet), VIVET IN ILLIS, — id est, non punietur morte, quam lex transgressoribus intentat; sed donabitur vita et bonorum temporalium abundantia, quam lex sui observatoribus promittit. Idem dixi *Rom. x, 5*; est enim hæc epist. *ad Galatas*, epistolæ *ad Rom.*, ut dixi, quasi compendium.

Ubi nota antithesin fidei et legis. De fide dicitur: quia justus, qua scilicet talis, ex ea vivet, Antithesis fidei et legis.
puta vita justitiæ, gratiæ et gloriæ, quæ absoluta, perfecta et beata est vita. De lege vero non dicitur absolute, quod qui eam fecerit, vivet, sed, *vivet in illis, q. d.* Vivet ea vita iisque bonis, quæ præcepta legis suis promittunt, scilicet in abundantia frumenti, vini et olei (1).

13. CHRISTUS FACTUS (est) PRO NOBIS MALEDICTUM. Vers 13
— Græce *κατάρα*, maledictio, execratio. Nota:

(1) Versum 12 alii sic interpretantur: *Lex vero non suadet*, vel commendat fidem, id est, lex non est res fidei, nihil pertinet ad fidem. In lege non quaeritur an credas, sed an tu agas. Sed dicit, vel edicit: *Qui fecerit ea, vivet per ea*; sicut contra, qui non fecerit, lapidabitur, ejicietur e populo.

Nota: Cum hic et alibi dicitur legem nil pertinere ad fidem, negare nullatenus intendimus, fidem, durante lege Mosaica, aut inutilem fuisse, aut piis Judæis abfuisse. E contra Paulus suam de fide doctrinam in veteri testamento fundatam esse non semel affirmat (*Rom. iv*). De lege igitur sola atque in se spectata loquitur hic Apostolus, qualem scil. ipsi hujus temporis Judæi habebant, imo habere et intelligere poterant. Judæis enim Messiam rejicientibus, quid nisi lex sola, sine fide et gratia, supererat? Item, cum h. l. et alibi, præeunte Paulo, Interpretes negant, Judæos lege Mosaica justificari aut salvari potuisse, intellige, lege sola, seu nudis legis operibus, exclusa in Christum fide. Vid. notat. 2, pag. 73.

Quatuor
notabilia
de sup-
plicio
crucis.

Christus in se suaque persona benedictus; factus est maledictio, quatenus personam subiit peccatorum, quorum peccata et execrationes in se luendas et expiandas suscepit: non secus ac si quis debitum tertii in se suscipiat, debitor fit et dicitur; sic et hic Christus pro nobis fit et dicitur maledictum et peccatum, licet non tam proprie: nam debitum pecuniarium vere in alium transferri potest, peccatum vero in alium proprie transferri nequit, sed dicitur transcribi aestimatione et denominatione civili in eum, qui poenam peccati subit. Est ergo catachresis et metonymia.

Christus
quomodo
pro nobis
factus
maledic-
tum et
pecca-
tum?

Quemadmodum ergo, II Cor. v, 21, Christus dicitur factus pro nobis «peccatum,» id est, hostia pro peccato, cui olim manuum impositione peccata omnia imponebantur: sic dicitur hic factus «maledictum pro nobis,» hoc est, maledictus, execrabilis: quia, ut Rupertus, maledictiones humani generis Deus in Christum transposuit, ut videlicet pro nobis infame et execrabile crucis supplicium subiret, idque tum ad ostendendam peccati enormitatem, quamque peccatum sit res execranda, tum ad patientiæ omniumque virtutum exemplum, «ut non solum nullam mortem, sed etiam nullum mortis genus Christiana libertas, sicut Judaica servitus, formidaret,» ait S. Augustinus, lib. *Contra Adimant.* XXI; et Tertullianus, lib. *De Patientia*, cap. VIII: «Dominus, ait, ipse maledictus in lege est, et tamen solus est benedictus. Igitur Dominum servi consequamur, et maledicamur patienter, ut benedicti esse possimus.»

Locus
Deut.
XXI ex-
plicatus
et illus-
tratus.

QUIA SCRIPTUM EST (*Deut.* XXI, 23): MALEDICTUS OMNIS QUI PENDET IN LIGNO. — *Deut.* XXI, 23, dicitur: «Maledictus a Deo est, qui pendet in ligno,» hebraice קללת אלהים תלוי *killat elohim talui*, id est, ut Aquila et Theodotion, *maledictio Dei est suspensus*; Symmachus, *in blasphemiam Dei est suspensus*; Ebion hæresiarches semijudæus et semichristianus, ait Hieronymus; vertit, ὁ ἐν σταυρῷ ἐκτεταμένος, id est *injuria, sive contumelia, Dei est, qui pendet*; alius vertit, ληδορία, hoc est, *convictum Dei est suspensus*. Hebræa enim radix in *piel*, scilicet קלל *killal*, significat conviciari et blasphemare. Addit Hieronymus: «Dicebat Hebræus qui me docuit (Barhanina nomine), etiam sic posse verti, Contumeliose Deus suspensus est.» Paulus omittit nomen Dei. Unde S. Hieronymus putat Dei nomen in Deuteronomio olim non fuisse, sed postea ab aliquo Judæo insertum, ut infamiam nobis inureret, qui in Christum a Deo maledictum credimus. Sed hoc non videtur probabile: omnes enim codices Hebræi, Latini, Græci, et Septuaginta (teste S. Hieronymo, quos sequi solet Paulus) habent in *Deuter.* nomen Dei, vel a Deo. Paulus ergo studio Dei nomen omisit propter Judæos ac propter Galatas a Christo semiaversos, ne eos magis ab ipso averteret, si audirent eum a Deo fuisse maledictum.

Nota primo: Hinc et aliis locis, ut *Num.* XXV,

4; *Josue*, VIII, 29; II *Reg.* XXI, 9; patet Judæos, ut lapidatione, gladio, igne, ita et crucis poena in plectendis sонтibus uti potuisse, quod male negarunt nonnulli.

Secundo: Poena crucis utebantur in summis sceleribus puniendis, videlicet blasphemiae, idololatriæ, tyrannidis, uti Christum quasi Judææ regnum affectantem crucifixerunt. Hinc præ aliis sонтibus suspensi habebantur execrabiles, et maledicti a Deo et hominibus, ut hic dicitur; eratque non solum Romanis, sed et Judæis hac ex lege crux supplicium summe infame, ignominiosum et execrandum.

Hinc tertio nota: Loco *Deut.* citato, ita de cruce et suspensis sancit Deus: «Quando, inquit, peccaverit homo quod morte plectendum est, et adjudicatus morti appensus fuerit in patibulo, non permanebit cadaver ejus in ligno, sed in eadem die sepelietur: quia maledictus a Deo est qui pendet in ligno; et nequaquam contaminabis terram tuam. Quod licet Abulensis argumento a simili extendat ad lapidatos, gladio, aliove instrumento peremptos, quasi lex velit omnes occisos quolibet supplicio tanquam maledicta sepeliri ante vesperam; tamen contrarium longe verius est: lex enim præcise tantum suspensis hoc assignat et irrogat; hi enim præ aliis habebantur execrabiles.

Quæres, quæ fuerit causa hujus legis, cur videlicet voluerit Deus corpora suspensorum ante vesperam sepeliri? Respondet Andreas Masius in *Josue* VIII, 28: «Quia, inquit, cadaver hoc censetur contaminare terram: imbuunt enim homines terræ habitatores impiissima et perniciosissima mortalitatis animæ opinione, dum scilicet humana corpora hesliarum instar honore sepulture carere, negligi et projici vident.» Hæc ratio sublimior est, quam germanior: nec enim est adæquata suspensis, sed omnibus quacumque morte peremptis: lex autem jubens cadavera sepeliri, tantum de suspensis loquitur. Melius ergo Cajetanus et alii causam dant, quod scilicet vellet Deus suspensos, utpote facinorosissimos, omnino deleri de terra, adeo ut nec eorum cadavera superessent: in poenam scilicet et infamiam tantorum scelerum, ob quæ omnino interimi et quasi annihilari merebantur, utpote toti execrabiles et indigni terram tangere et afflare: sic veneficæ, incendiarii, sodomitæ flammis puniuntur, et in cineres rediguntur, quasi sceleratissimi et abominabiles, ideoque omnino de terra eradendi ac in nihilum redigendi.

Dea can-
sa ob
quas cor-
pora sus-
penso-
rum ante
vesperam
sepelien-
da sunt.

Ubi notanda est Scripturæ phrasis: solet enim dicere terram sceleribus pollui, gemere, clamare, irasci, vindictam expetere, imo habitatores suos evomere, uti de Chananæis dicit *Levit.* XVIII, 28. Per prosopopœiam enim ad majorem emphasim rei inanimæ, scilicet terræ, tribuitur vita, sensus, gemitus, ira, vomitus; ut significetur enormitas criminum incolarum terræ, quæ

tanta fuit, ut ipsa terra, elementa aliæque creaturæ irrationales suo semper creatori obediens, et pro illo pugnantes, tantos peccatores detestarentur, eosque quasi evomerent, cum illi ab ea per Deum ac Hebræos expulsi sunt: detestarentur, inquam, appetitu naturali, quo naturæ pondere in ordinem suum ac totius universi bonum, Deique vindicis voluntatem implendam feruntur, et aversantur ea quæ his sunt contraria, puta peccata: idem facturæ appetitu rationali, ac humana detestatione, si eam haberent, ejusque capaces ac compotes essent.

Denique juxta hanc legem *Deut.* Christus, utpote suspensus, eadem die qua crucifixus est, ante vesperam, quia sabbatum et requies ab operibus incipiebat, a cruce depositus et sepultus est, quanquam nec Christus, utpote innocentissimus ac injustissime ad crucem et suspendium condemnatus, hac lege *Deuter.* contineretur. Unde Hebræus ille jam dictus, S. Hieronymi præceptor, ex Hebræo prophetice ita verti posse censuit: « Non permanebit cadaver ejus (Christi) in ligno, quia contumeliose Deus suspensus est. » Nec etiam Judæi hanc legem Christi de cruce depositioni prætexerunt, sed potius indecori speciem, ne scilicet sabbati insequentis celeberrimi, utpote paschalls, decorem tam infami spectro Christi crucifixi funestarent, ut patet *Joan.* cap. xix, vers. 31.

Ubi advertit: Hæc *Deuter.* lex judicialis fuit, ideoque jam per Christi legem et mortem abrogata est, uti et aliæ omnes judiciales et ceremoniales leges veteres abrogatæ.

Moraliter ac ple S. Hieronymus hic: « Domini (Christi) injuria, inquit, nostra est gloria. Ille mortuus est, ut nos viveremus. Ille descendit ad inferos, ut nos ascenderemus in cælum. Ille factus est stultitia, ut nos sapientia fieremus. Ille se de plenitudine et de forma Dei evacuavit, formam servi accipiens, ut in nobis habitaret plenitudo divinitatis, et domini fieremus e servis. Ille pendit in ligno, ut peccatum, quod commiseramus in ligno scientiæ, ligno deleter appensus. Crux ejus amaras aquas vertit in dulcem sapor, et securim perditam, in profundumque demersam, missa in fluentia Jordanis levavit. Ad postremum factus est ille maledictio, factus, inquam, non natus, ut benedictiones quæ promissæ fuerant Abrahæ, ipso auctore et prævio transferrentur ad Gentes, et spiritus repromissio per fidem illius compleretur in nobis. » Vide et Chrysostomum et Anselmum.

VERS. 14. 14. UT IN GENTIBUS BENEDICTIO ABRAHÆ FIERET. Pendet ex vers. præced. Christus nos redemit de maledicto legis « factus pro nobis maledictum, » ut pro maledictione induceret in Gentes benedic-

tionem Abrahæ promissam: nimirum) UT POLLICITATIONEM SPIRITUS (id est, Spiritum Sanctum nos justificantem et sanctificantem, filii Abrahæ, id est credentibus, promissum) ACCIPIAMUS PER FIDEM, — qua credimus in Christum, Abrahæ filium, in quo hanc benedictionem constituit et consignavit Deus, dicens Abrahæ: « In te, » id est in semine tuo, quod est Christus, « benediceptur omnes gentes, » ut dixi vers. 8.

15. SECUNDUM HOMINEM DICO, — id est juxta morem et consuetudinem hominum loquor, Tē enim secundum respondet Hebræo *caph*, quod est nota similitudinis, significans sicut, juxta, secundum, ad instar. Sic *Job xxxi, 33*, dicitur: « Si abscondi quasi homo (hebraice *כאדם* *caadam*, id est, secundum vel juxta hominem, instar hominis, uti homines facere solent) peccatum meum; » et *Psalm. lxxxi, vers. 7*: « Vos autem sicut homines (hebraice *caadam*, id est juxta hominem, more hominum) moriemini; » et *Osee vi, 7*: « Ipsi autem sicut Adam (hebraice *caadam*, id est secundum Adam vel hominem, uti Adam fecit, et homo facere solet) transgressi sunt pactum. »

Sensus ergo Pauli est, q. d. In hac spiritali divinaque re, humano ac vulgari utor exemplo testamenti et testatoris, ut probem nos benedictionem Abrahæ jam dictam hæreditare non per legem, sed per fidem Christi, juxta Dei pactum cum Abraham initum; ut merito pudere vos debeat, o Galatæ, quod minus tribuatis Dei, quam hominis testamentis et pactis. Est hic nova et quinta ratio, petita ex Dei pacto et promissione, qua probat nos justificari, non ex lege, sed fide.

TAMEN (*tametsi*, non nisi) HOMINIS TESTAMENTUM (id est pactum, sit) CONFIRMATUM, NEMO (illud) SPERNIT AUT SUPERORDINAT, — id est immutat, aliter ordinat, et disponit ultra quam a testatore ordinatum et dispositum est, hoc est, nec demit, nec addit, nec derogat, nec arrogat. Nota: Græcum *ἐπε*, id est tamen, subinde *tametsi* significat. Unde Vatablus et alii passim vertunt, *hominis licet testamentum, tametsi sit comprobatum, nemo illud rejicit, aut aliquid illi addit.*

16. ABRAHÆ DICTÆ SUNT PROMISSIONES, ET SEMINI EJUS, — scilicet *Genes. xxi, 16* et seq., ubi dicitur: « Quia fecisti hanc rem (ut mihi obediens velles immolare filium tuum Isaac), benedicam tibi, etc., et benedicentur in semine tuo omnes gentes. » Unde colligunt interpretes Abraham hac obedientia filiique victima meruisse, ut ex sua potius stirpe, quam alia, imo ex eodem Isaac, quem immolare voluerat, nasceretur Christus, per quem omnes gentes benedicerentur, et implebantur benedictiones et promissiones Abrahæ factæ. Unde recte Apostolus docet hic promissiones has factas Abrahæ et semini, id est filio, videlicet Christo ex Abrahæ semine nascituro. Licet enim *Genes. cap. xxi*, tantum dicatur eas Abrahæ factas in semine, non autem et semini ejus: hoc ipso tamen, quo factæ sunt Abrahæ in semine, non tam

VERS. 15.

Benedictio Abrahæ non per legem sed per fidem nobis data.

VERS. 16.

Abraham sua obedientia meruit Christum nasci ex suo semine.

Abrahæ, quam semini ejus factæ sunt; non secus ac si rex Comiti promittat ac dicat: In filio tuo exaltabo familiam tuam, faciamque eum Ducem et Principem; non tam Comiti, quam Comitis filio benedicit, et Ducatum familiæque exaltationem pollicetur: ita et hic Deus dicens Abrahæ: «In semine tuo benedicentur omnes gentes,» non tam personæ Abrahæ, quam Christo hanc benedictionem, hoc est justificationem ac salutem gentium omnium, pollicetur, illarum scilicet, quæ Christi fidem amplectentes Christo credent et obedient.

NON DICIT: ET SEMINIBUS, QUASI IN MULTIS; SED QUASI IN UNO: ET SEMINI TUO, QUI EST CHRISTUS. — Dices: Semen idem est, quod posteritas et posterij; ergo multos significat numero etiam singulari: est enim collectivum nomen sicut populus; quomodo ergo Apostolus concludit: Dicit Scriptura *semini*, non *seminibus*; ergo in uno, scilicet Christo, non in multis, Abrahæ promissiones implentur?

Respondeo: *Semen* subinde collectivum est, et posteros omnes significat, ut cum dicitur: «Erit semen tuum sicut stellæ cæli;» subinde vero certam tantum personam significat, idque ex adjunctis colligi debet: sic sumitur *Gen.* cap. XXI, vers. 13: «Sed et filium ancillæ tuæ (Ismael) faciam in gentem magnam, quia semen tuum,» id est filius tuus, «est;» sic et hic debere sumi patet, tum ex S. Pauli hoc loco, et communi omnium interpretum, veterumque Rabbiorum expositione, qui omnes per *semen* hoc intelligunt Christum, per quem Deus omnes gentes benedicit; tum quia alioqui, si *semen* priore significatione ut collectivum acciperetur hic, falsa esset hæc prophetia et promissio: constat enim in posteritate Abrahæ, id est, in populo Judaico, omnes gentes non esse benedictas, imo Judæos aliæ omnes gentes aversabantur, erantque Judæi probrum et maledictum Gentium (1).

Vers. 17. 17. HOC AUTEM DICO, TESTAMENTUM CONFIRMATUM A DEO: QUÆ POST QUADRINGENTOS ET TRIGINTA ANNOS FACTA EST LEX, NON IRRITUM FACIT AD EVACUANDAM PROMISSIONEM. — *q. d.* Si, ut dixi vers. 13, hominis testamentum et pactum nemo irritare audet aut potest: multo ergo minus testamentum, id est pactum Dei cum Abrahamo initum, «in Christum» (ut addunt Græca), id est de Christo omnes gentes benedicturo, irritare potuit lex longe posterior, utpote quæ demum post 430 annos ab hac promissione data est in Sina. Ita OEcumenius.

Nota: Hic et alibi hæc tria, scilicet Hebræum *ברית* *berit*, Græcum *διαθήκη*, et Latinum *testamentum*, idem sunt, significantque quodvis pactum. Hoc enim adæquate in Scriptura significat He-

bræum *berit*, quod Septuaginta vertunt *διαθήκη*, scilicet ut sit idem quod *συνθήκη*. Ita Hieronymus, Chrysostomus, Theophylactus, OEcumenius. Idem ex Aristophane et Demosthene ostendit Budæus, de quo plura dixi I *Cor.* XI, 25. S. Augustinus tamen proprie capit hic testamentum Dei: «Quia, inquit, quod mors testatoris valet ad confirmandum testamentum, hoc incommutabilitas promissionis Dei valet ad firmandam suam promissionem.»

QUÆ POST QUADRINGENTOS ET TRIGINTA ANNOS FACTA EST LEX. — Gravis hic quæstio est de hisce annis, unde inchoari debeant: nam de fine et termino illorum satis constat, terminari scilicet illo anno, quo data est lex Judæis in Sina per Moysen, ut hic dicitur. Videtur enim hic Pauli annorum computus pugnare cum *Exod.* XII, 40, ubi dicitur: «Habitatio autem filiorum Israel, qua manserunt in Ægypto, fuit quadringentorum triginta annorum;» habitare enim coeperunt in Ægypto cum Jacob, urgente fame, vocatus a Joseph filio eo descendit. Ab hoc Jacobi in Ægyptum descensu usque ad exitum Hebræorum ex Ægypto, sunt 430 anni, quomodo ergo Apostolus ab Abraham totidem tantum numerat, cum ab Abraham usque ad descensum hunc Jacobi effluerint plusquam ducenti anni, et consequenter ab Abraham usque ad exitum Hebræorum ex Ægypto non tantum 430, sed 630 numerare debuisset?

Dico breviter cum Augustino, Quæst. XLVII in *Exod.*, cum Athanasio, vel potius Anastasio in *Synopsi S. Scripturæ*, in *Exod.*, cum Eusebio in *Chronico*, cum Ruperto, Abulensi, Cajetano in *Exod.* XII, eosdem esse annos quos Paulus hic numerat, cum illis quos Moses computat loco *Exod.* citato, scilicet cap. XII, vers. 40, ac utrosque inchoandos esse non a descensu Jacobi in Ægyptum, sed ab anno 75 Abrahami, quo anno Abraham evocatus a Deo cepit a domo ac patria sua, Haran scilicet, peregrinari versus terram Chanaan: hoc enim anno 75 vitæ suæ benedictiones et promissiones illas, de quibus hic Apostolus, accepit, ut patet *Gen.* XII, initio capituli.

Patet hoc primo: nam clarum est Hebræos a descensu Jacobi non habitasse 430 annos in Ægypto, ex eo quod Caath descendit cum avo suo Jacob in Ægyptum, Caath autem vixit 133 annos, cujus filius Amram 137 annos vixit. Ille Amram genuit Moysen, Moysis autem anno 81 egressi sunt Hebræi ex Ægypto. Quæ omnia patent *Exod.* VI, 18 et 20, et *Exod.* VII, 7; quos annos si simul omnes jungas, non summam 430, sed 351 tantum conficiet. Ab hisce vero annis demendi sunt anni Caath, quibus vixit postquam genuit Amram, et anni Amram, quibus vixit postquam genuit Moysen: illi enim anni Caath in annis Amram, et reliqui illi anni Amram in annis Moysis, quibus patri suo Amram convixit, continentur. Hinc sequitur hos annos 430 *Exod.*, non a descensu Jacob, sed longe antea, a peregrina-

et Lat-
num
Testa-
mentum
idem
sunt et
signifi-
cant.

Unde in-
choandus
computus
horo-
rum an-
norum?

Inchoan-
da com-
putatio
ab anno
75 vitæ
Abrahami,
quo
ipse avo-
catus a
Deo est
a patria.

(1) Recentiorum multi *et semen* interpretantur *Christiani*, et *Christus* à. i. tropice sit intelligendus de ejus discipulis, non Ecclesiæ, quod a Paulo inæquentatum esse nemo inficias ibit, perinde ac *Israelis* nomen de Israelitis sæpe usurpatur.

natione scilicet Abrahæ ex Haran versus Chanaan, arcessendos et inchoandos esse, idque diserte exprimunt Septuaginta, *Exod.* cap. xii, cum vertunt : « At habitatio filiorum Israel, quam habitaverunt ipsi et patres eorum in terra Ægypti et Chanaan, fuit quadringentorum triginta annorum. »

Secundo. Prob. *secundo*, quia Apostolus hic post 430 annos non a Jacobi, sed ab Abrahæ vocatione, peregrinatione et promissione numerandos, factam ait legem : atqui lex eodem anno est data, quo egressi sunt Hebræi ex Ægypto, mense videlicet tertio post egressum, ut dicitur *Exod.* xix, 1. Vide quæ dixi *Exod.* xii, 40.

Vers. 18. 18. NAM SI EX LEGE HEREDITAS (si ex lege Mosis hæredes efficitur benedictionis Abrahæ, hoc est iustitiæ et salutis, ergo) NON EX PROMISSIONE. — Sed hoc est falsum, quia hanc benedictionem donavit Deus per repositionem, promittens scilicet Abrahæ semen, id est Christum, in quo, et per quem omnes gentes quæ in eum crederent, benedicerentur; si ex promissione Christi, ergo ex fide Christi, non ex lege Mosis hæc benedictio Abrahæ promissa gentibus omnibus obligit : promissio enim jam dicta fidem Christi involvit, uti patet eam perlegenti.

Vers. 19. 19. QUID Igitur lex? — Ad quid lex post promissionem subinducta fuit, si Dei non explet promissionem, si promissam Abrahæ benedictionem non complet? Respondet, legem a Deo positam et datam esse propter transgressionem, scilicet puniendas et coercendas, ait Hieronymus et Chrysostomus; hoc enim directe intendit legislator Deus, cum legem tulit; indirecte vero, ut ait Augustinus, propter transgressionem, scilicet declarandas, posita est lex, ut nimirum populus superbus, visa lege, agnosceret peccata sua quæ contra legem committit, sibi que Christi gratia opus esse ad eam implendam; itaque lex tacite homines ad Christum transmittit. Unde subdit:

Lex homines transmittit ad Christum.

DONEC VENIRET SEMEN (hoc est Christus) cui PROMISERAT, — Deus scilicet, per eum benedicendas esse gentes, hoc est justificandas, ut pie deinceps ac juste vivere, legemque implere possint. *g. d.* Data est lex quasi pædagogus noster, usque ad Christum; ergo Christo jam præsentem, officio suo perfuncta est, quid ergo ulterius eam prorogare vultis, o Judæi? Ita Chrysostomus.

PROPTER TRANSGRESSIONES POSITA EST, — *δια τῶν*, disposita est suo ordine, uti miles suo loco et ordine in acie a duce disponitur : sic et lex suo et apto ordine, tempore, loco, modo disposita, et quasi in acie ordinata fuit.

Primo, suo ordine, quia inter legem naturæ et Evangelium, quasi media intercessit : quia perfectior fuit lege naturæ, sed imperfectior Evangelio, fuitque via et præparatio ad Evangelium.

Secundo, suo tempore, quia populo illi rudi, mox ut Ægypto eductus in unam gentem rem-

publicam et ecclesiam ab aliis gentibus separatam coalescere cœpit, data est lex, ne ad idololatricam et libertatem aliarum gentium diffunderetur.

Tertio, suo loco, quia in Sina ante ingressum in Chanaan facta est quasi conditio fœderalis : promisit enim Deus se Hebræos in Chanaan inducturum, eamque illis in possessionem traditurum, si legem quasi prævium duce sequerentur, eamque quasi pacti ac fœderis conditionem observarent.

Quarto, suo modo, quia legem illam angelus ex Sina voce tubali, cum terrifico terræ motu, fulguribus ac tonitru totius populo proclamavit et promulgavit, quasi legem timoris et terroris, ad duos ac rebelles Judæos quasi servos ejus metu et poenis in officio continendos. His quatuor modis exterius ordinata fuit lex.

Quinto, interius ordinata fuit, quia ipsa legis præcepta rectissime ordinata sunt, ordinabantque Hebræos *primo*, ad Deum per cæremonias et sacrificia rite colendum; *secundo*, ad proximum non lædendum, vel, si læsus esset, ad ei juste satisfaciendum per leges judiciales; *tertio*, ad hominem in seipso rite componendum per leges morales decalogi.

Consequenter simili modo longe ordinatior fuit lex nova Christi, quæ veteri successit. *Primo*, quia data fuit suo ordine, ultimo scilicet loco quasi perfectissima, et apex legum omnium.

Secundo, suo tempore, ultima scilicet mundi ætate, cum venit Christus ejus legislator, data est et promulgata in Pentecoste, quinquagesima scilicet die a Paschate, quæ plenæ remissionis, libertatis, felicitatis, æternitatis æternique jubilei est symbolum.

Tertio, suo loco, scilicet non in Sina, sed in Sion, quæ typus est ac quasi specula gloriæ cœlestis, ad quam hæc lex nos inducit, de quo cap. sequenti.

Quarto, suo modo, quia cum spiritu vehementi, et linguis igneis, Spiritusque Sancti efficacia ac zelo prædicandi, et convertendi gentes quaslibet, data et lata est, quasi lex igniti amoris et incensæ charitatis.

Quinto, quia in se ordinatissima est per præcepta fidei, spei, iustitiæ, charitatis et Sacramentorum.

ORDINATA PER ANGELOS. — Hinc patet, Deum non per se locutum fuisse Mose, sed per angelum, qui tamen Dei personam sustinuit, loquiturque quasi Deus, cum ait : « Ego sum Dominus Deus tuus, » *Exod.* xx, 2 : sicut legatus regis loquitur in persona, nomine et auctoritate regis sui. Angelus ergo vice Dei immediate legem decalogi ex Sina promulgavit toti populo, *Exod.* xx. Alias vero cæremoniales leges de fabrica tabernaculi, arcæ, Cherubim, de sacrificiis, de lustrationibus, quæ Levitico enarrantur, et judiciales, quæ *Exod.* xxi, 22, et sparsim in Pentateucho præscribuntur, angelus cum Mose in Sina collo-

Deus per angelum tradidit decalogum aliasque leges.

Sic et lex nova quintuplici modo fuit ordinata.

quens Mosi tradidit, ut ipse eas populo promulgaret (1).

IN MANU MEDIATORIS. — Nota hebraismum *in manu*, id est *per*, *q. d.* Per mediatorem: quia enim manus est membrum per quod operatur homo, et quasi organum organorum, hinc *manum* Hebræi vocant quodvis instrumentum per quod Deus, vel angelus, vel homo operatur: sic dicitur verbum Domini factum in manu Eliæ, Isaïæ et aliorum Prophetarum, id est per Eliam, Isaïam et alios Prophetas tanquam Dei organa et instrumenta.

MEDIATORIS. — *Μεσίτης*, Vatablus, *intercessoris*; Erasmus, *conciliatoris*; Noster ad verbum et adæquate vertit, *mediatoris*: mediator enim latius patet quam conciliator; qui enim mediat inter duos et intervenit, sive quasi internuntius, sive quasi interpres, sive quasi conciliator, utriusque dicitur mediator.

Quæritur, quis hic intelligatur *mediator*? S. Hieronymus, Chrysostomus, Augustinus, Ambrosius, intelligunt Christum Dominum: licet enim Christus tempore Mosi necdum esset actu, ac consequenter necdum mediator esset, erat tamen in decreto et destinatione Dei, *q. d.* Lex vetus data fuit potestate et auctoritate Christi mediatoris jam prædestinati a Deo: ergo sicut in Christi potestate fuit legem per Moysen dare, ita et in ejusdem potestate fuit eandem per se jam natum abrogare.

Secundo et melius Cyrillus, lib. XII *Thesauri*, cap. x; Nazianzenus, *orat.* 6 coram Gregorio Nysseno; Catharinus, Adamus et alii, immo et Beza, intelligunt Moysen, qui *Deut.* v, 5, dicit se sequestrum fuisse et medium inter Deum et populum.

Patet *primo*, quia Christus dici non potest mediator ut Deus, sed ut Deus homo factus; atqui tempore Mosi necdum erat homo: ergo necdum dici poterat mediator. Major patet, quia Christus, qua Deus tantum, sicut et qua homo tantum, pars est et alterum extremorum: ergo ut sic, mediator non est, sed ut est Deus homo: ut enim est Deus homo, sic utramque partem et extremum, scilicet tam Deum, quam hominem in se quasi medio junxit et univit, atque qua Deus, mediatoris auctoritatem et dignitatem; qua homo, mediatoris opera, passiones et merita exercuit.

Dices: Tempore Mosi Christus erat non actu, sed potestate et prædestinatione Dei. Contra, Apostolus mediatorem hic intelligit non potestate, sed actu; quia per mediatorem hunc dicit ordinatam esse legem veterem, actu scilicet cum illa

lex data est Hebræis; atqui Christus, utpote necdum existens, non potuit illam legem ordinare cum data est Hebræis in Sina: ergo non potuit tunc esse mediator illius legis; quod enim non est, operari non potest, aut quidquam ordinare.

Secundo, *τὸ per angelos in manu mediatoris* significat angelos per ministerium mediatoris dedisse legem; atqui Christus dici non potest minister angelorum, sed angelorum dux est et princeps, *ad Hebr.* i: ergo hic mediator non est Christus.

Tertio, lex vetus proprie data est per Moysen, sicut nova per Christum: ergo sicut Christus novæ legis et novi Testamenti est mediator, ita Moses veteris.

Quarto, id docet Apostolus *ad Hebr.* cap. viii, *Quarto*, vers. 5 et 6, et cap. ix, vers. 15, 19 et 20.

Quod nota contra Novantes; si enim Moses dicitur *μεσίτης*, id est *mediator*, sine Christi mediatoris injuria, ut etiam Beza fatetur, mediator, inquam, non quia conciliator, pacificator et redemptor Hebræorum fuit, sed quia eorum internuntius fuit apud Deum: cur non magis Sancti mediatores nostri, sine Christi mediatoris et redemptoris injuria, dici possint, qui suis meritis et precibus gratiam Dei nobis conciliant? Mirum sane est Novantes ita de hoc nomine tricari, et plebi fucum et umbras facere, cum de sensu et re ipsa, imo et de nomine, ut hic patet, constet.

Sensus ergo Apostoli est, *q. d.* Lex vetus ab angelis data est, et lata per Moysen, nova vero per Christum ipsum, qui Deus est et homo, quique uti qua Deus legem veterem per Moysen tulit, ita potuit eandem, cum natus est homo, per se abrogare, ut juxta promissiones Abraham factas, in semine ejus, hoc est, in seipso ex Abraham nato, Gentes omnes benediceret, id est justificaret et salvaret.

20. **MEDIATOR AUTEM UNIUS NON EST,** — sed duorum, scilicet populorum, puta Judæorum et Gentium mediator est Christus, ait Ambrosius.

Secundo, « mediator Christus unius non est, » nature scilicet, sed duarum, puta humanæ et divinæ.

Tertio, « mediator (Moses) unius non est, » scilicet voluntatis, decreti et consilii, sed est mutabilis, quia homo est; Deus autem in sua voluntate et promissione est immutabilis. In hanc propendit Adamus; sed hæc omnia remota sunt a phrasi Scripturæ, et mente ac scopo Apostoli: ergo, etc.

Quarto, et melius, « mediator est Christus, non unius, » sed duorum, non Deorum, quasi unus sit Pater, alter sit Filius, uti commenti sunt Arius et Nestorius: Deus enim unus est et idem, non duo. Non etiam Christus mediator est duorum, scilicet Dei et angelorum, ut videlicet angelos Deo conciliet, quia angeli sancti eo non indigent, demones vero, utpote damnati, eo juvari non possunt: sed mediator duorum, vel inter duos, videlicet Deum et homines, *q. d.* et inferat: Ergo

(1) Angelorum in lege ferenda commemoratio hanc habet vim, ut intelligatur id, quod est universa oratione Pauli tractatum, parum auctoritatis habere Mosaicam legem, si comparetur cum Evangelio, quod ab ipso Dei Filio hominibus propositum sit. Nec alia de causa addita sunt sequentia, *in manu Mediatoris*, scil. Moysis. Ergo stat promissio Abraham facta a Deo ipso, absque angelorum aut hominis cujusdam ministerio.

non lex, sed Christus nos homines redimit, justificat Deoque reconciliat. Ita Augustinus, Theophylactus, Anselmus.

Quinto et planissime, hæc videtur Apostoli esse mens, ut *mediatoris* nomen explicet, *q. d.* Mediator, quem dixi, Moses, « non est unus, » sed duorum certorum et determinatorum, Dei scilicet et Hebræorum, non autem Christianorum (ad quos vel maxime spectat benedictio, id est justitia et salus, Abrahæ promissa) Moses fuit mediator et interpres: Deus vero unus est, non duo. Itaque in hisce verbis vim argumenti non ponit Apostolus, nisi oblique et inchoate, sed tantum in iis explicandis ludit per antithesin, ut scilicet opponat mediatorem, qui duorum est, Deo, qui unus est, in quo facit præcipuam vim, uti jam dicam.

DEUS AUTEM UNUS EST, — *q. d.* Non sunt duo dii, quorum unus sit Deus legis et Judæorum, alter sit Deus Abrahæ et Christianorum, uti vulerunt Manichæi et Judæi: sed unus est Deus Judæorum et Christianorum, idem auctor legis et Evangelii, ac consequenter hic unus et idem Deus per legem, quam dedit Judæis, noluit promissionem suam Abrahæ factam revocare, de benedictione nimirum et justitia acquirenda per semen Abrahæ, id est per Christum Christique fidem et Evangelium: alias enim fuisset inconstans et sibimet contrarius: quod vel cogitare est impium; sed potius legem dedit, ut per eam quasi pædagogum ad Christum nos perduceret, ut a Christo benedictionem et justitiam Abrahæ promissam consequeremur. Unus ergo idemque Deus fecit Mosen mediatorem inter se et Hebræos; modo eo revocato alium, puta Christum, fecit mediatorem inter se et Christianos omnium gentium, atque per Christum benedixit et justificavit omnes Gentes, uti promiserat Abrahæ.

Hunc esse sensum Apostoli patet ex simili loco I *Tim.* II, 5, ubi ex eo quod unus est Deus omnium gentium et hominum, probat illum velle omnes homines salvos fieri, et ex eodem principio deducit quod unus sit mediator Dei et hominum homo Christus Jesus, *q. d.* Deus vult non solos Judæos, sed et omnes Gentes salvas fieri. Rursum non soli Judæi, sed et omnes Gentes in peccatum prolapsæ indigent redemptore et mediatore. Is autem non potest esse Moses, utpote qui tantum Judæorum fuit mediator; ergo is sit Christus oportet: illi ergo Moses cedere debet. Christus enim est semen illud Abrahæ, in quo promisit Deus benedicendas esse omnes Gentes. Ita Genhadius apud Oecumenium, et ex eo Salmeron (1).

(1) Alia in explicando vers. 20 excogitarunt hodierni Interpretes, quæ omnino omittere ingratum forsitan esset. Noesseltus sic explicat: *Ille autem* (Moses nempe) *mediator illius unius* (prolis Abrahamicæ) *non est; Deus autem est unus* (communis omnium) *Deus*, ut sensus sit: Internuntius iste, Moses, unius Israeliticæ gentis, sine eorum liberorum Abrahami causa erat constitutus,

21. LEX ERGO ADVERSUS PROMISSA DEI? — Occurrit objectioni, ut recte Hieronymus, cujus occasionem dedisse videtur vers. 19, cum ait: « Lex propter transgressionem posita, » vel, ut græce *πρὸς τὴν ἐπίληψιν*, *adjuncta est*, « donec veniret semen; » inde enim quis colligat: Si lex promissioni adjuncta est, et quasi adrepsit, videtur quod sibi usurparit officium vivificandi et justificandi homines, ut scilicet illud, quod promissio continebat, exequeretur, eoque fungeretur donec veniret Christus; ad quid enim aliud adjungeretur promissioni? ad quid aliud præverteret Christum? nisi, ut tu ipse ais, *propter transgressionem*, scilicet abolendas per viva virtutum opera, quæ lex præscribit, ut iis justificemur. Quod si ita est, ergo lex adversatur promissis Dei: Deus enim hanc vivificationem et justificationem promisit fidei in Christum, non legi, imo hoc ipso ab ea legem exclusit.

Hunc esse sensum, patet ex sequent. Hanc enim interrogationem et objectionem excludens subdit: « Absit, » id est hoc de lege dici non potest. « Si enim data esset lex, quæ posset vivificare, vere ex lege esset justitia, » *q. d.* Lex non potest vivificare; ergo non est contra Dei promissa, quæ vitam spiritalem promittunt dandam per Christum. Antecedens probatur, quia si lex vivificare posset, posset et justificare: hoc autem non potest, quia « conclusit Scriptura omnia sub peccato, ut promissio ex fide Jesu Christi daretur credentibus. » Lex itaque tantum data est, ut esset pædagogus noster ad Christum, ut ex fide justificaremur, *q. d.* Cum dixi legem positam propter transgressionem, intellexi, ut scilicet eas metu pœnæ coerceret, ne in opus externum prorumperent, non autem quasi internam concupiscentiam potuerit sola lex compescere, suggerendo spiritum vitalem gratiæ, quo vivaci amore, gratia et spiritu legem impleamus.

ABSIT, — *q. d.*, ait Anselmus: Fieri hoc nequit ut dederit Deus legem, quæ adversaretur promissis suis, quia jam in hoc sibi ipsi Deus foret contrarius; nunquam lex subsequens adversata est precedentibus promissis, sed ut homines digne se præpararent ad ea a Christo Christique fide accipienda, jugiter admonuit: hactenus Anselmus. Ergo lex non est contraria promissioni, sed potius eam juvat, stabilit et firmat.

SI ENIM DATA ESSET LEX, QUÆ POSSET VIVIFICARE, VERE EX LEGE ESSET JUSTITIA. — « Vivificare, » hoc est, animæ vitam, nempe justitiam, tribuere: sed quia ex vita hac infert justitiam quasi distinctam,

Vers. 21.
In lege non est vivificatio, sed in fide Christi.

Vivificare est interna charitas.

qui proprie essent tales, seu ab eo generati; propter alterum genus, hoc est, gentium, seu fide similitum Abrahami nullo modo, id est, quoad gentes nullum suscepit negotii, nec iis edidit legem: ex quo fit, ut gentes, quibus tamen Abrahamo promissa sunt destinata, Mosis et legis ab eo latæ interventu gratiosæ esse Deo non possint. *Deus autem est unus* communis omnium Deus. Itaque quum gentibus non sit prospectum per Mosen, alia est ad salutem via, alio opus internuntio, Christo.

his et hinc secundo et melius, «vivificare» est facere ut
virtu- viva sint hominis opera : quod fit dum homo vitali-
tum ope- talia opera et actiones virtutum ex interno chari-
ta ope- tatis et gratiæ spiritu exercet. Argumentatur ab
cetera. effectu ad causam, a vitali scilicet opere ad vitam,
sive animam; sicut enim recte sequitur: Hic homo
comedit, loquitur, discurret; ergo habet animam
et vitam: ita similiter, si lex posset in nobis vi-
talia spiritus opera edere, sequeretur posse eum-
dem nobis spiritum charitatis et gratiæ, ipsam-
que justitiam tribuere; nec enim opera spiritus
edidicerive possunt sine spiritu, sicut nec opera
vite sine anima.

Vers. 22. 22. SED (ex lege non est justitia, quia) CONCLU-
SIT (id est declaravit, et sententiæ suæ auctoritate
pronuntiavit) SCRIPTURA OMNIA (id est omnes con-
cludi) SUB PECCATO, — hoc est, omnes esse pecca-
tores, peccati reos, peccato obnoxios. Est hebrais-
mus: verbum reale ponitur pro mentali vel vo-
cali, juxta Can. 36. Scripturam hoc concluden-
tem et pronuntiantem citat Rom. III, 9. Nota: ad
auxesin pro omne dicit «omnia.»

Ut PROMISSIO (promissa Abrahæ benedictio, id
est justitia, salus et hereditas) EX FIDE (hoc est
per) CHRISTI (fidem) DARETUR CREDENTIBUS. — Ita
Anselmus.

Vers. 23. 23. PRIUS AUTEM QUAM VÉNIRET FIDES, SUB LEGE
CUSTODIEBAMUR CONCLUSI (quasi servi in disciplina,
in custodia et carcere onerosæ legis, quæ suis
pœnis quasi cancellis et septis nos a peccato
continebat et coercerat) IN EAM FIDEM, QUÆ REVE-
LANDA ERAT, — ut scilicet per legis reprehensio-
nem, minas et ostensionem pœnarum formare-
mur, præpararemur, aspiraremus ad fidem, li-
bertatem et justitiam per Christum dandam. Ita
Anselmus et Theophylactus.

Vers. 24. 24. ITAQUE LEX PÆDAGOGUS NOSTER FUIT. — «Pæ-
dagogus, » id est puerum agens et ductans, ait
Hieronymus. Græcis dicebatur servus, qui puerum
quocumque iret, ducebat, curabat, regebat, qui-
que primam ejus ætatem lascivientem, et in vitia
proclivem, virgis coercerat, formabat, disciplinis
puerilibus imbuebat, et ad altiora præparabat.
Talis fuit lex, quæ Hebræos quasi pueros instituit,
coercuit, formavit, præparavit.

Lex est IN CHRISTO (græce αὐτῷ, ad Christum) UT
pædago- FIDE (ejus renati) JUSTIFICEMUR. — Pulchre per pro-
sus ho- sopopœiam pædagogi personam tribuit legi et
mines ducens ab Chris- MOSI; fidei vero et Christo personam Patris, quia
tum. Christi fide renascimur, fimusque Christi ac Dei
filii, atque ex parvulis, quales eramus sub lege,
subito quasi transformamur in ætatem, staturam
et formam virilem.

Vers. 26. 26. OMNES ENIM (sive Judæi, qui fuistis sub lege,
quasi pædagogo; sive Gentiles, qui hoc pæda-
gogo caruistis, hoc ipso, quo credidistis per fi-
dem Christi) FILII DEI ESTIS. — Nota: Conjunctio
Christia- causalis enim causam significat cur non simus
ni pæda- sub lege, quasi pædagogo, quia scilicet sumus
gogo, id filii Dei. Pueri enim cum sint quasi servi, ut ait
est lege, non
egent.

cap. IV, vers. 1, imo quasi animalia et bestiolæ,
quæ solo sensu reguntur, pædagogo egent; qui
vero sunt pueritiam hanc transgressi per fidem
Christi, factique filii Dei, creverunt in virum per-
fectum: ridiculum ergo esset eos quasi infantes
adhuc et pueros pædagogo, id est legi, subjici:
perinde enim esset, ait Theophylactus, ac si, cum
dies illuxerit, solem quis videre nolle, scilicet
cernam. Id magis explicat Apostolus initio cap.
sequent. Pungit Judaizantes, q. d. Christus quasi
pater nos quasi filios adultos regit et provehit,
quid ergo ad legem et Mosem quasi pædagogum
recurritis? quid rursum tanquam pueri ferulæ
manum subditis?

PER FIDEM QUÆ EST IN CHRISTO, — in Christum;
idem enim est credere Christo, in Christo et in
Christum, ut dixi cap. II, vers. 16.

OMNES ENIM ESTIS FILII DEI PER FIDEM. — Non so-
lam, sed baptismo, ut patet vers. seq., et aliis fidei
actibus declaratam et protestatam. Vide Can. 3.

27. QUICUMQUE ENIM IN CHRISTO (hoc est, in fide
ac baptismo Christi, non Mosis, non Joannis Bap-
tistæ baptismo) BAPTIZATI ESTIS. — Nota: Mutat
personam primam in secundam; vers. enim præ-
ced. dixit, non sumus, scilicet nos Judæi, sub pæ-
dagogo: hic autem in secunda dicit, omnes enim
estis, quia a se et Judæis transit ad alios, Galatas
videlicet et Gentes.

CHRISTUM INDUISTIS, — copiosam Christi gra-
tiam, dona, virtutes accepistis in baptismo, iis
quasi veste circumfusi et amicti estis (Hebræis
enim induere significat copiose et abunde aliqua
re perfundi et imbui, ut dixi Can. 28), ita scili-
cet ut facti sitis consortes divinæ naturæ et filia-
tionis, ac consequenter divinarum operationum,
per quas Christus in vobis moribusque vestris
releceat, «ut conversatio vestra quasi vestis
splendida sit sanctitas Christi et christianitatis, »
ait Anselmus.

Hinc secundo et melius: sicut materia formam,
corpus animam quasi vestem substantialem in-
duat, ut ea suam deformitatem, nuditatem et ru-
ditatem tegat et ornet; ita vos in baptismo Chris-
tum per gratiam induistis, ut Christi spiritus sit
quasi forma et anima vestra; ac consequenter ad
unam cum Christo cognitionem, compositionem
et filiationem reducti estis, ut, sicut Christus
Filius Dei est per naturam, ita vos sitis filii Dei
per gratiam et adoptionem. Ita Chrysostomus et
Theophylactus. Vult enim (ut patet ex rationali
enim) probare eos esse filios Dei ex eo quod
Christum, qui Filius Dei est naturalis, induerint,
sintque unum cum ipso, et quasi ipse Christus:
de quo dixi I Cor. XII, 12.

Nota efficaciam baptismi, quod non tantum
gratiam et dona, sed et ipsum Christum nos in-
duat, ut ait Apostolus, eoque nos vestiatur et or-
net. Quid ad hæc Novantes, qui docent baptismum
nudum esse signum justitiæ per fidem acceptæ?
Pulchre de hac veste baptismali Christi tum in-

Vers. 27.

Duplex
hujus
loci ex
plicatio.Efficacia
baptismi
contra
Novantes
demon-
stratur.

terna et spiritali, tum externa et corporali, quæ pulcherrima adultis olim, in baptismo dabatur in signum et symbolum internæ, S. Agnes apud S. Ambrosium, *serm.* 90 : « Ornavit me, inquit, inestimabili dextrocherio, dextram meam et colum meum cinxit lapidibus pretiosis, tradidit auribus meis inestimabiles margaritas, et circumdedit me vernantibus atque coruscantibus gemmis; posuit signum in facie mea, ut nullum præter ipsum amatorem admittam; induit me cyclade auro texta, et immensis monilibus ornavit me. » Et infra : « Jam mel et lac ex ore ejus suscepi; jam amplexibus ejus castis astricta sum; jam corpus ejus corpori meo sociatum est, et sanguis ejus ornavit genas meas, » scilicet Eucharistia, quæ olim baptizatis dabatur, ut perfecte unirentur et incorporarentur Christo : iisdem dabatur lac et mel in symbolum suavitatis Christi et legis Christianæ, quam inibant.

Vers. 28. 28. NON EST JUDEUS, NEQUE GRÆCUS. — Supple, « in Christo, » ut sequitur, id est in christianismo, ait Hieronymus. In baptismo et fide Dei jam dicta nulla apud Deum est differentia generis, conditionis aut sexus : sed omnes, sive Judæi, sive Græci, id est Gentiles; sive servi, sive liberi; sive mas-

culi, sive feminæ, unum sunt corpus mysticum, scilicet Ecclesia, cujus caput est Christus.

Secundo, et aptius, *unum*, vel, ut Chrysostomus legit, *unus estis*, id est unam formam, unam vitam et animam, quasi vestem jam dictam, unam eandemque figuram, scilicet non angeli alicujus, sed Christi, induistis et habetis omnes, puta fidem, charitatem Christique mores, ut videamini omnes esse unus homo, esse unus Christus. Ita Chrysostomus, Theophylactus et Anselmus, qui inquit : « Unum estis unitate fidei et charitatis Christi, » *q. d.* Apostolus : Nihil ergo Judæi ex judaismo peculiare habent, quo ipsi vos Galatas aliosque Gentiles invitent ad judaismum, cum tantum ex Christo et christianismo participent Gentes, quantum Judæi.

Vers. 29. 29. SI AUTEM VOS CHRISTI (scilicet quasi capitis estis membra, et quasi animæ estis corpus mysticum jam dictum), ERGO (uti Christus, ita et vos) SEMEN (id est filii) ABRAHÆ ESTIS, — ac consequenter benedictionis Abrahæ promissæ, id est, justitiæ et salutis, estis hæredes. Unde clarius et apertius sic præcedentia legit Ambrosius : « Si ergo vos unum estis in Christo, ergo semen Abrahæ estis. »

Duplex horum verborum intelligentia.

CAPUT QUARTUM.

SYNOPSIS CAPITIS.

Prosequitur id quod dixit in fine cap. III, scilicet Judæos quasi parvulos et servos sub lege quasi tutore et pædagogio fuisse : Christianos autem quasi filios jam adultos non lege, sed spiritu adoptionis agi, et clamare, Abba Pater; ac proinde indignum esse si ad infirma et egena legis elementa revertantur.

Secundo, vers. 13, ostendit, quanta aviditate, studio et reverentia Galatæ se, suamque prædicationem antea complexi sint, ut pudeat eos, si tam leviter ab ea resiliant.

Tertio, vers. 21, novum argumentum adfert ex allegoria Abrahæ, cujus ex Sara libera filius et hæres Isaac significabat Christianos, quasi ingenuos Dei filios, liberos esse a lege veteri, et benedictionis Abrahæ fore hæredes : Ismael vero ex serva Agar genitus et ejectus, significabat judaizantes a benedictione Abrahæ Deique excludendos.

1. Dico autem : Quanto tempore hæres parvulus est, nihil differt a servo, cum sit dominus omnium; 2. sed sub tutoribus et actoribus est usque ad præfinitum tempus a patre : 3. ita et nos cum essemus parvuli, sub elementis mundi eramus servientes. 4. At ubi venit plenitudo temporis, misit Deus Filium suum factum ex muliere, factum sub lege, 5. ut eos, qui sub lege erant, redimeret, ut adoptionem filiorum reciperemus. 6. Quoniam autem estis filii, misit Deus Spiritum Filii sui in corda vestra clamantem : Abba, Pater. 7. Itaque jam non est servus, sed filius. Quod si filius, et hæres per Deum. 8. Sed tunc quidem ignorantes Deum, iis, qui natura non sunt dii, serviebatis. 9. Nunc autem cum cognoveritis Deum, imo cogniti sitis a Deo : quomodo convertimini iterum ad infirma et egena elementa, quibus denuo servire vultis? 10. Dies observatis, et menses, et tempora, et annos. 11. Timeo vos, ne forte sine causa laboraverim in vobis. 12. Estote sicut ego, quia et ego sicut vos : Fratres, obsecro vos : Nihil me læsistis. 13. Scitis autem quia per infir-

mitatem carnis evangelizavi vobis jam pridem, et tentationem vestram in carne mea.
 14. non sprevis, neque respuistis : sed sicut angelum Dei excepistis me, sicut Christum Jesum. 15. Ubi est ergo beatitudo vestra? Testimonium enim perhibeo vobis, quia, si fieri posset, oculos vestros eruissetis, et dedissetis mihi. 16. Ergo inimicus vobis factus sum, verum dicens vobis? 17. Æmulantur vos non bene : sed excludere vos volunt, ut illos æmulemini. 18. Bonum autem æmulamini in bono semper, et non tantum cum præsens sum apud vos. 19. Filioli mei, quos iterum parturio donec formetur Christus in vobis. 20. Vellem autem esse apud vos modo, et mutare vocem meam : quoniam confundor in vobis. 21. Dicite mihi qui sub lege vultis esse : legem non legistis? 22. Scriptum est enim : Quoniam Abraham duos filios habuit : unum de ancilla, et unum de libera. 23. Sed qui de ancilla, secundum carnem natus est : qui autem de libera, per repromissionem. 24. Quæ sunt per allegoriam dicta. Hæc enim sunt duo testamenta. Unum quidem in monte Sina, in servitutem generans : quæ est Agar. 25. Sina enim mons est in Arabia, qui conjunctus est ei, quæ nunc est Jerusalem, et servit cum filiis suis. 26. Illa autem, quæ sursum est Jerusalem, libera est, quæ est mater nostra. 27. Scriptum est enim : Lætare, sterilis, quæ non paris; erumpe, et clama, quæ non parturis : quia multi filii desertæ, magis quam ejus, quæ habet virum. 28. Nos autem, fratres, secundum Isaac promissionis filii sumus. 29. Sed quomodo tunc is, qui secundum carnem natus fuerat, persequabatur eum qui secundum spiritum : ita et nunc. 30. Sed quid dicit Scriptura? Ejice ancillam, et filium ejus : non enim hæres erit filius ancillæ cum filio liberæ. 31. Itaque, fratres, non sumus ancillæ filii, sed liberæ; qua libertate Christus nos liberavit.

Vers. 1. 1. DICO AUTEM. — Redit ad dicta cap. præced., vers. 24 et 25, ubi dixit : « Lex pædagogus noster fuit in Christo ; at ubi venit fides, jam non sumus sub pædagogo. » Id latius hic probat et prosequitur, incipitque ab exemplo parvuli, qui sub tutoribus est : græce enim pro *dico autem*, est *λέγω δέ*, quod clarius verti potest, Quod dico, tale est; aut, illud autem est, quod dico : sic enim solet loqui Paulus cum sua dicta interpretari incipit, dicitque *λέγω δέ*.

QUANTO TEMPORE HÆRES PARVULUS EST (græce *νήπιος*, id est *infans*, hoc est, ea quæ nondum sapit ætate) NIHIL DIFFERT A SERVŌ. — Quia quasi servus regitur a tutore et pædagogo, nec dominio hæreditatis suæ uti potest, perinde atque si servus esset, non dominus; imo servo, scilicet pædagogo suo, subjectus est, estque sub tutoribus et actoribus.

Vers. 2. 2. ACTORIBUS. — *Οικονόμοις*, id est, *æconomis* et dispensatoribus, qui res et bona parvuli administrant; Syrus, *procuratoribus*.

Quamdiu duret tutorum potestas? AD PRÆFINITUM TEMPUS. — Græcum *πρόθεσμία* significat, teste Budæo, diem præscriptam, ad quam durabat jus et administratio tutorum, eaque adveniente expirabat, scilicet, qua parvulus annorum erat viginti quinque : tñi multis in locis etiamnum moris et juris est.

Vers. 3. 3. ITA ET NOS. — Scilicet Judæi, de quibus dixit cap. præc., vers. 23 : « Jam non sumus sub pædagogo ; » eo enim redit, ut dixi hoc cap., vers. 1.

CUM ESSENU PARVULI, — pueri rudes et imper-

fecti, tum in cognitione, tum consequenter in amore Dei, justitiæ et salutis. Ita Anselmus.

SUB ELEMENTIS MUNDI ERAMUS SERVIENTES, — id est sub littera, et quasi alphabeto legis veteris : lex enim imperfecta primo data est mundo, hoc est Judæis, et per Judæos omnibus mundi gentibus, ut totius mundi homines doceret fidei et pietatis rudimenta; Evangelium vero, quod legi successit, horum perfectionem docet. Ita Hieronymus. Sicut ergo Justinianus suas Institutiones vocat *elementa juris*, id est principia et rudimenta; et sicut vocamus elementa Grammaticæ, Philosophiæ, Musicæ, harum artium principia : ita hic *elementa* vocat Apostolus elementalem, introductoriam et institutoriam legem. Sicut enim pueri, ait Anselmus, discunt elementa et conjunctionem elementorum, sed ipsas voces et sententias elementis conflatas non intelligunt, donec ad altiores disciplinas perveniant, ad quas non pervenissent, nisi elementa præmisissent : ita Judæi elementa habuerunt suarum cæremoniarum, quarum significationem non intellexerunt, donec ad Christi fidem per hæc elementa, quasi elevamenta pervenerunt.

Nota : *Mundum* vocat homines mundi, primo, Judæos, deinde alios omnes metonymice : voluit enim Deus in uno mundi angulo, Judæa scilicet, scholam aperire ubi rudimenta fidei et pietatis doceret homines, donec doctissimas veritatis scholas aperiret per Christum in toto mundo.

Secundo, magis proprie et naturaliter « elementa mundi » dicuntur illa, quæ vers. 10 explicat di-

Lex vetus erat elementa doctrinae Christianæ.

Per ele- cens : « Dies (scilicet festos Judæorum) observa-
menta tis, et menses, et tempora, et annos : » hos enim
alii in- dies, menses et annos vocat *elementa mundi*, tum
telligent festos quia alludit ad Gen. 1, ubi per dies septem Deus
dies, elementa mundi creavit et produxit, ac denique
menses, die septimo, id est sabbato, requievit, ideoque
tempora, in creationis illius et quietis memoriam jussit a
et annos Judæis observari et coli sabbatum : ut dies hi di-
Judeo- cantur *elementa* ; tum quia in illis elementa sunt
rum. creata, et die sabbati eorum creatio metonymice
est representata ; tum quia per dies, menses et
annos, quasi elementa, tempora mundi omnia,
et omnium, quæ in mundo sunt, generatio, cor-
ruptio, successio, mundusque ipse decurrit, re-
gitur, perficitur. Unde in memoriam et gratiarum
actionem divinæ providentiæ et gubernationis
Dei, qua singula tempora, totumque mundum
per solis ac lunæ vices, per dies, menses et an-
nos disponit, regit, gubernat et perficit Deus, vo-
luit sabbata, neomenias aliosque dies et menses
festos coli a Judæis, ut per hæc quasi rudimenta
corporalia discerent Deum creatorem et guber-
natorem omnium agnoscere et colere, donec per
Evangelium melius edocti, altiusque proveci et
promoti, scirent Deum adorare in spiritu et ve-
ritate.

Alia Erasmus, sed con- Aliter Erasmus : *Mundum*, inquit, vocat per
torta ex- catachresin quiddam est visibile, caducum, tem-
plicatio. porarium, visibiles scilicet et corporales cære-
monias legis veteris : nam hæc vocat *elementa
mundi*, Colos. 11, 20, in quibus sita erat Judai-
zantium superstitio, dicentium : Ne gustaveritis,
ne tetigeritis, ne contractaveritis, ut ibidem re-
fert Apostolus. Sed nomen *mundi* non ita accipi-
tur, nec eo ita abuti solet Apostolus ; et Colos.
cap. 11, alio sensu accipit *elementa mundi*, ut ibi
ostendam. Dicam etiam plura de his elementis
vers. 9 (1).

ERASMUS SERVIENTES. — Græce δαδουλωμένοι, in ser-
vitutem redacti. Theophylactus hic adaptat para-
bolam parvuli, qui sub tutoribus est, q. d. Sicut
parvulus nihil differt a servo, et servit quasi ac
regitur a suis tutoribus et actoribus : ita et nos

(1) « Loquitur hic Apostolus de disciplina sacra, qualis
et apud Judæos et apud Paganos (?), quos utrosque com-
plectitur voce κόσμος, fuit ante Christum, tironibus
accommodata, imperfecta, rudis ; cf. vers. 9. Nempe
Judæis omnia officia, quum ad religionis exercitium,
tum ad vitam communem pertinentia, minutatim erant
præscripta, e. g. sic facies sacra hoc die, mane, vesperi ;
hoc edas, illud non ; ubi hoc attigisti, pollues te, etc.
Causæ sunt in illorum temporum ante Messiam condi-
tione, quibus omnes nationes præter Judæos fuerunt
non tantum idololatrarum, sed etiam vitiiis deditæ, bar-
baræ, cultusque expertes. Hanc ob causam visum est
Deo Judaicam nationem adstringere minutatim desi-
gnatis officiis, neque permittere suo arbitrio et juri, ne
et ipsi idololatria, vitiositate et barbarie, quæ tum fuit,
polluerentur. Στοιχα dicuntur in quaque arte ejus ru-
dimenta ; elementa prima vocari solent. Sic etiam in
religionis institutione sunt quædam rudimenta puerili
ætati accommodata. » Ita Rosenmullerus.

cum essemus parvuli in Christi cognitione et
amore Dei ac salutis, quasi servi sub elementis
mundi jam dictis, et lege veteri quasi tutoribus
et actoribus serviebamur.

4. AT UBI VENIT PLENITUDO TEMPORIS, — quæ est Vers. 4.
quasi præfinitum tempus a Patre, ut dixit in pa-
rabola vers. 2, q. d. Ubi impletum est tempus a
Deo Patre præfixum fini legis et initio gratiæ ac
Evangelii, quo a lege quasi pædagogus, tutore et
actore, hoc est, a statu et conditione servili,
transferremur in libertatem fidei et filiationis
Christi. Ita Anselmus, Theophylactus et alii. Ali-
ter S. Bernardus, serm. 1 *De Adventu* : « Quando
venit, inquit, plenitudo temporis, misit Deus
Filium suum. Nimirum plenitudo et abundantia
temporalium, oblivionem et inopiam fecerat æter-
norum. Opportune ergo tum advenit æternitas,
quando magis temporalitas prævalebat. » Verum
hoc symbolicum est, non litterale. Ad litteram
enim *plenitudo temporis* non est copia tempora-
lium, sed temporis præfixi adimpletio.

MISIT (Græco non est ἀπέστειλε, sed ἐκπέμψεν, id
est emisit, legavit quasi legatum vel Apostolum
cum mandatis suis) DEUS (Pater legans et mittens)
FILII SUUM — ad homines : misit ergo Filium,
non ut Filius locum mutaret, cælum relinqueret,
terram adiret ; sed ut manens ubi prius erat,
tam scilicet in terra, quam in cælo, novam per-
sonam, scilicet hominis et legati pro Deo apud
homines, assumeret.

FACTUM EX MULIERE. — S. Augustinus, lib. III *De
Trinit.*, legit, *natum ex muliere, factum sub lege* :
et sic habent Græca Regia, γεννώμενον ἐκ γυναικός,
γενόμενον ὑπὸ νόμου ; sed Noster cum Theophylacto
et aliis Græcis, legunt utrobique γενόμενον per o mi-
cron, id est *factum*, idque melius, ut dixi
Rom. 1, 3.

Nota : *Mulier* hic non corruptionem, sed sexum
muliebrem significat, competitque virginæ, qua-
lis fuit beatissima Virgo Maria. *Secundo*, ἢ *factum
ex muliere* significat Christum sine patris semine
conceptum et formatum ex sola matris substantia
et purissimis sanguinibus. Hinc *tertio* patet Chris-
tum non sumpsisse corpus e cælo, quod trans-
eundo per beatam Virginem quasi per canalem
in terram detulerit, uti olim docuerunt Valenti-
niani, et jam Anabaptistæ ; sed Christi corpus ex
Virgine factum ac formatum esse.

FACTUM SUB LEGE, — quia Christus licet legi,
etiam qua homo, non esset subjectus, utpote per-
sistens in persona Filii Dei, qui legis fuit dator et
conditor ; tamen eam sponte sua servavit, sponte
se circumcisioni aliisque cæremoniis lege præ-
ceptis submisit ac subiecit : « factum » ergo sig-
nificat, non obligationem, sed usum ; non jus,
sed factum. Ita Anselmus.

5. UT EOS QUI SUB LEGE ERANT, REDIMERET. — Ἐξ- Vers. 5.
τάσ, id est, *mercaretur*, inquit Erasmus, emendo
eximeret, ac dato pretio in Christianam vindica-
ret libertatem, et, ut Noster vertit, *redimeret* non

Christus
non tra-
xit cor-
pus e cæ-
lo, sed e
Virgine
sine cor-
ruptione.
Christus
facto,
non obli-
gatione
legi sub-
iectus.

a peccato, sed a servitute legis veteris, de qua præcessit.

UT ADOPTIONEM FILIORUM RECIPEREMUS. — Nota voculam *ut*, q. d. Ideo Filius Dei factus est ex muliere filius hominis, ut filios hominis faceret et adoptaret filios Dei. « Ideo, ait Bernardus, Deus factus est homo, ut homo fieret Deus. »

Nota *secundo*: Hæc adoptio fit per gratiam, qua non tantum jus ad hæreditatem Dei Patris, sed et naturæ divinæ participationem, ipsumque Spiritum Sanctum ac Dei filiationem nanciscimur, ut dixi *Rom. viii, 15*.

Nota *tertio*, omnes justos, etiam ante Christum, fuisse filios Dei adoptivos; Apostolos tamen omnes ante Christum vocat servos. *Primo*, quia licet justī vere essent filii Dei, non habebant tamen statum filiorum, sed servorum, qui erant sub lege, ac consequenter sub spiritu timoris ac servitutis. *Secundo*, quia jus filiationis non habebant ex lege, sed ex fide et gratia Christi venturi, et sic magis ad legem novam quam veterem pertinebant, ut fuse et eleganter docet S. Augustinus, lib. III *Contra duas epist. Pelagian.*, cap. iv. *Tertio*, quia pro illo statu carebant fructu adoptionis: nec enim poterant cœlestem hæreditatem cernere, antequam Christus eam aperiret. *Quarto*, quia Christus a jugo et servitute legis nos liberando, iis unicum adoptionis et amoris spiritum in lege nova substituit. Ita Chrysostomus, Anselmus et Augustinus.

VERS. 6. 6. QUONIAM AUTEM ESTIS FILII, MISIT DEUS SPIRITUM FILII SUI, — id est, Spiritum Sanctum, qui a Filio æque ac a Patre procedit.

Nota: Est argumentum a signo vel effectu ad causam, vel potius ad causæ ostensionem, ut cum dico: Quia ibi fumus est, ibi ignis est: licet enim ignis sit prior et causa fumi, fumus tamen prius ostendit se nobis, ut ex eo colligamus ibi esse ignem: ita hic prius est Deum in nos mittere Spiritum suum, quam nos esse filios Dei, quia per Spiritum filii fimus: ex eo tamen quod sumus filii, quasi a posteriori recte colligimus Deum jam ante misisse in nos Spiritum suum. Vox ergo *quoniam*, vel *quia*, non causam in se, sed causam cognitionis, vel potius necessariam consequentiam et connexionem significat.

Secundo et simplicius, *quoniam* proprie significat causam non filiationis, sed clamoris, q. d. Quia estis filii Dei, Deus misit Spiritum suum, non qui filios vos faciat, sed qui vos filios jam factos doceat clamare: « Abba, Pater. » Aliter hoc ex Græco vertit Maldonatus in *Notis manuscr.*: ὅτι enim, id est, *quoniam*, accipit pro *quod*; sic ergo transfert, *quod autem filii sitis*, (hinc apparet quod) *miserit Deus (in vos) Spiritum Filii sui*. Verum sic multa supplenda et addenda sunt, quæ non habentur in textu, scilicet omnia parenthesi hic inclusa. Melius ergo Noster, magisque proprie ὅτι vertit, *quoniam*.

CLAMANTEM, — hoc est clamare (id est, magna

pie mentis devotione precari) facientem, ut scilicet devote, ardentem et fidentem, filiali affectu invocemus Deum Patrem: hic enim est non tam oris quam mentis clamor, de quo Dominus ad Moysen licet silentem: « Quid, inquit, clamas ad me? » *Exodi xiv, 15*. Ita Theodoretus, Anselmus et alii.

ABBA. — Hebraice אב ab, chaldaice et syriace Abba, et terminatione Latina et Græca Abbas, idem est quod pater. Vide dicta *Rom. viii, 15*. Hic locus uti terret torpidos et tepidos, qui raro hunc spiritum filiationis et filialis clamoris experiuntur; ita pios et ferventes, qui eum persentiscunt, consolatur, et in spem salutis et cernendæ hæreditatis paternæ, scilicet divinæ, erigit.

7. ITAQUE JAM NON EST SERVUS, — aliquis scilicet **VERS. 7.** inter vos, o Christiani Galatæ! Est enallage personæ, transit enim a secunda ad tertiam, idque familiare est Apostolo, ut dixi *Canon. 38*. Græca tamen quædam habent in secunda persona, sed singulari, οὐκ ἐστὶ δὲ δούλος, non es (scilicet quisquis per Christum Dei filius factus es) *amplius servus*, sed filius.

QUOD SI FILIUS, ET HÆRES PER DEUM. — Ita legunt quoque SS. Augustinus et Ambrosius; sed Hieronymus legit, *hæres per Christum*; Græca vero et Syrus, ἀληθινὸς Θεὸς διὰ Χριστοῦ, *hæres Dei per Christum*; idque plenius est: per Christum enim cui inserti sumus, hæreditas æterna Dei et omnia bona obveniunt nobis a Deo, Deique gratia et misericordia.

8. SED TUNC, — cum infideles et pagani essetis: **VERS. 8.** hoc enim ex antithesi sequente et tempore præterito, quo versabantur in ignorantia Dei, intelligendum relinquit Apostolus.

IS QUI NATURA NON SUNT DII (sed fictione falsa-que opinione hominum, puta idolis), SERVIEBATIS, — id est, colebatis ea latria et sacrificiis.

9. NUNC AUTEM CUM COGNOVERITIS DEUM, IMO COGNITI SITIS A DEO: QUOMODO CONVERTIMINI ITERUM AD INFIRMA ET EGREGIA ELEMENTA? — Nota, « cogniti sitis a Deo, » scilicet quasi filii a patre cogniti et dilecti. Ita S. Augustinus et Hieronymus. « Nullum, inquit, ignorat Deus, sed tamen eos cognoscere dicitur, qui errorem pietate mutaverint. » *Secundo* et melius, « cogniti, » id est, scire facti, edocti a Deo; est enim hebraismus, sive significatio participii passivi *hophal*; הוֹיֵיךְ hodia enim in *hiph'el* significat scire fecit, docuit; in passiva vero *hophal* הוּדָה *huda* significat scire factus, id est edoctus, est. Jam Latini et Græci, quia idem verbum per *hiph'el* et *hophal* transferre non possunt in tam activam et passivam significationem; hinc suo verbo vel participio sæpe neutro, vel passivo, illud expriment; sed vim ejus et energiam adæquare non possunt. Simile I *Cor. viii, 3*. Sic et alibi dicitur Deus cognoscere, cum nos cognoscere facit. Sic Spiritus Sanctus dicitur clamare, postulare, cum nos clamare facit et postulare, *Rom. viii, 26*. Hæc enim verba sunt significatio-

Justi ante Christum quomodo filii adoptivi, et quomodo servi?

Causa nostræ adoptionis et filiationis.

Edocti
interius
a Deo
reverti
non de-
bent ad
legis an-
tiqua
elemen-
ta.

nis *hiphil*, q. d. Cum edocti sitis ab ipso Deo, qui interius per illustrationem gratiæ suæ, exterius per os nostrum vos docuit Christi fidem ac viam ad iustitiam et salutem; quomodo iterum ad rudimenta legis convertimini, ut ab eis edoceamini? Ita Chrysostomus, Ambrosius, D. Thomas. Unde Græca Regia vers. seq. habent, *ὅς πάλιν ἀνοθεν, quibus denuo ab alto*, id est ab initio, servire vultis, veluti si vir repuerascit, ad pædagogum redeat, eique serviat et subsit; aut veluti si metaphysicus ex Metaphysica ad primam Grammaticæ classem descendat, aut cursor a meta ad carceres recurrat, q. d. Metæ, id est iustitiæ et salutis, eratis proximi, quomodo ad carceres recurritis? eratis Theologi docti a Deo, quomodo ad legem, quasi ad Grammaticæ elementa postliminio revertimini?

CONVERTIMINI. — *Ἐπιστρέφετε*, convertimini, revertimini, gressum cursumque reflectitis; retrogredimini.

Tria hic
intelligi
possunt
per ele-
menta.
Primo,
idola.

AD INFIRMA ET EGENA ELEMENTA. — Quæritur, quænam hæc? Respondeo: *Primo*, Augustinus et Ambrosius solem, lunam et idola accipiunt, quæ olim Galatæ, cum Gentiles essent, adorabant: de idolis enim falsisque ipsorum diis egit vers. præcedent. Hinc Tertullianus, lib. *De Præscript.*, cap. xxxiii: «Notat Apostolus, inquit, Hermogenem, qui materiam non natam introducens, eam Deo non nato comparat, et ita matrem elementorum deam faciens, potest ei servire, quam Deo comparat.» Verum obstat, quod Galatæ non volebant reverti ad gentilismum, sed ad judaismum, quodque tota epistola Apostolus non contra idola, sed contra Judaicas cæremonias agit.

Secundo,
sol et lu-
na, etc.

Secundo et probabilius, Chrysostomus, Theophylactus, Oecumenius, hæc «elementa,» inquit, sunt sol et luna, ad quæ volebant converti Galatæ, non ut iis servirent quasi diis, uti olim fecerant ante susceptum christianismum; sed ut per eorum cursum sabbata, neomenias aliaque festa Judaica describerent et observarent. Vocat hæc «infirma et egena,» respectu Dei, cuius ope et influxu assiduo egent ut firma consistent, et sine quo infirma, egena, imo evanida sunt: si enim Deus manum suam conservantem subtraheret, statim in nihilum, ex quo venerunt, reciderent. Quod de sole et luna loquatur, patet: hæc sunt proprie elementa mundi, id est, primæ mundi partes, uti ea vocavit vers. 3. *Secundo*, quia ait: «Quomodo iterum convertimini,» ad ea scilicet, quæ prius colebatis; Galatæ autem, utpote Gentiles, nunquam Judaicas cæremonias, sed solem et lunam ante coluerant.

Tertio,
sacra-
menta et
observan-
tiæ legis
veteris.

Verum *tertio* et optime, Hieronymus, Theodoretus, Anselmus, et Tertullianus, lib. V *Contra Marcion.*, cap. iv, per hæc «elementa» intelligunt Sacramenta et observantias dierum et mensium, festorum, ac aliarum cæremoniarum legis veteris, quæ quasi prima religionis et pietatis rudimenta data fuerunt Judæis, ac per eos toti mundo, quæ-

que creationis et gubernationis mundi sunt elementa, principia, symbola, ut dixi vers. 3. Hæc sunt «egena,» et, ut Tertullianus legit, *mendica*, quia gratiam, sanctitatem, Dei cultum et religionem non continent, nec conferunt, sed ad hoc Christi fide, gratia, Sacramentis indigent. Sunt et infirma, quia per se inefficacia ad justificandum, ut justos, pios, sanctos, spiritu et virtute præditos efficiant: nam sine fide Christi justificare neminem poterant; imo cum ea non justificabant per se, et ex opere operato, uti novæ legis Sacramenta, sed tantum ex opere operantis, id est, ex fide et devotione ea suspicientis: unde et quasi infirma abolita sunt per mortem et legem Christi.

Patet hic sensus clare ex sequentibus: has enim cæremonias Judaicas explicans subdit: «Dies observatis, et menses, et tempora, et annos,» q. d. Hæc sunt elementa, quibus servitis, quæque colitis, videlicet dies, menses et anni Judaici.

Secundo, quia hic sensus planus est et proprius: hæc enim elementa, nimirum hos dies ex lege festos colebant et observabant, non autem solem et lunam: valde enim improprie dicitur, quod qui primam diem mensis festam colit, lunam colat et novilunium; aut qui diem Dominicum colit, colat et solem, cui quasi primo et nobilissimo planetæ prima ac nobilissima dies tribuitur, scilicet Dominica, quæ inde Solis dies dicitur.

Dices: Huic sensui obstat vox *iterum*, cum ait: «Convertimini iterum ad infirma et egena elementa, quibus denuo servire vultis;» quia Galatæ, utpote Gentiles, antea non sacris, non sacrificiis judaicis, sed soli, lunæ idolisque servierant: unde dici poterant ad hæc, non autem ad illa, iterum se convertere.

Respondeo: «Convertimini iterum,» id est conversione cultuque vestro, sacra Judaica jam abolita, iterum stabilire vultis: respicit enim ad statum legis, de quo vers. 2 promiscue dixit omnes fuisse sub lege quasi pædagogo, q. d. Fuimus primo sub lege; nunc Christus eam abolevit, quomodo ergo iterum eam stabilire et ad eam vos convertere vultis?

Secundo et melius respondet Adamus: Vox *iterum* non ad totam orationem, sed tantum ad partem refertur; tantum enim significat iteratam servitutem in genere, licet in specie alia fuerit et alia. *Primo* enim idolis servierant; *secundo* jam judaismo serviebant: unde cap. v, vers. 1, in genere ait: «Nolite iterum iugo servitutis contineri,» q. d. Nolite iterum fieri servi, servistis dæmonibus, nolite iterum servire umbris legalibus. Sic Lutherano converso ad Catholicam fidem, si postea labatur ad calvinismum, dicere possumus: Quomodo iterum ad calvinismum, hoc est, iterum ad errores, relaberis? vox enim *iterum* non afficit, nec denominat calvinismum, sed vocem *relaberis*; est enim relapsus in hæresim,

Occurrit
ob-
jectioni
contra
tertiam
explica-
tionem.

licet aliam et aliam, quia primo fuit Lutheranus, nunc Catholicus factus relabitur in hæresim, et fit Calvinista.

Vera. 10. 10. DIES OBSERVATIS, ET MENSES, ET TEMPORA, ET ANNOS. — S. Augustinus, *epist.* 119, et *Enchirid.* LXXIX, et Anselmus, uti per elementa acceperunt solem, lunam et idola, ita per dies hos consequenter accipiunt dies faustos vel infaustos juxta astrologiam judicariam, vel Gentilium superstitionem. *Secundo* et melius, Chrysostomus, Hieronymus et alii supra sic explicant: «Dies observatis,» scilicet Judaicos, uti sabbata; *secundo*, «et menses,» id est, neomenias sive novilunia, atque mensem septimum, qui totus pene sacer erat et festus in lege veteri; *tertio*, «et tempora,» stata scilicet festa quatuor temporum anni, puta festum veris, videlicet pascha; festum æstatis, scilicet pentecostes; festum autumnus, nimirum festum expiationis; festum hiemis, videlicet encæniam; *quarto*, «et annos,» annum scilicet septimum remissionis, et quinquagesimum jubilei: hi enim anni festi erant. Nota synecdochen: per observantias dierum, mensium, annorum intelligit omnes cæremonias legis veteris, quasi ex parte totum.

Duplex
hujus lo-
ci sen-
sus

Quatuor
festa an-
ni apud
Judæos.

Festa
Christia-
norum
hic non
damnantur.

Hinc patet contra hæreticos, festa Christianorum hic non damnari: nam sic et dies Dominicus damnaretur, quem tamen et ipsi servant hæretici; sed tantum damnari festa Judæorum, quæ a Christianis pulchre distinguit S. Nazianzenus, oratione in *Sanctam Pentecosten*, dicens: «Festos dies Judæus agit, verum juxta litteram; legem enim corpoream consecrans, ad spiritalem legem non pervenit: festa etiam Gentilis agit, verum juxta corpus, luxu scilicet et comessatione (unde Lucianus, in *Saturnal.*: «Ne quid intra festi tempus agito, neque publicum, neque privatum, nisi quæ ad lusum, quæ ad voluptatem animique oblectationem pertinebunt;» imo sæpe festa et sacra Gentium obscæna erant, ut sacra Veneris, Priapi, Bacchi, in quibus omnem turpitudinem exercebant). Festos Christiani agimus, verum ut spiritui gratum est.» Ita Nazianzenus.

Et disertè Hieronymus: «Dicat, inquit, aliquis: Si dies observare non licet, et menses, et tempora, et annos, nos quoque simile crimen incurrimus quartam sabbati observantes, et parascevem, et diem Dominicam, et jejunium Quadragesimæ, et Paschæ festivitatem, et Pentecostes lætitiā, et pro varietate regionum diversa in honore Martyrum tempora constituta. Ad quod, qui simpliciter respondebit, dicet, non eosdem Judaicæ observationis dies esse, quos nostros; nos nim non azymorum pascha celebramus, sed resurrectionis et crucis; nec septem juxta morem Israel hebdomadas in Pentecoste numeramus, sed Spiritus Sancti veneramus adventum:» hæc ille. Ub. nota: tempore S. Hieronymi ab Ecclesia festa Martyrum celebrari solita, eaque laudari hic a S. Hieronymo.

Festa
Marty-
rum
tempore
S. Hiero-
nymus.

11. TIMEO VOS, — id est, vobis, vel de vobis. Est Vers. 11.
antiptosis Hebraica, juxta *Can.* 20.

12. ESTOTE SICUT EGO, — ut, sicut me videtis Vers. 12
Judaica festa cæremoniasque negligere, nec observare, utique Evangelica libertate: ita et vos ea non observetis, sed eadem mecum libertate utamini, q. d. Ego, Judæus licet, ducem me libertatis vobis præbeo, intrepide ergo me sequimini, quidquid alii Judæi de necessitate legis veteris vobis suggerant et jactent.

QUIA ET EGO SICUTI VOS, — ego gentiliter vivendo, me vobis Gentilibus accommo quantum possum salva conscientia. Ita Hieronymus.

NIHIL ME LÆSISTIS, — sed vos ipsos læsistis, q. d. Non iratus hæc dico, sed vos amans, et vestr. miserans. Notat Hieronymus Apostolum increpationem cap. III, vers. 1, factam, blanditiis hic et obsecratione emollire.

13. PER INFIRMITATEM CARNIS EVANGELIZAVI VOBIS. Vers. 13.
Primo, S. Hieronymus sic explicat, q. d. Prima et infirma tantum fidei rudimenta vobis dedi, atque per hæc rudimenta rudes vos tantum ruditer erudi. *Secundo*, idem Hieronymus accipit per *infirmitatem carnis*, Pauli morbos et capitis dolorem. *Tertio*, optime idem accipit persecutiones, labores, paupertatem, ærumnas, afflictiones, pericula, ut videretur omnino abjectus Apostolus, vilis, infirmus et miserabilis. Eandem vocat tentationem in carne, quia inde Galatæ tentari potuissent, Paulumque cum suo Evangelio abjicere. Ita et Chrysostomus, Theophylactus et alii.

Triplex
carnis in-
firmitas.

13 et 14. ET TENTATIONEM VESTRAM IN CARNE MEA Vers. 13
NON SPREVISISTIS, — παρασπόν μου, tentationem meam, sive mei. «Tentationem» active accipit Erasmus, qua scilicet ego Paulus vos Galatas sermone humili et incondito tentavi; sed melius passive capitur, ut tentatio sit idem quod objectum tentationis, per metonymiam, juxta *Canon.* 30, q. d. «Tentationem vestram,» id est, me tot contumeliis oneratum, persecutionibus agitatam, flagris cæsum, pauperem, afflictum et abjectum, qui vobis poteram esse tentationis objectum, ut me meumque Evangelium asperrarentini, non sprevisistis, sed tanquam angelum, imo tanquam Christum ipsum excepistis.

Vers. 13
et 14.

15. UBI EST ERGO. — Græce τίς ὢν ἐγώ, quæ ergo erat; Vers. 15.
sed noster, uti et Syrus, legit πῶς, idque melius est et significantius, et facile πῶς vicino litterarum lapsu in τίς verti et depravari potuit.

BEATITUDO VESTRA? — Græce μακαριότης, id est *beatificatio vestra*, qua me tanta fidei causa patientem, beatum, ac vos propter me, beatos prædicabatis, atque ab aliis prædicabamini. Ita Theophylactus. Nimirum dicebatis: O nos beatos, qui talem habemus Apostolum! o felices, quibus Paulum videre et audire contingit! Uti fertur S. Augustinus, tria in votis habuisse, scilicet *primo*, videre Christum in carne conversantem; *secundo*, Romanam in flore imperii triumphantem; *tertio*, Paulum in cathedra concionantem et fulminantem.

Tria vo-
ta et de-
sideria
S. Au-
gustini.

Quasi ergo dicat: Ubi sunt pristinae vestrae de me voces, laudes, judicia, o Galatæ? quomodo tam cito, tam temere animos erga me et Evangelium mutastis? Ita me deperibatis, ut oculos vestros, si fieri potuisset, mihi dedissetis: quo abiit amor et ardor? «Ergone inimicus factus sum vobis verum dicens vobis?» neminem scilicet ex lege, sed omnes ex Christi fide justitiam petere debere.

Vers. 17. 17. **ÆMULANTUR VOS.** — Judaizantes depereunt vos, ambiunt vos, vos sibi conciliare, sibi suæque legi subjicere satagunt. Est metaphora a procis deducta, qui sponsas ambiunt cum zelo et zelotypia: græce enim est ζηλεύειν, *zelantur vos*, de quo dixi II Cor. XI, 2.

NON BENE (quia non ad bonum et profectum vestrum), SED EXCLUDERE VOS VOLUNT, — a Christo et Christiana libertate. Noster et alii passim legunt in Græco ἐκλείπειν, id est *excludere*; quædam tamen, ut Regia, legunt ἐντρίβειν, id est *includere*; quæ lectio sensum habet aptum et commodum; nam alludit ad procos callidos, qui cum divites ambiunt sponsas, eas quasi dominas honorant, eis serviunt, per omnia se eis accommodant; sed ubi eis potiti sunt, matrimoniumque cum eis inierunt, illas cubiculis includunt, custodes apponunt, habentque quasi servas captivas, q. d. Sicuti proci jam dicti, sic Judaizantes blandiendo, mira et magna pollicendo vos ambiunt, ut judaismo subjiciant; et includant legi et servituti legis quasi ergastulo et custodiæ, sicque libertate vos privent, et excludant a christianismo.

UT ILLOS ÆMULEMINI, — q. d. Non æmulantur, non insectantur vos amore amicitiae, ut vobis consulant, sed amore concupiscentiae, ut scilicet, ad se et sui amorem illiciant, ut illos insectemini, ut de vobis quasi suis discipulis et asseclis apud plebem jactare se possint, q. d. Suam gloriam, non salutem vestram, æmulantur, ideoque vos excludere volunt a Christo, ut non Christum, sed illos æmulemini et consectemini.

Vers. 18. 18. **BONUM AUTEM ÆMULAMINI IN BONO SEMPER.** — Græca jam habent, καλὸν δὲ τὸ ζηλεύεσθαι ἐν καλῷ πάντοτε, hoc est *bonum autem, scilicet est, æmulari in bono semper*. Ita legit Augustinus et Syrus, q. d. Bonum est alios imitari et sectari, sed non in quavis re, verum in re bona. Vel simpliciori hebraismo, *bonum est æmulari in bono*, id est bonum, ut sit *beth* contactus: sic enim Hebræi dicunt, tangere, percutere in manu, id est tangere, percutere manum; sic hic æmulari in bono, est, æmulari bonum. Noster legit ζηλεύεσθαι, per epsilon, in imperativo, *bonum æmulamini*, id est ambite et ardentem sectamini, sed *in bono*.

Ubi nota: «Bonum» potest accipi vel in genere neutro, q. d. Id quod bonum et honestum est zelate, sed eatenus, qua bonum est, qua bene et honeste fit. Secundo et apte ad præcedentia et sequentia, «bonum» hic accipi potest in genere masculino, q. d. Nolite Judaizantes æmulari in

malo, videlicet in judaismo: hi enim non bene æmulantur vos, quia excludere vos volunt a Christo, sed viros bonos et Christianos imitamini et æmulamini, me videlicet meique similes; sicuti me non judaice, sed gentiliter viventem, in bono, puta in libertate vitæque Christiana (hic enim «bonum» capi debet in genere neutro, scilicet, in bono, id est in re bona) æmulati estis cum præsens essem vobis: idem ergo facite cum absens sum; bonum enim semper sequendum est, etsi absit is qui illud docuit. Innuat Apostolus absentiam suam fuisse in causa ut alio dilaberentur, et ad judaismum abducerentur. Ita Chrysostomus.

Absentia
magistri
causa
lapsus et
erroris
discipu-
lorum.

19. **FILIOLI MEI** (vos enim ego per Evangelium genui Christo), quos (relapsos a Christo ejusque adoptione ad judaismum) ITERUM PARTURIO (ut a judaismo revocem, Christoque rursum pariam) DONEC FORMETUR CHRISTUS (id est Christi fides, spes, libertas) IN VOBIS, — ut scilicet non a lege, sed Christo et Christi fide omnem gratiam, justitiam, salutem expectetis. «Apostolus hic, inquit Chrysostomus, matrem refert de liberis trepidantem: vides paternam, imo maternam viscera, vides anxietatem, vides qualem emittat ejulatum multo tristiore, quam solet esse parturientium,» q. d. Uti B. Virgo Christum corporaliter peperit, at sine dolore, sic et ego quasi spiritalis puerpera Christi, pario, imo ingenti cum labore et dolore parturio et enitor, ut Christum Christique fidem et spiritum in vobis efformem, ut Christus sit omnia in omnibus vobis.

Vers. 19

Præclare et pie S. Ambrosius, lib. *De Isaac et Anima*, cap. viii: «Illic (in cruce et baptismo), inquit, parturivit te mater tua, illic parturivit te quæ genuit te. Ibi enim nascimur, ubi renascimur: parturiuntur autem in quibus Christi imago formatur. Unde quoniam formatus in sponsa Christus erat, ait: Pone me ut signaculum in cor tuum, ut sigillum in brachium tuum. Sigillum Christus in fronte est, ut semper confiteamur; in corde, ut semper diligamus; in brachio, ut semper operemur; ut, si fieri potest, tota ejus species exprimat in nobis. Ipse est signaculum nostrum, quem Pater signavit Deus,» etc.

Notent, qui animas convertere, Christoque parere student, sibi laborandum et sudandum esse parturientis instar. Hinc illud Job xxxix, 1 et 3: «Numquid parturientes cervas considerasti? incurvantur ad foetum, et pariunt, et rugitus emittunt,» (cervarum enim partus, de quo ad litteram loquitur, difficillimus est, teste Aristotele et Plinio, ideoque seseli herba illum adjuvant cervæ) mystice accipit S. Gregorius, in citatum Jobi locum de prædicatoribus, qui quasi cervæ in dolor, lacrymis et rugitu parturiunt Christo proles. «Video, inquit, Paulum, quasi quamdam cervam quosdam in partu suo magni doloris rugitus emittentem; ait enim: Filii mei, quos iterum parturio, etc. Consideremus quid doloris habuerit.

Animas
converte-
re volen-
tibus
strenue
laboran-
dum et
sudand-
um.

quid laboris; quæ et postquam potuit concepta edere, rursum compulsæ est extincta suscitare. » Ita S. Gregorius, lib. XXX *Moral.*, cap. xxi.

Rursum a S. Paulo discant Episcopi et Prælati, ut non tam patres, quam matres suis subditis se exhibeant. Pulchre S. Bernardus Prælatos alloquens, serm. 25 in *Cant.*: « Discite, ait, subditorum matres vos esse debere, non dominos. Studete magis amari, quam metui: et si interdum severitate opus est, paterna sit, non tyrannica. »

Vers. 20. 20. VELLEM AUTEM ESSE APUD VOS MODO, ET MUTARE VOCEM MEAM, — ut affectus, quos epistola scripta non capit, voce viva exprimerem, ut scilicet quasi mater nunc blandirer, nunc gemerem, nunc obsecrarem, nunc objurgarem vos, ut solent matres naturales se in omnes affectus versare, nunc orare, nunc plorare, nunc gemere, nunc arguere, ut filios permovere, eisque persuadeant, id quod cupiunt: viva enim vox longe est efficacior litteris mortuis. Ita S. Hieronymus, Chrysostomus et D. Thomas.

Quomodo infirmiores et pueri regendi?

Agesilai vox.

Ece quo se dimittit amor: Paulus quasi pater videtur cum pueris suis hic puer fieri et repuerascere. Agesilaus rex, ut filiolo suo blandiretur, deposita purpura et sceptro, solebat cum ipso ludere, et equitare in arundine: cumque hac de causa a quodam e suis levitatis notaretur: « Nunc, inquit, tace; cum vero filios et ipse habueris, tunc tibi per me licebit regis insaniam illudere. » Idem hic diceret Paulus: modum nescit, pudorem nescit, laborem nescit maternus amor, nil sibi puerile, nil indecorum æstimat.

CONFUNDOR IN VOBIS, — pudore suffundor, erubescor. Ita aliqui, sed male; nam græce est ἀπορροῦμαι ἢ ἔλκω, id est hæreo, inops sum consilii, perplexus sum, nesciens quomodo debeam scribere apposite vobis, ut vos permoveam, quod Noster proprie vertit, confundor. Aliud enim est pudere et erubescere, aliud confundi, hoc est animo turbari, ut nescias quid sit agendum. Rursus Maldonatus in *Notis manuscr.*, duas alias affert explicationes. Prior est, « confundor in vobis, » id est non sum consecutus fructum prædicationis meæ quem exspectabam, itaque confundor. Secundus, ἀπορροῦμαι, id est hæsito et dubito an Christiani sitis, an Judæi.

Vers. 21. 21. LEGEM NON LEGISTIS. — Νόμον οὐκ ἀκούσατε, legem non audistis? hoc majoris est energię, q. d. Si me non audistis, legem ipsam quam ambitis, audite; ipsa vos a se ad Christum amandabit.

Vers. 22. 22. ABRAHAM DUOS FILIOS HABUIT, UNUM (scilicet Ismael) DE ANCILLA (videlicet Agar, quæ, utpote ancilla, secundaria erat uxor Abraham), UNUM (scilicet Isaac) DE LIBERA, — nimirum Sara, quæ primaria fuit uxor Abraham, domina et materfamilias, cujus filius erat hæres: nam concubinarum, qualis erat Agar, filii non erant hæredes, sed eis pater dabat munera, quæ volebat, ut dicitur Gen. xxv, 8 et 6.

Vers. 23. 23. SED QUI DE ANCILLA, SECUNDUM CARNEM NA-

TUS EST. — Ismael genitus est naturaliter, nimirum per carnis vires, per carnalem ac naturalem generationem, quæ habet, ut ex juvenula, qualis erat Agar, Abraham, licet senex, posset suscitare proles.

QUI AUTEM DE LIBERA, PER REPROMISSIONEM. — Isaac genitus est non virtute carnali et naturali, quia hæc in anu et sterili Sara defecerat, ut ex ea naturaliter suscitare prolem non posset senex et ipse Abraham; sed « per reprobmissionem » genitus est, puta per virtutem divinam et supernaturalem Dei, qui Abraham ex Sara supra naturam generationem Isaci promiserat, Gen. xvii, 18.

Isaac genitus per reprobmissionem.

24. QUÆ SUNT PER ALLEGORIAM DICTA. — Allegoria Rhetoribus est continua metaphora, estque in verbis et vocibus: hic vero, et passim apud Ecclesiasticos scriptores, significat typum et figuram, qua non voces, sed res et gesta in veteri Testamento significabant res et sacramenta novi Testamenti (4). Unde subdit:

Vers 24.

HÆC ENIM (græce αὗται, ipsæ, Sara videlicet et Agar) SUNT (id est per allegoriam, significant) DUO TESTAMENTA, — novum scilicet et vetus. Ita Hieronymus, Chrysostomus, Theodoretus, Anselmus. Vide Can. 6, ubi dixi hoc loco quatuor esse Scripturæ sensus. Primus, literalis, est planus litteræ sensus, scilicet Abraham ex Agar genuisse Ismaelem naturaliter, Isaacum ex Sara supernaturaliter. Secundus, allegoricus, cum ait: « Quæ sunt per allegoriam dicta; hæc enim sunt duo testamenta. » Tertius, tropologicus, cum ait, vers. 29: « Sed quomodo tunc is qui secundum carnem natus fuerat, persequabatur eum qui secundum spiritum: ita et nunc. » Quartus, anagogicus, cum ait, vers. 26: « Illa autem quæ sursum est Jerusalem, libera est, quæ est mater nostra. »

Explicatur allegoria et typus Sara et Agar.

SUNT DUO TESTAMENTA, — duo pacta, duo fœdera: hoc enim significat Græcum διαθήκη, ut dixi I Cor. xi, 25. Prius pactum et fœdus fuit initum cum Moise et Hebræis in Sina, quo Deus promisit se Hebræorum fore Deum, tutorem et protectorem, daturumque se illis terram Chanaan: Hebræi vicissim acceptantes tam benignum Dei pactum, eique consentientes promiserunt se decalogum aliasque Dei leges judiciales et cæremoniales servaturos, Exod. xxiv. Secundum pactum et fœdus fuit initum cum Christo et Christianis in Jerusalem et Sion, quo Deus Christo promisit se fore Christianorum Deum, amicum, patrem, eisque quasi filiis daturum hæreditatem suam cœlestem: Christiani vicissim per Christum et Apostolos tacite tam liberale Dei pactum amplectentes, Christique voluntati, dictis, promissis et præceptis consentientes, promiserunt se Christi fidem et præcepta servaturos, ut patet ex toto Evangelio, sed maxime ex ultima Christi cœna, quam des-

Duplex testamentum, novum cum Moyse a Deo initum, alterum cum Christo.

(4) Id est, ad sensum altiore referri et applicari possunt. Hesychius: Ἀλληγορία, ἕλκω τι παρὰ τὸ ἀκούμενον ὑποδακνύουσα.

cribit S. Joannes, cap. XIII et seq., in qua sanguine suo in Eucharistia fœdus hoc sanxit et firmavit, ut narrant S. Matthæus, Marcus, Lucas et S. Paulus.

UNUM QUIDEM A MONTE SINA (ita Græca, Syrus, et passim Latina, Latinique, Hieronymus, Ambrosius et alii; aliqui tamen legunt, *in monte Sina*, sed idem est sensus, q. d. Vetus testamentum a monte Sina traditum et promulgatum est) IN SERVITUTEM GENERANS, — hoc est, servos generans, videlicet Judæos, servientes umbris multiplicium, onerosarum et prægravium cæremoniarum, idque timore pœnarum, ac spe bonorum terrenorum, abundantiae videlicet frumenti, vini et olei, quæ Deus promisit Judæis, si legem pactumque servarent.

AGAR QUA EST AGAR. — Augustinus et Ambrosius paulo clarius legunt, *quod est Agar*, q. d. Quod testamentum vetus et servile significat Agar serva. Ita Hieronymus, Chrysostomus, Anselmus.

25. SINA ENIM MONS EST IN ARABIA. — Græca addunt, *Agar*; sic enim habent, τὸ γὰρ Ἄγαρ Σινὰ ὄρος ἵσθιν ἐν τῇ Ἀραβίᾳ, hoc est, *Agar enim Sina mons est in Arabia*, et ita legunt Syrus, Chrysostomus, Theophylactus, Œcumenius, qui docent Agar esse montem Sina; montem enim Sina ab Arabibus vocari Agar, q. d. Apte Agar serva significat montem Sina, et testamentum in Sina conditum pro servis, unde et Arabes Sina vocant Agar. Sed hoc ut ita sit, hiuleum est et distortum: nam vers. præced. dixit Agar esse, id est significare, testamentum vetus: quomodo ergo mox subderet Agar esse montem Sina? Videntur ergo Græca hic, uti et alibi, esse corrupta, legendumque ut Noster legit, uti et Beza fatetur: hæc enim lectio plana est, vera et certa.

IN ARABIA, — q. d. Etiam Arabes hanc Judæicam servitutem significant; soliti enim sunt ipsi servire: unde adagium, *Arabs tibicen*, cujus meminit Julius Pollux, quia olim sola mancipia musicam exercebant, quæ plerumque ex Arabia producebantur. Unde congrue in Arabia, nimirum in Sina, vetus servorum testamentum edidit Deus. Addit Chrysostomus: « Agar hebraice significat incolatum, Sina tentationem, Arabia occasum; Ismael idem est quod auditio Dei. Significatur ergo, ait S. Hieronymus, per Agar, vetus testamentum non fore perpetuum; per Sina, tentationem fore; per Arabiam occasurum; per Ismael qui tantum audiat præcepta Dei, non faciat, hominem scilicet rusticum, sanguinarium, qui fratribus hostis sit, significari Judæos duos, feros, hostes Christianorum, qui legem audiunt et non faciunt. »

Tropologice, idem Hieronymus: « Christiani de Agar nati sunt, qui sacræ Scripturæ corticem tantum sectantur, et in timore serviunt; de Sara vero nati sunt, qui spiritum et allegoriam legis veteris sectantur, serviuntque ex amore. » Vide hac de re disserentem S. Augustinum, lib. III Con-

tra duas epist. Pelag., cap. IV, ubi docet Abraham, Noe, Moysen, omnesque justos in veteri Testamento, filios esse novi Testamenti; quia eadem fide incarnationis et passionis Christi justificati sunt, eodem spiritu, eadem gratia, eodem Christi amore vixerunt; contra Christianos, qui jam timore pœnæ et coacti faciunt legem; filios esse veteris Testamenti, non novi.

QUI CONJUNCTUS EST EI QUÆ NUNC EST JERUSALEM, — q. d. Sina mons confinis, conterminus et vicinus est Hierosolymæ. Ita Hieronymus, Chrysostomus, Syrus. Idque primo, et proprie quoad locum: quia, ut tradunt Borchardus, Adrichomius, Zieglerus in *Descriptione terræ sanctæ*, Judæa, in qua est Jerusalem, confinis est deserto, in quo est Sina; tantum enim interjacet mons Idumææ. Sed mons hic tota est Idumæa, quæ montosa est, et bene magna, ideoque Judæa non tam conjuncta, quam longe a Sina disjuncta dicenda videtur.

Secundo, S. Thomas, conjuncta est Sina Hierosolymæ non vicinia loci, sed continuatione itineris, quia Hebræi ex Ægypto recto et continuo itinere per Sina iverunt in Judæam. Sed et hoc remotius est: sic enim mare Rubrum, ipsaque Ægyptus, id est Ægypti limites et fines, quæ transiverunt Hebræi euntes in Chanaan, dicerentur conjuncta Judææ.

Unde tertio et melius, Theophylactus, Vatablus et alii passim conjunctionem non loci, sed similitudinis accipiunt.

Hinc Glossa Ordinaria, « conjunctus, » inquit, hoc est *similis*. Græce enim est συγγενής, id est cognitionem et similitudinem habet; συγγενής enim est ordine progredi, sive in serie stare. Inde Grammatici litteras vocant συγγενή, quod certa serie una alteri jungatur; Philosophi rerum elementa vocant συγγενή, puta terram, aquam, aerem et ignem, quod horum quodque suo ordine et consistat, et aliis nectatur. Idem versus συγγενή dicuntur, et acies ordine compositæ συγγενή vocantur. Unde συγγενή, inquit Budæus, vocantur cognata, et συγγενή, est series et dispositio rerum inter se cognatarum et similibus. Sic ergo mons Sina συγγενή, id est cognitionem habet et similitudinem, estque in eadem quasi serie, proportionem et ordine rerum, cum Hierosolyma: quia scilicet illam apta quadam convenientia et allegoria significat et representat.

Primo, quia sicut Sina mons sterilis est in deserto, ita Jerusalem in cæremoniis sterilis est et arida. Rursum in Sina data est lex, in Jerusalem servata. Secundo, sicut Sina est extra terram promissionis: ita Jerusalem hæc legalis est extra Christi Ecclesiam, tum militentem, tum triumphantem. Tertio, et magis ad mentem Apostoli, sicut Sina genuit et aluit servos tum Arabes, tum Judæos, qui in Sina servilem legem acceperunt cum tuba, tonitru, terræmotu, ut iis quasi servi terrerentur, et horum, aliarumque pœnarum metu ac timore ad legem servandam adigerentur: ita jam Jerusalem quoad vitam et doctrinam Si-

more pœnæ legem servant, sunt filii veteris testamenti

Triplex hujus loci sensus.

Elementa vocantur συγγενή.

Convenientia et similitudo quadraplex montis Sinae cum Hierosolyma.

naica et legalis generat Judæos servos, qui umbris serviant, et timore pœnarum, æque ut illi Sinaici, ad custodiendam legem compellantur. Denique Sina cognationem habet cum Jerusalem, quia Sinaici illi Judæi qui in Sina legem acceperunt, parentes fuerunt Judæorum, qui jam vivunt in Jerusalem; et sicuti in natura, sic et in indole servili, moribusque Judaicis utrique conveniunt.

Est metonymia, qua Sina et Jerusalem suos incolae civesque significant, scilicet Judæos, q. d.

Quemadmodum Agar serva significabat servile testamentum Judæorum; sic et mons Sina Judæos servos generans, significabat Jerusalem Judæos servos generantem: hoc siquidem innuit vox *enim*, nimirum ut probet testamentum vetus Judæorum, quorum metropolis erat Jerusalem, a Sina ortum in servitutem, hoc est, servos generare. Sic autem probat: Qualis fuit Sina, talis fuit et Jerusalem; atqui Sina generavit servos, uti jam declaratum est: ergo et Jerusalem servos generavit et generat, veteris scilicet Testamenti.

ACCIPERE SCHEMA HUIUS σύζευξας, ÆQUE AC ἀντίσυζευξας ILLI OPPOSITÆ.

σύζευξας	ἀντίσυζευξας	σύζευξας
Servitus		Libertas
Agar serva	Uxores duæ	Sara libera
Ismael ex carne, servus	Filii duo	Isaac ex promissione, ingenuus
Lex in Sina	Testamenta duo	Evangelium in Sion
Jerusalem terrestris, Synagoga Judæorum, serva	Civitates duæ	Jerusalem cœlestis et divina, per gratiam mater omnium fidelium, libera
Judæi qui in cæremoniis et umbris legis manent.	Filii duo	Fideles qui gratiam Christi amplectuntur.

ACCIPERE SIMILE SCHEMA IN ELEMENTIS.

σύζευξας	ἀντίσυζευξας	σύζευξας
{ Ignis		{ Aqua
{ Aer		{ Terra

Hinc Physici ἀντίσυζευξας elementa vocant symbola, σύζευξας vocant asymbola.

ACCIPERE SIMILE IN NUMERIS.

Impar	ἀντίσυζευξας	Par
1		2
3		6
5		10
7		14
9		18

Numeri enim pares imparibus sunt ἀντίσυζευξας: pares autem paribus sunt σύζευξας, æque ac impares imparibus.

Exquiri-
tur origo
et causa
nominis
Jerusa-
lem.

QUÆ NUNC EST JERUSALEM, — q. d. Quæ nunc appellatur Jerusalem, cum olim dicta sit Jebus et Salem, deinde velut ex utrisque composito vocabulo Jerusalem quasi Jebusalem vocata est, quod nomen nunc retinet: postea ab Ælio Adriano Ælia est dicta. Ita Erasmus.

Secundo et melius, « quæ nunc est Jerusalem, » id est præsens Judaica Jerusalem: hanc enim opponit Jeruzalem illi, quæ sursum est, versu sequenti, hoc est Ecclesiæ Christi.

Tertio, « quæ nunc est, » id est quæ mortalis est, caduca et brevi peritura.

Adde, nomen Jerusalem non esse conflatum (ut vult Erasmus et alii) ex Jebus et Salem, sed ex

יָרֵם *irre*, id est videbit, et antiquo urbis nomine Salem: quia enim Abraham, Genes. xxii, immolaturus filium Isaac in monte Sion, roganti Isaac ubinam esset victima holocausti immolanda, respondit: Deus videbit et providebit sibi victimam, fili mi; hinc mons ille dictus est Dominus videbit, vel Moria, id est visio Dei, ut patet Genes. xxii, 3, 8 et 14, ac consequenter urbs monti huic Sioni, sive Moria, subjecta, dicta est Jerusalem. Ergo conflatur ex *irre*, id est videbit, et Salem, hoc est pacem, q. d. Visio pacis. Ita Andreas Masius in Josue x. Unde patet scribendum esse Jerusalem, non Hierusalem, per I videlicet, ut habet origo Hebræa, non per H.

ET SERVIT CUM FILIIS SUIS, — scilicet Agar, hoc enim requirit Græcum pronomen femininum *αγαρ*. Unde Lovaniensis Biblia correctissima, verba illa, « Sina enim mons est in Arabia, qui conjunctus est ei, quæ nunc est Jerusalem, » parenthesi includunt, ut sequentia, « Et servit cum filiis suis, » referantur ad finem versus præced., « Quæ est Agar, » q. d. Sicut Agar serva Ismaelem et posteros ejus servos generat, ita allegorice significat testamentum vetus generare servos. E contra, sicut Sara libera liberum genuit Isaac et posteros ejus (partus enim sequitur ventrem), ita allegorice significat novum Testamentum generare liberos, ut sequitur.

Servitus veteris Testamenti consistebat in duobus, uti et libertas Christiana. Nota : Servitus veteris legis et testamenti consistebat maxime in duobus : *primo*, quod cogeret homines metu pœnæ, non amore justitiæ, Deo et legi obsequi; *secundo*, quod crassis et corporalibus cæremoniis ad justitiam et salutem inutilibus occuparentur sub illa lege Judæi, earumque multitudine et gravitate quasi servi onerarentur, et quasi opprimerentur.

Contra libertas Evangelii et legis Christianæ in eo sita est, *primo*, quod amore et spiritu nos ducit ad Deo legique serviendum; *secundo*, quod nos docet Deum in spiritu veritateque colere, ac licet suas ipsa etiam cæremônias habeat, eæ tamen spiritui subserviunt, eumque excitant et acuunt.

Vers. 26. 26. ILLA AUTEM QUÆ SURSUM EST JERUSALEM, LIBERA EST, QUÆ EST MATER NOSTRA. — Ita vocat præsentem Ecclesiam novi Testamenti. Pro quo nota, Ecclesiam Christianam, quam significat Sara, id est princeps vel domina, quæque opponitur Synagogæ Judeorum, quam significat Agar serva, quatuor his notis insigniri : *primo*, quod sit de sursum; *secundo*, quod sit Jerusalem; *tertio*, quod sit libera; *quarto*, quod sit mater fecunda.

Ecclesia Christianorum quatuor notis insignitur.

Quæritur *primo*, quomodo de sursum est? Respondeo : *Primo*, quia Christus ejus caput e cœlo descendit, ac rursum in cœlos ascendit, indeque Ecclesiam regit. *Secundo*, quia perfectio Ecclesiæ in superis ac cœlestibus rebus est, nimirum in fide, spe, charitate. *Tertio*, quia virtus Sacramentorum ejus e sursum provenit, et Deum ipsum in Ecclesia quasi de sursum advenientem, præsentem habet. *Quarto*, quia disciplina et conversatio ejus in cœlis est, cor et thesaurum habet in cœlo apud sponsum suum. *Quinto*, quia ad æternam coronam et quietem in cœlo anhelat ac tendit. Ita Hieronymus, Ambrosius, Anselmus. Vide Apocal. xxi, 1.

Ecclesia cur vocatur Jerusalem? Quæritur *secundo*, cur dicitur Jerusalem? Respondeo, quia Jerusalem, ut dixi vers. præced., idem est quod visio pacis : hanc enim Ecclesia providet ac procurat Deus, ut scilicet gaudeat pace, non terrena, sed spiritali et cœlesti; quam Christus abiens, Joan. xiv, 27, ei legavit dicens : « Pacem relinquo vobis, pacem meam do vobis; » quæ est pax conscientiæ cum Deo, ~~et~~ cum omnibus hominibus quantum est ex parte sua.

Secundo et magis ad litteram, quia, sicut in Sina lata est lex vetus, ita in Sion et Jerusalem lata est lex nova, ibique cœpit Ecclesia nova et Christiana. Hinc passim Prophetæ Ecclesiam Christianam vocant Sionem, vel Jerusalem.

Quæritur *tertio*, cur vocatur libera? Nota : **Cur libera?** Quadruplex est libertas. *Prima*, civilis, quæ opponitur servituti civili mancipiorum. *Secunda*, moralis, quæ excludit servitutem cupiditatum et vitiolorum, metumque rerum adversarum, in qua Stoici perfectionem et beatitudinem ponebant, si videlicet quis de seipso vere dicere posset : « Etiam si fractus illabatur orbis, impavidum ferient ruinæ. » *Tertia*, spiritalis, ex perfecta charitate, quæ foras pellit timorem, proveniens; per quam non servili timore, sed amore filiali, reverentiaque servitur Deo, idque non corporalibus cæremoniis, sed in spiritu et veritate, ut dixi vers. præced., et hoc est, quod proprie hic spectat Apostolus. *Quarta*, cœlestis, quæ excludit omnem corporis et animi servitutem, quæ quibusvis ærumnis corporis et animi subjacet, estque consummata hominis felicitas. Dico ergo : Ecclesia jam habet libertatem moralem et spirituales; spe vero ac voto cœlestem præcipit et prægustat, illam re ipsa post resurrectionem adeptura.

Quæritur *quarto*, cur nuncupatur mater fecunda? Respondeo, quia ex sterili gentilitate, quæ dæmonibus serviebat, collecta Ecclesia Christi multos ei filios spiritales peperit et parit; non ex solis Judæis, ut Synagoga, sed ex omnibus et Judæis et Gentibus; eosque Christo ad cœlum transmittit. Unde sequitur :

Vers. 27. 27. LÆTARE (O Ecclesia ex Gentibus vocata et collecta, quæ eras) STERILIS (antea, et deserta a Deo, fide et lege), QUÆ NON PARIS (quæ hactenus non soles Deo filios parere; Deo jam desponsata) ERUMPE ET CLAMA. — Ita Septuaginta, quos sequitur Paulus, et, ut habet ad verbum Isaïas, *decanta laudem*, vel, ut hebraice est, *jubilum*, et *hinni*, quia per Christum *Christique* fidem *fecundata es*, ut multos ei parias filios spiritales præ ea quæ habet virum, id est præ Synagoga, cujus maritus erat lex, vel ipse Deus, non qua clemens pater, sed qua terribilis legislator et vindex. Synagoga enim quoad carnem genuit solos Judæos; Ecclesia vero quasi mater omnes Gentes credentes in Christum complexa est : quoad spiritum vero longe pauciores Deo peperit Synagoga, Prophetas scilicet, Patriarchas, et paucos alios viros sanctos, idque non viribus suis, sed gratia et virtute Christi, qui parens est novi Testamenti. Ita Hieronymus, Anselmus, Theophylactus.

Citat Apostolus caput Isaïæ LIV, quod licet Judæi interpretentur de restauratione terrenæ Jerusalem; Chiliastræ vero, sive Millenarii, de mille annis felicitatis quos fingunt sanctos post diem judicii in terra acturos in omni carnis voluptate, ut testis est ibidem Hieronymus : tamen ex hoc Pauli loco patet Isaïam loqui de felicitate et fœ-

Ecclesia
est virgo
virtuti-
bus, ma-
ter pro-
libus.

cunditate Ecclesiae Christianae. De qua pulchre S. Ambrosius, lib. I *De Virginitate*: « Sancta, inquit, Ecclesia immaculata coitu, fecunda partu, virgo est castitate, mater est prole: parturit itaque nos virgo non viro plena, sed spiritu; parit nos virgo, non cum dolore membrorum, sed cum gaudio angelorum; nutrit nos virgo non corporis lacte, sed Apostolorum; virgo est Sacramentis et virtutibus, mater est populis, cujus fecunditatem Scriptura testatur: Quoniam plures filii deserte, quam ejus quae habet virum et sponsum; eo quod sive Ecclesia in populis, sive anima in singulis Dei Verbo, sine ullo fluxu pudoris quasi sponso innubit aeterno. » Et S. Hieronymus hic: « Ecclesia, inquit, diu sterilis non peperit antequam Christus de Virgine nasceretur: sed cum Christum quasi Isaac, id est risum, mundo peperit de Abrahamo, id est de electo patre cum voce sublimium dogmatum resonante, proles plurimas Deo peperit. » Abraham enim Hieronymo dicitur hebraice quasi *אב רב המון* *ab bar hamon*, id est pater electus cum sonitu.

Abraham significat patrem electum cum sonitu.

Nota: Abraham primo vocatus fuit Abram, quasi dicas *אב רם* *ab ram*, id est pater excelsus: tuncque ex Agar genuit Ismael. Deinde fœdus iniens cum Deo, accipiensque promissionem de Isaaco a se generando, et terra Chanaan ab eo possidenda, mutatum illi a Deo fuit nomen, et pro Abram, ut *Genes. xvii, 5*, dictus est Abraham, q. d. *אב רב המון* *ab rab hamon*, id est pater magnae multitudinis, scilicet ex Isaac secundum carnem, et ex Christo secundum spiritum nascituræ et descensuræ ab Abraham. Hæc genuina est ratio et significatio nominis Abraham. S. Hieronymus tamen vult etiam alludere alio nomen Abraham, scilicet ad *אב רב המון* *ab bar hamon*, id est pater electus cum sonitu et tumultu, vel cum turba et multitudine; hæc enim omnia significat *hamon*.

Secundo et melius, Abraham significat patrem magnae multitudinis. Abraham est symbolicus Deus, Agar Synagoga, vera Ecclesia.

Nota secundo: Symbolice Abraham est Deus; hic ex Agar serva, hoc est ex Synagoga, genuit Ismael servum, id est Mosen et Judæos servos legis veteris, eisque fuit Abram, id est pater excelsus, qui ab alto tonuit legem ex Sina, eisque se exhibuit quasi Dominum majestate venerandum et vindicta terribilem: Abraham vero, hoc est idem Deus, ex Sara, id est Ecclesia, libera genuit Isaac (hoc est, risum et gaudium) quasi liberum et heredem, puta Christum et Christianos, eisque fuit Abraham, id est pater magnae multitudinis, scilicet ex omnibus Gentibus per Christum, Christianique fidem et baptismum regenerandæ; vel, ut Hieronymus, fuit Abraham, id est pater electus cum sonitu, quia per Joannem Baptistam, Christum et Apostolos magna voce prædicavit regnum Dei, omnesque credentes eo vocavit, et ad illud elegit omnes, qui in fide et obedientia Christi, in qua baptizati et renati sunt, persistunt.

Moses primus Synagoga filius

Ubi nota tertio, Isaac, id est Christum, dici natum ex Sara, hoc est Ecclesia, non quasi Ecclesia fuerit a parte rei mater Christi, aut prior Christo,

cum a Christo cœperit et fundata sit; sed quod in mente Dei et idea divina quodammodo Ecclesia fuerit prior, ac Christi mater. Deus enim voluit primo existere Synagoga, deinde ei surrogare Ecclesiam: itaque habuit Deus primo in mente et intentione ideam Synagogæ, deinde Ecclesiæ, et ex hac voluntate, decreto et intentione voluit et decrevit quasi in secundo instanti et signo rationis, ut loquuntur Scholastici, creare et producere Mosen, quasi primum ideæ hujus filium, qui reliquum ideæ exequeretur, ipsamque Synagogam inchoaret et institueret. Pari modo ex voluntate ac decreto condendi Ecclesiam voluit creare et producere Christum quasi primum ideæ hujus, id est Ecclesiæ, prout erat in mente Dei, filium, qui reliquum ideæ exequeretur, ipsamque Ecclesiam quasi primus et angularis illius lapidis inchoaret, fundaret, instrueret. Sic Christus et Christiani vocantur vers. seq.; et alibi, *filii promissionis et prædestinationis Dei*: quia eorum, uti et matris, id est Ecclesiæ, productio pure et mere fuit opus et creatio solius Dei, divinæque voluntatis et prædestinationis tanquam patris, et divinæ conceptionis ac ideæ tanquam matris.

28. NOS AUTEM, FRATRES, SECUNDUM ISAAC (instar Isaac, qui non virtute carnis, sed promissionis divinæ natus est ex anu et sterili Sara) PROMISSIONIS FILII SUMUS.

29. SED QUOMODO TUNC IS, QUI SECUNDUM CARNEM NATUS FUERAT (hoc est Ismael, carnali virtute et generatione prognatus ex Agar), PERSEQUEBATUR EUM QUI SECUNDUM SPIRITUM, — id est Isaac, qui natus est ex Spiritu Sancti promissione et virtute supra naturam ex Sara, quasi typus fidelium et spiritualium filiorum legis novæ. Ita Anselmus.

Nota: Alludit Apostolus, vel potius citat rem gestam *Genes. xxi, 8*, ubi dicitur: « Crevit itaque puer (Isaac) et ablactatus est, fecitque Abraham grande convivium in die ablactionis ejus: cumque vidisset Sara filium Agar Ægyptiæ (Ismaelem) ludentem cum Isaac filio suo, dixit ad Abraham: Ejice ancillam hanc, et filium ejus; non enim erit hæres filius ancillæ cum filio meo Isaac. »

Ubi adverte, lusum hunc Ismaelis cum Isaac fuisse irrisorem, subsanationem, vexationem, imo persecutionem, ulli hic interpretatur Apostolus; sic ludunt canes cum felibus, et feles cum muribus: sic duellum Joab cum Abner vocatur lus, *II Reg. ii, 14*: « Surgant, inquit Abner, pueri, et ludant coram nobis, » id est coram nobis digladiantur, pugnent, duellant. Cur Ismael irriserit et persecutus sit Isaacum, causam fuisse putat Hieronymus et alii, quod invideret convivio in ablactione Isaaci celebrato, ac consequenter primogenituræ ac hæreditati Isaaci, itemque promissioni de semine benedicto, id est Christo, ex Isaac nascituro. Agar vero Ismaelem filium irridentem non repressit, unde tam in eam, quam in Ismaelem excanduit Sara, et tam Agar, quam Ismaelem, ejici voluit

et institutor, Christus Ecclesiæ.

Vers. 28.

Vers. 29.

Locus *Genes. xxi, ii*, illustratus.

Ismael deridens Isaac, figura fuit irrisuionis et persecutorum Ecclesiæ. **ITA ET NUNC, — q. d.** Uti olim Ismael ironice lusit cum Isaac, eum vexando et persequendo, ita nunc Judæi Christum regem libertatis irriserunt, vexarunt, crucifixerunt, ejusque liberos Christianos pertinaci odio persequuntur, uti jam vos Galatas vexant et persequuntur, ut sibi subjiciant, pessumdent atque pervertant. Ita Ambrosius, Anselmus. Vide Hieronymum et clarissime Rupertum in *Gen. xxi*, 9.

Vers. 30. 30. SED QUID DICIT SCRIPTURA? EJICE ANCILLAM.

— Sunt verba Saræ, *Genes. xxi*, quibus petit ab Abraham marito, ut ejiciat Agar cum Ismaele vexante suum Isaac; quod licet Abraham ægre tulerit, Deus tamen hæc verba et postulata Saræ probat, jubetque Abrahamo, ut Saræ in illis obsequatur, tum quia in se æqua erant et justa, tum ob typum et significationem futurorum : volebat enim Deus hac ejectione Agar et Ismaelis ex domo et hæreditate Abrahæ, significare, pari modo repudiandam a Deo Synagogam cum Judæis, eosque benedictione, justitia, amicitia, Ecclesiæ et hæreditate Dei expellendos esse, quia Christum et Christianos persequuntur. Ita Patres jam citati.

Expulso Ismaelis ex domo Abrahæ typus fuit reprobationis Judæorum.

Nota : Pro eo, quod habet Paulus : « Non erit hæres filius ancillæ cum filio liberæ; » Sara in *Genesi* dixit : « Non erit hæres filius ancillæ cum filio meo Isaac. » Non ergo verba, sed sensum sacræ Scripturæ reddit Paulus, idque ad majorem energiam et antithesin : Isaac enim solus mansit hæres, quia liber et filius liberæ; Ismael vero expulsus fuit, quia servus et servæ filius, invidens ac persequens fratrem suum liberum, ideoque hæredem Isaac.

Sic allegorice Christiani, quia liberi, sunt hæredes benedictionis et justitiæ Abrahæ; Judæi vero ab ea repelluntur, quia servi sunt invidentes, et Christum Christianosque persequentes, qui liberi sunt, ideoque hæredes; idque hic voluit significare Paulus, ideoque Isaac non vocavit Isaac, sed *filium liberæ*.

31. QUA LIBERTATE CHRISTUS NOS LIBERAVIT. — Vers. 31.

Pro *liberavit* Tertullianus legit, *manumisit*; q. d. Non nostris meritis, prosapiæ, talentis, sed Christi gratiæ tribuendum est, quod simus filii novi Testamenti et Ecclesiæ quasi liberæ, liberi, et liberati a veteris legis, Testamenti et Synagogæ quasi ancillæ, servitute.

CAPUT QUINTUM.

SYNOPSIS CAPITIS.

Pergit urgere Galatas, ut jugum legis veteris non admittant, ne expertes fiant fructus et justitiæ Christi, in quo nec proderit circumcisio, nec præputium, sed fides quæ per charitatem operatur.

Hinc secundo, vers. 13, vocat eos ad libertatem Christianam, eamque sitam esse docet in charitate et spiritu, itaque a priori epistolæ parte, scilicet dogmatica, transit ad alteram, puta ethicam.

Unde tertio, vers. 17, docet carnem concupiscere adversus spiritum, et contra : atque tam carnis quam spiritus opera recenset.

1. State, et nolite iterum jugo servitutis contineri. **2.** Ecce ego Paulus dico vobis : quoniam si circumcidamini, Christus vobis nihil proderit. **3.** Testificor autem rursus omni homini circumcidenti se, quoniam debitor est universæ legis faciendæ. **4.** Evacuati estis a Christo, qui in lege justificamini : a gratia excidistis. **5.** Nos enim spiritu, ex fide, spem justitiæ exspectamus. **6.** Nam in Christo Jesu neque circumcisio aliquid valet, neque præputium : sed fides, quæ per charitatem operatur. **7.** Currebatis bene; quis vos impedit veritati non obedire? **8.** Persuasio hæc non est ex eo, qui vocat vos. **9.** Modicum fermentum totam massam corrumpit. **10.** Ego confido in vobis in Domino, quod nihil aliud sapietis : qui autem conturbat vos, portabit judicium, quicumque est ille. **11.** Ego autem, fratres, si circumcisionem adhuc prædico, quid adhuc persecutionem patior? Ergo evacuatum est scandalum crucis. **12.** Utinam et abscindantur qui vos conturbant. **13.** Vos enim in libertatem vocati estis, fratres : tantum ne libertatem in occasionem detis carnis, sed per charitatem Spiritus servite invicem. **14.** Omnis enim lex in uno sermone impletur : Diliges proximum tuum sicut teipsum. **15.** Quod si invicem mordetis, et comeditis : videte ne ab invicem consummaminini. **16.** Dico autem : Spiritu ambulate, et desideria carnis non perficietis. **17.** Caro enim concupiscit adversus spiritum, spiritus autem adversus carnem :

hæc enim sibi invicem adversantur : ut non quæcumque vultis, illa faciatis. 18. Quod si spiritu ducimini, non estis sub lege. 19. Manifesta sunt autem opera carnis : quæ sunt fornicatio, immunditia, impudicitia, luxuria, 20. idolorum servitus, veneficia, inimicitiae, contentiones, æmulationes, iræ, rixæ, dissensiones, sectæ, 21. invidiæ, homicidia, ebrietates, comessationes, et his similia, quæ prædico vobis, sicut prædixi : quoniam qui talia agunt, regnum Dei non consequentur. 22. Fructus autem Spiritus est : charitas, gaudium, pax, patientia, benignitas, bonitas, longanimitas, 23. mansuetudo, fides, modestia, continentia, castitas. Adversus hujusmodi non est lex. 24. Qui autem sunt Christi, carnem suam crucifixerunt cum vitiis et concupiscentiis. 25. Si spiritu vivimus, spiritu et ambulamus. 26. Non efficiamur inanis gloriæ cupidi, invicem provocantes, invicem invidentes.

Vers. 1. 1. **STATE**, — firmi et constantes persistite in fide et libertate Christi, de qua præcessit in fine cap. præced. Imo Græci, Ambrosius, Syrus, Augustinus, nectunt *state* cum ultimis verbis cap. præcedent., sicque ordiuntur hoc caput : τῇ ἐλευθερίᾳ αὐτῇ (hanc enim notam illationis habent Græca), ἡ Κρίσις ἡμῶς ἐλευθερώσας, ἤρξατο, hoc est *libertate igitur, qua Christus nos liberavit, state*.

NOLITE ITERUM JUGO SERVITUTIS CONTINERI. — *q. d.* Olim servistis idolis et dæmonibus, cur iterum servire vultis, non idolis, sed umbris et crassis onerosisque cæremoniis legis Moysi? Nota : Pro *contineri* græce est ἐνέχεσθαι, id est, ut Vatablus, *ne implicemini*; Erasmus, *ne illaqueemini*, *q. d.* Judaizantes ad legem vos quasi ad retia et laqueum pelliciunt, iisque vos illaqueant, ac ita implicant, ut vos e tot tamque variis sinuosæ legis præceptis et ambagibus expedire et extricare non possitis.

Vers. 2. 2. **SI CIRCUMCIDAMINI, CHRISTUS VOBIS NIHIL PRODERIT**, — si circumcisionem apprehenditis, ut necessariam ad salutem, si spem justitiæ et salutis in ea ponitis, Christus, id est Christi redemptio, fides, gratia, baptismus, religio, scilicet Christianismus ipse, nihil vobis proderit. Hoc autem videmini facere, o Galatæ; hocque vobis Judaizantes persuadent : cum enim sitis Gentiles, et in gentilismo baptizati, factique Christiani, cur baptismismo circumcisionem adjungitis? nullam sane justam aliam causam huic vestro facto prætexere potestis, nisi quod putetis circumcisionem ad justitiam et salutem prodesse, nec baptismum ad eam sufficere; nec enim prætexere potestis quod Judæi prætexunt, videlicet ad honorem suæ legis et gentis adhuc se circumcidere : hic enim adhuc justus est titulus et causa servandæ legis, modo salutis spem in ea non ponant. Ita Anselmus.

Assum-
re cir-
cumci-
sionem
quare
Judæis
licuerit,
non Gen-
tibus?

Vers. 3.

Circum-
cisio est
legis ve-
teris pro-
fessio.

TËSTIFICOR (μαρτυροῦμαι, contestor quasi testis fidelissimus et verissimus, imo quasi vester Apostolus denuntio) **OMNI HOMINI CIRCUMCIDENTI SE, QUONIAM DEBITOR EST UNIVERSE LEGIS FACIENDÆ**, — quia per circumcisionem adscribi se curat militiæ Ecclesiæque Judaicæ, ac illam illiusque leges et onera, sponte sua subit, amplectitur et profite-
tur : est enim circumcisio tacita legis veteris onerosissimæ professio, quemadmodum baptismus est professio legis novæ et christianismi. Ita An-

selmus et alii. Est nova ratio petita ab obligatione tot onerum legis pene importabilem, *q. d.* Ut quid circumcidimini? ut quid leges veteres tam multas, tam duras, tam molestas suscipitis? ut quid sponte jugum hoc induitis? quid enim aliud est circumcisio, quam harum legum et horum onerum spontanea susceptio et obligatio?

4. **EVACUATI ESTIS** (scilicet per vos ipsos, vos ipsi evacuastis) **VOS A CHRISTO**, — id est a Christi redemptione, gratia, salute omnique efficacia et influxu meritorum ejus, ut amplius nihil boni in vos influere et derivare possit, sed vos omnibus suis beneficiis quasi vacuos relinquat.

Vers. 4.

QUI IN LEGE JUSTIFICAMINI (id est, qui justitiam ex circumcisione aliisque legis operibus quaeritis. Unde explicans subdit), **A GRATIA** (id est a gratuita justificatione, quam per Christi fidem et gratiam in baptismo adepti estis) **EXCIDISTIS**, — quia scilicet gratiæ Christi, diffidendo illi, et ad legem recurrendo, fuistis et ingrati et injurii, ut propter injuriam hanc gravem et mortiferam, Christus gratiam suam et justitiam datam vobis subtraxerit.

Nota : Καταργήσατε, id est *evacuati estis*, passivum est, sed hic accipitur in conjugatione et significatione *hitpaal*, ut scilicet passionem ab eodem agente significant, sive actionem reflexam in seipsum, in qua idem est agens et patiens, *q. d.* Evacuati estis a vobis ipsis, ipsi vos evacuastis.

Qui jus-
titiam
quaerunt
ex lege,
vacuant-
et irri-
etam fa-
ciunt
Christi
redem-
ptionem.

Hinc *secundo*, dicit « a Christo; » sicut enim puteus ruderibus obrutus, ab aquis evacuatur et exhauritur : ita vos Christo Christique gratia antea pleni, jam eam e cordibus vestris evacuastis et exhaustis, itaque fructum omnem passionis ac redemptionis Christi perdidistis et abjecistis. Rursum « evacuati estis a Christo, » quia Christus in sua Ecclesia antea vos continens, jam ab ea vos rejecit et quasi evacuavit. Unde Græcum καταργήσατε plane et clare verti posset, aboliti estis a Christo et christianismo, id est non estis amplius Christiani; et, ut Syrus vertit, descivistis a Christo.

Posset *secundo*, per hypallagen accipi cum Vatablo, « evacuati estis a Christo, » id est Christus evacuatus est a vobis, *q. d.* Christus factus est vobis vacuus, id est otiosus, inefficax, inutilis et

quasi enervatus (hoc enim est *καταρυσθαι*, illicque respondens hebræum פָּרַה *para*); Christi labor vobis inanis est et cassus, Christi passio et redemptio in vobis est irrita, quia vim nullam, nullam efficaciam nullumque fructum, hoc est nullam gratiam in vos transfundit; vacant in vobis Christi insignia, nomen et dignitas Christiani: ergo vel ista ponite, si legem ambitis; vel; si retinere vultis, valedicite legi: alterutrum enim vacet necesse est. Similis hypallage in hoc eodem verbo Græco est *Rom. vii, 5*, ut ibi dixi.

Vers. 5. **5. NOS ENIM SPIRITU EX FIDE SPEM JUSTITIÆ EXPECTAMUS.** — Probat Judaizantes, qui justificari volunt ex lege, excidisse a Christo et christianismo, nec esse amplius Christianos: quia « nos, » inquit, qui veri et puri Christiani sumus, non ex lege, circumcisione aliisque corporalibus caeremoniis, sed « spiritu, » id est per spiritum gratiæ et charitatis, « ex fide, » scilicet Christi, acceptum, « spem justitiæ, » id est justitiam speratam « expectamus. »

Fides **quomodo** **perducit** **ad spem,** **pœnitentiam et gratiam?** Nota: Vocat *spiritum ex fide*, quia fides est, quæ hominem excitando ad spem, pœnitentiam et orationem, impetrat spiritum gratiæ Dei quo justificamur. Rursum, « spem justitiæ » aliqui accipiunt gloriam æternam, quam speramus per justitiam nostram adipisci. *Secundo* et melius, per hypallagen « spem justitiæ » explicoes justitiam spei, id est speratam, *q. d.* Justitiam, quam omnes speramus, quam omnes habemus in votis, ad quam omnes anhelamus, illam Judæi expectant ex lege carnali, sed falso: nos vero Christiani vere illam expectamus, quærimus et accipimus ex spiritu, quem accepimus ex fide Christi.

Vers. 6. **6. NAM IN CHRISTO JESU (in Christi doctrina, Ecclesia, religione, id est in christianismo, juxta Can. 37) NEQUE CIRCUMCISIO ALIQUID VALET (supple, ad justitiam, Christianamque, hoc est sanctam et beatam vitam), NEQUE PRÆPUTIUM (id est neque judaismus, neque gentilismus: vide quam deprimat judaismum, cum ei gentilismum æquiparat: ita Chrysostomus): SED FIDES QUÆ PER CHARITATEM OPERATUR, — id est fides non sola, nec inanis et otiosa, sed quæ charitate perficitur, ut vertit Syrus, et in charitatis opera se diffundit, qualis fuit fides Magdalene pœnitentis, Christique pedes lacrymis ablantis: nam fides, quæ charitatem et opera non habet, fides est dæmonum, non Christianorum, ait Anselmus. Quod notent Novantes, qui soli fidei justitiam arrogant. Quocirca hoc syllogismo hinc deducto noster Campianus, Angliæ martyr (ut habet ejus Vita), in carcere disputans cum lutheranis, eos convicit: Fides quæ valet coram Deo ad justitiam Dei que amicitiam, sive in qua est vis et valor justificandi, est illa, teste Apostolo, quæ per charitatem operatur, ideoque charitati plane unita et conjuncta est; atqui fides sola justificans quam statuunt Lutherani, non est fides quæ per charitatem operatur; præsupponitur enim ab iis esse sola, ideoque a**

charitate sejuncta in valore justificandi: ergo fides sola justificans quam statuunt Lutherani, non est fides quæ coram Deo valet ad justitiam Dei que amicitiam; adeoque contradictionem involvunt hæc duo; fidem esse solam, et tamen esse justificantem: ut enim justificet fides, sibi jungi postulat charitatem: non ergo est sola, quæ charitati est sociata.

Nota: fides non operatur per charitatem, sicut causa efficiens operatur per instrumentum suum: sed sicut dispositio operatur per formam ad quam disponit: uti calor per formam ignis dicitur operari ligni inflammationem, lignumque ignire et in ignem convertere; ita fides per charitatem operatur opera bona, efficiendo scilicet actus charitatis Dei et proximi, ac imperando actus aliarum virtutum. Charitas enim est quasi forma non essentialis, sed accidentaria, quæ fidei et omnibus bonis operibus vitam, valorem et meritum tribuit in ordine ad ultimum finem. Charitas enim fidei, et reliquis omnibus virtutibus dat *primo*, statum virtutis: ubi enim est charitas, ibi exultat vitium, regnat virtus, suumque habet statum et regnum; aliasque virtutes hoc eodem statu et regno suo donat, ut inde homo absolute virtute præditus, justus; sanctus denominetur. *Secundo*, charitas tribuit eisdem dignitatem, vim et efficaciam merendi: facit enim hominem divinum, Dei amicum et filium, ac consequenter opera illius efficit divina, digna et grata Deo, ut iis Deus promittat æterna præmia. *Tertio*, tribuit eisdem ordinem ad ultimum finem: charitas enim totum hominem omniaque quæ in eo sunt, dirigit ad Deum, Dei que amorem et laudem. Ita D. Thomas.

Charitas tribuit tria singularia fidei et ceteris virtutibus.

Nota *secundo*, pro *operatur* græce est *ἐνεργουμένη*, quod verbum significat internam vim, occultam efficaciam et energiam, *q. d.* Fides charitate formata, eaque quasi anima sua animata, per intimam quamdam vim et spiritualem suum influxum opera virtutum vitalia operatur.

7. CURREBATIS BENE, — in vita et doctrina Christiana, quasi in via et stadio ad æternæ gloriæ consequendum bravium. **Vers. 7.**

QUIS VOS IMPEDIVIT (græco *ἐνέκολε*, id est interpellavit a cursu hoc, eumque incidit; S. Anselmus legit, *quis vos fascinavit?*) NON OBEDIRE (ut a cursu aversi, eumque reflectentes, non obediretis) VERITATI, — doctrinæ Christi et Christianæ: sed delaberemini et decurreretis ad errores judaismi? Notat Hieronymus in vetustis codicibus non inveniri *non obedire veritati*, et sine eo sensus plane sibi constat.

NEMINI CONSENSERITIS, — Judaizanti scilicet, volenti vos pellicere a cursu Evangelii ad judaismum. Sed nota: Hæc verba delenda sunt; delent enim ea Biblia Romana et Græca.

8. PERSUASIO HÆC (qua vobis persuasum est, aut potius qua Judæi, qui vos in cursu Christianæ vitæ impediunt, vobis persuadere conantur,

Soli fidei non competit justitia contra Novantes, et quomodo fides se habeat ad alias virtutes?

legalia necessaria esse Christiano ad salutem) NON EST EX EO, QUI VOCAT VOS, — id est, non est ex Deo Patre, qui vos ad fidem, gratiam et salutem vocavit per Christum; sed potius ex diabolo est ejusque ministris. Ita Anselmus.

Vers. 9. 9. MODICUM FERMENTUM TOTAM MASSAM CORRUMPIT.

— Græce, μικρὰ ζύμη διὰν φέροντα ζυμῶσι, id est, ut Hieronymi Commentarius vertit, *modicum fermentum totam consersionem* (id est farinam conspersam et subactam, quam vulgo pastam vocant) *fermentat*, hoc est suo acore imbuat, inficit, corrumpit et acidam facit. Est adagium significans parvum alicujus partis vitium, totum pervadere ac depravare; unde ad varia aptari potest. Hinc I Cor. cap. v, vers. vi, aptat illud fornicario, qui quasi fermentum totam Corinthiorum Ecclesiam suo exemplo et infamia aspergebat et corrumpibat: ita et hic aptat Judaizantibus, *q. d.* «Modicum fermentum,» etc., hoc est, pauci Judaizantes et errantes totam Ecclesiam vestram, o Galatæ; multitudinem corrumpunt: de hisce enim Judaizantibus agit in præcedentibus et sequentibus vers. 7, 8, 10 et 12. Ita Anselmus et Hieronymus qui ait: «Arius in Alexandria una scintilla fuit, sed quia non statim oppressa est, totum orbem ejus flamma populata est: quia sermo eorum uti cancer serpit in corpore, et unius pecudis scabies totum comaculat gregem.»

Secundo, recte ac valde apte hoc adagium accipi potest de ipsa doctrina et errore Judaizantium, *q. d.* «Modicum fermentum,» etc., id est modicus, imo unus error in fide, qualis est hic de servandis legalibus, totam fidei substantiam, ipsamque religionem ac Christianismum evertit; vel, ut magis præcise et proprie Chrysostomus et Theophylactus, modicum fermentum est circumcisio, quæ sola, si eam recipiatis, in perfectum judaismum vos trajiciet, sicuti fermentum, licet modicum, totam massam ad se rapit, et in suum sorem et acorem transmutat: de circumcisione enim egit vers. 2, 3, 6, et de ea dixi vers. 3, quod qui se circumcidit, debitor est universæ legis: videntur enim Judaizantes præcipue Galatis circumcisionem persuasisse, quasi rem modicam et levem, se-1 tacuisse reliqua legis onera, quæ circumcisi subibant et profitebantur. Unde ea hic detegit Paulus, dicitque circumcisionem esse possessionem totius judaismi, totiusque christianismi corruptionem, uti fermentum exiguum massam totam inficit et corrumpit.

Vers. 10. 10. CONFIDO IN VOBIS (id est de vobis) IN DOMINO (in clementia et gratia Domini, quod ipse vos in fide Christi, ad quam vos vocavit, stabiliet, quo fiet) QUOD NIHIL ALIUD SAPIETIS, — id est quod non credetis aliud scilicet, quam quod a Domino per os meum accepistis, et edocti estis de lege et libertate Christiana; non sequimini novitios doctores novasque eorum persuasiones (1).

(1) Rectius: Ego de vobis in Domino confido, vos, hac

QUI AUTEM CONTURBAT VOS (judaismum novasque sectas inducendo, itaque totam Ecclesiam vestram turbando et lacerando), PORTABIT JUDICIUM, — id est pœnam et vindictam Dei, quam scilicet Deus acerrimus hæresum vindex justo suo judicio illi infliget; est metonymia: *judicium*, id est condemnationem et pœnam judicio et judicis sententia irrogatam.

Deus acerrimus hæresum vindex.

Vers. 11. 11. EGO AUTEM, FRATRES, SI CIRCUMCISIONEM AD-

HUC PRÆDICO, QUID ADHUC PERSECUTIONEM PATIOR? — Fingebant Judaizantes Paulum apud Judæos judaizare, apud Gentes judaismum impugnare: hoc figmentum hic refellit Paulus: Cur enim, inquit, Judæi tam acerbis odiis me persequuntur, nisi quia publice contrarium doceo; et ubique Evangelium stabilio, circumcisionem tollo et aboleo quantum possum? Rursum;

ERGO EVACUATUM (κατήργηται, abolitum est) SCANDALUM CRUCIS, — *q. d.* Si ita est de me, ut ipsi fingunt, ergo non est quod ipsi scandalizentur in cruce Christi, quam prædico: crucem enim et ipsi admittunt, voluntque videri Christiani, modo simul cum cruce Christi lex Mosis admittatur. Imo et puri Judæi, qui non nisi pro judaismo pugnant, non adeo curant prædicationem crucis, nisi quia per illam evertitur lex et judaismus; adeo ut, si crucem cum judaismo combinarem et prædicarem, me non persequerentur. Jam vero cum ita in mea prædicatione crucis Christi scandalizantur et offenduntur, patet me passim et aperte docere, per crucem Christi legem esse abolitam, atque ex cruce, non ex lege nos justificari, ideoque eos mihi tam esse intensos, me ubique insectari, quia scilicet ita prædico crucem Christi unam et solam viam et medium ad justitiam et salutem, ut tollam legem et circumcisionem.

Paulus cur fuerit Judæis odio?

Vers. 12. 12. UTINAM ET ABCINDANTUR QUI VOS CONTURBANT. — «Abcindantur,» scilicet ab Ecclesia, vestroque consortio, ne quasi fermentum totam Ecclesiam corrumpant: sic enim fornicarium ab Ecclesia abscindi jussit, I Cor. v, 3. Hic sensus planus est, et gravitate apostolica dignus.

Duplex hujus loci sensus.

Aliter tamen Ambrosius, Chrysostomus, Theophylactus, Hieronymus, Augustinus et alii, *q. d.* Utinam exsecerentur omnino membro genitali, cujus occasione delinquant, dum se et vos circumcidere volunt!

Dices: Quomodo Apostolus mala Judaizantibus imprecatur? hoc est enim contra charitatem, ac indicium animi impatientis et vindictæ cupidi. «Tam enim detestanda, ait Hieronymus, est abscissionis passio, ut et qui invitis eam intulerit, legibus publicis puniatur, et qui seipsum castraverit, infamis habeatur.»

Respondet primo Hieronymus, Apostolum ut hominem hoc ex passione dixisse; sed absit non

Quatuor respon-

mea perlecta Epistola, nihil aliud esse sensuros, quam quod hactenus vos doceat.

siones ad modo ab Apostolo, sed et a Spiritu Sancto, hæc
id quod passio maledicentiæ.

Unde aliam responsionem addit Hieronymus,
hic ob- scilicet non ex odio; sed partim ex zelo justitiæ
citur contra (quomodo S. Petrus Simoni Mago, *Actor. viii*,
Aposto- 20, et Elisæus pueris se iridentibus maledixit,
lum IV *Reg. ii*, 24), partim ex amore exsectionem eis
Judæis imprecatum esse, ut scilicet in eo quo peccant,
maledi- scilicet in sua circumcissione puniantur, et puniti,
centem. hæc ignominia corrigantur et emendentur.

Respondent *tertio*, S. Chrysostomus et Theo-
phylactus, non esse maledicentiam, sed asty-
smum et licentiam: Apostolus enim festiva urba-
nitate jocatur in circumcisos, *q. d.* Si volunt, non
solum circumcidantur, sed et exsecuntur.

Quarto, S. Augustinus et Anselmus putant non
esse maledictionem, sed benedictionem, *q. d.*
Utinam Judaizantes spadones fiant et castrant se
spiritualiter per castitatem et continentiam prop-
ter regnum cælorum, ut sic desinant cogitare et
prædicare Judaicam circumcissionem, incipiant-
que cælum ac cælestia cogitare, et ad ea per le-
gem et consilia Christi tendere. Inter has quatuor
responsiones secunda planior est et solidior.

Denique hinc Origenes castravit se, ne concu-
piscentiæ motus ejus castitatem turbarent: sed
perperam, ut recte Chrysostomus. Nec enim hæc
est mens Apostoli, nec membra corporis, sed vitia
resecanda sunt; alioqui et oculos et aures et lin-
guam resecare liceret. Adde, hæc castratione
membrum, non concupiscentiam truncari: hæc
enim in castratis sæpe etiam magis, quam in vi-
ris, ut docet S. Basilius, lib. *De Virginitate*, in
turpia desideria et tactus inardescit. Unde *Eccli.*
xx, 2, dicitur: «Concupiscentia spadonis devir-
ginabit juvenulam;» et cap. *xxx*, vers. 31: «Vi-
dens oculis, et ingemiscens, sicut spado com-
plectens virginem et suspirans.»

QUI VOS CONTURBANT.—Οἱ ἀναταράσσοντες, id est, ut
Chrysostomus, qui vos statu, scilicet libertatis,
Evangelii et christianismi dimovent et labefac-
tant. Ambrosius legit, *qui vos subvertunt*.

Vers. 13. 13. VOS ENIM IN LIBERTATEM VOCATI ESTIS, — ut
per Evangelium sitis liberi ab onerosa et inutili
servitute tot legalium cæremoniarum: hæc enim
est libertas Christiana, quam tota epistola oppo-
nit servituti judaicæ.

Vide ergo quam contra mentem Apostoli hæc
torqueant Novantes, dum volunt Christianos esse
liberos ab omni lege positiva, id est non debere
obedire Prælati et magistratibus, ac consequen-
ter nec parentibus: hoc enim est contra legem
nature et decalogi, quæ jubet honorari patrem
et matrem, estque evertere omnem politiam, om-
nem rempublicam, omnem ordinem hierarchi-
cum, omnemque societatem et convictum huma-
num: cum nulla unquam gens fuerit quantumvis
barbara, quæ non suos habuerit magistratus,
quorum legibus et directioni se subjeceret. Vide-
bant enim omnes aliter pacem et quietem publi-

cam servari non posse, nec gentem posse subsis-
tere. Si enim semel persuasum sit hominibus, le-
gem Præpositorum sive civilium, sive ecclesiasti-
corum, non obligare in conscientia, sed tantum
ad pœnam in foro exteriori luendam, liberrime
homines legem violabunt, quandocumque puta-
bunt id se vel secreto, vel impune facturos. Unde
Christus, Paulus et Apostoli passim jubent Chris-
tianis, ut obediant Cæsari et magistratibus etiam
infidelibus, non modo propter eorum iram et vin-
dictam; sed etiam propter conscientiam, *Rom.*
xiii, 5. Vide *Can. 19*.

Dices: Saltem a pari Christiani cum sint liberi,
non debent gravari tot canonibus et legibus,
quia alioqui par subeunt onus et parem servitu-
tem, atque si subicerentur tot legibus veteris
Testamenti.

Respondeo non esse paritatem: *Primo*, quia Lex vete-
ris Testa- pauciores longe sunt leges Ecclesiæ quæ popu-
menti lum spectant; omnes enim ad quinque Ecclesiæ
gravior præcepta revocantur: canones vero, qui clerico-
lege no- rum vitam, mores ac ritus spectant, plures sunt;
va ob sed nemo eos subire cogitur, nisi qui sponte sua
quatuor vult fieri clericus; et Pontificis ac Episcoporum
rationes. est providere, ne nimis multi edantur canones et
censuræ, sed potius contrahantur: quod multi
viri cordati exoptant ne nimis grave jugum, quale
fuit Judæorum, clericis imponatur, illorumque
conscientiæ illaqueentur. *Secundo*, quia leges vete-
res onerosiores erant ac difficiliore, ut patet
in tot sacrificiis et lustrationibus. *Tertio*, quia
umbræ erant legum novi Testamenti; hæ ergo
faciliores in illarum locum succedunt, et tolera-
bilius est veritati, quam umbris servire. *Quarto*,
veteres leges inutiles erant, quia internam pie-
tatem et justitiam non promovebant, sed popu-
lum continebant; ne ad idola et idololatriam
deflueret, ut passim docent Patres: leges vero
Ecclesiasticæ ad spiritum devotionis, pietatis,
charitatis excitandum feruntur et ordinantur, ut
patet ex lege jejunii, lege audiendi Sacri, lege
confitendi et communicandi.

TANTUM (scilicet cavete, et providete) NE LI-
BERTATEM (hanc a Judaicis cæremoniis) IN OCCA-
SIONEM DETIS CARNIS, — ut occasione hujus liber-
tatis volentes (ut fit et ut jam faciunt Novantes)
nimium eam extendere, libere ruatis in omnia
carnis desideria, ut caro, et carnalis concupis-
centia ex hac libertate occasionem accipiat plura
concupiscendi, magisque suas concupiscentias
explendi. Unde Græca clarius habent τῇ σαρκί, ne
carni, supple, detis occasionem, libere scilicet
quidvis concupiscendi, et carnaliter vivendi,
quasi jam libera sit, nullisque præceptis teneatur,
sed velut equus indomitus facere possit quid-
vis libuerit. Ita Hieronymus.

SED PER CHARITATEM SPIRITUS SERVITE INVICEM. —
Vocem *spiritus* non habent jam Græca, nec S. Au-
gustinus, nec Hieronymus; recte tamen additur,
ut opponatur tum carni, tum cæremoniis legis.

Libertas
a lege
occasio
peccati.

Legis
jugum
commu-
navit
Christus
jugum
charita-
tis.

« Cum legis jugum, inquit Chrysostomus, detraxisset, ne subsilirent, aliud illis imponit jugum, nimirum charitatis, illo quidem validius, sed multo levius ac jucundius, » *q. d.* Nolo vos servire caeremoniis, nec carni, sed ab eis esse liberos, ut serviatis invicem per spiritum charitatis; et ex spiritali charitate alter alteri succurrat, opituletur, serviat. Charitas spiritus opponitur charitati carnis, quam obsceni et infames Adamitæ aliique carnales jactant et exercent.

Amor
solvit
fastum,
sicut
ignis
ceram.

Notat *primo* Chrysostomus, Apostolum hic tangere mali, puta erroris et schismatis, radicem, cur scilicet aliqui Galatarum alios ad judaismum abducere voluerint, fuisse arrogantiam et dominandi studium: illi hic adhibet remedium, scilicet charitatem, *q. d.* « Quoniam dum aliis alii vultis dominari, dissecti fuistis, servite vobis invicem, sic denuo in unum redigemini: sicut enim ignis admotus cere facile mollit eam, sic et amoris calor omnem fastum et arrogantiam vehementius quam ignis solvit. » Hucusque Chrysostomus.

Notat *secundo* Chrysostomus non dici, *amate*, sed *servite*, quia charitas liberos facit servos non coactionis, sed charitatis, ut ex charitate qui ea flagrat, ad infima et servilia obsequia quibuslibet, præsertim afflictis, ægris et pauperibus; exhibenda se demittat: quæ servitus spontanea et sancta, non servitus, sed ingenua et ambienda Christianis libertas est.

Nota *tertio*: Commoda transiitio a libertate legis ad libertatem carnis transit ad alteram epistolæ partem, id est, a dogmate ad ethicam et mores Galatarum componendos.

Vers. 14.

14. OMNIS LEX (scilicet proximum spectans, qua, ut præcessit, per charitatem servitur invicem) IN UNO SERMONE IMPLETUR: DILIGES PROXIMUM TUUM SICUT TEIPSUM. — Patet ex dictis *Rom. XIII, 8.* Aliter S. Augustinus, lib. VIII *De Trinit.*, S. Thomas, Anselmus, *q. d.* Omnis lex est de charitate vel Dei, vel proximi: charitas autem proximi indicat, includit et præsupponit charitatem Dei: propter Deum enim amandus est proximus; ergo qui diligit proximum, et implet legem, quæ dicit: « Diliges proximum, » etc., diligit et Deum, impletque legem, quæ dicit: « Diliges Dominum Deum tuum, » etc.

Charitas
proximi
charita-
tem Dei
includit.

Vers. 15.

15. SI INVICEM MORDETIS, ET COMEDITIS (Ambrosius pro *comeditis*, legit, *criminatis*, *q. d.* Si invicem roditis et laceratis detractionibus, odiis, calumniis, invidiis), VIDETE NE AB INVICEM CONSUMAMINI. — Sicut enim duo canes rixantes, invicem mordent et conficiunt, ita et duo invidi, duo obtrectatores, duo rixantes invicem, imo seipsos ipsi conficiunt. Vere Poeta:

Invidia
et obtre-
ctionis
mala.

Justius invidia nihil est, quæ protinus ipsum
Auctorem rodit ex cruciatque suum.

Ideoque

Invidia Siculi non invenere tyranni
Tormentum majus.

Vide invidiæ proprietates, quas enumero *Philipp. I, 18.* Sapienter et pie S. Augustinus, in *Sententiis*, num. 179: « Homini, ait, religioso parum esse debet inimicitias non excitare, vel excitare male loquendo, nisi etiam eas extinguere studeat bene loquendo. »

16. DICO AUTEM (*q. d.* Epitome, fundamentum, Vers. 16. radix, caput et summa totius Epistolæ, meæque descriptionis est hæc): SPIRITU AMBULATE, — non lege, non carne; *q. d.* Radix omnis vestri mali est defectus spiritus: si enim eum haberetis, excluderetis tam legalem quam carnalem vitam.

SPIRITU AMBULATE, — vitam, actiones et mores institute secundum dictamen, instinctum, impulsus Spiritus ac gratiæ immissæ et inditæ vobis a Spiritu Sancto, qui suadet et monet vos ut spiritualiter vivatis, spiritualia virtutum opera; orationis, fidei, spei, charitatis, misericordiæ, pietatis edatis. Hunc Spiritum copiosum et vehementem acceperunt in Pentecoste Apostoli et primi Christiani, eisque obsequendo, ac ferventer cooperando, angelice scilicet vivendo, ignea charitate et zelo prædicando, discurrendo, laborando, patiando, satagendo omnes trahere ad Christum et salutem, hunc Spiritum in dies magis auxerunt et accenderunt. Quo jam abiit ille spiritus? Accende, Domine Jesu, illum ignem in nobis quem venisti mittere in terras, voluistisque vehementer accendi.

Spiritu
ambulan-
dum, et
ei obse-
quen-
dum.

17. CARO CONCUPISCIT ADVERSUS SPIRITUM. — Hinc Vers. 17. Manichæi voluerunt in homine duas esse animas: unam spiritalem et bonam, a bono Deo datam; secundam carnalem et malam, a malo Deo. Philosophi nonnulli volunt in homine duas esse animas, unam sensitivam, qua cum bestiis sentit, comedit, generat; secundam rationalem, qua cum angelis ratiocinatur et intelligit: hoc enim videntur arguere contrarii appetitus et operationes in eodem homine.

Verum nota *primo*: Certum est tantum in homine unam esse animam rationalem, sed quæ simul eminenter contineat animam vegetativam et sensitivam. Unde in seipsa habet utriusque potentias, appetitus et functiones; ergo non mirum in eadem anima esse appetitus contrarios, eosque ferri in contraria objecta, iisque presentibus excitari et irritari: quia anima hominis virtute duplex est, imo triplex.

Una tan-
tum est in
homine
anima
contra
Mani-
chæos et
aliquos
Philoso-
phos.

Nota *secundo*: « Caro » metonymice significat concupiscentiam, quæ in carne, quasi figulus in figulina et luto, suas ideas et imagines imprimit, sua desideria excitat, et format causas, ut dixi *Can. 34.*

Concu-
piscencia
residet in
appetitu
etiam
rationali.

Nota *tertio*: Concupiscentia hæc non tantum residet in appetitu sensitivo, scilicet in concupiscibili et irascibili, sed etiam rationali, ut docet S. Augustinus, lib. VIII *Confess.*, cap. v. Nam sicut in concupiscibili excitat appetitum gulæ et veneris, in irascibili appetitum invidiæ, iræ, rixæ; ita in rationali, id est in voluntate et ratione, sus-

Omnia
peccata
vocat
Apostolus
opera
carnis, et
quare?

citat appetitum excellentiæ, curiositatis, vanæ scientiæ: omnes enim potentiæ per peccatum originale hoc concupiscentiæ fermento infectæ sunt; dicuntur tamen caro, vel carnalis appetitus per synecdochen a potiori parte, quia hic est potissimus, creberrimus, vehementissimus appetitus in homine, qui fere semper carnales concupiscentiæ motus in eo suscitatur. Hinc *opera carnis*, id est concupiscentiæ, vocat hic Apostolus non tantum fornicationem, ebrietates; comessiones, quæ vere carnalia sunt opera appetitus sensitivi et carnalis; sed etiam idolorum servitutem, invidias, etc., quæ sunt opera spiritualia, id est mentalia appetitus rationalis: hæc, inquam, vocat opera carnis, id est concupiscentiæ, quæ residet non in appetitu sensitivo, sed rationali.

Bellum
spiritus
adversus
carnem.

Nota quarto: « Caro concupiscit adversus spiritum, » quia carnalia concupiscit; « et spiritus adversus carnem, » quia spiritualia, cœlestia et æterna bona appetit. Hoc bellum, vel potius duellum in anima gerit hinc caro, inde spiritus: unde utriusque ducis aciem et milites disponit, et invicem opponit Apostolus; ac primo carnis, dicens: « Manifesta sunt opera carnis, quæ sunt fornicatio, immunditia, » etc. Deinde spiritus aciem instruit, subdens: « Fructus autem Spiritus est charitas, gaudium, pax. » Vide hoc bellum graphice descriptum a Prudentio in *Psychomachia*. Idem in se ad vivum depingit S. Augustinus, lib. VIII *Confess.*, cap. XI. Audi et de eo Cassianum, *collat.* 4, cap. XI: « Caro, inquit, luxuriis ac libidine delectatur: spiritus ne ipsis quidem naturalibus desideriis acquiescit. Illa concupiscit satiari somno, repleti cibo; hic vigiliis et jejuniis ita saginatur, ut ne ad ipsum quidem necessarium vitæ usum, somnum cibumque velit admittere. Illa cupit exuberare copiis universis; hic ne ipsius quidem exigui panis quotidianam substantiam habere contentus est. Lavaeris illa nitescere, et quotidianis adulantium cunctis appetit constipari; hic squalore sordium et inaccessibilis eremi vastitate congaudet. Honoribus illa et laudibus confovetur; hic irrogatis sibi persecutionibus injuriisque lætatur. » Vide et Thomam a Kempis in aureo suo libello *De Imitatione Christi*, lib. III, cap. LV, motus naturæ et gratiæ, hoc est, carnis et spiritus, simplici stylo, sed solerter et solide opponentem.

Hinc recte dixit Abbas Plimenius in *Vitis Patrum*, lib. VII, cap. XXV: « Concupiscentia, puta voluntas mala, est dæmon nos impugnans; » aut, ut ibidem ait Abbas Achilles, « est manubrium demonis. »

Denique duellum hoc intelligi et geri putat Augustinus in homine peccatore sub lege, non sub gratia constituto: verum id retractat, lib. I *Retractationum*, cap. XXIV: patet enim etiam in Sanctis hoc duellum, hanc luctam esse, eoque majorem et sensibilem magis, quo magis spiritualiter vivere et carni resistere nituntur. Unde idem Au-

gustinus, serm. 43 *De Verbis Domini*: « Spiritus, inquit, concupiscit adversus carnem, in hominibus bonis, non malis, qui Spiritum Dei non habent, contra quem caro concupiscit. » Præclare vero idem in illud *Psal.* LXXV: « Et factus est in pace locus ejus, » hujus luctæ modum describit: « Indicitur, inquit, tibi bellum non solum adversus suggestiones diaboli, sed adversus teipsum. Quomodo adversus teipsum? adversus tuam consuetudinem malam, et adversus vetustatem vitæ tuæ malæ, quæ trahit te ad solitam consuetudinem et refrenatur a nova; indicitur enim tibi quædam nova vita, et tu vetus es; novitatis gaudio suspenderis, vetustatis onere pregravaris: incipit tibi esse bellum adversum te; sed ex qua parte tibi displices, jungeris Deo; et ex qua parte jam jungeris Deo, idoneus eris ad vincendum te, quia ille tecum est qui omnia superat. Attende quod dicit Apostolus: Monte servio legi Dei, carne autem legi peccati. Unde mente? quia displicet tibi vita tua mala. Unde carne? quia non desunt suggestiones, et delectationes malæ: sed ex eo quod mente jungeris Deo, vincis quod in te non vult sequi (scilicet tuam carnem et concupiscentiam reluctantem). Præcessisti enim ex parte, et ex parte tardaris. Trahe te ad illum, qui te sursum tollit; pondere quodam vetustatis gravaris, clama et dic: Infelix ego homo, quis me liberabit de corpore mortis hujus, ab eo quod me gravat? corpus enim quod corrumpitur, gravat animam. » Deinde hujus luctæ causam, et finem modumque victoriæ ita describit: « Quare autem permittitur ut diu contra te litiges, donec absorbeantur omnes cupiditates malæ? ut intelligas in te pacem tuam. In te ex teipso est flagellum tuum, fit rixa tua tecum. Sic vindicatur in rebellem adversus Deum, ut ipse sibi sit bellum, qui pacem noluit habere cum Deo. Sed tene membra tua adversus concupiscentias tuas malas: surrexit ira, tene tu manum conjunctus Deo. Potuit surgere, sed non invenit arma. Apud iram tuam impetus est, apud te arma sunt, fit impetus inermis, et discit jam non surgere, qui frustra surrexit. » Vide dicta *Rom.* VII, in fine.

Jungeris
Deo ut te
vincas.

Rebellis
Deo ipse
sibi est
bellum.

HÆC ENIM SIBI INVICEM ADVERSANTUR, UT NON QUICUNQUE VULTIS, ILLA FACIATIS. — Velleis enim non concupiscere, non sentire motus iræ, gulæ, libidinis, iis non impediri a prompta et perfecta charitate, temperantia, castitate, oratione; et tamen hoc non facitis, nec facere in hac vita potestis. Rursum, multa heroica virtutum opera fervide et alacriter facere velleis, sed sæpe non potestis, quia resistit nimis et reluctatur caro. Pulehre Anselmus: « Concupiscentiæ non permittunt vos implere quod vultis, nolite et vos eis permittere implere quod ipsæ volunt: et ita nocet vos, nec ille facietis quod vultis. Quamvis ergo concupiscentiæ fiant in nobis, non tamen perficiuntur, quia eis non consentitis: sic et quamvis bona spiritus opera fiant, non tamen perficiuntur, quia

Quid
carni
rebelli
opponatur?

sine dolore, lucta et resistentia concupiscentiæ, plene, hilariter et perfecte ea facere non potestis.» Hæc et plura Anselmus (1).

Vers. 18. 18. QUOD SI SPIRITU DUCIMINI, NON ESTIS SUB LEGE.

— Occupatio : obicere poterant Galatæ : Tu nos solvis a lege veteri, et ecce graviore servituti subijcis, dum perenni concupiscentiæ ejusque rebellionem nos facis obnoxios, ut sub ea, ac consequenter sub lege quæ motus hos concupiscentiæ prohibet, gemamus. Respondet Apostolus : « Si spiritu ducimini, » si spiritus ac gratiæ instinctum, ductum, impulsu sequimini, non estis sub concupiscentia, sed illi dominamini, ac consequenter non estis sub lege : quia non coactione legis, aut metu pœnæ, quam lex minatur, et transgressoribus intentat, sed spontaneæ ac proprio motu et spiritu, facitis quæ lex jubet, et cavetis ac restringitis concupiscentiæ motus quos lex prohibet.

Christiani quomodo sint sub lege, et quomodo non ? NON ESTIS SUB LEGE—cogente scilicet et terrente, ac multo minus estis sub lege accusante et damnante : estis tamen sub lege obligante, sed ita ut sponte et liberaliter ex spiritu faciatis ea quæ lex jubet. Hinc potius videmini esse extra, vel supra legem; nec esse sub lege, sed sub spiritu. Unde enumeratis fructibus Spiritus, subdit : « Adversus hujusmodi non est lex. » Ita Anselmus et Theophylactus.

Vers. 19. 19. MANIFESTA SUNT OPERA CARNIS. — Hoc est opera et actus, ad quos excitat caro, hoc est concupiscentia, ut dixi vers. 17.

FORNICATIO. — Græca addunt *μαρξία, πορνεία*, adulterium, fornicatio; et sic legit Ambrosius. De singulis carnis operibus vide Hieronymum, Anselmum et D. Thomam.

IMMUNDITIA. — Est mollietas, qua se molles contra naturam polluunt et contaminant.

IMPUDICITIA. — Gestus, oscula, tactus impudici. Huic nihil jam respondet in Græco.

LUXURIA.—*Ἀσέλγεια*, lascivia, quævis alia libido petulantior, et, ut Hieronymus, extraordinaria; qui addit : « Ipsarum quoque opera nuptiarum si non verecunde et honeste, ac quasi sub oculis Dei fiant, ut tantum liberis serviatur, immunditiam et luxuriam nominavit Apostolus. » Quod accipe, si inverecundia et libido sit mortalis, puta si in opere conjugali utantur alio vase et membro, quam illo quod natura generationi destinavit, aut si extra vas naturale semen profundant, vel profusionis periculo se exponant; tunc enim conjuges peccant mortali libidine, quæ eos excludit a regno cœlorum : alias fere in conjugio venialis tantum est libido.

Vers. 20. 20. IDOLORUM SERVITUS. — Græce *ἰδωλατρεια*, idololatria; servitus ergo idem est quod cultus idolorum. Ita Syrus.

(1) Allioli : Ut non quæcumque vultis, illa facere non liceat, quando scilicet voluntas a vitiosa concupiscentia ducitur.

IRÆ. — Ira est appetitus vindictæ : si gravem vindictam et grave malum appetas, optes, vel pares ei cui irascaris; ira est mortifera, et excludet te a regno cœlorum; non autem, si ira tantum sit venialis, id est si sit exandescencia tantum animi, appetitus vindictæ et mali, sed levis. Apostolus ergo iram, rixam, dissensiones, etc., sumit in actu et gradu perfecto : tunc enim excludunt hominem a regno cœlorum, ut ait vers. sequenti.

SECTÆ. — Græca *αἵρεται*, hæreses, id est electiones, cum quis communem Ecclesiæ doctrinam relinquens, novum dogma eligit, ut in religione malit suam opinionem et electionem, quam majorum traditionem sequi, quæ magna est temeritas et præsumptio.

21. COMESSATIONES. — Dices : Ergo comessari, hoc est intempestive epulari et convivari, est peccatum mortale, qui excludit a regno Dei, ut ait Apostolus.

Respondet *primo* : Hinc ex Apostolo aliqui censent tam gulam in comedendo, quam in bibendo ebrietatem esse peccatum mortale, non tantum si rationem adimat, sed et si gravis sit ingurgitatio et ingluvies. Probatur *primo*, quia dives Epulo damnatus est, non quia ebrius, sed quia quotidie epulabatur splendide. *Secundo*, quia Isaïas, v, 22, v, id est damnationem æternam, minatur iis qui potentes sunt ad bibendum. *Tertio*, quia potest esse tanta cibi ingurgitatio, ut sit valde turpis et difformis rationi, sitque plusquam bestialis; si ergo pollutio est peccatum mortale, quæ tamen rationem non eripit, cur non sit ingurgitatio, quæ æque difformis rationi videtur?

Verum communis Doctorum sententia mitior est, docetque comessionem et excessum in comedendo non esse peccatum mortale, nisi quis graviter sanitatem lædat, et gravem morbum incurrat; aut nisi quis sponte ita se ingurgitet ut vomere cogatur (quod ipsum adhuc nonnulli asserunt non esse peccatum mortale), vel certe si satur et repletus, ea mente ac fine vomat, ut rursum se ingurgitare possit : hoc enim valde turpe est et bestiale. Unde cum communi horum sententia respondeo, et

Dico *primo* : Pro comessiones græce est *κῶμος*, id est temulenta et lasciva ebriorum dicta et facta, ut sunt turpes cantiones, saltationes, verba, tactus, oscula, contumeliæ. Unde Comus apud Philostratum dicitur Bacchus, et *κωμῶν*, est comessari, vel, ut alii dicendum volunt, comassari, et lascivire. Ita Theophylactus, Photius, Hesychius et Græci in Lexicis, favetque Hieronymus, quin et Anselmus : « Comessiones, ait, id est inhonesta et luxuriosa convivia. » Vide dicta Rom. xiii, 13.

Secundo, si cum Latinis « comessiones » solas et proprias intelligere hic malis, completas accipe, id est longa et nocturna convivia; quibus ita sese ingurgitant, ut a mensa non recedant, nisi et mentem et corpus cibo et potu obruerint,

Ira quando mortalis, quando venialis?

Vers. 21. Excessus in comedendo an possit esse mortalis, et quando?

Comus et comessiones quid?

In conjugio quando mortalis et quando venialis libido?

uti gentes aliquæ satis notæ faciunt; de quibus Isaias, cap. xxviii, vers. 8: « Omnes mensæ eorum plenæ sunt vomitu; » hi enim rationem, tempus, et sæpe castitatem ac valetudinem prodigunt, et consequenter peccant mortaliter. Sicut ergo in præcedentibus Apostolus iræ subjungit rixas quasi iræ perfectionem, et dissensionibus sectas, invidiæ homicidia: ita et ebrietati comessionem subjungit, quasi ebrietatis perfectionem, de qua *Proverb.* cap. xxiii, vers. 20: « Noli esse in conviviis potatorum, nec in comessionibus eorum. »

Excessus in comedendo communiter est tantum venialis. Ad primum repondeo, epulari splendide per se tantum esse veniale; sed, si excessus sit ad vomitum usque et crapulam, esse mortale, ut dixi. *Secundo*, per accidens sæpe esse mortale, quia conjungitur cum ebrietate, libidine, detractioe, fastu, immisericordia, contemptu pauperum et aliorum; uti dives Epulo negligebat Lazarum in gravi necessitate constitutum.

Ad secundum respondeo eodem modo. Adde, Isaiam se explicare, dum subdit: « Væ vobis qui potentes estis ad bibendum vinum, et viri fortes ad miscendam ebrietatem, » vel, ut hebraice est, *ad miscendam siceram*, id est inebriativa varia, verbi gratia, varia vina fortia, quæ commista magis inebriant; posterius enim hemistichium more Hebræorum explicat prius; ergo idem est esse potentes ad bibendum vinum, quod fortes ad miscendam ebrietatem: quales multi sunt, qui se suosque convivas inebriare student, ut, nisi e convivio ebrii, sui que et mentis impotes recedant, nec hospes convivas bene exceperit, nec convivæ bene se exceptos arbitrentur: qui sensus et opinio brutalis est, nec hominum, sed porcorum.

Ad tertium: Ingluvies est res fœda in se, uti et egestionem faciunt per nares, os, alvum, in homine fœdæ sunt: sed tamen bono hominis et rationi non ita repugnat, ut ei graviter contrariari censeatur, nisi rationem homini adimat, vel crapulam aut morbum conciliet, uti jam dixi. Secus est de pollutione: seminis enim effusio a natura et a Deo tantum ad proles productionem ordinata et permissa est, ideoque matrimonii septis et legibus inclusa. Alias enim proles rite concipi et educari non posset, ac proinde qui extra matrimonii usum semen effundunt, rem valde fœdam valdeque difforem rationi, naturæ et Dei ordinationi faciunt, ideoque peccant mortificare.

REGNUM DEI NON CONSEQUENTUR. — Βασιλείαν τοῦ Θεοῦ οὐ κληρονομήσουσιν, *regnum Dei non hæreditabunt*; vel, ut Ambrosius, *regni Dei hæreditatem non consequentur*.

Vers. 22. 22. FRUCTUS AUTEM SPIRITUS EST: CHARITAS, GAUDIUM. — Opponit operibus carnis, id est concupiscentiæ, « fructus, » id est opera, « Spiritus, » quæ scilicet a spiritu gratiæ procedunt, quæque Spiritus Sanctus per suam gratiam in nobis parit et producit, ut iis Dei regnum mereamur et con-

sequamur, a quo opera carnis suos operantes excludunt.

Nota, hos fructus esse habitus, vel potius actus (fructus enim actum et opus significat) diversissimos variarum vel virtutum, vel proprietatum et effectuum, quos virtutes in anima pariunt, uti est gaudium, pax, etc. *Secundo*, non omnes fructus Spiritus hic numerantur (omnes enim virtutes sunt fructus spiritus et gratiæ, ipsiusque Spiritus Sancti); sed tantum aliqui vulgo magis conspicui, et operibus carnis jam enumeratis oppositi. Unde *tertio*, notat Anselmus et Theophylactus, primum fructum Spiritus poni charitatem; quia primus et nobilissimus est ac cæterorum parens: reliqui enim sequentes charitatis sunt fructus.

GAUDIUM — quod oritur ex conscientia serena, sancta, purgata a peccatis, vitiis, animi perturbationibus; « secura enim mens est quasi jube convivium. » Et Cyprianus, lib. *De Disciplina et bono pudicitia*: « Voluptatem, inquit, vicisse voluptas est maxima: neque enim ulla major est victoria, quam quæ a cupiditatibus refertur. » E contrario fructus carnis et concupiscentiæ est dolor et tristitia. Nam, ut docet Chrysostomus, homil. 13 in *Acta*: « Impura voluptas similis est voluptati qua afficiuntur scabiosi cum se scalpunt. Huic enim voluptati, quæ brevis est, succedit longior dolor et molestia. »

PAX — qua tranquilla mens nullis passionibus perturbatur, ait Hieronymus. Sancta enim anima sentiens se terrore peccatorum et pœnarum liberatam, esse in gratia et Dei amicitia, mira animi pace et tranquillitate perfruitur, eamque in proximis derivat, ut cum omnibus, quantum potest, pacem colat. Hæc pax tantum est bonum, ut exsuperet omnem sensum, ait Apostolus *Philipp.* iv, 7; adeoque licet nullam aliam Deus virtuti posuisset mercedem quam pacem hanc, præmium dignissimum foret quod merito omnes excitaret ad quosvis etiam arduos virtutis labores subeundos, ut pace hac fruerentur.

PATIENTIA. — Ut pacem habeas et cum aliis serves, patientia est opus, et ut adversa quævis, et maxime mores aliorum tibi diffformes sæpe et inconditos, præsertim cholericos et fastuosos, prudenter et patienter feras. Pro *patientia* græce est μακροθυμία, id est *longanimitas*, vel, ut Ambrosius, *lenitas*; itaque « patientia » proprie non est in Græco jam.

BENIGNITAS, — χρηστότης, suavis et benignus affectus, ut in loquendo, respondendo, benefaciendo benignum te ostendas. Potest enim quis esse bonus et beneficus, qui tamen non sit benignus, cujus scilicet natura et modus agendi est rudior, rusticior, asperior: contra quæ militat benignitas, ut naturam et conversationem flectat ad comitatem, civilitatem et dulcedinem verborum et morum. Hæc magnum est indicium sanctitatis et Spiritus Sancti, qui, ut dicitur *Sap. vii*, 22, sanctus est, suavis, benignus, humanus;

Fructus spiritus sunt habitus vel actus virtutum.

Voluptas tem vicisse voluptas maxima.

Pax quantum bonum.

Benignitas est indicium sanctitatis.

adeoque vulgus benignitate hominis sanctitatem metitur, eaque trahi, capi, flecti et regi vult.

BONITAS. — Græce ἀγαθωσύνη, id est bonus et benevolus affectus ad beneficiendum proximo. « Bonitas » ergo idem est, quod beneficentia, quam

Definitio bonitatis a Zenone tradita. Zeno ita definit, ait Hieronymus : « Bonitas est virtus quæ prodest, sive virtus ex qua oritur utilitas, aut effectus, qui sit fons utilitatum. » Hæc evidens est nota Spiritus Sancti, eaque insignis fuit in Christo. « Vos scitis, ait Petrus, Act. x, 38, Jesum a Nazareth, quomodo unxit eum Deus Spiritu Sancto et virtute, qui pertransiit beneficiendo et sanando omnes oppressos a diabolo, quoniam Deus erat cum illo. » Si vis habere Spiritum Christi • nemini malefac, benefac omnibus.

Vers. 22. 23. MANSUETUDO. — « Mansuetus, ait Anselmus, dicitur, quasi manu assuetus, tractabilis, ductilis, flexilis; tractari, duci, pati, facere, ferre assuetus. » Opponitur iræ et animositati, quæ nihil vult pati, nullius jugum aut mores ferre, sed statim sese vindicare, imo pro verbis verbera reddere.

FIDES. — Est virtus Theologica, ait Hieronymus, quæ hæresi opponitur, qua credimus omnia credenda, etiamsi naturam, sensum et rationis captum superent : sed hæc fides non tam est fructus, quam radix et principium spiritus et gratiæ. Unde secundo, et aptius Anselmus : « Fides, inquit, est fidelitas et veracitas in promissis, » quæ opponitur fraudi et mendacio : Spiritus enim Sanctus, ut dicitur Sap. vii, 23, est « stabilis, certus, securus, » ac consequenter fidelis, suosque stabiles, veraces, fideles, hoc est sui similes facit. Tertio, non improbabiler cum nonnullis accipi potest « fides, » ut sit idem quod credulitas, qua facile et simpliciter quis proximo credit, non eum suspicatur fallere vel mentiri. Sic enim; I Cor. xiii, dicitur : « Charitas omnia credit, » quia scilicet non est suspicax. Hæc enim fides ac candida simplicitas indicium est animi candidi, columbini et sancti, ac consequenter Spiritus Sancti.

MODESTIA. — Virtus est, quæ modum ponit, et moderatur omnes actiones exteriores, scilicet incesum, vestitum; sermonem, risum, lulum, ac totum hominem exterius recte componit, provenitque ex interna mentis et passionum moderatione. Nam, ut ait Ambrosius, lib. I Offic. xviii : « Ex actibus exterioribus homo cordis nostri absconditus, aut levior, aut jactantior, aut turbidior, aut gravior, aut constantior, et purior et maturior æstimatur. » Et ut Sapiens, Eccli. xix, 27 : « Amictus corporis, et risus dentium, et ingressus hominis enuntiant de illo. » Hinc recte præcipit S. Augustinus, in Regula 3 : « In omnibus motibus vestris nihil fiat, quod cujusquam offendant aspectum, quod vestram deceat sanctitatem. »

CONTINENTIA — a nimio cibo et potu, id est

temperantia, ut vertit Vatablus. Secundo, ut Anselmus, continentia a venere et libidine, et differt a castitate : quia « continentia, ait Anselmus, in luctamine est, castitas in pace. » Non enim castitas, sed continentia dicitur, ubi adhuc ei resistit adversitas voluptatis. Continentia ergo est inchoata et militans ac pugnans castitas. Tertio et melius, « continentia, » juxta Aristotelem, generalis est virtus, aut potius complexio virtutum, qua continens vitiorum omnes illecebras et tentationes frenat ac cohibet. « Continentiam, ait Hieronymus, non solum in castitate debemus accipere, sed etiam in cibo et potu : in ira quoque et vexatione mentis, et detrahendi libidine; inter modestiam autem et continentiam hoc interest, quod modestia in viris perfectis est, consummataque virtutis, de quibus Salvator ait : Beati mites, quoniam ipsi possidebunt terram; et de seipso : Discite a me, quoniam mitis sum, et humilis, et mansuetus corde. Continentia vero in via quidem virtutis est, sed necdum pervenit ad calcem : quia cupiditates adhuc in ejus, qui se continet, cogitatione nascuntur, et mentis polluunt principale, licet non superent, nec ad opus pertrahant cogitantem : non solum autem in desideriis et cupiditate continentia necessaria est, sed etiam in tribus reliquis perturbationibus, dolore scilicet, lætitia et timore. »

Continentia et castitas quomodo differant?

Continentia omnes virtutes complectitur.

Nota : Græca hic, uti et alibi, decurtata sunt : in Græco enim deest « patientia, modestia, castitas. » Unde novem tantum fructus numerant Græca, ut et Augustinus et Hieronymus. De his fructibus et virtutibus tractat Augustinus, tract. 78 in Joan., et D. Thomas, in II II, ubi agit de singulis virtutibus.

ADVERSUS HUIJUSMODI NON EST LEX, — nulla est lex quæ hos fructus Spiritus et eorum observatores arguat, compescat, condemnet; ac proinde « si spiritu ducimini, non estis sub lege, » ut dixi vers 18, eo enim respicit ac redit.

24. QUI SUNT CHRISTI, CARNEM SUAM CRUCIFIXERUNT CUM VITIIS ET CONCUPISCENTIIS. — Est complexio præcedentis antithesis; sive belli, quod est inter opera carnis et fructus Spiritus, q. d. Hi sunt milites, hæc acies, hæc opera tam carnis, quam spiritus; qui vero miles est Christi, ejusque spiritu agitur, vivit, militat, hic carnem suam crucifixit cum vitiis et concupiscentiis, id est, non tantum vitia et concupiscentias, sed ipsam carnem corruptam, quasi fomitem concupiscentiarum castigat et crucifigit per jejunia, cilicia, labores, pœnitentias. Ita Anselmus.

Vers. 24. Secundo et melius, caro non carnem proprie, hoc est corpus, sed concupiscentiam in carne residentem significat; ita enim carnem accipit, vers. 17, et deinceps, q. d. Qui Christi spiritu aguntur, hi carnem, id est concupiscentiam et naturam vitiatam, cum suis habitualibus vitiis, et cum suis motibus actualibus, scilicet concupiscentiis, crucifixerunt et « compresserunt, in-

Caro est concupiscentia in carne residents.

quit S. Augustinus, timore illo casto, qui permanet in sæculum sæculi, quo cavemus offendere illum quem toto corde, anima, mente diligimus. »

Nota : Concupiscentia est quasi anima; vitia sunt ejus quasi potentiae; concupiscentiae, illius sunt actus. Hæc Christiani crucifigunt, id est comprimunt et mortificant cum dolore instar Christi crucifixi, qui propterea in cruce summo dolore mortificatus fuit. Alludit enim ad carnem Christi crucifixam quasi ideam et exemplar mortificationis.

Sancti
quintu-
pliciter
carnem
crucifi-
gunt, et
vicia
comprimunt.

Nota secundo : Sancti crucifigunt et comprimunt vitia hæc, primo, per metum gehennæ et Dei; secundo, per rationem et voluntatis constantiam ac fortitudinem, firmumque Deo placendi propositum; tertio, per custodiam oculorum et sensuum; quarto, per orationes; quinto, per jejunia, vigiliæ aliasque austeritates.

Vers. 25.

25. SI SPIRITU VIVIMUS, — si internam habemus vitam et animam gratiæ, spiritus et justitiæ.

SPIRITU ET AMBULEMUS, — secundum spiritus et gratiæ dictamen ductumque incedamus, conversemur, agamus, operemur. Græcum enim *συνάγωγη* significat certo ordine, serie et norma incedere,

de quo dixi cap. IV, vers. 23. Aliter Chrysostomus et Theophylactus, q. d. Ordine, lege et norma Spiritus Christi et christianismi incedamus, extra hunc ordinem ad legem, ad judaismum non deflectamus, pedem non efferamus.

26. NON EFFICIAMUR INANIS GLORIÆ CUPIDI, — Vers. 26. *κεκοδοῦμαι*, id est inanis; vel vanæ gloriæ cupidi. Qui enim laudem quærit apud homines, inanem, id est vacuum, laudem quærit : quia hæc gloria est quasi bulla tumida et vento inflata ac turgida, sed inanis et vacua, quæ nihil habet rei, soliditatis et substantiæ, qua mentem et appetitum hominis implere et explere valeat : plena enim et solida gloria, quæ mentem explet, tantum est apud Deum. « Plenæ gloriæ, ait Hieronymus, cupidi sunt qui gloriam Dei desiderant, et laudem virtute condignam, » a Deo scilicet commendari et laudari.

INVICEM PROVOCANTES — ad rixas, lites, jurgia, pugnas : has enim, uti et invidiam, suscitatur cupido gloriæ et excellentiæ, dum, verbi gratia, Pompeius non patitur parem, Cæsar non patitur superiorem.

Plena et
solida
gloria
Deo.

CAPUT SEXTUM.

SYNOPSIS CAPITIS.

Primo, hortatur ad bona opera, præsertim misericordiæ et beneficiæ in Christianos, maxime doctores et catechistas, utque non quærant laudes et gloriam hominum, sed studeant seminare bona opera, quibus metant vitam æternam.

Secundo, vers. 12, gloriationi Judæorum in circumcisione opponit suam in cruce Christi, dicens : Mihi absit gloriari nisi in cruce Domini nostri Jesu Christi, in quo neque circumcisio aliquid valet, neque præputium, sed nova creatura.

1. Fratres, et si præoccupatus fuerit homo in aliquo delicto, vos, qui spirituales estis, hujusmodi instruite in spiritu lenitatis, considerans teipsum, ne et tu tenteris. 2. Alter alterius opera portate, et sic adimplebitis legem Christi. 3. Nam si quis existimat se aliquid esse, cum nihil sit, ipse se seducit. 4. Opus autem suum probet unusquisque, et sic in semetipso tantum gloriam habebit, et non in altero. 5. Unusquisque enim onus suum portabit. 6. Communicet autem is, qui catechizatur verbo, ei, qui se catechizat, in omnibus bonis. 7. Nolite errare : Deus non irridetur. 8. Quæ enim seminaverit homo, hæc et metet. Quoniam qui seminat in carne sua, de carne et metet corruptionem : qui autem seminat in spiritu, de spiritu metet vitam æternam. 9. Bonum autem facientes, non deficiamus : tempore enim suo metemus non deficientes. 10. Ergo dum tempus habemus, operemur bonum ad omnes, maxime autem ad domesticos fidei. 11. Videte qualibus literis scripsi vobis mea manu. 12. Quicumque enim volunt placere in carne, hi cogunt vos circumcidi, tantum ut crucis Christi persecutionem non patiantur. 13. Neque enim qui circumciduntur, legem custodiunt : sed volunt vos circumcidi, ut in carne vestra glorientur. 14. Mihi autem absit gloriari, nisi in cruce Domini nostri Jesu Christi : per quem mihi mundus crucifixus est, et ego mundo. 15. In Christo enim Jesu neque circumcisio aliquid valet, neque præputium, sed nova creatura. 16. Et quicumque hanc regulam

secuti fuerint, pax super illos, et misericordia, et super Israel Dei. 17. De cætero nemo mihi molestus sit: ego enim stigmata Domini Jesu in corpore meo porto. 18. Gratia Domini nostri Jesu Christi cum spiritu vestro, fratres. Amen.

Vers. 1. 1. FRATRES, ET SI PRÆOCCUPATUS FUERIT HOMO IN ALIQUO DELICTO, VOS, QUI SPIRITUALES ESTIS, HUIUSMODI INSTRUIE IN SPIRITU LENITATIS. — Nota: Præcipit hic Apostolus correptionem fraternam cujuslibet delicti (hoc enim significat, cum ait, *in aliquo delicto*); oculos tamen maxime intendit, ut recte annotavit Hieronymus, ad delictum, quod tota epistola est insectatus, scilicet judaismi; jubet ergo judaizantes corripi, sed leniter. Idem jussit Rom. xiv, 1; quem enim ibi vocat « infirmum in fide, » hic vocat « præoccupatum in aliquo delicto; » illum ibi jubet assumi, hic instrui: est enim hæc epistola quasi epitome et compendium epistolæ ad Rom., cum eaque in sentiis, rationibus et discursu valde consentit, ut dixi in proæmio. Unde sicut prioribus cap. epistolæ ad Rom., acriter judaismus est insectatus, ita et hic; et sicut ultimis, id est cap. xiv et xv ad Rom., lenit istam acridinem, jubetque Judaizantes tolerari, ita et hic jubet eosdem leniter instrui.

Hi qui ex infirmitate, non qui ex pertinacia peccant, tolerandi.

Nota: Non loquitur de obstinatis in malo: hi enim docente S. Gregorio, quia destinata malitia et voluntate peccant, dure sunt increpandi: duritia enim, ait Tertullianus, frangenda est et vincenda, non suadenda; sed de præoccupatis, qui in fide et moribus fragiles, recentes et imbecilles falsa Judæorum persuasionem seducti, et in judaismum aliaque vitia impulsus sunt: hi enim dicuntur præoccupati, id est præventi, antequam lapsum advertere, vel cavere possent. Unde pro *delicto* græce est *παράπτωμα*, quod lapsum non destinatum, sed casualem significat, cum quis alio respiciens, vel non advertens, in lapidem impingens, vel in fossam incidens, ruit et collabitur.

INSTRUIE, — *καταρτίζετε*, id est, ut Syrus, *erigite*; vel, ut magis genuine Vatablus, *instaurate*, redintegrate, restituite, q. d. Sicuti restaurantur artus et membra hominis lapsu luxata, ita fidem et mores luxatos proximorum restaurare. Hinc Erasmus putat nostrum Interpretem vertisse *instaurare*, et corrupte jam legi *instruite*, pro *instaurate*. Sed non est verisimile: omnia enim exemplaria habent *instruite*: itaque recte, non verbolenus, sed clariori sensu vertit Interpres; nam instauratio fidei et morum, non est aliud quam in iisdem lapsorum instructio.

IN SPIRITU LENITATIS, — id est cum mansuetudine, blande, leniter. Nota: *Spiritum* vocat affectionem internam lenitatis, qui est donum Spiritus Sancti, ait Chrysostomus, quique spirare, et quasi inhalare dicitur verbis monitoriis suam lenitatem et dulcedinem, ut ipsa verba et gestus spirant internam quamdam lenitatem et suavitatem corripientis; correptio enim est quasi pilula per se amara, quia correpti vitium detegit et inculcat;

hinc saccharo et dulcedine vocis, et commodæ insinuationis, vel etiam extenuationis culpæ, oblinenda est, et amarities illius dulcoranda.

Pulchre et vere S. Chrysostomus, hom. 52 ad Populum, asserit linguam nostram quasi fieri linguam Christi, si in loquendo, docendo, corripiendo, imitemur Christi mansuetudinem. Et S. Dionysius, epist. 8 ad Demophilum, quæ est de benignitate, docet Mosem propter mansuetudinem (erat enim teste Scriptura mortalium mitissimus) meruisse colloquium et familiaritatem Dei tantam, ut Dei famulus *αὐτὸν ἔλεγε* diceretur, cum quo præ cæteris Prophetis Deus ore ad os, facie ad faciem quasi amicus cum amico loqueretur. Moxque subjungit: Hoc eximie in se dilectionis argumentum Christus capit, si pascamus gregem ipsius modestissima gubernatione. Atque in fine addit pulchrum exemplum visionis cujusdam S. Carpo ostensæ, qua Christus Carpi indignationem et vindictæ appetitum contra Gentiles quosdam, qui duos a fide Christi abduxerant, redarguens eidem dixit: « Percute adversum me, paratus enim sum etiam iterum pro salvandis hominibus pati: gratum mihi illud est, dum non alii homines peccent. »

Mose sua mansuetudine meruit colloquium Dei.

Visio S. Carpi.

Hinc et S. Augustinus hoc loco in praxi hunc correptionis modum perutilem præscribit: « Nunquam, inquit, alieni peccati objurgandi suscipiendum est negotium, nisi cum internis interrogationibus examinantes nostram conscientiam, liquido nobis coram Deo responderimus, dilectione nos facere, » scilicet sola dilectione proximi nos moveri ad eum corripiendum, additque: « Dilige, et dic quod voles; nullo modo male dictum erit, quod speciem maledicti sonuerit, si memineris senserisque te in gladio verbi Dei liberatorem hominis esse velle ab obsidione vitiorum. » Quod si quis impatientiæ motus nobis resistitur, irasci contingat, cogitemus, inquit, « quam non debeamus super aliorum superbiere peccata, quando et ipsa eorum objurgatione peccamus, cum facilius nos ira peccantis iratos, quam miseria misericordes facit. » Et S. Basilius in *Reg. fusius disputatis*, Reg. 51, docet Superiores, aliosque qui animarum morbos curare satagunt, debere imitari probos medicos, videlicet « ut ægris non frascantur, sed adversus morbum ipsum pugnent. »

Corripiendi modus ex S. Augustino.

Dilige, et dic quod voles.

CONSIDERANS TEIPSUM, NE ET TU TENTERIS. — Est enallage numeri: nam transit a plurali numero ad singularem; consequenter enim dicere debuisset: Considerantes vos, ne et vos tentemini; sed quia pluralis hic distribuit, et supponit pro singulis (vos enim, id est singuli vestrum), hinc apte

Correptionis fraternæ modus qualis esse debeat?

hanc distributionem explicat dicens in singulari, « Considerans teipsum, ne et tu tenteris. » Præsertim, quia hoc mollius dicitur: durius enim dicitur toti communitati, Considerate vos, ne et vos tentemini; quia hoc est totam Ecclesiam vel communitatem monere, et monendo tacite culpæ et incusare. Efficax hæc est ratio persuadens misericordiam et misericordem ac lenem correptionem, si cogites te ejusdem tentationis et miseræ consortem et obnoxium, Deumque solere permittere tentari eos, qui in lapsos duri sunt et inclementes. Hinc sæpe in *Vitis Patrum* legimus, seniores, qui durius discipulos suos libidine aliove vitio tentatos arguerant, eadem mox tentatione pulsatos fuisse; ut discerent misereri, et tentatis compati, ac eos consolari et animare.

Motivum persua- dens mi- sericor- diam in cor- reptione. Refert Cassianus, lib. V *De Instit. renunt.*, II, 30, Abbatem Machetem dixisse: Tribus in rebus judicavi fratres meos, et in eosdem tres defectus prolapsus sum, « ut sciant gentes quoniam homines sunt. » Alius ex Patribus antiquis quoties audiebat aliquem cecidisse, flebat amare dicens: « Ille hodie, et ego cras. » Ita quisque dicat dum proximi lapsum videt: Homo sum, et humanum a me nihil alienum puto. Nam, ut ait S. Gregorius, hom. 34 in *Evang.*: « Vera justitia compassionem habet, falsa justitia dedignationem. » Nar- rat Cassianus, *collat.* 2, cap. XIII, quod monachus quidam junior graviter tentatus spiritu fornicationis, seniore quendam, sed rudem et indiscretum, adierit; cumque tentationem ei declarasset, ab eo duriter acceptus et objurgatus, desperans decreverit redire ad sæculum, et uxorem ducere. Rem ex vultu monachi deprehendit Abbas Apollo; igitur suaviter eum demulcens consolatus est, et in proposito corroboravit: ac mox adiens cellam senioris, qui juvenem ita dure acceperat, oravit Deum ut seniori tentationem juvenis immitteret, ut in senectute, inquit, discat compati junioribus dum tentantur. Mox tentatio seniore invasit, adeo, ut quasi amens huc illucque discurre- ret. Rem eminus spectabat Apollo, ac seniore adiens: Scito, ait, Deum permisisse te hac tenta- tione pulsari, ut per experientiam discas compati junioribus in tentatione, nec austere eos repel- las, adigasque in desperationem, uti istum juve- nem pene adegisti, utpote qui teipsum jam videas parva tentatione ita agitatam, ac pene supera- tum fuisse; sed benigne eos excipias, consoleris et corroboras, juxta illud *Isaia* I, 4: « Dominus dedit mihi linguam eruditam, ut sciam susten- tare eum qui lassus est verbo. » Sic enim fecit Christus, de quo prædixit *Isaia*, cap. XLII, vers. 3: « Arundinem quassatam non confringet, et linum fumigans non exstinguet; » idque re ipsa præsti- tisse Christum refert *Matthæus* XII, 20.

Tres regula cor- reptionis fraternæ. Quare prudenter et apposite S. Augustinus, lib. II *De Serm. Domini in monte*, cap. XX, in particulari hæc tres regulas corripiendi proximum assignat: « Pie, inquit, cauteque vigilandum est,

ut, cum aliquem reprehendere vel objurgare nos necessitas coegerit, primo, cogitemus utrum tale sit vitium quod nunquam habuimus, vel quo jam caruimus; et si nunquam habuimus, cogite- mus et nos homines esse, et habere potuisse. Se- cundo, si vero habuimus et non habemus, tangat memoriam communis fragilitas, ut illam repre- hensionem aut objurgationem non odium, sed misericordia præcedat: ut, sive ad correctionem ejus, propter quem id facimus, sive ad perversi- onem valuerit (nam incertus est exitus), nos tamen de simplicitate oculi nostri securi simus. Tertio, si autem cogitantes nosmetipsos inveneri- mus in eo esse vitio, in quo est ille quem repre- hendere parabamus, non reprehendamus, neque objurgemus: sed tamen congemiscamus, et non illum ad obtemperandum nobis, sed ad pariter cavendum invitemus. »

2. ALTER ALTERIUS ONERA PORTATE. — Græce ἀλ- Vers. 2. λήλων τὰ βάρη βαρύνετε, id est alii vicissim aliorum onera bajulate, q. d. ut Chrysostomus, Anselmus, Theophylactus: Infirmitatum mutuarum pondera ferte, ea vicissim tolerando, eis compatiendo; verbi gratia tu feras proximi choleram et verba cholerica, ille ferat tuam melancholiam et phlegmaticos mores; « ut qui celer est et iracundus, ait ex Chrysostomo Theophylactus, ferat segnem tardumque, segnis autem ferat vehementem illius impetum, » nimirum cogitet esse onus, quod proximum gravat magis quam se, illique compatiatur.

Secundo et generalius, « onera, » vel, ut græce est βάρη, hoc est gravamina quæcumque proximum gravant; sive vitia, sive morbi, sive cures, sive melancholia, seu quidvis aliud eum gravans, feras cum eo, ei compatiendo, illum adjuvando, roborando, sustentando, et quasi onera cum eo succollando, ut nimirum sis spes claudus, oculus cæcus, baculus senis. De qua re vide S. Augustinum in *Psal.* cxxvi.

Tertio, et genuine ad mentem Apostoli, Basilii, in *Regul. brevior.*, Reg. 278: « Peccatum, ait, est onus grave animam premens, imo deprimens et detrahens ad infernum; » sicut enim jumentum bajulans onus nimis grave, ac viribus suis impar, sub eo collabitur: ita sub peccato quasi sub onere collabitur anima in reatum gehennæ, et sub onere gemit, nec ab eo se relevare et surgere potest. De peccato enim hic agi patet ex versu præcedent., ubi hoc onus vocavit « delictum, » et ex eo quod subdit vers. 5: « Unusquisque enim onus suum, » peccatorum scilicet suorum, « portabit. »

Ex quo patet omne peccatum quidem hic vocari onus; Apostolum tamen proprie oculum intendere ad peccatum apostasiæ et judaismi; ad hoc enim proprie respexit vers. 1. Unde judaismus apte vocat onus, sicut cap. V, vers. 1, vocat eundem jugum servitutis, quia onerosas leges et caeremonias suis subditis judaismus imperabat,

q. d. Si quis prævntus sit aliquo delicto, præsertim infidelitatis aut judaismi, ut sub eo collapsus quasi sub onere gemat, noli eum dure increpare, pungere, stimulare; sed leniter eum instrue et subleua, et quasi porta cum eo onus tua doctrina, consilio, consolatione, confortatione, ut a peccato et judaismo resurgat, sibi que, Ecclesie et Christo restituatur; explicat enim quod dixit vers. 1: « Hujusmodi instruite in spiritu lenitatis, » *q. d.* Tanta debet hæc esse lenitas, ut quasi cum eo quem corripitis, portetis et bajuletis illius onus et delictum, vel potius hoc onus ab eo devolvatis, et devolvendo quasi in vos ipsos suscipiatis, ut is qui lapsus est a peccato resurgere possit; sicut qui asinum sub onere lapsum subleuat, onus ab eo devolvit, illudque inter brachia quasi in se suscipit, ut hoc onere levatus asinus resurgere possit.

Unde S. Basilius supra: « Hoc onus, ait, inter nos vicissim alii ab aliis tollimus (et tollendo quasi in nos suscipimus), quoties operam damus, ut hi qui peccarunt et lapsi sunt, resipiscant. » Sic Christus, inquit Isaias cap. LIII, vers. 4, « vere languores nostros tulit, et dolores nostros ipse portavit, » quia peccata nostra et peccatorum pœnas in se suscepit, bajulavit, ac bajulando solvit et expiavit.

Ergo portamus onus, id est peccata proximi, cumque hoc onere levamus, *primo*, per compassionem et lenitatem, lenemque instructionem et correptionem; et hoc proprie intendit Apostolus hic. *Secundo*, per orationem, si oremus pro eo, ut eum Deus hoc onere levet. *Tertio*, et perfectissime per pœnitentiam, si Christi exemplo proximi peccata voluntarii jejuniis, ciliciis aliisque pœnis luenda et expianda suscipiamus.

Peccata sunt onera gravissima. Nota, hic peccata esse et dici *onera*, eaque maxima et gravissima. « Videte, inquit S. Augustinus, homil. 22 in hæc Apostoli verba, tom. X, hominem oneratum sarcina avaritiæ, videte illum sub hac sarcina sudantem, anhelantem, sitientem, et laborando sarcinam addentem. Quid exspectas, o avare, amplexens onus tuum et sarcinam sub humeros tuos? Quid exspectas? Quid laboras? Quid inhias? Quid concupiscis? nempe satiare avaritiam: illa te potest premere, tu illam non potes satiare. An forte non est gravis? Usque adeo sub hac sarcina sensum etiam perdidisti? Non est gravis avaritia? Quare ergo te de somno excitat, quæ te aliquando etiam dormire non sinit? Et fortasse habes cum illa alterum onus pigritiæ; et ista duo nequissima onera sunt, secumque pugnantly premunt te et dilaniant te. Non enim paria inquant, non enim similia jubent. Pigritia dicit: Dormi; avaritia dicit: Surge; pigritia dicit: Noli pati frigidus dies; avaritia dicit: Tolera in mari etiam tempestates; illa dicit: Quiesce; illa non sinit quiescere, jubet non solum: Procede, sed et: Naviga trans mare, quære terras quas ignoras. » Addit S. Augustinus, Christum nobis excutere

hanc sarcinam cupiditatis, et suam charitatis imponere, quæ non gravat, sed levat, sicut alæ avem non gravant, sed levant.

Nota *secundo*, quomodo hæc onera invicem portare debeamus, hocque esse charitatis proprium officium pulchra similitudine cervorum docet S. Augustinus ibidem, hom. 21, et lib. LXXXIII *Quæst.*, Quæst. LXXI, ubi ait: « Dilectionis officium est invicem onera nostra portare. Sicut enim de cervis nonnulli scripserunt, cum fretum ad insulam transeunt pascuorum gratia, sic se ordinant, ut onera capitum suorum, quæ gestant in cornibus, super invicem portent, ita ut posterior super anteriorem, cervice projecta, caput collocet. Et quia necesse est unum esse, qui cæteros præcedens non ante se habeat cui caput inclinet, vicibus id agere dicuntur; ut lassatus sui capitis onere, ille qui præcedit post omnes redeat, et ei succedat, cujus ferebat caput cum ipse præiret. Ita invicem onera sua portantes, fretum transeunt, donec veniant ad terre stabilitatem istam. Fortasse cervorum naturam intenderat Salomon, cum ait: Cervus amicitia et pullus gratiarum tuarum colloquantur tecum; nihil enim sic probat amicum, sicut oneris amici portatio, v. g. iram fratris tui tunc portabis, cum tu adversus eum non irascaris, ut rursus eo tempore quo te ira præoccupaverit, ille te tranquillitate sua supportet. Et item si quis loquacitatem in se vicerit, et pertinaciam nondum vicerit; alius vero adhuc loquax sit, sed jam pertinax non sit: debet ille hujus loquacitatem, et iste illius pertinaciam, donec illud in illo, et hoc in isto sanetur, charitate portare. » Deinde exemplo Pauli et Christi idipsum demonstrat, dum subdit: « Et Paulus dixit: Non quæ sua sunt uniusquisque quærat, sed quæ aliorum. Cui sententiæ connexit: Hoc sentite in vobis, quod et in Christo Jesu; ad hoc duntaxat, ut quemadmodum in eo quod Verbum caro factum est, et habitavit in nobis, et sine peccato cum esset, peccata nostra suscepit, non attendens sua, sed nostra: ita et nos libenter ad ejus imitationem invicem onera nostra portemus; hoc ergo exhibeamus illi, cujus infirmitatem portare volumus, quod ab illo nobis vellemus exhiberi, si forte nos in ea essemus, et ipse non esset. Omnibus omnia factus sum, ut omnes lucrificerem, ait Paulus. Omnibus omnia factus est, cogitando scilicet, etiam in eo vitio se esse potuisse unde cupiebat illum liberare. »

Hos onerum et infirmitatum proximi bajulos eleganter ossibus comparat S. Basilius in Ps. xxxiii ad illa verba, *Custodit Dominus omnia ossa eorum*: « Quemadmodum, ait, ossa ingenuita sibi vi præteneram carnis mollitiem suffulciunt, et pressius contrahunt: itidem sunt in Ecclesia quidam, qui possint sua ipsorum constanti firmitudine debiliū fulcire ac ferre imbecillitatem. Et sicut ossa inter se connectuntur secundum commissuras articulorum, et hæc consertiones nervis

Exemplum in cervis portandi mutua onera.

Bajuli infirmitatum proximi ossibus comparati.

firmantur et ligamentis, quæ ossibus adhærescunt: idem prorsus contigerit, si charitatis pacisque colligatio in Ecclesia Dei veluti cognationem quamdam conficiet spiritualium ossium, et in unum conspirantem. De ejusmodi ossibus a consensu partium harmonia emotis solutisque, et quasi a commissuris suis et artubus eluxatis, Propheta inquit: Bissipata sunt ossa nostra secus infernum. Et quidem ossa hæc, si qua interim turbela, si qua conquassatio occupaverit, orans ait: Sana me, Domine, quoniam conturbata sunt ossa mea. Ubi vero propriam servaverint harmoniam, a Domino custodita, ait: Ne unum quidem ex his conteretur. Quum sane digna sunt, quæ in Deum transcribant gloriam ac referant, inquit: Omnia ossa mea dicent: Domine, quis similis tibi? Vidisti itaque ossium naturam ratione præditorum. »

Compassio imperfecti-
num pro-
ximi si-
gnum est
perfectio-
nis
Christia-
næ.

Hinc sequitur *tertiæ*, eos qui aliorum onera portant, aliorum infirmitatibus condolent et compatiuntur, esse in virtute osseos et robustos, et consequenter hanc compassionem signum esse perfectionis Christianæ; sicut e contrario non compati, sed rigide proximum peccantem arguere et condemnare, signum est latentis alicujus vitii et imperfectionis. Docet id Cassianus, *Collat. 11*, cap. *x*: « Evidens, ait, indicium est animæ necdum vitiorum facibus eliquatæ, in criminibus alienis non affectu misericordiæ condolare, sed rigidam judicantis tenere censuram. Nam quemadmodum perfectionem cordis poterit obtinere, is qui non habet illud quod Apostolus plenitudinem legis consummare signavit? alterutrum, inquit, onera vestra portate, et sic adimplebitis legem Christi; sed nec illam virtutem possidet charitatis, quæ non irritatur, non inflatur, non cogitat malum, quæ omnia suffert, omnia sustinet, omnia credit. Justus enim miseretur animas pecorum suorum, viscera autem impiorum sine misericordia; ideoque iisdem vitiis monachum subiacere certissimum est, quæ in alio inelamenti atque inhumana severitate condemnat. Rex enim rigidus incurret mala, et qui obturat aures suas, ne audiat infirmum, et ipse invocabit, et non erit qui exaudiat eum. » Citat hæc verba Cassianus ex *Prov. cap. xxi*, juxta Septuaginta. Exempla compatiuntium et supportantium alios attuli *Num. cap. xi*, vers. 12.

ET SIC ADIMPLEBITIS LEGEM CHRISTI. — Legit noster Interpres ἀναπληρώσατε per *α*, id est *adimplebitis*; jam Græca habent ἀναπληρώσατε, in imperativo, hoc est *adimplete*: sed idem est sensus, si videlicet mutuos defectus et peccata toleremus, portemus, sublevemus, nos adimpleturos legem Christi, quæ jubet: « Diliges proximum tuum sicut teipsum. »

Ubi nota: Lex Christi est amor. « In hoc, inquit, cognoscent omnes quia discipuli mei estis; si dilectionem habueritis ad invicem, » *Joan. xiii*, 35; et *xv*, 12: « Hoc est præceptum meum, ut

diligatis invicem, sicut dilexi vos. » In hac autem dilectione mutua difficillimum, quodque maxime exigit a nobis Christus, est, ut alter alterius onera portemus; ut si hoc impleamus, legem dilectionis proximi, ac consequenter legem Christi simul impleturi, qui magnus est stimulus, ut idipsum faciamus; non enim dicit: Facietis, sed plane: « Adimplebitis legem Christi. »

Lex dilectionis impletur portando onera proximi.

Notat *secundo* Chrysostomus et Theophylactus non dicere Apostolum πληρώσατε, id est *implete*: sed ἀναπληρώσατε, hoc est *readimplete*, denuo implete, vel simul ac communiter omnes implete, ut scilicet quod alterius cholera, vel delicto diminutum fuit in legis observatione, id aliorum sarciat charitas; sic ut quisque quod proximo deest in implenda lege, suppleat sua tolerantia et charitate legem implendo, v. g. Qui verbis asperis et cholericis proximum offendit, violat legem, quæ dicit: « Diliges proximum tuum. » Si proximus hoc vitium patienter ferat, condonet, compatiatur, supplebit, in quo alter defecit, et pro eo implebit legem quæ dicit: « Diliges proximum tuum. » Rursum et magis ad mentem Apostoli: qui judaizantem et peccantem portat, instruit, corrigit, ejus in lege defectum adimplet, quia illum tollit et emendat, hominemque fidei et legi restituit, ut eam rursus faciat impleatque. Sic S. Bernardus, tract. *De Præcepto et Dispens.*, paulo post init., docet eum qui peccando legem violavit, poenitendo, veniam petendo, orandoque, « Dimitte nobis debita nostra, » lapsum hunc et violationem legis rursus sarcire et implere: « Illum, inquit, sane dico securum, qui etsi interdum obedientiæ limitem præterit, consilium non respuit poenitentiae: pars siquidem regulæ (legis monasticæ) est regularis correctio, et in ea reperitur non solum bonæ vitæ instructio, sed et emendatio prave. »

Tolerantia supplet defectum peccantis.

3. NAM SI QUIS EXISTIMAT SE ALIQUID ESSE, CUM NIHIL SIT, IPSE SE SEDUCIT, — si quis existimet se esse spirituales, egregium, magnum et perfectum in virtute et Christianismo, ideoque superbe, dure et contemptim proximum peccantem, ac præsertim judaizantem, increpet ac redarguat: hic nihil est, quia suo fastu, arrogantia, duritie, contemptu ostendit se nullius esse virtutis. Ita S. Hieronymus (aliter Anselmus: « Nihil est, scilicet, ex se: quia quidquid habet, a Deo habet; » sed prior sensus plus habet energiae et connexionis); ideoque talis *se seducit*, græce φρεναπατά, id est, ut Hieronymus, mentem suam decipit; quæ deceptio maxima est et perversissima, cum scilicet quis sibi cæce blandiens, sibi ipsi imponit, persuadens sibi se esse, quod revera non est.

Vers. 3.

4. OPUS AUTEM SUUM PROBAT UNUSQUISQUE, — q. d. Vers. 4. Quisque non lapsum, vitam, mores, opera alterius examinet, ut instar Pharisei considerans Publicani vitam, putet se præ eo sanctum esse; sed potius quisque probet et exacte examinet suum opus, id est singula sua opera, num ea

faciat ex vana gloria, ex simulatione, ex odio et invidia, an vero pure ut placeat Deo : sic enim multos videbit defectus, ut non existimet se esse aliquid. Quod si nullos vel paucos videat, videaturque opus suum esse purum et perfectum, gloriam, id est, ut græce, *καύχημα*, gloriationem, habebit in semetipso, ut scilicet, in conscientia, in se suisque operibus gloriari possit; sed in Domino et Domini gratia, cujus virtute ea fecit, « et non in altero, » id est, non per respectum ad alterum, græce *οὐκ εἰς τὸν ἕτερον*, non in alterum : quod Chrysostomus explicat, non contra alterum, *q. d.* Non gloriabitur respiciens alterum graviter lapsum, quod eo sit melior, uti Pharisæus gloriabatur contra Publicanum eum contemnendo; et se præ eo laudando; sed modesto in se suaque conscientia in operibus Dei gratia factis gloriabitur. Ita Chrysostomus, Theophylactus, Anselmus.

Spiritua- Et pulchre Hieronymus : « Sensus, inquit, isto
lis homo est : Tu quæ te æstimas spiritualem, et de alterius
non alterius infirmitate robustior es; non debes imbecillitatem
im- jacentis, sed tuam fortitudinem considerare; ne-
becillita- que enim, si alius perfecte non potest ad Chris-
tem, tiamismum a Judaismo transire, idecirco tu per-
sed suam fectus es Christianus; sed si te propria conscientia
ket con- siderare.

Et pulchre Hieronymus : « Sensus, inquit, isto est : Tu quæ te æstimas spiritualem, et de alterius infirmitate robustior es; non debes imbecillitatem jacentis, sed tuam fortitudinem considerare; neque enim, si alius perfecte non potest ad Christianismum a Judaismo transire, idecirco tu perfectus es Christianus; sed si te propria conscientia non remordet, habes in temetipso gloriam, et non in altero. Athleta non ideo fortis, quia vicit infirmum, et languida adversarii membra superavit; sed si robustus est, et in sua fortitudine, non in infirmitate alterius gloriatur. Intelligi potest et aliter : Qui conscientiam habet operis boni, et seipsum considerans, opus suum non reprehendit; non debet de hoc apud alium gloriari, et laudem suam foras fundere et communicare cum cunctis, et ex hominum favore querere jactantiam; sed in semetipso habeat gloriam, et dicat : Mihi autem absit gloriari nisi in cruce Domini nostri Jesu Christi, per quem mihi mundus crucifixus est, et ego mundo. » Sed prior sensus est genuinus, et intimo connexus præcedentibus.

Vers. 5. 5. UNUSQUISQUE ENIM ONUS SUUM PORTABIT.—Ambrosius, sarcinam suam; græce enim est, *ἐκαστος τὸ ἴδιον φορτίον βεβήκει*, id est, ut Vatablus, quisque propriam sarcinam bajulabit.

Dices : Hæc sententia videtur contraria jam dictæ vers. 2 : « Alter alterius onera portate. »

In judi- Respondet Hieronymus, illam vers. 2 loqui de
cio quis- præsentī sæculo, hanc vers. 5 de futuro, deque
que judicii die; quia scilicet in hoc sæculo alter alte-
sum rum consiliis et precibus juvare possumus; cum
onus por- vero venerimus ante tribunal Christi, nec Job,
tabit. nec Daniel, nec Noe poterunt liberare animas filiorum suorum, ut dicitur *Ezech. xiv, 14*; sed quisque operum et peccatorum suorum onus, id est meritas operum poenas et præmia, feret et portabit, *q. d.* In die judicii Christus non examinabit te de lapsu, vel delicto proximi, aut an eo melius minusve male vixeris, sed te tibi comparabit, statuet te ante faciem tuam, opera tua ad legem

mentis et rationis tuæ exiget, judicabit, puniet, vel præmiabitur. Vide ergo ne te putes esse aliquid præ eo qui cecidit in peccatum aut Judaismum, sed opus tuum proba, et compara tibi ipsi et legi divinæ, ut explores an coram Deo tale, tam purum et perfectum sit, quale exiget Christus in suo tribunali.

Perperam ergo hæc Novantes torquent contra Purgatorium, et suffragia quæ facimus pro iis, qui sunt in Purgatorio : non enim loquitur Apostolus de Purgatorio, sed de die judicii, in quo quisque suum onus portabit, et a nemine defendi aut juvari poterit : ante diem enim judicii invicem precibus et meritis, tam vivos quam mortuos in Purgatorio existentes juvare possumus; hoc enim requirit communio Sanctorum, quæ est in Ecclesia, ad quam utique pertinent illi qui sunt in Purgatorio.

Novantes perperam abutuntur hoc loc contra Purgatorium.

Nota : Quisque cum ex hac vita et mundo discedit, nihil secum effert nisi opera sua. Unde opera sunt quasi sarcina viatorum pergantium ad tribunal Christi, ut ibi illa denudetur, examinetur, et ferentem vel cælo, vel inferno dignum ostendat; qualis enim erit sarcina, talis censebitur esse et ejus bajulus, imo opifex homo, qui hanc sarcinam sibi confecit, id est onus operum suorum, et consequenter onus suppliciorum, vel præmiorum, sive onus poenæ oneri culpæ commensuratum et debitum sibi, quasi sarcinam confecit et imposuit.

Opera sunt sarcina viatorum pergantium ad tribunal Christi.

6. COMMUNICET IS QUI CATECHIZATUR VERBO, ET QUI SE CATECHIZAT, IN OMNIBUS BONIS.—Nota primo, « catechizatur verbo, » id est per verbum, vocem et doctrinam catechizantis, sive docentis, quam catechumenus sive discipulus haurit et excipit. Ita S. Ambrosius.

Vers. 6.

Secundo, *τὸ in omnibus bonis* refer non ad proxime præcedens, qui te catechizat, sed remotius ad *communicet* : non enim vult catechistam, sed catechumenum sua bona, victum et opes communicare cum suo catechista. Ita Hieronymus, Theophylactus et alii.

Ambrosius tamen refert ad qui se catechizat, *q. d.* Communicet catechumenus suas opes cum catechista, si tamen in omnibus bonis, scilicet disciplinis et moribus, se catechizet; nam si n. la catechizet, audiet id quod sequitur : « Nolite errare, Deus non irridetur. »

Rursum Marcion, ait Hieronymus, sic explicabat : In oratione, bonis moribus et omnibus bonis spiritualibus communicet catechumenus cum suo catechista et magistro, ut ejus doctrinam et mores imitetur, et in se exprimat; sed primus sensus planior est et communior.

CATECHIZATUR.—Catechizo vox græca est *ἀπὸ τοῦ ἠχῆν*, id est voce sonare; inde vox Echo. Inde *κατηχεῖν* idem est, quod voce instruere, quia olim mysteria religionis viva voce tradebantur, et nefas erat ea scriptis committere, ne in infidelium manus et notitiam devenirent, propalarentur et

Mysteria fidei olim nefas.

scriptis profanarentur ac riderentur. Inde catechista dicitur, qui hæc mysteria docet; catechumenus, qui ea audit et discit; catechismus, ipsa doctrina et instructio.

Catechismi origo et antiquitas. Unde patet catechismi et catechizationis antiquitas: tempore enim Pauli fiebat hæc catechesis, jubetque hic Paulus catechumenis, ut bona sua omnia communicent cum suis catechistis; imo conciones Apostolorum fere tantum erant catecheses. Talis catechista fuit Paulus, I *Corinth.* XIV, 19: « In Ecclesia, inquit, volo quinque verba sensu meo loqui, ut et alios instruam, » græce est *κατηχίζω*, catechizem. Sic Apostolos secuti sunt Patres, ut Cyrillus Hierosolymitanus cujus exstant Catecheses, et Augustinus qui scripsit librum de Catechizandis rudibus, Gregorius Nyssenus, qui edidit orationem catechetica, quæ dicitur Magna, et alii. Unde patet munus catechizandi esse primævum Ecclesiæ et Apostolicum; ut merito D. Joannes Gerson, Cancellarius licet Parisiensis, eo quasi honorifico vereque Christiano perfunctus sit, ipseque pueros erudire, eorumque confessiones assidue audire voluerit, uti etiamnum faciunt viri insignes et Religiosi, quin et doctores, magno Ecclesiæ bono et fructu. Est enim hoc munus necessarium in Ecclesia: multi enim ita simplices etiamnum et ignari sunt, ut SS. Trinitatis et incarnationis ac redemptionis Christi mysteria nesciant, Symbolum non intelligant, sed illud recitent ut psittacus suum *χρῖς*; quibus sane magis utilis et necessaria est catechesis, quam quævis alia concio. Quare Episcopi et Parochi juxta præceptum Concilii Tridentini, sess. XXIV, cap. IV et VII, necessario illos vel per se, vel per alios hæc docere et catechizare debent: alioqui vae illis. Si enim simplices ob ignorantiam pereant et damnentur, multo certe magis damnabuntur Parochi, qui docere illos noluerunt aut neglexerunt.

Scripsit D. Gerson jam citatus tractatum *De Pueris ad Christum trahendis*, qui extat part. I operum ejus, ubi multa in hanc rem habet, sequæ suumque factum de pueris catechizandis defendit, atque inter cætera sic ait: « Adeo jam indignum videtur apud multos, si quis ex Theologis aut famosus in litteris, vel Ecclesiastica dignitate præditus ad hoc se opus inclinaverit, præsertim circa parvulos, quod mihi in fabulam et improprium cesserit. Convincit autem illos exemplum Christi, qui, Sinite, inquit, parvulos venire ad me; talium enim est regnum cælorum. O piissime Jesu, quis ultra post te verecundabitur esse humilis ad parvulos, quando tu, qui es Deus, usque ad castissimos puerorum amplexus brachia mansuetus inclinas atque circumligas! Da mihi aliquem, qui spiritualis est, qui quærat non quæ sua sunt, sed quæ Jesu Christi, quem totum repleverit charitas, humilitas et pietas, et nullum in eo locum inveniat vanitas et cupiditas, cujus conversatio in cælis sit, qui tanquam unus ex an-

gelis Dei, nec benedictione, nec maledictione moveatur, qui nullis stimuletur aut alliciatur formis corporum; sed abstractus in sublimi arce rationis, in sola animarum perspicaci qualitate versetur; et hæc intelliget. » Deinde obtreptatorum objectionibus ita respondet: « Sed dicunt occupationem meam (tanquam cancellarii) in majoribus esse debere. Nescio prorsus si quidquam majus esse potest, quam animas ab ipsis inferni portis eripere, et tales parvulorum animas quasi plantare aut rigare, partem non indignam horti Ecclesiastici. Sed asserunt me in prædicationibus publicis ista magnificentius operaturum. Id quidem forte pomposius, sed meo judicio non efficacius, neque fructuosius: nam quo semel est imbuta recens, servabit odorem testa diu. Venite ergo ad me, parvuli, ego vobis doctrinam, vos mihi orationem impendetis: sic angelos nostros vicissim lætificabimus. » Hæc sparsim, et plura Gerson citato tract. Plura de catechesi vide apud Antonium Possevinum, lib. IV *Biblioth. sanctæ*, cap. VI, VII, VIII, IX.

7. NOLITE ERRARE, — in hac scilicet communi- Vers. 7.
catione honorum vestrorum, ait Anselmus, ut ab alimonia catechistarum vos excusetis, prætextu paupertatis, necessitatis familiæ et prolium: quia licet hominibus hæc obtendere possitis, videte tamen ne vos fallatis, falsoque hæc obtendatis: Deum enim omnia videntem fallere et irridere non potestis. Ita Hieronymus, Theophylactus, Anselmus.

Secundo, generalius et melius, hæc verba more Hebræo paulo superius inferenda sunt ad id, quod dixit superius, vers. 4: « Opus autem suum probet unusquisque, » *q. d.* Quisque sincere et coram Deo opera sua probet, hæc in re non erret; quia licet hominibus fucum facere possit, Deo tamen illudere non potest. Nam generatim de quovis opere hæc esse accipienda, patet ex vers. seq.: « Quæ enim seminaverit homo, hæc et metet: quoniam qui seminat de carne sua, de carne et metet corruptionem. »

DEUS NON IRRIDETUR. — Pro *irridetur* græce est *μωκτηρίζεται*, quod significat nasum suspendere, irridere suspenso naso, uti faciunt, qui cum alios deceperint, a tergo in eos linguam, nasum, digitum in signum irrisionis extendunt.

8. QUÆ ENIM SEMINAVERIT HOMO, HÆC ET METET. Vers. 8.
— Nota metaphoram. Vita nostra est quasi agricultura tempusque seminandi; futura vita metiendi tempus est, id est mercedem recipiendi pro ratione seminis, hoc est meriti. Sic vulgo dicitur:

Quod sibi quisque serit præsentis tempore vitæ,
Hoc sibi messis erit, cum dicent: Ite, venite;

cum scilicet Christus et Apostoli electis dicent: « Venite, benedicti, possidete regnum; » reprobis vero: « Ite, maledicti, in ignem æternum. »

QUI SEMINAT DE CARNE SUA, DE CARNE ET METET

Pro ratione seminis metent Christiani.

CORRUPTIONEM (*q. d.* Qui operatur carnalia, eaque quasi semen conjicit in carnem suam, ut habent Græca, ut scilicet carnem suam pascat et oblectet, hic « de carne, » id est carnali opere et voluptate, « metet corruptionem, » et mortem, tum præsentem, tum æternam. Alludit ad carnales voluptates gulæ et veneris, quarum messis et finis est corruptio: vertuntur enim in phlegmata, sordes; menstrua, saniem, omnemque corruptionem. Contra), **QUI SEMINANT IN SPIRITU** (id est operantur spiritualia, quibus spiritum foveant et acuunt, hi) **DE SPIRITU** (id est de opere hoc spirituali) **METENT VITAM ÆTERNAM**. — *Secundo*, licet generalis sit sententia Apostoli, tamen, ut dixi, oculos intendit et respicit proprie semen et opus beneficentiæ, et præsertim eleemosynæ, qua catechumenus alit suum catechistam, *q. d.* Qui opes suas profundit in carnem suam, ut eam splendide vestiat, alat, infarciat, hic de carne metet corruptionem; qui vero opes suas seminat et profundit in opera pia et spiritualia, in eleemosynas præsertim, ut suos alat catechistas et magistros, hic ex hac eleemosyna et opere spirituali metet vitam æternam. Ita Hieronymus et Theophylactus.

9. BONUM AUTEM FACIENTES. — « Bonum, » id est bona opera, præsertim eleemosynæ et liberalitatis, maxime in catechistas et præcones Evangelii. Sic enim omnibus hisce verbis in genere loquitur de bono opere, ut tamen ejus mens maxime feratur, et respiciat bonum hoc, quo quis alium in fide labentem instruit et confirmat, et vicissim quo is, qui in fide instruitur, communicat suas opes suo instructori, ut inde vivat, ne cogatur doctrinam relinquere, ut sibi victum quærat et comparet.

NON DEFICIAMUS. — Græce *ὡς ἐκκαχώμεν*, non fatigemur, non lassemur, non senescamus.

TEMPORE SUO (videlicet in die judicii et retributionis extremæ) **METEMUS NON DEFICIENTES**. — *ὡς ἐκκαχώμενοι*, id est, ut Theophylactus, indefatigabiles, *q. d.*, ait Theophylactus: Non fatigemur hic bene operando et seminando, ut pro mercede perfectam quietem in qua nulla erit fatigatio, in messe cœlesti et æterna assequamur: in hac enim vita, in messe corporali, v. g. tritici aut frumenti, multus est labor et fatigatio; sed nihil tale erit in messe cœlesti. Vel clarius et concinnius, « metemus non deficientes, » id est metemur incessanter et sine fine: quia sicut non defecimus in hac vita seminando, inquit Anselmus, sic non deficiemus in altera metendo fructus vitæ et gloriæ æternæ. Hæc enim est congrua, par et æqua merces, ut qui hic sine cessatione perpetuo laboraverunt indefatigabiles, ibi sine cessatione insatiabiles epulentur, omnibusque bonis affluent in æternum.

Posset *secundo*, non male sic accipi, « Non deficientes, » id est si non defecerimus. Græce *ὡς ἐκκαχώμενοι*, non dissoluti, non languentes, id est, si non elanguerimus, sed strenue perseveraverimus

XVIII.

in benefaciendo: sola enim perseverantia coronatur, et finis coronat opus.

10. ERGO DUM TEMPUS HABEMUS (seminandi, benefaciendi, merendi in hac vita), **OPEREMUR BONUM AD OMNES** (hoc est, omnibus, non modo catechistis, ut dixi vers. 6, sed omnibus omnino, etiam Gentilibus); **MAXIME AUTEM AD DOMESTICOS FIDEI**, — hoc est Christianis, qui in domo Dei, id est Ecclesia, quasi domestici nobiscum versantur, benefaciamus, charitatem eis ostendamus, omni ope et opera juvemus, sive docendo, sive monendo, sive consulendo, sive eleemosynam dando, sive alio quovis modo opitulando. Pulchrum hac de re documentum S. Joannis Apostoli narrat hic S. Hieronymus: « Beatus Joannes Evangelista, inquit, cum Ephesi moraretur usque ad ultimam senectutem, et vix inter discipulorum manus ad ecclesiam deferretur, nec posset vocem in plura verba contexere, nihil aliud per singulas solebat proferre collectas, nisi hoc: Filioli, diligite alterutrum. Tandem discipuli et fratres qui aderant, tædio affecti, quod eadem semper audirent, dixerunt: Magister, quare semper hoc loqueris? Qui respondit dignam Joanne sententiam: Quia præceptum Domini est, et si solum fiat, sufficit. » Addit S. Hieronymus, moneri hic omnes ut tempus bene collocent: « Breve, inquit, est curriculum hujus vitæ. Titus, Vespasiani filius, cum quadam nocte sero recordaretur in cœna se nihil boni illa die fecisse, dixit amicis: Hodie diem perdiidi; nos non putamus perire nobis horam, diem, momentum, tempus, ætates, cum otiosum verbum loquimur, pro quo reddituri sumus rationem in die judicii. »

Καίρῳ, id est tempus sive occasionem, pulchre describit Posidippus, et ex eo B. Thomas Morus et Giraldus, *Syntagm.* 1:

..... Tu quis? *καίρῳ* ego, omne domans.

Cur summis instas pedibus? Semper rotor. Alas

Cur plantis gestas? Ut levis aura feror.

Dextra cur inserta novacula? Signum hominis hoc est,

Vis conferri acie quod mihi nulla potest.

Cur coma fronte jacet? Venientem ut prendere possis.

Parte est cur calvum posteriore caput?

Quod, postquam levibus præceps effugero pennis,

Ne valeat tergo qui revocare velit.

Oh! si bene cogitaremus quam breve tempus sit agonis et cursus nostri, quam volet irrevocabile tempus, quam ab hoc momento pendeat æternitas: quam fervidi et assidui essemus in omni bono opere! Quod enim jam negligimus, per omnem æternitatem recuperare non licebit, quia brevi finietur omne tempus vivendi, agendi, merendi. « Juravit angelus, inquit Joannes, *Apocalyp.* x. 6, per viventem in sæcula sæculorum, quia tempus non erit amplius, » sed æternitas et æterna retributio eorum, quæ in tempore hoc gerimus. S. Chrysostomus, *hom.* 17 in *Joann.*: Breve, inquit, tempus nobis in præsentis vita præstat: quo nisi in necessariis utamur, quid

Pulchrum documentum S. Joannis Evangelistæ de mutua charitate.

Tempus breve bene impendendum.

Duplex sensus horum verborum, Metemus non deficientes.

illic migrantes faciemus? » Aeternis ergo sanctisque rebustribuendum est tempus, non malis, non vanis, non otiosis. Suadet id Ethnicus Seneca Lucilio, *epistola* 1 : « Turpissima, inquit, temporis jactura est, quæ per negligentiam fit; et si volueris attendere, magna vitæ pars elabitur male agentibus, maxima nihil agentibus, tota aliud agentibus. »

Hinc S. Gregorius Nazianzenus in *Iambicis* ait vitam hanc esse mercatum; in quo omnes opes; puta virtutes, comparare possimus; eo exacto, nullus emendi et comparandi supersit locus. Mercatus hic durat tantum uno die, puta vita nostra, quæ non est nisi unus dies, imo nisi punctum respectu æternitatis. Vide ergo ut hoc die copiose merceris, et lucra tua in æternum duratura adaugeas.

Vers. 11. 11. VIDETE QUALIBUS LITTERIS SCRIPSI VOBIS MEA

MANU. — Qualibus, id est, quam deformibus, *q. d.* Licet ineleganter et inscite pingam, tamen ex vestri amore hanc epistolam mea manu et character licet deformi scripsi. Ita S. Chrysostomus, Theophylactus. *Secundo*, Augustinus, « qualibus, » id est, quam apertis, quam liberis litteris, Judaizantes nihil veritus, hæc scripsi. *Tertio*, « qualibus, » id est, quam sublimibus. Ita ex S. Hilario in Psalmos nonnulli. *Quarto*, S. Hieronymus putat S. Paulum hanc epistolam hucusque e vinculis aliena manu scripsisse : hinc vero ad finem usque sua manu scribere, ne Judæi dicerent, quod alias dixerant, supposititiam esse hanc Pauli epistolam. *Quinto* et optime, « qualibus, » græce *παλαις*, id est, quantis, quam longis litteris vobis scripsi mea manu, *q. d.* Ego Paulus, qui alias aliena manu soleo scribere, et tandem mea manu subscribere, hanc epistolam ad vos totam (ut fatetur S. Chrysostomus, Ambrosius, Theophylactus), licet bene magnam, scripsi mea manu, ut ostendam quam mihi curæ sit vestra salus, puta fides et religio, ut a Judaismo ad Christianismum vos reducam.

Vers. 12. 12. QUICUNQUE VOLUNT PLACERE IN CARNE. — Pro placere græce est *εὐπροσώπτῃσαι*, id est, bonam faciem, bonum vultum ostendere, speciosum apparere, secundum faciem et speciem externam placere, *q. d.* Judaizantes, qui bonam faciem et speciem ostendere, eaque placere volunt « in carne. » Est Hebraismus, id est, carni, hoc est, carnalibus Judæis, suis secundum carnem cognatis. Ita Chrysostomus et Theophylactus; itaque se explicat Paulus vers. sequenti. *Secundo*, non male alii, « in carne, » id est in observantia carnalis circumcisionis aliarumque carnalium caeremoniarum. Sic enim *τὸ ἐν carnē* accipit vers. seq. cum ait : « Ut in carne vestra gloriantur; » sed non est necesse hic accipere ut ibi accipitur, præsertim cum hic desit persona, cui placeatur; nisi « in carne » hic aliter explices, ut scilicet idem sit, ac carnalibus Judæis, uti explicui.

HI COGUNT VOS CIRCUMCIDI, UT CRUCIS CHRISTI PER-

SECUTIONEM NON PATIANTUR, — scilicet a Judæis, qui pro suo Mose et lege pugnant, et persequuntur crucem Christi, et crucis Christi præcones ac defensores. Græce est, *ὅτι μὴ τῷ σταυρῷ τοῦ χριστοῦ διώκονται*, ne cruce Christi, id est, ob crucem Christi, persecutionem patiantur, ne crux illos in persecutionem inducat.

13. NEQUE ENIM, QUI CIRCUMCIDUNTUR, LEGEM CUSTODIUNT (*q. d.* Judaizantes cum volunt vos pertrahere ad judaismum, non faciunt hoc zelo legis et judaismi : neque enim ipsi licet circumcisi legem custodiunt); SED (tantum) VOLUNT VOS CIRCUMCIDI, UT IN CARNE VESTRA GLORIENTUR, — ut scilicet apud Judæos gloriantur de vestra carnis circumcisione, quod scilicet vos ad circumcisionem et judaismum converterint. Ita Theophylactus, Anselmus et alii. Sic et hodie multi alios ad suam hæresim et sectam pertrahere conantur, non zelo salutis ipsorum, sed ut gloriantur se multos habere assecclas, se multos in suam sententiam traxisse. Ita ludunt, et aleam jaciunt super alieno corio, imo anima, temeritate et fraude inexpiable.

14. MIHI AUTEM (nota conjunctionem adversativam, *autem*, *q. d.* Judaizantes volunt gloriari coram Judæis « in carne » et carnali vestra circumcisione, jactantes quod ad judaismum vos traduxerint : « mihi autem ») ABSIT GLORIARI (hoc est, absit ut gloriatur, « in carne, » aut alia re) NISI IN CRUCE DOMINI NOSTRI JESU CHRISTI, — id est in fide, grata memoria, meditatione et prædicatione beneficii crucis, utpote per quam redempti et justificati sumus, a qua gratiam pie et sancte vivendi, et ad beatitudinem aspirandi accepimus. In cruce ergo patet magnitudo peccati nostri, et immensus Dei in nos amor. Hinc in ea sola gloriatur. Ita Chrysostomus. Vide Augustinum, serm. 20 *De Verbis Apost.* : « Poterat, ait, Apostolus gloriari in sapientia Christi, et verum diceret; poterat in majestate, poterat in potestate, et verum diceret : sed dixit in cruce. Ubi mundi Philosophus erubuit, ibi Apostolus thesaurum reperit, ut qui gloriatur, in Domino gloriatur. Quo Domino? Christo crucifixo : ubi humilitas, ibi majestas; ubi infirmitas, ibi potestas; ubi mors, ibi vita : si vis ad illam venire, noli ista contemnere, noli erubescere; ideo in fronte tanquam in sede pudoris signum crucis accepisti. » Ilacenus Augustinus.

Et S. Bernardus, serm. 23 *in Cant.* : « Nihil, ait, sibi gloriosius putat, quam Christi portare opprobrium. Grata ignominia crucis ei, qui crucifixo ingratus non est. » Et serm. 1 *De S. Andrea* : « Crux, inquit, pretiosa est, et crux amari potest, et crux habet exultationem. Ita est, fratres mei. Si fuerit qui colligat, semper lignum crucis vitam germinat, fructificat jucunditate, oleum lætitiæ stillat, balsamum sudat temporalium charismatum. Non est silvestris arbor, lignum vitæ est apprehendentibus eam. Arbor fructifera, arbor salutifera est, aliqui quomodo Dominicam

Quintuplex huius loci explicatio.

Vanitas hæreticorum.

Gloria quanta crucis et crucifixi.

occuparet terram? Illam dico pretiosissimam glebam, cui clavorum est infixæ radicibus. » Et epist. 190 ad Innocent. Pont. : « Tria, ait, quædam præcipua in hoc opere salutis nostræ (in cruce Christi) intueor : formam humilitatis, in qua se Deus exinanivit ; charitatis mensuram, quam usque ad mortem, et mortem crucis expendit ; redemptionis sacramentum, quo ipsam mortem quam per tulit, sustulit. »

PER QUEM MIHI MUNDUS CRUCIFIXUS EST. — q. d. Uti mundus horret crucem, vel crucifixum ali- quod cadaver, ita et me exhorret, et vice versa, deliciae et pompæ mundi mihi crux sunt, easque, ut crucem ille, aversor et horreo. Ita D. Thomas. Et S. Bernardus : « Quæcumque, ait, mundus reputat crucem, ego delicias reputo ; et quæ mundus delicias, ego reputo crucem. »

Secundo, simplicius, « crucifixus, » id est mortuus, per metalepsim : ex cruce enim et crucifixione necessario sequitur mors ejus qui crucifixus est ; dicit tamen Apostolus « crucifixus, » potius quam mortuus, ut persistat in cruce Christi, ex qua omnis hæc illi mutatio obvenit, q. d. Ego Christo con crucifixus nova creatura, novus homo esse cœpi, et ex arbore crucis Christi novam gratiæ et mortificationis vitam sugere. Unde « mundo crucifixus, » id est mortuus, sum, hoc est, non teneor, non delector, non tangor mundanis Judæorum (ad eos enim proprie respicit, ut patet ex præcedentibus) et quorumvis aliorum opinionibus, favoribus, odiis, opibus, deliciis, gloria, uti isti Judaizantes tanguntur. Et consequenter vice versa « mihi mundus crucifixus, » id est, mortuus est, quia eadem ista mundana me non tangunt, non tenent, non delectant, ac si mortua essent. « Mundus, ait, mihi crucifixus est, ut non me teneat : et ego mundo, ut eum non teneam, id est, ut neque mundus mihi nocere possit, neque ego de mundo aliquid cupiam. » Ita Augustinus ; ita et Ambrosius, Theophylactus, Anselmus, D. Thomas, Haymo et S. Ignatius, epist. ad Roman. : « Amor, ait, meus crucifixus est, non mihi placet cibus corruptionis, neque voluptas vitæ hujus ; panem Dei volo, panem cœlestem, qui est caro Christi, Christo con crucifixus sum. »

Amor meus crucifixus est, ait S. Ignatius.

Pulchre Pinufius abbas apud Cassianum, lib. IV De Institut. renuntiantium, cap. xxxiv et xxxv, novitium, quem ad suum monasterium admittebat, instruens, hanc vitæ monasticæ ideam, Christum scilicet crucifixum, ei proponit dicens : « Abrenuntiatio nihil est aliud, quam crucis ac mortificationis indicium. Ideoque noveris hodierno die te huic mundo, et actibus ejus ac desideriis esse defunctum, teque secundum Apostolum mundo huic esse crucifixum tibi que hunc mundum. Considera ergo conditiones crucis, sub cuius te deinceps sacramento oportet in hac luce versari : quia jam tu non vivis, sed ille vivit in te, qui est crucifixus pro te. Eo ergo habitu ac figura, qua pro nobis in patibulo fuit ille sus-

Christus crucifixus idea viri religiosi.

pensus, nos quoque necesse est in hac vita degere, ut scilicet secundum David affigentes de timore Domini carnes nostras, universas voluntates ac desideria, non nostræ concupiscentiæ servientia, sed mortificationi ejus habeamus affixa : sic enim Domini præceptum implebimus, dicentis : Qui non accipit crucem suam, et sequitur me, non est me dignus. »

Deinde modum, quo Christo con crucifigi debeat, in particulari ita declarat : « Sed forte dicas : Quomodo potest homo crucem suam jugiter portare, vel quemadmodum vivens quis possit esse crucifixus ? Audi rationem breviter : crux nostra timor Domini est ; sicut ergo crucifixus quis, jam non pro animi sui motu membra sua quoquam movendi vel convertendi habet potestatem : ita et nos voluntates nostras ac desideria non secundum id, quod nobis suave est, ac delectat ad præsens, sed secundum legem Domini, quo nos illa constrinxerit, applicare debemus. Et sicut is qui patibulo crucis affigitur, non jam præsentia contemplatur, nec de suis affectionibus cogitat, non pro die crastino sollicitudine curaque distenditur, nulla possidendi concupiscentia permovetur, nulla superbia, nulla contentione, nulla æmulatione succenditur, non de præsentibus dolet injuriis, non præteritarum jam recordatur, seque cum adhuc spirat in corpore, cunctis elementis credit esse defunctum, illuc præmittens sui cordis intuitum, quo se non dubitat illico transiturum : ita nos quoque timore Domini crucifixos oportet his omnibus, id est, non solum carnalibus vitiis, verum etiam ipsis elementis mortuos esse, illuc habentes oculos animæ nostræ defixos, quo nos sperare debemus momentis singulis migraturos. » Hucusque Pinufius apud Cassianum.

Modus quo quis Christo con crucifigi possit.

Nota hic, Apostolum non loqui solis Religiosis, sed seipsum exemplum statuere Galatis, et consequenter omnibus Christianis, qui pompis sæculi renuntiarunt in baptismo ; itaque debent mundo esse mortui, ut leges mundanas de hypocrisi, de politica simulatione, de luxu, de honore, de vindicta, aliasque similes Christo Christianique cruci repugnantes, quasi ad se non pertinentes non curent, v. g. mundi lex dicit : Utere foro, omnibus te accomoda ; cum hæreticis simula te hæreticum, cum politicis politicum ; si cum eis in mensa verseris, die licet vetito, carnes comede. Sed Christianus respondebit se huic legi esse mortuum, se Christi legi, religioni, obedientiæ astrictum vivere ; esto vocetur Papa, hypocrita, Jesuita, non curabit, non sentiet, ac si mortuus esset. Rursus mundus et mundi lex dicit : Nisi duellum ab æmulo oblatum acceptes, ignavus, vilis, inglorius habebere. Christianus, si ei duellum offeratur, huic legi se mortuum esse respondebit per legem Christi, quæ duellum vetat, dicetque se minime curare, imo contemnere mundi stolidi stolidia judicia : sed sequi se sapien-

Non soli Religiosi, sed et omnes sæculares Christiani debent con crucifigi.

tissimum Dei, Christi virorumque Christianorum iudicium, qui duellum rem esse infamem, temerariam, stultam, animæ et corpori, ipsique reipublicæ quæ duellis exhauritur, virisque fortissimis et nobilissimis spoliatur, nocentissimam censent: veram autem fortitudinem Christianam spectari in tolerantia injuriarum, mortis, martyrii; tum in forti defensione patriæ, reipublicæ fidei, quin et propriæ personæ; ita ut sibi insultanti et ad duellum provocanti resultare et regere possit: Si me aggrediaris, experieris vires meas, meos animos, meam in pugnando industriam.

Tres
gradus
quibus
mori de-
bet mun-
do et car-
ni Chris-
tianus.

Moraliter S. Bernardus, serm. 7 in *Quadragesima*, qui est de peregrino, mortuo et crucifixo, tradit tres gradus quibus mori debet mundo et carni Christianus, qui ad perfectionem aspirat. « *Primus est, ut in hac vita se gerat tanquam peregrinum, qui, inquit, si forte jurgantes viderit, non attendit; si nubentes aut choras ducentes, aut aliud quodlibet facientes, nihilominus transiit, quia peregrinus est, et non pertinet ad eum de talibus. Ad patriam suspirat, ad patriam tendit, vestitum et victum habens non vult aliis onerari. Secundus est; ut se gerat tanquam mortuum, qui non sentit, sed sic vituperantes ut laudantes; sic adulantes audit ut detrahentes: imo vero nec audit, quia mortuus est. Omnino felix mors, quæ sic immaculatum servat, imo penitus alienum facit ab hoc sæculo. Sed necesse est, ut qui non vivit in se, vivat Christus in illo. Hoc est enim quod ait Apostolus: Vivo autem jam non ego, vivit vero in me Christus, ac si diceret: Ad alia quidem omnia mortuus sum, non sentio, non attendo, non curo; si qua vero sunt Christi, hæc vivum inveniunt et paratum. Tertius est, si non tantum mortuus sit, sed et crucifixus, ut dicat: Mihi mundus crucifixus est, et ego mundo. Omnia quæ mundus amat, crux mihi sunt; puta delectatio carnis, honores, divitiæ, vanæ hominum laudes; quæ vero mundus reputat cruce, illis affixus sum, illis adhæreo, illa toto amplector affectu. » Addit deinde Bernardus aliam hujus loci et crucifixi explicationem, non litteralem, sed accommodatitiam: « Quamvis, inquit, et in his verbis Apostoli non incongrue posset intelligi, crucifixum ei mundum reputatione, ipsum vero mundo crucifixum compassione: crucifixum enim mundum videbat obligationibus vitiorum, et ipse crucifigebatur ei per compassionis affectum. »*

Et ego mundo. — B. Dorotheus, tom. III *Biblot. SS. Patrum*, doctrina prima, quæ est de renuntiatione, quærit: « Quo pacto mundus crucifigitur homini? » ac respondet id fieri, « cum homo abrenuntiat mundo, mundum deserit, et exinde solitarius fit relictis parentibus, possessionibus, agris, negotiationibus, rerum copia. » Quærit deinde, « Quo pacto homo crucifigitur mundo? » ac respondet id fieri « per abrenuntiationem, cum scilicet homo postquam mundi rebus excessit, cer-

tat adversus mundi concupiscentias, adversus voluptates, adversus propriam voluntatem, subigitque innatas passiones et vitia. » Ac subdit, suos Religiosos exhortans ad hanc abrenuntiationem: « Nos, inquit, videmur quidem nobis ipsis mundum crucifixisse, quia reliquimus eum, et ad monasterium divertimus: at nolumus nos mundo crucifigere. Adhuc enim in animo nostro vigent illius blanditiæ, adhuc in nobis ipsius affectum abscondimus, compatimur illius gloriæ, compatimur deliciis et voluptatibus, compatimur ornamentis et vestibus, et ob viles et inanes res delabimur plerumque in pristinas ejus passiones. Quod sane non nisi ex amentia multa provenit, ut; qui pretiosas ac magnas res reliquimus, ob minimas plurimum perturbemur; fitque id a nobis pessime: ut enim mundo et rebus ejus abrenuntiavimus, ita et pristinis ejus passionibus abrenuntiare debemus. »

Verum hæc arctior est expositio: Apostolus enim non solis Religiosis, sed omnibus Christianis Galatis loquitur, seque eis in exemplum proponit, ut secum omnes crucifigant se mundo, et mundus vicissim eis crucifigatur: hæc enim non diversa sunt, ut videtur velle B. Dorotheus, sed eadem et in eodem sibi contrapositione, uti jam explicui.

15. IN CHRISTO (in Christi fide, religione, Ecclesia, id est in christianismo, in Christiana vita, ad christiane scilicet, bene beateque vivendum) NEQUE CIRCUMCISIO ALIQUID VALET, NEQUE PRÆPUTIUM (id est impertinens est gentilismus et judaismus, ut non aptior sis, non dignior in christianismo et Christiana vita, si sis Judæus; non ineptior, non indignior, si Gentilis), SED NOVA CREATURA, — id est anima baptismo et gratia Christi regenerata et renata, imo recreata, et quasi nova creatura spiritalis effecta, novam gratiæ vitam sortita, ut deinceps in novitate vitæ ambulet; hæc scilicet plurimum valet ad Christianam vitam ineundam et proseguendam. Unde *Apoc. III, 14*, Christus dicitur « principium creaturæ Dei; » et *Isaia IX, 6*, « Pater futuri sæculi: » quia a Christo cœpit nova gens, novus mundus, et, ut canit Sibylla Cumana apud Virgilium, *ecloga 4*, qui adulando transtulit carmina Sibyllina, quæ aperte loquuntur de Christo nascente, ad Salonium, Asinii Pollionis Consulis Romani filium recens tunc natum:

Tu modo nascenti puero, quo ferrea primum
Desinet, et toto surget gens aurea mundo,
Casta fave Lucina.

Gentem auream vocat gentem Christianorum aureis virtutibus, gratiis et donis a Christo acceptis splendentem ac fulgentem instar auri.

16. ET QUICUMQUE HANC REGULAM SECUTI FUERINT. — Græca καὶ ὅσοι τῷ κανὼν τούτῳ ἐσχηκότες, id est, ut Vatablus, quicumque ad hanc incedent regulam, quam scilicet tradidi de justificatione, libertate, doctrina vitæque Christiana, ut extra hanc regu-

Per abrenuntiationem homo mundo crucifigatur.

Vers. 15.

Christus principium creaturæ.

Vers. 16.

lam et orbitam non exorbitent, et deflectant ad legem et normam judaismi, velintque utraque via incedere, vel potius discurrere et vagari sine ordine et semita a christianismo ad judaismum; hoc enim significat Græcum *εὐχρίω*, scilicet ordine, recta via et tramite incedere, ut dixi cap. IV, vers. 25.

PAX SUPER ILLOS (Gentiles scilicet), ET SUPER ISRAEL, — hoc est, et super Judæos credentes Christo, ait Ambrosius. *Secundo* et melius, et hic, uti et *Ephes. I, 1; Coloss. II, 8*, et alibi sæpe, significat *id est*, «pax super illos, et» id est, «super Israel Dei,» *q. d.* Qui sequuntur hanc regulam christianismi a me præscriptam, ii pacem habent, id est tranquillitatem conscientie, item misericordiam, scilicet Dei, ut Deus in eos misericors sit et beneficus, suamque gratiam et consolationem misericorditer in eos effundat; iique scilicet sunt *Israel Dei*, id est ii sunt populus Israeliticus, non secundum carnem descendentes ex Israel, id est ex Jacobo patriarcha, uti Judæi sunt et dicuntur Israel, id est Israelis sive Jacobi filii: sed sunt Israel, id est populus Dei, qui ex Israele, hoc est Jacobo, et consequenter ex Abrahamo, descendunt secundum fidem et spiritum, quia Jacobi et Abrahamæ fidem et sanctitatem imitantur.

Rursum alludit Apostolus ad significationem Hebrææ vocis *Israel*: Israel enim hebraice significat *videns Deum*, ait Theophylactus. Dicit ergo: Qui hanc Christi legem et regulam sequuntur, ii sunt Israel, id est videntes Deum per fidem, *q. d.* in cælis visuri Deum per speciem, *q. d.*, ait Augustinus: *ii sunt qui ad visionem Dei in cælis præparantur et recta contendunt. Secundo* et melius, *Israel* hebraice dicitur quasi *יִשְׂרָאֵל* *iisra el*, qui dominatur, vel prævalet Deo: cum enim Jacob patriarcha timens et fugiens insequentem Esau fratrem suum, angelum, qui Deum representabat, se confortantem vidisset, cum eoque luctaretur, eique prævaleret, nolens eum dimittere, eumque retentans donec sibi benediceret, sinens se vinci angelus, et Jacobo benedicens: «Nequaquam, inquit, Jacob appellabitur nomen tuum, sed Israel; quoniam si contra Deum fortis fuisti, quanto magis contra homines prævalebis?» *Gen. XXXII, 28, q. d.* Ne timeas Esau fratrem tuum, o Jacob; nam violentis tuis precibus apud Deum licet renitentem obtinuisti, ut contra Esau, et quosvis hostes animo sis futurus infracto, insuperabilis et victor: hæc enim est petita a Jacob, data ab angelo benedictio. Dicit ergo Apostolus: Qui hanc Christi regulam sequuntur, ii sunt Israel Dei, id est populus Dei, dominans vitiis, mundo, Judæis et Judaismo (quos representabat Esau carnalis frater Jacob), quin etiam ipsimet Deo, ut ab eo impetrent quidquid volunt ac petunt ab eo. Ita D. Thomas, Haymo et alii.

jus sim servus, patet ex stigmate meo: ego non stigma circumcisionis præfero, uti faciunt servi legis, sed Christi stigmata. Maldonatus in *Notis manuscr.* sic vertit, *nemo mihi ob apostolatam meam litem intendat*; meum enim apostolatam stigmata pro Christo inusta satis probant (1).

EGO ENIM STIGMATA DOMINI JESU IN CORPORE MEO PORTO. — Nota: Stigmata a Græcis dicuntur notæ alicui inustæ, quales servis inurunt domini, ut, si fugiant, ex hisce notis agnoscantur esse servi talis domini. *Secundo*, stigmata dicuntur cicatrices, v. g. militum vulneratorum. Paulus ergo «stigmata Christi» hic vocat plagas et cicatrices ex verberibus, vulneribus et afflictionibus propter Christum susceptis, corpori suo impressas, de quibus II *Cor. XI, 23*; quæ stigmata coram Deo non dedecora sunt, sed summæ laudes. Unde, uti milites, vexilliferi et capitanei sua vulnera et cicatrices ostentant quasi signa fortitudinis et gloriæ bellicæ: ita ego Paulus hæc stigmata, has plagas, quasi trophæa militiæ Christi non tantum habeo, sed «porto;» inquit, et ostento. Ita Hieronymus, Chrysostomus, Anselmus, D. Thomas, Haymo, Theophylactus.

Egregie S. Ambrosius in Psal. cxviii, 120, *Confige timore tuo carnes meas*, serm. 13: «His, inquit, configitur clavis, qui mortificationem Jesu in corpore suo portat. His clavis configitur, qui meretur audire dicentem Jesum: Pone me ut signaculum in cor tuum, ut sigillum in brachium tuum. Infige ergo pectori tuo et cordi tuo hoc signaculum crucifixi; infige et brachio tuo, ut opera tua peccato mortua sint. Fortasse hanc imaginem clavi non solum timoris, sed etiam charitatis affigunt: quia valida est ut mors dilectio, durus sicut inferi zelus. His clavis charitatis configitur anima nostra, ut et ipsa dicat: Vulnerata charitate ego sum.»

Simili modo in suis vibicibus et stigmatibus pro defensione sanctarum imaginum susceptis gloriabatur B. Theodoretus Studita, anno Domini 824. Cum enim Leo Armenius Imperator Iconoclasta eum sibi resistentem flagellari juberet, ipse illico sponte zonam solvit, positaque veste corpus nudum obtulit ad verbera: «Voluptati enim, inquit, mihi est corpusculi hujus flagellatio, atque ista demum ejus suprema depositio, quocitius nuda anima evolem ad eum quem desidero.» Acriter ergo flagellatus, post verbera exultans scripsit ad Naucratiū: «An non, ait, diadema gestantium gloria mirabilius stigmata ferre Christi, vivificas ejus passiones seu coronas?» Ita Michael Studita in ejus Vita, et ex eo Baronius.

Moraliter stigmata Christi in corpore suo portant, ait Hieronymus, qui corpus macerant et affligunt amore Christi, utque se Christi cruci et

Stigma
quid sit?

Quinam
moraliter
portant?

Tran-
quillitas
et pax ex
christia-
nismo.

Inter-
pretatio
vocis
Israel.

Vers. 17. 17. DE CÆTERO NEMO MIHI MOLESTUS SIT. — «Nemo» scilicet Judæorum, rogando me an servus sim Christi, an Mosis, me molestat; nam cu-

(1) Rectius: Nemo posthac mihi molestias creet, ego enim jam satis molestiarum, scilicet verbera, etc., propter Christum pertuli.

tent stig-
mata
Christi?

S. Fran-
ciscus ha-
buit vera
stigma-
ta.

passioni configurent et conforment. Rursum ii, qui a Deo morbis et ærumnis affliguntur, ut Christo hic in cruce, post hanc vitam in gloria conformentur. Sic S. Franciscus, ut narrat Bonaventura, cap. xiii *Vitæ S. Francisci*, ab angelo Seraphino crucifixum alis suis continente, Christi crucifixi stigmata, id est clavos per pedes et manus vulnusque lateris instar Christi accepit, quia totus in Christi crucifixi amorem, imitationem et obsequium transire gestiebat. Erant hi clavi non e ferro, sed e carne mortua calli, instar clavorum, capite scilicet crassiore exstante, et cuspidate acuta interius reflexa, qui sanctum virum ita cruciabant, ut vix incedere posset: sicut nos torquent in incessu calli pedum e carne mortificata, quos Flandri *exteren ooghen*, Galli *nids d'agache* vocant. « Excreverat, ait S. Bonaventura, in Francisco insuperabile amoris incendium boni Jesu in lampades ignis atque flammæ, ut Seraphicis desideriorum ardoribus ageretur, et per Seraphim stigmata sibi imprimentem cognovit se non per martyrium carnis, sed per incendium mentis totum in Christi crucifixi similitudinem transfor-

mandum. » Hæc stigmata se propriis oculis in S. Francisci corpore mortuo conspexisse testatus est Alexander IV Pontifex, ex cujus ore idipsum audivit S. Bonaventura.

Facessat ergo impia Bezæ blasphemia, qui hoc loco S. Franciscum hisce stigmatibus notatum vocat horrendum stigmaticum idolum, idque falsum et confictum. Verum de hisce stigmatibus non loquitur hic Paulus, nec constat talia, qualia S. Franciscus habuit, in Paulo fuisse: imo illa, ejus itinera et labores valde impeditissent. Unde nec imagines Pauli antiquissimæ ea nobis exhibent. Imo Sixtus IV in bulla quadam, quam refert Henricus Sedulius in *Notis* ad Vitam S. Francisci, vetuit sub pœna excommunicationis, ne quis Sanctum alium, quam S. Franciscum, pingat cum quinque stigmatibus, qui tamen nuper e S. Dominici familia ediderunt Vitam S. Catharinæ Senensis per imagines expressam, asserunt postea Pium V concessisse, ut et S. Catharina Senensis cum iisdem pingatur, uti habent et testantur recentissimæ illæ ejus imagines. Sed nulla Pauli imago ea nobis exhibet, ut dictum est.

Paulus
non ha-
buit stig-
mata in
manibus
et pedi-
bus.

S. Catha-
rina Se-
nensis
etiam
habuit
stigma-
ta.

Mihi absit gloriari nisi in cruce Jesu Christi.

Cruce est scala beatæ ÆTERNITATIS.

O longa et fortunata ÆTERNITAS!

COMMENTARIUS

IN EPISTOLAM

AD EPHESIOS.

ARGUMENTUM.

Prior
Epistolæ
pars dog-
matica
tractat de
prædesti-
natione.

Prior Epistolæ hujus pars dogmatica est, disputatque profundissime usque ad cap. iv de arcano divinæ prædestinationis, illiusque beneficium admiratur. Scilicet *primo*, quod Deus prædestinavit nos homines sibi inimicos reconciliare, idque per mortem Filii sui. *Secundo*, quod Gentes atheas in hac prædestinatione prætulit Judæis Deum colentibus. *Tertio*, quod ita Deus ab æterno sua providentia res disposuerit, ut inter tot myriades hominum, qui tunc in mundo erant, et ante Christum fuerant, soli Ephesii, alique pauci fideles acceperint prædicationem et doctrinam Evangelii, fidem, remissionem peccatorum omnemque benedictionem Christianam.

Deinde eos in fide stabilit, carpitque Philosophorum ac Poetarum, et suborientes Ephesi Simonis Magi, ejusque asseclarum errores: nam, ut ait Chrysostomus, multi Philosophorum in hac urbe (Epheso) fuerunt. Dicitur et Pythagoras hinc prodixisse. Illinc est omnis schola Ionica, e qua prodixit Plato. Unde et Platonicorum errores Ephesi grassantes carpit et perstringit hic Paulus. ut ex Epistolæ decursu patebit.

Ephesio-
rum civi-
tas, mo-
res, idola
conver-
sio.

Erat enim Ephesus Asiæ minoris metropolis, idololatriæ, et quæ ex ea sequitur, magiæ et præstigiis magicis ac erroribus dedita. Unde Ephesii conversi a Paulo, coram eo libros magicos plurimos combusserunt, ut dicitur Act. xix, 19. Fuit quoque Ephesi celeberrimum templum Dianæ, quam *πῶλον*, id est multimammæam, vocabant: ita enim pingebatur, ut multas haberet mammas, quo significarent eam omnium bestiarum et viventium esse nutricem, ait Hieronymus in *prologo*.

Posterior
Epistolæ
pars ethi-
ca.

Posterior Epistolæ pars ethica est, qua, a capite iv ad finem Epistolæ, cuique hominum ætati et conditioni recte et christiane vivendi modum præscribit (1). Stylus profundus est et grandilo-

(1) Totius Epistolæ argumentum et tractationem sic constituit Allioli: In priori scilicet parte, cap. i-iii, Paulus *primo* laudat et celebrat immensum *mysterii Christi* beneficium, per quod omnes in eo credentes salvi et iustificati fiant, cap. i, 3-ix, 10; *deinde* ostendit quomodo

quus, quia sapientissimus sapientibus scribit contra sapientes Philosophos.

Missa est Roma e carcere per Tychicum diaconum, ut patet cap. iv, vers. 1, et cap. vi, vers. 20, anno Christi 52, ut ait Baronius (2).

Ubi nota: Epistolæ, quas scripsit Apostolus e carcere, quasi concluso utre, plus eructant sapientiæ et spiritus: anhelans enim ad martyrium, ejusque desiderio æstuans illas scripsit, quasi ultimas et cymæas suas cantiones. Talis est hæc, talis ad Colossenses, talis ad Philippenses, talis denique ad Timotheum secunda. Ex hac sane Epistola, quæ, inquit Hieronymus, subtilissima est, agnoscas Pauli fervorem, profunditatem, spiritum, indolem. Videtur enim musto plenum hic pectus ejus altissima spirare et convolvere, ut sublimitatem conceptuum suorum sermo ejus assequi non possit, nedum exprimere. Hinc præ aliis epistolis hæc longas, implexas, convolutas habet sententias; abundat hyperbatis, anapodotis, ellipsis aliisque quæ dixi *Can.* 38.

Denique occasio scribendæ hujus Epistolæ fuit, quod, sicut prædixerat Ephesiis ad se Miletum evocatis Paulus, Act. xx, 29, inquiens: «Ego scio, quoniam intrabunt post discessionem meam lupi rapaces in vos, non parcentes gregi; et ex vobisipsi exurgent viri loquentes perversa, ut abducant discipulos post se: propter quod vigilate,» ita revera acciderit; nimirum ex Judo-

illud *Christi mysterium* in unum eundemque Dei populum Judæos et Gentiles coadunare debeat, cap. ii, 11-22; *postremo* declarat se maxime ad Gentes convertendas esse a Deo vocatum, atque in hoc opus laboribus ac votis incumbere. Pars posterior varias continet cohortationes, quum ad pietatem vitamque christianam in universum, cap. iv, 1-v, 20; tum ad singula singulorum Christianorum officia, cap. v, 20-vi, 24.

(2) Hanc Epistolam fuisse encyclicam, id est, non ad Ephesios solos, sed Asiæ minoris Ecclesias plures missam esse, nempe ad Ecclesias in Ephesinæ urbis vicinia conditas, cumque Ecclesia Ephesina, quam Apostolus tanquam primariam et quasi matrem cæterarum in inscriptione nominaverit, conjunctas, recentiorum interpretum plerique statuunt. Eam autem anno 56 exeunte scriptam ait Sepp, op. cit. tom. II, pag. 267.

Ubi et
quando
scripta
hæc
Epistolæ

Occasio
scriben-
dæ hujus
Epistolæ

christianis (cum adverterent per Evangelium suam legem et Synagogam aboleri) qui erant Ephesi, et in reliqua Asia, plures factos esse apostatas et hæreticos, qui Pauli hostes infensissimi, ejus et Evangelium et studia omnia evertere conabantur.

Id patet *primo*, ex eo quod qui ex Asia erant Judæi, primi fuerunt, qui Hierosolymis contra Paulum turbas concitarunt, et in ipsum manus injecerunt, ut dicitur *Act. xxi, 27*. *Secundo*, ex eo quod ipse Paulus ad Timotheum cum querela scribit, *epist. II, cap. I, vers. 13*: « Scis, inquit, hoc, quod aversi sunt a me omnes, qui in Asia sunt (Judæi scilicet Judaizantes), ex quibus est Phygellus et Hermogenes. » Addit Metaphrastes in sermone *De S. Petro et Paulo*, Phygellum a S. Petro factum (quod tamen non videtur probabile) Episcopum Ecclesiæ Ephesinæ, eumque Judæos credentes a fide avertisse.

Timens ergo Paulus, ne Gentiles Asiani et Ephesini ad fidem Christi a se conversi, ab hisce lupis seducerentur, ad eos, adhuc in Christi fide constantes, hanc scribit Epistolam (ad Gentes enim,

non autem ad Judæos, esse scriptam patet *cap. III, vers. 1*, et *cap. II, vers. 11*), ut eos in fide et officio contineat, quod et fideliter præstiterunt.

Testis est S. Ignatius, qui post quadraginta annos ad eosdem Ephesios scribens, eorum in fide constantiam, et hæreseos ac hæreticorum odium hisce verbis dilaudat: « Novi nonnullos per vos transeuntes habere perversam doctrinam peregrini et maligni spiritus, quibus negastis transitum, ad spargendam zizaniam, obturatis auribus ne recipetis errorem, quem docent. » Et unde hoc habebant Ephesi, superius indicat, cum ait: « Vos itaque estis ejusmodi a talibus instructoribus eruditi, a Paulo Christi pleno, et fidelissimo Timotheo. » Et iterum: « Honestissimum supra modum laudat (Onesimus Episcopus vester) vestrum decentem compositumque ordinem, quodque omnes secundum veritatem vivitis, et quod nullus sit inter vos hæresi locus, sed nec auditur nomen ullius, quam solius Jesu Christi veri pastoris et magistri, et estis, ut Paulus vobis scripsit, unum corpus et unus spiritus, propterea quod vocati estis in una spe vocationis vestræ. »

Ephesiorum in fide constantia.

CAPUT PRIMUM.

SYNOPSIS CAPITIS.

Benedicit Deum, quod per Christum nos prædestinarit, et omni gratia cumularit, itaque instaurarit omnia quæ in cælis et quæ in terra sunt.

Secundo, vers. 11, excitat Ephesios ad laudem Dei, utpote qui eos ad hanc gratiam præ aliis sorte vocaverit.

Tertio, vers. 15, agit gratias Deo ob fidem et charitatem Ephesiorum, orans ut perfectam in Christo sapientiam adipiscantur, scilicet ut penetrent magnitudinem suæ vocationis, Deique potentiam qua eos ad Christum convertit, quaque Christum a morte suscitavit, et supra omnes angelos exaltavit, constituitque caput supra omnem Ecclesiam.*

1. Paulus Apostolus Jesu Christi per voluntatem Dei, omnibus sanctis, qui sunt Ephesi, et fidelibus in Christo Jesu. 2. Gratia vobis, et pax a Deo Patre nostro et Domino Jesu Christo. 3. Benedictus Deus et Pater Domini nostri Jesu Christi, qui benedixit nos in omni benedictione spirituali in cœlestibus, in Christo, 4. sicut elegit nos in ipso ante mundi constitutionem, ut essemus sancti et immaculati in conspectu ejus in charitate. 5. Qui prædestinavit nos in adoptionem filiorum per Jesum Christum in ipsum, secundum propositum voluntatis suæ, 6. in laudem gloriæ gratiæ suæ, in qua gratificavit nos in dilecto Filio suo. 7. In quo habemus redemptionem per sanguinem ejus, remissionem peccatorum secundum divitias gratiæ ejus, 8. quæ superabundavit in nobis in omni sapientia et prudentia : 9. ut notum faceret nobis sacramentum voluntatis suæ, secundum beneplacitum ejus, quod proposuit in eo, 10. in dispensatione plenitudinis temporum, instaurare omnia in Christo, quæ in cœlis, et quæ in terra sunt in ipso ; 11. in quo etiam et nos sorte vocati sumus prædestinati secundum propositum ejus, qui operatur omnia secundum consilium voluntatis suæ. 12. Ut simus in laudem gloriæ ejus nos, qui ante speravimus in Christo : 13. in quo et vos, cum audissetis verbum veritatis (Evangelium salutis vestræ), in quo et credentes signati estis Spiritu promissionis sancto, 14. qui est pignus hæreditatis nostræ in redemptionem acquisitionis, in laudem gloriæ ipsius. 15. Propterea et ego audiens fidem vestram, quæ est in Domino Jesu, et dilectionem in omnes sanctos, 16. non cesso gratias agens pro vobis, memoriam vestri faciens in orationibus meis : 17. ut Deus, Domini nostri Jesu Christi pater gloriæ, det vobis spiritum sapientiæ et revelationis, in agnitione ejus : 18. illuminatos oculos cordis vestri, ut sciatis quæ sit spes vocationis ejus, et quæ divitiæ gloriæ hæreditatis ejus in sanctis, 19. et quæ sit supereminens magnitudo virtutis ejus in nos, qui credimus secundum operationem potentiæ virtutis ejus, 20. quam operatus est in Christo, suscitans illum a mortuis : et constituens ad dexteram suam in cœlestibus, 21. supra omnem principatum, et potestatem, et virtutem, et dominationem, et omne nomen, quod nominatur non solum in hoc sæculo, sed etiam in futuro. 22. Et omnia subjecit sub pedibus ejus : et ipsum dedit caput supra omnem Ecclesiam, 23. quæ est corpus ipsius, et plenitudo ejus, qui omnia in omnibus adimpletur.

Vers. 1. 1. OMNIBUS SANCTIS, — id est omnibus Christianis, qui sancti sunt vocatione, baptismo, debito et obligatione : quia in baptismo sanctificati, vocati sunt ad sancte vivendum, debentque in

omni vita et conversatione esse sancti, ut dixi Rom. 1, 7. Unde explicans subdit :

ET FIDELIBUS IN CHRISTO JESU, — id est credentibus in Christum. Est hebraismus : Hebræum

baptismo, et obligatione.

enim נֶעְמָן *neeman* et nomen est significans fidelem, et participium significans credentem. Rursum, credere in Christo, et credere in Christum, idem sunt, ut dixi. Ubi nota: Coniunctio et est hic explicativa, et significat *id est*, uti et *Galat. vi, 16*, et *Coloss. ii, 8*.

Vers. 3. 3. BENEDICTUS DEUS. — Dupliciter, ait Hieronymus, hic locus legi potest: «Benedictus Deus, et Pater Domini nostri Jesu Christi: ut sit benedictus Deus, qui universorum conditor est, et hucusque distinctio; deinceps inferatur, qui est et Pater Domini nostri Jesu Christi. Vel ita, ut Deus et Pater ad Dominum nostrum in commune referatur: Benedictus Deus ejus, qui assumptus est, hominis; et Pater ejus, qui in principio apud Deum fuit Deus Verbum. Non quo alius assumptus homo, et alius sit sermo qui assumpsit; sed quo unus atque idem pro varietate causarum, nunc sublimis, nunc humilis prædicetur.» Simili sensu dicit Christus Magdalene: «Ascendo ad Patrem meum, et Patrem vestrum; Deum meum, et Deum vestrum,» *Joan. xx, 17*. Et secundus hic sensus planior est, magisque fluit. Unde correctissima exemplaria inter *Deus* et *Pater* nullam diastoles notam, aut comma interjiciunt.

QUI BENEDIXIT NOS, — id est, qui benefecit nobis, copiose cumulavit nos suis bonis et beneficiis. Dei enim dicere non est aulicum (aulici enim aurea sæpe promittunt, sed parum re ipsa præstant), sed simplex est, sincerum et efficax: Deus enim plura facit et præstat, quam promittat. Idem imitantur viri fideles et cordati.

OMNI BENEDICTIONE (id est omni bono, beneficio et dono, non terreno, ut sunt honores, opes, forma, robor, voluptates: has enim non venit conferre nobis Christus; sed) **SPIRITUALI**, — puta fide, gratia, peccatorum remissione, justitia, amicitia Dei, virtutibus, bonis operibus, per ea nos destinando, et si in iis perseveremus, nos ad gloriam æternam eligendo, ut dicatur nobis: «Venite, benedicti, possidete paratum vobis regnum a constitutione mundi,» ait Chrysostomus; hæc enim **summa** est et extrema benedictio. Unde addit:

IN COELESTIBUS, — scilicet donis, puta cælesti gratia, cælesti vita et moribus nunc, et postea cælesti gloria. *Secundo*, S. Hieronymus, «in cælestibus,» scilicet locis, inquit, et sedibus (sic enim capitur *vers. 20*) quas nobis Deus præparavit, et ad quas nos destinat (1); «in» id est *per* Christum, per Christi sanguinem et merita, non per Simonem Magum, qui se jactabat esse mediatorem, esse Dei virtutem, *Act. viii, 10*.

Hinc patet, omnem gratiam, omnemque dispositionem ad justificationem, ipsumque fidei initium non tantum esse gratiæ Dei, sed etiam (quod male de fide et fidei initio negarunt non-

nulli) esse ex meritis Christi. Apostolus enim dicit, quod Deus nos **benedixit** omni benedictione spiritali in Christo; ergo per Christum omne bonum spirituale nobis obvenit; atqui fides et gratia excitans nos ad credendum, est bonum spirituale, imo omnis boni fons et initium: ergo fides et prima gratia, ipsumque fidei initium obvenit nobis per merita Christi. Ita Augustinus, *De Prædest. Sanctorum*, cap. xix.

Nota, *benedictionem* non tantum beneficentiam, bonum et donum significare, sed largitatem, copiam et abundantiam bonorum et donorum, ut dixi *II Cor. ix, 6*.

Rursum, pro *in cælestibus* græce est ἐν τοῖς ἐπουρανίοις, *in supercælestibus*, quod aliqui ad Deum referunt, *q. d.* Deus existens in supercælestibus, id est, in cælo quod est super omnes celos, imo existens super cælum empyreum in spatiis illis vacuis, quæ supra cælum et mundum sunt, benedixit nos. *Secundo* et melius, ut dixi, refertur ad nos, *q. d.* Deus nos in cælestibus donis, vel locis benedixit, ut scilicet per cælestia gratiæ bona perveniamus ad cælestia gloriæ loca.

Nota *tertio*: Pro *in Christo*, Erasmus et Vatablus legunt in Græco Χριστῷ, *Christo*, *q. d.* ait Vatablus: Deus benedixit nos omni dono supernaturali, ut tandem locum habeamus in cælo cum Christo. Sed hæc lectio, uti dura et obscura est, ita est et falsa. Unde Chrysostomus, Theophylactus, Ambrosius, Hieronymus, et passim alii legunt, ἐν Χριστῷ, *in Christo*. Hinc rursum videas Græca exemplaria novi Testamenti magis dubia, varia et corrupta esse quam Latina.

4. SICUT ELEGIT NOS IN IPSO. — *q. d.* Deus actu benedixit, id est benefecit, nobis donando suas gratias et dona; sicut ab æterno ad ea nos prædestinavit, et elegit in ipso, id est per ipsum, scilicet Christum et Christi merita prævisa.

Ex hoc capite insignes et graves Theologi contendunt singulos electos ad gloriam ex solo beneplacito Dei ad eam electos esse: ita ut ab æterno Deus ante prævisa merita non tantum propria, sed et ipsius Christi, singulos, qui salvabuntur, ad gloriam et salutem hanc efficaciter elegerit. *Deinde* decreverit illos Christo nascituro representare, ut Christus pro iis passionem suam et merita offerret. *Tertio*, Christo jam incarnato Deus illi proposuerit singulos a se ab æterno electos, ut pro iis merita sua Christus offerret, quibus eis gratiam ac omnia salutis media impetraret; et mox Christum Patri obedientem pro iis merita sua obtulisse dicunt. Inde *quarto*, singulos ex Christi meritis accepisse gratiam a Christo petitam et impetratam, cui ipsi electi cooperantes per propria merita re ipsa gloriam sint adepti: hunc enim providentiæ ordinem censent esse optimum, et probatur maxime *ex vers. 11*, ubi sic ait: «In quo etiam et nos forte vocati sumus, prædestinati secundum propositum ejus qui operatur omnia secundum consilium voluntatis suæ.»

tionem
est ex
meritis
Christi.

An electio et prædestinatio nostra sit facta independentem a meritis Christi?

(1) *Cælestibus*, id est æternum in cælo duraturis. Cælestia hic non sunt bona quæ in cælo sunt, sed bona æterna, et opponuntur rebus terrenis atque caducis.

Omnis gratia et dispositio ad justificationem

Ecce, inquit, « in quo, » scilicet Christo, « vocati sumus, » quia vocatio et gratia actualis est ex meritis Christi; sed « prædestinati sumus secundum propositum et consilium voluntatis Dei. » Ecce solum Dei propositum ponit causam prædestinationis nostræ, non ergo illa facta est ex meritis Christi.

Verum omissa questione de meritis propriis, quæ alii non pauci graves Theologi censent esse prævisa, et causam electionis singulorum ad gloriam, de qua re alibi dicendum est; quod ad præsentem locum et questionem de Christi meritis attinet, verius videtur id quod alii illustres Theologi docent, nimirum Christi solius prædestinationem, electionem et incarnationem factam esse sine ullius, etiam ipsius Christi merito, ex solo Dei beneplacito, ut docet D. Augustinus, *De Prædest. Sanctorum*, cap. xv; cæterorum vero hominum prædestinationem, et quatenus est prædestinatio, sive prædilectio omnibus communis, et quatenus electio est unius præ aliis, sive aliis neglectis, esse ex meritis Christi, ob quæ placuit Deo prædestinare eos et eligere tam ad gloriam, quam ad gratiam. Hoc enim exigunt merita, honor et dignitas Christi, ut scilicet electorum omnium et prædestinatorum primus sit, per quem eligantur cæteri omnes et prædestinentur.

Electio Christi facta ex solo Dei beneplacito, electio vero hominum ex meritis Christi.
Probatur Primo. Probatur hæc sententia primo, quia vers. 3 dixit Apostolus: « Benedixit nos in omni benedictione spirituali in Christo, » id est per Christum; atqui magna, imo maxima, benedictio spiritualis est hæc prædestinatio et electio efficax ad gloriam: quam enim maiorem benedictionem a Deo desiderare possim, quam ut sim electus ad beatitudinem, ac consequenter certissimo hac beatitudine donandus? ergo hæc prædestinatio et electio per Christum et Christi merita facta est nobisque obtingit.

Secundo. Secundo, si electio cujusque ad gloriam non est ex meritis Christi: ergo nec prædestinatio gratiæ et mediorum ad eam assequendam erit ex meritis Christi; hoc autem est falsum, ergo et antecedens, ex quo id sequitur. Sequela majoris probatur: efficax intentio finis necessario imperat et elicit electionem mediorum ad finem necessariorum; atqui hic finis est gloria, media necessaria ad eam sunt gratia, adoptio et merita: ergo si Deus ante prævisa Christi merita efficaciter nos intendit glorificare, efficaciter etiam intendit nos in filios adoptare, gratiam et merita dare, quibus gloriam nobis prædestinatam assequeremur. Sicut qui intendit ire Romam, hoc ipso tacite et in confuso intendit transire Alpes, quia Alpium transitus est via et medium necessarium, ut finem, id est Romam, attingat: pari enim modo gratia, justificatio et merita, sunt media necessaria et connaturalia ad finem, id est, gloriam assequendam: incarnatio autem et merita Christi ad hunc finem, id est ad gloriam nostram, non sunt medium necessarium et connaturale, sed

arbitrarium ex Dei libera voluntate, qui hoc medium elegit et instituit, cum alia multa eligere et instituere potuisset. Ergo hoc ipso, quo Deus intendit nos glorificare, intendit et nobis gratiam et justitiam, quasi medium per se ad glorificationem necessarium, dare; non autem hoc ipso intendit dare nobis gratiam et justitiam per merita Christi, qui ea nondum instituit et elegit: ergo si ante merita Christi nos prædestinavit ad gloriam, etiam ante merita Christi prædestinavit ad gratiam, justitiam et adoptionem. Minor probatur hic vers. 5: « Prædestinavit, inquit, nos in adoptionem filiorum per Jesum Christum: » ergo non tantum adoptio nostra, sed et prædestinatio adoptionis facta est per Christum; quia quando Deus nos elegit ad gloriam, hoc ipso prædestinavit et statuit nos sibi in filios adoptare. Rursum, hic ait: « Elegit nos in ipso, » scilicet Christo: ergo non tantum executio electionis, sed et ipsa electio nostra per Christum facta est.

Dices: Elegit nos in Christo, non qua Christus homo est, sed qua Deus et Verbum ac Sapientia Patris.

Prima obiectio contra dicta solvitur.

Contra: Omnibus pene versibus vocant eum « Jesum Christum; » Jesus autem nomen est, non Verbi qua Deus est, sed qua incarnatum, ait S. Augustinus; est enim nomen huic homini, Christo scilicet, in circumcisione impositum; ergo loquitur de Christo ut homine, non ut Deo. Secundo, vers. 7 ait: « In quo habemus redemptionem per sanguinem ejus, remissionem peccatorum: » ergo clarum est, eum loqui de Christo homine, qui suum pro nobis sanguinem effudit. Tertio, vers. 10, docet quod Deus proposuerit omnia instaurare in Christo, scilicet lapsum hominem restaurando (per hominem enim angelos et omnia restauravit); hoc autem factum est per Christum hominem; ut homo enim, mediator fuit et redemptor omnium. Quæ omnia rursum magis confirmant sententiam, quam hic probare conamur: si enim Deus proposuit instaurare nos in Christo; ergo etiam prædestinavit et elegit nos in Christo: ipsa enim prædestinatio et electio Dei est ipsum Dei propositum instaurandi nos.

Dices secundo: « Elegit nos in ipso, » id est ad habendam fidem in ipso, vel ut nos ipsi, id est Christo et Christi Ecclesiæ incorporaret.

Secunda obiectio non respondetur.

Contra: Nihil dicit Apostolus de fide, nec de incorporatione: unde ergo illa hic accersis et supples, cum verba Apostoli per se et nude sumpta plana sint? Secundo, « in Christo » idem esse, quod per Christum et Christi merita, docet Ambrosius, Chrysostomus, Photius et alii passim; imo ita se explicat Apostolus vers. 5, 7, 10.

Probatur tertio, ex cap. III, vers. 11, ubi Apostolus ait, « præfinitionem sæculorum (id est prædestinationem, qua quos voluit quolibet sæculo prædestinavit et prædefinivit salvare) » factam esse per Christum, id est, per Christi merita prævisa. Ad argumentum petatum ex vers. 14, Probatur

tertio, nostram prædestinationem esse ex meritis Christi.

respondeo illud *in quo*, scilicet Christo, non tantum referri ad *vocati sumus*, sed etiam ad *prædestinati*, quod sequitur, *q. d.* Per Christum vocati sumus in tempore, sicut ab æterno per Christum ad hanc vocationem prædestinati sumus ex consilio et beneplacito Dei: id enim clare dixit vers. 3, 4 et sequent.; cum enim toties nomen Christi hic repetisset Apostolus, noluit hoc vers. 11 semel positum iterare. Adde, non loqui Apostolum hic de electione et prædestinatione immediata ad gloriam (quam satis constat factam ex meritis Christi), sed ad gratiam. Unde ait: «Sicut elegit nos ut essemus sancti,» id est, elegit nos ad gratiam, justitiam et sanctitatem. Id magis patebit vers. 5. Vide *Can.* 13.

ANTE MUNDI CONSTITUTIONEM. — Πρὸ καταβολῆς τοῦ κόσμου, id est, ut Hieronymus, *ante facta mundi fundamenta*. Hoc addit contra Platonicos dicentes Deum creasse omnia non ex nihilo, sed ex materia sibi coæterna et increata.

UT ESSEMUS SANCTI. — *q. d.* Elegit nos, non ut ventri et veneri serviamus, uti serviunt Epicurei, sed «ut essemus sancti,» id est puri, casti, immaculati.

Platonici et Origenis error de creatione animarum ante corpora. Perstringit hic *primo*, Platonicos, quos secutus Origenes docuit animas ante corpora extitisse, et vixisse in cælo inter angelos, illasque electas a Deo, quæ ibidem sancte vixerant, ut in sancta corpora in terram mitterentur, ibique fierent magistræ animarum peccatricum, quæ e cælis in corpora sibi similia dejectæ sunt, uti refert hic S. Hieronymus. Contra, ait Apostolus nos electos, non quia sancti eramus, sed «ut essemus sancti.»

Secundo, perstringit errorem Semipelagianorum, qui docuerunt Deum illos elegisse ad fidem et gratiam, quos prævidebat eam desideraturos, acceptaturos, ea bene usuros, itaque sanctificandos. Contra quos docet Apostolus Deum nos elegisse non ex prævisa sanctitate usque gratiæ, sed «ut essemus sancti,» ut gratia bene uteremur et sanctificaremur. Unde et vers. 11, ait nos prædestinatos secundum beneplacitum, non nostrum, sed Dei, nosque a Deo non ex præscientia futuræ bonitatis, sed sorte vocatos esse.

Rursum *tertio*, Chrysostomus et Theophylactus sic exponunt, *q. d.* Elegit nos Deus ob virtutem nostram, ut permaneamus sancti. Non enim, inquit, eligitur unus præ altero, nisi qui melior est. Sed respondeo, hoc verum esse apud homines: hi enim meliores eligunt ad officia et dignitates (ac utinam semper); non tamen apud Deum: Dei enim electio a gratia et mero ejus beneplacito pendet, eligiturque Deus hominem, non quia est melior, sed ut fiat bonus et melior. *Secundo*, non ait Apostolus, ut permaneremus, sed «ut essemus sancti:» loquitur ergo de prima gratia, eamque docet pure et gratis dari a Deo.

ET IMMACULATI. — Græce ἀμώμους, id est inculpatis, irreprehensibiles; ἁμώμος enim græce repræ-

hensionem significat. Inde ἁμώμος; deus est, inquit Hesiodus, nocte matre, et somno patre progenitus, qui nihil operis edit, sed aliorum deorum opera curiose contemplatur, et si quid in iis viderit omissum, aut perperam factum, id summa cum libertate carpit. Unde opus perfectum dicitur, in quo Momus nihil habet quod redarguat, et irreprehensibile vel iudice Momo: sic hic dicitur: «Ut essemus sancti et immaculati in conspectu ejus,» *q. d.* Ut essemus omnino sancti et puri, ut non homo aut momus, sed Deus ipse; cujus sincerissimum et exactissimum est iudicium, quique omnia dicta, facta, imo et cogitata, cordisque fundum penetrat, nullam in nobis graviolem maculam, nævum aut culpam cernat, quam arguat.

Hinc patet *primo*, in homine justo et sancto peccata non tegi per justitiam Christi illi imputatam, sed omnino tolli, ita ut Deus ea videre et carpere non possit. *Secundo*, concupiscentiam in homine justo non esse peccatum, quod Deus culpæ possit. *Tertio*, ita sancte, integre ac perfecte nos omnia nostra opera facere debere, quasi memores in conspectu Dei nos ea facere, ut Deus eorum inspector nihil in eis inveniat quod iudicet et damnet.

IN CHARITATE. — Adamus refert ad *elegit, q. d.* Elegit nos in charitate, id est per charitatem, quia scilicet dilexit nos. *Secundo*, Chrysostomus et Theophylactus referunt ad sequentia, ἐν ἀγάπῃ προοπίσας ἡμᾶς, *in charitate*, id est per charitatem, qua nos amavit, prædestinavit nos. Unde et Syrus vertit, *per charitatem præsignavit nos sibi*. *Tertio*, planius et facilius refertur ad proximè præcedentia, *q. d.* Elegit nos Deus ut in sanctitate sine macula et culpa serviamus illi, non ex timore pœnæ, sed ex charitate et liberali amore, «ut amor Dei, inquit Ambrosius, sanctam faciat nostram conversationem.» Sic et Anselmus.

5. QUI PRÆDESTINAVIT NOS IN ADOPTIONEM FILIORUM PER JESUM CHRISTUM IN IPSUM. — Vers. 5.

Nota: Idem est, «elegit nos ut essemus sancti; et prædestinavit nos in adoptionem filiorum;» nam Sancti sunt filii Dei adoptivi; Apostolus tamen idem repetit et inculcat; tum quia plenus erat recordatione suavissima tantæ dilectionis et electionis Dei, tum quia hæc electio et prædestinatio Dei licet una sit, multa tamen involvit: quia per illam Deus elegit et prædestinavit nos ad sanctitatem, ad suam amicitiam, ad suam filiationem, ad suam hæreditatem: nam formaliter aliud est esse sanctum, aliud esse Dei amicum, aliud esse filium Dei; potuissetque Deus nos eligere ad sanctitatem, et tamen nolle nos adoptare sibi in filios, imo nolle nos evehere ad suam amicitiam. Quis enim est homo quantumvis sanctus, qui sibi debere putet, ut Deus secum amicitiam ineat, aut foveat, et quasi amicus cum amico agat et conversetur? Dei ergo clementiæ, gratiæ et liberalitatis fuit, quod per gratiam et charitatem simul et

Momus quis?

Tria collaria ex superiore doctina.

Quadruplex horum verborum expositio.

Prædestinatio Dei licet una, multa involvit.

Charitati annexuit Deus, Primo, justitiam; Secundo, amicitiam;

Prima vocatio, et Dei electio non pendet ab hominis dispositione.

Error Semipelagianorum de gratia refutatur.

Tertio, sanctos, et amicos, et filios nos efficere voluerit, quodque hæc tria charitati indivulse annexerit, scilicet justitiam, sive sanctitatem, amicitiam et filiationem Dei.

Definitio prædestinationis ex Augustino. QUI PRÆDESTINAVIT. — Nota ex S. Augustino, *De Prædest. Sanctorum*, cap. x, « prædestinatio est gratiæ per Deum præparatio, » qua scilicet creatura rationalis instruitur, dirigitur et ordinatur ut perveniat ad vitam et hæreditatem æternam : est enim hæc prædestinatio liberale Dei decretum, quo ab æterno decrevit Deus et angelos et homines per casum Adami lapsos ad se vocare, et sine ullis meritis propriis sanctificare, sibi que in filios et hæredes adoptare, id est, decrevit eos vocare et adducere ad fidem, gratiam, sanctitatem omnemque perfectionem, et tandem ad gloriam et hæreditatem æternam.

Duplex prædestinatio, completa, et incompleta, seu inchoata. Estque duplex hæc prædestinatio. Alia completa Sanctorum et Beatorum, tota scilicet illa series providentiæ Dei gratiarum et mediorum omnium, ex quibus effectum et consecutum est, ut prædestinati a Deo vocarentur, vocati justificarentur, justificati in justitia libere perseverarent, perseverantes vitam finirent, itaque bearentur et glorificarentur. De hac loquitur sæpe S. Augustinus.

Altera prædestinatio est non completa, sed inchoata, scilicet ex parte Dei, qua Christianos omnes Deus prædestinat ad gratiam christianismi, in qua si perseverare velint, Christique gratia uti, eique in finem usque cooperari, complebunt suam prædestinationem, et beatitudinem ad quam creati et prædestinati sunt, assequuntur.

De hac secunda loquitur hic Apostolus : idque *primo*, colligitur ex eo quod totam hanc epistolam inscribit Ephesiis, non electis ad gloriam certoque beandis, sed « sanctis et fidelibus in Christo Jesu, » ut ipse ait vers. 1. Omnes ergo Ephesios Christianos vocat prædestinatos; inter quos quis asserat neminem fuisse reprobum, aut postea damnatum? quis asserat Apostolum voluisse omnes Ephesios fideles certos reddere de sua perseverantia, de sua salute et gloria, eamque omnibus revelare et propalare?

Secundo, ex eo quod de ipsis dicit vers. 5 : « Qui prædestinavit nos in adoptionem filiorum, etc., in qua gratificavit nos in dilecto Filio suo; » et vers. 4 : « Sicut elegit nos in ipso, ut essemus sancti et immaculati in conspectu ejus in charitate. » Ubi clare vides eum loqui electis, non ad gloriam, sed ad gratiam et sanctitatem, per quam adoptamur in filios Dei.

Tertio, ex eo quod cap. iv, vers. 3 et sequent., prædestinatos non securos, non certos esse velit, sed vigiles et sollicitos, utpote quorum incerta et dubia sit salus, et in quorum arbitrio sit virtus et vitium, perseverare et cadere, salvari et damnari, uti pulchre docet S. Chrysostomus hic, *homil.* 2 in morali. Vide *Can.* 13.

Adversus Nota hic notari omnes causas prædestinationis : *primo*, efficientem, cum ait, *qui*, scilicet

Deus, prædestinavit; *secundo*, meritoriam, per Christum; *tertio*, materiale, nos; *quarto*, exemplarem, in ipsum, Christum scilicet, ut Christo quasi capiti et exemplari conformemur, hic per Dei cognitionem, amorem et gratiam; in futuro, per gloriam. Ita Anselmus, Ambrosius, D. Thomas, et docte Augustinus, *De Prædestinat. Sanctorum*, cap. xv. Posset *secundo*, sic accipi, in ipsum, id est, in gloriam Christi, q. d. Christi gloria finis est nostræ prædestinationis. *Tertio*, Erasmus et Adamus, in ipsum, id est, in se, q. d. Ut Deus nos duceret in seipsum, et faceret nos unum cum seipso : sed hoc duriusculum est; nec enim filii sunt unum cum patre, sed patri conjuncti sunt, non per identitatem naturæ, aut personæ, sed per filiationem vel adoptionem, ut præcessit. *Quinto*, notat causam formalem, cum ait : « Secundum propositum voluntatis suæ : » hæc enim prædestinatio non est aliud quam propositum, sive decretum liberale voluntatis Dei. *Sexto*, finalem, cum ait, « In laudem gloriæ gratiæ suæ, » id est ut laudetur gloria, splendor, et, ut Ambrosius legit, claritas gratiæ Dei, vel gloriosa gratia Dei, qua nimirum mirabilior Deus apparuit in redimendo homine, quam in creando. *Septimo*, effectus sunt, redemptio, peccatorum remissio, et quod « glorificavit nos, » id est, gratos et charos sibi reddidit, gratia, amicitia, charitate sua nos donando.

SUCUNDUM PROPOSITUM (S. Hieronymus vertit, *secundum placitum*) VOLUNTATIS SUÆ; — græce enim est εὐδοκία, quo nomine Septuaginta Hebræum רצון ratson vertunt et explicant, novis rebus nova verba fingentes, inquit Hieronymus; additque : εὐδοκία « componitur ἀπὸ τοῦ εὖ καὶ τοῦ δοκῆν, id est a bene et a placito, quod nos dicere possumus beneplacitum; quia non statim omne quod placuit et bene placere potest : sed ibi tantum εὐδοκία, id est beneplacitum, dicitur, ubi quod placuit, recte placitum comprobatur. » Ita Hieronymus.

Ubi nota : *Propositum*, quod proprie vers. 11 Apostolus vocat πρόθεσιν, vers. 9 vocat εὐδοκίαν, hoc est beneplacitum, et vers. 11 rursum vocat βούλην, id est consilium voluntatis divinæ : idem ergo sunt *propositum*, *beneplacitum* et *consilium Dei*, liberale scilicet Dei decretum, quo prædestinavit, id est statuit et proposuit, nos vocare ad fidem et sanctitatem christianismi per Christum; quod non solis electis, sed omnibus Christianis competit.

6. IN QUA (gratia) GRATIFICAVIT NOS IN DILECTO FILIO SUO. — Græcum ἐχαρίτωσεν, Calvinus vertit *gratiosos*, vel acceptos *habuit*. Hinc enim stabilire nititur suam justitiam imputativam, q. d. Apostolus : Nos re ipsa in nobis sumus peccatores, ideoque Deo odibiles, sed in Christo, id est co-operti justitia Christi nobis imputata, gratiosi et amabiles fimus in oculis Dei.

Verum respondeo, ἐχαρίτωσεν non significat *gratiosos habuit*, ut vult Calvinus, sed *gratiosos fecit*,

sa
prædestinatio-
nis.

Effectus
prædestinationis.

Propositum beneplacitum et consilium Dei idem sunt.

Vers. 6.

Refutatur Calvinus iustitia imputativa.

et, ut Noster vertit, *gratificavit*, scilicet gratiam suam nobis communicando et infundendo. Ita Chrysostomus : « Gratosos, inquit, nos reddidit, hoc est, non solum peccatis liberavit, sed et dilectos effecit. Sicut enim si quis scabrosum quemdam peste, morbo, senio, paupertate pariter ac fame corruptum nactus, formosum mox adolescentem reddat, qui quosvis venustate superet, vehementem splendorem ex genis emittat, ipsaque fulgura oculorum repercussionibus obscurat : quem deinde et in ipso ætatis flore constituat, atque insuper et purpura et omnigeno mundo vestiatur atque exornet : non aliter animam nostram Deus et elaboratam, et pulchram, et desiderabilem ac dilectam reddit. »

IN DILECTO FILIO SUO, — *q. d.* Gratiam hanc adepti sumus non meritis nostris, sed per merita dilecti Filii Dei, vel per amorem, quo Pater Filium diligit, cui nos fratres esse voluit, cuique pro nobis, nostraque gratia et adoptione ad hanc suam fraternitatem roganti et oranti, Pater omnia concessit et indulsit.

Nota : Græce non est « Filio suo, » sed tantum ἐν τῷ ἡγαπημένῳ, in dilecto, scilicet absolute in omnibus, ac præ omnibus, sine quo nemo cæterorum diligitur, quique causa est cur cæteri omnes diligantur. Ita Hieronymus. Sic Christus, *Psal.* xxviii, 6, quo forte alludit hic Apostolus, vocatur « dilectus quemadmodum filius unicornium ; » quia sicut hinnuli vel pulli unicornium valde amabiles sunt et gratiosi, ita et Christus. *Secundo*, quia Christus quasi monoceros potentissimus solo B. Virginis sinu captus est, ut dixi *Num.* xxiii, 22; ibi enim de eo dicitur : « Cujus fortitudo similis est rhinocerotis, vel monocerotis : » Hebreum enim

Christus dilectus quemadmodum filius unicornium.

Christus, gratia, et crux Christi cornu unicornis similis in sex analogiis.

כֶּרֶם *recm* et rhinocerotem, et monocerotem sive unicornem significat. *Tertio*, quia unicornis cornu habet bifurcum instar crucis, ait Justinus Martyr, estque modicum et validum : talis est et crux Christi. *Quarto*, unicornis tactu sui cornu aquas purgat a veneno serpentum : sic Christus tactu Jordanis aquas baptismi, peccati purgatrices et expiatrix effecit. *Quinto*, quia Christus quasi unicornis, cornu, id est fortitudinem omnem suam, habet in capite, id est divinitate, inque communione et unione cum Deo. *Sexto*, sicut dejectis cedris per tonitru, apparent et exiliunt hinnuli unicornium, quod ad litteram significat *Psal.* citato *Psal.* xxviii, 6; ita allegorice Christus mundo apparuit post dejectas cedros, id est superbiam, impietatem, idololatriam per vim tonitru Evangelii; tuncque patuit ejus species, decor et gratia. Ipse ergo est dilectus Patris, dilectus noster, amor noster, desiderium, gaudium, exultatio, quies, saties, salus anime nostræ, ut cum sponsa in Canticis dicamus : « Dilectus meus similis est capræ hinnuloque cervorum. Dilectus meus mihi, et ego illi, qui pascitur inter lilia, donec aspiret dies, et inclinentur umbræ. »

Vers. 7. 7. IN QUO HABEMUS REDEMPTIONEM, — non tam

activam (hanc enim non habemus nos, sed Christus), quam passivam, qua scilicet Christi sanguine quasi pretio redempti sumus a servitute peccati, mortis et inferni. Unde per epexegetin explicans subdit :

REMISSIONEM PECCATORUM. — Hæc ergo redemptio est remissio peccatorum et justificatio nostra.

8. QUÆ (scilicet gratia) SUPERABUNDAVIT IN NOBIS (abunde in nos a Deo effusa est) IN (id est cum) OMNI SAPIENTIA ET PRUDENTIA, — *q. d.* Non per scholas Philosophorum, sed per gratiam christianismi, veram sapientiam et prudentiam adepti sumus.

Nota : Prudentiam Christianam et veram intelligit eam, quæ nos docet recte, pie et christiane vivere, quæque mores nostros Christo, Christique legi et spiritui conformat, ut vitam beatam assequamur, quam Sapiens vocat « scientiam sanctorum, » et angelus ad Zachariam « prudentiam justorum, » *Lucæ* i, 17. Pari modo « sapientiam » intelligit Christianam, quæ summa est, fidem scilicet Dei trini et unius, aliorumque divinorum mysteriorum, quibus justificari et salvari debemus : maxime autem intelligit fidem Christi redemptoris. Unde explicans subdit : « Ut notum faceret sacramentum quod proposuit, instaurare omnia in Christo. » Hoc etiam Græca clarius hic, et magis connexe significant : sic enim habent, ἡς ἐπερίσσευσεν εἰς ἡμᾶς ἐν πάσῃ σοφίᾳ, καὶ ἀφροσύνῃ ἡρώδης; ἡμῖν, etc., quam (scilicet gratiam) abunde effudit in nos cum omni sapientia et prudentia (vel, ut Vatablus vertit, de qua ubertim nobis effudit omnem sapientiam et prudentiam), patefaciens nobis, etc.; ἐπερίσσευσεν enim non passive hic capitur, ut significet abundavit; sed active, ut significet abunde effudit, ut notat Chrysostomus et Theophylactus. Et patet, quia alioqui ἡρώδης, quod sequitur, non haberet suppositum, nisi scilicet idem subintelligas quod subintelligitur in verbo ἐπερίσσευσεν, si active capiatur, abundare fecit, scilicet Deus, patefaciens nobis mysterium, etc.

Nota : Gratiæ copiam significat per *divitias*, et per *superabundavit*.

UT NOTUM FACERET. — Noster legit ἡρώδης, jam legunt ἡρώδης, id est, ut Hieronymus, *notum faciens*; vel potius, *cum notum fecisset* : est enim aoristus participii.

SACRAMENTUM VOLUNTATIS SUÆ, — sacram et arcanam voluntatem suam. « Sacramentum » enim hic idem est quod arcanum vel mysterium, altum scilicet et secretum Dei consilium et decretum de vocandis Gentibus æque ac Judæis ad salutem per Christum : hoc enim hætenus incognitum fuerat mundo, putabantque Judæi hanc salutem et benedictionem Abraham ad se solos pertinere; jam vero notum fecit Deus illam etiam ad gentes extendi.

QUOD (scilicet sacramentum) PROPOSUIT (statuit, decrevit exequi, supple et implere) IN EO, — dilecto scilicet Filio suo, ut dixit vers. 6; eo enim

Vers. 8.

Quid sit scientia sanctorum?

Vocatio Gentium æque ad Judæorum sacramentum voluntatis divinæ.

omnia hæc referuntur, ut patet ex initio vers. 7, *q. d.* Non per Simonem Magum, ut ipse jactat, non per Platonem, non per Pythagoram aliosque Philosophos qui veram sapientiam et viam ad beatam vitam se docere profitentur et falso jactant; sed per dilectum Filium suum verum mediatorem, et unicum redemptorem nostrum suam voluntatem de redimendis Judæis et Gentibus Deus implere decrevit.

Nota, ἐν αὐτῷ per spiritum lenem significat, in ipso; sed per spiritum asperum, uti jam legunt, αὐτῷ, significat, in seipso, *q. d.* In seipso proposuerat et decreverat hoc sacramentum Deus. Ita Vatablus. Vel, ut Syrus, hoc arcanum proposuerat Deus exequi in seipso, id est per seipsum. Sed prior Interpretis nostri sensus magis est e mente et spiritu Pauli, qui hic præsertim nihil nisi Christum spirat, magisque vers. 6 et 7 connexus est. Ita Theophylactus, et passim alii.

S. Hieronymus hic distinguit prædestinationem et propositum, quod prædestinatio sit rei, quam multo ante, quam fiat, in animo facere destinamus; propositum vero sit rei vicinæ, ut pene cognitionem et propositum sequatur effectus. Hoc verum est apud homines, quorum brevis est vita, ac consequenter proposita arcta et brevita. Hinc vulgo prædestinationem Deo, propositum hominibus tribuimus, ut Deus prædestinet, homo proponat: in Deo vero idem est propositum et prædestinatio; omne enim decretum Dei, omnemque propositum æternum est, et ab æterno: hoc ergo propositum ab æterno parturiit Deus, inquit Chrysostomus, ac consequenter nos nostramque adoptionem parturiit ab omni æternitate clementissimus et optimus Pater.

Vers. 10. 10. IN DISPENSATIONE PLENITUDINIS TEMPORUM. — *q. d.* Cum dispensata, id est constituta, distributa et ordinata ab eo tempora, essent evoluta et impleta; ut sit hypallage: « in dispensatione plenitudinis, » id est in plenitudine dispensationis, id est distributionis, temporum. Ita Anselmus et D. Thomas. *Secundo* et melius, *q. d.* Cum dispensata, id est erogata, expensa, evoluta esset plenitudo temporum, id est plenum et omne illud tempus, quod ex Dei ordinatione præcurrere debebat Christum. Sic Christum dixit missum in plenitudine temporis, id est impleto tempore, quod Pater ab æterno incarnationi ejus præfinierat, *Galat. IV, 4 (1).*

Quænam anacephalæsis Christi? Prima dispositio. INSTAURARE OMNIA IN CHRISTO. — Græca ἀνακεφαλαιώσασθαι, id est *recapitulare*, ut legit S. Hieronymus, *q. d.* Proposuit Deus omnes homines et angelos, cum inter se admodum essent disjuncti, imo inimici, unire, et ad unum caput Christum revocare et conjungere: Christum enim dedit caput super omnem Ecclesiam, ut ait vers. 22. Et hinc cap. II, vers. 49, infert: « Ergo jam non

estis hospites et advenæ, sed estis cives sanctorum et domestici Dei, *q. d.* Christus nos revocavit ad societatem angelorum, ut eorum simus fratres, et cives cœlestes in eadem Dei domo, id est Ecclesia, sub eodem duce et capite, qui est ipsemet Christus. Ille sensus genuinus est. Ita Chrysostomus, Theophylactus, Anselmus, imo et S. Augustinus, *Enchiridii LXII*, qui legit et explicat nostrum *instaurare*: « In Christo, inquit, instaurantur quæ in cœlis sunt, cum id quod inde in angelis lapsum est, ex hominibus redditur. Instaurantur autem quæ in terris sunt, cum ipsi homines, qui prædestinati sunt ad æternam vitam, a corruptionis vetustate renovantur. » Instaurat ergo Christus ea quæ in cœlis sunt, cum sedes gloriæ, dæmonum lapsa vacuas, et numerum angelorum hoc eodem lapsu imminutum, per homines restaurat et implet, cum, ut ait S. Gregorius, lib. XXXI *Moral.*, cap. xxxv, « hic humiliati homines redeunt, unde apostatæ angeli superbiendo ceciderunt; » sicque homines et angelos ad unam domum, scilicet Ecclesiam, et ad unum caput revocat. Dissociata enim et divisa per Adæ peccatum erat hæc Ecclesiæ domus, et uno pariete, angelorum scilicet societate, integro et perfecto, inquit Chrysostomus, paries alter corruerat, nos scilicet homines ab Ecclesia et societate angelorum collapsi eramus in societatem jugumque dæmonis: Christus ergo hunc domus parietem, id est nos homines, Ecclesiæ restituit, sicque totam domum, scilicet Ecclesiam angelorum et hominum restauravit, ut jam una ex utrisque integra (uti ante lapsu Adæ fuerat) et perfecta sit domus, sibi, quasi capiti et lapidi angulari devincta, astricta et unita: hoc enim significat Græcum ἀνακεφαλαιώσασθαι, id est *recapitulare*. « Tanto itaque dono, tanto honore, ait Chrysostomus, tanta benignitate cum nos dignatus sit Deus, ne dedecoremus benefactorem, ne tantam gratiam inanem reddamus: vitam angelicam, angelicam plane, oro ac supplico, virtutem et conversationem ostendamus. »

Secundo, ἀνακεφαλαιώσασθαι, id est *recapitulationem*, *Secunda.* ait Hieronymus, vocant oratores: cum in epilogo ea, quæ tota oratione sparsim ac fuse dicta sunt, summam repetuntur, et simul judicii in memoriam revocantur. Hebraei quoque summam rei vocant caput rei, ut patet *Num. I, 2*; et sic de Christo dicitur *Hebr. x, 7*: « In capite (id est in summa) libri (S. Scripturæ) scriptum est de me. » Sic ergo Christus fuit caput et recapitulatio omnium operum Dei visibilium et invisibilium: omnia enim Christi adventum presignarunt, vel ad eum directa sunt et diriguntur, omnesque eorum dotes, gratias, perfectiones unus in se complectitur Christus; ut, si Christum intuearis, non sit quod scruteris et recorderis alicujus veterum patrum, aut gestorum, aut alicujus operis Dei; omnia enim tibi exhibet Christus, *q. d.* Quæcumque olim gesta sunt in cœlo et in terra, quæcumque

Christus
rainis
dæmo-
num ho-
minum
redemp-
tione
instaura-
vit.

Ecclesiæ
paries
alter in
angelis
collap-
sus.

Christus
fuit ca-
put et
recapitu-
latio om-
nium
operum
Dei visi-
bilium et
invisibi-
lium.

(1) « In dispensatione, » etc. id est, *se facturam suo (vel definitio) tempore hanc dispositionem*, ut nempe, etc.

in eis sunt vel fuerunt (in Græco enim non est *sunt*, sed tantum, *quæ in cælis et quæ in terra*, supple, sunt vel fuerunt), quidquid in Mose, Josue, Abrahamo, Davide, omnibusque veteribus historiis, regibus, Prophetis, Patriarchis excellens est et laude dignum, quidquid gratiæ, quidquid virtutis, quidquid præclare dictum, quidquid heroice gestum; si quid in lege est memorabile, si quid in templo Salomonis speciosum, si quid in sacrificiis Deo gratum; imo si quid inter cœlestes spiritus est sanctum, gloriosum, illustre: id multo excellentiori ratione breviorique compendio habemus in Christo. Ita Hieronymus, Chrysostomus et Theophylactus: « Christus enim, inquit Theophylactus, est verbum consummans et abbrevians in justitia. » Hic sensus sublimis est, et bene respondet tum Græco ἀνακεφαλαιώσασθαι, tum spiritui, sensui et amori D. Pauli in Christum.

Tertio. Tertio, Irenæus, lib. III, cap. VIII, docet in Christo omnia esse recapitulata, quia in natura humana omnes res et rerum species ac gradus quasi in summa continentur. Unde homo dicitur microcosmus, ac consequenter cum Verbum divinum humanam naturam assumpsit, tunc quasi res omnes in summam redactas sibi conjunxit, et ad se quasi ad auctorem et primam originem, ad Verbum scilicet, quo creata sunt, revocavit, sicque incarnatione sua Christus magnam rebus omnibus attulit dignitatem, omnesque quasi deificavit. Hic sensus symbolicus est. Primus maxime est litteralis: agit enim Paulus de restauratione lapsi hominis et Ecclesiæ. Unde subdit: « In quo etiam nos sorte vocati sumus. »

IN IPso — redundat, more Hebræo; unde illud hic non legunt Ambrosius, Hieronymus, Chrysostomus. Hebræi enim repetunt pronomen cum suo antecedente. Idem ergo hic est « in ipso, » quod « in Christo, » uti paulo ante dixit. Nimirum ita satiari nomine Christi non poterat Paulus, ut eum, ut ita dicam, superflue, et singulis sæpe versibus nominaret. Hinc nomen « Jesu » in parvis et paucis hisce quatuordecim epistolis suis repetit ducenties decies novies, « Christi » nomen quadringenties et semel.

Quam familiare apostolo nomen Jesu.

Vers. 11. 11. IN QUO, — ἐν ᾧ potest referri ad ἀνακεφαλαιώσασθαι, ut in quo significet ad quod, scilicet recapitulare, vocati sumus, nimirum ut recapitemur et instauremur, et ad Christum quasi caput nostrum revocemur. Secundo et planius, referas ad immediate præcedens, « in ipso, » scilicet Christo, « in quo, » id est per quem, vocati sumus, supple ad instaurationem, recapitulationem et unionem jam dictam cum Christo in christianismo (1).

SORTE VOCATI SUMUS. — Chrysostomus et Theophylactus sic explicant, quasi Deus prudenti suo

consilio nos ad sortem hanc vocaverit: quia priusquam vocaret nos, illa jam sorte nos esse dignos præviderat. Verum hoc non est sorte vocari, sed merito, et hoc dicere de vocatione ad primam gratiam, est Pelagianum; sed excusandus est Chrysostomus, quod loquatur de vocatione non ad primam gratiam et fidem, sed ad justitiam: de hac enim egit Apostolus, vers. 4, 5, 7, et de hac verum est dicere quod Deus neminem vocet ad justitiam suamque amicitiam, nisi quem per actus fidei, spei, poenitentiae, etc., ad illam se præparare, et dignum, id est idoneum, se efficere præviderit. Sed hoc non est ad mentem Apostoli: Apostolus enim loquitur de vocatione prima ad fidem et christianismum: ad hanc enim sorte vocati sumus, et, ut græce, ἐκκληρώθημεν, id est sortiti sumus, hoc est, sine merito vocati sumus: est enim metaphora ab aleatoribus, qui aleæ jactu de lucro, aliave re sortiuntur; sic enim Deus hic inducitur quasi dixisset: Jaciant omnes homines sortem, et sorte ac aleæ jactu decidatur, qui vocandi sint ad fidem et salutem, qui non vocandi et negligendi; jactaque super omnes alea et sorte, cecidit super nos Ephesios sors hæc et alea, ut vocaremur, ita ut ex parte nostra fuerit sors et fortuitum vocari ad fidem; gratiam, baptismum et christianismum: quia nihil agebamus ut vocaremur, ac ne cogitabamus quidem de vocatione, imo aliqui eam fugiebant et adversabantur; ex parte tamen Dei non fuit sors, sed electio, et destinatum propositum nos vocandi, ut sequitur. Ita Anselmus, D. Thomas, et passim Latini cum S. Augustino in *Psal. xxxiv*, ubi ait: « Sorte, id est gratia: nam ubi sors est, non est electio, sed voluntas Dei; ubi enim dicitur: Iste fecit hoc, iste non fecit, merita considerantur: et ubi merita considerantur, electio est, non sors; quando autem Deus merita nulla invenit, sorte voluntatis suæ nos salvos fecit, quia voluit, non quia digni fuimus: hæc est sors. »

Hinc patet totam prædestinationem, primumque ejus effectum, hoc est vocationem, non ex bono usu liberi arbitrii, sed ex mera Dei voluntate pendere; habito tamen primo hoc effectu, cæteros qui ex eo consequuntur, mereri possumus, scilicet justificationem ex congruo, glorificationem ex condigno.

Potest secundo, ἐκκληρώθημεν, id est sortiti sumus, cum Ambrosio et Hieronymo sic accipi, *q. d.* In sortem filiorum, et ad partem hæreditatis Dei sumus asciti: inde enim hæreditaria sors dicitur hæreditas, quod olim illa inter hæredes sorte divideretur; uti sorte divisa est terra sancta inter duodecim tribus Israel, *Josue xv*; et forte ad illam sortem Israel alludit hic Paulus. Sic ad *Coloss. i, 12*, dicit nos vocatos « in partem sortis Sanctorum, » id est ad partem hæreditariam, sive ad hæreditatem Sanctorum.

SECUNDUM PROPOSITUM EJUS, QUI OPERATUR OMNIA SECUNDUM CONSILIUM VOLUNTATIS SUÆ. — Hinc patet,

Chrysostomus in vocatione ad primam gratiam non favet Pelagianis.

Homines quasi jaciunt aleam de sua salute.

Ex parte sua, sorte; ex parte Dei, electione vocantur homines.

Secundo, sors est hæreditas filiorum Dei.

(1) Qui sensus genuinus est. « Nos, » id est ego, aliique Apostoli, et omnes qui ex *Judæis* vocati fuerant.

sortem jam dictam, id est vocationem ad fidem et gratiam, licet nobis sit sors fortuita et immemrita, in Deo tamen procedere ex proposito et decreto non casuali, sed prudenti, adeoque ex consilio divino, quod hac de re habitum est in consistorio SS. Trinitatis: habuit enim Deus rationes justissimas, licet nobis saepe ignotas, hos vocandi, non alios: v. g. cur Judæos primo vocaverit ante alias Gentes, causa fuit, quia iis proprie et primo promissus fuerat Christus; cur deinde secundo loco vocarit Samaritanos, Palæstinos, Syros, causa fuit, quia hi Judæis erant vicinissimi, et ex parte Judæorum fratres; cur tertio proserpente paulatim Apostolorum prædicatione, Paulus in Græcia prædicarit Ephesiis, Corinthiis, Philippensibus, eosque ad Christi fidem vocarit, potius quam Megarenses, Thebanos, Lacedæmones; causa videtur esse, quia Ephesus, Corinthus, Philippi, primariæ erant urbes, eaque ætate florentissimæ, tum opibus, tum copia hominum. Itaque eo se contulit Paulus, quia majorem in eis sperabat messem et fructum prædicationis suæ. Unde I *Corinth.* xvi, 8, ipsemet Paulus hanc causam dat: «Permanebo, inquit, Ephesi usque ad Pentecosten: ostium enim mihi apertum est magnum et evidens.»

Cur Deus hos vocet et non alios, et unam nationem ante aliam?

Sic cur Romani præ cæteris Occidentalibus vocati sint primi, causa fuit, quia Roma erat caput orbis: eo ergo statim se contulit S. Petrus, et deinde Paulus, ut Roma quasi capite conversa, fides per universum orbem facillime propagaretur, et, ut inquit S. Leo, serm. 1 *De Nativitate Apostolorum Petri et Pauli*, «ut lux veritatis, quæ in omnium gentium revelabatur salutem, efficacius se ab ipso capite per totum mundum effunderet,» uti clarissime factum videmus, cum Constantinus et Romani Imperatores fuerunt conversi. Erant enim Romæ omnium gentium homines, ita ut quod Roma audiret et disceret, hoc omnes gentes audirent et discerent. Pari modo, cur Itali prius Germanis, Anglis, Francis vocati sint, causa est, quia viciniore erant Romæ, ex qua Pontifex ibi residens præcones Evangelii primo in proximas urbes et gentes misit, ut ita sensim ulterius in alias et alias, et tandem ad nos, ac denique ad remotissimas in Norvegia, Islandia, Moscovia proserperent, et fidem propagarent: sic enim caput humanum primo in collum sibi vicinissimum, deinde in pectus, tertio in femora, ac deinde in pedes sensum et motum influit; hic enim est naturalis et commodissimus ordo.

Hæ rationes nobis notæ sunt et probabiles; sed in his, et aliis magis particularibus vocationibus tam gentium et urbium, quam hominum singulorum, v. g. cur Magdalenam tam illustri ratione et modo vocaverit præ aliis meretricibus, cur Paulum præ aliis Judæis persecutoribus, Deus alias plures et sublimiores habet rationes, intentiones et fines nobis incognitos secundum consi-

XVIII.

lium voluntatis suæ, ut inquit Apostolus, et in his dicendum est illud *Rom.* xi: «O altitudo divitiarum sapientiæ et scientiæ Dei!»

12. UT SIMUS IN LAUDEM GLORIÆ EJUS, — ut per nos laudetur et celebretur gloria Dei, ejusque gloriosa misericordia; ut simus Deo laudi et gloriæ, ut laudemus et glorificemus Deum, gloriosam ejus in nos clementiam admirando, ac ubique deprædicando.

Vers. 12.

NOS QUI ANTE SPERAVIMUS IN CHRISTO. — *Primo*, S. Hieronymus refert hæc ad præscientiam divinam, in qua ante mundum conditum præcivit Deus nos credituros et speraturos in Christo. *Secundo*, Theophylactus sic explicat: Speramus in Christo bona, quæ nobis contingunt in futuro sæculo, speramus inquam nunc, antequam illud et illa adipiscamur. *Tertio* et genuine: «Nos,» scilicet Apostoli et Judæi, qui ante alias Gentes credidimus, et credendo speravimus bona promissa a Christo (per metalepsim enim sub spe intelligit fidem, nimirum per *speravimus* intelligit *credidimus*) q. d. Nos Judæi, quibus antea promissus a Prophetis, et jam ante alias Gentes exhibitus et evangelizatus est Christus, et apud quos cœpit Ecclesia, et per quos propagatur, primi sumus per quos laudatur et celebratur gloria Dei, gloria Evangelii Christi. Ita Ambrosius, Anselmus et Tertullianus, lib. V *Contra Marcion*. Hic sensus patet ex antithesi vers. sequentis.

Triplex hujus loci expositio.

13. IN QUO (supple Christo, sperastis) ET VOS, — o Ephesii Gentiles, sicut et nos Judæi ante vos speravimus in ipso. *Secundo* et potius, refer ad vers. 11: «In quo,» id est per quem, vos, o Ephesii, supple sorte vocati estis, ut sitis in laudem gloriæ ejus; sicut nos Judæi, qui ante vos credidimus, et speravimus in Christo, per ipsum ad hanc fidem et spem sorte vocati sumus.

Vers. 13.

CUM AUDISSETIS VERBUM VERITATIS, EVANGELIUM SALUTIS. — Græca τὸν λόγον τῆς ἀληθείας, τὸ εὐαγγέλιον τῆς σωτηρίας, id est, ut Syrus, *verbum veritatis, quod est Evangelium salutis*, q. d. Qui Simonem Magum, qui Platonem, qui veteres poetas ac philosophos docent, falso veritatem promittunt: solum enim Evangelium docet veritatem veramque viam ad salutem; solum Evangelium est verum nuntium, vera doctrina salutis et veritatis.

IN QUO ET CREDENTES SIGNATI ESTIS. — Græce πιστώσαντες, id est *postquam credidistis*; hoc ergo signaculum spiritus non est ipsa fides, sed fidem consequitur.

SIGNATI ESTIS, — *ισφραγίσθητε*, hoc est, *sigillati estis*, sigillo obsignati estis: sicut enim sigilli impressione obsignantur litteræ regis, ac tabulæ publicæ, ut authenticæ a dubiis, genuinæ a falsis secerantur, certoque constet has esse litteras et tabulas regis: ita vos Christiani Ephesii, quasi «epistola Christi, scripta non atramento, sed spiritu Dei vivi, non in tabulis lapideis, sed in tabulis cordis carnalibus,» signati, id est obsignati, estis Spiritu Sancto quasi sigillo, ut constet vos

Qualem certitudinem habere possimus in hac vita prædestinationis nostræ?

esse non fictam, sed authenticam Christi epistolam, vos vere esse fideles conscriptos a Deo, vere esse populum et Ecclesiam veri ac summi Dei.

Dices : Ergo fideles ex hoc sigillo certi omnino sunt se esse in vera fide et gratia.

Respondeo : Nego consequentiam, quia sicut sigillum hoc non est eis physice et omnino certum et evidens (quis enim certo scit, quis jurare audeat se signatum esse Spiritu Sancto tanquam sigillo), sed tantum probabile, et subinde moraliter quasi certum ex signis et conjecturis : ita pariter non est eis certum et clarum, se esse in vera fide et gratia Dei. Vide dicta Rom. VIII, 16.

SPIRITU PROMISSIONIS, — *q. d.* Signati estis non signo corporali, puta circumcisionis, quasi pecudes, ait Chrysostomus, uti Judæi signati sunt ; sed quasi Christiani, et filii rationales, signati estis « spiritu promissionis, » id est promisso, quem scilicet per Prophetas Deus promisit, ut per *Ezech. xxxvi, 26* : « Dabo vobis cor novum, et spiritum novum ; » per *Joel. cap. II, vers. 28*, et alios. Hic spiritus promissus a Deo, est charitas, justitia, pax et gaudium conscientiae, quæ accepistis, postquam credidistis, in baptismo ; quæque jam experimini et ostenditis in conversione morum, et sanctitate ac innocentia vitæ Christianæ. Aliqui sic intelligunt, « signati estis Spiritu, » id est donis Spiritus Sancti, linguarum ; prophetiæ et similibus visibilibus, quæ olim dabantur in baptismo. Sed hæc non dabantur omnibus, sicut jam nemini dantur, imo incertum est an Ephesii hoc tempore ea receperint : parvo enim tempore, et tantum in primordiis Ecclesiæ hæc dona visibilibus data sunt.

Dona visibilia Spiritus Sancti quamdiu et quando collata fuerint in baptismo?

Animæ nostræ Spiritus Sanctus, ut sigillum cere, imprimat sanctitatem.

SANCTO. — Hinc Didymus, lib. *De Spiritu Sancto*, probat Spiritum Sanctum non participatione alterius, sed suapte natura bonum ac sanctum esse, ac consequenter esse Deum ; quia nimirum in sigillo, quo character bonitatis et sanctitatis imprimatur, Spiritus archetypus est bonitatis et sanctitatis, ut qui signatur Spiritu Sancto, formam et speciem sanctitatis ejus assumat. Ubi adverte, sicut imago cere impressa refert, et plane conformatur suo sigillo, quod imaginem illam imprimit : ita sanctitatem in anima nostra expressam a Spiritu Sancto, illi quasi sigillo imprimenti, et quasi archetypo sanctitatis conformari, planeque exprimere et representare sanctitatem Spiritus Sancti. Quanta ergo animæ nostræ est dignitas ! quanta cura sanctitas hæc tuenda et conservanda est !

Vers. 14. 14. QUI EST PIGNUS HEREDITATIS. — *q. d.* Signati estis Spiritu Sancto quasi sigillo, non tantum ut constet vestræ fidei tabulas esse veras, a vero Deo cordi vestro inscriptas, sed etiam ut tabulas spei vestræ obsignet, ut scilicet ex hoc quasi sigillo certam habeatis spem et jus ad futuram hereditatem : unde hic Spiritus et sigillum est, et etiam pignus, hereditatis cælestis.

Nota : Pro pignus græce est ἀρραβών, id est arrha ;

nam, ut docet S. Hieronymus, Chrysostomus et ex Augustino Beda, Spiritus hic melius dicitur arrha, quam pignus : quia pignus datur in mutuo, et soluto debito repetitur et auferitur ; arrha autem datur in contractu vendentis et ementis, ut firmus sit contractus ; datur, inquam, quasi pars anticipata futuræ plenæ solutionis : hic autem Spiritus datur quasi pars et prægustus futuræ nostræ hereditatis et felicitatis. Addunt alii, Spiritum Sanctum esse pignus quoad fidem et spem ; hæc enim dona deficient, et in cælo transibunt in visionem et possessionem Dei : arrham autem dici quoad charitatem quæ nunquam excidit, sed permanebit et perficietur in beatitudine. Si tanta et tam suavis est arrha, quam Deus hic suis elargitur, quanta erit hereditas ipsa, quam suo tempore præstabit !

Spiritus Sanctus est arrha salutis nostræ, et quomodo differant pignus et arrha ?

IN REDEMPTIONEM ACQUISITIONIS, — id est, ut perfecte redimatur, et in perfectam libertatem vindicetur ipsa acquisitio, scilicet ut, cum hereditatem jam dictam cernemus et adibimus, liberemur ab omni malo, tentatione, morbo, morte, ærumna, nos, qui sumus acquisitio, id est acquisita possessio Dei et Christi.

Nota primo : « Redemptio » hic tam activa accipi potest, qua scilicet nos redimit Spiritus Sanctus et Christus, quam passiva, qua nos redimimur : hæc enim terminus est activæ.

Redemptio nostra duplex, inchoata et completa.

Nota secundo : Redemptio nostra est duplex. Prima, inchoata, qua hic redimimur a servitute peccati, et asserimur in libertatem gratiæ filiorum Dei. Secunda, completa in cælo, qua ab omni prorsus concupiscentia, pœna, miseria liberati asseremur in libertatem gloriæ Beatorum. Hanc secundam hic intelligit Apostolus : hoc enim significat præpositio *in*, *q. d.* Spiritus Sanctus est pignus hereditatis, *in*, id est *ad*, redemptionem perfectam assequendam.

Nota tertio : Pro acquisitionis græce est περιποίησις, quod nonnulli vertunt, vindicationis, assertionis ; melius Noster, Theophylactus, Photius, quin et Vatablus, Budæus, Erasmus, acquisitionis ; περιποίησις enim non tantum asserere, sed et comparare ac acquirere significat, uti omnes Græci fatentur. Jam acquisitio vocatur acquisita possessio, substantia, peculium, scilicet populus Christianus, quem Christus tot laboribus, doloribus, lacrymis, imo et sanguine et morte sua sibi et Deo acquisivit.

15. EGO AUDIENS DILECTIONEM (quam scilicet ostenditis) IN OMNES SANCTOS, — id est Christianos. Vers. 15.

16. NON CESSO GRATIAS AGENS. — Græcismus, pro non cesso gratias agere, ut legit Hieronymus. Vers. 16.

17. UT DEUS DOMINI NOSTRI JESU CHRISTI, — hoc est, Deus Pater, qui est Deus tam omnium hominum, quam Christi secundum humanam naturam ; ita ut omnes gloriemur nos eundem cum Christo homine habere Deum patrem. Vers. 17.

PATER GLORIÆ. — Adamus et alii putant esse hyperbaton, ut genitivus gloriæ pertineat, non

ad *Pater*, sed ad *Deus*, sicque legunt, et parenthesis intercipiunt cum Plantinianis Bibliis: « ut *Deus* (Domini nostri Jesu Christi *Pater*) gloriæ, » *q. d.* Ut *Deus* gloriæ, id est gloriosus, qui est Domini nostri Jesu Christi *Pater*, det vobis, etc. Sed hæc lectio nimis implexa et obscura repugnat Græcis et Romanis: Græca enim sic habent, *ὅς ὁ Θεὸς τοῦ Κυρίου ἡμῶν Ἰησοῦ Χριστοῦ, ὁ Πατὴρ τῆς δόξης*, id est, ut Romana distinguunt, ut *Deus Domini nostri Jesu Christi, Pater gloriæ*; et ita legunt et distinguunt S. Hieronymus, Chrysostomus, Theophylactus, Anselmus et alii.

Quomodo Deus dicitur *Pater gloriæ*? »

Respondet Anselmus, esse « Patrem gloriæ, » id est Christi, qui est gloria Patris. Sic et Nazianzenus apud Theophylactum, per gloriam accipit divinitatem Filii, ut *Pater æternus* dicatur *Deus* respectu humanitatis Christi, dicatur vero *Pater* respectu divinitatis ejusdem. Sed hoc obscurius videtur et remotius.

Dico ergo: *Pater*, id est, auctor omnis gloriæ et gloriøsæ nostræ redemptionis per Christum; *Pater* enim Hebræis auctorem et causam efficientem significat, tribuiturque Deo respectu creaturarum inanimatarum. Sic dicitur *Job xxxviii, 28*: « Quis est pluvie pater? » id est productor. Sic Apostolus vocat Deum, *patrem*, id est auctorem, *miseriçordiarum*. Ita Theophylactus: « Dicitur, ait, *Pater gloriæ*, quia ingentia, celebria et præclara nobis bona dedit. »

Ubi nota, aliud est esse « Deum gloriæ, » uti Deum vocat Stephanus, *Act. vii, 2*, vel « Dominum gloriæ, » uti eum vocat Apostolus, *I Cor. cap. ii, vers. 8*, vel « Regem gloriæ, » uti eum vocat David, *Ps. xxiii, 7*; aliud vero est esse « Patrem gloriæ. » Dicitur Deus « Dominus » vel « Rex gloriæ, » id est gloriosissimus, plenus gloria et majestate, *q. d.* Regalis, dominica, divina gloria; sicut enim Regem vocamus regiam majestatem, sic Deus dicitur divina gloria et majestas, hoc est, gloriosa et augusta divinitas; gloria ergo idem est, quod majestas gloriosa; ipsa enim majestas et divinitas est origo et fundamentum gloriæ: gloria vero ex majestate et divinitate emanat et resultat, sicut radius a sole; est enim hæc gloria, Dei et divini nominis claritas et celebritas, qua ab angelis, hominibus creaturisque omnibus dignus est Deus laudari, celebrari, glorificari, ob immensam suam sapientiam, potentiam, sanctitatem, majestatem; sicut enim dux belli per fortitudinem suam præclarasque victorias, egregii sibi ducis nomen et gloriam acquirit: ita Deus ob naturalem suam perfectionem et excellentiam, immensam habet in se gloriam, ob quam dignus est, debetque ab omnibus glorificari. Hinc in veteri Testamento Deus Mosi et Judæis per ingens lumen se spectandum exhibuit, dicunturque Moses et Hebræi vidisse gloriam Domini, id est, corpus mire lucidum, quod luce

sua repræsentabat gloriam Domini, id est, Deum gloriosum; et a Psalte dicitur Deus « amictus lumine sicut vestimento: » lumen enim et radii symbolum sunt claritatis et gloriæ: unde Sanctis quasi beatis et gloriosis radios appingimus.

Pater vero gloriæ dicitur Deus, quia gloriam immensam, quam in se habet quasi Dominus, rex, fons et origo gloriæ, creaturis communicavit, et communicat, dum scilicet cælos, solem, elementa, homines, angelos aliasque creaturas excellentes et gloriosas produxit; dum (quod proprie hic spectat Apostolus) per Christum gloriose nos redemit, et de diabolo, morte, peccato ab inferno triumphavit; dum gloriosam gratiam, Sacramenta et miracula partim per Christum, partim per Apostolos (unde *II Cor. iiii, 8*, docet Apostolatam novi Testamenti esse ministerium gloriæ) contulit, instituit, patravit, quibus ad æternam beatitudinem et gloriam regni cælestis dirigamur: hoc enim proprie est præsentis loci. Vocat ergo Apostolus Deum *Patrem gloriæ*, ob gloriosam fidem, sapientiam, cognitionem, spem et gratiam novi Testamenti per Christum exhibitam Ephesiis aliisque Christianis. Hinc explicans, subdit:

17. UT PATER GLORIÆ DET VOBIS SPIRITUM SAPIENTIÆ ET REVELATIONIS, IN AGNITIONE EJUS ILLUMINATOS OCULOS CORDIS VESTRI. — *q. d.* Oro, ut Deus

pater et auctor gloriøsæ sapientiæ, fidei, spei et gloriæ cælestis, det vobis spiritum sapientiæ et revelationis, quo scilicet inspiret vobis et revelet hanc suam arcanam gloriam et sapientiam; « in agnitione ejus, » id est, ut agnoscatis illum esse patrem gloriæ jam dictæ; « illuminatos, » inquam, vobis det, ait Ambrosius, « oculos cordis vestri, » ut ejus lumine illustrati, agnoscatis eum talem, ut dixi.

Taxat Simonem Magum, qui inducebat Deum quemdam et patrem incognitum, teste Epiphanio, *heresi 27, q. d.* Adeo noster Deus et Pater non est incognitus, non celat, non abscondit se, ut sit pater gloriæ et claritatis, tanquam ipsa increata gloria et claritas, quæ sui notitiam et claritatem ubique diffundit; oro ergo eum, ut clara sui cognitione vos, o Ephesii, illuminet, ut eum clare agnoscatis.

IN AGNITIONE. — Cautè hic legendus S. Hieronymus, qui distinguit *ἐπιγνώσις*, id est *agnitionem*, qua agnoscimus olim cognita, sed quæ jam nosse desiimus, sive qua olim cognita recordamur, a *γνώσις*, id est *cognitionem*, qua prius incognita nosse incipimus: Quia, inquit, quidam sic intelligunt, quod patrem olim in cælo cognoverint animæ, sed defrusæ in corpora, rursum per revelationem spiritus illius cœperint recordari, illumque denuo agnoscere.

Verum hic est error Origenis, et ex ejus sententia, non autem ex sua dicit hoc Hieronymus. Ubi nota: Solet Hieronymus in Comment. multa ex aliis transcribere, unde solet eos, quos secu-

Lumen et radii sunt gloria Domini.

Gloria idem est quod majestas vel divinitas gloriosa.

Simonis Magi error de Deo patre incognito.

Hieronymus hic caute legendus, transcripsit errorem Origenis de animarum raminiçentia.

turus est, in proœmio nominare et præmittere : sicut in proœmio hujus epistolæ nominat Origenem ejusque commentarium in hanc epistolam. Ita ipse se excusat in sua Apologia *Contra Rufinum*. Dico ergo : *Agnitio* hic idem est quod cognitio prima, vel certe *agnitio* est illa, qua Gentiles et Philosophi Deum Patrem, quem prius in gentilismo obscure, involute et in confuso cognoverunt, jam per Evangelium penitus, clare, explicate et distincte, ut auctorem gratiæ et gloriæ agnoscere ceperunt.

Vers. 18. 18. UT SCIATIS QUÆ SIT SPES VOCATIONIS EJUS, — ut scilicet, quæ et quanta bona sperare debeatis ex vocatione, qua vos vocavit ad christianismum, id est ex christianismo ipso ad quem a Deo vocati estis.

QUÆ DIVITIÆ GLORIÆ HEREDITATIS EJUS IN SANCTIS, — id est, quam dives, copiosa et abundans sit gloria hæreditatis, id est hæreditas gloriæ (est enim hypallage) quam Deus promisit et confert sanctis, id est, Christianis qui juxta Christi doctrinam et legem christiane ac sancte vivunt.

Vers. 19. 19. ET QUÆ SIT SUPEREMINENS MAGNITUDO VIRTUTIS EJUS IN NOS QUI CREDIMUS, — τὸ ὑπερβάλλον μέγεθος, id est, ut Hieronymus, *sublimis magnitudo*; Ambrosius, *excelsa magnitudo* « virtutis », græce δυνάμεις, id est potentiae, « ejus in nos, » q. d. Ut scitis quantam potentiam Deus ostenderit in nostra conversione a gentilismo ad christianismum, qua scilicet nos ex idololatriis fecit Dei veri cultores; ex ebriis, sobrios; ex libidinis, castos; ex superbis, humiles; ex lupis, oves; ex iracundis, mites; ex barbaris, comes et humanos : ut cor barbarum, carnale, ferum nobis abstulerit, et pro eo dederit nobis cor mentemque Christianam, spiritualement, humanam, imo angelicam et divinam. Hanc potentiam et potentem sui mutationem mirantur etiamnum Indi et Japones, cum ab idolis convertuntur ad Christum, et ex ea agnoscunt veritatem fidei et vim gratiæ Christi.

SECUNDUM OPERATIONEM POTENTIÆ VIRTUTIS EJUS, κατὰ τὴν ἐνέργειαν τοῦ κρείττους τῆς ἰσχύος αὐτοῦ, id est *secundum energiam*, hoc est efficaciam et vim, potentiae fortitudinis ejus (1).

Vers. 20. 20. QUAM OPERATUS EST (græce ἐνέργησεν, id est, per energiam potenter et efficaciter operatus, vel, ut Tertullianus vertit, *inoperatus est*) IN CHRISTO SUSCITANS ILLUM A MORTUIS. — q. d. Illa Dei virtus, potentia et energia, qua nos resuscitavit ab idololatria, peccatis, morte et inferno, similis illi est, quam Deus ostendit in Christo, cum illum a morte suscitavit, et ad suam dexteram evexit; nam, ut ex S. Augustino et Chrysostomo, docet S. Thomas, II, *Quæst.* cxiii, art. 9, difficilior est, majorisque potentiae, peccatorem justificare, quam cælum et terram creare : quia magis contra-

ria sunt peccatum et gratia, quam aliquid et nihil; et longe magis distat a Deo, illique contrarium est peccatum et peccator, quam nihil; sunt enim duo extrema summe et in immensum distantia et contraria, Deus et peccatum. Denique gratia et justitia est ordinis supernaturalis et divini, ubi summa potentia opus est, ut peccator per peccatum depressus et abjectus infra omnes creaturas, supra omnes attollatur, et assurgat ad justitiam, fiatque Dei amicus, filius et consors divinæ naturæ.

ET CONSTITUENS AD DEXTERAM SUAM IN COELESTIBUS. — Græce ἐκθέσεν ἐν δεξιᾷ αὐτοῦ, id est *sedere eum fecit in dextera*, id est ad dexteram suam. Ita Hieronymus. De hac sessione dicam *ad Colos.* cap. iii, vers. 1.

21. SUPRA OMNEM PRINCIPATUM, ET POTESTATEM, ET VIRTUTEM, ET DOMINATIONEM. — Adamus putat Apostolum hic non recensere ordines angelorum, sed tantum contra Gnosticos docere Christum supra omnes, quantumvis principes, potentes, dominantes, et supra omnia quantumvis potentia et eminentia evectum esse. Verum S. Dionysius, S. Pauli discipulus, Hieronymus, Chrysostomus, Theophylactus, et passim Patres et Scholastici ex hoc loco, et *Colos.* cap. i, vers. 16, accipiunt et distinguunt quatuor choros angelorum : imo Ecclesia hinc inter novem angelorum choros ponit Principatus, Potestates, Virtutes et Dominationes : nec enim aliunde colligi possunt.

Nota : *Coloss.* i, 16, alio ordine hos angelorum ordines enumerat Apostolus; descendendo enim sic ait : « Sive Throni, sive Dominationes, sive Principatus, sive Potestates. » Unde S. Gregorius, S. Thomas et alii Latini putant Virtutes esse inferiores Potestatibus, et Virtutes esse primos in tertia hierarchia. Rursum Principatus ponunt medios in secunda, ut illa constet Dominationibus, Principatibus et Potestatibus; tertia vero Virtutibus, Archangelis et Angelis. Contra S. Dionysius Virtutes immediate subjicit Dominationibus, ponitque eos medios in secunda hierarchia, ut ea constet Dominationibus, Virtutibus, Potestatibus. In tertia vero primo ponit Principatus, secundo Archangelos, tertio Angelos. Huic sententiæ favet hic locus et S. Dionysius, qui *Cælestis Hierarch.* cap. vi, se hæc accepisse ait a magistro suo, scilicet Hierotheo, vel certe Paulo, qui in tertium cælum raptus hæc ibi audivit, imo conspexit.

Nota secundo : Pro virtutem græce non est ἀρετή, sed δύναμις, id est *potentia*, robur, fortitudo. Rursum pro dominationem græce est κυριότης, id est dominium, sive auctoritas, et jus domini in servum, vel in rem suam.

Nota tertio, hæc abstracta sumi pro concretis, « Principatus, » id est principes; « Potestates, » id est potestate præditi; « Virtutes, » id est robusti, fortes; « Dominationes, » id est dominantes : sunt enim nomina angelorum. Vide *Can.* 21.

ET OMNE NOMEN, — id est, omne quod nominatur

re, quam mundum creare.

Apostolus hic recenset quatuor ordines angelorum.

Ordo hierarchiarum angelicarum.

Mira Dei virtus elucet in hominum conversione.

Difficilius peccatorem justificare.

(1) Potest quoque τὸ qui credimus cum sequentibus jungi, ut sensus sit : Qui credimus propter maximam ejus potentiam, quam scilicet in resurrectione Christi etc., credimus.

Nomen Christi omnium numinum nominibus excellentius. Error et insania Valentini de triginta Æoni-bus.

et celebratur : sic enim Hebræi vocant אנשי השם *ansche hasschem*, viros nominis, id est celebres. Perstringit nomina deorum, quos fingeant Gnostici et Poetæ, Hesiodus ; Orpheus et alii Gentium Theologi, qui mira fabulabantur de rebus cœlestibus. Perstringit etiam triginta Æones Valentini, qui tantum erant nominum portenta, et crimina potius quam numina, quos describit D. Pamelius in Tertulliano, initio libri *Contra Valentinianos* ; hos Valentinus videtur sumpsisse ex Platone, qui in *Timæo* mundum dixit factum esse ex cubo ternarii, qui est viginti septem : nam ter tria faciunt novem, et ter novem faciunt viginti septem ; eo quod in hoc numero omnis harmonia et consonantia consistat. Tot enim fere Æones confinxit Valentinus, nimirum triginta. Hisce omnibus Apostolus opponit et anteponit nomen Christi.

Tropologice, vide Chrysostomum, *homil.* 3 in morali, quam per Christum supra omnes angelos exaltati sint homines, quamque turpe sit, se, cum membra sint Christi, subdere ventri, iræ, dæmoni ; quamque digne ad sacram communionem se comparare debeant, ut adeo sublimato Christi corpori uniantur.

QUOD NOMINATUR NON SOLUM IN HOC SÆCULO, SED ETIAM IN FUTURO. — Hinc discimus, nomina quædam, gradus et distinctiones angelorum et spirituum cœlestium nobis hic esse incognita, quæ in cœlo revelabuntur, ait Theophylactus.

Vers. 22. OMNIA SUBJECTA SUB PEDIBUS EJUS. — Hinc patet angelos subjectos esse Christo homini, et Christum, ut homo est, regem esse ac dominum cœli et terræ, hominum et angelorum. Ita Chrysostomus et Theophylactus.

ET IPSUM DEDIT CAPUT SUPRA OMNEM ECCLESIAM. Græca, ὑπὲρ πάντα τὴν ἐκκλησίαν, *super omnia ipsi Ecclesiæ*, id est, Christum dedit caput Ecclesiæ, qui est super omnia visibilia et invisibilia præsidens et dominans. Ita Hieronymus, Chrysostomus et Theophylactus, unde Syrus vertit, *ipsum qui est super omnia, dedit caput Ecclesiæ*. Hinc rursus exclamatur Chrysostomus : « Papæ ! quo rursus et ipsam Ecclesiam (imo consequenter unum hominem sanctum, qui est quasi unus culex et pulex, ut alibi ait Chrysostomus) evexit ? Quasi quadam machina trahens in magnam ipsam sublimitatem sustulit, inque ipsius cœlestem thronum sedere fecit : nam ubi est caput, ibi est et corpus, supra omnia visibilia et invisibilia, » etc. Sed Latina Biblia passim, etiam Romana legunt, *et ipsum dedit caput supra omnem Ecclesiam*, angelorum scilicet et hominum, militantem et triumphantem. Ita S. Augustinus et alii.

Putant aliqui Christum, qua homo est, caput esse hominum ; qua Deus est, esse caput angelorum : sed ex hoc loco recte colligunt Doctores, Christum etiam ut homo est, caput esse angelorum, sicut et hominum, quia ex angelis et hominibus una Ecclesia, et una quasi respublica constituitur. Nam de Christo non qua Deus, sed

qua homo est et redemptor, agit Apostolus hoc capite ; est ergo Christus ut homo, angelorum caput, quia ut homo angelis præest et imperat.

Secundo, quia, ut multi volunt, Christus ut homo, angelis gratiam et gloriam meruit : nam D. Thomas, Albertus, Ruardus, Arboreus et alii quos citat et sequitur Suarez, III *part.*, disp. XLII, sect. 1, Gregorius de Valentia et alii docent probabiliter Christum esse causam gratiæ non tantum hominum, sed et angelorum, eamque triplicem, scilicet finalem, exemplarem et meritariam ; ac consequenter angelos, per fidem Christi, id est in Christum mediatorem, sanctificatos et gloriam adeptos esse : eos vero, qui Christo homini hanc mediatoris dignitatem superbe inviderunt, sibi arrogare voluerunt, factos esse dæmones, et hoc fuisse peccatum Luciferi, quod scilicet Christi mediatoris officium ambiverit : non enim potuit divinitatem in se sibi appetere Lucifer ; hoc enim sciebat fieri non posse, imo involvere contradictionem, ut scilicet creatura in creatorem, Lucifer in Deum transmutetur.

Probant hanc sententiam ex hoc loco : « Dedit, inquit, eum caput supra omnem Ecclesiam ; » caput enim in sua membra influit ; unde subdit : « Quæ, » scilicet Ecclesia, « est corpus ipsius, et plenitudo ejus, qui omnia in omnibus (membris suis, ergo et in angelis) adimpletur, » et adimplet. Et vers. 10 dixit in Christo instaurata esse « omnia quæ in cœlis sunt et quæ in terra, » quia scilicet sicut Christus Adamum et homines lapsos instauravit, ita et dæmonibus labentibus, eorum lapsum per angelorum gratiam et perseverantiam instauravit et complevit.

Secundo, quia hæc dignitas Christum, qui est unigenitus Dei Filii, decuisse videtur, et eadem opera, qua hominibus, potuit et angelis mereri.

Alii tamen graves Theologi contrarium docent, Christum scilicet solis hominibus, non autem angelis, meruisse gratiam et gloriam, eumque dici caput angelorum tantum hac ratione, quod illis emineat eorumque sit superior.

Probant *primo*, quia Scriptura et Patres docent Christum propter homines, non autem propter angelos natum et passum esse. Sed responderi posset, Christum primario ad hoc venisse, ut homines lapsos sua cruce et morte repararet, adeoque non moriturum fuisse, imo nec nasciturum, nisi peccasset Adam, quem sua morte redimeret : posito tamen quod propter hominem venturus erat Christus, Deum voluisse ut merita ipsius etiam ad angelos se extenderent : id enim nihil tollit de misericordia Dei in homines lapsos, et maxime decebat Christum Deo hypostatice unitum, qui tam angelorum, quam hominum rex erat et caput. Et sic responderi posset ad locum Apostoli *ad Hebr.* II, 11 : « Qui sanctificat, » scilicet Christus, « et qui sanctificantur, » scilicet a peccato, puta homines lapsi (de his enim agit : nam *vox enim* dat causam, cur, ut dixit vers.

An Christus fuerit causa gratiæ et gloriæ, non tantum hominibus, sed et angelis ?

Prior pars affirmativa, Christus meruisse angelis gratiam.

Probatur Christum angelis non meruisse gratiam.

Deus potuit intendere gratiam angelorum propter Christum.

præced., propter eos Christus debuerit consummari, id est, mori in cruce), « ex uno, » scilicet Adamo, « omnes » prognati sunt. Unde non sequitur : Angeli non sunt prognati ab Adamo : ergo non sunt sanctificati, id est, primam suam gratiam non acceperunt a Christo.

Probant *secundo*, quia angelus prius est creatus et gratiam accepit, quam homo aut crearetur, aut peccaret : Christus autem non venisset, nisi peccasset homo ; ergo prius decrevit Deus dare gratiam angelo, quam Christum incarnari.

Responderi rursum posset negando consequentiam ; licet enim in executione prius dederit Deus gratiam angelo, quam Adæ aut Christo, in Dei tamen præordinatione et decreto omnia hæc facta sunt unico divinæ voluntatis actu, quo totum hunc rerum ordinem, qui de facto extitit, simul et semel elegit et instituit cum mutua contradependentia per præscientiam conditionatam ; ut v. g. decerneret in hoc rerum ordine non creare angelos, nec Adam, nec permittere eum labi, nisi simul prævidens et præordinans Christum, qui ejus lapsum repararet, et qui consequenter sua merita et gloriam ad angelos extenderet : quia decrevit totum hunc rerum ordinem instituere propter Christum, eumque primo intendit, et ad eum cætera ordinavit, quia in Christo statuerat maxime ostendere suam potentiam et gloriam : sed hæc quæstio exactius alibi discutienda est.

Contra-
depend-
entia
angelo-
rum,
Adami et
Christi.

Vers. 23. 23. PLENITUDO EJUS, — πληρωμα, id est, complementum, q. d. Ecclesia, tanquam corpus, est complementum Christi tanquam sui capitis : caput enim corpore completur et perficitur ; cum enim caput habet omnia corporis membra, ita ut nullum desit, tunc completum plane est et dicitur. Ita S. Chrysostomus, Ambrosius, Oecumenius, D. Thomas, Anselmus.

Nota hic unionem et amorem Christi in Ecclesiam : licet enim in se plenissimus sit et perfectissimus, tamen mancum se, et quasi membris mutilum caput esse putat, nisi habeat Ecclesiam instar corporis sibi adjunctam. Hinc Christus aliquando vocatur tota Ecclesia, ut dixi I Cor. xii, 12. Hinc toties dicitur nos esse, nos crescere, nos agere, nos pati in Christo. Hinc Apostolus ait Christum in se, seque in Christo vivere. Hinc illa Christi vox : « Saule, Saule, quid me persequeris ? » Vide Coloss. i, 24. Hinc omnis spes et consolatio nostra.

QUI OMNIA IN OMNIBUS ADIMPLETUR. — Est græcismus : *omnia*, id est, quoad omnia, intelligitur enim παντα. Sensus est primo, Christus in præsentī vita completur omnibus suis membris : singuli enim fideles conferunt ad Christi complementum : completur, inquam, quoad omnia, id est, quoad

omnes gratias, virtutes ; non quod singuli habeant omnes, sed quod singuli singulas, ita ut simul collecti habeant omnes : nam in hoc excellit charitas, in illo patientia, in isto castitas, et sic singuli singularum virtutum excellentiam et plenitudinem ipsi Ecclesiæ, quæ corpus est Christi, ac consequenter ipsi Christo, conferunt. Ita Hieronymus, Chrysostomus, Anselmus. « Sicut, ait Hieronymus, adimpletur Imperator, si quotidie ejus augeatur exercitus, et fiant novæ provinciæ : ita et Christus ; » et Theophylactus : « Christus, ait, quoad manum, impletur in homine misericordie ; quoad pedem, in eo, qui Christi amore peregrinatur, vel visitat ægros ; quoad linguam, in doctore, » sicque Christus in omnibus proficit sapientia, gratia et omni virtute, ait Hieronymus.

Secundo, in futura vita Christus omni gloria et omnibus suis electis membris implebitur. Ita Hieronymus et Theodoretus..

Christus
in Chris-
tianis
proficit
et per-
ficitur.

Potest *tertio* verti cum Vatablo et Erasmo, qui omnia in omnibus implet : Græcum enim πληροῦν est vocis mediæ, unde tam active quam passive verti potest. Implet ergo Christus omnia in omnibus, quia scilicet facit ut omnes et singuli omnibus virtutibus proficiant et impleantur. Ita Hieronymus (1).

Secundo, quia, ut Chrysostomus in morali, implet Christus omnes Eucharistia et seipso, in quo sunt omnes gratiæ : ipse enim est fons gratiarum. Sed prior sensus est genuinus, q. d. Christus non indiget hoc supplemento corporis Ecclesiæ, ut qui omnia in omnibus impleat ; sed amoris est, quod sibi tam arete Ecclesiam uniāt.

Nota : Christus per se non omnia complevit, sed Apostolis aliisque verbi Dei præconibus multa complenda reliquit, procurationem nimirum salutis omnium hominum, ut Christus omnibus suis electis quasi membris compleatur. Qui ergo saluti animarum incumbunt, quot animas Christo lucrifaciunt, tot membris Christi corpus, Christumque perficiunt et complent. Quæ sane magna est dignitas, magnus stimulus, ut singuli totos se conversioni animarum impendant, easque Christo inserant, compleantque Christi corpus ea parte adhuc mancum. Sic Coloss. i, 24, dicit : « Adimpleo ea, quæ desunt passionum Christi, in carne mea, pro corpore ejus, quod est Ecclesia. » Patiēdo ergo et laborando pro salute proximorum, passiones et labores Christi, ipsumque Christi corpus, et Christum ipsum adimplemus.

Christus
non com-
plevit
omnia
per se,
sed
etiam
per Aposto-
los, et
verbi Dei
præcones.

(1) Rosenmullerus sic vertit : *Quæ* (Ecclesia) *est corpus ejus* (ab ipso regitur, sicut corpus a capite), *cælus* (πληρωμα, id est πληθος, scilicet fidelium) *numerosus illius* (Christi), *qui omnes homines* (παντα, neutrum pro masculino) *omnibus* (scilicet bonis) *replet*.

CAPUT SECUNDUM.

SYNOPSIS CAPITIS.

Primo docet, Gentiles peccatis mortuos per Christum vivificatos esse, non merito operum, sed gratis per fidem Dei, qui in Christo nos denuo quodammodo creavit ad opera bona peragenda.

Secundo, vers. 11, ostendit, quod Christus Gentes, quæ prius alienæ erant a Deo Deique promissionibus, Judæis in una Ecclesia sibi et Deo conjunxerit.

Inde tertio, vers. 19, concludit, nos jam non esse hospites et advenas; sed esse concives Sanctorum, et domesticos Dei, atque in Ecclesia superædificatos esse supra fundamentum Apostolorum et Prophetarum, ipso summo angulari lapide Christo Jesu.

1. Et vos, cum essetis mortui delictis et peccatis vestris, 2. in quibus aliquando ambulastis secundum sæculum mundi hujus, secundum principem potestatis aeris hujus, spiritus, qui nunc operatur in filios diffidentiae, 3. in quibus et nos omnes aliquando conversati sumus, in desideriis carnis nostræ, facientes voluntatem carnis et cogitationum, et eramus natura filii iræ, sicut et cæteri : 4. Deus autem, qui dives est in misericordia, propter nimiam charitatem suam, qua dilexit nos, 5. et cum essemus mortui peccatis, convivificavit nos in Christo (cujus gratia estis salvati), 6. et conresuscitavit, et consedere fecit in cœlestibus in Christo Jesu : 7. ut ostenderet in sæculis supervenientibus abundantes divitias gratiæ suæ in bonitate super nos in Christo Jesu. 8. Gratiæ enim estis salvati per fidem, et hoc non ex vobis : Dei enim donum est ; 9. non ex operibus, ut ne quis gloriatur. 10. Ipsius enim sumus factura, creati in Christo Jesu in operibus bonis, quæ præparavit Deus ut in illis ambulemus. 11. Propter quod memores estote, quod aliquando vos Gentes in carne, qui dicimini præputium ab ea, quæ dicitur circumcisio in carne, manu facta : 12. quia eratis illo in tempore sine Christo, alienati a conversatione Israel, et hospites testamentorum, promissionis spem non habentes, et sine Deo in hoc mundo. 13. Nunc autem in Christo Jesu vos, qui aliquando eratis longe, facti estis prope in sanguine Christi. 14. Ipse enim est pax nostra, qui fecit utraque unum, et medium parietem maceriæ solvens, inimicitias in carne sua : 15. legem mandatorum decretis evacuans, ut duos condat in semetipso in unum novum hominem, faciens pacem, 16. et reconciliet ambos in uno corpore, Deo per crucem, interficiens inimicitias in semetipso. 17. Et veniens evangelizavit pacem vobis, qui longe fuistis, et pacem iis qui prope. 18. Quoniam per ipsum habemus accessum ambo in uno Spiritu ad Patrem. 19. Ergo jam non estis hospites, et advenæ : sed estis cives sanctorum, et domestici Dei : 20. superædificati super fundamentum Apostolorum, et Prophetarum, ipso summo angulari lapide Christo Jesu : 21. in quo omnis ædificatio constructa crescit in templum sanctum in Domino, 22. in quo et vos coædificamini in habitaculum Dei in Spiritu.

Vers. 1. 1. ET VOS, CUM ESSETIS MORTUI DELICTIS ET PECCATIS VESTRIS. — Supple, « convivificavit Christo, conresuscitavit, et consedere fecit in cœlestibus, » ut dicit 7. 5 et 6; ibi enim post longam parenthesin (qua de more digreditur et abripitur Paulus vi spiritus et copia rerum, ut dixi Can. 38) regreditur et explet sententiam vers. 1 inchoatam, mutata tamen persona secunda in primam; pro vos enim dicit nos (1).

(1) Juxta Rosenmullerum, et et vos cum præcedentibus

Nota : Pendet hic locus totus a cap. præced.; quia enim ibi vers. 19, dixerat potentiam, quam Deus in Ephesiorum a gentilismo ad christianismum conversione ostendit, esse similem illi potentiæ, qua Christum suscitavit a mortuis, et constituit ad dexteram suam : hinc hoc loco idipsum

arctissime cohæret, nec debebat divelli hoc caput a præcedenti, ut sensus sit : Qui (Christus, vel Deus) sicut omnes alios beneficiis cumulat, sic etiam vos, qui, etc.

declarat, dicens ipsos per hanc conversionem cum Christo resurrexisse, et cum eo collocatos esse ad dexteram Patris in cœlo.

CUM ESSETIS MORTUI (privati vita gratiæ) DELICTIS ET PECCATIS VESTRIS, — per delicta et peccata vestra. Ita Hieronymus.

Quæres, quomodo distinguantur delicta et peccata.

Respondet S. Hieronymus, delicta esse peccata in cogitatione inchoata; peccata esse, cum opere consummantur. Verum Apostolus in lege versatus omnino ad eam respexit; in lege enim *Levit.* VII, 7 et 37, distinguitur delictum a peccato, et hostia pro delicto ab hostia pro peccato. Ubi Rabbini Judæorum Hebræum *חַטָּאת* *chattat*, quod Septuaginta ἀμαρτία, Noster peccatum vertit, explicant esse illud, quod committitur contra præcepta legis affirmativa, quæ ipsi tot numerant, quot sunt ossa in corpore humano, nempe 248; *ἁμαρτία* *ascam* vero, quod Septuaginta πλημμελία id est erratum; Noster delictum vertit, esse illud quod committitur contra præcepta negativa, quæ ipsi numerant tot, quot sunt dies in anno, videlicet trecenta sexaginta quinque.

Secundo, contrarie S. Augustinus, Quæst. XX in *Levit.*, Lyranus, Abulensis et alii per « peccatum » intelligunt culpam commissionis; per « delictum, » omissionis.

Sed verius videtur, « peccatum, » cum a delicto distinguitur (sæpe enim confunduntur, ut patet *Levit.* V, 5 et 6), esse id, quod scienter contra legem committitur; « delictum, » quod ignoranter vel per oblivionem, præsertim juris et præcepti. Ita ex Procopio et S. Hieronymo Ribera, lib. IV *De Templo*, cap. V. Et probatur, quia pro delicto Septuaginta vertunt, πλημμελία, id est erratum, et ἁγνοίαν, id est ignorantiam. Secundo, quia ita vertit Noster *Levit.* cap. V, vers. ultim.: « Quia per errorem deliquit Domino, » ubi hebraice est *אָשָׁא* *ascam*, id est delictum. Tertio, id patet *Psal.* XVIII, 13: « Delicta quis intelligit? ab occultis meis munda me. » Ecce delicta dicit non intelligi, non cognosci, esseque occulta, quasi scilicet per ignorantiam vel oblivionem commissa sint. Et *Psal.* LXVIII, 6: « Deus, tu scis insipientiam meam, et delicta mea a te non sunt abscondita. » Ergo delicta sunt, quæ per insipientiam, id est imprudentiam et inadvertentiam, commissa, nobis, sed non Deo, sunt abscondita. Et hoc innuit Græcum παράπτωμα, quo Apostolus hic utitur, quod Noster delictum vertit: Græcum enim παρά significat præter, cum scilicet quis præter mentem, obiter, inadvertenter impingit, labitur et delinquit. Contra S. Jacobus, cap. IV, vers. 17, « peccatum » vocat quod scienter committitur: « Scienti, inquit, bonum facere, et non facienti, peccatum est illi. »

2. IN QUIBUS ALIQUANDO AMBULASTIS, — conversati estis, ut explicat vers. sequent.; ambulatio enim significat peccati iterationem et consuetudinem. Unde subdit:

SECUNDUM SÆCULUM MUNDI HUIUS, — id est, secundum consuetudinem sæcularium, qui sæculariter et mundane vivunt in hoc mundo.

SECUNDUM PRINCIPEM POTESTATIS AERIS HUIUS. — q. d. Secundum voluntatem et impulsu principis, qui potestatem suam exercet in hoc aere: vel potius, qui est princeps potestatis, id est dæmonum, qui dicuntur potestas, quia potestatem exercent in hoc aere; potestas enim, uti est nomen ordinis angelorum, qui potestatem exercent in terra, ita est et dæmonum, qui eandem, quam habuerunt cum essent angeli, retinent jam facti dæmones, sed in malum, ut hominibus noceant. Id patet cap. I, vers. 21; et cap. VI, vers. 12; *Coloss.* I, 16.

Nota: Hic princeps est Lucifer, vel alius dæmon, qui sub eo præest potestatibus, id est, dæmonibus qui in hoc aere dominantur. Quis sit princeps aeris?

Secundo, dicitur « potestas aeris, » qui in aere miscet ventos, tonitru, fulgura et tempestates; quibus frugibus, bestiis et hominibus nocet; vel potius, quia in aere, id est in mundo hoc (ut sit synecdoche) inter homines potestatem suam exercet, eos tentando, vexando, et quoquo modo nocendo. Ita D. Thomas. Unde Patres docent aerem hunc usque ad diem iudicii plenum esse dæmonibus, qui homines exerceant; ut boni probentur et perficiantur, mali indurentur, et cum dæmonibus in die iudicii ad communem damnationem in tartara detrudantur. Præclare S. Augustinus in *Sententiis*, num. 150: « Cum homo, ait, secundum se vivit, non secundum Deum, similis est diabolo: quia nec angelo secundum angelum, sed secundum Deum vivendum fuit, ut staret in veritate, et veritatem de illius, non de suo mendacium loqueretur. Unde non frustra dicitur, omne peccatum esse mendacium: quia non peccatur nisi ea voluntate, quæ contraria est veritati, id est Deo. »

SPIRITUS. — Græce est πνεύματος, id est, spiritus in genitivo, quem aliqui per appositionem, ut aer cohæreat cum spiritu, sic explicant: « Secundum principem potestatis aeris, » qui scilicet aer, est spiritus. Sed obstat quod sequitur: « Qui operatur in filios diffidentiae; » nec enim aer in eos operatur. Quintuplex huius textus ordinatio.

Secundo, Erasmus sic ordinat: « Secundum principem cujus potestas est et aeris et spiritus, » id est, et in aera, et etiam in spiritum, « qui operatur in filios diffidentiae. »

Tertio, Adamus refert ad aeris, q. d. Secundum principem aeris huius, in quo degunt spiritus, id est dæmones: principes enim hic in aere quasi in spiritu spiritus versatur, ait Theophylactus.

Quarto, Vatablus refert ad principem, q. d. Secundum principem spiritus, id est spirituum, puta dæmonum. Sed hi omnes supplere debent copulam et, vel aliquid simile.

Quinto ergo, plane et simpliciter, per apposi-

tionem et epexegesim, *spiritus* refertur ad *potestatis*: explicat enim quid sit potestas aeris, nimirum dicit eam esse spiritum, « qui operatur in filios diffidentiae, » id est, esse spiritus (est enalage numeri; singularis enim ponitur pro plurali), puta esse daemones, « qui, » quasi spiritus maligno suo impulsu et afflatu « operantur, » id est vim, energiam (græce enim est ἐνεργῶντες) et malignitatem suam exercent (incitando scilicet, et impellendo ad gulam, crapulam, fornicationem, superbiam, vindictam, hæresim, omniaque scelera) « in filios diffidentiae, » græce ἐν τοῖς υἱοῖς τῆς ἀπιστίας, quod clarius veritas, in *filios incredulitatis*, impersuasibilitatis et inobedientiae, id est incredulos, indociles; rebelles. Ita Syrus; ἀπιστία enim est insuasibilitas, cum quis est intractabilis, contumax, non vult regi disciplina, sed pro arbitratu fertur quo lubet. Unde S. Basilus; aut potius ejus interpretis in *Reg. brev.*, Reg. 268, vertit *filios contumaciae*, hic est, inquit, qui opera quæ contumaciae sunt exercent, aut qui faciunt voluntatem et opera diaboli: hic enim est contumacium princeps et pater, ut jure vocari possit ipsa contumacia. Cæterum idem sunt filius contumaciae et filius iræ. Nam Christus ait: « Qui contumax est in Filium, non videbit vitam æternam; sed ira Dei manet super eum: » hucusque S. Basilus. Noster vertit *diffidentia*, quia tales Deo non fidunt, id est non credunt, practice scilicet, hoc est, non obediunt: qui enim credit dicenti, facile illi obedit, illique fidit, et ab eo se regi patitur. Hinc *credere* in Scriptura per metalepsin sæpe significat obedire, ut *Psalm. cxviii*, 66, ac consequenter *non credere* significat non obedire. Post *secundo*, proprie sumi diffidentia, quia tales ob inobedientiam et vitia sua, Deo salutique diffidunt, deque ea desperant.

Nota: Vox *filius*, cum jungitur genitivo vitii aut virtutis, significat debitum vitio aut virtuti: sic dicitur filius inobedientiae, id est addictus, deditus inobedientiae, ut ex ea quasi prognatus, eamque quasi proles matrem imitari videatur, id est, plane inobediens et rebellis. Cum vero *filius* jungitur genitivo poenæ, vel præmii, idem est, quod dignus: ut filius mortis, filius gehennæ, filius resurrectionis, id est, dignus morte, gehenna, resurrectione.

Vers. 3. 3. IN QUIBUS (inter quos) ET NOS OMNES ALIQUANDO CONVERSATI SUMUS.

FACIENTES VOLUNTATEM CARNIS.—Græce βολήματα, id est *voluntates*, q. d. Explentes appetitus et desideria concupiscentiæ, sive ea quæ carni, id est concupiscentiæ carnali, cogitationi et phantasie libebant, quæque concupiscentia volebat, id est appetebat.

Nota: « Voluntas » hic appetitum significat, non rationalem tantum, sed et sensualem, animale, carnalem et brutalem; caro enim, id est concupiscentia, tam in rationali, quam in animali appetitu residet, ut dixi *Galat. v*, 17.

Quinam
sint filii
diffiden-
tiae?

Caro
concupis-
centiam
carnalem

Nota secundo: Pro *cogitationum* græce est διανοιών, quod Ambrosius vertit, *consiliorum*; S. Hieronymus, *mentium*: quia, inquit, alia sunt peccata carnis, ut gula, libido; alia mentium, ut hæresis, sectæ, invidiæ, etc. Sed simplicius accipiemus carnem pro concupiscentia qualibet, sive carnali, sive mentali; cogitationes pro ipsa imaginatione, quæ varias concupiscentiæ species et modos imaginatur, concipit, effingit: nam qui concupiscunt, perinde ut qui amant, sibi somnia fingunt.

ET ERAMUS NATURA FILII IRÆ. — Quia, inquit, Illyricus, peccatum originale, quod nos facit filios iræ, non est accidens, sed forma, substantia et natura nostra. Sed hoc tam stolidum est, et contra Aristotelem omnesque Philosophos, quam impium: si enim peccatum Adæ est substantia, ergo cum omnis substantia a Deo creata sit, sequetur, peccatum a Deo eoque solo esse creatum, et Adæ posterisque inditum.

Dico ergo: « eramus filii iræ natura, » non in se et sua substantia, uti a Deo est condita, sed in sua naturali qualitate et conditione, uti per Adam et peccatum originale corrupta est: tunc enim vitium pro natura inolevit, ait S. Augustinus. *Secundo*, « natura, » id est a nativitate, et ab ortu naturæ: ita Chrysostomus, D. Thomas. *Tertio*, « natura, » id est naturali ingenio, indole, proclivitate, qua a puero quasi naturaliter sumus in mala proclives. Ita Hieronymus. Græcum enim φύσις, *primo*, naturam, *secundo*, nascentiam, ortum, generationem; *tertio*, naturalem indolem et propensionem significat. Hinc *quarto*, adverbialiter, τῇ φύσει, id est *natura*, idem est quod *plane omnino* per metalepsin; quod enim natura est tale, hoc plane et omnino est tale. Hinc vice versa quod omnino est tale, natura dicitur esse tale: sicque homo totus addictus ebrietati, dicitur natura sua, id est omnino, esse ebriosus. Dicit ergo Paulus: « Eramus natura, » id est, ex naturæ nostræ corruptione et propensione, ita carni et concupiscentiis eramus dediti, ut « natura, » id est omnino, essemus peccatores et filii iræ. Ita Hieronymus, Syrus et alii. Hic plenus est Apostoli sensus: nec enim tantum spectat corruptionem naturæ in Adamo, sed etiam et multo magis quod ex ea secutum est, scilicet ut singuli ex Adamo nati, carni et peccatis serviant toti quasi naturaliter, itaque sint filii iræ, donec Christi gratia liberentur et reformentur: agit enim de peccatis actualibus, ut patet ex præcedentibus.

FILII IRÆ, — id est, digni et obnoxii iræ ac vindictæ Dei. Vide dicta in fine vers. 2; sic enim dicitur filius mortis, id est dignus morte.

Ubi nota prosopopœiam Hebræam: mors enim quasi mater, peccatorem talem, qui dignus est morte, fingitur genuisse ad mortem, ut seipsam illi communicet, illique mortem inferat, ut mors peccatoris a morte, quasi a matre prog-

et mental-
lem si-
gnificat.

Illyrici
error, ex
hoc loco
asserenti-
æ peccatum
originale
esse substantiam,
refellitur
triplici
hujus loci
expositione.

Quadruplex
significatio
vocis
φύσις.

Mors est
peccato-
ris
mater.

nata; morsque illum quasi filium suum quem gignat et ducat ad mortem, amplecti videatur. Aliter Chrysostomus et Theophylactus, «Eramus filii iræ,» id est eramus ipsa Dei ira, et nihil aliud: sic enim filius hominis non est alius quam homo. Alii tertio, apud Hieronymum, «filii iræ,» id est diaboli, qui dicitur mors et ira ob feritatem, quam in homines exercet. Sed primus sensus simplicissimus est, et optime respondet idiotismo Hebræorum.

Pulchre S. Bernardus, serm. 1 *De Purificatione B. Mariæ*: «Eramus, inquit, et nos filii iræ; cujus iræ filii? nempe filii ignorantiae, ignaviae, captivitatis. Ignorantia mulieris seductae excæcaverat nos; mollities viri abstracti et illecti a propria concupiscentia enervaverat nos; malitia diaboli expositos juste a Deo captivaverat nos. Sic ergo nascimur universi primum quidem viæ civitatis habitaculi prorsus ignari; deinde imbecilles et ignavi, ut, etsi nota nobis esset via viæ, propria tamen præpediremur et detineremur inertia; postremo captivi sub pessimo crudelissimoque tyranno, ut, licet prudentes essemus atque robusti, ipsa tamen miseræ servitutis opprimeremur conditione.»

Vers. 4. PROPTER NIMIAM CHARITATEM. — Græca διὰ τὴν πολλήν, propter multam charitatem: et ita legit Hieronymus et Ambrosius, multam, id est magnam, per enallagen, qua quantitas discreta ponitur pro continua, id est multitudo pro magnitudine: magnam, inquam, per emphasim, id est immensam et nimiam. *Nimia* dicitur respectu hominum tam miserorum et indignorum, non respectu Dei: Deum enim, qui est ipsa bonitas increata, decet hæc immensa sui communicatio et nimia charitas in homines. Sic Agesilaus rex cum ingens donum cuidam plebeio daret, illeque ex verecundia recusaret, dicens hoc esse nimis magnum pro se: At, inquit rex; non est magnum nimis pro Agesilao.

Vers. 5. 5. ET CONVIVIFICAVIT NOS IN CHRISTO. — Coniunctio et necit sequentia; dicit enim: «Et convivificavit, et conresuscitavit, et consedere fecit: per anadiplosin enim conduplicat et ad emphasim. Secundo, «convivificavit nos,» id est nos ad similitudinem Christi communi cum eo vita spirituali donavit. Tertio, «in Christo,» id est cum Christo, vel, instar Christi. Unde Græca et Latina multa tantum habent *Christo*.

Vers. 6. 6. ET CONSEDERE FECIT IN COELESTIBUS, — quia nos, id est carnem nostram, Christus in suo corpore cælis inexit. Ita Chrysostomus. Verum quia loquitur Apostolus de nostra, qui per peccata mortui eramus, suscitatione et sessione, hinc secundo, aptius dicitur Christus nos cælis invexisse, ibique collocasse et sedere fecisse per spem, affectum, tendentiam ad vitam coelestem, per quam re ipsa post mortem nos cælis invehet, et sibi consedere faciet: hoc enim præteritum «consedere fecit,» partim præteritum, partim futurum

significat: «fecit» scilicet, id est et fecit et faciet. Simili modo Prophetæ de futuris ob eorum certitudinem loquuntur in præterito, quasi jam facta essent: licet enim futura sint in re, tamen in Dei prescientia jam facta sunt. Deus ergo inchoate nos consedere fecit Christo in cælis, quia locum et cathedram ibi jam nobis paravit, ad eamque nos sua gratia dirigit, ut certa spe locum illum præcipiamus, nobis vindicemus, quasi jam illum occuparem, ibique sederemus; jam perfecte et proprie faciet nos consedere, cum ex hac vita transferet nos in cælum. Ita Hieronymus. Quid ergo hic quasi talpæ, terræ et terrenis inhiamus, cum domus et sedes nobis parata sit in cælo, ibique jam Christo quasi assideamus?

Notat S. Gregorius, lib. VI *Moral.* cap. viii, Paulum cum in carcere catena vinctus esset, ob spei tamen certitudinem et animositatem dixisse se et nos sedere cum Christo in coelestibus. «Sancti itaque viri, inquit, foris despecti sunt, et velut indigni omnia tolerant; sed dignos se supernis sedibus confidentes, eternitatis gloriam cum certitudine expectant; cumque laborant foris adversitate persecutionis, ad munitam recurrunt intrinsecus arcem mentis, et inde cuncta sub se ire despicunt, inter quæ transire corporaliter etiam seipsos cernunt: minas non metuunt, quia et tormenta patiendi contemnunt. Hinc enim per Salomonem dicitur: Justus quasi leo confidit; et: Non contristabit justum quicquid acciderit ei.»

IN CHRISTO, — cum Christo. Hebræum enim כִּי, id est in, subinde valet idem quod οὖν, id est cum.

7. UT OSTENDERET IN SÆCULIS SUPERVENIENTIBUS (in sequentibus temporibus) ABUNDANTES DIVITIAS (id est excellentem exuberantiam) GRATIÆ SUÆ, IN BONITATE (græce ἐν χρηστότητι, id est per benignitatem (supple, quam ostendit) SUPER NOS (id est, erga nos), IN CHRISTO JESU, — hoc est, per Christum Jesum.

8. GRATIA ESTIS SALVATI (id est, gratis justificati) PER FIDEM (justitia enim est salus inchoata, sicut salus plena et perfecta, est justitia consummata: ut dixi *Rom.* XI, 5), ET HOC NON EX VOBIS. — Pronomen hoc demonstrat, non τὶ ἐστis salvati, sed τὸ per fidem, q. d. Quod per fidem salvati sitis, hoc non ex vobis est, quia fides non est ex vobis, sed Dei donum est. Unde Vatablus hæc per parenthesin intercipit hoc modo: (et hoc non est ex vobis, Dei enim donum est); tunc enim sequens antithesis, «non ex operibus,» optime cohæret, ut non redundet, sed opponat opera fidei, q. d. Per fidem justificati estis, non per opera, «ut ne quis gloriatur» se suis operibus adeptum esse et meruisse justitiam et salutem.

Hinc patet Apostolum hic excludere non opera fidei et quæ ex fide profluunt, uti sunt actus spei, penitentiae, charitatis, etc., sed quæ sunt sine fide et fidei opponuntur, sicut natura opponitur gratiæ; id est, excludere opera facta propriis na-

Dens per spem inchoate nos consedere fecit in coelestibus.

Paulus vinctus in cælo habitans vincula despiciit.

Agesilai
regis
apoph-
thegma.

Vers. 7.

Vers. 8.

Apostolus hic non excludit bona opera.

turæ viribus, in quibus gloriabantur Philosophi et Gentiles, quasi suo Marte factis et gestis. Vide Can. 2 et 3.

Vers. 10. 10. IPSIUS ENIM SUMUS FACTURA (1). — Græce *ποίημα*, id est, ut Ambrosius, *figmentum*; Vatablus, *creatura*; Erasmus, *opus*. Loquitur non de prima creatione hominis, qua creati sumus omnes in Adamo; sed de secunda, quam explicat subdens: «Creati in Christo Jesu.» Quod licet Nazianzenus apud Theophylactum sic exponat, «per Christum, qui est Verbum,» id est, per Christum non hominem, sed Deum, in Adamo creati sumus in gratia: melius tamen alii passim intelligunt Christum hominem; hic enim dicitur Jesus, *q. d.* Per Christum redemptorem rursum quasi creati sumus, quia in baptismo spiritu Christi regenerati et velut creati, factique sumus fratres Christi, nova creatura, filii Dei et cives Sanctorum.

Per Christum
tum
iterum
creati
sumus in
baptis-
mo, ob
duas
rationes.
Nota: Justificatio impii dicitur creatio, non physica, quia non fit ex nihilo; sed moralis, quia nullo impii merito, vel opere illi obtingit. Secundo, quia tota meritis Christi tribuitur, sicut creatio tota omnipotentiae Dei attribuitur. Ita Chrysostomus. Justus ergo per novitatem vitæ, et sublimitatem gratiæ est quasi novus mons, inquit Hieronymus, imo quasi novus mundus virtutum, creatus et conditus a Christo.

Error
Beza ex
hoc loco
male
lecto et
intellecto.
Argutatur hic Beza: pronomen *ipsius*, cum ait Apostolus: «Ipsius factura sumus,» scilicet Dei, cæteros excludit: falluntur ergo qui naturam debilem fingunt a gratia adjuvari; hinc enim discimus, inquit, opera bona in solidum Deo et gratiæ Dei deberi.

Sed mirum est Bezam non advertere Apostolum loqui de justificatione: hac enim fimus nova factura et creatura Dei; non autem de operibus, quæ justificationem sequuntur. Unde sicut secundum naturam sumus factura et opus Dei solius, qui nos creavit, et tamen accepta a Deo natura multa opera naturalia et moralia facimus libere tam bona, quam mala: ita prorsus in justificatione, justitiam, per quam recreamur et fimus quasi nova creatura, a Deo solo infusam accipimus; ea tamen accepta per eandem libere opera fidei, spei, charitatis et justitiæ Christianæ operamur. Adde, aliter nos creari, aliter recreari, sive renovari, per justificationem. «Qui» enim «creavit te sine te, ait S. Augustinus, non salvabit,» ac consequenter non justificabit, «te sine te:» quia scilicet tuam cooperationem et liberam dispositionem, qua ad justitiam te per actus fidei, spei et pœnitentiæ disponas, a te requirit.

Liberum
nobis est
exerci-
cium bo-
CREATI IN CHRISTO JESU IN OPERIBUS BONIS (*in*, id est *ad* opera bona facienda: unde sequitur) QUÆ PRÆPARAVIT DEUS, UT IN ILLIS AMBULEMUS. — Si

(1) Alia affertur ratio, ut ostendat ex gratia nos esse justificatos. Justificatio enim nova quædam creatio est; quis autem sese iterum creare posset?

enim Deus opera bona præparat, si in iis ambulamus: ergo Deus ea non creat in nobis, sed tantum ad ea nos destinat et dirigit, ut in iis libere nos exerceamus; hoc enim significat vox *ambulemus*. Ita Chrysostomus, Syrus, Oecumenius, imo et Beza, Vatablus et Erasmus. Hebræi enim sæpe *בְּבֵית*, id est *in*, sumunt pro *בְּלִמְדָּה*, id est *ad*; sic I Cor. VII, 15: «In pace,» id est ad pacem, «vocavit nos Deus.» Similia sunt Jacobi IV, 1; Coloss. III, 23, et Cor. VII, 15. Et Græcum, *ἐν ἔργοις ἀγαθοῖς*; tam *ad opera bona*, quam *in operibus bonis*, verti potest; *ἐν* enim cum dativo sæpe significat *ad*, teste Budæo: sic Isocrates dicit, *ἐν θανάτῳ συλλαβεῖν*, id est *ad mortem rapere*; et Homerus, *πείρονται ἐν δόξαι*, id est *provocant ad flores*.

Notat Chrysostomus hoc addere Apostolum, ne quis ex eo quod exclusit opera a salute et justitia, addens: «Non ex operibus,» putet pariter a vita Christiana ea excludere voluisse, ut Christiano sola fides sufficiat. Dicit ergo nos creatos esse ad opera bona, *q. d.* Christiani facti sumus, non ut in otio, aut in carnalibus voluptatibus gulæ et libidinis vitam inertem et epicuream deinceps agamus; sed ut bonis operibus insistamus: hoc enim insinuat vox *ambulemus*, scilicet non sufficere ordiri et inchoare bona opera, sed in iis nos esse debere assiduos et continuos, ut in iis ambulemus, non per duos vel tres annos, sed per omnem vitæ nostræ viam et cursum. Hoc enim significat Græcum *περιπατήσωμεν*, id est *circumambulemus*, inquit Theophylactus et Chrysostomus. Qui addit in morali homil. 3: «Non, inquit, ut unum duntaxat, sed ut omnia operemur præcipit. Nam sicut quinque nobis sensus sunt, quibus omnibus pro rerum exigentia uti oportet, ita et omnibus utendum est virtutibus.»

QUÆ PRÆPARAVIT DEUS. — Nota: Præparat nobis Deus bona opera, cum præparat et dat nobis gratiam, tum habitualement, tum actualem, puta cum pios indit instinctus et impulsus voluntati, ac pias illuminationes intellectui: hisce enim intellectus et voluntas præparantur, flectuntur, incitantur ad bona opera capessenda; sic effectus præparantur, cum eorum causa paratur et ponitur: sic præparatur messis, cum semen in terram jacitur; præparatur bellum, cum milites arma, quibus bellum gerendum est, parant.

Unde secundo, per hypallagen præparat nobis Deus bona opera, id est nos ipsos, puta intellectum et voluntatem, præparat ad bona opera modis jam dictis.

Tertio, præparat nobis bona opera, cum bonis socios, præceptores, confessarios, concionatores, sancta exempla, aliaque incitamenta et occasiones bene agendi nobis objicit, v. g. dum pauperem mendicantem et languidum diviti misericorditer objicit, præparat illi materiam et objectum invitans ad actum eleemosynæ. Unde Græcum *ἀντιπροσέτασεν*, proprie verti potest, *quibus*, scilicet bonis operibus, præparavit Deus, supple mate-

norm
operum.

A. B. C.
non
excludit
opera
Apostoli.

Triplici-
ter
intelligi
potest
facta
præpara-
tio a Deo
bonorum
operum
nostro-
rum.

riam, occasionem, causam, vel viam, q. d. Deus stravit viam bonis operibus, ut in hac via bonorum operum, ac consequenter in ipsis bonis operibus ambulemus et conversemur. Aptius tamen Noster vertit, *quæ præparavit*: sicut enim via dicitur parari regi, ut in illa ambulet, ita Deus dicitur præparare nobis bona opera, ut in iis ambulemus; ipsa ergo sunt via ad cælum, non autem operibus fit via, nisi dicas fieri viam viæ, seu ad viam; sicut enim fit via ad hortum ut in eo rex ambulet, ita Deus facit nobis viam et introitum ad bona opera, ut in iis ambulemus. Denique hæc omnia jam dicta non tam parat Deus cum in tempore ea actu et re ipsa dat et suggerit, sed etiam in mente sua præparavit ea ab æterno, cum præordinavit et prædestinavit illa cuivis homini suo tempore dare et exhibere. Quam sapiens et felix est, qui has bonorum operum occasiones, vias, modos, gratias impulsusque, quos illi in dies præparat et suggerit Deus, sollicite observat, advertit, amplectitur, exequitur!

Vers. 11. 11. PROPTER QUOD MEMORES ESTOTE. — q. d. Quia tantam per Christum redemptionem et gratiam Deus vobis fecit et exhibuit, hinc hortor vos, o Ephesii, ut tota vita sitis illius memores, præsertim quod e gentilismo, idololatria omnibusque sceleribus ad hanc christianismi gratiam vos evocarit, ut illi quas potestis gratias et laudes referatis.

ERATIS GENTES IN CARNE. — Opponit « Gentes in carne, circumcisioni in carne, » id est Judæis: cum ergo constet Judæos vocari circumcisionem in carne, quia carnem, id est præputium carnis habebant circumcisi, sequitur Gentiles vocari « Gentes in carne, » quia, ut Vatablus, præputium habebant gentilitium et incircumcisi, ac consequenter quasi Gentiles et Pagani incircumcisi vivebant gentiliter secundum carnem in idololatria, gula, libidine, etc. Unde sequitur: « Qui dicimini præputium, » id est præputiati, « ab ea quæ dicitur circumcisio in carne, manu facta, » id est a Judæis, qui vocantur circumcisio ob carnem præputii circumcisam.

Nota: Sicut metonymice *scelus* vocamus scelustum, ita ad majorem contemptum et detestationem, Judæi Gentes præputiatis, vocabant *præputium*; se vero circumcisos extollendo, vocabant *circumcisionem*. Secundo, *τὴν manu facta* non refertur ad *carne*, sed ad *circumcisio*; hæc enim manu fiebat. Patet ex Græco. Addit *manu facta*, ut eam distinguat a circumcisione spirituali, quæ fit per spiritum et gratiam Christi. De qua ad Roman. II, vers. ult. Ita Hieronymus.

Nota: Circumcisio apud Judæos maximum erat decus et gloria, sicuti præputium maximum erat dedecus et ignominia. Unde et apud Ægyptios, qui Judæis vicini sunt, circumcisio nonnisi sacerdotibus, sapientibus et nobilibus concedebatur. « Apud Ægyptios, inquit Origenes in cap. II ad Roman., nullus geometriæ, astrologiæ et geneseos,

qua nihil divinius putant, secreta rimabatur, nisi circumcisione suscepta. Sacerdos apud eos, aruspex, aut quorumlibet sacrorum minister, vel, ut illi appellant, Propheta, omnis circumcisi est. Litteras quoque sacerdotales, quas hieroglyphicas vocant, nemo discebat nisi circumcisi. Omnis hierophantes, omnis vates, omnis cœli (ut putant) infernique mystes et conscius apud eos esse non creditur, nisi fuerit circumcisi. »

12. QUIA ERATIS (ita legendum cum Ambrosio, Hieronymo et Græcis, non *qui*, vel *quod eratis*: dat enim causam cur Ephesii et aliæ Gentes et essent, et vocarentur præputium, et Gentes in carne: « quia » scilicet « eratis ») SINE CHRISTO (hoc est, sine cognitione Christi, lege, gratia, religionem, vita, id est sine christianismo), ALIENATI A CONVERSATIONE ISRAEL. — Græce τῆς πολιτείας, id est, primo, a civilitate, vel a republica Israel, inquit Erasmus. Secundo, Syrus, a gubernatione Israel; significat enim politia, ipsam reipublicæ administrationem et gubernationem, qua scilicet hic Deus Israellem quasi populum suum sanctis legibus, cæremoniis et prophetiis gubernabat. Tertio et melius, Noster, a conversatione, hoc est, a ratione et norma vivendi Israelitarum, patrum et patriarcharum, præsertim Jacobi, qui dictus est Israel, a quo Israelitæ descendunt, qui unum Deum sancte colebant, et secundum ejus legem sancte vivebant, cum vos coleretis idola, essetisque sine lege et concupiscentiæ ductum ac impulsu sequeremini: Græcum enim πολιτεύεσθαι significat conversari. Ita Budæus et alii.

HOSPITES TESTAMENTORUM, — id est peregrini, sive extranei et alieni a testamentis, id est a pactis, quæ Deus cum Judæis inivit: testamentum enim significat quodvis pactum, ut dixi I Corinth. XI, 25. Alludit ad rempublicam et conversationem Israel jam dictam. Unde « hospites » vocat alienos a jure civium, civitatis et reipublicæ.

PROMISSIONIS SPEM NON HABENTES. — Chrysostomus, Theophylactus, Œcumenius, referunt vocem *promissionis* ad præcedentem *testamentorum*, q. d. Eratis hospites et alieni a testamentis et pactis promissionis; id est promissoriis, quæ tot bona promittunt Israeli. Verum longe plenius et concinnius hæc per comma dividunt Biblia Romana et alia correctiora, ut τὴν *promissionis* necatur cum eo quod sequitur, *spem non habentes*. Promissionem intelligit resurrectionis et vitæ beatæ ac æternæ, uti se explicat coram Agrippa rege Paulus, Act. XXVI, 6: « Et nunc, inquit, in spe, quæ ad patres nostros repromissionis facta est a Deo, sto judicio subjectus; in quam duodecim tribus nostræ nocte et die deservientes sperant devenire, de qua spe accusor a Judæis, rex. Quid incredibile judicatur apud vos, si Deus mortuos suscitavit? » Unde hanc spem vocat « spem Israelis, » Act. cap. XXVIII, vers. 20: « Propter spem, inquit, Israel, hac catena circumdatus sum, » q. d. hic Paulus: Vos, o Gentes, beatitudinis Judæis

Vers. 12

Triplex
hujus
loci
sensus.Politia
quid
signifi-
cet.Gentes
vocantur
præputium,
Judæi
circum-
cisiCircum-
cisio in
quanto
honore
fuerit
Judæis et
Ægypti-
isSpes pro-
missionis
apud
Apostola-
rum est
spes
resurrec-
tionis.

promissæ spem nullam habebatis in gentilismo.

SINE DEO — vero. Colebatis enim idola et deos falsos; multi etiam erant inter vos athei, qui divinitatem e mundo tollebant.

Vers. 13. 13. NUNC AUTEM IN CHRISTO JESU (per Christum Jesum) vos qui aliquando eratis longe (a Deo, a spe promissæ beatitudinis, a testamentis et pacis, a republica et conversatione Israel, a Christo denique et salute), FACTI ESTIS PROPE (id est propinqui Christo, Israelitis, beatitudini et Deo) IN SANGUINE (id est per sanguinem, puta per merita passionis et mortis) CHRISTI.

Vers. 14. 14. IPSE ENIM EST PAX NOSTRA. — « Pax, » id est pacem faciens, uti explicat vers. seq. et ad Coloss. 1, 20 : « Pacificans, inquit, per sanguinem crucis ejus, sive quæ in terris, sive quæ in cælis sunt. » Per metonymiam ergo effectus pro causa ponitur. Hinc videas quo sensu et qua figura Apostolus dicat Christum esse nostram justitiam, sapientiam, redemptionem, simili nimirum qua hic dicit Christum esse pacem nostram, non formalem, uti patet, sed causalem. Unde explicans subdit :

Vers. 14. 14. QUI FECIT UTRAQUE UNUM, — id est utrumque populum, Judaicum et Gentilem, conciliavit et univit in sua Ecclesia. Ita Hieronymus.

Nota : Non dicit *utrumque* in masculino, sed utraque in neutro, quia, ut patet ex seq., hoc vers. et 20 respicit ad metaphoram domus, vel urbis et reipublicæ ac politiæ, ut dixi vers. 12, ejusque gemina membra, partes et parietes : ἀμφοτέρα ergo, id est utraque, tacite respicit τείχη (quod græce est neutrius generis), id est muros et parietes, q. d. Duo sunt symbolici parietes, Judæi scilicet et Gentes, olim muro distincti, quos Christus, muro, qui medius erat, disjecto, conjunxit in unam domum, scilicet Ecclesiam. Hinc sequitur :

Duo parietes Judæi et Gentes a Christo conjuncti.

ET MEDIUM PARIETEM MACERIE, — græce μεσότητον τοῦ φραγμοῦ, id est, ut Vatablus, *interstitium macerie*, hoc est septi, sepi aut muri, puta sepem aut murum, qui medius erat et dividebat parietem unum ab altero. Proprie autem *maceria* est septum, vel interstitium factum ex congerie lapidum vel lignorum, quod hebraice גדר *geder* dicitur. Sic apud Comicum jubet Milio maceriam dirui, ut fiat una domus.

SOLVENS, — id est solvit et diruit Christus : Hebræi enim carent indicativo, et pro eo utuntur participio. Vide Can. 29.

Quæres, qui hic paries et murus medius, sive interstitium separans Judæos a Gentibus, quod solvit et diruit Christus?

Medii parietis quadru-plex expositio

Primo, respondet S. Hieronymus et Chrysostomus, esse peccata et inimicitiam inter Deum et homines, sive Judæos, sive Gentiles. Verum quia sequitur : « Ut duos, » scilicet populos, « condant in semetipso, » hinc melius alii passim accipiunt dissidium, quod erat inter Judæos et Gentes.

Unde *secundo*, Ambrosius et Hieronymus respondent hoc interstitium fuisse disparem Judæo-

rum et Gentilium fidem, legem, cultum : idololatriam scilicet, ex parte Gentium ; ex parte vero Judæorum, fiduciam in lege et cæremoniis suis.

Tertio, Theodoretus et Anselmus interstitium hoc volunt fuisse legem Mosaicam, quam complexi sunt Judæi, aversati Gentiles.

Quarto et optime, Vatablus, Adamus, Erasmus et alii, respondent Apostolum hunc medium parietem explicare, dum statim per appositionem et epexegesin subdit « inimicitias, » q. d. Medius paries divellens Judæos a Gentibus, erant inimicitiae mutuae, mutuus contemptus, et odium quo Judæi Gentes omnes quasi idololatrias et præputiatis contemnebant et aversabantur ; Gentes pariter Judæos quasi a communi Gentium lege, ritu et vita abhorrentes oderant, uti cæteræ aves oderunt et persequuntur noctuam. Hæc odia, has inimicitias dissolvit et abolevit Christus « in carne sua, » moriens pro utrisque, et utrisque afflans communem charitatis legem et spiritum, tollensque occasionem inimicitiarum, legem scilicet mandatorum.

Odia et inimicitiae mutuasque contemptus inter Judæos et Gen-tes.

Primo enim lex mandabat circumcisionem, quam ridebant Gentes, et ex ea Judæos vocabant « verpos, recutitos, apellas. » Hinc illa : « Verpe jura mihi per Anchialum : » et, « Credat Judæus apella, Non ego. » Contra, Judæi spernebant Gentes ut profanas, quia incircumcisas.

Rursum Gentiles nixi lege naturæ et rationis, ridebant Judæos quasi fidentes legi scriptæ et tabulis lapideis, dicentes se habere legem non in lapide, sed in mente. Ita Ambrosius. Contra, Judæi spernebant Gentes, quasi sine lege viventes, imo qui decalogum in multis ignorarent et violarent.

Denique Gentiles ridebant tot ritus, baptismata, abstinentias, cæremonias et sacra Judæorum. Judæi execrabantur Gentes, quod porcina aliisque cibis per legem Mosis immundis vescerentur, multisque aliis immunditiis per eandem legem vitæ se contaminarent.

15. LEGEM MANDATORUM DECRETIS EVACUANS. — Vers. 15.

Nota : Lex Mosis dicitur « mandatorum, » quia nihil continet, nisi mandata, eaque plurima, nec ad ea implenda auxilium et gratiam conferebat. « Lex » ergo τῶν ἐντολῶν, id est *mandatorum*, idem est, quod lex imperiosa, mandans, nec gratiam conferens : sic enim Hebræi per duo substantiva efferunt, quod nos per substantivum et adjectivum, sive epithetum efferimus ; sic « templum sanctitatis » vocant templum sanctum, « viros misericordiæ » vocant viros misericordes, « vasa belli » vocant arma bellica. Hanc legem Christus « evacuans, » id est evacuavit et abolevit, « decretis, » hoc est, per alia decreta : quia illa Evangelicis decretis et dogmatibus (hoc enim est Græcum δόγματα) commutavit, ait Hieronymus, Chrysostomus, Theophylactus, Oecumenius.

Comma. Stilo legis Mosaicæ cum lege Evangelica.

Nota *secundo* : Græce est ἐν δόγμασι. Unde Vatablus et Erasmus vertunt, *legem mandatorum in decretis sitam abrogans* ; sed melius Noster cum

Chrysostomo, Theophylacto et Græcis exponit in decretis, id est per decreta, scilicet Evangelii.

Nota tertio : Græcum δόγμα idem est quod Latinum dogmatibus. Unde Chrysostomus, Theophylactus et Œcumenius intelligunt fidem et doctrinam fidei, q. d. Apostolus : Christus abolevit legem Moysi per fidem, quia iustitiam annexuit fidei, non legi. Secundo, ut Hieronymus : « Lex mandatorum subversa est in dogmatibus, postquam circumcisio et sabbatismus, qui relictus est populo Dei, et pascha, et pentecoste, et non apparere in conspectu Dei vacuum, sunt alius intellecta quam resonant, et ab occidente littera recedentes cœpimus vivificantem spiritum sequi, » q. d. Deus mandata legis carnalia evacuavit per eorum intelligentiam spirituales, sive per dogmata Evangelii.

Verum nota, dogmata Græcis non tantum documenta et doctrinam, sed etiam præcepta et decreta significare; et ita accipit Apostolus ad Coloss. II, 14 et 20, qui locus huic similis est : est enim lex, lux et dogma. « Lucerna, inquit Psaltes, pedibus meis verbum tuum, et lumen semitis meis. » Vocat ergo præcepta Evangelii non mandata, sed dogmata, quia Christianos illuminant, docentque quomodo Deum per fidem agnoscere, per spem; charitatem et religionem colere et invocare, eique servire et vivere debeant.

UT DUOS CONDAT IN SEMETIPSO IN UNUM NOVUM HOMINEM, — ut scilicet duos populos, Judaicum scilicet et Gentilem, quasi duos homines, sibi et corpori suo, id est, Ecclesiæ suæ, cuius ipse caput est, inserat et incorporet, faciatque utrumque hunc hominem, id est populum, velut novum quemdam hominem in novitate vitæ ambulantem. Unde pro condāt græce est κτίση, id est creet.

Nota : Hic explicat metaphoram præcedentem parietum, maceriæ et domus, per aliam metaphoram, scilicet hominis et corporis humani : Judaï enim et Gentes sunt quasi duo homines, qui Christo incorporati coaluerunt in unum hominem mysticum, id est, in unum populum Christianum. Unde a genere neutro, quo usus est vers. præced., transit hic ad masculinum, quia res figurata, scilicet homo et populus, est masculini generis.

Gentes et
Judæi
Christo
incorporati
coaluerunt
in unum
hominem.

Vers. 16.

16. ET RECONCILIET AMBOS (scilicet homines, id est populos, Judæorum videlicet et Gentium) IN UNO CORPORE (mystico scilicet, id est Ecclesia, unitos, q. d. Ut ambos hos populos effectos jam unum corpus mysticum, id est, unam rempublicam et Ecclesiam, « reconciliet ») DEO PER CRUCEM, INTERFICIENS (id est plane perimens) INIMICITIAS (quæ erant inter Judæos et Gentes; ac rursum, quæ erant inter utroque et Deum) IN SEMETIPSO, — id est per semetipsum, puta per crucem et passionem suam. Idem est, quod dixit vers. præced. : « In carne sua. » Noster interpret legit græce ἐν αὐτῷ spiritu aspero; sed S. Hieronymus;

Crux
Christi
inimicitiarum
vinculum
etatrix.

Erasmus, Vatablus, legunt spiritu leni, et vertunt in ea, scilicet cruce; αὐτῷ enim, id est crux, Græcis est masculini generis : unde apte respondet masculino pronomini αὐτῷ. Hinc Syrus vertit, et cruce sua enecavit odium. Sed eodem redit sensus, sive ad Christum, sive ad crucem referas : Christus enim per crucem hæc fecit.

Ex hoc loco moraliter docet S. Leo, serm. 6 De Nativit., Christianos ubique debere colere pacem, camque quasi victimam gratissimam Deo offerre. « Qui ergo, inquit, non ex sanguinibus, neque ex voluntate carnis, neque ex voluntate viri, sed ex Deo nati sunt, offerant patri pacificorum concordiam filiorum, et in primogenitum novæ creaturæ, etc., universa adoptionis membra concurrant : quoniam gratia Patris non discordes, neque dissimiles, sed unum sentientes, unumque amantes, adoptavit hæredes. Natalis Domini, natalis est pacis. Ipse enim est pax nostra, qui fecit utraque unum, » etc.

17. ET VENIENS EVANGELIZAVIT PACEM VOBIS (Gentibus) QUI LONGE FUISTIS (a Deo, Christo et salute), ET PACEM HIS QUI PROPE, — Judæis scilicet; hac enim periphrasi ex Isaia, cap. LVII, 19, petita, describit Judæos et Gentes. Vide dicta vers. 12 et 13. Alludit ad vocem angeli ad pastores in Christi nativitate : « Ecce evangelizo vobis gaudium magnum, etc. : gloria in Excelsis Deo, et in terra pax hominibus bonæ voluntatis, » Luc. II.

18. QUONIAM PER IPSUM (scilicet Christum) HABEMUS ACCESSUM (προσπαράγωγον, id est, ut Vatablus et Erasmus, aditum, introductionem) AD DEUM PATREM, AMBO (scilicet tam Judæi, quam Gentiles) IN UNO SPIRITU — id est, per eundem Spiritum ductorem et impulsorem. Secundo, in uno et unanimi spiritu, id est, voluntate et studio fidei, religionis et charitatis Christianæ, ut sit nobis cor unum et anima una. Ita Anselmus. Alludit ad reges, ad quos non patet accessus, nisi per principes, qui sunt regi a cubiculis, gestantque clavem auream regii cubiculi, quique ingressuris suum procurant ductorem et instructorem, ut sciant quo gestu, reverentia, forma, modo debeant alloqui et compellere regem. Ita hic rex est Deus Pater, princeps parans aditum est Christus, ductor est Spiritus Sanctus.

Deus
Pater
est rex,
Christus
princeps,
ductus
Spiritus
Sanctus.

Vers. 19.

19. JAM NON ESTIS (ut eratis in gentilismo) HOSPITES ET ADVENÆ, — ξένοι καὶ πάροικοι, peregrini et accolæ, vel advenæ, qui scilicet aliunde venientes commigrarunt in alienam civitatem et provinciam, quos Romani Colonos vocabant : ex una enim urbe, v. g. Romana, in alias regiones colonias deducebant : sicut Agrippina, Neronis mater, ad Rhenum apud Ubios, ubi genita erat, coloniam ex veteranis deduci imperavit, quæ inde Colonia Agrippina etiamnum dicitur, urbs opibus et religione incluta. Tales apud Judæos erant Proselyti, seu advenæ, qui quasi alieni, utpote e Gentibus oriundi, convertebantur ad judaismum, et aggregabantur Judæis et Ecclesiæ Dei;

Colonia
unde
dicta ?

q. d. Jam non estis proselyti, sed inquilini Ecclesiae, ut sequitur :

SED ESTIS CIVES (συπολῖται, *concives*) SANCTORUM (tum angelorum, tum potius patriarcharum Abrahamae, Isaac et Jacob, sive Israelis, et posterorum ejus sanctorum Israelitarum, uti Davidis, Samuelis, Isaiae et aliorum Prophetarum, a quibus in gentilismo fuistis extranei et alienati, ut dixit vers. 12) ET DOMESTICI DEI. — *q. d.* Estis de domo et familia Dei, puta de Ecclesia Dei, a qua fuistis ante Christum extorres; estis de familia regis Messiae, qui tam Deus est, quam homo, deque Christiana republica, in qua habetis jus civicum ad Ecclesiae Sacramenta, et bona omnia Christi et Christianorum, atque conscripti estis cives et haeredes ejusdem civitatis coelestis, scilicet Jerusalem. Ita Chrysostomus, Anselmus, Theophylactus. Idque pulchre explicat Apostolus *Hebr.* XII, 22 : « Accessistis, inquit, ad Sion montem, et civitatem Dei viventis, Jerusalem coelestem, et multorum millium angelorum frequentiam, et Ecclesiam primitivorum, qui conscripti sunt in caelis, et iudicem omnium Deum, et spiritus iustorum perfectorum, et Testamenti novi mediatorum Jesum, et sanguinis aspersionem melius loquentem quam Abel. »

Audi et S. Augustinum in *Sententiis*, num. 156 : « Cives terrenae civitatis parit peccato vitata natura, qui sunt vasa irae : cives vero coelestis patriae parit a peccato naturam liberans gratia, qui sunt vasa misericordiae. »

Vers. 20. 20. SUPERÆDIFICATI (redit ad metaphoram fabricae et domus, de qua vers. 14 : hæc enim domus Deo sacra sive templum, est Ecclesia, quæ ædificata est) SUPER FUNDAMENTUM APOSTOLORUM ET PROPHETARUM, — id est, super Apostolos et Prophetas, qui sunt fundamentum Ecclesiae : Apostolorum enim et Prophetarum fidei, doctrinæ, prædicationi, institutioni, quasi fundamento Ecclesia incumbit, *q. d.* In fundamentum Ecclesiae positi sunt Apostoli; vos Ephesii, cæterique Christiani, illis superædificati estis, et reliquam structuram domus ejus et templi completis. Ita Chrysostomus, Theophylactus, Oecumenius, et pulchre Augustinus in illud *Psal.* LXXXVI, *Fundamenta ejus in montibus sanctis.*

Aliter Anselmus : « Super fundamentum, » inquit, id est super Christum, qui est fundamentum Apostolorum, Prophetarum ac totius Ecclesiae, quod avide arripit et sequitur Beza. Antichristiana, ait, vox est aliud fundamentum ponere : fundamentum enim aliud nemo potest ponere præter id quod positum est, quod est Christus Jesus. Sed respondet S. Augustinus supra, Christum esse fundamentum fundamentorum, sive primum, cui ipsi Apostoli et tota Ecclesia incumbit; Apostolos vero post Christum esse secundarium fundamentum : sicut in fundamentis domus, sua est latitudo, ut aliud sit imum fundamentum sub terra, aliud superius in ipsa

terre superficie, nec hoc secundum priori officit aut repugnat.

Nam Apostolos hic dici fundamenta, non autem Christum, patet, quia Christus vocatur lapis angularis fundamenti, cui fundamentum incumbit. Id clarius est in Græco : Ἐπὶ, inquit, τῷ θεμελίῳ τῶν Ἀποστόλων ὄντος ἀκρογωνναίου αὐτοῦ Ἰησοῦ Χριστοῦ : ubi Χριστοῦ (qui est genitivus) non potest referri ad θεμελίῳ (qui est dativus), sed ad ἀκρογωνναίου genitivum, id est ad *angulari lapide*, non autem ad *fundamentum*, *q. d.* Fundamentum sunt Apostoli, sed fundamenti lapis angularis est Christus. Sic et *Apoc.* XXI, S. Joannes videns « sanctam civitatem Jerusalem novam descendantem de cælo, » id est Ecclesiam Christi, subdit vers. 14 : « Et murus civitatis habens fundamenta duodecim, et in ipsis duodecim nomina duodecim Apostolorum Agni. » Vides fundamenta Ecclesiae duodecim esse duodecim Apostolos; ideo enim cujusque nomen sub fundamento, vel lapidi fundamentali inscriptum, vidit Joannes, ut sciret hæc fundamenta duodecim significare duodecim Apostolos. Sic *Matth.* XVI, 18, dicit Christus Petro : « Tu es Petrus, et super hanc petram ædificabo Ecclesiam meam. » Si Petrus est petra hæc, ergo est fundamentum Ecclesiae : petra enim, supra quam ædificatur Ecclesia, alia esse non potest, quam petra fundamentalis Ecclesiae.

IPSO SUMMO ANGULARI LAPIDE (scilicet existente) CHRISTO JESU. — *q. d.* Christus quasi lapis angularis validissimus continet fundamentum et structuram totam Ecclesiae, ejusque utrumque parietem, Judæos scilicet et Gentes, ipse quasi medius in se quasi angulo in pacis osculo necit et unit. Ita Hieronymus, Augustinus, Beda.

Dices : Fundamentum in imo ponitur; quomodo ergo hic dicit lapidem angularem esse in summo? Villalpando, in *Ezechielem*, in fabrica templi, pag. 477, admittit summum lapidem hic intelligi eum, qui in orientali facie contegit, exornat et continet omne ædificium in domus fastigio, quem frontispiciū vocamus. Unde *Psal.* CXVII, quo alludit hanc Apostolus, vocatur *anguli caput*; si caput, ergo in summo est, non in imo.

Sed in contrarium facit, quod Apostolus hic dicat in hoc lapide superædificari Ephesios et Ecclesiam, et ædificationem constructam crescere in templum sanctum in Domino : non ergo intelligit summum lapidem, qui ædificium claudit, sed imum, qui fundamentum et totam fabricam sustinet, et a quo quasi firmissimo incipit tota Ecclesiae structura. Hinc a *Psalte* dicitur פִּנָּה רֹאשׁ *rosch pinna*, id est, caput anguli, per metaphoram; quia sicut a capite dependent reliqua membra et totum corpus, ita a lapide angulari dependet totum ædificium, sed diverso situ : caput enim in corpore summum tenet locum, lapis vero angularis in domo tenet imum; sed in imo id præstat ædificio, quod caput in summo præstat corpori, ideoque *caput* dicitur. Unde רֹאשׁ הַפִּנָּה *roscat*

Jus civicum in Ecclesia Dei quale, et quantum?

Locus Apocalypsis de duodecim nominibus Apostolorum illustratus.

Apostolorum et Prophetarum doctrina et fides fundamentum est Ecclesiae.

Christus quomodo fundamentum Ecclesiae? quomodo Apostoli?

Christus quomodo summus et imus lapis fundamentalis Ecclesiae? Prima expositio.

Hebræis, et caput Latinis, significat id, quod in quaque re primum est ac præcipuum.

Secunda. Secundo, ergo respondet S. Augustinus in *Psal.* lxxxvi, et ex eo Anselmus, lapidem hunc angularem esse in summo, quia hæc fabrica et domus Ecclesiæ non corporalis est, sed spiritualis et celestis: est enim, ut ait S. Joannes, *Apoc.* xxi, Jerusalem nova de cælo descendens; ergo fundamentum et lapis ejus angularis in summo est, utpote in cælo. « Si ad terram, inquit Augustinus, ædificaremur, in imo ponendum esset fundamentum nostrum; jam vero, quia celestis est fabrica nostra, hinc ad cælos præcessit fundamentum nostrum, » quia scilicet origo et principium Ecclesiæ est e cælo. Sed hoc symbolicum est et mysticum.

Tertia et genuina. Dico ergo: Pro summo angulari græce est ἀπογωνιαίον, id est, *extreme angulari*, hoc est imo, sive infimo: extremum enim in ædificio et fundamento est imum, sive infimum fundamenti; ἀπρον enim græce *extremum* significat, sive id summum sit, sive infimum. Hic autem infimum debere accipi, patet ex fundamento quod lapis hic angularis sustentat. Sic latine, mare altum sive summum, significat profundum sive imum. Alludit Paulus ad saxa illa ingentia et durissima, quæ e rubrica aliave petra instar massæ in imo fundamenti ponuntur, et immediate terræ solidæ substernuntur, quibus deinde fabri alia saxa, rudera, lateres injiciunt, contundunt, et calce conglutinant, altitudine quatuor, sex, aut etiam decem pedum, prout moles et altitudo domus fundamentum majus aut minus exigit: prima enim illa saxa ingentia vocantur hic lapis summus, id est, imus fundamenti, isque angularis, ut utrumque parietem sustineat et nectat, ideoque cæteris validior esse debet, estque in fabrica primarius et capitalis.

Angulus symbolum est regni et principis. Nota: S. Hieronymus in illud Isaïæ; xix, *Deceperunt Ægyptum angulum populorum*: « Idioma, inquit, est S. Scripturarum, ut angulum pro regno ponant, eo quod populos contineat, et quod in tota domo fortissimum sit. » Cum ergo anguli fiant ex lapidibus majoribus et solidioribus, hinc principes sive duces populorum vocantur anguli, quemadmodum nos Helvetiorum duces et republicas vulgari voce Cantones (quasi angulos) vocamus. Ita Zacharias, cap. x, vers. 4, ait: « Ex ipso angulus, » id est, ex Juda prodibit Christus lapis angularis, et princeps Judæorum et Gentium. Et Jeremias, cap. li, vers. 26, ait de Babylone mox evertenda: « Non tollent de te lapidem in angulum, » id est, ut Chaldæus vertit, non tollent ex te regem in regnum, et principem in principatum. Sic *Psal.* cxvii (ad quem hic Paulus alludit) de Christo dicitur: « Lapidem quem repronaverunt ædificantes, hic factus est in caput anguli. » Ubi Lyranus et Abulensis putant alludi ad verum lapidem, qui initio a Judæis quasi inutilis rejectus sit a fabrica templi, postea

vero receptus, accommodatus sit, positusque loco honestissimo, scilicet in caput anguli. Verum hoc est commentum Judæorum, ait Burgensis. Est ergo metaphora, ab angulis ædificiorum petita, de qua jam dixi: quod enim est angulus, præsertim fundamentalis, in ædificio, hoc est rex in regno, puta Christus in Ecclesia. Simili phrasi et sensu dixit Christus Petro, *Matth.* xvi, 18: « Tu es Petrus, et super hanc petram ædificabo Ecclesiam meam. »

21. In quo (per quem, scilicet Christum, qui præcessit) OMNIS (tota) ÆDIFICATIO (ædificium, fabrica) CONSTRUCTA (συγκταχυμένη, id est, ut Hieronymus, *compaginata*; ut Ambrosius, *compacta*; ut Vatablus et Erasmus, *coagmentata*) CRESCIT IN TEMPLUM SANCTUM (in Ecclesiam, quæ est domus sancta et templum Dei) IN DOMINO, — per Dominum; vel potius « in Domino, » id est Domini, ut sitis templum sanctum Domini: Hebræum enim *bet*, id est *in*, sæpe significat regimen genitivi. Vide *Can.* 23.

22. In quo (per quem, scilicet Christum jam dictum, vel « in quo, » scilicet templo) ET vos COÆDIFICAMINI IN HABITACULUM DEI (in templum Ecclesiæ jam dictum, in quo, quasi in domo sua habitat Deus) IN SPIRITU SANCTO, — per Spiritum Sanctum.

Nota: To *sancto* non est in Græco, nec Romanis, sed Plantinianis, et intelligitur in Græco. Spiritus enim hic est gratia quam Sanctis aspirat Spiritus Sanctus, q. d. Ecclesia est domus et templum Dei, ejus fundamentum sunt Apostoli, lapis angularis est Christus, parietes sunt Judæi et Gentes, qui indies assurgunt cum plures ex Judæis et Gentibus Christo et Ecclesiæ inseruntur et inædificantur. Vos ergo, o Ephesi, cum aliis Christianis simul inædificemini huic fabricæ, ut sitis lapides, partes et membra hujus templi, ut illud in dies altius assurgat et crescat, fiatque ingens templum et habitaculum Dei, idque per Spiritum Sanctum, quia sua gratia et charitate quasi glutino et calce fideles omnes conglutinat et coagmentat, ut faciant unum parietem, unam domum, unam Ecclesiam.

S. Ignatius tamen in epist. ad *Ephes.*, afferens eandem metaphoram fabricæ, Spiritum Sanctum comparat perpendiculari: « Jesus Christus, inquit, fundavit vos super petram, ut lapides electos, aptos ad divinum ædificium Patris, sublatis in altum per Christum, qui pro nobis crucifixus est, perpendiculari usos Spiritu Sancto, fide vero subductos, et charitate elevatos a terra in cælum. »

Tropologice, S. Hieronymus: « Cum fuerimus vivi lapides ex omni parte dolati, læves, politi, nullam habentes scabredinem (vitiorum), ædificabimur in templum, et ficiemus habitaculum Deo, condeturque in nobis arca testamenti custos legis Domini, et Cherubim scientiæ multitudo, ut interiora pectoris nostri in novum vocabulum transeant, dicamurque דביר *debir*, id est, oraculum, sive responsorium et locutorium Dei. »

Egregia hujus loci tropologia, ex Patribus.

Pulehra
fabrica
virtu-
tum et
animæ.

Beatus quoque Dorotheus, tom. III *Bibliothecæ SS. Patrum*, doctrina 14, ad ædificationem vel restaurationem domus spiritualis suos ita instruit: « Primum, inquit, jacienda sunt fundamenta; quæ fides est, sine qua impossibile est placere Deo. Constitue deinde supra fundamentum ædificium excellentissimum. Intercidit obedientia? adjice lapidem obedientiæ. Irasceris fratri a quo injuriam accepisti? apponat virtus alterum patientiæ lapidem; singulæ deinde adjectæ virtutes singuli lapides erunt. Charitas annectet parietem parieti. Bitumen humilitas est, quæ cæteris virtutibus ut tales sint, efficit. Tectum amor Dei. Corona, quæ supra tectum præcipitur in lege adhiberi, ne parvuli cadant, prudentia est. In hoc ædificio exstruendo nostra desudet industria, ut habere inhabitantem Spiritum Sanctum possimus.

Ille domum conservabit, nisi desides ipsi fuerimus, ne spirantibus mundi a quatuor angulis flatibus subito in terram cadat. »

Rursum S. Augustinus in *Psal. LXXXVI*, docet nos Ecclesiæ quasi cœlesti fabricæ debere con-
quadrari, ut illi inædificari possimus, ac consequenter Christianum quemque debere esse instar quadrati lapidis. « In omni, inquit, tentatione sua Christianus non cadit, etsi impellitur, et si qua vertitur, non cadit. Nam quadratum lapidem quacumque verteris, stat. Cadere visi sunt Martyres cum percuterentur: sed quid dixit vox *Psalmi xxxvi*? Cum ceciderit non collidetur, quia Dominus supponit manum suam. Sic ergo con-
quadrimini ad omnes tentationes parati, quidquid impulerit, non vos evertat. Stantem te inveniat omnis casus. »

CAPUT TERTIUM.

SYNOPSIS CAPITIS.

Primo, pergit mirari vocationem Gentium, docetque hoc mysterium hactenus incognitum revelatum fuisse Apostolis, scilicet quod Gentes æque ac Judæi per Christum participes essent gratiæ, Ecclesiæ et promissionum Dei.

Secundo, vers. 7, hujus mysterii se ministrum esse gloriatur, puta quod a Deo constitutus sit doctor Gentium.

Tertio, vers. 14, orat Deum, ut Ephesios in Christi fide et spiritu corroboret, ut in charitate radicati ad plenum in divinis hæc Christi misteriis edoceantur, scilicet ut comprehendant quæ sit latitudo, longitudo, sublimitas et profundum, sciant etiam supereminentem scientiæ charitatem Christi.

1. Hujus rei gratia, ego Paulus vinctus Christi Jesu, pro vobis Gentibus, 2. si tamen audistis dispensationem gratiæ Dei, quæ data est mihi in vobis: 3. quoniam secundum revelationem notum mihi factum est sacramentum, sicut supra scripsi in brevi: 4. prout potestis legentes intelligere prudentiam meam in mysterio Christi: 5. quod aliis generationibus non est agnitus filiis hominum, sicuti nunc revelatum est sanctis Apostolis ejus, et Prophetis in Spiritu. 6. Gentes esse cohæredes, et concorporales, et comparticipes promissionis ejus in Christo Jesu per Evangelium. 7. Cujus factus sum minister secundum donum gratiæ Dei, quæ data est mihi secundum operationem virtutis ejus. 8. Mihi omnium sanctorum minimo data est gratia hæc, in Gentibus evangelizare investigabiles divitias Christi, 9. et illuminare omnes, quæ sit dispensatio sacramenti absconditi a sæculis in Deo, qui omnia creavit. 10. Ut innotescat principatibus, et potestatibus in cœlestibus per Ecclesiam, multiformis sapientia Dei. 11. Secundum præfinitionem sæculorum, quam fecit in Christo Jesu Domino nostro: 12. in quo habemus fiduciam, et accessum in confidentia per fidem ejus. 13. Propter quod peto ne deficiatis in tribulationibus meis pro vobis: quæ est gloria vestra. 14. Hujus rei gratia flecto genua mea ad Patrem Domini nostri Jesu Christi, 15. ex quo omnis paternitas in cœlis, et in terra nominatur, 16. ut det vobis secundum divitias gloriæ suæ, virtute corroborari per Spiritum ejus in interiorem hominem, 17. Christum habitare per fidem in cordibus vestris: in charitate radicati, et fundati, 18. ut possitis comprehendere cum omnibus sanctis, quæ sit latitudo, et longitudo, et sublimitas, et profundum: 19. scire etiam supereminentem scientiæ charitatem Christi, ut impleamini in

omnem plenitudinem Dei. 20. Ei autem, qui potens est omnia facere superabundanter quam petimus, aut intelligimus, secundum virtutem, quæ operatur in nobis : 21. ipsi gloria in Ecclesia, et in Christo Jesu in omnes generationes sæculi sæculorum. Amen.

Vers. 1. 1. HUIUS REI GRATIA, EGO PAULUS VINCTUS.—Deest verbum, quod sententiam expleat. Unde S. Hieronymus putat esse solæismum. *Secundo*, Erasmus et Anselmus supplent verbum *sum*, *q. d.* Huius rei gratia vinctus sum (1); sed articulus *δ*, cum ait, *ὁ δεσμιος*, *q. d.* Ille vinctus, id ægre patitur. Unde *tertio*, melius Vatablus et Ambrosius supplent, *legatione fungor*. Sed longe verius est, sententiam hanc post longam parenthesis (quam Apostolus suo more a vers. 2 ad 14, interiecit de beneficio vocationis Gentium, ejus admiratione absorptum erat cor ejus, itaque plenum, ut eo identidem recurreret, illudque aliis et aliis verbis assidue eructaret) expleri vers. 14; ibi enim prima capitis verba repetens, subdit, eaque explet dicens: « Huius rei gratia flecto genua, » etc. Hæc enim optime coherent cum initio hujus capitis et fine præcedentis; cum enim ibi dixisset: « In quo et vos coëdicamini in habitaculum Dei in Spiritu Sancto, » mox suo more initio hujus capitis conversus ad Dei laudem, gratiarum actionem et invocationem, subdit: « Huius rei gratia ego Paulus vinctus Christi Jesu, flecto genua, » etc. Simile hyperbaton vidimus *Rom. v, 12 et 18. Vide Can. 38.*

Vincula
Pauli
sunt
insignia
gloriæ.

VINCTUS CHRISTI JESU, — *ὁ δεσμιος* est epithetum non conditionis servilis, sed gloriæ et honoris: gloriatur enim Paulus de vinculis suis pro Christo susceptis, quasi de insignibus sui apostolatus et martyrii, sicut rex gloriatur suo torque aut diademate. « Vinctum esse propter Christum, inquit Chrysostomus hic, *homil. 8*, illustrius est, quam sive Apostolum, sive doctorem, sive evangelistam esse. Magna dignitas hæc, et regno quovis ac consulatu major; qui diligit et ardet Christum, eligit potius vincula ferre propter Christum, quam cælos inhabitare: non enim caput ita splendidum reddit imposita corona margaritis conspicua, ut catena ferrea, quæ propter Christum fertur. Quod si quis mihi vel universi cæli, vel hujus catenæ copiam et optionem largitus esset, catenam hanc ego plane elegerim; si mihi cum angelis, et iis qui prope thronum Dei sunt, standum fuisset sursum, aut cum Paulo vincto, carcerem utique præoptassem. Nihil hac catena beatius. Non ita beatum dico Paulum, quod in paradysum raptus, atque quod vincula sustinuit: potius mihi habetur male affici pro Christo, quam honorari a Christo. O beata vincula! o beatas manus, quas catena illa exornavit! » Pergit deinde hæc vincula exemplis et miraculis exornare, cum ait: « Sic Petrus vinctus fuit, et ab angelo solutus. Ille si mihi quispian dixisset: Elige utrum velis: vis esse angelus

Laus et
miracula
vinculo-
rum D.
Pauli.

Petrum solvens, an Petrus vinctus? Petrus utique esse maluissem. Majus hoc vinculorum donum est, quam solem sistere, aut mundum movere, aut dominari dæmonibus, eosque expellere. Commotus est carcer vincto Paulo, solutaque sunt omnium vincula, *Act. xvi*. Vides naturam vinculorum vincula solventem; nam sicut mortem interemit mors Domini, ita ligatos solverunt vincula Pauli, carceremque concusserunt, ac januas aperuerunt. Paulus ergo vinctus vinctis dominatur. Rursum *Act. xxviii*, Paulus vinctus navigabat, et naufragium solvebat, et tempestatem ligabat, et a vipera lædi non potuit. » Hæc et plura Chrysostomus, *homil. 8*, et rursum in ejus *moralibus*. Hæc de causa Babylas, Antiochenus episcopus et martyr, post fidei confessionem in vinculis vitam finiens, jussit discipulis suis, ut catenas, quasi suæ pugnæ testes, et victoriæ decora, secum sepe-lerent.

2. SI TAMEN (non dubitantis, sed asserentis est. *Vers. 2.* Unde clarius Vatablus, Erasmus et alii vertunt Græcum *εἴτε*, *siquidem*, *q. d.* Pro vobis Gentibus vinctus sum, siquidem pro vobis evangelizo; propter Evangelium autem vinctus sum, uti omnibus, maxime vobis, notum et clarum est: siquidem) AUDISTIS DISPENSATIONEM (græce *ἀναιρέσιν*, *æconomiam*, administrationem) GRATIÆ DEI, QUÆ (scilicet dispensatio) DATA EST MIHI IN VOBIS, — inter Gentes. Nota: Per dispensationem hanc et administrationem intelligit suum apostolatum, sive munus prædicandi Evangelium, id est, munus promulgandi redemptionem et gratiam Christi propositam et paratam omnibus qui credunt in eum.

3. QUONIAM (pendet ab *audistis*, *q. d.* « Audistis *Vers. 3.* quoniam, » id est quod) SECUNDUM REVELATIONEM NOTUM MIHI FACTUM EST) græce *ἐκρῶσται*, *notum mihi fecit*, scilicet Deus. Noster cum Chrysostomo verius et aptius videtur legisse *ἐκρῶσται*, id est, *notum factum est*) SACRAMENTUM, — græce *τὸ μυστήριον*, *mysterium*, scilicet Christi, ut explicat vers. 4, puta arcanum illud et magnum pietatis sacramentum, quod passim prædico et admiror, de Christi incarnatione, redemptione, prædestinatione, salvatione, et ad eam vocatione, non tantum Judæorum, sed et Gentium: hanc enim Gentium vocationem potissimum hic et alibi admiratur et celebrat Paulus.

SICUT SUPRA SCRIPSI — de hoc sacramento et mysterio; si quis enim legat cap. I et II, videbit hoc Christi mysterium jam dictum, præsertim circa vocationem Gentium, clare et profunde Paulo fuisse revelatum. Ita Hieronymus.

IN BREVI, — *ἐν διόφ*, *in modico*, id est, paucis et breviter. Ita Chrysostomus et Hieronymus.

(1) Ita Allioli et Rosenmullerus.

«Mysterium Christi, ait Hieronymus, partem modicam suo sermone perstringit Apostolus, non tam totum, quod noverat, proferens, quam ex modico ostendens quid taceret.» Unde sequitur:

Vers. 4. 4. PROUT POTESTIS LEGENTES (cap. I et II) INTELLIGERE PRUDENTIAM (ὡσιν, id est *intelligentiam*) NEAM IN MYSTERIO CHRISTI, — de quo jam dixi vers. 3. «Nulla enim, inquit Hieronymus, epistolarum Pauli tanta habet mysteria, tam reconditis sensibus involuta est, atque hæc.» Proprie autem Apostolus hic intelligit mysterium vocationis Gentium ad fidem et gratiam Christi, ut explicat versibus proxime sequentibus.

Loquitur hic Paulus de mysterio vocationis Gentium.

Nota: Paulus sæpe sumit pro eodem *prudentiam, sapientiam, intelligentiam, cognitionem, scientiam*; idque ex phrasi Hebræa, in qua imitatur Sapientem, qui in Proverbiis suam ethicam et præcepta de moribus, vocat nunc *sapientiam*, nunc *prudentiam*, nunc *intellectum*, nunc *disciplinam*, nunc *eruditionem*, nunc *doctrinam*, nunc *scientiam*: quæ nomina licet connotato, etymo et propria significatione distinguantur, ut patet intuitu, Sapiens tamen ea confundit, et pro eodem, scilicet ethica jam dicta, sumit, idque facit copie causa.

Vers. 5. 5. QUOD ALIIS GENERATIONIBUS (id est, ut Ambrosius, aliis sæculis) NON EST AGNITUM FILIIS HOMINUM (id est hominibus) SICUT NUNC REVELATUM EST APOSTOLIS ET PROPHETIS (novi scilicet Testamenti) IN SPIRITU, — id est, per Spiritum Sanctum.

Quæritur quomodo hoc sit verum: nam Isaias et alii Prophetæ clarissime prophetarunt de Gentium vocatione ad fidem Christi.

Respondet primo, S. Hieronymus et Chrysostomus, per *filiis hominum* intelligi homines vulgares et animales: nam Patriarchæ et Prophetæ non vocantur filii hominum, sed *filiæ Dei*; sed hoc subtilius et acutius est, ac præter mentem Apostoli.

Unde secundo, idem Chrysostomus respondet Prophetas quidem cognovisse Gentes esse vocandas ad Christum, sed non cognovisse eas in vocatione, fide et gratia pares fore Judæis, quod cognoverunt Apostoli; et hoc est quod ait Apostolus, «Gentes esse coheredes et concorporales,» scilicet Judæis. Sed nec hoc verum esse patet intuitu Isaias, qui hac in re Gentes sæpissime præfert Judæis, patet cap. xxxiv, xxxv, xlix, liv, lx; imo Judæis reprobatis, docet surrogandas esse Gentes.

Unde tertio, idem Chrysostomus, Hieronymus, D. Thomas, Anselmus et alii respondent vocationem Gentium ad eandem Ecclesiam, gratiam et dignitatem cum Judæis, præcis Prophetis innotuisse quidem, sed paucis, idque obscure et in confuso: Apostolis vero et Prophetis novi Testamenti, qui illam curare et exequi debebant, omnibus clare et distincte eandem a Deo revelatam esse. Unde vis est in voce *sicut*, q. d. Non ita

plane et particulatim hoc mysterium vocationis Gentium innotuit Prophetis antiquis, sicut revelatum est Apostolis, qui illius modum, locum, tempus, ordinem aliasque circumstantias in particulari, et Spiritu Dei revelante præviderunt, et experientia ac re ipsa viderunt, cum easdem Gentes converterunt: plenius enim cernitur res dum opere completur, quam dum spiritu futura a longe prævidetur. Unde Paulus raptus est in tertium cælum, ut jamjam futurus doctor Gentium, eas convertendi modum et praxim plene et sigillatim doceretur, ut dixi II *Corinth.* xii. Sic et S. Petrus, *Actor.* x, longe expressius et particularius, quam Isaias aut Prophetæ, hoc mysterium cognovit, quando visionem lintei et esum animalium immundorum re ipsa per legatos a Cornelio Gentili missos, perque ipse Cornelii cum tota sua familia conversionem explicari et compleri vidit (1).

Apostolis penitenter et clarius revelatum mysterium vocationis Gentium.

Vers. 6. 6. GENTES ESSE COHEREDES (q. d. Mysterium, de quo loquor, hoc est, nimirum ut Gentes sint coheredes, id est, æque ut Judæi, hæredes) PROMISSIONIS — Abrahæ factæ de Christo Christique Evangelio, salute, gratia, gloria; sicut enim Gentes, æque ut Judæi, per fidem Christi fiunt filii spirituales Abrahæ, qui pater est credentium: ita et Gentes, æque ut Judæi, hæredes sunt benedictionis, id est, justitiæ et salutis Abrahæ et semini ejus, id est Christo et Christianis, promissæ, de quo dixi *Rom.* iv, 17; *Galat.* iii, 7 et 8.

ET CONCOPORALES, — *σώματα*, id est, unius ejusdemque corporis, ut scilicet unum corpus mysticum, puta unam Ecclesiam, constituent Gentes Christianæ cum Judæis ad Christum conversis.

ET COMPARTICIPES PROMISSIONIS EJUS (ut Gentes, æque ac Judæi, participes sint «promissionis ejus,» scilicet Spiritus Sancti, qui immediate præcessit, ut Ambrosius; vel potius *ejus*, scilicet Dei, quem nominavit vers. 2. A versu enim secundo hæc omnia pendent, explicantque gratiam Dei, quam vers. 2 deprædicavit: hæc ergo promissio Dei, est illa, qua Deus promisit suam amicitiam, remissionem peccatorum, salutem et possessionem regni cælorum Christianis credentibus et obedientibus sibi) IN CUMSRO JESU (id est per Christum Jesum, qui hanc Dei promissionem promulgavit) PER (suum) EVANGELIUM, 7. CUJUS (scilicet Evangelii Christi) FACTUS SUM EGO MINISTER, — græce *διάκονος*, id est *diaconus* sacri ministerii et quasi liturgiæ, puta prædicationis Evangelii: hanc enim vocavit liturgiam, sive Missæ sacrificium, *Rom.* xv, 16.

Promissio facta Christianis amicitia Dei, remissionis peccatorum, et regni cælestis.

SECUNDUM DONUM GRATIÆ DEI, — id est, per donum gratiæ Dei. Sic enim Apostolus Græcum *χαρὶς*, id est secundum, quasi respondens Hebræo *חַסֵּד*,

(1) Quarto Allioli: Prophetis veteribus, imo Apostolis, saltem ante revelationem Petro datam, *Act.* x, 28, ignotum erat Gentiles in Ecclesiam ingressuros esse *per fidem, non ex operibus legis*.

ample et varie sumit, jam pro *juxta*, jam pro *per*, jam pro *cum*. Unde hic subdit :

SECUNDUM OPERATIONEM (græce ἐνέργειαν, id est *efficaciam*, et efficacem operationem) VIRTUTIS (græce δυνάμειος, *potentiae*) EJUS. — *q. d.* Apostolatium non inanem, otiosum et vacuum accepi; sed talem qui potenter et efficaciter operetur conversionem Gentium etiam barbararum.

Officium et efficaciam apostolatus S. Pauli. Notat hic duo Apostolus : *primo*, officium ministerii sive apostolatus se accepisse per donum et gratiam Dei; *secundo*, illius officii actum, usum et exercitium potens esse, et potenter efficaciterque operari fidem et salutem Gentium per eandem divinæ gratiæ vim, potentiam et energiam.

Vers. 8. 8. MIHI OMNIUM (non tantum Apostolorum, ait Chrysostomus, sed et) SANCTORUM (id est Christianorum) MINIMO. — Hieronymus, *infimo*, græce ἑλαττωτέρω, id est, *infimiori*, *q. d.* Inferior et infimior sum infimo, minor sum minimo.

Mira divi Pauli humilitas. Nota hic miram Apostoli humilitatem : nam non tantum se minimum, vel infimum vocat, sed minorem minimo et inferiore infimo. Hinc ex superlativo format comparativum, scilicet ex ἑλαττωτέρω; ἑλαττωτέρας, sicuti si ex minimo formares minimior, ex infimo infimior : infimior ergo se vocat, ut magis infra omnes se demittat et diminuatur; et per hanc humilitatem Paulus meruit evehi ad apostolatium, ait Hieronymus.

Dices : Hæc humilitas videtur ficta et mendax ; sciebat enim et videbat Apostolus sibi plus gratiæ et virtutum a Deo datum esse, quam Ephesiis aliisque Christianis, quos ipse convertebat.

Respondet S. Hieronymus scivisse Paulum se iis esse sanctiorem, sed tamen se ita gessisse ac demisisse, ac si iis esset inferior. Sicuti princeps subinde modestiæ causa primas in mensa, et in incessu, dat amicis et aliis nobilibus longe se inferioribus.

Verum hoc non satisfact : nec enim de praxi et submissione externa in gestu aut incessu, sed de sensu suo loquitur Paulus, dicens ac revera in animo sentiens se esse omnium Sanctorum minimum; alioqui enim mentiretur et hypocrisis esset, quod absit.

S. Pauli humilitas non est ficta, et quo sensu se minimum dicat? Dico ergo id dixisse Apostolum eo sensu, quo S. Franciscus solebat dicere se maximum esse peccatorem, *q. d.* Licet majorem a Deo quam alii gratiam acceperim, si tamen me, meam negligentiam, infirmitatem, malitiam tum presentem, tum præteritam, quia fui persecutor Christi et Ecclesiæ (ad hanc enim maxime solet respicere dum se humiliat Apostolus) spectem, revera videor mihi maximus peccator, indignus apostolatu, ac minimus Christianorum vere et re ipsa censendus : puto enim quod, si Deus illam gratiam quam mihi dedit, daret latroni vel maximo peccatori, magis is quam ego illi cooperaretur, foretque longe me sanctorum. Hoc enim judicium licet forte speculative non esset verum, practice tamen erat verum ; quisque enim non alios, sed

seipsum et suam infirmitatem considerans, potest et debet ita humiliter de se sentire : hoc enim est dictamen virtutis, quod suggerit et suadet prudens humilitas, et qui vere humilis est, ita de se sentit, talisque sibi esse videtur, de quo plura Philipp. II, 3, et I Timoth. I, 15.

DATA EST GRATIA HÆC, IN GENTIBUS EVANGELIZARE INVESTIGABILES (græce ἀνεξεργάστον, *impervestigabiles*, inscrutabiles, et, ut Ambrosius, *incomprehensibiles*) DIVITIIS CHRISTI. — Ita passim Apostolus vocat copiam gratiarum et bonorum, quæ Christus nobis attulit.

Notat Chrysostomus in morali homil. 6, Paulum triplicem accepisse gratiam ad evangelizandum, triaque ad prædicationem attulisse mire ad persuadendum efficaciam, *primo*, animum alacrem, audentem, ferventem et ad omnia intrepidum; *secundo*, cœlestem quamdam sapientiam; *tertio*, potentiam spiritus cum vita inculpata.

9. ET ILLUMINARE OMNES. — Sicut angelorum officia tria sunt, ait S. Dionysius, scilicet homines illuminare, purgare et perficere : ita non tantum Christus, sed et Apostoli alique Doctores hæc tria faciunt quasi angeli quidam terrestres et homines angelici; illuminare ergo non significat in lucem proferre id quod reconditum erat, ut vertit Syrus et Erasmus; sic enim inepte diceretur, *illuminare omnes*, ut habent Græca et Latina; sed significat alios docere, aliis lucem veritatis et fidei impertiri; sicut enim sol sua luce tenebrosa loca illuminat, ita doctores clara sua doctrina illuminant tenebrosas et ignorantes hominum mentes. Unde et apte præmio singularis claritatis et splendoris in cœlo donabuntur. « Qui docti fuerint, inquit Daniel, cap. XII, fulgebunt quasi splendor firmamenti, et qui ad justitiam erudiunt multos, quasi stellæ in perpetuas æternitates. »

QUÆ SIT DISPENSATIO SACRAMENTI ABSCONDITI SÆCULIS IN DEO, QUI OMNIA CREAVIT. — Pro dispensatio aliqua Græca legunt χοινωνία, *q. d.* Quæ sit communio vel communicatio sacramenti, quod scilicet hoc sacramentum redemptionis hominum non tantum Judæis, sed et Gentibus communicatum sit. Verum legendum est hic, ut supra vers. 2, *οὐκ οὐκία*, quæ sit dispensatio, et ita legunt Biblia Regia, noster Interpres, Chrysostomus, Theophylactus et Græci.

Ubi nota, *οὐκ οὐκία*, id est *dispensatio*, duo significat : *primo*, ipsam dispositionem et ordinationem rei alicujus faciendæ vel dandæ; *secundo*, ipsam rei dispositæ vel ordinate dispensationem, id est erogationem, donationem, distributionem. Juxta primam significationem sensus erit : ut illuminem et doceam omnes quam admiranda sit œconomia et æterna Dei dispositio circa vocationem Gentium per nativitatem, mortem et resurrectionem Christi. Juxta secundam vero hic erit sensus, isque simplicior, ut dixi cap. I, vers. 10, *q. d.* Mihi data est gratia illuminandi omnes Gentes, ut scilicet eas doceam, quam sapienter dis-

Triplex Pauli gratia ad evangelizandum.

Vers. 9. Tria officia angelis, Apostolis et doctoribus communia, illuminare, purgare, perficere.

œconomia duo significat.

pensatum, id est distributum, et omnibus propositum sit hoc tempore a Deo sacramentum redemptionis Christi et vocationis Gentium ad Christum; vel potius per hypallagen, « quæ sit dispensatio sacramenti, » id est quod, quale et quantum sit sacramentum, sive mysterium hoc, « quod » hactenus per tot sæcula, imo ab æterno, « absconditum fuit in Deo, » in Dei scilicet mente, consilio et prædestinatione; jam vero dispensatum, id est erogatum, distributum est, omnibusque propositum et oblatum.

Hæresis
Simonis
Magi
dicentis
mundum
factum
ab ange-
lis.

QUI (scilicet Deus) OMNIA CREAVIT. — Notat et elidit dogma Simonis Magi, qui docebat mundum ab angelis esse factum. Græca addunt, διὰ Ἰησοῦ Χριστοῦ, per Jesum Christum, et ita legit Chrysostomus, Theophylactus et Græci; sed hæc non habet Hieronymus, nec Ambrosius, nec vetusti codices Latini.

Vers. 10. 10. UT INNOTESCAT PRINCIPATIBUS (ita legunt Romana, Græca et Syrus; Plantiniana tamen cum Hieronymo legunt *principibus*) ET POTESTATIBUS, — illis scilicet ordinibus angelorum, qui dicuntur Principatus, id est principes; et Potestates; hoc est potentes, ut dixi cap. i, vers. 21. Sub his per synecdochen cæteros angelorum ordines intellige. Ita Hieronymus, Chrysostomus, Theophylactus. Unde licet Ambrosius malos hic angelos intelligat, qui in cœlestibus, hoc est in aere et cœlo hoc aereo, versantur, melius tamen S. Hieronymus, Chrysostomus, Anselmus, bonos angelos accipiunt: hos enim significant Principatus et Potestates, cum absolute ponuntur. Nam cum dæmones intelliguntur, solet addi, principes tenebrarum, aut aeris hujus, aut similis particula restringens et alienans. Deinde hos proprie significat vox in cœlestibus, scilicet locis, commorantes.

Quomodo
angeli il-
luminen-
tur ab
homini-
bis et
Ecclesia?
Prima
senten-
tia.

PER ECCLESIAM MULTIFORMIS SAPIENTIA DEI. — Quæritur, quomodo hoc sit verum: nam angeli illuminant Ecclesiam et homines, non autem ab eis illuminantur et docentur.

Primo, Augustinus, lib. V *De Genesi ad litteram*, cap. xix, tom. III, intelligit Ecclesiam cœlestem, quæ constat Deo et angelis, q. d. Angelis inferioribus innotuit mysterium hoc redemptionis Christi, et vocationis Gentium per revelationem Dei, et illuminationem angelorum superiorum, innotuit inquam a sæculis, id est ab initio sæculorum et mundi; sed obstat quod ait Apostolus: « Ut innotescat nunc. » Si nunc, ergo non ab initio mundi. **Secundo**, per « Ecclesiam » non intelligit cœlestem, sed terrestrem; patet, quia ait: Mihi data est gratia evangelizare et illuminare omnes, ut innotescat per Ecclesiam, cui scilicet evangelizo, et quam illumino, multiformis sapientia Dei.

Secunda. **Secundo**, S. Thomas, I part., Quæst. LVII, art. 5, sic explicat: « Ut innotescat Principatibus, » non absolute, sed per visionem et experientiam, q. d. Ut videant; quod enim angeli ante per revelatio-

nem sciebant futurum, hoc in Ecclesia viderunt fieri, cum res facta et gesta est: sed tum dixisset Apostolus: Ut videant, vel, Ut appareat angelis, sicut dixit I *Timoth.* viii, 16; non autem, « ut innotescat: » nam innotescere dicitur, cum notum fit quod ante erat ignotum. Unde et Apostolus vers. præcedenti dixit mysterium hoc antea fuisse absconditum in Deo; ergo latebat angelos.

Dico ergo, per « Ecclesiam, » id est per ea quæ gesta sunt a Christo et Apostolis in Ecclesia, perque gratias et dona Ecclesiæ ab iis communicata, multa mysteria Christi et Christianorum angelis innotuisse, quæ prius ignorabant; licet enim mysterium incarnationis et redemptionis nostræ, quoad substantiam ex revelatione a principio sue beatitudinis cognoverint, non tamen omnes ejus partes, species, causas, effectus, modos et circumstantias cognoverunt, sed didicerunt, cum ea in Ecclesia fieri, exhiberi et geri viderunt. Talia fuerunt institutio Sacramentorum, præsertim Eucharistiæ; modus et ratio justificandi peccatores; divisio et missio Apostolorum in tales actales provincias; ordo hierarchicus Apostolorum, Sacerdotum, Diaconorum aliorumque ministrorum Ecclesiæ; vocatio Gentium, de qua proprie hic loquitur Apostolus.

Ubi nota, licet Chrysostomus et Theophylactus dicant angelos ignorasse quod Gentes vocandæ essent ad christianismum, donec eas vocari a Paulo et Apostolis viderunt, tamen non videri dubium quin in genere hoc angeli cognoverint; si enim Isaias et Prophetæ id cognoverunt, ergo et angeli, qui vel hoc revelarunt Prophetis, vel ex vaticiniis Prophetarum tam claris id facile intellexerunt. Quod ergo Apostolus hic ait eos illud non cognovisse, intellige eo modo quo, vers. 3, negavit Prophetas id cognovisse, scilicet in particulari, clare et distincte, v. g. quomodo vocandæ essent Gentes, an simul cum Judæis, an in locum Judæorum, cum illi respuissent Evangelium, et a Deo rejecti essent; quo ordine, per quos, quibus modis et mediis: hoc enim ante angelos passim cognoverunt ex Dei revelatione Apostoli, præsertim Paulus, tum ab initio conversionis suæ, quando ante alios Apostolos electus fuit a Deo, et declaratus doctor Gentium, *Actor.* ix, 15; tum potius et plenius, quando proxime mittendus ad Gentes, raptus fuit in tertium cœlum, ut dixi II *Corinth.* xii. Ita Hieronymus, Ambrosius, Anselmus, Theophylactus, Chrysostomus. « Paulus, inquit Chrysostomus, angelorum Evangelista hic eos illuminavit; » et D. Thomas, *Opusc.* I, cap. xxvi, ex Cyrillo docet, prædicante Paulo, angelos didicisse circumstantias Evangelii et vocationis Gentium.

Nota secundo, hæc dici contra Simonem Magum, qui nimis angelis tribuens, docebat eos esse adorandos quasi ipsi mysterii redemptionis nostræ conscii et mediatores fuissent, de quo *Coloss.* ii, 18.

Tertia
et genuina.

Angeli
Paulo
prædi-
cante in-
notue-
runt
multa
myste-
riorum
circum-
stantia,
causæ,
species,
effectus,
modi,
quos
ignora-
bant.

Varia, **MULTIFORMIS SAPIENTIA DEI**, — *ποικίλῃς*, id est prudens, *multivaria*, sive valde et multipliciter varia. Ali- stulta, qui legunt *παρικήλῃς*, *omnivaria*, maxime varia obscura sapientia Dei sa- sapientia Dei; ut ea non solum varia sit, sed et multa varietate distincta. Ita Hieronymus: « Res- pice, inquit, cunas Christi, vide pariter et cœlum. Vagientem in præsepi intueri infantem, sed simul angelos auscultantem. Herodes persequitur, sed adorant Magi. Ignorant Pharisei, sed stella demonstrat. Baptizatur a servo, sed vox desuper Dei intonantis auditur. Aquis mergitur, sed columba descendit, imo Spiritus in columba. Ad passionem venit, et pati timet, sed vult transire calicem; et Petrum, quia calicem timebat, accusat. Quid hæc stultitia prudentius, varietate distinctius, sapientia obscurius, quam fecit Deus in Christo Jesu Domino nostro? » Hæc Hieronymus. Proprie tamen Apostolus respicit ad sapientiam Dei, quam variis modis ostendit in vocatione Gentium, reprobatione Judæorum, modo et ordine eas vocandi, ut dixi § præced. et cap. I, vers. 11.

Vers. 11. **11. SECUNDUM PRÆFINITIONEM SÆCULORUM**, — *κατὰ πρόθεσιν*, id est, ut Hieronymus, *secundum propositum sæculorum*, id est a sæculis, vel ante sæcula actum, q. d. Secundum decretum æternum, quo proposuerat, decreverat, præfinierat Deus hoc facere et exequi. Unde Syrus verit, *quæ futura erat a sæculo, facta vero est in Ieschu Domino nostro*.

Duplex et varius *Secundo*, « secundum præfinitionem sæculorum », id est quam fecit de sæculis futuris, de serie sæculorum, deque hominibus, qui quolibet sæculo a primo usque ad ultimum sunt futuri, scilicet præfiniens sæculum status innocentie, deinde sæculum legis naturæ, tertio sæculum legis Mosis, quarto sæculum legis Christi et gratiæ, decernensque et præfiniens in eo omnes omnium illius temporum gentes et nationes successive vocare ad fidem et salutem per Christum; et hoc est, quod ait: « Quam fecit in Christo Jesu. » Rursum præfiniens primo sæculo legis naturæ vocare ad se omnes Gentes, secundo per Moysen solos Judæos relictis Gentibus, tertio per Christum solas fere Gentes, quas hæcenus vocare neglexerat, et vice versa negligere Judæos incredulos: hic enim fuit circulus et conversio sæculorum quoad fidem, gratiam et salutem, et quasi annus sæcularis et circularis Dei. Ita Chrysostomus et Theophylactus. Ille secundus sensus est pulchrior et aptior; in eo enim proprie spectatur multiformis et varia sapientia Dei. Ab hac multitudine et varietate cognitionis et sapientiæ, Christus ipse vocatur *ποικίλος*, id est *multiculus*, et Cherubim, inquit Anastasius Sinaita, lib. I *Hexameron*.

QUAM FECIT IN CHRISTO JESU. — Pronomen « quam » referre potest *primo*, « Ecclesiam; » *secundo*, « sapientiam, » ut Hieronymus; *tertio* et planissime, « præfinitionem, » q. d. Hæc præfinitio sæculorum jam dicta, facta est per Christum et

Christi merita. Hinc patet quod dixi cap. I, non tantum fidem et gratiam, sed et prædestinationem ipsam æternam, quæ est in mente Dei (hæc enim est præfinitio, de qua hic Apostolus), factam esse ex meritis Christi prævisis, q. d. Apostolus: Quod primo sæculo vocarentur omnes Gentes ad salutem, secundo Judæi, tertio Gentiles, id factum ex meritis Christi prævisis, ob quæ Deus decrevit, ab æterno prædestinare, vocare, justificare et glorificare credentes in Christum, sive Judæos, sive Gentes, quolibet sæculo.

12. IN QUO (per quem, scilicet Christum) HABEMUS FIDUCIAM (græce *παρρησίαν*, id est, ut Syrus, audaciam libere loquendi, libertatem evangelizandi, q. d. Cujus, scilicet Christi ope audacter, libere et intrepide evangelizo. *Secundo*, melius hic Noster verit « fiduciam, » qua animus per Christum peccatis expiatus, et innocenter jam vivens, bene sibi conscius, confidit se esse in gratia et amicitia Dei. Unde cum dixisset: « In quo habemus fiduciam, » hujus fiduciæ effectum subdit) **ET ACCESSUM IN CONFIDENTIA**, — ut scilicet confidenter quasi amici, imo quasi filii accedamus ad Deum Patrem, dicamusque: « Abba Pater. »

PER FIDEM EJUS. — Refer non tantum ad *in confidentia*, q. d. In confidentia, cujus principium et origo est fides Christi; sed potius ad *fiduciam et accessum*, q. d. Fiduciam et fiducialem accessum habemus ad Patrem per fidem Christi, qua remissionem peccatorum et justitiam assecuti confidimus nos esse in Dei gratia et favore, et confidenter ad Deum quasi patrem amantissimum accedimus: fides enim parit hanc fiduciam et confidentiam. Ita Chrysostomus, Theophylactus et Greci.

13. PROPTER QUOD, — quia scilicet habemus hanc fiduciam et accessum ad Deum Patrem nostrum, qui potentissimus est, ut in omnibus tribulationibus nos roboret, easque propulset.

PETO NE DEFICIATIS IN TRIBULATIONIBUS MEIS (Græce *μὴ ἐγχαλίψῃς*, id est non deficere, non lassescere, non segnescere, quod *primo*, potest referri ad primam personam, quasi Paulus de se dicat, Peto et oro Deum ne ego deficiam in tribulationibus, ne iis vincat et cedam. Ita Hieronymus et Syrus. *Secundo*, noster Interpres refert ad secundam personam: ne vos, scilicet, o Ephesii, deficiatis et cadatis animo, videntes me tribulari et vinciri) **PRO VOBIS**, — quia scilicet vobis aliisque Christum et salutem evangelizo. Hæc secunda versio verior est: magis enim Ephesii pusillis et novellis in fide timebat Apostolus in persecutione, ne animis caderent, quam sibi, qui quasi generosus pugil et athleta Christi in ea solet gloriari.

Nota: « Peto, » non a Deo, sed a vobis: græce enim est *αἰτέω*, id est peto, posco, exigo. Unde S. Augustinus, *serm.* 7 in hæc Apostoli verba: « Peto, ait, a vobis propter arbitrium voluntatis; sed quia hæc infirma est, Deum rogo, ut idem det vobis propter auxilium majestatis. » Unde

Vocatio Gentium et Judæorum ex meritis Christi.

Vers. 12.

Vers. 13.

subdit Apostolus : « Hujus rei gratia, flecto genua ad Patrem. »

GLORIA EST GLORIA VESTRA. — *q. d.* Quod ego Apostolus et præceptor vester dignus sim tanta pro Christo et vestra salute pati, non turbari, non animis cadere, sed exultare et gloriari debetis. Ita Chrysostomus. Hæc siquidem passiones stigmata sunt et insignia Christi, *Galat. vi, 17*, suntque præludia martyrii.

Vers. 14. 14. HUIUS REI GRATIA. — Redit post longum hyperbaton (quo a versu secundo hucusque abreptus fuit in Dei dignationem, et beneficium vocationis Gentium) ad versum primum, ut ibi dixi.

FLECTO GENUA AD PATREM, — flexis genibus in signum reverentiæ et humilitatis, oro et obsecro Deum Patrem. Est metalepsis.

Vers. 15. 15. EX QUO OMNIS PATERNITAS IN COELIS ET IN TERRA NOMINATUR. — Nota : Sicut græce a πατήρ, πατέρα; et Syre ex אב, אבהות *ababuta* : ita latine a pater, *paternitas* dicitur et derivatur. Unde recte, quidquid cavillentur Erasmus et Beza, Interpres noster novum nomen πατέρα, novo Latino nomine *paternitas*, vertit, et ita verterunt S. Hieronymus, Damascenus, lib. I *De Fide*, cap. IX; Syrus, interpres Theophylacti, et alii qui Græcæ linguae fuerint peritissimi.

Unde *primo*, Damascenus sic explicat : « Nomen paternitatis ex divinis ad humanos patres translatum est. » Quod intellige metonymice, « nomen, » id est res nomine paternitatis significata, sive ipsa paternitas, quæ est in hominibus et creaturis, descendit a Deo Patre, qui primus increatus et immensus Pater ipsis suam paternitatem communicavit, ut et ipsi fierent et dicerentur patres; nam nomen ipsum patris prius hominibus imposuerunt homines, et inde idem transtulerunt ad divina, et ad Deum Patrem : ex humanis enim, utpote sibi notioribus, homines imposuerunt nomina divinis, ut passim alii Patres et Doctores docent. Non ergo de nomine Patris, sed de re hoc nomine significata intelligendus est Damascenus. Et hoc est quod docet D. Thomas et Scholastici, paternitatem omnem creatam derivari ab increata, quæ est in Deo Patre. Huc accedit S. Hieronymus : « Sicut, inquit, solus bonus (Deus) bonos facit, et solus immortalis immortalitatem tribuit, et solus verus, veritatis nomen impertit : ita solus Pater, quia creator est omnium et universorum causa substantiæ, præstat cæteris ut patres esse dicantur. De terrenis cœlestia contemplerur. Adam quem primum plasmavit Deus, et creator ipsius, et pater fuit, certe Deo Patri scit se debere quod substituit. Rursum hi qui geniti sunt ex Adam, patrem illum intelligunt, ex quo orti sunt. Unde *Luce iii*, ait Scriptura : Filii Seth, filii Adam, filii Dei, ut paternitatis in terra vocabulum a Deo primum ortum esse monstraret. » Et inferius : « Ex eo quod Deus Pater Domini nostri Jesu Christi juxta substantiam pater est, et unigenitus non est adoptione filius,

sed natura. cætera quoque creaturæ, paternitatis nomen adoptione meruerunt. » Addit S. Hieronymus dici : « Ex quo omnis paternitas nominatur, non vero nata est. Aliud est enim appellationem paternitatis mereri, aliud naturam habere consortium, » *q. d.* Ipsa increata et divina Dei paternitas nobis communicari nequit, sicut nec ipsa Dei essentia : sic enim vere et proprie essemus dii; sed tantum participatio quædam tenuis ejusdem, ex qua fit ut patres nominemur sicut et Deus, sed analogice et participative. Igitur ex prolixo discursu S. Hieronymi et cæterorum hanc colligas sententiam : Paternitas, inquit, in cœlis est generatio Filii, paternitas in terra est generatio hominum et animalium, quæ omnis a Dei paternitate manat : omnes enim ab eo vim habent generandi, ut sint et nomenclentur patres.

Dices, in cœlis nulla est paternitas quæ a Dei paternitate descendat. Respondet S. Hieronymus, angelos æque ac homines habere sui generis principes, quos patres gaudent appellare : princeps enim est et dicitur subditorum pater, et principatus est quædam paternitas. Sic servi Naaman eum vocant *patrem*, id est dominum et principem, *IV Reg. v, 13*. Sic *patres* Latinis vocantur senatores, imo Romani eos fere vix alio nomine compellabant quam Patres conscripti. Hic sensus est appositus, sed non proprius et adæquatus.

Unde *secundo* : Nota cum Hieronymo, S. Paulum Græcum πατέρα, quod Noster vertit, *paternitas*, accepisse a Septuaginta, qui hoc nomine solent vertere Hebræum מִשְׁפָּחָה *mispacha*, id est familia, vel tribus (has tribus Septuaginta alibi vocare solent φῶξ), quæ ab uno capite et parente descendit : quia enim duodecim filii Jacob apud Judæos capita et patres fuerunt duodecim familiarum et tribuum a se descendentium, hinc Septuaginta tribum a quolibet hoc patre descendentem vocant πατέρα, et a πατέρα vocant Patriarchas ipsos tribuum patres et primos progenitores, *q. d.* τῆς πατρὸς ἀρχῆς, id est tribus principia. Itaque πατέρα, sive *paternitas*, aut, ut vertit interpres Chrysostomi, paterna cognatio, est familia, vel tribus aut gens, quæ ab uno communi patre prognata est, quam Hieronymus contra Helvidium parentelam vocat, et ita vertit hic Vatablus. Sic noster Interpres retinens Græcum πατέρα, *Psal. xcv, 7*, vertit : « Afferte Domino, patriæ, » id est familiæ, tribus, stirpes, « gentium, afferte Domino gloriam et honorem. » *Paternitas* ergo non sumitur hic pro relatione patris in abstracto, quam Philosophi paternitatem vocant : hæc enim græce, Damasceno teste loco citato, potius πατρὶς quam πατέρα dicenda esset; sed metonymice *paternitas* hic idem est quod parentela, quæ ab eodem patre, vel paternitate descendit. Sunt enim quasi correlativa pater sive paternitas, et parentela, unumque includit alterum; pater enim est parentele pater, et parentela est patris parentela, *q. d.*

In cœlis est vera paternitas.

Πατέρα, et patriarcha nomen etymologia.

Paternitas omnis a Deo descendit.

Deus non
tantum
Christi,
sed om-
nium est
pater.

Apostolus : Deus Pater non tantum Christi, sed et omnium est pater, tam hominum quam angelorum, ita ut Deo communi parente affines sint Judæi et Gentes, homines et angeli : ipse enim pater est omnium familiarum, non solum corporalium, sed et spiritualium, puta Seraphim, Cherubim, Thronorum et cæterorum ordinum. Licet enim hæc familie suos proprios et distinctos habeant patres et principes, omnes tamen communem patrem et principem habent Deum, a quo omnes descendunt : ideoque Deo Patri non tantum paternitas et generatio æterna, respectu Filii sui, sed et temporalis per creationem in omnes cœlestes et terrestres tribus et cognationes convenit, ac consequenter ab omnibus in cœlo et in terra quasi Pater est nominandus, celebrandus (ut dixi cap. I, vers. 21), colendus et redamandus. Ita Chrysostomus, Theophylactus, Theodoretus, OEcumenius, imo et S. Hieronymus.

Nota tertio : Apostolus unum Deum Patrem opponit multis principiis et diis Simonis Magi et Hesiodi (qui suam Theogoniam; id est deorum generationem, conscripsit), aliorumque Poetarum et Philosophorum Gentilium. Rursum, ne Judæi jactent Deum verum suum esse Deum, non Gentium, Gentesque alium debere quærere Deum, Apostolus eos retundens dicit Deum esse patrem communem omnium tam Gentium, quam Judæorum; ac proinde non mirari debere Judæos, si Gentes, æque ac Judæi, jam a communi parente ad salutem per Christum Christique Apostolos vocentur, et vicissim Gentes fidenter, æque ac Judæos, ad Christum et Deum quasi ad communem parentem accedere debere.

NOMINATUR, — id est existit, suum habet esse et suam originem, derivatur et descendit; ut jure a Deo Patre nomen accipere, et ab eo nominari possit familia, tribus vel parentela Dei, quæque Deum habet patrem, a quo quasi a primo exemplari et efficiente omnes familie et parentelæ, omnesque familiarum patres et capita, omnis denique generandi vis, fecunditas et paternitas tanquam a patre omnium magno et universali profluit et dimanat : sic enim Hebræi motonymice vocari aut nominari sumunt pro esse. Sic *Isaiæ VII, 14*, Christus dicitur vocandus Emmanuel, id est erit Emmanuel, quia nobiscum erit Deus, quod significat Emmanuel. Sic *Isaiæ VIII, 3*, Christus dicitur vocandus « Accelera spolia detrahare, festina prædari, » id est celer erit dæmonum et hostium suorum spoliator, eorumque festinus prædator. Nec enim hæc duo nomina Christo imposita, Christumque ita nominatum uspiam legimus, rem autem utroque nomine significatam Christo convenire notissimum est.

Vers. 16. 16. UT DET VOBIS SECUNDUM DIVITIAS GLORIÆ SUÆ (id est gloriosæ gratiæ suæ) VIRTUTE (græce *δυναμις*, id est fortitudine, constantia et robore spiritus contra omnes persecutiones et tentationes) CORROBORARI (scilicet ut corroboremini in infir-

mitate naturæ vestræ) PER SPIRITUM EJUS IN INTERIOREM HOMINEM, — ut interior homo, id est mens gratia et spiritu Dei regenerata (hic enim ab Apostolo vocatur *interior homo*, ut dixi *Rom. VII, 22*), in eadem gratia et spiritu fortitudine crescat.

Nota : Præpositio *in* cum accusativo significat augmentum. Sic dicimur ire de virtute in virtutem; sic dicitur justitiam Dei in Evangelio revelari ex fide in fidem. Vide dicta *Rom. I, 17*. Regia tamen Biblia, et alia nonnulla legunt, *in interiori homine*; et sic Græcum *ἐν* cum accusativo sæpe sumitur pro *in*, id est *in*, cum ablativo. Tumque planus est sensus, ut scilicet optet eos corroborari in interiori homine, id est in mente, intellectu, voluntate, cæterisque internis animæ viribus et potentiis : hæc enim, vel potius homo, quatenus iis constat iisque vivit, dicitur homo interior : sicut e contrario exterior dicitur idem homo, quatenus sensibus membrisque externis constat, vivit, iisque operatur et indulget. Hoc ergo sensu homo exterior et interior sumitur naturaliter; priore vero sensu sumitur supernaturaliter. Vide dicta *II Cor. IV, 16*.

17. CHRISTUM HABITARE (repete, « det vobis » Vers. 17. Deus Pater, ut Christus habitet) PER FIDEM, etc.

IN CHARITATE RADICATI ET FUNDATI, — supple, *ut sitis*; alias dicendum erat, *radicatis et fundatis*. Verum Romana et Anselmus jungunt hæc sequentibus sic : « In charitate radicati et fundati, ut possitis comprehendere, » etc.

18. UT POSSITIS COMPREHENDERE (id est animo Vers. 13. concipere et intelligere) CUM OMNIBUS SANCTIS, — id est Apostolis, ait Ambrosius, Prophetis et Christianis, tum militantibus hic adhuc, tum potius in cœlo triumphantibus, Deique visione beatis.

QUÆ SIT LATITUDO, ET LONGITUDO, ET SUBLIMITAS, ET PROFUNDUM. — Nota primo, Apostolum hic cum dimensionibus jungere differentias positionum : nam tres tantum sunt dimensiones, longitudo, latitudo, crassities; altum vero et profundum respondent \mp sursum et deorsum, quæ sunt differentiæ positionum; crassum ergo hic resolvitur in altum et profundum quasi in sua extrema. Itaque hæc quatuor jungenda et distinguenda sunt, non uti sunt in corpore, sed uti sunt in domo, ubi profundum sunt fundamenta, altitudo est tectum, longitudo est longius latus vel paries, latitudo est brevius latus.

Nota secundo, Apostolus videtur perstringere fabulas hæreticorum et poetarum, uti deorum *βαθεα*, sive profundum Hesiodi, et dimensiones Christo ab Elxai affectas, de quibus Epiphanius, lib. I, cap. XIX et XXX : « Elxai, ait, describit Christum esse quamdam virtutem mensura viginti quatuor schoenorum in longitudinem, id est milliariorum nonaginta sex, in latitudinem schoenorum sex, id est milliariorum viginti quatuor, et crassitiem similiter emetitur, et pedes, et fabulamenta reliqua. » Tales etiam fuerunt triginta *Æones* Valentini, q. d. Apostolus : Poetæ, Valentinus

Quis
dicatur
homo
interior?

Hebræi
verbum
nominari
sumunt
pro esse.

Profundum deorum et dimensiones Christo affectas ab Elxai sagittantur ab Apostolo.

et hæretici jactant suum deorum βάθος, id est profundum, suum πλήρωμα, id est plenitudinem, longitudinem, latitudinem, altitudinem; sed fabulose: ego vero hæc ipsa in Christo Christianorum Deo esse prædico et demonstro.

Nota tertio, Scripturas generalissime capiendas esse, quia auctor earum, Spiritus Sanctus, uti amplissimum habet intellectum et conceptum, ita et locutionem. Unde varios intendit sensus etiam litterales, si rei locoque convenient, maxime si subordinati sint et connexi, omnesque in unum quasi scopum conspirent et dirigantur. Ita S. Augustinus, lib. XII *Confess.*, cap. xxxi. Unde Apostolus generatim et indeterminate dicit: « Quæ sit latitudo, longitudo; sublimitas et profundum, » non explicans, nec determinans cujus rei intelligat longitudinem, latitudinem, etc. Quare hunc locum varie admodum et multipliciter explicant Patres, omnesque probabiliter. Vide hic fecunditatem S. Scripturæ.

Quintuplex hujus loci expositio.

Prima, de dimensionibus et magnitudine mysterii incarnationis Christi.

Dico ergo primo: Apostolus loquitur hic de beneficio œconomiae et redemptionis Christi, qua non tantum Judæos, sed et Gentes omnes vocavit ad salutem, gratiam et beatitudinem, vultque hæc phrasi significare quam magnum fuerit hoc mysterium Christi, quamque omnibus numeris et partibus absolutum; sequitur enim: « Scire etiam supereminentem scientiæ charitatem Christi. » Christi ergo vel charitatis Christi dimensiones hic describit. Idem patet ex anteced. vers. 3, 4, 6, 8, 11 et cæteris, quibus non facit aliud, quam hoc sacramentum et mysterium Christi deprecari et admirari. Unde patet, hunc sensum esse genuinum et proprie intentum ab Apostolo. Ita Chrysostomus, Theophylactus, Theodoretus, Œcumenius. Si singula velis singulis adaptare, ita poteris: « Quæ sit latitudo, » id est quam late se extendat hoc mysterium, charitas et beneficentia Christi, videlicet ad omnes gentes et homines, qui ante legem, in lege, post legem, fuerunt, sunt et erunt; « quæ longitudo, » id est quam longe mysterium hoc prædefinitum fuerit, scilicet ab æterno; « quod sit profundum, » id est quam profunde, nimirum ad inferos, virtus Christi se extendat; « quæ sit sublimitas, » id est quam sublimiter, puta super omnes cœlos, primitias nostras in se Christus evexerit nosque evehet. Ita Œcumenius.

Secunda, Possunt secundo, hæ dimensiones accipi de Christo qua Deus est; unde sequitur: « Ut impleamini in omnem plenitudinem Dei, » ubi græce est πλήρωμα, quod erat unum ex Æonibus, sive diis Valentini, cui suum verum πλήρωμα, id est plenitudinem Dei, opponit Apostolus. Licet enim omnes dimensiones in Deo unum sint, una scilicet immensitas, sitque Deus quasi sphaera quædam intelligibilis sine dimensionibus, ut explicat Ambrosius; unde etiam Empedocles rogatus quid esset Deus, respondit: Est circulus cujus centrum est ubique, circumferentia nusquam; quia

scilicet Deus ubique est totus, nullo tamen cœli terræ ambitu concluditur, sed super cœlos per immensa illa spatia vacua in immensum se porrigit ejus immensitas. Hinc recte eam describens Job, cap. xi, vers. 8: « Excelsior, inquit, cœlo est, et quid facies? profundior inferno, et unde cognosces? Longior terra mensura ejus, et latior mari. » Et sic Ambrosius hic per longum, latum, sublime, profundum intelligit immensitatem Dei. Has tamen dimensiones in Deo distinguere possumus per analogiam et similitudinem ad creaturas, seu ita ut illæ in creaturis distinguuntur: et sic Dei longitudo est æternitas; latitudo est omnipotentia, ut D. Thomas, vel, ut Bernardus et Gregorius, est charitas; sublimitas est Dei majestas; profundum est abyssus judiciorum et sapientiæ Dei. Ita Anselmus, D. Thomas, Cajetanus. Et pulcherrime S. Bernardus, lib. V *De Consider.*, in fine: « Divina, ait, essentia, res una cum sit, est tamen longitudo propter æternitatem, latitudo propter charitatem, sublimitas propter majestatem, profunditas propter sapientiam; hæc quadriga Dei; comprehendimus hanc duobus brachiis, timoris et amoris; timor sublimi et profundo, amor longo latoque respondet; vel quatuor virtutibus: longitudinem enim tenemus et comprehendimus perseverantia, latitudinem charitate, majestatem veneratione et adoratione, sapientiam et abyssum judiciorum timore et humilitate. His etiam quatuor species contemplationis respondent: longitudinem enim comprehendit meditatio promissorum, latitudinem recordatio beneficiorum, sublimitatem contemplatio majestatis, profundum inspectio judiciorum. » Hæc Bernardus. Paulo aliter S. Gregorius, lib. XI *Moral.*, cap. x et xi, in illud, *Excelsior cœlo*, etc., per latitudinem, accipit charitatem Dei; per longitudinem, longanimitatem; per sublimitatem, incomprehensibilitatem Dei, qua a Sanctis in cœlo, licet clarissime visus, nequit comprehendi; per profundum, incomprehensibilitatem judiciorum Dei in puniendis damnatis.

Dens omnibus excelsior profundior, longior, latior.

Differentiæ positionum et dimensionum in Deo analogice explicata.

Potest tertio, hic locus accipi de dimensionibus crucis: fuit enim crux instrumentum redemptionis Christi. Ubi nota: Tres lineæ rectæ tantum esse possunt, quæ perpendiculariter, id est, ad angulos rectos sese invicem intersecant, scilicet, duæ in plano jacentes, et tertia illis insistent, et utramque in concursu penetrans in profundum, sive deorsum versus. Et hæ tres lineæ faciunt trinam crucem: reliquæ enim præter has tres laterales lineæ sese intersecantes angulos faciunt non rectos, sed acutos. Et hinc Mathematici tres dimensiones, sive quantitatis species collegerunt, longum, latum, crassum vel profundum, quod hic habet Apostolus, ut recte noster Clavius in I *Euclydis* annotavit; hæ ergo dimensiones fiunt per trinam crucem. Unde et hic apte de cruce Christi accipi, et de ea explicari possunt.

Tertia expositio dimensionibus crucis Christi.

Tres dimensiones Mathematicorum sunt per trinam crucem.

Pro quo rursum nota: Gregorius Nyssenus,

Quatuor
cornuum
crucis
altitudi-
nis, pro-
fundum,
longitudi-
nem, lati-
tudi-
nis,
egregia
et varie
analo-
gia.

orat. 1 *De Resurrect.*, vult Apostolum alludere ad quatuor cornua crucis, summumque cornu dici altitudinem, imum dici profundum, et transversum unum dici longitudinem, alterum latitudinem. Addunt Basilius, Damascenus et Sedulius, apud Jacobum Gretserum, lib. I *De Cruce*, cap. III, causam, cur quatuor has dimensiones et cornua crux habuerit, ut scilicet significaretur, quatuor orbis plagas totumque terrarum orbem ad crucem seu pertinere, seu vocari. Ideoque Nyssenius crucem vocat *universitatis vinculum*. Unde secundo, Sedulius: « Summum crucis sive altitudo, inquit, est Oriens; profundum sive imum, est Occidens; cornu dextrum, est Septentrio; sinistrum, est Meridies. » Tertio et optime, longitudo est hastile crucis, latitudo est minus lignum transversum pro brachiis; altitudo accedit, si crucem erigas (est enim altitudo summitas crucis erectæ); profundum est inum crucis in terra defossum. Sic fere Augustinus in *Psalm.* ciii, et *epist.* 102: « Erat, ait, latitudo in qua porrectæ sunt manus; longitudo a terra surgens, in qua erat corpus infixum; altitudo ab illo devexo sursum quod eminet (in hoc tantum nonnihil a nobis differt Augustinus); profundum ubi fixa erat crux, et ibi spes omnis vitæ nostræ. » De cruce ergo hunc Apostoli locum accipiunt S. Hieronymus, Nyssenius, Beda, Anselmus, et pulcherrime Augustinus, serm. 7 *De Verbis Apostoli*.

De cruce
litterali-
ter intel-
ligunt
hunc
locum
aliqui
Patres.
Ilque
duplici-
ter.
Primo.

Idque primo, litteraliter juxta sensum genuinum quem primo loco dedi, ut longitudo crucis sit æterna ejus prædestinatio; latitudo sit vis ejus et virtus, quæ ad omnes omnium temporum homines se extendit; profundum sit, quod vis crucis ad infernum descendit, cum animas patrum e limbo et Purgatorio liberavit; sublimitas sit, quod easdem aliasque complures in cælum subvexerit.

Rursum, juxta secundum sensum de Christo Deo datum possumus eadem, quæ ibi dixi, cruci adaptare, ut scilicet communicationem idioma-tum Dei in Christo homine crucifixo spectemus, et admiremur in cruce Dei longitudinem, id est, æternum decretum; latitudinem, id est, charitatem et potentiam; altitudinem, id est, majestatem; profundum, id est, sapientiam, seu hæc omnia quasi cruci affixa, quia eadem cum Deo crucifixa. Adhæc, Deum communicasse cruci suæ longitudinem, id est æternitatem, ut virtus crucis æterna sit, et quod multi volunt, ut crux Christi quasi trophæum in cælis in æternum perduret, quodque sic Deus quasi æternarit suam crucem; sic etiam Deum cruci communicasse suam latitudinem, id est potentiam, quia per infirmitatem crucis et mortis potentissimos hostes vicit et contrivit; sic communicasse suam sublimitatem, id est majestatem, ut scilicet crux ab omnibus adoretur; sic suum profundum, id est sapientiam, quia non potentia, sed summa æquitate, mira arte et sapientia adinventæ, scilicet in carne as-

sumpta crucem et mortem subiens, Christus satisfecit Deo pro nostra offensa, sicque per crucem redemit hominem: ut qui in ligno vincebat, in ligno quoque vinceretur.

Secundo, proprie hæc dimensiones crucis ut crux est, accipi possunt; quia enim vers. 13, Ephesiis dixerat Apostolus: « Ne deficiatis in tribulationibus meis, » sed in iis, ut ait vers. 16, « virtute corroboremini, » hinc stimulum eis addit proponens Christi exemplum, *q. d.* Oro Deum ut in vestra cruce et tribulatione det vobis cogitare, ac mente comprehendere crucis Christi (ut ea vos solemini et animetis) profundum, id est intensio-nem dolorum et ignominiarum Christi crucifixi; et longitudinem, qua scilicet per triginta quatuor annos, quibus vixit, hanc crucem, hos dolores, vel in corpore, vel in animo, vel in spiritu eos sibi imminere prævidens passus est; et latitudi-nem, qua scilicet omnibus membris, et animæ potentiis, ab omni hominum genere, imo a Deo et angelis, a quibus fuit derelictus, et omnia pœ-narum genera passus est Christus, omnibusque bonis et fortunæ, et famæ, et honoris, et vitæ est spoliatus; et sublimitatem, qua Christus cruci-fixus sublimi consideratione et perfectissima co-gnitione tum Dei offensi, tum gravitatis offensæ nostræ, tum crucis, pœnarum sibi suæque per-sonæ, vel illatarum, vel inferendarum, tum plu-rimorum damnandorum, quibus omnes sui do-lores inutiles futuri erant, non solum in cruce, sed et tota vita gravissime doluit, et dis crucia-vit se.

Unde tropologicæ, hæc in nos derivans Ansel-mus, lib. *De Mens. crucis*, sub finem: « Crux, inquit, est cruciatus cordis quod Deo non melius serviamus. Debemus ergo habere cruciatum, quod non tantum, inquit, humiliamur, o Domine, quantum debemus, et hoc est profundum crucis; quod non tantum laudamus, et amamus te, quantum bonitas tua exigit, et hæc est sublimitas; quod non sumus tam fideles, ut alios ad tuam laudem trahamus, et hæc est latitudo; quod non semper continuamus laudem tuam, et hæc est longitudo. »

Tertio, moraliter hæc dimensiones crucis accipi possunt cum S. Augustino, ut longitudo crucis tum Christi, tum nostræ sit perseverantia; lati-tudo sit charitas; sublimitas sit religio, spes, amor, oratio; et omnis cum Deo communicatio et conjunctio; profundum sit arcanum prædesti-nationis, cur crux uni prosit, alteri non: unde oritur timor et humilitas profunda. Ille tres ex-positiones de cruce possunt accommodari pari modo aliis duabus expositionibus jam dictis, et duabus sequentibus, quartæ scilicet et quintæ jam dicendis.

Igitur potest quarto, accipi hic locus de dimen-sionibus spiritualis ædificii, id est, de quadru-pliei perfectione tum Ecclesiæ Christi, tum animæ cujuslibet Christianæ, tum charitatis, et conse-quenter cujuslibet virtutis Christianæ: præcessit

Secundo,
de dimen-
sionibus
d. d. d. d.
Christi.

Magni-
tudo et
multitu-
do peni-
tum et
passio-
num
Christi.

Tropolo-
gia di-
mensio-
num
crucis
Christi.

Tertio,
de morali
dimen-
sione
crucis ex
Augusti-
no.

Quarta
expositio
de di-
mensione
Ecclesiæ,
animæ,

charitas et virtutum. enim : « In charitate radicati et fundati, ut possitis comprehendere. » Et : « Christum habitare per fidem in cordibus vestris, » ut scilicet eo referantur hæ dimensiones. Unde de hoc ædificio, cap. præcedent. vers. 29, dixit : « Superædificati super fundamentum Apostolorum, » etc., et rursum de eodem agit cap. seq. vers. 12 et 16. Ita S. Hieronymus, Augustinus, Anselmus, Gregorius, homil. 6 *in Ezechielem*, in fine. Ecclesiæ ergo dimensiones hæ sunt : altitudo ejus, est cælum, sive cœlestis et beata Jerusalem ; profundum ejus, est infernus : hic enim est Ecclesiæ carcer, cujus sunt partes limbus et Purgatorium ; longitudo Ecclesiæ est, quod sit omnium temporum et sæculorum ; latitudo est, quod sit omnium terrarum et gentium. Vel mathematica, ut S. Hieronymus, Ecclesiæ longitudo est ejus diffusio, qua ab Oriente in Occidentem ; latitudo, qua a Meridie in Septentrionem porrigitur.

Quatuor dimensionales Ecclesiæ locales. Rursum, ut Anselmus, spiritualis Ecclesiæ longitudo, est spes longanimis ; latitudo, est charitas ; altitudo, est vita cœlestis inter angelos : nostra enim conversatio in cœlis est ; profundum, est fides, baptismus et reliqua Ecclesiæ Sacramenta. Pari proportionem animæ longitudo est fides, latitudo est spes, altitudo est charitas, profundum est humilitas. Vel *secundo*, longitudo est perseverantia, latitudo charitas, altitudo est spes cœli, profundum est timor judiciorum Dei. Unde S. Augustinus, tom. X, *homil.* 3 inter 50 : « Ego, ait, hæc Pauli verba sic intelligere soleo, in latitudine bona opera charitatis, in longitudine perseverantiam usque in finem, in altitudine spem cœlestium præmiorum, in profundo inscrutabilia Dei judicia, unde ista Dei gratia in homines venit : » ex quo oritur timor, humilitas ac soliditas cujusvis virtutis.

Quatuor dimensionales sunt quatuor novissimæ. Huc referri potest et altera Hieronymi expositio de novissimis : « Sublimitas, inquit, est cælum, profundum est infernus, media longitudo, et latitudo est accessus ad unum vel alterum. » Denique charitati hæc aptari possunt ; de ea enim præmisit Apostolus : « In charitate radicati, » et de eadem subdit statim : « Scire etiam supereminentem scientiæ charitatem Christi, » quam scilicet Christus in se habet, Christianisque suis communicat. Unde hæc Vatablus sic explicat : « Quæ sit longitudo, » etc., id est quam longa, lata, profunda et sublimis sit bonitas Dei. Charitatis ergo longitudo, est ejus continuatio, et constans perseverantia ; latitudo, est extensio, qua se charitas ad omnes tam angelos, quam homines, tam inimicos quam amicos, omnesque creaturas extendit ; profundum, est ejus intensio et fervor ; altitudo, est ejus excellentia, et heroici actus, v. g. martyrium, quod est quasi apex charitatis ; vel altitudo est ejus objectum, et elevatio, qua charitas ad unum Deum, quem diligit, se elevat, et sub eo cuncta contemnit. Hæc omnia pari ratione applices cuivis alteri virtuti Christianæ.

Dimensiones bonitatis divinæ. Potest *quinto*, accipi hic locus cum Anselmo quasi anagogice (præcedens enim fuit quasi tropologia : sed ita, ut utraque, scilicet tam hæc anagogia, quam illa tropologia sit litteralis) de dimensionibus civitatis et beatitudinis cœlestis, de qua *Apoc.* xxi, 16, dicitur : « Longitudo, latitudo et altitudo ejus, æqualia sunt. » Sub altitudine etiam profundum accipe : longitudo enim significat æternitatem gaudiorum, latitudo extensionem, altitudo sublimitatem, profundum intensionem et immersionem in abyssum divinitatis. Hæc æqualia sunt, quia æquo semper tenore durant. Unde hic ait Apostolus : « Ut possitis comprehendere cum omnibus sanctis. » Hoc enim est Beatorum ; et hæ dimensiones gaudiorum cœli apte respondent dimensionibus dolorum crucis Christi, de quibus diximus in tertio sensu. Ex cruce enim, charitate et meritis Christi omnes dimensiones jam dictæ dimanant. Quocirca Christi crux et merita earumdem sunt mensura, qua magnum illud ædificium mensuratur. Quocirca qui claram operum et meritorum Christi haberet cognitionem, uti habebat Paulus, ille recte comprehenderet multiplicitatem hanc latitudinem, longitudinem, sublimitatem et profunditatem. Hoc insinuat Paulus dum dixit, vers. 8 : « Mihi omnium sanctorum minimo data est gratia hæc, in Gentibus evangelizare investigabiles divitias Christi. » Divitiæ enim Christi sunt merita, quibus nobis omnes has dimensiones gratiæ et gloriæ promeruit, ut recte annotavit Alcazar, *Apoc.* cap. xxi, vers. 13.

Omnia eaque anagogica harum dimensionum explicatio. Omnes hi sensus veri, omnes satis appositi videntur huic loco, et indefinitæ propositioni Apostoli. Unde videntur intenti omnes a Spiritu Sancto, et diversis Patribus suggesti : primus tamen maxime videtur genuinus. Sic ergo breviter et ordinate omnes complectere, et in unum collige, ut sensus sit, loquaturque Apostolus de dimensionibus Christi, tum Dei, tum hominis, et peculiariter crucis ejus, itemque fructus ejus et conformitatis in nobis tum in hac vita, tum in futura : eadem enim sunt dimensiones Christi et Ecclesiæ, quæ Ecclesiæ et animæ cuivis fideli et sanctæ in Ecclesia a Christo sunt communicatæ.

Vers. 19. 19. SCIRE ETIAM SUPEREMINENTEM SCIENTIÆ CHARITATEM CHRISTI. — S. Augustinus, *epist.* 120, et S. Ambrosius legunt, *cognoscere supereminentem scientiam charitatis Christi* : sed Græca et Latina Biblia habent *scientiæ*, non *scientiam*.

Secundo, S. Hieronymus, Erasmus et Vatablus, *scientiæ* accipiunt in genitivo, *q. d.* Oro Deum ut det nobis eximiam dilectionem cognitionis et scientiæ, ut aveatis scire et cognoscere mysteria fidei christianæ.

Tertio et melius, alii passim *scientiæ* accipiunt in dativo ; regitur enim a *supereminentem*, *q. d.* Charitatem, quæ supereminet et præstat scientiæ. Unde S. Augustinus, lib. *De Gratia et Lib. arbitr.*, cap. 111 : « Cum, inquit, dicat Apostolus, Super-

Charitas
Dei in-
compre-
hensibi-
lis.

eminentem scientiæ charitatem Christi, quid insanius, quam putare ex Deo esse scientiam quæ subdenda est charitati; et ex hominibus esse charitatem quæ supereminet scientiæ. » Ubi S. Augustinus hunc locum de scientia et charitate in genere explicat, *q. d.* Apostolus: Charitas longe antecellit omnem scientiam; ut fusius docuit I *Corinth.* XIII. Verum quia Apostolus non absolute dicit *charitatem*, sed limitat addens: « Charitatem Christi, » et quia toto hoc capite deprædicavit charitatem in Christo nobis exhibitam, hinc *quarto* et simplicissime, « charitatem Christi, » id est quam Christus nobis exhibuit, vocat « supereminentem scientiæ, » id est maiorem quam ut sciri, intelligi et comprehendi possit, *q. d.* Charitas Christi tanta est, ut superet omnem humanam cognitionem et scientiam. Ita Theophylactus, Œcumenius et Ambrosius, qui ait: « Post Dei Patris infinitam et incomprehensibilem cognitionem, et inenarrabilem clementiam, Christi quoque nos vult agnoscere charitatem, quæ supereminens (ita enim legendum videtur in Ambrosio, non autem *supereminens*) est scientiæ: quis enim potest colligere mysterii hujus charitatis rationem, ut et Deus hominis causa homo nascatur, deinde moriatur pro hominibus, pro servis dominus, pro creaturis creator, pro impiis pius? »

UT IMPLEAMINI IN OMNEM PLENITUDINEM DEI. — *Primo*, aliqui apud Theophylactum et Œcumenium: Plenitudo Dei, inquit, est sacra Trinitas: Pater, Filius et Spiritus Sanctus, *q. d.* Ut plene SS. Trinitatem, ejusque attributa, et dimensiones jam dictas cognoscatis, ametis, adoretis et colatis. *Secundo* et melius Theophylactus et alii,

q. d. Ut sitis pleni omni sapientia, virtute et perfectione, maxime charitate qua plenus est Deus; seu, ut Dei cognitione, amore omniumque bonorum divinorum plenitudine impleamini. Plenitudo Dei est ejus perfectio

20. EI AUTEM, QUI POTENS EST OMNIA FACERE SUPERABUNDANTER QUAM PETIMUS AUT INTELLIGIMUS. — Græce est clarior sensus et efficacior spiritus: τῷ καὶ δυνάμει ὑπὲρ πάντα ποιῆσαι ὑπερπερισσεύειν ὧν αἰτούμεθα ἢ νοοῦμεν, id est, *ei qui potest super omnia facere ex abundantia super ea quæ petimus aut intelligimus*, id est qui potest facere omnia eximia melius, amplius et abundantius quam petamus aut intelligamus, *q. d.* Spero quod Deus, qui tam liberalis est, ut vota nostra superet, et hocce meum votum, ut impleamini in omnem plenitudinem Dei, implebit et superabit; utque impleat et superet tacite eum rogo et obsecro. Nota miosin, « potens est, » id est potest, et re ipsa facit, et facere solet. Simile est II *Cor.* cap. IX, vers. 8, ut ibi dixi.

SECUNDUM VIRTUTEM QUÆ OPERATUR IN NOBIS. — κατὰ τὴν δύναμιν, *secundum vim et potentiam*, id est gratiam et spiritum, qui nos potenter ad ardua virtutum opera impellit, *q. d.* Quod Deus potens sit, imo velit facere plura quam petam aut intelligam, patet ex tanta vi et potentia gratiæ ipsius, quam actu dat, quamque indies experimur super omnem spem et cogitationem nostram (1).

21. IPSI GLORIA IN ECCLESIA, ET IN CHRISTO JESU. Vers. 21. — Græca non habent conjunctionem *et*, sicque plenior est sensus, *q. d.* Glorificetur Deus in vestra Ecclesia per Christum Jesum, a quo tanta bona tantasque gratias accepistis.

(1) Allioi: « Secundum, » id est *per*.

CAPUT QUARTUM.

SYNOPSIS CAPITIS.

Altera epistolæ pars, scilicet ethica, qua hortatur Ephesios ad mores Christianos, ac imprimis ad unionem et concordiam, tum in fide, tum in charitate Christi, idque quinque argumentis.

Primum est, vers. 4, quia sumus unum corpus, et unus spiritus in Christo.

Secundum ibidem, quia omnes ad eadem cæli bona quæ speramus, vocati sumus.

Tertium, vers. 5, quia omnes unum habemus Dominum, unam fidem, unum baptisma.

Quartum, vers. 6, quia omnes fratres sumus ejusdem Dei Patris.

Quintum, vers. 7, quia Christus ascendens in cælum cuique suam gratiam distribuit, qua quisque contentus sit oportet, nulli invidens, nihil ambiens; deditque alios Apostolos, alios doctores, etc., ut singulos fideles, usque ad finem mundi quasi Christi membra perficiant; itaque totum Christi corpus, scilicet Ecclesia, in Christi fide, unitate et charitate crescat et compleatur.

Hinc vers. 17, hortatur eos ut damnata pristina cæcitate, et carnali immundaque vita Gentilium, veterem hominem exuant, novum in Christo induant, utriusque partes explicans vers. 23, scilicet, ut deponant mendacium, loquendo veritatem; abdicent iram, furtum, sermonem malum, amaritudinem, etc., per benignitatem, misericordiam et condonationem injuriarum.

1. Obsecro itaque vos ego vinctus in Domino, ut digne ambuletis vocatione, qua vocati estis, 2. cum omni humilitate et mansuetudine, cum patientia, supportantes invicem in charitate, 3. solliciti servare unitatem Spiritus in vinculo pacis. 4. Unum corpus, et unus Spiritus, sicut vocati estis in una spe vocationis vestræ. 5. Unus Dominus, una fides, unum baptisma. 6. Unus Deus et pater omnium, qui est super omnes, et per omnia, et in omnibus nobis. 7. Unicuique autem nostrum data est gratia secundum mensuram donationis Christi. 8. Propter quod dicit: Ascendens in altum captivam duxit captivitatem: dedit dona hominibus. 9. Quod autem ascendit, quid est, nisi quia et descendit primum in inferiores partes terræ? 10. Qui descendit, ipse est et qui ascendit super omnes cælos, ut impleret omnia. 11. Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores et doctores: 12. ad consummationem sanctorum in opus ministerii, in ædificationem corporis Christi: 13. donec occurramus omnes in unitatem fidei et agnitionis Filii Dei, in virum perfectum, in mensuram ætatis plenitudinis Christi: 14. ut jam non simus parvuli fluctuantes, et circumferamur omni vento doctrinæ in nequitia hominum, in astutia ad circumventionem erroris. 15. Veritatem autem facientes in charitate, crescamus in illo per omnia, qui est caput Christus: 16. ex quo totum corpus compactum, et connexum per omnem juncturam subministrationis, secundum operationem in mensuram uniuscujusque membri, augmentum corporis facit in ædificationem sui in charitate. 17. Hoc igitur dico, et testificor in Domino, ut jam non ambuletis, sicut et Gentes ambulant, in vanitate sensus sui, 18. tenebris obscuratum habentes intellectum, alienati a vita Dei, per ignorantiam, quæ est in illis, propter cæcitatem cordis ipsorum, 19. qui desperantes, semetipsos tradiderunt impuditiæ, in operationem immunditiæ omnis, in avaritiam. 20. Vos autem non ita didicistis Christum, 21. si tamen illum audistis, et in ipso edocti estis, sicut est veritas in Jesu. 22. Deponere vos secundum pristinam conversationem veterem hominem, qui corrumpitur secundum desideria erroris. 23. Renovamini autem spiritu mentis vestræ, 24. et induite novum hominem, qui secundum Deum creatus est in justitia et sanctitate veritatis. 25. Propter quod deponentes mendacium, loquimini veritatem unusquisque cum proximo suo: quoniam sumus invicem

membra. 26. Irascimini, et nolite peccare : sol non occidat super iracundiam vestram. 27. Nolite locum dare diabolo. 28. Qui furabatur, jam non furetur : magis autem laboret, operando manibus suis, quod bonum est, ut habeat unde tribuat necessitatem patienti. 29. Omnis sermo malus ex ore vestro non procedat : sed si quis bonus ad ædificationem fidei, ut det gratiam audientibus. 30. Et nolite contristare Spiritum Sanctum Dei, in quo signati estis in diem redemptionis. 31. Omnis amaritudo, et ira, et indignatio, et clamor, et blasphemia tollatur a vobis cum omni malitia. 32. Estote autem invicem benigni, misericordes, donantes invicem, sicut et Deus in Christo donavit vobis.

Vers 1. 1. OBSECO ITAQUE. — *q. d.* Quia Deus per Christum nos tantis beneficiis affecit, et vos, o Ephesii, cum essetis Gentiles, æque ac Judæos ad suam fidem, gratiam, gloriam vocavit, ut tribus præcedentibus capitibus ostendi : hinc par est, ut tantæ vocationi grati sitis, eaque digne et christianæ vivatis, ac Deo sancte servatis, quod ut faciatis, vos oro et obseco.

Corpus est vinculum animæ. EGO VINCTUS IN DOMINO, — propter Dominum et Domini Evangelium. Vide *Can.* 23. De dignitate et gloria horum vinculorum, vide hic Chrysostomum. Symbolice S. Hieronymus : « Corpus hoc vinculum et carcer est animæ, e quo exire cupiebat Apostolus, et esse cum Christo. »

UT DIGNE AMBULETIS VOCATIONE QUA VOCATI ESTIS, — id est, ut vivatis digne ad spem, digne ad Christum, digne ad Ecclesiam, digne ad angelos, digne ad gloriam cœlestem; ad hæc enim omnia vocati estis.

Nota : « Ambuletis, » id est conversemini : nam qui ambulat, gressus suos iterat et continuat, ut eodem passu et tenore in via cœpta progrediatur et pergat, itaque ambulet. Hinc *ambulare* Hebræis significat vivendi et agendi consuetudinem, vitæ tenorem, actionum mores.

Interrogabat se crebro S. Bernardus : « Bernarde, ad quid venisti? » interroget se crebro Christianus : Ad quid, Petre, venisti, ad quid vocatus es? ambula digne vocatione tua, ambula digne nomine tuo. Vocatus es ad humilitatem, sobrietatem, sanctimoniam : noli superbire, inebriari, fornicari. Vocatus es ad opus : noli vacare otio. Vocatus es ad colendam vineam, id est animam tuam : vide ne illam lolio et sentibus vitiorum, in gehenna exurendis, repleas. Vocatus es ad bona opera : illis stude, mala fuge. A Christo Christianus appellaris, ut Christum Christianus imiteris : imitare Christum, vive ut Christus vixit, patere quæ Christus passus est.

Vers. 2. 2. CUM OMNI HUMILITATE ET MANSUETUDINE. — « Qui terram, inquit Hieronymus, et cinerem se esse novit, et post paululum in pulverem dissolvendum, nunquam superbia elevabitur; et qui Dei æternitate perspecta, breve et pene ad puncti instar humanæ vitæ spatium cogitarit, ante oculos suos semper habebit interitum, et erit humilis atque dejectus (unde et Anselmus : Humilis, inquit, dicitur quasi humi alitus, et mansuetus quasi manu assuetus et ductilis); omnis autem

humilitas non tam in sermone, quam in mente est, ut humiles nos esse conscientia noverit, et nunquam nos vel scire, vel intelligere, vel esse aliquid æstimemus : » hætenus Hieronymus. Unde pro *humilitate* græce non est ταπεινότης, id est *humilitas*, vilitas, abjectio; sed ταπεινοφροσύνη, id est *humilis de seipso sensus*, sive virtus, qua quis humiliter et modeste de se sentit, opposita superbie, quæ magnifice et arroganter de se sentit, magni sua æstimat, alios ac aliorum facta parvipendit. Humilitatis filia est mansuetudo : qui enim humilis est et mitis, mansuete cum omnibus agit ac loquitur.

CUM PATIENTIA, — μακροθυμία, id est *longanimitate*, qua homo fit lenis et lentus ad iram; hunc enim Hebræi vocant אֵיךְ אֶרֶץ *erech appaim*, longum naribus, id est longum, sive lentum ad iram : ira enim vultu et naribus maxime se prodit. Ambrosius vertit, *magnanimitatem* : qui enim longus est, magnus est, et longanimitas est magnanimitas. Hinc, ut docet Seneca lib. *De Clementia*, viri magnanimi et principes longanimes sunt, nulla re turbantur vel offenduntur, læsi non se vindicant, sed potius omnibus etiam hostibus clementiam exhibent : contra viles, plebeiique, qui parvo et contracto sunt animo, parumque habent cerebri et iudicii, rebus parvis, parva injuria, uno verbulo asperiore concitantur ad iram et vindictam, erumpuntque in jurgia et verbera.

SUPPORTANTES INVICEM (ut alter alterius mores ferat, licet sibi suæque conditioni dissimiles, licet rusticos, licet asperos, licet petulantes, licet morosos, licet iracundos, sicque alter alterius onus ferat, ut dixit ad *Galat.* cap. VI, vers. 2, idque) IN CHARITATE, — id est, per charitatem.

3. SOLICITI, — σπουδαῖντες, id est, *studentes*, studiosè id agentes, magno studio huic rei incumbentes. S. Augustinus, lib. II *Contra litteras Petilianas*, cap. LXIX, legit, *solicite agentes*; Syrus vertit, *salagile*.

SERVARE (ut servetis) UNITATEM SPIRITUS, — id est charitatem mutuam, cujus auctor est Spiritus Sanctus, inquit Chrysostomus. *Secundo* simplicius, « unitatem spiritus, » id est, unitatem mentis et animi, ut scilicet corporibus licet divisi et disparati, mente tamen et animis conjuncti, uniti et quasi unum sitis. Hæc enim unio homines etiam debilissimos conservat, sicuti schisma fortissimos dissolvit : nam concordia res parvæ cres-

Patien-
tiam
quomodo
expi-
ant
Hebræi.

Virtus
est regia.

Vers 3.

Quantum sit schismatis peccatum, discordia maximæ dilabuntur. Vide quam unitati et concordie studendum sit, quamque cavendum sit schisma, docentem Chrysostomum in moralibus homil. 11, ubi inter cætera ait, schismatis peccatum ne martyrio quidem posse expiari: quod intellige, si in schismate manserit quis pro fide occidatur, et martyr fiat; tunc enim licet materialiter sit martyr, formaliter tamen non est; martyrium enim requirit, ut martyr sit in Ecclesia, nec ab ea per schisma se sepatet. Hanc pacis sollicitudinem tuebatur S. Bernardus, qui ad Abbatem Præmonstratensem ei offensum ob quemdam e suis monachis ab eo receptum, ita scribit, epist. 252, in fine: «Ego, inquit, fratres, quicquid faciatis, lecevi semper diligere vos, etiam non dilectus. Adhaerebo vobis, etsi nolitis; adhaerebo, etsi nolim ipse. Olim me alligavi forti vinculo, charitate non flecti, illa quæ nunquam excidit. Cum turbatis ero pacificus, conturbantibus quoque dabo locum iræ, ne diabolo dem. Vincar jurgiis, vincam obsequiis. Invitis præstabo, ingratis adjiciam, honorabo et contemnentibus me. Et nunc tristis est anima mea, quod quacumque occasione offenderim vos, eritque tristis usque dum vestra indulgentia relevetur,» etc.

Duplex explicatio. IN VINCULO PACIS, — ἐν συνδύμῳ τῆς εἰρήνης, id est, ut Erasmus, in colligatione et concatenatione pacis; S. Augustinus, in conjunctione pacis. Vinculum ergo hic non est unius, sed duorum vel plurium, quod scilicet duos vel plures vincit et connectit. Secundo, «in vinculo pacis,» id est, in vinculo quod est ipsa pax: pax enim quasi catena, imo quasi gluten, animos sibi invicem connectit, consociat, constringit et colligat (1).

Vers. 4. UNUM CORPUS (supple, est omnium fidelium, puta Ecclesiæ, cujus caput est Christus) ET UNUS SPIRITUS, — scilicet est, qui per singula membra hujus corporis, id est per singulos fideles, discurrens, singulis vitam et motum spiritualem adfert: ita Adamus. Secundo et melius, «unum corpus et unus spiritus,» supple, sitis. Ita Syrus, Theophylactus, Vatablus et alii: omnia enim hæc non asserentis, sed exhortantis sunt (2). Unde subdit:

Quantum debeat esse unum Christianorum. SICUT VOCATI ESTIS IN UNA SPE Vocationis VESTRÆ, — q. d. Ita servate unitatem spiritus, ut sitis quasi unum corpus et unus spiritus, ut videamini omnes esse unus homo, constans eodem corpore, eadem anima, eodem spiritu: «sicut vocati estis in una spe, id est, ad unam eandemque spem salutis, immortalitatis et gloriæ cælestis; sic enim respublica et Ecclesia dicitur esse unus homo civilis, vel unum corpus civicum et politicum, quod eadem lege, concordia, chari-

tate et spiritu unitur et animatur, atque ad eundem finem, scilicet bonam beatamque vitam tendit et conspirat.

Nota: Magnus stimulus ad unionem et concordiam est spes vocationis, qua omnes vocati sumus ad cernendum eandem æternam hereditatem Dei Patris. Cum ergo illa brevi fruituri simus, et a terra in cælum vocemur, ibique amicissime, latissime, felicissime in omnem æternitatem simul victuri sumus, quid hic de gleba terre albæ vel rubræ litigamus? quin ad cælum omnes simul connitimur? Si quis hanc spem aspexisset, si quis in cælo consisteret cum beatis illis mentibus, et terram hanc exiguum dispiceret, exclamaret sane: Hoc est punctum quod inter mortales ferro et igne dividitur. O quam angusti sunt mortalium termini! quam angusti mortaliū animi!

5. UNUS DOMINUS, UNA FIDES, UNUM BAPTISMA, Vers. 5. — supple est, q. d. Omnibus Christianis unus est Dominus, una est fides Christiana, unum baptismum, quo renati et Christiani effecti sunt; cum ergo unum omnes habeamus Dominum, unam fidem, unum baptismum, quid restat nisi ut tot vinculis colligati, imo uniti, amemus, colamus et servemus hanc spiritus unitatem? Ita Parisiis (quæ Christianissimi regis est regia) hoc unitatis tam regis et legis quam Dei et fidei emblemata et symbolum portæ S. Antonii inscriptum visitur:

Un Dieu, une foy;
Un roy, une loy.

Nota primo: Deus Hebræis vocatur אֲדֹנָי Adonai, id est Dominus, quia unus ipse est universalis et summus cæli et terre angelorum hominumque Dominus. Hinc Attalus martyr a tyranno per contemptum rogatus, quod nomen Deus haberet? respondit: Qui plures sunt, nominibus discernuntur; qui autem unus est, non indiget nomine. Testis est Eusebius, lib. VI Historiæ, cap. III.

Deus cum sit unus omnium Dominus, nomen non habet.

Nota secundo: Una est fides, quæ ad Deum et salutem nos ducit, non multæ: unus est Dominus, non multi; plane ergo aberrant, et in errorem ac æternam perniciem abducunt Politici et Libertini nostri, qui tam in fide Lutheri, Calvini, Mennoni, et quavis alia, quam in una vera Catholica Romana fide salutem suis promittunt, dummodo Christum redemptorem esse credant, et honeste vivant; certum enim est has non unam esse, sed alias et alias fides: Apostolus autem docet unam tantum esse fidem veram, quæ recta est ad salutem via. Unde sequitur, alias et diversas ab hac vera fide, imo illi contrarias, non fidem, sed perditionem esse, quæ ducit non ad cælum, sed ad gehennam.

Politici et Libertini fallunt et falluntur, quia in alia fide quam Romana salutem pollicentur.

Rursum, sicut unus Dominus noster et redemptor Christus divinitate et humanitate constat, ut qui vel deitatem, vel humanitatem, vel animam aut mentem, aut voluntatem humanam ei ade-

(1) Est tropus omnibus linguis communis. Ovidius, Metamorph. I, 25:

Dissociata locis concordia pace liavit.

(2) Alii: Vos unum corpus, una societas estis, ergo et unus animus sitis.

merit, hic unum hunc Dominum nostrum de medio tollat; et sicut unum baptisma suis integratur partibus, ut qui non aqua, sed vino baptizare velit, aut non in nomine Trinitatis, sed solius vel Patris, vel Filii, vel Spiritus Sancti, aut in nomine angelorum, hic unum et verum baptisma evertit, et de medio tollit: ita qui unum fidei articulum, aut unam propositionem fidei essentialem pertinaciter negat, hic unam veramque fidem evertit, nec fidelis, sed infidelis est. Sicut enim Christus et baptisma suis partibus, ita et fides suis articulis integratur et componitur. Quisquis hic hæres et fluctuas, hæc sedulo perpende, et quam tibi curæ et cordi est æterna salus tua, tam serio et studiose hanc unam, veram, canam et priscam omnium sæculorum fidem quære, amplectere, sectare.

Ita S. Valerianus, sponsus S. Cæcilie, ab ea missus ad S. Urbanum Pontificem, ut ab illo baptizaretur, cum eundem adiret, vidit seniore nives indutum vestibus, qui hunc titulum aureis litteris scriptum manu tenebat: « Unus Dominus, una fides, unum baptisma, unus Deus et pater omnium, qui super omnia et in omnibus nobis est. » Additque: « Credis ita esse? » Respondit Valerianus: « Non est aliud, quod verius possit credi sub cælo. » Mox S. Urbanus eum baptizavit. Est ergo hæc sententia fidei orthodoxæ tessera, et Symboli Apostolici brevium. Sic rem hanc narrant Acta S. Cæcilie, quæ ex antiquissimis Romanis bibliothecis exemplaribus, pura et sincera edidit Antonius Bosius I. V. D.

Ita Liberatus abbas, Bonifacius diaconus, Rusticus et Servus subdiaconi, Rogatus, Septimus et Maximus monachi, ex monasterio Carthaginem pertracti, primum blanditiis ad Arianam perfidiam sollicitati sunt. Illi vero uno ore et animo suam coram omnibus confessi sunt fidem, dicentes: « Unus Deus, una fides, unum baptisma; nec poterit in nobis iterari, quod in doctrina Evangelii semel dari præceptum est: Quia qui semel lotus est, non habet necesse ut denuo lavetur, sed mundus est totus. Satiusest momentanea perferre supplicia, quam æterna subire tormenta. » Jubet rex navem sarmentis impleri, confesoresque ligatos superimponi, igneque subjecto, et navi in pelagi medium promota concremari. Illi magna cum fiducia cantabant: « Gloria in excelsis Deo. Ecce nunc tempus acceptabile, ecce nunc dies salutis, quando pro fide Dei nostri supplicia perferemus, ne acquisitæ fidei indumentum amittamus. » Ignis cum accenderetur sæpius, extinctus est. Ergo rubore et furore percussus rex mandavit eos remorum vectibus necari. Ita Victor Uticensis, lib. III *Wandal. persecut.*

UNUM BAPTISMA. — « Contra Valentinum hoc fecit, inquit Hieronymus, qui duo baptismata esse contendit; et contra omnes hæreticos, ut sciant non habere se baptisma, sed in una Christi Ecclesia fontem esse vitalem. » Ubi Hieronymus vi-

detur dicere hæreticos non habere baptismum, nec eorum baptismum esse validum, ac consequenter, qui ab eis baptizantur, debere rebaptizari; qui error fuit S. Cypriani, scilicet unum baptismum dici, quod ab una et in una Ecclesia Catholica confertur; ac proinde hæreticos, qui extra Ecclesiam baptismum conferunt, non verum, sed falsum baptismum conferre, ac consequenter ab hæreticis baptizatos esse rebaptizandos. Sed ab hoc errore excusandus est S. Hieronymus: tantum enim vult asserere contra Valentinum, non duo, scilicet hæreticorum unum, secundum Catholicorum; sed unum tantum esse baptismum, illud scilicet quod est in Ecclesia Catholica; quod tamen si usurpent hæretici, verum baptismum usurpant, vereque baptizant; sin aliud suum baptismum, puta aliam baptismi materiam vel formam inducant, baptismum falsum et qui non est, inducunt, ut qui sic baptizati sunt, non sint baptizati, sed rebaptizari, imo primo baptizari debeant.

Secundo, S. Augustinus: « Unum baptismum vocatur, inquit, quod iterari non debet: semel enim baptizatus, secundo baptizari non debet. »

Tertio, S. Hieronymus: « Unum baptismum » dicitur, quia licet ter baptizemur (id est ter mergamur vel tingamur aqua in baptismo) propter mysterium Trinitatis, tamen unum baptismum reputatur.

Quarto et genuine: Sicut est una vera fides, sic unum tantum est verum baptismum, scilicet illud, quod Ecclesie datum est a Christo, suam habens materiam, scilicet aquam, et suam verborum formam, a Christo institutam, ut abluendo corpus, dicendoque: Ego te baptizo in nomine Patris, et Filii, et Spiritus Sancti, baptizati animam a peccatis omnibus abluamus; qui enim alium baptismum, vel aliam baptismi materiam aut formam afferret, unum verumque baptismum tolleretur, et secundum falsum mendacemque baptismum induceretur.

Hæc est ergo tessera fidei nostræ: « Unus Deus, una fides, unum baptismum. » Sicut tessera mahometismi est: « Unus est Deus, et Mahomet consiliarius ejus. » Tessera Arianorum erat: « Filius est *ὁμοούσιος*, non *ὁμοῦσιος* Patri, » hoc est, Filius est similis substantiæ cum Patre, non ejusdem. Hinc Ariani novum quasi Deum, novam fidem, novum baptismum invexerunt, atque adeo curabant Catholicos rebaptizari suo more, ut ita inchoarent et profiterentur arianismum. Suggestit impium hoc consilium Hunericus regi Cyrilla Episcopus Arianus. Hunericus ergo jussit omnes Catholicos ab Arianis rebaptizari, sub pœnis exilii, carceris et mortis. Sed Catholici licet extrema paterentur, in fide steterunt.

6. UNUS DEUS ET PATER OMNIUM, QUI EST SUPER OMNES, ET PER OMNIA, ET IN OMNIBUS NOBIS. — Supple id, quod hinc intendit inferre Apostolus: ergo omnes fratres sumus et filii ejusdem Dei

S. Hieronymus abest ab errore S. Cypriani de baptismo hæreticorum.

Varia rationes ob quas baptismum vocetur unum.

Joan. XIII.

Monachorum pro fide Catholica constantia.

Error Valentini de duplici baptismo.

Patris, ac proinde tanquam fratres invicem diligere, et spiritum unitatem servare debemus, quia in eadem Dei Patris nostri domo, scilicet Ecclesia, versamur vivimusque.

Quomodo Deus super omnes, per omnia et in omnibus? Nota: Deus est « super omnes » per maiestatem, potentiam et imperium divinum et transcendens; est « per omnia », quia per potentiam et sapientem gubernationem, operationem, efficaciam, per omnia comitatur et transcurrit; est « in omnibus » per essentiam, amicam unionem et continentiam omnium; « in nobis » etiam Christianis et iustis est per gratiam et sanctitatem. Ita Hieronymus, Theophylactus, Anselmus.

Nota secundo: Græcum *ὁ ἐπὶ πάντων*, verti potest, *qui est super omnia*; noster tamen Interpres maluit vertere « qui est super omnes », scilicet deos, ut perstringat *Æones* Valentini deosque Simonis Magi, Hesiodi et Poetarum, quod hac epistola sepe facit Apostolus, ut in præced. annotavi.

Æones Valentini et dii Poetarum perstringit.

Nota tertio: Per Deum et Patrem accipiunt aliqui primam personam Sanctissimæ Trinitatis, illique hæc tria attribuunt, quod sit super omnia, per omnia et in omnibus. Verum melius Hieronymus et alii nomen Patris hic non respectu Filii et Verbi æterni, sed respectu creaturarum accipiunt, ut sit commune toti Sanctissimæ Trinitati: hæc enim est Deus, et Pater omnium; illius deinde tres personas designat, cum ait: « Qui est super omnia, per omnia, et in omnibus. » « Super omnia » enim appropriatur Patri, et respondet illi quod dixit *Rom. xi*, ult., « a quo omnia: » qui enim est super omnes et omnia, hic auctor est omnium; « per omnia » appropriatur Filio; « in omnibus », Spiritui Sancto. Ita Hieronymus.

Pater hic significat Deum trinum.

Nota quarto: Deo Filio tribuitur *διά*, hoc est per, quia sicut per ipsum creata sunt omnia, ita et per ipsum omnia gubernantur, diriguntur, perficiuntur. Sic Zeno Stoicorum parens apud Laertium: *Δία μὲν γὰρ πασι δι' οὗ τὰ πάντα, Ζῆνα καὶ καλοῦσι παρ' ὅσων τῷ ζῆνι αὐτός ἐστιν*, « vocant, inquit, Jovem *Δία*, quod per ipsum sint omnia; eundem vero vocant *Ζῆνα*, quod vitæ sit auctor. » Unde concludit et canit Virgilius:

Deo Filio tribuitur *διά*, id est per.

Deum ire pe omnes

Terrasque tractusque maris, cælumque profundum.

Ex eo enim quod per Deum creata sint omnia, sequitur omnia per Deum conservari, consistere et gubernari, Deumque per omnia penetrare et pervadere tum potentia et efficacia, tum præsentia et essentia sua.

Vers. 7.

Mensura gratiæ non datur ex meritis.

7. UNICUIQUE AUTEM NOSTRUM DATA EST GRATIA SECUNDUM MENSURAM DONATIONIS CHRISTI, — id est cuique data est gratia non una et par, sed varia et dispar, huic major, illi minor; data, inquam, non est ex merito, vel mensura meritorum nostrorum, sed ex mensura gratuite donationis Christi, cui placuit donare huic illam mensuram gratiæ, illi istam, alteri aliam.

XVIII.

Est hic quintum argumentum, quo Paulus, ut dixi initio, Ephesios excitat ad charitatem mutuum, *q. d.* Non est quod minor in gratia invidet majori, nec est quod superbiat major, et minorem contemnat (hæc est enim radix discordiæ, quæ omnem unionem et concordiam turbat), quia tam donum, quam doni sui mensuram uterque accepit a Deo, qui cuique suam doni mensuram quam illi convenire prævidit, admensus est ex infinita sua liberalitate et sapientia, in qua omnes conquirere debent, illique gratias agere, eamque tam in suis, quam in aliorum donis laudare et celebrare: non enim nisi optime et sapientissime sua dona emetiri et distribuere potuit is, qui spirituum ponderator est et Dominus.

Nota tamen, sæpe Deum mensuram gratiæ suæ admetiri mensuræ dispositionis nostræ, ut quo major vel minor fuerit dispositio, eo maiorem vel minorem det gratiam; sed et hæc dispositio a Dei gratia inchoari et manare debet. « Deus, inquit Hieronymus, cuius magnificentiæ non est numerus, non dat spiritum ad mensuram, sed juxta mensuram vasculorum infundit liquorem, tantum muneris largiens, quantum potest ille cui donatur accipere. » Addit et similitudinem: « Sicut, inquit, mare in se immensum est, sed quicquid ex eo haurit, quantum capere potest et portare: sic Spiritus Sanctus in se immensus est, sed cuique ex eo datur tantum, quantum expedit et capere potest. »

Mensura gratiæ divinæ aliquando proportionatur mensuræ dispositionis nostræ.

8. PROPTER QUOD (ut scilicet ostendat Christum ex sua liberalitate donare et distribuere cuique mensuram suæ gratiæ) DICIT (sacra Scriptura, et Spiritus Sanctus per os Davidis, *Psal. LXVII*): ASCENDENS IN ALTUM CAPTIVAM DUXIT CAPTIVITATEM. — Nota: *Psal. LXVII*, regius Propheta sub typo triumphi Israelis de suis hostibus (quem obiter quasi ad eum alludendo perstringit) canit Christi et Ecclesiæ triumphum de Christi ascensione, Spiritus Sancti missione, Gentium per Apostolos conversione. Sic *Psal. LXXI* et *LXXXVIII*, regnum Messiae per typum regni Salomonis depingit. Sic *Isaias*, cap. *xiv*, casum regis Babyloniorum, et *Ezechiel*, cap. *xxviii*, casum regis Tyri describit per casum Luciferi et diaboli. Itaque hisce et similibus locis sacra Scriptura duos habet sensus litterales: utrumque enim sensum, scilicet tam typi, quam antitypi, tam allegoriæ vel paraboliæ, quam rei per illam significatæ, complectitur, unumque refert et ordinat ad alium. Quod alibi pluribus demonstravi.

Vers. 8.

Locus *psalmi LXVII* explicatus et illustratus.

Duo sensus litterales in his Scripturis.

Sic hoc *Psal. LXVII*, sensus typi est triumphus Israelis, tum de Pharaone per Moysem, tum de Philistæis aliisque hostibus per Davidem. Unde ait: « Currus Dei decem millibus multiplex, millia lætantium: Dominus in eis in Sina in sancto, » *q. d.* Currus, quibus Deus ad pugnam et triumphum invehitur, in infinitum multiplicati sunt, quia hi currus sunt infinita angelorum lætantium milia,

40

quibus victoriam nobis peperit. Dominus enim in eis inequitat in templo sancto suo, cujus symbolo Cherubini effecti sunt in eo quasi currus Dei : sicut olim in Sina (more enim hebræo intelligitur *caph* similitudinis, id est *sicut* ; « in Sina, » id est, sicut in Sina) dans legem, hunc currum Cherubim primo fieri jussit, eique inequitavit quasi triumphans de Pharaone jam contrito : Cherubini enim Mosis, uti et Ezechielis, cap. 1, erant quasi currus regalis et triumphalis Dei.

Sequitur in *Psalmo* : « Ascendisti in altum, cepisti captivitatem, accepisti dona in hominibus, » *g. d.* Vicisti, Domine, et triumphasti, et quasi victor et triumphator in altum capitolum ascendisti : quando Pharaone occiso primum in Sina, deinde Philistæis prostratis in Sion cum arca et populo tuo ascendisti. « Cepisti captivitatem, » id est, Hebræos, qui a Pharaone, quique a Philistæis tenebantur captivi, liberasti, tuos captivos fecisti, tibi asseruisti et subjecisti; ipsos etiam Philistæos aliosque hostes tuos et Davidis captivos fecisti. « Accepisti dona in hominibus, » id est, diripuisti manubias et spolia Ægyptiorum et Philistinorum, ut ea quasi dona dares hominibus, et populo tuo Israel.

Jam *secundo*, sensus antitypi, sive rei per typum jam dictum significatæ, est triumphus Christi per triumphum Mosis, Davidis et Israelis adumbratus et significatus : Christo enim cum triumpho in cælum ascendenti longe verius et clarius hæc conveniunt, quam Israeli. Unde ait : « Currus Dei decem millibus multiplex. Millia lætantium : Dominus in eis in Sina in sancto, » *g. d.* Currum Christi Dei nostri triumphalem stipant aguntque multæ angelorum myriades instar currum et phalangum innumerabilium, lætantes et jubilantes in triumpho; et Dominus Christus inter eos et super eos quasi inequitans in sanctum suum cælum et thronum gloriæ invehitur cum tali, imo longe majori pompa et majestate, quam olim iisdem stipatus de Pharaone triumphans, in Sina se gloriose per fulgura, tonitrua, tubæ clangorem, fumum flammæque ostendit, et legem dedit Israeli.

Sequitur : « Ascendisti, » quasi triumphator, « in cælum » empyreum, « cepisti captivitatem, » vel, ut Apostolus, « captivam duxit captivitatem » (mutat enim secundam personam in tertiam, cœperat enim de Christo loqui in tertia persona), duplicem scilicet, ut recte Thophylactus : *Primo*, activam, scilicet peccatum, mortem, diabolium, infernum, idola, tyrannos, qui nos captivaverant, Christus in triumphum duxit. Ita Chrysostomus et Vatablus. *Secundo*, passivam, ut Hieronymus et alii, scilicet Patriarchas, Prophetas aliosque Sanctos erutos captivitate inferni, sanctæque et beata jam Christi captivitate captivos, Christus triumphans secum in cælum duxit. Ita passim Patres, et patet hic ex Apostolo.

Nota : *Captivitas* in abstracto ponitur pro cō-

creto, pro captivis scilicet passive, vel active pro captivantibus, ut dixi.

Secundo, *capere captivitatem* Hebræis non est aliud quam capere, captivos facere, victos ducere, sive hi captivi antea ab alio capti fuerint, sive non. Unde in libris Regum David et alii dicuntur capere vel abducere captivitatem, cum hostes suos liberos, quibuscum conflixerant, a se devictos primo captivos sibi faciunt.

Tertio, Euthymius sic exponit : « Ascendisti, o Christe, in altum, » id est, in altam et triumphalem crucem, qua vicisti et triumphasti, omnesque nos quos redemisti, cepisti et tuos captivos fecisti. Unde ipsemet ait : « Cum exaltatus fuero a terra, omnia traham ad meipsum. » Hic sensus non est litteralis, sed accommodatius et præambulus litterali : ad litteram enim agit de triumpho Christi post mortem et crucem, cum victor ascendit in cælum, ut explicat hic Apostolus.

Quarto, pro *ascendens* græce est *ἀναβαίνω*, cum *ascendisset*, etc., « dedit dona; » non enim proprie de ascensu Christi intendit agere Apostolus, sed de distributione donorum quæ post ascensum ex cælo misit, et distribuit in Apostolos aliosque fideles.

DEDIT DONA HOMINIBUS. — Dices, *Psal. LXVII, 19*, dicitur : « Accepisti dona in hominibus. » Quomodo ergo pro *accepisti* vel *accepit*, Apostolus dicit *dedit*?

Respondet *primo*, S. Augustinus : Christus accepit hæc dona non in se, sed in corpore suo, quod est Ecclesia, dedit vero eadem Ecclesiam suæ, quatenus illius est caput. Hoc verum est, sed quæstioni non videtur satisfacere : nam alium sensum Pauli, alium Davidis inducit, cum unum eundemque esse oportet. Adde, revera sic mutari personam : alia enim est persona Christi, alia Ecclesiæ, hic autem unus idemque est, qui in psalmo dicitur dona accepisse, et qui a Paulo dicitur eadem dedisse.

Secundo, S. Hieronymus : Loquitur, inquit, Psaltes ante Christi incarnationem; tunc enim Christus qua Deus dona hæc a Patre accepit, ut post incarnationem ea daret hominibus. Unde et jam natus dedit ea hominibus, ut hic ait Apostolus.

Tertio, Jansenius in *Psalm. LXVII* : Mutat, inquit, Apostolus *accepit* in *dedit*, ut significet quod Deus non accepit dona in hominibus, et ab hominibus, nisi quæ prius illis dedit.

Quarto, Theodoretus : Christus, ait, dat dona, et dona accipit, quia hæc dona a Christo data, in Christi gloriam cedere et expendi debent. Et Euthymius in *Psalm. LXVII* : A quibus, inquit, Deus accepit fidem, fidelem scilicet donorum usum, et fidele obsequium ac gratiarum actionem, hisce dat sua dona. Sic et Theophylactus : Christus, inquit, qui hominibus dat sua charismata, ab iisdem accipit ministerium; quisque charisma accipit non ut otietur, sed ut negotietur, Christoque cum fœnore reddat, illud accipit. Sed et his

Typus
Christi
trium-
phantis
et ascen-
dentis
in cælum
fuit
Israel
victor
Pharao-
nis.

Duplicem
captivita-
tem, ac-
tivam
et pas-
sivam,
Christus
in trium-
phum
duxit.

Gr
Aposto-
lus hic
pro
accipit
dona
dixerit
dedit,
quinque
rationes.

obstat ratio contra primam explicationem allata.

Quinto, plane et genuine, « accepisti dona in hominibus, » id est, pro hominibus, propter homines; Hebræum enim *bet*, id est *in*, sumitur hic, uti et alias, pro *בעבור* *babur*, id est *propter*, vel pro *ל* *lamed* dativi, *q. d.* Accepit Christus a Patre dona, quæ daret, quæque de facto dedit hominibus, uti explicat hic Paulus, et sic idem est accipere quod dare: Christus enim hæc dona accepit, non ut sibi servaret, sed ut ea daret hominibus.

Unde Hebræum *לקח* *lacach*, id est *accipere*, subinde significat dare, seu afferre, teste Aben Ezra et R. Salomone, ut *Genes. xxxviii, 6*: « Dedit Judas uxorem primogenito suo, » pro *dedit* hebraice est *lacach*. *Exod. xxv, 2*, hebraice est *לי ויקחו* *vaikechu li teruma*, id est *accipient* (hoc est, dent vel afferant) *mihi oblationem*. Sic *III Reg. xvii, 10*: « Da mihi paululum aquæ, » hebraice pro *da* est *accipe*. Sic *Osee ult. cap., vers. 3*: « Omnem aufer iniquitatem, accipe (id est *da*) bonum, et reddemus vitulos laborum nostrorum. » Sic hic « accepisti, » id est dedisti, vel adauxisti, dona hominibus. Ita Chaldæus. Est metalepsis: quia enim dona daturi, ut pecuniam, solemus prius eam ex arca aut aliunde accipere; hinc *accipere* ad dandum sumitur pro *dare*.

Posset secundo verti, *emisti dona hominibus*, vel *propter homines*. *Emisti*, scilicet pretio sanguinis tui, o Christe. *Lacach* enim subinde emere significat, ut patet *Prov. cap. ult., vers. 16*, et *IV. Reg. v, 56*. Hinc ea quæ venduntur et emuntur, puta merces, vocantur *מקחות* *mickchot*.

Dona hæc sunt dona Spiritus Sancti, quæ in Pentecoste, et deinceps Christus triumphator in Apostolos et Christianos sparsit, ut solent in triumpho ad commune omnium gaudium missilia munera, et pecunia in populum spargi. Ita Genebrardus in *Psalm. lxxvii*, Ambrosius et Hieronymus hic. Scilicet hæc dona sunt quæ sequuntur, puta apostolatus, doctoratus, prophetia, etc., quæ ad hoc distribuit Christus, ut singulos fideles, ac consequenter totum corpus suum, nimirum Ecclesiam, in una veraque sua fide et charitate ædificent et perficiant: omnia enim hæc spectant ad excitandam in Ephesiis unionem et concordiam in fide et charitate, ut dixi in argumento.

Vers. 9. 9. QUOD ASCENDIT, QUID EST, NISI QUIA ET DESCENDIT PRIMUM IN INFERIORES PARTES TERRÆ? — Id est, quod David, *Psalm. lxxvii* jam citato, dicit Christum ascendisse, quid innuit, nisi quod ante jam Christus descenderat « in inferiores, » *εἰς τὰ κατώτερα*, id est, in infimas (ut vertit Vatablus, quin et ipsemet Beza) partes terræ?

Hoc loco et aliis similibus confirmatur ille fidei articulus quo credimus, et dicimus de Christo: « Descendit ad inferos; » quod scilicet corpore Christi sepulto anima ejus descenderet ad inferos, puta ad limbum patrum. Negant hoc Calvinus et Beza, qui per inferos intelligunt sepulcrum, ut idem sit, « descendit ad inferos, » quod « sepul-

tus est, » Sed sic Apostoli absurdam committerent tautologiam in Symbolo, cum dicunt, « passus, mortuus, et sepultus, descendit ad inferos. » Vocem enim « sepultus, » quæ clarissima est, explicarent per obscuram et ambiguum, scilicet per « descendit ad inferos. »

Rursum, Apostolus ait hic Christum descendisse in infimas partes terræ: quæ sunt infimæ partes terræ, nisi infernus proprie dictus, qui est in medio terræ circa ejus centrum? Respondet Beza, infimas partes terræ vocari terram ipsam, quæ est infima pars mundi. Contra Apostolus non ait Christum descendisse in infimas partes mundi, sed terræ; ergo invertis, o Beza, et distorques verba Pauli, si non imas terræ, sed mundi partes accipias: mundi enim Paulus ne meminit quidem; cur ergo illud Pauli verbis in se claris et perfectis adjicis et apponis? Si hoc dicere voluisset Paulus, quod tu ipse vis, debuisset profecto dicere, Christum in terram, quæ mundi pars ultima est, descendisse. Sic cum dico: Præter descendit in imas partes carceris, intelligis, et intelligunt omnes me dicere eum descendisse in profundissima loca carceris, non autem domus in qua carcer est: cur non hic similiter per imas terræ partes, imas, non mundi, sed terræ, ut verba sonant, intelligamus? Vide, quæso, Novantes istos, qui uni Scripturæ ejusque verbis niti volunt, quam ea suis interpretationibus lancinent et distorqueant, ac proinde quam non Scripturæ, sed suo commento, suique cerebri figmentis nitantur, ad eaque Scripturam volentem nolentem trahant cogantque.

Rursum subdit Apostolus: « Qui descendit, » supple in infimas partes terræ, ut præcessit, « ipse est et qui ascendit super omnes cælos, ut adimpleret omnia, » *q. d.* Christus altissime ascendit super omnes cælos, quia profundissime se humiliavit, et descendit ad imas partes terræ, scilicet ad infernum, sicque summa et infima complevit, et per consequens intermedia quoque, atque adeo omnia: si enim Christus non descendit ad limbum patrum, ubi erat potior pars Ecclesiæ, totque Sanctorum millia, omnium scilicet, qui ab Adamo ad Christum usque vixerunt per quatuor pene annorum millia, ergo non adimplevit omnia, quod tamen asserit Apostolus. Denique ita explicant Patres. S. Hieronymus: « Inferiora terræ, inquit, infernus accipitur, ad quem Dominus noster Salvatorque descendit, ut Sanctorum animas, quæ ibi tenebantur incluse, secum ad cælos victor abduceret. » Et hoc innuit Apostolus, cum ait: « Ascendens in altum captivam duxit captivitatem, » quam scilicet ad infernum descendens inde liberarat. Ambrosius: « Descendit, inquit, Christus in cor terræ, ut occisio ejus prædicatio esset mortuorum; ut quotquot ejus essent cupidi, liberarentur. » Chrysostomus et Theophylactus: « Descendit, inquit, ad infimas partes, post quas non est aliud quid; et ascendit super

tienlum, Descendit ad inferos, confutatur.

Christus vere descendit ad inferos, et non tantum ad sepulcrum.

In limbo, ad quem Christus descendit, erat potior pars Ecclesiæ.

Cur Christus ad inferos descenderit?

Error Calvini et Beza circa ar-

omnia, ultra quæ non sunt alia. » Anselmus « inferiores partes terræ » vocat loca inferorum : « Illuc enim, inquit, secundum animam descendit Christus, ut suos omnes potenter inde educeret. »

An Christus etiam descendit ad inferos damnatorum? Dices : Christus descendit in limbum patrum, non autem in infernum damnatorum; ergo non descendit ad infima terræ.

Respondeo : Limbus, purgatorium, infernus, generaliter loquendo, unus sunt locus, scilicet terræ infimus, unoque nomine vocantur et dicuntur infernus. Ita Patres citati.

Quæres : Cur inferni meminit hic Apostolus, quidvæ hic Christi descensus facit ad ejus scopum, qui est hortari Ephesios ad unionem et concordiam? Respondet Theophylactus, per hunc descensum Christi hortatur Apostolus Ephesios ad humilitatem, quæ est mater concordiæ, sicut superbia mater est invidiæ et discordiæ. Tangit ergo Apostolus radicem mali : cur enim in Ecclesia, urbe, familia jurgia sint et schismata, causa est, quod alii aliis eminere velint, alii id pati noliunt, q. d., ait Theophylactus : Sicut Christus non recusavit descendere profundissime; sic et vos, o Christiani, per humilitatem demittite, aliisque condescendite et obsecundate, ut unionem mutuum conservetis; nec est quod timeatis hunc descensum honori vestro nociturum : quemadmodum enim Christo non nocuit, ita nec vobis nocebit. Imo sicut Christus ideo altissime super omnes cælos ascendit, quia profundissime infra terram se demisit, ac descendit : ita quo profundius vos demiseritis, eo altius exaltabimini. Ita contigit S. Francisco cæterisque Sanctis.

Vers. 10. 10. QUI DESCENDIT, IPSE EST ET QUI ASCENDIT SUPER OMNES CÆLOS. — « Descendit et ascendit » sunt hic præteriti temporis : hæc enim significat Græcum κατεβή et ἀνέβη. « Curiosi homines, inquit Beza, hic disceptant super cælos nullum esse locum, itaque corpus Christi esse ἀπρίπταντον : at nos, inquit, credimus Christi corpus finitum, et animam in cælos ascendisse, et ad dexteram Patris sedere, nec ante diem judicii inde venturum : cætera curiosis sophistis vexanda relinquamus. » Verum curiosum non est Scripturæ sensum rimari, quem ipsa suggerit et objicit, imo exprimit. *Secundo*, ex terminis patet, *super cælos* non esse idem quod *in cælos*, ut ipse vult. *Tertio*, non ideo ἀπρίπταντον, id est *incircumscriptum*, hoc est infinitum, Christi corpus est, quia et in illis spatiis vacuis, quæ super cælos sunt : suis enim dimensionibus, figura et quantitate circumscribitur et terminatur, licet extrinsecus ab aere aliove corpore ambiente non circumscribatur.

Est ergo secunda sententia nonnullorum Catholicorum, qui dicunt Christum ascendisse supra, id est super omnes cælos, eo sensu quo quis dicitur ascendere super arborem, cum supra partem arboris, puta supra truncum in ramos ascendit, etiamsi totam arborem, ipsumque arboris verticem non superet aut transcendat. Verum

Græcum ὑπεράνω plus significat : est enim compositum ex ὑπέρ, id est super, et ἄνω, hoc est supra, q. d. Super supra, id est, omnino super omnes cælos Christus ascendit. Unde Beza vertit, *longe super omnes cælos ascendit*. Sed responderi posset ὑπεράνω pro ὑπέρ capi : sic enim capitur alibi. Unde hæc sententia est probabilis, eamque sequitur noster Lessius, lib. III *De Summo Bono*, cap. VIII.

Tertio, probabiliter dici potest, per omnes cælos hic intelligi omnes cælos æthereos, vulgo et Philosophis cognitos, q. d. Christus super omnes cælos æthereos ascendit in ipsum cælum empyreum. Verum cum Apostolus absolute omnes cælos nomet, cur vocem *omnes* restringamus ad solos æthereos? Adde, sic nihil rari aut proprii de Christo dici : omnibus enim Sanctis hoc commune est, ut super omnes cælos æthereos ascendant ad cælum empyreum.

Dico ergo *quarto*, si proprie et simpliciter accipiamus verba Apostoli sicuti sonant, uti accipienda videntur, cum nihil obstat, admittendum esse Christum super omnes cælos, etiam empyreum, ascendisse, ut super illud emineat, sitque in spatio illo inani quod est super cælum, vel parte corporis sui, vel etiam toto corpore, ita ut pedibus suis insistat convexæ superficiæ cæli empyrei. Ita D. Thomas, Anselmus, Paludanus, Cajetanus, quos citat et sequitur Franciscus Suarez, III *part.*, *Quæst.* LVIII; et videntur idem sentire Chrysostomus, Theophylactus, Oecumenius, cum, ut supra dixi, asserunt Christum ascendisse supra omnia, ultra quæ non sunt alia. Est ergo ibi Christus, ut impleat omnia; utque ipse totius universi Dominus et iudex universo emineat, et super illud etiam in spatiis illis vacuis gloriam suam et dominium ostendat. Denique, ut, sicut infra iam terram descendit, ita supra omnes Sanctos et supra summum cælum ascendens, ibi thronum gloriæ suæ collocet.

Beati ergo sunt in ipso cælo empyreo; Christus vero eorum rex eis eminet, insistitque cælo empyreo, ita tamen ut totum cælum empyreum coram se habeat, quasi unam aulam vel basilicam amplam, in qua omnia et singula distincte videt et perspicit, eoque melius quo ipse altiori est loco : sicut si rex in altissimo throno considens videat omnia quæ geruntur in aula throno subiecta; et hoc ipso censetur rex esse et habitare in ipsa aula, præsertim quia aula integra Christi est amplissima, nec tantum cælum empyreum, sed et immensa illa spatia vacua quæ supra illud sunt, complectitur. In his enim Christus dominari, ibique novos mundos creare, novum cælum empyreum, nova Beatorum habitacula, novas sedes et choros condere potest.

Nec obstat, quod sic Christus in illis spatiis sit quasi in vacuo : tum quia Deus sua potentia facile efficit, ut ipse per vacuum videat, audiat, loquatur; tum quia verisimiliter exiguum illud spatium, in quo est Christus, quod ante vacuum

Christus super omnes cælos, etiam empyreum, ascendit, et quartus?

erat, jam vacuum non est, sed æthere cœli empyrei, qui circum Christi corpus Dei nutu se fundit, plenum.

Ex dictis patet, Christum in convexa illa cœli superficie degere, non perinde ac si quis in terra degeret extra domum suam in tecto domus. Nec enim illa superficies est tectum cœli, sed est thronus Christi regalis et magnificus : unde censi debet non esse extra, sed intra cœlum in ejus culmine. Sicut ergo princeps ut ludos spectet, residet in culmine amphitheatri, ita ut capite et collo amphitheatro emineat, indeque spectacula melius conspiciat, et plura videt quam illi qui in medio, vel in imo amphitheatri versantur; imo et ipsos residentes, eorumque ordines, ac spectantes omnes et singulos clare contemplatur; et nihilominus censetur esse, et est in ipso amphitheatro : ita se habet res de Christo insistente cœlo empyreo. Ipse enim quasi mundi Dominus, mundo est superior, ut totum mundum coram se præsentem, sibi subjectum habeat, recreet, dirigat et moderetur.

Mystice S. Hieronymus : « Christus, inquit, ascendit super omnes cœlos, id est super omnia invisibilia, » puta supra omnes angelorum ordines.

Septem rationes, ob quas Christus descendit infra omnia, et ascendit supra omnia. Ut IMPLERET OMNIA, — ut scilicet dominans in cœlis et toto mundo, mittensque Spiritum Sanctum, regna omnia sua fide, religione, cultu impleat, inquit Anselmus.

Secundo, ut omnes electorum angelorum et hominum sedes ac numerum restauraret impleatque. Ita idem Anselmus.

Tertio, descendit Christus ad inferos, et ascendit in cœlum, ut superis et inferis, sicut et terrestribus, sanguinem suum ostenderet profuisse, itaque se fructu sanguinis sui implere omnia mundi loca. Ita Hieronymus.

Quarto, ut omnia impleat quæ de ipso prophetata erant : inter hæc enim ultima sunt, descensus ejus ad inferos, et ascensus in cœlum. Ita Chrysostomus.

Quinto, ut plane concluderet suam peregrinationem et opus redemptionis nostræ, cujus finis et terminus est ascensus tum Christi, tum noster in cœlum. Ita D. Thomas. Christus enim suo ascensu viam nobis in cœlum aperuit, et primitias nostras, scilicet sanctos Patriarchas et Prophetas, eo secum inivit.

Sexto, ut e cœlo omnis generis gratiarum et donorum, ac angelorum Custodum missione, pro sua et majestate et munificentia Ecclesiam impleat. Ita Ambrosius, *epist.* 16, et D. Thomas.

Septimo et planissime, descendit et ascendit Christus successive ex uno in alium locum, scilicet ex inferis cœlum transeundo, ut in imo, summo et medio mundi spatium suam declararet gloriam et virtutem, ubique suos electos liberans, hostesque suos spoliando et debellans, sicque indicaret se imperium in omnes omnino creaturas

habere, regnique totius mundi plenam possessionem jam adire et capessere : idque merito infimæ humilitatis, qua sub omnibus hominibus et creaturis, et ad inferos usque descendit, *q. d.* Descendit Christus et ascendit, ut impleat omnia sua tum potentia, tum majestate, victoria, gloria, triumpho, possessione, regno, imperio, et quasi inauguratione : quemadmodum rex urbes omnes quasi implet sua potentia, comitatu et pompa, dum in eis inauguratur, aut eas triumphans ingreditur. Ita Theophylactus et Oecumenius. Unde S. Bernardus, *serm.* 2 *De Ascensione* : « Ascendit Christus, ait, super omnes cœlos, ut adimpleret omnia : jam enim cum se dominum universorum quæ sunt in terra, et in mari, et in inferno, probasset, non restabat nisi ut aeris et cœlorum se esse dominum, argumentis similibus, vel certe potioribus approbaret : terra enim cognovit Dominum, quia ad vocem virtutis ejus, cum clamasset magna voce : Lazare, veni foras, mortuum reddidit. Cognovit mare, quia solidam se præbuit sub pedibus ejus, ita ut Apostoli eum putarent phantasma esse. Cognovit infernus, cujus ipsæ portas æreas et vectes ferreos confregit; ubi et ligavit illum insatiabilem homicidam, qui vocatur Diabolus et Satanas. Perfecto qui mortuos suscitavit, leprosos mundavit, cæcos illuminavit, claudos firmavit, et omnem exsufflavit infirmitatem, Dominus omnium fuit, et eadem qua fecerat manu, quæ defecerant reficiebat. » Et infra : « Ad claudendam igitur tunicam tuam inconsutilem, Domine Jesu, ad perficiendam fidei nostræ integritatem, restat, ut videntibus discipulis per medium aeris, sicut aeris dominus, ascendas super omnes cœlos. Ex tunc probabitur, quia dominus universorum tu es, quia omnia in omnibus adimplesti; et jam tibi profecto debetur, ut in nomine tuo omne genu flectatur cœlestium, terrestrium et infernorum, et omnis lingua confiteatur, quia tu es in gloria et in dextera Dei Patris. »

Hinc perperam Ubiquetarii colligunt Christi corpus æque ac divinitatem, cui conjunctum est, ubique esse, omniaque mundi loca simul implere reali sua præsentia. Ex dictis enim patet aliam esse Apostoli mentem, imo id menti Apostoli repugnare : dicit enim Christum ascendisse in cœlum; ergo antequam in cœlum ascenderet, non erat in cœlo : frustra enim eo ascenderet, si ibi jam erat. Rursum, Christum ait descendisse ad inferos; ergo antequam eo descenderet, ibi non erat. *Ascendit* enim et *descendit* significant loci mutationem, qua quis unum locum deserens ad alium se transfert.

Adde : Apostolus docet per et post descensum et ascensum Christum implere omnia, idipsum ergo non habuit ex vi unionis cum deitate, ut quia deitas est ubique, hinc et corpus deitati unitum, sit ubique, et impleat omnia loca; quod tamen volunt Ubiquetarii, hæcque eorum est

Christus ascendit super omnia ut probaret se dominum omnium.

Error Ubiquetariarum de corporis Christi ubiquitate refutatur.

ratio fundamentalis : sic enim hanc ubiquitatem (ut loquuntur Scholastici) habuisset corpus Christi a primo instanti incarnationis, quo unitum fuit deitati; non autem acquisivisset eam per descensum ad inferos, et per ascensum ad cælum : quod tamen hic docet Apostolus, si per *implere omnia* intelligat hanc ubiquitatem, ut ipsi volunt; pugnat ergo Apostolus cum eorum ubiquitate ejusque principiis.

Vers. 11. 11. ET IPSE DEDIT QUOSDAM QUIDEM APOSTOLOS, QUOSDAM AUTEM PROPHETAS, ALIOS VERO EVANGELISTAS, ALIOS AUTEM PASTORES ET DOCTORES. — Enumerat dona non omnia, sed pauca, sub quibus cætera intelligit, quæ, ut dixit vers. 8, Christus ascendens in altum hominibus dedit, et gratias quæ cuique datæ sunt secundum mensuram donationis Christi, ut dixit vers. 7; scilicet hæc dona et gratiæ gratis datæ sunt, apostolatus, prophetia, munus Evangelizandi, pastoratus, doctoratus : sub quibus accipe gratiam gratum facientem, quæ quique pro suo munere et officio quod a Deo accepit, idonea et congrua datur, ut eo sancte, pie et fructuose ad suam aliorumque salutem perfungi possit.

Nota : *Apostoli* erant et vocabantur, qui toto orbe mittebantur ad prædicandum Evangelium Gentibus, ut ubique instituerent et fundarent Ecclesias : quales erant duodecim illi quos Christus vivens elegit, et Apostolos nominavit; item Paulus, Barnabas, Silas et alii.

Prophetæ erant, qui futura prædicebant, ut Agabus et alii : hisce successerunt, ait Ambrosius, Sacre Scripturæ interpretes. *Propheta* enim est non tantum qui futura, sed et qui occulta et obscura pandit et explicat. Addit Anselmus aliam causam, quia scilicet hi interpretes sacrarum Litterarum, per eas futura justorum gaudia, malorumque supplicia hominibus prænuntiant.

Evangelistæ sunt quatuor, Matthæus, Marcus, Lucas et Joannes, qui Evangelia conscripserunt. Ita Anselmus et Theophylactus. *Secundo*, Septuaginta discipuli et similes, qui Apostolis subserviebant in prædicando Evangelio, quique, ut Theophylactus, non ubique circumibant, nec omnia loca peragrabant, sed hinc inde prædicabant Evangelium; quales fuerunt Priscilla et Aquila, Stephanus et Philippus diaconi; hi enim Apostolis subserviebant, sicut presbyteri subserviunt diaconi, et sicut catechistæ subserviunt concionatoribus : erant enim quasi catechistæ, qui articulos fidei et Evangelii necessarios ad salutem docebant infideles, cosque præparabant ad baptismum. Unde Ambrosius, Theophylactus, Anselmus, per Evangelistas intelligunt diaconos. « Evangelistæ, ait Ambrosius, sunt diaconi, sicut fuit Philippus : nam quamvis non sint sacerdotes, evangelizare tamen possunt sine cathedra, quemadmodum et Stephanus et Philippus memoratus. » Hinc etiamnum hodie in Missa Evangelium canunt diaconi, inquit Anselmus, et dum ordinan-

tur, potestatem accipiunt ad annuntiandum Evangelium. Unde eis ex Ordine videtur competere potestas prædicandi, ut docet S. Gregorius, lib. IV *Registri*, cap. LXXXVIII, quam tamen exercere non debent dum adest sacerdos, qui prædicare possit, et nonnisi accepta licentia ab Episcopo, ut Sylvester verbo *Diaconus*, et alii docent.

Pastores sunt Episcopi, et proprie dicti Pastores, qui in una parœcia vel diœcesi, cui præsunt et quam regunt, se continent; seu quibus commissæ sunt Ecclesiæ certæ, uti Timotheo commissæ fuit Ephesus, Tito Creta. Ita Theophylactus.

S. Augustinus, *epist.* 59, S. Hieronymus et Anselmus, volunt eosdem esse pastores et doctores : qui enim pastor est, debet esse doctor. « Nec in Ecclesiis, inquit Hieronymus, quisquam, quamvis sanctus sit, pastoris sibi nomen assumere debet, nisi possit docere quos pascit. » Unde Apostolus non dicit, « alios pastores, alios doctores, » uti de præcedentibus dixit, « alios Apostolos, alios Prophetas; » sed dicit, « alios pastores et doctores, » quasi iidem sint, vel unius et ejusdem præsidis Ecclesiæ duo hæc sint munia et officia. Syrus autem et alii distinguunt, uti etiamnum in Ecclesia alios videmus esse pastores, qui in Ecclesia plebem; alios doctores, qui in scholis litteratos docent, ut sincera dogmatum doctrina in Ecclesia retineatur : quales Alexandriæ fuerunt Heraclas, Pantenus, Origenes, Clemens et alii.

Nota *secundo* : Hæc hierarchiæ Ecclesiæ et ordinibus qui sunt in Ecclesia, ita adaptat Ambrosius, ut Apostoli sint Episcopi, Prophetæ sint interpretes sacræ Scripturæ, Evangelistæ sint diaconi, pastores sint lectores, qui sacris lectionibus saginant populum, doctores sive magistri sint exorcistæ, qui in Ecclesia coercant ac verberent inquietos. Paulo aliter Anselmus : Apostolis, inquit, respondent Primates et Archiepiscopi, Prophetis Scripturæ interpretes, Evangelistis Diaconi, pastoribus Episcopi, doctoribus Presbyteri. Sed hic sensus accomodatitius est, non litteralis.

12. AD CONSUMMATIONEM SANCTORUM. — Græcum καταρτισμὸν descendit ἀπὸ τοῦ καταρτίζω, quod duo significat : primo, rem collapsam restaurare et reparare; secundo, perficere, absolvere, consummare. Juxta priorem significationem Erasmus et Vatablus vertunt, ad *instaurationem sanctorum*, ut scilicet homines per peccatum prolapsi reparentur, restaurentur et revocentur ad primævam sanctitatem. *Secundo*, melius noster Interpres, Ambrosius, Oecumenius, vertunt, *consummationem*, id est completionem et perfectionem sanctorum, q. d. Deus in Ecclesia dedit Apostolos, Prophetas, Pastores, etc., ut sancti et electi in Christo tum numero, tum meritis compleantur et perficiantur, itaque ex omnibus sanctis quasi membris suis Ecclesia, quæ est ædificium et domus Christi, omnibus partibus suis absolvatur, ut ejus fabricæ nihil desit, sed tota quaquaversum sit consummata : ad hanc enim ædificationis

Qui sint Pastores?

qui doctores?

Hierarchia Ecclesiastica ordinibus adaptantur prædicta dona.

Vers. 12.

Quomodo et quibus membris corpus Ecclesiæ absolvatur?

Ecclesiæ consummationem Apostolum respicere, patet ex seq., cum subdit: «In ædificationem corporis Christi;» unde et Hieronymus legit, *ad instructionem et perfectionem sanctorum*: nam per *instructionem* non intelligit institutionem et doctrinam, sed perfectionem, sicut dicitur domus rebus omnibus instructa cum ei nihil deest, habetque omnem suam perfectionem; hanc tamen suam perfectionem acquirit Ecclesia per instructionem propriè dictam, id est doctrinam. Unde subdit S. Hieronymus: Si quis non ædificat Ecclesiam Christi, nec subjectam sibi plebem instruit, ut de subjecto populo Christi Ecclesia construatur, iste nec Apostolus, nec Propheta, nec Evangelista, nec pastor, nec magister est appellandus.

IN OPUS MINISTERII, — ut scilicet quisque Apostolus, Propheta, pastor, doctor, plene et strenue opus ministrationis sibi creditæ exerceat: si enim unus faceret omnia, non perfecte faceret singula, ait Anselmus. Unde Vatablus vertit, *in opus dispensationis*, ut scilicet dispenset prophetiam, Evangelium, doctrinam aliaque talenta sibi a Deo credita.

Hæc sententia Pauli premit Apostolos, pastores, doctores, ne sua dignitate insolescant, sed cogitent se esse populi ministros et dispensatores, suaque sibi dona data esse non propter se, sed ut ea in alios dispensent, meminerintque Deum hujus dispensationis exactam ab eis rationem exacturum. Unde S. Gregorius, hom. 9 in *Evang.*: «Lectio, inquit, Evangelii sollicite considerare nos admonet, ne nos, qui plus cæteris in hoc mundo accepisse aliquid cernimur, ab auctore mundi gravius inde judicemur; cum enim augentur dona, rationes quoque crescant donorum; tanto ergo esse humilior, atque ad serviendum Deo promptior quisque debet ex munere, quanto se obligatiorem esse respicit in reddenda ratione. Vide dicta I Cor. cap. XII.

IN ÆDIFICATIONE CORPORIS CHRISTI, — Ecclesiæ scilicet, ut illa ceu ædificium Christi spiritale sensim assurgat, numeroque ac virtutibus proficiat, donec tandem absolvatur, et omnibus suis partibus, omni ornatu et perfectione compleatur et consummetur. Ita Anselmus (1).

Vers. 13. 13. DONEC OCCURRAMUS OMNES IN UNITATEM FIDEI, ET AGNITIONIS FILII DEI, IN VIRUM PERFECTUM, IN MENSURAM ÆTATIS PLENITUDINIS CHRISTI. — q. d. Hi gradus, et hic hierarchicus Ecclesiæ ordo, ut alii sint Apostoli, alii Prophete, alii Evangelistæ, alii pastores et doctores, manebit durabitque, donec infideles omnes ad unam Christi fidem et Ecclesiam vocentur, ut in Christum Filium Dei credant, eumque agnoscant omnes, quotquot Deus credituros præscivit et prædestinavit; et donec in ejus cognitione et dilectione omnes qui credidimus,

crescamus ad perfectam ætatem et solidam in Christo Christique spiritu.

Nota: In verbo *occurramus* est metaphora sumpta ab iis, qui diversis locis egressi in unum locum conveniunt: sic enim ex Oriente vocantur Sinæ et Japones, ex Meridie Africani, ex Septentrione Germani, Galli, Poloni, ex Occidente Mexicani et Peruenses, ut sibi invicem occurrant in eadem fide et spiritu, convenientque in eadem Ecclesia Christiana.

IN VIRUM PERFECTUM. — Ex hoc loco multi putarunt, feminas non in proprio sexu, sed in virili resurrecturas et in viros transformandas, ut testatur S. Augustinus, lib. XXII *De Civit.*, cap. XVII et seq. Et videtur hæc esse sententia S. Hieronymi, Basilii in *Psalm.* cxiv, Hilarii in illud *Matth.* xxii: «In resurrectione neque nubent, neque nubentur,» etc.; Athanasii, serm. 3 *Contra Arian.*, sub finem, et aliorum, qui dicunt in resurrectione non fore sexuum diversitatem. Inter Scholasticos vero Scotus in II, *dist.* xx, expresse docet omnes feminas, excepta una B. Virgine, resurrecturas in sexu virili.

Ratio ejus est, quia sexus femineus est accidens et imperfectio hominis; in resurrectione autem omnis imperfectio tolletur. Rursum femina est mas occasionatus, ait Philosophus. Unde in femina producenda videtur errasse natura, ut cum vellet producere marem quasi hominem perfectum, deficiente virtute generativa seminis (eo quod non satis esset potens ad marem efformandum), pro mare feminam produxerit: inde enim femina dicitur (ut apparet) mas occasionatus.

Verum hic est error, cujus contrarium, feminas scilicet in suo sexu femineo resurrecturas, docet S. Augustinus loco citato; Tertullianus, lib. De Resurrect. carnis, cap. LX; Hieronymus, epist. 61 ad Pammachium contra errores Joannis Hierosolymitani, et communiter Scholastici in IV, dist. XLIV. Ratio est, quia in resurrectione resurget idem numero corpus; ergo in eodem sexu resurget. Si enim idem numero resurget, ergo habebit eadem accidentia et easdem condiciones individuantes, inter quas non minima, imo una ex præcipuis, est sexus certus et determinatus.

Hinc refellitur ratio fundamentalis Scoti. Falsum enim est sexum femineum esse imperfectiorem: est enim perfectio, licet minor quam virilis; nec vitium est, sed natura et naturalis conditio. Si enim esset imperfectio et vitium, non fuisset in paradiso et statu innocentie: jam autem constat Deum in paradiso ex viro feminam, ex Adamo Evam formasse. Nam femina necessaria est ad sobolis propagationem, et consequenter ad speciei humanæ conservationem. Unde pariter falsum est, feminam esse marem occasionatum, quia per se Deus et natura intendit producere Evam et feminam, ut per marem et feminam species humana propagaretur. Hoc tamen sensu posset femina dici mas occasionatus, quia

Quomodo omnes etiam diversissime nationes conveniant in unam Ecclesiam? Aliqui senserunt feminas in sexu virili resurrecturas.

Probat.

Feminas in suo sexu resurgent.

Probat.

Respondetur ad primam rationem contrariæ sententia.

(1) **Vers. 12:** Ut Christiani probe instructi, sancti et idonei reddantur; ut sint ministri Christi, seu qui munere ministrorum fungantur; ut ædificetur Ecclesia.

mas perfectior est quam femina. Natura autem in genere intendit producere id quod perfectius est : ergo in genere intendit producere potius marem quam feminam. Dico *in genere* : nam in specie et individuo sæpe intendit producere id quod minus perfectum est ; uti intendit generare infantem, non virum perfectum. Sic hic et nunc ex tali semine intendit producere feminam ; non virum. Resurgent ergo feminae in suo sexu, quasi in naturali conditione et perfectione sua.

Respon-
detur ad
secun-
dam.

Dices, *Matth. xxii, 30*, dicit Christus : « In resurrectione neque nubent, neque nubentur, sed erunt sicut angeli Dei in cælo. » Respondeo : Tantum negat hic Christus in cælo fore nuptias et nuptiarum usum, non autem fore feminas ; imo eas in cælo fore satis insinuat cum ait : « Neque nubent, » scilicet viri ; « neque nubentur, » scilicet feminae.

Instabis : Addit Christus quod erunt sicut angeli Dei : angeli autem sexu carent. Respondeo : Erunt sicut angeli non quoad naturam, vel sexus privationem, sed quoad puritatem, vitam spiritalem, immortalem et beatam. Hanc enim opponit Christus nuptiis, quæ inter homines mortales necessariae sunt ad perpetuandam speciem, ut homo qui moritur, perduret quasi immortalis in filio quem genuit, et post se vivum relinquit. Unde S. Lucas subdit : « Neque enim ultra mori poterunt, et sunt filii Dei, cum sint filii resurrectionis, » *q. d.* Sancti corpore et anima erunt Deo simillimi, et ad resurrectionem beatam pertinebunt, eruntque immortales ; ac proinde nuptiis et usu nuptiarum, qui adhibetur ad speciem perpetuandam, et immortalitatem quamdam acquirendam, illis in cælo opus non erit.

Ubi nota hebraismum : vox enim *filius*, cum genitivo pœnæ vel præmii apud Hebræos significat reum vel dignum et destinatum. Sic dicuntur filii mortis, gehennæ, regni, resurrectionis, id est rei mortis et gehennæ, digni regno et resurrectione. Et hoc tantum volunt Hieronymus, Basilius, Athanasius et alii Patres, cum negant in cælo fore sexuum diversitatem ; scilicet negant eam fore quoad usum, non autem quoad substantiam : Apostolus vero hoc loco nil tale dicit, sed longe alia est ejus mens, ut mox dicam.

Quomodo
Patres
negant
in cælo
fore
sexuum
diversi-
tatem ?

Unde *secundo*, alii hunc locum sic explicant : « in virum perfectum, » *q. d.* Resurgemus quasi viri ad iudicium maturum et perfectum, quale est virorum, etiamsi in hac vita mortui simus in ætate et iudicio puerili. Unde, nomine viri quasi dignioris comprehendit et feminas. Sicuti et *Psalms i* : « Beatus vir (id est beatus vir ; et beata femina) qui non abiit in consilio impiorum. » Verum Apostolus non agit hic proprie de resurrectione, ut jam patebit.

Verus
sensus
Apostoli,
quomodo
occurrit

Dico ergo *tertio*, « in virum perfectum, » id est, ut in Christi fide, agnitione, amore non simus infantes et pueri, sed viri, id est provec-
viriles, perfecti, constantes. Ita Chrysostomus,

Hieronymus, Theophylactus, Ambrosius, Oecumenius. Sic *I Cor. xiii*, dicit : « Cum essem parvulus, sapiebam ut parvulus : quando autem factus sum vir, evacuavi quæ erant parvuli. » Ubi, uti et hic, *vir* non sexum, sed partim ætatem, partim perfectionem, robur et constantiam virilem per catachresin significat. Vir ergo perfectus est adultus, constans et robustus. Unde quasi explicans subdit : « In mensuram ætatis plenitudinis Christi, ut jam non simus parvuli fluctuantes, et circumferamur omni vento doctrinæ. » Ubi vides virum perfectum opponi parvulo fluctuanti et instabili in fide et doctrina ; ac consequenter virum perfectum hic vocari eum qui in fide et doctrina constans et perfectus est, *q. d.* In Ecclesia alii erunt Apostoli, alii pastores et doctores, etc., donec omnes Christiani, qui prædestinati sumus, occurramus in una fide et Ecclesia, in eaque non simus infantes et parvuli, sed adulti in Christi fide et dilectione, sicque in Christo plenam et perfectam ætatem spiritalem, id est perfectum intellectum, cognitionem et amorem Dei, nanciscamur.

Secundo, dicit « in virum perfectum, » non, *in viros perfectos*, quia loquitur Apostolus non tantum de singulis et omnibus Christianis, sed etiam magis de tota Ecclesia, eamque et omnes qui in ea sunt, vocat et comparat uni viro perfecto. Unde Syrus vertit, *donec omnes simus unus vir perfectus*. Sicut enim vers. præced. Ecclesiam vocavit ædificium Christi : ita mox, ut ostendat hoc ædificium non esse inanime et lapideum, sed vivum et humanum (sic enim Hebræi בן *ben*, id est filium, vocant, quasi fabricam et ædificium patris, a radice בנה *bana*, id est ædificavit), vocat eam corpus Christi, hominem Christi, virum perfectum Christi ; ita scilicet ut Ecclesia hujus hominis et viri sit corpus, Christus ejusdem sit quasi anima, aut potius caput, ut ait vers. 13, de quo dixi *I Cor. xii, 12*.

Filius
apud
Hebræos
dicitur
fabrica
patris.

Itaque sicut crescente corpore organisque corporis crescit robur et vegetatio animæ, et contra ; rursum, sicut crescente corpore crescit caput, et contra, ut scilicet totus homo crescat, donec ad justam et consistentem ætatem, staturamque virilem perveniat : ita pariter Ecclesia singulis suis membris, id est nobis fidelibus, crescit et adolescit in Christo, id est Christi fide, gratia et virtutibus, et vicissim Christus adolescit in nobis, donec Ecclesia ad justam perfectionem et staturam quasi virilem perveniat. Unde Clemens in *Pædagogo*, viri nomine Christum ipsum intelligit, qui nobis crescentibus quasi nobiscum et in nobis crescit in virum perfectum. Sic *Galat. iii, 28*, dicit : *Unum*, vel, ut Chrysostomus legit, *unus* (scilicet homo politicus) « estis in Christo. » Christus ergo est unus homo, et unum corpus politicum, id est, Christus est una Ecclesia Christiana. Ecclesiæ enim suæ Christus est quasi hypostasis, anima et vita, ut dixi *I Cor. xii*. Sicque omnes

Per
virum
perfectum
tota
significa-
tur
Ecclesia

Inter
Chris-
tum et
Eccle-
siam
commu-
nicatio
idioma-
tum.

Christiani in Ecclesia sunt quasi unum, imo unus homo civilis et politicus in Christo. Et hæc est radix illius regulæ Ticonii apud S. Augustinum; quæ docet Scripturam sacram tribuere Christo illa quæ sunt Ecclesiæ Christi; et contra, tribuere Ecclesiæ illa quæ sunt Christi: quasi sit communicatio idiomatum inter Christum et Ecclesiam, sicut est inter Christum hominem et Christum Deum.

Ubi adverte: Loquitur Apostolus hic de Ecclesia tanquam de homine singulari et viro unico, tum ut unitatem illam declaret et inculcet, ad quam hortatus fuit Ephesios a vers. 3 huc usque; tum ut singuli meminerint hanc doctrinam sigillatim ad se pertinere, seque in Christo debere crescere in virum perfectum, seu in membra viri perfecti, ut sic singulis crescentibus consequenter tota Ecclesia crescat in virum perfectum, ut ita perfecta et consummata fiat Ecclesiæ et singulorum Ecclesiæ membrorum statura, proportio et perfectio, quod fiet in fine mundi et resurrectione communi, non ante; ac proinde eousque durabit hic ordo hierarchicus, et hæc omnia, ut alii fungantur apostolatu, alii pastoratu, alii doctoratu, etc. Hisce enim crescit, proficit et perficitur Ecclesia « in mensuram ætatis plenitudinis Christi.

In qua ætate et mensura tam corporis quam virtutum omnes resurgent?

Nota primo: Hisce verbis explicat « virum perfectum » quem dixi. Secundo, hebraismo « ætas plenitudinis » vocatur ætas plena et perfecta, scilicet adulta et virilis. Tertio, licet ætas proprie hic capi possit, tamen clarius metonymice accipimus ætatem pro statura, quam ætas secum affert, quæque esse solet in ætate virili: Græcum enim *ἡλικία* ab *ἡλικος*, id est quantus, tam quantitatem, magnitudinem et staturam, quam ætatem significat. Unde Noster subinde *staturam* vertit, ut *Matth. vi, 27, Luc. xix*, et Syrus hic vertit *קומתא* *kometa*, id est statura, q. d. Donec crescamus, et « occurramus omnes in virum perfectum, » id est, « in mensuram » et magnitudinem « ætatis, » id est staturæ, « plenitudinis, » id est plenæ et virilis, « Christi, » seu quam habuit Christus in ætate adulta et virili: ut, sicut Christus anno ætatis suæ 34, justam habuit viri staturam, ita et eamdem analogice et proportionaliter acquirat et habeat in nobis, id est, in nostræ fidei, gratiæ, spiritus et virtutum incremento et perfectione. Ita

Christus
in nobis
plenam
staturam
acquirit.

Ambrosius, Hieronymus, Chrysostomus. Persistit in metaphora, qua, ut dixi, Ecclesiam vocat unum virum perfectum, cujus membra sunt singuli fideles, cujusque anima et caput est Christus; ita ut crescente corpore crescat caput, et ipsa etiam anima, id est extensio, vis et vigor animæ, et contra, id est, crescente Ecclesia, crescat in ea Christus, et contra: ut Christus dicatur justam et plenam suam staturam in nobis acquirere, dum nos in fide et gratia Christi justam perfectionem et magnitudinem acquirimus. Statura enim, magnitudo et perfectio nostra est statura,

magnitudo et perfectio Christi, ut patet ex dictis. Posset etiam *in Christi* exponi *in Christo*, q. d. Donec in Christo, id est Christi fide, gratia et corpore, quod est Ecclesia, justam mensuram et staturam plenam et virilem nanciscamur.

Secundo, aliter explicant Anselmus, Gagneius, S. Thomas et Scholastici in IV, *dist. XLIV, q. d.* Donec resurgamus omnes in mensura, magnitudine et statura corporis plena et perfecta, qualis fuit Christi in ætate plena et perfecta, ut sicut Christus anno ætatis 34, justam habuit humani corporis staturam: ita et in resurrectione omnes homines, etiam qui hic in ætate infantili aut puerili mortui sunt, habeant justam corporis sui magnitudinem et staturam: non quasi omnes statura corporis æquales futuri simus Christo; sed quod omnes ea erimus magnitudine et statura, quam habuimus, vel habuissemus (si natura vegeta fuisset, et non impedita) in ætate virili, puta anno ætatis 34, quæ fuit ætas Christi, estque stata hominis ætas. S. Augustinus tam hanc quam præcedentem explicationem affert, lib. XXII *De Civit.*, cap. xv, et tribus seq., sed magis probat præcedentem, et sine dubio præcedens plane genuina est et ex mente Apostoli. Potest tamen cum auctoribus citatis ad secundum hunc sensum extendi: quia illa spiritalis Ecclesiæ mensura et statura plena et perfecta, de qua proprie hic agit Apostolus, erit solum in resurrectione, quando pari proportionem Ecclesia corporalem suam habebit staturam plenam et perfectam: cum scilicet Sancti qui sunt in Ecclesia, sicut animæ et spiritus, ita et corporis justam habebunt magnitudinem et perfectionem (1).

Omnes
resur-
gent
quasi an-
norum
34.

Pulchre S. Augustinus, *De Vera Religione*, cap. xxvi, tom. X, incrementa et ætates septem homini interiori æque ut exteriori tribuit, puta infantiam, pueritiam, adolescentiam, juventutem, virilitatem, senectutem et decrepitem. « Iste, inquit, dicitur novus homo, et interior, et cælestis, habens et ipse proportionem non annis, sed perfectibus distinctas quasdam spirituales ætates suas. Primam, in uberibus utilis historiæ, quæ nutrit exemplis. Secundam, jam obliuiscientem humana et ad divina tendentem, in qua non auctoritatis humanæ sinu continetur, sed ad summam et incommutabilem legem passibus rationis innititur. Tertiam, jam fidentiore et carnalem appetitum rationis robore maritantes, gaudentesque intrinsecus in quadam dulcedine conjugali; cum anima menti copulatur, et velamento pudoris obnubitur, ut jam recte vivere non cogatur, sed etiamsi omnes concedant, peccare non libeat. Quartam, jam idipsum multo firmiter ordinatiusque facientem, et emicantem in virum perfectum, atque aptam et idoneam omnibus

Septem
incre-
menta et
ætates
hominis
interio-
ris et
exterioris.

(1) Allioli: « Ætas plenitudinis Christi, » id est ætas perfecta, seu virilis Christi, infantiae opponitur, statumque perfectionis in scientia et virtute designat.

etiam persecutionibus, et mundi hujus tempestatibus ac fluctibus sustinendis atque frangendis. *Quintam*, pacatam atque ex omni parte tranquillam, viventem in opibus et abundantia incommutabilis regni, summæ atque ineffabilis sapientiæ. *Sextam*, omnimodæ mutationis in æternam vitam, et usque ad totam oblivionem vitæ temporalis transeuntem in perfectam formam, quæ facta est ad imaginem et similitudinem Dei. *Septima* enim jam quies æterna est, et nullis ætatibus distinguenda beatitudo perpetua: ut enim finis veteris hominis mors est, sic finis novi hominis vita æterna. Ille namque homo peccati est, iste justitiæ. »

Vers. 14. 14. UT JAM NON SINUS PARVULI FLUCTUANTES, ET CIRCUMFERAMUR (græce περιεφερόμενοι, id est *circum-acti*) OMNI VENTO DOCTRINÆ IN NEQUITIA HOMINUM. — Ecce hic explicat quod dixit, « in virum perfectum, in mensuram ætatis plenitudinis Christi, »

Parvuli sunt qui quidvis suadentibus Novatoribus credunt.

q. d. Ut non sinus quasi pueri, qui omni vento, impulsu, persuasione agitantur, ait Syrus, et in omnem partem abripi se sinunt; sed potius contra omnes Novatorum impulsus, suasiones et dogmata nova, quasi viri firmi et constantes in vera fide et Ecclesia Christiana persistamus. Alludit Paulus ad Hebræum פתח *peti*, id est parvulus et insipiens, cui quidvis persuadetur: radix enim פתח *pata* (unde Græcum παῖς) significat suadere, persuadere, pellicere, flectere, inclinare.

Nota, « in nequitia hominum, » id est, per nequitiam hominum, per homines nequam et dolosos, scilicet pseudoapostolos et hæreticos, qui faciunt vos fluctuare in fido, et novis doctrinis vos ventilant. Græce ἐν τῇ κακίᾳ ἀνθρώπων, *in alea*, vel *aleatione hominum*, id est in fallacia dolosis aleatoribus usitata, quam S. Augustinus supra *illusionem*, Noster *nequitiam* vocat. Κακία enim significat tesseri sive alea ludere: in quo lusu arte opus est, et lusus nititur circumvenire collusorem si possit; suum enim tantum commodum spectat: inde κακία, id est aleatio, significat versutiam, fallax artificium, et artificem fallaciam, ait Erasmus. Falsos ergo doctores comparat fraudulentis aleatoribus, inquit Theophylactus, qui doctrinam fidei adinstar aleæ et taxillorum transportant ad plausum hominum. Itaque sensus est, q. d. Ne circumferamur omni vento doctrinæ, quocumque nos et homines nequam et veteratores impulerint.

Fallacia hæreticis usitata.

Itaque primo, per metaphoram aleæ et aleatorum notat incertitudinem hæresis et hæreticorum.

Eorumdem inconstantia in doctrina fidei.

Secundo, inconstantiam et desultoriam levitatem, quod quasi aleam de fide jaciant, et quasi ad jactum aleæ doctrinam mutant, ut his illisve gratificentur, aut ut sui cerebri commentis, phantasiis et somniis novis indulgeant; idque tanta arte, ut nonnisi ab oculatis cerni et redargui possint: sicut periti aleatores aleam ita dextre invertunt, ut socium cum quo ludunt fallant, et vix quisque advertat. Sic nostro hoc sæculo Luth-

rus, Philippus, Calvinus alique Novantes paucis annis suas catecheses, institutiones et confessiones mutarunt sæpius, aliaque imo contraria dogmata ediderunt et commenti sunt: hinc qui illos sequuntur, ab eis circumaguntur omni vento doctrinæ; ut merito Georgius, Saxonie Dux, rogatus a Catholicis quid Lutherani sui crederent, responderit: Quid nunc credant, scio; quid sequenti anno credituri sint, prorsus ignoro. Idipsum de Arianis docet S. Hilarius lib. *ad Constantium et Constantem Imp.*: « Periculosum, inquit, nobis atque etiam mirabile est, tot nunc fides existere, quot voluntates; tot nobis doctrinas esse, quot mores; et tot causas blasphemiarum pululare, quot vitia sunt, dum audita fides scribitur ut volumus, aut ita ut volumus intelligitur. Sic plurimæ cœperunt esse fides, ne ulla sit; imo vero annuæ menstruæque de Deo fides decernuntur; novis subvertuntur vetera, » etc.

Tertio, per aleam et aleatores, ut Chrysostomus, Theophylactus, Vatablus, notat Apostolus fraudes pseudodoctorum, quibus per suas captiones et blandiloquentiam, hæreses et errores suos tegunt, eosque pro fidei articulis substituant, ac vulgus in illos pelliciunt. Unde sequitur:

Eorumdem blandiloquentia errorum palium?

IN ASTUTIA AD CIRCUMVENTIONEM ERRORIS, — ut scilicet simplices et incautos astute circumveniendo ac decipiendo in errorem inducant. Pro *circumventionem* græce est μεθοδείαν, id est insidias fallendi et insidiosas fallacias. S. Augustinus supra vertit, *machinationes*; μεθοδείαν enim significat hominem in via furtim et ex insidiis adoriri. Hæc autem omnia ingens sunt nequitia, uti recte vertit Noster, non verbum verbo, sed sensum reddens et transferens. Secundo, pro *erroris* græce est πλάνης, id est *imposturæ*, ut sua impostura scilicet simplices circumveniant et decipiant, q. d. Impostores sunthi Novatores; suis imposturis conantur omnibus imponere.

15. VERITATEM AUTEM FACIENTES. — Ἀληθεύοντες δέ, Vers. 15. id est, *sed veritatem sectantes*. Ita Vatablus.

Nota: Quadruplex est veritas: Prima mentis, qua mens mentisque conceptio ac judicium conforme est objecto et rei, eamque ita concipit, ac de ea ita judicat, sicut revera res in se est: huic opponitur falsitas, qua mens de re judicat aliter quam res in se habet.

Quadruplex est veritas: Prima, mentis.

Secunda veritas est oris, id est veracitas, qua sermo noster conformis est menti et animo, ut

Secunda oris.

ut os loquatur id quod revera animus cogitat et intendit, et lingua respondeat menti; huic opponitur mendacium, quo aliud loquimur, aliud cogitamus vel intendimus. Estque hæc veritas duplex, una assertoria, qua asserimus id quod verum est; altera promissoria, quæ est fidelitas qua præstamus quod promissimus. Utraque hæc veritas tam oris quam mentis est quas formalis.

Unde tertia veritas est objectiva, puta veritas doctrinæ et fidei, qua doctrina et fides in se vera

Tertia, objectiva.

est, ut, si illi assentiaris, eamque doceas, veritati assentiaris, et veritatem doceas.

Quarta est veritas actionum et vitæ, quæ non est aliud quam rectitudo et conformitas, quæ actiones nostræ respondent suæ regulæ, ut scilicet conformes sint vero iudicio practico, rationi, legi, voluntati Dei et præscripto virtutis. Itaque hæc veritas est debitum et officium cuiusque, sive id quod quemque facere decet : unde illi opponitur pravitas et peccatum, quod aberrat et difforme est rationi et legi. Sic dicitur *Joan. viii, 44* : « Ille (scilicet diabolus) homicida erat ab initio, et in veritate non stetit, » id est non stetit in integritate et rectitudine naturæ in qua conditus erat, non permansit in suo gradu et officio, non fecit quod æquum erat, rectum et iustum, non egit quod decebat angelum et creaturam tam sapientem et nobilem agere, ut scilicet agnosceret, coleret, subderet se suo creatori, eique pro tantis in se donis gratias ageret : unde consequenter a veritate excidit, ut patet ex eo quod jam « veritas in eo non est, » quodque « mendax est, et pater ejus, » scilicet mendacii. Hoc enim abstractum tacite latet et continetur in concreto mendax : sicque Hebræi sua relativa referunt sæpe ad antecedens non expressum, sed tacitum et latens in alio quod expresserunt. Sic sæpe alibi in Scriptura veritas sumitur, ut cum in Psalmis toties dicitur, quod omnia opera Domini sint vera, vel veritas : sensus enim est, recta, æqua, justa, sancta sunt opera Domini.

Hic intelligit Apostolus partim tertiam veritatem, scilicet doctrinæ : opponit enim illam errori qui præcessit, *q. d.* Nolite errores Novatorum et impostorum sequi, sed sectamini veram fidem et doctrinam. Partim quartam : vult enim non tantum nos veritatem credere et docere, sed et facere, ut vertit Noster : ut scilicet juxta fidem nostram christiane vivamus, et veritatem doctrinæ veritate et rectitudine vitæ exprimamus ; unde ait : *Veritatem autem facientes*, id est debita christianismi officia exequentes, *in charitate*, id est per charitatem et charitatis opera ; *crescamus*, αὐξήσωμεν, *augeamus* ; *Vatablus*, *adolescamus* ; alii, *grandescamus* ; Theophylactus, *augeamus*, scilicet tam bona opera, inquit, quam fidem, tam sanctam vitam quam dogmata (1). Ita et Chrysostomus, qui triplex augmentum hic significari vult. *Primum*, quo corpus augmentum facit, dum in singulis membris operatur spiritus, juxta cujusque membri modum et exigentiam. *Secundum*, quo singula membra capiunt augmentum ex subministratione spiritus. *Tertium*, quo spiritus ipse

augetur, dum a capite fluens meat per omnia membra, contingens et connectens singula ; hoc est enim quod ait : « Crescamus in illo per omnia, » scilicet membra. Rursum, « per omnia, » id est quaquaversum, in longum, latum, crassum, omni augmento, scilicet omnibus donis, gratiis et virtutibus : charitate enim crescente ; crescunt pariter in homine omnia dona et virtutes.

Nota, « in illo, » scilicet Christo : unde explicans subdit : « Qui est caput Christus ; » hebraismo enim redundat antecedens illo. Latine enim dicere debuisset : « Crescamus in Christo, qui est caput. » Christus enim quasi caput influit gratiam et vim crescendi et augescendi in singula membra totius corporis, id est Ecclesiæ : ita ut corpus hoc et singula ejus membra crescant in Christo, id est Christi capitis sui virtute et influxu ; et vicissim Christus quasi caput in Ecclesia quasi in suo corpore. Dum enim Ecclesia crescit, crescit quasi Christus, id est Christi influxus, fides, gratia, operatio, gloria et regnum. Id plane explicat versu sequenti.

16. Ex quo (scilicet capite Christo) TOTUM CORPUS (Ecclesiæ) COMPACTUM (συναρμολογούμενον, id est coagmentatum et compaginatum : ex capite enim omnia membra compaginantur, et per suas compages descendunt. Sic ex Christo Christiani omnes tam Galli, Hispani, Belgæ, Itali, quam Africani, Syri, Indi descendunt, et in unum Ecclesiæ corpus compaginantur) ET CONNEXUM (ut scilicet membrum membro, fidelis fidei per eandem fidem et spiritum cohæreat, fiatque ex omnibus unum corpus, scilicet Ecclesia) PER OMNEM JUNCTURAM (id est commissuram, qua unum membrum alteri committitur et jungitur. Græcum enim ἀφ᾽ ἑ; significat artuum mutuos inter se contactus, qua parte scilicet committuntur. Unde S. Augustinus supra legit, *per omnem tactum*) SUBMINISTRATIONIS (id est per omnem juncturam subministrantem, scilicet spiritus animales et vitales, id est per mutuam unionem, qua nobis subministratur spiritus et gratia Christi capitis nostri), SECUNDUM OPERATIONEM (κατ' ἐνέργειαν, ex vi et efficacia intus agente et operante. Vim Christi intellige, qui instar capitis influit, et singula membra vegetat) IN MENSURAM UNUSCUIUSQUE MEMBRI (id est pro modo, mensura et exigentia cujusque membri, ut scilicet singula membra, puta singuli fideles, juxta suam naturam, statum et conditionem a vi animæ vegetantis, id est a Christi gratia et spiritu, juxta mensuram et incrementum accipiant : itaque) AUGMENTUM CORPORIS FACIT (supple ipsum corpus : hoc enim suppositum ex initio hujus versus sibi deposcit verbum facit. Est hebraismus : corpus facit augmentum corporis, id est sui ipsius, *q. d.* Seipsum edificat et perficit corpus hoc, scilicet Ecclesia, ut æqualiter totum crescat, sed uniformiter difformiter, ut loquuntur Philosophi : quia scilicet singula membra crescunt inæqualiter, sed proportionaliter, quodque scilicet

Christus ut caput quid operetur in membra Ecclesiæ?

Collectio Eccl. sin. ex variis Gentibus.

(1) « Veritatem autem facientes in charitate, » id est, vel : *Sincere alios diligere, seu, genuino amore plenum esse* ; vel : *Veri, seu veræ doctrinæ studiosum esse*, ita tamen ut hoc studium sit cum amore conjunctum, nec concordiae mutuoque Christianorum amoris obsit. Hic posterior sensus præstare videtur, quia ἀληθείαν hic oppositum est τῇ πλάνῃ.

pro sua natura et conditione. Licet enim, verbi gratia, pes et brachium absolute magis crescant quam oculi, tamen oculi proportionaliter tantum crescant, quantum pes et brachium) IN ÆDIFICATIONEM SUI (ut seipsum ædificet, compleat et perficiat hoc corpus, quod est Ecclesia) IN CHARITATE, — id est per charitatem, *q. d.* Charitas est illa membrorum junctura sive commissura, per quam singulis membris suggeritur nutrimentum, spiritus, vegetatio et vis crescendi, ut ita singulis membris crescentibus totum corpus Ecclesiæ crescat, ædificetur et perficiatur (1).

Nota primo: Hæc charitas est unio ad quam a vers. 3 hucusque hortatus fuit Ephesios. Sicut ergo membrum unum non potest communis nutrimenti et accretionis in corpori particeps esse, nisi reliquis membris et toti corpori sit unitum: ita fidelis non potest communis Ecclesiæ spiritus, gratiæ et incrementi particeps esse; nisi reliquis fidelibus et toti Ecclesiæ per unionem et charitatem cohereat. Sicut enim artuum junctura, sive commissura, singulis membris: ita charitas singulis fidelibus subministrat communem corporis, puta Ecclesiæ, spiritum, vigorem et vitam. Ita Chrysostomus. Secundo melius, charitas hic non accipitur ut junctura, sed ut anima Ecclesiæ, ut mox ostendam.

Nota secundo, cum S. Hieronymo, corpus hoc Ecclesiæ dici, et debere esse compactum: quia si membrum ab eo sit divisum et dissectum per schisma, nil vigoris aut spiritus accipiet a corpore. Rursum debere esse connexum, ut scilicet quodque membrum suo loco, nexu et ordine consistat. Si enim pes luxetur, ut extra suam juncturam et os exeat, seipsum et totum corpus dolore afficit: ita si quis relicto suo gradu, officio, statu, alium invadat, nihil fructus, sed plurimum molestiæ sibi et aliis affert. Ita Chrysostomus.

Nota tertio: Cum dicitur « junctura subministrationis, » vox subministrationis tam active quam passive capi potest. Primo, passive, ut significetur junctura subministrata, id est suppeditata, cuique membro a toto corpore, et a capite; sive ut junctura subministrationis sit junctura membrorum, quibus subministratur communis corporis spiritus, vigor et vita, quasi dicat, ait Chrysostomus: Membra corporis si juxta propriam suam mensuram, necessariam subministrationem alimentis et spiritum acceperint, ita crescent; vel spiritus e cerebro infusus et cuique membro juxta ejus captum subministratus, incrementum ita facit, primo ipsius membri, deinde consequenter totius corporis.

Secundo et significantius active, ut « junctura

(1) Hunc versum sic vertas: Ex quo Christo moderante universum Ecclesiæ corpus, conjunctum et copulatum per diversas commissuras inter se adjuvantes, pro modo quo unumquodque membrum aliquid operatur pro virili, seu per operationem pro suo modulo uniuscujusque partis, crescit, ut per amorem perfectius evadat.

subministrationis » sit junctura subministrans per venas et arterias tum influxum cordis, scilicet spiritus vitales, et sanguinem; tum concursum et opem mutuam, qua per juncturam unum membrum alteri devinctum, illud omnibus in rebus fovet et adjuvat, ut, dum quodque suam partem, facultatem et operationem subministrat, et quodammodo suum symbolum in commune affert, inde et alia membra participant, et totum corpus crescat et perficiatur; tum maxime influxum capitis, ejusque spiritus animales necesarios ad motum, sensum et vitam. Sic enim Christus quasi caput nostrum, motum, sensum et vitam spiritualem in nos influit per juncturas, id est per mutuam unionem, qua unum membrum alteri, id est unus fidelis alteri, jungitur et subordinatur, tum per internam unionem animorum, tum per externam unionem, communionem et communicationem in iisdem Sacramentis, sacrificiis, orationibus, concionibus, lectionibus, conventibus. Ad hanc enim unionem externam pertinet omnis proximorum societas, instructio, ædificatio, quibus in spiritu et pietate promovemur mutuis exemplis, exhortationibus, consiliis, precibus, etc.

IN CHARITATE. — Nota: Hujus corporis politici, de quo hic agit Apostolus, caput est Christus, corpus ipsum est Ecclesia, membra sunt singuli fideles, junctura est mutua fidelium unio et communicatio, anima est fides et charitas, et spiritus vitales et animales sunt gratiæ prævenientes et excitantes, quæ a cerebro, id est a Christo, descendunt, et singulis membris, id est fidelibus, aspirantur. Hinc secundo, licet Chrysostomus et aliqui alii, charitatem in hoc corpore adaptent juncturæ, quasi explicet Apostolus id quod dixit, « per omnem juncturam, » per id quod subdit, « in charitate, » id est per charitatem, *q. d.* Charitas quam dixi, est illa junctura, quæ omnibus membris omnem corporis spiritum subministrat, ac membrum membro jungit et addit, ut ita dilatetur et crescat, omnibusque suis membris, id est fidelibus, compleatur corpus Christi, quod est Ecclesia. Tamen alii melius « juncturam » accipiunt mutuam unionem, concordiam, communicationem; charitatem vero censent esse animam hujus corporis, id est Ecclesiæ, id enim clare significant verba Apostoli: « Augmentum, inquit, corporis facit in ædificationem sui in charitate. » Ubi Syrus vertit, *ad incrementum ipsius corporis, cujus ædificium charitate perficitur.* Nec enim alia potest fingi hujus corporis, scilicet Ecclesiæ, anima, quam fides et charitas: nec ulla pars in hoc corpore est nobilior quam charitas. Unde vers. præced. dixit Apostolus: « In charitate crescemus in Christo, qui est caput, per omnia. »

Charitas ergo quasi anima facit nos crescere in Christo, ut crescente charitate, crescat totus homo in Christo, et singulis hoc modo in fide et

Caput, corpus, membra, junctura, anima, spiritus vitales Ecclesiæ mystice.

Charitas est spiritus et anima Ecclesiæ

charitate crescentibus crescat totum Ecclesiae corpus, q. d. Videte ergo, o Ephesii, ut unionem mutuum, ad quam ab initio capitis huc usque vos exhortatus sum, studiose colatis, servetis, augeatis, ut per eam spiritus Christi et Ecclesiae participes fiat, crescatque in fide et charitate, itaque singulis crescentibus, tota Ecclesia crescat perficiaturque. Magnitudo enim, profectus, incrementum et perfectio cujusque fidelis, ac consequenter totius Ecclesiae, sita est in profectu, incremento et perfectione fidei et charitatis, et consequenter aliarum virtutum quae charitatem comitantur: ita ut, quantum in actibus fidei et charitatis, ac consequenter in earundem habitibus quisque fidelis proficit, tantum crescat illius magnitudo spiritalis; ac quantum in iisdem crescent omnes fideles, tantum crescat et perficiatur magnitudo totius Ecclesiae.

Quomodo peccatores charitate destituti, sint pars Ecclesiae? Dices: Si charitas est spiritus et anima Ecclesiae, ergo peccatores qui charitate carent, non sunt membra et partes Ecclesiae: pars enim, quae non informatur forma corporis, et in viventibus quae non animatur anima corporis, non est corporis pars et membrum.

Pro responsione, nota Ecclesiam esse quasi hominem civilem et politicum, suamque habere animam et suum corpus. Corpus Ecclesiae sunt ipsi fideles, qui exterius et visibiliter eandem Christi fidem profitentur, quique inter se cum eodem capite visibili, scilicet Pontifice Romano, qui in terris est Christi vicarius, communicant in iisdem Sacramentis, sacrificiis, doctrina, regimine et politia. Haec enim est exterior forma corporis Ecclesiae, prout est respublica visibilis. Et sic presbyteri et Episcopi, qui occulte sunt haeretici, quamdiu hanc externam verae fidei professionem et communicationem Ecclesiae jam dictam retinent, sunt membra ejusdem corporis et reipublicae, eique coherent, ac retinent jurisdictionem, quam in Ecclesia acceperunt. Anima hujus corporis, scilicet Ecclesiae, est fides; ita ut quicumque habent fidem, vivant anima Ecclesiae.

Est tamen et alia nobilior et perfectior Ecclesiae anima, scilicet charitas. Sicut enim embryo prius vivit anima sensitiva, diciturque vivus et sentiens, quam vivat anima rationali: ita fidelis per fidem prius vivit, vereque est vivens pars Ecclesiae, etiamsi necdum habeat charitatem; ea tamen habita, longe nobiliori anima et vita vivit. Quantum enim anima rationalis excedit sensitivam, tantum charitas excedit fidem. Et de hac secunda forma hic et subinde alibi loquitur Paulus; ut solos Sanctos charitate praeditos vocet corpus et Ecclesiam Christi: non quasi fideles qui in peccato sunt, velit ab ea excludere, sed quod sancti qui charitate pollent, sint perfectissima membra, et corpus Christi, perfectissimamque Ecclesiae formam et animam habeant, vivantque vita gratiae, quae est perfectissima vita Christi; alii autem fideles, qui charitate carent, sint quidem mem-

bra Christi, sed imperfectiora, utpote quae vivant tantum anima fidei. Sicut ergo in homine alia membra tantum exercent officia animae sensitivae, unum vero caput exercet officia animae rationalis, ut merito solum caput dici possit corpus animae rationalis, qua rationalis est et ratione utitur: ita fideles peccatores exercent officia fidei, suntque membra Ecclesiae, quae non est aliud quam cœtus et congregatio fidelium; soli tamen Sancti exercent officia charitatis, quae est quasi anima rationalis et perfectissima vita Christi et Ecclesiae: indeque hi soli dicuntur a Paulo esse corpus (id est Ecclesia) Christi, intellige nobilissimum et perfectissimum. Hinc rursum Ecclesia dicitur esse sancta, quia scilicet nobilissima ejus pars, quae est justorum, sancta est, de quo rursum cap. seq., vers. 27.

17. HOC IGITUR DICO ET TESTIFICOR IN DOMINO Vers. 17. (*μαρτύρομαι*, id est *testor* et *obtestor* per Dominum), UT JAM NON AMBULETIS (non conversemini) SICUT ET GENTES AMBULANT (conversantur) IN VANITATE SENSUS SUI, — τοῦ νοῦς αὐτῶν, id est *mentis suae*. Mens enim in homine et anima principatum tenet, reliquae regit ac dirigit: ac proinde si mens sit corrupta et vanitati dedita, reliquae animae potentiae totusque homo corrumpatur et vaneat necesse est. Sic videmus mercatorem, qui mente et animo non nisi lucra versat et quaerit, totum occupari in auro et argento; sic ebriosum, qui mente non Deum, non cœlum, sed pocula versat et cogitat, totum occupari in vino et symposiis, non alia cogitare, phantasiari, somnare, loqui; sic superbum in honoribus, spurcum in libidinibus, iracundum in vindicta, et ita de aliis. Significat ergo Apostolus gentes, quia mente non nisi vana tractabant, totas vanitati studuisse, et vanis rebus ac bonis sese occupasse.

18. TENEBRIS OBSCURATUM HABENTES INTELLECTUM. Vers. 18. — Hic est fons vanitatis Gentium, quod scilicet intellectum, græce *διανοία*, id est *cogitationem*, habeant obscuratam infidelitate aliisque erroribus practicis, qui ex ea sequuntur, ut scilicet nec Deum, nec Christum agnoscant, sed idola lignea et lapidea putent esse deos, dæmones colant, et ad dæmonum suggestionem et instinctum putent fornicationem, ebrietatem, furta, rapinas non esse peccata. Sic enim corrupto intellectu, quasi duce et luce hominis, necesse est appetitum, et actiones omnes hominis corrumpi, ut libere fornicetur, furetur, inebriet se, dum putat hæc non esse, aut certe exigua esse peccata.

ALIENATI A VITA DEI (a vivendi modo, quem Deus instituit, præcepit, et sibi gratum ac placitum declaravit, idque) PER IGNORANTIAM, — quia scilicet Deum, Dei legem et voluntatem ignorant.

PROPTER CÆCITATEM CORDIS IPSORUM, — δὲ τῆς καρδίας, *propter excæcationem*. Verti etiam posset, *propter obdurationem*; vel, ut Ambrosius, *duritiam cordis eorum*: et sic hæc pars a præcedentibus distinguitur, ne idem repetat Apostolus, q. d. In Gentibus sicut obscuratus est per ignorantiam

Non omnia membra in homine exercent fractiones animae rationalis, sic nec in Ecclesia omnia habent charitatem.

Mens in homine princeps.

Fons vanitatis Gentium, est error intellectus.

intellectus : ita consequenter cor, id est appetitus, mala vivendi consuetudine obduratum est, et callum (πῶρος enim callum significat) obdixit. Hinc, ut sequitur, in desperationem, indolentiam et omne scelerum barathrum præcipites corrue-
runt.

Vers. 19. 19. QUI DESPERANTES, — scilicet salutem, et viam virtutis ac beatitudinis. Legit noster Interpres, et cum eo Syrus, ἀπελπιώτες : ἐλπίω enim idem est quod spero; ἀπελπιῶ idem quod des-
pero, *q. d.* Gentes cum non crederent, nec spe-
rarent animam esse immortalem, Deum esse vin-
dicem malorum, ac bonorum remuneratorem, Sanctos esse beandos æterna vita, putarentque nullam post hanc vitam aliam superesse pœna-
rum, vel præmiorum, audacter et quasi impune se voluptatibus et libidinibus dederunt. Unde et Erasmus hanc lectionem optime huic loco quad-
rare censet, ut scilicet legamus *desperantes* : siquidem qui desperant esse vitam aliam a morte corporis, avidissime rapiunt hujus vitæ volup-
tates, iisque se ingurgitant, velut amissis illis ni-
hil habituri suave.

Verum Græca jam habent ἀπαλγῶτες, et ita legit Hieronymus, Chrysostomus et Græci, id est *indolentes*, et, ut S. Hieronymus vertit, *indolorii*, qui scilicet dolere desierunt; quique omnem doloris sensum perdididerunt : ἀλγέω enim significat dolere; ἀπαλγέω, dolorem deponere et perdere : quod Comicus vocat *perdolere*; Ovidius, *dedolere* :

Optimus, *inquit*, ille fuit vindex, lædenti pectus
Vincula qui rupit, dedoluitque semel.

Id est, qui semel omnem doloris sensum depo-
suit et abiecit (sic enim deferbuisse dicitur olla, cum fervere desierit, sicque desipere dicitur is, qui sapere desinit), quod Cicero vocat callum obducere dolori : « Consuetudo, inquit ipse ad Varronem, callum jam obdixit stomacho meo. » Sicut ergo consuetudo sensui quasi callum indu-
cit, ut non sentiat morbum et dolorem cui assue-
vit : sic et animo callum inducit, ut non sentiat remorsum aut dolorem in peccatis, quibus assue-
vit. Itaque ex consuetudine et impudentia pec-
candi, oritur in animo ἀπαλγῶσις, id est indolentia, vel dedolentia, qua animus ita obscuruit et ob-
duruit in malis, ut peccata non sentiat, ut cum peccat, omnem conscientiae remorsum amittat, et quasi conscientia amputata non pœniteat, nihil doleat; sed quasi brutum in omne id quod libet, quamvis turpissimum et abominandum, præceps ruat, in eoque delectetur et gloriatur, ait Hiero-
nymus. Quia ergo indolentia oritur ex consuetu-
dine peccandi, et consuetudo peccandi oritur ex desperatione, illique connexa est : hinc utrumque verum est, scilicet et quod desperantes, et quod dedolentes Gentes in gentilismo tradiderint se omni immunditiæ. Vide in quod barathrum ab-
ducatur hominem desperatio, et peccandi libertas ac consuetudo.

SEMETIPSOS TRADIDERUNT IMPUDICITIÆ, IN OPERA-
TIONEM IMMUNDITIÆ OMNIS, IN AVARITIAM. — S. Am-
brosius legit, *in operationem immunditiæ omnis et avaritiæ*, et proprie accipit nomen avaritiæ, *q. d.* Gentiles non habentes spem vitæ futuræ dederunt se omni immunditiæ et avaritiæ, ut aliena appetant et invadant insatiabiliter. Verum græce est, εἰς ἐργασίαν ἀκαθαρσίας πάσης, ἐν πλεονεξίᾳ, id est, ut vertit Noster, « in operationem immunditiæ omnis, in avaritiam; » vel, ut græce est, *in avaritia*.

Ubi nota, *avaritiam* hic tribui immunditiæ, et pertinere non ad cupiditatem opum, sed ad libidinem atque luxuriam, inquit Hieronymus : græce enim non est φιλαργυρία, sed πλεονεξία, quam Vatablus et Erasmus vertunt, *aviditatem*; Theophylactus, *immoderatam concupiscentiam*. Proprie ad verbum πλεονεξία est nimia habendi cupido, sive hæc cupido sit opum, sive honorum, sive libidinum, uti hic est, aliarumque voluptatum, *q. d.* Apostolus : Gentiles qui non habent spem alterius vitæ, inexplibili aviditate et cupiditate, vel avidissime et cupidissime (est enim hebraismus : « in avaritiam, » id est avarissime et cupidissime) operantur omnem immunditiam, in eamque toto impetu feruntur; sicut avari mercatores toti feruntur in lucrum, ut de eo certent, et quisque studeat illud alteri præripere, et in lucro ac opibus omnes alios excellere : ita hi Gentiles adeo avare et intemperanter aguntur in immundas voluptates, ut quisque eas aliis præripere, et in iis alium superare studeat, sic ut libido eorum non habeat terminum, quia voluptatibus hujus vitæ frui, iisque se explere et beari volunt, cum alias non expectent.

Avaritia ergo significat hic avaram cupiditatem libidinis et voluptatum, quæ temperantiæ et continentiae repugnat semper (1) : subinde etiam justitiæ, ut cum quis non contentus uxore sua, alienam invadit, nec unam, sed plures, ut voluptatis satietatem vitet, ejusque fastidium personarum mutatione tollat. Et hæc est πλεονεξία, de qua 1 *Thesal. iv, 3* : « Hæc est, inquit, voluntas Dei, sanctificatio vestra, ut abstineteis vos a fornicatione, ut sciat unusquisque vestrum vas suum (uxorem suam) possidere in sanctificatione et honore : non in passione desiderii, sicut et Gentes quæ ignorant Deum; et ne quis supergrediatur, neque circumveniat (græce πλεονεκτεῖν, idem quod hic) in negotio fratrem suum (ut ejus uxorem secreto ambiat et sollicitet), quoniam vindex est Dominus de his omnibus. »

20. VOS AUTEM NON ITA DIDICISTIS CHRISTUM, — **Vers. 20.**
Christum, id est Christi doctrinam, vel christianis-
mum. Christus enim pro Christo adjunctis sumi-
tur, juxta *Can. 37, q. d.* Hoc non didicistis in doctrina Christi, non ita edocti estis in christia-

(1) Ita et Alliot; multi tamen vertunt, *quæstus causa* (id propter). Hoc ideo addit Apostolus, quia multi mares etiam ob pretium se prostituunt. Sallustius : « *Avaritia corpus animumque effeminat.* »

Avara
cupiditas
et immo-
derata cu-
pido
rerum
delecta-
bilitum,
hostis
omnis
honestatis.

Consue-
tudo pec-
catorum
tollit re-
morsum
conscien-
tiæ.

Discere
Christum
est
discere
omnes
virtutes.

nismo, scilicet ita luxuriari, ut faciunt Gentes. Ita Hieronymus et Anselmus; discere Christum, inquit Hieronymus, est discere temperantiam, sapientiam, virtutem Christi; et Theophylactus: Christum, inquit, discere est recte vivere: qui enim scelerate vivunt, Christum ignorant; « Deum » enim (inquit alibi Apostolus) « confitentur se nosse, factis autem negant. »

Vers. 21. 21. SI TAMEN ILLUM AUDISTIS. — Vocula *si* non est dubitantis, sed affirmantis, hoc loco, uti et II *Thessalon.* cap. I, vers. 6: « Si tamen (id est sicut omnino) justum est apud Deum, retribuere tribulationem iis qui vos tribulant. » Ita Chrysostomus, *q. d.* Apostolus: Sicut omnino Christum Christique doctrinam audistis et didicistis.

ET IN IPSO (scilicet Christo Christique schola et disciplina) EDOCTI ESTIS.

Quadruplex horum verborum sensus. SICUT EST VERITAS IN JESU, — *q. d.* Sicut veritas, id est, sicut verum est, per Jesum, juro scilicet. Ita Vatablus, nam præpositio *in* Hebræis est particula jurantis: « in Jesu, » id est per Jesum, quem testor et juro. Sic enim nos juramus dicentes: Per Deum, Per animam.

Verum melius Syrus vertit, *et tamen audistis et didicistis, quanta sit veritas in Jesu.* Sic fere et Vatablus, *si tamen, inquit, edocti estis, quænam sit veritas doctrinæ ipsius Jesu,* quæ docet deponendam esse pristinam conversationem, ut sequitur, *q. d.* Si tamen edocti estis ea doctrina quæ est veritas, et vera doctrina « in Jesu, » id est Jesu Christi (in enim Hebræis significat regimen genitivi: in Domino, id est Domini; in Christo, id est Christi). Vel planius, si tamen edocti estis ita vere, sicut veritatem docemur a Christo, qui est via, veritas et vita. Vel *tertio*, ut alii, si tamen edocti estis ita, ut edocti sunt qui vere et serio Jesum Jesuque doctrinam cognoscunt. Sic enim Græcum *καθώς*, quod Noster vertit *sicut*, commode explicatur. Hic ergo Syri sensus et Græcæ phrasi et Pauli stylo apte respondet, et præcedentibus apprimè connexus est.

Quarto, potest accipi hic cum S. Chrysostomo; Theophylacto et Anselmo, veritas tam vitæ quam doctrinæ, de qua dixi vers. 13, *q. d.* « Sicut est veritas in Christo, » id est, sicut in Christo Christique schola, scilicet Ecclesia, nil nisi vere, id est juste, pie, sobrie et caste vivere docemur. Unde ex S. Chrysostomo Theophylactus: « Quod autem ait, Sicut est veritas, sic intellige, quod non, sicut Gentes in vanitate circumambulant, sic et vos ad eadem vana estis compositi atque comparati. Quæ enim Christi sunt tum dogmata, tum vita, non sunt vanitas, sed veritas: peccatum autem est vanitas et mendacium, ut quod substantia et subjecto careat, nec habeat perfectionem. Virtus autem veritas est, ut quæ subsistat, et perfectionem finemque habeat. Quid autem edocti estis? Et quid est veritas secundum Christum? nempe ut abjiciamus veterem hominem,

hoc est prioris vitæ conversationisque nostræ mores (1). »

22. DEPONERE. — Theophylactus, Vatablus et alii referunt ad *edocti estis, q. d.* Edocti estis a Christo deponere veterem hominem (2).

Secundo, potest esse græcismus et hebraismus, quo per enallagen modorum infinitivus ponitur pro imperativo, « deponere, » id est deponite: sic enim sequentes infinitivos in Græco, ἀναγεύσθαι καὶ ἐνδύεσθαι, noster Interpres vertit per imperativos, *renovamini et induite.*

Tertio, et optime ad morem et spiritum Pauli, *deponere* refer ad vers. 17: « Hoc igitur dico, et testificor deponere, » id est, ut deponatis veterem hominem. Sæpe enim Apostolus, et præsertim in hac epistola, copia rerum ac vi spiritus abripitur, ut sermonem cœptum alio deflectat, et post longam parenthesis ad se et ad cœptum sermonem redeat. Sic vidimus eum fecisse cap. III, ubi versus primus pendet et expletur vers. 14. Sic enim cum vers. 17 cogitaret Apostolus hunc vers. 22 immediate subnectere, abreptus fuit in Gentium vanitatem, cujus meminerat vers. 17, ut eorum cæcitatem et turpitudines explicaret, usque ad vers. 22, quo redit ad sententiam vers. 17 inchoatam.

DEPONERE VOS SECUNDUM (id est quoad) PRISTINAM CONVERSATIONEM VETEREM HOMINEM. — *q. d.* Dico et cupio ut deponatis veterem hominem, non quoad naturam et substantiam, sed quoad pristinam vivendi, concupiscendi et peccandi consuetudinem. Unde Syrus non verba, sed sensum reddens, clare vertit dicens, « ut deponatis a vobis conversationes vestras priores, hominem (inquam) illum veterem, qui corrumpitur concupiscentiis erroris. »

VETEREM HOMINEM. — Nota: « Vetus homo » est vetus hominis peccatoris vita et mores, quos ex veteri sive primo Adamo traxit, scilicet veteres concupiscendi, et concupiscentias suas sequendi ac peccandi consuetudines. Qualis enim fuit vita veteris Adami peccantis, talis est et eorum, qui ex eo prognati, vetus illud concupiscentiæ fermentum ex eo traxerunt. Sive magis proprie et concinne, *vetus homo* est ipse homo, qui olim Gentilis et peccator, ac quasi veterem Adamum protoplastum indutus et imitans, sequebatur suas veteres concupiscentias, et inolitas pravæ consuetudines, ut magis patebit vers. seq.

QUI CORRUMPITUR SECUNDUM DESIDERIA ERRORIS. — Quia scilicet concupiscentiæ, dum iis homo indulget, corpus et animam corrumpunt ac destruunt, inquit Theophylactus. *Secundo* et genuine, *vetus homo* corruptus est et corrumpit integritatem primi Adæ et hominis, qui creatus fuit, ut sequitur, in justitia et sanctitate veritatis: *hic*

Quid sit
vetus
homo?

(1) *Tò sicut est veritas in Jesu* Rosenmullerus interpretatur, *quænam sit veritas Christianismus, situs scilicet in iis rebus de quibus deinceps agitur, deponere, etc.*

(2) Ita et Allioli.

ergo vetus homo jam dictus, ita corruptus indies magis corrumpitur et veterascit, dum pergit sequi desideria erroris, id est, concupiscentias carnales erroneas et rationi contrarias, sive cupiditates deceptrices. Unde notat S. Hieronymus, non dicere Apostolum, « veterem hominem » qui corruptus est, sed « qui corrumpitur, » quia per singulas horas et momenta magis et magis corrumpitur, et ab homine humanaque vita in brutalem brutumque degenerat.

Addit *tertio*, Theophylactus dici hic veterem hominem corrumpi, quia, sicut homo ipse vetus, ita et hæ illius concupiscentiæ morbo, senio et morte dissolvuntur ac pereunt. Sed secundus sensus genuinus est; addit enim Apostolus: « Qui corrumpitur secundum desideria erroris; » suis ergo desideris et concupiscentiis, non morte aut senio corrumpitur hic vetus homo.

Vers. 23. 23. RENOVAMINI (*ἀνανεώθηαι*, id est *renovari*, in infinitivo, qui pendet a vers. 17, ut dixi, q. d. Dico renovari, id est, ut renovemini, quod Noster clare vertit, *renovamini*) SPIRITU MENTIS VESTRÆ, — id est, vivifica illa vi gratiæ et spiritus mentibus nostris indita, qua Spiritus Sanctus nos regenerat et in novos homines, Christianos scilicet et sanctos, transformat. Idem est quod dixit *Rom. XII, 2*: « Reformamini in novitate sensus vestri; » unde explicans subdit hic:

Vers. 24. 24. ET INDUITE NOVUM HOMINEM, QUI SECUNDUM DEUM CREATUS EST IN JUSTITIA ET SANCTITATE VERITATIS. — Ubi nota *primo*: « Novum hominem » intelligit Christum, ut Hieronymus et Anselmus, vel simplicius Adamum nove et recenter a Deo creatum, ut sequitur, in gratia, innocentia et justitia, quem per peccatum veterascentem renovavit Christus, et in primum novum hominem, uti a Deo creatus erat, restituit, nosque in baptismo et penitentia quasi veterem Adamum exuit, et novum rursum induit, cum primi et novi Adæ novam gratiam, innocentiam et sanctitatem nobis reddidit.

Nota *secundo*, phrasim Apostoli: ponit hic duos homines invicem contrarios, eosque dicit nos induere, ut dum unum exuimus, induamus alium. Simili phrasi dicit nos induere Christum, ut dixi *Rom. XIII, 14*. Sicut ergo veterem vestem exuimus, ut novam induamus: sic veterem hominem, id est, veteris Adæ consuetudines et vitia, exuimus, ut novum hominem, id est, novi Adæ in gratia creati, Christique novitatem ejus reparantis novos mores, puritatem scilicet et sanctimoniam Christianam induamus.

Nota *tertio*: Sicut Christum, sic et Adamum dicimur induere: Adamum, inquam, non ut particularis erat persona, sed ut erat parens et caput omnium posterorum. Sic enim novus homo creatus est, et novitatem gratiæ et sanctitatis accepit, non pro se tantum, sed etiam pro omnibus posteris; quam novitatem et novum hominem; si non peccasset, ad omnes posteros transmis-

set. Sic ergo loquitur hic Apostolus de novo homine, uti et de veteri, quasi abstracto universali et communi, quem singuli induere possumus et debemus, quique singulis communicatur instar ideæ Platoniciæ. Sic enim Plato censuit ideam hominis communicari huic, illi, et cuivis alteri homini in particulari, eique communicare suum esse hominis, ut per eam quisque homo particularis fiat homo; sic per hunc novum hominem quasi abstractum et universalem, quisque particularis Christianus sit novus homo, ut loquitur Apostolus; non quod vere sit aliquis homo universalis instar ideæ Platoniciæ, sed ut significetur novitas hæc novi hominis esse communis, singulisque Christianis communicari, ut per eam renoventur. Hic enim novus homo (id est novitas novi hominis jam dicta) datus erat Adæ, ut per eum quasi caput humani generis communicaretur omnibus posteris: sed eo peccante hic novus homo datus est Christo, ut per Christum quasi parentem omnibus Christianis communicaretur. Hinc Christus *Isaiæ IX*, vocatur « pater futuri (novi) sæculi, » et de eo canit Sibylla:

Magnus ab integro sæclorum nascitur ordo,
Jam nova progenies cælo demittitur alto.
Tu modo nascenti puero, quo ferrea primum
Desinet, et toto surget gens aurea (*Christianorum*) mundo,
Casta fave Lucina.
Ille Deum vitam accipiet, Divisque videbit
Permistos heroas, et ipse videbitur illis.

Nota *quarto*: *Renovamini et induite* significant nos, etiamsi baptismo innovati, regenerati et induti simus, tamen indies magis nos debere innovare et induere novitatem, magisque deponere et exuere veterem hominem (id est concupiscentiam), qui nobis ita innatus est et adhæret, ut in hac vita plane deponi et omnino innovari non possit. Vult ergo Apostolus, ut quilibet Christianus indies magis et magis veteres malas consuetudines, vitia ac propensiones ad malum, quas quisque in se sentit, mortificet et extirpet; ac contrarias Christi, et primi novique Adæ virtutes animæ suæ inserat, innovet, adaugeat per fervorem ac studium proficiendi et perficiendi se. « Mens enim, inquit S. Gregorius, lib. XXII *Moral.* cap. IV, dum igne amoris excoquitur, semper in se servat claritatem pulchritudinis, quotidiana innovatione fervoris. Nescit enim mens veterascere, quæ semper per desiderium studet inchoare. » Vide dicta *Rom. XII, 2*. Pulchre etiam Hieronymus hic: « Induite novum hominem, id est, inquit, ut alio loco dicit (*Rom. XIII*), induite vos Jesum Christum. Iste quippe est novus homo, quo universi credentes debemus indui atque vestiri. Quid enim in homine qui a Salvatore nostro assumptus est, non novum fuit? Conceptus, nativitas, partus, infantia, doctrina, vita, virtutes, et ad extremum crux et passio expoliantis in ea principatus et contrarias fortitudines ostentui habentis, resurrectio quoque et ascensus ad cælum. Hic ergo

Christus
novum
hominem
et novam
progeniem
fecit.

Necessitas
continua
renovationis
virtutum
et
fervoris.

Christum
et
Adamum
inducere
quid sit?

Christus
per omnia
fuit
novus
homo.

vere creatus est in iustitia et sanctitate veritatis, quia Deus verus, Dei veri Filius fuit, et tota in illo religio atque iustitia Dei veritate completa est. Qui igitur conversationem illius imitari potest, et universas in se exprimere virtutes, ut sit mansuetus, sicut ille fuit mansuetus et humilis corde; et ponat animam suam pro amicis, ut ille posuit pro ovibus suis; verberatus non respondeat, maledictus non maledicat, sed vincat in humilitate superbiam: iste indutus est novum hominem, et dicere cum Apostolo potest: Vivo autem non jam ego, vivit vero in me Christus. »

QUI SECUNDUM DEUM CREATUS EST. — Græcum *κατά*, id est *secundum*, respondet Hebræo *כאפ*, quod est nota similitudinis et assimilationis, qua imago assimilatur suo exemplari, ex quo expressa est, q. d. Induite novum hominem, qui ad Dei exemplar creatus est. Alludit enim ad *Genes. cap. i*, vers. 26: « Faciamus hominem ad imaginem et similitudinem nostram. »

In quo sita sit hæc imago Dei in homine? Unde queritur hic, in quo sita sit hæc imago Dei in homine. Oleaster in cap. i *Genes.*, et Eugubinus in *Cosmopœia* putant Deum cum hominem crearet, induisse formam humanam, ut ad eam ejusque similitudinem hominem crearet. Sed hoc frigidum est et Judaicum.

Nota ergo primo, « imaginem » hic metonymice sumi pro exemplari ex quo imago expressa est, quodque refert et representat. Quasi diceret Deus: Faciamus hominem ad nostrum exemplar, ut sit imago ex nobis nostraque natura quasi ex exemplari expressa, quæque nostram divinitatem referat et representet. Potest tamen secundo, « imago » hic proprie capi, si per hebraismum sic exponas: « Faciamus hominem ad imaginem, » id est, ut sit imago nostri, quæ nos tanquam suum exemplar exprimat et representet.

Nota secundo: « Imaginem et similitudinem » multi distinguunt; sed dico esse hendiadyn, q. d. Faciamus hominem ad imaginem similitudinis nostræ (ut loquitur Sapiens, *Sapient. ii*, 23), id est ad imaginem valde similem, aut simillimam nobis. Hinc sacra Scriptura modo unum, modo alterum, modo utrumque usurpat; ut modo dicat hominem creatum ad Dei imaginem, modo ad similitudinem, modo ad imaginem et similitudinem: ut patet *Genes. v*, 1; *Eccli. xvii*, 1; *Coloss. iii*, 10. Unde colligitur imaginem a similitudine non distingui.

Imago Dei in viro, angelo et femina. Nota tertio: Hæc imago Dei non est in solo viro, ut vult Theodoretus, sed et in angelo, et in femina. Tam enim Eva, feminae et angeli, quam Adam et viri creati sunt ad imaginem Dei, ut fuse docet S. Augustinus, lib. XII *De Trinit.*, vii, et S. Basilius, homil. 10 *Hexameron*.

Sita est in hominis mente. Dico ergo: Hæc imago Dei sita est in hominis mente, sive in eo quod homo sit in summo rerum gradu, in quo est Deus et angelus, scilicet quod sit naturæ intelligentis, puta animal rationale. Ex quo sex eximie hominis proprietates oriuntur et

consequuntur, in quarum jam una, jam alia Patres ponunt hanc Dei imaginem in homine: ponunt, inquam, non plene et adæquate, sed partialiter et incomplete. Prima est, quod homo habeat animum incorporeum et individuum; secunda, quod anima hominis sit immortalis; tertia, quod eadem prædita sit intellectu, voluntate et memoria; quarta, quod sit liberi arbitrii; quinta, quod capax sit sapientiæ, virtutis, gratiæ, beatitudinis et visionis Dei, omnisque boni, ut ait Nyssenius; sexta, quod cunctis animalibus præesse possit et dominari. Unde cum alia omnia creasset Deus, dixit: « Faciamus hominem » quasi regem creatorum, ut iis præsit: mirum,

Sanctius his animal mentisque capacius altæ
Deerat adhuc, et quod dominari in cætera posset.
Natus homo est.

Quibus adde septimam, sicut in Deo sunt omnia et omnes rerum gradus vel formaliter, vel eminenter; ita et proportionaliter sunt omnia in homine. Omnes enim rerum spiritualium et corporalium gradus in se habet et necit homo: cum angelis enim intelligit, cum brutis sentit, cum plantis vegetatur, cum inanims est et subsistit; estque homo unam habens animam in tribus potentiis, mundi increati, id est Sanctissimæ Trinitatis, imago, et ejus infinitæ artis et sapientiæ testimonium, ac opus perfectissimum: creati vero mundi homo rex est, finis, compendium, vinculum, nexus et microcosmus. Octava, homo est imago sapientiæ Dei, quia omnia contemplari et intelligere potest; rursum omnipotentia Dei, quia homo quasi est omnipotens, dum omnia mente, multa etiam arte efformare et effingere potest. Præterea sicut Deus finis est rerum omnium totiusque mundi, ita suo modo finis omnium est homo. Denique sicut Deus est totus in mundo, et totus in qualibet mundi parte, estque quasi anima mundi, non proprie, ut Platonici, sed metaphorice, quia scilicet, ut canit Poeta:

Spiritus intus alit, totamque infusa per artus
Mens agitat molem, et magno se corpore miscet:

ita anima hominis tota est in toto corpore, et tota in qualibet corporis sui parte. Hæc ergo Dei imago homini est naturalis, quæ peccato perdit non potuit, ut contra Origenem docet S. Augustinus, lib. II *Retract.*, xxiv, ubi retractat id quod dixerat lib. VI *De Genes. ad litt.*, cap. xxvii, Adamum peccando imaginem Dei perdidisse. Quod, inquit, sic accipe, non quasi in Adamo nulla remanserit Dei imago; sed quod tam deformis illa per peccatum effecta sit, ut reformatione indiguerit.

Dico secundo: Est et alia Dei imago in homine. scilicet supernaturalis, quæ sita est in hominis justificatione, sanctitate et gratia, quæ divina

hominis
proprietates.

Homo
imago
SS. Trinitatis.

Imago
Dei in
homine
supernaturalis.

tnalis
sita est
in insti-
tutione,
gratia,
sanctita-
te,
visi ne
Dei.
Adam in
gratia
creatus.

fit consors naturæ, quæque in gloria cœlesti firmabitur et perficietur. Unde S. Joannes, *epist.* I, cap. III, vers. 2 : « Scimus, ait, quoniam cum apparuerit, similes ei erimus : quoniam videbimus eum sicuti est. » In hac enim imagine supernaturali conditum esse Adamum, eamque ad litteram intelligi, cum dixit Deus : « Faciamus hominem ad imaginem et similitudinem nostram ; » æque ac priorem illam quæ naturalis est, de qua paulo ante dixi, patet ex hoc loco Apostoli, et *Coloss.* III, 10, estque communis sententia Patrum. Hoc enim clare verba Apostoli significant : « Qui, inquit, secundum Deum, » id est, ad Dei exemplar, « creatus est in iustitia et sanctitate veritatis. » Ergo imago hominis sita est in iustitia et sanctitate, in quibus creatus est ad exemplar iustitiæ et sanctitatis, quæ est in Deo.

Imago
superna-
talis
ab homi-
nis vo-
luntate
dependet. Ac-
cipitur
in bap-
tismo.

Nota : Hæc imago Dei supernaturalis ab hominis voluntate pendet, eaque peccante deperditur (et sic subinde Augustinus, ut dixi, et Patres alii dicunt peccato perditam esse Dei imaginem, scilicet hanc supernaturalem, non autem priorem illam naturalem, de qua paulo ante dixi), sed per gratiam et justificationem reparatur. Per gratiam ergo et sanctitatem magis proprie et perfecte homo est imago Dei, quam per naturam animæ rationalis et liberi arbitrii : quia per gratiam participat homo, et in se exprimit summum gradum entis, qui est in Deo, scilicet ipsum esse divinum et supernaturale, quo in se Deus sanctissimus est, perfectissimus et gloriosissimus, estque fons bonorum omnium non naturalium, sed supernaturalium, sive gratiæ et gloriæ omnis, quæ omnem naturam hominis et angeli, imo creaturæ cuiuslibet, quæ a Deo creari potest, transcendunt.

Hanc imaginem supernaturalem accipiunt omnes Christiani in baptismo, eamque indies perficiunt, dum per actus gratiæ et virtutum crescunt in sanctitate. Unde Apostolus hic hortatur Ephesios jam baptizatos et sanctificatos, ut magis indies se renovent, et magis induant et assumant novum hominem, qui secundum Deum creatus est in sanctitate et iustitia veritatis.

« Induite » enim hic significat non actum inchoatum, sed continuatum, proficientem et perfectum, juxta *Can.* 32, q. d. Induite, id est pergite induere, vestire, perficere vos, nova, justa, Christiana et sancta vita, quam induistis, assumpsistis et inchoastis in baptismo.

Huc multum juvat documentum Agathonis Abbatis, lib. VII in *Vitis Patr.*, cap. XLII : « Observa, ait, præ omnibus hoc, ut qualis primo die ingredieris in convictum fratrum, talis reliquum peragas tempus, et cum quiete adimplebis peregrinationem tuam. Custodi enim nequando fiduciam loquendi assumes. » Et alterum quod dedit alius ibidem, cap. ult. : « Ex quo, ait, renuntiavi terræ, mihi dixi : Hodie renatus es, hodie cœpisti servire Deo, hodie hic inhabitare cœ-

pisti ; sic esto quotidie peregrinus, et crastino liberandus. Hoc mihi quotidie consulebam. »

IN JUSTITIA ET SANCTITATE VERITATIS, — id est, Quil sit sanctitas, ejus que elymon et proprietas? in sanctitate vera, non fucata, non larvata, non imputata, qualem Novantes inducunt. Ita Chrysostomus. « Sanctitas, inquit S. Dionysius, et ex eo Anselmus, est omni iniquatione libera, incontaminatissima et perfectissima puritas. » Hinc *I Corinth.* VII, vers. 34, dicit virginem debere esse « sanctam (id est, castam et puram) corpore et spiritu. » Hinc rursum « sanctum » dicitur ἅγιον, quod, inquit Origenes, componitur (symbolice) ex γῆ, id est terra, et α privativa, quasi dicas, sine terra, ut ἅγιον, id est sanctum, sit, quod a terra terrenisque fœcibus est secretum, purum, cœleste, divinum, ac Deo cohærens, addictum et consecratum. Hic tamen græce non est ἁγιωσύνη, sed ἁγιότης, quæ tamen idem significant.

ὁσιος enim, inquit Chrysostomus et Theophylactus, dicitur is, qui est ab omni scelere et labe immunis, purus et mundus.

Secundo, qui implet et solvit omne debitum. Inde enim dicuntur ὁσι, id est parentalia, exequiæ, justa funeralia quæ debentur defunctis.

Tertio, ὁσις significat expiationem, inde ἀποσιωσθαι, proprie est facere aliquid causa solvendi animum religione, ut cum id quod vovimus persolvimus. Ita Budæus. Rursum ἀποσιωσθαι significat expiare, dicare, consecrare : sic ergo ὁσιότης id est sanctitas, primo, est puritas et innocentia ; secundo, est iustitia ; tertio, pœnitentia et expiatio peccatorum ; quarto, religio et religiosus Dei cultus, quo anima se Deo dicat et consecrat.

23. PROPTER QUOD DEONENTES MENDACIUM LO- Vers. 23.
QUIMINI VERITATEM. — Descendit hic ad veteris Novi hominis partes et membra, eisque novi hominis partes et membra opponit. Doctor enim et concionator a thesi ad hypothesim debet descendere. Conciones enim quæ in genere tractant de vitiis et virtutibus, parum sunt utiles populo, qui rudis est, et nescit ea, quæ generaliter dicuntur, sibi applicare. Unde qui bene eum docere illicque concionari volunt, debent in particulari ei regulas vivendi practicas præscribere, ut sciat in particulari, hic et nunc, quid sibi agendum sit, quid cavendum. Particularia ergo membra veteris hominis, quæ deponi et exui vult Apostolus, sunt mendacium, fraus, ira, injustitia, furtum, libido et cætera quæ sequuntur. His opponit membra novi hominis, eaque assumi et indui vult, scilicet veritatem, mansuetudinem, justitiam, liberalitatem, castitatem, etc.

LOQUIMINI VERITATEM UNICUIQUE CUM PROXIMO suo, — ut proximum non fallatis, non decipiatis, sed fideliter præstetis quod illi promisistis.

QUONIAM SUXUS INVICEM MEMBRA, — q. d. Unum A Chris-
membrum non mentitur alteri, non decipit alterum, sed quodque alteri fidele est, illudque sincere adjuvat, quantum potest, v. g. macus non decipit pedem, non objicit ei scopulum in quem

impingat et cadat; sed potius admonet, curatque ne pes fallatur: ita et Christiani singuli qui sumus invicem membra, neminem decipere, sed omnibus fideles esse, omnesque fideliter et sincere adjuvare debemus.

Mentiri nunquam licet. Errat ergo Plato, qui lib. III *De Republ.*, docet subinde viro bono et sapienti, ac praesertim principi et magistratui, mentiri fas esse: « Biis, ait, inutile est mendacium, hominibus autem pro medicamento est utile. Quare publicis medicis concedendum, privatis autem hominibus minime attingendum. Igitur rempublicam administrantibus mentiri licet, vel hostium, vel civium causa, ad communem civitatis utilitatem; reliquis autem a mendacio abstinendum est. » Longe verius et sanctius hic Paulus, cuique homini universim veritatem praecipit, et mendacium interdicit. Quod ita primis saeculis imbibebunt Christiani, ut scribat Justinus Martyr *Apologia 2*, Christianos malle mori quam vel semel mentiri.

Vers 26. 26. IRASCIMINI. — Citat *Psal. iv*, vers. 3, ubi hebraice est רִגְסָעוּ *rigseu*, quod licet Hebraeis significet *contremiscite*, Syris tamen (quorum idiotismum subinde in psalmis quasi in carmine ad elegantiam usurpat Psaltes) significat *irascimini*, scilicet voluptati, inquit Hesychius in *Catena Graec.*, in *Psal. iv*.

Secundo, Theophylactus: Irascimini, scilicet vobis ipsis, peccatis et vitiis vestris, ea per poenitentiam puniendo.

Tertio: Si Praelati aliisque praepositi estis, vitiis subditorum delinquentium iram, id est severitatem correctionis, exhibete. Unde Eusebius in *Catena Graecorum*, in *Psal. iv*, ad litteram vult haec esse verba Davidis ad inclytos suos, ut vertit Hieronymus, scilicet ad Joab, Absai aliosque duces et milites indignantes, et parantes se ad conflictum cum Absalone parricida, *q. d.* David: O Joab vosque milites mei, irascimini Absaloni, pugnate contra eum, sed cavete ne ira vestra et vindicta modum justae pugnae et belli excedat.

Loeus Psalms iv explicatus. *Quarto*, optime et maxime genuine, hoc *Psal. iv*, David loquitur hostibus suis, et hortatur illos ut Deum suorum cultorum protectorem agnoscant, colant, invocent, nec Sanctos ejus persequantur, sed si quando ad iram concitentur, illisque irascantur, caveant tamen ne peccent; *q. d.* Si, o Philistaei, alique hostes mei et justorum, ira in vobis contra me aliumve justum aut innoxium insurgat, sique (ut Aquila vertit) turbamini, scilicet contra me, aliumve quempiam: nolite tamen peccare, id est nolite iram fovere et perficere; sed eam metu divini numinis et mortis, ait Chaldaeus, comprimate. Ita Origenes, Chrysostomus, Theodoretus in *Catena Graecorum*: qui hinc docet iram quae rationem praevenit, non esse peccatum. *Secundo*, iram, si ratione regatur, esse cotem virtutis. Ideo enim irae passio data est homini, ut ardua aggrediatur et superet.

Dicit ergo « irascimini, » *q. d.* Si contingat vos

pro naturae fragilitate et proclivitate concitari ad iram, et subito irasci (Graecum enim παρορμησθαι commotionem, irritationem et concitationem, id est iram subitam, significat; idem significat Hebraicum רִגְסָעוּ *rigseu*, a quo nonnulli Graecum ἐπιρροή deducunt), tamen nolite peccare, id est, nolite irae per voluntatem et rationem consentire, ut illi inhereatis et indulgeatis vindictam machinando et perficiendo; sed quam citissime per rationis dominium, perque Dei metum iram abruptite et compescite: ita ut

SOL NON OCCIDAT SUPER IRAEUNDIAM VESTRAM. — Est proverbium significans iram statim esse compescendam: nec enim ad litteram permittit Apostolus ut toto die quis irae indulgeat et se vindictae, modo sole occumbente eam deponat: sic enim per diem omnem vindictam machinari et perficere permitteret; sed, ut dixi, proverbium est significans statim comprimendam esse iram, ne, ut sequitur, locum demus diabolo.

Primus ergo gradus irae demandae est, ut statim illam frenemus, ne in animo hæreat, vel in verbum aut factum aliquod asperius erumpat. Secundus est, si hæserit, vel eruperit, ut ante solis occasum, id est, statim ut possumus, ad mentem et tranquillitatem redeamus. Ita Anselmus, Genebrardus ac Jansenius in *Psalms. iv*.

Potest *secundo*, propria accipi hic solis occasus, *q. d.* Si ira per diem marti inhaerit, et semper recurrerit etiam invitis, saltem ante noctem illam excutite, tum ne nocte recurrat, et vos vestramque quietem turbet, eo magis accendatur (solent enim noctu diurnae cogitationes, maxime tristes et molestae, recurrere, hominemque exagitare, turbare et accendere); tum ut nocturnam orationem non impediat; tum denique, ne, si noctu contingat vos in morbum, aut mortem subitanam incidere, a Deoque ad judicium evocari, in ira et mentis amaritudine ac aversione a proximo moriamini, itaque non audeatis comparere in tribunal Christi. Qua de causa in nonnullis Religionibus haec pia lex statuta est, ut, si quis alium per diem offenderit, non liceat illi nocturnae quieti se dare, nisi prius veniam ab eo quem offendit petierit, illique reconciliatus sit.

Ita S. Epiphanius, Episcopus Cypri, dixit S. Hilarioni: « Ego ex quo accepi habitum istum, non dimisi aliquem dormire, qui habebat aliquid adversum me: neque ego dormivi aliquid habens adversum aliquem. » Cui Hilarion: « Ignosce mihi, quia tua conversatio major mea est. » Ita quoque S. Joannes Eleemosynarius, Archiepiscopus Alexandrinus, teste Leontio in ejus Vita, cum quadam die contra Nicetam Patricium iram, licet justa, commotus fuisset, ut se ante vesperam ei reconciliaret, ad Nicetam misit presbyterum suum, qui ei diceret: « Sol jam est in occasu, vir maxime venerande; » quo stimulo compunctus Nicetas ad S. Joannem accurrit, et uterque ante solis occasum in mutuos ruerunt amplexus. Atque

Pulcher locus moralis de ira demandae, ejusque exempla et motiva.

Irae demandae gradus varii.

Lex pia reconciliationis ante noctem.

Exemplum S. Epiphani et S. Joannis Eleemosynarii.

hoc est quod Pythagoras docuit : « Ubi ollam a cinere sustuleris, turbandum est vestigium, » id est, ubi deferbuerit et resederit primus iræ impetus, mali præteriti memoria est oblitteranda, et omne iracundiæ vestigium penitus est tollendum.

S. Antonii.

Sic et « Antonius, inquit S. Athanasius, suadebat jugi meditatione retinendum illud Apostoli : Sol non occidat super iracundiam vestram. Non tantum autem super iracundiam solem occidere non debere interpretabatur, sed et super omnia delicta hominum, ne peccatorum unquam nostrorum aut in nocte luna, aut in die sol testes abscederent. Illius quoque admonebat præcepti : Dijudicate vosmetipsos, et probate; ut rationem diei noctisque facientes, si in se delictum deprehendissent, peccare desisterent : sin autem nullus error decessisset, perseverantes instarent potius in cœpto, quam arrogantia tumidi, aut alios contemnerent, aut sibi justitiam vindicarent. »

Unde *Pals.* iv citato, cum David dixisset : « Irascimini, et nolite peccare, » subjunxit : « Quæ dicitis in cordibus vestris, in cubilibus vestris compungimini, » subaudi, *q. d.* De iis quæ male et iracunde per diem dicitis et cogitatis contra me Davidem, aliosque insontes, cum in cubilibus vestris vespere et noctu soli estis, silentes et quieti, compungimini, dolete et pœnitentiam agite. Unde Hebræa habent : Dicite in corde vestro super cubilibus vestris, et silete, *q. d.* Iræ et peccatorum quæ interdum commisistis, vespere et noctu in silentio et silenti meditatione, oratione, et conscientiæ examine, rationem et pœnas a conscientia exigit, inquit Theodoretus, Origenes, Athanasius, Chrysostomus in *Catena Græcorum*, ut scilicet ad mortem et ad Dei iudicium, si forte ad id ea nocte vocaremini, per hoc conscientiæ examen, compunctionem et pœnitentiam vos comparitis.

Tropologice S. Hieronymus et Anselmus : Sol, id est, Christus, Christique lux, veritas, prudentia, sapientia, justitia, irato occidit : nil enim ita mentem obnubilat atque ira, *q. d.* Cavete ergo, et statim comprimate iram, ne sol justitiæ, Christus, menti vestræ occidat. Unde S. Augustinus in *Psal.* xxvi, enarrat. 1, sic explicat : « Ne sol occidat, id est, ne Christus deserat mentem tuam, quia non vult Christus habitare cum iracundia; » et paulo ante : « Ejice iram de corde, antequam occidat lux ista visibilis, ne te deserat lux illa invisibilis. »

Symbolice, sol, id est ratio et mens, super iracundiam non occidat, ne scilicet iracundia sit tam gravis et sæva, ut rationem hebetet vel perimat, ac mentem faciat amentem, teque ad insaniam redigat. Ita S. Anselmus et D. Thomas hic, ac S. Nazianzenus in *carm. De Ira*, et S. Augustinus loco jam citato.

IRACUNDIAM. — Iracundia non habitum, sed actum significat, quem vulgo excandescientiam vocamus. Non dicit iram : quia hæc naturalis est

passio, et sæpe licita et sancta; sed, iracundiam. Hæc enim significat iræ excessum et effervescentiam, et hoc significat, ut dixi, Græcum *παρρησιάζω*, scilicet animi effervescentiam, concitationem et impetum, quo præter (hoc enim significat Græcum *παρὰ*) rationem et advertentiam subito iræ motu contra aliquem concitatur et abripitur.

Iracundia iræ excessus.

Recte iracundia comparatur api, quæ ut ex ira se vindicet, aculeum alteri infigit, itaque se aculeo et sæpe vita privat : sic enim iracundus murmurat et tumultuatur ut apis, et ut se vindicet, alterumque lædat, seipsum vulnerat, animamque peccato lethali sauciat. Hinc de hostibus suis ait David, *Psal.* cxvii, vers. 12 : « Circumdederunt me sicut apes. » Vere « irati hominis cogitationes, ut ex Philone ait S. Hieronymus, partus sunt viperæ viscera matris corroderentes admirando naturæ secreto. » Quare Aristoteles, teste Eliano, Alexandro Magno natura iracundo consuluit, ut omnibus se superiorem æstimans maledicta contemneret : ita Christianus maledicta contemnat, non quasi conviciatore sit melior, sed quasi maledictis sit fortior. « Omnis enim injuria, inquit Tertullianus, lib. *De Pœnit.*, seu lingua, seu manu incussa, cum patientiam offenderit, eodem exitu dispugetur, quo telum aliquod in petram constantissimæ duritiem libratum. »

Moraliter de iracundia.

« Proprium est magnitudinis veræ, ait Seneca, lib. III *De Ira*, cap. xxv, non se sentire percussum. Sic immanis fera ad latratum canum lenta respicit, sic illis ingenti scopulo fluctus assultat; qui non irascitur, in injuria inconcussus persistit : qui irascitur, motus est; non ergo injuriam pati, sed injuriam facere, vel nescire pati, malum est. »

Pulchre idipsum ostendit Chrysostomus, homil. 76, cujus titulus est, *Quod nemo læditur nisi a seipso*, ubi inter alia ait : « Si quis solem tenebrarum auctorem existimet, soline, an sibi detrahit? sibi videlicet ipsi, cum furiosi et insanientis opinionem consequatur : eodem profecto modo qui pravos bonos esse putant, et e contrario, seipsos vituperant. » Muliebri enim est conviciium convicio repellere; nam, ut S. Ambrosius ait lib. I *Officiorum*, cap. vi : « Qui cito movetur injuria, facit se dignum videri contumelia, dum vult indignus videri. »

Denique Damascenus in *Parallelis* : « Animus, inquit, injuriarum memor singulis horis peccat, et vitium in pectore circumfert; » cum fur, latro, etc., admissio scelere, mox doleat et pœniteat.

27. NOLITE LOCUM DARE DIABOLO, — quod fit dum fovetur ira, et similes diaboli foetus, *q. d.*, inquit OEcumenius : Per iracundas cogitationes maxime nocturnas, ne foveatis et inflametis iram vestram, ut locum detis diabolo, sed eas omnes ante noctem et solis occasum deponite. Nil enim iram, libidinem aliasque passiones ita inflamat, atque injurias sibi illatas, species mulierum, aliaque objecta et illecebras, quibus pas-

Vers 27.

Locus datur diabolo dum fovetur ira. Quid passionibus irascitur?

siones acuuntur et accenduntur, mente volvere et revolvere. Contra, nullum remedium contra eas efficacius est, quam mentem et phantasiam ad alia cogitanda cum vi quadam abstrahere, lætas alias et gratas cogitationes accersere, occupare se studiis aliisque cogitationibus, præsertim mortis, iudicii, inferni, cœlestis gloriæ, quæ priores excludant, intendere, totumque se addicere; maxime noctu, si ex animi turbatione quis dormire nequeat.

Nota : Vatablus et Erasmus vertunt, *nolite dare locum calumniatori* (hunc enim significat Græcum *διάβολος*), *q. d.* Compescite iram, ne Gentiles calumniarent Christianos, quod sint tam iracundi et vindictæ cupidi.

Per diabolum hic intelligitur Satanas. Verum melius alii passim per *διάβολον* intelligunt Satanam, qui diabolus dicitur, id est calumniator, per antonomasiam, quia omnium calumniatorum est princeps, omnesque bonos et bonorum opera in calumniam tam apud Deum quam apud homines trahere conatur. Tertullianus legit, *nolite locum dare malo* : diabolus enim antonomastice vocatur malus.

Nota secundo : Ira maxime dat aditum et locum diabolo : ipse enim iracundis cogitationibus facillime et occultissime se insinuat, easque injuriam factam aggravando magis suscitatur, et sua suggestionem et consilio vindictæ quasi folle accendit; adhæc spiritus et sanguinem commovet, ut bilem inflamet : adeoque rationem et iudicium hominis irati turbat, ut iratus vindictam, non vindictam, sed justitiam esse putet, itaque in ultionem quasi æquam et justam prosiliat; neque videat peccata et pericula in quæ se conjicit; sed quasi furens et amens in convicia, verbera et cædes feratur, nilque tam immane sit, quod non audeat et attentet, dum illi furor arma ministrat : ratione enim et mente erepta iratus et furibundus non tam agit, quam agitur a furore et a dæmone, videturque esse dæmon incarnatus. Unde S. Gregorius Nazianzenus in iram ita canere, imo stomachari incipit :

Irascor iræ, dæmoni intus condito.

Denique Anselmus symbolice : Cor, inquit, nostrum duas habet valvas, cupiditatis et timoris : has claude, et hostis in illud non intrabit, sicque non dabis locum diabolo.

Vers. 29. 28. LABORET OPERANDO MANIBUS, QUOD BONUM EST. — « Quod bonum, » id est quod honestum est, *q. d.* Laboret et operetur, sed ita, ut non ex turpi officio, sed honesto victum quærat.

Secundo, Romana Biblia *τὸ quod bonum est*, duobus commatibus intercipiunt, quasi sit parenthesis, *q. d.* Laboret operando manibus, quæ res bona est et honesta, non turpis et indecora, præsertim si non sibi soli, sed et proximo necessitatem patienti, ut sequitur, labore suo succurrat, uti faciunt multi pii opifices : est enim hic actus Christianæ simplicitatis, charitatis, patientiæ, li-

beralitatis et sp̄i : ergo bonus et honestus est.

29. OMNIS SERMO MALUS EX ORE VESTRO NON PROCEDAT. — Pro *malus* græce est *κακός*, id est putris et corruptus, qui scilicet sale prudentiæ non est conditus; sed vel lascivia et obscenitate, vel scurrilitate, vel amarulentia, vel dicacitate, vel invidia, vel alio vitio est infectus et corruptus, quique putrem et spurcam radicem et arborem, puta cor vel obscenum, vel scurrile, vel amarulentum, vel invidum indicat. Nam « mala (græce *κακός*, id est *putris*) arbor malos fructus facit, » *Matth.* cap. vii, vers. 17. Quale ergo est cor nostrum, tale est et os, et qualia cogitamus et cupimus, talia et loquimur. Vis scire qualem quis habent mentem et animum, vide qualia loquatur. Hinc Socrates ad adolescentem : « Loquere, inquit, o adolescens, ut te videam; » sermo enim est speculum mentis. Sicut ergo vas urina, fœcibus aliisque rebus putidis et corruptis plenum, si aperiat, earundem rerum putidum et corruptum odorem spargit et exhalat, qui nares astantium ferit et inficit, eisque subinde pestem et mortem afflat : ita mens vitiosa putredinem, corruptionem et vitium quod in se habet, per os eructat, audientesque ferit, inficit et corrumpit; ut verissime dixerit Poeta, et ex eo Apostolus : « Corrupunt mores bonos colloquia mala. » Unde Theophylactus : *κακός*, inquit, id est spurcus et putris, sive graveolens sermo, non est otiosus, temerarius, importunus; sed est turpiloquium, convicium, obtrectatio.

SED SI QUIS BONUS AD ÆDIFICATIONEM FIDEI, UT DET GRATIAM AUDIENTIBUS, — supple, hic procedat ex ore vestro. Nota : Pro *ad ædificationem fidei*, græce est *πρός οἰκοδομὴν τῆς χάριτος*, quod Theophylactus vertit, *ad ædificationem necessitatis*, ut scilicet in necessitate, vel cum necessarius est audientibus hic sermo, tunc proferatur et eos ædificet.

Secundo, Erasmus vertit, *ad ædificationem utilitatis*, id est, sermo qui ædificet audientes, loquendo ea quæ utilia sunt.

Tertio, S. Hieronymus et Vatablus vertunt, *ad ædificationem opportunitatis*, id est sermo qui ædificet quoties opus, vel opportunum est alios docere, juvare aut promovere.

Quarto, Syrus vertit, *sermo qui sit accommodatus ædificationi*. Unde videtur ipse *οἰκοδομὴν χάριτος* per hypallagen accipere pro *χάριτι οἰκοδομῆς*, *q. d.* Sermo qui sit in usum ædificationis, id est, qui utilis sit et accommodatus ædificationi.

Verum Latinus interpres, ait Hieronymus, pro *χάριτι*, id est usus et opportunitatis, euphoniæ causa vertit, *fidei*; sed non video quæ hic sit euphonia, vel cacophonia. Alii putant, per usum et opportunitatem nostrum Interpretem intellexisse fidem, eo quod fide maxime sit opus.

Malim dicere, nostrum Interpretem cum Ambrosio, pro *χάριτι* legisse *πίστις*, id est *fidei*. Græcus enim textus Latino est corruptior, ut sæpe

Sermo malus cordis mali indicium.

Multi-plex versio, *χρησις* quid?

Opifices pii qui?

jam vidimus. Vult ergo Apostolus nos loqui « ad ædificationem fidei, » ut scilicet per nostrum sermonem fides et pietas Christiana in animis audientium crescat et promoveatur. Vel *fidei*, id est fidelium, juxta *Can. 21*, ut scilicet fideles ædificentur, ac in fide ac virtutibus proficiant per nostra colloquia. Hinc prudenter monet quidam sapiens : « Quod dicturus es aliis, prius dicit tibi. »

Quod dicturus es aliis, prius dicit tibi.

UT DET GRATIAM AUDIENTIBUS. — « Gratiam, » id est utilitatem, commodum. *Secundo*, « gratiam, » id est, progressum in gratia, pietate et virtutibus. Sic enim Hebræa nomina et verba sæpe actum non inchoantem, sed crescentem et proficientem significant, ut dixi *Can. 32*. *Tertio*, simplicius, vult sermonem nostrum non tantum esse talem qui ædificet, sed simul esse gratiosum, ut cum gratia venuste et jucunde proferatur, itaque suavius et melius in animo audientium influat. Hinc oratoris officium est, non solum docere et movere, sed et delectare; quia delectando melius docet et efficacius movet : nimirum

Boni oratoris officium.

Omne tulit punctum qui miscuit utile dulci.

Quarto, Theophylactus exponit dupliciter. *Primo*: « Sermo, inquit, vester sit opportunus et commodus, ut auditores vobis gratias agant. Nam si animæ commodans aliquid dixerimus, agent nobis gratias auditores, ut qui per nos adjuti sunt. » Per gratiam ergo intelligit gratiarum actionem, quam refert audiens bene loquenti. Vel *secundo*, inquit, « ut det gratiam audientibus, id est, ut eos gratiosos et amabiles reddat sermo noster. Ut enim unguentum gratiam addit assummentibus, sic et sermo divinus et animæ utilis, gratiam addit audientibus, » illumque excipientibus. Sed tertius sensus genuinus est, ut dixi; hoc est enim quod ait Sapiens : « Lingua sapientium ornat scientiam, » *Proverb. xv, 2*.

Vers. 30. 30. NOLITE CONTRISTARE SPIRITUM SANCTUM DEI, IN QUO (id est per quem) SIGNATI ESTIS IN DIE REDEMPTIONIS. — id est, nolite offendere Spiritum Sanctum verbis obscenis, putidis, maledicis, malis, ut dixit vers. præcedent. (eo enim respicit), et quovis peccato, ait Hieronymus. Alludit Paulus ad *Isaïæ. lxiii, 10*, ubi sic dicitur : « Ipsi autem ad iracundiam provocarunt et afflixerunt Spiritum Sancti, » vel, ut Græca habent, « Spiritum Sanctum ejus. »

Quomodo et per quos contristet Spiritus Sanctus? Nota : In Spiritum Sanctum non cadit tristitia, ira, aut ulla passio; sed anthropopathia; dicitur contristari cum offenditur, cum se et suam gratiam ab anima subtrahit, dum punit turpia et mala loquentem, vel agentem. Homo enim cum ab amico injuriam aut contumeliam accipit, eaque offenditur, contristari solet : sic et Spiritus Sanctus, cum loquimur aut agimus turpia et mala, offenditur, et contristaretur si in eum cadere posset tristitia, et nisi Deus esset ἀπαθής. Homo ergo obscenus et peccator, quantum est ex sua parte,

contristat Spiritum Sanctum, quia dat causam quæ nata est contristare, quæque ex se contristat angelos et Sanctos. Quod autem Spiritum Sanctum non contristet, non est ex defectu causæ, sed ex perfectione Spiritus Sancti qui imperturbabilis est. Ita Theophylactus et alii, *q. d.* Spiritus Sanctus per gratiam habitat in vobis quasi in domo sua quam sibi obsignavit; curate ergo ut anima vestra per puritatem et sanctimoniam sit Spiritui Sancto gratum et jucundum domicilium, ac cavete ne quid in ea geratur, quod tantum hospitem contristare et offendere possit. Addit S. Anselmus, proprie contristare Spiritum Sanctum illos, qui pravis verbis et moribus contristant Sanctos in quibus habitat Spiritus Sanctus.

Nota *secundo* : Sicut verbis turpibus, maledicis et scandalosis contristamus Spiritum Sanctum, ita piis et sanctis lætificamus Spiritum Sanctum. Hoc ergo stimulo pungit nos Apostolus, ut caveamus diligentissime, ne sermo malus (obscenus vel maledicus) ex ore nostro procedat, sed tantum is qui alios ædificet : quia ille contristat, hic lætificat et exhilarat Spiritum Sanctum. Unde pulchre et efficaciter contra verba maledica (quod et obscenis longe melius adaptes) hic insurgens Chrysostomus in moral. *homil. 14* : « Os, inquit, habes spiritale, obsignatum Spiritu Sancto : cogita quæ sit oris tui dignitas. Patrem vocas Deum, et fratrem mox vituperas. Cogita, qua mensa dignatum sit os tuum, quæ contingat, quæ degustet, quo cibo (in Eucharistia) fruatur? Perpende cum quibus tempore mysteriorum astes, nempe cum Cherubim, cum Seraphim. Seraphim neminem vituperant, sed unus et idem usus ora illorum adimplet, nempe benedicendi et glorificandi Deum. Quomodo potes ergo cum illis dicere : Sanctus, sanctus, sanctus, qui cre tuo ad vituperium abuteris? Dic, quæso, si vasculo regio, quod semper cibos habeat regios, et ad illos ordinatum sit, ad stercora ministrorum quisquam abuteretur, an auderet istud cum reliquis ad eadem edulia deputatis, stercore refertum denuo reponere? Nequaquam. Atqui ejusmodi est quod fratrem accusas, quod vituperas (quod obscena loqueris), itaque teipsum sordidum reddis et pollutum. In cælis consistis, cum angelis conversaris, osculo Dominico dignatus es. Tot ac tantis rebus os tuum adornabit Deus, utpote hymnis angelicis, cibo non tantum angelico, sed et angelicam dignitatem superante, osculo suo, complexibus etiam suis; et vituperas?» et turpia vel maledica loqueris ore tam sancto, ore Deo Deique laudibus, et Eucharistiæ consecrato? Hæc Chrysostomus.

Stimulus ad recturam oris regimini servandum.

IN QUO SIGNATI ESTIS IN DIE REDEMPTIONIS. — *q. d.* Spiritu Sancto signati, et quasi sigillo obsignati (hoc enim est Græcum ἐσφραγισμένοι) estis, non quasi pecudes in corpore, uti signati sunt Judæi signo circumcisionis; sed quasi filii promissionis et quasi regalis grex Christi et Spiritus Sancti,

Gratiæ sigillum.

signati estis in anima; in eaque conditoris signum, figuram et imaginem, de qua dixi vers. 24, id est gratiam et sanctitatem, accepistis, ut, sicut ex sigillo agnoscitur cuius sunt litteræ, v. g. esse litteras regis: ita ex hoc gratiæ sigillo sciatur, vos esse filios Dei, Deoque consecratos.

Os nos- Notat Chrysostomus non tantum animam, sed
trum si- et os nostrum, et consequenter alia membra pa-
gnatum riter hoc signo Spiritus Sancti obsignata esse, id
Spiritu est, sanctificata et consecrata esse Deo, ut merito
Sancto os ita signatum clausum tenere debeamus, ne
clausum turpia et maledica loquens, hoc signum Spiritus
tene- Sancti resignet et infringat, inquit ex Chrysos-
dam. tomo Theophylactus.

Quis dies IN DIE REDEMPTIONIS, — Id est in die quo bap-
redemp- tizati estis: baptismus enim facti estis participes
tionis? redemptionis Christi, illoque die redempti estis
a servitute peccati et diaboli. Ita Oecumenius et
Adamus.

Verum nota: Græca, Syrus et Latina Romana
legunt in diem redemptionis, id est resurrectionis,
q. d. Sigillo gratiæ obsignati sumus ad hunc finem,
ut scilicet in die resurrectionis ad redemptionem,
id est liberationem plenam a morte, peccato om-
nique malo, et ad cœlestem gloriam ac beatam
immortalitatem asciscamur, utpote conscripti
in libro vitæ, quasi cives sanctorum, et domes-
tici Dei, ejusque gratia quasi sigillo et archa hæ-
reditatis cœlestis obsignati. Ita Chrysostomus,
Hieronymus, Theodoretus, Ambrosius. Hæc ergo
conscriptio et obsignatio fit per gratiam, quæ est
pignus hæreditatis et redemptionis futuræ: fit,
inquam, plene et perfecte. Nam inchoate hæc
obsignatio fit per characterem qui in Baptismo et
confirmatione animæ indelebiter imprimitur, ut
recte docet Franciscus Suarez, III part., Quæst.
LXIII, art. 3, et alii; quo character quasi signo
Consignamur, ut semper simus et maneamus
grex Christi et milites Christi, etiamsi per peccat-
um gratiam deperdamus, et ad castra diaboli
transfugiamus. Semper enim ex hoc signo patet,
nos esse juratos milites Christi et transfugas dia-
boli.

VERS. 31. 31. OMNIS AMARITUDO, ET IRA, ET INDIGNATIO,
ET CLAMOR, ET BLASPHEMIA TOLLATUR A VOBIS CUM
OMNI MALITIA. — « Amaritudo, » ait S. Hierony-
mus, contraria est dulcedini, idque tam in mori-
bus quam in saporibus. Mores enim suaves, beni-
gni, dulces, comes et blandi contrarii sunt ama-
ris, asperis et morosis. Et sicut dulcia fercula
grata sunt palato, amara vero ingrata: ita omni-
bus grata est comitas, ingrata est amaritudo et
asperitas morum.

Gradus Nota gradus iræ: Prima ejus radix est amari-
iræ. tudo, qua animus aliquo proximi verbo aut facto
offensus ab eo avertitur, amarescit, ægre et in-
vite eum videt, audit, cogitat. Hinc sequitur ira,
græce θυμὸς; (quod noster Interpretes vertere solet,
iram; S. Hieronymus vertit, furorem), id est effe-
rescentia et excandescencia animi; inde tertio,

assurgit et oritur indignatio, græce ὀργή, id est,
ira tota accensa, qua iratus indignatur se contem-
ptum aut læsum, et qua vindictam expetit cupitque
lædere eum a quo se læsum putat; inde quarto,
erumpit in clamores, blasphemias omnemque mali-
tiam. Ita Theophylactus, Hieronymus et alii. Hæc
omnia sustulit Christus, hæc omnia per gratiam
Christi Christiani superare et tollere possunt ac
debent virtute patientiæ. Nam, ut ait S. Cyprianus
citans hæc Apostoli verba, lib. De Bono patientiæ:
« Si Christianus a furore et contentione carnali,
tanquam de maris turbinibus excescit, et tranquil-
lus ac lenis in portu Christi esse jam cœpit: nec
iram, nec discordiam debet intra pectus admit-
tere, cui nec malum pro malo reddere liceat, nec
odisse. » Et inferius: « Nam ut patientia bonum
Christi est, sic contra impatientia diaboli malum;
et sicut in quo habitat et manet Christus, patiens
invenitur, ita impatiens semper existit, cujus
mentem diaboli nequitia possidet. » Uti præcipit
S. Cyprianus, ita et opere præstitit: scribens enim
ad Demetrianum, Paganum sibi obstreperum
et clamosum: « Conticui, ait, et impatientem
patientia vici, cum nec docere indocilem possem,
nec impium religione comprimere, nec furem
lenitate cohibere. » Aurea est sententia S. Ephrem,
tract. de Timore Dei, initio tom. III: « Qui memo-
riam injuriarum abscondit in corde suo, similis
est ei qui in sinu suo serpentem nutrit, utique
sibi magis quam aliis nociturum. »

Nota rursus: Remedia iræ sunt: Primum, « ut
primitus nobis persuadeamus, nullo modo neque
justis, neque injustis ex causis licere irasci. Sum-
ma ergo emendationis et tranquillitatis nostræ,
non est in alterius arbitrio collocanda, sed in
nostra conditione consistit. Itaque ut non irasca-
mur, non debet ex alterius perfectione, sed ex
nostra virtute descendere, quæ non aliena patien-
tia, sed propria longanimitate conquiratur, »
inquit Cassianus.

Secundum est, compescere linguam et manum. **Secun-**
Hinc Athenodorus philosophus Cæsari Augusto
valedicens hoc reliquit monumentum: « Iratus
nihil dicas vel facias, priusquam viginti quatuor
Græcorum litteras percurreris. » Plato iratus
servo, dixit Xenocrati: « Flagella hunc puerum:
nam ego non possum, cum sim ei iratus. » Idem
alteri servo: « Gratias, inquit, age diis: nam nisi
iratus essem, loris te cæderem. » Errat ergo vul-
gus hominum, quod tum maxime punit, cum
irascitur. Eusebius, vel potius Rufinus (hic enim
librum XI Eusebio addidit) lib. XI Histor., cap. XVII,
scribit Theodosium Imperatorem sanxisse, ut
principum sententiæ in reos prolatae, in diem
trigesimum differrentur, quo locus misericordiæ,
vel, si ita res tulisset, pœnitentiæ daretur. Unde
et Seneca, lib. II De Ira, sic scribit: « Dandum
semper est tempus: veritatem enim dies aperit.
Potest pœna dilata exigi, non potest exacta revo-
cari. »

- Tertium.** *Tertium*, si iræ deformitatem sæpe consideres. Cato senior dixit, « iratum ab insano non distinguere nisi mora : iram enim esse brevem insaniam. » Plato rogatus per quid cognoscatur sapiens : « Sapiens, ait, cum vituperatur, non irascitur ; cum laudatur, non extollitur : » insipiens enim est servus iræ, laudi aliisque cupiditatibus impetare non potest. Et hoc est quod aiunt Hebræi, ingenium hominis cognosci בכס בכס בכס *bachis, baccos, baccaas*, id est in crumena, in calice, in ira. Plutarchus suadet, ut iratus se suosque mores contempletur in speculo : videns enim faciem et gestus furibundo et phrenetico similes, detestabitur cavebitque iram. Nam, ut ait Philomon, « insanimus omnes cum irascimur. »
- Quartum.** *Quartum*, si cogites iram rationi caliginem offendere, turbare sana consilia, convictum regimen, politiam. Demonax rogatus a duce, quare ratione optime præset exercitui, respondit : Si iracundia vacaris : si cogites non homini, sed vitio irascendum : si instar medici ægroto non indigneris, sed placide ejus morbum animi cures.
- Quintum.** *Quintum*, si cogites rei vilitatem ob quam irascaris, sicque injuriam extenuas dicasque : Inimicus mihi non nocuit, sed nocere voluit ; et cum illum in potestate videris, vindictam putes vindicare potuisse : magnum vindictæ genus est ignoscere, et ignoscendo vincere.
- Sextum.** *Sextum*, si cupiditates, ob quas ademptas irascaris, ex animo extirpes. Fecit hoc Anachoreta ille, de quo Nicephorus, lib. XI, cap. XLIII. Denique si cogites mansuetudinem Christi in cruce.
- Vers. 32.** 32. ESTOTE AUTEM INVICEM BENIGNI. — Comes et blandi, hæc est radix omnis patientiæ et charitatis, quam opponit amaritudini. Ira enim non extinguatur ira, sicut nec ignis igni : sed sicut ignis
- aqua, ita ira extinguatur patientia et benignitate, ait Chrysostomus. Pro *benigni* græce est χαρημί, quod non tantum benignum, sed et beneficium, commodum, utilem significat. Unde Christus Gentilium quorundam proprium nomen fuit, quare ratione perperam Gentiles quidam Christum Dominum *Chrestum* vocarunt. Vide quæ de Chrestis et chrestologia dicta sunt Rom. XVI, 18.
- MISERICORDES, — εὐσπλαγχνοί, quasi bonorum viscerum, aut viscerales ; respondet enim Hebræo רחם *racham*, quod significat ex intimis visceribus misereri, ut omnia viscera videantur commoveri dolore et commiseratione miseriæ proximi. Tales sunt viri sancti, qui in visceribus, id est intime, sentiunt et dolent paupertatem, ærumnas et afflictiones proximorum, præsertim spirituales, quique viscera misericordiæ omnibus exhibent.
- DONANTES INVICEM, SICUT ET DEUS IN CHRISTO DONAVIT VOBIS. — Græcum χαρίζεσθαι ἐντοῖς ; significat *donantes*, id est largientes, libenter dantes, vel, ut Valabius vertit, *gratiam exhibentes vobismetipsis*, q. d. Si quid alteri donas, largiris, benefacis, gratiam præstas, id non tam illi quam tibi ipsi præstas : meritum enim tuæ beneficentiæ tibi accumulas, quod longe pluris est quam donum quod proximus a te accipit. Verum *secundo*, melius Syrus, Chrysostomus, Theophylactus, Oecumenius vertunt, *donantes*, id est condonantes, q. d. Condonate mutuas injurias, sicut et Deus « in Christo, » id est per Christum, « donavit, » id est condonavit, « vobis » vestras contra se offensas et peccata. Ethnicus et ingratus, ut recte dixit B. Thomas Morus, beneficia pulveri ; si quid mali patiantur, marmori insculpunt : Christiani vero est, maleficia pulveri, beneficia marmori insculpere.

CAPUT QUINTUM.

SYNOPSIS CAPITIS.

- Primo, pergit Ephesios hortari, ut Christum quasi filii imitentur, fugiantque libidinem, scurrilitatem, stultiloquium cæteraque opera tenebrarum tanquam filii lucis.*
- Secundo, vers. 15, monet ut redimant tempus faciendo Dei voluntatem, et implendo se, non vino, sed Spiritu Sancto, in psalmis, hymnis et canticis spiritualibus.*
- Tertio, vers. 22, vult uxores subditas esse viris, viros autem diligere uxores, sicut Christus dilexit Ecclesiam : sunt enim duo in carne una, atque Sacramentum hoc magnum est : Ego autem dico, inquit, in Christo et in Ecclesia.*

1. Estote ergo imitatores Dei, sicut filii charissimi : 2. et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. 3. Fornicatio autem, et omnis immunditia, aut avaritia nec nominetur in vobis, sicut decet sanctos : 4. aut turpitudine, aut stultiloquium, aut scurrilitas, quæ ad rem non pertinet ; sed magis gratiarum actio. 5. Hoc enim scitote intelligentes, quod

omnis fornicator, aut immundus, aut avarus, quod est idolorum servitus, non habet hæreditatem in regno Christi et Dei. 6. Nemo vos seducat inanibus verbis : propter hæc enim venit ira Dei in filios diffidentiae. 7. Nolite ergo effici participes eorum. 8. Eratis enim aliquando tenebræ, nunc autem lux in Domino. Ut filii lucis ambulate : 9. fructus enim lucis est in omni bonitate, et iustitia, et veritate : 10. probantes quid sit beneplacitum Deo ; 11. et nolite communicare operibus infructuosis tenebrarum, magis autem redarguite. 12. Quæ enim in occulto fiunt ab ipsis, turpe est et dicere. 13. Omnia autem quæ arguuntur, a lumine manifestantur : omne enim, quod manifestatur, lumen est. 14. Propter quod dicit : Surge qui dormis, et exurge a mortuis, et illuminabit te Christus. 15. Videte itaque fratres, quomodo caute ambuletis : non quasi insipientes, 16. sed ut sapientes : redimentes tempus, quoniam dies mali sunt. 17. Propterea nolite fieri imprudentes, sed intelligentes quæ sit voluntas Dei. 18. Et nolite inebriari vino, in quo est luxuria : sed implemini Spiritu Sancto, 19. loquentes vobismetipsis in psalmis, et hymnis, et canticis spiritualibus, cantantes et psallentes in cordibus vestris Domino, 20. gratias agentes semper pro omnibus, in nomine Domini nostri Jesu Christi, Deo et Patri. 21. Subjecti invicem in timore Christi. 22. Mulieres viris suis subditæ sint, sicut Domino : 23. quoniam vir caput est mulieris, sicut Christus caput est Ecclesiæ, ipse salvator corporis ejus. 24. Sed sicut Ecclesia subjecta est Christo, ita et mulieres viris suis in omnibus. 25. Viri, diligite uxores vestras, sicut et Christus dilexit Ecclesiam, et seipsum tradidit pro ea, 26. ut illam sanctificaret, mundans lavacro aquæ in verbo vitæ, 27. ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta et immaculata. 28. Ita et viri debent diligere uxores suas ut corpora sua. Qui suam uxorem diligit, seipsum diligit. 29. Nemo enim unquam carnem suam odio habuit : sed nutrit et fovet eam, sicut et Christus Ecclesiam ; 30. quia membra sumus corporis ejus, de carne ejus et de ossibus ejus. 31. Propter hoc relinquet homo patrem et matrem suam, et adhærebit uxori suæ : et erunt duo in carne una. 32. Sacramentum hoc magnum est, ego autem dico in Christo et in Ecclesia. 33. Verumtamen et vos singuli, unusquisque uxorem suam sicut seipsum diligit : uxor autem timeat virum suum.

Vers. 1. 1. ESTOTE ERGO IMITATORES DEI, SICUT FILII CHARISSIMI. — Syrus vertit, estote igitur מתדמין *metdammin*, id est conformes Deo. Pendet hæc sententia a fine capitis præcedentis, ubi dixit : « Donantes invicem, sicut et Deus in Christo donavit vobis. » Cui statim subdit initium hujus capitis : « Estote ergo imitatores Dei ; » ut scilicet sicut Deus vobis condonavit offensas vestras, ita et vos proximis condonetis ea quæ in vos peccarunt ; et sicut Deus, inquit Hieronymus, solem oriri facit et pluit super bonos et malos, sic etiam vos bonitatem vestram super omnes homines effundatis. Rationem et stimulum subdit dicens : « Sicut filii charissimi, » *q. d.* Filiorum est imitari suos parentes ; alioqui degeneres et spurii habebuntur ; atqui pater noster, scilicet Deus, clementissimus est et benignissimus in omnes, facillimeque offensas nobis condonat : ergo et nos qui sumus ejus filii, clementissimos, facillimos in offensis nostris condonandis, et beneficentissimos in fratres et proximos nostros esse decet ; unde explicans subdit :

Dens a nobis imitandus in condonandis offensis, et mansuetudine.

Vers. 2. 2. ET AMBULATE IN DILECTIONE, SICUT ET CHRIS-

TUS DILEXIT NOS. — Magna dignitas est Deum imitari ; et « hoc est, ait Ambrosius, lib. I *De Abraham*, cap. II, quod pro magno inter septem sapientium dicta celebratur : Sequere Deum. Sic Abraham facto prævenit dicta sapientium, et secutus Deum exivit de terra et cognatione sua. »

Rursum, Deum in potentia, magnificentia et cæteris similibus, ait Hieronymus, imitari non possumus : possumus tamen in humilitate, mansuetudine et charitate eum a longe sequi et imitari. Hinc « Christus, ait S. Augustinus, serm. 10 *De Verbis Domini*, clamat : Tollite jugum meum super vos, et discite a me non mundum fabricare, non cuncta visibilia et invisibilia creare, non ipso in mundo mirabilia facere, et mortuos suscitare ; sed quoniam mitis sum et humilis corde. » Scripsit D. Thomas Opuscul. 62 *De divinis Moribus*, in quo pulchre docet quos mores Dei, et quomodo imitari debeamus, quos non.

Primo, inquit, Dei immutabilitatem imitari oportet per constantiam in adversis et prosperis ; præscientiam, per providentiam novissimorum ; æquanimitem, ut nullo tristi casu turbemur ;

veracitatem, sinceritatem, patientiam, clementiam, charitatem, etc.

Secundo, alii mores Dei sunt, in quibus non est imitandus, sed admirandus; scilicet *primo*, quod ipse solus occulta cordium scrutatur; *secundo*, quod solus seipsum perfecte cognoscit, amat, fruitur ac laudat; *tertio*, quod ipse sibi solus sufficit, et non indiget extrinseco; *quarto*, quod ab ipso solo omne bonum procedit, omnium beatitudo in ipso solo consistit; *quinto*, quod ipse solus habet immortalitatem, et inhabitat lucem inaccessibilem; *sexto*, quod ipse solus de nihilo fecit aliquid, ipse solus omnia in esse conservat; *septimo*, quod ipse solus peccata condonat; *octavo*, quod ipse solus sciat diem iudicii et numerum electorum. Ipsi soli honor et gloria in sæcula. Amen.

Denique nihil, inquit, dignius, quam ut homo sui conditoris sit imitator, et secundum modum propriæ facultatis executor.

SICUT ET CHRISTUS DILEXIT NOS, ET TRADIDIT SEMETIPSUM PRO NOBIS OBLATIONEM ET HOSTIAM DEO IN ODOREM SUAVITATIS. — Urget S. Cyrillus in Concilio Ephesino *pro nobis* contra Nestorium. Citatis enim hisce Apostoli verbis, ex illis elicit anathematismum 10, dicens: « Si quis Christum non pro nobis tantum, sed pro seipso quoque sacrificium obtulisse dixerit (nulla enim oblatione indigebat, qui peccatum nullum norat), anathema sit. » Nota delicias amoris Christi: « Dilexit nos, » inquit, tenerrime et efficacissime, non verbo et lingua, sed opere et veritate: quia ex dilectione hac sponte et liberrime « tradidit, » non opes aut vestes suas, non fratres aut cognatos, non angelos suos, sed « semetipsum, » totum Deum et hominem, quantus quantus est, ut nihil sui sibi retineret, sed totum se daret et traderet « pro nobis » peccatoribus et hostibus suis, « pro nobis, » inquam, id est, pro lytro et expiatione peccatorum nostrorum; « oblationem, » non aridam et incruentam, uti erat olim oblatio similæ et panum; sed cruentam, uti olim oves et boves Deo mactabantur et offerebantur; scilicet « hostiam, » id est victimam, et pacificam, et pro peccato, et quæ esset pariter holocaustum, totaque in cruce immolaretur, consumeretur, et cederet Deo, sicut olim per ignem et fumum hostia cremata tota ascendebat ad Deum, ut Deus illius odore et oblatione placaretur, et quasi pascereetur, eamque acceptaret « in odorem suavitatis, » id est, in odorem acceptissimum et gratissimum.

Ex dictis patet Apostolum alludere ad sacrificia vetera tum victimarum, quæ immolabantur in altari holocaustorum; tum thymiamatis, quod adolebatur ad Deum propitiandum in altari thymiamatis, quod erat in Sancto, ante Sanctum Sanctorum; ita ut fumus et fragrantia thymiamatis ascenderet ad Sanctum Sanctorum, et Deus in Sancto Sanctorum residens super propitiatorium,

illam fragrantiam exciperet, et quasi odoraretur, itaque placaretur et conciliaretur.

Unde nota *secundo*: « In odorem suavitatis, » id est, suavem vel suavissimum. *Levit.* 1, 9, et alibi hebraice habetur לְרִיחַ נִיחֹחַ *lereach nichoach*, id est, in odorem quietis. « Odor quietis » vocatur odor suavissimus, quo suavissime pascitur odoratus, ut in eo jucundissime et placidissime conquiescat. Hinc Septuaginta et ex eis Paulus vertunt, εἰς ὁσμὴν εὐωδίας, id est in odorem redolentiae vel bonæ fragrantiae, ut vertit S. Hieronymus, præfat. in *Zachariam*: tali enim pascitur, et in tali suavissime conquiescit, recreatur et refocillatur odoratus.

Uterius nota *tertio*: Anthropolatry; tribuitur Deo odoratus, per quem odore sacrificiorum quasi gratissimo pascitur: quia sacrificia hæc reddebant Deum placatum, ejusque iram sedabant et quiescere faciebant, itaque peccata expiabant per fidem in Christum, quæ protestabantur futurum mediatorem, et cujus sacrificium hisce suis sacrificiis adumbrabant; erantque hæc sacrificia Deo grata admodum non ex opere operato, uti sacrificium legis novæ, sed ex opere et devotione operantis. Erant enim actus obedientiæ et latræ nobilissimi, quibus quasi odore fragrantissimo pascebatur Deus. Unde Chaldæus pro *oblatio in odorem suavitatis*, vel suavis fragrantiae, vertit, ut *oblatio suscipiatur a Deo cum beneplacito*. Sic *Genes.* cap. VIII, 20, dicitur de Noe: « Obtulit holocausta super altare, odoratusque est Dominus odorem suavitatis, et ait: Nequaquam ultra maledicam terræ propter homines, » *q. d.* Hujus sacrificii Noe fumus et odor, qui cum fumo ascendebat, ad similitudinem suavis odoris, placuit Deo, quasi fœtorem peccatorum hominum abstulit a naribus Dei, ut plane eo placatus decerneret, propter peccata hominum, amplius terræ non inducere diluvium. Unde Chrysostomus illud, « Odoratus est Dominus odorem suavitatis, » sic exponit: Quia, inquit, justi Noe virtus fumus et odorem victimæ suæ Deo fecit odorem fragrantiae. Sic Plato et Lucianus inducunt deos Gentium quasi suaviter odorantes sacrificia, eorumque nidore gaudentes. Hæc ergo est sententia et mens Apostoli, *q. d.* Sicut Christus dilexit nos, ut se pro nobis in victimam Deo gratissimam, suavissimam et acceptissimam immolandum in cruce dederit: ita nos invicem diligere debemus, et non tantum injurias mutuas condonare, sed et bona vitamque pro salute proximorum exponere; et sicut illa victima Christi fuit Deo suavissima et gratissima: ita et nostra hæc, qua nos et nostra pro salute proximorum offerimus et impendimus, erit Deo jucundissima, omnemque fœtorem peccatorum nostrorum a naribus Dei absterget. Caritas enim operit multitudinem peccatorum.

3. OMNIS IMMUNDITIA. — Quevis obscenitas et Vers. 3. libido tactuum et immundorum operum. « Nisi Hæresis Philosophorum quidam, ait Hieronymus Cynicus quorum »

Evangelizatur et describitur dilectio Dei erga nos.

Odor suavis odor quietis.

Quo et quænam virtutum odore Deus delectetur?

Deus odoratur sacrificia.

dam Pat-
Iosopho-
rum cir-
ca tactus
et pollus-
iones.

extitisset, qui doceret omnem titillationem carnis, et fluxum seminis ex qualicumque attritu tactu-que venientem in tempore non vitandam, et nonnulli sapientes sæculi in hanc turpem et erubescendam hæresim consensissent, nunquam sanotus Apostolus scribens ad Ephesios ad fornicationem etiam omnem immunditiam copulasset.

AUT AVARITIA. — Græce πλεονεξία, nimia habendi cupido. Quænam ea sit, dicam vers. 3.

NEC NOMINETUR IN VOBIS (μὴ διδομαζίσθω, ne nominetur quidem), SICUT DECEAT SANCTOS, — id est Christianos, qui vocatione, baptismo et professione sunt, id est esse debent, sancti, q. d. Adeo ab omni immunditia alieni debent esse Christiani, utpote sancti et Deo consecrati, ut ne nomen quidem immunditiæ aut operis alicujus immundi audiatur inter eos.

Vers. 4. 4. AUT TURPITUDO, — id est, ut Syrus, obscenitas, puta verborum; et sic distinguitur ab immunditia, quæ est operum.

ENTRAPELIA QUALIS SIT VIRTUS, ET QUÆNAM EI ADVERSANTUR?

AUT SCURRILITAS. — Græce εὐτραπέλεια, id est urbanitas, quam Aristoteles, lib. IV *Ethic.*, cap. VIII; S. Augustinus, et ex iis S. Thomas, II II, *Quæst.* CLXVIII, art. 2, docet esse virtutem, quæ seria, animique rigorem et vigorem (ne scilicet animus nimis seriis occupationibus intendat, seque et corpus debilitet et exhauriat) moderatur et temperat per jocos et ludos decentes, efficiendo scilicet primo, ut ludi et joci sint honesti; secundo, ut sint decentes et congruentes personæ, loco et tempori: alius enim jocus sæcularem, alius sacerdotem et monachum decet; alius in mensa, alius in schola, alius in cubiculo; tertio, ut sint moderati, ne mentis harmoniam dissolvant, ait Ambrosius. Unde Aristoteles virtuti eutrapeliæ, sive urbanitati, vitium per excessum opponit βωμολοχίαν, id est scurrilitatem, cum scilicet jocus est nimius, vel intempestivus, vel indecens, scilicet quia est ineptus, aut mordax, aut maledicus, aut spurcus, aut cachinnos et dissolutiones excitans, aut indecorus, ut cum quis verbis sacræ Scripturæ ad nugas et jocum abutitur: quæ maxima et gravissima est scurrilitas, habetque adjunctionem irreverentiam in Deum, Deique verbum: unde eam gravibus verbis vetat Concilium Tridentinum, sess. IV. Per defectum vero eutrapeliæ vitium opponit Aristoteles ἀγριότητα, id est rusticitatem. Qui enim nimis graves et severi sunt, nullosque jocos aut ludos admittunt, aut Catones sunt, aut rustici, nimium tetrici, agrestes, morosi et melancholici.

Contra S. Chrysostomus hic in morali negat apud Christianos eutrapeliam, id est urbanitatem, esse virtutem, multisque docet Christianum non decere jocos, sed potius luctum et fletum; sic etiam Apostolus eutrapeliam hic ut vitium insectatur. Verum intelligunt eutrapeliam non moderatam jam dictam, sed immoderatam, scilicet βωμολοχίαν, id est scurrilitatem; quam Aristoteles fatetur a vulgo jocis et salibus nimis addicto eutrapeliam

quoque dici. Hanc esse mentem Apostoli, et consequenter Chrysostomi, patet ex verbis Apostoli subsequentibus, cum ait: « Quæ ad rem non pertinent, » græce τὰ εὐκλινύμενα, id est, quæ non sunt decencia. Indecentem ergo et indecoram eutrapeliam, sive urbanitatem tantum hic vetat Apostolus. Talem apud Christianos esse jocularitatem illam, quæ tantum risum movet audientibus, docet hic Hieronymus. « Est enim hæc, inquit, a sanctis nostris propellenda, quibus magis convenit flere atque lugere. In Hebraico quoque Evangelio legimus Dominum ad discipulos loquentem: Et nunquam, inquit, lætistis, nisi cum videritis fratrem vestrum in charitate. » Verum ne hæc scrupulosum quem faciant, intellige jocularitatem illam dedecere Christianos, quæ nihil spectat quam ut risum excitet. Si enim ulterius alio referatur, v. g. ad honestam recreationem, lætitiā, animi excitationem, sanitatem corporis tuendam, ut scilicet homo alacrior fiat, vegetior et aptior ad suas functiones Deique obsequium, honesta est, decetque Christianos. Sic Paulus, Antonius, Hilarion alique Eremitæ suos habuere jocos, sed Christianos et sale conditos.

SED MAGIS GRATIARUM ACTIO, — supple, nominetur in vobis, qui estis Christiani et sancti, q. d. In mensis, in conviviis, in colloquiis, in recreationibus nolite vos pascere et oblectare loquendo turpia, stulta, scurrilia: hoc enim faciunt Gentes, quæ Deum et Christum non agnoscunt; sed potius loquimini de Christo, Christi gratia, vocatione, et beneficiis immensis vobis exhibitis, ut inde mutuo excitetis vos ad gratiarum actionem. Hinc illa Christianis olim, uti jam Religiosis, familiaris in omni salutatione et congressu vox, *Deo gratias*. « Nam quid melius, inquit S. Augustinus, *epist.* 77, et animo geramus, et ore promamus, et calamo exprimamus, quam, Deo gratias? Hoc nec dici brevius, nec audiri lætius, nec intelligi grandius, nec agi fructuosius potest. Deo gratias, qui te tam fideli pectore ditavit, » etc. (1).

5. HOC SCITOTE INTELLIGENTES, QUOD OMNIS FORNICATOR, AUT IMMUNDUS, AUT AVARUS, QUOD EST IDOLORUM SERVITUS, NON HABET HÆREDITATEM IN REGNO CHRISTI ET DEI. — Nota: In Græco legit noster Interpres, ὁ ἐστὶν εἰδωλολατρεία, quod, scilicet avaritiæ vitium, quo laborat avarus, quodque in eo latet et continetur, est idolorum servitus, sive est idololatria. Jam Græce legitur, ὁ ἐστὶν εἰδωλολάτρης, id est qui (scilicet avarus) est idolorum servus; vel ad verbum, est idololatra.

Quæres, quænam hic intelligatur avaritia? Primo, S. Hieronymus hic vers. 3, intelligit inextinguibilem cupiditatem non pecunie, sed voluptatum carnalium, sive libidinum, qua animus insatiabilis per omnia obscenitatum genera, perque

(1) Aliis « gratiarum actio, » Græce εὐχαριστία, est oratio gratiæ plena, id est, gratia in sermonibus et dictis nostris. Sic λόγος εὐχάριστος est sermo gratiæ plenus aoud Xenophontem, *Cyropæd.* II, 2.

Christia-
nus non
latetur
nisi cum
videt fra-
trem in
charitate.

Mis salu-
tandi an-
tiquo-
rum
Christia-
norum
dicendo,
Deo
gratias.

Quid hic
intelligat
Apostolus
per
avaritia-

Entrape-
lia im-
moderata
non est
virtus.

omnes luxuriæ modos discurrit, ut omni libidine suam cupiditatem expleat. Et ratio S. Hieronymi est, quia avaritia ponitur hic ab Apostolo inter libidines, uti et cap. præced., vers. 19. Et Græcum *πλεονεξία* est studium immodicum plus habendi, usurpandi, occupandi, quam sibi competat, sive in opibus, sive in honoribus, sive in uxoribus, sive in deliciis. Hæc est idolorum servitus, quia fornicator et obscenus amasiæ et suo peni, æque ac mercator lucris, superbus honoribus, gulosus ventri, quasi idolo suo servit. Addit Adamus, taxari hic obscenitates spurcissimas Simonis Magi et asseclarum, qui libidines suas referebant in honorem Dei, imo eas tanquam sacrificium offerebant patri universorum: sic enim revera non Deum, qui libidines execratur, sed dæmonem, qui iis delectatur, colebant. Patrem enim universorum colebant eum, qui libidinibus delectatur et colitur, qui non est alius quam dæmon, ac consequenter committebant idololatricam. Idololatria enim non tantum idolorum, sed et dæmonum, adeoque cujusvis rei quæ vere Deus non est, cultum significat.

Verum planius *secundo*, Chrysostomus, Theophylactus, Oecumenius, Cyprianus, qui pro *avarus* vertit, *fraudator*, et alii, imo ipse Hieronymus huc tandem hoc versu inclinât; hi, inquam, proprie accipiunt avaritiam pro immodica cupiditate opum, qua per fas et nefas eas avarus accumulat. Sumitur enim hic avaritia in actu completo, tuncque est peccatum mortale, et excludit a regno Dei, ut hic ait Apostolus. Id patet, quia si per avaritiam intelligeret libidinem, tam dixisset de fornicatione et immunditia quam de avaritia, quod sint idolorum servitus. Nam et fornicator et immundus venerem suam habet pro Deo, sicut gulosus suum ventrem habet pro Deo. Jam autem Apostolus de sola avaritia dicit, quod sit idolorum servitus; ergo avaritiam distinguit a fornicatione, immunditia et libidine.

Secundo, quia græce *πλεονεξία*, et latine *avaritia*, proprie et communiter significant hanc auri et argenti cupidinem, præsertim cum a cupidine veneris et aliarum rerum secernitur, uti hic secernitur per conjunctionem disjunctivam. Secus est cap. præced., vers. 19; ibi enim avaritia conjungitur et denominat immunditiam; ait enim: «In operationem immunditiæ omnis, in avaritiam,» id est, ut avare et cupide omnem immunditiam operentur.

Tertio, quia *Coloss. iii, 5*, a libidine et concupiscentia mala avaritiam distinguens, dicit eam esse idolorum servitutem; ergo proprie avaritiam accipit: si ibi, ergo et hic. Ibi enim idem iisdem pene verbis dicit, quod hic.

Quæres *secundo*: Cur avaritia præ aliis vitiis dicitur «idolorum servitus,» id est idololatria? Respondeo *primo*, quia avari omnem spem vitæ et victus ponunt in suis opibus; ergo illas quasi pro Deo habent. Id enim est Deus cuique, a

quo vitam et vitæ necessaria sperat et expectat.

Secundo, quia, sicut idololatricæ colunt imagines aureas et argenteas, ita avari colunt signatas suas effigies auri et argenti. Unde pulchre Theophylactus: «Quod David, inquit, *Psalm. cxiij*, dixit: Simulacra Gentium argentum et aurum; hoc magna sapientia invertit Paulus dicens: Argentum et aurum sunt simulacra et idola avarorum.»

Tertio, quia hæc avaritia inexplibilis est, et cum cæteræ cupiditates ipso usu sedentur, et satientur saltem ad tempus, v. g. cupiditas gulæ satiatur cibo et potu, abique in fastidium; cupiditas veneris satiatur fornicatione, abique in nauseam et virium ac spirituum defectum: avaritia tamen sola nullis opibus sedatur, sed magis accenditur. «Crescit enim amor nummi, quantum ipsa pecunia crescit.» Et, «quo plus sunt potæ, plus sitiuntur aquæ.» Unde avaritia totum cor et mentem hominis absorbet et sibi vindicat, ut avarus noctes et dies non cogitet, non somniet aliud, quam de occupandis et augendis lucris, illisque et mammonæ corpus per assiduos labores et curas, animam per fraudes, usuras aliaque scelera immolat. Avarus ergo præ aliis suæ gulæ aut veneri addictus dicitur idololatra, et habere suas opes pro Deo, quia eis totum se dat et impendit præ aliis omnibus. Id enim cuique Deus est, quod semper in mente habet, animoque versat, cui totus intendit, quod pro suo ultimo habet fine, in quo totum suum cor et amorem defigit, ad quod omnia sua studia, cogitationes et actiones refert, cui curas omnes, labores vitamque ipsam impendit. Vide Chrysostomum hic in morali fuse docentem, avaros non per hyperbolen, sed vere esse et dici idololatrias. «Sicut enim, inquit, idololatricæ venerantur idola, nec ea præ reverentia tangere audent: ita avarus pecunias, quasi idolum veneratur, nec eas audet contingere, sed inani tantum earum aspectu delectatur.» Idem, hom. 64 in *Matth.*: «Sicut idolum, inquit, lapideum templis, sic avari aurum claustris et vectibus sepiunt, pro templo arcam præparantes: deinde adorant ipsi quod concluderunt, oculosque et animam malunt quam thesaurum perire.» Hos Herodes sophista Aloadas cognominat, qui postquam Martem incarcerationem, ei sacrificarunt. Ita Philostrates in *Herode* (1).

6. NEMO VOS SEDUCAT INANIBUS VERBIS, — non Vers. 6. Philosophi, non Poetæ lascivi vos seducant, non Simon Magus, qui nulla requirit bona opera, sed solam fidem docet sufficere ad salutem. Ex quo hoc idem dogma suum Lutherus et Calvinus mu-

(1) Juxta quosdam, quod est idolorum servitus referri potest non solum ad avarum, sed etiam ad fornicatorem et immundum, et interpretatur, pro idololatra habendus est, id est, non est melior idololatra. Judæi enim quodvis facinus gravissimum vocant idololatricam, quæ ipsis maxime abominabilis est.

Avaritia
quæ ex-
cludat a
regno coe-
lorum.

Cur avaritia præ aliis vitiis dicatur idolorum

servitus?
Pitui
cansi.
Secunda

Nulla
opera bo-

na. sed tuati sunt. Hoc enim dogma inane, nugax, fallax et fraudulentum seducit homines, ut laxent frena omnibus libidinibus et vitis, itaque pereant et damnentur.

PROPTER HÆC ENIM (fornicationem scilicet, immunditiam et avaritiam) VENIT IRA DEI IN FILIOS DIFFIDENTIÆ. — « Venit, » græce ἐρχεται, id est « venit » in præsentem tempore, non in præterito. Est hebraismus. « Venit, » id est venire solet, « ira, » id est vindicta, quæ est effectus iræ, « Dei in filios diffidentiae, » ἀνυψίας, id est inobedientiae, vel « incredulitatis; » vel, ut Hieronymus, *insuasibilitatis*, et, ut S. Cyprianus, *contumaciæ*, q. d. In homines inobedientes, incredulos, insuasibiles, intractabiles, ut dixi cap. II, vers. 2, qui cum monentur vel audiunt, turpitudines jam dictas esse fœdas et illicitas, aut non credunt, aut non obtemperant recta docenti et monenti. Unde juste vindictam suam in eos exercet Deus, ut sæpe in hac vita peste, fame, gladio et mille ærumnis; post mortem vero semper æterna morte et igne eos puniat, nisi prius resipuerint.

Vers. 7. 7. NOLITE ERGO EFFICI PARTICIPES EORUM. — Græce συμμέτοχοι, id est *comparticipes*, q. d. Nolite cum sceleribus eorum jam dictis communicare et participare.

Vers. 8. 8. ERATIS ENIM ALIQUANDO TENEBRÆ, — id est eratis tenebricosi. Est metonymia cum emphasi. Sicut enim scelestum vocamus scelus, sic hic « tenebras » vocat tenebricosos et tenebriones infidelitate et ignorantia, tum Dei, tum rerum agendarum. Ignorabatis enim fornicationem, immunditiam, et his similia esse tanta et tam gravia peccata.

Nota : Eusebius, lib. VI *De Præparatione*, et Theodoretus, *De Curand. Græcan. affect.*, fuse demonstrant, quanta fuerit cæcitas et perversum iudicium Gentium in gentilismo, etiam quoad illa, quæ ratio naturalis, et lex naturæ dictat. Etenim, inquirunt, Persæ et sorores, et matres, et filias suas nefandis sibi matrimoniis iungebant; humanis carnibus vescabantur Scythæ, et filios suos immolabant; Massagetæ cognatos senes comedebant; Hyrcani senes avibus, Caspii canibus devorandos objiciebant; Lacedæmones furtum laudabant quasi rem ingeniosam et solertem; alii conjuges suas hospitibus in symbolum hospitii adulterio pollundas concedebant. Quanta fuerint scelera Chananæorum patet *Levit. xviii*, et *Deut. x* et *xvi*. Considera divini Platonis quam improbæ sint leges de non subveniendo valetudinariis, de licenter mentiundo, de occidendis infantibus, et de communi uxorum. Lycurgus jubet suis legibus, hospites finibus pelli, pueros impune prostitui, feminas licenter exponi. Hæc et plura Theodoretus et Eusebius. Merito S. Augustinus in *Sentent.*, sent. 343 : « Sequamur, ait, Christum lumen verum, nec ambulemus in tenebris. Tenebræ autem metuendæ sunt morum, non oculorum; et si oculorum, non exteriorum,

sed interiorum, unde discernitur, non album et nigrum, sed justum et injustum.

NUNC AUTEM (estis) LUX IN DOMINO. — q. d. Nunc Christiani facti estis lucidi : quia illuminati estis fide, gratia et doctrina Christi, ut cognoscatis tum Deum verum trinum et unum, tum ea quæ agenda sunt, ut Deo illi vero placeatis. Ergo :

UT FILII LUCIS AMBULATE. — Id est vivite eo modo, quo decet vivere eos qui tantam lucem, id est cognitionem Dei, divinæque voluntatis et rerum agendarum sunt adepti. Facite ut cognitio hæc non sit otiosa, nec in anima sopita deliteat, sed in voluntatem et opera emanet, ut opera fidei quasi proles matri suæ respondeant.

Nota, peccata dici tenebras : *primo*, quia peccantes oderunt lucem, et querunt tenebras : pudet enim eos in luce palam coram hominibus tam pudenda facere, et peccare; *secundo*, quia peccata rationis iudicium exerceant. Unde *Prov. xiv*, 22, dicitur : « Errant qui operantur malum. » Semper enim peccatum oritur, vel ex errore, vel ex imprudentia, inconsideratione et inadvertentia aliqua rationis et intellectus : ac rursum dum committitur, eandem adauget, offuscatque rectum prudentiæ et conscientiae dictamen per proclivitatem ad idem peccatum iterandum, quam animo ingenerat.

Contra, virtus et bona opera dicuntur lux : *primo*, quia amant lucem, Dei hominumque conspectum; *secundo*, quia manant a luce, id est dictamine fidei et prudentiæ; *tertio*, quia eandem lucem adaugent; *quarto*, quia alios illuminant, et quasi lux sancti exempli coram aliis resplendent; *quinto*, quia oriuntur a Deo, qui est prima increataque lux omnia transcendens, illuminans, calefaciens, vegetans, vivificans, continens, et ad se quasi sol convertens, ait S. Dionysius, *De Divinis Nominibus*, cap. IV. Vide *Rom. xiii*, 12.

9. FRUCTUS ENIM LUCIS EST (id est situs est) IN OMNI BONITATE, ET JUSTITIA, ET VERITATE. — Corrupte Græca jam legunt, καρπὸς τοῦ πνεύματος, id est *fructus spiritus*. Legendum est enim, *fructus τοῦ φωτός*, id est *lucis*, uti legit Noster, Syrus et passim veteres. De luce enim præcessit, non de spiritu, *fructus ergo lucis*, id est fidei, prudentiæ et virtutis Christianæ, situs « est in omni bonitate, » ἀγαθωσύνη, id est benignitate et beneficentia, de qua dixi *Galat. v*, 22 : hanc opponit iracundiæ, asperitati et malignitati; « et justitia : » hanc opponit fraudibus; « et veritate : » hanc opponit mendacio et hypocrisi. Ita Chrysostomus, q. d. Ex fructibus lucis ostenditis vos esse filios lucis, si videlicet non iracundos, asperos, malignos, sed benignos et beneficos; non fraudulentos, sed justos; non mendaces et hypocritas, sed sinceros et veraces vos exhibueritis.

10. PROBANTES (δοκιμάζοντες, explorantes, exquirentes) QUID SIT BENEPLACITUM DEO. — Nimirum hoc primum Christiani studium esse oportet, ut

Quia peccata dicuntur tenebrae

Ob quinque rationes, bona opera dicuntur lux.

Vers. 9.

Fructus bonorum operum.

Vers. 10.

Apex perfectionis Christianæ in quo consistat?

exquirat quid de se exigit Deus, qua in re Deo maxime placere possit, quomodo sanctam ejus voluntatem et beneplacitum agnoscere et adimplere possit, hæc summa, hic apex perfectionis Christianæ : ut cum S. Paulo non tantum in statu vitæ deligendo, sed qualibet in re dicat : Domine, quid me vis facere? Et cum Christo : Fiat voluntas tua de me, in me, per me, circa me, tam in vita quam in morte, tam in tempore quam in eternitate.

Vers. 11. 11. NOLITE COMMUNICARE OPERIBUS INFRUCTUOSIS TENEBRARUM, — nolite commercium habere, aut miscere vos operibus peccatorum et peccantium, qui quasi tenebriones lucem fugiunt. Hæc enim opera nullum fructum nisi seram et inutilem poenitentiam ac remorsum conscientiae afferunt.

MAGIS AUTEM REDARGUTE. — q. d. Redarguite tum verbo, tum exemplo puræ et sanctæ vitæ, eorum tenebras, id est pudendas libidines et peccata.

Vers. 12. 12. QUÆ ENIM IN OCCULTO FIUNT AB IPSIS, TURPE EST DICERE. — « Ab ipsis, » scilicet filiis diffidentiae et tenebrarum, de quibus egit vers. 6, 7, 11. Ita Hieronymus. Notat obscenitatem tum Paganorum, tum potius Simonis Magi, et Gnosticorum, de quibus abominanda narrat Epiphanius, citatque hunc locum Apostoli.

Vers. 13. 13. OMNIA AUTEM QUÆ ARGUUNTUR, A LUMINE MANIFESTANTUR. — Respicit ad id quod dixit vers. 11 : « Magis autem redarguite, » scilicet libidines et vitia jam dicta vers. 3. Eo enim respicere Apostolum hoc vers. 13, significant Græca. Non enim habent τὰ πάντα καί, sed τὰ καὶ πάντα, id est τὰυτὰ πάντα, id est hæc omnia, scilicet fornicatio, immunditia, scurrilitas, quæ jam dixi et redargui; et, ut Hieronymus legit, quæ sunt arguta a me, arguuntur et manifestantur, id est argui et manifestari debent, a lumine, q. d. Dum dico vos scelera jam dicta debere arguere, simul moneo ut recte tenebriones istos et tenebras scelerum jam dictas redarguatis, debere vos afferre lucem sanctæ doctrinæ et vitæ.

OMNIA AUTEM QUÆ ARGUUNTUR, A LUMINE MANIFESTANTUR. — Lumen enim debet manifestare peccata tenebricosa, quæ arguimus. Sicut enim nox et tenebræ infidelitatis vel impietatis ipsis peccatoribus occultant et celant sua peccata : ita lumen sanctæ doctrinæ et vitæ a filiis lucis, id est Christianis, allatum, eadem peccata illis reteggit, aperit et manifestat. Unde pro eo quod sequitur : « Omne enim quod manifestatur, lumen est, » verti potest ex Græco cum Syro, Erasmo, Vatablo, omne enim quod manifestat (tenebras peccatorum jam dictas), lumen est; Græcum enim φανερόν est vocis mediæ, et tam significat id quod manifestat, quam id quod manifestatur. Noster tamen significantius vertit, « id quod manifestatur. » Probat enim Apostolus id quod arguitur, debere a lumine manifestari : quia, inquit, id quod arguitur, et arguendo manifestatur, et ma-

nifestando per poenitentiam emendatur (hæc enim per metalepsin significat verbum manifestatur), lumen est, id est, luminosum fit, et abjicit tenebras peccatorum. Inde enim recte sequitur : Ergo illud idem a lumine debet manifestari. Nihil enim fit luminosum, et tenebras abjicit, nisi lumine illustretur et manifestetur, q. d. Videte ergo, o Christiani, quomodo, ut filii lucis, ambulare. quantum lucem afferre debeatis, nimirum tantam, quæ tenebras gentilismi et impietatis non tantum retegat, sed et easdem illuminet, lucidas faciat, imo in lucem christianismi transmutet. Rursum, ne putetis vestram redargutionem et illuminationem frustraneam fore. « Omne enim quod manifestatur, lumen est. » Quidquid scilicet a vobis filiis lucis manifestabitur, arguetur, emendabitur, lumen est : id est, lumen fidei et sanctæ vitæ recipiet, et luminosum fiet; sicque ex tenebris lucidos, ex Paganis Christianos, ex obscenis castos facietis, quando illi videntes vestram puram et sanctam vitam ac doctrinam, deserent suos errores et libidines, ut vos vestram fidem ac sanctitatem æmulentur. Ita Theophylactus.

14. PROPTER QUOD (ut scilicet tenebriones et tenebras jam dictas manifestet et illuminet) dicit — Isaias, inquit aliqui, cap. LX, vers. 1 : « Surge, illuminare Jerusalem, quia venit lumen tuum, et gloria Domini super te orta est. » Sed hæc sententia Pauli, « Surge qui dormis, » etc., multum differt ab illa Isaiæ. Ergo cum S. Hieronymo dico : hæc sententia Pauli in Scripturis non invenitur; alludit tamen ad locum Isaiæ jam dictum. Unde S. Thomas ait Apostolum hæc verba non sumpsisse ex libro aliquo apocrypho, nec etiam spiritu prophetico ea protulisse, sed velut exposuisset quibusdam de suo admixtis jam dictam sententiam Isaiæ : « Surge, illuminare Jerusalem, » etc.

Quod ergo Paulus ait, « dicit, » id est inclamat, supple, Spiritus Sanctus, et Deus noster tum interius in anima cujusque peccatoris per sanctas inspirationes et excitationes ad poenitentiam; tum exterius per me Paulum (hoc loco et alibi) aliosque concionatores, quemque in peccato existentem compellans : « dicit, » inquam, et inclamat id quod sequitur : « Surge qui dormis, » etc.

SURGE QUI DORMIS, ET EXSURGE A MORTUIS. — Tu scilicet, o peccator, qui dormis somno, et mortuus es morte peccatorum ac vitiosæ consuetudinis, inde evigila et exsurge.

Nota primo, peccatorem quasi in tenebris, ut præcessit, et nocte versantem dormire, et peccatum esse quasi somnum. Peccator enim, inquit Chrysostomus et Theophylactus, vacat et caret actione honesta, nec intelligit ea quæ salutis sunt, æque ut dormiens : rursum, somnia videt, et imaginatur voluptates et ea quæ non subsistunt, æque ut dormiens. « Dormierunt, inquit Psaltes, somnum suum, et nihil invenerunt omnes viri divitiarum in manibus suis. »

Christianorum vita lucida debet et retegere tenebras impietatis, et illuminare.

Vers. 14.

Unde hæc verba sumpsit Apostolus?

Peccator dormit in tenebris, et peccatum quasi somnus.

Secundo, peccatum est mors animæ, et peccator est mortuus; quia caret omni sensu et motu vitali gratiæ, ipsaque anima spiritali, id est gratia, foetetque coram Deo, et virulenti est odoris, ait Theophylactus, perinde ut cadaver mortuum.

Necessitas gratiæ prævenientis et excitantis. Hinc *tertio*, patet necessitas gratiæ prævenientis et excitantis, ut hominem ab hoc somno et morte animæ excitet. Sicut enim dormiens non potest seipsum a somno, nec mortuus seipsum a morte excitare: ita nec peccator potest se a peccato excitare, sed excitari debet a Deo Deique gratia. Hujus typo et symbolo Christus Lazarum mortuum (qui speciem gerebat peccatoris) suscitaturus, valida voce illi inclamavit: *Lazare, veni foras*. Hæc una omnium concionatorum æque ut Pauli deberet esse vox: « Surge qui dormis, et exsurge a mortuis; » hocce unum deberet eorum esse studium, non ut aures scalpant, non ut famam doctrinæ concilient, non ut audiant: Quam bene, quam eloquenter peroravit! sed ut quasi mallei conterentes petras et dura hominum corda, vehementi spiritu et zelo peccatores a somno et morte peccati excitent, et in lucem ac vitam gratiæ revocent.

Felicitas sæculi somnia sunt dormientium. Moraliter S. Augustinus, in illud Psalm. cxxxi, *Si dederò somnum oculis meis*: « Omnes, inquit, istæ felicitates, quæ videntur, sæculi, somnia sunt dormientium. Et quomodo qui videt thesauros in somnis, dormiens dives est; sed evigilabit, et pauper erit: sic omnia ista vana hujus sæculi, de quibus homines gaudent, in somno gaudent: evigilabunt quando nolent, si non modo evigilant quando utile est; et invenient somnia illa fuisse, et transisse, sicut dicit Scriptura: Velut somnium surgentis. Et alio loco: Dormierunt somnum suum, et nihil invenerunt omnes viri divitiarum in manibus suis. Iste ergo, qui vult invenire locum Domino, dixit etiam: Si dederò somnum oculis meis. Sunt autem quidam qui non dormiunt, sed dormitant: aliquantulum retrahunt se ab amore temporalium, et rursus revolvuntur in eum, et quasi dormitantes caput crebro inclinant. Evigila, excute somnum, dormitando casurus es. Non vult Psalmus oculis suis daresomnum, nec palpebris dormitationem, eum qui vult invenire locum Domino. »

ET ILLUMINABIT TE CHRISTUS. — Alludit ad dormientem in multam lucem: huic enim excitator dicere solet: Surge, jam dudum dies est, evigila, solem splendentem aspice. Pari modo Paulus et quivis concionator peccatores a somno peccati excitat dicens: Surge, dies est gratiæ, sol justitiæ Christus jam illuxit, omnesque qui somno peccatorum evigilantes oculos aperuerunt, et surrexerunt, illuminavit suæ gratiæ et justitiæ lumine: surge, evigila et tu, aperi oculos, et te pariter illuminabit. Sic dicit Rom. xiii, 11: « Hora est jam nos de somno surgere. Nox præcessit, dies autem appropinquavit. Abjiciamus ergo opera tenebrarum, et induamur arma lucis. »

Nota: Pro *illuminabit te* græce est *ἐπιφάνει σε*, id est *illucescet, orietur tibi* Christus; ut, sicut sol lunæ, ita ipse tibi suum lumen gratiæ communice, quo factus speculum divinæ lucis possis et alios illustrare, et de tenebris peccatorum erutos manifestare, in lucem adducere, et lucidos facere.

Notat Hieronymus, pro *ἐπιφάνει* quosdam legere *ἐπιφανέτω σε ὁ Χριστός*, id est *continget te Christus*, et ita legit Ambrosius et Augustinus in *Psal. iii*. Quin et Chrysostomus, tam hanc quam priorem lectionem affert, quasi hic sermo sit ad Adamum (et consequenter ad nos Adæ filios, qui in Adamo continebamur, eoque peccante mortui sumus) in monte Calvariæ sepultum, quem Christus ibidem crucifixus, sanguine suo e cruce distillante contingens redemerit, et ad lumen vitamque divinam reduxit.

« Scio, inquit Hieronymus, audisse me quemdam de hoc loco in Ecclesia disputantem: qui in theatrale miraculum, nunquam ante visam formam populo exhibuit, ut placeret: Testimonium hoc, inquit, ad Adam dicitur in loco Calvariæ sepultum, ubi crucifixus est Dominus. Qui Calvariæ idcirco appellatus est, quod ibi antiqui hominis esset conditum caput. Illo ergo tempore, quo crucifixus Dominus super ejus pendebat sepulcrum, hæc prophetia completa est dicens: Surge, Adam, qui dormis, et exsurge a mortuis: et, non ut legimus, *ἐπιφάνει σε ὁ Χριστός*, id est orietur tibi Christus; sed *ἐπιφανέτω*, id est continget te Christus: quia videlicet tactu sanguinis ipsius et corporis dependentis vivificetur atque consurgat: et tunc typum quoque illum veritate compleri, quo Eliseus mortuus mortuum suscitavit. Hæc utrum vera sint nec ne, lectoris arbitrio derelinquo. » Ubi nota: Licet Hieronymus hic et alibi hanc sententiam de Adamo in Calvariæ monte sepulto, ibique Christi sanguine resuscitato, suggillare videatur, tamen passim illam docent et tradunt Patres. Unde S. Augustinus, serm. 71 *De Temp.*: « Et vere, fratres, ait, non incongrue creditur quod ibi erectus sit medicus, ubi jacebat ægrotus, et dignum erat ut ubi occiderat humana superbia, ibi se inclinaret divina misericordia; et sanguis ille pretiosus etiam corporaliter pulverem antiqui peccatoris, dum dignatur stillando contingere, redemisse credatur. » Sic et Tertullianus, lib. II *Carminum contra Marcionem*, cap. iv.

Adam sepultus an sit in monte Calvariæ?

Passim id docent Patres.

Illic hominem primum suscepimus esse sepultum. Illic patitur Christus, pio sanguine terra madescit, Pulvis Adæ ut possit veteris cum sanguine Christi Commixtus, stillantis aquæ virtute lavari.

Idem docent Origenes, Epiphanius, Athanasius, Cyprianus, et passim Patres, uno excepto Hieronymo, ut dixi *Matth. xxvii, 33*, videturque communis traditio. Hac etiam de causa pictores sub cruce Christi calvariam (Adæ) pingunt, ut ex Al-

berto Magno notavit Molanus, cap. LXVIII *De Imaginibus*.

Verum quod ad præsentem locum attinet, communis et vera lectio est *ἐπιφάνει*, id est *illucescet*, non *ἐκφάνει*, id est *continget* te Christus. Ita enim legit Noster, Syrus, et passim jam Græca et Græci. Itaque legendum esse patet ex præcedentibus : hactenus enim a vers. 8, de luce et illuminatione egit, non autem de contactu. Denique aptissime dicitur dormienti et mortuo : Surge qui dormis, et exsurge a mortuis, et illuminabit te Christus, ut solem justitiæ aspicias; minus autem recte dicitur : Et continget te Christus.

Apostolus tamē hic non videtur loqui de Adamo.

Adde, Apostolum de Adamo non loqui, sed de peccatoribus quibuslibet; cuique enim peccatori inelamat : « Surge qui dormis, » etc.

Vers. 15. 15. **VIDETE ITAQUE, FRATRES** (non jam in tenebris, sed in Evangelii clara die et luce, quando vivendi et cernendi est facultas, constituti), **QUOMODO CAUTE** (*ἀκριβῶς*, id est diligenter, circumspecte, accurate, scientes et cogitantes vos vestraque omnia in tanta luce ab omnibus videri et notari) **AMBULETIS** (conversemini) **NON QUASI INSIPIENTES**. — Valde enim insipientes sunt qui ad solem hunc Evangelii oculos claudunt, vel sub eo pudenda faciunt, quasi adhuc in nocte et tenebris ignorantiae Dei versarentur. Maxime autem insipientes sunt, qui tempus hoc breve nobis ad beatam æternitatem comparandam concessum prodigunt, imo eo abutuntur, ut æternam misericordiam sibi accersant. Unde sequitur :

Cura temporis quanta habenda?

Vers. 16. 16. **REDIMENTES TEMPUS, QUONIAM DIES MALI SUNT.** — Anselmus explicat, *q. d.* Apostolus : Tempus et anteactæ vitæ peccata flendo et pœnitendo redimite. Ut respiciat Apostolus ad vers. 8 : « Eratis enim aliquando tenebræ, nunc autem lux in Domino; » unde immediate ante præmisit : « Videte itaque, fratres, quomodo caute ambuletis, non quasi insipientes, » utpote nunc facti lux in Domino, « redimentes tempus, » ut illud olim luxu et peccatis perditum, jam recuperetis, ac tanto diligentius et ferventius illud expendatis, quanto illud olim negligentius et licentius prodigistis, ut illius jacturam hac diligentia et fervore sarcias et redimatis : hoc enim proprie est redimere. Verum sic potius dixisset Apostolus : Redimentes tempus præteritum; jam autem dicens tantum, « Redimentes tempus, » videtur intelligere præsens. Sequitur enim : « Quoniam dies mali sunt; » alioqui dixisset : Quoniam dies præteriti mali fuerunt; nisi *τὰ sunt* ample accipias pro *fuerunt et sunt*; uti enim fuerunt mali, sic etiamnum sunt mali. Est ergo hæc expositio probabilis æque ac moralis et pia. Excitat enim eos qui in infidelitate, luxu et peccatis, aut in desidia et tepiditate multum temporis multosque annos perdiderunt, ut hoc damnum recuperent novo fervore, intendendo, et duplicando, ac triplicando actus abstinentiæ, mortificationis, charitatis et aliarum virtutum, in modico vitæ quod eis restat,

ut paucis annis, qui supersunt usque ad mortem, tantum meritum sua sedulitate acquirant, quantum alii, qui a puero Deo servierunt, quantumque ipsimet acquisivissent, si priores annos in fide et obsequio Dei fervide expendissent. Hoc secundum Latinam versionem, nam Græcum *ἐκγοράζουσιν*, non *redimentes*, sed *ementes*, et ad verbum *exementes* significat, de quo mox.

Secundo, alii exponunt sic : Deus, inquit, sæpe peccatoribus tempus, quod secundum naturæ cursum vivere deberent, propter peccata diminuit, juxta illud *Psal. LIV, 24* : « Viri sanguinum et dolosi non dimidiabunt dies suos. » Quam ob causam illis 120 annis, quos usque ad diluvium Deus hominibus præscripserat, 10 annos detraxit *Gen. vi*. Cum igitur Deus soleat tempus vitæ propter peccata diminuere, is qui bene agit, recte dicitur illud redimere, quoniam illud vitæ spatium, quod alioqui si peccaret, erat sibi Dei judicio detrahendum, quasi bonis operibus redimit, impletque dies omnes sibi ad vivendum a natura definitos, itaque moritur plenus dierum instar Abrahæ.

Secunda. S. let Deus vitæ tempus propter peccata abbreviare.

Tertio, S. Augustinus, *serm. 24 De Verbis Apostoli*, asserit eum tempus redimere, qui illud aufert negotiis sæcularibus, ut quiete sua fruatur Deoque vacet : « Quando, inquit, aliquis tibi infert litem, perde aliquid ut Deo vaces, non liti-bus : id enim quod perdis, pretium est temporis. Sicut enim das nummos et panem emis, itaque aliquid amittis et aliquid acquiris : sic perde nummos, ut emas tibi quietem, id est, tempus vacandi Deo : hoc enim est tempus redimere. »

Tertia.

Rursum scripsit in hanc Apostoli sententiam idem Augustinus *hom. 10*, inter 50, tom. X, ex qua accipe hos flosculos : « Dies malos duæ res faciunt, malitia et miseria. Regenerati dies malos ducimus, quousque finiatur pœna mortalitatis, et succedat gratia summæ felicitatis. Nemo dicat : Parentes nostri dies bonos habuerunt, nos malos habemus. Recitata est ipsis et hæc Apostoli sententia. Ex eo quod lapsus est Adam et de paradiso projectus, nunquam fuerunt dies nisi mali. Istos pueros qui nascuntur interrogemus, quare a ploratu incipiant qui et ridere possunt. Lacrymæ testes sunt miseriæ. » Et inferius : « Redimere tempus hoc est, quando aliquis tibi ingerit litem, perde aliquid, ut redimas tempus quo vacas Deo : sic enim dum vestem emis, nummos amittis, vestem acquiris. Punicum est proverbium : Ut habeas tempus quietum, perde aliquid. Pestilentia ante ostium venit, et nummum querit : duos illi da, et ducat se. Pestilentia est homo malus, litigator, calumniator, proditor. Iste talis sic est, quomodo pustula mala in corpore, quam cum aliqua particula tollis de corpore, ne venenum totum corpus occupet, et animam petat. In lite everteris cogitationibus tuis, irritaris adversus adversarium tuum : ecce tempus perdidisti. Quanto melius nummum amitteres, et tempus redimeres? Calumniosus vero hic non

gaudeat. Ille qui propter vitandam calumniam tempus a te redemit, hic tolerat dies malos : tu qui calumniis pascaris, et hic habes dies malos, et post dies ipsos habiturus es in die iudicii peiores. »

Quarta. Quarto, S. Hieronymus censet tempus cum a Deo datum sit, ut hominibus in bonis operibus serviat, quasi captivum teneri, quando in malis operibus insumitur; ideoque per bona opera redimendum, et ex captivitate in libertatem quasi vindicandum esse. « Quando tempus, inquit, in bono consumimus, emimus illud, et proprium facimus, quod malitia hominum venditum fuerat: sicque dies malos in bonos vertimus, et facimus illos non præsens sæculi, sed futuri. » Proprie ergo S. Hieronymus accipit *redimere*, quasi sit rursus emere id quod venditum erat. Sic Nazianzenus ait, *ἐξαγοράζω κόσμον μεγάλῃ τιμῇ*, id est *redimit mundum magno pretio*: nam Christus pretio sanguinis eum redemit e captivitate peccati et diaboli.

Quinta et ganul-na. Verum nota: « Redimere » hic idem est quod emere; sic redemptores vectigalium vocamus eorumdem emptores. Nam græce est *ἐξαγοράζονται τὸν καιρὸν*, id est mercantes et ementes occasionem et opportunitatem, sive tempus hoc opportunum ad bene agendum, ad lucra coelestia comparanda, *q. d.* Studiose emite opportunitatem proficiendi in via Dei et virtute, et bona opera ac merita accumulandi: emite, inquam, eam quarumvis rerum dispendio. Ita Theophylactus, v. g. conviviorum et recreationum jactura emite tempus studendi, orandi, bene faciendi. Unde S. Augustinus, *hom. 4* inter 50: « Quid est, ait, redimere tempus, nisi, cum opus est, etiam detrimento temporalium commodorum, ad æterna querenda et capessenda, spatia temporis comparare (1) ? »

Vis scire quam pretiosum sit hoc tempus, vis scire ejus pretium? interroga damnatos, ipsi id sciunt per experientiam. Prodeat ex abyso unus dives Epulo. Dic nobis, o Epulo, quid dares pro anno uno, pro die, pro hora hujus temporis? Darem, inquit, mundum universum, darem mille mundos, si haberem; darem delicias omnes, opes omnes, tormenta omnia. O si daretur vel momentum respiscendi, poenitendi, veniam emerendi: illud emerem omnibus laboribus, poenitentiis, afflictionibus, quas unquam homines tolerarunt, aut etiamnum tolerant in Purgatorio vel inferno, etiamsi illæ centum millia, imo mille milliones annorum durarent!

Interroga animas in Purgatorio. Dicent illæ: Si possemus redire ad tempus merendi et satisfaciendi, emeremus illud non auro, non gemmis totius orbis, sed sanguine et vita, imo mille mortibus.

(1) Allioli: « Redimentes tempus, » id est, occasiones ac opportunitatem bene agendi, meritaque vestra, ideo et thesaurum in cælis, augendi, avide arripientes.

Interroga Beatos. Dicent illi: Beati mortales! o si sciretis quæ merita; quæ lucra gloriæ comparare possitis singulis temporis momentis, vos illa emeretis omni sudore et dolore. O si nobis redire liceret ad tempus merendi, emeremus unam horam omnibus equuleis, ignibus, bestiis, martyriis, cuperemusque illa pati quæ unquam Sancti passi sunt usque ad diem iudicii. O si redire liceret, nos aliter illud expenderemus quam expendimus: sumus jam inter Angelos, nos extremum potentiae exsereremus, ut inter Seraphinos et Cherubinos ascribi mereremur. O momentum pretiosum, ex quo pendet æternitas! Quot hic momenta in otio deperdis, tot æternitates gloriæ, quas acquirere poteras laborando, patiendo, animas convertendo, perdis, et irrevocabiliter perdis; ut, si in cælo poenitere posses, non alterius rei quam temporis perditum, aut minus strenue expensi, te poeniteret.

QUONIAM DIES MALI SUNT. — Id est, quoniam dies hujus vitæ miseri, multis ærumnis, periculis et tentationibus expositi sunt, quæ occasionem bene agendi vel adimunt, vel minuunt, vel periculo exponunt, inquit Anselmus. Sic enim Hebræi bonum vocant quod jucundum est; malum, id quod triste est et miserum. Sic Christus, *Matth. vi, 34*, dicit: *Sufficit diei malitia*, id est afflictio et miseria, *sua*.

Rursum dies mali, id est incerti, instabiles, breves sunt æque ac pleni curarum, distractionum et laqueorum peccati et damnationis. Nam inter cæteras malitias, id est miseras, dierum hujus vitæ est incertitudo, instabilitas et brevisitas eorumdem, æque ac molestia, curæ et angores; juxta id quod ait Jacob Pharaoni: « Dies peregrinationis meæ centum triginta annorum sunt, parvi et mali, » *Genes. xlvii, 9*. Quo alludit hic Paulus, *q. d.* Emite tempus bene agendi et merendi, quia dies hujus vitæ et temporis sunt incerti, instabiles et breves, æque ac molesti et anxii; incertum, instabile et breve habetis tempus procurandi salutem æternam: videte ergo ut hoc temporis momentum, ex quo pendet æternitas vestra, bene expendatis. *Tertio*, proprie *dies mali* sunt, quia pleni sunt infidelitate et peccatis. « Dies malos, ait S. Augustinus loco citato, dux res faciunt, malitia et miseria. Ex quo enim lapsus est Adam, et de paradiso expulsus, nunquam fuerunt dies nisi mali. » Sicut grassante heresi vel ebrietate et libidine (uti fit in bacchanalibus) dicunt concionatores: O Christiani, cavete vobis hoc tempore, quia dies mali sunt, *q. d.* Tempus hoc redimite, nec sinite vos abduci a communi hominum turba ad gulam et venerem; ne tempus cum anima perdatis. Sic ait S. Joannes, *epist. I, cap. v, vers. 19*: « Mundus totus in maligno positus est; » tempore enim Pauli omnia erant plena infidelitate et sceleribus, infidelibus et sceleratis. Hos ergo quasi fures temporis pretiosissimi fugiendos et arcendos docet Apostolus: pe-

rinde ac Philosophus cuidam amico fabulis cum eo tempus terere volenti severo vultu dixit: « Abi hinc, fur temporis. » Idem dicamus, cum quis fabulo, nugivendulus, aut similis temporis perda nos invadit, ac ad sua otia nugasque sollicitat: tanto enim pejor et nocentior est fur temporis fure pecuniæ, quanto tempus quod suffuratur, pretiosius est pecunia. Maxime autem perstringit hic Apostolus Simonianos et Gnosticos, hæreticos impios et impuros, de quibus dixi vers. 11: « Nolite communicare operibus infructuosis tenebrarum, magis autem redarguite. Quæ enim in occulto fiunt ab ipsis, turpe est et dicere, » *q. d.* In tanta temporum calamitate et malitia, cum hinc hæreses infames et spurcæ grassantur, quæ suadent tempus in deliciis veneris et ventris transigere; inde infidelitas, idololatria, libidines, ebrietates, rixæ, omniaque scelera dominantur et crescunt: vos, o Christiani, nolite iis auscultare, cum iisque tempus cum anima prodigere; sed potius illud redimite, atque Deo et studio sapientiæ et virtutum Christianarum impendite, ac nominatim quovis pretio quovisque damno redimite tempus, vacando precibus et Dei laudibus, ac excipiendis ejus sanctis inspirationibus, quibus Deus interius mentem vestram illustrat, pulsatur; excitat, inflammat ad majorem sanctimoniam, ut ei magis placeatis, magnisque passibus tendatis ad perfectionem. Unde sequitur: « Propterea nolite fieri imprudentes, sed intelligentes quæ sit voluntas Dei. Et nolite inebriari vino in quo est luxuria; sed implemini Spiritu Sancto, loquentes vobismetipsis in psalmis, et hymnis, et canticis spiritualibus, cantantes et psallentes in cordibus vestris Domino; gratias agentes semper pro omnibus. » Ecce hoc est redimere tempus, dum, quod alii dant et perdunt in computationibus et luxuriis, hoc fideles dant orationi, psalmis, hymnis, canticis spiritualibus, etc.

Quid sit *ἐξαγοράζειν*, sive mercari tempus? Primo.

Secundo. *Secundo*, sicut hi mercatores merces emendo, eas sibi proprias suasque faciunt: sic tempus quasi nobis appropriamus, dum illud assumimus et impendimus ad propria bonorum operum et meritum lucra. Non est nobis, inquit Oecumenius, tempus stabile; advenæ enim sumus. Eme ergo ipsum et facito proprium, scilicet bona operando in hoc tempore, quæ in futuro te glorificent.

Tertio. *Tertio*, præsens tempus dicitur *ναῦρα*, id est, occasio et opportunitas, scilicet mercandi et lucra nostra augendi, sicut in nundinis mercatoribus est occasio emendi et vendendi sua. « Vita nostra, inquit Nazianzenus in *Sententiis*, est quasi mercatus, cujus dies cum abierit, tempus amplius

non erit emendi quæ velis, » ut singuli meminerint sibi hanc occasionem sedulo et studiose captandam et amplectendam esse: est enim fronti capillata, a tergo occasio calva. Ubi hæc occasio transierit, ubi hæc nundinæ, hoc tempus vitæ tuæ effluxerit, non habebis vel momentum pœnitendi, bene agendi, mercandi, et lucra cœlestia comparandi. Sic ergo vive, talia et tanta fac, qualia et quanta voles te fecisse, cum tempus hoc elapsum erit; qualia et quanta te fecisse voles et optabis, cum in æternitate consistes. Quod enim nunc facis et operaris, per totam æternitatem tibi proderit, magnasque opes et gloriam tibi pariet: quod nunc negligis, negligis et perdis irreparabiliter, ut per totam æternitatem hanc negligentiam, hoc tempus neglectum recuperare et redimere non possis.

Hunc occasionis et temporis stimulum sæpe nobis adhibet Apostolus, *Rom. xiii, 11*: « Et hoc, inquit, scientes tempus, quia hora est jam nos de somno surgere. » *Galat. vi, 10*: « Dum tempus habemus, bonum operemur ad omnes. » *I Corinth. vii, 26 et 29*, ubi tempus hoc vocat *breve, et instantem necessitatem*. Vide ibi dicta. Eundem stimulum adhibet Sapiens, *Eccles. ix, 10*: « Quodcumque, inquit, facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quo tu properas. » O quam sapiens, quam providus est, qui hæc cogitat, hæc agit, qui ita vivit, uti in hora mortis optabit se vixisse, qui ea jam facit, quæ in æternitate constitutus gauderet se fecisse!

18. ET NOLITE INEBRIARI VINO, IN QUO (scilicet vino, vel in quo, scilicet inebriari, *q. d.* In ebrietate) EST LUXURIA. — Nota: Pro *luxuria* græcè est *ἀσωτία*, id est luxur, lascivia, qualis est eorum qui assidue potant et comessantur, ut pene semper sint temulentii. Hi enim in omni *ἀσωτία*, id est irapula, spurcitia, impudicitia et sordibus voluntantur. « Nolim, inquit Cicero, lib. II *De Finibus*, mihi fingere azotos qui in mensam vomant, et de conviviis auferantur, crudique postea rursus se ingurgitent. » Sic latine *luxuria*, ut vertit Noster, non tantum rem veneream, sed et hunc luxum significat, ait Erasmus.

Secundo, tamen *ἀσωτία*, cum Theophylacto et aliis, potest accipi pro luxuria et libidine. Venter enim mero æstuans despumat in libidinem, quasi in *ἀσωτία*. Hoc sensu ita in Sotam ludit Martialis lib. IV, *epigramm. 9*:

Sota Clinici Labulla
Deserto sequeris Clitum marito.
Et donas, et amas, *ἔχεις ἀσώτους*.

Sota enim significat parcum: Labulla tamen erat asota, id est prodiga, perdita, luxuriosa, relicto marito sequens adulterum. Clemens Alexandrinus, lib. II *Pædag.*, cap. I et II, *ἀσώτους*, dici vult quasi *ἀσώτους*, id est salute privatos, quia tam

Occasio-
nis et
temporis
stimulus

ἀσώτι
quid. et
quale vi-
tium?

opes, quam corporis et animæ salutem perdunt et prodigunt.

Vere S. Hieronymus in cap. 1 ad Titum, vers. 7 : «Ubicumque, ait, saturitas et ebrietas, ibi libido dominatur : specta ventrem, et genitalia, qualis ordo membrorum, talis et vitiorum. Nunquam ego ebrium castum putabo, qui etsi vino consopitus dormiverit, tamen potuit peccare per vinum. Dicat quisque quod volet, ego loquor conscientiam meam. Scio mihi abstinentiam et no-cuisse intermissam, et profuisse repetitam.»

**Mala
ebrieta-
tis.** Idem Hieronymus, epist. 83 ad Oceanum : «Vinolentia, inquit, scurrarum est et comessatorum, venterque mero æstuans cito despumat in libidines.» Et inferius : «Noe ad unius horæ ebrietatem nudat femora sua, quæ per sexcentos annos sobrietate contexerat. Lot per temulentiam nesciens libidine miscet incestum, et quem Sodoma non vicit, vina vicerunt.» Hinc Plato, lib. II De Legib., prope finem, ita de vino sancit : «In civitate nec servus, nec serva unquam vinum gustet, nec ipsi quidem magistratus illo quo magistratum gerunt anno : neque gubernatores, neque iudices, dum munus suum exercent, ullo modo vinum gustent.» Nimirum verissimum est illud Heracliti adagium : «Anima sicca sapientissima.» Quod pulchre explicat et demonstrat Galenus in libro cui titulus est : *Quod corporis temperiei respondeant mores animi*. Et Clemens Alexandrinus, lib. II Pædag. : «Jubar est, ait, anima sicca sapientissimum et perspicax, neque madescit vini halitu in modum nebulae crassescens.» Idem lib. VII Stromat. : «Vinum, inquit, et carni-um sagina, robur quidem adducunt corpori, sed animum reddunt languidum.» Nam, ut ait S. Ephrem, tract. De Timore Dei, initio tomi III : «Qui corporis sui carnes delicate nutrit, concupiscentias malas pascit.»

SED IMPLEMINI SPIRITU SANCTO, — q. d. Studete non ut vino, sed ut gratia Spiritus Sancti impleamini. Modum et viam subdit dicens :

Vers. 19. 19. LOQUENTES VOBISMETIPSIS (scilicet dum in unum convenitis, sive in templum ad orandum et agapen, sive in domum ad mensam et cibum) IN PSALMIS, ET HYMNIS, ET CANTICIS SPIRITUALIBUS, CANTANTES ET PSALLENTE IN CORDIBUS VESTRIS DOMINO. — S. Hieronymus ita hymnos a psalmis et canticis distinguit : «Hymni, ait, sunt qui Dei fortitudinem et majestatem prædicant, et ejusdem semper, vel beneficia, vel facta mirantur : quod omnes psalmi continent, quibus Alleluia vel præpositum, vel subjectum est. Psalmi autem proprie ad ethicum locum pertinent, ut per organum corporis quid faciendum, et quid vitandum sit noverimus. Qui vero de superioribus disputat, et concentum mundi, omniumque creaturarum ordinem atque concordiam subtilis disputator edisserit, iste spiritale canticum canit.» Rursum, in officio Ecclesiastico facile jam est distinguere hymnos a psalmis et canticis.

**Qui dis-
ferunt
psalmus,
hymnus
et canti-
cum?**

Nota primo : Docet hic Apostolus, qualis debeat esse Christianorum agape, mensa et convivia, scilicet non ut carnibus et vino corpus et mentem obruant ; sed ut spiritu et spiritualibus sanctisque colloquiis et hymnis, præsertim de Christo Christique beneficiis, invicem se oblectent, pascant, impleant, sicque studeant ebrietati, non corporali, sed spiritali. Rursum, ut cautionibus non lascivis, sed piis et sacris se recreent, et Deum laudent. Solet enim in conviviis animus excitari, hilarescere, et in lepores cantusque resolvi. Hinc Zeno rogatus, cur, cum natura esset servus, et secta Stoicus, in convivio tamen hilaresceret? respondit : Et lupinum, cum sit sapientia natura amarum, tamen aqua maceratum dulcescit : ita naturale est, cibo potuque rigato corpore, discuti tristitiam. Testis est Laertius, lib. VII, cap. 1.

**Qualis
debeat
esse
Christia-
norum
agape et
convivia?**

Unde nota secundo, Hebræos antiquissimos in conviviis ad communem recreationem solitos adhibere musicam. «Vinum, inquit Ecclesiasticus, cap. XL, vers. 20, et musica (ecce musicam cum vino, scilicet in conviviis et symposiis, conjungit) lætificant cor, et super utraque dilectio sapientiæ.» Et cap. XLIX, vers. 2 : «In omni ore quasi mel indulcabitur ejus (Josias) memoria, et ut musica in convivio vini.» Idem vero pulchrius, cap. XXXII, vers. 7 : «Gemmula carbunculi in ornamento auri, et comparatio (id est compositio et concentus : hoc enim est Græcum σύγκρημα) musicorum in convivio vini. Sicut in fabricatione auri signum est smaragdi, sic numerus (id est numerosa melodia musicorum) in jucundo et moderato vino,» q. d. Sicut annulum aureum ornat pala et carbunculo, vel signum, græce σφραγίς, id est sigillum, ex smaragdo : ita convivium ornat musica. Idem testatur David, Psal. LXVIII, vers. 13 : «Adversum me loquebantur qui sedebant in porta (id est iudices et seniores populi, qui in portis publica judicia exercendi causa sedere solebant), et in me psallebant qui bibebant vinum,» q. d. Passim in suis symposiis perstringebant me suis contumeliosis canticis. Clarius vero id docet Isaias, cap. V, vers. 12 : «Cithara et lyra, et tympanum, et tibia, et vinum in conviviis vestris.» Quem morem suæ gentis secutus Christus post ultimam cœnam paschalem procedens ad passionem in montem Olivarum, hymnum cum Apostolis Deo cecinit; Marc. cap. XIV, vers. 26.

**Musica
antiquis-
simis ab
Hebræis
in convi-
viis ad-
hiberi
solita.**

Inde tertio, Christum imitantes Apostoli, ut patet ex hoc loco Pauli, et primi Christiani in suis agapis et conviviis musicam et cantica adhibebant, non lasciva, nec profana, sed sacra, scilicet hymnos in laudem Dei. Testis est Cyprianus, epist. ad Donatum : «Et quoniam, inquit, nunc feriata quies, ac tempus est otiosum, quidquid inclinante jam sole in vespere diei superest, dedicamus hunc diem læti, nec sit vel hora convivii gratiæ cœlestis immunis : sonet psalmos convi-

**Apostoli
et primi
Christiani
in
agape et
conviviis
musica
usi.**

vium sobrium, ut tibi tenax memoria est, vox rauca, aggredere hoc munus ex more; magis charissimos pascas, si sit nobis spiritualis auditio. Prolectet aures religiosa mulcedo. » Similia habet Philo de Essæis. Idem clarissime docet Tertullianus, cap. xxxix *Apologet.* Audi eum; et nota qualia fuerint priscorum Christianorum convivia: « Non prius, ait, discumbitur, quam oratio ad Deum prægustetur. Editur quantum esurientes capiunt; bibitur quantum pudicis est utile: ita saturantur, ut qui meminerint etiam per noctem adorandum Deum sibi esse. Ita fabulantur, ut qui sciant Dominum audire. Post aquam manua-lem et lumina, ut quisque de Scripturis sanctis, vel de proprio ingenio potest, provocatur in medium Deo canere: hinc probatur quomodo biberit. Æque oratio convivium dirimit: inde disceditur non in catervas cæsonum, neque in classes discursationum, nec in eruptiones lasciviarum; sed ad eandem curam modestiæ et pudicitæ, ut qui non tam cœnam cœnaverint, quam disciplinam. » Ita veteres. Quo jam abiimus, Christiani? Quantus jam mensarum, ferculorum, vinorum luxus? quanta multorum temulentia? quanta asotia? quam colloquia et cantica impura et lasciva? Si Cyprianus, si Essæi, si Tertullianus, si Paulus ad nos redirent, et Christianorum jam convivia spectarent, an non exclamarent: O domus antiqua, quam dispare domino dominaris! Hinc sunt prisci illi Christiani, an umbrae Christianorum? hincene Christus, an potius Bacchus dominatur? hinc Christiani sunt, an Antichristiani et Bacchiani? hinc deicolæ sunt, an ventricolæ, et Cereris Venerisque mancipia?

Hinc *quarto*, orta est laudatissima priscorum Christianorum consuetudo, ut in privatis canticis animi causa concini solitis non amatorias, sed pias et sacras cantiones Christo canerent. Ita S. Basilii, lib. *De Spiritu Sancto*, cap. vii et xxix, tradit hymnum glorificationis sanctissimæ Trinitatis, id est, « Gloria Patri; et Filio, et Spiritui Sancto, » a rusticis etiam cantari solitum. Clarius Hieronymus *ad Marcellam*, epist. 17: « In Christi, inquit, villula tota rusticitas, et extra psalmos silentium est. Quocumque te verteris, arator stivam tenens Alleluia decantat, sudans messor psalmis se avocat, et curva attondens vitem falce vinitor aliquid Davidicum canit. Hæc sunt in provincia carmina; hæc, ut vulgo dicitur, amatorias cantiones, hic pastorum sibilus, hæc arma culturæ. » Id illis adeo curæ erat, ut a puero infantibus cum fari inciperent, primam vocem quam sonarent, Alleluia, id est laudate Deum, instillarent. Unde idem Hieronymus *ad Latam* scribens, hæc ait: « Quis hoc crederet, ut Albini pontificis neptis de repromissione Martyris nasceretur, ut præsentem et gaudentem avo, parvulus adhuc lingua balbutiens Christi Alleluia resonaret? » Et infra: « Cum avum viderit, in pectus ejus transiliat, de collo pendeat, nolenti Alleluia decantet. » Hunc morem

revocans S. Chrysostomus, hom. in *Psalm. xli*, quosvis, etiam agricolas, opifices, nautas, textores et textrices hortatur ad psalmos aliaque pia cantica concinenda. « Quoniam, inquit, hoc genus delectationis est animæ nostræ valde cognatum et familiare, ne dæmones lasciva et meretricia cantica introducentes, omnia evertant; psalmos Deus construxit, ut ex re simul cape-retur voluptas et utilitas. » Et post multa de utilitate psallendi hæc addit: « Hæc dico, non ut vos tantum laudetis, sed ut filios et uxores doceatis talia cantare cantica, non solum in texendo, aliove opere faciendo, sed maxime in mensa. Quando enim diabolus ut plurimum insidiatur convivii, cum et ebrietatis et ingluvici, risusque profusi, et remissi animi auxilio utitur, tunc maxime oportet, et ante mensam, et in mensa se munire psalmorum præsidio, et simul cum uxore ac liberis surgentes a convivio hymnos sacros Deo canere. »

CANTANTES ET PSALLENTE IN CORDIBUS VESTRIS DOMINO, — q. d. Hæc cantica spiritalia, hi psalmi non ex solis labiis, sed ex imo corde prodeant. Hortatur ergo Christianos Apostolus ad lætitiā et exultationem spiritalem, ut semper læti et exultantes in sua vocatione et christianismo jubilent, Deoque gratias agant, eique in lætitiā et amore serviant, aliosque ad eandem lætitiā, amorem et gratiarum actionem excitent. Hæc enim sunt indicia Spiritus Sancti cor inhabitantis, qui hunc spiritum gaudiis suis afflat. Beati qui illo fruuntur, illumque excitant et augent. Illis nihil difficile, nihil triste accidit, sed læto spiritu, alacri et magno omnia ardua et tristitia superant et transcendunt. S. Augustinus hæc verba Apostoli per antitheses eleganti carmine expressit, cum ait:

Non vox, sed votum; non chordula musica, sed cor;
Non cantans, sed amans, cantat in aure Dei.

« Audiant, ait S. Hieronymus, illi quibus psallendi in ecclesia officium est, Deo non voce, sed corde cantandum; nec in tragediorum modum guttur et fauces dulci medicamine colliniendas, ut in ecclesia theatrales moduli audiantur et cantica, sed in timore, in opere, in scientia Scripturarum. »

20. GRATIAS AGENTES SEMPER PRO OMNIBUS, — Vers. 20. gratiis, donis et beneficiis a Deo acceptis. « Quidquid sapientiæ, quidquid te virtutis habere confidis, Dei virtuti et Dei sapientiæ deputa Christo, ait S. Bernardus, serm. 13 in *Cant.* Vide de gratiarum actione ea quæ dixi I *Thessal.* v, 17. Pulchre quoque S. Hieronymus hic: « Christianorum, inquit, proprie virtus est, etiam in his quæ adversa putant, referre gratias creatori: nam in beneficiis Dei quæ nobis accidunt, gratulari, hoc et Gentilis facit et Judæus. Sed juxta Apostolum hæc virtus est maxima, ut in ipsis periculis atque miseriis Deo gratiæ referantur, et semper dicamus:

Item frequenter oratione et Scripturarum collatione.

Reprehenditur luxuriosus modernorum convivium.

Christianorum consuetudo fuit in privatis canticis sacra canere, non amatorias.

Hortatio ad lætitiā et exultationem spiritua-lem.

Etiam in adversis agenda Deo gratias.

Benedictus Deus; minora nescio sustinere quam mereor; hæc ad mea peccata parva sunt, nihil mihi dignum redditur. Hic animus Christiani est, hic crucem suam tollens sequitur Salvatorem, quem nec orbitas, nec damna debilitant, quem, ut Flaccus ait: Si fractus illabatur orbis, impavidum ferient ruinae. »

IN NOMINE DOMINI NOSTRI JESU CHRISTI, — per nomen Jesu Christi, id est, per Christum, qui hæc dona, gratias et beneficia nobis promittit et obtinuit. Est metonymia. « Nomen » enim pro re nomine significata ponitur. Sic sæpe alibi jubemur invocare nomen Domini, id est, Dominum suo nomine significatum.

DEO ET PATRI. — Refert ad « gratias agentes. » Jubet enim ut gratias agamus « Deo et Patri, » id est, ut Syrus, Deo Patri. Dicit tamen « Deo et Patri, » ut duos titulos innuat quibus Deo ad gratiarum actionem obstricti sumus. *Primus* est, quod sit Deus noster, a quo corpus, animam, gratiam et bona omnia accepimus. *Secundus*, quod sit pater, qui paterno affectu nos quasi filios suos omnibus suis bonis pascit et inebriat.

Hinc est quod regius Psaltes toties omnes ad Dei laudem et gratiarum actionem invitat: hinc toties canit recinitque *Halleluia*, id est, laudate Deum. Est enim hoc cœleste Beatorum canticum et jubilum. Ita S. Joannes, *Apoc.* cap. *xix*, vers. 1, 3, 4, 6, audivit viginti quatuor seniores omnesque Sanctos in cœlis identidem resonantes *Halleluia*. Hinc Ecclesia tempore paschali assidue jubilat *Halleluia*. Olim quoque, teste S. Hieronymo, virgines et monachi hac voce *Halleluia* noctu ad preces Deumque laudandum vocabantur in templum.

Franciscus Alvarez in *Æthiopica* legatione, cap. *xli*, refert ad Torretanam ditionem cœnobium visi Religiosorum, *Halleluia* ab hoc eventu nuncupatum. Asceta vixerat in vicinia vigiliis, jejuniis et orationibus assidue vacans: is a beatis mentibus in cœlo audierat sæpius ingeminari *Halleluia* suavissimo concentu: eaque voce ad præfectum monasterii relata, illi auctor extitit monasterii tum inchoati hoc nomine appellandi, ut *Halleluia* diceretur.

Hæc vox *Halleluia* cœlitus quasi aspirata animavit olim Christi athletas ad martyria, acerbissimaque tormenta cum gaudio subeunda. Lege acta SS. Felicis, Fortunati et Achillei martyrum, 23 aprilis. Denique in publica et gravissima peste quæ Romæ contigit anno 591, cum S. Gregorius Pontifex ad eam sedandam publicam supplicationem instituisset, et B. Virginis imaginem cum litania circumtulisset angelo e cœlis illi accinente, *Regina cœli, lætare, Halleluia*, lues omnino sedata est: visusque est angelus alter gladium exertum in homines vibrans, eum in vaginam recondere: visus est, inquam, in mole Adriani, quæ exinde castellum S. Angeli est appellata, uti referunt Sigonius, lib. I *De Regno Italia*; S. Antoninus, IV

part., tom. XV, cap. *xxiv*, § 2; Petrus Canisius, lib. V *Mariæ*, cap. *xxii*.

21. SUBJECTI INVICEM IN TIMORE CHRISTI. — Est nova ethica sententia. Apostolus enim, ut alias dixi, per sententias more veterum non connexas, sed disparatas, tradit præcepta de moribus et vita Christiana.

Nota: Sententia hæc indefinita accommodate ad personas singulas intelligi debet, scilicet, ut subjecti sint ii non qui superiores, sed qui inferiores sunt, quorum est parere. Pari modo accipienda est vox *invicem*; non enim vult ut quisque vicissim alteri subjectus sit: sic enim parentes filiis, reges populo vicissim subjecti esse deberent. Sed *invicem*, id est, ut Syrus vertit, *alius alteri*; alius, puta inferior, subjectus sit alteri, scilicet Superiori. Nam; ut Hieronymus docet, Apostolus ponit hic generale principium poliitiæ Christianæ, puta obedientiam, scilicet ut subjecti sint et obediant singulis suis Superioribus; illudque in sequentibus per species et partes explicat, cum jubet mulieres viris, filios parentibus, servos dominis subjectos esse.

Nota: Quod addit, « in timore Christi, » significat subjectos nos Superioribus nostris esse debere, non ex timore pœnæ vel hominum, sed ex timore Christi: quia scilicet Christum reveremur, eumque timemus offendere, *q. d.* Ex timore filiali, id est ex amore Christi, obedite Superioribus vestris, qui vicarii sunt Christi: ut, cum eis paretis, in Christum conjiciatis oculos vestros, et putetis vos Christo parere; cum eos auditis, videtis, putetis vos Christum audire, videre; sicque opus præceptum faciat, non quia hic homo illud præcepit; sed quia Christus per hunc hominem quasi vicarium suum loquens et mandans illud præcepit. Ita fiet, ut non tam reverentiam et obedientiam homini, qui Superior est, quam Christo in homine qui Superior est, exhibeatis.

22. MULIERES VIRIS SUIS SUBDITÆ SINT SICUT DOMINO; — id est, ut aliqui exponunt, mulieres obediant viris quasi dominis suis. Sic enim Sara Abrahamum maritum dominum vocat, *Genes.* *xviii*; 42: « Dominus, inquit, meus (maritus meus Abraham) vetulus est. » Sed sic dicendum fuisset: Sicut dominis; jam autem dicit Apostolus: « Sicut Domino. » Adde, in Græco esse articulum demonstrativum τῷ κυρίῳ, quasi communem omnium Dominum nostrum, ut vertit Syrus, demonstret. « Sicut Domino » ergo, id est, sicut Christo. Ita Græci. Explicat enim quod vers. præcedent. dixit: « Subjecti invicem in timore Christi. » Scilicet, ut propter Christum Christique timorem, reverentiam et amorem mulieres subjectæ sint viris, quasi Christo ipsimet, cujus locum et personam viri representant.

Ita et Aristoteles, lib. I *Œconom.*, cap. *iv*, et lib. II, cap. 1, 11 et 111, uxori et matrifamilias hæc dat præcepta.

Duo tituli quibus Deo gratias debemus.

Mira de Halleluia.

Origo hymni Regina cœli.

Superioribus subjicere nos debemus, non timore pœnæ, sed amore Christi.

Vers. 22. Mulier quam subjectionem debeat marito?

Primo, « Mulier suum arbitrium omnino exuere debet, ut marito obtemperet; sitque maritus pro corde, oculis et lingua: arrideat ridenti, compatiatur tristi, non adulatoris modo vel chamæleontis, sed ut socia et dimidiatum corpus ejus, et cum eo unus spiritus. »

Secundo, « Mulier nunquam sit otiosa ab opere, nec digiti a colo, aut penso telave sint, neve otiosam patiatür ancillarum filiarumque cohortem; id enim ad augendam rem familiarem pertinet, et animum ab adulteriis et venereis retrahit; quæ sese otiosis insinuant facile. »

Tertio, « Nullum permittat domum ingredi sine præcepto viri. Non pandat secreta domus. »

Quarto, « Filios filiasque instituat, nec vagari permittat, longiusque a suo latere discedere: verba omnia impudica et cantiones illis prohibeat, nec præcinat. »

Quinto, « Reipublicæ negotiis non se immisceat. »

Sexto, « Non sit litigiosa cum domesticis, vel vicinis; non curiosa, non maledica, non pervicax marito; non vino, nec gulæ dedita, non sordida, non nimium compta: pulchrum enim tunc cæteris spectaculum, miserum marito est. »

Uxor ergo viro non sit obstrepera, sed subdita et consona ut Echo, ut eam hoc illius enigma ornet:

Virgo modesta nimis, legem bene servo pudoris,
Ore procax non sum, nec sum temeraria lingua;
Ultero nolo loqui, sed de responsa loquenti.

Vers. 23. 23. IPSE (Christus) SALVATOR CORPORIS EJUS. —

Nota ejus, id est sui. Est Hebraismus: Hebræi enim idem habent pronomen absolutum et reciprocum. Græca et Syrus non habent ejus, sed tantum corporis. Christi enim corpus, id est Ecclesia, antonomastice dicitur corpus, q. d. Christus dat salutem corpori suo, id est Ecclesiae, sicut caput quod omnes sensus continet, salutem dat corpori, in illud influendo et dirigendo per visum, phantasiam et rationem. Ita Theophylactus.

Christus instar capitis influit salutem in Ecclesiam.

Vers. 25 et 26. 25 et 26. CHRISTUS DILEXIT ECCLESIAM, ET SEIPSUM TRADIDIT PRO EA, UT ILLAM SANCTIFICARET, MUNDANS (eam) LAVACRO AQUÆ (sacramento Baptismi, quo corpus per aquam, anima per gratiam Spiritus Sancti abluitur) IN VERBO VITÆ, — id est

Forma verborum baptismi non deprecatoria, sed consecratoria et sacramentalis.

Verbum Evangelii auditum non confert vitam.

per sacram et vivificam verborum baptismi formam, non deprecatoriam aut concionatoriam, sed consecratoriam et sacramentalem; scilicet hanc: Ego te baptizo in nomine Patris, et Filii, et Spiritus Sancti, quæ qua instrumentum Dei, animam sanctificat et vivificat. Ita Chrysostomus, Theodoretus, Ambrosius, Anselmus, D. Thomas.

Quare perperam Beza, Vatablus et Novantes accipiunt verbum Evangelii, quod promittit gratuitam justificationem, et vitam spiritalem per Christum, et, si ei credas, inquiunt, illam hoc ipso tibi conferet. Nam Apostolus hic lavacro

aquæ et verbo vitæ, id est, materiæ et formæ baptismi, tribuit quod sanctificet et mundet Ecclesiam, id est ex immunda et peccatrice faciat mundam et sanctam: atqui lavacrum aquæ, ipsaque ablutio baptismi non sanctificat nec mundat Ecclesiam illi concionando, et in concione sua promittendo sanctitatem et munditiam, sed re ipsa ex opere operato sanctitatem et munditiam Ecclesiae conferendo: ergo nec verbum vitæ sive forma baptismi sanctificat et mundat concionando, sed re ipsa ex opere operato sanctitatem et munditiam conferendo. Æque enim et pari modo tribuit Apostolus sanctificationem hanc verbo vitæ atque lavacro aquæ.

Secundo, juxta Novantes, fides sola est quæ justificat; baptismus autem nihil justitiæ operatur, sed tantum signum est justitiæ per fidem acceptæ, eamque obsignat quasi sigillum; atqui si ante baptismum per fidem Ecclesia est sanctificata et justificata: ergo falsum est quod baptismus eam sanctificat et mundet; quod tamen hic ait Apostolus.

Baptismus non est tantum signum justitiæ, contra Novantes.

Tertio, « verbum vitæ, » seu forma baptismi non est alia (ut patet tum *Matth.* xxviii, 19, tum traditione et praxi totius Ecclesiæ) quam hæc: « Ego te baptizo in nomine Patris, et Filii, et Spiritus Sancti; » atqui hæc verba non sunt concionatoria: sic enim dicendum esset: Hortor te ut baptizari velis, ut velis credere in Patrem, Filium, et Spiritum Sanctum; sed practica sunt, et operatoria: significant enim, Ego te in corpore aqua, et per hoc in anima baptizo et abluo a peccatis: si hoc significant, ergo idem faciunt et præstant; alioqui enim verba hæc falsa essent, et forma baptismi esset mendax.

Forma baptismi, ejusque significatio et vis.

Quarto, in parvulis id est clarissimum. Hi enim non verbo Evangelii et concionis, utpote quod non intelligunt, sed forma baptismi consecratoria justificantur.

Dices: S. Hieronymus hic per verbum accipit verbum doctrinæ. Respondeo hunc sensum esse tropologicum, ut ipse Hieronymus fatetur.

Solvuntur duæ objectiones.

Dices *secundo*: S. Augustinus, tract. 80 in *Joan.*: « Accedit, ait, verbum ad elementum, et fit Sacramentum: unde est ista tanta virtus aquæ, ut corpus tangat, et cor abluat, nisi faciente verbo, non quia dicitur, sed quia creditur? » ergo intelligit in Sacramentis esse verbum concionatorium quod fidem excitat, et fide creditur.

Respondeo: Hic locus est pro nobis. Non enim dicit Augustinus: Accedit verbum ad elementum, et fit concio; sed, « fit Sacramentum, » id est sacram signum, significans et efficiens id quod significat, v. g. ablutionem animæ in baptismo. Hoc enim clare significant verba illa: « Unde est ista tanta virtus aquæ, ut corpus tangat, et cor abluat, nisi faciente verbo? Nec enim verbum concionatorium, sed sacramentale facit ut aqua baptismi cor, id est animam, abluat. Quod ergo addit Augustinus: « Non quia dicitur, sed quia

creditur, » tantumdem est ac si dicat: Verbum accedens ad elementum, id est Sacramentum, v. g. baptismi, operatur et abluit animam, « non quia dicitur, » id est, non quia pronuntiatur, non propter externum verborum sonum, uti faciunt et operantur carmina magica; « sed quia creditur, » id est, propter verborum sensum et significationem energeticam, efficacem et operativam, quæ oculis non cernitur, sed fide ab Ecclesia et Christianis creditur et comprehenditur.

Verbum vitæ quale? Nota: « In verbo vitæ, » id est in verbo vitali, vivifico, quod vitam, id est spiritum et gratiam, animæ confert. Vocem *vitæ* non habent jam Græci et Græci, nec Hieronymus, nec Ambrosius.

Vers. 27. 27. UT EXHIBERET (græce *παράστη*, id est; ut Syrus, statueret, excitaret, sisteret, et sistendo quasi sponsam copularet et adjungeret) IPSE SIBI (non tantum mundam et puram, sed et) GLORIOSAM (græce *ἐνδοξον*, multo decore et gloria illustrem) ECCLESIAM, NON HABENTEM MACULAM (peccati), AUT RUGAM (vetustatis), AUT ALIQUID HUIUSMODI, SED UT SIT SANCTA ET IMMACULATA; — q. d. Christus Ecclesiam, id est fideles suo spiritu et gratia renovavit, sanctificavit, illustravit, abstulitque ab eis maculas peccatorum et rugas vetustatis.

Quomodo Ecclesia dicatur sancta et sine ruga? Dices: Si in Ecclesia non est macula nec ruga, sed Ecclesia tota est sancta, ergo soli sancti et iusti sunt in Ecclesia; iniusti vero, licet fideles sint et Christo credant, ab ea excluduntur.

Respondeo, Ecclesiam dici « sanctam, » sine macula et ruga, non quod omnes qui in ea sunt, tales sint; sed quod præcipua Ecclesiæ pars, quæ Christo proxime adhæret, scilicet Sancti, qui non tantum fide, sed et gratia ac charitate Christi sunt præditi, tales sint.

Tota ergo Ecclesia dicitur « sancta, » primo, quia caput Ecclesiæ, scilicet Christus, et præcipua ejus membra sancta sunt. Hinc aliquando soli Sancti vocantur corpus Christi (quod est Ecclesia), intellige perfectissimum et potissimum, ut dixi cap. præced., vers. 16. Sicut ergo totus homo dicitur ratiocinari, videre, audire, scilicet per caput, quia non pes aut manus, sed solum caput proprie ratiocinatur, videt, audit: ita Ecclesia tota dicitur sancta per suum caput et collum, id est per Christum et Sanctos, qui ei proxime adhærent quasi collum suo capiti. Sic dicitur de Antuerpia, quod sit dives, scilicet propter mercatores qui in ea sunt divites, cum alioqui multi alii in ea sint pauperes. Sic dicitur docta Universitas Lovaniensis, quia Doctores habet egregie doctos, etiamsi in ea multi alii sint non ita docti.

Secundo, dicitur Ecclesia « sancta, » quia sancta habet Sacramenta, sanctas leges, sanctum sanguinem Christi; et Christum, quantum est ex parte sua, cam plane sanctificavit, quia omnia sanctitatis media illi dedit.

Nota: Per *maculam* et *rugam* alludit ad maritos, qui curant tales vel ducere, vel facere suas uxores, ut omni macula et ruga careant: per

maculam autem et *rugam* Apostolus hic intelligit peccata, non levia et venialia (hæc enim sunt in Ecclesia et Sanctis in hac vita), sed mortifera. Adde, sicut Ecclesia, ita et Ecclesiæ puritas et sanctitas inchoatur in hac vita, sed perficitur in cælo. Unde S. Augustinus, lib. II *Retract.*, cap. VIII, docet Ecclesiam esse sine omni macula et ruga, non quod talis sit in hac vita, sed quod talis futura sit in cælo.

Nota secundo: Comparat Apostolus virum Christo, uxorem Ecclesiæ, docetque amorem et reliqua quæ Christus Ecclesiæ præstitit, debere maritum præstare uxori suæ; ac consequenter, sicut Christus Ecclesiam emundavit et sanctificavit, ita debere maritos sua sancta conversatione uxores ab omni levitate, dicacitate, superbia aliisque feminarum vitiis emundare, ut fiant totæ sanctæ, non habentes maculam et rugam. Unde subdit Apostolus: « Ita (scilicet uti Christus dilexit Ecclesiam, quemadmodum jam dixi) et viri debent diligere uxores suas. »

28. VIRI DEBENT DILIGERE UXORES SUAS UT CORPORA SUA. — Secunda ratio, qua maritos excitat ad dilectionem uxorum. Quisque, inquit, non odit, sed diligit, nutrit et fovet corpus et carnem suam, adeoque seipsum; atqui mulier est quasi caro et corpus viri; scriptum est enim *Genes. II, 24*: « Erunt duo in carne una, » id est duo, scilicet maritus et uxor, erunt una caro, id est unus homo, et una persona civilis, ut dixi I *Cor. VI*. Ergo vir diligere, nutrire et fovere debet uxorem suam, « sicut Christus » diligit, nutrit et fovet sua gratia et Sacramentis, præsertim Eucharistiæ, « Ecclesiam suam, » quasi carnem et corpus suum.

29. NEMO ENIM UNQUAM CARNEM SUAM ODIO HABUIT. — Uxor autem est caro viri, sicut Ecclesia est caro et corpus Christi. Scriptum est enim: « Erunt duo in carne una. » Prudenter S. Bernardus in *Psal. Qui habitat*, serm. 10: « Cæterum, inquit, sic amet anima carnem, ut non ipsa in carnem transisse putetur, dicaturque ei a Domino: Non permanebit spiritus meus in homine, quia caro est. Diligat anima carnem suam, sed multo magis suam ipsius animam servet: amet Adam Evam suam, sed non sic amet, ut voci ejus plus obediat quam divinæ. Denique ne ipsi quidem expedit sic amari, ut videlicet cui interrim caves a flagello paternæ correptionis, thesaurizes iram æternæ damnationis. »

30. QUIA MEMBRA SUMUS CORPORIS EJUS; DE CARNE EJUS, ET DE OSSIBUS EJUS. — Hic probat Ecclesiam, id est nos fideles, esse corpus, vel de corpore Christi, et pari modo uxorem esse corpus, vel de corpore viri: quia sicut mulier, puta Eva, formata est de carne et ossibus Adæ, ita Ecclesia formata est de carne et ossibus Christi; ac consequenter est quasi caro, ossa et membra Christi. Unde infert: Sicut Christus diligit Ecclesiam suam, quasi sua ossa, carnem et membra, ita

Per maculas et rugas intelliguntur peccata mortalia.

Vir Christo, uxor Ecclesiæ comparatur.

Vers. 23.

Cur viri debeant diligere uxores suas?

Vers. 29.

Vers. 30.

viros debere diligere et fovere uxores suas quasi sua ossa, carnem et membra.

Nota : Alludit Apostolus, imo citat verba illa Adæ de Eva ex suo latere et costa formata; *Genes. cap. II :* « Hoc nunc os ex ossibus meis, et caro de carne mea; hæc vocabitur virago, » hebraice *אשה* *issa* ab *איש* *is*, *q. d. Vira*, ut olim veteres Latini dixerunt, teste Festo Pompeio : *vira* inquam a viro, uti græce Symmachus vertit *ἀνδρική* *iz τῷ ἀνδρὶ*, *quia de viro sumpta est*. Quæ verba in sensu allegorico hic explicat Apostolus de Christo et Ecclesia, quasi Christus de Ecclesia ex se formata dixerit : « Hoc nunc os ex ossibus meis, et caro de carne mea. »

Quæritur hic *primo*, de sensu litterali quomodo intelligenda sint ea quæ *Genes. II* narrantur de hac formatione Evæ ex Adamo, hisce verbis : « Immisit, inquit, Dominus soporem in Adam, cumque obdormisset, tulit unam de costis ejus, et replevit carnem pro ea; et ædificavit Dominus Deus costam, quam tulerat de Adam, in mulierem, et adduxit eam ad Adam, dixitque Adam : Hoc nunc os ex ossibus meis, et caro de carne mea, » etc.

Respondeo *primo*, non parabolice aut metaphorice, ut volunt Origenes et Cajetanus, hæc dici, sed proprie accipienda esse, uti verba sonant. Ita Patres et Interpretes passim.

Dices, ergo Adam monstrosus erat ante costam sublatam, vel certe post eam sublatam remansit mancus, et una costa mutilus.

Respondet Catharinus, Deum cum carne aliam costam Adamo restituisse. *Secundo*, et melius, D. Thomas; *I part., Quæst. XCII, art. 3*, respondet illam costam fuisse instar seminis quod individuo superfluum est, sed ad generationem prolis est necessarium. Sic et costa hæc Adæ ut privatæ personæ superflua erat; illi tamen fuit necessaria, quatenus ipse erat caput naturæ, et omnium hominum seminarium, ex quo tam Eva quam cæteri homines producerentur.

Dico *secundo* : Deus cum costa videtur et carnem adherentem costæ ex Adamo sustulisse : ait enim hic vers. 23 : « Hoc nunc os ex ossibus meis, et caro de carne mea. » Ergo Eva non tantum ex osse et costa, sed etiam ex carne Adæ costæ adherente formata est.

Dico *tertio* : Ex costa hac carnosa, quasi fundamento, illi admiscendo aliam materiam, vel per creationem, ut vult D. Thomas supra, vel potius ex acre circumstante (eo quod post primam veram creationem nullam materiæ partem de novo produxerit Deus) mirabili artificio mulierem efformavit.

Dico *quarto* : Ex vers. 22, cap. II *Genes.*, videtur Deus costam hanc in alium locum ab Adamo dormiente parum separatum tulisse, ibique ex ea Evam ædificasse, eamque scientia et gratia replevisse, sicut repleverat Adamum, ibique cum Eva collocutus esse. Deinde expergefæcto Adamo

Evam ad eum quasi ad sponsum adduxit, ut matrimonio indissolubili illos, id est unum et unam, copularet. Unde admirans Adam, quasi in raptu costam sibi auferri, et ex ea Evam formari vidisset, ait : « Hoc nunc os ex ossibus, » etc., id est, hæc Eva facta est ex uno ossium meorum. Denique cur ex costa et latere Adæ facta sit Eva, pulchras rationes dat S. Thomas supra, art. 2 et 3.

Nota : Hæc formatio Evæ ex Adamo allegorice significabat formationem Ecclesiæ ex Christo, ut hic satis significat Apostolus. Unde

Quæritur *secundo*, quomodo verum sit, Ecclesiam, id est, nos fideles formatos esse de carne et ossibus Christi? Respondet *primo*, S. Hieronymus et Irenæus, lib. V, cap. II, id verum esse, quia sumus ejusdem cum Christo naturæ, quia similem cum Christo humanam carnem et ossa habemus. Hic sensus non plane satisfacit. Sic enim pari modo dicere possemus, nos formatos esse et carne et ossibus Moysi, Jeremiæ, Pharaonis et cujusvis alterius hominis, quia eandem cum ipso humanam carnem et ossa habemus, quod tamen nemo concesserit.

Secundo, alii sic exponunt, *q. d. « de carne, »* id est de infirmitate et passionibus; « de ossibus, » id est de divinitate Christi per gratiæ communicationem participamus. Sed hoc mysticum est.

Dico ego *tertio*, cum Cajetano et aliis : Sicut ex latere et costa Adæ dormientis formata est Eva, ita ex carne et ossibus Christi in cruce immolati et dormientis, id est morientis, formata est Ecclesia. Quod intellige cum Cyrillo et Chrysostomo symbolice et meritorie, quia scilicet per pretium et meritum carnis, sanguinis et ossium Christi immolatorum in cruce instituta et sanctificata est Ecclesia.

Unde in hujus rei symbolum et significationem de latere Christi mortui fluxit sanguis et aqua : ut aqua significaret baptismum, qui est principium Ecclesiæ et Sacramentorum, a Christi sanguine et morte manare, suamque efficaciam trahere ; sanguis significaret Eucharistiam, quæ omnium sacramentorum complementum est et finis, pariter a Christi sanguine et morte manare. Sub quibus duobus cætera omnia sacramenta comprehenduntur : cætera enim omnia ad hæc duo referuntur, et hisce duobus quasi initio et fine concluduntur. Hinc S. Augustinus, tract. 120 in *Joan.*, ait omnia sacramenta ex latere Christi emanasse : quod intelligo non de merito (erat enim Christus jam mortuus, qui nihil agere aut mereri poterat), sed mysterio, symbolo et significatione, ut dixi.

Hinc *quarto*, Irenæus, lib. V, cap. II; Cyrillus, lib. X, in cap. XIII *Joannis*; Chrysostomus, Theophylactus et Nyssenius exponunt de Eucharistia, per quam Christi carni et ossibus re ipsa conjungimur, et quasi incorporamur, ut fiamus de carne et ossibus Christi, Christi que membra.

Ubi nota verba Nysseni tractatu circa illa verba;

Hebraice mulier vocatur *Issa*, ab *is*, quasi *vira*.

Quæ narrantur *Genes. II* de formatione ex costa Adam, non sunt paraboli- ce intel- ligentia.

Quomodo Deus ex costa fecerit mulierem, et quid loco costæ Adæ restitutum?

Allegorice sensus formationis Evæ ex costa.

Ex carne et ossibus Christi in cruce dormientis formata est Ecclesia.

Sacramenta ex latere Christi manant.

Per Eucharistiam Christo incorporamur.

Exivit sanguis et aqua : « Paucae, inquit, guttæ sanguinis Christi totum mundum restaurantes, fiunt hominibus quasi coagulum lactis, illos cogentes et conjungentes in unum. » Quia scilicet merito sanguinis Christi cogimur et conjungimur in unam Ecclesiam, quæ est corpus Christi, sicut lac per coagulum cogitur et conjungitur in unum caseum. *Secundo* et potius, quia per Eucharistiam omnes realiter conjungimur in ipsissimo Christi corpore quod manducamus. Hic sensus symbolicus est : Eucharistia enim proprie est cibus Ecclesiæ, non mater ; unde Ecclesiam et fideles non format aut generat, sed pascit et nutrit. Tertius ergo sensus literalis est et genuinus.

Vers. 31. 31. PROPTER HOC RELINQUET HOMO PATREM ET MATREM SUAM, ET ADHÆREBIT UXORI SUÆ; ET ERUNT DUO IN CARNE UNA. — Pergit Apostolus citare verba Adæ de Eva, *Genes. II*, sed in sensu literali. Ab allegorico enim sensu sententiæ præcedentis, « Hoc nunc os ex ossibus meis, » etc., ut ibi dixi, redit hic et resilit ad sensum litteralem, ut probet viros debere diligere uxores suas, sicut Christus dilexit Ecclesiam : Quia, inquit, uxor est quasi os, caro et membrum viri, utpote ex eo formata. Unde subdit : « Propter hoc, » quod scilicet mulier sit caro de carne viri, et os de ossibus ejus producta et creata, ut ei matrimonii vinculo associetur, « relinquet homo patrem et matrem suam, et adhærebit (græce *προσαυλισθήσεται*, id est *agglutinabitur*) uxori suæ, et erunt duo in carne una. » Quibus verbis clare significat, inter humanas necessitudines arctissimum et inviolabile esse vinculum matrimonii : ideoque Deum ex Adami costa fecisse Evam, ut significaret maritum et uxorem non tam duos quam unum esse hominem (hoc enim significat : « Erunt duo in carne una, » ut dixi *I Cor. VI*), ac consequenter eos debere esse unum amore et voluntate, adeoque, si sit opus, conjugem conjugis causa debere patrem et matrem deserere, ut conjugi suæ adhæreat. Moraliter vide Chrysostomum, qui hic in *moral. hom. 20*, pulchras leges nuptis sponso et sponsæ præscribit.

Inter humanas necessitudines arctissimum est vinculum matrimonii.

Allegorice : « Primus vates Adam, inquit Hieronymus, de Christo hoc prophetavit, quod scilicet Christus reliquerit patrem suum Deum, et matrem suam cœlestem Jerusalem, et venerit ad terras propter suum corpus (Ecclesiam), et de suo eam latere fabricatus sit, et propter illam Verbum caro factum sit. »

Vers. 32. 32. SACRAMENTUM HOC MAGNUM EST, EGO AUTEM DICO IN CHRISTO, ET IN ECCLESIA. — Quæres, quodnam sit hoc *Sacramentum*, seu quid demonstret pronomen *hoc*. *Primo*, Lutherus, Calvinus, Erasmus et Beza volunt demonstrare matrimonium et conjunctionem non Adami et Evæ, sed Christi et Ecclesiæ, quasi dicant : Conjunctio Christi et Ecclesiæ est « magnum Sacramentum, » id est magnum et sacrum arcanum, et, ut græce est, *mysterium*. Verum expositioni huic omnino obstat

pronomen *hoc*, quod demonstrat id quod præcessit, scilicet matrimonium Adami et Evæ illis verbis Geneseos explicatum : « Propter hoc relinquet homo patrem et matrem suam, et adhærebit uxori suæ, et erunt duo in carne una, » *q. d.* Hoc quod vir adhæreat uxori, sintque vir et uxor duo in carne una, hoc, inquam, Sacramentum magnum est. Ita Chrysostomus, Hieronymus, Theophylactus, Œcumenius, et passim Patres, qui *Sacramentum* hic accipiunt, non pro ipsa re sacra significata, sed pro signo rei sacra, quod scilicet significat conjunctionem Christi et Ecclesiæ ; hoc enim est quod addit Apostolus : « Ego autem dico in Christo et in Ecclesia ; » *q. d.* Hoc Sacramentum magnum est, non in se, uti Sacramentum est et signum ; sed in suo signato, scilicet Christo et Ecclesia : quatenus enim significat unionem illam magnam et admirabilem Christi et Ecclesiæ, eatenus magnum est Sacramentum, magnum, inquam ; sua significatione et representatione rei magnæ.

Matrimonium quomodo magnum Sacramentum?

Secundo, Magister sententiarum in *IV*, dist. *xxvi*, et ibi Dominicus Soto, et passim alii (favetque D. Thomas et Ambrosius, imo Concilium Florentinum in *Instructione Armenorum*) docent pronomen *hoc* demonstrare matrimonium de quo præcessit, non Adæ, aut alicujus in particulari, sed in genere quolibet, modo sit legis novæ. Apostolus enim loquitur Ephesiis Christianis, et per eos omnibus conjugibus legis novæ, *q. d.* Matrimonium jam in Christi Ecclesia magnum est Sacramentum, quia perfectissime significat unionem Christi et Ecclesiæ jam factam, adeoque est unum e septem Ecclesiæ Sacramentis proprie dictis. Unde illud, « in Christo et in Ecclesia, » sic accipi potest, *q. d.* In Christianismo et Ecclesia Christiana magnum est matrimonii Sacramentum.

Verum huic expositioni obstare videtur illud idem quod priori sententiæ obstare dixi. Nam pronomen *hoc* respicit et demonstrat id quod immediate præcessit, scilicet : « Relinquet homo patrem et matrem suam, et adhærebit uxori suæ ; » quæ sunt verba Adæ, *Gen. II*. Adam autem loquebatur non de matrimonio post tot sæcula futuro in lege nova ; sed de matrimonio quod tunc erat, quodque tunc ipse contrahebat cum Eva. Pronomen ergo *hoc* demonstrat conjunctionem illam Adæ et Evæ, sive primam matrimonii institutionem, non autem Sacramentum matrimonii in lege nova.

Dico ergo *tertio* : Pronomen *hoc* primo et proprie demonstrat matrimonium Adami et Evæ, vel potius matrimonii in connubio Adami et Evæ institutionem ; et sensus est, *q. d.* Hæc prima matrimonii in Adamo et Eva institutio, omneque deinceps matrimonium, magnum est Sacramentum, id est, ut Græca, *mysterium* (et, ut Syrus, *arcanum*), allegoria, typus rei sacra, scilicet conjunctionis Christi et Ecclesiæ, qui quasi reliquit Deum patrem et matrem Synagogam, ut Ecclesiæ suæ sponsæ adhæreret ; et vice versa Ecclesia

Pronomen hoc demonstrat matrimonium legis naturæ et gratiæ.

reliquit patrem quem habuerat in gentilismo, scilicet diabolus, et matrem, scilicet cœtum infidelium, ut Christo suo sponso adhæreret. Ita Hieronymus, Chrysostomus, Theodoretus, Theophylactus, Anselmus, D. Thomas hic, et Augustinus in *Psal. cxxxviii*.

Dico quarto: Cum pronomen *hoc* demonstret matrimonii institutionem, sive matrimonium in genere, hinc secundario et consequenter demonstrat matrimonium legis novæ: hoc enim Christus revocavit ad primam matrimonii in Genesi institutionem, sustulitque polygamiam, et repudium lege veteri permissum; ita ut in lege nova quasi idem sit matrimonium cum eo quod fuit inter Adamum et Evam.

Adde secundo, matrimonium legis novæ longe melius et perfectius quam matrimonium Adæ significare conjunctionem Christi et Ecclesiæ. Imo Novantes volunt pronomen *hoc* demonstrare matrimonium, non Adæ, sed Christi. Concedent ergo nobis pronomen *hoc* demonstrare potius matrimonium Christianorum, quam Adæ. De hoc enim Christianorum matrimonio verissime dicitur: « Sacramentum hoc magnum est, ego autem dico in Christo et in Ecclesia. »

Denique Ephesiis Christianis hæc scribit Apostolus, et Christianos conjuges incitat ad mutuum amorem per hoc, quod matrimonium eorum sit Sacramentum Christi et Ecclesiæ: ergo designat et demonstrat non tantum Adæ, sed et ipsorum matrimonium. Ex hoc enim concludit, conjuges Christianos debere invicem diligere, eo modo, quo Christus dilexit Ecclesiam: quia nimirum hanc Christi et Ecclesiæ dilectionem suo matrimonio analogice representant.

Ex quibus omnibus concludo, sensum plenissimum fore; si uterque, id est tam secundus, quam tertius conjungantur, *q. d.* Apostolus: Matrimonium Adæ et aliorum ante Christum fuit Sacramentum, id est typus futuræ unionis Christi et Ecclesiæ; matrimonium vero fidelium legis novæ post Christum, qui moriens in cruce ex seipso formavit Ecclesiam sponsam suam, est Sacramentum, id est signum perfectissimum ejusdem unionis jam factæ, ideoque proprie dictum a Christo in Ecclesia Sacramentum est institutum, conferens conjugibus gratiam et mutuum hunc amorem, idque ut hic amor verus et perfectus, sit typus amoris Christi et Ecclesiæ. Unde ego Paulus vos Ephesios aliosque fideles conjuges hortor, ut hunc amorem excitetis et foveatis, ne Sacramentum hoc in vobis sit mendax et fallax, neve falso representetis hunc Christi et Ecclesiæ amorem et concordiam, ut, cum Christus cum Ecclesia optime et amantissime concordet, vos cum uxoribus vestris litigetis, rixemini, sitis discordes. Hunc esse sensum indicat Concilium Tridentinum, *sess. XXIV*, initio, Concilium Florentinum, loco citato, Augustinus mox citandus, et passim Catholici Doctores.

Objicit Erasmus, in Græco non esse « Sacramentum, » sed « mysterium; » ergo de proprie dicto Sacramento intelligi nequit Apostolus. Respondeo, nego consequentiam: Græci enim Sacramenta vocant mysteria, ut mysteria corporis Christi vocant Sacramentum Eucharistiæ.

Objicit secundo, S. Augustinus, tract. 9 in *Joan.*, et lib. *De Nupt. et Concupiscent.*, cap. *xxii*, ait, magnitudinem hujus Sacramenti non esse nec spectari in singulis hominibus: sic enim minimum est hoc Sacramentum; sed in Christo et Ecclesia.

Respondeo: Vult dicere Augustinus magnitudinem hujus Sacramenti non tam spectandam esse in ipsa ratione Sacramenti ut signum est, quam in ipsa significatione Sacramenti, seu in ipso signato et significato, *q. d.* Non tam magnum est Sacramentum, quod duo conjuges fideles Sacramento matrimonii in unam carnem jungantur, quam magnum est Christum et Ecclesiam conjugio jungi, quod conjuges illo suo matrimonio representant. Duo enim conjuges respectu Christi et Ecclesiæ minimi, et quasi nulli sunt. Non aliud velle Augustinum patet. Nam cap. *x*, lib. *De Nupt. et Concupiscent.*, docet Sacramentum nuptiarum fidelibus conjugatis commendari ab Apostolo in epistola ad Ephesios, hoc scilicet loco. In ipsis ergo nuptiis et matrimonio fidelium agnoscit esse hoc magnum Sacramentum, quod hic commendat Apostolus.

EGO AUTEM DICO, IN CHRISTO ET IN ECCLESIA. — Supple, significanda et representanda per matrimonium, *q. d.* Sacramentum matrimonii magnum est, non quatenus est conjunctio duorum hominum conjugum; sed quatenus significat et representat Christum et Ecclesiam conjuges, eorumque conjugium spiritale. Unde per hebraïsmum brevius secundo, sic explices, « in Christo et in Ecclesia, » id est Christi et Ecclesiæ. *Bet* enim, id est *in*, Hebræis sæpe sumitur vice regiminis, id est genitivi, *in Christo*, id est Christi; *in Ecclesia*, id est Ecclesiæ, *q. d.* Hoc Sacramentum matrimonii magnum est, non ut est duorum conjugum, sed ut Christi et Ecclesiæ est Sacramentum, id est sacrum signum.

Potest tertio, clare cum Syro verti, *Sacramentum hoc magnum est, ego autem dico de Christo et Ecclesia* (Hebræis enim *bet*, id est *in*, subinde ponitur pro *in* min, id est *de*); vel, ut græce est, *ἐκ Χριστοῦ καὶ τῆς Ἐκκλησίας*, *in Christum et in Ecclesiam*, id est quatenus hoc Sacramentum matrimonii refertur ad Christum et Ecclesiam, eosque representat, eatenus magnum est Sacramentum. Noster tamen Interpres etiam recte vertit, « in Christo et in Ecclesia, » quia Græcum *ἐκ* sæpe pro *ἐν* capitur. Quod dupliciter capi potest: Primo, « in Christo et in Ecclesia, » scilicet significanda, ut jam explicui. Secundo, « in Christo et in Ecclesia, » id est in Christi Ecclesia (ut sit hendiadys); vel « in Christo, » id est in christianismo (juxta *Can. 37*), « et in Ecclesia, » scilicet Christi et Christiana,

Objectiones contra matrimonii Sacramentum solvuntur.

Magnitudo sacramenti matrimonii, in quo præcipue consistat?

Quatenus Sacramentum matrimonii representat Christum et Ecclesiam, eatenus magnum est.

Probat Apostolus loqui de matrimonio legis novæ contra Novantes.

magnum et proprie dictum est hoc matrimonii Sacramentum.

Nota : Cum Apostolus hic loquitur et inculcat unionem Christi cum Ecclesia, primario loquitur et intelligit unionem propriam et realem, quæ facta est per incarnationem, qua Christus, id est Verbum divinum, naturam humanam, et consequenter homines hominumque Ecclesiam sibi univit et maritavit. Hæc enim arctissima est unio et origo cæterarum, hancque significavit matrimonium Adæ cum Eva. Secundario tamen loquitur et intelligit mysticam unionem, qua Christus per gratiam et charitatem copulatur Ecclesiæ. Ad hanc enim in præcedentibus conjuges Christianos Christi exemplo adhortatur.

Adams primus vates qui propheta- vit de Christo et cruce. Notat hinc secundo, S. Hieronymus, et cum eo Augustinus, S. Leo, et alii Patres, Adamum fuisse primum vatem qui prophetavit de Christo, ejusque cruce, et Ecclesiæ ex latere Christi crucifixi formanda, hæcque omnia in sopore, vel ut Septuaginta vertunt, in exstasi (in qua Evam ex latere Adæ formavit Deus) Adamum cognovisse. Inde tamen non sequitur causam horum omnium, scilicet lapsum et peccatum suum, Adamo adhuc innocentem et sancto a Deo revelari debuisse, aut revelatum fuisse.

Vers. 33. 33. VERUNTAMEN. — *Id est*, quod male Erasmus vertit, *quantum* : proprie enim significat verumtamen, enimvero, *q. d.* Itaque et vos, o conjuges Christiani, in quibus perfectissimum est hoc matrimonii Sacramentum, quique perfectissime vestro matrimonio representatis unionem Christi et Ecclesiæ jam factam, facite ut Sacramentum quod representatis et geritis, re ipsa præstetis et exprimitis, ut nimirum quisque maritus *diligat* uxorem quasi suam carnem, imo quasi seipsum, sicut Christus diligit Ecclesiam, et uxor quæque *timeat*, id est revereatur, ait Hieronymus, virum suum, sicut Ecclesia reveretur et colit Christum. Est enim hæc conclusio, ut fatetur etiam Beza, omnium officiorum viri et uxoris, qua uno verbo concludit et docet Apostolus, quid vir uxori, quid uxor viro debeat, eamque infert tum ex aliis antedictis, tum ex magno hoc matrimonii Sacramento, quod immediate ante inculcavit.

Nota : Viro quasi capiti competit amor; uxori quasi subditæ convenit timor et reverentia. Docentur ex hoc loco uxores, non procaciter et inverecunde obloqui maritis, sed eos revereri, eosque cum reverentia alloqui : uti discipuli reverenter alloquuntur suos præceptores, sicut Sara reverita est maritum suum Abraham; discantque cum Sara maritos habere et vocare dominos suos, *Gen. xviii, vers. 12.*

Loens moralis de amore et reverentia maritali. Hujus amoris et reverentiæ maritalis illustre exemplum, inquit Plutarchus, dedit uxor Phocionis, quæ maritum suum, suas opes, mundum suum et thesaurum vocabat. Illustrior vero fuit uxor Tigranis, regis Armeniæ, quæ, ut refert Xenophon, cum ex aula Cyri, regis Persarum, ad

maritum revertisset, ab eo interrogata quid de Cyro et Cyri pulchritudine sentiret, respondit : Abs te, inquit, o marite, deos testor, nusquam oculos deflexi, itaque qualis sit forma Cyri prorsus ignoro. Illustrissima vero fuit S. Monica de qua S. Augustinus, lib. IX *Confess.*, cap. IX : « Educata, inquit, pudice et sobrie, potiusque a te subdita parentibus, quam a parentibus tibi, o Domine (Deum enim alloquitur), ubi plenis annis nubilis facta est, tradita viro (Patricio infideli) servivit veluti domino, et sategit eum lucrari tibi, loquens te illi moribus suis, quibus eam pulchram faciebas, et reverenter amabilem atque mirabilem viro suo. »

Pulchre Sapiens de amore conjugum ita sancit *Proverb. v, 19* : « Sit tibi uxor sicut cerva charissima, et gratissimus hinnulus. » Ubi nota, apte amorem conjugum comparari amoris cervi et cervæ : nam, ut docent Aristoteles, Ælianus, Plinius et Oppianus, *primo*, cervi cervæque amor est singularis; *secundo*, cerva amabilis est et in deliciis homini; *tertio*, cervus et cerva carent felle : pari modo in connubiis olim Junoni pronubæ sacrificantes fel eximebant et abjiebant, ad charitatem conjugum designandam, ait Plutarchus; *quarto*, cervus et cerva caste, nec nisi secreto congregiuntur; *quinto*, velocissimi sunt ad invicem opitulandum; *sexto*, cervorum in cervas amor uti ardentissimus, ita et fortissimus est. Unde de iis canit Seneca :

Si conjugio timere suo,
Poscunt timidi prælia cervi,
Et mugitu dant concepti
Signa furoris.

Septimo, cervæ mari suo fidæ sunt, donec is ab alio cervo duellatore victus succumbat, unde Nemesianus : « Cerva marem sequitur. » *Octavo*, cervus mox a congressu in scrobem se abdit, quasi libidinis eum pudeat, donec pluvia ablutus, et quasi purificatus in pascua redeat. *Nono*, cervus et cerva post conceptum congressu abstinent, *q. d.* Sapiens : Tale sit tibi, o homo, conjugium, talis uxor, qualem jam cervam descripsi, scilicet unica, amabilis, sincera, blanda, casta, collaborans, ardens, fortis, fida, verecunda. Ita Venerabilis Beda in *Prov. v.*

Sed quid si uxor male morata, austera et litigiosa sit? Vir sua prudentia, gravitate, patientia eam toleret, aut convertat; faciat illud Apostoli : « Alter alterius onera portate. » Sic Christus tulit onera et peccata Ecclesiæ sponsæ suæ, eamque suo sanguine expiavit. Habeat et Socrates rixosam uxorem Xantippem nomine, quæ semper jurgia excitabat, ut illo studente, mensam everteret. Aliquando post diuturna jurgia ira commota, quod ille taceret, aquæ poculum capiti ejus illa, superfudit. « Haud ignorabam, ait Socrates, post tonitrua pluviam secuturam. » Ad quem Alcibiades domi nobilis : « Quomodo, in-

Quid
agendum
cum uxore
rixosa?

quit, perfers hanc rixosam uxorem, nec domo ejicis? » cui Socrates : « Qui ovis vesci vult, glottantium gallinarum strepitu offendi non debet. Equidem sic domi patientiam disco, ut foris melius exercere queam. » Ita Laertius in ejus Vita, et A. Gellius, lib. I, cap. xvii. Decet igitur quemque tolerare incommoda, et in Domino gaudere, quo fiet ut leviora reddantur. Nam, ut ait Virgilius,

Quisque suos patitur manes.

Varro quoque in satyra Menippæa, quam de offi-

cio mariti scripsit : « Vitium, inquit, uxoris aut tollendum, aut ferendum est. Qui tollit vitium, uxorem commodiorem præstat; qui fert, sese meliorem facit. »

Quicumque ergo elegisti uxorem, et rixosam experiris, mulierem cogita, Xantippem cogita : tu Socrates esto, imo Christus esto, cogita te habere domesticum patientiæ exercitium, ut discas alia quævis facilius perferre et superare. Multi cruces foris quærent, tu domi habes, illa te docebit patientiam : patientia autem opus perfectum habet, ut ait S. Jacobus.

CAPUT SEXTUM.

SYNOPSIS CAPITIS.

Primo, jubet ut filii parentibus, servi dominis sincere et ex animo obediant, ac vicissim parentes filiis, ac domini servis, non minaces, sed benevoli sint, debitamque curam præsent.

Secundo, vers. 11, ostendit quanta nobis sit lucta cum dæmonibus, atque contra eos arma et panopliam militis Christiani assignat : Balteus, inquit, sit veritas, lorica sit justitia, calceus sit præparatio Evangelii pacis, scutum sit fides, galea sit salus, sive spes salutis, gladius sit verbum Dei.

Tertio, vers. 18, ad assiduam orationem cohortatur, utque sibi libertatem et animos evangelizandi orando impetrent.

Denique, vers. 21, mittit Tychicum, qui Ephesiis nuntiet statum suorum vinculorum, eisque pacem et gratiam apprecatur.

1. Filii, obedite parentibus vestris in Domino : hoc enim justum est. 2. Honora patrem tuum, et matrem tuam, quod est mandatum primum in promissione : 3. ut bene sit tibi, et sis longævus super terram. 4. Et vos, patres, nolite ad iracundiam provocare filios vestros : sed educate illos in disciplina et correptione Domini. 5. Servi, obedite dominis carnalibus cum timore et tremore, in simplicitate cordis vestri, sicut Christo : 6. non ad oculum servientes, quasi hominibus placentes, sed ut servi Christi, facientes voluntatem Dei ex animo, 7. cum bona voluntate servientes, sicut Domino, et non hominibus : 8. scientes quoniam unusquisque quodcumque fecerit bonum, hoc recipiet a Domino, sive servus, sive liber. 9. Et vos, domini, eadem facite illis, remittentes minas : scientes quia et illorum et vester Dominus est in cælis, et personarum acceptio non est apud eum. 10. De cætero, fratres, confortamini in Domino, et in potentia virtutis ejus. 11. Induite vos armaturam Dei, ut possitis stare adversus insidias diaboli. 12. Quoniam non est nobis colluctatio adversus carnem et sanguinem : sed adversus principes, et potestates, adversus mundi rectores tenebrarum harum, contra spiritualia nequitiae, in coelestibus. 13. Propterea accipite armaturam Dei, ut possitis resistere in die malo, et in omnibus perfecti stare. 14. State ergo succincti lumbos vestros in veritate, et induti lorica justitiæ, 15. et calceati pedes in præparatione Evangelii pacis : 16. in omnibus sumentes scutum fidei, in quo possitis omnia tela nequissimi ignea extinguere : 17. et galeam salutis assumite, et gladium spiritus (quod est verbum Dei), 18. per omnem orationem et obsecrationem orantes omni tempore in spiritu : et in ipso vigilantes in omni instantia et obsecratione pro omnibus sanctis, 19. et pro me, ut detur mihi sermo in apertione oris mei cum fiducia, notum facere mysterium Evangelii : 20. pro quo legatione fungor in catena, ita ut in ipso audeam, prout oportet me, loqui. 21. Ut autem et vos sciatis quæ circa me sunt, quid agam : omnia vobis

nota faciet Tychicus, charissimus frater, et fidelis minister in Domino : 22. quem misi ad vos in hoc ipsum, ut cognoscatis quæ circa nos sunt, et consoletur corda vestra. 23. Pax fratribus, et charitas cum fide a Deo Patre, et Domino Jesu Christo. 24. Gratia cum omnibus, qui diligunt Dominum nostrum Jesum Christum in incorruptione. Amen.

Vers. 1. 1. FILII, OBEDITE PARENTIBUS VESTRIS IN DOMINO.

— S. Hieronymus *in Domino* ait referri posse primo, ad parentibus, q. d. Parentibus, qui vos in Domino, id est in Christo, genuerunt, puta Apostolis et similibus, obedite. Secundo, posse referri ad obedite, q. d. Obedite parentibus carnalibus, sed « in Domino, » id est, secundum Domini legem et præceptum, si videlicet præcipiant non impia et deformia, sed conformia legi, pietati et cultui Domini : tunc enim in Domino præcipiunt; alias non in Domino, sed contra Dominum in diabolo præcipiunt, ac consequenter tunc eis non est obediendum.

Rursum, « obedite in Domino, » id est, Domini amore et reverentia (vide *Can. 23*), qui dixit et præcepit : » Honora patrem et matrem, » voluitque in patre et matre nos considerare, colere et revereri Patrem cœlestem et æternum, cujus imaginem et personam nobis representant pater et mater. Hic secundus sensus genuinus est : agit enim Apostolus de parentibus non spiritualibus, sed naturalibus, qui secundum carnem nos gignunt.

Ubi nota : Capite præced. generalem tulit legem et sententiam : « Subjecti, inquit, invicem in timore Christi; » illam deinde per tres subjectionis species explicat. Prima species est, subjectio illa qua uxor subijci debet marito : de hac agit cap. præced., vers. 22. Secunda species est, subjectio qua filii obedire debent parentibus : de ea hic agit. Tertia est, subjectio qua servi dominis suis adstringuntur, de qua agit inferius, vers. 5.

Vers. 2. 2. HONORA PATREM TUUM, ET MATREM TUAM, QUOD EST MANDATUM PRIMUM IN PROMISSIONE. — Nota :

Sub honore Scriptura primo reverentiam; secundo, amorem; tertio, obedientiam; quarto, alimoniam et sustentationem, omniaque dona et munera accipit. De iis enim hoc præceptum intelligit Christus *Matth. xv, 6*, ut ibi annotavit Hieronymus. Sic Paulus, I *Timoth. v, 3* : « Viduas, inquit, honora, » id est honorem eis defer, easque sustenta; et vers. 17 : « Qui bene præsumt presbyteri, duplici honore, » id est multo et præ viduis cæterisque abundanti honore, id est subsidio sustentationis, « digni habeantur. » Unde ibidem explicans hunc honorem subdit : « Dicit enim Scriptura : Non alligabis os bovi trituranti; et : Dignus est operarius mercede sua. »

Nota : Quartum hoc decalogi præceptum, « Honora patrem et matrem, » dicitur « primum in promissione, » id est cum promissione : quia primum est inter decalogi præcepta quod adjunctam habet promissionem longævæ vitæ (1). Sic

enim dicitur *Exodi xx, 12* : « Honora patrem tuum et matrem tuam, ut sis longævus super terram, quam Dominus Deus tuus dabit tibi » (terram Chanaan intellige, ad quam, o Israel, jam te induco). Utrumque, scilicet tam præceptum honorandi, quam promissionem longævitalis, citat hic Apostolus.

Nota : Hæc promissio æqua est et congrua. Equum enim et congruum est ut filii, qui suis parentibus grati sunt de accepta vita, illos honorando, longæ vitæ ab eis acceptæ conservationem obtineant. Hoc enim meretur eorum honor et gratitudo, ut pulchre docet S. Thomas in *Opusculis*, opusc. 4 : Filii, inquit, obtinent vitam a parentibus, sicut milites obtinent feudum a rege. Sicut ergo merentur hi ejus conservationem, quamdiu homagium præstant regi; ita et filii merentur vitæ conservationem, quamdiu parentes honorant : contra sicut milites rebelles spoliantur feudo, ita et filii rebelles vita. Adde : hæc promissio apte proponitur filiis adolescentibus : hi enim præ cæteris optant diu ac suaviter vivere.

Dices : Subinde contingit filios morigeros brevis esse vitæ. Respondet Abulensis in dictum cap. *xx Exodi* : Filius, inquit, qui honorat parentes, licet cito moriatur, diu tamen vixit. Nam tempus est mensura non otii, sed operis, et actionum non malarum; sed bonarum. Unde *Sup. iv, 13*, de tali dicitur : « Consummatus in brevi explevit tempora multa. » Sed mysticus est hic sensus.

Dico ergo, notandum esse canonem hunc Scripturæ, quem alibi dat S. Hieronymus. Deus in Scripturis promittens bona presentia, carnalia et temporalia, si ea non præstet, dat pro eis longe majora, scilicet spiritualia, cœlestia et æterna. Sic *Psal. xxxvi, 25*, dicitur : « Non vidi justum derelictum, nec semen ejus quærens panem, » et tamen constat Lazarum mendicum justum, et multos Martyres aliosque Sanctos fame in carceribus, similique inopia et miseriis periisse; sed tunc pro pane corporali Deus dedit illis panem spiritalem et cœlestem, scilicet longe majus bonum patientiæ, et lauream martyrii. Sicut si tibi promittam unum aureum, et pro eo non aureum, sed equum dem, abunde promissis satisfeci, imo plus dedi quam promisi. Adde, non esse absolutam hic promissionem longævitalis, sed tantum Deum filiis morigeris ejus dare spem; hanc enim significat vocula *ut, q. d.* Si honores patrem, est quod spes longævitalatem, tali enim honore non quidem

Quartum præceptum habet promissionem longævæ vitæ : cur ?

Quomodo verificetur hæc promissio ?

significat *primarium præceptum*, unum e præcipuis, vel ad fructum vel ad necessitatem observandi.

(1) Aliis *mandatum primum* videtur late dictum, et

obligatur, sed tamen provocatur Deus, ad dandam vitam longam, copiosam et felicem filiis, qui hoc honore parentes prosequuntur.

Obicit *secundo*, S. Hieronymus, etiam primo præcepto adjunctam esse promissionem; ait enim: « Ego sum Dominus Deus tuus, fortis, zelotes, visitans iniquitatem patrum in filios, in tertiam et quartam generationem eorum qui oderunt me: et faciens misericordiam in millia his qui diligunt me et custodiunt præcepta mea. » Ergo quartum hoc præceptum, « Honora patrem, » etc., non est primum, sed secundum in promissione.

Respondent aliqui, esse primum non absolute, sed in secunda tabula. *Secundo*, S. Hieronymus respondet, primum mandatum hic vocari totum decalogum: quod hic primo datus sit Hebræis post egressum ex Ægypto, cæteræ vero leges judiciales et cæremoniales datæ sint posterius.

Verum respondeo *tertio*, simplicius et planius, quarto præcepto, « Honora patrem, » primum addi promissionem propriam et specialem longævitatæ; primo vero præcepto non addi promissionem specialem, sed tantum communem tam comminationem quam promissionem, qua Deus sicut se misericordem fore in genere promittit omnibus qui servant non primum hocce, sed cuncta ejus præcepta, ita se ulturum in genere eos qui illa violarunt, comminatur.

Addit *quarto*, Chrysostomus et Theophylactus aliis præceptis non addi promissionem, quia sunt negativa, scilicet: « Non adorabis deos alienos: Non occides: Non mœchaberis, etc.; » quarto vero eandem addi, quia est affirmativum. Qui enim a vetitis abstinet, pœnam quidem effugit, sed nihil præmii promeretur; qui vero honorat parentes, bene facit et operatur: illi ergo debetur et promittitur merces. Verum hoc non videtur solide dici. *Primo*, nam et tertium præceptum, scilicet, « Memento ut diem sabbati sanctifices, » est affirmativum (et qui hoc implet, aliquid boni facit), et tamen nullam habet adjunctam præmii promissionem. *Secundo*, sub negativis intelliguntur affirmativa. Præceptum enim, quod vetat deos alienos colere, præcipit Deum verum colere; præceptum, quod vetat furtum, præcipit cuique redere quod suum est, et ita de aliis.

Vers. 3. 3. UT BENE SIT TIBI. — Inter alia experientia hoc constat, justo Dei judicio ita usu venire, ut qui parentibus non obediunt, etiam liberos habeant inobedientes et immorigeros. Unde et Pittacus Mitylenæus dicere solebat; « Qualia tu contuleris in parentes, talia prorsus a tuis liberis exspecta, ut bene vel male habearis. »

Vers. 4. 4. PATRES, NOLITE AD IRACUNDIAM PROVOCARE FILIOS VESTROS, — ut scilicet vestra duritie, asperitate, nimis verberibus aut laboribus filios vestros oneratis et irritetis.

SED EDUCATE ILLOS IN DISCIPLINA. — Græcum *καταδιδάσκοντες* tam instructionem et doctrinam, ut explicat Hieronymus et Chrysostomus, quam castiga-

tionem significat. Utrumque pater debet præstare filio, et utrumque significat vox *disciplina*.

ET CORREPTIONE DOMINI. — Græce *νουθεσία*, quod Hieronymus vertit, in *admonitione*; Vatablus et alii, in *correctione*, qua scilicet admonens, docens, corripiens, in animo illius quem monet, ponit et ingerit quid factum oporteat, aut oportuerit. Hoc enim est *νουθεσία*, id est ad verbum, in *anima positio*, puta instructio, quæ in anima alterius ponitur et imprimitur, q. d. Vos, o patres, educate filios in doctrina Christi, date eis Christiana monita, quibus modum bene et christiane vivendi addiscant.

Ubi nota: Maximus thesaurus quem parentes filiis relinquunt, est bona educatio. Hæc enim cætera illis dabit, opes, sapientiam, virtutem, honestam vitam præsentem et æternam. Ab educatione enim pendet tota vita hominis, imo salus et beatitudo æterna. Jam multi parum de educatione solliciti, tantum proles ditare et ad honores provehere satagunt: et quid faciunt, nisi ut eis arma parent, quibus in suum exitium utantur?

5. SERVI, OBEDITE DOMINIS CARNALIBUS, — id est temporalibus et mundanis: hos enim opponit dominis spiritalibus, puta Apostolis, Episcopis, Pastoribus. Sic sæpe Apostolus sapientiam vel prudentiam carnis vocat sapientiam et prudentiam mundi et mundanam, ut dixi II Cor. x, vers. 3 et 4.

Notat S. Hieronymus, sub initia fidei Christianæ, multos, cum audirent se vocari ad libertatem Christianam, putasse per eam se solvi a vinculo servitutis, uti nostro hoc sæculo putarunt rustici illi in Germania, quos tam in suam quam dominorum perniciem ad rebellionem accendit et armavit Lutherus, ita ut ex eis cæsa sint centum millia. Unde contra hunc errorem ita sancit Concilium Gangrense; *canone 3*: « Si quis servum divini cultus aut aliquo religionis prætextu doceat contemnere dominum, et recedere a servitute, non autem in bona voluntate et omni honore servire dominis suis, anathema esto. » Imo putabant aliqui per christianismum sese solvi a vinculo conjugii cum Gentilibus initi: unde sicut hos redarguit et instruit I Cor. vii, ita priores hic docet ne contemniant dominos, licet Gentiles, sed eis obediant, nisi contraria Deo et Christo præcipiant. Unde addit:

OBEDITE CUM TIMORE ET TREMORE, — q. d. Non tantum obedite, sed et timete et reveremini dominos vestros; imo ad eorum jussum ac vocem tremite. Hoc enim servilis conditio exigit: hicque dominorum timor et tremor decet servos. Potest *secundo*, timor et tremor Christi intelligi, q. d. Obedite dominis timentes et tremantes Christum judicem, qui in judicio hujus obedientiæ a vobis rationem exiget. Unde Coloss. iii, 22, videtur hunc timorem et tremorem explicare, dicens: « Timentes Deum. » Prior sensus simplicior et naturalior est; posterior plenior et perfectior est,

Instru-
tionem
et casti-
gationem
parentes
debent
filia.

Vers. 5.

Servi
non sol-
vuntur
a domi-
nica
servitu-
re pri-
vilegio
Christiani-
tatis.

magisque Christianos decet, nimirum ut non tam naturali et servili dominorum, quam spiritali et sancto Christi timore dominis suis obediant. Unde sequitur :

IN SIMPLICITATE CORDIS VESTRI. — Id est simpliciter, ingenuæ, candide, non fecte, non fraudulenter, non ad oculum, ut sequitur. Hisce enim opponit simplicitatem.

SICUT CHRISTO. — Refer ad *obedite, q. d.* Obedite dominis vestris, sicut Christo, cujus personam et auctoritatem et dominium ipsi vobis repræsentant.

Vers. 6. 6. NON AD OCULUM SERVIENTES (græce una voce id pulchrius et significantius dicitur : *μη κατ' ὀφθαλμοδουλείαν, q. d.* Non ad oculi servitium) **QUASI HOMINIBUS PLACENTES.** — Græce rursum est una vox significantior ὡς ἀνθρωπάρεσκα; ἀνθρωπάρεσκα signi-
Ἄνθρω- παρίσ- κειν
quale sit vitium?

ficat studium placendi hominibus, eorumque favorem sibi conciliandi.
SED UT SERVI CHRISTI. — Repete *servientes, q. d.* Servite dominis, non ut hominum servi ad oculum, non ad aucupium favoris herilis, sed sincere, fideliter et ex animo, quasi servi Christi, ut Christo placeatis. Christus enim vult vos dominis vestris servire : unde cum dominis servitis, Christo servitis. Hinc explicans subdit :

FACIENTES VOLUNTATEM DEI EX ANIMO, — *q. d.* Servite non coacte, non fecte, sed ex animo, quia hæc est voluntas Christi et Dei. *Secundo,* « ut servi Christi, » id est, ut servi Christiani, *q. d.* Servite non uti Gentiles serviunt ad oculum et speciem externam ; sed servite tanquam Christiani, ut vestri domini Gentiles videant Christianos servos sincerius et fidelius servire Gentilibus, itaque alluciantur ad Christum et christianismum. Fides enim corrigit naturam et conditionem servilem, quam ita describit Plato, dialago 8 *De Legibus* : « Nihil, inquit, in animo serviente integrum est, nec quidquam servorum generi est credendum, quod et sapientissimus Poeta testatur cum sic ait : Dimidium mentis Jupiter illis aufert qui servituti subjecti sunt, » quales jam in India multos barbaros experimur. Per fidem vero fit id quod ibidem addit Plato : « Multi, ait, jam servi sunt meliores ad omnem virtutem fratribus et filiis, qui domos, et rem dominorum omnem, ipsosque dominos servant. »

Vers. 7. 7. CUM BONA VOLUNTATE (μὴ ἐκ βίας, id est, cum benevolentia, benevole, amice, non gravatim, non morose, non coacte) **SERVIENTES SICUT DOMINO, ET NON SICUT HOMINIBUS,** — eo sensu quo paulo ante explicui. Scilicet vult Apostolus ut Christi Domini, a quo mercedem accipient, amore, reverentia et obedientia servus serviat domino, etiam moroso, crudeli ac tyranno, feratque ejus tyrannidem, ne quod offendiculum ponat Evangelio.

Nota : Apostolus non tam de servis et ancillis loquitur, quales jam sunt apud Christianos, quam de servis Gentilibus, id est mancipiis, quales tunc multi erant, qui cum dominis, vel sine iis soli

ad Christum convertebantur : hi enim in Jure proprie vocantur servi, et his opponit Apostolus vers. seq. liberos : nostri non servi vocantur, sed mercenarii. Unde jam servitus illa gentilitia mancipiorum fere apud Christianos exolevit. Ecclesia enim, quæ omnes vocat ad libertatem Christianam, omnesque suos filios vult invicem esse fratres, hanc servitutem sensim sustulit, ne unus frater, id est Christianus, alteri serviat quasi mancipium : hoc enim indecens est.

Qualis debeat esse servus significat vetus emblema, quo servus pingitur pileatus rubro pileo, eleganti interula vestitus, aures habens asininas, cervinos pedes, dextram tenens erectam et in palmam explicatam. Pileus significat libero et liberali eum debere esse ingenio. Interula designat eum assidue operi et labori intentum esse. Auriculæ asininæ innuunt eum multa etiam dura patienter audire. Cervini pedes notant celeritatem in exequendis mandatis. Dextra erecta index est fidelitatis in tractandis rebus et negotiis heri : hæc enim præcipua est servi et servæ dos. Unde Lacæna, ut refert Plutarchus, interrogata quid sciret, respondit, Fidelis esse. Harum virtutum servis egregium exemplum dederunt Joseph patriarcha in servum venditus, *Gen. xxxvii et xxxix* ; et S. Paulinus, Nolæ Episcopus, qui pro filio viduæ redimendo semetipsum in servitutem tradidit Wandalis, suaque fidelitate, diligentia, mansuetudine, prudentia ac sanctimonia tam sibi, quam suis civibus omnibus libertatem impetravit.

9. ET VOS, DOMINI, EADEM FACITE ILLIS (*q. d.* Vos, domini, servis exhibete similem humanitatem, benignitatem, amorem, sinceritatem, fidelitatem ; qualem servi meo jussu vobis exhibent), **REMITTENTES MINAS** (ne sitis in servos imperiosi et minaces), **SCIENTES QUIA ET ILLORUM, ET VESTER DOMINUS EST IN CŒLIS : ET PERSONARUM ACCEPTIO NON EST APUD EUM.** — Premit Apostolus fastum dominorum ; *q. d.* Nolite superbire, et imperiose in servos agere, o domini : quia servorum vestrorum fratres estis, et communi Deo ac Domino servitis. Mementote vos pariter esse servos Domini cœlestis, qui a vobis rationem domini vestri et tyrannidis in servos severam exiget, et talem se vobis exhibebit, quales vos servis exhibuistis. Non enim respicit personam hominis, an quis servus sit, an dominus ; sed quemque sive servus sit, sive dominus, pro bonis operibus præmiabitur, pro malis puniet, gehennæque et ergastulo infernali addicet. Sic servos benigne esse tractandos ab heris docet Macrobius, lib. I *Saturn.*, cap. xi, idque ex ipso jure naturæ, quippe cum ex eisdem elementis constent utriusque, et servitus non naturæ, sed fortunæ sit conditio. « Hinc nostri majores, inquit, omnem dominis invidiam, omnem servis contumeliam detrahentes, dominum patremfamilias, servos familiares appellaverunt. Colant ergo te potius

Servitus gentilitia mancipiorum apud Christianos jam exolevit.

Qualis debeat esse servus, docetur pulchro emblemato.

Talis Joseph et S. Paulinus.

Vers. 9.

Premittit ab Apostolo fastum servorum.

Servi ab his benignè tractandi. servi tui quam timeant. » Pari modo ex nomine patrisfamilias, servos quasi filios et fratres vocatos ad eandem cœlestem hæreditatem, tractandos esse docet S. Augustinus, lib. XVII *De Civit.*, cap. xvi. Vide dicta *Levit.* xxv, 42.

Quocirca idem Augustinus in *Sentent.*, num. 163, docet dominatum apud Christianos, potius esse obsequium quam imperium. « In Domino, ait, juste viventes ex fide, et ab illa adhuc civitate peregrinantes, etiam qui imperant serviunt eis, quibus videntur imperare : quia non dominandi cupiditate imperant, sed officio consulendi; nec principandi superbia, sed providendi beneficio. »

Vers. 10. 10. DE CÆTERO, FRATRES, CONFORTAMINI IN DOMINO, ET IN POTENTIA VIRTUTIS EJUS, — *q. d.* Tandem ut finiam hanc epistolam, o Ephesii Christiani, sumite vires et animos contra omnes diaboli, carnis et mundi tentationes, roborate et confortate vos « in Domino, » id est, in Domini nostri Jesu Christi fide, spe, gratia, ope et auxilio. Si enim Christus pro nobis, quis contra nos? Nota : Pro *in potentia virtutis ejus*, græce est, ἐν τῇ ἀρετῇ τῆς τοῦ κυρίου αὐτοῦ, id est, *in potentia roboris* vel fortitudinis *ejus*, id est, in potentia forti et robusta Christi Domini, *q. d.* Christus Dominus sua forti et robusta ope et gratia adest nobis, ergo animos, robur et vires capiamus. Tali enim duce et propugnatore vincemus omnia ardua, omnia hostium tentamenta.

Vers. 11. 11. INDUI TE VOS ARMATURAM DEI. — Græce πανοπλίαν, id est, plenam et omnem armaturam, qua milites a capite ad talos se armant et communiunt. Vere S. Bernardus, serm. 3 in *Dedicat. Ecclesie* : « Induite, ait, vos armaturam Dei, non modo ad resistendum, sed ad impugnandum quoque et expugnandum viriliter inimicum. Quid enim putamus, fratres? Gravis equidem nobis est inimici tentatio, sed longe gravior illi oratio nostra. Lædit nos iniquitas ejus atque versutia, sed multo amplius nostra eum simplicitas et miseria torquet. Humilitatem nostram non sustinet, uritur charitate nostra, mansuetudine et obedientia cruciatur. »

UT POSSITIS STARE ADVERSUS INSIDIAS DIABOLI. — Pro *insidias* græce est μυσθεῖαι, quod Hieronymus vertit, *versutias*; Vatablus, *insidiosos congressus* et *assultus*; Noster, cap. iv, vers. 14, vertit, *circumventionem*, qua scilicet hostis ex latere et insidiis subito erumpit, nosque adoritur et circumvenit.

Nota : Cum rari sint homines prudentes simul et fortes, quia, ut docet Aristoteles, sect. xiv, problem. 8, prudentia consistit in frigore, animositas et fortitudo in calore (hinc nemo prudens simul et audax), in duce belli potior et magis optanda est prudentia et calliditas, quam fortitudo. « Dux belli, inquit Vegetius, callidior sit quam audacior, ut hostem per insidias perdat sine suo periculo. » Talem hic diabolum depingit Apostolus. Callidissimum ergo habemus hostem diabolum, in quem omnes animi sensus, oculos ac

nervos intendere debemus, ne incautos nos adoriatur, feriat et supplantet.

Calliditas hæc diaboli *primo*, patet in eo quod, ut ait Hieronymus, loca minime minuta observet, ut per ea irreat ad arcem cordis et animæ, v. g. qui non custodiunt oculos et aures suas, iis species mulierum, verba lasciva ingerit, quibus phantasiam et voluntatem in libidinem allicit. *Secundo*, ut Chrysostomus, nunquam aperta peccata homini objicit, sed ambagibus utitur; et non irruit subito, sed sensim irruit, et in animæ se familiaritatem insinuat, penitusque tandem immergit. Ad hæc, vitia specie ac nomine virtutum colorat. Sic ebrietatem proponit et vocat hilaritatem, obscenos vocat lepidos, superbos vocat animosos. Rursum, hamo peccati escam voluptatis obtendit, ut dum voluptatem gustas et hauris, peccati aculeum induas. Adhæc, sensim a minoribus ad majora sollicitat; insuper scrutatur qua infirmitate, quo vitio, qua proclivitate quisque laboret, et per illam eum aggreditur. Hinc superbum non tentabit libidine, sed honoribus; gulosum non honoribus, sed deliciis; avarum non deliciis, sed pecuniis et usuris. Docet id S. Leo, serm. 7 *De Natali Domini* : « Novit, inquit (diabolus), cui adhibeat æstus cupiditatis, cui illecebras gulæ ingerat; cui apponat incitamenta luxuriæ, cui infundat virus invidiæ; novit quem mœrore conturbet, quem gaudio fallat, quem metu opprimat, quem admiratione seducat. Omnium discutit consuetudines, ventilat curas, scrutatur affectus, et ibi causas quærit nocendi, ubicumque viderit studiosius occupari. »

Audi S. Antonium oculatum testem et athletam invictum, qui omnes diaboli artes et insidias expertus, eas fratribus sagaciter et sapienter delegit, modumque vincendi demonstrat, ita dicens apud S. Athanasium in *Vita S. Antonii* : « Hostile illis (demonibus) contra omnes Christianos, maxime vero contra monachos et virgines Christi, odium est. Eorum semitis laqueos tendunt, eorum mentes impiis et obscenis cogitationibus nituntur evertere; sed nihil nobis in hoc terroris incutiunt : fidelium enim orationibus atque jejuniis ad Dominum statim corruunt. Nec tamen si paululum cessaverint; prorsus plenam putetis esse victoriam. Solent saucii gravius assurgere, et multa arte pugnandi, cum cogitatione nihil egerint, pavore terrent. » Deinde docet dæmones excitare dormientes ad orandum, ut somnum capiti et corpori necessarium eripiant. Rursum recens conversis ingerere pristina peccata, eosque excitare ad nimia jejunia, vigiliæ et pœnitentiæ, quibus corpus et animum enervent, ut vitæ sanctæ asperitate, difficultate et tædio victi resiliant, et ad pristinam vitæ licentiam redeant. Subditque plane spernendas esse eorum suggestiones, orationeque ac versu aliquo psalmi rei suggestæ contrario elidendas. « Christus, ait, tanquam Dominus dæmonibus silentium imperavit; ut nos diabolo

Caliditas diaboli consistit in tribus.

Modus vincendi artes diaboli ex præceptis D. Antonii magni.

nihil credamus, et vincamus. Si orare compellunt, si jejunia suadent, non ex eorum nos monitis, sed ex nostra consuetudine id agamus. Denique etiamsi irruentes mortem nobis intentare videantur, videndi potius sunt quam timendi: quia cum sint debiles, minantur cuncta, nec faciunt. »

Et infra, arma contra eorum insidias suggerens: « Magna, inquit, dilectissimi, adversum dæmones arma sunt, vita sincera, et intemerata ad Deum fides. Credite mihi experto: pertimescit Satanas recte viventium vigilias, orationes, jejunia, mansuetudinem, voluntariam paupertatem, vanæ gloriæ contemptum, humilitatem, misericordiam, iræ dominatum, et præcipue purum cor erga Christi amorem. Novit teterrimus coluber ex præcepto Domini sub justorum se jacere vestigiis, qui ait: Ecce dedi vobis potestatem calcare super serpentes et scorpiones, et super omnem virtutem inimici. » Deinde particulares suos cum dæmonibus conflictus et victorias enarrat fuse S. Antonius. Et tandem singulos ad alacriter cum dæmonibus certandum exhortando, ita concludit: « Jam curæ Christianorum et monachorum sit, ne per eorum inertiam vires dæmonibus præbeantur. Nam quales nos et nostras repperint cogitationes, tales se nobis præstare consueverunt. Et quod in pectoribus malæ mentis et pavoris semen invenerint, quasi latrones qui deserta obtinent loca, cæptos cumulant timores, et crudeliter imminentes infelicem puniunt animam. Si autem alacres fuerimus in Domino, et futurorum bonorum cupido nos succenderit, si semper omnia manibus Dei committamus, nullus dæmonum ad expugnandum valebit accedere: magis enim cum munita in Christo corda conspexerint, confusi revertentur. Ita et Job firmatum in Domino diabolus refugit, et infelicissimum Judam expoliatum fide, vinculis captivitatis innexuit. Una est ergo ratio vincendi inimicum, lætitia spiritualis, et animæ Dominum semper cogitantis jugis recordatio, quæ dæmonum ludos quasi fumum expellens persequetur adversarios, potius quam timebit. » Hactenus S. Antonius, cujus verba mirifice hunc Pauli locum illustrant, et magnam nos docent prudentiam spiritualem, ut sciamus dæmonis artes et insidias, modumque eas superandi.

Nota. 12. 12. QUONIAM NON EST NOBIS COLLECTATIO (græce μάχη, id est *lucta*) ADVERSUS CARNEM ET SANGUINEM, SED ADVERSUS PRINCIPES ET POTESTATES, ADVERSUS MUNDI RECTORES TENEBRARUM HARUM, CONTRA SPIRITUALIA NEQUITIÆ, IN COELESTIBUS, — *q. d.* Non contra homines, qui carne et sanguine constant; sed contra dæmones, qui sunt subtilissimi, nequissimi et robustissimi spiritus, eosque non unum aut vulgares, sed plures, et quidem principes, potestates, et mundi rectores, nobis est duellum et pugna.

Nota primo: Per « carnem et sanguinem, »

XVIII.

S. Hieronymus et alii accipiunt libidinem, vitia et tentationes, quas caro suggerit, *q. d.* Hæc vitia carnis non tam caro quam dæmon per carnem suggerit et excitat. « Sunt enim, inquit Hieronymus in *Osee iv*, quidam dæmones amoribus et amatoris canticis servientes, ut Propheta quoque commemorat dicens: Spiritu fornicationis seducti sunt. Nam et barbara quædam nomina eorum esse dicuntur, ut sæpe confessi sunt hi, quos vere vulgus maleficos vocat; et incantationes, et preces, et colores varii, et diversa vel metallorum genera, vel ciborum, ad quæ invocati assistere dæmones, et infelices animas capere memorantur. Alii vero iracundias et furores, et bella committere; alii præesse inimicitias, et inter homines odia concitare. Quia vult ergo, aiunt, Apostolus nos docere, non ex natura corporis, et de materia carnis et sanguinis hæc vitiorum genera procreari, sed instinctu dæmonum, propterea ait: Non est nobis collectatio adversus sanguinem et carnem, sed adversus principatus et potestates, et reliqua. » Hæc Hieronymus, non tam ex sua quam Origenis (qui ita sentit et docet in *Josue*, cap. *xi*) sententia. Fuit enim Origenis, Cassiani, *Collat.* 7, et aliorum veterum hæc opinio, singulis vitiis suos præsidere dæmones. Alios enim nos incitare ad gulam, alios ad fastum, alios ad iram, etc., indeque vocari spiritum superbæ, spiritum invidiæ, spiritum luxuriæ: unde et mammonam a Christo vocari eum, qui præsit avaritiæ, sive cupiditati pecuniarum, *Matth.* *vi*, cum dicit: « Non potestis Deo servire et mammonæ. » Sed, ut dixi, opinio hæc est aliorum in speciem probabilis, non autem certa demonstratio.

Secundo et melius, idem Hieronymus, Theophylactus, Vatablus et alii, per « carnem et sanguinem » accipiunt homines carne et sanguine constantes: hos enim opponit dæmonibus, qui sunt spiritus, *q. d.* Paulus, induendam esse panopliam contra insidias diaboli: quia hic hostis noster non est corporeus, carneus, visibilis; sed est incorporeus, invisibilis et subtilissimus spiritus. Quare licet aliqui intelligant vocem exceptivam, *tantum*, sicque explicent: non est, *supple tantum*, nobis collectatio contra carnem, sed etiam contra mundi rectores; vel, exigua et quasi nulla est ea collectatio quam cum carne gerimus, si conferatur cum ea, qua contra mundi rectores dæmones configimus: tamen vocem aliquam exceptivam, vel comparativam hic supplere non est opus, quia, ut dixi, agit de bello et lucta non quavis, sed ea, quæ nobis est contra diabolum, ut præcessit. Hæc enim prima, gravissima, difficillima et periculosissima nobis est lucta, in qua non contra carneos hostes, sed contra spiritus, id est dæmones, depugnamus.

Addit S. Hieronymus Paulum alludere ad vetera Judicium cum aliis gentibus prælia, *q. d.* « O Ephesii, quæ de præliis Israelis adversus Ægypt-

Per carnem et sanguinem intelliguntur primo, libido et tentationes carnis.

Secundo, homines carne et sanguine constantes.

tios, Idumæos, Ammonitas legitis, scripta sunt propter nos, ut intelligamus ex illis, nobis non esse pugnam adversum carnem et sanguinem, sed adversus spirituales quasdam et invisibiles potestates. »

Inter
dæmones
alii Po-
testates,
alii sunt
Princi-
pes, eum-
demque
servant,
qui in
cælo ha-
buere or-
dinem
hierar-
chicum.

Nota secundo, dæmones alios esse Principes, alios esse Potestates. Principes sunt, qui fuerunt in ordine angelorum, qui dicitur Principatus; Potestates dicuntur, qui fuerunt in ordine angelorum, qui dicitur Potestates.

Ubi adverte cum S. Hieronymo, dæmones post lapsum, eundem ordinem hierarchicum quem habuerunt in cælo, etiamnum conservare : ut alii præsent, alii subsint; alii sint Principes, alii Potestates : ut per hanc subordinationem valentiores sint ad nocendum hominibus. Sicut milites tumultuarii dum rebellant, suum creant ducem, quem Electum vocant, suosque sub eo capitaneos et tribunos, ut suam rebellionem stabiliant, quæ in ataxia et acephalia stare non potest.

Ex omni-
bus hie-
rarchiis
cecidero
angeli.

Unde sequitur primo, non tantum ex Angelis et Archangelis, sed etiam ex superioribus ordinibus, puta Principatibus et Potestatibus, aliquos cecidisse, factosque esse dæmones. Imo probabile est, similiter ex singulis ordinibus aliquos cecidisse, cum omnium caput Lucifer ceciderit.

Sequitur secundo, dæmones etiamnum inter se hunc ordinem servare, ut Lucifer omnibus, alii superiorum ordinum suis inferioribus præsent : quia naturali scientia et nequitia iis prævalent, idque ut bellum nocentius hominibus inferant. Omne enim bellum, si desit ordo, imbelles esse sciunt. Finita vero Ecclesia militante et bello hoc, cessabit hic dæmonum ordo, utpote fine sublato, ob quem in hunc ordinem conjurant, ut innuit Apostolus, I Cor. xv, 24. Ita Chrysostomus, Molina et Scholastici, I part., Quæst. CIX.

Finita
Ecclesia
militante
nullus
erit ordo
inter dæ-
mones.
Cur
dæmones
dicantur
mundi
rectores ?

Nota tertio, dæmones dici *αἰσχροπρόποις*, id est *mundirectores*; Tertullianus, lib. V *Contra Marcion.*, vertit, *mundi tenentes*; Hilarius in *Psalmos*, *mundi potentes*; Vatablus, proprie, *mundi dominos*, et forte intelligit Apostolus Dominationes, qui est primus ordo angelorum secundæ hierarchiæ. Hi enim summum in res mundanas obtinent dominium et imperium. Sicut enim Principes et Potestates sunt ordines angelorum : ita videntur et mundi rectores, sive mundi domini esse ordo, qui dicitur Dominationes. Et sicut aliqui ex Principatibus et Potestatibus, ita et ex Dominationibus ceciderunt, factique sunt dæmones. Unde his opposuit cap. i, vers. 21, angelorum qui perstiterant ordines, scilicet Principatum, Potestatem, Dominationem.

Dæmones
eum res-
trictione
mundi
rectores.

Nota quarto, hosce dæmones non absolute vocari mundi rectores et dominos, quasi ipsi cælo et terræ dominantur, sed cum restrictione, ait S. Augustinus, scilicet « tenebrarum harum, » id est tenebricosi hujus mundi, puta caliginosi hujus aeris; sic cap. ii, vers. 2, diabolum vocavit « principem potestatis aeris hujus. » Mundi rec-

tores ergo intelligit dæmones qui in tenebroso hoc aere dominantur. Unde S. Hieronymus : « Communis, inquit, omnium Doctorum est opinio, quod aer iste plenus sit contrariis fortitudinibus, » puta dæmonibus, qui scilicet in aere hoc sæpe procellas, turbines, fulmina, tonitrua aliaque meteora miscent et efficiunt, ut frugibus, bestiis et hominibus noceant; quique in terra hac æstus, sterilitates, morbos, pestes, inundationes, bella aliasque clades concitant; qui denique homines assidue ad gulam, libidinem, iram, fastum omniaque vitia sollicitant et impellunt.

Aer ple-
nus dæ-
monibus.

Unde in sensu mystico sic hæc Apostoli verba exponit S. Augustinus in *Psal. lrv*, ad vers. 1 : « Ne forte, ait, cum dixisset mundi, intelligeres dæmones esse rectores cæli et terræ : mundi dixit, tenebrarum harum; mundi dixit, amatorum mundi; mundi dixit, implorum et iniquorum; mundi dixit, de quo in Evangelio dicit : Et mundus eum non cognovit. » Homines enim mundani et peccatores in peccati tenebris degunt, et in rebus practicis ac divinis cæci sunt et tenebricosi. Unde Græca addunt vocem *σάωας*, id est *sæculi*, sicque habent : Contra cosmocratores, id est mundi dominos tenebrarum sæculi hujus, id est hujus vitæ, q. d. Contra mundi rectores et dominos, qui in hac vita et sæculo tenebricoso, hominibus sæcularibus et peccatoribus tenebricosis dominantur.

Nota quinto, hosce dæmones vocari *spiritualia nequitia*, id est spirituales nequitias, id est nebulas nequissimos, in *cælestibus*, id est, ut Hieronymus, in aereis hisce locis versantes. Itaque *spiritualia nequitia* Hebraica paraphrasi vocat, quos Græci uno verbo *κακοδæμονες* appellant. Unde S. Ambrosius, lib. *De Paradiso*, cap. xii, sic hæc Apostoli verba invertit, ut sensum explicet : Adversus nequitiam spiritualium, inquit, quæ sunt in cælestibus.

Dæmones
nebulæ
nequissi-
mi in aere
versan-
tes.

Secundo, aliter Chrysostomus, « in cælestibus, » id est propter cælestes res et bona nobis est lucta cum dæmonibus.

Tertia, S. Augustinus, *De Agone Christiano*, cap. iii : « Potest, inquit, et aliter locus iste intelligi, ut videlicet nos in cælestibus constitui, id est in spiritualibus Dei præceptis ambulantes, dimicemus adversus spiritualia nequitia; quæ nos inde conantur abstrahere. » Sed primus sensus planior est et simplicior.

Adverte : Pro *nequitias* græce est *κακότητες*, quod Erasmus vertit, *versutias*; Vatablus, *astutias* : sed proprie significat malitias. Dæmones enim uti versutissimi et astutissimi, ita quoque pessimi et nequissimi sunt.

Denique nota sexto : Singula verba hujus sententiæ Apostolicæ, hostiæ nostri diaboli peculiaris conditionem, potentiam, vim et robur significant, ut singuli excitemur ad excubias (vita enim mortalium est vigilia) et ad arma, ut tanto hosti resistamus. Si enim natura hostis quæritur, spi-

Diaboli
peculiaris
condi-
tio, po-
tentia,
vis et
robur.

pulchre et moraliter explicatur. ritus est; si species, est invisibilis; si indoles, nequissimus est et malitiosissimus; si potestas, est mundi dominus; si ars et fraus, est princeps tenebrarum, per tenebras et insidias nos aggreditur; si locus, superior est, ex aere et cælo in nos irruit, cum hoc hoste nobis est ἀσπενδὸς πόλεμος; irreconciliabile bellum. Unde merito Chrysostomus hic in *moral. homil.* 22: « Si tales, inquit, instructæ sunt acies, si incorporales principatus, si mundi domini, si spirituales nequitie adversum nos sunt, quomodo dic, quæso, deliciaris? quomodo inermes vincere poterimus? Ista quisque sibi ipsi singulis diebus dicat, quando per fastum occupatur, quando per concupiscentiam, quando mollem vitam inconsulto ac frustra quærit? Audiat Paulum dicentem: Non est nobis colluctatio adversus carnem et sanguinem, sed adversus principatus, adversus potestates, » etc. Et infra: « Conculcavimus diaboli potentiam, si peccata conculcaverimus: omnia dico temporalia, fastum, concupiscentiam, superbiam, omnes animi passionem. Ansam enim dant diabolo divitiæ, pecuniæ et vanæ gloriæ studium. » Et paulo post: « Si quis inimicum habet, si quis ab eo injuria læsus est, si quis ira percitus est, omnem furorem illum, omnem sævitiam collectam in caput diaboli effundat et evacuet. Hic semper inimicus esto, semper acerbus, semper immitis. Si nos sævierimus adversus eum, ipse non erit nobis sævus; si nos mansueti in eum fuerimus, tunc ipse sævus erit. »

Ex omni hominum genere dicenda militia contra dæmones. Præclare quoque S. Basilius in illa verba *Deut.* xv, juxta Septuaginta, *Attende tibi ipsi*: « Miles, ait, es? collabora Evangelio; milita bonam militiam contra spiritus nequitie; adversum vitiosas carnis affectiones induitor omnem armaturam Dei; ut probes te ei, sisque graciosus duci tuo, qui huic te militie adlegit, provide ut nullis impliceris vitæ istius negotiis et perplexis curis. Athleta es? Attende tibi ipsi, ne quam ex legibus athletico agoni præscriptis invenire transgressus; nam nemo coronatur, nisi qui legitime certaverit. Imitare Paulum et cursu contendentem, et in palæstra colluctantem, et in agone pugillari decertantem: ut strenuus pugil ipse habeto animæ oculum nusquam evariantem, sed attentum et pervigilem. Præmuni ac tuere passis manibus partes quarum plaga lethalis sit. In adversarium immotum oculum intendito fixius. In stadiario cursu qui tibi præcurrunt, in eos te extendens, fac assequaris: sic currito, ut prævertas. In luctamine repugna invisibilibus adversariis. Per vitæ istius curriculum talis ut perseveres, hæc sancit sententia, nimirum animo ut sis non supino, aut concidentem, sed arrecto; non dormituri, sed pervigili ac sobrio, quique multa cum vigilantia præsens sit, et norit sibi præesse. »

Vers. 13. 13. PROPTEREA ACCIPITE ARMATURAM DEI (græce rursus est πανοπλίαν, de qua dixi vers. 14, quamque describit 4 versibus seq.), UT POSSITIS RESIS-

TERE IN DIE MALO. — « Malo, » id est difficili, tristi, periculoso, cum scilicet hostis jam dictus nos undique adoritur, animamque per illecebras, formidines aliasque tentationes obruere et sibi subjugare conatur. Sic Jacob Pharaoni roganti, *Genes.* XLVII, 8: « Quot sunt dies annorum vitæ tuæ? respondit: Dies peregrinationis meæ centum triginta annorum sunt, parvi, » id est pauci, « et mali, » id est miseri et ærumnosi. E contrario Davidis legati ad Nabal, *I Reg.* xxv, 8: « In die bona, inquit, venimus. » Quasi dicant: Ad diem bonam, id est lætam et jucundam, quæ tondes oves tuas, ideoque convivium de more celebras, venimus; ut tui gaudii, ovium et convivii participes nos facias. Ita Anselmus.

Secundo, S. Hieronymus, « ut in die malo, » id est terribili, scilicet die iudicii, possitis intrepidi stare ante tribunal Christi iudicis; et accusanti vos diabolo resistere. Prior sensus genuinus est; sed hic posterior sequitur ex priori. Nam qui in hac vita in die tentationis et belli diabolo resistunt, eidem facillime resistent in die iudicii.

Disce hic, quanta fortitudine et armatura, dæmonibus nos strenue et assidue impugnantibus sit resistendum. Abbas Antonius, dux monasterii Eliotarum, qui etiam illud ædificavit, narravit de abbate Theodosio, quod senex ipse hæc de se ipso narrabat: Priusquam ad vitam solitariam transissem, factus in exstasi aspexi virum quemdam, cujus species claritate solis vinceret. Hic tenens manum meam: « Veni, ait, quia pugnare et luctari te convenit; » et induxit me in theatrum plenum viris ex una parte candido amictu, ex alia vero nigro vestitis. Cum ergo iniecisset me in theatrum, aspicio virum miræ magnitudinis, æthiopem, cujus caput turpissimum penetrabat nubes. Tunc ait ad me juvenis ille, qui mihi apparuerat: « Cum hoc luctari te oportet. » Ego, qui aspectu viri illius proceri territus eram, tremere ac pavere cœpi, orabamque juvenem illum splendidum, qui me induxerat in theatrum, dicens: « Quis hominum mortali conditione et infirmitate circumdatus, cum hoc luctari posset? Non ipsum universum genus hominum, si in unum confluat, huic resistere prævalet. » Ait autem ad me juvenis ille præclarus: « Prorsus cum illo te luctari opus est. Ingredere igitur cum omni alacritate et fiducia. Mox enim ut te illum adorsus fueris, ego adjutor ero, tibi que victoriæ coronam reponam. » Ut ergo ad certamen sum ingressus, luctarique invicem cepimus, continuo præclarus ille iudex nostri certaminis adfuit, mihi que coronam dedit. Atque plebs illa obscura, æthiopum que multitudo ingens ejulantes evanuerunt: pars vero reliqua candidatorum gratias illi et laudes referebant, qui me juverat, ac præclara victoria donaverat. Ita Sophronius, *Prat. spirit.*, cap. LXVI.

Dum Abramius Eremita aliquando noctu oraret, tenens securim Satanas cœpit cellam ejus evertere; cumque jam eam videretur perforasse,

Dies malus est dies mortis aut iudicii.

Contra dæmones pugnandum.

Angelus Dei juvat nos contra dæmones.

magna exclamavit voce dicens : Festinate celeriter, o amici mei, festinate, et introeuntes cito eum suffocate. Beatus autem vir Dei contra ad illum :

Psal. cxxvii. « Omnes, inquit, gentes circumdederunt me, et in nomine Domini ultus sum in eos. » Ille vero protinus hac voce audita evanuit; cella interim sancti viri integra atque illæsa permanente. Iterumque paucis interlabentibus diebus aliis, dum media nocte psalmodiæ vacaret conspiciens storem, super quam psallens consistebat, vehementi flamma comburi, ignem intrepidus conculcans aiebat : « Super aspidem et basiliscum ambulabo, et conculcabo leonem et draconem, omnemque potentiam inimici in nomine Domini nostri Jesu Christi mihi auxiliantis superabo. » Diffugiens autem Satanas exclamavit ac dixit : Ego te devincam, improbe, artesque inveniam quibus te conteram, qui me jam despectui habes. Ita Sophronius supra.

Legimus in Vita S. Vincentii Ferrerii, cum juvenis perseverantiæ donum a Deo peteret, apparuisse ei dæmonem specie venerabilis senis Eremitæ, ac suasisse ut juventuti parceret; et suo exemplo penitentiam et austeritatem ad senium usque differret. Sensit fraudem Vincentius; ac cruce se signans : « Abi, inquit, pestifer serpens. Unus es non ex Ægypti Patribus, sed ex inferni dæmonibus. » Idem commendans suam virginitatem B. Virgini, vocem audivit : Non omnes possumus esse virgines : non patiar ultra, ut tam honorato virginis nomine gaudeas. Turbatus fuit Vincentius, sed mox B. Virgo cum multa luce ei apparuit dicens, hanc non suam, sed diaboli fuisse vocem : « Qui tibi, inquit, crebras parabit insidias, ut periclitetur virginitas tua; sed spera semper in Domino, quoniam ipse erit clypeus tuus, quo omnia hostis jacula superabis. » Ex hac visione tantum fervoris Christi militi accessit, ut non terrestris homo, sed cælestis angelus esse videretur.

Quantas S. P. N. Ignatius, tum alias, tum in studiis, dæmonis passus sit illusiones, ut eum inde ad res divinas, quas ei objiciebat, advocaret; et quomodo eas aperiendo præceptori, ac invocatione B. Virginis superarit, narrat noster Ribadeneira, lib. I. *Vita ejus*, cap. xiii.

De Evagrio claro Christi diacono, qui vixit instar Apostolorum, non est æquum tacere. Huic enim tres aliquando apparuerunt dæmones in habitu Clericorum, de fide cum eo inquirentes. Et unus quidem dicebat eum esse Arianum, alter vero Eunomianum, tertius autem Apollinarium. Et eos paucis superavit spiritu sapientiæ. Ita Palladius, in *Histor. Lausiaca*, cap. lxxxvi.

Joannes Climacus, grad. 23. Idipsum hoc exemplo confirmat Joannes Climacus : Monachus quidam studiosus cum a dæmone perturbaretur cogitatione blasphemiarum ad viginti annos, carnem suam jejuniis et vigiliis macerare non destitit. Cum vero inde nullam utilitatem se cepisse sentiret profectus, conscrip-

tam in charta perturbationem ac tentationem suam sancto cuidam ac probatissimo seni obtulit in faciem prostratus, nec illum intueri valens. Ut autem legit Senior subrisit, fratremque erigens, dixit : « Pone, fili, manum tuam super oculum meum. » Quod cum fecisset, ait Senior : « Super collum meum sit, frater, hoc peccatum, quotquot annis te oppugnavit, vel oppugnaturum sit. Tu autem id observa, ut hoc jam flocci pendas, et nihili aestimes. » Quibus verbis ita roboratus est frater, ut non ante cella senis excederet, quam ejusmodi morbus evanesceret. Hoc autem is qui expertus est, mihi postea enarravit, Deo gratias referens.

ET IN OMNIBUS PERFECTI STARE. — Græce καὶ ἐν παντι καταρτισμένοι ὄντες, ut postquam omnia perfecteritis, stare possitis, parati scilicet ad pugnam cum hoste diabolo. Unde S. Cyprianus, lib. V, epist. 6, sic legit, ut, cum omnia perfecteritis, stetis succincti lumbos vestros. Sic etiam vertit Hieronymus, Chrysostomus, Ambrosius. Unde Erasmus putat in nostro Latino Interprete legendum esse sic, et omnibus perfectis stare, q. d. Apostolus : Sicut miles nihil non facit quo possit resistere, ac suam tueri vitam, ita nobis omnia sunt facienda cum dæmonibus assidue luctaturis. Miles enim arma expedit et induit, attollit aggerem, vallo castra cingit, omniaque ad prælium opportuna disponit : quibus omnibus gnauiter perfectis, superest ut stet semper accinctus ad prælium; nam multis victoria affert securitatem et otium; securitas mutatis vicibus ex victoribus facit victos. Ita pariter Christianus quisque quasi miles Christi se armare, cingere, munire, omniaque ad conflictum cum diabolo necessaria providere et præparare debet, omnibusque provisus et præparatis vigil in acie consistere, paratus ad pugnam. Passim tamen Romana et alia Latina Biblia legunt, « et in omnibus perfecti stare. » Sed eodem redit sensus. Exigit enim Apostolus panopliam, ut undique armemur, « et in omnibus perfecti, » id est perfecte armati, et ab omni parte virtutibus quasi armis muniti, stemus et excubemus, ut diabolo resistamus. Unde Syrus vertit, cumque instructi fueritis in omnibus, stetis.

14. STATE SUCCINCTI (περὶ ὧστέων, id est circumcincti) LUMBOS VESTROS IN VERITATE, — « in veritate, » id est veritate. Est hebraismus. Hebræi enim *bet*, id est *in*, tribuunt instrumento; sic dicunt : Percussit hostes in ore gladii, id est ore, puta acie gladii. Hæc est prima panoplæ, sive armaturæ militis Christiani pars, scilicet balteus, sive cingulum militare, quod est *veritas*. Videtur alludere Apostolus, ait Chrysostomus, ad Hebræos, quibus egressuris Ægypto in Chanaan, ut essent expediti ad iter et pugnam cum hostibus, ita præcipit Dominus Exodi xii, 11 : « Renes vestros accingetis, et calceamenta habebitis in pedibus, » etc. Quæ pulchre Chrysostomus hic in morali hom. 3, in sensu allegorico accommodat Christianis

Non est
tuta se-
curitas
victori in
Christia-
na mili-
tia.

Vers. 14.

Alludit
Aposto-
lus ad mo-
rem He-
bræorum
cingulo-
rum et
calceato-
rum.

hinc in cœlum armata manu tendentibus, q. d. Apostolus : Milites lumbos balteo muniunt coriaceo, aureo, argenteo; vos, o Christiani, lumbos vestros munite veritate quasi balteo.

Quæritur hic primo, quid significet cingulum vel balteus?

Respondeo, primo, symbolum est fidelitatis; hinc conjuges cingulo cinguntur, ut significant amorem et fidem, qua alteri conjugi sunt obstricti et devincti. Hinc apud Jeremiam Deus populum Israel vocat *lumbare* (id est cingulum lumbos cingens) suum, quia scilicet populus hic instar cinguli lumbis et renibus Dei, id est, intime Deo adstrictus et devinctus erat. « Sicut enim, inquit Dominus *Jeremias* XIII, 11, adhæret lumbare ad lumbos viri, sic agglutinaui, » id est, conjugio copulavi, « mihi omnem domum Israel, ut esset mihi in populum, et in laudem, et in gloriam. » Hujus rei symbolo sacerdos tunicam suam cingulo constringebat, *Exodi* XXVIII, 39, ut significaret sacerdotem Deo, et per sacerdotem populum Deo astringi.

Addit D. Thomas, lumbos symbolum esse amoris, quia in lumbis origo est seminis et concupiscentiæ. Significat ergo lumbare, populum ad Dei lumbos, id est amorem et conjugium, assumptum, sicut ait *Osee*, XI, 4 : « In funiculis Adam traham eos, in vinculis charitatis. » Sic sponsi suis sponsis donare solent cingulum, vel fasciam pectoralem byssinam, ut per illam sponsæ semper admoneantur fidei conjugalis, atque puritatis cordis, ut scilicet mamillas, quæ sunt cordis divitula, id est affectus suos, continentia coerceant, seque mundas toro sponsi conservent, ut non nisi sponsum ament, illique purum cor et affectum suum tradant. Ita Deus populo Israel, quem quasi in sponsam sibi asciverat, cum jam ab eo ad idola descivisset, improperat inter alia, *Ezechiel*, XVI, 10 : « Cinxi te bysso » (scilicet candidissima : hoc enim significat Hebræum שושן *scosan*, unde derivatur et dicitur שושן *scosan*, id est lilium, quia candidum), q. d. Lege et religione mea quasi cingulo te, o Israel, olim mihi in Sina astrinxi, ut per ea admonereris castitatis conjugalis, puritatis et fidei intemeratæ erga me maritum tuum, diceresque : « Dilectus meus mihi, et ego illi; » et : « Fasciculus myrrhæ dilectus meus mihi, inter ubera mea commorabitur; » tu vero hoc sprevisi, et me spreto idolis quasi adultera adhæsisisti.

Pari modo milites cingulum militare accipiunt; ut eo admoneantur sacramenti militaris et fidelitatis, quam suo duci jurarunt. Unde balteus militiæ hujus et fidelitatis erat symbolum, et milites cum exauctorabantur, balteum deponebant; vel etiam eo privabantur, si infideliter vel ignave in bello se gessissent.

Secundo, cingulum vel balteus roborat molli-
tatem renem et lumborum. Hinc symbolum est
fortitudinis et constantiæ : eaque de causa zona

est vestis militis et gladiati, et gladius a balteo dependere solet. Lumbi enim, inquit Chrysostomus, superiorum et inferiorum corporis partium sunt fundamentum et junctura. Hinc est quod laborantes et lassi plerumque manus illuc quasi in fundamentum quoddam immittunt, ut hoc pacto se confortent. Milites ergo balteo laminis consero lumbos quasi mediam, mollissimam et fundamentalem corporis partem tumentur, continent, muniunt et roborant.

Tertio, cingulum, ut recte notat Pierius, hieroglyphico 40, symbolum fuit integritatis et virginitatis tam apud Hebræos, quam apud Græcos et Latinos.

De Hebræis patet *Isaia* III, 24, ubi virgines Hebræas captivitate puniendas describens : « Et erit, inquit, pro zona funiculus, et pro fascia pectorali cilicium. » Ecce pro deliciis virginum zonam et fasciam posuit *Isaia*, et merito, quia sicut ubera subacta signa sunt meretricis, *Ezech.* XXIII, 3 : « In Ægypto, inquit, in adolescentia sua fornicatæ sunt, ibi subacta sunt ubera pubertatis earum : » sic papillæ studiose revinctæ signum sunt illibati floris virginiei, in quo puellarum honos consistit.

De Græcis testis est Pausanias, Træzeniorum virgines zonam Palladi ante nuptias dedicasse. Sic Athenis templum Dianæ Solvizoniæ structum legimus apud Apollonion in *Argonaut.*, in quo novæ nuptæ suspendebant zonas, quas solverant per conjugium.

De Chaldæis testis est Herodotus, lib. I, eoque respexit *Baruch*, cap. VI, 42, cum ait : « Mulieres circumdatæ funibus in viis sedent, » id est feminae ad ædes Veneris funiculis quasi zonis præcinctæ, quibus virginitatem profitentur, hospitibus ad Veneris fanum adventantibus pudorem prostituunt, deaque Venere sic expiata domum revertuntur. Hoc enim execrabili et satanico invento Babylonice virgines colebant Venerem, et suam virginitatem dicabant Veneri : nimirum, ut narrat Herodotus, antequam matrimonium inirent, cumque quærerent maritum, ante templum Veneris residebant, donec advena quispiam eis abuti vellet; is dabat abusæ pretium cum hac imprecatione : Tanti ego tibi deam Milyttam, id est Venerem, imploro; illudque pretium abusæ templo Veneris offerebant, sibi persuadentes se hac ratione sibi deam conciliaturas, et ab ea sponsum egregium et felix matrimonium impetraturas. Ut vero advenas amasios allicerent, hoc philtro utebantur. Cremabant ossa, id est nucleos duros et quasi osseos, olivarum, cum hac imprecatione, ut pari modo hospites earum amore torerentur, ossaque hæc ita adusta, et in cineres redacta spargebant in ventum, jaciendo ea trans caput, ut dixi loco citato *Baruch*, idemque docte ex Theocrito, Virgilio et aliis docent Antonius Guevara, præfat. in *Habacuc*, et antecessor meus Martinus Delrio, lib. III *Disquisit. magic., part. I Quæst.* III, sect. 2.

lum fortitudinis et constantiæ

Tertio, cingulum est symbolum integritatis et virginitatis. Virgines et sacerdotes olim apud varias gentes cingulo utebantur.

De Latiniſtis teſtis eſt Ovidius cum canit :

Castaque fallaci zona reſincta manu.

Hinc olim in veteri Teſtamento (uti et apud Gentiles) et etiamnum ſacerdotes in ſacris cingulo utuntur, ut moneantur, ait Cyrillus, fluxæ libidinis luxuriam et animi cupiditates, caſtitaſtis et temperantiæ cingulo coercere.

Quarto. Quarto, zona ornamentum erat et ſymbolum gloriæ, maxime ſi zona bullis aureis gemmeisque diſtincta eſſet, quæ proprie dicitur balteus, quaſi bullateus, ait Pierius. Hinc ſuis balteis ſuperbiebant glorioſi milites. Unde *Jerem. xiii, 9*, Dominus ait ad *Jeremiam* : « Sic putreſcere faciam ſuperbiam Juda, » ſicut ſcilicet putruit lumbare, id eſt balteus hic tuus, uti jam dixerat vers. 7.

Quinto. Quarto, zona veſtis et ſymbolum eſt hominis expediti et parati ad iter, bellum, et ad quodvis opus ac miniſterium. Præcincti enim ſolent eſſe expeditiores, firmiores et conſtantiores in opere. Hæc quinque ſymbola conveniunt noſtro huic balteo militis Chriſtiani, uti jam oſtendam.

Unde

Quæritur ſecundo, quæ ſit hæc veritas, quæ inſtar cinguli Chriſtianum militem cingit ?

Primo. aliqui intelligunt veritatem doctrinæ et fidei, quam hæreſibus opponimus; hæc enim proprie dicitur veritas. Ita Chryſoſtomus, Theophylactus, Anſelmus. Verum obſtat quod fidem non balteo, ſed ſcutò comparet Apoſtolus, vers. 16.

Unde melius ſecundo, ſidem accipiunt veritatem quæ eſt in moribus, qua nimirum res omnes amandas et amplectendas per veritatem, id eſt, per virtutem et virtutis verum rectumque dictamen metimur. Quid enim aliud eſt humilitas? quid caritas? quid patientia? quid aliud ſunt cæteræ virtutes, quam lumina veritatis? ut quidam Sanctorum vere et ſapienter dixit; veritatis, inquam, quæ res parvæ ut parvæ, terrenæ ut terrenæ, viles ut viles, magnæ ut magnæ, honeſtæ ut honeſtæ, cœleſtes ut cœleſtes æſtimantur et adamantur. « Qui cinctus eſt hac veritate, ait Chryſoſtomus, nunquam fatigabitur, vel ſi fatigetur, in veritatem hanc reclinabitur et conquieſcet. Quid enim ipſum, dic quæſo, fatigabit? paupertas? nequaquam: requieſcet enim in veris divitiis, et per paupertatem iſtam cognoscat quæ ſit vera paupertas. Sed ſervitus ipſum fatigabit? nequaquam: novit enim quæ vera ſervitus ſit; idemque iudicium de ægritudine, fame aliisque quæ alios affligere ſolent. » Hic ſenſus probabilis eſt et appoſitus.

Tertio. Adamus veritatem interpretatur ſinceritatem, quaſi eam opponat Apoſtolus hypocriſi Simonis Magi et aſſecularum.

Quarto. Verum reſpondeo et dico, veritatem hic ſignificare fidelitatem et integritatem. Alludit enim Apoſtolus ad *Iſaia xi, 3*, ubi de Chriſto dicitur :

« Et erit fides (hebraice אמונה *emuna*, id eſt fidelitas) cinctorium renum ejus, » q. d. Veracitas ſive fidelitas perpetuo Chriſto adhærebit, more cinguli Chriſtum cingens, ornans et roborans. Sic enim Paulus Chriſtianos inſtar Chriſti vult eſſe ſuccinctos veritate, id eſt fidelitate quaſi cingulo. Nam Hebræis ſorores ſunt hæ voces אמת *emet*, id eſt veritas, et אמונה *emuna*, id eſt fides ſive fidelitas, ab eadem radice et matrice אמן *aman*, id eſt firmus, ſtabilis, conſtans fuit, genitæ; conſtantia enim mater eſt veritatis et fidelitatis. Hinc veritas ſumitur hic et alibi pro fide ſive fidelitate. Sicut ergo balteus militaris, ut dixi, ſymbolum eſt ſacramenti militaris et fidelitatis, qua miles aſtrictus eſt ſuo duci: ita balteus Chriſtianorum eſt fidelitas, quam ſacramento baptiſmi promiſerunt, quaque ſe aſtrinxerunt Deo, quamque in chriſtianismo profeſſi ſunt et profitentur; in baptiſmo enim profeſſi ſunt ſe renuntiare Satanæ et pompis ejus, Chriſtisque fidem et legem ſectaturos, ac communi Chriſti militiæ aſcripti bellum perenne indixerunt Satanæ.

Rurſum, ſicut cingulum, ut dixi, ſymbolum eſt fidelitatis et amoris conjugalis, quo quaſi cingulo conjux conjugi aſtringitur et alligatur: ita cingulum hoc Chriſtianorum eſt fidelitas et amor non tantum militaris, quo Chriſto quaſi capite ſuo ſunt obſtricti; ſed et conjugalis, quo Chriſto quaſi ſponſo devinciuntur. Itaque cingulum hoc Chriſtianorum eſt fidelitas in Chriſti fide, religione, cultu, obedientia, ut illi quaſi capite ſuo, imo ſponſo noſtro fideles ſimus uſque ad mortem, et uſque ad ſanguinem pro eo contra diabolum et quosvis hoſtes depugnemus, uti fecerunt Martyres, qui maluerunt perdere vitam, quam fidem et obedientiam Chriſti. Tales debent eſſe omnes Chriſtiani, nimirum ita fideliter ſervire et obedire Chriſto, ut malent ſubire mortem et quasvis pœnas, quam Chriſtum offendere; ejusque legem transgredi, q. d. Paulus: Quid exi-gat a Chriſtiano hic amor? Primo contemptum mortis.

Porro S. Gregorius Nazianzenus, orat. 42: « Quæro, inquit, quid lumbis cum veritate commune ſit, et quæ Pauli mens fuerit cum diceret: State igitur ſuccincti lumbos vſtros in veritate? Num forte quod ſpeculatio concupiſcentiam coerceat, nec alioſum ferri ſinat? Nec enim fieri po-teſt, ut qui cujuſpiam rei amore flagrat, pa-

Veritas et fidelitas apud Hebræos ſunt ſorores.

Cingulum amoris militaris, et conjugalis, animæ erga Chriſtum.

Quid exi-gat a Chriſtiano hic amor? Primo contemptum mortis.

Tertio, veritas, id eſt ſinceritas. Quarto, veritas fidelitas.

rem ad alias voluptates vim habeat. » Hoc est, ut explicat Nicetas, « Christi contemplatio lumbum nostrum et concupiscentiam constringit, eamque totam ad rerum divinarum amorem transfusam et derivatam diffundi ac dispergi non sinit. » Christus enim est veritas, *Joan. xiv, 6.* Oratio igitur et contemplatio Christi rerumque celestium, minuit et infringit concupiscentiam, quæ in lumbis sedem habet : unde et ad ejus mortificationem hominem extimulat.

Secundo, Hinc *secundo*, uti cingulum militare symbolum est fortitudinis et constantiæ : ita hoc cingulum Christianorum, scilicet veritas, significat constantiam et fortitudinem (unde et radix Hebræa *אמן aman*, a qua descendit et nascitur *emet*, id est veritas, significat esse firmum et constantem, ut dixi), monetque nos, ut simus fortes et constantes in jam dicta fidelitate, militia et obsequio Christi.

Tertio, Rursum *tertio*, sicut cingulum symbolum est integritatis et virginitatis : ita per veritatem, integritatem hanc et puritatem intelligit Apostolus. Sic enim verum aurum dicitur quod integrum est et purum, nullaque cupri, aut alterius metalli impuritate falsatum et vitiatum : præsertim quia fidelitas sine integritate esse non potest, eamque includit. Fideles enim esse non possumus in Dei obsequio, nisi in eo simus et integri. Hæc vero integritas et puritas maxime spectatur in temperantia et castitate. Sicut enim duo maximi hostes sunt amor carnis et amor Dei : ita qui fideles sunt in Dei amore, necessario amorem carnis et libidinis stringere, coercere et suppressere debent, *q. d.* Apostolus : Balteus, o Ephesii, vos ornans, stringens et roborans, sit veritas, id est integritas morum in comprimenda concupiscentia, maxime libidinis, quæ in lumbis primam sedem et originem habet. Ita Chrysostomus, Hieronymus, Theophylactus, Anselmus, ut alludat Apostolus ad *Luc. xii, 35* : « Sint lumbi vestri præcincti. » « Lumbos præcingimus, inquit S. Gregorius, cum carnis luxuriam quæ in lumbis est, per continentiam coarctamus. » Hinc sacerdos se vestiens cingulo : « Præcinge, inquit, Domine, lumbos meos cingulo castitatis, ut maneat in me virtus continentiae et castitatis. » « Quia igitur, inquit Hieronymus, lumbi in generatione semper accipiuntur et semine, secundum illud : De fructu lumbi tui ponam super thronum tuum ; et alibi : Adhuc in lumbis erat Levi patris sui Abraham, quando obviavit ei Melchisedech : videtur nobis accinxisse lumbos suos, qui nequaquam uxori debitum reddit, nec servit libidini, sed imitatur ingenitum Deum generationis negotiis non ministrans. Hoc idem reor et illud significare, quod Joannes zonam pelliceam habebat circa lumbos suos, et non erat de immundis, qui propter fluxum seminis extra castra projecti, cum arca Domini habitare non possunt. Nec ex his, de quibus in *Numeris* scribitur : Sint vestimenta ejus

Secundo, maxime spectatur et consistat puritas?

dissuta. Qui autem Christo accinctus est veritate, hæc vestimenta in altum colligit, et sursum trahit, et nudorum laterum fœditatem balteo spirituali velat, stringit et includit, et paratus ad prælium est : et opera habet lucentia, quæ lucernæ dicuntur ardentes. »

Ad hæc *quarto*, hoc fidelitatis, constantiæ, integritatis et castitatis cingulum, de quo huc usque, mire ornat Christianos, ut miro decore hisce suis virtutibus quasi ansulis connexum et variegatum Christianum cingat et decoret : nimirum cum in eo elucet constans fidelitas, et fidelis integritas, et integra castitas, et casta constantia, sicque una virtus aliam quasi ansam ansam excipit, hominemque cingit et coronat.

Denique *quinto*, hæc fidelitas facit Christianum expeditum ad bellum cum dæmone ineundum, ad quodvis opus Christianum suscipiendum, ad iter in cælum ingrediendum. Unde S. Hilario zona est efficax in omne bonum apparatus, ut ad omne ministerium Christi promptæ voluntatis cingulo simus accincti. Sed hæc promptitudo rursum et melius per calceamenta significatur, de quibus sequitur.

ET INDUTI LORICAM JUSTITIÆ. — Id est, pro lorica vestra sit justitia. Pro lorica græce est *θώραξ*. Nota : Thoracis duæ sunt partes, una superior, quæ a pectore ad umbilicum; altera inferior, quæ ab umbilico ad genua protenditur diciturque a Græcis *ζώνη*. Utriusque hujus partis juncturam et commissuram faciunt lumbi, quos tegit et munit balteus, vel cingulum, ut dixi. Lorica ergo hic Germanica intelligitur, nimirum quæ a collo ad genua porrigitur, tegitque tam femora, quam pectus, adeoque totum hominis corpus, quatenus crassum et solidum est. Unde lorica hanc vocat justitiam non specialem, quæ cuique jus suum reddit; sed generalem, quæ est complexio omnium virtutum. Hæc enim totum hominem obarmat, et ab omni parte communit. Unde Chrysostomus : Lorica, inquit, justitiæ est catholica et virtute prædita vita, *q. d.* Lorica vestra, o Christiani, sint opera justa et sancta, quibus assidue cor et pectus undequaque obarmetis, ut non tantum bello defensivo diabolo resistatis; sed et offensivo acres illi plagas et dolores infligatis. Opera enim bona flagellant et cruciant dæmonem : nimirum uritur nostra humilitas ejus superbia, nostra patientia et injuriarum condonatione ringitur ejus ira et impatientia, nostra dilectione et obsequiis pungitur et configitur ejus invidia.

13. ET CALCEATI PEDES IN PRÆPARATIONE EVANGELII PACIS. — « In præparatione, » hoc est præparatione; sicut « in veritate, » idem est quod veritate. Hebræi enim, ut dixi, exprimunt *bet*, id est *in*, cum ablativo instrumenti, quod apud Latinos esset solæcismus, *q. d.* Calcei nostri sint præparatio Evangelii pacis.

Queritur hic *primo*, cujus rei symbolum sint calcei, et quid significant in Scriptura?

Quarto, fidelitatem.

Quinto, promptitudinem.

Lorica justitiæ quæ i. ei hom. i. corpori. i. quæ et animæ calceat.

Calceus quatuor

serum
symbo-
lum est:
Primo,
liberta-
tis.

Respondeo *primo*, calceus symbolum erat libertatis. Servi enim uti et captivi incedebant nudis pedibus. Hinc nudi pedes signum sunt captivitatis et servitutis. Ita Isaias ambulavit nudus et discalceatus per triduum, vel, ut alii, per triennium, ut portenderet captivitatem Ægyptiis et Æthiopibus imminentem ab Assyrio Sennacherib, qua nudis pedibus ducendi erant captivi in Assyriam; *Isai. xx, 3*. Contra, Hebræis servitute Ægyptiaca egressuris dicitur: « Calceamenta habebitis in pedibus, » id est, non jam nudis pedibus incedite, sicut hucusque more mancipiorum fecistis, sed calceati instar ingenuorum et liberorum.

Secundo,
usucapio-
nis.

Secundo, calceus symbolum erat usucapionis, possessionis et domini; discalceatio vero signum erat cessionis juris sibi debiti. » Sic *Ruth*, cap. iv, vers. 7, dicitur: « Hic, inquit, erat mos antiquitus in Israel inter propinquos, ut, si quando alter alteri suo juri cedebat, ut esset firma concessio, solvebat homo calceamentum suum, et dabat proximo suo: hoc erat testimonium cessionis in Israel. » Idem patet *Deut. xxv, 7*. Contra de Davide dicitur *Psal. lxx, vers. 40*: « In Idumeam extendam calceamentum meum, » id est possessionem meam, q. d. Calcando Idumeam calceis meis, adibo possessionem Idumææ, eamque meo dominio subiciam.

Tertio,
lætitiæ.

Tertio, calceus symbolum erat lætitiæ; contra discalceare se, sicut et cesariem comamque radere, signa erant luctus. Sic Ezechiel cum a Domino juberetur non lugere uxorem defunctam cap. xxiv, vers. 17, audit: « Corona tua circumligata sit tibi, et calceamenta tua erunt in pedibus tuis, » id est, ne luctuosis cæremoniis prosequaris ejus mortem. Atque hæc fere sunt symbola calceorum domi togæque. Nam aliud foris et militiæ significat calceus.

Quarto,
constan-
tiæ et
animi in-
trepidid.

Unde *quarto*, in militia calceus symbolum est constantiæ, confidentiæ et animi intrepidi. Qui enim nudipes est, timide et pedetentim incedit, ne pedem alicubi offendat; contra, calceatus audacter. Sic Homerus Græcos milites Trojam obsidentes et expugnantes vocat *ἀνενκλιδας Ἀχαιοί*, id est, bene ocreatos Achivos. Calceis enim militibus non tantum planta pedis, sed et pes ipse ac tibia obteguntur, talesque calcei sunt ocreæ; unde per calceos hic ocreæ accipi possunt: hæc enim sunt calcei equitum. Unde S. Cyprianus causam cur Apostolus fidelium pedes velit esse calceatos, hanc dat: « Ut serpens, inquit, a nobis calcatus obteratur, neve armatos pedes possit mordere. »

Calcei
militis
Christia-
ni sunt
primo,
mortifica-
tio.

Queritur *secundo*, qui sint calcei militis Christiani, quibus eum hic calceari vult Apostolus.

Respondet *primo*, Gregorius Nyssenus, lib. *De Vita Mosis*, esse vitam mortificationis duram et asperam; vel, ut alii, esse memoriam mortis. Calcei enim fiunt ex mortuorum animalium pelibus et corio: unde sunt signa mortalitatis. Hinc

S. Dionysius, *Cælest. Hierarchiæ* cap. xv, docet angelos pingi discalceatos, eo quod sint immortales, liberi et puri, sine affectu, labe, commitione. Memoria ergo mortis quasi calceus facit hominem expeditum, ut concupiscentiis et diabolo resistat, ut illecebras præsentis vitæ utpote breves et caducas contemnat, fortiterque dimicet pro vita immortalis adipiscenda. Verum hic sensus non est literalis, sed tropologicus.

Secundo, ex S. Gregorio Anselmus: « Calceamenta, inquit, quæ fiunt ex coriis mortuorum animalium, significant exempla patrum jam defunctorum, quibus ab omni terrena læsione defenduntur pedes nostræ mentis, id est affectiones, quibus tanquam pedibus ad faciendum aliquid promovemur. Læditur enim pes prædicatoris a terra, si affectus ejus terrenum commodum ex prædicatione appetit, id est, si propter terrenum commodum, non propter regnum cælorum prædicat Evangelium. Et ideo prædictis calceamentis induantur pedes nostri, id est exemplis patrum muniantur: ut, sicut patres studio supernæ intentionis, non appetitu terrenæ commoditatis prædicaverunt Evangelium, sic et nos faciamus. » Sed et hoc est tropologicum.

Tertio, Hieronymus Prado in *Ezech.* cap. xvi, pag. 183, vult calceos esse animum intrepidum et audacem (hujus enim, ut dixi, calcei in militia sunt symbolum) « in præparationem » (ita enim ipse legit cum Theophylacto et nonnullis Bibliis), id est, in confirmationem et defensionem Evangelii: *præparare* enim in Scriptura sæpe significat roborare, stabilire, confirmare. Hæc enim omnia significat Hebræum *כּוּן* *cun*. Sic *Psal. xxiii, 2*, dicitur: « Ipse, scilicet Deus, super flumina præparavit (id est fundavit et firmavit) eum, » orbem scilicet terræ. Sic *Isai. ii, 2*: « Erit, inquit, præparatus (id est fundatus et firmatus) mons domus Domini in vertice montium (1). »

Verum hi omnes novos suppleant et inveniunt calceos, cum hi calcei sint ex verbis Apostoli querendi, qui sicut scutum, gladium, galeam, balteum, lorica, ita et calceos proprios militi Christiano consignat et explicat. Unde sicut dixit lumbos ejus succingendos esse in veritate, quasi cingulo: ita hic dicit calceandum esse « in præparatione » (ita enim legendum cum Græcis et Latinis Romanis ac Hieronymo: non autem, in *præparationem*, uti legit Theophylactus et Prado), id est præparatione Evangelii, quasi calceo.

Dico ergo, « præparatio Evangelii » est calceus militis Christiani. Præparatio autem hæc, ut recte notat Chrysostomus et Theophylactus, est alacris promptitudo, et prompta alacritas animi, partim ad ambulandum viam Evangelii pacis, partim ad eam annuntiandam, qua per infensissimos Simonis, Gnosticorum, immo dæmonum et hostium omnium, cuneos fortiter pergamus et

Secundo,
exempla
patrum
defunc-
torum.

Tertio,
animus
intrepidus
et
audax
ad
propa-
gandum
Evange-
lium.

Quarto
et genui-
ne, præ-
paratio
Evange-
lii
est
calceus
militis
Christia-
ni, et in
quo est

(1) Quæ interpretatio Rosenmullero præpæcet.

† stat illa
parat

penetremus in cœlum. Plebs enim Christiana hac promptitudine calceata esse debet, ut per viam Evangelii inoffenso pede ambulet, suaque sancta vita et conversatione alios ad eandem viam inuendum alliciat, itaque fidem et Evangelium propaget et promoveat. Unde de hac præparatione et promptitudine dixit S. Joannes Baptista: « Parate viam Domini; rectas facite semitas ejus, » inquit Chrysostomus. Apostoli vero, Doctores et Pastores hac alacritate calceari debent, non tantum ut ipsi in hac Evangelii via ambulent, sed etiam ut sua prædicatione et sanctitate alios ambulare faciant, adeoque ut pergant ad barbaras gentes, iisque annuntient Evangelium, ut et ipsæ juxta Evangelium vivant et ambulent.

Eapropter *Marci* vi, 9, Apostolis et prædicatoribus Evangelii dantur sandalia, quo scilicet audent et alacriter suscipiant munus sibi injunctum, et omni timore humano deposito illud exerceant. Sandalia ergo hæc et calcei signum sunt tum libertatis, tum dominii, tum lætitiæ, de quibus dixi quæstione prima, tum maxime animi constantis, excelsi, alacris et intrepidi: sunt enim calcei militis.

Calceus hyacinthinus Ecclesiæ symbolum est triplicium ornamentum et virtutum ejus.

Addit Ezechiel cap. vi, vers. 10, sponsam Dei, id est Ecclesiam (puta Ecclesiæ fideles, filios et milites), calceatam esse ianthino, id est, hyacinthino, sive violaceo corio et calceo. « Calceavi, inquit, te ianthino, » q. d. O popule Israel, qui es electus in sponsam Dei, in *Egypto* quasi mancipium nudipes servisti; jam cum te inde educo, libertate te dono, et in signum libertatis do tibi calceum, eumque hyacinthini, id est violacei et cœlestis coloris; primo, ut significem cœlestem debere esse tuam vitam, conversationem et spem, ut terrena relinquens festines ad cœlestia, ait S. Gregorius, lib. XXX *Moral.*, cap. x.

Secundo, ut significem amorem et sponsum tuum esse in cœlo: Deum nimirum ipsum, qui e cœlis te protegit, ut alacrius et perfectius ambules, aut etiam prædices viam in cœlum.

Tertio, hyacinthus vestis erat regalis, *Eccli.* xl, 4: « Ab eo qui utitur hyacintho, et portat coronam (id est a rege), usque ad eum qui operitur lino crudo (id est plebeium et pauperem). » Calceus ergo hyacinthinus animum excelsum et vere regium significat, qui in cœlis fixus calcet omnem terrenum dominatum. « Namque pedes quibus progredimur, inquit Hieronymus Prado in *Ezech.* cap. xvi, pag. 185, affectus significant quibus animus fertur, quocumque fertur, teste Augustino; calceamentum vero libertatis et dominationis est signum, hyacinthus autem cœlestis regni imago. Pedes itaque calceati hyacintho indicant animum ingenuum, liberum et regalem, qui spe cœlestium bonorum terrena hæc omnia pessumdat et proterit. Vide in Apocalypsi mulierem amictam sole, et lunam sub pedibus ejus, atque coronatam stellis duodecim, reginæ videlicet simulacrum, quam Vates describit lucida vestitam

cyclade, calceatamque hyacintho, et quam sponsus commendat ab incessu decoro et gratioso ob calceamenta hyacinthina; desiderium cœlestium spirantia. Et in *Cantico Canticorum*: Quam pulchri sunt gressus tui in calceamentis, filia principis! Ubi observandum, tunc sponsam filiam principis appellatam a sponso, cum calceamentis (haud dubie hyacinthinis) pedes ornaverant, quia pedes calceati symbolum exhibent reginæ dignitatis, ut diximus. » Ita Prado.

Itaque calceus Ecclesiæ reginæ et sponsæ Dei, ac cujuslibet militis Christiani, qui hujus reginæ filius est, debet esse hyacinthinus, ut videlicet terram et terrena omnia pedibus calcet, animo versetur in cœlis, eo contendat magna alacritate et promptitudine, memor se, utpote regis Christi et reginæ Ecclesiæ filium, regem esse, et ad cœleste regnum vocari illudque brevi initurum, ut cum triumpho una cum aliis Beatis, utpote regibus perenniter canat: « Fecisti nos Deo nostro regnum et sacerdotes, et regnabimus super terram, » imo super cœlum, « in sæcula sæculorum. »

Hæc est ergo « præparatio, » id est, alacritas et promptitudo, qua Ephesios et quemvis Christi militem calceat Apostolus: ut nimirum promptus sit non solum ad Evangelium retinendum et defendendum, sed etiam ad illud propagandum per Gentiles licet invitos et adversantes; utque, sicut inquit Chrysostomus et Theophylactus, paratus sit ad exitum scilicet ex hac vita, tot tentationibus, conflictibus, periculis et ærumnis obnoxia, ad aliam quietam, beatam et æternam.

Unde pulchre S. Basilius in *Admonit. ad filium spiritual.*, militem Christi cum milite sæculari conferens, ita excitat ad hanc animi promptitudinem dicens: « Miles terrenus quocumque loco mittitur, paratus ac promptus est, neque se uxoris aut liberorum gratia excusare audebit: multo magis miles Christi, sine aliquo impedimento regis sui imperio debet obedire. Ille in prælio galeam ferream gestat: sed tua galea Christus sit, qui est caput tuum; ille lorica ne vulneretur indutus est: sed tu pro lorica sis fide Christi circumdatus. Ille contra adversarium suum mittit lanceas et sagittas: tu contra adversarium divina eloquia jaculare. Ille donec pugna geritur, arma a semetipso non projicit, ne ab adversario vulneretur: ita et tu nunquam debes esse securus, quia tuus hostis hoste illius astutior est. Ille si superaverit, ad domum revertitur: tu vero hoste prostrato in illud cœleste regnum cum omnibus Sanctis intrabis. »

EVANGELII PACIS. — Id est Evangelii, sive læti nuntii; quo pax, id est omnia bona cum Dei benevolentia et amicitia hominibus promittuntur. Ita Chrysostomus et Theophylactus. Pax enim Hebræis omnem prosperitatem, omnia fausta et felicia, bonorumque omnium copiam significat. Unde hæc erat Hebræorum, et ex iis Christi Apos-

Alacritas et promptitudo animi necessaria ad Evangelium retinendum et propagandum.

Salutatio
Christi et
Hebræo-
rum,
Pax
tecum.

tolorumque salutatio, *Pax tecum*, qua omnem felicitatem omniaque bona aliis apprecabantur.

Secundo, dici potest « Evangelium pacis, » id est pacificum, pacem docens, concilians, afferens. Evangelium enim docet offensas remittere, inimicos diligere, dissensiones et lites aversari, concordiam et pacem querere ac tueri.

Vers. 16. 16. IN OMNIBUS SUMENTES SCUTUM FIDEI, IN QUO POSSITIS OMNIA TELA NEQUISSIMI IGNEA EXTINGUERE. — Nota : Pro *in omnibus* græce est ἐν παντί, quod Vatablus vertit, *super omnia*; sed Noster aptius vertit, *in omnibus*. Vult enim, ut recte notat Hieronymus, nos in omni tentatione et opere gestare clypeum fidei, eoque venientes diaboli sagittas et suggestiones excipere et retundere (1).

Secundo, pro *nequissimi*, græce est τοὶ σαρπητοί, id est, ut Vatablus et Erasmus vertunt, *illius mali* vel scelesti, hoc est, scelestissimi et nequissimi, puta diaboli.

Tertio, « tela » ejus « ignea, » id est, instar ignis penetrantia, ardentia et inflammantia sunt suggestiones diaboli, quibus phantasie pravas cupiditates suggerit, et ad eas appetendas concupiscentiam et appetitum accendit et inflammat. Hisce telis vulnerat animam. « Anima, » ait Origenes, hom. 8 in *Num.*, quoties peccat, toties vulneratur. O si possemus per unumquodque peccatum videre, quomodo homo noster interior assidue vulneratur! Vulneratur per linguam anima, vulneratur et per cogitationes, et concupiscentias malas; frangitur autem et conteritur per opera peccati. Quæ si omnia videre possemus, et vulneratæ animæ sentire cicatrices, certum est, quod usque ad mortem resisteremus adversus peccatum; sed nos cupiditatibus sæculi amentes effecti, vel vitiis inebriati, sentire non possumus quanta vulnera, quantas contritiones animæ peccando conquirimus. »

Vers. 17. 17. ET GALEAM SALUTIS ASSUMITE; — id est, ut Theophylactus et Vatablus, galeam salutarem quæ caput servet et salvet. Sed quænam est hæc galea? quibus verbis eam declarat et explicat Apostolus? Dico ergo, « galeam salutis, » id est galeam quæ est ipsa salus, sicut dixit « scutum fidei, » id est scutum quod est ipsa fides (2). Galea ergo militis Christiani est salus allata a Christo, et sperata a Christianis, hoc est spes salutis : ita enim se explicat Apostolus, I *Thessal.* v, 8 : « Induti, » inquit, loricae fidei et charitatis, et galeam spem salutis. » Ecce spem salutis vocat *galeam*. Sicut enim galea principem corporis partem, puta caput ipsum, a quo cætera membra totusque homo pendet, tuetur et communit : ita

spes salutis, et gloriæ coelestis ac immortalis servat et communit caput, id est hominis cogitationes, fines et intentiones. Hæc enim in actionibus id sunt, quod caput in homine, scilicet principium et gubernaculum actionum et agendorum. Nam sicut caput regit, dirigit, movet et gubernat cætera membra, totumque hominem : ita finis et intentio dirigit, movet et gubernat omnia hominis desideria, verba et opera (3).

Spes ergo quasi galea caput nostrum symbolicum, puta finem et intentionem, armat et communit.

Primo, quia facit ut ultimus noster finis et intentio sit Deus, fruitio Dei, salus et beatitudo æterna, eoque refert omnes alios nostros fines et intentiones, ac consequenter reliqua omnia cogitata, dicta et facta nostra.

Secundo, quia facit ut homo cogitans bona illa immensa, quæ consecutorum se sperat, alias omnes cogitationes a diabolo suggestas repellat, hacque cogitatione et spe, ardua quævis aggrediatur, et animose cum hoste confligat, proponens sibi gloriam illam speratam, quæ victorem manet. Vide ad *Hebr.* xi, quam hac galea spei veteres Sancti armati fuerint et roborati, ad omnia dura vel suscipienda, vel toleranda.

Nota prima : Alludit Paulus ad *Isaiæ* lxx, 17, ubi sic ait : « Indutus est (Dominus Deus) justitia ut lorica, et galea salutis in capite ejus : indutus est vestimentis ultionis, et opertus est quasi pallio zeli. » Quibus verbis *Isaiæ* per prosopopœiam describit Dei, quasi militis, arma et panopliam : scilicet justitiam quasi lorica, salutem (studium salvandi homines) quasi galeam jam dictam, et zelum quasi pallium : quibus armatus Deus peccatum, mortem, diabolus, hostes suos a nobis depulit, et homines impios gentesque infideles hostes suos subegit, ex impiis pios, ex infidelibus fideles, ex Ethnicis Christianos, ex inimicis amicos faciendo, ut recte ibi annotavit Theodoretus. Hanc enim suam panopliam Deus et Christus suis militibus; puta Christianis, communicant, ut hic docet Apostolus.

Nota secundo : Græce est ἀρμυροειδὲς σκεπτικόν, hoc est *galeam salutaris*, id est, ut Hieronymus et alii exponunt, salvatoris, puta salvatorem Jesum, assumite pro galea : ut Jesus Christus omnes sensus qui sunt in capite, integros quasi galea servet et tueatur, inquit Hieronymus, omnisque noster sermo, mens, cogitatio, consilium sit in Christo. Septuaginta enim Interpretes, quos sequitur Paulus, Hebræum שְׂמַחַת נַפְשׁוֹ, id est salutem, vertere solent σωτήριον, id est *salutare*, vel *salvatore*, ut Christum salvatorem et salutem ab eo

Galea est
spes, ca-
put est
finis seu
intentio.

Alludit
Aposto-
lus ad
Isaiæ
lxx, 17.

Galea
militis
Christia-
ni est
salus al-
lata a
Christo,
vel po-
tius spes
salutis.

(1) Ἐν παντί potest etiam exponi, *ad hæc omnia*, id est, præter ista omnia; vel, *omnino, ante omnia*. — *Scutum* et *clypeum* distinguunt quidam veteres; sed h. l. species clypei pro *clypeo* quovis ponitur.

(2) Per σωτήριον hic metonymice intelligitur spes salutis æternæ ex Evangelio concepta, quod apparet ex I *Thess.* v, 8.

(3) Quomodo scutum vel clypeus *extinguere* possit tela, hoc loco frustra queritur. Potuit enim Apostolus, qui voce *clypei* improprie utitur, suo θυρεὸς τοῦ πύργου vim aliquam insignem tribuere, qua clypei proprie tales carebant. Bursum, *extinguere* positum est propter *igneas*.

allatam significent nomine concreto quasi proprio Christi.

Id iisdem Ephesiis, post quadraginta ab hac Pauli epistola annos, scribens S. Ignatius innuit dicens: « Nihil melius quam pax in Christo, per quam bellum omne aboletur aereorum et terrestrium spirituum. Non enim est nobis colluctatio adversus sanguinem et carnem, sed adversus principes et potestates, » etc. Et paulo superius: « Tantum ut in Christo Jesu inveniamur, ut vere vivamus: absque eo ne respirare quidem unquam velitis. Is enim mea spes est, is mea gloria, hæc denique meæ indeficientes divitiæ: in quo vincula a Syria Romam usque circumfero, spirituales margaritas, in quibus utinam mihi contingat consummari, ac participem Christi passionum, et socium mortis ejus fieri, et resurrectionis a mortuis et æternæ vitæ. »

Hic sensus redit in idem, et cum priore coincidit. Spes enim salutis est illa, quam Salvator attulit, non alia; adeoque est ipse Christus salvator, ipse enim est spes nostra; consequenter est et galea nostra. Simili modo dicitur, *Proverb. xviii, 18*: « Turris fortissima nomen Domini. » Hebraice est nomen tetragrammatum et proprium Dei, scilicet יהוה *Jehova*, quod includitur in nomine Jesu non sono, sed sensu et significatione, ut dixi *Exodi* cap. iii et vi.

ASSUMITE. — ἀρπάξτε, capite, arripite; Syrus, *apprehendite*.

ET GLADIUM SPIRITUS (id est spiritalem) QUOD EST VERBUM DEI. — Hoc gladii Christus vicit et jugulavit demonem se tentantem et oppugnantem, *Matth. iv*. Hoc gladii usi sunt sancti omnes, uti de S. Paula memorat Hieronymus in ejus *Epitaphio*. « Si quando, inquit; procacior fuisset inimicus, et usque ad verborum jurgia prosiliisset, illud psalterii decantabat: Cum consisteret adversum me peccator, obmutui, et silui a bonis; et rursus: Ego autem quasi surdus non audiebam, et quasi mutus non aperiens os suum. In temptationibus, Deuteronomii verbaolvebat: Tentat vos Dominus Deus vester, ut sciat si diligatis Dominum Deum vestrum de toto corde vestro, et de tota anima vestra. In tribulationibus et angustiis, Isaie (juxta Septuaginta) replicabat eloquia: Qui ablactati estis a lacte, qui abstracti ab ubere, tribulationem super tribulationem expectate; spem super spem, adhuc pusillum propter malitiam laborum, propter linguam malignam. Et Scripturæ testimonium in consolationem suam edissererat, ablactatorum esse, eorum scilicet, qui ad virilem ætatem pervenissent, tribulationem super tribulationem sustinere, ut spem super spem mereantur accipere; scientes quoniam tribulatio patientiam operatur, patientia autem probationem, probatio vero spem, spes autem non confundit. » Et infra per singula discurrens ita ait: « In languoribus et crebra infirmitate dicebat: Quando infirma sum, tunc fortis sum; et:

Habemus thesaurum istum in vasis fictilibus, donec mortale hoc induat immortalitatem, et corruptivum hoc vestiatur incorruptione. Et iterum: Sicut superabundant passionem Christi in nobis, ita per Christum abundat et consolatio. Ac deinde: Ut socii passionum estis, sic eritis et consolationis. In mœrore cantabat: Quare tristis es, anima mea, et quare conjurbas me? Spera in Deo, quoniam adhuc confitebor illi, salutare vultus mei, et Deus meus. In periculis loquebatur: Qui vult venire post me, abneget semetipsum, et tollat crucem suam, et sequatur me. Et iterum: Qui vult animam suam salvam facere, perdet eam. Et: Qui perdiderit animam suam propter me, salvam eam faciet. Quando dispendia rei familiaris, et eversio totius patrimonii nuntiabatur, aiebat: Quid enim prodest homini si totum mundum lucrifecerit, et animæ suæ damnum habuerit: aut quam dabit homo commutationem pro anima sua? Et: Nudus exivi de utero matris meæ, nudus et redeam. Sicut Domino placuit; ita factum est. Sit nomen Domini benedictum. »

Hæc est ergo imago et *πανοπλία* militis Christiani a capite ad talos armati. Galea est spes salutis, sive spes in Christum; thorax ex justitia, id est opera justa et sancta; balteus est veritas, id est fidelitas, integritas et castitas; calcei et ocreæ sunt præparatio et alacritas ad viam Evangelii inundandam et propagandam; dextra tenet gladium, id est verbum Dei; sinistra scutum, scilicet fidem.

Similiter, sed paulo aliter S. Ephrem, tractatu *De Panoplia* sive armatura spiritali, hæc arma Christiano militi adaptat. « Galea, inquit, est spes, balteus est charitas, calceamenta sunt humilitas, scutum est crux, arcus est oratio. »

Huc etiam alludens Tertullianus, sed confuse lib. *De Corona militis*, cap. i, militem se profitentem Christianum, ideoque graviter tortum ita describit: « Et nunc russatus (id est rubricatus) suo sanguine, spe calceatus, de Evangelii paratura succinctus, acutiore verbo Dei totus de Apostolo armatus, et de martyrii candida laurea melius coronatus, donativum Christi in carcere expectat (1). »

(1) « Cæterum huic loco, accurate loquendo, non inest allegoria, nam semper additur explicatio; in allegoria autem nil nisi imago ostenditur, et explicatio relinquitur lectori. Est potius hic locus comparatio dilatata, cum perpetua explicatione. In hoc et similibus locis explicandis non est argutandum in singulis verbis; nam omnes species armorum, quæ hic commemorantur, redeunt tamen ad genus unum — arma, in applicatione *adminicula constantiæ*, cujus species sunt ἀλγεια, δυνάμειν, et sic porro. Proinde non querendum est, cur sinceritas comparatur cum cingulo, pietas cum thorace, firmitas cum ocreis, etc. Ex natura cinguli, thoracis, ocrearum, non potest causa comparisonis erui; manet enim eadem applicatio, sive hoc cum illo, sive aliud cum alio cogitur; et liberum manet scriptori ornare sic vel aliter orationem. Si quis objiciat, esse tamen magnum discrimen inter cingulum, thoracem, ocreas, etc., huic respondemus, differre quidem hæc arma, quia certis membris

omnes
morbos
medicina

Panoplia
militis
Christiani
a capite
ad
talos
armati.

Spes nostra est
nomen
Dei
Jehova,
quod includitur
in nomine
Jesu.

Omnes
Sancti
usque
gladio
verbi
Dei
in
temptationibus
et
angustiis.

S. Scriptura
contra

Vers. 18.

18. PER OMNEM ORATIONEM ET OBSECRATIONEM ORANTES OMNI TEMPORE IN SPIRITU, ET IN IPSO VIGILANTES IN OMNI INSTANTIA, ET OBSECRATIONE PRO OMNIBUS SANCTIS. — Nota : Post arma et panopliam militis Christiani, dat ei copias auxiliares, scilicet Dei et angelorum. Unde per orationem et obsecrationem jubet eas advocari. Oratio enim et arma jam dicta, et eorum usum et augmentum, id est vires internas impetrat pariter et externas; ut scilicet exterius Deus per angelos retundat et compescat ferociam et tentationes diaboli. Unde oratio magis necessaria militi Christiano quam cætera arma : Deus enim est, qui in omni tentatione et conflictu dat victoriam. Illius ergo gratia et adiutorium maxime per orationem est implorandum (1).

Copie
auxilia-
res mili-
ti Chri-
stiano
oratione
evocan-
da.

Hujus rei typus fuit Josue et Moses; Josue militis pugnantis, Moses sacerdotis orantis speciem refert. Unde sicut Moses sua oratione impetravit victoriam Josue contra Amalec : « Cumque levaret, inquit Scriptura, *Exod. xvii, 11*, Moses manus, vincebat Israel; sin autem paululum remisisset, superabat Amalec. » Ita miles Christianus vincet diabolum et omnes hostes, si assiduum comitem et propugnatores habeat orationem.

Conditio-
nes in
oratione
requisi-
ta.

Unde nota secundo : Conditiones requisitas in oratione hic explicat Apostolus.

Primo enim requirit in oratione assiduitatem, diligentiam et frequentiam, cum dicitur : « Per omnem orationem, » *q. d.* Per jugem assiduam et omnimodam orationem et obsecrationem, unde explicans subdit : « In omni instantia et obsecratione, » ut scilicet, inquit Theophylactus, instanter oret et obsecret cum fletu, genuflexione, tunctione pectoris, etc.

Secundo, ut Anselmus, ut obsecret obtestando Dei misericordiam per omnia sacra et sancta, *v. g.* per mortem, crucem, sanguinem Christi.

Utrumque enim significat obsecratio, scilicet primo, orationem ex intimo animi sensu, qui lacrymis, aliisque signis externis declaretur, manantem; ut exponit Theophylactus. Secundo, ut Anselmus, significat obtestationem et quasi adjurationem per res sacras. Reliquæ conditiones orationis patebunt ex sequentibus jam dicendis.

Unde nota tertio : Vult Apostolus ut singuli Christiani orent et obsecrent non tantum pro seipsis, sed et pro omnibus sanctis, id est Christianis quibusvis, et præsertim Apostolis et prædicatoribus Evangelii, qualis erat Paulus. Hinc patet populo Christiano valde commendandum

corporis destinata sunt, sed hæc non posse transferri ad animum, in quo non possunt discerni varia membra, quibus etiam diversa adminicula adhiberi debeant. » Hæc Rosenmullerus.

(1) Oratio et obsecratio, Græce *προσευχή* et *δέσσις* synonyma sunt. Alii tamen sic distinguunt, ut *προσευχή* significet preces ad bona impetranda, *δέσσις* deprecationem arcendis malis, quæ metumimus. Nam deductum est nomen ἀπὸ τοῦ δέσσω.

esse, ut orent pro propagatione et propagatoribus Evangelii, hæresumque et infidelitatis extirpatione : et si hoc populo, quid Clericis faciendum est?

Nota quarto : Vult ut orent omni tempore. Hinc Euchitæ hæretici apud Augustinum, *hæresi* 57, docuerunt Christianum non debere laborare, nec aliud agere, quam ut semper oret. Unde dicti sunt Euchitæ, id est precatores. Sed hoc dogma stolidum est et impossibile.

Secundo, S. Basilius, hom. in *Julittam Martyrem* : « Qui, inquit, bene semper agit, hic semper orat. » Per omnem enim virtutem Deo conjungimur, quod est officium orationis. Oratio enim non est aliud quam mentis in Deum elevatio, sive mentis cum Deo conjunctio. Inter alias autem virtutes maxime nos Deo conjungit religiosa et pia intentio : si videlicet omnia opera nostra (ibidem pulchre docet Basilius) etiam manualia et fabrilia ad Dei gloriam referamus, ea scilicet faciendi eo fine, ut Deus per illa honoretur, ut hoc obsequium Deo præstemus, ut Deo placeamus. Hinc multi pii et sapientes viri initio studiorum et operum suorum orant, et per orationem studia et opera sua Deo offerunt. Id valde consulendum est simplicibus mechanicis et agricolis. Ii enim multa opera laboriosa sæpe faciunt sine merito, quia tantum lærum aucupantur, qui si doceantur insuper ea referre ad Deum, Deique obsequium et gloriam, longe majora lucra apud Deum in cælis, quam apud homines in terra sibi comparabunt, itaque præter lucrum temporale, quod ab hominibus expectant, ingens lucrum spiritale conquirunt apud Deum.

Tertio et simplicissime, vult Apostolus ut Christiani orent omni tempore, id est assidue, quantum per alia negotia licet. Ita Anselmus. Et, ut Augustinus, « omni tempore, » scilicet orationi destinato, sive ab Ecclesia, sive a propria devotione et consuetudine. Frequentiam enim orationis identidem hic aliis et aliis verbis inculcat Apostolus, præsertim ut certa et stata orandi tempora nullo tempore intermittantur. Nihil enim fructuosius facere potest Christianus, quam si omne tempus ab occupationibus aliis liberum det orationi, Deoque vacet a quo omne donum descendit; ita fiet, ut studia et opera ipsius felicius succedant, et melius fiant, utque Deus iis benedicat, iisque præmium et præsens et futurum largiatur. Hinc monet sapienter S. Basilius, ut orationem sequatur lectio (et quodvis opus), lectioni (et cuivis operi) succedat oratio.

Nota quinto : Hæc oratio facienda est « in spiritu, » id est conscientia munda et fide integra, inquit Ambrosius. Qui enim polluta mente orat, hic in carne orat. Secundo et genuine, « in spiritu, » id est mente, affectu, desiderio, non voce et labiis. Opponit enim spiritum multiloquio, sive batlogiæ Gentilium, ait Chrysostomus, qui putabant se sua eloquentia et multiloquio flectere Deum,

Euchitæ
hæretici
apud Au-
gustinum
hæresi 57,
docuerunt
Christianum
non debere
laborare,
nec aliud
agere, quam
ut semper
oret.

Religiosa
et pia
intentio
est causa
conjun-
ctionis

Oratio
facienda
est in spi-
ritu.

Matth. vi, 7, sicut oratores sua rhetorica flectunt iudices. Unde Vatablus, « in spiritu, inquit, id est, cum fervore spiritus, hoc est, cum intimo et ferventi spiritu. » Spiritus enim et affectus est anima orationis. Multi simplices et rudes parum habent ex hoc spiritu, et fere tantum labiis orant. Hi docendi sunt adorare Deum in spiritu et veritate.

Nota sexto : In oratione requirit Apostolus vigilantiam et perseverantiam. Unde ait : « Et in ipso vigilantes, » græce *ἐν τῷ πνεύματι*, id est *in hoc*, vel *ad hoc ipsum* (scilicet : ut in spiritu oremus omni tempore) vigilantes simul « in omni instantia, » *ἐν πάσῃ προσοχαρᾷ*, id est, ut Ambrosius, Syrus et Græci, *in omni perseverantia*; Vatablus, *cum omni sedulitate*. Tali perseverantia oravit et impetravit filiæ suæ liberationem a dæmone mulier illa Chananaea, de qua *Matth. xv, 27*. Eodem modo et Anna oravit, et impetravit filium Samuelem, *I Reg. cap. i, xv*. Vide et *Luc. cap. xi, 5*. Ita Chrysostomus.

Oratio
requirit
vigilantiam
et
perseverantiam.

Vers. 19. 19. ET PRO ME, UT DETUR MIHI SERMO IN APERTIONE ORIS MEI CUM FIDUCIA, NOTUM FACERE MYSTERIUM EVANGELII, — *q. d.* Orate pro me assidue, ut Deus aperiat os meum, et inspiret sermones quos loquar, ut cum fiducia, græce *παρρησία*, id est libertate et audacia, evangelizem, utque libere et audacter notum faciam mysterium (Syrus *arcanum*) Evangelii, id est per hypallagen, Evangelium mysteriosum et arcanum, sive Evangelium magno mysterio et arcano refertum. Hinc breviter Vatablus sic explicat : « Ut detur mihi aperto ore libere loqui; vel, ut quoties os meum aperio docendi causa, mihi detur sermo absque dicendi metu, ut notum faciam arcanum Evangelii. » Aliiter explicat Maldonatus in *Notis Manuscript.* : « In apertione oris mei, » inquit, hoc est quotiescumque loqui voluero, aut prout postulavero, juxta illud Psaltis, « Aperi os tuum, et implebo illud. » Alludit Paulus ad illud *Ezech. xxxix, 21* : « Tibi dabo apertum os in medio eorum. » Ita S. Augustinus in *Psalm. xxxi*, initio : « Primum, inquit, infirmitatem meam orationibus vestris commendo, sicut dicit Apostolus, ut detur mihi sermo in apertione oris mei sic loqui vobis, quemadmodum et mihi dicere periculosum non sit et vobis audire salutare sit. »

Vers. 20. 20. PRO QUO LEGATIONE (apostolatu) FUNGOR IN CATENA. — Hinc patet hanc epistolam Romæ e vinculis esse scriptam, ait Hieronymus et Chrysostomus.

ITA UT IN IPso (Evangelio scilicet prædicando) AUDEAM (*παρρησιάζομαι*, id est libertate et audacia utar, liber sim et audax. *Secundo*, Theophylactus, ut in ipso, scilicet Evangelio et Evangelii prædicatione defendenda animosus sim et audax, *q. d.* Ut audacter et libere causam meam e vinculis dicam, meque defendam, et rationem reddam prædicati a me Evangelii) PROUT OPORTET ME (tanquam legatum summi Dei, libere et intrepide)

LOQUI. — Audi Chrysostomum et Theophylactum : « Ad quos, o Paule, legatione fungeris? Ad homines, ut ipsos reconciliem Deo. At isti interim me in vincula conjecerunt communem legem non reveriti, qua ubique mos et jus est, ut legati nihil patiantur mali. Catena ergo mihi imposita est, ut os et libertatem loquendi mihi obturet : vestra autem oratio meum mihi os aperiet, ut liberrime loquar, et proloquar quæ is qui me legatum emendavit, mihi commisit. Viden' gladium (libertatem scilicet et alacritatem enuntiandi verbi Dei) quem accepturus erat Paulus in apertione oris. »

21. UT AUTEM ET VOS SCIATIS QUÆ CIRCA ME SUNT (*τὰ περὶ ἡμῶν*, id est, ut Vatablus, quæ de nobis sunt, res nostras, et statum nostrum), OMNIA VOBIS NOTA FACIET TYCHICUS. — Hinc colligimus Apostolum per Tychicum misisse has litteras ad Ephesios.

23. PAX FRATRIBUS. — Pax sit Christianis; qui apud vos sunt. Est salutatio Hebræorum qua usus est Christus, Pax vobis, eaque apprecantur omnia bona, omnia felicia et fausta, ut dixi.

ET CHARITAS CUM FIDE (supple, conservetur et augeatur in fratribus, id est Christianis Ephesiis), A DEO PATRE, ET DOMINO JESU CHRISTO.

24. GRATIA CUM OMNIBUS QUI DILIGUNT DOMINUM NOSTRUM JESUM CHRISTUM IN INCORRUPTIONE, — id est incorrupte, sincere et pure, non habentes corruptelam amoris terreni et vitiorum, *q. d.* Qui diligunt Jesum cum sinceritate, integritate et puritate fidei, spei et morum, maxime castitatis (hæc enim proprie dicitur corrumpi, vel esse corrupta, ait Hieronymus). Et, ut Anselmus, qui cum casto amore Christum sponsum diligunt quasi sponsa quæ corruptionem non admittit. Peccatum enim morbus est et corruptio animæ; virtus vero animæ est sanitas et incorruptibilitas, ait Chrysostomus et Theophylactus. Sicut enim, inquit Chrysostomus, virgo corrumpitur dum fornicatur, pomum corrumpitur dum putrescit, sanitas corrumpitur dum homo fit æger, domus corrumpitur dum dissolvitur : ita anima corrumpitur dum peccat. Peccata enim et voluptates illicitæ dissolvunt, deturpant, putrefaciunt et corrumpunt harmoniam, vigorem, sanitatem et integritatem animæ; virtus vero eadem reparat, animamque suæ integritati et incorruptioni restituit.

Nota, præpositio *in* potest proprie accipi; vel, ut Vatablus, accipi potest pro *cum*, ut dixi; vel, ut Chrysostomus et Theophylactus, potest accipi pro *per*, *q. d.* Qui diligunt Jesum in incorruptionem, id est, per incorruptionem, puritatem et honestatem morum et virtutum.

Rursum *secundo*, Oecumenius, *ἐν ἀφθαρσίᾳ*, inquit, id est *ἀφθάρτως*, *q. d.* « In incorruptione, » id est incorruptibiliter, immortaliter, perenniter, scilicet tam in adversis, quam in prosperis; tam in paupertate quam in opulentia; tam in contemptu,

Libertas
et alacritas
D. Pauli in
annuntiando
Evangelio.

Vers. 21.

Vers. 23.

Vers. 24.

Peccatum
morbus
est et
corruptio
animæ,
virtus
sanitas
et incorruptibilitas.

Triplex
sensus
horum
ultimorum
verborum.

quam in honoribus; tam in desolatione, quam in consolatione; tam in morte, quam in vita, diligunt Jesum Christum.

Denique *tertio*, Chrysostomus et *anconyriacus*, putant *ε* pro *α* poni, in *incorruptione*, pro *in incorruptionem*, id est ad incorruptionem et immortalitatem, quæ meta est dilectionis et gratiæ, quam Ephesiis hic precatur Paulus. Omnes hos sensus ita complectitur Titelmannus in sua paraphrasi: Gratia sit cum omnibus qui diligunt Jesum in incorruptione fidei et morum, incorrup-

tam fidem mente, et incorruptam vitam moribus tenentes; habentesque spem incorruptibilem, utpote ab eo non corruptibilia, sed incorruptibilia bona expectantes. Amen.

O filii hominum, diligite Jesum Christum in incorruptione: incorruptio enim facit proximum Deo. Mente et animo transcendite omnia corruptibilia. Oportet enim mortale hoc induere immortalitatem, et corruptibile hoc induere incorruptionem. Studete incorruptioni. Studete immortalitati. Studete æternitati.

FINIS.

Emendatum: Pag. 32, Not. (1), Rh. 3, lege: Bernadinus a Piconio, Mauduit,
— 476; Col. 2, — 55 — ait P. Syri iminus.

19

COMMENTARIA
IN
SCRIPTURAM SACRAM
R. P. CORNELII A LAPIDE.

COULOMMIERS. — TYP. A. MOUSSIN.

COMMENTARIA
IN
SCRIPTURAM SACRAM

R. P. CORNELII A LAPIDE,
E SOCIETATE JESU,
SANCTÆ SCRIPTURÆ OLIM LOVANIÆ, POSTEA ROMÆ PROFESSORIS,
ACCURATE RECOGNOVIT AC NOTIS ILLUSTRAVIT
AUGUSTINUS GRAMPON,
DIOECESIS AMBIAN. PRESBYTER.

EDITIO NOVA
ACCURATE EXPURGATA MENDIS QUÆ IN PRIOREM IRREPSE-
RANT
TOMUS DECIMUS NONUS
DIVI PAULI EPISTOLARUM



PARISIIS
LUDOVICUS VIVÈS, BIBLIOPOLA EDITOR
VIA DELAMBRE, 9

M DCCC LXXIV

DE VARIIS

S. SCRIPTURARUM SENSIBUS IN UNIVERSUM,

ET SPECIATIM

DE SENSU LITTERALI ⁽¹⁾.

1. *De vulgari sensuum partitione.* Fertur vulgo ea sensuum, quos in bibliis distinguere plurimi solent, enumeratio versiculis hisce :

Littera gesta docet, quid credas allegoria,
Moralis quid agas, quo tendas anagogia.

Quæ partitio traditur a multis excogitata primo fuisse a D. Augustino, qui ita scripsit : « In libris autem omnibus sanctis intueri oportet, quæ ibi *æterna* intimentur, quæ facta *narrantur*, quæ *futura* prænuntientur, quæ *agenda* præcipiantur vel moneantur, » *De Gen. ad litt.* lib. I, cap. 1. Verum quisque videt Augustinum non enumerare diversos Scripturarum sensus, sed earum materiem dispertire. Itaque, si pro nomine *littera* aliud aptius substituas, non est cur partitio illa respuatur, ubi totam Scripturarum materiem dividere velis, sicut fecit Augustinus ; at, si sensus Scripturarum sic dividas, ea peccat quam plurima. Ac *primo* illud universe, quod unum sensuum genus, id est sensum litteralem, cum alterius generis, sensus inquam spiritalis, speciebus ea complectatur. Nam in his versiculis nomina *allegoria*, *moralis*, seu *tropologia*, *anagogia*, non significant nisi tres species unius ejusdemque sensus spiritalis. *Secundo*, nomina ipsa minus proprie rebus facta esse deprehenduntur. Neque enim *littera* ea tantum est quæ *gesta docet*, veluti si historiæ solummodo, non autem et legibus quoque, et morum præceptis, atque ipsis a Deo prophetiis, litteralis sensus subesset. *Allegoria*, prout est nominis hujus usus in hac disciplina, quem usum alibi exponemus, nec sola est, quæ docet *quid credas*, et plura habet quæ ad *spem* excitandam quoque pertinent et ad *mores* informandos. Sed neque nomina *moralis* et *anagogia* duobus illis sensus speciebus a sensu litterali distinguendis satis opportune adhibentur, quum etiam sensus litteralis ea nobis exhibeat quam sæpiissime, quæ ad mores et ad æternitatem beatam spectant. Quin et nominis ἀναγωγή significatio in scriptis Patrum, etiam quum una sensus spiritalis species ita vocatur, latius omnino patet.

Erroris hujusmodi tricasque circa usum nominum illorum exortas ex eo præsertim repetere oportet, quod in Patrum scriptis non semper eadem notio nominibus illis subesse deprehendatur, imo et alia subinde nomina pro illis adhibeantur. Exempli si cupias, vide egregium P. Patritii opus, cui titulus : *De Interpretatione Scripturarum sacrarum*, tom. I, pag. 4.

(1) Conf. D. Augustinum, *De Doct. Christ.* lib. III ; Salmeronem, *Proleg.* VII-XX ; Serarium, *Prolegomen. biblicor.* cap. XXI ; Bonfrerium, *Præloquia in totam Scripturam*, cap. XX ; Vasquez, in *Thom.* I part., Quæst. I. art. 10 ; Huetium, *Demonstr. evangel.* prop. VII, §§ 1-6 ; De Vence, *Préface générale sur les livres de l'Anc. Test.* tom. I, p. 248 seqq. ; Janssens, *Herméneutique sacrée*, tom. III, p. 227 et seqq. ; Glaire, *Introduction historique et critique au livre de l'Anc. et du Nouv. Test.* tom. I, p. 290 ; Patritium, *De Interpretatione Scripturarum sacrarum*, tom. I, cap. I-IV. Ex hoc postremo opere pleraque, non modo cogitata, sed dicta etiam, nos hausisse monemus Lectorem.

2. *Sensum distinctio a Patritio allata.* Aptior igitur et clarior est variorum Scripturæ sensuum partitio ab eodem Patritio ibidem allata, scilicet in sensum *litteralem* et sensum *spiritalem*, quorum prior ita declaratur : Sensum litteralem vocamus id quod exprimere Spiritus Sanctus directe intendit et proxime, et verba directe præferunt, atque etiam proxime si propria ea sint, remote autem si sunt translata, idque in quantum translata sunt. Posterior autem : sensum spiritalem id nominamus, quod sub sensu litterali delitescens exprimere quidem Spiritus Sanctus directe intendit etsi remote, verba tamen oblique præferunt, si, inquam, conferantur cum aliis quibusdam Scripturarum partibus, nec nisi remote, rebus, quas ipsa significant, interpositis. Præter litteralem et spiritalem sensum et alius enumeratur, qui *accommodatitius* seu *accommodatus* dici solet, habeturque cum verba Scripturarum aliis rebus edicendis, quam iis, quæ iisdem verbis, sive secundum litteralem, sive secundum spiritalem eorum sensum significantur, accommodamus. Per fusio rem notam de sensu accommodatio Tomum præcedentem auspicati sumus; quædam hic addamus de litterali sensu, de spiritali dicturi alias.

3. *Sensus litteralis definitio evolvitur.*

Ac primo ratio definitionis, qua, quid sensus litteralis sit, declaravimus, exponenda. Caveas vero in hac quæstione, ne sensum litteralem, seu *κατὰ ῥητόν*, uti is a Græcis perquam apte dicitur, nominationem eandem censeas ac proprium, seu *κατὰ λέξιν*. Id vel ipsa definitione sensus litteralis refellitur. Diximus itaque sensum litteralem esse id, quod Spiritus Sanctus exprimere vult. Quæ definitionis pars non uno ex capite necessaria est. Etenim primo ea docemur differentiam quæ intercedit inter sensum litteralem Scripturarum ac librorum cæterorum. Insuper, si quæ forte verba non satis percepta id præferant, quod Spiritus Sanctus nequiverit velle exprimere, illud haudquaquam pro sensu litterali Scripturarum habendum esse. Denique hac definitionis parte, dum Spiritus Sancti, non vero Scriptorum *θεόπνευστων*, meminimus, cavimus simul, ne definitio obnoxia esset disputationibus, quibus quæritur, an hi semper intellexerint ea quæ scribebant, an semper eadem ac Spiritus Sanctus dicere voluerint, an aliquando contrarium. *Directe* ac *proxime* illud intendere dicitur Spiritus Sanctus. *Directe*, inquam, quæcumque enim quis loquitur aut scribit, ea directe intendit; in definitione autem adnotare id oportuit, quia contingit subinde, ut, dum unum dicimus, ad aliud præter id indicandum mens nostra modo quodam indirecto tendat, quod tamen ut sensus litteralis haberi nec debet, nec potest, quum illud verbis minime exprimamus, solumque audientibus tacita consecutione colligendum permittamus. *Proxime* insuper, id est, quin alia, quæ Spiritus Sanctus etiam velit edicere, intercedant, ut fit in sensu spiritali. Verba quoque illud *directe* præferre dicuntur : mens quippe legentium in illud recta fertur, quin opus sit, aliunde discat idem verbis subesse, ut necessario fit quum ex verbis Scripturarum sensum spiritalem eruere volumus. Verba *propria* illud *proxime* præferunt, nihil intercedit inter verba et inter eorum sensum litteralem, quum is est illud ipsum quod verba in proprium sensum accepta sonant. Inter verba vero *translata* et inter eorum sensum litteralem intercedit propria eorum significatio, ideoque litteralem sensum non *præferunt* nisi *remote*. Affirmavimus verba translata illud præferre *in quantum sunt translata*, quo moneremus ea accipienda esse secundum sensum *translatum*, non autem secundum sensum *proprium*. Sit in exemplum locus ille *Luc. xiii, 32*, ubi Christus Herodem vulpem appellat : per *vulpem* Christus Herodem *directe* intendit, nec sane vulpes ulla tum ejus menti obversabatur; item vox *vulpes* in quantum translata Herodem *remote* designat.

Ut verbo dicam, sensus litteralis Scripturarum, si simpliciter et per se ipsum consideremus; nihil natura differt a sensu litterali quorumcumque librorum.

4. *Varie species sensus litteralis.*

Sensus litteralis, si habeas rationem ipsorum verborum, esse potest vel *proprius*, seu *κατὰ λέξιν*,

vel *translatus*, seu κατὰ τρόπον, in quantum etiam verba talia sunt. Habes sensum litteralem et *proprium* in illis verbis : « Creavit Deus cœlum et terram ; » habes litteralem et *translatum* in illis : « Deus..... requievit die septimo. » Si rationem autem habeas rerum significatarum, nihil prohibet quominus sensum litteralem tum *proprium*, tum *translatum*, præter alias species quas complectitur, in eas etiam dividamus, in quas sensus spiritalis vulgo dividi solet ; et, si quidem nominibus ipsis uti placet, atque *allegoriam* nomen coarctare ad ea sola significanda, quæ credenda sunt, quod tamen inconcinnum quam maxime esse jam diximus, distribuemus sensum litteralem in *historicum*, *propheticum*, *allegoricum*, *anagogicum* et *tropologicum*, ex ea parte, quatenus verba sive propria sive translata in sensum litteralem accepta aliquid significant, quod vel ad *res gestas*, vel ad *futuras* pertinet, vel ad ea quæ *credere*, quæ *sperare*, quæ *agere* debemus. En exempla :

Litteralis proprius historicus : « Creavit Deus cœlum et terram, » *Gen.* i, 1.

Litt. translatus historicus : « Lapidem quem reprobaverunt ædificantes, hic factus est in caput anguli, » *Psal.* cxvii, 22.

Litt. propr. propheticus : « Ecce virgo concipiet et pariet filium, » *Isaiæ.* vii, 14.

Litt. transl. propheticus : « Habitabit lupus cum agno, » *Isaiæ* xi, 6.

Litt. propr. allegoricus : « Dominus unus est, » *Deut.* vi, 4 ; « Ego et Pater unum sumus, » *Joan.* x, 30.

Litt. transl. alleg. : « Oculi Domini super justos, et aures ejus in preces eorum, » *Psal.* xxxiii, 16.

Litt. propr. anagogicus : « Ibunt hi in supplicium æternum, justi autem in vitam æternam, » *Matth.* xxv, 46.

Litt. transl. anagogicus : « Vidi sanctam civitatem Jerusalem novam, » etc. *Apoc.* xxi, 2.

Litt. propr. tropologicus : « Diliges Dominum Deum tuum, » *Deuteron.* vi, 5.

Litt. transl. tropologicus : « Non potest arbor bona malos fructus facere, » etc. *Matth.* vii, 18.

5. An litteralis sensus singulis Scripturarum enuntiationibus subsit ?

Quum Scripturarum sensus alter litteralis sit, alter spiritalis, dubitatum est a nonnullis an earum enuntiationes, quæ spiritalem sensum habent, etiam litteralem servant. Quare nostra hæc quæstio non spectat nisi ad illa Scripturarum capita, quibus spiritalis sensus inest. Neque enim pertinere ad alia potest, a quibus quum sensus spiritalis absit, si etiam litteralis abesset, jam omni prorsus sensu ea carerent.

Ipsæ utriusque sensus definitiones aperte satis docent, quid hac de re sentiendum sit, vixque dubitandi locum admittunt. Quid enim magis absurdum, quam verba non id significare, quod reapse significant ? Æque hoc absurdum glutendum sibi est, si neges verba intelligenda esse secundum sensum litteralem, illum videlicet, quem habent ex tanta saltem hominum conventionione.

Pugnant adversarii auctoritatibus et rationibus, quibus sit brevis responsio. *Primo*, quod attinet ad auctoritates, Origenis scilicet et aliorum, quæ pro adversa sententia afferri possent, animadvertite, quum Patres ac vetustiores Scripturarum interpretes alicujus propositionis sensum litteralem respuendum affirmant, non inde sequi, eos putasse propositionem illam carere eo litterali sensu, qualem definivimus, quando quidem Patres plerumque solum sensum *proprium*, non autem *translatum*, vocant *litteralem* ; idque eo confirmatur ita esse, quia illi ipsi Patres, qui subinde litteralem sensum respuere putantur, diserte defendunt ubique tenendam esse historiæ veritatem. Ita Hilarius, Hieronymus, Augustinus passim. *Secundo*, rationes quibus adversa sententia innititur, hæc sunt : *Prima* est, litteralem sensum aliquando absurdum quid, vel minus congruum, aut etiam turpe præ se ferre. Tale esse dicunt illud Oseæ : « Vade, sume tibi uxorem fornicationum. » *Altera* est, quod, quum quædam capita veteris Testamenti dicta esse de Christo ejusque Ecclesia nos doceant Testamenti novi scriptores, nequeant sane capita ista ullo

alio modo intelligi; at neque tanquam de Christo dicta intelligi possunt secundum sensum litteralem; ergo sensu litterali carere ea dicenda sunt. Tale esse volunt illud: « Ego ero ei in Patrem, et ipse erit mihi in Filium, » quod tanquam de Christo dictum exponit Paulus Apostolus, *Hebr.* 1, 5. Respondeo, *priorem* rationem eo claudicare, quod, qui eam urgent, non attenderint, quomodo sensus litteralis alius *proprius* sit, alius *translatus*. Quid enim, v. g. si in verbis Oseæ respuamus utique, si ita placet, sensum proprium, accipiamus vero sensum translatus? Etenim, ut illa exponit Hieronymus, nomine *uxoris fornicationum* præsignificatur, non quidem per sensum spiritalem, sed per litteralem et translatus, Ecclesia ex gentibus idolorum cultricibus cõgenda; cui Hieronymi interpretationi illustrandæ facit nominatio illa, qua in Scripturis idolorum cultus *fornicatio* vocatur, uti cum dicitur de Judæis: « Fornicati sunt cum Baalim, » *Jud.* VIII, 33; adeoque ab ipso Oseæ continuo: « Quia fornicans fornicabitur terra a Domino, » Quanquam nos aliter quoque Oseæ dicta exponi posse opinamur. *Altera* vero ratio id peccat, quod tanquam certum atque exploratum ponat illud ipsum, quod in hac nostra quæstione versatur, alterutrum scilicet solummodo sensum uno eodemque loco esse posse, vel litteralem, vel spiritalem. Circa testimonia autem veteris Testamenti quæ Testamenti novi Scriptores ad Christum ejusque Ecclesiam pertinere nos docent, id considerandum est, quod, licet ea testimonia secundum sensum litteralem de Christo nequeant intelligi, male quis inde concluderet litteralem horum dictorum sensum esse respuendum, sive, quod pejus foret, sensum hunc ab his omnino abesse. Nam secundum spiritalem quidem sensum *de re per τῶν τοῦ; præfigurata*, de Christo videlicet, seu de Ecclesia, secundum sensum litteralem vero de ipso τῶν τῶν prolata fuisse in vetere Testamento dicenda sunt. Præterea, si staret adversariorum ὑπεθέσιν, alterutrum sensuum tantummodo, non autem utrumque simul, uno eodemque Scripturarum capite contineri, quum incompertum atque absonum sit verba et locutiones litterali sensu destitui, secundum ὑπεθέσιν hanc concludere potius deberemus, hisce veterum Scripturarum locis de Christo sermonem esse, haudquaquam secundum significationem spiritalem, sed secundum litteralem; quumque propria illorum significatio Christo non congruat, significationem litteralem et translatus illis inesse. Verum neque hoc affirmari potest saltem de loco *II Reg.* VII, 14, « Ego ero ei in Patrem » etc., qui sensu litterali ad Salomonem pertinet, ac proinde Christum secundum sensum spiritalem duntaxat indicat.

6. An in Scripturis enuntiationes sint, quibus multiplex sit sensus litteralis.

Quibusdam enuntiationibus Scriptorum sacrorum, non unicum, sed multiplicem esse sensum litteralem, non pauci fuerunt ac sunt, qui certum habent, quos inter Cornelius a Lapide, *Can.* 36 in *Pentateuch.*, hujus tomi pag. 367, et alibi. Nostra aliter est sententia, nihil libros sacros, quoad sensus litteralis naturam ac veluti indolem, differre a cæteris libris, sed sensum hunc eodem modo se in illis atque in his habere. Quod ut breviter evincamus, *primo* expendemus momenta rationum, quibus ducitur contraria pars; deinde causam rationemque exponemus sententiæ nostræ.

a) Quatuor in suam sententiam argumenta affert Cornelius a Lapide. *Primum* est, quod in bibliis quædam loca reperiuntur, quibus sensus litteralis sit multiplex, ex g. loco huic ex Psalmis desumpto: « Filius meus es tu, ego hodie genui te, » *Psalm.* II, 7, plurimus sensus inesse dicitur, quod Paulus passim eo usus sit ad tria confirmanda, Christum esse Filium Dei, æternum ipsi concessum sacerdotium, eumque post mortem revixisse. Nos tamen putamus verba psaltæ nullum alium sensum continere præter primum ex his tribus. Etenim Paulus loquens, *Hebr.* V, 5, de Christi sacerdotio, nequaquam ea verba adhibet ad rem confirmandam, sed in ea veluti incidit, divinamque Christi ὑπόστασιν memorat, ut sit tum aliarum omnium ejus excellentiarum, tum et sempiterni sacerdotii quo fungitur, quoddam veluti fundamentum. Eadem ferme ratione diluimus quod ex *Act.* XIII, 33, depromptum nobis opponunt. Etsi enim Paulus psaltæ testimonio illic utatur, ut probet Christum revixisse, non ex hoc consequitur verba psaltæ de Christo in vitam

resurrecturo dicta esse; num enim, quia ex universi creatione ad demonstrandam Dei potentiam, aut ad demonstrandam misericordiam ex Jesu Christo crucifixo argumenta petimus, ideo concludas, nomini *creationi* notionem esse *potentiam*, aut *crucifixioni* *misericordiam*? Hæc igitur psaltæ verba a Paulo usurpantur, quia continent causam rationemque cur Christus nullo pacto potuerit non reviviscere; itaque, stante nostra interpretatione, majus omnino pondus Paulinæ argumentationi accedit, nam sic probatur non modo Christum resurrexisse, sed insuper non potuisse non resurgere. Iterum adversarii verba Caiphæ objectant: « Expedi vobis, ut unus moriatur homo pro populo, et non tota gens pereat. » His enim ille, ut narrat Joannes, « prophetavit, quod Jesus moriturus erat pro gente. » Hinc negari nequit litteralem sensum verborum horum duplicem esse. Verum in primis respondeo hæc extra causam esse: verba enim Caiphæ relata quidem sunt in Scripturas sacras, non tamen sunt verba ipsarum Scripturarum. Tunc ideo duplex ille sensus subest his verbis, quia non unus Caiphas, sed et Spiritus Sanctus per os Caiphæ ea locutus est, atque ita ut, dum ambo simul ea proferrent, planediversa exprimere singuli vellent. Neque ratio hæc, qua Spiritus Sanctus tunc usus est, quidquam commune habet cum illa, quæ agebat Scriptores bibliorum, quum hi non alia iis, quæ Spiritus Sanctus intenderet, litteris consignarent. Conf. Patritium, *ibid.* cap. III, 33-35.

Secundum est, quod, juxta Cornelium, sententia illa de sensu Scripturarum multiplici simulque litterali fuerit Patribus qui quarto concilium in ædibus Lateranis habuerunt. Ab his quippe, ait ille, ex solis hisce verbis *in principio* duo confecta sunt, « quod mundus incœperit, quasi *in principio* significet principium temporis; et quod nihil ante mundum sit productum, quasi *in principio* idem sit, quod *ante omnia*. » Non equidem negaverim Patribus illis, quum hæc credenda decernerent, ante oculos testimonium illud Mosis obversatum fuisse; videas tamen istud ne memorari quidem, nedum produci, a Concilio. Quod si productum fuisset, arbitror nos in eo Concilii decreto non solum voces *in principio* lecturos fuisse, sed *in principio creavit*, ita ut ex vocibus *in principio* concluderetur nihil ante mundum fuisse creatum; mundus vero ipse esse cœpisse, non ex his vocibus, sed ex verbo *creavit* argueretur. Tum Vasquez negat utramque illam quæstionem a Concilio fuisse definitam, *in Thom.* I part., Quæst. I, disp. 18, cap. III; idque alio loco plane demonstrat, *ibid.* disput. 224, cap. IV.

Tertium est, quod ita senserit D. Augustinus, *Confess.* lib. XII, cap. XXXI; *Doctr. Christ.* lib. III, cap. XXVII. Respondeo, Augustinianam hanc opinionem angustissimos intra terminos ab ipso Augustino coarctari. Vix enim ultra locutiones translata eam protendit; imo neque de omnibus locutionibus translatis illud sensit, sed de ambiguis solummodo et obscuris, quod patebit legenti *Doctr. Christ.* lib. III, cap. IV; *De Civit. Dei* lib. XI, cap. XIX. Tum jejunis sane argumentis suam sententiam probat Augustinus, ut demonstrat Patritius *ibid.* 44-45. Quæ quum ita sint, liceat nobis, omni reverentia qua Augustini auctoritatem prosequimur, ab eo hac in re dissentire; quod temere factum nemo unquam arguere poterit, quandoquidem neque unum inter omnes veteres Patres reperire sit, quem constet cum illo sensisse, idque ipse Augustinus prodit, dum in libris *Confessionum*, ubi primo suam hanc opinionem proposuit, ita loquitur, ut quid *novum*, *recens*, *indictum ore alio*, sed sibi proprium atque a se excogitatum, eum dicere appareat manifesto, neque ut qui testis est doctrinarum a majoribus traditarum, sed ut qui privam sibi peculiarem sententiam aperit.

Quartum est, quod et D. Thomas nobis adversetur, quia hoc scripsit: « Non est inconveniens, ut dicat Augustinus XII *Confessionum*, si etiam secundum litteralem sensum in una littera Scripturæ plures sint sensus, » I part., Quæst. I, art. 10. Ego vero adversari nobis Thomam minime credo, imo nobis suffragari teneo firmissime. Etenim eo articulo non quæritur, utrum unus aut multiplex sit sensus litteralis bibliorum, quod nemo non videt, qui legat tum ea quæ principio opponuntur, tum testimonium Gregorii ad fidem faciendam prolatum, tum reliquum *articuli*

corpus, tum denique responsa, imo vel ipsum titulum articuli, qui non est : An in una eademque enuntiatione plures sint sensus litterales ; sed : *Utrum sacra Scriptura sub una littera habeat plures sensus* ; quæ duo valde discrepant inter se. Deinde facile deprehendimus Thomam ea protulisse, non tam de sua, quam de Augustini sententia, atque ejus auctoritate veluti compulsam ; protulit enim extremo sermone, nec nisi obiter, et quin, sive prius, sive post, sive inter ea quæ initio opponit, quæve in fine reponit, vel unum verbum diceret de illa opinione. Vides etiam quam aliter ac fecerit Augustinus, eam enuntiet ; non enim ait sensum litteralem Scripturarum esse multiplicem, sed *non esse inconveniens* si sit talis. Ut autem opinio ista probabilis fiat, nomen *litteralem* in alium sensum accipit Thomas, quam in toto illo capite, aliamque ejus sensus definitionem facit, ac fecerit antea. Quum enim prius dixisset litteralem significationem eam esse *qua voces significant res*, postea, ut opinionis illius ratio aliqua appareret, sic eandem hanc significationem definivit : *Sensus litteralis est, quem auctor intendit*. Jam vero secundum priorem definitionem, re non aliam illa quam fecimus, sensus litteralis is est, qualem ipsi descripsimus, distinctum a spiritali, quem etiam Thomas continuo definit, reipsa sicut nos definivimus. At secundum definitionem posteriorem spiritalis sensus a litterali non distingueretur, sed et ille habendus et vocandus esset litteralis ex ea parte, quatenus etiam sensum spiritalem auctor (Spiritus Sanctus) *intendit*. Præterea, quod insuper evincit Thomam a nobis stare, palam est eum hoc loco negare multiplicem esse in Scripturis eum sensum, qui secundum priorem definitionem litteralis habendus est. Thomæ enim propositio hæc est : *Significatio, qua voces significant res, est sensus litteralis* ; assumptio : *Sensus non multiplicatur propter hoc, quod una vox multa significet*. Quænam vero horum complexio sit, nisi hæc : Ergo sensus litteralis multiplex non est ? Ne vero regeras Thomam negare, *quod una vox multa significet* quod attinet duntaxat ad sensum spiritalem, veluti diceret, sensum spiritalem non eo esse multiplicem, *quod una vox multa significet*. Nequaquam sic est Thomæ argumentatio. Sed demonstrare vult, *quod multiplicitas horum sensuum* (spiritalium) *non facit æquivocationem*. Cur vero non faciat ? *Quia...sensus isti non multiplicantur propter hoc, quod una vox multa significet*. Si ergo una vox multa significaret, id est, si plures essent unius enuntiationis sensus litterales, *æquivocationem*, ut Thomas loquitur, ii facerent. At eam fieri ipse negat ; negat ergo plures esse sensus litterales in Scripturis. Denique, si Thomas sensisset cum adversariis nostris, cur in suis Commentariis de Scriptura Sacra neque unum hujus verbum ita interpretatus est, ut cujus duplex sensus isque litteralis esset, sed alter litteralis, alter spiritalis, aut κατ' ἐξέσιν ?

b) Nunc rationes causasque referam, quibus adducor ut negem sensum litteralem, qui multiplex sit, Scripturis subesse.

Atque ut a Patribus exordiar, auctores habemus sententiæ nostræ, quotquot ii fuerunt, uno dempto Augustino. Nam neque unum horum reperias, qui, non dicam, affirmaverit, sed vel suspicatus fuerit, uni saltem alicui sacrorum Scriptorum propositioni duplicem sensum litteralem, nedum multiplicem, subesse, neque tunc quum quæstio erat de aliquo illorum locorum, quorum diversæ feruntur interpretationes ; sed vel istas omnes referunt Patres ita, ut sinant quemque eam sequi quam libuerit, vel unam præ aliis probabilem demonstrant, aut etiam, cæteris refutatis rejectisque, solam veram esse contendunt ; si qua vero difficultate in sua interpretatione defendenda impediuntur, nunquam inde sese extricant, quod tamen factu facillimum foret simul et commodissimum, quæsito sibi effugio in verborum sensu litterali et multiplici. Ubi autem duplicem multiplicemve sensum Scripturis tribuunt, compertum est loqui eos de litterali simul et spiritali sensu, prout ipsi subinde expressis verbis mentem suam nobis aperiunt, sæpissime etiam de iis quæ nequaquam sententiæ sunt Scripturarum, sed harum sententiarum, sive litterales eæ sint, sive spiritales, consecraria et consequentia. Oraculis etiam illis, quæ in vetere Testamento legimus edita de alio quam de Christo, in novo autem Testamento tanquam

de Christo dicta referuntur, nemo Patrum litteralem duplicem sensum tribuit, sed alterum litteralem, alterum spiritalem. Denique praecepta legesque Scripturarum enarrandarum, quas illi adeoque ipse Augustinus scripserunt, eo spectant, non modo ut veram germanamque sententiam ex Scripturis colligamus, sed etiam quænam e pluribus, quas verba interdum præferre videntur, vera sit, quo certius fieri potest, definiamus.

Ex scriptoribus qui post Patrum ætatem vixerunt, si eos numeres qui aiunt sensum litteralem in bibliis esse multiplicem, causam nostram damnatam credes; at si testium auctoritatem perpendas, longe aliter de ea judicabis. Imo si attente consideres rationem ac modum, quo contraria sententia exponitur ab iis qui huic favere putantur, fieri non poterit, quin pro comperto habeas horum perplurimos, verbo quidem adversariis favere, re tamen a nobis stare. Nostrarum itaque partium esse dicendi sunt theologi atque interpretes omnes Scripturarum sacrarum, quotquot ante Thomæ ætatem fuere, idque illas ipsas ob causas, ob quas Patrum suffragia nobis vindicamus. Item illi qui post Thomæ ætatem de sensu Scripturarum scribentes, quæstionem hanc præterierunt: præterisse enim merito creduntur, quod timuerint, ne Thomæ, qui secus sensisse ferebatur, viderentur adversari. Nec minus ii qui docent sensum litteralem unum e pluribus esse primum, ut Liebermann, multoque magis, qui nos jubent unum tantum habere tanquam certum atque indubitatum, ut Thomas Pius et Neesen. His adde eos, qui in Scripturis enarrandis quinque aut sex, non amplius, illarum sententias, imo eos qui neque unam in litteralem duplicem sensum accipiunt, quique omnes significationes, una dempta, semper atque expresse refutant, quantumvis horum bene multi universe pronuntient talem sensum Scripturis subesse earumque proprium esse: quod enim verbo asserunt, facto refellunt; nemo porro est e Scripturarum interpretibus, qui nequeat hoc in numero recenseri. Insuper plane nobis assentire dicendi sunt, qui vetant in eum sensum accipere verba Scripturarum, nisi aut Patres consentiant, aut Ecclesia decernat, ut Perrin: hujusmodi enim consensus aut decretum nusquam comparet. Quod si ipsa theologorum atque interpretum testimonia legere velis, adi Patritium, op. cit. p. 35 seqq.

Auctoritatibus prædictis aliquot rationum momenta addere juvat, quæ sententiam nostram magis magisque confirment. *Primum* est, quod vocum et locutionum natura in bibliis alia non est, quam in cæteris libris: quare ergo aut quomodo alia sit in bibliis natura sensus litteralis, qui ex ipsis duntaxat vocibus et locutionibus extat? *Secundum* est, quod regulæ, quas ad libros explicandos suggerit ars hermeneutica, adeoque illæ ipsæ ab Augustino traditæ, atque ab eo, cæterisque Patribus et omnibus Scripturarum interpretibus adhibitæ, eo pertinent, ut verum germanumque verborum atque enuntiationum sensum colligamus. Jam vero si ope harum regularum unus aliquis sensus esse dubio procul cognoscatur, a regulis ipsis aberraret, qui alium præter hunc quæreret; sin autem duæ pluresve existerent sententiæ, quid, quæso, ars hermeneutica præcipit, quid interpretes omnes agere solent, ad quid ipse communis naturæ sensus nos compellit, nisi ut ulterius disquiratur, quænam e pluribus illis sententiis cæteris verior, aut saltem probabilior, atque illis præferenda sit? Quum vero neque hoc alterum assequi datur, nonne, si sapimus, hoc unum necessario concludimus, sententiam dubiam esse atque incertam?

7. *Bibliorum partes, quibus multiplex sensus litteralis affingi posset, ad certa capita revocantur.*

Quo materiam hanc omni ex parte confectam præstemus, ad certa capita revocabimus illa omnia quæ possent, tametsi errore veri, cuiquam videri multiplicem sensum, eumque litteralem exhibere, causamque indicabimus cur id fiat, simulque cur unum duntaxat exhibeant re ipsa: illud interea præmonentes, si ea demas quibus duplex sensus subest, alter litteralis, spiritualis alter, et tamen uterque litteralis putatur, reliqua omnia quæ huc pertinere possent, non magis in bibliis, quam in cæteris quibusque libris, haberi

a) Atque illud in primis sedulo attende, quod aliud sit plures reipsa sensus litterales alicubi

haberi, aliud autem verba ac sententias posse nonnunquam diversa ratione intelligi atque exponi, eo quod illorum sensus minus clare perspiciatur: quorum posterius non sane negamus. Hinc habes rationem qua dignoscas, quænam Patrum mens fuerit, cum plures unius ejusdemque sententiæ litterales significationes commemorant. Loquuntur quippe de multiplici expositione quam sententia illa habere potest. Et sane plures hi sensus, qui ex una locutione extorquentur, nihil sunt nisi diversa obscurioris sententiæ interpretamenta: cujus rei exemplo esse possunt, quæ disserit Augustinus de primis vocibus Geneseos, *Confess.* lib. XII, cap. xxviii.

b) Sunt etiam quædam Scripturarum capita, quæ litteralem multiplicem sensum habere videantur, quia plures res simul significant, etsi duo hæc valde discrepent inter se, quam discrepantiam Thomas explicat III *part.*, Quæst. LX, art. 3, ad 1. Exempli causa, nomen *Spiritus* ambiguum est et multiplicem habet sensum, in quantum alterutrum eo significatur, vel natura quædam, vel aer motus; at in quantum spirituales omnes naturas simul complectitur, puta Deum, angelos, animas hominum, hasque eo nomine simul omnes designo, plura quidem simul significat, at non ideo multiplex est ejus notio litteralis. Huc pertinet oraculum Isaïæ: « *Generationem* ejus quis enarrabit? » quod, siquidem utramque Verbi divini generationem significat, unam atque alteram comprehendit veluti partes duas totius rei significatæ, usurpato, quod sæpissime fit, singulari numero pro plurali. Eodem pacto explicanda sunt, quæ de duplici lucis spiritalis et corporeæ a Deo creatæ significatione scripsit Augustinus, *de Gen. ad litt.* lib. I, cap. xix; nam etiam illa: « In principio creavit Deus cælum et terram, » naturas omnes tum spirituales, tum corporeas comprehendunt, quin ideo sensus litteralis multiplex illis subsit.

c) Duplex sensus esse dicitur, alter altero sublimior atque reconditior, in quibusdam aliis Scripturarum capitibus, qualia ea sunt, quæ Christus de sua carne manducanda locutus est, *Joan.* vi, 52 seqq., quæque in alium sensum, ac Christus ea dixerit, intellexerunt Capharnaitæ. Verum Christus num id dicere intenderat, quod Capharnaitæ intellexerunt?

d) Habent quoque libri sacri, sicut cæteri, verba, locutiones, sermones, narrationesque, imo et vaticinia, dictione translata, in quibus et proprius et translatus sensus, uterque litteralis, comparet. At in his alter tantum est accipiendus, quod nemo ignorat, idque etiamsi ea, quorum vocabula ad aliud significandum transferuntur, facta reipsa sint, aut fieri soleant, id est, etiamsi ipse sensus *proprius* locutionis *translata*, si eum per se ipsum spectemus ac sejunctum a reliquo sermone et notione rei quam *τροπικῶς* significat, verus sit, uti cum cives Hierosolymitas vocat Isaïas *principes Sodomorum, populum Gomorrhæ*, cap. i, 10; sive cum Christus Joannem Baptistam dixit *Eliam*, cumque ipse Christus *David* a Jeremia et Ezechiele vocatur.

e) Eodem loco habere oportet apologos et parabolas, quibus tum *historicus*, tum *parabolicus* sensus subest, prior quidem proprius, posterior translatus, neque tamen litteralis. Hujusmodi est, quod Joatham narravit de lignis sibi regem quærentibus, *Judic.* ix; quod Ezechiel de leæna et leunculis, cap. xix; quodque Nathan de divite pauperi oviculam surripiente, II *Reg.* xii, nec non plurima quæ in Evangeliiis legimus. Sed ista quoque se habent in Scripturis, sicut in omnibus libris, videlicet uti dictiones translatae, ac proinde de his sicut de superioribus sentiendum est. Si enim in his duplicem sensum litteralem esse dicas, idem dicere debebis de *Æsopi* fabellis. Nisi dicere magis placeat, quod verius est, ipsum parabolarum et apologorum sensum eum esse, quem verba præferunt in sensum litteralem accepta; id vero quod per parabolas et apologos docemur, non sensum aliquem esse, qui illis subsit, sed finem ad quem illa narrantur.

f) Ex sermonibus symbolicis duplex utique sensus colligitur, sed ita, ut alter litteralis sit atque ipsorum verborum sensus, alter vero rei, sive actionis quæ ad symbolum adhibetur, et verbis significatur: non secus ac sensus duplex colligitur ex illis Scripturarum capitibus, quibus præter litteralem sensum quoque spiritalis subest; nam in his quoque, quod attinet ad spiritalem

significationem, dictio *symbolica* est. Talia autem sunt, quæ, ut legimus in Levitico, contra hircum pronuntiabantur die festo Expiationum, quæque Christus in sterilem ficum dixit, et ea, saltem ex parte, quibus Deus serpentem ob deceptos humani generis parentes castigavit. Hujusmodi etiam alia sunt, quæ apud Prophetas præsertim leguntur, puta quæ Deus dixisse narratur Oseæ de uxore fornicaria, I, 2; quæ Jeremiæ de hujus lumbari, XIII, 1; quæque Ezechieli, IV, 4, si tamen hæc omnia gesta reipsa fuerunt; si enim gesta nequaquam fuerunt, quod dicendum esse videtur de illis narrationibus Jeremiæ et Ezechielis, consequens verba illa Dei non *ιστορικά* esse, sed *μυθαγορικά*, deque iis ita sentire oportere, ut de dictione translata sentiendum esse modo dictum est. Cæterum in his nihil est quod uni sacro codici proprium sit ac privum. Nam, v. g. quum Tarquinius, ut narrat Livius, Arunti filio interroganti, quid sibi Gabiis agendum foret, non aliud dedit responsum, quam bacillo summa papavera decutiens, quæ res utique symbolum fuit; si quid verborum addidisset, puta: Summa hæc papavera decutito, clareret profecto duplex horum verborum significatio.

g) Quæ ex ipsis Scripturarum sententiis consequentia sunt et veluti consecutaria, ea plane *ἀλόγως* alter ipsorum verborum sensus litteralis esse putantur, idque quantumvis auctor Scripturarum ea quoque intenderit significare: non enim verbis ipsa hæc expressit, sed ratiocinationi nostræ elicienda permisit. Hoc ipsum omnes, dum loquimur, facere solemus, sicuti quum pater unum filiorum objurgat de aliqua re ideo ut filios cæteros, qui audiunt, de alia re simul admoneat: num vero duplex erit objurgationis hujus sensus litteralis? Igitur illa Hieronymi verba: « Non sunt, ut quidam putant, in Scripturis verba simplicia; plurimum in his absconditum est; » et alibi: « Singuli sermones, syllabæ, apices, puncta, in Scripturis plena sunt sensibus: » hæc inquam verba, aliaque similia, quam inepte et ab re quidam urgeant ad asserendum Scripturis sensum litteralem simul et multiplicem, nemo non inteligit.

h) Scriptoris sacris, seu verius Spiritui Sancto solemne fuit, prout Patres atque Interpretes uno ore docuerunt, *typos* seu figuras, et *antitypa* seu res figuris hujusmodi designatas, eodem sermone complecti, idque non uno modo. Quandoque enim unam eandemque sententiam seu enuntiationem de utroque eorum simul protulere. Quandoque uno eodemque sermone de utroque, sed alternis, locuti sunt. Quandoque demum ea quæ ad *antitypa* pertinent, prædixerunt, immutatis verbis translatisque typorum nominibus, ad *antitypa* significanda. At in nullo horum duplex est sensus litteralis, secus ac quidam arbitrantur.

Etenim horum *prius* factum fuisse comperimus, quum scriptor *θεόπνευστος* ex aliquo Scripturarum libro refert, ut quæ de certa quadam sive re sive persona dicta sint, ea verba quæ de alia persona aut re in libro illo dicta esse constat. Hoc pacto a scriptoribus novi Testamenti ut dicta de Christo ea referuntur, quæ de agno immolando, *Exod.* XIII, 46, *Joan.* XIX, 36; de Salomone orituro, *II Reg.* VII, 14, *Hebr.* I, 5; de Israelitis ab Ægypto reductis, *Psal.* XI, 1, *Matth.* II, 15, dicta fuerant in veteri Testamento. Hæc tamen horumque similia duplicem utique sensum habent, sed alterum litteralem, quo agnum, Salomonem Israelitasque significant; spiritalem alterum, quo significant Christum. Atque hic locus est quo animadvertas, hæc a quibusdam dici solere *ad litteram* impleta fuisse *etiam* tunc, quum illud factum est, quod eorum significatio spiritalis portendebat. Quam loquendi rationem ferre aliquo modo possumus, quoniam *ad litteram impleri* non idem est ac *significari sensu verborum litterali*. Verba enim sententiarum et oraculorum, quæ spiritalem quoque sensum continent, talia sint oportet, ut seorsum sumpta, atque a toto sermone divulsa, ac per se ipsa spectata, ita rei, ad quam sensus spiritalis pertinet, congruant, ut illam significare possint etiam secundum litteralem suam significationem, sive propria hæc sit, sive translata. Atque ideo, quum id factum est quod de Christo per loca supra allegata prænuntiatum fuerat, dici hæc eadem potuerunt ad litteram impleta esse.

Specimen *alterius* rationis, qua biblicorum auctores de typo simul deque antitypo locuti sunt, suggerunt psalmus II, in quo tam Davidis adversos et faustos casus, tam Christi divinitatem et dominatum, verba in litteralem sensum accepta significant; psalmi XLIV et LXXI, quibus et Salomonem et Christum vates canebat; capita xxx et xxxi libri Jeremiæ, quibus et Israelitas soluta captivitate in integrum restituendos eorumque urbem instaurandam, et novum fœdus a Deo pangendum Ecclesiamque condendam, ille est vaticinatus. Sed in his quoque horumque similibus, nequibus nisi unum sensum litteralem, non autem plures, reperire; ea enim constant ex pluribus ac diversis enuntiationibus, quarum pars de typo habitæ sunt, pars de re per typum significata. Quare recte dicentur hæc biblicorum capita plures promiscue sensus litterales, diversis inquam enuntiationibus, exhibere, non tamen simul, id est, in una eademque sententia conjunctos connexosque.

Postrema denique ratione typum simul et antitypum sermone conjunxisse auctores biblicorum intelliges, si qua sententia talis sit, ut ad typum pertinere secundum aliquorum nominum aut verborum proprietatem videatur; at quæ præterea in ea leguntur, nequeant in typum quadrare: certior quippe sic fies verba ad typum pertinentia ipsaque typorum nomina non esse accipienda in sensum proprium, sed translatum, in quantum non typum ipsum, sed res typo hoc designatas τροπικῶς exprimant, quo non supererit nisi unus sensus litteralis, isque translatus. Luculentissimum hujus rei specimen habes in hoc Ezechielis vaticinio: « Et suscitabo super eas pastorem unum, qui pascet eas, servum meum DAVID; ipse pascet eas, et ipse erit eis in pastorem. Ego autem Dominus ero eis in Deum, et servus meus DAVID princeps in medio eorum. » Davidis enim nomine non alium hic vocari posse præter Christum, res in propatulo est. Cf. *Jerem.* xxx, 9; *Psalm.* III, 5.

A. G.

COMMENTARIUS

IN EPISTOLAM

AD PHILIPPENSES.

ARGUMENTUM.

PAULUS in Macedoniam a Deo vocatus mirabili illa visione nocturna, quæ describitur *Actor. xvi, 9*, ubi dicitur: « Vir Macedo quidam erat stans, et deprecans eum et dicens: Transiens in Macedoniam, adjuva nos; » mox eo concessit, primamque ejus urbem, Philippos scilicet (quæ primo *Dathos* dicta, deinde a Philippo, patre *Alexandri Magni* instaurata, vocata est *Philippi*, ac paulo post facta est colonia Romanorum) adiit, pluresque Philippensium convertit; ibique *Pythionissam* sanavit, ideoque virgis cæsus est et incarcerationatus.

Philippenses ergo a Paulo ad Christum conversi, idcirco Pauli studiosissimi, mox ut audierunt Paulum Romæ vinctum detineri, ad ejus consolationem miserunt Romam cum muneribus *Epaphroditum*, suum apostolum (ut ait *cap. ii, vers. 25*), suumque episcopum, inquit *Theodoretus*, *Baronius* et alii. Hic *Epaphroditus* Romæ in morbum incidit et ad mortem ægrotavit; cumque tandem convaluisset, remisit eum Paulus ad suos Philippenses cum hisce litteris, quibus hortatur eos, ut in fide Christi perstent et pergant, nec vinculis suis turbentur, aut animis cadant; et maxime ne cedant et credant judai-

zantibus docentibus legalia Mosis servanda esse cum Evangelio; nec *Cerintho*, *Simoni Mago*, eorumque asseclis negantibus Christum vere esse crucifixum. Deinde mixtim hortatur eos ad virtutes Christiano dignas, et maxime ut Christi humilitatem, charitatem, pacem et concordiam mutam foveant et æmulentur.

Scripta est Romæ anno Christi 60 (1), qui fuit secundus vinculorum Pauli, quo anno scripsit pariter ad Colossenses, ad Ephesios, ad *Philemonem*, quibus omnibus præfigit nomen tam suum, quam *Timothei*, qui litteris Pauli anno præterito accersitus (*II Timoth. iv, 21*) ante hiemem Romam venerat. Omnes ergo hæ epistolæ scriptæ sunt e primis vinculis, quæ contigerunt anno *Neronis 4*; non e secundis, quæ contigerunt anno *Neronis 12*; nam hic, *cap. i, 25*, dicit se mansurum in carne ad commune Christianorum gaudium et profectum: ubi satis insinuat se liberandum vinculis. Prima ergo vincula intelligit, non secunda: nam e secundis non fuit liberatus, sed martyr occubuit.

Scripta
est e vin-
culis pri-
mis.

(1) Vel potius, ann. 57. Vide *Chronicon Actis Apostol. præfixum*.

Scopus
Epistolæ

CAPUT PRIMUM.

SYNOPSIS CAPITIS.

Orat primo, pro Philippensium in fide et vita Christiana constantia, ad eamque eos animat et incitat tum verbis, tum exemplo suo, narrans scilicet, vers. 12, vinculorum suorum fructum, et Evangelii per ea propagationem.

Deinde, vers. 15, gaudet quod Christus annuntietur, sive per invidiam, sive per charitatem, sive per vitam, sive per mortem suam: Mihi enim, inquit, vivere Christus est, et mori lucrum.

Denique licet cupiat dissolvi et esse cum Christo, vers. 23, se tamen in carne mansurum ad eorum consolationem significat: indeque, vers. 27, eos roborat ad persecutiones, ulpote quæ sunt causa salutis et martyrii, ideoque magna dona Dei.

1. PAULUS et Timotheus, servi Jesu Christi, omnibus sanctis in Christo Jesu, qui sunt Philippis, cum Episcopis et diaconibus. 2. Gratia vobis et pax a Deo nostro, et Domino Jesu Christo. 3. Gratias ago Deo meo in omni memoria vestri, 4. semper in cunctis orationibus meis pro omnibus vobis, cum gaudio deprecationem faciens, 5. super communicatione vestra in Evangelio Christi a prima die usque nunc. 6. Confidens hoc ipsum, quia qui cœpit in vobis opus bonum, perficiet usque in diem Christi Jesu. 7. Sicut est mihi justum hoc sentire pro omnibus vobis: eo quod habeam vos in corde et in vinculis meis, et in defensione et confirmatione Evangelii, socios gaudii mei omnes vos esse. 8. Testis enim mihi est Deus, quomodo cupiam omnes vos in visceribus Jesu Christi. 9. Et hoc oro ut charitas vestra magis ac magis abundet in scientia, et in omni sensu: 10. ut probetis potiora, ut sitis sinceri et sine offensa in diem Christi, 11. repleti fructu justitiæ per Jesum Christum, in gloriam et laudem Dei. 12. Scire autem vos volo, fratres, quia quæ circa me sunt, magis ad profectum venerunt Evangelii: 13. ita ut vincula mea manifesta fierent in Christo in omni prætorio, et in cæteris omnibus; 14. et plures e fratribus in Domino confitentes vinculis meis, abundantius auderent sine timore verbum Dei loqui. 15. Quidam quidem et propter invidiam et contentionem: quidam autem et propter bonam voluntatem Christum prædicant: 16. quidam ex charitate: scientes quoniam in defensionem Evangelii positus sum. 17. Quidam autem ex contentione Christum annuntiant non sincere, existimantes pressuram se suscitare vinculis meis. 18. Quid enim? dum omni modo sive per occasionem, sive per veritatem Christus annuntietur: et in hoc gaudeo, sed et gaudebo. 19. Scio enim quia hoc mihi proveniet ad salutem, per vestram orationem et subministrationem Spiritus Jesu Christi, 20. secundum expectationem et spem meam, quia in nullo confundar: sed in omni fiducia sicut semper, et nunc magnificabitur Christus in corpore meo, sive per vitam, sive per mortem. 21. Mihi enim vivere Christus est, et mori lucrum. 22. Quod si vivere in carne, hic mihi fructus operis est, et quid eligam ignoro. 23. Coarctor autem e duobus: desiderium habens dissolvi et esse cum Christo, multo magis melius: 24. permanere autem in carne, necessarium propter vos. 25. Et hoc confidens scio quia manebo et permanebo omnibus vobis ad profectum vestrum et gaudium fidei: 26. ut gratulatio vestra abundet in Christo Jesu in me per meum adventum iterum ad vos. 27. Tantum digne Evangelio Christi conversamini: ut sive cum venero et videro vos, sive absens audiam de vobis, quia statis in uno spiritu unanimes, collaborantes fidei Evangelii; 28. et in nullo terreamini ab adversariis: quæ illis est causa perditionis, vobis autem salutis, et

hoc a Deo. 29. Quia vobis donatum est pro Christo, non solum ut in eum credatis, sed ut etiam pro illo patiamini : 30. idem certamen habentes, quale et vidistis in me, et nunc audistis de me.

Vers. 1. 1. PAULUS ET TIMOTHEUS, SERVI JESU CHRISTI, OMNIBUS SANCTIS (omnibus fidelibus in baptismo sanctificatis) IN CHRISTO JESU, QUI SUNT PHILIPPIS. — Nota : Nomen *servi* hic est titulus honoris : sicut enim in aliis epistolis Paulus vocat se Apostolum, ita hic se vocat *servum* ; « servus ergo Christi » idem est quod Apostolus Christi.

Tres servorum gradus. Ubi adverte : Olim tres erant servorum gradus. Primi et vilissimi erant mancipia in nervis et compedibus habita. Secundi mediastini, ut sunt famuli civium jam et nobilium. Tertii honorarii et actores, dispensatores, æconomi, vicarii, qui hebr. *משרתים* *mesarcetim*, id est ministri dicuntur, cum primi *עבדים* *abadim*, id est servi, communiter vocitentur. S. Paulus et Apostoli tertii ordinis fuerunt servi. Unde I Cor. iv, 1, vocat eos *dispensatores*, et Psaltes vocat eos *principes* : « Constitues, inquit, eos principes super omnem terram ; » sicut enim principes regi serviunt, ut regnum ejus regant et propagent, ita Apostoli Christo inserviunt ; nimirum ita Christo servire regnare est. Sic Christus honoris causa vocatur « servus » Dei, dum eum Pater ita compellat, *Isaie* XLIX, 3 : « Servus, inquit, meus es tu Israel, quia in te gloriabor. » Nam ad Christum hæc verba dirigi, patet ex antecedentibus et sequentibus. « Israel » ergo hic est Christus, qui vocatur « Israel, » quia natus est, inquit Hieronymus de semine Israelis et Judæorum ; *secundo*, quia dominatus est Deo (hoc enim significat hebraice *Israel*), et divinam vindictam in homines latam rescidit. Unde ejus typus fuit Jacob cum angelo Dei vicario luctans et prevalens, qui inde dictus est « Israel, » *Genes.* XXXII, 28.

Nota *secundo* : « Sancti in Christo » sunt Christiani, vocati ad veram mentis et corporis sanctimoniam. Hi dicuntur sancti « in Christo, » id est per Christum et Christi merita. Ita Vatablus. Vel potius proprie « in Christo, » quia Christo Christique corpori, quod est Ecclesia, per baptismum, fidem, gratiam et sanctitatem inserti sunt, sicut rami inseruntur arbori.

Notat Chrysostomus id dici contra Judæos, qui se sanctos jactabant in lege et Moyse : sibi enim dictum esse a Domino, *Exod.* XIX, 6 : « Vos eritis mihi in regnum sacerdotale et gens sancta. » Contra hos Apostolus docet, nos esse sanctos non in Mose, sed in Christo, qui est Sanctus sanctorum, ipsaque sanctitas, et radix ac fons omnis sanctitatis, ut, nisi quis Christo inseratur quasi ramus arbori, ab eoque sanctitatem sugat et hauriat, sanctus esse non possit. Vice versa, qui Christo plene inserti sunt, hi sancti sunt, et quo magis Christo inseruntur illique uniuntur, eo magis sanctificantur.

CUM EPISCOPIS ET DIACONIBUS. — Dices : In una civitate Philippensi tantum unus erat episcopus, quomodo ergo scribit Paulus Episcopis in plurali ? Respondeo, per *Episcopos* hic Apostolus intelligit presbyteros. Ita Chrysostomus, Theophylactus, Œcumenius et alii. Unde Syrus vertit, *cum presbyteris et eorum ministris*. Vult enim Apostolus hisce duobus nominibus salutare totum clerum Philippensium. Unde Presbyteros nominat *Episcopos*, diaconos vero, subdiaconos et reliquos inferiores, digniori *diaconorum* nomine complectitur. Episcopum autem non salutat, quia hic erat Epaphroditus, harum lator litterarum, ait Theodoretus.

Ubi nota : Hæc nomina *Episcopus* et *Presbyter* olim communia erant omnibus sacerdotibus tam majoribus, quos jam proprie Episcopos, quam minoribus, quos Presbyteros nominamus. Sic *Actor.* XX, 28, Paulus ad majores natu Ecclesiæ Ephesinæ : « Attendite, ait, vobis et universo gregi, in quo vos Spiritus Sanctus posuit Episcopos (id est presbyteros et pastores) regere Ecclesiam Dei : » nec enim Ephesi plures, quam unus, erant Episcopi proprie dicti. Unde tam hic, quam I *Timoth.* III, ab Episcopis transit ad diaconos, nec nominat Presbyteros, quia scilicet eos Episcoporum nomine intelligit. Hinc occasionem errandi sumpserunt Acrius et Wiclef dicentes jure divino presbyterum in ordine et potestate, parem esse episcopo : sed respondeo parem esse in sacerdotio (in potestate consecrandi, sacrificandi, solvendi a peccatis), qui septimus et summus est Ordo ; non autem in potestate ordinandi et consecrandi, nec in potestate jurisdictionis ; hisce enim Episcopus præcellit Presbyterum. Vide Bellarminum, lib. I *De Cleric.*, cap. v.

Dices : Cur ergo olim Presbyteri vocabantur *Episcopi* ? Respondeo, duas ob causas. *Prima* est, quam dixi, quia in Ordine summo, qui est sacerdotii, Presbyter par est Episcopo. *Secunda*, quia olim ante schisma (ut ait Hieronymus, in I *ad Titum*) non tam auctoritate et jurisdictione distincta et divisa, quam communi Presbyterorum consilio, labore et spiritu regebantur Ecclesiæ. Unde Presbyteri dicebantur et erant Episcopi, id est inspectores et correctores morum populi cum Episcopo proprie dicto, imo et in Conciliis considerabant cum Episcopis, sententiamque rogati dicebant, ut patet *Actor.* XV, 6 : « Convenerunt, ait, Apostoli et seniores (presbyteri) videre de verbo hoc. » Hæc ergo sunt causæ cur utrique dicti sint Presbyteri et Episcopi ; postea vero cum cresceret Ecclesia et numerus fidelium, atque ad eum rite gubernandum opus esset debito ordine

Idque
duas ob
causas.

et subordinatione ministrorum sub uno rectore Episcopo, cumque (si credimus Hieronymo in *I ad Titum*, de quo ibi dicendum est) Presbyteri prima illa prae dicta Episcoporum communicatione abuterentur, iisque insolenter æquari et præesse vellent, ac facerent schismata: tunc Episcopi suam auctoritatem et præminentiam tueri coperunt, omnibusque praelati sunt. Id autem factum est tempore Apostolorum sub ipsa Ecclesiæ initia, cum hic diceret: « Ego sum Cephæ; » hic, « Ego Pauli; » ille, « Ego Apollo, » *I Cor. 1, 12.* Id patet *I Timoth. v*: Adversus presbyterum, inquit, accusationem noli recipere, nisi sub duobus aut tribus testibus. » Tempore Pauli ergo Timotheus tanquam Episcopus presbyterorum erat iudex et jurisdictione superior. Sic Tito jubet Apostolus, ut constituat per civitates presbyteros. Sic Ignatius ad Trallianos et ad Smyrneses: « Presbyteri, inquit, subjecti estote Episcopo. »

Quæres secundo, cur Paulus hic prius salutet laicos et populum, quam Episcopos et diaconos? Respondet Chrysostomus, hanc epistolam tantum ad Episcopos et diaconos, id est ad clerum Philippensem, esse scriptam: ipse enim legit *συνεπισκόποις, coepiscopis*, uno verbo, non duobus, scilicet *cum Episcopis*, quasi Paulus non scribat omnibus sanctis, id est Christianis, absolute, sed tantum sanctis coepiscopis (id est qui secum erant Episcopi et doctores populi) et diaconibus, id est clericis. Verum legendum est divisum hoc modo, *ὅν ἐπισκόποις*, id est *cum Episcopis*: sic enim legunt Latina, Syra et Græca correctiora. Unde secundo, melius respondet D. Thomas, Apostolum servasse ordinem naturæ, quo grex solet præcedere suum pastorem, ut pastor sequens videre eum et regere ac dirigere possit: hinc in processionebus populus præcedit, clerus et Prælati sequuntur; locus ergo ultimus ibi honoratior est, cum inter sæculares in mensis et conciliis primus honoratior sit. Itaque hic Paulus oves præmittit pastori, id est populum prius salutatur, quam clerum.

Vers. 3. 3. GRATIAS AGO DEO NEO IN OMNI MEMORIA VESTRI, — id est, quoties vestri recordeo, ait Vatablus, quoties vos memorie meæ occurritis, gratias ago Deo. Aliter (1) Maldonatus in *Notis manusc.*: *τὸ enim vestri* accipit active, non passive. Unde sic explicat: Gratias ago Deo, quod vos mei vincti memores sitis.

Nota: De more Apostolus orationes et epistolas actionesque suas inchoat a gratiarum actione, idque nos facere docet.

Vers. 4 et 5. 4 ET 5. SEMPER IN CUNCTIS ORATIONIBUS MEIS PRO OMNIBUS VOBIS, CUM GAUDIO DEPRECATIONEM FACIENS, SUPER COMMUNICATIONE VESTRA IN EVANGELIO CHRISTI ▲ PRIMA DIE USQUE NUNC. — Nota: *τὸ super communicatione vestra* referri potest ad id quod proxime

præcedit, cum gaudio deprecationem faciens, q. d. Communicatio vestra in Evangelio causa est gaudii mei, quodque cum gaudio deprecetur Deum. Secundo et melius, referri potest ad *gratias ago*, inde enim pendet vers. 4 et 5, imo Biblia Regia et Lovaniensia versum 4 parentesi includunt, quasi vers. 5, « super communicatione vestra, » etc., referendus sit ad vers. 3, « gratias ago, » etc., q. d. Gratias ago Deo cum gaudio, eum deprecans, eo quod vobis dederit communicationem in Evangelio Christi.

Nota secundo: « Communicatio » hæc primo, est participatio Evangelii, id est fidei et doctrinæ Evangelicæ, q. d. Gratias ago Deo, quia ab eo participes facti estis Evangelii, quando illi credidistis, in eoque perseverastis. Secundo et melius, « communicatio » hæc in Evangelio, id est in prædicatione et propagatione Evangelii, est cooperatio et participatio laborum et passionum, quas Paulus et Apostoli pro hac Evangelii propagatione vel sustinebant, vel suscipiebant, in quibus communicabant et participabant Philippenses, q. d. Gratias ago Deo exultans in spiritu, quod communicetis meis laboribus, afflictionibus, vinculis pro Evangelio susceptis, quod mihi collaboretis, mihi compatiamini, me omni ope et opera adjuvetis, dum mittitis Epaphroditum vestrum Episcopum ad me, dum per eum mihi alimoniam et munera defertis, me in carcere vinctum solamini et animatis, itaque me meumque Evangelium omni studio promovetis, idque non uno alterove die, sed assidue et continuo, « a prima die » qua credidistis, « usque nunc. » Ita Chrysostomus et Theophylactus. Et hoc significat Græcum *κοινωνία*. Unde vers. 7, vocat eos *συνκοινωνοίς*, id est socios, collegas, et quasi ex æquo participes sui gaudii, quod percipiebat ex vinculis suis, et defensione ac confirmatione Evangelii (2).

Nota hic tertio, fervorem primorum Christianorum Philippensium, quibus non satis erat credere, sed de aliorum salute et Evangelii propagatione solliciti, Paulum et Apostolos omni ope et opibus in prædicatione adjuvabant. Hac de causa, primi Christiani facultates suas vendebant, et pretia deferebant ad pedes Apostolorum, *Act. 19, 35.* Id etiamnum faciunt ferventes Catholici in Anglia, Hollandia, India. Hinc secundo, per hoc participes fiebant et fiunt omnis laboris (ac consequenter omnis meriti) quem suscipit Apostolus et prædicator, ac proinde est hic actus virtutis nobilissimus: idem enim objectum spectant cooperantes, idemque agunt, quod agit ipse Apostolus, adeoque ipsimet per Apostolum peregrinantur, evangelizant, convertunt animarum millia. Hinc tertio, similem cum Apostolis mer-

(2) Itaque per *communicationem* hic, Græce *κοινωνία*, intelligenda est Philippensium liberalitas erga Apostolos egenosque Christianos, ad utilitatem rerum Christianarum

Duplex communicatio in Evangelio.

Quanta sit merces laicorum alen-tium prædicatorum.

(1) Sed minus recte.

cedem recipient, quasi ipsimet fuissent Apostoli et apostolatu perfuncti. Id docet Christus, *Matth. x*, 40 : « Qui, inquit, recipit vos, me recipit; et qui me recipit, recipit eum qui me misit. Qui recipit prophetam (Evangelii doctorem et prædicatorem) in nomine Prophetæ (quia propheta et prædicator est), mercedem prophetæ, » id est prædicatoris, « accipiet; » quia scilicet sicut cooperatur prophetæ, eumque juvat qua Propheta et prædicator est, ita laboris ejus et meriti particeps est, ac consequenter dignum et justum est, ut particeps sit et præmii, quod propheta et prædicator consequentur : particeps, inquam, non æquali gradu cum ipso propheta, sed secundum participationem et mensuram suæ cooperationis et charitatis, qua eum adjuvit : sic enim jure communi particeps et receptatores furum, simili cum furibus pœna plectuntur. Eleganter id explicat S. Gregorius, homil. 20 in *Evang.* : « Qui recipit, ait, prophetam in nomine prophetæ, mercedem prophetæ accipiet. In quibus verbis notandum est, quia non ait : Mercedem de propheta, sed, Mercedem prophetæ, » id est prophetæ præmia accipiet. Et inferius : « Nam cum pauci sint qui spiritualia dona percipiunt, et multi qui rebus temporalibus abundant, per hoc se divites virtutibus pauperum inserunt, quod eisdem sanctis pauperibus de suis divitiis solatiantur. » Additque tales per ulmum promissos et significatos esse ab Isaia, cum ait : « Pona in deserto, » in deserto hactenus Gentilium Ecclesia, « abietem, ulmum et buxum simul. Et quid per ulmum, inquit, nisi sæcularium mentes expressæ sunt? quæ dum terrenis adhuc curis inserviunt, nullum virtutum spiritualium fructum ferunt; sed et si proprium fructum ulmus non habet, portare tamen fructum cum vite solet : quia et sæculares viri intra sanctam Ecclesiam quamvis spiritualium virtutum dona non habeant, dum tamen sanctos viros donis spiritualibus plenos sua largitate sustentant, quid aliud quam vitem cum botris portant? Etsi ergo fructum ulmus non habet, vitem tamen cum fructibus portans, hæc ipsa sua efficit, quæ bene sustentat aliena. »

Sicut ulmus vitem, sic laicus liberalis prædicatorem sustentat.

Vers. 6.

6. CONFIDENS HOC IPSUM, QUIA (quod) QUI CŒPIT IN VOBIS OPUS BONUM (scilicet Deus), PERFICIET USQUE IN DIEM CHRISTI JESU. — Nota : Pro *confidens*, græce est *πεποιθός*, quod Novantes vertunt, *credens*, certissime scilicet vos perseveraturos in bono opere, quasi velit Paulus omnes fideles securos et certos reddere de sua perseverantia. Sed perperam hoc dicitur; nam constat donum perseverantiæ actualis non omnes fideles habere : multi enim a pia vita, imo et a fide deficiunt, fiuntque impii, hæretici, imo athei. Melius ergo vertit Vatablus et Beza *πεποιθός*, id est *persuasum habens* : sed optime Chrysostomus, Theophylactus, Ambrosius, Syrus et alii vertunt, *confidens*. Vide dicta *Rom. viii*, 38, q. d. Confido quod,

sicut cœpistis bonum opus adjuvandi et promovendi prædicationem Evangelii, ita in eodem per Dei gratiam perseverabitis in finem, usque ad mortem et diem judicii; ac proinde confido quod Deus, qui hoc opus bonum in vobis cœpit, ipse etiam perficiet.

Unde nota *secundo*, cum Chrysostomo et Theophylacto : Plane potuisset dicere Apostolus : Confido quod cœptum bonum opus perficietis; sic enim dixit, vers. 5 : « Super communicatione vestra in Evangelio Christi; » et vers. 7, eos in vinculis suis, et in defensione et confirmatione Evangelii socios suos vocat; et vers. 9 : « Hoc oro, ut charitas vestra magis ac magis abundet, ut probetis potiora, ut sitis sinceri et sine offensa, » etc. Sic ergo et eorum arbitrium ac virtutem exstimulans hic dicere potuisset : Confido quod bonum quod cœpistis, prosequemini et perficietis; sed ut eos doceat modestiam et humilitatem, maluit dicere : « Confido » quod Deus illud perficiet : quia cum ad perseverantiam utrumque requiratur, scilicet et gratia Dei et cooperatio ac constantia liberi arbitrii, primas in ea tenet gratia Dei. Unde uti alibi; ita et hic gratiæ Dei eam tribuit Paulus. Hinc sicut vers. præced. gratias egit Deo, quod opus hoc bonum cœpisset per gratiam suam in Philippensibus, ita hoc versu confidit Deum suum hoc opus in eis perfecturum; intellige, nisi ipsi Philippenses gratiæ Dei desint, nolintque eam sequi et ipsi cooperari. Est ergo metalepsis, « confido quia Deus perficiet, » id est confido quod vos per Dei gratiam perficietis opus bonum quod cœpistis : ex Deo enim Deique gratia, gratiæ operationem et effectum intelligendum relinquit.

Nota *tertio* : Cum duplex sit perseverantiæ donum, unum quasi potentiale, quo in accepta gratia et justitia perseverare quis possit; alterum actuale, quo actu perseveret : prius omnibus justis datur, ut docet Concilium Tridentinum, sess. VI. Deus enim omnibus justis ea dat auxilia gratiæ, eas mentis et voluntatis excitationes, impulsus et corroboraciones, quæ necessariae sunt ad vitanda peccata omnia mortalia, et ad perseverandum in gratia et bona vita, ut si iis recte utantur justi, sicuti debent, perseveraturi sint et salvandi. Posterius donum perseverantiæ, quod magnum, imo maximum est, non datur omnibus justis, sed iis solum, qui actu perseverant, complectiturque omnem illam gratiarum seriem, qua fit ut homo actu in gratia perseveret, itaque moriatur et salvetur. De quo tria hic docet Apostolus; et ex eo Concilium Tridentinum, sess. VI, cap. xiii : *primo*, esse donum Dei, non autem esse ex nobis; *secundo*, neminem esse certum se illud habere aut habiturum; *tertio*, quemque debere illud a Deo sperare, ita tamen ut timeat ne ex parte sua Deo et Dei gratiæ desit, itaque hoc donum amittat. « Similiter, inquit Concilium, de perseverantiæ munere, de quo scriptum est : Qui

Duplex est donum perseverantiæ, potentiale, et actuale.

Tria de perseverantia dono dicit Paulus.

perseveraverit usque in finem, hic salvus erit; quod quidem aliunde haberi non potest, nisi ab eo qui potens est eum qui stat, statuere, ut perseveranter stet, et eum qui cadit, restituere: nemo sibi aliquid certi absoluta certitudine polliceatur, tametsi in Dei auxilio firmissimam spem collocare et reponere omnes debent: Deus enim, nisi ipsi illius gratiæ defuerint, sicut cœpit opus bonum, ita perficiet operans velle et perficere. Verumtamen qui se existimant stare, videant ne cadant, et cum timore ac tremore salutem suam operentur in laboribus et vigiliis, in elemosynis et orationibus. »

Donum perseverantiæ distinctum est a gratia justificante. Hinc quarto, S. Augustinus, lib. *De Bono perseverantiæ*, docet hoc donum et gratiam perseverantiæ distinctam esse a gratia justificante, et per solam gratiam justificantem non posse hominem in iustitia accepta perseverare, ut tentationes omnesque difficultates vincat et superet: sed insuper egere crebris gratiæ impulsibus et excitationibus, quibus assidue a Deo in sua infirmitate et torpore excitetur, reboretur, protegatur, ut in via virtutis cœpta constanter et fortiter pergat: quæ variæ et multiplices gratiæ sunt et dicuntur donum perseverantiæ; nec enim hoc donum unus est actus vel habitus, sed multi. *Secundo*, has gratias plures et majores dari humilibus, orantibus, sollicitis, ut bene vivant et perseverent, docet Tridentinum supra. Et hoc videtur hic velle Chrysostomus, cum ait nos nostro desiderio et conatu attrahere et allicere ad nos gratiam Dei; loquitur enim non de prima gratia: hæc enim non datur nec allicetur aliquo desiderio aut conatu nostro, cum omnem naturæ conatum præveniat, sitque prima et mera gratia; sed loquitur de eadem gratia de qua Apostolus, scilicet de gratia perseverantiæ: hanc enim qui justus est, suo conatu et collaboratione allicit et attrahit, majorem scilicet in dies et majorem. Sic Apostoli et alii illustres Sancti, qui dicuntur a nonnullis confirmati in gratia, non acceperunt aliquem habitum gratiæ, qui eos confirmaret in gratia; sed quotidie strenue laborantes et orantes accipiebant tam vehementes illuminationes et excitationes, ut difficile esset eis non perseverare et peccare, saltem mortaliter.

Medium ad assequendum donum perseverantiæ. Denique sapiens et pium consilium ad hoc donum assequendum est, ut assidue pro eo oremus, nimirum ut Deus non tantum det gratiam copiosam, qua perseverare possimus, sed qua prævidet nos actu perseveraturos, utque tanquam pastor bonus nos quasi oves suas iis viis, mediis, auxiliis regat, dirigat, ducat, quibus præscit nos recta progressuros in gratia, ut nullum peccati gravioris lapsus incurramus, sed rectis itineribus pergamus ad cœlestem gloriam et beatitudinem.

Opus bonum — non tam aliquod speciale, quam in genere « opus bonum, » id est vitam Evangelicam, sive Christianam, ut assiduo opere et stu-

dio illam prosequamur et propagemus: hoc enim opus est communicatio in Evangelio Christi, supple, tam in nobis quam in aliis promovendo et propagando, ut dixi vers. præced.

USQUE IN DIEM CHRISTI, — id est usque ad diem iudicii tum particularis, tum potius universalis: tunc enim proprie erit publica, sollemnis et gloriosa dies Christi iudicis. Ubi adverte: Solet Paulus hic, I *Thessal.* iv, 13, et alibi, ita loqui de die iudicii extremi, ac si instaret et vicinus esset, non posteris Philippensium postea nascituris, ut vult Chrysostomus, sed ipsismet ad quos scribit hic Paulus, ut nimirum singuli, tam ipsi, quam nos illum assidue ante oculos habeamus, et ad illum vitam hanc nostram brevem et momentaneam dirigamus: ille enim dies erit initium æternitatis, cum qua omnis hæc vita nostra comparata, videtur tantum esse punctum vel instans temporis. « Mille anni, inquit Psaltes, ante oculos tuos tanquam dies hesternæ quæ præterit. » Momentum ergo hic agimus et vivimus (utinam bene et sapienter!) unde pendet æternitas nostra: post hoc momentum inibimus æternitatem; quidni ergo vicina instet et immineat, quæ post hoc momentum instat et imminet?

7. SICUT EST MIHI JUSTUM SENTIRE (id est confidere, uti præcessit) **PRO** (id est de) **OMNIBUS VOBIS, EO QUOD HABEAM VOS IN CORDE, ET IN VINCULIS MEIS, ET IN DEFENSIONE ET CONFIRMATIONE EVANGELII.** — Nota: Habere aliquem in corde, est habere eum in mente, in amore et affectu, et consequenter in memoria, id est amare eum et ejus sæpe recordari: quæ enim amamus, ea semper recurunt animo et memoriæ obversantur. Hinc per metalepsin, ut notat Chrysostomus cum suis, hoc loco « habere in corde, » significat habere in memoria et esse memorem, q. d. Ego Paulus vestri, o Philippenses, assiduum habeo memoriam, ac sæpe recorder vos esse gaudii mei socios tam in vinculis meis, quam in defensione et confirmatione Evangelii; nam illa verba: « Et in vinculis meis, et in defensione et confirmatione Evangelii, » non tam pertinent ad id quod præcessit, « eo quod habeam vos in corde, » quam ad id quod sequitur, « socios gaudii mei omnes vos esse, » ut magis patebit ex sequentibus.

Nota secundo: Pro defensione, græce est ἀπολογία, apologia, qua scilicet reus se in iudicio contra accusatores defendit, et a crimine objecto purgat: significat ergo Paulus suas apologias, quibus reus et publice coram Nerone et privatim in carcere coram Romanis et Judæis, vel sponte eum inuisentibus, vel ad se vocatis, *Actor.* xxviii, 17, causam suam egit, seque et Christi Evangelium defendit, stabilivit et confirmavit.

Nota tertio: « Confirmationem Evangelii » intelligit illam, qua in carcere vel viva voce, vel per litteras Christianos in fide Evangelii confirmabat: zelus enim Apostoli non patiebatur eum in carcere esse otiosum, sed vel docere, vel scribere,

Dis Christi semper intueunda.

Vers. 7.

Quænam confirmatio Evangelii?

vel orare, vel modos et praxes Evangelii propagandi excogitare cogebat : ac sicut ignis arctatus magis exardescit, ita Paulus hic ligatus et constrictus magis ad evangelizandum exarsit. *Secundo* et melius, per *confirmationem Evangelii* intelligit illam, qua per suas jam dictas apologias Paulus Evangelium defendebat et confirmabat : hæc enim confirmatio facta est per defensionem, illique jungi debet, uti jungunt Syrus, Ambrosius et Græca, quæ non duos habent articulos, sed unum eundemque articulum utrique tribuunt; dicendo : καὶ ἐν τῇ ἀπολογία καὶ βεβαιώσει. Adde, τὸ *Evangelii* tam ad *defensionem* (hæc enim non habet alium genitivum, vel pronomen), quam ad *confirmationem* pertinere : eandem ergo defensionem et confirmationem Evangelii intelligit.

SOCIOS GAUDII MEI OMNES VOS ESSE. — Noster Interpres legit γαζζι, id est *gaudii*, et ita legit Ambrosius; jam Græca habent χάριτος, id est *gratiæ*, et ita legit Syrus et Chrysostomus cum suis : sed eodem redit sensus; quia *gratiam* hic vocat beneficium illud, quo ei datum erat pati et vinciri pro Christo, sive ipsa vincula eadem vocat *gaudium* suum. Vide dicta *Ephes. III, 1*. Aliter Vatablus, *q. d.* Vos estis socii gratiæ meæ, quia mecum a Deo electi estis ad vitam æternam, in eaque mihi futuri estis socii : hæc enim est maxima gratia, et causa gaudii; sed prior sensus huic loco est convenientior, ut patet ex præcedentibus et sequentibus.

Nota *secundo* : Pro *socios*, græce est συγκαταμέτοχοι, id est *consortes*, et ex æquo participes, de quo dixi vers. 5.

Nota *tertio* : Pro *esse*, græce est participium ὄντα, id est *existentes*, quod aliqui putant per hebraismum redundare; unde eo ablato planus est sensus : Confido quod Deus in vobis opus ceptum perficiet, « eo quod habeam, etc., socios gaudii mei omnes vos. » *Secundo*, Ambrosius τὸ ὄντα; accipit ut causale, quasi det causam suæ confidentiæ, scilicet quoniam (ut legit Ambrosius) omnes gaudii mei participes estis. *Tertio* planissime, ut fatetur Beza, noster Interpres vertit ὄντα; esse, ut per græcismum participium ponatur pro infinitivo, *q. d.* Confido quod Deus in vobis opus ceptum perficiet, eo quod habeam in corde, id est memoria, vos fuisse et esse socios et participes gratiæ et gaudii mei, quod sentio in vinculis meis, et in defensione et confirmatione Evangelii : quia nimirum memor sum quod in iis quasi socii mihi compassi estis, me omni ope et sumptu adjuvatis, adeoque in vinculis et tribulationibus meis pro fide susceptis mecum gavisi, imo me solati estis et recreastis : confido enim quod Deus hunc fervorem vestrum et actus tam heroicos fidei et charitatis vestræ remunerabitur ampliori gratia, ut scilicet in iis perseveretis, imo crescatis, et perficiamini (1).

(1) Alii comma 7 ex Græco sic vertunt : Par est enim,

8. TESTIS ENIM MIHI EST DEUS. — Deum in testem invocat, juratque Apostolus; non ergo juramentum Judæis quasi imperfectis permissum, Christianis vero illicitum est, ut volunt Anabaptistæ.

QUOMODO CUPIAM OMNES VOS (supple, esse, ait Anselmus) IN VISCERIBUS (id est in intimo corde et amore) JESU CHRISTI, — ut intime vos jungam Christo, et quasi in viscera ejus trajiciam, utque Christus vos quasi viscera sua diligat. *Secundo*, Vatablus, *q. d.* Testis est mihi Deus, quantum cupiam Christum suam misericordiam (hujus enim symbola sunt viscera) effundere in vos. *Tertio* et melius, Syrus et Chrysostomus, « Quomodo cupiam, » id est *amem* « vos in visceribus, » id est propter amorem visceralem et intimum Christi, quem totis visceribus amo : vel « in visceribus, » id est ex amore intimo et viscerali, quem Christus quasi ex suis visceribus mihi afflavit. Ita Theophylactus. *Quarto* et optime, « Quomodo, » id est quam propense, quam valde et ardentem, « cupiam, » græce ἐμπνέω (quod respondet Hebr. כמה *cama*, id est, *amem* vos, quanto vos amore complectar : ita Syrus; « in visceribus Christi, » id est ea dilectione et affectu, quo Christus in visceribus, id est intime et tenerrime vos omnesque Christianos amat; in ergo; id est instar (*beth* pro *caph*, similitudinis) viscerum, hoc est, amoris visceralis Christi : vel in, id est ex visceribus Christi, quasi videlicet ego in Christi misericordiæ et dilectionis visceribus constitutus et in ea quasi transformatus, vos ex iisdem diligerem, nimirum tam tenero, cordiali, ardenti et viscerali amore, quali Christus suos omnes diligit. Solent enim Hebræi רחמים *rachamim*, hoc est *viscera*, vocare intimos, tenerrimos, ac quasi maternos affectus amoris. Et sic induimus, ac quasi transformamur in viscera Christi, cum ejus misericordiam, compassionem et amorem induimus, in eumque transformamur.

9. ET HOC ORO UT CHARITAS VESTRA MAGIS AC MAGIS ABUNDET, — *q. d.* Laudo charitatem vestram, quam hæcenus ostendistis, tam in promovendo Evangelio, quam in vinculis meis, oroque Deum, ut illam foveat, imo adaugcat.

ABUNDET IN (id est cum, omni) SCIENTIA — rerum scilicet fidei et salutis, ac præsertim justificationis, ut sciatis veram justitiam non a Philosophis, non a Simone Mago, sed a Christo, Christianique fide et doctrina, petendam esse, *q. d.* Oro ut abundetis tam in charitate quam in scientia, id est fide et doctrina Christiana (2).

10. UT PROBETIS POTIORA, — ut scilicet discerna-

ut ita sentiam de vobis omnibus; propterea, quod animis vestris me teneatis in vinculis meis, quam causam dico, quum religionem confirmo, et omnes ad vos pertinere putetis, quæ munus meum (vel gratiam meam) spectant.

(2) Alii : Abundet per cognitionem et sensum, seu experimentum rerum divinarum, et præsertim beneficiorum Christi.

Vers. 8.

To in visceribus Christi, quadrupliciter exponitur.

Viscera sunt visceralis et tenerrimus amor.

Vers. 9.

Vers. 10.

tis an potior, melior et verior fides sit Simonis Magi aliorumque judaizantium et hæreticorum, an mea; an præstet eum ejusque sectam juvare et promovere, an me meumque Evangelium: nimirum, ut hac discretionem meum verum Evangelium a falsitate et imposturis judaizantium et hæreticorum secerneatis, complectamini, foveatis et promoveatis vestra charitate.

UT SITIS SINCERI (ne misceatis adulteretisque veram fidem hæresi et judaismo, *q. d.* Videte, ne charitas vestra sit indiscreta, ut Simonianos aliosque falsos doctores specie pietatis se insinuantes foveatis; quia hæc vera non esset, sed adulterina charitas: sed ut tam in fide quam in charitate, et charitatis officiis sinceri sitis) ET SINE OFFENSA (tum activa, ut scilicet nullum offendatis et scandalizetis; tum passiva, ut videlicet nusquam conscientie pedem impingatis, offendatis, ac in aliquod peccatum incidatis: sed inoffensi, ut legit Ambrosius, id est inoffenso pede, pergatis in via et vita Christiana) IN DIEM CHRISTI, — hoc est, usque ad diem judicii. Ita Chrysostomus. Utrumque significat Græcum ἀνέσταναι, nimirum tam inoffensos, quam inoffendentes.

Vers. 11. 11. REPLETI FRUCTU (græce καρπῶν, id est fructibus) JUSTITIÆ PER JESUM CHRISTUM IN GLORIAM ET LAUDEM DEI. — « Fructus justitiæ » vocat opera justitiæ, vel generalis, quæ complectitur omnem virtutem, *q. d.* Oro ut repleamini bonis operibus cujusvis virtutis, vel justitiæ particularis, id est eleemosynæ et misericordiæ: hæc enim sæpe dicitur *justitia* in Scripturis, ut dixi II Cor. ix, 9; aludit siquidem ad eleemosynas sibi a Philippensibus missas, *q. d.* Oro ut similibus misericordiæ actibus cumulemini. Ita Chrysostomus et Theophylactus. *Secundo*, Anselmus per *fructum justitiæ* intelligit mercedem quam in cælo pro justis operibus erant recepturi. Sed planior est prior sensus, ut per fructum, non mercedem, sed opera justitiæ accipiamus.

Nota *ῥ* per *Jesum Christum*, pro quo græce est *ῥῶν* (scilicet καρπῶν, fructuum) διὰ Ἰησοῦ Χριστοῦ, *q. d.* Quos fructus facimus et habemus per Christum, ejusque merita et gratiam, idque « in laudem et gloriam Dei, » ut scilicet inde non nos Apostoli, qui hos fructus externa tantum voce suademus et proponimus, sed Deus, internus et vitalis fructuum dator et auctor, laudetur et glorificetur.

Moraliter, notat Theophylactus fideles, qui veros virtutum fructus faciunt ad Dei gloriam, eos facere per Christum; alios vero qui se et sua querunt, umbraticos tantum virtutum fructus facere, non per Christum, sed per vanam gloriam.

Vers. 12. 12. SCIRE VOLO VOS, FRATRES, QUIA QUÆ CIRCA ME SUNT, MAGIS AD PROFECTUM VENERUNT EVANGELII. — Timebat Paulus, inquit Chrysostomus, ne Philippenses et alii Christiani, audientes Paulum Romæ vinctum, turbarentur, putarentque magnam infamiae notam illi et Evangelio inurendam esse, remque Christianam et Evangelii cursum per hoc

remoram passura et impedienda esse. Hinc Apostolus contrarium hic accidisse narrat, scilicet per sua vincula non impeditum, sed potius promotum esse Evangelium.

13. ITA (inquit) UT VINCULA MEA MANIFESTA FIERENT IN CHRISTO, — id est, per Christum et Christi providentiam, ait Theophylactus. *Secundo* et potius idem cum Anselmo, *q. d.* Ut manifestum fieret quod propter Christum vinctus sim, non propter debita; aut scelera, sicque per vincula mea Christi nomen ubique clarescit.

IN OMNI PRÆTORIO. — Græce ἐν ὄλῳ, id est in toto prætorio, puta in tota aula Neronis, *q. d.* Tota aula per mea vincula inaudivit aliquid de fide et Evangelio Christi. Nota: Nomen universale sumitur subinde pro colectivo, seu toto quanto, puta *omne* pro *toto*: utrumque enim significat Hebræum *ᾠ* col. Ita Chrysostomus.

ET IN CÆTERIS OMNIBUS, — non prætorii (unum enim hic tantum nominat prætorium, ut patet ex Græco), sed locis, plateis et vicis urbis Romæ. Chrysostomus, Theophylactus et alii *ῥ* cæteris ad personas referunt. Unde in Græco non est præpositio *in*, *q. d.* Non tantum prætorianis, sed et cæteris civibus Romanis manifesta facta sunt vincula mea, quod scilicet iis vinctus sim propter Christi fidem.

14. ET PLURES E FRATRIBUS IN DOMINO CONFIDENTES VINCULIS MEIS, ABUNDANTIUS AUDERENT SINE TIMORE VERBUM DEI LOQUI, — *q. d.* Plures fratres, id est Christiani, Romæ videntes meam constantiam, libertatem, fructum et gloriam vinculorum meorum, accensi sunt ad æmulationem, ut pari modo intrepide evangelizarent verbum Dei.

Nota *primo*, *ῥ* in *Domino* a Chrysostomo et Theophylacto ferri ad sequens *confidentes*, *q. d.* Animos et audaciam sumentes ex spe et confidentia in Domino; quia enim magnum aliquid videtur de se dicere, Ego ipsos animavi, confidentesque reddidi: propterea præoccupat dicens: « In Domino; » *q. d.* Non ego, sed Dominus tam me in vinculis, quam ipsos per vincula mea animavit et impavidos verbi præcones effecit. Verum planius *ῥ* in *Domino* referas ad *fratres*: fratribus enim secundum cognationem carnalem opponit « fratres in Domino, » puta Christo, id est fratres in fide et religione Christi, in christianismo. Vide Can. 37.

Nota *secundo*: « Confidentes, » græce πιστεύοντες, id est fiduciam, audaciam, animos sumentes. Vatablus vertit, *freli vinculis meis*.

Nota *tertio*: Pro *sine timore*, græce est ἀφόβως, id est impavide, intrepide verbum Dei loqui, etc.

15. QUIDAM QUIDEM ET PROPTER INVIDIAM, ET CONTENTIONEM: QUIDAM AUTEM ET PROPTER BONAM VOLUNTATEM CHRISTUM PRÆDICANT. — Nota: Virtuti comes est invidia; et sicut cantharides (vermiculi) rosis, ita invidia virtuti innascitur, adeoque signum est heroicæ virtutis et heroicorum gestorum, cum quis sentit contra se æmulos

Vers. 12.

Vers. 14.

Vers. 15.

Sicut cantharides rosis, sic virtuti invidia innascitur.

concitari. Ita Paulus cum totam Græciam et Asiam suo Evangelio imbuisset, ideoque vinctus esset, celebre sibi nomen, famam et gloriam peperit : unde plures sibi concitavit æmulos, qui gloriæ ipsius invidentes, seque ac suam prædicationem a Paulo obscurari dolentes, illum deprimere, sese extollere, celebresque, famosos et gloriosos Evangelii præcones se facere laborabant. Hi ergo non Dei, sed suam gloriam quærentes, evangelizabant per invidiam et contentionem, id est impellente eos studio contentionis, qua cum Paulo de fama et gloria contendere, eumque superare et supplantare satagebant. Alii vero, sinceri præcones, prædicabant Christum « propter bonam voluntatem, » græce δι' εὐδοκίαν, id est *propter benevolentiam*, rectam et sinceram voluntatem, ut scilicet non suam, sed Christi gloriam propagarent, illique multas animas lucrifacerent et salvarent. Unde hanc bonam voluntatem generalem in particulari per speciem, puta charitatem, explicans subdit :

Vers. 16. 16. QUIDAM EX CHARITATE, SCIENTES QUONIAM IN DEFENSIONEM EVANGELII POSITUS SUM. — Hi sunt qui Christum prædicant bona et recta voluntate, nimirum qui prædicant ex charitate, tum in Deum et Christum, tum in me, quia scilicet me amant qui sum Christi præco, hos non invidia, non hypocrisis, sed charitas impellit ad evangelizandum; charitas, inquam, non tantum Christi, sed et mei; de hac enim subdit : « Scientes quoniam in defensionem Evangelii positus sum. » S. Chrysostomus cum suis accipit defensionem faciendam a Paulo in die iudicii, qua Christo iudici evangelicæ prædicationis et conversionis Gentium sibi creditæ et commissæ rationem reddere debebit, q. d. Sciunt hi sinceri præcones mihi rationem Christo iudici esse reddendam hujus prædicationis mihi demandatæ; ut ego tunc facile me possim defendere et ostendere me explesse sive per me, sive per alios prædicationem Evangelii, hac de causa ipsi me juvant in prædicando et propagando Evangelio. Verum simplicius cum Anselmo et aliis accipiemus *defensionem*, vel ut Græce est ἀπολογία, quam Paulus coram Nerone, Romanis et Judæis jamjam facturus erat, ut se suamque causam defenderet. Unde ait : « In defensionem Evangelii positus sum; » nam in die iudicii non faciet defensionem Evangelii, sed sui ipsius, q. d. Alii prædicant ex charitate, qua amant me tanquam designatum et constitutum a Deo defensorem et propugnatorem Evangelii; juvant ergo me in prædicando, ut Evangelii causam juvent et promoveant. Unde quia mihi in vinctulis palam prædicare non licet, hinc ipsi publice pro me ardentius evangelizant, itaque causam meam pro qua vinctus sum, et defensionem quam facturus sum coram Nerone, adjuvant, omnibusque conantur persuadere causam meam, scilicet Evangelium, justam esse et sanctam.

Defensio Evangelii duplex. Prima coram Deo.

Secunda coram Nerone.

17. QUIDAM AUTEM EX CONTENTIONE CHRISTUM ANNUNTIANT NON SINCERE, EXISTIMANTES PRESSURAM SE SUSCITARE VINCULIS MEIS. — Græca hæc transponunt, sed eodem sensu. Pro *non sincere*, græce est ὡς ἄγως, id est *non pure*, et, ut S. Augustinus, lib. II *Contra Petilianum*, non caste; Ambrosius vertit, *non simpliciter* : unde videtur legisse ὡς ἁπλως, q. d. Non pura et sincera intentione prædicant Christum, sed fide, fraudulentè, contentiose et perniciose; nimirum, ut sua prædicatione et Evangelii ac christianismi propagatione magis concitent Neronem contra me, quasi omnis hujus prædicationis auctorem, ut Nero in vinctulis magis me premat, affligat, imo interimat; ut nimirum, me interempto, ipsi soli evangelizent, omnes post se discipulos abducant, itaque ipsi quasi summi doctores et Apostoli gloriantur ac triumphent. Ita Chrysostomus, Theophylactus, Anselmus et alii. « Pressuram » ergo intelligit a Nerone inferendam; et *secundo*, mœrorem animi, quem inurere Pauli animo volebant invidiosa sua et contentiosa prædicatione. Unde hunc a se mœrorem amolitur vers. seq. Exclamat hic Chrysostomus : « O crudelitatem ! o diabolicam energiam ! Vinctum videbant, et tamen adhuc invidebant, auctas volebant ejus calamitates, majorique regis iræ obnoxium facere. » Vere dixisset Paulus quod Socrates : Non Nero, non Romani, sed sola, quæ tot viros præstantissimos, me quoque occidit invidia.

Sola Paulum occidit invidia.

18. QUID ENIM (τί γάρ, id est, enim vero quid ?) quid igitur ? q. d. Ipsi putant me premere, affligere et pun gere, ergone vere me premunt, affligunt et pungunt ? Respondeo : Minime ; nam) DUM OMNI (quovis) MODO, SIVE PER OCCASIONEM, SIVE PER VERITATEM, CHRISTUS ANNUNTIETUR, ET IN HOC GAUDEO, SED ET GAUDEBO. — Græce προφάσει, non tantum occasionem, sed et prætextum significat; opponitur enim veritati, id est sinceritati. Unde Tertullianus, lib. V *Contra Marcionem*, vertit, *causationem*, q. d. Hi contentiosi et invidi prædicant Christum, sed in speciem tantum; quia non quærun t Christi gloriam, sed suam; nec animarum, sed pecuniarum lucra : huic tamen suæ ambitioni, invidiæ et avaritiæ prætexunt prædicationem Christi, causantes se propter Christum laborare, hoc autem re ipsa est per occasionem Christum prædicare, ut vertit Noster.

Vers. 18.

Nota : Apostolus factum eorum et prædicationem, utpote fraudulentam et hypocriticam, non laudat, nec de ea gaudet in se (sic enim de peccato et hypocrisis gauderet), sed de ejus effectu, scilicet quod per eam qualem qualem Christus annuntiatur et glorificatur : sic fornicator dum pœnitet, dolet de fornicatione sua, sed gaudet de effectu, puta prole insigni inde prognata. *Secundo*, contemnit Apostolus eorum odium et invidiam in se, quia unius Christi gloriam quærit, de qua gaudet, quocumque tandem modo illa eveniat : quod efficax est remedium ad alio-

Rome

Quam in-
vidiam est
unius Dei
gloriam
querere.

rum superanda odia et invidiam. « Magnum, inquit Chrysostomus, ac philosophicum animum nihil earum rerum, quæ in hac vita tristes accidunt, molestare potest, non inimici accusationes, non detractationes, non pericula, non insidias; nequit enim, quasi in quoddam excelsum montis receptus cacumen a quoquam eorum, quibus ab imo subjectæ telluris impetitur, prehendi. Talis erat mens Pauli. Quovis montium cacumine sublimiore spiritualis philosophiæ locum tenebat, ejus utique quæ vera demum philosophia est. Quæ extrinsecus accidunt, verba duntaxat sunt et puerorum ludus. Habebat tum beatus ille et regem hostiliter sibi adversantem, et propterea alios quoque inimicos, a quibus præcipue et amarum calumniis affligebatur. Et quid dicit? Non solum, ait, nullo hinc dolore afficior, neque ab officio decedo, sed et gaudeo et gaudebo. Non ad tempus, inquit, sed semper horum gratia gaudebo: novi enim quod hoc mihi cedet ad salutem, futuram scilicet: adde, quod ista inimicitia et quæ adversum me est emulatio, prædicationem Evangelii juvet etiam et promoveat. »

Quinam
fuerint
hi æmuli
et invidi
Pauli?
Chrysos-
tomus pu-
tat fuisse
hæreticos
Simonia-
nos.

Quæres, quales fuerint hi prædicatores hypocritæ, Catholicæ an hæretici? Hæreticos fuisse censent Chrysostomus et Theophylactus supra, puta Simonianos, quos describit iisdem pene notis et verbis S. Ignatius, epist. ad Trallianos: « Fugite, ait, Simonis hæresim habentes, Menandrum, Basilidem et eorum sectatores Nicolaitas, Theodotum, Cleobolum: sunt enim vaniloqui, seductores, non Christiani, sed Christum temporis, Christilutiones, quique ex Christi nomine quæstum faciunt, fraude circumvenientes illius nomen et adulterantes verbum Evangelii. » Et epistola ad eosdem Philippenses pene tota agit contra eosdem, eo quod docerent Christum non vere et re ipsa, sed tantum opinione et specie tenuis natum et crucifixum: quos etiam redarguit Paulus inferius, cap. iii. Verum de tali specie et simulatione Christi non loquitur hic Apostolus, sed de ipsorum et prædicatorum simulatione et prætextu: hunc enim vocat *πρὸς πᾶσι*, ut dixi. *Secundo*, quod Apostolus non intelligat Simonianos aliosque hæreticos, ex eo convincitur, quod dicat se gaudere, quod per eos annuntietur Christus: non gaudebat autem de prædicatione Simonis. Simon enim hæreses docebat et prædicabat de Christo, adeoque Christum verum mediatorem et Dei Filium e medio tollebat. Unde de ejus prædicatione maxime dolebat Paulus. Sic nunquam licet gaudere de prædicatione et propagatione hæresis etiam inter Paganos: licet enim Christum annuntient, simul tamen de eo, vel de ejus Ecclesia et Sacramentis multas hæreses annuntiant, quæ perniciosiores sunt ipso paganismis: ita ut longe præstet nihil veritatis et doctrinæ ab eis accipere, quam eam tantis erroribus et hæresibus inquinatam haurire. Dico ergo cum Anselmo, probabilius est hos contentiosos

Verius
est fuisse

prædicatores fuisse Christianos, oriundos ex Judæis, ut videtur, sed ambitiosos, mercenarios et improbos, utpote qui Pauli æmuli ex Evangelio, non aliud quam suam gloriam et lucrum querebant. Tales fuerunt et illi, contra quos agit Paulus, II Cor. xi. En quid etiam inter Christianos faciat cæca ambitio et invidia: prorumpit ad pressuras Pauli etiam vincti, ei que insidias et mortem machinatur per suum ipsius Evangelium, ipsoque facto dicit: Pereat Paulus, pereat prædicatio, pereat fides, pereat respublica, pereat Ecclesia, ac simul cum ea pereamus et nos ipsi, dummodo ad breve tempus, ad momentum simus in honore et gloria. Vere S. Chrysostomus, hom. 41 in Matth.: « Invidia, inquit, pestiferum malum, hominem in diaboli conditionem, atque in demonem immanissimum convertit: invidia prima hominis (Abel) cædes apparuit; invidia fraterna charitas contempta est; invidia sanguine hominis terra primo maculata; invidia denique factum est, ut hiati suo, terra Bathan, Core et Abiron universumque illorum populum vivos absorpserit. »

Christi-
nos job
antes.

Invidia
hominem
facit de-
monem.

Nota hic invidiæ conditionem. Nam invidia similis est ophthalmiæ, quæ rebus valde splendidis et lucentibus offenditur et læditur: sic enim invidia aliorum bonis, virtute et gloria acerbatur et tabescit. Unde Aristoteles rogatus quid esset invidia? respondit: Est antagonista fortunatorum. Ex adverso Actius, vir nobilis et sapiens, cum coram Frederico rege dissererent Physici, quid præcipue conferret oculorum perspicuitati? atque feniculi esum, alii vitri usum, alii aliud afferrent: At ego, inquit, invidiam aio: hæc enim est quæ facit, ut quis alienis in rebus cernat acutum: ita refert Pontanus. Plura de invidia dixi Genes. xxxvii, 4.

Invidia
proprie-
tates.

19. SCIO ENIM QUIA NOC (eorum odium et invidia, qua mihi morerem et Neronis iram conciliare student) MIHI PROVENIET AD SALUTEM, — vel præsentem, ait Chrysostomus, ut a morte et Neronis ira liberer; vel potius spiritalem et æternam: hanc enim Apostolum spectare, non autem præsentem et corporalem, patet ex seqq. cum ait: « Magnificabitur Christus in corpore meo, sive per vitam, sive per mortem. » Vitam ergo hanc, uti et mortem contemnebat Apostolus, tantumque spectabat spiritalem et futuram, ut in ea Christus magnificaretur, q. d. Ipsi satagunt me affligere et merore conficere: sed ego gaudeo; scio enim, et in Dei bonitate ac providentia confisus certo mihi persuadeo omnes eorum machinationes mihi cessuras in bonum, scilicet in majus patientiæ meritum, decus et aliorum exemplum, ac consequenter in salutem tum meam, tum aliorum multorum: ad hanc enim omnia hæc convertet Deus, quia diligentibus et sperantibus in se omnia cooperantur in bonum, idque fiet.

Vers. 19

20. PER VES- TAM ORATIONEM ET SUBMINISTRATIO- Vers. 20

NEM (SYRUS, *donationem*) SPIRITUS JESU CHRISTI (si videlicet vos oretis, quod tacite peto, pro me, et vestra oratione mihi impetretis Spiritum Christi, ut scilicet is mihi a Deo copiosus donetur et subministratur), SECUNDUM EXPECTATIONEM ET SPEM NEAM, — *q. d.* Quem Spiritum subministrari mihi magna spe et desiderio, quasi exerte in cœlum capite et ore, anhelus a Deo exspecto: hoc enim est Græcum ἀποσπεράδεια, ut dixi Rom. VIII, 19.

QUIA IN NULO CONFUNDAR. — Aliqui referunt hoc ad immediate præcedentia, *q. d.* Spero quod in nullo confundar; sed melius referas ad superiora, « Seio quia hoc mihi proveniet ad salutem, *q. d.* Seio hæc odia mihi cessura ad salutem et gloriam, quia quidquid ex iis de me eveniat, non confundar, non pudefiam: quia nullius veræ culpæ aut peccati mihi conscius sum.

SED IN OMNI FIDUCIA, SICUT SEMPER, (ITA) ET NUNC MAGNIFICABITUR CHRISTUS IN CORPORE MEO, SIVE PER VITAM, SIVE PER MORTEM. — Pro *fiducia*, græce est παρρησία, id est libertate, constantia, *q. d.* Quidquid de me fiat, sive occidar, sive vivam, solita mea utar libertate et constantia, ut per illam magnificetur Christus in corpore meo, sive per vitam, sive per mortem: si enim occidar et constanter moriar pro Christo, magnificabo Christum meo martyrio; sin vivam, constanter Christum prædicabo, itaque eundem magnificabo. Nota: Pro *magnificabo* dicit Apostolus passive *magnificabitur*, ob modestiam, ne sibi suisque viribus hanc magnificationem ascribere videatur.

Vers. 21. 21. MIHI ENIM VIVERE CHRISTUS EST, ET MORI LUCRUM. — « Vivere, » id est vita mea est Christus, vita, inquam, id est vitæ meæ causa Christus est, eaque triplex. *Primo*, est causa efficiens vitæ meæ spiritualis, eamque conservans. *Secundo*, est ejusdem vitæ causa objectiva et exemplaris. Ita Anselmus. *Tertio*, et magis apposite ad mentem Apostoli hic, Christus est vitæ meæ causa finalis; quia Christi amor et honor me movet ad omnia opera, labores et passiones fortiter suscipiendas; illud enim in homine radicaliter est vita, quod est principium motus et actionum vitalium in eo. « Christus, inquit Theophylactus, mihi spiritus et lumen et vita est, tum naturalis, tum supernaturalis, tum beata. » Egregie vero Chrysostomus. « Mihi vivere Christus est, et mori lucrum, *q. d.* Etiam moriendo non moriar, eo quod vitam habeo in meipso. Tum vero demum me occiderint, si per metum et terrorem animo meo fidem potuerint excutere; donec vero Christus in me fuerit, etiamsi mors ingruerit, vivam. Et in hac quoque vita non meum est istud vivere, sed Christi. Si vero neque in hac vita, quid in futura? Quod vero nunc in carne, inquit, vivo, in fide vivo. Illud et alibi dicit: Vivo autem, jam non ego, vivit vero in me Christus. Talem oportet esse Christianum. » Et inferius: « Nihil molestiæ inferent, qui me occident, eo quod ad vitam meam me dimittent et promovebunt, et ab ista

non admodum commoda liberabunt. Quid igitur, Paule? num hic existens Christi non es? et hic plane illius sum: quod si vero contingat in carne vivere, id mihi fructus est operis, et quid eligam ignoro; ne quis dicat: Quod si mors tibi vita est, qua te ratione Christus hic reliquit? Fructus est operis, inquit. »

ET MORI LUCRUM. — *Primo* simpliciter, *q. d.* Mors est lucrum beatitudinis; mortem ergo non timeo, quia si occidar et moriar, lucrabor vitam æternam, et in cœlum evolabo, præsensque sistar ac fruor Christo. Ita Chrysostomus, Anselmus, Ambrosius, D. Thomas, Theophylactus, Œcumenius; sic fere et Vatablus: Causa, inquit, optandi vitam longiorem est, ut pluribus Christum annuntiem; vita autem æterna, quam lucrum existimo, incitat me ad mortem optandam. Et Erasmus: Si vivo, Christi causa vivo; si moriar, meo commodo et luero morior: quasi sibi, si suum commodum spectet, utilis sit mori; sin Christi commodum spectet, utilis sit vivere. Unde et S. Ambrosius, lib. *De Bono mortis*, cap. II: « Apostolus, ait, prius ad vitæ necessitatem refert, posterius ad mortis utilitatem: vivere servo Dei Christus est, mori lucrum; quasi servus enim non refugit vitæ obsequium, et quasi sapiens lucrum mortis amplectitur, *q. d.* Apostolus: Ego, ut servus Christi, non refugio laboriosa vitæ obsequia; et, ut sapiens, lucrum mortis amplector.

Verum hoc sensu vox *enim* dat causam non proxime præcedentium, sed illius quod dixit vers. 19: « Seio quia hoc mihi proveniet ad salutem; » quia scilicet, si hæc invidorum odia mihi mortem per Neronem concilient, mortem hanc æstimabo lucrum salutis et beatitudinis æternæ. Jam autem videtur potius vox *enim* dare causam proxime præcedentium, cur scilicet magnificandus sit Christus in se, sive per vitam, sive per mortem: « Mihi enim, inquit, vivere Christus est, et mori lucrum: » ubi *vivere* respicit quam dixerat vitam, et *mori* mortem. Unde melius sic exponemus: *mori*, id est mortis meæ lucrum est, scilicet Christus, idem qui est et vita mea; Christus, inquam, id est conjunctio et fructio Christi.

Unde verba hæc, ἐπεὶ γὰρ τὸ ζῆν Χρῆστος, καὶ τὸ ἀποθνήσκειν Χρῆστος, id est, *mihi vivere Christus est, et mori lucrum*, videntur ab Apostolo elegantiae causa transposita, eaque supplendo prepositionem καὶ sic ordinari debere: Χρῆστος ἐπεὶ καὶ τὸ ζῆν, καὶ καὶ τὸ ἀποθνήσκειν ἐπὶ χρίστος, id est, *Christus mihi est in vita et in morte lucrum*, ut Christus sit subjectum, lucrum sit prædicatum, vita et mors sint circumstantiæ et conditio temporis, quæ afficit et denominat prædicatum, vel potius conjunctionem prædicati cum subjecto, *q. d.* « In omni fiducia (id est constantia, libertate) magnificabitur (id est magnificabo) Christum in corpore meo, sive per vitam, sive per mortem, » ut nimirum constanter pro Christo vivam et prædicem, vel martyrium subeam et moriar; cujus constantiæ causam sub-

Quomodo mori lucrum? Prima expositio.

Christus est nobis vita triplex.

Secunda: genuina: mori, id est mortis lucrum est Christus, Christi-que fructio.

dit, dicens : Mihi enim Christus et in vita et in morte lucrum est, ideo enim vivere non recuso, nec mori timeo, quod tam in morte quam in vita Christo serviam, Christo uniar, Christum lucrer, itaque Christus tam in morte, quam in vita mea magnificetur et glorificetur. Christus enim est amor meus et omnia : præter eum nihil amo, nihil timeo. Unde si Christum inveniam et lucrer, perinde mihi est, sive vivam, sive moriar. Sic Rom. xiv, 8, dixit : « Sive vivimus, Domino vivimus; sive morimur, Domino morimur; sive ergo vivimus, sive morimur, Domini sumus. »

Ad mortis lucrum anhelabat S. Ignatius.

Ad hoc mortis et Christi lucrum anhelabat S. Ignatius : « Rogo vos, inquit, epist. ad Romanos, ne erga me intempestive benevoli sitis : sinite me bestiarum escam esse, per quas Deum assequi licet; triticum Dei sum ego, et bestiarum dentibus molar, ut purus Dei panis reperiar : potius allicite bestias, ut mihi sepulcrum fiant, nihilque relinquunt de corpore meo, ne, dum obdormiero, cuiquam onerosus inveniar. Tunc vero verus Christi Jesu discipulus ero, quando nec meum corpus quidem mundus videbit. » Et paulo inferius : « Nunc disco in eo vinctus nihil mundanum concupiscere, aut vanum. A Syria Romam usque cum bestiis depugno, per terram, per mare, nocte dieque colligatus decem leopardis, hoc est, decem militibus qui me custodiunt, qui etiam beneficiis affecti, deteriores evadunt. Utinam fruar bestiis illis, quæ mihi præparatæ sunt! quas velim mihi veloces reperiri, quas etiam alliciam, ut compendio me devorent, non ut quosdam territæ non attigerunt, æque nisi voluerint, ultro ego vim inferam. Ignis, crux, bestiarum coitiones, dissectiones, distractiones, ossium dissipationes, concisiones membrorum, totius corporis constrictio et tormentum diaboli in me veniant, tantum ut Jesum adipiscar. »

Morale, mortuos non esse lugendos.

Chrysostomus jubet orari pro defunctis.

Moraliter, S. Chrysostomus in morali hom. 3, docet Christianos non debere lugere fideles mortuos, eo quod mortui sint, quia mors eis lucrum est vitæ melioris; sed lugendos esse et adjuvandos, si in aliquibus peccatis mortui sint. « Defleamus, ait, istos, juvemus eos pro viribus, procuremus eis aliquid auxilii. Quomodo, quave ratione? precantes adhortemur et alios ut pro illis orent, pauperibusque indesinenter pro illis elemosynas demus. » Et infra : « Non frustra ab Apostolis sancitum est, ut in celebratione venerandorum mysteriorum memoria fiat eorum qui hinc discesserunt. Noverant illis multum hinc emolumentum fieri, multum utilitatis; stante siquidem universo populo manus in caelos extendente, cætu item sacerdotali, venerandoque posito sacrificio, quomodo Deum non placaremus pro iis orantes? » Notent hæc Novantes, discantque Chrysostomi tempore, quando pura et illibata, vel ipsis fatentibus, erat Ecclesia, solitas fieri preces, suffragia et sacrificia pro defunctis, utique in Purgatorio existentibus : nam pro dam-

natis in inferno, ubi redemptio nulla est, orare non licet; ergo credebatur tunc Ecclesia Purgatorium esse, animasque in eo detentas a viventibus adjuvari posse. Rursum utebatur tunc sacrificio : quo, dic quæso, alio, quam Eucharistico Missæ? Denique in eo pro defunctis orabat, idque ex traditione et sanctione Apostolorum, ut ait Chrysostomus. Est ergo Missæ sacrificium propitiatorium, non tantum pro vivis, sed etiam pro defunctis.

22. QUOD SI VIVERE IN CARNE, HIC (græce τοῦτο, id est hoc : sed utrumque patitur syntaxis tam Latina quam Græca, et idem est sensus) MIHI FRUCTUS OPERIS EST. — Syrus vertit, si in hac vita fructus mihi est in operibus meis; Vatablus, si vivendo fructum aliquem facere possum, q. d. Si me adhuc vivere operæ pretium est, fructuosum et utile multis. Ita Anselmus.

ET QUID ELIGAM IGNORO. — Conjunctio et hic parit difficultatem et obscuritatem, non enim apparet quid hic copulet, quidve faciat. Primo, Beza pro quod si, Græcum ei δὲ vertens, si vero, vel, utrum vero, sic connectit : Utrum vero vivere in carne, hoc mihi sit operæ pretium, et quid eligam ignoro, q. d. Ignoro an operæ pretium sit me adhuc vivere, et consequenter ignoro quid eligere debeam, mortemne an vitam. Verum non poterat ignorare Apostolus, an operæ pretium esset, ut adhuc viveret, utpote qui videbat tot gentes a se converti, omnesque Asiæ Ecclesias a se uno pendere, seque unum spectare : imo ipse paulo post idem asserit dicens : « Permanere autem in carne necessarium propter vos. » Adde : Græci ei δὲ accipiunt non ut dubium, sed ut assertivum. Ita Chrysostomus, Theophylactus, Œcumenius (1); imo Œcumenius accipit ut causale, q. d. Quoniam operæ pretium est me vivere, hinc ignoro quid eligam, an vitam an mortem. Secundo, Erasmus subintelligit verbum contingat, facitque duas propositiones, quas connectit copula et, hoc modo: Quod si vivere in carne me contingat, hoc erit operæ pretium, et proinde quid eligam, an vivere, an mori, ignoro : sed hic ex se et sine fundamento supplet verbum contingat. Tertio, obscurius idem Erasmus et ex eo alii docent copulam et hic habere occultam vim excludendi id, quod diversum est, sed eam non satis explicat.

Refellitur expositio Beza.

E: Erasmus.

Dico ergo per ellipsim supplendum esse ex vers. præced. mori lucrum, q. d. Si vivere in carne est operæ pretium, et alia ex parte mori mihi lucrum est, quid ex hisce duobus eligam ignoro; hoc enim innuit vox eligam : electio enim est inter duo : cum ergo hic unum tantum, scilicet vivere, ponat Apostolus, alterum ex vers. præced. supplendum relinquit; sic enim solent loqui homines dubii, involuti et perplexi, ut unum voce expriment, alterum quod mente retinent in-

(1) Itaque et h. l. idem valet ac sane.

telligendum relinquunt : ita enim loquuntur, quasi menti et phantasiis suis, quibus pleni sunt, loquantur. Sic Ruben, *Gen. xxxvii, 30*, loquitur : « Puer (Joseph) non comparet, et ego quo ibo? *q. d.* Puer non comparet, et illum a me, utpote fratrum seniore, pater requireret, quo ergo ibo? Si enim ad patrem iero, non habeo quod respondeam; et si intelligat, ut timendum est, crimen in Joseph admissum, illud mihi imputabit : sin alio iero, magis me suspectum patri de hoc crimine reddam. Affectus enim vehemens verba incidit, multa subicit, imo os claudit, et sæpe verba non verbis, sed conceptioni, dolori et affectibus quos in mente gerit, connectit.

Affectus
vehementis
verba inci-
dit.

In Pauli
potestate
erat vi-
taet mors

QUID ELIGAM. — « Magnum, inquit Chrysostomus, hic mysterium aperuit, nempe potestatem habere se abeundi (per mortem) : quando enim optio datur et electio, potestatem habemus eligendorum. Quid eligam, inquit, ignoro : in tua ergo potestate est : utique si voluero Deum orare gratiam. Ignoro. Quid dicis, Paule? Cum hinc abiens in celum migraturus sis et cum Christo futurus, ignoras quid eligere debeas? Acerbam hic vitam ducis in fame, siti, frigore, nuditate, curis, persecutionibus, angustiis, et acerbam hanc adhuc vitam desideras? Quis mercator navem habens multis rerum copiis plenam, cum liceat jam ad portum appellere, tutoque quiescere, adhuc tamen in mari navigare mallet? Quis athleta cupiet amplius certamen, cum jam liceat coronari? Quis miles cum jam liceat cum celebritate et trophæis a bello liberari, ac cum rege in ipsis quiescere et refocillari regiis, sustineat adhuc in bello sudare et in aciem collocari? Quomodo ergo cupis adhuc in hac vita consistere, quam adeo amaram vivis? » Et inferius : « Futura metuis, innumeris malis obnoxius es, et apud Christum tamen esse non vis? Non, inquit, atque id propter ipsum Christum, ut quos illi lucrifici servos, expeditiores constituam et solidiores, et ut agricolationem illam, quam plantavi, frugiferam reddam. Non audisti me, non quod mihi est utile, sed quæ sunt proximorum quærentem? Non audisti quomodo anathema a Christo fieri concupierim, quo ad ipsum multi concederent? » Ac denique hoc epiphonemate concludit : « Quis loquetur potentias tuas, Domine, quod Paulum orbi exhibuisti? Laudarunt te simul omnes angeli, cum astra creares et solem : verumtamen non ita, quemadmodum cum Paulum nobis orbe toto conspicuum faceres. Propterea celo splendidiior facta est terra : nam clarior iste solari lumine illustriorem emisit splendorem, clariores extendit radios. » En quanti fecerit Paulus animarum luctum et salutem proximorum, ut eam suæ beatitudini prætulit et propter eam suam cum Christo conversationem differri optarit : licet enim hoc suum votum et electionem diserte non exprimat Apostolus, satis tamen insinuat cum ait vers. 23. « Et hoc confidens scio quia manebo, » etc.

23 et 24. COARCTOR AUTEM E DUOBUS : DESIDERIUM HABENS DISSOLVI, ET ESSE CUM CHRISTO, MULTO MAGIS MELIUS : PERMANERE AUTEM IN CARNE, NECESSARIUM PROPTER VOS. — S. Augustinus, lib. III *De Doctrina Christiana*, cap. II, duobus modis hunc locum distinguere et legi posse docet. Priore sic : « Coarctor e duobus, desiderium habens; » *q. d.* Coarctor duarum rerum, scilicet vitæ et mortis, desiderio. Unde græce pro coarctor est *συνίκαται*, id est contineor, vel undique teneor, scilicet ex una parte vitæ, ex altera mortis desiderio. Secundo modo et genuine, cum Romanis et Lovaniensibus ita distinguendum et legendum est, ut post coarctor e duobus ponatur interpunctio, sive duo puncta; deinde sequatur : « desiderium habens dissolvi, » etc. Sensus est : « Coarctor e duobus, » id est a duabus rebus premor et arctor, duæ res utrinque me quasi medium premunt et arctant. Ita Syrus. Vel, ut τὸ ἐκ τῶν δύο, id est e duobus, sumatur pro ἀμφοτέρωθεν, id est utrinque, *q. d.* Utrique premor et arctor, hinc desiderio dissolutionis, ut sim cum Christo, inde necessitate permanendi in carne propter vos : hoc enim plane verba significant.

DISSOLVI, — id est mori, mors enim est dissolutio animæ et corporis.

Nota : Non dicit : Cupio resolvi, scilicet in elementa quibus consto; resolvi enim tantum significat interire et interitum : hoc autem non est optabile, nec Apostolus optat interire, sed mori; ita tamen ut permaneat et transeat ad meliorem vitam et statum; unde non ait : Cupio resolvi, sed, « Cupio dissolvi, » scilicet vinculo, quo anima in hac vita corpori colligatur, quasi luteæ suæ domui aut vesti. Unde S. Gregorius Nazianzenus orare solebat : « Domine, solve hanc tunicam ita mihi gravem et ponderosam (corpus hoc mortale et ærumnosum), et da mihi leviozem. » Immo anima colligatur corpori quasi carceri et compedibus, aut potius quasi cadaveri, ut aiebat Hortensius (ut dixi *Rom. v, 12*). Sicut ergo illi qui vivi a Mezentio cadaveribus erant colligati, ita ut os ori, oculos oculo, manus manui cadaveris astringeretur, ut ejus fœtore cruciarentur et exanimarentur, optabant hoc vinculo solvi, et cadavere liberari : ita Paulus optabat suo corpore liberari et solvi, ut Christo jungeretur : corpus enim quod corrumpitur, aggravat animam, ut non possit cœlestia cogitare, sed deprimatur ad corporis necessitates et concupiscentias, morbos pariter et ærumnas : anima enim omnes corporis fœtores, phlegmata, excrementa, sordes, æque ac bestiales cupiditates sentire ac pati debet, perinde ac si cadaveri foret colligata; tolle enim animam, quid est corpus aliud quam cadaver? imo præsentē anima corpus fœtet, sordet, tabescit, putrescit, ac si cadaver esset. Quis non optet hoc cadavere, hisce vinculis solvi ac liberari? Vere S. Gregorius, lib. IV *Moral.*, cap. xli : « Dissolvi, inquit, Paulus non quæreret, nisi se vinctum videret. Hæc vero

Vers. 23
et 24.

Paulus
cupit dis-
solvī, non
resolvī.

Cupit dis-
solvī a
corpore,
quasi car-
cere et
cadavere

vincula quia certissime rumpenda in resurrectione conspexerat, jam quasi rupta Propheta gaudebat, cum diceret : Dirupisti vincula mea, tibi sacrificabo hostiam laudis. » Et S. Augustinus : « Qui desiderat, inquit, dissolvi et esse cum Christo, non patienter moritur, sed patienter vivit et delectabiliter moritur. »

Ἀντλῶσαι Nota : Pro *dissolvi*, græce est *ἀντλῶσαι*, quod est vocis mediæ; unde tam active quam passive sumi potest, ut significet non solum *dissolvi*, ut vertit Noster, Vatablus et alii; sed etiam *dissolvere*, vel *colere*, etique verbum nautarum e portu solventionis et proficiscentium; sicut enim *καταλῶσαι* est aurigarum, cum dissolvunt funes equorum et currum, ut se componant in diversorium ad quod divertunt : ita *ἀντλῶσαι* dicuntur, qui movent sarcinas, mutantque diversorium, puta, nautæ cum solvunt rudentes, et peregrini ac milites cum solvunt tabernaculorum funes, ut castra moveant. Unde Chrysostomus *ἀντλῶσαι* vertit *μετέσθαι*, id est *migrare*; S. Hieronymus *Contra Rufinum* vertit, *reverti*; Tertullianus, lib. *De Patientia*, cap. ix, vertit *recipi* (sed videtur Tertullianus pro *ἀντλῶσαι* legisse *ἀντιληφῶσαι*), q. d. Paulus : Exul hic sum, et ex hoc exilio cupio migrare, navigare, proficisci, reverti ad portum patriæ cœlestis. Verum melius cum nostro veritas *dissolvi*, quam *dissolvere*; sequitur enim, « Et esse cum Christo; » q. d. Jam alligatus sum corpori; si hoc vinculo solvar, ero cum Christo illique astringar. Quod si voluisset Apostolus active dicere : Cupio solvere, potius subjunxisset : Et proficisci ad Christum, quam, « Esse cum Christo. »

ESSE CUM CHRISTO MULTO MAGIS MELIUS, — id est esse cum Christo, optimum est. Hebræi enim superlativum, relique vehementiam et excessum significant per geminationem vel conduplicationem. Sic Jeremias, cap. xxiv, vers. 3, vidit ficus bonas bonas, valde; et malas, malas valde, id est ficus optimas et pessimas.

Nota ex hoc loco contra Græcos et Calvinum, animas omnino puras statim ubi corpore exarserint, non dormire, sed esse cum Christo in cœlo ac æterna vita; ideo enim cupit Apostolus dissolvi et mori, ut sit cum Christo. Quod si post mortem debuisset expectare diem judicii, ut tum demum Christo frueretur, frustra desiderasset dissolvi potius quam vivere, quia tam post dissolutionem et mortem fuisset absens a Christo, quam si in vita remansisset. Ita Chrysostomus, Theophylactus, Clemenius.

Morale Moraliter, plerique Sancti dissolutionem hanc desiderarunt, illudque desiderium nobis commendarunt. Laudare solebat S. Augustinus, teste Possidonio, cap. xxvii in *Vita S. Augustini*, illam sententiam S. Ambrosii morituri, qua suis flentibus ac rogantibus ut a Deo longiorem posceret vitam, respondit : « Non sic vixi ut pudeat me inter vos vivere : sed nec mori timeo, quia bonum Dominum habemus. Cujusdam quoque, in-

quit Possidonius, coepiscopi et familiarissimī sui amici, in extremis vitæ de talibus frequentissimum referebat (Augustinus) dictum : ad quem cum visitandum jam morti appropinquantem ventitasset, et ille manus gestu se de sæculo exilurum significaret, atque a se illi esset responsum, adhuc cum Ecclesiæ necessarium vivere posse, illum, ne putaretur hujus vitæ teneri cupiditate, respondisse ei : Si nunquam, bene; si aliquando, quare non modo? Illud etiam cujusdam agrotantis dictum afferebat (Augustinus) Episcopi, de quo sanctus in epistola sua, quam *De Mortalitate* scripsit, martyr Cyprianus ita retulit, dicens : Cum quidam de collegis et consacerdotibus nostris infirmitate defessus et de appropinquantem morte sollicitus, commeatum sibi precaretur, aslitis deprecanti et jam pene morienti juvenis honore et majestate venerabilis, statura celsus et clarus aspectu : quem astantem sibi vix posset humanus aspectus oculis carnalibus intueri, nisi quod talem videre jam poterat de sæculo recessurus. Atque ille non sine quadam animi et vocis indignatione infremuit et dixit : Pati timetis, exire non vultis, quid faciam vobis? »

Climacus, *gradu* 6 : « Probatus, ait, ille est, qui mortem singulis diebus exspectat; sed ille sanctus, qui eam horis singulis desiderat. »

Ita S. Paulus, ait S. Hieronymus in ejus Vita, primus Eremita S. Antonio se invisenti : « En, ait, quem tanto labore quesivisti, putridis senectute membris operit inculta canities. En vides hominem mox pulverem futurum. Sed quia dormitionis mœre tempus instat, et, quod semper cupiebam dissolvi et esse cum Christo, peracto cursu superest mihi corona justitiæ; tu missus es a Domino qui humo corpusculum meum tegas, imo terram terre reddas. »

Porro tres sunt cause quæ sanctum Paulum et alios Sanctos incitarunt ad desiderium hoc, ut cuperent dissolvi, quas persequitur S. Ambrosius lib. *De Bono mortis*, et Cyprianus, lib. *de Moral.* Tria enim sunt vincula quæ nos hic ligant et premunt. *Primum*, est ærumnarum corporis; *secundum*, concupiscentiæ et peccatorum; *tertium*, terre rerumque terrenarum. Ille omnia mors dissolvit, facitque nos impassibiles, impeccabiles, cœlestes et divinos. « Triplex, inquit S. Bernardus in transitu S. Malachie, in morte congratulatio est : homines ab omni labore, peccato et periculo liberari. » Prima ergo causa, quæ facit nos optare hanc dissolutionem, sunt morbi et ærumnæ hujus corporis et vitæ : cæ enim tantæ sunt, ut merito disputet S. Augustinus, lib. XIII *Civit.*, cap. x, an hæc vitæ potius mors dicenda sit, quam vita. Idem in illud *Psal. lxxviii*, *Intret in conspectu tuo gemitus compeditorum*, ait : « Compedes sunt infirmitates et corporis corruptibilitas, quæ animam aggravant. Ab his compedibus concupiscebat dissolvi Apostolus, et esse cum Christo; donec ergo corruptibile hoc induat in-

Tria v
cula cor
poris, et
tres cau
sæ cu
Sancti
tent dis
solvit

Prima,
sunt
ærumnæ
corporis
et anima

corruptionem, et mortale hoc induat immortalitatem, velut compedibus caro infirma impedit promptum spiritum. » Et S. Gregorius, *hom. 37 in Evang.* : « Temporalis, ait, vita æternæ vitæ comparata, mors est potius dicenda quam vita : ipse enim quotidianus defectus corruptionis, quid est aliud, quam quædam prolixitas mortis. » Sane vita hæc non aliud esse videtur quam vitalis quædam, longa et lenta mors. E contrario vero quid est aliud justorum mors, quam finis laborum, principium quietis; fuga tristitiæ, et adventus lætitiæ; sedatio tempestatis, et initium tranquillitatis; consummatio exilii, et reditus in patriam, in quam tot ærumnis superatis, tot laboribus exantlatis, tot afflictionibus emensis, remeare anhelamus?

Secunda causa est concupiscentia, cum qua perennem et multiplicem ac difficilem luctam gerunt omnes Sancti, tum pericula peccandi mortaliter, ac necessitas peccandi venialiter. Hæc ex causa gemit Apostolus se venundatum sub peccato, *Rom. vii*, ideoque : « Infelix, ait, ego homo, quis me liberabit de corpore mortis huius? » Qui penetrat ponderatque peccati gravitatem, quantum malum, quantorumque malorum causa sit, Deum offendere, hic suspirat ad mortem, quasi ad peccati et malorum omnium terminum, ut fiat impeccabilis.

Dices : Charitas inclinat ad majus semper et majus sui incrementum, et ad accumulandum majora semper merita et præmia : hæc autem non per brevem, sed per longam vitam acquiruntur. Respondeo : Ita est; sed tamen si in una lance ponas spem hujus augmenti meritum et charitatis, in altera vero ponas periculum peccandi, hæc illi longe præponderabit. Periculum enim peccandi, præsertim mortaliter, cui in hac vita semper obnoxii sunt sancti, ac consequenter periculum damnationis æternæ, tantum est malum, ut nulla augmenti charitatis vel gloriæ æternæ spe compensari ex æquo possit. Idem suo modo et proportionem censent Sancti de peccatis venialibus.

Ardens Audi, ut alios taceam, cujusdam nuper sancti Martyris nostri Anglicani hæc de re ardens et ignitum votum. « Si vere amas Deum, ait, certe nihil tibi adeo grave esse potest, atque summam illius majestatem etiam in minimis offendere, nec quidquam tantopere expetes, atque remedium aliquod, quo securus esse possis, te nunquam amplius Deum offensurum; quod cum in hac vita haberi non possit, continue clamabis cum Psalmista : Heu mihi, quia incolatus meus prolongatus est! et : Cupio dissolvi; et : Quis mihi det penas? Magnum quidem est pro amore Dei laborare, dolores et tormenta tolerare; magnum, animas lucrari; magnum, in Religione cum continua sui victoria vivere : si tamen hæc fieri non possint, quin Deum meum offendam, mallem his omnibus omissis cito mori, quam cum quotidiana Dei in

quantum s exiguis offensione, hæc omnia præstare. Melius siquidem, teste S. Augustino, foret totum mundum ruere, quam vel veniale contra Deum peccatum admittere. Si tamen Deus hujus miseriæ consensit velit vitam procrastinare et me in hujus calamitatis valle exercere : veniant labor, carceres, tormenta, crux, craticula, leones, veniant tandem quæcumque venire possunt : imo ex animo precor te, bone Jesu, ut veniant, et per vulnera tua et Sanctorum tuorum suppliciter peto, ut ab hac hora, in qua hoc scribo, incipiant, ac ad vitæ meæ terminum perdurent. Permite me pro te torqueri, dissecari, flagellari, cædi ac dilaniari; nihil recuso, omnia amplector, omnia sustinebo : non quod ego pulvis id valeam, sed quod omnia possim in te et sine te nihil. Fove in me hoc desiderium, et propitius largire desiderii effectum. » Hæc ille cænæ voce martyrii jam candidatus.

Tertia hujus desiderii, eaque potissima causa est, ut ad beatam illam æternamque vitam transeamus simulque cum Christo, et angelis, et Sanctis. Unde solam hanc sui desiderii causam exprimit hic Apostolus. Pulchre S. Gregorius, *hom. 15 in Ezech.*, explicans illa verba, *Et mensus est thalamum uno calamo in longum*, etc., sic ait : « Thalami in sancta Ecclesia sunt illorum corda, in quibus animæ per amorem sponso invisibili conjunguntur, ut ejus desiderio mens ardeat, nulla jam quæ in mundo sunt concupiscat, præsentis vitæ longitudinem pœnam deputet, exire festinet, et amoris amplexu in cœlestis sponsi visione requiescere. Mens itaque, quæ jam talis est, nullam præsentis sæculi consolationem recipit, sed ad illam, quam diligit, medullitis suspirat, fervet, anhelat, anxietur. Vilis ei fit ipsa salus sui corporis, quia transfixa est vulnere amoris. » Deinde hujus desiderii et vulneris medicinam eandem quam Apostolus hic, subjicit, ita dicens : « Menti autem sponsum suum fortiter amanti una solet esse consolatio, si per hoc, quod ipsa a Dei visione differtur, aliorum animæ ad cœlestem sponsum amoris facibus inardescant. De qua dicitur in Canticis : Fulcite me floribus, stipate me malis, quia amore langueo. Flores sunt animæ, bonum jam inchoantes et cœleste desiderium redolentes. Mala autem de floribus sunt perfectæ jam mentes, quæ ad fructum perveniunt boni operis. Quæ ergo amore languet, fulciri quærit floribus, stipari malis, ut requiescat in bono opere proximi, quæ adhuc videre non valet vultum Dei. »

Ita S. Joannes senex, optansque Christo frui, in fine *Apocal.*, ait : « Veni, Domine Jesu. »

Hoc argumento scripsit S. Cyprianus (quem secutus est S. Ambrosius, lib. *De Bono mortis*) tractatum *De Mortalitate*, ad consolationem Christianorum in communi lue et peste, quæ sua ætate tota Africa per quindecim annos grassabatur : in quo multis rationibus docet, Christianis

Tertia causa est desiderium cœli et Christi.

S. Cypriani exhortatio ad desiderium mortis et transitum in cœlum.

non esse timendam, sed appetendam mortem. Atque in fine, tertiam hanc de qua jam agimus, causam ita perurget: « Considerandum, ait, est, fratres dilectissimi, et identidem cogitandum, renuntiassse nos mundo, et tanquam hospites et peregrinos hic interim degere. Amplectamur diem, qui assignat singulos domicilio suo, qui nos hinc ereptos et laqueis sæcularibus exsolutos, paradiso restituit et regno cœlesti. Magnus illic nos charorum numerus expectat, parentum, fratrum, filiorum frequens nos et copiosa turba desiderat, jam de sua immortalitate secunda et adhuc de nostra salute sollicita. Ad horum conspectum et complexum venire quanta et illis et nobis in communi lætitia est! »

Deinde beatæ illius vitæ et cœlestium civium gaudia ita prosequitur: « Qualis illic cœlestium regnorum voluptas sine timore moriendi et cum æternitate vivendi! quam summa et perpetua felicitas! Illic Apostolorum gloriosus chorus; illic Prophetarum exultantium numerus; illic Martyrum innumerabilis populus ob certaminis et passionis victoriam coronatus; illic triumphantes virgines, quæ concupiscentiam carnis et corporis, continentiae robore subegerunt; remunerati misericordes, qui alimentis et largitionibus pauperum justitiæ opera fecerunt, et ad cœlestes thalamos terrena patrimonialia transtulerunt. Ad hos, fratres dilectissimi, avida cupiditate properemus, ut cum his cito esse, ut cito ad Christum venire contingat, optemus. Hanc cogitationem nostram Deus videat, hoc propositum mentis et fidei Dominus Christus aspiciat, daturus eis gloriæ suæ ampliora præmia, quorum erga se majora fuerint desideria. » Hucusque Cyprianus. Hæc paulo fusius produxi, quia hic est finis ad quem tota nostra vita tendimus; ideoque assidue cupimus et nos cum Paulo dissolvi, et esse cum Christo.

Refert Ruffinus in *Vitis Patr.*, lib. II, cap. IX, Abbatem Mutium miræ sanctitatis solem stitisse, ut ad discipulum morituum longe absentem posset pervenire, « Cumque invenisset eum jam defunctum, oratione facta osculatus est eum, et ait: Quid magis desiderii habes, frater, abire et esse cum Christo, an permanere in carne? Tunc ille, recuperato spiritu, paululum resedit et ait: Quid me revocas, Pater? Melius est mihi redire et esse cum Christo; permanere autem in carne mihi necessarium non est. Cui dixit: Dormi ergo in pace, fili, et ora pro me. At ille continuo reclinans se in lectulo, obdormivit. » Similiter S. Gregorius, lib. I *Dialog.*, cap. II, refert Marcellum a morte suscitatum a S. Fortunato, Episcopo Tudertino, ingemuisse, ac dixisse: « O quid fecisti? o quid fecisti? » Sic et S. Salvium Episcopum resuscitatum ingemuisse fuse narrat Gregorius Turonensis, lib. VII *Hist. Francor.*

Legimus in Vita S. Nicolai Tolentinatis, quod ipse sex totis ante obitum mensibus, paulo ante

nocturnas preces, singulis noctibus suavissimum angelorum concentum audiverit, qui illi quasi prægustationem futuræ vitæ præberet. Quocirca hoc Apostoli dictum crebro iterabat: « Cupio dissolvi et esse cum Christo; » cumque resolutionis tempus instaret, in extremo spiritu fundere cœpit voces lætitiae et animi gestientis; cujus inusitati gaudii Fratres qui aderant causam perquirentes, audiverunt ab eo: « Dominus meus Jesus Christus sanctissimæ matri suæ et Augustino Patri nostro innixus, dicit mihi: Euge, serve bone et fidelis, intra in gaudium Domini tui: » in quibus verbis expiravit. Quis non talem mortem, imo transitum in paradysum, cupiat et votis omnibus optet? Si talem mortem optas, vitam similem imitare et ambi.

24. PERMANERE AUTEM IN CARNE NECESSARIUM Vers. 24.
(Græce ἀναγκαστέρον, id est magis necessarium) PROPTER VOS.

25. ET HOC (scilicet necessarium esse vobis, ut Vers. 25.
maneam in carne) CONFIDENS (Græce πεποιθώς, id est persuasus), SCIO QUIA (id est quod) MANEBO, — q. d. Persuadens mihi vitam meam vobis esse necessariam, scio quod Deus me vobis adhuc concedet facietque in vita permanere. Hinc patet epistolam hanc scriptam e primis vinculis, non e secundis: nam e primis fuit liberatus, in secundis a Nerone occisus est Paulus.

MANEBO ET PERMANEBO OMNIBUS VOBIS. — Græce μέν καὶ συμπαραμένω, manebo et compermanebo omnibus vobis, q. d. Nolite timere et lugere orbitatem vestram, quasi me, patre vestro, sitis orbandi; ego manebo et cum vobis permanebo; quasi pater vobis, filiis meis, superstes adero; præsens vos visam, absens per litteras et nuntios vos solabor et confirmabo, ut in fide et gratia proficiatis, deque fidei incremento tam vestro quam alieno gaudeatis.

Hisce verbis dubium suum, an optabilius sit vivere, an mori, resolvit Apostolus, satisque indicat præstare vivere, ad institutionem et salutem proximorum, quam mori et esse cum Christo. Unde S. Augustinus in illud *Psal.* LIV: « Quis dabit mihi pennas sicut columbæ? » citans hunc Pauli locum, Paulumque columbæ gementi et in cœlum suspiranti comparans: « Columba, ait, delicata, religata affectu, non cupiditate, volare non poterat propter faciendum officium. »

Imo salutem proximi preferendam esse martyrio, docet S. Chrysostomus, hom. 79 in *Matth.* Hinc et S. Augustinus, epist. 81 ad *Eudoxium Abbatem*, scribit, ut Ecclesiæ et proximorum salutis operam suam, si ea necessaria sit, non neget, nec se ab ea per professionem monasticam excuset, affertque rationem hanc: « Quia, ait, si parturienti Ecclesiæ subministrare noluerint qui possunt, quomodo filii nascentur? » Multo magis Episcopum apud subditos suos sæviente persecutione manere, omniaque adversa, quin et mortem ipsam, si opus sit, hac de causa pati

Dubium
resolvit
Apostolus,
op-
tati-
que
adhuc vi-
vere.

debere, docet idem Augustinus, epist. 180 *ad Honoratum*.

Vers. 26. 26. UT GRATULATIO (Græce *καυχῆμα*, id est *gloriation*) VESTRA (qua gloriamini et gratulamini vobis, quod per me sitis ad Christum conversi) ABUNDET IN CHRISTO JESU (id est in Christi doctrina, lege, gratia, Ecclesia, *q. d.* In christianismo) IN ME (de me vinculis liberato, vobisque reddito) PER MEUM ADVENTUM ITERUM AD VOS (1).

Vers. 27. 27. TANTUM DIGNÉ EVANGELIO CHRISTI CONVERSAMINI. — « Conversamini » est imperativus, *q. d.* Tantum exigo a vobis, ut ita conversemini, sicut decet ac dignum est Christianos, qui Evangelium et Christi legem sectantur, conversari.

UT AUDIAM DE VOBIS, QUIA (quod) STATIS IN UNO SPIRITU (id est perseveratis in pari religionis et mutuæ charitatis studio ac fervore) UNANIMES, (Græce *μὴ ψυχῇ*, *in anima*, quasi vobis omnibus una tantum esset anima charitatis) COLLABORANTES, — Græce *συναθροῦντες*, id est *concertantes*, hoc est, ut Ambrosius, pariter et concorditer decertantes.

FIDEI EVANGELII, — *q. d.* Fides Evangelii in lucta est, vos, quasi athletæ fidem luctantem et laborantem, communi religionis et charitatis spiritu ac zelo adjuvate, ut cum ea et pro ea genere decertetis contra Paganos et quosvis fidei hostes.

Vers. 28. 28. ET IN NULO TERREAMINI (Græce *μὴ ταρασσέσθαι*, id est, ut Erasmus, *non turbati*, non tumultuantes; Ambrosius, *non pavescentes*) AB ADVERSARIIS (Gentilibus, qui Christianos persequuntur): QUÆ ILLIS EST CAUSA PERDITIONIS, VOBIS AUTEM SALUTIS, ET HOC A DEO, — *q. d.* Persecutio hæc Gentium ipsosmet perdet et ducet in gehennam, vos autem ducet ad salutem et gloriam, ad eam hac via dirigente vos ac ducente Deo.

Quid ostendit? No la: Pro causa, græce est *ὁ δαίμων*, id est indicium, argumentum, ostensio, et, ut Ambrosius legit, *ostentatio*. Unde Beza hic carpens nostram versionem: « Vetus, ait, interpretes *ὁ δαίμων*; maluit causam interpretari, temere quesita aliena significatione, cum nusquam afflictio fidelium salutis illorum dicatur causa, sed testimonium. » Verum respondeant ipsi Erasmus et Vatablus *ὁ δαίμων*, id est ostendere, sæpe sumi pro facere. Sic ait Paulus, II *Timoth.* iv, 14: « Alexander ærarius multa mala mihi ostendit, » id est fecit, exhibuit. Sic Psaltes orat: « Ostende, » id est præsta, exhibe « nobis, Domine, misericordiam tuam. » Sic *Eccles.* ii, 24: « Nonne melius est comedere, et bibere, et ostendere (dare et tribuere) animæ suæ bona de laboribus suis? » Pari hic modo *ὁ δαίμων* non tam indicium, quam causam significare patet: quia persecutio Gentilium illis ipsis perditionis fuit causa, non indicium: nec illi hoc indicio credebant se perdendos et damnandos, imo pu-

tañant se bene facere et gratiam mercedemque a Jove diisque aliis accepturos. Quod vero afflictio non tantum testimonium, sed et causa salutis fidelium sit et dicatur in Scripturis, patet II *Cor.*

Amictio est indicium et causa salutis.

iv, 17: « Quod in presenti est momentaneum et leve tribulationis nostræ, supra modum in sublimitate æternum gloriæ pondus operatur in nobis. » Si gloriæ pondus operatur, illius ergo causa est. *Rom.* v, 3: « Tribulatio patientiam operatur, patientia autem probationem, probatio vero spem, spes autem non confundit: » quia scilicet certo sperantes ad salutem et gloriam perducit. Unde inferius ait: « Spe salvi facti sumus. » Mediate ergo (mediate scilicet spe) tribulatio et patientia causa sunt salutis. *Apoc.* ii, 10: « Habebitis tribulationem diebus decem: esto fidelis (in tribulatione constans) usque ad mortem, et dabo tibi coronam vitæ. » Constantia ergo in tribulatione parit et meretur coronam vitæ æternæ, sicut victoria in stadio et agone parit et meretur bravium; est ergo constantia hæc et victoria causa meritoria coronæ et bravii.

Vers. 29. 29. QUIA VOBIS DONATUM EST PRO CHRISTO, NON SOLUM UT IN EUM CREDATIS, SED UT ETIAM PRO ILLO PATIAMINI. — Difficultatem movet *pro Christo*; non enim cohæret sequenti, *ut in eum credatis*; nec enim credimus in Christum pro Christo. S. Anselmus sic explicat: *pro Christo*, id est propter Christum, et Christi merita datum est vobis ut credatis in eum. *Secundo*, Photius apud Oecumenium: *ὅτις Χριστῷ*, inquit, capitur pro *ἀπὸ Χριστῷ*, id est a Christo donatum est vobis ut in eum credatis: sed *ὅτις* nusquam ponitur pro *ἀπὸ*. *Tertio*, deterius vertit Beza, *in Christo*, id est in Christi negotio, religione; nec enim *ὅτις* significat *in*.

Dico ergo esse hyperbaton; cum enim vellet Apostolus tantum dicere: Vobis donatum est pro Christo pati, subiit mentem ejus, quod etiam donatum esset eis in Christum credere, illudque inseruit, ac mox ad id quod primo intenderat redit, subdens: « Sed etiam ut pro illo patiamini: » tales enim raptus et hyperbata vidimus *Ephes.* iii, 1, et alias sæpe. Unde Syrus omittens *pro Christo*, clare sic vertit, *et hoc a Deo ipso datum est, ut non solum in credendo credatis Meschicho (Christo), sed etiam ut pro illo patiamini*.

Hinc primo, S. Augustinus et Concilium Arausicanum, *can.* 5 contra Faustum et Massilienses, probat et definit fidem et initium fidei, sive ipsum velle credere, esse donum Dei, indeque incipere initium salutis in adulto. Adde, hoc ipsum velle credere non tantum esse donum Dei, sed etiam nobis obtingere ex meritis Christi. Quod non bene hic negat quidam Interpres, docens fidem et reliquas dispositiones, per quas Christi meritum applicatur nobis, non dari ex meritis Christi, sed ex misericordia et gratia Dei, quæ Christi meritum prævenit. Verum hoc Apostolo repugnat, qui omnia dona et gratias quibus

(1) Vel, ut lætitia vestra de successu doctrinæ augeatur per me, etc.

ad salutem dirigimur, tribuit meritis Christi : ipse enim tanquam mediator Dei, hominum redemptor et salvator, omnia reconciliationis, redemptionis et salutis nostræ media et auxilia nobis promeruit, procuravit et impetravit, ut ostendi *Ephes. i, 3.*

Notant hic *secundo*, Chrysostomus et Theophylactus, *pati pro Christo* vocari ab Apostolo donum Dei, duabus de causis : *primo*, ut non pudeat eos passionis, sed in ea sint constantes, acceptentque quasi magnum Dei donum; *secundo*, ne in eo extollantur, cum illud non habeant a se, sed a Deo. Sicut ergo fidissimis servis in bello probatis, dantur a regibus honorificæ cruces pro mercede laborum, ita dantur et magnis Sanctis a Deo.

Notant *tertio* iidem, hoc donum patiendi pro Christo majus esse, quam suscitare mortuos et signa miranda patrare. « Hic enim, inquit, debitor sum (Deo, qui gratiam suscitandi dedit), illic autem debitorem habeo Christum. O rem admirandam ! Et donat mihi, et super hoc ipse debet mihi, » *q. d.* In hac ergo vestra passione gaudere et exultare debetis, o Philippenses. Vide

dicta ex eodem Chrysostomo, *Ephes. cap. iii, 1.*

Nota *quarto*, pati pro Christo esse singulare Dei donum, non tantum eatenus, quatenus Deus objicit homini occasionem, sicuti fidei, ita et martyrii similiumque afflictionum pro fide et Christo tolerandarum (uti explicat hic commentarius Hieronymo ascriptus, qui potius est Pelagii, vel Pelagiani alicujus, ut ex hoc loco et similibus patet), sed etiam hoc ipsum pati pro Christo est donum Dei, quia Deus patienti affectum, desiderium et fortitudinem patiendi pro Christo aspirat, ut contra Pelagium passim docet Augustinus.

30. IDEM CERTAMEN (Græce ἀγὼνα, eundem agone) HABENTES, QUALE ET VIDISTIS IN ME, ET NUNC AUDISTIS DE ME. — Græce ἀκούετε, id est *audistis*, *q. d.* In hoc fidei agone mecum quasi athletæ decertatis, o Philippenses, idem vobis est agon qui et mihi, eadem palæstra, idem certamen pro Evangelio : quia pro eo persecutiones, exilia, carceres, bonorum rapinas aliaque multa patimini, qualia nunc audistis me Romæ pati, et olim vidistis me Philippis patientem, cum apud vos virgis cæsus sum et incarceratus, *Actor. xvi, 22.*

Pati est donum Dei, quia Deus inspirat desiderium patiendi.

Vers. 30.

CAPUT SECUNDUM.

SYNOPSIS CAPITIS.

Videntur Philippenses, uti et Corinthii, laborasse ambitione et schismate.

Hinc primo, ardentem eos incitat ad humilitatem et charitatem fraternam, tum exemplo Christi Domini, qui se amore nostri humiliavit usque ad mortem crucis, ideoque exaltatus est, ut in nomine Jesu omne genu flectatur; tum ex metu et reverentia Dei, qui operatur in nobis velle et perficere, ipsamque salutem, vers. 12. Secundo, hortatur, ut inter Gentiles quasi luminaria virtutibus præluceant, vers. 15, ad idque, vers. 17, optans martyrium dat se exemplum.

Tertio, vers. 19 et seqq., ait se ad eos missurum Timotheum et Epaphroditum ad eorum consolationem et profectum.

1. Si qua ergo consolatio in Christo, si quod solatium charitatis, si qua societas spiritus, si qua viscera miserationis : 2. implete gaudium meum, ut idem sapiatis, eandem charitatem habentes, unanimes, idipsum sentientes, 3. nihil per contentionem, neque per inanem gloriam : sed in humilitate superiores sibi invicem arbitantes, 4. non quæ sua sunt singuli considerantes, sed ea quæ aliorum. 5. Hoc enim sentite in vobis, quod et in Christo Jesu : 6. qui cum in forma Dei esset, non rapinam arbitratus est esse se æqualem Deo : 7. sed semetipsum exinanivit formam servi accipiens, in similitudinem hominum factus et habitu inventus ut homo. 8. Humiliavit semetipsum factus obediens usque ad mortem, mortem autem crucis. 9. Propter quod et Deus exaltavit illum, et donavit illi nomen, quod est super omne nomen : 10. ut in nomine Jesu omne genu flectatur cælestium, terrestrium et interiorum : 11. et omnis lingua confiteatur, quia Dominus Jesus Christus in gloria est Dei Patris. 12. Itaque, charissimi mei (sicut semper obedistis), non ut in præsentia mei tantum, sed multo magis nunc in absentia mea, cum metu et tremore vestram salutem operamini. 13. Deus est enim, qui operatur in vobis et velle, et perficere,

pro bona voluntate. 14. Omnia autem facite sine murmurationibus et hæitationibus
 15. ut sitis sine querela et simplices filii Dei, sine reprehensione, in medio nationis pravæ
 et perversæ, inter quos lucetis sicut luminaria in mundo, 16. verbum vitæ continentes ad
 gloriam meam in die Christi, quia non in vacuum cucurri, neque in vacuum laboravi.
 17. Sed et si immolator supra sacrificium et obsequium fidei vestræ, gaudeo, et congratulor
 omnibus vobis. 18. Idipsum autem et vos gaudete, et congratulamini mihi. 19. Spero
 autem in Domino Jesu, Timotheum me cito mittere ad vos : ut et ego bono animo sim,
 cognitis quæ circa vos sunt. 20. Neminem enim habeo tam unanimum, qui sincera affec-
 tione pro vobis sollicitus sit. 21. Omnes enim quæ sua sunt, quærunt, non quæ sunt Jesu
 Christi. 22. Experimentum autem ejus cognoscite, quia sicut patri filius, mecum servivit
 in Evangelio. 23. Hunc igitur spero me mittere ad vos, mox ut videro quæ circa me sunt.
 24. Confido autem in Domino, quoniam et ipse veniam ad vos cito. 25. Necessarium autem
 existimavi Epaphroditum, fratrem et cooperatorem, et commilitonem meum, vestrum
 autem apostolum et ministrum necessitatis meæ, mittere ad vos : 26. quoniam quidem
 omnes vos desiderabat, et mœstus erat propterea quod audieratis illum infirmatum.
 27. Nam et infirmatus est usque ad mortem : sed Deus misertus est ejus ; non solum autem
 ejus, verum etiam et mei, ne tristitiam super tristitiam haberem. 28. Festinantius ergo
 misi illum, ut viso eo iterum gaudeatis, et ego sine tristitia sim. 29. Excipite itaque illum
 cum omni gaudio in Domino, et ejusmodi cum honore habetote. 30. Quoniam propter
 opus Christi usque ad mortem accessit, tradens animam suam, ut impletet id, quod ex
 vobis deerat erga meum obsequium.

Vers. 1

1. SI QUA ERGO CONSOLATIO IN CHRISTO. — « In Christo, » id est Christiana, sive quæ sperari et expectari potest ab iis qui sunt in Christo, puta a Christianis, qui unum sunt in fide et charitate Christi, q. d. Si Christiano more, si ex Christi lege, imitatione, compassione, spiritu, me Apostolum vestrum vinctum consolari cupitis, o Philippenses. Ita Theophylactus.

SI QUOD SOLATIUM CHARITATIS, — si charitatem consolando me vultis ostendere, si charitas vestra aliquod mihi solatium cupit asferre.

SI QUA SOCIETAS SPIRITUS, — si quis sit Spiritus Sanctus hominibus Christianis communis, si declarare vultis vos eundem mecum habere spiritum, si qua vobis in Ecclesia mecum est societas et communio Spiritus Christi.

SI QUA VISCERA MISERATIONIS. — Græce *ἐὶ τὴν σπλάγγνα καὶ οὐκ ἐκ τῆς*, si qua viscera et miserationes. Ubi nota primo : *ἐὶ τὴν*, id est si qua, legit Noster, Vatablus, Beza et alii ; Chrysostomus tamen cum suis legit *ἐὶ τῆς*, id est si quis : et tunc est antiptosis, si quis, id est si qua : ad rem enim, non ad verba attendit Apostolus. Vide can. 38. Nisi dicas cum Erasmo abstractum poni pro concreto : si quis est viscera et miserationes, id est si quis est visceralis et misericors, ut *σπλάγγνα*, hoc est viscera, vocet ipsum hominem viscerali misericordia præditi.

Hinc nota secundo : Viscera vocat viscerales affectus, puta tenerrimam, intimam et ex imis quasi visceribus miserationem et compassionem : hoc enim est Hebræum *רחמים rachamim*, q. d.

Si qua erga miseros et afflictos, ac præsertim erga me Apostolum vestrum vinctum, tenera ac viscerali commiseratione tangimini.

2. IMPLETE GAUDIUM MEUM (gaudium, quo me credendo et collaborando Evangelio cœpistis afficere, cap. 1, vers. 7, complete et cumulate, satagendo scilicet), UT IDEM SAPIATIS, EANDEM CHARITATEM HABENTES. — En quale pathos Apostoli, quot verbis, quanta energia, quanto affectu Christianos Philippenses ad concordiam et charitatem fraternam incitat !

UT IDEM SAPIATIS. — Syrus, ut sit vobis una voluntas ; sed sapere, tam intellectus est, quam voluntatis : vult ergo eos tam intellectu, quam voluntate, tam in fide et dogmatibus, quam in amore et affectu esse concordēs, ut idem credant, idem ament.

EANDEM CHARITATEM HABENTES. — « Eandem, » id est mutuam, ut singuli sese invicem una eademque, id est mutua, charitate complectantur, quasi una eademque charitatis anima viverent. Secundo, Theophylactus et Œcumenius, « eandem, » id est æqualem et parem, ut tantum quisque alium amet, quantum amatur ab alio, ut quisque alteri in amore respondeat : magnus enim amoris est amor, iuxta et illex efficacissimus amoris est amor. Hoc est, inquit Seneca, philtrum sine veneficæ carmine cogens etiam hostes ad redamandum : si vis amari, ama. Nimis :

Magnus amoris est amor.

Ut præstem Pyladen, aliquis mihi præstet Orestem.
 Hoc non fit verbis, Marce : ut amaris, ama.

UNANIMES (concordes, itaque conjuncti, ac si in omnibus una eademque esset anima, quæ tot diversa corpora regeret, faceretque tot homines) IDIPSUM SENTIENTES, — vel sapientes, ut paulo ante vertit noster Interpres: nimirum, ut idem omnes sapiant, sentiant, credant, ament, idem velint, idem nolint. Syrus totum hunc versum ita vertit, *implete gaudium meum, ut sit vobis una voluntas, et una charitas, et una anima, et una sententia.*

Gnomæ
de con-
cordia.

Vide quam impense Apostolus Christianis commendat concordiam. Est enim ea omni muro firmitus et inexpugnabilis munimentum. Hinc cum Lacedæmonii periclitarentur, Isæus sophista illud Homeri carmen recitavit:

Scutum hæsit scuto, galeæ galea, atque viro vir.

Et adjecit: « Sic state, Lacedæmonii, et muris cincti sumus. » Unde et Agesilaus Lacedæmoniorum rex rogatus, quam ob causam Sparta moribus non cingeretur? ostendit cives armatos et unanimes: « Hi, inquit, sunt Spartanæ civitatis mœnia. » Lycurgus rogatus ab iisdem; quo pacto hostium impetum repellere possent? « Si pauperes, ait, manseritis, et contentiones mutuas deponatis. » Duo enim sunt quæ rempublicam evertunt, scilicet immodicæ divitiæ et concordie neglectus. Scilurus habens octoginta filios, cum esset moriturus, fasciculum jaculorum singulis porrexit, jussitque rumpere. Id cum singuli recusassent, eo quod videretur impossibile, ipse singula jacula exemit, atque ita facile confregit omnia, filios admonens his verbis: Si concordēs eritis, validi invictique manebitis; contra si dissidiis et seditione distrahemini, imbecilles eritis et expugnati faciles. Testis Plutarchus in *Apophth. regum*. Scipio, expugnata Numantia, rogavit Tyresium principem, quæ de causa ea prius invicta, jam capta et eversa esset? respondit Tyresius: « Concordia victoriam, discordia exitium præbuit. » Micipsa apud Sallustium jamjam moriturus, filios suos paterno monuit affectu, ut concordēs essent, eis aureum hoc memoriale relinquens: « Concordia res parvæ crescent, discordia autem maximæ dilabuntur. »

Vers. 3.

3. NIHIL (supple, facientes) PER CONTENTIONEM (Ambrosius legit, *irritationem*, qua scilicet alios ad contentiones et lites provocetis), NEQUE PER INANEM GLORIAM (Græce *κενοδοξίαν*), SED IN HUMILITATE SUPERIORES SIBI INVICEM ARBITRANTES, — id est, ut Vatablus, sed per humilitatem quisque alium se superiorem et præstantiorem arbitretur et existimet. Notat S. Gregorius, lib. XXXIV *Moral.*, XVII, vel ut alii codices distinguunt, cap. XVI, *in invicem*: « Ne dum, inquit, se alter alteri humiliat, humiliatio iret alteri in elationem, bene utramque partem admonuit dicens: Superiores sibi invicem arbitantes, ut in cogitationibus cordis et ego mihi illum præferam, et vicissim ille me sibi; ut, cum utraque parte cor inferius premitur, nullus ex impenso honore sublevetur. »

Dices: Quomodo vere et sine mendacio ac falsitate æstimare potest quis alium se superiorem, quem longe videt in donis et gratis se esse inferiorem.

Quomodo humilis vere possit inferiorem se æstimare superiorem?

Respondet primo S. Thomas, II II, *Quæst.* CLXI, art. 3, humilem non debere, nec posse judicare suam virtutem aut donum majus, quod a Deo accepit (v. g. apostolatium) esse minus eo, quod revera minus alter accepit (v. g. dono linguarum), nec in eo debere se æstimare inferiorem esse alio: sed in eo quod considerans ea quæ habet a seipso, in proximo vero considerans ea quæ habet a Deo, merito hac ratione illum sibi præfert; quia dona, quæ proximus habet a Deo, majora sunt iis quæ quisque habet a seipso. Hoc enim est ingenium humilitatis, intueri seipsum et ea quæ habet a se, suos nimirum defectus et vitia; in aliis vero considerare eorum bona et dona, quæ habent a Deo: sicut e contrario superbie proprium est intueri sua bona et aliorum mala. Hanc humilitatis indolem clare quinque regulis explicat noster Salmeron, tom. IV, pag. 3, tract. VII, pag. 440.

Primus modus et consideratio humilis.

Secundo, experientia constat, Deum ita sua dona distribuisse, ut neminem præterierit, sed cuique etiam plebeio dotem aliquam contulerit, in qua alios præcelleret. Sic videmus in naturalibus, hos ingenio, illos judicio, alios praxi excellere; hos in eloquentia, illos in philosophia, alios in jurisprudentia; hos in fabrilis, illos in pictoria, alios in pistoria; imo in una et eadem arte, v. g. sculptoria, hunc in isto sculpturæ genere, alium in alio præstare: adeoque si quis solerter singula dispiciat, neminem tam vilem inveniet, qui non a natura habeat indolem, habilitatem et dexteritatem aliquam, qua in hac illave arte eminere possit, si illi sese addicat, in eaque se exerceat. Idem est in virtutibus rebusque supernaturalibus. Sic videmus alios Sanctos in charitate, alios in humilitate, alios in patientia, etc., excelluisse et excellere; imo in eadem patientia et charitate hunc in hoc genere patientiæ et charitatis alios antecellere, illum in illo, alium in alio, ac ita deinceps: millenæ enim et millenæ sunt species ac varietates cujusque artis et virtutis.

Deus cuique dedit dotem aliquam in qua alios præcellat.

Solerter hoc notavit Aloysius Lipomanus in *Exodi* cap. XXXVI, lect. 1: « Rarus est, inquit, qui non insigni aliqua gratia præter alios donatus inveniat, qua maxime et Ecclesiam juvare possit et ministrare Christo. Hujus rei figura et exemplo mulieres quoque a Mose vocatæ sunt ad fabricam tabernaculi, ut nerent pilos caprarum, ex quibus fierent saga sive cortinæ ad operiendum tabernaculum. »

Idem disertè docet S. Gregorius, hom. 10 in *Ex. s. Ezech.*, probatque primo, exemplo Petri et Pauli: Petrus enim innocentia, Paulus sapientia præcellebat. Miratur, ait, Paulus in Petro et Apostolis omnibus innocentiam, cum ait: « Ego enim sum minimus Apostolorum, qui non sum dignus vocari Apostolus, quia persecutus sum Ecclesiam »

Gregorio

Dei. » Vicissim Petrus miratur in Paulo sapientiam, cum ait : « Sicut et charissimus frater noster Paulus secundum datam sibi sapientiam scripsit vobis. »

Secundo, idem docet exemplo regionum, quarum quæque aliam alicujus rei fertilitate excellit. « Hoc itaque, inquit, omnipotens Deus agit in cordibus hominum, quod facit in regionibus terrarum. Poterat namque uni cuilibet regioni fructus omnes tribuere : sed si una quælibet regio alterius regionis fructu non indigeret, communionem cum altera non habuisset. Unde fit ut huic vini, alteri vero olei abundantiam tribuat; hanc multitudine pecudum, illam vero ubertate fructuum abundare; ut, cum illa defert quod ista non habet, et ista reddit quod illa non detulit, per communionem gratiæ sibi invicem etiam divise terræ conjunctæ sint. Sicut ergo regiones terrarum, ita sunt mentes Sanctorum, quæ dum vicissim sibi conferunt quod acceperunt, quasi fructus suos regiones regionibus impendunt, ut in una omnes charitate jungantur. »

Tertio, docet electos ea considerare in quibus ab aliis superantur, ut se humilient; reprobos vero considerare ea in quibus ipsi alios superant, ut se per superbiam elevent et pereant. « Sed inter hæc, ait, sciendum est, quia sicut electi quique hoc semper in aliis attendunt, quod a Deo melius acceperunt quam ipsi, ut eos sibi in cogitatione præferant, seque illis in humilitate substernant : ita reproborum mens nunquam considerat quid alter boni amplius quam ipse, sed quid boni ipse amplius quam alter habeat : neque enim pensat quæ bona spiritus alter acceperit, et ipsi desint; sed quæ bona ipsi et quæ mala alteri adsint. Quod ergo divina bonitas in augmentum disponit humilitatis, hoc mentes reproborum vertunt in augmentum elationis; et ex diversitate munerum a bono deficiunt, unde crescere in humilitatis bono debuerunt. » Si ergo illud in quoque consideremus, in quo excellit et eminet, vere et merito illum nobis superiorem arbitramur. Hinc S. Antonius, teste S. Athanasio, in quoque fratrum et sociorum illam, in qua eminebat, virtutem contemplabatur, in eaque superari se videns, eandem æmulari satagebat.

Tertio
consideratio
humilis, ut
cogitet in
alio posse
esse
virtutem
occultam,
qua se
superet.

Tertio, ut recte D. Thomas supra ad 2 : « Vere, ait, judicamus et æstimamus posse esse aliquid occultum in alio, quo nobis superior sit, etiamsi bonum nostrum, quo illo videmur superiores, non sit occultum. » Idem pulchre docet S. Augustinus *De Sancta virgin.*, cap. xxxiv, tom. VI : « Virgo, ait, ne se conjugatæ præferat, cogitet occulta dona Dei, quæ nonnisi interrogatione tentationis etiam semetipsum cuique declarant : unde enim præter alia scit virgo, ne forte ob mentis infirmitatem nondum sit matura martyrio, conjugata vero sit? Unde, inquam, scit, ne forte ipsa nondum sit Thecla, jam sit illa Crispina? » Et copiosius, cap. xlvii : « Aliud est enim,

ait, pro veritate ac proposito sancto non consentire suadenti atque blandienti, aliud non cedere etiam torquenti et ferienti. Latent ista in facultatibus et viribus animorum, tentatione panduntur, experientia propalantur. Ut ergo quisque non infletur ex eo, quod videt se posse, cogitet forte alios posse aliquid, quod ipse non potest : ita servabitur, non fallaci, sed veraci humilitate : honore mutuo prævenientes et alterutrum existimantes superiores sibi. » Et rursum cap. li : « Si Deus est custos virginitatis, et Deus est charitas, charitas ergo custos est : locus autem hujus custodis est humilitas. Facilius sequuntur Agnum, licet non quocumque ierit, certe quocumque potuerint conjugati humiles, quam superbientes virgines. »

Denique adverte, tam ad charitatem et concordiam, quæ proprie hic spectat Apostolus, quam ad omnem virtutem insigne esse hoc medium et fundamentum, si nulli te præponas, sed potius omnibus in animo tuo te postponas. Et *secundo* si exterius ita te geras, ut idipsum opere demonstres, et in praxim redigas. Ita S. P. N. Ignatius, fundator Societatis nostræ, nobis inter prima, pauca et selecta documenta, hæc commendavit :

Nulli se
præpone-
re, est
funda-
mentum
omnis
virtutis.

Nulli vel minino quavis ratione repugnes;
Cedere te potius, quam superare juvet.

4. NON QUÆ SUA SUNT SINGULI CONSIDERANTES, SED QUÆ ALIORUM. — Possent hæc verba referri ad proximæ præcedentia de humilitate, ut quisque alium se superiorem arbitretur, quasi hic modum et medium eam acquirendi præscribat, nimirum ut quisque consideret non sua, sed aliorum bona et dona; ita enim facile arbitrabitur alium excellere et esse se superiorem. *Secundo* et magis genuine, accipias hæc, ut si novum hic præceptum vel documentum de modo charitatem et unionem fraternam acquirendi et fovendi, q. d. Ut charitatem mutuum, ad quam vos hortor, foveatis, satagite ut quisque non suam, sed aliorum commoda spectet (hoc enim est *considerare*), quærat, consecetur : sagittarius enim, qui scopum considerat et spectat, non illud spectat, ut oculos pascat, sed ut eum sagitta contingat, consequatur et configat. Hoc ergo significat hic *considerare*, sive spectare per metalepsin, scilicet ut spectando commoda non nostra, sed proximorum, ea quærere et procurare satagamus. Nota ex *can.* 36, negationem hic significare comparisonem; non enim negat, quin quisque suum etiam commodum quærere possit : hoc enim exigit charitas ordinata, ut quisque magis se suaque commoda maxime spirituali diligat, quam aliena; sed significat, non ita avare quærenda esse commoda nostra, ut negligamus aliena. Unde Græca et Syrus habent, *ne sua quisque spectetis, ἀλλὰ xai*, sed etiam quæ aliorum; imo significat consilii et charitatis esse, in rebus temporalibus, aliorum potius, quam suum commodum spectare; amicitia

enim et charitas, licet non præcipiat, permittit tamen et sepe suadet, ut in bonis fortunæ et subinde vitæ, proximum nobis anteferamus.

Vers. 5. 5. HOC SENTITE IN VOBIS, QUOD ET IN CHRISTO JESU. — Probat' ab exemplo Christi tanquam a

causa (hanc enim significat conjunctio causalis enim) exemplari, Christianis studendum esse humilitati et charitati, ut quisque non quærat sua, sed aliorum commoda; quia nimirum Christus harum virtutum illustre nobis dedit exemplum sequæ earundem exemplar proposuit, quod Christiani omnes imitentur, quando ipsemet Deus existens se humiliavit usque ad mortem, mortem autem crucis, ut nostræ saluti consuleret. Sicut enim Moses, Exod. cap. xxv, vers. ult., jussus est a Deo in Sina monte ostensam: « Inspice, inquit, et fac secundum exemplar, quod tibi in monte monstratum est; » similiter allegorice Christiani ideam Christi in monte Calvariæ crucifixi perpetuo sibi proponere debent, ut secundum eam tabernaculum animæ suæ virtutibus construant, et Deo in templum consecrent et adornent.

Dicit ergo: « Hoc enim sentite in vobis, quod et in Christo Jesu, » supple, sentitis, id est fuisse intelligitis, ait Anselmus. Sed « sentire » hic non significat intelligere: ad affectum enim pertinet, non ad intellectum; melius ergo sic: « Hoc sentite in vobis, quod et in Christo Jesu, » supple, sensum fuit. Unde Græcum *ὑποτασσέσθαι* tum active, ut significet, Hoc sentite; tum potius et aptius passive vertas, ut significet, Hoc sentiatur in vobis, quod et in Christo Jesu sensum fuit, q. d. Ille sensus, ille affectus humilitatis, misericordiæ, pacis, charitatis sit et sentiatur in vobis, quem in Christo fuisse comperimus. Unde Syrus clare vertit, *hoc sentite in vobis quod Jesus Christus*, supple, in se sensit. Notant Chrysostomus et Theophylactus nos maxime excitari a Paulo ad humilitatem ex hoc capite, quod per eam fiamus similes Christo, similes Deo. Deus se humiliat, et tu, qui homuncio es, te exaltas? Fugis humilitatem quasi indecoram et vilem? Erras. Honorata est a Deo humilitas; insigne Dei est humilitas; illa ergo te honorabit et decorabit, quia faciet te conformem Deo tuo. Contra, superbia vilem te et abjectum, utpote difformem Deo, conformem vero Lucifero, efficiet. Rursum, humilitas exaltavit Christum Deum tuum, deditque illi nomen, quod est super omne nomen; multo ergo magis humilitas potens est et prompta te homuncionem decorare et exaltare.

Audi S. Leonem, serm. II *De Resurrect.*: « Hoc, ait, sentite in vobis, quod et in Christo Jesu, cujus humilitas nulli aspernanda divitum, nulli est erubescenda nobilium. Non enim in tantum provehi potest quælibet felicitas humana fastigium, ut æstimet sibi pudendum, quod manens in forma Dei, Deus non est arbitratus indignum. » Et mox: « Vestram in illo redamate naturam: quoniam

sicut ille paupertate divitias non amisit, gloriam humilitate non minuit, æternitatem morte non perdidit: ita et vos eisdem gradibus, eisdem vestigiis, ut cœlestia apprehendatis, terrena despicite. »

Præclare S. Gregorius, lib. XXXIV *Moral.*, cap. xxi et seq., in illud Job cap. xli, *Ipse (Leviathan, id est diabolus) est rex super universos filios superbiæ*: « Audiant, ait, omnes: Deus superbis resistit; humilibus autem dat gratiam. Audiant omnes: Immundus est apud Deum qui exaltat cor suum. Audiant omnes: Quid superbis, terra et cinis? Audiant omnes Dominum dicentem: Discite a me quia mitis sum, et humilis corde. Ad hoc namque unigenitus Dei Filius formam infirmitatis nostræ suscepit: ad hoc invisibilis, non solum visibilis, sed etiam despectus apparuit: ad hoc contumeliarum ludibria, irrisionum cprobria, passionumque tormenta toleravit, ut superbum non esse hominem doceret humilis Deus. Quanta ergo humilitatis virtus est, propter quam solam veraciter edocendam, is, qui sine æstimatione magnus est, usque ad passionem factus est parvus! Quia enim perditioni nostræ originem superbia præbuit diaboli, instrumentum redemptionis nostræ inventa est humilitas Dei. » Deinde per insignes antitheses describit et opponit humilitatem Christi superbiæ Luciferi, ita dicens: « Hostis quippe noster magnus inter omnia conditus, videri super omnia voluit elatus; Redemptor autem noster magnus manens super omnia, fieri inter omnia dignatus est parvus. Auctor mortis dicit: In cœlum conscendam; auctor vitæ ait: Repleta est malis anima mea, et vita mea inferno appropinquavit. Ille dicit: Super astra cœli exaltabo solium meum; iste humano generi a paradisi sedibus expulso, dicit: Ecce venio cito et habitabo in medio tui. Ille dicit: Sedebo in monte testamenti, in lateribus Aquilonis; iste dicit: Ego sum vermis et non homo, opprobrium hominum et abjectio plebis. Ille dicit: Ascendam super altitudinem nubium, et ero similis Altissimo; iste cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens. » Et infra hæc ipsa prosequens concludit tandem signum prædestinationis esse humilitatem, signum vero reprobationis esse superbiam: « Ille, ait, nihil aliud mentes sibi subditas docet, quam celsitudinis culmen appetere, cuncta æqualis mentis tumore transcendere, societatem omnium hominum alta elatione transire, ac sese contra potentiam Conditoris erigere; iste ad sputa, ad palmas, ad colaphos, ad spineam coronam, ad crucem, atque ad mortem veniens, membra sua admonet dicens: Si quis mihi ministrat, me sequatur. Quia igitur Redemptor noster corda regit humilium, et Leviathan iste rex dicitur superborum, aperte cognoscimus, quod evidentissimum reproborum signum est superbia; et contra, humilitas electorum. Cum ergo

Christus
o cœli
descendit
ut nos do-
ceret hu-
milita-
tem.

Antith-
eses Chris-
ti et Lu-
ciferi.

Signum
prædesti-
nationis
est humi-
litas, re-
probatio-
nis su-
perbia.

quam quisque habeat, cognoscitur, sub quo rege militat invenitur. Unusquisque enim quasi quemdam titulum portat operis, quo facile ostendat, sub cuius serviat potestate rectoris. » Hucusque S. Gregorius præclare sensum tam Christi quam Luciferi describens.

VERS. 6. 6. QUI CUM IN FORMA DEI ESSET. — Commentarius Ambrosio adscriptus Græcum *μορφῇ*, non *formam* vertit, sed externam speciem, figuram, specimen : « Forma, ait, Dei quid est nisi exemplum quod Deus apparet, dum mortuos excitat, surdis reddit auditum, leprosos mundat? » *q. d.* Licet Christus homo subinde specimen dederit et quasi scintillas vibrarit divinitatis, dum scilicet miracula fecit; tamen in terris non se gessit ut æqualem Deo Patri, sed se humiliavit, etc. Ratio Ambrosii est : Quia, inquit, Apostolus loquitur de Christo Jesu, id est de Christo homine, scilicet post incarnationem, non ante. Hoc avidè arripit Erasmus, additque hinc contra Arianos pro Filii divinitate non posse validum confici argumentum; nam et alii Sancti fecerunt miracula, itaque ediderunt specimen aliquod divinitatis, nec tamen fuerunt dii. Ita Erasmus hic et alibi ova posuit Arianismi, quæ novi nuper Ariani excluderunt.

Verum dico, *μορφῇ* hic et alibi passim non significare specimen, exemplum, argumentum, sed *formam*, quæ dat esse rei; forma ergo Dei est natura Dei, divinitas et Deus ipse. Ita Chrysostomus, Theophylactus, Œcumenius, Hilarius, Augustinus et passim Patres contra Arianos, ut fatetur Erasmus. Imo ita explicant Calvinus, Beza et Vatablus. Et patet *primo*, quia, ut Chrysostomus, formam Dei opponit Apostolus formæ servi; atqui forma servi est natura hominis; ergo forma Dei est natura Dei. *Secundo*, quia subdit Paulus : « Non rapinam arbitratus est esse se æqualem Deo, » quia scilicet revera erat æqualis Deo, ac consequenter erat ipse Deus; *tertio*, quia hoc est argumentum Apostoli : Christus cum esset Deus, ac proinde in æquali gloria cum Patre, ita tamen se dimisit, ut naturam servi, id est hominis, assumeret, fieretque servus Deo Patri obediens usque ad ignominiosissimam mortem crucis : quis ergo tam arrogans erit homo, ut alteri homini, qui natura sibi par est, se anteponat? Adde, ut recte argumentatur Ambrosius eodem hoc loco contra Erasmum, si forma est specimen, illud specimen aut veram est, aut tantum apparens et falsum; si apparens tantum, ergo Christus fuit impostor (quod absit) cum hoc specimen dedit, et miracula fecit propria virtute ad probandum se esse verum Deum Deique Filium : si verum, ergo ex eo vere probari et constare poterat divinitas Christi, Christumque vere esse Deum; secus est de Sanctis, qui nec propria virtute fecerunt miracula, nec ea fecerunt hoc fine, ut se probarent esse deos. Verum, ut dixi, *μορφῇ* hic non speciem et formam acciden-

talem, uti vult Commentarius Ambrosii, sed essentialē significat.

Ad argumentum Ambrosii respondeo, in Christo Jesu duas esse naturas : unam divinam et æternam, quæ fuit ante incarnationem, de qua hic Apostolus; alteram humanam et temporariam, quam accepit in incarnatione, de qua agit vers. seq. Itaque pronomen *qui* refert personam Christi, id est personam Verbi, quæ fuit ante incarnationem in forma, id est in natura Dei : nam non loqui Apostolum de Christo homine patet, quia subdit : « Sed semetipsum exinanivit formam servi accipiens, » *q. d.* Christus cum ante incarnationem esset Deus, Deoque æqualis, seipsum tamen postea exinanivit, quando per incarnationem formam servi accepit.

Ubi nota, *quod cum* esse causale, *q. d.* Quia in forma Dei erat Christus, ideo consequenter Patri æqualis fuit; forma enim, id est natura Dei, non est sicut forma, id est natura hominis : quæ licet una sit specie, numero tamen est multiplex, et in aliis aliisque hominibus alia est et alia; nam natura Dei, sive divinitas, una prorsus est et individua ac simplicissima, ut nullos gradus, nullam divisionem, nullam multiplicationem admittat : sed ubicumque et in quibuscumque personis est, una et eadem prorsus est, tam specie, quam numero, ita ut personæ, quibus illa communicatur omnino sint tum natura, tum æternitate, tum dignitate, tum perfectione æquales. Hinc Chrysostomus, Theophylactus et alii docent hoc loco doceri totum mysterium incarnationis Verbi : unam scilicet Verbi personam constare duabus naturis, divina et humana, quam assumpsit, et consequenter ex hoc loco refelli omnes hæreticos, qui alterutram Christo ademerunt. Hic, ait Chrysostomus et Theophylactus, cadit Arius, qui Filium minorem Patre asseruit; cadit Photinus, qui Filium non formam, sed energiam Patris esse docuit; cadit Sabellius, qui Filium non æqualem Patri, sed eandem cum Patre personam esse censuit; cadit Nestorius, qui duas personas in Christo posuit, ut alius esset Christus homo, alius Christus Deus; cadit denique Apollinaris, qui mentem et animam rationalem, ac consequenter humanitatem Christo ademit.

Dices : Cur clare non dixit Apostolus : Qui cum esset Deus? Respondeo : Id dixit et amplius dixit; per formam enim significat gloriam et maiestatem Dei, eamque opponit formæ, id est infirmitati et vilitati humanæ. Unde alibi in terminis Filium vocat Deum, ut patet *Rom. ix, 5; I Timoth. iii, 16; Coloss. ii, 9*, et alibi.

NON RAPINAM ARBITRATUS EST ESSE SE ÆQVALEM DEO. — *Primo*, « rapinam non est arbitratus, » id est, non fecit (ut, juxta *can. 36*, verbum mentale ponatur pro reali, dicere scilicet, vel arbitrari, pro facere), quia non usurpavit alienum, sed triplici-

Una numero est forma Dei, sive divinitas.

In Christo persona Verbi duas habet formas, sive naturas.

Rapinam non est arbitratus, pro facere, quia non usurpavit alienum, sed triplici-

ter expo-
nitur.
Primo.
Secundo.

quod suum erat, cum sentiret, diceret et gereret se quasi æqualem Patri. *Secundo*, potest per hypallagen sic accipi: « rapinam non est arbitratus, » id est arbitrando non rapuit æqualitatem Dei, quia arbitrando sibi tribuit id, quod revera erat. *Tertio* et simplicissime sic, q. d. « Non rapinam arbitratus est (subaudi, se facere, cum sentiret et diceret) esse se æqualem Deo, » ut cum dixit: « Ego et Pater unum sumus, » Joan. x, 30, quia quod sentiebat et dicebat sibi que attribuebat, id ipsum re ipsa erat: unde quod erat naturæ, non putavit esse rapinæ; ac consequenter sicut putavit se non rapere, ita revera non rapuit æqualitatem Dei. Ita Augustinus, tract. 17 in Joan.

Tertio
et sim-
plicissi-
me.

Rapina
est arro-
gantia.

Nota: *Rapina* hæc est arrogantia, vel arrogantiae effectus; rapere enim alterius gloriam est eam sibi arrogare. Ita Augustinus supra.

Secundo, ut Chrysostomus et Vatablus, per metalepsin *rapere* significat rem aliquam, perinde ac si rapta esset, studiose et contentiose retinere, q. d. Christus non rapuit, non ambivit, ut Lucifer, *Isaiæ* xiv, 13, æqualitatem Dei, nec ut raptores solent, raptum (dum male sibi conscii metuunt ne illud amittant) studiose servavit et ambitiose defendit: sed potius sponte, quasi legitimus dominus, deposuit, id est celavit seque exinanivit, etc. Hoc enim exigit particula adversativa *sed*, quæ sequitur, cum ait: « Sed semetipsum exinanivit; » alioqui non tam adversativa erit quam explicativa, capieturque improprie *sed* pro *verumtamen*.

Pulchre S. Bernardus, hom. super *Missus est*, docet Luciferum cogitasse rapinam deitatis, non Christum: « Altissimus enim Deus Pater, ait, quamvis omnipotens sit, non potuit tamen vel æqualem sibi condere creaturam, vel inæqualem gignere filium. Fecit itaque angelum magnum, sed non quantus ipse, et ideo nec altissimum, solum autem Unigenitum, quem non fecit, sed genuit, omnipotens omnipotentem, altissimus altissimum, æternus coæternum, ipsum sibi per omnia comparari, nec rapinam æstimat, nec injuriam. Recte ergo hic erit magnus, quia Filius Altissimi vocabitur. »

ESSE SE ÆQUELEM DEO, — τὸ εἶναι ἴσα Θεῷ, *esse æqualia*, id est æqualiter, *Deo*: nomen enim capitur pro adverbio, inquit Erasmus: quod Noster clare vertit, « esse se æqualem Deo. »

Nota: *Deo*, supple Patri; est enim hic nomen personæ; illæ enim æquales sunt. Aliter ergo paulo ante accipitur, ubi dixit: « Cum in forma Dei esset; ibi enim Deus absolute essentiam tribus personis communem significat.

ers. 7.
Christus
ex omni
factus est
quasi ni-
hil.

7. *SED SEMETIPSUM EXINANIVIT*, — ἐκένωσε, evacuavit, et, ut Tertullianus legit, *exhaustit*, vel inanivit, id est inanem et vacuum effecit, ut qui erat plenius majestate, gloria, robore, adeoque plenitudo totius entis, ea se evacuarit, et ex omni quasi ad nihilum se redegerit, factusque sit ex Domino

servus, ex Deo homo, ex creatore creatura. Sicut enim nomen creatoris est, *Ego sum qui sum*, sive τὸ ἐνς, et oceanus ipsius esse; ita creaturæ nomen est, *Non sum*: ex se ipsa enim creatura nihil est; nam omne esse quod habet, a Deo habet, illudque assidue a Deo accipit, adeoque si Deus in illam desinat influere suum esse et subtrahat manum suam, statim creatura in nihilum, unde venit, recidet et evanescet: perinde ut sole abeunte, vel radios retrahente, lux omnis in hoc aere evanescit.

Notat Theophylactus Christum in hac sui humiliatione non deposuisse, sed servasse suam altitudinem et majestatem, formam scilicet et naturam Dei; ita tamen, ut eam, humanitate assumpta, velaverit et occultaverit. *Secundo*, exinanivit se, non imperio, aut alia vi cogente, sed sponte sua. Ita Theophylactus.

Hanc Verbi exinanitionem graphice describit S. Cyrillus, lib. *De Fide ad Reginas*: « Verbum, ait, humani generis amore incitatum, cum suapte natura exinanitionis non esset capax, servili forma suscepta, semetipsum exinanivit dejecitque; qui carnis commercium ignorabat, tui causa carne induitur (Verbum enim caro factum est); qui ob naturam corporis expertem sub tactum non veniebat, palpabilis efficitur; qui principium nesciebat, secundum corpus initium sortitur; qui absolute perfectus erat, incrementa sumit; qui converti non potest, ad meliora progressus facit; qui dives, in diversorio gignitur; qui cælum nubibus tegit, fasciis involvitur; qui rex erat, in præsepi deponitur, quem hesterno die pro nostra salute, immaculato puerperio, Maria virgo mater effudit; Maria, inquam, genitrix vitæ, mater pulchritudinis, magnificentiae lucisque parens. » Exinanitum est ergo Verbum per assumptionem inanitatis, id est humanitatis, in qua tamen retinet plenitudinem divinitatis, ut ait Cyrillus et Gregorius Nyssenus citatus in Concilio Ephesino, tom. II, cap. vii: « Rex regum, ait, Dominus dominantium, servili forma induitur, omnium judex mundi hujus dynastis vectigalis efficitur; qui complexu suo ambit omnia, locum in diversorio nullum invenit, sed in brutorum animalium præsepi reclinatur; demum mortem perpetitur. Vita degustat mortem; judex in prætorium abducitur; omnium viventium Dominus, judicis sententiæ subjicitur; omnium cœlestium virtutum rex, carnificum manus experiri non gravatur. Hoc humilitatis exemplum, hunc abjectionis modum nos expendere Apostolus monet. » Et S. Cyprianus, tractatu *De Eleemos*: « Hominis filius esse voluit, ut nos filios Dei faceret; humiliavit se, ut populum qui prius jacebat, erigeret; vulneratus est, ut vulnera nostra sanaret; servivit, ut ad libertatem servientes extraheret; mori sustinuit, ut immortalitatem mortalibus exhiberet. »

Hujus humiliationis Christi typus fuit Eliseus, ERAS.

typus
Christi.

qui se corpori pueri mortui coaptans, eum suscitavit, IV Reg. iv. De quo audi S. Augustinum, serm. 11 *De Verbis Apostoli*: « Venit ipse grandis ad parvulum, salvator ad salvandum, vivus ad mortuum. Et quid fecit? Juvenilia membra contraxit, tanquam semetipsum exinaniens, ut formam servi susciperet: parvum se parvo coaptavit, ut efficeret corpus humilitatis nostræ conforme corpori gloriæ suæ. Sicut ergo ab Eliseo suscitatus est mortuus, sic a Christo justificatus est impius. » Audi S. Bernardum, serm. II *super Missus est*: « In Christo, ait, agnoscitur longitudo brevis, latitudo angusta, altitudo subdita, profunditas plana, lux non lucens, Verbum infans, aqua sitiens, panis esuriens. Videas, si attendas, potentiam regi, sapientiam instrui, virtutem sustentari, Deum denique lactentem, sed angelos reficientem; vagientem, sed miseros consolantem. Videas, si attendas, tristari lætitiā, pavere fiduciam, salutem pati, vitam mori, fortitudinem infirmari: sed est hæc tristitia lætificans, pavor confortans, mors vivificans. » Hinc infert idem Bernardus, serm. I *De Nativit.*: « Quid magis indignum, quid detestandum amplius, quid gravius puniendum, quam ut videns Deum cœli parvulum factum, ultra opponat homo magnificare se super terram? Intolerabilis impudentia est, ut, ibi se exinanivit majestas, vermiculus inflatur et intumescat. Hoc ergo est propter quod exinanivit se formam servi accipiens, qui in forma Dei, Patri æqualis erat: sed exinanivit majestate et potentia, non bonitate et misericordia. Quid enim ait Apostolus? Apparuit benignitas et humanitas Salvatoris nostri Dei. »

FORMAM SERVI ACCIPIENS, — id est naturam servorum, puta humanam, accipiens factus est homo, factus est servus.

Servitus
creaturæ
in quo
consistat.

Nota primo, Christum ratione personæ suæ divinæ esse Filium Dei, sed ratione humanæ naturæ quam assumpsit, esse servum Dei.

Nota secundo: Hæc servitus omnibus creaturis communis, adeoque creaturæ, qua talis est propria, in duobus consistit: Primo, quod creatura tota sit subjecta dominio Dei, utpote quæ totum suum esse a Deo, perinde ut radius a sole, accipit et continuo accipit. Secundo, quando creatura rationalis est, obligatur in omnibus Deo quasi Domino parere, eum revereri et colere: quæ duo Christo, ut homo est, competunt, ut cum aliis docet Franciscus Suarez, III *part.*, disp. XLIV, sect. 1. Sic ergo in Christo natura serva, id est humana, evecta est ad hypostasim filii, et per eam instar filii jus habet ad hæreditatem paternam. Itaque Christus homo et servus est, et filius: servus secundum humanam naturam in se nude spectatam; Filius, quatenus eadem natura humana in hypostasi filii subsistit: vere enim hic homo est Filius Dei.

Christus
homo est
servus
Dei.

Nota tertio: Christus non est servus servitute legali, vel pœnali, quæ scilicet extrinseca et

superaddita est naturæ, qua quis sit servus, vel ob culpam, ut bello justo capti, vel ob emptiōnem, vel quia nascitur ex mancipio, puta matre serva: partus enim, vel fœtus, sequitur ventrem. Et hoc sensu Adrianus Papa in Concilio Francofordiensi, et alii Patres, imo S. Joannes in *Evangel.* cap. VIII, vers. 33, negant Christum esse servum; non autem negant Christum, ratione naturæ creatæ quam assumpsit, esse servum.

Dices: Ad *Hebræos* III, 5 et 6, Apostolus Mosem quasi servum opponit Christo quasi filio.

Respondeo: Merito, quia Moses merus est servus, Christus vero ita est servus, ut tamen sit et filius Dei naturalis, ut dixi.

Hinc patet quarto, falsam esse interpretationem Marcionis, qui docebat Christum accepisse formam servi, quando linteo præcinctus lavit pedes discipulorum, hoc enim est officium servorum; et commentarii Ambrosio ascripti, quem sequitur Erasmus: « Christus, ait, accepit formam servi, id est speciem hominis nocentis, cujus personam pro nobis gessit, dum flagellatus, damnatus, crucifixus est; servi enim ex peccato fiunt, sicut Cham, filius Noe, qui primus merito servi nomen accepit. » Sed hoc recte refutat S. Chrysostomus. Aliud enim, inquit, est opus servi facere, aliud formam servi accipere; forma enim, ut dixi, naturam significat, non similitudinem, non officium. Unde se explicans Apostolus subdit: « Et habitu inventus, » non ut peccator, non ut latro damnatus ad crucem, sed ut homo.

IN SIMILITUDINEM HOMINUM FACTUS, — id est similis hominibus factus. Similitudinem accipe, non accidentalem, non apparentem et phantasticam, uti voluerunt Manichæi; sed substantialem, qua omnes homines dicuntur esse similes specie, seu natura humana. Ita D. Thomas, III *part.*, *Quæst.* V, art. 1, ad 2. Sic dicitur, *Gen.* v, 3, Adam ad imaginem et similitudinem suam genuisse filium, quia, scilicet, genuit Seth sibi in natura humana consimilem. Sic *Coloss.* I, 15, filius dicitur imago patris. Et I *Cor.* xv, 49, dicimur gestare imaginem hominis terreni, quia quoad naturam sumus Adæ terreno similes, cum eoque idem specie corpus gestamus.

ET HABITU INVENTUS UT HOMO. — Pro « habitu, » græce est *σχίσμα*, id est *schema*, figura et specie externa, q. d. Sicut Christus assumpsit internam formam et naturam hominis, ita quoque externam hominis speciem et figuram habuit; talique *schema* fuit et corporis forma, quali nos sumus. Ita Chrysostomus, Theophylactus.

Secundo, Ambrosius per *schema* accipit externam conversationem.

Tertio, S. Augustinus, lib. LXXXIII *Quæst.*, *Quæst.* LXXIII, tom. IV, *schema* intelligit habitum prædicamentalem, quo quis dicitur hoc illove habitu indutus et vestitus: Verbum enim naturam humanam quasi habitum et vestem assump-

Quod
schema,
id est ha-
bitus
Christi?
Primus
et si si-
plici-
sime ha-
bitus est
externa
species.
Secun-
dus.
Tertius.
S. Au-
gustinus
per ha-
bitum

tum acci- pit vestem: fuit enim caro vestis Verbi.

sit et induit. « Hoc ergo nomine *habitus*, ait Augustinus, satis significavit Apostolus, quemadmodum dixerit: In similitudinem hominum factus, quia non transfiguratione in hominem, sed habitu factus est, cum indutus est hominem, quem sibi uniens quodammodo atque conformans, immortalitati æternitatisque sociaret. » Et infra: « Quo nomine (*habitus*) oportet intelligi non mutatum esse Verbum susceptione hominis, sicut nec membra veste mutantur, quanquam illa susceptio ineffabiliter susceptum suscipienti copulaverit; sed quantum verba humana rebus ineffabilibus coaptari possunt, ne mutatus intelligatur Deus humanæ fragilitatis assumptor, electum est, ut græce *σχιμα*, et latine diceretur *habitus* illa susceptio. » Ita S. Augustinus, quibus pulchre docet, quod incarnatione Verbum non ita factum sit caro, ut fuerit transformatum in carnem, id est hominem, uti volebant Euty-chiani: sicuti dum aer fit aqua, mutatur et convertitur in aquam; sed quod ita factum sit caro, sicut homo fit vestitus, et sicut ferrum fit ignitum, et sicut aurum fit statua vel imago aurea; quia manens Verbum quod erat, ad se humanitatem assumpsit, eamque quasi vestem substantialem induit. Dico *substantialem*, nam in hoc est dissimilitudo incarnationis et vestitionis, quod unio incarnationis sit substantialis, vestitionis vero sit accidentalis. Hic sensus aptus est, et apposite respondet Græco; primus tamen magis generalis et genuinus est; vult enim dicere Apostolus, Verbum æternum et invisibile ita assumpsisse formam et naturam hominis, ut illam hominibus spectandam objecerit, et per speciem ac figuram corporis humani a se assumpti hominum oculis visibilis apparere viderique voluerit, itaque ab hominibus visus et inventus sit ut homo.

Ut homo, — id est sicut quisvis alius et communis homo, cum tamen Christus esset singularis homo, adeoque Deus homo, ait Chrysostomus. *Secundo*, simplicius, « ut homo, » id est *verus homo*. Notandum enim adverbium similitudinis, ut, *sicut, quasi*, sæpe non similitudinem sed veritatem Hebræis significare. Sic *Joan. I, 14*, dicitur: « Vidimus gloriam ejus, gloriam quasi unigeniti a Patre, » id est vidimus Christi gloriam tantam, quantum decebat eum habere, qui vere Patris erat unigenitus. Ita Theophylactus. Et hoc sensu ruit argumentum Marcionis: Christus, inquit, tantum habitu inventus est ut homo, ergo vere non fuit homo: contrarium enim inferendum erat, videlicet: ergo vere fuit homo, ut patet ex dictis.

Vers 3. 8. HUMILIAVIT SENETIPSUM FACTUS OBEDIENS USQUE AD MORTEM, MORTEM AUTEM CRUCIS, — *q. d.* Humiliavit se per obedientiam, sive dum obedivit Patri usque ad mortem crucis.

Nota *primo*: Christus humiliavit se, et obedivit non qua Deus est et Verbum, ut volebant Ariani;

sic enim Patri non est subditus, cum sit illi par, sed quatenus formam servi accepit, seu quatenus est homo.

Nota *secundo*: Christus, qua homo et servus est Dei, vere et proprie Deo fuit obediens; cum autem vera et propria obedientia non sit, nisi ubi intervenit præceptum Superioris, quod est quasi formale objectum obedientiæ, ut D. Thomas et Scholastici docent, II II, *Quæst. CIV*, sequitur Christum a Patre tum alia præcepta (hoc enim innuit vox *usque*), tum præsertim moriendi in cruce præceptum accepisse, cui humiliter se subdidit Christus, illudque acceptavit, « factus obediens usque ad mortem, mortem autem crucis. » Nimirum tam grave et durum præceptum accipere voluit Christus, ut perfectum nobis daret tam nobilis virtutis, obedientiæ scilicet, exemplum; ne quis queri possit sibi a suis Superioribus dura nimis præcipi, sed sciat et soletur se quisque cogitans Christum longe durius a Patre subeundæ crucis mandatum accepisse.

Moraliter de fuga superbiæ et amore humilitatis vide hic Chrysostomum, in morali *homiliæ 7*.

Nota *tertio*: Christus quatuor habuit quasi formas et stemmata, quæ Ezechiel, cap. I, representat per quadriformes Cherubim. Cherubim enim quatuor habebant facies, scilicet hominis, aquilæ, vituli et leonis. Facies hominis representat humanam Christi naturam, facies aquilæ representat divinam Christi naturam, facies vituli representat Christi sacerdotium et sacrificium, facies leonis representat Christi potestatem regiam, quam adeptus est resurgendo ex mortuis et ascendendo in cælum. Hasce quatuor formas et quasi stemmata Christi clara hypotyposi hic signat Apostolus: *primo*, formam divinam, cum ait: « Qui cum in forma Dei esset; » *secundo*, humanam, cum subdit: « Habitu inventus ut homo; » *tertio*, pontificiam, cum addit: « Humiliavit se usque ad mortem; » *quarto*, regiam, cum concludit dicens: « Propter quod et Deus exaltavit illum. » Easdem notat Apostolus, *Hebr. I, 3*, ut ibi dicam.

Hinc pio et christiane S. Augustinus, *epist. 58*: « Si quæras, ait, quæ via sit ad obtinendam veritatem, quidque primum sit in religione et disciplina Christi? respondebo: *Primum* est Humilitas. Quid *secundum*? Humilitas. Quid *tertium*? Humilitas, et quoties interrogabis, toties hoc dicam. Sicut enim Demosthenes in eloquentia primas, secundas, tertias, etc., dedit pronuntiationi: ita easdem ego dabo humilitati in schola Christi. »

Et S. Leo, *epist. ad Dioscorum*: « Tota, ait, Christianæ sapientiæ disciplina, non in abundantia verbi, non in astutia disputandi, neque in appetitu laudis et gloriæ, sed in vera et voluntaria humilitate consistit, quam Dominus Jesus ab utero matris usque ad supplicium crucis, omni fortitudine elegit et docuit. »

Christo fuit datum præceptum moriendi in cruce.

Incarnatio fuit vestitio, sed substantialis.

Quatuor animalia Cherubim representant Christum quadriformem.

Humilitas est primum, medium et ultimum in schola Christi.

Vers. 9. 9. PROPTER QUOD ET DEUS EXALTAVIT ILLUM, ET DONAVIT ILLI NOMEN, QUOD EST SUPER OMNE NOMEN. — Nota primo, *propter quod* non consequentiam, vel eventum, ut vult Calvinus, sed meritum et mercedem significare: hoc enim significat proprie *propter*; ut cum dico, propter laborem diurnum Petrus accepit decem asses, significo Petrum labore diurno meruisse et accepisse mercedem decem assium. Illud etiam significat *vocula et*, quæ hic non habet vim copulandi, ut patet (nihil enim copulandum præcessit), sed *ἀντιπροσβίον*, id est redditionem et retributionem mercedis significat, ut sit idem quod *vicissim*, *q. d.* Quia Christus ita se humiliavit, hinc vicissim Deus quasi compensans, et reddens illi justum et congruum tantæ humilitatis præmium, exaltavit illum.

Christus non tantum nobis, sed et sibi meruit, contra Calvinum. Hinc secundo patet, Christum non tantum nobis gratiam et gloriam, sed et sibi quædam meruisse, quod licet neget Calvinus, clare tamen hic asserit Apostolus, dicens: « Propter quod et Deus exaltavit illum, et donavit illi nomen, quod est super omne nomen, » *q. d.* Christus, propter tantam sui humiliationem usque ad mortem crucis, meruit exaltari, ut nomen, non nostrum, sed Christi ipsius exaltaretur et celebraretur in cælo, in terra, in inferno. Idem patet *Apocalyp. v. 12*, « Dignus est Agnus, qui occisus est, accipere (ab omnibus hominibus, ut scilicet omnes homines agnoscerent et laudent ejus) virtutem, et divinitatem, et sapientiam, et fortitudinem, et honorem, et gloriam, et benedictionem. »

Christus sibi meruit gloriam corporis, et celebritatem nominis. Nota tertio: Christus duo sibi meruit: *Primum* est gloria, non animæ, quia illam habuit a primo suæ conceptionis instanti, sed corporis. Ita Chrysostomus, Ambrosius, Anselmus, Beda, Basilii, lib. IV *Contra Eunomium*; Augustinus, lib. II *Contra Maxim.*, cap. v, et alii. Id significat Apostolus per vocem « exaltavit, » græce *ὑπερβύβησεν*, id est, ut Ambrosius, *superexaltavit*, ad vitam scilicet et gloriam immortalem super omnes angelos et cælos, statuens Christum ad dexteram Dei. Hinc exaltatio hæc sex excellentias complectitur, quas sibi meruit Christus. *Prima*, ut recte S. Athanasius, serm. 2 *Contra Arianos*, fuit resurrectio; quia enim Christus obediens fuit ad mortem, hinc meruit ut primus a morte resurgeret, utque mortis victor eam in se et in nobis aboleret. *Secundo*, meruit sibi dotes corporis gloriosius, ut, quia corpus suum ita in passione dilaniandum dedit, hinc pro mercede acciperet in resurrectione corpus gloriosissimum, plane scilicet immortale, impassibile, fulgidissimum, agillimum et subtilissimum. *Tertio*, meruit evehi super omnes Sanctos et Angelos. *Quarto*, meruit sessionem ad dexteram Dei Patris. *Quinto*, meruit potestatem judicariam, ut fieret iudex vivorum et mortuorum. *Sexto*, meruit regnum cæli et terræ, ut quasi rex et Dominus mundi imperet angelis, hominibus omnibusque creaturis. Ubi

Sex excellentias, quas sibi meruit Christus.

nota: Licet hæc exaltatio et sex jam dictæ excellentiæ, quas exaltatio illa complectitur, Christo debitæ essent ratione unionis hypostaticæ, tamen alio quoque titulo, videlicet ob merita suæ humilitatis et obedientiæ, Christo datæ fuerunt.

Secundum, quod sibi meruit Christus, est nomen super omne nomen: de quo jam dicam.

Et DONAVIT ILLI NOMEN, QUOD EST SUPER OMNE NOMEN. — *Primo*, nomen Dei et Filii Dei dedit Patris Christo: hoc enim nomen solum proprie est nomen super omne nomen creaturarum quarumlibet, ad quod, ut sequitur, omnes genua flectunt, ut illud adorent. Ubi nota: *Nomen* metonymice capitur pro re nomine significata: nomen ergo Dei, est ipse Deus et divinitas, ejus majestas, potentia et gloria ab omnibus et super omnia nominatur et celebratur. Hinc *Apoc. v. 12*, dicitur Agnus, qui occisus est, *accipere divinitatem*, non quasi eam acceperit primum post mortem et resurrectionem: constat enim eam habuisse a primo instanti incarnationis suæ; sed quod eam acceperit in notitia et fama apud homines in toto mundo, ut nimirum omnibus innotesceret, omnesque crederent Christum esse verum Deum Deique Filium, eumque ut talem colerent et celebrarent: sic enim sæpe in Scriptura res dicitur fieri cum innotescit, ut verbum reale pro mentali vel verbali sumatur, juxta *can. 46*. Ita S. Ambrosius, Theodoretus, Anselmus, D. Thomas, *q. d.* inquit Theodoretus: Humiliando se adeo Christus se suumque quod habebat nomen (Deus) non perdidit, ut etiam illud idem nomen acceperit qua homo, acquisiveritque humanitati suæ. Idem ergo vobis, o Christiani, eveniet, nec vos humiliando honorem vestrum perdetis aut minuetis, sed augetis et accumulabitis.

Vere pulchreque S. Bernardus, serm. 34 *in Cantica*: « Humilitas, ait, in honore, honor est ipsius honoris et dignitas dignitatis: omnis dignitas ipso dignitatis nomine indigna est, si humilia dignatur. Si egregius es, esto tamen de grege; si omnibus præes, non dedigneris subesse. » Et serm. 2 *in capite Jejuniæ*: « Quid tu inflaris, ait, o homo, quid extolleris sine causa? quid altum sapis et oculi tui omne sublime vident? Sublimis quidem Dominus, sed non ita proponitur tibi. Laudabilis magnitudo illius, non etiam imitabilis: humiliare, et apprehendisti. » Et rursum, serm. 5 *De Ascensione*: « Sola est humilitas, quæ exaltat, sola quæ ducit ad vitam. Hæc via, non est alia præter ipsam. Qui aliter vadit, cadit potius, quam ascendit. O perversitas! o abusus filiorum Adam! quia cum ascendere difficillimum sit, descendere autem facillimum, ipsi et leviter ascendunt et descendunt difficiliter, parati ad honores, ad celsitudines graduum Ecclesiasticorum, ipsis etiam angelicis humeris formidandas. Ad sequendum autem te, Domine Jesu, vix inveniuntur, qui vel trahi patiantur, qui duci velint per vias mandatorum. »

Quod est nomen meruit Christus

Prian nomen, Fili Dei.

In tas

Secundo. *Secundo*, « nomen », id est famam et nominis celebritatem, ut Christus tanquam Messias toto orbe sit notissimus, nominatissimus et famosissimus.

Tertio. *Tertio*, et proxime, « nomen » hoc est illud quod explicat, cum subdit mox : « Ut in nomine Jesu omne genu flectatur. » Nomen ergo Jesu, id est titulum salvatoris et redemptoris, per humilitatem et obedientiam usque ad mortem meruit et accepit Christus, quia per mortem crucis, factus est salvator et redemptor mundi; licet enim nomen Jesu in circumcissione sit illi impositum, non tamen tunc actu proprio et perfecto fuit salvator, sed tantum destinatione et inchoatione : tunc enim destinatum et declaratum fuit illum fore mundi salvatorem, quando nimirum pretium sanguinis sui pro salute nostra in cruce persolveret; ideoque nomen Jesu non a presenti, sed a futura salute Christo in circumcissione inditum est : sic enim nomina multis sunt imposita, quæ portenderent rem futuram. In cruce ergo consummavit Christus salutem et redemptionem nostram, ac consequenter in cruce factus est actu perfecto salvator et redemptor, indeque nomen et titulum Jesu accepit, ut omnes eum nominent, celebrent, invocent tanquam Jesum, id est salvatorem et redemptorem suum, ac consequenter tanquam verum Deum Deique Filium, ac Messiam patribus promissum. Hæc enim omnia includit nomen salvatoris et redemptoris, hoc est nomen Jesu. Igitur Jesu nomen non tantum nomen, sed et rem nomine significatam, vel connotatam hoc loco significat.

Vers. 10. *10. UT IN NOMINE JESU OMNE GENU FLECTATUR, COELESTIUM, TERRESTRIVM ET INFERIORUM.* — Nota *primo* : Alludit Paulus ad *Isatæ* xlv, 1, ubi cum Isaias cœpisset vaticinari de Cyro et Judæorum e Babylone liberatione, quasi de antitypo Christi, qui futurus erat liberator omnium gentium e potestate diaboli et inferni : « Hæc dicit, ait, Dominus Christo meo Cyro, » etc.; mox vers. 8, more prophetico ad antitypum Christum, quem intendebat, avolat : « Rorate, ait, cœli desuper, et nubes pluant justum : aperiatur terra, et germinet salvatorem, et justitia oriatur simul, » *q. d.* Ego Isaias, oro te, o Domine, ut e cœlis mittas Spiritum Sanctum, qui veniens in uterum Virginis eam fecundet, utque e terra hac nostra in B. Virgine accipiat materiam, ex qua formet Christi corpus, ut sic generetur Christus, justus, inquam, ille per antonomasiam, qui omnes justificat.

Locus *Et rursum hunc salvatorem describens, vers. 14* : « Tantum, inquit, in te est Deus (in tua, o Christe, humanitate sola quasi in templo habitat hypostatice divinitas, inquit Chrysostomus, Theodoretus, Procopius), et non est absque te Deus. Vere tu es Deus absconditus, Deus Israel salvator. » Appellatur salvator, id est Jesus, propter assumpti corporis absconditum et arcanum sacra-

mentum, ait Hieronymus. Unde Septuaginta vertunt, *tu enim es Deus, et nesciebamus*; sed per mortem et crucem resurgens, qui absconditus erat, innotuit, totoque orbe nominatur, celebratur et adoratur. Unde subdit Isaias, vers. 28 : « In memetipso juravi, egredietur de ore meo justitiæ verbum, et non revertetur, quia mihi curvabitur omne genu (quod hic ait : Omne genu flectetur) et jurabit omnis lingua. Ergo in Domino dicet : Meæ sunt justitiæ et imperium : ad eum (Christum) venient et confundentur omnes qui repugnant ei. In Domino (per fidem Christi) justificabitur et laudabitur omne semen Israel, » *q. d.* Illud quod ego Deus semel protuli verbum justum, non erit irritum, sed re ipsa complebitur, ut scilicet omnes Gentes me Christum Deum, Dominum et salvatorem agnoscant, mihi genu curvent, me adorent, per me jurent, non per idola, et Domino confidentes, dicant : Meæ sunt justitiæ Evangelii, et meum est imperium Christi : non ad solos Judæos, sed ad nos Gentes quoque pertinet regnum, id est Ecclesia et salus Christi. Ita Hieronymus ibi.

IN NOMINE JESU. — Nota *primo*, nomen Jesu non esse Syrum a radice *NDN* *asa*, id est sanare, nec Græcum, ἀπὸ τοῦ ἰάειν, id est a curando et sanando dictum, quasi Ἰησοῦς, sive Jesus, idem sit, quod ἰατρός, id est medicus, ut velle videtur Epiphanius, *hæresi* 26 : « Jesus, inquit, Hebræa lingua curator appellatur, aut medicus et salvator. » Sic et ab ἰάω nomen Jesu deducit Basilius, in *Asceticis*, et Cyrillus, *catechesi* 10, sub finem. Verum hæc non est propria etymologia, sed tantum accommodata adaptatio. Sicut Nazianzenus, orat. 2 *De pascha*, et Tertullianus, lib. *Contra Judæos*, cap. x, Hebræum pascha a Græco πάσχειν, id est a patiendo deducit, alludendo scilicet et accommodando verbum Græcum nomini Hebræo. Multo minus nomen Jesus est nomen tetragrammaton יְהוָה inserta littera *ש*, ut voluit Osiander, nam tetragrammaton per *ה* in fine, Jesus per *ש* in fine scribitur, nec יהושע *Jehescu* (illud enim hebraice nullam habet radicem), sed ישוע *Jeschua*, Jesus dicitur.

Vera ergo etymologia nominis Jesu est a rad. ישע *iascha*, id est salvavit, inde enim dicitur ישוע *ieschua* hebraice, græce Ἰησοῦς, latine *Jesus*, id est salvator et ipsa salus : alludit enim nomen Jesus suis punctis et sua terminatione ad abstractum, ישועה *ieschua*, id est salus, quasi dicas : Ipsa salus et salvator per essentiam. Hanc esse etymologiam patet *Matth. 1, 21* : « Vocabis (inquit angelus ad Joseph) nomen ejus Jesum; ipse enim salvum faciet populum suum a peccatis eorum. » De nomine Jesu vide plura apud Angelum Caninium in *Nomin. novi Testam.*, et apud Galatinum, lib. III, cap. xx.

Nota secundo, nomen Jesu esse nomen super omne nomen : « Non enim est aliud nomen sub cœlo datum hominibus, in quo oporteat nos sal-

Nomen Jesu not est Græcum, sed Hebræum.

Non est idem cum tetragrammato.

Jesus idem quod Salvator.

Non enim Jesu est nomen

per omne vos fieri. » Et ratio est, quia nomen Jesu est nomen proprium Verbi incarnati; sicut enim nomen meum est Cornelius, alterius Petrus, tertii Paulus: ita Verbi incarnati, sive hujus hominis qui est Filius Dei, nomen proprium est Jesus, ut docet S. Augustinus, tract. 3 in epist. I Joan., tom. VII. Significat ergo nomen Jesu totam incarnationis et redemptionis Christi œconomiam, in qua præ cæteris operibus a Deo creatis aut factis reluctant et concurrunt Dei sapientia, potentia, bonitas, majestas omniaque Dei attributa.

Non bene, inquit ille, conveniunt, nec in una sede morantur
Majestas et amor;

hæc tamen in incarnatione et in Jesu sororiantur, optimeque quasi sorores conveniunt; quid enim est Jesus, nisi summa majestas et summus amor, a quo salus, gratia, gloria, bona omnia et in anima et in corpore, tum in hac vita, tum in futura illa et beata per omnem æternitatem nobis obveniunt.

Hinc sequitur tertio, nomen Jesu esse majus, sanctius, venerabilius, quam sit nomen Dei tetragrammaton Judæis אֱלֹהִים et ineffabile, quod vulgo dicitur Jehova, et absolute, quam sit nomen Dei, ut erudite probat Abulensis, *Quest. VII*, in xx cap. *Exodi*. Et ratio fundamentalis est, quia Deus significat Deum, qua dominus et creator est, Jesus vero significat Deum, qua salvator et redemptor est; sicut ergo majus fuit beneficium et opus redemptionis, quam creationis; ita majus est nomen Jesu, sive Redemptoris, quam sit nomen Dei, sive Creatoris. Unde canit Ecclesia in benedictione cerei paschalis ex S. Gregorio in *Pastorali*: « Nihil nasci profuit, nisi redimi profuisset, » q. d. Omnia, quæ propter nos fecit Deus, sive creatio, sive nativitas, sive quidvis aliud, frustra fuissent, nec nobis profuissent, nisi fuisset subsecuta redemptio.

Adde, nomen Dei redemptoris includere nomen Dei creatoris, non contra: redemptio enim præsupponit creationem, non contra. Quod ut clarius videas, accipe has antitheses. Jehova significat eum, qui est, reque idem est eum eo nomine, quo se nominat Deus, *Exodi III*, dicens: « Ego sum, qui sum. » Jesus significat eum, qui creator est et perditos salvat, vivificat, justificat ac beatos facit. Jehova fons est et principium entis; Jesus fons est et principium gratiæ, gloriæ et salutis. Jehova fuit contritor et debellator Pharaonis et Ægypti: Jesus contritor est diaboli et inferni. Jehova Judæorum et veteris Testamenti; Jesus Christianorum et novi Testamenti est legislator. Jehova Hebræos per mare Rubrum duxit in Chanaan; Jesus per sanguinem suum, quo baptizamus et abluimur, deducit nos in cælum. Hinc nomen Jesu in nomine Jehova representabatur, et Jehova erat quasi ænigma Jesu, ac vicissim nomen Jesu est declaratio nominis Jehova; imo si

litteras spectes, nomen Jehosua, id est Josue (quod idem est cum nomine Jesu), includit litteras omnes nominis Jehova, aliasque proprias superaddit, ut ostendi *Num. XIII*; 17. Unde infert Abulensis paulo ante *Quæst. VII* citatam: « Majus, ait, peccatum est accipere nomen Jesus in vanum, quam istud nomen Deus. » Additque novam rationem: « Quia Ecclesiæ communis et laudabilis consuetudo magis honorat istud nomen Jesus, quam nomen Deus. Unde auditio nomine Jesus, devoti fideles aut caput inclinant, aut genua flectunt; quod non faciunt auditio nomine Deus: qui ergo contra hoc offendit, dehonorando nomen Jesu, magis peccat, quam si dehonoret nomen Deus. » Ita Abulensis.

Unde S. Augustinus, lib. III *Confess.*, cap. IV, sibi etiam hæretico hoc nomen semper in veneratione et deliciis fuisse testatur, cum ait: « Hoc nomen salvatoris mei Filii tui in ipso adhuc lacte matris, tenerum cor meum pie biberat et alte retinebat; et quidquid sine hoc nomine fuisset, quamvis litteratum et expolitum et veridicum, non me totum rapiebat. »

Hinc sequitur quarto, nomen Jesu cum sit proprium et adæquatum Verbi incarnati, omnia alia Christi nomina (quæ plurima et præstantissima ei tribuit sacra Scriptura) complecti et transcendere, ut sit nomen super omne nomen. Quod pulchre docet S. Bernardus, *serm. 15 in Cantica*: « Omnia, inquit, nomina Dei aut pietatis gratiam, aut potentiam majestatis sonant. Nomen potentiæ est Emmanuel, nomen pietatis est Jesus. Rursum Propheta inquit: Vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis. Primum, tertium, quartum majestatem sonant, reliqua pietatem. Quod horum ergo effunditur? Profecto majestatis ac potentiæ nomen in id, quod est pietatis et gratiæ, quodammodo transfunditur, ipsumque effunditur abunde per Jesum Christum salvatorem nostrum. Nomen (verbi causa) quod Deus est, nonne in id, quod est Nobiscum Deus, hoc est, in Emmanuel, liquescit et deficit? sic Admirabilis in id, quod est Consiliarius; sic Deus et Fortis in ea, quæ sunt Pater futuri sæculi et Princeps pacis. » Et infra: « O nomen benedictum! o oleum usqueaque effusum? Quousque? De cælo in Judæam et inde in omnem terram excurrit, et de toto orbe clamat Ecclesia: Oleum effusum nomen tuum. Effusum plane, quod non solum cælum terrasque perfudit, sed aspersit et inferos, adeo ut in nomine Jesu omne genu flectatur cælestium, terrestrium et infernorum, et omnis lingua confiteatur et dicat: Oleum effusum nomen tuum. »

Moraliter ibidem S. Bernardus docte et pie ostendit nomen Jesu præstantissimum vocari et esse oleum, quod aquæ, vino aliisque liquoribus supernat, ob triplicem analogiam: « Oleum, inquit, lucet, pascit, ungit: fovet ignem, nutrit

Majus peccatum est abuti nomine Jesus quam nomine Deus.

S. Augustinus a puer devotus nomini Jesu.

Nomen Jesu proprium est Verbi incarnati: hinc omnia alia ejus nomina in se includit.

Nomen Jesu est oleum effusum, quia Inquit, pascit,

cit. ungit. Nomen Jesu est lux mundi. **carnem, lenit dolorem; lux, cibis, medicina. Vide idem nunc et de sponsi nomine. Lucet prædicatum, pascit cogitatum, invocatum lenit et vrgit. Et percurramus singula. Unde putas in toto orbe tanta et tam subita fidei lux, nisi de prædicato Jesu? Nonne in hujus nominis luce Deus nos vocavit in admirabile lumen suum, quibus illuminatis et in lumine isto videntibus lumen, dicat merito Paulus: Fuietis aliquando tenebræ, nunc autem lux in Domino?**

Est ci-
sus, **» Nec tantum lux est nomen Jesu, sed est et cibus. An non toties confortaris, quoties recordaris? Quid æque mentem cogitantis impingat? quid ita exercitatus reparat sensus, virtutes roborat, vegetat mores bonos atque honestos, castas fovet affectiones? Aridus est omnis animæ cibus, si non oleo isto perfunditur. Insuper est, si non hoc sale conditur. Si scribas, non sapit mihi, nisi ibi legero Jesum. Si disputes, aut conteras, non sapit mihi, nisi sonuerit ibi Jesus. Jesus mel in ore, in aure melos, in corde jubilus.**

Est et me-
dicina. **» Sed est et medicina. Tristatur aliquis nostrum? veniat in cor Jesus et inde saliat in os; et ecce ad exortum nominis lumen, nubilum omne diffugit, redit serenum. Labitur quis in crimen, currit insuper ad laqueum mortis desperando? nonne si invocet nomen vitæ, confestim respirabit ad vitam? Cui aliquando stetit ante faciem salutaris nominis, duritia (ut assolet) cordis, ignaviæ torpor, rancor animi, languor acedie?» Et paulo inferius subdit: « Nihil ita iræ impetum cohibet, superbiæ tumorem sedat, sanat livoris vulnus, restringit luxuriæ fluxum, exstinguit libidinis flammam, sitim temperat avaritiæ, ac totius indecoris fugat pruriginem. Siquidem cum nomino Jesu, hominem mihi propono mitem et humilem corde, benignum, sobrium, castum, misericordem et omni denique honestate ac sanctitate conspicuum, eundemque ipsum Deum omnipotentem, qui suo me et exemplo sanat et roborat adjutorio. Hæc omnia simul mihi sonant, cum insonuerit Jesus. Semper tibi in sinu sit, semper in manu quo tui omnes in Jesum et sensus dirigantur et actus. Denique et invitatis: Pone, inquit, me signaculum in corde tuo, signaculum in brachio tuo. »**

Latria adorandus est Christus homo. **UT IN NOMINE JESU OMNE GENU FLECTATUR. — Id est, ut omnes genua curvando, Jesu nomen, id est Jesum, adorent. Hinc patet eadem adoratione, qua adoratur Verbum sive Filius Dei, adorandum etiam esse hunc hominem, qui dicitur Jesus Christus: Jesus enim significat hunc hominem, qui simul est et Deus et homo: nam cum adoramus Verbum incarnatum, coadoramus pariter humanitatem et omnia quæ Verbo inexistunt. Ita Theodoretus, Ambrosius et alii.**

Porro dupliciter coli potest nomen Jesu, æque ac imago quælibet. Est enim ipsum quasi imago, (ut docet Aristoteles, lib. *Periherm.*, cap. 1), et representatio rei nominatæ, sive personæ quæ no-

mine hoc significatur. Prior modus est, si mens feratur non in nomen, sed in Christum nomine representatum, et tunc proprie et primario colitur Christus, æque ac honor imaginis, ut imaginis, fertur in prototypum. Posterior, si ipsum nomen veneremur in se, ob respectum tamen quem habet ad rem nominatam. Sic enim aliquis ei honos debetur. Potest enim res quæ ad religiosum alicujus cultum refertur, aliquo etiam modo ipsamet coli, propter id ad quod refertur, vel quod representat. Sic enim osculamur ipsas imagines Christi et Sanctorum, eo quod sint ipsorum imagines. Ita S. Thomas, *Opusc.* I.X, cap. 6; Serarius in cap. II *Josue*, Quæst. XVI; Franciscus Suarez, III *part.*, Quæst. XXV, art. 3, sect. 6, ubi hanc adorationem vocat respectivam et veneratoriam, hoc est venerationem, quam huic nomini, æque ac imagini exhibemus per capitis inclinationem, osculum, aliudve externum venerationis signum: licet Gabriel Vasquez, lib. II *De Adoratione*, disp. VIII, cap. III, censeat imagines et nomen Jesu non nisi cum exemplari, vel re nominata adorari, hoc est, tantum coadorari, non autem separatim adorari, id est coli. Ratio ejus est: quia imagines in se sunt res inanimes: ergo adorationis incapaces. Hoc verum est de adoratione proprie dicta, non de cultu venerationis paulo ante descripto et a Pontificibus ac Conciliis sancito. Nam, ut ait Catharinus in cap. IV *epist. ad Rom.*: « Extat justissimum Pontificis decretum, quo mandatur, ut ad hoc nomen Jesus omnes inclinent caput. » Et Concilium Moguntinum, § 2: « Codices, ait, oculis perlustrans, cum ad venerabile et tremendum nomen Jesu deveniret, caput aperit, inclinatur, et suspirans in cælum oculos attollit. » Navarrus, lib. *De Orat.*, cap. IV, num. 5: « Concilium, ait, Lugdunense, cap. *Decet, de Immunit. Eccles.*, lib. VI, antea statuit, ut cum sublimis illud nomen Jesus pronuntiatur, omnes illud veneremur, saltem capita inclinando. » Vide et pia Gregorii verba hæc de re apud Serarium, in cap. II *Josue*, Quæst. XV, quibus statuit ut ad nomen Jesu omnes « flectant genua cordis sui, quod vel capitis inclinatione testentur. »

Nota: Antequam Jesus nasceretur, nomen Jesu prædixerunt et exultantes vaticinati sunt Patriarchæ, Prophetæ et Sibyllæ. Jacob, *Gen.* XLIX, 18: « Salutare (Salvatore) tuum expectabo, Domine. » *Isaia* III, 18: « Ego autem in Domino gaudebo, et exultabo in Deo Jesu meo. » *Isaia* XLV, 8: « Rorate cæli desuper, aperiatur terra et germinet salvatorem. » Et passim Septuaginta Hebræum nomen *יֵשׁוּעַ* *moscia*, quo sæpe vocatur Messias, sive Christus, vertunt *σωτήρ*, id est *salvator*. Idem prophetarunt Sibyllæ, ut docet acrostichis illa versuum Sibyllæ Erythrææ, quorum primæ litteræ hæc verba reddunt: *Ἰησοῦς Χριστός, υἱὸς Θεοῦ, σωτήρ, εὐαγγέλιον, Jesus Christus, Filius Dei, salvator, crux*, qui versus exstant in fine Sibyllinorum oraculorum, tom. II *Biblioth. SS. Patrum*, et illos citat Cicero.

Nomen Jesu prædictum à Prophetis et Sibyllis.

lib. II *De Divinat.*, indeque probat poema Sibyllæ non esse furentis, sed attenti animi, artisque et cogitationis; item Constantius Imperator, apud Eusebium in fine *Vitæ* ejus, et fuse Augustinus, lib. XVIII *De Civit.*, cap. xxiii.

COELESTIUM, — id est eorum qui in cœlis sunt, puta angelorum et hominum beatorum.

TERRESTRIUM. — Græce *ἐπιγῆιον*, id est, ut Syrus, eorum qui in terra sunt, puta hominum qui in terris agunt.

Quin infer-
ni sent
sectant
Jesu?

Nominē
Jesu col-
lent
Christia-
ni ab ob-
sessis pel-
lere dæ-
mones.

Et INFERNORUM. — Græce *καταγῆιον*, id est sub-
terraneorum, qui, ut Syrus vertit, sub terra de-
gunt, puta eorum qui expiantur in Purgatorio et
eorum qui damnati sunt in inferno, sive homines
sint, sive dæmones, ait Anselmus: hi enim licet
inviti genu flectunt, id est agnoscunt, tremunt et
reverentur nomen Jesu, id est Jesum Deum, sal-
vatorem et redemptorem bonorum, impiorum
vero et suum dominum, judicem ac vindicem.
Hinc S. Justinus, *Apolog.* 1 pro Christianis, ante
finem narrat Christianos suo tempore solere ener-
gumenos curare, eosque a dæmonibus liberare
invocatione nominis Jesu.

Vers. 11. 11. ET OMNIS LINGUA (coelestium, terrestrium
et infernorum, ut præcessit) CONFITEATUR QUIA
(quod) DOMINUS JESUS CHRISTUS IN GLORIA EST
DEI PATRIS. — Scilicet, quod Jesus qua Deus, in
eadem gloria, essentia, majestate et potentia divi-
nitatis sit cum Deo Patre; qua homo vero, quod
ejectus sit ad dexteram Dei Patris super omnes
homines et angelos, proximeque et maxime par-
ticipet Dei Patris gloriam, ut vere in eadem cum
Deo Patre gloria esse dici possit, longe verius
quam alii Sancti, qui suo quoque modo in beati-
tudine et gloria sunt Dei Patris.

Nota: Græca habent *ἐν δόξαν Θεοῦ Πατρὸς, in glo-
riam Dei Patris*, quod Chrysostomus cum suis sic
explicat, *q. d.* Ut omnis lingua confiteatur, quod
Christus Jesus est Dominus, idque in gloriam Dei
Patris; sed planius noster Interpres *ἐν* pro *in* ac-
cepit, *in gloriam*, id est *in gloria*: sic enim sæpe
loquitur sanctus Paulus, ut sæpius jam vidimus.

Vers. 12. 12. ITAQUE, CHARISSIMI MEI, NON UT IN PRÆSENTIA
MEI TANTUM, SED MULTO MAGIS NUNC IN ABSENTIA
MEA, CUM METU ET TREMORE VESTRAM SALUTEM OPE-
RAMINI. — Vocula *ut* exphasim habet, et expo-
nenda est per *tantum*, *q. d.* Non tantum bene
operamini dum præsens sum, ut, id est tanquam
in præsentia mea, id est tanquam me præsentem
et præsentiā meam revereamini, uti solent dis-
cipuli præsente magistro diligenter studere. Alio-
qui Græca, Syrus et Latina nonnulla voculam *ut*
omittunt, et tunc planior est sensus, *q. d.* Hortor
vos ut bene operemini (*operamini* enim hic non
est indicativi, sed imperativi modi), non tantum
cum præsens, sed etiam cum absens sum.

Nota secundo: Vox *itaque* connectit hæc cum
præcedentibus, *q. d.* Hortatus sum vos, vers. 2 et
3, ad fugam discordiæ et contentione, ad humili-
tatem, obedientiam. concordiam, atque ad hæc

vos, vers. 5 et seqq., excitavi exemplo Christi,
qui humiliavit se et obedivit usque ad mortem
crucis, et per hoc exaltatus est super omnia: nunc
infero et concludo, hortorque ut exemplo Christi
vos humilietis, ut pariter cum eo exaltemini, ac
consequenter, ut Dei meisque præceptis de con-
cordia et humilitate obediat; nec in superbia
et contentione, sed in humilitate, id est cum metu
et tremore, vestram salutem operemini, quan-
tumvis vobis sapientes, sancti aut perfecti videa-
mini. «Deus, inquit S. Augustinus, serm. 2 *De*
Verbis Apostoli, est qui operatur in vobis, ideo
cum timore et tremore vallem facite, imbrem
suscipite: depressa implentur, alta siccantur;
gratia pluvia est. Quid ergo miraris, si Deus su-
perbis resistit, humilibus autem dat gratiam?
ideo cum timore et tremore, id est cum humili-
tate: noli altum sapere, sed time. Time ut im-
plearis, noli altum sapere, ne siccetis.

CUM METU ET TREMORE VESTRAM SALUTEM OPERA-
MINI. — Alludit ad *Psal.* II, vers. 11: «Servite
Domino in timore, et exultate ei cum tremore.»
Hinc patet primo, in homine esse liberum arbi-
trium etiam in rebus gratiæ et salutis; secundo,
neminem esse certum de sua gratia et perseve-
rantia.

Negant hoc Lutherani et Calvinistæ, docentque
eum, qui veram habet fidem, credere debere se
esse in gratia, sequi esse electum et prædestina-
tum a Deo, certoque salvandum; sed hoc Apos-
toli loco convincuntur: ubi enim est certitudo,
eaque fidei, ibi non est opus metu et tremore:
sicut non metuimus ne Christus non sit natus
aut passus, quia de his habemus certitudinem
fidei; atqui Apostolus requirit metum et tremo-
rem in procuranda salute nostra: ergo de ea non
habemus certitudinem.

Respondent aliqui, inter quos est Vatablus (sed
ab hæreticis hoc loco et aliis corruptus), per me-
talespin *metum et tremorem* hic accipi pro diligen-
tia: qui enim timent, solent esse diligentes. Con-
tra: hoc valde remotum et improprium est;
proprie enim metus timorem significat. Utque so-
proprie metum accipere, eumque non qualem
qualem, sed magnum et vehementem requirere,
declaret Apostolus, addit et auget dicens: *Et*
tremore. Tremor enim, inquit Chrysostomus, est
augmentum timoris. Ita Patres passim, præser-
tim S. Augustinus *Contra Pelag.*, et Concilium
Tridentinum, sess. VI.

Secundo, diligentiam non significat verbo *metus*
et *tremoris*, sed *operamini*, ut mox dicam.

Tertio, etsi daremus *metum* hic significare dili-
gentiam, hæc diligentia evertit Novantium certi-
tudinē gratiæ; ut quid enim tam studiose fide-
les omnes excitat Paulus ad diligentiam bono-
rum operum, ad prosequendam viam salutis,
nisi quia de salute certi non sunt, sed ab ea aber-
rare et excidere possunt? Frustra enim et ridicule
diceretur iis qui de sua salute certi sunt, v. g. in

Humili-
tas est
vallis, in
quam
descendit
pluvia,
id est
gratia.

Metus
excludit
fidem
specia-
lem salu-
tis, quam
habent
hæretici

Perpe-
ram hæ-
retici me-
tum in-
terpre-
tantur
diligen-
tiam.

Purgatorio existentibus : Satagite, diligentes estote, ut per bona opera salutem assequamini.

Serjuncta Nota : Justæ timoris hujus causæ multæ nobis
causæ sunt.

cur Sanc- *Prima est, incertitudo gratiæ. Nescimus enim*
ti sibi an simus in gratia Dei, an peccata præterita nobis
timore condonata sint, an vera et seria contritione et
debeant, pœnitentia ea expiaverimus. Unde recte monet
Prima est Sapiens : « De propitiato peccato noli esse sine
incerti- metu. »
tudo
gratiæ.

Secunda, quia non videmus fundum cordis nostri, et nescimus an in eo vitium aliquod secretum lateat, quo displiceamus Deo, an opera nostra bona, occulta quadam intentione perversa non vitientur et depraventur.

Tertia, quia alia sunt judicia Dei, alia hominum, et judicia Dei abyssus multa, ut propter occultam hominis superbiam, negligentiam, aliudve peccatum, licet veniale tantum, gratiam suam sensim Deus subtrahat sinatque hominem sibi, quo fit ut periculis et tentationibus expositus ruat in peccata.

Rursum tot diebus, mensibus, annis, quibus homo etiam probus vivit, tam multa, homine etiam non advertente et quasi nolente, opera illius intercurrent, quibus vel per cupiditatem occultam, vel per infirmitatem, vel per imprudentiam animam inquinat : ut merito dixerit S. Augustinus de S. Monica matre sua, lib. IX *Confess.*, cap. xxxi : « Væ etiam laudabili vitæ hominum, si remota misericordia discutias eam. » Quod Augustini dictum citans S. Gregorius, lib. XXIX *Moral.*, ix : « Væ miseris nobis, inquit, qui de electione nostra nullam adhuc Dei vocem cognovimus et jam in otio torpemus. Væ etiam laudabili vitæ hominum, si remota pietate judicemur : quia districtè discussa, inde ante oculos judicis, unde se maxime placere suspicatur, obruitur. » Hinc illud *Psal.* cxlii : « Non intres in iudicium cum servo tuo. » Et *Job* ix : « Etiam si habuero quippiam justum, non respondebo ei, sed iudicem meum deprecabor. » Et D. Hieronymus in *Jeremiæ* cap. xxx : « Omnis, inquit, mundus indiget misericordia Dei. Nullus securus ad iudicem pergat. »

S. Hilarionis Ita timuit S. Hilarion, teste S. Hieronymo, moriens enim sibi ingeminabat : « Egrederere, quid times ? egrederere, anima mea, quid dubitas ? Septuaginta prope annis servisti Christo, et mortem times ? In hæc verba exhalavit spiritum. » Similia de aliis habet Climacus in *gradu* timoris.

Quarta, quia in homine est peccandi necessitas ut non possit evadere, quin aliquando peccet, saltem venialiter ; et fragilitas ex inconstantia tanta, quantam singuli experimur, ut levi tentationis statu dejiciamur, ut una dies vel nox interposita omnia hominis proposita ac desideria mutet, ut singulis sæpe horis nova capiamus consilia, nova quæramus oblectamenta.

Quinta, quia habemus hostes validissimos, qui in nostram perniciem conjurant, dæmones scilicet,

carnem et mundum. « Artifex tegularius, ait Chrysostomus, etsi valde peritus sit, cum timore tamen et tremore stat (in tecto), metuens ne ab ædificio decadat ; et tu credidisti, multa bona parasti, in sublime ascendisti, caute teipsum continebis et cum timore stabis, oculumque vigilantem habebis, ne inde decidas : sunt enim multæ nequitiae spirituales, quæ te dejicere conantur. »

Sexta, quam hic potissime spectat Apostolus, est incertitudo nostræ perseverantiæ, ac consequenter prædestinationis et electionis ad salutem et gloriam. Etsi enim quis justus sit et fervens, facile tamen obrepat ei torpor aliquis et negligentia, ut sibi carnique blandiens et indulgens sensim tepescat, deficiat et cadat. Timebat id Paulus : « Castigo, inquit, corpus meum et in servitutem redigo, ne forte, cum aliis prædicaverim, ipse reprobus efficiar. » Quis ergo quantumvis sanctus non metuat ? Cecidit sapientissimus et sanctissimus Lucifer, cecidit Adam, cecidit Saul, cecidit David, cecidit Salomon, cecidit Petrus, Apostolorum princeps, cecidit Origenes, cecidit Tertullianus, ceciderunt tot hæresiarchæ, ceciderunt tot anachoretæ sanctissimi : quis ergo lapsum non timeat ? quis certum et securum se putet ? unde, precor, sibi certitudinem perseverantiæ et salutis polliceri audeat ?

Hinc S. Leo, serm. 8 *De Epiphania* : « Hæc, inquit, Sanctis causa est tremendi ac metuendi, ne ipsis operibus pietatis elati, deserantur ope gratiæ, remaneant in infirmitate naturæ. » Ne ergo id in te fiat, diligentissime divinis utere auxiliis. Si in casu Deus porrigit manum, protinus tuam porrige ; si in naufragio tabulam suggerit, statim arripe ; si ostium pulsant, illico aperi ; si vocat, cum Paulo sine mora responde : « Domine, quid me vis facere ? » si te respicit, mox cum Petro egredere et fletu amare : si ad statum perfectiorem et ad apostolatum te impellit, dicito cum Isaia : « Ecce ego, mitte me. »

Nota *secundo* : Hic timor aptissimum est medium ad perseverantiam et salutem, nosque non anxios et scrupulosos facit, sed potius confirmat et certiores reddit de nostra salute. Cujus ratio est, quia sicut spes, ita et timor medium est a Deo ordinatum et via recta ad salutem. Id docet S. Bernardus, serm. 15 in *psal.* *Qui habitat* : « Timor, ait, maxima spei est materia : quia timor est donum Dei dirigens nos ad salutem, et ex perceptione præcedentium donorum firma expectatio futurorum, et quia beneplacitum est Domino super timentes eum, et utique vita in voluntate ejus, et in beneplacito ejus salus æterna. » Idem patet e contrario : nam quotquot fere lapsi sunt, lapsi sunt ex nimia præfidentia et securitate, atque ex occulta quadam superbia, qua suæ virtutis et sanctitatis nimis innixi et confisi sunt. « Vidimus, » inquit auctor *Soliloquiorum*, cap. xxix, tom. IX operum S. Augustini, « vidimus, in-

res valde
dissimili.

Sexta, est
incertitudo
perseverantia
et salutis.

Timore est
optimum
medium
et stimulus
ad
perseverantiam.

quam, multos, Domine, ex Patribus nostris (tales fuerunt Origenes, Tertullianus et Lucifer Calaritanus), quod utique sine magno tremore non recolo, sine multo timore non confiteor, ascendisse primitus quodammodo usque ad cœlos et inter sidera nidum suum collocasse, postmodum autem cecidisse usque ad abyssos et animas eorum in malis obstupuisse. Vidimus stellas de cœlo cecidisse ab impetu ferientis caudæ draconis, et eos, qui jacebant in pulvere terræ, a facie sublevantis manus tuæ, Domine, mirabiliter ascendisse. Vidimus vivos morientes et mortuos a morte surgentes, et eos, qui inter filios Dei ambulabant in medio lapidum ignitorum, quasi lutum ad nihilum defluxisse. Vidimus lucem obtenebrasse et de tenebris lucem processisse : quia publicani et meretrices præcedunt incolas in regno cœlorum, filii autem regni ejiciuntur in tenebras exteriores. »

Denique aptam rationem et medium ad consequendum hunc timorem præscribit hic Chrysostomus : « Quomodo, inquit, comparabitur iste timor ? si cogitaverimus Deum ubique præsentem esse, audire omnia, omnia videre, etiam quæ in corde sunt et in profundo animi. Dic mihi : si tibi semper proxime principem standum esset, non cum timore adstares ? Quando comedis, cogita præsentem esse Deum ; adest enim. Quando dormiturus es, quando irasceris, quando rapis, quando deliciaris et quidquid tandem feceris, cogita adesse Deum ; et nunquam in risum incidēs, nunquam ad iram accenderis. Si cogitationem istam semper habueris, semper in timore eris ac tremore, tanquam si prope regem adstes. »

OPERAMINI. — Græce non est simplex verbum *ἐργάζεσθαι*, sed compositum significatius *κατεργάζεσθαι*, q. d. aiunt Chrysostomus et Theophylactus : Cum multa diligentia et sollicitudine pergit vestram salutem operari ; *operamini* enim hic, non actum inchoatum (jam enim cœperant bene operari Philippenses, ut dixi cap. 1, vers. 6), sed continuatum significat, juxta Canon. 32.

VERB. 13. 13. DEUS EST QUI OPERATUR IN VOBIS ET VELLE, ET PERFICERE PRO BONA VOLUNTATE. — *Primo*, Lutherus et Calvinus, negantes liberum arbitrium, sic exponunt, q. d. Deus immittit vel indit servo arbitrio ipsum velle, id est actum volendi id quod bonum est, sicuti igni indit calorem. Sed ut alia taceam, hic sensus repugnat præcedentibus : si enim Deus voluntati indit velle, sicut igni indit calorem, ergo frustra Philippenses hortatus est Paulus, ut cum metu et tremore salutem suam operarentur. Si enim totum est Dei (ut recte infert Chrysostomus), ergo frustra me hortaris, frustra metum et timorem injicis, frustra præcipis dicens : *obedite*, quia Deus totum facit : Deus ergo rogandus est, ut obedientiam omneque bonum mihi inserat ; non autem ego excitandus, ut ad bonum conntar, illudque sponte capessam : quia id facere non possum, sed a Deo

id mihi indi debet. Sicut enim frustra dicerēs igni, aut bruto : Esto diligens, satage ut calorem, ut cibum tibi compares ; ita frustra dices homini : Satage, ut bene vivas, si homo non est ad ea liber, sed ad ea agi debet quasi brutum.

Secundo, aliqui Catholici sic exponunt : « Deus operatur velle, » id est physice prædeterminat voluntatem ad actum volendi, ita tamen ut prædeterminando faciat hominem libere velle : sicut enim prædeterminat actum, ita et ejus modum, ut scilicet libere fiat, ut libere velit. Putant hanc prædeterminationem significari voce *operatur*, et, ut significantius habet Græcus, ὁ ἐνεργῶν, qui inoperatur per internam suam vim, energiam et efficaciam.

Verum difficile est, has prædeterminationes Dei conciliare cum libertate arbitrii nostri. Si enim liberum arbitrium est prædeterminatum, quomodo manet liberum ? quod enim liberum est, est indeterminatum et indifferens ad utrumlibet, ut se determinare et flectere possit in alterutram partem, quam libere amplecti et eligere voluerit. Nam hoc est, quod ait Sapiens, *Eccles. xv, 14* : « Deus, inquit, ab initio constituit hominem ; et reliquit illum in manu consilii sui, » et vers. 17 : « Apposui tibi aquam et ignem : ad quod volueris, porrige manum tuam. Ante hominem vita et mors, bonum et malum ; quod placuerit ei, dabitur illi. » Et Moyses, *Deut. xxx, 15* : « Considera quod proposuerim in conspectu tuo vitam et bonum ; et e contrario mortem et malum. » Et vers. 19 : « Elige ergo vitam, » etc. Pluribus idipsum demonstrant Bellarminus, Suarez, Molina, Valentia et alii, tractatu *De Gratia*. Unde et modo nonnulli Doctores sapientiores, qui prædeterminationes hasce posuerunt, eas emolliunt, easque non physicas, sed morales interpretantur, ut in re non sint aliud, quam efficacia gratiæ, quæ certo futura est efficax, quia habitura est suum effectum, seu quia ita mulcebit et alliciet hominis voluntatem, ut illa libere gratiæ consentiat, eique cooperetur. Apostolus ergo per τὸ *operatur*, non intelligit hanc prædeterminationem physicam ; quia ipse paulo ante jussit Philippenses suam salutem operari cum metu et tremore, ipsos ergo vult esse sollicitos, pavidos, diligentes in bonis operibus : non ergo Deus illos prædeterminabat ad sollicitudinem, pavorem, diligentiam. Si enim prævenit Deus meam sollicitudinem, eamque prædeterminat, ut quid ego laborem, ut quid sim sollicitus ? Deo id curæ est, Deus id certissime et efficacissime præstabit, mea sollicitudo nihil hic juvat ; nec enim possum esse sollicitus, nisi Deus me ad hanc sollicitudinem prædeterminet, et si prædeterminet, non est quod sim sollicitus, quia hæc prædeterminatio certissimo me faciet sollicitum : cur ergo, o Paule, nos hortaris ad sollicitudinem, cum hæc non in nostra, sed in Dei solius sit potestate et manu ?

Tertio, S. Chrysostomus, Theophylactus et Tertius

Secunda, Catholico-
rum aliquo-
rum.

Gratia non prædeterminat actum liberum.

Qua ratione comparandus huius timor.

Quomodo Deus operetur velle ? Prima sententia Calvinii refellitur.

Chrysos-
tomi.

Theodoreus sic exponunt : « Deus operatur in nobis velle, » quia voluntatis promptitudinem ad bene operandum, quam invenit in nobis, juvat, auget et promovet : facit enim ut bene operando promptiores simus et fortiores ad eadem bona opera iteranda et augenda; nam sicut otium invitat et trahit ad otium, ita opus invitat et trahit ad opus, et vicissim, uti ex opere, ait Chrysostomus; nascitur opus, ita ex otio trahitur otium. Dedisti eleemosynas? magis excitaris ad dandum : non dedisti? pigresces magis. Modestiam tenuisti uno die? habes invitamentum ad alterum. Segniter egisti? auxisti segnitiam. Ita S. Dominicus Loricatus sensim exercendo et agendo suas austeritates et pœnitentias, tandem pene incredibiles fecit, ut lorica ferrea ad carnem præcinctus incederet, disciplinas faceret quotidie ad multas horas, abstinentias, orationes, psalmodias brachiis extentis ad stuporem. Cumque alii mirarentur, qui id fieri posset, respondit : « Somnum somnus adescat, et vigilias vigilæ pariunt; nam corpus humanum in quo paulatim prius nutritur, in hoc per incrementa postmodum roboratur. » Ea enim est vis et illecebra consuetudinis, educationis et exercitationis, ut sicut qui dormit, qui bibit, plus semper dormire et bibere cupit; ita qui se dat abstinentiæ et pœnitentiæ, plus deinde abstinere sequæ affligere cupiat et gaudeat. Experiatur quisque, et ita esse sentiet. Ita se exercuerunt olim S. Eremitæ et Cœnobitæ, qui inde Ascetæ, id est *Exercitantes* sunt dicti. Idem fit in aliis virtutibus.

Hic sensus sane intellectus, non est alienus a scopo Apostoli : loquitur enim fidelibus jam justificatis, quos vult cum metu et tremore pergere in operibus justitiæ, eo quod Deus operetur in illis velle et perficere : velle ergo intelligit illud, non quo velint primum credere, sed quo velint pergere in cepta fide et justitia; q. d. Satagite vestram salutem, o fideles, operari; quia sic Deum advocabitis, ut is, sicut cœpit, ita pergat in vobis operari velle, faciatque voluntatem vestram in dies paratorem et promptiorem ad volendum et perficiendum bona opera, quibus salutem assequamini.

Quarta et
geniina.

Quarto et optime S. Augustinus, *Deus generaliter operatur* in nobis quodvis bonum velle, quo ad salutem dirigimur, sive justi simus, sive peccatores ad justitiam tendentes et aspirantes : quia voluntatem tam pœnitendi, quam amandi et quodvis bonum operandi sua gratia prævenit et præparat, movet et incitat, ut libere velit pœnitere, amare et quodvis bonum operari, q. d. Deus non tantum operatur perficere, Græce *ἐκτελεῖν*, id est operari et agere, sed etiam ipsum velle; quia non tantum operatur ipsum opus et actum externum, sed etiam internam voluntatis electionem et consensum, quo voluntas eligit et vult facere actum externum et opus bonum.

Nota primo : Vox enim dat causam præceden-

tium, cur scilicet debeamus cum metu et tremore salutem nostram operari : causa hæc est, quia Deus operatur in nobis velle et perficere, q. d. Licet, o Christiani Philippenses, liberum habeatis arbitrium, et in vestra potestate sit bene operari et salvare; hortor tamen vos, ut cum humilitate et tremore diligenter servitiis Deo et bona opera, eaque quæ salutis sunt operemini. Quia si quid boni habetis, aut facitis, id non a vobis habetis, sed a Deo, qui superbis, præfidentibus et præ præfidentia negligentibus ac tepentibus resistit et gratiam suam subtrahit : humilibus autem, orantibus, pavidis et sollicitis dat, auget et continuat gratiam; et, si providi et diligentes sitis in operibus salutis, Deus, sicut cœpit, ita perget in vobis operari velle et perficere bonum : sin præsumptuosi sitis, securi et segnes, Deus se subtrahet, nec perget in vobis operari velle et perficere bonum, itaque a salute vestra corruetis. Deus ergo in vobis operatur tam primum, quam secundum, tertium et quodvis aliud sequens bonum velle (id est bonam volitionem) et perficere; sed ita, ut velit vos suæ operationi humiliter; strenue et sollicite cooperari. Si enim cooperari negligatis, aut ea in re sitis præsumptuosi, Deus quoque vos negliget et gratiam suam subducet, nec ulterius in vobis operabitur secundum, tertium aut quartum bonum velle et perficere : quo fiat, ut a bona voluntate et opere excidatis; non perseveretis, nec salutem assequamini. Ita S. Augustinus, tum alibi sæpe, tum serm. 2 *De Verbis Apostoli* : « Imple, inquit, vallem, suscipe imbrem, gratia pluvia est : non in montes, sed in valles, id est humiles descendit. » Idem Augustinus, *De Gratia et libero arbitrio*, cap. ix : « Quando; inquit, jubetur ut operentur, liberum eorum convenitur arbitrium : sed ideo cum timore et tremore, ne sibi tribuendo quod bene operantur, de bonis tanquam suis extollantur. Tanquam ergo Apostolus interrogaretur, et diceretur ei : Quare dixisti, Cum timore et tremore? horum verborum rationem reddidit, dicens : Deus est enim qui operatur in vobis; si enim timetis et tremetis, non extollimini tanquam de vestris operibus bonis, quia Deus est, qui operatur in vobis. »

Nota secundo : Deus operatur velle per gratiam prævenientem et excitantem, qua intellectum illuminat, immittendo illi bonas cogitationes et lumina, quibus apprehendat, ponderet et æstimet tum enormitatem pœnasque peccatorum, tum honestatem ac premia virtutum, tum Dei iudicium, tum æternitatem aliaque quæ salutis sunt.

Secundo, excitat voluntatem et affectum, pios motus, affectiones et impulsus timoris, spei, pœnitentiæ, dilectionis, aliosque similes, illi indendo, quibus suadet et persuadet, suadendoque et persuadendo operatur et facit, ut voluntas libere velit timere, sperare, pœnitere, diligere, non se sola, nec per puras naturæ

metuses
quod
Deusope-
raturvel-
le, non
in pigris
et super-
bis, sed
in humi-
libus et
sollicitis.Deusope-
raturvel-
le, Pri-
mo, illu-
minando
intellec-
tum.Secundo,
pias affec-
tiones
volunta-
ti inden-
do.

vires, sed per eandem Dei gratiam, quæ sicut voluntatem prævenit et excitavit, ut vellet, ita dum vult illam adjuvat; illique cooperatur ut velit; et hoc significat Græcum *ἑργάζω*, *g. d.* Inoperatur, scilicet intima vi sua penetrans, illuminans et movens intima intellectus et voluntatis nostræ, illisque cooperans. Et hoc est quod ait S. Augustinus, *De Gratia et libero arbitrio*, cap. xiv: «Deus, inquit, est qui operatur in nobis velle et operari: certum est nos facere cum facimus, sed ille facit ut faciamus, præbendo vires efficacissimas voluntati, qui dixit: Faciam ut in justificationibus meis ambuletis.»

Deus aliter operatur in homine, aliter in brutis. Ubi adverte: Aliter Deus operatur velle, aliter operatus est cælum, terram, germina aliaque omnia, quæ creavit, aut fecit. Rursum aliter operatur Deus in anima et voluntate opus liberum, aliter in re inanimata aut bruta operatur opus inanime, naturale aut animale: hoc enim operatur hac ratione, nimirum causas secundas inanimas aut brutas determinando, et determinatione sua necessitatem illis imponendo ad suas actiones: opus vero liberum operatur in voluntate, illi suadendo, illam mulcendo, alliciendo, blandiendo; molliendo, terrendo, roborando interius: sicuti exterius principes et magistratus operantur in suis subditis velle obedientiæ, ut velint parere suis legibus. Operantur, inquam, non physice determinando eos ad hoc velle, sed moraliter per minas et blanditias, per pœnas et præmia eos inducendo, suadendo et provocando, ut libere velint legibus obedire: hoc enim est imperium politicum, quo principes liberaliter imperant suis, quasi civibus; non despotice, quo serviliter et coacte suis, quasi mancipiis dominantur. Tale proportionaliter est imperium et operatio Dei, qua in liberis creaturis, angelo et homine operatur, easque regit non despotice, sed politice, libere et regulariter; aliter enim libertati vim inferret, si in ea, non moraliter suadendo; sed physice determinando, operaretur velle. Unde Syrus, Vatablus et Erasmus clare vertunt: «Deus est, qui agit in vobis et ut velitis, et ut efficiatis;» vel, ut Syrus: «ut perficiatis id quod vultis.»

Nota. Hinc cum S. Augustino docet Ecclesia, omne bonæ voluntatis, fidei et salutis initium esse a gratia preveniente. Negavit hoc Gentilis ille, cujus hæc, non Christiana, sed athea est vox de Deo: *Det vires, det opes, animum æquum mihi ipse parabo.* Negavit idipsum et Pelagius: nam distinguens hæc tria in homine, scilicet posse, velle, agere, docebat posse, id est potentiam volendi, sive voluntatem et libertatem, esse a Deo; sed velle et agere esse ex nobis, nec ad hæc opus esse gratia Dei. Unde Pelagius hunc Pauli locum per metonymiam, qua effectus ponitur pro causa, sic exponebat: Deus operatur velle, id est, posse, inquit, quia dat mihi potentiam ut possim velle; sed hoc plane est extra scopum et mentem Apostoli: vult enim

Error Pelagii. posse esse a Deo, sed velle et agere a nobis.

nos cum timore operari bona, ex eo, quod Deus operatur velle: non ergo loquitur de potentiâ, sed de actuali velle; nam volendi potentiam omnes homines a Deo acceperunt, nec solliciti esse debent, aut cum metu operari, timentes ne si segniter operentur eam amittant, aut ea priventur; hic enim ridiculus et frivolus est timor: sed velle actuali privari possunt, multique segnes eo privantur, quia Deus eis gratiam subtrahit, quæ requiritur ad hoc velle: ergo de velle actuali, non potentiâ loquitur Apostolus. Audi S. Augustinum, *De Gratia Christi*, cap. iii: «Pelagius, inquit, tria constituit atque distinguit, quibus divina mandata dicit impleri, possibilitatem, voluntatem et actionem: possibilitatem scilicet, qua potest homo esse justus; voluntatem, qua vult esse justus; actionem, qua justus est. Horum trium primum, id est possibilitatem datam confitetur ab auctore naturæ, nec esse in nostra potestate, sed eam nos habere etiamsi nolumus: duo vero reliqua, id est voluntatem et actionem, nostra esse asserit, atque ita nobis tribuit, ut nonnisi a nobis esse contendant; tanquam hæc duo tam sint valentia ad declinandum a malo et faciendum bonum, ut divino adjutorio non indigeant: illud vero, quod nobis ex Deo est, hoc sit invalidum, id est possibilitas, ut semper gratiæ adjuvetur auxilio.» Deinde cap. v, hoc refellens: «Contra, inquit, Apostolus: Cum timore, ait, et tremore vestram ipsorum operamini salutem. Et ut scirent quia non tantum in eo quod operari possint (hoc enim et in natura, et in doctrina jam acceperant), sed etiam in eo quod operantur, divinitus adjuventur, non ait: Deus est enim qui operatur in vobis posse, tanquam ipsi jam velle et operari per seipsos habeant, nec in his duobus adjutorio indigeant; sed ait: Deus enim est qui operatur in vobis et velle et perficere; vel sicut in aliis et maxime Græcis codicibus legitur, et velle et operari.» Rursum cap. x, subjungens responsionem Pelagii dicentis: «Deus, inquit, operatur in nobis velle quod bonum est, velle quod sanctum est, dum nos terrenis cupiditatibus deditos multorum more animalium tantummodo præsentia diligentes, futuræ gloriæ magnitudine et præmiorum pollicitatione succendit, dum revelatione sapientiæ in desiderium Dei stupentem suscitât voluntatem, dum nobis, quod tu alibi negare non metuis, suadet omne quod bonum est. Quid manifestius, nihil aliud eum dicere gratiam, qua Deus in nobis operatur velle quod bonum est, quam legem atque doctrinam? In lege namque et doctrina sanctarum Scripturarum futuræ gloriæ atque præmiorum promittitur magnitudo. Ad doctrinam pertinet etiam quod sapientia revelatur, ad doctrinam pertinet, cum suadetur omne quod bonum est.» Mox hæc refutans: «Sed nos, inquit, eam gratiam nolumus. Istam aliquando fateatur, qua futuræ gloriæ magnitudo non solum

Refellit eum S. Augustinus.

Error Pelagii. Deum operari velle, per legem, minando et pollicendo.

promittitur, verum etiam creditur et speratur; nec solum revelatur sapientia, verum etiam et amatur; nec suadet solum omne quod bonum est, verum et persuadetur. »

Pelagius non admisit aliam gratiam quam legem et doctrinam. Ubi nota, Pelagium præter naturam et naturalis voluntatis vires, tantum admisisse doctrinam et legem, eamque solum verbis illis in speciem tam amplis et speciosis (ita enim interpretatur Augustinus, loco citato) intellexisse vocareque gratiam, quia docet operari bonum; itaque dicebat Pelagius Deum operari velle, quia dat legem et sacras Scripturas, quæ erudiunt et hortantur nos ut bonum velimus et faciamus; internam autem gratiam, quæ non tantum intellectum illuminaret, sed et voluntatem impelleret, afficeret, roboraret, negavit Pelagius. Hanc si concessisset, nullam ei litem se moturum fuisse fatetur Augustinus. Non ergo prædeterminationem gratiæ ursit Augustinus, aut de ea cum Pelagio contendit. Qua de re alibi plura.

Porro responsio hæc Pelagii, Deum operari velle per legem, non per gratiam, refutatur eadem ratione, qua refutavi priorem ejus responsionem, Deum operari velle, quia dat potentiam volendi, sive voluntatem ipsam.

Quomodo Deus operatur ut perficeret? ET VELLE, ET PERFICERE. — Græce, ut dixi, pro perficere est *τελειν*, quod Noster paulo ante vertit operari, q. d. Deus facit, ut velitis, et ut opere perficiatis id quod vultis, ita Syrus. Nota : Deus operatur in nobis perficere continuando eandem gratiam, qua operatus est velle, et sæpe dando quoque occasiones externas perficiendi : qua in re mirabilis est Dei providentia erga suos qui se ejus directioni totos credunt et committunt, ut plurimas et aptissimas opportunitates bene agendi, et rei bene gerendæ eis suggerat et quasi in manum det.

Densoperatur cogitare, velle, perficere quomodo? Tertio, cum actus externus est difficilis; ut martyrium, operatur tunc perficere, nova gratia hominem roborando et animando. Pulchre S. Bernardus, lib. *De Gratia et libero arbitrio*, sub fine, docet, quomodo Deus hæc tria, scilicet « cogitare, velle, perficere, » operetur in nobis : « Primum, inquit, scilicet cogitare, sine nobis; secundum, scilicet velle, nobiscum; tertium, scilicet perficere, per nos facit. Siquidem immitendo bonam cogitationem, nos prævenit; imitando etiam malam voluntatem, sibi per consensum jungit; ministrando et consensui facultatem, foris per apertum opus nostrum internus opifex innotescit. » Deinde cum docuisset in solo velle proprie situm esse meritum, cum perficere et cogitare sæpe non sit in nostra potestate, subdit : « Cavendum ergo ne cum hæc invisibiliter intra nos ac nobiscum actitari sentimus, aut nostræ voluntati attribuamus, quæ infirma est, aut Dei necessitati, quæ nulla est : sed soli gratiæ, qua plenus est. Ipsa liberum excitat arbitrium, cum seminat cogitatum; sanat, cum immutat affectum; roborat, ut perdu-

cat ad actum; servat, ne sentiat defectum. Sic autem ista cum libero arbitrio operatur, ut tantum illud in primo præveniat, in cæteris comitetur : ad hoc utique præveniens, ut jam sibi deinceps cooperetur. Ita tamen quod a sola gratia cæptum est, ab utroque perficitur, ut mixtum, non sigillatim; simul, non vicissim per singulos profectus operentur. Non partim gratia, partim liberum arbitrium, sed totum singula opere individuo peragunt. »

Tam gratia quam liberum arbitrium totum opus peragit.

PRO BONA VOLUNTATE, — non hominis, ut Chrysostomus, sed Dei : est enim Græce *εὐδοκία*, id est beneplacitum, et, ut Budæus vertit, ultronea propensaque affectio, q. d. Deus non propter merita vestra, sed pro sua gratuita immensaque in nos benevolentia et beneplacita operatur in nobis velle et perficere, ut scilicet hanc Dei gratiam et benevolentiam agnoscamus, illam imploremus, illique gratias, ut par est, agamus. Aliiter Chrysostomus et Theophylactus, « pro bona voluntate sua, » scilicet implenda, q. d. Deus operatur in nobis velle et operari hoc fine, ut ejus bona voluntas in nobis et per nos expleatur, scilicet ut faciat nos implere bonam et sanctam suam voluntatem, ut sancte vivamus sicut ipse nos vult vivere; hoc enim Deo gratum et in votis est. Sed prior sensus magis respondet Græco *εὐδοκία*, et scopo ac menti Apostoli (1).

Quid εὐδοκία, id est bona voluntas?

14. OMNIA AUTEM FACITE SINE MURMURATIONIBUS Vera. ET HESITATIONIBUS. — Græci codices jam variant. Aliqui, ut Regii, legunt *χωρίς ὀργῆς*, id est sine ira; alii cum nostro et Syro legunt *χωρίς ὀργισμῶν*, id est sine murmurationibus. Hæcque vera est lectio, quam etiam sequuntur Vatablus, Erasmus, Beza; redit enim ad vers. 3, ubi jussit ut nihil agant per contentionem, nec per inanem gloriam : ex his enim oriuntur murmurationes et hæitationes, Græce *διαλογισμοί*, hoc est disceptationes; Syrus, dissidia : qui enim hæsitat curiose inquirens, cur hoc ita fiat, cur talis sic faciat, et non sic; hic arguitur, disceptat, murmurat, reprehendit et serit dissidia.

15. UT SITIS SINE QUERELA (*ἀμειψτοι*, de quibus Vers. 15. jure nemo queri possit) ET SIMPLICES FILII DEI, SINE REPREHENSIONE, IN MEDIO NATIONIS PRÆVE. — « Simples, » id est sinceri, candidi; hoc enim est Græcum *ἀπλῆτοι*, de quo dixi Rom. XVI, 9. Opponit simplicitatem, sive candorem murmurationibus et hæitationibus; qui enim simplices et candidi sunt, non sunt curiosi in pervestigando quid hic vel ille faciat; non disceptant, non murmurant; sed omnia in meliorem partem interpretantur, et quemque suo officio et judicio relinquant, seque suis tantum rebus immiscent,

Qui sint simplices?

(1) Nam hæc verba ad modestiam in Christianis efficiendam dicta sunt. Aliiter Allioli : Hoc comma, ait, causam dat cur in metu et tremore salutem nostram operari debeamus, quia nempe sine Dei gratia nihil possumus; atqui, *superbis Deus resistit, humilibus autem dat gratiam.*

itaque secum et omnibus quietem et pacem habent.

FILII DEI. — Non spectat *ad simplices*, qui Græce masculine dicuntur ἀνέριαι, filii vero neutre vocantur τέκνα. Novus ergo est et maxime honorificus hic titulus, quo Philippenses omnesque boni Christiani vocantur « filii Dei; » quod nos ad omnem virtutem et sanctitatem extimulare debet, ne simus degeneres, sed Patris nostri cœlestis puritatem, candorem, charitatem et perfectionem in omnibus imitari, et moribus exprimere satagamus.

IN MEDIO NATIONIS PRÆVÆ ET PERVERSÆ. — Græce ἀλλοτρίαι καὶ διεστραμμέναι, id est tortuosæ et distortæ. Ita S. Augustinus in *Psal. cxlvi*, Vatablus, Erasmus et Syrus. *Pravum* ergo hic, proprie non improbum, sed distortum significat, quod proprie opponitur recto et rectitudini. Notat ergo Gentilium vitam et mores, a rectitudine virtutis, rectoque rationis, legis et prudentiæ dictamine declinantes, et per tortuosa ac contraria sæpe vitia implexos et distortos; omne enim vitium obliquum est et tortuosum, mentemque diversis et contrariis sæpe cupiditatibus implicat et distortet. Maxime autem opponit hic Paulus pravos simplicibus, de quibus jam dixit; ut *pravi* respondeat Hebræo ὑπὲρ ἰκῆς, id est perversus, fallax, versutus, tortuosus, qui simulat et dissimulat, quique specie recti et veritatis fallit et decipit.

INTER QUOS LUCETIS SICUT LUMINARIA IN MUNDO. — Græce φαίνεσθε; tam est imperativus, quam indicativus. Unde verti potest cum Cypriano, epist. *ad Rogatianum*, cum Ambrosio, Syro et Vatablo, *lucete* et conspicui estote: φαίνεσθε enim non significat quovis modo lucere, sed in conspicuo esse, ut ab omnibus spectari possit quasi fax in edito posita.

Secundo, luminaria hæc sunt sol, luna, stellæ, ait Chrysostomus, Ambrosius, Anselmus. « Commonet, inquit Ambrosius, ut memores suæ professioni respondeant, ut inter diffidentes (incredulos, infideles) tam clari appareant vita, conversatione, moribus, quemadmodum sol et luna inter stellas splendore sublimes sunt. » Et Chrysostomus: « Monet, inquit, ut in nocte hujus sæculi quasi stellæ resplendeant et refulgeant. » Et Anselmus: « Vult, inquit, ut Christiani sint quasi stellæ, quæ in cœlo fixæ non curant terrena, sed totæ intendunt, ut suos cursus et motus peragant lucemque spargant mundo. » Sic de Julio Cæsare canit Horatius:

Micat inter omnes
Julium sidus, velut inter ignes
Luna minores.

Tritum est quoque illud Platonis et Aristotelis: Neque Hesperus, nec Lucifer ita admirabilis est, ut justus. Sic mulier illa Ecclesiam significans, *Apocal. xii*, dicitur amicti sole, et luna sub pedibus

ejus, et in capite ejus corona stellarum duodecim. Sic et *Daniel*, cap. *xii*, 3, dicitur: « Qui ad justitiam erudiunt multos (fulgebunt) quasi stellæ in perpetuas æternitates. »

Secundo, simpliciis per « luminaria » hæc accipimus faces, quales, v. g., in portu ex alta turri, vel pharo suspenduntur, ut navigantibus noctu ad portum contententibus præluceant, iterque ac portum eminens demonstrent: ad hoc enim erecta fuit turris illa Pharos in *Ægypto*, de qua Statius:

Lumina noctivagæ tollit Phærus æmula lunæ.

q. d. Apostolus: Vos, o Christiani, estis quasi terres tres quædam lunæ et stellæ, puta faces in excelso positæ, ut Gentibus in hoc mundi mari navigantibus et naufragantibus portum salutis, iterque in cœlum vestro exemplo et sancta conversatione præluceatis et demonstretis.

16. VERBUM VITÆ (doctrinam Evangelii vitalem *Vers.* ac salutarem) **CONTINENTES AD GLORIAM MEAM IN DIE CHRISTI**, quia non in vacuum cucurri, neque in vacuum laboravi. — Pro *continentes*, græce est ἐκτρέφω. Quod Theodoretus vertit, *attendentes*; melius Vatablus, *sustinentes*, id est in vertice tenentes, et, ut alii, prætendentes aliis, scilicet ut in portum salutis, hoc Evangelicæ Christianæque vitæ vestræ lumine præfulgente, invehantur. Unde et Syrus vertit, *ut sitis illis loco salutis*. Noster simplicius et generalius vertit, *continentes*, id est habentes, conservantes et studiosè retinentes, ne a quoquam vobis eripiat, ut omnibus illud ostendere, præferre et præluceat possitis.

AD GLORIAM MEAM, — εἰς καύχημα ἑαυτοῦ, id est *ad gloriationem mihi*, ut scilicet de vobis in Evangelica vita tam constantibus, tam præfulgentibus, gloriari possim, quod tales mea prædicatione evaseritis, « in die Christi, » id est in die judicii, quæ erit dies Christi judicis, declarans summam ejus potestatem, dominium et imperium; quia, id est quod, « non in vacuum cucurri, neque in vacuum laboravi, » utpote quod vos cum aliis multis ad Christum et sanctitatem Christianam adduxerim.

17. SED ETSI IMMOLOR (ita enim legendum: unde *Vers. 17.* male Vatablus et aliqui alii legunt, *æmulor*) **SUPRA SACRIFICIUM ET OBSEQUIUM FIDEI VESTRÆ, GAUDEO ET CONGRATULOR OMNIBUS VOBIS.** — Pro *immolor*, græce est σπένδω, id est *libor*. Notum est ex *Levítico* et sacrificiis Gentilium, sacrificia duas habuisse partes, scilicet victimam, puta bovem, vitulum, arietem; et libamen, puta vinum aut oleum: sacrificium enim erat quasi convivium Dei, in quo victima erat instar cibi, libamen instar potus Dei. Non ergo hic duas victimas ponit, unam se, suamve mortem, alteram Philippensium fidem, ut vult Erasmus; sed unam victimam, scilicet Philippensium fidem suo sanguine quasi libamine condiendam, *q. d.* Si contingat me mori et occidi a Nerone. eo quod vos aliosque ad Christi fidem

Omne
vitium
obliquum
est et tortuosum.

Christiani debent
esse stellæ præfulgentes.

Philippenses,
libamen
sanguis
Pauli.

converterim, non tristabor; sed sponte me offeram et gaudebo de martyrio meo, quasi de sacrificio Deo oblato, in quo vos sitis victimæ, sanguis meus sit libamen, ut integrum sacrificium Deo offeram et sanciam. Ita Chrysostomus, Theophylactus, Anselmus.

Ubi nota: Per *sacrificium* intelligit victimam: victimam autem vocat fidem Philippensium, sive ipsos Gentiles Philippenses ad fidem Christi jam a se conversos.

Prædicationis
est
mystica
liturgia.

Secundo, pro obsequium, græce est λειτουργία, id est liturgia, sive sacrum Missæ sacrificium. Jam sicut ipsos Philippenses vocat hostiam, sive victimam: ita suam prædicationem, per quam ad fidem conversi sunt, vocat hic et Rom. cap. xv, vers. 16, *liturgiam*, sive sacrum ministerium; quia per hanc prædicationem, quasi per sacrum ministerium, conversi, Deoque et Christo oblati et consecrati sunt, q. d. Ego fidem vestram, vosque ipsos, quos ad fidem adduxi quasi victimam per meam prædicationem, quasi liturgiam et sacrificium Deo obtuli et offero, illudque libens confirmabo et sanciam meo sanguine, morte, martyrio; adeoque non renuam, non fugiam, non dolebo, ut, si Deus id permittat et disponat, ingenti me beneficio ab eo affectum putaturus sim, exultaturus et dicturus cum S. Ignatio discipulo nostro: « Frumentum Christi sum, dentibus bestiarum molar, ut panis Christi mundus inveniar. »

Tertio, pro gaudeo et congratulor, græce est χαίρω καὶ συχαίρω, id est gaudeo et congaudeo omnibus vobis, q. d. Magni gaudii materia vobis erit, valdeque vobis gaudendum erit, si me immolatum pro fide Christi et vestra, martyrioque affectum audiveritis; talis enim mors mea, læta, honorifica et utilis vobis accidet, et in hoc gaudio ego vobis congaudeo, libensque et avide tantam gaudii materiam jam amplector et amplectar, nihil enim aliud quam martyrium desidero, quia scio illud et mihi et vobis magnæ consolationi, honori et lætitiæ fore. Ita Chrysostomus, Theodoretus, Theophylactus.

Vers. 18.

18. IDIPSUM AUTEM ET VOS GAUDETIS, ET CONGRATULAMINI MIHI. — Græca χαίρετε καὶ συχαίρετε possunt verti per indicativum, ob idipsum autem gaudetis et congaudetis mihi. Ita Vatablus et Erasmus; sed melius vertit Noster per imperativum. Præmunit enim Paulus Philippenses, quos sciebat sua morte et nece contristandos, eosque solatur et exhilarat exhortando eos ad gaudium, ut, si Paulum occidi contingat, non contristentur, sed potius gaudeant de tam nobili Apostoli et doctoris sui martyrio.

Vers. 19.

19. SPERO IN DOMINO JESU, TIMOTHEUM ME CITO MITTERE (MISSURUM) AD VOS, UT ET EGO EONO ANIMO SIM. — « Bono, » id est jucundo, læto, hilari, alacri; græce εὐφύω, id est, ut in alacritate animi confirmer et animer. Græci enim εὐφύωζαν vocant animi tum lætitiā, tum inde consequen-

tem generositatem, præstantiam, magnanimitatem: et contra κακοφύωζαν vocant animi dejectionem, pusillanimitatem, quæ comes est tristitiæ, timoris et anxietatis.

COGNITIS QUÆ CIRCA VOS SUNT, — γινώτε τὰ περὶ ὑμῶν, id est, ubi cognovero de rebus vestris, de statu vestro, scilicet omnia bene se habere, vosque in fide et pietate Christiana proficere, alacri tum, generoso et erecto ero animo: quamdiu enim hoc ignoro, tenet me metus et anxietas; ne fides et Ecclesia vestra aliquid mali aut damni passa sit.

20. NEMINEM ENIM HABEO TAM UNANIMEM, QUI SIN- Vers. 20.
CERA AFFECTIONE PRO VOBIS SOLLICITUS SIT. — Pro « unanimem, » græce est ἰσοφύωζαν, id est æqualis animi, pari animo præditum. Quod primo, nonnulli accipiunt, ut comparatio fiat, non Timothei cum Paulo, sed aliorum cum Timotheo, q. d. Neminem habeo, qui Timotheo animo et affectione in vos æquari aut comparari possit.

Secundo et melius, Noster, Syrus, Erasmus et Vatablus putant Timotheum hic comparari Paulo, quod pari animo, animique sinceritate et zelo in evangelizando cum Paulo sit præditus, paremque cum eo Philippensium curam et sollicitudinem gerat; hoc enim est ἰσοφύωζαν, sive paritas ani- Quid ἰσο-
ψύωζαν; mi, in qua, si perfecta sit per omnia et in rebus omnibus, Pythagorici amicitiae perfectionem collocabant; nam talibus solemus credere et committere negotia nostra, quos scimus ejusdem nobiscum esse animi (qualis hic Paulo erat Timotheus); hi enim ad mentem nostram rem conficient, perindeque facient, ac si nosipsi faceremus. Prudentis ergo est eos, quos in munere aliquo socios et adiutores cupit, tales deligere vel facere, qui sint ejusdem secum sententiæ et mentis.

SINCERA AFFECTIONE, — γνησίως, germane, vere, cordate et realiter.

21. OMNES QUÆ SUA SUNT QUÆRUNT, NON QUÆ SUNT Vers. 21.
JESU CHRISTI. — « Omnes, » non absolute et simpliciter: nec enim Paulus et Apostoli quærebant quæ sua sunt, sed quæ Jesu Christi. « Omnes » quærebant, ergo, id est plerique omnes, passim omnes, plurimi. Nota: Est hoc tritum et commune proverbium, reque ipsa et experientia constat esse verissimum, quod omnes, id est plurimi, quærant quæ sua sunt, non quæ Jesu Christi; Apostolus tamen illud suis adaptat, intelligitque omnes illos, qui tunc secum erant, quosque tunc habebat socios; de his enim tantum loqui Apostolum patet ex vers. præced., q. d. Omnes quos jam habeo ad manum, præter Timotheum, quærant sua, supple lucra, commoda, suamque quietem, ut sint in tuto, ait Theophylactus, quia, ut Œcumenius, nemo sustinet tam longa via mitti ad vos, nemo quærit laborem et pericula; sed omnes otium, quietem, securitatem, commodamque vitam amant et sectantur. Qui tales sunt, non quærant ea quæ Christi sunt, id est Christi gloriam, fidei propagationem, animarum salutem; hos

Quid
εὐφύωζαν;

enim instructos esse decet ad quemvis laborem et calamitatem perferendam, ait Chrysostomus.

Vers. 22. 22. EXPERIMENTUM EJUS COGNOSCITIS (ita legit Syrus et nonnulli Latini: Græcum enim *πυνθίσκατε*, tam est indicativi modi, quam imperativi; sed Romana legunt aptius in imperativo, *cognoscite*, q. d. Accipite documentum sinceritatis et virtutis Timothei (1), ex eo quod), QUIA SICUT PATRI FILIUS MECUM SERVIVIT IN EVANGELIO. — Syrus et Erasmus vertunt, *tanquam filius cum patre suo, sic servit et operatur mecum in Evangelio*. Verum Græca ad verbum habent, ut habent Latina nostra jam recitata. Duo enim hic in Timothei commendationem dicit Apostolus: *primum*, quod sibi quasi patri servierit; *secundum*, quod secum strenue servierit Evangelio, in eoque sibi subservierit (modestiae enim causa dicit Paulus « mecum » pro *mihi*), satagens ubique illud propagare.

Vers. 23. 23. HUNC IGITUR SPERO ME MITTERE (missurum) AD VOS, MOX UT VIDERO QUÆ CIRCA ME SUNT, — quo scilicet vergent mea vincula, an iis eripiendus, an iis mansurus, ac occidendus sim. Mystice S. Bernardus: « Quidquid, ait, ad corpus spectat, sive bonum, sive malum, foris est, nec potest pertingere ad eum qui intus est. Unde Apostolus in squalore corporis jacens et vinculis, et quantum ad corpus tribulatione coronatus: Mittam, inquit, Timotheum ad vos, ut sciatis quæ circa me sunt. Quæ circa me sunt, inquit, id est in exteriori homine; in exteriori tunica carnis: quæ ad me, qui intus sum, non pertingunt. » Ita ipse, tract. *De Natura amoris*, cap. XIII.

Vers. 25. 25. NECESSARIUM EXISTINAVI EPAPHRODITUM FRATREM ET COOPERATOREM, ET COMMILITONEM MEUM, VESTRUM AUTEM APOSTOLUM ET MINISTRUM NECESSITATIS MEÆ, MITTERE AD VOS. — Nota: Epaphroditum miserant Philippenses ad Paulum in vinculis, ut ei solatio esset et obsequio. Hunc *primo*, vocat « fratrem, » id est Christianum. *Secundo*, « cooperatorem, » scilicet in Evangelio et Evangelii prædicatione ac propagatione. *Tertio*, « commilitonem, » in expeditione scilicet et bello Christi, quo Apostoli certamen inivere difficillimum et periculosissimum cum philosophis, regibus omnibusque Gentibus ad Christi regnum propagandum, illicque orbem universum subjugandum. *Quarto*, Philippensium « apostolum, » id est legatum et nuntium ad Paulum, ait Theophylactus; *secundo*, « apostolum, » inquit Chrysostomus, id est doctorem, quia eos in fide post Pauli discessum instruxerat; *tertio*, « apostolum, » id est Episcopum, inquit Theodoretus et Baronius. *Quinto*, vocat eum « ministrum necessitatis suæ, » quia Paulo victo necessaria vitæ alimenta a Philippensibus submissa deferebat et obsequia præstabat.

Vers. 26. 26. QUONIAM QUIDEM OMNES VOS DESIDERABAT (supple, videre et revisere), ET MOESTUS ERAT. — Græce

ἀδνημον, anxius erat et anxie sollicitus. Ambrosius vertit, *impatenter sollicitus erat*; *ἀδνημον* enim significat gravissime angere, ut cum quis conquirere non potest, sed dolore et angore pene exanimatur.

PROPTEREA QUOD AUDIERATIS ILLUM INFIRMATUM, — q. d. Epaphroditus, sciens vos; intellecta sua infirmitate, anxios esse et mæstos, dolebat vicissim et angebatur, vos de se anxios et sollicitos esse, utque vos hac anxietate liberaret, desiderabat jam sanatus vos statim revisere, seque valentem vobis exhibere et recreare in Domino. Præclare S. Augustinus, in *Sententiis*, num. 174: « Beatus, ait, qui diligit Deum, et amicum in Deo, et inimicum propter Deum. Solus enim nullum charum amittit, cui omnes in illo chari sunt, qui nunquam ante dimittit te, nisi dimittatur. »

27. SED DEUS MISERTUS EST EJUS. — Hoc est, sua misericordia eum liberavit a morte, ac ei sanitatem restituit.

28. FESTINANTIUS ERGO MISI ILLUM (græce *ἐκτακτικῶς*, id est *studiosius*, ut vertit Syrus, Vatablus, Erasmus. *Secundo* melius et planius Noster et Chrysostomus cum suis vertunt, *festinanti*). Hoc enim hic erat studium Pauli, nimirum ut cito et festinanter Epaphroditum remitteret ad suos mœrore levandos), UT VISO (inquit) EO, ITERUM GAUDEATIS, ET EGO SINE TRISTITIA SIM, — q. d. Tristitiam ex vestra sollicitudine et tristitia concepi. Vestram tristitiam absterget præsentia Epaphroditii, ac consequenter et meam absterget.

Nota: Pro *sine tristitia sim*, græce est *ἀντρυπῶς ὢν*, id est, ut Vatablus, ut *magis dolore vacem*, ut minus doleam et trister; Syrus vertit, *ut mihi levior sit animi agritudo*. Hinc colligit Chrysostomus Apostoli animum nunquam omnino dolore vacasse, hocque ob ingentem ejus charitatem et æolum; ubi enim amor, ibi est et dolor: « Quis, ait II Cor. XI, 29, infirmatur, et ego non infirmor? quis scandalizatur, et ego non uror? »

29. EXCIPITE ITAQUE ILLUM CUM OMNI GAUDIO IN DOMINO. — Id est, ut Græca et Syrus transponunt, excipite illum in Domino cum omni gaudio, hoc est excipite illum ut fratrem, imo patrem vestrum in Christo, Christique fide et religione, cum tanto gaudio, quanto frater fratrem, imo filius patrem ab exilio, immo a morte reducem excipit.

EJUSMODI CUM HONORE HABETOTE, — *ἐτίματε ἔχετε*, in pretio habete, pretiosos ducite.

30. PROPTER OPUS CHRISTI USQUE AD MORTEM ACCESSIT. — « Opus Christi, » vocat visitationem Pauli incarcerationi propter Christum. Ubi nota: Opera misericordiæ vocantur *opera Christi*, quia propter Christum miseri exhibentur, et Christus ea sibi facta reputat, *Matth. XXV, 36 et 40*: « In carcere, ait, eram, et venistis ad me; amen dico vobis, quamdiu fecistis uni ex his fratribus meis minimis, mihi fecistis. »

Secundo, « accessit ad mortem, » id est Neronis iræ et mortis periculis se exposuit, dum juvit et

Quid
ἀδνημον
veiv;

Vers. 23.

Quinque
elogia
Epaphro-
diti.

Ubi
amor, ibi
et dolor.

Vers. 29.

Vers. 30.

(1) Alii: Hic autem quam sit probatus, nostis; substantivo posito pro adjectivo, per Hebraismum.

visitavit in carcere me, cui Nero tam infensus est; ita Chrysostomus. Vel simplicius : ut mihi serviret, se suamque salutem neglexit et sui oblitus, labore tanti itineris et jugi fatigatione, ut me resque meas curaret, vigiliis et abstinencia fere se confecit, et in morbum pene lethalem incidit, ut patet vers. 26 et 27.

TRADENS ANIMAM SUAM (παραβουλεύσάμενος τῇ ψυχῇ, id est perperam, aut male consulens animæ (vitæ) suæ. Vatablus vertit, *non habita ratione vitæ*; Syrus, *nihil fecit seipsum*, q. d. Neglexit se, non habuit curam valetudinis suæ, sed illam tradidit et

exposuit pro me), UT IMPLERET ID QUOD EX VOBIS DEERAT ERGA MEUM OBSEQUIUM. — Græce, ἵνα ἀναπληρώσῃ τὸ ὑμῶν ὑστέρημα τῆς πρὸς με λειτουργίας, id est, *ut plene adimpleret vestrum defectum ministerii circa*, vel potius *erga me*, q. d. Ego spiritualia vobis communicavi, vestrum erat temporalia mihi rependere, præsertim in vinculis constituto; et quidem misistis nonnulla ad me; sed quod hisce deerat, ac præsertim ministerium ad me resque meas curandas, cum vos absentes sitis, præsens Epaphroditus pro vobis mihi supplavit et adimplevit.

CAPUT TERTIUM.

SYNOPSIS CAPITIS.

Primo, hoc cap. aggreditur potissimum epistolæ argumentum, scilicet ut refutet judaizantes, et Simonianos hæreticos, doceatque contra eos veram justitiam et salutem non a lege Moysi, sed a Christo incarnato et crucifixio petendam et expectandam esse. Idem docuit epistola ad Romanos et ad Galatas.

Inde secundo, vers. 7, ait se legalia, et reliqua omnia, propter Christum arbitrari ut damna, imo ut stercora.

Tertio, vers. 12, docet se esse non perfectum, sed tendere ad perfectionem christianismi.

Quarto, vers. 18, insectatur inimicos crucis Christi, quorum Deus venter est : Nostra autem, ait, conversatio in cœlis est, etc.

1. De cætero, fratres mei, gaudete in Domino. Eadem vobis scribere, mihi quidem non pigrum, vobis autem necessarium. 2. Videte canes, videte malos operarios, videte concisionem. 3. Nos enim sumus circumcisio, qui spiritu servimus Deo et gloriamur in Christo Jesu, et non in carne fiduciam habentes : 4. quanquam ego habeam confidentiam et in carne. Si quis alius videtur confidere in carne, ego magis. 5. Circumcisis octavo die, ex genere Israel, de tribu Benjamin, Hebræus ex Hebræis, secundum legem Phariseus, 6. secundum æmulationem persequens Ecclesiam Dei, secundum justitiam quæ in lege est, conversatus sine querela. 7. Sed quæ mihi fuerunt lucra, hæc arbitratus sum propter Christum detrimenta. 8. Verumtamen existimo omnia detrimentum esse propter eminentem scientiam Jesu Christi Domini mei : propter quem omnia detrimentum feci, et arbitror ut stercora, ut Christum lucrificiam, 9. et inveniar in illo, non habens meam justitiam, quæ ex lege est, sed illam, quæ ex fide est Christi Jesu : quæ ex Deo est justitia in fide, 10. ad cognoscendum illum et virtutem resurrectionis ejus, et societatem passionum illius : configuratus morti ejus. 11. Si quo modo occurram ad resurrectionem, quæ est ex mortuis. 12. Non quod jam acceperim, aut jam perfectus sim : sequor autem, si quomodo comprehendam in quo et comprehensus sum a Christo Jesu. 13. Fratres, ego me non arbitror comprehendisse. Unum autem, quæ quidem retro sunt obliviscens, ad ea vero quæ sunt priora, extendens meipsum ; 14. ad destinatum persequor, ab bravium supernæ vocationis Dei in Christo Jesu. 15. Quicumque ergo perfecti sumus, hoc sentiamus : et si quid aliter sapitis, et hoc vobis Deus revelabit. 16. Verumtamen ad quod pervenimus, ut idem sapiamus; et in eadem permaneamus regula. 17. Imitatores mei estote, fratres, et observate eos qui ita ambulant, sicut habetis formam nostram. 18. Multi enim ambulant, quos sæpe dicebam vobis (nunc autem et flens dico) inimicos crucis Christi : 19. quorum finis interitus : quorum Deus venter est : et gloria in confusione ipsorum, qui terrena sapiunt

20. Nostra autem conversatio in cœlis est, unde etiam Salvatorem expectamus Dominum nostrum Jesum Christum, 21. qui reformabit corpus humilitatis nostræ, configuratum corpori claritatis suæ, secundum operationem qua etiam possit subicere sibi omnia.

Vers. 1. 1. DE CÆTERO (τὸ λοιπὸν, id est quod superest; Syrus vertit, *proinde*), FRATRES MEI, GAUDETE IN DOMINO, — *q. d.* Solliciti et cœsti eratis de vinculis meis, ac de mōrbo Epaphroditī doctoris vestri, nunc et hunc sanum recipitis, et mea vincula mihi gaudio, Evangelio honori et multis saluti fuisse, vos cap. I certiores feci; proinde superest, ut abstersa omni tristitia gaudeatis, sed « in Domino » Christo, qui vobis hanc omnem consolationem et gratiam impertit, quique fidem, religionem et Ecclesiam suam Christianam, tum Romæ, tum apud vos ita propagat et exaltat.

EADEM VOBIS SCRIBERE MIHI NON PIGRUM, — id est, ut Vatablus, *non piget*, et Syrus, *non est mihi tædiosum*, aut *molestum* toties eadem vobis scribere et inculcare : charitas enim qua vos complector, omne hoc tædium absorbet, omnem segnitiam excutit, facitque ut diligens et assiduus sim in vobis docendis et commonefaciendis.

VOBIS AUTEM NECESSARIUM. — Græce ὑμῖν δὲ ἀσφαλές, id est, *vobis autem tutum*, *q. d.* Quod toties eadem scribo, facio ut vos corroborem faciamque tutiores, cautiores et vigilantiores, ne in errorem aliquem aut peccatum prolabamini. Noster cum Ambrosio, pro ἀσφαλές videtur legisse ἀναγκαίως; positum pro ἐπανάγκης, hoc est *necessarium*.

Vers. 2. 2. VIDETE CANES, — *q. d.* Observate, et ut Syrus, *cavete*, impudentes et improbos Judaizantes et hæreticos, qui nos allatrant et mordent, quasi canes. Nota catachresin : *videre* idem hic est, quod *cavere*. Sic *ad Coloss. II, 8* : « Videte, » id est *videndo cavete*, « ne quis vos decipiat per philosophiam. » Nota *secundo*, hic genium hæreticorum cynicum, sive caninum, quem hoc sæculo expertus B. Thomas Morus, Angliæ Cancellarius : « Hæretici, inquit, primam suam hypocrisin jam sustulerunt, sed impudentiam substituerunt; ut qui ante religionem simulabant, nunc in impietate gloriantur. » Hinc manavit illa phrasid qua vulgo hæreticos comparamus canibus dicentes : *Hy is soo geus als eenen hondt*.

VIDETE MALOS OPERARIOS, — cavete et fugite pseudoapostolos, qui christianismum miscent et corrumpunt judaismo, inquit Chrysostomus.

Concisio vocantur circumcisi, cur? VIDETE (cavete) CONCISIONEM. — Nota *primo* : « Concisionem » vocat circumcisionem, ut patebit vers. seq., idque ut eam elevet, et Christianis parvipendendam doceat, *q. d.* Circumcisio olim tam pretiosa, nunc post Christum tantum est concisio : « Nihil enim aliud, inquit Chrysostomus, jam faciunt (Judei se circumcidentes) quam quod carnem concidunt; cum enim legitimum non sit quod faciunt, nihil aliud est, quam carnis sectio et concisio. » Addit Chrysostomus concidi dici illa, quæ temere et inaniter, ac præter

artem inciduntur; circumcidi vero ea quæ, resecotis superfluis, expoliuntur. Rursum, per *concisionem*, seu circumcisionem, intelligit circumcisos et circumcidentes, scilicet Judæos pseudoapostolos. Ita Chrysostomus, Syrus, Theodoretus; abstractum enim ponitur pro concreto, juxta *Can. 21*.

Secundo, « concisionem » vocat ipsam hæresim Simonis, Basilidis, Cerinthi, « qui, ut ait S. Ignatius, epist. *ad eosdem Philippenses*, partum Virginis circumcidunt et mutilant, dividentes scilicet Jesum a Christo » (hominem a Deo), et dicentes B. Virginem esse matrem Jesu, non Christi, Christumque non esse passum vere, sed per imaginem; vel opinione et apparenter tantum, aut non esse passum Christum, sed solum Jesum, de quo vers. 18.

Tertio, ut Chrysostomus, « concisionem » vocat schisma et scissuram religionis et Ecclesiæ, quam faciebant hi pseudodoctores; alludit enim ad canes, quos jam nominavit hoc vers. 2, *q. d.* Hi falsi doctores quasi canes rabidi Ecclesiam conscindunt et lacerant, ab eaque et a Christo excisi sunt, ait Anselmus, aliosque excindunt.

Quarto, alludit ad eorundem « concisionem, » id est perditionem et mortem æternam, quam sibi concisione et circumcissione jam dicta accersunt. Græcum enim καταρῆν et concisionem et occisionem significat.

3. NOS SUMUS CIRCUMCISIO, QUI SPIRITU SERVIMUS DEO, ET GLORIAMUR IN CHRISTO JESU, ET NON IN CARNE FIDUCIAM HABENTES, — *q. d.* Recte dixi cavendam circumcisionem carnalem, et Judaizantes circumcisos, qui pariter vos volunt circumcidere : quia hæc carnalis circumcisio non est vera circumcisio, sed carnis tantum concisio, uti eam vocavi vers. præced.; vera enim circumcisio est apud nos Christianos, qui sumus « circumcisio, » id est circumcisi (juxta *Can. 21*) spiritu, qui carnalia desideria pariter et Judaicas cæremonias circumcidentes et resecantes, spiritu servimus Deo, quæ sola vera est et Deo placens circumcisio. Ita Theodoretus et alii. Sic *Roman. II, 28*, dixit : « Non enim qui in manifesto, Judæus est; neque quæ in manifesto, in carne, est circumcisio; sed qui in abscondito, Judæus est : et circumcisio cordis in spiritu, non littera, cujus laus non ex hominibus, sed ex Deo est. »

SPIRITU SERVIMUS DEO. — Triplex est hic lectio, ut indicat S. Augustinus, lib. I *De Trinit.*, cap. VI.

Prima, « Qui spiritu Dei servimus. »

Secunda, « Qui spiritui Dei servimus. » Hanc mordicus tenet Ambrosius, lib. II *De Spiritu Sancto*, cap. VI, ut probet Spiritum Sanctum esse Deum et patriæ colendum.

Secundo, concisio est hæresis Cerinthi, quæ Christum concidit.

Tertio, est schisma Novantium.

Quarto, est occasio et mors æterna.

Vers. 3.

Judei habent concisionem, Christiani veram circumcissionem.

Tertia et vera ac germana, « Qui spiritu servimus Deo : » opponit enim τὸ spiritu servire Deo, illi quod sequitur, « in carne confidere et servire Deo. » Tò ergo spiritu non personam quæ colitur, cuique servitur, sed modum quo colitur, significat. Unde Chrysostomus, τὸ πνεύματι, id est spiritu, interpretatur πνευματικῶς, hoc est spiritualiter; et Theophylactus, πνευματικῶς καὶ διὰ νοῦς, hoc est spiritualiter et mente. Unde et Syrus vertit, qui colimus Deum spiritu. Ita etiam Vatablus, Erasmus et alii passim, q. d. Nos Christiani vere sumus circumcisi, qui spirituali fide, spe et charitate Deo religiose servimus (Græce enim est λατρεύοντες, q. d. Latria Deum colentes), « et gloriamur in Christo Jesu, » quasi Messia, salvatore et redemptore nostro, non in Mose jam obliuato et abolito, « et non in carne fiduciam habentes, » id est habemus, juxta Can. 29.

Nota : « Carnem » vocat res externas et carneas, puta carnis circumcisionem, nobilitatem, legis scientiam, pharisaismum : ita enim se explicat vers. 5. Ita Chrysostomus, Theophylactus, Anselmus.

Vers. 4. 4. QUANQUAM EGO HABEAM (habere possim, δυνατός, in modo potentiali) CONFIDENTIAM IN CARNE. SI QUIS ALIUS VIDETUR CONFIDERE IN CARNE, EGO MAGIS. — « Confidentiam » vocat præfidentiam et ex ea consequentem gloriationem, et « confidere » vocat præfidere et gloriari; est enim catachresis vel metalepsis. Unde vers. præc. opposuit « in Christo gloriari, » illi quod est, « in carne fiduciam habere, » id est gloriari.

Quid confidere in carne?

Secundo, quid intelligat per carnem, explicat vers. seq., q. d. Si vellem, ego perinde ac Judæi, gloriari possem in carnali circumcisione, nobilitate, scientia; etc.; non est ergo quod putent Judæi me ex zelo et invidia hisce detrahare, quasi iis inferior sim; sed sciant me id facere studio veritatis, fidei et salutis, ut a carne omnes traducam ad spiritum, doceamque tam Judæos quam Gentiles adorare Deum in spiritu et veritate.

Vers. 5. 5. CIRCUMCISUS OCTAVO DIE. — Græce, περιτομή ὀκταήμερος, id est circumcisio octavi diei. « Circumcisio, » hoc est circumcisi, ut alibi præputium vocat præputiatos, scilicet Gentiles (juxta Can. 21). Nota : Non tantum dicit se circumcisi, sed addit id factum octavo die, ut significet se esse Judæum, non advenam et proselytum (hi enim adulti convertebantur ad judaismum, et circumcidebantur), sed naturalem; mox enim ut natus est ex parentibus Judæis, secundum legem octavo die circumcisi est, itaque factus est Judæus et ipse. Rursum, inquit, ne dicas me natum ex Judæis, sed proselytis, addo me natum « ex genere Israel, » hoc est ex prosapia Jacobi patriarchæ, qui alio nomine dictus est Israel, q. d. Stirpe et prosapia sum Israelita. Tercio, ne excipias me natum ex decem tribubus quæ schisma fecerunt a Judæis, addo me natum « ex tribu Benjamin, »

Nobilis prosapia Pauli.

quæ fortissima fuit, primumque regem Saulem dedit toti Israeli, quæque in schismate fidelis et constans adhæsit tribui Judæ Deique templo et regno. Ita S. Augustinus, serm. 15 De Verb. Apost. Denique ut hujus gentis et stirpis meæ nobilitatem et antiquitatem verbo explicem, addo quod sim « Hebræus ex Hebræis » oriundus, videlicet ex primis illis laudatissimis et antiquissimis Hebræis Abraham, Isaac, Jâcob. Vide dicta II Cor. xi, 22.

SECUNDUM LEGEM (id est legis sectam), fui PHARISÆUS. (Aut, ut Maldonatus, in Notis manuscr., q. d. Quod autem ad legem attinet, subaudi, ejus adeo fui observans, ut Phariseus etiam essem : erant enim Pharisei inter omnes Judæos legis observantissimi.) 6. SECUNDUM ÆMULATIONEM, PERSE- Vers. 6. QUENS ECCLESIAM DEI, SECUNDUM JUSTITIAM, QUÆ IN LEGE EST, CONVERSATUS SINE QUERELA. — Nota : Versu præced. laudavit se apud Judaizantes ex genere et gente, quod esset Judæus; hic vero laudat se a proprio studio et factis in judaismo. Primo ergo laudat se hic, quod secta fuerit Phariseus, quorum secta habebatur nobilissima. Secundo, ne frigidum et tepidum in ea fuisse putet, ait se ejus fuisse zelotem, et ex ejus æmulatione et zelo persecutum esse Ecclesiam Christi. « Non eram, inquit, piger Judæus : quidquid erat quod legi meæ adversarium videbatur, impatienter ferebam, acriter insequabar. Hæc apud Judæos nobilitas, sed apud Christum quæritur humilitas. Ideo ibi iste Saulus, hic Paulus, » ait S. Augustinus, serm. 15 De Verbis Apost. Tercio, ne vitam sectæ et zelo dissentaneam culpes, addit : « Secundum justitiam, quæ in lege est, » id est secundum justitiam legis, se conversatum esse sine querela, hoc est, omne jus et præceptum, quod lex præscribebat, servasse, ita ut in nullo quasi præcepti alicujus transgressor culpæ aut reprehendi posset, nemoque de eo queri, sed omnes eum prædicarent in legis observatione virum justum et religiosum esse.

PHARISÆUS. — Nota : Tres præcipuæ erant sectæ Judæorum, tempore Christi et Pauli : Phariseorum scilicet, Essenorum et Sadduceorum; nam aliæ minus celebres plures fuerunt, scilicet Dositheorum (quamquam hi non tam Judæi erant, quam Samaritani schismatici), Hemerobaptistarum, Herodianorum, Nazareorum et aliorum.

Primo, Esseni vitam sanctiorem profitebantur, sed a cæteris schismate erant divisi. Unde nec sacrificabant in templo, quod dicerent se sanctioribus uti cæremoniis.

Secundo, Sadducæi dicebant non esse resurrectionem mortuorum, neque angelum, neque spiritum, quæ omnia confitebantur et docebant Pharisei, Actor. xxiii, 8.

Tercio, Dositheï ab animatis abstinebant, adeoque superstitione sabbatum colebant, ut, quo quisque ipsorum habitu, loco, situ, die sabbati inventus esset, eodem permaneret usque ad ves-

Sectæ Judæorum septem.

Esseni.

Sadducæi.

Dositheï.

peram. Cujus rei de navarcho suo lepidum narrat exemplum Synesius oculatus testis ad Evopitium.

Hemerobaptistæ. *Quarto*, Hemerobaptistæ ita dicti sunt, quod quotidie baptizarentur, rati nimirum hominem non posse pure vivere, nisi singulis diebus in aqua mergeretur, itaque mergendo ablueretur et sanctificaretur.

Nazaræi. *Quinto*, Nazaræi rejiciebant Pentateuchum et sacrificia Judæorum, abstinebantque ab animatis, velut immundis.

Herodiani. *Sexto*, Herodiani dicebant Herodem Ascalonitam esse Christum, eo quod sub ipso et per ipsum alienigenam, puta Idumæum, designatum et declaratum regem Judæorum, defecisset sceptrum de Juda et dux de femore ejus, quod erat signum et indicium adventus Messiae, juxta prophetiam Jacobi, *Genes. XLIX.*

Pharisæi. *Septimo*, Pharisæi scientia legis, et vita ac moribus omnes antecellebant. Unde *Act. XXVI, 5*, inquit Paulus: « Secundum certissimam (Græce ἀκριβεστάτην, id est exactissimam; Syrus vertit, præcipuam disciplinam) sectam nostræ religionis vixi Pharisæus. » Hinc Scribæ et Pharisæi tempore Christi erant summi legis doctores, qui Christo se opposuerunt. Fuit ergo hæc secta, docens animæ immortalitatem et præmia bonorum, poenasque malorum post hanc vitam, aliis doctior, purior, verior; non ita tamen quin et suos habuerit errores: nam, ut Josephus, qui et ipse fuit Pharisæus, docet lib. *XVIII Antiq.*, cap. II, et lib. II, cap. VII, Pharisæi omnia tribuebant fato, et μεταφύλασιν, id est transmigrationem animarum, si bonæ fuissent, in alia et alia corpora, ex Pythagoræ doctrina asserebant. Unde orta est illa opinio illorum, qua hi putabant Christum esse Eliam, alii Jeremiam, alii Joannem Baptistam, aut alium quempiam ex Prophetis, *Matth. XVI, 14*, quia scilicet putabant Eliæ, Jeremiæ, Joannis Baptistæ, aut alterius Prophetæ animam transmigrasse in Christum.

Unde dicti sint Pharisæi? Ab hac legis scientia et interpretatione dicti sunt Pharisæi, a radice פָּרַס *paras*, id est explanare, explicare, docere; vel potius, ut Epiphanius, lib. I *Panar.*, cap. XVI, et alii, ab eadem radice *paras*, quatenus significat dividere et separare, quia Pharisæi doctrina, religione et moribus ab aliis Judæis erant separati omnibusque eminebant. Sicut ergo doctissimi Gentium dicti sunt Philosophi, ita doctissimi Judæorum dicti sunt Pharisæi, *q. d.* Expositi et separati ob eminentem scientiam et sanctitatem. Vita enim Pharisæorum maxime in tirocinio rigida erat, et in speciem sancta, multosque annos colebant continentiam et virginitatem, deliciis abstinentes, frugaliter viventes, vigiliis et orationibus incumbentes, jejunantes sabbato, secunda et quinta feria; ita ut inter Judæos essent Pharisæi, quod inter Christianos sunt Religiosi; vestem etiam habebant propriam professionis suæ, habentem

finibrias hyacinthinas (quæ eos perpetuo admonebant legis observandæ, vitæque cœlestis, juxta præceptum Domini, *Deut. XXII, 12*) præ aliis Judæis longiores, atque in oris earum spinas ligabant, ait Hieronymus in *Matth. XXIII*, ut earum punctionibus pedes cruciatus ostentarent in signum austeritatis vitæ arcæque memoriæ et custodiæ legis.

Adhæc legem in membranis scriptam ligabant in fronte, aut capiti circumponebant in modum coronæ: ita nimirum declarabant professionem pharisaismi, ut nemo eos, quasi sanctificatos contingeret, ait Epiphanius, lib. I, cap. XV.

Rursum dediti erant multis et quotidianis purificationibus. Ex his omnibus tanta eorum erat auctoritas apud populum, ait Josephus, lib. XIII, cap. XVIII, ut etiamsi regi obloquerentur aut pontifici, vulgus tamen eis fidem haberet, et, ut idem ait lib. XIII, cap. VIII, juxta eorum responsa fierent quæ ad cultum divinum et præcationes solennes pertinebant. De hac ergo secta, æque ut alii, gloriari poterat Apostolus. Imo *Act. XXIII, 6*, gloriatur Christianus et Apostolus jam factus, se etiamnum esse Pharisæum, scilicet, quoad professionem immortalitatis animæ aliorumque dogmatum et morum cum Christiana vita congruentium.

Pharisæorum auctoritas.

7. SED QUÆ MIHI FUERUNT LUCRA, HÆC ARBITRATUS SUM PROPTER CHRISTUM DETRIMENTA. — *q. d.* Has carnis excellentias, quas jam recensui, quasque olim cum Judæus essem, tanto in pretio habui, collegi, seposui, velut mercator sua lucra, rarasque merces solet in pretio habere, congregare, seponere, videlicet quod sim circumcisis, quod sim ex genere Israel, quod de tribu Benjamin, quod Pharisæus, quod legis zelotes, quod justitiam indies ex legis observatione aucupans: has, inquam, omnes carnis, id est carnalis judaismi, prerogativas, postquam Christi Evangelii veritatem et dignitatem agnovi, jam præ Christo et propter Christum habeo ut nullius pretii, ino ut damna, puta impedimenta veritatis et salutis a Christo percipiendæ. Ita Anselmus et alii.

Vers. 7.

8. VERUMTAMEN EXISTIMO OMNIA DETRIMENTUM ESSE PROPTER EMINENTEM SCIENTIAM JESU CHRISTI DOMINI MEI, ET ARBITROR UT STERCORA, UT CHRISTUM LUCRIFICIAM. — Nota, τὸ *omnia* respicere præcedentia, omnes scilicet carnis, id est judaismi, excellentias, quas vers. 7 recensui. *Secundo*, et dignius ac convenientius animo Paulino, non tantum « omnia » bona judaismi, sed « omnia » omnino, id est res omnes, puta eloquentiam, opes, delicias, gloriam, favores et quidvis aliud, quod mundus hic amat et miratur, pro Christo et propter Christum existimo esse detrimenta et damna, imo stercora; eo enim assurgit animus excelsus Pauli, et hoc significat Græcum ἀλλὰ πλεονέχεια, id est *quinimo* (pro quo Noster *verumtamen*), quod corrigentis est, vel potius amplificantis, *q. d.* Parum dixi, cum dixi omnia judaismi lucra et Ju-

Vers. 8.

dæorum legalia, me arbitrari propter Christum detrimenta. Amplius dico : omnia bona mundi, terrena omnia propter Christum contemno, pro damno duco, imo aspernor et abominor quasi stercora me inquinantia. Ita Chrysostomus et Theophylactus.

PROPTER EMINENTEM SCIENTIAM JESU CHRISTI, — διὰ τὸ ὑπερέχον τῆς γνώσεως, id est *per eminentiam cognitionis*, vel scientiæ Jesu Christi, *q. d.* Quia video, sentio et experior tam præclaram, eminentem et sublimem esse fidem et doctrinam Evangelii (hanc enim vocat « scientiam »), hinc omnem scientiam, quam a Gamaliele, lege, Phariseis hausit, imo alia omnia et res quasvis nihili duco.

Cur Paulus justitias legis pro Christo arbitretur sit ut stercora? Prior causa.

Duplicem hic tangit causam, cur omnia, etiam justitiam legis, adeoque ipsam circumcisionem et legem veterem (inquit S. Chrysostomus, Theophylactus et Oecumenius), licet alias in se bonam, Paulus arbitretur sibi esse damna, imo *σκύβαλα*, quod Noster vertit, *stercora*. Prior est excellentia Evangelii et Christianismi, quæ tanta est, ut reliqua omnia, etiam lex vetus, illi comparata nihil videatur esse, nisi nugæ et sordes, adeo ut, si alterutrum eligere debeas, puta judaismum vel christianismum, damnum ingens facias, si judaismum eligas præ christianismo: sicut si rustico inveniendi adamantem ingentem, gemmarius tantundem offerret plumbi, stultus esset rusticus et ingentem jacturam faceret, si pro adamante eligeret et acciperet plumbum, inquit Chrysostomus. Posterior causa est, quia reliqua, præsertim circumcisio et legalia, olim licet bona, jam tamen post Christum impedimenta sunt christianismi, et consequenter gratiæ et salutis: Judæus enim si velit Christianus fieri, necesse est, ut legalibus valedicat; illa enim abolita sunt, imo jam opposita sunt christianismo: si ergo Judæus legalibus suis adhæreat, ingens sibi damnum facit, quia privat se maximo bono, puta christianismo; imo hoc ipso, quo Judæus est et manet, hostis est Christi et Christianismi. Utamque hanc causam afferunt Chrysostomus, Theophylactus et Oecumenius.

DELICIAS AMORIS. — Nota delicias amoris Pauli in Christum: Christus, inquit, Dominus est omnium nostrum, sed meus proprie, qui me contumacem et rebellem, ad se immensa charitate vocavit, imo compulit, qui me non tantum servum; sed et Apostolum suum fecit, qui me Gentium doctorem tanta gratia, tot miraculis, tanto fructu et efficacia constituit; meus est, qui se pro me speciatim tradidit, qui sua omnia mihi communicavit, ut merito dicam: *Dominus meus et Deus meus, amor meus et omnia*; præ te enim scientiam, pharisaismum, famam, gloriam, nobilitatem, opes, delicias nihili duco, damna et stercora æstimo; quia tu mihi es vera gloria, vera nobilitas, scientia, deliciae, honor, vita, salus et omnia.

PROPTER QUEM OMNIA DETRIMENTUM FECI, — id est, ut Vatablus, Syrus et alii, propter quem omnia pro damnis duxi, pro quo omnia mihi damnosa

visa sunt. *Secundo* et potius, propter quem omnium jacturam feci: hoc enim est Græcum τὰ πάντα ἐζημιώθην, quia nimirum omnibus me spoliavi, omnia reliqui et contempsit, omnia æstimans ut damna, imo ut stercora.

ET ARBITROR UT STERCORA. — Græce σκύβαλα. Quid σκύβαλα id est stercora? Prima expositio. Quod primo, excrementa et stercora duriora significat, *q. d.* Legalia jam quasi stercora observatores sui contaminant et conspurcant, ait Anselmus, sic et deliciae omnesque res mundi. *Secundo*, σκύβαλα Chrysostomus, Theodoretus, Theophylactus vertunt; *rejectamenta frumenti*, sive paleas, *q. d.* Talis est lex postquam Christum quasi frumentum excussa nobis exhibuit, scilicet inanis, supervacua, rejicienda. Talia sunt pariter omnia bona terrena. *Tertio*, proprie σκύβαλα dicuntur illa, quæ ex intestinis boum, ovium, aut pecorum canibus projiciuntur, ἀπὸ τοῦ τῶν καὶ βαλλέσθαι, quod canibus per contemptum objiciantur et abjiciantur. Alludit ad judaizantes, quos vers. 2 *canes* vocavit, *q. d.* Canes sunt, vorent sua σκύβαλα, sua canina rejectamenta, fruuntur scilicet suis cæremoniis legalibus et Judaicis. Simul tamen omnia alia terræ bona, ut dixi, vocat σκύβαλα, quæ brutis et voracibus canibus in deliciis esse debeant, non hominibus, non Christianis, qui Christi et Christianismi deliciis fruuntur. Iis ergo omnis pulchritudo, honor, divitiæ et deliciae stercora sunt. Quare S. Hieronymus instituens Paulinum monachum, ait: « Sit vilis et vespertinus cibus, olera et legumina: qui Christum desiderat et illo pane vescitur, non quærit magnopere de quam pretiosis cibus stercus conficiat. »

UT CHRISTUM (Christi gratiam, justitiam, amicitiam, virtutes, ac dona, ac tandem gloriam) LUCRIFICIAM. — Vide quomodo omnia terrena damna sint, Christus solus sit lucrum, docentem Chrysostomum in *morali hom. 10 et 11*, ubi inter cætera dicit: « Propterea pecuniæ χρήματα dictæ sunt, non ut spectandæ proponantur tanquam apud aurifices, sed ut bonum quid in illis operemur: » χρήμα enim dicitur πρὸς τὸ χρῆσθαι, ab utendo, quod pecuniæ inventæ sint ut iis utamur ad mutua commercia et opem mutuam. Et inferius, quomodo omnia in Christi et virtutis obsequium convertenda sint, sicque non damna, sed lucra fiant, ita docet: « Oculum tibi fecit; oculum illi utendum exhibe, non diabolo. Quomodo vero illi exhibebis? Si creaturis ejus visis, ipsum glorificaveris, visumque a mulierum conspectu abduxeris. Fecit tibi manus; illas ipsi possideto, non diabolo: non ad rapinam et avaritiam, sed ad ipsius mandata et beneficia, et ad continuas preces, et ad succurrendum deficientibus eas porrigens et extendens. Fecit tibi aures; illas ipsi exhibeto, non lascivis concentibus, obscœnis fabulis; sed omnis meditatio tua sit in lege Excelsi. Os tibi fecit; istud nihil agat eorum, quæ illi non probantur, sed psalmodias, hymnos et spirituales cantus. Fecit tibi pedes, non ut ad mali-

Tertia et genuina.

Judaizantes quasi canes vorent sua σκύβαλα.

Unde dicitur χρήμα, id est pecunia?

Moraliter quomodo singulis membris et creaturis ad Dei creatoris obsequium utendum sit?

tiam curras, sed ad ea quæ bona sunt. Fecit tibi ventrem, non ut eum cibus rumpas, sed ut philosopheris. Dedit indumenta, ut tegamur, non ad ostentationem; non ut illa quidem multum habeant auri, Christus vero nudus pereat. Casam, pecunias et fruges dedit, non ut solus habeas, sed ut aliis, præsertim egenis, impertias. »

Vers. 9. 9. ET INVENIAR IN ILLO NON HABENS MEAM JUSTITIAM, QUÆ EX LEGE EST, SED ILLAM, QUÆ EX FIDE EST CHRISTI JESU. — « Inveniar, » id est existam, et sim in Christo, hoc est fide, gratia et Ecclesia Christi. Sic dicitur de malis angelis *Apoc. XII, 8*: « Neque locus inventus est eorum amplius in cælo, » id est dejecti sunt de cælo, ut amplius in cælo non essent, nec ibi inveniri possent. Est catachresis.

NON HABENS MEAM JUSTITIAM. — « Meam, » hoc est, meis naturæ viribus, meis laboribus partam, inquit D. Chrysostomus.

QUÆ EX LEGE EST. — Id est legalem, quæ ex legis observatione acquiritur absque spiritu fidei et gratiæ Christi.

SED QUÆ EX FIDE EST CHRISTI. — Hoc est, sed sim habens justitiam, quæ per fidem Christi gratis acquiritur.

QUÆ EX DEO EST JUSTITIA. — Hoc est, quæ divina est justitia a Deo manans, ut Deus non faciat et habeat justos, coramque eo vere justi simus; non autem humana, quæ ex lege est: hæc enim coram hominibus tantum politice nos facit justos, ut justos nos prædicent homines, cum vident nos legis observationi studere. Vide Augustinum, *serm. 5 De Verbis Apostoli*, tom. X, ubi hunc locum tractat.

Vers. 10. 10. AD COGNOSCENDUM ILLUM, ET VIRTUTEM RESURRECTIONIS EJUS, ET SOCIETATEM PASSIONUM ILLIUS. — Tria optat Paulus cognoscere, non tam speculative, quam practice. *Primo*, « illum, » scilicet Christum Christique gratiam, justitiam, redemptionem, sive Christum esse Messiam redemptorem, qui nos justificat et salvat.

Secundo, « virtutem resurrectionis ejus, » græce δύναμιν, id est potentiam, non qua Christus resurrexit, sed qua per resurrectionem suam quasi mortis jam domitor et triumphator nos resurgere faciet. Hanc optat cognoscere, tum per fidem, tum potius per experientiam, ut nimirum Christi potentia a mortuis excitetur et cum Christo in gloria inter Sanctos resurgat.

Tertio, « societatem passionum, » græce παθημάτων, id est passionum, afflictionum « ejus, » ut scilicet agnoscat et gustet quam suave, sanctum, meritum, excellens sit pati et affligi cum Christo et propter Christum, eumque socium habere tam in pœna, quam in causa, ut, sicut Christus pro veritate, fide, justitia, Ecclesia et animarum salute tanta passus est, ita et nos pro iisdem patiamur.

CONFIGURATUS MORTI EJUS, — συμμορφούμενος est participium præsens, *q. d.* Dum conformis fio Christo morienti, per mortificationem tum pro-

priam, tum illatam ab iis qui me persequuntur. Ita Anselmus, *q. d.* Non do me deliciis, non ago vitam inertem et delicatam, sed labores et passionem Christi in me suscipio et exprimo, illis me assimilo et configuro, in iis gaudeo et exulto, optoque cognoscere et sentire quantæ consolationis, dignitatis, gratiæ et meriti sit, habere societatem cum Christo in passione, ut per passionem merear cum ipso resurgere ad gloriam.

11. SI QUOMODO OCCURRAM (Christo ac Sanctis **Vers. 11.** resurgentibus) AD RESURRECTIONEM (ut resurgam in communi omnium resurrectione), QUÆ EST EX MORTUIS. — Resurrectionem bonorum græce vocat ἐξανάστασιν, quasi exsuscitationem a morte ad gloriam; aliorum vero ἀνάστασιν, id est suscitationem et resurrectionem simpliciter. Nota hic *primo*, contra fidem specialem Novantium, incertitudinem gratiæ et perseverantiæ; hanc enim significat conjunctio *si*, quæ dubitantis est: si enim Paulus de ea dubitat, quis non dubitet? Nam dubitare de beata resurrectione non poterat, nisi quia dubitabat an in gratia esset moriturus, nec ne. Unde idem Paulus I *Corinth. x, 12*, inquit Chrysostomus, dicit: « Qui se existimat stare, videat ne cadat. » *Secundo*, hinc patet resurrectionem et beatitudinem non obtingere ex sola fide, sed ex bonis operibus, laboribus, passionibus. Ita Chrysostomus. *Tertio*, hinc verosimilius videtur, Paulo non fuisse revelatam suam electionem et salutem; et sane illa ex nullo Pauli loco evinci potest. Rationes vero quas aliqui afferunt ad eam astruendam, debiles sunt, et tantum morales quædam congruentiæ; imo ipse Apostolus I *Cor. ix, 27*: « Castigo, ait, corpus meum, ne, etc., reprobus efficiar. »

Paulus non habuit revelationem suam salutis.

12. NON QUOD JAM ACCEPERIM, AUT JAM PERFECTUS SIM. — Pro « acceperim, » græce est ὄκλον, id est, ut Syrus et Vatablus, *apprehenderim*, aut potius *prehenderim*, cujus compositum mox Apostolus subdit: « εἰ καὶ καταλάβω, si comprehendam, » *q. d.* Hæc quæ dixi de rerum omnium contemptu, quo propter Christum omnia arbitror ut stercora, de justitia, quæ ex Deo est in fide Christi, de cognitione virtutis, resurrectionis et societatis passionis Christi, et maxime quod dixi: Configuratus morti ejus, non ea mente dixi, quasi putem me jam apprehendisse hunc contemptum, hunc Christianæ justitiæ apicem, hanc perfectam resurrectionis ac passionis Christi cognitionem; neque assertive dixi, me configuratum esse morti Christi, sed conditionaliter et inchoative, me scilicet optare et sperare jam dictam resurrectionis et passionis Christi cognitionem per configurationem mortis ejus, sive quando conformis ero et configuratus Christo morienti, quam configurationem licet jam inchoarim, multum tamen adhuc ab ejus perfectione absom, multum mihi adhuc laborandum est, ut imaginem Christi crucifixi in me perficiam et perfecte exprimam ac depingam. Ita Oecumenius et alii.

Vers. 12.

Nota, Apostolum hæc dicere studio humilitatis. Addunt Ambrosius et Chrysostomus eum non tam propter se hæc dicere, quam propter Philippenses, qui nimium sibi tribuebant, quasi jam perfectionem Christianismi adepti essent, *q. d.* O Philippenses, discipuli mei, nolite altum sapere, nolite putare vos apprehendisse culmen tum cognitionis et doctrinæ, tum iustitiæ et vitæ Christianæ: ecce ego, qui vester sum et magister et Apostolus, qui tot jam annos perfectioni huic tam impense studui, confiteor et assero me necdum hanc perfectionem apprehendisse, me adhuc illam currendo persequi, et dubitare an eam omni meo cursu et conatu tandem comprehensurus sim. Videte ergo, quam vos jam recenter conversi et vix discipuli ab illa absitis.

Incipientium tentatio est, putare se esse perfectos. Nota: Est hæc incipientium tentatio et persuasio, ut, cum ceperunt Deo servire, mox se perfectos esse putent, partim quia vident se alios mundo et peccatis servientes longo post se intervallo reliquisse, partim quia vitia sua necdum perspecta habent, uti nec apicem virtutum.

Sequitur si quomodo comprehendam, in quo et comprehensus sum a Christo Jesu. — Pro *sequor*, græce est διώκω, id est *persequor*, cuius vim explicant Chrysostomus et Theophylactus: «Adhuc, ait, mihi vita certaminum plena est, adhuc procul a meta sum, adhuc absum a braviis, adhuc curro ac persequor: imo non dixit *curro*, sed *persequor*; qui persequitur, scitis quanta contentione persequatur; neminem aspicit, quosvis impediētes magno impetu abiecit; mentem, et oculum, et robur, et animum, et corpus in unum contrahit, ad aliud nihil, nisi ad solum bravium intendens.»

Sequitur ergo hic idem est quod persequor, ut cum fugientia sequimur, quæ capere maxime cupimus. Ita Virgilius ait, *Ecloga II*:

Torva læna lupum sequitur, lupus ipse capellam,
Florentem cyllisum sequitur lasciva capella,
Te Corydon, o Alexi: trahit sua quemque voluptas.

Ubi enim Theocritus, quem in *Eclogis* sequi solet Virgilius, dixerat διώκει, id est *persequitur*, Virgilius dixit *sequitur*.

Ita Abbas ille, in *Vitis Patr.*, lib. V, cap. vii *De Patientia*, num. 35, rogatus quomodo Religiosus non debeat scandalizari, cum videt aliquos retro ad sæculum reverti, sed progredi ad perfectionem Religionis, respondit: «Intueri debet canes, qui venantur lepores; et sicut unus ex eis videns leporem insequitur, cæteri autem tantummodo canem videntes currentem, aliquandiu cum ipso currunt, postea vero lassantes post se revertuntur: solus autem ille, qui vidit leporem, sequitur donec comprehendat, neque exemplo revertentium, nec præcipitiis, nec silvis, nec vepribus retardatur, sed spinis pungitur et non quiescit donec comprehendat. Ita et monachus, vel qui Dominum Jesum quaerit, ruci indiesinenter in-

tendit, quæ occurrunt scandala omnia præteriens, donec ad crucifixum perveniat.»

COMPREHENDAM, — apprehendam perfectionem cognitionis et vitæ Christi jam dictam. Loquitur ergo de comprehensione hujus vitæ, non futuræ in cælis, ne quis hinc inferat beatos in cælis comprehendere sua visione divinam essentiam, quæ licet visibilis sit, est tamen incomprehensibilis.

IN QUO ET COMPREHENSUS SUM. — *Primo*, D. Thomas sic explicat, *q. d.* Sicut a Christi præscientia et cognitione perfecte comprehensus sum, ita satago, ut vicissim ipsum Christum comprehendam, nimirum ut Christum cognoscam perfecte, sicut ipse Christus me perfecte cognoscit et sua cognitione comprehendit.

Secundo OEcumenius, «in quo,» id est ad quod a Deo apprehensus, id est, vocatus et electus sum, ut scilicet ad perfectionem Christianismi curram, eamque comprehendam. Unde Vatablus et Erasmus sic explicant: si quomodo assequar id, ad quod me Christus delegit, et in hoc stadio certare jussit. Hic sensus aptus est, sed non explicat satis vim vocis «comprehensus vel apprehensus» (1).

Unde *tertio*, simplicius et planius Chrysostomus, Ambrosius et Vatablus *q. d.* In æstu persecutionis cum pergerem Damascum, ut Christianos caperem et vincirem, a Christo in via apprehensus sum, cum Christus mihi manum iniecit, me prostravit, cæcitate percussit, corpus animumque meum sibi subegit, compulsiue me dicere: Domine, quid me vis facere? et hæc omnia hoc fine fecit Christus, ut vicissim satagerem comprehendere tam ipsum, quam perfectionem Christianismi. Unde notat *secundo* Chrysostomus vocem «comprehensus» significare aversionem et fugam Pauli, quod scilicet Deus eum a se aversum et fugientem apprehenderit et ad se retraxerit.

Nota *tertio*, enallagem præpositionis *in quo*, id est ad quod a Christo comprehensus sum, ad hoc scilicet, ut vicissim studeam eum comprehendere. Aliter tamen Chrysostomus Græcum ἐφ' ὃ, quod Noster vertit, *in quo*, accipit causaliter pro *quandoquidem*: Christus scilicet me ita sua dilectione prævenit, ut me aversum, fugientem, imo hostem apprehenderet et ad se traheret; hinc ut dilectioni ejus sim gratus et respondeam, omni meo conatu et studio curro et persequor, ut ipsum ipsiusque vitam, virtutes et perfectionem comprehendam.

Notent hoc Pauli exemplum pœnitentes et conversi, et cogitent et ponderent hoc Dei beneficium, quo eos peccatis et sordibus deditos, a se aversos, seque fugientes insecutus est, apprehendit et ad se retraxit, et in viam gratiæ ac salutis reduxit, atque cum Paulo et Magdalena et sponsa in Canticis errante, sponsum ita se diligentem

(1) Nisi dicas vim conjugationis *Hophal* inesse hic voci *comprehensus*, sicut, ab hebraica consuetudine ad græcam traducta, activa verba vim conjugationis *II* aliquando imitantur.

Quomodo Paulus a Christo comprehensus? Prima expositio.

Secunda

Tertia

Pœnitentes tantum persequatur Christus, quam am peccatis eum fugerat.

agnoscant, eum per vicos et plateas requirant, insectentur, dicantque : « Quæsiui quem diligit anima mea, tenui eum, nec dimittam, » etc., ut tantum eum jam diligant, quantum antea oderunt; tantum persequantur, quantum fugerunt; tantum illi serviant, quantum offenderunt; tantum ejus honorem et gloriam propagent, quantum suis peccatis et scandalis eam obscurarunt, Deumque dehonorarunt : itaque fieri videmus in magnis peccatoribus, cum tacti a Deo serio convertuntur. « Curramus, inquebant illi apud Climacum, gradu 5, curramus, fratres, curramus; cursu enim opus est et vehementi cursu, quoniam cætu nostro decoro atque optimo excidimus; curramus, neque huic carni nostræ sordidæ atque nequam parcamus, sed occidamus illam, sicut prior occidit nos. » Hocque signum est veræ conversionis et pœnitentiæ. Unde S. Gregorius : « Plerumque, inquit, gravior est Deo amore ardens post culpam vita, quam securitate torpens innocentia. »

Climaci
stimulus
ad cur-
sum vir-
tutis.

Vers. 13. 13. EGO ME NON ARBITROR COMPREHENDISSE. — Hinc Chrysostomus, hom. 3 *De Incomprehensibili Dei natura*, arguit Eunomium temerarii erroris, quod diceret se Deum in hac vita comprehendisse. Nam, ut recte ait S. Augustinus in *Sententiis*, num. 102 : « In hac vita, quæ tota tentatio est, etiam in sublimissimis Sanctis non apprehenditur illa perfectio, cui non supersit ascensio. » Et num. 103 : « Dum præsentis vitæ cursus agitur, etiam si valde proficiat cujus exterior homo corrumpitur, interior renovatur; necesse est tamen ut, dum conditioni subjacet mortis, labores toleret vetustatis. »

Nota : Est hic continua metaphora sumpta a stadiodromis, qui cursu certant in stadio, ut recte Syrus. Cursor est Paulus et quivis Christianus, stadium est vita Christiana, meta est ejus perfectio, bravium est cœlestis corona, quam dabit agonotheta Christus. Simili metaphora usus est Apostolus I *Corinth.* ix : « Omnis, ait, qui in agone contendit, ab omnibus se abstinere, et illi quidem ut corruptibilem coronam accipiant, nos autem incorruptam, » etc.

UNUM AUTEM, — supple, est necessarium, inquit Anselmus. *Secundo* et genuine, « unum » hoc, supple, studeo et ago, uni huic totus intendo. Ita Chrysostomus, Theophylactus et alii. Unum hoc est quod explicat dum subdit :

QUÆ QUIDEM RETRO SUNT OBLIVISCENS, AD EA VERO QUÆ SUNT PRIORA EXTENDENS MEIPSUM. — « Ea quæ retro sunt » vocat temporalia bona et lucra, inquit D. Thomas, quæ Paulus reliquerat in mundo (erat enim dives et nobilis), quorum hic se ait oblivisci. *Secundo*, Augustinus in *Psal.* lxxxix, « quæ retro sunt, » id est præterita mea peccata; aut, ut Vatablus, judaismum et vitam quam egi in judaismo, obliviscor. *Tertio* et optime, « quæ retro sunt, » id est præterita mea bona opera, labores, passiones pro Christo obliviscor, quia eo-

rum memoria tum pigros, tum superbos facit. Ita Chrysostomus, Ambrosius, Theodoretus, Theophylactus, Anselmus, q. d. Sicut stadiodromi dum currunt in stadio, non respectant quantum spatii transmiserint, sed quantum supersit ad metam, eoque toto conatu et impetu ac cursu recto feruntur : ita et ego præteriti cursus mei obliviscor, totus in metam feror, et non respecto quid egerim, sed quid supersit agendum.

Stadio-
dromi
tantum
interiora
spectant.

Hoc Apostoli præceptum inculcat S. Hieronymus *Celantiæ* ad perfectionem aspiranti : « Beati, ait, qui non sibi de præterita justitia blandientes secundum Apostolum per dies singulos in virtute renovantur : justitia enim non proderit ei, a quo die justus esse desierit. Totum spatium vitæ tuæ sit, ut peragere possis justitiam, ne de præterita justitia confidens remissior efficiaris; sed, sicut ait Apostolus : Posteriora obliviscens, ad ea autem quæ sunt anteriora me extendens, ad destinatum persequor bravium supernæ vocationis. Idcirco age, ut ordines reliquum tempus vitæ tuæ, sic ut possis canere cum Propheta : Perambulabam in innocentia cordis mei; quia inchoasse non sufficit, sed perfecisse justitia est. »

Morale
de cursu
ad per-
fectionem.

Idem *ad Eustochium* : « Audi, filia, inquit, et vide et inclina aurem tuam, et obliviscere populum tuum et domum patris tui, et concupiscet rex speciem tuam. Deus ad animam loquitur humanam, ut secundum exemplum Abrahæ exiens de terra sua et de cognatione sua, relinquat Chaldaeos, demones, et habitet in regione viventium. Verum non sufficit tibi exire de terra tua, nisi obliviscaris populi tui et domus patris tui, ut carne contempta sponsi jungaris amplexibus. Ne respexeris, inquit, retro, ne steteris in omni circa regione; sed in monte salvum te fac, ne forte comprehendaris. Non expedit apprehenso aratro respicere post tergum, nec de aratro reverti domum, nec post Christi tunicam ad tollendum aliud vestimentum tecto descendere. Hæc tibi dixi, ut intelligeres exeunti de Sodoma timendum esse Lot uxoris exemplum. »

Denique S. Augustinus, lib. *De Cantico novo*, cap. iv, tom. ix : « Via, ait, ista nostra ambulantes querit : tria sunt genera hominum quæ odit, remanentem, retro redeuntem et aberrantem. Qui non proficit, remansit in via; qui forte a meliore proposito declinat ad id, quod deterius reliquerat, reversus est retro; qui fidem deserit, a via erravit. Quis est, qui non proficit? qui se putaverit esse sapientem, qui dixerit : Sufficit mihi quod sum; qui non attenderit eum qui dicit : Quæ retro sunt oblitus, in ea quæ ante sunt extendo meipsum, sequor ad palmam supernæ vocationis. Currentem se dixit, sequentem se dixit; non remansit, non retrospexit. Qui sunt retro redeuntes? qui ex continentia revertuntur in immunditiam, qui ex sancto et singulari bono proposito in malum corrumpuntur. Hos increpat Apostolus dicens : Melius illis erat non cognoscere viam

Deus in
via vir-
tutis odit
Primo,
remanen-
tem; Se-
cundo,
retro re-
deuntem;
Tertio,
aberran-
tem.

lustitiæ, quam cognocentes retrorsum converti. O malum retrospicere! Uxor enim Lot, quæ libera-
ta est a Sodomis, contra præceptum retrospexit,
et in statuum salis conversa est. »

AD EA QUÆ SUNT PRIORA. — « Priora, » græce
ἐμπροσθεν, id est, ut Syrus et Vatablus, a fronte : hæc
enim opponit iis quæ retro a tergo sunt.

EXTENDENS. — Græce ἐπικεινόμενος, quod magnam
habet emphasim; significat enim manus totum-
que corpus protendere ad scopum, ut eum ap-
prehendas antequam pedibus eum attigeris. Quod
faciunt stadiodromi, qui cum extremo nisu co-
nantur, maxime dum metæ et victoriæ vicini
sunt, ut antagonistam æquis pene passibus cur-
rentem prævertant, caput totumque corpus et
vires exerunt, ac præcipientes ad scopum ruunt, ad
cumque summis manibus eum prehensuri se ex-
tendunt. Ita Chrysostomus et Theophylactus.

Hæc extensio in cursore Christiano, ut docet
S. Augustinus, tract. 4 in epist. I S. Joan., tom.
IX, fit per desiderium: hoc enim animum ejus
dilatât et conatum impetumque adauget: « Totâ
vita, ait, boni Christiani sanctum est desiderium
proficiendi: hic sinus noster est, hic saccus, et
quia angustus est, extendendo facis capaciorem.
Sic Deus differendo extendit desiderium, deside-
rando extendit animum, extendendo facit capa-
ciorem; desideremus ergo, fratres, quia implendi
sumus. »

Cursor
Christia-
nus se ex-
tendit ad
anteriora
Primo,
per desi-
derium
proficien-
di.

Secundo, hæc extensio fit per conatum virtu-
tum, ut illas studeas acquirere quæ tibi desunt.
Ita S. Basilius, hom. 11 *Hexameron* in illa verba
Genes. I, Crescite et multiplicamini: « Anima, ait,
crescit, dum quotidiana propagatione se ad per-
fectionem promovet. Nobis dictum est, Crescite,
ratione mira interioris hominis; quo se promo-
vente, recta ad Deum contendimus. Istiusmodi
erat Paulus, qui dum adniteretur, proque virili
se extenderet in anteriora, eorum quæ erant a
tergo obliviscebatur. Ipsa hæc extensio in hoc
sita est, ut ad ampliora jam quæsitis quotidiana
propagatione nos extendamus, nimirum, ut eo
quidem, quod assecutus jam es, e memoria
sublato, id demum persequare pro virili quod
ex perfectæ pietatis cumulo tibi agnoscis deesse.
Talis et Isaac erat, de quo celebre illud elogium
proditum memoriæ est, quia promovens gradum
in sublime attollebatur, donec magnus effectus
est. » Vide quæ sequuntur.

Tertio, si mentem semper ad anteriora, quæ a
fronte sunt, intendamus. Sic Ezechiel de quatuor
Cherubinis ait cap. 1: « Non revertebantur cum
incederent, sed unumquodque ante faciem suam
gradiebatur. » Quæ verba explicans S. Gregorius,
homil. 3 in *Ezech.*: « Sancti, ait, cum incedunt,
minime revertuntur, quia sic a terrenis actibus
ad spiritualia pertranseunt, ut ad ea quæ reli-
querunt, ulterius nullatenus reflectantur. Quasi
enim per quamdam viam eis incedere est, mente
ire semper ad meliora. Quod contra de reprobis

dicatur, quia reversi sunt corde in Ægyptum; ante
nos enim æterna sunt, post nos temporalia:
quia et illa pergentes invenimus, et ista receden-
tes quasi post dorsum relinquimus. »

Deinde impedimenta hujus ambulationis a
fronte, ut scilicet anteriora semper prospicias,
tradit idem, dicens: « Sunt quidam, qui magna
deliberant et multa ex his quæ possident, ege-
nis distribuere pertractant, jamque hæc operari
inchoant; et mox paupertatis timor eorum ani-
mum concutit, atque timentes ne egeant, erga
egentes tenaces fiunt, seque ab ea, quam cœpe-
rant, bona operatione suspendunt. Hi nimirum
incedentes reversi sunt, quia ante faciem suam
ambulare noluerunt; contra quos recte per Salo-
monem dicitur: Propter frigus piger arare no-
luit, mendicabit ergo æstate, et non dabitur ei;
qui enim nunc propter pavorem mentis atque
torporem, bene operari negligit, cum sol justi-
tiæ in judicio velut in æstate claruerit, mendica-
bit vitam, sed non accipiet, quia propter illam
bona operari contempsit. Alius despectis carnis
desideriis cuncta relinquere et seipsum restrin-
gere castitatis fræno deliberat: sed cum cecidisse
alios etiam post castitatem conspiciat, hoc ipsum
facere, quod deliberat, pertimescit, sique ut
retro per cogitationem redeat, qui ad anteriora
respiciens jam mentis gressibus ad alta ibat. »

14. AD DESTINATUM PERSEQUOR, — κατὰ σκοπὸν Vers. 14.
διώκω, id est, versus scopum totus feror.

Nota: Scopus signum est præfixum sagittariis,
ut ad illud sagittis suis colliment, illudque con-
figant; Apostolus vero non de sagittariis, sed de
cursoribus sive stadiodromis agit, qui non ad
scopum, sed ad metam currendo certant; per
scopum ergo hic metam intelligit. Unde Syrus
vertit, *decurro ad metam*. Meta hæc est perfectio
Christiana toties jam dicta. Aliter hæc vertunt
Patres: Augustinus, in *Psal. xxxviii*, vertit,
secundum intentionem feror; σκοπὸν enim significat
considerare et intendere: unde Episcopus dicitur,
qui subditis intendit et invigilat. Secundo,
Cyprianus, vel quisquis auctor libri *De Vita cle-
ricorum*, vertit, *ad regulam feror*. Tertio, Tertul-
lianus, lib. *De Resurrect. carnis*, vertit, *secundum
scopum persequor ad palmam* (ad bravium).

Nota hic media incitantia ad cursum in vita
Christiana; ut in ea metam, id est perfectionem,
assequaris, quæ hic suggerit Apostolus.

Primum est, ut scias et persuadeas tibi te non
esse perfectum, dicasque cum S. Paulo hic:
« Fratres, ego me non arbitror comprehendisse; »
qui enim se putat perfectum, quasi de meta
securus, consistit, nec progredi aut perficere se
laborat; qui vero longius se a meta abesse videt,
incitatur ut ad eam contendat. Hinc quantum-
cumque profeceris, cogita te necdum esse per-
fectum, sed magis indies debere proficere. « Justo-
rum, inquit Sapiens, *Prov. iv, 18*, semita quasi
lux splendens, procedit et crescit usque ad per-

Media in-
citantia
ad cur-
sum sunt,
primum,
sibi per-
suadere
se non es-
se perfec-
tum, sed
eo tende-
re.

fectum diem. » Et *Cant. vi, 9*, de Ecclesia (ac consequenter de fidelibus, qui in Ecclesia quasi membra in corpore vivunt et proficiunt) dicitur : « Quæ est ista quæ progreditur quasi aurora consurgens (in incipientibus), pulchra ut luna (in proficientibus), electa ut sol (in perfectis) ? » Nunquam vero cursor Christianus animo cadat, aut fiat pusillanimus si labatur, aut non tantum proficiat, quantum optaret : imo hoc signum accipiat, quod tendat ad perfectionem, si hoc ipsum in se notet et advertat, ideoque sibi displiceat ; nam, ut ait S. Augustinus, serm. 50 *De Tempore* : « Ipsa est perfectio hominis invenisse se non esse perfectum. » Et serm. 15 *De Verbis Apostol.* : « Ergo, ait, proficite, fratres, discutite vos semper sine dolo, sine adulatione, sine palpitatione ; semper tibi displiceat quod es, si vis pervenire ad id quod non es ; nam ubi tibi placuisti, ibi remansisti. Si autem dixeris : Sufficit, et peristi. »

Secundum medium ad perfectionem est strenua generositas et studium ad progrediendum in virtutibus ; si videlicet te exerceas strenue et adigas ad heroica virtutum opera : plus enim proficies uno heroico actu, quam viginti communibus et ordinariis. Porro heroica hæc opera sunt : *Primo*, heroica sui victoria, atque heroica suarum passionum et appetituum refrænatio. *Secundo*, difficultates et obices qui virtuti se objicere solent, heroice superare et transcendere. *Tertio*, ad ardua et excelsa conari molirique res magnas, quibus Dei gloria tum in nobis, tum in aliis quam maxime promovetur. Ita S. Bernardus, epist. 234 *ad Guarinum* : « Indefessum, ait, proficiendi studium, et jugis conatus ad perfectionem perfectio reputatur. Quod si studere perfectioni est esse perfectum, profecto nolle proficere deficere est. Ubi ergo sunt, qui dicere solent : Sufficit nobis, nolumus esse meliores, quam patres nostri ? O monache, non vis proficere ? non. Vis ergo deficere ? nequaquam. Quid ergo ? Sic mihi, inquis, vivere volo et manere quo perveni, nec pejor fieri patior, nec melior cupio. » Et mox hoc refellit dicens : *Primo*, « hoc ergo vis quod esse non potest ; quid enim stat in hoc sæculo ? Et certe de homine specialiter scriptum est : Fugit velut umbra et nunquam in eodem statu permanet. *Secundo*, exultavit Dominus noster ut gigas ad currendam viam. Porro currentem non apprehendit, qui et ipse pariter non currit. Unde Paulus aiebat : Sic currite, ut comprehendatis. *Tertio*, quod si Domino corrente tu gradum sistis, non Christo appropias, sed te magis elongas, timendumque tibi est quod ait David : Ecce qui elongant se, Domine, a te, peribunt. Itaque si proficere, currere est, ubi proficere, ibi et currere desinis ; ubi vero non currere, ibi et deficere incipis. Hinc plane colligitur, quia nolle proficere nonnisi deficere est. »

Deinde idipsum *quarto*, confirmat exemplo angelorum in scala Jacob, dicens : « Vidit scalam

Jacob et in scala angelos, ubi nullus residens, nullus subsistens apparuit ; sed vel ascendere, vel descendere videbantur universi : quatenus palam daretur intelligi, inter perfectum et defectum in hoc mortalis vitæ statu nihil medium inveniri. *Quinto*, sed quomodo ipsum corpus nostrum continue aut crescere constat, aut decrescere, sic necesse sit spiritum aut proficere semper, aut deficere. »

Maxime vero ad perfectionem incitat fervor et insatiabile desiderium proficiendi et tendendi ad perfectionem : ad quod insignes stimulos nobis adhibet vetustus quidam auctor, ita scribens : *Primo*, « considerare pudet quantus sit fervor in sæculo, qua cura singula quæque studia hominum quotidie ad perfectionem nitantur. Divitiarum amor insatiabilis est, expleri nescit hominum cupido, celerem habituræ res finem sine fine quæruntur. Nos cœlestes divitias pigra quadam dissimulatione negligimus, spirituales divitias aut ne attingimus quidem, aut si leviter degustaverimus, continuo nos putamus esse satiatos. *Secundo*, aliter nos divina sapientia ad suas invitat epulas, dicens : Qui edunt me, adhuc esuriunt ; et qui bibunt me, adhuc sitient. Nullus unquam talibus expletur epulis, nec aliquando patitur de satietate fastidium. Tanto unusquisque capacior, tanto avidior erit, quanto inde plus hauserit. Vult esurire nos hic semper et sitire justitiam, ut in futuro justitiæ retributione satiemur. Consideranda vis ipsa verborum est, et ita nobis desideranda est justitia, ut in fame vel siti cibus desideratur ac potus. » Et sub finem epistolæ : *Tertio*, « nihil in hoc proposito, otio deterius est, quod non solummodo non acquirit nova, sed etiam parata consumit. *Quarto*, sanctæ vitæ ratio processu gaudet et crescit, cessatione torpescit et deficit. Quotidianis ac recentibus virtutum incrementis, mens instauranda est, et vivendi nobis hoc iter non de transacto, sed de reliquo metiendum. *Quinto*, si beatus Paulus, vas electionis, qui ita Christum indutus erat, ut diceret : Vivo autem jam non ego, vivit vero in me Christus ; adhuc tamen se extendit, adhuc crescit et proficit : quid nos facere debemus, quibus optandum est, ut in fine nostro, Pauli principio comparemur ? Ergo tu obliviscere omne præteritum, et quotidie inchoare te puta, ne pro præsentis die, quo debes servire Deo, præteritum imputes. *Sexto*, optime quæsitæ custodies, si semper inquiras. Damnum parata sentient, si parare cessaveris. »

Unde nota hic vocem διώκειν, id est *persequor*. Perinde enim ut cursor suum cursum intentissime prosequitur, ipsumque terminum persequitur, ita et nos perfectionem persequi oportet. Senior ille, in *Vitis Patrum*, rogatus, quid perfectionis studioso agendum esset, respondit eum imitari debere canes venaticos. Sicut enim illi leporem

Insatiabile desiderium perfectionis mire incitat ad cursum.

Sicut venator le-

pores, ita
nos per-
fectio-
nem in-
sequi de-
bemus.

Exem-
plum S.
Marciani.

respectant quæ in via sunt aut offeruntur, nec attendunt, sed omnibus oculis, sensibus et viribus etiam per saxa, sentes et vepres in leporem feruntur, nec quiescunt donec eum ceperint; ita et virtutis studiosum circa virtutem facere debere. Atque ita fecit S. Marcianus anachoreta, ut narrat Theodoretus in *Philtheo*. Cum enim in venatorem incidisset, rogatusque esset quid rerum in eremo solus et otiosus ageret, vice versa quæsivit: Quid vero tu agis? Cui ille: Ego cervos et lepores venor, ut vides. Tum Marcianus: « Et ego, ait, Deum meum hic venor, nec ab hac pulchra venatione cessabo, donec eum apprehendero. »

Tertium
incitans
ad cur-
sum est,
intendere
jugiter in
bravium.

Tertium medium ad perfectionem est semper ob oculos habere bravium supernæ vocationis Dei, id est palmam, et, ut Syrus vertit, victoriosum præmium, superne in cælis dandum, ad quod nos vocat Deus: Deus enim, qui agonotheta in superno cælorum throno residens, nos cursores strenuos post mortem in cælum ad se vocabit, ut ibi superna et cœlesti palma coram omnibus Sanctis et Angelis nos donet, et corona gloriæ, quasi victores et triumphatores, coronet; sed quemque pro meritis, ut qui magis alacer et strenuus in hoc cursu fuerit, maiorem; qui minus, minorem coronam accipiat. E cælo ergo Deus et Angeli has nobis coronas ostentant ac pollicentur, ut iis nos ad cursum incitent. Plura media eaque practica et efficacia suggerit P. Alphonsus Rodriguez, part. I *De Perfect.*, tract. 1 et 2.

Praxis
currendi
ad per-
fectionem.

Porro praxis hujus cursus ad perfectionem commoda et efficax est, si quisque primo, coram Deo sincere et penitissime se ipsum examinet, scruteturque fundum animæ suæ, ut intime se suasque inclinationes omnes, tam malas, quam bonas pervideat, ac clare cognoscat quid eum maxime a progressu in virtutibus impediatur et remoretur, quæ sit origo et radix omnium suorum vitiorum et imperfectionum. Est enim in homine quodlibet unum alterumve vitium capitale et radicale, a quo cætera ejus vitia, quasi rami suppullulant et oriuntur, quo eradicato, cætera omnia pariter eradicantur.

Secundo, ut cognito et perspecto hoc vitio suo radicali, serio et efficaciter proponat illud extirpare, totoque die intentos et defixos habeat oculos in illud, perinde ac in hostem capitalem, cum quo quotidie duellum ineundum est. Deinde arma ad illud debellandum undique conquirat: nec desistat, donec per assiduam in illud reflectionem, sui custodiam, mortificationem, orationem, Dei amorem, illud superet et evincat.

Tertio, huc multum juvabit examen sui particulare: si mane resolute proponas, illud ipsum toto die heroice suppressere: per diem assidue in illud idem intendas, illudque jugiter cohibeas; si quando labi te contingat, mox indoleas, et alacrior fortiorque resurgas: vespere memoreris

quoties, quomodo et qua occasione per diem in illud cecideris, omnesque lapsus per poenitentiam, perque novum et fortius propositum cavendi vel superandi occasiones illius, ac per alia remedia cuique propria, emendare satagas. Idem examen peragas qualibet hebdomade, ut die Dominico lustres et videas, quid elapsa septimana profeceris, vel defeceris, illudque sequenti compensare, vel adaugere, ac tribus quotidie gradibus in contraria virtute vel humilitatis, vel temperantiæ, vel continentiae, aliave simili proficere, altiusque conscendere serio constituas. Simile examen initio cujusque mensis obeas, simileque initio cujusque anni. Nihil est quod hac constantia, jugique et pervigili labore evinci et eradicari non possit. Quocirca S. Chrysostomus et Cassianus docent hominem uno anno fieri posse perfectum. Si enim milites resoluti et certi aut vincere, aut mori, quasvis acies et arces perfringunt; quid non perfringet in se, suaque voluntate generosus et resolutus miles Christi?

Quarto, si te in continuo Dei amore exerceas, omniaque opera, etiam indifferentia, uti sunt studere, edere, ludere, dormire, ambulare, laborare, ex amore Dei, initio cujusque operis excitato et concepto, inchoare et perficere studeas. Rursum, si adversa omnia crucesque Deo per amorem offeras, omniaque generose et hilariter Dei amore sustineas. Denique, si vitia, ac præsertim radicale tuum, quoties eruperit, Dei amore mortifices et resces. Nam, ut ait Petrus Ravennas: « Teneræ militiæ est, solo amore de omnibus vitiis reportare victoriam. »

Age ergo, o athleta Christi, in hoc stadio contentis viribus decurre, certa bonum certamen, apprehende vitam æternam. Quam durum tibi jam est currere et fatigari, tam jucundum tibi erit in meta dicere cum S. Paulo: « Bonum certamen certavi, cursum consummavi, fidem servavi, in reliquo reposita est mihi corona justitiæ. » Vita brevis est, stadium breve, corona æterna est. Forsan hodie cursum tuum incidet, vitam tuam abruptet Deus: tunc currere amplius non poteris: tunc quod in cursu tuo hoc temporis momento neglexeris, sero reparare voles; quia hanc negligentiam per omnem æternitatem sarcire et restaurare non valebis; quod nunc negligis, in æternum negligis; quod nunc perdis, in æternum perdis. Et quid est tam longum quam longa est æternitas? Et quid perdis? singulis momentis perdis coronas amplissimas, non aureas, non gemmeas, sed cælestes, sed angelicas, ut qui poteras tuo cursu pervenire ad Cherubinos et Seraphinos, ob teporem tuum, torporem et tarditatem hæreas, et in æternum hæreas inter infimos, in imo angelorum ordine.

Ita abbas Pambo moriturus dixit: « Non poenitet me sermonis alicujus, quem locutus sum usque in hanc horam: Et sic vado ad Dominum, quasi qui nec initium fecerim serviendi Deo: » ut habe-

tur in *Vitis Patr.*, lib. V, tom. I, num. 16. Et abbas Silvanus rogatus ab abbate Mose : « Potest homo per omnem diem initium facere conversationis? » Respondit : « Si est homo operarius, potest per diem et per horam inchoare initium conversationis suæ. » Ibidem, tit. XI, num. 29. Alius rogatus quid quotidie cogitaret et meditaretur in cella, dixit : « Dico mihi, hodie renatus es, hodie cœpisti servire Deo, hodie hic inhabitare cœpisti : sic esto quotidie peregrinus et crastino liberandus; hoc mihi quotidie consulo. » Ibidem, lib. VII, cap. XLIV, num. 2. Alius rogatus quis esset ei stimulus ad virtutem? quid quotidie meditaretur? respondit : « Ego per singulos dies statui verba mea audiri a Domino, putans mihi dici : Laborate propter me, et ego quiescere faciam vos. Adhuc modicum decertate, et videbitis salutare meum et gloriam meam. Si diligitis me, si filii mei estis, ad Patrem rogantes revertimini. Si fratres mei estis, erubescite pro me, sicut propter vos multa perpressus sum. Si oves meæ estis, Dominicam passionem sequimini. »

Acer stimulus ad perfectionem: Hodie cœpi, hodie finiam. Mane ergo cum surgis, cogita cum S. Antonio : Hodie cœpi currere; hodie cœpi Deo servire, hodie forsitan et finiam. Sic vivam quasi hodie moriturus; sic curram, quasi hodie cursum consummaturus. Itaque curram velociter, quia currendi tempus breve est, et grandis mihi restat via in cœlum.

IN CHRISTO JESU, — per Christum Jesum, per Christi merita. Ita Chrysostomus. Hoc referri potest primo, ad *bravium supernæ vocationis*, q. d. Deus hoc bravium nobis proposuit, et ad illud nos vocat per merita Christi, Christus hoc apud Patrem promeruit, ut illud nobis bravium offerret ac proponeret quasi cursus nostri præmium. Secundo, hoc referri potest ad *persequor*, q. d. Ego curro, ego persequor hoc bravium, non meis, sed gratiæ viribus, quam mihi Christus promeruit.

Vers. 15. 15. QUICUMQUE ERGO PERFECTI SUMUS, HOC SENTIAMUS. — Dices, vers. 12 et 13, negavit se esse perfectum, quomodo ergo hic se inter perfectos numerat? Respondent aliqui cum S. Augustino, Apostolum, vers. 12, negasse se esse perfectum perfectione patriæ, hic vero asserere se esse perfectum perfectione viæ, seu talis qualis in hac vita haberi potest. Sed ex dictis patet Apostolum etiam vers. 12 loqui de perfectione non patriæ, sed viæ.

Secundo, Ambrosius respondet Apostolum dicere se perfectum respectu imperfectionum : sicut viros Religiosos vocamus perfectos respectu vulgi, quia plura pietatis ac virtutum officia præstant quam vulgus.

Tertio et genuine : « perfecti, » id est perfectioris studiosi, sive, ut Anselmus, perfecti viatores : vox enim « perfecti » sumitur in actu non completo, sed inchoato, juxta *can. 32, q. d.* Cum ego Paulus, qui vobis videor perfectus, sentiam me necdum comprehendisse, sed obliviscens ea quæ

retro sunt, ad priora me extendam, ac metam et bravium persequar; ergo a pari, imo multo magis, quicumque inter vos ad perfectionem vitæ Christianæ mecum adspirant et connituntur, hoc mecum sentiant, se scilicet nondum perfectionem attigisse, sed ad eam directo et continuo cursu debere currere, ut jam dixi; pronomen enim *hoc* demonstrat id quod dictum est præced. vers. 13 et 14. Ita Anselmus.

Ubi nota, perfectionem hujus vitæ consistere, non tam in eo quod quis plane sit perfectus, nihil habens vitii aut concupiscentiæ, hoc enim impossibile est : sed in continua tendentia et cursu ad perfectionem. Hæc enim perfectio viatorum est, ut continuo et celeriter in via sua progrediantur ad terminum : nos autem in hac vita viatores sumus et vita nostra via est, tum ad perfectionem, tum ad cœlum. Quo ergo magis per virtutes progredimur ad perfectionem et ad cœlum, eo magis perfecti sumus viatores. Ita S. Augustinus, lib. *De Perfect. justitiæ*, cap. IX : « Perfectus, inquit, (viator) est, qui ad perfectionem irreprehensibiliter currit carens criminibus damnabilibus, atque ipsa etiam peccata venialia non negligens mundare elemosynis. »

Et si quid aliter sapitis, et hoc vobis Deus revelabit. — Ita Romana, Græca et Syrus, non revelavit, uti multi cum Ambrosio et Augustino, *epist. 48*, legunt. Vatablus sic exponit, « quicumque perfecti sumus, hoc sentiamus, » scilicet justitiam esse non ex lege, sed ex fide Christi, « et si quid aliter sapitis, » q. d. Si contrarium sentiatis, puta justitiam obtingere homini ex observatione legis Mosis, « hoc quoque vobis Deus revelabit, » q. d., inquit Erasmus : Si quis adhuc aliquid legi Mosis tribuit, ut ex ea putet se justificari, non ob id scindatur concordia Christiana, sed feratur excuseturque, quod in fide novellus sit, et recens a Judaismo conversus : ubi vero doctior fuerit, Deus ei hanc mentem aspirabit ut contemnat ea, quæ necdum contemnere potest. Secundo, Theodoretus sic explicat, q. d. Si quid perfectius sapitis quam jam dixi, hoc habetis a Deo. Tertio, Hilarius, lib. XI *De Trinit.*, et favet Chrysostomus hic, sic exponit, q. d. Iis, qui necdum plenam mysteriorum fidei et veritatis cognitionem assecuti sunt, expectanda est revelatio Dei, qui plenam veri cognitionem largiatur, et si quid prius erratum fuerit, corrigat.

Quarto et genuine, q. d. Si de perfectione « aliter sapitis, » quam ego, quia nimirum sentitis et putatis vos metam, scilicet perfectionem, apprehendisse, aut illi esse proximos, « et hoc » quoque sicut cetera, « vobis » ignorantibus et errantibus « Deus » suo tempore « revelabit, » scilicet errorem esse, vosque errare in isto sensu vestro. Ita Theodoretus et Anselmus.

Nota : Deus hoc revelat, dum homini seipsum et sua vitia sensim patefacit, dum ardua virtutum opera, in quibus hominis perfecti imbecillitas la-

Perfectio hujus vitæ consistit in continua tendentia ad perfectionem.

Hic enim est perfectus viator.

Quadruplex explicatio hujus loci.

Vers. 15. Paulus negat se esse perfectum triplici sensu

borat et succumbit, obicit; dum aliorum perfectorum exempla, qui longe nos superant, ob oculos ponit, dum per doctores et concionatores Christianæ perfectionis eminentiam et sublimitatem describit.

Vers. 16. 16. VERUMTAMEN (supple, rogo vel hortor) AD QUOD PERVENIMUS, UT IDEM SAPIAMUS; ET IN EADEM PERMANEAMUS REGULA. — *q. d.* Verum enim vero ut redeam ad ea quæ tum initio capitis de cavendis Judaizantibus, tum paulo ante de cursu ad perfectionem dixi, rogo omnes ut regulam doctrinæ, pariter et vitæ Christi, ad quam in baptismo pervenerunt, retineant, in eaque permaneant: nimirum ut idem sapiant sintque concordēs in Christianismo, in Christi fide æque ac moribus, nec admittant Judaizantes, qui discordiam seminant et schisma faciunt, volentes Judaismum miscere Christianismo (1).

Ubi nota *primo*: Vox «Verumtamen» significat Apostolum redire et resumere principale argumentum hujus capitis, imo totius epistolæ, quod est sancire regulam fidei et Christianismi, ne scilicet Judaismum admittant. Id patet ex versibus seq., ubi agit contra Judaizantes negantes crucem Christi.

Fides Christi recta est instar amussis.

Veritas consistit in indivisibili.

Secundo, «regulam,» sive amussim, et, ut græce est, canonem, vocat legem et fidem Christi, quæ recta est instar amussis, cui nihil addere, nec demere, quam nec inflectere, nec ad Judaismum, aliove torquere licet. Ita Theophylactus. Fides enim est quasi linea et regula rectissima, quam si vel modicum inflectas, aberras a vero, et falsitatem incurris; veritas enim consistit in puncto, in indivisibili: talis est norma credendi et vivendi, quam nobis præscribit fides et lex Christi. Nam Apostolum non de credendi tantum, sed et vivendi norma loqui, patet ex versu seq., ubi ait: «Imitatores mei estote, et observate eos qui ita ambulant, sicut habetis formam nostram.» Ita Œcumenius et Ambrosius.

Hinc *tertio*, pro «permaneamus,» græce est *συναίμεν*, id est incedamus quasi milites in acie; ordine et gradu nostro. De quo dixi *ad Galat.* IV, 23, et *ad eosdem*, cap. VI, vers. 16.

Quarto, Græca sic habent, *πλὴν εἰς ὃ ἐφθάσαμεν τῷ αὐτῷ συνεικονοῦναι, τὸ αὐτὸ φρονεῖν*, id est verumtamen in eo, ad quod pervenimus, eadem incedere (id est incedamus) regula, idem sapere (id est sapiamus); infinitivi enim ponuntur pro imperativo more Hebræo. Deinde intelligitur in secundo membro, et, *q. d.* Et idem sapiamus; hoc enim exigit oratio bimembris, et in ea copulam sæpe subticent Hebræi.

Vers. 17. 17. IMITATORES MEI ESTOTE, FRATRES, ET OBSERVATE EOS QUI ITA AMBULANT, SICUT HABETIS FORMAM NOSTRAM. — Græce, *συμμεταίτε*, id est coimita-

(1) Id est, exprimamus interim eas doctrinas, quas jam recte percepimus, vitæ et moribus, dum ad majora aspiraverimus: ita Allioli.

tores mei estote, *q. d.* Cum aliis, qui me imitantur, pariter et vos, o Philippenses, me imitamini. Sapienter Nazianzenus, *epist. ad Nicobulum*: «Pudentis, inquit, et cordati viri est magna mensura vitam suam metiri, atque excellentium virorum sese imitationem componere. Præstat enim secundas inter homines magnos et locupletes ferre, quam primas inter pauperes et abjectos: sicuti majoris utique gloriæ est paululum infra aquilam, quam supra humiles alaudas volitare.»

Gloriosus est paululum infra aquilam, quam supra alaudas volare.

Secundo, pro «formam nostram,» græce est *τύπον ἡμῶν*, id est typum et exemplar nos, quod clare Vatablus vertit, *quemadmodum nos habetis pro exemplari*. O quam efficax est Pastoris, Episcopi et Principis verbum et jussio, cum ipse id quod jubet, primus aggreditur, seque aliis agendi et vivendi formam exhibet! Quam pulchrum est et decorum, cum Prælati et Princeps non imperiose mandat dicens: Popule aut serve, ito, laborato, facito quod jubeo; sed excitando potius et exhortando dicit: Eamus, faciamus, laboremus, me mæque vitæ formam ac normam sequimini. Ita Julius Cæsar in castris, militibus suis in labore, vigiliis ac difficultatibus quibusque præibat, ut nemo detrectare auderet quod præeuntem facere vidisset. Ita Alphonsus, Aragonum rex, cum exercitus ejus summa laboraret cibi inopia eique offerretur raphanus cum pane, recusavit dicens: «Non decet imperatorem jejunio exercitu mandare.» Testis est Panormitanus, lib. *De Gestis Alphonsi*.

Prælati decens est dicere, non, ito facite, sed, Eamus, faciamus.

In *Vitis Patr.*, in *Sententiis Patrum*, sent. 106, frater requisivit senem, dicens: Fratres alii mecum cohabitant et volunt ipsi ut ego illis præcipiam, quomodo jubes ut faciam? respondit: «Fac tu quod præcipis, ut non tantum illis præcepta, sed et formulam præbeas.»

Hinc S. Dionysius Areopagita dixit sacerdotes esse debere instar crystalli pellucidi et radiantis, in quod incidentes solis radii, in cætera quæ vicina sunt, refunduntur.

Sacerdos debet esse instar crystalli.

Scribit Sulpitius, S. Martinum commoratum fuisse cum S. Hilario, Episcopo Pictaviensi, ejusque eruditione et pietate multum profecisse, atque ordinatum ab eo exorcistam, ad sacerdotium se disponere cœpisse. S. Hilarius ergo fuit forma vitæ S. Martino, ejusque sanctitatis dux et auctor.

S. Hilarion videndi S. Antonii studio in solitudine contendit: apud quem duobus mensibus commoratus, omnem ejus vitæ rationem didicit; unde domum reversus facultates suas pauperibus elargitus, in eremum rediit, miramque illam vitam quam describit S. Hieronymus, egit, faciens se speculum et portum orbis.

Narrat Maffei in *Vita S. P. Ignatii*, lib. II, cap. XIII, adolescentem quemdam Lutheranum, qui disputando converti non poterat, traditum Ignatio, atque ab eo in domum acceptum fuisse conversum. Qui rogatus quomodo ita mentem ante inexpugnabilem mutasset, respondit se Ignatii et

Sociorum, non tam argumentis (licet et iis valerent plurimum), quam spectatæ sanctitati virtutisque cessisse; quod ita apud se prope necessario statuisset, a tam incorruptis moribus, a tanta pace et concordia, a tam bonis operibus rectam in Deum fidem abesse nullo modo posse.

VERS. 18. 18. MULTI ENIM AMBULANT. — Subaudi, aliter quam ego : quia ego prædico et sequor Christi crucem et austeram vitam, illi et verbo et facto Christi crucem negant, vivunt in otio, deliciis, fastu ac Judaicis caeremoniis, tanquam inimici crucis Christi.

QUOS SÆPE DICEBAM VOBIS (subaudi, esse) (NUNC AUTEM ET FLENS DICO) INIMICOS CRUCIS CHRISTI. —

Inimici crucis Christi asseclæ Cerinthi, qui crucem Christi ejusque passionem negavit.

Notat Simonem Magum ejusque asseclas; qui negabant Christum vere esse crucifixum; Christum enim se in cruce subtraxisse, et solam ejus imaginem passam dicebant. Sic Cerinthus Jesum a Christo dividens, Jesum passum esse ac resurrexisse dicebat, Christum autem nequaquam, sed impassibilem perseverasse, ipsumque tempore passionis a Jesu recessisse. Testis est Irenæus, lib. I, cap. xxv, et Epiphanius, *hæresi* 28. Addebat Basilides Jesum se transformasse in Simonem Cyrenæum, eumque pro Jesu se subducente esse crucifixum. Testis est Epiphanius, *hæresi* 24. Hos hæreticos Paulus hic, et post quadraginta annos S. Ignatius suggillat scribens ad eosdem Philippenses, monensque ut hos ipsos caveant, qui negarent crucem Christi : « Princeps enim, ait, hujus mundi gaudet cum quis crucem negarit; cognoscit crucis confessionem suum ipsius esse exitium : id enim trophæum est contra ejus potestatem, quod videns expavescit, et audiens timet. » Et infra : « Idcirco et in quibusdam, ut crucem negent, facit, ut passionem erubescant; mortem, opinionem vocent; nativitatem et ortum ex Virgine circumcidant, » dividentes nimirum Jesum a Christo et B. Virginem vocantes matrem Jesu, non autem Christi. Et hoc est quod dixit Paulus, vers. 2 : « Videte concisionem, » id est eos cavete, qui sic Jesum a Christo concidunt ac dividunt.

Hæc hæresis non tantum per Judæam, sed per Græciam et Asiam proserpsit. Unde ad Corinthios et ad Philippenses aliosque scribens Paulus, toties extollit crucem Christi, nec se aliud scire, quam Jesum Christum crucifixum profitetur. Hinc ut hanc hæresin aboleret et crucem exaltaret Ecclesia, a sui initio ligneam crucem in titulum erexit, quasi in trophæum, ut ait S. Ignatius, erectum contra diaboli potentiam, quod ubi viderit, horret. Imo hic erat titulus Ecclesiæ, et hoc ipso domus aliqua erigebatur in ecclesiam, si in ea erigeretur titulus crucis, ut docet Baronius et Jacobus Gretserus, lib. II *De Cruce*, cap. vii.

Hinc rursum signum crucis fidelibus formare solemne fuit, ad benedicendum, ad fugandos dæmones, imo ad quævis opera inchoanda et

Deo offerenda. Unde Tertullianus, quasi de re antiqua loquens, lib. *De Corona militis*, cap. iii et iv : « Ad omnem, ait, progressum atque promotum, ad omnem aditum atque exitum, ad vestitum et calceatum, ad lavacra, ad mensas, ad lumina, ad cubilia, ad sedilia, quæcumque nos conversatio exercet, frontem crucis signaculo terimus. (Nota : non ait, *signamus*, sed, *terimus*; adeo se crebro signabant, ut frontem terere viderentur.) Harum et aliarum disciplinarum si legem expostules, scripturarum nullam invenies. Traditio (notent hoc Novantes, qui nihil admittunt, nisi quod sacra Scriptura expressum est) tibi prætendetur auctrix, consuetudo confirmatrix et fides observatrix. » Sic et Cyrillus Hierosolymitanus, *Catech.* 13 : « Non pudeat, ait, vos crucifixum confiteri, sed in fronte confidenter crucis signaculum digitis imprimitur, et in aliis omnibus crux fiat, in panibus comedendis et in poculis bibendis, et in ingressu, et in egressu, ante somnum, recumbendo et surgendo, eundo et quiescendo. Magna est hæc custodia, quæ propter pauperes gratis datur, sine labore propter infirmos, cum a Deo sit hæc gratia et timor dæmonum : triumphavit enim de illo hoc signo. Ostenta illi audacter : quando enim viderit crucem, recordatur crucifixi; metuit enim eum qui contrivit caput draconis. » Sic et Hieronymus, ad *Eustochium*, epist. 22 : « Ad omnem, ait, actum, ad omnem incesum, manus pingat crucem. » Imo in singulis domibus, adeoque cubiculis Christianorum pingendas esse cruces, docet S. Nilus scribens ad Olympiodorum Proconsulem.

lemne fuit prius Christianis et Tertull.

Ex Cyrillo.

Ex Hieronymo.

Nota secundo : Hi hæretici uti crucis Christi, ita et continentiae, severitatis, austeritatis vitæ, quam Christianos docet crux Christi, hostes erant, agebantque et prædicabant vitam in otio et deliciis, mollem, lascivam et Epicuream : quemadmodum et nunc nostræ hæreses libertatem omnem carni indulgent. Et hac quoque ratione Apostolus eos vocat inimicos crucis Christi, quia nimirum, ut sequitur, eorum Deus venter est, et nonnisi terrena sapiunt. Unde et quosvis alios, etiam Catholicos, ventri et veneri deditos hisce verbis perstringit Apostolus.

Cerinthiani hostes crucis Christi erant Epicurei.

19. QUORUM FINIS INTERITUS. — Græce ἀπώλεια, id est *perditio*, q. d. Qui in fine perdentur et interibunt; finis eorum lasciviæ et gulæ erit mors æterna; voluptates eorum desinent et finientur gehennali incendio et interitu.

Vers. 19

QUORUM DEUS VENTER EST, — qui ventri per omnia indulgent, qui ventri omnino addicti sunt, qui soli ventri toti student : illud enim cuique Deus quod maxime colit, cuique totus servit, et sese suaque omnia impendit. Et proprie tales sunt, qui omnia sua studia, cogitationes et opes ad gulam et ventrem, quasi ad summum et ultimum bonum referunt : rursum ii, qui ventrem Deo præponunt, parati pro gula Dei legem et

Quibus Deus sit venter?

amicitiam violare : tunc enim gula est peccatum mortale; alias fere gula tantum est veniale peccatum, ut dixi *Galat. v, 21*. Pulchre S. Chrysostomus : « Tanta mala, ait, non facit mare fines suos transgressum, quanta venter, si corpus nostrum cum anima superaverit; omnem orbem illuit mare, et venter totum corpus. Pone illi terminum naturæ sufficientiam, quemadmodum Deus mari posuit arenam, et si æstuaverit et ferocierit, increpa illum virtute, quam in te habes : vide quomodo Deus increpaverit, ut ipsum imiteris. »

Gula quomodo co-
ercenda.

Dagon est
deus ven-
ter.

Quis Da-
gon, et
unde dic-
tus?

Videtur alludere Paulus ad Dagon, deum Philistinorum; I *Reg. v*. Dagon enim est deus venter, quia ventris causa colebatur : videtur enim Dagon deus fuisse piscium, fœturæ et frumenti, a quo nimirum petebant copiam piscium, prolium (instar multiplicationis piscium) et frumenti. Nam Dagon hebraice dicitur a דג *dag*, vel דגה *daga*, id est a pisce. Unde tradunt Hebræi, Dagon fuisse idolum hominis mixti cum pisce, ita nimirum ut ab umbilico et infra, piscis, supra vero hominis figuram habuerit, quales Sirches finguntur. Philistini enim piscationi dabant operam, indeque vivebant; erant enim accolæ maris Mediterranei. Lilius Gyraldus, lib. *De Diis Gentium*, syntagm. 2, pag. 103, putat Dagon fuisse Jovem Aratrium, quem colebant Phœnices, tanquam frumenti et aratri inventorem, quasi Dagon vocetur a דגן *dagan*, id est frumentum. Rursum Dagon deus venter est : quia, cum arca fœderis capta a Philistæis collocata esset juxta Dagon, Dagon concidit coram ea, capite et manibus avulsis a corpore, ut tantum truncus seu venter extaret reliquus, quem postea coluerunt; et huc alludit Paulus dum ait : « Et gloria in confusione ipsorum qui terrena sapiunt. » Unde et cultores Dagon percussit sunt pudendis mariscis, morbis ani, ita ut ipse computresceret, indeque intestina defluerent et prominerent, ut recte annotavit Abulensis : sicuti hoc sæculo, miro sed justo Dei judicio, cultores ventris et veneris feriuntur nova et veteribus incognita, eaque pudenda et infami lue, sive morbo Gallico. Huc etiam apposite alludit nomen Dagon, quod hebraice tam piscem iniquitatis, quam piscem doloris et tristitiæ, uti vertit S. Hieronymus, in *Nominibus Hebraicis*, significat.

Gulonum
venter est
vitæ char-
ybdim.

Nota : Deus venter est vorago omnium bonorum. Hinc Diogenes Cynicus gulonum ventrem vocabat vitæ charybdim. eo quod omnia devoraret, nec satiaretur unquam; imo charybdim tantum sorbet ea quæ mari vehuntur, et revomit tandem quod absorbit; at luronum ventribus nec aer, nec terra, nec flumina, nec maria sufficiunt : quin et domos et agros totos absorbent, nec revomunt. Refert Laertius, lib. VI.

Et gloria in confusione ipsorum, — id est gloriantur hi Judaizantes de circumcissione, de qua confundi deberent; fit enim in membro vere-

undo, cujus nos maxime pudet. Ita S. Augustinus; serm. 14 *De Verbis Apostoli*. Secundo et melius, S. Chrysostomus, Theophylactus, Œcumenius, q. d. De peccatis turpibus, de quibus confundi deberent, et quorum eos pudere deberet, etiam gloriantur, eaque jactant. Apposite Pythagoras cum quemdam audiret dicentem, malle se inter mulieres quam inter Philosophos versari, subjicit : « Sues, ait, malunt in cæno, quam in limpidis aquis versari. »

QUI TERRENA SAPIUNT, — quorum cor terræ affixum nonnisi terrestres habet affectus, nonnisi terrestria bona amat, desiderat, curat, cogitat, prosequitur.

20. NOSTRA AUTEM CONVERSATIO IN CŒLIS EST. — Vers. 20. In Græco legitur πολιτεία, id est vitæ ratio, institutum, inquit Budæus, q. d. Christianæ vitæ institutum est, in cælis agere; Christianismus est professio vitæ cœlestis. Πολιτεία significat.

Nota secundo, πολιτεία significat quoque conversationem. Nota : Conversationem in cælis opponit conversationi in terra, rebusque terrestribus, sive iis qui terrena sapiunt, q. d. Terreni et mundani sapiunt, amant, curant terrena : nos Christiani sapimus, amamus, curamus cœlestia; terreni quasi talpæ in terra versantur, terram fodiant, terræ inhiant, terræ opibus delectantur : nos Christiani cœlestibus pascimur, ad cælum tendimus, cœlestibus inhiamus, in cælis est cor nostrum et bona omnia; in cælis ergo sumus, non in terra, quia anima magis est ubi amat, quam ubi animat. « Sicut domus, ait S. Gregorius, lib. VIII *Moral.*, cap. xxxi, exterioris conversationis est ædificium, quod inhabitat corpus : ita domus nostræ cogitationis, est res quælibet, quam per dilectionem inhabitat animus. Unde Paulus qui in supernis cor fixerat, in terra quidem positus, sed tamen a terra extraneus dicebat : Nostra conversatio in cælis est. »

Itaque « nostra conversatio in cælis est, » primo, quia mentem et cogitationem habemus in cælis, sursum habemus corda, sæpe de Sanctis, Angelis, Deo, vita beata rebusque cœlestibus cogitamus et loquimur, imo cum Sanctis loquimur. Qua in re excelluit apud nos olim B. Maria Oigniacensis, quæ ita Sanctis et Angelis familiaris fuit, ut de ea ita scribat gravis auctor, Jacobus de Vitriaco Cardinalis, cap. viii *Vitæ ejus* : « Cum, ait, Sancti alicujus festus immineret dies, Sanctus ille ferias ei suas nuntiabat et in ipsis feriis visitabat eam, multos secum beatos cives adducens, sicque spiritus ejus cum Sancto totum illum jucundum ducebat diem. Ex familiari autem et crebro Sanctorum colloquio id obtinuit, ut, quemadmodum homines vicinos suos alios ab aliis internoscunt, ita ipsa angelos et sanctos homines alios ab aliis posset distinguere. »

Secundo, « nostra conversatio in cælis est, » secundo, per vitam cœlestem, quia in terris vitam agimus puram et sanctam, qualem Angeli agunt in cælis. Secundo, per vitam cœlestem.

Ecclesia
calceatur
calceo
hyacin-
thino, id
est cœles-
ti.

Hinc Ecclesiæ, quæ Sanctorum et fidelium est congregatio; a Deo datus est calceus ianthinus, sive cœlestis, *Ezech. xvi, 10*: « Calceavi, ait, te ianthino, » scilicet calceo hyacinthini, ut vertunt Septuaginta, id est violacei et cœlestis coloris, ut hoc symbolo significaret Deus, Sanctorum, qui in Ecclesia sunt, conversationem esse in cœlis. Rursus, per hyacinthum, qui vestis est regum, ut patet *Eccli. xl, 4*, significabat Deus animum regum et excelsum Sanctorum Ecclesiæ, qui nimirum in cœlis fixus, hæc omnia terrena pessumdat et proterit. Unde et luna sub pedibus Ecclesiæ ponitur, *Apocal. xii, 1*.

Tertio,
per spem
cœles-
tium.

Tertio, « nostra conversatio in cœlis est, » per spem, quia tendimus ad cœlum et speramus brevi ad Christum, qui nobis viam præmunivit in cœlum, pervenire; eo ergo præmittimus spem nostram, affectum et opera, quo speramus post hanc vitam re ipsa tam anima, quam corpore nos ascensuros. Empedocles rogatus cur viveret? respondit: *Ut cœlum aspiciam; tolle cœlum, et nullus ero*. Longe verius Christianus rogatus, cur vivis? respondebit: *Ut cœlum non tantum aspiciam, sed et consequar*. Quare merito S. Bernardus ad eos qui terrenis inhiant: « Non pudet, ait, te corpore cœlum suspicere, et mente in terra repere: caput sursum, et cor habere deorsum? »

Conver-
samur in
cœlis
quasi ci-
ves: hoc
enim est
πολιτευ-
μα.

Nota *tertio*: πολιτευμα significat insuper, inquit Budæus, regimen politicum reipublicæ vel civitatis, *q. d.* Nostrum regimen; nostra respublica, nostra civitas in cœlis est; nos gerimus ut principes cœlorum; regnum cœlorum est civitas nostra, cujus municipali jure Sancti omnes reguntur. Quod regimen est spirituale et cœleste, non carnale et terrestre: quia non in carnalibus, externis et terrestribus, sed in spiritualibus, internis et cœlestibus legibus et institutis positum est. Unde Tertullianus, lib. *De Corona militis*, legit: *Noster municipatus in cœlis est, q. d.* Peregrini sumus mundi, sed municipes et cives cœli. Sic « conversatio » hic (ut vertit Noster) accipi potest civica, seu qualis est civium; hoc enim est πολιτευμα. Unde sic verti potest hic locus: conversamur ut cives cœlorum, qui scilicet legibus, consuetudine, politia, jure ac bonis civitatis et regni cœlestis reguntur et vivunt. Ita *Ephes. cap. ii, 19*, dixit: « Jam non estis hospites et advenæ, sed estis cives sanctorum et domestici Dei. » Et *Hebr. xviii, 22*: « Accessistis, ait, ad Sion montem, et civitatem Dei viventis, Jerusalem cœlestem, et multorum millium angelorum frequentiam, et Ecclesiam primitivorum, qui conscripti sunt in cœlis, » etc. De voce πολιτευμα, vel πολιτεία (hæc enim duo sæpe pro eodem sumuntur, teste Budæo) plura dixi *Ephes. ii, 12*.

Sancti in
cœlis ha-
bitant
quasi

Hinc moraliter S. Gregorius explicans illud *Job, xxxix*: « Numquid ad præceptum tuum elevabitur aquila, et in arduis ponet nidum suum? » S. Paulum et Sanctos comparat aquilæ, lib. *XXXI Moral., xix*: « Videamus, ait, aquilam nidum sibi in arduis

construentem, qui ait: Nostra conversatio in cœlis est; et rursum: Qui conresuscitavit et consedere fecit nos in cœlestibus. In arduis habet nidum, quia profecto in supernis figit consilium. Non vult mentem in ima dejicere, non vult per abjectionem conversationis humanæ in infimis habitare. Tunc Paulus fortasse in carcere tenebatur, cum se consedere Christo in cœlestibus testaretur; sed ibi erat, ubi ardentem jam mentem fixerat, non illic, ubi illum necessario pigra adhuc caro retinebat. » Deinde hanc mentis in cœlo positæ altitudinem signum esse divinæ prædestinationis, ita docet: « Hoc namque esse speciale specimen electorum solet, quod sic sciunt præsentis vitæ iter carpere, ut per spei certitudinem noverint jam se ad alta pervenisse, quatenus cuncta quæ præterfluunt, sub se esse videant, atque omne quod in hoc mundo eminet, amore æternitatis calcant. Hoc enim est quod sequenti se animæ Dominus per Prophetam dicit: Sustollam te super altitudines terræ; nam quasi quædam inferiora terræ sunt, damna, contumeliæ, egestas, abjectio, quæ ipsi quoque amatores sæculi, dum per latæ viæ planitiem ambulant, vitando calcare non cessant. Altitudines autem terræ sunt, lucra rerum, blandimenta subditorum, divitiarum abundantia, honor et sublimitas dignitatum, quæ quisquis per ima adhuc desideria incedit, eo ipso alta æstimat, quo magna putat. At si semel cor in cœlestibus figitur, mox quam abjecta sint cernitur, quæ alta videbantur; nam sicut qui in montem conscendit, eo paulisper cætera subjacentia despicit, quo ad altiora gressum amplius tendit: ita qui in summis intentionem figere nititur, dum annisu ipso nullam præsentis vitæ gloriam esse deprehendit, super terræ altitudines elevatur; et quod prius in imis desideriis positus, super se credit, post ascendendo proficiens, sibi subesse cognoscit. »

aquilæ,
ait S. Gre-
gorius.

Conver-
sari in
cœlis est
signum
prædesti-
nationis.

Unde (ἐξ οὗ, ex quo, scilicet cœlo) ETIAM SALVATOREM EXSPECTAMUS DOMINUM NOSTRUM JESUM CHRISTUM, — ut veniens ad judicium nos fideles, nos amicos ad cœlestia anhelantes, cœlo adjudicet, et in cœlos secum triumphantes ducat; tuncque nobis plenam salutem ab omni corporis et mentis ærumna afferet, donabitque nos gloria, tum corporis, tum animæ, eritque plenus et perfectus salvator.

Nota: « Salvare » proprie est rem amissam aut perditam recuperare. Unde Græcum σωζειν deducitur ἀπὸ τοῦ σῶς, σῆς, σόν, ut dicere σῶσω αἱ Idem sit, quod te tibi reddo atque restituo. Sic Christus dicitur σωτήρ, id est *Salvator*, quia nos nobis, puta primævæ nostræ integritati, spei, salutis et felicitati, restituit. Apud Græcos ἀλεξίκακος vocabantur, qui mala, morbos et monstra propulsabant ab hominibus, uti Hercules et Æsculapius. Apud Romanos dicebantur Patres patriæ, qui rempublicam ab imminente hoste, vel periculo libera-
bant. Talis est Christus.

Præclare et pie *Manuale* S. Augustini, cap. xxiv: « O anima mea, ait, insignita Dei imagine, redempta Christi sanguine, desponsata fide, dotata spiritu, ornata virtutibus, deputata cum angelis, dilige illum a quo tantum dilecta es. Intende illi qui intendit tibi, quære quærentem te, ama amatorem tuum. Esto sollicita cum sollicito, cum vacante vacans, cum mundo munda, cum sancto sancta. » Et paulo inferius: « Elige illum in amicum præ omnibus amicis tuis, quia cum omnia tibi subtracta fuerint, solus ille tibi fidem servabit: in die sepulturæ tuæ, et cum omnes amici tui recedent a te, ille te non derelinquet; sed tuebitur a leonibus infernalibus rugientibus præparatis ad escam, et conducet per ignotam regionem, atque perducet ad plateas supernæ Sion, et ibi collocabit te cum angelis suis ante faciem majestatis suæ: ubi audies illud melos angelicum, Sanctus, sanctus, sanctus, etc. Ibi est canticum lætitiæ, vox exultationis et salutis, gratiarum actio, vox laudis atque alleluia perpetuum. Ibi est cumulus felicitatis, supereminens gloria, superabundans lætitia et omnia bona. » Ac tandem concludit: « O anima mea, suspira ardenter, et desidera vehementer, ut possis pervenire ad illam supernam civitatem, de qua tam gloriosa dicta sunt: in qua sicut lætantium omnium habitatio est. Amore potes ascendere: amanti nihil est difficile, nihil impossibile. Anima quæ amat, ascendit frequenter et currit familiariter per plateas cælestis Jerusalem, visitando illos Patriarchas et Prophetas, salutando Apostolos, admirando exercitus Martyrum et Confessorum, choros Virginum speculando, et omnium Sanctorum. » Ecce sic S. Augustini conversatio erat in cælis, expectans inde Salvatorem.

Vers. 21. QUI REFORMABIT CORPUS HUMILITATIS NOSTRÆ, CONFIGURATUM CORPORI CLARITATIS SUÆ. — Pro *reformabit*, græce est μετασχηματίζει, transfigurabit, transformabit, hoc est, in aliam figuram et formam, non essentialem, sed accidentalem commutabit, ut scilicet ex corruptibili faciat corpus incorruptibile, ex passibili impassibile, ex terrestri cæleste. *Secundo*, « corpus humilitatis » hebraismo vocat corpus humile, id est vile, abjectum et miserum. *Aliter* S. Bernardus, *serm. 47 in Cantica*: « Vocat, inquit, corpus humilitatis, quia soli humiles hac gloria reformabuntur; » sed hoc non est litterale, nec genuinum. *Tertio*, « corpus claritatis » vocat corpus Christi clarum et gloriosum. *Quarto*, pro *configuratum corpori*, græce est εἰς τὸ γενέσθαι αὐτὸ σὺμμορφον τῷ σώματι, etc., id est, ut fiat conforme corpori claritatis Christi. Syrus vertit, *ut fiat in*

similitudinem corporis gloriæ suæ. Hinc patet falsitas et stoliditas illius sententiæ hæreticorum, qui docebant in resurrectione corpus nostrum transformandum in globum, ut sit instar corporis solaris, eo quod scriptum sit: « Fulgebunt justi sicut sol; nec enim talis, scilicet rotunda, est figura corporis humani, nec talis est corporis Christi gloriosi. Unde hanc hæresin Origeni ascribit, eamque damnat Justinianus Imperator, in sua *Constit.* quam recitat Baronius, tom. VII, anno Christi 538, pag. 289, 293.

Nota: Apostolus configurationem vel conformationem hanc ponit in claritate, id est in gloria, *q. d.* Corpus hoc nostrum, quod æque ac corpus Christi hic atteritur, famet, friget, æstuat, infirmatur, verberatur, flagellatur, laniatur, fiet per has passiones in resurrectione gloriosum et simile corpori glorioso Christi. Unde exclamat Chrysostomus: Papæ, ait, illine qui ad dexteram Patris sedet, conforme fiet hoc corpus? illi, qui adoratur ab angelis; illi, cui adstant incorporeales illæ virtutes? illi, qui est super omnem principatum, potestatem et virtutes, illi conforme fiet? Si ergo totus orbis lacrymis sumptis eos defleret, qui ab ista spe deciderunt, num digne collacrymaretur; quod, cum promissio nobis sit facta, corpus nostrum futurum ita glorioso Christi corpori conforme, illi cum dæmonibus abeant? » Et S. Bernardus, *serm. 2 De Verbis Isaïæ*, citans hunc Apostoli locum: « Quid adhuc, ait, murmuras, caro misera, quid adhuc recalcitras, et adversus spiritum concupiscis? Si te humiliat, si te castigat, si redigat in servitutem, id profecto in tuo genere non minus tua interest quam ipsius. Quid eis invidet, qui de operibus vermium et murium pellibus? » Quam plane gloriam mendicare non erubescunt, cultu indigno vivis, interdicto et mulieribus, semetipsos dehonestantes potius quam ornantes? Reformant ipsi, aut magis certe deformant corpora sua: te, si fueris corpus humilitatis, reformabit idem artifex qui formavit. Illam (si non desipis) præstolare manum, ut quod fecit, ipse reficiat. »

SECUNDUM OPERATIONEM, QUAM ETIAM POSSIT SUBJICERE SIBI OMNIA. — Causam dat hujus transformationis, potentiam scilicet, ac potentem Christi operationem, qua potens est subicere sibi omnia; si omnia, ergo et corruptionem et mortem, *q. d.* Christus dominatur morti et vitæ, omnibusque quæ in cælo et in terra sunt; ergo facile ipsi est, ut suo jussu faciat corpora nostra corrupta resurgere ad immortalitatem et gloriam. Ita Chrysostomus.

Conformabitur Christo in claritate, id est in gloria.

Secundum
corpus
humilitatis?

CAPUT QUARTUM.

SYNOPSIS CAPITIS.

Hortatur ad concordiam, gaudium, orationem, modestiam, pacem, honestatem, omnemque sanctimoniam. Secundo, vers. 10, laudat eorum erga se curam et sollicitudinem, ac munera sibi missa, docetque scire se abundare, et penuriam pati.

Ac denique, vers. 19, vicissim eis bene precatur, eosque salutat.

1. Itaque, fratres mei charissimi et desideratissimi, gaudium meum et corona mea: sic state in Domino, charissimi. 2. Evodiam rogo et Syntichen deprecor, idipsum sapere in Domino. 3. Etiam rogo et te, germane compar, adjuva illas, quæ mecum laboraverunt in Evangelio cum Clemente et cæteris adiutoribus meis, quorum nomina sunt in libro vitæ. 4. Gaudete in Domino semper: iterum dico, gaudete. 5. Modestia vestra nota sit omnibus hominibus: Dominus prope est. 6. Nihil solliciti sitis: sed in omni oratione et obsecratione, cum gratiarum actione petitiones vestræ innotescant apud Deum. 7. Et pax Dei, quæ exsuperat omnem sensum, custodiat corda vestra et intelligentias vestras in Christo Jesu. 8. De cætero, fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ, si qua virtus, si qua laus disciplinæ, hæc cogitate. 9. Quæ et didicistis, et accepistis, et audistis, et vidistis in me, hæc agite: et Deus pacis erit vobiscum. 10. Gavisus sum autem in Domino vehementer, quoniam tandem aliquando refluistis pro me sentire, sicut et sentiebatis: occupati autem eratis. 11. Non quasi propter penuriam dico: ego enim didici, in quibus sum, sufficiens esse. 12. Scio et humiliari, scio et abundare (ubique et in omnibus institutus sum); et satiari, et esurire; et abundare, et penuriam pati. 13. Omnia possum in eo, qui me confortat. 14. Verumtamen bene fecistis, communicantes tribulationi meæ. 15. Scitis autem et vos, Philippenses, quod in principio Evangelii, quando profectus sum a Macedonia, nulla mihi Ecclesia communicavit in ratione dati et accepti, nisi vos soli: 16. quia et Thessalonicam semel et bis in usum mihi misistis. 17. Non quia quæro datum, sed requiro fructum abundantem in ratione vestra. 18. Habeo autem omnia et abundo: repletus sum, acceptis ad Epaphrodito quæ misistis, odorem suavitatis, hostiam acceptam, placentem Deo. 19. Deus autem meus impleat omne desiderium vestrum secundum divitias suas in gloria in Christo Jesu. 20. Deo autem et Patri nostro gloria in sæcula sæculorum: Amen. 21. Salutate omnem sanctum in Christo Jesu. 22. Salutant vos, qui mecum sunt, fratres. Salutant vos omnes sancti, maxime autem qui de Cæsaris domo sunt. 23. Gratia Domini nostri Jesu Christi cum spiritu vestro. Amen.

Vers. 1. 1. ITAQUE, FRATRES MEI CHARISSIMI ET DESIDERATISSIMI, — ἀγαπῆται καὶ ἐπιποθήνται, id est, ut Vatablus, *dilecti et desiderati*; vel, ut Erasmus, *amabiles et desiderabiles*.

GAUDIUM MEUM, ET CORONA MEA. — Vocat Philippenses «gaudium» suum et «coronam» metonymice, quia scilicet erant causa et objectum sui gaudii et coronæ: gaudebat enim Paulus videns eos a se conversos in fide et virtute persistere ac crescere, et ex labore, quem in illis convertendis et perficiendis impenderat, ac etiamnum impen-

debat, sperabat a Deo accipere coronam gloriæ.

Ita sancti Episcopi populum suum vocabant coronam suam, eo quod populus instar coronæ vallaret Episcopum, ab eoque penderet: uti S. Cornelius Pontifex et Martyr, ut habetur in *Actis* martyrii ejusdem, a Præfecto Volusiano interrogatus, cur contra præcepta Imperatoris et contra rempublicam litteras acciperet a S. Cypriano, respondit: «Ego de corona Domini litteras accepi, non contra rempublicam:» coronam Domini vocans fidelem Christi plebem, se

Populus
est coro-
na sui
Episcopi.

Exem-
plum S.
Amandi

et Episcopos circumdantem. Ita S. Amandus moriens et ad cælum conscendens apparuit B. Aldegondi absenti et oranti, augusta specie, cinctus corona albatorum; cumque illa percunctaretur, quis ille esset reverendus, in quem albati omnes respicerent, ab angelo audit: Hic est amabilis Deo Amandus, qui a sæculo migrat ad cælum, stipatus sanctis animabus, quas verbo et exemplo ad omnem virtutem instituit, ac proinde ab eis quasi pater colitur et cum eis ad gaudia Domini jam gloriosus ascendit. Testis est auctor Vitæ S. Gisieni, cap. XII, et auctor Vitæ S. Aldegondis, cap. XVII. Si enim in hac vita parens corona filiorum cingitur, et, ut ait Sapiens, *Proverb. XVII, 6*: « Corona senum (sunt) filii filiorum; » si, inquam, paterfamilias, si princeps suorum corona stipatur, et, ut S. Job de se ait, cap. XXIX, 28: « Sedet quasi rex circumstante exercitu: » quidni parentes spirituales, qui filios in æternum victuros cælo genuerunt, eorum corona vallentur et ornentur? Hinc Apostolus Thessalonicenses, epist. I, cap. II, vers. 19, vocat suam coronam gloriæ: qua de re ibi dicam.

SIC STATE IN DOMINO, CHARISSIMI, — state, et constantes persistite in Domini Jesu Christi fide, spe, gratia, justitia, eo modo quo in iis standum esse docui, cap. præced., et eo modo quo vos cœpisse stare gratulatus sum, cap. I, 6; ut scilicet hæreticos fugiatis, nec admittatis circumcisionem et judaismum, sed a solo Christo Christique lege pendeatis, cum eoque vestra conversatio sit in cœlis, eumdem salvatorem reducere e cœlis expectantes, ut vos sibi in resurrectione configuret. « State » ergo, id est perseverate; nam, ut ait S. Bernardus, epist. 129 ad Genuenses: « Sine perseverantia nec obsequium mercedem habet, nec beneficium gratiam, nec laudem fortitudo. » Vir justus est quasi cubus, qui ad omnem fortunæ motum rectus firmusque consistit, ait Simonides. Stat ergo in Domino, qui vere cum Psalte dicere potest: « Mihi autem adhærere (Græce *προσκολλησθαι*, id est *agglutinari*) Deo bonum est, » *Psal. LXXII, 28*. At quo vinculo, quo glutino agglutinabimur Deo? Respondet S. Bernardus, *De Tripl. cohærent.*: « Tria sunt vincula quibus ei astringimur, et primum accipite funes, secundum clavos ligneos vel ferreos, tertium gluten. Primum astringit fortiter et dure, secundum fortius et durius, tertium suaviter et secure. Fune quodammodo alligatus est Redemptori, si quis forte dum vehementiori tentatione turbatur, proponit sibi honestatis intuitum, memoriam promissionis, et hoc interim se fune retinet, ne propositum penitus abruptatur: aurum profecto vinculum et molestum, sed et periculosum nimis et quod diu tenere non possit, siquidem putrescunt funes, et pudoris vinculum aut obliviscimur, aut abruptimus cito. Est autem qui clavis configitur Domino majestatis, quem timor Dei ligat, qui non expavescit ad vultus homi-

num, sed ad memoriam gehennalium tormentorum: et hic quidem peccare non metuit, sed ardere. Durius tamen et fortius primo imprimitur; quia cum ille vacillet in proposito, iste propositum non amittit. Tertius vero glutine ei conglutinatur, id est charitate, qui tam suaviter quam secure ligatus, adhærens Deo unus spiritus est cum eo. »

2. EVOBIAM ROGO, ET SYNTYCHEN DEPRECOR (pro *Vers. 2.* *deprecor*, græce idem est verbum quod paulo ante, scilicet *παραιτώ*, id est *rogo*) IDIPSUM SAPERE IN DOMINO. — Duæ hæ feminæ, inquit Theodoretus, Theophylactus, Anselmus, primariæ erant inter Christianos Philippis, quæ rem Christianam promovere satagebant. Unde de illis subdit: « Adjuva illas, quæ mecum laboraverunt in Evangelio. » Hortatur ergo eas Apostolus, ut ad rem Christianam promovendam idem sapiant in Domino, id est, ut concordēs sint ea concordia, cuius vinculum sit Dominus. Ita Theodoretus, Theophylactus, Anselmus. Nihil enim ita turbat et impedit cursum Evangelii et pietatis, atque diversitas sententiarum et animorum in illis qui præsent aut rem dirigunt.

3. ETIAM ROGO ET TE, GERMANE COMPAR. — Græce *Vers. 3.* *σὺν γυναικί*, quod Stapulensis, Zuinglius et Erasmus vertunt, *germana conjux*: quasi Paulus hic uxorem suam compellet; illa enim græce dicitur *σύνυς*, id est ejusdem jugi (puta conjugii), sive conjux. Sed hanc sententiam refellunt Chrysostomus, Theodoretus, Theophylactus, Oecumenius, imo Calvinus et Beza. *Primo*, quia, si uxorem suam intellexisset hic Paulus, potius dixisset feminine *γυναικα σὺνυγα*, id est *germana conjux*: jam autem masculine dicit *γυναικα σὺνυς*; licet enim hoc Attici usurpent subinde feminine, communiter tamen sumitur masculine; nec Apostolus tam elegans est, ut utatur atticismis. Ita Theophylactus. *Refellitur.*

Secundo, quia uxor Pauli potius habitasset Tarsi vel Hierosolymæ, quam Philippis, ait Theophylactus.

Tertio, quia I *Cor. VII, 7*, Paulus se annumerat in nuptiis. Ad argumentum respondeo, *σὺνυγον* significare quemvis socium, qui idem nobiscum agit, *q. d.* conjugalem, qui idem jugum trahit. Sic Christus apud Nonnum vocat se *σὺνυγον* Patris. Sic II *Cor. VI, 14*, cum Apostolus fidelibus præcipit, dicens: « Nolite jugum ducere cum infidelibus, » vetat, non tantum conjugia cum infidelibus, sed etiam ne fideles quamvis aliam arctiorem cum infidelibus societatem aut familiaritatem ineant: *σὺνυγον* ergo hic vocat socium et collegam suum, insignem scilicet aliquem doctorem, qui secum idem traxerat jugum Evangelicæ prædicationis, sicut cap. II, 23, Epaphroditum vocavit suum *συνεργάτην*, id est *commilitonem*, et Clementem aliosque hoc vers. vocat *συνεργούς*, id est *cooperatores* suos. Ita Theodoretus, Haymo, Anselmus. Unde Vatablus putat Paulum hoc

Justus est
quasi cu-
bus.

σὺνυς fuit conjux Pauli, inquit Erasmus.

Refellitur.

σὺνυς est socius prædicationis. Christus est *σὺνυς* Patris.

nomine designare Epaphroditum : verum quia Epaphroditus non Philippis erat, sed Romæ apud Paulum, hasque Pauli litteras detulit ad Philippenses, verius est Paulum aliquem alium designare, quem hoc titulo et nomine σωζων satis agnoscebant Philippenses. Chrysostomus tamen putat σωζων hic intelligi maritum, vel certe fratrem Evodiæ aut Syntyches. Œcumenius, Lyrannus et auctor Commentarii in hanc epistolam, qui extat apud Hieronymum, et hos secutus Dionysius Carthusianus, putant τὸ germane esse nomen proprium viri, quo hic σωζων sit appellatus. Nihil ergo hic est, quod suadeat Paulum fuisse conjugatum. Mirum est Catharinum hic asserere, in *Revelationibus* S. Brigittæ haberi, quod Paulus fuerit maritus, additque juxta aliquos Pauli conjugem Phœben fuisse appellatam, de qua *Rom. xvi, 1*. Nam prorsus contrarium habetur, lib. II *Revelat. ejus*, cap. vii, et lib. VIII, cap. i.

ADJUVA ILLAS (Evodiam et Syntychen) QUÆ MECUM LABORAVERUNT IN EVANGELIO. — Græce συνδουλῶν με, id est quæ mecum athletice decertarunt pro Evangelio.

CUM CLEMENTE. — Hic est Clemens Romanus, discipulus SS. Petri et Pauli, qui Petro post Linum et Cletum in pontificatu successit.

QUORUM NOMINA SUNT (scripta) IN LIBRO VITÆ. — Nota : Liber hebraice vocatur catalogus « vitæ, » id est viventium, sive eorum qui conscripti sunt ad vitam æternam : hic autem catalogus extat in mente, præscientia et prædestinatione Dei ; hæc ergo ἀπογραφὴ βίβης; dicitur liber, sive catalogus Dei, in quo Deus omnium justorum, qui in justitia perseverant et in gratia moriuntur, nomina quasi descripsit, ut eos vita et corona æterna donet, ait Theophylactus. Sic enim apud homines; qui ad aliquod munus aut dignitatem eliguntur, conscribuntur in libro, uti milites et senatores, qui inde dicti sunt Patres conscripti, ut ait D. Thomas. Unde hebraice סֵפֶר חַיִּים *sepher chajim*, tam librum viventium, quam librum vitæ, significat. Pari modo eadem mens, præscientia et reprobatio Dei, dici potest liber mortis, in quo Deus omnes qui in peccato moriuntur, describit, ut æterna eos morte puniat. Ita Theophylactus, licet D. Thomas non admittat librum mortis, sed tantum vitæ, eo quod hujus nominis, non illius, meminerit Scriptura, et quia Deus, cujus natura est bonitas, per se ordinat et conscribit suos ad vitam; ad mortem vero non per se, sed quasi coactus malitia et peccatis, impios destinat et transcribit.

Nota : Primus qui meminit libri vitæ, est Moses, *Exodi xxxii, 32* : « Aut, ait, dimitte eis hanc noxam (adorationis vituli), aut si non facis, dele me de libro tuo, quem scripsisti. » Deinde David, *Psal. lxxviii, 39* : « Deleantur de libro viventium. » In novo vero Testamento, illius meminit Christus *Lucæ x, 20*, Paulus hic, et S. Joannes *Apocal. xx, 13*.

Nota secundo, duplici modo homines describi « in libro vitæ. » Primo, absolute et complete : ita scribuntur omnes et soli illi, qui in gratia moriuntur, ideoque electi sunt ad vitam æternam. Secundo, inchoate tantum : ita scribuntur in libro vitæ justii omnes, qui adhuc in vita luctantur cum mundo, carne et dæmone, ut, si in justitia perseverent, complete scribantur in libro vitæ, eliganturque et perveniant ad vitam æternam; si non perseverent, deleantur de libro viventium, ut ait David *Psal. lxxviii, 29*. Hoc secundo modo dicit Paulus Clementem et alios suos adjutores adhuc viventes scriptos esse in libro vitæ : nec enim vult eos omnino certos reddere de sua perseverantia, salute et electione ad gloriam, eamque Philippensibus omnibus revelare; nec rursus vult dicere, se accepisse a Deo revelationem de hac ipsorum salute et gloria; sed tantum ipsos quoad præsentem gratiæ statum inchoate ipsos esse in libro vitæ. Vide dicta *Ephes. i, 5*, et cap. *xiii*.

Alio sensu *Eccli. xxiv, 32*, « liber vitæ » vocatur ipsa Scriptura sacra, sive liber legis et Prophetarum; sic enim ibi dicitur : « Hæc omnia liber vitæ, et testamentum Altissimi, et agnitio veritatis. Legem mandavit Moyses in præceptis justitiarum, et hæreditatem domui Jacob, et Israel promissiones. » Cujus loci hic est sensus : Hæc omnia quæ jam dixi de sapientiæ dignitate, utilitate et fructu, subaudi, continet et præstat liber vitæ, id est liber legis et Prophetarum, quem si serves, pertinges ad vitam æternam; qui liber est etiam testamentum Dei continens extremam et summam ejus voluntatem, et pactum cum hominibus, adeoque est ipsa agnitio veritatis; liber, inquam, legis, quam mandavit Moses, dando præcepta justitiæ, quæ essent quasi hæreditas perpetua Israeli, eique promitterent hæreditatem fertilem Judææ in hac vita, et regni cælestis in futura. Dicitur ergo Scriptura sacra « liber vitæ, » quia continet tam promissiones vitæ præsentis et æternæ, quam præcepta ad vitam hanc consequendam opportuna et necessaria.

4. GAUDETE IN DOMINO SEMPER : ITERUM DICO, Vers. 4.

GAUDETE. — « In Domino, » in afflictionibus propter fidem et Dominum toleratis, ait Chrysostomus et Theophylactus; sed hoc arctius est. Secundo, ergo genuine et adæquato : « Gaudete in Domino, » id est in Domini fide, gratia, religione, spe, præmio, quod vobis promisit, q. d. Gaudete, non quia divites estis, nobiles; sapientes, sed quia estis Christiani, quia Dominum habetis Christum, qui vos a morte redemit, sua gratia cumulavit, ad cœlestem gloriam vocavit; gaudete, inquam, semper, tam tempore adversitatis, quam prosperitatis; tam persecutionis, quam pacis : « iterum dico » et repeto, « gaudete in Domino, » id est, in obsequio, protectione et promissis tanti Domini, qui Rex est regum, et Domi-

Dupliciter quis scribitur in libro vitæ, primo inchoate, secundo complete

Liber vitæ vocatur quæque S. Scriptura

Quid sit gaudere in Domino?

« Gau Quid gaudere

dere in de- ait Anselmus, non in sæculo, sed in Do-
 mino; sicut enim nemo potest duobus dominis
 servire; sic nemo potest et in Domino et in sæculo
 gaudere; contraria enim sunt hæc duo gaudia :
 nam sæculi gaudium est impunita nequitia. Luxu-
 rientur homines, fornicentur in spectaculis, nu-
 gentur in ebriositate, ingurgitentur turpitudine,
 et ista mala non impediat fames, non aliquis
 morbus, non aliqua adversitas; sed sint omnia
 redundantia in pace carnis, in securitate mentis,
 et videte sæculi gaudium. Et ideo non in sæculo
 gaudete, sed in Domino, id est non iniquitate;
 sed in veritate, non in flore vanitatis, sed in spe
 æternitatis. »

Et S. Bernardus, serm. 4 in *Vigil. Nativit.* :
 « Gaudete, ait, in Domino semper, iterum dico,
 gaudete. Gaudete de exhibitione, iterum gaudete
 de promissione, quoniam et res plena gaudio, et
 spes plena gaudio est. Gaudete, quia jam percep-
 istis dona sinistræ. Gaudete, quia jam expec-
 tatis præmia dextræ. Læva, inquit, ejus sub
 capite meo, et dextera ipsius amplexabitur me.
 Læva quidem levat, dextera suscipit. Læva me-
 detur et justificat, dextera amplectitur et beati-
 ficat. In læva ejus merita, in dextera vero præmia
 continentur. In dextera; inquam, deliciae, in
 læva sunt medicinae. »

Quærit S. Basilius, interrog. 193 in *Regul. brev.* : « Cujusmodi est gaudium, quod est in Domino? et quid est, quod facientes gaudere debeamus? » ac respondet : « In his quæ secundum mandatum Domini fiunt gaudere, est in Domino gaudere. Quocirca quandocumque mandata Dei exequimur, aut propter nomen Domini aliquid patimur, gaudere et gratulari inter nos debemus. »

Hoc gaudium homini Christiano utile, imo necessarium est, ut jucunde vivat et alacriter in virtutibus pergat, ut opera heroica faciat, ut tristitias et diffidentias, quas vel natura, vel dæmon suggerit, et tentationes omnes superet. « Una, ait S. Antonius apud Athanasium, una, inquam, est ratio vincendi inimicum, lætitia spiritualis, et animæ Dominum semper cogitantis jugis recordatio, quæ dæmonum ludos quasi fumos expellens, persequetur adversarios potius quam timebit. »

Et sane Christianus non unam, sed multas habet gaudii materias et causas, nimirum tot, quotum communia, tum particularia a Deo accepit beneficia, vel se accepturum sperat et expectat; ac præsertim si cogitet vitam æternam sibi in cælo a Deo præparatam, quomodo non omnem tristitiam excutiat? « Delectaberis, ait Isaias LVIII, 14, super Domino, et sustollam te super altitudines terræ, et cibabo te hæreditate Jacob patris tui. » Ita magnus ille Apollo, apud Palladium, in *Lausiaca*, cap. LII, suos illos in eremo fratres, licet solitarie et austere admodum viventes, excitabat ad perennem lætitiā spiritus; ut de eis dicat

Palladius : « Licebat eos videre exultantes in solitudine, adeo ut nullam ejusmodi exultationem in terra videre liceat, nec lætitiā corpoream : neque enim erat inter eos aliquis mœstus aut tristis. » Addit deinde modum et rationem, quæ eis Apollo hanc lætitiā ingerebat : « Si quis, ait, videbatur præ se ferre tristitiā, statim pater Apollo ex eo rogabat causam, et quæ erant in occulto uniuscujusque cordis renuntiabat. Dicebat autem : Non oportet nos esse tristes propter salutem, cum futuri simus hæredes regni cælorum : tristes erunt Gentiles, flebunt Judæi, lugcunt peccatores; justi autem lætabuntur, et qui terrena quidem animo agitant, lætantur in rebus terrenis; nos autem qui tanta spe digni sumus habiti, quemadmodum non lætamur perpetuo? cum nobis Apostolus suadeat, ut semper lætemur, et oremus sine intermissione. » Hactenus Apollo.

Et hoc est, quod ait Apostolus : « Gaudete in Domino. » Quærit S. Basilius *hom. 4, ex 29* variis, quæ est de gratiarum actione, quomodo Christianus inter tot miseras, infortunia et adversitates hujus vitæ semper possit gaudere; ac respondet : « Anima, ait, quæ semel se modis omnibus desiderio astrinxit sui conditoris, jamque insuevit oblectare se tantæ illius pulchritudinis contemplatione, prorsus non sinet vehemens illud gaudium animique sui jucundissimam diffusionem intercepti aut immutari per multiplicem et succedaneam carnalium affectionum mutationem : quin ea potius, quæ aliis mœrorem afferunt, in cumulum sibi vertet et accessionem lætitiæ. Cujusmodi erat Apostolus, dum sibi probe admodum complaceret in infirmitatibus, in tribulationibus, in persecutionibus, in necessitatibus, egestatem suam in gloriam et exultationem permutans. »

Et Chrysostomus, *hom. 18. ad Pop.*, eidem questionī ita respondet, ut doceat nautas, mercatores et quoslibet homines ex omni suo labore gaudium quærere, nec tamen invenire; Paulum vero gaudii fontem et thesaurum nobis aperire : « Non enim, inquit, simpliciter dixit : Gaudete semper, sed addit continuæ voluptatis causam subdens : Gaudete in Domino semper. In Domino gaudens ex accidente nullo hac voluptate excidere potest : alia nempe cuncta, in quibus gaudemus, mutabilia sunt, nec tantam nobis afferunt voluptatem, ut ex aliis nascentem tristitiā expellant et obumbrent : Dei vero timor hæc habet utraq; stabilis enim est et immotus, atque tantam emit tit lætitiā, ut nullus nos aliorum malorum sensus capiat. Deum enim sicut oportet timens, et in ipso confidens, voluptatis radicem lucratus est, et omnem habet lætitiæ fontem. Et sicut in immensum mare decidens scintilla brevi facile extinguitur, sic quantacumque Deum timenti illidantur, veluti in vastum lætitiæ pelagus incidentia extinguntur atque perduntur. Et revera hoc est

Et Alibi
 tis A
 lo.

Quomodo
 Christus
 nus inter
 tot
 rumnas
 semper
 gaudere
 possit?
 Respon-
 det S. Ba-
 silius,

Et S.
 Chrysos-
 tomus.

Morale,
 quam læ-
 titia
 Christia-
 nas utili-
 lis et fa-
 cilis.
 Ex sen-
 tentia S.
 Antonii.

Quomodo
Christia-
nus in
singulis
adversis
se ad gau-
dium ex-
citet?

maxime mirabile, quod, cum adsint quæ contristare solent, permanet ipse gaudens. » Et infra, quod sancti semper gaudeant in quantavis afflictione, ita per singula discurrens, demonstrat dicens : « Sit enim aliquis nihil in se damnum habens, sed bona fretus conscientia, et ad futura anhelans, et expectans illam beatam spem, quid hunc, quæso, poterit in tristitiam inducere? nam *primo*, omnibus rebus intolerabilior mors esse videtur : sed hujus expectatio non tantum ipsum non contristat, sed et delectat; novit enim quod mortis presentia, malorum est liberatio, et cursus ad coronas. *Secundo*, sed filiorum acerba mors. Verum et hoc generose fert dicetque Job verba : Dominus dedit, Dominus abstulit, sit nomen Domini benedictum. *Tertio*, quod si filiorum mors non potest contristare, multo minus et pecuniarum jacturæ, et accusationes, et calumniæ, tam magnum et generosum animum tangere possunt, neque corporis dolores. Quoniam Apostoli flagellabantur et gaudebant a conspectu concilii, quoniam digni habiti sunt pro nomine Jesu contumeliam pati. A Christo in contumeliis gaudere instituti sunt : Gaudete, ait, et exultate, cum dixerint omne malum mentientes adversum vos, quoniam merces vestra multa est in cœlis. *Quarto*, sed in morbum incidit. Verum audivit alium admonentem et dicentem, quoniam sicut in igne probatur aurum, sic homines acceptabiles in fornace humiliationis. Cum igitur neque mors, neque pecuniarum jactura, neque corporis ægritudo, neque ignominia, neque convitium, neque quippiam ejusmodi ipsum contristare possit, verum etiam magis delectet, quam unquam tristitiæ materiam habeat? »

Vers. 5.

5. MODESTIA VESTRA NOTA SIT OMNIBUS HOMINIBUS. — *q. d.*, ait Anselmus : In Domino, ut dixi, sit gaudium vestræ mentis : sed homines videant modestiam vestræ conversationis, ut vestro exemplo discant modeste agere. Paulo aliter hæc connectit S. Bernardus, serm. in illud Apostoli, *Non est regnum Dei esca et potus*. Ait enim : « Duplex est gaudium quod habes in Spiritu Sancto, scilicet *primo*, de memoria futurorum bonorum; *secundo*, de malorum præsentium tolerantia. Nil quippe in his carnale sapit, nil sæculare, nil vanum, sed spiritus veritatis et cœlestis sapientiæ est, cujus in utraque suavitas prælibatur. Gaudete in Domino semper, ait Apostolus, iterum dico, gaudete. Et duplicis hujus gaudii materiam secutus adjunxit : Modestia vestra nota sit omnibus hominibus : Dominus enim prope est. Quid modestia, nisi mansuetudo et patientia est? Gaudeamus ergo de his quæ expectamus : quoniam Dominus prope est. Gaudeamus iterum de his quæ sustinemus, ut modestia nostra omnibus nota sit. Nimirum tribulatio patientiam operatur, patientia probationem, probatio vero spem, spes autem non confundit. »

Præclare Cicero, et ex eo S. Augustinus, lib.

De Beata vita : « Modestia, inquit, utique dicta est a modo; et a temperie temperantia. Ubi autem modus est atque temperies, nec plus est quidquam, nec minus. » Et inferius : « Modus ergo animi sapientia est. » Et mox : « Si autem quæritis quid sit sapientia? nihil est aliud quam modus animi, hoc est quo sese animus librat, ut neque excurrat in nimium, neque infra quam plenum est, coarctetur. » Et paulo superius : « Tullius in populari oratione ait : Ut volet quisque accipiat; ego tamen frugalitatem, id est modestiam et temperantiam, virtutem esse maximam judico. Prorsus doctissime ac decentissime. » Eleganter vir sapiens rogatus : « Quid est rosa? ait : est purpura veris. Quid est modestia? ait : est purpura virtutum. » Nulla enim purpura cardinalem aut regem ita decorat, uti modestia exornat virtute præditum. Modestia ergo virtutes cæteras quasi virgines regias regio habitu illustrat. Unde Euripides, in *Medea*, modestiam vocat « donum pulcherrimum deorum. » Nam, ut ait Hugo Victor, « habitus mentis in corporis statu cognoscitur. Itaque vox quædam animi est corporis motus. » Hinc S. Augustinus in *Regula* ita sancit : « In omnibus motibus nostris nil fiat, quod cuspianam offendant aspectum, sed quod nostram deceat sanctitatem. »

Nota : Pro *modestia*, græce est τὸ ἐνυῦν; ἔμπειρα; quod *primo*, significat æquitatem; *secundo*, humanitatem; *tertio*, moderationem animi, quæ etiam adversa, persecutiones, injurias et hostes ipsos moderate ferimus et toleramus. Sic accipiunt Chrysostomus, Theodoretus, Theophylactus, quasi velit Paulus, ut Philippenses contra Gentiles aliosque se persequentes et affligentes non excandescant, non indignentur; sed per animi moderationem omnia quantumvis durè patienter ferant, et erga hostes suos mansueti sint, benigni et placidi. Hic sensus valde appositus est huic loco, personis et tempori.

Quarto, τὸ ἐνυῦν; significat *modestiam*, ut vertit Noster, quæ virtus est ponens modum actionibus externis, nimirum quæ moderatur verba, incessum, habitum, omnemque gestum et motum tum in mensa, tum in plateis, tum in templo, tum in scholis, tum quolibet alio loco. Vide dicta *Galat. v. 23*.

Vult ergo Apostolus ut Christiani modestiam omnibus exhibeant, qua internam animi moderationem testentur, quaque alios alliciant ad christianismum et suam modestiam imitandam.

Ita nimirum S. Bernardus sua specie et morum compositione, omnes ad Dei amorem et vitæ puritatem invitabat. Nam, ut ait auctor *Vitæ ejus*, lib. III, cap. 1 : « Apparebat in carne ejus gratia quædam spiritalis; in vultu claritas præfulgebatur non terrena, sed cœlestis; in oculis angelica quædam puritas et columbina simplicitas radiabat; tanta erat interioris ejus hominis pulchritudo, ut evidentibus quibusdam indiciis foras erumperet,

quatuor significat; primo, æquitatem; secundo, humanitatem; tertio, moderationem animi.

Quarto modestiam.

Modestia est gratia S. Bernardi.

et de cumulo internae puritatis et gratiae copiose perfusus homo quoque exterior videretur. »

Hac modestia excelluit quoque S. Malachias, Episcopus Iliberniae, qui nullum membrum sine ratione movebat, ait S. Bernardus in ejus *Vita*. Et S. Lucianus, presbyter et martyr, qui solo suo aspectu modesto, hilari et pio, multos ad Christum convertit. Tanta enim erat in eo vultus serenitas, suavitas, lux, ut radios vibrare videretur; tanta morum sanctitas et decor, ut angelus videretur, non homo; nemoque eum intueri posset, quin fidei et Christi amore incenderetur; adeo ut Galerius Maximianus imperator, acerrimus Christianorum hostis, non auderet eum coram intueri. Audi auctorem Vitæ, et ex eo Baronius, anno Domini 311 : « Cum de Luciano a multis audiret Maximianus, tantam in ejus facie insidere reverentiam, ut, si eum solum vidisset, veniret in periculum ne fieret Christianus; postquam jussit ut ille adduceretur, timens ne sibi tale quid accideret, velo interjecto separat sermonis congressionem, et verba procul ad eum emittebat, intermedio utens sermonis ministro. » Quocirca merito Auctor Comm., lib. II in *Job* apud Origenem (Origenes enim esse nequit, utpote qui Lucianum multis annis antecesserit), agens de gloriosa Luciani vita et martyrio : « Ita, ait, consummatus est beatus atque gloriosus Lucianus, lucidus vita, lucidus et fide (lucidus et modestia, æque ac vultu), lucidus etiam tolerantiae consummatione. Ob hoc enim Lucianus cognominatus est tanquam lucidus, aut proprio lumine sibi fulgens, aut aliis præluens. » Porro causam et fontem tantæ modestiæ in Luciano indicat auctor Vitæ, dum initio ejus primam ætatem ita describit : « Plurimum vitæ suæ tempus impendebat precibus et lacrymis. A scurrilitate et risu tantum aberat, quantum judicabat ea esse vere ridicula. Contra autem eos qui lugebant, studebat imitari, et existimabat esse dignos beatitudinibus. Silentium autem amplexus, et assiduæ deditus meditationi, videbatur semper cogitabundus et tristitia plenus iis qui ad eum accedebant, etiamsi spiritu in se perpetuo exultaret et letaretur. Si quando autem verbum ei ex ore visum esset emitte, divinæ Scripturæ erant id quod loquebatur. Tantus enim earum divinus amor ipsum ceperat, ut vix somnum vellet capere propter continuam earum meditationem : » unde et Bibliorum editionem Græcam ex Hebraico textu confecit, quæ Lucianea est dicta. Hæc prima ejus pietatis rudimenta animum a terrenis avulserunt, et rebus divinis imbuerunt, ut Deo plenus divinum quasi vultum moresque divinos indueret.

Pulchre quoque S. Ephrem hujus modestiæ et temperantiæ, ut ipse vocat, actus particulares quaquaversum describit, lib. *De Virtutibus et Vitiis*, cap. *De Temperantia et Continentia*, dum ait : « Temperans modestiæ fræno linguam temperat a conviciis, et execrationibus abstinet, non de-

lectatur vaniloquio, unum in alterum calumniando et obtrectando non commovet : secreta celat, et silentio aliena contegit. Temperans in auditu dicitur, qui aures rebus inanibus et maledicis non accomodat. In oculis, qui non passim quæ oblectare possunt, aut quæ nefas est videre, respicit. Animo temperans est, qui sic eum regit, ut non efferatur iracundia, nec cito exacerbetur. In gloria modestia cernitur, quando quis ita mentem moderatur, ut nec honoribus, nec dignitatibus, nec laudibus aucupandis vincatur. In cogitationibus, cum quis timore Dei blandas arridentesque cogitationes reprimit. In cibis, quando nec delicatioribus quis delectatur, nec extra præfinitum edendi tempus cibum appetit, horumque anticipat, nec dapum varietatem et pulchritudinem avidè requirit. In potu, quando non immodice non solum vino, sed nec aquæ quidem potu fruitur. » Hæc ille. Brevius S. Bernardus, *epist.* 113 : « Disciplina, ait, mentem et corpus componit, cervicem submittit, ponit supercilia, componit vultum, ligat oculos, cachinnos cohibet, moderatur linguam, gulam frænâ, iram sedat, format incessum. » Et alius Doctor : « Sales, inquit, sint sine dente, joci sine vilitate, vox sine clamore, incessus sine tumultu : pauca loquere, plus cogita, pudore te arma, vultu terram aspice, cœlum animo. »

DOMINUS PROPE EST. — Aliqui vocem enim addunt; sed nec Syrus, nec Græca, nec Latina correctæ illud habent, et sine eo sensus est planior : vult enim Apostolus dare stimulum generalem tam ad modestiam et gaudium quod præcessit, quam ad quietem animi, orationem aliasque virtutes, quas subjungit.

Stimulus hic est, si cogitemus quod Dominus prope sit : jam sensus est, « Dominus prope est, » id est, Christus judex appropinquat, ut conspiciat, succurrat et adjuvet nostram patientiam et modestiam. Ita Anselmus. *Secundo* et genuine, « Dominus prope est, » id est, Christus judex appropinquat, ut veniat ad judicium, ut coronet nostram patientiam et modestiam, ut gaudium nostrum compleat, utque hostium nos persequentium injurias vindicet et puniat.

6. NIHIL ERGO SOLLICITI SITIS. — *q. d.* Non ergo vos angat sollicitudo honorum temporalium aut malorum, sive bonis spoliemini, sive exilio mulitemini, sive morbis aliisve infortuniis affligamini; quia pro his omnibus Dominus propediem adveniens, æterna vobis bona conferet. Ita Chrysostomus, Theodoretus et Theophylactus.

Nota : Potest hic locus intelligi de judicio particulari, *q. d.* Prope est finis vitæ nostræ, utpote brevissimæ; brevi enim moriemur, et consequenter prope est judicium particulare, et prope est Dominus, qui in illo præses et judex nos judicabit.

Secundo et melius, accipias de judicio universalis : de illo enim ita solet Apostolus loqui quasi

instaret et vicinum esset, ut illud semper prae oculis habeant Christiani, ad illudque se comparent. Unde diem iudicii universalis solet Apostolus vocare diem Domini; prope est ergo Dominus, quia prope est finis mundi et dies iudicii universalis, quod Dominus exercebit coram toto mundo; prope, inquam, est respectu longissimae praescientiae et aeternitatis Dei, in qua mille anni sunt tamquam dies hesternae quae pertransiit, q. d. Ergo modestiam, patientiam aliasque virtutes colite, ut in die iudicii laeti sitis et securi, utque a Christo iudice publicam laudem et gloriae coronam accipiat. Ita Chrysostomus et Theophylactus.

Qua de re pulchre idem Chrysostomus, hom. 33 in Joan. : « Instat, ait, jam tempus reddendae rationis. Ideo Paulus ait : Dominus prope est, nihil solliciti sitis, Dominus prope est, non longe a fine absumus, sed jam mundus properat; hoc bella, hoc afflictiones, hoc terrae motus, hoc extincta charitas significat. Quemadmodum enim corpus jam adventante morte innumeris malis afficitur, et domus prope casum in ruinas fatiscit : ita orbis terrarum ad finem properans tantis undique malis conteritur; nam si Pauli temporibus Dominus prope erat, nunc profecto propior est. Si ante trecentos annos finem temporum Paulus esse dixit, quid nunc dicendum est? » Addit deinde diem iudicii uti vicinum, ita et subitum ac improvisum adfore, dicens : « Cohibeamus igitur affectus nostros, exerceamur in Dei timore; etenim nobis licentia perditis, nihil tale expectantibus ex improvviso Dei adventus aderit. Quod his verbis Christus significat : Sicut factum est in diebus Noe, sic erit, etc., ut Paulus : Cum dixerint : Pax, securitas, tunc repentinus eis superveniet interitus : sicut dolor in utero habentis. Saepe gravidæ mulieres inter eundem et ludendum, dum balneis, dum spectaculis oblectantur, repentinis torquentur doloribus : hac et nos in hac vita conditione versamur. Simus ergo semper parati. »

IN OMNI ORATIONE ET OBSECRATIONE, CUM GRATIARUM ACTIONE, PETITIONES VESTRAE INNOTEScant APUD DEUM. — Nota, *in omni* non posse referri ad *orationem* : nam in Graeco est discordantia generis; *παντι* enim, id est *omni*, est masculini generis; *προσευχη* vero, id est *oratione*, est feminini. Unde Oecumenius et Graeci *in παντι*, subaudiunt *πράγματι*, id est *in omni*, subaudi, re et negotio, de quo solliciti estis. Syrus *in παντι*, subaudit *χρόνω*, id est in omni tempore, hoc est semper. « Oratione, » id est, per orationem et instantem ac ferventem obsecrationem junctam cum gratiarum actione (haec enim oratio et obsecratio Deo grata est, Deique gratiam et opem provocat, quae ab animo grato profiscitur et gratiarum actione conditur), petitiones vestras notas facite et exponite Deo, ut ejus opem flagitetis et impetretis.

7. ET PAX DEI QUAE EXSUPERAT OMNEM SENSUM. —

Primo, « Pax Dei, » inquit Chrysostomus et Theophylactus, est reconciliatio quam fecit Deus cum hominibus, quando olim eis iratus jam per Christum factus est placatus. Unde Christus dicitur « pax nostra, » id est causa pacis, *Ephes. II, 14*. Hanc pacem Prophetæ et Angeli Christo nato occinuerunt canentes : « Gloria in excelsis Deo, et in terra pax hominibus bonæ voluntatis. »

Secundo : « Pax, » inquit Anselmus, qua in seipso pacatus et quietissimus est Deus, cujus natura est pax, ait Ambrosius, custodiat corda vestra, eisque pacem suam communicet; Deus enim increata est pax, cujus participatione pacificantur angeli et homines.

Tertio, alii intelligunt pacem cum hominibus et injuriarum oblivionem, de qua vide Chrysostomum in *moralibus hom. 14*.

Quarto et optime, Ambrosius : « Pax, » inquit, quam habet anima sancta cum Deo, est tranquillitas conscientiae; « quæ exsuperat omnem sensum, » græce *ὑπὲρ*, id est *intellectum*, q. d. Intelligi non potest, qualis et quanta hæc sit pax.

CUSTODIAT, — Græce *προφυλάττω*, id est custodiet, quasi Paulus promittat eis hanc custodiam, ejusque fiducia eos animet. Verum aptius Noster vertit, « custodiat : » Hebræi enim sæpe futurum sumunt pro optativo, quo carent, illudque exigit copula *et*, nimirum ut necat eadem tempora et modos. Cum ergo modus optandi præcesserit, videlicet, « nota sit, sitis, innotescant, » sequitur et hic eodem modo per optativum esse vertendum : omnia enim et præcedentia et sequentia sunt optantis. Jam « custodiat, » id est, instar custodiæ militaris contra omnes hostes tueatur; *προφυλάττω* enim significat custodiam quæ obsessis civitatibus adhiberi solet.

CORDA VESTRA (id est voluntates vestras, ne a fide, justitia, virtute, ulla tentatione, ulla persecutione, divelli vos sinatis) ET INTELLIGENTIAS VESTRAS (id est intellectus vestros, ne in errorem aliquem contra fidem, aut in iudicium aliquod practicum erroneum et bonis moribus adversum abducamini) IN CHRISTO JESU, — id est, per Christum, ait Oecumenius. *Secundo* et melius, « in Christo, » ut scilicet « in Christo, » id est in Christi fide et gratia maneatis et crescatis, itaque arctius Christo jungamini.

Nota : Paulus hic suggerit Christianis, ut omnibus hostibus suis pacem opponant quasi scutum impenetrabile, quia revera hæc pax elidit omnes suggestiones dæmonis, carnis et mundi : imo omnes tyrannorum minas et tormenta superat. Unde S. Tiburtius martyr, cum Torquati tyranni et carnificis tormenta omnia contempsisset, causam hujus contemptus et magnanimitatis subjunxit, dicens : « Omnis nobis vilis est pœna, ubi pura comes est conscientia; » nimirum :

Hic murus athenicus esto,
Nil conscire sibi, nulla pallescere culpa.

Pax Dei
qua triplex.

Pax est
scutum
quo omnia
hostium tela
elidimus.

Vilis est
pœna,
ubi pura
comes
est conscientia.

Vide ea quæ dixi I *Timoth.* 1, 5. Hinc est quod omni studio diabolus hanc nobis pacem eripere conatur, sollicitando nos ad peccata; vel certe eam turbare, immittendo scrupulos, diffidentias, merores, tentationes.

Effectus
pacis.

Nota *secundo*: Hæc pax *primo*, serenitatem menti inducit; *secundo*, lætitiā: secūra enim mens est quasi iuge convivium; *tertio*, confidentiam, et ex ea magnanimitatem; qui enim scit se pacem habere cum Deo, se esse in Dei gratia, imo Dei amicum et filium, se Deum habere patrem; patrem, inquam, amantissimum, qui summam filiorum suorum et curam et providentiam gerat, omniaque eis faciat cooperari in bonum, ad majus gratiæ et gloriæ meritum: qui, inquam, hæc serio cogitat et perpendit, hic Deo totus confidit, illi se suaque omnia committit, nec dubitat quin Deus se et suas actiones diriget et prosperabit, seque contra hostes et tyrannos quantumvis ferocissimos tutabitur. Hic ergo certus de Dei patris sui tutela et directione paterna in ea conquiescit et securus indormit, dicitque:

Etiam si fractus illabatur orbis,
Impavidum ferient ruinæ;

nemo me lædet, nisi prius Deum læserit viceritque.

Pacis for-
titudo.

Nota *tertio*: Pax hæc et confidentia facit nos demonibus omnibusque hostibus, non solum inexpugnabiles, sed et terribiles ac formidabiles. « Quis enim, ait Ambrosius, non metuat eum, quem scit Dei esse amicum, qui Deum habet protectorem, imo vindicem, pro quo Deus pugnat, ut eum triumphare faciat? II *Corinth.* II, 14.

Vers. 8.

8. DE CÆTERO, FRATRES, QUÆCUMQUE SUNT VERA, — id est sincera et aliena ab hypocrisi: vel generalius, ut hoc primo epitheto cætera omnia sequentia complectatur, quæ deinde speciatim explicet, « quæcumque sunt vera, » veritate vitæ, id est conformia Christianæ legi, professioni et perfectioni. Unde Theophylactus: « Vera, » inquit, id est virtutibus prædita: omne enim vitium est mendacium, inquit Chrysostomus.

QUÆCUMQUE PUDICA, — *συνήα*, id est gravia, severa, honesta, verecunda. Ita Syrus, Theophylactus, Erasmus, q. d. Quæ talia sunt ut sancta quadam gravitate vos exornent: hæc enim et pudica sunt. Impudica namque levitatem et leves gestus amant, sanctimoniamque fugiunt. S. Ambrosius vertit, *magnifica*.

QUÆCUMQUE SANCTA. — Legit noster Interpres *ἀγία*, jam legunt *ἀγία*, id est casta, nisi dicas sanctitatem hic, uti et alibi, significare castitatem, uti I *Cor.* VII, vers. 34, de virgine dicitur: Ut sit sancta, id est pura et casta, corpore et spiritu. Opponit, inquit Chrysostomus, castitatem Paulus iis, quorum Deus venter est, de quibus cap. præced.

QUÆCUMQUE AMABILIA. — *προφοιῦν*, id est quæcumque ad amicitiam, concordiam et benevolentiam alendam, aut promovendam sunt accommoda:

vult enim ut Christiani omnibus etiam Ethnicis se faciant amabiles, ut eos sibi concilient, itaque ad Christum et virtutem pelliciant: hac enim amabilitate quasi esca capiuntur homines. Sic Christus et Apostoli satagebant efficere, ut ab omnibus amarentur, exhibendo se omnibus benevolos, comes, affabiles: hinc Paulus omnibus omnia factus est.

QUÆCUMQUE BONÆ FAMÆ, — quæ vobis et Christo ac Christianismo nomen et famam concilient. Ambrosius vertit, *quæcumque laudabilia*; perperam Erasmus vertit, *quæcumque ominata*, vel *boni sunt ominis*: licet enim hoc quoque significet Græcum *εὐφημα*, illa tamen significatio huic loco non convenit. Quæ enim connexio vel affinitas est inter ea quæ sunt pudica, justa, sancta; et ea quæ sunt boni ominis? *εὐφημα* ergo hic significat ea quæ bonæ sunt famæ, ut fatetur Beza; *φῆμι* enim famam significat.

SI QUA LAUS DISCIPLINÆ, HÆC COGITATE. — In Græco non est « disciplinæ, » sed tantum *τις ἐπαινος*, id est *si qua laus*, videlicet bonæ vitæ et disciplinæ, q. d. Quidquid est laudabilis disciplinæ, quidquid est quod vos in sancta disciplina contineat et exerceat, quodque disciplinam Christianam Ethnicis commendat, « hæc, » id est jam dicta, « cogitate, » ut ea faciatis et exequamini.

Nota: Non laudem, sed laudabilia sectari jubet Apostolus. « Laudabilia fac, inquit Chrysostomus, sed non laudis respectu. »

9. QUÆ ET DIDICISTIS, ET ACCEPISTIS, ET AUDISTIS, ET VIDISTIS IN ME, HÆC AGITE: ET DEUS PACIS ERIT VOBISCUM. — Hinc patet, Paulum multa in particulari de habitu, vestitu, mensa, colloquio, gestibus, moribus omnique modestia in templo, in plateis, in conviviis, præsertim cum Ethnicis, observanda Philippensibus præscripsisse, eaque verbo et exemplo (quomodo nimirum omnibus in rebus se gerere deberent) docuisse, quæ litteris non sunt consignata, ea tamen vult ab eis servari; ergo non sola Scriptura est norma credendorum et agendorum, uti volunt Novantes.

Nota: « Deum pacis » vocat auctorem et amatorem pacis, q. d. Deus, qui pacem amat, vobis aderit, et pacem vobiscum fovebit facietque vos mutua pace frui: imo vobis pacem et gratiam Gentilium conciliabit.

10. TANDEM ALIQUANDO (post longiorem moram et torporem) REFLOUISISTIS PRO ME SENTIRE. — Græce *ἀνέθλστα τὸ ὑπὲρ ἐμοῦ φρονεῖν*, id est, *revivistis pro me sentire*. Ubi nota: Est metaphora a plantis, quæ hieme exarescunt, vere revirescunt, q. d. Sic vos, o Philippenses, in algore quodam charitatis fuistis erga me et quasi aridi: nunc novo vere et spiritu quasi afflante revivistis, revixistis ac revigistis. Ita Chrysostomus et Theophylactus.

Secundo, *φρονεῖν*, id est sentire, capitur pro *φρονεῖν*, id est curare, curam et sollicitudinem gerere. Sic capitur *Coloss.* III, 2, et alibi, q. d. Intemperatis et obtorperatis nonnihil erga me mei-

que curam, o Philippenses; sed jam pristinum affectum, curam, sollicitudinem pro me alendo et fovendo resumpsistis. Ita Chrysostomus et Theophylactus.

SICUT ET SENTIEBATIS. — ἐφ' ᾧ, in quo sentiebatis, q. d. Qua in re solebatis sentire, id est solliciti esse pro me, videlicet in alimonia et necessariis vitæ mihi procurandis.

OCCUPATI AUTEM ERATIS. — Quia tacite exprobravit eis torporem eorumque negligentiam culpavit, hic increpationem mitigat et excusat, dicens: « Occupati eratis, » græce ἡκαρπίσθη, id est non habuistis opportunitatem, mihi scilicet subveniendi, non habebatis ad manum quæ mitteretis. Nam, ut Chrysostomus ait, erat vobis res angusta domi, non habebatis quo mihi succurreretis, impotentia et penuria vos occupabat, vobisque manus claudebat et ligabat. Adde, sicut Græcum ἡκαρπίω non tantum significat opportunitatem habeo, sed et locuples ac dives sum, uti ex Suida et Athenæo docet Henricus Stephanus: ita ejus contrarium, ἀκαρπίω, significat non tantum destitui oportunitate, sed etiam opibus, pauper sum. Ita quoque explicat S. Chrysostomus et Theophylactus. Unde Noster apte vertit (quidquid oclamet Beza) « occupati eratis, » vestra scilicet paupertate, vobis ipsis alendis vestrisque curandis, q. d. Non tam negligentia vestrae tribuo, quod hactenus nihil ad me miseritis, quam vestrae inopiæ. Alii interpretantur: Non habebatis opportunitatem, id est fidum nuntium, per quem mitteretis.

Quid
ἀκαρ-
πίω?

Vers. 11. 11. NON QUASI PROPTER PENURIAM DICO, — id est, ut clarius vertit Syrus, non quod penuriam passus sim aut patiar, id dico, scilicet quod gaudeam in vestra pro me sollicitudine et elemosyna.

EGO ENIM DIDICI (exercitio, usu et assuetudine) IN QUIBUS SUM (iis quæ habeo, quæ mihi ad manum sunt) SUFFICIENTES ESSE. — Græce αὐτάρκης εἶναι, id est mihi sufficiens et contentus esse.

Nota, Dei proprium esse sibi sufficere, indeque hebraice vocatur *Saddai*, q. d. יְדֹוּ *scedai*, id est cui est omnis sufficientia, vel qui omnem habet sufficientiam. Hinc nonnulli ab hoc Hebræo nomine יְדֹוּ *dai*, id est sufficientia, nomen Deus, et Θεός; ac Ζεὺς, deducendum putant, ut hæc omnia idem sint quod Hebræum *saddai*, et Græcum αὐτάρκης. Deus enim est, qui in seipso perfectus, sufficiens, beatus, nullo indiget, et quo cætera omnia indigent; et hoc est quod ait Psaltes, *Psal. xv, 2*: « Dixi Domino: Deus meus es tu, quoniam bonorum meorum non eges. » Ubi advertite talam in Deo sufficientiam esse, quæ sit abundantia, qua non solum sibi, sed et omnibus creaturis sufficiat, et abunde suggerat quod cuique convenit; et hoc significat Hebræum *saddai*, hoc est qui omnem sufficientiam et abundantiam ita habet, ut eam aliis tribuat et communicet quasi cornu copiæ, q. d. Sufficentissimus, abun-

dantissimus, copiosissimus, de cujus plenitudine, ut ait Joannes, cap. 1, omnes accepimus. Hinc S. Paulus vim vocis *saddai* explicans, 1 *Timoth. cap. vi, 17*: « Divitibus, inquit, præcipe, etc., non sperare in incerto divitiarum, sed in Deo vivo, qui præstat nobis omnia ad fruendum, » id est qui est *saddai*. Sic et R. Saadias: « Ideo, ait, Deus dictus est *Saddai*, quod ipse abundet, omnesque omnium creaturarum defectus expleat. » Hac de causa Græci Hebræum *Saddai*, nunc Αὐτάρκης, nunc Παντοκράτωρ, Latini vero passim *Omnipotens*, vertunt. « Aquila, inquit Hieronymus ad *Marcellam*, vertit ἀρχιμεν, quod nos robustum et sufficientiam ad omnia perpetranda accipere possumus. » Eandem vim vocis *Saddai* explicat Paulus, *Act. xvii, 24*: « Deus, ait, qui fecit mundum et omnia, etc., nec manibus humanis colitur indigens aliquo, cum ipse det omnibus vitam, et inspirationem, et omnia, etc.; in ipso enim vivimus, et movemur, et sumus. »

Cnr Deus
dicatur
saddai,
id est suf-
ficiens?

Dicitur ergo Deus *Saddai* non tantum hoc nomine, quod sit omnipotens et omnia possit, sed etiam quod sit efficax, et efficaciter omnia in omnibus operetur et faciat, ipsiusque cura, prudentia, sapientia, bonitate cuncta existant, vivant, moveantur; quodque omnes homines, adeoque universæ creaturæ de ejus inexhausta plenitudine, existentiam, vitam, operationes, bonaque omnia, tanquam ab eterno thesauro et fonte perenni, accipiant. Unde Plato distinguens hæc tria ἐνδεαν, αὐτάρκειαν et ὑπέρχειν, id est inopiam, sufficientiam et redundantiam, sive effusionem, solam ὑπέρχειν, hoc est bonitatis abundantiam et effusionem, Deo tribuit. « Sicut, inquit, crater aliquis vino plenissimus superfluit, sic et Dei bonitas in se plenissima redundat et superfluit in homines aliasque creaturas. » Platonem hactenus tantum reprehendit Nazianzenus, orat. *De Filio*, quod effusionem quamdam naturalem, non voluntariam et liberam, hoc exemplo innuere videatur: nam alias effusionem hanc in Deo admittit Nazianzenus, orat. 2 *De Paschate*.

In Deo
non est
inopia,
nec suffi-
cientia,
sed re-
dundan-
tia.

Hinc eximium et divinum bonum, adeoque divinæ virtutis, perfectionis et felicitatis primaria participatio est, si quis sit αὐτάρκης, id est sibi sufficiens, sua sorte et re contentus, adeo ut nihil appetens nullo indigeat, sed potius pro sua sorte se suaque aliis communicet et liberaliter effundat. Talem se hic Paulus omnibus imitandum proponit; hancque virtutem eum docuit, tum continua peregrinatio, tum carcer. Id se re ipsa et pari experientia didicisse solebat asserere Reverendus Vendevillius, nuper Episcopus Tornacensis, vir Apostolici zeli; qui cum consiliarium adhuc ageret, captus ab hæreticis et versus Hollandiam ductus, cum in carcere tenui et aspero victu vicitare cogeretur, dureque tractaretur, sanus tamen, vegetus ac valens vixit; ac tandem carcere liberatus, cum ad nos rediret, rogatus qui se in carcere habuisset, respondit se expe-

Divinus
est αὐ-
τάρκης,
id est, si-
bi suffi-
ciens, sua
sorte con-
tentus.

Quam
paucis
naturam
sit
contenta.

solis scientiam famem experti. nientia didicisse, quod nunquam credidisset nisi expertus, naturam tam paucis esse contentam, imo valere et vigere: Didici, inquit, in carcere mihi esse sufficiens, et paucis vilibusque esse contentus, qui tenerior ac molliori vitæ assuetus. putabam mihi impossibile ita vivere; itaque carcer insignis mihi fuit schola et beneficium, pro quo ingentes Deo gratias ago. De hac sufficientia plura dixi I *Timoth.* vi, 6, et II *Cor.* ix, 8.

Vers. 12. 12. SCIO ET HUMILIARI, SCIO ET ABUNDARE; ET SATIARI, ET ESURIRE; ET ABUNDARE, ET PENURIAM PATI. — Vatablus et Erasmus vertunt, *novi humilis esse, novi et excellere*, id est, scio quo debeam esse animo cum me Deus deprimit, ac rursus, cum me cæteris excellere facit; excellentia enim proprie opponitur humilitati, non abundantia. Et Græcum *περισσύνειν* non tantum abundare, sed et præcellere significat. Verum melius vertit Noster, *scio et humiliari, scio et abundare*: non enim loquitur Apostolus de humilitate mentis, sed paupertatis. Hebræi enim *פָּדַח* tam tenuem et inopem, quam humilem, vilem et abjectum vocant; et *עָנִי* ani tam pauperem et inopem, quam humilem, mitem et mansuetum vocant: qui enim inops est, quasi vilis contemnitur, idemque superbis divitibus humiliter et mansuete loquitur. « Humiliari » ergo hic significat esse inopem et indigum; unde ei opponitur, non superbire, sed « abundare »; agit enim Apostolus de rerum penuria et copia. Rursum « humiliari, » id est jejuna: nam Hebræi *עָנָה נֶפֶשׁ* *anot nephes*, id est humiliare; vel affligere animam, vocant jejuna. Unde mox explicans subdit, *et satiari, et esurire; et abundare, et penuriam pati*, q. d. Scio ferre penuriam, scio ferre et abundantiam, scio quomodo me in penuria geram, scio quomodo et in abundantia: in illa scilicet non tristiari, non deijci, paucis esse contentus scio; in hac non dissolvi, non deliciari, sed quæ supersunt in pauperes conferre. Ita Chrysostomus et Theophylactus.

UBIQUE ET IN OMNIBUS INSTITUTUS SUM. — Græce *παρέστω*; id est mysteriis initiatus sum, sacris imbutus sum. Significat ergo *primo*, in Christianis omnem tam copiam quam inopiam, totamque vitam esse velut perenne sacrificium Deo consecratum, cujus ritus et modum Christus nos docuit, docetque suos mystas sanctos, arcane scilicet et interiorius, illius mysterium, quod alios omnes latet.

Mysterium est, scire tenebre modum tam in opibus, quam in inopia. *Secundo*, mysterium hoc est scire, quomodo tam paupertatem quam opulentiam ferre, quomodo tam in epulis et conviviis, quam in penuria, fame et siti te gerere debeas, nimirum ut utrobique modum teneas, animique quietem ac patientiam conserves; nec enim minor, imo major est virtus, si ad splendidam et opiparam mensam assidens tot illecebris et deliciis non capiaris, metas temperantiæ non excedas, sed in solita continentia et frugalitate te contineas, quam si a

rustico invitatus ad prandium atro pane et larido sis contentus, nec plura requiras. « Magna et rara virtus est, ait Bernardus, inter epulas esurire, inter vestes algere, inter honores humiliari. Scivit Annibal esurire et penuriam pati, nescivit satiari et abundare: nam deliciæ Capuanæ Annibalem invictum enervarunt, et Romanis jam imbellem vincendum objecerunt. »

Tertio, sicut mysteria prius a mystis discabantur tum studendo, tum experiendo, deinde ab iisdem satis jam doctis et instructis exercebantur: ita Paulus significat se quasi mystam hoc Christianæ continentiae mysterium tam in rerum copia, quam penuria, prius edoctum esse a Christo, jam vero illud ipsum exercere et in praxim redigere.

ABUNDARE ET PENURIAM PATI, — *περισσύνειν καὶ δεσπεύειν*, id est abundare et deficere, habere quod supersit et pati quod desit, q. d. Scio quomodo me geram cum abundo bonis et cum iis destituor, scio quomodo utar eo quod superest et eo quod deest. Pulchre hunc locum explicans S. Gregorius, hom. 16 in *Ezech.*: « Numquidnam, inquit, fratres, ars est aliqua, humiliari et abundare, satiari et esurire, abundare et penuriam pati; ut pro magno se ista scire tantus prædicator insinuet? Ars omnino et mira disciplina scientia, quæ toto nobis cordis est adnisi discenda. Quem enim penuria sua non frangit, a gratiarum actione retrahit, in rerum temporalium desiderium non accendit, scit humiliari: hoc enim loco Apostolus humiliari dicit, penuriam perpeti; nam statim e contrario subjungit: Scio et abundare. Qui enim acceptis rebus non extollitur, qui eas ad usum vanæ gloriæ non intorquet, qui solus non possidet quod accepit, sed hoc cum indigentibus misericorditer dividit, scit abundare. Qui acceptis alimentis non ad ingurgitationem ventris utitur, sed ad reparationem virtutis, nec plus carni tribuit, quam necessitas petit, scit satiari. Qui alimentorum inopiam sine murmuratione tolerat, nec pro necessitate virtutis agit aliquid, unde anima peccati laqueum incurrat, scit esurire. Quem ergo nec abundantia in superbiam elevat, nec in necessitate cupiditas irritat, novit abundare, novit penuriam pati. Qui cum statim subdidit: Omnia possum; ne elationis esse verba crederemus, adjunxit: In eo qui me confortat, et quæ sequuntur. »

Moraliter S. Chrysostomus, hom. 79 in *Joan.*, tom. III, docet hoc præcipue angelos a nobis differre, quod non tam multis indigeant ut nos, ac propterea quanto paucioribus indiguerimus, tanto magis illis appropinquabimus, ipsique Deo: quanto vero pluribus abundamus, tanto magis ad hanc vitam caducam deflectimus, et tanto magis dissimiles angelis sumus. Vera namque libertas est, nulla re prorsus indigere; quam libertatem solus Deus obtinet. Proxima huic libertas est,

Ex S. Bernard.

Angeli similes sunt qui paucis sunt contenti.

minimis indigere; quam habent angeli. Hanc vero nos et possumus et debemus imitari, ne patiamur qui Christiani sumus, vinci nos ab Ethnicis, qui paucis contenti, læti et hilares vixerunt, uti Crates, Socrates, Diogenes et alii. Socrates enim sæpe cum eorum quæ publice vendebantur multitudinem aspiceret, aiebat: « Quam multis ipse non egeo! » In facilitate victus gloriabatur dicens: « Qui suavissime comederet, eum minime obsonio egere; eumque diis maxime propinquum esse, qui minimis egeat. » Testis est Laertius in *Socrate*.

Ita Cicero, *V Tuscul.*, refert Anacharsim, Scytham philosophum, ad suos scripsisse: « Mihi amictus, tegmen Scythicum; calceamentum, solearum callum; cubile, terra; pulmentum, fames, » etc. Audi et Senecam lib. XIX, *Epist.* 111: « Non est, inquit, quod te nimis laudes, si contempseris aureos lectos; quæ est enim virtus supervacanea contemnere, præsertim hominem philosophum? Tunc te admirare, cum contempseris necessaria; tunc te admirabor, cum contempseris etiam sordidum panem. » Nimirum, « magnum vectigal (non tantum census, sed et virtutis) est parcimonia. » Sicut enim expeditissima ratio augendi census est, detrachere sumptibus, uti Æschinem docuit Socrates; ita expeditissima ratio augendæ continentiae et virtutis est, detrachere deliciis et voluptatibus. Audi quid fecerit Cato senior: « Neque, inquit, mihi ædificatio, neque vestimentum ullum in manu pretiosum, neque pretiosus servus, neque ancilla. Si quid est quo utar, utar; si non est, ego sum, quo cuique per me uti atque frui licet. » Audi Poetam:

Quis dives? qui nil capit: et quis pauper? avarus.

Vers. 13. 13. OMNIA POSSUM IN EO QUI ME CONFORTAT. — Pro « possum, » græce est *τοῦτο*, id est potens, fortis, validus sum. *Secundo*, pro « confortat, » græce est *ἐνδυναμύω*, id est qui me intus corroborat, validum ac robustum facit, suggerendo scilicet animæ, menti, voluntati vires gratiæ suæ.

« Quantæ, inquit S. Bernardus, *serm.* 88 in *Cant.*, fiduciæ vox, Omnia possum in eo qui me confortat! Nihil omnipotentiam Verbi clariorem reddit, quam [quod omnipotentes facit omnes, qui in se sperant. Denique omnia possibilia sunt credentibus. An non omnipotens, cui omnia possibilia sunt? Ita animus, si non præsumat de se, sed si confortetur a Verbo, poterit utique dominari sui, ut non dominetur ei omnis iniquitas: ita, inquam, Verbo innixum et indutum virtute ex alto nulla vis, nulla fraus, nulla jam illecebra poterit vel stantem dejicere, vel subicere dominantem. »

Vers. 14. 14. VERUMTAMEN BENE FECISTIS COMMUNICANTES TRIBULATIONI MEÆ, — id est, quod mihi res vestras et facultates communicastis in tribulatione mea, cum vinctus essem, bene fecistis: sic enim vincula mea et tribulationem sublevastis et partem quasi tribulationis meæ ab humeris meis in ves-

tros humeros derivastis et recepistis; ac consequenter sicut participes vos facere et communicare voluistis meæ tribulationi et vinculis, sic et præmii, quod ex tribulatione hac apud Deum expecto, participes eritis, in eoque mecum communicabitis.

15. NULLA MIHI ECCLESIA COMMUNICAVIT IN RA- **Vers. 15.**
TIONE DATI ET ACCEPTI, NISI VOS SOLI. — « In ratione, » id est in computu et compensatione dati et accepti, compensando scilicet spiritalia a me accepta datis suis temporalibus donis, vel potius stipendiis. Ita Chrysostomus et Theophylactus.

Alludit ad tabulas computuum, libros et rationarios mercatorum, qui una libri parte vel tabula conscribunt sua data et exposita, altera accepta, quæ pro expositis receperunt; ut significet esse quamdam commutationem quasi mercium inter prædicatores et auditores, nimirum prædicatores tradere Evangelium, veritatem et bona spiritalia; auditores vero eis rependere alimenta et bona temporalia. Rursum significat quemque hominem talem librum rationum habere respectu Dei, ut patebit *vers. 17, q. d.* A vobis solis, o Philippenses, recepi quod referam in codicem datorum et acceptorum, quod Rabbinii dicunt *מטן ומטן* *mattan umassa*, sive, ut clarius Adamus, *q. d.* Habeo duas tabulas rationarias, quarum una continet ea quæ dedi (prædicationem scilicet, labores, impensas et bona Evangelii): quas dum inspicio, video me multa dedisse et impendisse Ecclesiis Macedoniæ, nihil vero ab eis accepisse, nisi a vobis solis, qui estis Philippii. Hoc dicit Apostolus, ut amoliat a se avaritiæ divitiarumque suspitionem, ne putent eum passim ab omnibus corrogare hæc stipendia, itaque se ditare ac opibus inhiare.

16. QUIA ET THESSALONICAM (græce in Thessalonicam, scilicet existenti mihi) SEMEL ET BIS (semel et iterum) IN USUM (τὴν χρῆσιν, ad egestatem, scilicet, levandam; vel, ut Syrus, *id quo indigebam*) MIHI MISISTIS. **Vers. 16.**

17. NON QUIA QUERO DATUM (Syrus, *non quia munus requiro*), SED REQUIRO FRUCTUM ABUNDANTEM IN RATIONE VESTRA. — Ita Romana, licet Græca habeant, *in rationem vestram*. Nota: « Ratio » hic, uti et *vers. 13*, computum significat. Persistit enim in metaphora librorum computuum, quos conficiunt mercatores ut ratio receptorum et expensorum constet. **Vers. 17.**

Dicit ergo quemque Christianum sibi talem rationum cum Deo ineundarum librum conficere non ex charta, sed re ipsa, ipsisque factis (quæ tum in nostra, tum potius in Dei memoria conservantur), in quo quasi una parte scribat ea quæ a Deo accepit, altera quæ in Dei honorem et obsequium expendit, puta actus virtutum, præsertim eleemosynæ, &c. Dum tacite vos incito ad subveniendum egestati meæ, o Philippenses, non mea, sed vestra lucra requiro, ut vos vobisipsis magna eleemosynarum opera ac merita accumulatis, quæ in codice rationum vestrarum cum Deo

Quisque habet librum computum cum Deo.

Quis Hebræis *mattan umassa*?

Vers. 16.

Vers. 17.

Quisquis conficit sibi librum rationum cum Deo conficit.

ineundarium scribere possitis, tanquam propter Deum expensa, quæque Deo ipsi in ratione vestra quasi credita vestra computetis, ut ipse vobis hæc rependat et solvat æterna mercede.

Cosmas
Medicei
computus
cum Deo.

Ita Cosmas Mediceus, qui fuit magnorum Ducum Hetruriæ primus, multa expendebat in pauperes, cumque quidam ex familiaribus eum nimis liberalem appellaret, respondit, « se in libro initarum cum Deo rationum dati et accepti nunquam potuisse eo pervenire, ut quæ deberet Deo, solveret : nam quo plura dabat, eo plura recipiebat, semperque inveniebat se debitorem, Deum vero creditorem. » Didicerat hoc ex S. Nazianzeno qui, orat. *De Amore pauperum*, ait : « Nunquam Dei liberalitatem et beneficentiam vinctes, quamvis omnium tuarum facultatum jacturam feceris, quamvis te etiam facultatibus adjeceris. Nam hoc quoque ipsum accipere, est Deum aliquid nobis donare. » Additque Nazianzenus duas insignes similitudines : unam umbræ, quæ nunquam potest corpus progredi, cum simul ea ad progressum corporis progrediatur; alteram capitis, ultra quod cætera membra nunquam possunt excrescere, cum quantumvis illa augeantur, semper caput item attollatur atque superstet.

Vers. 18. 18. HABEO AUTEM OMNIA. — Græce, ἀπὶ τοῦ, id est recepi ea quæ ad me misistis quasi censum et stipendium debitum prædicationi meæ apud vos. Ita Theophylactus (4).

ET ABUNDO. — Vestra eleemosyna plane levavit inopiam meam, ut jam necessariis vitæ abundem. Ita enim se explicat dum subdit :

REPLETUS SUM, — expletus sum. S. Cyprianus explicans orationem Dominicam legit, *saturus sum*, q. d. Omnis mea penuria, omnis fames, omnis egestas, omne desiderium meum expletum est.

ACCEPTIS (postquam accepi) AB EPAPHRODITO QUÆ MISISTIS, ODOREM SUAVITATIS, HOSTIAM ACCEP-

TAM, PLACENTEM DEO. — Nota : Eleemosynam vocat « hostiam » et sacrificium, non proprium, sed metaphoricum, ut patet. *Secundo*, hanc « hostiam » per appositionem vocat « odorem suavitatis ; » aludit enim ad vetera sacrificia, quæ ad Deum per ignem et fumum ascendebant, ideoque Deus ea quasi sibi oblata dicebatur odorari, tanquam illa odorem suavem spargerent et afflarent paribus Dei. Unde et thus iis imponebatur, tum ad suffitum et suavem odorem excitandum, tum ut per thus (quo omnium gentium ritu Deus colitur) significaretur illa Deo offerri et dicari, q. d.

(4) Alii : « Habeo autem omnia, » id est, sufficit mihi quod accepi, nihil amplius desidero. Hunc sensum requirere videntur proxima.

Eleemosyna vestra quasi thus, vel thymiama suavissimi odoris, sive potius quasi hostia et victima, quæ cum thure per ignem et fumum ad Deum suavissimo odore ascendit, mihi pergrata et jucunda fuit, nec solum mihi, sed et ipsi Deo. Sic *Hebr.* XIII, 16, dicitur : « Beneficentiæ et communionis nolite oblivisci : talibus enim hostiis promeretur Deus. »

19. DEUS IMPLEAT OMNE DESIDERIUM. — Græca hic variant : alia legunt χαρὰν, id est, gaudium, et sic videri potest legisse Noster, ut metonymice per gaudium intellexerit « desiderium ; » non enim aliter impletur gaudium nostrum, quam dum impletur desiderium nostrum ; alia legunt χρεία, id est gratiam ; alia et plura χρεία, id est necessitatem. Unde Syrus, Vatablus et alii vertunt, *Deus autem meus impleat omnem indigentiam vestram secundum opulentiam suam*, q. d. Vos vobis subtraxistis ea quæ mihi misistis, et ex tenuitate ac paupertate vestra meam penuriam explestis ; ego vicissim Deum rogo, ut suppleat vestram inopiam, imo omne desiderium vestrum. Hoc enim meretur eleemosyna, et congruum est, ut, si propter Deum in pauperes liberales simus, Deus vicissim in nos multo liberalior sit, ut dixi II *Corinth.* IX, 6.

SECUNDUM DIVITIAS SUAS, — q. d. Facile est Deo vobis rependere, vos ditare, vestra bona explere ; est enim ditissimus. Ita Chrysostomus.

IN GLORIA, — id est cum gloria. Ita Vatablus. Vel simplici hebraismo, « in gloria, » id est gloriose, q. d. Deus faciat vos gloriosos tum celebritate et gloria æterna apud Deum, tum præsentem apud homines, ut illi vestram videntes paupertatem ac munificentiam, et ex altera parte Dei in vos providentiam et liberalitatem, ita ut nihil vobis desit ; glorificent ac celebrent tam vestram virtutem, quam Dei Christianorum bonitatem ac magnificentiam.

IN CHRISTO JESU. — Id est per Christum Jesum. *Secundo*, et sublimius, ex mente Pauli, q. d. Secundum divitias gloriæ, quas ostendit in Christo et Christi Ecclesia, quæque decent Christum Dei unigenitum, ejusque discipulos et filios, puta Christianos.

21. SALUTATE OMNEM SANCTUM IN CHRISTO, — id est Christianum, qui baptismo sanctificatus est per Christum, et professione ac vocatione Christiana sanctus est, uti dixi jam superius.

Deo et Patri nostro sit gloria in sæcula sæculorum. O utinam tam beata sors in nos cadat, ut hoc in perpetuum dicamus : Quid sunt, quam immensa sunt, quam ÆTERNA sunt « sæcula sæculorum ! » Quid sunt, quam jucunda sunt, quam gloriosa sunt in cœlis « sancta sanctorum ! »

COMMENTARIUS

IN EPISTOLAM

AD COLOSSENSES.

ARGUMENTUM

Colossenses non sunt Rhodii.

Nota primo: Putarunt aliqui cum Suida, Zonara, Glyca, Eustathio, Colossenses esse Rhodios, ita dictos a colosso solis, qui erat Rhodi. Sed hos falli certum est; Colossæ enim civitas est Phrygiæ, vicina Hierapoli et Laodiceæ, uti docet Plinius, lib. V, cap. xxxii; Herodotus, lib. VII; Strabo, lib. XII, quæ sub Nerone cum Laodicea et Hierapoli terræmotu concidit, ut narrat Orosius. Unde et Apostolus hic, cap. iv, vers. 16, jubet ut Colossenses legant epistolam Laodicensium, quasi vicinorum, et contra. Colossæ, inquit Theophylactus, civitas est Phrygiæ, quæ nunc vocatur Chonæ, ubi celebris fuit apparitio et memoria S. Michaelis, uti dicam cap. ii, vers. 18 (1).

Colossæ sunt Chonæ, quæ fuit urbs in Phrygia.

Nota secundo: Nec Colossis, nec Laodiceæ prædicaverat Paulus; id enim satis insinuat cap. ii, vers. 1. Sicut ergo scribit ad Romanos cum eos necdum vidisset, ita scribit et ad Colossenses necdum a se visos, ait Chrysostomus et Theophylactus. Colossensium itaque doctor fuit Epaphras, hic enim eos fidem Christi docuit, ut patet cap. i, vers. 7; cui Romæ cum Paulo in vinculis posito, ut ait cap. iv, vers. 13, successit Archippus, de quo cap. iv, vers. 17, dicit: «Dicite Archippo: Vide ministerium quod accepisti in Domino, ut illud impleas (2).»

Nota tertio, pro materia et argumento: Hac

(1) Cap. i, 2, legitur in Græco Κολασσῆς, per α; disputant igitur an hæc lectio sit germana. Negat D. Glaire, *Introduction aux livres de l'Anc. et du Nouv. Testam.*, tom. VI, p. 129; Rosenmullerus affirmat, plurimorum codd. auctoritate innixus.

(2) Occasionem conscribendi hanc epistolam dedit Paulo, quod periculum esset, ne Colossenses cum vicinis Laodicenis et Hierapolitanis per falsos doctores abducerentur a veritate Evangelii, quod eo magis erat verendum, quia doctrina Christi iis non ab Apostolo quodam, sed per Epaphram tradita erat. Quales ii fuerint doctores et doctrinæ, vide Sepp, op. cit. tom. II, p. 367; D. Glaire, ibid., p. 131; Haneberg, *Geschichte der biblischen Offenbarung*, p. 625, qui gnosticos fuisse eos putant. Proximam occasionem scribendi dedisse videtur Epistola Laodicensium ad Apostolum scripta, cap. iv, 16. Videntur enim Laodicenses perscripsisse ad Paulum de erroribus falsorum illorum doctorum, eumque consuluisse. Is igitur nunc respondet, mittens quidem epistolam ad Colossenses, sed rogans ut eamdem Laodicensibus mitterent,

epistola Paulus insectatur Simonem Magum ejusque assecclas hæreticos, qui uti Ephesi, ita Colossis et alibi sua virulenta dogmata spargebant, ac nominatim docebant, non Christum, sed angelos nostræ salutis esse mediatores et reconciliatores apud Deum, inquit Chrysostomus et Ambrosius, absurdum putantes credere, quod Filius Dei in extremis temporibus apparuerit in carne, cum in veteri Testamento Deus per angelos apparere, omniaque sua per eosdem facere et exequi apud homines soleret. Huic dogmati addebant multas observationes Judaicas et gentilitias, dies eorum observantes et tempora et cibos; quæ omnia cum indigerent correctione, ait Theophylactus, moverunt Apostolum ut hanc scriberet epistolam, qua *primo*, hunc errorem de angelis, illasque observationes redarguit. Deinde cuilibet hominum generi dat vitæ ac morum documenta; ac demum salutationibus claudit epistolam (3).

docuerunt non Christum, sed angelos, esse nostros mediatores.

Nota quarto: Hæc epistola valde affinis est quoad materiam, epistolæ ad Ephesios: imo easdem pene ad verbum cum illa subinde habet sententias; non quod eodem tempore et impetu sit scripta: nam ad Ephesios anno priore, cum necdum Romam venisset Timotheus, scripta est; hæc vero posterius, ut jam dicam; sed quod eadem materia easdem pene sententias posceret; ac forte quod relegens epistolam suam ad Ephesios datam, Apostolus eam in mente haberet et ex ea

et peterent ab ipsis exemplum epistolæ ad Paulum scriptæ, ut melius intelligerent Pauli responsionem.

(3) «Præcipuus Apostoli scopus est, ut evidenter ostendat, in solo Christo ejusque doctrina universam divinæ voluntatis cognitionem atque omnia salutis præsidia sufficienter nobis exposita esse, ac proinde nihil amplius extra Christum ejusque doctrinam in hoc quidem genere expetendum aut affectandum esse. Partes epistolæ, præter præmium et epilogum, duæ sunt primariæ: a) disserit Apostolus de beneficiis Dei jam olim nobis in Christo præparatis, ita quidem ut modo thesin, modo antithesin exponat, et passim gratiarum actiones et preces, item exhortationes ac dehortationes inspergat, cap. i et ii. b) Agit Apostolus de præceptis Christianæ vitæ, tum communibus, quæ ad omnes Christianos ex æquo pertinent, tum propriis quarundam vocationum, præsertim in vita domestica.» Hæc Rosenmullerus.

hauc ad Colossenses dictarit : æque ergo hæc ut illa, sublimis est et grandiloqua.

Unde et ubi scribitur hæc epistola? Nota quinto : Scripta est Romæ e vinculis, ut patet cap. iv, vers. 18, anno 2 vinculorum, qui fuit a Christo nato 60 (1). Nam Timotheus (quem

(1) Vel 57, nit Sepp, ibid. Vide *Chronicon Actis Apostolorum* præfixum,

anno priore ad se Romam vocaverat, ut dixi proœmio Epistolæ ad Philippenses) jam Romam advenerat. Unde et Paulus Timotheum initio epistolæ quasi secum Colossenses salutantem sibi adjungit. Missa est per Tychicum et Onesimum, ut habent Græca, Syra et Latina Complutensia in fine Epist., et colligitur cap. iv, vers. 7 et 2.

CAPUT PRIMUM.

SYNOPSIS CAPITIS.

Primo, gratulatur Colossensibus de eorum fide, charitate et vita Christiana, oratque ut in ea crescant et roborentur, utque in patientia, lætitia et gratiarum actione serviant Deo, qui eos transtulit in regnum (puta Ecclesiam) Filii sui.

Hinc secundo, vers. 14, docet non angelos, sed Christum Dei Filium, esse tam opificem et creatorem rerum omnium, etiam angelorum, quam redemptorem hominum, caputque Ecclesiæ, utpote qui omnia quæ in cælis sunt, pacificavit.

Deinde, vers. 21, docet hanc Christi redemptionem ad Gentes quoque pertinere, sequæ hujus mysterii et Evangelii legatum et ministrum esse, atque pro Christo Christique Ecclesiæ multa se pati gloriatur.

1. Paulus Apostolus Jesu Christi per voluntatem Dei, et Timotheus frater, 2. eis, qui sunt Colossis, sanctis et fidelibus fratribus in Christo Jesu. 3. Gratia vobis et pax a Deo Patre nostro, et Domino Jesu Christo. Gratias agimus Deo, et Patri Domini nostri Jesu Christi, semper pro vobis orantes : 4. audientes fidem vestram in Christo Jesu, et dilectionem, quam habetis in sanctos omnes, 5. propter spem, quæ reposita est vobis in cælis : quam audistis in verbo veritatis Evangelii : 6. quod pervenit ad vos, sicut et in universo mundo est, et fructificat, et crescit, sicut in vobis, ex ea die, qua audistis et cognovistis gratiam Dei in veritate. 7. Sicut didicistis ab Epaphra, charissimo conservo nostro, qui est fidelis pro vobis minister Christi Jesu, 8. qui etiam manifestavit nobis dilectionem vestram in spiritu. 9. Ideo et nos ex qua die audivimus, non cessamus pro vobis orantes et postulantes ut impleamini agnitione voluntatis ejus, in omni sapientia et intellectu spiritali : 10. ut ambuletis digne Deo per omnia placentes : in omni opere bono fructificantes, et crescentes in scientia Dei : 11. in omni virtute confortati secundum potentiam claritatis ejus, in omni patientia et longanimitate cum gaudio, 12. gratias agentes Deo Patri, qui dignos nos fecit in partem sortis sanctorum in lumine : 13. qui eripuit nos de potestate tenebrarum et transtulit in regnum Filii dilectionis suæ : 14. in quo habemus redemptionem per sanguinem ejus, remissionem peccatorum. 15. Qui est imago Dei invisibilis, primogenitus omnis creaturæ : 16. quoniam in ipso condita sunt universa in cælis, et in terra, visibilia et invisibilia, sive throni, sive dominationes, sive principatus, sive potestates : omnia per ipsum et in ipso creata sunt : 17. et ipse est ante omnes, et omnia in ipso constant. 18. Et ipse est caput corporis Ecclesiæ, qui est principium, primogenitus ex mortuis : ut sit in omnibus ipse primatum tenens. 19. Quia in ipso complacuit, omnem plenitudinem inhabitare : 20. et per eum reconciliare omnia in ipsum, pacificans per sanguinem crucis ejus, sive quæ in terris, sive quæ in cælis sunt. 21. Et vos cum essetis aliquando alienati, et inimici sensu in operibus malis : 22. nunc autem reconciliavit in corpore carnis ejus per mortem, exhibere vos sanctos, et immaculatos, et irreprehensibiles coram ipso : 23. si tamen permanetis in fide fundati, et stabiles, et immobiles a spe Evangelii, quod audistis, quod prædicatum est in universa creatura, quæ sub cælo est, cujus factus sum ego Paulus minister. 24. Qui nunc gaudeo in passionibus pro vobis, et adimpleo ea, quæ desunt passionum Christi, in carne mea pro corpore ejus, quod est Ecclesia : 25. cujus factus sum ego minister secundum dispensationem Dei, quæ data est mihi in vos, ut impleam verbum Dei : 26. mysterium, quod absconditum fuit a sæculis

et generationibus, nunc autem manifestatum est sanctis ejus, 27. quibus voluit Deus notas facere divitias gloriæ sacramenti hujus in Gentibus, quod est Christus, in vobis spes gloriæ, 28. quem nos annuntiamus, corripientes omnem hominem, et docentes omnem hominem, in omni sapientia, ut exhibeamus omnem hominem perfectum in Christo Jesu. 29. In quo et laboro, certando secundum operationem ejus, quam operatur in me in virtute.

Vers. 1. 1. PAULUS APOSTOLUS JESU CHRISTI, — non angelorum, inquit ex Chrysostomo Theophylactus. Ipso exordio hæresim Simonis elidit, dicens Apostolos non ab angelis, sed a Christo esse missos, ut per Christum, non per angelos homines Deo reconcilient, idque non ex se, sed per voluntatem Dei.

Ubi nota: Passim Apostolus se a Deo et Christo missum significat, ut Simonem Magum aliosque falsos doctores, qui non mittuntur a Deo, sed sua sponte docendi munus assumunt, perstringat et excludat.

Vers. 2. 2. SANCTIS ET FIDELIBUS FRATRIBUS IN CHRISTO. — Nota hic tria epitheta et quasi insignia Christianorum. Nam *primo*, vocantur *sancti*. Nec enim sanctitatem tam doctrinæ quam vitæ alicubi in mundo est reperire, quam apud Christianos. Et rursum christianismus non est aliud quam professio sanctitatis. Ad hoc enim venit Christus et christianismum instituit, ut sine timore de manu inimicorum nostrorum liberati, serviamus illi in sanctitate et iustitia omnibus diebus vitæ nostræ, ut canit Zacharias. Hoc nomen *sancti* monet Christianos ut assidue studeant sanctitati et perfectioni.

Christianismus non est aliud quam professio sanctitatis.

Secundo, vocantur *fideles*, quasi filii Abrahæ, qui pater est fidelium et credentium, ac proinde benedictionis Abrahæ promissæ, id est amicitie Dei, iustitiæ et salutis hæredes.

Tertio, vocantur *fratres*, non in Adamo, aut aliquo terreno parente, sed in Christo, qui nos genuit per suam mortem et baptismum; ut significet Christianos omnes, sepositis omnibus odiis, dissidiis et varietate tam nationum quam complexionum et officiorum, invicem amare debere quasi fratres.

GRATIA VOBIS ET PAX A DEO. — Supple, donetur et multiplicetur.

Vers. 3. 3. GRATIAS AGIMUS DEO, ET PATRI DOMINI NOSTRI JESU CHRISTI. — « Et » significat, *id est*, *q. d.* Gratias agimus Deo, qui est Pater Domini nostri Jesu Christi: ut significet Deum non aliter nobis esse causam salutis, quam hoc ipso, quo est Pater Christi, per quem redempti et adoptati sumus; et hoc nomine maxime a nobis amandum, venerandum et invocandum esse Deum, quod nobis dederit Christum redemptorem.

SEMPER PRO VOBIS ORANTES. — Tò *pro vobis* potest referri ad « gratias agimus. » Unde Erasmus vertit, *gratias agimus pro vobis cum oramus. Secundo et melius*, Græci referunt ad « orantes. » Unde

et Syrus vertit, *gratias agimus Deo, et oramus pro vobis*. Duplici ergo titulo amorem suum in Colossenses ostendit hic Paulus: *priore*, quod pro eis gratias agat Deo; *secundo*, quod pro eis semper oret; quodque eos quos non viderat, semper in mente et memoria habeat, ait Chrysostomus. Nota « semper, » id est frequenter et assidue orantes. Vide dicta *Ephes. vi*, 18.

4. AUDIENTES (ἀκούοντες, id est postquam audimus narrante Epaphra, inquit Chrysostomus) FIDEM VESTRAM, QUÆ EST (non in angelis, sed) IN CHRISTO JESU (*q. d.* Fidem vestram qua creditis Christo), ET DILECTIONEM QUAM HABETIS IN SANCTOS (Christianos) OMNES, — tam incolas quam peregrinos et advenas aliarum gentium. Significat Christianos debere alios omnes diligere pari affectu, sive suæ sint gentis, sive alterius, hoc nomine quod Christiani sunt. In Christo enim Jesu non est Barbarus et Scythia, Judæus et Græcus, Hispanus et Gallus; sed omnes unum sunt, *Galat. iii*, 28.

5. PROPTER SPEM (id est bona sperata, est metonymia, juxta *Can. 30*) QUÆ REPOSITA EST VOBIS IN COELIS: QUAM AUDISTIS IN VERBO (per verbum) VERITATIS EVANGELII (1), — *q. d.* Quam audistis per prædicationem Evangelii: quæ prædicatio est verbum et sermo veritatis, id est verissimus, ut in eo ne vel unum punctum erroris aut falsitatis sit reperire. Unde posset esse appositio in « verbo veritatis Evangelii, » *q. d.* In verbo veritatis quæ est ipsum Evangelium, ut ipsam veritatem vocet Evangelium.

Notat Simonianos, Judæos, Philosophos, omnesque Gentilium sectas et scholas: quæ omnes multas docent hæreses et errores, ut nusquam puram invenire sit veritatem, nisi in Christi schola et Evangelio.

6. SICUT ET IN UNIVERSO MUNDO EST. — Id est in præcipuis totius mundi partibus et provinciis est hoc verbum, sive prædicatio Evangelii.

COGNOVISTIS GRATIAM DEI IN VERITATE. — Vatablus, *per veritatem. Secundo et melius in veritate*, id est, vere vel verissime cognovistis gratiam redemptionis, iustitiæ et salutis, quam nobis Deus exhibuit per Christum. Sic enim Hebræi adverbialiter explicant per præpositionem *in* cum nomine ablativi casus, ut, « sentite de Domino in bonitate, »

(1) Hæc commodius connectentur seqq. verbis, *Gratias ago Deo*, vers. 3. Multi tamen cum immediate præcedentibus jungunt.

Sap. I, 1, id est bene, recte et vere sentite de Deo ejusque providentia, justitia, clementia, cæterisque attributis; non male et impie cum Epicureis et Atheis. Sic Hebræi dicunt *beemet*, id est in veritate, id est vere.

Vers. 7. 7. SICUT DIDICISTIS AB EPAPHRA; CONSERVO NOSTRO (vocat Epaphram *conservum* suum, quia secum serviebat Christo in prædicando et propagando Evangelio. Unde explicans subdit), QUI EST FIDELIS PRO VOBIS MINISTER CHRISTI. — Sic enim Apostolus, initio Epistolæ ad Philippenses et ad Titum, se et Timotheum vocat *servos Jesu Christi*. Secundo, Epaphras missus videtur a Colossensibus ad Paulum, ut ei in vinculis serviret. Hinc vocat eum servum Ecclesiæ Colossensium: suum vero non servum, sed «*conservum*,» modestiæ et humilitatis studio, quia uterque serviebat Christo et Ecclesiæ.

QUI EST FIDELIS PRO VOBIS MINISTER CHRISTI JESU, — *q. d.* Epaphras minister est Christi pro vobis, scilicet docendis, ut nimirum vos in Christi fide, doctrina ac moribus promoveat. Secundo, pro vobis Colossensibus, inquit Theophylactus, Epaphras in rebus ad Christum pertinentibus ministravit, cum videlicet ad Paulum abiit eumque consolatus est in vinculis, cumque indicavit ei res Colossensium eique in carcere servivit.

Vers. 7. 8. QUI ETIAM MANIFESTAVIT NOBIS DILECTIONEM VESTRAM (quam habetis erga me et omnes Christianos, ut dixit vers. 4) IN SPIRITU, — id est spiritalem, quæ sola vera, firma ac solida est dilectio, ut fuse ostendit hic Chrysostomus.

Secundo, «*dilectionem in spiritu*,» id est a Spiritu Sancto, qui in vobis est, non autem a carne manantem. Ita Anselmus. Ut sit enallage Hebræa, qua *bet*, id est *in*, sæpe ponitur pro *in min*, id est *a, ex, de*. Unde Vatablus sic explicat, *dilectionem in spiritu*, id est ad quam nos non caro, sed spiritus Dei incitat.

Tertio, «*in spiritu*,» id est ex intimis animi penitralibus, ipsoque intimo mentis spiritu profectam.

Vers. 9. 9. IDEO ET NOS EX QUA DIE AUDIVIMUS (vestram fidem et dilectionem, ut dixit vers. præced. et vers. 4), NON CESSAMUS PRO VOBIS ORANTES ET POSTULANTES (id est orare et postulare, est græcismus) UT IMPLEAMINI AGNITIONE VOLUNTATIS EJUS, — qua Deus voluit et decrevit nos sibi reconciliare, justificare et salvare per Christum, non per angelos. «*Neque omnino imperfectos* (ait ex Chrysostomo Theophylactus), neque omnino perfectos per hæc significat. Non enim dixit: Ut accipiat, verum, Ut impleamini. Habetis enim, sed nondum totum. Et quod reconciliati sitis, agnovistis quidem: quod vero per Filium Dei, hoc deest vobis, nec satis nostis; quare oro hoc impleri in vobis. Voluntas enim et Dei beneplacitum est, quod Filium suum pro nobis dederit, non angelos. Agnitionem igitur, cognitionis additionem intellige.

IN OMNI SAPIENTIA ET INTELLECTU SPIRITUALI. —

Deceperunt, inquit Chrysostomus, vos philosophi et Simoniani sua sapientia humana et carnali; ego huic oppono et opto vobis sapientiam et prudentiam spiritalem.

10. UT AMBULETIS DIGNÉ DEO PER OMNIA PLACENTES. — Græce εις παν ἀρέσκων, *q. d.* In omnem placentiam, et, ut Ambrosius, ad omne placitum. Unde patet τὸ Deo, vel, ut græce est, Domino, tam pertinere ad τὸ *ambuletis digne*, quam ad τὸ *per omnia placentes*. In Græco enim est una sententia (non duæ), in qua verba posteriora determinant priora: περιπατοῦσι ὑμᾶς ἀξίως τοῦ Κυρίου εις παν ἀρέσκων, id est, ut ambuletis digne Deo in omnem placentiam. Significat enim Paulus, digne Deo ambulare, non esse aliud quam Deo per omnia placere: ita ut illi ambulent digne Deo, qui quasi fideles et morigeri servi Dei, quasi summi sui Domini placitum et voluntatem in omnibus expleant. Quomodo vero Dei placitum et voluntatem expleamus, ac consequenter, quomodo digne Deo ambulemus, explicat Apostolus dum subdit: «*In omni opere bono fructificantes*,» et cætera quæ subijcit, quæque sibi placita a nobis exigit Deus.

Digne Deo ambulare est Deo per omnia placere.

11. IN OMNI VIRTUTE CONFORTATI. — Pro «*virtute*,» græce est δύναμις, id est potentia, robore, fortitudine. Unde Vatablus vertit, *omni robore corroborati*.

Vers. 11.

SECUNDUM POTENTIAM CLARITATIS (græce δόξα, id est *gloriæ*) EJUS, — id est secundum potentiam claram et gloriosam Dei, qua vos, o Colossenses, communiri est opus, cum insurgunt hæreses et persecutiones.

Nota: Pro «*potentiam*,» græce est κράτος, quod non tantum potentiam roboris, sed et imperii, sive potens, validum et prædominans imperium significat. Secundo, potentia gloriæ significat potentiam maximam et robustissimam, quæ apud omnes celebris est et gloriosa, *q. d.* Ubique Dei gloria dominatur, ubique Dei potentia imperat. Nihil ergo formidate, roboravit vos ac potentes faciet Dominus ille potentissimus omnibus imperans, cui servitis. Ita Theophylactus.

IN OMNI PATIENTIA ET LONGANIMITATE, CUM GAUDIO, GRATIAS AGENTES DEO PATRI. — Hic declarat virtutem et robur, qua eos jam optavit per Dei potentiam corroborari, sitam esse in patientia et longanimitate: ut in omnibus adversis patientes sint, gaudeant gratiasque agent Deo. Id clarius significant Græca, εις παν ὑπομονὴν καὶ μακροθυμίαν. Unde clare hunc locum ita vertit Vatablus, *omni robore corroborati juxta potentiam gloriæ illius ad omnem tolerantiam ac patientiam, cum gaudio gratias agentes Patri*. Hinc patet veram fortitudinem et robur Christianorum præcipue situm esse in patientia, in eaque maxime se ostendere Dei divineque gratiæ potentiam. Longe enim difficilior est dura et fortia pati, quam fortia agere. Unde Prov. xvi, 32, dicitur: «*Melior est patiens viro forti, et qui dominatur animo suo, expugnatore*

Vera fortitudo consistit in patientia.

urbium. » Idque patet in Martyribus, in quorum patientia omnium confessione summa fuit fortitudo. Hinc S. Ambrosius, lib. I *Offic.*, cap. xli, et Chrysostomus, hom. 85 in *Matth.*, multis ostendunt fortitudinem magis in tolerando quam in vincendo consistere. « Fortia agere Romanum est, » aiebat Scævola; sed « fortia pati Christianum est. »

Notat ex Chrysostomo Theophylactus, patientiam respicere tyrannos et hostes Ecclesiæ, longanimitatem fratres sive Christianos. « Est enim, inquit, aliquis longanimis erga eos quos ulcisci possit: patitur autem et sustinet eos, quos non potest ulcisci, propterea et de Domino non dicitur *iniquum* seu patientia, sed longanimitas, ut qui possit quidem quos velit excindere; tolerat tamen. »

Vers. 12. 12. CUM GAUDIO GRATIAS AGENTES DEO PATRI. —

Hæc est perfectio, hic apex patientiæ et longanimitatis, si non tantum patienter, sed et cum gaudio feras quævis dura et adversa; imo gratias agas Deo. Materiam vero et causam qua se quisque Christianus ad gaudium et gratiarum actionem excitet, subjicit dicens:

QUI DIGNOS NOS FECIT IN PARTEM SORTIS SANCTORUM IN LUMINE. — « Qui, » scilicet Deus, nos sine nostro merito, imo indignos et male de se meritos, sola sua gratia, præ multis quos neglexit, quasi fortitudo retulit « in partem, » id est participationem, « sortis, » id est hæreditatis, « sanctorum, » quæ sita est « in lumine » Evangelii, quod Christus nobis e cælo attulit.

Nota : Sors significat statum et conditionem, quæ cuique sorte vel fortuito obtingit; sic vulgo dicitur : Hæc est sors mea, hæc conditio, hæc fortuna mea. Sic ait Psaltes, *Psalm.* xxx, 16: « In manibus tuis sortes meæ, » q. d. Casus, eventus, vicissitudo et status rerum mearum, ut divitiæ et paupertas, servitus et principatus, pax et bellum, ait Theodoretus, quæ mihi vicissim et fortuito accidunt, non a fortuna, sed certa tua providentia et gubernatione, o Domine, reguntur, mihi que obveniunt. Unde hebraice est, in manibus tuis *מקרי*

Sors duo significat, Primo, casum; Secundo, hæreditatem.

Quomodo sortes nostræ sint in manu Dei?

המקרי illotai, id est tempora mea, id est vicissitudo temporum, puta tempora et dies jam prosperitatis, mox adversitatis, jam vitæ, jam mortis, in Dei sunt potestate et providentia. Sic *Sapient.* ii, 9, dicunt impii: « Hæc est sors nostra, » et contra de piis, cap. v, 6, dicitur: « Inter sanctos sors illorum est. » Ita hic accipi potest sors, q. d. « Qui dignos nos fecit in partem sortis sanctorum, » id est, qui nos dignatus est sorte, conditione et statu sanctorum, ut in album sanctorum nos referret.

Secundo et significantius, sors idem est quod hæreditas. Olim enim, uti et jam sæpe, hæreditates inter hæredes sorte dividebantur. Inde sors dicitur portio hæreditaria, quæ cuique sorte obtingit. Sic dicitur *Psalm.* lxxvii, 54: « Sorte divisit eis terram in funiculo distributionis, » id est per funiculum quo terram dimetiebatur et cuique

tribui suam partem distribuebat. Sic *Michæ* ii, 5, dicitur: « Mittens funiculum sortis. » Multo magis hæreditas sanctorum vocatur sors, quia nulli hominum ad eam jus habebant, cum tamen inter homines qui hæredes sunt, jus habeant ad hæreditatem, cujus sunt hæredes. Unde *Ephes.* cap. i, vers. 11, dixit Apostolus nos sorte vocatos ad fidem et gratiam Christi. Hæreditas ergo hæc sanctorum dicitur sors, quia hominibus sine merito, gratis et quasi sortito obtingit. « Non video (ait S. Augustinus in illud *Psalm.* xxx: *In manibus tuis sortes meæ*) ullum meritum, quo de universa impietate generis humani me potissimum elegisti ad salutem: ad tunicam Domini sorte perveni. » Sicut ergo gratis Deus Pater per Christum nos sibi adoptavit in filios, ita et in hæredes suos, cohæredes autem Christi.

Cur hæreditas sanctorum vocatur sors?

Nota secundo: Hæc sors et hæreditas Sanctorum sita est, ut sequitur, « in lumine. » Licet enim aliqui per « in lumine » putent significari modum et rationem qua ad hanc hæreditatem venimus, scilicet per lumen fidei; tamen planius et magis genuine « in lumine » significat situm et conditionem hujus hæreditatis, scilicet eam positam esse in lumine Evangelii, quod Christus nobis e cælo attulit. Hanc enim sortem luminis Evangelici opponit sorti et potestati tenebrarum, e qua nos eripuit Christus, ut ait vers. seq. Et hoc lumen Evangelii maximum est Dei donum et bonum. Unde paulo superius, vers. 9, dixit: « Non cessamus pro vobis orantes et postulantes, ut implemini agnitione voluntatis ejus, in omni sapientia et intellectu spiritali. » Et vers. 10: « Et ambuletis digne Deo, etc., crescentes in scientia Dei. » Hinc et S. Joannes, cap. i, hanc lucem inculcat, eaque quasi maxime insigni emblemate Christum exornat: « In ipso, ait, vita erat, et vita erat lux hominum, et lux in tenebris lucet. » Et: « Erat lux vera, quæ illuminat omnem hominem venientem in hunc mundum. » Quod ergo hic Paulus dicit: Qui dignos nos fecit in partem sortis sanctorum in lumine, idem est cum eo quod ait Petrus, I *epist.* ii, 9: « Qui de tenebris vos vocavit in admirabile lumen suum. »

Sors nostra sita est in lumine, scilicet Evangelii.

Per « lumen » ergo accipit cognitionem Dei, Christi, justitiæ, gratiæ, virtutum et salutis, quam accepimus per Christi Evangelium et fidem: quæ cognitio quasi radix et mater gratiam, justitiam omniaque cætera dona et bona spiritalia, quæ Christus attulit, quæque in Christi Ecclesia participamus, complectitur.

Nota tertio: Hoc lumen et hanc cognitionem inchoate accipimus in hac vita, sed perfectionem ejus accipimus in beatitudine cælesti, cujus conscripti sumus hæredes, illamque hæreditatem cælestem in hac vita per spem et gratiam quasi per quemdam prægustum delibamus et inchoamus. Sensus ergo hujus loci completus hic est: Deus fecit nos dignos, per baptismum et Christianismum, ut jam hic viventes in Ecclesia habea-

Lumen habemus duplex, primum ad id, secundum gloriam.

mus partem et participationem sortis et hereditatis Sanctorum, quæ radicaliter sita est in lumine fidei et cognitionis Dei, utque per fidem et gratiam hic inchoemus et participemus sortem et hereditatem Sanctorum, id est Beatorum, quæ sita est in lumine, id est visione Dei et gloria celesti, quam reipsa participabimus post hanc vitam, cum reipsa in sortem et album Sanctorum ac Beatorum referemur. Ita Chrysostomus, Theophylactus, Anselmus. Denique S. Dionysius per « lumen » accipit baptismum, q. d. In lumine, id est in baptismo : hic enim Græce vocatur *φῶς* et *παραφῶς*, id est lux et illuminatio : quia eo baptizati per fidem illuminantur. Ita ipse *De Eccles. Hierarch.*, cap. *De Baptismo*.

Vers. 13. 13. QUI ERIPUIT NOS DE POTESTATE TENEBRARUM, ET TRANSTULIT IN REGNUM FILII DILECTIONIS SUÆ. — Nota : « Tenebras » vocat tum ignorantiam, infidelitatem aliaque peccata; tum infernum, qui inde consequitur; tum diabolum, qui his omnibus presidet. Ita Chrysostomus et Theophylactus. Opponit enim regnum Christi quasi regnum lucis, regno et potestati tenebrarum, id est diaboli. Sic enim diabolus vocatur « princeps tenebrarum, » *Ephes. vi, 12*; *Luc. xii, 53*, q. d. In gentilismo dominabantur vobis tenebræ, scilicet ignorantia, idololatria omniaque scelera, ipseque princeps tenebrarum diabolus. Sed Deus ab hoc dominio et tyrannide tenebrarum vos eripuit, et transtulit in regnum Christi lucidissimum, ut jam non regnet in vobis dæmon, peccatum, aut tenebræ; sed Christus unicus Dei Filius, qui est vera lux mundi, quique per Evangelium suum latissimum lucis regnum mundo invexit, facitque nos regni sui socios, imo reges.

Unde moraliter S. Chrysostomus : « Quid dicis, inquit, homo? Ad regnum vocatus, ad regnum Filii Dei, et oscitabundus es totus, ac desiduum more scalpis ac torpes? Si namque singulis diebus vel in mille mortes insiliendum fuisset, an non omnia ferre oportebat? Atqui principatus gratia nihil non faceres; cum vero consors futurus sis regni Unigeniti Dei, non obioies te vel mille gladiis? non insilies in ignem? At tu luges etiam quod abiturus hinc es, et presentibus libenter immoraris plus æquo corporis curam agens. Quidnam hoc est? et mortem etiam horrendum quid esse putas. Horum vere causa sunt deliciae et vitæ remissio. Alioqui qui vitam vivit acerbam, avolare quoque vellet et ab hac vita liberari. » Deinde appositam similitudinem pullorum idipsum declarat dicens : « Nunc vero idem patimur quod evenit et avium pullis pigrescentibus, semperque in nido manere cupientibus. Illi quanto diutius hæserint, tanto redduntur imbecilliores. Nidus enim quidam est præsens hæc vita ex festucis et luto compactus. Et si magnificas mihi ostenderis ædes, etiam ipsas regias auro multo et lapidibus pretiosis splendidas; nihil tamen illas ab hirundinum nidis differre putabo.

Ingruente namque hieme cadent omnia sponte sua. »

FILII DILECTIONIS SUÆ. — Non quasi Filius per voluntatem, amorem et dilectionem æque atque per intellectam et intellectionem procedat a Patre, sitque idem cum Spiritu Sancto, ut voluit Sabellius : sed hebraismo « Filii dilectionis, » id est *Filii sui dilecti* : ita Syrus; Chrysostomus, Theophylactus; id est veri, proprii et unici Filii sui, uniceque dilecti, ait Theodoretus. Sic *Proverb. v, 19*, loquens Sapiens de uxore, quam quis in adolescentia duxit : « Sit tibi chara, inquit, quasi אֵילֵת אַהֲבִים וְעֵרְלָתָּהּ *aielet ahabim veiaalat chen*, id est cerva amorum et hinnulus gratiæ. Quod Noster clare vertit, « cerva charissima, et gratissimus, vel gratiosissimus hinnulus. » Nota : Hæc iisdem pene verbis dicit *ad Ephes. i, 6*, ubi ait : « In qua gratificavit (pro quo hic habet *transtulit in regnum*, ut scilicet Christus regnet in nobis per gratiam) nos in dilecto Filio suo, in quo habemus redemptionem per sanguinem ejus, remissionem peccatorum. »

14. REDEMPTIONEM ET REMISSIONEM PECCATORUM. Vers. 14. — « Et » significat *id est*; redemptio enim nostra a servitute peccati re ipsa non est aliud quam remissio peccatorum, ut dixi *ad Ephes. i, 7*.

15. QUI (FILIUS) EST IMAGO DEI (PATRIS) INVISIBILIS. Vers. 15. — Nam Filius est Verbum Patris, Patri omnino simile et æquale, adeoque ejusdem plane cum Patre essentia. Vide dicta de imagine, *II Cor. iv, 4*.

PRIMOGENITUS OMNIS CREATURÆ. — Ergo, inquit Ariani, Christus est creatura, omnisque creatura Christi soror est. Primogenitus enim inter fratres et sorores dicitur, qui ante omnes fratres et sorores genitus est; sive qui primus est frater. Sed respondent Theodoretus et Ambrosius, non dici hic Christum *πρωτόγεντον*, id est primo creatum, sed *πρωτόγονον*, id est *primogenitum* : generatio ergo Filio convenit, creatio vero creaturis : quantum ergo generatio divina excellit creationem, tantum Filius excellit creaturas. *Secundo*, Christus vers. seq. dicitur opifex omnis creaturæ; ergo non est creaturarum frater. *Primo* ergo S. Anselmus, Commentarius Hieronymo ascriptus, et Concilium Sardicense accipiunt hæc verba de Christo ut homo est : nimirum quod Christus ut homo est, omnis creaturæ sit primogenitus, non tempore, sed honore; quia Christus ut homo, finis est quem Deus primo intendit et propter quem omnia creavit. Hæc explicatio probatur *primo*, quia Christus ut Deus, non est primogenitus, sed unigenitus : ergo primogenitus esse nequit, nisi qua homo est. *Secundo*, quia Christus ut homo, caput est Ecclesiæ atque Paulus agit hic de Christo, prout caput est Ecclesiæ, ut patet vers. 18 : ergo Christum vocat *primogenitum* non qua Deus, sed qua homo est.

Verum hæc melius et magis genuine accipies de Christo ut Deus est. Hoc enim versu Christi et potius.

Filius dilectionis est Filius dilectus.

Objectio Ariano-rum solvitur.

Christus est primogenitus omnis creaturæ, Primo, quia homo est.

qua Deus dignitatem ex ejus divinitate describit. Unde ait :
 « Ipse est ante nos, et in ipso, » id est per ipsum,
 « omnia (ergo etiam angeli) constant, » id est
 consistunt et conservantur, sicut ab eodem creata
 sunt. Primogenitus ergo hic, sicut et *Matth.* 1, 28,
 idem est quod unigenitus. Dicitur vero Christus
 primogenitus, quia primo, puta ante omnem
 creaturam, est genitus. Vult ergo dicere Paulus,
 Christi generationem priorem esse omni creatura-
 rum creatione, nec Christum angelis esse juniorem,
 ut docebant Simoniani, *q. d.* Christus uti tempore,
 ita et dignitate, causalitate rerumque omnium
 productione excellit omnes *ennæas*, potestates,
βάρεις, *æones*, angelos Simonianorum, Valentini et
 aliorum Novatorum; ac consequenter non angeli,
 sed Christus unus est redemptor ac mediator nos-
 ter. Ita Theophylactus, Ambrosius, Theodoretus.
 Et patet ex sequentibus; subdit enim : « Quoniam
 in ipso condita sunt universa in cœlis et in terra. »
 Vide Epiphanium, in hæresi Basilidis, Simonis et
 Menandri.

Ennæa
 et *æones*
 Valentini
 perstrin-
 guntur
 Lica Pau-
 lo.

Vers. 16. 16. IN IPSO CONDITA SUNT UNIVERSA. — « In ipso, »
 id est *per ipsum*. Unde per repetitionem idipsum
 explicans et confirmans subdit : « Omnia per ip-
 sum, et in ipso creata sunt. »

VISIBILIA ET INVISIBILIA. — Docebant Platonici,
 et ex eis Simon Magus, Menander, Saturninus et
 alii Simonis assecræ, Deum creasse homines et
 mundum. Contra hos docet Apostolus tam invi-
 sibilium quam visibilium, id est tam angelos quam
 homines, a Filio esse creatos.

Angeli
 non crea-
 runt
 mun-
 dum, sed
 Christus.

DOMINATIONES. — Id est *dominantes*.

PRINCIPATUS. — Id est principes, vel principatum
 gerentes.

POTESTATES. — Id est potentes et potestate præ-
 diti. Abstracta ponuntur pro concretis. Sunt enim
 hæc nomina angelorum. Vide dicta *Ephes.* 1, 21.

OMNIA PER IPSUM, ET IN IPSO CREATA SUNT. — Pro
 « in ipso, » græce est *ἐν αὐτῷ*, id est *in ipso*,
 puta ad ipsius gloriam, creata sunt omnia. Ita
 Vatablus. Verum sæpe *ἐν* capitur pro *in*, id est *in*
ipsum, pro *in ipso*, et ita accipiunt hic Græci.
 Unde *secundo*, Anselmus, « per ipsum, » inquit,
 quasi causam efficientem cum Patre creata sunt
 omnia. Filio enim, quia a Patre procedit, tribui-
 tur operatio quasi medians, quam significat præ-
 positio *per*. « In ipso, » scilicet quasi in Verbo,
 idea et sapientia, creata sunt omnia. Sed hoc
 sensu melius diceretur, per ipsum, scilicet tan-
 quam Verbum et Sapientiam, creata esse omnia.
 Unde *tertio* et optime, *τὸ ἐν ἱπσο* significat immen-
 sitatem Filii, scilicet Filium esse ubique per
 essentiam, præsentiam et potentiam, adeo ut
 extra se nihil creare vel agere possit, sed omnia
 quæ creat et agit, in seipso creet et agat. Hæc
 enim est perfectio immensitatis divinæ, ut cum
 sit ubique, omnia occupet et repleat, nihil foris
 vel minus, sed omnia intra se et intra ambitum
 essentiae suæ agat et faciat. Deus ergo intime
 rebus omnibus a se creatis est præsens; resque

omnes creatæ ab hac intima Dei præsentia ita
 pendent, conservantur et gubernantur, sicut cor-
 pus et vita corporis pendet a præsentia animæ.
 Unde Plato dixit Deum esse animam mundi. Et
 Sapiens, *Sap.* 1, 7 : « Spiritus, inquit, Domini
 replevit orbem terrarum, et hoc (hic scilicet Spi-
 ritus, ut legit Augustinus; nam *τὸ hoc* respicit
 Græcum *πνεῦμα*, quod est neutrum) quod continet
 omnia, scientiam habet vocis, » *q. d.* Cavete a
 murmure et detractone, quia Spiritus Sanctus,
 qui omnia continet, id est per suam essentiam,
 præsentiam, potentiam ambit, tenet et conservat
 omnes creaturas, omnia audit. Omnes enim voces
 tum oris, tum mentis fiunt intra ambitum com-
 plexumque Spiritus Sancti, non foris. Quare illum
 nihil latere potest, ne vel tenuissimum murmur,
 sed omnium vocum et sermonum scientiam et
 cognitionem habet. Hinc omnia dicuntur esse et
 consistere in Spiritu Sancto, sicut omnia dicun-
 tur esse et consistere in Patre et Filio. Et hoc est
 quod cecinit Poeta :

Plato di-
 xit Deum
 esse ani-
 mam
 mundi.

Spiritus intus alit, totamque infusa per artus
 Mens agitat molem, et magno se corpore miscet.

Sicut enim anima est in corpore, ita vicissim
 corpus est in anima, et longe magis. Non enim
 anima a corpore, sed corpus ab anima intime
 pendet, consistit, conservatur et vivificatur. Pari
 modo et Deus est in mundo, et vicissim multo
 magis mundus ipse est in Deo, quia a Deo Deique
 præsentia intime pendet, et in suo esse conser-
 vatur ac consistit. Sic ergo in Filio, id est intra
 ambitum et complexum Filii, intra sphaeram
 essentiae et præsentiae Filii, creata sunt omnia,
 ideoque, ut sequitur, in eo omnia constant, id
 est conservantur et consistunt : adeo ut, si Fi-
 lius et Deus suam essentiam et præsentiam ab
 universo subduceret, totum universum evanes-
 ceret, sicut radii evanescent, cum sol se sub-
 ducit; et vita corporis evanescit, cum a corpore
 anima se subducit. Ita Chrysostomus et Theophy-
 lactus.

Quomodo
 mundus
 sit in
 Deo, Dei-
 que Fi-
 lio?

Id ipsum declarat S. Augustinus, lib. VII *Con-
 fess.*, cap. v, pulchra similitudine, qua Deum
 comparat mari; utpote qui totum mundum in se
 æque ut mare spongiam contineat : « Intueor,
 inquit, te, Domine, omni ex parte mundi hanc
 massam ambientem et penetrantem, sed usque-
 quaque infinitum : tanquam si mare esset ubi-
 que et undique per immensa spatia infinitum
 solum mare, et haberet intra se spongiam quam-
 libet magnam, sed finitam tamen, plena esset
 undique spongia illa ex omni sua parte ex im-
 menso mari : sic creaturam tuam finitam te
 infinito plenam putabam. » Pari modo ab aliis
 Deus dictus est adamus quidam maximus et pul-
 cherrimus, totum mundum in se continens et
 complectens.

Sicut
 aqua in
 spongia,
 sic mun-
 dus est in
 Deo.
 Deus est
 adamus
 mundi.

Nota : Ne, cum dixit « per ipsum, » quispiam
 cum Ario intelligeret per Christum quasi minis-

trum omnia esse creata, addidit Apostolus, « in ipso; » ut significet Filium consortem imperii, immensitatis, potentiae et essentiae paternae.

Vers. 17. 17. ET IPSE EST ANTE OMNES — Thronos, Dominationes, Potestates, etc. Posset *secundo*, græcum πρὸ πάντων verti, *ipse est ante omnia*. Respicit enim τὰ πάντα, id est *omnia*, quæ vers. præced. dixit in Christo esse creata et condita: sed maxime intendit Apostolus opponere et anteponere Christum angelis, quos Christo præponebant Simoniani.

Vers. 18. 18. ET IPSE EST CAPUT CORPORIS ECCLESIE. — Hactenus egit de Christo ut Deo, ejusque divinitatem ostendit: jam agit de Christo ut homo est, et Christi hominis dignitatem ostendit. Christus enim qua homo est, non qua Deus, est proprie caput Ecclesie. Vide dicta *Ephes. i, 22*.

QUI EST PRINCIPIMUM. — *Primo*, Christus, qua Deus, omnium rerum est principium, ait Anselmus. Sed hoc versu non agit Apostolus de Christo qua Deus, sed qua homo est caput Ecclesie, ut dixi.

Secundo ergo, melius Chrysostomus, Theodoretus, Theophylactus, Ambrosius et Vatablus: Christus est « principium, » id est fons, dux et auctor resurrectionis et resurgentium ex mortuis; ut τὸ principium æque ac τὸ primogenitus pertineat ad τὸ ex mortuis. Imo Vatablus et Erasmus sic vertunt, *qui est principium primogenitorum ex mortuis, q. d.* Primum principium, fons et auctor resurrectionis ex mortuis est Christus.

Tertio et optime, Christus, qua homo est caputque Ecclesie, est « principium: » *primo*, situ; quia super omnes cælos elevatus quasi primus et summus consistit; *secundo*, dignitate. Unde Cyrillus: « Principium, » inquit, id est princeps et præcipuus. Græcum enim ἀρχὴ tam principatum quam principium significat, et sic « principium » pro principatu capitur *Psalm. cix, 3*: « Tecum (o Christe) principium (hebraice נדבֿוֹת nedabot, id est principatus) in die virtutis tuæ. » *Tertio*, Christus est « principium » tempore et causalitate. Ipse enim sibi corpus, id est Ecclesiam, fecit et formavit, in eaque et in nobis, qui Ecclesie membra sumus, omnium virtutum et bonorum operum principium est et causa. Ita Anselmus.

Quomodo Quæres an eodem sensu Christus se vocet Christus « principium, » *Joan. viii, 25*, cum, interrogantibus eum Judæis: « Tu quis es? » respondit: « Principium qui (vel, ut legunt nonnulli cum Græcis quod) et loquor vobis. » Respondet S. Augustinus, in citatum locum Joannis, Beda, Rupertus et Ambrosius, lib. III *De Fide*, cap. iv, Christum se vocare principium, *q. d.* Ego sum primus et novissimus; vel sum principium omnium rerum, per quod facta sunt omnia. Verum sic « principium » esset nominativi casus, et Græce legendum esset ἀρχὴ. Jam autem constat « principium » apud Joannem esse accusativi

casus: ita enim habent constanter Græca et Græci, scilicet, ὁ ἀρχὴ, quomodo Septuaginta vertere solent Hebræum בְּרֵאשִׁית *berescit*, id est, in principio; intelligitur enim præpositio κατὰ, quasi dicat: secundum principium, a principio. *Secundo* ergo, verius et planius, principium apud S. Joannem idem est quod a principio, et subauditur verbum, *sum, q. d.* Ego sum a principio, sum ab æterno ante Abraham, ut ait ibidem vers. 38, sum æternus, Deus verus de Deo vero, « qui et loquor vobis, » *q. d.* Qui etiam hoc ipsum vobis annuntio. Noster Interpres legit ὅτις, id est qui: jam Græca legunt ἐγώ, id est quod, *q. d.* Sum a principio, quod ipsum loquor et assero vobis. *Tertio*, Nonnus et Maldonatus hæc verba trahendo sic interpretantur. Ego sum is, vel id, qui vel quod a principio vobis loquor, et jampridem prædico, me scilicet esse Messiam, quem si velletis audire, jampridem ex verbis et factis meis me illum ipsum esse cognoscere possetis. Sed hæc est trajectio insolita. Adde hunc sensum et hanc responsionem nihil habere eximii, sed esse humilem et repere. Quare secundus sensus sublimior, Christoque dignior ac prior est. Alio ergo sensu Christus seipsum, alio Paulus Christum vocat hic « principium. »

PRIMOGENITUS EX MORTUIS, — id est primo resurgens ex mortuis ad vitam immortalem. Ubi nota *primo*: Resurrectio est et dicitur tam hic quam alibi regeneratio, quia perinde hominem mortuum vitæ restituit, ac si rursus eum generaret. Ita Chrysostomus et Theodoretus. *Secundo*, licet aliqui ab Elia et Eliseo resuscitati resurrexerint ante Christum, tamen Christus dicitur primus resurgentium, quia resurrexit ad vitam immortalem nunquam amplius moriturus: illi vero resurrexerunt ad vitam mortalem rursus morituri, uti de facto rursus mortui sunt. Vide dicta I *Corinth. xv, 20*.

UT SIT IN OMNIBUS IPSE PRIMATUM TENENS, — *q. d.* Ut tam in rerum genesi, quam in παλιγγενεσίᾳ et regeneratione, id est, tam in prima rerum creatione quam in resurrectione Christus primas teneat (hoc enim significat Græcum πρωτεύων), quia sicuti Christus, qua Deus, est ante omnes et omnia, omniaque in Christo creata sunt et constant, ut dixit vers. 16; ita Christus, qua homo, est primogenitus ex mortuis, dux et princeps resurrectionis.

Secundo, hæc aliter interpretatur Anselmus: Christus, inquit, primus est resurgentium, ut in omnibus Sanctis tam prioribus quam sequentibus teneat primatum dignitatis, potentiae et sanctitatis. Sed prior sensus uti magis est genuinus, ita magis est illustris et amplius.

19. QUIA IN IPSO (Christo) COMPLACUIT (Patri) OMNEM PLENITUDINEM INHABITARE. — Ita legunt passim Latina, Græca, Syra omnesque interpretes. Tollenda ergo est vox « divinitatis, » quam quidam hic addunt. Sensus est, *q. d.* Voluntas et

Secunda
et genuina.

Tertia.

Christus
est prin-
cipium
Ecclesie
Primo,
situ; Se-
cundo,
dignita-
te; Ter-
tio, tem-
pore et
causalita-
te.

Quomodo
Christus
se vocet
prin-
cipium
Joan. viii?
Primæ ex-
positio.

Quadruplex plenitudo inhabitat in Christo.

beneplacitum Dei Patris fuit, ut in Christo filio inhabitaret omnis plenitudo, id est omnis perfectio tum sapientiæ, tum gratiæ, tum potestatis, tum denique ipsius divinitatis: inhabitaret, inquam, non tantum per vim et operationem, sed etiam per seipsam suamque essentiam. Ita Theophylactus et Anselmus.

Secundo, aliter Theodoretus: « Plenitudo, » inquit, est Ecclesia, quæ Dei donis impletur, quæque Christi quasi capitis sui corpus implet et perficit, ut dixit *Ephes. I, 23*. Hæc in Christo inhabitat, id est Christo conjuncta est, sub Christi tegmine et protectione quasi tabernaculo tegitur, Christique ductum ac leges sequitur, sicuti mota domo vel navi, omnes qui in ea habitant vel sunt, illius motum sequuntur.

Verum quia Apostolus non dicit plenitudinem simpliciter, quomodo vocavit Ecclesiam, *Ephes. I, 23*, sed « omnem plenitudinem, » nec explicat plenitudinem hanc esse Ecclesiam, uti explicuit *ad Ephes. I*, hinc simpliciter et planius accipimus plenitudinem priore sensu jam dato. Hæc enim est causa, cur Christus in omnibus primum teneat, uti præcessit.

Vers. 20.

20. ET PER EUM RECONCILIARE OMNIA IN IPSUM. — « Omnia; » id est omnes homines omnium temporum, nationum et locorum, qui in hac vita quasi viatores degunt. Perperam ergo hinc colligebat Origenes, fore aliquando, ut damnati homines et demones Deo reconciliantur et salventur.

In ipsum id est in seipsum.

Nota: Pro « in ipsum, » græce est εἰς αὐτόν, quod Vatablus vertit, *erga se*: planius alii, εἰς αὐτόν, id est, inquit, εἰς τὸν, id est sibi, ut sit hebraismus: Hebræi enim pronomen absolutum sumunt pro reciproco. Ita Theophylactus.

PACIFICANS PER SANGUINEM CRUCIS EJUS, SIVE QUÆ IN TERRIS, SIVE QUÆ IN COELIS SUNT. — Latina syntaxi melius diceretur *pacificando*: nam *pacificans* latine non cohæret congrue cum *complacuit*, cum quo tamen cohærere debet et in Græco cohæret, *q. d.* Complacuit Deo Patri sibi omnes reconciliare *pacificando* per sanguinem, quem in cruce fudit Christus, tam ea quæ in terris, quam ea quæ in cœlis sunt, id est, tam homines quam angelos, quod alia phrasi dixit *Ephes. I, 10*, ita scribens: « Proposuit instaurare omnia in Christo quæ in cœlis et quæ in terra sunt (1). »

Vers. 21.

21. ET VOS CUM ESSETIS ALIQUANDO ALIENATI, ET INIMICI SENSU IN OPERIBUS MALIS. — Pro « sensu, » græce est διάνοια, id est mente et voluntate, id est per mentem et voluntatem: licet Ambrosius et

Quid διάνοια?

(1) Verbum *reconciliatio* non proprie, seu potius totaliter cadit in angelos, qui nunquam peccati rei facti sunt; sed pro rei natura intelligendum est sic, ut, quod in illo verbo primarium est, notio scil. Dei propitii et gratiosi, teneatur in utramque partem, pariterque ad angelos hominesque; altera autem, eaque adjuncta notio *restitutæ* gratiæ benevolentiaque Dei, ad homines, non item ad angelos, referatur.

Hieronymus, in epist. *ad Joan. Episcopum Hierosolymitanum*, διάνοια, in dativo vertant, menti sive cogitationi, consiliis et sensui; hæcque referant non ad hominem peccantem, sed ad Deum, in quem peccatur; sic enim habet Ambrosius: « Et vos quondam alienatos et inimicos consiliorum ejus in operibus iniquis, » etc. Hieronymus vero sic: « Cum essetis alienati et inimici sensus ejus. » Verum melius et planius Noster, Syrus et Græci vertunt in ablativo, mente, vel cogitatione ac sensu, *q. d.* Cum abalienati essetis a Deo, non fato, ait Theophylactus, non necessitate, non sola originali labe; sed etiam propria voluntate et malitia aversi a Deo et adversus Deum hostili essetis animo, quod testificabamini operibus malis exterius blasphemando, inebriando, fornicando, etc. Aliter Syrus τὸ ἐν τῇ διάνοιᾳ, id est in operibus, vertit, *propter opera*: sic enim habet, « inimicis eratis mentibus vestris, » מטל עבדיכון *metul abadachun*, id est « propter opera vestra mala. » Sed prior sensus planior et ordinatior est.

22. NUNC AUTEM RECONCILIAVIT IN CORPORE CARNIS Vers. 22.

EJUS PER MORTEM. — « Ejus, » id est suæ. Est hebraismus, de quo dixi vers. 20. Nota: τὸ in corpore carnis ejus habet epitasim, *q. d.* Ne quis cum Simone dicat, Christum in corpore phantastico esse passum; aut cum Basilide dicat, pro Christo passum esse Simonem Cyrenensem, dico et assero Christum « in corpore carnis suæ, » id est in corpore suo carneo, id est vero et proprio, esse passum et mortuum pro nobis.

Corpus carnis est corpus carnis, non spiritale, non phantasticum.

EXHIBERE (ut exhiberet) VOS SANCTOS ET IMMACULATOS, — ἀμώμους, id est in quibus nec Momus ipse inveniat, quod carpat et reprehendat, ut dixi *Ephes. I, 4*. Tertullianus sæpius vertit, *invituperabiles*.

ET IRREPREHENSIBILES (ἀνεγκλήτους, id est, ut Erasmus vertit, *incriminabiles*, sive inculpato) CORAM IP SO, — scilicet Deo Patre. Vatablus et Syrus vertunt, *in conspectu suo, coram se*. Hebræi enim idem habent pronomen reciprocum quod absolutum.

23. SI TAMEN PERMANETIS IN FIDE FUNDATI, ET STABILES ET IMMOBILES A SPE EVANGELII. — Exigit constantiam tam in fide quam in spe Christiana. *Secundo*, vocat « spem Evangelii » spem quam adfert et docet Christus per suum Evangelium: scilicet ut speremus per Christum bona non terrena, sed spiritualia et cœlestia nos consecuturos. Posset etiam « spes » hic metonymice accipi pro bonis speratis, quæ pollicetur Evangelium.

QUOD PRÆDICATUM EST IN UNIVERSA CREATURA QUÆ SUB CŒLO EST, — id est in omnibus gentibus quæ sub cœlo sunt: est synecdoche; nam genus, id est creatura, appropriatur nobilissimæ speciei, puta homini. Magnificentius autem et ardentius est dicere, « in omni creatura, » quam inter omnes homines.

Quomodo Evangelium prædicatur omni creaturæ?

Subtilius ex S. Gregorio Anselmus: Omnis Omnis

creatura creatura, inquit, dicitur homo, quia homo cum
est homo, ait S. Gre- omni creatura in aliquo participat; nam cum
gorius. lapidibus participat esse vel existere, cum arboribus participat vitam et vegetationem, cum animalibus sensum et motum, cum angelis rationem et intellectum. Sed prior sensus magis plenus et genuinus est. Sic enim Christus, *Marci xvi, 13*, jubet prædicari Evangelium omni creaturæ, id est omni genti, quæ sub cælo creata est.

Nota: Est hic hyperbole; necdum enim tempore Pauli omnibus omnino gentibus, puta Danis, Norwegis, Japonibus, Sinis, Moscovitis, Tartaris prædicatum fuit Evangelium.

Omnibus ergo, hoc est plerisque, permultis, pene omnibus, vel omnibus non in specie, sed in genere; quia scilicet prædicatum est gentibus tam Orientalibus, quam Occidentalibus; tam Septentrionalibus, quam Meridionalibus: omnes enim gentes vel Orientales, vel Occidentales, vel Septentrionales, vel Meridionales sunt, quasi dicat Paulus: Evangelium non sola Judæa se conclusit, sed instar fulguris ab Oriente ad Occidentem, a Meridie ad Septentrionem plurimas gentes pervasit. Videte ergo, o Colossenses, ne fidem mutetis, quæ a toto orbe jam recepta est, ac consequenter non auscultetis Simoni et Novatoribus, qui aliam fidem, imo perfidiam inducunt.

Evangelium quæsi fulgur pervasit orbem.

Vers. 24. 24. QUI NUNC GAUDEO IN PASSIONIBUS PRO VOBIS, — *q. d.* Adeo certa est spes Evangelii, quam jam dixi, ut gaudeam pro eo, proque Evangelio inter vos divulgando (ut hujus spei participes vos faciam) quidvis pati.

ET ADIMPLEO EA QUÆ DESUNT PASSIONUM CHRISTI, IN CARNE MEA, PRO CORPORE EJUS, QUOD EST ECCLESIA. — « Et » hic causale est: tale enim est Hebræum *vau*, valetque idem quod *quia*, *q. d.* Gaudeo in passionibus meis, quia iis adimpleo ea quæ desunt passionibus Christi. Rursum Vatablus, *passiones Christi* interpretatur passionibus; quas propter Christum Paulus subibat, *q. d.* Multa jam passus sum propter Christum, multa adhuc mihi desunt et supersunt ferenda. Paratus sum autem reliquas eas afflictiones propter Christum pati in carne mea pro Ecclesia. Dicit autem « adimpleo, » ut notat Commentarius Hieronymo adscriptus, ut significet se paratum esse usque ad sanguinem et mortem hæc pati, sicut Christus ad mortem passus est, pro Evangelio.

Verum hæc « passionibus » non sunt passionibus Christi, sed Pauli propter Christum; et si hoc voluisset Paulus, clare dixisset: Adimpleo ea quæ desunt passionibus meis, quas patior propter Christum.

Proprie ergo « passionibus Christi » vocat ea quæ passus est Christus. Ita Ambrosius, Chrysostomus, Theophylactus, Oecumenius, Anselmus et alii passim, ac consequenter *in carne mea* non referendum est ad « ea quæ desunt, » sed ad

« adimpleo, » *q. d.* Patiendo in carne mea, adimpleo ea quæ desunt passionibus, quas passus est Christus in carne sua.

Dices: Si deest aliquid passioni Christi, ergo passio et redemptio Christi non fuit plena, sed imminuta et insufficiens.

Respondeo negando consequent.: Passio enim Christi in se fuit plena et sufficiens, illique quoad valorem et pretii sufficientiam nihil defuit. Christus enim sua passione comparavit pretium sufficiens toti mundo redimendo, imo mille mundis redimendis; eidem tamen passioni aliquid defuit et deest in nobis, nimirum communicatio et participatio passionis ac meritorum Christi; ut scilicet Christus non tantum in se, sed etiam in suis membris, id est Apostolis aliisque fidelibus, similia patiat, hacque passione propagetur et perficiatur corpus ejus, quod est Ecclesia. Aeterno enim suo decreto statuit Deus, ut Christus non tantum in se, sed etiam in suo corpore et membris, puta in Ecclesia et fidelibus, pateretur et passione eorumdem consummaretur ac perficeretur, dum nimirum fideles quique patiendi participes fiunt et similes Christi patientis et crucifixi.

Unde nota primo, cum Ambrosio, Chrysostomo, Theophylacto et aliis: Sicut mystice unum est corpus, una anima et vita, ita et una est passio Christi et Ecclesie, sive Christi et Apostolorum, Martyrum omniumque fidelium, sicut eadem est passio capitis et corporis, sive capitis et membrorum. Christus enim est caput, membra sunt Apostoli alique fideles. Unde Christus Paulo Ecclesiam persequenti non ait: Quid Ecclesiam, sed: Quid me persequeris? vide dicta I *Corinth.* cap. xii, vers. 27. Christus enim uti gratiam suam et patientiam, ita et passionibus suas Apostolis aliisque fidelibus communicat; ac rursus sicut, uno membro patiente, patiuntur et compatiuntur cætera membra, et maxime caput; ita dum fideles patiuntur, Christus in iis patitur et compatitur.

Hinc secundo, pro « ea quæ desunt, » græce est *υστερήματα*. Quod mala fide et perperam Beza cum Commentario inscripto (sed falso) S. Ambrosio vertit, *reliquias*: proprie enim *υστερήματα* Paulo et Græcis idem est quod defectus, inopia, penuria; præsertim cum jungitur cum verbo *ἀνταναπληρῶ*, id est adimpleo, suppleo: nec enim quis supplet id quod reliquum est et abundat, sed tantum id quod deest, ut patet II *Corinth.* viii, 14: « Vestra, inquit, abundantia illorum inopiam (græce *υστερήματα*) suppleat. » Et *Philip.* ii, 30: « Ut impleret, inquit, id quod ex vobis deerat (græce *το υστερήματα*) erga meum obsequium. » Et I *Thessal.* iii, 10: « Compleamus, ait, ea quæ desunt (græce *υστερήματα*) fidei vestræ. » Unde Chrysostomus *υστερήματα* vertit, *ὀλλείματα*, id est ea quæ desunt; et Syrus vertit, *חסירות* *chasiruta*, id est defectum; ita et alii passim. Hoc etiam significat verbum « adimpleo, » et clarius Græcum *ἀνταναπληρῶ*, quod, inquit Erasmus, com-

Quomodo aliquid desit passionibus Christi? In se nihil deest, sed in nobis aliud quid deest.

Una est passio Christi et Martyrum, omniumque fidelium.

Quanam υστερήματα Christi?

Quid ἀνταναπληρῶ?

positum est ex tribus, scilicet ex ἀντι, quod significat *vicem*, cum quis alterius loco aliquid facit, *q. d.* Paulus : Ut vicem Christo pro me passo reddam, id quod pro Christi Ecclesia patiendum restat, ego adimplebo et patiar in carne mea. *Secundo*, componitur ex ἀντι, quod apud Latinos valet *re*; et πληρω, id est impleo, *q. d.* Reimpleo, sive rursum et frequenter impleo vice Christi, quod in illius passionibus est diminutum et deficiens. Unde pro « adimpleo » Syrus, Vatablus, Erasmus vertunt, *suppleo*, *q. d.* Paulus : Christus quidem in se satis abunde passus est, ut nos redimeret nobisque compararet commune lytrum, quo a peccato redimamur, si illud nobis applicetur : verum ut hoc lytrum et hæc Christi passio hominibus præsertim infidelibus applicetur, multa adhuc desunt : nimirum oportet nos Apostolos peregrinari per totum mundum, docere omnes Gentes, monere, hortari, arguere, ut eas convertamus ; ideoque multa nobis dura et acerba patienda sunt, uti jam ego vincula hæc patior in carne, ut ea quæ desunt passionibus Christi in Gentium conversione procuranda, ego adimpleam, multaque patiar pro corpore Christi, quod est Ecclesia, ut nimirum inter Gentes Ecclesia propagetur, crescat et perficiatur, passionisque ac redemptionis Christi plane fiat participes. Quemadmodum, inquit Theophylactus, si duce exercitus abeunte, subimperator (id est ducis vicarius) pro phalange dimicans in illius locum constitutus vulnera ipsius recipiat ; ita Christo in cælos abeunte, Apostoli in acie depugnantes pro eo vulnera recipiunt. Ita Chrysostomus quoque, Ambrosius, Theodoretus, Œcumenius, Anselmus, D. Thomas et Augustinus in *Psal. LXI*, et satis patet ex seq.; subdit enim Apostolus : « Cuius factus sum ego minister, etc., ut impleam verbum Dei. » Et vers. 27 : « Quibus, inquit, voluit Deus notas facere divitias gloriæ sacramenti hujus in Gentibus. » Gentibus ergo per multos labores et passiones prædicando verbum Dei, adimplebat ea quæ deerant passioni Christi pro Ecclesia.

Eleganter hunc Pauli locum pertractat S. Augustinus in *Psal. LXXXVI* : « Ut adimpleam, inquit, quæ desunt pressurarum Christi in carne mea. Quid adimpleam ? Quæ desunt. Cui desunt ? Pressurarum Christi. Et ubi desunt ? In carne mea. Numquid aliquid pressurarum deerat in illo homine, quod factum est Verbum Dei, natum ex Maria Virgine ? Passus enim est quidquid pati deberet : et videtur quod omnia ; in cruce enim positus accepit acetum in ultimo, et ait : Perfectum est ; et inclinato capite emisit spiritum. Quid est, Perfectum est ? Jam de mensura passionum nihil deest, quia omnia quæ de me scripta sunt completa sunt. Ergo impletæ erant omnes passionibus, sed in capite : restabant adhuc Christi passionibus in corpore : vos autem estis corpus Christi et membra. In iis ergo membris cum esset

Apostolus, dixit : Adimpleo quæ desunt pressurarum Christi in carne mea. » Nam, ut idem ait in *Psal. LXI*, sub initium, omnes passionibus Christi et Christianorum ad unam communem Christi et Ecclesiæ pertinent reimplicam.

Ubi nota : Sicut multa desunt passionibus Christi, ut Gentes ad Christi fidem convertantur et passionibus Christi fiant participes : quæ adimplent Apostoli, dum multa patiuntur in prædicatione Evangelii pro Ecclesia Christi propaganda, quod *primo* et proprie hic intendit Apostolus ; ita multa desunt passionibus Christi, ut fidelibus jam conversis plenius in dies et plenius passionibus et satisfactionibus illæ Christi applicentur. Sicut ergo quisque fidelis per opera satisfactionis quæ subit, applicat sibi satisfactionem Christi, ut satisfaciatur pro pœna temporali peccatis suis debita : ita potest passionem et satisfactionem hanc suam Christi satisfactione nixam et mixtam, cum ea amplius non indiget, utpote omni culpa et pœna sibi jam condonata, aliis applicare ; hoc enim requirit communio Sanctorum et bonorum operum, quæ est in Ecclesia. Et hoc sensu Paulus quoque adimplebat ea quæ deerant passionibus Christi pro Ecclesia ; quia passionibus et satisfactionibus sibi redundantes Paulus applicabat Ecclesiæ, ut per eas fidelibus, qui erant in Ecclesia, applicaretur satisfactio Christi, itaque satisfacerent pro peccatis suis, id est pro pœna temporali, quæ culpa condonata eis luenda restabat. Hunc *secundum* sensum innuit quoque hisce verbis Paulus, vel certe illud ipsum ex priore sensu genuino jam dato argumentatione a pari facile est deducere et concludere : nam tam passionibus hæc secundæ quam primæ desunt passionibus Christi, et tam hæc secundæ quam primæ adimplentur per passionibus et satisfactionibus Apostolorum aliorumque Sanctorum, et tam per has secundas quam per primas applicantur nobis passionibus Christi. Denique tam hæc secundæ quam primæ suscipiuntur pro Ecclesia Christi, imo magis secundæ quam primæ, nam secundæ pro fidelibus, primæ pro infidelibus convertendis suscipiuntur.

Hinc sequitur *tertio*, non male Bellarminum, Salmeronem, Franciscum Suarez et alios Doctores Catholicos, cum tractant de Indulgentiis (quidquid oclamet hic Beza), hæc generalia Apostoli verba extendere ad thesaurum Ecclesiæ, ex quo ipsa dare solet Indulgentias : hunc enim thesaurum voluit Deus constare meritis et satisfactionibus non tantum Christi, sed et Apostolorum omniumque Christi Sanctorum, uti definivit Clemens VI, Extravagante *Unigenitus*. Idque fecit Deus duabus de causis : *Prima*, ut hac ratione Christum et Sanctos Christi honoraret, dum eos adseiscit in consortium satisfactionis Christi, qua Christus pro aliis satisfecit : sicut rex honorat suos duces, dum eos provinciis præficit et in regni gubernandi consortium admittit ; et Deus

Dupliciter adimplemus passionibus Christi, Primo, prædicando Evangelium ; Secundo, patiendociendo.

Hic locus accipi potest de thesauro Ecclesiæ, ex quo ipsa dat Indulgentias.

Duplex causa huius thesauri.

quoque qui est prima omnium causa, honorat suas creaturas, et causas secundas, dum eas in agendo socias sibi adjungit.

Secunda, ut esset perfecta communicatio bonorum inter membra Ecclesiae, id est inter nos et Sanctos, sicut est inter cives ejusdem reipublicae et inter fratres ejusdem familiae. Sic enim Sancti proprie adimplent pro Ecclesia ea quae desunt, scilicet huic thesauro jam dicto, et consequenter adimplent ea quae desunt passionibus Christi; quia sine his passionibus Christi non complerent hunc thesaurum, prout a Deo institutus est, nimirum ut non tantum e Christi, sed et aliorum Sanctorum passionibus et satisfactionibus confletur.

Et favet Graecum ἀνταναγκασθῆναι, quod significat vicissim, vel contra ex altera parte impleo, *q. d.* Thesaurus hic una sui parte, scilicet Christi meritis, completus est; sed vicissim altera sui parte, scilicet meritis Sanctorum, incompletus quotidie impletur per passiones meas, puta Pauli aliorumque Sanctorum.

Ver. 25. 25. Cujus (scilicet Ecclesiae, graece enim est ἡ; femininum) FACTUS SUM EGO MINISTER SECUNDUM DISPENSATIONEM DEI, QUAE DATA EST MIHI IN VOS. — Pro « dispensationem, » graece est οἰκονομίαν, *q. d.* In domo Dei, quae est Ecclesia, sum oeconomus, ut dispensem toti familiae, id est singulis fidelibus, bona et dona Dei Domini mei.

UT IMPLEAM VERBUM DEI. — Vatablus, ut impletum esse declararem sermonem, id est promissionem Dei de vocatione Gentium. Sic enim Hebraei saepe verbum activum reale sumunt pro mentali aut verbali, juxta *Can. 36.*

Implere verbum Dei est plene illud praedicare. *Secundo*, planius, « ut impleam, » id est plene praedicem verbum Dei et compleam praedicationem Evangelii, quam coepit Christus. Sic *Roman. cap. xv, vers. 19*, dicit Paulus se ab Jerusalem usque ad Illyricum replevisse (id est plene praedicasse) Evangelium Christi.

Prædicatores complent opus acceptum a Christo. Nota hic dignitatem praconum et doctorum Evangelii, utpote quos Christus vocat in partem sui officii et ministerii, ut praedicationem Evangelii, quam ipse coepit, illi compleant, opusque redemptionis humanae, ad quod Christus a Patre in mundum missus est, absolvant et perficiant.

26. MYSTERIUM. — Est appositio, ut patet ex *Vers. 25.* Graeco: verbum enim Dei vocat « mysterium » quod absconditum fuit a saeculis, nunc autem manifestatum est sanctis, » scilicet Apostolis et Christianis.

27. QUIBUS VOLUIT DEUS NOTAS FACERE DIVITIAS GLORIAE (id est divitem, locupletem et bonis spiritualibus abundantem gloriam) **SACRAMENTI** (mysterii, ut paulo ante dixit) **HUIUS IN GENTIBUS** (hujus enim mysterii verbi Dei et Evangelii magis participes factae sunt Gentes, quam Judaei), **QUOD** (scilicet sacramentum vel mysterium) **EST CHRISTUS** (objective scilicet, *q. d.* Quod circa Christum versatur, cujus objectum est Christus; totum enim mysterium Evangelii est de Christo et redemptione Christi, qui) **IN VOBIS EST SPES GLORIAE.** — Rursus Christus hic dicitur « spes gloriae » objective, *q. d.* Christus est id vel is per quem futuram gloriam vitae aeternae speratis et exspectatis. Ita Ambrosius, Anselmus, Theodoretus.

Christus est spes gloriae obiectiva

Alii sic exponunt: Christus est spes gloriae, id est spes gloriosa, quia videlicet per Christum magnifica et gloriosa bona speratis vos adepturos.

28. QUEM NOS ANNUNTIAMUS CORRIPIENTES OMNEM HOMINEM. — Graecum νουθετοῦντες, tam admonentes quam increpantes, vel corripientes et castigantes significat. Ita Theophylactus.

29. IN QUO (ad quod) ET LABORO CERTANDO. — *Vers. 29.* Graece ἀγωνίζομαι, id est decertans quasi in agone, multa vigilantia, fortitudine, contentione, difficultate et periculo, tanquam athleta Christi. Ita Theophylactus.

SECUNDUM OPERATIONEM (Graec, ἐνέργειαν id est vim et efficaciam) **EJUS, QUAM OPERATUR IN ME** (Christus) **IN VIRTUTE,** — id est potenter, valide et efficaciter; hoc enim est Hebraeum בָּכֹוֹחַ *bacchoach*, *q. d.* Decerto in hoc agone Evangelii strenue et viriliter, non humanis viribus confisus, sed vi et efficacia spiritus Christi, qui in me potentissime operatur, patrando scilicet miracula tot et tanta; dando tantam efficaciam verbis meis, ut omnium corda penetrent et convertant; suggerendo animos, vires ac zelum, ut ignea charitate et ignea lingua praedicem, omnibusque ignem hunc divini amoris afflem et aspiрем.

CAPUT SECUNDUM.

SYNOPSIS CAPITIS.

Optat et hortatur Colossenses, ut radificentur et firmentur in fide et charitate Christi.

Secundo, vers. 8, Judaizantium et pseudophilosophorum somniis opponit Christum, in quo omnis plenitudo divinitatis inhabitat. Per Christum enim nos circumcisos esse docet, non carne, sed spiritu, cum ei consepulti in baptismo mortui sumus delictis.

Hinc tertio, vers. 14, docet Christum delevisse chirographum peccati, illudque affixisse cruci, ibique triumphasse de peccatis et daemonibus; ac consequenter Judaicas abstinentias et caeremonias quasi umbras inutiles abrogasse.

Denique, vers. 18, non fictam angelorum in superstitione humilitate et abstinentia, sed veram Christi unius mediatoris religionem sectandam esse decernit.

1. Volo enim vos scire qualem sollicitudinem habeam pro vobis et pro iis qui sunt Laodiciae, et quicumque non viderunt faciem meam in carne : 2. ut consolentur corda ipsorum, instructi in charitate et in omnes divitias plenitudinis intellectus, in agnitionem mysterii Dei Patris et Christi Jesu : 3. in quo sunt omnes thesauri sapientiae et scientiae absconditi. 4. Hoc autem dico, ut nemo vos decipiat in sublimitate sermonum. 5. Nam etsi corpore absens sum, sed spiritu vobiscum sum : gaudens et videns ordinem vestrum, et firmamentum ejus, quae in Christo est, fidei vestrae. 6. Sicut ergo accepistis Jesum Christum Dominum, in ipso ambulate, 7. radicati et superaedificati in ipso, et confirmati fide, sicut et didicistis, abundantes in illo in gratiarum actione. 8. Videte ne quis vos decipiat per philosophiam et inanem fallaciam, secundum traditionem hominum, secundum elementa mundi et non secundum Christum : 9. quia in ipso inhabitat omnis plenitudo divinitatis corporaliter : 10. et estis in illo repleti, qui est caput omnis principatus et potestatis : 11. in quo et circumcisi estis circumcisione non manu facta in expoliatione corporis carnis, sed in circumcisione Christi : 12. consepulti ei in baptismo, in quo et resurrexistis per fidem operationis Dei, qui suscitavit illum a mortuis. 13. Et vos cum mortui essetis in delictis et praepotio carnis vestrae, convivificavit cum illo, donans vobis omnia delicta : 14. delens quod adversus nos erat chirographum decreti, quod erat contrarium nobis, et ipsum tulit de medio, affigens illud cruci : 15. et expolians principatus et potestates, traduxit confidenter, palam triumphans illos in semetipso. 16. Nemo ergo vos judicet in cibo, aut in potu, aut in parte diei festi, aut neomeniae, aut sabbatorum : 17. quae sunt umbra futurorum : corpus autem Christi. 18. Nemo vos seducat, volens in humilitate et religione angelorum, quae non vidit ambulans, frustra inflatus sensu carnis suae, 19. et non tenens caput, ex quo totum corpus per nexus et conjunctiones subministratum et constructum crescit in augmentum Dei. 20. Si ergo mortui estis cum Christo ab elementis hujus mundi : quid adhuc tanquam viventes in mundo decernitis ? 21. Ne tetigeritis, neque gustaveritis, neque contrectaveritis : 22. quae sunt omnia in interitum ipso usu, secundum praepcepta et doctrinas hominum : 23. quae sunt rationem quidem habentia sapientiae in superstitione et humilitate, et non ad parcendum corpori, non in honore aliquo ad saturitatem carnis.

Vers. 1. 1. VOLO ENIM VOS SCIRE QUALEM SOLLICITUDINEM HABEAM PRO VOBIS. — Vox « enim » dat causam, cur cap. praeced. vers. ult., dixerit se pro fidelibus laborare ἀγωνίζομαι, id est in agone certando :

unde hic rursum pro « sollicitudinem, » Graece est ἀγῶνα, q. d. Ideo memini et inculco meum agnitionem, laborem, ac difficile certamen, quod pro vobis aliisque fidelibus suscepi, « ut conso-

lentur » et firmentur corda vestra in fide et gratia Christi.

PRO VOBIS ET PRO IIS QUI SUNT LAODICIÆ, ET QUICUMQUE (quotquot alii) NON VIDERUNT FACIEM MEAM IN CARNE. — Hinc satis apparet Paulum non fuisse, nec prædicasse Colossis aut Laodicis. Ita Chrysostomus et Theophylactus. Negat id Theodoretus, et ex eo Baronius, sicque hæc verba explicant, q. d. Paulus: Non solum vestrum, o Colossenses, sed et eorum, qui me non viderunt, maximam curam gero. Verum aliud videtur velle Apostolus. Quorsum enim hic meminisset eorum, qui non viderant faciem suam in carne, nisi quia eam non viderant Colossenses et Laodicenses? et hoc significat Græcum *οὐκ*, quod Syrus vertit *cæteri*, sive quicumque alii, qui æque ut vos non viderunt faciem meam. Sicut enim si dicam: Petrus, Paulus et cæteri Apostoli fuerunt cælibes, tacite dico non tantum Petrum et Paulum fuisse cælibes, sed etiam fuisse Apostolos; hoc enim involvit vox *cæteri*: ita pari modo cum hic dicit Paulus se sollicitum esse pro Colossensibus et Laodicensibus, et cæteris qui non videntur faciem suam, tacite significat Colossenses et Laodicenses non vidisse faciem suam. Adde, in Actis Apostolorum nullam Colossensium, æque ut Corinthiorum, Ephesiorum, Atheniensium et aliorum, quibus Paulus prædicavit, fieri mentionem. Nec enim locus ille Actor. xix, 10, quem citat Baronius, urget. Sic enim habet: « Segregavit (Paulus Ephesi commorans) discipulos quotidie disputans in schola tyranni cujusdam, hoc autem factum est per biennium; ita ut omnes qui habitabant in Asia, audirent verbum Domini, Judæi atque Gentiles. » Nec enim hinc inferas, si omnes in Asia a Paulo audiverunt verbum Dei, ergo illud audiverunt et Colossenses et Laodicenses, qui in Asia habitant; nam non dixit Lucas Paulum ivisse Colossas aut Laodiciam, imo contrarium dicit, Paulum mansisse Ephesi, ibique disputasse per biennium in schola tyranni, ita ut Asiani omnes, qui vel habitabant, vel veniebant Ephesum tanquam ad Asiæ metropolim, possent Paulum ibi disputantem audire: adeo ut Pauli Ephesi disputantis et prædicantis rumor totam Asiam pervaserit.

Vers. 2.

2. UT CONSOLENTUR, — id est consolationem accipiant: Græcum enim *παρηγορεῖν* est passivum.

CORDA IPSORUM, INSTRUCTI IN CHARITATE, — id est cum fuerint instructi, vel, ut alii ex Græco vertunt, compacti in charitate. Græce enim est magis congrua syntaxis: *αὐτῶν συνεκδοθέντων*, id est ipsorum instructorum vel compactorum in charitate. Ita Theophylactus.

ET IN OMNES DIVITIAS PLENITUDINIS INTELLECTUS, IN AGNITIONEM MYSTERII DEI PATRIS ET CHRISTI JESU. — Nota primo: Per « divitias » Paulus significat non opes auri et argenti, sed quamlibet copiam et abundantiam vel gratiæ, vel sapientiæ et intellectus, de qua hic loquitur.

Secundo, pro « plenitudinis intellectus, » Græce est *πληροφορία* (de qua voce dixi Roman. xiv, 5) *πῆ; συνείσας*, id est plenæ persuasionis intelligentiæ, id est plenæ et certo persuasæ intelligentiæ, quæ omne dubium excludat, ait Theophylactus, q. d. Ideo laboro, certo et sollicitus sum pro vobis, ut vos instrua mini tum charitate, tum divitiis, id est abundantia plenæ persuasionis, hoc est plene persuasæ intelligentiæ mysteriorum fidei: ut scilicet in omnibus mysteriis fidei, quæ pertinent ad agnitionem Dei Patris et Christi Jesu, instructi et plene persuasi, planeque intelligentes sitis, nihilque de iis ambigatis; ut certo vobis persuasum sit, nos non per angelos, ut vobis persuadent Simoniani vel alii Novantes, sed per Christum redemptos et reconciliatos esse Deo Patri.

3. IN QUO (scilicet Christo) SUNT OMNES THESAURI SAPIENTIÆ ET SCIENTIÆ ABSCONDITI. — Notat Chrysostomus hoc dici contra Gnosticos a scientia se nominantes et venditantes. Gnostici enim græce idem est quod *scientes*, q. d. In Christo est omnis vera sapientia, et ab illo petenda, non a Simone, non a Gnosticis, non etiam ab angelis, quos ipsi jactant. Cum dicit Apostolus *thesauri*, ait ex Chrysostomo Theophylactus, copiam sapientiæ in Christo ostendit; cum dicit *omnes*, ostendit eum nihil latere; cum dicit *absconditi*, indicat quod solus ipse eos noverit, ab eoque scientia et sapientia omnis petenda sit: nam Christus est ipsa sapientia et per sese cognitio.

Vers. 3.
Gnostici,
id est
scientes,
jactabant
se de
scientiæ.

Nota: Pro *absconditi*, Græce est *ἀπόκρυφα*, quod non est participium, sed nomen, idemque est quod occulti et arcani: « absconditi » ergo hic idem significat et capitur nominatim.

4. HOC DICO, UT NEMO VOS DECIPIAT IN SUBLIMITATE SERMONUM. — Pro *decipiat*, Græce est *παπαλογίζεσθαι*, id est, ut Vatablus, falsis rationibus et rotiocinationibus imponat vobis. Syllogismo enim vero et bono opponitur apud Aristotelem paralogismus, qui ex apparentibus, sed falsis, falsum concludit; aut ex veris falsum, per vitiosam consequentiam elicit et deducit.

Vers. 4.

Secundo, pro *sublimitate sermonum*, est Græce *παιθανολογία*, id est in persuasorio sermone, in specioso fuco rationis humanæ, in artificiosa et sophistica oratione, quæ in speciem probabilis ad persuadendum et fallendum sit comparata et composita. Ita Theophylactus. Noster vertit, in *sublimitate sermonis*, quia Simoniani, quos hic suggillat Apostolus, sublimia jactabant de cælo, de matre angelorum, de angelis rebusque et æonibus cœlestibus, quibus simplices in admirationem rapiebant et seducebant.

Quid
παιθανολογία?

Talis est pithanologia et fucata oratio nostrorum Novantium, ut per dulces sermones seducant corda innocentium; si enim ipsorum rationes a viro cordato ad rationem ac formam syllogisticam redigantur, statim apparent non esse aliud quam paralogismi; v. g. cum sic argumen-

Pithanologia habet rationem

tantur : Solus Deus est adorandus, ergo non sunt adorandæ, id est colendæ, imagines et Sancti; paralogizant. Peccant enim amphibolia vocis, « adorandus : » in antecedente enim intelligitur adoratio proprie dicta, quæ est latriæ; in consequente vero adoratio impropria et amplissime sumpta, scilicet quivis pius cultus et honor. Sic : Unus, inquit, est mediator Christus; ergo Sancti non sunt mediatores, nec invocandi. Sed paralogizant : in antecedente enim intelligitur mediator per se, sive redemptor; in consequente vero mediator idem est quod intercessor, sive advocatus. Ita in reliquis omnibus.

Aggreditur hic Apostolus potissimum epistolæ argumentum, scilicet elidere dogmata falsa hæreticorum et Judaizantium, et contra ea corroborare Colossenses in vera fide Christi.

Vers. 3. 3. ETSI CORPORE ABSENS SUM, SED SPIRITU VOBISCUM SUM : GAUDENS ET VIDENS ORDINEM VESTRUM, ET FIRMAMENTUM FIDEI VESTRÆ, — *q. d.* Licet absens sim corpore, spirituali tamen oculo et cura vobiscum sum, quia spiritu et mente vos sæpe contempler, vestrumque ordinem (de quo multa inaudivi) cum gaudio intueor.

Apostoli
iustur
Elisei vi-
derunt
absentia.

Secundo, Ambrosius et Anselmus magis proprie hæc accipiunt de spiritu prophetico, quasi per eum Paulus cognoverit absentia quæ fiebant Colossis, eaque viderit, eodem modo quo Eliseus corpore absens, sed spiritu præsens, vidit Giezi accipientem munera a Naaman : si enim Eliseo id datum est, cur non Paulo? Major enim gratia fuit in Apostolis et Prophetis novi Testamenti, quam in veteribus Prophetis, et similem spiritum constat fuisse in S. Petro, cum absens cognovit fraudem Ananæ et Sapphiræ, *Act. v. 3, q. d.* Nihil vestrum me latet, o Colossenses, quia vobis adsum spiritu, eminus quasi cominus intueor omnia vestra, et quidquid facitis inspecio, ut revearemini in oculis meis meoque intuitu male agere, aut male sentire vel loqui de Evangelio, nec novantibus Simonianis auscultetis, aut inconstantiam et dubitationem ullam in fide ostendatis. Hic sensus et sententia non est improbabilis, si spiritum accipias non permanentem (hunc enim fuisse in Apostolo non est verisimile), sed transeuntem, quo subinde, cum opus esset, Paulus raptus fuerit, ut suarum Ecclesiarum statum et ordinem absens intueretur. Sed prior sensus uti simplicior, ita certior est.

GAUDENS ET VIDENS ORDINEM VESTRUM. — Per « ordinem » Ambrosius accipit dispositionem conversationis. Melius Chrysostomus, Theophylactus, Oecumenius, τὰς, id est ordinem, interpretantur εὐτάξια, id est bonum ordinem, quo bene et ordinate omnia fiunt juxta ordinem a Paulo aut Episcopo præscriptum. « Sicut enim, inquit Theophylactus, in acie militari bona ordinis collocatio phalangem firmam efficit; sic et in Ecclesia, quando bonus ordo charitatis fuerit omnia constituentis. »

Quantum sit hujus ordinis bonum et commodum, patet in omni republica; nulla enim respublica sine ordine consistere potest; sed ut consistat, necesse est cives magistratui subordinari et obedire, et quemque civem suum servare gradum et ordinem : quod si hic ordo turbetur, turbatur respublica.

Secundo, idem patet in hierarchia cœlestium spirituum et angelorum, in qua summus est ordo, qui rempublicam angelorum consociat, stabilizat, conservat et mira pulchritudine exornat.

Tertio, patet in ordinato motu et situ cœlorum, stellarum, elementorum omniumque creaturarum ac totius universi : si enim hic ordo turbetur, turbatur totum universum; nam ordo universi totius est vinculum et salus. « Ordinis perturbatio, ait Nazianzenus, orat. *De Moderat. in disp. servanda*, in aere fulmina, in terra succensiones, in mari exundationes, in urbibus et familiis bella, in corporibus morbos, in animis peccata quasi novas res moliendo introduxit, » etc. Omnia, inquit Sapiens, *Sap. xi, 21*, in mensura, et numero, et pondere disposuisti, » (o Domine creator omnium! De qua sententia Sapientis, vide S. Augustinum, lib. IV *De Genesi ad litt.*, cap. III, IV, V, tom. IV, et S. Thomas, I *part.*, *Quæst. V*, art. 3, ubi ex S. Augustino docet omnem rem, sive omne bonum habere primo, mensuram, quæ omni rei certum modum ex determinatione principiorum suorum efficiunt et materialium præstet; secundo, habere numerum, qui cuique rei speciem præbeat; tertio, habere pondus, id est ordinem et inclinationem ad actus et finem suum; quod pondus rem ipsam ad suam quietem et stabilitatem trahit. Hoc significare volens Plato in *Timæo* dicit mundum factum esse per cubum ternarii, id est per 27; tria enim in se ducta, id est ter tria, faciunt novem, rursum ter 9 faciunt 27, qui est et vocatur cubus ternarii. Per hunc ergo cubum, puta per viginti septem, mundum esse factum censuit Plato, quia in hoc cubo, puta 27, omnis harmonia et consonantia (numerorum) consistit.

Quia ergo tanta boni ordinis sunt commoda, hinc toties Apostolus ordinem inculcat, eumque in omnibus servari vult. Hinc et S. Ignatius, proximus Apostolis, eorumque spiritu et zelo imbutus, in suis epistolis toties et tam impense hunc ordinem commendat et præcipit, ut epist. *ad Trallianos* : « Qui, ait, intra altare est, mundus est, ideo et obedit Episcopo et Presbyteris : qui vero extra est, id est qui sine Episcopo et Presbyteris et Diaconis aliquid agit, talis polluta est conscientia, et est infideli deterior. » Et *ad Smyrnenes* : « Omnia, ait, in vobis decenti ordine perficiantur in Christo. Laici Diaconis subditi sint, Diaconi Presbyteris, Presbyteri Episcopo, Episcopus Christo, sicut ipse Patri. » Eadem singulis pene epistolis repetit et inculcat S. Ignatius.

Morale,
quantum
bonum
sit ordo
in omni
re.

Ordo uni-
versi est
vincu-
lum et
salus.

Quid
mensura,
numerus
et pondus
in omni
re?

Mundus
factus est
per cu-
bum ter-
narii.

Vers. 6. 6. SICUT ERGO ACCEPISTIS JESUM CHRISTUM DOMINUM (*q. d.* Sicut ab Epaphra et Archippo accepistis fidem et doctrinam Jesu Christi, praesertim illam, qua edocti estis Jesum Christum esse Dominum ac redemptorem nostrum, non autem angelos, ita) IN IPSO AMBULATE. — Christus enim est via quæ ducit ad Patrem, non angeli, inquit Chrysostomus. « In ipso » ergo, id est in ipsius fide et institutione, « ambulate. » Christus enim sumitur pro adjunctis, puta pro fide, doctrina et vita Christi, juxta *Can.* 37. Vult Paulus antiquam, et a Christo et ab Apostolis traditam fidem nos sequi, nec audire Novantes.

Vers. 7. 7. RADICATI ET SUPERÆDIFICATI IN IPSO. — Pendet hæc a præcedentibus, « in ipso ambulate, » *q. d.* Sic ambulate in fide et institutione Christi, ut in ea firmas et fixas habeatis radices, illique superædificemini. Græcum enim *ἰσχυροδομεύμενοι*, non est præteriti, sed præsentis temporis : unde non tam « superædificati, » significat, quam « ut superædificemini, » vel ut collapsi nonnihil restituamini. Ita Theophylactus.

Nota hic triplicem metaphoram et comparisonem. *Primo* enim Christum, et Christi fidem comparat viæ in qua sit ambulandum ; *secundo*, radici cui inseri et inhærere nos oporteat ; *tertio*, fundamento cui superædificari debeamus. Simili modo, *Ephes.* cap. II, 20, dixit : « Superædificati super fundamentum Apostolorum et Prophetarum, ipso summo angulari lapide Jesu Christo. » Et cap. III, 17 : « Christum, ait, habitare per fidem in cordibus vestris, in charitate radicati et fundati. »

ABUNDANTES IN ILLO (in Christo scilicet ; id est Christi fide, gratia, charitate aliisque virtutibus) IN (id est cum) GRATIARUM ACTIONE, — pro tantis Dei beneficiis, quæ per Christum vobis præstitit. Ita Anselmus.

Vers. 8. 8. VIDETE NE QUIS VOS DECIPIAT PER PHILOSOPHIAM. — Redit ad vers. 4, ubi principale argumentum et causam epistolæ tractare cœpit, scilicet ut dehortetur Colossenses primo ab hæresi Philosophorum, deinde inferius a secta Judæizantium. « Apostolus, inquit Tertullianus, lib. *De Præscr.*, cap. VII, et lib. *De Anima*, cap. III, fuerat Athenis, ibique expertus linguatam civitatem ; cum omnes illic sapientiæ atque facundiæ caupones degustasset, inde concepit præmonitorium istud edictum. »

Nota : Pro *decipiat*, Græce est *παλαγῶν*, id est *deprædetur*. Ita Syrus, Theophylactus, Ambrosius. Unde Hilarius, lib. XII *De Trinit.*, legit, *spoliet*. Simonianos ergo, et ab eis prognatos Gnosticos aliosque hæreticos, vocat prædones Paulus, uti et Christus, *Joan.* x, 8. Et merito. Si enim prædo est, qui bona fortunæ aufert et prædatur ; multo magis prædo est, qui fidem veram, gratiam, virtutes omnes, imo Christum et Deum ipsum nobis aufert et prædatur ; quique non corpus, sed animam ipsam interimit, illamque prædoni

diabolo et æternæ morti devorandam tradit. Est ergo hæc deprædatio immane sacrilegium : sicut enim sacrilegi, qui templa deprædantur, Græcis *ἱερόσυλοι* dicuntur, ita et a Paulo hic eodem nomine vocantur illi, qui animas ad imaginem Dei factas Deoque consecratas per hæresim deprædantur, easque diabolo vendunt et mancipant.

PER PHILOSOPHIAM, ET INANEM FALLACIAM. — « Et » significat *id est*. Sic et pro *id est* capitur *Galat.* VI, 16, et alibi, ut ibi dixi, *q. d.* Non omnem philosophiam damno (uti perperam intellexit Lutherus), sed eam quæ sit inanis fallacia et superstitio gentilitatis. Unde hanc philosophiam, I *Timoth.* cap. ult., vers. 20, vocat « falsi nominis scientiam ; » uti erant illæ angelorum seu deorum quorundam mediolorum et mediatorum speculationes, quibus referti sunt Platoniorum libri. Ita Chrysostomus et Augustinus, lib. VIII *De Civit. Dei*, cap. IX et XVI. Quanquam Clemens, lib. I *Strom.*, hic tantum damnari putet philosophiam Epicuri, quæ tollit providentiam et in deorum numerum refert voluptatem.

Secundo, Paulus hic perstringit Apollonium Thyaneum et alios Philosophos, qui hoc tempore æque ut Apostoli orbem circuibant, ut populum a Christo ad se et sua dogmata traducerent, ut dixi I *Corinth.* I, 20.

Tertio, taxat Simonem Magum cum suis, quæ primus fuit hæresiarcha et omnium Novatorum parens.

Hinc patet Simonem aliosque tunc Novantes sua dogmata ex figmentis Platonis et aliorum Philosophorum quasi centonem consarcinasse. Unde Tertullianus, lib. *De Anima*, cap. III, Philosophos appellat patriarchas hæreticorum. Idem, lib. *De Præscr.*, cap. VII : « Hæreses, ait, a philosophia subornantur. Inde Æones et formæ nescio quæ, et Trinitas hominis apud Valentinum ; Platonius fuerat. Inde Marcionis Deus melior de tranquillitate, a Stoicis venerat. Et uti anima interire dicatur, ab Epicureis observatur. Et ut carnis restitutio negetur, de una omnium Philosophorum schola sumitur. Et ubi materia cum Deo æquatur, Zenonis disciplina est. Et ubi aliquid de igneo Deo allegatur, Heraclitus intervenit : eædem materiæ apud hæreticos volutantur, iidem retractatus implicantur. »

Magis particulatim et fuse Irenæus, lib. II *Contra hæreses*, cap. XIX, recenset quæ dogmata a quo Philosopho mutuati sint Valentiniani et Gnostici : « Thales quidem Milesius, ait, universorum generationem et initium aquam dixit (idem autem est dicere aquam et bythum, id est profundum, quod inter suos Æones statuunt Valentiniani). Homerus autem poeta Oceanum deorum genesim et matrem Thetin dogmatizavit, quæ quidem hi in bythum et Sigen transtulerunt. Anaximander autem hoc quod immensum est, omnium initium subjecit, seminaliter habens in semetipso omnium genesim, ex quo immensos mundos constare

Quam philosophiam damnet Apostolus?

Philosophi fuerunt patriarchas hæreticorum, qui quorum?

ait; hoc autem in bythum et Æonas transfigura-
verunt. Anaxagoras autem, qui et Atheus cogno-
minatus est, dogmatizavit facta animalia, decli-
dentibus e cœlo in terram seminibus, indeque
Æonem quem Sensum vocavere, acceperunt. Sic
ex Democriti et Epicuri vacuo, et atomis ejusdem,
suum sumpserunt Pleroma. » Et inferius: « Hoc
autem quod ex subjecta materia dicunt fabrica-
torem fecisse mundum, et Anaxagoras, et Em-
pedocles, et Plato primi ante hos dixerunt. »
Deinde quod Deum necessitatis servum facerent,
id eos ex fato Stoicorum accepisse docet. Et post
pauca subdit: « Quod autem Salvatorem ex om-
nibus factum Æonibus esse dicant, omnibus in
eum deponentibus velut florem suum, ex Hesiodi
Pandora acceperunt. Ipsam autem eduliorum et
reliquarum operationum indifferentem senten-
tiam, et quod putent a nemine in totum se posse
coinquinari propter generositatem, licet quodque
manducant vel operentur, a Cynicis possederunt,
cum sint cum eis ejusdem testamenti. Minutilo-
quium autem et subtilitatem circa quæstiones,
cum sit Aristotelicum, inferre fidei conantur.
Quod autem velint in numeros transferre univer-
sum, a Pythagoricis acceperunt. »

SECUNDUM TRADITIONEM HOMINUM, SECUNDUM ELE-
MENTA MUNDI, ET NON SECUNDUM CHRISTUM, — q. d. Philosophia hæc sive inanis fallacia, quam hic
damno, non est a Deo (qui est veracissimus,
ipsaque veritas) revelata aut inspirata, sed ab
hominibus vanis et errantibus confecta et tradita;
ideoque vana, errans, mendax et fallax est.

Sex axio-
mata Phi-
losopho-
rum fidei
repug-
nantia.

Talia sunt axiomata et principia veterum Phi-
losophorum, quæ fidei nostræ repugnant, v. g.
Ex nihilo nihil fit: A privatione ad habitum non
fit regressus: Accidentis esse est inesse: Mundus
est æternus: Quæ sunt eadem uni tertio, sunt
eadem inter se: Omnis substantia maxime ratio-
nalis, per se subsistit. Hæc enim, uno excepto,
in naturalibus vera sunt, non autem in superna-
turalibus; alioqui enim ex primo tolleretur (uti
nonnulli sustulerunt) rerum creatio; ex secundo
tollerentur miracula Christi, quibus cæcos, sur-
dos, claudos visui, auditui et gressui restituit;
x tertio tolleretur veritas corporis Christi in Eu-
charistia; quartum negat mundi originem; ex
quinto elideretur mysterium SS. Trinitatis; ex
sexto enervaretur mysterium incarnationis et
unionis hypostaticæ. Quanquam proprie Aposto-
lus non de his, sed de aliis Simonianorum prin-
cipiis et traditionibus loquatur, uti mox dicam.

Quenam
hic vocen-
tur ele-
menta
mundi?

Secundo, hæc philosophia, quam damno, est
« secundum elementa mundi, » id est secundum
rudimenta vanæ philosophiæ, circa mundi pro-
ductionem et gubernationem, verbi gratia, Plato-
nis et Platoniorum, qui docuerunt angelos
mundum condidisse et esse hominum mediatores
apud Deum, rursum cœlos et astra esse animata,
aliaque similia: quos secutus Simon Magus finxit
se Deum quemdam esse, ac primo genuisse Sele-

nem uxorem suam, eamque quasi primam men-
tis suæ conceptionem vocavit Ennæam, asserens
hanc esse matrem omnium, fecisseque angelos,
angelos deinde fecisse et produxisse cœlos et mun-
dum, aliaque his similia figmenta; de quibus
vers. 18 et 20. Ita Irenæus, lib. I, cap. xx et xxiii,
Chrysostomus, Theophylactus et alii hic.

Hinc patet Apostolum, Galat. cap. iv, vers. 3
et 9, aliter quam hic et alio sensu vocare « ele-
menta mundi: » ibi enim « elementa mundi » vo-
cat dies, menses et annos, qui sunt quasi princi-
pia, quibus creatus est, consistit et gubernatur
mundus, quos proinde festos habebant et colebant
Judæi, ut ibi dixi: hic vero « elementa mundi » vo-
cat principia mundanæ sapientiæ et philosophiæ.

Tertio, hæc philosophia et inanis fallacia, quam
damno, « non est secundum Christum, » id est
non est a Christo docta et tradita, nec etiam
Christum docet, Christique redemptionem, gra-
tiam et fidem; sed a Christo vos abducit ad an-
gelos, cœlos, stellas, de quibus, ut dixi, somnia
et commenta sua tradit. Hinc patet, non veram,
sed falsam philosophiam ab Apostolo damnari;
nec enim verum vero contrariari potest; adeoque
vera philosophia Christianæ pietati subservit et
ancillatur.

9. QUIA IN IP SO (Christo) INHABITAT OMNIS PLENI- Vers. 9.
TUDO DIVINITATIS CORPORALITER. — Nota: « Quia »
dat causam præcedentium, cur scilicet dixerit ca-
vendam esse philosophiam et Philosophos, qui
homines abducunt a Christo; sequendam vero
esse philosophiam et sapientiam, quam attulit e
cœlo et in terris docuit Christus, q. d. Nolo vos
sequi philosophos homines errantes et mendaces,
quia volo vos sequi Christum, qui est prima ve-
ritas; nam in Christo inhabitat omnis plenitudo
divinitatis corporaliter.

Nota secundo: Pro inhabitat, Græce est κατοικῆι,
quod non temporalem, ut κατοικῆι, sed perpetuam
inhabitationem significat. Κατοικῆι enim et κατοικῆι
distinguuntur græce, æque ac latine habitare et
commorari. Sic Petrus, epist. I, cap. 1, vers. 17,
vitam præsentem vocat κατοικῆιαν, id est incolatum.
Nam, ut ait Cicero, « commorandi diversorium,
non habitandi natura nobis hic dedit. » E con-
trario Psal. LXXXVI, 7, cum dicitur: « Sicut læ-
tantium omnium habitatio est in te, pro habita-
tio, græce est κατοικῆι, id est perpetua mansio.

Nota tertio: « Plenitudo divinitatis » idem est
quod plena et tota divinitas, quæ in Christo ho-
mine inhabitavit. Ita Ambrosius, Theodoretus,
D. Thomas, Chrysostomus cum suis. Inde conse-
quenter colligendum relinquit Apostolus, in
Christo inhabitasse omnem plenitudinem sapien-
tiæ ac veritatis: hanc enim adfert et includit in
se divinitas, ac consequenter Christum doctorem
sapientissimum sequendum esse, non autem Phi-
losophos. Unde S. Augustinus, epist. 57 ad Darda-
num, et ex eo Glossa hic « plenitudinem divinita-
tis » interpretantur plenam Dei cognitionem, quæ

Plenitu-
do divini-
tatis est
plena et
tota divi-
nitas.

est in Christo Christique Evangelio, non autem in Mose et in umbris legis Mosaicae. Quam expositionem ita genuinam censet Erasmus, ut priorem jam datam excludat et refutet; sed perperam: constat enim « plenitudinem divinitatis » proprie significare plenam divinitatem, non autem cognitionem Dei, licet, ut dixi, illam secum adferat divinitas.

Divinitas inhabitat in Christo corporaliter, id est realiter. Nota *quarto*: In Christo inhabitat « plenitudo divinitatis corporaliter, » id est non umbratice, sicut habitavit in propitiatorio, tabernaculo et Sacramentis legis veteris; non etiam phantastice, uti voluerunt Manichaei; non denique per accidens tantum, scilicet per motum et operationem, uti docuit Nestorius; sed « corporaliter, » id est revera, realiter et substantialiter. Hic sensus petitur ex vers. 17, ibi enim corpus opponit umbræ. Ita Prosper, *sent.* 393, et Augustinus, *epist.* 57 ad *Dardanum*. Simili sensu, vers. 17, veritatem et soliditatem rerum Christianarum, per umbras legis representatam, vocat « corpus Christi. »

Secundo, corpora-liter, id est, in corpore Christi. *Secundo*, « corporaliter, » quia in Christo divina natura non tantum unita est animæ, sed et corpori Christi; ita ut ex Verbo divino et humana natura corporea, una ineffabilis substantia corporea quasi composita sit, quæ est et dicitur Christus, sive Deus homo. Sic anima potest dici in homine vel in corpore humano inhabitare corporaliter. Ita S. Augustinus supra, Theodoretus, Theophylactus, D. Thomas, III *part.*, *Quæst.* II, art. 9, ad 2. Hinc ergo ruit argumentum Nestorii dicentis: si Deus inhabitat in Christo, ergo in Christo sunt duæ hypostases, scilicet una Dei inhabitantis, altera corporis quod inhabitatur; hoc enim non sequitur. Nam in Christo se res habet uti in homine, in quo licet anima inhabitet corpus, non duas tamen, sed unam eandemque cum illo habet hypostasim: tantum enim « inhabitat » significat deitatem non misceri nec confundi cum corpore quod inhabitat, sed integram et immixtam permanere.

Tertio, corpora-liter, id est per essentiam, gratiam, et unionem hypostaticam. *Tertio*, D. Thomas loco jam citato: « corporaliter, » inquit, hoc est, tribus modis secundum trinas corporis dimensiones. Sicut enim corpus tres habet dimensiones, scilicet longitudinem, latitudinem et crassitatem: ita tribus modis quasi dimensionibus tota divinitas est in Christo, scilicet *primo* modo per essentiam, per præsentiam et potentiam, sicuti est in aliis hominibus et creaturis. *Secundo* modo per gratiam gratum facientem, sicuti est in aliis Sanctis omnibus. Sic Deus et divinitas, inquit Remigius, inhabitavit in Salomone per sapientiam, in Daniele per castitatem, in Mose per mansuetudinem, in Christo per omnem virtutem et innocentiam. *Tertio* modo et propriissime inhabitavit divinitas in Christo per unionem hypostaticam, sive personalem; idque soli Christo proprium est. Verum duæ priores expositiones litterales sunt et genuinae, hæc tertia potius videtur esse metaphorica quædam accommodatio.

10. ET ESTIS IN ILLO (Christo) REPLETI, QUI EST *Vers. 10.*
CAPUT OMNIS PRINCIPATUS ET POTESTATIS, — id est, Christus vos sua plenitudine divinitatis inhabitat, eo modo quo jam paulo ante dixi ex Remigio, scilicet ut vos repleat fide, spe, charitate omnibusque suis virtutibus et gratiis. Ita Ambrosius et Theodoretus. « Christus, » inquam, qui est caput omnis principatus et potestatis, aliorumque quorumvis angelorum, *q. d.* Non ergo angelis, quos inducit Simon, sed Christo, uti cœpistis, inhærete. Christus est caput tam vestrum angelorum, Christo ergo capiti quasi membra indivulse vos conjungite, nec a Christo ulla ratione sinatis vos divelli, ut constanter et assidue dicatis: Christus caput meum, spes mea, amor meus et omnia. Quomodo Christus sit caput angelorum, jam dixi *Ephes.* cap. I, vers. 10 et 22.

11. IN QUO ET CIRCUMCISI ESTIS CIRCUMCISIONE *Vers. 11 et 12.*
NON MANU FACTA IN EXPOLIATIONE CORPORIS CARNIS, SED IN CIRCUMCISIONE CHRISTI, 12. CONSEPULTI EI IN BAPTISMO. — Ita legunt Romana Biblia et Theodoretus. Græca tamen, Syrus, Theophylactus et alii expungunt voculam *sed*. Juxta Romana et Theodoretum, est antithesis inter circumcisionem carnis datam per Mosem et circumcisionem animæ institutam a Christo; hanc enim antithesin significat conjunctio adversativa *sed*, et sensus est: Vos, o Christiani Colossenses, circumcisi estis circumcisione non Judaica, quæ fit manibus, quæque consistit in expoliatione corporis carni, quia nimirum de corpore carneo præscinditur præputium; sed circumcisi estis in circumcisione, id est circumcisione (est enim Hebræum *bet* contactus) Christi, quæ non corpus, sed animam a peccatis circumcidit. Si quæretis ubi et quando ita a Christo circumcisi sitis? Respondeo: in baptismo, nimirum hoc ipso quo Christo in baptismo estis consepulti: in baptismo enim non tantum circumciduntur, sed sepeliuntur et aquis placularibus obruuntur et absorbentur peccata omnia. Eandem sepulture metaphoram tribuit baptismo Apostolus, *Rom.* VI, 4, ut ibi dixi.

Nota: « Corpus carnis » vocat corpus carneum: sunt enim, ut ait S. Augustinus, lib. XIV *De Trinit.*, multa corpora carnis expertia, uti cœli, elementa, saxa, etc. Nisi dicas esse hypallagen et metathesim, qua « corpus carnis » dicatur pro caro corporis; ut sic legas hæc et ordines, « in expoliatione carnis corporis, » et sensus sit, in expoliatione et præcisione carnis partis, scilicet præputii, de corpore. Sic Hebræi vocant « desertum populorum, » non desertum inter populos, sed potius desertum a populis; et resurrectionem mortuorum, id est ex mortuis. Ponit ergo Apostolus antithesim inter circumcisionem Mosis et Christi, quod illa carnem tantum præscinderet, quæ peccati est instrumentum, scilicet vilem pelliculam præputii: Christi vero circumcisio rescindat ipsa peccata ab anima.

Secundo, si cum Græcis jam et Syro legas sine

Expoliatione corporis carnis est præcisio præputii.

sed, nulla erit antithesis, et hæc omnia spectabunt ad circumcisionem Christi. Unde Græca addunt vocem peccatorum: sic enim habent, ἐν τῇ ἀποδόσει τοῦ σώματος ἁμαρτιῶν τῆς σαρκός, id est, «in exutione corporis peccatorum carnis.» Ubi nota: «Corpus peccatorum carnis» vocatur corpus peccatis carnalibus obnoxium. Jam secundum Græca et Syrum hic sensus erit: Circumcisi estis per Christum circumcisione non manu facta, in expoliatione corporis peccatorum carnis; quia videlicet corpus vestrum per baptismum Christi circumcissum est a peccatis carnalibus, iisque expoliatum, ut non sit amplius corpus peccati: nam per baptismum exuistis corpus peccati, et induistis corpus gratiæ et justitiæ; et sic in re idem est circumcidere quod exuere vel expoliare corpus peccati. Ita Theophylactus et Græci. Verum prior lectio per antithesim planior est et verior.

Aggreditur enim hic Apostolus Judaizantes perstringere et Colossenses avocare a circumcisione et Judaismo, sicut vers. 8 eos avocavit a philosophis eorumque dogmatibus ad Christum.

Vers. 12. 12. IN quo (scilicet Christo) ET RESURREXISTIS (in novam vitam, novos mores, novum spiritum, quem accepistis in baptismo) PER FIDEM OPERATIONIS (græce ἐν πίστει, id est efficacæ, vel efficacis operationis) DEI, QUI SUSCITAVIT ILLUM (Christum) A MORTUIS. — *q. d.* Resurrexistis in baptismo in novam vitam per fidem, qua credidistis Dei potentiam et divinæ gratiæ efficaciam, qua per Christum in credentibus hanc spirituales resurrectionem operatur, sicut eadem potentia in Christo corporalem resurrectionem est operatus, dum eum a morte suscitavit.

Hunc esse sensum patet ex *Ephes. i, 19*, quo hic alludit Apostolus (est enim hæc epistola similima et quasi compendium epistolæ ad Ephesios), ubi sic dicit: «Ut sciatis quæ sit spes vocationis ejus (id est ad quanta bona vocati sitis, quantam gratiam hic et gloriam in resurrectione sperare debeatis) et quæ divitiæ gloriæ hæreditatis ejus in sanctis, et quæ sit supereminens magnitudo virtutis ejus in nos, qui credimus (quod ait hic, per fidem) secundum operationem (græce ἐν πίστει, eadem scilicet vox, quæ hic) potentiæ virtutis ejus, quam operatus est in Christo, suscitans illum a mortuis,» *q. d.* Eadem energia et potentia Deus suscitavit nos credentes a morte peccati ad vitam gratiæ, quæ Christum a morte suscitavit ad vitam immortalem et gloriosam; quod hic per compendium dicit, «per fidem operationis Dei, qui suscitavit illum a mortuis;» relinquens illa supplenda quæ supplevit ad Ephesios scribens, scilicet illa quæ jam citavi. Ita Ambrosius et D. Thomas.

Secunda. *Secundo*, Adamus valde probabiliter «fidem operationis» interpretatur fidem non otiosam, neque desidem, sed agentem et operatoriam bonorum operum, quæ hominem facit actuosum et sedulum in bonis operibus.

Tertio, alii «fidem operationis Dei» interpretantur fidem quam Deus operatur in nobis. Sed primus sensus stylo Pauli et epistolæ ad Ephesios maxime congruit.

13. ET vos, CUM MORTUI ESSETIS (privati vita gratiæ) IN DELICTIS ET PRÆPUTIO (per delicta et præputium) CARNIS VESTRÆ, CONVIVIFICAVIT CUM ILLO (ut, sicut Christus virtute Dei resurrexit a mortuis ad vitam gloriosam, ita vos eadem virtute et potentia a morte peccati a Deo suscitati sitis ad vitam gratiæ et spiritus) DONANS (condonans et gratis remittens, hoc enim est Græcum χαριζόμενος) VOBIS OMNIA DELICTA. — Nota: «Præputium carnis» vocat libidines et peccata carnalia, quæ committuntur per præputium, ut sit metonymia et synecdoche, qua ex specie peccatorum notissima, reliqua intelliguntur: ita aliqui. Sed hic sensus arctior est, restringit enim præputium ad libidinem, cum Apostolus per præputium quodvis peccatum significet.

Unde *secundo*, alii per *præputium carnis* intelligunt gentilismum et gentilismi mores, ac conversationem in carnis concupiscentiis explendis. Sic enim alibi passim more Judæorum gentilismum et Gentes vocat *præputium*, eo quod illud more Judæorum non circumciderent. Hic sensus aptus est, sed Apostoli mentem et fundum non exhaust.

Hinc dico *tertio*, Apostolus per *præputium carnis* intelligit incircumcisionem carnis, qua scilicet quis desideria et concupiscentias carnis non resecat, non circumcidit, sed eas pronus sequitur, eisque obedit et indulget.

Ubi nota: Judæi per circumcisionem censebant se fieri mundos, sanctos ac populum Dei. Hingentes incircumcisos habebant pro immundis, pollutis et sceleratis. Inde proverbialiter *præputium* vel *incircumcissum* vocabant id, quod quavis in re immundum est. Sic sæpe Prophetæ carpunt Judæos, quod incircumcissum habeant cor, incircumcisos aures, linguam, oculos, etc., id est quod cor, aures, linguam, oculos immundis vitiis et concupiscentiis habeant obstructos et obduratos.

Illustre etiam hujus rei et significationis extat exemplum *Levit. xix, 23*, ubi sic dicitur: «Quando ingressi fueritis terram et plantaveritis in ea ligna pomifera, auferitis præputia eorum: poma quæ germinant, immunda (hebraice אֵילִים אֲרֵלִים, id est præputiata et incircumcisa) erunt vobis, nec edetis ex eis; quarto autem anno omnis fructus eorum sanctificabitur laudabilis Domino (id est offeretur Domino, ut cedat in laudem Domini: unde hebraice est, Sanctitas laudum erit Domino); quinto autem anno comedetis fructus, congregantes poma quæ proferunt.»

Ubi nota, fructus qui tribus primis annis ex arbore nascuntur, vocari «præputia,» quia hæc lege Mosi censebantur immundi, et Judæis vetiti. Sicut enim puer immundus erat donec per cir-

Quodnam corpus peccatorum carnis exuendum?

Vers. 12.

Præputium carnis quodlibet? Prima expositio.

Secunda.

Tertia et genuina.

Quæ præputia pomorum velita comedi *Levit. xix.*

Circum-
cisiōe
arborum
æque ac
puero-
rum coli
voluit
Deus.

cumcisionem auferretur ei præputium et abjiceretur : ita et arbores consebantur immundæ, ut fructu earum vesci Judæis non liceret, donec fructus trium primorum annorum circumcisi, id est avulsi et abjecti, essent; ita ut fructus quarti anni Deo offerrentur, ac deinde fructibus quinti anni demum vesci liceret. Voluit Deus hac cæremonia et circumcisione arborum a Judæis coli, perinde ac circumcisione puerorum : congrue tamen et apposite ad naturam rerum; nam fructus primi arborum magis aquosi, magis insalubres et indigestibiles sunt posterioribus, ut ibidem recte annotavit Abulensis. Sicut ergo ibi Scriptura immunditiem pomorum, vocat præputium pomorum, ita hic immunditiem carnis et peccatorum carnalium, vocat « præputium carnis. »

Ubi rursum adverte : Per « carnem » intelligit concupiscentiam quamlibet, etiam in voluntate, ratione et mente residentem, qualis est concupiscentia honorum, vanæ scientiæ, curiositatis, hæresis, invidia, ambitio, etc., ut dixi *Galat. cap. v, vers. 19.*

Vers. 14. 14. DELENS QUOD ADVERSUS NOS ERAT CHIROGRAPHUM DECRETI, QUOD ERAT CONTRARIUM NOBIS. — Quæres, quodnam sit hoc « chirographum decreti ? »

Chiro-
graphum
decreti
septem-
pliciter
exponi-
tur.

Primo, Theodoretus respondet esse corpus nostrum, in quo infixæ et quasi inscriptæ erant debita, id est peccata carnis, quæ Christus in cruce deleuit.

Secundo, alii apud Theodoretum respondent esse decalogum nos accusantem in decretis (sic enim habent Græca, non decreti) quæ continet et præcipit. Unde Vatablus : « chirographum, » inquit, vocat legem sive decalogum, quod digito Dei scriptus esset, vel quod testificetur contra nos, et nos condemnet, sicut chirographum condemnat debitorem coram iudice. Hinc et Sixtus Senensis, lib. II, pag. 89, putat « chirographum decreti » esse verba illa Israelitarum *Exodi xxiv* : « Omnia quæ locutus est Dominus, faciemus. » Hæc enim communis eorum acclamatio veluti ex syngrapha eos reddidit debitores totius legis servandæ. Et Maldonatus in *Notis manuscr.* : « decreta, » inquit, vel ut græce est, « dogmata, » vocat legem Evangelicam, quæ veluti scheda est solutæ per Christum pro peccatis pœnæ; « chirographum » autem vocat legem veterem, quæ testabatur omnes gentes mortis reos esse : concluderet enim omnia sub peccato. Alludit ad duas syngraphas, quibus debitores et creditores uti solent, alteram debitæ pecuniæ, alteram solutæ : ac docet, sicut syngrapha debiti per syngrapham solutionis aboletur ac laceratur, ita per legem Evangelicam legem Mosaicam abolitam fuisse : vide *Ephes. II, 15.*

Tertio, Anselmus censet « chirographum » hoc esse memoriam nostram et dæmonum accusantium nos de peccatis.

Quarto, melius Chrysostomus et Theophylac-

tus censent esse pactum Dei cum Adamo et legem hanc Adamo a Deo datam : « In quocumque die comederis ex eo (fructu arboris scientiæ boni et mali) morte morieris : » hoc enim quasi chirographo debito mortis obnoxii tenebamur.

Quinto, D. Thomas putat esse memoriam Dei reservantis peccata, in qua peccatum Judæ, ait Jeremias *xvii, 1*, scriptum est stylo ferreo in ungue adamantino. « Et dicitur Decreti, inquit D. Thomas, eo quod peccatum non tantum manet in memoria, sed etiam in decreto Dei, quod decrevit illud punire; cum vero Deus illud remittit, non remittit sic, ut faciat quod non peccaveris; sed sic ut peccatum admissum deleat, quasi de sua memoria et decreto, in quo illud reservabat ad vindicandum et puniendum, simulque facit ut peccatum non maneat in dæmonis memoria ad accusandum, nec in peccantis conscientia ad eum contristandum : » hucusque D. Thomas.

Sexto, Ambrosius hoc « chirographum » vult esse peccatum et debitum Adæ ad nos propagine transcriptum.

Septimo et optime, « chirographum decreti » est obligatio ad pœnam æternam juxta decretum Dei et sententiam damnationis in Adamum et posteros ejus peccantes latam. Græce enim est ἐν δέγματι, id est in decretis Dei : huic enim obligationi et pœnam æternam sponte peccando quasi manu nostra subscripsimus, nosque diabolo quasi vindici hac obligatione obligavimus. Alludit ad syngraphas creditorum et debitorum per quas metonymice accipit ipsum debitum, quod solent syngraphæ continere. Chirographum ergo hoc non est aliud quam obligatio, reatus et debitum pœnæ æternæ, ita certum et liquidum, ac si chirographo et manu nostra consignatum extaret. « Quisque, ait Origenes, hom. 13 in *Genes.*, dum peccat, peccati sui litteras scribit. » Ita Augustinus in *Psal. lxxviii*, D. Thomas, Gagneius et alii. Unde Syrus vertit, *delevit in mandatis sibi* (id est a se, vel suis) *chirographum obligationumstrarum, quod erat contrarium nobis.*

Chiro-
graphum
decreti
est
reatus et
debitum
pœnæ æ-
ternæ,
quod
quis dum
peccat,
sibi ipse
scribit.

Ubi nota, Syrum, Ambrosium, Adamum et alios nonnullos cum Græcis legere, non decreti, sed decretis, sive mandatis, sicque exponere, q. d. Paulus : Christum per decreta et præcepta Evangelica delevisse chirographum, id est legem Mosi, quæ nos coram Deo reos efficiebat, ut idem sit cum eo quod dixit Paulus, *Ephes. II, 15* : « Legem mandatorum (Mosi) decretis (præceptis Evangelicis) evacuans, » q. d. Christus per fidem et legem fidei abrogavit legem Mosi.

Verum Romana Biblia et alia Latina passim legunt decreti, non decretis, illudque melius coheret; si enim legas decretis, et intelligas decreta sive præcepta Evangelii, quæ sustulerunt chirographum, id est legem Mosi, oratio Apostoli hiulca erit et incisa : enim decretis interjicitur et divellit chirographum a suo sequenti epitheto, « quod

erat contrarium nobis. » Sensus ergo septimo loco datus optimus est, optimeque tam Græcam, quam Latinam lectionem explicat. Cui adde, Græcum dativum δέγμασι, id est, *decretis*, com-
mode per genitivum *decretorum* exponi posse. Sic enim Hebræi sæpe dativo pro genitivo utuntur, ut מזמור לדוד *mitsmor ledavid*, id est psalmus ipsi Davidi, hoc est psalmus Davidis. Sic II Cor. cap. XII, vers. 7, ait Paulus, ἐδόθη μοι σκώληξ τῆ σαρκί, id est, *datus est mihi stimulus carni*, hoc est carnis. Sic Cato in libris *De Re rustica* dicit, Ornamenta bobus, pro ornamenta boum, et Instrumenta rusticis, pro instrumenta rusticorum : ita hic « chirographum decretis » est chirographum decretorum, puta obligatio ad mortem et pœnam æternam, sive sententia damnationis in peccatores lata a Deo per sua decreta et præcepta.

ET IPSUM (chirographum sive obligationem jam dictam) TULIT DE MEDIO (id est sustulit) AFFIGENS ILLUD CRUCI; — *q. d.* Confixit hoc chirographum, et crucifixit, id est cassavit illud et abolevit sua cruce ac morte Christus moriens in cruce. Ita Theodoretus. Alludit ad syngraphas, quæ soluto debito, cum ad nihil amplius valent, lacerantur, aut pertunduntur et stylo uncove affiguntur. Ita narrat Spartianus in *Adriano*. Adrianum ad colligendam populi gratiam, infinitam (erant viginti septem miliones aureorum) pecuniam quæ fisco debebatur, remisisse privatis debitoribus, eorumque syngraphas in foro Trajani combussisse. Longe plura remissa sunt et abolita per Christum (4).

Vers. 15.

15. ET EXPOLIANS PRINCIPATUS ET POTESTATES (id est spolians dæmones sua potestate, dominio et tyrannide in homines sibi hoc peccati chirographo obligatos et subditos), TRADUXIT CONFIDENTER PALAM TRIUMPHANS ILLOS IN SEMETIPSO. — Nota verbum « traduxit, » quod sic explicat Anselmus : Christus, inquit, animas Sanctorum ex inferis traduxit ad cœlum; sed græce est ἡγαγόν, id est traduxit et circumduxit in triumpho, ut solent triumphatores hostes et prædam in triumpho circumducere, ostentare et omnibus spectanda exhibere. Sic Christus quasi triumphator suos hostes, scilicet dæmones, sua potestate, quam habuerant in homines jam dejectos, et a se victos in triumphum duxit, Deoque et angelis ostentavit, ut vertit Ambrosius. Pie S. Bernardus, epist. 190 ad *Innocent. Pontif.*, citans hunc locum Apostoli : « Utinam, inquit, ego inveniar in his spoliis

quibus spoliatae sunt contrariæ potestates, tractus et ipse in possessionem Domini! Si me insecutus Laban arguerit quod recesserim clam ab eo, audiet me clam accessisse ad eum et ob hoc clam me recessisse. » Per Laban accipit diabolus, unde subdit : « Subjecit me illi causa secretior peccati, subduxit me illi ratio occultior iustitiæ. » Addit Theodoretus : Ostendit, inquit, Christus sua victoria et triumpho hominibus, quam imbecilles sint dæmones, quamque facile sua ope eos vincere possint. Unde Augustinus, *epist.* 59, Græcam vocem ἡγαγόν, vertit, *exemplavit*, id est publicum exemplum omnibus spectandum et cavendum statuit, ut omnes hoc exemplo discant non resistere Christo, Christo se subdere et obedire : Syrus vero vertit, אָנָה אֲנִי וְאֵתָא אֲנִי vabehet enun, id est *et confudit eos*. Sic *Numer.* XXV, 4, Dominus dicit ad Mosem : « Tolle cunctos principes, et suspende eos contra solem in patibulis. » Ubi pro *suspende* Septuaginta vertunt παραδειγματίσας, id est in exemplum propone principes; nimirum ut iis, qui fornicationis et idololatriæ Beelphegor participes vel duces fuerunt, suspensis, cæteri omnes timeant et caveant.

Secundo, pro *confidenter palam*, græce tantum est, ἐν παρρησίᾳ, id est libere, confidenter, audacter et palam. Unde Ambrosius vertit, « in auctoritate. » Maldonatus censet *et palam* additum ab aliquo sciolo versionem corrigere volente, quia non est in Græco; verum omnes codices habent *et palam*. Dico ergo *et palam* includi in *et triumphans* : triumphus enim fit palam et publice. Imo Beza *et ἐν παρρησίᾳ* vertit, *traduxit palam* : nam ἐν παρρησίᾳ significat libere, intrepide, palam, publice, neminem veritus.

Tertio, « triumphans illos, » id est triumphum agens de illis; vel illos, scilicet dæmones, in triumphum ducens.

IN SEMETIPSO, — id est, per semetipsum, per suam virtutem et victoriam, non ab angelis, sed a se et suis viribus partam.

Nota : Pro *in semetipso*, Græce est ἐν αὐτῷ. Quod cum spiritu aspero idem est quod ἐν ἑαυτῷ, id est in *semetipso*, ut vertit Noster, Syrus et alii : cum spiritu vero leni significat *in ipso*, et tunc referri potest ad σταυρῶν, id est « cruci, » quod præcessit; σταυρῶν enim, id est *crux*, græce est masculini generis, *q. d.* In ipsa cruce triumphavit Christus de suis hostibus, adeo ut *crux* fuerit triumphalis curus Christi. Ita Theophylactus. Unde Origenes, hom. 8 in *Josue*, docet in cruce Christi diabolus esse crucifixum, ita nimirum ut in cruce Christi duo fuerint affixi, puta Christus visibiliter, sponte sua, et ad tempus; diabolus autem invisibiliter, invitatus, et in æternum ejus opprobrium. Idque probat ex hoc loco Apostoli, ubi Paulus utitur metaphora triumphi, indicare volens crucem esse currum triumphalem, in cujus summa parte sedet Christus triumphans, et in parte ima trahitur diabolus alligatus, et ostentatur quasi in

Quid
ἡγαγόν,
τίσας, id
est traduxit?

In cruce
trium-
phavit
Christus
quasi in
curru suo
trium-
phali.

(4) Alii commata 14 et 15 sic vertunt : Dum delevit legem illam (Mosis) scriptam, decretis variis constantem, nobis contrariam (quippe quæ Judæos salvare non poterat, et eos reddebat gentibus invisos, et causa erat dissidii inter primos Christianos), etc., 15. Spoliavit potestate omnes principes ac potentes (defensores scilicet legis Mosaicæ, Judæorumque principes ac sacerdotes, quibus instigantibus in crucem actus fuerat); traduxit eos palam (ex mortuis resuscitatus, ostendit vanos fuisse eorum conatus, toto mundo inspectante), atque de iis egit triumphum.

In cruce
crucifixus
est Chris-
tus visi-
bilibiter,
diabolus
invisibi-
liter.

pompa. Id enim significat Græcum ἐδραμίσαν et ὁραμίσαν. Origenes enim explicans illud Josue cap. viii, 29, ubi Josue dicitur suspendisse regem Hui in ligno (pro quo Origenes legit in gemino ligno), allegorice ita de Christi cruce philosophatur : « Domini nostri Jesu Christi crux gemina fuit, hoc est, gemina ratione et duplici constat. Quia visibiliter quidem Filius Dei in carne crucifixus est, invisibiliter vero in ea cruce diabolus cum principatibus suis et potestatibus affixus est cruci. Non tibi hoc videbitur verum, si tibi horum testem produxero Apostolum Paulum? Quod erat contrarium nobis, tulit illud de medio affigens cruci suæ, exuens principatus et potestates traduxit libere, triumphans eas in ligno crucis. Ergo duplex Dominicæ crucis est ratio, una illa, qua dicit Petrus quod Christus crucifixus nobis reliquit exemplum; et hæc secunda, qua crux illa trophæum diaboli fuit, in quo et crucifixus est et triumphatus. » Deinde id ipsum probat et declarat per aliam Pauli sententiam ita dicens : « Ideoque et Paulus dicebat : Mihi autem absit gloriari, nisi in cruce Domini mei Jesu Christi, per quem mihi mundus crucifixus est, et ego mundo. Vides quia et hic Paulus duplicem crucis prodidit rationem. Duo enim sibi contraria dicit esse crucifixa, se sanctum et peccatorem mundum ad illam formam sine dubio quam diximus Christi et diaboli. Nos enim mundo crucifigimur tunc, cum veniens princeps hujus mundi in nobis non invenit quidquam; et nobis mundus crucifigitur, cum peccati concupiscentias non recipimus. » Objicit deinde sibi Origenes, si diabolus crucifixus est, quomodo videmus eum tot fidelibus prævalere? ac respondet : « Intelligendum, inquit, est quod diabolus victus quidem et crucifixus, sed iis qui cum Christo crucifixi sunt; omnibus autem credentibus et universis pariter populis tunc erit crucifixus, cum complebitur illud, quod dicit Apostolus : Quod sicut in Adam omnes moriuntur, sic et in Christo omnes vivificabuntur. »

Vers. 16. 16. NEMO ERGO VOS JEDICET, — id est reprehendat, vel damnet; sic enim per metalepsin κρίνεται ponitur pro κατακρίνεται, id est judicare, pro judicando condemnare (1).

IN CIBO, AUT IN POTU, — id est in delectu et abstinentia ciborum et potuum Judæis præscripta Levit. xi.

Vers. 17. 17. AUT IN PARTE DIEI FESTI, AUT NEOMENIÆ, AUT SABBATORUM : QUÆ SUNT UMBRA FUTURORUM, CORPUS AUTEM CHRISTI. — Nota cum S. Augustino, *epist.* 59, conjunctionem illativam ergo, significare hæc inferri ex præcedentibus. Dixit enim vers. 6 et seqq., in uno Christo debere esse fidem et conversationem nostram, in quo, ut ait vers. 11, « circumcisi sumus circumcisione non manu-

facta, in baptismo. » Inde jam inferat non esse audiendos Judaizantes, qui ciborum delectum et dies festos a lege veteri præscriptos, ac consequenter cæteras veteris legis cæremonias (has enim omnes per synecdochen ex una alterave ciborum et festorum specie intelligit) Christianis observandas esse docebant.

De Judaicis enim jejuniis et festis, non de Christianis (quo Novantes hæc torquent) agi, patet primo, ex verbo *neomeniæ et sabbatorum*; hæc enim sunt festa Judaica, non Christiana. Secundo, ex eo quod subdit : « Quæ sunt umbra futurorum, corpus autem Christi, » q. d. Loquor de veteribus festis, quæ fuerunt umbra festorum Christi. Tertio, id patet ex scopo totius epistolæ, qui est agere contra Simonianos et Judaizantes. Quarto, ita explicant Patres passim, Chrysostomus, Theophylactus, Œcumenius, Theodoretus, Ambrosius, Anselmus et Augustinus, *epist.* 59 ad Paulinum.

Nota : Non dicit Apostolus, in die festo, sed « in parte diei festi, » vel quod Judaizantes non tantum diem festum, sed et singulas ejus partes observari vellent; vel potius « in parte, » id est, ut Syrus vertit, *in partitionibus festorum*, quia, ut explicat Chrysostomus, Judaizantes docebant quædam festa Judaica esse servanda, alia negligebant, sive ex libito et phantasia sua, q. d. Apostolus extenuans festa Judaizantium : Frustra et sine ratione festa Judæorum abolita partiuntur, ut alia colant, alia non colant; sive, ut Theodoretus et Chrysostomus, eo quod qui Colossis et alibi erant, longe Hierosolymis et templo abessent, ac consequenter pascha et nonnulla alia festa celebrare non possent. Hac enim de causa Judæi etiamnum non celebrant pascha, nec pentecosten, per sacrificium agni, aliaque quæ lex illis diebus immolari præcipit, eo quod lex eadem jubeat illa non alibi, quam Hierosolymis in templo, quo jam carent, immolari.

Posset tertio simpliciter accipi τὴν ἐν ἡμέρῃ τοῦ ἑορταίου, q. d. Nemo vos judicet in hac parte, in hoc puncto, in hac materia, sive in eo quod attinet et spectat ad diem festum : sic enim vulgo loquimur, Hac parte, id est, in hoc facto aut puncto nemo potest me culpare. Et sic loquitur sæp Paulus, ut II Cor. iii, 10 : « Quod claruit in hac parte. » Et cap. ix, 3 : « Ne quod gloriamur de vobis, evacuetur in hac parte. » Et cap. xi, 21 : « Quasi nos infirmi fuerimus in hac parte, » id est in hoc puncto, in hac materia.

Tropologicam explicationem dat Origenes, *homil.* 23 in Numeros, scilicet Paulum dicere « in parte diei festi, » quia in hac vita tantum pars festi, in cælo vero, ubi plenum est gaudium, totum festum agitur. « In hac vita, ait, interpellamur etiam si nolumus, ab onere carnis, pulsamur concupiscentiis ejus curisque et sollicitudinibus tenebrarum : veniet quod perfectum est, et perfectæ festivitati cedet festivitas quæ ex parte est. »

(1) Nunc proprie dicit Apostolus quid a Christo fuerit sublatum, crucique affixum, nempe discrimen ciborum, etc., juxta quosdam. Vid. notam præced.

Nota secundo : « Dies festos » vocat Apostolus ipsas solemnitates annuas, puta Paschæ, Pentecostes, Tabernaculorum, et sic distinguuntur a neomenia et sabbato, quæ erant festa communia, quolibet mense et septimana recurrentia et ordinaria.

QUÆ SUNT UMBRA FUTURORUM, CORPUS AUTEM CHRISTI, — *q. d.* Umbra est similitudo corporis, ita veteres illæ observantiæ ciborum et festorum, similitudo erant et typus futurorum per Christum. Opponit enim umbram corpori, legem Evangelio, Mosem Christo. Rursum, in voce *corpus* est catachresis : « corpus » enim hic idem est quod veritas et soliditas illius umbræ veteris, quæ est Christi, et per Christum allata in mundum, *q. d.* Rem ipsam veram et solidam per vetera festa adumbratam tenemus in Christo; cessent ergo ipsæ Judaicæ umbræ festorum, jam præsentate veritate. Simili sensu dixit vers. 9, quod in Christo inhabitat plenitudo divinitatis « corporaliter (1). »

Notat OEcumenius aliquos hæc aliter interpungere, nimirum ut illa verba, « corpus autem Christi, » referant ad sequentia, « nemo vos seducat. » Ita legit et intelligit Augustinus, *epist.* 59, *q. d.* Nemo vos, o fideles, qui estis corpus Christi, seducat. Sed prior lectio verior et communior est.

Vers. 18. 18. NEMO VOS SEDUCAT. — Est hic nova periodus, ait Chrysostomus, sicut enim initio capitis generatim, vers. 8, insectatus est Philosophos; vers. vero 14, Judaizantes : ita hic speciatim, vers. 16, insectatus est Judaizantium festa et abstinentias; hoc vero vers. 18, insectatur philosophantium errorem et superstitionem in colendis angelis.

Nota : Pro *seducat*, Græce est *καταβραβεύω*, quod primo, Syrus vertit, *nemo vos reos efficiat*, aut *condemnandos curet*; et Photius *καταβραβεύω* exponit *κατακρίνω*, id est *condemnet*. Sic enim Demosthenes *καταβραβεύω* dicit auctorem, qui reum peragit, eumque ad condemnationem postulat et perurget.

Secundo, Valla et Stapulensis vertunt, *nemo proposito præmio vos ad certamen evocet*, *nemo braviū vos ostendet.*

Tertio, OEcumenius : *καταβραβεύω*, inquit, dicitur quoties penes alium est victoria, penes alium præmium. Unde S. Hieronymus *ad Algasiam*, Quæst. X, vertit, « Nemo adversus vos braviū accipiat. » Cum enim quis in certamine positus iniquitate agonotheæ, vel insidiis magistrorum, braviū et debitam sibi palmam amittit, *καταβραβεύω* dicitur. **Quarto,** Ambrosius vertit, « nemo vos devincat. » **Quinto,** Augustinus, *epist.* 59, « nemo vos convincat. »

Sexto, Verum nota : Sicut *βραβεύω* significat braviū modo, præmium certaminis et victoriæ tribuo, inde enim *brabeuta* dictus est is, qui in agone con-

certantium erat iudex, ut victori braviū decerneret : ita *καταβραβεύω* significat braviū debito aliquem privare et fraudare, in capiendo braviū aliquem circumvenire, et, ut Noster vertit, seducere (præpositio enim *κατά* contrarium et oppositum verbi *βραβεύω* importat), nec solum agonotheæ, sed et antagonistis convenit, uti apud Virgilium Nisus in stadio currens Salio præmium intercipit, quod Euryalus obtineat : quomodo Pharisæi dicuntur nec cælum ingredi, nec alios ingredi sinere, *q. d.* Paulus : Nemo braviū vestro sese opponat, nemo braviū ac præmium vestrum intercipiat, vel avertat, nemo corona vobis præparata indignos vos reddat, inquit Vatablus, et, ut Chrysostomus cum suis, nemo præmio vestro vos defraudet, *q. d.* Vocati estis ad braviū cœlestis gloriæ, eo procurrendum est, et eo procurrare cœpistis per fidem et religionem Christi; videte ne ab hoc cursu et braviū Novantes vos avertant per fidem et superstitionem angelorum, quam inducunt.

Denique mihi diu de hoc loco cogitanti novus Septima. occurrit sensus, et hactenus quidem inauditus, sed qui forte lectori magis naturalis et genuinus esse videbitur, ut *καταβραβεύω* idem sit quod contra vos dominetur, vobis insultet; vos imperiose regat; *βραβεύω* enim, teste Budæo, proprie significat regere, dominari, imperare : *κατά* vero idem est quod contra, ut *καταβραβεύω* idem sit quod Galli dicunt *braver* (quod a Græco *βραβεύω* deductum videtur) *contre quelqu'un* : quomodo juvenes petulantes dicuntur *braver la garde*, ou *contre la garde*, cum urbis custodibus et vigilibus armati insultant, imperant; dominantur. Tales enim hos Novantes inducentes religionem angelorum fuisse sat indicat Apostolus, cum subdit eos volentes id facere, jactare visiones suas, et esse inflatos sensu carnis suæ; hoc enim proprie est *braver* et *faire le brave* : superbia enim mater est hæresis, et hæretici inflati Catholicis *βραβεύω*, id est insultare et dominari volunt. Adde, sicut de Judaizantibus dixit vers. 16 : « Nemo vos judicet, » id est quasi iudex vobis præsideat, vos judicet et damnet; ita de hæreticis Angelicis hic dicit : Nemo vos *καταβραβεύω*, id est nemo quasi brabeuta vos regat, vos judicet, vobis imperiose dominetur; ut pene idem sit judicare, et quasi iudicem præsidere, quod *καταβραβεύω* : tam enim hæretici, quam Judaizantes de re Christiana, Christo et articulis fidei censere, judicare, et quasi iudices præsidere volebant. Hic enim est genius hæreticorum criticus, ut omnium velint esse censores, iudices et quasi domini. Hoc videtur velle S. Hieronymus loco citato, ubi docet *καταβραβεύω* vocem esse Cilicibus propriam : erat enim Paulus Cilix; itaque hic eam vertit, « Nemo vos superet, » *q. d.* Hi Novantes sunt superbi, tumidi, et, ut dicunt Galli, *font le brave*, voluntque sua sapientia omnes docere, omnibusque prævalere et dominari; denique volunt esse bra-

Καταβραβεύω est *braver*, dominari, insultare.

Hæreticorum genus est superbe agere et *βραβεύω*.

(1) Alii: Quæ futuris (beneficiis novi Test.) comparata, umbra sunt; quæ soliditas, seu veritas rei, a Christo solo sit petenda.

beutæ, et quasi brabeutæ agoni Christianorum presidere, eisque novas leges et religiones præscribere. Agite ergo, o Colossenses, fastum eorum explodite, nolite pati, ut contra vos insolescant, ne eos vobis, imo Christo ipsi et Ecclesiæ βραβεύειν, dominari et imperare sinatis. Sic accipitur βραβεύειν, cap. seq., vers. 15, ut ibi dicam. Nec obstat quod κατὰ, cum significat contra, poscat genitivum, hic vero habeat accusativum ὑμᾶς : ait enim μηδεὶς ὑμᾶς καταβραβεύετω, nam ille accusativus ὑμᾶς non respondet præpositioni κατὰ, sed verbo βραβεύειν, quod tam accusativum quam dativum regit. Sic enim Plutarchus dicit βραβεύειν ἀμύλλαν, id est regere certamen, et βραβεύειν δίκην, id est moderari iudicium, iudicio presidere.

Ab hoc sensu non dissentit noster Interpres, qui vertit, « nemo vos seducat : » ubi *seducere* non tam decipere, quam *seorsum ducere* significat, q. d. Nemo vos a Christo et Ecclesia seorsim post se abducat, nemo vos sibi subdat, ut novus quasi doctor et hierarcha ad suam sectam et cultum angelorum vos pertrahat, itaque vobis discipulis et catechumenis suis dominetur, quasi brabeuta. Sic enim omnes hæresiarchæ seduxerunt eos, quos sua blandiloquentia, hypocrisi et ostentatione ab Ecclesia post se pellexerunt et discipulos abduxerunt.

TO VOLENS. — Θέλω, id est studio, data opera, sive de industria, inquit Erasmus ; ut intelligerent Colossenses hos Novantes malitiose insidiari sibi.

Secundo, S. Augustinus, *epist.* 59, τὸ volens refert ad τὸ in humilitate, q. d. Volens videri humilis, affectator humilitatis : sic enim Epiphanius, in *hæresi Dositheorum*, ἰδελόσοφον vocat affectatorem inanis sapientiæ ; sic Græci vocant ἰδελόδύλευς, famulos, qui obsequia dominorum affectant. Imo Africani, inquit Augustinus, Græcam vocem Latinæ miscentes θελοδिवitem vocant eum, qui divitias affectat ; θελοσάπientem eum, qui sapientiam affectat. Huc accedens Ambrosius : significat, inquit, Paulus hos (Novantes) studio per humilitatem dejicere voluisse animos hominum, ne sese erigerent ad cœlestia.

Tertio, alii θέλω volunt idem esse quod εὐδοκῶ, id est sibi placens in religione angelorum (1).

Quarto et optime, « volens, » id est voluntarius, volens dominari per se, et sua sponte id agens et imperans. Ubi Nota : « Volens » primo, refertur ad καταβραβεύετω, q. d. Hi Novantes sunt imperiosi, sua voluntate volunt βραβεύειν, et dominari vobis ; nolite id pati ; secundo, τὸ volens referri potest ad « ambulans, » q. d. Volens ambulare, vel volenter ambulans in hac falsa religione angelorum : ut sit græcismus et hebraismus ; et sic « volens » idem est quod hæreticus, id est eligens, qui sponte, volenter et electione sua, nova aut cudit, aut sectatur dogmata fidei veræ et receptæ

Volens est eligens, secundum latinum, hæreticus.

adversa. Unde quod hic disjunctis vocibus dicit θελών, id est « volens in humilitate et religione angelorum, » etc., idem vers. ultim., iisdem vocibus, sed in unam conflatis, dicit et vocat ἰδελόδοθησκείαν, id est voluntariam et sponte excogitatam religionem.

IN HUMILITATE. — Græcum ταπεινοφροσύνη significat demissionem et humilitatem animi, ut vertit Ambrosius ; consequenter tamen significat externam verborum, morum et gestuum modestiam et humilitatem. Unde putat Augustinus, *epist.* 59, notari hic simulatam modestiam pseudoapostolorum : sed verius videtur τὸ humilitate eodem pertinere, quo τὸ religione, scilicet referendum esse ad genitivum angelorum, qui utrique subservit.

Videntur enim hi Novantes actus humilitatis, æque ac religionis, tum internæ, tum externæ, suis præscripsisse, quibus colendi essent angeli secundum hanc novam ipsorum sectam et religionem angelorum.

ET RELIGIONE ANGELORUM. — Pro religione, Græce est θρησκεία, quæ est vox deducta a Thracibus, apud quos Orpheus religionem et cultum deorum invenit et præscripsit, quo postea usi sunt plerique Græcorum : οὐδὲ Θρακῶν, ait Nazianzenus, ὅργιζα ταῦτα, παρ' ὧν καὶ τὸ θρησκεύειν, ὡς λόγος, id est, « neque Thracum hæc sunt sacra, a quibus et verbum θρησκείαν, id est religiose colere, desumptum est, ut fertur. »

Quæritur hic primo, quænam sit hæc humilitas et religio angelorum ?

Respondet Melanchthon esse vitam Eremiticam, vel cœlibatum, qui præ se fert imitationem angelorum.

Putat ergo Melanchthon Eremitas et cœlibes hic notari et damnari superstitionis. **Secundo**, Calvinus et Beza proprie putant hic damnari invocationem Sanctorum et angelorum, favetque Theodoretus : « Qui legem, ait, defendebant, eos etiam ad angelos colendos inducebant, dicentes fuisse legem per eos datam. Mansit autem hoc vitium in Phrygia et Pisidia. Quocirca Synodus quoque quæ convenit Laodiceæ, quæ est Phrygiæ metropolis, lege prohibuit, ne precarentur angelos. Et in hodiernum usque diem licet videre apud illos et eorum finitimos oratoria S. Michaelis. Illi ergo hoc consulebant, utique humilitate utentes, dicentes universorum Deum nec cerni, nec comprehendere, nec ad eum posse perveniri, et oportere per angelos divinam sibi benevolentiam conciliare. Hoc autem dixit, in humilitate et cultu angelorum. »

Verum dico, tantum hic damnari fictam humilitatem, ac superstitionem idololatricumque angelorum cultum. Ita omnes Patres et passim interpretes Catholici, Baronius, Bellarminus, Turrianus, Vasquez, inferius citandi, ipse etiam Theodoretus, nam ipse se refert ad Concilium Laodicenum, quod *Can.* 35, expresse tantum dam-

Humilitas superstitiosa.

Religio dicitur θρησκεία unde ?

Religio angelorum hic damnata quænam ?

Insulse Novantes putant hic vitam Eremiticam, et invocationem Sanctorum damnari.

Damnatur hic tantum cultus idololatricus angelorum.

(1) Equidem recte ; nam θέλω sequente ἐν τῇ, respondet τῷ εὐδοκῶ sequente β.

nat idololatriam angelorum : « Non oportet, ait, Christianos derelicta Ecclesia abire, et ad angelos (Bartholomæus tamen Carranza in sua *Summa Conciliorum*, non « angelos » legit, sed « angulos, » cujus lectionis Surius quoque in sua editione Conciliorum meminit, notans eam ad marginem; videtur enim Concilium occultam idololatriam vetare, quæ fiebat in angulis, ubi erant idola reposita, Dei Ecclesia derelicta; nec enim angeli proprie sunt idola. Theodoretus tamen et alii plures non « angulos, » sed « angelos » in hoc Concilii canone legunt, itaque habet ipse Conciliorum textus : possunt enim generatim angeli dici idola, eo modo quo cultus Solis, Lunæ et ejusvis rei quæ non est Deus, vocatur idololatria, sive idolorum cultus); non oportet, inquam, relictæ Ecclesiæ, ad angelos abominandæ idololatriæ congregationes facere. Quicumque autem inventus fuerit occultæ huic idololatriæ vacans, anathema sit; quoniam relinquens Dominum nostrum Jesum Christum Filium Dei, accessit ad idola. » Vides ergo non quemvis cultum, sed tantum adorationem et idololatriam angelorum a Concilio Laodiceno, ac consequenter a Theodoro æque ac Paulo, hic damnari. Idem deducitur ex præcedenti *can. 34*, et *can. 51* ejusdem Concilii Laodiceni, ubi recipit et decernit cultum verorum Martyrum, damnatque cultum falsorum Martyrum hæreticorum; si enim licet colere homines martyres, idque decernit hoc Concilium, multo magis licebit colere angelos, qui naturæ nobilitate et conditione longe homines superant. Cum ergo *can. 35*, damnat cultum angelorum, non cultum duliæ, sed latriæ damnat. Unde Paulus hic vers. ult. religionem hanc angelorum vocat « superstitionem. » Idem patet ex toto cap. et præsertim ex vers. seq., ubi ait : « Non tenens caput, » scilicet Christum. Damnatur ergo Paulus talem tantum angelorum cultum, qui Christum Christique cultum excludat, quique homines a Christo ad homines abducatur, et pro Christo angelos substituat, uti expresse docet Concilium Laodicenum, Chrysostomus, Theophylactus et Œcumenius passim toto capite. Denique Theodoretus ab hoc Novantium errore et societate plane se liberat in cap. iv *Danielis*, et *Divin. decret.*, lib. V *De Angelis*, ubi constanter affirmat angelos esse venerandos quasi æternæ salutis administratos, qui apud Deum pro nobis intercedant nostramque causam agent.

Onis sit
cultus an-
gelorum
damna-
tus?

Prima
sententia
damnari
hic Gen-
tiles qui

Sed quis ille fuit angelorum cultus, quem Paulus hic insectatur? Varii varia hic afferunt. Alii putant damnari hic a Paulo idololatriam Gentilium, qui genios suos colebant, unde et eorum gratia natalitios dies celebrabant; patet ex Censorino, lib. *De Die natali*, et Macrobio, in *Saturnaliis*. Aut certe damnari hic idololatriam magorum, qui in magicis non tantum dæmones, sed et angelos se invocare profitebantur, teste Tertulliano, *Apologet.* *xxiii.* Ita Anselmus et Tur-

rianus; uti modo sagæ suis etiam confessariis in expensis subinde imponunt, dum eis suas angelorum (hoc est, dæmonum) visiones et melodias fictitæ enarrant. Favet huic interpretationi, quod Apostolus sæpe agat contra Simonis hæreses tunc exorientes : Simon autem hic fuit magus; coluit ergo angelos, id est dæmones.

Potest secundo, cum Hieronymo ad *Algasiam*, Quæst. X, Clemente, lib. VI *Stromat.*, et Ambrosio accipi de idololatria Judæorum, qui solem, lunam omnemque celi militiam, hoc est astra et angelos, adorabant, forte putantes (quod Pythagorici censuerunt, quodque Phariseos sensisse tradit Epiphanius, lib. I, cap. xvi) astra esse animata; unde et Ambrosius hic per religionem angelorum, cultum stellarum accipit. Sed quia incertum est an tempore Christi Judæi fuerint idololatras saltem publici, imo tunc Judæos non fuisse idololatras docet R. Samuel Marochianus, lib. *De Adventu Messie*, et alii permulti; rursus, quia passim hisce epistolis et hoc præsertim cap. Paulus insectatur hæreticos :

Hinc tertio, alii per religionem angelorum intelligunt Judaismum et religionem Judaicam, quæ humilis fuit et abjecta in carnalibus victimis, cæremoniis et lustrationibus corporalibus. Ut sit hendiadys : « Nemo vos seducat in humilitate et religione angelorum, » id est in religione humili angelorum, puta in Judaismo, qui datus est Mosi per angelos in Sina, *Galat. iii, 19*, quasi Apostolus velit Colossenses a Judaicis cæremoniis avertere et deducere ad Christum. De Judaismo enim præcessit : « Nemo, ait, vos judicet in cibo, aut in potu, aut in parte diei festi, aut neomeniæ, aut sabbatorum. » Et sequitur, vers. 21 : « Ne, ait, tetigeritis, neque gustaveritis. » Verum cum sæpe hic et alibi Judaismum insectetur Apostolus, nusquam tamen eum vocat religionem angelorum. Et quorsum tam obscure Judaismum significaret, cum verbis præcedentibus jam citatis, clare eum cavendum monuerit et expresserit? Idem multis aliis quæ paulo post afferam, refutari potest. Aliam ergo hic sectam a Judaismo, de quo vers. præced., insectatur Apostolus.

Quapropter quarto, verisimilius videtur eum arguere hæreticos semijudæos, inquit Theodoretus, et semiplatonicos, idque colligi videtur ex vers. 8, 16 et 20. Sicut enim Plato, teste Augustino, lib. VIII *De Civit.*, cap. xii et seq., deos quosdam ponebat medios : ita Simon, Menander, Saturninus, Cerinthus, Basilides, Sethiani, Caiani, angelos ponebant quasi minores deos, qui homines mundumque fabricassent et per Prophetas locuti essent. Imo Cerinthus angelos aiebat Christo, utpote puro homine, esse nobiliores, tum quod sunt puri spiritus, tum quod censebat eos esse mundi opifices, adeoque Deum Hebræorum, qui eis legem dederat in Sina, angelum fuisse asserebat. Unde contra hos Apostolus toties hic et *Ephes. cap. i*, et *Hebr. i*, super angelos extollit Christum,

genios
suos colo-
bant.

Secunda,
damnari
hic Ju-
dæos qui
astra et
angelos
adora-
bant.

Tertia,
religio-
nem an-
gelorum
esse le-
gem Ju-
daicam,
quæ per
angelos
data est
in Sina.

Quarta,
damnari
hic Simonem
et Cerin-
thum,
qui ange-
los cole-
bant quia
si mino-
res deo
mundi
opifices.

facitque Christum opificem omnium. Hac de causa quoque *Apoc.* xxii, 9, noluit angelus adorari a Joanne. Testes horum sunt Clemens, lib. VI *Const.*, cap. x; Epiphanius, in hæresi Simonis, Menandri, Cerinthis et aliorum jam dictorum; Irenæus, lib. I, cap. xx et seq.

Objectio
solvitur.

Dices: lidem hæretici Simoniani docebant angelos male sua potestate esse usos, maleque orbem rexisse, ideoque a Deo redactos esse in ordinem; neque adorationis eorum meminerunt. Respondeo, quod male mundum rexerint, et redacti sint in ordinem, aliqui ex Simonianis dixerunt, non omnes; verum qualescumque ipsi angelos finxerint (errantes enim et mendaces facile sibi contradicunt), finxerunt pariter eos esse quasi minores deos, opifices et gubernatores hominum et mundi; imo aliquos ex eis, puta Principatus et Potestates, esse animarum purgatores, salvatores et mediatores ad Patrem, loco Christi, eoque excluso.

Ita Epiphanius, in hæresi Simonis, docet Simonem Magum docuisse animas purgari per nomina certa Principatum et Potestatum in singulis cælis habitantium, perque sacrificia et jejunia iis, et per eos, Deo oblata. Sic enim loquitur Epiphanius: « Idem (Simon), ait, nomina quedam supponit Principatum et spirituum, cælosque diversos tradit, et in unoquoque firmamento ac in cælo virtutes quasdam exponit et nomina barbarica his indit; non posse vero aliter servari aliquem, nisi hunc mysticum ductum didicerit, et alia sacrificia patri universorum per eos Principatus et Potestates obtulerit. » Hæcque illi est animarum purgatio, quam Apostolus uni Christo attribuit.

Idem Epiphanius, in hæresi Caijanorum, expresse invocationis angelorum meminit, qua Caijani utebantur in rebus turpibus. Hæc sententia probabilis est; verum paulo generalior est. Est enim communis omnibus gentibus quas Simonis et Cerinthis hæresis pervasit, non propria Colossensibus, de quibus tamen speciatim proprii aliquid hic videtur dicere Apostolus. Adde, Cerinthum, qui præ reliquis angelos Christo præponebat, adeo angelum Judæorum, quorum legem ipse colebat, non adorasse, ut potius, teste Epiphanio, eum malum diceret et detestarentur.

Auctoris
sententia,
damnari
hic pro-
prie hæ-
reticos
Angeli-
cos, qui
pro
Christo
angelos
pcebant
mediato-
res.

Quare mihi sæpe accuratius hunc locum expendenti hæc veriora sunt visa, quæ ex ipso Apostolo colligi possunt. *Primo*, hanc hæresim et religionem angelorum ortam esse a Philosophis; id enim Paulus initio præmuniens et sternens viam ad hanc hæresim confutandam vers. 4 significat, dicens: « Nemo vos decipiat in sublimitate sermonum; » et vers. 8: « Videte ne quis vos decipiat per philosophiam. » Philosophi hi Platonici fuisse videntur, qui deos medios animarum purgatores confinxerunt, uti jam dixi ex Augustino.

Secundo, certum est hunc errorem in eo situm fuisse, quod dicerent angelos digniores esse

Christo et præ Christo excellentiori et peculiari ritu colendos esse, tanquam ipsi servatores essent et mediatores hominum, non autem Christus; hoc enim est quod hic ait: « Non tenens caput, » Christum scilicet. Et hac de causa dignitatem et præminentiam Christi super angelos tam studiose cap. i et alibi inculcat Apostolus, eaque est communis sententia Chrysostomi, Theodoreti, Theophylacti, Oecumenii et aliorum.

Tertio, origo et occasio hujus erroris videtur fuisse hæresis Cerinthis, qui in Christo Deum dividebat ab homine, dicebatque Jesum fuisse purum hominem, sed in eum descendisse Christum Dei Filium, ac in passione rursum ab eo in cælum recessisse. Inde enim inferebat Jesum inidoneum et indignum esse mediatoris Dei et hominum officio; cumque ipse Deus et Dei Filius mediator esse non possit, necessario consequi, angelis, qui inter Deum et homines natura sunt medii, hoc mediatoris officium uti debitum, ita et tributum esse a Deo

Origo
hæresis
hujus.

Quarto, ex hoc dogmate Cerinthis et Platonico-rum, nonnulli similes novorum dogmatum studiosi Colossis et Laodiceæ, quæ Colossis adjacet, videntur commenti novam sectam et religionem angelorum, ut docet hic Theodoretus: nimirum ut excluso Christo ducerent angelos habendos et colendos quasi mediatores hominum, modosque eos invocandi, ac per jejunia et abstinentias superstitiones sibi conciliandi præscriberent.

Id probatur *primo*, quia nusquam alibi Apostolus, aut quis alius facit mentionem hujus religionis angelorum, nisi in epistola hac ad Colossenses: ergo verisimile est peculiarem hanc ibi fuisse sectam. Imo in epist. ad *Ephesios*, quam sub idem tempus scripsit, et in epist. ad *Hebræos*, ubi studiose super angelos Christum extollit, hujus religionis et superstitionis angelorum non meminit; cum tamen ibi et alibi sæpe Cerinthum insectetur, uti jam dixi. Fuit ergo hæc propria hæresis a Cerinthis hæresi diversa, licet ex ejus principiis deducta.

Fuisse
hanc pe-
culiarem
tunc hæ-
resim,
probat
tribus ra-
tionibus.

Secundo, quia Laodiceæ, quæ Colossis vicina est, hæc hæresis viguit, uti docet Concilium Laodicænum *can.* 35 jam citato, si lectionem Theodoretii et plurimum aliorum sequamur, vocaturque idololatria, quæ non palam, sed occulte fieret. Fuit ergo peculiaris hic cultus et superstitio angelorum, quam Theodoretus quoque in Phrygia et Pisidia, id est juxta Colossas et Laodiceam, viguisse testatur.

Probatur *tertio*, quia hanc religionem describens hic Apostolus dicit eam sitam in humilitate, id est, in humili gestu se prosternendi et adorandi angelos; subdit deinde eam jactare falsas angelorum visiones. Rursum, non tenere caput, id est Christum excludere, ut angelos suum statuam caput. *Tertio*, vocat *idololatriam*, id est confictam religionem et superstitionem. *Quarto*, ejus præcepta explicat, dicens: « Ne tetigeritis,

neque gustaveritis, neque contrectaveritis. » Reliqua eorum dogmata ac ritus, cum neque Paulus, neque quisquam alius recensent, nos divinare non possumus. *Quinto*, videntur hi fuisse hæretici iidem cum iis, qui ab Epiphanio, Augustino et aliis passim vocantur Angelici : hos enim omnes qui de iis scribunt, ponunt distinctos a Simonianis, Cerinthianis aliisque hæreticis : et horum antiquissima hæresis non videtur fuisse alia, quam hæc superstitiona religio et cultus angelorum ; indeque nomen sumpsisse videntur, ut vocarentur Angelici. Ita S. Augustinus, *hæresi* 39 : « Angelici, ait, in angelorum cultum inclinati, quos Epiphanius jam omnino defecisse testatur. » Et Gabriel Prateolus, in *Catalogo hæresum* : Angelici, inquit, dicti sunt ex eo quod angelos adorarent. Ponit ipse eos sub annum Christi 199, forte quod excisi aut retusi hic a Paulo, sub annum illum postea reviguerint et rursum majori augmento succreverint. Idem testatur Alfonsus a Castro, lib. *De Hæres.*, verbo *Idololatria* ; quanquam Epiphanius dicat ignorari, an Angelici sint dicti ab angelorum cultu, an ab Angelina urbe, an quod angelicam puritatem præsumerent.

Denique adverte hic, Colossis superstitionem hanc postea in sincerissimum angelorum cultum esse versam. Patet ex celebri illo Michaelis templo, quod erat Chonis (ita postea dictæ sunt Colossæ, ut patet ex Theophylacto et Oecumenio hic, atque ex Niceta Choniata, lib. VI *Annalium*, initio), cujus festum ex celebri miraculo ejusdem Archangeliconsignant Græca *Menologia*, 6 septembris : vide notationes Baronii ad *Romanum Martyrologium*, die 8 maii. Oratoria vero S. Michaelis, quæ tempore Theodreti (ut ipse narrat) Colossis visebantur, incertum est qualia fuerint et quorum : an hæreticorum ; quos suggillat hic Paulus ; an Catholicorum, superstitionem hæreticorum reformantium.

QUÆ NON VIDIT AMBULANS, — id est, ut clarius vertit Hieronymus ad *Algas.*, Quæst. X, et Vatablus, in iis quæ non vidit, fastuosus incedens. Hoc enim est ἐπελάττω, quod dicitur a tragicis cothurnis, qui ἐπελάττει dicuntur ; quod in his sublimes et fastuosi incedant, qui regem aut Deum agunt in tragedia, ait Erasmus.

Secundo, S. Augustinus, *epist.* 59, vertit, ea quæ non vidit, inculcans. Tertio, Ambrosius legit, ea quæ vidit, extollens, ablata negatione non. Quarto, verti posset ex Budæo et Hesychio, in iis quæ non vidit, pedem ponens, eaque occupans et possidens : ἐπελάττω enim per θ aliquando, inquit Hesychius, idem est quod occupare, puta locum, domum, hæreditatem ; sed hic non per θ, sed per τ scribitur. Primus ergo sensus maxime Græco convenit. Hisce verbis insinuat Paulus hosce Novantes fictas angelorum visiones et revelationes jactasse. Ita Tertullianus, lib. V *Contra*

Theodoretus, lib. II *Hæret. fabul.*, cap. IV. Sic de Juda Galilæo tradit S. Anastasius Antiochenus, lib. *De Variis questionibus Scripturæ*, quem ὀφθαλμοῖν inscripsit, ejus dogma fuisse profiteri phantasias, sive visiones angelorum, prætextu religionis. Sic Numa Pompilius jactabat se a dea Egeria edoceri, et Mahometes suis persuasit se suam legem et Alcoranum a Spiritu Sancto accepisse per columbam, quam cicuraverat et assuefecerat ad aurem suam advolare, ut videretur ei in aurem loqui, et mysteria suæ sectæ suggerere.

FRUSTRÀ INFLATUS SENSU CARNIS SUÆ, — id est frustra superbiens sensu et mente (Græce enim est ὑψόβη) sua carnali, quasi cognitionem, imo visiones habeat rerum sublimium, puta angelorum rerumque cælestium. Vocat scientiam horum errorum carnalem, quia humano carnalium hominum spiritu adinventæ et tradita erat.

19. ET NON TENENS CAPUT (scilicet Christum, sed pro Christo angelos substituens. Ita Theodoretus, Anselmus et alii), EX quo (capite Christo) TOTUM CORPUS (Ecclesiæ) PER NEXUS ET CONJUNCTIONES SUBMINISTRATUM (id est subministrationem accipiens spiritus, motus et sensus vitalis a capite) ET CONSTRUCTUM, CRESCIT IN AUGMENTUM DEI, — q. d. Sicut spiritus vitalis, qui ad vitam, sensum et motum est necessarius, a capite in totum corpus per nervos, juncturas et articulos diffunditur, itaque singulis membris facultatem sentiendi et movendi impertit : sic spiritus gratiæ a Christo quasi capite in membra illi connexa, puta in fideles Christianos, per juncturas mutue unionis et charitatis derivatur, illisque spirituale vitam et motum suppeditat ; itaque totum Ecclesiæ corpus crescit in augmentum Dei, id est, ut Syrus, crescit augmento Dei, puta incremento fidei et spiritus Dei. Ita ex Chrysostomo Theophylactus. Similis, imo idem, est hic locus cum illo *Ephes.* IV, 16, de quo plura ibidem dixi.

20. SI ERGO MORTUI ESTIS CUM CHRISTO AB ELEMENTIS HUIUS MUNDI : QUID ADHUC TANQUAM VIVENTES IN MUNDO DECERNITIS ? — Nota primo, « mortui estis ab elementis, » id est mortui estis elementis.

Secundo, « elementa mundi » vocat vel legem Mosis (quæ quasi rudimenta docebat fidei et vitæ sanctæ, cujus perfectionem docet Christus, ut dixi *Galat.* IV, 3 et 9) ; vel potius principia et dogmata Philosophorum carnalium et mundanorum de cælis, angelis, eorumque cultu, et ritibus ac observantiis carnalibus et mundanis, ut quæ Plato et Simon atque Angelici docuerunt de purgationibus animarum per angelos, quæ nihil habent consentaneum cum Scriptura, fide, Christo : hæc enim « elementa mundi, » vers. 8, vocat « philosophiam et inanem fallaciam, » ut ibi dixi ; rursum vocat ea vers. 22, « præcepta et doctrinas hominum. » Ergo de dogmatibus hisce Philosophorum loquitur, non de præceptis legis Mosi : hæc enim non hominum, sed Dei fuerunt præcepta.

visiones angelorum.

Quinam Angelici hæretici?

Colossis viguit hæc hæresis, quæ correctæ transit in purum et rectum angelorum cultum.

Quid ἐπελάττω οὐ? Quatuor expositiones.

Hæretici jactantur

Tertio, « *viventes in mundo*, » id est in elementis (hoc enim brevitatis studio ex proxime dictis repetendum relinquit) mundi, vocat Philosophos, eorumque assecclas, qui secundum elementa jam dicta vivunt, angelosque colunt.

To decernitis dupliciter exponitur. Quarto pro *decernitis*, Græce est *δευκναι*, quod vel active verti potest *dogmatizatis*, docetis, decernitis; vel passive cum Chrysostomo, *dogmatizamini*, docemini, decretis tenemini horum elementorum mundi, *q. d.* Cum per Christum mortui sitis et renuntiaveritis omni sectæ et philosophiæ mundanæ Christo contrariæ, quæ non secundum Deum, sed secundum elementa mundi, id est secundum principia naturalia et mundana, vivere docet; cur iterum ea repetitis, quasi rursum secundum hæc mundi elementa vivere velitis? Perperam ergo Beza *δευκναι* vertit, *ritibus oneramini*: alii enim est dogma, aliud ritus.

Vers. 21. 21. DECERNITIS (dicentes scilicet id quod sequitur)? NE TETIGERITIS, NEQUE GUSTAVERITIS, NEQUE CONTRACTAVERITIS. — Supple, hoc cadaver, hanc menstruatam, ne polluamini, juxta legem Mosi; « neque gustaveritis, » scilicet carnem suillam aliosque cibos lege veteri vetitos et immundos, *q. d.* Lex illa vetus jam abolita est; quid ergo ejus caeremonias observandas esse creditis et decernitis? Ita Chrysostomus, Theophylactus et Ambrosius.

Secundo et germanius, *q. d.* Quid ex hæresi et religione angelorum decernitis, his illisve cibis aut creaturis esse abstinendum? dicentes, v. g. Ne tetigeritis uxorem et gustaveritis vinum aut carnem, quia hæc a malis angelis creata sunt et bonis angelis displicent, de quo plura I *Timoth.* iv, 2. Hæc enim, ut dixi vers. præced., non tam ad Judaizantes, quam ad Philosophos et religionem angelorum de qua proxime præcessit, pertinent, ut docet S. Augustinus et Hieronymus supra, et Tertullianus, lib. V *Contra Marcion.*, cap. xix: « Taxat, inquit, eos qui ex visionibus angelicis, quasi de angelica superstitione docebant certis cibis abstinendum esse. » Et Clemens, lib. III *Stromat.*: « Colentibus, inquit, angelos et dæmones, curæ est vino, esu carnis et venere abstinere. »

Vers. 22. 22. QUÆ SUNT OMNIA IN INTERITUM IPSO USU, SECUNDUM PRÆCEPTA ET DOCTRINAS HOMINUM, — *q. d.* Quæ observantiæ superstitiosi cultus angelorum jam dictæ interitum adferunt et damnationem æternam iis qui ea observant, in iisque et in suis angelis, quos ita colunt, sperant; non autem in Christo. Ita Ambrosius et Augustinus.

Quas observantias et abstinentias hic damnat Apostolus? *Secundo*, S. Hieronymus et Chrysostomus cum suis, referunt hæc ad Judaicas observantias, de quibus dixit vers. 16: « Nemo vos judicet in cibo, aut in potu, » *q. d.* Frustra anxiamini circa Judæorum ac judaismi cibum ac potum, quæ intereunt, corrumpuntur et in secessum emittuntur. Sed prior sensus genuinus est, ut patet ex dictis. Hinc patet quæ hic vocet et damnet præ-

cepta et doctrinas hominum, nimirum vana, futilia, erronea, hæretica fanaticorum aut errantium hominum commenta et somnia, ut dixi vers. 8.

23. QUÆ SUNT RATIONEM QUIDEM HABENTIA SAPIENTIÆ IN SUPERSTITIONE, ET HUMILITATE. — Pro *superstitione*, Græce est *ἰδωλοθρησκεία*, quod Turrianus, lib. V *Pro epistol. Pontif.*, cap. vii, contrarie vertit, scilicet religionem et verum Dei cultum, *q. d.* Paulus: Abstinentia a cibis jam dicta, licet impietas sit et insipientia, si ob somnia hominum et fabulas angelorum superstitione fiat, est tamen sapientia, si ad *ἰδωλοθρησκείαν*, id est veram religionem et Dei cultum, referatur; videlicet ad humiliandam animam in jejunio et ad corpus castigandum, spirituique subdendum. Verum *ἰδωλοθρησκεία* non veram religionem, sed falsam et superstitiosam significat. Componitur enim ex *ἰδωλῷ*, id est volo, et *θρησκεία*, id est religio, *q. d.* Voluntaria et ex cerebro conficta religio. Unde Hieronymus, *ad Hedibiam*, falsam religionem interpretatur; Ambrosius, superstitionem: sic et Chrysostomus, Theophylactus, Theodoretus.

Nota secundo: Pro *rationem*, Græce est *λόγον*, quod Vatablus vertit, *speciem*; Chrysostomus, *sermonem*; Noster, *rationem*, *q. d.* Paulus: Falsa hæc religio, sive superstitio angelorum, qua abstinentiis et observantiis a se confictis, uti jam dixi, colunt angelos quasi mediatores, excluso Christo, videtur afferre rationes et sermones sapientes, et quasi a Deo, vel angelis profectas, quas in speciem pietatis obtendunt suæ superstitioni: dicunt enim se id facere ad humilitatem, modestiam, corporis afflictionem et subjectionem. Et hoc est quod ait: « In humilitate, » scilicet ficta et superstitiosa: τὸ enim *ἰδωλῷ* hic repetendum est, ut, sicut dixit *ἰδωλοθρησκείαν*, sic pariter *ἰδωλοθρησκείαν*, id est tam humilitatem quam religionem voluntariam, et ex proprio cerebro et voluntate confictam intelligat.

ET NON AD PARCENDUM CORPORI (Græce, καὶ ἀπειδίξασθαι τὸ σῶμα, id est *imparcentia corporis*, *q. d.* Hi Novantes speciem sapientiæ et pietatis prætexunt sua simulata humilitate et abstinentia, ac vitæ austeritate, qua corpori non parcunt, sed illud immoderate et superstitione affligunt), NON IN HONORE AD SATURITATEM CARNIS, — id est negato corpori honore, vel subsidio necessario ad famem exsaturandam. Honor enim Hebræis non tantum verbalis, aut caeremonialis, sed et realis est; qui non est aliud, quam necessariorum rerum vel opum subministratio. Dicit hæc Paulus reprehendendo Novantium superstitionem et stultitiam ex commiseratione, quod nimirum ob fabulas et somnia sua, quasi angelos culturi, superstitione et sine fructu, imo cum damno corporis et animæ, se jejuniis et pœnitentiis conficerent.

Hæc ergo est angelorum, quæ hic Apostolo damnatur, *ἰδωλοθρησκεία*, id est voluntaria religio,

Vers. 23.

ἰδωλοθρησκεία.

Quid ἀπειδίξασθαι τὸ σῶμα?

ex sola propria, vel Simonis, vel Cerinthis, vel Angelicorum voluntate et phantasia adinventā, præter, imo contra Christum et legem Dei; ideoque, teste Paulo, erat doctrina hominum, ac consequenter falsa et mera superstitio.

Quæ sit
vera reli-
gio?

Omnis enim vera religio, omnisque verus Dei cultus voluntate Dei sive præcipientis, sive consulentis, sive approbantis, vel per se, vel per suam Ecclesiam suosque in terris vicarios, institui debet. Hæc ergo angelorum religio, humilitas et abstinentia erat superstitiosa, *primo*, quia a Cerintho et Angelicis conficta erat contra legem Dei; *secundo*, quia angelos adorabant quasi minores deos, opifices et gubernatores mundi; *tertio*, quia eos colebant quasi mediatores et purgatores animarum, loco Christi Christoque excluso; *quarto*, quia fingebant se angelos vidisse, qui præciperent hunc cultum, humilitatem et abstinentiam immodicam. Sic Dæmon hodie multis in specie angeli illudit, ut corpus nimis pœnitentis et jejuniis conficiant; imo aliquibus, ut se occidant. Hunc esse sensum et mentem Apostoli patet ex dictis, et ex scopo illius: tota enim epistola non Monachos christianos, sed hæreticos Judaizantes et pseudophilosophos insectatur. Ita Hieronymus supra, Augustinus, *epist.* 59, Theodoretus, Chrysostomus et alii passim, et novissime Gabriel Vasquez, lib. III *De Adoratione*, cap. vi.

Hinc clare patet præcepta et consilia Evangelica, eaque quæ ex eis deducuntur, puta constitutiones monasticas et Pontificias, voluntarias abstinentias et pœnitentias, non esse ἐθελοθρησκείαν, et superstitutionem, ut vult Kemnitiŭs, Marloratus et Beza, sed esse θεολογικήν verumque Dei cultum; quia tenent caput, puta Christum, et consentanea sunt divinæ voluntati, qua Deus per Christum in Scriptura præcipit, vel consulit, sui abnegationem, mortificationem, contemptum, paupertatem, eaque probat Ecclesia (quæ Scripturæ et voluntatis Dei est interpres) quasi instituta secundum Evangelium, valdeque apta ad fovendam et augendam animi humilitatem, religionem, charitatem et pietatem.

Denique perperam Calvinus cultum reliquiarum Sanctorum vult esse ἐθελοθρησκείαν, tum quia de eo non loquitur hic Apostolus, tum quia rationi, Scripturæ et voluntati Dei consentaneum est, ut honoremus Sanctos, eorumque corpora, quasi templa Spiritus Sancti: vult enim Deus ita Sanctos quasi amicos et filios suos a nobis honorari; non ergo hic cultus potest vocari voluntaria et contra legem Dei conficta religio, sed potius pura et grata Deo religio: qui enim Sanctos eorumque reliquias honorat, honorat Deum qui omnis sanctitatis eorum est auctor; sicut qui filios et principes regis honorat, regem ipsum honorat.

Cultus
reliquiarum
Sanctorum non
est ἐθελο-
θρησκεία.

CAPUT TERTIUM.

SYNOPSIS CAPITIS.

Hortatur ad studium et desiderium rerum cœlestium: inde ad mortificationem vitiorum, vers. 3.

Et vers. 10, ad renovationem mentis per misericordiam, humilitatem, patientiam.

Tertio, vers. 14, præ omnibus commendat charitatem, pacem, cantica spiritualia, utque omnia faciant ad gloriam Christi.

Denique, vers. 18, inculcat eis sinceram obedientiam, quam uxores maritis, filii parentibus, servi dominis non ad oculum, sed ex animo præstare debent.

1. Igitur, si consurrexistis cum Christo, quæ sursum sunt quærite, ubi Christus est in dextera Dei sedens: 2. quæ sursum sunt sapite, non quæ super terram. 3. Mortui enim estis, et vita vestra est abscondita cum Christo in Deo. 4. Cum Christus apparuerit, vita vestra, tunc et vos apparebitis cum ipso in gloria. 5. Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam et avaritiam, quæ est simulacrorum servitus: 6. propter quæ venit ira Dei super filios incredulitatis: 7. in quibus et vos ambulastis aliquando, cum viveretis in illis. 8. Nunc autem deponite et vos omnia: iram, indignationem, malitiam, blasphemiam, turpem sermonem de ore vestro. 9. Nolite mentiri invicem, expoliantes vos veterem hominem cum actibus suis, 10. et induentes novum, cum qui renovatur in agnitionem secundum imaginem ejus, qui creavit illum. 11. Ubi non est Gentilis et Judæus, circumcisio et præputium, Barbarus et Scythia, servus et liber: sed omnia, et in omnibus Christus. 12. Induite vos ergo sicut electi Dei, sancti, et dilecti, viscera misericordiæ, benignitatem, humilitatem,

modestiam, patientiam : 13. supportantes invicem, et donantes vobismetipsis, si quis adversus aliquem habet querelam : sicut et Dominus donavit vobis, ita et vos. 14. Super omnia autem hæc, charitatem habete, quod est vinculum perfectionis. 15. Et pax Christi exultet in cordibus vestris, in qua et vocati estis in uno corpore : et grati estote. 16. Verbum Christi habitet in vobis abundanter in omni sapientia, docentes, et commonentes vosmetipsos, psalmis, hymnis et canticis spiritualibus, in gratia cantantes in cordibus vestris Deo. 17. Omne quodcumque facitis in verbo aut in opere, omnia in nomine Domini Jesu Christi, gratias agentes Deo et Patri per ipsum. 18. Mulieres, subditæ estote viris, sicut oportet, in Domino. 19. Viri, diligite uxores vestras, et nolite amari esse ad illas. 20. Filii, obedite parentibus per omnia : hoc enim placitum est in Domino. 21. Patres, nolite ad indignationem provocare filios vestros, ut non pusillo animo fiant. 22. Servi, obedite per omnia dominis carnalibus, non ad oculum servientes, quasi hominibus placentes, sed in simplicitate cordis, timentes Deum. 23. Quodcumque facitis, ex animo operamini, sicut Domino, et non hominibus : 24. scientes quod a Domino accipietis retributionem hæreditatis. Domino Christo servite. 25. Qui enim injuriam facit, recipiet id quod inique gessit : et non est personarum acceptio apud Deum.

Vers. 1.

1. Igitur, si consurrexistis cum Christo, quæ sursum sunt querite, ubi Christus est in dextera Dei sedens. — Est hic altera epistolæ pars ethica, qua a dogmatibus transit ad mores, incitatque Christianos ad vitam Christo dignam, a vitiis puram, sanctam et cœlestem transigendam.

Nota : Tò igitur est illativum ex dictis cap. præced.; ibi enim docuit nos in baptismo cum Christo resurrexisse; inde hic infert : ergo nobis agenda est vita cœlestis.

Secundo, vñ si non est dubitantis, sed potius asserentis; vñ etque idem quod *quandoquidem*.

Tertio, baptismus est typus mortis, sepulture et resurrectionis Christi, ut ex Apostolo docui Rom. vi, 3; ipsa enim demersio hominis in aquam significat Christi demersionem in mortem et sepulcrum : ipsa vero emersio hominis jam baptizati ex aqua, significat Christi emersionem ex morte et sepulcro, id est resurrectionem, q. d. Quandoquidem, o Christiani Colossenses, cum Christo capite vestro resurgente a mortuis, vos in baptismo, qui typus est mortis, sepulcri et resurrectionis Christi, ex infidelitate, superstitione, peccatis et vitiis emersistis ad vitam novam, Christianam et beatam inchoandam; « querite » mente et studio, omnique cura; sollicitudine et conatu, non bona terrena, quæ deorsum, sed ea « quæ sursum sunt, » id est æterna bona, scilicet gloriam cœlestem (in qua Christus est, vobisque locum parat) quasi finem; et mores, virtutes ac vitam cœlestem, quasi medium congruum, et a Deo ordinatum ad illum finem assequendum; eaque « sapite » per sapientiam, scientiam, affectum, gustum, desiderium, cogitationem et meditationem rerum spiritualium; cœlestium et divinarum: hoc enim est Græcum *ἐπονοεῖν*. Christiano ergo sapiant cœlestia, desipiant terrena; perinde ut homini desipiunt pilulæ, et phar-

maca amara; unde ut ea non sentiat nec sapiat, illico et integra si potest transglutit : ita plane fideli insipidæ sint omnes terræ deliciæ et pompæ, quia sapor cœlestium tantus est, ut reliqua omnia videantur insulsa et amara : cibis tamen cæterisque utendum, sed quasi pharmacis, juxta illud S. Augustini, lib. X *Confess.*, xxxi : « Hoc me docuisti, ut quemadmodum medicamenta, sic alimenta sumpturus accedam. »

Unde S. Bernardus, serm. 6 *De Ascensione* : « Si consurrexistis, ait, cum Christo, quæ sursum sunt querite, etc. Ac si manifestius dicat : Si consurrexistis, et conscendite; si convivitis, et conregnate. Sequamur, fratres, sequamur Agnum quocumque ierit : sequamur multo libentius ascendentem. Crucifigatur vetus homo noster simul cum illo, ut destruat corpus peccati, » etc. Idem, serm. 1 *in Paschate* : « Quicumque, ait, post lamenta pœnitentiæ non ad carnales redit consolationes, sed in fiduciam divinæ miserationis excedit, ingreditur novam quamdam devotionem, et gaudium in Spiritu Sancto, nec tam compungitur præteritorum recordatione peccatorum, quam delectatur memoria, et inflammatur æternorum desiderio præmiorum : is plane est qui cum Christo resurgit, qui pascha celebrat, qui festinat in Galileam. Vos ergo, charissimi, si consurrexistis cum Christo, quæ sursum sunt querite, etc., ut a sæculari letitia, et consolatione mundi per compunctionem, et tristitiam quæ secundum Deum est, ad devotionem sanctam, et spiritualem vos transire gaudeatis exultationem : ipso præstante qui transivit ex hoc mundo ad Patrem, et nos quoque trahere post se, et in Galileam vocare dignatur, ut semetipsum nobis ostendat, qui est super omnia Deus benedictus in sæcula. Amen. »

Ita quoque Plato in *Cratylō* : Homo, inquit, Cur hec

mo dicitur *ἀνθρῶπος*, quasi *ἀνθρώπων ἄ ὅπως*, id est, quod
 ter *ἀ-* sursum aspiiciens contemplari et attente conside-
 0 *πως?* rare debeat ea quæ vidit; vel quasi *ἀνω ῥίπων*,
 id est sursum vergens; quod ad superna tendere
 debeat. Ita Lactantius, lib. II *Divin. instit.*, cap. I.

Signum
 resurrec-
 tionis
 spiritalis
 est sapere
 celestia.
 Adverte hic : Signum et effectus resurrectionis
 spiritalis (scilicet nos a peccatis resurrexisse
 cum Christo resurgente a mortuis) clarus et evi-
 dens est, quem hic dat Apostolus; scilicet si
 celestia quæramus et sapiamus. Sicut enim infi-
 deles, athei et peccatores quasi talpæ terræ et
 terrenis inhiant, et ad celestia sunt cæci : ita e
 contrario fideles, et sancti, qui fidem et spem
 habent beatæ æternitatis oculos, animum et
 mentem ad cælum attollunt, in cælo defigunt,
 terram et terrena quasi parva, vilia et caduca
 calcant et contemnunt, dicuntque cum S. Hiero-
 nymo illud Socraticum, *ἀρεσκάτω, καὶ περιφρονῶ τὸν*
κόσμον, in cælum conscendo, solum hoc solemque
 despicio.

Atque hoc est, quod Paulus quasi tuba Evan-
 gelii identidem nobis inclamat, quodque concio-
 natores, quos quasi æternitatis satores, inquit
 S. Hilarius, posuit in mundo Deus, suis frequen-
 ter inclamare debent : O Christiani, sursum corda,
 quæ sursum sunt quærite, vestra conversatio sit
 in cælis; sursum desiderium, sursum intentio,
 sursum clamor, sursum expectatio vestra; ad
 cælum, ad cælum, ad vitam æternam vocamini.
 Quid hic humi repitis? quid terræ quasi talpæ
 inhiatis? quid queritis domos, proles, familias
 stabilire? omnia hæc aufert, et brevi auferet
 mors et temporum rerumque vicissitudo. Non
 habetis hic civitatem permanentem, sed futuram
 inquiritis. Estis hic hospites et peregrini : estis
 tantum viatores. Nolite hospitio inhærere : per-
 gite ad metam, ad patriam cœlestem : hæc re-
 quies et meta laborum. Conscripti estis a Deo ab
 omni æternitate cives cæli, domestici et hæredes
 Dei. Quin eo pergitis? quin eo toto nisu et co-
 natu procurritis? Exspectant vos Sancti de sua
 felicitate securi, de vestra solliciti; expectat vos
 Christus, locum et thronum vobis parat. Quid
 tardatis? Punctum hoc deserite, quod inter mor-
 tales stolidos, inter formicas, ferro et igni divi-
 ditur; pergite ad palatia illa Sanctorum vastis-
 sima, opulentissima et augustissima. O Israel,
 quam magna est domus Dei, et ingens locus
 possessionis ejus!

Audi S. Augustinum, lib. *De Conflictu vitiorum* :
 « Amor præsentis sæculi dicit, etc. : O quam de-
 lectabilis terra in nemorum floribus, in fructuum
 suavitatibus, in pratorum rivulorumque amœni-
 tatibus, in segetum culmis luxuriantibus, in vi-
 nearum foliis, et botryonibus plenis palmitibus;
 in equorum et canum cursibus, et cervorum et
 caprearum saltibus, in accipitrum volatibus, in
 pavonum, columbarum, turturumque pennis et
 collis lucentibus, in domorum pictis muris et
 laquearibus, in organorum omniumque musi-

corum tinnulis cantibus, in mulierum venustis
 aspectibus, atque extrinsecus pretiosis adhibitis
 vestibus, auro et gemmis distinctis monilibus,
 etc. Amor cœlestis patriæ respondet : Si te ista
 delectant quæ sub cælo sunt, cur non magis
 ea quæ super celos sunt? Si carcer ita pulcher
 est, patria, civitas et domus qualis est? Si talia
 sunt quæ hic incolunt peregrini, qualia sunt
 quæ ibi possident filii? » Et paulo post : « Ubi
 nulla necessitas turbat, nulla adversitas an-
 gustat, nulla molestia inquietat, sed perennis
 lætitia regnat. Si quæris quid ibi sit, ubi tanta
 et talis beatitudo persistit? Aliter dici non potest,
 nisi quod quidquid boni est, ibi est; et quidquid
 mali est, ibi nusquam est. »

Moraliter pluribus hanc sententiam egregie
 pertractat S. Bernardus, toto serm. 6 *De Ascen-*
sione : ubi ex hoc loco S. Pauli docet duplicem
 esse ascensionem, qua anima cum Christo sur-
 sum ascendere debeat : primo, ut intellectu quæ-
 rat; secundo, ut voluntate et affectu sapiat cœles-
 tia : hanc enim esse pacem mentis, si voluntas
 intellectui consentiat : nam si dissentiat, distor-
 quet et cruciat animam, sicut cruciat corpus si
 membra a sese divellantur. Deinde in particulari
 quænam sint cœlestia, quæ quærere et sapere
 oportet, sic enarrat : « Quæcumque vera sunt,
 quæcumque pudica, quæcumque justa, quæcum-
 que amabilia. Nimirum advertere potes in omni-
 bus fere religiosis congregationibus viros repletos
 consolatione, jucundos semper et hilares, fer-
 ventes spiritu, crebro suspicientes in cælum, sol-
 licitos observatores conscientie, » etc.

Ac mox idem docet ex contrariis, ostendens
 quid sit sapere ea, quæ deorsum sunt, ita in-
 quiens : « Contra sane invenire est homines pu-
 sillanimes et remissos, quorum brevis et rara
 compunctio, animalis cogitatio, tepida conver-
 satio, quorum obedientia sine devotione, etc.
 Non tibi horum vita inferno appropinquare vi-
 detur? » Ac tandem unde ista hominum et ani-
 marum diversitas oritur, explicat subdens :
 « Præoccupatum nempe sæcularibus desideriis
 animum delectatio sancta declinat, nec misceri
 poterunt vera vanis, æterna caducis, spiritualia
 corporalibus, summa imis, ut pariter sapias quæ
 sursum sunt et quæ super terram. Felices illi qui
 soli jam Deo vivunt, soli vacant intelligendo, di-
 ligendo, fruendo. »

UBI CHRISTUS EST IN DEXTERA DEI SEDENS. — Quomodo
 Quæres, quomodo hic et alibi in Scriptura et
 symbolo dicitur Christus sedere ad dexteram Dei?
 Suppono *sedere* hic non sumi proprie : nam hæc
 esset exilis Christi dignitas; imo potius in cælo
 videtur stare Christus, quam sedere; stare enim
 visus est a Stephano, Act. vii, vers. 55, et hic situs
 magis naturalis est homini, docetque valentem
 et beatum; sessio vero competit homini ob fati-
 gationem. Ita Maldonatus, Suarez et alii.

Omissa ergo Anthropomorphitarum hæresi,

Myraleda
 a. 0. 0. 0. 0.
 spiritali
 in cæ-
 lum.

Quomodo
 Christus
 dicitur
 sedere ad
 dexteram
 Dei?
 Christus
 in cælo
 potius
 stare vi-
 detur
 quam se-
 dere.

Prima expositio. qui Deum corporeum esse dicebant, et Christum corporaliter ad ejus dextram sedere; *primo*, respondet S. Augustinus, *De Fide et Symbolo*, cap. VII, et Chrysostomus, hom. 1 in *Symbolum*, sedere ad dextram Dei idem esse quod habitare in gloria cœlesti, quomodo omnes Beati sedent a dextris Dei; sed hoc non sufficit: hic enim præ aliis Sanctis proprium aliquid Christo tribuitur.

Secunda. *Secundo* ergo, Athanasius et alii passim contra Arianos, putant *sedere* hic significari æqualem majestatem Filii cum Patre, scilicet divinam, quam quiete et pacifice cum Patre possideat, et simul cum eo regnet quasi summus rex et dominus omnium: simili modo Dei majestas alibi describitur, cum dicitur sedere super Cherubim. Hoc verum est, sed non adæquatum, nec maxime intentum in Scriptura. Patet enim tam Scripturam, quam Symbolum Apostolicum hanc sessionem tribuere Christo homini, postquam resurrexit et ascendit in cœlum.

Tertia et genuina. *Tertio* ergo, Christus ut homo sedet ad dextram Dei metaphorice, *primo*, per communicationem idiomatum, qua propter unionem hypostaticam omnia attributa, omnis honor et prædicatio, quæ tribuitur Verbo, tribuitur et Christo homini: sedet ergo Christus homo a dextris Dei, id est præest omnibus quasi summus Rex ac Judex, qui tanta dignitate præcellit, ut in eodem solio cum Deo sit, et eadem cum eo adoratione colatur. Ita Patres passim. Itaque ad dextram Dei sedit homo Christus in primo instanti incarnationis suæ: sed post ascensionem peculiariter, quia tunc hæc dignitas et divinitas Christi celebrari et inlarescere cœpit. *Secundo* et propriissime, ipsa humanitas Christi sedet a dextris Dei per se: hæc enim hic et alibi dicitur assumpta et constituta a dextris Dei, quia scilicet humanitas Christi post mortem, victoriam et ascensionem in cœlum victrix triumphat, et pacifice dominatur in summa Patris gloria. Significat ergo hæc sessio humanæ naturæ Christi, *primo*, illius excellentiam super omnem excellentiam creatam; *secundo*, summam ac singularem ejus beatitudinem et gloriam, tum intensive, tum extensive, tum in modo illam obtinendi, tanquam connaturalem Christo et ex vi unionis hypostaticæ, ac consequenter ex vi propriæ dignitatis et majestatis illi debitam. Unde, *tertio*, sequitur simile ac summum dominium et potestas, tam ad operandum, quam ad imperandum omnibus creaturis, ac judicandum de omnibus hominibus.

Dextera symbolum est, primo potentie, secundo constantie, tertio fidei. Ubi nota: *Dextera* Hebræis symbolum est, *primo*, virtutis et potentie; *secundo*, firmitatis et constantie. Unde dextera accipimus et apprehendimus res nobis propositas et oblatas. *Tertio*, veritatis et fidei: huic enim dextera quasi consecrata est. Unde et veteres per dextram putant hebraice dici *יָמִין* *iamin*, a rad. *אָמַן* *aman*, id est firmare, stabilire, fidelem esse. Unde *Isaia* xxx, 21, *iamin*, loco *iod*, recipit *aleph* tanquam suam

primitivam. Pari ergo modo sedere Christum ad dextram Patris, est Christum esse socium et participem, *primo*, virtutis et omnipotentie paternæ, *secundo*, firmitatis, stabilitatis et æternitatis ejusdem; *tertio*, veritatis, æquitatis et fidei ejusdem.

Dices: Hæc habuit Christus ante ascensionem, scilicet in incarnatione.

Respondeo: Non habuit gloriam corporis, reliqua vero habuit in actu primo, non tamen in actu secundo, nisi post ascensionem, quando per ingressum in cœlum, quasi in proprium locum suæ regie curiæ a Deo destinatum, ad triumphum, ad gloriam, ad regendum et imperandum victor ascendit.

Dices *secundo*: Si Christus est ad dextram Patris, ergo Pater est Filio ad sinistram, ergo Filius honoratior est Patre.

Respondet Antonius Nebrissensis in *Quinquagena*, cap. XXXIII, Baronius et Goropius Becanus, quos sequitur Ribera ad *Hebr.* I, olim honoratiorem locum fuisse sinistram, non dextram, eo quod dexter sinistram quasi defensor et armiger tutaretur, indeque sinistram ab Ovidio et aliis interior, quasi honoratiorem dici, cum ait: « Ibat et interior, » id est ad sinistram. Verum hoc dubium est, imo antiquitatis periti negant, et refellit Adrianus Turnebus, lib. IV *Advers.*, cap. XXIV, et in Scriptura clarum est passim dextram honoratiorem esse.

Secundo, acutius alii, ut Maldonatus, concedunt Filium majorem præ se ferre dignitatem, quam Pater, licet revera ei sit æqualis, quia scilicet non Pater, sed Filius visibiliter judicium exercebit.

Tertio, planius alii respondent, medium locum honoratissimum esse Patris, et dextram Filii non opponi loco medio Patris, sed sinistro: ad sinistram enim est Spiritus Sanctus, qui a Filio procedit, quod intellige de ordine non dignitatis, sed processione, qui solus est in divinis: aut potius ad sinistram sunt Sancti alii minores.

Quarto, optime et simplicissime, hæc sessio Filii ita concipitur, ut nulla sit hic talis oppositio, sed Pater in summo et nobilissimo suo throno considerare dicatur, ob primam et summam ejus majestatem; Filius vero a dextris ejus esse, ut qua Deus illi majestate esse par significetur, qua homo proximam post Deum gloriam et excellentiam adeptus; et esset a dextris Dei, id est in potissimis bonis honoris, gratiæ et gloriæ (horum enim symbolum est dextera) quæ Deus illi communicavit, super omnem principatum, et potestatem, et virtutem, et dominationem, et omne nomen, quod nominatur non solum in hoc sæculo, sed etiam in futuro, ut ait hic Apostolus, quasi illa omnia transcendat altissime sedens a dextris Dei. Nec enim alia phrasi melius id significari potuit quam hac; nec aliter imaginantur homines, si hanc Christi excellentiam, aut æqualitatem Patris et Filii imaginantur. Solet enim Scriptura loqui humano more et ad nostros descendere

Objectio. Si Christus est ad dextram Patris, ergo dignior est Patre. Responsio Prima.

Secunda.

Tertia.

Quarta et genuina.

Probatnr
exemplis

conceptus. Ita Franciscus Suarez, III *part.*, disp. v, sect. 3. Sic III *Reg.* II, 19, dicitur mater Salomonis venisse ad eum sedentem in throno regio et sedisse ad dextram ejus, id est proxime apud regem filium, ut rex quasi locum et honorem regni cum ea communicaret: nec enim dextra opponitur hic sinistrae, quia solus sedebat rex cum matre; unde neminem habebat ad sinistram sedentem. Sic *Psal.* XLIV, 10, dicitur de Ecclesia, quæ est regina et sponsa Christi: «Adstitit regina, a dextris tuis,» scilicet ut regis Christi thalami et regni sit consors, non taliter qualiter, sed a dextris, id est proxime et honoratissime. Ex quibus locis patet thronum regium, id est locum honoratissimum, esse regis, sed matri aut sponsæ regis sedem a dextris regis collocari, tanquam is locus sit honoratissimus, non absolute, sed post locum et thronum regis. Sic rursum dicitur *Eccli.* XXII, 12: «Non statuas illum (inimicum) penes te, nec sedeat ad dexteram tuam, ne forte conversus in locum tuum, inquirat cathedram tuam,» ut scilicet de tua cathedra, loco et gradu deturbet, et a dextra tua insiliat in cathedram tuam, cathedra ergo honoratior erat dextera. Ita et hic se res habet.

Vers. 3.

3. MORTUI ENIM ESTIS, — *q. d.* Per baptismum, morum conversionem et vitæ mutationem, mortui estis mundo, carni, peccatis vitæ et conversationi mundanæ et carnali; imo mortui estis vobis ipsis, quia non estis id, quod eratis ante. Hoc enim mors quædam est, v. g. mortuus est Petrus ebrius, quia resurrexit sobrius; mortua enim est in Petro ebrietas et resurrexit sobrietas, inquit Anselmus. Rursum Christianus debet esse quasi homo mortuus, qui (ut ait quidam Sanctorum) nulli detrahit, nemini violentus existit, neminem calumniatur, neminem opprimit, non invidet bonis, non insultat malis, non luxuriæ carnis servit, non odiorum flamma inardescit, non potentibus aut divitibus hujus sæculi, ut multi nostris temporibus faciunt, adulatur, non iniqua curiositate raptatur, non turbæ maximæ sibi adstantis plausum quærit, non auro argentoque, aut veste pretiosa circumdatus distenditur, non salutationibus potentum delectatur, non se injuriis fatigat; non eum superbia inflat, non ambitio hujus sæculi necat, non vana gloria turpiter jactat, non hujus vitæ falsæ divitiæ extollunt, non rabies insani furoris exagitat; non pulcherrima species feminarum avidum reddit, non contentiones hujus mundi perturbant: talis prorsus debet esse Christianus, si velit esse perfectus et cum Christo mundo mortuus.

«Taliū, inquit S. Augustinus, lib. *De Continentia*, cap. XIII, tom. IV, taliū, inquam, mortuorum vox est: Vivo autem, jam non ego, vivit vero in me Christus. Quorum ergo vita abscondita est in Deo; admonentur et exhortantur, ut membra sua mortificent, quæ sunt super terram, per continentiam, scilicet concupiscentiæ motibus

non consentiendo; ut licet ipsa nostra cogitatio eorum quadam suggestionem et quasi susurrationem tangatur, tamen ab eis, ne oblectetur, averlatur.» Et S. Gregorius, lib. VIII *Moral.*, cap. XIX: «Sunt, inquit, nonnulli justorum qui ad comprehendendum culmen perfectionis accincti, dum altiora interiorum appetunt, exterius cuncta derelinquunt; qui rebus se habitis nudant, gloria honoris expoliant, qui interiorum desiderio per assiduitatem se amici mœroris afficiunt, habere de exterioribus consolationem nolunt; qui internis gaudiis dum mente appropriant, vitam in se funditus corporeæ delectationis necant. Talibus namque per Paulum dicitur: Mortui enim estis, et vita vestra abscondita est cum Christo in Deo. Horum vocem Psalmista expresserat, cum dicebat: Concupiscit et deficit anima mea in atria Domini. Concupiscunt enim, sed non deficiunt, qui jam quidem cœlestia appetunt, sed adhuc tamen a terrenorum delectationibus minime lassantur. Concupiscit et in atria Dei deficit, qui cum æterna desiderat, in amore temporalium non perdurat.»

VITA VESTRA ABSCONDITA EST CUM CHRISTO IN DEO, — *q. d.* Mundus non videt vestram divinam vitam gratiæ, quam habetis; et gloriæ, quam expectatis: sicut non videt vitam gloriosam, ad quam resurrexit, quaque vivit jam Christus in Deo, id est apud Deum.

Dicitur ergo «vita» Sanctorum «abscondita,» *Quomo- b*
primo, quia mundus novum hoc pie, sancte ac *vita S. co-*
interne vivendi genus ignorat, aversatur et mor- *torum sit*
tem æstimat. *abscōd.*
ta in Deo

Secundo, quia tegitur sua humilitate (Sancti enim latere cupiunt et latebras amant, uti amavit S. Alexius), mortificatione et corporis ærumnis. Recte monuit Epicurus, *ἀποκρύπτειν*, id est latenter vive. Et Ovidius:

Crede mihi, bene qui latuit, bene vixit: et intra
Fortunam debet quisque manere suam.

Tertio, quia gratia et virtutes, quæ sunt quasi *Tertia.*
animæ hujus novæ vitæ spiritualis, intus in mente sunt absconditæ.

Quarto, quia Sancti a mundi cupiditatibus et *Quarta.*
mundana conversatione se abstrahunt et abscondunt. Ita Anselmus. Præclare S. Augustinus in *Sententiis*, num. 201: «Boni, ait, latent, quia bonum ipsorum in occulto est, nec visibile est, nec corporale quod diligunt; et tam merita eorum sunt in abscondito constituta, quam præmia.»

Quinto, quia in Dei amore et contemplatione *Quinta.*
interna se abscondunt. Nam, ut ait S. Gregorius, lib. V *Moral.*, cap. III: «Qui mortificare se appetit, valde ad inventam requiem contemplationis hilarescit, ut extinctus mundo lateat, et a cunctis exteriorum rerum perturbationibus intra sinum se intimi amoris abscondat.»

Sexto et maxime, quia vita gloriæ, quam Sancti *Sexta.*
expectant, jam est abscondita, *q. d.* Vita vestra *Uti arbo-*
est quasi hiems, in qua sol, id est Christus, oculis *res latet*

Christia-
num spi-
ritu
mortuam
pulchre
describit
S. Grego-
rius.

Christia-
nus debet
esse quasi
homo
mortuus,
quæ ratio-
ne?

Sexta.
Uti arbo-
res latet

me, ita tatur; vos estis quasi arbores exterius aridæ, sine fronde, id est sine decore, specie et pulchritudine; sed interius habetis radicem vivam, scilicet charitatem in Deo, quasi in terra vitali defixam et viventem. Veniet æstas, scilicet Christi revelatio et gloria, cum revirescetis resurgendo, ac vitales dabitis frondes et fructus, scilicet dotes beatitudinis, tam in anima, quam in corpore. Ita Anselmus. Eleganter S. Augustinus, serm. 112 *De Tempore*: «Hiemis tempore, inquit, etiam viridis arbor aridæ similis est. Venit æstas, et viva radix folia producit et impletur fructibus. Sic hiems nostra Christi occultatio est; æstas nostra Christi revelatio. Mortui enim estis, inquit Apostolus, et vita vestra abscondita est cum Christo in Deo. Certe mortui, sed mortui specie, vivi radice. Attende autem venturum tempus æstatis quomodo sequatur et dicat: Cum autem Christus apparuerit vita vestra, tunc et vos apparebitis cum ipso in gloria. Eia ergo, dulcissime Deus, hoc mihi tecum pactum erit: plane moriar mihi ipsi, ut tu solus in me vivas; totus intra me silebo, ut tu loquaris in me; totus quiescam, ut tu solius opereris in me.»

Ita S. Elzearius, comes Arriani, cum in monte Pessalano hæreret, ejus uxor Delphina, sed virgo (vivebant enim cælibes), misit ad eum litteras per famulum, cupiens scire cur illic moram faceret. Cui ille sic respondit: «Sanus sum corpore et sospes. Quod si me videre cupis, quære me in vulnere lateris Christi. Illic enim habito, et ibi poteris me invenire, frustra alibi quesitura.» Ita habet ejus *Vita*, cap. xxx. Itaque sicut terra cooperit venas auri, mare uniones, terra radices succumque arborum; ita humilium et sanctorum virtus tum ab ipsismet, tum a Deo in hoc mundo tegitur et absconditur.

Ita abscondita fuit vita S. Pauli primi eremitæ, S. Hilarionis, S. Antonii, S. Macarii et tot centenorum millium Anachoretarum et Monachorum, quos Theodoretus, Palladius, Sophronius, Rufinus et alii commemorant, qui mundi illecebras fugientes, ut Christo fruerentur, dicebant: «Elongavi fugiens et mansi in solitudine.»

Ita abscondita fuit vita S. Magdalene in Bauma per 30 annos, S. Mariæ Ægyptiacæ, quæ per 45 annos in eremo nullum mortalium vidit, nec ab ullo visa est, S. Pelagiæ pœnitentis; SS. Cæcilie, Agnetis, Lucie et tot millenarum virginum, quæ vel domi in cubiculis, vel in monasteriis et claustris mundo incognitæ, uni sponso Christo vivere et placere studuerunt et etiamnum student.

Ita abscondita fuit vita S. Hieronymi latentis in Bethlehem ad Christi præsepe, S. Joannis Calybitæ, S. Simeonis Stylitis, S. Francisci, S. Bernardi et hodie tot Religiosorum sanctorum æque ac doctorum, qui lucem hominum fugientes abdunt sese, ut in die æternitatis cum Christo appareant in gloria.

Ita abscondita fuit vita SS. Petri, Pauli et Apos-

tolorum omnium; qui videbantur esse orbis peripsemata et catharmata.

Ita abscondita fuit hic Romæ vita primorum Christianorum et Martyrum, qui per trecentos annos latuerunt in cryptis et speluncis, de quibus plura *Hebr. xi*, 38.

4. CUM CHRISTUS APPARUERIT VITA VESTRA, TUNC ET VOI APPAREBITIS CUM IPSE IN GLORIA. — Nota: Christus dicitur «vita vestra» metonymice, quia est causa vitæ nostræ, tam gratiæ, quam gloriæ: causa, inquam, tum efficiens, tum exemplaris, tum objectiva.

Secundo, notat Theophylactus præsentem vitam naturalem, magis esse mortem quam vitam, quia consistit in corruptione, fluxu et refluxu.

Tertio, notat vitam gratiæ et spiritus in hoc sæculo latere, sed in fine mundi, cum Christus toti mundo gloriosus iudex apparebit, tunc pariter vitam hanc nostram toti mundo manifestandum esse: «Delitescit, inquit ex Chrysostomo Theophylactus, margarita tantisper, dum in conchylio fuerit, simul ac vero illud perfractum fuerit, tum in gloria relucet: sic et nos in hoc corpore quasi latentes vivere debemus ab omni gloriæ cupiditate alieni; cum autem hoc corruptibile corpus dissolutum fuerit, tum gloria nostra resplendet.»

5. MORTIFICATE ERGO MEMBRA VESTRA, QUÆ SUNT SUPER TERRAM. — Dices: vers. 3 dixit: «Mortui estis;» quomodo ergo hic dicit: «Mortificate?» Respondet Vatablus: «Mortui estis,» id est, mori cœpistis peccatis; hic vero dicit: «Mortificate,» id est, pergitis ea mortificare; ut ibi actus inchoatus, hic continuatus significetur, juxta *Can. 32*.

Secundo et melius, Chrysostomus et Theophylactus respondent duplicem esse mortem et mortificationem: priorem, qua præterita peccata delentur et mortificantur. Hæc facta est in baptismo: de hac dixit Apostolus: «Mortui estis.» Posteriorem, qua motus quotidie post baptismum renascentes, assidue justificati sunt mortificandi. Unde dicit Apostolus: «Mortificate,» q. d. Mortui estis peccatis, iis renuntiastis, iis vos mori professi estis in baptismo, restat ergo, ut concupiscentiæ motus indies repullulantes mortificetis, ne illi in pristina peccata per consensum vos pertrahant.

Moraliter S. Gregorius explicans illud I *Reg. ii*, *Dominus mortificat et vivificat*, sic ait: «In his verbis etiam ordo notandus est; prius quippe mortificare dicitur, deinde vivificare, quia nisi sæculo moriamur, Deo per amorem vivere non valemus. Unde is qui se mortificatum et vivificatum meminerat, loquebatur dicens: Mihi mundus crucifixus est et ego mundo. Vivebat, sed non mundi vita, qui dicebat: Vivo ego, jam non ego, vivit vero in me Christus. Mortificatum ergo et vivificatum esse, est præsentia nulla concupiscere, et æterna desiderare.»

Modum et stimulum insignem mortificationis hujus Religiosis suggerit abbas Moyses in *Vitis*

me, ita
Sancti in
hac vita
latent et
æquales.

Vers. 4.
Christus
est vita
nostra
triplici-
ter.

Præsentis
vita ma-
gis mors
est quam
vita.
Vita
Sancto-
rum hic
latet si-
cut unio-
nes in
conchy-
lio.

Vers. 5.

Morale
de mortis
et mortifi-
catione
hujus vi-
tæ.

Patr., lib. VII, cap. XXVI. Rogatus enim a fratre quodam : « Quomodo potest se homo mortificare ? » respondit : « Nisi quis arbitratus fuerit, se habere jam triennium in sepulcro, ad hunc sermonem pervenire non potest. »

Abbas Pimenius : « Ille, ait, monachus potest tanquam mortuus huic sæculo esse, qui duas res horruerit, id est carnis suæ requiem et vanam gloriam. » Ibidem.

S. Antonius monet discipulum suum, dicens : « Horre ventrem tuum, et necessitatem hujus sæculi, et concupiscentiam malam, et honorem, tanquam absens de hoc sæculo, et requiem possidebis. » Ibidem.

Mortifica-
tio sen-
sim et
continue
facienda. Porro vitia hæc non uno ictu, sed sensim resecanda sunt longa constantia. Id pulchro apologo docet abbas ille in *Vitis Patr.*, lib. V, cap. VII, *De Patientia*, num. 40 : « Homo quidam, ait, habuit possessionem, et de negligentia ejus in sentes redacta est, et repleta est tribulis et spinis. Visum est autem ei postea, ut excoleret eam; et dixit filio suo : Vade et purga agrum possessionis illius. Et venit filius ejus ut purgaret : qui cum respexisset, vidit multitudinem tribulorum et spinarum increvisse ei; et deficiens animo, dixit ad seipsum : Quando ego habeo hæc omnia eradicare et purgare ? Et projiciens se in terram cœpit dormire, hoc autem fecit multis diebus. Post hæc venit pater ejus videre quid fecerat, et invenit eum nihil operatum, et dixit ei : Quare usque modo nihil fecisti ? et dixit juvenis ille patri suo : Mox ut veniebam operari, pater, cum vidissem multitudinem hanc tribulorum et spinarum, revocabar ab assumptione laboris, et præ tribulatione projiciebam me in terram et dormiebam. Tunc dixit ei pater suus : Fili, ad mensuram latitudinis, quam jacens in terra occupas, per singulos dies operare, et ita paulatim proficiet opus tuum, et tu pusillanimus non efficeris. Quod cum audisset juvenis, fecit sic, et in parvo tempore purgata est et exulta possessio. Et tu ita, frater, paulatim operare, et non deficies, et Deus per gratiam suam restituet te iterum priori ordini tuo. Hoc audito, frater ille abiit, et cum omni patientia sedens faciebat sicut edoctus fuerat a sene : et sic invenit requiem, et promovebatur per Dominum Christum. »

MEMBRA VESTRA, QUÆ SUNT SUPER TERRAM, FORNICATIONEM, — q. d. Mortificate membra vestra, mortificando, scilicet, fornicationem, libidinem, concupiscentiam, quæ residet in membris vestris.

Membra
veteris
hominis
sunt motus con-
cupiscentiæ. *Secundo*, et magis genuine ad phrasim Apostoli, « membra » terrestria hic vocat affectus prava, et motus concupiscentiæ; hi enim sunt quasi membra veteris hominis, terrestres Adæ et totius corporis concupiscentiæ : omnia enim peccata, quasi unum sunt corpus et unum regnum concupiscentiæ, de quo dixi *Rom. VII, 22*. Ita Chrysostomus, Ambrosius, Anselmus. Unde membra hujus veteris hominis explicans subdit : « Fornicationem, libidinem, » scilicet præposteram, ait

Vatablus, græce enim est *παθος*, id est libido suc-cuba : unæ *pathici* dicuntur scorta mascula : quanquam Theophylactus per *παθος*, id est *passionem*, omne turpium mixtionum genus intelligat. Quomodo avaritiam vocat Apostolus « idolorum servitutem, » dixi *Ephes.*, vers. 3.

6. PROPTER QUÆ VENIT (venire solet) IRA DEI SUPER FILIOS INCREDULITATIS, — *ἀπειθείας*, id est inobedientiæ, q. d. Super filios inobedientes, incredulos, rebelles Deo et Evangelio.

7. IN QUIBUS (id est inter quos, inquit Syrus et Vatablus; vel potius « in quibus, » scilicet libidini-bus et peccatis jam enumeratis) ET VOS AMBULATIS.

8. NUNC AUTEM DEPONITE ET VOS OMNIA, — su-
baudi, sicut et nos deposuimus. Aut, sicut illi increduli non deposuerunt. Aut planius, sicut et vos in omnibus illis ambulatis.

9 et 10. EXPOLIANTES VOS VETEREM HOMINEM CUM ACTIBUS SUIS, ET INDUENTES NOVUM. — Pro *expoliantes*, græce est præteritum, *ἀπεκδυσάμενοι*, id est postquam exuistis veterem hominem; sic pro *induentes*, græce est *ἐνδυσάμενοι*, id est postquam induistis novum. Sed verius videtur Apostolum hic præteritum, more Hebræo, capere pro præ-senti; rursum, præsens capere pro imperativo. Unde Syrus vertit, *exuite veterem hominem et induite novum*; hoc enim intendit et urget Apostolus, uti et *Ephes. IV, 23*, cui hic locus plane respondet.

Nota : « Vetus homo » est homo vitiatus, quatenus scilicet est infectus concupiscentia Adæ; hujus motus sunt actus concupiscentiæ, puta motus iræ, gulæ, superbiæ, etc. « Novus homo » est idem homo, quatenus spiritu et gratia Christi renovatus est.

Pulchre veterem hominem describit Bernardus, *serm.* 30 inter parvos, ubi sic ait : « Duo homines sunt, vetus et novus, Adam vetus, et Christus novus, ille terrenus, iste cœlestis; illius imago vetustas, istius imago novitas. Est autem triplex vetustas, et e contrario triplex novitas : est enim vetustas in corde, in ore, in corpore. In quibus tribus modis peccamus, cogitatione, locutione et opere. In corde sunt carnalia desideria et sæcularia, id est amor carnis et amor sæculi. Similiter in ore est genuina vetustas, arrogantia et derogatio. Item gemina in corpore flagitia et facinora. Hæc omnia sunt imago veteris hominis, et hæc omnia renovanda sunt in nobis. Renovetur ergo cor a carnalibus desideriis et sæcularibus, ut exclusis illis introducat amor Dei et amor patriæ cœlestis. Recedant ab ore arrogantia et derogatio, et succedant pro iis vera peccatorum confessio et bona de proximis estimatio; pro flagitiis et facinoribus, quæ vetustas est corporis, assumatur continentia et innocentia, ut scilicet contrariis virtutibus contraria vitia depellantur. » Vide etiam dicta *Rom. XII, 2*, et *Ephes. V, 4*.

Vers. 6.

Vers. 7.

Vers. 8.

Vers. 9
et 10.Descriptio
hominis
novi
et veteris
ex S. Bern-
ardo.

Vers. 10. 10. QUI (NOVUS HOMO JAM DICTUS) **RENOVATUR** (de die in diem magis et magis semper renovandus est) IN AGNITIONEM. — Addunt aliqui, *Dei*; sed male: nec enim vocem *Dei* habent Græca, Syrus, aut Latina correctiora. Refertur ergo *in agnitionem* ad genitivum qui sequitur, « ejus qui creavit illum, » id est Dei. Renovatio ergo hæc in eo consistit, ut deponentes vitia et studentes virtutibus, in dies clarius Deum Deique voluntatem cognoscamus, non speculative, sed practice; quæ practica cognitio sita est in studio adimplendi sanctam Dei voluntatem. Unde explicans subdit: « Secundum imaginem ejus qui creavit illum. » « In hoc, inquit S. Joannes, *epist.* I, cap. II, vers. 3 et 4, scimus quoniam cognovimus eum, si mandata ejus observamus; qui dicit se nosse eum, et mandata ejus non custodit, mendax est, et in hoc veritas non est. »

SECUNDUM IMAGINEM EJUS QUI CREAVIT ILLUM. — Nota, hic et *Genes.* II, ubi dicitur: « Faciamus hominem ad imaginem et similitudinem nostram, » quo hic alludit Apostolus, « imaginem » sumi pro exemplari, *q. d.* Renovemur mente et spiritu, ut fiamus similes exemplari, id est Deo creatori nostro, et, ut Theophylactus, Christo redemptori et recreatori nostro. Sicut enim Deus in Genesi creavit hominem ad imaginem suam, ita Christus hominem lapsum et perditum sua morte in baptismo reformavit et quasi denuo creavit ad imaginem Dei et suam.

Potest tamen imago proprie sumi, ut sit hebraismus, *q. d.* « Secundum imaginem, » id est ut simus imagines exemplaris nostri Dei.

Nota secundo: « Imago » hæc in homine tum naturalis est, sita in intellectu, voluntate et memoria; hanc renovari vult Apostolus, ut hisce potentiis nihil velimus, nihil memoremur, nihil cogitemus, nisi quod est ad honorem et obsequium Dei: tum supernaturalis est, quæ sita est in gratia, fide, spe et charitate, sapientia et puritate divina, quam in dies magis innovari et augeri vult Apostolus. Vide dicta *Ephes.* cap. IV, vers. 22 et seq.

Vers. 11. 11. UBI NON EST GENTILIS ET JUDEUS, CIRCUMCISIO ET PRÆPUTIUM (id est circumcisis et præputiatis, juxta *Can.* 21), BARBARUS ET SCYTHA, SERVUS ET LIBER, (*q. d.* In hac renovatione Christiana non refert an Judæus sis, an Gentilis, an Barbarus, an servus, etc., quia) IN OMNIBUS (ita renovatis, qui novum hominem, Christum scilicet, induerunt, ipse) CHRISTUS (est) OMNIA, — id est omnis sanctitas, justitia, religio et omne bonum, quia Christus eis communicat suam sanctitatem, justitiam, religionem et omne bonum; et in eis nihil sit nisi Christiana sanctitas, virtus et perfectio; ac proinde omnes, sive Scythæ, sive Judæi, sive Barbari sint, in Christo et novo hoc homine Christiano unum sunt.

Secundo, « Christus nobis » est « omnia: » quia nobis est salvator, dominus, ductor, motor, Deus,

caput, pontifex, victima, pater, sponsus, auriga, operator et omnia.

Unde tertio, « Christus » est « omnia, » id est operator omnia in omnibus, ut sit metonymia.

Nota: Barbaro opponit Scytham, sicut Judæo Gentilem, non quod Scythæ non sint Barbari, sed quod maxime sint Barbari, ita ut alii Barbari illis comparati non videantur esse Barbari, sed illis esse oppositi; sicut Judæis oppositæ sunt Gentes, *q. d.* Omnes nationes etiamsi naturaliter a se invicem aversæ, in Christo unum sunt: ergo in christianismo naturale hoc gentis adversæ odium deponere debent, neque aversari eos qui sunt alterius gentis aut conditionis, sed omnes quasi fratres in Christo amplecti. Unde sequitur:

12. INDUITE VOS ERGO SICUT ELECTI DEI, SANCTI, ET DILECTI (sicut decet Sanctos, dilectos et electos a Deo ad gratiam et gloriam), VISCERA MISERICORDIÆ. — Græce est *οικτιρῶν*, id est miserationum; puta visceralem misericordiam et commiserationem.

BENIGNITATEM, — comitatem, ut sitis comes, blandi, non rustici et austeri.

MODESTIAM. — Græce *πραΐτητα*, id est mansuetudinem, lenitatem.

PATIENTIAM. — Græce *μακροθυμίαν*, id est longanimitatem.

Recte Cassianus, *collat.* XII, cap. VI: « Quantum, inquit, quis in lenitate ac patientia cordis; tantum in cordis puritate proficiet. Beati mites, quoniam ipsi possidebunt terram. Non enim æstus corporis declinabit; nisi qui animi motus ante compresserit. »

Rursum, ut quidam alius Sanctorum ait: « Iracundi animus semper molestia angitur, et corpus morbo vexatur. Benigni et corpus et anima, et mens perpetua fruuntur sanitate: gaudet in contumelia, Deum laudat in calamitate, iratos mitigat, sub humilitatis jugo triumphat. »

14. CHARITATEM HABETE, QUOD EST VINCULUM PERFECTIONIS, — id est vinculum perfectum, inquit Vatablus, quod scilicet perfecte tam virtutes, quam homines unit et connectit. Sic enim Hebræi loquuntur: « viri misericordiæ, » id est misericordes; « calix benedictionis, » id est benedictus; « filii obedientiæ, » id est obedientes.

Secundo et melius, « vinculum perfectionis, » vel integritatis (utrumque enim significat Græcum *πλειστήτης*), id est vinculum connectens, integrans, perficiens benignitatem, misericordiam, humilitatem, patientiam jam dictas, aliasque omnes virtutes; vel simplicissime charitas est vinculum « perfectionis, » id est virtutum jam dictarum aliarumque omnium, in quibus perfectio et integritas Christiana consistit, *q. d.* Omnes jam dictæ aliæque veræ et Christianæ virtutes, ac mandata in charitate, quasi centro, colligantur et uniuntur, et nisi ea adsit, statim dissolvuntur. Sicut ergo anima unit omnia membra totumque corpus integrat et perficit, ut, si anima tollatur a cor-

Vers. 11.

Benigni corpus et anima sana sunt.

Vers. 14.

Quomodo charitas sit vinculum perfectionis?

Charitas est centrum et anima virtutum.

Christus in justis est omnia tripliciter.

pore, membra omnia dissolvantur, totumque corpus dilabatur, corruat ac pereat; et sicut domus connectitur et consistit per suas colligationes et vincula, iisque sublatis dissolvitur et corruit: ita charitas, inquit Theophylactus, unit omnes virtutes, completque totum corpus perfectionis Christianæ, quod in aggregatione virtutum Christianarum consistit; ut, si charitatem tollas, virtutes diffuant, et tota perfectio corpusque virtutum pereat. Ita Chrysostomus, Theophylactus, Oecumenius, Anselmus.

Nota: Loquitur Apostolus maxime de charitate in proximum; hæc enim est vinculum patientiæ, misericordiæ, benignitatis. Charitas tamen in proximum nititur charitate in Deum, quasi causa et objecto formali: propter Deum enim diligimus proximum.

Unde secundo, ratio et causa cur charitas sit vinculum et unio tum virtutum, tum animorum, est illa quam dat S. Augustinus, tract. 405 in Joan.: «Charitas, inquit, est tunica inconsutilis Christi, quæ ad unum, scilicet Deum, pervenit et in unum omnes colligit.» Vide S. Thomam, II II, Quæst. CLXXXIV, art. 4 in corpore.

Hinc tertio, patet nullam virtutem sine charitate esse perfectam, imo sine charitate quamlibet virtutem perire sensim et emori; nulla enim virtus sola per se consistere potest, sed aliarum opus habet auxilio; v. g. modestia opus habet patientia, ut in injuriis ferendis et contumeliis modestæ se gerat; patientia opus habet humilitate, nisi enim sit humilis, non feret superbe sibi insultantes; et ita consequenter. Cum ergo omnium virtutum vinculum sit charitas, sequitur nec eas simul, nec quamlibet seorsim posse diu consistere sine charitate.

Vers. 15. 15. PAX CHRISTI EXULTET IN CORDIBUS VESTRIS, IN QUA ET VOCATI ESTIS IN UNO CORPORE, — q. d. inquit Anselmus: «Gaudete et tripudiate» ob pacem animi. Verum nota: Pro exultet, græce est *ἡγαλῶντο*, quod Erasmus et Vatablus vertunt, braviū et palmam ferat pax, ut quæcumque opinionum, rerum, factorum diversitas vel adversitas accadat, pax conservetur; primum studium sit pacis, primæ ubique paci deferantur, ut potius tua sententia decedas, imo potius bona tua perdas, quam pacem; ideoque pax victrix instar triumphantis exultet in cordibus vestris, et is putet se vicisse in quavis lite, aut disputatione, qui cæterarum rerum dispendio pacem conservavit. Hoc est quod illustrissimus Cardinalis Bellarminus sapienter dixit, sapientius præstitit: «Unica charitatis ac pacis melior est libra victoriæ.» Digna Cardinali vox, dignior actio. Imo S. Augustinus, serm. 12 De Verbis Apostoli: «Nolo, ait, habere cum quo litigem. Multo est mihi optabilius inimicum non habere, quam vincere.»

Secunda. Secundo melius, «pax Christi» *ἡ ἐκ τοῦ Χριστοῦ*, id est quasi brabeuta imperet et regat animi vestri motus, et, ut Syrus vertit, pax Mescicho gubernet corda

vestra: Græcum enim *ἡ ἀντιπροστασία* significat præsidere, regere, moderari et tanquam præsidem in certamine victori dare palmam et braviū. Alludit enim ad agones et certamina, in quibus brabeuta quasi iudex, arbiter et moderator præsedebat et victori palmam ac braviū dabat; qualis brabeuta Dareti et Entelli cæstibus certantium, erat Æneas apud Virgilium, *Æneidos* V:

Tum pater Æneas procedere longius iras,
Et sævire animis Entellum haud passus acerbis;
Sed finem imposuit pugnæ.

Ita pax quasi brabeuta omni pugnæ et liti finem imponit, v. g. ait Theophylactus, cum injuria sumus affecti, geminæ in nobis cogitationes certant, altera ad vindictam, ad patientiam altera nos incitans: accedat tunc pax quasi brabeuta, et patientiæ quasi victrici pacisque auctrici palmam tribuat. Hinc olim brabeutæ virgam, vel sceptrum quasi præsidet et iudices gerebant, ut colligitur ex Plutarcho, in Antonio; imo Grammatici Græcum *ἡ ἀντιπροστασία*, vel *ἡ ἀντιπροστασία*, a *ἡ ἀντιπροστασία*, id est virga, quam gestabant, per metathesin deducunt. Unde *ἡ ἀντιπροστασία* et *ἡ ἀντιπροστασία* pro eodem poni a Platone in Protagora, testis est Budæus, quasi dicat Paulus: In animis vestris brabeutas et agonotheta omnia regens et moderans sedeat non ira, non superbia, non cupido, non alia passio, sed pax, quæ quasi regina omnes affectus animæ in officio contineat et passionum bella reprimat, ut et nobiscum et cum proximis perpetua pace et concordia fruamur, ac unanimes Christo serviamus. Ita Chrysostomus, Theodoretus, Theophylactus, Oecumenius.

Hinc sequitur hanc pacem bello parari, imo continuum cum cupiditatibus et passionibus bellum includere. Meneclides olim invidens Epaminondæ gloriæ, suavit populo, ut pacem haberent bello potiore. Cui Epaminondas: Fallis, inquit, cives tuos, qui otii nomine eos ad servitutem vocas. Pax enim bello paratur; nec eam tueri licet, nisi cives sint ad bellum instructi. Idem dicat sibi quisque Christianus, audiatque vocem S. Augustini, serm. 57 De Verbis Domini: «Pax, ait, est serenitas mentis, tranquillitas animi, simplicitas cordis, amoris vinculum, consortium charitatis. Hæc est quæ simultates tollit, bella compescit, comprimit iras, superbos calcat, humiles amat, discordes sedat, inimicos concordat, cunctis est placida: non querit alienum, nihil deputat suum, docet amare quæ odisse non novit, nescit extolli, nescit inflari. Hano ergo qui accepit, teneat; qui perdidit, repetat; qui amisit, exquirat: quoniam qui in eadem non fuerit inventus, abdicatur a Patre, exheredatur a Filio, nihilominus a Spiritu Sancto alienus efficitur.»

Nota: «Pax» hæc dicitur esse «Christi,» quia Christus pacem hanc a cælo in terram detulit; unde angeli Christo nato cecinerunt: «Gloria in excelsis Deo, et in terra pax,» etc., eamque sanxit Christus.

Par omnium dæbet esse brabeuta et moderator.

Unde dicitur brabeuta?

Pax quasi regina imperet in anima.

Pax bello paranda.

Pacis gloria.

Pacem a cælo attulit et sanxit Christus.

et præcepit dicens : « Pacem relinquo vobis, pacem meam do vobis ; » voluitque ut Evangelium et Christianismus esset lex, schola et professio pacis ac charitatis. Unde sequitur : « In qua (id est ad quam) vocati estis in uno corpore, » id est in unum corpus, puta in unam Ecclesiam. Præclare S. Augustinus, *sent.* 369 : « Pax Christi, ait, finem temporis non habet, et ipsa est omnis intentionis actionisque perfectio. Propter hanc Sacramentis ejus imbuimur ; propter hanc mirabilibus ejus operibus et sermonibus erudimur ; propter hanc Spiritus Sancti pignus accepimus ; propter hanc in eum credimus et speramus, et amore ipsius quantum donat accendimur ; propter hanc denique omnem tribulationem fortiter toleramus, ut in ea feliciter sine tribulatione regnemus. Vera enim pax unitatem facit ; quoniam qui adhæret Deo, unus spiritus est. »

Gentiles hanc pacem adamarunt et exquisierunt. Dicebat ille :

Nulla salus bello, pacem te poscimus omnes.

Pomponius Atticus in funere matris, quam extulit nonagenariam, ipse natus annos sexaginta septem, gloriatus est, quod nunquam cum matre in gratiam redisset, eo quod nunquam eam offenderat, quod nunquam cum sorore, sibi pene coæva, fuisset in similitate. Hanc vocem se ab ipso audisse scripsit Cornelius Nepos. Verum qui cum omnibus, etiam externis et inimicis, pacem perennem conservet, non naturæ, sed gratiæ, non Gentilium, sed Christi pacem et spiritum habeat oportet.

ET GRATI ESTOTE. — Græce εὐχαρίσται, id est gratiosi, amabiles estote, ut ex Hieronymo vertit Vatablus et Erasmus ; qui enim tales sunt, solent proximis esse benigni, misericordes, patientes, pacem secum et cum aliis non tantum colere, sed et conciliare : omnia enim hæc spectant ad concordiam et charitatem cum proximis fovendam ; εὐχαρίστας ergo hic idem est quod εὐχαρίται.

Secundo, Theophylactus Græcum εὐχαρίσται vertit, *grati estote*, et, ut Syrus vertit, *gratias agite* Christo, pro beneficiis ab eo acceptis ; agnoscite gratiam vobis per Christum factam, et ut illi gratias referatis, tales vos Christi amore proximis exhibete, qualem se Christus vobis exhibuit : hoc enim gratitudo, ipsæque Charites exigunt. Hinc trium Charitum, quas finxerunt Græci, duæ aspiciuntur invicem, tertia averso erat vultu, ut docerentur qui beneficia accipiunt, se ea æterna memoria intueri debere ; qui vero largiuntur, nunquam ea amplius in memoriam revocare. Verum prior sensus magis aptus et genuinus est.

16. VERBUM CHRISTI HABITET IN VOBIS ABUNDANTER (græce περισσῶς, id est opulenter, copiose) IN OMNI SAPIENTIA, DOCENTES ET COMMONENTES VOSMET-IPROS, — *q. d.* Doctrina et Evangelium Christi plene et copiose imbuat et impleat mentem vestram, in eaque quasi resideat et habitet, ut Chris-

tiana sapientia pleni eam eructetis ex eaque invicem doceatis, moneatis, exhortemini. Sic S. Cæcilia Evangelium Christi semper gerebat in pectore, et non diebus, neque noctibus vacabat a colloquiis divinis et oratione ; indeque Evangelium hoc ita eructavit, ut sponsum Valerianum et Tiburtium ejus fratrem converterit. Utinam Christiani tam studiosi essent Evangelii et doctrinæ Christianæ, quantum exigit eorum professio et dignitas Evangelii ac Christianismi.

IN GRATIA CANTANTES IN CORDIBUS VESTRIS DEO. — « In gratia, » id est cum gratiarum actione. Idem enim est cum eo quod dixit *Ephes.* v, 19 : « Cantantes et psallentes in cordibus vestris Domino, gratias agentes semper pro omnibus. » Vult enim Christianos tantorum beneficiorum, quæ per Christum in christianismo acceperunt, memores, semper lætos et exultantes vivere, Deoque laudes et hymnos in gratiarum actionem canere. Ita Anselmus. Verum quia vers. seq. hanc gratiarum actionem inculcat Paulus,

Hinc *secundo*, melius Theophylactus : « In gratia, » inquit, id est cum gratia et venustate, ut videlicet tam pie, suaviter, reverenter canatis, ut voluptatem non carnalem, sed spiritualem, tam vobis et proximis, quam Deo ipsi afferatis. Unde vult hunc cantum fieri in cordibus et mentibus, ut inde in suavissimam ac piissimam vocem erumpat, qua alios doceamus et exhortemur.

Tertio, non male Chrysostomus : « In gratia, » inquit, id est, ex gratia et afflatu Spiritus Sancti (1).

Nota : Paulus hic et *Ephes.* v, 19, Christianis impense commendat psalmodiam et hymnodiam. « Est enim psalmus, inquit S. Basilius, præmio in *Psalm.*, animarum tranquillitas, pacis arbitrum, optimarum disciplinarum et documentorum promptuarium : psalmus turbas et fluctus cogitationum compescit, iracundiam mollit, demones fugat, angelos advocat : psalmus in terroribus nocturnis securitas, in diurnis laboribus requies est : psalmus elementum est incipientibus, incrementum proficientibus, confirmatio perfectis : psalmus est vox Ecclesiæ, angelorum opus, cælestis reipublicæ spirituale odoramentum. » Et S. Augustinus, *Psalm.* initio : « Psalterium, ait, est communis quidam divinæ doctrinæ thesaurus, et universis animæ passionibus, quæ humanas animas varie angunt, subvenit : psalmus signifer est pacis, spirituale thymiana, exercitium cælestium : luxum reprimit, sobrietatem suggerit ; lacrymas movet. »

17. OMNE QUODCUMQUE FACITIS IN VERBO, AUT IN OPERE, OMNIA IN NOMINE DOMINI NOSTRI JESU CHRISTI (supple, facite), GRATIAS AGENTES DEO, ET PATRI PER IPSUM, — *q. d.* Non propter Simonem, non propter Moysen, non propter angelos Novantium, sed propter Christum ejusque gloriam facite

(1) Allioli : « In gratia, » id est, cum proximis edificatione.

S. Cæcilia Evangelium gerebat in pectore.

Psalmodiæ fructus.

Charitum figura.

Vers. 16.

Omnia facere ad gloriam Christi.

partim
est præ-
ceptum,
partim
consti-
lium.

omnia quaecumque facitis ; et sic est hoc præceptum, sed negativum. Ita Theodoretus et Theophylactus.

Secundo, potest hoc esse præceptum quoque affirmativum, si cum Ambrosio et D. Thoma sic exponas, *q. d.* Omnia opera vestra talia sint, quæ cedere possint in gloriam Christi, Christusque vestræ vitæ et actionum sit ultimus finis. Et hoc proprie videtur hic velle Apostolus, scilicet ut non angelos, sed Christum statuamus nobis finem actionum omnium in genere, ut Christus in iis omnibus laudetur. Quocirca Maldonatus apposite : « in gratia, » Græce ἐν χάριτι, hoc est, inquit, in lætitia. Sic enim χάρις pro χάρις, id est lætitia, capitur II Thessal. II, 15; ad Philem. vers. 7, et II Corinth. I, 15.

Tertio, est consilium, si singula opera actu aut virtute ad Christi gloriam referri velis. Hoc enim est consilium, non præceptum : nam actus moraliter bonos facere possumus sine actuali, imo virtuali relatione ad Christum.

Sic prae-
xis omnes
actiones
in initio
offerendi
Christo.

Et sane consulenda est hæc praxis, ut assuescamus crebro iteratis actionibus opera nostra, præsertim in eorum exordio, referre ad gloriam Christi ; ita fiet ut ex consuetudine habitum induamus, quo vel actu vel virtute omnia illa referamus ad gloriam Christi : hinc consequetur, ut omnia opera nostra, etiam indifferentia, virtutis et meriti rationem induant. Qua in re multi simplices opifices, agricolæ alique permulti deficiunt, faciuntque ingentes labores, sed sine merito, quia laborant tantum ex motivo et fine naturali, ut scilicet sibi suisque de necessariis vitæ provideant : qui si docerentur eadem insuper referre ad Dei laudem et obsequium, nullo lucro terreno fraudarentur ; sed præter illud, ingens meritorum et benedictionis divinæ lucrum apud Deum acquirerent. Ut ad hoc se et suos excitaret, Deique et piæ intentionis in Deum memoriam renovaret S. P. N. Ignatius, hoc elogium perpetuo habebat in ore : « Ad maiorem Dei gloriam. » Simili modo Apostolus, I Corinth. x, 31, dixit : « Omnia in gloriam Dei facite, » ut ibi dixi.

Vers. 18.

18. MULIERES, SUBDITE ESTOTE VIRIS, SICUT OPORTET, IN DOMINO, — id est sicut oportet, secundum Christi Domini legem, voluntatem, Evangelium. *q. d.* Mulieres subdite sint viris, sicut decet subdi eas, quæ Christo conjunctæ profitentur se sequi Christi modestiam, humilitatem, obedientiam, quam didicerunt in christianismo. Ita Anselmus. Vide dicta Ephes. vi, 1.

Ecquid mirum si Christianis matronis hoc præcipiat Paulus, cum idipsum Aristoteles Gentilibus præscribat, lib. I *Œconom.*, cap. I et II : « Existimare, inquit, debet mulier bene composita, mores viri esse legem vitæ suæ, impositam sibi a Deo per conjunctionem matrimonii. Qui hæc ergo negligit, Deos ipsos videtur negligere, quibus præsentibus sacra fecit, et matrimonium

iniit. » Et Cato apud Livium, lib. XXXIV : « Majores, inquit, nostri nullam ne privatam quidem rem agere feminas, sine auctore voluerunt ; sed in manu esse virorum. » Quare idem Cato graviter accusans insolentiam et fastum mulierum Romanarum, apud Livium, dec. IV, lib. IV, hoc quasi monstrum proponit : « Omnes, inquit, homines uxoribus dominantur, nos omnibus hominibus, nobis autem uxores. » Longe melius et sanctius vir ille prudens consilium dedit matronæ : « Si vis, inquit, imperare viro, pareas : bona enim mulier parendo viro, imperat. » Ita Livia, Augusti Cæsaris uxor, interrogata, « quibus rationibus Augustum sibi subjecisset ? » respondit : « Multa modestia ; » quod ea quæ placerent Augusto, faceret libenter ; quodque se scire dissimularet, quibus ille amoribus domi frueretur. Testis est Dion in *Tiberio*.

Uxor nā
imperet
viro, pa-
reat.

20. HOC ENIM PLACITUM EST IN DOMINO. — Ambrosius legit, *Domino* ; sed Romana et Græca legunt, *in Domino*, id est apud Dominum, et, ut Syrus, *coram Domino*.

Vers. 20.

21. PATRES, NOLITE AD INDIGNATIONEM PROVOCARE FILIOS VESTROS, UT NON PUSILLO ANIMO FIANI. — Græce, ἵνα μὴ ἀθυροῦσιν, id est ne despondeant animum, scilicet si videant parentes in se assidue tam dueros, asperos, litigiosos : inde enim solent filii perdere animum, segnescere in suis operibus, cum vident ea parentibus non placere, segniter parentibus obedire, imo in pietate, Dei timore et cultu languescere, ac tandem desperare, fugere, omneque jugum tam Dei, quam parentum excutere.

Vers. 21.

22. SERVI, OBEDITE PER OMNIA DOMINIS CARNALIBUS (temporalibus, etiam Ethnicis), **NON AD OCULUM SERVIENTES, QUASI HOMINIBUS PLACENTES, SED IN SIMPLICITATE CORDIS, TINENTES DEUM, —** *q. d.* Servi, obedite dominis, non fide ad oculum, ut eorum gratiam captetis, sed simplici et candido animo, ac studio placendi Deo, qui præcipit hanc obedientiam servis, quique voluit vos esse servos et servire, non autem dominos et imperare. Timeant ergo servi Deum, et non dominorum, sed Dei timore dominis suis obediant. Vide dicta Ephes. vi, 5.

Vers. 22.

23. QUODCUMQUE FACITIS, EX ANIMO OPERAMINI, SICUT DOMINO, ET NON HOMINIBUS, — *q. d.* Nolite, o servi, dominis vestris obedire ad oculum, sed ex animo, tanquam si ipsi Domino Deo serviretis, sicut revera servitis ; quia Dei, qui vos servos fecit, voluntas est ut heris vestris ex animo obediatis. Si ergo heris ita obediatis, ipsimet Deo obediatis, qui « retributionem » æternæ « hæreditatis » in cælo servis ita obedientibus uti promisit, ita revera præstabit pro hoc eorum obsequio. Agite ergo servi, estote philodespoti, id est amantes herorum, nec herum ut hominem, sed in hero herique jussu Deum, et Dei jussu intuemini et accipite.

Vers. 23.

24. RETRIBUTIONEM. — Græce est ἀνταπόδοσις, quæ

Vers. 24.

vox significat mercedem, quæ pro merito operum datur. Cum ergo Paulus Deo eam tribuat, certum est servos eam apud Deum mereri sua obedientia. Nota hoc pro meritis bonorum operum, contra Novantes (1).

DOMINO CHRISTO SERVITE. — Græcum δουλεύετε, tam est indicativi, quam imperativi modi. Unde verti potest cum Vatablo, *nam Christo Domino servitis, q. d.* Ac proinde ille Dominus utpote fidelissimus et liberalissimus, vestrum servitium compensabit abundantissime in futura hæreditate cœlesti.

Vers. 25. 25. QUI ENIM INJURIAM FACIT, RECIPIET ID QUOD

(1) *Hæreditatis.* Servi apud antiquos ab omni excipiebantur hæreditate. At servi Christiani, si heris suis tanquam Christo obediunt, hæreditatem recipient, æternam scil. in cœlo.

INIQUE GESSIT : ET NON EST PERSONARUM ACCEPTIO APUD DEUM. — Probat quod servi justī et obsecuentes suis heris accipient retributionem hæreditatis jam dictæ, argumento a contrario : nam qui injusti sunt, sive domini sint, sive servi, accipient a Deo retributionem damnationis. Taxat tacite, et reprimit fastum ac dominatum dominorum, qui injuste ac tyrannice tractant suos servos, *q. d.* Sciant hi se a Deo judicandos, et pro injuria servis suis irrogata puniendos; vicissim solentur se servi injuste ab heris vexati, quod eorum injurias ulciscetur Deus, eorumque patientiam et obedientiam remunerabitur (2).

(2) *Allioli :* *Sed qui male agit* (ἀδικῶν enim, *injustitia,* sæpe est omnis generis *malitia* et improbitas), sive sit servus, sive herus, *pœnas improbitatis feret, etc.*

CAPUT QUARTUM.

SYNOPSIS CAPITIS.

Pergit hortari primo, dominos ad æquitatem et benignitatem in servos.

Secundo, omnes christianos ad orationis frequentiam, sapientiam christianam, et gratiam ac prudentiam in loquendo.

Deinde, vers. 10, fuse et particulatim suos salutat.

1. Domini, quod justum est et æquum, servis præstate : scientes quod et vos Dominum habetis in cœlo. 2. Orationi instate, vigilantes in ea in gratiarum actione : 3. orantes simul et pro nobis, ut Deus aperiat nobis ostium sermonis ad loquendum mysterium Christi (propter quod etiam vinctus sum), 4. ut manifestem illud ita ut oportet me loqui. 5. In sapientia ambulate ad eos qui foris sunt : tempus redimentes. 6. Sermo vester semper in gratia sale sit conditus, ut sciatis quomodo oporteat vos unicuique respondere. 7. Quæ circa me sunt, omnia vobis nota faciet Tychicus charissimus frater, et fidelis minister, et conservus in Domino : 8. quem misi ad vos ad hoc ipsum, ut cognoscat quæ circa vos sunt, et consoletur corda vestra, 9. cum Onesimo charissimo, et fidei fratre, qui ex vobis est. Omnia quæ hic aguntur, nota facient vobis. 10. Salutat vos Aristarchus concaptivus meus, et Marcus consobrinus Barnabæ, de quo accepistis mandata : si venerit ad vos, excipite illum : 11. et Jesus, qui dicitur Justus : qui sunt ex circumcisione : hi soli sunt adjutores mei in regno Dei, qui mihi fuerunt solatio. 12. Salutat vos Epaphras, qui ex vobis est, servus Christi Jesu, semper sollicitus pro vobis in orationibus, ut stetis perfecti, et pleni in omni voluntate Dei. 13. Testimonium enim illi perhibeo quod habet multum laborem pro vobis, et pro iis qui sunt Laodiciæ, et qui Hierapoli. 14. Salutat vos Lucas medicus charissimus, et Demas. 15. Salutate fratres, qui sunt Laodiciæ, et Nympham, et quæ in domo ejus est, ecclesiam. 16. Et cum lecta fuerit apud vos epistola hæc, facite ut et in Laodicensium ecclesia legatur : et eam quæ Laodicensium est, vos legatis. 17. Et dicite Archippo : Vide ministerium, quod accepisti in Domino, ut illud impleas. 18. Salutatio, mea manu Pauli. Memores estote vinculorum meorum. Gratia vobiscum. Amen.

Vers. 1. 1. DOMINI, QUOD JUSTUM EST ET ÆQUUM, SERVIS PRÆSTATE, — pro æquum, Græce est *ῥοῦτα*, id est

æqualitatem, ut scilicet æqualiter servos tractent ; non unum dure, alterum delicate habeant ;

non unum ament et colant, alterum aversentur et contemnant; sed pares pari affectu et benevolentia prosequantur. Idem inter filios servare debent parentes, idem in monasteriis, collegiis, republica prestare debent Superiores, ne unum filium, subditum, civem præ alio ament, colant, attollant: hæc enim est inæqualitas et acceptio personarum, quæ pacem turbat, invidiam aliorum concitat, et Superiores in odium illorum qui negliguntur, vel postponuntur, adducit. Sic enim Joseph a patre Jacob plus cæteris adamatus, et polynita vestitus, invidiam fratrum, omniaque mala et tantum non mortem incurrit (1).

In fami-
liis ca-
venda
inæqua-
litas.

Vers. 2.

2. ORATIONI INSTATE. — Græce τῇ προσευχῇ perseverate, id est, ut Syrus, *in oratione perseverate*. Toties Apostolus in suis epistolis orationis studium et frequentiam Christianis etiam laicis inculcat, quia oratio est fistula cœlestis, per quam omnis ros, id est gratia cœlestis, in nos descendit, ut quidam Sanctorum tam vere, quam apposito dixit.

Oratio est
fistula
cœlestis.

VIGILANTES IN EA IN GRATIARUM ACTIONE. — Insignem piamque formulam gratias agendi viri cuiusdam sancti (forte ipsiusmet S. Chrysostomi) recenset hic, *hom. 10*, Chrysostomus. Ea talis est: « Gratias agimus tibi pro omnibus beneficiis tuis, a primo die usque in hunc præsentem indignis nobis impensis, sive nota nobis sint, sive incognita; tam pro occultis, quam pro manifestis, quæ vel opere nobis vel sermone facta sunt, et quæ voluntariis, et quæ invitis sunt præstita; pro omnibus quæ immeritis nobis exhibita sunt; pro afflictionibus, pro quiete, pro gehenna, pro supplicio, pro regno cœlorum. Obsecramus ut animas nostras custodias sanctas, mundam habentes conscientiam, finem benignitate tua dignum. Qui nos ita dilexisti, ut Unigenitum tuum pro nobis dederis, dignare nos hac dilectione dignos reddere. Da sapientiam in verbo tuo, et in timore tuo, unigene Christe, inspira nobis fortitudinem tuam. Qui Unigenitum pro nobis dedisti, et Spiritum Sanctum tuum emisisti in remissionem peccatorum, sive sponte quid, sive inviti deliquerimus, condona; nec reputes. Recordare omnium qui nomen tuum invocant in veritate. Recordare omnium qui nobis vel bene, vel male volunt: omnes enim homines sumus. » Subdit Chrysostomus: « His dictis addebat orationem fidelium, atque ita cessabat, tanquam coronide quadam et colligatione, post orationem pro omnibus factam, imposita. Multis enim nos Deus etiam invitos beneficiis afficit, multis etiam et pluribus ignaros. Quando enim contraria precamur, ipse vero diversa facit, manifestum est quod et insciis benefaciatur. »

Vers. 3.

3. ORANTES SIMUL ET PRO NOBIS, UT DEUS APERIAT NOBIS OSTIUM SERMONIS, — id est, ut det mihi adi-

tum et opportunitatem evangelizandi, amoveatque ejus impedimenta.

Aliter S. Anselmus, Theophylactus et Salmeron: ut Deus, inquit, aperiat ostium sermonis, id est os nostrum, per quod quasi ostium sermo ex homine egreditur, *q. d.* Ut Deus det nobis os apertum et liberum, id est det nobis libertatem, fiduciam et audaciam prædicandi. Unde quasi explicans subdit: « Ut manifestem illud ita ut oportet me loqui. » Alioqui juxta priorem sensum dicendum est, esse hic novam petitionem, et supplendam esse conjunctionem *et*, *q. d.* Ora-te, ut Deus aperiat ostium Evangelio, et ut manifestem illud, sicut oportet, etiam in vinculis constitutus et coarctatus. Meminit Paulus identidem vinculorum suorum, et in iis gloriatur, ut idem nos facere doceat. Præclare S. Cyprianus, *epist. 72 ad Nemesium*, de vinculis Martyrum: « O pedes, inquit, feliciter vineti, qui itinere salutari ad paradisum diriguntur! O pedes ad præsens in sæculo ligati, ut sint semper in cœlis apud Deum liberi! » Mire vero S. Chrysostomus, *hic hom. 10*, hæc vincula extollit, atque inter cætera ait, Paulum, utpote in cœlis animo et mente versantem, non potuisse vinculis constringi, sed in iis quasi liberum et solutum prædicasse et cucurrisse ad cœlum. « Injice, ait, radiis solis aut soli ipsi vincula, siste cursum ejus, si potes: si non potes, nec Paulum, qui quasi sol in cœlo conversatur, lucisque et doctrinæ suæ radios in terra dispergit, vincere, aut cursum ejus inhibere poteris. »

Vincula
Marty-
rum sunt
glorios.

5. IN SAPIENTIA AMBULATE AD EOS QUI FORIS SUNT, Vers. 5. — id est sapienter et prudenter agite cum Ethnicis, ut illos ad fidem Christi pelliciat. Ita Ambrosius.

TEMPUS REDIMENTES. — Græce ἀγοράζετε, id est occasionem bene agendi cum aliis, et rei Christianæ bene gerendæ ac promovendæ, prudenter ac studiose captate: τὸ enim *redimentes tempus* pendet ex eo quod præcedit, « In sapientia ambulate ad eos qui foris sunt. » Ita Ambrosius et Theophylactus. Vide dicta *Ephes. v, 16*.

Aliter Anselmus: « Tempus, inquit, redimimus, quando anteactam vitam, quam lasciviendo perdidimus, flendo reparamus. » Sed prior sensus est ex sententia et mente Apostoli.

Alii sic explicant, *q. d.* Cum infidelibus sapienter, id est caute, conversamini, ita ut redimendæ vexationis et evitandæ persecutionis causa, quo tempus habeatis liberum ad serviendum Deo, patiamini, si opus sit, etiam dispendium aliquod rerum temporalium. Aut aliter, *q. d.* Sapienter agite cum infidelibus, ne ex veteri amicitia cum eis tempus teratis otio, fabulis, ludis, conviviis, etc., uti ante solebatis; sed dextere ab iis vos subducite, ut tempus pretiosum redimatis, illudque in oratione, studio, charitate, propagatione fidei, operibus misericordiæ aliisque virtutibus impendatis. Hi duo sensus satis appositi

(1) Hæc comma non debebat avelli à cap. præcedenti.

sunt. Est enim generalis hæc sententia Apostoli, similis illi *Ephes. v, 16*; epistola enim ad Colossenses similis est illi ad Ephesios, ejusque quasi compendium.

VERS. 6. 6. SERMO VESTER SEMPER IN GRATIA (id est cum gratia, hoc est approbatione et ædificatione proximorum) SALE (id est prudentia (1) SIT CONDITUS.

— *Secundo*, Anselmus, « in gratia, » id est in dulcedine charitatis. *Tertio* et adæquate, « in gratia, » id est cum gratia, ut scilicet sit gratio-

sus sermo vester, et gratiam ac favorem audientium conciliet: ita tamen, ut sit sale conditus, *g. d.* Sicut cibus dulcis gratus est, si tamen sit sale conditus; nam alioqui sicut præalsus, sic et insulsus cibus displicet: ita sermo vester suavis sit, jucundus et gratus, non præalsus et austerus: hic enim alios, maxime Gentiles, a vobis averteret. At neque sit insulsus et dissolutus; sed sale modestie, gravitatis et discretionis conditur; ut sal opponatur σαπῶν, id est putri et scurrilli, ut dixi *Ephes. iv, 29, g. d.*, ait Chrysostomus:

Sermo vester jucundus sit, sed simul stringat, obturet, pungat et acuat.

Talis debet esse sermo præconum Evangelii, et eorum qui animas student Christo lucrificare.

Huic gratiæ mire studuerunt Gentiles. Ita Xenophon in sermone fuit suavissimus, indeque vocatus est « Musa Attica. » Ita Plato miram habuit sermonis gratiam. Quare cum adhuc infans in cunis dormiret, apes mellis copiam labellis ejus instillare visæ sunt; quod præsagi portendere dixerunt, ex ore Platonis melle dulciorem fluxuram esse orationem. Sciunt omnes quanta in Cicerone dicendi scribendique fuerit gratia. Xenocrates tristior et tetricus jussus est a Platone « Gratiis sacra facere, » ut comitatis elegantiam sibi conciliaret. « Nam tetricus vultus et sermo non urbibus, sed sylvis convenit, » inquit Plato. Protogenes pictor toto septennio in pingenda Jalyis imagine consumpto, tandem summam manum imposuit. Eam cum Apelles cerneret, primum substitit mutus et stupefactus, deinde inspiciens, ait: « Opus quidem magnum, artifexque excellens, verum operi gratia deest; quæ si adesset, assecutus esset auctor immortalæ gloriam. » Adjecit, « sibi cum Protogene omnia paria esse, aut illi meliora, sed uno se præstare, quod manum ille de tabula nesciret tollere. » Nimis enim morosi dum nimis omnia gratiosa exhibere cupiunt, gratiam perdunt. Ita Ælianus, lib. XII, cap. xli, et Plinius, lib. XXXV, cap. x.

ET S. ANSELMI. Moraliter, fusius id explicat Anselmus: « Sicut, inquit, cibus cui sal immiscetur, fit sapidus, et caro bene salita non putrescit, nec foetet; ita sit et sermo vester, ut quasi cibus sapidus recipiatur ab ore cordis audientium; non sit insipidus per

insipientiam, nec putidus per admonitionem carnalis delectationis, nec corruptus per admixtionem falsitatis; sed semper sale spiritualis sapientiæ conditus, et integritate veritatis incorruptus, atque odorem cœlestis et incorruptibilis delectationis spirans. Et ita condimentum divini salis habeat sermo vester. »

9. CUM ONESIMO, etc. 11. QUI EX VOBIS EST. — Id est, qui est ex vestra gente et urbe, scilicet est Colossensis, quales et vos estis. Id patebit ex Epistola ad Philemonem. — HI SOLI (scilicet ex domesticis meis, qui me comitari et adjuvare solent) SUNT ADJUTORES MEI IN REGNO DEI, — id est in prædicatione Evangelii, quod est via ad regnum Dei cœlestis: qui enim prædicat Evangelium, prædicat regnum cœlestis, et viam ad hoc regnum. Hinc S. Joannes et Christus et Apostoli hoc thema suæ prædicationis proposuerunt: « Pœnitentiam agite, appropinquavit enim regnum cœlorum. »

Hinc ergo ruit argumentum Bezæ: Si, inquit, hi (scilicet Aristarchus, Marcus et Jesus) soli erant Romæ cum Paulo, ergo Petrus Romæ non erat, nec Romæ sedit Pontifex viginti quinque annos. Respondeo: Hi soli erant Romæ cum Paulo quasi socii et domestici ejus; Petrus vero Romæ erat, sed seorsim evangelizabat. Adde Petrum ita sedisse, id est papatum constituisse Romæ, ut tamen quasi Pastor Ecclesiæ per vices sæpe discurreret per alias regiones, ibique fundaret Ecclesias, uti faciebant alii Apostoli.

12. SEMPER SOLLICITUS PRO VOBIS. — Græce ἀγωνίζομαι, id est certans et agonizans pro vobis est Epaphras vester nuper Episcopus.

UT STETIS PERFECTI, ET PLENI IN OMNI VOLUNTATE DEI, — id est in omni eo, in quo vult Deus nos esse perfectos et plenos, scilicet in sapientia et vita Christiana. Voluntas enim ponitur pro volito, id est objectum pro potentia, juxta *Can. 30 (2)*.

15. SALUTATE FRATRES, etc., ET NYMPHAM, (Nympha vir fuit, non mulier. Patet ex eo quod sequitur), ET QUÆ IN DOMO EJUS (Græce αὐτοῦ, id est ejus masculine, viri scilicet, non feminae) EST, ECCLESIAM, — id est domesticam ejus ecclesiam et familiam fidelem. Ita Theophylactus, licet Theodoretus putet Nympham hunc consecrasset domum suam in ecclesiam.

16. EAM QUÆ LAODICIENSIS EST, VOS LEGATIS. — Vers. 16. Putat Philastrius, lib. *De Hæresibus*, cap. xc, Paulum scripsisse ad Laodicenses, velleque hic ut ea Epistola Colossis legatur. Sixtus Senensis, lib. II, in *Paulo*, hanc epistolam ad Laodicenses recenset, eamque probat Faber Stapulensis. Ea sic habet: « Paulus Apostolus non ab hominibus, neque per hominem, sed per Jesum Christum

Epistola Pauli ad Laodicenses.

(1) Narr. pertinet hoc ad sapientiam conversandi cum extraneis, ut semper loci, temporum, personarum et rerum habeatur respectus.

(2) Alii: *Pleni*, hoc est, omnibus donis divinis instructi; *in omni voluntate Dei*, id est, ad omnem Dei voluntatem, scil. perficiendam.

ses apo-
crypha

tum, fratribus, qui estis Laodiceæ, gratia vobis et pax a Deo Patre nostro, et Domino Jesu Christo. Gratias ago Christo per omnem orationem meam, quod permanentes estis et perseverantes in operibus bonis, promissionem expectantes in die iudicii. Neque disturbent vos quorundam vaniloquia insimulantium veritatem, ut vos avertant a veritate Evangelii, quod a me prædicatur. Et nunc faciet Deus, ut qui sunt ex me, ad perfectum veritatis Evangelii, sint deservientes et benignitatem operum facientes, quæ sunt salutis vitæ æternæ. Et nunc palam sunt vincula mea, quæ patior in Christo; in quibus lætor et gaudeo. Et hoc est mihi ad salutem perpetuam, quod factum est in orationibus vestris administrante Spiritu Sancto, sive per vitam, sive per mortem. Et mihi vivere vita in Christo, et mori gaudium; et ipse in vobis faciet misericordiam suam, ut eandem dilectionem habeatis, et sitis unanimes. Ergo, dilectissimi, ut audistis præsentiam Domini, ita sentite et facite in timore; et erit vobis vita in æternum (est enim Deus qui operatur in vobis); et facite sine peccato, quæcumque facitis, et quod optimum est: dilectissimi, gaudete in Domino Jesu Christo, et cavele omnes sordes in omni lucro. Omnes petitiones vestræ sint palam apud Deum. Estote firmi in sensu Christi, et quæ integra, vera, et pudica, et casta, et justa, et amabilia sunt facite, et quæ audistis et accepistis, in corde retinete, et erit vobis pax. Salutant vos omnes sancti. Gratia Domini nostri Jesu Christi cum spiritu vestro. Amen. Hanc facite legi Colossensibus, et eam, quæ est Colossensium, vobis. » Sed supposititiam esse hanc epistolam patet, tum ex stylo, tum ex brevitate, tum quod frigidior sit; tum quod eadem contineat, quæ Epistola ad Colossenses, ex eaque aliisque Pauli Epistolis consarcinata sit, cum tamen eam quasi novi aliquid continentem Colossis legi jubeat hic Apostolus; tum denique quod veteribus incognita fuerit. Imo S. Hieronymus, in *Catalogo Scriptorum Eccles.*, in *Paulo*: « Legunt, ait, quidam Epistolam ad Laodicensis, sed ab omnibus exploditur. » Rursum Marcion putabat Epistolam ad Laodicensis esse Epistolam ad Ephesios: Theophylactus vero esse Epistolam primam ad Timotheum, quæ scripta est Laodiceæ.

Quænam
epistola
Laodicen-
sium?

Sed respondeo et dico Apostolum hic vocare Epistolam Laodicensem, non suam, quam ad Laodicensis scripserit, sed eam quam Laodicensis ad Paulum, vel certe ad ipsos Colossenses, ut vult Theodoretus, scripserint; in qua quædam inerant, quæ ad rem Colossensium pertinerent, ac proinde ab eis eam legi voluit Apostolus. Patet ex Græco textu, qui sic habet, καὶ τὴν ἐκ Λαοδικείας, id est et eam, quæ Laodiceæ, scilicet ad me scripta est, vos legite. Ita Chrysostomus, Syrus et Theodoretus, qui sic ait: « Non dixit Apostolus, Eam quæ ad Laodicensis; sed, Eam quæ ex Laodiceæ est, legite: illi enim de aliqui-

bus rebus ad eum scripserant. Verisimile est autem eos vel ea accusasse, quæ fiebant Colossis, vel eodem morbo cum eis laborasse; et ideo dixit hanc quoque epistolam esse legendam. » Maldonatus tamen in *Notis manuscr.* sic explicat: τὴν ἐκ Λαοδικείας, id est, inquit, quæ a Laodicensibus ad vos mittetur, a me ad eos scripta: in qua credibile est Paulum Laodicensis monuisse, ut eam ad Colossenses mitterent, sicut hic Colossenses monet, ut hanc ad Laodicensis mittant (1).

17. DICITE ARCHIPPO: VIDE MINISTERIUM, QUOD ACCEPISTI IN DOMINO (id est in Domini Ecclesia, a Domino, per Dominum, juxta *Can. 23*), **UT ILLUD IMPLEAS.** — Ministerium hoc fuit pastoratus, vel episcopatus Colossensium, in quo Archippus hic videtur successisse Epaphræ, qui jam captivus Romæ tenebatur in vinculis, ut patet ex Epistola ad Philemonem, vers. 23. Vult ergo Archippum hoc suum ministerium implere, id est plene et perfecte fungi suo episcopatu aut pastoratu, tanquam qui a Domino ministerium acceperit, q. d. Vide, Archippe, sis diligens in hac tua cura; Domini officium agis, Dominus tibi credidit has oves, eas a te repetet. Ita Theophylactus.

18. SALUTATIO MEA MANU PAULI. — Salutationem vobis propria mea manu ego Paulus subscribo. Hinc patet Paulum hucusque dictasse hanc epistolam et scripsisse aliena manu; hæc vero et quæ sequuntur deinceps ad finem usque, sua scripsisse manu. Ita Anselmus.

MEMORES ESTOTE VINCULORUM MEORUM, — tum ut pro me vincito oretis, tum ut meis vinculis in fide et constantia roboremini. Hæc enim memoria et exemplum quod vinctus sim et condemnatus, ait Theophylactus, magnam vobis afferet consolationem in omnibus tribulationibus. Imitatur Paulum S. Ignatius, qui epistolam suam ad *Philippenses* ita concludit: « Mementote vinculorum meorum, ut consumer in Domino. »

Moraliter S. Chrysostomus: « Deliciarum, inquit, concupiscentia prehenderis? recordare carceris Pauli: discipulus es illius et commilito. Quam rationem habet, commilitonem quidem tuum in vinculis esse, te vero in deliciis? In afflictionibus es? putas te derelictum esse? Audi sermones Pauli, et vide quomodo in afflictione esse, non sit derelictionis indicium. Velles sericis indui? memor esto vinculorum Pauli, et videbuntur tibi serica indumenta quibusvis fœtulentis panniculis abjectiora esse. Velles aureis indumentis amiciri? recordare vinculorum Pauli, et ostendent tibi nihil illa cæno protritito melius habere. Vis ornari capillis, formosaque videri? considera squalorem Pauli in carcere, et accenderis circa illam pulchri-

Omnes
Christia-
ni ad em-
endandam
animam
debent
contem-
plando
vincula
Pauli.

(1) Nonnulli intelligunt epistolam Pauli, quæ ad *Ephesios* inscribitur; quum enim eam fuisse encyclicam existant, ideoque Laodicea Colossensibus missam, merito ob hanc rem epistola ad *Laodicensis* videri et appellari potuit. Sed deest nobis lux historiae.

itudinem, hancque extremam deformitatem esse putabis, atque amare ingemiscas desiderio illorum vinculorum correpta. Vis odorama et fucum et quidquid ejusmodi est, tibi ipsi accommodare? cogita illius lacrymas. Triennium noctes et

dies a lacrymis non cessabat. Hoc ornatu genas tuas adorna. Lacrymæ istæ eas splendidiore facient. Non dico ut pro aliis illacrymes; vellem quidem et istud, et sublimius est; sed pro peccatis tuis hoc facere adhortor. »

COMMENTARIUS

IN PRIMAM EPISTOLAM

AD THESSALONICENSIS.

ARGUMENTUM.

Thessa-
lonica
metropo-
lis Mace-
doniæ.

Occasio
hujus
epistolæ
scriben-
dæ.

Argu-
mentum
Epistolæ.

Thessalonica, metropolis Macedoniæ, urbs fuit nobilissima, quæ prius Halia dicta, deinde a Philippo, Amyntæ filio, vocata est Thessalonica, vel quia in ea Thessalos vicerat, ut nomen sonat; vel, ut Strabo ait, a Thessalonica uxore : nunc Salonica dicitur, estque Judæorum statio et emporium. In hac ergo urbe Paulus prædicaverat Evangelium, brevique tempore multos Gentilium, ac præsertim nobilium matronarum converterat, ut patet *Act. xvii, 1* et seq. Hinc statim Judæi Paulo et Evangelio invidentes, contra eum concitarunt seditionem; fugit ergo Paulus Athenas, indeque Timotheum misit Thessalonicam, ut opus a se cœptum perficeret et fideles in fide confirmaret, ut patet hic, cap. *iii, vers. 2*. Rediit deinde Timotheus ad Paulum, eique a se gesta et Thessalonicensium in fide constantiam enarravit. Unde Paulus hanc ad eos scribit epistolam, qua constantiæ eorum congratulatur, eosque in fide confirmat, ut pro ea tuenda secum fortiter Judæorum et Gentilium persecutiones ferant.

Deinde, cap. *iv*, hortatur eos, ut fugiant fornicationem, otium, desidiam; ac de resurrectione et Christi ad judicium adventu eos instruit. Denique, cap. *v*, monet, ut ad diem judicii sancte vi-

vendo se comparent, vacentque charitatis operibus, orationi ac pietati (1).

Scriptam esse Athenis habent Græca et Syra in fine epistolæ. Idem docent Theodoretus, Oecumenius hic et Athanasius in *Synopsi*; sed verius est scriptam esse Corinthi anno Christi 52, ut docet Baronius (2); nam Timotheus jam Thessalonica ad Paulum redierat, ut ipse ait cap. *iii, vers. 6*. Timotheus autem ad Paulum rediit, non Athenis, ubi vix hæsisse videtur, sed Corinthi agentem, ut patet *Actor. xviii, 5*. Unde sequitur hanc primam esse omnium epistolarum quas scripsit Paulus, uti constanter asserunt Chrysostomus et Theodoretus.

Ubi et
quando
scripta?

(1) Hujus epistolæ partes, præter exordium et epilogum, duæ constitui possunt. *Prima* partim laudationes, partim historicas narrationes complectitur; in quibus tamen obliquæ hortationes ad constantiam in fide Christiana excitantes, passim delitescent, cap. *i-iii*. *Alterâ* pars tota est *ἐκπαίδευσις*, id est, præcepta et admonitiones ad piam sanctamque vitam continet, cap. *iv-v*. Huic parti secundæ per quamdam *παράθεσιν* insertæ sunt doctrinæ fidei, quæ contra dubitationes nonnullorum accurate exponuntur et vindicantur. Cf. Haneberg, op. cit. ad h. l.

(2) Vel potius ann. Christi 50, ait Sepp, op. cit. tom. II, p. 831. Vide *Chronicon* libro *Actorum* præfixum.

CAPUT PRIMUM.

SYNOPSIS CAPITIS.

Gratias agendo Deo, refricat Thessalonicensibus fervidam ipsorum conversionem ad Christum per efficaciam suæ prædicationis.

Deinde, vers. 6, laudat et corroborat eorum in fide constantiam.

1. Paulus, et Silvanus, et Timotheus Ecclesiæ Thessalonicensium in Deo Patre, et Domino Jesu Christo. 2. Gratia vobis, et pax. Gratias agimus Deo semper pro omnibus vobis, memoriam vestri facientes in orationibus nostris sine intermissione, 3. memores operis fidei vestræ, et laboris, et charitatis, et sustinentiæ spei Domini nostri Jesu Christi ante Deum et Patrem nostrum : 4. scientes, fratres, dilecti a Deo, electionem vestram : 5. quia Evangelium nostrum non fuit ad vos in sermone tantum, sed et in virtute, et in Spiritu Sancto, et in plenitudine multa, sicut scitis quales fuerimus in vobis propter vos. 6. Et vos imitatores nostri facti estis, et Domini, excipientes verbum in tribulatione multa, cum gaudio Spiritus Sancti : 7. ita ut facti sitis forma omnibus credentibus in Macedonia et in Achaia. 8. A vobis enim diffamatus est sermo Domini, non solum in Macedonia et in Achaia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. 9. Ipsi enim de nobis annuntiant qualem introitum habuerimus ad vos ; et quomodo conversi estis ad Deum a simulacris, servire Deo vivo et vero, 10. et exspectare Filium ejus de cœlis (quem suscitavit ex mortuis) Jesum, qui eripuit nos ab ira ventura.

Vers. 1.

1. PAULUS, ET SILVANUS, ET TIMOTHEUS ECCLESIAE THESSALONICENSIIUM IN DEO PATRE, ET DOMINO JESU CHRISTO, — id est in fide et religione Dei Patris et Jesu Christi, supple congregatæ, scribunt et salutem dicunt. Ubi recte advertit Theophylactus præpositionem *in* hic Filio tribui æque ac Patri, ut significetur æqualitas Filii cum Patre. Eodem modo, quo hic præpositionem *in*, etiam præpositionem *a*, tam Filio, quam Patri tribuit *epist.* II, cap. 1, vers. 2 : « Gratia vobis et pax a Deo Patre et Domino Jesu Christo. »

Silvanus est Silas. Nota secundo : Silvanus est Silas ; ex Hebræo enim nomine *Silas* Græci et Latini formarunt nomen sibi notius *Silvanus* ; hoc enim Latinum et Romanum est nomen. Perperam ergo Dorotheus, in *Synopsi*, Silvanum a Sila distinguit, quasi Silas Corinthiorum, Silvanus Thessalonicensium fuerit Episcopus.

Audi Manichæum resuscitantem hunc Silvanum, audi fanaticum. Constantinus quidam Manichæorum hæresim suscitari volens in Armenia, sub Constante Imperatore, nepote Heraclii, anno Christi 653, jactavit se esse Silvanum, qui tanquam fidus discipulus a Paulo missus est in Macedoniam, ostendensque discipulis suis Apostoli eodice, quem a Diacono acceperat : « Macedo-

nes, aiebat, estis : ego Silvanus, ad vos a Paulo missus. Quare justo Dei judicio a Justo quodam, quem manichæismo imbuerat, mercedem congruam recepit. Palatini enim jussis obsequens Justus, sumpto in manus saxo, Silvanum quasi alterum Goliath vi magna percussit et occidit, uti ex Theophane fuse narrat Baronius anno Christi 653. Ubi et addit assecclam Constantini Simeonem pari modo se appellasse Titum (cum cetus animas devorans potius vocandus esset), qui promde a Justiniano juniore Imperatore cum aliis Manichæis flammis exustus est anno Christi 683.

Nota tertio, Pauli modestiam, qui Timotheum et Silam discipulos suos sibi æquat et adnumerat in scribenda hac epistola.

Nota quarto : Non se vocat hic Apostolum, quia paucis tempore Thessaloniæ evangelizaverat, ita ut apostolatus ejus ibi per experientiam vix esset cognitus : necdum enim ulla ibi fundaverat Ecclesias, quod proprium erat Apostolorum munus.

3. MEMORES OPERIS FIDEI VESTRÆ, ET LABORIS, ET CHARITATIS, ET SUSTINENTIÆ SPEI DOMINI NOSTRI JESU CHRISTI ANTE DEUM ET PATREM NOSTRUM. — Nota primo : *Tō operis*, vel, ut Syrus, *operum fidei*, significat fidem non nudam et otiosam, sed opera-

tricem, ipsaque opera fidei ab Apostolo commendari. Ita Chrysostomus, Anselmus et alii.

Quis labor charitatis?

Nota secundo : Pro laboris et charitatis, Græca et Syrus legunt, *laboris charitatis* : sicut enim fidei tribuit opus, ita charitati tribuit laborem et spei sustinentiam. Ubi adverte, Apostolum per hæc tria, unum et idem significare, nimirum Thessalonicenses propter fidem, spem et charitatem in Christum multa a Judæis et Gentibus passos esse, adeo ut a Judæis Jason pro Paulo elabente protractus fuerit ad tribunal, Act. xvii, 6. Persecutiones ergo pro fide pati constanter, est opus fidei. Idem est « labor charitatis, » id est labor et molestia, quam sustinuerunt propter amorem Christi dilecti sui. Idem est « sustinentia » et patientia « spei, » ut mox dicam. Possunt tamen hæc ita commode secerni, ut « opus fidei » sit labor pro fide susceptus; multum enim eis laborandum erat, ut infirmi in fide Christiani tempore persecutionis in fide corroborarentur. « Labor charitatis » esse potest labor, quem suscipiebant, ut eos, qui ob fidem erant spoliati bonis, aut in exilium missi, solarentur et sustentarent. « Sustinentia spei » esse potest omnium ærumnarum in persecutione tolerantia ob spem gloriæ cœlestis. Ita Chrysostomus.

Nota tertio : « Sustinentiam spei » vocat constantiam spei, quam constanter in adversis sustinuerunt, id est sustentarunt et retinuerunt; unde Erasmus vertit, *quod permansistis in spe*; Ambrosius legit, *expectationis spei*, id est spei expectantis, de qua mox dicam.

Sustinentia spei est patientia ex spe ramii.

Secundo et aptius, « sustinentiæ spei, » id est patientiæ, et, ut Syrus, *tolerantiæ*, quam in persecutionibus habetis ex spe, vel propter spem præmii cœlestis. Ita Chrysostomus, Theophylactus, Anselmus. Unde posset cum Vatablo per hypallagen « sustinentia spei » accipi pro *spe sustinentiæ*, id est spe sustinente, tolerante, patiente; sicque clare hic locus verti potest. Memores operatricis et efficacis fidei vestræ et laboriosæ charitatis et tolerantis spei. Ubi adverte tria apta epitheta et quasi proprietates trium virtutum Theologicarum, fidei, spei, charitatis : fides enim debet esse operatrix, charitas laboriosa, spes patiens. Unde recte notavit Chrysostomus et alii, ab Apostolo nec fidem sine operibus, nec charitatem sine labore, nec spem sine patientia hic commendari.

fides debet esse operatrix, charitas laboriosa, spes patiens.

Nota quarto : Addit Apostolus, « Domini nostri Jesu Christi, » qui genitivi a genitivis *fidei*, *spei* et *charitatis*, qui præcesserunt, reguntur. Vocat ergo fidem, spem, charitatem Jesu Christi, sive quia hæc virtutes dantur a Christo et per Christi merita; sive potius, quia feruntur in Christum qua Deus est et homo, quasi in objectum suum, et labor earum suscipitur propter Christum et Christi amore, spe ac desiderio. Unde vers. ultimo id explicans ait : « Expectare Filium ejus de cœlis, » q. d. Hac spe sustinetis persecutiones, ærumnas et labores pro fide, quia creditis et ama-

tis Christum, eumque expectatis judicem, ut vos præmiet et glorificet. Hac enim spe vir justus ad omnem fortunæ motum immotus firmusque quasi cubus, imo quasi rupes consistit in sua fide et probitate. Ita Anselmus. Unde et Ambrosius, ut dixi, legit hic, *memores*, etc., *expectationis spei Domini nostri Jesu Christi*, id est spei expectantis Dominum nostrum Jesum Christum.

Nota quinto : Quod subdit Apostolus, « ante Deum et Patrem nostrum, » vel refertur ad *memores*, vel potius ad *fidei*, *spei* et *charitatis*, q. d. Memor sum vestræ patientiæ et laboris, quem sustinetis pro fide, spe et charitate Christi, non fictæ et simulate, sed « ante Deum, » id est sine fūco, vere, sincere, coram Deo. Est hic ingens stimulus ad fortiter agendum et patiendum, si cogitemus nos ante Deum, in Dei oculis et pro Deo ipso laborare, pati, certare. « Magna, inquit Boetius, nobis injecta est necessitas bene agendi, quod in conspectu Judicis cuncta cernentis omnia agimus. » Hinc Deus, Gen. xvii, 1, hoc medium et excitamentum ad omnem perfectionem Abrahamo suggessit, dicens : « Ambula coram me, et esto perfectus, » q. d. Cogita præsentiam meam; me facta tua omnia coram intueri : ita studebis et anniteris, ut opera tua quam optime et perfectissime facias.

Acer stimulus est memorie præsentis Dei.

4. SCIENTES, FRATRES DILECTI A DEO, ELECTIO- Vers. 4.

NEM VESTRAM, — q. d. Scio, non fide, non certa demonstratione, aut physica evidentiâ, sed ex signis et conjecturis : quia scilicet vestræ fidei, constantiæ, patientiæ, charitatis opera video, inde scio, id est pro probabiliter colligo, « vestram electionem, » id est vos esse electos ad gratiam et amicitiam Dei, et, si in ea perseveretis, ad gloriam et fruitionem ejusdem. Ita Theophylactus. Vide Can. 13. Nam Apostolum proprie et immediate loqui de electione ad gratiam, non autem ad gloriam, patet ex sequentibus; sequitur enim :

5. QUIA EVANGELIUM NOSTRUM NON FUIT AD VOS Vers. 5.

IN SERMONE TANTUM, SED ET IN VIRTUTE, — id est, potentia et efficacia miraculorum confirmatum fuit.

ET SPIRITU SANCTO. — Syrus vertit, *in spiritu sanctitatis* : sanctitas enim doctrinæ et vitæ prædicantium, valde eorumdem doctrinam credibilem facit et persuadet. Secundo, « in Spiritu Sancto, » id est in largitione Spiritus Sancti et donorum ejus, quæ Apostoli in primitiva Ecclesia, in baptismo etiam visibiliter largiebantur, faciendo, ut credentes linguis peregrinis loquerentur, prophetarent, dæmones et morbos depellerent, etc., ut patet Actor. x, 44, et alibi. Ita Theodoretus, Anselmus et alii.

ET IN PLENITUDINE MULTA. — D. Thomas bifariam accipit : Primo, « in plenitudine, » supple, donorum Spiritus Sancti, ne se minus donorum accepisse putarent Gentiles, quam acceperant Judæi. Secundo, « in plenitudine, » supple, illustrationis, q. d. Nihil vobis defuit plenæ instructionis earum rerum, quæ ad fidem pertinent. Verum hæc non

Quod

πληρο-
φεια,
id est ple-
nitudo?

conveniunt cum Græco πληροφορία, quæ vox signi-
ficat plenam certitudinem et certam persuasio-
nem, ut dixi Rom. xiv, 5. Unde Ambrosius legit,
non in phantasia, sed in veritate plenitudinis, id est
plena, pleneque probata et certa veritate, q. d.
Nihil defuit Evangelio meo apud vos ad plenam
illi fidem faciendam. Quod Theophylactus refert
ad toleratas pro Evangelio afflictiones, eo quod
non sit probabile quemquam pro vana doctrina
tantum velle pati malorum, quantum Paulus et
Apostoli patiebantur pro Evangelio. Sed hoc ar-
ctius est: Apostolus enim «plenitudinem multam»
vocat omnia argumenta, quibus plenam Evange-
lio suo fidem faciebat, puta miracula, linguas,
prophetias, sanctitatem, patientiam aliaque quæ-
libet: nemo enim prudenter potest credere, nisi
hæc, vel his similia signa fieri, vel facta esse pro
Evangelio sciat, quæ plane persuadeant viro pru-
denti rem, ad quam confirmandam adhibentur,
esse credendam.

Vers. 6.

6. ET VOS IMITATORES NOSTRI FACTI ESTIS ET DO-
MINI. — Pathetice S. Bernardus, serm. 1 in Qua-
drag. : « Quidni, ait, caput suum membra se-
qua ntur? Si bona suscepimus ab hoc capite, mala
autem quare non sustineamus? An respuere tristia
volumus, et communicare jucundis? Si ita est,
indignos nos capitis hujus participatione proba-
mus: omne enim quod ille patitur, pro nobis
est. Felix membrum quod huic adhæserit per
omnia capiti, et sequetur illud quocumque ierit.»
Et mox: « Mihi omnino adhærere tibi bonum
est, o Caput gloriosum et benedictum in sæcula,
in quod et angeli prospicere concupiscunt. Se-
quar te quocumque ieris: si transieris per ignem,
non avellar a te. Tu dolores meos portas, et pro
me doles. Tu prius transis per angustum passio-
nis foramen, ut latum præbeas sequentibus mem-
bris ingressum (metaphora a corpore et a capite
sumpta; quo enim caput pertuperit, facile est
subingredi corpus). »

Admira-
bile est
in tribu-
lari ne
gaudere.

EXCIPIENTES VERBUM IN TRIBULATIONE MULTA, CUM
GAUDIO SPIRITUS SANCTI. — Nihil magis admira-
bile, quia nihil magis naturæ contrarium est,
quam in tribulatione gaudere. Solent enim afflicti
plorare, murmurare, queri, desperare: sed Spiritus
Sanctus, qui natura superior est et per tribu-
lationes bona cælestia et divina repromittit, efficit,
ut homo hæc bona sibi proponens in tribulatione,
quo magis affligitur, eo magis gaudeat. « Hoc
vero eorum est, ait S. Chrysostomus, qui jam
humanam naturam transcendunt, corpusque
habent quasi nullis passionibus obnoxium. Sic et
Christus, quamvis multas afflictiones pertulerit,
gavisus tamen est. Ad hoc enim sponte sua ve-
nit et nostri gratia seipsum exinanivit, conspuen-
dus, alapis percutiendus et crucifigendus; atque
ita gavisus est ista patiens, ut Patri dixerit: Cla-
rifica me, Joan. xvii, 1. Afflictio in corporalibus,
gaudium in spiritualibus. » Causam subdit: « Non
enim natura afflictionum hoc habet, ut gaudium

pariant; sed istud ex ea afflictione est, quæ prop-
ter Christum toleratur et ex spiritu irrorante, et
per caminum tentationum in requiem ac recrea-
tionem constituyente. Cum gaudio, inquit, non
simpliciter, sed multo; hoc enim est Spiritus Sanc-
tus. »

7. ITA UT FACTI SITIS FORMA (græce τύποι, id est, Vers. 7.
exemplaria, typi, et, ut Syrus atque Ambrosius, in
exemplum) OMNIBUS CREDENTIBUS IN MACEDONIA ET
IN ACHAIA.

8. A VOBIS ENIM (a vestra fide, patientia, cons- Vers. 8.
tantia, zelo, ait Theodoretus) DIFFAMATUS (divul-
galus) EST SERMO DOMINI. — Græce ἐξήχηται, id est
resonuit quasi echo et exsonuit quasi tuba, ait
Theophylactus. Vatablus vertit, a vobis ebuccina-
tus est sermo Domini; Syrus, a vobis manavit fa-
ma sermonis Domini, id est prædicationis Evange-
licæ: ut scilicet omnes hanc novam fidem Chris-
tianam admirentur et ament propter vestram
Christianam, piam et sanctam vitam, quam sciunt
vos ex fide hausisse et imbibisse.

IN OMNI LOCO — fidelium scilicet, vel ubi fidei
et fidelium est notitia: commode enim τὸ ὅμνι
ad presentem materiam limitandum et accipien-
dum est.

FIDES VESTRA (rumor et fama fidei et sanctitatis
vestræ) QUÆ EST AD DEUM (in Deum, erga Deum)
PROFECTA EST, — hoc est, dimanavit: loquitur
enim, inquit Theophylactus, de fide eorum, quasi
de re animata, quæ egressa et profecta, omnia
loca perambularit. Sic enim vulgus et poetæ fa-
mam pingunt quasi juvenem alatum, qui omnia
celerrime pervolat. Hinc Virgilius:

Fama
pingitur
cum alis.

Fama malum, quo non aliud velocius ullum,
Mobilitate viget, viresque acquirit eundo.

ITA UT NON SIT NOBIS NECESSE QUIDQUAM LOQUI, —
q. d. inquit Theophylactus: Adeo vehemens et
efficax est fidei vestræ fama, ut neque exspectent
nos homines quidquam de vobis dicere; sed
narrare incipientes, præveniant ipsi nos, vestra
nobis bona annuntiantes et deprædicantes.

9. IPSI ENIM DE NOBIS ANNUNTIANT, QUALEM IN- Vers. 9
TROITUM HABUERIMUS AD VOS, — id est, quam mira-
bilis efficaxque fuerit meus ad vos introitus;
nimirum, ut medios licet inter hostes et persecu-
tiones constitutus, intrepide tamen evangelizarim,
plurimosque ex vobis a simulacris ad Deum ve-
rum converterim, ut sequitur. Hunc introitum
suum fusius describit Paulus, cap. seq. vers. 1
et seq.

Rursum Theophylactus: « Ipsi, ait, homines
annuntiant, quod noster ad vos adventus refertus
fuerit innumeris mortibus, vos tamen non estis
offensi in nobis. Quin etiam vos in pericula prop-
ter nos incidentes, non aversi estis a nobis, sed
sic nobis adhærebatis, ceu innumeris bonis a no-
bis aucti essetis. Secundus autem ille accessus
ejus erat. Etenim profectus in Berrhæam, perse-
cutionem passus est; ac inde veniens, sic est re-

ceptus, ut et animas suas, adeoque vitam pro eo impenderent. Hactenus Theophylactus.

QUOMODO CONVERSI ESTIS AD DEUM A SIMULACRIS, SERVIRE (ut serviretis) DEO VIVO ET VERO. — Monet eos ut recordentur a quibus ad quem transierint, ut dignam sua conversatione, christianismo et Deo vivo et vero, vitam agent. « Simulacris, » id est diis falsis et inanimis, puta aureis et saxeis, opponit Deum vivum et verum, q. d. Vivit vigetque Deus, sentitque honorem et servitium sibi

a vobis impensum, ac consequenter uti suos hostes ulciscetur, ita vos servos suos copiose præmiabit et remunerabitur.

10. ET EXPECTARE (ut expectetis) FILIUM EJUS ^{Vers. 10.} DE COELIS (qui in iudicio vos hisce persecutionibus liberabit, et gloriæ corona donabit. Ipse enim per suam gratiam) ERIPUIT NOS (a peccati miseria quam incurreramus, ac consequenter) AB IRA VENTURA, — id est a damnatione æterna nobis ob peccata infligenda ab irato Deo.

CAPUT SECUNDUM.

SYNOPSIS CAPITIS.

Apostolus, ut Thessalonicenses incitet ad constantiam in Christi fide et persecutionibus, ostendit eis sinceritatem, sanctitatem et zelum prædicationis suæ octo argumentis, scilicet primo, ex illius fructu, vers. 1.

Secundo, ex persecutionum, quæ Actor. XVII et XVIII narrantur, tolerantia, vers. 2.

Tertio, ex doctrina sana et pura, quam docuit, vers. 3.

Quarto, ex sancta intentione, qua non quærens favores et opes, nec gloriam hominum, sed Dei tantum, prædicavit, vers. 4 et seq.

Quinto, ex eo quod eos tam tenere educarit in fide, quam tenere mater amat et educat suos filios, quodque pro eis vitam suam tradere voluerit, vers. 7 et 8.

Sexto, quod ne eos gravaret, sibi victum pararit nocte et die laborando, vers. 9.

Septimo, quod sancte et irreprehensibiliter inter eos vixerit, vers. 10.

Octavo, ex testimonio Thessalonicensium, qui Evangelium Pauli acceperunt, ut verbum non hominum, sed Dei, ideoque dira ab impiis et invidis Judæis passi sunt, vers. 13 et seq.

Denique, ut eos ad se et fidem Christi magis alliciat, declarat subinde maternum in eos affectum, ideoque eos vocat suam spem, gaudium, coronam et gloriam, vers. 19. Itaque Apostolus hoc capite in seipso vivam veri prædicatoris et pastoris Ecclesiæ effigiem et ideam exhibet, quam sibi fugiter nostri Pastores ob oculos ponant, imitando octo ejus dotes et virtutes jam recensitas.

1. Nam ipsi scitis, fratres, introitum nostrum ad vos, quia non inanis fuit : 2. sed ante passi, et contumeliis affecti (sicut scitis) in Philippis, fiduciam habuimus in Deo nostro, loqui ad vos Evangelium Dei in multa sollicitudine. 3. Exhortatio enim nostra non de errore, neque de immunditia, neque in dolo ; 4. sed sicut probati sumus a Deo, ut crederetur nobis Evangelium : ita loquimur non quasi hominibus placentes, sed Deo, qui probat corda nostra. 5. Neque enim aliquando fuimus in sermone adulationis, sicut scitis : neque in occasione avaritiæ, Deus testis est : 6. nec quærentes ab hominibus gloriam, neque a vobis, neque ab aliis. 7. Cum possemus vobis oneri esse ut Christi Apostoli : sed facti sumus parvuli in medio vestrum, tanquam si nutrix foveat filios suos. 8. Ita desiderantes vos, cupide volebamus tradere vobis non solum Evangelium Dei, sed etiam animas nostras : quoniam charissimi nobis facti estis. 9. Memores enim estis, fratres, laboris nostri et fatigationis : nocte ac die operantes, ne quem vestrum gravaremus, prædicavimus in vobis Evangelium Dei. 10. Vos testes estis, et Deus, quam sancte, et juste, et sine querela, vobis, qui credidistis, fuimus : 11. sicut scitis, qualiter unumquemque vestrum (sicut pater filios suos), 12. deprecantes vos, et consolantes, testificati sumus, ut ambularetis digne Deo, qui vocavit vos in suum regnum et gloriam. 13. Ideo et nos gratias agimus Deo sine intermissione : quoniam cum accepissetis a nobis verbum auditus Dei, accepistis illud,

non ut verbum hominum, sed (sicut est vere) verbum Dei, qui operatur in vobis, qui credidistis. 14. Vos enim imitatores facti estis, fratres, Ecclesiarum Dei, quæ sunt in Judæa in Christo Jesu : quia eadem passi estis et vos a contribulibus vestris, sicut et ipsi a Judæis : 15. qui et Dominum occiderunt Jesum, et Prophetas, et nos persecuti sunt, et Deo non placent, et omnibus hominibus adversantur : 16. prohibentes nos Gentibus loqui ut salvæ fiant, ut impleant peccata sua semper : pervenit enim ira Dei super illos usque in finem. 17. Nos autem, fratres, desolati a vobis ad tempus horæ, aspectu, non corde, abundantius festinavimus faciem vestram videre cum multo desiderio : 18. quoniam volumus venire ad vos : ego quidem Paulus, et semel, et iterum, sed impedivit nos Satan. 19. Quæ est enim nostra spes, aut gaudium, aut corona gloriæ? Nonne vos ante Dominum nostrum Jesum Christum estis in adventu ejus? 20. vos enim estis gloria nostra et gaudium.

Vers. 1. 1. SCITIS, FRATRES, INTROITUM NOSTRUM AD VOS, QUIA NON INANIS FUIT. — Pro *inanis*, græce est *κενὴ*, id est *vacua*, q. d. Adventus et prædicatio mea apud vos non fuit otiosa et evanida, non caruit sua molestia aut persecutione, aut digna materia, aut sinceritate, aut sanctitate, aut fructu; idque toto reliquo capite demonstrat, ut dixi in argumento. Quod enim eam non solum fructu non vacuum fuisse, sed etiam persecutionibus aliisque jam dictis eandem non caruisse docere velit, patet ex particula adversativa « sed, » quæ sequitur, cum ait :

Vers. 2. 2. SED ANTE PASSI (Græce *προπαθόντες*, id est *malis afflicti*) ET CONTUMELIIS AFFECTI IN PHILIPPIS, FIDUCIAM (tamen) HABUIMUS (Græce *ἐπαρρησιασάμεθα*, id est *libertate, audacia usi sumus, audaces et intrepidi fuimus*) LOQUI AD VOS (ad loquendum et prædicandum vobis) EVANGELIUM DEI IN MULTA SOLLICITUDINE. — Græce *ἐν πολλῷ ἀγωνίᾳ*, id est *in multo agone, lucta, certamine, et consequenter « in multa sollicitudine, »* ut vertit Noster, qualis esse solet eorum qui in agone decertant. Forte etiam Noster pro *ἀγωνίᾳ*, legit *ἀγωνίᾳ*. Agonia enim est extrema sollicitudo, qualis est eorum qui cum morte conflictantur : sed prius est verius; nam *Coloss. II, 1*, Græcum *ἀγῶνα*, æque ut hic, noster Interpres vertit, *sollicitudinem*.

Agon Pauli. Hic ergo est agon prædicationis Evangelii, in quo cum dæmone, Judæis, Gentibus, Philosophis, tyrannibus, magistratibus, ærumnis, persecutionibus, omnique adversitate, Paulo et Apostolis certandum fuit. Unde hujus agonis sæpius meminit, ut sciant præcones Pauli assecræ in agone gravi et difficili sibi esse certandum. Sic *I Cor. IX, 26* : « Ego, inquit, sic curro, non quasi in incertum; sic pugno, non quasi aerem verberans : sed castigo corpus meum, et in servitutem redigo, ne forte, cum aliis prædicaverim, ipse reprobis efficiar. » Hujus agonis certamina et duella enumerat *II Cor. XI, 23* : « In laboribus, ait, plurimis, in carceribus abundantius, in plagis supra modum, » et quod sequitur. Et *II Cor. IV, 8* : « In omnibus, inquit, tribulationem patimur, sed non angustiamur, etc. Semper mortificationem Jesu in corpore nostro circum-

ferentes, ut et vita Jesu manifestetur in corporibus nostris. » Coronam vero agonis hujus describit *II Timoth. IV, 7* : « Bonum, inquit, certamen certavi, cursum consummavi, fidem servavi : in reliquo reposita est mihi corona justitiæ, quam reddet mihi Dominus in illa die justus iudex. »

3. EXHORTATIO ENIM NOSTRA NON DE ERRORE FUIT (1). Vers. 3. — Græce *ἐκ πλάνης*, id est *errore*, non tam decepti, quam decipientis, hoc est, ex impostura, q. d. Non fui impostor, non ex studio vobis imponendi prædicavi. Id patet ex meis periculis capitis, quæ apud vos prædicans subivi : impostores enim non solent se in pericula conjicere, sed sua lucra et delicias aucupari. Verum Noster melius vertit, « de errore, » q. d. Non prædicavi falsa dogmata, uti faciunt Philosophi et Gentium doctores, ac sacerdotes : sumit enim *ἐκ* pro *πρὸ*, id est *ex* pro *de* : nam Hebræum *min* utrumque significat. Id patet ex sequenti.

NEQUE DE IMMUNDITIA. — Ubi rursum Græce *ἐκ ἀκαθαρσίας*, id est *ex immunditia*; quod licet proprie capi possit, q. d. Non prædicavi ex animo immunditiarum et libidinum avido, ut ad eas auditores pellicerem; longe tamen melius veritas, « de immunditia, » q. d. Non docui immunda, sive carmina magica, ut magi vestri, inquit Theophylactus; sive potius opera, licere videlicet fornicari, deliciari, inebriari, qualia docent Pagani et hæretici Simoniani : sed omnis prædicatio mea fuit de veritate, de castitate, continentia, virginitate. Hoc magnum est argumentum religionem Christianam esse veram, sanctam, a Deo profectam, nimirum quod tantam doceat puritatem, quod suadeat cælibatum, quod tot millia virginum educaverit. Videant Novantes hic an eorum religio vera sit, quæ sic virginitatem aversatur, docetque tam impura et sacrilega monachorum, sacerdotum et virginum Deo dicatarum connubia, licita et sancta esse : cum vel ipsi Gentiles Romani Vestalium suarum virginum nuptias morte punierint, easque vivas in terram defoderint.

Signum veræ religionis est vitæ puritas et virginitas.

(1) Το enim rationem indicat cur Paulus magno animo et successu apud Thessalonicenses prædicavit.

NEQUE IN DOLO. — Id est cum dolo, *q. d.* Prædicatio mea non fuit dolosa, non conjuncta cum hypocrisi, quasi captarem me et mea lucra, et interim meæ avaritiæ prætexuerim Christum, ejusque Evangelium: dolum enim hunc occultam avaritiam interpretatur vers. 3. Aliter Chrysostomus: «Non in dolo,» inquit, id est non in novitate, vel seditione, qualem instituit Theodas ille rebellium princeps, *Actor. v, 36.*

Vers. 4. 4. SICUT PROBATI SUMUS A DEO. — «Probat,» id est electi: Deus enim Paulum probavit, id est elegit, et eligendo dignum et probatum fecit Apostolum et Evangelii præconem, *Actor. ix, 15:* «Vas electionis est mihi iste, ut portet nomen meum coram Gentibus, et regibus, et filiis Israel.» Aliter Maldonatus in *Notis manuscr.:* «Probat,» inquit, hoc est non approbati, sed, examinati, explorati, «sumus a Deo, qui probat,» id est examinat, «corda nostra.»

NON QUASI HOMINIBUS PLACENTES (hoc est, placere cupientes et satagentes; «placentes» enim conatum et actum inchoatum significat, juxta *Can. 32*), SED DEO, QUI PROBAT (id est expendit et explorat) CORDA NOSTRA, — id est intentionem; desideria et fundum cordis nostri.

Vers. 5. 5. NEQUE ALIQUANDO FUIMUS IN SERMONE ADULATIONIS. — Syrus, *nunquam usi sumus sermone adulatorio*, id est nemini sumus adulati: sic enim Græcum γίνεσθαι, id est esse, ut respondeat Hebræo הָיָה *haia*, more Hebræorum ample et varie sumit Apostolus, cap. i, vers. 6, et hic vers. 7, 10 et alibi.

Gnomæ Gentilium de adulatione. Adulationem non tulerunt Gentiles in suis, quis Christianus eam ferat in Christiano, maxime Apostolo? Pythagoras asserebat potius gaudendum esse redarguentibus, quam assentantibus, quos etiam hostibus deteriores judicabat. Diogenes dictitabat melius esse incidere in κάρκακας quam κολακκας, id est in corvos quam in parasitos: hi enim viventis animum corrumpunt, illi solum mortui corpus. Antisthenes adulatores comparabat meretricibus: sicut enim hæ bona omnia, præter mentem et prudentiam, suis amatoribus imprecantur; ita hi eadem optant iis quibuscum agunt. Crates aiebat eos qui inter adulatores viverent, desertos esse, non aliter quam vituli inter lupos. Bion interrogatus, «quod esset animal omnium maxime noxium? Si de feris, inquit, percuncteris, tyrannus; si de mitibus, adulator;» testis Laertius, lib. I, cap. vi. Diogenes rursum blandam orationem ad gratiam compositam, vocabat melleum laqueum, quod blande amplectens hominem jugulet. Idem Aristippum philosophum vocabat regium canem, quod Dionysio Siciliæ tyranno adularetur; est enim canis animal ad assentationem promptissimum. Themistius philosophus cum videret Joviani Imperatoris aulam assentatoribus referatam, ex moribus deprehendi ait, purpuram eos magis quam Deum colere: testis Nicephorus, lib. X, cap. xlii. Plato cum

Diogenem offendisset olera lavantem, dixit illi ad aures: «Si Dionysio morem gessisses, profecto non lavares olera;» Diogenes vicissim Platoni in aures ait: «Si tu lavares olera, Dionysio non inservisses.» Phocion Antipatro amico petenti quid iniquum: «Non potes, inquit, o Antipater, Phocione simul amico et adulatore uti.» Amicus enim non ad quidvis obsequitur, adulator autem in omnibus obsecundat. Constantinus Imperator tantus erat spadonum et adulatorum hostis, ut eos tineas et sorices palatii appellaret: testis Nicephorus, lib. VIII, cap. liv. Sigismundus Imperator adulatori alapam dedit, dicentique: Cur me cædis, Imperator? respondit: «Cur me mordes, adulator?» testis Æneas Sylvius, lib. II *De Gestis Alfonsi*. Denique Alfonsus, Aragonum rex, adulatores suæ curiæ aiebat esse similes avibus circumvolantibus trirēmen, attentisque si quis bolus ex trirēmi excideret, ut illum excipiant, et mox avolent. Refert Panormius, lib. I *De Gestis Alfonsi*.

NEQUE IN OCCASIONE AVARITIÆ, — id est occasionem avaritiæ, sive avare congregandi opes et ditandi me, non captavi, non sum aucupatus ex Evangelio. Ita Syrus, Vatablus, Anselmus.

Potest secundo, Græcum προφάσει verti, *prætextu, q. d.* Avaritiæ meæ non prætexui Evangelium, quasi illud propter se non quærerem, sed occulte illud dirigerem ad avaritiam meam, ut ex Evangelio illam explerem, meque locupletarem. Ita Vatablus.

DEUS TESTIS EST. — En jurat Apostolus, et Deum in testem vocat. Discant hic Anabaptistæ juramentum in se esse bonum, esseque actum virtutis, quæ dicitur religio, qua Deum honoramus, uti sacrificia ei offerendo, sic et per eum jurando, ac dicta nostra confirmando; hoc enim ipso testamur et profiteamur Deum esse primam, summam et infallibilem veritatem, qui magnus et honor et laus Dei est; ac proinde non tantum in veteri, sed in novo quoque Testamento licitum est jurare, uti hic jurat Apostolus.

Secundo nota, quam gravi attestacione amolietur a se suspicionem adulationis et avaritiæ: nihil enim veritatis præconi ita necessarium est atque sinceritas, et rectæ intentionis opinio ac fama, ut auditores sibi persuadeant non sua, sed se suamque salutem ab eo quæri.

Vers. 7. 7. CUM POSSEMUS VOBIS ONERI ESSE UT CHRISTI APOSTOLI: SED FACTI SUMUS PARVULI. — Pro sed, latinius et clarius diceretur *tamen*; vel certe omissa vocula cum, retineri posset vocula sed, *q. d.* Poteram vobis oneri esse, sed malui esse parvulus.

Nota: Pro oneri esse, Græce est ἐν βάρει εἶναι, quod primo, verti potest, *in pondere et auctoritate esse*, et hoc melius respondet ei, quod præcessit: «Non quærentes ab hominibus gloriam.» Unde Ambrosius legit, non oneri, sed honori esse; huic enim statim opponit, subdens: «Sed facti sumus

Jurat Paulus.

parvuli. » Secundo, verti potest, graves esse in accipiendo sumptu et alimonia a Thessalonicensibus : de onere enim alimonie loqui Apostolum patet ex vers. 9, et ex eo, quod tam avaritiam, de qua præcessit, quam fastum hoc versu a se amoliri nitatur Apostolus. Utrumque significat nostrum *oneri esse*, scilicet graviter et ex auctoritate exigere tam honorem, ait Chrysostomus et Syrus, quam sumptum, ait Theophylactus; utrumque enim jure naturæ et divino præstare debent catechumeni et discipuli suis magistris, Apostolis et præconibus, a quibus docentur et instruuntur. Hebræum enim כבד *cabad*, tam onerare, quam honorare significat. Unde illud Decalogi, Exodi xx : « Honora patrem et matrem » (ubi pro honora in Hebræo est כבד *cabbed*), verti potest, Onera patrem et matrem, debito scilicet honore et alimonia, ac muneribus : est enim honor onus quoddam, quod honorantes honoratis præstare debent.

Ab Hebræis honor vocatur onus : cur?

Mira comitas S. Pauli, qua omnes sibi devinuit.

Comitas ornat doctorem.

SED FACTI SUMUS PARVULI. — In Græco duplex est lectio, et utramque tangit Theophylactus. Quædam exemplaria legunt *παιδια*, id est *parvuli*; quædam *τρυφαι*, hoc est *blandi, comes* : sed eodem redit utraque lectio; q. d. Non fui severus magister et exactor tam honoris, quam sumptus mihi pro mea prædicatione a vobis debiti, sed factus sum vobiscum quasi parvulus, comis, blandus, imo quasi nutrix aut mater, quæ cum infante suo balbutit et colludit, cumque alit ac tovet : sic enim et ego quasi nutrix blandissima et amantissima balbutiens de deitate et humanitate Christi, et blanda cæli præmia quasi lac vobis ingerens et promittens, vobiscum quodammodo collusi, ac vobis me meaque omnia impendi, adeo ut cuperem cum Evangelio animam meam vobis tradere, ut sequitur. Ita Chrysostomus, Anselmus, Theophylactus.

Nota primo : Apostolum, Episcopum, Doctorem maxime decet et ornat comitas, affabilitas et suavitas morum. Apostoli enim est neminem suo fastu et supercilio gravare, sed lenitate omnes delinire sibi que devincire : sic enim quoscunque volet, flectet eos, vitamque cum suis aget tum utilissimam, tum suavissimam. Vide de suavitate amicitie disserentem hic Chrysostomum, hom. 2, ante finem. Quin et Gentiles idipsum docuerunt. Antalcidas, inquit Plutarchus, in Lacon. apophthegmat., rogatus, quo pacto quis maxime placere possit hominibus? Si, inquit, loquatur illis jucundissime, præstet autem utilissima. Reprehendendi sunt, qui cum re sint fideles, tamen officium orationis asperitate corrumpunt : his pejores sunt, qui sermone benigni, re lædunt : pessimi vero, qui cum verbis molesti sunt, tum factis noxii.

Vers. 8.

8. ITA DESIDERANTES VOS. — Græce *ἐπιπόμνοι*, id est cum affectu desiderantes; vel, ut Vatablus, affectu propensi in vos. Theophylactus legit *ἐπιπομνοὶ ὑμῶν*, id est obligati vobis vobisque agglu-

tinati : compositum enim est *ἐπιπόμναι* ab *ἐποῦ*, hoc est simul, et *ἐπώ*, id est complico, connecto.

CUPIDE VOLEBAMUS TRADERE VOBIS NON SOLUM EVANGELIUM DEI, SED ETIAM ANIMAS NOSTRAS, — ut nimirum animam, id est vitam, pro vobis per martyrium profunderem. Verum quia dicit « tradere vobis, » non autem, *pro vobis*, et quia amorem nutricis hic se æmulari dicit, planius et efficacius sic accipiemus, q. d. Ita vos quasi factus meos, ego quasi mater et nutrix amo et depereo, ut non solum lac et ubera mea, sed et animam meam, si possem, vobis tradere cuperem : amor enim summus totum se in amatum transfert, et hæc est summa amicitia, qua se totum amicus amico communicat. Hinc Christus, ut summum nobis amorem ostenderet, animam suam ac seipsum totum nobis in Eucharistia communicavit, ac in dies communicat : sed hoc nec Paulus, nec alius homo facere potest re ipsa, sed voto tantum et desiderio. Sic S. Job domesticis suis se tam amabilem et charum fuisse dicit, ut cuperent sua carne vesci ac frui. « Si non dixerunt, ait cap. xxxi, 31, viri tabernaculi mei : Quis det de carnibus ejus, ut saturemur? » quæ phrasis et hyperbole tantum ingentem in eis Jobi amorem et desiderium significat; nec enim re ipsa et efficaciter ejus vesci carnibus voluissent.

Mirus S. Pauli amor in suos.

9. NOCTE AC DIE OPERANTES. — Græca addunt *νύκτα καὶ ἡμέραν*, « nocte enim et die operantes, » et sic sensus est clarior : est enim hic nova sententia.

Vers. 9.

10. QUAM SANCTE. — Græce *ὡς ἁγίως*, id est, quam sancte, pie, timorate, quanta religione, reverentia ac cultu Dei; q. d. Memor semper me Dei negotium in ejus oculis agere.

Vers. 10.

JUSTE, — ut nemini injuriam fecerim, sed cuique, quod suum est, tribuerim.

ET SINE QUERELA, — ἀμειπτός, id est inculpate, ita ut nemo de me queri poterit.

VOBIS, QUI CREDIDISTIS, FUIBUS — id est vobiscum versati sumus, vobiscum nos gessimus : ample enim et varie sumit Græcum *γίνεσθαι*, ad instar *היה* *haia* Hebræorum, ut dixi vers. 5.

11. UNUMQUEMQUE VESTRUM (refer ad « deprecantes et consolantes ») TESTIFICATI SUMUS, — id est obtestati sumus et rogavimus, sicut « pater solet filios » charissimos rogare et obtestari, ut digne suis majoribus vivant. Notat S. Chrysostomus τὸ *unumquemque vestrum*, atque stupens exclamat : « Papæ! in tanta multitudine neminem omittit : non parvum, non magnum; non divitem, non pauperem. » Imitentur Paulum Parochi et rectores animarum, ut singulas, cum opus est, visitent, doceant, hortentur, consolentur. Sic enim pastor oves singulas inspicit, pascit, dirigit.

Vers. 11.

12. TESTIFICATI SUMUS (id est obtestati sumus : Vers. 12. ita Theophylactus) UT AMBULARETIS DIGNE DEO, QUI VOCAVIT VOS IN SUUM REGNUM ET GLORIAM. — Magnum eis stimulum addit ad patientiam persecutionum et omnem virtutem, dicens : « Digne

Deo, qui vocavit vos in suum regnum. » Si enim ad regnum nos vocat Deus, et regnum cœleste, illudque divinum et æternum, quis pro hoc regno non ferat honorum jacturam, exilia, verbera, mortem denique ipsam? ita Chrysostomus et Theophylactus. Qui bene ponderat et æstimat quid sit Deus, quid sit homo, quæ hominis erga Deum obligatio, quam purus ac sanctus sit Deus, quamque pure et sancte a nobis Christianis colivet: hic sciet, quid sit digne ambulare Deo.

Secundo, alium stimulum addit subdens:

Vers. 13. 13. CUM ACCEPISSETIS A NOBIS VERBUM AUDITUS DEI. — « Auditus, » scilicet vestri, quo vos a me verba Dei audistis; vel potius, « verbum auditus Dei » est verbum auditum a Deo, seu, quod ego et Apostoli a Deo audivimus et accepimus. Sic Isaïas, cap. LIII, vers. 1, ait: « Domine, quis credidit auditui nostro? » hoc est sermoni nostro, quem a te, Domine, audivimus (1).

Obiectum formale fidei est revelatio Dei. ACCEPISSETIS ILLUD, NON UT VERBUM HOMINUM, SED (SICUT EST VERE) VERBUM DEI. — Hinc patet, quod objectum formale fidei, sit revelatio non hominis, vel angeli, sed Dei; sive, esse dictum, auditum et revelatum a Deo, ut si quæras a fideli: Cur credis Deum esse trinum in personis, et unum in substantia? ipse, si præcise et formaliter respondeat, dicet: Id credo, non quia hoc Ecclesia docet, non quia Apostoli, non quia Patres hoc docuerunt; sed quia hoc dixit et revelavit de se Deus. Sicut enim verbum legati fidem habet apud eos, ad quos legatus mittitur, non quia legatus verbum est, sed quia verbum est regis, qui legatum misit ad hoc verbum proloquendum, ut non tam legatus, quam rex per legatum loquatur: sic et verbum Pauli et Apostolorum fidem habet, non quia Pauli, sed quia Dei verbum est, qui Paulum misit ac per Paulum loquitur. Atque hinc oritur certitudo fidei, quæ nos de articulis, quos fide credimus, ita certos reddit, ut id omne negare malimus, quod sensus nobis dicat, quod scientia nobis demonstrat, quod omnes homines et angeli dicunt, quam id negare quod dictat fides: nititur enim fides Deo revelante, quæ prima et infallibilis est veritas, cui omnis alia veritas cedere debet.

Inde oritur certitudo fidei.

QUI (DEUS) OPERATUR IN VOBIS, QUI CREDIDISTIS. — Græce τοῖς πιστεύουσιν, qui creditis. « Operatur, » supple fidem, ut credatis, et credere pergatis verbis meis, eaque exequi satagatis. Ita Anselmus.

Vers. 14. 14. ECCLESiarum DEI, QUÆ SUNT IN JUDEA IN CHRISTO JESU, — id est quæ in fide et religione Christi Jesu sunt perseverantes, juxta Can. 37.

QUIA EADEM PASSI ESTIS ET VOS A CONTRIBULIBUS VESTRIS, SICUT ET IPSI A JUDEIS. — Græcum συμφορῶν magis significat eos, qui ejusdem sunt

gentis, quam tribus: intelligit enim Judæos, ut patet ex vers. seq., Thessalonica indigenas, qui uti persecutionem in Paulum concitarunt, Actor. XVII, 5, ita deinde eandem derivarunt in Christianos a Paulo conversos, ut illi bonis mulctarentur et proscriberentur: hoc enim in Judea Christiani passi sunt a Judæis, ut patet Hebr. x, 24: « Rapinam, ait, bonorum vestrorum cum gaudio suscepistis. »

15. QUI (scilicet Judæi) ET DOMINUM OCCIDERUNT JESUM, ET DEO NON PLACENT (id est maxime displicent, per miosin), ET OMNIBUS HOMINIBUS (id est omnium hominum salutem) ADVERSANTUR (quia scilicet Christo Salvatore, illius Evangelio, nobisque ejus præconibus pertinacissime resistunt, et ardentissime persequuntur), PROHIBENTES NOS GENTIBUS LOQUI UT SALVÆ FIANT, — ut sequitur. Ita Chrysostomus, Theodoretus, Anselmus.

UT IMPLEANT PECCATA SUA SEMPER. — Nota, τὸ ut non finem, sed consecutionem significare hic, uti et alibi sæpe, q. d. Ii Judæi continuo peccata peccatis tam parentum, quam suis, maxime illis, quibus Christum occiderunt, accumulunt quasi hæreditaria improbitate, quoad impleant mensuram, quam designavit Deus, ut ea impleta, omnia eorum peccata simul et plene puniat ever-sione totius gentis per Titum et Romanos.

Nota secundo: Hac phrasi, « implere peccata sua, » semper significatur hæreditaria impietas, quasi natura tota sit corrupta et depravata.

Tertio, hinc patet, Deum urbibus, regnis, et a pari proportionem impiis privatis, certum statuisse peccatorum cumulum, ad quem pœnam vel vindictam differt, donec impleatur, ut illo impleto, omnia simul et perfecte vindicet et castiget. Idem patet Genes. xv, 16, ubi Deus terram Chanaan Abraham promissam, ei dare distulit per quadringentos annos: « Necdum enim, inquit, completæ sunt iniquitates Amorrhæorum usque ad præsens tempus, » q. d. Post quadringentos annos complebuntur Amorrhæorum iniquitates, tumque eos exscindam, et te, id est posteros tuos Hebræos, in terram eorum inducam. Sic Matth. XXIII, 32 et 35: « Et vos implete mensuram patrum vestrorum, » ut, sicut illi Prophetas occiderunt, ita vos me et Apostolos occidatis, « ut veniat super vos omnis sanguis justus, qui effusus est super terram, a sanguine Abel justi usque ad sanguinem Zachariæ, filii Barachie, quem occidistis inter templum et altare. » Ubi adverte, patres cum filiis unum censi civili æstimatione. Unde parentum merita vel demerita in filios redundant, ita tamen ut filii parentum peccata imitantes non gravius puniantur, quam propria peccata demereantur: dicuntur nihilominus filii parentum peccata luere, quia parentes improbos imitantur, itaque cumulum peccatorum a Deo vindictæ designatum adaugent et implent, ut illius ira in eos tum deserviat; quæ non deservisset, nisi parentum peccata ad hunc cumulum et

Vers. 15.

Vers. 11.

Quid sit implere peccata?

Mensura peccantium a Deo statuta, ut ea impleta regna et res publica puniant.

(1) Verbum auditus, Græc. λόγος ἀκούε, id est doctrina audita, simpliciter est pro λόγος, vel ἀκοή, alterutro redundante.

ad hanc mensuram conficiendam præcessissent.

Duplex hic lectio. **PERVENIT.** — Duplex hic est lectio: alii legunt, *prævenit*; alii et melius, *pervenit*. Ita Romana, Syrus, Vatablus et alii.

IRA (id est ultio: græce ἰσχυρία, q. d., ait Theophylactus: Ira illa et ultio insignis et inevitabilis, quam eis prædixit et comminatus est Christus) **IN FINEM**, — id est ad extremum (hoc enim est Hebræum לַנֶּצֶחַ *lanetsach*, quo alludit Paulus), q. d. **Extrema**, perpetua et implacabilis ira Dei pervenit in Judæos, quia scilicet a Deo destinati sunt et jam vicini exitio præsentis per Titum (vigesimo enim anno ab hac scripta epistola Judæam evertit Titus), et æterno gehennæ per Christum. Ita Anselmus, D. Thomas et alii. Ubi adverte: Hæc ira et ultio Dei in Judæos duplex est: prior culpæ, eorum scilicet in peccatis excæcatio, obduratio, reprobatio; posterior pœnæ, excidium videlicet præsens, et æternum, ut dixi, gehennæ incendium.

Potest *secundo*, Græcum ἐκλάσας verti *occupavit*, *prævenit*, ut legit Ambrosius, et sic vertit Noster et alii, cap. iv, vers. 15, q. d. Decretum Dei de ulciscendo peccata Judæorum, jam occupavit eos, ejusque executio brevi præveniet eos inopinatos, nihil scilicet tale expectantes, ut, cum ex toto orbe tempore Paschatis Hierosolymam Judæi confluent, tunc subito a Tito in ea concludantur, obsideantur, ac penitus deleantur; uti contigisse narrat Josephus. Græcum enim ἐκλάσας significat aliquid subitum et inexpectatum, quod metum et spem cogitationemque hominis prævenit ac prævertit.

Vers. 17. **17. NOS AUTEM, FRATRES, DESOLATI A VOBIS.** — Græce ἀπορφανισθέντες ἀπ' ὑμῶν, id est disjuncti a vobis, et quasi patres vel matres filiis suis orbat et orphani facti. Ita Theodoretus.

AD TEMPUS HORÆ, — id est breve, horarium. Sic Horatius:

Horæ momento cita mors venit, aut victoria læta.

Queritur hic Paulus, quod per Judæorum persecutionem tam cito a Thessalonicensibus avulsus fuerit, et quasi foetibus necdum satis provectis et adultis orbat, *Actor. xvii, 10*.

Vers. 18. **18. SED IMPEDIVIT NOS SATANAS.** — Querit S. Basilus in *Regul. brevior.*, interrog. 275, Quæ et quomodo Pauli et Sanctorum bona opera impedire possit Satanas? ac respondet: « Recte, ait, facta, quæ in sola animi voluntate posita sunt, hæc nullo modo impedire Satanas potest. Quæ vero ejusmodi, ad quæ consequenda necessaria est etiam opera corporis, in his plerumque etiam Deus nasci impedimenta permittit, vel probandi, vel detegendi causa illius qui impeditur: ut vel, si a recto proposito destiterit, convictus, qualis sit detegatur: ut hi qui supra petram fuerant seminati, qui ad modicum tempus susceperunt quidem verbum cum gaudio, exorta autem tribulatione, statim recesserunt; vel, si in recto perseveraverit, clarius appareat studium ipsius in

recte factis, ut ipsius Apostoli, qui cum sæpe Romam petere decrevisset et prohibitus esset, ut ipse fassus est, tamen eatenus in ea voluntate permanere non destitit, quoad etiam effecit quod statuerat. »

19. QUÆ EST ENIM NOSTRA SPES, AUT GAUDIUM, AUT CORONA GLORIÆ? NONNE VOS ANTE DOMINUM (id est in conspectu Domini, coram Domino) **NOSTRUM JESUM CHRISTUM ESTIS IN ADVENTU EJUS?** — q. d. Vos estis spes mea, gaudium meum et corona mea, non formalis, sed objectiva sive materialis, quia estis materia et objectum spei, gaudii et coronæ meæ: spero enim et gaudeo me in adventu Christi ad judicium ab eo recepturum coronam gloriæ pro labore vobis ad Christum convertendis impenso.

Nota *primo*: Cum ait Paulus: « Corona gloriæ, » respicit ad Hebræum תִּפְהֶרֶת *tipheret*, id est decus, ornatus, splendor, gloria, magnificentia. Noster Interpres subinde dignitatem, subinde jactantiam, subinde pulchritudinem, sed crebrius gloriam vertit, ut *Psal. lxxxviii, 18*: « Gloria (hebraice *tipheret*) virtutis eorum tu es; » hoc est, robor et decus eorum tu es, Domine. Et *Isaias, lxii, 3*: « Eris corona (hebraice *tipheret*) gloriæ in manu Domini. » Sic Paulus Thessalonicenses hic vocat suum *tipheret*, id est suum decus, coronam et gloriam.

Nota *secundo* contra Novantes: Si Paulus hic Thessalonicenses sine ulla Dei aut Christi injuria vocat suam spem, suum gaudium, imo suam coronam gloriæ, cur non possimus vocare et invocare beatam Virginem, quæ mater Dei est et cœli regina, spem nostram, matrem misericordiæ, vitam et dulcedinem nostram? Quid hic injurium est Christo? imo quid non honorificum Christo? Nonne gloria matris est Filii gloria? nonne mater intercedendo pro nobis apud Filium, per Filium consolationem, misericordiam, vitam et salutem nobis largitur? Advocatum in curia vocare possum spem causæ, aut veniæ obtinendæ: cur non possim ita vocare matrem Dei, quæ mihi advocata est in curia cœlesti, et veniam ac gratiam mihi impetrare potest? Pie et vere S. Bernardus, serm. *De Nativ. B. Mariæ*: « Exaudietur, inquit, mater pro sua reverentia; exaudiet utique matrem Filius, et exaudiet Filium Pater. Filioli, hæc peccatorum scala, hæc mea maxima fiducia est, hæc tota ratio spei meæ. »

Exclamat hic ex Chrysostomo Theophylactus: Nonne hæc sunt matrum verba, omnino misericordiæ et charitatis visceribus inflammatarum, parvulos pueros suos alloquentium? Non satis erat coronam dicere, ut dilectionis suæ fervorem indicaret; sed apposuit gloriæ, sive gloriationis: hoc enim est Græcum στεφανίτης.

Ubi nota, coronam hic dupliciter accipi posse: *primo*, pro ipso præmio beatitudinis, de quo gloriabatur Apostolus; *secundo*, pro ipsis Thessalonicensibus a Paulo conversis, qui Paulum in die

Vers. 19.

Fideles erant corona et gloria Pauli.

B. Virgo erat vocaturus tra spes, vita, dulcedo.

judicii stipaturi sunt instar coronæ, de qua gloriabitur coram Deo, angelis et hominibus. De hac corona pulchre S. Gregorius, hom. 17 in *Evang.* : « Pensemus, ait, quod lucrum Deo fecimus nos, qui accepto talento, ab eo ad negotium missi sumus. Etenim dicit : Negotiamini dum venio. Quale ei animarum lucrum de nostra negotiatione monstrabimus? quot ejus conspectui animarum manipulos de prædicationis nostræ segete illaturi sumus? Ponamus ante oculos nostros illum tantæ districtiois diem, quo Judex veniet et rationem cum servis suis, quibus talenta credidit, ponet. » Deinde coronam fidelium singulos Apostolos cingentem describens subdit : « Ecce in majestate terribili, inter Angelorum atque Archangelorum choros videbitur. Ibi Petrus cum Judæa conversa, quam post se fraxit, apparebit. Ibi Paulus conversum, ut ita dixerim, mundum ducens. Ibi Andreas post se Achaiam, ibi Joannes Asiam, Thomas Indiam in conspectum sui judicis regis conversam ducet. Ibi omnes Dominici gre-

Coronam
fidelium
trahent
post se
Apostoli
in die ju-
dicii.

gis arietes cum animarum lucris apparebunt, qui sanctis suis prædicationibus Deo post se subditum gregem trahunt. Cum igitur tot pastores cum gregibus suis ante æterni Pastoris oculos venerint, nos miseri quid dicturi sumus, qui ad Dominum nostrum post negotium vacui redimus, qui pastorum nomen habuimus, et oves, quas ex nutrimento nostro debeamus ostendere, non habemus? » De hac corona plura dixi *Philip.* cap. IV.

20. VOS ENIM ESTIS GLORIA NOSTRA ET GAUDIUM. Vers 20.
— Similem Christi sententiam ex Evangelio secundum Hebræos citat S. Hieronymus in cap. V ad *Ephes.*, nimirum hanc : « Nunquam læti sitis, nisi cum fratrem videritis in charitate. » Vere S. Chrysostomus : « Nunquam, inquit, vel mater, vel pater, etiamsi in unum conspiraverint, amoremque suum utrinque commiscuerint, talem poterunt ostendere amorem, qui Paulo ex æquo respondeat : Gaudium, inquit, et corona. Magis, inquit, in vobis gaudeo, quam in corona. »

CAPUT TERTIUM.

SYNOPSIS CAPITIS.

Docet se ad Thessalonicenses misisse Timotheum, ut eos in fide confirmaret.

Deinde, vers. 6, redeunte ad se Timotheo, ex eoque cognita illorum constantia, mire gavisum esse.

Mox, vers. 9, pro eadem Deo gratias agit, oratque Deum ut eos revisere, et in fide perficere sibi concedat.

Denique, vers 12, ad hoc Dei in eos benedictionem invocatur, ut adaugeat eorum charitatem et sanctitatem.

1. Propter quod non sustinentes amplius, placuit nobis remanere Athenis, solis : 2. et misimus Timotheum fratrem nostrum, et ministrum Dei in Evangelio Christi, ad confirmandos vos et exhortandos pro fide vestra, 3. ut nemo moveatur in tribulationibus istis : ipsi enim scitis quod in hoc positi sumus. 4. Nam et cum apud vos essemus, prædicebamus vobis passuros nos tribulationes, sicut et factum est, et scitis. 6. Propterea et ego amplius non sustinens, misi ad cognoscendam fidem vestram : ne forte tentaverit vos is qui tentat, et inanis fiat labor noster. 6. Nunc autem veniente Timotheo ad nos a vobis, et annuntiante nobis fidem et charitatem vestram, et quia memoriam nostri habetis bonam semper, desiderantes nos videre, sicut et nos quoque vos : 7. ideo consolati sumus, fratres, in vobis in omni necessitate et tribulatione nostra per fidem vestram, 8. quoniam nunc vivimus, si vos statis in Domino. 9. Quam enim gratiarum actionem possumus Deo retribuere pro vobis in omni gaudio, quo gaudemus propter vos ante Deum nostrum, 10. nocte ac die abundantius orantes, ut videamus faciem vestram, et compleamus ea quæ desunt fidei vestræ? 11. Ipse autem Deus et Pater noster, et Dominus noster Jesus Christus, dirigat viam nostram ad vos. 12. Vos autem Dominus multiplicet, et abundare faciat charitatem vestram in invicem, et in omnes, quemadmodum et nos in vobis : 13. ad confirmanda corda vestra sine querela in sanctitate, ante Deum et Patrem nostrum, in adventu Domini nostri Jesu Christi cum omnibus sanctis ejus. Amen.

Vers. 1. 1. PROPTER QUOD NON SUSTINENTES. — Græce *μη ἐνείκεντες*, id est non amplius ferentes, supple, desiderium cognoscendi res vestras et vobiscum agendi, misimus hac de causa Timotheum, quasi internuntium ad vos.

PLACUIT NOBIS REMANERE ATHENIS, SOLIS. — Dices : *Actor. xvii, 15*, dicitur Paulus ex Bercæ et Thessalonica evocasse Silam et Timotheum ad se Athenas; ergo non remansit solus Athenis. Respondeo : Evocavit eos, sed statim remisit Thessalonicam; quod, licet *Actor. xvii* non dicatur, hinc tamen colligitur, et ex eo quod *Actor. xviii, 5*, Silas et Timotheus dicantur rediisse ad Paulum non jam Athenis, sed Corinthi agentem : si redierunt, ergo jam post congressum mutuum, de quo *Actor. xvii, 15*, rursum discesserant ab eo.

Vers. 2. 2. MINISTRUM DEI. — Græca et Syra addunt, *καὶ συνεργὸν ἡμῶν*, et cooperatorem nostrum.

AD CONFIRMANDOS VOS, ET EXHORTANDOS PRO FIDE VESTRA, — id est pro stabilitate et incremento fidei vestræ procurando. Ita Theophylactus.

Secundo simplicius, Græci et Syrus *περὶ* capiunt pro *ὑπὲρ*, hoc est *super*, quod respondet Hebræo *לְעַל*, q. d. Ut confirmem et exhorter vos super fide vestra, vel circa fidem vestram, vel in fide vestra : hæc enim omnia significat Hebræum *al*.

Vers. 3. 3. UT NEMO MOVEATUR IN TRIBULATIONIBUS ISTIS (persecutionibus Judæorum et Gentium); IPSI ENIM SCITIS, QUOD IN HOC POSITI SUMUS — Syrus vertit, *ad hoc destinati sumus*, ad sustinendas videlicet persecutiones et tribulationes. S. Chrysostomus : « Non dixit simpliciter, inquit, Tentamur; sed, In hoc positi sumus; pro eo quod est, ad hoc facti sumus, hoc est opus nostrum, hæc nostra vita, et tu requiem quæris? » Dicit ergo cum S. Sebastiano quilibet Christianus illud, quod Jeremias de se in typo Christi et cujusque Christiani dicit et canit *Thren. iii, 12* : « Posuit me (Deus) quasi signum ad sagittam, misit in renibus meis filias pharetræ suæ, » id est sagittas suas, puta tribulationes.

Dicat quivis patiens cum S. Job, cap. *xvi*, vers. 13 : « Posuit (Deus) me sibi quasi in signum, » id est in scopum, in quem sua omnia tela conijciant inimici. Audiant hoc omnes Christiani, ait Theophylactus, se nimirum ad hoc positos et vocatos esse, puta ad crucem cum Christo et pro Christo fortiter sustinendam. Sic finis, inquit Chrysostomus, milites Christi, si patientiæ armis induamur. Sic finis martyres Christi, si diabolus vincamus : si enim pateris et sustines, fugiet diabolus. Prædixit id Apostolus generali sententia II *Timoth. iii, 12* : « Omnes, qui pie volunt vivere in Christo Jesu, persecutionem patientur. » Imo Christus ipse, *Joan. xvi, 33* : « In mundo, inquit, pressuram habebitis; sed confidite, ego vici mundum. »

« Hanc rationem, ait Seneca, lib. *De Constantia sapientis*, sequitur Deus in bonis viris, quam in discipulis suis præceptores, qui plus laboris ab

his exigunt in quibus certior est spes; et quam in militibus duces, qui optimos milites ad durissimam mittunt. Sic ignem experitur in Mucio, paupertatem in Fabricio, exilium in Rutilio, tormentum in Regulo, venenum in Socrate, mortem in Catone. Ut severi parentes filios durius educant, ita Deus suos, idque ut inde, imo doloribus et damnis, colligant robur. Dicant hi ergo : Digni visi sumus Deo, in quibus experiretur quantum humana natura pati possit (imo quantum et gratia et amor Dei possit). Ecce par Deo dignum vir fortis cum mala fortuna compositus; ecce spectaculum Deo dignum. » Hæc et plura sparsim Seneca loco citato.

5. PROPTEREA ET EGO AMPLIUS NON SUSTINENS (de siderium scilicet agnoscendi fidem et res vestras : de quo vers. 1) NISI (Timotheum) AD COGNOSCENDAM FIDEM VESTRAM.

NE FORTE TENTAVERIT VOS (et tentando vicerit, ac de fide aut constantia dejecerit) IS QUI TENTAT. — Græcum *ὁ πειράζων* est participium, quod more Hebræo ponitur pro nomine *πειραστής*, id est ille tentator, qui Christum et Sanctos omnes tentavit et tentat, cujusque ars tentare est, puta Satanas, de quo *Matth. iv, 3*.

8. QUONIAM NUNC VIVIMUS, SI VOS STATIS IN DOMINO, — q. d. Licet ad mortem usque affligamur, dum tamen audivimus vestram constantiam et fidem, quam habetis in Domino, quasi reviviscimus et a mortuis excitamur.

Exclamat hic Anselmus : « O quam mollia viscera gestabat Apostolus, quando circa filios suos tanto æstu amoris inhiabat, ut diceret : Nunc vivimus, si vos statis in Domino ! Metuebat nimis, ne sui discipuli in prædicatore suo tot persecutionum probra cernerent, fidem in Deo despicerent, contra quam imminentes passionum contumeliæ prævalerent. Et ideo minus dolebat in tormentis, sed magis filiis de tormentorum suorum tentatione metuebat : parvi pendebat in se plagas corporis, dum formidaret in filiis plagas cordis. » Et paulo inferius : « Securus erat de mercede sua, etsi discipuli caderent, et tamen velut si in casu illorum mercedem sui laboris perderet, in statu ipsorum dixit se vivere : nolebat enim vivere illis cadentibus, sed illis stantibus in Domino, ut fructus ejus esset illis integer, et merces ejus apud Deum plena gaudiorum. »

9. QUAM GRATIARUM ACTIONEM POSSUMUS DEO TRIBUERE PRO VOBIS (de vobis) IN OMNI GAUDIO (super omni gaudio), QUO GAUDEMUS PROPTER VOS (in fide inter adversa constantes) ANTE DEUM NOSTRUM, — coram Deo nostro : hoc enim est Græcum *ἐμπροσθεν*.

10. NOCTE AC DIE ABUNDANTIUS (ὑπὲρ ἐκ περισσοῦ, q. d. Super ex abundanti, id est, ut Ambrosius, abundantissime, eximie, mirifice, supra modum : ita Vatablus) ORANTES, — id est, oramus. Hebræi enim participium usurpant pro indicativo.

UT VIDEAMUS FACIEM VESTRAM, ET COMPLEAMUS EA

crucis : cur?

Omnes Christiani vocantur ad crucem.

Dens meritis majoribus imponit

QUÆ DESUNT FIDEI VESTRÆ. — Græce est, καὶ καταρτίζοι τὰ ὑστερήματα τῆς πίστεως ὑμῶν, *q. d.* Ut perficiam artus, membra et compagines, quæ adhuc desunt fidei vestræ, ut ita corpus fidei vestræ integretur et omnibus suis partibus quasi membris perficiatur: Græcum enim καταρτίζοι, dicitur de corpore quod suis artubus et membris integratur, completur et perficitur. Eodem sensu dixit Paulus se implere τὰ ὑστερήματα, id est ea quæ desunt passionibus Christi, *Coloss. i, 24, q. d.* Opto vos videre, ut imperfectam evangelizationem meam et instructionem vestram, quam ob Judæorum persecutionem abrumpere coactus sum, absolvam et perficiam.

Corpus
fidei suis
membris
perficitur.

Vers. 12. **12. VOS AUTEM DOMINUS MULTIPLICET,** — ut numerus fidelium, quem relinquere coactus sum, multiplicetur et numero augeatur.

ET ABUNDARE FACIAT CHARITATEM VESTRAM IN INVICEM, ET IN OMNES. — Ita Romana, sed Græca habent, καὶ περισσεύσαι τῇ ἀγάπῃ εἰς ἀλλήλους, καὶ εἰς πάντας, id est et abundantes, sive exuberantes faciat mutua inter vos charitate, et in omnes: sed mutato licet casu, eodem tamen redit sensus.

QUEMADMODUM ET NOS IN VOBIS, — supple, charitate jam dicta abundavimus. Ita Anselmus.

13. AD CONFIRMANDA CORDA VESTRA (potest ad *Vers. 13.* Paulum referri, *q. d.* Charitate abundavi in vos, ut confirmarem corda vestra in sanctitate. *Secundo* et melius, referas ad Deum, *q. d.* Deus abundare faciat charitatem in vobis ad hoc, ut confirmet corda vestra), **SINE QUERELA** (græce ἀμείπτως, id est irreprehensibilia) **IN SANCTITATE** (ut scilicet ita in sanctitate confirmata sint, ut nemo de eis, eorumque impuritate aut vitio queri possit, idque) **ANTE DEUM** (id est coram Deo, ita ut Deus nihil in cordibus vestris culpare possit, sed tota esse sancta judicet), **IN ADVĒTU DOMINI NOSTRI JESU CHRISTI,** — supple, ut sint et inveniantur corda vestra sancta et sine querela in adventu Christi, quo cum omnibus Sanctis veniet ad iudicium. Apostolus enim spiritu plenus conglomerat hic multa, quæ affectus suggerebat, nec de verbis est sollicitus, sed verba nonnulla subticet et subaudit, juxta *Can. 38.*

Vere S. Chrysostomus hic, *homil. 4*: « Paulus, inquit, cum videret dilectorum quorundam lacrymas, ita perfringebatur et contrebatur adamas ille, ut diceret: Quid facitis flentes et contentes cor meum? Nam omnibus resisto, una *Act. xii.* dempta dilectione: illa me vincit et superat. » ^{12.}

CAPUT QUARTUM.

SYNOPSIS CAPITIS.

Pergit hortari ad vitam Christianam, puram et sanctam, atque ad fugam fornicationis.

Secundo, vers. 9, reficit eis studium charitatis fraternæ, et vers. 11, fugam otii et laborem manuum.

Tertio, vers. 12, agit de fide et spe resurrectionis: scilicet ne contristentur in sua vel suorum morte, asseverat, quod fideles pie mortui brevi resurgent, ita ut non tam mortui quam dormire videantur; quodque Christo cum tuba Archangeli venienti ad iudicium omnes simul occurrent in aera, ut semper cum eo sint et regnent in caelo.

1. De cætero ergo, fratres, rogamus vos et obsecramus in Domino Jesu, ut, quemadmodum accepistis a nobis, quomodo oporteat vos ambulare et placere Deo, sic et ambuletis, ut abundetis magis. 2. Scitis enim quæ præcepta dederim vobis per Dominum Jesum. 3. Hæc est enim voluntas Dei, sanctificatio vestra: ut abstineatis vos a fornicatione, 4. ut sciat unusquisque vestrum vas suum possidere in sanctificatione et honore, 5. non in passione desiderii, sicut et Gentes, quæ ignorant Deum: 6. et ne quis supergrediatur, neque circumveniat in negotio fratrem suum: quoniam vindex est Dominus de his omnibus, sicut prædiximus vobis, et testificati sumus. 7. Non enim vocavit nos Deus in immunditiam, sed in sanctificationem. 8. Itaque qui hæc spernit, non hominem spernit, sed Deum: qui etiam dedit Spiritum suum Sanctum in nobis. 9. De charitate autem fraternitatis non necesse habemus scribere vobis: ipsi enim vos a Deo didicistis ut diligatis invicem. 10. Etenim illud facitis in omnes fratres in universa Macedonia. Rogamus autem vos, fratres, ut abundetis magis, 11. et operam detis ut quieti sitis, et ut vestrum negotium agatis, et operemini manibus vestris, sicut præcepimus vobis; et ut honeste ambuletis ad eos qui foris sunt, et nullius aliquid desideretis. 12. Nolumus autem vos ignorare, fratres,

de dormientibus, ut non contristemini, sicut et cæteri qui spem non habent. 13. Si enim credimus quod Jesus mortuus est, et resurrexit: ita et Deus eos, qui dormierunt per Jesum, adducet cum eo. 14. Hoc enim vobis dicimus in verbo Domini, quia nos, qui vivimus, qui residui sumus in adventum Domini, non præveniemus eos qui dormierunt. 15. Quoniam ipse Dominus in jussu, et in voce Archangeli, et in tuba Dei descendet de cælo: et mortui, qui in Christo sunt, resurgent primi. 16. Deinde nos, qui vivimus, qui relinquimur, simul rapiemur cum illis in nubibus obviam Christo in aera, et sic semper cum Domino erimus. 17. Itaque consolamini invicem in verbis istis.

Vers 1. 1. **AMBULARE ET PLACERE DEO.** — Ita de Henoch dicitur, *Genes. v*, vers. 22: «Ambulavit Henoch cum Deo, » *q. d.* Henoch ita sancte et pie vixit, quasi Deum semper præsentem præ oculis haberet, et revereretur; ideoque in omni opere cautissimus, modestissimus, religiosissimus semper incedebat, eratque Deo, Deique voluntati per omnia consentiens, perinde ac homo cum homine amico, vel domino suo ubique et indivulse inambulans, illi per omnia consentit, illi in omnibus se conformat. Unde tulit et rapuit eum ad se Dominus, tanquam altiore terra, Deo angelisque dignum, imo familiarem. Hinc Abrahamæ mandat Deus, *Genes. xvii*, 1, dicens: «Ego Deus omnipotens, ambula coram me, et esto perfectus.» Magna ars et sapientia est nosse ambulare cum Deo.

SIC ET AMBULETIS, UT ABUNDETIS MAGIS. — *q. d.* Rogo vos ut sic conversemini, ut in dies proficiatis in via incepta, scilicet ut conemini quotidie vos ipsos superare, progredi et excellere in vita et virtutibus Christianis. Ita Anselmus. Græca non habent *τὸ sic et ambuletis*, sed tantum *ὡς περισσούτερον μᾶλλον*, id est, ut abundetis magis, supple, in hac ambulatione et placentia (ut ita loquar) Dei. Chrysostomus et Theophylactus sic explicant: Ut abundetis magis, id est, inquit, ut aliquid supra mandatum cupiatis facere, ut imperata superetis; quemadmodum enim terra non ea solum semina, quæ accepit, reddit et profert: sic animus non debet in acceptis consistere, sed ea etiam transcendere. »

Christiana non est stare, sed ambulare in via virtutis.
Nota: Christiani est non stare, sed ambulare et proficere semper in virtute et vita Christiana, ut sibi quotidie dicat illud *Psal. lxxvi*, 11: «Dixi: Nunc cœpi; » et illud *Psal. lxxxiii*, 8: «Ibunt de virtute in virtutem; » hebraice *מחיל אל חיל* *mechail el chail*, id est, ut Hieronymus vertit, *ibunt de fortitudine in fortitudinem*, quia scilicet, fient indices gratia Dei fortiores, ut ascendant in Sion, id est in cælum, ubi palam videant Deum deorum. Pulchre S. Bernardus *ad Drogonem*, epist. 34: «Nemo, inquit, perfectus est qui perfectior esse non appetit; et in eo quoque perfectiorem se probat, quod ad majorem tendit perfectionem.»

Vers 2. 2. **SCITIS ENIM QUÆ PRÆCEPTA DEDERIM VOBIS PER DOMINUM JESUM,** — id est per auctoritatem et mandatum Domini Jesu, ego Paulus quasi legatus Jesu præcepta vobis dedi; *q. d.* Præcepta,

quæ præcepi, non mea sunt, sed Christi; Christus est legislator, ego Christi sum præco: multa enim fidei, virtutum et Sacramentorum mandata in particulari vobis et Christianis aliis proponenda et promulganda tradidit mihi Christus, reliqua mihi sancienda demandavit, jussitque ut eas leges Christianis prescriberem, quas eis, pro rerum exigentia, convenire putarem. Sic vulgo dicit aula vel parlamentum se ferre legem vel edictum *par le Roi*, id est per regem, quia regis vice, nomine et auctoritate legem vel edictum fert et sancit.

3. **HÆC EST ENIM VOLUNTAS DEI, SANCTIFICATIO VESTRA, UT ABSTINEATIS VOS A FORNICATIONE.** — Nota *primo*: Dei voluntas hic intelligitur non illa, quæ dicitur beneplaciti, qua Deus creat et facit quidquid illi lubet et placet, sed illa quæ dicitur signi, qua scilicet significat Deus quid velit et jubeat nos facere, scilicet ut studeamus sanctitati.

Secundo, integra «sanctitas, » inquit S. Dionysius, tam in Deo, quam in nobis et angelis, «est ab omni iniquatione libera, incontaminatissima et perfectissima puritas.» Et sic sanctitas opponitur cuivis peccato, estque virtutum omnium completio. Hic vero, et I *Cor. vii*, 34, sola castitas dicitur sanctitas; opponitur enim hic et vers. 7, fornicationi et immunditiæ. Unde et subdit: «Ut sciat unusquisque vas suum possidere in sanctificatione, » id est in puritate et castitate, ut mox dicam. Ratio hujus nomenclaturæ est hæc, quod, sicut libido est bestialis, pudenda et maxima impuritas: sic e contrario castitas, summa est et maxima puritas, quæ hominem angelicum facit; imo eum efficit templum Spiritus Sancti, ut *insinuat* Apostolus, vers. 8. Hinc et Poeta, *Æneid. xi*:

Tuque ô sanctissima conjux,

Felix morte laus.

«Sanctissima, » id est castissima; et *Æneid. xii*:

Sancta ad vos anima, atque istius inscia culpa
Descendam;

«Sancta; » id est pura et casta.

Præclare S. Cyprianus, tract. *De Orat. Dominica*, explicans illud, *Fiat voluntas tua*: «Voluntas, ait, Dei est quam Christus et fecit et docuit: humilitas in conversatione, stabilitas in fide,

verecundia in verbis, in factis iustitia, in operibus misericordia, in moribus disciplina, injuriam facere non nosse, et factam posse tolerare; cum fratribus pacem tenere, Deum toto corde diligere, amare in illo quod pater est, timere quod Deus est; Christo nihil omnino præponere, quia nec nobis quidquam ille præposuit; charitati ejus inseparabiliter adhærere, cruci ejus fortiter ac fidenter assistere: quando de ejus nomine et honore certamen est, exhibere in sermone constantiam, qua confitemur; in questione fiduciam, qua congregimur; in morte patientiam, qua coronamur. Hoc est coheredem Christi esse velle, hoc est præceptum Dei facere, hoc est voluntatem Patris adimplere.»

Vers. 4. 4. UT SCIAT UNUSQUISQUE VESTRUM VAS SUUM POSSIDERE IN SANCTIFICATIONE ET HONORE. — Queritur, quodnam hoc vas? S. Augustinus, lib. I *De Nuptiis*

Vas est uxor. et *Concupisc.*, cap. viii, et lib. IV *Contra Julian.*, cap. x, et lib. V, cap. ix, per *vas uxorem* accipit, *q. d.* Quisque honeste et caste uxore sua utatur. Sic *Proverb.* v, 15, dicitur: «Bibe aquam de cisterna tua.» Ubi Septuaginta vertunt, *fili, bibe aquam de vasis tuis*, cujus loci sensus hic est: voluptatem conjugii castam, puram et fecundam hauri de uxore tua, quæ tibi sit instar cisternæ, et vasis puri carentis luto fornicationis, zelotypiæ, morositatis, etc. Ita Beda, Jansenius et alii in dictum locum. Sic S. Petrus, *epist.* I, cap. iii, vers. 7, monet maritos ut uxoribus quasi infirmiori vasculo condoleant et condescendant. Pari modo videtur hic jubere Apostolus viris, non tantum ut aliena uxore abstineant, sed etiam ut sua, quasi vase sancto, caste et moderate utantur: «Præcipitur, ait Hieronymus, aut potius Rabanus in cap. i *Thren.*, viris, ut certa concubitus norint tempora. Nam, ut ait Ecclesiastes, tempus amplexandi, et tempus longe fieri ab amplexibus. Caveat ergo uxor, ne victa libidine alliciat virum; et maritus, vim ne faciat uxori, putans omni tempore subjectam sibi esse debere conjugis voluptatem. Unde et Paulus ait: Ut noverit unusquisque vestrum *vas suum* possidere in sanctitate.» Nam, ut pulchre ait Xistus philosophus: «Adulter est uxoris amator ardentior.»

Adulter est uxoris amator ardentior.

Verum quia apud Thessalonicenses multi, præsertim juniores, erant adhuc cælibes et sine uxore, Apostolus autem cuique hoc *vas* tribuit; generalius et melius cum Chrysostomo, Theodoro, Theophylacto, Ambrosio, Oecumenio, Anselmo, per *vas accipiemus corpus*, quod generatim phrasi Hebræa dicitur *vas*, id est instrumentum hominis: sicut enim faber sua regula vel trulla quasi instrumento utitur ad omnem fabricam, ita anima utitur corpore quasi instrumento et organo ad omnes suas actiones, adeo ut nec intelligere quidem possit sine sensibus et phantasmatibus corporeis. Sic Plato dixit corpus esse *vas animæ*. Sic dicitur Paulus *vas electionis*, id est instrumentum a Deo electum ad conversionem

Gentium. Sic *Genes.* xlix, Simeon et Levi dicuntur *vasa*, id est instrumenta, *iniquitatis*, hoc est iniquæ cædis et vastationis Sichimorum. Vel *secundo*, corpus dicitur *vas animæ* speciatim et proprie, quia sicut *vas* recipit et continet vinum, ita corpus recipit et continet animam. Et sicut *vas sordidum* et putidum vinum ipsum afficit et corrumpit, ita corporis sordes, pollutiones et libidines inquinant animam. Hinc est illud Apostoli, I *Cor.* vi, 18: «Omne peccatum quodcumque fecerit homo, extra corpus est; qui autem fornicatur, in corpus suum peccat:» quia illud polluit, sordidat, contaminat. Sic David, I *Reg.* xxi, petens a pontifice sibi et suis dari in necessitate famis panes propositionis, cum ille peteret: «Si mundi sunt pueri, maxime a mulieribus?» respondit: «Continuimus nos ab heri et nudius tertius; et fuerunt vasa puerorum sancta,» id est corpora impolluta. «Porro via hæc polluta est,» *q. d.* Usus hic laicus et pollutus est, ut scilicet ego et mei socii, qui sumus laici, vescamur panibus propositionis, quibus solis sacerdotibus vesci licet; «sed sanctificabitur in vasis,» id est non polluetur panis hic, sed sancte recipietur in sanctis et puris corporibus nostris, in hac necessitate famis, qua etiam laicis licet vesci panibus sanctis. Ita Abulensis ibi.

Vult ego Apostolus hic, ut «quisque *vas*,» id est corpus, «suum possideat» quasi dominus (non autem quasi servus serviat cupiditatibus corporis) «in sanctificatione et honore,» id est sancte, hoc est caste et honeste, «non passione desiderii,» id est non in affectu libidinis, ut scilicet mens non serviat desideriis carnis, sed caro serviat rectis voluntatibus mentis, ait Anselmus. Ita Philosophus ille dixit adolescenti cuidam voluptuario: Non pudet te, cum sis ingenuus, facere mancipium corporis tui? Anacharsis quoque statuis inscribatur: Linguae, ventri, pudendis temperandum; quod maximorum malorum causa sit lingua effrænis, et luxu nihil turpius, et libido pecudem ex homine reddat: testis Laertius, lib. I, cap. ix. Aliter Chrysostomus et Theophylactus per passiones desiderii, accipiunt delicias; opes, otium, socordiam, et quidquid concupiscentiam inflamat: his enim amputatis, tuta est castitas tam mentis, quam corporis.

6. ET NE QUIS SUPERGREDIATUR, NEQUE CIRCUM- **Vers. 6.**

VENIAT IN NEGOTIO FRATREM SUUM. — Nota: Non agit Apostolus de fraude, avaritia et injustitia opum, sed de injustitia et fraude tori, id est de adulterio; agit enim de libidine et immunditia. Adulterium ergo vocat supergressionem et circumventionem. Supergressionem, id est prævaricationem et oppressionem, qua quis proximi torum invadit supercandendo (hoc enim est Græcum *ὑπερβαίνω*) et adulterando: idem circumventionem vocat, qua quis fraudulenter usurpat uxorem alterius, quæ Græce hic dicitur *παρανομία*, id est nimia cupido habendi non opes, sed pellices: qui enim sua uxore contentus non est, sed

Vas est corpus.

Adulterium est supergressio et circumventio.

alias appetit et invadit, is *πλονεκτῆς*. Ita Chrysostomus, Theodoretus et Hieronymus, in cap. IV Ephes., vers. 19; ibi enim *πλονεξίαν*, sive, ut Noster vertit, « avaritiam, » pro illicita et immodica venereorum cupiditate usurpat Apostolus, ut ibi dixi. Cum ergo ait hic : « in negotio, » intellige fornicationis. Sic *πρᾶγμα* Græcis vocatur fornicatio, æque ac Latinis, ut cum dicunt rem habere cum meretrice : sic eadem ab Italis vocatur *negotium*, honesta aposiopesi. Sic S. Clemens, lib. III *Constit. Apost.*, cap. II : « Adolescentiores, ait, viduæ in gradum vidualem ne cooptentur, ne excusando non posse continere fervorem adolescentiæ, aliquando iterum nubentes, in negotio (id est libidine et copula, uti ibidem explicat Turrianus) sint. » Unde explicans subdit : « Subveniendo est illis, ne excusando se derelinqui, iterum nubentes negotio turpi implicentur (1). »

Vers. 7. 7. NON ENIM VOCAVIT NOS DEUS IN (ad) IMMUNDITIAM, SED IN (ad) SANCTIFICATIONEM, — id est castimoniam. Christianismus enim est professio castitatis et detestatio libidinis, ita ut Gentes libidinibus addictæ eis renuntiare debeant, et castitatem amplecti, cum baptismum et Christianismum suscipiunt; ideoque in baptismo dat eis Deus Spiritum Sanctum, uti subdit Apostolus.

Vers. 9. 9. DE CHARITATE AUTEM FRATERNITATIS, — id est fraterna. Est hebraismus : Hebræi enim omnes suæ gentis vocant *fratres*. Hinc pari modo Christiani quilibet alios Christianos compellare et complecti debent ut fratres, tum aliis nominibus, tum hoc præsertim, quod eundem habent patrem, scilicet Christum, et eandem matrem, scilicet Ecclesiam. Hæc fuit olim et esse debet *φιλadelphία* Christianorum. Zeno, rogatus quis esset amicus? respondit : *Alter ego*. Alexander ad matrem Darii, quæ ex errore Hephæstionem honoraverat pro Alexandro, dixit : *Nihil est, o mater, quod turberis : nam et hic Alexander est*. Quid dicat Christianus?

Amiens
est alter
ego.

IPSI ENIM VOS A DEO DIDICISTIS. — Græce pulchrius id dicitur una voce, *θεοδιδασκῆσαι ὑμᾶς*, q. d. Adeodocti estis, sicut dicimus Adeodatus est : Deus enim per legem Christi, et per internam Christi gratiam et instinctum vos docuit, ut diligatis invicem.

Vers. 10. 10. ETENIM ILLUD (diligere, et signa dilectionis exhibere) FACITIS IN (erga) OMNES FRATRES.

Vers. 11. 11. ET OPERAM DETIS, UT QUIETI SITIS. — Pro operam detis, Græce est *φιλοτιμεῖσθαι*, id est studiose et ambiciose conemini, inquit Erasmus; et, ut Ambrosius, *enitamini*; et, ut Syrus, *sedulam operam navetis*; Theophylactus vero vertit, *ut munifici sitis* : disjungit enim hoc a sequentibus;

(1) Multi tamen, inter quos Allioli, his verbis vitium, quod fraude et quæstu turpi in mercimoniis contineatur, castigari censent; nec repugnat contextus, quanquam commercium potius *πραγματεία* dicendum esset, quam *πρᾶγμα*.

21K.

sed alii passim illud iis conjungunt, et patet esse conjungendum.

UT VESTRUM NEGOTIUM AGATIS, — *πράσσειν τὰ ἴδια*, ut agatis res proprias.

Notat otium et curiositatem aliquorum Thessalonicensium : hæc enim duo connexa sunt : indeque oritur inquietudo, vana et varia desideria, appetentia rei et felicitatis alienæ, aliaque mala, quæ domos et respublicas perturbant. Euclides olim rogatus a quodam, quales essent dii, quæque re potissimum gauderent? « Cætera cuidem ignoro, inquit, at curiosos illis odio esse, certo scio. » Cum quidam exquireret an mundus esset animatus? et rursus, an globosus? « Vos, inquit Demonax, de mundo solliciti estis, et vestram ipsorum immunditiam non curatis. » Ægyptius bajulus gestans quid velis opertum, cuidam sciscitanti quid portaret? « Ideo, ait, obvelatum est, ne scires : tu vero cur curiose vestigas quod occultatum est? » Socrates curiose de astris scrutanti : « Quæ supra nos, inquit, nihil ad nos. » Rursum curiosis illud Homericum objectare solebat :

Ἔγνω
de curio
sitate.

Ædibus in nostris, quæ prava aut recta gerantur.

Xenocrates nihil referre dicebat, utrum pedes an oculos inferas in ædes alienas.

Crates Thebanus vulgo dictus est *δυσπαρανοήτης*; id est ostiorum apertor : quod in omnes domos irrumperet, et si quid displiceret, reprehenderet cynica libertate.

Thaletem in cælum ad astra suspicientem et lapsum in barathrum, ancilla conspicata merito id illi accidisse dicebat : qui cum quæ ante pedes essent ignoraret, cælum contempleretur ut cognosceret.

Zeno adolescentem curiosius quid rogantem, adduxit ad speculum, utque se contempleretur admonuit; moxque rogavit, an videretur tali vultui convenire quæstiones ejusmodi proponere?

Denique curiosi sibi talpæ, aliis sunt lynces,

Et præcedenti spectatur mantica tergo.

Putet ergo curiosus sibi dici a Christo, id quod ipsi dixit Petro curiosius de Joanne perquirenti : « Quid ad te? tu me sequere. »

ET UT HONESTE (*εὐσχημόνως*, id est *decore*) AMBULETIS AD EOS QUI FORIS SUNT. — Hoc est, decore vos geratis cum Gentibus, ne scilicet otiosi et inertes indecore apud Gentiles mendicetis ad Ecclesiæ opprobrium, cum viderint vos sanos et valentes otiosi et mendicare; sed potius ut decore victum vobis comparetis honesto labore et opificio. Ita Theophylactus; omnia enim hæc spectant ad fugam otii et desidii, ad studium laboris et operationis. Unde sequitur :

ET NULLIUS ALIQUID DESIDERETIS, — q. d. Ne inopia quæ ex otio sequi solet, cogamini aliena desiderare. « Piger enim, inquit sapiens, semper est

in desiderio. » Græce est, καὶ μὴδὲν; χρεῖαν ἔχετε, id est ut nullius indigeatis: otium enim parit indigentiam et penuriam; penuria fures facit aut mendicos.

Vers. 12. 12. NOLUMUS VOS IGNORARE, FRATRES, DE DORMIENTIBUS, — illud scilicet mysterium resurrectionis, quod mox explicabo, vers. 13 (1).

Mortui
vocantur
dormientes: cur?
Nota cum S. Augustino, serm. 32 *De Verbis Apostoli*, tom. X: Scriptura eos qui mortui sunt, vocat *dormientes* ob spem resurrectionis, qua celerrime evigilabunt ex somno mortis et ex lecto, id est sepulcro suo. Ita Daniel, cap. xii, vers. 2, *ישנים* *tescentim*, id est *qui dormiunt*, vocat mortuos. Hinc pia fuit, et etiamnum est, Christianorum consuetudo, ut, cum aliquis mortuus esset, non dicerent: Iste mortuus est, sed, Obdormivit in Domino; idque ad amicorum consolationem, et ut mutuo sese excitarent ad contemptum vitæ præsentis et spem resurrectionis. Ita Christus de Lazaro mortuo loquitur, dicens: « Lazarus amicus noster dormit; sed vado; ut a somno excitem eum, » Joan. xi, 11. *Secundo*, quia magna est affinitas somni et mortis: somnus enim est mors quædam brevior, mors vero somnus longior. Hinc Poeta:

Stulte, quid est somnus, gelidæ nisi mortis imago?

Hinc etiam vocatur « consanguineus lethi sopor. »

UT NON CONTRISTEMINI, SICUT ET CÆTERI, QUI SPEM NON HABENT. — Notat S. Augustinus, serm. 32 *De Verbis Apostoli*, non prohibere Apostolum omnem tristitiam in morte defunctorum amicorum; hæc enim naturalis est: sed eam tantum quam habent Gentiles et impii, « qui, ut ipse ait, spem non habent. Contristamur ergo nos, inquit Augustinus, in nostrorum mortibus necessitate amittendi, sed cum spe recipiendi; inde tristamur, hinc consolamur; inde infirmitas afficit, hinc fides reficit; inde dolet humana conditio, hinc sanat divina promissio. »

S. Augustinus docet sacrificandum esse pro defunctis.
Rursum, ex hac spe resurrectionis et gloriæ cælestis, infert S. Augustinus piam esse traditionem Ecclesiæ, ut pro defunctis sacrificemus, oremus et eleemosynas demus. « Hoc enim, inquit, a Patribus traditum universa observat Ecclesia; ut pro eis qui in corporis et sanguinis Christi communionem defuncti sunt, cum ad ipsum sacrifi-

cium loco suo commemorantur, oretur, ac pro illis quoque id offerri commemoretur. Cum vero eorum commendandorum causa opera misericordiæ celebrantur, quis eis dubitet suffragari pro quibus orationes Deo non inaniter allegantur? » Notent hæc Novantes, discantque ex Augustino Missam esse sacrificium, in æque pro defunctis orari solere, ut scilicet pœnis Purgatori liberentur, idque ex traditione totius Ecclesiæ.

Vers. 13.
13. SI ENIM CREDIMUS QUOD JESUS MORTUUS EST ET RESURREXIT, ITA (supple, pariter credere debemus, quod) DEUS EOS QUI DORMIERUNT PER JESUM, ADDUCET CUM EO, — aut certe per hypallagen sic verba ordinanda sunt: « Si (id est sicut) Jesus mortuus est et resurrexit, uti credimus, ita et Deus eos qui dormierunt per Jesum, adducet cum eo. » Notat Theophylactus *per Jesum* bifariam posse accipi: primo, ut referatur ad *adducet cum eo*, q. d. Per gratiam Jesu Christi resurgemus; secundo et melius, ut referatur ad *eos qui dormierunt*, sitque periphrasis fidelium defunctorum: fideles enim, qui Christum in seipsis habentes moriuntur, dormiunt per Jesum, id est in Jesu, puta in Jesu fide, charitate ac spe resurrectionis. Sic dicitur accipiunt pro *eo*, vers. 16, et Rom. xiv, 11; Apocal. xiv, 13. « Adducet » hos Deus, scilicet e sepulcris evocatos ad vitam novam et gloriosam, atque ad beatam immortalitatem, ut dicitur I Cor. xv, 53. Probat hic Paulus nos resurrecturos exemplo Christi, idque duplici titulo et argumento, q. d. Christus resurrexit, ergo et nos resurgemus: tum quia Christus fuit homo nobis similis, mortuusque est uti et nos moriemur; tum quia Christus ut caput nostrum virtutem resurgendi in nos quasi membra sua influit, ut sicut in illo ejusque fide et spe vivimus et mortui sumus, ita et in eodem resurgamus.

Vers. 14.
14. HOC ENIM VOBIS DICIMUS IN VERBO DOMINI, — id est per verbum, revelationem et doctrinam Domini, q. d. Non quod a meipso, sed quod a Christo didici, loquor et doceo, mysterium scilicet resurrectionis, quod sequitur.

QUIA (quod) NOS QUI VIVIMUS, QUI REMANERE SUMUS IN ADVENTU DOMINI. — Græce sic τῶν παρασῶν, id est *in adventum*, et ita legunt Romani Biblia, q. d. Nos qui relinquimur superstites usque in adventum Domini, ut in illo adventu viventes reperiamur. Ubi nota: Paulus ita de se loquitur, atque si victurus esset usque ad adventum Domini, hoc est, usque ad diem judicii; non quod ita futurum putaret, sed ut illius diei terribilis et incertæ memoriam nobis et timorem perpetuum incuteret, ut semper suspensi illum diem expectamus et ad eum nos comparemus. Est ergo hic enallage personæ: « Nos qui vivimus, » id est quicumque vivunt, sive ex nobis, sive ex posteris nostris, quorum ego personam hio induo et subeo, ut de iis in mea persona loquar. Ita S. Augustinus, lib. XX *De Civit.*, cap. xx.

NON PRÆVENIEMUS (in resurrectione, de qua dixit

(1) Videntur fuisse inter Thessalonicenses qui falsas opiniones haberent circa secundum Christi adventum. 1. Nempe quidam opinabantur Christum mox reditum in hunc terrarum orbem, et regnum splendidissimum constituturum, ita ut operari (vers. 11) ipsis inutile esse crederent. 2. Quidam eorum sortem conquerebantur, qui jam defuncti erant, quoniam putabant horum vel nullam, vel dilatam, vel non præcipuam partem fore in illo Christi regno. Contra istas Christianorum opiniones disputare videtur Paulus, ut doceat, 1. tempus hujus adventus omnino ignotum esse (cap. v, 2 seq.); 2. Christum, cum venerit, in cælum esse ducturum demortuos Christianos pios una cum superstitis in hoc terrarum orbe, nec horum conditionem meliorem fore, quam illorum (vers. 16).

vers. præced.) EOS QUI DORMIERUNT. — Græce κοιμήντας, id est, somno (scilicet mortis) sopitos; Augustinus, lib. XX *De Civit.*, xx, legit, *qui ante dormierunt*. Unde in Græco videtur legisse non κοιμήντας, sed προκαυμήντας, q. d. Nos qui adhuc vivimus, et quicumque vivent in die iudicii, non prius resurgemus, aut gloria donabimur, quam ii resurgent ad gloriam, qui ante nos jampridem mortui computruerunt, q. d. Videte ergo, quam facile et subito Deus dormientes, quos dixi, putidos licet et in cinerem versos, suscitabit: ne ergo fratres et amicos mortuos multum lugeatis, ac de iis contristemini, ut dixi vers. 12. Unde notat Theophylactus tacite hic dicere Apostolum idem quod dixit in epist. I ad Corinth. xv, scilicet quod in momento et in ictu oculi resurgemus. « Quia enim, inquit Theophylactus; difficile videbatur, eos qui computruerunt, resurgere, hinc ait Paulus quod viventes haudquaquam antevertent illos (quia scilicet in momento resurgent omnes), ac quemadmodum Deo facile est, viventes et integros adducere ad Christum, sic et illos corruptos. » Prius ergo mortui non longius distant a resurrectione quam posterius defuncti, aut ii qui vivunt: utrique enim simul resurgent.

Aliter hæc accipit S. Methodius apud Theophylactum: Nos inquit, qui residui sumus, id est animæ immortales non prævenient corpora in resurrectione; sed corpus simul cum anima resurget ad vitam immortalem. Sed hoc non est ad mentem Apostoli; sic enim dicere debuisset: « Non præveniemus ea, » scilicet corpora; jam autem dicit eos, scilicet homines dormientes.

Vers. 15. 15. QUONIAM IPSE DOMINUS (Christus iudex) IN JUSSU ET IN VOCE ARCHANGELI, ET IN TUBA DEI DESCENDET DE COELO. — Theophylactus distinguit jussu a voce: Jussio, inquit, Dei faciet reddere terram corpora, eaque suscitabit et in immortalitatem transformabit; vox vero Archangeli, aliis angelis administrantibus, efficiet, ut suscitati omnes per diversa loca dispersi, in unum colligantur. Sed hoc non satis solide dicitur: vox enim Archangeli non tantum colliget, sed et suscitabit mortuos, ut dixi I Corinth. xv, 52, et hic insinuat Apostolus, cum subdit: « Et mortui, qui in Christo sunt, resurgent primi. »

Secundo, melius idem Theophylactus cum Chrysostomo accipit hæc per epexegsin, vel hendyadin: « In jussu et in voce, » id est in jussu qui sit vox, vel in jussu vocis Archangeli. Rursum, « in jussu, » id est cum jussu; in voce, id est cum voce: sæpe enim Hebræi *bet*, id est *in*, usurpant pro *cum*, id est *cum*.

Nota: Pro *in jussu*, græce est ἐν κελεύσματι, id est in (cum) celeusmate; celeusma autem est conclamatio nautarum invicem se adhortantium, ut uno velut concentu et copatu simul omnes remos attollant et remigare incipiant. Videtur ergo tale fore commune celeusma aliorum angelorum, qui, tubam suam inflante Archangelo, simul et ipsi

suis vocibus vel tubis in singulis orbis partibus pariter conclamabunt, ut ubique simul omnes resurgent. Ita Chrysostomus, Theodoretus, Theophylactus, Anselmus.

IN VOCE ARCHANGELI ET IN TUBA DEI. — Est epexegesis, vel hendyadis, ut dixi, q. d. In voce Archangeli, quæ sit tuba Dei, vel in voce tubæ, aut tubali Dei; vox ergo Archangeli eadem erit cum tuba Dei. Dicitur Dei hebraismo, id est maxima et maxime sonora, ut per totum mundum audiat. Sic dicuntur montes et cedri Dei, id est maximi et altissimi; omnia enim quæ Dei sunt, maxima sunt. Secundo, dicitur Dei, quia Deum iudicem præbuit, uti tuba solet regem vel Imperatorem præire. Tertio, dicitur vox Dei, quia magnifica erit et horribilis instar tonitru, talisque qualis decet majestatem divinam, ut ei quasi proportionetur. Unde hujus tubæ typus fuit tuba illa angeli proclamantis Judæis decalogum in Sina, Exodi cap. xx, vers. 18. Ita ex Chrysostomo Theophylactus.

Hinc nota primo, quod tuba hæc non erit spirituale imperium Christi, ut voluerunt nonnulli ex S. Gregorio; sed erit sensibilis clangor et vox tubalis formata ab angelo in aere vel ex solius aeris collisione, vel potius per realem tubam, ut vult Anselmus in *Elucidario*, et alii; nam Christus, Paulus et Patres semper vocant tubam; tubaque aptissimum est instrumentum etiam angelo, ut maxime sonoram, ex aeris ad latera tubæ impulsu et collisione, vocem edat. Ex qua materia sit hæc tuba futura, an ex argento, an ex ære, ut opinatur Franciscus Suarez, an ex nube et meteoris, an ex alia materia magis sonora, quam homines ignorant, sed norunt angeli, incertum est.

Nota secundo: Ad hunc finem canet hæc tuba: primo, ut omnes homines excitet a mortuis, eosque citet ad iudicium, ut satis patet Joan. v, 28; secundo, ut electos vocet ad solemnitatem et lætitiā beatæ eternitatis instar tubæ, quæ Hebræos vocabat ad festa, Num. x, 8 et 10: ita Anselmus; tertio, ut terreat reprobos et vocet electos ad bellum, ut reprobos deturbent in gehennam. Ita Anselmus: erit enim quasi classicum militare.

Nota tertio: I Corinth. xv, 52, vocatur hæc tuba novissima, quia post tubas septem angelorum, quibus ante diem iudicii plagas maximas toti orbi inducent, de quibus Apoc. cap. viii et ix, hæc sequetur ultima, clamabitque ac intonabit: *Surgite, mortui, venite ad iudicium*, ut indicant Chrysostomus et Theophylactus, docetque D. Soto in IV, dist. lxxiii, Quæst. I, art. 4.

Nota quarto: Hæc tuba Archangeli, Joan. v, 28, vocatur « vox Filii Dei, » quia licet ministerio angelorum, jussu tamen Filii Dei formabitur, ab eoque vim suscitandi mortuos accipiet: « Venit, inquit, hora, in qua omnes qui in monumentis sunt, audient vocem ejus (Filii Dei), et procedent qui bona fecerunt, in resurrectionem vitæ, qui vero mala egerunt, in resurrectionem iudicii (damnationis eternæ).

Vox Archangeli est eadem cum tuba Dei.

Triplici sensu hæc tuba vocatur Dei.

Quæ et qualis erit hæc tuba?

Ad quid canet?

Erit novissima.

Cur vocatur vox Filii Dei?

Quomodo
mortui
audient
hanc vo-
cem? Pri-
mo.

Petes : Quomodo mortui possunt hanc vocem audire? Respondeo : *audient*, id est sentient vim hujus vocis; vel *audient*, id est obedient resurgendo, perinde ac si audirent vocem Filii Dei, qui vocat ea quæ non sunt quasi ea quæ sunt : ut sit catachresis. Erit enim hæc tuba, ut multi Patres et Doctores docent, instrumentum saltem morale resurrectionis, per quod Christus operabitur resurrectionem : sicut verba consecrationis sunt instrumentum transsubstantiationis. Unde S. Joannes addit : « Et qui audierint (hanc vocem), vivent. » Dico *morale*, non enim necesse videtur, aut congruum satis, huic tubæ tribuere vim physicam suscitandi mortuos.

Secundo.

Adde *secundo*, audient mortui hanc vocem postquam resurrexerint : resurrectio enim fiet in instanti, cum tuba canet : « Surgite. » Ita ut hac voce protracta et sonante resurgentes, illam adhuc audire possint, vel certe illud, quod tuba subjunget : « Venite ad judicium. » Ita Franciscus Suarez, III *part.*, *Quæst.* LV, art. 1. Erit enim hæc tuba quasi præco citans omnes ad judicium. Unde canit Ecclesia : « Tuba mirum spargens sonum per sepulcra regionum, coget omnes ante thronum. »

Morale,
quam ter-
ribilis
erit hic
clangor
et dies tu-
hæ.

Moraliter S. Chrysostomus hic, *hom.* 8, pag. 1370 : « Quando igitur illa facta fuerint, tunc et vox audietur Archangeli angelis reliquis imperantis et clamantis; audientur tunc tubæ, imo tubarum sonitus. Qualis igitur tremor, qualis timor eos, qui in terra tunc erunt, qui judicem expectabunt, obtinebit! Una namque rapietur, et una relinquetur; et unus accipietur, et unus relinquetur. Quis erit tum animus illis, qui istos quidem sublato videbunt, se vero relictos? An non quavis gehenna terribilis eos ita dejectos ac consternatos reddere poterunt? Fingamus itaque sermone jam illud adesse : si enim mors repentina, aut civitatum motus, et reliquæ minæ animos nostros ita concutiant; quando viderimus terram disruptam, et his omnibus refertam, quando audierimus tubam; quando vocem illam Archangeli quavis tuba clariorem perceperimus, quando cælum hoc undique sursum evectum et contractum, quando ipsum adventantem Deum regem omnium viderimus, quis tum nobis animus erit? » Et inferius : « Ego multos, qui post deductionem ad mortem revocati fuerant ad regiam benevolentiam et clementiam, dicentes audivi, se neque homines velut homines vidisse, quod animo fuissent summopere cum abducerentur perturbato, perculso et stupefacto. Si ergo corporalis mors usque adeo nos perterrefacit, quando æterna illa advenerit, quid patiemur? »

Hinc et S. Hieronymus fertur hoc documentum observasse, et aliis tradidisse : « Sive bibas, sive comedas, sive vigiles, sive dormias, hæc tibi tuba insonet : Surgite, mortui, venite ad judicium. » Quanquam in operibus Hieronymi hæc sententia jam non reperitur, ejus tamen quid

simile invenitur in *Regula monachorum*, tom. IV operum S. Hieronymi, quæ collecta est ex S. Hieronymo, ac conscripta a Superiore Ordinis Hieronymiani, quam probavit Martinus V Pontifex, ut habetur initio *Regule*.

Idem Hieronymus ad *Heliodorum* : « Veniet, inquit, illa dies, qua corruptivum hoc et mortale incorruptionem induet et immortalitatem. Tunc ad tubæ vocem pavebit terra cum populis; et tu gaudebis. Judicaturus Domino lugubre mundus immugiet : tribus ad tribus ferient pectora. Potentissimi quondam reges nudo pectore palpitabunt. Exhibebitur tunc cum prole sua Venus; tunc ignitus Jupiter adducetur; et cum suis stultis Plato discipulis : Aristoteli argumenta non proderunt. Tunc rusticanus et pauper exultabis et ridebis, dicesque : Ecce crucifixus Deus meus, ecce iudex, qui involutus pannis in præsepio vagiit; hic est ille operarii et quæstuariæ filius; hic, qui in matris gestatus sinu, hominem Deus fugit in Ægyptum; hic est vestitus coccino, hic qui sentibus coronatus. Cerne manus, Judæe, quas fixeras; cerne latus, Romane, quod foderas; videte corpus, an idem sit quod dicebatis clam nocte tulisse discipulos. »

ARCHANGELI. — Non Christi, ut Ambrosius, sed, ut D. Thomas, Michaelis, qui jussu et vice Christi præses est Ecclesiæ, uti olim fuit Synagogæ, *Daniel.* XII, 1; vel certe Gabrielis, qui præest, ut multi volunt, secundo ordini, qui est Archangelorum : ut, sicut Gabriel primum Christi adventum prænuntiavit Beatissimæ Virgini, ita et secundum prænuntiet mundo. Archangelo ergo hac sua tuba insonante quasi superioris sui imperio excitati angeli aderunt; tuba enim hæc eis *primo*, inelamabit, inquit Chrysostomus : « Paratos facite omnes, adest iudex. » Et hoc est quod ait Christus, *Matth.* XXIV : « Mittet (Filius hominis non solum Archangelum, sed) angelos suos cum tuba et voce magna. » Unde *secundo*, videtur, quod Archangelo tuba sua clangente, alii angeli voce magna, lenta et producta conclamabunt : « Surgite, mortui; » simulque ad congregandos hominum cineres quisque suis locis discurrunt celerrime. *Tertio*, hos cineres deinde componet, organizabit, animabit Deus, ut momento resurgant eo modo, quo dixi I *Cor.* XV, 52. Resurget autem quisque, ubi suum erit corpus vel cineres. Inde angeli eos rapient in vallem Josaphat juxta Hierosolymam, ubi fiet judicium, ut dicitur *Joel.* II, 3 : « Congregabo, ait, omnes gentes, et deducam eas in vallem Josaphat, et disceptabo cum eis ibi. » Et hoc significavit Christus, *Matth.* XXI, 31, cum ait : « Et congregabunt (angeli) electos ejus a quatuor ventis, a summis cælorum, usque ad terminos eorum. »

15 et 16. ET MORTUI QUI IN CHRISTO (In Christi fide et gratia, sive Christi fideles et amici) SUNT, RESURGENT PRIMI : DEINDE NOS, QUI VIVIMUS, QUI RELINQUIMUR, SIMUL RAPIEMUR CUM ILLIS IN NUBI-

Quis Ar-
change-
lus hic?

Vers. 15
et 16.

An om-
nes simul
resur-
gent?
Prima
sententia.

BUS OBVIAM CHRISTO IN AERA. — Quæritur hic an aliqui prius, aliqui posterius sint resurrecturi? hoc enim hic videtur dicere Apostolus. Respondet primo, Sedulius, significari hic ordinem non temporis, sed dignitatis: qui enim in Christi fide

et gratia mortui sunt, resurgent primi, non tempore, sed dignitate. *Secundo*, Chrysostomus et Theophylactus: Resurgent, inquit, ante impios just, ut sint primi in resurrectione non tantum dignitate, sed et tempore, utpote qui rapiendi sint in aera, ut Christo iudici venienti occurrant honoris causa. Posterius vero resurgent impii, ut qui neque rapiendi sint in aera, neque Christo occursuri. Sed hoc videtur esse præter mentem Apostoli: Apostolus enim non ponit hic ordinem inter justos et impios, sed inter mortuos in Christo, et viventes adhuc secum. Unde *tertio*, Theodoretus magis ad litteram sic explicat, *q. d.* Ita cito resurgent illi qui jam pridem et olim multa ante sæcula mortui sunt, ut præveniant eos qui tum superstites et vivi inveniuntur; hi enim prius mori debebunt antequam resurgant: his ergo morientibus, priores, jam olim scilicet mortui, resurgent, ac consequenter hosce præveniant in resurrectione. *Quarto*, alii putant hic non significari ordinem et consequentiam, sed tantum comitantiam, ut « deinde » idem sit quod præterea. Verum *quinto*, sic locus hic genuine exponendus est: « Mortui qui in Christo sunt, resurgent primi, » Græce *πρῶτοι*, id est primum, nimirum antequam rapiantur obviam Christo in aera; « deinde nos qui vivimus, simul cum illis (qui ex mortuis resurrexerunt) rapiemur obviam Christo. » Ponitur enim hic ordo non resurgentium, nec resurrectionis ad resurrectionem, sed ordo resurrectionis ad raptum et occursum Christi, videlicet quod primi illi qui mortui erant resurgent, deinde quod iidem cum aliis tum viventibus simul rapiantur in occursum Christi. Ita Anselmus, D. Thomas et alii.

Tertia.

Quarta.

Quinta et
genina.

Nota: Non meminit hic Apostolus resurrectionis impiorum et reproborum, sed tantum mortuorum in Christo, id est in fide et gratia Christi: fideles enim pios et bonos tantum consolari vult hac spe resurrectionis.

Nos qui vivimus. — Id est qui tum vivimus, puta qui ex nobis, vel e posteris nostris just tunc vivent, et forte ego ipse, quia incertum est quando erit iudicii dies, et quisque ad eum paratus esse debet omni hora; veniet enim sicut fur in nocte, ut dicit cap. seq. Unde prudenter timere et persuadere sibi quisque potest forte instare hunc diem, ait Anselmus. Ita passim Apostolus eorum qui tum vivent, personam assumit, et in se transformatur, ut notavi vers. 14.

RAPIEMUR, — tum ab angelis, tum a virtute Christi per dotem agilitatis, quam cuique Sancto jam beato indidit: non enim resurgent Sancti prius ad vitam, deinde posterius ad gloriam;

sed simul cum resurrectione accipient gloriam corporis; resurgent enim in corpore non mortali et passibili, sed immortal, impassibili et glorioso.

Quæres, an ii, qui vivi inveniuntur in die iudicii, non morientur, seu vivi rapiuntur obviam Christo, ita ut sine morte fiant immortales et gloriosi? Asserit hoc Justinus, *Quæst. CIX*, et Augustinus, lib. II *De Peccat. merit.*, cap. xxxi, Cajetanus et alii: hi enim putant eos qui in fine mundi vivi reperientur, excipiendos esse a comuni lege mortis, et hos esse vivos illos, de quibus dicitur in Symbolo, quod Christus iudicaturus est vivos et mortuos. Sed debili fundamento nititur hæc exceptio a lege mortis plane universali. Unde postea re melius discussa retractans suam sententiam S. Augustinus, lib. XX *De Civit.*, cap. xx, docet omnes omnino homines morituros et resurrecturos. Idem docet Ambrosius, D. Thomas et alii jam passim. Qui ergo in die iudicii vivi reperientur, illi morientur in aere et raptu, ait S. Augustinus et Anselmus; vel potius, ut D. Thomas et Oecumenius, in terra, qui locus est morientium, antequam rapiantur: resurgent enim omnes canente tuba, ut ait Paulus I *Cor.* xv, 52.

Dices: Qui sunt ergo vivi illi quos Christus in Symbolo dicitur iudicaturus? Respondeo: Sunt ii, qui vivi et superstites in die iudicii reperientur; hi enim brevissimo et paucissimo tempore morientur (ut commune debitum naturæ et peccati originalis, cui omnes obstringimur, persolvant); nam statim a morte resurgent. Unde censentur non tam mortui quam vivi: quemadmodum Christus Lazarum, quia mox resuscitandus erat, non mortuum esse, sed vivere et dormire dixit, *Joan.* xi, 11. Atque hæc est causa cur Apostolus nec eorum mortis, nec resurrectionis meminerit, sed vivos nominarit, et inter vivos retulerit, quasi semper vivi maneant qui ita moriuntur, ut vix mori videantur: ita ut eorum mors non videatur esse mors, sed transitus ad vitam meliorem et æternam.

Dicitur ergo Christus iudex vivorum et mortuorum, id est omnium hominum tam eorum qui vixerunt et mortui sunt, quam eorum qui vivent Christo adventante ad iudicium: alioqui enim in ipso iudicio nulli erunt mortui, sed omnes vivi, solosque vivos proprie iudicabit Christus. Id ita esse patet ex eo quod Paulus, I *Corinth.* xv, 51, diserte asserit: « Omnes resurgemus, » vel, ut alii legunt, « dormiemus, sed non omnes immutabimur; » et vers. 22: « Sicut in Adam omnes moriuntur, ita et in Christo omnes vivificabuntur; » et vers. 36: « Tu quod seminas non vivificatur, nisi prius moriatur. » Idem patet ex eo quod hic vers. 14 dixit: « Nos qui vivimus, non præveniemus, resurgendo, eos qui dormierunt; » quia scilicet simul cum illis resurgemus, et deinde simul cum illis rapiemur ob-

Qui sunt
vivi illi
quos
Christus
dicitur
iudicatu-
rus?

viam Christo : si resurgemus cum illis, ergo prius moriemur; tacite ergo significat eos mortuiros; dicit tamen : « Nos qui vivimus, » ne, si dormientes, id est mortuos, vocet, ipsos contristet, vulnusque eorum refricet, quod tetigit vers. 12, dicens : « Nolumus autem vos ignorare, fratres, de dormientibus, ut non contristemini, sicut et cæteri qui spem non habent. »

OBVIAM CHRISTO IN AERA. — Græce, εἰς ἀπάντησιν τοῦ Κυρίου εἰς αἶρα, id est in occursum Christi in aera. Unde videtur, quod, sicuti cives regi venienti, honoris causa foras prodeuntes occurrunt : ita et Sancti Christo venienti ad iudicium in aera prodeuntes occurrent. Ita Chrysostomus, Theodoretus, Theophylactus. Erit ergo hic occursum Sanctorum ante iudicium universale, cum scilicet Christus iudex ad illud e cælo descendet. Et hoc est quod dicitur *Matth.* cap. xxv : « Ecce sponsus venit, exite obviam ei. » Hoc enim exigit Christi dignitas, hoc Sanctorum reverentia et in Christum amor, hoc denique gloria, tam Christi quam Sanctorum expostulat : nam Sancti, uti jam dixi, ante iudicium erunt beati, et resurgent in corpore glorioso; itaque cum ingenti gloria tam sua, quam Christi, Christo glorioso occurrent; postea tamen in iudicio sententiam (eamdem quam privatim in morte et iudicio particulari acceperunt) publicam æternæ felicitatis accipient, ut ita coram omnibus eorum sanctitas et gloria laudetur et honoretur. Hinc,

Nota *secundo* : Rapiuntur Sancti in occursum Christi in aera, ut ibi in nube splendidissima quasi throno consident ad iudicium peragendum, Sancti omnes in nubibus splendidis, quasi thronis assistant, ac quasi assideant, ut docet Franciscus Suarez, III *part.*, disp. LVII, sect. II, tom. II, in fine; ita tamen ut quisque suo ordine et gradu pro meritis consideat. Unde in splendidioribus et Christo vicinioribus thronis considebunt Apostoli et Apostolici viri, qui proprie cum Christo iudicabunt, ut dicitur *Matth.* XIX, 28.

Hinc patet *tertio*, quomodo vallis Josaphat in qua fiet iudicium, cum campis et locis vicinis (quæ longissime protendi, et adeo, si opus sit, complanari possunt), capere poterit omnes homines, qui unquam fuerunt, sunt, aut erunt : nam reprobi in valle hac consistent in terra constipati a sinistris iudicis circumeire; sancti vero a dextris consistent non in terra, sed altius et iudici vicinior in aere; ita tamen ut, sicut in amphitheatris varii erant spectantium ordines per contignationem et tabulata alii aliis altiores : ita et Sanctorum varii sint ordines, aliique pro meritis supra alios quasi in tabulato aereo altius consideant; sic tamen ut infimi longo reprobis et terra (quam in vita calcarunt et contempserunt) emineant, et Christo appropinquent. « Et sic semper, » videlicet tam in iudicio, quam in cælo, ad quod mox ascendent, « cum Domino (Christo) erunt, » ut hic dicitur.

Sancti cum Christo sedebunt in nubibus splendidis.

Quomodo vallis Josaphat capiet omnes homines in die iudicii?

CAPUT QUINTUM.

SYNOPSIS CAPITIS.

Docet quod dies Domini veniet ex improviso, sicut fur in nocte. Hinc hortatur ut semper sobrii et vigiles ad eum se comparent per vitæ integritatem, et bona opera, charitatis præsertim erga suos præpositos, misericordiæ, patientiæ.

Deinde, vers. 16, hortatur eos ut semper gaudeant, orent, et gratias Deo agant, utque spiritum non extinguant, et prophetias probent.

Denique, vers. 23, omnimodam sanctitatem eis apprecatur, omnesque salutatur.

1. De temporibus autem et momentis, fratres, non indigetis ut scribamus vobis. 2. Ipsi enim diligenter scitis, quia dies Domini sicut fur in nocte, ita veniet. 3. Cum enim dixerint : Pax et securitas, tunc repentinus eis superveniet interitus, sicut dolor in utero habenti, et non effugient. 4. Vos autem, fratres, non estis in tenebris, ut vos dies illa tanquam fur comprehendat. 5. Omnes enim vos filii lucis estis, et filii diei : non sumus noctis, neque tenebrarum. 6. Igitur non dormiamus sicut et cæteri, sed vigilemus et sobrii simus. 7. Qui enim dormiunt, nocte dormiunt; et qui ebrii sunt, nocte ebrii sunt. 8. Nos autem, qui diei sumus, sobrii simus, induti lorica fidei et charitatis, et galeam spem salutis. 9. Quoniam non posuit nos Deus in iram, sed in acquisitionem salutis per Dominum nostrum Jesum Christum, 10. qui mortuus est pro nobis : ut, sive vigilemus, sive dormiamus, simul cum illo vivamus. 11. Propter quod consolamini invicem; et ædificate

alterutrum, sicut et facitis. 12. Rogamus autem vos, fratres, ut noveritis eos, qui laborant inter vos, et praesunt vobis in Domino, et monent vos, 13. ut habeatis illos abundantius in charitate propter opus illorum: pacem habete cum eis. 14. Rogamus autem vos, fratres, corripite inquietos, consolamini pusillamines, suscipite infirmos, patientes estote ad omnes. 15. Videte ne quis malum pro malo alicui reddat: sed semper quod bonum est sectamini in invicem, et in omnes. 16. Semper gaudete. 17. Sine intermissione orate. 18. In omnibus gratias agite: hæc est enim voluntas Dei in Christo Jesu in omnibus vobis. 19. Spiritum nolite extinguere. 20. Prophetias nolite spernere. 21. Omnia autem probate: quod bonum est tenete. 22. Ab omni specie mala abstinete vos. 23. Ipse autem Deus pacis sanctificet vos per omnia: ut integer spiritus vester, et anima, et corpus sine querela in adventu Domini nostri Jesu Christi servetur. 24. Fidelis est, qui vocavit vos: qui etiam faciet. 25. Fratres, orate pro nobis. 26. Salutate fratres omnes in osculo sancto. 27. Adjuro vos per Dominum, ut legatur epistola hæc omnibus sanctis fratribus. 28. Gratia Domini nostri Jesu Christi vobiscum. Amen.

Ver. 1. 1. DE TEMPORIBUS ET MOMENTIS, FRATRES, NON INDIGETIS UT SCRIBAMUS VOBIS, — quo scilicet tempore et momento Christus venturus sit ad judicium.

Ver. 2. 2. IPSI ENIM DILIGENTER (ἐπιμελῶς, id est exacte, plane, certo) SCITIS, QUIA DIES DOMINI SICUT FUR IN NOCTE, ITA VENIET, — q. d. Dies judicii subitaneus et improvisus, nullo scientie aut sperante, clanculum surrepet et obruet homines incautos et securos; sicut fur nocte cum dormiunt omnes, domum invadit et expilat.

An sciri poterit dies judicii? Post mortem Antichristi plures erunt dies, imo menses usque ad diem judicii.

Dices: Ex *Daniele*, XII, 12, colligitur post mortem Antichristi superfore 43 dies ad judicium, qui dabuntur iis qui lapsi sunt sub Antichristo, ut poenitentiam agant; ergo sciri poterit dies judicii. Respondeo: Certum est ex *Daniele* superfore (quod tamen pauci tunc scient, vel advertent) hos 43 dies; sed incertum est an non plures supererunt: imo verisimilius est plures dies, imo menses et annos superfuturos usque ad diem judicii: id enim satis significat *Ezech.* XXXIX, 9, ubi docet quod, cæso Antichristo ejusque exercitu, *Gog* scilicet et *Magog*, tanta erunt spolia, hastæ et arma, ut Judæi ex omnibus urbibus confluant ad ea diripiendum, et septem annis sat habeant ad ea comburenda, nec alia lignatione aliisque silvis egeant. « Succendent, ait *Ezechiel*, ea igni septem annis, et non portabunt ligna de regionibus, neque succident de saltibus, quoniam arma succendent igni, » etc. Septem ergo anni post mortem Antichristi dabuntur lapsis ad poenitentiam, in quibus post summam Antichristi persecutionem videtur futura summa pax Ecclesiæ. Ita *Hector Pintus* in *Ezech.* XXXIX, et *Franciscus Ribera* in *Apoc.* XX, idque insinuat *Daniel* loco citato; cum enim dixisset: « Et a tempore cum ablatum fuerit jube sacrificium (Missæ scilicet per Antichristum), et posita fuerit abominatio (id est idolum Antichristi, qui volet coli ut Deus) in desolationem (id est ut omnia bona perdat et desolet), dies mille ducenti nonaginta, » id est tres

anni cum dimidio, ut dixit cap. VII, vers. 25, q. d. Ab initio persecutionis Antichristi, usque ad ejus finem et mortem, erunt tres anni cum dimidio. Deinde subdit: « Beatus, qui expectat et pervenit usque ad dies mille trecentos triginta quinque, » id est beatus qui pervenit ad dies 43 post mortem Antichristi: tunc enim plena erit quies, pax, libertas Ecclesiæ, non dubium quin aliquanto tempore duratura.

Putavit *Elias Levita* et *Judæi* in sexto millenario annorum mundum esse finendum, tumque fore diem judicii: unde hoc circumferunt elogium: « Sex millia mundus, » supple, habebit annorum; ut, sicut sex diebus mundus est conditus, ita sex annorum millibus consummetur. Ad-

dunt id significare sex *aleph*, quæ in Hebræo textu *Genes.* I, 1, ubi dicitur: « In principio creavit Deus cælum et terram, » reperiuntur; quasi sex *aleph* sex millia annorum, quibus cælum et terra consistent, significant: *aleph* enim Hebræis significat mille, sed hæc cabalistica sunt et Judaica.

Alii putarunt tot annos fore post Christum ad diem judicii, quot Christum præcesserunt ab origine mundi, hocque significat *Habacuc*, cap. III, vers. 2, cum ait: « Domine, opus tuum (incarnationis et redemptionis Christi) in medio annorum vivifica illud. » Sed alius est sensus *Habacuc*, ut ibi dixi.

Tertio, *Cardinalis Cusanus* opinatus est corpus Christi mysticum, id est Ecclesiam Christianam tot jubileos annorum habituram, quot Christus ipse annos complevit, scilicet annos 1700; Christus enim vixit 34 annos, quos si multiplices per 50, qui est numerus jubilei, invenies 1700 jam dictos. Sed hæc frivola videntur, et tales congruentias plurimas quisque comminisci posset, quæ nullum in re habent fundamentum, nisi congruentiam vel convenientiam aliquam arithmeticam.

Hæc omnia elidit Christus dicens *Marci* XIII, 32: « De die autem illa (judicii), vel hora, nemo scit,

Quot annis stabit hic mundus?

Tres sententia.

Prima.

Secunda.

nēque angeli in cœlo. » Et Paulus hic docet non esse scribendum de temporibus et momentis iudicii, quia dies Domini venit sicut fur in nocte.

SICUT FUR IN NOCTE, ITA VENIET, — scilicet inopinato et inexpectatus, ut jam dixi. Addunt aliqui, sicut fur nocte venit, ita Christum nocte venturum ad iudicium; idque significari *Matth. xxv*, cum dicitur: « Media nocte clamor factus est: Ecce sponsus venit, exite obviam ei. » Ita Chrysostomus et Euthymius. Imo S. Hieronymus ibi dicit, hanc esse Apostolicam traditionem, ut ea de causa in paschate populum ante mediam noctem (erant hæ veterum Christianorum vigiliæ, quarum nomen adhuc retinemus in jejuniis et profestis) dimittere non liceat: eo quod Christus, sicut olim tempore mediæ noctis in Ægyptum ad cædem primogenitorum et liberationem Hebræorum venit, ita et eodem tempore ad iudicium venturus crederetur.

Verum hæc non ita certa sunt, aliique probabilius putant, non noctu, sed mane Christum, qui lux est, quique venit ut in lucem omnia proferat, venturum ad iudicium. Unde quod dicitur *Matth. xxv*: « Media nocte clamor factus est, » etc. parabolice dici: est enim parabola, ut patet, nilque aliud significare videtur quam sponsum, id est Christum, media nocte, hoc est inexpectate, venturum, ut explicant Hilarius, Gregorius et alii.

Causas plures cur Deus voluerit diem iudicii, maxime particularis, esse incertum nobis, adfert hic Chrysostomus et ex eo Theophylactus: « Prima, ait, est, quia si novisset homo diem suum ultimum, nihil non scelerum conaretur patrare aliis diebus, deinde fine vitæ appropinquante baptizaretur. Deinde plerique, si novissent in crastinum v. g. sese morituros, innumeris malis hostes affligere meditarentur, tanquam jam de seipsis desperantes, hostiumque se explorare sanguine cupientes: quod nunc non fit, mortis eos terrore remorante, vitæque cupiditate. Præterea vitæ suæ amantiores, præ nimia desperatione ac tristitia perirent, si mortis suæ tempus ac momentum compertum haberent. Ad hæc justi non tantum mercedis haberent periculis objecti, quia compertum haberent se nunc haud morituros, sed post tot v. g. annos. Nunc vero, cum incertum sit evadant-ne pericula, an secus, nec vel sic tamen mortem evadere laborant, perspicua eorum virtus est. Quemadmodum enim tres pueri ea de causa maiorem admirationem merentur, quod, cum non satis novissent, an ex igne essent evasuri, nec ne, neque sic tamen statuam adoraverunt: propterea obitus noster erit tanquam fur in nocte. » Ita et S. Augustinus, lib. *De Disciplina Christiana*: « Latet, inquit, ultimus dies, ut observentur omnes dies. Sero parantur remedia, cum mortis imminet periculum. » Idem, lib. II *De Doctrin. Christ.*: « Timor, inquit, de futura morte mentem necessario concutit et quasi clavus carnis motus omnes superbiam, ligno crucis affigit.

Non potest male mori, qui bene vixerit; et vix bene moritur, qui male vixit. » Ita et S. Hieronymus ad *Heliodorum*: « Nihil, inquit, æque tibi proficiet ad temperantiam omnium rerum, quam cogitatio brevis ævi et hujus incerti: quidquid facies, respice mortem. »

3. CUM ENIM DIXERINT: PAX ET SECURITAS. — Id est tuta sunt omnia, nihil est periculi, nullus metus; hoc enim significat Græcum ἀσφάλεια. Vers. 3.

TUNC REPENTINUS EIS SUPERVENIET INTERITUS. (Græce, ἐφίσταται θάνατος, id est instat vel imminet exitium: ἐφίσταται enim, id est instat, non futuri sed præsentis est temporis, quod efficacius subitum casum et mali incursum significat), SICUT DOLOR IN UTERO HABENTI, — id est parturienti; hanc enim repente nesciam dolor partus corripit: ita dolor et angor iudicis et iudicii, ipseque interitus, hoc est mors et præsens et æterna, tam corporis quam animæ, subito corripit et percellit homines, ut effugere non possint: hoc enim significat Græcum μὴ ἐκφύγωσιν, quod Noster vertit, non effugient.

Moraliter S. Anselmus: « Mulier, inquit, prægnans quod in utero diu portavit cum pondere, tandem ejicit cum dolore: quia et reprobi malum, quod diu latuit intra conscientiam ipsorum et gravavit eam, in conspectu iudicis cum gravi tormento cunctis manifestabunt. Mulier cum voluptate pondus illud concepit, sed, ut dictum est, cum dolore ejicit: quia et reprobi culpam cum voluptate libenter commiserant, sed ante districtum iudicem hanc inviti multa cum amaritudine manifestabunt. Mulier dum non sperat, subitis doloribus incipit urgeri ut pariat: quia et reprobi dum non prævident, incipiunt repentinis cruciatibus compelli, ut latentia mala quæ intus habent, ante tribunal æterni iudicis ad publicum proferant. Ita ergo subitis doloribus incipient torqueri intrinsecus instar prægnantis, et non effugient. Mulier namque evadit, sed illi non effugient. »

Dices: *Lucæ xxi*, 26, dicitur, sub diem iudicii fore « pressura gentium, arescentibus hominibus præ timore et exspectatione quæ supervenient universo orbi: » quomodo ergo hic ait Apostolus, quod tum dicent homines: « Pax et securitas? » Respondeo, arescent homines præ timore, cum videbunt solem; lunam, aquas omniaque elementa conturbari, aliaque signa horribilia fieri; quæ proxime præcedent iudicium; antequam vero hæc fiant, dicent: « Pax et securitas, » tuncque hæc signa, ipseque iudicii dies hæc signa proxime sequens eos securos ex improbo obruet. Unde Lucas subdit, vers. 34: « Attendite vobis, ne forte graventur corda vestra in crapula, et ebrietate, et curis hujus vitæ; et superveniat in vos repentina dies illa: tanquam laqueus enim superveniet in omnes, qui sedent super faciem omnis terræ. » Idem, scilicet ante hæc signa diuturos homines, « Pax et securitas, » clarius docet

Dolor prægnantium erit in die iudicii.

Incertum est an noctu, an mane fiet.

Causa, cur dies iudicii nobis sit incerta.

Matthæus xxiv, 37 : « Sicut, ait, in diebus Noe, ita erit et adventus Filii hominis : sicut enim erant in diebus ante diluvium comedentes et bibentes, nubentes et nuptui tradentes, usque ad eum diem quo intravit Noe in arcam, et non cognoverunt donec venit diluvium, et tulit omnes : ita erit et adventus Filii hominis ; » quia, ut dixi, sub adventu suo et die iudicii Christus signa prævia, quæ omnes percellent, intelligit et comprehendit, ante quæ comedent, bibent, nubent homines, dicentque : « Pax et securitas. »

Vers. 4. 4. VOS AUTEM, FRATRES, NON ESTIS IN TENEBRIS (id est in peccatis ignorantie, infidelitatis, cupiditatum, ebrietatum, fornicationum et aliorum quæ fiunt in tenebris), UT VOS DIES ILLA TANQUAM FUR COMPREHENDAT, — *q. d.* Sicut fur hominem dormientem inopinato aggreditur : ita dies Domini dormientes in tenebris et somno peccatorum inopinato aggreditur ; bonos vero et justos non aggreditur ut fur, sed ut hospes amicus diu prævisus et expectatus iis vigilantibus adveniat.

Vers. 5. 5. OMNES VOS FILII LUCIS ESTIS, ET FILII DIEI : NON SUMUS NOCTIS, NEQUE TENEBRARUM. — « Filii lucis, » id est Christi, ait Anselmus, qui *Joan. viii, 12*, ait : « Ego sum lux mundi. » E contrario filii noctis sunt filii diaboli, de quo *Job, iii, 6* (in sensu mystico) : « Noctem illam tenebrosus turbo possideat. »

Secundo et planius, q. d. Post noctem gentilismi, in quo nati et enutriti quasi filii tenebrarum in infidelitate vixistis, illuxit jam lux Evangelii vobis et dies Christianismi, in quo baptismo renati, quasi filii lucis Evangelicæ facti estis lucidi fide, charitate, vita sancta et Christiana, expectantes et parantes vos ad diem Domini. Unde vobis ille improvisus quasi fur non superveniet ; sed iis qui sunt filii noctis, id est qui in tenebris infidelitatis, ignorantie Dei et peccatorum versantur. Ita Chrysostomus et Anselmus. De hac luce vide dicta *ad Ephesios, v, 8*.

Christiani est optare adventum Christi. Hinc constat, eos qui vere Christiani sunt, non horrere, sed optare adventum, æque ac regnum Christi : « Perversum omnino est, inquit S. Augustinus, *Psal. cxlvi*, quem diligis timere ne veniat, et orare quotidie, Adveniat regnum tuum : quod quidem nihil aliud esse videtur, quam orare ut adveniat regnum ejus, et tamen timere ne exaudiaris. Unde autem iste timor ? quia iudex venturus est : numquid invidus ? malevolus ? nihil horum prorsus. Quis enim est venturus judicare, nisi qui venit judicari pro te ? »

Vers. 6. 6. Igitur non dormiamus, — somno peccatorum, desidie, ignorantie Dei et salutis : quia jam nox infidelitatis nostræ pertransiit, et sumus in die fidei et gratiæ Christi. De hoc somno vide dicta *ad Rom. xiii, 11*.

SED VIGILEMUS, — perinde, ut qui furem et prædonem expectat : veniet enim dies Domini quasi fur ; excubiæ ergo nobis agendæ sunt, ut vigiles et paratos nos inveniat.

ET SOBRII SIMUS, — abstinentes a nimio cibo, voluptatibus et cupiditatibus, in iisque temperantes et moderati : hæc enim temperantia et moderatio, vigiliarum augmentum est et robur, inquit Theophylactus, facitque hominem in vigilia sua attentum, *q. d.* Sobrie viventes agamus quæ bona sunt vigilantiter et attente.

Vita ergo mortalium vigilia est. Hinc Christus sedulo nos monet, *Matth. xxiv, 42* : « Vigilate, quia nescitis qua hora Dominus venturus sit. » In quæ verba S. Hilarius : « Ut ignorantiam, ait, illius diei omnibus taciti non sine utilis silentii ratione esse sciremus, vigilare nos Dominus propter adventum furis admonuit, et orationum assiduitate detentos, omnibus præceptorum suorum operibus inhærere. Furem eam esse ostendit Zabulum (id est diabolus : æolice enim *za idem* est quod *δα*), ad detrahenda ex nobis spolia pervigilem, et corporum nostrorum domibus insidiantem, ut ea incuriosis nobis et somno deditis, considerum suorum atque illecebrarum jaculis perfodiât. Paratos igitur esse nos convenit, quia diei ignorantia intentam sollicitudinem suspensæ expectationis exagitat. »

Pulchre etiam S. Chrysostomus, hom. 22 *ad Populum* : « Opus, ait, est vigilantia, dilecti ; nam et miles dormit, non in lecto, sed humi ; piscator non dormiens piscatur, sed stans aliquando peragit noctem ; agricola vigilat, ne domini vinea lædatur ; et pastor sub dio stans noctem consummat, gregem custodiens, sicut Jacob dicebat : *Æstu urebar et gelu, et somnus fugiebat ab oculis meis*. Et quæ ipsius vigiliæ ratio ? ne ulla ovis a fera voraretur. Si vero tanta de irrationali pecude cura, quales esse decet de rationali anima sollicitudinem gerentes ? Propter hanc Jacob operarius lapidem ad caput sibi posuit dormiens, ut facilius evigilaret, unde scalam vidit ad cœlos usque pertingentem. Nos esse vult Dominus paratos, propterea que posuit incertum exitum nostrum, ut continue vigilemus et pugnemus. »

Idem Chrysostomus hic, tom. IX, post medium, ostendit Christiano vigilandum esse exemplo excubitorum : « Obsecro, inquit, omnia faciamus, ne unquam obdormiamus. Non videtis custodes, quomodo seipsos sæpe vel parum somno permittent, omnem magnæ custodiæ fructum amittant ? per modicum enim illum somnum, totum perdunt, dum furari volenti copiam et potestatem faciunt. Quemadmodum enim nos fures non ita videmus, ut ipsi nos vident : ita et diabolus omnibus imminet, invidet et dentibus frendet. » Deinde ad eandem vigiliam nos excitat exemplo funambulorum. « Componamus nosipsos undique, et quemadmodum super funem extensum ambulantes non licet vel parum negligentes esse, nam parum illud magnum illis malum generaret ; mox enim subversi deciderent ac perirent : ita neque nobis pigrescere licet. Viam enim incedimus angustam et utrimque præcipitiis obnoxiam,

Vita mortalium vigilia.

Quam vigilantum sit Christiano ex S. Hilario et Chrysostomo docetur.

Exempla stimuli in-tia ad vigiliam.

pedumque simul duorum non capacem. Vides qua nobis opus sit diligentia? » Denique eodem nos exstimulat exemplo eorum qui ambulant per cacumina et præcipitia: « Non vides illos, qui tam periculosa illa itinera conficiunt, quomodo non solum pedes, sed et oculos communiunt? Quando enim putaverunt utrumque attendendum, et si pes firmus steterit, oculi tamen ex subjecta profunditate vertiginem passi fuerint, toti dilabuntur; sed oportet, ut et sibi ipsis et incessui simul attendant. Quapropter dicit: Neque ad dexteram, neque ad sinistram. Multa est malitiæ profunditas, magna sunt præcipitia, densæ subjectæ tenebræ: angustiam observemus, cum timore et tremore ambulemus. » Remoras vero hujus cautæ ambulationis explicat et submovet, dicens: « Nemo talem viam ingrediens risu diffunditur, aut ebrietate gravatur, sed sobrius et jejunos hujusmodi viam ambulat. Nemo talem viam ingrediens superfluum quidquam secum deferit; mavult enim expeditus esse, quo commode illam percurrere queat. Nemo pedes suos obligat, sed liberos esse sinit. Nos vero innumeris curis nosipsos quasi quibusdam vinculis constringentes et mille temporalium rerum onera deferentes, more stultorum hiantes et dissoluti, quomodo angustam hanc viam ambulaturos nos speramus? Non simpliciter illam angustam esse dixit, sed cum admiratione: Quam, inquit, angusta est via, etc., hoc est, vehementer angusta est. »

Remoras
vigiliæ.

Vers. 7.

7. QUI ENIM DORMIUNT, NOCTE DORMIUNT. — « Dormientes, » ait ex Chrysostomo Theophylactus, vocat eos, qui in malitia domiunt, quique ad virtutem nullis præditi sunt viribus, sed indulgent et indormiunt voluptatibus carnalibus et terrenis, quæ non sunt aliud quam somnia vigilantium, ait Chrysostomus.

ET QUI EBRII SUNT, NOCTE EBRII SUNT. — Quos dormientes vocavit, jam vocat « ebrios, » scilicet non eos solum qui vino et gulæ, sed quoscumque, qui cupiditatibus animi et perturbationibus indulgent, quæ æque ac vinum mentem homini eripiunt eumque inebriant. Ita Theophylactus. « Ebrietas animi, inquit Chrysostomus, sunt divitiæ et pecuniarum concupiscentia, et corporum amor; et quidquid tale dixeris, ebrietas animi est, » q. d. Paulus: Hi infideles et impii in peccatis suis dormientes, et ebrii in nocte paganismi et peccatorum versantur; vos autem Christiani versamini in die gratiæ et christianismi; ergo non dormire et inebriari pristinis voluptatibus et vitiis, sed vigilare, sobrii, prudentes scilicet, attenti ac modesti in omnibus actionibus, recreationibus et operibus vestris esse debetis. Et hoc est quod subdit (1):

Vers. 8.

8. NOS QUI DIXI SUMUS, SOBRII SIMUS, INDUTI LORI-

(1) Vers. 7, *somnus*, seu negligentia in bene agendo, id est peccata, et *ebrietas* sunt filiis noctis propria, ignorantiam veræ religionis comitari solent.

CAM FIDEI ET CHARITATIS, ET GALEAM SPERM SALUTIS. — Non satis est vigilare, inquit Theophylactus, ac sobrium esse, verum opus etiam armari: ut enim quis vigilans sit et sobrius, non habeat autem arma, facile eum latrones et prædones conficient. Lorica ergo, qua pectus et totum corpus obarmemus, sit fides et charitas, id est fides et bona vita, inquit Theophylactus, sive fides et bona opera charitatis: galea vero nostra sit spes salutis. Vide de his armis et panoplia hominis Christiani, dicta Ephes. VI, 17 et præcedentibus.

9. QUONIAM NON POSUIT NOS DEUS IN IRAM (id est Vers. 9. non creavit, non destinavit nos Deus ad damnationem, ut iram suam et vindictam in nos ostenderet), SED IN ACQUISITIONEM SALUTIS, PER DOMINUM NOSTRUM JESUM CHRISTUM, q. d. Sed creavit nos Deus, destinavit, redemit, segregavit ab infidelibus et nos vocavit ad Christum, ut per eum acquiramus salutem bene operando, ac vivendo secundum legem Christi.

10. QUI MORTUUS EST PRO NOBIS, UT SIVE VIGILE- Vers. 10. MUS (id est vivamus), SIVE DORMIAMUS (id est moriamur), SIMUL CUM ILLO VIVAMUS, — nimirum hic in gratia, post mortem vero in gloria. Aliter ergo accipit hic dormire et vigilare, quam vers. 6 et 7; ludit enim in hisce vocibus Apostolus. Ita Theophylactus et Anselmus (2).

11. ÆDIFICATE ALTERUTRUM. — Græce ἱεὺ τὸν ἑνα, Vers. 11. id est unus unum, alius alium. Est metaphora: Quid sit ædificare? sicut enim qui murum ædificat, eumque sensim erigit et attollit, is domum ædificat: ita qui sua sobrietate et humilitate proximum erigit et excoitat, is eum ad similia ædificare dicitur, ut fiat nimirum domus et templum sanctum et perfectum Domino. Ne dicas, inquit Theophylactus, non sum doctor, non sum præceptor, alios docere et ædificare non teneor. Falleris: doctores non sufficiunt ad singulorum et omnium admonitionem; sed vult Deus quemque alium instruere et ædificare, saltem exemplo suo et bona vita.

12 et 13. ROGAMUS AUTEM VOS, FRATRES, UT NOVE- Vers 12. RITIS (id est notetis et rationem eorum habeatis: est metalepsis) EOS QUI LABORANT (in prædicando Evangelio et re christiana procuranda et promovenda) INTER VOS, ET PRÆSENT VOBIS IN DOMINO (id est in Domini Christi familia, hoc est Ecclesia), UT HABEATIS ILLOS ABUNDANTIUS IN CHARITATE, — ut eos abundantius ametis et foveatis, quasi filii parentes vestros spirituales. Ita Theophylactus. Græce est ἡγιστοῦ αὐτοῦ ὑπὲρ πάντων ἐν ἀγάπῃ, id est, ut Vatablus, ut habeatis illos in summo pretio per charitatem, ministrando scilicet eis necessaria ad vitam; Ambrosius vertit, ut illis habeatis summum honorem in charitate.

PACEM HABETE CUM IIS. — Notent hoc qui suis

(2) Sive vigilemus, sive dormiamus, id est, sive superstites, sive mortui deprehendamus die illo iudicii extremo, pariter cum Domino conjuncti erimus et consociati ad beatæ vitæ communitatem. Vid. notata ad vers. 12.

Pastoribus et Prælatiſ lites movent, aut odia contra eos ſovent (1).

Vers. 14. 14. CORRIPITE INQUIETOS. — Græce pro *corripite*, est *verberetis*, id eſt officiū admonete et quaſi mentem quam amiſerunt, eis reddite et reponite. *Secundo*, pro *inquietos*, græce eſt ἀτάκτους, inordinatos, quō nomine Livius vocat milites qui ſuam ſtationem non ſervant. Sic Paulus hoc nomine notat hic eos, qui Eccleſiaſtica non ſervant diſciplinam et ordinem, quem cuique ſtatuit et definiſit Deus, ait Theophylactus; tales enim intrac- tabiles ſunt, et parere nolunt, turbantque om- nem pacem.

SUSCIPITE INFIRMOS, — ἀνέχεσθε τῶν ἀδελφῶν, id eſt ſuſcipite et ſuſcite infirmos. Syrus vertit, *excipite onus eorum qui infirmi ſunt*; Ambroſius, *opitula- mini infirmis*: ἀνέχεσθαι enim eſt proprie, n- tentem et conantem, ſed non ſufficientem, nec ſat virium habentem adjuvare.

PATIENTES ESTOTE AD OMNES, — μακροθυμεῖτε, id eſt, ut Syrus, longanimi eſtote erga unumquem- que.

Vers. 15. 15. VIDETE, NE QUIS MALUM PRO MALO ALICUI REDDAT: SED SEMPER QUOD BONUM EST SECTAMINI IN INVICEM, ET IN OMNES. — Id eſt benefacite invicem et omnibus: opponit enim reddere malum illi, quod eſt, « ſectamini bonum. » « Non ſalis eſt, inquit Theophylactus, non reddere mala pro malis, verum eſt etiam opere pretium bonis compensare malefactorem; hoc enim indicat cum ait: Sctamini quod bonum eſt, hoc eſt impenſe ſtudetis benefacere, et in invicem, hoc eſt; erga fideles; et in omnes, hoc eſt, etiam erga infideles. »

Vers. 16. 16. SEMPER GAUDETE, — « etiamſi, inquit Theo- phylactus, in tentationes incideritis. Obſerva autem quod poſteaquam dixiſſet non eſſe ma- lum malo penſandum, tunc præceperit lætandum eſſe: nam qui inſtitutus eſt, ut de nemine ſe ulciſcatur, ſed beneficiis potius proſequatur eum qui contriſtaverit ſe, undenam, amabo, mœroris ſtimulum accipit? »

Vers. 17 et 18. 17 et 18. SINE INTERMISSIONE ORATE: IN OMNIBUS GRATIAS AGITE. — « Iter monſtrat, ait Theophy- lactus; quo fiat ut ſemper gaudeamus, oratio- nem nimirum quæ non ceſſet, atque gratiarum actionem: qui enim aſſuevit cum Deo verſari, eique gratias agere in omnibus rebus, tanquam utiliter contingentibus, planum eſt quod perpetuum ſit gaudium habiturus.

Nota: Chriſtianus aſſidue orare debet. Nam, ut ait S. Ephrem, tract. *De Oratione*: « Oratio eſt temperantiæ cuſtodia, iracundiæ frænum, animi elati reſpreſſio, odii medicina, recta legum jurisque conſtitutio, regni potentia, trophæum atque vexillum belli, tutela pacis, virginitatis ſigillum, fides nuptiarum, viatorum præſidium, dormientium cuſtos, agricolarum fertilitas, na- vigantium ſalus, reorum patrona, mœrentium

conſolatio, lætantium jucunditas, lugentium ſo- lamen, morientium ſepultura. » Deinde hæc ipſa exemplis confirmans ſubdit: « Oratio Jonæ pro- phetæ balenam pro domo conceſſit, et Ezechiam ex portis mortis ad vitam reduxit, ipſisque tri- bus pueris in Babylone flammam ignis in flatum roris convertit. » Indeque concludit: « Nulla eſt alia in tota vita humana pretioſior oratione poſ- ſeſſio. » Quomodo ſemper orare oporteat, dixi *Ephes. vi, 18*.

Audi et abbatem Lucium, in *Vitis Patrum*: cum enim quidam fratres ad eum adveniſſent, requi- ſivit eos ſenex, dicens: Quid ſoletis manibus veſtris operari? At illi dixerunt: Nos nihil mani- bus noſtris operamur, ſed ſecundum quod dicit Apoſtolus, ſine ceſſatione oramus. Quibus ſenex dixit: Non manducatis? At illi profeſſi ſunt: Etiam, dixitque eis: Quando ergo comeditis, quis pro vobis orat? at illi conticuerunt, et iterum requiſivit eos, dicens: Numquid dormitis? cum- que illi ſe dormire dixiſſent, dixit eis: Quando ergo dormitis, quis orat pro vobis? et non inve- nerunt quid reſponderent ei. Tunc dixit eis: « Indulgete ergo mihi, quoniam non facitis ſicut dicitis. Ego autem dicam vobis, quemadmodum manibus meis operans ſine ceſſatione oro. Sedeo enim de mane uſque ad horam conſtitutam, et pauca palmarum folia infundo, et facio exinde funiculos, et interim oro, dicens: Miſerere mei, Deus, ſecundum magnam miſericordiam tuam, et ſecundum multitudinem miſerationum tua- rum dele iniquitatem meam. Cumque percom- plevi opera manuum mearum, et fecero ali- qua vasa, aut paucos funiculos, et emero ex eis nummos decem, ex ipſis nummis duos do pau- peribus, et reliquos comedo. Quando ergo co- medo aut dormio, tunc illi pro peccatis meis ſine ceſſatione implent orationem meam. » Ita in *Vitis Patrum*, lib. III, pag. 531, num. 212.

18. IN OMNIBUS GRATIAS AGITE. — Nota: In om- nibus gratiæ agendæ ſunt Deo, puta tam in morbo, quam in ſanitate; tam in inopia, quam in copia; tam in deſolatione, quam in conſola- tione; tam in tentatione, quam in pace; tam in humiliatione, quam in exaltatione; tam in ad- verſitate, quam in proſperitate: quia non minus, imo ſæpe majus, donum et beneficium Dei eſt morbus, inopia, deſolatio, tentatio, humilitas, adverſitas, quam ſanitas, copia, conſolatio, pax, exaltatio, proſperitas. Atque hæc eſt, uti jucundiſſima, ita et ſanctiſſima via, qua per ærumnas hujus vitæ, læti et quaſi ludibundi- mus in cœlum; ſi nimirum in quavis re cum Pſalte canamus: « Benedicam Dominum in omni tempore. » Et cum Paulo: « In omnibus gratias agamus Deo. » Hinc S. Auguſtinus, in *Pſal. cxxxiii* laudat morem veterum Religioſorum, qui fre- quenter habebant in ore hoc verbum, *Deo gratias*; eoque cum invicem fierent obvii, ſe mutuo ſalu- tabant, uti etiamnum multi faciunt. Carpebant

Pelag.
libel. 12,
n. 9.

Quomodo
quiſſem-
per orare
poſſit?

Vers. 18.
Chriſtia-
nus in
omnibus,
etiam ad-
verſis,
Deo gra-
tias
agit.

Vers. 18.
luto-
Deo gra-
tias.

(1) In Græco: Pacem et concordiam invicem colite.

hoc Circumcelliones, sed defendit Augustinus : « Qui dicit, ait, Deo gratias, gratias agit Deo. Vide si non debet frater Deo gratias agere, quando videt fratrem suum. Num enim non est locus gratulationis, quando se invicem vident qui habitant in Christo? » Idem S. Augustinus, *epist.* 77 : « Quid melius, inquit, et animo geramus, et ore promamus, et calamo exprimamus, quam Deo gratias? Hoc nec dici brevius, nec audiri lætius, nec intelligi grandius, nec agi fructuosius potest. Deo gratias, qui te tam fideli pectore ditavit. » Vide insignem homiliam S. Basili, quam de gratiarum actione scripsit, ubi inter cætera sic ait : « Accumbens mensæ, ora : esitans panem, largitori gratiam rependito. Tunicam indueris? gratias agito benigno datori. Amicis pallio? fac in te augeat interior erga Deum charitas, qui indumenta gratuito largitus est hiemi æstatque accomoda, quibus et vita conservetur, et obvioletur turpitudine. Tibine dies expletus abiit? illi referto gratiam; qui solem nobis nil tale commertis indulsit in diurnæ operationis ministerium : ignem vero contulit illustrandæ nocti, utque subserviat cæteris vitæ commoditatibus. Si in cælum suspexeris, cum in eximiam siderum pulchritudinem oculorum aciem defixeris pressus, procide Deo, et cole eum qui cuncta hæc in sapientia condidit. Quin et noctem dispertitor in somnum et orationem, imo somni ipsi pietatis exercendæ meditationes quædam sint. » Et inferius : « Nullo tuo merito plecteris? gaudium tibi inferat futurorum spes. Justo es supplicio additus? gratias agas quod hic potius luas pœnas quam in futuro. » Et S. Bernardus, *serm.* 13 in *Cant.*, ubi inter cætera ait : « Ad locum unde exeunt, revertantur flumina gratiarum, et iterum fluant. Remittatur ad suum principium cœleste profluvium, quo uberius terræ refundatur. Qualiter, inquis? Qualiter dicit Apostolus : In omnibus gratias agentes. Quidquid sapientiæ, quidquid te virtutis habere confidis, Dei virtuti et Dei sapientiæ deputa Christo. »

HÆC EST ENIM VOLUNTAS DEI IN CHRISTO JESU (per Christum Jesum) **IN OMNIBUS VOBIS.** — Græce *εἰς ὑμᾶς, erga vos*, *q. d.* Hoc est quod vult Deus, per Christum, id est per Christi legem, doctrinam et gratiam, nos præstare, scilicet ut semper gaudeamus, sine intermissione oremus, in omnibus gratias agamus, etc. Unde Theophylactus *in Christo Jesu*, hoc est, inquit, per Jesu Christi cooperationem; « etenim Christus nobis ad gratiarum actionem adiutor est, qui et illud nos facere docuit in Evangelio. » Nota : « Voluntas » signi hic intelligitur. Unde recte *θέλημα* (quod noster vertit, *voluntas*) *volitum* veritas, vel res volita a Deo, Deoque placita et accepta. Hinc Vatablus sic explicat, *q. d.* Hæc faciendo placebitis Deo per Christum, sine quo nihil placere potest.

Tertio, alii sic explicant, quasi Apostolus hic tacitæ occurrat objectioni. Dicit enim quis : Quo-

modo semper gaudebo et gratias agam, qui tot premor ærumnis? Respondet Apostolus hanc esse Dei voluntatem, id est benevolentiam, ut cum Christo, per Christum, id est per Christi gratiam hæc omnia patiamur : Deus enim non ex odio, sed ex amore et benevolentia, sicut Christo Filio suo crucem imposuit, ita Christiano cuique crucem immittit et imponit. Sed hic sensus remotior est, et multa Apostolo addit et supplet.

19. SPIRITUM NOLITE EXTINGUERE. — Aliqui per *Vers. 19.* « spiritum » intelligunt rationem, sive portionem superiorem in anima; hæc enim dicitur *spiritus* *vers. 23.* Sed aliter ibi, aliter hic vocem *spiritus* sumit Apostolus. Dico ergo : « Spiritum, » id est dona, gratias, lumina, afflatus, impulsus, et, ut sequitur, prophetias Spiritus Sancti, qui est quasi lampas præfulgens in nocte hujus sæculi, « nolite » desidia, terrenis curis, desideriis carnalibus, aut etiam incredulitate, quasi injecta aqua vel pulvere, « extinguere; » qui enim hæc extinguit, quantum in se est, Spiritum Sanctum in corde suo extinguit : sed potius concludite januas; id est sensus, ne ingrediatur spiritus malitiæ, qui extinguat hanc lampadem. Ita Chrysostomus, Theodoretus, Theophylactus, Anselmus.

Nota : Apostolus vetat non tantum ne in nobis, sed etiam ne in aliis hæc dona Spiritus extinguamus, maxime prophetias, unde quasi explicans subdit :

20. PROPHETIAS NOLITE SPERNERE. — Erant enim *Vers. 20.* tunc inter Christianos multi Prophetæ, qui in fidelium cœtu et synaxi prophetabant, sive proprie, sive improprie, scilicet sacram Scripturam interpretando, docendo, exhortando, ut dixi I *Cor.* xiv, 29 : horum spiritum retundi et comprimere vetat hic Apostolus; imo jubet eorum prophetias excipi, audiri et probari. Idem patet I *Cor.* xiv, 29. Hinc non abs re, nec præter mentem Apostoli : « Spiritum, inquit Ambrosius, extinguit, qui incipientem loqui spiritualia contradictione sua sopit. » Sic parentes spiritum in filiis aut filiabus extinguunt, cum desideria castitatis, religionis aut vitæ perfectioris suffocant per vitam licentiozem, qua cogunt eos studere ornatui corporis, tripudiis, conviviis aliisque mundi vanitatibus. Quod quam Deo displiceat, docet exemplum Prætextatæ apud Hieronymum, *epist. ad Lotam* : « Prætextata; ait, nobilissima quondam femina, jubente viro Hymetio, qui patruus Eustochii virginis fuit, habitum ejus cultumque mutavit, et neglectum crinem mundano more pexuit, vincere cupiens et virginis propositum et matris desiderium; et ecce tibi eadem nocte cernit in somnis venisse ad se angelum terribili voce minitantem pœnas, et hæc verba frangentem : Tune ausa es viri imperium præferre Christo! Tu caput virginis Dei tuis sacrilegis atrectare manibus, quæ jam nunc arescent, ut sentias excruciatæ quid feceris : et finito mense quinto ad in-

Quid sit spiritum extinguere?

Qui spiritum extinguit!

Exemplum Prætextatæ.

ferna duceris; sin autem perseveraveris in scelere, et marito simul orbaberis et filiis. Omnia per ordinem expleta sunt, et scram miseræ poenitentiam velox signavit interitus. Sic ulciscitur Christus violatores templi sui, sic gemmas et pretiosissima ornamenta defendit. » Idem quotidianis discimus exemplis, tales scilicet parentes multis infortuniis, præsertim circa illas ipsas proles in quibus spiritum extinxerunt, graviter a Deo puniri.

Narrat S. Ambrosius, in fine lib. I *De Virgin.*, nobilem virginem cum a parentibus urgeretur ad nuptias, confugisse ad altare, eisque dixisse: « Quid agitis? sponsum offertis? meliorem reperi; quaslibet exaggerate divitias, jactate nobilitatem, potentiam prædicate: habeo eum cui nemo se comparet, divitem mundo, potentem imperio, nobilem cælo. Si talem habetis, non refuto optionem; si non reperitis, non provideatis mihi, sed invidetis. » Cumque staret ad aram Dei pudoris hostia, victima castitatis, unus abruptus: « Quid si, inquit, pater tuus viveret, innuptam te manere pateretur? Tum illa majori religione, moderatiore pietate respondit: Et ideo fortasse defecit, ne quis impedimentum posset afferre. Quod ille responsum de patre, de se oraculum, maturo sui probavit exitio. » Paulo enim post mortuus est. « Ita cæteri eadem quisque metuentes; favere cæperunt, qui impedire quærebant. Parentes, cavete offensionis exemplum: » hucusque Ambrosius.

Vere S. Hieronymus *ad Paulam* de obitu Blæstillæ: « Grandis, inquit, in suos pietas, impietas in Deum est; » et *ad Furiam*: « Pater, inquit, impleat nomen suum; lætetur filiam genuisse Christo, non sæculo; » et Nazianzenus, in *Præceptis ad virgines*:

Quin tua si potius transfixit pectora Christus,
Atque ea divino Pater immortalis amore
Implevit, Christo ne sit grave sistere nympham
Aut puerum.

Moraliter S. Chrysostomus docet hic spiritum extingui quovis peccato; sicut enim fax extinguitur vel vento exsufflante, vel defectu ceræ et fomitibus: ita spiritus quasi lampas extinguitur vel vento tentationis, vel pulvere curarum terrenarum, vel deficiente oleo misericordiæ et bonorum operum. « Spiritus, ait, æque ac lucerna extinguitur, si aut olei parum habueris, aut foramen non obturaveris, vel ostium non ocluseris. Quod vero est hoc foramen? Quemadmodum in lychno habet, ita et in nobis: foramina sunt oculi et aures. Ne sinas istis occurrere validum malitiæ flatum, alioqui lychnum extinguet, sed obtura foramina timore Dei. Janua os est. Claude, ita scilicet oclude, ut et lucem exhibeat, et externum impulsus repellat. » Mox exemplo familiari et quotidiano idipsum declarat, dicens: « Conviciatus est quisquam? vituperavit? tu

claudere os tuum; si enim illud aperueris, concitabis magis ventum hunc. Non vides in ædibus, quando e regione ac directe duæ januæ oppositæ sunt, et flatus vehemens irruerit, si alteram clauderis, nihil valeat efficere flatus, sed plurimum de illius robore præcidatur? Ita et hic duæ sunt januæ, os tuum et os illius qui te vituperat et probro afficit. Si tuum ocluseris, et spirationem non dederis, omnem istum flatum extinguēs; si vero aperueris, effrænis reddetur. Ne extinguamus igitur spiritum. Fit autem sæpe numero, ut etiam nullo externo impulsu incumbente extinguatur fax, quando videlicet oleum deficit; quando misericordiam non facimus, extinguitur spiritus; etenim ex misericordia Dei venit ad te spiritus. »

Deinde pergit Chrysostomus docere quod, sicut latrones in tenebris grassantes prius extinguunt lucernam, deinde latrocinantur et prædantur impune: ita demones prius hunc spiritum quasi lampadem extinguunt, ut anima viam in cælum nec videre, nec inire possit; ac deinde eam deprædantur et grassantur impune. Chrysostomo consentit Hieronymus, epist. 150 *ad Hedib.*, Quæst. XII, additque hoc loco esse miosin, q. d. « Spiritum nolite extinguere, » id est spiritum fovete, et, ut ait Apostolus, *Rom. XII, 11*, « spiritu ferventes » estote. « In quo enim, inquit S. Hieronymus, fervor spiritus multiplicata iniquitate, et charitatis frigore non tepescit, in hoc spiritus nequaquam extinguitur. »

21. OMNIA AUTEM PROBATE, QUOD BONUM EST TESTE. — S. Augustinus, lib. I *De Natura et Grat.*, cap. IX, et alibi sic legit, *omnia legite, quæ bona sunt tenete*: sed paraphrastice, nam ad verbum Græca, Latina et Syrus habent, *omnia probate*: subaudi, quæ dubia et incerta sunt, ideoque probatione indigent et examine, quales erant prophetiæ, de quibus vers. præced. dixit: « Prophetias nolite spernere; » has enim singuli privati Spiritu Sancto afflati in cœtu Ecclesiæ olim publice loquebantur. Unde eas dijudicari vult Apostolus tam hic quam I *Corinth. XIV, 24*, an veræ sint, an conformes sacræ Scripturæ et doctrinæ Ecclesiæ, an prophetiæ sint, ac instinctus spiritus humani: maxime quia, ut notant Chrysostomus, Theodoretus, Theophylactus, iis aliqui pseudoprophetæ clam se immiscebant, ut patet epist. seq., cap. II, ubi redarguit eos qui prophetabant instare diem iudicii.

Nihil ergo hic habet Kemnitius et Novantes pro suo examine Concilii Tridentini et aliorum Ecclesiæ vel Pontificis decretorum. Male etiam hinc inferunt, hæreticorum libros cuilibet esse legendos et examinandos; hi enim ab Ecclesia jam improbat et damnati sunt de certa hæresi et perniciæ: nam, ut recte Chrysostomus et Theophylactus, pseudoprophetas, quos constat tales esse, ne audiri quidem vult Dominus, *Deuter. XIII, 3* et alibi.

An Apostolus velit libros hæreticorum legi?

Quomodo spiritus extinguitur ex S. Chrysostomo?

Vers. 22. 22. AB OMNI SPECIE MALA ABSTINETE VOS. — Alii legunt, *ab omni specie mali*. Utroque enim modo verti possunt Græca : quanquam prior lectio est germanior, eamque cum D. Hieronymo sequuntur interpretes. Sed idem utriusque lectionis est sensus.

Vers. 23. 23. IPSE DEUS (auctor) PACIS SANCTIFICET VOS PER OMNIA. — Græce *θεοῦ εἰρήνης*, id est *totos*, ut totis sancti et perfecti in omnibus, nimirum in spiritu, anima et corpore, ut sequitur.

UT INTEGER SPIRITUS VESTER ET ANIMA, ET CORPUS SINE QUERELA IN ADVENTU (in adventum) DOMINI NOSTRI JESU CHRISTI SERVETUR. — « Integer » non est idem hic, quod incorruptus; græce enim est *ἀλόγητος*, q. d. Totum perfectum, omnibus suis partibus et dotibus integrum et absolutum, cui tota sua sors (hoc enim est *κατὰ μέρος*), sive totum quod sorte accepit, inest et adest, q. d. Totam gratiam et integritatem, quam sorte accepistis in baptismo, conservate usque ad diem iudicii, ut talem et tam integrum spiritum, animam et corpus Christo iudici reddatis et exhibeatis, qualem ab eo in baptismo accepistis.

Quomodo spiritus ab anima distinguitur? Nota cum S. Augustino, tract. de Symbolo : Totus homo tres habet partes, spiritum, animam et corpus; itaque homo est imago trium personarum SS. Trinitatis. Primo ergo Nyssenensis apud Theophylactum per spiritum accipit partem hominis rationalem; per *animum*, partem sensitivam; per *corpus*, vegetativam.

Secundo et melius, spiritus est pars rationalis, sive ratio et potentia animæ superior, quæ mens dicitur, maxime si fide et spiritu Dei sit imbuta; anima est portio inferior nobis cum bestiis communis, ex qua homo animalis dicitur et animales operationes exercet, uti sunt videre, audire, edere, generare; corpus vero est domicilium utriusque, scilicet tam spiritus quam animæ, q. d., ait Anselmus : Sit spiritus vester integer, id est nulla hæresi, errore, diffidentia, malitia, invidia, nulloque peccati consensu vulneretur, ita ut aliquo fidei, spei, charitatis, alteriusve virtutis articulo et quasi membro mutiletur; sed plena articulorum

omnium et dogmatum fide, integra spe et charitate, cæterarumque virtutum partibus et numeris omnibus integer sit et perfectus. Sit et anima integra, id est delectationibus carnis et sensuum non saucietur, ita ut mutiletur integritas et perfectio, quæ debet esse in auditu, visu aliisque sensibus animæ externis et internis; sed ii per omnia sint integri, quantum patitur humanæ conditionis infirmitas; nec enim ad integritatem Adami et Christi, in hac vita accedere possumus. Denique corpus vestrum sit integrum, id est nullius peccati executione et perpetratione lædatur; sed inviolatum, illæsum, integrum æque ut spiritus et anima consistat : sio ut corpus animæ, anima spiritui, spiritus Deo plane subsit et obediat, Deusque suam sanctitatem spiritui, et per spiritum animæ et corpori communicet, ut in die iudicii Christo exhibeatis corpus et animam et spiritum integre et perfecte sancta, qualia accepistis in baptismo, de iisque dicere possitis : « Despondi vos uni viro virginem castam exhibere Christo. »

Unde nota secundo : Integritas hæc opponitur Qui sint manci in fide et charitate, qui inter? maneo et mutilo : sunt enim manci et mutili in fide, qui credunt Symbolum Apostolorum, sed negant alias traditiones, negant invocationem Sanctorum et Christi præsentiam in Eucharistia, etc. Sic in charitate manci sunt, qui amicos diligunt, non inimicos. Sic in anima manci sunt, qui taciturni a turpibus eustodiunt, sed non aures, non oculos; et ita de aliis. Hisce opponit Apostolus integritatem, quam Christianus tam in fide, ut omnia credenda credat, quam spe, ut omnia speranda speret, et charitate, ut omnia amanda amet, aliisque virtutibus habere debet. Itaque Hieronymus, ad Hedib., Quæst. XII.

24. FIDELIS EST DEUS, QUI VOCAVIT VOS : QUI ETIAM FACIET, — id est efficiet et perficiet, ut integritatem jam dictam, ad quam vos vocavit, conservetis et ad æternam salutem perveniat, si videlicet ejus gratiæ non desitis, illique cooperemini. Ita Theophylactus et Anselmus.

26. IN OSCULO SANCTO. — De hoc osculo dixi II Corinth. xiii, 12.

Adventum Christi expecta, æTERNITATEM cogita.

COMMENTARIUS

IN SECUNDAM EPISTOLAM

AD THESSALONICENSES.

ARGUMENTUM.

Quadruplex huius epistolæ argumentum. **Primo**, hortatur Thessalonicenses ad constantiam in fide Christi, utque pro ea fortiter ferant persecutiones Gentilium et Judæorum, spe præmii cœlestis,

Secundo, docet necdum instare diem iudicii; quidam enim falsi et fraudulentii doctores persuaserant eis instare diem hunc, et ad hoc verba quædam fingeant tanquam a Paulo dicta, et epistolas quasdam tanquam ab illo scriptas, quibus hoc asserebat. Hos ergo impostores hic redarguit, metumque instantis iudicii eis adimit, docetque quod prius oporteat venire Antichristum: cuius qualitates, vitam et mores hic describit.

Tertio, monet traditiones sive verbo, sive scripto acceptas, esse servandas.

Quarto, docet ut fugiant et coerceant homines otiosos, curiosos et inquietos. Denique signum eis dat, quo dignoscant genuinas suas epistolas a commentitiis, quas proferabant impostores jam dicti (1).

(1) Hujus Epistolæ argumentum tripartitum est, pro numero trium ipsius capitulum. Et *prima* quidem pars consolatoria est, quæ cap. 1 tractatur, ubi Apostolus auditores suos adversus vexationes ob religionem ita

Græca et Latina Regia in fine habent hanc epistolam scriptam esse Athenis; Syrus vero, Laodiceæ; Œcumenius autem et Athanasius in *Synopsi*, Romæ. Verisimilius videtur hanc secundam scriptam esse paulo post primam, cum adhuc Apostolus Corinthi degeret, anno Christi 53 (2). Unde Timotheus et Silvanus tam huic secundæ, quam illi primæ inscribuntur: quasi qui cum Paulo salutent eos, mittantque eis hanc epistolam (3).

erigit, ut simul eosdem ad constantiam oblique hortetur. *Secunda* pars partim prophetica, partim didascalica est, quæ cap. II tractatur, ubi doctrinam de ultimo Christi adventu, atque de insigni quadam defectione a religione plenius ipse declarat. *Tertia* et postrema pars tota hortatoria est, quæ cap. III continetur, ubi Apostolus Thessalonicenses ad studium Christianarum virtutum, et nominatim ad diligentiam in uniuscujusque vocatione adhibendam, serio exhortatur, addita sub finem oratione et salutatione pathetica.

(2) Anno 51, ait Sepp, op. cit. tom. II, pag. 332.

(3) De authenticâ hujus Epistolæ nostra ætate in dubium vocata a De Wett, digna est præsertim quæ legatur Reichii Dissertatio: *Authenticæ posterioris ad Thessal. epistolæ vindiciæ*. Gotting., 1829. Cf. D. Glaire, *Introduction aux livres de l'Ancien et du Nouveau Testament*, tom. V, p. 142 et seqq.

CAPUT PRIMUM.

SYNOPSIS CAPITIS.

Gratias agendo, et laudando Thessalonicensium in persecutionibus pro fide toleratis constantiam, hortatur ut in eadem pergant.

Unde, vers. 6, proponit eis tam pœnas horrendas persecutorum, quam prœmium admirandum gloriæ, quod ipsi omnesque Sancti accepturi sunt in die judicii.

Denique, vers. 11, orat Deum, ut opus hoc fidei in eis compleat.

1. Paulus, et Silvanus, et Timotheus, Ecclesiæ Thessalonicensium in Deo Patre nostro et Domino Jesu Christo. 2. Gratia vobis et pax a Deo Patre nostro et Domino Jesu Christo. 3. Gratias agere debemus semper Deo pro vobis, fratres, ita ut dignum est, quoniam supercrevit fides vestra, et abundat charitas uniuscujusque vestrum in invicem : 4. ita ut et nos ipsi in vobis gloriemur in Ecclesiis Dei, pro patientia vestra et fide, in omnibus persecutionibus vestris et tribulationibus, quas sustinetis, 5. in exemplum justii judicii Dei, ut digni habeamini in regno Dei, pro quo et patimini. 6. Si tamen justum est apud Deum retribuere tribulationem iis qui vos tribulant ; 7. et vobis, qui tribulamini, requiem nobiscum in revelatione Domini Jesu de cœlo cum angelis virtutis ejus, 8. in flamma ignis dantis vindictam iis qui non noverunt Deum, et qui non obediunt Evangelio Domini nostri Jesu Christi. 9. Qui pœnas dabunt in interitu æternas a facie Domini, et a gloria virtutis ejus : 10. cum venerit glorificari in sanctis, et admirabilis fieri in omnibus qui crediderunt : quia creditum est testimonium nostrum super vos in die illo. 11. In quo etiam oramus semper pro vobis, ut dignetur vos vocatione sua Deus noster, et impleat omnem voluntatem bonitatis et opus fidei in virtute, 12. ut clarificetur nomen Domini nostri Jesu Christi in vobis, et vos in illo, secundum gratiam Dei nostri et Domini Jesu Christi.

Vers. 1. 1. ECCLESIE THESSALONICENSIIUM IN DEO PATRE NOSTRO. — Supple, congregatæ et adunatæ. Vide *Epist. I, cap. I, vers. 1.*

Vers. 3. 3. SUPERCRESKIT, — ὑπερβαύει, id est valde et supra modum augescit fides vestra.

Vers. 4 et 5. 4 et 5. QUAS SUSTINETIS, IN EXEMPLUM JUSTI JUDICII DEI. — Pro *exemplum*, græce est ἑδύγμα, id est documentum, et, ut Syrus, demonstrationem et declarationem, q. d. Sustinetis persecutiones et tribulationes hac spe et consolatione, hoc fine et fructu, ut aliquando (puta in die judicii) ostendatur et demonstretur justitia et justum judicium Dei, quo vos ob patientiam dignos habebit, id est dignos judicabit regno Dei et corona gloriæ coronabit ; vestros vero persecutores, qui hic in vestra afflictione gaudent, condemnabit. Ita Theophylactus, et patet ex seq. Unde Tertullianus in *Scorpiaco*, cap. XIII, ita legit : « In pressuris, quibus sustinetis ostentamen justii judicii Dei. »

Nota : Græce non est *in exemplum*, sed tantum ἑδύγμα, id est documentum, exemplum. Intelli-

gitur ergo præpositio *in*, vel *ad*, quanquam sine præpositione *in*, nominativo casu posset referri ad ipsos patientes, q. d. Vos qui tanta patimini, estis documentum et ostenditis rectum esse judicium Dei, cum ob tantas tribulationes retribuit vobis regnum æternum : hoc enim justo Dei judicio tantum patientibus debetur (1).

6. SI TAMEN JUSTUM EST APUD DEUM RETRIBUERE. Vers. 6. — Si est asseverantis, non dubitantis. Unde Ambrosius et quidam alii legunt, *siquidem* : sic etiam vertit Syrus et Vatablus : sic et Græci ἀπερ exponunt ἐπιδείκναι, id est, quandoquidem.

JUSTUM EST. — Nota hic, Deum ex justitia tam impiis ob scelera, æternas pœnas ; quam bonis et patientibus, ob suam patientiam, æternam requiem et gloriam retribuere. Hoc enim asserit hic Paulus. Ergo patientia hæc meretur hanc gloriam, Deus et justitia impiis pœnam, piis gloriam dat.

(1) Quod boni affliguntur, indicio est, aliam vitam esse post mortem, ubi præmia sua accipient, sicuti mali suas ferent pœnas.

sicut scelera pœnam; ergo est meritum bonorum operum.

Vers. 7. 7. IN REVELATIONE DOMINI JESU DE COELO, — cum Christus apparebit iudex in die iudicii.

Quinam angeli præcedent Christum ad iudicium? CUM ANGELIS VIRTUTIS EJUS. — Græce *δυνάμεις*, id est potentiae. Hi enim angeli Christum iudicem venientem præbunt, ejusque potentiam et maiestatem suo numero maximo, suis tubis, fulguribus, tonitribus et terræ motibus ostendent. Syrus vertit, *cum virtute*, id est exercitu, *angelorum* : hinc enim hebraice dicitur Deus sabaoth, græce *δυνάμειων*, latine *exercituum* : quo nomine prima omnium compellasse Deum legitur Anna, mater Samuelis, I Reg. I, 11, q. d. Agite, o Christiani, animose ferte persecutiones; veniet dies, in qua Christus, pro quo patimini, iudex aderit, qui potentissimas secum ducet acies angelorum ad iudicium et vindictam impiorum : ut nimirum vos et vestras injurias ulciscantur, eosque, qui vos persequuntur, igni tradant et in tartara deturbent.

Vers. 8. 8. IN FLAMMA IGNIS DANTIS VINDICTAM HIS QUI NON NOVERUNT DEUM. — Græce *ἐν πυρὶ φλογός*, id est in igne, sive incendio flammæ, id est flammante et flammam ejaculante.

Secundo, *τὸ dantis* non potest referri ad ignis, sed ad Domini Jesu. Græcum enim *διδόντος* masculinum est; unde non potest referri ad *φλογός*, femininum, sed ad *Κυρίου*, quod est masculinum, q. d. Dominus Jesus per flammam ignis dabit vindictam impiis.

Quinam igne conflagratio nis mundi interituri? Nota : Intelligit ignem conflagrationis mundi; licet enim nonnulli cum Francisco Suarez putent hoc igne non morituros Sanctos, qui tum vivi reperientur, eo quod illa nimis dura et indigna Sanctis videtur esse mors; impios tamen hoc igne morituros, satis hic et alibi significat Scriptura. Hic ergo ignis reprobos morte puniet, eosque convolvat et rapiet in gehennam et ignem æternum.

Memoria ignis gehennæ remedium contra omnes tentationes. Moraliter S. Chrysostomus : « Si videris, ait, in præsentī vita jucundum quid ac magnificum, cogita regnum Dei, et nihil esse putabis : si terribile quid videris, cogita gehennam, et illud etiam deridebis : si quando te ceperit concupiscentia corporalis, cogita gehennæ ignem ; si enim legum sæcularium metus nos a malis cohibet, multo magis recordatio futurorum, supplicium immortale, pœna sempiterna.

Vers. 9. 9. QUI POENAS DABUNT IN INTERITU ÆTERNAS. — Græce *ὁλοθρον αἰώνιον*, id est interitum et mortem æternam luent, quasi pœnam suis sceleribus meritam et debitam, ad quam pœnam damnabuntur et relegabuntur.

Gravitas pœnarum inferni. Audi de hac pœna S. Cyprianum, tract. *De Ascens. Domini* : « Quanta illud edictum (sententiam iudicis Christi) sequentur lamenta, illius ultimæ tubæ clangor quam horribilis erit! continuus erit et superfluous illarum lacrymarum decursus, stridorem illum dentium flammæ inextinguibiles agitantur : immortales miseri vivent, incendia et inconsumptibiles flammæ nudum corpus allam-

bent. Ardebit purpuratus dives, nec erit qui æstuanti linguæ stillam aquæ infundat. In proprio adipe frixæ libidines bullient, et inter sartagines flammeas miserabilia corpora cremabuntur, et omni tormento atrocius desperatio condemnatos affliget. Non miserebitur ultra Deus : nullum ibi refrigerium, nullum remedium. »

A FACIE DOMINI, — id est a præsentia, vel ab ore et sententia, Christi iudicis.

Notat vox *facies* facilitatem vindictæ. « Nulla enim, inquit Theophylactus, erit difficultas; verum satis erit tantummodo visum esse, adeoque apparuisse Deum, et omnes inobedientes atque increduli in pœna erunt : tantummodo enim facies ipsius et adventus, vel præsentia aliis quidem lumen erit, aliis vero supplicium : non enim simpliciter, sed cum gloria virtutis et roboris aderit; neque gloria ejus robore carebit, neque robur erit inglorium, hoc est, tanquam rex potens conspicietur.

Secundo, *τὸ a facie* significat impios terribili Christi facie et gloria ita reverberatum iri, ut eam intueri non sustineant; sed ab ea quasi fulmine prostrati et aversi corruant in gehennam.

Tertio, vox *facies* significat os, ac sententiam ore ac facie Christi prolatam, quasi fulmen ab ore Christi egrediens, ac impios puniens et afflans; et hoc est quod ait Daniel, cap. vii, vers. 10 : « Fluvius igneus rapidusque egrediebatur a facie ejus. » Ubi « fluvius igneus » significat, ait Hieronymus, sententiam iudicis efficacissimam et celerissimam, quæ instar igniti et rapidissimi fluminis improbos in tartarum abripit et immerget.

ET A GLORIA VIRTUTIS (græce *ισχύος*, id est a roboris et potentiae) EJUS, — id est a maiestate (hanc enim vocat *gloriam*) gloriosa, terribili et potentissima Christi iudicis (1).

10. CUM VENERIT GLORIFICARI IN SANCTIS SUI, ET ADMIRABILIS FIERI IN OMNIBUS QUI CREDIDERUNT. — *Pro admirabilis fieri*, græce est *θαυμασθῆναι*, quod Ambrosius vertit, *mirificari*; Syrus, *miracula sua ostendere infidelibus* : sed proprie significat fieri admirandum, sive dignum quem alii admirentur.

Nota : Admiratio, ut ex Aristotele docet D. Thomas, est stupor procedens ex re quapiam, quæ phantasiā et opinionem hominum superat, v. g. Cum homines vident aliquod prodigium, miraculum aut aliquid inopinatum, illud admirantur. Hinc rudes et insipientes, quibus parum est vel sapientiæ, vel animi, multa admirantur, quæ sapientes et magnanimi non admirantur. Regum enim esse aiebat Cyrus, nihil admirari; suosque principes ita instruebat, ut discerent nihil admirari, hoc enim signum et effectum esse animi excelsi, heroici et sapientis dictitabat, qui debet esse in principe.

Christus ergo in die iudicii reddetur omnibus

(1) Alii : Procul a Domino ejusque gloriosa maiestas : reingit.

judex ob
causas
duas erit
omnibus
admirabi-
lioni.

admirandus in Sanctis suis : *Primo*, quia tunc omnibus patefaciet miram gratiam et robur, quod hic contulit suis fidelibus et justis, ut pro fide persecutiones, expilationes, exilia et martyria fortiter tolerarent. Tunc enim omnibus patescet et celebrabitur mira fortitudo, quam contulit S. Laurentio, ut in craticula assatus, irridens Decium gratias ageret Deo, diceretque : Igne me examinasti, et non est inventa in me iniquitas. Tunc omnibus apparebit admirandus spiritus S. Stephani, quo Judæis obstinatis insultavit, ac lapides pro gemmis excepit. Tunc conspicient et admirabuntur omnes invictum amorem virginitatis a Christo datum tenellis virgunculis, Agneti, Cæciliæ, Catharinæ, quo omnem carnis et sæculi amorem, tormenta omnia, tyrannos omnes fortissime superarunt, ut in morte et martyriis canerent : Regnum mundi et omnem ornatum sæculi contempsit, propter amorem Domini mei Jesu Christi, quem amavi, in quem credidi, quem dilexi. Tunc mirus Apostolorum zelus, Eremitarum rigor, mira Magdalenæ et aliorum penitentia, mirus Doctorum labor, adeoque in quolibet Sancto mira quædam et propria virtus elucebit, qua Christus in quolibet Sancto apparebit admirabilis.

Gloriæ
conferen-
dæ Sanctis
incomprehen-
sibilitas.

Secundo, et magis genuine ad mentem Apostoli, Christus in die judicii suis Sanctis, maxime iis qui pro fide sua passi sunt, tantam conferet gloriam, quæ omnium hominum et angelorum opinionem, ingenium et captum superabit, omnibusque naturaliter erit admirabilis : « Oculus enim non vidit, nec auris audivit, nec in cor hominis ascendit, quæ præparavit Deus iis qui diligunt illum, » 1 Cor. ii, 9. Et sicut in singulis Sanctis propria quædam et admirabilis gratia ac virtus eluxit in hac vita, ut dixi : ita in singulis nova quædam et admirabilis gloria elucebit; adeo ut justi ipsi tum suam, tum aliorum omnium gloriam sint admiraturi. Ipsi quoque reprobi Sanctos, quos hic despexerunt, tanta gloria et bonis cumulatobus obstupescunt; unde *Sapient.* v, 2 : « Videntes, inquit, turbabuntur timore horribili, et mirabuntur in subitatione insperatæ salutis, dicentes intra se, penitentiam agentes : Hi sunt, quos habuimus aliquando in derisum et in similitudinem improprietatis. Nos insensati vitam illorum æstimabamus insaniam, et finem illorum sine honore : ecce quomodo computati sunt inter filios Dei et inter sanctos sors illorum est. » Ita Chrysostomus, Theophylactus, Anselmus.

Impio-
rum inju-
dicio stu-
por et
confusio

Deus mi-
rabilis in
Sanctis
suis.

Alludit hic Paulus ad *Psal.* lxxvii, 36 : « Mirabilis Deus in Sanctis suis; » et *Psal.* iv, 4 : « Mirificavit Dominus sanctum suum, » Davidem scilicet a se in regem consecratum et sanctificatum. Addunt Hebræa *לך לו*, id est sibi, *q. d.* In suum decus, laudem, gloriam; et *Psal.* xv, 3 : « Sanctis qui in terra sunt ejus, mirificavit omnes voluntates meas in eis; » quia, ut explicat Theodoretus, miram eis virtutem et fortitudinem indidit et magna per eos edidit miracula, v. g. ut Apostoli

pauci et rudes totum orbem converterent, ut Martyres omnia tormenta superarent, virgines in mediis flammis constantes starent et illæsæ. Et *Psal.* lxxxviii, 8 : « Deus qui glorificabitur in consilio Sanctorum, magnus et terribilis super omnes qui in circuitu ejus sunt; » et vers. 6 : « Confitebuntur cæli mirabilia tua, Domine, etenim veritatem tuam in Ecclesia sanctorum. » In quem locum pulchre et pie S. Augustinus per cælos mystice intelligens homines cœlestes : « In omni, ait, misericordia perditorum, in justificatione impiorum quid laudas, nisi mirabilia Dei? laudas quia resurrexerunt mortui; plus lauda quia redempti sunt perdit. Quæ gratia! Quæ misericordia Dei! Vides hominem heri voraginem ebriositatis, hodie ornamentum sobrietatis; vides hominem heri cœnum luxuriæ, hodie decus temperantiæ; vides hominem heri blasphematorem, hodie laudatorem Dei; vides hominem heri servum creaturæ, hodie servum Creatoris. Homines non respiciant ad merita sua, fiant cœli : confiteantur cœli mirabilia tua, Domine. » Hæc omnia clarissime et maxime patebunt in omnibus Sanctis simul, in die judicii, cum non tantum eorum gratia et virtutes, sed et gloria, dotesque beatitudinis tam admirabiles et multiplices toti mundo clarescent. Hinc nomen Christi est *πλεονεξία*, *pele*, id est admirabilis, *Isaia* ix, 6.

Nomen
Christi
admirabile.

IN OMNIBUS QUI CREDIDERUNT, — fide scilicet charitate formata, sive fide quæ per dilectionem operatur, id est, qui crediderunt, et juxta id quod crediderunt bene vixerunt, bonaque opera pegerunt. Id patet : nam toto hoc cap. non nudam fidem Thessalonicensium, sed patientiam in tot persecutionibus commendat, et ut in ea constanter perseverent cohortatur. Vide *Can.* 2 et 3.

Fides for-
mata di-
lectione.

QUIA CREDITUM EST TESTIMONIUM NOSTRUM (id est prædicatio Evangelica, per quam testimonium perhibitum est a me, credita est) SUPER VOS (a vobis) IN DIE ILLO, — de die illo, *q. d.* Quia credidistis prædicationi meæ, qua testimonium perhibui de die illo, scilicet tunc Deum fidelibus suis sanctis tantam et tam ineffabilem et admirandam daturum gloriam, ideoque in fide hac constantes tantas pro ea tribulationes passi estis; hanc ob causam Deus dabit vobis requiem gloriosam in cælo, ut dixit vers. 7, eo enim redit : vel potius Apostolus hic subaudiendum relinquit ex præcedentibus, *in vobis*. Hoc enim omittit, quia tacite continetur in *in omnibus*. Sic ergo facile et plane est explenda hæc sententia : « Cum venerit glorificari in sanctis suis et admirabilis fieri in omnibus qui crediderunt, ac consequenter in vobis, quia creditum est testimonium nostrum, » etc.; id est quia credidistis meæ prædicationi et testimonio de die illo, judicii scilicet.

11. IN QUO ETIAM ORAMUS. — Græce *ἐν ᾧ*, id est *ad* vers. 11. *quod*, sive in quam rem oramus; ut scilicet fidem testimonio et prædicationi nostræ habere pergaatis, pro eaque fortiter adversa feratis, ut in die

udicii per Christum fiat gloriosi et admirabiles. Unde explicans subdit :

UT DIGNETUR VOS VOCATIONE SUA DEUS NOSTER. —

Quid hic « Vocatione, » id est beatitudine, ad quam vocati estis, quæque est finis vocationis vestræ, ait Anselmus. *Secundo* simplicius, « vocatione, » id est conservatione et augmento vocationis : vocatio enim jam hic sumitur in actu, non inchoato, hunc enim jampridem habuerant Thessalonicenses ante baptismum; sed continuato et perfecto. Vide *Canon. 32, q. d.* Oro ut Deus suam vocationem et gratiam vocantem, qua vos ad Christi fidem, salutem et christianismum vocavit, conservet, adaugeat, perficiat, et per patientiam ac bona opera magis magisque confirmet; utque ad perfectiorem virtutem vel statum vos vocet et evehat, ipsumque apicem Christianæ perfectionis vobis largiatur et tribuat. Ita S. Chrysostomus, Theophylactus et D. Thomas, et patet ex seq.

Sequitur enim : « Impleat omnem voluntatem bonitatis, et opus fidei in virtute. » Perfectio enim Christiana consistit in voluntate Dei plene adimplenda.

Nota : Qui ad perfectiorem virtutem vel statum aspirant, aut se aliosque aspirare et promoveri desiderant, hi multum pro hac re orare debent. Hæc enim perfectio, v. g. status virginitatis, aut Religionis, non tam meritis (quia omnia merita superat et transcendit), quam humili et ferventi oratione impetratur. Et hoc significat Apostolus, dum ait : « Semper oramus pro vobis, ut dignetur vos vocatione sua Deus noster. »

IMPLEAT OMNEM VOLUNTATEM BONITATIS, — id est oro ut Deus faciat vos plane velle omne bonum. Ita Anselmus et Vatablus. *Secundo* genuine, « voluntatem bonitatis, » id est benignam et bonam voluntatem suam in vobis impleat Deus. Græce enim est *ἀγαθία*, quæ passim in Scriptura fit et hic, Deo tribuitur, non homini, significatque dei in homines benevolentiam, propensam voluntatem et beneplacitum. Sufficisset dicere Apostolo *ἀγαθόν*, id est propensam et bonam voluntatem : sed quia bonitatem Dei per Christum exhibitam capere et deprædicare nunquam satis potest Apostolus, hinc addit *ἀγαθόν*, q. d. Bonitatis vel benevolentiae suæ bonam voluntatem in vobis impleat Deus : hæc est autem benevolentissima Dei voluntas, ut faciamus omne bonum, inquit Theophylactus, ut boni, puri, sancti simus, sicut Deus bonus, purus, sanctus est; utque in his quotidie crescamus, magisque Dei bonitatem, puritatem, sanctitatem participemus et imitemur.

ET (supple, impleat Deus in vobis) OPUS FIDEI IN VIRTUTE. — « Opus, » id est opera bona (per enallagen numeri) quæ fides Christi faciendæ suadet et dictat, ac præsertim constantem in adversis fidei professionem, ut nimirum opera nostra sint fidei nostræ conformia, et tam Christiana sit vita nostra, quam est fides nostra. Unde

Theophylactus ex Chrysostomo, per « opus fidei, » accipit patientiam in persecutionibus pro fide toleratis : qui enim non habet patientiam, non habet opus fidei. *Secundo*, simplicius et clarius (quod tamen in re eodem reddit, idemque est cum priori sensu), « opus fidei » vocat eo sensu, quo opus structuræ vocamus ipsam fabricam structuræ, opus agricolæ vocamus agriculturam, opus satoris vocamus calceum, opus ingenii vocamus librum ingeniose compositum, opus textoris vocamus telam ab eo contextam. Sicut ergo qualibet in re dicimus : Hoc opus mihi absolvendum est; ita Paulus hic optat, ut Deus impleat in Thessalonicensibus opus et quasi fabricam fidei, ut illa omnibus suis partibus et numeris compleatur et perficiatur : hanc enim fabricam vel telam orsi sunt in baptismo, illam texere perrexerunt per bona opera et patientiam. Optat Paulus, ut pergant, et Deo auctore hoc opus absolvant, atque hanc telam melius et plenius operando ac patiando pertextant.

Ubi nota, fidem tantum esse inchoationem hujus operis Christi, et Dei; ac requiri bona opera, ut opus hoc promoveant et perficiant : perinde ut in domo non sufficit jecisse fundamenta, nisi parietes et tectum superedifices : fides enim in perfectione Christiana se habet ut fundamentum, cæteræ virtutes et bona opera, ut parietes et tectum.

Notent hoc Novantes, ut, cum alibi legant apud Paulum fidem justificare et salvare, sciant ex hoc loco Paulum sub fide opera fidei complecti, ut dixi *Can. 2 et 3.*

IN VIRTUTE, — *ἐν δύναμι*, id est potentia, id est fortiter ac potenter (hoc enim est Hebræum כֹּחַ *bacchoch*), ut nimirum Deo potenter ac fortiter in vobis operante ac implente opus et fabricam fidei vestræ, illam ipsam potentibus ac heroicis patientiæ aliarumque virtutum operibus completis et absolvatis. Tamen enim in virtute tam ad Deum, qui in virtute et robore, id est roborans et confortans, inquit Theophylactus, implet hoc opus fidei vestræ, quam ad opus fidei, referendum est.

Nota *secundo*, Deum implere opus fidei nostræ, non quasi ipse solus plane actum fidei in nobis operetur, eumque nobis indat, sicut vinum inditur vasi, ita ut nos in hoc opere nihil libere agamus aut cooperemur, ut vult Beza; sed sicuti præceptor dicitur complere studium et scientiam discipuli, cum eum docet et instruit, ita ut discipulus præceptori auscultare, dicta ejus perpendere, penetrare sibi imprimere debeat : sic et Deus quasi magister complet opus fidei nostræ, dum suaviter prævenit, suadet et allicit, tum intellectum nostrum illuminando, tum affectum demulcendo; sed ita, ut illi per gratiam suam illuminanti et mulcenti libere auscultare; consentire et cooperari debeamus, uti docet Concilium Tridentinum, *sess. VI, ex S. Augustino.*

Fides est tantum inchoatio salutis complenda per bona opera.

Deus, concurrente libero arbitrio nostro, complet in nobis opus.

Vers. 12. 12. UT GLORIFICETUR NOMEN DOMINI NOSTRI JESU CHRISTI IN VOBIS, ET VOS IN ILLO. — « Si enim videant vos nullam non tentationem tolerantes, inquit Theophylactus, ex dilectione, quam erga Deum geritis, qui, quæso, istuc non est gloria ejus? quoniam adeo bonus est, ut pro ipso moriantur etiam servi; et quia adeo potens, ut vos ad patientiam corroboret. Quin etiam et vos in ipso, quia usque adeo fideles inventi estis, ut omnia patiamini: gloria enim servi est, quod

fidelis domino inveniatur. Maxime vero afflictio propter Christum gloria est; nam reddit splendiores nunquam non morti quidem traditos, potiores tamen ac superiores morte demonstratos. »

SECUNDUM GRATIAM DEI NOSTRI, ET DOMINI JESU CHRISTI. — *q. d.* Hoc ipsum quod opera fidei editis, quibus clarificatur Deus in vobis, et vos in Deo, totum hoc est opus et effectus gratiæ Christi, totum fit per gratiam Christi, non vestris viribus

Afflictio
est glo-
ria.

CAPUT SECUNDUM.

SYNOPSIS CAPITIS.

Docet non instare diem judicii, quodque ante eum fiet generalis apostasia, et veniet Antichristus; cujus secundo, vers. 3, fastum, impietatem, miracula, seductionem et exitium describit usque ad vers. 12.

Tertio, vers. 12, congratulatur Thessalonicensibus, quod sint primitiæ fidelium et salvandorum.

Quarto, vers. 14, eos in fide confirmat, jubetque ut teneant traditiones, non tantum scripto, sed et verbo acceptas; ac tandem Dei gratiam eis apprecatur.

1. Rogamus autem vos, fratres, per adventum Domini nostri Jesu Christi, et nostræ congregationis in ipsum: 2. ut non cito moveamini a vestro sensu, neque terreamini neque per spiritum, neque per sermonem, neque per epistolam tanquam per nos missam, quasi instet dies Domini. 3. Ne quis vos seducat ullo modo: quoniam nisi venerit discessio primum et revelatus fuerit homo peccati, filius perditionis, 4. qui adversatur, et extollitur supra omne, quod dicitur Deus, aut quod colitur, ita ut in templo Dei sedeat ostendens se tanquam sit Deus. 5. Non retinetis, quod, cum adhuc essem apud vos, hæc dicebam vobis? 6. Et nunc quid detineat scitis, ut reveletur in suo tempore. 7. Nam mysterium jam operatur iniquitatis: tantum ut qui tenet nunc, teneat, donec de medio fiat. 8. Et tunc revelabitur ille iniquus, quem Dominus Jesus interficiet spiritu oris sui, et destruet illustratione adventus sui eum: 9. cujus est adventus secundum operationem Satanæ in omni virtute, et signis, et prodigiis mendacibus, 10. et in omni seductione iniquitatis iis qui pereunt: eo quod charitatem veritatis non receperunt ut salvi fierent. Ideo mittet illis Deus operationem erroris, ut credant mendacio, 11. ut judicentur omnes, qui non crediderunt veritati, sed consenserunt iniquitati. 12. Nos autem debemus gratias agere Deo semper pro vobis, fratres dilecti a Deo, quod elegerit vos Deus primitias in salutem in sanctificatione spiritus, et in fide veritatis: 13. in qua et vocavit vos per Evangelium nostrum in acquisitionem gloriæ Domini nostri Jesu Christi. 14. Itaque, fratres, state; et tenete traditiones, quas didicistis, sive per sermonem, sive per epistolam nostram. 15. Ipse autem Dominus noster Jesus Christus, et Deus et Pater noster, qui dilexit nos, et dedit consolationem æternam, et spem bonam in gratia, 16. exhortetur corda vestra, et confirmet in omni opere et sermone bono.

Vers. 1. 1. ROGAMUS VOS, FRATRES, PER ADVENTUM DOMINI NOSTRI JESU CHRISTI, ET (repete per adventum) NOSTRÆ CONGREGATIONIS IN IPSUM, — cum scilicet Christo veniente ad nos, ut judicet mundum, nos vicissim veniemus, et congregabimur ad eum, illique occurremus. Ita Chrysostomus et Theophylactus. Unde clarius cum Vatablo verti

posset ex Græco, et per nostri aggregationem in ipsum, Christum scilicet. Est obsecratio et obtestatio per adventum Christi judicis, id est per Christum venturum ad judicium (est enim hypallage), perque ipsorum Thessalonicensium salutem et aggregationem ad Christum, ut, quantum reverentur Christum, quantumque amant suam

salutem, tantum aversentur pseudodoctores, fisque docentibus instare diem iudicii non credant (4).

Vers. 2. 2. UT NON CITO MOVEAMINI A VESTRO SENSU, — id est sententia, quam hactenus habuistis, quamque a me edocti estis de die iudicii, de Antichristo, aliisque signis quæ illam diem præcurrent. Patet hic sensus ex seq., vers. 4 et 5.

Docet non instare diem iudicii. NEQUE TERREAMINI NEQUE PER SPIRITUM, — id est fictam revelationem, quasi Spiritus Sanctus Prophetæ alicui revelarit instare diem iudicii: has enim revelationes et prophetias jactabant hi pseudodoctores. Unde tales prophetias probari et examinari jussit, *epist.* I, cap. v, vers. 20 et 21.

NEQUE PER SERMONEM, — supple, nostrum, vel a nobis dictum: hoc enim intelligendum esse arguunt sequentia in Græco.

NEQUE PER EPISTOLAM TANQUAM PER NOS MISSAM, — ὡς δι' ἡμῶν, id est tanquam a nobis profectum, tam sermonem, quam epistolam.

QUASI INSTET DIES DOMINI. — Nimirum hi pseudoprophetæ fingebant verba quædam quasi ab Apostolo dicta, et epistolas quasdam quasi ab eo scriptas, quibus suum dogma, vel somnium potius, scilicet quod instaret dies iudicii, populo persuaderent. Quin et S. Gregorius, S. Leo aliique Patres putarunt suo ævo instare diem iudicii, eo quod ex annis Geneseos juxta Septuaginta censerent sextum et ultimum mundi millenarium suo sæculo explendum, de quo plura dicam *Apoc.* xx. Sic et S. Vincentius Fererius prædicabat se missum a Deo ut annuntiaret hominibus instare diem iudicii. Mirum est quod scribit Procopius et Leonardus Aretinus, lib. I *De Bello Gothorum*, sub Justiniano Imperatore sparsum fuisse Sibyllinum oraculum, *mundum* « cum sua prole periturum: » cum ecce dux quidam, Mundus nomine, Italiam a Gothis liberaturus, cum iis infelice pugnans et cum prole cæsus, oraculum declaravit, et mundum impendens iudicii metu liberavit.

Vers. 3. 3. QUONIAM NISI VENERIT DISCESSIO PRIMUM, — supple, non veniet dies Domini. Pro *discessio*, Græce est ἀποκαταστασις, Syriace מרדuta *marduta*: quod respondet Hebræo מרד *mered*, id est defectio et rebellio qua quis deficit a suo principe, illique rebellat, scilicet illa insignis, plena et generalis (hoc enim innuit articulus ἡ et generale nomen apostasiæ, quod nulla hic gentis aut loci nominatione restringitur aut determinatur), qua scilicet pleræque et passim omnes gentes discedent et deficient tum a Romano imperio, ut explicat Ambrosius, Primasius et Sedulius, de quo plura vers. 6; tum consequenter a Romano Pontifice et Ecclesia, ut Anselmus; tum denique a fide et Christo. Unde Chrysostomus, Theodoretus, Theophylactus, Oecumenius et Augustinus,

(1) Multi Græcum vertunt: Rogamus autem vos, fratres, quod attinet ad adventum D. N. J.-C. et nostram ad eum congregationem, etc.

lib. XX *De Civitate*, xix, discessionem hanc interpretantur Antichristum, per metonymiam: quia ipse causa erit universalis apostasiæ, ut plerique omnes discedant a Christo. Sed proprie magis ipsam discessionem accipiemus universalem gentium defectionem a Romano Imperio. Ponit hic duo signa prævia iudicio Apostolus: primum, hanc universalem defectionem; secundum, ipsum Antichristum, qui hanc defectionem statim subsequetur, ut magis patebit ex seqq. Adde, non recte, et valde improprie, ipsam apostasiam et defectionem vocari Antichristum. Unde S. Augustinus pro *apostasiam* videtur legisse *apostata*: vertit enim, *nisi venerit refuga primum*, id est Antichristus, qui erit refuga et apostata a Domino Deo. Sed græca, et latina, et Syrus constanter habent *apostasiam*, non *apostata*; unde, ut dixi, non Antichristus; sed generalis apostasia significatur.

ET REVELATUS FUERIT HOMO PECCATI, FILIUS PERDITIONIS, — id est Antichristus, qui erit homo sceleratissimus, ut totus non videatur esse aliud, quam peccati organum, mancipium et complementum; adeo ut tota peccati universitas in eo habitura sit, inquit B. Irenæus.

Secundo, Antichristus dicitur *filius perditionis*, id est perditissimus, et perdi ac perire dignissimus; ut ex ipsa quasi perditione natus videatur ad hoc, ut se et alios perdat, et in perditionem præcipitet. Dupliciter ergo hic « perditio » accipi potest: primo, pro scelere et sceleratissimo, et tunc vox *filius* idem est quod addictus, pronus, mancipatus. Sicut enim dicitur filius inobedientiæ, superbæ, luxuriæ, qui se totum addidit mancipavit inobedientiæ, superbæ, luxuriæ: ita dicitur « filius perditionis, » qui ita scelerate et perditie vivit, ut sceleri se devovisse videatur. Secundo, « perditio » hic accipi potest pro damnatione et gehenna, in qua morte æterna perduntur et pereunt damnati, et tunc vox *filius* exponenda est per *dignus*. Sicut enim dicitur « filius mortis et gehennæ, » qui morte et gehenna est dignus: ita dicitur « filius perditionis, » qui perditione est dignus, ut in æternum damnetur et pereat. Vide dicta *Ephes.* II, 3. Sic sumitur « perditio, » *Proverb.* xv, 11: « Infernus, et perditio coram Domino: quanto magis corda filiorum hominum? » q. d. Deus non tantum novit mortem et statum mortuorum (hunc enim norunt etiam angeli et dæmones); sed novit quoque ipsa ima inferni, et qui, quantumque sint damnandi, aut damnati; quot loca inferni sint repleta, quot adhuc restent replenda et a quibus, quantum, qualique modo: quanto magis novit secretas hominum cogitationes et intentiones? Sic et cap. xxvii, vers. 20: « Infernus, et perditio nunquam implentur: similiter et oculi hominum insatiabiles. »

Nota: S. Augustinus, lib. XX *De Civit.*, xix, hunc hominem peccati, id est Antichristum, intelligit non certam personam, sed totam multitudinem

impiorum Christo contrarium. Quod avide arripit Beza et Novantes omnes : Antichristus, inquit, est totum Ecclesiasticæ tyrannidis corpus, quod est et erit usque ad finem mundi, cujus caput est Papa, qui adoratur et circumgestatur ut Deus.

Est de Antichristum fore unum hominem. Sed dico et assero, licet Antichristus ex etymo significet Christo contrarium, et sic teste S. Joanne, *epist.* I, cap. II, vers. 18 et 22, omnes hæretici sint Antichristi : tamen certum est et de fide Antichristum fore unum hominem, et certam personam, cujus nomen adhuc est ignotum, quique Antichristus antonomastice dicitur, quia Christo erit inimicissimus. Patet hoc, quia ille idem hic vocatur homo peccati, filius perditionis, ostendens se tanquam sit Deus, ille iniquus, quem Dominus Jesus interficiet, etc. Ubi in Græco semper additur articulus *ὁ*, qui designat certam personam, *ὁ ἀνθρώπος τῆς ἀμαρτίας, ὁ υἱὸς τῆς ἀπολείας, ὁ ἀντικείμενος, ὁ ἄνομος* : qui clarius certum hominem demonstrare et describere potuisset Apostolus? id clarius patebit, vers. 11. Estque sensus et consensus totius Ecclesiæ et Patrum omnium, quos citat Sanderus, lib. *De Antichristo*, Bellarminus, lib. III *De Pontifice*, et alii.

Respondetur ad auctoritatem D. Augustini. Ad S. Augustinum respondeo *primo*, eum nihil habere commune cum hæreticis; non enim ipse Pontificem Romanum vocat Antichristum, nec populum aut Ecclesiam illi adhærentem; sed totam impiorum, puta Turcarum, Saracenorum, Paganorum, hæreticorum et malorum Christianorum, multitudinem. Hujus autem non est caput Romanus Pontifex : quid enim juris habet ipse in Turcas, Saracenos, Paganos? Imo hujus multitudinis nullum in terris est caput, nullus homo, nullus rex, pontifex aut monarcha, qui illi præsit, ut patet.

Non ergo S. Augustinus per Antichristum Romanum Pontificem, aut alium hominem, qui impiorum multitudini præsit; sed solum ipsam impiorum multitudinem et congeriem intellexit. Adde, S. Augustinum non loqui asseveranter, sed dubitando, et ex aliorum sententia, ut patet intuenti : et tantum explicare quomodo Antichristus dicatur sessurus in templo Dei, de quo mox dicam; alioquin eodem cap. inferius bis dicit Augustinus Antichristum fore particularem hominem, et non nisi in fine mundi venturum. Hæcque, ut dixi, communis est aliorum Patrum sententia, cui nemo præponet unum Augustinum (etsi concederemus diversæ eum fuisse sententiæ, quod tamen non concedimus), cum nec Augustinus illi se præponere, vel opponere voluisset. Sic alibi sæpe, uti patet in explicatione Psalmorum, S. Augustinus, omisso (non tamen negato, sed potius præsupposito) sensu literali S. Scripturæ, transit ad mysticum vel symbolicum, tanquam magis subtilem, reconditum et pium. Ille enim est genius S. Augustini, ut novis, ingeniosis et piis sensibus se pascit.

Vers 4. 4. QUI ADVERSATUR ET EXTOLLITUR SUPRA OMNE

QUOD DICITUR DEUS, AUT QUOD COLITUR. — Explicat nomen Antichristi, quod scilicet Christo et Deo, omnique numini sit se oppositurus. Ridicule ergo Wolfgangus Musculus : Antichristus (inquit) idem est quod Vicarius Christi, qualem se jactat Papa Romanus, ipse ergo est Antichristus (1).

Antichristus non significat Vicarium Christi. *Primo* enim, hoc repugnat Græco ἀντί, quod in compositione non vicarium, sed oppositum, aut contrapositum et æqualem significat. Sic ἀντίθεος; apud Homerum et alios dicitur, non qui Dei vicarium se dicit, sed qui Deo adversatur, vel qui Deo est æqualis et quasi contrapositus. Sic ἀντίπαλος; significat antagonistam et æmulum in lucta. Sic ἀντιπράγγος non significat vicarium ducis, sed ducis oppositum, aut eum qui est loco ducis, non ut duci subjectus, sed ut illi æqualis et contrapositus.

Adde, si Antichristus idem est quod Vicarius Christi, ergo Petrus et Paulus omnesque Apostoli fuerunt Antichristi : ipsi enim fuerunt Vicarii Christi. « Pro Christo, inquit, II Cor. V, 20, legatione fungimur, tanquam Deo exhortante per nos. » Legatus enim vice regis legatione fungitur, estque regis vicarius. Et cap. II, 10, dicit Paulus se incestuosum absolvere ab excommunicatione « in persona Christi; » non tantum ergo vicem, sed et personam Christi gerebat Paulus.

Secundo, Antichristum significare, non vicarium, ut vult Musculus, sed contrarium Christo, patet Joan. II, 22 : « Quis est mendax, nisi is qui negat quoniam Jesus est Christus? hic est Antichristus, qui negat Patrem et Filium. » Rursum idem hic clare docet Apostolus : « Qui adversatur et extollitur supra omne quod dicitur Deus. » Vel, ut Græca jam habent, ὑπὲρ πάντα λεγόμενον Θεόν, id est supra omnem qui dicitur Deus. Noster videtur legisse, ὑπὲρ πάν τὸ λεγόμενον Θεός, idque melius respondet sequenti ἡ σέβασμα. Unde patet, Antichristum non solum Christo, sed omni Deo fore contrarium. Vel ex hoc solo videant viri cordati Novantium calumniam et imposturam, dum Pontificem Romanum contendunt facere Antichristum; ut enim alia taceam, hæc demonstratio calumniam hanc evertit. Antichristus negabit Christum, eritque Christo et Deo contrarius, imo volet ipse haberi et coli quasi Deus et Christus; atqui Pontifex Romanus non vult coli ut Christus, nec Christum negat, imo credit in Christum, Christum colit et adorat : ergo non est Antichristus.

Hinc patet *secundo*, Antichristi superbiam fore tantam, non tantum ut adversetur Christo et Deo, sed etiam ut se extollat ac præponat Christo omnique Deo, dicatque se majorem esse, magisque colendum et adorandum esse Christo, ac quovis Deo. Unde pro eo quod Noster vertit, quod colitur, Græce est σέβασμα, quod Magdebur-

(1) De Antichristo vide copiosam dissertationem in opere cui titulus : *La Bible de Vince*, tom. XVI, p. 39 e. seqq. Confer Allioli, ad h. I.; Haueberg, *Einführung*, etc., part. VIII. cap. III, § 5.

gici vertunt, cultum; Syrus, religionem; melius et clarius Erasmus, Vatablus, imo et Beza vertunt, numen, quod maiestate sua venerandum est, coliturque et adoratur. Volet enim Antichristus non tantum coli super omnem cultum et religionem, sed etiam super omne numen, imo ipse solus volet haberi pro numine et Deo. Hoc enim subiicit Paulus: « Ita ut in templo Dei sedeat, ostendens se tanquam sit Deus; » vel, ut clare habent Græca, ὅτι ἵκει Θεός, id est ostendens quod ipse sit Deus. Unde patet nomen Dei hic proprie accipi. Perperam ergo Novantes sic explicant: Papa, inquit, extollitur super omnes Deos, id est reges et principes, qui *Psalm.* LXXXI, 6, vocantur Dii, cum dicitur: « Ego dixi, dii estis. » Perperam, inquam: nam quales Deos ibi intelligat Psaltes, mox explicat, dum subdit: « Et filii Excelsi omnes. » Hic vero de Antichristo dicitur, quod adversabitur et extollet se super omnes Deos et numina, ita ut in templo Dei sedeat, velitque coli ut numen, ostentans se quasi ipse solus sit Deus. Dii ergo et Deus non reges hic, sed ipsum numen significant, uti docent omnes Patres, et fatentur Erasmus, Vatablus et Beza. Idem de Antichristo docet Daniel, cap. XI, vers. 36 et 37: « Elevabitur, ait, et magnificabitur adversus omnem Deum, et adversus Deum deorum loquetur magnifica, et Deum patrum suorum non reputabit, nec quemquam Deorum curabit, quia adversum universa consurget. »

Hinc sequitur, quod Antichristus omni divino cultu et omnis religionis actibus quasi numen coli volet, ac consequenter volet sibi fieri sacrificia, templa, vota; volet per suum nomen jurari; volet adorari, non tantum dulia, sed etiam latria; volet invocari ut dator et auctor omnium frugum, opum et bonorum, imo ut auctor omnis gratiæ et gloriæ. Quis Pontificum hactenus ita se extulit, ut ita coli vellet? qui reges et principes tam stolidi fuerunt, ut hos illi honores detulerint?

Dices: Pontifex Romanus sella aurea circumgestatur triplici tiara insignis in supplicationibus, quasi numen quoddam, cui reges et principes pedes exosculantur. Respondeo: Hic omnis honor non est numinis, nec latriæ, sed longe illo inferior, quem multi etiam reges et principes apud varias gentes usurparunt. Sic enim Abraham adoravit filios Heth curvans se in terram, *Genes.* XXIII, 7. Sic Saraceni, Asiani, Japones, Sinæ, dum quem honorare volunt, in terram se prosternunt, et fronte humum feriunt. Denique hunc honorem et reverentiam Ecclesiæ in suo capite Pontifice a regibus esse deferendum prædixit *Isaias*, cap. XLIX, 23: « Et erunt, inquit, reges nutritii tui, et reginæ nutrices tuæ: vultu in terram demisso adorabunt te, et pulverem pedum tuorum lingeant. » An non amplius est lingere pulverem pedum, quam pedes exosculari? Hic honor Pontifici debetur tanquam Hierarchæ, et summo sacerdotum Antitisti ac Christi Vicario; ac conse-

quenter hoc honore non tam Pontificem, quam Christum in Pontifice veneramur. Propter Christum enim, et respectu Christi, cuius vicem gerit Pontifex, hunc honorem Pontifici deferimus. Unde patet hunc honorem non esse contrarium honori Christi, nihilque de Christi honore demere; imo potius Christi honorem augere et amplificare. Sicut enim qui legatum honorat, regem qui eum misit honorat; rexque putat se honorari, si legatus suus honoretur; et vice versa se despici, si legatus despiciatur: ita et Christus se honorari aut contemni putat, cum ejus vicarii Apostoli et Pontifices honorantur aut contemnuntur. « Qui vos audit, inquit, me audit; qui vos spernit, me spernit. »

Hinc sequitur secundo, Antichristum atheum fore, et cum pleno potietur imperio, non tantum Christum, idola et deos Gentium, sed et Deum verum, ejusque cultum, quantum in se est, e mundo ablaturum. Ipse enim solus volet coli ut Deus; id enim clare significant hic verba Pauli.

Dices: Quomodo ergo Daniel, cap. XI, vers. 38, dicit de Antichristo, per typum Antiochi Epiphanis, quod colet deum *Maozim*? Respondeo: Quia Antichristus, licet publice solus coli volet ut Deus, privatim tamen colet suum dæmonem, quem nuncupabit deum *Maozim*, id est fortitudinum et munitionum; quia ejus ope, fortitudine et potentia omnia sibi subijciet Antichristus.

Moraliter S. Bernardus citans hæc Apostoli verba, serm. 4 in *Vigilia Nativit.*: « Omnis, inquit, superbus extollitur supra Deum. Vult enim Deus fieri voluntatem suam, et superbus vult fieri suam. Deus quidem in his tantum quæ ratio approbat, suam vult fieri voluntatem, superbus vero et cum ratione et contra rationem. »

ITA UT IN TEMPO DEI SEDEAT. — Græce εἰς τὸν ναὸν τοῦ Θεοῦ, id est in templum Dei sedeat, id est in Ecclesiam, ait S. Augustinus, q. d. Paulus: Antichristus, id est impiorum multitudo ostendat se, ac si ipsa cum suis esset populus et Ecclesia Dei. Unde quidam codices pro ναὸν, id est templum, habent λαὸν, id est populum; sed repugnant sequentia et præcedentia; sequitur enim: « Ostendens se tanquam sit Deus. » Sedebit ergo Antichristus in templo, non ut ostendat se esse Dei Ecclesiam, sed ut adoretur tanquam Deus. Hoc etiam significat vox *sedere*: nec enim recte dicitur impiorum multitudinem sedere in Ecclesiam, id est Ecclesiæ nomen, titulum et jus occupare et sibi arrogare; sed recte dicitur de idolo, aut rege superbissimo, qualis erit Antichristus, quod in templo Dei sedeat, ut adoretur tanquam Deus. Hoc etiam significant præcedentia, nimirum quod adversabitur et efferet se super omne numen, ut ipse solus habeatur et colatur pro numine. Dico ergo Græcum εἰς sæpe capi pro ἐν, in templum, id est in templo; et ita vertit hic Syrus, Chrysostomus et alii passim. Antichristus ergo sedebit in templo, id est in templis Christianorum; vel sim-

Anti-
christus
erit
atheus.

Oculis
tamen co-
let Deum
Maozim.

Cultus
qui defer-
tur Ro-
mano
Pontifici,
qualis?

Anti-
christus

ut idolum sedebit in templis Christianorum et Hierosolymitano, plicius, in templo Hierosolymitano, quod solum proprie tempore S. Pauli erat et dicebatur templum Dei. Hoc templum ergo tempore Antichristi taliter qualiter reedificabitur Antichristo, ut sit ejus quasi thronus. Antichristus enim Judæus Judæorum erit rex, regiamque suam habebit non Romæ (hæc enim ante Antichristum a decem regibus evertetur, ut inferius ostendam), sed Hierosolymis, ibique Elias et Enoch contra Antichristum decertantes et concionantes ab eo occidentur, ut patet *Apoc.* xi, 8, ubi dicitur: « Et occidet eos (duos testes Dei, Eliam scilicet et Henoch), et corpora eorum jacebunt in plateis civitatis magnæ, quæ vocatur spiritualiter Sodoma et Ægyptus, ubi et Dominus eorum crucifixus est, » Christus scilicet; atqui Christus Hierosolymis crucifixus est: ergo hæc magna civitas, in qua occidentur ab Antichristo Elias et Henoch, erit Hierosolyma, non Roma, aut alia aliqua civitas. Antichristus enim persuadebit Judæis se esse Messiam in lege promissum, ut patet *Joan.* v, 43; ideoque, ait Cyrillus, *Catechesi* 15, templum eis ædificabit, ut Davidis filius, id est Messias habeatur, et quasi alter Salomon, qui primus templum ædificavit.

Elias et Henoch certant contra Antichristum.

Antichristus quasi Messias a Judæis adorabitur.

Erit avθις.

Vers. 5.

Vers. 6.

Desolatio Romani Imperii et pontificatus

In hoc ergo suo templo sedebit Antichristus, non quasi Papa, vel Episcopus, ut volunt Novantes, sed quasi Messias, et quasi Messias a Judæis adorabitur, ut Deus. Hoc enim ait hic Paulus: « Ostendens, inquit, se tanquam sit Deus, » et, ut clarius habent Græca, ὅτι ἐστὶ Θεός, id est quod sit Deus. « Non enim (inquit Chrysostomus) ad idololatriam abducat ille; sed ἀντίθεος quispiam erit, quosvis deos pessumdans, jubebitque seipsum pro Deo coli ac venerari, et in templo Dei collocari, non Hierosolymitano tantum, sed et in Ecclesiis, Ostendens, inquit, se ipsum esse Deum: non dixit seipsum esse Deum, sed ostentare tentans. Magnifica siquidem faciet opera, et signa patrabit admiranda. » Idem docet Ambrosius, Theophylactus, Oecumenius, Anselmus et passim omnes alii Patres, quos citat Bellarminus, lib. III *De Pontifice*, cap. xiii, et Franciscus Suarez, III *part.*, *Quæst.* LIX, art. 6.

5. NON RETINETIS, — memoria. Græce est, οὐ μνημονεύετε, id est non meministis? Ita Ambrosius et alii.

6. ET NUNC QUID DETINEAT (scilicet adventum Antichristi et diei judicii) scitis, — scilicet mysterium iniquitatis, ut sequitur, quod jam operatur, donec de medio fiat: puta quod Nero et similes adhuc dominantur, quodque necdum venerit discessio et defectio generalis a Romano Imperio; quia necdum impleta sunt Romanorum peccata. Ita Chrysostomus, Ambrosius, Theophylactus, Oecumenius et Augustinus supra, Hieronymus, *Quæst.* XI *ad Algasiam*; Cyrillus, *Catech.* 15; Lactantius, lib. VII, cap. xv (1). Qui omnes non tan-

tum inclinationem Romani Imperii, aut domini sedisve commutationem, ut hæretici volunt; sed plenam ejus desolationem et contra illud omnium gentium rebellionem, dicunt certo præituram adventum et regnum Antichristi; et hoc est quod vers. seq. ait Paulus, « donec de medio fiat, » id est omnino auferatur Romanum Imperium.

Adde ipsam civitatem Romanam tunc omnino desolandam esse et concremandam, ut patet *Apoc.* xvii, 16, de quo plura vers. seq.

Ex hoc loco et ex *Daniel.* cap. vii, vers. 22, 25 et 26, et *Danielis* xii, 11 et 12, omnes orthodoxi docent Antichristum tantum venturum in fine mundi.

UT REVELETUR, — ille (unde Græca addunt αὐτὸν) homo peccati, Antichristus scilicet.

7. NAM MYSTERIUM JAM OPERATUR INIQUITATIS. — Vers. 7. *Primo*, Cajetanus: « mysterium, » inquit, id est occulta mensura iniquitatum Romanorum jam operatur, sensimque perficitur et impletur; quæ impleta, tolletur Romanum Imperium.

Secundo, alii nonnulli sic explicant: « mysterium, » id est occultum, secretum et symbolum iniquitatis jam operatur, puta ipse Nero jam regnans; in quo latet magnum arcanum, scilicet quod ipse erit Antichristus. Putant enim Neronem necdum esse mortuum, vel certe in fine mundi resuscitandum, ut ipse sit Antichristus. Ita Victorinus, in cap. xvii *Apoc.*, et multi veterum, teste Hieronymo in cap. xi *Danielis*. Unde S. Augustinus, lib. XX *De Civit.*, xix: « Nonnulli, ait, illum (Neronem) resurrecturum et futurum Antichristum suspicantur. Alii vero nec eum occisum putant, sed subtractum potius cum putaretur occisus, et vivum occultari in vigore ejus ætatis, in qua fuit, cum crederetur extinctus, donec suo tempore revelatur et restituatur in regnum. Sed multum mihi mira est hæc opinantium præsumptio. »

Juvit hanc opinantium suspicionem, quod etiam inter Gentiles fama sparsa fuit Neronem non esse occisum, sed a morte subductum. Ita Suetonius in *Nerone*, cap. lvii: « Non defuerunt, ait, qui per longum tempus, vernis æstivisque floribus tumulum ejus ornarent, ac modo imagines prætextas in rostris profferrent, modo edicta quasi viventis et brevi magno inimicorum malo reversuri. Quin-

perio dictum fuisse Romano; et propterea Paulum Apostolum non id aperte scribere voluisse, ne calumniam videlicet incurreret, quod Romano imperio male optaverit, quum speraretur æternum. » Deinde addit: « Illud quod ait Apostolus, tantum qui modo tenet, teneat, donec de medio fiat, non absurde de ipso Romano imperio creditur dictum. » Omnia tamen τὸ κατέχον, quid sit, definiendi tentamina S. Augustinus recte suspensiones appellat, et hæc observat: « Et nunc quid detineat scitis, id est, quid sit in mora, quæ causa sit dilationis ejus, ut reveletur in suo tempore, scitis: quoniam scire illos dixit, aperte hoc dicere noluit. Et ideo nos, qui nescimus, quod illi sciebant, pervenire cum labore ad id, quod sensit Apostolus, cupimus, nec valeamus, præsertim quia et illa, quæ addidit, hunc faciunt sensum obscuriorem. Ego prorsus quid dixerit, me fateor ignorare. »

præibit adventum Antichristi.

Vers. 7. Quid mysterium iniquitatis intelligatur?

Putant aliqui Neronem necdum mortuum fore Antichristum.

(1)æc D. Augustinus: « Quidam putant hoc de im-

etiam Vologeses, Parthorum rex, missis ad senatum legatis de instauranda societate, hoc magnopere oravit, ut Neronis memoria coleretur. Denique cum post viginti annos, adolescente me, extitisset conditionis incertæ, qui se Neronem esse jactaret, tam favorable nomen ejus apud Parthos fuit, ut vehementer adjutus et vix redditus sit. » Hæc Suetonius. Sed eadem dilucidius Tacitus his verbis : « Sub idem tempus, Achaia atque Asia falso exterrita, velut Nero adventaret, vario super exitu ejus rumore, eumque pluribus vivere fingentibus, credentibusque.

Alli putant Neronem fore collegam Antichristi in Occidente. Hinc partim ex hac Gentilium fama, partim ex loco Pauli nonnulli opinati sunt Neronem reditum, ut sit Antichristus, vel certe socius et collega Antichristi. Ita inter alios Severus Sulpitius, lib. II *Historiæ* : « Unde, inquit, creditur, etsi se gladio ipse (Nero) transfixerit, curato vulnere ejus esse servatus, secundum illud quod de eo scriptum est (dic, quæso, ubi?). Ut plaga ejus curata est, subductus est, sub sæculi finem mittendus, ut mysterium iniquitatis exerceat. » Et quod mireris, hanc sententiam Severus imponit S. Martino : « Cum, inquit, ab eo de fine sæculi quæreremus, ait nobis, Neronem et Antichristum prius esse venturos; Neronem in Occidentali plaga, regibus subactis decem, imperaturum; persecutionem hactenus exercendam, ut idola Gentium colicogat. Ab Antichristo vero Orientale imperium esse capiendum : qui quidem sedem et caput regni Hierosolymam esset habiturus : ab illo urbem et templum esse reparandum. Illius eam persecutionem futuram esse, ut Christum Dominum cogat negari, se potius Christum esse confirmans, omnesque secundum legem circumcidi jubeat; et ipsum denique Neronem ab Antichristo esse perimendum, atque sub illius potestate universum orbem cunctasque gentes esse redigendas. »

Quomodo S. Martinus prædixerit Neronem venturum? Quod si verum est hæc S. Martinus dixisse, non quasi propheta hæc dixit, sed quasi recensens et enarrans ea, quæ nonnulli opinati essent partim ex rumore Gentilium, partim ex hoc loco S. Pauli, ut dixi. Cæterum hi dialogi titulo Postumiani et Galli (sic enim inscribuntur, eo quod hi sint interlocutores) in Concilio Romano sub Gelasio, decreto de libris apocryphis, relati sunt inter apocrypha. Verum hæc opinio temeraria est, caretque fundamento : certum enim est ex Suetonio, Tacito et aliis, Neronem esse occisum et mortuum; resurrecturum vero eum nec Paulus, nec alius quispiam Propheta prædixit. Adde, per *mysterium iniquitatis*, non intelligi Antichristum, sed præcursores Antichristi; patet ex vers. seq., ubi subdit Paulus : « Et tunc (scilicet post hoc mysterium adimpletum) revelabitur ille iniquus (Antichristus scilicet), quem Dominus Jesus interficiet spiritu oris sui. » Denique cum hæc scriberet Paulus, necdum regnabat Nero : hæc enim epistola, ut dixi initio, scripta est anno Christi 53, quo adhuc regnabat Claudius : Nero

enim Claudio successit anno Christi 57. Potest tamen accipi hic locus de Nerone, non ut actu regnante, sed ut proxime regnaturo, uti jam dicam.

Dico ergo, « *mysterium* » hic idem est quod figura et typus Antichristi, ejusque summæ iniquitatis : tota enim iniquitas et omnium peccatorum colluvies videbitur esse collecta in Antichristo et regno Antichristi.

Unde Syrus vertit, *mysterium iniqui illius* (scilicet Antichristi) *jam sedulo agere incipit*. Sic Apoc. XVII, 7, sacramentum, sive uti græce est, *mysterium*, mulieris vocatur arcana significatio et representatio mulieris, seu id quod typice significat illa mulier quam vidit S. Joannes, quæ significabat Romam et Romanum Imperium. Sic Apoc. I, 20, sacramentum septem stellarum vocatur ipsa significatio arcana septem stellarum. Sic Daniel. II, 18 et 36, sacramentum somnii Nabuchodonosoris vocatur ipsa somnii significatio.

Per *mysterium* autem hoc, intelligit Paulus Simonem Magum, ejusque assecles præcursores Antichristi; ut idem hic dicat Paulus, quod Joannes, *epist.* I, cap. II, vers. 18 : « Nunc Antichristi multi sunt. » Vel potius intelligit ipsum Neronem cum suis et sua sceleratorum colluvie, aliosque Imperatores Romanos, qui Neronem vel præcesserunt, vel secuti sunt; qui magno fastu et tyrannice imperarunt, atque Christum Christianosque persecuti sunt; qualis fuit Caius Caligula, Adrianus, Decius, Heliogabalus, Diocletianus et alii per trecentos annos. De hisce enim subdit : « Tantum ut qui tenet nunc, teneat, donec de medio fiat. » Fuit enim Nero æque ac Antiochus Epiphanes insignis typus et figura Antichristi, quia fuit monarcha superbissimus, luxuriosissimus, potentissimus, sceleratissimus, fovit Simonem aliosque magos, fuit hostis Christi et Christianorum, qui primam in eos persecutionem solemnem excitavit, voluitque coli ut Deus, et maximus fuit tyrannus, qualis erit Antichristus, *q. d.* Nero et similes tyranni jam eodem spiritu aguntur et operantur, quo agetur Antichristus ipse, totius iniquitatis caput et princeps; ac proinde ejus « *mysterium*, » id est figura et typus, et præcursores sunt. Ita Chrysostomus, Ambrosius, Augustinus, Hieronymus supra. Vult ergo dicere Paulus : Hoc *mysterium* est, quod delinet et remoratur adventum Antichristi, quia scilicet necesse est ut Nero et similes; quasi typi et figuræ præcurrant ipsum Antichristum, ipsumque quasi parturiant, ait Anselmus.

Sicut enim Moses, Joannes Baptista et Prophetae præcesserunt Christum, illique viam præpararunt : ita par est ut Nero et tyranni præcedant Antichristum, illique sensim viam parent suis sceleribus, ut veniens Antichristus omnem suam iniquitatem parturire et effundere possit.

Hinc secundo, cum Theodoro et Augustino supra, atque Anselmo sic accipi potest hic locus : *Mysterium iniqui*

Mysterium iniquitatis est figura et typus Antichristi.

Mysterium iniquitatis fuit Simon Magus, ejusque assecles, vel Nero.

Antiochus, Nero, et similes tyranni fuerunt typus Antichristi.

Antichristus præcursores habet uti Christus.

Mysterium iniqui

agnitatis
et ini-
quitas le-
gitimi do-
minii et
imperii
titulo
pallata.

« **mysterium iniquitatis**, » id est iniquitas **arcana** et **mystica**, id est pietatis aut legitimi dominii et imperii titulo et nomine palliata, occulte jam in impiis hypocritis et hæreticis, ac præsertim in impiissimo Nerone operatur; quæ sensim proserpit et crescit, donec per Antichristum in publicam iniquitatem prosiliat. Hoc enim est Græcum ἐνερ- γείτω, id est vim suam exserit. Sicut ergo carbo ignis inter ligna occulte vim suam exserit et vicina adurit, sensimque proserpit, donec in flammam et incendium manifestum erumpat: sic iniquitas a dæmone accensa, occulte in impiis vim suam exserit serpitque, donec in publicam omnium scelerum flammam sub Antichristo erumpat.

TANTUM UT QUI TENET NUNC, TENEAT, DONEC DE MEDIO FIAT. — Id est, ut Augustinus ait supra, qui tenet fidem Christi, teneat eam donec iniquitas **mystica**, id est occulta, in magnum populum crescat: itaque cum Antichristo de medio fiat, id est exeat de medio Ecclesiæ, eique palam bellum indicat. Verum hic sensus divellit verba, quæ Paulus conjungit. Tò enim *de medio fiat*, conjungit Paulus cum eo quod præcedit proxime, *Qui tenet, teneat*. Utrumque ergo eodem referendum est. S. Augustinus autem *tò qui tenet, teneat*, refert ad pios fideles et ad fidem Christi; *tò vero de medio fiat*, refert ad Antichristum et cætum impiorum.

Notandum ergo, hæc verba pendere a vers. præced., et explicare quid sit quod detineat adventum Antichristi, scilicet ut Nero et Romani Imperatores teneant Imperium, donec illud ever- tatur et e medio tollatur. Ita Chrysostomus, Theophylactus et passim Patres, ut dixi: imo Erasmus et Beza. Unde Syrus hic vertit, *solum* (scilicet hoc est quod detinet adventum Antichristi) *ut qui nunc detinet* (orbis imperium), *tollatur de medio, et tunc revelabitur ille iniquus Antichristus*; Græca sic habent, μόνον δὲ κατέχων ἀπὸ τοῦ ἐκ μέσου γένεται, id est tantum qui detinet nunc, donec de medio fiat. Ubi necessario vel deest, vel subauditur (ut fatetur Erasmus et Beza) κατέχων, id est detineat, ut vertit Noster (1).

Unde nota *secundo*, cum Chrysostomo et Theophylacto: Loquitur Paulus hic valde tecte et obscure de Nerone et Romano imperio, non ex metu, sed prudenter, ne sine causa eum contra se et Christianos concitet. Si enim clare dixisset Neronem esse **mysterium iniquitatis** et figuram Antichristi, ac Romanum imperium fore dissolvendum, tam Nero, quam Romani in eum quasi impostorem insurrexissent, ac vivam eum defodissent, aliosque fideles cum eo, tanquam qui super tanti imperii demolitione prophetarent et lætarentur, inquit Theophylactus.

Nota *tertio*: Alludit Paulus ad Danielis (quasi omnium temporum chronologi certissimi, notis-

simi et celeberrimi) caput septimum: ubi Daniel præcipua mundi imperia et monarchias sibi succedentes ordine recenset. *Prima* fuit Assyriorum et Babyloniorum, quæ Danieli representata fuit per leonem; *secunda* Persarum, significata per ursum; *tertia* Græcorum, significata per pardum; *quarta* et ultima Romanorum, significata per bestiam decem cornuum. Post quæ, ut ait Daniel, undecimum parvulum cornu (id est Antichristus) consurget, et crescet, facietque bellum adversus Sanctos, et prævalebit, donec veniat antiquus dierum, ut iudicium et regnum tradat sanctis suis.

« Et sermones (inquit Daniel) contra Excelsum loquetur (Antichristus), et Sanctos Altissimi conteret; et putabit quod possit mutare leges, et tradentur in manu ejus usque ad tempus, et tempora, et dimidium temporis; et iudicium sedebit, ut auferatur potentia, et conteratur, et dispareat usque in finem; regnum autem, et potestas, et magnitudo regni, quæ est subter omne cælum, detur populo sanctorum Altissimi: cujus regnum, regnum sempiternum est, et omnes reges servient ei et obedient. »

Daniel ergo docet primo regnasse Babylonios; hos deinde subactos esse a Persis, et Persas a Græcis, et Græcos a Romanis, Romanis successurum Antichristi regnum ad breve tempus, quod a Christi iudicis et Sanctorum glorioso et æterno regno subvertetur. Eo itaque alludit hic Paulus, *q. d.* Omnes alii monarchæ et tyranni, puta Babylonii, Persæ, Græci jam transierunt: supersunt Nero et Romani, qui tenent nunc imperium, donec illud auferatur, et tunc veniet Antichristus; et mox Christus iudex, qui Antichristum interficiet spiritu oris sui, suumque cum Sanctis regnum æternum inducet et stabiliet. Ita Chrysostomus, Theophylactus et alii.

Simili modo arcano et prophetico hæc eadem describit S. Joannes, Apoc. xvii, 9: « Reges, inquit, septem sunt. Quinque ceciderunt, unus est, et alius nondum venit: et cum venerit, oportet illum breve tempus manere. » Deinde subdit, decem reges se illi subdituros. « Hi, inquit, cum Agno (Christo) pugnabunt, et Agnus vincet illos: quoniam Dominus dominorum est, et Rex regum, et qui cum illo sunt, vocati, electi, et fideles. »

Ubi, ut docet Ambrosius, Beda, Richardus, Ribera et alii, per septem reges significat conjunctionem tyrannorum, qui septem mundi ætatibus Ecclesiam persecuti sunt, persequuntur et persequentur. Unde ait quinque transisse, sextum adhuc esse, septimum regnaturum ad modicum tempus.

Primus rex fuit Cain cum gigantibus aliisque tyrannis, qui prima mundi ætate, id est ab Adam usque ad diluvium, pios et Ecclesiam persecuti sunt.

Secundus rex fuit Nemrod, et Meropes illi ar-

Quatuor
prece-
pue or-
bis mo-
narchia
significa-
ta per
bestias.

Caput
septi-
mum Da-
nielis ex-
plicatum

Omnia
imperia
debent
tenden-
cedere
Christi
regno.

Locus
Apocalyp-
sis xvii
illustra-
tus.

Septem
reges sep-
tem ty-
ranni,
qui sep-
tem
mundi æ-
tatibus
Eccle-
siam per-
secuti.

(1) Cf. Haneberg, op. cit. et Allholi ad h. l.

chiteffi turris Babel, qui a Noe usque ad Abraham (hæc enim est secunda mundi ætas) fideles vexarunt.

Tertius rex, qui tertia mundi ætate, quæ ab Abraham ad Moysen excurrit, pios oppressit, fuit Pharao et similes in Ægypto et Sodomis.

Quartus fuit Jeroboam, alique impii reges Israel et Juda, qui quarta mundi ætate, a Moysen scilicet usque ad captivitatem Babylonicam, vitulos aureos et idola invexerunt.

Quintus fuit Nabuchodonosor cum Antiocho Epiphane aliisque ad Christum: hæc enim est quinta mundi ætas.

Sextus fuit Nero alique Imperatores Romani, qui sunt, fuerunt vel erunt a Christo usque ad Antichristum.

Septimus erit Antichristus, qui modicum, scilicet tres annos cum dimidio, regnabit, et a Christo iudice profligabitur.

Ex dictis deducitur *primo*, certum esse Romanum Imperium esse ultimum, et duraturum usque ad finem mundi; tunc vero in aliud imperium (Antichristi scilicet), sed breve, commutabitur. Patet hoc ex loco citato *Daniel.* cap. vii, vers. 21, 22, 25, 26, 27, et *Apoc.* xvii, vers. 9 et 10, et ex Paulo hic, estque communis Patrum, teste Hieronymo in cap. vii *Daniel.*, traditio, et, ut videtur, Apostolica.

Secundo, iidem certo docent Romanum Imperium destruendum, vel ab ipso Antichristo, vel paulo ante eum.

Tertio, Roma sub finem mundi ad pristinum Imperii dignitatem, æque ac scelera, et a christianismo ad ethnicismum redibit, Pontificemque suum expellet, et fideles ei adhærentes persequetur, uti fecit tempore Neronis, Decii et aliorum Imperatorum Gentilium. Unde in *Apoc.* cap. xvii, xviii et seq., Roma sub finem mundi futura, vocatur « Babylon meretrix magna, sedens super septem montes, ebria sanguine Sanctorum et Martyrum Jesu, quæ vino iræ fornicationis suæ potavit omnes gentes, » id est supplicia suæ idololatriæ (hæc enim a Prophetis vocatur fornicatio) aliorumque scelerum consequentium, derivavit in omnes gentes, hoc ipso quo eas ad suam idololatriam, allaque scelera imitanda compulit.

Quarto, consentiunt Patres et interpretes, docentque ex *Apoc.* xvii, 12 et 16, collato cum *Daniel.* vii, 8 et 24, ante Antichristum, stante Roma et Romano Imperio, decem fore reges totius orbis dominos, qui Romam capient, evertent, comburent, *Apoc.* xvii, 16, et toto cap. xviii. Hique Romanum Imperium dividunt, inquit S. Hieronymus et alii. Porro Antichristus ex hisce decem regibus successive tres invadet et profligabit, ut ait *Daniel*, scilicet regem Æthiopiæ, regem Libyæ et regem Ægypti, ut tradit Hieronymus, Theodoretus, Cyrillus et Irenæus. Qua clade cæteri septem reges territi, ipsi se subdent,

unusque omnium rex et monarcha erit Antichristus. An autem hi decem reges eversuri sint Romam ante Antichristum, an vero sub Antichristo, dubium est, quod pertractavi *Apoc.* xvii, 16.

Obijcit *secundo* Beza: Romanum Imperium jam desiit; ergo venit Antichristus. Probatur antecedens, quia Romæ jam non imperat Romanus imperator, sed Pontifex Romam occupavit: ipse ergo videtur Romanum imperium destruxisse, ac consequenter esse Antichristus.

Respondeo, aliud esse Romam, aliud Romanum Imperium: Romanum enim Imperium et Romanus Imperator sine Roma consistere possunt. Quamdiu enim unus Romanus Imperator alteri in eadem potestate et dignitate succedit, uti hactenus factum vidimus, sive Romæ imperet, sive non, sive plures obtineat provincias, sive pauciores, est et dicitur Romanus Imperator, et obtinere Romanum Imperium. Id patet *primo*, quia Roma capta ab Hunnis et Gothis, puta ab Attila, et postea a Genserico, non desiit Romanum Imperium, nec Romanus Imperator; uti nec desiit Romanus Pontifex esse S. Leo. Mansit enim tunc Honorius Romanus Imperator, licet Ravennæ degeret. Rursum Valens, Arcadius, Theodosius et cæteri usque ad Justinianum fuerunt Romani Imperatores, et tamen Roma caruerunt.

Secundo, id patet a communi omnium sensu: omnes enim Rudolphum Imperatorem modicum vocant Romanum Imperatorem. Ipsi quoque Lutherani suos Electores vocant Electores Imperatoris, vel Regis Romanorum. Romæ denique coronam accipit et inauguratur Imperator.

Tertio, Romanum Imperium destruetur et dividetur sub finem mundi a decem regibus, qui erunt hostes Imperii et imperatoris Romani; et postea veniet Antichristus, ut jam ostendi: atqui Pontifex non est hostis, sed amicus et conservator Romani Imperii et Imperatoris, Romanusque et alia loca occupat, non invasione, sed donatione et consensu Imperatorum et Principum; idque tot seculis ante finem mundi. Rursum Pontifex non est rex, multo minus idem cum decem regibus. Denique Pontifex Romanum Imperium non destruxit, nec divisit in decem reges: ergo destructio Romani Imperii, quæ præire debet adventum Antichristi, de qua loquitur Apocalypsis, *Daniel* et Paulus, non est facta per Pontificem; ac multo minus Pontifex est Antichristus.

Denique adverte hic: Hoc signum discessionis et eversionis Romani Imperii sensim impletur, cum sensim inclinatur et deficit Romanum Imperium, simulque Evangelium apud Japones, Indos, Sinas, totoque orbe sensim propagatur; quod secundum est signum adventus Antichristi et iudicii, datum a Christo discipulis hæc de re interrogantibus, *Matth.* xxiv, 3: « Prædicabitur, inquit vers. 14, hoc Evangelium regni in universo orbe, in testimonium omnibus gentibus; et tunc veniet consummatio. »

Non desiit Romanum Imperium, et si Pontifex Romæ imperet.

Alliquæ argumenta quæ convincent Pontificem non esse Antichristum.

Romanum Imperium ultimum, ad finem mundi duraturum.

Idem destruendum.

A christianismo redibit ad ethnicismum.

Decem reges Romanam evertent, Romanum Imperium dividunt.

Decem reges ab Antichristo debentur.

Vers. 8.

8. ET TUNC REVELABITUR ILLE INIQUUS (Antichristus; qui antonomastice dicitur ὁ ἄνομος, id est ille iniquus et impius), QUEM DOMINUS JESUS INTERFICIET SPIRITU ORIS SUI, ET DESTRUET ILLUSTRATIONE ADVENTUS SUI. — Nota : *Spiritus oris* non significat prædicationem verbi Dei, quia hæc non interficiet Antichristum, imo in fine mundi Antichristus illam tollet, cum Eliam et Henoch occidet : unde explicans subdit Apostolus : « Et destruet illustratione adventus sui. » Tunc ergo Christus spiritu oris sui interficiet Antichristum, cum destruet illum illustratione adventus sui ad iudicium; Christus autem tum non veniet ad prædicandum, sed ad iudicandum : ergo spiritus oris Christi non est prædicatio, sed potius sententia et iudicium condemnationis.

Christus
veniens
ad iudi-
cium suo
jussu oc-
cidet An-
tichris-
tum.

Dico ergo : Christus interficiet Antichristum spiritu oris sui, id est jussu suo, verbo suo, sua sententia, quasi afflatu mortifero afflabit et interimet eum. Alludit Paulus vel potius citat *Isaia* xi, 4 : « Percutiet (Christus) terram (peccatores terræ) virga oris sui; et spiritu labiorum interficiet impium. » Ubi pro *virga*, hebraice est שֵׁטֶן *scebet*, id est sceptrum. *Sceptrum oris* vocat prædominans, potentissimum et efficacissimum imperium, jussu ac sententiam, qua Christus interficiet Antichristum et omnes impios. « Perinde enim (sicut inquit ex Chrysostomo Theophylactus) ut ignis, etiam ante adventum suum, cum adhuc procul fuerit, bestiolas tamen exiguas torpere ac stupere facit absumitque : hunc ad modum Christus, vel solo imperio, sive afflatu Spiritus Sancti, plene delebit et obscurabit ipsum Antichristum, soloque adventu suo abolebit, hoc est omnino vacuum et inefficacem reddet : ubi enim visus tantum fuerit, sistet deceptionem. »

Nota secundo : Pro *destruet*, græce est καταργήσει, id est inefficacem, imbellem, enervem, evanidum reddet, omnem vigorem et vires illi adimet, ut spiritu et vita deficiente et evanescente moriatur et intereat.

Splendor
Christi
judica-
turi.

Nota tertio : Pro *illustratione*, græce est ἐπιφάνεια, id est, ut Syrus, *revelatione*, vel *apparitione*; vel, ut Augustinus, lib. XX *De Civit.*, cap. xix, *illuminatione præsentiae suæ*; vel, ut Vatablus, *claritate adventus sui*. Significat ergo per lucem, charitatem et splendorem, qui quasi prænuntius præibit Christum venientem ad iudicium, signumque erit Christi adventantis, Antichristum destruendum esse et dissipandum, perinde ut sole adventante dissipantur et evanescent nubes et tenebræ; ita ut solo timore, inquit Anselmus, Christi adventantis, moriatur pestifer ille.

Ante di-
em iudi-
cii occide-
tur Anti-
christus,
et dabun-
tur homi-

Adverte hic : Ante diem iudicii occidetur Antichristus. Nam post ejus mortem minimum dabuntur hominibus quadraginta quinque dies poenitentiae, ut patet *Daniel*. xii, 12; tantum ergo hic significat Paulus, cum prævia signa præibunt iudicium et Christum judicem, quodam inusitato

fulgore de cælo quasi fulmine, a Christo siderandum et afflandum esse Antichristum.

inibus 45
dies po-
nitentiae.

Dices : *Apoc.* xix, 20, dicitur bestia, id est Antichristus, cum suo præcursore et pseudopropheta vivus mittendus in infernum; quomodo ergo hic dicitur interficiendus?

Respondeo : Pro *interficiet*, græce est ἀναλώσει, id est absumet, consumet, perdet; ita ut in terra inter homines viventes esse desinat, et præcipitetur in mortem æternam inferni. Christus ergo vel per se, ut docet Lactantius, lib. VII, cap. xix; vel potius, ut alii, per Michaelem Archangelum administrum, suæ sententiæ executorem et præcursorem suum ad iudicium, deturbabit Antichristum, eumque dehiscens terra absorbebit, vivumque rapient dæmones in tartara, sive vivus eo perveniat, sive non, sed in itinere occidatur : utrumque enim probabile est; uti de Core, Dathan et Abiron (de quibus dicitur *Num.* xvi, 33 : « Descenderunt vivi in infernum operi humo ») nonnulli censent eos vivos permansisse et pervenisse in infernum; alii censent eos vivos coepisse descendere, sed in ipso descensu esse mortuos, antequam ad infernum pertingerent, ut *τὸ descenderunt* vivi actum inchoatum descensus, non consummatum significet. Utrique probabiliter, sed posteriores probabilius. Plane enim in omnes homines generalis lata est sententia mortis : « Statutum est, inquit Apostolus *Hebræor.* x, 27, hominibus semel mori, post hoc autem iudicium. » Idque significat hic Paulus, cum ait, « interficiet » eum, vel, ut græce est, ἀναλώσει, id est absumet eum. In ipso ergo descensu ad inferos occidetur Antichristus; dicitur tamen vivus mittendus in infernum, quia vivus eo demitti et descendere incipiet; sed in via, antequam pertingat ad infernum, suffocabitur et occidetur, ut jam de Core dixi. Addunt S. Hieronymus et Theodoretus in cap. xi *Danielis*, et D. Thomas hic, id fore in monte Oliveti : eo enim Christus veniet ad iudicium, iudicabitque in valle Josaphat, ut dicitur *Joelis* iii, 2, quæ est vicina monti Oliveti; ut sicuti ex monte Oliveti Christus in cælum ascendit, ita ex eodem Antichristus deturbetur et descendat in tartara.

Anti-
christus
quomodo
vivos
mitten-
dus in in-
fernum?

9. CUJUS EST ADVENTUS SECUNDUM OPERATIONEM SATANÆ IN OMNI VIRTUTE (δυνάμει, id est potentia), ET SIGNIS, ET PRODIGIIS MENDACIBUS, — q. d. In cujus adventu, vel per quem advenientem, Satanæ operabitur et exeret omnem suam potentiam, omnia sua signa et prodigia mendacia.

Vers. 9.

Nota : Græcum *παρουσία* et adventum et præsentiam significat; potestque tam de præsentia et adventu in mundum, quam in regnum accipi, ut scilicet significet tam ortum, nativitatem et educationem Antichristi, quam ejus vitam et regimen fore secundum operationem Satanæ : magis tamen hoc secundum significat hic Apostolus, scilicet quod Antichristus habebit assistentiam Satanæ, et Satanam in se et per se operantem, inquit Theophylactus. Unde subdit : « In signis et prodigiis

Ortus,
educatio
et vita
Anti-
christi sa-
tanica.

glis, » scilicet quæ faciet Antichristus ut homines seducat.

Aliqui putant Antichristum fore diabolum incarnatum, ut opponatur Christo Deo incarnato; ut, sicut Verbum per humanitatem assumptam operatum est et vim suam exeruit, ita Satanas per carnem assumptam operetur et vim suam exerat. Ita videtur loqui Theodoretus. Verum quia fieri non potest ut diabolus aut alia creatura carnem aliamve creaturam hypostaticè assumat, sicut Deus assumpsit carnem humanam, ut docent Theologi; hinc secundo, Hippolytus Martyr, *De Consummat. sæculi*, censet Antichristum fore dæmonem, non incarnatum, sed in carne apparentem, et de falsa virgine falsam et phantasticam carnem assumentem.

Tertio, alii apud Rabanum, tractatu *De Antichristo*, putant Antichristum non fore dæmonem, sed hominem; qui tamen ex virgine opera dæmonis concipietur, uti Christus conceptus est ex Virgine de Spiritu Sancto. Verum non potest dæmon virginem fœcundare, nisi ut succubus aliunde semen humanum exceperit, quod deinde virginis utero infundat, ac proinde non manebit virgo, quæ ab eo imprægnata fuerit: sed more cæterarum puerperarum claustris virginitatis resignatis concipiet et pariet.

Quarto, probabilius Franciscus Suarez et multi alii volunt verbis hisce Paulum significare, quod Antichristus omnem operationem diaboli in se suscipiet a puero, quodque diabolus primo, in utero matris Antichristi humores sic attemperabit, ut Antichristi temperamentum et complexio fiat propensissima ad omnia vitia. Et hoc videtur velle S. Hieronymus, cum in cap. XVI *Isaiæ* dæmonem vocat patrem Antichristi.

Secundo, ab infantia Antichristum replebit dæmon malitia sua, non quasi Antichristus a dæmone possidendus sit corporaliter, tanquam arreptitius: sic enim non esset liber, nec peccaret; sed quia semper et in omnibus eum a puero reget et gubernabit dæmon, inquit Damascenus, lib. IV *De Fide*, cap. XXVII.

Tertio, in virili ætate dæmon per Antichristum operabitur non tantum omne scelus et nequitiam, sed etiam omnia signa et portenta mendacia, omnem blandiloquentiam, sapientiam, minas, terrores et tormenta, omnemque vim suam exeret, ad decipiendos et alliciendos a Christo ad se homines omnes; et hoc maxime vult Paulus, cum ait: « Cujus est adventus secundum operationem Satanae. »

IN SIGNIS ET PRODIGIIS MENDACIBUS. — Nota: Nec Antichristus, nec dæmon, nec angeli possunt facere verum miraculum; sed solus Deus. Miraculum enim est quod fit super omnem naturæ vim, quodque omnium naturalium causarum et creaturarum vires excedit et transcendit: Antichristus ergo faciet miracula non vera, sed falsa et mendacia.

Nota secundo: Miracula Antichristi dicuntur mendacia quadrupliciter, scilicet, ratione et respectu omnium causarum. Primo, respectu causæ finalis: quia eo fine faciet ea Antichristus, ut homines in mendacium et errorem inducat, nimirum ut per hæc miracula probet se esse Messiam et Deum, sicuti fecit Christus. Ita Ambrosius et Chrysostomus.

Secundo, ratione causæ efficientis, quia eorum architectus erit pater mendacii, puta diabolus.

Tertio, ratione causæ materialis, ut Theodoretus docet: multa enim ex his miraculis erunt præstigiæ, quibus fascinabit oculos, ut videatur facere id quod revera non faciet. Erit enim Antichristus, inquit Cyrillus, *Catech. 13*, magia instructissimus.

Quarto, respectu causæ formalis, quia quæ ex hisce non erunt præstigiæ, naturaliter fient per applicationem occultam causarum naturalium. Unde mira quidem erunt, non tamen miracula, quæ omnes naturæ vires superent.

Nota tertio: *Apoc. XIII*, tria miracula Antichristi describuntur. Primum, vers. 3 et 11, quod unum e regibus sibi subjectis, vel potius seipsum plaga mortifera (in bello, vel aliunde accepta) saucium sanabit. Ubi adverte plagam hanc revera non fore mortiferam, sed vel talis hominibus videbitur tantum, non autem erit re ipsa; vel si revera erit incurabilis, id tantum erit respectu artis et opis humanæ: dæmoni enim totum corpus nostrum pernoscenti et pervadenti, naturaliter curabilis erit, ac proinde nec vim creati agentis transcendet curatio, nec miraculum erit.

Secundo, ibidem vers. 13, quod faciet ignem de celo descendere: sed et hoc naturaliter facere potest dæmon, uti scimus eum ciere fulmina, tonitrua et tempestates, concitando vapores et nubes.

Tertio, ibidem vers. 15, quod propheta et præcursor Antichristi faciet statuam ejus loqui: sed sic dæmon per idola locutus est, et per pythones etiamnum loquitur naturaliter.

Addit Sibylla, lib. III *Oraculorum*, alia miracula, scilicet, quod Antichristus sistet mare, montes, solem, lunam, et mortuos ad vitam suscitabit. Verum, inquit, non erunt vera signa, sed decipiet: pleraque enim ejus mira præstigiæ erunt, quibus illudet oculis hominum, uti jam per suos circulatorum et præstigiatores hominum oculis illudit dæmon.

Similia de Antichristo tradit Methodius Episcopus et Martyr in suis *Revelationibus*, quæ referuntur tomo II *Bibliot. SS. Patrum*: « Faciet, ait, multa signa et prodigia sophistica, cæci respicient, claudi ambulabunt, surdi audient, dæmoniacy curabuntur, convertet solem in tenebras et lunam in sanguinem apparenter. » Voleat enim ipse haberi Christus, ac proinde faciet ea quæ de Christo prædixerunt Prophetæ, quæque Christum fecisse narrant Evangelistæ. Et Hippolytus Martyr, orat. *De*

Miracula Antichristi ob quatuor causas sunt mendacia.

Tria miracula Antichristi.

Primum, morborum sanatio.

Secundum, ignis e celo descendens.

Tertium, locutio statuæ Antichristi.

Quartum, mortuorum flecta suscitatio.

Consumm. mundi : « Leprosos, inquit, mundabit, paralyticos excitabit, expellet dæmones, longinqua non aliter quam præsenta denuntiabit, mortuos suscitabit, transferet montes ante oculos spectantium, siccis pedibus ambulabit super mare, deducet ignem e cælo, convertet diem in tenebras, et noctem in diem, solem circumaget quo libuerit. Et, ut semel dicam, omnia terræ marisque elementa, vi oblatæ apparitionis, coram spectantibus obtemperare sibi demonstrabit. » Et S. Ephrem tractatu *De Consummat. mundi et Antichristo* : « Transferet, inquit, montes et insulas fallaciter, et currere quidem videbitur mons coram cunctis spectantibus, licet omnino a suis fundamentis non sit motus : super abyssum incedet, et in ea, ut super terram ambulare se simulabit. Magna tribulatio erit in diebus illis, quando seipsum ut Deum ostendat formidabilibus portentis, per aera volitans, cunctique dæmones in forma angelorum cum timore coram tyranno in acre sublimes volitare conspiciuntur. »

ora. 40. 10. ET IN OMNI SEDUCTIONE INIQUITATIS IIS QUI PEREUNT, — ut omni arte et modo seducat homines ad iniquitatem, ut pereant et dampnentur.

Nota : Hisce artificiis utetur Antichristus ad illicendum homines. *Primo*, magna comitate et gratia se insinuandi captandique hominum gratiam. *Secundo*, sanctimoniam simulata. *Tertio*, sapientia sua et eloquentia incredibili; callebit enim omnes artes et Scripturas, ait Anselmus. *Quarto*, promittendo et largiendo suis ingentes opes. *Quinto*, reluctantibus inferendo terrores et tormenta exquisita. *Sexto*, faciendo signa et prodigia rudibus admiranda. Denique a dæmone suo omnem fallendi artem discet.

Nota : To iis, vel, ut græce est, in iis qui pereunt, significat has artes efficaces fore in hominibus levibus, impiis, ideoque reprobis, qui morte æterna peribunt, adeoque illos per illas artes seductum iri, et consequenter perituros et damnandos. Notat maxime Judæos, ut mox dicam. Alii enim cordati et constantes has artes et imposturas facile pervidebunt, nec iis sinent se seduci, sed usque ad mortem Antichristo resistent, ideoque martyrii lauream obtinebunt.

EO QUOD CHARITATEM VERITATIS NON RECEPERUNT, UT SALVI FIERENT. — « Caritas veritatis, » primo, juxta Anselmum, est caritas vera, sive caritas et spiritus Christi verax vereque amabilis. *Secundo*, ut Chrysostomus, Theophylactus, Oecumenius, « caritas veritatis » est Christus, qui utrumque est, scilicet tam caritas, quam veritas, et propter utramque venit in mundum; scilicet, ut verissima caritate se nobis traderet, utque suam charitatem et veritatem nos amplecti et æmulari doceret. Unde S. Cyprianus, epist. 53 ad Corneliū, legit, « eo quod dilectum veritatis non habuerunt. » *Tertio*, « caritas veritatis » est amor, vel, ut Ambrosius, « dilectio veritatis, » q. d. Quia non habuerunt amorem veritatis, quia noluerunt

amare veritatem; ideo mittet illis Deus operationem erroris per Antichristum. Ita Vatablus. Hic sensus facilior est et planior, magisque connexus versui sequenti; opponit enim amorem veritatis errori, sive amoris et amplexui erroris.

Tacito nomine notat Judæos. Hinc enim docent Patres Antichristum venturum maxime hac de causa, ut Judæos decipiat, idque in pœnam incredulitatis suæ, qua noluerunt recipere Christum, qui tot vera miracula, tam veram fidem et doctrinam, tam puros mores et vitam Judæis exhibuit. Idem significat Christus, Joannis cap. v, vers. 43 : « Ego veni, inquit, in nomine Patris mei, et non accipitis me : si alius (Antichristus) venerit in nomine suo, illum accipietis. » Unde sequitur :

IDEO (quia scilicet noluerunt recipere veritatem et amorem veritatis) MITTET ILLIS DEUS OPERATIONEM ERRORIS, UT CREDANT MENDACIO. — Pro « operationem erroris, » græce est ἐνέργειαν πλάνης, id est, ut Syrus, efficaciam seductionis vel imposturæ, scilicet illa miracula aliaque artificia fallendi, quibus, ut dixi, Judæos a Christo aversos poterit et efficaciter ad se pelliciet Antichristus.

Nota : Dicitur Deus mittere hæc opera et imposturas Antichristi, quia ex proposito ea Judæis aliisque hominibus immitti permittet, inquit S. Augustinus, lib. XX *De Civitate Dei*, cap. XIX, laxando scilicet habenas tum diabolo, tum ipsi Antichristo : non enim opus est, ut positive eos mittat Deus ad decipiendum homines, cum ipsi per se ad hoc promptissimi sint futuri, nec aliud sint desideraturi, quam ut Deus hanc deceptionem perficere eis permittat. Simili modo dicitur II Reg. XXIV, Deus commovisse (id est a diabolo et suis adulatoribus commoveri permisisse) Davidem (ad numerandum populum), quod fuit peccatum superbæ in Davide. Eodem modo et sensu dicitur Deus miscere spiritum vertiginis, dare spiritum mendacii, compunctionis, soporis, etc., ut dixi Can. 17 et 23.

Hinc patet Deum, cum mittit spiritum erroris, cum excecet, cum indurat, adeoque cum peccata præcedentia punit peccatis sequentibus, non tantum se habere negative; sic enim non irrogaret pœnam : nec enim iudex censetur punire reum, si negative permittat eum furari et male agere; sed habere etiam se positive ac positivo actu, et speciali providentia et decreto decernere permittere peccatum posterius hoc fine, ut puniat prius, ut dixi Can. 16.

Moraliter S. Augustinus, lib. V *Contra Julianum*, cap. III, docet homines ob præcedentia peccata, præcipue ob veritatis oblatæ repudium, hac pœna gravissima a Deo puniri (eo modo et sensu quo jam explicui), ut credant mendaciis et erroribus in suam perniciem. « An non est peccatum, ait, et pœna peccati, ubi legitur : Dominus miscuit illis spiritum erroris, et seduxerunt Ægyptum in omnibus viis suis, sicut seducitur ebrius? Non

Antichristus
movere
venturum
ut Judæos
decipiat.

hanc quoque
modo se
habent in
permissio-
ne im-
postura-
rum et
præsti-
giam
Antichristi?

Veritatem oblatam repudiaverunt, præcipientes ut erroribus puniantur.

est peccatum et pœna peccati, ubi Deo dicit Propheta: Quid errare fecisti nos, Domine, a via tua, obtudisti corda nostra, ut non timeremus te? Non est peccatum et pœna peccati, ubi rursus Deo dicitur: Ecce tu iratus es, et nos peccavimus, propterea erravimus, et facti sumus immundi omnes? Non est peccatum et pœna peccati, ubi legitur de gentibus, quas debellavit Josue, quia p̄r Dominum factum est confortari cor eorum, ut obviam irent ad bellum contra Israel, et exterminarentur? Non est peccatum et pœna peccati, quod non audivit Robœam rex plebem bene monentem, quoniam sicut Scriptura loquitur: Erat conversio a Domino, ut statueret verbum suum, quod de illo locutus est in manu Prophetæ? Non est peccatum et pœna peccati in eo quod scriptum est, Amasiam, regem Juda, noluisse audire Joas, regem Israel, bene monentem ne procederet ad bellandum? Unde inferius citans hunc Pauli locum sic ait: « Unde est illud, quod ad Thessalonicenses scribit Apostolus: Pro eo quod dilectionem veritatis non receperunt, ut salvi fierent, ideo mittet illis Deus operationem erroris, ut credant mendacio. Ut seduceretur Achab et in prælio periret, vidit Michæas Dominum sedentem in throno, et exercitus cœli coram eo. Et dixit Dominus: Quis seducet Achab, et ascendet, et cadet in Ramoth Galaad? Et dixit spiritus quidam: Ego seducam eum. Et dixit Dominus ad eum: In quo? Et dixit: Egrediar, et ero spiritus mendax in ore omnium Prophetarum ejus. Et dixit: Seduces, et prævaleris; exi, et fac sic. »

Causa finalis permittendi impetras et fraudes Antichristi.

Vox ut referri potest ad mittet, et tunc non causam finalem, sed tantum consequentiam significat, q. d. Permittet Deus Antichristum operari et seducere homines, unde consequetur ut illi qui Christum sequi noluerunt, credant mendaci Antichristo. Nec enim Deus hoc fine mittet Antichristum, ut intendat per eum seducere homines, et impellere in mendacium: sed potius hoc fine, ut cognoscant homines per opera Antichristi, quanta sit efficacia dæmonis, quantaque sit infirmitas hominis; ut contra eum se muniant, humiliterque Dei gratiam invocent: ut ita e contrario pateat quanta sit efficacia gratiæ Christi in iis qui Antichristo resistent, quæ omnem naturæ infirmitatem et dæmonis efficaciam generose et constanter superabit. Ex hac tamen missione, vel potius permissione Antichristi, id consequitur, ut multi in malum et errores propensi ab eo seducantur, credantque ejus mendaciis et fallaciis.

Secundo et melius, vox ut referri potest ad id, quod proxime præcedit, scilicet ad operationem erroris; et tunc proprie sumitur, significatque causam finalem, q. d. Hæc operatio erroris, et seductio Antichristi ab eo fiet hoc fine, ut homines credant ejus mendacio; sive hæc opera Antichristi impellent homines, facientque eos credere mendacio.

11. Ut JUDICENTUR OMNES, QUI NON CREDIDERUNT VERITATI, SED CONSENSERUNT INIQUITATI. — q. d. Ut justo Dei judicio arguantur et condemnentur Judei et similes, qui Christo et veritati Evangelicæ per Christum allatæ credere noluerunt; sed mendacem Antichristum receperunt, ejusque hæresim et sceleratos mores secuti et æmulati sunt.

Nota: Ut significat hic causam finalem missionis Antichristi; refertur enim ad id, quod dixit vers. præced. : « Ideo mittet illis Deus operationem erroris. »

Pro quo nota secundo: Duplex est causa, cur Deus permittet tanta et tam potenter operari Antichristum. Prior et primaria ea est, quam jam dixi, ut pateat in Sanctis, qui illi resistent, gratiæ Christi efficacia. Altera et secundaria, et quasi consequens causa est, quam solam hic adfert Apostolus, scilicet ut hac ratione Deus puniat incredulitatem Judæorum, qui Christum sequi noluerunt: puniat, inquam, primo, permissione tantæ temptationis Antichristi, ac lapsus ac consensus Judæorum, ut credant mendacio.

Secundo, ut posito jam eorum lapsu, quodque jam crediderunt mendacio, puniat eos in die judicii, coarguendo eorum malignitatem, quod Christi vera miracula, veram doctrinam, veram et sanctam vitam amplecti noluerint; sed vice versa Antichristi falsa miracula, doctrinam et vitam impiam amplexi sint; ac consequenter puniat eos, æternæ damnationi illos adjudicando.

Nota tertio: Tam hic quam vers. 10, veritatem Christi opponit Apostolus non mendacio, sed iniquitati Antichristi; quia ex veritate justitiam et sanctitatem Christi, quasi ex fonte rivulos promanantes subintelligit. Rursum, sub iniquitate mendacia et errores Antichristi, quasi sub toto partem complectitur: erit enim Antichristus omnis iniquitatis architectus; ideoque omnes iniqui, impii, scelerati eum recipient, illi consentient, illo rege gaudebunt.

Hic locus est partim controversus, partim didacticus de Antichristo: de quo multi fuse et præclare scripserunt, quæ quia non vacat multis perlegere, ego ea hic paucis complectar, et quæcumque ex S. Scriptura vel Patribus de Antichristo certa sunt, aut valde probabilia, in medium afferam.

Quæritur ergo primo: An Antichristus venerit, an vero sit adhuc venturus? Hæretici docent eum venisse. Papam enim Romanum, qui antea erat Pastor et Episcopus Romanus, factum esse Antichristum, cum cœpit contra legem Christi inducere Missas, imagines, Purgatorium, Indulgentias, cultum Sanctorum; cumque cœpit dominari aliis episcopis, sibi que arrogavit jus et titulum Pastoris ac Principis totius Ecclesiæ. Id factum aiunt sub annum Domini 600. Unde David Chytræus Gregorium Magnum (quem omnes tam Græci quam Latini ut sanctum coluerunt) vocat

Vers. 11.

Duplex causa, ob quam Deus permittet potestatem tantam Antichristo.

Controversia tota de Antichristo breviter perstricta.

Quest. I. An Antichristus venerit, an venturus sit

Hæretici volunt Antichristum incepisse

num Do-
mini sex-
centesi-
mum.

primum Antichristum. Illyricus vero, Lutherus et plures Novantium, Gregorium vocant ultimum Roman. Pontificem. Gregorio enim successit Sabinianus : sed hic statim eodem anno defunctus est. Sabiniano successit Bonifacius III, qui anno Domini 606 a Phoca Imperatore Œcumenici nomen accepit, ut scilicet vocaretur Universalis totius orbis Episcopus et Pontifex. Hunc ergo volunt esse primum Antichristum.

Pontifex
universa-
lis Eccle-
siae titu-
lus Pon-
tificis Ro-
mani an-
tiquissi-
mus?

Verum falluntur et fallunt. Nam, ut alia taceam, Concilium Œcumenicum Chalcedone habitum, actione prima, secunda et tertia, passim S. Leonem, qui longe ante S. Gregorium fuit Romanus Pontifex, vocat Pontificem universalis Ecclesiae. Quid est hoc aliud, quam esse Œcumenicum? Ideoque Pontifices Romani semper vel per se, vel per legatos suos Conciliis Œcumenicis prae fuerunt, tanquam capita et principes totius Ecclesiae, quam repræsentat Concilium Œcumenicum.

Rursum, si a Bonifacio III Pontifices Romani omnes fuerunt Antichristi; ergo jam per mille annos Ecclesiam suam deseruit Christus; ergo per mille annos Ecclesia Christi periit, quæ tamen in Scriptura prædicatur esse regnum Christi æternum; ergo per mille annos omnes Catholici et Christianissimi Reges, Principes, Dynastæ, Episcopi, Doctores, totusque orbis Christianus adoravit Antichristum; ergo per mille annos tota Ecclesia (quæ tamen ab Apostolo dicitur esse columna et firmamentum veritatis) in gravissimis fuit erroribus, imo in idololatria, fuitque synagoga Sathanæ; ergo in Ecclesia non Christi, sed Antichristi et diaboli natus, baptizatus, educatus est Lutherus, Calvinus aliique Novantes, si verum est, quod ipsi aiunt, sub annum sexcentimum cœpisse Missas, imagines, invocationem Sanctorum, orationes pro defunctis. Sed absit. Hæc enim fuisse in Ecclesia ante annum sexcentimum, imo a temporibus Apostolorum, docent S. Ignatius, Dionysius, Tertullianus, Cyprianus, Augustinus, Hieronymus, Chrysostomus et alii omnes, quos in singulis materiis per singulas annorum a Christo nato centurias proferunt et citant Catholici omnes, qui de controversiis scripserunt.

Missæ,
imagines,
invocatio
Sancto-
rum ab
initio Ec-
clesiæ
fuerunt.

Anti-
christus
necdum
venit, sed
venturus
est.

Respondeo ergo et dico, Antichristum necdum venisse, sed esse venturum, ac consequenter nec Papam Romanum, nec quem alium qui vivat aut vixerit, esse Antichristum. Id breviter novem rationibus demonstro.

Erit unus
singularis
homo.

Primo, quia unus erit singularis homo, qui dicetur Antichristus, ut ostendi ex vers. 3; atqui Papa non est nomen hominis singularis, sed nomen officii communis; in quo unus alteri succedit: nomen enim Papæ tam commune est multis, quam nomen regis, imperatoris, episcopi: ergo Papa non est Antichristus.

Non ve-
niet nisi
eversum
pe-
nitur Ro-

Secundo, Antichristus non veniet, nisi postquam omnino eversum fuerit Romanum Imperium a decem regibus, ut patet hic vers. 3, et Daniel. cap. vii, vers 24, juncto cum Apocalyp. xvii,

11 et 16; atqui necdum omnino eversum est Romanum Imperium, nec hactenus visi sunt decem reges illud evertentes: ergo necdum venit Antichristus.

mano Im-
perio.

Tertio, Antichristus erit ex diametro contrarius Jesu Christo, ejusque nomen, fidem et cultum tollet, voletque ipsemet haberi Christus et Messias, ut patet hic vers. 14, et I Joan. ii, 22, et Joan. v, 43; atqui nec Papa, nec quis alius similis hactenus Christi fidem et cultum sustulit, voluitque haberi Christus: ergo nec Papa, nec aliquis illi similis hactenus fuit, qui esse possit Antichristus.

Erit con-
trarius ex
diametro
Jesu
Christo.

Quarto, Antichristus abrogabit in Ecclesia iuge sacrificium (quod non potest esse aliud quam Missæ) omnemque Dei cultum et cæremonias, imo omnem religionem, ut patet Daniel. xii, 11, et hic vers. 4; atqui hactenus perdurat Missæ sacrificium, Dei cultus et cæremoniæ in Ecclesia Romana: ergo hactenus in Ecclesia Romana non est visus Antichristus.

Abroga-
bit iuge
sacrifi-
cium.

Quinto, Antichristus Deo vero omnique numini adversabitur, voletque ipse solus haberi et coli in templo ut Deus et numen; atqui nec Papa, nec quis alius hactenus omne numen sustulit, voluitque ipse in templo coli ut numen: ergo nec Papa, nec quis alius hactenus fuit Antichristus.

Omnide-
o adversa-
bitur.

Sexto, Antichristus, ut docet Daniel ibidem, tantum regnabit dies mille ducentos nonaginta; atqui Papa per plures dies, imo annos regnavit: ergo Papa non est Antichristus. Respondent Novantes, Daniele diem pro anno accipere: sed contra hoc facit, quod S. Joannes, Apoc. cap. xi, vers. 2 et 3, dies redigat ad menses, numeretque menses persecutionis Antichristi quadraginta duos, quibus calcabit Ecclesiam et civitatem sanctam. Rursum Daniel, vii, 25, docet Antichristum regnaturum « per tempus, » id est annum (sic enim Daniel, iv, 29, dicit Nabuchodonosorem cum bestiis vixisse per septem tempora, id est septem annos, uti omnes exponunt), « et tempora, » id est duos annos, « et dimidium temporis, » id est anni.

Regnabit
dies mille
ducentos
nona-
ginta.

Ubi nota, pro *tempora*, in Chaldaeo (qua lingua hæc scripsit Daniel) esse עֲדָנִין *iddanin*, uti Rabini puncta subjecerunt, quod est pluralis numeri et significat tempora; sed videtur legendum aliis punctis in duali עֲדָנִין *iddanain*, id est, duo tempora: quanquam Chaldaei rarius duali, et plerumque plurali etiam pro duali utantur, ut notat Guido Fabricius in Grammatica Syrochaldaica. Sive ergo legas *iddanin*, sive *iddanain*, utrumlibet hic duale est, et, ut omnes vertunt, significat duo tempora, id est duos annos. Voluit enim Daniel numerare et consignare certa et definita tempora, id est annos monarchiæ et persecutionis Antichristi, dicitque eos fore tres cum dimidio, qui efficiunt menses 42, quos numerat S. Joannes in Apocal., et dies 1290, quos numerat Daniel cap. xii. Ita docent passim Patres. Atqui Pontifex non tres annos cum dimidio, sed plusquam mille an-

Locus Da-
nielis et
Apoca-
lypsis de
Anti-
christi
tempore
illustra-
tus.

Monar-
chia An-
tichristi
tres anni
cum di-
midio.

nis in Ecclesia regnavit et præsedit: ergo Pontifex non est Antichristus.

Septimo, Antichristi imperium erit ultimum mundi, eritque sub finem mundi, paulo ante iudicium, ut patet *Daniel. vii, 21, 22, 23, 26*; atqui Papa jam diu ante finem mundi diemque iudicii, scilicet mille annis regnavit: ergo Papa non est Antichristus.

Octavo, Antichristus occidet Eliam et Enoch, ut patet *Apoc. xi, 7*, estque communis sententia Patrum; atqui Papa non occidit Eliam et Henoch, nec Elias et Enoch hisce mille annis visi sunt: ergo Papa non est Antichristus.

Nono, Antichristus non regnabit Romæ (illa enim ante Antichristum evertetur et concremabitur a decem regibus, ut ostendi vers. 7); sed Hierosolymis, ut patet *Apoc. xi, 8*; Papa autem non regnat Hierosolymis; sed Romæ: ergo Papa non est Antichristus.

Hinc patet, ridiculum esse dicere venisse Antichristum. Sed nimirum livor mentem excecavit, et durum est telum necessitas. Novantes vident suas et alias aliorum quavis ætate hæreses a Pontifice Romano damnari et damnatas esse. Quid agant ut iudicem hunc declinent? necesse est ut faciant Antichristum: si enim eum Christi esse, cum Christo, pro Christo, Christique vicarium faterentur, diceremus eis: Cur ergo ejus sententiæ, imo Christi sententiæ non acquiescitis? Tolerabilius foret, et in speciem probabilius quippiam dicerent, si Papam non Antichristum, sed Antichristi prodromum et præcursores clamitarent; tunc enim Scripturæ, quam se sequi clamitant, de Antichristo loquenti vim tantam non inferrent, licet Pontifici atrocem calumniam et injuriam irrogarent. Verum odium et indignatio eos ultra metam abripit, perinde ut rixosas mulieres, quæ ubi rixari cœperint, ex animi impotentia quidquid cholera suggerit, adeoque plaustro convulsiorem evomunt: Viri cordati, qui rem non passione, sed rationis trutina metiuntur, satis perspiciunt has calumnias ex odio in Pontificem profectas, quæ in ipsosmet qui eas jaciunt, longe verius quadrent. Hæreticos enim esse Antichristos, id est Antichristi symmystas et socios, eodemque cum Antichristo spiritu agi, docet S. Joannes, *epistola I, cap. ii, vers. 22*: « Quis est, inquit, mendax, nisi is qui negat quoniam Jesus est Christus? (uti negavit Cerinthus hæreticus) hic est Antichristus, qui negat Patrem et Filium; » et vers. 18: « Nunc, inquit, Antichristi multi facti sunt. Ex nobis prodierunt: sed non erant ex nobis, nam si fuissent ex nobis, permansissent utique nobiscum. »

An non Lutherus, Calvinus, Menno exiverunt ex nobis? ex nostra Ecclesia Catholica Romana? atque ut se excusent, clamitant illam factam esse meretricem Babylonis, scortum Antichristi et diaboli. Verum hoc ipso faciunt se Antichristi et meretricis hujus filios, spurios, diabolicos. Ipsi enim, ut dixi, in hac Ecclesia nati et baptizati et educati sunt.

Quæritur *secundo*: Quis et qualis erit Antichristus? Respondeo: Omnes docent fore Judæum, multique addunt fore ex tribu Dan; idque probant ex *Genes. xlix, 17*, ubi dicitur: « Fiat Dan coluber in via, cerastes in semita. » Quod licet ad litteram de Samsone instar colubri astute et fortiter Philistinos impugnante intelligatur, mystice tamen de Antichristo accipi potest; ideoque, inquirunt, *Apoc. vii*, inter duodecim tribus, in quarum qualibet duodecim millia signati numerantur, omittitur tribus Dan, eo quod ex tribu Dan oriatur Antichristus. Unde omnes Danitæ Antichristum ut contribulem sequuntur, nemoque ex eis salvabitur.

Secundo, Antichristus humili loco, et ex vilibus Judæis nascetur. Inde enim a *Daniel. cap. vii*, vocatur cornu parvulum, quod sensim crescet, quodque non hæreditate, sed fraude regnum obtinebit, *Daniel. xi, 20 et 21*. Addit S. Hieronymus nasciturum Antichristum in Babylone; alii in urbe Dan, quæ postea dicta est Cæsarea Philippi. Insuper Damascenus tradit eum ex fornicatione procreandum. Auctor tractatus de *Antichristo*, qui extat tomo IX operum S. Augustini (videtur esse Rabanus), docet Antichristum educandum in Corozain et Bethsaida, ac proinde Christum hisce urbibus vix intentasse. Sed hæc omnia vel frivola, vel incerta sunt.

Tertio, nomen Antichristi adhuc ignotum est: illud tamen constat, quod litteræ nominis ejus arithmetice conficiant numerum 666, ut patet *Apoc. xiii, 18*. Hinc aliqui putarunt Mahometem esse Antichristum; quia hic impostor cœpit sub hunc annorum Domini numerum. Sed errant: non enim cœpit Mahomet regnare anno Domini 666, sed 623. Neque Joannes de numero annorum, sed nominis Antichristi loquitur.

Quarto, Antichristus primo Judæos sibi conciliabit, judaizando et promittendo eis bona temporalia, quæ ipsi a suo Messia avide expectant; dando eis thesauros, quos dæmon ei subministrabit; erit enim opulentissimus: ejus enim thesauros extollit *Daniel. cap. xi, 43*. Anselmus, in *Elucidario*, per thesauros hos intelligit omnem pecuniam, quæ in mari, vel in terræ visceribus occulta delitescit: hanc enim per dæmonem Antichristo prodendam esse. Hinc ergo Antichristus a Judæis recipietur et habebitur quasi Messias promissus et tot sæculis ab iis avidissime expectatus, *Joan. v, 43*.

Quinto, habebit suum præcursores, uti Christus habuit Joannem Baptistam. Is erit insignis impostor, ut videatur miracula facere, cogetque imaginem Antichristi ab omnibus adorari, *Apoc. xiii, 15*.

Sexto, per Judæos sensim crescet Antichristus, fietque rex; addit Franciscus Suarez, Ribera aliique multi, quod incipiet regnare in Babylone. Id enim videtur significare Zacharias, *cap. v, vers. ult.*, ubi dicit Zacharias mulierem amphoræ insi-

Quæritur.
II, quis et qualis futurus Antichristus?
Erit Judæus ex tribu Dan.

Humili loco nascetur.

Nomen Antichristi ignotum.

Judæos Antichristus sibi primum conciliabit.

Habebit præcursores.

Fiet rex opera Judæorum. Regnare incipiet

in Baby-
lone.

dentem, habentem os clausum talento, vel massa plumbi, a duabus mulieribus deferri in terram Sennaar, id est in Babylonem. « Ut ædificetur, inquit, ei domus in terra Sennaar, et stabiliatur, et ponatur ibi super basem suam. »

Zacharias
visio cap.
v expli-
cata.

Quam visionem miram ut intelligas, nota *primo*: Amphora hæc, sive, ut hebraice est, *תֵּבָא epha*, id est mensura, significat mensuram peccatorum Judæorum, quæ sensim crevit, et tandem omnino impleta est tempore Christi, quando plane a Deo et Christo rejecti fuerunt Judæi.

Secundo, oculus, inquit Zacharias, id est aspectus, omnium Judæorum est ad hanc amphoram undique, ut scilicet eam peccatis suis impleant.

Tertio, mulier quæ primo umbilico tenus sedebat in amphora, est impietas (ait Zacharias) Judæorum necdum completa ante Christum; sed postea mulier hæc omnino projecta est et demersa ad caput usque in amphoram, quando per necem Christi et Apostolorum omnino consummata est Judæorum impietas et mensura.

Quarto, talentum sive massa plumbi missa in os ejus, sive amphoræ, ut vult Ribera; sive potius mulieris, ut vult Hieronymus et Vatablus, qua omnino clausa et oppilata fuit, significat gravitatem supplicii et diuturnitatem, quod scilicet durabit usque ad finem mundi.

Quinto, duæ mulieres significant Judæorum ob- cæcationem et obstinationem, quæ spiritu diabolico agitata suis alis quasi milvi rapacissimis et fortissimis, per aerem hanc amphoram portant in terram Sennaar, id est in Babylonem; quia Judæorum cæcitas, pœna et desolatio durabit, donec in Babylone quasi stabili et firmo loco ac regno suo Antichristum regnantem adorent.

Anti-
christus
regnum
suum
propaga-
bit pertu-
tum or-
bem.

Sexto, Antichristus regnum suum propagabit tum armis, tum dolis et fraudibus, omnique arte, ac prosperabitur facietque quæcumque volet, inquit Daniel; ita ut e decem regibus, inter quos tunc divisum erit Romæ mundique imperium, tres profliget, mox cæteri septem territi sponte ei se subdituri sint, Apoc. xiii, 7; sicque Antichristus fiat monarcha non tantum Romani imperii, ut loquitur Chrysostomus, aut provinciarum Asiæ, Africæ et Europæ, in quibus fides et Ecclesia diutius vixit, sed, ut videtur, etiam Indiarum et totius orbis, inquit Hieronymus, in cap. xi *Danielis*, et Augustinus, lib. XX *De Civit.*, cap. xi. Partim enim per se, partim per suos duces et ministros orbem lustrabit et subiget.

Sedem
regni ha-
bebit in
templo
Hieroso-
lymia.

Septimo, sedem monarchiæ suæ figet Antichristus Hierosolymis, ibique in templo a se instaurato sedebit et adorabitur ut Deus; idque per annos tres cum dimidio, ibique Eliam et Enoch contra Antichristum docentes et prædicantes, aliosque Christianos occidet, Apoc. xi, 8. Corpora Eliæ et Enoch Hierosolymæ in plateis jacebunt insepulta per tres dies cum dimidio; post quos reviviscent et resurgent Elias et Enoch: mox audietur vox de cælo dicens: *Ascendite huc*; et

statim Elias et Enoch, tota urbe spectante, ascendent in cælum, ut patet Apoc. xi, 12. Post 30 dies Antichristus cum suo præcursore vivus detrudetur et rapietur in tartara, ut dicitur Apoc. xix, 20. Quod enim Antichristus non amplius quam triginta dies regnabit post mortem Eliæ et Enoch, colligitur ex Apocal. xi, 3, ubi dicuntur Elias et Enoch prædicaturi per dies mille ducentos sexaginta: Antichristus autem regnabit per dies mille ducentos nonaginta, ut dicitur Daniel. cap. xii, vers. 11; ergo triginta tantum diebus superabit vitam et prædicationem Eliæ et Enoch. Quam brevis erit gloria Antichristi et impiorum præ æternitate pœnarum! Quam brevis afflictio Eliæ et Enoch, et Sanctorum, præ æternitate præmiorum!

Queritur *tertio*: Qui et quales erunt mores Antichristi?

Respondeo *primo*, erit hypocrita, et initio simulabit se valde humanum, benignum, pium; legis Mosis zelatorem, ut Judæos alliciat et decipiat: alioqui enim eum Judæi non admitterent. Totus erit politicus, omnesque politicorum artes, dolos et praxes callebit. Hoc est enim quod dixit Apostolus, vers. 9, Antichristi adventum fore secundum operationem Satanae, in omni seductione iniquitatis, iis qui pereunt.

Secundo, erit gloriæ cupidissimus, omniaque sua referet ad suam gloriam, honorem, imperium, eritque superbus quasi alter Lucifer, et adepto imperio volet coli ut Deus, uti audivimus vers. 4.

Tertio, impudens erit, ait Daniel, atheus insuper et blasphemus in Deum et Sanctos, ut patet Apoc. xiii, 6.

Quarto, erit tyrannus crudelissimus, maxime in Christianos, ut patet Apoc. xiii, 10: « Hic, inquit, est patientia et fides Sanctorum. »

Quinto, totus erit in libidinibus et concupiscentiis feminarum, uti ait Daniel, cap. xi, vers. 37. Unde Judæi inter alia terrena bona etiam uxorum multitudinem ab hoc suo Messia expectant.

Sexto, erit magus et magicis artibus a puero imbuetur, habebitque dæmonem Maozim nomine, ut inquit Daniel, cap. xi, vers. 38, ita familiarem, ut vix alicui bonæ inspirationi, custodiæ angelicæ, aut divinæ gratiæ daturus sit locum; imo vix ullum opus moraliter bonum sit effecturus. Hoc enim significat hic vers. 3 Apostolus, cum eum vocat hominem peccati, filium perditionis, et vers. 9, cum ejus adventum dicit fore secundum operationem Satanae. Adeo ergo scelestus erit Antichristus, ut in eo, inquit Irenæus, lib. V, cap. xxix, futura sit recapitulatio universæ iniquitatis et omnis doli, in eumque confluat et concludatur omnis virtus apostatica.

Queritur *quarto*: Qualis erit doctrina Antichristi?

Respondeo *primo*, docebit Jesum non fuisse Messiam, nec Filium Dei, nec hominum salvato-

Mors
Eliæ,
Enoch,
et ipsius
Anti-
christi.
Tempus
prædica-
tionis
Eliæ et
Enoch,
et regni
Anti-
christi.
Querit.
III, qui
et quales
mores
Anti-
christi?
Erit hy-
pocrita.Ambitio-
sus.Impu-
dens.

Crudelis.

Luxurio-
sus.

Magus.

Querit.
IV, de
doctrina
Anti-
christi.

Negabit divinitatem Christi. Docebit se esse Messiam.

rem; et consequenter totam ejus religionem et Sacramenta esse vanam superstitionem: ideo enim dicitur Antichristus, I *Joan.* II, 22.

Secundo, se esse Messiam Judæis persuadebit; unde initio docebit circumcisionem et legem Mo-
sis servandam esse, ut ita Judæos ad se trahat, *Joan.* V, 43.

Legem humanam et divinam abrogabit.

Tertio, factus monarcha legem Mo-
sis, quin et naturæ legem abjiciet et Deum verum, a quo data est, negabit. « Putabit (ait *Daniel*, VII, 25) quod possit mutare leges et tempora; » seque solum esse Deum prædicabit, ut patet hic vers. 4, ac consequenter nullam pœnam aut præmium in alia vita a Deo vero sperandum esse docebit; negabit ergo infernum, cœlum et animæ immortalitatem; hæc enim negant athei.

Licentiam dabit omni libidini. Se curabit colit ut numen. Characterem suum suis imprimet.

Hinc *quarto* fiet, ut gulæ, libidini et sceleribus omnibus, quæ suæ gloriæ et imperio non obstant, amplissimam det licentiam.

Quinto, sibi dicari templa, ac fieri sacrificia imperabit; volet enim colit ut Deus.

Sexto, characterem suum, quasi suæ sectæ signum, volet ab omnibus suis in fronte aut manu gestari, *Apoc.* XIII, 16.

Quæres: Quis erit hic character Antichristi?

Respondent Hippolytus, lib. *De Consummat. sæculi*; Pererius et multi alii fore hoc: « Nego crucem, Nego baptismum, Nego Jesum; » sed Ansbertus, quem sequitur Ribera in cap. XIII *Apoc.*, a Deo revelatum sibi dicit fore Græcam litteram *X chi*, cui insertum est *P ro*, hoc modo.



Quæ sunt litteræ initiales nominis Christi; quod fuit insigne Constantini Magni in labaro: « volet enim Antichristus haberi Christus. Denique minis, blanditiis, fictis miraculis hæc omnia persuadebit, ut dixi vers. 9 et 10, ubi etiam docui quæ et qualia miracula faciet Antichristus.

Quæst. V de Antichristi persecutione.

Quæritur *quinto*: Quanta tunc erit Ecclesiæ persecutio.

Respondet *primo*: Extrema et qualis non fuit ab origine mundi, *Matthæi* XXIV, 21; unde Joannes, *Apoc.* XX, ait tunc solvendum Satanam, qui incipiet furere, quia sciet sibi tempus esse breve.

Secundo, Gog et Magog, qui erunt exercitus Antichristi innumerabilis quasi arena maris, venient in prælium contra Sanctos, *Apoc.* cap. XX, vers. 7, et *Ezech.* cap. XXXVIII, de quibus dicam quæstione sequente.

Tertio, hæc persecutio tum temporalis erit in corpora, tum potius spiritalis in animas. Sataget enim omnibus viribus suis Antichristus, ut avertat omnes a Dei cultu et fide: nempe coget omnes negare Jesum esse Christum et Dei Filium, deserere Missas et omnes ritus Christianos (*Daniel.* cap. XII, 11), negare Deum et colere Antichristum, vel in se præsentem, vel absentem in sua imagine, quæ in templis adoranda proponetur, *Apoc.* cap. XIII, vers. 15.

Quarto, in protestationem non tantum imperii sui, sed et hujus sui cultus, religionis et fidei, coget omnes deferre suum characterem, quem dixi; ita ut nemo quidquam emere aut vendere possit, nisi qui eum gestat. Unde *Apoc.* cap. XIV, vers. 16, 19 et 20, omnes eum gestantes quasi idololatræ damnantur.

Quinto, major pars fidelium cadet et cedet Antichristo, *Apoc.* XVII, 8: « Ita ut in errorem inducantur, si fieri potest, etiam electi, » *Matth.* XXIV, 24; eritque quasi generalis apostasia et defectio, ut dixit hic Paulus, vers. 3.

Sexto, non tamen Ecclesia, fides et religio deficiet sub Antichristo, ut vult Sotus, in IV, dist. XLVI, *Quæst.* I, art. 1: hoc enim dici non potest; sed manebit in paucis, qui in locis abditis sacrificia sacra celebrabunt, et propter hos, ait Christus, « breviabuntur dies » persecutionis Antichristi.

Unde *septimo*, tunc erunt illustrissimi Martyres, *Apoc.* XIII, 10, quia non contra homines, sed contra dæmonem omnes suas vires exerentem pugnabunt, ait Hippolytus martyr.

Denique post tres annos cum medio Antichristus vivus absorbebitur in infernum, tuncque simul ignis descendet de cœlo, et comburet Gog et Magog, omnesque Antichristi ministros et milites, cessabitque persecutio, et dabuntur lapsis, ut pœniteant, ad minimum quadraginta quinque dies. Deinde Christus veniet ad judicium, omnesque resurgent, *Daniel.* XII, 12.

Quæritur *sexto*: Qui erunt ministri, milites exercitus Antichristi?

Respondeo: Erunt Gog et Magog, ut patet *Apo-*
cal. XX, 7.

Sed quæres, qui sint Gog et Magog? Judæi fabulantur esse gentes Scythicas innumerabiles, quæ latent intra montes Caspios, et venient cum Antichristo contra Messiam, sed ab eo cædentur in Palæstina.

Secundo, Lactantius, lib. VII, cap. XXIV, putat prælium Gog et Magog futurum mille annis post resurrectionem et mortem Antichristi. Idem censuit Tertullianus, Papias, Justinus et alii Chilistæ.

Tertio, Eusebius, lib. VII *Demonstr.* III, docet Gog esse Romanum Imperatorem, Magog Romanum Imperium.

Quarto, alii volunt Gog et Magog esse prælia angelorum et diaboli.

Quinto, Theodoretus asserit Gog et Magog esse Alexandum Magnum, et reges Syriæ ac Egypti, Alexandri successores, qui Judæos afflixerunt, et tandem a Judæis superati sunt. Sed hoc falsum est: licet enim contra eos illustres victorias habuerint Judæi, tamen nunquam eos plane superarunt, quin semper ab eis vexati sint.

Sexto, Theodorus Bibliander, quem sequitur Chytræus in cap. XX *Apoc.*, Gog et Magog volunt esse Gregorium VII, Godefridum Bullonium et Christianos principes, qui terram sanctam recu-

Lapsus fidelium sub Antichristo.

Ecclesia non deficiet.

Erunt illustrissimi martyres.

Quæst. VI, de ministris et satellitibus Antichristi. Qui intelligent per Gog et Magog referuntur decem sententiæ.

perarunt. Sed hoc est impium : Gog enim pugna-
bit contra castra Sanctorum et sanctam civitatem,
id est veram Dei Ecclesiam. Cum ergo Bullonius
ejusque socii in bello sacro pugnaverint contra
Turcas et Saracenos, sequitur, ex sententia Bi-
bliandri, Turcas et Saracenos esse castra Sancto-
rum et sanctam civitatem.

Septimo, Magdeburgenses opinantur Gog et Ma-
gog esse Turcas et Saracenos : sed errant. Gog
enim et Magog tantum erunt in fine mundi cum
Antichristo, ut patet *Apoc. xx, 7 et 11*.

Octavo, S. Ambrosius, lib. II *De Fide*, cap. ult.,
putat Gog esse Gothos, qui Romanorum provin-
cias vastarunt. Alii putant Gog esse Getas, Magog
Massagetas.

Nono, S. Hieronymus sentit Gog esse hæresiar-
chas, Magog esse illos qui eis credunt.

Decimo, S. Augustinus, lib. XX *De Civit. Dei*, XXI :
Gog, inquit, hebraice idem est quod tectum, sive
domus ; Magog idem est quod de lecto, sive ille
qui de domo procedit. Gog ergo sunt gentes, in
quibus velut in domo vel abyssu diabolus est
inclusus. Magog est diabolus, qui de illis genti-
bus quodammodo se effert et procedit. Vel Gog
sunt gentes, in quibus nunc includitur et tegitur
diabolus ; et eadem gentes erunt Magog, id est
de tecto, quando in apertum odium de operto
erupturæ sunt. Ita Augustinus. Verum Gog non
fore diabolum patet ex *Apoc. xx*, ubi S. Joannes
dicit quod diabolus suscitabit Gog, non ergo Gog
est diabolus.

Pro responsione, nota ex Augustino, Areta,
Primasio, Ruperto, Anselmo et aliis passim, Gog
et Magog futuros tempore Antichristi ; unde Eze-
chiel ait eos fore tempore novissimo. Et patet
Apoc. xx, 7 et 11.

Dico ergo prælium Gog esse prælium Antichristi
contra Ecclesiam, esseque novissimam persecu-
tionem. Ita S. Augustinus et alii.

Secundo, Gog videtur esse ipse Antichristus, vel
certe primarius ejus rex et belli dux : Magog erit
exercitus ejus, quia Ezechiel semper Gog vocat
principem, Magog vero vocat terram vel gentem.

Tertio, Gog dicitur a Magog, quia princeps erit
gentis Magog.

Quarto, exercitus Antichristi dicitur magog, quia
constabit Scythis, Turcis, Tartaris ; vel quia bar-
barus erit et crudelis instar Scytharum ; nam Ma-
gog esse Scythas, colligitur ex *Genes. x*, ubi filius
Japhet vocatur Magog, a quo inhabitatam et no-
minatam Scythiam docet Josephus, lib. I *Antiq.*
xi, et Hieronymus in *Quest. Hebraicis in Genesi*.
Unde et socii Gog, quos hic nominat Ezechiel,
scilicet Gomer, Togorma, Mosoch, Tubal, filii sunt
vel nepotes Japhet, a quibus aliæ gentes nomen
sunt sortitæ ; ut Tubal sunt Hispani, Togorma
Phryges, Mosoch Cappadoces.

Hinc rursum Ezechiel, cap. XXXVIII, vers. 15,
dicit Gog et Magog venturum ex aquilone : in
aquilone autem habitant Scythæ et Tartari, et hi

fuerunt milites Tamberlanis, qui, quasi alter An-
tichristus, innumerabili suo exercitu omnia vas-
tavit.

Dices : *Apoc. xx, 7*, dicitur quod Satanas sedu-
cet gentes, quæ sunt super quatuor angulos terræ,
Gog et Magog ; ergo Gog et Magog sunt gentes ex
quavis mundi plaga. Ita S. Augustinus.

Respondeo : Sensus S. Joannis est, Satanas se-
ducet omnes gentes, quin etiam Gog et Magog.
Videntur enim Gog et Magog fore reges et gentes
maxime feræ et fortissimæ, ex septem illis regi-
bus, qui, ut dixi, sponte se subdant Antichristo.

Quinto, exercitus Antichristi erit maximus ; ins-
tar arenæ maris, *Apoc. xx*. Putant aliqui huc per-
tinere illud *Apoc. ix, 16*, ubi dicitur : « Et nume-
rus equestris exercitus vicies millies dena millia ; »
græce δύο μυριάδες μυριάδων, id est duæ myriades
myriadum : myrias continet decem millia ; duæ
ergo myriades myriadum sunt ducenta millena
millia, sive ducenti milliones : ducentos ergo mil-
liones equitum haberet Antichristus, quantus ergo
foret peditatus illius ? Verum hic locus non spec-
tat ad Antichristum, sed ad tempora prævia Anti-
christo. Pro quo nota : Vidit S. Joannes, *Apo-
cal. v, 5*, librum signatum septem sigillis, et tota
Apocalypsi non aliud facit ; quam hunc librum
cum suis sigillis, explicare. Unde duæ sunt partes
Apocalypsis : priore usque ad cap. XII, explican-
tur et reserantur septem sigilla hujus libri ; pos-
teriore autem, a cap. XII ad finem Apocalypsis, re-
serantur et explicantur ea, quæ scripta erant in
libro.

Nota secundo : Septem sigilla continent septem
persecutiones Ecclesiæ, quas illa patietur ante et
usque ad Antichristum. Unde liber legi non pote-
rat, nisi reseratis septem sigillis ; quia tempora
Antichristi videri nequeunt, nisi præeant aliæ
persecutiones septem sigillis obsignatæ. Liber
vero ipse continet ipsam persecutionem Anti-
christi, et ea quæ fient tempore Antichristi ; jam
hi ducenti milliones equitum, *Apoc. cap. ix, vers.*
16, non pertinent ad librum, ac consequenter
nec ad Antichristum, sed ad prævia tempora :
pertinent enim ad septimum sigillum, in quo
septem angeli septem tubis septem plagas in or-
bem evocarunt, et sextus angelus sua tuba evo-
cavit hos ducentos milliones equitum, qui tertiam
hominum partem occiderunt. Id recte demons-
trat Franciscus Ribera sub finem x cap. *Apoc.*

Sexto, exercitus Gog et Magog venient ad Anti-
christum in Jerusalem, ut in ea totaque Judæa
fideles et Christianos deleant : confluent enim un-
dequaque Christiani et Gentiles Hierosolymam,
ut audiant Eliam et Enoch in ea concionantes,
et hoc significat S. Joannes, *Apoc. xx, 8*, cum ait :
« Et ascenderunt (Gog et Magog) super latitudi-
nem terræ ; et circuierunt castra sanctorum et ci-
vitatem dilectam (Hierosolymam scilicet). » *Castra*
sanctorum vocat receptacula et latibula sancto-
rum Christianorum : non enim verisimile est

turi Gog
et Ma-
gog?

Magma-
do exerci-
tum An-
tichristi.

Duæ par-
tes Apo-
calypsis
et earum
objecta.

Septem
sigilla
sunt sep-
tem Ec-
clesiæ
persecu-
tiones.

Exerci-
tus Gog
et Magog
venient
ad Anti-
christum
in Jeru-
salem.

oppressos Christianos habituros militaria castra sub Antichristo potentissimo, quibus collatis signis cum Antichristo totoque ejus exercitu configant. Unde subdit S. Joannes, quod juxta Hierosolymam de cælo pugnabit contra Antichristianos hos Christus, omnesque disperdet in loco, qui inde hebraice dicitur Armageddon, *Apocal. xvi, 16*, quasi dicas, anathema excidii, id est plenum excidium. Sic enim ait *Apoc. xx, 9* : « Et descendit ignis a Deo de cælo, et devoravit eos (Gog et Magog). » Idem docet Ezechiel, *xxxviii, 22*, cum ait : « Et judicabo (puniam) eum (Gog) peste et sanguine; et imbre vehementi, et lapidibus immensis; ignem et sulphur pluam super eum, et super exercitum ejus, et super populos multos, qui sunt cum eo. » Addit Ezechiel tanta fore cæsorum spolia, ut foco sufficere possint toti Israel ad septem annos: tunc simul cum eis Antichristus rapietur ad tartara, *Apoc. xx, 11*. Denique Daniel *xii*, cum numerasset dies regni ejus 1290, addit : « Beatus, qui pervenit ad dies mille trecentos triginta quinque, id est ad 43 diem a cæde Antichristi, Gog et Magog, non quod tunc sit futurus dies judicii, sed quod tunc planè Ecclesia et orbis liberabitur ab omnibus Antichristi asseclis, ut poenitere possint qui sub Antichristo lapsi sunt, tuncque Ecclesia restaurabitur et reflorescet. Dabitur ergo plusculum temporis et spatii, ac consequenter non statim post hos 43 dies sequetur dies judicii, imo Ezechiel videtur dicere fore adhuc septem annos ante finem mundi, cap. *xxxix*, vers. 14, 15. Unde Sibylla, lib. *Oraculorum*, docet post mortem Antichristi feminam viduam regnaturam, quæ aurum, argentum, æs et ferrum in mare projiciet, tumque secuturum finem mundi et diem judicii.

Non statim post interitum Antichristi sequetur judicium.

Vers. 12. 12. NOS AUTEM DEBEMUS GRATIAS AGERE DEO SEMPER PRO VOBIS, FRATRES DILECTI A DEO, QUOD ELEGERIT VOS DEUS PRIMITIAS IN SALUTEM, IN SANCTIFICATIONE SPIRITUS ET IN FIDE VERITATIS. — Quia horribilia, inquiunt Chrysostomus et Theophylactus de Antichristo iisque qui illi credent, dixerat, nunc mitigat suosque consolatur, *q. d.* Hæc aliis quidem terribilia sunt; scilicet iis qui pereunt; nos autem non terrore concuti, sed lætitia exultare, gratiasque Deo agere debemus; nos, inquam, et multo magis vos, eo « quod vos elegerit Deus primitias in salutem, » id est ad salutem, *q. d.* Elegit vos Deus, ut sitis primitiæ salvandorum. Hos enim opponit iis qui pereunt.

Nota : Noster Interpres in Græco videtur legisse ἀπαρχάς, id est primitias : jam legitur, ἀπ' ἀρχῆς, id est a principio, quod Theophylactus refert ad prædestinationem, *q. d.* A principio, ab æterno elegit nos Deus ad salutem. Recte autem Thessalonicenses vocantur *primitiæ*, quia Paulus eis inter primos prædicavit Evangelium, eosque convertit ad fidem et salutem.

Secundo, loquitur Paulus de electione non effiaci, completa et immediata ad salutem, id est

gloriam cœlestem, sed de mediata et inchoata, qua eliguntur, id est destinantur ad salutem omnes Christiani per fidem et baptismum; ut si gratiam, quam in baptismo acceperunt, conservent, et in vita Christiana pergant, uti cœperunt, certo et efficaciter salutem et gloriam sint adepturi. Unde Paulus explicat quomodo eos Deus elegerit in salutem, dum subdit : « In sanctificatione spiritus et in fide veritatis; » id est, ut Syrus, Chrysostomus, Theophylactus, Vatablus et alii, per sanctificationem spiritus et fidem veritatis, *q. d.* Deus elegit et direxit nos ad salutem, posuitque nos in via salutis, hoc ipso quo in baptismo induit nobis veram fidem Christi et gratiam sanctificantem, qua spiritum et mentem nostram sanctificavit.

13. IN QUA (ad quam, scilicet fidem et sanctificationem, græce εἰς τὴν, id est, ad quod; Syrus ad quæ, ut referat se ad omnia, quæ dixit Paulus vers. præced.) **ET VOCAVIT VOS PER EVANGELIUM nostrum in acquisitionem gloriæ Domini nostri Jesu Christi.** — Ut scilicet acquiratis gloriam cœlestem, quam habet Dominus noster Jesus Christus; vel potius, ut per fidem, gratiam et salutem major gloria Christo illorum auctori acquiratur. Ita Chrysostomus, Theophylactus, Anselmus. Unde Syrus vertit, ut decori sitis Domino nostro Jesu Christo : græce enim est εἰς περιποίησιν. Quo alludit ad *Exod. xix, v*, ubi Dominus ad Hebræos dicit : « Eritis mihi in peculium, » id est in peculiarem hæreditatem, *q. d.* Licet meus sit universus orbis et omnes gentes, vos tamen, o Hebræi, a me dilecti et electi, eritis pars mea et portio præ omnibus electa et dilecta (hoc enim significat Hebræum כֶּלֶה *segulla*), esto sitis pusillus grex, eritis tamen totum pecus meum, id est omnis substantia mea, totæ opes meæ. Olim enim omnis substantia veterum erat in pecore. Unde hoc peculium explicans, *Deuter. xxxii, 9* : « Pars, inquit, Domini populus ejus, Jacob (Hebræi posterii Jacob, sive Jacobæi) funiculus hæreditatis ejus, » id est erunt ipsi Deo portio hæreditaria, quasi ad funiculum divisa et admensa. Septuaginta, *Exodi xix*, pro eritis mihi in peculium, vertunt, ἔσθε μοι λαὸς περιούσιος, eritis mihi populus peculiaris, et, ut Theodoretus vertit, ἐκλεκτός, id est electus, quem scilicet Deus sibi ut proprium et peculiarem acquisivit et emit, dum eum per tot labores ex Ægypto in Sina et Chanaan eduxit. Septuaginta sequens S. Petrus, *epist. I, cap. ii, vers. 9* : « Vos, inquit, (o Christiani) genus electum, regale sacerdotium, gens sancta, populus acquisitionis; » græce λαὸς εἰς περιποίησιν, id est populus in acquisitionem, quem scilicet Christus suo sanguine acquisivit et emit : sic hic Paulus ait Christianos esse acquisitionem, id est populum acquisitum Christo et gloriæ Christi. De quo rursum dicam II *Timoth. ii, 19*.

Fideles peculiariter populus et peculium Dei.

14. ITAQUE, FRATRES, STATE (in fide et vita Christiana, quam accepistis, firmi) **ET TENETE TRADITIONES, QUAS DIDICISTIS, SIVE PER SERMONEM, SIVE PER**

Vers.

Thessalonicenses primitiæ cur dicantur.

Locus pro traditionibus Apostolicis. — Nota hic locum pro traditionibus Apostolicis, scilicet tam ea esse servanda quæ verbo et viva voce tradiderunt Apostoli, quam quæ scripta in sacris Litteris reliquerunt. Ut enim concedamus Bezæ (quod tamen gratis ab eo dicitur) Apostolum loqui de traditionibus dogmatum, non rituum; hinc certe sequitur non omnia, quæ credenda sunt, esse scripta, sed quædam viva voce esse tradita.

Secundo, si dogmatibus traditis, ergo a pari et ritibus traditis est insistendum, ut expresse docet Paulus I *Corinth.* cap. xi, vers. 23, de ritibus Eucharistiæ.

Occurritur objectioni cuiusdam hæretici. Nec satisfacit effugium Hunnii dicentis, cum hæc scriberet Paulus, necdum conscriptas fuisse alias epistolas, ac consequenter verbum Dei plene nondum fuisse conscriptum, sed voce quædam fuisse tradita, eaque tunc fuisse servanda; jam vero cum omnes epistolæ sint scriptæ, habeamusque plenum verbum Dei scriptum, quod nos plane de omnibus erudit et informat, traditionibus non esse opus.

In primis enim quæram ego ab Hunnio, ubi scriptum est nos habere plenum verbum Dei, quod ita plene de omnibus credendis et agendis erudiat, ut traditionibus non sit opus? Certe hoc nusquam scriptum est; ergo traditum Hunnio; ergo hanc saltem suam traditionem admittet Hunnius, ac consequenter fatebitur non omnia esse scripta.

Adferuntur varia argumenta pro sacris traditionibus. *Secundo*, Apostolus, imo Spiritus Sanctus, non solis Thessalonicensibus, sed omnibus gentibus et sæculis hæc loquitur et scribit, ut scilicet absolute singuli fideles «teneant traditiones, quas didicerunt sive per sermonem, sive per epistolam.» «Nihil, inquit Tertullianus, lib. V *contra Marcion.*, de titulis (epistolarum) interest, cum ad omnes Paulus scripserit, dum ad quosdam.» Sicut enim jus civile et patrium non tantum constat scriptis legibus, sed etiam consuetudinibus traditis: ita et jus divinum, sive lex divina et Christiana, constat verbo Dei, tam traditione quam scriptura accepto. Nam si regis jussui parendum est, sive is constet scripto, sive præconis edicto, aliove nuntio, cur non et Christi Dei ac Domini nostri? Rursum, numquid non, postquam scriptæ fuerunt omnes epistolæ, Thessalonicenses adhuc parere tenebantur huic sententiæ Apostoli: «Tenete traditiones, quas didicistis, sive per sermonem, sive per epistolam nostram?» Numquid non servare tenebantur, quidquid Paulus et Apostoli tam verbo quam scripto tradiderunt? Si patris et matris, cur non et Pauli Apostolorumque verbo credendum et obsecundandum est?

Verbum *Tertio*, quod verbum Dei non plene de omni-

bus particularibus credendis et agendis nos informet, patet ex definitionibus primorum quatuor Conciliorum et Pontificum primis 400 annis, quas admittunt ipsi Novantes; hæ enim multa definiunt, quæ in sacra Scriptura non sunt definita: ad nova enim dubia suborientia definienda per doctrinam a Patribus traditam, coacta sunt hæc Concilia.

Quarto, ita docent omnes Patres. «Traditio (inquit Chrysostomus et ex eo Theophylactus) est, nihil quæras amplius;» cæteros vide apud Bellarminum.

Ita Lacedæmones, Athenienses, Romani, Persæ, Chaldæi, omnesque gentes ad rectam reipublicæ administrationem usi sunt jure partim scripto, partim non scripto, id est, legibus partim scriptis, partim traditione acceptis, quas Plato, lib. VI *De Legibus*, vocat ἀρχαὶ νόμου, quæ parem, imo eandem cum scriptis habent dignitatem et auctoritatem. Imo Ecclesia Dei ipsos bis mille annos, puta ab Adamo ad Moysen, stetit directaque fuit verbo Dei non scripto, sed a patribus per manus posteris tradito, ut merito dicat Tertullianus, lib. *De Testimonio animæ*: «Certe prior est anima quam littera, et prior sermo quam liber, et prior sensus quam stylus.»

15. DEUS ET PATER NOSTER (Θεὸς καὶ πατὴρ ἡμῶν, id Vers. 15. est, is qui est Deus et pater noster: unam enim eandemque personam Dei Patris, non duas significat), **QUI DILEXIT NOS, ET DEDIT CONSOLATIONEM ÆTERNAM** (in spe et prægustu æternæ gloriæ et lætitiæ) **ET SPERM BONAM IN GRATIA**, — id est per suam gratiam, qua gratis et liberaliter fidelibus piis et justis promisit hanc consolationem et vitam æternam. Ita Chrysostomus, Theophylactus, Anselmus. Aliter S. Thomas: *in gratia*, inquit, id est per gratiam, per quam habemus spem vitæ æternæ: per gratiam enim quasi per semen speramus nos messuros fructum vitæ æternæ.

16. EXHORTETUR CORDA VESTRA (Græcum παρακαλεῖται tam verti potest, *consoletur* quam *exhortetur*) **ET CONFIRMET IN OMNI OPERE ET SERMONE BONO.** — Græca præponunt sermonem operi: per sermonem enim intelligitur doctrina et disciplina per prædicationem et sermonem accepta. Jam in discendo disciplina prior est opere: prius enim discendum est quid facere oporteat, quam illud complere possimus; licet in docendo e contrario opus debeat præire sermonem. Hinc «cœpit Jesus (primo) facere et (deinde) docere.»

Præclare S. Augustinus, in *Sentent.*, num. 233: «Ad vitandam, ait, tentationem vanæ gloriæ melior est discantis quam docentis status. Tutius enim auditur veritas quam prædicatur. Quoniam cum doctrina recipitur, humilitas custoditur: cum autem disputatio placet, vix est ut dissenterem non pulset quantulumcumque jactantia.»

Præius est discere quam facere.

CAPUT TERTIUM.

SYNOPSIS CAPITIS.

Preces Thessalonicensium contra Evangelii hostes implorat, ipseque vicissim, vers. 3, eis a Deo constantiam in fide, patientia et charitate promittit et efflagitat.

Deinde, vers. 6, evitari et coerceri vult otiosos et inquietos, cogitque eos ad laborandum.

Denique, vers. 16, pacem, salutem et gratiam eis apprecatur.

1. De cætero, fratres, orate pro nobis, ut sermo Dei currat, et clarificetur, sicut et apud vos; 2. et ut liberemur ab importunis et malis hominibus: non enim omnium est fides. 3. Fidelis autem Deus est, qui confirmabit vos, et custodiet a malo. 4. Confidimus autem de vobis, in Domino, quoniam quæ præcipimus, et facitis, et facietis. 5. Dominus autem dirigat corda vestra in charitate Dei et patientia Christi. 6. Denuntiamus autem vobis, fratres, in nomine Domini nostri Jesu Christi, ut subtrahatis vos ab omni fratre ambulante inordinate, et non secundum traditionem, quam acceperunt a nobis. 7. Ipsi enim scitis quemadmodum oporteat imitari nos: quoniam non inquieti fuimus inter vos: 8. neque gratis panem manducavimus ab aliquo, sed in labore et in fatigatione, nocte et die operantes, ne quem vestrum gravaremus. 9. Non quasi non habuerimus potestatem, sed ut nosmetipsos formam daremus vobis ad imitandum nos. 10. Nam et cum essemus apud vos, hoc denuntiabamus vobis: quoniam si quis non vult operari, nec manducet. 11. Audivimus enim inter vos quosdam ambulare inquiete, nihil operantes, sed curiose agentes. 12. Iis autem, qui ejusmodi sunt, denuntiamus, et obsecramus in Domino Jesu Christo, ut cum silentio operantes, suum panem manducant. 13. Vos autem, fratres, nolite deficere beneficientes. 14. Quod si quis non obedit verbo nostro per epistolam, hunc notate, et ne commisceamini cum illo, ut confundatur: 15. et nolite quasi inimicum existimare, sed corripite ut fratrem. 16. Ipse autem Dominus pacis det vobis pacem sempiternam in omni loco. Dominus sit cum omnibus vobis. 17. Salutatio, mea manu Pauli: quod est signum in omni epistola. Ita scribo. 18. Gratia Domini nostri Jesu Christi cum omnibus vobis. Amen.

Vers. 1. 1. ORATE PRO NOBIS. — Notat S. Chrysostomus Pauli arma fuisse suas et suorum preces, quibus omnes hostes devicit. Hæc nobis imitanda sunt. «Hisce armis, inquit, Ezechias vincebat Assyrium, Moyses Amalecitas, Samuel Ascalonitas; Israel triginta duos reges.»

Vers. 2. 2. UT LIBEREMUR AB IMPORTUNIS ET MALIS HOMINIBUS: NON ENIM OMNIUM EST FIDES. — Pro *importunis*, græce est ἀνόμοι, quod Vatablus vertit, *absurdus*; Syrus, *insolentibus*; Erasmus, *prodigiosis*; Ambrosius, *iniquis*: at verbum ἀνόμοι proprie significat eum qui nulli loco convenit, importunum, qui neminem sinit esse in pace, quique omnia turbat; quales tunc erant Judaizantes et similes, qui ubique concitabant plebem contra Paulum et Apostolos, et quales modo sunt hæretici.

NON ENIM OMNIUM EST FIDES. — Novantes sic explicant: Apostolus, inquiunt, hic dat causam cur

infideles isti a se vocentur, et re ipsa sint importuni et mali. Causa hæc est, quod a Deo non sint electi et efficaciter vocati ad fidem, ac consequenter ad modestiam et bonitatem Christianam: non enim omnium est fides, sed eorum tantum quos Deus elegit et vocavit ad fidem. Hinc inferunt, ergo fides non est homini libera, ac consequenter secundo, hæretici non sunt cogendi ad fidem, quia fides non est in eorum, sed in gratiæ Dei manu et potestate. Rursum tertio, ergo non possunt credere illi, qui carent gratia efficaci, scilicet quæ efficaciter in eis operetur credere, imo determinet eos ad credendum.

Error Novantium dicentium non omnes posse credere.

Verum nihil horum hic intendit Apostolus; tantum enim dat causam cur aliqui sint importuni et mali: quia scilicet non omnium est fides, non omnes habent fidem, non omnes credunt; sed multi, audita etiam prædicatione fidel, nolunt credere, voluntque persistere in sua infidelitate,

ac consequenter in pristina sua malitia, ac vitæ improbitate, quam mutare et corrigere non possunt, nisi fidem et gratiam Christi amplectantur. Quod ergo nolunt fidem Christi amplecti, causa est cur permaneant mali et importuni: sic vulgo dicimus, non omnium est modestia, temperantia, castitas, quia multi nolunt suis concupiscentiis resistere sibi vim inferre, sed volunt eas sequi, ac lascivire, inebriare se et fornicari.

Sic recte jam apud Indos dicitur: Non omnium, imo paucorum est fides, quia multi Indorum idolis, polygamie aliisque voluptatibus et vitiis addicti nolunt fidem et legem Christi amplecti, ne idola, uxorum turbam aliasque voluptates relinquere cogantur. Fides enim et lex christiana res excelsa, ardua et heroica est, ad quam nemo pertingit, nisi suas concupiscentias generose superet et heroice seipsum vincat, ut mores christianos assumat. Et hoc significat hæc sententia: « Non omnium est fides, » scilicet quod fides non est hominum animalium et carnalium; sed eorum tantum, qui quasi heroes ad rem tam arduam committuntur et gratiæ Dei cooperantur, vitamque spirituales, imo angelicam sectari contendunt.

Adde Apostolum non loqui hic de hæreticis, qui semel fidem Christi susceperunt et postea ab ea apostatarunt, sed de infidelibus, judaizantibus et Paganis, qui nunquam Christi fidem susceperant, sed illam impedire et evertere omnibus modis nitebantur; qualis fuit Alexander ærarius, ut fatetur ipse Paulus II *Timoth.* iv, 14. Ita Chrysostomus, Theophylactus et alii.

Dices: Fides est donum Dei; ergo non est in nostra, sed in Dei potestate.

Respondéo negando consequentiam: fides enim non est donum Dei, sicut prophetia, donum linguarum, miraculorum, etc., sunt dona Dei: hæc enim a solo Deo homini donantur; sed fides est donum Dei eodem modo quo prudentia, fortitudo, temperantia cæteræque virtutes; imo omnia bona opera dicuntur esse dona Dei, quia scilicet Deus sua gratia ad actum fidei aliarumque virtutum nos excitat et vocat; ita tamen ut nobis liberum relinquat huic gratiæ assentiri, vel dissentire; illam amplecti, aut respuere; cum illa operari et credere, aut illam negligere et nolle credere. Ita Theodoretus et alii. Vide dicta I *Corinth.* vii, 7, ubi explicui quomodo quisque proprium donum castitatis habeat a Deo.

3. FIDELIS AUTEM DEUS EST QUI CONFIRMABIT VOS, ET CUSTODIET A MALO. — Hæc connectenda sunt cum vers. 12 capitis præcedentis et ultimo ejusdem: ibi enim dixit, quod Deus elegerit eos primitias in salutem, id est primitias fidelium et salvandorum, oravitque ut Deus eos in omni bono confirmet: hic vero dicit Deum ita facturum, ut, quia fidelis est et verax, opus fidei et salutis, quod in eis orsus est, confirmet, perficiat et absolvat. Ita Chrysostomus et Theophylactus. Quamquam non est necesse in hisce epistolis, utpote

more epistolico (quo scilicet varia familiariter sine connexione ad amicos perscribuntur) scriptis, ubique connexionem querere.

CUSTODIET A MALO, — a Satana, ut ipse vobis non prævaleat, inquit Chrysostomus et Theophylactus. Hic enim græce dicitur ὁ πονηρὸς, id est malus antinomastice, quanquam τοῦ πονηροῦ in neutro genere hic accipi potest, ut significet quodlibet malum.

4. CONFIDIMUS DE VOBIS IN DOMINO, QUONIAM QUÆ PRÆCIPIMUS, ET FACITIS, ET FACIETIS. — Quia dixerat fidelem esse Deum, ut perficiat in eis opus fidei, quod cœperat, ne jam existimantes, inquit Theophylactus, totum esse Dei, ipsi torpeant et segnes fiant, ecce hic cooperationem ab eis postulat, q. d. Deus quidem fidelis est, et omnia faciet quæ sua sunt, si vos vicissim gratiæ Dei non desitis, sed cum ea operemini; ne vero hanc cooperationem suam sibi superbe arrogent, addit: « In Domino, » id est in Domini gratia, ut indicet omnia a Domino Deique gratia pendere.

Denique non contentus dicere *facitis*, addit, *et facietis*; ut significet continuo et ad extremum usque spiritum id faciendum esse. Ita Chrysostomus et Theophylactus.

5. DOMINUS DIRIGAT CORDA VESTRA IN CHARITATE DEI, ET PATIENTIA CHRISTI. — Græce εἰς ἀγάπην τοῦ Θεοῦ, καὶ εἰς τὴν ὑπομονὴν τοῦ Χριστοῦ, id est in charitate, sive dilectione Dei, et patientia Christi vos Deus dirigat.

Nota, « dirigat, » id est recto charitatis et patientiæ tramite incedere vos faciat, ut ab earundem semita non aberratis, neque declinetis ad dextram, vel sinistram; hæc enim est recta ad perfectionem, ad salutem et ad cælum via, si recta charitatis et patientiæ semita gradiamur. Optat ergo Paulus eos dirigi in charitatem et patientiam, quasi in rectam semitam ad salutem: multa enim sunt, quæ ab hac recta semita nos conantur abducere, inquit Chrysostomus et ex eo Theophylactus, scilicet opes, gloria vana, afflictiones, tentationes, pericula; sed Deus his impedimentis, vel amotis, vel superatis, facit nos rectam insistere viam, eamque assidue prosequi.

Nota: Quivis Christianus, qui salutis suæ curam habet, assidue Deum orare debet, ut se in omnibus ita protegat, excitet, dirigat, sicut novit salutis suæ expedire: ut per eas vias se deducat, quæ peccati non habent scandalum, quibus prævidet Deus hominem non lapsurum in peccatum, sed inoffenso pede per actus charitatis et patientiæ recta iturum ad cælum. Hoc debet esse perpetuum nostrum votum et assidua deprecatio, cum in eo salutis nostræ cardo versetur, ut scilicet Deus nobis eam viam, eum statum, eam auxiliorum mensuram conferat, cum qua novit nos certissime salvandos; rursum, cum qua novit nos opus quod molimur, feliciter ad exitum perducturos. Felices, qui ita a Deo diriguntur, ut possint dicere: « Dominus regit me, et nihil mihi deerit; ipse deducit velut ovem Joseph (me)! » De tali di-

Aversio voluntaria a fide est causa malitiæ.

Vers. 4.

Cooperatio nostra ad donum Dei requiritur.

Vers. 5.

Recta ad perfectionem et salutem via.

Fides quomodo sit donum Dei, et tamen in nostra potestate?

Vers. 8.

Oratio optima quæ?

utur *Psal.* I : « Et omnia quaecumque faciet, prosperabuntur. »

ET PATIENTIA CHRISTI. — *Primo*, ut Christi patientiam imitemini, inquit Anselmus. *Secundo* et melius, « in patientia, » id est ad perseverantiam et patientem expectationem Christi, ejusque gloriæ et coronæ : Græcum enim ὑπομονή significat perseverantiam et tolerantiam rei alicujus molestæ sub spe et expectatione liberationis aut præmii. Unde

Promissa Dei cum patientia expectanda. Syrus vertit, *Dominus noster dirigat corda vestra in dilectione Dei*, et למסבברנותי *lamsabberranute*, id est *expectatione Meschicho* sive Christi : ut scilicet secundum ejus adventum ad judicium, et ad coronandam vestram spem, charitatem et patientiam, longanimitè expectetis; nec, si eum differat, desperetis, sed firmiter credatis, quod ea quæ promisit, certo completurus sit. Ita Chrysostomus et Theophylactus, qui addunt : Charitati, inquit, Dei adjunxit Apostolus patientiam, quia hæc est charitas Dei, et hoc est diligere Deum, si propter ipsum patienti sis animo in adversis et persecutionibus, non cieas turbas, non conturberis, sed patienter expectes liberationem et coronam gloriæ a Christo judice.

Vers. 6. **6. DENUNTIAMUS** (παρρηγόλλομεν, id est præcipimus, inquit Syrus, Chrysostomus, Theophylactus, Vatablus) AUTEM VOBIS, FRATRES, IN NOMINE DOMINI NOSTRI JESU CHRISTI, — id est per nomen Domini Jesu Christi, id est per ipsum Jesum Christum : « nomen » enim ponitur metonymice pro re nomine significata. Sic sæpe in Scripturis dicitur sperandum esse vel invocandum nomen Domini, id est sperandum in Domino; invocandum esse Dominum. Præcipit ergo per Christum, id est Christi nomine, vice, potestate et auctoritate, qua fungebatur quasi legatus, vicarius et Apostolus Christi.

Otiosus v. l. audam. **UT SUBTRAHATIS VOS AB OMNI FRATRE (Christiano) AMBULANTE (conversante) INORDINATE.** — Græce ἀτάκτως, id est incomposite, inordinate, turbulente, quod fit dum quis v. g., contemptis legibus publicis et ordine communi, vivere vult suo arbitratu et phantasia incompressa et inordinata; ἀταξίαν hic vocat ordinis et disciplinæ turbationem consequentem ex otio, ac consequenter otium ipsum. Sicut enim in castris milites ii, qui solvunt disciplinam militarem, vocantur ἀτακτοι : ita a Paulo hic Christiani illi, qui solvunt disciplinam Ecclesiasticam et Christianam, a se quasi duce et Apostolo præscriptam, vocantur ἀτακτοι. Et sicut in castris hanc disciplinæ turbationem inducit otium : milites enim otiosi incipiunt segnescere, luxu diffuere, murmurare, inclamare pecuniam, ordinemque omnem turbare, ac tandem rebelare; ita in Ecclesia Thessalonicensium, et alia quavis, otium multorum pariebat eorumdem curiositatem, curiositas inquietudinem, inquietudo solvebat disciplinam : qui enim otiosi sunt sibi, erga alios sunt curiosi omnibusque se immiscere volunt, et sic turbant ordinem et omnia.

ET NON SECUNDUM TRADITIONEM, QUAM ACCEPERUNT A NOBIS. — Nota rursum traditionis nomen : Græce est παράδοσις, quod Syrus vertit, *præcepta*; Vatablus, *institutionem*; traditio ergo est institutio tradita voce, vel, ut inquit Chrysostomus et Theophylactus, opere; unde sequitur :

Vers. 7. **7. IPSI ENIM SCITIS QUEMADMODUM OPORTEAT IMITARI NOS,** — *q. d.* Ego vobis typus et norma vivendi fui, formam vitæ mea vitæ vobis præscripsi et tradidi; sequimini ergo institutionem hanc meam, quam non tam per verba, quam per opera vobis tradidi. Ita Chrysostomus et Theophylactus.

QUONIAM NON INQUIETI FUIMUS INTER VOS. — Græce est idem verbum quod Noster vers. præced. vertit, *inordinate*, scilicet ἡτακτησάμεν, id est inordinati, incompressi, turbulenti fuimus; Ambrosius vertit, *non intemperanter* (id est turbulente) *viximus apud vos*; Noster non verbum verbo, sed sensum reddit, dum vertit, *inquieti fuimus*; nam per hanc ataxiam et inordinationem Apostolus intelligit otium, et ex eo consequentem inquietudinem, omnisque disciplinæ et ordinis turbationem, *q. d.* Non fuimus apud vos otiosi; ac consequenter nec inquieti, nec turbulenti. « Inordinationem (inquit Chrysostomus et Theophylactus) vocat Paulus otium : Deus enim posuit hominem ad laborem, artusque ejus ad hoc effinxit; quocirca qui otiosus est, ob ordine suo deficit et creatione. »

Otiosus ab ordine suo deficit et creatione.

8. NOCTE ET DIE OPERANTES, NE QUEM VESTRUM GRAYAREMUS. — Mechanicam ergo artem exercuit Paulus, puta scenofactoriam, una cum prædicatione Evangelii, ut patet *Actor. xviii, 3.* Unde Origenes, *hom. 17 in Numeros* : Paulus, ait, a faciendis tabernaculis terrenis ad cælestia construenda translatus est. Nimirum consuebat tabernacula ex pellibus, quibus milites uterentur in castris.

Vers. 8. *Paulus scenofactoriam artem exercuit.*

Quæres, qua ratione Paulus, cum esset nobilis et sacris Litteris eruditus, mechanicam didicit?

Respondeo, id fecisse ex instituto veterum Rabinorum : sic enim R. Seemahia et R. Gamaliel ii, qui sacras Litteras discerent, præscripserunt, ut opificium quoque aliquod manuale addiscerent, tum ut eo victum sibi pararent, tum corporis exercendi et animi a studiis relaxandi causa; addebantque eos, qui illud negligerent, procliviores ad peccata futuros. Sic R. Johanna sutoriam, R. Juda pistariam didicit. Sic Carolus Magnus, teste Eginhardo et aliis, in ejus Vita, filios suos mechanicam aliquam et filias suas lanificium vel linificium discere voluit. Idem hodie nonnulli nobiles factitant, idque tum otii et peccatorum vitandorum causa, tum ut, si opus et necessitas ingruat, labore hoc manuum et arte sua victum sibi conquirant. Idem ergo fecit Paulus et alii Apostoli, aliosque ad idem hortati sunt : hæc enim eorum sunt verba apud Clementem, lib. I *Constit.*, cap. *Lxvii* : « Qui in Ecclesia juvenes estis, curate in omnibus rebus necessariis

Rabbini et nobiles soliti autem mechanicam discere.

Opificia mechanica.

ea olim
Sancti
exercue-
runt.

sedulo ministrare, cum omni sanctitate operi vestro vacate, ut omni tempore et vobis et agentibus suppeditare possitis, ne Ecclesiam Dei oneretis. Etenim nos quoque vacantes verbo Evangelii, successivas horas non negligimus: alii enim ex nobis piscatores sunt, alii scenarum artifices, alii agricolæ, ne unquam otiosi simus.» Et de fratribus Domini refert Eusebius, lib. V *Hist.*, xv, ex Hegesippo, coram Domitiano fuisse vocatos, tanquam ex Davidico et regio sanguine prognatos, quos extinguere omnino constituerat. Qui cum manus ostenderent partim obtritas callis, partim laceras mechanico labore, ab omni suspitione rerum novarum sine ulla molestia dimissi sunt.

Idem Christianos sacerdotes et monachos facitasse non obligationis, sed humilitatis et devotionis spontaneæ causa, tradit Epiphanius, *hæres.* 80: «Laborant, inquit, propriis manibus ad impertiendum etiam indigentibus; quemadmodum et in singulis monasteriis tum in Ægyptiorum regione, tum in aliis omnibus, sic laborant ad justitiam (ut scilicet justo lucro, labore suo parto alant se et alios) velut apes, in manibus quidem habentes ceram opificii, in ore vero guttas mellis, cum propria hymnifera voce universorum Dominum juxta proprium sensum laudant.»

Appositum æque ac jucundum exemplum habetur in *Vitis Patrum*, lib. V, tit. x, num. 27, et apud Ruffinum, lib. III, num. 86 de Joanne Brevis, sive *Nano*: «Hic, inquit, dixit aliquando fratri suo: Vellem esse securus sicut angeli nihil operantes, sed sine intermissione servientes Deo: et spolians se quo vestitus erat, abiit in eremum. Et facta ibi hebdomade una, reversus est ad fratrem suum, pulsans ostium. Et frater: Quis, ait, es tu? Et ille: Ego sum Joannes. Tum frater: Joannes angelus factus est, et ultra inter homines non est. Ille autem pulsabat, dicens: Ego sum. Et non aperuit ei, sed permisit eum affligi. Postea vero aperiens dixit ei: Si homo es, opus habes operari, ut vivas; si autem angelus es, quid quæris intrare in cellam? Et ille pœnitentiam agens, dixit: Ignosce mihi, frater, quia peccavi.» Hinc et Theodosius anachoreta apud Theodoretum, in *Philotheo*, cap. x: Absurdum, inquit, est ut sæculares se affligant laboribus pro se, pro principibus, pro pauperibus; «nos autem sedeamus compressis quidem manibus, alienis autem fruamur laboribus.»

Scripsit hac de re S. Augustinus, lib. *De Opere monachorum*, quo acriter perstringit otiosos ac desides monachos, qui manibus laborare volebant. Insulse hæc Novantes torquent in Ordines Mendicantes, quasi hi otiosi panem manducant, cum constet eos psalmodiæ, orationibus, confessionibus, concionibus aliisque piis exercitiis insistere et proximo se impendere, ut recte docet S. Thomas, II II, *Quæst.* CLXXXVII, art. 4, 5; S. Bonaventura, lib. *De Paupertate Christi*, ante medium, pag. 4.

Ordines
Mendi-
cantes
non man-
ducant
panem
otiose.

9. NON QUASI NON HABUERIMUS (græcæ ἔχομεν, Vers. 9. id est habeamus) POTESTATEM (gravandi vos scilicet sumptu, et a vobis quasi catechumenis meis alimenta petendi), SED UT NOSMETIPSOS FORMAM DAREMUS (græcæ δώμεν, id est damus) VOBIS AD IMITANDUM NOS. — Tacite excusat alios Apostolos, qui suo jure utentes in evangelizando a suis accipiebant alimenta, et simul suam abstinenciam ac charitatem exaggerat, quod hoc suo jure cesserit cum tanto suo incommodo ad eorum solatium et exemplum.

10. HOC DENUNTIABAMUS (παρηγγέλλομεν, id est præ- Vers. 10. cipiebamus) VOBIS, QUONIAM SI QUIS NON VULT OPERARI, NEC MANDUCET. — Quia scriptum est *Genes.* cap. III, vers. 19: «In sudore vultus tui vesceris pane tuo.» Qui ergo non laborat pro pane, par est ut non vescatur pane, ac consequenter dignus est qui fame moriatur; qui enim est otiosus, inutile habet esse, ac proinde meretur non esse. Otium enim, ut ait Seneca, est vivi hominis sepultura. Qui ergo vivens sponte seipsum, ac vigorem et vires suas per otium sepelit, dignus est qui re ipsa moriatur et sepeliatur. Quocirca sapienter S. Ephrem in illud, *Attende tibi*, cap. v: «Ne molestus, ait, sit tibi labor. Disce operans, ut non discas mendicans.» Idem, tract. *De Consummat. sæculi*: «Ne fugias laborem, ut non perdas coronam.»

Nota hic locum morale, quam malum, quam- Locu-
que Christiano et cuivis homini vitandum sit moralis
otium, idque multis de causis, quas hic insinuat de vitan-
Apostolus. *Prima* petitur ex ipsa hominis condi- do otio,
tione; homo enim natus est ad laborem, avis ob quin-
ad volatum, inquit Sapiens. que cau-
sas.

Secunda ex aliarum creaturarum exemplis: vide solem et celos, quomodo nunquam quiescunt, sed perpetua gyratione circumvolvuntur et maxima spatia percurrunt. Vide ignem et elementa quomodo nunquam otiosa, sed semper agunt. Vide equos, boves, asinos quomodo currunt, onera bajulant. Vade ad formicam; o piger, et vide quam sit sedula et laboriosa.

Tertia ex rei convenientia, atque ex lege et voluntate Dei. Deus enim non frustra nobis manus et vires dedit, sed voluit iis nos uti et operari. «Deus, inquit S. Basilius in *Regulis fustior.*, reg. 27, qui nobis vires idoneas ad laborandum suppeditavit, is in die iudicii parem quoque a nobis in laborando industriam reposcet.» Hinc Themistocles dicere solebat, «otium et desidiam esse vivi hominis sepulturam;» cumque ipse moreretur, annum agens centesimum septimum, indoluit, dictitans se tunc mori cum inciperet sapere et sapienter operari. Hinc et laudatur mulier illa fortis et strenua, *Proverb.* xxxi, quod panem otiosa non comederit: «Quæsit, inquit, lanam et limum, et operata est consilio (id est opera et industria) manuum suarum: facta est quasi navis in- titoris, de longe portans panem suum, et de nocte surrexit, deditque prædam (Hebræum חֶרֶף tereph

Laudare
fugientis
otium.

significat quemlibet cibum, metaphora sumpta a leonibus, quorum omnis cibus prædando acquiritur domesticis suis et cibaria ancillis suis: accinxit fortitudine lumbos suos, et roboravit brachium suum: manum suam misit ad fortia, et digiti ejus apprehenderunt fusum. » Hinc præmium laboris sui quoque retulit, nam « de fructu (id est labore, lucro) manuum suarum plantavit vineam. Non timebit domui suæ a frigoribus nivis: omnes enim domestici ejus vestiti sunt duplicibus. Stragulatam vestem fecit sibi, byssus et purpura indumentum ejus; nobilis in portis vir ejus; sindonem fecit et vendidit, et cingulum tradidit (vendidit) Chananæo (mercatori): fortitudo et decor indumentum ejus, et ridebit in die novissimo. »

Quarta ex merito et præmio: præsens enim tempus laboris est, futurum tempus erit præmii. « Dies iste, inquit auctor *Imperfecti*, hom. 39, dies est operationis; dies autem ille qui sequitur (æternitatis beatæ), feriarum est. »

Quinta ex effectibus otii. « Multam malitiam docuit otiositas, » inquit *Ecclesiasticus*, xxxiii, 29; et *Ezech.* xvi, 49: « Hæc, inquit, fuit iniquitas Sodomæ, superbia, saturitas panis, et otium ipsius, et filiarum ejus, et manum egeno et pauperi non porrigebant. » Nam, ut ait Ovidius:

Otia ei tollas, periere Cupidinis arcus.

Et rursum:

Quæritur, Ægistus quare sit factus adulter?
In promptu causa est, desidiosus erat.

Et alius: « Otium corpus, mentem necat socordia, exercitatio vero utrumque pulcherrimum facit. » « Otio, ait S. Augustinus, lib. I *De Civit.*, perit Roma, deleta Carthagine. » Hinc et Cleomenes rogatus cur Lacedæmonii Argivos hostes suos non delerent, respondit: « Cos, inquit, sunt juventutis nostræ. »

Rationem dat Chrysostomus, hom. 7 in II *ad Corinthios*: « Sicut, inquit, terra non occupata semente aut consitione quamlibet herbam producet: sic et anima, quoties non habet quod agat rerum necessarium, cum omnino cupiat aliquid agere, pravis actionibus semet tradit. Et quemadmodum oculus non desinit cernere, atque ob hoc cernit mala, si quando bona non sint objecta: sic et cogitatio quoties se abducit e necessariis, circa inutilia jam versatur: nam undequaque perspicuum est, quod occupatio ac sollicitudo valet primum incursum repellere. » Hinc S. Antonius a Deo audit: « Antoni, quæris Deo placere? ora, et dum orare non poteris, manibus labora et semper aliquid facito. Quamdiu David exercuit se in militia, non insultavit illi luxuria; sed postquam otiosus in domo remansit, laboravit adulterio, et homicidium commisit. Samson dum cum Philistæis pugnavit, non potuit capi ab hostibus; sed postquam dormivit in sinu femine et

otiose cum ea remansit, mox capitur et cæcatur ab hostibus. Salomon dum occupatus esset in ædificatione templi, non sensit luxuriam; sed mox recedens ab opere persensit insultum luxuriæ, et adoravit vitulum aureum. »

Denique Chrysostomus, hom. 35 in *Acta Apostolorum*: « Quis, inquit, utilior est, is qui in deliciis, vel qui exercetur? Quæ navis, ea quæ navigat, vel ea quæ in littore manet? Quæ aqua, eane quæ fluit, vel quæ stat? Quod ferrum, an quod movetur, vel quo nemo utitur? nonne illud quidem splendet, ac argento simile est; hoc autem rubigine consumitur, et ubique inutile est? Tale quiddam fit etiam in otiosa anima. Rubigo enim quedam apprehendit illam et consumit splendorem ac alia omnia. » Deinde pergit Chrysostomus graphice otiosi hominis inertiam et turpitudinem depingere.

11. AUDIVIMUS (ἀκούσαμεν, id est *audimus*) ENIM Vers. 11.
INTER VOS QUOSDAM AMBULARE INQUIRTE (græce ἀτάκτως, id est *inordinate, incomposite*, de quo dixi vers. 6), NIHIL OPERANTES, SED CURIOSAE AGENTES. — Cum enim, inquit ex Chrysostomo Theophylactus, mens nostra mobilis sit (et quasi molendinum quod semper volvitur, et molit vel farinam, vel seipsum), necesse est, si frugiferum opus non aggreddiatur, ut infrugiferum et inutile attentet, adeoque aliorum vitas otiose scrutetur, hincque ad obtreccationem aliasque nugas deferatur.

Hinc vere dixit Cato: « Nihil agendo male agere discimus; atque e contrario, semper agendo bene agere discimus. » Ita narrant poetæ, Dianam virginis perpetuam servasse, eo quod nunquam otiosa fuerit, quodque in montibus versata et occupata semper fuerit.

In Græco pulchra est paronomasia: μὴ ἐργάζομενοι, ἀλλὰ περιεργαζομένους, id est *non agentes, sed satagentes*. Sic Tullius refert Domitium Afrum dixisse de Sura Manlio, eum non agere, sed satagere, eo quod agendo tumultuaretur: agit enim qui suo fungitur officio; satagit qui vehementer, sed frustra molitur, inquit Erasmus. Est etiam antithesis: ἐργάζεται enim qui operatur frugifera; περιεργάζεται, qui infrugifera, supervacua, inutilia,

parerga et nihil ad rem pertinentia, agit et operatur. Quales sunt otiosi et curiosi, qui vacant et avent singulorum facta audire, narrare, judicare, carpere: qui cum nihil agent, satagunt tamen, movent et incitant quosque ut faciant, turbent et mutant ea, quæ suæ phantasie inquietæ et turbulentæ facienda et mutanda videntur. Observat S. Hieronymus in cap. iii *Galat.* 1, Apostolum sepe suis litteris propria gentis ad quam scribit, tam vitia quam virtutes denotare, additque ad sua usque tempora iisdem gentes illas obnoxias fuisse. « Sic, ait Hieronymus, notat Apostolus Romanæ plebis fidem, facilitatem, superbiam; Corinthi mulieres intecto capite, viros comam nutrites, indifferenter vescentes in templis, inflatos scientia sæculari; Macedones in charitate laudat, in hos-

Otiosi hominis inertia et turpitudo.

Mens nostra potest quiescere.

Otiosorum et curiosorum magna vitia et vanitas.

pitalitate ac susceptione fratrum; sed reprehendit ut otiosos, alienum cibum exspectantes. » Et hæc non magis docentis officio, quam gentis virtute aut vitio admonebat.

Rursum nota : Docet hic Apostolus homines otiosos esse curiosos, garrulos, dicaces; non agere, sed satagere : negotiosos vero, ut subdit, in silentio panem suum manducare, eosque multa agere, sed pauca, eaque cordata loqui. Illos hirundinibus, hos cynis comparat Nazianzenus, epist. ad Celeusium. Cum enim a Celeusio argueretur Nazianzenus nimii silentii, quasi natura taciturnior, hoc apologo festive respondit : « Cynos, ait, olim cavillabantur hirundines, quod nec cum hominibus versari, nec publice, sed circa prata et flumina tantum sibiipsis canere vellent : contra, Nostræ, inquebant, sunt urbes, garrituque nostro mortales delinimus. At cyni earum garrulitate offensi, vix quidem eas dignas duxerunt quas alloquerentur. Ut autem eo adducti sunt : At, o præclaræ, inquit, in solitudinem non nemo concesserit, ut musicam nostram audiat : cum zephyro pennas nostras inflandas permisimus, etsi non multum, jucundum tamen quiddam et concinnum modulamur. Vos vero et in ædes admissas fastidiunt homines, et canentes aversantur, quippe quæ avium sitis loquacissimæ, et ne excisa quidem lingua silere valeatis. Proinde si meam, ait Nazianzenus, quoque taciturnitatem facundia tua præstantiorem compereris, silentio nostro obtractare desines. »

Vers. 12. 12. IIS QUI HUIUSMODI SUNT, DENUNTIAMUS (παράγγελλομεν, id est præcipimus) ET OBSECRAMUS IN DOMINO JESU CHRISTO, — id est per Dominum Jesum Christum. Nota : Pro obsecramus, græce est παρακαλούμεν, quod primo, significat hortamur; secundo, obsecramus vel obtestamur. Idque huic loco aptius convenit : præcepto enim miscet Apostolus preces, ut mitigent præcepti severitatem; neve vel præcipientis auctoritas, vel obsecrantis bonitas contemnatur, addit : « In Domino Jesu Christo. »

UT CUM SILENTIO (μετὰ ἡσυχίας, id est cum quiete : ita Syrus et Vatablus) OPERANTES SUUM PANEM (τὸν ἑαυτῶν ἄρον, id est suum ipsorum panem, non alienum) MANDUCENT. — Non enim, inquit Theophylactus, oportet eos defigere oculos in alienas manus, sed suum panem, id est sua manu et labore paratum, comedere.

Fuse hunc locum tractat Cassianus, lib. X, qui est de Acedia, cap. VII et seq., ubi cap. XXIII, ait : « Operantem monachum dæmone uno pulsari, otiosum vero ab innumeris spiritibus devastari. » Et cap. XXV, ex abbate Mose ait : « Experimento probatum est acedie impugnationem non declinando fugiendam (sic enim acrius nos invadet), sed resistendo superandam esse. » Secus est in tentatione luxuriæ : hæc enim fuga occasionum et illecebrarum superanda est.

Vers. 13. 13. VOS AUTEM NOLITE DEFICERE BENEFACIENTES. — Otiosos et inquietos hactenus allocutus est et

instruxit Apostolus; jam ad ipsum corpus Ecclesiæ Thessalonicensis sermonem convertit, q. d. De vobis, o Thessalonicenses Christiani, meliora confido et scio, scilicet vos, paucis exceptis, nativam indolem et pronitatem ad otium per Christi fidem et gratiam commutasse, jamque non esse otiosos et inquietos, sed operari et benefacere. Hortor ergo ut ita pergatis, nec deficiatis (μὴ ἐκκαθήσθε, id est non segnescatis, non delassemini) benefaciendo, omnibusque charitatem exhibendo, etiam pigris illis et otiosis : a quibus licet vers. seq. et vers. 6, jubeam ut vos subtrahatis, ad eorum confusionem et emendationem; tamen nolo ut eos fame interire, aut gravi inopia premi sinatis. Ita Theophylactus.

14. SI QUIS NON OBEDIT VERBO NOSTRO PER EPISTOLAM (monitis scilicet et præceptis meis, quæ hac epistola præscribo. S. Chrysostomus pro ἡμῶν, id est nostro, legit ὑμῶν, id est vestro, q. d. Si quis non obedit vobis dicentibus et monentibus ea quæ præscribo), HUNC NOTATE (σημειώσατε, id est signate, uti signantur boves cornupetæ, inquit Erasmus) ET NE COMMISCEAMINI. — Id est, ut Syrus, nolite conversari et commercium habere cum illo, ut confundatur; ut scilicet videns se ab omnibus vitari et negligi, pudeat, poeniteat et corrigatur.

15. CORRIPITE UT FRATREM. — Græce νουθετεῖτε, Vers. 15. id est admonete, et quasi mentem quam amisit, reddite ac reponite; Ambrosius legit, monete consiliis.

16. IPSE AUTEM DOMINUS PACIS (Deus fons, auctor et amator pacis) DET VOBIS PACEM SEMPITERNAM (δὲ πᾶντοῦ, id est semper, perpetuo) IN OMNI LOCO. — In Græco duplex est lectio, prior ἐν παντί τῷ πᾶσι, id est in omni modo, hoc est, omnimodam, in omni negotio, puta in omnibus sententiis, dictis et factis pacem : uti explicat Theophylactus. Posterior, ἐν παντί τόπῳ, id est, in omni loco, et sic legit Noster, Ambrosius, Chrysostomus et alii, estque aptior; optat enim ut eis Deus det pacem semper et ubique, id est in omni tempore et loco.

17. SALUTATIO, MEA MANU PAULI, — q. d. Salutationem hanc, qua vos saluto ego Paulus, mea manu subscribo. Salutatio autem est oratio quæ sequitur, scilicet : « Gratia Domini nostri Jesu Christi cum omnibus vobis. Amen. » Docet Apostolus salutationes nostras debere esse non nuda amicitiae symbola, sed orationes cum lucro spiritali conjunctas. Ita Chrysostomus et Theophylactus.

QUOD EST SIGNUM (meum) IN OMNI EPISTOLA, ITA SCRIBO. — Uti nos epistolis Vale subscribimus, ita Apostolus subscribit :

18. GRATIA DOMINI NOSTRI JESU CHRISTI CUM OMNIBUS VOBIS. AMEN. — Hoc enim hactenus omnibus ejus epistolis subscriptum invenitur. Hac ergo sententia quasi signo dignosci vult suas epistolas ab epistolis supposititiis pseudoapostolorum. Ita

Quantum
charita-
tem exi-
gat per-
fectio
Christia-
na.

Apolo-
gus Na-
zianzen-
i de taci-
turnis et
garrulis.

Vers. 14.

Vers. 16.

Vers. 17.

Vers. 18.

Signum
epistola-
rum P.
Pauli.

Theodoretus. Nam relativum *quod* respicit vocem *salutatio*; hæc enim est signum, quod hic ponit. *Salutatio* autem hæc, ut dixi, est quæ sequitur : « Gratia Domini nostri Jesu, etc. » *Secundo*, salutatio hæc videtur esse tota manus Pauli, id est totum quod sua manu subscripsit hic Paulus, *q. d.* Ne aliquis suas litteras mihi supponat, uti aliquos fecisse dixi cap. II, vers. 2, en ego mea manu subscribo, ut tum ex sententia mea jam dicta, tum ex scriptura, meam esse epistolam, non adul-

terinam agnoscatis. Forte fuit hic etiam aliquis character subscriptus a Paulo, ut hoc vocet signum suum : sicut jam multi signum manus, ut vocant, per certos gyros, quos non facile sit imitari, sub litteris suis delineant, ut iis ad quos scribunt, constet epistolam esse genuinam, non supposititiam.

Da nobis, Domine, non deficere benefaciendo, da pacem sempiternam, da teipsum : quia tu es **ÆTERNITAS pacis, gaudiorum et bonorum omnium. Amen.**

COMMENTARIUS

IN PRIMAM EPISTOLAM

AD TIMOTHEUM.

ARGUMENTUM.

Paulus Epheso, a fabris Dianæ pulsus, ivit in Macedoniam et Græciam, *Act. xx, 1*, relicto tamen Ephesi Timotheo, ut patet hic cap. 1, vers. 3, ut scilicet semina prædicationis Evangelicæ a se jacta foveret et extolleret. Unde Timotheus, ob egregias animi dotes, adhuc adolescens a Paulo creatus fuit primus Ephesi (inquit Eusebius, lib. III *Hist.*, iv) Episcopus, imo Archiepiscopus; jubet enim illi Apostolus, ut per alias urbes Episcopos constituat et ordinet, quod est Archiepiscopi. Erat enim Timotheus, licet patre Græco et Gentili natus, a matre tamen Judæa et Christiana (cui Eunice nomen erat) in Christi fide educatus, ideoque probæ indolis et a puero in sacris Litteris eruditus, zelosus pro fide, pro qua et martyr Ephesi occubuit. Fuit et virgo per omnem vitam: unde S. Ignatius, *epist. ad Philadelphenses*, Timotheum inter virgines virosque sanctissimos annumerat: « Utinam, inquit, fruar vestra sanctitate, sicut Eliæ, sicut Jesu Nave, sicut Melchisedech, Elisei, Jeremiæ, Joannis Baptistæ, dilecti illius discipuli, sicut Timothei, Titi, Evodii, Clementis, qui in castitate de vita exierunt! » Hac ergo de causa creavit eum Paulus primum Ephesi Episcopum; cumque Ephesus fuerit metropolis omnium Asiæ Minoris Ecclesiarum, sequitur earumdem Primatem fuisse Timotheum.

Atque hac de causa, *Apoc. ii*, Christus præ aliis primum alloquitur angelum (id est Episcopum) Ephesi, quem hunc eundem fuisse Timotheum, licet aliqui cum Ribera ibidem negent, verisimilius tamen asserunt Lyranus (qui ait hanc esse communem sententiam), Aureolus, Pererius, Vias ibidem, Magallianus hic, Baronius et alii. Idque patet ex eo quod Timotheus hoc tempore primus fuerit creatus Ephesi Episcopus, sederitque ac vixerit post scriptum Apocalypsin, uti passim docent veteres, ac satis convincit S. Dionysius, qui post S. Joannem scripsit, et plerosque suos libros huic Timotheo inscripsit. Imo Baronius putat Timotheum sedisse Ephesi et vixisse post S. Joannem ad annum Christi 109, (tuncque martyrio perfunctum, successorem habuisse One-

simum, cujus, quasi jam inchoantis Episcopatum Ephesinum, meminit S. Ignatius scribens hoc eodem anno Christi 109, ad Ephesios, ubi et meminit hujus Timothei, eumque vocat fidelissimum. Sic ergo angelum, id est Episcopum, Ephesi, Timotheum scilicet hunc, laudat Christus, *Apocal. ii, 2*: « Scio opera tua, et laborem, et patientiam tuam, et quia non potes sustinere malos; et tentasti eos, qui se dicunt Apostolos et non sunt, et invenisti eos mendaces; et patientiam habes, et sustinuisti propter nomen meum, et non defecisti; sed habeo adversum te, quod charitatem tuam primam reliquisti. » Nimirum etiam Sancti sensim tum in se, tum in Ecclesia sua nævos contrahunt, quibus primæ conversionis fervor intepescit, præsertim tot annis, in tantis laboribus et difficultatibus: jam enim cum hæc scriberet Joannes, facile Timotheus 40 annos Epheso præfuerat Episcopus. Hæc enim epistola Pauli ad Timotheum, Ephesi Episcopum, scripta est anno Christi 57. Joannes vero Apocalypsin, ac consequenter illa cap. ii ad angelum Ephesi, id est ad Timotheum, scribit anno Christi 98, sub finem imperii Domitiani: illo enim tempore scriptam esse Apocalypsin docet Irenæus, lib. V, et ex eo Baronius. Sed hunc teporem, monitus verbis Apocalypseo, correxit Timotheus. Unde fervoris sui et fervidæ prædicationis ac reprehensionis cultorum Dianæ, præmium tulit martyrium, ut habent Menologia 24 januarii.

Hunc ergo juvenem Episcopum, imo Archiepiscopum, a se creatum hac epistola Paulus instruit et monet:

Primo, muneris Episcopalis, ut rejectis genealogiis et fabulis Judaicis, doceat ea quæ fidem et charitatem excitent.

Secundo, cap. ii, jubet orari pro principibus licet Ethnicis, ut sub eis vitam tranquillam et quietam agant. Deinde eodem capite docet quid viros deceat, quid mulieres, præsertim in Ecclesia.

Tertio, cap. iii, recenset virtutes requisitas in Episcopo, docetque quales, quam eximios et exploratos debeat eligere et ordinare Ecclesiæ

Timotheo successit Onesimus.

Timotheus Archiepiscopus Ephesi.

Fuit martyr et virgo.

Fuit Angelus Ephesi, de quo Apocalypsis ii.

Argumenta singulorum capitulum hujus epistolæ.

ministros, puta Episcopos, Pastores, Diaconos.

Quarto, cap. iv, superstitiosum Eneclitarum et Marcionitarum ciborum delectum, et conjugii vituperium, aliasque fabulas vitari jubet. Deinde monet, ut juventuti suæ, sanctitate morum, studio et doctrina, auctoritatem conciliet aliisque sit exemplo.

Quinto, cap. v, præscribit quomodo monendi sint senes, juvenes, anus, juvenculæ, agitque de viduis senioribus Ecclesiæ et presbyteris qui Ecclesiæ præsunt, alendis, ac juniores viduas caute tractandas esse admonet.

Sexto, cap. vi, docet quid servi dominis debeant. Deinde quod veræ divitiæ sitæ sint, non in auro et argento, sed in pietate et virtutibus; quodque divites in divitiarum vanitate confidere minime debeant. Denique repetit et inculcat, ut nova dogmata vitet, servetque fidem et doctrinam sibi quasi depositum traditam et commissam.

Sæpius hac epistola pungit et perstringit suborientes tunc hæreses Simonis. Unde hæc epistola ex parte scripta est contra Simonianos, uti et epistola ad Ephesios, quorum Episcopus erat Timotheus (1).

(1) Utraque ad Timotheum epistola, nec non unica ad Titum, jam ab antiquo *epistolæ pastorales* nuncupatæ sunt, ob res in iis tractatas.

Scriptam vult hanc epistolam Baronius, cum Athanasio in *Synopsi*, et Theodoro, *Præfat. in Epistolas S. Pauli*, e Macedonia post primam ad Corinthios, anno Christi 57, qui fuit Neronis primus, idque ex eo, quod cap. i, 3, dicit Paulus: « Rogavi te ut remaneres Ephesi, cum irem in Macedoniam. » Sed hæc verba non urgent, nec significant hanc epistolam esse in Macedonia scriptam. Unde Græca et Syra in fine Epistolæ habent eam scriptam esse Laodiceæ, quæ est metropolis Phrygiæ Pacatianæ, estque hæc communior sententia, etiam Theodreti in fine hujus epistolæ, ubi sententiam suam priorem jam dictam mutat. Scripsit in hanc epistolam, et duas sequentes recenter Ludovicus Soto Major, et Magallianus noster fuse et floride, æque ac nuper Joannes Hessels, Lovaniensis doctor (2).

(2) De tempore quo hæc epistola scripta sit, et unde sit missa, certo vix constat. Vid. D. Glaire, op. cit. tom. VI, p. 161; Haneberg, op. cit. viii part. cap. iii, § 18-19. Nobis verosimilior est eorum sententia, qui hanc e Macedonia, ann. Christi 54, junio ineunte, scriptam esse putant. Cf. *Chronicon Actis Apostolorum* præfixum.

Epistolæ autem *authentica* contra Schleiermacher gravissimis argumentis obfirmant W. Paley, in *Horis Paulinis*; Planckius, in *Bemerk. uber d. erste Paulin. Briefe an d. Timoth.*; D. Glaire, op. cit. tom. VI, p. 163.

Ubi et
quando
scripta?

CAPUT PRIMUM.

SYNOPSIS CAPITIS.

Primo, monet Paulus Timotheum, ut afferentes nova dogmata, genealogias et fabulas arguat, utpote quæ lites generent, non autem ædificationem in fide et charitate, quæ finis est legis.

Secundo, vers. 8, docet legem Mosis bonam esse, sed datam esse injustis, non justis, puta Judæis, non Christianis.

Tertio, vers. 12, gratias agit non legi, sed Deo, quod per Christum, qui venit peccatores (quorum, inquit, primus ego sum) salvos facere, ex persecutore factus sit Christianus et Apostolus.

Quarto, vers. 18, commendat Timotheo militiam in fide et bona conscientia. Malam enim conscientiam asserit esse causam naufragii in fide et hæreseos.

1. Paulus Apostolus Jesu Christi secundum imperium Dei Salvatoris nostri, et Christi Jesu spei nostræ, 2. Timotheo dilecto filio in fide. Gratia, misericordia et pax a Deo Patre, et Christo Jesu Domino nostro. 3. Sicut rogavi te ut remaneres Ephesi, cum irem in Macedoniam, ut denuntiares quibusdam ne aliter docerent, 4. neque intenderent fabulis, et genealogiis interminatis: quæ quæstiones præstant magis quam ædificationem Dei, quæ est in fide. 5. Finis autem præcepti est charitas de corde puro, et conscientia bona, et fide non ficta. 6. A quibus quidam aberrantes, conversi sunt in vaniloquium, 7. volentes esse legis doctores, non intelligentes neque quæ loquuntur, neque de quibus affirmant. 8. Scimus autem quia bona est lex, si quis ea legitime utatur: 9. sciens hoc, quia lex justo non est posita, sed injustis, et non subditis, impiis et peccatoribus, sceleratis et contaminatis, parricidis et matricidis, homicidis, 10. fornicariis, masculorum concubitoribus, plagiaris, mendacibus et perjuris, et si quid aliud sanæ doctrinæ adversatur, 11. quæ est secundum Evangelium gloriæ beati Dei, quod creditum est mihi. 12. Gratias ago ei, qui me confortavit, Christo Jesu Domino nostro, qui fidelem me existimavit, ponens in ministerio: 13. qui prius blasphemus fui, et persecutor, et contumeliosus: sed misericordiam Dei consecutus sum, quia ignorans feci in incredulitate. 14. Superabundavit autem gratia Domini nostri, cum fide, et dilectione, quæ est in Christo Jesu. 15. Fidelis sermo, et omni acceptione dignus: quod Christus Jesus venit in hunc mundum peccatores salvos facere, quorum primus ego sum. 16. Sed ideo misericordiam consecutus sum, ut in me primo ostenderet Christus Jesus omnem patientiam, ad informationem eorum, qui credituri sunt illi, in vitam æternam. 17. Regi autem sæculorum immortalis, invisibili, soli Deo honor et gloria in sæcula sæculorum. Amen. 18. Hoc præceptum commendo tibi, fili Timothee, secundum præcedentes in te prophetias, ut milites in illis bonam militiam, 19. habens fidem, et bonam conscientiam, quam quidem repellentes, circa fidem naufragaverunt: 20. ex quibus est Hymenæus, et Alexander: quos tradidi Satanæ, ut discant non blasphemare.

VERS. 1. 1. PAULUS APOSTOLUS JESU CHRISTI SECUNDUM IMPERIUM DEI SALVATORIS NOSTRI, ET CHRISTI JESU SPEI NOSTRÆ. — Nota: Pro secundum imperium, Græce est κατ' ἐντολὴν, id est, ut Vatablus et Erasmus, secundum delegationem, injunctionem, demandationem (alludit ad Hebræum מְלֶאכֶת).

malachut, de quo Aggæi 1, 13); ἐντολὴν enim significat injungere et demandare quippiam, q. d. Apostolatam mihi ipsi non arrogavi, non arripui, sed Christus illum mihi demandavit, mandato Dei Apostolatam accepi. Plus, inquit Chrysostomus, est esse Apostolum ex delegatione

ac mandato, quam ex vocatione, quomodo ad Romanos et alibi dicit se vocatum Apostolum : sicut plus est esse Legatum a latere, quam Nuntium Pontificis.

Quæres : Ubi Deus Pater demandavit apostolatuum Paulo? Respondet Theophylactus, cum opera Sanctæ Trinitatis sint indivisa, quod Filius jussit aut Spiritus Sanctus, hoc jussisse et Patrem; atqui Spiritus Sanctus, *Actor. XIII, 2* : « Segregate, inquit, mihi Saulum et Barnabam in opus (apostolatus inter Gentes) ad quod assumpsi eos. » Rursum Christus ad Paulum, *Actor. XXII*, sic ait : « In nationes longe mittam te; » et *Actor. XXIII* : « Te oportet et Romæ testificari. » Ergo ibi Deus Pater, cum Filio et Spiritu Sancto, Paulo apostolatuum demandavit.

Secundo, Deus Pater vocatur hic « Salvator, » quia nos per Christum vocat ad salutem, eamque procurat et promovet.

Tertio, Christus vocatur « spes nostra, » id est causa spei nostræ, tum objectiva et materialis : speramus enim Christi visione et fruitione beari; tum effectiva et meritoria : speramus enim non per Mosen legisque cæremonias, sed per Christum ejusque gratiam, tentationum victoriam, periculorum et malorum omnium aut tolerantiam, aut liberationem; ac denique æternam salutem et beatitatem; et hoc proprie intendit hic Apostolus : ita Chrysostomus, Theophylactus, Anselmus; tum finalis, quia finis spei nostræ et patientiæ ac omnis virtutis est Christus.

Adverte, Christum per se et immediate esse spem nostram, quia ab eo bona jam dicta speramus; Sancti vero et B. Virgo dicuntur spes nostra mediate, scilicet per Christum : quia speramus per eorum præces apud Christum impetrare bona quæ petimus; si enim Apostolus Thessalonicenses, *epist. I, cap. II, vers. 19*, sine Christi injuria, ut ibi dixi, vocat non tantum suam spem, sed et coronam gloriæ, cur non possimus ita vocare Sanctos et matrem Dei?

VERS. 2.

2. TIMOTHEO DILECTO FILIO IN FIDE. — Pro « dilecto, » græce est *γνώσιμ*, id est *germano*, ut vertit Ambrosius et Græci, hoc est, ut Syrus, *ingenue*, vero, non adulterino, non degeneri, qui patrem suum spirituales, Paulum scilicet, in fide et moribus per omnia refert : quod est verorum filiorum. Noster tamen ex germano dilectum intelligit per metalepsin; germani enim et ingenui filii præ aliis omnibus diliguntur : sic ad *Titum I, 4*, ubi Apostolus vocat Titum dilectum filium, Chrysostomus, germanum filium interpretatur.

Nota *secundo* : *Τὸ in fide* tam potest referri ad *γνώσιμ*, id est germano, cum Oecumenio, quam ad *filio*, cum Ambrosio et Chrysostomo, *q. d.* Timotheus mihi est filius, quem per prædicationem meam converti, et secundum fidem genui, in qua fide ipse mihi sincerus, verus et germanus est filius, æmulusque paternæ doctrinæ et virtutis.

XIX.

GRATIA, MISERICORDIA, ET PAX A DEO PATRE. — « Nusquam, inquit ex Chrysostomo Theophylactus, in aliis epistolis posuit Apostolus (in salutatione) misericordiam (sed tantum pacem et gratiam) nisi in hac tantum; idque facit ex magno paternoque affectu majora filio exoptans, tanquam metuens ei, atque ejus nomine tremantibus, et de stomachi ratione præcipiebat, simul quod majore misericordia præceptores indigeant. »

Secundam causam addit Rupertus in *Apoc. I*, Paulum scilicet misericordiam optare Timotheo, eo quod in objurgando et crimina castigando, esset æquo severior : solent enim juvenes Prælati in experti et acres fervore naturæ abripi, ut statim in momento omnia velint severe reformare et ad disciplinam rigidam revocare; et hac re multos offendunt, præsertim seniores, qui in junioribus tam rigidam et severam auctoritatem non ferunt. « Quia, inquit Rupertus in *I Apoc.*, Paulus in Timotheo Episcopos omnes informabat, cujus officii summum et necessarium decus est misericordia, et ille (Timotheus), ut fertur, zeli erat ferventioris, idcirco recte et opportune viscera misericordiæ illi, ut haberet, præoptat. Hinc quoque subdit : Senioresem ne increpaveris, sed obsecra ut patrem. Hinc rursum commendat ei misericordiæ opera, et hospitalitatem, quod ut Episcopi observent, qui constituti sunt animarum præsides, multo maxime tam illis, quam subditis necessarium est. »

Atque hanc volunt esse angeli Ephesi, hoc est Timothei, culpam venialem, quam carpit Christus *Apocalyp. II*, quod scilicet primum charitatis fervorem reliquerit : cum enim, ut notat Hugo Cardinalis, acrior esset, videretque se ob improborum corruptos mores parum concionando proficere, et Judaizantes sibi valde obsistere, decrevit a concionando (quod potissimum est Episcopi munus) cessare : ita nimirum juvenilis acrimonia et fervor retusus, abit in teporem; atque hoc prævidens Paulus, eum hic adhortatur, dicens : « Prædica verbum, insta opportune, importune, » etc. « Sicut enim, inquit Chrysostomus, hom. *De Lazaro et Divite*, aquarum venæ, etsi nullus veniat aquatum, manant tamen; et fontes, quamvis hauriat nemo, scatebras emittunt : ita Episcopus et concionator verbum Dei prædicare debet, etiamsi pauci illud audiant et convertantur. » Sic Jeremias, cum obstrepentibus sibi Judæis vellet a concionando cessare, jubetur a Deo pergere.

3. NE ALITER DOCERENT. — Græce, *μὴ ἐπερδιδασκᾶν*, quod tam significat aliter docere, ut vertit Noster et Syrus, quam aliis uti doctoribus (nam ex *ἐπερ*, id est alius, et *διδάσκων*, id est magister, doctor componit *ἐπερδιδάσκων*, *q. d.* Alio doctore uti); ac consequenter tam ad doctores, quam ad discipulos pertinet, ut scilicet illi non adeant, nec audiant novos doctores docentes alia a tradita et recepta fide. Unde Vatablus

Nimias-
veritas
Prælati-
rum ju-
venum
offendit
subditos.

Quodnam
fuerit
peccatum
Angeli
Ephesi
Apoc. II

Vers. 3.
Quid
ἐπερδιδ-
ασκᾶν?

utrumque sensum complexus vertit, *ne diversam sequantur doctrinam*; magis tamen videtur Apostolus ad doctores respexisse: insectatur enim hereticos et Novantes, ut patet ex sequentibus, jubetque eos novas quæstiones et dogmata curiosa et fabulosa afferentes, graviter reprimi et retundi ab Episcopo Timotheo. Et ita seipsum explicat Paulus, cap. VI, 3, dum ait: « Si quis aliter docet (Græce *ἑτεροδιδασκεῖ*) et non acquiescit sanis sermonibus, » etc. Videtur ergo hic Apostolus ex *διδασκαλίας* formasse verbum *διδασκαλείν*, hoc est a nomine doctoris formasse verbum docendi. Vide *Can.* 39. Et hoc est quod aliis verbis dixit, *Galat.* I, 8: « Si quis evangelizet vobis præterquam quod evangelizavimus vobis, anathema sit (1). »

Vers. 4. 4. NEQUE INTENDERENT FABULIS ET GENEALOGIIS INTERMIXTIS (Græce *ἀπὲρμύτοις*, quæ finem non habent): QUÆ QUÆSTIONES PRESTANT MAGIS, QUAM AEDIFICATIONEM DEI, QUÆ EST IN FIDE. — Queritur hic, quas et quorum fabulas ac genealogias; Judæorumne an Gentilium hic perstringat Apostolus? Chrysostomus, Theophylactus et Œcumenius referunt hæc ad fabulas et theogonias Hesiodi et Gentilium, quarum studiosus fuit Tiberius Cæsar, de quo Suetonius, cap. VII, in ejus *Vita*: « Maxime, inquit, curavit notitiam historice fabularis, usque ad ineptias et derisum: nam et grammaticos hujusmodi fere quæstionibus experiebatur: Quæ mater Hecubæ? Quod Achilli nomen inter virgines fuisset? Quid Sirenes cantare sint solitæ, » etc. De his audi et Senecam, *epist.* 89: « Quatuor millia librorum Didymus Grammaticus scripsit; miser erat si tam multa supervacua legisset. In his libris de patria Homeri quæritur; in his de Æneæ matre vera; in his libidinosior Anacreon, an ebriosior vixit; in his an Sappho publica fuerit; et alia quæ erant dediscenda, si scires. Metire ætatem tuam, tam multa non capit. »

Verum melius iidem Chrysostomus, Theophylactus, Œcumenius, Theodoretus, Ambrosius et alii censent Paulum loqui de fabulis et genealogiis Judaicis, quales nunc extant in Talmud et apud Cabalistas: adeoque Judæorum Rabbini post Christum totam sacram Scripturam fabulis a se confictis contaminarunt, quas ipsi *δευτερότοις*, id est, traditiones patrum nuncupant; de Judæis enim agi patet ex vers. 7, ubi vocat eos « legis doctores, » et vers. 8, ubi legem (utique Mosis) opponit hisce fabulis. Unde S. Ignatius, *epist. ad Magnesianos*: « Ne intendatis, inquit, fabulis aut genealogiis interminatis, et Judaicis inflationibus: » quia scilicet in his inflantur et superbiunt Judæi. Talis fabula est, inquit ex S. Augustino

Fabula
Judaica.

(1) In hoc versu oratio est elliptica. Quid autem in secundo membro supplendum sit, dubitant interpretes. Nonnulli, cum Allio, supplent, *ita et nunc rogo te, ut, etc.* Alii ante verba *ut denuntiares*, subaudiri volunt: *ita facito, vel vide, vel cura.*

Beda hic, quod docent Deum Adamo duas creasse mulieres, ex quibus texunt genealogias interminatas. Tale est quod fabulantur de bove et ceto initio mundi creatis, qui alantur pro Judæis in tempus Messiae, ut cum eo epulentur; et bovem hunc tantum esse, ut mille quotidie montes depascatur. Quod tempore Messiae Judæa proferet Judæis panes coctos, et vestes sericas cuique Judæo accommodatas. Quod Deus quotidie lacrymam emittat, eo quod gentem suam, puta Judæos, vastari et excindi permiserit; taliaque infinita, partim anilia, partim blasphema, quorum nonnulla collegit Sixtus Senensis.

Pari modo « genealogias interminatas, » id est longissimas, et quasi infinitas, vocat series generationum, avorum, proavorum, quas pertexere solent Judæi, imo ad Abraham usque contentiose deducere, ut suum genus et nobilitatem ostentent.

Nota, ante Christum studiose in Genesi, in libris Paralipomenon, Esdræ, Josue et aliis genealogias Judæorum pertexi; idque utiliter, ut nimirum quisque sciret suam tribum, ac terræ portionem suæ tribui assignatam, utque constaret quinam essent ex tribu Levi, ac consequenter futuri Levitæ et sacerdotes, Deoque ministraturi. Tertio et maxime, ut constaret Christum Messiam esse ex tribu Juda, juxta Jacobi vaticinium, *Genes.* XL, 10, natum, ut patet *Matth.* I, *Luc.* III. Hisce de causis tanta fuit Judæis cura genealogiarum, ut Josephus, lib. I *Contra Apion.*, testetur sacerdotes suas genealogias per duo annorum millia pertexere. Et Eusebius, lib. I *Hist.*, XVII, docet Herodem libros genealogiarum Judaicarum combussisse, sed studiose a multis fuisse restitutos. Post Christum vero, Judæis et Judaismo eversis, inutilis et futilis est hæc genealogiarum scrutatio et cognitio; unde eam hic carpit Apostolus.

Potest secundo, a pari hic locus aptari fabulis Simonis et Simonianorum, et genealogiis Valentini, de quibus hunc locum Pauli explicat Tertullianus, lib. *Contra Valentinos*, cap. III: « Si quis, inquit, ex alia conscientia fidei venerit, si statim invenerit tot nomina, tot conjugia, tot genimina, tot situs, tot eventus, tot felicitates et infelicitates dispersæ atque concisæ divinationis; dubitabitne has esse fabulas et genealogias, quas Paulus Apostolus damnare prævenit? »

Idem, lib. *De Præscript.*, cap. XXXIII, sic ait: « Sed et cum genealogias interminatas nominat (Paulus), Valentinus agnoscitur, apud quem æon ille nescio qui novi et non unius nominis generat e sua charitate sensum et veritatem, et hi æque procreant duos, sermonem et vitam: dehinc et isti generant hominem et Ecclesiam, de qua prima ogdoade æonum, exinde decem alii, et duodecim reliqui æones miris nominibus oriuntur in meram fabulam triginta æonum (2). »

(2) Nec eorum sententia est emittenda, qui eos hic

Cur genealogias
Judæorum tam
exacte conscrip-
tae?

Fabula
et genealogia
æonum Valen-
tini.

QUÆ QUESTIONES PRÆSTANT MAGIS, QUAM ÆDIFICATIONEM DEI, QUÆ EST IN FIDE. — Id est, quæ scilicet fabulæ et genealogiæ magis altercationes et rixas pariunt, quam profectum in cognitione et cultu Dei, qui consistit in fide et pietate.

Nota : Pro « ædificationem, » in Græco Noster, Syrus, Vatablus et alii legunt *οικοδομίαν* : Chrysostomus tamen, Theophylactus et alii legunt *οικονομίαν*, id est dispensationem et ordinationem Dei, quæ est de fide, ut scilicet per fidem Christi omnes instruuntur ad gratiam, pietatem et salutem. Sed prior lectio est planior et aptior, ideoque verior.

Tales fabulæ sunt, quales nonnulli confinxerunt de gestis et vitis Sanctorum, quales continet liber *De Infantia Salvatoris*. Hasce fingere ingens est temeritas et crimen; quia; ut Tertullianus ait sub finem *Apologeticæ*, « Invidia diaboli fit, ut fabulæ salutari doctrinæ admisceantur, ut sic fidei veritas et religio obscuretur et enervetur. » Tales vero fabulæ non sunt questivæ res subtiles quas movent Scholastici, quia fabulæ non sunt, sed fidem et veritatem illustrant ac confirmant; caveant tamen nonnulli, ne nimis quæstiones hasce multiplicent, et multas novas nimis subtiles ac curiosas, parumque utiles adinveniant, moveant et tractent; sapere enim oportet ad sobrietatem et ad ædificationem.

Ver. 5. 5. FINIS AUTEM PRÆCEPTI EST CHARITAS DE CORDE PURO, ET CONSCIENTIA BONA, ET FIDE NON FICTA. — Probat Apostolus *ἡρεσὶς ἀσκαλίας*, id est alias Novantium doctrinas, fabulas et genealogias, non esse consentaneas legi et Evangelio. Probat autem sic : Finis legis est parere et nutrire fidem, spem et charitatem; atqui hæ fabulæ non pariunt ædificationem in fide, ac consequenter nec charitatem, sed quæstiones et lites : ergo hæ fabulæ non sunt secundum legem et Evangelium.

Παραγγέλια, id est; præceptum, tripliciter exponitur. Multi per præceptum cum Ambrosio intelligunt legem Mosis, q. d. « Finis, » id est perfectio et consummatio omnium præceptorum, quæ continet lex Mosis, est charitas. Vel, ut S. Augustinus in *Enchirid.*, cap. penult., « finis, » id est scopus, præceptorum Mosis est, ut homines inducant ad charitatem : sicut finis medicinæ est, ut hominem sanet.

Secundo, Chrysostomus et Theophylactus intelligunt præceptum Pauli datum hic Timotheo, vers. 5, ut scilicet denuntiaret nonnullis, ne aliter docerent quam Paulus docuerat : pro præcepto enim Græce est *παράγγελια*, eadem scilicet, qua usus est vers. 3, cum ait : « Ut denuntiares, » Græce *ὡς παράγγελλας*. g. d., inquit Theophylactus : « Si denunties et præcipias eis, ut non doceant aliter, hac denuntiatione et præcepto tuo perficies

reprehendi existimant, qui fortassis studio genealogico abusi sint ad conficiendas falsas tabulas genealogicas, e quibus, quod Jesus a Davide genus derivare nequeat, demonstrare conabantur.

charitatem; quod si charitatem inscrueris, universum dogma pravum abibit; antea enim cum non esset dilectio, invidia erat : ex hac sequebatur dominatus cupiditas, ex hac porro docendi ambitio nascebatur, indeque hæreses suboriebantur; nunc autem non sic. » Verum hi vocem generalem præcepti nimis arctant et restringunt ad unum hoc Pauli præceptum.

Unde *tertio*, cum Vatablo et aliis, per *παράγγελια* intelligit Apostolus Evangelicam legem, ejusque denuntiationem et prædicationem : hoc enim est *παράγγελια*; eandem intelligit vers. 3, cum ait : « Ut denuntiares, græce *ὡς παράγγελλας*, quibusdam, ne aliter docerent. » Sub hoc enim intelligit a contrario, ut denuntiet et prædicet tam ipse, quam alii omnes doctores eadem secum, seu ea, quæ ipse Paulus docuerat; hoc enim est potissimum Episcopi munus, prædicare scilicet Evangelium, ut docet Concilium Tridentinum, sess. V, cap. II, q. d. Finis Evangelii et legis Evangelicæ, ac consequenter finis prædicationis Evangelii, adeoque finis legis Mosis (hæc enim ordinatur et dirigit homines ad Christi legem et Evangelium) est, ducere homines ad charitatem, ut scilicet legem Evangelicam exercendo et praticando, acquiramus, vel, si acquisita sit, augeamus in nobis charitatem sinceram, quæ manat ex corde puro (Syrus, *sincero*) et conscientia bona, et fide non ficta, Græce *ἀνοποκρίτου*, id est non simulata, vel quæ est sine hypocrisi, q. d. Finis legis est fides et bona conscientia (sive spes, quam parit bona conscientia) et charitas, non autem fabulæ et genealogiæ interminatæ, quæ non fidem et charitatem, sed lites et rixas pariunt.

Nota hic *primo*, tria epitheta et tres causas trium virtutum Theologicarum : charitas enim dicitur manare « de corde puro, » id est esse pura, et vicissim quod puritas gignat charitatem : spes debet esse sibi bene conscia, et vicissim bona conscientia spem parit : fides debet esse sincera, et vicissim sincerus amor veritatis parit fidem. Rursum ex his omnibus consurgit charitas, quasi finis legis Evangelicæ, culmen et apex perfectionis : fides enim sincera parit bonam conscientiam et spem, hæc pariunt cor purum, atque hæc omnia pariunt denique charitatem. Unde hic tres sunt circumstantiæ et conditiones, ac quasi radices charitatis : *primo*, ut sit ex « corde puro; » *secundo*, ut sit « ex bona conscientia; » *tertio*, ut sit ex « fide non ficta, » sed sincera.

Nota *secundo* : Charitatem hic opponit amor mundano et carnali; quo etiam prædo prædonem socium amat, inquit Theophylactus, sed non ex corde puro : quia tantum eo fine diligit eum, ut se in prædando adjuvet; charitas vero est de corde puro. « Cor purum, inquit S. Augustinus, lib. I *De Doctrina Christiana*, cap. v et seq., est vacuum cupiditate et amore sui, ut nihil aliud

Græce
tum est
Evangelium
Christi
que lex

Finis
Evangelii
est
charitas.

Tria epitheta
trium virtutum
Theologicarum.

Tres radices
charitatis.

Charitas
de corde
puro
quantum?

diligetur, quam quod diligendum est, » scilicet Deus in se, et proximus omniaque cætera propter Deum.

Nota *tertio* : « Bona conscientia » ræm est cum corde puro. Unde S. Ambrosius « bonam conscientiam » interpretatur bonam vitam : hæc enim materialiter est bona conscientia; vel, si omnino præcise et formaliter loqui velimus, bona conscientia resultat ex corde puro; sicut enim scientia oritur ex re scita quasi ex objecto suo, ita bona conscientia oritur ex corde puro quasi ex objecto suo; conscientia enim non est aliud quam scientia et testimonium animæ, quo anima bene sibi conscia est, sibi que attestatur se pure et sancte juxta Dei legem vivere.

S. Augustinus tamen in *Psal.* xxxi, per « bonam conscientiam, » intelligit spem, quam efficit bona conscientia, quemadmodum desperationem generat mala conscientia. Unde S. Hilarion apud S. Hieronymum : « Moriturus sibi ipsi dicebat : Egredere, anima mea, quid times? septuaginta prope annis Christo servivisti, et mori times? » Sic et Paulus, II *Timoth.* cap. iv, 7, ait : « Bonum certamen certavi, etc., in reliquo reposita est mihi corona justitiæ, » etc., q. d. hic Paulus : Finis Evangelii est fides, spes, charitas, sive charitas quæ ex fide et spe consurgit. « Homo, inquit S. Augustinus, lib. I *De Doctrina Christiana*, cap. xxxix, fide, spe et charitate subnixus, eaque inconcusse retinens, non indiget Scripturis, nisi ad alios instruendos; atque multi per hæc tria etiam in solitudine sine codicibus vivunt. » Idem, serm. *De Laudibus charitatis* : « Ille tenet et quod latet, et quod patet in divinis sermonibus, qui charitatem tenet in moribus. »

Nota *quarto* : Fortitudo charitatis consurgit ex bona conscientia : hæc enim nihil metuit, per hanc Martyres coram tyrannis libere fidem professi sunt, et tormenta quævis fortiter sustinuerunt. Bias interrogatus quidnam in vita metu vacaret, respondit : Bona conscientia. Tiburtius ad tyrannum : « Omnis, inquit, nobis vilis est pœna, ubi secuta comes est conscientia. » Tertullianus, lib. *ad Scapulam*, Carthaginis Præsidem in Christianos sævientem, cap. i : « Cum omni, inquit, sævitia vestra concertamus, etiam ultro erumpentes, magisque damnati, quam absoluti gaudemus. » Idem, *Apolog.* cap. l : « Licet, inquit, nunc nos sarmenitios et semaxios appellatis, quia ad stipitem dimidii axis devincti sarmenorum ambitu exurimur; hic est habitus victoriæ nostræ, hæc palmata vestis, tali curru triumphamus. » Et Justinus, *Apolog.* i : « Quanto magis in nos sævitur, tanto plures pietatem profitemur, haud secus quam si quis vitem putatione provocet ad ubertatem. »

Moraliter hæc tria charitatis epitheta apte Prælati accommodat S. Bernardus, serm. *De Tribus ordinibus Ecclesiæ*, ad Patres in Capitulo : « Necessaria, inquit, est, et omnino necessaria navis

ista Prælati, tribus compacta lateribus, ut sit charitas de corde puro, et conscientia bona, et fide non ficta. Puritatem quidem cordis in eo Prælati habeat, ut prodesse desideret, non præesse, ut proprium commodum, et honorem sæculi, et aliud quippiam suum in prælatione non quærat, præter solum beneplacitum Dei et animarum salutem. Sed cum intentione pura, irreprehensibilis quoque necessaria est conversatio, ut forma factus gregis incipiat facere et docere, ne docens audiat a fratre : Medice, cura teipsum. Talis enim occasio plurima damnatio Prælati, plurima subditorum perditio est : oportet enim irreprehensibilem esse eum qui præest, quoniam ea quæ arguit in discipulis, oportet summopere vitare magistrum. Et fide non ficta : quia qualis est in conversatione; talis sit necesse est etiam in occulta cogitatione, ne videatur foris humilis, et intus sit elatus. » Ubi S. Bernardus bonam conscientiam interpretatur conversationem irreprehensibilem : hæc enim ex illa manat, illique necessario conjuncta est, ut dixi.

6. A QUIBUS QUIDAM ABERRANTES CONVERSI SUNT IN Vers. 6.
VANILOQUIUM. — Pro « aberrantes, » græce est ἀποχρίσιντες, quæ vox sumpta est a jaculatoribus, diciturque de iis, qui carentes arte jaculandi et collimandi in scopum, ab eo aberrant et in aerem aliove sua tela conjiciunt. Sic hic Evangelicæ legis et veritatis scopus est sincera fides, spes et charitas jam dicta : a qua qui aberrantur doctores, a scopo aberrant et in vaniloquium conversi sunt (græce ἐκτρέπινουσιν, id est converterunt se et sponte defluerunt), et pro vera Christi theologia, mateologiam sectati sunt et induxerunt. Ita Chrysostomus, Theophylactus, Oecumenius.

Pulchre Aristoteles, II *Ethicor.*, cap. vi, docet Virtutem in medio consistere (ac consequenter et veritatem) in medio consistere, esseque quasi centrum in circulo. Hinc « peccare, ait, multis modis contingit, recte vero agere unico. » Et cap. ix : « Difficile est, ait, in unoquoque medium capere, quemadmodum etiam difficile est in circulo medium invenire, vel centrum; » sic difficile est operanti medium, in quo virtus consistit, attingere et ab eo non excidere, vel deflectere in extrema; sicuti difficile est sagittario sagitta sua scopum configere, cum multis modis ab eo deflectere, unico vero tantum eum tangere possit.

7. VOLENTES ESSE LEGIS DOCTORES, NON INTEL- Vers. 7.
LIGENTES NEQUE QUÆ LOQUUNTUR, NEQUE DE QUIBUS AFFIRMANT. — Hinc patet de quibus loquatur Apostolus, et quæ fuerit causa erroris eorum : videlicet quod de Judæis ad Christum conversis loquatur, qui ambitiosi erant, cupiebantque haberi legis Mosis periti et doctores : hinc suas deuterose et fabulas, falsaque dogmata asserbant, ac præsertim hoc, quod lex Mosis servanda esset cum Evangelio, quodque ex operibus legis justificaremur. Unde subdit : « Non intelligentes neque quæ loquuntur, neque de quibus affirmant, »

q. d. Neque principia, neque conclusiones doctrinae suae intelligunt; neque legem et Scripturam Mosis; neque ejus explicationem capiunt; quia non intelligunt finem et scopum legis esse Christum ejusque fidem, spem et charitatem.

Hinc vere S. Augustinus, lib. VIII *De Genes. ad litteram*, cap. xxv: « Mater, inquit, omnium hæreticorum est superbia, et cupiditas gloriæ, et studium scientiæ. Unde de Scribis et Phariseis, *Matthæi* xxiii, dictum est a Christo Domino: Dilatant phylacteria sua, et magnificant fimbrias. »

Vers. 8.

8. SCIMUS AUTEM QUIA BONA EST LEX, SI QUIS EA LEGITIME UTATUR. — Est occupatio, quia enim vers. præced. carpsit vanos legis doctores, videri poterat Judæis legem carpsisse: hoc enim passim Judæi objectabant Paulo, quod esset legis Mosis hostis et demolitor. Hanc invidiosam calumniam amolitur hic a se Apostolus, q. d. Dum legis doctores, sed vanos carpsi, non carpo legem: scio enim et profiteor legem esse bonam; si tamen lege « legitime, » *ἐὰν νόμῳ νομιμῶς*, id est si lege secundum ipsam legem et legis mentem utaris: legis autem mens et finis est, homines ad Christum ducere. Qui ergo lege utitur legitime, id est, quemadmodum lex ipsa jubet, hic Christum præfert legi, inquit Chrysostomus et Theophylactus, et non a lege, sed a Christo iustitiam expectat: imo, ut sequitur, scit legem non esse positam Christianis qui justi et sancti sunt, sed injustis et sceleratis.

Dupliciter quis
lege legitime
utitur.

Secundo, qui docet et simul facit ea quæ lex jubet, hic legitime lege utitur; qui vero docet et non facit, utitur lege illegitime, inquit Theophylactus. Præsertim vero lege utitur legitime, qui ita legi studet, eamque facit et explet, ut semper finem legis habeat præ oculis, ut scilicet per legem inflammet in se et in aliis charitatem ex corde puro, ut dixi vers. 5.

Vers. 9.

9. SCIENS HOC, QUIA LEX JUSTO NON EST POSITA. — Hoc est unum, quod inter cætera requirit Apostolus ad hoc, ut quis legitime lege utatur, ut videlicet sciat eam justis non esse positam, sed injustis, eosque abuti lege, qui per eam terrent justum et ad justum legis minas et severitatem pertinere volunt. Qua sententia Apostolus torquet Judæorum objectionem in ipsosmet Judæos: Vos, inquit, mihi obicitis me legem abolere et carpere; ego id inficior, sed dico legem bonam esse, modo tamen ea quis bene utatur: ad quod inter alia requiritur, ut sciat legem non positam esse justis, sed injustis. Vos autem, o Judæi, vultis legem Mosis positam esse justis, scilicet Christianis fidelibus sanctificatis et justificatis per Christum in baptismo, eosque terretis minis legis, allegantes illud *Deut.* cap. xxvii, vers. 26: « Maledictus, qui non permanet in sermonibus legis hujus, nec eos opere perficit: » ergo vos, o Judæi, lege non utimini legitime; nec lex vobis bona est, quia propter eam facitis vos exleges Christi et iustitiæ. Hinc toties Apostolus in Epis-

tola ad Romanos et ad Galatas, dicit se et Christianos solutos esse a lege, et Christum nos redemisse de maledicto legis, et, si spiritu ducamur, nos non esse sub lege. Judæi enim nonnisi legem prædicabant, et per legem excludebant Evangelium. Hisce recte opponit Apostolus, dicens legem non positam esse justis, sed injustis, q. d. Lex non est posita Christianis, justis et sanctis; sed Judæis, qui quasi servi duri et rebelles, metu pœnarum legis, ad legem servandam cogendi erant: Christianis vero pro lege datum est Evangelium, Spiritusque gratiæ et amoris, ut sua sponte faciant id quod lex Dei jubet.

Nota primo: Loquitur maxime Apostolus de Decalogo legis; hic enim positus est homicidis, fornicariis, perjuris, de quibus sequitur.

Nota secundo: « Lex justo non est posita, » id est, lata non est ad justos coercendos; justi enim sponte sua se conformant legi, amore justitiæ et obedientiæ, non timore pœnæ, quam lex transgressoribus minatur; sed lata est, ut minis suis et pœnis coerceat impios. Patet hic sensus ex sequentibus, q. d. Sicuti pædagogo non est opus juveni qui jam satis instructus est, nec minis et flagellis opus est servo qui sponte facit imperata: ita lege minaci et pœnas intentante non opus est justo, qui sponte sua facit bonum et honestum quod lex imperat.

Quo sensu lex justo non sit posita?

Hinc tertio, male inferunt Libertini, justos non obligari lege etiam Decalogi: in lege enim sunt tria, obligare videlicet, dirigere et coercere, sive punire. Duo priora lex exercet in omnes etiam justos, tertium solum in injustos.

Unde pulchre moraliter S. Chrysostomus: « Justus, ait, non est sub lege, sed supra legem. » Et Augustinus in *Psal.* i: « Justus, ait, non est sub lege, quia in lege Domini est voluntas ejus; qui enim in lege est, secundum legem agit; qui sub lege est; secundum legem agit: ille ergo liber est, iste servus. » Vide eundem *De Spiritu et Littera*, cap. x.

Justus non est sub lege, sed supra legem.

LEX JUSTO NON EST POSITA, SED INJUSTIS ET NON SUBDITIS, IMPIS ET PECCATORIBUS, SCELERATIS ET CONTAMINATIS, PARRICIDIS ET MATRICIDIS, HOMICIDIS, 10. FORNICARIIS, MASCULORUM CONCUBITORIBUS, PLAGIARIIS, MENDACIBUS ET PERJURIS, ET SI QUID ALIUD SANÆ DOCTRINÆ ADVERSATUR. 11. QUÆ EST SECUNDUM EVANGELIUM GLORIÆ BEATI DEI, QUOD CREDITUM EST MIHI. — Nota primo: Pro « injustis, » græce est ἀνομῖται, id est *exlegibus*. Pro « non subditis, » græce est ἀνυποτάτοις, id est *inobsequentibus*, ut vertit S. Ambrosius, qui scilicet subdi et obsequi noluunt, sed inobedientes, refractarii et rebelles sunt, ut vertit Syrus, de quibus dicitur *Jeremiæ* ii, 20: « A sæculo confregisti jugum meum, rupisti vincula mea (præcepta quibus lege mea te alligavi); et dixisti: Non serviam. »

Vers. 10.

Vers. 11

Nota secundo: Pro « sceleratis, » græce est ἀνομῖται, quod Vatablus et Erasmus vertunt, *irreverentibus*, qui scilicet nec Deum, nec homines reverentur.

δοις; enim deducitur ab ἄξιμα, id est veneror, colo, revereor.

Rursum pro «contaminatis,» græce est βεβήλοις, id est profanis et arcendis a sacris. Arcendi autem sunt contaminati aliquo piaculo, præsertim tali, quo sacra violarunt et profanarunt. Sic Esau, *Hebr. xii, 16*, vocatur *profanus*, eo quod propter escam vendidit primogenita; jus enim primogenituræ, ob annexam illo tempore sacerdotil dignitatem, sacrum erat.

Nota *tertio* : «plagiarii» hic vocantur, non, ut Lyranus et Hugo, qui plagas et verbera aliis infligunt; sed qui aliena mancipia rapiunt et sibi vindicant, aut qui homines liberos in servitutem abripiunt, eosque pro mancipiis vendunt aut emunt; hoc enim significat Græcum ἀνδραποδισαίς; ἀνδραποδιστὴν enim est mancipium, inde ἀνδραποδιστὴς dicitur, id est plagiarius; quemadmodum enim, inquit Erasmus, qui sacra furantur, sacrilegi; qui de publico, aut de principis fisco, peculatores; qui autem jumenta aliena abripiunt, abigei: ita qui liberos aut servos alienos abducunt et furantur, plagiarii a Jureconsultis vocantur; et furtum ipsum, plagium nuncupatur, quod pœna mortis plecti jubet Dominus, *Deuter. xxiv, 7*.

Nota *quarto* : Apostolus «sanam doctrinam» dicit esse eam, quæ est secundum Evangelium, quia scilicet Evangelium non est aliud quam sanæ norma doctrinæ; adeoque doctrina Evangelica est ipsa sana doctrina, ut, quidquid contrarium aut conforme est sanæ doctrinæ, contrarium aut conforme sit Evangelio; et omne peccatum quod adversatur sanæ doctrinæ, adverseatur quoque Evangelio. Rursum hisce verbis, ait Theodoretus, ostendit Apostolus, quod ea quæ observata sunt necessaria ex lege Mosis, convenient cum Evangelio, eoque præscribantur, uti præcepta Decalogi: cætera vero legis Mosis cæremonialia et judicialia præcepta supervacanea jam esse. Atque hoc ipso tacite elidit dogma Judæizantium, volentium legalia miscere cum Evangelio. Contra quos hic docet Apostolus Evangelium sufficere, utpote quod contineat omnem sanam de fide et moribus doctrinam, adeoque sit ipsa sana doctrina.

Evangelium gloriosum, quintupliciter.

Nota *quinto* : Vocat «Evangelium gloriæ,» id est gloriosum. Sic enim I *Cor. iii*, opponit Evangelium legi Mosis, quod illud præ hac fuerit gloriosum, quia lex fuit quasi umbra, Evangelium est quasi lux, splendor et claritas. *Secundo*, «Evangelium gloriæ,» id est quo glorificatur Deus beatus et beatificator, ait Vatablus; sic II *Cor. iv, 4*, vocat «Evangelium gloriæ Christi,» quia in Evangelio glorificatur Christus, Christi redemptio, gratia, resurrectio et divinitas. *Tertio*, vocat «Evangelium gloriæ,» quod promittit et ducit nos ad æternam gloriam. Ita Chrysostomus et Theophylactus. *Quarto*, vocat «Evangelium gloriæ,» eo quod propter Evangelium pati pro Christo non sit ignominiosum aut stultum, sed gloriosum. Et

idecirco addit μακαρίων, quod in his malis sit vera beatitudo. Ita Chrysostomus et Theophylactus. *Quinto*, «Evangelium gloriæ,» id est gratiæ, *q. d.* Evangelium annuntiat et adfert nobis gratiam Dei gloriosam. Sic dicitur *Rom. iii, 23* : «Omnes peccaverunt, et egent gloria Dei,» id est gratia Dei gloriosa. Per metonymiam hic sensus cohæret cum primo, estque simplicissimus et planissimus; dicitur enim «Evangelium gloriæ Dei,» quia in eo Deus suam gloriam et magnificentiam, tum in multiformi gratia hujus vitæ, tum in cœlesti gloria in cœlis ostendit et manifestat.

Nota *sexto* : Apte hic Deum vocat *beatum*, ut notet fontem gloriæ Evangelii jam dicti; ex immensa enim Dei bonitate et felicitate provenit, quod dignatus sit hominem perditum reparare, et per hoc gloriæ Evangelium, se suamque gloriam ac beatitudinem homini communicare. Sicut enim in inope et invido indigentia et miseria causa est invidia, ita felicitas in beato causa est misericordiæ; bonum enim in seipso redundans in alios se effundit. Hinc Deus hebraice dicitur יְיָ שֶׂדָּדַי, id est sufficiens, abundans et honorum omnium cornucopiæ, ut dixi *Philip. iv, 11*.

Miseria causa est invidia, felicitas causa est misericordia.

12. GRATIAS AGO EI (Deo) QUI ME CONFORTAVIT, CHRISTO JESU DOMINO NOSTRO. — Ita Romana, Græca et Græci, ac Syrus. Delenda ergo præpositio *in*, cum qua quidam sic legunt, *in Christo Jesu*. Sensus est : Gratias ago Deo meo, qui me confortat ad Christi gloriam, qui scilicet vires et animos mihi suppetit, ut Christum potenter et intrepide annuntiem. Dixerat Apostolus, *vers. 11*; sibi a Deo creditum esse Evangelium, hinc Deo jam gratias agit (1).

Vers. 12.

Potest *secundo*, et Christo exponi, per Christum, et Christi gratiam confortat me Deus. «Quia, ait Theophylactus, dixerat : Quod mihi creditum est, ne videatur ideo gloriari, ad Deum istud refert : Illi, inquit, gratia debetur, qui vires mihi dedit, ut valeam recipere tale onus; adversus enim quotidianas mortes consistere non erat humanæ potentie. Hæc revera est humilitas et animus minime alta spirans, vel superbiens. Nostra vero humilitas non est ταπεινότης, id est humilium rerum affectus, sed est ταπεινότης, id est, in verbis tantum consistens et linguæ humilitas.»

QUIA FIDELIEM ME EXISTIMAVIT, PONENS ME IN MINISTERIO — apostolatus et predicationis Evangelii. Refer hæc verba ad *gratias ago, q. d.* Gratias ago Deo hoc nomine, quod fidelem me existimaverit, id est fidelem me existimando, crediderit Evangelium, ut dixi *vers. præced.*, et posuerit me in ejus ministerio; est ergo metalepsis talis, quali

(1) Digressio hæc a *vers. 12* ad *17* non cohæret cum officiis quæ Paulus Timotheo in superioribus describit; sed quia præstantia religionis Christianæ mentionem fecerat, obiter commemorat vocationem suam, et felicem se prædicat, quod dignus esset habitus, cui Christus tantum munus doctoris evangelici concederet, quod non amplius esset Judæus, sed Christi Apostolus.

vulgo dicimus : Dominus meus fidelem, vel sufficientem me existimavit et iudicavit ad œconomiam suæ domus, id est credidit mihi œconomiam suæ domus.

Hinc patet, « fidelem » hic non significare credentem, aut Christianum, ut vult Ambrosius et alii, sed qui fidus est et qui bona fide credita sibi negotia administrat.

Secundo, Hesselius et alii exponunt : « fidelem me existimavit, » id est fecit. Sic *Philip.* II dicitur Christus rapinam non esse arbitratus, id est non fecisse rapinam, juxta quosdam; verba enim Hebræorum mentalia subinde pro realibus sumuntur, et contra, ut dixi *Can.* 36. Verum hic sensus videtur esse durior ac præter mentem Apostoli : esto a parte rei verum sit Deum prius fecisse Paulum fidelem, quam eum esse fidelem existimaret. Sed hoc non intendit hic Apostolus, tantum enim pro apostolatu et credito sibi Evangelio gratias agit Deo.

Tertio, Theophylactus proprie accipiendo verbum *existimavit*, sic explicat, dicens, quod Paulus præ Juda rejecto electus sit ad apostolatam et prædicationem Evangelii, ex eo evenisse, quod Deus meliorem et fideiorem Pauli indolem præviderat et præcognoverat, talemque fore iudicaverat; et quod Paulus pro hoc Dei iudicio Deo gratias agat, sicut œconomi gratias agunt dominis, quod se fideles et industrios iudicent, aptosque ad œconomiam hoc ipso, quo illam illis credunt et committunt. Post hanc prævisionem, iudicium et electionem Dei, inquit Theophylactus, Deus Paulo robur addidit, ut opus sibi creditum fideliter expleret et perficeret, ut scilicet intrepide et efficaciter evangelizaret. Sed hic sensus aliquid pelagianismi sapit; nam, ut docet Augustinus *De Prædest. Sanct.*, II, III, XX, Deus Paulum et quemcumque alium non elegit ad gratiam, ac consequenter nec ad apostolatam (videtur enim Deus cum Paulum vocavit ad fidem et gratiam, hoc ipso simul destinasse eum et vocasse ad apostolatam, ut colligitur *Act.* IX, 15), quia dignus et fidelis erat; sed potius vocando et eligendo eum dignum et fidelem fecit. Fateor tamen potuisse Deum secundario ad naturales Pauli dotes respicere, atque ob eas potius illum, quam alios eis carentes ad apostolatam eligere, v. g. ob id quod Paulus in lege peritus erat, quod acris ingenii, ferventis naturæ, quod generosæ esset indolis : id enim indicare videtur Augustinus, lib. XXII *Contra Faust.*, LXX. Ad similes agendi regendique dotes respexisse Christum in S. Petro, dum eum toti præfecit Ecclesiæ, docet S. Thomas, II II, *Quæst.* CLXXXV, art. 3, ad 1; et in corp. ad eas in quolibet Episcopo deligendo respiciendum esse asseverat. Similia habet *Quæst.* LXIII, art. 1 et 2, ubi et causam assignat. Verum prima et potissima causa, cur Paulum præ aliis elegerit, non tantum ad gratiam, sed etiam ad apostolatam, fuit liberalis Dei voluntas et specialis misericordia in

Paulum, non in alios. Unde illi apostolatam suam acceptum refert, et gratias agit hic Paulus.

13. QUI PRIUS BLASPHEMUS FUI; ET PERSECUTOR, ET CONTUMELIOSUS. — Pro « contumeliosus » græce est *ὀλεῖσθης*, quod, ut vertit Vatablus, *violentum* significat, qui vim infert aliumque opprimit; S. Augustinus, *hcm.* 23 inter 50, vertit, *injuriosum*; nimirum hoc est, quod ait Lucas *Actorum*, cap. IX : « Saulus adhuc spirans minarum et cædis. » Paulus enim hic per gradationem peccatum suum exaggerat. Gradus *primus* est, quod Christum blasphemaverit et verbis maledixerit. *Secundus*, quod factis et re ipsa persecutus sit. *Tertius*, quod vim attulerit et percusserit Christi fideles, conatusque sit Christianum nomen abolere.

SED MISERICORDIAM DEI CONSEQUITUS SUM, QUIA IGNORANS FECI IN INCRECULITATE. — Græce *ἀλλὰ καὶ*, id est, sed et misericordiam, etc., *q. d.* Non solum veniam consecutus sum, sed etiam misericordiam, ut fierem Apostolus, quia per ignorantiam ex incredulitate ortam peccavi : nesciebam enim me Messiam persequi; zelo legis agebar, ac pro lege Mosis, quasi pro Dei lege pugnabam.

Dices : Apostolus se dicit misericordiam consecutum, quia ex ignorantia peccavit; ergo hoc ipsum quod peccaverit ex ignorantia, causa (hanc enim significat conjunctio causalis *quia*) fuit, cur Deus misertus sit Pauli eumque vocarit ad fidem et gratiam : ergo primæ vocationis et primæ gratiæ, ac consequenter ipsius prædestinationis, potest ex parte hominis dari initium, imo et causa : quod tamen damnat Concilium Arausicanum, *Canon.* 3, 6 et 7.

Pro responsione nota cum Ludovico Molina, I *part.*, *Quæst.* XXIII, art. 4, disp. 1, membr. 12, licet prædestinationis et consequenter primæ vocationis et gratiæ, nulla detur ratio, dispositio, meritum ex parte hominis, cum homini obveniat ex mera Dei voluntate et misericordia; tamen subinde Deus in æterna sua prædestinatione ad circumstantias et usum liberi arbitrii prævisum attendit; verbi gratia, hic in Paulo, ad qualitatem ignorantie, quæ malum usum liberi arbitrii excusabat, respexit tanquam ad conditionem, non propter quam etiam tanquam causam congruentem Paulum vel prædestinaret, vel tam magnifice, et ad tam magna vocaret et eveheret (sic enim initium gratiæ et salutis esset ex bono usu liberi arbitrii, quod damnat Concilium Arausicanum et Ecclesia); sed attendit et respexit Deus ad hanc Pauli ignorantiam tanquam ad conditionem sine qua non statuisset illum ita prædestinare et tam magnifice vocare, puta si Paulus peccasset ex malitia.

Ad argumentum ergo respondeo negando primam consequentiam, ac consequenter cæteras quæ inde deducuntur. Ad consequentiæ probationem respondeo, conjunctionem « quia » causam significare non directam et propriam, sed indirectam, ac tantum amovenientem impedimenta : igno-

An Paulus electus ad apostolatam, quia fidelis?

Prædestinationis non datur causa, sed conditio sine qua non, v. g. ignorantia in Paulo.

rantia enim purgavit et amovit certam et destinatam malitiam, quæ est impedimentum divinæ vocationis et gratiæ: Paulus enim peccans ex ignorantia, non quidem dignior, minus tamen indignus fuit venia, minusque impedivit Dei vocationem, quam si peccasset ex malitia, uti fecerunt Scribæ aliique Judæi, inquit Theophylactus.

An fuerit effectus gratiæ Christi, quod Paulus non peccavit ex malitia, sed tantum ex ignorantia?

Addunt aliqui cum Gabriele Vasquez, hanc impedimenti amotionem proficisci ex gratia Christi, sive gratiam Christi præservasse Paulum ne peccaret ex malitia, itaque impediret Dei vocationem: putant enim omne quaecumque, etiamsi negativum tantum, vocationis initium, manare ex gratia Christi; sed nihil est, quod cogat eousque extendere gratiam Christi; Concilia enim et Patres, cum negant initium fidei et salutis esse ex nobis, loquuntur de initio proprie dicto, quod positive et proprie orditur et inchoat viam ad justitiam et salutem, ad eamque hominem disponit et ducit; alioqui enim pari modo fateri cogemur, omnia opera moraliter bona, quæ faciunt infideles antequam fidem Christi suscipiant, esse ex gratia Christi, ac consequenter esse opera gratiæ, non naturæ; cum tamen Apostolus ad Roman. II, et ex eo Doctores omnes doceant, Gentes naturaliter, id est solis naturæ viribus, multa facere bona, quæ lex præscribit, uti sunt honorare parentes, justitiam colere, vitare homicidium, furtum, etc.

Moraliter hinc deduces, sanum consilium dandum peccatoribus etiam obstinatis, scilicet, ut si omnino peccata vitare nolint, aut ægre possint, saltem majora vitent et minus peccent: eo enim sæpius et facilius a Deo illuminabuntur, quo minorem ponunt obicem. Id exemplis pluribus ex *Vitis Patrum* petitis, est facile confirmare.

Vers. 14. 14. SUPERABUNDAVIT GRATIA DOMINI NOSTRI, CUM FIDE ET DILECTIONE, QUÆ EST IN CHRISTO JESU. — Pro « superabundavit, » græce est υπερπλεόναι, id est supermultiplicata est, supercrevit, exuberavit, superabundavit. Ubi adverte primo, τὸ ὑπέρ, id est super, significare comparisonem et præcellentiam gratiæ præ incredulitate, blasphemis et persecutione Pauli, q. d. Magnus ego fui Christi et ecclesiæ persecutor et hostis, magnus peccator et blasphemus; sed longe major fuit Dei gratia, quæ me ex lupo ovem, ex Saulo Paulum, ex persecutore prædicatorem, ex blasphemo Apostolum effecit.

Addunt alii: *superabundavit*, id est pluribus aliis beneficiis post commissum mihi Evangelium meprosecutus est Dominus, dum scilicet mihi dedit donum linguarum, prophetiæ, curationum, aliasque gratias. Verum non tam has gratias, quam gratiam justificationis et reconciliationis cum Deo spectasse hic Paulum, patet ex versu sequenti et præcedenti. Totus enim abripitur in Dei clementiam, qua se tantum peccatorem in gratiam recepit. Prior ergo sensus est genuinus.

Nota secundo: Significat Paulus effectus gratiæ, cum addit, « cum fide et dilectione, » ubi fidem priori suæ incredulitati, dilectionem persecutioni et crudelitati suæ opponit. Unde Vatablus vertit, *donavit mihi affatim Deus gratiam suam, et fidem in Christum, et dilectionem erga sanctos*, Christianos scilicet, quos ante pertinaci et internecino odio prosequabar et persequabar. Hinc et Syrus vertit, *multiplicata est in me gratia Domini nostri, et fides, et dilectio, quæ est Jeschua Meschicho*.

Aliter τὸ παρά, id est « cum fide et dilectione, » exponit Chrysostomus, quasi vocula cum significet rationem medii, sive instrumenti; ut sit sensus: Hanc gratiam et hæc dona consecutus sum per fidem et dilectionem. Prior sensus planior est et simplicior.

Nota tertio: Verbum *superabundavit*, non tantum ad gratiam, sed etiam ad fidem et dilectionem referendum est, q. d. Cum gratia abunde in me effusa, superabundarunt pariter in me effecta gratiæ, videlicet fides et dilectio: fuit enim Paulo aspirata robustissima fides et ardentissima dilectio; qua quasi ignis totum orbem pervagatus omnes inflammavit et accendit.

Nota quarto: Vocat « fidem et dilectionem, quæ est in Christo, » q. d. Quam habeo per Christi gratiam et merita. Ita Chrysostomus, Theophylactus, Oecumenius, Primasius. Secundo, Vatablus, « in Christo, » id est erga Christum et Christianos. Tertio, et magis genuine ad mentem et phrasim Apostoli, fides et dilectio in Christo, est fides et dilectio Christiana, sive quæ propria est Christianorum, Christi filiorum, quæ divina, supernaturalis, cœlestis et spiritualis est dilectio: hanc enim opponit dilectioni naturali infidelium, quam vel naturæ, vel sanguinis, vel beneficiorum, vel studiorum et officiorum communio parit ac producit.

Fides in Christo dicitur tripliciter.

15. FIDELIS SERMO, ET OMNI ACCEPTIONE DIGNUS: V. 15. QUOD CHRISTUS JESUS VENIT IN HUNC MUNDUM PECCATORES SALVOS FACERE, QUORUM PRIMUS EGO SUM. — Dixerat Apostolus in se superabundasse gratiam Dei, jam apto ordine subjungit eandem gratiam patere et paratam esse omnibus peccatoribus, ut ita consoletur fideles, quibus similis gratia obtigit, et infideles excitet ad eandem gratiam capessendam. Unde generalem proponit sententiam, quasi axioma et basim suæ prædicationis et Evangelii, quam Judaicis fabulis, de justitia legis operibus acquirenda opponit, dicens: « Fidelis sermo et omni acceptione dignus, quod Christus Jesus venit in hunc mundum peccatores salvos facere, » q. d. Christus solus est justificator et salvator, non Moses, non lex, non opera legis aut naturæ, q. d. Judæi jactant suam ἀποδοχὴν, id est traditionem et Cabalam, sed nugosam et fabulosam: ego veram et certam ἀποδοχὴν, id est traditionem et Cabalam a Christo ipso acceptam vobis trado, scilicet quod Christus solus sit qui peccatores et expiet et salvet. Si quis ergo cupit Cabalam, hanc

ut indubitata acceptet. Cabala enim vetus fuit patrum traditio, qua olim a patribus sacra mysteria, maxime quæ de regno Christi erant, ore ad os per successionem tradebantur; quæ alius ab alio accipiebat. Unde Cabala hebraice idem est quod acceptio, id est accepta doctrina et traditio, a radice קבל *kibbel*, id est accepit. Cabala ergo vetus certa et indubitata fuit, quam Esdras rediens e Babylone, et alii patres tradiderunt; sed Cabala Judæorum recentiorum fictitia est et Pharisaica.

Nota primo: Pro «fidelis» græce est πιστός. Nonnulli, teste Hieronymo ad Marcellam, legerunt χριστός, id est, *humanus*. Ita legit Ambrosius et interpretatur sic: «humanus,» id est iucundus, gratus; et hoc consentit cum eo quod sequitur, «et omni acceptione dignus.» S. Augustinus legit quoque «humanus,» sed aliter explicat: ait enim hunc sermonem sic esse humanum et divinum, sicut Christus est Deus et homo; maluisse vero Apostolum vocare humanum, quam divinum, quia agebat de adventu Christi in carnem. «Si, inquit, ille homo dicitur humanus, qui in domo suscipit hominem, quam humanus est Deus, qui in seipso suscipit hominem?» Secutus est Augustinus significationem Latine vocis *humanus*: nam Græcum χριστός nihil tale significat. Verum communiter Syrus, Græca, Latini et Græci legunt πιστός, id est fidelis, hoc est, fidus, certus, indubitatus, verax, fide dignus, non fabulosus, non matæologus, ut ille Judæorum, vers. 4 et 7. Sic Apoc. cap. xxi, vers. 5, dicit S. Joannes: «Et dixit qui sedebat in throno, etc. Hæc verba fidelissima sunt,» id est certissima et verissima. E contrario Jerem. xv, 18, «aquæ infideles» vocantur, id est instabiles et fallaces, quæ e fonte suo videntur perenniter fluxuræ, et tamen in æstate deficiunt, cum maxime iis indigent homines. Sic Act. xiii, 34, dicitur: «Dabo sancta David (id est sanctas et munificas promissiones Dei Davidi factas: unde noster Interpretes Isaiæ lv, 3, vertit, «misericordias David,» hoc est Davidi promissas) fidelia,» id est firma et stabilia; respondet enim τὸ πιστός Hebræo נאמן *neeman*, vel potius נאם *neum*. Sic enim Prophetæ, ubi certum oraculum depromunt, ut a se dicendis fidem et attentionem concilient, præmittere aut subdere solent: *Neum Adonai*, hoc est, dicit Dominus, vel potius, dictum Domini. *Neum* enim non est verbum præteritum: sic enim dicendum esset *naam*; sed participium est, aut potius nomen. Rursum, *neum* non significat simplex aut quodlibet dictum, sed certum et indubitatum, certaque fide credendum, ut idem sit, quod oraculum. Hinc Apostolus apte Hebræum *neum* vertit, πιστός ὁ λόγος, hoc est, fidus et certus sermo. Unde sicut Prophetæ, sic et Paulus hæc verba, cum dicturus est rem certam et indubitata, solet præmittere vel subjicere, uti ad Titum iii, 7 et 8, velut asseveratione confirmans id quod dixit aut dicturus est. Unde apte Forerius et alii illud Isaiæ i, 24, «Propter hoc, ait Dominus Deus exercituum» (ubi

pro ait, hebraice est *neum*) vertunt, idcirco fidelis sermo Jehova sabaoth.

Nota secundo: «Omni acceptione dignus,» id est omni studio et gratiarum actione acceptandus; dignus quem omnibus modis acceptemus et amplectamur. Græcum enim, ἀποδεχῆναι significat non tantum acceptionem, sive acceptionem, sed etiam approbationem. Unde verti hic potest, «fidelis sermo, et omni approbatione dignus.» Adverte hic, hoc epithetum apte respondet priori; ex eo enim quod sermo sit certus, verax, adeoque sit oraculum, sequitur eum omni modo esse acceptandum et amplectendum. Alludit Apostolus ad verba Hebræa נאם *neum*, et נאמן *heemin*, quæ uti litteras habent easdem, sed transponas: (*ex naam* enim fit *aman*, si litteram *n* transponas: *aman* autem est radix verbi *heemin*), ita significatione sibi invicem respondent: nam sicut verbum *neum* significat certe et indubitata loqui, veritatem ipsam dicere certo et infallibiliter, id quod est solius Dei loquentis, item Prophetarum et Apostolorum certo verbum Dei proloquentium, quique a Deo immediate vocati testimonium habent, quod errare non possint; adeoque sicuti *neum* proprie significat ipsum Dei verbum, et primæ veritatis oraculum, ita rursum verbum *heemin* significat fidem certo adhibere illi verbo Dei quasi oraculo, illique credere et acquiescere firmitate quadam et certitudine divina ac supernaturali, quæ omnem opinionis, scientiæ, auctoritatis et sensationis humanæ certitudinem longe superat. Hæc ergo duo verba Hebræa *neum* et *heemin* correlativa sunt et sibi mutuo respondent; et sicuti *neum* est verum certo et infallibiliter dicentis, ita *heemin* est certo credentis et fide indubitata (quæ inde dicitur אמנה *emuna*) apprehendentis et amplectentis τὸ *neum*, id est oraculum. Eodem modo respondent hic sibi invicem hæc duo: «Fidelis sermo et omni acceptione dignus,» q. d. Est *neum*, cui oportet *heemin*, id est credere; vel est *neum*, dignum col *emuna*, hoc est oraculum fidum, dignum omni fide et fidei amplexu. Ex eo enim quod sermo sit fidus et infallibilis, sequitur eum omni acceptione esse amplectendum, tum ulnis fidei, tum consequenter ulnis spei, invocationis, dilectionis et gratiarum actionis, ut scilicet ejus participes fiamus, et participes facti, gratias pro tanto dono quas par est, Deo agamus.

Nota tertio: «Fidelis sermo et omni acceptione dignus,» est is, qui sequitur, scilicet, «quod Jesus Christus venit in hunc mundum peccatores salvos facere.» Ubi primo, contra Judæos significat legem, et legis cærimonias inefficaces esse ad salutem; illam enim attulit Christus: imo propter eam afferendam, ad nos descendit e cælo. Secundo, significat finem incarnationis et totius œconomice Christi in carne fuisse, ut peccatum aboleret, et peccatores salvaret. «Non veni, inquit, Matth. cap. ix, vocare

Correlativa sunt *neum* et *heemin*, id est esse certum sive credendum et credere.

Fidelis sermo vocatur certus et indubitatus.

Quid Hebræum *neum*?

Nomen est oraculum.

justos, sed peccatores ad pœnitentiam; et non est opus valentibus medico, sed male habentibus. » Tolle morbos, tolle vulnera, nec opus erit medico : tolle similiter peccata, non erit opus Christo. Hinc *tertio*, discimus enormitatem peccati (« magnus, inquit Augustinus, serm. 9 *De Verbis Apostoli*, de cœlo venit medicus, quia magnus per totum orbem terræ jacebat ægrotus »); ac consequenter omni ope enitendum esse, ut e peccato, quod tantum est malum, emergamus, ne Christus nobis frustra venisse videatur. « Cum audis, inquit Augustinus supra, Christum venisse in hunc mundum ut peccatores salvos faceret, noli dormire in dulci strato peccati, sed audi Paulum dicentem : Surge, qui dormis, et illuminabit te Christus. » *Quarto*, discimus immensam Christi clementiam et charitatem, qua peccatores etiam se persequentes (qualis erat Paulus) insequitur, convertit et salvat. Audi S. Augustinum loco citato : « Homines desperate ægrotabant, et ipsa ægritudine qua mentes perdiderant, etiam medicum cœdebant, quin et occidebant. Ille autem etiam cum occideretur, medicus erat, vapulabat et curabat; patiebatur phreneticum, nec deserebat ægrotum; tenebatur, alligabatur, percutiebatur, irridebatur, suspendebatur, et medicus erat. Agnosce phreneticos, agnosce et medicum : Pater, ignosce illis, quia nesciunt quid faciunt. Illi perdita mente sæviabant, et medici sanguinem sæviendo fundebant; ille autem etiam de ipso sanguine suo ægrotis medicamenta faciebat. »

Mira Christi clementia quod insequatur Paulum aliosque peccatores.

Animam Adæ fuisse in Paulo somniarunt hæretici.

QUORUM PRIMUS EGO SUM. — Fabulati sunt quidam hæretici, teste Sancto Thoma hic, animam Adæ primi hominis et peccatoris, in Paulum fuisse transfusam, ideoque Paulum fuisse peccatorem : sed hoc est Pythagoricum delirium. Primum ergo se dicit, non tempore, sed culpæ magnitudine, quia princeps fuerat persecutorum Christi, ait Anselmus; ergo « primus, » id est maximus et pessimus. Ita Augustinus, serm. 9 *De Verbis Apostoli* : « Nemo enim, inquit, acrior Paulo inter persecutores, nemo ergo prior inter peccatores. » Idem in *Psaln. LXX* : « Quid ergo, inquit, est primus? antecedens omnes non tempore, sed magnitudine. » Vide quam se humiliet Paulus. Primus, inquit, sum, id est, ut Theophylactus et Oecumenius explicant, in immensum peccavi, et ad omne malitiæ genus perveni, hinc indigui omni Dei misericordia et universa ejus clementia, non parte aliqua, quemadmodum il qui ex parte tantum peccarunt. « Humilitas ista, ait Ambrosius, non ad diminutionem ejus proficit, sed ad gloriam; et hæc accusatio ejus est, laus vero Salvatoris. »

Quo sensu vere dicat Paulus se esse maximum?

Quæres : Quomodo vere potuit sentire et dicere Apostolus se peccatorum esse primum, id est maximum, cum sciret Judam, Caipham, Herodem aliosque plurimos gravius longe peccasse?

Respondet D. Thomas et insinuat Ambrosius, non velle dicere Apostolum se esse omnium omnino peccatorum primum; sed respectu tantum Judæorum illorum, qui a Pilato Christum crucifigi postularunt, ac postea a Petro et Apostolicis conversi, et pœnitescentes gratiam et salutem adepti sunt. Sed hi restringunt nimis verba Apostoli, cum Apostolus ea non restringat, sed generaliter loquatur de omnibus peccatoribus, quos, ut præmisit, Christus venit salvos facere; atqui Christus non solos illos Judæos, sed et omnes omnino homines et peccatores venit salvos facere : ergo omnium omnino peccatorum se primum esse dicit Apostolus.

nam peccatorum?

Respondeo ergo, Apostolum bene illustratum Spiritu Sancto agnovisse gravitatem suorum peccatorum, et in eam ex vera humilitate omnes mentis oculos intendisse; aliorum vero peccata non ita considerasse et inspexisse, quin de quolibet præsumeret meliora, vel quod plures haberet causas ipsum excusantes et peccati gravitatem minucentes : sicut qui gravi dentium, capitis, vel oculorum dolore laborat, dicit nullum dolorem hoc esse majorem, sed suum omnium esse maximum, quia scilicet suum sentit per experientiam, aliorum vero dolores tantum considerat per speculationem, itaque suus sibi dolor videtur, et revera in suo sensu maximus est : ita Pauli peccatum ipsi in suo sensu videbatur esse maximum.

Sic et S. Franciscus solebat dicere se peccatorum esse maximum; et rogatus quomodo id vere dicere posset, respondit : Si Deus maximo latroni illam gratiam fecisset, quam mihi, is multo melius ea usus fuisset, sanctiorque quam ego evasisset, q. d. Si, seclusa gratia, me considero, video in me tantam infirmitatem et proclivitatem ad malum, quantum in nullo alio video, ac proinde puto me maximum futurum fuisse, ac fore peccatorem, ni Deus infirmitatem meam sua gratia roborasset, ac indices roboraret.

S. Franciscus dicebat se esse maximum peccatorum.

Dices : Ignorantia Paulum excusabat.

Respondeo : Non excusabat, sed minuebat tantum peccatum; erat enim vincibilis, ac consequenter culpabilis : poterat enim et debebat Apostolus ex Scripturis, quarum peritus erat, ex tot Christi miraculis, ex tanta sanctitate vitæ, et doctrinæ tot Christianorum, et sacerdotum Christo credentium, agnoscere Christum esse Messiam mundi redemptorem. Peccatum autem Pauli in se maximum erat, persequi scilicet Christum Deum et hominem; considerabat ergo suam obstinationem Paulus, qua pro judaismo pugnans, Christum Deum et hominem, ejusque Ecclesiam impugnaverat adeo pertinaciter, ut, si potuisset, voluisset eam funditus evertere et interrimere, et ad hanc rem ceteris se ducem præbuerat; atque hoc peccatum suum ita ei grave videbatur, ut aliorum peccata, in quæ leviter tantum et generatim intendebat, viderentur ei

esse leviora. Considerabat enim peccatum suum in se, ignorantiam vero suam aliasque circumstantias minuentes peccatum non considerabat. Vide dicta *Philipp.* II, 3. Sic Salomon, *Prov.* xxx, 2: « Stultissimus, inquit, sum virorum, » id est mihi esse videor: dum scilicet me, ac mea quæ ex meipso habeo, seclusa Dei illuminatione specto, dum sapientiæ meæ parvitatem intine perpendo ac penetro, eamque tum cum mea ignorantia, tum cum divina sapientia comparo; videor mihi esse ignorantissimus, adeoque esse abyssus ignorantiae et stultitiæ, quodque cæteri, quorum ita mihi perspecta non est ignorantia, longe sint me sapientiores, præsertim in sapientia practica, atque in cognitione sui et Dei. Unde putant Hebræi Salomonem suæ idololatriæ et peccatorum conscium pœnitentem hæc dixisse, licet os refellat Lyranus, qui cum Abulensi sentit Salomonem impœnitentem mansisse, ac esse damnatum; de quo alias. Summa, hisce verbis docere nos vult Salomon, sapientiam veram maxime sitam esse in cognitione sui, suæque miseræ et insipientiæ, atque humili de seipso sensu et astinatione. Sic Socrates rogatus quid sciret, respondit: « Hoc unum scio, quod nihil scio. » Imo alius idem rogatus, idem respondit, additque se ne hoc quidem (quod scilicet nihil sciret) scire.

Quæres *secundo*, quomodo Paulus dicat: « Quorum primus ego sum; » sciebat enim sibi jam condonatum esse hoc peccatum.

Respondet, « sum, » id est fui. *Secundo* et simplicius, Paulus hic se considerat quasi in puris naturalibus constitutum, seclusa gratia: sic enim peccator erat, fuissetque in peccato permansurus, et nullo modo mutandus, imo longe adhuc gravius peccaturus: humilis enim est, considerare et despiciere se ob ea quæ habet a se: nam ea quæ habet a Deo non sua sunt, sed Dei, Deoque eorum laus et gloria debetur. Sic S. Augustinus, lib. II *Conf.* VII: « Domine, inquit, gratiæ tuæ deputo, quæcumque non feci mala. » Et infra: « Omnia mihi dimissa esse fateor, et quæ mea sponte feci mala, et quæ te duce non feci. » Diserte vero in prologo de vita Christiana: « Ut ego, inquit, peccator primus et ultimus, insipientiorque cæteris, et impertitor universis, te ut sanctitatis et justitiæ viam pergas, crebrioribus audeam litteris admonere, non meæ propriæ justitiæ fiducia, non sapientiæ peritiâ, non scientiæ gloria, sed sola quam secundum Deum animo ac mente concepi, charitatis tuæ causa compellit. » Sic Socrates a quodam Physiologo notatus ex naturali complexione, quod esset incontinens et fur; cum astantes, qui Socratis probitatem noverant, Physiologi iudicium riderent, respondit Socrates: Non est mentitus; sum enim natura talis, sed me contineo.

Moraliter, quisque consideret se et sua peccata, non aliena, dicatque: Primus peccatorum ego

sum; agnoscat et deprædicit Dei in se clementiam; humiliet se, ita tamen, ut anxie se non diseruciet. Unde S. Bernardus, serm. 3 *in festo SS. Apostolorum Petri et Pauli*: « In Paulo, inquit, dicente, Fidelis sermo et omni acceptione dignus, quoniam Dominus Jesus venit peccatores salvos facere, quorum primus ego sum; hoc consolationis et fiduciæ accipite, fratres, ut ad Dominum jam conversos non nimis cruciet præteritorum conscientia peccatorum, sed tantum humiliet vos, sicut et ipsum. Ego sum, inquit, minimus Apostolorum, qui non sum dignus vocari Apostolus, quia persecutus sum Ecclesiam Dei. Misericordiam etiam consecutus est Petrus, qui non ignorans, sed apertos habens oculos peccavit. » Et infra: « Quid enim? peccasti in sæculo? numquid amplius Paulo? Quod si in ipsa Religione, numquid plus Petro? Attamen illi in toto corde pœnitentiam agentes, non modo salutem, sed et sanctitatem consecuti sunt. Et tu ergo fac similiter, quoniam propter te Scriptura eos vocat viros misericordiæ, utique propter multam misericordiam, quam consequi meruerunt. »

16. UT IN ME PRIMO OSTENDERET CHRISTUS JESUS OMNEM PATIENTIAM AD INFORMATIONEM EORUM, QUI CREDITURI SUNT ILLI, IN VITAM ÆTERNAM. — Nota: T^o *primo* nomen est, non adverbium; Græce enim est πρῶτος, id est primo et præcipuo, scilicet peccatore. Pulchre Theodoretus: « Quemadmodum, inquit, medicus cum in una domo multi simul ægrotant, et omnes de salute desperant, si unum pessime affectum acceperit, et datis ei medicamentis ad perfectissimam sanitatem deduxerit, facit, ut alii omnes bono sint animo, ac fiduciam concipiant: ita Dominus Christus, animarum medicus, cum factus esset homo pro salute peccatorum, me qui eram iniquissimus et omnium sceleratissimus, non solum a prioribus liberavit maculis, sed maximis etiam donis obruit, omnibus hominibus per me ostendens suam patientiam et clementiam, ut nemo eorum, qui maxima scelera perpetraverint, ad me respiciens, de salute desperet (1). »

Nota *secundo*: Pro « omnem patientiam, » græce est πᾶσαν μακροθυμίαν, id est omnem longanimitatem; « omnem, » id est totam et perfectam: ponitur enim nomen collectivum universale, pro toto quanto; perfecta enim et illustris fuit Dei longanimitas, qua furem contra se Paulum tam diu sustinuit, quem unico ictu oculi perdere poterat et fulmine afflare. Ambrosius pro hoc uno verbo, duo posuit, « magnanimitatem et patientiam. » Magnanimi enim est esse longanimum, patientem et mansuetum: sicut et contrario pusilli est animi, injuriis commoveri, turbari, velleque se vindicare.

Hinc pulchre S. Gregorius, XXXI *Moral.*, cap. x,

(1) Allioli: « In me primo, » id est, in me prius quam in aliis, scilicet a me convertendâ.

est considerare peccata præterita, licet condonata.

Vers. 16.

Longanimitas Dei in Paulum.

explicans illa verba Jobi : « Numquid volet rhinoceros servire tibi ? » eaque mystice applicans S. Paulo : « Rhinoceros, inquit, qui et monoceros, tantæ est fortitudinis et feritatis, ut nulla venantium arte capiatur. Sed, ut Physici (inter quos est Isidorus, lib. XII *Etymol.*, cap. II, et Pierius in hieroglyphico Rhinocerotis, qui eum Halicornem vocat) asserunt, virgo ei puella proponitur, quæ venienti sinum aperit, in quo ille, omni ferocitate deposita, caput deponit, sicque soporatus velut inermis, capitur. Pari enim modo, caro illa virginea Christi Paulum spirantem minarum et cædis domare, placare, capere, totumque sibi devincire potuit, dum ei totum sinum misericordiæ suæ expandit. »

Hypotyposis clementiæ Dei fuit Paulus. Nota *tertio* : Pro « ad informationem, » Ambrosius legit, *ad exemplum* ; Græce enim est ὑποτύπωσις, quæ significat vivum exemplar et imaginem, quæ res plene expressa subijcitur oculis, q. d. Misertus est mei Deus, ut in me quasi in primo et maximo peccatore, daret vivum exemplar et hypotyposin divinæ suæ clementiæ et longanimitatis ; ut in me manifestissime cernerent homines, Deum omnes peccatores velle salvos fieri, eosque ad se vocare, et tantum non cogere, ac facillime eis offensas, quamvis gravissimas, condonare. Itaque meo exemplo informavit et excitavit omnes, qui futuris sæculis Christo credituri sunt, ad obtinendam vitam æternam ; ut per pœnitentiam audeat quisque eorum sperare veniam a Christo ; ad eumque pro ea supplex confugiat. Mire enim homines excitant exempla Sanctorum. « Sagittaveras, inquit Augustinus, lib. IX *Confess.*, cap. II, tu, Domine, cor meum charitate tua, et gestabam verba tua transfixa visceribus, et exempla servorum tuorum, quos de nigris lucidos, et de mortuis vivos feceras, congesta in sinum cogitationis nostræ urebant et consumeabant teporem. »

Peccatores exemplo Pauli sperent a Deo veniam. Moraliter Chrysostomus, hom. 2 in *Psalm.* v : « Si impius es, inquit, cogita publicanum ; si immundus es, attende meretricem ; si homicida es, perspice latronem ; si iniquus es, cogita blasphemum, considera Paulum prius persecutorem, postea annuntiatorem. Nolo mihi dicas : Blasphemus sum. Nolo dicas : Persecutor sum, immundus sum. Habes omnium ostensiones, in quem volueris portum confugito : vis in novum ? vis in veterem ? In veteri David, in novo Paulus. » Et infra : « Quid est peccatum ad Domini misericordiam ? Tela aranæ, quæ vento flante nusquam comparet. »

Et ex S. Augustino, serm. 9 *De Verbis Apostoli*, Anselmus hic : « Si Saulus sanatus est, ego quare despero ? Si a tanto medico tam desperatus æger sanatus est, ego vulneribus meis illas manus non aptabo ? ad illas manus non festinabo ? Ut hoc dicerent homines, ideo factus est Saulus ex persecutore Apostolus : quia cum venit medicus volens sibi famam comparare, infirmum quærit

aliquem desperatum, et ipsum sanat ; et, si pauperrimum inveniat, non ibi quærit mercedem, sed commendat artem : ita et Christus potentiam specialis medicinæ spiritualis suæ ostendit in Saulo, ut omnes deinceps nossent eum sanare posse cunctas infirmitates omnium confugientium ad se. »

17. REGI SÆCULORUM IMMORTALI, INVISIBILI, SOLI DEO, HONOR ET GLORIA IN SÆCULA SÆCULORUM. AMEN. — Apostolus hic more suo post commemoratum remissionis peccatorum, et redemptionis Christi beneficium, assurgit a Christo homine, et erumpit in laudem et doxologiam Dei Patris, ut vult Ambrosius ; vel potius, ut Theodoretus et Anselmus, totius Sanctissimæ Trinitatis, quæ per Christum hoc donum remissionis hominibus contulit, ac omnibus sæculis confert et conferet.

Nota : « Rex sæculorum » est proprium Dei attributum ; significans quod Deus est primum et æternum ens, ac consequenter rex, auctor, ordinator, distributor, moderator et dominus omnium sæculorum, hoc est, et æternitatis suæ, et ævi, sive æviterne vitæ angelorum et temporum nostrorum : hæc enim omnia manant a Dei æternitate. Unde pulchre et divine S. Dionysius, *De Divin. nominib.*, cap. v, vii et x, hunc locum explicans, « Ex eo, inquit, quia est (Deus æternus Rex sæculorum), sæculum est, essentia, et ens, et tempus, et generatio, et quod generatur, et quod quomodocumque subsistit. » Omne enim esse temporaneum manat ab esse æterno et perpetuo, quod est in Deo Rege sæculorum. « Et idcirco, ait Dionysius, Deus dicitur Rex sæculorum, utpote in quo et circa quem totum esse et ens subsistensque versetur. » Unde pro *sæculorum*, græce est αἰώνων : αἰών autem significat *primo*, æternitatem Dei ; *secundo*, ævum angelorum ; *tertio*, ævum et durationem hominum. *Æternitas* enim, quæ duratio est nec finem, nec principium habens, soli Deo competit : æviteritas vero, quæ principium habet, et eatenus convenit cum tempore nostro, sed caret fine, et eatenus participat aliquid æternitatis divinæ, angelis tribuitur et animæ rationali. Hinc, ut ait Aristoteles, lib. I *De Cælo*, cap. ix, dicitur αἰὼν ἀπὸ τοῦ αἰ εἶναι, id est, ex eo quod semper sit. Forte voluit Apostolus perstringere fictos æones Valentini, et his opponere Deum verum Dominum æonum omnium.

Nota *secundo* : Pro « immortalis, » græce est ἀφθάρτος, hoc est, *incorruptibili*, ut habet Syrus, et Augustinus, lib. II *De Actis cum Felice Manichæo*, cap. vii. Porro « immortalis, » vel *incorruptibili*, idem est quod *immutabili*, q. d. In Deum non cadit corruptio, nec mors, nec interitus, ac consequenter nec mutatio ulla : nam omnis mutatio, ait Anselmus, mors quædam est rei, quæ mutatur et desinit esse quod fuit. Sed potius Deus est immortalis, incorruptibilis, immutabilis, ac consequenter æternus : incorruptio enim et im-

Deus est rex sæculorum, a quo san-
sa ?

Immorta-
litas est
causa æ-

ternita- mortalitas est ratio, et quasi causa æternitatis.

tis. Nota *tertio* : Addit « invisibili, » quia naturaliter nec corporis, nec mentis oculis, nec ullis naturæ viribus Deus videri potest : sed ut quis videat Deum, supernaturali lumine gloriæ opus habet, uti patet in Beatis.

Quid rō Nota *quarto* : Dicit « soli Deo, » id est qui solus
soli Deo? est Deus : Deus enim unus est, ac consequenter hic solus est Deus. S. Ambrosius qui hoc ad Patrem refert, docet Patrem vocari solum Deum, non quod Filius et Spiritus Sanctus non sint Deus, sed quia Pater est fons et principium deitatis, puta Filii et Spiritus Sancti. Adde, ut docet D. Thomas et Theologi, voces exclusivas additas nominibus essentialibus Dei et attributorum ejus, cum attribuuntur uni personæ, non excludere alias personas divinas, sed tantum alias res, quæ divinam essentiam non habent, sed aliam ab ea diversam et creatam. Verum, ut dixi, cum Theodoro melius hæc non soli Patri, sed toti Sanctissimæ Trinitati tribuas. Græca addunt *μόνη σοφῶ Θεῷ*, id est soli sapienti Deo : et ita legunt Chrysostomus, Theophylactus, Œcumenius et alii Græci præter Theodoretum. Dicitur Deus solus sapiens per se et per suam essentiam, quippe sapientiam suam in omnes et angelos et homines, quasi fons derivat; omnem enim suam sapientiam homines et angeli non habent ex se, sed a Deo. Sic solus Deus dicitur bonus, supple per essentiam, *Lucæ XVIII, 19*.

Quæ glo- Nota *quinto* : « Soli Deo sit honor et gloria, »
ria soli scilicet divina et patriæ, quæ Deo vero debetur,
Deo de- *q. d.* Non angelis, non idolis, non diis gentium,
beatur? sed soli Deo vero tribuatur honor et gloria divinitatis, ut omnes angeli et homines, et maxime ego Paulus, ob tantam Dei in peccatores, et in me primum et maximum peccatorem clementiam, qua me hoc Christi et gratiæ sæculo nasci fecit, rebellem ad se traxit, et pene coegit, peccata dimisit, justificavit, imo Apostolum fecit, semper eum celebrent, adorent, glorificent tum mente et voce, tum etiam sancta conversatione et vita. Qua de re vide hic Chrysostomum in morali *hom. 4*.

Pie S. Bernardus, *serm. 83 in Cant.*, docet hunc Dei honorem debere melle amoris condiri, ab eoque oriri ut Deo perplaceat. « Exigit, ait, Deus timeri ut dominus, honorari ut pater, ut sponsus amari. Quid in his præstat, quid eminet? nempe amor. Absque hoc et timor pœnam habet, et honor non habet gratiam. Servilis enim timor, quamdiu ab amore non manumittitur. Et qui de amore non venit honor, non honor, sed adulatio est. Et quidem soli Deo honor et gloria. Sed horum neutrum acceptabit Deus, si melle amoris condita non fuerint. Is per se sufficit, per se placet, et propter se. Ipse meritum, ipse præmium sibi est amor, præter se non requirit causam, non fructum. Fructus ejus, usus ejus. Amo quia amo, amo ut amem. Magna res amor, si

tamen ad suum recurrat principium, si suæ origini redditus, si refusus suo fonti semper ex eo sumat jugiter unde fluat. Solus est amor ex omnibus animæ motibus, sensibus atque effectibus, in quo potest creatura, etsi non ex æquo, respondere auctori, vel de simili mutuum rependere vicem. »

18. HOC PRÆCEPTUM COMMENDO TIBI, FILI TIMOTHEE, SECUNDUM PRÆCEDENTES IN TE PROPHECIAS, UT MILITES IN ILLIS BONAM MILITIAM. — Chrysostomus, Ambrosius, Theophylactus « hoc præceptum » referunt ad sequentia, *q. d.* Præcipio tibi, o Timothee, ut scilicet secundum præcedentes de te prophetias milites bonam militiam. Verum, pro ut, Græce non est *ἐν*, sed *ἐν*, quod magis causam finalem, quam objectum significat; quanquam Apostolus has et similes particulas sæpe confundit, et pro iisdem sumit.

Secundo, alii referunt ad proxime præcedentia, *q. d.* Præcipio tibi ut prædices Christum venisse, ut peccatores salvos faceret.

Tertio, alii referunt ad omnia præcedentia, *q. d.* « Hoc præceptum, » id est hanc doctrinam, quæ ab initio capitis hucusque tibi tradidi, tibi commendo.

Quarto et optime, Theodoretus censet Apostolum, post digressionem, qua de vocatione sua et gratia Dei gratias egit, redire ad ea quæ initio capitis Timotheo commendavit, ut scilicet denuntiaret quibusdam ne aliter docerent. Ubi pro *denuntiares*, græce est idem verbum *παραγγέλλειν*, a quo hoc loco præceptum vocat *παραγγέλιον*. Hoc enim est primum Episcopi munus, resistere videlicet pseudoapostolis, et sanam fidem tueri ac prædicare. Unde hæc verba pene eadem sunt cum illis, quæ initio capitis post denuntiationem jam dictam subjungit; ibi enim ait : « Finis autem præcepti est charitas de corde puro, et conscientia bona, et fide non ficta. » Pro quo hic iisdem pene verbis dicit : « Præceptum tibi commendo, ut milites bonam militiam, habens fidem et bonam conscientiam. »

SECUNDUM PRÆCEDENTES IN TE (id est, ut Syrus, super te, de te : Græce enim est *ἐν*, quod respondet Hebræo *לְךָ* *alecha*) **PROPHECIAS.** — Vatablus per *prophetias* intelligit doctrinam, sive munus docendi Timotheo creditum, *q. d.* Vide, o Timothee, ut in hoc munere quod a Deo accepisti, te fortiter et strenue geras instar militis. .

Secundo, alii per *prophetias* accipiunt varia charismata Spiritus Sancti, quæ in Timotheo erant, inter quæ erat etiam proprii nominis prophetia, *q. d.* Paulus : Præcipio tibi ut ita milites, sicut dona Spiritus Sancti tibi concessa requirunt.

Tertio et melius, Chrysostomus, Theophylactus, Theodoretus, Œcumenius et alii proprie per *prophetias* accipiunt revelationes, *q. d.* Hoc præceptum jam explicatum tibi, o Timothee, commendo, ut, sicut Dei revelatione et spiritu prophetiæ admonitus te Episcopum Ephesi ordinavi,

Quadruplex locus sensus.

Quadruplices prophetiæ de Timotheo ordinantur.

ita juxta eandem prophetiam nunc milites, illique respondeas, ostendasque veram fuisse de te prophetiam.

Episcopi
columnæ
stantur
per desi-
gnatio-
nem Dei.

Unde notant Chrysostomus et Theophylactus, in primitiva Ecclesia Episcopos et Apostolos seligi et ordinari solitos per prophetiam, revelationem et designationem Dei. Sic *Act. xiii, 2*, dixit Spiritus Sanctus : « Segregate mihi Saulum et Barnabam. » Sic Eusebius, lib. VI *Histor.*, cap. xxv, refert in electione Fabiani Pontificis columbam e cœlo in eum delapsam. Sic S. Gregorius columnæ igneæ sibi incubantis indicio deprehensus et designatus est Pontifex. Sic magnus ille Athanasius divinitus declaratus fuit B. Alexandro, Episcopo Alexandrino morienti, quod sibi in episcopatu esset successurus. Unde cum Athanasius timens, et fugiens episcopatum, Alexandria secessisset, Alexander in morte identidem inclamans Athanasium, tandem in has voces erupit : « Athanasi, inquit, putas te posse effugere, non tamen effugies. » Testis est Apollinarius apud Sozomenum, lib. II, cap. xvi. Sic S. Nicolaus, Ambrosius, Alexander Carbonarius divino indicio vocati et ordinati sunt Episcopi. Idem de Timotheo hic asserit Paulus.

Addit quarto, Magallianus per prophetias posse accipi prædictiones, conjecturas et bona omnia quibus Christiani omnes optima quæque de Timotheo, cum ordinaretur Episcopus, ex vitæ ejus antea sanctitate ominabantur, prædicentes, non dubitare se, quin fideliter, constanter et egregie munere episcopali perfungeretur. Sic S. Ambrosius pueri, deinde populi totius, voce acclamatus Episcopus, per prophetiam Episcopus factus est; vox enim populi, vox Dei.

UT MILITES IN ILLIS BONAM MILITIAM. — « In illis, » id est per illas prophetias, hoc est, per Spiritum donatorem prophetiæ. *Secundo* et melius, Oecumenius et alii, « in illis, » id est secundum illas, ut scilicet illis prophetiis de te factis respondeas.

Nota, Christianum esse militem Christi quasi ducis et capitanei sui, quia tota vita sub vexillo crucis pugnare debet cum vitiis et concupiscentiis ac dæmonibus, *Roman. vii, 23; Galat. viii, 17; Job vii, 1*; et Christus, *Matth. xi, 12* : « Regnum, inquit, cœlorum vim patitur, et violenti rapiunt illud. »

Pulchre bellum hoc describit S. Augustinus, *XXII De Civit.*, *xxiii*. Illius militiæ arma et panopliam describit Apostolus, *Ephes. vi, 13*, ejusque stipendium est vita æterna, *Rom. vi, 23*.

Seneca, epist. 37 *ad Lucilium*, cum hortatur ad virtutem, sumptis a re militari verbis : « Promisisti, inquit, virum bonum (ἀγαθὸν ἄνθρωπον, id est virum fortem et bellicosum), sacramento ligatus es. » Hoc enim duci promittebant milites, dum auctorabantur. Quod si sponsionis obliti ignave se gererent, non viri, sed feminae per probrum appellabantur, uti Bunduica, Britannorum regina apud Dionem, lib. LXII, Neronem effeminatum

vocat Neronidem. Idem sibi dicat Christianus : In baptismo auctoratus es miles Christi, virum te fore spondidisti, virum ergo te præbe, quasi miles viriliter contra carnem et mundum decerta.

Verum Episcopi, Pastores et Doctores, ut docet hic Apostolus, peculiariter sunt et dicuntur milites Christi. Pro quo nota : Militia per catachresin Hebraeis omnem famulatum significat. Hinc angeli, cœli, sidera, omnesque creature vocantur Dei milites, indeque dicitur Deus Sabaoth, id est exercituum; estque Sabaoth unum ex decem nominibus Dei, teste Hieronymo *ad Marcell.* Magis proprie tamen Levitæ et sacerdotes dicebantur milites Dei. Unde *Numer. iv, 30*, Levitæ dicuntur exire in militiam tabernaculi, quia in tabernaculo æque ac milites in castris suo ordine et stationibus excubabant, Deoque quasi duci suo deserviebant. Hinc mulieres in tabernaculo commorantes, ejusque ministerio addictæ, vocantur templi milites, *Exodi xxxviii, 8*, ubi dicitur : « Fecit et labrum æneum cum basi sua de speculis mulierum, quæ excubabant in ostio tabernaculi : » ubi pro quæ excubabant, hebraice est צבאת אשר צבאו *tsobeot aser tsabau*, id est « mulierum militantium, » quæ militabant in ostio tabernaculi.

Eodem modo vocantur I *Reg. ii, 22*. Ad hos ergo Levitas et sacerdotes templi milites alludens Paulus, Timotheum aliosque Episcopos et Pastores vocat milites Ecclesiæ : hi enim non tantum ut veteres Levitæ in templo excubant et Deo deserviunt, sed etiam quasi duces ad bellum cum hæreticis, vitiis et dæmonibus ineundum, alios fideles incitant, antecedunt et defendunt, ideoque maximum hostium impetum sustinent. Atque in primitiva Ecclesia id maxime verum et clarum erat, quando Judæi, Gentiles, Imperatores et hæretici in Ecclesiam omnibus viribus et armis insurgebant, ut eam opprimerent; quam ut defenderent Apostoli, alique præcones, ad mortem et martyrium usque contra eos decertarunt. Sic postea immortalis Athanasius pene solus contra orbem fere universum Arianum per 46 annos heroice depugnavit et triumphavit.

Unde moraliter Chrysostomus : « Milita, inquit, bonam militiam; est enim et militia mala, de qua alio loco ait : Sicut enim exhibuistis membra vestra arma peccato. Illi sub tyranno militant, nos æterno Regi militamus. Cur autem eam rem militiam vocat? Indicat profecto bellum esse excitatum vehemens et atrox, cum cæteris, tum maxime ei, qui doctoris fungitur munere. In quo nobis armis opus est validis, sobrietate scilicet, temperantia, precibus perpetuisque vigiliis, ut in eis milites habens fidem et bonam conscientiam : magistrum quippe prius oportet docere seipsum; quemadmodum enim dux, nisi antea miles optimus fuerit, ne dux quidem esse aliquando poterit, ita et doctor.

Egregie vero S. Basilius, præfat. in *ascetica*, in- **Exs. Basilio.**
formans spiritalem militem Christi, sic ait : « Ubi

Quæ est
militia
Episco-
porum et
Pasto-
rum?

Levitæ in
taberna-
culo qua-
si milites
in castris
excuba-
bant.

Militia
Episco-
porum
contra
hostes fi-
dei et fi-
delium.

Moraliter
de mi-
litia
Christia-
na ex S.
Chryso-
stomo.

ergo Christus Rex? in cœlo. Huc tuus tibi, o Christi miles, dirigendus est cursus. Obliviscere quidquid hic in terris est. Miles non domos ædificat, non comparat agros, mercibus et lucro non studet. Alimenta miles habet a rege, in plateis tabernaculum sibi ponit. Cibus sola necessitas metitur, potio aqua, somni quantum natura requirit, itinera frequentia, itemque vigiliæ, acris ad frigora caloresque tolerandos patientia, periculorum cum adversariis certaminum crebra susceptio, et in his sæpe mors, gloriosa tamen et quæ regiis honoribus et muneribus decoretur. » Quæ omnia applicans Christi militi, ita concludit : « Age igitur, Christi miles, subeat animum tuum sempiternorum bonorum cogitatio. Propositum tibi vitæ genus sit domo, urbe ac possessione rerum omnium carere. Solutus esto, atque ab omnibus vitæ hujus curis liber. Non te illiget conjugis cupiditas, non filiorum sollicitudo : imitare sponsum cœlestem; insurgentes adversum te crebro invisibiles hostes in fugam dato, atque eos ex animo primum expellas tuo, neque omnino illis quidquam apud te sit loci, dele consilia adversus Christi fidem defectionem molientia, » etc.

Fals. 19. 19. HABENS FIDEM ET BONAM CONSCIENTIAM. — Hæc sunt arma militiæ Christianæ, imo Ecclesiæ, q. d. Militabis, o Timothee, bonam militiam, si fidem rectam circa vera et orthodoxa dogmata et bonam conscientiam, id est sanctam vitam et mores sequaris et conserves, ut fidem rectam alios docere et bonæ vitæ exemplo subditis præluere possis; hæc enim duo præcipua sunt Episcopi et Pastoris munia. Nec enim in fide vacillantibus est alios confirmare, nec ignorantibus docere, nec in-compositi componere, nec inordinati ordinare.

QUAM (bonam conscientiam) QUIDAM REPELLEN-
TES (græce ἀποστέλλοντες, id est postquam repule-
runt (1) : unde Vatablus vertit, *qua repulsa*) CIRCA
FIDEM NAUFRAGAVÉRUNT, — id est fidei naufragium
et jacturam fecerunt, factique sunt apostatæ, schis-
matici, hæretici.

Fides est Nota ex Chrysostomo : Pulchra metaphora fidem
navi comparat, in qua anchora, quæ navim hanc
roboret, ut in tribulatione perseveret, est bona
conscientia et ex ea manans spes vitæ æternæ :
sicut enim navis in procelloso mari spem portus
præbet hominibus, et ducit ad portum, ita fides
ducit ad vitam æternam; et sicut homo extra na-
vim in mari, sine spe salutis est, ita et homo sine
fide : quamdiu vero manet in navi, id est fide,
licet peccet, restitui potest, spem habet salutis.
Hinc Ecclesia, quæ est fidei magistra et fidelium
congregatio, comparatur arcæ Noe, extra quam
nemo salvus est a diluvio; et naviculis Evangeli-
cis, in quibus Christus prædicabat regnum Dei,
tempestates sedabat et pisces capi faciebat.

Vers. 20. 20. Ex quibus (de quorum numero) EST HÆRE-

(1) Nempe morum perversitas sæpe est causa errorum,
qui vitiositati patrocinantur.

NAUS ET ALEXANDER. — Hic est ille, de quo II Ti-
moth. iv, 14 : « Alexander ærarius multa mala mihi
ostendit; reddet illi Dominus secundum opera
ejus : quem et tu devita : valde enim restitit verbis
nostris. » Suspiciat Baronius et alii hunc eum-
dem esse Alexandrum, qui primo fidelis, causam
pro Paulo egit, sed deficiens factus est apostata
et hostis Pauli omniumque Christianorum.

QUOS TRADIDI SATANÆ. — Id est, quos excom-
municavi. Ita Chrysostomus, Theophylactus, Œcu-
menius. Atque hinc videtur fluxisse illa phras-
is, qua excommunicati dicuntur possideri a diabolo,
ut habetur cap. Audi, et cap. Omnis, 11, Quæst. III.
Rursum « tradidi satanæ » significat, eos satanæ
quasi carnifici cruciandos esse traditos. Ita docet
Chrysostomus, Œcumenius et alii, ac imprimis
Theodoretus : « Eos autem, inquit, tradit diabolo,
non ut honorum magistro, sed ut servo carnifici;
et ideo non dixit, ut eos doceret, sed, ut docean-
tur non blasphemare. Ab Ecclesiastico enim cor-
pore separati et divina gratia nudati, ab adversa-
rio crudeliter flagellabantur, incidentes in morbos
et difficiles affectiones et alias calamitates : hæc
enim consuevit inferre hominibus, quoniam est
et inimicus et ultor, ut dicit Propheta Psal. viii.
Consentaneum autem erat illos castigatos mutare
sententiam, » etc. Et Chrysostomus de excommu-
nicato loquens : « Deiciebatur, inquit, a com-
muni fidelium cœtu, absceindebatur a grege, fiebat
nudus, atque ita destitutus luporum patebat et
prodebat occurribus : sicut enim dudum nubes
Hebræorum castra tegebat, ita et Ecclesiam
protegebat Spiritus Sancti gratia.

UT DISCANT NON BLASPHEMARE. — Ambrosius, « ut
emendentur et respiciant a sua blasphemiam et hæ-
resi : » excommunicatio enim non ad perditionem,
sed ad emendationem peccatoris ferri debet, ut
notat Chrysostomus, nimirum πᾶσι πᾶσι sunt μαθή-
ματα, et vexatio dat intellectum. Hinc patet om-
nem hæresim esse blasphemiam in Deum, qui est
prima veritas; omnis enim hæresis et hæreticus,
ut sua dogmata fidei contraria statuatur, dicit et do-
cet fidem veram, ac consequenter Deum veræ
fidei auctorem, esse falsum et mendacem. Qualis
fuerit horum blasphemiam et hæresis, non explicat
Paulus.

Moraliter hic nota, fontem hæreseos esse ma-
lam conscientiam et vitam. Nunquam enim hæ-
resis est primum peccatum, sed oritur vel ex
ambitione, vel ex avaritia, vel ex libidine; ac
consequenter, ut viri sapientes censuerunt, con-
tra hæreticos non tam argumentis agendum est,
quam puritate vitæ : ut nimirum inducantur ad
vitæ puritatem, morum honestatem, castitatem,
humilitatem et opum contemptum. Sublata enim
radice hæreseos, tollitur et ipsa hæresis. Rursum
hinc sequitur vitam malam tendere et desinere in
hæresim. Mores ergo vitæ corruptæ sunt scopuli,
ad quos fides, quasi navis alliditur subinde et
frangitur. Cujus ratio est primo, naturalis antipa-

Πᾶσι πᾶσι
sunt μα-
θήματα.
Omnis
hæresis
est blas-
phemia
in Deum.

Origo
hæreseos
est mala
conscien-
tia.

Mala vita

desinit in
hæresim
ob qua-
tuor cau-
sas

thia et contrarietas quæ est inter fidem et malam vitam : hanc enim fides semper carpit et redarguit. *Secundo*, naturalis lapsus et ruina. Qui enim ex uno vitio in aliud et aliud, tandem profundissime in hæresim ruit et prolabitur. Sunt enim hæ fossæ vitiorum sibi invicem subordinate, ut gradatim ex una in aliam et aliam, ac tandem in barathrum, id est in hæresim, descendas et corruas. *Tertio*, est punitio divina : Deus enim perditam vitam castigat per subtractionem sui luminis, veritatis et fidei, perditosque homines tradit in reprobum sensum, ut docet Apostolus *Rom. I, 21 et 24*. *Quarto*, quia, ut docet Chrysostomus mox citandus, hi corrupti homines, ut libere suis vitiis et voluptatibus indulgeant, negant futura bona et mala, aliaque dogmata fidei, quæ Dei metum et peccati horrorem eis injicere possent.

Ambitio
et libido
sunt fon-
tes hære-
seos.

Ac *primum*, ambitionem et superbiam esse fontem hæresis, patet ex eo quod hæretici omnia rationibus humanis metiri et concludere volunt, id est videre rem volunt, non credere. Sic ambitio primum hæresiarcham Simonem Magum hæreticum fecit; voluit enim Spiritum Sanctum emere pecunia, ut eum posset quibus vellet elargiri, sicque coli tanquam donator Spiritus Sancti.

Tertullianum quid Montanistam effecit, nisi quod, ut notat Baronius, Pamelius et alii, mortuo Agrippino Episcopo, ambiens episcopatum Carthaginensem, eo exciderit?

Sic Acrius, inquit Augustinus, lib. *De Hæresibus*, quod episcopatu frustratus esset, cepit asserere sacerdotes esse pares Episcopis.

Sic hoc sæculo Lutherus, Ochinus, Dodecius et alii, primas cathedras, vel purpuram, aut pallium ambientes et repulsam passi, apostatarunt, et inter Novantes primatum quæsierunt.

Secundo, quod libido et carnis vitium fons sit hæreseos, docet hic Chrysostomus : « Male viventes, inquit, ne futurorum metu et expectatione crucientur, persuadere sibi omni studio curant, falsa esse omnia, quæ nostra religio continet, nempe de peccatis, resurrectione, judicio futuro, et similibus.

Sic Nicolaus Diaconus, cum ad exemplum Apostolorum a propria uxore continuisset, post a proposito delapsus, ac reprehendi veritus, negabat quemquam salvari posse, nisi venerem singulis diebus exerceret.

Marcion, cum ob corruptam virginem acriter objurgaretur, tria excogitavit baptismata in remissionem peccatorum.

Cujusmodi item vitæ fuerint Montanus cum suis prophetissis, ac Novatus; videre est apud Eusebium, lib. V, cap. XVIII et lib. VI, cap. XXXIII. Sed quid veteres repetimus historias, cum hodie, exempli gratia, doceant hæretici vota esse impia, ne cogantur de sua libidine erubescere? Quid enim sunt Lutherus, Calvinus, Menno, Beza, Bucerus, Martyr, nisi apostatæ et votifragi monachi aut sacerdotes, qui in Catholica Ecclesia votum continentie Deo nuncuparunt; illudque deinde violarunt? Experientia quotidiana clare constat apud eos hæresim invalescere, ubi studium bonæ vitæ neglectui habetur.

CAPUT SECUNDUM.

SYNOPSIS CAPITIS.

Episcopo Timotheo ante omnia commendat orationem, qua oretur pro omnibus, etiam regibus; Deum enim velle omnes homines salvos fieri.

Secundo, vers. 8, vult viros quoslibet orare in omni loco.

Tertio, vers. 9, jubet pariter orare mulieres, sed in habitu et ornatu modesto, in humilitate et silentio : docere enim mulieri non permittit, sed vult eam viro subjici et ab eo edoceri, atque filiorum generationi et educationi intendere, itaque salvam fore asserit, vers. ultim.

1. Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus : 2. pro regibus, et omnibus qui in sublimitate sunt, ut quietam et tranquillam vitam agamus in omni pietate et castitate. 3. Hoc enim bonum est, et acceptum coram Salvatore nostro Deo, 4. qui omnes homines vult salvos fieri, et ad agnitionem veritatis venire. 5. Unus enim Deus, et mediator Dei et hominum homo Christus Jesus : 6. qui dedit redemptionem semetipsum pro omnibus, testimonium temporibus suis : 7. in quo positus sum ego prædicator et Apostolus (veritatem dico, non mentior), doctor Gentium in fide et veritate. 8. Volo ergo viros orare in omni loco, levantes puras manus sine ira et disceptatione. 9. Similiter et mulieres in habitu ornato, cum verecundia et sobrietate ornantes se, et non in tortis crinibus, aut auro, aut margaritis,

vel veste pretiosa : 10. sed quod decet mulieres, promittentes pietatem per opera bona. 11. Mulier in silentio discat cum omni subjectione. 12. Docere autem mulieri non permitto, neque dominari in virum, sed esse in silentio. 13. Adam enim primus formatus est, deinde Eva : 14. et Adam non est seductus, mulier autem seducta in prævicatione fuit. 15. Salvabitur autem per filiorum generationem, si permanserit in fide, et dilectione, et sanctificatione cum sobrietate.

Vers. 1.

1. OBSEURO PRIMUM OMNIUM FIERI OBSECRATIONES.

— Nota: Pro *obsecro*, Græce est παρακαλῶ, quod verti potest cum Vatablo et aliis, *admonere*, *adhortor*; S. Ambrosius legit, *exhortare*, forte, quia in Græco legit παρακαλῶ in imperativo.

Nota secundo: Vox igitur significat hæc inferri ex dictis cap. præced. Dixit enim Christum venisse, ut omnes peccatores salvos faceret, et in hac re Episcopum Timotheum debere Christo cooperari, et militare bonam militiam; hinc jam infert: « Obsecro igitur primum omnium fieri obsecrationes, » q. d. O Timothee, ut tuo episcopatu rite perfungaris ad peccatorum salutem, scias primum Episcopi munus esse, orationi cum suis et pro suis vacare, et te plus oratione, quam prædicatione (quæ inter externa officia activæ vitæ primum est in Episcopo) effecturum; oratio enim infidelibus et peccatoribus lucem et gratiam, qua convertantur, a Deo impetrabit. Ita Chrysostomus. Et patet ex seqq.; cur enim velit fieri orationes, causam subdit, dum ait: « Hoc enim bonum est, et acceptum coram Salvatore nostro Deo, qui omnes homines vult salvos fieri. »

Nota tertio: Vox omnium vel referri potest ad sequentia, nimirum ad obsecrationes (q. d. Volo fieri obsecrationes omnium, sive ab omnibus Christianis), vel ad antecedentia, videlicet ad primum, q. d. Primo omnium, id est ante omnia, volo fieri obsecrationes; idque aptius est, et ita explicat S. Ambrosius et Chrysostomus, qui sic interpretantur, quasi Apostolus mane ante omnia velit nos incumbere orationi. « Atque id, ait Chrysostomus, norunt fideles, quomodo diebus singulis mane et vesperi orationes fiant ad Dominum, quomodo pro omni mundo, et regibus, et omnibus qui in sublimitate sunt, obsecrationes ab Ecclesia fiant. »

Nota hunc locum pro matutina et vespertina oratione ex veteri usu Ecclesiæ. Ita fecit David, *Psalm. LXII*: « Deus, inquit, Deus meus, ad te de luce vigilo. » Ita fecit Job, cap. 1, 5: « Sanctificabat, inquit Scriptura, illos (filios), consurgensque diluculo offerebat holocausta pro singulis. » Hinc S. Dionysius, cap. III *De Divinis Nominibus*: « Omnis, inquit, actio ab oratione inchoanda nobis est, præsertim in theologia, » id est quando incidit sermo aut disputatio de rebus divinis. Ita faciebat Nazianzenus, ut habetur in oratione ejus, quam dicebat iter facturum: « Tibi, inquit, Christe, vivo, tibi loquor, tibi, Christe, sedeo, tibi incedo, quandoquidem me manu regis. »

XIX.

OBSECRATIONES, ORATIONES, POSTULATIONES, GRATIARUM ACTIONES. — Primo, Theophylactus, Gagneius et, ut videtur, Chrysostomus, tria prima, scilicet « obsecrationes, orationes, postulationes, » volunt esse idem, sed ad auxesim aliis nominibus iterari: sic enim *Philip. IV, 6*, et *Ephes. VI, 18*, hæc pro eodem sumit.

Secundo et melius, alii hæc distinguunt. Imprimis D. Thomas vult hæc reperiri distinctim in una eademque oratione sive collecta: oratio, inquit, est ipse mentis in Deum ascensus, ut cum in collecta dicitur, « Omnipotens sempiterne Deus; » gratiarum actio est, cum subditur, « Qui infirma mundi eligis; » hanc sequitur postulatio, cum dicitur, « Præsta, quæsumus; » quæ omnia concludit obsecratio per res sacras, cum dicitur, « Per Dominum nostrum Jesum Christum. »

Tertio et aptius ad Græca, Theodoretus, Oecumenius et Cassianus, *Collat. XI*, cap. XII et XIII: « Obsecrationes, » inquit, Græce δέσεις, vocantur, id est supplicationes pro remotione malorum et tristitia, ut iis liberemur. Unde Ambrosius et Augustinus legunt, *deprecationes*. « Orationes, » Græce προσευχαι, vocantur petitiones bonorum, ut ea nobis obveniant. « Postulationes, » Græce ἐντεύξεις, vocantur interpellationes, cum accusamus eos, qui nos injuria afficiunt, inquit Theodoretus; vel, ut Primasius, cum interpellamus pro aliorum salute. Denique « gratiarum actio » Deo offertur pro bonis, quæ nobis prius contigerunt.

Nota cum Ambrosio, Augustino, Chrysostomo et aliis, Apostolum loqui maxime de oratione publica et communi, qualis est Missa, Litanie et similes. Unde S. Augustinus, *epist. 59 ad Paulinum*, Quæst. V, apte hæc refert ad Missæ liturgiam, ut « obsecrationes » sint confiteor, et aliæ orationes Missæ, quæ fiunt ante consecrationem, in quibus est frequens deprecatio et obsecratio per Christum, et alias res sacras; « orationes » vero sint eæ, quæ fiunt sub consecrationem. Græcum enim προσευχή significat orationem quæ fit cum oblatione (qualis est in consecratione) vel voto. Deinde ut « postulationes » fiant post consecrationem, cum populus benedicitur; tunc enim, inquit Augustinus, « Antistites velut advocati susceptos suos per manus impositionem misericordissimæ offerunt potestati; » scilicet cum sacerdos post consecrationem pro seipso pro vivis et defunctis postulat beneficia, eumque populum benedicit, tunc eum quasi misericordiam

Tripartit
hujus te
ci expon
tio.

S. An
gustinus
hunc
Pauli lo
cum re
fert ad li
turgiam
Missæ
ejusque
partes.

13

Dei sistit, et sua postulatione beneficio afficiendum offert. Quibus peractis, « participato tanto Sacramento gratiarum actio cuncta (liturgiæ et Missæ mysteria) concludit. » Hactenus Augustinus. Ex quo S. Augustini loco patet hunc Missæ ritum saltem in communi et quoad hasce partes, fuisse tempore S. Augustini usu communi Ecclesiæ receptum, quasi traditum a majoribus ex Apostolorum institutione. Idem patet ex liturgiis S. Jacobi, Basilii, Chrysostomi, quas ipsorum genuinas esse docent tum alii, tum VI Synodus, can. 32, discrete asserit de illa quæ S. Jacobo ascribitur.

Promiscue in Missa sacerdos obsecrat, orat, postulat et gratias agit.

Non minus apte Franciscus Suarez, III part., Quæst. LXXXIII, disp. LXXXIII, sect. 1, putat hæc omnia promiscue quavis Missæ parte fieri : in quavis enim sacerdos nunc petit, nunc obsecrat, nunc iterum iterumque gratias agit. Et idem imitandum est cuivis fidei in privata oratione : hunc enim orandi et psallendi modum docet David in psalmis, ubi omnes hos affectus alternat, ut nunc obsecret, statim postulet, mox gratias agat, rursum oret, statim gratias agat, mox obsecret, etc. ; optima enim est oratio, quæ ex mentis affectibus prodit ; et sicuti qui affectibus indulget, eos miscet et alternat, idem faciat qui Deum affectuose orat. Aliter hæc distinguit S. Bernardus, in *Sententiis* : « Obsecrationes, ait, verècundo, orationes puro, postulationes amplo, gratiarum actiones fiunt affectu devoto. » Explicat singula per exempla : Obsecrationis, inquit, typum tenuit hæmorrhœissa, *Matth.* cap. ix, 21, quæ cupiens sanari dixit intra se : « Si teligero fimbriam vestimenti ejus, salva ero. » Orationis exemplum dedit Magdalena, quæ pure confitens peccata, lacrymis rigando pedes Christi orabat veniam. Postulatio est, quando is qui pro se oraverat, jam orat pro aliis. Sic orantur Apostoli pro Cananæa : « Dimitte illam, quia clamat post nos. » Gratiarum actio fuit illa Christi suscitaturi Lazarum : « Pater, gratias ago tibi, quia audisti me. »

Vers. 2. **2. PRO REGIBUS, ET OMNIBUS QUI IN SUBLIMITATE SUNT.** — Græce ἐν ὑψηλοῦ, id est in dignitate, vel eminentia. « Pro fide ergo, conversione et salute regum et principum, qui fastu suo ab humilitate Christiana abhorrent, ne despera, sed ora, ut orationibus humilium Deus præstet salutem sublimium, » ait Augustinus, *Enchirid.* ciii. Hinc dicimus primo, cuivis fidei maxime orandum pro Prælatiis tam ecclesiasticis, quam civilibus : hi enim plurimum possunt, et ab his pendet tota respublica et Ecclesia ; quales enim hi sunt, tales fere sunt et subditi : nam

Regis ad exemplum totus componitur orbis.

Sic Constantinus conversus orbem convertit, idola sustulit, ecclesias erexit.

Triplici de causa Secundo, non tantum pro regibus et magistratibus Christianis, sed etiam pro infidelibus et Ethni-

cis, puta Nerone et similibus, qui tempore Pauli regnabant, orari vult Apostolus, idque, ut notat Chrysostomus, triplici de causa : Primo, ut Christiani odium omne deponerent, cum pro omnibus orare jubeantur ; nemo enim cum odisse potest, pro quo orat. Secundo, ut ipsi reges et principes mitiores essent in Christianos, quos scirent pro se orare, etiam dum illos persequerentur et cruciarent. Ita in castris M. Aurelii Antonini Imperatoris siti afflictis, Christiana legio Romanis pluviam impetravit, quæ cum tonitru fulmina in Romanorum hostes vibravit. Unde hæc legio dicta est *καταυρομένης*, id est *Fulminatrix*. Ad quam alludens Tertullianus, cap. xl *Apolog.*, ita cum Gentilibus expostulat : « Cum ab imbris æstiva hiberna suspendunt, et annus in cura est, vos quidem quotidie pasti, statimque pransuri, balneis et cauponis et lupanaribus operati, aqualicia (id est sacrificia ad aquam eliciendam) Jovi immolatis, nudipedalia populo annuntiat, cælum apud Capitolium quæritis, nubila de laquearibus expectatis, aversi ab ipso et Deo, et cælo. Nos vero jejuniis aridi, et omni continentia expressi, ab omni vitæ fruge dilati, in sacco et cinere volutantes, invidia cælum tundimus, Deum tangimus ; et cum misericordiam extorserimus, Jupiter honoratur. »

Sic Christianos olim in sanctis mysteriis pro rege sive Imperatore, etiam infideli (qualis tunc erat Nero, Decius, Diocletianus), orare solitos esse, testes sunt Justinus, *Apolog.*, II ; Origenes, lib. VIII *Contra Celsum* ; Arnobius, lib. III *Contra Gentes* ; Eusebius, lib. IV *Histor.*, cap. xxvi. Ita S. Cyprianus, ut habet ejus Vita, cum ei a præfecto objectum esset, quod ipse tanquam Christianus in Cæsarem conjurasset ; libere respondit : « Longissime absumus nos Christiani ab ista culpa, qui Cæsari, etiamsi alia sacra, alios deos colenti, tamen quia princeps noster est, bene cupimus et precamur, et rogamus Deum nostrum, ut ad cogitationem verorum honorum adducat. »

Hinc moraliter Chrysostomus hic, hom. 6, ex eo quod Apostolus hortetur nos, ut pro omnibus oremus, ac consequenter pro inimicis et persecutoribus, invehitur in eos qui orant pro vindicta inimicorum, dicentes Deo : Retribue illi quod mihi fecit ; percutite illum, uti me percussit. « Discamus, inquit, orare ut convenit Christianis ; Gentilium illæ preces sunt, Judæorum ejusmodi orationes censentur. Christianis jussum est, eis qui peccaverunt ; indulgentiam facilem dare, atque ut eis a Deo ignoscatur, tota intentione deprecari. »

Et infra : « Videris quidem, inquit, inimico, dum contra eum oras, intentare vulnus, re autem vera contra te ipsum gladium impellis ; non permittis judicem in tuis tecum rebus mitius agere, dum illum adversus alium provocas. »

Tertia pro Gentilibus principibus orandi causa

orandum pro Magistratibus, etiam infidelibus

Legio Fulminatrix sua prece impetravit Antonino pluviam.

fuit, ut scilicet a Deo gratiam bene et pacifice regendi illis impetrarent, utque Deus eo modo flecteret et dirigeret eorum animum et regimen, quo proficuum erat Ecclesiae ejusque paci et tranquillitati.

Nam, ut eleganter ait Plutarchus, « Imperium Romanum vinculum pacis erat, velut anchora fluctuanti mundo. » Hinc Tertullianus, *Apolog.* xxx, ad calumniam Ethnicorum respondens : « In cœlum, ait, suspicientes Christiani manibus expansis, quia innocuis; capite nudo, quia non erubescimus; denique sine monitore, quia pectore oramus; precantes semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, et quaecumque hominis et Cæsaris vota sunt. »

Sic Jeremias, cap. xxix, ex Hierosolyma scripsit Judæis in Babylone degentibus, ut orarent pro vita Nabuchodonosoris et filiorum ejus : « Quia in pace, inquit, illius erit pax vestra. »

Addit *quartam* Theodoretus, non tantum orandum esse pro regibus, ut per eos pace fruamur et quietam vitam agamus, sed etiam ut ipsi ab impietate traducantur ad fidem et pietatem, uti subdit Apostolus : « Hoc enim bonum est et acceptum coram Deo, qui omnes homines vult salvos fieri. »

Dices : S. Augustinus, lib. I *De Anima et ejus Origine*, cap. ix, ait : « Quis offerat corpus Christi, nisi pro eis qui sunt membra Christi? » atqui infideles non sunt membra Christi, ergo pro eis non est offerendum, nec orandum. Respondeo, « pro eis, » scilicet defunctis; loquitur enim Augustinus de parvulis sine fide et baptismo mortuis, dicitque pro eis non esse orandum, quia hi nec sunt, nec fieri possunt membra Christi. Infideles autem quamdiu vivunt, fieri possunt membra Christi, ideoque pro eis orandum est.

Nota *tertio* : Episcopo et sacerdoti incumbit pro omnibus orare; nam, ut inquit Chrysostomus, quasi communis quidam totius orbis pater est sacerdos; dignum ergo est, ut omnium curam agat, omnibusque provideat, sicut et Deus, cuius ministerio servit, et fungitur vice. Est enim mundus hic quasi templum quoddam sanctum et Deo dignum, ut aiebat Diogenes apud Plutarchum in fine libri *De Tranquill. animi*, et Philo, lib. II *De Monarchia*, initio, et Lactantius, lib. *De Ira Dei*, cap. xiv, imo ipse propheta Baruch, cap. iii, 24 : « O Israel, inquit, quam magna est domus Dei! » scilicet mundus hic totus. Hujus quasi divini templi antistes constitutus est sacerdos, ut sacerdotio fungatur, et deprecetur pro universis creaturis.

Hinc in hac de causa pontifex legis veteris in sua veste totum representabat orbem; nam, ut dicitur *Sapientie* xviii, 24 : « In veste poderis totus erat orbis terrarum. » Ubi nota : Poderem vocat tunicam hyacinthinam, eo quod *αἰ ποδάς*, id est ad

pedes usque, extenderetur. Sub hac autem tunica hyacinthina per synecdochen omnes alias pontificis vestes intelligit. Femoralia ergo pontificis linea figurabant terram, ex qua linum nascitur; zona, qua cingebatur pontifex, significabat oceanum terram cingentem; tunica hyacinthina, utpote violacei, hoc est aerei coloris, representabat aerem. Ex hac tunica inferne dependebant mala punica, et tintinnabula; illa fulguris, hæc tonitruum specimen referebant. Super hæc omnia, vestiebatur ephod pretioso et vario, quod typus erat cœli sideri variis stellis distincti : ephod a tergo habebat duos onychinos lapides, qui significabant duo hemisphæria, vel solem et lunam; a fronte vero ephod in pectore habebat Rationale, in quo erant duodecim gemmæ, quæ representabant duodecim signa Zodiaci. Rursum hæc gemmæ duodecim inscripta habebant nomina duodecim tribuum Israel, ut scilicet meminisset pontifex se pro iis sacerdotio fungi, et semper orare debere. In capite pontifex gestabat tiaram, cui a fronte affixa erat lamina aurea, hac inscriptione nominis tetragrammati קדש לאדני *codes ladonai*, id est sanctitas Domino : tiara hæc significabat cœlum empyreum, lamina vero Deum omnibus præsentem. Sic ergo creaturas omnes orbemque universum sua veste pontifex representabat, ut meminisset se creatoris mundi esse ministrum, et indicaret omnem creaturam Dei misericordia indigere, seque pro ea tam voce, quam habitu assidue precari debere. Ita ex Josepho et Philone Hieronymus, epist. ad *Fabiolam*, ubi hasce vestes explicat. De quo plura dixi *Exodi* xxviii.

UT QUIETAM ET TRANQUILLAM (Græce *ἡσυχίαν καὶ ἡσυχίαν*, hoc est, placidam et quietam : ita Syrus, Vatablus et alii) VITAM AGAMUS, — quod continget, si ipsi reges et principes prudenter rempublicam administrent, et si hanc eis prudentiam orando impetremus.

IN OMNI PIETATE ET CASTITATE. — Pro castitate, græce est *αἰσχύνη*. Quæ vox non solum castitatem, sed et omnem honestatem et morum gravitatem significat, cerniturque in omni virtute, ait Theophylactus. Unde Syrus vertit, *in omni reverentia Dei et puritate*.

Nota *primo* : Vult nos Apostolus vitam agere quietam non in otio et deliciis, sed in pietate et sanctitate. Ita Theophylactus.

Nota *secundo*, pacem et quietem perutilem esse ad pietatem et vitæ honestatem; bellum enim et perturbatio, inquit Ambrosius, nec pietatem servat, nec castitatem. Videmus enim bello flagrante, urbes, templa, sacra omnia profanari et diripi, virgines violari, sacerdotes capi aut fugari, omnia rapinis et cædibus misceri, silere leges omnemque Dei cultum. « Tria sunt, ait Theophylactus, bellorum genera : unum, quod a Barbaris; alterum, quod privatim adversum nos geritur, ab his qui nobis infensi sunt; ter-

Mundus
est quasi
templum
Dei, in
quo, et
pro quo
orat Episcopus.

Hinc in
veste po-
deris to-
tus erat
orbis ter-
rarum.

tium, quod intra nos ex pravis motibus excitatur. Bellum igitur quod a Barbaris ingruit, regum industria virtusque sedat, quibus et nos orationibus succurrere opus est. Reliqua autem duo nos ipsi sedare debemus, hac sane ratione, ut illud quod ab osoribus nostris nobis infertur, mansuetudine vincamus, atque orationibus nostris afflictiones compensemus; istud vero, quod in nobis consurgit, per omnia justitiæ arma exsuperemus. »

Vers. 3 et 4. 3. HOC ENIM (ut scilicet oretur pro omnibus hominibus) BONUM EST ET ACCEPTUM CORAM SALVATORE NOSTRO DEO, QUI OMNES HOMINES VULT SALVOS FIERI, ET AD AGNITIONEM VERITATIS VENIRE. — Hinc sequitur, orationes piorum plurimum valere ad conversionem et salutem infidelium aliorumque hominum, adeoque multos suam eis salutem debere qui pro se orant. Sic S. Paulus suam conversionem et salutem debet precibus S. Stephani; si enim Stephanus pro Paulo non orasset, Ecclesia Paulum non haberet, inquit S. Augustinus, *serm. 4 De S. Stephano*. Hinc perutile est se aliorum, præsertim qui ob innocentiam et sanctitatem in magna apud Deum sunt gratia, precibus commendare.

Nota : Non Christum, sed Deum vocat « salvatorem, » quia Deus vult omnes salvos fieri, ideoque Christum salvatorem omnibus dedit. Sic Deum « salvatorem » vocavit cap. I, vers. 1.

Vers. 4. 4. QUI (DEUS) OMNES HOMINES VULT SALVOS FIERI. — Quæritur, quomodo hoc sit verum : si enim Deus id velit, cum omnia quæcumque vult faciat, sequitur facturum esse Deum, ut omnes salventur. Rursum, Deus multos vult damnare, non ergo eos, ac per consequens non ergo omnes salvare vult. Respondet *primo*, S. Augustinus, *Enchirid. ciii*, vocem « omnes » hic capi et distribui non pro singulis generum, sed pro generibus singulorum, id est non significare singulos homines, sed ex omni hominum genere aliquos, puta aliquos reges, aliquos plebeios; viros aliquos, aliquas feminas; Judæos aliquos, aliquos Hispanos, aliquos Belgas, etc., Deum velle salvare. Hanc expositionem avide arripit Beza.

Secunda. *Secundo*, idem Augustinus ibidem respondet, Deum velle salvos fieri omnes, scilicet eos, qui salvi fiunt : sicut dicitur magister, qui solus docet in aliqua civitate, docere omnes pueros illius civitatis, quia quicumque pueri docentur, ab eo docentur, *q. d.* Nullus sine Dei voluntate fit salvus, sed omnes et soli prædestinati a Deo, Deique electione et voluntate salvantur : Deus ergo pro omnium illorum salute orandus est. Verum hæ restrictiones videntur esse præter mentem Apostoli : Apostolus enim vult nos, non pro aliquibus, aut solis salvandis, sed pro omnibus omnino hominibus orare; et rationem hanc subdit, quod hoc acceptum sit Deo, quia Deus vult omnes homines salvos fieri. Rursum hoc ipsum, scilicet, quod Deus velit omnes homines salvos

fieri, alia ratione probat Apostolus, dum subdit : « Unus enim Deus, unus et mediator Dei et hominum homo Christus Jesus, qui dedit redemptionem semetipsum pro omnibus; » atqui Christus pro omnibus omnino hominibus mortuus est, omnibusque redemptionem, id est lytrum redemptionis, sua morte comparavit : ergo et Deus ipse, qui Christum hoc fine nasci, pati et mori voluit, adeoque misit, vult omnes omnino homines salvos fieri.

Tertio, S. Augustinus, lib. *De Corrept. et Gratia*, *Tertia*, cap. xv : Deus, inquit, vult, id est facit nos velle, ut omnes salventur. Sicut *Gal. iv, 6*, dicitur : « Misit Deus Spiritum Filii sui clamantem (id est clamare nos facientem), Abba Pater. » Sed nec hoc satisfacit scopo et menti Apostoli, qui hisce verbis vult ostendere acceptum hoc esse Deo, ut omnes salventur : quia scilicet idipsum vult non in nobis, sed in seipso; quomodo enim hoc acceptum potest esse Deo, nisi Deus in seipso idipsum velit, in eoque sibi complacit ?

Quarto, D. Thomas, Cajetanus et alii : Deus, *Quarta*, inquit, vult omnes salvos fieri, voluntate, non beneplaciti, sed signi, quia scilicet Deus omnibus hominibus proponit doctrinam, fidem et præcepta salutis : sed hæc voluntas non sufficit, nam si tantum omnibus dat hæc signa, nimirum præcepta salutis, revera autem non vult Deus omnium salutem, nec vult omnes salvare; ergo fide hæc eis signa exhibet. Hisce signis enim significat, se serio cupere omnium salutem : cur enim hæc signa omnibus exhibet, nisi ut significet se sincere velle ut omnes salventur ? Quod si nolit omnes salvare, et tamen hisce signis significet se velle omnes salvare, simulate ergo ac dolose agit Deus : hoc autem impium est dicere de prima illa veritate, sinceritate et bonitate Dei.

Dico ergo *quinto*, Deus vult, id est sincere cupit, et ex animo desiderat, omnes homines salvos fieri, ideoque omnibus dedit Christum redemptorem, et per eum gratiam, Sacramenta et alia omnia media ad salutem necessaria suppeditavit, quantum est ex parte sua, ut, si qui pereant, non Dei voluntate et prædestinatione, sed sua culpa et malitia pereant. Hæc ergo Dei voluntas salvandi omnes non tantum est signi, quam scilicet Deus significavit per tot exhortationes, præcepta, pœnas et præmia hominibus proposita; sed etiam est beneplaciti; non tamen completa, consequens et totaliter efficax, sed incompleta, antecedens et efficax tantum ex parte Dei. Ubi nota ex Damasceno, lib. II *De Fide*, cap. xxix : Voluntas Dei, quæ dicitur beneplaciti, est duplex, una antecedens, quæ scilicet antecedit omnem prævisionem bonorum, vel malorum operum hominis, quæque tantum manat ex Deo, et Dei in homines benevolentia : altera est consequens, qua prævisis bonis, vel malis operibus hominis, vult eum complete et efficaciter vel salvare, vel damnare.

Quinta,
et *geu-*
na.

Volunta
Dei ali
antecedens, ali
consequens.

Deus ex parte sua serio cupit omnium salutem, ad eamque sufficientiam dat media. Ibi ergo, Deum velle omnes salvare voluntate non consequente (hac enim impios, praevisa eorum impietate, damnare vult, non salvare), sed antecedente; ante scilicet praevisionem finalis impenitentiae, sive mortis alicujus in peccato, quantum est ex parte sua, serio et ex animo cupit et optat Deus omnium salutem, omnesque eo vocat, et ad eam sufficientiam dat media. Verum ut haec voluntas fiat completa et efficax, id est ut efficaciter sortiatur effectum, salutem scilicet a Deo volitam, debet accedere conditio a Deo requisita ex parte hominis, ejusdem scilicet cooperatio, ut scilicet homo mediis a Deo ad salutem praescriptis utatur, eamque per bona opera mereatur. Ita Damascenus, lib. II *De Fide*, cap. xxix; Oecumenius, Chrysostomus, Ambrosius, Hieronymus. Imo S. Augustinus, *De Spiritu et Litt.*, xxxiii, et Prosper ad primam objectionem Vincentianam; et patet ex praeced. et seq. hic in Apostolo, ut dixi circa expositionem primam et secundam. Et hoc confirmat S. Petrus, *epist.* II, cap. iii, 9: «Deus, inquit, patienter agit propter vos, nolens aliquos perire, sed omnes ad penitentiam reverti.» Et *Ezech.* cap. xviii, 23: «Numquid voluntatis meae est mors impii, dicit Dominus Deus, et non magis ut convertatur a viis suis, et vivat?» Et Christus, *Matth.* xi, 28: «Venite ad me omnes, qui laboratis, et onerati estis, et ego reficiam vos.» Ac rursum: «Non veni vocare justos, sed peccatores.» Hic enim est finis incarnationis et totius oeconomiae Christi, ut scilicet omnes homines invitaret et vocaret ad salutem, non superficialiter, non vocaliter, non simulate, sed serio, sed ex intimo animi sui desiderio: hac, inquam, de causa, tantos labores, fatigationes, dolores et ipsam crucis mortem subiit, ut si qui pereant, magno Christi dolore, ac contra ipsius voluntatem suaeque negligentia pereant. Ita sane suadet pietas, et amor Christi, ut haec et plura de ejus redemptione tam copiosa sentiamus.

Unde pulchre S. Ambrosius: «Si Deus, inquit, qui omnipotens dicitur, omnes homines salvos vult fieri, cur non impletur ejus voluntas? Sed in locutione sensus est, conditio latet.» Ac paulo infra: «Vult enim Deus omnes salvos fieri, sed si accedant ad eum: non enim sic vult, ut nolentes salventur; sed vult illos salvari, si et ipsi velint,» etc.

Et Hieronymus in illa verba *Ephes.* i, *Secundum propositum ejus, qui universa operatur, secundum consilium voluntatis suae*, etc., sic ait: «Vult autem, scilicet Deus, ea, quaecumque sunt plena rationis atque consilii; vult salvari omnes, et in agnitionem veritatis venire: sed quia nullus absque propria voluntate salvatur (liberi enim arbitrii sumus), vult nos bonum velle, ut, cum voluerimus, velit in nobis et ipse suum implere consilium.»

Et Damascenus loco citato: «Neque latendum est, ait, Deum praecedenter velle omnes salvari

et regnum ejus consequi: non enim ad puniendum nos plasmavit, sed ut efficiat nos bonitatis suae participes, ut bonus; peccantes autem puniri vult, ut justus. Dicitur igitur prima praecedensque voluntas, et acceptatio ex ipso existens; secunda vero voluntas sequens, et permissio ex nostra causa existens.»

Denique ut alios taceam, id diserte docet S. Clemens Romanus, lib. II *Constit. Apost.*, cap. lxx, quasi ab Apostolis acceptum, et sententiam verissimam, Deum scilicet a mundi exordio voluisse omnes homines salvare, omnesque ad penitentiam et salutem vocasse per suos Prophetas aliosque viros justos. Deinde subicit: «Nos ergo, qui digni facti sumus, ut essemus testes adventus ipsius, cum Jacobo, fratre Domini, et aliis septuaginta duobus et septem diaconis ejus, ex ore Domini nostri Jesu Christi audivimus, et perfecte scientes dicimus, quae sit voluntas Dei bona, placens et perfecta, per Jesum Christum nobis demonstrata, ut nullus intereat, sed universi homines unanimi sententia credentes ei, et unanimem laudem ferentes in eum, vivant in aeternum.» Haec ille.

Dices quomodo ergo *Matth.* xx, 28 et alibi dicitur, quod Filius hominis venit dare animam suam non pro omnibus, sed pro multis? Respondent aliqui, «pro multis,» scilicet electis, Christus animam dedit efficaciter, sed sufficienter pro omnibus. Verum genuine et simpliciter respondeo, «pro multis,» id est pro omnibus: omnes enim sunt multi. Vult enim dicere non ad paucos extendere se hoc Christi beneficium, sed ad multos, puta ad omnium hominum, qui sunt, fuerunt, vel erunt, multitudinem. Ita saepe alibi per multos intelliguntur omnes.

5. UNUS ENIM DEUS, UNUS ET MEDIATOR DEI ET HOMINUM, HOMO CHRISTUS JESUS. — Unus Deus est SS. Trinitas, a qua distinguitur Christus ut mediator, id est ut homo: perperam ergo ex hoc loco Ariani probant, Christum non esse Deum.

Nota: Apostolus hic probat id quod dixit, Deum scilicet velle omnes homines salvos fieri, hoc argumento: Unus est omnium hominum tam fidelium, quam infidelium Deus, id est creator, provisor et pater, qui summe bonus, omnes homines quasi filios suos amat, ac salvos esse cupit; ideoque dedit Christum mediatorem, ut scilicet unus et idem Christus omnium omnino hominum esset redemptor, utque per Christum omnes sibi homines jungeret ac salvaret: patet ergo quod Deus serio et sincere velit omnes homines salvos fieri. Ita Theodoretus, Anselmus et alii.

Nota, nomen «mediatoris» primo significare substantiale medium, seu vinculum, quo duae partes, vel res extreme distantes uniuntur et consociantur; sic Christus est substantialis mediator, quia in Christo humana natura et divina, quae maxime a se invicem distant, substantialiter conjunctae et unitae sunt. Ita Ambrosius, Chrysosto-

Es. S. Clemens.

Vers. 5.

Mediator duo significat.

mus, Theodoretus. Addit S. Augustinus, lib. IX *De Civit.*, cap. xv, Christum etiam fuisse mediatorum, id est medium, inter Deum et homines ratione status : quia simul beatus fuit, uti est Deus; et simul viator fuit, uti sunt homines.

Secundo, « mediator » significat eum, qui partes dissidentes et inimicas, sive rogando, sive consulendo, sive satisfaciendo parti læsæ, ipsamque reconciliationem et amicitiam perficiendo et reintegrando, componit. Unde pro *mediator*, Vatablus et Erasmus vertunt, *conciliator*; Tertullianus, lib. *De Resurrect. carnis*, vergit *sequester*. Et hoc sensu proprie Christus hic dicitur « mediator, » licet hic sensus priorem supponat : necesse enim fuit in Christo hypostaticè naturam divinam et humanam copulari, ut odia inter Deum et homines componeret. Ita Augustinus supra, Chrysostomus, Ambrosius et pulchre Theodoretus : « Unus, inquit (Christus), est conciliator pacis, qui ea, quæ erant inter se disjuncta et distantia, conjunxit; Christum autem hominem nominavit (scilicet Apostolus), quoniam vocavit intercessorem : homo enim factus fuit intercessor, et quemadmodum qui duos quospiam manibus inter se conserentes et confligentes vult reconciliare, se medium interponens, et hunc quidem dextra, illum vero sinistra tenens, ad amicitiam deducit et conjungit : ita ipse cum divinam naturam humanæ unisset, inviolabilem et quæ non potest dissolvi, pacem conciliavit. » Et Anselmus : « Erant, inquit, homines mortales et peccatores; Deus vero, cui erant conciliandi, ut possent salvari, immortalis erat et sine peccato. Mediator autem inter Deum et homines oportebat ut haberet aliquid simile Deo, et aliquid simile hominibus, ne in utroque hominibus similis longe esset a Deo, aut in utroque Deo similis longe esset ab hominibus, et ita mediator non esset. Et ideo inter mortales peccatores, et immortalem justum, apparuit mortalis cum hominibus, justus cum Deo. »

Adverte hic, Paulum, cum Christum vocat « unum mediatorem, » perstringere Simonem Magum ejusque asseclas, qui ex Platone docebant, non Christum, sed angelos, vel dæmones, esse mediatores hominum ad Deum. Unde toties epistola ad Ephesios (quorum Episcopus erat Timotheus, ad quem hæc scribit Paulus) dicit nos non nisi per Christum habere accessum ad Patrem. Vide *Coloss.* II, 18.

Hinc sequitur, quod Christus sit et dicatur unus mediator, id est redemptor, et hoc sensu solus Christus et mediator.

An solus Christus sit mediator, an et Sancti? Petes, an alio aliquo sensu Sancti, qui pro nobis apud Deum intercedunt, possint dici mediatores, an vero hoc nomen et hic titulus uni debeatur Christo.

Respondeo : Est hæc quæstio de nomine; nam inter Catholicos convenit Sanctos orare pro nobis, ac consequenter esse nostros apud Deum advocatos, intercessores et patronos; cum hæ-

reticis vero de nomine non multum contendemus. Concedant ipsi, Sanctos quasi advocatos apud Deum pro nobis intercedere, esto nomen eis mediatoris negent, unique Christo tribuant, dabimus illis societatis dextras. Ut tamen umbras, quas aliqui in hoc nomine faciunt, dispellam, dico Sanctos hoc sensu, quod scilicet orando mediant et intercedunt pro nobis apud Deum, dici posse mediatores. Græcè enim *μεσίτης*, hoc est mediator, dicitur, quicumque quavis ratione inter duos dissidentes medium se interponit. Sic Moses vocatur medius et mediator inter Deum et populum, *Deuter.* v, 4, et *Galat.* III, 19, ut ibi dixi. Sic *Hebr.* v, 1 : « Omnis pontifex, inquit, ex hominibus assumptus pro hominibus constituitur in iis quæ sunt ad Deum, ut offerat dona et sacrificia pro peccatis. »

Quid hoc est aliud, quam pontificem pro hominibus hominumque peccatis esse mediatorem ad Deum constitutum? imo Apostolus hic cap. IV, vers. ultim., Timotheum vocat mediatorem, quod longe majus est quam esse mediatorem : « Hoc, inquit, faciens, teipsum salvum facies, et eos qui te audiunt. » Quid est aliud « salvum facies, » quam eris salvator? et hoc sensu Sanctos pro nobis orantes mediatores vocat Nazianzenus in orat. ad Gregorium Nyssenum; Hieronymus, in cap. II *Malachiæ*; Chrysostomus, hom. 6 *De Sacerd.*; Cyrillus, lib. XII *Thesauri*, cap. I; Gregorius, lib. I, *epist.* 24, et alii.

Ubi tamen adverte : In hoc ipso magna est inter Christum et Sanctos differentia : licet enim Sancti orando pro nobis sint mediatores, ministeriales scilicet, mediati et secundarii, ut ait Cyrillus, lib. XII *Thesauri*, cap. I, Christus tamen solus mediator est principalis immediatus et primarius : nam solus Christus immediate per seipsum accedit ad Patrem, et orat pro omnibus, nobisque gratiam deprecatur quasi ex jure meritum suorum; Sancti vero orant pro nobis, non ex jure, aut meritis suis, quasi nobis gratiam aliquam meruerint, eamque nobis quasi ex debito postulent; sed orant per Christum Christique meritis innixi. Unde S. Bernardus, serm. *De S. Maria*, in illud *Apoc.* XII : « Signum magnum apparuit in celo, » insinuat Sanctos non esse dicendos mediatores Dei et hominum, sed mediatores ad mediatorem; quia ad Christum et per Christum accedunt ad Deum, orantque pro nobis. « Opus, inquit, est mediatore ad mediatorem (Christum, qui unus est mediator Dei et hominum), nec alter nobis utilior, quam Maria. » Et hoc sensu S. Augustinus, lib. II *Contra epistolas Parmen.*, VIII, plures concedit advocatos, sed unum mediatorem : « Pro quo, inquit, nullus interpellat, sed ipse pro omnibus, hic unus verusque mediator est. » Agit enim hic S. Augustinus contra Donatistas, qui putabant a sacerdote pendere gratiam Sacramenti, ita ut sacerdos bonus sanctificaret baptizando, malus vero baptizando pollueret, et

Moses vocatur mediator.

Quo sensu S. Augustinus dicit Christum solam esse

mediator? proinde faciebant sacerdotem mediatorem quodammodo redemptionis. Ideo S. Augustinus docet plebem esse securam, sive a bono, sive a malo baptizetur, quia unus est mediator Dei et hominum Christus.

Atque hac de causa Catholici nonnulli satis scrupulose cavent ne mediatoris nomen alteri tribuant, quam Christo: sed cum Moses vocetur mediator, ut dixi, cumque de re nomine hoc significata constet, posse eam certo modo et sensu convenire Sanctis, non video quis hic faciendus sit scrupulus, si quis secundum sensum jam datum Sanctos vocet mediatores; nec in hac re scrupulum fecit S. Augustinus: quod enim ipse non neget sacerdotem posse dici mediatorem orando, patet, quia ibidem dicit, Christianos recte facere cum se alterius orationibus commendant.

Denique nota: In Christo solus Deus non est mediator, nec solus homo, sed Deus-homo: hic enim exercuit opera mediatoris, seu redemptionis nostrae in humanitate a se assumpta; ita ut principium quod (ut loquuntur Scholastici) talium operum sit Deus, seu hic homo qui Deus est; principium quo sit humanitas, utpote in qua et per quam perfecta sunt haec omnia opera, puta omnes actiones et passiones mediatoris, et hoc est quod Paulus hic disertè ait: « Unus mediator, etc., homo Christus Jesus. » Ita S. Augustinus, lib. II *De Peccato origin.*, cap. xxviii. Vide D. Thomam et Scholasticos, III *part.*, *Quest.* XXVI, *q. d.* Apostolus: Christus est omnium mediator, ergo, ut dixi, Deus vult omnium salutem; ad hanc enim procurandam, omnibus a Deo datus est Christus mediator, ac consequenter pro omnibus orare oportet, ut redemptionis hujus Christi fiant participes. Ita S. Augustinus, *epist.* 59, *Quest.* VI *ad Paulinum*.

Ver. 6. 6. QUI DEDIT REDEMPTIONEM SEMETIPSUM PRO OMNIBUS, TESTIMONIUM TEMPORIBUS SUI. — « Redemptionem, » id est [pretium redemptionis, quod Graeci vocant λύτρον, quo captivi ab hostibus redimuntur. Verum Apostolus, ut efficacius significaret hanc redemptionem non esse factam pecunia, sed corpore et vita Christi, non simpliciter eam vocat λύτρον, sed ἀντίλυτρον, quod significat pretium vicarium, quo res cum re simili, puta, vita unius cum vita alterius, caput unius cum capite alterius commutatur: sic enim Christus pro nostra vita, suam tradidit quasi ἀντίλυτρον nostrum. Ita Theophylactus.

Nota: Nonnulli hic addunt, et legunt: « Cujus testimonium confirmatum est, » quod Ambrosius sic explicat, *q. d.* Redemptionis hujus a Christo factae apertum documentum datum est in Christi resurrectione, Apostolorum praedicatione et miraculis, quibus hanc redemptionem comprobant. Verum *τὸ* *cujus*, et *confirmatum* est, delendum est cum Romanis, Graecis et Syro, tantumque legendum est, *testimonium temporibus suis*, et sensus est, *q. d.* Christus seipsum dedit pro

omnibus in pretium redemptionis eo fine, ut scilicet haec ipsa Christi redemptio suis temporibus esset testimonium, tum divinae charitatis, fidelitatis (qua hanc redemptionem hominibus per Prophetas promisit; et re ipsa praestitit [1]) et philanthropiae in hac vita: Christi enim sanguis effusus testatur et fidem facit quantum Deus nos diligat, et quantopere cupiat omnes salvos fieri; tum aequitatis et justitiae divinae in futuro iudicio: tunc enim Christi passio, erux et redemptio testabitur ex parte Dei nihil defuisse, quo minus omnes; quantumvis impli, salvarentur, sed ex parte eorum stetisse, eo quod noluerunt Christo obsequi ejusque redemptionem amplecti, ac consequenter justissime eos damnari. Ita Anselmus.

Moraliter S. Chrysostomus, *hom.* 7 in morali, docet magnae ingratitudinis esse, si Christi redemptioni et amor non respondeamus in amore et misericordia erga proximos. « Litavit, inquit, Christus semetipsum pro inimicis, pro his qui se oderant, pro aversis a se. Id quod neque pro amicis, neque pro filiis, neque pro fratribus faceret quispiam, hoc fecit pro servis Dominus, pro mortalibus immortalis, pro temporalibus sempiternus, pro inimicis denique Dei Filius. » Et infra: « Ipse enim, ait, pro nobis semetipsum offerre dignatus est: nos illum necessario indigentem cibo miseri aspernamur, infirmumque ac nudum nec visitare dignamur: quanta haec ira plectenda sunt? quibus cruciatibus, quibus incendiis obnoxia sunt? »

7. IN QUO (τὸ ἐν, ad quod, scilicet testimonium, **Ver. 7.** et Christi redemptionem promulgandam) POSITUM SUM EGO PRAEDICATOR, ET APOSTOLUS (VERITATEM DICO, NON MENTIOR) DOCTOR GENTIUM IN FIDE ET VERITATE. — Nota *primo*: Pro praedicator, graece est κηρύξ, hoc est praeco, crucis scilicet, mortis et redemptionis Christi, non hoc illo loco, sed toto orbe et apud omnes gentes, inquit Theophylactus. Sic S. Franciscus cum in praedones incidisset, rogatus quisnam esset, respondit se esse praedictum magni Dei.

Nota *secundo*: Ad *veritatem dico*, Graeca addunt ἐν Χριστῷ, in Christo, quasi Paulus juret per Christum se veritatem dicere; sed *τὸ* in Christo non habet Ambrosius, nec Chrysostomus, nec Romana, nec Syrus.

Nota *tertio*: In *fide*, id est fidelitate, *q. d.* Ego doctoris munere fungor summa fide et veritate, non doceo lucrī causa, non fictē, non ad plausum. « Non sumus, inquit II *Corinth.* II, 17, sicut pluri mi adulterantes verbum Dei, sed ex sinceritate, sed sicut ex Deo, coram Deo; in Christo loquimur. » *Secundo*, Syrus vertit, בהימנותא דשרא, in fide veritatis, id est in fide vera et germana

(1) Ita Allioli qui sic vertit, sic reddens testimonium veritati tempore antea prophetis destinato.

Unde simplicissime cum aliis accipi hic potest fides Evangelica et Catholica, *q. d.* Non doceo humana inventa, sed ea, quæ pertinent ad fidem Evangelii; et ne in hac fide et doctrina mea putes aliquid esse mendacii et falsitatis, addo « et veritate. »

Rursum, apte fidem præponit veritati, quia per fidem obtingit nobis quasi præmium cognitio veritatis; nam, ut ait Propheta: « Nisi credideritis, non intelligetis. » Hinc pulchre ex Platone in *Timæo*, S. Augustinus, lib. *De Consensu Evang.*, cap. *xxxv*: « Quantum, inquit, ad id quod ortum est æternitas valet, tantum ad fidem veritas. Duo illa sursum sunt, æternitas et veritas: duo ista deorsum, quod ortum est et fides. Ut ergo ab imis ad summa revocemur, atque id quod ortum est recipiat æternitatem, per fidem veniendum est veritatem. Et quia omnia quæ in contrarium agunt, per aliquod medium reducuntur, ab æterna iustitia temporalis iniquitas nos alienabat. Opus ergo erat media iustitia temporali, quæ medietas temporalis esset de imis mixta et summis, atque ita se nec abrumpens a summis et temperans imis, ima redderet summis. Ideo Christus mediator Dei et hominum dictus est inter Deum immortalem et hominem mortalem, Deus et homo reconcilians hominem Deo, manens id quod erat, factus quod non erat. Ipse est nobis fides in rebus ortis, qui est veritas in æternis. »

Hoc ergo est sacerdotis et Apostoli munus, docere scilicet fidem et veritatem. « Labia, inquit Malachias *ii*, 7, sacerdotis custodient scientiam, et legem requirent ex ore ejus. » Et Hieronymus, in *vii Ezech.*, in fine: « Singula, inquit, requiruntur a singulis; vaticinium enim futurorum proprie requiritur a Propheta: legis vero interpretatio sacerdotis officium est. » Hinc summus sacerdos Rationali suo inscriptum habebat אורִים וְתוֹמִים *urim velummim*, id est doctrina et veritas, cujus inscriptionis moralis ratio erat, ut sacerdotem admoneret sui officii, sanæ videlicet doctrinæ et veritatis, sive integritatis (hoc enim vox *tummim* hebraice significat) vitæ. Historica vero causa erat, ut sacerdotii dignitas commendaretur populo, quando eum Rationali indutum edoceri a Deo de futuris eventis, et vice Dei oracula fundere cernebat: non quod per has voces *urim et tummim* Rationali inscriptas Deus responderet; sed quod per sacerdotem Rationali vestitum et pontificalibus indutum, tanquam fungentem jam munere pontificio, Deus illa revelaret, de quibus consulebatur. Idque hæc scriptura *urim et tummim* significabat, sacerdotem videlicet Rationali indutum esse in *urim et tummim*, hoc est, accipere a Deo doctrinam et veritatem dubiorum, de quibus eum consulebat: *urim* ergo non oraculum, sed index erat oculi. Et cum Scriptura dicit Deum per *urim* consultum esse, aut respondisse, metonymice accipiendum est, Deum scilicet respondisse per sacerdotem Rationali, in quo erat *urim*,

indutum; idque ut sacerdos typum gereret Christi, summi Prophetæ, per quem veritas facta est et allata e sinu Patris, *Joan.* *i*, 17 et 18. Erat igitur in sacerdote sic ornato oraculorum doctrina et veritas, ac esse debebat iudiciorum et legis doctrina, et veritas vitæ. De quibus plura dixi *Exod.* *xxviii* (1).

8. VOLO ERGO VIROS ORARE IN OMNI LOCO, LEVANTES PURAS MANUS SINE IRA ET DISCEPTATIONE. — Quæ de suo doctoratu et apostolatu præmisit Apostolus, quasi per parenthesis interjecit propter pseudoapostolos; nunc redit ad orationem quam initio capitis commendavit, *q. d.* Quod dixi orandum esse pro omnibus, non ad solos sacerdotes, sed ad omnes viros et mulieres pertinere volo.

Nota: Vult viros orare in omni loco, quod Ambrosius, Anselmus, S. Thomas et alii Latini intelligunt de oratione privata ubivis locorum faciendâ, *q. d.* Non tantum in ecclesia, sed et in agris, silvis, officina, itinere, navi, mensa, lecto et quovis loco, licitum est orare cuivis viro, eique suadeo ut oret. Ad hoc usi sunt veteres orationibus brevibus, sed crebris et ardentibus, quas jacularias vocant, eæque vel vocales erant, vel mentales tantum. De quibus S. Augustinus, *epist.* *121 ad Probam*, cap. *ix*: « Dicuntur, inquit, fratres in Ægypto crebras quidem habere orationes, sed eas tamen brevissimas et raptim quodammodo ejaculatas, ne illa vigilanter erecta, quæ oranti plurimum necessaria est, per productiones horas evanescat atque hebetetur intentio. Atque per hoc etiam ipsi satis ostendunt hanc intentionem, sicut non est obtundenda, si perdurare non potest, ita si perduraverit, non cito esse rumpendam: absit enim ab oratione multa locutio, sed non desit multa precatio, si fervens perseverat intentio. » Et infra: « Plerumque hoc negotium plus gemitibus quam sermonibus agitur, plus fletu quam afflatu. »

Ratio, cur Apostolus velit nos orare omni loco, est prima, quam dedit S. Augustinus, *serm.* *130 in Parasceve* de cruce et latrone, quia per Christum omnis locus factus est Christianis oratorium: « Judæis, inquit, Deus præcepit relinquere universam terram, et in uno loco offerre sacrificia, et vota reddere, quoniam immonda erat tunc universa terra fumo ararum, et nidore bustorum, cæterorumque coinquinatorum, eorum, quæ de profanis Gentilium sacrilegiis inferebantur super eam. Nobis vero jam, quoniam Christus adveniens expiavit universam terram, omnis locus oratorium factus est. Et ideo Apostolus hortatur et præcipit sine intermissione orare ubique, dicens: Volo orare viros in omni loco, levantes sanctas (sic enim habet S. Augustinus pro *puras*) manus. » Altera ratio est, quia oratio tam

(1) Addit hoc versu Apostolus, se ad Gentium apostolatuum assumptum esse, quo clarius pateat omnes salvos fieri Deum velle.

Sicut per
tempus
venitur
ad æter-
nitatem,
ita per fi-
dem ad
verita-
tem.

Sacerdo-
tis est do-
cere fi-
dem et
verita-
tem.

Quid
urim et
tummim,
id est doc-
trina et
veritas,
in Ratio-
nali pon-
tificis?

In omni
loco orare
possumus
per
orationes
jacularias.

Cur Pan-
lus velit
nos orare
in omni
loco, du-
plex est
causa.

Omnis
locus
Christi-
anis est
orato-
rium.

Oratio necessaria est animæ, quam cibus corpori. Id pulchre docet S. Antiochus, qui vixit a 900 annis, cujus homiliæ extant in appendice Bibliothecæ SS. Patrum, hom. 106 : « Oratio, ait, cum luctu conjuncta, et ad Deum effusa in spiritu, alimonia mentis est, haud secus ac panis corpori. » Quamque hoc utile, felix et divinum sit, declarat, dum subdit : « Beata sane mens, cui tempore orationis datum est, nullis se interpellantibus remoris, cum posse alloqui. Talis perinde se habet, ut aquilæ pullus, dum sese in sublime attollit; tota enim, felici nempe ac divina permutatione a se alienata, radioso splendore intermicat. » Ac rursum quam humiles ac mites efficiat oratio, declarat, dum subdit : « Jugis oratio et continens per congressum cum Deo familiarem, mentem advocat ab omni prudentia fastuque mundi, eamque Deo præsentem offert, quoque propius jungit Deo, hoc majore adimplet timore simul et mititate, » id est mansuetudine. Denique ad omnia vitia et concupiscentias edomandas, necessariam esse jugem orationem docet, dum ait : « Qui cariosam peccatorum putrilaginem a se excutere cupiunt, iis semper orationi incumbendum est, interna scilicet mentis locutione, etiamsi extra oratorias ædes diversentur. »

Secundo tamen, Græci hunc locum explicant de oratione publica, maxime sacrificii et synaxis, idque aptius cohæret præcedentibus et sequentibus; nam de oratione publica egit vers. 1, et in publica lavandæ et levandæ sunt puræ manus, non autem in privata. Rursum, quia mulieres vult orare in habitu ornato; ergo de publica oratione loquitur. Quid enim refert quo habitu mulier utatur, dum privatim orat in cubiculo? Loquitur ergo de publica oratione, quæ quovis loco, id est oratorio publicæ orationi dicato, facienda est, q. d. Judæi orant tantum in templo Hierosolymitano, ego vero Christianos volo orare in quavis ecclesia et in omni loco qui dicatus est orationi (1).

Est enim oratio quæ in ecclesia fit, efficacior ea quæ domi funditur, ut docet S. Chrysostomus, hom. 3 *De incomprehensibili Dei natura*, cum objectionem quorundam (qualis est Novantium nostrorum) elidens sic ait : « Orare vel domi possumus, dicunt; sed homiliam doctrinamque audire non nisi in ecclesia possumus. Te homo decipis. Nam etsi domi quoque Deum orandi est facultas, tamen fieri non potest, ut domi tam bene ores quam in ecclesia, ubi tot Patres, ubi clamor felici societate excitus, ad Deum immortalem refertur. Non pariter exoras cum solus Dominum obsecras, atque tuis cum fratribus. Est enim in hujusmodi plus aliquid, verbi gratia concordia, conspiratio, copula amoris et charitatis, sacerdotum clamores. Presunt enim ob eam rem sacerdotes, ut populi orationes, quæ infirmiores per se sunt, validiores illas complexæ, simul in cœ-

lum evehantur. » Adde, locus ipse sæpe devotionem orandi excitat, et propter Sanctos qui ibidem vixerunt vel requiescunt, miraculis aliisque donis et beneficiis a Deo celebratur. Hac de causa tantopere ad Bethleem S. Hieronymus anhelabat, eoque Marcellam, Paulinam et alias invitabat, ut ipse in epistolis ad eas datis profitetur. Eadem de causa S. Chrysostomus optabat adire limina Apostolorum, ut Petri et Pauli catenas exoscularetur, ut ipse scribit, hom. 8 in cap. iv *ad Ephes.* Vid. Bellarminum, lib. III *De Cultu Sanctorum*.

LEVANTES PURAS MANUS. — Græce *ἐλάττω*, hoc est *sanctas*, tum corporaliter eas ablundo, quomodo Judæi, *Exodi* cap. xix, jubentur sanctificare se ablundo vestes; tum spiritualiter, manus scilicet servando vacuas ira, ut sequitur, et disceptatione, pugnis, rapina, avaritia, turpitudine, ac per eleemosynas eas sanctificando. Ita Chrysostomus, Theophylactus, Œcumenius. Hinc Tertullianus in *Apolog.*, cap. xxx, pro « puras » legit *innocuas*. Unde et Augustinus, serm. 93 *De Tempore* : « In manibus, ait, opera debemus accipere; si ergo talia sunt opera, ut ea possis in altum in conspectu Domini levare, potes etiam et tu in teipso adversarios tuos excludere. Hos ergo si volumus vincere, manus nostræ, id est actus nostri, et conversatio nostra non sit in terris, sed in cœlo. » Sic Horatius, lib. I, *Satyra* 4, « puris manibus vivere » dixit, pro eo, quod est studiose et ex virtute vivere.

Nota, olim Christianos solere ante orationem manus ablueri : idque *primo*, honoris et reverentiæ causa; maxime quia, ut patet ex VI Synodo, *can. 101*, communicantes sacram hostiam excipiebant, non ore, uti jam fit, sed explicatis in formam crucis manibus, viri nudis, feminæ puro linteo, quod Dominicale vocabant, tectis, ut patet ex Concilio Altsiodorensi, *can. 36*; inde manibus hostiam ori admoventes, sumebant. *Secundo*, ut admonerent puritatis animæ. Diserte id habet Clemens, lib. VIII *Constit.*, xxxviii; et Tertullianus; *De Orat.*, xi : « Quæ, inquit, ratio est, manibus quidem ablutis, sed spiritu sordidato orare. »

Imo hac de causa, non tantum manibus lotis, sed etiam candidis induti vestibus ingrediebantur ecclesiam, ut docet S. Chrysostomus, hom. 23 *in Matth.* Atque hac de causa præter aquam benedictam, sive lustralem, posita erat pro foribus ecclesiæ aqua ad purificationem, ut patet ex Eusebio, lib. X *Hist.*, iv. Hujus lavacri loco successit et remansit vasculum aquæ benedictæ, positum in ingressu ecclesiæ ad expiationem levium peccatorum, ac soli jam sacerdotes in Missa lavant manus.

Nota *secundo* : Hic lotionis ritus, uti et multi alii, a Judæis fluxisse et manasse videtur ad Christianos; nam Judæos nonnisi lotis manibus adorasse Deum, docet Aristæus, lib. *De 72 Interpretibus*. Causam addit, illud scilicet testimonium esse ne quid perperam agant, sed pie sanc-

Christiani olim ante orationem lavabant manus, duas ob causas. Christiani olim Euchariam non ore, sed manu excipiebant, ideoque manus lavabant.

Aqua ad purificationem olim ponebatur ante fores ecclesiæ.

Judæi et Gentiles non nisi lotis manibus orabant.

(1) Ita Allioli et Rosenmullerus.

teque cuncta perficiant, quia omnia manibus exercentur. Idem Gentiles fecisse patet ex Tibullo, lib. I, *Eleg.* II :

Castia placent superis, pura cum veste venite,
Et manibus puris sumite fontis aquam.

Plura vide apud Baronium anno Christi 57, pag. 534 et 549.

Levare manus habitus est orantis. Nota *tertio* : Levare manus habitus est orantis. Hinc veterum et Judæorum, et Christianorum mos fuit orare elevatis manibus. Id patet *Exodi* XVII, 11 : « Cumque, inquit, levaret Moyses manus, vincebat Israel; sin autem paululum remisisset, superabat Amalec. » *Psal.* cxxxiii, 2 : « Extollite manus vestras in sancta, » id est versus sanctuarium. *Psal.* cxi, 2 : « Dirigatur oratio mea sicut incensum in conspectu tuo; elevatio manuum mearum sacrificium vespertinum, » *q. d.* Sicut thymiama, quod quotidie mane et vespere Deo incenditur et adoletur, ad Deum ascendit, Deoque gratissimum ac suavissimum est; ita et oratio mea, quæ quasi incensum ex corde meo sanctis desideriis æstuante evaporat, ad te, Domine, ascendat, tibi que suavis sit et grata. Rursum, oratio quam fundo elevatis ad te, o Domine, manibus, tibi placeat quasi sacrificium vespertinum, jube scilicet agni, quod tam vespere, quam mane immolabatur.

Ubi nota : Potius vespertinum dicit, quam matutinum, quia vespertinum erat honoratius : *Primo*, quia erat quasi finis et consummatio totius diei. *Secundo*, quia typus erat Eucharistiæ vespere in ultima cœna a Christo instituendæ. *Tertio*, quia offerebatur pro peccatis toto die admissis, cum animi contritione et mœrore, cujus symbolum est vesper et tenebræ. Ita Theodoretus ibi.

Idem mos fuit Gentilium duce natura. Unde Apuleius, lib. *De Mundo* : « Hæbitus, ait, orantium hic est, ut manibus extensis ad cœlum precemur. » Et Eusebius, lib. IV *De Vita Constant.*, xxviii, recitat legem Constantini, qua jussit etiam Gentiles feriari die Dominico, et vota sua Deo nuncupare manibus æque ac animis in cœlum elevatis. Hoc etiam habitu apud Romanos fingebatur simulacrum Pietatis; eodemque habitu suam imaginem fingi voluisse Constantinum, testis est Eusebius, lib. III *Vitæ ejus*, cap. iii.

Simulacrum pietatis.

Sex causa: cur orantes levant manus.

Quæres quæ hujus habitus et ritus sit causa? Respondeo : *Prima* causa est, quod hic habitus sit supplicis, petentis et sperantis auxilium ex alto : sicut submergendi manus extendunt tanquam auxilium petentes. *Secundam* causam dat Clemens Alexandrinus, lib. VII *Stromat.*, quod elevatio manuum significet et excitet mentis elevationem in Deum, quæ orationis est quasi anima. « Caput et manus, inquit Clemens, in cœlum extendimus, et pedes excitamus in ultima acclamatione orationis, promptitudine et alacritate spiritus assequentes essentiam, quæ apprehenditur intelligentia, et una cum verbo corpus a terra educere conantes, erectam et elevatam animam

desiderio meliorum, cogimus in sancta progredi, magno animo corporis vinculum desipientes. » *Tertiam* dat Tertullianus, *Apolog.* xxx, quod extensione manuum nos Deo offeramus et quasi in manus ejus dedamus. « Paratus est, inquit Tertullianus, ad omne supplicium ipse habitus orantis Christiani, » *q. d.* orans : « Præsto sum, nece et plecte si vis, aut certe miserere. » *Quarta* est, quod hoc ritu vehementiam affectus designemus, quasi vim Deo inferre, atque præ magna fiducia manu quod petimusprehendere velimus. Ita enim fecisse Bebianum consulem moriturum, cum ei se videndum Deus exhiberet, habet carmen de ipso conscriptum, quod extat tom. VIII *Biblioth. SS. Patrum*. *Quintam* dat S. Cyprianus, *Exhort. ad Mart.*, cap. viii; Theodoretus, *Quæst.* XXXIV in *Exodum*; Nyssenensis, in *Vita Moysi*; Minutius, in *Octav.*; Hieronymus, in cap. xi *Marci*, et alii veteres, ut scilicet hoc gestu protestemur merita Christi crucifixi, eaque Patri quasi efficacissimum ad impetrandum medium offeramus. Qua de causa sacerdos in Missa sæpe orat manibus expansis in modum crucis. Hinc et Prudentius, *hymno* 6 περί Στεφάνου, sanctos quosdam martyres ad supplicia raptos, asserit ita orantes corpus conformasse, ut formam crucis exhiberent, quo scilicet protestarentur se cultores esse Christi crucifixi, pro eoque pati et mori. *Sexta* causa est moralis, scilicet, quod hoc habitu testetur is qui orat, se nolle torpentem rem petitam impetrare; sed velle manus simul ad opus admovere. Hinc *Psaltes*, *Psal.* cxviii : « Levavi, inquit, manus meas ad mandata quæ dilexi; » et *Thren.* iii, 41, hortatur Jeremias ut levemus corda nostra cum manibus ad Dominum. *Septima* est symbolica, quam dat S. Ephrem, tract. *De Orat.*, ut scilicet hac extensione oratio nostra quasi arcu armetur, « quoniam in ea manus extendimus, ac veluti sagittam in inimicum dirigimus. » Quare jure queritur Christus apud B. Hippolytum, lib. *De Consummat. sæculi* : « Ego, inquit, manus vestras feci, ut ad preces et orationes extenderetis eas; at vos ad rapinas et cædes, et mutuas occisiones extendistis. » Porro primorum Christianorum in orando gestus ita pingit Tertullianus, *Apolog.* xxx : « In cœlum, ait, suspicientes Christiani manibus expansis, quia innocui; capite nudo, quia non erubescimus; sine monitore; quia de pectore oramus. Precantes sumus omnes semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum et quæcumque hominis et Caesaris vota sunt. »

SINE IRA ET DISCEPTATIONE. — « Sine ira, » id est sine injuriarum memoria, ait Chrysostomus, sine vindictæ cupiditate, imo cum reconciliatione et condonatione injuriarum : hanc enim positivam conditionem per negationem iræ intelligit; est miosis. Idem docet Christus, *Matth.* v, 23 : « Si offers, inquit, munus tuum ad altare, et ibi recor-

Expansæ manus exhibent speciem Christi crucifixi.

Orationi
maxime
repugnat
ira.

Et dis-
ceptatio,
eaque
duplex.

datus fueris, quia frater tuus habet aliquid ad-
versum te, relinque ibi munus tuum ante altare,
et vade prius reconciliari fratri tuo, et tunc ve-
diens offeres munus tuum. » Nihil enim ita ani-
mum turbat, nihil eum ita a Deo et oratione
avertit, atque divinæ inspirationis et gratiæ in-
capacem reddit; sicut ira. Hinc Chrysostomus,
hom. 8: « Nemo, inquit, adeo audax sit, ut ini-
micitias exercens ad Deum pergat orandum. »

Nota: Pro disceptatione, græce est διαλογισμὸν,
quod Œcumenius vertit, *hæsitatione*; Chrysosto-
mus, *disceptatione*, qua quis, inquit, intra se dis-
ceptat, cogitans: Putasne audiet me Deus? pu-
tasne impetrabo quod peto? Huic hæsitatori
opponitur fiducia, quæ necessaria est oranti.
« Credite, inquit Christus, *Marci xi, 24*, quia acci-
pietis, et evenient vobis. » *Jacobi i, 6*: « Postulet
in fide nihil hæsitans. »

Secundo et melius, intelligitur hic disceptatio,
quæ ex ira, de qua præcessit, sequi solet: qui
enim iratus est, secum disceptat de causis et mo-
dis vindictæ, plenusque est tumultu cogitationum
quasi inter se conflictantium, quæ mentis quie-
tem interturbant et plane ineptam ad orandum
efficiunt. Unde S. Ambrosius, lib. V *De Sacramen-
tis*, cap. v, per disceptationem intelligit mentis
evagationem, quæ in oratione excludi debet per
attentionem animi, quæ quasi orationis anima
est.

Vers. 9. 9. SIMILITER ET MULIERES. — Supple et repete,
« orent in omni loco, levantes puras manus, »
æque ut viri.

IN HABITU ORNATO (græce κομιῶν, id est honesto,
decenti, et, ut Vatablus, *modesto*; et, ut Syrus,
casto; hic enim ornat mulieres: nam nimius, in-
honestus et indecens eas non ornat, sed deturpat
et fœdat, maxime in templo, ubi sunt oraturæ.
Unde explicans subdit:) CUM VERECUNDIA ET SO-
BRIETATE (id est verecunde, sobrie, moderate et
modeste) ORNANTES SE. — Recte Demades dixit,
pudorem in muliere esse arcem pulchritudinis:
quæ enim eo carent et invereconde se ornant, se
suamque pulchritudinem prostituunt. S. Cyprianus,
lib. *De Habitu virginum*, legit, « cum vere-
cundia et pudicitia, » et ita vertit Syrus et Eras-
mus; hoc enim quoque significat σωφροσύνη; magis
tamen significat sobrietatem, ut vertit Noster.

Nota: Prima mulieris virtus, præsertim in loco
publico et templo, est modestia, præsertim in
cultu corporis, ad quem hic sexus, quia aliis in-
geni et iudicii dotibus, quibus præditi sunt viri,
caret, propensior est. Unde femineum genus φει-
κόμεν est, ait Hieronymus, epist. 12 *ad Gauden-
tium*. Hinc et Comicus: « Dum moliuntur (aut
poliuntur), dum comuntur, annus est. » Et vulgare
est adagium illud Plauti: « Navis et mulier nun-
quam satis ornantur; » et: « Qui opus et nego-
tium querit, uxorem aut navem sibi comparet. »
Vult ergo Apostolus eas esse habitu non sordido,
nec lascivo, sed gravi, moderato et honesto, qui

matronam Christianam deceat, quique animum
pudicum, gravem et bene compositum significet.
Hinc secundo, vult mulieres non inconditas et in-
compositas procedere, sed honeste ornatas, quam-
que pro suo statu. Sic Ruth, iii, 3, lota et uncta
cultioribus vestibus se induit, cum adhuc nubilis
esset. Sic Judith ornavit se, cap. x, vers. 3. Sic
Esther cultu regio ad Assuerum processit. Adeo-
que peccaret mulier, si invito marito, villori ves-
titu aut cultu uteretur. Unde S. Augustinus, epist.
199 *ad Ecdiciam*, eam graviter reprehendit, quod
continentiæ studiosa, vestem, invito marito, mu-
tasset.

S. Basilius in *Reg. brevior.*, Interrog. 210, habi-
tum ornatum ita definit: « Qui, inquit, ad pro-
positum cuiusque finem accommodatus est cum
decore et dignitate, habita ratione temporis, loci,
personæ utilitatisque: alia enim vestis convenit
tempore hiemis, alia æstatis; alia laboranti, alia
quiescenti; alia ministranti, alia hero; alia mi-
liti, alia civi; alia viro, alia femine. »

NON IN TORTIS CRINIBUS, AUT AURO, AUT MARGA-
RITIS, VEL VESTE PRETIOSA (græce λιπαρισμῶν πολυ-
τελεῖ, id est *vestitu sumptuoso*); SED QUOD DECEAT MU-
LIERES, PROMITTENTES (ἐπαγγελουμένης, id est *præfe-* Vers. 10
rentes, et, ut Syrus atque Ambrosius, *profitentes*)
PIETATEM PER OPERA BONA. — Nota: Pro *tortis cri-
nibus*, græce est πλέγμασι, id est, *plicaturis et cris-
paturis*, quibus mulieres calamistro, hoc est acu
calefacta, crines vario flexu per gradus et nodos
intorquent, ut cincinnatæ et calamistratæ ince-
dant.

Secundo, pro *pietatem*, græce est θεοσέβειν, hoc
est, Dei reverentiam et cultum; Syrus vertit, *Dei
timorem*. Pietas ergo hic in Deum, non in parentes
aut liberos intelligitur, q. d. Ita honeste ac mo-
deste se vestiant, sicut vestiri decet mulieres Chris-
tianas, quæ « per bona opera, » id est per bonam
vitam et mores Christianos, profitentur, non levi-
tatem, non luxum, non lasciviam, sed pietatem ac
cultum Dei. Porro S. Bernardus, epist. 42 *ad Hen-
ricum*, Senonensem Archiepiscopum, hæc extendit
ad Episcopos et Ecclesiasticos: « Non in veste pre-
tiosa, inquit; clamatur autem specialiter ad fe-
minas, ut erubescat in se deprehendi Episcopus,
quod in fragilliori quoque sexu audierat repre-
hendi. Discite, Pontifices, in fræno quid facit au-
rum! »

Est hic locus moralis de ornatu decenti mulie-
rum. Sic S. Petrus, epist. I, cap. iii, vers. 3, de-
scribit in quo situs sit verus ornatu Christianæ
femine: « Quorum, inquit, non sit extrinsecus
capillatura (crispatura) aut circumdatio auri, aut
indumenti vestimentorum cultus; sed qui abs-
conditus est cordis homo, in incorruptibilitate
quieti et modesti spiritus, qui est in conspectu
Dei locuples. » Ubi nota, verum mulieris ornatum
esse internum, integritatem scilicet et incorrup-
tionem spiritus quieti et modesti, vel, ut Hiero-
nymus legit, silentis.

Ornatus
mulie-
rum des-
criptus a
S. Petro.

Spiritus quietus, ait Cajetanus, opponitur inconstantiae, quæ mulieribus est familiaris; modestus et silens, iracundiæ et garrulitati. Sic de sponsa regis dicitur *Psal. XLIV, 14*: «Omnis gloria filiae regis ab intus.» Alioqui mulier externo cultui dedita et internum negligens, interne Hecubam, externe Helenam refert, inquit Nazianzenus in Carmine contra fucatas mulieres. Imo S. Augustinus, *serm. 18 De Verbis Apostoli*: «Corporis, inquit, hujus, id est exterioris hominis ornamenta, quanto magis appetuntur, tanto sunt interioris majora detrimenta: quanto autem minus appetuntur ornamenta exterioris hominis, tanto magis pulchris moribus homo interior adornatur.» Imo quæ nimium sese ornat exteriorius, esto sit castissima, non caret tamen impudicitiae suspicione. Testis est Claudia Festalis, quæ, ut canit Ovidius, *IV Fast.*,

Casta quidem, sed non est credita; rumor iniquus
Læserat, et falsi criminis acta rea est.
Cultus, et ornatos varie fuisse capillos
Obfuit, ad rigidos linguaque prompta sonos.

E contrario laudat Plutarchus in *Vita Phocionis* illius uxorem, quæ, cum ei altera quædam mulier valde nobilis suos torques et mundum muliebrem ostentasset, uti solent feminae, respondit: «Meum vero ornamentum et mundus muliebris est Phocion.» Hinc recte Clemens Alexandrinus, *lib. II Pædagog.*, x: «Laudo, inquit, et admiror Lacedæmoniorum civitatem, quæ solis meretricibus floridas vestes et aureum mundum gestare permisit, ita scilicet a probis mulieribus ornatus studium auferens, quod solis meretricibus se ornare concederet.»

Spartini
solis me-
retrici-
bus con-
cedebant
ornatum
vestium.

Tertul-
lianus de-
cem ra-
tionibus
deteret
a luxu
vestium.

Scriptis contra hunc luxum vestium et ornatus Tertullianus insignem librum *De Cultu feminarum*, in quo *primo*, cap. I, docet, quod pudicitia non tantum in carnis integritate, sed et in cultu simplici munditie consistat. *Secundo*, cap. II, quod hic luxus signum sit non integræ conscientiae, et spectatoribus tentationem ingerat et periculum. *Tertio*, cap. V, quod istæ, quæ se adeo ornant coloribus et fucis, naturam, facturam et imaginem Dei deformant, transfigurent, adulterent, Deumque artificem quasi emendent et reprehendant. *Quarto*, cap. X, quod vestium colores, auri opera et gemmæ, inventa sint a dæmone, idque probat ex libro Henoch, quem citat S. Judas. *Quinto*, cap. XI, quod hic cultus sit Gentilium et ancillarum diaboli. *Sexto*, cap. XII, quod hæc sint lenocinia et indicia meretricum. *Septimo*, cap. XIII, Christianos non ad delicias, sed ad asperitatem, cruces et martyria vocari. Idem libro *De Habitu mulierum*, cap. I, docet *primo*, quod feminæ habitu lugere et expiare debeant ignominiam et peccatum Evæ matris. *Secundo*, cap. IV, quod luxus signum sit vel ambitionis, vel prostitutionis. *Tertio*, cap. VI, quod gemmæ sint maris conchæ, aut de frontibus draconum eruantur, ut sic de serpente ornatur mulier. *Denique* quod a Deo gravissime

puniantur. Nam Isaias, *III, 17*, inquit: «Decalvabit Dominus verticem filiarum Sion, et Dominus crinem earum nudabit; et erit pro suavi odore fœtor, et pro zona funiculus, et pro crispanti crine calvitium, et pro fascia pectorali cilicium.»

Itaque feminas sic exhortatur Tertullianus: «Prodite vos, jam medicamentis et ornamentis extractæ Apostolorum, sumentes de simplicitate candorem, de pudicitia ruborem, depictæ oculos verecundia, et spiritus taciturnitate inserentes in aures sermonem Dei, annectentes cervicibus jugum Christi. Caput maritis subjicite, et satis ornatae eritis. Manus lanis occupate, pedes domi figite, et plusquam in auro placebunt. Vestite vos serico probitatis, byssino sanctitatis, purpura pudicitiae. Taliter pigmentatæ Deum habebitis amatorem.»

Tertullianum sequitur Cyprianus, *lib. De Disciplina et habitu virginum*; ait enim: «Illarum pretiosior est cultus, quarum pudor est vilis. Si tu te speciosius comas, et per publicum notabiliter incedas, oculos in te juventutis illicias, ut etsi ipsa non pereas, alios tamen perdas, et velut gladium te atque venenum videntibus præferas, excusari non potes quasi mente casta sis et pudica: redarguit te cultus improbus, et habitus impudicus.» Deinde asserit auctores et inventores hujus fuci et luxus esse dæmones: «Apostatæ, inquit, angeli docuerunt oculos circumducto nigrore fucare, genas mendacio ruboris inficere, mutare adulteriniis coloribus crinem, et expugnare omnem oris et capitis veritatem corruptelæ suæ impugnatione.» *Tertio* ostendit, quod quæ se nimis ornant, Dei opus corrigere velint, ac consequenter in Deum sint contumeliosæ. «Dixit, ait, Dominus: Faciamus hominem ad imaginem nostram; et audet quisquam mutare ac convertere quod Deus fecit? Manus Deo inferunt, quoniam id, quod Deus formavit, reformare et transfigurare contendunt, nescientes quod opus Dei est omne quod nascitur; diaboli, quodcumque mutatur. Si pictor pinxisset imaginem, et alius manus inferret, an non gravis fieret pictori injuria? tune igitur impune feres, quod Dei imagini manus inferas?» *Quarto*, hisce quæ sese comunt et fucant, Dei judicium et pœnas intendit: «Non metuis, ait, ne in resurrectione artifex opus suum non agnoscat, dicatque: Opus hoc meum non est, imago hæc nostra non est, cutem falso medicamine polluisti, crinem adultero colore mutasti, expugnata est mendacio facies, figura corrupta, vultus alienus est. Deum videre non poteris, quoniam oculi tibi non sunt, quos fecit Deus, sed quos diabolus infecit. Illum tu sectata es, rutilos et depictos serpentis oculos imitata, de inimico tuo corrupta, cum illo pariter et arsura.»

Quam vero luxus hic et ornatus tum alibi, tum præsertim in templo dedeceat, docet hic Chrysostomus et ex eo Theophylactus: «An saltatura,

Idem fa-
cit S. Cy-
prianus.

Et S.
Chrysos-
tomus.

nquit, ad ecclesiam pergis? numquid hic nuptias et lasciviae oblectamenta conquisis? num ut tui spectaculum praebeas; advenisti? num tibi nunc instruendus est thalamus? Non iste supplicis est habitus; accessisti ut Deum pro peccatis tuis depreceris, ut cum gemitu et lacrymis veniam petas: quid teipsam ornare improbo et intempestivo studio contendis?»

Exemplum
Prætextatæ.

Denique exemplo Prætextatæ, quod ex Hieronymo descripsi I ad Thessalon. v, 19, ostendit Deum quam hic sibi luxus displiceat. Quare merito B. Thomas Morus nobili cuidam puellæ, quæ multo cum labore et dolore crines complicabat, ut frons latior esset, pectusque et tunicam constringebat, ut gracili esse corpore videretur, dixit: «Nisi Deus pro hoc tuo tanto labore tibi infernum reddat, magnam profecto tibi faciet injuriam.» Idem affirmabat serio, persuasissimum sibi esse, quam plures in hac vita eo labore infernum mercari, ceteris vel dimidio cœlum lucrati fuissent. Unde et S. Paula, teste S. Hieronymo in ejus Epitaphio, tanta poenitentia totque lacrymis luxum hunc licet levem, in se expiavit; cumque, inquit Hieronymus, a nobis moneretur, ut parceret oculis, respondit: «Turpanda est facies, quam contra Dei præceptum purpurisso et cerussa et stibio sæpe depinxi; affligendum enim est corpus, quod multis vacavit deliciis; longus risus perpeti compensandus est fletu; mollia linteamina, et serica, et pretiosa, asperitate cilicii commutanda: quæ viro et sæculo placui, nunc Christo placere contendendo.»

Vers. 12. 12. DOCERE AUTEM MULIERI NON PERMITTO, — in ecclesia et cœtu publico, ubi agitur communis oratio, de qua hactenus egit. Unde I Corinth. xiv, 34: «Mulieres, inquit, in ecclesiis taceant; non enim permittitur eis loqui, sed subditas esse, sicut et lex dicit; si quid autem volunt discere, domi viros suos interrogent. Turpe est enim mulieri loqui in ecclesia.» Ut enim notat Theophylactus, mulieres aliquæ tempore Pauli acceperant donum prophetiæ; ne ergo putarent sibi fas esse in ecclesia loqui et prophetare, hic eis id inhibet Apostolus, idque tum honestatis, pudoris, infirmitatis ac loquacitatis muliebris causa, inquit Chrysostomus; tum studio reverentiæ et subjectionis erga virum, quæ requirit, ut eo præsentem et loquentem sileat mulier, præsertim in ecclesia et rebus sacris; nam privatim domi Priscilla fidem Christi docuit virum eloquentem Apollo, Act. xviii, 26. Et ad Titum II, 4, vult Apostolus, ut matres filias et ancillas suas privatim doceant prudentiam et modestiam; et fidelis mulier infidelem virum convertere et instruere jubetur, I Corinth. vii, 16. Sic S. Cæcilia fidem Christi docuit Valerianum sponsum suum, S. Natalia Adrianum; S. Monica Patricium, S. Martha Marium; Theodelinda Agilulphum, Longobardorum regem; Clotildis Clodoveum, Flavia Domi-

Exempla
mulie-
rum quæ
converte-
runt ma-
ritos.

tilla Flavium Clementem. Nam; ut inquit Chrysostomus, hom. 60 in Joannem: «Nihil potentius est muliere bona ad instruendum et informandum virum quæcumque voluerit, neque tam leviter amicos, neque magistros, neque principes patietur, ut conjugem admonentem atque consulentem; habet enim voluptatem quamdam admonitio uxoria, cum plurimum amet (vel, ut alii legunt, ametur), quod consulit.»

Adde, non tantum Apostolum hic vetare, ne publice doceat mulier, puta in ecclesia, verum etiam nec permittere illi ut privatim doceat, si id facere velit quasi ex officio vel auctoritate. Unde sequitur:

NEQUE DOMINARI (Græce ἀδυνατεῖν, hoc est, auctoritatem usurpare) IN VIRUM (supple permitto mulieri), SED ESSE IN SILENTIO. — Græce ἡσυχία, id est quiete. Hoc silentium, hæc verecundia, hæc modestia longe magis mulierem ornat, quam pretiosa vestis, inquit Chrysostomus. Et, ut ait Euripides in Heraclid.: «Femine pulcherrimum donum est silentium et modestia, et intus tranquillam manere.» Hinc Gorgoniam sororem ita laudat Nazianzenus: «Quid silentio prudentius? quænam res divinas tum ex divinis oraculis, tum ex propria intelligentia et sagacitate magis cognovit? quænam rursus minus locuta est quam illa, in muliebribus pietatis finibus se continens?»

S. Gorgo-
niæ si-
lentium.

Ex hoc Apostoli loco Epiphanius, hæres. 49, quæ est Quintilianorum, confutat eos, quod mulieres ad episcopatum aut presbyterium assumerent, in gratiam et honorem Evæ.

Si enim Apostolus docere, imo loqui non permittit mulieri in ecclesia, quid, si vidisset quod hoc sæculo vidimus, mulierem scilicet Ecclesiæ alicujus caput, rectricem et doctricem? an non exclamasset: Monstrum horrendum! nimirum justo Dei judicio tale sibi deligunt monstrosæ caput, qui caput a Christo constitutum, S. Petrum dico, sanctique Petri successores nolunt agnoscere.

13. ADAM ENIM PRIMUS FORMATUS EST, DEINDE Vers. 13
EVA: ET ADAM NON EST SEDUCTUS, MULIER AUTEM et 14.
SEDUCTA IN PRÆVARICATIONE FUIT. — q. d. Mulier debet silere et discere (non docere), atque subjecta esse viro, quia vir illi præstat, tum dignitate primæ creationis: primo enim Adam fuit creatus, deinde ex Adamo Eva; tum vigore rationis; Eva enim leviter et temere permisit se seduci, non autem Adam. Ita Chrysostomus, qui notat, exemplo primæ mulieris Evæ tacite hic a Paulo reliquas feminas omnes temeritatis et levitatis argui.

Hinc pulchre ait Primasius: «Docet Apostolus feminas oportere esse viris subjectas, quia et posteriores sunt in ordine, et priores in culpa.»

14. ADAM NON EST SEDUCTUS, MULIER AUTEM SE- Vers. 14.
DUCTA IN PRÆVARICATIONE FUIT. — «Seducta,» Græce ἀπαρτησίου, id est decepta, q. d. Mulier, ubi

decepta fuit, prævaricata est, et transgredi cœpit præceptum Domini.

Quæritur : Quomodo Adam dicitur non esse seductus, cum ab Eva sit deceptus, et pomum vetitum acceperit, ac comederit? Respondet primo Magister Sentent., in II, dist. xxii, solam Evam dici seductam, quia sola Eva credidit tria, quæ serpens promiserat, si de pomo vetito comederet, scilicet primo, se non morituros; secundo, similes Deo futuros; tertio, boni malique notitiam habituros. Sed repugnant plerique Patres, qui Adam etiam hæc credidisse volunt, et colligitur Gen. iii, 22, ubi Deus irridens Adæ credulitatem et appetitum omniscientiæ et ejusdam divinitatis: « Ecce Adam, ait, quasi unus ex nobis factus est, sciens bonum et malum. »

Secundo, aptius Ambrosius legens; « mulier seducta, facta est in prævaricationem, » id est fuit viro auxilium prævaricationis, non contra.

Tertio, alii repetunt ex vers. præced. τὸ πρῶτον, q. d. Adam prior non fuit seductus, sed Eva. Ita Theodoretus, OEcumenius, Haymo.

Quarto, alii sic explicant, q. d. Adamo non fuit persuasum, sed Evæ, Deum non præcepisse ne comederent de ligno scientiæ boni et mali; Adam ergo non fuit seductus, sed sciens ac prudens violavit præceptum Dei.

Quinto et planius, « Eva fuit seducta, » quia a serpente volente eam decipere, fuit decepta. Unde et ab hoc deceptore se deceptam profitetur, dicens: « Serpens decepit me. » Adam vero non fuit « seductus, » id est a serpente deceptus: serpens enim non ausus fuit virum aggredi, sed mulierem, quam facilius se decepturum sciebat.

Hinc etiam Adam non se excusavit ut a serpente aliove aliquo deceptum, sed tantum ut allectum ab uxore (nec enim Eva voluit decipere Adamum, sed tantum allicere ad esum sui pomi), tantumque comedis, ut illi quasi sociæ morem gereret: « Mulier, inquit, quam dedisti mihi sociam, dedit mihi de ligno, et comedi. »

Ubi tamen nota: Mox ut Adam consensit mulieri factusque inobediens, voluit comedere de ligno vitæ, elatus in superbiam, lapsus est in cæcilitatem, et credidit serpentis promissis voluitque Deo similis fieri, ac speravit ex pomi esu omniscientiam, ut jam dixi. Hoc enim est quod Deus eum irridens dixit: « Ecce Adam quasi unus ex nobis factus est, sciens bonum et malum. » Ita Theophylactus, Ambrosius, Chrysostomus, Anselmus, Augustinus, lib. XIV De Civit., cap. xvii; Hieronymus, lib. I Contra Jovin. q. d. Paulus: Ergo mulier, utpote a serpente seducta, viro inferior est ratione et prudentia; ergo illi subsit oportet. Secundo, ergo juste Deus in pœnam peccati, qua virum allexit ad peccatum, illam viro subiecit. Et, ut ait Chrysostomus et OEcumenius, semel mulier male docuit, et virum cunctaque pervertit: ultra ergo non doceat, sed sileat, et a viro bene loqui et agere discat. Audi Tertullianum,

lib. De Habitu mulierum, mulierem alloquentem: « Tu, ait, es diaboli janua, tu es arboris illius resignatrix, tu es divinæ legis prima desertrix; tu es, quæ eum invasisti, quem diabolus aggredi non valuit; tu imaginem Dei hominem tam facile elisisti; propter tuum meritum, id est mortem, etiam Filius Dei mori habuit. »

15. SALVABITUR AUTEM PER FILIORUM GENERATIONEM, SI PERMANERIT IN FIDE, ET DILECTIONE, ET SANCTIFICATIONE CUM SOBRIETATE. — S. Thomas voculam per vult significare non meritum, sed conditionem, q. d. Salvabitur mulier, etiamsi non sit virgo, sed nubat, et incedat per statum matrimonii ac filiorum generationem. Unde Vatablus verlit, *salvabitur mulier subiecta generationi filiorum*: ut sit græcismus, διὰ γενεῶν, id est, γενεῶν διὰ, « per filiorum generationem, » id est filios generans, vel in filiorum generatione salvabitur. Sic Græci dicunt, δι' ἀπορίας, hoc est, ἀπορίας. Sæpe enim διὰ, id est per, accipitur pro ἐν, id est in, ut Roman. iv, 11, Abraham dicitur pater credentium, « per præputium, » id est in statu præputii; et II Cor. vi: « Per gloriam et ignobilitatem, per infamiam et bonam famam, » id est in prosperis et adversis. Hic sensus confirmatur ex verbis quæ Apostolus addit: « Salvabitur, inquit, per filiorum generationem, si permanserit in fide, et dilectione, et sanctificatione cum sobrietate. » Itaque fidei, dilectioni et sobrietati causam salutis attribuit, non liberorum procreationi: liberorum enim procreatio res est naturalis et adiaphora, nec meritoria, nisi alius ad bonum aliquod spirituale, puta ad pietatem, piamque liberorum educationem, referatur.

Secundo, aliqui apud Theophylactum, per filiorum generationem, intelligunt partum B. Virginis Mariæ, qui salvas fecit mulieres; ipsa enim genuit Christum, et in ipso multos filios et filias Christianas. Sed hoc nimis remotum et alienum est.

Tertio, S. Augustinus, lib. XII De Trinit., xvii, per generationem filiorum intelligit productionem honorum operum: sed hoc mysticum est.

Dico ergo quarto, plane et proprie: præpositio per significat hic causam et meritum, scilicet laborum, quos patitur mulier in partu, et educatione liberorum in fide et moribus Christianis, per quod salvabitur. Nota: Sub generatione educationem complectitur Apostolus; educatio enim est quasi completa generatio et formatio filiorum. Ita Chrysostomus, quasi dicat Paulus: Esto non doceat mulier, non deerit illi pia occupatio, adeoque salvabitur non per librorum, sed per liberorum tractationem. Audiant hoc nostræ Novantes sciolæ, quæ pro sua hæresi et Scriptura contentiose cum viris disputant in mensis, navibus, curribus, ecclesiis. Audiant quod S. Basilii Demostheni, coco Valentis Imperatoris, pro Arianis garrienti, respondit: « Tuum est, ait, pulmenta coquere, non Evangelium exponere. »

Quo sensu Eva dicitur seducta, non Adam? Quinque explicationes.

Quomodo mulier salvabitur per filiorum generationem? Quatuor expositiones.

Adam quoque credidit serpentis.

Generatio complectitur educationem.

S. Monica salvata est, et multos salvos effecit per sollicitam educationem et curam S. Augustini, de qua S. Augustinus, lib. III *Conf.*, cap. XI et sequent. Talis fuit et Placilla, Theodosii Imperatoris uxor, cujus quam eximia pietas et ardens studium fuerit in educandis liberis, videre est apud Nicephorum, lib. XII *Hist.*, cap. XXIII et XXIV.

SI PERMANERIT IN FIDE, ET DILECTIONE. — Ita legunt Romana; sed Græca jam et Syrus legunt, *ἵνα μείνωσιν*, si manserint, filii scilicet, q. d., inquit Chrysostomus: Salvabitur mater, si curet ut filii permaneant in Christi fide et dilectione, ac sanctitate, adjuncta sobrietate; græce *σωπρεσβύν*, quod cum Hieronymo, *Contra Jovinianum*, verti potest *pudicitia*, vel *castitate*, aut etiam *modestia*; magis tamen, ut ante dixi, sobrietatem significat et temperantiam.

Moraliter Theophylactus: «Quia igitur, inquit, si mater pravis et impudicis infecta moribus, recte liberos educaverit? haud verisimile est ut faciat; attamen si contingat, accipiet pro his mercedem. Quid vero si bona et honesta sit, liberos vero suos malos toleret? quid si eos negligat illisque indulgeat? habebit exemplum pœnæ et vindictæ, id quod Heli contigit. Quod si omnia fecerit, et nihil quod ad curam attinet, prætermiserit, non poterit tamen ad rectum perducere tramitem liberos; quod raro evenit: attamen non fraudabitur sudorum suorum mercede; quandoquidem et Filius Dei nihil non faciens et dicens, paucos tamen habuerit, qui sibi morem gesserint.»

Discant hic matres thesaurum suum esse liberos, quibus omnem curam impendere debent, non tam ut eos ditent, quam ut bene educant. Ita Cornelia, Gracchorum mater, inquit Valerius Maximus, lib. IV, cap. IV, cum Campana matrona apud illam hospita, ornamenta sua pulcherrima sæculi illius ei ostenderet, traxit eam sermone quousque redirent liberi: «Et hæc, inquit, ornamenta mea sunt.» Unde S. Chrysostomus hic *hom. 9* in morali: «Magnum, inquit, habemus pretiosumque depositum, scilicet filios, ingenti

illos servemus cura, atque omnia faciamus, ne fur id nobis astutus auferat; nulla nobis possessio, nullus fundus æque nobis gratus et charus esse debet: quippe hæc omnia filiis quærentur. Si igitur major possessionum nobis est cura, quam eorum, quorum illæ gratia comparantur, id profecto absurdissimum et stolidissimum est. Exerceamus ergo ad virtutem atque pietatem molles filiorum animos, cætera omnia secundo loco quæramus: nam si quidem illi improbi fuerint, nihil eis pecuniæ proderunt; sin autem probi, nihil ex paupertate lædentur. Vis filium relinquere divitem? Bonum illum ac benignum esse doce: ita enim etiam rem familiarem auctiorem facere poterit.» Et inferius: «Filiis non rite institutis præstat pauperes esse, quam divites: paupertas enim vel invitos coercet, atque intra virtutis limites continet; opes vero ne volentes quidem pudice temperanterque vivere sinunt, verum exorbitare faciunt, atque pervertunt.» Deinde matres ad filias rite educandas ita cohortatur et instruit: «Matres, item filiarum vobis curam assumite: est ea cura vobis perfacilis. Curate sollicite, ut domi jugiter sint. Ante omnia pias religiosasque esse docete, aspernari pecunias, exteriorisque ornatus contemptrices esse; atque ita demum nuptiis tradite. Eas si institueritis, non ipsas modo servabitis, verum et viros qui illas ducturi sunt; neque viros tantum, sed etiam filios atque nepotes. Quippe ex radice optima surculi prodeunt firmiores, ac semper in meliora proficiunt, horumque omnium merces vobis reddenda est.» Ac denique hac insigni sententia rem concludit: «Ita nempe paterna domo decet progredi virginem, ac matrimonio jungi, quemadmodum ex palestra luctatorem, ut omnem diligentissime rei familiaris peritiam habeat, sitque veluti fermentum, quod massam omnem in suam transfert pulchritudinem.» Peculiariora præcepta de educatione filiarum, matribus assignat S. Hieronymus, *epist. ad Latam*, et *ad Cælantiam*, et *ad Gaudentium*, *tomo I.*

Filios male educatos præstat esse pauperes quam divites.

CAPUT TERTIUM.

SYNOPSIS CAPITIS.

Describit dotes et virtutes requisitas in Episcopo, et vers. 8, in diacono, et vers. 11, in eorum uxoribus. Denique, vers. 15, monet Timotheum ut reverenter versetur in Ecclesia Dei, quæ columna est et firmamentum veritatis, præsertim illius, quæ docet Christi incarnationem et redemptionem, quod est magnum pietatis sacramentum.

1. Fidelis sermo: Si quis episcopatum desiderat, bonum opus desiderat. 2. Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem, 3. non vinolentum, non percussorem, sed modestum; non litigiosum, non cupidum, sed 4. suæ domui hene præpositum, filios habentem sub-

ditos cum omni castitate. 5. Si quis autem domui suæ præesse nescit, quomodo Ecclesiæ Dei diligentiam habebit? 6. Non neophytum: ne in superbiam elatus, in iudicium incidat diaboli. 7. Oportet autem illum et testimonium habere bonum ab iis qui foris sunt, ut non in opprobrium incidat et in laqueum diaboli. 8. Diaconos similiter pudicos, non bilingues, non multo vino deditos, non turpe lucrum sectantes: 9. habentes mysterium fidei in conscientia pura. 10. Et hi autem probentur primum: et sic ministrent, nullum crimen habentes. 11. Mulieres similiter pudicas, non detrahentes, sobrias, fideles in omnibus. 12. Diaconi sint unius uxoris viri, qui filiis suis bene præsent, et suis domibus. 13. Qui enim bene ministraverint, gradum bonum sibi acquirunt, et multam fiduciam in fide, quæ est in Christo Jesu. 14. Hæc tibi scribo, sperans me ad te venire cito. 15. Si autem tardavero, ut scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis. 16. Et manifeste magnum est pietatis sacramentum, quod manifestatum est in carne, justificatum est in spiritu, apparuit angelis, prædicatum est Gentibus, creditum est in mundo, assumptum est in gloria.

Vers. 1. 1. FIDELIS SERMO. — Chrysostomus, Theophylactus, OEcumenius, hæc verba non ad sequentia de episcopatu, sed ad præcedentia referunt; quia enim dubitare poterant, an verum et certum esset id quod dixit in fine cap. præced., mulierem scilicet salvandam esse per filiorum generationem, ideo hic addit, inquit, «Fidelis sermo» *q. d.* Id, quod dixi de mulieribus, certum est et indubitatum. Verum longe melius Theodoretus, Ambrosius, Primas et alii τὸ *fidelis sermo* referunt ad sequentia, *q. d.* Certum est et verissimum quod de episcopatu et ordine hierarchico jam toto cap. dicturus sum. Solet Apostolus cum aliquid magni dicturus est, τὸ *fidelis sermo* præmittere, ut dixi cap. I, vers. 15. Hic enim aggreditur Timotheo munia Episcopi et aliorum Ecclesiæ ministrorum ad vivum depingere.

Si quis EPISCOPATUM DESIDERAT, BONUM OPUS DESIDERAT. — Vult, ait S. Augustinus, lib. XIX *De Civit.*, XIX, docere Apostolus, quid sit episcopatus, nomen scilicet esse operis, non honoris: Episcopus enim est superintendens, qui curam aliorum gerit, subitque onus et laborem docendi et regendi populum; episcopatus enim dicitur παρὰ τοῦ ἐπισκοπεῖν πάντας, id est eo quod omnes speculetur omnibusque provideat, inquit Theophylactus. Quo sensu dixit Cicero in *Epistolis*: «Unum me Pompeius esse voluit, quem tota Campania habeat episcopum, ad quem delectus et summa negotii referatur.» Eusebius quoque lib. I, cap. XXXVII, *De Vita Constantini*, eum vocat communem orbis episcopum a Deo constitutum. Sic et Hieronymus explicat, epist. 83 *ad Oceanum*: «Si quis, inquit, episcopatum desiderat, bonum opus desiderat: opus, non dignitatem; laborem, non delicias; opus per quod humilitate decrescat, non intumescat fastigio.» Eadem ratione episcopatum esse grave onus, docet S. Clemens, lib. II *Constit. Apost.*, cap. XXV: Quia, inquit, oportet Episcopum omnium scopum esse, sicut Christus Episcopi scopus est. Ubi addit noster Turrianus,

idcirco ab Apostolo hic vocari ἐργον, id est opus arduum et difficile.

Hinc infert Augustinus, primo, non esse Episcopum, qui præesse magis eligit, quam prodesse. Secundo, episcopatum, licet in se sit opus bonum, non tamen bene, sed indecenter appeti, nisi scilicet a Deo et Ecclesia ad hoc voceris, uti vocatus est Timotheus per prophetiam, cap. I, vers. 18. «Otium ergo, ait Augustinus, lib. XIX *De Civit.*, cap. XIX, sanctum quærit charitas veritatis, negotium justum suscipit necessitas charitatis; quam sarcinam, si nullus imponit, percipiendæ atque intuendæ vacandum est veritati: si autem imponitur, suscipienda est propter charitatis necessitatem; sed nec sic omnino veritatis delectatio descendenda, ne subtrahatur illa suavitas et opprimat illa necessitas.»

Secundo, planius et clarius: «Qui episcopatum desiderat, bonum (græce καλῶ, id est præclarum et arduum) opus desiderat:» hic enim verissimum est illud adagium, δύσκολα τὰ καλὰ, difficilia, quæ pulchra, sive præclara. Vult enim Timotheum et omnes episcopos docere Apostolus, Episcopi munus excelsum esse et arduum, ut illud serio apprehendant, totique illi intendant, ut tanto oneri faciant satis. Unde explicans hoc opus bonum, sive præclarum, subdit: «Oportet ergo Episcopum irreprehensibilem esse,» etc. Id maxime verum erat tempore Pauli, cum episcopatus non erat honor, sed labor ingens et proximus ad martyrium gradus. Imo Alvarus Pelagius, lib. *De Planctu Ecclesiæ*, art. 18, ex S. Hieronymo sic explicat: «Qui episcopatum desiderat, bonum opus, id est martyrium, desiderat. Illo, inquit, tempore ab Apostolo dictum est, Si quis episcopatum desiderat, bonum opus desiderat, quo quisquis plebibus præerat, primus ad martyrii tormenta trahebatur. Tunc ergo fuit laudabile episcopatum querere, quando per hoc non dubium erat ad supplicia graviora pervenire.» Idem docet S. Gregorius, I part. *Pastor.*, VIII; Anselmus et alii. Sicut

Episcopatus nomen est operis, non dignitatis.

Episcopatus est prodesse magis quam præesse.

Episcopatus est opus arduum.

Episcopatus olim erat gradus ad martyrium.

Jam
Episco-
patum
petere est
ambitio.

ergo Deus tunc multos excitabat ad se offerendum martyrio, ita et nonnullos excitabat ad episcopatus capessendos, qui se Martyribus duces præberent fidei et martyrii. Jam vero qui episcopatum ob amplios proventus, ob dignitatem, ob gradum et honorem quærent, periculosa ambitione et avaritia peccant. Ratio est, quia Episcopus debet esse perfectus, nec tendere, sed esse in statu perfectionis Christianæ: hoc autem de se præsumere, magnæ est superbiæ.

Regnum
est splen-
dida ser-
vitus.

Secundo, quia, ut docet Concilium Tridentinum, episcopatus est onus angelicis humeris formidabile; nam non tantum pro sua, sed et pro omnium sibi subditorum animabus ab Episcopo rationem exigit Deus. Quis nisi temerarius hoc munus et onus ambiat? Socrates apud Platonem, dial. I *De Republic.*, miratur eos qui volentes imperium suscipiunt: Quia, inquit, nullus probus magistratus sibi, sed subditis, eorumque commodis intendit et servit: unde censet probos viros ad magistratus capessendos invitos adigendos esse, proposita pœna vel præmio. Hinc et Antigonus, Macedonum rex, cum videret filium insolentius regere suos: « An ignoras, ait, o fili, regnum nostrum esse splendidam servitutem? » Si ita est in magistratu terreno et temporaneo, quid erit in spiritali, cœlesti et perpetuo, qualis est episcopatus? Unde S. Gregorius loco citato: « Apostolus, ait, laudans desiderium boni operis (episcopatus) protinus in pavorem vertit quod laudavit, cum subdit: Oportet autem episcopum irreprehensibilem esse, » etc., q. d. Laudo quod quæritis, sed discite quid quæritis. Et auctor operis imperfecti, hom. 33 in *Matth.*: « Opus, ait, desiderare in se bonum est: primatus autem honoris concupiscere, vanitas est; primatus fugientem se desiderat, desiderantem se fugit et horret. » Hinc S. Chrysostomus tantopere episcopatum fugit, ut docet ipse in sex libris *De Sacerdotio*. Sic eundem fugerunt S. Augustinus, Gregorius, Fulgentius et alii.

Exempla
Sancto-
rum qui
fugerunt
episcopatu-
tus.

S. Au-
gustinus.

Audi S. Augustinum, epist. 148 ad *Valerianum*: « Vis, ait, mihi facta est merito peccatorum meorum (nam quid aliud æstimem nescio), ut secundus locus gubernaculorum mihi traderetur, qui remum tenere non noveram. » Et serm. 52 ad *Frates in Eremita*: « Usque adeo timebam episcopatum, ut (quoniam coeperam jam alicujus esse momenti inter servos Dei, fama mea) in quo loco sciebam non esse Episcopum, ne illo accederem caverem; et hoc agebam quantum poteram, ut in loco humili salvarer, ne in alto periclitarer. Veni ad istam civitatem propter videndum amicum, quem putabam me lucrari posse Deo, ut nobiscum esset in monasterio. Quasi securus perveni, quia locus habebat Episcopum. Apprehensus et presbyter factus sum, et per hunc modum ad episcopatum perveni. »

S. Goar. Legitur in *Vita S. Goaris*, ipsum, cum a Sigeberto, Francorum rege, postulatus esset Treviro-

rum Episcopus, inducias postulasse; interim Deum orasse, ut, nisi esset ex salute sua, episcopatum a se averteret: mox ipse in morbum incidit, et infirmatus ad mortem, episcopatum evasit. Simile de Nilamone monacho refert Nicephorus, lib. XIII, cap. xvii. Sic de Canonico illo S. Victoris Parisiis spectatæ probitatis et doctrinæ narrat Thomas Cantipratanus, lib. I *Exemplorum sui temporis memorabilium*, cap. xx, quod, cum in vita postulatus ad episcopatum constanter eundem respuisset, post mortem beatus apparuerit cuidam suo amico, qui idipsum a moriente efflagitaret, rogatusque an bene cessisset illi pertinax illa episcopatus recusatio, responderit dicens: « Quod in vita semper timui nunc scio, scilicet quod si episcopatus cathedram ascendissem, in damnationis perpetuæ periculum incidissem, » id est, si de numero Episcoporum fuisset, verisimiliter de numero Beatorum non essem. Recte ergo sanxit Leo Imperator sub annum Domini 469, lib. XXXI, cap. *De Episcop. et Clericis*, « non pretio, sed precibus ordinetur Antistes. Tantum ab ambitu debet esse sepositus, ut quærat cogendum, rogatus recedat, invitatus effugiat, sola illi suffragetur necessitas excusandi. Profecto enim indignus est sacerdotio, nisi fuerit ordinatus invitus. » S. Gregorius, lib. VI in lib. I *Reg.*, cap. ultim.: « Rectus, ait, est ordo, ut quærantur homines ad episcopatum. » Et Bernardus, lib. II *De Consid.*, cap. v: « Qui pro se rogat, inquit, jam judicatus est. » Et inferius: « Cunctantes et renuentes coge et compelle intrare. » Vide Anselmum et D. Thomam, II II, *Quæst.* CLXXXV, art. 1.

Nota: Non meminit hic parochorum et Sacerdotum Apostolus, sed eos sub Episcopis intelligit: est enim idem eorum onus et munus, docendi, pascendi, regendi populum, sed circa pauciores subditos. Vide dicta *Philipp.* I, 1 (1).

2. OPORTET ERGO EPISCOPUM IRREPREHENSIBILEM *Vers. 2.*

ESSE, UNUS UXORIS VIRUM, — q. d. Itaque ut aggregari præcipuum hujus epistolæ argumentum, scilicet ut te, o Timothee, aliosque episcopos doceam, quales quibusque virtutibus præditi esse debeant; dico imprimis Episcopum debere esse irreprehensibilem, id est, qui non tantum vitio, quod reprehendi possit, careat, sed qui insuper omnibus virtutibus sit ornatus. « Omnes, inquit Hieronymus ad *Ocean.*, virtutes in uno sermone comprehendit, et pene rem contra naturam exigit; quis enim ille est, qui absque peccato et reprehensione vivat? » Hinc Nazianzenus, in *Apol.* I: « Vitiux, inquit, in Episcopo est, non quam optimum esse; » quia, ut recte ait Plutarchus, lib. *De Doctrina principum*, « Sunt principes tam sacri, quam profani instar lucentium gemmarum, atque adeo si quis in illis nævus apparet, detractio-
Princif
sunt q
si gem-

(1) Per *episcopatum* hic intelligendum est sacerdotium in genere, ejus varia officia ac munera: ita Allioli, quem legere in h. l. operæ pretium est.

mae lu-
centes.Episco-
pus debet
esse ins-
tar solis.Episco-
pus sit
quasi an-
gelus.Qualis et
quantus
debeat
esse Episco-
pus ex
S. Bernar-
do?Sexdecim
dotes in
Episcopo
exigit
Paulus.
Quis
unius
uxoris
vir?
Prima ex-
positio

patet et calumniæ. » Et Theophylactus hic : « Præsidem, inquit, ac principem velut stellam et illuminationem decet esse, ut ad ipsum omnes defigentes oculos illustrentur, atque ducantur in viam rectam. » Et Chrysostomus hic, *hom. 10* : « Eum, inquit, qui regendos alios suscepit, tanta decet gloria virtutis excellere, ut instar solis cæteros velut stellas suo fulgore obscuret. » Et inferius : « Oportet, inquit, Episcopum angelum esse, nulli humanæ perturbationi vitiove subjectum. » Et in morali : « Idcirco, inquit, nos Dominus elegit, ut simus quasi luminaria, ut veluti fermentum evadamus, ut magistri cæterorum efficiamur, ut veluti angeli cum hominibus versemur in terris, tanquam viri cum infantibus pueris, quasi spirituales cum animalibus, ut ex nostro contubernio ingentia illi lucra conquirant. » Idem alio loco docet Episcopum in populo debere esse quasi angelum inter homines et quasi pastorem inter oves mutas et irracionales, tantumque ratione et virtute populum debere antecellere, quantum homo bruta antecellit. Hinc patet Episcopum debere esse perfectum. Errant ergo imperfecti, qui sibi persuadent, quod sese perficient in episcopatu : ibi enim velle discere perfectionem, idem est quod velle discere figulinam in dolio, ait Nazianzenus, *Apologet. 1*, id est velle discere artem cum eam debeas exercere, imo docere ; idque cum gravi animarum tibi creditarum periculo et damno.

Audi Bernardum, in fine lib. *iv De Consid. ad Eugenium Pontificem* : « Consideres, inquit, ante omnia sanctam Romanam Ecclesiam, cui Deo auctore præes, Ecclesiarum matrem esse, non dominam : te vero non dominum Episcoporum, sed unum ex ipsis, porro fratrem diligentium Deum. De cætero considera oportere te esse formam justitiæ, sanctimonie speculum, pietatis exemplar, assertorem veritatis, fidei defensorem, doctorem Gentium, Christianorum ducem, amicam sponsi, sponsæ paranympum, cleri ordinatorem, pastorem plebium, magistrum insipientium, refugium oppressorum, pauperum advocatum, miserorum spem, tutorem pupillorum, iudicem viduarum, oculum cæcorum, linguam mutorum, baculum senum, ultorem scelerum, malorum metum, bonorum gloriam, virgam potentium, malleum tyrannorum, regum patrem, legum moderatorem, canonum dispensatorem, sal terræ, orbis lumen, sacerdotem Altissimi, vicarium Christi, Christum Domini, postremo Deum Pharaonis. »

Nota : Apostolus sexdecim conditiones exigit hic ab Episcopo, decem affirmativas, sex negativas. Prima est affirmativa, ut sit irreprehensibilis ; secunda est negativa, ut sit unius uxoris vir, etc.

UNIUS UXORIS VIRUM. — *Primo*, Ambrosius, lib. *De Dignitat. sacerdot.*, cap. *iv*, sic explicat, *q. d.* Oportet Episcopum unius Ecclesiæ, non plurium esse Episcopum, nec ab una Ecclesia ad aliam transire ; hoc enim vetat hic Paulus, et Concilium

Nicenum I, *can. 16*. Verum hoc mysticum est, non litterale, ut fatetur ipse Ambrosius.

Secundo, Lutherus sic explicat : Episcopus non sit scortator, sed unam habeat uxorem. Sic fere et Beza. Episcopus, inquit, non sit talis, qui temere repudiata uxore aliam ducat. Hic enim vera est scortator, imo adulter.

Tertio, Magdeburgenses, Calvinus et passim Novantes sic explicant, *q. d.* Episcopus simul non habeat multas uxores, uti Judæi permissu Dei habuerunt ; sed unam tantum, ita tamen ut illa mortua, aliam et aliam ducere possit, itaque successive habere multas.

Huc referri potest aliquorum olim explicatio, cujus meminit hic Chrysostomus et Theophylactus, quamque probat hic Theodoretus, debere scilicet eligi Episcopum, non qui jam sit (in quo plane a Calvino et Novantibus dissident), sed qui ante episcopatum fuerit monogamus, id est unam tantum simul habuerit uxorem, licet plures habuerit successive. Nam in ipso episcopatu non monogamus, sed agamus et cælebs sit oportet.

Verum omnes alii, præter Theodoretum, hæc expositiones refellunt validis rationibus, voluntque per « unius uxoris virum, » intelligi monogamum absolute, qui secundas non iniiit nuptias, nec successive plures habuit uxores, sed unam tantum. Patet id *primo*, quia non tantum lege Christi, sed etiam usu gentium et lege Romana polygamia tempore Christi, imo ante Christum fuit abrogata, non tantum apud Christianos, sed etiam apud Judæos et gentes omnes, erantque polygami infames, ut patet ex edicto Diocletiani et Maximiani, quod extat *L. Neminem, C. De incestis nuptiis*, et ex edicto Valeriani et Galieni, *L. Eum, C. ad leg. Juliam De adulteriis*. « Eum, inquiunt Imperatores, qui simul duas habuerit uxores, sine dubitatione comitatur infamia, » scilicet ex recepto jam pridem gentium usu et consuetudine. Supervacue ergo et frustra moneatur hic a Paulo Episcopo *vir*, non sit polygamus, hoc est, ne plures simul habeat uxores, cum nec laico id liceret, nec polygamia esset in usu. Sicut ridicule jam *v. g.* Pontifex scriberet ad Episcopos : Episcopus non debet esse polygamus, cum polygamia nec apud laicos quidem sit in usu, aut permissa. Imo hoc ipso, quo Apostolus hanc ab Episcopo perfectionem exigit, ut sit unius uxoris vir, tacite permittit laico, ut sit duarum uxorum vir : hoc autem simul esse non potest (quia obstat lex Christi, imo et Romana, ut dixi), sed tantum successive ; ergo cum ab Episcopo Paulus exigit, ut sit unius uxoris vir, non simul, sed successive intelligit, scilicet Episcopum ita unam habere, vel habuisse uxorem, ut post vel ante illam, nullam aliam successive habuerit.

Secundo, quia cap. *v*, vers. 9, simili phrasi dicit Apostolus : « Vidua eligatur non minus sexaginta annorum, quæ fuerit unius viri uxor. » Atqui ibi intelligit unius viri uxorem illam, quæ

Ambrosii
mystica.Secunda
Lutheri.Tertia,
Calvini.Refelluntur
primo.

Secunda.

post mortem mariti secundas non iniiit nuptias, nec secundum habuit maritum; nunquam enim visum fuit unam uxorem duos simul habere maritos, ut ad hoc cavendum dixerit Apostolus, eligendam esse unius viri uxorem: ergo pariter hic unius uxoris virum intelligit eum, qui successive tantum habuit unam, ita ut mortua prima uxore, non duxerit secundam.

Tertio. *Tertio*, quia hinc usus antiquissimus Ecclesiæ habet, ut non ordinentur digami, qui duas uxores successive, sed monogami, qui unam tantum habuerunt. Estque hæc communis Patrum, præter Theodoretum, expositio. Vide eos apud Belarminum, lib. I *De Cleric.*, cap. **xxiii** et **xxiv**.

Objectio prima. Dices: Apostolus vult Episcopum esse irreprehensibilem, et explicans subdit: « Unius uxoris virum; » ergo per hoc cavere vult ne simul duas habeat uxores; hoc enim crimen est et reprehensibile: habere vero duas successive, nec crimen est, nec reprehensibile.

Responsio prima. Respondeo *primo*, posse hæc accipi ut disparata, ut scilicet *primo*, velit Episcopum esse irreprehensibilem; *secundo*, ut eundem velit esse unius uxoris virum; *varias* enim hic dotes ab Episcopo requirit.

Secunda. *Secundo*, ut demus *irreprehensibilem* ad sequentia referri, eaque generatim complecti, respondeo, per *irreprehensibilem* intelligit non tantum carentem crimine, sed etiam nota quapiam, quæ ab hominibus notari et reprehendi solet, quæque alicujus vitii, infirmitatis, aut imperfectionis hominibus suspicionem præbet: talis autem est digamia. Hæc enim præbet hominibus suspicionem incontinentiæ et propensionis in libidinem; unde in Episcopo turpis est et reprehensibilis; decet enim Episcopos esse castos, ut suis castitate præluceant, utque liberius eos hortari possint ad continentiam, inquit Ambrosius, lib. I *Officior.*, cap. ult. Hinc et Gentiles, digamos a sacerdotio repulerunt. « Inter Gentiles etiam, inquit Hieronymus *ad Ageruchiam*, epist. 11, flamen unius uxoris vir ad sacerdotium admittitur, flaminissa quoque unius viri uxor eligitur: ad tauri Ægyptii sacra semel maritus assumitur. » Hinc Dido *Æneid.* IV, ait:

Huic uni forsitan potui succumbere culpæ.

Culpæ, inquit Servius, propter antiquum ritum, quo repellabantur a sacerdotio bis nuptæ.

Objectio secunda. Dices *secundo*: Scortatores et adulteri, si se emendent, non repelluntur a sacerdotio; ergo multo minus digami, qui successive duas habuerunt uxores, sunt ab eo repellendi.

Responsio. Respondeo: Nego consequentiam; nam non tantum ob incontinentiæ speciem, de qua jam dixi, digami repelluntur, sed etiam ob mysticam significationem: Episcopus enim representare debet Christum, qui unam tantum habuit spon-sam, eamque virginem, scilicet Ecclesiam; non potest ergo esse digamus, sed monogamus, ut

pulchre docet S. Augustinus, lib. *De Bono conf.*, cap. **xviii**, cujus verba mox recitabo. Sicut ergo lege Ecclesiastica iudices, qui reos morte mulcant, sunt irregulares et inhabiles ad sacerdotium, non ob crimen (nullum enim admiserunt, imo justitiam exercuerunt), sed ob indecentiam et ob significationem; debet enim sacerdos referre mansuetudinem Christi, et remotissimus esse a sanguinis effusione: ita pariter juste potuit Ecclesia sancire legem, qua digamos, ob similem indecentiam et significationem, arceret a sacerdotio. Est enim duplicis generis irregularitas legibus Ecclesiæ sancita: prior ob enormia crimina, inter quæ non sunt fornicatio et adulterium; secunda, ob mysticam significationem, qualis est in digamia et iudiciis capitalibus.

Cur digami arceantur a sacerdotio?

Obicit *tertio*, Calvinus: Saltem Apostolus inter dotes Episcopi ponit, esse « unius uxoris virum: » ergo requirit ut Episcopus sit conjugatus saltem cum una. Idem olim Hieronymo obiecit Vigilantius.

Objectio *tertia*.

Respondeo cum Theophylacto et Patribus, *irreprehensibilem* esse dorem Episcopi, non positivam, sed negativam, quæ tamen innuit aliam positivam: unius enim uxoris vir is est, qui adeo continens est, ut non habeat vel habuerit plures uxores, quam unam. Non ergo præcipit Apostolus, aut laudat, ut Episcopus habeat unam uxorem, sed si habuerit, ut unam tantum habuerit; quod si nullam habeat, habueritve, non ineptum, sed aptiorem episcopatu censendum vult Apostolus: vult enim Episcopum eligi quam fieri possit castissimum. Nam alioqui ipse Paulus contra hanc legem peccasset, utpote qui Timotheum et Titum creaverit Episcopos, qui, teste S. Ignatio ad Philadelphios, perpetuam coluerunt virginitatem: verum quia tempore Christi, rari inter Gentiles et Judæos inveniebantur cælibes, et plerique omnes erant conjugati, hinc eosdem jam conversos ad Christum, eo quod deessent cælibes apti, necesse erat promoveri ad episcopatus et sacerdotia: ita tamen, ut monogamos, quasi castiores eligi velit Apostolus.

Responsio. Qualis dos in Episcopo sit esse unius uxoris virum?

Ubi nota: Hi, qui ex conjugio vocabantur ad sacerdotium, post ordinationem usu conjugii abstinebant communi Ecclesiæ lege, idque ob excellentem sacerdotii dignitatem, quæ puritatem angelicam requirit, et ut toti Christo et Ecclesiæ vacarent. Unde Apostolus *ad Titum*, cap. 1, 8, vult Episcopum esse continentem. Certe constat sanctissimos omnes et doctissimos Episcopos, qui a mille ducentis annis vixerunt, fuisse cælibes.

Olim conjuges creabantur Episcopi, sed deinceps conjugio abstinebant.

Docet id Epiphanius *hæresi* 59, quæ est Catharorum. « At dices, inquit, in quibusdam locis presbyteros et diaconos adhuc liberos gignere; sed hoc non est juxta canonem, sed juxta hominum mentem, quæ per tempus elanguit. » Et Hieronymus, lib. I *Contra Vigilantium*: « Quid facient, inquit, Orientis Ecclesiæ, quid Ægypti et Sedis Apostolicæ, quæ aut virgines clericos acci-

Probatur ex Patribus et Conciliis.

piunt, aut continentes, aut; si uxores habuerint, desinunt esse mariti. » Idem docent et sanciunt sanctissimi Pontifices, Siricius, epist. ad *Himericum*; Leo I, epist. ad *Anastasium*; Innocentius I, epist. ad *Victricium*; imo Concilium Nicenum I, can. 3, et Eliberinum, can. 33. Quod ergo Græci sacerdotes utantur conjugibus, quas ante sacerdotium duxerunt, abusus est, inductus a Græcis incontinentibus sub annum Domini 700, in Synodo Trullana (quæ non legitima, sed clancularia et profana Synodus fuit), can. 13; nam ante hos Trullanos, Græci Patres in Concilio Niceno, aliique, ut patet ex Epiphania loco citato, hunc abusum damnarunt: illum tamen, utpote nimis inolitum, pacis causa, Græcis jam permittit Ecclesia Romana, ut patet cap. *Cum olim*, de clericis conjugatis. Denique fuit olim controversia inter S. Hieronymum et Augustinum an hæc digamia, quæ est impedimentum sacerdotii, sit accipienda ante baptismum, an vero tantum post baptismum. S. Hieronymus, epist. ad *Oceanum*, vult tantum censendos hic digamos, qui post baptismum duas uxores successive duxerint, non vero eos, qui ante baptismum unam, et ea defuncta post baptismum alteram duxerunt.

Abusus Græcorum sacerdotum, quod utantur conjugio, quando cæperit.

An digamia ante baptismum sit impedimentum sacerdotii?

Resp. esse.

Negat id Augustinus, vultque tam hos, quam illos esse digamos et irregulares; ita enim habet, lib. *De Bono conjug.*, cap. xviii: « Quod acutius intellexerunt, qui nec eum, qui catechumenus vel paganus habuerit alteram, ordinandum esse censuerunt; de Sacramento enim agitur, non de peccato: nam in baptismo peccata omnia dimittuntur. Propter Sacramenti autem sanctitatem, sicut femina etiamsi catechumena fuerit vitata, non potest post baptismum inter Dei virgines consecrari: ita non absurde visum est eum, qui excessit uxorum numerum singularem, non peccatum aliquod commisisse, sed normam quamdam Sacramenti amisisse, non ad vitæ bonæ meritum, sed ad ordinationis Ecclesiasticæ signaculam necessariam. » Augustini sententiam secuta est Ecclesia cum suo capite Innocentio I, ut patet 28, q. III.

Quid vñφάλιος?

SOBRIUM. — Græcum *νηφάλιον*, tam sobrium, quam vigilem (ut vertit Theodoretus et Syrus), atque perspicacem, suisque rebus attentum (ut Theophylactus) significat: nam sobrietas mater est vigilantie, ingenii et solertie. Inde *νηφάλια* sacra dicebantur, in quibus pro vino libabatur aqua: nimirum non decet speculatorem omnium salutis invigilantem esse dormitabundum; nec vigilare potest, qui ventri se addicit. Talem, vigilantem scilicet pastorem, se præbuit Jacob patriarcha, Genes. xxxi, vers. 39. Tales debent esse Episcopi et Pastores: imo, ut ait Chrysostomus, imitari, adeoque superare debent duces castrorum, qui noctu diuque universum suum exercitum perlustrant.

Quid σάφρων?

PRUDENTEM. — Græcum *σάφρων*, etiam temperantem, et, ut Ambrosius ac Hieronymus vertunt, *prudicum*; proprie tamen prudentem, qui

sana mente, iudicio ac consilio est, significat; præsertim hoc loco, ubi præcessit « sobrium. » In Episcopo magna requiritur prudentia; nam « ars artium, inquit Nazianzenus, *Apol.* i, scientia scientiarum mihi esse videtur, hominem regere, animal scilicet omnium maxime varium et multiplex. »

Scientia scientiarum est ars regendi.

Rursum, omnia Ecclesiæ negotia dirigere debet Episcopus: quanta ergo et quam varia opus est illi prudentia? *Tertio*, omnibus virtutibus pollere et excellere oportet Episcopum, ergo rara et admirabili prudentia præditus sit necesse est; prudentia enim auriga est omnium virtutum, ut dicere solebat S. Antonius. Hinc Aristoteles, *VI Ethic.*, cap. xiii, docet omnes virtutes in prudentia esse connexas, ideoque Socratem asseruisse quod virtutes omnes sunt quædam prudentiæ, quia scilicet nulla sine prudentia esse aut consistere potest; prudentia enim omnes dirigere, omnibus quid agendum; quid cavendum sit, dictare et præscribere debet.

ORNATUM, — *ὡςμυον*, id est, honesto habitu, qui virum gravem decet, ornatum: idem enim est verbum, quod cap. ii, vers. 9, Noster vertit, in *habitu ornato*.

Secundo et melius, Hieronymus ad *Oceanum*, ex Cicerone ait: « Ornatus vocatur, qui decorem servat in motu, incessu, habitu et sermone. » *Ornatum* ergo idem est, quod moribus compositum; ut etiam per corpus appareat animi moderatio et temperantia. « Amictus enim corporis, et risus dentium, et ingressus hominis enuntiant de illo, » *Ecclesiastici* xix, 27. Et ut ait Cicero: « Caput est artis docere quod facias. » Ita cum Hieronymo explicant Theodoretus, Syrus, Anselmus et alii. Hinc S. Ambrosius, ut narrat hic D. Thomas, quosdam ordinare noluit, hoc solo nomine, quod dissolute incederent. De hoc ornatu sacerdotis vide fuse S. Gregorium, homil. 17 in *Evangel.* Hinc graviter et querula voce S. Ambrosius, lib. *De Dignitate sacerdotali*, cap. vi, et Gregorius, loco citato, docent, causam cur subinde sacerdotes, Episcopi et clerici despiciantur, esse ipsorummet levitatem, inscitiam, mores incompositos, impuram et improbam vitam. Hoc enim est quod talibus Deus intentat per Malachiam, cap. ii, vers. 8, dicens: « Vos recessistis de via, et scandalizastis plurimos in lege, irritum fecistis pactum Levi: propter quod et ego dedi vos contemptibiles et humiles omnibus populis. »

Ornatus est moribus compositus.

Nota factum S. Ambrosii.

PUDICUM. — Non habent hanc vocem Græca, nec Syrus, sed Romana. Ut se pudicos servant Episcopi et Ecclesiastici, maxime vitare debent consortia mulierum. Ita S. Augustinum fecisse scribit Possidonius, cap. xxvi Vitæ ejus, quod tanti doctoris exemplum quia memorabile est nobisque imitandum, hic ascribam: « Feminarum, inquit Possidonius, intra domum ejus nulla unquam conversata est, nulla mansit, nec quidem germana soror, quæ vidua Deo serviens multo tem-

Quam clerici fugere debeant feminas.

Nullam feminam, ne cognitam quidem, in

omni
admisit
S. Au-
gustinus.

pore, usque in diem obitus sui, præposita ancillarum Dei vixit; sed neque patrui sui filiæ, et fratris sui filiæ, quæ pariter Deo serviebant; quas personas sanctorum Episcoporum Concilia in exceptis posuerunt. Dicebat vero, quia etsi de sorore et neptibus secum commorantibus nulla nasci possit mala suspicio; tamen, quoniam illæ personæ sine aliis necessariis secumque manentibus feminis esse non possent, et quod ad eas etiam aliæ a foris intrarent, de iis posse offendiculum aut scandalum infirmioribus nasci. Ob hoc ergo dicebat, nunquam debere feminas cum servis Dei etiam castissimis, in una manere domo. Et si forte ab aliquibus feminis, ut videretur et salutaretur, rogabatur, nunquam sine clericis testibus ad eas intrabat, vel solus cum solis unquam est locutus, nisi secretorum aliquod interesset. »

Decre-
tum
Concilii
Cartha-
ginensis
de femi-
nis cle-
ricis fu-
erendis.
De eadem
re ex S.
Cypria-
no.

Ita S. Xaverius mulieres adiri aiebat minori fructu et majori periculo vel tentationis, vel suspicionis sinistrae. Imo Concilium Carthaginense, can. 25, decernit ne Episcopi, Presbyteri vel clerici feminas accedant, nisi adsint alii clerici, vel graves aliqui Christiani.

Quam hæc res sit magni momenti æque ac periculi, præclare docet, et graviter admonet Auctor libri *De Singularitate* (sive solitaria et a feminis semota vita) clericorum, qui extat inter opera Cypriani: « Lubrica, inquit, spes est, quæ inter fomenta peccati salvari se sperat, incerta victoria est inter hostilia arma pugnare, impossibilis liberatio sine flammis circumdari, nec ardere. » Et infra: « Ipsi nos fallimus quoties credimus inter masculos et feminas castitatem immobilem custodiri. Difficile quis venenum bibet et vivet; verendum est dormienti in ripa, ne cadat, cum dicat Apostolus I ad Corinth. x: Qui se putat stare, videat ne cadat; et utilius est infirmum se homo cognoscat, ut fortis existat, quam si fortis videri velit, infirmus emergat. » Et infra: « De carbonibus scintillæ dissiliunt, de ferro rubigo nutritur, morbos aspidēs sibilant, et mulier fundit concupiscentiæ pestilentiam, quam Salomon sic comparat dicens: De vestimentis procedit tineæ, et a muliere iniquitas viri. » Ad finem ita exhortando concludit: « Sic igitur ambulate, sic agite ut semper in clericis Ecclesiæ senatus candidus constet: severitas in vobis circa feminas vigeat, auctoritas polleat, vigor teneatur, gravitas veneretur. »

Insignis
descrip-
tio mulie-
ris ex A-
nastasio.

Denique audi quid sit mulier, et vide quam vendenda sit. Sic eam describit Anastasius Nicenus, tom. VI. *Bibliothecæ SS. Patrum*, Quæst. LXII, § *Omnis qui aspexerit*: « Quid est, inquit, mulier? in terra naufragium, fons sceleris, lethalis occursum, lapsus oculorum, animarum exitium, cordis lancea, sceptrum inferorum, præceps desiderium, juvenum perniciēs. Quid mulier? sanctorum calumnia, quies serpentis, diaboli solatium, ægritudo inconsolabilis, fornax succensa, eorum qui servantur scandalum, vitium immedicabile, diur-

næ nugæ, prodigorum hospitium, officina dæmonum. Quid est mulier? os effrænatum, triumphus mysteriorum, dux tenebrarum, magistra delictorum, vestita vipera, domus tempestas, viri naufragium, immitis fera, » etc.

Ut ergo sacerdotes et clerici pudicos se servant, feminarum colloquia et consortia devitent. Idem faciant vicissim feminæ, præsertim virgines, caveantque ne unquam absque arbitris cum aliquo viro, etiam Religioso, etiam confessario, secreto colloquantur; sed omnia agantur in propatulo, ubi a multis videri possint: vel si intra domum in cubiculo aliquid tractandum sit, nunquam desit testis qui omnia videat. Meminerint Thamar in occulto, quod testis deesset, a fratre esse incestatam. Meminerint pene omnes quotquot ceciderunt, hujus moniti negligentia cecidisse. Si nulla essent in abdito et absque inspectore colloquia, nulla essent stupra. Hinc S. Ambrosius, lib. II in *Lucam*: « Trepidare, ait, virginum est, et ad omnes viri ingressus pavere, omnes viri affatus vereri. » Loquitur de virgine cum sola est: in occulto enim uterque alteri est ignis, uterque fomes et stupa; atque diabolus tum adest, omnesque vires suas exserit, ne tam commoda ipsi occasio sine lucro prætereat.

Scripsit S. Leander, Episcopus Hispalensis, insignem regulam, sive institutionem virginum ad Florentinam sororem, quam edidit noster Brouverus, in qua cap. II, ita ei præcipit: « Quisquis vir, si sanctus est, nullam tecum quærat familiaritatem, ne videndi jugitate aut infametur utriusque sanctitas, aut pereat. Decidet enim a charitate Dei, quæ perpetrandi mali operis occasionem præbuerit. Decidet a charitate proximi, quæ, etsi male non agit, opinione tamen pessimam famam nutrit. Dispar enim sexus in unum locatus, eo titillatur inflictu, quo nascitur, et naturalis movetur flamma, si incomposita attigerit. Quis colligabit ignem in sinu suo, et non comburetur? ignis et stupa sibi utraque contraria in unum redacta, flammam nutriunt. Viri sexus et feminæ diversus si conjungitur, quo lex naturæ provocat, commovetur. »

Prov. VI.

Nimirum, ut aiebat Plato, vir appetit feminam tanquam sui partem (cupit enim costa redire ad latus viri, ex quo sumpta est), et femina virum, sicut pars appetit suum totum, cupitque ei jungi et illi inexistere. Vide S. Hieronymum, *epist.* 8, 9, 10, 11 et 22. Hic est ergo scopulus latens, sed nocentissimus, ad quem incauti aut sibi præfidentes allisi viri magni et sancti, castitatis naufragium fecerunt. O qualia et quanta videbimus in die iudicii! Qui sapis, fuge blandas Sirenes.

HOSPITALEM, — φιλόξερον, id est peregrinorum amantem, et erga eos hospitalem. Hæc virtus Episcopo est necessaria, ideoque tantas opes Episcopis attribuit Ecclesia. Hinc S. Gregorius scribens ad Joannem Episcopum: « Hospitalitatem, ait, nesciens non fiat Episcopus. » Et Hieronymus ad

Hospita-
litas
quam de-
beat E-
piscopus
ex
SS. Gre-
gorio.

Hierony-
mo et
Leone.

Oceanum : « Ante omnia, inquit, hospitalitas futuro Episcopo denuntiatur. Si enim omnes illud Evangelii audire desiderant : Hospes fui, et suscepisti me, quanto magis Episcopus, cujus domus omnium debet esse hospitium ! Laicus enim unus, aut duos, aut paucos recipiens implebit hospitalitatis officium ; Episcopus nisi omnes recipiat, inhumanus est. » Ita peregrinos conquirebat et colligebat S. Job ; hinc cap. xxxi, vers. 32, ait : « Foris non mansit peregrinus, et ostium meum viatori patuit. »

Ita S. Gregorius Pontifex semper pauperes et peregrinos hospitio et mensa excipiebat : quod ita fuit gratum Deo, ut Christus speciem pauperis induens, mensa ab eo excipi voluerit. Testis est Joannes Diaconus in *Vita S. Gregorii*, lib. II, cap. xxii et xxiii.

Ita Leo IX Pontifex sub annum Domini 1048, effusus in pauperes et peregrinos, leprosum ante aedes suas inventum in lecto suo collocari jussit, ac mane sequenti eundem requirens disparuisse comperit. Creditum est Christum specie pauperis, Pontificis tam misericordis lecto decubuisse. Narrat hoc Sigebertus in *Chronico*, et Platina in *Vita Leonis IX*.

DOCTOREM, — διδάσκον, id est aptum ad docendum. Doctrinam ab Episcopo Apostolus requirit, non lauream ; sed hanc quasi doctrinæ testem requirit Concilium Tridentinum, dum vult gradu Licentiæ in Theologia, vel Jure Canonico insignitos eligi in Episcopos. Hæc est prima Episcopi, qua Episcopus est, dos. « Summa enim, inquit Hilarius, lib. VIII *De Trinit.*, omnium virtutum Episcopatum est scientia et doctrina. » Et Hieronymus *ad Oceanum* : « Absque sermone, inquit, conversatio quantum exemplo prodest, tantum silentio nocet. » Hinc pontifex legis veteris in Rationali inscriptum habebat : « Doctrina et veritas. » « Est enim doctrina, inquit Theophylactus, in cap. 1 *ad Titum*, virtus et character Episcopi. » Hinc quoque *ad Titum*, cap. 1, ad Episcopum requirit Apostolus, « ut potens sit exhortari. » Et Concilium Tridentinum potissimum Episcopi munus esse prædicationem verbi Dei, illudque Episcopum per se, si possit, obire debere, docet sess. V, cap. 1.

Prima
dos Episcopi
est scientia
et doctrina.

Vers. 3.

Percussor
dicitur
tripliter.

3. NON PERCUSSOREM, — id est, qui lingua non feriat, non jurgetur, non convicietur, non male dicat. Ita Chrysostomus. Sunt enim et « patriæ verbera linguae, » inquit Horatius, cum scilicet patres acerbè objurgant filios.

Secundo et simplicius, q. d. Qui manibus non percutiat, non sæviat, non sit asper et crudelis in domesticos et subditos. Ita Syrus, Theophylactus et Anselmus. « Percussorem, inquit Hieronymus, Episcopum ille condemnat (Christus) qui dorsum posuit ad flagella, et maledictus non maledixit. »

Tertio, Theophylactus et Anselmus : « Non percussorem, » id est qui non feriat fratrum conscientiam importuno verbo, vel exemplo : sed hoc est

mysticum. Græca hic addunt μή αλογονεῖσθαι, id est non turpis lucri cupidum ; sed hoc videtur redundare. Nam mox sequitur, ἀφ' αὐτῶν id est non cupidum argenti.

MODESTUM, — ταπεινός, id est æquum. Æquus, inquit Aristoteles, V *Ethic.*, cap. x, dicitur, qui non persequitur summum jus, in quo summa est injuria ; sed in partem propendit benigniorem, quam dictat æquitas et moderatio. Unde virtus eo inclinans dicitur ἐπιεικεία.

NON LITIGIOSUM, — ἀμαχόν, id est alienum a pugna, non tam verberum, de qua præcessit, quam verborum. Unde Hieronymus, lib. I *Contra Pelagianos*, vertit, absque jurgio. Idem *ad Oceanum* docet, quam lites dedeant Episcopum : « Nihil, inquit, impudentius est arrogantia rusticorum, qui garrulitatem auctoritatem putant, et parati semper ad lites in subjectum sibi gregem tumidis sermonibus tonant. »

NON CUPIDUM, — ἀφ' αὐτῶν, id est alienum ab argenti cupiditate. « Gloria Episcopi, inquit Hieronymus *ad Nepotianum*, est pauperum opibus providere ; ignominia sacerdotis est propriis studere. Natus in paupere domo et tugurio rusticano, qui vix milio et cibario pane rugientem ventrem saturare poteram, nunc similam et mella fastidio, » etc.

Terribile exemplum hujus avaritiæ narrat Munsterus, lib. III *Cosmograph.*, de Hattone Moguntino Archiepiscopo anno Domini 914, qui pauperes vocans mures, et quasi mures fame perire permittens, justa Dei vindicta a muribus, perinde ac Phara'o a ranis et muscis, invasus, ac tandem ad turrin, quæ etiamnum in medio Rheni visitur, confugiens, ibi ab eisdem peremptus et devoratus est. Verum hanc Hattonis a muribus comesti historiam multis refutat noster Serarius in *Moguntia*, lib. IV, cap. iv et v, dicitque fabulam ortam a Popiolo, Polono principe, qui ob crudelitatem a muribus comestus est.

Exemplum
Hattouii.

4. SUÆ DOMUI BENE PRÆPOSITUM, — καλῶς προϊστάμενον, id est qui domui bene præsit. Ex aptitudine enim et dexteritate regiminis œconomici sumitur judicium de aptitudine ad regimen politicum et Ecclesiasticum ; qui enim bene domum suam moderatur, signum est quod idem bene reget Ecclesiam ; « et qui domui suæ præesse nescit, inquit Paulus vers. 5, quomodo Ecclesiæ Dei diligentiam habebit ? » Unde S. Hieronymus *ad Oceanum* : « Vult, ait, Apostolus Episcopum domum suam bene regere, non ut opes augeat, non ut regias paret epulas, non ut cœlatas patinas struat, non ut phasidis aves lentis vaporibus coquat, qui ad ossa perveniant et superficiem carnis non dissolvant artificii temperamento ; sed ut quod populo præcepturus est, prius a domesticis exigat. » Quid ? quod can. 18 Concilii Carthagin. ita præscribitur : « Ut Episcopi, presbyteri et diaconi non ordinentur prius, quam omnes qui sunt in domo eorum, Christianos Catholicos fecerint. »

Vers. 4.

Quid
εὐσεβεί-
της?

FILIOS (si quos genuerit antequam crearetur Episcopus : unde et Ambrosius notat, non dicere Paulum, Facientem aut gignentem, sed) **ΠΑΒΕΝΤΕΜ** **SUBDITOS CUM OMNI CASTITATE.** — Græce σεμνότητος, id est honestate et gravitate morum; Vatablus, cum omni reverentia; Syrus, cum omni puritate; Erasmus, cum ingenuo et liberali pudore. Hunc enim exigit subjectio, quam filii debent parentibus, de qua præcessit. Vult ergo Paulus ex moribus compositis liberorum, patris mores modumque educandi et regendi æstimari, eumque deligi Episcopum, qui liberos optime instituerit. Unde S. Bernardus, lib. IV *De Consid. ad Eugenium* : « Interest, inquit, gloriæ Sanctitatis tuæ, ut quos præ oculis habes, ita ordinati, ita sint informati, quatenus totius honestatis et ordinis ipsi speculum, ipsi sint forma. Inveniantur præ cæteris oportet expediti ad officia, idonei ad Sacramenta, ad plebes erudiendas solliciti, circumspecti, sese custodientes in omni castitate, » etc. Quid si aliquis durus est, et regimini reluctatur? Respondet Bernardus : « Noli diffidere, curam exigeris, non curationem. Audisti, Curam illius habe; non, Cura, vel sana illum. »

Non est in medico semper, relevetur ut aeger.

Vers. 5.

5. SI QUIS AUTEM DOMUI SUÆ PRÆESSE NESCIAT, QUOMODO ECCLESIAE DEI DILIGENTIAM HABEBIT? — Græce ἐπιμελεῖσθαι, id est curam habebit. « Est enim, inquit Chrysostomus, Ecclesia velut domus quædam : ac sicut in domo uxor est, et filii ac servi, omniumque cura ac regimen incumbit viro, ita ferme et in Ecclesia videas. Est autem longe difficilius Ecclesiam, quam domum regere; qui ergo rem familiarem dispensare nescit, is quo pacto Ecclesiæ rite præesse posse putandus est? » Quam ergo stolidam est ambitio nonnullorum, qui cum se suosque regere nesciant, rempublicam vel Ecclesiam regere gestiunt? Quibus jure competit illud S. Ephrem, tract. *De Timore Dei*, initio tomi III : « Antequam remigare sciamus, gubernare tentamus. » Duces et capitanei esse volumus, qui militare et arma tractare non didicimus. Themistocles, Atheniensium dux, uxori ardentius pro filio aliquid potenti respondit : « Athenienses Græcis, ego Atheniensibus, tu mihi, tibi filius imperat. Vide ergo ne insipiens omnibus Græcis imperet. » Quid jam suis dicat Episcopus?

Themisto-
clo clis
ἐρώμα.

Quærit Chrysostomus cur Apostolus communes virtutes hic, non autem raras et heroicas ab Episcopo requirat? cur Episcopos non vult plane esse mortificatos, mundo mortuos, cælestes, divinos? ac respondet : « Quia per paucos tales invenire erat : Episcopis autem plurimis tunc opus fuit, qui per singulas civitates magistri constituerentur; ne ergo Ecclesiæ negotia fructusque perirent, ideoque moderatam virtutem proposuit inquirendam, non supremam illam atque cælestem. Quippe sobrium et pudicum et honestum esse, multum commune erat. »

6. NON NEOPHYTUM : NE IN SUPERBIAM ELATUS, IN JUDICIUM INCIDAT DIABOLI. — Νεόφυτος Græci vocant novitium, quasi nove natum aut plantatum, Christoque insitum in baptismo, id est recens a judaismo aut gentilismo conversum et baptizatum, q. d. Ne facile ordines Episcopum eum qui in fide novitius est, ne scilicet talis novo episcopatus honore superbiat et novitate potestatis infletur, putans se aliis in fide veteranis meliorem, statimque perfectionem Christianam adeptum, ac quasi Ecclesia eo indigeat, illique non tam conferat, quam ab eo beneficium accipiat, et aliis præesse et insolenter dominari velit. « Excluditur neophytus, ait Haymo, ne dicere possit : Indigebat Ecclesia mea sapientia, ideo me ad fidem adduxit et super se constituit; » itaque « in iudicium, » id est condemnationem, « incidat diaboli, » qui neophytus in cælo nova creationis suæ pulchritudine superbiit, ideoque damnatus est. Alii aliter : primo, aliqui sic, εἰς κρίμα, id est, inquit, in jus et potestatem diaboli; secundo, alii εἰς κρίμα, id est in criminationem diaboli; tertio, Maldonatus εἰς κρίμα, id est in peccatum, per quod homo diaboli jurisdictioni et iudicio quasi subicitur. Nam quod hic vocat κρίμα, vers. seq. vocat παράβα. Ita Chrysostomus et Theophylactus (1).

Cur neo-
phytum
sacerdo-
tio arceat
Paulus?

Quam sit turpe neophytum eligi, hisce verbis describit Hieronymus *ad Oceanum* : « Heri, ait, catechumenus, hodie Pontifex; heri in amphitheatro, hodie in Ecclesia; vespere in circo, mane in altario; dudum fautor histrionum, nunc virginum consecrator. » Et S. Gregorius, lib. IV *Registr. tri*, epist. 50 : « Alia, ait, quoque res valde detestabilis nobis nuntiata, quod quidam ex laico habitu per appetitum gloriæ temporalis, defunctis Episcopis tonsurantur et fiunt subito sacerdotes. Qua in re jam notum est qualis ad sacerdotium venit, qui repente de laico habitu ad sacrum transit ducatum: et qui miles nunquam extitit, dux religiosorum fieri non pertimescit. Quam iste prædicationem habiturus est, qui fortasse nunquam audivit alienam? aut quando aliena mala corrigat, qui necdum sua flevit? » Deinde testimonio hoc Pauli et rerum naturalium exemplo idipsum confirmans, subdit : « Et cum ad sacros Ordines Paulus Apostolus neophytum venire prohibeat, sciendum nobis est, quia sicut neophytus tunc vocabatur, qui adhuc noviter erat eruditione plantatus in fide, ita nunc inter neophytos deputamus, qui adhuc novus est in sancta conversatione. Scimus autem quod ædificati parietes non prius tignorum pondus accipiant, nisi novitatis suæ humore siccentur. Et cum ad ædificium arbuta succidimus, ut prius viriditatis humor exsiccare debeat, exspectamus, ne ex ipsa novitate curventur et contracta citius corruant. » Vide eundem, lib. VII *Registr. tri*, epist. 112.

Respon-
det S.
Hierony-
mus,

et S. Gre-
gorius.

Excipe ab hac lege, nisi neophyti vita adeo sit

(1) Rosenmullerus Græcum διαβολος vertit *maledicum*,

probata, ut de ejus aptitudine ad Episcopatum nullum sit dubium, aut nisi Dei oraculo neophytus designetur Episcopus. Sic enim S. Ambrosius necdum baptizatus Mediolani a puero, et mox a toto populo conclamatus Episcopus, electus et consecratus est.

Vers. 7. 7. OPORTET AUTEM ILLUM ET TESTIMONIUM BONUM (bonæ vitæ) HABERE AB IIS QUI FORIS SUNT (ab infidelibus), UT NON IN OPPROBRIUM INCIDAT, ET IN LAQUEUM DIABOLI. — « Et » hic significat *id est*: ipsum enim opprobrium vocat « laqueum diaboli, » q. d. Talis eligatur Episcopus, cui etiam Gentiles probitatis testimonium perhibeant, ne alioqui ipsi pristina vitia ei exprobrent, itaque ipse incadat in laqueum diaboli, id est infamiam, flatque commune probum, quo quasi laqueo diabolus multos fideles et infideles capiat, eosque a tali Episcopo, et consequenter a fide et religione Christi avertat. Ita Ambrosius.

Secundo, ut Theophylactus, « ne in laqueum, » id est in pristina Gentilium peccata, recidat, itaque omnibus sit scandalum et ruinæ.

Tertio, ut Anselmus, « ne in laqueum, » id est iram et odium Gentilium incadat, cum eisque inimicitias suscipiat, utpote qui ei sua vitia exprobrent, vel etiam ab eis occidatur. Unde nonnulli per « laqueum diaboli » intelligunt laqueum calumniatoris: hunc enim significat Græcum *διαβολος*. Primus sensus magis connexus et genuinus est.

Narrat Lampridius in *Vita Alexandri Severi*, solere Christianos proponere publice nomina eorum qui ordinandi erant sacerdotes, populumque rogare, ut si quis quid criminis de quopiam nosset, ediceret. Sic et ordinandorum nomina publice proponi, in eorumque vitam inquiri, jubet Concilium Tridentinum, sess. XXXIII, can. 5.

Vers. 8 et 9. 8. DIACONOS SIMILITER PUDICOS, NON BILINGUES, NON MULTO VINO DEDITOS, NON TURPE LUCRUM SECTANTES, HABENTES MYSTERIUM FIDEI IN CONSCIENTIA PURA. — Post descriptionem Episcopi, sub quo et presbyteros complectitur, transit Apostolus ad diaconos: hi enim sunt Episcoporum et presbyterorum ministri, non tantum in custodia thesauri Ecclesiæ, et distributione eleemosynarum; sed etiam in sacrificio Missæ, in quo olim diaconi calicem sanguinis Domini populo ministrabant. Unde S. Laurentius apud Ambrosium, lib. I *Offic.*, cap. IV, sibi quasi diacono creditam dicit Dominici sanguinis dispensationem. Adeoque diaconi, ait Clemens Romanus, *epist. 1 et 2*, sunt oculi Episcopi, quales jam sunt Archidiaconi, qui totum munus veterum diaconorum retinent et referunt, sicut Archipresbyteri et Pastores totum munus veterum presbyterorum, qui Ecclesiam Dei gubernabant, retinent et referunt. Erat enim diaconi assistere Episcopo et sacrificanti et prædicanti, imo diaconus sacerdoti in sacrificio coo-

perabatur et quodammodo cum illo offerebat sacrificium. Unde S. Laurentius ad Sixtum: « Tu, inquit, nunquam sine diacono sacrificium offerre consueveras. » Majus hujus rei argumentum est, quod in Offertorio, cum offertur calix vini, diaconus contingens brachium sacerdotis quasi ei cooperans et subserviens, una cum sacerdote dicere solet: « Offerimus tibi, Domine, calicem, » uti præscribit Missale Romanum. Rursum *secundo*, diaconi erant particularia fidelium considerare, et ad Episcopum referre; ac *tertio*, externa pro arbitratu Episcopi tractare, ut is ab orationis instantia et assiduo verbi Dei ministerio non impediretur.

Diaconos ergo Apostolus vult esse « pudicos, » *Prima* græce *σεμνός*, id est honestos, compositos, ac *diaconi* vitæ puritate morumque gravitate conspicuos.

Secundo, vult eos esse « non bilingues, » græce *διλόγους*, id est duplices in sermone, et in dictis inconstantes, ut hic affirmat, ibi negent, quod est hominis fallacis, adulatoris et mendacis. « Nihil autem, inquit Chrysostomus, ita nos degenerare a spiritali nobilitate facit, nihilque in Ecclesia nocet magis, quam versuta simulatio. »

Tertio, « non multo vino deditos. » Non dixit, inquit Theophylactus, non ebrios, non temulentos (hoc enim omnino indignum est), verum non multum potantes, hoc enim animæ mentisque vim et vigorem, licet non eripiat, luxat tamen et debilitat, malique est exempli.

Quarto, « non turpe lucrum sectantes, » quod fit, inquit Ambrosius, quando sub pia professione quæstui studetur. Rursum, cum clericis mercaturæ vacat, sordidaque officia obit lucrī gratia. Hinc negotiatio clericis prohibita est a Canonibus.

Quinto, « habentes mysterium fidei in pura conscientia, » id est tenentes mysteria fidei cum pura conscientia, ut scilicet teneant puram fidem et simul conscientiam ac vitam fidei puræ conformem, sive ut cum sincera fide et doctrina vitam habeant irreprehensibilem. Ita Theodoretus, Theophylactus et alii.

Secundo, S. Thomas et Petrus Lombardus per « mysterium fidei » intelligunt dogmata fidei recondita, quæ aliis, maxime laicis, sunt occulta. Hæc enim scire debent diaconi, eaque conservare tanquam mystæ, vel potius symmystæ sacerdotum (1).

Tertio, per « mysterium fidei » Catharinus, Heselius, Magallianus, Soto Major, intelligunt sacram Eucharistiam: hæc enim a Dionysio, Chrysostomo, Cyrillo, Basilio, antonomastice vocatur « mysterium, » vel tremenda mysteria. Unde in forma consecrationis sanguinis Domini; calix sanguinis vocatur « mysterium fidei; » et in Græco additur τὸ, quasi designet certum mysterium, q. d.

(1) Fidei mysterium idem est quod Col. IV, 3, *mysterium Christi*. Sic vocatur Christiana doctrina, quia Paganis occulta fuit iis temporibus.

calumniatorem, ut sensus sit: Ne hominibus maledicis occasionem præbeat de se male judicandi.

Diaconi erant oculi Episcopi.

Officia diaconi.

Diaconus cum sacerdote offert sacrificium.

Prima dicitur diaconi.

Secunda.

Tertia.

Quarta.

Quinta.

Mysterium fidei tripliciter accipi potest.

Mysterium fidei est Eucharistia. Diaconi habeant, id est servent et custodiant (hoc enim quoque significat Græcum $\epsilon\chi\omega$) Eucharistiam, quæ est mysterium illud arcanum fidei Christianæ; in pura conscientia, ut scilicet pura mente et manibus calicem Eucharistiæ tractent, eumque populo administrent. Solent enim Patres veteres æque ut Paulus hic, loqui tecte et arcane, ne Gentiles rem tantam audientes et non intelligentes irriderent et subsannarent: hinc passim eam vocant arcanum mysterium. Hic sensus valde appositus est: tangit enim proprium et præcipuum diaconorum munus et officium.

Addit noster Lorinus in *Actor. VI, 3*, videri hæc verba, «mysterium fidei,» in consecratione calicis sumpta esse ex hoc Apostoli loco. Unde et Innocentius III, cap. *Cum Marthæ*, de celebrat. Missar., asserit verba illa consecrationi calicis addita esse ex Apostolica traditione. Causam dat Ivo, quod scilicet ingens hic mysterium lateat, nimirum sanguis Christi sub specie vini, q. d. «Sacramenta quæ vides in altari, æstimanda sunt, non specie, sed fide.»

Vers. 10. 10. ET HI AUTEM PROBENTUR PRIMUM (q. d. Sicut Episcopus, ita et diaconi debent esse non neophyti, sed quorum virtus diu spectata et probata sit), ET SIC (ordinati ab Episcopo) MINISTRENT, NUL- LUM CRIMEN HABENTES. — Græce ἀνέγκλητοι ὄντες, id est, dum inventi sunt (per probationem et examen factum ante eorum ordinationem) irreprehensibiles, quos accusare, quos criminari nemo possit. Erasmus vero et Vatablus non ad præteritum, sed ad futurum hæc referentes vertunt, «ministrent diaconi, sic ut nemo eos criminari possit,» q. d. Uti ante ordinationem diaconi probati sunt et inventi irreprehensibiles, ita post eam se probent ministrando, ac diaconatu fungendo inculpate et irreprehensibiliter. Sed prior sensus nostri Interpretis verius et aptius coheret cum verbo «probentur.»

Vers. 11. 11. MULIERES SIMILITER PUDICAS, NON DETRAHENTES, SOBRIAS, FIDELES IN OMNIBUS. — Ambrosius putat Apostolum loqui de quibusvis mulieribus.

Secundo, Chrysostomus, Theodoretus, Theophylactus, Oecumenius putant eum loqui de diaconissis: nisi enim, inquit Theophylactus, de his loqueretur, quid erat opus, cum de diaconis verba faceret, ad mulieres sermonem traducere?

Per mulieres intelligit Apostolus uxores diaconorum. *Tertio* et optime, D. Thomas, Lombardus, Heselius et alii accipiunt de uxoribus diaconorum, quas post ordinationem retinebant diaconi æque ut Episcopi: sed earum usu abstinebant. Unde ut Episcopi, quæ est γυναῖκα, quod tam uxores, ut vertit Vatablus et Erasmus, quam mulieres significat. Sicut ergo paulo ante Apostolus Episcopum cum sua familia, ita et hic diaconum cum sua familia vult esse illibatam. Nec ab hac expositione dissidet expositio secunda Chrysostomi et Theodreti; poterant enim uxores Episcoporum et diaconorum esse diaconissæ.

Ubi nota: Diaconissæ, utpote feminae, non or-

dinabantur; unde Concilium Nicenum, *can. 19*, eas inter laicas deputat. Perperam ergo ex hoc loco Cataphrygæ sicut viros diaconos, ita et mulieres ordinabant diaconissas, imo et presbyteras et episcopas, ut testatur Epiphanius in eorum hæresi.

Diaconissæ itaque erant mulieres templi ministeris addictæ, uti jam sunt Moniales aut Beguinæ: quænam earum fuerint officia, dicam capite *v*, vers. 9.

Uxores ergo diaconorum, quas scilicet diaconi duxerant, non post, sed ante susceptum ordinem diaconatus, uti ostendi vers. 2; quæque marito facto diacono fiebant subinde diaconissæ, tales quales jam dixi, has, inquam, vult Apostolus primo, esse «pudicas,» græce σεμνὰς, id est honestate et gravitate morum conspicuas. *Secundo*, «non detrahentes,» μὴ διαβόλους, id est non calumniatrices; Ambrosius vertit, non studentes discordiæ. Hanc enim parit loquacitas mulierum calumniosa et detractoria. *Tertio*, «sobrias,» græce νηφάλιους, quod tam sobrias, quam vigilantes et prudentes significat. Hac ergo voce prohibet esse vinolentas, socordes, vecordes. *Quarto*, «fideles in omnibus,» scilicet tam in fide conjugali, quam in dispensatione rei domesticæ, ne scilicet sint adulteræ, aut furaces. Ex vita enim et fama uxorum pendet fama maritorum, præsertim diaconorum.

Vers. 12. 12. DIACONI SINT UNIUS UXORIS VIRI: QUI FILIIS SUIS BENE PRÆSINT, ET SUIS DOMIBUS. — De hoc vide dicta vers. 2 et 4, ubi idem exegit ab Episcopo.

Vers. 13. 13. QUI ENIM BENE MINISTRAYERINT (in suo diaconatu, unde græce est διακονήσαντες), GRADUM BONUM SIBI ACQUIRENT, ET MULTAM FIDUCIAM IN FIDE, QUÆ EST IN CHRISTO JESU. — Id est bonum locum gratiæ et meritum tum apud Deum, tum apud homines, ut mereantur altius promoveri in sacerdotes et Episcopos. Ita Ambrosius, Chrysostomus, Theophylactus, Anselmus. Unde Concilium Tridentinum, *sess. XXIII*, cap. *xi*, jubet eos ad Ordines altiores promoveri, qui in inferioribus pie et fideliter se gesserint. Ita S. Cyprianus, lib. *IV*, epist. 2 ad Antonianum, laudat S. Cornelium Pontificem, quod gradatim ad pontificatum fuerit evectus. «Non iste (Cornelius), inquit, ad episcopatum subito pervenit, sed per omnia Ecclesiastica officia promotus, et in divinis administrationibus Dominum sæpe promeritus, ad sacerdotii sublime fastigium cunctis religionis gradibus ascendit: tum deinde episcopatum ipsum nec postulavit, nec voluit, sed ipse vim passus est, ut episcopatum coactus acciperet.»

Nota: Per fiduciam Ambrosius intelligit fiduciam petendi et impetrandi a Deo id, quod ab eo petimus. Hæc enim fiducia non tantum Dei misericordia, sed et bona petentis vita ac sanctitate nititur, ut docet Augustinus, lib. *I De Doctrina Christiana*, cap. *xxxvii*.

Verum pro fiduciam, græce est παρρησίαν, id est fiducia

est liber-
tas.

libertatem, scilicet docendi et arguendi, *q. d.* Diaconi bene fungentes officio acquirunt libertatem et auctoritatem, ut homines etiam potentes non curent, sed libere ea, quæ fides Christi exigit, profiteantur, doceant, arguant et perficiant. Ita Theophylactus et Oecumenius.

Moraliter S. Bernardus, *serm. 3 De Assumptione*, explicans optimam partem Mariæ præ Martha: « Bonum, inquit, acquirit gradum, qui bene ministraverit: forte meliorem, qui bene vacaverit Deo: optimum autem, qui perfectus est in utroque. »

Vers. 14
et 15.

14 et 15. HÆC TIBI SCRIBO, UT SCIAS QUOMODO OPORTEAT TE IN DOMO DEI CONVERSARI, QUÆ EST COLUMNA ET FIRMAMENTUM VERITATIS. — Stimulum hunc dat Timotheo, ut digne, exacte et vigilanter conversetur, obeatque munia episcopalia in Ecclesia Dei, scilicet ut cogitet, se id facere in domo Dei.

Nota: Non sola Ecclesia Ephesina, sed absolute Ecclesia universalis, hic vocatur « domus Dei et columna veritatis. » Universalis enim Ecclesia in fide errare non potest; Ephesina autem et quælibet particularis Ecclesia in fide errare potest. « Cum totus, inquit Ambrosius, mundus Dei sit, Ecclesia tamen domus ejus dicitur; cujus hodie rector est Damasus. » Alludit Apostolus ad Bethel, de qua viso ibi Domino dixit Jacob, *Genes. xxviii*: « Vere non est hic aliud nisi domus Dei, et porta cæli; » et ad tabernaculum templumque Judæorum, quod Ecclesiæ typus erat. Ita Chrysostomus. Simul tacite admonet omnes fideles, ut reverenter et sancte se gerant in ecclesia, cogitantes se vivere et versari non in aula regis, sed in domo Dei, adeoque in oculis ipsius Dei optimi maximi.

Vers. 15.

15. QUÆ EST COLUMNA ET FIRMAMENTUM VERITATIS. — Addit hoc Apostolus, ut innuat Timotheo, magno cum studio ad hæreses et errores devitandos et refellendos, puræ veritati intelligendæ et prædicandæ in Ecclesia, sibi incumbendum esse, adeoque se non Judaizantium aliorumque Novantium, sed Ecclesiæ fidem sequi et prædicare debere, utpote quæ sit basis veritatis; ac præsertim articulum illum fidei primum, et tunc maxime necessarium, quem subjicit hic Apostolus, scilicet ut prædicet fidem Ecclesiæ de Christo unico redemptore, excluso Mose et operibus legis: hoc enim est « magnum pietatis sacramentum, » quod subdit Apostolus.

Nota: Ecclesiam dici « columnam et firmamentum veritatis, » id est columnam bene firmatam et firmantem veritatem. Est enim hendiadys, qualis est cum dicitur: « Aurum frenosque momordit. » Rursum Ecclesia est « firmamentum veritatis » tam activum, quam passivum. Ecclesia enim in fide et veritate passive firmatur a Deo per infallibilem assistentiam Spiritus Sancti a Christo promissam, ac per eam fideles omnes active confirmat. Ita Chrysostomus, Theophylactus, Beda et alii.

Ecclesia
« firmamen-
tum
veritatis
passive et
active.

Unde Commentarius Hieronymo ascriptus: Ecclesia, inquit, est « columna et firmamentum veritatis, » quia in ea sola stat veritas firmata, quæ sola sustinet ædificium Ecclesiæ.

Nota secundo: Alludit Apostolus ad duas columnas, quas crexit Salomon in ingressu templi a se extracti, quarum dextram vocavit Jachin, sinistram Booz, *III Reg. vii, 21*, ut iis significaret suum votum, scilicet optare se firmitatem et stabilitatem templi sui, illamque quasi hoc facto et monumento portenderet. Ita Abulensis et Vatablus ibi, et Franciscus Ribera, *lib. II De Templo*, cap. xiv. Fecit porro duas, et dextram vocavit hebraice Jachin, id est, ut Septuaginta vertunt *II Paralip. cap. iii, vers. ult.*, κατόρθωσις, id est directio, a radice *יָכִין* cun, id est dirigere; sinistram vero vocavit Booz, id est, ut Septuaginta, *ἰσχύς*, id est fortitudo: vel præcise Booz idem est quod « fortitudo in eo; » ut per Jachin significaret directivum imperium, tum Dei circa omnes creaturas et homines, sed maxime circa Judæos, eorumque templum; tum regum Israel circa regimen populi secundum pietatem, piūque Dei in templo cultum. Unde utraque columna coronata erat. Secundo, ut per sinistram Booz significaret fortitudinem executivam directorum: ut quod Jachin prudenter dirigi a Deo et a rege, hoc Booz fortiter exequi tam Deum, quam regem representaret: utrumque enim, scilicet tam prudens directio, quam fortis executio, in Deo est, et utrumque regibus est necessarium; utrumque ergo tacite, et reipsa per hæc duas columnas Deo gratulatus est Salomon, et implicite optavit et oravit, ut utrumque in templi et populi custodia ostenderet, eandemque sibi et suis in regno successoribus communicaret.

Abulensis
Paulus
ad duas
columnas
templi,
Booz et
Jachin.Jachin
et Booz
quid literaliter
significaverint?

Hæ duæ columnæ allegorice significabant Ecclesiam a Deo directam et stabilitam instar columnæ. Unde Apostolus Ecclesiam vocat « columnam veritatis, » *q. d.* Columnæ illæ Salomonis umbræ tantum fuerunt, ipsa vero veritas est in Ecclesia Christi, quæ columna est non mendacii, non vanitatis, non umbræ evanescentis, qualis fuit illa templi Salomonici, quod a Chaldæis in cineres et favillas redactum est; sed stabilis, constantis et æternæ veritatis. Hinc quod ait hic Apostolus: « Ecclesia est columna et firmamentum, » idem est, ac si dixisset: Ecclesia est Jachin et Booz. Columna enim, quæ græce dicitur *σῶλος*, idem est quod Jachin, id est, columna erecta et directa; firmamentum vero idem est quod Booz, id est fortitudo, *q. d.* Apostolus: Ecclesia est rectitudo veritatis, quam adumbravit Jachin; est etiam fortitudo et firmamentum veritatis, quod adumbravit Booz: ita ut ne vel minimum a recta veritatis linea deflectere, vel a constanti veritatis professione divelli ulla ratione, aut vi, unquam possit.

Unde S. Hieronymus, Augelomius, Beda et Eucherius in *III Reg. vii*, partim allegorice, partim

Quid allegorice?

topologice : Columnæ hæ duæ, inquit, sunt Apostoli et sancti Doctores Ecclesiæ, quia contemplatione ad superna erecti fortes sunt tam fide, quam opere. Duæ sunt, quia Judæos et Gentes fulciunt; sunt ante fores templi, ut utrosque in templum, id est in Ecclesiam inducant. Rursum, una est a dextris, altera a sinistris, ut demonstrent per prospera et adversa nobis tendendum esse in cælum, quod est verum Dei templum, utque prosperis non elevemur, adversis non dejiciamur : sed templum ipsum, id est cælum, quo per ea tendimus, ante mentis oculos perpetuo ponamus, eo-que constanter pergamus.

Ex hoc loco patet Ecclesiam esse visibilem et visibiliter nos docere ac confirmare in veritate, per suos scilicet pastores, Episcopos et maxime per suum caput, quod est Romanus Pontifex Petri successor, cui dictum et promissum est a Christo, *Matth. xvi, 18* : « Tu es Petrus, et super hanc petram ædificabo Ecclesiam meam. »

Patet *secundo*, Ecclesiam errare non posse in fide et veritate. Negat id Calvinus, ac respondet Ecclesiam dici columnam et firmamentum veritatis, quia conservat verbum Dei scriptum, quod errare non potest; et, ut habet Commentarius hic

Vatablo ascriptus, quia, inquit, qui in Ecclesia sunt, verbum Dei, quod est ipsa veritas, tuentur et defendunt. Sed contra, quia sic Ecclesia esset theca veritatis, non columna. *Secundo*, sic non tantum omnes Martyres, doctores et fideles, sed etiam omnes bibliopolarum officinæ dicendæ essent columnæ veritatis, quod est absurdum et ineptum. *Tertio*, sic Judæi, hostes Christi, dicendi essent columnæ veritatis, quia conservant vetus Testamentum. *Quarto*, columna non in alio, sed per se solida est et firma, aliaque firmat et roborat : ergo Ecclesia quasi columna veritatis per se in veritate firma est et solida, ut possit alios in ea confirmare. Ita docent omnes Patres, qui ex hoc loco docent ab Ecclesia in dubiis fidei petendam esse certam et stabilem resolutionem.

Audi inter alios Irenæum, lib. III, cap. IV : « Tantæ, inquit, ostensiones (Ecclesiæ) cum sint, non oportet apud alios quærere veritatem, quam facile est ab Ecclesia sumere, cum Apostoli quasi in depositarium dives, plenissime in eam contulerint omnia, quæ sunt veritatis, uti omnis quicumque velitumat ex ea potum vitæ : hæc enim est vitæ introitus. Omnes autem reliqui fures sunt et latrones, propter quod oportet devitare quidem illos; quæ vero sunt Ecclesiæ cum magna diligentia diligere et apprehendere veritatis traditionem. » Deinde ab Ecclesia et Ecclesiæ traditione dubiorum et questionum in fide suborientium resolutionem petendam esse docet, cum ait : « Quid enim etsi de aliqua modica questione disceptatio esset, nonne oporteret in antiquissimas recurrere Ecclesias, et ab eis de præsentī quæstione sumere, quod certum et liquidum est? Quid autem si neque Apostoli quidem

Scripturas reliquissent nobis, nonne oportebat sequi ordinem traditionis, quam tradiderunt iis, quibus committebant Ecclesias? Cui ordinationi assentiunt multæ gentes barbarorum, eorum qui in Christo credunt, sine caractere, vel atramento, scriptam habentes per spiritum in cordibus suis salutem, veterem traditionem diligenter custodientes. » Similia habet cap. III, ubi inter omnes Ecclesias maxime sequendam ait Ecclesiam Romanam, a Petro et Paulo fundatam.

Audi Hieronymum *Contra Luciferianum* : « Poteram, inquit, omnes propositionum rivulos uno Ecclesiæ sole siccare. » Et iterum : « Brevem tibi apertamque animi mei sententiam proferam, in illa Ecclesia esse permanendum, quæ ab Apostolis fundata usque in hunc diem durat, » etc. Audi Ambrosium, *epist. 82* : « Utrumque, ait, ad Moysen a Domino dictum est : Ubi stas, terra sancta est. Et : Tu hic sta mecum, hoc est, mecum stas, si stas in Ecclesia. Ipse enim locus est sanctus, ipsa terra fecunda sanctitatis, et opima virtutum messibus. Sta ergo in Ecclesia, sta ubi tibi apparui : ibi ego tecum sum. Ubi est Ecclesia, ibi firmissima statio tuæ mentis est; ibi fundamentum animi tui, ubi tibi de rubo apparui. » Audi denique Augustinum, lib. I *Contra epist. fundamentum*, cap. V : « Ego Evangelio non crederem, nisi me Catholicæ Ecclesiæ commoveret auctoritas. Quibus ergo obtemperavi dicentibus : Credite Evangelio; cur non obtemperem dicentibus mihi : Noli credere Manichæo (1)? »

16. ET MANIFESTE MAGNUM EST PIETATIS SACRAMENTUM, QUOD MANIFESTATUM EST IN CARNE, — *q. d.* Sicut olim templum Judæorum, quod erat domus Dei, continebat arcanam mysteria, scilicet arcam, Cherubim, propitiatorium : ita Ecclesia Christi, quæ est domus Dei, continet, servat, docet et explicat verissime magnum pietatis Dei sacramentum, scilicet incarnationem Verbi et dispensationem omnem carnis ab eo assumptæ. In hac enim re præcipue consistit religio Christiana et Ecclesiæ doctrina, ac veritas. Nam, ut ait Fulgentius, lib. I *ad Trasimundum* : « Certum est pene omnes hæreticæ pravitalis errores insurrexisse, dum magnum pietatis sacramentum, quod manifestatum est in carne, aut sicut est non credunt, aut omnino non credunt. » Et patet primis quadringentis annis, omnes Arii, Nestorii, Eutychetis, Apollinaris, Valentini, Manichæorum et aliorum hæreses versatas fuisse vel circa divinitatem, vel circa humanitatem Verbi incarnati, *q. d.* Apostolus :

(1) Hodierni multi rationalistæ punctum ponunt post *Dei vivi*, et autem *columna et firmamentum veritatis* jungunt cum sequentibus; sed perperam, tum quia codices antiqui omnes, nec non versiones Patresque, Vulgati interpretis interpunctionem sequuntur; tum quia, ea interpunctione admissa, luculentior fluit sensus, vocesque *columna, fundamentum*, optime cum præcedentibus *domo Dei, ecclesia* connectuntur. Et synedrium magnum hoc titulo, columna scil. et fundamento veritatis, passim honestari ait Lightfootus.

Ex 8.
Hierony-
mo.

Ex S.
Ambrosio.

Ex S.
Augusti-
no.

Vers. 16.

Vide, o Timothee, ut caute et reverenter in Ecclesia converseris, utque hoc veritatis et pietatis sacramentum vere piissimum rite doceas, eoque digne vivas. Tibi enim credita est tanti custodia sacramenti, inquit Chrysostomus.

Nota primo: Pro manifeste, græce est ἐμολογουμένως; id est confesse; et, ut Ambrosius, omnium confessione; et, ut Erasmus vertit, citra controversiam.

Magnum
pietatis
sacra-
mentum
est Deus-
homo.

Nota secundo: «Magnum hoc pietatis sacramentum» est Verbi incarnatio, nativitas; passio; crux, resurrectio, ascensio, Gentium per ipsum conversio, justificatio et salus; vel aptius est ipsum Verbum incarnatum, sive Deus-homo, nascens, patiens, crucifixus, resurgens, ascendens, justificator et salvator omnium hominum. Unde pro eo quod nos habemus, «quod manifestatum est in carne,» Græca habent, Θεὸς ἐφανερώθη ἐν σαρκί, id est, Deus manifestatus est in carne, justificatus est in spiritu, angelis apparuit, prædicatus est Gentibus, creditus est in mundo, assumptus est in gloria. Ita legunt Syrus, Chrysostomus, Theophylactus et Cyrillus ad Reginas. «Ipsa; inquit S. Dionysius, cap. II De Divin. Nomin., Jesu in carne apparitio et ineffabilis est sermone omni, et omni ignota intelligentiæ, ipsi quoque angelorum primati non cognita,» scilicet plene et perfecte quoad omnia.

Quare minus apte nonnulli cum Erasmo hæc explicant de lege Christi et prædicatione Evangelii; adeo ut etiam Beza miretur Erasmus tam studiosæ omnes Scripturæ de Christi divinitate locos enervare aut detorquere: quanquam lex Christi et prædicatio Evangelii uti consecuta sunt ex Verbi incarnatione, ita ex ea hic consequenter intelliguntur.

Adverte tertio: «Sacramentum,» vel, ut græce est, mysterium, non significat hic signum rei sacræ, sed ipsam rem sacram et arcanam, scilicet Verbum incarnatum. Addit Magallianus, in fine hujus capituli, per «magnum hoc pietatis sacramentum» accipi posse Eucharistiam. Sed hic sensus accommodatilius tantum est, non autem ex mente Apostoli. Idem enim est Verbum incarnatum in altari, quod olim natum in Bethlehem manifestatum fuit in carne; ac proinde ea quæ huic, eadem et illi accommodari possunt.

Pietas
quadrup-
liciter
accipitur.

PIETATIS. — Græce εὐσεβείας, quod Syrus vertit, justitiæ; quia, ut sequitur, hoc arcanum, sive sacramentum, justificatum fuit in spiritu, et per illud satisfactum fuit justitiæ Dei, quæ peccatum Adæ punivit et vindicavit in Christo incarnato et crucifixo.

Secundo, Ambrosius: «Pietatis,» inquit, id est veritatis, cujus columna est Ecclesia, quia Deus magnanimitatem, pietatem et clementiam suam, scilicet piissimam gratiam et dona Christi exhibet iis, qui illam vere agnoscunt. Unde et Vatablus vertit, magnum est mysterium quod pii norunt.

Tertio et genuine, εὐσεβείας, id est pietatis, Dei cultus ac religionis, q. d. Mysterium incarnationis pium est, et tale quo maxime colitur Deus, quoque

maxime Deum coluit Christus, et quod incitat nos ad pietatem, Dei cultum ac venerationem; quodque piissime recolendum ac venerandum est: hoc enim proprie significat εὐσεβείας; id est pietas.

Quarto, potest ex communi hominum sensu sic accipi: «pietatis,» id est misericordiæ et dignationis; Hebræum enim רַחֵם chesed, id est pietas, passim significat misericordiam, tum quia piorum proprium et certum indicium est misericordia: sic pietas pro clementia et misericordia sumitur Eccli. XLIV, 40; Esther XVI, 10; tum quia misericordia Deo gratissimus est cultus. «Misericordiam (Christus ait) volo, non sacrificium.» Et Jacobus, cap. I, vers. 27: «Religio, ait, munda est visitare pupillos et viduas.» Est ergo incarnatio Verbi summæ «pietatis,» id est dignationis, mysterium: nam etsi ille ait:

Non bene conveniunt, nec in una sede morantur
Majestas, et amor:

hæc tamen in Christo conveniunt, scilicet summa majestas divinitatis et summa vilitas humanitatis, quæ duo vinxit et arcissime sociavit amor, scilicet ut idem Christus sit Deus-homo, Verbum infans, puer sapiens. S. Augustinus, lib. IX Confess., capite VII, de se recenter baptizato loquens: «Non satiabar, inquit, illis diebus, dulcedine mirabili considerare altitudinem consilii tui (o Deus) super salutem generis humani.» Hinc recte infert admirabundus B. Prosper, sententia 30: «Quid, inquit, futurus est homo, propter quem Deus factus est homo?»

In Chris-
to conve-
niunt ma-
jestas et
amor.

QUOD MANIFESTATUM EST IN CARNE. — En magnum, quod dixi, pietatis sacramentum, scilicet quod Verbum æternum in se invisibile, in carne apparere viderique dignatum sit. Unde Græca habent Θεὸς ἐφανερώθη ἐν σαρκί, id est, Deus apparuit in carne; olim legerunt ὁ Θεός, vel ὁ Θεός, id est, qui Deus. Nam hunc locum corrupti Macedonius legens ὁ pro ὁ, sicque interpretatur: ut esset Deus, apparuit per carnem, q. d. Ut hic homo qui dicitur Jesus, esset et dici posset Deus, hac de causa Deus descendit et apparuit in carne et corpore Jesu, in eoque quasi in domo habitavit. Sentiebat enim cum Nestorio Christum duas habere tam personas quam naturas, unamque alteri non esse junctam hypostaticæ, sed tantum per assistantiam vel inhabitationem, qua de causa ab Anastasio Imperatore episcopatu Constantinopolitano pulsus est, ut refert Liberatus in Breviario, cap. XIX, tom. III Conciliorum. Verum hanc calumniam falso in Macedonium Patriarcham Catholicum concinnatam esse ab Anastasio Imperatore Eutychiano, ut eum suæ hæresi resistentem episcopatu abdicaret, eo pretextu quod Nestorianus esset, qui Eutycheti resisteret, demonstrat Baronius anno Christi 510, in fine.

JUSTIFICATUM EST IN SPIRITU. — Primo, sic aliqui explicant, ne quis putet Christum cum carne carnis vitia assumpsisse, dico quod Christus per

To justifi-
cationem
in spiri-
tu.

Secundo. opera Sancti Spiritus, et per hoc quod Spiritus Sanctus in eum cum baptizaretur, descendit in specie columbæ, declaratus et agnitus sit esse summe justus, adeoque ipsa justitia.

Secundo. Cyrillus, ad *Reginas*, et Anselmus explicant sic, *q. d.* Christus a Spiritu Sancto factus est justus, adeo ut nunquam peccaverit, sed alios a peccatis justificarit; sic fere et Vatablus: Declaratus est, inquit, Christus per Spiritum Sanctum esse verus justificator.

tertio. Tertio, Theophylactus hoc modo interpretatur, *q. d.* Christus, abrogata carnali et umbratica legis justitia, solidam et veram justitiam, quæ in spiritu consistit, induxit.

Quarto. Quarto, alii ex Syro putant Apostolum hic dicere, quod per Verbum incarnatum satisfactum sit justitiæ et justæ vindictæ Dei.

Quinto. Quinto, Brixianus hoc modo intelligit, *q. d.* Christus, qui in carne hominibus apparuerat, non hominum, sed Spiritus Sancti oculis judicatus est justus.

Sexto et genuine. Verum sexto et ultimo, hic genus hujus loci est sensus, *q. d.* Apostolus: Gentes ridet Verbum incarnatum, et in carne manifestatum, sive Deum hominem factum, quasi stultum; Judæi habent pro scandalo: sed Spiritus Sanctus per rationes convenientissimas, per miracula, per tot charismata, per efficacem prædicationem et sanctitatem, zelum, sapientiam aliasque dotes cœlestes Apostolorum declaravit et comprobavit hoc Dei de Verbi incarnatione consilium esse justum, sanctum, sapiens Deoque dignum. In hoc enim incarnationis opere relucet mira Dei justitia, sapientia, bonitas et potentia, ut pulchre declarat S. Thomas, III *part.*, *Quæst.* I, art. 1 et 2, ita ut Centurio et alii videntes Christi etiam patientis in cruce miracula, patientiam, gratiam, etc., exclamarent: « Vere Filius Dei erat hic. » Ita Chrysostomus, Ambrosius et Sedulius. Sic « eloquia Dei » dicuntur « justificata, » id est, declarata esse justa et sancta. Sic *Matth.* XI, 19, sapientia dicitur « justificata a filiis suis, » id est, justa declarata, et absoluta ab omni calumnia hominum mundanorum et sapientum hujus sæculi. Huc refertur et illa Theophylacti expositio: justificatum, inquit, est hoc mysterium in spiritu, quia Deus fecit omnia in hoc mysterio, quæ requirebantur ad hominum salutem. Itaque si qui pereunt, sua culpa pereunt, quia Christo credere et obedire nolunt: sibi ergo suam perditionem imputent, Deum au-

temificent. Eodem sensu *Psal.* L, dicitur, « Ut justificeris in sermonibus tuis, et vincas cum judicaris. »

APPARUIT ANGELIS. — Græce ὄφθη, *visum*, vel, ut Vatablus vertit, *visus est angelis*: visum est, supple sacramentum; visus est, supple Christus, qui est hoc sacramentum, id est res hæc sacra et arcana. Omnia enim hæc referri possunt ad Græcum ὁρατός, id est, ad Deum in carne manifestatum, *q. d.* Visus est ab angelis in præsepio Deus infans, cum cecinerunt: « Gloria in excelsis Deo; » visus etiam est ab eisdem in deserto cum bestiis agens, jejunans, orans, prædicans, fatigans se, moriens, resurgens quoque, et ascendens supra omnes cœlos et angelos, cum admirantes angeli dixerunt, *Isaïæ LXIII, 1*: « Quis est iste, qui venit de Edom, tinctus vestibus de Bosra? » Hinc et angeli resurrectionem Christi nuntiarunt, quia per Christum nobis reconciliati majorem salutis nostræ curam gerere coeperunt. Ita Augustinus, *Enchir.*, cap. LXI et LXII.

Mystice, S. Gregorius, lib. XXXIV *Moral.* cap. IV, per *angelos* accipit prædicatores, per quos, ut sequitur, Christus prædicatus est Gentibus.

PRÆDICATUM EST GENTIBUS. — Mira fuit Dei bonitas, quod non solis Judæis, quibus promissus erat Messias, sed omnibus Gentibus quantumvis impuris, barbaris, idololatriis et sceleratis, Christus Christique justitia prædicata fuit.

CREDITUM EST IN MUNDO. — Non solum, inquit Theodoretus, prædicatus est Christus, sed et creditus, et ut Deus ab iis qui crediderunt, adoratur. Mirum fuit, totum mundum credere in Christum hominem crucifixum, ab eoque gratiam et salutem sperare; magnum fuit hoc potestatis et veritatis ejus argumentum. Vide dicta I *Cor.* cap. I, vers. 18 et 24.

ASSUMPTUM EST IN GLORIA. — Cum scilicet Christus, sive Deus-homo gloriose cum angelis et Sanctis omnibus tam in corpore, quam in anima triumphans ascendit in cœlum. Ita Chrysostomus, Theophylactus, Anselmus et Theodoretus, qui putat hoc addi quasi causam, cur creditum sit ei in mundo, quia scilicet in cœlis a dextris Dei sedet; indeque quasi doctor efficax et omnipotens veritatem mundo persuadet, ut omnes credent in eum. Adde, cum Hesselio, posse sic explicari: Christus assumptus, id est receptus, est a mundo tanquam in gloria Patris existens, tanquam verus Deus, cui omnis debetur gloria: quem proinde totus mundus glorificat.

CAPUT QUARTUM.

SYNOPSIS CAPITIS.

Prædicit instare hæreses, quæ damnabant nuptias, et certos cibos quasi in se malos, cum omnis creatura Dei in se bona sit.

Secundo, vers. 8, corporali exercitationi præfert exercitium pietatis.

Tertio, vers. 12, monet Episcopum, ut sit exemplar sanctitatis, ut gratiam sibi in ordinatione datam exsuscilet, ut intendat sibi et doctrinæ.

1. Spiritus autem manifeste dicit, quia in novissimis temporibus discedent quidam a fide, attendentes spiritibus erroris et doctrinis dæmoniorum, 2. in hypocrisi loquentium mendacium, et canteriatam habentium suam conscientiam, 3. prohibentium nubere, abstinere a cibis, quos Deus creavit ad percipiendum cum gratiarum actione fidelibus, et iis qui cognoverunt veritatem. 4. Quia omnis creatura Dei bona est, et nihil rejiciendum quod cum gratiarum actione percipitur : 5. sanctificatur enim per verbum Dei, et orationem. 6. Hæc proponens fratribus, bonus eris minister Christi Jesu, enutritus verbis fidei, et bonæ doctrinæ, quam assecutus es. 7. Ineptas autem, et aniles fabulas devita : exerce autem te ipsum ad pietatem. 8. Nam corporalis exercitatio ad modicum utilis est; pietas autem ad omnia utilis est, promissionem habens vitæ, quæ nunc est, et futuræ. 9. Fidelis sermo et omni acceptione dignus. 10. In hoc enim laboramus, et maledicimur; quia speramus in Deum vivum, qui est Salvator omnium hominum, maxime fidelium. 11. Præcipe hæc, et doce. 12. Nemo adolescentiam tuam contemnat; sed exemplum esto fidelium, in verbo, in conversatione, in charitate, in fide, in castitate. 13. Dum venio, attende lectioni, exhortationi et doctrinæ. 14. Noli negligere gratiam, quæ in te est, quæ data est tibi per prophetiam, cum impositione manuum presbyterii. 15. Hæc meditare, in his esto, ut profectus tuus manifestus sit omnibus. 16. Attende tibi, et doctrinæ : insta in illis. Hoc enim faciens, et te ipsum salvum facies, et eos qui te audiunt.

Vers. 1. 1. SPIRITUS AUTEM MANIFESTE DICIT, QUIA IN NOVISSIMIS TEMPORIBUS DISCEDENT QUIDAM A FIDE. — Monuit Timotheum Episcopum in fine cap. præced., ut sincere et recte conversetur et prædicet in Ecclesia, quæ est basis veritatis. Causam hic subdit Apostolus, quia scilicet exurgent hæretici veritatis et Ecclesiæ hostes, et multos seducent, q. d. Vide, o Episcopo, ut contra eos vigiles et excubes (1).

Nota : « Spiritus, » scilicet Sanctus, per me et alios Prophetas hoc prædicit « manifeste, » græce *ἐν τῷ*, id est præcise, certo, præscriptis et expressis verbis : hæc enim vocantur *ἐν τῷ*; « quia (quod) in novissimis; » græce non est *ἐν τῷ*, sed *ἐν τῷ*, id est posterioribus, vel sequentibus (hoc enim significat Hebræum *אחרית* *acharit*, quo nomine vocant Prophetæ tempus Messiae, quod noster Interpretes vertit novissimum); « temporibus discedent, » græce *ἀποστρέφονται*, id est deficient, descendent, apostatabunt a fide.

(1) « Dicit, » scil. per me, Paulum, aliosque Prophetas.

ATTENDENTES SPIRITIBUS ERRORIS (legit Noster *πλάνας*, jam legunt *πλάνας*, id est fallentibus, seductoribus et in errorem ducentibus; sed eodem redit sensus), ET DOCTRINIS DÆMONIORUM. — Unde recte hic Chrysostomus, *hom. 12*, asserit omnem hæresim et hæreticorum dogmata esse ex diabolo : cujus rei auritus est testis Cassianus, *Collatione 7, xxxii* : « Audivimus, inquit, apertissime confitentem se inspirasse hæresim Arii et Eunomii. »

Et Irenæus, lib. I, cap. ix, et lib. II, cap. lvii, tradit Simonem Magum, et Marcum, aliosque hæresiarchas habuisse dæmones paredros et familiares : sicut e contrario Ecclesia paredrum, quasi assessorem et consultorem, habet Spiritum Sanctum.

Cum multi visitarent Fulbertum, Episcopum Carnotensem, ille inter alios conspicatus Berengarium, nisu quo valuit, expellendum indicabat, protestatus immanem dæmonem prope ipsum consistere, multosque ad eum sequendum blan-

Omnis hæresis est ex diabolo, ait Chrysostomus et Cassianus.

Et Irenæus.

Novissimum idem est quod posteriorius.

diente manu, et illice anhelitu corrumpere, ut refert Wilhelmus Malmesburiensis, *De Gestis Anglor.*, lib. III, et Baronius, ann. Domini 1028. Maximilianus I Imperator in comitiis Augusti Vincllicorum, anno Domini 1518, publice prandens, videns Lutherum, dixit baroni cuidam pincernæ suo: « Video cacodæmonem forma corporea humeris istius monachi incubantem, et te quidem superstitute, me vero defuncto, iste monachus turbas, calamitates et miseras gravissimas in imperio suscitabit. »

Quin et hæresiarchæ ipsi idipsum confitentur. Lutherus, lib. *De Missa angulari*, de seipso testatur (ejus enim hæc verba sunt) diabolum et se inter se mutuo familiariter nosse, et plus uno salis modio simul comedisse; illumque dulci alloquio se frequenter convenisse, et nocte excitasse, atque stimulasse ut contra Missam scriberet, et ad eam rem argumenta suppeditasse.

Zuinglius, lib. *De Supplemento Eucharistiæ*, narrat anxie cogitanti sibi, quomodo verba institutionis Sacramenti corporis Christi in alienum sensum detorqueret, intempesta 13 aprilis nocte spiritum monitorem adfuisse; et albusne an ater fuerit ambigit.

Erasmus Albertus, Basileensis Ecclesiastes, cacodæmonem Carolstadio concionanti, procerioris staturæ hominis specie apparuisse scribit, triduo antequam moreretur.

Calvinus epistola ad Bucerum monentem, ut conviciis et maledictis abstinere, respondit, non sui ingenii esse morbum, sed sui genii, puta diaboli paredri: nec enim bonus genius et angelus maledicentiæ potest esse incentor et suggestor. Plura exempla hæreticorum, qui magnam cum dæmone habuerunt communionem, recenset noster Petrus Thyreus, disp. *De Dæmoniis*, part. II, cap. XXI.

Apostolus tamen proprie alludit ad hæresim Manichæi, quæ proprie fuit doctrina dæmoniorum, quia dæmonem fecit factorem visibilium, Deum vero invisibilium; imo S. Chrysostomus, secundo, per dæmonia accipit homines, qui duces sunt errorum et scelerum. Sic Judas a Christo, Joan. VI, 71, vocatur « diabolus » per emphasim, ob magnitudinem malitiæ: « Ex vobis, inquit, unus diabolus est. » Nam hominibus magis proprie quam diabolis conveniunt ea quæ sequuntur, scilicet « loquentium mendacium, et cauteriatam habentium conscientiam, » etc.

Tertio, Vatablus *δαίμωνιον* accipit non substantivè, ut significet diabolos, sed adjective, ut significet divinos; hæretici enim fingunt se esse divinos, et prophetas a Deo missos. Sed primus sensus simplicissimus est et maxime proprius.

2. IN HYPOCRISI LOQUENTIUM MENDACIUM. — *q. d.* Hæc dæmonia fallacia per hosce homines apostatas, vel potius hi apostatæ a dæmone afflati loquuntur mendacia, et docebunt errores « in hypocrisi, » id est, in simulatione, et, ut Ambro-

sus, in fictione, quia simulabunt per verba blandiloqua, per citationem Scripturarum, per simulationem vitæ puræ et sanctæ, se veritatem loqui et docere, non mendacium. Sic Manichæi et Enkratitæ, quos proprie hic taxat Apostolus, ut mox dicam, cum domi et secreto viverent turpissime et libidinosissime, foris tamen et exterius simulabant se caste et sancte vivere, adeoque damna- bant nuptias, etiam legitimas, ut docet Epiphanius et Augustinus.

CAUTERIATAM HABENTIUM CONSCIENTIAM. — Videntur hi omnes genitivi referri ad « dæmoniorum, » quasi dæmonia cauteriatam habeant conscientiam, idque verum est. Sed melius referes hos genitivos non ad dæmoniorum, sed ad nomen quidam, quasi illius distributivos, *q. d.* Discedent a fide quidam hominum, puta apostatarum, loquentium mendacium, cauteriatam habentium conscientiam, etc.; hoc enim proprie ad homines pertinet. Unde commodius et clarius dixisset in nominativo: « Quidam loquentes mendacium, et cauteriatam habentes conscientiam; » sed per hebraismum maluit dicere in genitivo, quia præcessit genitivus dæmoniorum, etiamsi ad eum proprie non pertineat: sic enim Hebræi concordant nomen vel verbum subinde cum propinquiore nomine, non autem cum eo quod proprie respicit, et cum quo in Latina et Græca syntaxis concordare debet. Sic Job xv, 20, מספר שנים נאפנו mispar schanim nitspenu, id est, « numerus annorum reconditi sunt, » id est, reconditus est. Eccles. x, 1, זכורי מות יבאיש zebube mevet iabis, id est, « muscæ mortis perdit, » id est perdunt, « suavitatem unguenti. »

Idem hic fit, præsertim quia hi homines hæretici sunt dæmoniaci, et quasi afflati dæmone, ut videantur esse dæmonia, ut ait Chrysostomus. Hæretici ergo cauteriatam habent conscientiam, id est, ut Beza vertit, cauterio amputatam conscientiam. Verum Græcum *κατακεῖται* significat cauterio inuro, non autem per cauterium amputo. Rursum cauterium non amputat membrum cui inuritur, sed perforat. Conscientia ergo cauteriata est, ut Syrus vertit, notata et inusta indelebili cauterio infamiae, scilicet ob libidines aliaque infamia scelera. Alludit ad stigmata, quæ maleficis ferro candenti inuruntur, quale Calvinus ob sodomiam Novioduni in Picardia inustum fuisse non tantum ejus familiaris Hieronymus Bolsecus, doctor medicus, in Calvini Vita, sed et multi alii viri gravissimi asseverant, *q. d.* Paulus: Hi hæretici non tam corpus, quam animus habent stigmaticum ob vitæ dedecora. Ita Chrysostomus, Theophylactus et alii.

Narrat Irenæus, lib. I, cap. XXIV, et Epiphanius, de Gnosticis et Carpocratianis, quod aversarentur procreationem liberorum, suosque discipulos notarent cauterio in superiore dextræ auris parte. Forte ad eos hic respexit Paulus, *q. d.* Hi sicuti habent aurem cauterio notatam, ita et conscientiam.

Hæretici habent cauteriatam conscientiam.

Calvinus stigmatizatus.

Gnostici cauteriati in aure.

Cauteriatam Notat Ambrosius per cauterium hoc non tantum significari notam infamiæ jam dictam, sed etiam *secundo*, morum corruptionem; et *tertio*, eorundem immutabilitatem. Unde S. Thomas : « Sicut infamem; cauterium, inquit, corruptio est in carne per ignem, sive ferrum ignitum, ex qua egreditur continuo putredo : ita ex igne perversæ voluntatis quasi cauteriatæ, ulceratur conscientia, et egreditur falsa doctrina dæmoniorum. » Theoderetus vero ad tertium, scilicet ad morum immutabilitatem, alludens, per cauteriatam conscientiam stuporem eorum extremum accipit. « Locus enim, inquit, cauterio inustus priorem sensum amittit. » Ita et Franciscus Turrianus in *Can. 44 Apostolorum* : « Cauteriatam, inquit, conscientiam vocat Apostolus eam, quæ sensum peccati amisit, instar partis cauterio inustæ, » quæ jam pervenit ad deolentiam, de qua dixi *Ephes. iv, 19*. Sic cauterium hoc idem pene est cum spiritu compunctionis, de quo dixi *Rom. xi, 8*.

Quarto, per unctionem cauterii posset ardor concupiscentiæ et libidinis intelligi, *q. d.* Hi hæretici sunt hypocritæ : nam exterius videntur frigidi et casti, prohibentque nubere ; sed interius in conscientia uruntur et ardent cauterio concupiscentiæ. Quanquam Græcum *κατατρυφεύμενον* est præteritum, nec proprie eos qui cauterio inuruntur, sed qui inusti sunt, significat. **Primus ergo sensus** maxime est genuinus.

Vers. 3. **3. PROHIBENTUM NUBERE, ABSTINERE A CIBIS.** — Est ellipsis Attica : supplenda enim est vox *κατατρυφεύμενον*, id est jubentium, « abstinere a cibis. » Loquitur contra Simonianos, Saturninum (qui tempore Apostolorum vixit), Ebionem, Manichæos, Marcionitas, Encratitas, qui dicebant nuptias, vinum, carnes, etc., non esse a Deo bono, sed malo, puta diabolo, creata, ac proinde hæc natura sua esse mala et cavenda, eorumque esu et usu hominem infici et maculari.

Id patet primo, ex ratione, qua eos impugnât Apostolus, cum subdit : « Quia omnis creatura Dei bona est, et nihil rejiciendum, quod cum gratiarum actione percipitur, » *q. d.* Errant hi, dum aliquas creaturas natura sua esse malas et vitandas docent; nam omnis creatura Dei bona est, et ad usum homini data a Deo.

Secundo, id docent diserte Patres communi consensu, Chrysostomus, Theophylactus, Oecumenius, Ambrosius hic, et Augustinus, lib. *Contra Adimantum*, cap. *xiv* : « Hos, ait, proprie designat, qui non propterea temperant a cibis talibus, ut aut concupiscentiam suam refrænent, aut infirmitati alterius parcant, sed quia ipsas carnes immundas putant, et earum creatorem Deum esse negant. »

Tertio, quia hanc fuisse hæresim Encratitarum, quorum auctor fuit Tatianus, S. Justinus discipulus, docet Irenæus, lib. I, cap. *xxx*, indeque esse dictos Encratitas, id est continentes. « A Saturnino, inquit Irenæus, et Marcione exorti, qui vo-

cantur Continentes, abstinentiam a nuptiis annuntiaverunt, frustrantes antiquam plasmationem Dei, et oblique accusantes eum, qui masculum et feminam ad generationem hominum fecit, et eorum quæ vocantur apud eos animalia, abstinentiam induxerunt, ingrati existentes ei, qui omnia fecit, Deo. »

De Marcione hæc habet Epiphanius, *hæresi 42* : « Docet hic (Marcion) animatis non vesci, pronuntians reos esse iudicii eos qui carnem edunt, velut qui animas edant. »

De Saturnino ejusque asseclis Irenæus, lib. I, cap. *xxii*, ita ait : « Nubere et generare a Satana dicunt esse ; multi autem ex his, qui sunt a Saturnino, et ab animalibus abstinent, perfecta hujusmodi continentia seducentes multos. »

De Manichæis testis est Epiphanius, *hæresi 66*, eos de abstinentia ab animatis eadem docere cum Marcione : « Edentem, inquit, carnes Manichæus animam edere dicit, et esse ipsum reum, ut et ipse tale quid fiat : si aurum edat, ut taurus fiat ; si porcum edat, ut porcus fiat ; et sic de reliquis. Quapropter ab animatis abstinent isti. Et si quis, inquit Manichæus, uxorem duxerit, etiam ipse post discessum ex hac vita in aliud corpus transit, et fit mulier, quo etiam ipse nubat : dicit quoque Deum malum fecisse corpus, Deum vero bonum animas. »

Ex hisce verbis patet Manichæos duplici de causa carne animalium abstinuisse : *prima*, quod putarent carnem esse malam a malo Deo ; *secunda*, quod putarent comedentem carnem animalis, ejusdem animam occidere et comedere, reumque esse animæcidii, vel etiam homicidii. Quidam enim inter illos putabant omnia animata vivere anima rationali. Hinc nec segetes metere, nec pinserere, nec panes coquere volebant ; sed tantum cotos ab aliis comedebant, idque non nisi prævia protestatione et excusatione cum timore et formidine. Unde hæc erat eorum benedictio mensæ et panis, teste Cyrillo Hierosolymitano, *catechesi 63* : « Ego te non seminavi : seminetur seminans te. Ego te non messui : metatur metens te. Ego te igne non coxi : coquatur qui coxit te. Hæc alius fecit, et attulit mihi, ego sine culpa comedo. » Hac oratione utebantur, partim ut amolirentur a se culpam animæcidii, vel homicidii ; partim quia putabant eum, qui panem aliter et intrepide comedere, in panem pariter esse mutandum, et ab aliis vicissim comedendum. Patet hæc ex Epiphanio et Theodoro, lib. *Hæreticarum Fabularum*. Unde S. Augustinus, lib. *De Hæresibus*, in hæresi Manichæorum, dicit quosdam eorum, præcipuos scilicet, nec carnibus vesci, nec ovis, nec lacte, sed nec vino, dicentes vinum esse fel principis tenebrarum, additque : « Hi quoque, ait, docent auditores suos, ut, si utantur conjugibus, conceptum tamen generationemque devitent, ne divina substantia, quæ in eos per alimenta ingreditur, vinculis carnis alligetur in prole ; unde

Encratitas.

Et Marcionem.

Et Saturninum.

Et Manichæos.

Manichæi putabant comedentem carnem animam occidere, reum esse homicidii.

Benedictio mensæ Manichæorum.

Manichæi dicebant vinum esse fel diaboli.

nuptias sine dubitatione condemnant, et quantum in ipsis est prohibent, quando generari prohibent, propter quod conjugia copulata sunt. » Similia habet lib. XXX *Contra Faustum*, cap. v et vi, ubi docet Apostolum eos hoc loco perstringere et damnare, non autem Catholicos, qui studio virtutis nuptiis aut carnibus abstinent. « Ille, ait Augustinus, prohibet nubere, qui hoc malum esse dicit, non qui huic bono aliud melius anteponit. »

Idem docuerunt Severianus et Archontici.

De Severianis idem docet Epiphanius, *hæresi* 43 : « Hi, ait, docent vitem ex diabolo ortam, et mulierem opus esse Satanae. » Idem docuisse Archonticos narrat *hæresi* 40 : « Ideoque, inquit, eos qui matrimonium contrahunt, opus Satanae explere dicunt Archontici, adduntque dimidiam hominis partem esse Dei, dimidiam diaboli : nam ab umbilico et supra dicunt esse formationem Dei, ab umbilico vero et infra esse malæ partis formationem. Quapropter dicunt omnia secundum voluptatem, et cæstri stimulum, ac concupiscentiam ab umbilico et infra fieri.

Ebion.

De Ebione, qui cœvus fuit S. Joanni Apostolo, narrat idem Epiphanius, *hæresi* 30, eum ab animatis et a carnibus, omnique edulio ex carnibus facto abstinuisse; causamque rogatus hanc adferebat, quod caro ex corporum commixtione procreata, ac proinde polluta ac immunda esset. Unde sequitur eum nuptias, et usum nuptiarum damnasse. Hinc S. Ignatius epistola ad *Philadelphios* post factam Ebionis mentionem : « Si quis, inquit, corruptionem et coinquinationem vocat legitimam commixtionem, et filiorum procreationem, aut aliquam escam execrabilem putat : hujusmodi habet cohabitatores draconem apostatam. » En tibi quasi in tabula depictam doctrinam demoniorum, quam Paulus hic taxat.

Hi hæretici damnantes carnem, hoc ipso damnabant incarnationem Christi.

Nota : Hæ omnes hæreses indirecte mysterium incarnationis, de quo cap. præced., vers. ultim., evertabant. Si enim caro non est bona, nec a bono Deo, ergo nec caro Christi bona est, et a bono Deo. Rursum, ergo pater Christi non est Deus creator omnium, sed malus genius. Et hoc significat hic tacite Apostolus, ideoque præmisit dogma fundamentale de incarnatione Christi; deinde illi subjicit has hæreses, quasi illi oppositas, quæque per hoc dogma fundamentale eliduntur.

Apostolus non damnat abstinentiam Ecclesiasticam et monasticam.

Inapte ergo hæc Novantes torquent contra cælibatum sacerdotum et jejunia Ecclesiæ. Non enim Ecclesia nuptias aut carnes prohibet, quasi per se malas, uti faciebant hæretici jam dicti, quos hic carpit Apostolus; sed ad refrænandam concupiscentiam, et ad exercendam obedientiam et pœnitentiam : sicut Deus Adamo prohibuit esum pomi scientiæ boni et mali, et Jonadab, filius Rechab, suis filiis et posteris prohibuit usum vini, aliaque multa : qui obedientes patri benedictionem a Deo meruerunt accipere, *Jerem.* xxxv.

Ita Joannes Baptista ab abstinentia laudatur *Matth.* iii, 4. Ita veterum sanctorum Eremitarum, Monachorum et Christianorum jejunia laudant

xxx.

passim Patres. Quidam enim eorum animata prorsus non attingebant, alii solos pisces, alii pisces tantum et volatilia degustabant. Nonnulli ovis abstinebant, alii solis dactylis vel arborum fructibus vescabantur, idque semel in die; alii biduo vel triduo semel tantum cibum sumebant, eumque modicum, v. g. quinque dactylos. Quidam siccum panem comedebant, ut videre est in *Vitis SS. Patrum*, et apud Prosperum, lib. II *De Vita contempl.*, cap. xvii et seq., et Cassianum, *Colat.* 21 *De remissione quinquagesimæ.*

Notandum hic sophisma Novantium : argumentantur enim a dicto secundum quid ad dictum simpliciter, hoc modo : Pontifices clericis prohibent nuptias, ergo prohibent nuptias; quod carpit hic Apostolus. Perinde enim est ac si dicam : Magistratus vetat ne fabri murarii aut ferrarii exerceant lignariam; ergo magistratus vetat exerceri lignariam. Rursum, Status vetant ne ministri Evangelii exerceant sutoriam vel latrinariam; ergo vetant sutoriam vel latrinariam. Quod si ad ministrorum decus nolint Status eos vilibus hisce mechanicis artibus vacare, num ideo mechanicas istas prohibent, aut ab aliis exerceri vetant? Si Imperator nolit ad militiam admitti Clericos, Doctores, Medicos, Theologos, Jurisperitos; num ideo prohibet clericatum, medicinam, theologiam, jurisprudentiam? Apostolus, v, 12, damnat viduarum, quæ post votum continentiae nubent, conjugium : « Quia, inquit, primam fidem irritam fecerunt; » num ideo damnat conjugium?

Sophisma Novantium detegitur.

Unde merito refellunt hos Novantes Patres citati, ac imprimis diserte S. Augustinus, lib. XXX *Contra Faustum*, cap. vi : « Videtis ergo, inquit, multum interesse inter hortantes ad virginitatem, bono minori bonum amplius præponendo; et prohibentes nubere, concubitum propagationis, qui solus proprie nuptialis est, vehementius accusando : multum interesse inter abstinentes a cibis propter sacramentum significationem, vel propter corporis castigationem; et abstinentes a cibis quos Deus creavit, dicendo quod eos Deus non creavit. Proinde illa doctrina est Prophetarum et Apostolorum; hæc demoniorum mendaciloquorum. »

Refellitur a S. Augustino.

QUOS DEUS CREAVIT AD PERCIPIENDUM CUM GRATIARUM ACTIONE FIDELIBUS, — IIS QUI COGNOVERUNT VERITATEM, — *g. d.* Deus qui omnes cibos creavit, viditque cuncta quæ fecerat, et erant valde bona, *Genes.* i, hic cibos creavit ad usum et esum hominum, non voracem, deliciosum, gulosum, sed sobrium et moderatum, ut illis vescentes Deo, ciborum auctori et largitori, gratias agant. Hoc ipso quo ait Apostolus : « Quos, » scilicet cibos, « Deus creavit, » jugulat, inquit Chrysostomus, hæresim eorum, qui materiam ingentem introducunt, ex qua cibi et corpora creata sint, quod faciunt Marcion, Manichæi et similes, qui duos ponunt deos, bonum et malum.

Nota : Dicit Apostolus cibos creatos ad usum *Comodo*

cibi creati sunt in usum fidei? Respon- sio prima. fidelium, non quod neget eos ad usum infidelium et Ethnicorum quoque creatos esse; sed ut fideles, id est Christianos, opponat Judeis; veritatem legis novæ, umbræ veteris legis, q. d. Nullus est cibis ob immunditiam sive naturalem, sive legalem, interdictus Christianis, uti olim Judæis multi erant interdicti: nam Christiani pro umbra veteri habent veritatem Evangelii, quæ docet omnes cibos esse mundos et datos homini ad esum et usum cum gratiarum actione. Ita Theophylactus.

Secunda. Secundo, potius opponit fideles hæreticis, quos hic taxat, q. d. Hæretici jam dicti abstinent et vetant cibos quosdam quasi natura sua malos et immundos: verum fideles, qui cognoverunt veritatem, sciunt eos falli, Deumque bonum omnia bona creasse, adeoque bonos cibos omnes sibi ad usum a Deo datos esse.

Tertia. Adde, omnia creata esse propter fideles et electos: hic enim potissimus fuit creatoris Dei finis in creatione, ut scilicet creata a se servirent suis fidelibus et amicis, utque ex eis agnoscerent et laudarent Deum creatorem suum.

Carnes creatæ sunt non pro gulo- nibus, sed pro sanctis. Vinum ergo, carnes, aves, pisces et alimenta omnia non creata sunt ut impleant ventres gulorum et improborum, sed ut fideles et sanctos pascant. Hi enim cibis et delictis omnibus digni sunt, hique iis sobrie et rite utuntur ad laudem et gratiarum actionem Dei creatoris sui. Porro gratiarum actionem non tantum postponendam, sed et præponendam esse cibo et refectioni, docet S. Basilii, Reg. 56, cap. II, et Chrysostomus, hom. 50 in Matth.: « Quando, ait, Christus panes multiplicavit, tunc in cælum respexit, partim ut ea quæ diximus firma haberentur, partim docens nos non esse ad mensam accedendum quousque gratias ei agamus qui cibum nobis præbuit. » Et S. Hilarius exponens illa verba S. Marci XIV, 23, « Manducantibus illis, accepit Jesus panem et benedicens fregit, etc., et accepto calice, gratias agens dedit eis, et biberunt: Sicut, ait, Apostoli gratias egerunt antequam biberent, ita etiam gratias agunt postquam biberunt. Unde dicitur: Et hymno dicto exierunt in montem Oliveti; ut scilicet addiscas et ante cibum et post cibum gratiarum actiones reddere Deo. » Et S. Ephrem, *adhortations* 1, tom. II: « Canonem, inquit, seu regulam cum omni reverentia et timore Dei sequere: licetque bis in die ad comedendum tradatur, semper cibum cum gratiarum actione sumito. » Formulam vero gratiarum actionis, quam usurpabant post cenam monachi in eremo, nobis imitandam tradit Chrysostomus, hom. 56 in Matth., estque hæc: « Benedictus Deus, qui me pascis a juventute mea, qui carni omni cibum præbes, repleas lætitia et gaudio corda nostra, ut semper satis habentes ad omne opus bonum abundemus in Christo Jesu Domino nostro, cum quo tibi gloria, honor et imperium cum Sancto Spiritu in sæcula. Amen. Gloria tibi, Domine, gloria tibi, sancte, gloria tibi,

rex, quoniam dedisti nobis escas; gaudio et lætitia reple nos in Spiritu Sancto, ut inveniamur in conspectu tuo acceptabiles, ne pudeamus quando unicuique reddes secundum opera sua. »

4. QUIA OMNIS CREATURA DEI BONA EST, ET NIHIL REJICIENDUM, QUOD CUM GRATIARUM ACTIONE PERCIPI- TUR. — Hic clare radicem erroris erroremque ipsum detegit Apostolus, scilicet erroneos istos prohibuisse nuptias et carnes quasi creaturas malas mali Dei, ac proinde natura sua immundas, quæque comedentem immunditiam sua contaminarent. Contra hos enim contrarium fidei et veritatis fundamentum statuit Apostolus, dicens omnem creaturam bonam esse, utpote a bono Deo creatam, ac consequenter nullam rejiciendam esse, quasi natura sua malam et immundam, sed qualibet quasi munda et bona uti licere cum gratiarum actione. Jam Ecclesia indicans jejunium et abstinentiam a carnibus, non eas vetat quasi natura sua malas; ac proinde cum his erroneis, quos carpit hic Paulus, nihil habet affine: si enim medicus vetans carnem porcina, cervinam, bovinam, aut quamvis salsam, vel infumatam ægroto, quasi noxiam ejus valetudini, non contrait Apostolo, nec cum erroneis his quidquam habet commune; ergo nec Ecclesia vetans carnes certis diebus ad sanitatem animæ, atque ad refrænationem luxuriæ et concupiscentiæ, contrait Apostolo, aut erroneis hisce consentit. Audi S. Augustinum, lib. XXX *Contra Faustum*, cap. III: « Crede, ait, Dei servos, qui a carnibus abstinent, non tanquam immunda, quæ a Deo facta sunt, respuere; sed a fortiori cibo et potu sola castigatione corporis abstinere. »

Porro cum ait: « Nihil rejiciendum quod cum gratiarum actione percipitur, » alludit ad benedictiones crebro et ad nova fercula iteratas Hebræorum, quibus Deo pro iis gratias agunt, eaque quasi sanctificant. Cum enim melius vinum apponitur, dicunt: « Benedictus sis, tu Domine Deus noster, qui bonus es et benigne facis omnibus. » Et hanc benedictionem vocant « Benedictio benigni et benefactoris. » Cum aromata apponuntur, dicunt: « Benedictus sis, Domine Deus noster, rex mundi, creator arborum aromaticarum. » Hanc benedictionem appellant *Bircat hannugmar*, id est benedictio consummati, scilicet convivii; quia ultimo apponi solebant aromata aliaque odora- menta, ut et apud nos etiam mos est. Cum suave odorem aliquod apponitur, dicunt: « Benedictus sis, tu Domine Deus noster, qui creas species aromaticas. » Hanc benedictionem nunciant *Bircat hamusca*, id est benedictio deliciarum, vel rei appetitæ. Cum fructus arborum apponuntur, dicunt: « Benedictus sis, Domine Deus noster, qui creas fructus arborum. » Cum apponuntur opsonia dicunt: « Benedictus sis, Domine Deus noster, qui creas genera ciborum. » Hanc benedictionem vocant *Bircat hapharpheret*, id est benedictio opsonii. Ex his omnibus apparet, ve-

Si medicus vetat carnes causa sanitatis, cur non id possit Ecclesia causa sanctitatis?

teres illos Judæos, nullos cibos absque benedictione et gratiarum actione sumere fuisse solitos. Si Hebræi toties iterant benedictiones ad Dei laudem, quid decet facere Christianos? Sane eos ex usu Hebræorum id olim factitasse, insinuat hic Apostolus; primi enim Christiani fuere Hebræi.

Vera. 5.

5. SANCTIFICATUR ENIM PER VERBUM DEI ET ORATIONEM. — Est concessio, *q. d.* Dixi jam cibum quemvis non esse immundum, ac proinde eo vesci licere; sed esto, sit aliqua ratione, puta quia lege veteri vetitus, aut quia diabolo immolatus, vel ab illo afflatus aut vitiatum est; sit, inquam, hac aliave ratione immundus, « sanctificatur » tamen, id est mundatur et purificatur, « per verbum Dei » et orationem, id est per benedictionem, quæ fit per verbum Dei et orationem. Ita ex Chrysostomo Theophylactus: « Demus, inquit, quod quidpiam sit immundum; sed habes medicinam: signa, gratias age, glorifica Deum; ac defecit immunditia. Nam gratiarum actio cuncta purgat. Qui vero ingratus est, ipse est immundus et pollutus; proinde quod idolis est immolatum, sic mundare possumus, si ignoremus idolothyton esse. Enimvero si scientes sumpserimus, immundi sumus, non quia illud idolothyton sit, sed quia legem transgressi sumus præcipientem non communicandum esse mensæ dæmoniorum. Voluntas itaque tua et mens coinquinata est, nec cibus fuit pollutus. Ubi adverte: Sicut, docente S. Chrysostomo et Theophylacto, idolothytorum esus polluit hominem, non per immunditiam carniū, sed per inobedientiam; ita esus carniū in Quadregesima polluit hominem, non per carnes, quasi illæ immundæ essent, sed per inobedientiam.

Nota *primo*: « sanctificatur » hic idem est quod purificatur; vel *secundo*, « sanctificatur, » id est Deo per gratiarum actionem et benedictionem quasi offertur et consecratur.

Alludit ad benedictionem mensæ Hebræorum, quam ipsi *kiddusch*, id est sanctificationem, scilicet ciborum, vocabant et etiamnum vocant; cuius formula hæc est: « Benedictus sit Dominus Deus noster, rex mundi, qui cibatur totum mundum bonitate, gratia, beneficentia et misericordia sua, qui dat alimentum omni carni: cuius bonitate nec hactenus defuit, nec deerit cibus unquam, propter magnum ejus nomen. Solus enim is est, qui vegetat et conservat omnia et benefacit omnibus, et cibum præparat singulis creaturis suis quas condidit. Benedictus sis, tu Domine, qui cibas omnia. » Deinceps paterfamilias poculum vino repletum dextra manu apprehendit, atque in hunc modum consecrat, dicens: *Barukatta Jehova Elo-henu, melek haolam, bore peri haggephen*, id est, Benedictus sis, tu Domine Deus noster, rex mundi, conditor fructus vitium. Hac benedictionis formula dicta, primus omnium vinum ipse degustat, idemque mox omnibus mensæ accumbentibus degustandum porrigit. Et hanc orationem hebraice *kiddusch*, id est sanctificationem, vocare so-

lent. Post calicis benedictionem et sumptionem idem statim panem, quem integra massa constare oportet, accipit, eumque utraque manu tenendo his verbis consecrat: « Laudatus et benedictus sis, tu Domine Deus noster, qui educis de terra panem. » Hocque dicto, paterfamilias paululum de pane edit, simulque singulis mensæ accumbentibus buccellam de eo distribuit. Quo facto, tum demum reliquis epulis manus injiciunt. Hunc ritum benedicendi calicem et panem in festis tantum diebus observant: alias enim panem duntaxat, et non poculum pariter, consecrare solent.

Nota *secundo*, posse distingui hic « verbum Dei » ab oratione, ut oratio idem sit quod benedictio mensæ; Verbum Dei sit, vel Christus, Filius Dei, qui in mensæ benedictione solet invocari, ut vult S. Thomas; vel potius sit lectio sacræ Scripturæ, quæ, ut mox dicam, ex veterum more mensis adhiberi solet.

Quodnam hic verbum Dei?

Verum *secundo*, melius, per hendiadyn, vel epexegem, hæc duo pro eodem accipiemus, *q. d.* Per « verbum Dei et orationem, » id est per verbum Dei, quod est oratio. Imo Œcumenius dicit: « Dei præpostero ordine hic poni et debere sequi orationem, *q. d.* Per verbum et orationem Dei, id est quæ fit ad Deum.

Ubi nota *tertio*, benedictionem mensæ tribus hic nominibus vocari. *Primo*, vers. præced. vocatur « gratiarum actio, » quia veteres et ipse Christus a gratiarum actione solet benedictionem mensæ auspicari, ut patet in multiplicatione panum et institutione mensæ Eucharisticæ. Atque hinc est quod Matthæus et Marcus dicunt Christum benedixisse panem (Eucharistiæ), Lucas vero et Paulus dicunt Christum gratias egisse, cum tamen omnes idem dicant: scilicet significare volunt Christum, gratias agendo Patri, benedixisse panem, et solitam Patris potentiam ac benevolentiam invocasse, ut per consecrationem panem in Christi corpus converteret.

Benedictio mensæ hic vocatur primo, gratiarum actio.

Secundo, benedictio mensæ vocatur « verbum Dei, » quia fit per invocationem Christi aut sanctissimæ Trinitatis, quam nos invocare docet verbum Dei.

Secundo, verbum Dei.

Rursum communiter apud Ecclesiasticos fit per Verbum Dei, id est per versus aliquot ex sancta Scriptura, præsertim e psalmis petitos, puta hos: « Oculi omnium in te sperant, Domine: aperis tu manum tuam, et implebis omne animal benedictione, » etc., aut similes.

Tertio, eadem benedictio vocatur « oratio, » quia proprie est oratio et invocatio.

Tertio, oratio.

Pro quo nota *quarto*: Hac benedictione et invocatione Dei, quam mensæ præmittimus, ostendimus et profitemur *primo*, nos a Deo cibos ferulaque omnia accepisse, accipere et deinceps nos accepturos sperare, taciteque Deo pro iis gratias agimus. Quoties enim nos ad mensam accingimus, toties ad vivam beneficentiam Dei, tot es-

Cui mensæ benedicimus? Causa prima.

culenta et poculenta largientis, concionem accedimus; debemusque cogitare hoc esse quasi manna nostrum, quod e cœlo nobis æque ac Hebræis in deserto, quotidie in mensam depluit. « Mensa, inquit Chrysostomus, hom. 79 ad *Populum*, ab oratione sumens initium et in oratione desinens, nunquam deficiet, sed fonte largius omnia nobis afferet bona. »

Secunda. *Secundo*, hac oratione ostendimus nos ad Dei honorem velle iis vesci, taciteque ea Deo offerimus. Unde et Gentiles, ut testis est Plutarchus in *Symposiacis*, cibum sumpturi diis consecrabant τὰς ἀπαρχάς, id est primitias; ac deinde non indecore, neque tumultuante, sed religione quadam ad convivium accedebant; non aliter quam ad sacrum epulum; qui mos et hodie servatur apud bene moratos Christianos.

Tertia. *Tertio*, oramus et petimus ut id fiat, ne instar pecorum aut infidelium in cibos irruamus sine ulla pia cogitatione, aut Dei memoria. Unde etiam Turcas antequam cibum sumant, precationem solitos præmittere, testes sunt legati Christianorum Principum apud Turcam. Et de Essenis, non Christianis, sed Judeis, ita scribit Josephus, lib. II *Belli*, cap. VII : « Voce, ait, sacerdos cibum antevertit, neque fas est gustare quemquam, nisi prius Deo celebretur oratio. Post finem quoque prandii vota repetunt : nam et cum incipiunt et cum desinunt, quasi datorem victus Deum laudibus canunt. »

Quarta. *Quarto*, hac benedictione petimus, ut usus cibi et corporis et animæ valetudini sit utilis et salutaris; ut, sicut dicitur *Psal.* CIII, « vinum lætificet cor hominis, et panis cor hominis confirmet : nam aperiente te (Domine) manum tuam, omnia implebuntur bonitate. »

Quinta. *Quinto*, hac benedictione petimus, ut inter vescendum mens aliqua pia cogitatione vel lectione pascatur, hac præsertim, ut cogitemus in ipso cibi corporalis usu, edendum esse non tantum ut saturemur, sed ut operemur etiam cibum qui non pereat, sed permaneat in vitam æternam, *Joan.* VI; et, ut dicitur *Lucæ* XIV, ut cogitemus etiam de edendo pane in regno cœlorum. Hinc pia lectio sanctæ Scripturæ mensæ jam olim adhibita est tum ab aliis, tum ab Essenis, teste Philone, lib. *De Vita contemplativa*; eandemque adhibendam esse docet S. Augustinus, *epist.* 109, et S. Basilius in *Regulis brevior*, cap. CXXX; imo talem lectionem hic ab Apostolo significari per *verbum Dei* putat Vatablus et alii.

Sexta. *Sexto*, eadem petimus, ne cibis diaboli aut magica potestate inficiatur, neve diabolus aut concupiscentia per cibum nos in comessiones, ebrietates, libidines incitet : facile enim in comedendo et bibendo surrepit intemperantia, et multi cum illo Epulone, *Luc.* XVI, toti sunt in deliciis. Itaque recte monet S. Augustinus, lib. X *Confess.*, XXXI : « Hoc, inquit, docuisti me, Domine, ut quemadmodum medicamenta, sic alimenta sumpturus accedam » et infra : « Quis est, Domine, qui non ra-

piaturaliquantulum extra metas necessitatis? Quisquis est, magnus est, magnificet nomen tuum : ego autem non sum, quia peccator homo sum. »

Hinc Prudentius in hymno ante cibum, piam et pulchram hanc precandi formulam quasi benedictionem præscribit :

Te sine dulce nihil, Domine;
Nec juvat ore quid appetere,
Pocula ni prius atque cibos,
Christe, tuus favor imbuerit,
Omnia sanctificante fide.

Benedictio mensæ ex Prudentio.

et infra :

Fercula nostra Deum sapiant,
Christus et influat in patinas,
Seria, ludicra, verba, jocos.
Denique quod sumus atque agimus,
Trina superna regat pietas.

et sub finem :

Da, locuples Deus, hoc famulis
Rite precantibus, ut tenui
Membra cibo recreata levent,
Neu piger immodicis dapibus
Viscera tanta gravet stomachus,
Sospitet ut jecur incolume.

Nam quantum potestatis usurparit sibi dæmon in cibos ante Christum, ut per eos noceret hominibus, docet S. Augustinus, lib. XVIII *De Civit. Dei*, XVII et XVIII; et S. Gregorius, lib. I, *Dialog.* 4, narrat dæmonem invasisse Monialem, quod lactucam sumpsisset non præmissa benedictione. Unde Chrysostomus contra hæc diaboli veneficia remedium præscribens signum crucis et benedictionem : « Medicamentum, inquit, in promptu est, signum crucis illi (cibo, aut rei qua uti vis) imprime, gratias age, Deo gloriam refer, et protinus immunditia omnis abcessit. »

Hinc a sanctis Patribus et Eremitis olim, æque ut ab Ecclesia etiamnum fit, benedicebantur non tantum aquæ fontis baptismalis, sed etiam panes, mel, lac, vinum, aliaque statis diebus, ut diaboli vis ac potestas ex iis expelleretur, et per has consecrationes fieret sanitas mentis et corporis iis qui illis uterentur.

Sic in die Paschatis multis in locis consecrant lac, mel, carnes, ova, panes, pernas, etc.; in die S. Joannis benedicunt vino; in die S. Stephani, pascuis; in die S. Marci, segetibus; in die Assumptionis B. Virginis, herbis, plantis, radicibus, fructibus arborum, ut eis deinceps adsit singularis vis divina. Nam, ut ait Apostolus hic, « sanctificatur (creatura Dei) per verbum Dei et orationem. »

6. HÆC (omnia jam dicta) PROPONENS FRATRI-
BUS (Christianis), BONUS ERIS MINISTER CHRISTI JESU,
ENUTRITUS VERBIS FIDEI, ET BONÆ DOCTRINÆ QUAM
ASSECUTUS ES. — Nota : Pro *enutritus*, græce est ἐντρέφόμενος, id est innutritus, et quasi in ipso sinu pietatis educatus es. Ita ex Chrysostomo Theophylactus : « Perinde enim, inquit, ut corporis alimentum semper sumimus, sic fidei rationibus et sermonibus semper nos oportet innutriri immo-

sumpsit S. Augustinus.

Potestas dæmonis in cibos ante Christum.

Jam frangitur signum crucis.

Et benedictione.

Variarum frugum et ciborum consecrationes.

Mensa est viva beneficentia Dei concio.

Turcæ et Judei ante cibum precantur.

Alimenta ut medicamenta.

rarique. » Posset *secundo*, ἐντρέφοντας, verti, « enutriens alios : » est enim participium medium ; et hoc apte coheret ei quod sequitur : « Quam assecutus es, » *q. d.* Trade aliis, quod a me didicisti.

Nota *secundo* : Pro *quam es assecutus*, græce est ἡ παρακολούθησας, id est, quam es assectatus, in qua ab adolescentia es versatus, *q. d.* ut Chrysostomus et Theophylactus : Assidue in divinarum litterarum studio es versatus et exercitatus, o Timothee. Qui enim seriem omnem rei totius ordine sequuntur, ut nihil omittant, græce παρακολουθεῖν dicuntur, inquit Erasmus.

Vers. 7. 7. INEPTAS (βέλους, id est profanas) AUTEM ET ANILES FABULAS DEVITA. — Græce, παραυτοῦ, id est rejice. Chrysostomus intelligit fabulas Judaicas, alii poeticas et Platonicas (poetæ enim et philosophi celebres erant Ephesi). Verum licet in genere omnes has fabulas intelligat Apostolus, magis tamen respicit ad fabulas hæreticorum, præsertim Simonianorum, qui contexebant longissimas fabulas de rerum creatione, de pugnis angelorum, de conjugii deorum, de Deo bono et malo, de creaturis, ac cibis bonis et malis (de his enim paulo ante egit), ut videre est apud Epiphanium, Irenæum et Augustinum, lib. *De Hæres.*

Refert Laertius, quod, cum Plato de ideis suis specificis et genericis disserteret, atque in ore haberet menseitates et cyathitates, Diogenes irridens subtiles ejus nugas dixerit : « Mensam ac cyathum video, menseitatem et cyathitatem non video ; ego bibam cyathum, tu bibe cyathitatem ; » quem eludens Plato : « Non mirum, ait, nam oculum habes quibus cernuntur mense et cyathi ; mentem vero non habes qua cernuntur menseitates et cyathitates. » Gorgias quoque sophista, cum duos audiret indoctos philosophos, unum ridicula proponentem, alterum aliena et insulsa respondentem : « Uter, inquit, stultior est, qui mulget hircum, an qui cribrum supponit ? » Demonax item curiose quærentibus an mundus esset anima et ratione præditus, et an esset rotundus ? « Vos, ait, plus æquo de mundo solliciti, parum de vestra ipsorum munditie cogitatis. »

EXERCE AUTEM TE IPSUM AD PIETATEM, — id est circa pietatem, vel in pietate. Vide *Can.* 23. Pro « *exerce*, » græce est γυμνάζει, id est *exerce* te athleticæ, tanquam athleta vel pugil Christi, in arena, aut stadio pietatis, ut ejus bravium assequaris.

Nota *exerce* : pietas enim omnisque virtus et ars magis exercitio assiduo, quam multa speculatione addiscitur, acquiritur et perficitur. Hinc Apelles, inquit Plinius, lib. XXXV, cap. x, pro more habuit, ut nunquam tam occupatam diem ageret, quin lineam duceret et pingeret. Unde illud :

Nulla dies abeat, quin linea ducta supersit.

Quæritur, quid hic significet « *pietas*. » *Primo*, Chrysostomus intelligit vitam rectam et mores

Christianos. « *Pietas*, inquit, *rectissimæ vitæ norma* est, et conversationis optimæ disciplina. »

Secundo, Ambrosius intelligit misericordiam et beneficentiam in proximum. Hæc enim græce εὐσείεια, et latine *pietas* subinde dicitur, eo quod Deus opera misericordiæ præcipiat, testeturque ea sibi præ sacrificiis placere, ac se iis apprimere coli. Ita S. Augustinus, lib. X *De Civit.*, 1.

Tertio, Nilus, Maximus, Philotheus intelligunt apathiam et Dei contemplationem, ut mox dicam.

Quarto, optime et propriissime, « *pietas* » Deum respicit, estque Dei cultus et sincerus erga eum affectus, ac studium internæ devotionis, excitans ad spem, timorem et amorem Dei. Unde Septuaginta timorem Domini solent vertere pietatem, ut *Job* cap. XXVIII, vers. 28, ubi Hebræa et Latina habent : « *Timor Domini ipsa est sapientia* ; » Septuaginta vertunt θεοσείεια, id est *pietas est sapientia*. Sic *Prov.* IX, 10, pro eo quod habemus : « *Principium sapientiæ timor Domini* ; » Septuaginta vertunt, initium sapientiæ est θεοσείεια ; id est *pietas in Deum*. Sic sæpe in Scriptura timere Deum significat Deum colere, et timor Dei significat Dei cultum sive pietatem. Sic proprie sumit « *pietatem* » Paulus, VI, 6 : « *Est, ait, quæstus magnus pietas cum sufficientia* ; » et vers. 11, pietatem a charitate et aliis virtutibus distinguit : « *Sectare*, inquit, *justitiam, pietatem, fidem, charitatem, patientiam, mansuetudinem.* » Sic etiam hic accipi patet ex ratione quam subdit : « *In hoc enim, inquit, laboramus et maledicimur, quia speramus in Deum vivum, » q. d.* Quia per spem et orationem exercemus nos in pietate et cultu Dei veri, ideo maledicimur.

Ubi nota : Pietatem hanc opponit ineptis fabulis ; hanc autem oppositionem significat conjunctio adversativa « *autem*, » *q. d.* Homines vani et curiosi exercent se in fabulis legendis, audiendis, narrandis : tu vero, o Timothee, exerce te in pietate, id est in rebus divinis legendis, cogitandis, meditandis, ut earum amorem, affectum et devotionem in te excites, quam in alios deinde effundere possis : non ergo in nugis hisce, quæ mentem distrahunt et vanis phantasmatibus implent ; sed in pietate te exerce. Hæc enim pietas est fundamentum omnis virtutis, ac præsertim zeli animarum.

8. NAM CORPORALIS EXERCITATIO AD MODICUM UTILIS EST, etc. — Quæres, quæ vocetur hic « *corporalis exercitatio* ? » Respondeo, multi intelligunt jejunium, *q. d.* Jejunium et castigatio corporis parvi est momenti, si cum pietate, id est Dei cultu et compassione erga proximum, eam compares. Ita Ambrosius, Anselmus, S. Thomas et Bernardus in *Apologia* ad Guilielmum abbatem.

Verum hoc refellit Chrysostomus, Theophylactus et alii, tum quia de jejunio nihil hic præcessit, et, si de eo loqueretur Apostolus, clare diceret : Jejunium ad modicum utile est ; tum quia jejunium inquit Chrysostomus non corporalis,

pliciter accipi potest. *Primo*, *Secundo*.

Tertio.

Quarto et optimè.

Pietas est timor et cultus Dei.

Pietas opponitur fabulis.

Vers. 8.

Quid hic corporalis exercitatio ? *Primo*, alii respondent esse jejunium. *Refelluntur*.

Jejunii
elogia ex
S. Basi-
lio, Am-
brosio
et E-
phrem.

sed spiritualis est exercitatio, habetque æque ut pietas promissionem non tantum hujus vitæ, sed et futuræ. Nam, ut recte ex S. Basilio Ambrosius, lib. *De Elia et Jejunio*, cap. III: « Quid est jejunium, nisi substantia et imago cœlestis? Jejunium refectio animæ, cibus mentis est. Jejunium vita est angelorum, jejunium culpæ mors, excidium delictorum, remedium salutis, radix gratiæ, fundamentum est castitatis. Hoc ad Deum citius gradu pervenitur. » Et, ut S. Ephrem agens *De Jejunio*, cap. IX, ait: « Jejunium est vehiculum ad cœlum. Jejunium Prophetas suscitatur, legislatores sapientiam docet. Jejunium bona animæ custodia et securus corporis cohabitator. Jejunium strenuis militibus telum, athletisque exercitium. Jejunium tentationes retundit, ad pietatem inungit. Jejunium ignis virtutem extinxit, ora leonum obturavit, orationes in cœlum dirigit. Jejunium mater est sanctitatis, juventutis disciplina, ornamentum senibus. »

Secundo,
alii intel-
ligunt
ineptas
fabulas.

Hinc secundo, melius posset hæc corporalis exercitatio referri ad ineptas fabulas de quibus immediate præcessit, q. d. Non corpus aut linguam exerce aut tere in narrandis fabulis: hoc enim mulierum est et fabulorum; sed mentem tuam exerce pietate et devotionis studio: hanc enim antithesis videtur significare vox autem, quæ præcessit vers. præcedenti, ut ibi dixi.

Tertio et
proprie,
corpora-
lis exer-
citatio
est lucta
et exerci-
tatio a-
thletarum.

Tertio et planissime, « corporalis exercitatio » dicitur græce *σωματική γυμνασία*, id est, gymnastica lucta et exercitatio athletarum, qua suum corpus cursu, lucta, saltu, pugna aliisque modis exercent: ludit enim Apostolus in Græco verbo *γυμνάζει*, ejusque vim et energiam urget, q. d. Dixi *γυμνάζει*, id est, gymnasticam exerce, sed in arena pietatis; nam gymnastica corporalis, lucta scilicet et corporalis exercitatio athletarum, ad modicum utilis est, scilicet ad sanitatem, vel ad bravium et præmium temporale tantum. Pietas vero, id est Dei cultus, perutilis est ad procurandam animæ sanitatem, et ad promerendum bravium vitæ æternæ, adque alios docendos, et ad fidem ac salutem deducendos, ut sequitur; adeoque pietas hæc ad omnia utilis est, quia, ut dixi, est omnium virtutum fundamentum, fons et parens. Hinc S. Augustinus, *epist.* 52, pietatem definiens: « Pietas, inquit, est verax veri Dei cultus, unde omnia recte vivendi ducuntur officia; » et Eusebius, lib. VIII *De Præpar. Evang.*, cap. II, omnes virtutes affirmat esse quasi partes pietatis. Unde et Theodosius Imperator Christiani hominis felicitatem in pietate ponebat, qui moriens, ait Nicephorus, lib. XIII, cap. I, nil tam impense commendavit filiis suis Arcadio et Honorio, quam ut veram pietatem conservarent, per quam pax et omnia bona florerent.

Theodo-
sius mo-
riens fi-
liis com-
mendavit
pietatem
quasi bo-
ni omnis
fontem.

Solet enim Apostolus scribens ad Græcos sæpe alludere ad eorum palæstras et certamina, iisque comparare palæstras et certamina Christianæ pietatis. Sic I *Cor.* cap. IX, vers. 24 et 25: « Nescitis,

inquit, quod ii qui in stadio currunt, omnes quidem currunt, sed unus accipit bravium? Sic currite, ut comprehendatis. Omnis autem qui in agone contendit, ab omnibus se abstinere, et illi quidem ut corruptibilem coronam accipiant, nos autem incorruptam. » Quid hoc est aliud, quam quod hic ait, licet aliis verbis? « corporalis exercitatio ad modicum utilis est: pietas autem ad omnia utilis est, promissionem habens vitæ quæ nunc est, et futuræ. »

Nota obiter: Corporis exercitatio præsertim ante cibum valde confert ad valetudinem, uti docent medici et experientia. Hinc Socrates ante cœnam contentius ambulabat; rogatus cur? dixit, « se quo melius cœnaret ambulando obsonare famem. » Ita Cyrus non cœnabat, nisi ante exercendo corpus sudasset, teste Xenophonte. Ita in epistolis Indicis legimus regulos ibi aliquos quotidie ante cibum corpus valide et diu exercere solitos, ad longam et vegetam senectam pervenisse, ita ut, cum essent septuagenarii, vix viderentur esse quadragenarii. Ptolomæo regi Ægyptum peragranti, cum cibarius in casa panis datus esset, nihil visum est illo pane jucundius. « Optimum enim condimentum est fames; » hæc autem labore paratur. Ita Cicero, lib. V *Tuscul.* « Rusticus, ait S. Bernardus ad fratres, duos habet nervos, lacertos fortes: exercitatio hoc facit, sive cum corpore inolecit: voluntas facit usum, usus exercitium, exercitium vires subministrat. » E contrario Cassianus, lib. IX: « Sine exercitatione, ait, dum studia consueta non frequentantur, brachia in corporibus, ingenia pigrescunt in artibus. » Aristoteles, lib. V *Metaphys.*: « Exercitium, ait, est causa sanitatis, et e converso. » Gellius, lib. XI: « Vita humana, inquit, proprie uti ferrum est. Ferrum si exerceas, conteritur; si non exerceas, tamen rubigo interficit. Sic et homines exercendo conteruntur; si nihil exerceas, inertia et torpedo plus detrimenti affert quam exercitatio. » Plato solebat admonere, « Ut neque corpus sine animo exerceamus, neque animum sine corpore, ut pariter utriusque curam habeamus. Nam alterum athletarum est, alterum inertium. » Ita Laetius, lib. III. Apud Lacones in pretio erat jus, quod illi nigrum vocant; quare Dionysius, Siciliæ tyrannus cocum emit Laconicum, eique jussit ut hoc sibi appareret. Fecit ille: quod ubi rex gustasset, quasi ingratum expuit. Tum cocus: « Hoc jus, ait, o rex, sumendum est, postquam te Laconum more exercearis. » Ita Plutarchus, in *Laconic.* Si tanta præstat exercitatio corporalis corpori, quanta præstat exercitatio spiritualis animæ et spiritui? Vide dicta *Levit.* cap. XXIII, 28.

Quarto, S. Nilus, Maximus et Philotheus apud Turrianum, lib. V *Pro epistolis Pontificum*, cap. VI, sic explicant: corporalis exercitatio, id est refrenatio passionum, parvi momenti est præ pietate, id est, præ apathia et contemplatione Dei, quam inducit apathia. Verum hic sensus nimis

Quarto,
Nilus per
corpora-
lem exer-
citationem in-
tellexit
refrenan-

tionem
passio-
num, an
recte?

sublimis est; nec litteralis, sed accommodatius est, aut symbolicus. Adde, nisi sane intelligatur, Stoicum quid aut Origenicum sapit. Plenam enim illam Stoicorum apathiam, quæ nullo metu, ira, cupiditate moveatur unquam, in hac vita adipisci impossibile est: qui enim sic esset ἀπαθής, aut angelus esset, aut saxum, inquit Hieronymus ad Ctesiphontem. Patres ergo citati, et veteres Eremitæ, qui in apathia omnem perfectionem ponebant, intelligunt apathiam talem, non quæ omnino passionem aliquam aut motus concupiscentiæ non habeat aut sentiat, sed quæ rarius et frigidius sentiat, facileque eos supprimat et coerceat, ex longa et assidua eorum mortificatione et victoria.

In qua
pathia
veteres
posuerint
perfectio-
nem?

PROMISSIONEM HABENS VITÆ QUÆ NUNC EST, ET FUTURÆ. — « Vitæ quæ nunc est, » ut scilicet hic vitam pacatam, longævam et rebus omnibus necessariis instructam agamus. Promissio ergo hæc, est illa quam proponit Christus, *Matth. vi, 33*: « Quærite primum regnum Dei, et iustitiam ejus, et hæc omnia adjicientur vobis. »

Dices: Pii sæpe pauperes sunt et miseri, imo fame et ærumnis moriuntur; ergo pietas non habet promissionem vitæ præsentis pacatæ et beatæ. Respondeo ad antecedens, id subinde accidere; sed tunc Deus hunc defectum vitæ præsentis a se promissæ compensat spiritualibus donis et æternis deliciis: sic enim si tibi promiserim aureum, abunde promissum meum expleo, si pro aureo tibi equum donem. Vide dicta *Ephes. vi, 2*.

Deus
incauti-
tatem
piis pro-
missam
bonis spi-
ritualibus
compensa-
bit.

Nota hunc locum pro meritis operum honorum et piorum; Deus enim non gratis, sed operibus piis, id est, propter opera pia quasi merita promisit mercedem vitæ non tantum præsentis, sed et futuræ. Negat id Beza: quia, inquit, ultronea est et gratuita hæc Dei promissio. Sed perperam: licet enim gratuita sit promissio ex parte Dei promittentis, non est tamen gratuita ex parte ejus cui promittitur; ab eo enim requirit opus et laborem, unde non datur ei gratis res promissa, sed pro labore quasi merces. Sicut ergo herus colono ultronee promittit mercedem laboris, si eum subire velit; et tamen colonus laborando in agro, vere eandem per laborem meretur: ita et pietati, id est operibus pietatis, promittit hic Apostolus ex Deo vitam æternam quasi mercedem; quidquid enim promittitur cum conditione operum, vel propter opera, habet rationem mercedis et meriti.

Vers. 9.

9. FIDELIS SERMO, ET OMNI ACCEPTIONE DIGNUS. — « Sermo, » scilicet qui præcessit, puta quod pietas promissionem habeat vitæ quæ nunc est, et futuræ: ita Chrysostomus; et hoc arguit vox « enim, » quæ sequitur. Quia enim Paulus verbis jam citatis, piis promittit futuræ vitæ bona quæ nemo vidit; hinc ne quis de iis dubitet, subdit hunc sermonem et promissionem esse fidelem, id est certum et indubitatum. Vide dicta cap. i, 15.

Vers. 10.

10. IN HOC ENIM (scilicet ob pietatem, et ut vi-

tam æternam piis, et pro pietate decessantibus promissam assequamur) **LABORAMUS** (labores magnos exantlamus) **ET MALEDICIMUR** (ὀνειδίζομεθα, id est, contumeliis et probris impetimur), **QUIA SPERAMUS** (ἐλπίζομεν, id est, speravimus vel spem fiximus) **IN DEUM VIVUM, QUI EST SALVATOR OMNIUM HOMINUM, MAXIME FIDELIUM,** — *q. d.* inquit Hesselius: Magnum argumentum est pietati repositam esse vitam in futuro, quod tam constanter tot labores sustinemus, et sustinent omnes Sancti, ut in pietate permaneant. Unde martyrium sive testimonium vocatur mors pro pietate obita. Sic *I Cor. xv*, probat Apostolus resurrectionem ex quotidianis periculis, quæ subibat, et ex pugna quam Ephesi habuerat; quæ nihil ei profuisset, si more pecudum homo interiret. Sic dicit martyr Justinus, lib. *IV Ecclesiast. Histor.*, cap. *viii*: « Nam et ego ipse sectis Platonicis institutus, audiens infamari Christianos, et videns eos impavidos ad suscipiendam mortem, atque omne supplicium tolerandum, considerabam, quod impossibile esset in malitia eos et in libidine conversari. »

Etymon
martyrii.
S. Justi-
nus con-
versus
per con-
stantiam
Marty-
rum.

Nota, Deum dici « salvatorem omnium hominum, » id est, servatorem et conservatorem corporis et animæ cujusque in vita præsentis; sed « maxime fidelium, » quia eos non tantum in præsentis, sed etiam in futura vita servabit et salvabit. Ita Chrysostomus et Ambrosius.

Secundo et planius, Deus est « salvator omnium hominum, » quantum est ex parte sua, quia omnibus Christum salvatorem, et media quibus salvari possint, exhibuit: maxime tamen est salvator fidelium, quia hisce fidem, spem, gratiam, maxima et proxima salutis adjumenta actu contulit, hosque præ aliis curat et amat. Constat enim Deum magis diligere, curæ et cordi habere fideles, justos et amicos suos, quam infideles, impios et inimicos. Ita Theophylactus et Anselmus.

Deus sa-
vator om-
nium,
maxime
fidelium.

12. NEMO ADOLESCENTIAM TUAM CONTEMNAT. — *Pro adolescentiam*, græce est νεότης, id est juventutem: non enim proprie adolescens erat Timotheus viginti trium annorum, ut vult Hugo Cardinalis, sed juvenis, qui necdum statam ætatem et perfectam Episcopo dignam attigerat. Forte ergo triginta annorum erat aut circiter: hucusque enim et ulterius se porrigit juvenus.

Vers. 12.

Putant aliqui hoc præceptum non ad Timotheum, sed ad Ephesios ejus subditos dirigi, quasi eis jubeat Apostolus, ne Episcopum suum Timotheum, utpote juvenem, contemnant.

Triplex
hujus lo-
ci sententia.

Secundo et melius, alii hoc putant dirigi ad Timotheum, *q. d.* O Timothee, esto sis juvenis, tuere tamen auctoritatem tuam et imperio utere, ubi res et animarum salus id exigit. Ita Chrysostomus.

Tertio et optime, idem Chrysostomus et Ambrosius; *q. d.* Esto sis juvenis, ita tamen sancte et graviter te gere, ut non contemnaris, quasi imprudens et levis juvenis, sed potius ut omnes te quasi patrem amantissimum et senili prudentia

ac maturitate præditum revereantur. Nam, ut S. Augustinus, lib. IV *De Doct. Christ.*, cap. xxvii, ait: « Habet ut obedienter audiat quantacumque gravitate dictionis majus pondus vita loquentis; » et contra, « ejus vita despicitur, restat ut ejus prædicatio contemnatur, » inquit S. Gregorius, homil. 12 in *Evangelia*. Hunc sensum exigunt sequentia.

Ubi sni Obicit hic Chrysostomus: Ubi modestia et mansuetudo sacerdotis elucebit, si semper in honore sit, nec unquam contemnatur? ac respondet: In his quidem, quæ ad se pertinent, si contemnatur sacerdos sive Episcopus, constantissime ferre debet: sic enim per patientiam virtus prædicationis ostenditur. Verum in his, quæ aliorum salutem tangunt, contemptui omnino non pateat. Id enim non mansuetudinis esset, sed stultitiæ; neque hic mansuetudine, sed auctoritate opus est, ne Ecclesiæ utilitas pereat.

Episcopus sit animata lex populo. SED EXEMPLUM (τύπος, id est forma, norma et exemplar vitæ, quod omnes intueantur, ut illud imitentur, illique se conforment tanquam animatæ legi, inquit Chrysostomus) ESTO FIDELIUM IN VERBO (id est, in sermone gravi, et tali qualis decet Episcopum), IN CONVERSATIONE (id est, in vita et vivendi consuetudine), IN CHARITATE (Græca addunt, ἐν πνεύματι, id est, in spiritu, ut scilicet zelum et amorem Dei te habere ostendas), IN FIDE (id est, in fidei rectitudine et constantia), IN CASTITATE, — id est, in vitæ totius puritate.

Morale, Moraliter hic nota, ingenia hominum non ab antiquitate, sed a probitate esse censenda. Hinc *Sapient.* cap. iv, vers. 8, dicitur: « Senectus venerabilis est non diuturna, neque annorum numero computata: cani autem sunt sensus hominis, et ætas senectutis vita immaculata. » Sic Ambrosius, serm. 90 *De S. Agneta*, inquit: « Computabatur in annis infantia, sed erat senectus mentis immensa. » Sic S. Ignatius, epist. ad *Magnestanos*: « Daniel, inquit, sapientissimus duodecim annorum effectus, Spiritu Sancto repletus est, et illos seniores canitium vanam habentes, calumniatores et alienæ pulchritudinis appetitores esse manifestavit. Samuel etiam cum esset pusillus, nonagenarium Heli sacerdotem per increpationem redarguit, quod filios honorificaret supra Deum. Similiter et Jeremias audit a Domino: Noli dicere, quia puer ego sum. Salomon duodecimo ætatis anno regnare incipiens meretricium pro parvulis quæstionem dissolvit. Josias vero octo annorum aras et monumenta subvertere cepit, lucos excidere, templa dejicere, quæ dæmonibus fuerant consecrata. »

Anctoritas paranda magis vita quam verbo. Nota secundo, Prælatos magis docere, et auctoritatem sibi conciliare debere exemplo sanctæ vitæ, quam erudite docendo et concionando. Plus enim, inquit Seneca, homines oculis, quam auribus credunt. Hinc S. Petrus, epist. I, cap. v, præscribit Pastoribus ut fiant « forma gregis; » et Christus: « Vos estis, inquit, sal terræ, et lux

mundi: non potest civitas abscondi supra montem posita. » Qua de re præclare admonet Heliodorum Episcopum Hieronymus, in epitaphio Nepotiani: « In te, inquit, omnium oculi diriguntur, domus tua et conversatio tua quasi in specula constituta, magistra est publicæ disciplinæ: quidquid feceris, id sibi omnes faciendum putant. Cave ne committas, quod aut qui reprehendere volunt, digne lacerasse videantur; aut qui imitari, cogantur delinquere. »

13. DUM VENIO, ATTENDE LECTIONI, EXHORTATIONI ET DOCTRINÆ. — « Sacra Scriptura, ait Ambrosius, lib. III *De Fide*, cap. vii, est liber sacerdotalis; » et, ut inquit S. Dionysius, *Eccles. Hierarch.*, cap. i, « est substantia sacerdotii nostri. » Hinc infert Chrysostomus, hom. 2 *De Provident.*: Omne vitæ tempus est breve: quod si vel longissimum esset, consumendum foret in scientia Sanctarum Scripturarum. Ita Paulus morti licet proximus, libros tamen (sacros utique) ad se afferri mandavit, II *Timoth.* iv, 13. In quem locum D. Thomas refert, S. Ambrosium (quod et in ejus Vita refertur) usque ad ultimam suam ægritudinem non cessasse unquam scribere, commentari et exponere sacras Litteras, adeoque commentationi Ps. xlvii: « Magnus Dominus et laudabilis nimis, » immortuum esse. Simile de Ven. Beda narrat auctor Vitæ ejus.

14. NOLI NEGLIGERE GRATIAM, QUÆ IN TE EST, QUÆ DATA EST TIBI PER PROPHETIAM, CUM IMPOSITIONE MANUUM PRESBYTERII. — Nota: Pro gratiam, græce est χάρισμα, id est donum, officium scilicet et ordinem Episcopi: ita Ambrosius; et, ut Chrysostomus, auctoritatem et munus docendi, de quo jam dixit: « Attende doctrinæ; » quod in sua ordinatione accipit Episcopus cum gratia huic officio et muneri necessaria. Respicit enim ad charitatem, fidem, castitatem, quæ in Timotheo requisivit, vers. 12. Nam Græcum χάρισμα non tantum gratiam gratis datam, sed etiam gratiam gratum facientem significat, ut patet *Rom.* vi, 23: « Gratia (græce χάρισμα) Dei vitæ æterna. » *Rom.* v, 15: « Non sicut delictum, ita et donum (græce χάρισμα), » gratiæ scilicet Christi justificantis. I *Corinth.* vii, 7: « Unusquisque proprium donum (græce χάρισμα, scilicet castitatis) habet a Deo. »

Nota secundo: Hæc gratia data est Timotheo « per prophetiam, » id est revelationem, qua Deus jussit Timotheum ordinari Episcopum, cap. i, vers. 18, q. d. Effice et conare, ut veras ostendas prophetias de te ordinando factas.

S. Hieronymus vero ad *Evagrium*, prophetiam hic proprie accipit pro prædicatione futurorum, aut potius pro interpretatione Scripturarum. Hanc enim in sua ordinatione majorem et clariorem, quam antea, accepisse Timotheum, innuit hic Apostolus.

Verum gratia jam dicta, scilicet auctoritas docendi, aut munus Episcopi, non fuit datum Timotheo per talem prophetiam; sed potius hæc

Vers. 13.

Sacra Scriptura est liber sacerdotialis.

S. Ambrosius sacra Scriptura immortalis est.

Vers. 14.

Quomodo gratia data Timotheo per prophetiam?

prophetia data est propter gratiam et talentum episcopatus, ut eo rite perfungi posset. Rursum Vatablus sic explicat : Noli negligere gratiam, quæ tibi data est *per*, id est, *ad* prophetiam, id est doctrinam, scilicet ut propheta, id est doceas populum : sed et hoc coactum videtur. Græcum enim *διὰ* non *ad*, sed *per* significat. Primus ergo sensus est genuinus.

Propheta est forma sacramenti Ordinis. Aliqui viri docti per prophetiam intelligunt orationem sacram, sive verba mystica, puta ipsam formam Ordinationis, quasi Apostolus hic designet ipsam formam sacramenti Ordinis, et mox ejusdem materiam, cum subdit : « Cum impositione manuum. » Hæc expositio nonnullis nova videtur et insolens, sed revera non est. Nam Apostolus, I *Corinth.* xiv, 5 et alibi, prophetiam vocat quamlibet orationem et sermonem sacram, præcipue arcanum et mysticum, quales olim erant formæ Sacramentorum (1).

Quænam impositio manuum presbyterii? Primo. Nota *tertiq* : « Cum impositione manuum presbyterii, » id est per impositionem manuum presbyterii, puta per ordinationem presbyterii, id est cœtus presbyterorum, majorum scilicet, id est Episcoporum. Episcopus enim ordinatur ab aliis tribus Episcopis, qui ordinando Episcopo manus imponunt. Ita Chrysostomus, Theophylactus, Oecumenius, Theodoretus. Sic et novellis sacerdotibus, cum ordinantur, Episcopus, et post Episcopum sacerdotes omnes vicissim manus imponunt, ut jubet Concilium Carthaginense IV, *canon.* 30.

Secundo. Aliter Anselmus : « per impositionem manuum presbyterii, » id est, inquit, per ordinationem, qua ordinatus et consecratus es presbyter, id est Episcopus. Et Maldonatus in *Notis manuscr.* per « presbyterium » accipit ordinem sacerdotalem. Rursum Vatablus per « impositionem manuum presbyterii » intelligit electionem qua a presbyteris, id est senioribus Christianis, Timotheus erat electus in Episcopum : impositio enim manus signum est externum electionis, inquit, *q. d.* Per manus impositionem tanquam signum electus es in Episcopum a senatu Christiano, qui est Ephesi ; quæ verba sapiunt hæresim : innuunt enim senatum laicum et civilem constituere et ordinare Episcopos aliosque Ecclesiæ ministros. Adde, nusquam legimus laicos Episcopis aut presbyteris manus imposuisse. Nimirum hæc et multa alia Vatablo, viro Catholico, ab hæreticis ejus scripta excudentibus infarta et supposita sunt.

Ex hoc loco probatur Ordinem esse Sacramentum. Hinc nota *quarto*, Ordinem esse Sacramentum : nam cum officio quod confert, confert et gratiam illi officio necessariam. Et materia Sacramenti hic est impositio manus, sub qua reliqua intelligit : forma vero sunt verba, quibus simul ac materia adhibetur, Episcopus tribuit ordinato potestatem sacram. Id magis patebit ex epistola II, cap. I, vers. 6. Unde S. Augustinus in *Quest. novi*

et veteris Testamenti, *Quest. XX, ex Joan. xx*, ubi Christus insufflans in Apostolos dixit, *Accipite Spiritum Sanctum* : « Insufflatio, inquit, hæc gratia quædam est, quæ per traditionem infunditur ordinatis, per quam commendatiores habentur ; unde Paulus dixit : Noli negligere gratiam, » etc.

Nota *quinto* : Hinc aliqui probabiliter cum Sylvestro, voce *Ordo*, II, § 4, et Bellarmino, lib. I *De Sacramento Ordinis*, cap. ix, contra D. Soto, Ruardum et Navarrum, docent manus impositionem esse de essentia Ordinis, præsertim Episcopalis. Quia Scriptura, Concilia et Patres Ordinem vocant passim manus impositionem. Significat enim hæc impositio ordinandos quasi victimas Deo consecrari et offerri ; sic enim olim sacerdotes manus imponebant victimæ, cum eam Deo offerrent, *Exodi* cap. xxix, vers. 10, 13, 19, hoc ritu significantes se victimam a sua manu et potestate in Dei jus transcribere. Simili cæremonia prisci Romani servis suis se abdicabant, cum eos suæ libertati restituerent ; tenentes enim caput servi dicebant : Hunc hominem liberum esse volo ; et mittebant eum manu sua. Sic et filii Israel Levitis manus imponentes eos a se quasi abdicarunt, Deoque obtulerunt et consecrarunt, *Num.* viii, 10. Sciant ergo sacerdotes, se hac cæremonia Deo sacratos esse, ut ei se totos dedicerent, jam non sibi viventes, sed vitam totam divinis ministeriis, præsertim in aliorum salute procuranda, impendant et superimpendant. Idem facitarunt Gentiles : narrat enim Livius, lib. I, dec. 1, capiti Numæ Pompilii, cum summo sacerdotio initiaretur, manus esse impositas.

Secundo, hac manuum impositione significatur, inquit Amalarius, lib. I *De Eccles. Offic.*, cap. xii, illapsus Spiritus Sancti, quem ordinans precatur dari ordinando, ejusque regimen, directio et protectio, ut scilicet Spiritus Sanctus ordinandum quasi manu sua regat et dirigat. Unde S. Dionysius *De Eccles. Hierarch.*, cap. v, pag. 3 : « Manuum impositione, inquit, indicatur protectio principis et præfectoris Dei, qua interne illi ipsi, quibus manus imponitur, tanquam filii ab eo gubernantur : quæ virtutem ac robur ipsis largitur, et adversarias potestates repellit. »

Tertio, hæc manus impositio non tantum regimen et protectionem, sed et plenitudinem spiritus et gratiæ, quæ datur ordinatis, ac potestatem, quam in alios accipiunt, significat. Unde S. Dionysius supra : « Manus, inquit, impositio docet, eos qui sacris Ordinibus mancipantur, sacras omnes actiones quasi sub Deo efficere, utpote quem habeant operationum suarum in omnibus ducem atque rectorem. » Sic *Numer.* xxvii, 18, Josue repletus est spiritu sapientiæ, quia Moses posuit super eum manus suas, quasi consecrans eum ducem populi. Sic Christus, *Matth.* xix, parvulis manus imposuit, et ascendens in cœlum, elevatis manibus, suis discipulis benedixit, hoc ipso significans se plurima eis dona de sua plenitudine

Manus inpositio est de essentia Ordinis.

Quid significet? Primo.

Secundo.

Tertio.

(1) Hunc sensum sequitur Allioli.

Quid
X: p: p: p:
via ?
largiri. Hinc S. Hieronymus, in cap. LIX *Isaïæ*, ait ordinationem a Græcis vocari χειροτονίαν, id est manus impositionem, eo quod non solum vocis imprecatione seu verbis mysticis, sed etiam manus impositione impleatur; id est perficiatur et consummetur.

Denique nota, hic per presbyteros significari Episcopos; neque enim simplices presbyteri, sed Episcopi Timotheo Episcopo manus imposuerunt. **Error**
Erasmii. Vide dicta *Philip. i, 1*. Perperam ergo Erasmus et Kemnitius volunt inter presbyterum, sacerdotem et Episcopum nihil olim interfuisse.

Vers. 15. 15. **HÆC MEDITARE.** — Ταῦτα μελέτα, id est hæc cura, hæc satage, his jure studium omnesque corporis et animæ vires impende et intende.

Vers. 16. 16. **ATTENDE TIBI** (ut actiones et mores tuos omnes sæpius lustres, examines, corrigas, componas), **ET DOCTRINÆ**, — ut scilicet alios doceas. Hæc duo munia sunt Episcopi, imo cujusvis pastoris, doctoris et concionatoris, ut scilicet primum se, deinde alios doceat. Qui enim seipsos negligunt et totos se in proximorum curam effundunt, evanido spiritu laborant, nec sibi, nec aliis prosunt. Vive tibi, attende tibi, si vis aliis pro-

desse. Pulchre S. Bernardus, lib. II *De Consider. ad Eugenium*: « Quatuor, inquit, tibi consideranda reor, te, quæ sub te, quæ circa te, quæ supra te. A te tua consideratio inchoet, ne frustra extendaris in alia, te neglecto. Quid tibi prodest si universum mundum lucreris, te unum perdens? Et si sapiens sis, deest tibi ad sapientiam, si tibi non fueris. Quantum vero? ut quidem senserim ego, totum. Noveris licet omnia mysteria, noveris lata terræ, alta cœli, profunda maris, si te nescieris, eris similis ædificanti sine fundamento, ruinam, non structuram faciens. Quidquid extruxeris extra te, erit instar congesti pulveris, ventis obnoxium, » etc.

HOC ENIM FACIENS, ET TE IPSUM SALVUM FACIES, ET EOS QUI TE AUDIUNT. — Nota, eum qui sibi attendit, seipsum; et qui doctrinæ intendit, alios salvos facere. Ecce hic Paulus Timotheum et similes vocat sui et aliorum salvatores. Sic Abdias, vers. 21, prædicit ascensuros salvatores in montem Sion. Non ergo fit injuria Christo; si Sanctos vocemus salvatores et advocatos nostros, si beatam Virginem vocemus dominam, patronam et spem nostram.

De sui
consideratione
ex S. Bernar-
do.

CAPUT QUINTUM.

SYNOPSIS CAPITIS.

Docet quomodo se Episcopus gerere debeat cum senibus, juvenibus, puellis.

Deinde, vers. 3, docet Episcopi esse providere viduis, quæ vere sunt viduæ, ac præsertim iis quæ in misericordiæ operibus probatæ, et castitatem vidualem vivendo professæ, in Ecclesiasticarum viduarum cætum allectæ et selectæ sunt: ideoque vult eas seniores esse, ne fidem Deo datam, id est votum cælibatus, violent: juniores autem mavult nubere et familiam regere.

Tertio, vers. 17, jubet presbyteros, qui laborant in verbo et doctrina, honorari et liberaliter ali.

Quarto, vers. 20, docet, Episcopi esse corrigere peccantes, nec cito alicui manus imponere.

1. Seniore **ne increpaveris**, sed obsecra ut patrem; juvenes, ut fratres, 2. anus ut matres, juvenulas ut sorores in omni castitate. 3. Viduas honora, quæ vere viduæ sunt. 4. Si qua autem vidua filios aut nepotes habet, discat primum domum suam regere, et mutuam vicem reddere parentibus: hoc enim acceptum est coram Deo. 5. Quæ autem vere vidua est, et desolata, speret in Deum, et instet obsecrationibus et orationibus nocte ac die. 6. Nam quæ in deliciis est, vivens mortua est. 7. Et hoc præcipe, ut irreprehensibiles sint. 8. Si quis autem suorum, et maxime domesticorum, curam non habet, fidem negavit, et est infideli deterior. 9. Vidua eligatur non minus sexaginta annorum, quæ fuerit unius viri uxor, 10. in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsecuta est. 11. Adolescentiores autem viduas devita. Cum enim luxuriatæ fuerint in Christo, nubere volunt: 12. habentes damnationem, quia primam fidem irritam fecerint. 13. Simul autem et otiosæ discunt circuire domos: non solum otiosæ, sed et verbosæ et curiosæ, loquentes quæ non oportet. 14. Volo ergo juniores nubere, filios procreare, matres familias esse, nullam occasionem dare adversario maledicti gratia.

15. Jam enim quædam conversæ sunt retro Satanam. 16. Si quis fidelis habet viduas, subministret illis, et non gravetur Ecclesia : ut iis, quæ vere viduæ sunt, sufficiat. 17. Qui bene præsunt presbyteri, duplici honore digni habeantur, maxime qui laborant in verbo et doctrina. 18. Dicit enim Scriptura : Non alligabis os bovi trituranti. Et : Dignus est operarius mercede sua. 19. Adversus presbyterum accusationem noli recipere, nisi sub duobus aut tribus testibus. 20. Peccantes coram omnibus argue, ut et cæteri timorem nabeant. 21. Testor coram Deo et Christo Jesu, et electis angelis, ut hæc custodias sine præjudicio, nihil faciens in alteram partem declinando. 22. Manus cito nemini imposueris, neque communicaveris peccatis alienis. Teipsum castum custodi. 23. Noli adhuc aquam bibere, sed modico vino utere propter stomachum tuum, et frequentes tuas infirmitates. 24. Quorundam hominum peccata manifesta sunt, præcedentia ad iudicium, quosdam autem et subsequuntur. 25. Similiter et facta bona manifesta sunt, et quæ aliter se habent, abscondi non possunt.

Docuit Apostolus hactenus Timotheum Episcopum in genere, quomodo se gerere, docere et exhortari debeat. Hic ad particularia descendit, docet quomodo cum senioribus, juvenibus, viduis, juvenculis, se habere, singulosque alloqui et monere debeat; dicit ergo :

Vers. 1. 1. SENIOREM NE INCREPAVERIS, — πρεσβυτέρῳ μὴ ἐπιπλήξῃς, id est seniori ne plagam infligas. Plaga hic intelligitur non verberum, sed verborum, **q. d.** Senem ne acriori objurgatione verberes. Hæc enim verborum verbera, præsertim si a juvenibus, qualis erat Timotheus, infligantur, magis senes, utpote ætate graves et melancholicos, contristant et affligunt, quam juvenes afficiant et affligant verbera virgarum aut baculorum.

Verbera juvenes, verba dura senes affligunt.

Intellige hæc cum S. Gregorio, lib. VII *Epist. indict.* 2, *Epist.* 1, quando culpa senioris exemplo suo, quasi laqueo, non trahit ad interitum corda juvenum : nam si ea trahat, districta increpatione feriendus est, uti Daniel acriter increpavit senes insidiantes Susannæ, cap. XIII, et Christus senes sacerdotes et scribas, populum a se et Deo abducentes, *Matth.* XXIII.

SED OBSECRA. — Græcum παρακαλεῖ tria significat : *primo*, exhortare, ut vertit Vatablus; *secundo*, consolare; *tertio*, « obsecra, » ut vertit Noster; idque aptius huic convenit. Vult enim Paulus senes haberi quasi patres, ut si peccent, moneantur quidem ab Episcopo, sed ea reverentia et lenitate, ut potius eos obsecrare quam admonere videatur.

JUVENES, UT FRATRES. — Repete παρακαλεῖ, id est obsecra, vel etiam exhortare; hoc enim magis convenit fratribus, quam patribus, quos, ut dixi, decet obsecrare.

Vers. 2. 2. JUVENCULAS UT SORORES, IN OMNI CASTITATE. — Præcipit, caute et raro, ac nonnisi aliis presentibus, cum juvenculis agendum, tum ut peccati, tum ut suspicionis sinistræ periculum evadat Episcopus et quivis presbyter. Collocutiones enim, inquit Chrysostomus, difficile effugiunt suspensiones. Hinc movet Ecclesiasticus, cap. XLII, vers. 12 :

Quam Clericis fugienda sint mulieres.

« In medio mulierum noli commorari : de vestimentis enim procedit tineæ, et a muliere iniquitas viri. » Et S. Hieronymus *ad Nepotian.* : « Hospitulum, inquit, tuum aut nunquam, aut raro mulierum pedes terant. » Et infra : « Solus cum sola secreto et absque arbitro vel teste non sedas. » Vide eundem, *epist. ad Rusticum*. Unde S. Augustinus, teste Possidonio, feminarum, et in eis sororis ac fratris filiæ, contubernium et consuetudinem declinavit. Vide dicta cap. III, vers. 2, ad vocem *Pudicum*.

3. VIDUAS HONORA, QUÆ VERE VIDUÆ SUNT. — **Quæ** Vers. 3. scilicet ab omnibus etiam filiis desolatæ, atque omnibus curis exutæ, unique Deo intentæ et dicatæ sunt. Ita Chrysostomus, Anselmus, Theophylactus.

Alludit ad etymon χήρα, quod est χήρα, id est destituo, desolor, orbo; sic et latine vidua a viduando dicitur. Unde vers. 5, ait Paulus : « Quæ autem vere vidua est et desolata, » etc. Has ergo viduas, inquit, honora, tum proprie eis honorem congruum deferendo, inquit Chrysostomus; tum oblationibus fidelium eas sustentando : hoc enim est Hebræum כבוד *cabad*. Unde Hieronymus in cap. XIII *Matthæi* : « Honor, inquit, in Scriptura non tam in salutationibus deferendis, quam in eleemosynis ac munerum oblatione sentitur. »

Vidua cur dicitur χήρα?

Notat Chrysostomus et Ambrosius τὸ *vere viduæ*. Per hoc enim significat fieri posse, ut aliqua sit quæ virum non habeat, nec tamen vidua sit. Sicut enim virginem non facit abstinencia a conjugio, sed amor integritatis, qua sine querela et divinis rebus intenta sanctam se Domino exhibeat, eique quasi assidue inhereat et assideat, ut dixit Apostolus I *Corinth.* VII, 35; ita pariter res se habet in vidua, ut vere sit vidua ad mentem Apostoli.

Honora, id est sustenta.

Quæres, an de omnibus viduis loquatur hic Apostolus? Respondeo, loqui de omnibus, potissimum tamen de viduis sacris et Ecclesiasticis : ad has enim sensim descendit, ut patebit vers. 9. Ita Chrysostomus.

De quibus viduis agit Apostolus?

Pro quo nota ex historia Ecclesiastica : Olim etiam tempore Apostolorum, sicuti erant virgines quæ se totas Deo dicabant, ita similes erant et viduæ. Rursum, sicut quædam ex virginibus hisce seorsim in domibus suis degebant, ut patet ex Concilio Carthaginensi III, *can.* 33, quædam vero simul vivebant, uti jam fit in monasteriis : ita pariter viduæ hæ, aliæ domui seorsim, aliæ simul quasi in collegio vivebant. Unde de his posterioribus loquens S. Ignatius tum alibi, tum in epist. ad *Philippenses* : « Saluto, ait, collegium virginum et cœtum viduarum. »

Viduæ Ecclesiasticæ quæ et quales? Petes, quales essent hæ viduæ Ecclesiasticæ, et cur ab Apostolo vere viduæ vocentur?

Respondeo primo : Hæ viduæ a mundo separatæ, et quasi mundo mortuæ simul vivebant, unique Deo et pietati vacabant, ut patet vers. 5.

Secundo, profitebantur, imo vovebant castitatem : unde vers. 12, ait Apostolus, aliquas ex eis « primam fidem (id est votum) irritam » fecisse.

Tertio, ex eis deligebantur diaconissæ et similes, quæ imperitas mulieres docerent et præpararent ad baptismum, de quibus Epiphanius, *hæresi* 79, quæ est Collyridianorum ; imo tempore S. Pauli omnes hæ viduæ erant quasi diaconissæ, ut dicam vers. 9.

Quarto, erant pauperes et omnibus subsidiis destitutæ (quas vers. 5 vocat « vere viduas »), ideoque alebantur ab Ecclesia, ut patet vers. 3, et *Actor.* VI, 1. Hinc et Cornelius Papa apud Eusebium, lib. VI *Histor.* XXXIII, ubi omnium ordinum clericos, qui tum Romæ erant, recenset ; numerat viduas cum indigentibus mille quingentas, quas omnes, inquit, alit Deus in Ecclesia sua. Nam viduæ quæ non erant pauperes, vel habebant parentes, filios aut nepotes divites, non habebantur vere viduæ, omnino desolatæ et omni subsidio destitutæ : quia ab eis ali poterant et debebant, uti hic jubet Apostolus vers. 6.

Quinto, erant ætate et sanctitatis professione honorabiles. Unde tanta et tam multa requirit Apostolus ab eis. Hinc etiam in tertia collecta in die Parasceves, quo sacerdos orat ordine pro quolibet Ecclesiæ gradu et statu, post clericos et virgines orat pro viduis, ac deinde pro toto populo.

Sexto, erant sub cura Episcopi ; unde eas tantopere Episcopo Timotheo hic commendat Apostolus. Hinc Chrysostomus, lib. III *De Sacerdotio*, inter alias causas, cur fugerit episcopatum, quasi onus suos humeros superans, hanc adfert, quod oporteat Episcopum curare viduas et eis providere.

Septimo, tempore sancti Augustini et Innocentii habebant habitum distinctum, mutabantque laicum in religiosum et nigrum, ac pulla veste incedebant, ut patet ex concilio Arausicano, *can.* 15, et Carthaginensi IV, *can.* 104 ; et ex S. Augustino, epist. 199 ad *Ecdiciam*, ubi eam reprehendit, quod inscio marito vestem laicam deposuisset.

Octavo, erant quasi matres et præfectæ aliarum

feminarum, ut dicam vers. 9. De hisce ergo viduis maxime loqui Apostolum docet S. Chrysostomus, Hesselius et alii, et favent verba Apostoli, quibus operose et exacte eas instruit. Unde vers. seq. eas probari vult, antequam in cœtum hunc sacrum admittantur : « Discat, inquit, primum domum suam regere, » etc.

Quærit Chrysostomus cur de virginibus æque ac de viduis nihil hic statuatur Apostolus ? ac respondet, quod Ephesi tunc, utpote in Ecclesiæ primordiis, raræ vel nullæ essent virgines, puta simul quasi in collegio vel monasterio viventes, quæ cura Episcopi indigerent.

4. SI QUA VIDUA FILIOS AUT NEPOTES HABET, DISCAT PRIMUM DOMUM SUAM REGERE, ET MUTUAM VICEM REDDERE PARENTIBUS. — Pro *discat*, græce est *μαθήσεται*, pro quo Syrus, Theophylactus et alii legunt, *μαθητεύσασα*, id est discant, scilicet filii et nepotes, « domum suam, » id est viduas domus suæ, puta matrem et aviam, regere, *ἐκτρέφειν*, id est pie tractare, et, ut Hieronymus ad *Geruntiam* legit, *colere*. Tempore enim Pauli, filii et nepotes viduarum multarum, cum viderent alias viduas pauperiores ab Ecclesia ali, sollicitabant Episcopum, ut eorum mater vel avia cum aliis viduis ab Ecclesia alerentur, etsi ipsi possent eas alere, ut scilicet earum alimonia et cura liberarentur, et in Ecclesiam earum onus rejicerent. Unde Paulus mandat hic Episcopo Timotheo, ut eis respondeat : Sustentate prius matrem vestram et aviam ; ubi vero eas amplius alere non poteritis, tunc demum ad Ecclesiam confugite. Ita ex Theophylacto Hesselius. Verum Romana, Ambrosius et alii legunt, *discat*, non *discant* ; itaque legendum esse patet ex eo quod viduas ipsas hic instituat Apostolus, non autem earum filios et nepotes. De his enim agit vers. 16, ubi jubet ut matrem suam alant ; non ergo idipsum hic eis jubet.

Hinc *secundo*, Ambrosius *ad discat domum suam regere*, refert ad viduam ; *et vero et vicem reddere parentibus*, refert ad filios. Verum tunc in priori legendum esset, *discat* ; in posteriori, *discant* ; jam autem Apostolus dicit *discat*, idque semel tantum.

Dico ergo Apostolum utrobique loqui de solis viduis, *q. d.* Si qua vidua habet filios aut nepotes, illa antequam in cœtum viduarum, de quibus jam dixi, ab Ecclesia admittatur, discat *primo* domum suam, id est filios et nepotes, regere ; græce *ἐκτρέφειν*, id est, ut Syrus, Vatablus et Ambrosius, pie tractare (licet enim Græcum *ἐκτρέφειν* sit neutrum, tamen Apostolus facit activum per hebraismum, sumens *cal* pro *hiphil*), ut scilicet pie filios regat eosque pietate imbuat.

Discat *secundo*, hæc vidua « mutuam vicem reddere parentibus, » ut scilicet, si parentes adhuc vivant, eis inserviat, opituletur, ministret, eosque alat, sicut ab eis a puero alita et educata est : uti faciunt ciconiæ parentibus senibus, a quibus hæc reciproca filiorum pietas in parentes *ἀντιπαλιν* dicitur. Sin parentes sint mortui, reddat eis

Vidua vicem reddat parentibus quomodo?

vicem in filiis et nepotibus, eisque impendat illam curam, alimoniam et obsequium, quod parentibus impendisset.

Exemplum S. Monicæ. Talis vidua fuit S. Monica, de qua S. Augustinus, lib. IX *Confess.*, cap. IX : « Fuerat, inquit, unius viri uxor; mutuam vicem parentibus reddiderat, domum suam pie tractaverat, in operibus bonis testimonium habebat, nutrierat filios, toties eos parturiens quoties abs te deviare cernebat. Postremo nobis, Domine, omnibus qui ex munere tuo ante dormitionem ejus, in te jam consociati, vivebamus, percepta gratia baptismi tui, ita curam impendit, quasi omnes genuisset; ita servivit, quasi omnibus genita fuisset. »

Vers. 5. 5. QUÆ VERE VIDUA EST ET DESOLATA, SPERET IN DEUM, ET INSTET OBSECRATIONIBUS ET ORATIONIBUS NOCTE AC DIE. — Conjunctio *et* hic significat *id est*, q. d. Vidua quæ non solum marito, sed et liberis omniumque hominum solatio viduata est et sola derelicta, hæc « speret in Deum, » quod eum experietur provisorum, imo patrem et maritum, adeoque vice omnium habeat Deum, inquit Chrysostomus. Pro *speret*, græce est *ἐλπίζω*, id est speravit aut sperat, ut legit Ambrosius : subinde enim in talibus præteritum pro præsentis ponitur, quasi Apostolus non præcipiat, sed describat quæ vere viduæ sint, scilicet quæ omni hominum spe destitutæ totam spem et mentem in Deum defixerunt. Ita Chrysostomus.

Vers. 6. 6. NAM QUÆ IN DELICIIS EST, VIVENS (licet corpore, spiritu tamen) MORTUA EST, — q. d. Vivens non vivit, sed vitam corporis obruit animæ morte. Vide Chrysostomum. « Immodicæ deliciæ, inquit Theodoretus, rationem obruunt; et efficiunt ut in corpore tanquam in aliquo sepulcro jaceat. » Unde et Sophocles gulosum hominem taxans : « Non arbitror, inquit, hunc vivere : sed cadaver judico. » Rationem dat S. Augustinus, tract. 47 in *Joan.* : « Vita, inquit, carnis tuæ anima est, vita animæ tuæ Deus est. Quomodo moritur caro amissa anima, quæ vita est ejus : sic moritur anima amisso Deo, qui vita est ejus. »

Vita animæ est Deus. Vere ergo S. Bernardus, serm. 48 in *Cantic.* : « Vita, inquit, in deliciis agens et mors est et umbra mortis : quantum enim umbra prope est corpori, cujus est umbra, tantum pro certo vita illa inferno appropinquat. »

Vere item S. Ambrosius, lib. *De Viduis*, loquens de Judith : « Advertitis, inquit, quantum nocere possit mulieribus ebrietas, quando viros vina sic solvunt, ut vincantur a feminis. Esto igitur vidua temperans, casta primum a vino, ut casta possit esse ab adultero; nequaquam te ille tentabit, si vina non tentent. Nam si Judith bibisset, dormisset cum adultero; sed quia non bibit, haud difficile ebrios exercitus unius sobrietas et vincere potuit et eludere. » Et S. Fulgentius, *epist.* 2, cap. XIV : « Egreditur, inquit, castitas oppugnatura lasciviam, et ad interitum superbiæ humilitas sancta procedit : ille pugnabat armis, ista je-

juniis; ille ebrietate, ista oratione. Igitur quod omnis Israelitarum populus facere non potuit, sancta vidua castitatis virtute perfecit. Obtruncavit una mulier tanti agminis ducem, et insperatam Dei populo reddidit libertatem. Tantum potuit humilis castitas, » cujus mater fuit sobrietas.

Nota hic septem virtutes et dotes viduarum : *Septem dotes viduarum.*

prima est, filios et domum pie regere; *secunda*, parentes colere; *tertia*, mortuo marito, sperare in Deum; *quarta*, instare orationi; *quinta*, fugere delicias; *sexta*, esse irreprehensibiles; *septima*, piis operibus se dedere, maxime hospitalitatis et misericordiæ, ut ait vers. 10. Talis fuit Anna prophetissa, *Lucæ* II : « Cujus diversorium, inquit S. Ambrosius, lib. *De Viduis*, erat in templo, colloquium in prece, vita in jejunio. » Talis fuit et Judith; vide Ambrosium ibidem, et Augustinum, lib. *De Bono viduitatis*. Talis etiam vidua fuit S. Paula Romana, Blesilla, Melania, ut patet earum Vita apud S. Hieronymum. Talis vidua fuit Euphrasia Romana, quæ juvencula nobilis et potens, mortuo marito, cum ab imperatore urgere-
Illustrationum exempla. tur ad secundas nuptias, omnibus abdicatis, secessit in Thebaidem, ibique in sancta viduitate inter Sanctos vixit et mortua est. Talis fuit et Constantia, filia Constantini Imperatoris, quæ Gallicano marito, duci totius exercitus, persuasit, non tantum fidem Christi, sed et continentiam, cujus et votum uterque nuncupavit; unde ipse se totum pauperum ministeriis addixit, et sub Juliano Apostata gloriosum martyrium consummavit. Talis fuit S. Elisabeth, filia regis Hungariæ, quæ juvencula, marito mortuo, totam se addixit curæ pauperum et ægrotorum. Talis fuit S. Brigida, vidua nobilissima, quæ totam se peregrinationi ad loca sancta addixit, Romam et Hierosolimam adiit, multa monasteria fundavit, multaque alia heroica opera perfecit. Talis fuit Olympia, quæ Nebridio marito, præfecto urbis Constantinopolitanæ, secundo conjugii anno mortuo, juvencula secundum maritum respuat. Cumque Theodosius Imperator eam plane conjungere vellet Elpidio cuidam, sibi congeneri, illa restitit, dixitque : « Imperator meus si voluisset me vitam transigere cum viro quopiam, utique non ademisset mihi primum conjugem : nunc eum adimens, matrimonii molestiis me extricavit; et suave continentiae jugum mihi imposuit, mentique meæ infudit. » Quare se totam addixit ministeriis templi, eleemosynis piisque operibus. Unde mire eam laudat S. Chrysostomus, de qua plura in fine vers. 10. Audi et alias illustres.

Marcella, Romana nobilissima, viro post nuptias septimo mense privata est. Cum eam Cerealis, Consul Romanus, propter ætatem et antiquitatem familiæ et insignem decorem corporis, ac morum temperantiam ambiciosius peteret, suasque jam grandis natu polliceretur divitias, et non quasi in uxorem, sed quasi in filiam vellet donationem transfundere, Albinaque mater tam clarum præsidium viduatæ domus ultro appeteret; illa res-

pondit : « Si vellem nubere, et non æternæ me cuperem pudicitiae dedicare, utique maritum quærerem, non hæreditatem. » Illoque mandante posse et senes diu vivere et juvenes cito mori, eleganter ludit : « Juvenis quidem potest cito mori, sed senex diu vivere non potest. » Quare vidua permanens pietati et Deo vacavit. Ita D. Hieronymus, in *Epitaph. Marcellæ*.

Galla, Symmachi Consulis Romani filia tradita marito, primo anno eo orбата est; cumque omnes eam urgerent ad secundas nuptias, etiam medici, dicentes, nisi nuberet, eam ob igneam complexionem contra naturam barbam habituram, quod et factum est, illa constans in viduitate permansit, neque hanc exterius deformitatem timuit, quæ interius cœlestis sponsi speciem amavit. Mox ergo ut ejus maritus defunctus est, abjecto sæculari habitu, ad omnipotens Dei servitium sese apud B. Petri ecclesiam monasterio tradidit, ibique multis annis simplicitati cordis et orationi dedita, larga indigentibus eleemosynarum opera impendit. Cumque omnipotens Deus perennem jam mercedem reddere ejus laboribus decrevisset, cancri ulcere in mamilla percussa est. Nocturno autem tempore ante lectum ejus duo candelabra lucere consueverant; quia videlicet amica lucis, non solum spirituales, sed etiam corporales tenebras odio habebat. Quæ dum nocte quadam ex hac eadem jaceret infirmitate fatigata, vidit B. Petrum Apostolum inter utraque candelabra ante suum lectum constitisse: nec perterrita timuit, sed ex amore sumens audaciam exultavit, eique dixit: « Quid est, Domine mi? dimissa sunt mihi peccata mea? » Cui ille benignissimo vultu, inclinato capite, annuit, dicens: « Dimissa. Veni. » Sed quia quamdam sanctionalem feminam in eodem monasterio præ cæteris diligebat, illico Galla subjunxit: « Rogo ut soror benedicta mecum veniat; » cui ille respondit: « Non, sed illa talis veniat tecum: hæc vero quam petis, die te erit trigesimo secutura. » His itaque expletis, visio Apostoli assistentis et colloquentis ei ablata est. At illa protinus cunctæ congregationis accivit matrem, eique quid viderit, quidve audierit, indicavit. Tertio autem die, cum ea quæ jussa fuerat sorore, defuncta est: illa vero quam ipsa poposcerat, die est trigesimo subsequuta. Ita S. Gregorius, lib. IV *Dialog.*, cap. XIII, anno 504; Fulgentius, epist. ad Gallam.

Anno Domini 814, ex hac vita migravit Clodoveus, Francorum rex, qui sepultus est Parisiis in basilica S. Petri Apostoli, quam ipse rex, hortante S. Genovefa virgine, a fundamentis cœpit erigere, ejusque uxor Clotildis perficiendam curavit. Ipsa autem regina post mortem viri sui Turones venit; ibique ad basilicam S. Martini deserviens cum summa pudicitia atque benignitate morata est omnibus diebus vitæ suæ, raro Parisios visitans. Ita Gregorius Turonensis, lib. II *Historiæ Francor.*, cap. ult.

Quirina, Laurentii Patriarchæ Veneti mater, clarissima genere mulier, anno ætatis 24 amisso viro, et quinque susceptis liberis; reliquam ætatem cælibem duxit, domum suam regens, ut Apostoli verbis utar, et filios in timore Dei et mandatis instituens, instans orationibus die ac nocte; et ne in deliciis mortua esset, catenam æream, quoad vixit, circa lumbos gestavit, jejuniis et vigiliis florentem ætatem castigans: præcipue vero in pauperes misericors et benefica, ut quæ ad eleemosynas filios semper et verbo instrueret et exemplo. Ita Bernardus Justinianus in Vita S. Laurentii Justiniani.

De vidua a juvene rapta et miro modo ab eo liberata audi S. Augustinum ad *Dulcitium*: « Dicam, inquit, quod factum est in Mauritania Sitifensi: neque enim Deus sanctorum non ipse est etiam et nunc Deus. Viduam in proposito continentiae constitutam Celtichius quidam catechumenus juvenis rapuit, ut haberet uxorem. Antequam concumberet pressus somno, et territus somnio, Sitifensi Episcopo eandem vehementissime requirenti remisit intactam. Vivunt adhuc de quibus loquor. Ille baptizatus et ipso in se facto miraculo conversus ad Dominum, ad episcopatum mirabili probitate pervenit. Illa in sancta viduitate persistit.

Anno Domini 1024, Henrico II Imperatore defuncto et Bambergæ sepulto, prosecuta est animam ejus pia Imperatrix Cunegundis piis officiis postrema pie persolvens. Quamvis enim ejus obitu omnia oppleri turbis et misceri rumoribus contigisset, ipsa tamen animo constans, illud unum totis viribus conabatur, ut eleemosynarum largitate et orationum instantia beati conjugis anima Deo commendaretur. Ipsa vero Augusta anniversario die obitus Imperatoris, in monasterio a se erecto, in dedicatione ejus basilicæ, depositis ornamentis Imperatoriis, monasticum suscepit habitum, famulatura ejusdem loci monialibus: ubi ad obitum usque quindecim annis perseveravit. Quæ cum proxime jam moritura augustalia ornamenta ad pompam cadaveris parari videret, hæc dixisse fertur: « Amictus iste non est meus: auferte hinc, ornatus hic alienus est: istis terreno sponso et his cœlesti sponso sum copulata. Nuda de utero matris meæ egressa sum, nuda revertebar illuc. His miseræ carnis vilem materiam involvite, et corpus meum juxta tumulum fratris mei ac domini Henrici Imperatoris, quem me vocantem video, in proprio locello reponite. » Quibus jam dictis, in manus Domini spiritum commendans, migravit in cælum. Ita ex Adalberone Episcopo VI Trajectensi Baronius, tom. XI, anno 1024, 1025 et 1040.

Vis Gentiles? Viduæ Goenses sive Brachmanæ in more positum habent, dum ethnice vivunt, priori marito mortuo, quantumvis juveniculæ sint, alteri non nubere. Imo priusquam edicto regio vetitum esset, una cum maritorum cadaveribus sese cremandas tradebant. Modo vero post susceptum

christianismum nec colore candido vestiuntur, et caput perpetuo radunt. Ita *epist. Indic.* anno 1566.

Matrimonium laudant Sinenses in quo vir legitime unam sibi uxorem jungit, et in honore eam habent, quæ viduitatem colens, maritum secundum non ducit; eique Mandarinum præmia largiuntur et multas libertates ac privilegia concedunt, ut olim Vestalibus virginibus Romani. Ita P. Alexander Valignanus, Indiæ provinciæ Præpositus, in litteris anni 1588.

Vers. 8. 8. SI QUIS AUTEM, — *ἐἰ δὲ τις*, id est si qua, vidua scilicet, de viduis enim egit et agit: potest tamen cum Chrysostomo ad quemvis hominem extendi.

SUORUM, ET MAXIME DOMESTICORUM, CURAM NON HABET (ut tam corporis, quam animæ saluti provideat), FIDEM NEGAVIT, — non verbo, sed factis et opere; Deus enim ipsaque fides dicit et dictat illud *Isaiæ*, LVIII, 7: « Carnem tuam ne despexeris. » Qui ergo suos negligit, videtur fidem et christianismi famam negligere, esseque causa cur infideles blasphemant Christum et Christianos. « Quam late, ait Chrysostomus, patet detractio loci dicentibus Gentibus, Christianos sine affectione esse, qui despiciant suos! Quam enim turpe est te extraneos docere, et tuos in errore relinquare! (1) »

ET EST INFIDELI DETERIOR. — Infideles enim naturali instinctu et pietate suorum curam gerunt: hic enim est ordo charitatis, etiam naturalis, ut domesticis præ externis prospiciamus (2).

Vers. 9. 9. VIDUA ELIGATUR NON MINUS SEXAGINTA ANNORUM. — Quæritur, an de communi qualibet vidua loquatur Apostolus, an vero de ea quæ eligenda sit in præfectam cæterarum?

Respondet *primo*, S. Chrysostomus, Theophylactus, Oecumenius, Ambrosius et Hieronymus, *epist. ad Salvinam*, Apostolum loqui non de præfecta, sed de communi vidua, *q. d.* Quælibet vidua, ut eligi et referri possit in cœtum et catalogum (hoc enim significat Græcum *καταλέγισθω*) viduarum Ecclesiasticarum, quæ quasi moniales erant, vovebantque castitatem, erantque sub cura et obedientia Episcopi, atque ab Ecclesia alebantur, ut dixi *vers. 3*, quælibet, inquam, harum sit sexaginta annorum. Tantam ætatem in his exigit Apostolus *primo*, quia, ut Hieronymus supra, juniores suis manibus laborando sibi victum comparare possunt. Vult ergo eas id facere, ut aliæ seniores, quæ labore suo vivere non possunt, ali possint ab Ecclesia, quæ omnes alere non potest, tum præsertim cum exigua erat et pauper. Rursum, ut Chrysostomus, quia juniores inconstantes sunt, expertusque erat Paulus nonnullas ex eis post votum castitatis iniisse secundas nup-

tias cum scandalo et dedecore Ecclesiæ, ac perniciæ animæ suæ. Vult ergo seniores eligi, quarum probata castitas, virtus et constantia Ecclesiæ sit honori: ne, si secus fiat, Ethnici blasphemant Christum et Ecclesiam.

Secundo alii, ut Epiphanius, *hæresi Collyridianorum*, et Tertullianus, lib. I *ad Uxorem*, cap. VI, Baronius anno Christi 34, imo et Beza, intelligunt hæc de vidua non quavis, sed primaria, scilicet quæ aliis consilio et auxilio præsit, aut quæ sit diaconissa. Hoc enim *primo*, significat vox *eligatur*, scilicet una e multis, quæ cæteris dignior iisque præponenda, ut Græcum *καταλέγισθω* sumatur pro *ἐκλεγέσθω*, id est eligatur, ut vertit Noster. *Secundo*, id probatur ex eo quod velit eam esse sexaginta annorum: nec enim credibile est Apostolum voluisse viduas omnes quæ necdum sexagesimum annum attigerant, cœtu viduarum aut alimonia Ecclesiæ excludere, multo minus voluisse omnes illas nubere: agit ergo de diaconissa. Unde et jure civili, lib. XXVII *De Episcopis* in Cod. Theodosii, præscribitur, ut diaconissa sit sexagenaria: quanquam postea, crescente numero fidelium, hoc mitigatum sit; nam Concilium Chalcedonense, *canon. 14*, et Wormatiense, *canon. 73*, tantum requirunt in diaconissa, ut sit quadragenaria. *Tertio*, quia ad hanc, quam vult eligi, tam multa requirit, quæ merito a præfecta, non autem a communi quavis vidua quis requiratur.

Verum puto utramque sententiam posse conciliari et utramque hic locum habere.

Pro quo nota, non loqui Apostolum de viduis privatis et quibuslibet, sed de collegio et quasi monasterio viduarum, quod institutum erat ad Ecclesiam adjuvandam, præsertim in cura, institutione et disciplina aliarum sive virginum, sive mulierum. Quælibet ergo ex hisce viduis erat quasi diaconissa, ita ut, partitis inter se curis et operis, hæc viduæ omnium feminarum curam habere, singulisque intendere possent. Quamlibet ergo ex hisce Apostolus vult esse sexaginta annorum, nec quampiam ad hunc earum cœtum, quem dixi, admitti (hoc enim significat Græcum *καταλέγισθω*) nisi sexagenaria sit. De talibus enim selectis primariis viduis, quæ sua cura et charitate alias feminas dirigerent, loqui Apostolum, colligitur ex eo, quod tantam bonorum operum, præsertim charitatis et misericordiæ, probationem et exercitationem ab eis requiratur: « Si, inquit, hospitio recepit, si pedes sanctorum lavit, si tribulationem patientibus subministravit, si omne opus bonum subsecuta est. » Hæc enim a communibus viduis, etiam religiosis, nemo requireret, sed tantum ab eis quæ aliis præficeri, vel aliorum, præsertim pauperum vel ægrotorum, curam suscipere debent: quales has viduas fuisse est verisimile, et verbis jam dictis satis innuit Apostolus. Idem colligi potest *Act. VI*, ubi, ob murmur Græcorum, in locum viduarum, quæ præerant mensis et elemosynis, electi sunt diaconi, qui id muneris obirent:

Epiphanius patet Apostolum agere tantum de diaconissa.

Auctor conciliat utramque sententiam.

Vers. 9.
An de qualibet vidua hic agat Apostolus? Affirmant S. Chrysostomus et Hieronymus.

(1) Graviter accusat Paulus liberos et nepotes divites, qui sinebant Ecclesiæ oneri esse eos, quos ipsi alere debebant.

(2) Galgacus apud Tacitum: « Liberos cuique ac propinquos natura carissimos esse voluit. »

ita tamen ut viduæ ab hac cura præsertim circa mulieres non omnino excluderentur, sed diaconos haberent præsidēs, quibus ipsæ subservirent. Hæ viduæ postea vocatæ sunt, vel certe in harum locum successerunt, diaconissæ.

Diaconissarum tria erant officia. Diaconissarum autem tria maxime erant munia, ut colligitur ex Epiphanio, *hæresi* 79, et Clemente, *lib. III Constit.*, cap. xv.

Primum. *Primum*, laicæ erant, nec ordinatione ulla consecrabantur, sed præerant foribus templi, iis scilicet quibus feminæ in templum ingrediebantur; sicut enim feminæ in templo locum habebant a viris distinctum, ita habebant et fores distinctas. Unde S. Ignatius, epist. *ad Antiochenos*, diaconissas vocat vestibulorum custodes.

Secundum. *Secundum*, tempore persecutionum, cum ob pericula, vel ob suspiciones infidelium, ad mulieres mitti non posset diaconus, mittebatur diaconissa, ut consilia, exhortationes, mandata Episcopi vel Parochi perferret, utque fidei in fide roboraret, et in persecutione, paupertate, morbo aliisque ærumnis solaretur et adjuvaret.

Tertium. *Tertium*, præerat baptismo mulierum, easque nudabat; idem faciebat in earumdem unctione. Rursum, cum Episcopus ungeret in Confirmatione frontes mulierum oleo sancto, diaconissa eas abstergebat. Ita Epiphanius supra, Clemens, *lib. III Constit.*, cap. xv, et alii. Denique corpora mulierum cum moriebantur, lavabat et componebat ad sepulturam, ut ex Epiphanio et aliis colligitur.

Hæ diaconissæ fuerunt diu in Ecclesia Græca, non autem Latina; nam Latini statim eas abolerunt, ut patet ex Concilio Aurelianensi II, *can. 17*, et aliis; unde et earum apud Latinos vix est mentio. Perperam ergo Calvinus docet Apostolum hic tantum probare vota continentiae facta a sexagenariis. Imprimis enim Apostolus non loquitur de virginibus, ut recte annotavit Chrysostomus, sed viduis, in quibus ob experientiam et consuetudinem conjugii difficilior et periculosior est castitas. Rursum, non loquitur de quibusvis viduis, sed de Ecclesiasticis tantum, quæ quasi diaconissæ cæteris præesse instar matrum debebant, uti fatetur Beza; ac consequenter non loquitur de admissione ad votum continentiae, sed de admissione ad collegium hoc viduarum, quod non nisi gravissimis, annosissimis, lectissimis matronis constabat. Sed de hoc plura vers. 14.

Quendam unius viri uxorem? QUÆ (vidua) FUERIT UNIUS VIRI UXOR. — Beza sic explicat, *q. d.* Quæ simul non habuerit plures maritos, aut quæ suum maritum non repudiavit adhærens alteri, id est quæ non sit adultera; quia, inquit, secundæ nuptiæ sanctæ sunt; ergo propter eas nemo arcendus est ordine. Sed hæc explicatio ita inaudita est, ut non tantum, vel ipsomet Beza teste, sit contra omnes Patres, sed etiam contra Calvinum, quem Beza agnoscit suum magistrum, nec aliter compellare solet quam doctissimum interpretem. Nam omnes doctores tam veteres quam moderni, quam etiam Calvinus hic, univiram ab-

solute, id est quæ secundas post mortem mariti non inierat nuptias, ut bivira, aut digama dici non possit, ab Apostolo significari et requiri intelligunt.

Probat id Calvinus ex eo, quod Apostolus dicat, non, Quæ sit, sed, « Quæ fuerit unius viri uxor. » Quid enim hoc est dicere aliud, quam quæ tota vita non habuerit nisi unum virum? Hoc enim merito a tali vidua, quæ aliis præsit, quasi argumentum insignis continentiae et castitatis, exigit Apostolus. Nam ab aliis omnibus feminis conjugatis requiritur jus naturæ et gentium, ut uni viro suo adhæreant, non alteri, id est ut non sint adulteræ. Hic autem ab hac vidua selecta peculiares dotes efflagitat Apostolus. Non ergo per « unius viri uxorem » intelligit eam, quæ non sit aut fuerit adultera, sed quæ unas tantum cum uno inierit nuptias: hæc enim est dos viduæ continentis, etiam iudicio Gentilium, de qua laudatur Judith, cap. xv, vers. 14, quod scilicet fuerit univira, non bivira. Audi Didonem, *lib. IV Æneidos*, se univiram viduam deprædicantem:

Ille meos, primus qui me sibi junxit, amores
Abstulit, ille habeat secum servetque sepulcro:

Univira
a Gentilibus lau-
data.

« Si communi lege naturæ, inquit Hieronymus *ad Salvinam*, damnat Gentilis vidua omnes voluptates, quid expectandum est a vidua Christiana, quæ pudicitiam suam non solum ei dat qui defunctus est, sed et ei cum quo regnatura est? »

Hinc patet eodem sensu exegisse Apostolum vers. 2, cap. III, ab Episcopo, ut sit « unius uxoris vir, » scilicet ut Episcopus talis sit, qui unam tantum tota vita habuerit uxorem. Negat id Calvinus, vultque alio sensu hic viduam dici unius viri uxorem, alio vero sensu dici Episcopum unius uxoris virum, scilicet viduam proprie dici univiram, quæ non nisi semel uni viro nupsit; Episcopum vero dici unius uxoris virum, qui simul plures non habuerit uxores, etiamsi successive plures habuerit. Probat id, quia Apostolus de vidua dicit in præterito: « Quæ fuerit unius viri uxor, » de Episcopo vero dicit, in præsentem: « Oportet Episcopum unius uxoris esse virum. » Sed hoc est distorquere verba Apostoli. Quis enim non videt utrobique eandem esse phrasim, ac consequenter eandem sententiam et sensum? Cum enim in conjugio utriuslibet conjugis par sit jus et vinculum, pari prorsus sensu est et dicitur, « unius uxoris vir, » atque « unius viri uxor, » sive addas *est* in præsentem, sive *fuit* in præterito. Hæc enim verba rem et phrasim non mutant, sed tantum tempus rei denotant. Perinde enim est ac si dicam, *est* monogamus, vel *fuit* monogamus, ubi idem intelligo per *monogamus*, sive dicam *est*, sive *fuit*. Rursum, quis non videt majorem castitatem requiri a viro, eoque Episcopo, quam a femina, eaque vidua?

Ad argumentum ejus respondeo, Apostolum de Episcopo loqui in præsentem, non quod velit in

præsenti Episcopum esse conjugatum cum una uxore. Quid, si enim viduus esset aut cælebs, an ideo ineptus esset ac non aptior ad episcopatum? Sed quod per præsens statum Episcopi præsensem significet, nimirum debere eum esse monogamum, ita ut non sit digamus, id est, ut cum secunda uxore secundas nuptias nunquam contraxerit; id clare significant verba Apostoli; sic enim ait: « Oportet Episcopum irreprehensibilem esse, unius uxoris virum, sobrium, prudentem. » Ubi τὸ *unius uxoris virum* est epithetum per se subsistens, æque ac hic « unius viri uxor; » significat enim utrumque debere esse monogamum. Dices: Cur ergo de vidua hic dicitur *fuit*, ibi vero de Episcopo dicitur *est*? Respondeo, quia vidua, cum sit viro viduata et orbata, non est, sed fuit unius viri uxor. Episcopus vero in præsenti poterat esse unius uxoris vir: vivente enim uxore poterat eligi, et de facto tunc sæpe eligebatur ad episcopatum, ut de eo dici posset: Hic Episcopus in præsenti est unius uxoris vir. Plura de hoc loco dixi cap. III, vers. 2.

Vers. 10.

10. SI FILIOS EDUCAVIT, — per se et ad pietatem. Perstringit enim matres quæ filios quos gignunt, aliis tradunt educandos, aut certe rite et ad pietatem eos non educant. Sub filiis et filiis intelligo: græce enim est *ἐκτρέφουσιν*, id est, si proles educavit.

SI HOSPITIO RECEPIT, — εἰ ἐξενδύχησεν, id est, si fuit hospitalis, in peregrinis scilicet et pauperibus hospitio excipiendis.

SI SANCTORUM PEDES LAVIT. — « Sanctorum, » id est Christianorum peregre venientium. Hinc patet priscum esse morem, ut advenis ex itinere fessis pedes laventur. Idem fecit Abraham, *Gen. XVIII, 4*, et Abigail, *I Reg. XXV, 41*, et Magdalena Christo, *Lucæ VII*, et Christus discipulis suis in ultima cæna. « Cum enim, ait Augustinus, tract. 53 in *Joan.*, ad pedes fratrum inclinatur corpus, etiam corde ipso vel excitatur, vel, si jam inerat, confirmatur pius humilitatis affectus. » Sub hoc sordido et servili præ aliis officio reliqua charitatis et humilitatis obsequia intelligit Paulus, vultque ut illa ipsa præstet vidua perse, non per ancillas, inquit Chrysostomus, qui, *hom. 14*, accommodat hæc Religiosis: illos enim esse sanctos, qui se totos Deo dicarunt. Unde ad eos fovendos et colendos hortatur divites, dicens: « Perge, quære, hospitio suscipe, accede, tange sacros pedes; longe honorabilius est illorum pedes quam aliorum caput attingere: nam si statuarum pedes plerique tenent quod effigiem habeant regiam, tu illi, qui Christum ipsum in se habet, pedes non tenebis, ut salvus fias? Sancti sunt pedes, etiamsi viles sunt. At vero profanorum ne caput quidem honorabile. » Tales tempore S. Chrysostomi, ut habetur in ejus Vita, fuerunt nobilitate et sanctitate illustres feminae et diaconissæ, Procula, Pentadia, Sylvanias.

Priscus
mos hos-
pitibus
lavandi
pedes.

SI OMNE OPUS BONUM SUBSECUTA EST. — S. Hiero-

XXX.

nymus, in cap. VIII *Zachariæ*, legit, *prosecuta est*, id est, ut Syrus et Vatablus, si in omni opere bono fuit assidua, si omne opus bonum est consecrata. Notanter vero dicit *ἐπὶ παντὶ ἔργῳ*, id est, *subsecuta est*, non autem *operata*, quia sæpe deest facultas operis pii exequendi. Requirit ergo Apostolus, ut saltem non desit pia voluntas et conatus, quo bonum opus prosequatur, aut potius quo illud ipsum opus quasi antecedens et antecurrens subsequatur; utque alteri bene operanti, inquit Theophylactus, subserviat, in quovis bono opere comitem se adjungat: uti videmus pias et zelosas mulieres omnia venari et sectari pietatis opera, et omnibus se immiscere et manum admovere.

Accipite, o viduæ, accipite et virgines, rarum et illustre harum virtutum speculum quod quotidie intueamini, S. Olympiadem nobilissimam et opulentissimam matronam, quæ in conjugio virgo permansit, mortuo marito vitam supra sexum admirabilem egit. Narrat eam paucis Palladius in *Lausiaca*, cap. CXLIV. Imprimis opes quas habebat maximas, in pauperes omnis generis et ubivis locorum assidue erogabat. « Non rus, ait, non solitudo mansit expers largitionum hujus inclytæ virginis: sed et ecclesiis suppeditavit ad donaria deputata sacrificio, et monasteriis, et cœnobiis, et xenotrophiis, et custodiis, et relegatis; et, ut semel dicam, in omnem orbem terræ dispersit eleemosynas. » Deinde ejus humilitatem, charitatem, continentiam narrat: « Hæc beata processit usque ad extremum terminum humilitatis, ultra quem nihil possit inveniri amplius. Vita sine ulla inani gloria, species nequaquam ficta, benigni mores, facies non fucata, corpus florens, mens non gloriosa, animus ab arrogantia alienus, cor minime turbulentum, somni expers vigilia, spiritus non curiosus, charitas immensa, quæ comprehendere non potest communicatio, vilis et contempta vestis, infinita continentia, recta cogitatio, in Deum spes æterna, cum eleemosyna quæ non potest narrari, ornamentum omnium humilium: cui multæ sunt accensæ tentationes ex operatione ejus qui est sua sponte malus et omnis boni expers, nempe dæmonis; quæ pro veritate non parva adiit certamina; quæ et diu affatim vixit in immensis lacrymis, omni humanæ naturæ subjecta propter Dominum: cum omni pietate sanctis subdita Episcopis, venerans presbyteratum, honorans clericum, reverens exercitationem, suscipiens virginitatem. » Adhæc ejus opera misericordiæ erga omnes ita recenset: « Erat opem ferens viduitati, curam gerens orbitatis, protegens senectutem, ægrotos invisens, peccatorum miserans, errantes in viam reducens, in omnes utens misericordia, profuse autem in pauperes, multisque infidelium in catechesi institutis uxoribus, etiam ad victum eis ferens auxilium, semper memorabile nomen benignitatis reliquit per totam vitam. A servitute in libertatem innumerabilium servorum restituens examina, reddidit eos honore æquales suæ nobi-

Rara vir-
tutum S.
Olympia-
dis
exempla.

litati, vel potius, si vere dicere oporteat, facti sunt hæc sancta habitu nobiliores. » Post hæc ejus paupertatem, mansuetudinem et lacrymas refert : « Neque enim ejus indumentis inveniri potuit quidquam vilius; nam iis etiam qui sunt pannis valde obsiti, indigna erant hujus sanctæ tegumenta. Tanta autem erat ejus mansuetudo, ut etiam longe superaret simplicitatem ipsorum puerorum. Nulla vituperatio unquam inventa est apud hanc quæ Christum gestabat; sed omnis ejus vita non vitalis, erat in compunctione et frequenti profluvio lacrymarum : et potius videre licebat fonti æstate sua deficere fluentia, quam hujus non sublimibus et Christum semper videntibus oculis lacrymas deficere. Et quid in his immoror? quo enim magis meus versabitur animus in duræ instar saxi animæ narrandis certaminibus et virtutibus, eo magis invenientur verba a factis remotiora. Nec me existimet aliquis hæc splendide et magnifice colligere de hac vel maxime impatibili, et perquirere reliquias totius Olympiadis, quæ fuit pretiosum vas Sancti Spiritus : sed qui his oculis viderim hujus beatæ vitam et angelicam institutionem. » Atque hæc omnia præstabat morbis afflicta. Denique Olympias calumnias, bonorum spoliationem et exilium, eo quod faveret S. Joanni Chrysostomo, ab æmulis ejus forlitter sustinuit, et cum Chrysostomo quasi martyrii lauream adeptæ est, uti videre est apud S. Chrysostomum, *epist.* 5, quæ est consolatoria ad eam scripta, et apud Baronium anno Christi 404. Quenam vidua, quænam virgo amore virtutis incensa, hæc legens non confundatur? non compungatur? non accendatur ad sanctam heroinæ hujus æmulationem?

Vers. 11. 11. ADOLESCENTIORES (νεωτέραι, id est juniores) AUTEM VIDUAS DEVITA, — παρατρέψ, id est rejice, ne in collegium viduarum Deo dicatarum, quæ ab Ecclesia aluntur, admittas : hoc enim tantum matronis gravibus et plene probatis constare volo, quæ Ecclesiæ sint honori, et omnibus exemplo ac ædificationi. Juniores autem leviores sunt et magis mutabiles, adeoque expertus sum nonnullas, postquam ad castitatis professionem et collegium hoc viduarum admissæ fuerunt, resiliisse et nuptias ambivisse; nolo ergo deinceps juniores admitti. Patet ex sequentibus, et ex vers. 9.

CUM ENIM LUXURIATÆ FUERINT IN CHRISTO, NUBERE VOLUNT. — « Luxuriatæ, » id est fornicatæ, inquit Hieronymus ad Gerontiam, *q. d.* Cum viduæ hæc cœperint sectari amasios, cum eisque occulte fornicari, tandem publice et palam nubere volunt, idque in Christi injuriam, cui per votum castitatis jam ante se desponderant. Verum Græcum κατασφηνιάσαι proprie non significat fornicari, sed se bene pascere, indeque hilarius quam decet exultare, lascivire, ac tandem ferocire, omneque jugum excutere. Nam σφηνῖν est luxuriari, id est lascivire, deliciari, *Apoc.* XVIII, 7; inde ἀποσφηνιάω dicitur ἀπὸ τοῦ σφενὶ καὶ ἀποσπῆν τὰς ἰντίας, id est ab

excutiendo frenos. Sumpta est metaphora a jumentis, quæ dum pabulo bene saginata sunt, ferociunt, avellunt habenas et suo opte arbitrio feruntur. Sensus ergo est : Viduæ hæc juniores cum in domo Dei ab Ecclesia bene alitæ et pastæ fuerint, quasi vituli saginati recalcitrant et Christi jugum ac professionem castitatis excutiant, ac ruptis votis, quasi vinculis, nubere volunt : « idque in Christo, » id est in Christi injuriam. Vox ergo « luxuriatæ » non libidinem, sed luxum deliciarum hic significat. Unde Cyprianus, lib. III, *Testim.* LXXIV, ad Quirinum, legit, « cum indeliciatæ fuerint in Christo. »

Rursum Tertullianus, lib. *De Monogamia*, hæc intelligit de spiritualibus deliciis Christi, puta oratione, consolationibus internis, Sacramentis, verbo Dei, etc., *q. d.* Apostolus : Cum tales viduæ se consecraverint Christo, illiusque deliciis spiritualibus usæ fuerint, eo impudentie deveniunt, ut carnales delicias experiri et nubere velint. Verum melius de corporalibus deliciis hæc accipiemus; illæ enim causa sunt cur nubere velint : venter enim mero æstuans despumat in libidinem. Secundus ergo sensus jam datus genuinus est; alludit enim Apostolus ad *Deuter.* XXXII, 13, ubi dicitur de Hebræorum populo : « Incrassatus est dilectus, et recalcitravit : incrassatus, impinguatus, dilatatus, dereliquit Deum factorem suum et recessit a Deo salutari suo. »

Ubi nota : Nonnulli τὸ in Christo explicant, ut idem sit quod in Christi deliciis. Quid τὸ in Christo?

Secundo, Haymo τὸ in Christo refert ad « nubere, » *q. d.* Nubere volunt in Christo, id est, viro Christiano, qui est in Christo. Verum dico, in Christo idem est quod in Christi injuriam; hoc enim significat Græcum κατὰ κατασφηνιάσαι inelusum, idque clare significat phrasis Græca : κατασφηνιάσαι τοῦ Χριστοῦ.

12. HABENTES DAMNATIONEM, QUIA PRIMAM FIDEM IRRITAM FECERUNT. — Pro damnationem græce est κριμα, quod Bucerus et ex eo Petrus Martyr vertunt, infamiam, vel accusationem coram hominibus, *q. d.* Hæc viduæ si nubant, non peccant quidem, subeunt tamen notam levitatis et inconstantiae, quod a viduitate quam publice amplexæ et quasi professæ sunt, resiliant ad conjugium.

Verum Græcum κριμα non significat infamiam, sed judicium condemnationis, itaque vertit non tantum noster Interpretes et Syrus, sed et omnes Patres Latini et Græci, quin et Calvinus, Beza, Erasmus, Lutherus; nam ita ubique κριμα pro judicio et damnatione accipit Paulus, ut patet *Rom.* III, 8; *Rom.* XIII, 2; *I Cor.* XI, 29; *Galat.* V, 10 et alibi. Refellitur. Primo.

Secundo, has viduas non tantum coram hominibus fuisse infames, sed et coram Deo reas et damnabiles, patet vers. 13, ubi ait : « Jam enim quædam conversæ sunt retro Satanam; » quia videlicet relicto Christo, cui per votum continentiae se desponderant, Satanam et Asmodæum, li-

Quid
κατα-
σφηνιά-
σαι?

Secundo.

bidinis et sacrilegarum nuptiarum incentorem secutæ sunt.

Tertio. *Tertio*, non est levitas, nec infamia, si a viduitate, in qua te ægre continere et caste vivere possis, imo fornicationi indulgeas, transeas ad conjugium; imo apud hæreticos laudabile est, a monachismo et votis continentiae publice Deo nuncupatis transire ad nuptias. Et tamen viduas has hic taxat Apostolus quasi infames, eo quod ad nuptias transeant, ut vult Bucerus: ergo viduæ hæ continentiam erant professæ eique per votum astrictæ, ideoque per nuptias fiebant infames; nec enim alia infamiæ causa hic fingi potest. Si enim liberæ erant, nec voto astrictæ, sine infamia nubere poterant: jam vero quia voverant castitatem, et tamen nubebant, ab Apostolo totaque Ecclesia judicabantur infames; ac consequenter judicio Apostoli et Ecclesiæ, pari ratione omnes monachi et monachæ, qui post professionem castitatis ad nuptias transeunt, judicantur infames. Vide quam judicium Apostoli judicio Novantium sit contrarium.

Quid sit primam fidem irritam facere? Respondet Lutherus, esse idem quod fieri infidelium.

Refellitur. *Primo.* Verum hoc imperite dicitur, *primo*, quia meretrices æque infames erant apud infideles atque apud fideles; sin ad conjugium transirent, æque laudabiles erant apud fideles atque apud infideles: si demas votum, uti demit Lutherus et Novantes, qui negant has viduas fecisse vota continentiae. Non ergo infamiam vitabant illæ redeundo ad paganismum, ac consequenter infamiæ declinandæ studium non poterat eas impellere ad paganismum.

Secundo. *Secundo*, non infidelitatem earum, sed nuptias post votum continentiae hic taxat Apostolus: «Cum, inquit, luxuriatæ fuerint in Christo, nubere volunt, habentes damnationem, quia primam fidem irritam fecerunt.» Ergo hoc ipso quo nubunt, habent damnationem et primam fidem irritam faciunt. Tò enim habentes damnationem cohæret cum nubere volunt, ejusque est effectus et sequela.

Secundo. Respondet *secundo* Calvinus, «fidem» hanc fuisse promissionem continentiae factam non Deo, sed Ecclesiæ; hanc enim a viduis tacite et indirecte exegisse Ecclesiam, viduasque eandem præstitisse, ut eo expeditius in ea ministrarent, quo magis a marito erant solutæ et liberæ: sicuti ancillæ dum dominis suis se elocant, tacite promittunt se interim non nupturas; nec enim simul marito et hero servire possunt. «Non edebant, inquit Calvinus, in veteri instituto directum conti-

nentiae votum, quasi minus Deo placeret vita conjugalis; sed tantum quatenus exigebat functio ad quam eligebantur hæ viduæ, conjugii vinculo se in totam vitam solvebant.»

Verum hinc sequitur *primo*, licere exigere et promittere continentiam Ecclesiæ, tacite saltem et indirecte; si id licet tacite et indirecte, cur non etiam liceat directe et expresse? Rursum, si Ecclesiæ licite exegit a viduis promissionem continentiae, cur non potiori jure exigat a sacerdotibus? Quid ergo cælibatum sacerdotibus indictum tyrannidem esse Ecclesiæ occlamat Calvinus cum suis?

Refellitur. *Primo.*

Secundo, si licet promittere continentiam Ecclesiæ ad expeditius illi serviendum, ergo eadem de causa eandem licebit promittere Deo, sive vovere; et si viduæ quæ promissionem hanc Ecclesiæ factam violant, damnabuntur: ergo multo magis qui fidem Deo datam, puta votum suum, violant, damnabuntur.

Secunde

Dices: Tò habentes damnationem referendum est non ad «nubere volunt,» sed ad «cum luxuriatæ,» id est fornicatæ «fuerint,» q. d. Apostolus: Hæ viduæ damnabuntur non propter nuptias, sed propter fornicationem. Sed hoc dici non potest: *Primo*, quia, ut dixi, «luxuriatæ» non significat viduas has fuisse fornicatas, sed delicias et lascivisse in deliciis: hoc autem non est peccatum mortale, nec damnabile, nisi eo usque prosiliat quis, ut contra votum nubere velit, idque fateatur hic Bullingerus.

Objectio.

Secundo, esto fuissent fornicatæ, illa fornicatio jam præterierat, et pœnitentia ac conjugio, vel voluntate et proposito conjugii emendata erat: ideo enim nubere volebant, quia scortationis eas pudebat et pœnitebat; ergo propter fornicationem non fuissent damnandæ: Apostolus autem in præsentia ait: «Habentes damnationem;» ergo propter præsentem nuptias in præsentia erant damnabiles, non autem propter præteritam scortationem, a qua jam resipuerant per initas nuptias. Nam sicut inepte diceretur de fornicaria, idololatra, usurario jam pœnitente: Hæc puella, quæ fornicata fuit et jam pœnitens fornicationis nubere vult, damnationem habet eo quod fornicata fuit: Hic idololatra conversus et Christo initiari volens, damnationem habet, quia coluit idola: Hic usurarius jam resipiscens et volens restituere usuras et juste vivere, damnationem habet, quia asuras exercuit, cum potius dicendum sit: Hæc puella olim fornicata, sed jam se emendare et nubere volens, hoc ipso a damnatione sua recedit: Hic idololatra, usurarius convertens se ad Christum, vel justitiam, recedit a peccato, et consequenter a damnatione. Ita pariter inepte diceret hic Apostolus de viduis, quæ a fornicatione transire volebant ad nuptias honestas, quod, cum nubere volunt, damnationem habeant; imo debuisset dicere, eas a damnatione ad statum salutis se recipere.

Refutatur. *Primo.*

Secundo

Tertio. *Tertio*, id aperte repugnat verbis Apostoli; dicit enim: « Habentes damnationem, » non quia luxuriatæ fuerunt, sed quia « primam fidem irritam fecerunt; » ergo non propter fornicationem, sed propter fidem, id est votum continentiae per nuptias violatum, damnationi sunt obnoxiae.

Fidem irritam facere est votum infringere. Respondeo itaque, et dico: Apostolus « fidem » hic intelligit Deo datam, sive promissionem Deo factam per votum continentiae. Hæc enim tam irritatur et infringitur nubendo, quam fornicando. Dicit ergo Apostolus viduas has damnationis esse reas, quia irritant votum continentiae Deo factum, hoc ipso quo volunt nubere. Unde Chrysostomus, Theophylactus, Oecumenius, « fidem » hanc interpretantur pactum; Ambrosius, professionem; Epiphanius, lib. II, *hæresi* 48, promissionem; Augustinus, votum; sic enim habet in *Psal.* XLV: « Quid est, inquit, primam fidem irritam fecerunt? Voverunt et non reddiderunt. » Similia habet lib. *De Bono Viduitatis*, cap. VIII et IX, et *De Adult. conjug.*, cap. XV et XXIV, ubi diserte ait: « In iis qui voverunt castitatem, non tantum capessere nuptias, sed nubere velle damnabile est. » Sic et Chrysostomus, Theophylactus, Oecumenius: « Primam fidem irritam fecerunt, » id est, inquit, pactum, quod cum Christo sponso fecerunt, violarunt. Eodem modo interpretantur hunc locum Theodoretus, Ambrosius, Fulgentius, *epistol.* 1; Clemens, I *Const.* III; Epiphanius, *hæresi* 61, alique Patres Græci et Latini: imo Concilium Carthaginense IV, *can.* 104, per primam fidem intelligit votum castitatis.

Nota, vocari hic ab Apostolo primam fidem non votum recens emissum, ut vult Ambrosius, *q. d.* Apostolus: Irritum fecerunt votum jam recens emissum, statim ab ipso voti primordio; sed « prima fides » vocatur votum quod primo Deo nuncuparunt. Dicitur « prima » respectu posterioris; quam cum marito homine inire volunt contra fidem primam Deo datam. Ita S. Augustinus, lib. *De Bono Viduit.*, cap. VIII, et Innocentius I, *epist.* 2, cap. XIII.

Nota secundo: Pro irritam fecerunt, græce est *ἠθένησαν*, quod secundo, cum Syro et Vatablo, verti potest, *repulerunt*, vel *rejecerunt*. Noster etiam recte vertit, *irritam fecerunt*. Sicut enim qui promissionem suam adimplet, eam ratam facit; ita qui non adimplet, eamdem irritam facit. Sic Num. XXX, 3, dicitur: « Si quis virorum votum Domino voverit, non faciet irritum verbum suum; sed omne quod promisit, implebit. » Sic Genes. XVII, 14, qui non circumciditur octavo die, dicitur irritum facere, id est, violare, pactum Domini. Sic *Psal.* LXXXVIII, 35, dicitur: « Quæ procedunt de labiis meis, non faciam irrita, » *q. d.* Quæ ore meo promisi, non negabo, aut revocabo; sed re ipsa præstabo et implebo.

Tempore Pauli in Hinc patet, tempore Christi et Apostolorum usitata fuisse in Ecclesia vota continentiae; eaque

quasi sancta, admissa fuisse a Paulo et Episcopis: nam, ut docet S. Thomas, II II, *Quæstion.* LXXXVIII, art. 6, opus ex voto factum melius est et Deo gratius illo quod sponte sine voto fit. Cuius ratio est, quia opus quod ex voto fit, non tantum elicitur a propria virtute, v. g. castitatis, cuius proprium est opus, sed etiam refertur ad nobiliorem virtutem, puta religionem, a qua imperatur: votum enim est pars quædam et actus virtutis religionis, quæ virtutum omnium moralium est nobilissima. Unde S. Augustinus, lib. *De Sancta Virgin.*, cap. VIII: « Neque, inquit, ipsa virginitas, quia virginitas est, sed quia Deo dicata est, honoratur: quæ licet in carne servetur, spiritus tamen religione ac devotione servatur, ac per hoc etiam virginitas corporis spiritualis est, quam vovet et servat continentia pietatis. » Et infra: « Honoratius in animi bonis illa continentia numeranda est, qua integritas carnis vovetur, consecratur, servatur. » Aliam rationem idem dat Augustinus, *epist.* 43 ad Armentarium: « Non te, inquit, vovisse poeniteat, imo gaude jam tibi non licere quod cum tuo detrimento licuisset. Aggredere itaque intrepidus, et dicta factis imple: ipse adjuvabit qui vota nostra expetit. Felix necessitas quæ ad meliora compellit! »

Tertiam rationem dat S. Anselmus, lib. *De Similitudinibus*, quod amplius sit dare arborem cum fructibus, quam solos fructus. Qui non vovet, solos dat fructus virtutum: qui vovet, dat etiam Deo arborem ipsam, scilicet voluntatem et libertatem suam, ut aliud quam vovit, nec velle, nec facere possit.

Horum votorum in monastica professione sacrum et quasi nuptialem ritum describit S. Dionysius Areopagita, *De Eccles. Hierar.*, cap. VI. Vide dicta II *Cor.* XI, 2. Unde S. Augustinus, lib. *De Bono Viduit.*, cap. XI; Cyprianus, *epist.* 62; Hieronymus, lib. I *Contra Iovinianum*, adulteras vocant et incusant eas, quæ post continentiae votum in continentia non vivunt; quia scilicet fidem datam Christo sponso, cui se consecrarunt et per votum quasi mystice nupserunt, violant. Quod intellige non quasi matrimonium, quod post votum inibant, fuerit irritum, adeoque fuerit adulterium, non matrimonium; sed quod illicite illud, sacrilege et cum gravi peccato mortali inirent. Nam S. Augustinus, lib. *De Bono Viduit.*, cap. IX, et *De Sancta Virgin.*, cap. XXXIV, expresse docet virgines, si post votum nubant, validum contrahere matrimonium. Posterioribus vero sæculis Ecclesia statuit, ut voto solemnī castitatis, quale faciunt monachi et Religiosi, dirimeretur matrimonium; ita ut, si monachus jam inire velit matrimonium, frustra id attentet, nec cum aliqua validum contrahere possit matrimonium. Quando hæc solemnitas voti cœperit esse impedimentum dirimens matrimonii, non adeo constat. Verisimile est diversis in locis diversis temporibus cœpisse, sed generatim a tota Ecclesia receptum esse

usuerant
vota continen-
tiæ.
Opus
quod fit
ex voto,
melius
est eo
quod fit
sponte;
cur?
Ratio
rima.

Secunda.

Tertia.

Qui vovet, dat Deo arborem cum fructibus.

Que vovet continentiam, sunt sponsæ Christi.

Olim votum continentie non irritabat matrimonium.

Quando hoc votum cœperit irritare matrimonium?

sub annum Domini 1139, quando sub Innocentio II, in Concilio Romano hoc impedimentum communi Episcoporum decreto sancitum et constitutum est.

Vers. 13. 13. SIMUL AUTEM ET OTIOSÆ DISCUNT CIRCUIRE DOMOS. — Dedit primam causam, cur adolescentiores viduas nolit admitti in cœtum viduarum quæ ab Ecclesia aluntur, scilicet quod, cum ab Ecclesia delicate habeantur, nubere velint : hic dat secundam, scilicet quod cum labore sibi victum parare non debeant, otio vacent, et otiose per domos oberrent ; hoc autem turpe est in feminis, maxime viduis. Unde Aristoteles, lib. V *Polit.*, asserit suo tempore in urbibus creatum fuisse præfectum, qui mulieribus intenderet, ne vagarentur, sed domi se continerent : et apud Sinas, inquit Magallianus, etiam hodie nervus pedis eliditur puellis, ne domo exeant.

Præfoc-
tus mu-
lierum,
ne vaga-
rentur
tempore
Aristote-
lis.

Nota de
Sinis.

Femina
est aliud
genus ho-
minum,
ait Plato.

Semper
occupari
debet.

NON SOLUM OTIOSÆ, SED ET VERBOSÆ (φιλόλογοι, id est nugaces, inepte loquaces, garrulæ) ET CURIOSÆ, LOQUENTES QUÆ NON OPORTET. — Nimirum ex otio sequuntur circumcursatio, garrulitas et curiositas, aliaque feminarum vitia, ut docet S. Augustinus, lib. *De Sancta Virg.*, cap. XXXIII. Nam, ut solenter dicit Plato, lib. VI *De Legibus*, femina aliud genus hominum est et differens, nobisque occultius et versutius natura propter imbecillitatem, atque ita minus ordinari potest : ut ergo ordinetur, congrue et perpetuo occupari debet. Hinc S. Hieronymus, epist. 7 ad *Lætam*, de *Instit. filæ*, ita præcipit : « Orationi lectio, lectioni succedat oratio ; breve videbitur tempus, quod tantis operum varietatibus occupatur. Discat et lanam facere, tenere colum, ponere in gremio calathum, rotare fusum, stamina pollice ducere, » etc. Atque illud est, quod in forti illa muliere laudat Salomon, *Proverb.* cap. XXXI, vers. 13 et 19, dicens : « Quæsit lanam et linum, et operata est consilio manuum suarum : manum suam misit ad fortia, et digiti ejus apprehenderunt fusum, stragulatam vestem fecit sibi, » etc.

Vers. 14. 14. VOLO ERGO JUNIORES NUBERE, FILIOS PROCREARE, MATRESFAMILIAS ESSE, NULLAM OCCASIONEM DARE ADVERSARIO MALEDICTI GRATIA. — Apostolus hic « non legem figit junioribus viduis, sed remedium ostendit, » inquit Augustinus, cap. VIII *De Bono Viduit.*, scilicet ut nubant cum est in eis periculum luxuriæ et incontinentiæ, uti præcessit. Ita S. Ambrosius, lib. *De Viduis* : « Pro remedio, inquit, nuptias suasit Paulus, ut peritura sanaretur, non pro electione præscripsit. » Unde S. Chrysostomus : « Volo, inquit, quia ipsæ volunt, et nupturiunt. » Et S. Hieronymus, epist. 11 ad *Agerucham* : « Non viduas vetat esse Paulus, sed adulteras ; quia melius est digamum esse, quam scortum. » Idem ad *Salvianum*, epist. 8 : « Cur, inquit, nuptias Paulus indulserit, statim subjecit : Jam quædam declinaverunt post Satanam. Ex quo intelligimus non stantibus coronam, sed jacentibus manum porrigere. Vide qualia sint secunda ma-

Apostolus
non
jubeat,
sed
suadet
junio-
res
nubere.

Pulchre
id docent
Patres.

trimonia, quæ lupanaribus præferuntur : quia declinaverunt quædam post Satanam. Ideo adolescentula vidua, quæ se non potest continere, vel non vult, maritum potius accipiat, quam diabolum. » Et Primasius : « Volo, inquit, id est concedo tales nubere, antequam promittant, quod non valent implere (1). »

Hinc patet primo, Apostolum loqui tantum de viduis, eisque liberis, nec voto astrictis, quibus non præcipit, sed indulget, et pro remedio incontinentiæ offert nuptias : alioqui enim damnaret omnes viduas juniores, quæ sponte sua magna animi constantia in cœlibatu et viduitate permanere constituerunt, quod nemo sanæ mentis dixerit, cum ipsa S. Scriptura laudet Annam prophetissam, quod postquam vixisset cum viro suo septem annis a virginitate sua, vidua permanserit usque ad annos 84, *Luc.* II, 36.

Apostolus
non
loquitur
de voto
astrictis.

Adde, Apostolum multarum inconstantiam expertum optasse, ut juniores passim nubarent : id significat vox illativa ergo, cum ait : « Volo ergo juniores nubere, » quia scilicet multæ cum luxuriatæ fuerint in Christo, nubere volunt. » Nam illas, quæ castitatem et constantiam suam satis probassent, maluit Apostolus continere et manere cœlibes, ut patet I *Corinth.* VII, 8 : « Dico, inquit, non nuptis et viduis : Bonum est illis, si sic permaneant sicut et ego. » Et addit : « Quod si non se continent, nubant. » Ne ergo Apostolus sibi hic sit contrarius, idem hic supplendum est hoc modo, volo juniores nubere, subaudi, si se non continent.

Sed de in-
constan-
tibus
quæ no-
lunt con-
tinere se.

Sic jam suademus puellis, præsertim levioribus et inexpertis, dicentes : Aut nube, aut te reclude, et vulgo dicimus : « Mulieri aut murus, aut maritus, » quia nimirum ob ætatis et sexus illius infirmitatem multis periculosum est privatim profiteri virginitatem domi suæ, cum inter juvenes aliasque libidinis illecebras assidue versentur : unde expedit eis, vel ut nubant marito, vel ut muro et claustro monasterii, si virginitatem vovere velint, se includant.

Mulier
aut mu-
rus, aut
maritus.

His tamen non obstantibus videmus sanctas et castissimas virgines, quæ occasiones omnes luxuriæ fugiunt, seque diu probarunt, et mentem plane in castitate confirmarunt, domi suæ puram et angelicam vitam agere : idque viri prudentes eis consulunt et laudant ; experientia enim docet, eas ita sine periculo pie admodum et sancte vivere ; ut, si virginitatem voveant, quod nonnullæ faciunt, facile cum Dei gratia eam præstare possint.

Hinc patet secundo, Apostolum non damnare adolescentularum vota, ut vult Calvinus, quando scilicet recte se probant, maxime in monasteriis, ubi reclusæ, et a mundo mundique illecebris ac tentationibus separatæ, annum jam habent pro-

Apostolus
non
damnare
vota ado-
lescentu-
larum.

(1) Ita et Rosenmullerus, qui ait : « Βούλομαι, volo, comparative sumendum est pro malo. »

probatur. bationis ac novitiatus, quem tempore Pauli non
 Primo. habebant; magistras insuper, orationes aliaque
 Secundo. adminicula continentiae. Unde et Concilium Tri-
 dentinum jubet eas ante professionem ab Epis-
 copo, vel Episcopi vicario examinari, an satis pro-
 bate et paratae sint; vetatque ne qua ad profes-
 sionem admittatur, quæ satis probata et parata
 reperta non fuerit. Pulchre S. Ambrosius, lib. III
De Velandis virginib.: « Non mireris, inquit, in
 adolescentulis professionem, cum legis in parvulis
 passionem; et de his scriptum est: Adolescentulæ
 dilexerunt te nimis. »

Theclam non se-
 nectus, sed vir-
 tus probavit.
 Tertio. Subdit Ambrosius, quod adolescentia et senectus,
 non in annis, sed in morum vel levitate, vel
 maturitate consistat. « Non ergo, inquit, ætas re-
 jicitur florentior, ubi morum est senecta. Theclam
 non senectus, sed virtus probavit. Ex ore infan-
 tium perfecisti laudem. »

Adde, Apostolum loqui de adolescentulis non
 virginibus, sed viduis, in quibus ob habitum con-
 jugii difficilius et periculosius est continentia, ut
 dixi ex Chrysostomo. Unde etiamnum in multis
 monasteriis virginum non admittuntur, vel ægre
 admodum viduæ, quia vix assurgunt ad purita-
 tem virginum, quin in verbis et gestibus conju-
 gem et conjugium redolect, et, si corruptis sint
 moribus, plurimas corrumpant.

Quarto. Denique Novantibus lapsus aliquarum exag-
 gerantibus respondeat S. Augustinus, epist. 137 ad
clerum et populum Hipponensem: « Si aliqua, in-
 quit, adulterata sit, nemo projicit uxorem suam,
 nemo matrem accusat; cum autem de Deo sacra-
 tis aliquid criminis falsi sonuerit, vel veri patue-
 rit, instant, satagunt, ambiunt ut de omnibus
 credatur. »

Confessarii ado-
 lescentulis potius
 menstrua quam
 perpetua conce-
 dant vo-
 ta. Moraliter, hoc consilium Apostoli sequantur
 confessarii, ut juvenculis, præcipue quæ domi
 inter suos degunt, vota præsertim perpetua
 continentiae non permittant, nisi diu et plane casti-
 tatem probarint: potius initio menstrua tantum,
 vel annua vota eis concedant, ut de mense in
 mensem, vel de anno in annum votum renovent
 et prolongent.

FILIOS PROCREARE. — Sub procreatione hic, uti
 et cap. II, vers. 15, etiam rectam educationem fi-
 liorum intelligit; hæc enim potissimus est finis
 et potissimum bonum matrimonii, « ut parentes
 filios suos ex membris primi hominis transferant
 in membra Christi, » inquit Augustinus, lib. I *De*
Nuptiis et concup., cap. IV.

MATRESFAMILIAS ESSE. — *οικονομοῦναι*, id est, do-
 mum sive familiam administrare et gubernare.
 Notat nomen matris, vel patrisfamilias, ancillæ et
 servos, qui sunt in familia, ab heris tractari de-
 bere quasi filios, ut solerter annotavit S. Augus-
 tinus, lib. XIX *De Civit.*, cap. XVI; imo et Gentilis
 Macrobius, lib. I *Saturn.*, cap. XI. Unde S. Hiero-
 nymus, ad *Cælantiam*: « Familiam tuam, inquit,
 ita rege et confove, ut te matrem magis tuorum,
 quam dominam videri velis; a quibus benigni-

tate potius quam severitate exige reverentiam. »

NULLAM OCCASIONEM DARE ADVERSARIO MALEDICTI
 GRATIA. — « Adversarium » intelligit hominem in-
 fidelem, vel potius diabolum: hic enim græce
 antonomastice cum articulo dicitur, ὁ ἀντικείμενος,
 id est, ille adversarius, qui scilicet homines om-
 nes suscitatur ut adversentur Ecclesiæ Christi. Id-
 que « maledicti gratia, » id est, ad Ecclesiæ ma-
 ledicendum: hoc enim significat Græcum λοιδορία
 χάριν. Secundo, τὸ χάριν, id est gratia, quasi redun-
 det, omisso, sic clare cum Syro veritas, nec adver-
 sario dare occasionem maledicentiae. Ne scilicet dia-
 bolus incitet infideles, si videant juniores viduas
 otiosas, vagas, adeoque impure viventes, ut ma-
 ledicant Ecclesiæ; hinc « volo eas nubere, » et in
 domus cura occupari, ut earum juvenilis inconsan-
 tantia matrimonii jugo astringatur, alligetur et
 firmetur, inquit Theophylactus.

15. JAM ENIM QUEDAM CONVERSE SUNT (Ambro- Vers. 15.
 sius legit, *deerraverunt*) RETRO SATANAM. — ὁπίσω
 τοῦ Σατανᾶ, id est post Satanam, q. d. Quædam
 relicto Christo, cui se per votum continentiae
 desponderant, secutæ sunt Satanam incontinentem
 libidinis omnisque peccati, dum contra votum
 nuptias hominum inierunt. Hic detegit Apostolus
 causam, cur velit juniores nubere, esse, non
 quod nuptiæ meliores sint et gratiores Deo; sed
 quod eis periculum foret ab incontinentia, in
 quam expertus erat multas juniores labi. Ita
 Theophylactus.

16. SI QUIS FIDELIS HABET VIDUAS, SUBMINISTRET Vers. 16.
 ILLIS, ET NON GRAVETUR ECCLESIA: UT IIS QUÆ VERE
 VIDUÆ SUNT, SUFFICIAT. — Græci, Chrysostomus,
 Theodoretus, Theophylactus, Œcumenius legunt,
 ἢ τις πιστὸς ἢ πιστή, id est, si quis fidelis, aut si qua
 fidelis. Noster sub masculino « si quis » comprehen-
 dit femininum « si qua, » q. d. Apostolus: Si quis
 Christianus paterfamilias, aut si qua Christiana
 materfamilias domi habet viduas, puta matrem,
 sororem, cognatam, jam grandævas, quæ suo
 labore victum sibi parare non possunt, alat eas
 sumptibus suis, et non gravet Ecclesiam, ut Ec-
 clesia possit alere eas quæ vere viduæ sunt, id
 est omni solatio et ope destitutæ sunt.

Nota: Pro *subministret* græce est *ἐπακροῖν*, id
 est sufficiat illis, scilicet non ad lasciviam, sed
 ad vitæ necessitatem et sufficientiam.

17. QUI BENE PRÆSENT PRESBYTERI, DUPLICI HO- Vers. 17.
 NORE DIGNI HABEANTUR: MAXIME QUI LABORANT IN
 VERBO ET DOCTRINA. — Transit a viduis ad pasto-
 res qui docent et prædicant verbum Dei, et hos
 magis quam illas ab Ecclesia alendos esse docet.

Unde nota primo: Per *presbyteros* intelligit tam
 Parochos, quam Episcopos. Secundo, per *hono-
 rem* non tantum accipit reverentiam, sed et sub-
 sidium ac alimoniam. Sic enim se explicat sub-
 dens: « Non alligabis os bovi trituranti; et: Digi-
 nus est operarius mercede sua. »

Quæres, quis sit duplex honor, quem Aposto- Quis du-
 lus presbyteris vult impendi? plex hon.

mor debi- Respondent *primo*, Ambrosius et Haymo, du-
tus pres- plicem honorem esse reverentiam et alimoniam.
byteris? *Secundo*, Chrysostomus duplicem accipit respectu
Respon- viduarum, quasi viduæ simplici honore, id est
deo alimonia; presbyteri vero duplici, id est duplo
Primo. majori, sustentandi sint. *Tertio*, optime idem
Secundo. Chrysostomus, Theophylactus et Theodoretus :
Tertio et « duplici, » inquit, id est multiplici, *q. d.* Pres-
optime : byteri multo, liberali et abundanti honore, id est
duplex, subsidio sustentationis præmientur. Vult enim
id est Apostolus Prælatos, doctores et prædicatores li-
multi- beraliter haberi, bene et copiose ali ac tractari :
plex. hi enim multum laborant, et si bene habeantur,
magis ac melius laborare, plusque fructus facere
possunt. Sic *Jeremiæ* xvii, 18, dicitur : « Duplici
(id est multiplici) contritione contere eos. » Et
Prov. xxxi, 21 : « Omnes domestici ejus vestiti
sunt duplicibus, » id est multas et copiosas ha-
bent vestes. Et *Isaiæ* xl, 2 : « Suscepit de manu
Domini duplicia, » *q. d.* Jerusalem plurima bona,
charismata et consolationem ex misericordia Dei
suscepit per Christum pro peccatis et pœnis pec-
catorum, quas merebatur. Denique *IV Reg. ii, 9*,
petit Elisæus Eliæ spiritum duplicem, id est mag-
num et vehementem, valde zelosum et magnorum
operum patratores. Idem jubet S. Clemens ex
doctrina Apostolorum, lib. II *Constitut. Apost.*,
cap. xxviii, ubi ita sancit : « Presbyteris, si assi-
due in studio docendi verbum Dei laboraverint,
seponatur dupla etiam portio in gratiam Aposto-
lorum Christi, quorum locum tenent, tanquam
consiliarii Episcopi et Ecclesiæ corona : sunt enim
consilium et senatus Ecclesiæ. »

Elisæus
petit
Eliæ spi-
ritum du-
plicem,
id est
magnum
et multi-
plicem.

Vers. 18.

18. Dicit enim Scriptura (*Deuter. xxv, 4*) : NON ALLIGABIS OS BOVI TRITURANTI. — Ad litteram jusserat hoc Dominus *Deuter. xxv*, ut bobus proprie dictis, quibus ad trituram utuntur Palestini, non clauderent os, quin de sua tritura possent comedere : sed per hos boves allegorice, ut explicat hic Paulus, intelligit Pastores, qui ut boves laborant in arca Domini, valido scilicet et vehementi labore, qualis est trituratorum, præsertim boum; ac consequenter edicit æquum esse, ut de hoc suo labore et tritura vivant et sustententur. Vide dicta *I Cor. ix, 9*.

DIGNUS EST OPERARIUS MERCEDE SUA. — Mercedem non proprie dictam, puta pretium aliquod temporale; sed sustentationem duntaxat intelligit. Nam concionari, Sacramenta aliaque spiritualia administrare pro mercede, id est pretio temporali, non licet : esset enim simonia. Gratis ergo hæc ministrant Pastores et tantum sustentationem exigunt, propriam mercedem in cœlo a Domino expectantes. Unde S. Augustinus, *serm. De Pastoribus*, cap. ii : « Accipiant, inquit, Pastores sustentationem necessitatis suæ a populo, mercedem vero dispensationis a Domino : non enim est idoneus populus reddere mercedem illis, qui sibi in charitate Evangelii serviunt. »

Paster
accipiat
sustenta-
tionem a
populo,
mercede
dem ex-
spectet a
Deo.

Nota : Hæc sustentatio dicitur « merces, » non

quasi detur et re ipsa sit pretium operi spirituali æquivalens; hoc enim non tantum simoniacum est, sed et falsum. Spiritualia enim nullo pretio temporali aestimari aut compensari possunt. Dicitur ergo hæc sustentatio « merces, » quia propter opus spirituale ex justitia debetur sacerdoti sustentatio, sicut hortulano propter laborem debetur merces diurna : sed hoc discrimine, quod hortulanus recipiat eam ut pretium æquivalens, sacerdos vero eam recipit quasi aliquid longe minus et vilius suo opere, nec ut operis sui pretium (opus enim spiritale omne pretium temporale transcendit, nec ullo tali pretio aestimabile est), sed tantum ut sustentationem, ex justitia tamen operi suo debitam : nam sine sustentatione opus suum spirituale obire nequit.

Adde, multi theologi docent, pro labore non tantum prævio vel extrinseco, ut pro cantu in Officio divino, pro itinere quod subit sacerdos ut in pago, aut alio loco celebret et concionetur; sed etiam pro intrinseco labore, puta pro fatigatione et molestia quam subit in docendo, concionando, confessiones audiendo, etc., posse sacerdotem recipere mercedem, quasi pretium non operis spiritualis, sed laboris, occupationis et fatigationis suæ. Ita Adrianus quodlib. IX, art. 1; Bonaventura, in 4, dist. 23, *Quæst. ult. de simonia*; Richardus eadem dist., art. 3, *Quæst. II. Sed de hoc alibi.*

19. ADVERSUS PRESBYTERUM ACCUSATIONEM NOLI RECIPERE, NISI SUB DUOBUS AUT TRIBUS TESTIBUS. — Præscribit hic Timotheo Episcopo quomodo se gerere debeat in dijudicandis causis forensibus. Unde patet Episcopos tunc fuisse judices.

Nota : Per *presbyterum* Chrysostomus, Theophylactus et Œcumenius accipiunt seniores, ut presbyter hic sit nomen non ordinis, sed ætatis. Verum ordinis esse nomen patet ex vers. præced.; significat ergo « presbyter » hic tum Episcopum, ut explicat Ambrosius, Theodoretus, Primasius, tum sacerdotem, ut explicat Epiphanius, *hæresi* 57, et alii. Ne quis ergo presbytero invidens suum gradum et ordinem, illi calumniam struat, eumque criminis alicujus accuset, audiri eum non vult, nisi id probet duobus aut tribus testibus. Et merito : si enim in laici crimine et accusatione id requiritur, multo magis id dandum est presbytero; cui ordo et gradus tam eminens frenum est cohíbens eum a flagitio, ut de eo facile aliquid suspicari nemo debeat. Hinc postea Sylvester II, cap. *Præsul*, longe plures requirit testes : « Præsul, ait, non damnatur, nisi septuaginta duobus testibus; presbyter autem Cardinalis non nisi quadraginta quatuor testibus; Diaconus non nisi viginti octo; subdiaconus, acolythus, exorcista, lector, ostiarius, nisi cum septem testibus non condemnatur. Quia, ait, tales in Ecclesia institui debent, quorum sanctitati plus credatur, quam multis testibus. »

Sustenta-
tio voca-
tur mer-
ces, cur?
Respon-
deo Pri-
mo, quia
ex justitia de-
betur ope-
ri.

Secundo,
quia de-
betur la-
bori ex-
trinseco,
et ut
multi vo-
lunt, in-
trinseco.

Sylvester
II in ac-
cusatione
Episcopi
requirit
72 tes-
tes.

20. PECCANTES CORAM OMNIBUS ARGUE : UT ET CÆ Vers. 20.

TERI TIMOREM HABEANT. — « Peccantes, » publice scilicet, quicumque illi sint, sive laici, sive, ut præcessit, presbyteri in iudicio per testes convicti, hos publice coram omnibus argue. Triplex enim est publicum, *primum*, quod in iudicio forensi est traductum; *secundum*, quod per facti evidentiam; *tertium*, quod per communem famam factum est publicum. De publico peccato Apostolum loqui docet Chrysostomus, Theophylactus et Oecumenius. Nam alioqui occultum peccatum non publice, sed privatim esse corrigendum docet Christus, *Matth. xviii, 15*, hocque requirit iustitia et charitas Christiana. Ita S. Augustinus; *serm. 16 De Verbis Domini secundum Matthæum*, conciliat hæc verba Pauli cum verbis Christi.

Vers. 21. 21. TESTOR (δὶμαρτύρομαι, id est obtestor te; ita Syrus et alii) CORAM DEO ET CHRISTO JESU, ET ELECTIS ANGELIS, UT HÆC CUSTODIAS SINE PRÆJUDICIO, NIHIL FACIENS IN ALTERAM PARTEM DECLINANDO. — « Electos angelos » vocat bonos et sanctos, quos Deus ad suam gloriam et beatitudinem ob eorum humilitatem, obedientiam, religionem et charitatem elegit; eosque opponit Lucifero et angelis reprobis, scilicet dæmonibus.

Nota : *Tō sine præjudicio* aliqui referunt ad *nilhil faciens*, *q. d.* Nihil facias nisi rem bene prius indagaveris et prudenter dijudicaveris. Ita Ambrosius. *Secundo* et melius, alii referunt *ad sine præjudicio* ad *hæc custodias*, scilicet, *q. d.* Testor et obtestor, ut ea quæ dixi de presbyteri accusatione, deque peccantibus arguendis, facias et custodias sine præjudicio, id est sine præoccupatione et præcipitatione iudicii, ita ut nemo te præoccupet, sibi que conciliet, ut, antequam alteram partem audieris, aut rem totam æquo et indifferenti animo examinaveris, mente præjudices, et ei qui te præoccupavit, causam adjudices. Unde Syrus vertit, *nulla anticipatione præoccupetur mens tua*. Hinc alii vertunt, *sine præferentia*, qua unum quasi amicum, divitem, nobilem, etc., alteri præferas, custodi hæc mandata mea : iudicium enim debet ferri de causa, non de persona.

Hunc sensum probant sequentia : « Nihil faciens in alteram partem declinando. » Quibus verbis alludit ad libram vel bilancem, quæ ut justus sit ponderis et legitime ponderet ea quæ ipsi imponuntur, debet esse in æquilibrio, ita ut in unam partem non magis inclinet quam in aliam, nec una lanx magis attollatur aut deprimitur quam altera. Debet enim iudex quasi in lance jura litigantium ponderare et expendere, ita ut in neutram partem propendeat, sed unicuique causæ suum pondus et momentum permittat, illique, quæ alteri præponderat, rem adjudicet : si secus faxit, nec causæ, sed voluntatis huic magis quam illi faventis, pondus et inclinationem sequatur, rectum justis iudiciis iudicium pervertet, perversamque feret sententiam.

Iustitia Hinc iustitia pingitur quasi virgo cæca, perso-
pingitur nam non respiciens, cum æqua bilance, qua cu-

jusque jus appendit et ponderat. Sic a Virgilio Jupiter justus iudex pingitur :

Jupiter ipse duas æquato examine lances
Sustinet.

quasi
virgo cæ-
ca cum
æqua bi-
lance.

Triplex
lectio in
Græco.

Rursum nota : In Græco triplex est lectio. Noster legit per iota, κατὰ πρόσκλησιν, id est secundum declinationem, vel declinando. *Secundo*, alii legunt, nihil facias κατὰ πρόσκλησιν per η, id est secundum advocationem, quasi non iudicem, sed alterius partis quam amas, advocatum agas : verum tum potius dicendum fuisset παράκλησιν, quam πρόσκλησιν. *Tertio*, Oecumenius et Erasmus, κατὰ προκλήσιν, id est secundum provocationem, *q. d.* Nihil facias secundum animi motum et imperium, qui iudicem ad temere ferendam sententiam in odium vel favorem alterius partis provocet. Sed nostra lectio est optima et aptissime coheret cum metaphora bilancis ; unde eam sequitur Ambrosius, Chrysostomus, Theophylactus et alii. Unde et Syrus vertit, nihil facias במסב דאפּע be massab deappe, id est per acceptionem personarum.

Vers. 22. 22. MANUS CITO NEMINI IMPOSUERIS, NEQUE COMMUNICAVERIS PECCATIS ALIENIS. — Aliqui hoc intelligunt de absolute in Sacramento poenitentiae : confessarii enim, qui peccatoribus, verbi gratia concubinariis, usurariis, simoniacis confitentibus, non satis contritis, aut non habentibus propositum efficax emendandi se, aut nolentibus restituere per simoniam, usuram aliaque injuste acquisita, manus imponunt, eosque absolvent, omnibus eorum peccatis communicant, eaque in se transcribunt, omniumque rei fiunt, ac pro iis Deo penas dabunt.

Ubi nota, in Sacramento poenitentiae poenitentibus a sacerdote manus imponi, ut hoc symbolo a servitute peccati eos liberari et manumitti significetur. Sic olim Romani Prætores servorum, quos manumittebant, capita virgula quadam, dicta Vindicta, vel vindicia, tangebant. Unde Cicero in *Topicis* : « Si neque censu, neque vindicta, nec testamento liber factus est, non est liber. » Et Persius, *Satyra 3* :

Vindicta postquam meus a Prælore recessi,
Cur mihi non liceat jussit quocumque voluntas ?

Cur sacerdos absolvens manus imponat poenitenti ?

Vindicta virga.

Hinc Pœnitentiarii Romæ virgas gestant easque capiti pœnitentium imponunt, ut significant se eos a servitute peccati in libertatem filiorum Dei asserere : hac de causa putant nonnulli virgas Apostolis esse datas, *Marci vi, 8*. Pari modo Asuerus rex virgam auream extendit super collum Esther, cap. xv, in symbolum impetratæ a se gratiæ. Ita Salmeron in *Prolegomenis*, disp. 29.

Verum quia Episcopo Timotheo loquitur Paulus, cui proprium et præcipuum munus est ordinare presbyteros aliosque Ecclesiæ ministros, et quia Apostolus alibi per manus impositionem intelligit ordinationem, cujus rei et ritus tres causas dedi cap. iv, 14, hinc melius Theodoretus, Chry-

Pœnitentiarii Romæ virgas gestant, cur ?
Loquitur Apostolus de impositione manuum in ordinatione.

«ostomus, Theophylactus, OEcumenius, Primasius et alii passim censent Apostolum loqui de hac ordinatione, q. d. Vide, o Timothee Episcopo, ne quem temere ordines, sed unumquemque prius proba et examina, an probatae sit vitae et doctrinae, talique gradu dignus: alioqui particeps fies peccatorum et scandalorum, tum eorum quæ talis post ordinationem in suo gradu committet, tum eorum quæ ante ordinationem admisit, quia propter ea ordinatione est indignus; si ergo eum ordinas, tali gradu dignum esse iudicas, ac consequenter videris eum ejusque mores et peccata approbare; itaque eorumdem particeps efficeris.

Hinc Concilium Tridentinum, sess. xxi, exactum examen tum doctrinae, tum vitae, ordinationi ejusque præmittendum sub gravi censura sancit. Vide Chrysostomum, lib. IV *De Sacerdotio*, quam malum sit indignos et inidoneos ordinari.

Legitur in *Vita S. Leonis Papæ I*, quæ ejus operibus præfigitur (quod et ex Sophronio recenset Baronius, anno Christi 461), quod, cum S. Leo orationibus et jejniis vacans ad sepulcrum S. Petri, Dei misericordiam ac peccatorum veniam imploraret, hoc responsum a S. Petro acceperit: « Deprecatus sum pro te Dominum, remisitque ille tibi peccata, ut solum hoc a te expetendum et a te postulandum supersit, quibus adversus Apostolicam legem manum temere imposueris. » Quod si hæc fiunt in ligno viridi, in arido quid fiet? Leone enim quis sanctorum et prudentior?

TEIPSUM CASTUM CUSTODI. — Græcum ἀσχετός proprie castum et libidinis expertem ac osorem significat.

Secundo tamen, significat purum et immaculatum ab omni culpa; unde Syrus vertit, temetipsum serva ברכייתא *bedackeiuta*, id est in puritate, innocentia; et S. Augustinus, lib. *De Gratia et lib. arbitrio*, cap. iv, legit, « contine teipsum. » Continentia enim generalis est virtus quæ omnes animi passiones moderatur et continet, easque freno rationis inhibet et regit.

Unde Theodoretus, « castum » hic interpretatur incorruptum et mundum a peccato, præsertim illo, quo cito et temere cuiquam manus imponuntur, itaque peccatis ipsius communicatur, uti præcessit. Idipsum ita declarat S. Augustinus, lib. II *Contra epist. Parmen.*, cap. xxi: « Docuit, inquit, Apostolus ex sequenti, quemadmodum quod prius dixit intelligendum sit; qui enim seipsum castum custodit, non communicat peccatis alienis: si enim communicat, consentit; si consentit, corrumpitur; si corrumpitur, castum se non servat. »

Vers. 23. 23. NOLI ADHUC AQUAM BIBERE, SED MODICO VINO UTERE PROPTER STOMACHUM TUUM, ET FREQUENTES TUAS INFIRMITATES. — Vox « adhuc, » ait Hieronymus, lib. II *Contra Jovinian.*, significat Timotheum huc usque abstemium a vino fuisse et tantum aquam bibisse, tum temperantiæ, tum castitatis causa; nam, ut ait Hieronymus *ad Eustochium*:

« Vinum et adolescentia duplex incendium volutatis est. Quid oleum igitur flammæ adjicimus? quid ardenti corpuseculo fomenta ignis administramus? » Et Chrysostomus: « Juventus, inquit, pyra quædam est, quæ omnia succendit; idcirco Timotheus eam undique obstruebat et flammæ extinguebat. Infirmetur, inquit, corpus, et non infirmetur animus; refrenetur caro, et animæ ad cælum cursus non impediatur. »

Unde notat hic *primo*, Prosper, lib. I *De Vita contemp.*, cap. xxii, Timotheum longa abstinencia se fregisse et hos morbos sibi conciliasse. Ubi obiter etiam adverte, Apostolos et Apostolicos viros præter tot labores et ærumnas, morbis quoque fuisse afflicto; nam virtus in infirmitate perficitur. Unde Chrysostomus movens quæstionem cur Paulus, qui tot infirmos per miraculum sanabat, Timotheum factum non sanarit, respondet id hæc de causa factum esse, ut, si viderimus, inquit, viros magnos et virtute præclaros infirmari, nihil moveamur, sciamusque morbos materiam esse humilitatis, patientiæ et fortitudinis illorum, nosque iis admoneri miseriæ præsentis, ut ad resurrectionem et alteram vitam beatam aspiremus. Vide hanc Pauli sententiam egregie tractantem Chrysostomus, hom. 1 *ad Populum*, ubi octo dat causas, cur permittat Deus in hac vita sanctos viros morbis et ærumnis affligi.

Nota *secundo*: Pro infirmitate græce est ἀσθενεία, quod non tam morbos quam corporis debilitates significat, quæ et ipsæ morbus quidam sunt et sæpe cum morbo conjunctæ. Nam et τὸ *propter stomachum*, significat stomachi cachexia, cruditate, ac consequenter morbo laborasse Timotheum.

Nota *tertio*, cum mortificatione et morbis zelum Timothei. « Illud, inquit Chrysostomus, quisquis mirari posset, quod tantum debilitatus et tanta cum ægitudine luctans Dei negotia non negligebat, sed amplius quam valentes et corpore vigentes, cum præceptore omnibus in certaminibus et alternis periculis communicabat: nec enim sapientiam redarguit corporis imbecillitas. Tantum valet in Deum zelus, tam leves efficit alas! »

Nota *quarto*, τὸ quod ait *propter stomachum*, nam, ut ait Celsus, lib. I, cap. II, « infirmis stomacho, quo in numero magna pars urbanorum, omnesque pene cupidi litterarum sunt, observatio major est necessaria, ut quod vel corporis, vel loci, vel studii ratio detrahit, cura restituat. » Ita S. Hieronymus, Gregorius, Bernardus, alique Sancti contemplationi et studio dediti, stomacho laborarunt, cujus physica ratio est clara. Unica enim tantum in homine est anima, quæ simul est vegetativa, sensitiva et rationalis, quæque consequenter se suasque vires simul exserere debet in nutritionem, sensationem et intellectionem. Hujus autem animæ vires sunt valde limitatæ, debiles et exigue, præsertim ita partite et distractæ. Anima ergo tota in cerebro vacans mentis attentioni, studio,

Apostoli morbis afflicti.

Timotheum noluit sanare Paulus, quia morbus est materia virtutis.

Timothei in morbis et mortificatione zelus.

Addicti studiis et meditationibus laborant stomacho: cur?

Causa Prima.

contemplationi, vix in stomacho vacare potest concoctioni et digestioni: unde stomachus tam spiritibus et calore, quam animæ influxu destitutus et languens cibum concoquere et digerere non valet; sed eum semicoctum et indigestum relinquit: ex quo crudities, phlegmata, catarrhi, aliaque mala oriuntur.

Secunda. Aliam causam dat S. Gregorius, lib. III *Moral.*, cap. xxx, scilicet, quod caro, cum per spiritum ad tam alta contemplanda super se assurgit, attenuetur et infirmetur, quodque vis divini amoris animam et corpus liquefaciat et enervet. « Qui vero, inquit, in auctoris sui amore roborantur, quo magis in concupita Dei fortitudine convalescunt, eo a propria virtute deficiunt; et quo robustius æterna appetunt, eo a temporalibus salubri affectione liquantur. Hinc David amoris sui robore fessus dicebat: *Defecit in salutare tuum anima mea*; et sponsa: *Anima mea liquefacta est, ut dilectus meus locutus est*; et: *Fulcite me floribus, stipe me malis, quia amore langueo*. Sic et Daniel cum visionem Dei conspexisset, cap. viii, vers. 27: *Elangui, inquit, et ægrotavi per dies plurimos*. » Subdit S. Gregorius: « Caro enim ea, quæ sunt spiritus, capere non valet, et ideo nonnunquam cum mens humana ultra se ad videndum illa ducitur, necesse est, ut hoc carneum vasculum, quod ferre talenti pondus non valet, infirmetur. »

Nota quinto: Præcipit Paulus Timotheo ægrotum vini, quia, ut ait Ambrosius, « vult Deus prudenter sibi servi, ne nimietate (laboris vel abstinence) debiles efficiamur, et postea medicorum suffragia requiramus. » Debiles ergo, ac præsertim feminæ, multis orationibus et pœnitentiis suum caput et corpus non frangant.

Nota sexto: Tanto viro Paulus vinum permittit, non ad voluptatem, sed ad necessitatem: ideoque dicit, « utere, » non frui; eoque modico, non multo; idque non ad luxum, sed propter stomachum. Pulchre S. Gregorius, lib. XX *Moral.*, xxxi, docet abstinenciam instar chordæ musicæ moderandam esse. « Pensandum, inquit, est quod chorda in cithara si minus tenditur, non sonat; si amplius, raucum sonat: sic virtus abstinence aut omnino nulla est, si tantum quisque corpus non edomat, quantum valet; aut valde inordinata est, si corpus atterit plus quam valet. » Ita Anacharsis, teste Laertio, vini quatuor pocula sive haustus distinguebat in symposiis: Primum, inquit, poculum est necessitatis ad sedandam sitim, secundum sobriæ hilaritatis, tertium voluptatis, quartum ebrietatis et insanie. Plato vero, Dialogo 1 et 2 *De Legibus*, ita præcipit: « Principio, ait, lege sancimus, ut pueri usque ad decimum octavum annum, vino prorsus abstineant; » et causam addit: « Ne ignem igni addant et furiosum habitum juventuti suæ inducant. » Bacchica ergo bacchantis Lutheri, quam sua inter pocula effudit, imo effutiit, est interpretatio et argutatio: Apostolus, ait, modicum vini, puta cyathos ali-

quot, præscripsit Timotheo, quia is infirmus erat et stomachus ejus æger plus vini non ferebat: nobis vero, utpote sanis et stomacho valentibus, multo utendum est, puta non cyathis, sed amphoris. At, bone vir, Timotheus dum sanus erat, non vinum bibebat, sed aquam, utique Apostolo probante et suadente. Rursum, Apostolus ei jam infirmo vice aquæ vinum permittit, sed modicum. Ergo vinum non ob sanitatem, sed mere ob infirmitatem ei indulget, idque non multum, sed modicum. Nimirum talis glossa talem doctorem, imo potorem decet, interpretem, inquam, Epicurei Evangelii, nec Pauli, sed palati sui, de quo recte noster Frusius:

Biblia quæ tua sunt, sunt pocula Bacchica, Luther:
Est apotheca tua bibliotheca tua.

24. QUORUMDAM HOMINUM PECCATA MANIFESTA SUNT. Vers. 24.
— Græce *πρόδηλοι*, id est ante manifesta sunt, puta antequam cujusquam judicio damnentur.

PRÆCEDENTIA AD JUDICIUM, QUOSDAM AUTEM ET Vers. 25.
SUBSEQUUNTUR. 25. SIMILITER ET FACTA BONA MANIFESTA SUNT: ET QUÆ ALITER SE HABENT, ABSCONDI NON POSSUNT. — Primo, S. Basilius, lib. *De Sancta Virgin.*, « peccata quæ judicium præcedunt » intelligit peccata ea, quæ peccator per se committit in hac vita, antequam per mortem vadat ad judicium particulare; « peccata vero quæ subsequuntur » intelligit ea, quæ quis post mortem et judicium particulare committit per suos discipulos et alios quos peccare docuit. Sicuti Lutherum et Calvinum sequitur hæresis omniaque peccata Lutheranorum et Calvinianorum, quorum doctor et inventor fuit Lutherus et Calvinus, ita ut pro his etiamnum pena Lutheri et Calvinii augeatur et augenda sit, donec desinat lutheranismus et calvinismus.

Secundo, S. Ambrosius: Peccatores, inquit, magis præcedunt peccata ad condemnationem, quia majora sunt eorum bonis operibus; contra justos præcedunt bona opera, quasi manifesta, quia manifeste præponderant eorum peccatis: peccatores vero bona opera sequuntur quasi quodam præjudicio peccatorum præeuntium prægravata. Unde et abscondi non possunt, id est non possunt obumbrari et tegi charitate, quæ operit multitudinem peccatorum, q. d. Paulus: Cum dico tibi, o Timothee, Ne communicaveris peccatis alienis, nolo te ab Ordinibus repellere justos, levibus peccatis obnoxios, vel qui insignibus operibus malefacta texerunt; sed eos tantum qui gravibus peccatis subjacent.

Tertio, Chrysostomus: Peccata manifesta, inquit, quæ præcedunt judicium scilicet extremum, sunt ea quæ in hac vita manifesta sunt et cognita, ea vero quæ sequuntur, sunt illa quæ hic latent, sed in judicio extremo manifestabuntur, q. d. Licet quædam peccata hic lateant, tamen non fallunt internum judicem; quia sequuntur et adigunt ipsos peccatores ad publicum ipsum judicem

Abstinencia moderanda est, sicut chorda in cithara.

Anacharsis pocula quatuor.

Platonis lex de vino juvenibus interdicens.

Alios peccata præcedunt ad judicium, alios sequuntur: quo sensu? Prima explicatio. Calvini pena indies augetur.

Secunda.

Tertio.

neum, ibique eos coram toto mundo accusabunt.

Quarta. Quarto, S. Augustinus, lib. II *De Serm. Domini in monte*, et Magallianus sic explicant, *q. d.* Peccata quorundam, utpote manifesta, præcedunt hominum iudicium: hos utpote exploratos peccatores et indignos, o Timothee, ordinare non debes; quorundam vero peccata subsequuntur iudicium humanum, quia post ordinationem tantum deprehenduntur. Quid ergo, faciesne tibi scrupulum, quod tales ordinaveris? nequaquam, quia in talium hominum ordinatione non communicas peccatis alienis, cum tales occulti peccatores sine tuo vitio digni sacro Ordine sunt iudicati, *q. d.* Occulta peccata Dei iudicio et tribunali sunt relinquenda; quæ vero facto examine ab hominibus deprehendi et manifestari possunt, ea iudicio Episcopi subjaceant, qui cavere debet ne hisce peccatis obnoxios ordinet; ut alludat Paulus *ad Deuter. xxix, 29*, ubi dicitur: « Abscondita Domino nostro, quæ manifesta sunt, nobis et filiis nostris, » quod Chaldæus et Rabbini sic exponunt: Secreta peccata reservantur puniendi Domino Deo nostro; quæ vero manifesta sunt, humano iudicio discutienda et plectenda sunt. Verum melius et aptius cum Cajetano et aliis hoc exponemus de flagellis, quæ Deus illo cap. *xxix Deuter.* Judæis legis suæ prævaricatoribus intentavit, *q. d.* Hæc flagella sunt inter occulta Dei iudicia, quæ tamen nobis et nostris filiis manifestavit, ut eorum metu legem Dei studiose faciamus et exacte impleamus.

Explicatur locus Deuteronomii.

Quinta et genuina. Quinto et genuine ad mentem Apostoli: « Peccata manifesta præcedentia ad iudicium, » sunt peccata clara et publica, condemnata communi hominum voce priusquam in iudicium adducantur; peccata vero quæ peccatores subsequuntur in iudicio, quasi pedissequi vel umbræ, sunt peccata occulta impiorum, quæ non patent in publico, sed in mente vel tenebris latent, cum impij faciem honorum induunt, ut externa specie videantur probi; si tamen diligenter examinentur et dijudicentur, tandem prodet se larvata eorum impietas. Est prosopopœia: peccata enim hic finguntur esse personæ et prodromi sive anteambulones, qui peccatorem præcurrunt, monentque Ecclesiam quis sit ille, qui mox sit venturus ut ordinetur, scilicet quod sit peccator, ac consequenter indig-

Prosopopœia peccatorum.

nus Ordine; alios vero subsequuntur quasi stipatores, iudices et vindices: nam

Noxa caput sequitur,

inquit Poeta; et:

Raro antecedentem scelestum
Deseruit pede pœna claudo.

Si sequitur impium pœna, ergo et notitia peccatorum atque infamia, *q. d.* Præcepi tibi, o Timothee, « Manus cito nemini imposueris, neque communicaveris peccatis alienis » (eo enim quasi aliquid oblitus redit Apostolus). Tu mihi objicies, Quomodo aliena peccata deprehendam? huic objectioni ergo respondeo, peccata quorundam esse manifesta, aliorum vero occulta. Si manifesta sint, non laborabis, quia facile cognosces eos, qui illis obnoxii sunt, indignos esse ordinatione et dignos esse condemnatione ac pœna; si occulta sint, tibi laborandum erit ut ea detegas: sed ne despera, expecta, scrutare, explora, tandem ea deprehendes, quia peccata peccatorem subsequuntur quasi a tergo; inspicie ergo vultum et tergum eorum lynceis oculis omniaque quaquaversum circumlustra, ut eos internoscas, et tandem ea quæ latebant patefacias, et perspicias eos Ordine esse indignos. Quod si facto justo examino ea deprehendere nequeas, Dei iudicio sunt relinquendi, nec ab Ordine repellendi.

Sensus Apostoli.

23. SIMILITER ET FACTA BONA (quorundam) **MANIFESTA SUNT**, — et de his non laborabis: sed cognosces eos Ordine esse dignos.

ET QUÆ ALITER SE HABENT (scilicet bona facta aliorum quæ occulta sunt), **ABSCONDI NON POSSUNT**, — quin, si ea diligenter perscruteris, sis cogniturus et facile animadversurus, an ordinandi sint necne. Ita S. Hieronymus *ad Furiam*, Anselmus, Gagneus et alii. « Nihil enim opertum quod non reveletur, et occultum quod non sciatur. » Personata enim et fucata impietas diu latere non potest, quin tandem e fumo in flammam erumpat (1).

(1) Versuum 24 et 25 sensum ita constituit Allioli: Examen tum doctrinæ, tum præsertim vitæ, ordinationi cujusque prævium, id habet utilitatis, ut nempe ii quorum delicta delitescunt, indigni arguantur et revelentur; nam sicut facta bona abscondi nequeunt, ita et mala examine detegantur necesse est. Vox ergo *iudicium* examen cujusque ordinandi denotat.

CAPUT SEXTUM.

SYNOPSIS CAPITIS.

Primo, jubet servos obedire dominis.

Secundo, vers. 3, arguit novorum dogmatum et hæresum auctores, eorumque fructus et vitia recenset.

Tertio, vers. 5, multis insectatur eorum et aliorum avaritiam, tanquam omnium malorum radicem.

Quarto, vers. 11, jubet Timotheum non opes sectari, sed justitiam, pietatem, fidem, etc., ac servare mandata sua usque in adventum Domini.

Quinto, vers. 17, divitibus præcipit ut sint humiles, pii, liberales, utque bonis operibus divites se faciant in cælo.

Sexto, vers. 20, rursum hæresum novitatem caveri, ac fidem quasi depositum servari jubet.

1. Quicumque sunt sub iugo servi, dominos suos omni honore dignos arbitrentur, ne nomen Domini et doctrina blasphemetur. 2. Qui autem fideles habent dominos, non contemnant, quia fratres sunt : sed magis serviant, quia fideles sunt et dilecti, qui beneficii participes sunt. Hæc doce et exhortare. 3. Si quis aliter docet et non acquiescit sanis sermonibus Domini nostri Jesu Christi, et ei quæ secundum pietatem est, doctrinæ : 4. superbus est, nihil sciens, sed languens circa quæstiones et pugnas verborum, ex quibus oriuntur invidiæ, contentiones, blasphemiæ, suspiciones malæ, 5. conflictationes hominum mente corruptorum, et qui veritate privati sunt, existimantium quæstum esse pietatem. 6. Est autem quæstus magnus pietas cum sufficientia. 7. Nihil enim intulimus in hunc mundum : haud dubium quod nec auferre quid possumus. 8. Habentes autem alimenta, et quibus tegamur, his contenti sumus. 9. Nam qui volunt divites fieri, incidunt in tentationem et in laqueum diaboli, et desideria multa inutilia, et nociva, quæ mergunt homines in interitum et perditionem. 10. Radix enim omnium malorum est cupiditas : quam quidam appetentes erraverunt a fide, et inseruerunt se doloribus multis. 11. Tu autem, o homo Dei, hæc fuge : sectare vero justitiam, pietatem, fidem, charitatem, patientiam, mansuetudinem. 12. Certa bonum certamen fidei, apprehende vitam æternam, in qua vocatus es, et confessus bonam confessionem coram multis testibus. 13. Præcipio tibi coram Deo, qui vivificat omnia, et Christo Jesu, qui testimonium reddidit sub Pontio Pilato, bonam confessionem, 14. ut serves mandatum sine macula, irreprehensibile usque in adventum Domini nostri Jesu Christi : 15. quem suis temporibus ostendet beatus et solus potens, Rex regum et Dominus dominantium : 16. qui solus habet immortalitatem, et lucem inhabitat inaccessibilem : quem nullus hominum vidit, sed nec videre potest : cui honor, et imperium sempiternum. Amen. 17. Divitibus hujus sæculi præcipe non sublimis sapere, neque sperare in incerto divitiarum, sed in Deo vivo (qui præstat nobis omnia abunde ad fruendum); 18. bene agere, divites fieri in bonis operibus, facile tribuere, communicare, 19. thesaurizare sibi fundamentum bonum in futurum, ut apprehendant veram vitam. 20. O Timothee, depositum custodi, devitans profanas vocum novitates, et oppositiones falsi nominis scientiæ, 21. quam quidam promittentes, circa fidem exciderunt. Gratia tecum. Amen.

Vers. 1.

1. QUICUMQUE SUNT SUB JUGO SERVI, DOMINOS SUOS OMNI HONORE DIGNOS ARBITRENTUR, NE NOMEN DOMINI ET DOCTRINA BLASPHEMETUR. — Postquam docuit Apostolus quomodo Episcopus cum cujusvis ge-

neris hominibus, qui liberi sunt, se habere debeat; tandem hic descendit ad servos, id est mancipia, quæ sunt sub iugo servitutis, docetque Episcopum eos non debere aspernari, sed docere

Episcopi
non as-
perneu-

tur, sed doceant servos obedire heris, etiam infidelibus. bonos mores, ac imprimis obedientiam, ut scilicet dominis suis infidelibus prompte et reverenter obediant, ne, si inobedientes eis sint, prætentes se per Christianismum ex servitute assertos esse in libertatem, ipsi heri blasphemant christianismum, quasi qui servos sibi antea morigeros fecerit rebelles et seditiosos. Agit enim de servis qui dominos habent infideles; nam de servis qui dominos habent fideles, agit vers. seq. Vide dicta ad Ephesios vi, 5.

Vers. 2. 2. QUI FIDELES HABENT DOMINOS, NON CONTEMNANT, QUIA FRATRES (id est Christiani) SUNT: SED MAGIS SERVIENT, QUIA FIDELES SUNT ET DILECTI. — Hic agit de servis qui dominos habebant fideles et christianos. Monet hos, ne putent se per baptismum factos esse dominis suis pares: licet enim pares sint in baptismo et fratres in Christo, tamen in civili conditione et statu impares sunt, unus enim est dominus, alter servus. Quin potius hortatur hos servos Apostolus, ut heris fidelibus melius serviant quam infidelibus; quia herus fidelis melior est et dignior, servique Christiani amantior, cum eoque in fide conjunctior, ac consequenter magis dilectus, id est diligendus, quam herus infidelis. Cogitet ergo servus fidelis serviens domino fideli, se obsequium illi præstare, qui ex supercilio domini transit in affectum parentis, et pro formidato cœpit esse dilectus.

Nota: Pro *dilecti* græce est ἀγαπῶνται, quod tam dilectos, quam diligibiles significat. Noster vertit, *dilecti*; alii vertunt, *diligibiles*, q. d. Dilectione et honore digni sunt domini fideles, tanquam fratres scilicet, domestici fidei.

Duplex sensus. Primus. QUI BENEFICII PARTICIPES SUNT. — Chrysostomus docet hoc tam ad servos quam ad heros referri posse: ad servos sic, q. d. Servi dominis qui fideles sunt et dilecti, serviant, quia ab eis beneficia multa participant, quia scilicet a dominis suis aluntur, vestiuntur, in fide Christiana foventur et promoventur. Ita Syrus. Verum tunc τὸ *qui beneficii participes sunt*, remotius referendum est ad *serviant*. Aptius tamen videtur referri ad immediate præcedentia, « quia fideles sunt dilecti, »

Secundus et genuinus. scilicet heri sive domini. Quare melius de eisdem heris sive dominis accipiemus, quos beneficii, scilicet illius magni et excellentis, puta christianismi, participes fecit Deus. Unde Primasius legit, *qui beneficii Dei participes sunt*, q. d. Servi serviant dominis Christianis et amantius et diligentius, eo quod domini sint fideles et dilecti a Deo, Deique amici, scilicet, eo quod domini sint una cum servis ejusdem illius Dei beneficii participes, puta vocationis ad fidem et gratiam Christi: hæc enim est maximum Dei beneficium. Si enim infidelibus Dei hostibus et reprobis dominis parendum est, multo magis obedientiam hanc requirit Deus a servis, quos subjecti dominis fidelibus suis amicis, dilectis et electis.

Tropologice, Chrysostomus: « Si servis, inquit, ita imperat Apostolus obedire dominis, intuemini

quo nos animo in Dominum nostrum esse conveniat, qui nos de nihilo ut essemus effecit, qui nutrit, qui vestit, » etc.

HÆC DOCE (nescientes) ET EXHORTARE — scientes, ut quod sciunt faciant et opere impleant.

3. SI QUIS ALITER DOCET, ET NON ACQUIESCIT SANIS SERMONIBUS DOMINI NOSTRI JESU CHRISTI, ET EI QUÆ SECUNDUM PIETATEM EST, DOCTRINÆ, SUPERBUS EST, NIHIL SCIENS. — Concludit Apostolus resumens primum quasi thema epistolæ, quod proposuit cap. i, vers. 3, scilicet Timotheum Episcopum quibusdam Novantibus denuntiare debere, « ne aliter docerent, neque intenderent fabulis interminatis, quæ questiones præstant magis quam ædificationem Dei, quæ est in fide. » Quidam enim Judæi et Gentiles ad Christum conversi suas sectas, deuterose et dogmata philosophica miscebant christianismo, itaque christianismum corrumpebant: quos hic comprimi jubet Apostolus. Forte in particulari perstringit Apostolus Judæizantes, qui docebant servos juxta legem Exodi, cap. xxi, vers. 2, anno septimo manumitti debere et fieri liberos. De servis enim præcessit; sicque commoda erit transitio et reditus ad primum thema de vitandis novis doctoribus.

Nota: Pro *aliter docet* græce est ἐπερδιδασκῶν; quod verbum usurpavit cap. i, vers. 3; et ex hoc loco patet significare non tam eum qui diversam doctrinam sequitur, ut vertit Vatablus, quam qui aliam doctrinam docet; sequitur enim: « Languens circa quæstiones et pugnas verborum, » quodque ex fucata hac doctrina pietatis quæstum aucupetur. Quæ sane non discipuli, sed doctoris sunt.

Secundo, pro *non acquiescit* græce est μὴ προσέρχεται, id est non accedit, hoc est, non consentit, non acquiescit. Loquitur enim de accessu non pedum, sed mentis et voluntatis.

Tertio, « sanos sermones Jesu Christi » vocat legem et doctrinam Christi. Eandem vocat « doctrinam quæ est secundum pietatem, » id est quæ veram pietatem et Dei veri genuinum cultum docet, scilicet cultum Dei consistere non in cæremoniis et apparatu externo, sed in interna fide, spe, charitate.

Quarto, pro *superbus* græce est τὸ πύφωται, id est inflatus est, tumet typho superbiæ et vanæ scientiæ. Nota: Hic typhus est character et origo omnis hæresis. Hujus autem typhi et superbiæ clarissimum est argumentum, quod hæretici adeo sibi placent, ut neque Ecclesiæ, neque etiam Evangelio credere velint, nisi in iis rebus quæ sibi placent. Unde S. Augustinus, lib. XVII *Contra Faustum*, III: « Undique tergiversatio, inquit (o Manichæi), vestra contunditur. Aperte dicite vos non credere Christi Evangelio: nam qui in Evangelio quod vultis, creditis; quod vultis, non creditis, vobis potius quam Evangelio creditis. » Qua de causa hæretici raro disputando (nolunt enim victi videri), sed magis orando, convertuntur. Docuit hoc Epie-

Vers. 2.

Vers. 4.

Typhus est character hæresis.

Exemplum S. Augustini. copus ille, de quo narrat S. Augustinus, lib. III *Confes.*, XII, quod cum S. Monica rogaretur, ut Augustini filii sui errores disputando refelleret, negavit ille, dictitans Augustinum juvenili ardore et novitate hæresis inflatum adhuc indocilem esse: « Sine, inquit, illum ibi, et tantum roga pro eo Dominum: ille legendo reperiet, quis ille sit error et quanta impietas. » Cumque illa nihilominus instaret cum lacrymis: « Vade, ait, fieri non poterit, ut filius istarum lacrymarum pereat. » Quod factum Episcopi laudat ibidem S. Augustinus.

Hæreticus nihil scit, quia vere nihil credit. *Quinto*, hæreticus dicitur « nihil sciens, » quia licet multa sciat de Deo trino et uno aliisque fidei articulis, tamen sua hæresi non tantum fidem divinam sibi abstulit, ut ne vel unum articulum fide divina credat; sed etiam per hæresim quasi fermentum totam suam scientiam fermentat, vitiat, corrumpit, ut vere possit dici nihil sciens, tum quia tota ejus scientia hæresi infecta et corrupta est, tum quia scientia ejus nihil facit aut confert ad Dei gratiam, justitiam et salutem acquirendam. Hæc enim sola vera est scientia, quæ a Sapiente dicitur scientia sanctorum, qua caret hæreticus. Ita Theodoretus.

LANGUENS CIRCA QUESTIONES ET PUGNAS VERBORUM. — Pro *languens* græce est *ῥέων*, id est ægro-
tans non corpore, sed animo et mente, quia nimirum desipit ac delirat, ut quasi carens cerebro egeat elleboro. Opponit hunc languorem sanis sermonibus et sanctitati doctrinæ, ut dixi vers. præced.

Apostolus non taxat questiones Scholasticorum, sed hæreticorum. Nota: Non taxat hic Theologos Scholasticos seu questionarios, ut ad marginem hic annotavit Robertus Stephanus, sed hæreticos: de hereticis enim agit, quorum proprium est nihil scire, sed de omnibus dubitare, de omnibus questionem movere; cujus rationem dat Theophylactus:

Questiones Nestorii, Pelagii, Arii. « Quia, inquit, fides est oculus: qui non habet oculos, nihil videt, nihil invenit, sed tantummodo quærit. » Sic quærebat Nestorius, quomodo Deus est natus ex muliere bimestris et trimestris? Sic quærebat Pelagius, quomodo Adam per generationem carnalem transfudit peccatum in filiorum animas, quæ a solo Deo creantur? Sic quærebat Arius, quomodo Pater Filio non est dignior et prior tempore? Sic quærent nostri Sacramentarii, quomodo Christi corpus sex pedum potest esse in tam exigua hostia? Pulchre Chrysostomus: « Quando, ait, anima cogitationum vincitur febre, quando ambiguitatis jactatur fluctu, tunc quærit; cum vero illa sana est, non quærit, sed fideliter credit; nam ex questione et contentione verborum inveniri nihil potest. » Nimirum sola fides est, quæ mentem in veritate stabilis, et questiones omnes excludit: fides enim docet credere quæ non vides, quæ non capis, quæ non intelligis; fides docet Deum esse omnipotentem, Deoque omnia, etiam quæ nos non intelligimus, esse possible.

Nota secundo: Verborum pugnas elegantius et significantius græce vocat *λογμαχίας*, quod tam significat pugnas, rixas et litigia de verbis et vocibus, verbi gratia, an mediatoris nomen sine injuria Christi non possit tribui Sanctis? quam pugnas et lites, quæ non tam rationibus, quam verbis et verbosis clamoribus peraguntur. Tales experimur hæreticos: cum enim rebus et solidis rationibus destituantur, confugiunt ad verbosas orationum et declamationum pugnas. *Secundo*, S. Chrysostomus, Theophylactus, Oecumenius, Vatablus *λογμαχία*; vertit argumentationum, disputationum et rationum pugnas. *Δίς* enim non tantum verbum et sermonem, sed et rationem significat; nam cum hæretici seponunt fidem, omniaque ratione sua metiri volunt, rationes naturales et physicas congerunt, quas contentiose opponant articulis fidei, qui naturam et naturæ vim transcendunt. « Omnium hæreticorum, inquit Augustinus, *epist.* 56, quasi regularis est illa temeritas, scilicet ut conentur auctoritatem stabilissimam fundatissimæ Ecclesiæ, quasi rationis nomine et pollicitatione superare. » Atqui hic est alter fons omnis hæresis, scilicet proprium judicium, propria ratio. Dum enim mordicus rationi naturali, insistent et Scripturas quisque intelligere vult secundum proprium judicium, necesse est, ut quot sunt homines et judicia diversa, tot oriantur sectæ et hæreses. Atque hinc experimur, hæreticos ejusdem sectæ inter se non consentire, sed unam sectam in multas alias dividi: imo vix reperias duos aut tres ex iis qui Scripturas scrutantur et sapientiores plebe videri volunt, qui non in multis dissentiant. Patent hæc ex synopsi et catalogis modernis, qui propagines hæresum Lutheri et Calvinii enumerant et ob oculos ponunt.

Hæretici volunt omnia metiri suo judicio et ratione naturali. Hinc tot eorum sectæ. 4 et 5. Ex quibus oriuntur invidiæ, contentiones, blasphemiæ, suspiciones male, conflictationes hominum mente corruptorum. — Recenset fructus questionum et logomachiarum hæreticorum. *Primus* est invidia: quisque enim eorum volens eminere et videri sapientior, invidet alteri, si plus sapere, aut plus auctoritatis et gratiæ habere videatur.

Vers. 4 et 5. Fructus logomachiarum hæreticorum: Primus est invidia. *Secundus* fructus sunt « contentiones; » sive altercationes. Hæretici enim non disputant eo fine, ut veritas eluceat, quam intueri cupiant; sed ut adversam partem superasse videantur, ac de victoria triumphant. E contra Nazianzenus in disputationibus tria Catholicis commendat, scilicet silentium, ordinem et humilitatem. « Quid enim tibi oberit, aut cur ægre feras, inquit, si non in omni disputatione domineris, sed alii te vel doctiores, vel audaciores inveniantur? » Cedere te potius quam superare juvet; hoc prudentis, hoc sapientis est.

Tertius, fructus sunt « blasphemiarum, » tum in antagonistam et eos qui diversa sentiunt, puta convicia et maledicta; tum proprie blasphemiarum in Deum et Sanctos. Nam, ut recte Oecumenius, Tertius, blasphemiarum.

necesse est, ut qui omnia humanis metitur rationibus, incidat in blasphemias, nimirum ut blasphemet Dei omnipotentiam, bonitatem, providentiam. Tales blasphemias audimus quotidie, dum cum hæreticis disputatur, v. g. Deum esse auctorem tam operum malorum quam bonorum, tam proditionis Judæ quam vocationis Petri; Deum non posse plura facere, quam naturæ vires ferant, imo quam de facto faciat; Deum ante omnem prævisionem operum, Judam et reprobos inferno, Petrum et electos cælo addixisse; B. Virginem Dei matrem non esse digniorem aliis virginibus, imo nec feminis conjugatis; imagines et reliquias Sanctorum esse abolendas et exurendas, ac talia sexcenta.

Quartus, suspiciones. Quartus fructus sunt « suspiciones malæ. » Græcum ὑπόνοιαι, non tantum malas suspiciones, sed et opiniones significat. Experimur ex hisce disputationibus quam monstruosæ opiniones in dies emergant.

Quintus, affricationes malorum dogmatum et morum. Quintus sunt « conflictationes, » græce παραδιατριβή. Διατριβή Græcis vocantur doctorum et philosophorum disputationes. Sed hic additur præpositio παρά, quæ sæpe vocem cui additur, in malam partem inflectit, παραδιατριβή ergo sunt disputationes inutiles, imo noxiæ et pestilentes. Unde ex Chrysostomo et Theodoro Theophylactus vertit, « affricationes contagiosas. » Vox enim διατριβή græce non tantum disputationes; sed et conversationes, consuetudines et communicationes mutuas, indeque affricationes vel morum, vel opinionum significat. « Nam sicut scabiosæ oves, inquit Chrysostomus, siconfricentur cæteris, etiam quæ sanæ sunt inficiuntur et morbo tentantur: ita hi homines nequam, si simplicioribus quibusque interserantur, veneno eos suæ malignitatis inficiunt. Sermo enim eorum ut cancer serpit, » ut ait Apostolus, II *Timoth.* II; nimirum necesse est, ut qui sibi invicem familiares ac in colloquiis et disputationibus, mutuo aliquid affricent et communicent, ut vel bonus malum convertat, vel, quod pronius est, malus bonum pervertat. « Sicut carbo, inquit Epictetus, lib. III, cap. XVI, si juxta carbonem candentem ponatur, aut extinctus ignitum extinguet, aut ignitus extinctum igneum efficiet. »

Vers. 5. 5. QUI VERITATE PRIVATI SUNT. — Ἀπερρημένων τῆς ἀληθείας, id est, ut Vatablus, quibus adempta est veritas, qui scilicet in pœnam hæresis excæcati sunt, ut veritatem intueri non possint, quique, ut Syrus vertit, קושטא גליסין מן קושטא gelisin men kusceta, id est reprobati sunt a veritate. Hic verum est illud Publii: « Nimium altercando veritas amittitur. »

Nimium altercando veritas amittitur. Hæretici pietatem habent pro quæstibus. EXISTIMANTIUM QUÆSTUM ESSE PIETATEM. — Hinc patet, hosce hæreticos Christiana religione ac pietate abusus fuisse ad quæstum, ideoque novas doctrinas et sectas commentos esse, ut discipulos post se abducerent, a quibus quasi prophetæ colerentur et ditarentur. « Hæreticus, inquit S. Augustinus, lib. *De Utilitate credendi*, cap. 1, est qui

alicujus temporalis commodi et maxime gloriæ principatusque sui gratia falsas ac novas opiniones vel gignit, vel sequitur. » Sic hodie novantes æstimant pietatem quæstum esse, quod ecclesias vel monasteria dispoliant; quod casulas, calices, lampades, ciboria, statuas aureas et argenteas sacrilege diripiunt, fundos ac prædia Ecclesiæ contra omne jus et fas sibi vindicant.

Inter Catholicos quoque multi sunt, ut ait S. Augustinus, epist. 79 ad *Hilar.*, tales, « qui etiam putant sibi ad augendas opes suas et multiplicanda delectamenta, religionem suffragari debere Christianam. » Nimirum tales sunt, qui ad sacerdotia vel monasteria aspirant, ut divitias et delicias terrenas assequantur, ut inertem, otiosam et lautam vitam ducant.

Et Catholicis terrenis inbian-
tas.

Græca hic addunt, ἀφίσσας ἀπὸ τῶν ταούτων, id est discede a talibus: et ita legit Syrus, Chrysostomus, Theodorētus, Theophylactus; Œcumenius; Ambrosius. Sed Latina et Latini ita non legunt. Verisimile est ea ex margine vel commentario alicujus in textum Græcum irripisse.

6. EST AUTEM QUÆSTUS MAGNUS, PIETAS CUM SUFFICIENTIA. — Est correctio. Dixit enim hæreticos existimare quæstum esse pietatem: hic quasi seipsum corrigit, q. d. Imo vero ego ipse dico, quod vere quæstus magnus sit pietas, sed alio sensu quam hæretici id ipsum dicunt. Illi enim pietate abutuntur ad quæstum et opes corradendas; ego vero dico magnum quæstum esse pietatem in seipsa cum sufficientia, id est si conjuncta sit sufficientiæ, sive animo sibi sufficienti, id est sua sorte contento; quem parit et gignit ipsa pietas. Hoc enim est Græcum ἀυτάρξια, et talis ἀυτάρξια erat Apostolus, cum dicit *Philip.* IV, 11: « Ego didici in quibus sum, sufficiens esse; scio humiliari, scio et abundare. » Vide ibi dicta. Rursum sufficientia proprie et ample capi potest, q. d. Vere magnum lucrum est pietas: affert enim secum quidquid homini satis est. Ita Maldonatus, in *Notis manuscriptis*.

Sufficientia est animus sibi sufficiens.

Quæstus ergo magnus est pietas, quia opes supernaturales secum adfert et amicitiam Dei, quæ opes cœlestes piis præparat et promittit. Rursum sufficientia jam dicta magnus est quæstus et thesaurus, quia is, cui sua parva et pauca sufficiunt, nec plus cupit habere, hic dives, hic pacatus, hic felix est. Unde Ausonius:

Pietas cum sufficientia magnus est quæstus.

Quis dives? qui nihil cupiat. Quis pauper? avarus.

Sua sorte contentus, dives est et felix.

Hinc est et illud Stoicorum axioma: « Solus sapiens dives est, eo quod nihil concupiscat; » qui enim adhuc aliquid concupiscit, non habet satis, ac consequenter dives non est. Tale est et illud Ciceronis, *paradox.* 2: « Virtus ad beate vivendum seipsa est contenta, et qui virtutem habet, ei nihil deest ad beate vivendum, » q. d. Paulus: Falso isti falsi doctores arbitrantur quæstum esse pietatem, id est Christianam religionem et prædicationem rem esse per se inutilem, supervacaneam et insuffi-

Virtus seipsa est contenta.

cientem, nisi ad quæstum et turpe lucrum referatur, uti ipsi referunt: ego enim plane contrarium censeo, scilicet veram pietatem conjunctam cum sufficientia et quiete animi, quæstum esse maximum. Non ergo pii cadant animis, non tristentur, etiamsi opibus destituantur, quia pietas animusque sua sorte contentus eis est instar opum omnium. Ita Theophylactus. Sic S. Paulinus, qui se ex opulento pauperem effecit, ut suos cives redimeret, vere dives effectus est. Nam ut de eo narrat S. Augustinus, lib. I *De Civit.* x, cum barbari Nolam vastarent, sic in corde Deum precabatur: « Domine, non ego excrucier propter aurum: ubi enim sint omnia mea tu scis. Ibi enim, inquit Augustinus, habebat omnia sua Paulinus, ubi eum condere et thesaurizare Christus monuerat. » Quid enim illi non sufficiat qui Deum habet, qui est Saddai, id est ipsa sufficientia? Sic religiosi, qui bonis se abdicant per votum paupertatis, vere divites efficiuntur, animumque curis omnibus liberum ac bonis omnibus cumulatam nanciscuntur. Sic S. Ephrem in suo testamento: « Nec crumena, inquit, nec baculus, nec pera mihi unquam fuit; nunquam aurum aut argentum, aut ullam rem aliam possedi: nam bonum regem ad suos dicentem discipulos audiavi in Evangelio: Nihil in terra possideritis; quamobrem nulla me rerum ejusmodi cepit cupiditas. » Unde moriens S. Ephrem adjuravit suos, ne se veste pretiosa involverent ac sepelirent, sed si quid sibi dare vellent, id in pauperes conferrent. Cum vero quidam in ejus venerationem propensior secus fecisset, vestemque pretiosam illi adornasset, mox a dæmone correptus est, sed precibus S. Ephrem liberatus fuit, uti narrat Gregorius Nyssenus in *Vita S. Ephrem.*

Potest secundo « sufficientia » accipi quasi tam inopiæ, quam copiæ opposita, pro rebus ad vitam necessariis et sufficientibus, q. d. Magnæ sunt opes ipsa pietas cum sufficientia, id est per sufficientiam quam afferre solet, quia scilicet ordinarie Deus piis providet de sufficientia, id est de sufficienti victu et vestitu, aliisque rebus ad vitam necessariis et sufficientibus, etiamsi opes sæpe eis non concedat; Christiana enim religio et pietas docent Christianum, opes hujus vitæ sitas esse non in millibus auri et argenti, sed in sufficientia: puta divitem esse eum qui habet non affluentia, sed necessaria, quæ vitæ tuende sufficiunt, qualia Christianis et piis viris communiter largitur Deus. Ita intelligit S. Augustinus, epist. 121 ad *Proban*, cap. vi, atque hoc est quod petit Salomon, *Prov.* xxx: « Mendicitatem, ait, et divitias ne dederis mihi, tribue tantum victui meo necessaria. » Et hoc est quod Christus multis probat *Matth.* vi, ac tandem vers. 33 concludit dicens: « Quærite ergo primum regnum Dei et justitiam ejus, et hæc omnia adjicientur vobis. » Ilanc sufficientiam significavit manna datum Hebræis, quod omnibus æqualiter sufficebat; nec plus

aut minus quam sufficientia exigebat, colligebatur, ut scilicet doceret nos, inquit Nyssenus libro *De Vita Mosis*, unam esse communem in omnibus edendi mensuram divinam, sufficientiam. Hinc Plato, lib. IV *De Republ.*, ab urbe bene constituta arcendam esse docet tam affluentiam quam inopiam, servandam vero esse mediocritatem et sufficientiam rerum necessariorum. Idem in Sparta sanxit Lycurgus, dictans eam in mediocritate fore invictam, in affluentia perituram: itaque re ipsa evenit. Aristoteles vero dicere solebat, paupertatem quidem multis rebus indigere, inexplebilitatem autem omnibus. Utroque modo hic accipi posse sufficientiam indicant sequentia, ac præsertim quod ait: « Habentes alimenta et quibus tegamur, his contenti sumus; » ubi pro *contenti sumus*, græce est idem verbum ἀρκίω, a quo deducitur ἀρκύω, id est sufficientia: videlicet utraque jam dicta, qua scilicet sobriis et necessariis alimentis et tegumentis a Deo donati, iis contenti sumus. Prior tamen sensus sublimior est, et Pauli pectori congruentior.

Moraliter S. Chrysostomus, hom. 79 in *Joan.*: « Nonne, inquit, in hoc ab angelis differimus, quod ipsi non egent ut nos? Igitur quanto paucioribus indigemus, tanto magis angelis appropinquamus: quanto pluribus, tanto magis ad hanc caducam vitam deflectimus. » Et infra ostendit, quo magis cupiditas intenditur, eo etiam magis miseriam et servitutem hominis intendi et augeri: « Nonne, inquit, propterea Adam beatum dicimus, quoniam nulla re indigeret, non victu, non vestitu; quanto plura amplecteris, tanto magis derogas tuæ libertati: vera namque libertas est nulla re indigere (qualis est in Deo); in secundo loco, minimis, quam angeli habent. »

Hanc frugalitatem sectati sunt philosophi quotique, quasi sapientiæ et quietis parentem. Vide Laertium in *Vita Diogenis, Socratis* et aliorum.

7. NIHIL ENIM INTULIMUS IN HUNC MUNDUM; HAUD DUBIUM QUOD NEC AUFERRE (conciannius vertisset, *efferre*, ut habet Græcus: hoc enim opponit τῷ *inferre*, cum ait « intulimus ») QUID POSSUMUS. — Rationem dat cur sufficientia sit magnus quæstus, seu cur quisque sua sorte et paucis necessariis contentus vivere debeat, seque æstimare divitem et felicem, nec requirere opum copiam. Ratio est, quia hæc opes tantum datæ sunt ad usum præsentis vitæ, quæ brevis est, et in qua assidue nobis tendendum est ad alteram vitam, beatam et æternam, ut opes cælestes acquiramus: ergo in hac vita opibus terrenis non inhiandum est, sed modice et sobrie, ac tantum quantum ad vitam hanc necessarium est, iis utendum est; ut qui magnas habet opes, non exultare, non luxuriari; qui paucas, non tristari, nec dejici debeat; sed quisque sua sorte tam modico tempore contentus vivat, quia non plus opum dives ex hac vita exiens secum efferet, quam pauper; non plus rex vel princeps, quam faber vel agricola.

Sufficientia S. Paulini.

Sufficientia paupertatis ex S. Ephrem.

Secunda explicatio sufficientiæ. Pietas affert sufficientiam victus.

Christiana lex docet amare, non copiam, sed sufficientiam. Idem docet Salomon.

Et Plato.

Paucis contentus similis est angelis.

Vers. 7.

Contemp- Moraliter hæc cogitatio, quam hic suggerit
tum Apostolus, mire omnes Christianos excitare po-
opum test ad hanc sufficientiam, atque ad opum et om-
humana- nium rerum humanarum contemptum : si nimi-
rum sua- rum *primo* cogitent omnes nos ea lege nasci, ut
det pri- parum in vita commorati prolinus ab ea exeamus;
mo, bre- si quisque sibi dicat quod David ad Ethai : « Hæ-
vitæ vi- venisti, et hodie compelleris nobiscum egredi. »
tas, qua Quid aliud, ait S. Augustinus, est vita quam cur-
lis uti- sus et pernix cursus ad mortem, imo ad immor-
mur. talitatem? Et, ut ait Nazianzenus,

Ipsum quod vivo, est veluti rapidissimus amnis,
Qui sursum exoriens semper ad ima fluit.

Et, ut rursum idem Nazianzenus,

A tumulto tumultum peto :

Id est, ab utero matris in sepulcrum tendo. Unde
vere Seneca, *epist.* 59 : « Quotidie demitur, in-
quit, aliqua pars vitæ nostræ, et tum quoque cum
crescimus, vita decrescit. Hunc quem agimus diem,
cum morte dividimus; mox, ut in vitam ingredi-
mur, statim alia porta exire incipimus (1). »

Secundo, ad opum contemptum inducet cogita-
opum vi- tio vilitatis earum, quam hic innuit Apostolus.
litas. Quid enim sunt opes nisi massæ terræ, terræ af-
fixæ et in terra semper mansuræ? Quid enim est

Aurum aurum, inquit S. Bernardus, nisi terra rubra?
et argen- quid argentum nisi terra alba? quid sunt marga-
tum non ritæ nisi excrementa concharum? quid est pur-
sunt nisi pura nisi sanguis foedi ostrei? quid byssus nisi
terra ru- fœdus humor bombycum ab iis e visceribus educ-
bra et al- tus, et in lenta fila deductus? Pulchre ergo S. Chry-
ba. sostomus hic : « Candore, inquit, lucentis marga-
ritæ attraheris? cogita maris esse aquam, et in ejus
sinibus ante jacuisse dejectam. Rapit animam auri
fulgor et nitor argenti? cogita terram ac cinerem
ea prius fuisse et modo esse. Placet pretiosa et
serica vestis? at vermium ille contextus est, opi-
nio est et humana præsumptio : nihil habet in se
naturalis pulchritudinis, » *q. d.* Hæc magni fiunt,
non quod magna sint, sed quod homines hæc
magni faciant; auro enim et argento ac pecuniæ
pretium dat existimatio hominum.

Tertio, eodem inducet, si cogitemus nos in morte
mors quæ hinc nudos, uti venimus, remittendos cum uno
non oper, linteamine, cui involvemur, ad sepulcrum et ter-
sed opera ram quasi matrem nostram, et tantum hinc ela-
bona ef- turos nobiscum opera quæ fecimus, sive bona,
ferri at- sive mala.

Saladini Saladinus, rex Ægypti, Sultanus potentissimus,
exem- qui Christianos Hierosolymis et terra sancta, quam
plum. duce Godefrido Bullonio recuperarant, et per oc-
toginta annos tenuerant, expulit, jam moriturus
per omnia sua castra circumferri jussit interulam,
in qua sepeliendus erat, de lancea suspensam,
cum hac præconis voce : Saladinus, Asiæ totius

(1) Idem, *epist.* 402 : « Excudit natura redeuntem
sicut intrantem : non licet plus ferre, quam intuleras. »

XX.

dominator, ex tanto imperio tantisque opibus
moriens nihil aliud secum defert. Testis est Ful-
gositius, lib. VII, cap. II; Bergomensis, lib. XII;
Platina in Cœlestino III, et alii. Pulchris parabolis
duorum amicorum (scilicet opum et consanguineorum)
qui hominem accitum ad iudicium deseruerunt, et
tertii fidelis amici, puta virtutis, qui solus ei
astitit, ejusque causam apud iudicem peregit, idipsum
demonstrat Barlaam Josaphato apud Damascenum,
cap. XIII et XIV *Historiæ* eorumdem.

Quare apte in hunc Apostoli locum S. Hieronymus,
lib. II *Contra Jovinianum* : « Deliciæ, inquit, et
epularum varietates, fomenta avaritiæ sunt. Grandis
exultatio animæ est, cum parvo contentus fueris,
mundum habere sub pedibus, et omnem ejus potentiam,
epulas, libidines, propter quæ divitiæ comparantur,
vilibus mutare cibis et crassiore tunica compensare.
Tolle epularum et libidinis luxuriam, nemo quaeret
divitias, quarum usus aut in ventre, aut sub ventre est;
unde et Poeta :

Serviet æternum qui parvo nesciet uti.

Et Aristoteles in *Ethicis* omnem prodigum avarum
esse dicit. »

8. HABENTES AUTEM ALIMENTA, ET QUIBUS TEGAMUR, HIS CONTENTI SIMUS. — Pro *alimenta* græce
est διατροφή, quod S. Cyprianus explicans orationem
Dominicam vertit, *exhibitionem*, hoc est, quod
vulgo dicimus *præbendam*. In hac enim vita cuique
homini suam quasi præbendam alimoniam assignavit
Deus, qua contentus vivat oportet.

Secundo, pro *contenti simus* græce est ἀπερθησώμεθα,
id est contenti erimus, est hebraismus : Hebræi enim
futurum usurpant pro imperativo et subjunctivo;
forte etiam Noster legit per *omega* ἀπερθησώμεθα,
quod significat, *contenti simus*.

Hæc cogitabat S. Joannes Eleemosynarius, qui
in vita adeo omnia sua erogavit in pauperes, ut
moriens tantum medium nummum in cista reliquerit,
quem testamento pauperibus quoque legavit.
Et Hilarion, teste Hieronymo in ejus Vita, cum
testamento omnes suas divitias relinqueret Hesychio,
non nisi Evangelium, tunicam sacceam, cucullam
et palliolum ei reliquit.

9. NAM QUI VOLUNT DIVITES FIERI, INCIDUNT IN TENTATIONEM, ET IN LAQUEUM DIABOLI, ET DESIDERIA MULTA INUTILIA ET NOCIVA, QUÆ MERGUNT HOMINES IN INTERITUM ET PERDITIONEM. — Dat rationem cur
alimentis et tegumentis debeamus esse contenti,
quia scilicet si his non contentus appetas divitias,
incides in tentationes et laqueos diaboli.

Nota *primo* : Loquitur Apostolus omnibus Christianis,
sed maxime Episcopis et doctoribus. Falsorum enim
doctorum avaritiam taxavit vers. 5, et eorum occasione
digressus est hucusquesuadendo fugam avaritiæ;
nam, ut notat Ambrosius, doctor et pastor studens
lucris, non tantum sibi, sed et aliis nocet, quia dat
eis exemplum avaritiæ in ea

Parabolæ
Barlaam.

S. Hieronymus.

Vers. 1.

S. Joannes Eleemosynarius moriens quam pauper, et S. Hilarion.

Vers. 9.

Pastor
avarus
nequit
suo mu-
neri sa-
tisfacere.

re ad quam natura nostra maxime proclivis est. Adde, vix possibile esse, ut talis suo muneri et curæ satisfaciatur : qui enim vilis lucelli gratia Ecclesie curam suscipit, lanam potius et lac, quam ovium suarum salutem spectat; imo curas et cogitationes pene omnes in nummis accumulandis consumit : necesse est ergo ut animas negligat, non curet, vix de iis cogitet. Ubi adverte : Non dixit Apostolus : Qui divites sunt, sed, Qui volunt divites fieri. Nam, ut ait S. Augustinus, *hom. 13 inter 50*, « Cupiditates accusavit, non facultates : avaritia enim est velle esse divitem, non autem esse divitem; » ut idem Augustinus ait, *serm. 203 De Tempore*. Nam divites multi boni et sancti sunt, qui pecunias habent, sed eas aspernantur ac rite dispensant et in pauperes distribuunt.

Pecunias
magis
amant ii
qui eas
compar-
ant,
quam
eorum
hæredes,
cur?

Hinc secundo, notat Theodoretus hanc cupiditatem inesse magis iis qui pecunias suo labore comparant, quam iis qui eorum sunt hæredes aut successores. Ratio est, quam dat Plato lib. I *De Republ.*, quia scilicet illi qui sua industria opes comparant, magis amant illas tanquam fructus et fetus suo sudore partos; qui vero eas possident sine labore, minus eas amant, quia cogitant eas esse fetus non propriæ, sed alienæ industriæ. « Nam et poemata, inquit, sua amant poetæ magis quam aliena, et proprios filios parentes magis amant quam alienos.

Cupido
opum
omnis
mali cau-
sa, quia
est inex-
plebilis.

Nota tertio : Cupido divitiarum inducit in tentationem, quia inexplebilis et vehementissima est; imo

Crescit amor nummi, quantum ipsa pecunia crescit.

Hinc inducit hominem, ut negligat Sacrum et res divinas, ut contractus usurarios ineat, ut violet jura divina et humana, atque per fas et nefas opes accumulet; et, si pœnitere volens moneatur restituenda esse injuste acquisita, restituere nolit, adeoque facilius animam sibi quam opes male partas avelli patiatur. Hinc Apostolus avaritiam vocavit idolorum servitutem et avarum idololatram.

Nota quarto : T³ diaboli non est in Græco, nec in Syro, nec apud Chrysostomum, Theodoretum, Theophylactum, sed intelligitur et forte olim fuit. Nam Primasius et Cyprianus, *serm. 6 in Orat. Dominicam*, legunt nomen diaboli. « Advertis, inquit Cyprianus, laqueum diaboli esse divitias, quem tetendit etiam Salvatori. »

Quis la-
queus
divitia-
rum?
Prima
expositio.
Secunda.

Secundo, Chrysostomus « laqueum » hunc intelligit infidelitatem, in quam labuntur qui toti inhiant divitiis : hoc enim est quod versu sequenti ait Apostolus : « Quam quidam appetentes erraverunt a fide. »

Tertia.

Tertio, Haymo « laqueum » hunc interpretatur damnationem.

Quarta.

Quarto, alii superbiam accipiunt. Quocirca S. Augustinus in *Sententiis*, num. 197 : « Dominus, ait, est rerum quæ habet, qui nulla cupiditate illuditur. Nam qui amore terrenorum obstringitur, non possidet, sed possidetur. »

Quinto, alii captivitatem intelligunt, quæ animi libertatem tollit; dives enim suis opibus quasi compedibus astrictus est, unde opes a Gentilibus Plutonis compedes nuncupantur.

Quinta.
Opes
sunt Pla-
tonis com-
pedes.
Sexta et
optima.

Sexto et optime, laqueus diaboli est is, quem explicans statim subdit Apostolus : « Et desideria multa inutilia et nociva; » ubi conjunctio et significat, id est. Ita enim sumitur *Coloss. II, 8* et alibi, ut ibi dixi.

Unde nota quinto : « Laqueus, » et, ut Cyprianus loco jam citato legit, *muscipula*, quam volentibus dutescere injicit diabolus, sunt desideria inutilia et nociva, quæ necessario ingerunt se tum ad comparandas, tum ad augendas, tum ad impendendas opes. Adde divitias sequi ambitionem et desiderium gloriæ ac pompæ in vestitu, in curribus, in famulatu, in palatiis, in mensa, in conviviis omnique apparatu externo : quæ mentem hominis distrahunt a Deo et rebus divinis, eamque in se trahunt et absorbent, totamque vanam, cupidam, deliciosam, superbam efficiunt, aliisque multis peccatis illaqueant. Merito ergo S. Bernardus, *serm. 3 in Psal. Qui habitat*, ex his Apostoli verbis inferens : « Ergone laqueus diaboli divitiæ sunt hujus sæculi? » gemit et exclamat : « Heu quam paucos invenimus, qui ab hoc liberati laqueo exultent! quam multos, qui dolent quod parum sibi videntur irretiti, et adhuc quantum possunt, ipsi se involvere et intricare laborant! Vos qui reliquistis omnia et secuti estis non habentem ubi caput suum reclinaret, Filium hominis, exultate et dicite : Quoniam ipse liberavit me de laqueo venantium. Confitemini illi toto corde, tota anima, tota virtute, et ex ipsis medullis cordis ei gratias agite dicentes : Quoniam ipse liberavit me de laqueo venantium. »

MERGUNT. — Græce *ὑποζύουσι*, id est demergunt in profundum, « interitum » scilicet et damnationem : sunt enim « inutilia et nociva. » Ubi adverte : Pro *inutilia* græce est *ἀνὸντοις*, id est stulta et amentia. Ita Theophylactus, qui id ipsum explicans addit : « Quomodo, ait, non est stultum simias alere, belluas ac pisces in vivariis ac septis includere, equos exornare auro, intraque lectum aquam ducere, ac in solo, sive pavimento domus faciem veluti in speculo ob nitorem lapidum contemplari? hæc stulta sunt ac noxia, quæ animæ divitias lædunt, sensusque absument. Quid, quod plerique (divites opibus superbientes) tyrannidem affectantes mortem sibi ipsis attulerunt? »

Stultitia
divitum.

Præclare Galenus in paraphrasi orationis *ἐπὶ τὰς τέχνας* : Demosthenes, inquit, divites imperitos et litterarum expertes aureas pecudes appellabat, Diogenes vero eosdem ficibus comparabat, quæ nascuntur in locis præruptis et inaccessis. Harum enim arborum fructu non homines, sed cervi et graculi vescuntur : sic et horum bona et reditus non ab honestis hominibus; sed a quibusdam facetis et assentatoribus absumentur. Plato, lib. V

Demos-
thenes
divites
imperito-
s vocat
aureas
pecudes.

De Legibus, asserere non dubitat eos, qui valde divites sunt, non esse viros bonos, eo quod homines fere opibus et rebus secundis insolescant. Plutarchus narrat ita quemdam Syllæ ob tot opes glorianti respondisse: « Quomodo vir bonus esse potes, qui tam magnas opes possideas, cum nihil a patre acceperis? »

10. RADIX OMNIUM MALORUM EST CUPIDITAS. — S. Augustinus, lib. II *De Genesi ad litter.*, cap. XIV, et Anselmus cupiditatem sive avaritiam accipiunt generalissime, illam scilicet, qua quisque appetit aliquid amplius, sive honoris, sive opum, sive voluptatum, sive vindictæ, quam ipsi conveniat; ita ut superbiam comprehendat cupiditas quasi speciem, idque probat, quia alibi, puta *Ecclesiæ* x, 13, dicitur « initium omnis peccati esse superbia. »

Secundo, quia constat non omne peccatum nasci ex cupiditate pecuniæ: Diaboli enim peccatum fuit non amor pecuniæ, sed honoris.

Verum hæc oppositio est præter mentem Apostoli. Id patet ex Græco, ubi pro cupiditas est φιλαργυρία, id est amor et cupiditas argenti, puta pecuniæ, sive avaritia proprie dicta. Ita explicant Ambrosius, Chrysostomus, Theophylactus et passim alii.

Hæc ergo avaritia est radix omnium malorum, non quasi omnia peccata, quæ in individuo unquam facta sunt ab ullo homine vel angelo, manaverint ex avaritia: hoc enim falsum est; sed quod omnis generis mala et peccata ex avaritia nasci soleant et sæpe nata sint: vox enim omnium distributive capitur non pro singulis generum, sed pro generibus singulorum. Eodem sensu dici posset superbia esse radix omnium malorum, quia omnis generis mala prodire solent ex superbia. Sic enim vulgo dicimus humilitatem esse radicem omnium bonorum, charitatem, patientiam, orationem esse radicem omnium virtutum; quia qui hasce virtutes habet, per eas alias omnes sibi comparare potest, et sæpe actu sibi comparat.

Hinc patet responsio ad primam objectionem

S. Augustini: tam enim superbia, quam avaritia, radix est omnis peccati; quia tam superbia, quam avaritia hominem impellit ad omnia peccata, sive ad omne genus peccatorum.

Aliter, sed subtilius respondet D. Thomas, I II, Quæst. LXXXIV, art. 1 et 2, scilicet superbiam dici initium omnis peccati ordine intentionis, avaritiam vero dici radicem omnis peccati ordine executionis; quia avaritia suppeditat modum et instrumentum, scilicet pecuniam, cui omnia obediunt, ad implendum et exequendum omne peccatum, quod superbus animo suo concipit et patrare destinat. Hoc sæpe verum est, non tamen semper: sæpe enim fit ut avaritia tam ordine intentionis, quam executionis præcedat superbiam sitque radix omnis peccati, adeoque ipsius superbiæ; uti sæpe videmus pauperes et humiles, cum ditescunt, propter opes incipere inolescere

et superbire. Prior ergo responsio planior, plenior et solidior videtur.

Hinc pulchre moraliter S. Ambrosius: « Avaritia, ait, quia omnia mala potest admittere, ideo radix omnium malorum est; quia ut desideria sua expleat (quod tamen impossibile est ut reipsa assequatur), et maleficia, et homicidia, et obscenitatem, et quidquid sceleris est perpetrat. » Idem Ambrosius, lib. *De Cain et Abel*, cap. v: « Avaritia, inquit, quo plura abstulerit, eo magis inopem se esse credit; omnibus invida, sibi vilis; in summis divitiis inops, affectu extenuat, quod sensu abundat; nullus rapiendi modus, ubi nulla mensura cupiendi; elementa concutit, mare sulcat, terram effodit, cælum votis fatigat, nec sereno grata nec nubilo, condemnat proventus annuos, fœtusque terrarum arguit. » Sic Bias: « φιλαργυρία, ait, ἐστὶ τῆς κακίας μητρόπολις, » id est studium pecuniæ est metropolis omnis malitiæ. Sic et Timon: « Duo sunt, inquit, malorum elementa, ἀπληγία et φιλοδυσία, » id est inexplebilis opum cupiditas et gloriæ appetentia; et Virgilius:

Quid non mortalia pectora cogis,
Auri sacra fames!

sacra, id est sacrilega. Et Horatius:

Perdidit arma, locum virtutis deseruit, qui
Semper in augenda festinat et obruit re.

Sic et Ecclesiasticus, x, 9: « Avaro, inquit, nihil est scelestius: hic enim et animam suam venalem habet. » « Extirpa ergo cupiditatem, ait Augustinus, serm. 12 *De Verbis Domini secundum Matth.*, et planta charitatem: sicut enim radix omnium malorum est cupiditas, ita radix omnium bonorum est charitas. » Vide Chrysostomum in morali hom. 17.

Denique scripsit in hanc Apostoli sententiam S. Augustinus homiliam, quæ est octava inter 30, tom. X, ubi inter cætera ait: « Quia radix omnium malorum est cupiditas, et radix omnium bonorum est charitas, et simul ambæ esse non possunt; nisi una radicis evulsa fuerit, alia plantari non poterit: sine causa aliquis conatur ramos incidere, si radicem non contendit evellere. » Deinde cum Apostolo exhortans quemlibet ad eleemosynam, ait: « Si enim habet, profert et dat; si non habet, sufficit ei coram Deo voluntas bona: hic est pauper in arca, sed dives in conscientia; pauper in domo, sed dives in animo. »

QUAM QUIDAM APPETENTES ERRAVERUNT A FIDE, ET INSERUERUNT SE DOLORIBUS MULTIS. — Relativum « quam » non refert « cupiditatem, » sed « pecuniam: » hæc enim appetitur, non autem ipsa cupiditas. « Pecunia » autem licet non sit in Latino textu, est tamen in Græco: includitur enim in voce φιλαργυρία, hæc enim non est aliud quam φιλία τῆς ἀργυρίας, sive ἀργύρου, id est amor pecuniæ.

Ecce quam omnium malorum radix sit cupiditas, cum ad apostasiam, hæresim, infidelitatem, quæ malorum omnium est caput et congeries,

Morale
de avari-
tia om-
nis mali
fonte.

Avaritia
est me-
tropolis
malitiae.

fers. 10.

Quænam
cupiditas
sit radix
omnium
malorum?
Prima
sententia,
S. Au-
gustini.

Secunda
et genui-
na.

Quomodo
superbia
sit radix
omnis
peccati?

Expositio
S. Tho-
mæ.

deducat: avarus enim qui tantum praesentia bona quaerit per fas et nefas, negligit Deum et divina, adeoque tandem non credit superesse bona alia futuri saeculi, itaque religionem omnem ac fidem contemnit.

Sic hodie multi vel metu amittendarum, vel spe acquirendarum opum a fide Christiana ad haeresim desciscunt.

Opes sunt dolores et spinæ triplices. INSEUERUNT (περίπειραν, id est infixerunt, vel transfixerunt) SE DOLORIBUS MULTIS. — Amor enim pecuniæ instar spinæ mentem hominis transpungit et vulnerat aculeatis curis, vigiliis, angoribus, timoribus, laboribus et molestiis, q. d. O homo, quid appetis opes? spinas appetis, non rosas; aculeos quaeris, non gemmas. Ita Chrysostomus cum suis. Verum quia hos dolores subjungit Apostolus apostasiæ avarorum, quasi iis se inserant avari postquam erraverunt a fide, non ante: Hinc

Secundo. Secundo, melius ex hebraismo dolores multos interpretabimur peccata et scelera multa, quæ infidelitatem et avaritiam sequuntur. Hebraei enim peccatum vocant *אמל* *amal*, id est laborem et dolorem, quia causa est multorum dolorum. Sic *Psalm. vii, 15*: «Concepit dolorem (id est peccatum et iniquitatem, sequitur enim) et peperit iniquitatem,» scilicet quam concepit. Ita per opes et avaritiam corruptos fuisse mores Romanorum docet Iuvenalis, et ex eo S. Augustinus, epist. 5 ad Marcellinum. Audi eum:

Servabat castas humilis fortuna Latinas
Quondam, nec vitiis contingi parva sinebat
Tecta labor, somnique breves, et vellere Tusco
Vexatæ duræque manus, ac proximus urbi
Hannibal, et stantes Collina in turre mariti.
Nunc patimur longæ pacis mala. Sævior armis
Luxuria incubuit, victumque ulciscitur orbem.
Nullum crimen abest, facinusque libidinis, ex quo
Paupertas Romana perit.

Tertio. Tertio, plenissime accipiemus hic quosvis dolores, sive puros, sive cum peccato conjunctos, qui avaros, praesertim in infidelitatem prolapsos, consequi solent; uti sunt infamia, angor conscientiae, damna rerum temporalium, perplexitas et pene necessitas non tantum usuras, fraudes, sed et infidelium commercia, superstitiones et errores, omnesque infidelitatis actus admittendi, ne suorum gratiam perdant, scilicet ut videantur vere descivisse ad infideles et ex animo infidelitatem esse complexi; ac tandem metus, periculum et reatus gehennæ, qui est dolor dolorum. «Quapropter, inquit Prosper, lib. II *De Vita contempl.*, cap. xiii, ei qui militat Deo, fugiendæ sunt divitiæ, quas qui habent, sine labore non quaerunt, sine difficultate non inveniunt, sine cura non servant, sine noxia delectatione non possident, sine dolore non perdunt.» Noli ergo ea amare, quæ amata inquinant, possessa onerant, amissa cruciant.

Præclare Galenus, lib. *De Curandis animi morb.*,

cap. ix, ostendit cupiditatem esse inexplebilem, omnisque tristitiæ causam: «Scito, inquit, omnis mœroris causam esse insatiabilitatem, ex eo quod cupiditates habeant homines, quæ neque satiari, neque expleri possunt. Semper enim concupiscunt, qui praesentium rerum inexplebiles sunt: proinde si duplum quidpiam habent, triplum illico student acquirere; si triplum, quadruplum, appetere incipiunt. Quare tu nunquam omnibus ditior, sed propter immensas cupiditates, semper futurus es pauper. Recte igitur dictum, insatiabilitatem vitium animi esse pessimum: fundamentum enim quoddam esse omnium cupiditatum, pecuniæ, gloriæ, bonorum, principatus, contentionis.»

Et S. Chrysostomus, hom. cum Sartonius et Aurelius acti essent in exilium, tom. V: «Vesana, inquit, divitiarum cupiditas, est morbus insaniabilis, fornax quæ nunquam exstinguitur, tyrannus per orbem longe diffusa: divitiæ ingratae sunt, fugitivæ, homicidæ, crudeles et implacabiles, bestiae incircurabiles, præcipitium undequaque præruptum, scopulus assiduus plenus fluctibus, mare innumeris ventis agitatum, inimicæ irreconciliabiles, quæque nunquam erga eos, a quibus possidentur, remittunt similitatem.»

Et Chysologus, *serm. 29*: «Cupiditas, inquit, sævus hostis, amando lædit, nudat ditando, etiam captivat aspectum, fidem frangit, violat affectum, vulnerat charitatem, turbat quietem, adimit innocentiam, docet furtum, suadet fraudes, imperat latrocinium.»

Quin et Plutarchus in *Moralibus*, docet avaros infelicem agere vitam: «Ut Chius, inquit, ille vina optima vendebat aliis, ipse vappam potabat: sic qui omnia sua depravant, nec suis ipsorum bonis fruuntur. Hujus servus interrogatus, quid ageret dominus: Cum adsint, inquit, bona, quaerit mala.»

11. TU AUTEM, O HOMO DEI, HÆC FUGE. — Notat *vers. 11.* Theodoretus et Chrysostomus in Scriptura viros eximie sanctos, Deoque familiares vocari *homines Dei*, non quod reliqui homines non sint Dei, sed quod hi imaginem Dei, ad quam creati sunt, puram a peccatis integramque conservent. Sic vulgo vocamus *homines divinos*, qui rara virtute sunt admirabiles. Sic Achilles ab Homero sæpe vocatur *δῖος Ἀχιλλεύς*, id est divinus Achilles. Verum nota esse hebraismum; Hebraei enim *אִישׁ הָאֱלֹהִים* *isch haelohim*, id est virum Dei, vocant eum, qui est Dei apud homines internuntius, interpres, vicarius, per quem Deus loquitur, operatur et moderatur suum populum.

Hinc primo, et sæpissime hoc nomen tribuitur Prophetis, quos Spiritus Dei regebat. Sic Eliæ dicit *Pentateuchus IV Reg. i, 11* et *12*: «Homo Dei,» cui Elias: «Si homo Dei sum, descendat ignis de cœlo,» etc. Sic *I Reg. ix, 6*, de Samuele dicitur: «Vir Dei est in civitate hac;» sic *Judicum xiii, 6*, Manue de angelo, quem videbat: «Vir Dei,

Homo Dei vocatur propheta.

inquit, venit ad me, habens vultum angelicum; » sic III Reg. xiii, 1, dicitur: « Vir Dei venit de Juda in sermone (id est jussu) Domini in Bethel. » Quis autem sit hic vir Dei, exponit vers. 18, ubi eum vocat נביא *nabi*, id est prophetam; sic II Timoth. cap. iii, vers. 17, doctor sacræ Scripturæ vocatur a Paulo « homo Dei: » jam enim sunt doctores, quod olim erant prophetæ.

Secundo, *Secundo*, אֱלֹהִים *isch haelohim*, id est homo Dei, est nomen quod tribuitur regibus, principibus et prælatis a Deo constitutis, ut suo nomine populum regant: his enim Deus suam potestatem judicandi et gubernandi (quam significat nomen *elohim*) communicat. Sic Moses a Deo constitutus, Deique ad populum internuntius, vocatur « homo Dei, » Deuter. xxxiii, 1; sic David, II Paralip. viii, 14, vocatur « homo Dei; » sic Act. ii, 22, Petrus Jesum vocat « virum approbatum a Deo (id est virum Dei) virtutibus et signis, quæ Deus fecit per illum; » et cap. xvii, vers. 31, Paulus Jesum vocat « virum in quo Deus judicaturus est orbem. » Vir ergo Dei idem est quod iudex, legislator, princeps, qui Dei nomine et virtute judicat, regit, operatur. Hic Timotheus utroque sensu vocatur « homo Dei: » priore, quia erat propheta, id est doctor populi; posteriore, quia erat Episcopus et princeps Ecclesiæ Ephesinæ eamque vice Dei regebat, q. d. Paulus: Memento, o Timothee, cujus sis, cui servias: Dei es, Deo servis, Dei vicarium agis; vide ergo ne avaritiæ, de qua hactenus egi, servias: nemo enim potest Deo servire et mammonæ.

SECTARE VERO JUSTITIAM, — δίκαια, id est persequere, uti venator persequitur feram, ita tu justitiam: persequere, inquam, id est persequi perge majori studio et conatu, ut justitiam, pietatem, etc., quæ habes, in te et tuis subditis, foveas et auges: significatur enim hic non actus inchoatus, sed continuatus, juxta Can. 32.

Nota: Pro *mansuetudinem*, Ambrosius legit *tranquillitatem animi*: hanc enim parit mansuetudo. Porro mansuetudo Episcopo et Doctori valde est necessaria, ut suaviter et efficaciter in animos influat iisque virtutes inserat et vitia eximat: nec enim homines vitiosi ferunt asperitatem correctionis.

Vers 12. 12. CERTA BONUM CERTAMEN FIDEI, APPREHENDERE VITAM ÆTERNAM, IN QUA VOCATUS ES, ET CONFESSUS BONAM CONFESSIONEM CORAM MULTIS TESTIBUS. — Græce est ἀγωνίζου τὸν καλὸν ἀγῶνα, q. d. Agoniza pulchrum sive præclarum agonem fidei. Alludit enim ad palæstram et agones, qui Ephesi et in Græcia celebrabantur. Rursum alludit ad agones et certamina militaria, in quibus pulchrum est decertare fortiter usque ad mortem, ut generosus miles dicat sibi: Tu ne cede malis, sed contra audentior ito; moriar potius quam fugiam, pulchramque pelam per vulnera mortem. Talis enim debet esse Christianus, ut quasi miles Christi pro Christo et Christi fide ad mortem et martyrium

usque decertet. Unde ad hunc agonem generose obeundum passim Christianos adhortatur Apostolus, ut Philipp. i, 30: « Idem, inquit, certamen (græce ἀγῶνα) habentes, quale et vidistis in me et nunc audistis de me. » Hebr. xii, 1: « Per patientiam curramus ad propositum nobis certamen (ἀγῶνα). » I Cor. ix, 25: « Omnis qui in agone contendit, ab omnibus se abstinere; et illi quidem ut corruptibilem coronam accipiant, nos autem incorruptam: sic currite ut comprehendatis. » Quod hic iisdem pene verbis dicit: « Certa bonum agonem, apprehende vitam æternam. »

Secundo, certamen sive agonem fidei, quem subit Episcopus, de quo hic proprie agit Apostolus, est, ut acerrimum se ostendat fidei Christianæ defensorem, propagatorem et propugnatorem contra omnes insidias et persecutiones Judæorum, Gentilium et hæreticorum. Talis fuit agon Pauli, I Thessal. ii, 2: « Passi, inquit, et contumeliis affecti, etc., fiduciam habuimus in Deo nostro loqui ad vos Evangelium Dei in multa sollicitudine, » græce ἀγῶν; et II Timoth. iv, 7: « Bonum certamen certavi, » græce τὸν καλὸν ἀγῶνα ἡγήνησμαι. Hunc agonem describit II Cor. cap. xi, vers. 23 et seq.

Tertio, dicitur agonem fidei is, quo quisque Christianus et præsertim Episcopus, contra peccata et vitia, omnesque mundi illecebras et concupiscentias, æque ac terrores depugnat. Dicitur « fidei, » tum quia ob fidem Christi suscipitur; tum quia fides per spem et charitatem operans hoc bellum conficit. Persuadet enim Christiano, ut pro amore Dei sui et spe bravii cœlestis obtinendi strenue in hoc bello decertet. « Hæc est victoria, quæ vincit mundum, fides nostra, » inquit S. Joannes, *epist. I*, cap. v, vers. 4. Unde Apostolus, ad Hebræos xi, docet, « sanctos per fidem vicisse regna, operatos esse justitiam, aliaque admiranda partim fecisse, partim pertulisse. »

APPREHENDERE (viriliter certando tanquam palam victoriæ) **VITAM ÆTERNAM, IN QUA** (græce εἰς ζωὴν, id est ad quam) **VOCATUS ES** — a Deo.

Ita certarunt omnes Sancti cujusvis sæculi, et certando virtutis laudem et coronam adepti sunt. Audi S. Chrysostomum, *serm. De Martyr.*, tom. III: « Ab origine mundi, ait, innocens Abel occiditur, Henoch Deo placens transfertur, justus Noe invenitur, Abraham fidelis probatur, Moses mansuetus dignoscitur, Jesus castus, David lenis, Elias acceptus, Daniel sanctus, tres pueri victores redduntur, Apostoli discipuli Christi credentium magistri habentur; a quibus eruditi Confessores fortissimi pugnant, Martyres perfecti triumphant, et Christiani semper exercitus diabolum Deo armati debellant. In istis semper pares virtutes, dissimiles pugnæ, gloriosæ victoriæ. » Deinde horum exemplo singulos ad certamen excitans, eisque classico canens ait: « Unde tu, Christiane, delicatus es miles, si putas te posse sine pugna vincere, sine certamine triumphare. Exsere vires, fortiter

Qualis sit agon militis

Christiani?

Quis agone Episcopi?

Quis agone dei?

Certamen Sanctorum ex S. Chrysostomo

dimica, atrociter in praelio isto concerta. Considera pactum, conditionem attende, militiam nosce: pactum, quod spondidisti; conditionem, qua accessisti; militiam, cui nomen dedisti.»

Ita septem fratres Machabæi intuitu vitæ æternæ et spe beatæ resurrectionis singuli se invicem excitabant ad certandum contra Antiochum; unde secundus linguam et manus constanter carnifici præcidendas extendens: «E cælo, ait, ista possideo; sed propter Dei leges nunc hæc ipsa despicio, quoniam ab ipso me ea recepturum spero.» Mater vero eos exhortans aiebat: «Mundi Creator spiritum vobis iterum cum misericordia reddet et vitam, sicut nunc vosmetipsos despicietis propter leges ejus.» Et ad minimum conversa: «Peto, ait, nate, ut aspicias ad cælum, etc., ut non timeas carnificem istum; sed dignus fratribus tuis effectus particeps, suscipe mortem, ut in illa miseratione cum fratribus tuis te recipiam.» Certantibus enim vita æterna promissa est, et datur ut bravium.

Audi pulchram hæc de re visionem, quam narrat Joannes Moschus in *Prato spirit.*, cxxx: «Narravit, ait, nobis et istud Abbas Athanasius de se: Venit, inquit, mihi aliquando cogitatio, dicens: Quid putas erit certantibus et non certantibus? Et cum factus essem in exstasi, venit ad me quidam dicens mihi: Sequere me; adduxitque me in quemdam locum plenum luminis et gloriæ, statuitque me juxta unam januam, cujus species enarrari non potest: audiebamus autem interius quasi multitudinem innumerabilem laudantium Deum. Cumque pulsaremus, audivit quispiam intus et dixit: Quid vultis? Ait ductor meus: Ingredi volumus. Respondit ille: Non huc ingreditur quispiam in negligentia degens; sed si intrare vultis, abite, certate, nihil æstimantes vanitates sæculi.»

ET CONFESSUS, — *q. d.* Ob hanc palmam, scilicet vitam æternam, consequendam confessus es bonam confessionem: *Primo*, in baptismo, inquit Chrysostomus, Theophylactus, Ambrosius. Olim enim adulti, qualis erat Timotheus, qui ex gentilismo convertebantur ad christianismum, publicam faciebant professionem fidei et christianismi; qualem fecisse Victorinum Rhetorem docet Augustinus, lib. VIII *Confess.*, cap. II. Hinc ad hanc fidei confessionem retinendam voceque et vita profitendam, sæpe suos hortatur Apostolus, ut *Hebr.* x, 23: «Teneamus, inquit, spei nostræ confessionem indeclinabilem.» II *Corinth.* ix, 13: «Glorificantes Deum in obedientia confessionis vestræ in Evangelium Christi.» *Hebr.* III, 1: «Considerate Apostolum et pontificem confessionis nostræ Jesum.»

Triplex
confessio
Timo-
thei.
Prima.

Secunda.

Secundo et potius, «confessus,» vel, ut vertit Syrus, Vatablus et alii, *professus* es bonam professionem, quando in persecutione Gentilium, ac præsertim fabrorum Dianæ Ephesinæ illustrem fidei protestationem, imo propugnationem, Ephesi in publico Asiæ totius theatro cum vitæ tuæ peri-

culo ostendisti et exhibuisti. Ita quoque explicat Chrysostomus et Theophylactus; ad hanc enim in persecutione protestationem potissimum respicere Apostolum patet, quia agit de protestatione, in qua, ut præcessit, profitens fidem Christi certat bonum certamen, ut apprehendat vitam æternam. Unde et mox subdit talem confessionem fecisse Christum coram Pontio Pilato, in summa scilicet persecutione Judæorum quærentium Christum ad necem, ut ad crucem a Pilato damnaretur, eo quod confiteretur se esse Messiam.

Tertio, non male S. Thomas, Cajetanus, Lombardus, intelligunt de ea protestatione et promissione, quam, præsertim populo Christiano, fecit Timotheus, dum consecraretur Episcopus, scilicet se evangelizaturum fidem et fideliter curaturum Ecclesiam Ephesinam. Sic monachi et Religiosi faciunt bonam confessionem et professionem, dum faciunt vota, quibus profitentur se renuntiare mundo, mundi voluptatibus et divisibili vitæ, inquit S. Dionysius, cap. VI *Eccles. Hierarch.*, pag. 2.

Tertia.

13. PRÆCIPIO TIBI CORAM DEO, ET CHRISTO JESU, Vers. 13. QUI TESTIMONIUM REDDIDIT SUB PONTIO PILATO BONAM CONFESIONEM. — Notat Ambrosius tam severo præcipere Apostolum, non tam propter Timotheum, cujus zelus hoc præcepto non egebat, quam propter ejus successores, omnesque deinceps futuros Episcopos.

Secundo, duos hic Episcopo stimulos addit ad acuendam ejus virtutem et animum in hoc agone, quem præcipit Paulus. Prior est, quod decertet «coram Deo, qui vivificat omnia,» id est qui omnibus viventibus vitam dat et conservat; ac præsertim qui omnes homines a morte ad vitam resuscitabit, *q. d.* Age ergo, o Episcope! viriliter depugna, sciens tibi paratam a Deo in resurrectione coronam vitæ æternæ. Posterior est, quod decertet coram Christo, quem hic exemplar bonæ professionis proponit: non enim in tribulatione aut persecutione deficiet, qui cogitaverit serio, quanta pro se, quamque constanter et patienter passus sit Christus.

Duos sti-
mulos
Episcopo
addit
Paulus.

Præclare Cyprianus, lib. II, *epist.* 6 ad Martyres et Confessores, eos exhortatur, dicens: «Si vos acies vocaverit, si certaminis vestri dies venerit, militate fortiter, dimiccate constanter, scientes vos sub oculis præsentis Domini dimicare, confessione nominis ejus ad ipsius gloriam pervenire: qui non sic est, ut servos suos tantum spectet, sed et ipse luctatur in nobis, ipse congreditur, ipse in certamine agonis nostri et coronat pariter et coronatur.»

Unde nota *tertio*: Christus «testimonium reddidit bonam confessionem,» id est testimonium quod fuit bona confessio: est enim appositio; nam græce est, *μαρτυρία* τὴν καλὴν ἐμολογίαν, id est qui (scilicet Christus) testatus est, vel testatam fecit bonam vel præclaram confessionem. Hæc bona sive præclara Christi confessio fuit, qua coram

Quænam
Christi
confessio?

Pontio Pilato, totoque concilio et populo Judæorum professus est se esse Messiam regem Judæorum, missum in mundum ut testimonium perhiberet veritati, scilicet ut doceret homines veram doctrinam bene et pie vivendi et ad salutem æternam perveniendi. Ita Chrysostomus, Theophylactus et alii.

Nota *quarto* : Non dixit Apostolus : Confessus est bonam confessionem, uti dixerat de Timotheo vers. præced., sed : « Testatus est, vel testatam fecit, bonam confessionem ; » quia Christus suam confessionem ore tenus factam, passionis, crucis et mortis tolerantia testatam fecit, suoque sanguine confirmavit et obsignavit. Ita Chrysostomus cum suis. Hoc enim significat Græcum *μαρτυρίασαντες*. Christus enim est Martyr et Martyrum dux et caput : unde *Apoc. i* vocatur *testis* (græce *μάρτυρ*) *fidelis*, et inde Martyres sunt dicti, qui sanguine suo, morte et martyrio protestantur fidem Christi esse veram; alii enim qui in tribulationibus examinati profitebantur fidem Christi, a bona sua confessione vocabantur Confessores : quod si deinde eam ob causam morte afficerentur, vocabantur Martyres, hinc de Christo canit Ecclesia : « Rex gloriose Martyrum, corona confitentium. »

Martyres
sunt
testes
Christi.

Vers. 14.

Manda-
tum qua-
druplex.
Primum.
Secun-
dum.

14. UT SERVES MANDATUM SINE MACULA, IRREPREHENSIBILE. — Nonnulli intelligunt mandatum dilectionis, quod primum, magnum et generale est mandatum.

Secundo, alii accipiunt de mandato quod baptizato traditum est in baptismo, ut scilicet vestem innocentie quam accepit custodiat, seque immaculatum et irreprehensibilem exhibeat Christo venienti ad iudicium.

Tertium.

Tertio et melius, alii intelligunt mandatum quod immediate præcessit, scilicet : « Certa bonum certamen fidei. »

Quar-
tum.

Quarto et plenissime, « mandatum, » id est mandata, *q. d.* Quidquid tibi, o Episcopo, hac epistola præscripsi et demandavi, hoc serva.

Quid sit
servare
manda-
tum sine
macula?
Prima
propositio

Nota : Mandatum hoc jubet servari « sine macula, » non quasi mandatum quod sanctum et purum est, in se reprehendi possit, sed quod mandatarius cui datur mandatum, illud servare debeat integre et inviolate, ut jure de ejus neglectu aut violatione reprehendi nequeat. Est ergo hypallage : mandatum enim servatur « sine macula et irreprehensibile, » quando mandatarius mandato obediens seipsum servat sine macula et irreprehensibilem : unde Græca sic habent, *τηρῶσαι σε τὴν ἐντολὴν ἁσπλουν καὶ ἀνεπίληπτον*. Ubi τὸ ἁσπλουν καὶ ἀνεπίληπτον non ad ἐντολὴν, sed ad σε referendo verti potest cum Valabro, Erasmo et aliis, ut *serves mandatum immaculatus et irreprehensibilis*. Hinc etiam Chrysostomus et Theophylactus sic explicant, *q. d.* Paulus : Serva mandata mea integre, ita ut neque in dogmatibus, neque in moribus maculam contrahas, ob quam merito reprehendaris.

Secunda

Secundo tamen, Œcumenius, Hesselius et Pri-

masius proprie ipsum mandatum dicunt ab obediēte servari sine macula et irreprehensibile ; quia qui inobediens mandatum transgreditur, quodammodo mandato notam aliquam et labem aspergit, illudque maculat et reprehendi facit ; præsertim si sit Episcopus ; hic enim si male vivat, facit ut Gentes blasphement tam legem, quam nomen Christi et Christianorum. Sic *Jacobi iv, 11* dicitur : « Qui detrahit fratri, detrahit legi, » quæ scilicet vetat detractionem. Sicut enim qui legi huic aliisque obedit, legem honorat : ita qui legem violat, ac proximo detrahit, legi ipsi detrahit, legemque ipso facto vilipendit et infamat.

USQUE IN ADVENTUM DOMINI NOSTRI JESU CHRISTI.

— Pro *adventu* græce est *ἐπιφανίας*, id est apparitionem, illustrationem et illustrem splendidumque adventum : nam, ut dicitur *Matth. xxiv, 30* : « Videbunt Filium hominis venientem in nubibus cæli cum majestate magna et potestate. » Hac ergo mentione illustris et gloriosi adventus Christi ad iudicium, excitat Apostolus Episcopum et Christianos omnes, ut sine macula se servant in obedientia mandatorum Christi, utpote qui sciant se a Christo et cum Christo gloria æterna donandos. Unde Christianis hic adventus Christi deberet esse non terrori, sed in votis et desiderio. « Si enim, inquit Augustinus, in *Psal. cxlvii*, amaremus Christum, utique adventum ejus desideraremus. »

15. QUEM (supple adventum Christi, ut patet ex *Vers. 13.* græco *ὅν*) **SUIS TEMPORIBUS OSTENDET** (id est *exhibebit*) **BEATUS ET SOLUS POTENS.** — Nota : Pro *beatus* græce est *ὁ μακάριος*, *q. d.* Ille beatus, qui scilicet est ipsa beatitudo, beatque omnes angelos et sanctos, teque, o Timothee, omnesque Christianos beabit, si servant ejus mandata sine macula, ut dixi.

Secundo : Pro *solus potens* græce est *μὶνος δυνατός*, id est, solus dynasta et princeps ; quia scilicet Deus a se ipso habet omne dominium, potestatem, principatum, illudque ita absolutum, potens et eminens, ut ejus respectu creati principes et dynastæ videantur non esse principes et dynastæ, sed tantum famuli Dei, quibus gratis et quasi mendicato umbraticum, exilem et temporarium dominatum et principatum elargitur et communicat Deus. Sic dicitur : « Nemo bonus nisi solus Deus ; » rursum : « Ego sum qui sum, » quia esse Dei et bonitas Dei tam perfecta, solida et immensa sunt, ut omnis essentia et bonitas creata respectu illius increate vix umbra sit, *q. d.* Paulus : Ne timeas mundi dynastas et reges in confessione et propugnatione fidei, o Timothee : his enim præsidet summus dynasta, qui solus proprie et absolute dynasta est, cui tu servis, quique tui curam gerit et te contra omnes mundi dynastas tuebitur. Ita Chrysostomus.

REX REGUM. — Græce βασιλεὺς τῶν βασιλευσάντων, id est rex regnantium, scilicet non tantum regum, sed et tyrannorum. Erasmus hæc tria Dei epitheta sic distinguit : *δυνατός*, inquit, dicitur reipublicæ gubernator et princeps : *δυναστεύων* enim dicuntur,

Deus est
solus dy-
nasta.

Tria Dei
epitheta
juxta
Eras-
mum.

qui potentia rempublicam obtinent; quod Deo proprium est, utpote qui nullis subjectus est legibus. *Βασιλεύς* vero, id est rex, dicitur Deus a providentia, quasi *πᾶσι ἐπιτάσσων*, quod scilicet omnibus prospiciat; et hoc unice convenit Deo. Denique dicitur Deus *Κύριος*, id est Dominus, quod auctoritatis est nomen: nullus enim potest rescindere quod Deo placuit. Ita Erasmus.

Unde
*Βασι-
λεύς?*

Auctoris
sententia.

Verum minutior et exilior est ista distinctio: potius videtur Apostolus hæc quasi synonyma congerere ad explicandam et exaggerandam immensam, omniaque transcendentem Dei potentiam et imperium, idque pernomina et dignitatum titulos, qui apud homines gradationem quamdam ab imo ad summum significant. Nam apud homines inter principes minimi sunt dynastæ; his majores sunt reges; sed maximi sunt Domini sive Imperatores. Sic Augustus, Tiberius, Nero et alii Romani Imperatores vocabantur Domini, scilicet summi et absoluti, ut patet *Actor. xxv, 26*. Sic etiamnum Turcarum Imperator ab eis nuncupatur Magnus Dominus. Hinc et Deus vocatur *ᾯδν Adonai*, id est *Domini* in plurali, hoc est, multus et magnus Dominus.

Vers. 16. 16. QUI SOLUS HABET IMMORTALITATEM. — Sicut dicitur Deus solus potens, ita et solus immortalis, scilicet a seipso plenissime et absolutissime, ita ut a nulla re mors aut interitus Deo inferri possit; angeli enim et animæ licet immortalitatem Dei, sicut et esse spiritale Dei, aliquo modo participant, imperfecte tamen et tenuiter eam, reque ut esse Dei, participant, adeoque absolute à Deo interimi et annihilari possunt. Hinc Plato in *Timæo* inducit Deum diis minoribus, id est angelis, ita loquentem: «Generati estis immortales quidem, et tamen indissolubiles omnino non estis: nec tamen nunquam dissolvemini, nec mortis fatum subibitis. Nam voluntas mea majus præstantiusque vobis est vinculum ad vitam custodiendam, quam nexus illi quibus estis tunc, cum gignebamini, colligati.»

Secunda, solus Deus est immortalis, id est immutabilis. *Secundo*, S. Augustinus, lib. I *De Trinit.*, cap. I, et Gregorius, lib. XII *Moral.*, cap. XVII, per «immortalitatem» hic accipiunt immutabilitatem: immutabilitas enim est ratio et quasi causa incorruptionis et immortalitatis, et rursus, omnis immutabilitas est quædam immortalitas, sicut omnis mutabilitas est quædam mors, et contra. Quia quod mutatur, transit ab eo quod erat ad aliud quod non erat: quod est quædam mors et interitus prioris esse, quod mutatione hac deperit. Jam hoc sensu constat solum Deum esse immortalem, id est immutabilem; nam angeli et homines mutabiles sunt. Unde S. Bernardus, serm. 81 in *Cant.*, infert animam hominis, licet sit immortalis, tamen modicam tantum habere partem immortalitatis, eo quod Apostolus de Deo dicat: «Qui solus habet immortalitatem. Quod ego, inquit, reor pro eo dictum, quod solus sit natura incommutabilis Deus, qui ait: Ego Dominus, et non mutor. Vera

namque et integra immortalitas tam non recipit mutationem, quam nec finem; quod omnis mutatio quædam mortis imitatio sit. Omne etenim quod mutatur, dum de uno ad aliud transit esse, quodammodo necesse est moriatur quod est, ut esse incipiat quod non est. Quod si tot mortes, quot mutationes, ubi immortalitas? Et huic varietati subjecta est ipsa creatura,» etc.

Nota, hæc dici contra Simonem Magum: ipse enim præter Deum ponebat alias virtutes vel principes immortales et potentes per se et independentes quasi a Deo. Hos ut tollat Paulus, dicit solum Deum esse potentem et immortalem ex se.

Dices: Solus Pater hic dicitur potens et immortalis; ergo Filius et Spiritus Sanctus non sunt immortales et potentes per se. **Objectio.**

Respondeo primo, negando antecedens: nam absolute loquitur hic Apostolus de Deo, qui communis est tribus personis. Unde S. Augustinus, lib. I *De Trinitate*, cap. VI, vult Apostolum hic loqui de tota SS. Trinitate. **Respon-**
sio pri-
ma.

Secundo, etiamsi de solo Patre, ut vult Chrysostomus, diceret Apostolus: Solus Pater est potens et immortalis; hoc ipso non debet intelligi seclusus Filius aut Spiritus Sanctus, sed tantum ea, quæ sunt alterius naturæ, seu quæ aliam habent essentiam, quam habeat Deus Pater. Est enim axioma Theologorum, particulas exclusivas, solus, tantum, duntaxat et similes, in divinis, cum adduntur actibus notionalibus, excludere alias personas; cum vero adduntur attributis essentialibus (qualis est potentia, immortalitas, etc.), tantum excludere alias essentias, seu res quæ aliam habent naturam. Tam ergo Filius et Spiritus Sanctus quam Pater, habent omnipotentiam et immortalitatem per se, sive ex se, id est, ex sua essentia et divinitate. **Secunda.**

Tertio, respondet Cyrillus, lib. IV *Thesauri*, cap. ult., solum Patrem habere potentiam et immortalitatem a se, quia a nullo alio ea habet: Filium autem et Spiritum Sanctum non habere ea a se, sed a Patre, quia est principium totius SS. Trinitatis, ut *τὸ se non naturam, sed personam denotet.* **Tertia.**

LUCUM HABITAT INACCESSIBLEM. — Hæc lux est ipse splendor et gloria majestatis divinæ increata, immensa et inenarrabilis, quæ est fons omnis luminis, claritatis, cognitionis, gloriæ; et ut verbo dicam, hæc lux est ipse Deus. Unde anthropopathos in ea habitare dicitur Deus: Deus enim proprie domum non habet, in qua habitet, sed habitat, id est existit, in seipso. **Lux est ipsa gloriosa Dei majestas.**

Secundo, hæc lux nobis est inaccessa: unde nobis non lux, sed caligo est. Hinc in veteri Testamento Deus Mosi et Prophetis apparuit in nube et caligine, *Exodi xx, 21*; *Psalm. xvii, 10 et 12*: «Posuit, inquit, tenebras latibulum suum;» *Psalm. xcvi, 2*: «Nubes et caligo in circuitu ejus.» Quæ de re S. Dionysius, epist. 5 ad *Dorotheum*: «Caligo, inquit, divina est inaccessibleis, in qua

Hæc lux est caligo, in qua habitat Deus.

habitare dicitur Deus: hæc est invisibilis propter eximiam claritatem, et inaccessibleis propter immensam luminis copiam. » Lux ergo Dei infinita vocatur in Scriptura *caligo et nubes*: quia præstringit oculos nostros, ita ut non magis immensam hanc Dei gloriam intueri possint, quam densissimas tenebras, aliamve caliginem, seu nubem atram.

Quomodo
nemo
possit vi-
dere
Deum?
Prima
expositio.
Secunda.

QUÆM NULLUS HOMINUM VIDIT, SED NEC VIDERI POTEST, — scilicet oculo corporeo. Ita Hesselius. *Secundo*, Commentarius Ambrosio ascriptus, hic intelligit hæc de solo Patre, quem in veteri Testamento apparuisse negat, ita ut nullus Prophetarum aut hominum Deum Patrem viderit, sed tantum Filium. Vult enim in omnibus apparitionibus solum Filium apparuisse. Sed hoc refellit S. Augustinus, lib. II *De Trinitate*, XVIII, et verius Ambrosius in illud *Lucæ* I, 11: « Apparuit illi angelus Domini, » docetque etiam Patrem et Spiritum Sanctum apparuisse; et patet *Genesis* cap. XVIII, ubi Abraham vidit tres Angelos representantes tres personas SS. Trinitatis: unde tres vidit, sed tres quasi unum compellavit et adoravit.

Tertia.

Tertio, alii accipiunt hæc de hac vita mortali, q. d. Paulus: In hac vita mortali nec ego, nec Moses, nec quis alius vidit, aut videre potest divinam essentiam. Verum hoc absolute non videtur verum: etiamsi enim demus neminem actu vidisse Deum, potest tamen Deus facere, ut aliquis homo mortalis videat Dei essentiam.

Quarta
et genui-
na.

Hinc *quarto*, germane et solide, nemo potest videre Deum, scilicet per se et suas naturæ vires, sive nemo potest videre Deum sua acie mentis, suo naturali acumine, suo ingenio, uti præsumebant Anomæi: sed necesse est ut homo visurus Deum supra hominem elevetur, ac per gratiam naturam transcendat et super seipsum attollatur, atque quasi supernaturalem vim visivam oculumque accipiat, puta lumen gloriæ, quo Deum videre possit. Quod ergo dicitur *Genes.* XXXII, 30: « Jacob vidisse Deum facie ad faciem, » et Moses, *Num.* XII, 8, dicitur *ore ad os*, quasi amicus cum amico familiariter cum Deo collocutus, intelligendum est non de Dei essentia, sed de corpore a Deo, vel potius ab angelo personam Dei representante assumpto, in quo facie ad faciem cum Mose et Jacobo angelus vice Dei colloquebatur. Hinc recte colligunt Theologi, nec esse, nec esse posse aliquam creatam substantiam, cui connaturale sit videre Deum, seu quæ viribus naturæ suæ possit videre Deum, ac consequenter cui naturale sit lumen gloriæ: tali enim creaturæ Deus non habitaret lucem inaccessibleem, sed per se accessibilem; talisque per se posset videre Deum ac consequenter deberet esse talis ordinis divini, et in eodem ordine cum Deo; ac quasi par Deo. Quæ omnia repugnant Apostolo hic, cum dicit Deum ita transcendere omnia creata, omnemque omnino intellectum, sive creatum de facto, sive possibilem, ut a nullo viribus suis suæque na-

Quomodo
Jacob
et Moses
viderint
Deum fa-
cie ad fa-
ciem?

Nulla
potest
creari
creatura,
cui sit
connatu-
rale vi-
dere
Deum.

turæ adiri, accedi, videri possit. Sic cap. I, vers. 17, Deum vocavit « regem sæculorum invisibilem. »

CUI HONOR ET IMPERIUM SEMPITERNUM. — Pro imperium græce est *κράτος*, quod non tantum imperium, sed et potestatem ac robur significat, q. d. Reges hujus mundi habent suum robur et imperium, sed breve: « omnis enim potentatus vita brevis; » Deus vero robur et imperium habet æternum, quo impios in æternum puniet, Sanctos vero gloriæ et regni sui participes faciet in die adventus Christi ad iudicium.

Qui
κράτος
Dei?

17. DIVITIBUS HUIUS SÆCULI PRÆCIPE NON SUBLIME SAPERE, NEQUE SPERARE IN INCERTO DIVITIARUM. — Quia vers. 6 et seq. egit de vitiis cupientium ditescere, hinc transit ad ipsorum divitum vitia, eorumque remedia. Ephesus enim nobile erat Asiæ emporium; unde multi in ea mercatores erant prædivites.

Vers. 17.

Nota: Vocat « divites hujus sæculi, » quia sunt alii divites sæculi futuri. Vocantur ergo divites et divitiæ hujus sæculi, quia cum hoc sæculo instar bullæ et momenti transeunt. *Secundo*, quia terrenæ sunt, miserræ, viles et exiles, quale est hoc sæculum et homines sæculares, omniaque secularia. Sic dives Epulo in hoc sæculo dives erat, sed in futuro pauper: contra Lazarus mendicus in præsentī vita pauper erat, in futura dives. Vide S. Augustinum, serm. 212 *De Tempore*.

Divites
alii sunt
hujus
sæculi,
alii futu-
ri.

Secundo, vult Paulus ut Timotheus Episcopus præcipiat divitibus *non sublime sapere*, græce *μὴ ὑψηλοφρονεῖν*, quod Ambrosius vertit, *non superbe sapere*; Vatablus, *non elato esse animo*; sed proprie significat sublimiter de se sentire, magni se facere, multum sibi arrogare. « Nam sicut vermis poma, ita divitiis superbia innascitur, » inquit Anselmus; et Augustinus, serm. 5 *De Verbis Domini secundum Matth.*, tom. X: « Omne, inquit, pomum, omne granum, omne frumentum, omne lignum habet suum vermem: alius est vermis mali, alius piri, alius fabæ, alius tritici: vermis divitiarum, superbia. »

Vermis
divitia-
rum su-
perbia.

Tertio, vult divites « non sperare in incerto (græce *ἀνέλεσται*, id est incertitudine) divitiarum suarum, » quia opes hæc instabiles sunt, caducæ, et minimo vento belli, naufragii, furti et cujuslibet mutationis rerum humanarum difflantur, pereunt et ab uno alteri afflantur, ut qui hodie est Creso ditior, cras sit Iro pauperior. Adde, in morte, cujus dies et hora nobis incerta est, omnes opes nos deserent: ita ut non tam opum domini, quam usufructuarii simus, ait Chrysostomus. Quis ergo sapiens in eis spem suam defigit? « Stulte, inquit Christus diviti illi, *Lucæ* XII, 20, hac nocte animam tuam repetunt a te; quæ autem parasti cujus erunt? » Hinc Diogenes Cynicus, opes quia viles sunt et fluxæ, vocabat vomitum fortunæ. Chrysostomus, hom. in *Eutropium*, vocat eas servum fugacem, imo homicidam; exemplumque statuit ipsum Eutropium, qui a summo

Incerti-
tudo
divitia-
rum.

Opes
sunt vo-
mitus
fortunæ.

opum et honorum gradu in imum lapsus, cum a militibus ad necem posceretur, ad Ecclesiam (cujus immunitatem violaverat) confugere coactus, ibique a Chrysostomo exceptus, et homilia jam dicta defensus ac servatus est.

Vers. 17. SED (sperare) IN DEO VIVO (QUI PRÆSTAT NOBIS
et 18. OMNIA ABUNDE AD FRUENDUM), 18. BENE AGERE, DIVI-

Vers. 19. MUNICARE, 19. THESAURIZARE SIBI FUNDAMENTUM BO-
NUM IN FUTURUM, UT APPREHENDANT VITAM VERAM. —

Cur Deus
vocetur
vividus?

Aple incertitudini divitiarum, quæ non permanent, sed cito pereunt, opponit Deum vivum qui semper permanet, vivit et viget. Sic enim Hebræi Deum æternum et stabilem vocant *יהוה* *et chai*, id est Deum vivum; ut eum opponant diis Gentium et idolis, quæ sunt dii saxeï et lignei, ideoque falsi et mortui. Unde S. Augustinus, serm. 203 *De Tempore*, ait: «Apostolus jubet non sperare in incerto divitiarum, sed in Deo vivo. Fur tibi tollit aurum; quis tibi tollit Deum? quid habet dives, si Deum non habet? Noli ergo in divitiis sperare, sed in Deo vivo, qui præstat nobis abundanter omnia, cum quibus omnibus et seipsum.» Idem lib. XIII *Confess.*, VIII: «Male, inquit, mihi est præter te, et omnis mihi copia, quæ Deus meus non est, egestas est.» Secundo, «Deus vivus» significat Deum divitem, largum et liberalem, qui vitam, omniaque sua bona nobis largiter aspirat et communicat; hinc a Græcis deorum summus dicitur *Ζεύς*, vel *Ζην*, quia, ut ait Laertius in Zenone, *τὸ ζῆν αἰτίας ἐστὶ*, vivendi cæteris causa est. Unde Paulus hic idipsum explicans subdit, «Qui præstat omnia abunde (*πλουσίως*, id est diviter, opulente, copiose: alludit enim ad verbum *πλουτῶ*, id est divitias, de quibus præcessit),» id est qui est et dicitur hebraice *saddai*, de quo dixi *Philipp.* IV, 11.

Quomodo
Deus
præstat
omnia ad
fruen-
dum?

Hic ergo «præstat omnia ad fruendum,» ut scilicet aere, aqua, luce, sole, elementis, inquit Chrysostomus, fruamur æque pauperes ac divites, utque frugibus et opibus terræ, omnibusque animæ et corporis alimentis et fomentis abundemus (qua de re pulchre disserit Seneca, lib. IV *De Beneficiis*, cap. IV) iisque frui possimus, id est cum voluptate uti: «Deus enim cibo et lætitia implet corda nostra,» ut dicitur *Actor.* XIV, 16; nam alioqui proprie bonis præsentibus tantum utimur, æternis vero fruimur. Unde S. Augustinus, serm. 3 *De Verbis Domini secundum Matth.*: «Deus præstat, inquit, et temporalia et æterna: ad utendum temporalia tanquam viatoribus, ad fruendum æterna tanquam habitatoribus: temporalia unde bona faciamus; æterna, ut boni efficiamur.»

Nota: Apostolus hic septem præcepta dat divitibus. Primum est, ut in suis opibus spes suas non defigant. Secundum ut sperent in Deo vivo.

Tertio, vult Apostolus divitibus præcipi *bene agere*, græce *εὖ πράττειν*, id est ut bona opera operentur, et fugiant luxum aliaque peccata et mala opera, quæ opes consequi solent.

Quarto, vult ut «divites fiant in bonis operibus,»

scilicet multa bonorum operum merita sibi accumulando: veræ enim divitiæ sunt non aurum et argentum, sed virtutes et virtutum opera.

Quinto, ut «facile tribuant,» græce *εὐμεταδότους* *ἔστω*, id est, ait Ambrosius, ut faciles sint ad impartendum, ad largiendum, ad dandam eleemosynam.

Sexto, ut «communicent,» id est pares suos alios mortales agnoscant, inquit S. Augustinus, serm. 3 citato *De Verbis Domini*; et, ut Haymo, communicare, inquit, est mortales se recogitare et socios esse aliis hominibus in fragilitate. Secundo, Græcum *κοινωνικός*, id est communicantes, Chrysostomus, Theophylactus, Oecumenius interpretatur benevolos, amicos, societatis amantes, humanos, qui alios præsertim pauperes non despiciunt, sed sine fastu familiariter cum iis loquuntur et agunt. Tertio, et aptius ad sequentia et præcedentia, per «communicare» intelligit facile mutuare, commodare et rerum suarum usum communem facere, sicut enim per «facile tribuere» intellexit facilem donationem: ita per «communicare» intelligit facilem opum suarum communicationem per mutuum, commodatum, aliosque modos a donatione distinctos. Vult enim divites sua liberaliter non tantum donare, sed et utenda dare: opes enim eis ad usum datæ sunt tum proprium, tum alienum; hæc tamen avari tenaciter retinent, et e viscatis manibus abire non sinunt; liberales vero liberaliter eas communicant.

Septimo, vult Apostolus divites «thesaurizare sibi fundamentum bonum.» Hoc fundamentum Commentarius Hieronymo et alter Primasio ascriptus (qui uterque, ut dixi in præmio, revera est Pelagii, vel Pelagiani alicujus) interpretatur vendere omnia et dare pauperibus; id quod vult esse præcepti. Hec enim inter alias fuit quoque hæresis Pelagii, scilicet Christianis præceptum esse a Christo et ab Apostolo, vendere omnia sua eaque dare pauperibus, ac consequenter omnibus Christianis vetitas esse opes et præceptam paupertatem, ideoque divites non posse salvari; idque Christum docuisse *Matth.* XIX, 24, cum dixit: «Facilius est camelum per foramen acus transire, quam divitem intrare in regnum cælorum.»

Pelagii
hæresis
fuit
Christia-
nos om-
nes debe-
re esse
pauperes.

Hoc refellit S. Augustinus, epist. 89 *ad Hilarium*, Quæst. IV, meminitque expositionis hujus loci jam dictæ, eamque Pelagianam vocat. Unde sequitur commentarios hos Hieronymo ascriptos esse Pelagiani cujuspiam: refellit autem hac ratione, quod S. Paulus velit a divitibus ali uxores, filios et servos: hi autem sine opibus ali non possunt. Rursum, quod nullum extet paupertatis hujus præceptum, quod omnibus Christianis sit datum; non enim dicit Christus: Si vis Christianus, sed: Si vis perfectus esse, vade et vende omnia; locus autem *Matthæi*, cap. XIX, alium habet sensum, ut ibi dicam.

Refellit-
tur.

Dico ergo: Vult Apostolus divites sibi thesau-

rizare et recondere « in futurum, » scilicet sæculum, « fundamentum bonum, » id est firmas opes et bene fundatas, scilicet spirituales, cælestes et æternas : puta virtutes et virtutum pietatisque opera. Has enim opes quasi fundamentum solidum opponit incerto divitiarum hujus sæculi. Ita Chrysostomus, Theophylactus, Anselmus et Theodoretus, qui hinc docet veras divitias hominis Christiani repositas esse in cælo, ubi Christus admonet ut colloceus thesauros nostros, quos nec ærugo demolitur, nec tinea corrumpit.

Quod fundamentum bonum divitiis comparandum.

Bona opera sunt fundamentum futuri ædificii.

Ubi nota : Bona opera vocat Apostolus « fundamentum » futuri ædificii, quod nobis præparatur in cælo ; quia tota præparatio futuræ gloriæ est per merita, quæ hic acquirimus per gratiam, inquit S. Thomas. Unde subdit Apostolus : « Ut apprehendant veram vitam, » scilicet beatam et æternam. Bona ergo opera sunt fundamentum vitæ æternæ, quibus scilicet vitæ æterna acquiritur et superstruitur. Unde clare sequitur « bona opera » esse causam meritoriam vitæ æternæ. Ita Chrysostomus, Theophylactus et alii.

Vera vita est in cælis, falsa hic.

Nota secundo, « veram vitam » dici illam, quæ Beatorum est in cælis. Unde Græca habent, ζῶνς αἰώνιος, id est vitam æternam : hæc enim præsens vita, non vita, sed vanitas est et mors potius dicenda quam vita. « Hæc est ergo, inquit S. Augustinus, serm. 5 De Verbis Domini secundum Mattheum, falsa vita ; apprehendenda est ergo vera vita ; migrandæ sunt facultates nostræ ad locum veræ vitæ, ut hoc ibi inveniamus, quod hic damus. » Sicut ergo insipiens esset, qui in locum alium migrare deberet, ubi nihil inveniret, nisi quod præmisisset, nihil tamen illuc vellet præmittere : ita insipiens est qui hic suas opes per eleemosynam et bona opera non præmittit in futuram vitam in cælo, ut ibi ex iis in æternum alatur et vivat. Pulchra parabola idipsum Josaphato regi declarat Barlaam apud Damascenum, cap. XIV Historiæ eorumdem.

Vers. 20.

20. O TIMOTHEE, DEPOSITUM CUSTODI. — Iterum atque iterum redit Apostolus ad Episcopum Timotheo inculcat, ut novas et falsas doctrinas caveat, et antiquam veramque fidem tueatur. Quia hæc res angebat animum Apostoli prævidentis hæreses mox suborituræ. Pro depositum, Ambrosius legit, commodatum ; Œcumenius, per depositum, intelligit præcepta Dei hic a Paulo proposita Timotheo ; alii cum Theodoretis intelligunt gratiam, munus et officium Episcopale ; Cajetanus accipit populum quasi gregem sub depositi ratione Episcopo Timotheo commissum ; alii charitatem, vel etiam castitatem intelligunt.

Quid depositum hic? Variæ sententiæ.

Depositum est doctrina sana per manus tradita.

Verum certum est per « depositum » Apostolum intelligere doctrinam sanam, quæ Timotheo quasi Episcopo credita erat, eique quasi depositum a Deo et Paulo commendata. Unde consequitur doctrinam hanc solere per manus tradi, ejusque custodes esse Episcopos obstrictos ad hoc, ut ne minimam quidem ejus partem tolli aut vitari

patiantur. Lex enim depositi, inquit Chrysostomus, non patitur ut aliquid illius pereat sine culpa apud depositarium. Hinc S. Basilius præfecto Valentis Imperatoris Ariani urgenti ut ei in nonnullis cederet, ita respondit : « Qui divinis innutriti sunt eloquiis, corrumpi de divinis dogmatibus nec unam syllabam patiuntur ; sed pro iis, si ita oporteat, omnes mortis species amplectuntur. »

Hanc doctrinam vocari hic « depositum » patet primo, quia ita se explicat Paulus subdens : « Devitans profanas vocum novitates et oppositiones falsi nominis scientiæ ; » ubi profanas novitates et falsi nominis scientiam quasi deposito oppositam et contrariam vitari jubet ; si ergo falsi nominis scientia opponitur deposito, sequitur depositum esse veri nominis scientiam, puta sanam doctrinam, quæ vera est sapientia et scientia.

Secundo, idipsum patet ex epist. II, ubi hoc depositum iterum atque iterum commendat Timotheo, et iisdem pene verbis, quibus hic, utitur, cum ait cap. I, 13 : « Formam habere sanorum verborum, quæ a me audisti in fide, et in dilectione in Christo Jesu : bonum depositum custodi. » Et cap. II, 2 : « Quæ audisti a me per multos testes, hæc commenda fidelibus hominibus. » Et infra : « Sollicite cura teipsum, etc., recte tractantem verbum veritatis, profana autem et vaniloquia devita. » Ecce tibi idem quod hic ait : « Devitans profanas vocum novitates. »

Tertio, quia ita explicant Chrysostomus, Theophylactus, Œcumenius, Anselmus et pulcherrime Vincentius Lirinensis in aureo suo libello contra hæreses, post medium libri.

Ex quo nota, sanam doctrinam vocari « depositum, » primo, quia a Christo apud Ecclesiam fuit deposita et instar depositi Apostolis et Episcopis asservanda tradita et commissa. Unde pulchre Vincentius singula Apostoli verba explicans et perurgens : « O Timothee, inquit, o Episcopo, o sacerdos, o doctor! O, exclamationis est et præscientiæ et charitatis : prævidebat enim futuros, quos prædolebat errores ; custodi propter fures, propter inimicos depositum, id est doctrinam sanam, quæ tibi quasi Episcopo credita est a me et a Christo, non quæ a te inventa ; quam traditione accepisti, non quam excogitasti ; cujus non auctor debes esse, sed custos. »

Cur sana doctrina vocetur depositum? Prima causa ex Vincentio Lirinensi.

» Secundo, depositum custodi, id est talentum catholicæ fidei inviolatum illibatumque conserva : aurum accepisti, aurum redde ; ne plumbum, ne æramenta supponas : eadem quæ didicisti ita doce, adorna, illustra, ut cum dicas nove, non dicas nova.

Secunda

» Tertio, depositum, id est doctrinam catholicam, universalem, unam eandemque per singulas ætatum successiones, incorrupta veritatis traditione manantem et usque in sæcula sine fine mansuram custodi. Devitans, quasi viperam, quasi scorpionem, quasi basiliscum, profanas, id est quæ nihil

Tertia.

habent sacri, nihil religiosi, a sacra fide, Ecclesia, religione alienas, vocum, id est dogmatum, rerum, sententiarum et consequenter sermonum novitates, quæ sunt vetustati, quæ antiquitati contrariæ. Si vitanda est novitas, retinenda est antiquitas; si profana est novitas, sacrata est vetustas; si novitates recipiantur, necesse est ut fides beatorum Patrum aut tota, aut certe magna ex parte violetur, necesse est ut omnes omnium ætatum fideles, omnes sancti, casti, virgines, omnes clerici, Levitæ, sacerdotes, tot Confessorum millia, tanti Martyrum exercitus, tanta urbium, tanta populorum celebritas et multitudo, tot insulæ, provincie, regiones, gentes, regna, nationes, totus postremo terrarum orbis per Catholicam fidem Christo capiti incorporatus, tanto sæculorum tractu ignorasse, errasse, blasphemasse, nescisse quid crederet, pronuntietur. » Audiant et perpendant hæc Novantes, quibus curæ est quære sanam fidem et salutem æternam.

DEVITANS PROFANAS VOCUM NOVITATES. — Græca jam habent *καυοφωνία*, id est vanitates sive inanitates vocum; et ita legit Syrus, Œcumenius et Theophylactus, qui eas vocat *ματæολογίας* et vaniloquentias, qualis fuit illa Triphyllii Episcopi alias eruditi, qui pro concione referens illa verba Christi: « Tolle grabatum tuum et ambula, » pro grabato quasi voce minus concinna, « lectum » dixit; quem audiens magnus ille Spiridion reprehendit dicens: « Numquid tu præstantior es eo qui grabatum dixit? » testis Nicephorus, lib. VIII, cap. XLII.

Verum Chrysostomus, Ambrosius, Augustinus et passim veteres legunt cum nostro Interprete *καυοφωνία*, id est novitates vocum. Alludit et perstringit nova et portentosa nomina triginta æonum Valentini, et 365 principiorum quæ habebant Gnostici, aliaque his similia aliorum Novantium. De quibus Hieronymus in *Amos III*, ad illa verba, *Congregamini montes Samariæ*: « Unusquisque, inquit, fingit quod vult et adorat figmentum suum, ut Marcion bonum Deum et otiosum; ut Valentinus æonas triginta, et extremum Christum, quem appellat *ἐκτρώμα*, id est abortivum; ut Basilides, qui omnipotentem Deum portentoso nomine appellat *ἀβραῆας*: eundem secundum Græcas litteras et annui cursus numerum dicit in solis circulo contineri; quem Ethnici sub titulo aliarum litterarum vocant *μίσραν*. » Talis novitas vocis excogitata fuit ab Arianis, cum Filium Patri esse *ἐμώσιον*, id est consubstantialem, negantes, adinvenierunt eum esse Patri *ἐμωύσιον*, id est similem in substantia.

Nota: Signum hæresis est novitas doctrinæ et sermonum, indeque hæretici passim a Patribus quasi novantes notantur, deteguntur et damnantur.

Unde S. Augustinus, *Contra Crescon.*, lib. II, cap. LIII, ita Cresconium stringit: « Ecclesiam, inquit, periisse dicitis et vos unde nati fueritis, os-

tendite. Sola igitur Evangelica doctrina per excellentiam vera et antiqua dicitur, ad invidiam falsæ, quæ nova appellatur. » Idem ad Optatum, de ratione animæ: « Semper, inquit, viris sanctis suspecta fuit novitas. »

Contra, sana doctrina cana est et prisca, a Christi et Apostolorum temporibus ad nos illibate derivata. Hinc S. Joannes, *epist.* I, cap. II, vers. 7: « Non mandatum, inquit, novum scribo vobis. » Et vers. 24: « Quod audistis ab initio, in vobis permaneat. »

Hoc antiquitatis telo impetit et jugulat Marcionem Tertullianus, lib. IV *Contra eundem*, cap. IV, cum ait: « Ego meum Evangelium dico verum, Marcion suum: quis inter nos determinabit, nisi temporis ratio ei præscribens auctoritatem, quod antiquius reperietur; et ei præjudicans vitiationem, quod posterius revincetur? In quantum enim falsum est corruptio veri, in tantum præcedat est necesse veritas falsum. » Idem *Contra Hermogenem*: « Solemus, inquit, compendii gratia hæreticis de posteritate præscribere. » Eodem telo percutit novatores omnes S. Hieronymus, scribens *ad Pammachium et Oceanum*: « Cur, inquit, post quadringentos annos docere nos niteris, quod ante nescivimus? usque ad hunc enim diem sine ista doctrina mundus Christianus fuit. » Et Nazianzenus; *ad Chlidonium*: « Si, inquit, ante hos triginta annos fides incepit, cum quadringenti fere sint anni, ex quo manifestatus est Christus, certe et Evangelium nostrum in tanto tempore fuit inane, inanitas et fides nostra, » etc. Et Augustinus, lib. II *Contra Crescon.*, cap. XLV, hoc Donatistis objicit: « Ecclesia, inquit, periisse dicitur; et vos unde nati fueritis, ostendite. » Qua de re rursum Tertullianus, lib. *De Præscript.*, cap. XXXII: « Edant, inquit, origines Ecclesiarum suarum, evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis habuerit auctorem et antecessorem. »

Nota secundo: Non sunt profanæ vocum novitates nomina nove adinventæ, quæ res fidei brevius et clarius explicant, quia res nomine significata non est nova, sed prisca et antiqua; talia sunt: « Trinitas, hypostasis, consubstantialis, Christianus, liberum arbitrium, Purgatorium, Indulgentiæ, transsubstantiatio. » De quibus audi S. Augustinum, tract. 97 *in Joannem*: « Non ait Apostolus, Vocum novitates; sed addit, Profanas: sunt enim et doctrinæ religionis congruentes verborum novitates; et xenodochia atque monasteria postea sunt appellata novis nominibus, res tamen ipsæ et ante nomina sua erant. Adversus quoque impietatem Arianorum novum nomen Patres *homousion* condiderunt; sed non rem novam tali nomine signaverunt. Hoc enim vocatur *homousion*, quod dicitur, Ego et Pater unum sumus. » Quocirca S. Athanasius disputans cum Ario, cum Arius objiceret *ἐμωύσιον* esse novam Nicenorum Patrum vocem, sanctæ Scripturæ incog-

Profana
est novi-
tas, sa-
crata ve-
tustas.

Ματæολο-
γία Tri-
φυλλίου.

Quoniam
sit novi-
tas vo-
cum?

Novitas
doctrinæ
signum
est hæ-
resis.

Sana doc-
trina est
cana et
prisca.

nitam, respondit eique regressit suum τριούσιον : « Ostende mihi, inquit, in sacra Scriptura tuum τριούσιον, et ego ostendam nostrum θεούσιον : imo vero tres in Deitate substantias, quas tu fingis, nunquam e Scriptura ostenderis; ego autem unicam esse substantiam in tribus personis divinis (quod est θεούσιον) tibi e Scriptura evincam. » Ita refert ipse S. Athanasius in disp. cum Ario habita jussu Constantini Imperatoris, lib. I; θεούσιον enim nomen in Scriptura non reperitur, sed res nomine significata : τριούσιον vero nec nomen, nec res, utpote falsa et hæretica.

OPPOSITIONES FALSI NOMINIS SCIENTIÆ. — Græce ἀντιθέσεις τῆς ψευδωνύμου γνώσεως, id est antitheses falso nominate scientiæ : intelligit objectiones sive oppositiones, quas hæretici, qui falso sibi arrogant et jactant suam scientiam, objiciunt Catholicis contra sanam fidem.

Unde dicti sint Gnostici? Notat Theodoretus et Chrysostomus quod Apostolus hic perstringat hæreticos jam tum suborientes, qui se Gnosticos, id est scientes, nominabant, quasi ipsi soli præ aliis saperent, sed falso; non enim est vera scientia, ubi vera fides non est. Sic quis alii hæretici, inquit Vincentius Lirinensis, falso sibi scientiam sacræ Scripturæ et doctrinæ arrogant, quam opponunt veræ fidei; et ignorantiam suam scientiæ, caliginem et tenebras, luminis appellatione fucant et colorant. Ridicule Commentarius Hieronymo ascriptus (qui hinc rursus esse Pelagii dignoscitur) per « falsi nominis scientiam » accipit Dialecticam (uti et commentarius Vatablo ascriptus intelligit Philosophiam); hanc enim oderat Pelagius, uti et nostri Novantes, quia per eam videbat se ab Augustino aliisque orthodoxis erroris convinci et confutari.

21. QUAM (scientiam) QUIDAM PROMITTENTES (Græcum ἐπαγγέλλομενοι verti potest quoque, *profitentes*) CIRCA FIDEM EXCIDERUNT, — ἡσυχάζοντες, id est aberrant : est metaphora petita ab iis, qui aberrant a scopo, q. d. Hi Novantes omni suo studio ad veram fidem, quæ veræ religionis est caput et fundamentum, quasi ad scopum se collimare fingunt; sed errant, quia dum in novitates vocum, falsamque scientiam et dogmata sua erronea collimant, prorsus aberrant a fide, et consequenter a vera religione.

Pulchre Vincentius Lirinensis : « Dicit, inquit, Apostolus : Quam scilicet scientiam promittentes; hi enim Novantes dicunt : Venite, insipientes et miseri, qui vulgo catholici vocitamini, et discite fidem veram, quam præter nos nullus intelligit, quæ multis ante sæculis latuit, nuper vero revelata et ostensa est : sed discite furtim atque secretim, delectabit enim vos. »

O Rex regum et Domine dominantium, o habitator et princeps ÆTERNITATIS, qui solus habes immortalitatem et lucem habitas inaccessibilem : tibi honor et imperium sempiternum. Da nobis non sublime sapere, non sperare in incerto divitiarum et vanitatum mundi, sed bene agere, divites fieri in bonis operibus, thesaurizare bonum fundamentum in futurum, ut apprehendamus vitam æternam. O æterna veritas! o vera charitas! Creasti nos ad æternam tuam gloriam : da nobis temporalia omnia, vana et caduca omnia contemnere; da sectari cœlestia, ambire æterna; da nobis rectis itineribus ad te tendere, ad te jugiter anhelare, ad te toto corde suspirare : quia tu es portio nostra in terra viventium, tu es qui restitues hæreditatem nostram, ÆTERNITATEM nostram nobis.

COMMENTARIUS

IN SECUNDAM EPISTOLAM

AD TIMOTHEUM.

ARGUMENTUM.

Officia
Pastoris
et Epis-
copi.

Idem generatim est argumentum hujus Epistolæ quod prioris. Timotheum enim adhortatur docens quæ sint Pastoris et Episcopi officia; primumque esse intrepide et instanter evangelizare, atque ex S. Scriptura sanam doctrinam docere, exhortari, arguere peccatores et confutare hæreticos, quorum mores ad vivum depingit. Prædestinationis dat fundamentum et duo sigilla, scilicet præscientiam Dei et fugam peccati. Excitat ad fortitudinem, patientiam, studium sacræ Scripturæ et martyrium, illudque sibi instare significat. Unde S. Chrysostomus, Theophylactus, Theodoretus, Anselmus et alii putant, Paulum Christum suspi-

rantem et animam jam pene expirantem, hanc ultimam Epistolam quasi cyneam vocem edidisse, cum Romæ ageret in secundis vinculis et proximus esset morti (ut colligitur cap. iv, vers. 6), quæ contigit anno Christi 69, qui fuit Neronis 13; licet Baronius ex cap. iv, 17 et 18, scriptam putet hanc Epistolam e primis vinculis, anno Christi 59, de quo plura cap. iv (1).

(1) Baronii sententia multo probabilior est; eam sequitur Rosenmullerus et Sepp, qui ait a Paulo hanc Epistolam scriptam fuisse e primis Romæ vinculis, sub finem prioris anni, ann. autem Christi 56.

Duo si-
gilla
prædes-
tinationis.

Epistola.

CAPUT PRIMUM.

SYNOPSIS CAPITIS.

Ostendit primo, amorem erga Timotheum, quod fidem et pietatem a matre et avia cum lacte suzerit.

Secundo, vers. 6, hortatur eum ut exsuscitet gratiam, præsertim fortitudinis, in ordinatione acceptam.

Tertio, vers. 8, animat eum ut non erubescat prædicationem Evangelii, sed pro eo secum vincula et quævis adversa, si incurrant, fortiter spe auxilii divini et resurrectionis futuræ patiatur.

Quarto, vers. 14, monet eum, ut depositum sanæ doctrinæ arcte custodiat, etiamsi ideo aliqui, ut Phygellus et Hermogenes, ab eo avertantur.

Quinto, vers. 16, commendat Onesiphori erga se vinctum, fidem et charitatem.

1. Paulus Apostolus Jesu Christi per voluntatem Dei, secundum promissionem vitæ, quæ est in Christo Jesu : 2. Timotheo charissimo filio, gratia, misericordia, pax a Deo Patre et Christo Jesu Domino nostro. 3. Gratias ago Deo, cui servio a progenitoribus in conscientia pura, quod sine intermissione habeam tui memoriam in orationibus meis, nocte ac die; 4. desiderans te videre, memor lacrymarum tuarum, ut gaudio implear, 5. recordationem accipiens ejus fidei, quæ est in te non ficta, quæ et habitavit primum in avia tua Loide, et matre tua Eunice, certus sum autem quod et in te. 6. Propter quam causam admoneo te ut resuscites gratiam Dei, quæ est in te per impositionem manuum mearum. 7. Non enim dedit nobis Deus spiritum timoris : sed virtutis, et dilectionis, et sobrietatis. 8. Noli itaque erubescere testimonium Domini nostri, neque me vinctum ejus : sed collabora Evangelio secundum virtutem Dei : 9. qui nos liberavit, et vocavit vocatione sua sancta, non secundum opera nostra, sed secundum propositum suum, et gratiam, quæ data est nobis in Christo Jesu ante tempora sæcularia. 10. Manifestata est autem nunc per illuminationem Salvatoris nostri Jesu Christi, qui destruxit quidem mortem, illuminavit autem vitam et incorruptionem per Evangelium : 11. in quo positus sum ego prædicator, et Apostolus, et magister Gentium. 12. Ob quam causam etiam hæc patior, sed non confundor. Scio enim cui credidi, et certus sum quia potens est depositum meum servare in illum diem. 13. Formam habe sanctorum verborum, quæ a me audisti in fide, et in dilectione in Christo Jesu. 14. Bonum depositum custodi per Spiritum Sanctum qui habitat in nobis. 15. Scis hoc, quod adversi sunt a me omnes qui in Asia sunt, ex quibus est Phygellus et Hermogenes. 16. Det misericordiam Dominus Onesiphori domui : quia sæpe me refrigeravit, et catenam meam non erubuit; 17. sed cum Romam venisset, sollicitè me quæsit, et invenit. 18. Det illi Dominus invenire misericordiam a Domino in illa die. Et quanta Ephesi ministravit mihi, tu melius nosti.

Vers. 1. 1. PAULUS APOSTOLUS JESU CHRISTI, PER VOLUNTATEM DEI, SECUNDUM PROMISSIONEM VITÆ, QUÆ EST IN CHRISTO JESU (subaudi, scribit et bene precatur dicens) : 2. TIMOTHEO CHARISSIMO FILIO (sit) GRATIA, MISERICORDIA, PAX A DEO PATRE. — Nota : Paulus hic dicit se « Apostolum secundum promissionem vitæ, quæ est in Christo, q. d. Missus sum a Deo tanquam Apostolus et legatus ad prædicandum vitam æternam promissam per Christum. Vel planius : Missus sum a Deo Apostolus et legatus se-

cundum, id est ad, promissionem vitæ, ut scilicet nomine Dei promittam vitam æternam; quæ est in Christo, id est quæ per Christum præstatur, puta Christianis, Christi discipulis : pro ejus adeptione æquum est omnia incommoda et mortem ipsam hic pati, ait Primasius. Ita et Ambrosius, Theophylactus, Oecumenius. Sic enim legatus dicitur mitti ad pacem conficiendam, ad redimendos captivos, ad promittendum matrimonium, sive ad sponsalia conficienda; nam quilibet

gationis
et apos-
tolatus
Pauli.

Ob-
jectum le-

legatus ad certum aliquod negotium conficiendum legatur et dirigitur. Eodem modo Apostolus dicit se legatum esse ad promissionem vite, ut scilicet promittat vitam æternam credentibus Christo, illicque obedientibus. Præpositio ergo *secundum* determinat et exprimit officium, ad quod Apostolus missus est, valetque idem quod præpositio *ad*, vel *quoad*; respondet enim Hebræo *לְ* *al.*

Unde nota *secundo*: Hunc titulum dignitatis suæ præmittit Apostolus, ut insinuet se, et ostendat præstantiam muneris Apostolici præ Nōse et Prophetis. Moses enim legis suæ observatoribus promisit vitam, sed temporariam, scilicet felicitatem vite præsentis in abundantia vini, mellis, olei; Christus vero et Apostoli servantibus legem Christi promittunt vitam cœlestem, beatam et æternam.

Vers. 3. 3. GRATIAS AGO DEO, CUI SERVIO A PROGENITORIBUS IN CONSCIENTIA PURA, QUOD SINE INTERMISSIONE HABEAM TUI MEMORIAM IN ORATIONIBUS MEIS, NOCTE AC DIE. — Verbis præcedentibus sui officii et apostolatus dignitatem commendavit, et commendando se insinuat in animum Timothei Apostolus: hic vero eximium erga eundem amorem ostendit, ut a Paulo quasi sui amantissimo parente mandata quæ deinceps ei præscribet, peramanter accipiat: doctor enim apud discipulos tam benevolentia quam auctoritate indiget. Hunc vero amorem ostendit dicens: Non tantum tui, o Timothee, recordor, sed etiam gratias ago Deo, quod tui memoriam assidue animo meo injiciat et objiciat, *q. d.* Tanti te facio, tantum te amo, ut propter te et tui memoriam in gratiarum actionem et Dei laudes erumpam, putemque me insigni a Deo beneficio affici, cum tui recordationem mihi suggerit, ideoque ei gratias ago.

Nota: Pro *servio* græce est *λατρεύω*, *q. d.* Quem scilicet Deum colo latria, æque ut progenitores mei Abraham, Isaac, Jacob et cæteri deinceps, a quibus cum natura et existentia, veram religionem et pietatem quasi per manus accepi. Ita S. Ambrosius, Anselmus et alii.

Quomodo Paulus a progenitoribus servierit Deo, cum fuerit persecutor? Nota *secundo*: Dicit se Deo a progenitoribus servire, quia licet aliquando judaizarit Christumque Deum ad breve tempus oppugnavit, tamen retinuit semper cultum et amorem unius veri Dei, ut illi posset dicere: Te solum, Domine, latria colo; idque « in pura conscientia, » quia conscientia mihi testis est, non me alium quam te pro Deo meo habere, amare et zelari; adeoque cum Christum oppugnavi, conscientia mihi testis est, me hoc non odio Christi aut Dei, sed potius Dei et legis Dei zelo fecisse: nesciebam enim illum esse Messiam a Deo missum, et putabam in conscientia me pro patria lege a Deo Mosi data stare et pugnare debere; putabam hac Christi persecutione maxime me Deum colere, illique me rem gratissimam præstare. Unde mox ut a Deo illuminatus errare me vidi, illico errorem correxi, totum me Christo dedi, tantumque Christum Christique legem propugnavi, quantum antea impug-

naveram. Ita Theodoretus. Adde, non dicit Apostolus: *Servivi* semper; sed tantum: « *Servio*, » quia scilicet in præsentis servio, et ab infantia servivi, licet ad modicum tempus, per errorem, hæc servitus fuerit interrupta.

Secundo, Theophylactus per « puram conscientiam » accipit puram a sceleribus vitam, *q. d.* Licet judaizarem, purus tamen eram a crapula, libidine aliisque vitiis quibus homines vulgo maculant suam conscientiam.

Tertio, Chrysostomus « conscientiam puram » opponit simulationi et hypocrisi, eamque vult dici puram, id est veracem et simplicem; ut sensus sit hic: Ego Paulus semper, etiam dum judaizarem, a simulatione et mendacio fui alienus, sed candida et simplici mente Deo servivi; sicut interius in mente sentiebam, ita exterius loquebar, agebam et profitebar fidem et cultum unius Dei veri, *q. d.* Paulus: Ne suspiceris, o Timothee, me aliud scribere, aliud cogitare; pura et simplex est mihi conscientia, uti semper fuit. Sed primus sensus genuinus videtur et ex mente Apostoli. De pura conscientia vere ait S. Ambrosius, lib. II *De Officiis*, cap. I: « Vitam beatam efficiunt tranquillitas conscientiae et securitas innocentiae; » et Cicero, lib. II *Tuscul.*: « Nullum, inquit, theatrum virtute et conscientia majus est. » Vide S. Bernardum, lib. *De Interiori domo*, cap. XXII.

4. DESIDERANS TE VIDERE, MEMOR LACRYMARUM TUARUM, UT GAUDIO IMPLEAR. — Pergit ostendere ardorem amoris in Timotheum, *q. d.* Ego licet in vinculis constitutus sim, breveque occidendus, ante mortem tamen cupio frui aspectu mei Timothei, idque quia memor sum lacrymarum tuarum, quas scilicet fundebas in proximo a me discessu, flebasque quasi infans avulsus ab uberibus et lacte matris, inquit Chrysostomus, hicque fletus tuus mihi tristitiam attulit, qua relevabor et gaudio implebor, si te videam teque fuar. « Amantibus enim, inquit Aristoteles, lib. IX *Ethic.*, XII, amabilissimum est ipse aspectus, eo quod hinc maxime existit et oritur amor. »

5. RECORDATIONEM ACCIPIENS EJUS FIDEI, QUÆ EST IN TE NON FICTA. — Hic secundam dat causam cur tanto teneatur videndi Timothei desiderio, scilicet quod recordetur ejus fidei sinceræ, qua in sui amorem et desiderium Paulum rapiebat Timotheus.

QUÆ (fides) ET HABITAVIT PRIMUM IN AVIA TUA LOIDE, ET MATRE TUA EUNICE, CERTUS SUM AUTEM QUOD ET IN TE. — « Habitavit, » id est firmiter et permanenter inhæsit; hac enim significatione et prosopopœia Hebræi dicunt virtutes et vitia quasi personas quasdam habitare in anima nostra, cum in ea quasi in firma sede et loco suo resident.

Nota: Mater Timothei Judæa fuit, verum quia in Græcia habitabat, Græcum ei nomen inditum fuit. Eunice enim, græce *Victoriam*, aut potius *Vincentem*, propriæque *Vincentiam* sonat; uli Lois (quæ fuit avia Timothei) significat *Meliorem*: *λοιω*

Puritas conscientiae quantum bonum.

Vers. 4.

Vers. 5.

Parentes Timothei Eunice, id est vincetia;

Lois, id enim Græcis idem est quod melior. Hugo pro Eunice videtur legisse *Eutyche*; interpretatur enim *Fortunatar*, nam Græcis fortuna dicitur *τυχή*, et fortunatus *εὐτυχής*.

Nota *secundo*: Pro *certus sum* græce est *πέποιμαι*, id est mihi persuadeo; non enim Paulus fide divina, sed tantum humana, quæ petitur ex signis et conjecturis, credebat sibi probabiliter persuadebat, Timotheum habere fidem non fictam. Vide dicta *Rom. viii, 38*.

Nota *tertio*: Laudat hic Timotheum Apostolus a parentibus fidelibus, per quos fides illi erat quasi hæreditaria; simul tacite hoc domestico parentum exemplo Timotheum stimulat, ut eorum fidem et virtutem imitetur: magnum enim est Dei beneficium, pios nancisci parentes, ac præsertim matrem, a qua pene tota filiorum educatio pendet. Ita Nazianzenus, *orat. 24*, init. tomi II, laudat Cæsarium fratrem defunctum a matre, quæ a parentibus pietati et Deo addicta, maritum (antea Gentilem) et proles omnes sua pietate imbuat, adeo ut tam maritum, quam filium ad episcopatum evehi conspexerit, omnesque proles, scilicet Gorgoniam, Cæsarium et Gregorium Nazianzenum sanctos effecerit.

Vers. 6. PROPTER QUAM CAUSAM ADMONEO TE, UT RESUSCITES GRATIAM DEI, QUÆ EST IN TE PER IMPOSITIONEM MANUUM MEARUM, — *q. d.* Quia fides tibi quasi est hæreditaria, ut de ea non dubitem, unum tibi faciendum superest, ne scilicet fidem hanc, quasi longo usu et consuetudine senescentem, aut metu persecutionis (ut colligitur ex *vers. 8*) flaccescentem dormire aut torpescere sinas, sed eam æque ut gratiam tibi in ordinatione datam exsusces.

Nota: Pro *resuscites* græce est *ἀναζωοποιεῖν*, quod proprie significat ignem cineribus conditum ac sopitum flatu, folle aut flabello suscitare, ut reardeat. S. Ambrosius vertit, *recrea*, id est, inquit, confove, *q. d.* Zelus, charitas et gratia, quam in ordinatione mea accepisti, o Timothee, sensim tempore languescit, atque partim persecutionum, partim desidiæ, partim timoris, partim humanæ infirmitatis et mutabilitatis cinere ac frigore quasi sopitur et restinguitur: vide ergo, ut eam suscites, ut charitatis flammam reaccendas ejusque ardorem continuo foveas et adaugeas; ad hanc rem folles et flabella tibi sint oratio, meditatio, pia lectio, alacritas et vigilantia animi, studium; exercitatio et conatus major ad virtutes, ac præsertim labor et zelus ad salutem populi tibi commissi diligentius et ferventius procurandam. Ita S. Chrysostomus, Theophylactus, Oecumenius, Theodoretus. Hisce enim foliis excitabitur animus, animique contracta et sopita libertas, quæ cum suis amoribus, terroribus, erroribus vincetur hic mundus, ait S. Anselmus, qui gratiam et charitatem opprimere et suffocare nititur; victaque cupiditate et metu, rursus charitas flagrare incipiet, indiesque magis flagrabit. Unde auctor *Quæst. novi et veteris Testam.* apud Augustinum,

Quæst. CXX, sacra lectione gratiam nanc excitandam esse ita docet: « Excitatur, inquit, devotio nostra, quando ea quæ licet non ignorantur, recensentur tamen. Tale est ingenium naturæ nostræ, ut torpescat, si usus destiterit lectionis; quia sicut ferrum nisi usum fuerit, æruginem contrahit: ita et anima nisi frequentius divinis exerceatur lectionibus; quamobrem David ait illum beatum esse, qui die ac nocte lege Domini meditatur: excitatur enim desiderium animæ erga opera salutaria jejuniis, oratione et misericordia (adde, usu et exercitiis). Unde Apostolus ad Timotheum inter cætera ait: Ut resuscites, inquit, gratiam Dei quæ est in te. »

Adverte hic obiter, gratiam non prædeterminare liberum arbitrium; imo potius liberum arbitrium gratia imbutum ipsam gratiam sopitam, adeoque seipsum suscitare et excitare ad opera bona, atque ad eorum fervorem et incrementum.

Nota *secundo*: Ex eo quod dicit Apostolus « gratiam quæ est in te per impositionem manuum mearum, » clare evincitur, impositionem manuum, id est Ordinem, vel potius ordinationem, esse Sacramentum: per hanc enim Deus quasi per instrumentum, confert gratiam, ut ait hic Apostolus. Sicut ergo eo quod per baptismum, quasi per instrumentum, abluitur anima et gratia infunditur, recte colligunt omnes baptismum esse Sacramentum; ita pariter idem eadem ratione colligimus hic de ordinatione. Ordinatio enim sua habet signa et symbola, puta materiam, impositionem manuum, formam vero verba sacra, quibus Episcopus ordinando, potestatem Ordinis confert; quorum effectus est gratia: atqui Sacramentum non est aliud quam signum sensibile constans sensibili materia et forma, quod gratiam confert: necesse est ergo ut ordinatio sit Sacramentum æque ac baptismus et Eucharistia.

Dices: Pro *gratia* græce est *χάρισμα*, quod significat gratias et dona gratis data, quale est donum et munus docendi et regendi, puta episcopatus ipse, doctoratus et similia: hæc enim vocantur charismata; ergo non loquitur Paulus de gratia gratum faciente, quæ est effectus Sacramenti. Respondeo: Græcum *χάρισμα* significat quodlibet donum, sive gratiæ gratis datæ, sive gratum facientis; hic vero significare charitatem et gratiam gratum facientem, patet ex ratione et explicatione quam subjicit Apostolus: hanc enim gratiam explicans ipse subdit statim: « Non enim, inquit, dedit nobis Deus spiritum timoris, sed virtutis, dilectionis et sobrietatis; » ergo gratia data Timotheo in ordinatione, quam ab eo suscitari vult Apostolus, est spiritus timoris, virtutis, dilectionis et sobrietatis. Ita Chrysostomus, Theophylactus, Oecumenius et alii. Sic donum continentiae cuique datum a Deo vocat Apostolus *χάρωμα*, I *Cor. vii, 7*; sic Christi gratiam oppositam

peccato Adæ vocat χάρισμα, Rom. v, 15; sic vitam æternam vocat χάρισμα, id est gratiam, quia effectus est gratiæ gratum facientis, Rom. vi, 23; sic Rom. i, 11: « Ut aliquid impertiar vobis gratiæ spiritualis, » græce est χάρισμα. Ecce hisce locis χάρισμα gratiam non gratis datam, sed gratum facientem significat.

Vers. 7. 7. NON ENIM DEDIT NOBIS DEUS SPIRITUM TIMORIS: SED VIRTUTIS, ET DILECTIONIS, ET SOBRIETATIS. — Dat causam cur Timotheus et quisvis similis gratiam, quam accepit, excitare debeat, quæque eum ad hoc faciendum exstimulent, q. d. A Deo accepimus spiritum non timiditatis, ut in persecutionibus et tentationibus paveamus et animo contrahamur: sed e contrario accepimus spiritum magnanimitatis, ut potenter omnia adversa superemus, libereque Christi fidem prædicemus et propugnemus; ac proinde hunc spiritum magnanimitatis, cum aliquis timor aut torpor obrepit, excitare debemus et animose ac fortiter dura et ardua quævis aggredi. Hæc enim est vocatio et professio nostra, ad hoc a Deo destinati sumus, ad hoc animos et vires gratiæ copiosas accepimus: eæ tantum excitandæ et acuendæ nobis sunt.

Unde nota: Pro *spiritum timoris* græce est δειλας, id est timiditatis et ignaviæ, qualis est eorum qui animo sunt imbecilli, pavido, contracto et abjecto. « Sed virtutis, » græce δυνάμεις, id est fortitudinis et roboris; ut fortiter fidem non tantum teneamus, sed et prædicemus in persecutione inter medios hostes: nec timeamus, sed ambiamus pro ea mori, adeoque cum simus Episcopi, quasi duces populo præcamus ad martyrium; hæc enim virtus fortitudinis uti maxime requiritur in duce belli, ita conformiter datur Episcopo vi sacramenti Ordinis, quo consecratur dux belli fidelium. Sicut ergo in baptismo fimus servi Christi, daturque nobis per baptismum gratia, qua christiane et innocenter vivamus et serviamus Christo; et sicut in sacramento Confirmationis fimus et quasi auctoramur milites Christi, signoque crucis consignamur et militiæ Christi ascribimur; ac conformiter vi Confirmationis datur nobis gratia ad fortiter depugnandum pro fide Christi, ut malimus mori, quam eam perdere aut proderi: ita in sacramento Ordinationis constituimur duces militiæ Christianæ, ac consequenter vi hujus Sacramenti dantur nobis virtutes necessariae ad hunc ducatum; atque in primis invictum animi robur et fortitudo, quo timores et terculamenta omnia tam hominum quam dæmonum non tantum superemus, sed etiam a fidelibus aliis depellamus, adeoque fideles ipsos ad cruces et martyrium incitemus. Ita fecisse Cornelium Pontificem Romanum docet Cyprianus, epist. 57 ad Cornelium: « Exultantes, inquit, accepimus ducem te illic confessionis fratribus extitisse, sed et confessionem ducis de fratribus confessione crevisse; ut, dum præcedis ad gloriam, multos feceris gloriæ comites, et confessorem populum suaseris fieri,

dum primus paratus es pro omnibus confiteri: ut non inveniamus quid prius in vobis prædicare debeamus, utrumne tuam promptam et stabilem fidem, an inseparabilem fratrum charitatem; virtus illic Episcopi publice comprobata est, adunatio sequentis fraternitatis ostensa est, dum apud vos unus animus et una vox est, Ecclesia omnis Romana confessa est. »

Hæc est ergo prima dos Episcopi, eaque maxime necessaria, scilicet impavida libertas et fortitudo, qua excelluerunt præstantissimi et celeberrimi Episcopi. Ita magnus ille Hosius, Cordubensis Antistes, Constantinum Imperatorem sic affatus est: « Desine, quæso, Imperator, nec te misceas rebus Ecclesiasticis, neque nobis in hoc genere præcipe, sed potius ea a nobis discere: tibi Deus Imperium commisit, nobis quæ sunt Ecclesiæ concedidit. » Refert hoc S. Athanasius, epist. ad solitariam Vitam agentes. Ita S. Ambrosius Theodosium coarguit, Justinæ Imperatrici restitit, Valentinianum sic allocutus est: « Noli te gravare, Imperator, ut putes te in ea quæ divina sunt imperiale jus habere; noli te extollere, si vis diutius imperare; ad Imperatorem palatia pertinent, ad sacerdotem Ecclesiæ. » Refert hoc ipse Ambrosius, epist. 33 ad Marcellinam sororem. Minabatur Arianus mortem Ambrosio; cui ille: « Deus permittat te facere quod minaris: ego patiar quod sacerdotis est, tu facias quod spadonis est. » Ita S. Hilarius, lib. Contra Constantinum Imp.: « Proclamo, inquit, tibi, Constanti, quod Neroni locuturus fuisset, quod ex me Decius et Maximianus audirent: contra Deum pugnas, contra Ecclesiam sævis, sanctos persequeris, religionem tollis, tyrannus jam non humanorum, sed divinorum; Christianum te mentiris, Christi novus hostis es, Antichristum prævenis. » Et infra: « Tu, Constanti, omnium crudelitatum crudelissime et mortalium scelestissime magis in nos quam Pagani desævis. » Ita S. Athanasius, epist. jam citata. « Quis, ait, ausit Constantium Christianum appellare, ac non potius Antichristi imaginem? quid enim ex notis Antichristi huic deest? aut quid est, cur non omnibus modis Constantius Antichristus, et vicissim Antichristus Constantius habeatur? » Mox eum vocat apostatam, fidei desertorem, canem, carnificem, filium perditionis, pestem, belluam, malorum omnium voraginem, eumque cum Achabo, Antiocho et Herode comparat.

Hosce omnes superavit Lucifer Calaritanus, quem S. Athanasius Eliam sui ævi vocat, qui in lib. De Moriendi pro Filio Dei, ita Constantium Imperatorem compellat: « Mactasti plurimos, laniasti, dispersisti; sed hi omnes martyres sunt. Crede mihi, quod a te statuerimus interfici: quia et melius esse videmus, in omnia æva Deum habere amatorem quam tecum, Juda Scarioth, Judæorum imitatore puniri. Hinc est, Constanti, quod frendores colubri per te illatos non timentes, subire parati sumus omnes exitium. » Et in-

Prima
virtus
Episcopi
invicta
fortitudo.
Fortitudo et libertas
Hosii.

S. Ambrosii.

S. Hilarii.

S. Athanasii.

Luciferi
Calaritanus.

fra : « Indigne fers, Arij vermis, quod defendamus Filium Dei : si tandem oculos serpentis morsibus confossos aperias, invenies quod hanc fidem habet Ecclesia ; invenies, stolidissime Imperator, ubique Christianos sicut nos credere, ac pro Dei Filio, ut nos, mori cupere ; ac tua novella prædicatio et recens religio blasphemiam est. » Titulos vero et epitheta quæ Constantio tribuit, acerbiora sunt illis quæ ex Athanasio retulimus.

Secunda
virtus
Episcopi,
charitas.

Secunda virtus Episcopo necessaria, quæque ei copiose datur in ordinatione, est « dilectio, » ut ait hic Apostolus. Charitate enim in Deum et proximum, ac præsertim in subditos suos, flagrare ac excellere debet, ut eorum salutem impense curet, pro eaque se totum labores omnes, ac vitam ipsam impendat. Unde Christus volens constituere Petrum pastorem et Episcopum totius Ecclesiæ, de hac dilectione tertio eum interrogat et examinat, dicens : « Simon Joannis, diligis me plus his ? » Cumque respondisset Petrus : « Etiam, Domine, tu scis quia amo te ; » subiecit Christus : « Pasce agnos meos. »

Tertia
virtus
Episcopi,
sobrietas,
græce
σωφροσύνη.

Tertia virtus Episcopo necessaria, quæque communiter ei datur in ordinatione, est *sobrietas*, græce σωφροσύνη. Quod primo, verti potest *sobrietas*, sive cibi et potus temperantia, ut sit idem quod σωφροσύνη; secundo verti potest, *pudicitia*; tertio et optime, σωφροσύνη est *moderatio* et *refrænatio*, sive, ut Theodoretus et Theophylactus, *castigatio*; et, ut Syrus, *admonitio*, qua scilicet timores æque ac cupiditates et animi perturbationes, vitiaque omnia non tantum in nobis, sed et in aliis castigamus, refrænamus et moderamur. Insignis enim Episcopi virtus est æquanimis animique moderatio, ac libertas moderata et libera vitiorum castigatio. Et sic accipi potest hic « *sobrietas*, » uti vertit noster Interpres, ut sit debita non tantum in cibo, sed omnibus in rebus temperantia et moderatio, ut omnia tam adversa quam prospera constanter et moderate feramus, utque omnia quæ tam in nobis quam in aliis nimia sunt et immodica, moderemur. Unde S. Augustinus, *De Gratia et liber. Arbitr.*, cap. XVIII, pro *sobrietas*, legit *continentia*, quæ virtus est generalis, cohibens et continens mentem in officio, ne timore, amore, odio, torpore, luxu, somno, aliove affectu immoderato et vitioso imbuatur, dissolvatur, aut enervetur; sed tota sana sit, integra et perfecta. Hinc cum nonnullis σωφροσύνη hic verti posset, *sanitas animi*. Sic enim hanc vocem accipit Paulus II Corinth. v, 13, cum ait : εἰς ἐξίτησιν, Θεῷ, εἰς σωφροσύνην, ὑμῶν, id est *sive mente excedimus, Deo; sive sobrii sumus, vobis*; sic et Plato, lib. I *De Republ.* : τὸ, inquit, σωφρονεῖν θανάσιον ἐστὶ τῷ ψαίνεσθαι, id est, sapere sive sanum esse animo, contrarium est illi quod desipere; vel insanire. Magna enim pars hominum, quæ suas cupiditates quasi furias sequitur, vel desipit vel insanit. Episcopus autem sapere debet, aliisque hanc insaniam eximere, eosque veram sapientiam docere, quæ consistit in

Conti-
nentia.

Sobrietas
idem
est quod
sanitas
animi.

vitiorum refrænatione et passionum omnium moderatione.

8. NOLI ITAQUE ERUBESCERE TESTIMONIUM DOMINI NOSTRI, NEQUE ME VINCTUM EJUS. — Jubet hic Timotheo explicare spiritum non timoris, sed fortitudinis, quem accepit in ordinatione, q. d. Ne timeas, o Timothee, non erubescas, sed intrepide ac fortiter prædica fidem et doctrinam Christi, cui Christus tot verbis, rationibus et miraculis, imo sanguine et morte sua testimonium perhibuit : non pudeat te quoque meum, qui jam victus sum, per fidem Christi, profiteri discipulum. Gloria enim nostra est crux Christi, vincula Christi, mors Christi; prædicamus enim Christum crucifixum : et absit a Christiano, multo magis ab Episcopo, gloriari nisi in cruce Domini nostri Jesu Christi.

Episcopi
gloria
est crux
Christi.

Nota : Pro *testimonium* græce est μαρτύριον, quod partim testimonium, sive confessionem, quam (uti dixit) Christus fecit coram Pontio Pilato omnibusque Judæis, partim *martyrium* significat. Christus enim pro sua confessione et doctrina martyr occubuit, illique per martyrium testimonium perhibuit, q. d. Noli erubescere doctrinam, quam docuit et testatus est Christus; noli etiam erubescere crucem, martyrium ac vincula Christi, quibus suam doctrinam obsignavit et confirmavit.

Martyrium
quid
significet?

SED COLLABORA EVANGELIO SECUNDUM VIRTUTEM DEI. — Pro *collabora* græce est συγκαταδύνασθαι, id est compatere et coafligere Evangelio, q. d., ait Theophylactus : Evangelium et Evangelii prædicatio patitur persecutionem et affligitur, atque in me victo quasi vincta et vinculis constricta tenetur et premitur; tu cum Evangelio, imo pro Evangelio patere et fortiter sustine omnia Gentilium et Judæorum tam tormenta quam terribilia, ut mecum victo vinciri non renuas, sed ambias; idque non per te aut tuas naturæ vires, sed « secundum virtutem (δύναμιν, id est potentiam) Dei : » nimirum Deus, qui in hoc certamen te vocat, ut pro sua fide et gloria decertes et vincas, ipse tibi aderit, vires potenter suggeret, itaque corroborabit, ut generose, imo jucunde et læte omnia adversa quantumvis gravia pro Evangelio patiaris : tibi ergo tuisque viribus diffidens projice te in Deum, ora, invoca eum, ipse suscipiet te, et supra naturæ vires, omnibus hostibus, tribulationibus et tormentis te fortiores efficiet.

Confidentia
in
Deo.

9. QUI (DEUS) NOS LIBERAVIT, ET VOCAVIT Vocatione SUA SANCTA, NON SECUNDUM OPERA NOSTRA, SED SECUNDUM PROPOSITUM ET GRATIAM. — Pro *liberavit* græce est τοῦ σώσαντος, id est *qui nos salvavit*, aut servavit, ut legit Ambrosius, scilicet a peccato et morte æterna. Secundo, Deus « vocavit nos vocatione sancta, » dum nos ab infidelitate et peccatis vocavit ad suam fidem et sanctitatem, vitamque sanctam et divinam.

Vers. 9.

Tertio, hæc vocatio non est « secundum opera, » id est merita, ut legit Ambrosius, q. d. Non est ex merito operum nostrorum, ut voluit Pelagius;

Propositi-um quid sit apud Paulum? sed ex proposito et gratia Dei; unde patet «propositum,» quod toties inculcat Apostolus, opponi merito operum, et tantum significare liberale et gratuitum Dei decretum, sive beneplacitum, ut dixi *Rom. viii, 28.*

Peccato- ris in iustifica- tione mul- tatio qualis? Deo hæc epitheta liberantis et vocantis addit Apostolus, ut spem acuat, probetque virtutem Dei affore Timotheo, omnibusque qui cum Evan- gelio et pro Evangelio patiuntur, *q. d.* Cogita, o Timothee, quali virtute ac potentia Deus a dæ- monis, peccati et inferni potestate te liberavit, dum te vocavit ad fidem et sanctitatem; cogita quam potenter cor tuum immutavit, ut Spiritus divini vi mores et affectus tuos omnes inverteret; ita ut ex impuro purus, ex peccatore sanctus, ex carnali spiritualis, ex animali angelicus, ex ter- reno cælestis fieres; cogita Deum id præstitisse, non ob merita, nec amico, sed inimico, ob me- ram suam gratiam et benevolentiam erga te. Con- clude ergo Deum, olim in te tam liberalem et benevolum, multo magis tibi jam iustificato, jam amico, jam merenti et pro Evangelio operanti, certanti ac patienti affore et cooperaturum, ut dura et tristia non tantum ferre, sed et vincere ac triumphare possis. Ita Chrysostomus.

Quomodo data sit nobis gratia ab æterno? QUÆ (gratia) DATA EST NOBIS IN CHRISTO JESU ANTE TEMPORA SÆCULARIA. — Nota: Hæc gratia no- bis actu data non fuit ab æterno, utpote qui non- dum eram in rerum natura, ut capaces gratiæ esse possemus: cum ergo dicitur hic gratia ab æterno data, intellige in Dei decreto et prædesti- natione, ut idem sit «data,» quod dari decreta et prædestinata, juxta *Can. 36.* Unde *Tit. cap. i, vers. 2,* non datam, sed promissam a Deo dicit Apostolus hanc gratiam et gloriam «ante tempora sæcularia;» hic vero non promissam, sed datam dicit, tum ut significet omnia ab æterno esse et fuisse Deo præsentia, Deique æternitatem et pro- videntiam oculum ad omnia tempora se porrigere eaque complecti, sicut circulus ambit et complec- titur omnia quæ circulo circumscribuntur; tum ut significet gratiæ hujus donationem æternam esse, quantum est ex parte Dei. Deus enim ab æterno nos adamavit, et hanc gratiam firmiter et irrevocabiliter nobis dare decrevit: ita ut hæc gratiæ donatio, quantum ex parte Dei, ab æterno non tantum inchoata, sed et perfecta fuerit; do- natio enim non est aliud quam donandi decre- tum, sive donandi efficax et absoluta voluntas.

Donatio gratiæ ab æterno in Deo est absoluta. In Deo autem ab æterno fuit absoluta et irrevo- cabilis hæc gratiam donandi voluntas, cui ex parte Dei nihil defuit, licet ex parte creaturæ defuerit creaturæ existentia, qua donationem hanc a Deo factam in se exciperet et complecteretur. Cum enim creatura existit et hanc gratiam actu con- sequitur, tunc ex parte Dei nulla nova accedit donatio, sed illa quæ æterna fuit, posito subjecto, se effundit, suumque effectum sortitur. Sic pa- rentes sæpe testamento multa legant et donant nepotibus ne dum natis, sed postea nascituris.

Ita Ambrosius, Chrysostomus, Theophylactus, An- selmus, Primasius.

Nota: Hæc gratia data est nobis «in Christo Jesu,» id est, ut aliqui, a Christo, vel cum Christo, sive consentiente et Patri cooperante Christo. Unde Theodoretus putat hic significari æternitatem et divinitatem Filii consubstantiali Patri. Verum planius ex more et phrasi Apostoli, «in Christo,» id est per Christum, puta per Christi merita præ- visa ab æterno, data est nobis a Patre hæc gratia.

ANTE TEMPORA SÆCULARIA. — S. Augustinus, lib. XII *De Civit.*, cap. xv, legit ante tempora æterna: et ita vertunt hic Erasmus et Vatablus. Verum, quia nihil fuit ante tempora æterna, sive ante æterni- tatem, hinc melius Noster, Syrus et alii vertunt, ante tempora sæcularia. Græcum enim αἰώνιον, non tantum æterna, sed et sæcularia significat, ut notat S. Augustinus lib. XVI *De Civit.*, cap. xxvi, αἰών enim Græcis significat non tantum æterni- tatem, sed etiam ævum, sæculum, ætatem.

Quæres, quæ vocentur «tempora sæcularia?» Quid sig- nificet, ante tem- pora sæcularia? D. Thomas sæculum dicit esse tempus mille an- norum, eo quod mille anni quasi sint ætas ho- minis, quod tamdiu duret hominis memoria, quæ quasi vita est hominis. Verum hoc sæpe non est verum; non est etiam ad mentem Apostoli, qui «tempora sæcularia» vocat ea, quæ simul cum sæculo et mundo fluere et volvi cœperunt. Idem ergo est «ante tempora sæcularia,» quod ante mundi constitutionem, ante temporis et mundi originem, puta ab æterno. Ita Theophylactus, An- selmus et alii. Notat Chrysostomus, hic significari immensitatem amoris Dei, utpote qui nos ante mundum, ante omnia tempora ab æterno in mente habuerit, de quoque nostrum in particulari stu- diose et sollicitè cogitavit, unumquemque ada- maverit, cuique per Christum suam gratiæ men- suram decreverit et prædestinavit.

10. MANIFESTATA EST AUTEM (gratia illa a Deo ab æterno data, sed in Deo abscondita) NUNC PER IL- LUMINATIONEM SALVATORIS NOSTRI JESU CHRISTI. — Pro illuminationem græce est ἐπιφάνεια, quod tam appa- ritionem, ut vertit Erasmus, quam illustrationem vel illuminationem significat. Apparitio ergo vel adventus Christi in mundum vocatur hic epipha- nia, sive illuminatio, quia illustris fuit; et ad hoc Christus apparuit et advenit, ut omnes illustraret et illuminaret luce sapientiæ divinæ, qua Deum, salutem viamque salutis homines agnoscerent et capesserent. Inde festum Epiphaniæ vocatur et celebratur in Ecclesia, quo Christus tribus Magis et per eos Gentibus totique mundo illustris inno- tuit et apparuit (1). Hinc Christus, *Joan. viii, 12:*

(1) Vox epiphania jam a Paganis usurpabatur ad desti- gnandum 6 januarii diem, in quo sol, solstitio hyemali mersus et quasi amissus, rursum apparebat. Christiani Orientales deinde epiphaniam nuncupavere diem Christi natalem, quo scil. in mundo Christus apparuit; Occi- dentales vero hoc nomine designabant diem quo Christus Magis et per eos Gentibus primum innotuit. Mox deni-

Gratia quomodo data no- bis in Christo

Quid sig- nificet, ante tem- pora sæcularia?

Amoris divini en- ga nos imma- nitatis.

Vers. 10.

Appari- tio, ἐπιφά- νεια, illustra- tio, illu- minatio Christi.

«Ego, ait, sum lux mundi;» et Joannes cap. I, dicit Christum venisse ad hoc, ut illuminet omnem hominem venientem in hunc mundum, quantum scilicet ex parte sua: nam multi sunt qui lucem hanc fugiunt, illique cordis fenestras claudunt, et in tenebris ac cæcitate sua quasi talpæ et vesper-tiliones permanere volunt: quales sunt omnes infideles, carnales, reprobi.

QUI (Christus) DESTRUXIT QUIDEM MORTEM, ILLUMINAVIT AUTEM VITAM ET INCORRUPTIONEM PER EVANGELIUM. — Pro qui destruxit græce est καταργήσαντος, id est qui evacuavit, invalidam reddidit, enervavit mortem, omnemque vim, vigorem et imperium, quod in homines habebat, illi ademit. *Secundo*, τὸ illuminavit, hebraismo, in significatione *hiphil*, idem est quod in lucem produxit, fecit ut illucesceret, ut appareret, seque ostenderet et exhiberet ipsa vita. Hoc enim est Hebræum חַיִּים *heir*; opponit enim Apostolus hæc duo, «destruxit Christus mortem, et illuminavit vitam,» *q. d.* Veniente Christo, mors vigeat et regnat, sed Christus ejus vigorem et regnum sustulit et destruxit; e contrario vita latebat, quasi in cælis apud Beatos, in Deo abscondita, aut potius vita ipsa apud homines sublata erat, sedebatque in tenebris et in regione umbræ mortis, id est, non jam vita erat, sed mors; sed Christus eam ad lucem et vitam revocavit, iterum eam in terris produxit et in lucem protulit, ac hominibus communicavit; unde Syrus vertit חַיִּים *chauui chaie*, id est vivificavit vitam, *q. d.* Christus vitam dedit ipsi vitæ, suscitavit a morte et vivere fecit ipsam vitam, vitam produxit et in lucem prodire fecit: per peccatum enim vita in nobis abolita et occisa fuit, mors vero inducta regnavit; sed Christus mortem destruxit et occidit, vitam vero quasi a morte suscitavit, dum homines a morte ad vitam reduxit. Sicut ergo Hebræi sumunt ostendere pro exhibere, dare, facere, producere, ut cap. iv, vers. 14: «Alexander ærarius multa mala mihi ostendit,» id est fecit et intulit: ita pariter pro iisdem sumunt *hair*, id est illuminare, sive in lucem producere, præsertim ubi agitur de vita et suscitatione ad vitam: vita enim nostra vulgo dicitur et re ipsa est lux; unde dicimus, *frui hac luce, vel lucis usura*, id est vivere. Sicut enim usus et voluptas hujus vitæ maxime consistit in luce, quod scilicet lucem solis et cælorum videre, eaque uti et frui possimus: ita magis vita beata consistit in lumine gloriæ, quo Beati in mente perfunduntur, ut videant Deum; de quo scriptum est: «In lumine tuo videbimus lumen.» Quod lumen ex mente in corpus Beatorum diffunditur et derivatur: *fulgebunt enim justi sicut sol*. Hinc de Christo ad limbum descendente, indeque ad vitam patres ibi degentes revocante dicitur *Eccli.*

que manifestatio SS. Trinitatis in baptismo Christi multis in locis epiphania appellata est. Cf. Sepp, op. cit. tom. 1, p. 117.

cap. xxiv, 45: «Inspiciam omnes dormientes, et illuminabo (id est ad lucem et vitam revocabo) omnes sperantes in Domino.»

Nota: Christus per Evangelium, quod attulit in mundum, quantum est ex parte sua, destruxit re ipsa mortem, et vitam restituit, eamque in lucem protulit: sed quantum est ex parte nostra, re ipsa in nobis id necdum factum est, sed fiet in resurrectione, cum in singulis beatis resurgentibus mors abolebitur et vita æterna efflorescet. Apostolus enim non tam de vita præsentī et spiritali, quæ fit per gratiam, quam de futura et corporali, quæ fiet per resurrectionem, agit. Ait enim: «Vitam et incorruptionem,» id est vitam incorruptibilem: est enim hendiadys; unde Theophylactus et Græci docent Christum tantum in spe nobis in hac vita mortem destruxisse et vitam communicasse. «Non enim, inquit Theophylactus, re ipsa mors in nobis deleta ac destructa est, sed venturam nostri ex morte liberationem speramus, atque hanc spem Evangelium nobis firmavit.» Ingerit hic Apostolus hanc spem resurrectionis, ut eam quasi novum stimulum admoveat Timotheo, ad collaborandum et compatiendum Evangelio et suis vinculis, uti dixit vers. 8.

11. IN QUO POSITUS SUM EGO PRÆDICATOR, ET APOSTOLUS, ET MAGISTER GENTIUM. — «In quo,» id est ejus, scilicet Evangelii: est enim hebraismus, quo hebræum *bet*, id est *in*, ponitur pro regimine genitivi. Aliter Primasius: «in quo,» scilicet Christo illuminante, inquit, *q. d.* Christus illuminat interiorius mentes gentium, dum ego exteriorius prædico eis Evangelium. Sed prior sensus planior est et aptior.

Nota: Pro prædicator græce est κηρύξ, id est præco. Sic S. Franciscus rogatus, quis esset? «Sum, inquit, præco magni Dei.» *Secundo*, pro magister græce est διδάσκαλος, id est doctor. Tres titulos hic sibi vindicat Paulus: *Primus*, quod sit præco promulgans legem Dei et Evangelium Christi. *Secundus*, quod sit Apostolus, id est legatus a Christo ad omnes gentes Christo subigendas et ad fidem salutemque adducendas. *Tertius*, quod sit doctor, docens, demonstrans et persuadens veram religionem, veramque ad Deum et beatitudinem viam. Rursum tria se hæc accepisse, et ad ea auctoratum esse a Deo, significat, cum ait, «positus sum,» scilicet, a Deo. Denique hæc confirmat argumento subdens: «Ob quam causam etiam hæc patior,» *q. d.* Multi doctores sunt verbo, non vita; disputando, non tolerando: ego vero præco, apostolus et doctor sum, tum docendo, tum pro doctrina mea vincula, carceres omnesque ærumnas constanter patiando. Hinc pulchre S. Hieronymus ad *Pammachium* de Paulo loquens: «Ubi, inquit, vas electionis, tuba Evangelii, rugitus leonis nostri, tonitru Gentium, flumen eloquentiæ Christianæ?»

12. OB QUAM CAUSAM ETIAM HEC PATIOR, SED NON CONFUNDOR, — id est non erubescō, non pudore

Paulus hic ex Hebræo textu illustratus.

Christus vitam mundo suscitavit.

Vita hæc, et futura lux est.

Quando Christus mortem in mortibus destruxit?

Spes resurrectionis.

Vers. 11.

Pauli tres tituli, Preco, Apostolus, Doctor.

Aliæ dignitates Pauli.

Vers. 12.

suffundor : hoc enim est Græcum *ἰνασχυόμενα*, quia scilicet hæc passio tam Dei auxilium, quam gloriam decusque æternum mihi afferet, inquit Œcumenius.

Notat hic *primo* Ambrosius, mox ut Paulus et alii Apostoli prædicare cœperunt, diabolus dolentem per eos sibi animas eripi, contra eos suscitasse Neronem et similes persecutores; ut quisque sciat idem sibi eventurum, nec miretur si in conversione hominum difficultates magnas sibi objici sentiat, et pro laboribus suis et beneficiis maledicta et maleficia, quin et verbera, carceres et mortem recipiat.

Secundo, hisce in rebus non debere nos confundi et pudeferi, sed potius gaudere et gloriari, quia pro Deo et Evangelio pati gloriosum est. Ita Theophylactus. Neque mirum Christianum inter vincula non confundi, sed intrepide evangelizare, cum Gentilis quoque Socrates inter vincula philosophatus sit, et veritatem libere docuerit, ut docet Plutarchus, lib. *De Tranquill. anim.*; nam, ut ait Nazianzenus, orat. 23 *in laudem Heronis*: « Philosophi animus ex eo quod passus est, generosior redditur, atque ut candens ferrum frigida aspersione, ita ipse periculis obdurescit. »

SCIO ENIM CUI CREDIDI, ET CERTUS SUM QUIA POTENS EST DEPOSITUM MEUM SERVARE IN ILLUM DIEM. Vox enim dat causam cur in carceribus aliisque passionibus, pro Evangelio inflictis non confundatur: quia scilicet passionum harum mercedem deposuit apud Deum, a quo utpote in promissis suis fidelissimo certissime illam sperat et expectat.

Notant hic aliqui esse trajectionem: clarius enim sic verba transponendo ordinari sententiam: « Scio et certus sum, quod is cui credidi, potens est depositum meum servare. » Verum hæc trajectio non est necessaria, imo sine ea plus emphasis et energię habet oratio per aposiopesis intercisā, q. d. Novi eum cui credidi, novi eum non esse hominem infirmum aut fallacem, novi eum esse Deum in omnibus fidelem et potentem, qui non sinet me confundi in carceribus et afflictionibus Evangelii, sed pro iis æternam gloriam mihi rependet.

Secundo, *τὸ scio* Auctor *Quæstionum novi et veteris Testamenti* apud S. Augustinum, *Quæst. CXIII*, sic explicat, quasi Paulus non tantum obscuram fidem, sed et claram scientiam habuerit articulorum fidei, v. g. quod Deus sit fidelis, potens, justus iudex et bonorum remunerator. Hoc de attributis Dei naturalibus verum est; hæc enim naturali discursu clare cognoscuntur: sed hoc fallit in supernaturalibus, de quibus hic loquitur Apostolus, puta quod Deus fidelibus pro fide, prædicatione et afflictionibus pro Evangelio susceptis, promiserit et præstaturus sit æternam mercedem: illud enim non per rationes naturales, sed sola fide scimus. « Scio ergo » idem est hic quod, cognosco, vel certum et exploratum habeo: hoc enim est Græcum *ᾔδω*.

Tertio, *τὸ cui credidi* significare potest tria. *Primo*, in quem credidi, cujus dictis fidem adhibui. *Secundo*, ut Ambrosius, cui confisus sum; fides enim subinde pro spe, et credere pro sperare et confidere sumitur. *Tertio* et optime, « cui credidi, » id est cujus fidei commisi, cui concredidi depositum meum: ad hoc enim respicit, ut patet ex seq.; sic depositor dicitur credere depositario depositum suum, eum illud apud eum deponit, illiusque fidei credit et committit.

Quarto, *τὸ potens est* non tantum significat Deum posse servare, sed etiam actu et re ipse servaturum hoc Pauli depositum: est enim missio, de qua dixi II *Cor. ix, 8*. Mavult Apostolus dicere, « potens est servare, » quam, « actu servabit, » ut nomine potentię divinę in remuneratione bonorum operum et passionum, excitet hominum infirmitatem ad constantem spem et patientiam rerum arduarum et difficilium.

DEPOSITUM MEUM.— Quæres, quodnam hoc? Respondet *primo*, Ambrosius esse salutem Pauli, quam ipse Deo servandam commisit; imo D. Thomas, I II, *Quæst. CIV, art. 9*, intelligit donum perseverantię actualis, quasi de ea revelationem acceperit Paulus, sciveritque certo se in gratia usque ad mortem perseveraturum et consequenter salvandum: hoc enim videtur dicere, cum ait: « Scio cui credidi et certus sum. »

Secundo, Theodoretus respondet, « depositum » hoc esse gratiam, quam Deus Paulo dedit, et quasi apud eum deposuit.

Tertio, Chrysostomus et Theophylactus volunt « depositum » hoc esse fidem et prædicationem, quam Deus Paulo commisit.

Quarto, idem Chrysostomus et Theophylactus consent « depositum » hoc esse fideles, quos Deus Paulo et vicissim Paulus Dei curę commisit. Verum hæc omnia non tam Pauli apud Deum, quam Dei apud Paulum deposita sunt, ut ipse illa custodiat; de quibus dixi *epist. I, cap. vi, vers. 20*, et infra hoc cap. vers. 14, ubi mandat Timotheo, ut hoc Dei depositum illi a se traditum arcte custodiat et conservet. Paulus autem hoc versu loquitur non de Dei, sed de suo deposito: ait enim « depositum meum; » licet enim Chrysostomus et Theodoretus *τὸ meum* passive capiant, q. d. Depositum quod apud me deposuit Deus, tamen magis proprie et apposite, active accipiendum videtur: *meum*, scilicet quod ego apud Deum deposui: unde illud non a se, sed a Deo servari et custodiri asseverat.

Quinto ergo et optime, Theophylactus et Anselmus respondent, « depositum » hoc Pauli esse ejusdem apostolatus et prædicationem Evangelii, puta thesaurum laborum et passionum pro Evangelio a se obitarum, quem a se collectum Paulus patiens et moriens apud Deum quasi deposuit; ut in illo die magno, judicii scilicet, illum, id est illius mercedem et gloriam recipiat, ac coram toto mundo declaretur falso hic fuisse traductus, in-

Solent difficultates oriri in conversione hominum, et quare?

Christiani nos decet in difficultatibus constantia.

Depositum quid sit? Varię Patrum sententię. Prima.

Secunda.

Tertia.

Quarta.

An Paulus præter obscuram fidem habuerit claram scientiam articulorum fidei?

Quinta, depositum Pauli, est ejus apostolatus, et prædicationis Evangelii.

carceratus, verberibus et contumeliis affectus, tanquam impostor, deorum hostis et pseudoapostolus, publiceque proclametur verus fuisse veri Dei et Evangelii Apostolus et doctor.

Unde quod Apostolus hic *depositum*, Christus *Matth. xix, 21*, *thesaurum* vocat, cum ait: « Si vis perfectus esse, vade, vende quæ habes, et habebis thesaurum in cælo: » *thesaurum*, id est depositum abscondite reconditum; hoc enim significat tam Hebræum *matmon*, quam Græcum et Latinum thesaurus. Idem depositum Apostolus, II *Timoth. cap. iv, vers. 8*, vocat *repositam justitiæ coronam*: « Bonum, inquit, certamen certavi, cursum consummavi, fidem servavi: in reliquo reposita est mihi corona justitiæ, quam reddet mihi Dominus in illa die justus iudex. »

VERA. 13. 13. FORMAM HABE SANORUM VERBORUM, QUÆ A ME AUDISTI IN FIDE ET IN DILECTIONE IN CHRISTO JESU.

— Pro *formam* græce est *ὑποτύπωση*, id est vivum exemplar, vivam imaginem, vivam representationem: *ὑποτυπῶσαι* enim significat rem ita delineare, depingere, efformare, ut plene et plane representetur. Inde apud Rhetores Hypotyposis figura est, quæ Evidentia et Illustratio dicitur, quando res ita dicendo exprimitur, ut videatur delineari et depingi; vel, ut inquit Quintilianus, lib. IX *Instit.*: « Hypotyposis est proposita quædam rerum forma, ita expressa verbis, ut cerni potius videatur quam audiri (1). »

Secundo, « habe, » id est habere perge, sive retine; significat enim actum non inchoatum, sed continuatum, juxta *Can. 32*. Sic I *Corinth. vii, 2*: « Unusquisque, inquit, uxorem suam habeat, » id est eam quam habet, retineat, illaque utatur,

Tertio, « sana verba » vocat sanam doctrinam, « in fide et dilectione, » id est circa fidem et dilectionem; « quæ est in Christo Jesu, » id est, quæ est Christi et eorum qui in Christo inhaerent, puta est Christiana. Vide *Can. 23* et *37*. E contrario hæresis et error est doctrina malesana, morbida, putida, corrupta et contagiosa, serpens ut cancer. Sic Plato, lib. IV *De Republ.*: « Virtus, inquit, est sanitas quædam, et pulchritudo, et robustus animi vigor: pravitas contra morbus est, turpitudine atque imbecillitas, » *q. d.* O Timothee, tuum, utpote Episcopi, munus est retinere vivum exemplar, vivam ideam et representationem doctrinæ, quam tibi tradidi, ut scilicet verba mea semper tibi ob oculos ponas, eandemque vive et efficaciter aliis proponas. Unde Syrus vertit, *forma tibi sint sani sermones, quos audisti a me*.

Notant Chrysostomus, Theodoretus, Theophylactus esse metaphoram a pictoribus. Sic enim explicat Theodoretus: « Imitare, o Timothee, pictores: quemadmodum enim illi attendentes exemplaria perfecto illorum imagines describunt, ita etiam tu habe veluti quoddam exemplar archetypum, eam quæ a me tibi tradita est doctrina de fide et Christo, » ut scilicet hoc exemplar in tuisque moribus depingas, vitæ ipsa exprimas, ac vicissim tuis Ephesiis proponas, ut illi juxta idipsum in seipsis fidem et charitatem, omnemque virtutem Christianam exprimant et depingant.

Hinc *secundo*, notat Chrysostomus non solum Scripturam sacram, sed et traditiones Apostolorum et Patrum servandas esse. Ait enim Apostolus: « Formam habe sanorum verborum (non quæ scripta sunt), sed quæ audisti a me, » quæ scilicet viva voce tibi tradidi. Nec evadit Hunnius dicendo, illo tempore servandas fuisse traditiones, quia necdum omnes epistolæ erant conscriptæ: jam autem traditiones non requiri, cum omnia sint conscripta; nam tam prius quam posterius hoc falsum est. Hæc enim ultima est epistola quam scripsit Paulus: cæteras enim omnes ante hanc scripsit, et tamen post eam vult servari traditiones; non ergo omnia per scripturam, sed multa verbo tenus tradidit, eademque servari præcepit. Si Paulus, qui plurimas scripsit epistolas, ita fecit, ergo et alii Apostoli, qui vel paucas, vel nullas scripserunt epistolas, ita fecerunt. Sicut ergo jussa regis quæ per præconem viva voce proclamantur, æque servanda sunt, atque regis rescripta; imo Lycurgus, celeberrimus legislator, suis nullas leges scriptas, sed tantum vocales, quæ non tabulis, sed praxi sancirentur, dedit, ut testatur Plutarchus in *Lycurgo*: ita pariter et jussa Apostolorum viva voce tradita æque ac scripta eorumdem observanda sunt. Quis enim non videt simpliciter et absolute faciendum esse, id quod jubet hic Apostolus cum ait: « Formam habe sanorum verborum quæ audisti a me, » sive eadem postea scribantur, sive non? Ita ritum et formas Sacramentorum, multaque alia ab Apostolis non scripto, sed viva voce esse tradita docet S. Dionysius, *Ecclesiast. Hierarch.*, cap. I et VII; S. Augustinus, epist. 36 *ad Casulanum*; Basilius, lib. *De Spiritu Sancto*, cap. XXVII, et alii passim. Vide dicta II *Thessal. II, 13*.

14. BONUM DEPOSITUM CUSTODI, PER SPIRITUM SANCTUM, QUI HABITAT IN NOBIS. — Per *depositum*, Theodoretus et Theophylactus intelligunt gratiam in baptismo, vel ordinatione acceptam. Melius S. Chrysostomus, Ambrosius et alii *depositum* hoc interpretantur thesaurum doctrinæ Christianæ, quam vers. præced. vocavit *sana verba*: hunc enim thesaurum quasi depositum studiose commendat Timotheo Episcopo, ut eum contra Novantes et profanas vocum novitates, integrum inviolatumque conservet, ut patet *epist. I, cap. vi, vers. 20*; nam Episcopus hujus thesauri et depositi debet esse custos, ut docet S. Dionysius toto lib. *De Ecclesiast. Hierarch.*

Nota, quod ait, « depositum custodi per Spiritum Sanctum, » *q. d.* Hæc custodia non tuarum est virium, sed Spiritus Sancti est idipsum efficere, ut ejus gratia roboratus contra omnes dæ-

Traditionum auctoritas probatur.

A simili.

Quæ per traditionem didicerit Ecclesia.

Vers. 14.

Bonum depositum, doctrina Christiana.

(1) Rosenmullerus *ὑποτύπωση* vertit *summam*, gall. *Pensée*.

Non tantum
prima fides,
sed et
fidei custodia,
donum
est Spiritus
Sancti.

monum tentationes, hæreticorum furores, persecutorum minas et tormenta, depositum sanæ doctrinæ tuearis et custodias. Hinc patet non tantum primam fidem et fidei professionem, ut quis nimirum credere et fidem profiteri incipiat, esse donum Dei; sed etiam fidei et professionis hujus custodiam, ut nimirum quis credere et fidem profiteri pergat, idipsum habere per Spiritum Sanctum, non quidem nove datum, sed permanentem et in animabus fidelium inhabitantem per habitum fidei et charitatis. Sicut enim Deus creat, itidemque creata conservat non nova actione continue creando, sed actionem primam creationis continuando: ita etiam dat et quasi creat gratiam, itidemque datam et creatam conservat, non nova actione eam dando, sed continuando primam gratiæ donationem et infusionem. «Fervent, inquit Chrysostomus, cuncta latronibus, densissimæ imminet tenebræ, insidiatur diabolus, nescimus qua hora, quo immineat tempore: quomodo ergo hoc depositum custodire sufficimus, nisi habeamus Spiritum Sanctum apud nos manentem?»

Adverte tamen, si gravis ingruat tentatio, persecutio et martyrium, ad fidem et professionem fidei retinendam, non sufficere habitum fidei; sed insuper opus esse nova gratia præveniente, quæ mentem confirmet et corroboret.

Vers. 13.

13. SCIS HOC, QUOD AVERSI SUNT (græce est ἀποστράψαντες, id est aversati sunt me, me rejecerunt) A ME OMNES QUI IN ASIA SUNT: EX QUIBUS EST PHIGELLUS ET HERMOGENES. — Certum est non omnes

An omnes
Asiani fuerint
aversi a
Paulo?

Asianos aversos fuisse a Paulo et a fide: plurimi enim fideles erant Ephesi et alibi, qui Paulum studiose colebant, quorum fidem et amorem laudat Paulus scribens ad Ephesios et alios Asianos. Quod ergo dicit «omnes qui in Asia» a se esse aversos, nonnulli, ut Baronius, limitant *non omnes* ad Judæos. Judæi enim Asiani infensi fuerunt Paulo eumque insecuti sunt Hierosolymam usque, adeo ut causa fuerint cur ibi caperetur Paulus, ut patet *Actor. xxiv, 19*; et verisimile est eosdem Romæ Paulum persequi et accusare perrexisse. Verum, quia Judæorum hic nulla fit mentio, et generatim de omnibus Asianis loquitur Apostolus, hinc melius Chrysostomus cum suis censet Paulum loqui de omnibus Asianis qui Romæ erant, ut *non omnes qui in Asia*, idem sit quod omnes ex Asia (juxta *Can. 23*), omnes Asiani, scilicet Romæ ægentes; scribit enim Paulus ad Timotheum Roma, ea quæ gerebantur Romæ, non autem quæ in Asia; hæc enim præsens spectabat Timotheus. Idem colligi potest ex vers. 16 seq., ubi ab his Asianis excipit unum Onesiphorum, qui Paulum secutus Romam, ibidem ei studiose adhæsit et servivit. Ergo de Asianis solis qui Romæ erant, loquitur Apostolus: hi enim cum antea Paulum frequentassent et coluissent, postea partim instinctu Judæorum de quibus jam dixi, partim metu Neronis sævientis in Paulum, ut opinatur

Asiani
qui Romæ
erant
infensi
Paulo.

Theodoretus, Paulum aversati sunt. Ex hisce præcipui fuerunt Phigellus et Hermogenes, «qui, ut inquit Ambrosius, fallacia pleni erant: simulant enim amicitias cum Apostolo, ut adherentes ei addiscerent unde illi calumniam facerent, aut per alios immitterent;» qui posteaquam se viderunt detectos et manifestatos, recesserunt ab eo. Tertullianus, lib. *De Resurrec. carn.*, xxiv, hunc Hermogenem recenset inter hæreticos negantes carnis resurrectionem. Vide quid faciat et quo deducat hominem, fugere et aversari consortia bonorum ac sanctorum, qualis erat Paulus.

Phigel-
lus et
Hermo-
genes.

Afert hæc hoc loco Paulus, ut moneat Timotheum, caute depositum hoc doctrinæ custodire, inter tot fidei desertores et hostes, utque eos internoscat, et ad sanam mentem cum in Asiam redierint, reducat, si possit; aut certe alios moneat, ut ab eis sibi caveant; ac tandem, ut Timotheus, si quando fidei causa incarcerationetur et a suis deseratur, Pauli exemplo constanter id ferat, inquit Chrysostomus.

16. DET MISERICORDIAM DOMINUS ONESIPHORI DOMUI: QUIA SEPE ME REFRIGERAVIT, ET CATENAM MEAM NON ERUBUIT. 17. SED CUM ROMAM VENISSET, SOLLICITE ME QUÆSIVIT, ET INVENIT. — Vers. 16 et 17.

Excipit ab Asianis a se aversis Onesiphorum, cujus charitatem erga se hic collaudat, eumque hoc nomine tacite commendat Timotheo, ideoque non tantum illi, sed et toti ejus domui, id est familiæ, parem misericordiam a Deo exhiberi postulat.

Tria hic charitatis officia in Onesiphoro deprædicat. *Primum*, quod peregrinus Romam veniens se in vinculis ab omnibus desertum et inter maleficos constitutum, per medios custodes et satellites penetrans sollicite quæsierit et visitarit. *Secundum*, quod non tantum contumeliis, sed et iræ Neronis ac periculis gravibus Pauli causa se objecerit. *Tertium*, quod tot laboribus et ærumnis fatigatum «refrigerarit,» id est suis opibus et rebus ad vitam necessariis, vel opportunis recrearit et refocillarit. Hoc enim Paulo isto tempore per jucundum accidit: perinde uti pugili aut militi in agone certanti, sudanti et laboribus exhausto suave ac gratum est, cibo potuque refici et recreari. Hoc enim innuit vox «refrigeravit,» inquit Oecumenius.

Tria chari-
tatis
officia
Onesi-
phori erga
Paulum.

18. DET ILLI DOMINUS INVENIRE MISERICORDIAM A DOMINO IN ILLA DIE. — Vers. 18.

«Det,» id est misericordiæ ejus et meritis retribuatur, ut in die judicii inveniat «a Domino misericordiam,» id est gratiam, favorem et benevolentiam, ut scilicet judicem habeat sibi propitium et faventem. *Secundo*, «det invenire misericordiam,» id est misericordiæ suæ effectum, fructum et dignam retributionem, ut cum aliis Sanctis benignam hanc excipiat Judicis sententiam: «Venite, benedicti Patris mei, possidete regnum, etc.; esurivi enim, et dedistis mihi manducare; in carcere eram, et venistis ad me,» *Matth. xxv, 34*; alioqui in illo die, scilicet judicii, nullus misericordiæ erit locus, sed tantum justitiæ.

Ita Theophylactus. Unde in vocibus εὑρεῖς et εὐρεῖν, id est « invenit et invenire, » pulchra est paronomasia, q. d. Quærens me miserum invenit et adjuvit in vinculis Onesiphorus, inveniat ergo et ipse in die iudicii misericordiam a Domino. Ita Ambrosius.

Marcionis error de duobus diis.

Nota : Quod ait, « Det illi Dominus invenire a Domino, » non significat duos esse Dominos sive Deos, uti voluit Marcion, teste Augustino *hæresi* 21; sed est hebraismus significans, Det illi Dominus invenire misericordiam apud se. Hebræi enim sæpe nomen vel pronomen absolutum sumunt pro reciproco, ut *Genes.* xix, 24 : « Pluit Dominus super Sodomam sulphur a Domino, » id est a seipso; *Isaiæ* viii, 18 : « Ecce ego et pueri mei, quos dedit mihi Dominus in signum et portentum Israel a Domino, » id est a seipso.

Posset secundo, sic exponi : « Det illi Dominus, scilicet Deus Pater, invenire misericordiam apud Dominum, » scilicet Filium, puta Christum hominem; Christus enim qua homo, iudex erit in die iudicii. Ita Vatablus. Hac enim phrasi, « Dominus a Domino, » simul innuitur distinctio personarum in divinis, ut, « Pluit Dominus a Domino, »

id est pluit Filius a Patre. Ita Concilium Sirmiense, *can.* 13. « Det ergo illi Dominus a Domino, » id est det illi Pater apud Filium invenire misericordiam (1).

ET QUANTA EPHESI MINISTRAVIT MIHI, TU MELIUS NOSTI. — Tò mihi non habent Græca, nec Latina Regia et Plantiniana Biblia, nec Ambrosius, Chrysostomus, Theophylactus, Theodoretus. Unde Ambrosius docet Onesiphorum non soli Paulo, sed omnibus ob fidem afflictis liberaliter ministrasse : quasi hoc ipso Apostolus suggillet quosdam, qui non omnibus, sed certis personis, quia eminentes, cognatæ aut alia de causa caræ et gratæ sunt, ministrare volunt. Biblia tamen Romana et Syrus legunt τὸ mihi, planeque illud legendum vel subaudiendum videtur : ait enim ministravit, cui? utique mihi, ut præcessit; agit enim Apostolus de charitate et officiis sibi ab Onesiphoro exhibitis tum Romæ, tum Ephesi.

(1) Onesiphorus mortuus videtur fuisse quum Paulus hæc scriberet; nam et infra iv, 19, ejus familiam salutari, non autem Onesiphorum. Itaque docet nos hic Apostolus, ut bene animadvertit Allioli, vota precesque offerre pro iis qui in Domino dormiunt.

CAPUT SECUNDUM.

SYNOPSIS CAPITIS.

Pergit hortari Timotheum, ut, relictis negotiis sæcularibus, prædicationi et propagationi Evangelii totus incumbat, quasi miles, pugil et agricola Christi.

Secundo, vers. 8, spe resurrectionis et gloriæ cælestis eundem excitat, ut pro Evangelio quævis adversa, etiam martyrium, subeat.

Tertio, vers. 14, hortatur ut recte tractet verbum veritatis, profanas vero novitates, et hæreticos negantes resurrectionem vitet.

Quarto, vers. 19, monet ne turbetur si aliqui a fide excidant, quia reliqui in fide fundati persistent, qui signati sunt per præscientiam Dei, et per fugam peccati.

Quinto, a vers. 22 usque ad finem, monet ut juveniles philautias et contentiones vitet, leniterque errantes corripiat et instruat.

1. Tu ergo, fili mi, confortare in gratia, quæ est in Christo Jesu : 2. et quæ audisti a me per multos testes, hæc commenda fidelibus hominibus, qui idonei erunt et alios docere. 3. Labora sicut bonus miles Christi Jesu. 4. Nemo militans Deo implicat se negotiis sæcularibus : ut ei placeat, cui se probavit. 5. Nam et qui certat in agone, non coronatur, nisi legitime certaverit. 6. Laborantem agricolam oportet primum de fructibus percipere. 7. Intellige quæ dico : dabit enim tibi Dominus in omnibus intellectum. 8. Memor esto, Dominum Jesum Christum resurrexisse a mortuis ex semine David, secundum Evangelium meum, 9. in quo laboro usque ad vincula, quasi male operans : sed verbum Dei non est alligatum. 10. Ideo omnia sustineo propter electos, ut et ipsi salutem consequantur, quæ est in Christo Jesu, cum gloria cælesti. 11. Fidelis sermo : Nam si commortui sumus, et convivemus : 12. si sustinebimus, et conregnabimus : si negaverimus, et ille negabit nos. 13. Si non credimus, ille fidelis permanet, negare seipsum non potest. 14. Hæc com-

mone, testificans coram Domino. Noli contendere verbis: ad nihil enim utile est, nisi ad subversionem audientium. 15. Sollicite cura teipsum probabilem exhibere Deo, operarium inconfusibilem, recte tractantem verbum veritatis. 16. Profana autem, et vaniloquia devita: multum enim proficiunt ad impietatem. 17. Et sermo eorum ut cancer serpit: ex quibus est Hymenæus et Philetus, 18. qui a veritate exciderunt, dicentes resurrectionem esse jam factam, et subverterunt quorundam fidem. 19. Sed firmum fundamentum Dei stat, habens signaculum hoc: Cognovit Dominus qui sunt ejus, et discedat ab iniquitate omnis, qui nominat nomen Domini. 20. In magna autem domo non solum sunt vasa aurea et argentea, sed et lignea et fictilia: et quædam quidem in honorem, quædam autem in contumeliam. 21. Si quis ergo emundaverit se ab istis, erit vas in honorem sanctificatum, et utile Domino ad omne opus bonum paratum. 22. Juvenilia autem desideria fuge, sectare vero justitiam, fidem, charitatem et pacem cum iis, qui invocant Dominum de corde puro. 23. Stultas autem, et sine disciplina quæstiones devita: sciens quia generant lites. 24. Servum autem Domini non oportet litigare: sed mansuetum esse ad omnes, docibilem, patientem, 25. cum modestia corripientem eos, qui resistunt veritati; nequando Deus det illis pœnitentiam ad cognoscendam veritatem, 26. et resipiscant a diaboli laqueis, a quo captivi tenentur ad ipsius voluntatem.

Vers. 1. 1. TU ERGO, FILI MI, CONFORTARE (Ambrosius legit, fortitudinem cape) IN GRATIA, QUÆ EST IN CHRISTO JESU, — id est, in gratia Christi annuntianda et prædicanda, inquit Ambrosius et Vatablus, ut scilicet annunties Deum non per Mosen, aut Simonem Magum, sed per Christum nos sibi reconciliasse. Favent sequentia; sequitur enim: «Et quæ audisti a me, hæc commenda fidelibus.» Ubi Græca punctum distinguens ponunt ante hæc commenda, ut *quæ audisti* referatur ad præcedentia, q. d. Conforta te in iis quæ audisti, prædicandis et docendis.

Secundo et planius, Theodoretus et Chrysostomus hæc neclunt dictis cap. præced., q. d. Dixi cap. præced. me in vinculis pro Evangelio susceptis non confundi, non deijci, non turbari, licet Asiani olim amici me deserant. Tu ergo, o fili Timothee, me patrem tuum imitare, cape animos et robur «in gratia,» id est per gratiam Christi, quam habes tecum pugnanti, imo propugnanti, ut fortiter persistas in Evangelii, non tantum fide, sed et prædicatione ac propagatione, etiamsi ejus causa et vincula et tormenta et mortem ipsam subire debeas.

Vers. 2. 2. ET QUÆ AUDISTI A ME PER MULTOS TESTES, HÆC COMMENDA FIDELIBUS HOMINIBUS, QUI IDONEI ERUNT ET ALIOS DOCERE. — Ita hæc distinguunt et jungunt Latini codices, Syrus et Chrysostomus. «Multos testes» vocat, vel testimonia ex lege et Prophetis prolata, ad confirmandam suam doctrinam, de Christo et Evangelio, uti explicat Clemens lib. VII *Hypotyposeon*; vel potius multos suæ prædicationis auditores. Ita Chrysostomus, Theophylactus, Oecumenius.

Secundo, «quæ audisti per multos testes; per,» id est, inter multos, cum multis, coram multis, qui de iis quæ dixi testari possunt, q. d. Non

furtim, sed palam et publice docui. Falsitas enim angulos, veritas lucem quærit; hæc enim hæreticorum vox est, inquit Vincentius Lirinensis: «Venite, discite fidem veram nuper revelatam, sed discite furtim atque secretim; delectabit enim vos. Et cum didiceritis, latenter docete, ne mundus audiat, neque Ecclesia sciat. Paucis namque concessum est tanti mysterii capere secreta.» Sic enim Græci sumunt *διὰ*, id est per, pro *μετὰ*, vel *παρά*, id est inter, vel cum, ut I Cor. II, 4: «Scripsi vobis per multas lacrymas,» id est, cum multis lacrymis, et II Cor. III, 41: «Si enim quod evacuatur, per gloriam est,» id est cum gloria, in gloria est: sic enim in consequentibus explicat Apostolus, cum subdit: «Multo magis quod manet, in gloria est.»

Tertio, nota hic rursum locum pro traditionibus; ait enim, non, Quæ scripta sunt, sed, «Quæ audisti, hæc commenda.»

Quarto, vult hæc commendari non quibusvis hominibus, sed qui idonei sunt ut alios doceant, quique fideles sunt, non qui fide, sed qui fidelitate polleant: hisce enim res magnæ, qualis est doctrina, de qua hic agit, creduntur et committuntur, non autem timidis et inconstantibus, qui facile fidem Ethnicis, vel metu pœnarum, vel spe præmiorum produnt. Unde patet Apostolum hic non loqui de plebe et laicis, sed jubere ut Timotheus Episcopus alios presbyteros et doctores instituat plene et solide, ut illi doctrinam hanc sanam quasi depositum firmiter secum et post se custodiant ac tueantur, aliosque doceant et confirment. Ita Ambrosius, Theophylactus, Oecumenius.

Hisce etiam arcana et sublimiora fidei mysteria, credi debere, docet S. Dionysius, cap. I lib. *De Divinis Nominibus*, quem huic eidem Timotheo

Vafa
vox hæ-
retico-
rum.

Traditio-
num ano-
nitas.

Qui testes
de qui-
bus agit
Paulus?

Quibus
arcana fi-
dei com-
menda-

monican-
da ? dedicat: « Sancta, inquit, sanctis communicanda sunt. » Et convertens se ad Timotheum ait: « O Timothee, te quidem ista servare convenit juxta sacratissimam sanctionem, neque inter imperitos efferre eloquia. »

Vers. 3. 3. **LABORA SICUT BONUS** (id est egregius) **MILES CHRISTI JESU.** — Pro *labora* græce est *κακοπάθειον*, id est mala perfer, dura tolera. Adhuc Timotheum incitat exemplo tum militum, tum Christi: militis enim est multa acerba pati, et Christus nos in militiam, ad suum crucis vexillum evocavit, suaque cruce signavit et auctoravit milites suos; fortia ergo agere Romanum est, ut aiebat Scævola; sed fortia pati Christianum est. Pulchre Tertullianus, *Apologetici* cap. I. *Contra Gentes*: « Licet nunc sarmentitios, inquit, et semaxios appelletis, quia ad stipitem dimidii axis revincti sarmentorum ambitu exurimur; hic est habitus victoriæ nostræ, hæc palmata vestis, tali curru triumphamus. Apud vos quoque, o Gentes, Mutius Scævola dextram suam libens in ara reliquit. O sublimitas animi! Empedocles totum se Catanensium Æthneis incendiis donavit. O virgor mentis! Regulus ne unus pro multis hostibus viveret, toto corpore cruces patitur. O fortem virum, et in captivitate victorem! Anaxarchus cum in exitium ptisanæ pilo contunderetur: Tunde, tunde, ait, Anaxarchi follem, Anaxarchum enim non tundis. Attica meretrix, carnifice jam fatigato, postremo linguam suam comestam in tyranni sævientis faciem expuit, ut expueret et vocem, ne conjuratos confiteri posset, si etiam victa voluisset. Zeno Eleates consultus a Dionysio quidnam philosophia præstaret, cum respondisset: Contemptum mortis; impassibilis, flagellis tyranni objectus, sententiam suam ad mortem usque signabat. » Si hæc fecere Gentiles, quid facient Christiani et milites Christi?

Vers. 4. 4. **NEMO MILITANS DEO IMPLICAT SE NEGOTIIS SÆCULARIBUS: UT EI PLACEAT, CUI SE PROBAVIT.** — Vox Deo non est in Græco, nec in Latinis quibusdam. Unde Chrysostomus accipit hanc sententiam tanquam generalem, ad quosvis milites pertinentem, ex qua tacite subsumat Apostolus, eandem multo magis ad Christi milites pertinere: quod noster Interpres expressit dicens, « nemo militans Deo. »

Negotia
sæcula-
ria quæ-
nam? **Nota:** « Negotia sæcularia, » græce τῶ βίῳ παρα-
patρία, id est vitæ (βίος enim non victum, ut vertit Erasmus, sed vitam significat) occupationes et negotiationes, quibus victum, vestitum et reliqua ad vitam tuendam opportuna comparamus et conquirimus; quales sunt mercatura, agricultura, artes mechanicæ, q. d. Miles non curat mercaturam, non opificium, non negotia ad domus, urbis aut regni regimen spectantia, imo nec multum de victu aut vestitu laborat, quia de his militi suo providet imperator: sed uni intendit bello et victoriæ sui imperatoris. Unde et militibus olim vetitum fuisse conjugium docet

Cornelius Tacitus, lib. XIV, et Dionysius, lib. LX; olim in-
terdic-
tum con-
jugium. quin et Tertullianus, in *Ehortatione ad castitatem*, docet suo tempore milites fuisse cælibes. Multo ergo magis hæc et plura facere oportet militem Christi. Ita Chrysostomus, Theodoretus, Ambrosius. Vide S. Basilium in *Asceticis*, serm. 1. Audi eum in præfatione: « Si quis, ait, mihi ministraverit, me sequatur; et ubi ego sum, ibi sit et minister meus. Ubi ergo Christus est rex? in cælo sine dubio. Huc tuus tibi, o miles Christi, dirigendus est cursus. Obliviscere quidquid hic in terris refectionis haberi potest. Miles non domos ædificat, non comparat agros, non vacat mercaturæ. In plateis tabernaculum sibi ponit; cibum sola necessitate metitur; potio, aqua; somni tantum, quantum natura requirit. Itinera frequentia, itemque vigiliæ; acris ad frigora caloresque tolerandos patientia; periculosorum cum adversariis certaminum crebra susceptio, et in iis sæpe (si ita sors ferat) mors, gloriosa tamen, et quæ regiis honoribus et muneribus decoretur. » Deinde ea applicat militi Christi: « Age igitur, miles Christi, qui jam tenuia quædam ex rebus humanis exempla inspexeris, subeat animum tuum sempiternorum honorum cogitatio: propositum tibi vitæ genus sit, domo, civitate ac possessione rerum omnium carens. Solutus esto, atque ab omnibus vitæ curis liber, etc. Corporis te natura non vincit, neque vim affert invito. Non enim tu id quæris, ut sobolem in terra relinquas, sed ut in cælum sursum educas. Imitare sponsum cælestem; insurgentes adversum te crebro invisibiles hostes in fugam dato; eos primum ex animo expelle tuo, neque omnino illis quidquam sit apud te loci, tum ex animo illorum etiam, qui ad te confugiunt, teque ducem adsecunt, quos tu doctrina tua incolumes serves. »

Secundo, id facit miles, « ut placeat ei, cui se probavit, » imperatori scilicet, delectum militum agenti (hoc enim significat Græcum τῷ στρατοῦ ἡγήσαντι), a quo in militiam ascriptus, approbatus et cooptatus est. Ita Chrysostomus, Ambrosius, Theophylactus; minus ergo recte Anselmus, « cui se probavit, » id est, inquit, cui se devovit.

Nota tertio: Apostolus non loquitur hic omnibus Christianis et sæcularibus: hi enim necessario, et ex officio tractare debent negotia sæcularia; sed Timotheo Episcopo, et consequenter omnibus Episcopis, eorumque assedlis, puta Pastoribus, sacerdotibus, clericis: hi enim toti sacrificiis et orationibus, templique ministeriis, ac verbo Dei insistere debent, ideoque abstinere a negotiis sæcularibus. Ita Chrysostomus, Ambrosius et alii. Horum typus fuerunt Levitæ veteris Testamenti, qui in divisione terræ sanctæ nullam ejus partem æque ut aliæ tribus arceperunt, ne terrenis et sæcularibus negotiis implicarentur; sed ut toti vacare possent Deo et templo, ideo portio eorum hæreditaria erat Dominus, id

Quinam
debent
fugere
negotia
sæcula-
ria?

est decimæ, primitiæ et victimæ Domino oblata: hæ enim cedebant in usum Levitarum, ut inde viverent, nec aliunde victum sibi comparare et de eo solliciti esse cogerentur.

5. NAM ET QUI CERTAT IN AGONE, NON CORONATUR, NISI LEGITIME CERTAVERIT, — scilicet nisi tanquam verus athleta athleticæ certet (hoc enim significat Græcum ἀθλητής), idque «legitime,» græce *ἐκ νόμου*, id est juxta legem scilicet stadii et agonis, quæ jubet non tantum athletam oleo ungi, et certamen inire; sed illi ita totum incumbere, itaque constanter, generose atque eximie certare, ut antagonistas omnes vincat, si corona præmioque potiri velit. De athleticis vide dicta I *Corinth. ix, 24.*

Nota: Uti vers. præced. incitavit Timotheum ut totus incumbat Evangelio, rejectis negotiis sæcularibus, pro eoque omnes labores et dolores fortiter ferat, exemplo militis; ita ad idem eundem hic secundo incitat exemplo pugilis et athletæ in agone certantis: athleta enim totus intendit suo certamini, aliud non curat, imo nec respicit; idemque facit vers. seq. tertium adducens exemplum agricolæ laborantis. Vide S. Basilium hisce et aliis exemplis nos incitantem ad labores, homilia in illud *Deuter. xv*, juxta Septuaginta, «Attende tibi,» quæ extat et ponitur post homiliam *de jejuniis*. Porro Auctor serm. *ad Fratres in eremo*, apud S. Augustinum, *serm. 8*, τὸ *legitime* sic explicat, *q. d.* Perseveranter usque ad finem: nam sola perseverantia coronatur. «Non est igitur magnum (ait idem Auctor) inchoare quod bonum est, sed consummare; hoc solum perfectum est. Et S. Hieronymus, lib. I *Contra Jovinianum*: «Cœpisse multorum est, ad culmen pervenisse paucorum.» Idem, *epist. ad Furiam*: «Non queruntur in Christianis initia, sed finis: Paulus male cœpit, sed bene finivit: Judæ laudantur exordia, sed finis prodicione damnatur.» S. Paulus, *Galat. iii, 3*: «Sic stulti estis, ut cum spiritu cœperitis, nunc carne consummemini?»

6. LABORANTEM AGRICOLAM OPORTET PRIMUM DE FRUCTIBUS PERCIPERE. — Dupliciter hunc locum exponunt interpretes. *Primo*, recentiores ex Erasmo volunt esse hyperbaton, sive perturbatum ordinem, et τὸ *primum* referunt non ad «percipere,» sed ad «laborantem,» *q. d.* Oportet agricolam percipere fructus, sed hac conditione, si videlicet prius laborarit; *πρῶτον* enim, juxta ipsos, hic non est nomen, sed adverbium significans idem quod prius, primum. Sed hæc obscura et dura est trajectio, præsertim cum alius planior sensus occurrat. *Secundo*, Ambrosius, Theodoretus et alii proprie verba hæc, ut sonant, accipiunt: agricolæ enim ante dominos, sive possessores agrorum, sunt fructuum participes. Unde et Augustinus lib. *De Opere monachorum*, et Primasius, sic hæc verba explicant et applicant Timotheo, quasi tacite ejus objectioni hic occurrat Apostolus.

Nam dicere poterat Timotheus: Si me totum, ut jubes, o Paule, occupavero Evangelio, unde vivam? hoc anteverit Paulus, respondetque par esse ut laborans in Evangelio, de eodem vivat, et a fidelibus, quos docet, sumptus ad vitam necessarios accipiat, perinde ut par est agricolam qui in agro laborat, ex fructibus agri vivere, adeoque primos agri fructus decerpere.

Mihi *tertio* videtur, servato verborum ordine, utrumque sensum jam datum ab Apostolo intendi, ideoque phrasim hic commutat Apostolus; non enim, uti dixit: «Non coronatur nisi qui legitime certaverit,» ita hic dicit: Nisi laboret agricola, non percipiet fructus; sed assertive quasi alliciens et mulcens, ait: «Laborantem agricolam oportet primum de fructibus percipere, *q. d.* Uti legitime certantem militem et athletam oportet coronari (nemo enim coronatur nisi legitime certet), ita laborantem agricolam, si videlicet strenue in agro laboret, oportet primis agri fructibus frui; sicut ergo corona militem et athletam ad certandum, spes fructuum agricolam ad laborandum excitat: ita te, o Timothee, excitet tum fructus præsentis alimonie a catechumenis, quos doces, accipiendæ, tum potius plena merces future et æternæ gloriæ: excitet, inquam, ad certandum et laborandum, totumque te impendendum Evangelio. Innuat hunc sensum Chrysostomus. Invitat enim Timotheum ad laborem, triplici analogia, scilicet militis, pugilis et agricolæ, uti dixi. Hic itaque agricolæ, qui totus est in sua agricultura, multaque in ea dura patitur, incitat Timotheum ut totus incumbat Evangelio, pro eoque strenue laboret, id est, afflictiones omnes fortiter ferat: hoc enim significat Græcum *κακοπαθεῖν*, ut dixi vers. 3; idem significat hic Græcum *κοπιῶντα*, id est laborantem, scilicet graviter et moleste. Indicatur ergo hic difficilis agricolæ labor esse causa cur mereatur fructus primos percipere; labor, inquam, tam activus, uti est arare, serere, occare; quam passivus, uti est sudare, fatigari, gelu, frigus, æstus aliaque incommoda pati, qualia in agricultura necesse est agricolas tolerare.

Unde Athanasius *ad Antiochum, Quæst. CLII*, sic exponit *laborantem agricolam*, etc.: «Hoc, inquit, de spiritalibus doctoribus dixit, quod sit conveniens, ut doctor, qui pro se et pro suis auditoribus laborat et decertat, primum a Deo mercedem recipiat, deinde discipuli sui. Nam agricola qui fructus suos collegit, ille primus de eis in domo sua recondit, postea de eis aliis, vel creditoribus, vel pauperibus elargitur.» Addit ibidem Athanasius aliam explicationem, nimirum, «laborantem agricolam primum,» etc., *q. d.* Quicumque vult alios docere, vel aliis prodesse, decet illum primum operari id quod docet, atque a Deo accipere dona gratiæ, ac proferre fructus Spiritus Sancti, quos deinde in alios effundat; nam si quis aliquem oleo suis manibus uncturus, oleum non habeat, quomodo impertiet aliis id

Sensus
hujus
loci.

Triplex
analogia
militis,
pugilis,
agricolæ
respectu
operarii
Evan-
gelii.

quod ipse non habet? Ad eundem modum de iis qui alios docent, est sentiendum. » Verum hic sensus symbolicus et tropologicus videtur.

Vers. 7. 7. INTELLIGE QUÆ DICO: DABIT ENIM TIBI DOMINUS IN OMNIBUS INTELLECTUM. — *q. d.* Proposui tibi tres parabolas, militis, athletæ, agricolæ: non est necesse, ut eas tibi explicem et applicem, tu eis intende: quod si feceris, Deus dabit tibi intellectum, ut facile eas intelligere et applicare possis. **Munus Episcopi** Vis scire quod sit munus, quæ vocatio Episcopi, cogita quod sit munus, quæ vocatio militis, pugilis, agricolæ, scilicet sicut miles, athleta, agricola, omnibus omissis, laborat, sudat, et totus insistit bello, agoni et agro suo: ita te, cum sis Episcopus, id est miles, pugil et colonus Christi, omnibus omissis, totum vacare oportet Evangelio, pro eoque omnes labores, pericula, ærumnas et tormenta subire.

Nota: Pro *dabit*, Noster in Græco videtur legisse δώσει; jam legunt δῶν, id est *det*, quod est precantis: et ita legit Chrysostomus.

Vers. 8. 8. MEMOR ESTO DOMINUM JESUM CHRISTUM RESURREXISSE A MORTUIS, EX SEMINE DAVID, SECUNDUM EVANGELIUM MEUM. — Proponit hic et Timotheo commendat duos fidei nostræ articulos illo tempore maxime inculandos, scilicet, *primo*, articulum incarnationis Christi, cum ait, « ex semine David, » supple, incarnatum et natum. *Secundo*, articulum resurrectionis Christi. Utrumque enim negabat Simon Magus cum suis Gnosticis: hi enim dicebant Christum non revera carnem assumpsisse, sed tantum in ea se ostendisse, sicut angelus se ostendit in corpore, quod assumit; ac consequenter mortem, passionem, resurrectionem Christi non revera, sed phantastice contigisse asseriebant. Contra hos inculcat Apostolus veram et realem incarnationem et resurrectionem Christi. Præponit autem resurrectionem incarnationi per hyperbaton, et ut insinuet Christum resurrexisse secundum naturam non divinam, sed humanam, quia natus est ex semine David.

Spes resurrectionis. *Secundo*, iisdem hisce verbis pergit hortari Timotheum ad labores et martyrium pro Evangelio subeundum, *q. d.* Memento, sicut Christus pro Evangelio suo passus gloriose resurrexit, ita pariter te, si pro Evangelio patiaris, gloriose resurrecturum. Patere ergo et labora cum Christo, ut cum Christo ad gloriam resurgas. Ita Theodoretus, Chrysostomus et alii.

Nota: Evangelium suum vocat, non a se aut scriba suo S. Luca conscriptum, sed a se prædicatum. « Evangelium » ergo idem est quod prædicatio Evangelica: ita enim se explicat Paulus I Cor. xv, 10.

Vers. 9. 9. IN QUO LABORO USQUE AD VINCULA, QUASI MALE OPERANS: SED VERBUM DEI NON EST ALLIGATUM. — Pro *labore* græce est *κακωθῶ*, id est affligor, mala perfero, adeoque vincula sustineo; « quasi male operans, » græce ὡς κακώργος, id est quasi malefactor, quasi sceleratus. S. Ambrosius legit *quasi*

latro. « Vide, inquit S. Chrysostomus, hom. 52 in *Acta Apostolorum*, non solum vincula, sed etiam quod malefactor habitus amplificavit gloriam vinculorum; nam si quidem victus esset tanquam bene agens, consolationem quamdam habuisset: nunc autem ut in malis deprehensus vincitur: et amor Dei in causa erat ut nihil hæc curaret. »

Nota: Pro *alligatum* græce est *δεδεσται*, quod pulchra paronomasia respondet *δεσµαίς*, id est vinculis, *q. d.* Ego sum victus, sed verbum Dei non est victum: quia tam ego in carcere parlim verbo, partim scriptis epistolis, quam alii, intrepide verbum Dei prædicamus. « Vincuntur manus, inquit Chrysostomus, sed manet liber animus, et lingua libera, quam nemo ligare potest nisi sola formido atque infidelitas; si quis agricolam vinciat, sementem impedit; manu enim ille serit: doctorem vero si vinxeris, doctrinam vincere non vales; lingua, non manu seritur verbum, quod nullis subjacet vinculis. » Rursum, si ego victus ita strenue prædico Evangelium, quanto magis idem te facere decet, o Timothee, cum sis liber?

Idem Chrysostomus hic in morali, de gloria vinculorum Pauli agens, super coronam et purpuram Neronis eadem extollit: « Nero, inquit, purpuratus, tantoque septus agmine militum, inhibebat Paulo ne doctrinam virtutis prædicaret; obsistebat illi Paulus dicens: Non cedo, verbum Dei non est alligatum. Cilix pellium sutor, victus, pauper, fumæque confectus Romanæ opulentiae regem imperantem omnibus respuebat. Quis ergo clarior, qui vincebat in vinculis, an qui superabatur in purpura? Victus catena diadematum prostravit regem. » Et inferius: « Si Paulus hic, ubi fuit pellium sutor, in vinculis tanto splendore collucet; quid erit cum solis quoque radios vi sui fulgoris obscurans in gloria venerit? cum in iudicio astatit Nero tristis, mœrens, demissus? »

Vers. 10. 10. IDEO OMNIA SUSTINEO PROPTER ELECTOS, UT ET IPSI SALUTEM CONSEQUANTUR, QUÆ EST IN CHRISTO JESU, CUM GLORIA COELESTI. — Legit cum Ambrosio Interpres noster *ἀντιπρω*, id est *celesti*; jam legunt *αιωνίου*, id est *æterna*.

Nota: Vox *ideo* dat causam cur omnia sustineat Paulus, scilicet ne verbum Dei alligetur, ut præcessit, sed propagetur et fructificet, plurimosque ad salutem perducatur; salutem, inquam, « quæ est in Christo Jesu, » id est, quæ per Christum allata est, quam invenire est in Ecclesia et religione Christi; quæ salus conjuncta, adeoque re ipsa eadem est cum beatitudine et gloria cœlesti, licet ab ea connotato, et quasi formaliter distinguatur. « Gloria » enim dicitur *salus*, quatenus hominem morte et inferno aliisque miseriis corporis et animæ liberat et salvat; eadem vero dicitur *gloria*, quatenus hominem beatum et gloriosum efficit.

Moraliter deprædicat hic charitatem Pauli Chrysostomus, quod cum sibi vivere, suæque salutis consulere posset, maluerit se tot laboribus, peri-

Verbum Dei non est alligatum, sed liberum.

Salus et gloria quomodo differant?

Vers. 11
et 12.

culis et tribulationibus ingerere, ut alios salvaret. 11 et 12. FIDELIS SERMO : NAM SI COMMORTUI SUMUS, ET CONVIVEMUS; SI SUSTINEBIMUS, ET CONREGNABIMUS. — « Fidelis, » id est certus, indubitatus sermo; tantum enim valet hæc phrasis, quantum illa Christi in rebus gravibus addi solita : « Amen, amen, dico vobis. » Vide dicta *epist.* I, cap. I. vers. 17.

Certitudo mercedis expectandæ pro laboribus.

Chrysostomus cum suis τὸ *fidelis* refert ad præcedentia, ut « fidelis sermo » sit hic, quod scilicet electi salventur per Christum; tuncque vocula *nam*, quæ sequitur, proprie causaliter sumitur. Verum melius D. Thomas, Vatablus et alii hoc juxta morem Apostoli referunt ad sequentia; omnia enim hæc spectant eo, ut Timotheum nosque omnes excitet ad tolerantiam et martyrium; sic ut vocula *nam* non sit causalis, sed respondeat Hebræo כִּי *ki*, id est *quia*, *quod*, sitque asseverantis et designantis, *q. d.* Ne dicas, o Timothee, in tua vel potius in tuorum, qui infirmi sunt, persona : Ego pro Evangelio dura patior et morior; tu, Paule, promittis mihi resurrectionem et vitam futuram; forte falleris, aut fallis nos : suades enim ut certum et præsens malum pro incerto et futuro præmio patiamur. Ne, inquam, hæc dicas; quia fidelis, verus et certus est sermo: quod si hic pro Christo et cum Christo patiamur et moriamur, simul etiam cum Christo resurgemus et vivemus in regno cælesti. Si enim rex suos duces et milites in bello socios parva victoria et regno, illius pariter consortes facit: procul dubio idem faciet Christus rex potentissimus et liberalissimus, ut eos qui hic tanta et tam dura pro eo passi sunt, suæ gloriæ et regni participes faciat. Ita Chrysostomus cum suis. Aliter Ambrosius: Si, inquit, moriamur viliis, mortificemur concupiscentias, vivemus et regnabimus cum Christo. Sed prior sensus magis genuinus est, ut dixi.

Nota: Pro *si sustinebimus* græce est εἰ ὑπομένωμεν, id est, si sustinemus: non enim satis est semel pati, aut mori, sed quotidie patiendum et moriendum est. « Diebus singulis beatus ille (Paulus) moriebatur, » inquit Chrysostomus.

SI NEGAVERIMUS (Christum et Christi fidem metu hostium, tyrannorum aut tormentorum), ET IPSE (Christus) NEGABIT NOS. — Hæc enim est justa quasi compensatio, tam pænæ, quam præmii, quam statuit Christus *Matth.* x, 32, dicens: « Omnis qui confitebitur me coram hominibus, confitebor et ego eum coram Patre meo, qui in cælis est: qui autem negaverit me coram hominibus, negabo et ego eum coram Patre meo, qui in cælis est. »

Vers. 13.

13. SI NON CREDIMUS, ILLE FIDELIS PERMANET, NEGARE SEIPSUM NON POTEST. — Id est, ut Primasius, sive credimus, sive non credimus, veritas non mutatur, Deus falli aut fallere non potest: incredulitas aut perfidia nostra Dei fidem convelere nequit. In Græco est paronomasia in πιστεύω, et πῶς. *q. d.* Si diffidimus, ille tamen fidus

permanet. Subtiliter et pulchre ex S. Dionysio, *cap. viii. De Divinis Nomin.*, Anselmus: « Deus, inquit, veritas est, qua Deus est τὸ ὄν, id est, quod est, quod existit; et veritas est τὸ εἶναι: ergo a veritate cadere, est a Deo cadere. Hinc itaque Deus se, id est veritatem negare non potest, quia sic caderet a seipso, et Deus non esset Deus. »

Unde et S. Athanasius, orat. 3 *Contra Arian.*, « Fidelis, » inquit, id est immutabilis. Hoc fundamentaliter verum est, non autem formaliter: immutabilitas enim Dei est fundamentum et ratio fidelitatis Dei, cur scilicet fideliter præstet id quod promisit, et cur seipsum, id est sua promissa, negare, revocare aut fallere non possit. Unde S. Augustinus, in illud psal. xxxii, *Omnia opera ejus in fide*: « Fidelis, inquit, homo est credens promissioni Dei: fidelis Deus est exhibens quod promisit homini. Teneamus ergo fidelissimum debitorem, quia tenemus misericordissimum promissorem. »

Secundo, idem Augustinus, lib. V *De Civit.*, cap. x, docet Deum esse omnipotentem, et tamen non posse mori, fallere, mentiri: quia hæc non potentia, sed infirmitatis sunt; quæ si posset Deus, non esset omnipotens, sed impotens, debilis, infirmus (1).

14. HÆC COMMUNE, TESTIFICANS CORAM DOMINO. — Vers. 14. Id est, protestans coram Domino, vel testem invocans Dominum, eumque judicem et vindicem minans, ac per eum adjurans, sacraque religione ac timore constringens tuorum subditorum conscientias commune et perurge, ut hæc quæ scripsi, exacte custodiant.

NOLI CONTENDERE VERBIS. — Græce est μὴ λογίζεσθαι, id est, non verbigerari, ut loquitur Apuleius, non contendere verbis: est enim infinitivus; unde Chrysostomus cum suis, Syrus, Erasmus, Vatablus et alii hoc referunt ad præcedentia, *q. d.* Contestans eos coram Domino ne verbis contendant. Verum S. Augustinus, lib. I *Contra Cresconium*, Ambrosius, et passim Latini legunt separatim per imperativum, « noli contendere verbis. » Sæpe enim, ut vidimus, Paulus æque ut Hebræi, infinitivum ponit pro imperativo. « Verbis contendere, inquit S. Augustinus, lib. IV. *De Doctr. Christiana*, cap. xxviii, est non curare quomodo error veritate vincatur, sed quomodo tua dictio dictioni præferatur alterius; » scilicet in disputando non veritatem quærere, sed velle ostentare suam scientiam, velleque videri doctiorem, vincere et prævalere: quod juvenum est et superborum. Vide Nazianzenum in orat. *De modestia in disputatione servanda*. Sapienter et pie B. Ægidius paradoxum hoc Christianum sanxit: « Quando quis contendit tecum, si vis vincere, perde: si vincis teipsum, vincis omnes inimicos tuos; ma-

Cum Deus verax, fidelis et immutabilis?

Quid sit contendere verbis?

Cum quibus et qua modestia disputandum?

(1) Πιστὴν in contextu nostro intellige *veracem*, non minus in pænis infligendis (iis scil. quas minatur vers. præced. et ipse negabit nos), quam in præmiis infligendis.

gna virtus est, si quis se permittat vinci ab omnibus hominibus : quia talis est dominus hujus mundi. » Ita S. Ephrem in suo testamento gloriatur se nunquam cum ullo Christiano verbis contendisse. Quamquam Apostolus non tam contentionem cum Christianis, quam cum hæreticis hic vetet, hæc enim est λογμάζια, sive pugna, *epist.* I, cap. vi, vers. 4. Hinc cum hæreticis in hæresi sua obfirmatis non esse disputandum docet Augustinus, *epist.* 137, et Tertullianus lib. *De Præscript.*, quia cum obstinatis disputatio nihil valet, nisi ad eversionem stomachi aut cerebri, inquit Tertullianus.

AD NIHIL UTILE EST, NISI AD SUBVERSIONEM AUDIENTIUM, — ut videlicet audientes Novantium contentiosa blandiloquentia capiantur, utque in partes et schismata abeant, discantque et ipsi inter se contendere. Idipsum aliis verbis dixit *epist.* I, cap. vi, vers. 4 : « Ex quibus, inquit, oriuntur invidiæ, contentiones, blasphemiæ, suspensiones malæ, conflictationes. »

VERS. 15. 15. SOLICITE AUTEM CURA TEIPSUM PROBABLEM EXHIBERE DEO, OPERARIUM INCONFUSIBILEM. — Græce, σπουδάζων σεαυτὸν δόκιμον παραστήσαι τῷ Θεῷ, id est, satege et stude teipsum probum vel probatum Deo exhibere, ut scilicet Deus te et tua probet, rataque ac grata habeat.

Quis operarius inconfusibilis? Nota : Pro *inconfusibilem* græce est ἀνεπαλόγυτον, id est qui non pudefiat, non erubescat. « Operarium ergo inconfusibilem » vocat eum qui non confundatur predicare Christum, quem non pudeat crucis Christi, sed qui libere et intrepide, obstrepentibus licet Judæis et iridentibus Gentilibus, evangelizet Christum crucifixum, totamque Christi fidem ac religionem. Ita Chrysostomus cum suis.

Secundo, aliter Anselmus (1), « inconfusibilem, » inquit, id est quem non confundat, non pudore afficiat sua ignorantia, mala doctrina aut vita, ut in nullo reprehendi aut pudefieri possit; ac consequenter,

Tertio, « inconfusibilem, » id est qui in die iudicii a Deo coram toto mundo examinatus, non confundatur, non pudefiat. Primus sensus maxime est ex mente et pectore Apostoli.

RECTE TRACTANTEM VERBUM VERITATIS. — Græce ἐπετρομύνοντα, id est recte secantem verbum veritatis. *Secantem*, id est circumcidentem et resecantem aliena, inutilia et supervacanea quæque, inquit Vatablus, ut scilicet tantum propria et utilia doceat et explicet. Unde Chrysostomus cum Theophylacto putat hanc coriariis, qui corium circumcidunt, duci metaphoram, *q. d.* Paulus : Sicut coriarii in loris et corrigiis superflua quæque rescindunt : ita tu, o Timothee, ea quæ a verbo Dei extranea aut superflua sunt, gladio spiritus absconde. Verum aliud est secare, aliud circumcidere. Dico ergo, « recte secantem, » id est, recte tractan-

tem et exponentem verbum veritatis. Theodoretus putat metaphoram esse ab agricolis : « Laudamus, inquit, agricolas qui rectos sulcos proscindunt : ita et magister est laude dignus qui sequitur regulam divinorum eloquiorum. » Alii tropum hunc peti putant a nodis difficilibus, quos cum solvere non possumus, secamus. Sic Alexander Magnus nodum insolubilem in Midæ plaustro, ense dissecuit : pari enim modo, nodi quæstionum acumine intellectus et fidei secandi et solvendi sunt, adeoque in his opus est Tenedia bipenni.

Verum melius alii censent, metaphoram hanc peti a nutricibus, cocis et ex iis qui instruunt convivium, sive a mensarum præfectis, qui olim modimperatores vel symposiarchæ dicebantur : horum enim est recte secare carnes et cibos, ex eisque cuique distribuere illud quod cuique commodum, sapidum et gratum esse novit. Hinc Plato insulsum Dialecticum vocat *malum cocum*, eo quod non sciret recte dividere. Rursum sicut res, *v. g.* nux clausa, si recte secetur, plane aperitur, ut intima ejus pateant, nucleusque capi et comedi possit, indeque dicitur enucleari : ita Scriptura vel doctrina obscura et quasi clausa dicitur recte secari, cum ita aperitur, exponitur, enucleatur, ut sensus in ea reconditus quasi nucleus pateat, capi et intelligi possit. Episcopus ergo, doctor et concionator, quasi cocus, aut potius quasi symposiarches et modimperator, debet doctrinam suam et verbum Dei non mutilare, non discernere, non torquere; sed recte secare, dividere, discernere et quasi nucem recte aperire, enucleare et exponere; ut videlicet verum sensum a falso et contorto discernat, eumque apte cuique pro suo captu et gustu proponat et communicet : ut docta doctis, communia rudibus et populo promat et proferat; de nuptiis non disputet apud virgines, nec apud conjugatos de virginitate; pusillanimis non objiciat iudicium et infernum; audacibus et tumidis non offerat promissionem gloriæ cælestis, et ita de reliquis. Peccant contra hoc qui de Trinitate, de prædestinatione, de gratia efficaci coram mulieribus et plebe tractant et disputant (2).

Posset *secundo*, hæc « recta secatio, » id est tractatio verbi Dei, opponi adulterationi ejusdem, qua scilicet quis non Dei gloriam et animarum salutem, sed sua lucra, aut gloriam ex predicatione verbi Dei querit et aucupatur : quod carpit Apostolus II Cor. cap. ii, vers. ult., *q. d.* Vide, o Timothee, ut predicationi tuæ non misceas vana, curiosa, avaritiam, ambitionem, itaque eam quasi adulteres : sed sincere, simpliciter recte intentione prædica verbum Dei, ut scilicet non aliud ex eo quæras, quam animas ad creatorem suum reducere.

Unde *tertio*, Primasius : Recte, inquit, prædicant

(2) Ita Allioli et Rosenmullerus, qui ait : « Recte tractare doctrinam divinam est proponere auditoribus, quod illis aptum est, pueris lac, adultis solidiorem cibum, mortuis solatium, » etc.

Locus hie Pauli ex Græco textu, et vera metaphorâ sensu illustratus.

Officium et peccata concionatoris.

Quid sit adulteratio verbum Dei?

(1) Sed minus recte.

verbum Dei, qui id quod predicant exemplo suo et vitæ conversatione confirmant. Sed primus sensus maxime est genuinus. Noster ergo interpret, pro recte secantem, clare vertit, recte tractantem, id est recte exponentem et proponentem verbum veritatis. Hinc Patres Latini suas expositiones Scripturæ sacræ vocant *Tractatus*, quos Græci vocant *Tomos*, sive sectiones.

16 et 17. PROFANA AUTEM ET VANILOQUIA DEVITA : MULTUM ENIM PROFICIUNT AD IMPIETATEM, ET SERMO EORUM UT CANCER SERPIT. — Græca carent copula et : sic enim habent, τὰς δὲ βεβήλους κενεφωνίας id est profana vaniloquia, vel profanas vocum novitates devita. Ubi nota, pro κενεφωνίας per ε, Ambrosium et Chrysostomum legere κενεφωνίας per αι, id est vocum novitates, quomodo et legit Noster *epist.* I, cap. vi, vers. 20; hæc enim secunda epistola ad Timotheum primæ epistolæ simillima est.

Ex quo loco rursum patet, hoc loco carpere Apostolum non voces novas a Catholicis adinventas ad res fidei clarius explicandas, sed novas voces hæreticorum, quibus novos errores inducunt : hæ enim sunt profanæ et falsæ, imo sacrilegæ; tales sunt voces peregrinæ Simonianorum, Gnosticorum, Valentinianorum et Hymenei ac Phileti, qui negant resurrectionem, ut sequitur. Ita Primasius. Pulchre Augustinus, lib. III *Contra Julianum*, cap. III : « Mira, inquit, sunt quæ dicitis, o Pelagiani; nova sunt quæ dicitis; falsa sunt quæ dicitis : mira stupemus, nova cavemus, falsa convincimus. » Vide dicta *epistola* I, cap. vi, vers. 20.

Nota : Pro devita græce est περιτῶσαι, quod Vatablus vertit, prætermittit; Oecumenius, *retice*, aut insta vehementer ut coerceantur; Erasmus, *abscinde*, ut nostrum devita sit idem quod, tolle de vita, aufer e medio. Verum περιτῶσαι significat quoque vitare, fugere, declinare, uti ex Luciano annotat Henricus Stephanus et Scapula in *Lexico*; itaque hic vertendum esse devita, id est fuge et declina, patet ex duobus similibus locis. Idem enim hic dicit quod I *epist.* cap. vi, vers. 20; ibi autem sic ait : « Devitans profanas vocum novitates. » Rursum ad Titum III, 9 : « Pugnas, inquit, legis περιτῶσαι, » id est devita et fuge, non tam propter te, quam propter tuos subditos, ut quod illi te suum Episcopum fugere viderint, fugiant pariter et ipsi. Unde per hebraïsmum in significatione *hiphil* sic exponi potest : « devita, » id est tuo exemplo et jussu fac alios devitare. Sic enim loquuntur Hebræi : *ventus paleas avolat*, id est avolare facit; *ignem ardet*, id est ardere facit; *muscas fuge*, id est fugere fac, sive fuga. Ponitur enim *cal* pro *hiphil*, id est verbum neutrum vel activum simplex et absolutum, pro activo duplici quod alios agere facit.

Posset secundo, περιτῶσαι cum Budæo proprie verti, *circumsiste, circumda*, ut scilicet cohibeas et comprimas hæc profana vaniloquia, ne, ut sequitur, quasi cancer latius serpat et plures infi-

ciant : ad hoc enim vel maxime advigilare et curare debent Episcopi et Pastores.

SERMO EORUM UT CANCER SERPIT. — eorum scilicet hæreticorum, qui docent profana vaniloquia. Hebraïsmo enim ex abstracto *vaniloquia*, intelligit et repetit concretum in eo inclusum, « eorum » scilicet *vaniloquorum* et profanorum, puta hæreticorum.

Nota : « Cancer » hic non animal, sed morbum significat, qui gangræna (ut habent hic Græca) dicitur; cui nisi occurratur, ita semper proserpit, et, ut græce est, νεκρὴν ἔχει, id est, pastionem habebit, sive depascetur, scilicet vicina membra, ut totum hominem sensim inficiat et perimat. Talis est hæresis, quæ semper serpit, tum ab uno errore in alium, et ex malo in deterius semper proserpit et prolabitur : « malum enim, inquit S. Dionysius, cap. IV *De Divinis Nominibus*, cum sit defectio a bono, sua infirmitate et pondere semper ad aliud et aliud malum progreditur; » tum potius et aptius serpit hæresis quasi cancer ab uno homine in alium, ab una urbe et provincia in aliam, uti experientia vicinarum regionum hoc sæculo vidimus et videmus. « Sic Arius, inquit S. Hieronymus, una scintilla fuit, sed quia non statim oppressa est, totum orbem ejus flamma populata est. » Nec mirum hæresim serpere, sicut non est mirum lepram aut gangrænam serpere, præsertim quia affert nova, curiosa, placentia dogmata, quæ carnem et carnales aures scalpunt, iisque gratissima sunt; uti est non esse jejundandum, non esse virginitatem colendam, non esse agendam pœnitentiam ad satisfaciendum pro peccatis, quia Christus hæc omnia fecit pro nobis. Quare Luthero postulanti pro miraculo haberi, quod tam multi brevi tempore in ejus sectam concessissent, respondit B. Thomas Morus, scribens ad *Pomeranum* : « Ad propositam vitæ licentiam populum ruere, id habet tantam miraculi speciem, quantam saxa deorsum ruere. » Qua de re plura dicam cap. seq. vers. 4.

Quomodo serpat hæresis, pulchro exemplo Manichæi cujusdam declarat S. Augustinus, tract. 1 in *Joan.* : « Quispiam, inquit, tædium patiebatur a muscis : invenit illum Manichæus tædio affectum, et cum diceret se non posse pati muscas et odisse vehementer illas; statim ille : Quis fecit has? et quia tædio affectus erat et oderat illas, non est ausus dicere : Deus illas fecit. Erat enim Catholicus. Ille statim subiecit : Si Deus non fecit illas, quis eas fecit? Plane, ait ille, ego credo quod diabolus fecit muscas. Et ille statim : Si muscam diabolus fecit, sicut te video confiteri, quia prudenter intelligis, apem quis fecit, quæ paulo major est musca? Non ausus est ille dicere, quia Deus fecit apem et muscam non fecit, qui res erat proxima. Ab ape duxit ad locustam, a locusta ad lacertam, a lacerta ad avem, ab ave duxit ad pecus, inde ad bovem, inde ad elephantem, postremo ad hominem, et persuasit homini, quia non a

Quare
Latino-
rum ex-
positio-
nes vo-
centur
tracta-
tus,
Græco-
rum to-
mi?
Vers. 16
et 17.

Vocum
novitas
quænam
vitanda?

Simonia-
ni,
Gnostici,
Valentini-
ani no-
valores.

Ex Græ-
co et He-
bræo
Paulus
hic illus-
tratur.

Hæreti-
corum
vanilo-
quentia.

Hæresis
serpit ut
cancer,
et ad
quæ, et
quare?

Quomodo
serpat
hæresis,
exemplo
miro do-
cet S.
Augusti-
nus.

Error
Mani-
chæo-
rum.

Deo factus est homo. Ita ille miser cum tedium passus est a muscis, musca factus est quem diabolus possederat. » Hactenus Augustinus.

Hæretici Hinc omnes SS. Patres docuerunt hæreticos quasi pestes fugiendos esse. Ita S. Joannes, *epist.* II, vers. 10 : « Si quis, inquit, venit ad vos, et hanc doctrinam non affert, nolite recipere eum in domum, nec Ave ei dixeritis ; » utque exemplo suo hanc doctrinam sanciret Joannes, noluit eodem balneo cum Cerintho lavari. Et S. Polycarpus occurrere Marcioni, rogatusque ab eo, Non agnosceis me ? respondit : « Agnosco te primogenitum diaboli. » Ita ex Ireneo narrat Eusebius, lib. IV *Hist.*, cap. XIII : « Tantum, inquit, Apostoli et eorum discipuli habuerunt timorem, ut neque verbo tenus communicarent alicui eorum qui adulteraverunt veritatem. » S. Antonius, inquit Athanasius, ita execrabatur Arianos, ut suis ediceret : « Hæreticorum et schismaticorum venenavitate, meumque circa eos odium sectamini. Scitis ipsi quod nullus mihi pacificus sermo cum eis unquam fuerit. » S. Cyprianus, lib. I, *epist.* 3 ad Cornelium : « Declinent, inquit, fortiter et evitent dilectissimi fratres nostri verba et colloquia eorum, quorum sermo ut cancer serpit, nulla cum talibus commercia, nulla convivia, nulla colloquia misceantur, sintque ab eis tam separati, quam sunt illi ab Ecclesia profugi. » S. Leo, *serm.* 5 De *Jejunio decimi mensis*, docet hæreticos cavendos tanquam serpentes : « Quia, inquit, sermo eorum serpit ut cancer : humiliter irrepunt, blande capiunt, molliter ligant, latenter occidunt, » etc.

S. Joannes Apostolus. **S. Polycarpus.** **S. Antonius.** **S. Cyprianus.** **S. Leo.**

Nota : Sicut sermo hæreticorum voce prolatus, ita et scriptus vel impressus serpit. Merito ergo ad luem hanc cohibendam Ecclesia, ex consilio Apostoli, prohibet sub gravi censura legi libros hæreticorum : idque jam olim prohibuit, ut patet ex Concilio Nicæno, quod omnibus Arianorum librorum lectionem interdixit, eosque comburi jussit. Testis est Nicephorus, lib. VIII, cap. XVI. Quod Concilii decretum Constantinus Imperator ita executioni mandavit, ut eos qui Arianos libros occultassent, capite plecti jussisset. Testis est Socrates, lib. I, cap. VI. Idem Socrates, cap. XXIV, narrat Marcellum Ancyranum damnatum fuisse, eo quod libros suæ hæreseos flammis tradere nolisset. Sic et Gregorius Nazianzenus, *orat.* 2 De *Fide*, hæreticorum libros perdendos esse docet, tanquam aspidum ova, utpote quæ nata sint aspidas et basiliscos procreare. Nihil ergo novi sanxit Concilium Tridentinum vetans lectionem librorum hæreticorum, sed antiquum Ecclesiæ decretum renovavit. Quin Ethnicici quoque duce natura idem factitarunt. Nam Protagoræ athei libros publice in foro exustos esse docet Philostratus in *Sophist.* Pari modo Romæ exustos fuisse libros religioni adversantes, docet Livius, lib. X. Lacedæmonios quoque scripta Archilochi non impia, sed impudica, urbe exegisse, docet Valerius Maximus, lib. VI, cap. III. Hinc Plato,

lib. VII De *Republ.*, libros omnes, antequam edantur, examinandos esse docet, ne forte quid contineant religioni aut bonis moribus contrarium.

17 et 18. Ex quibus (profanis et vaniloquis, puta hæreticis) EST HYMENÆUS ET PHILETUS, QUI A VERITATE EXCIDERUNT, DICENTES RESURRECTIONEM ESSE JAM FACTAM. — Pro *exciderunt* græce est *ὑπόκειναι*, q. d. Collimantes ad scopum veritatis ab eo aberrarunt. Vide dicta *epist.* I, cap. I, vers. 6. Scilicet hi superbi Novatores se acutissimos et exactissimos S. Scripturæ et veritatis indagatores esse jactabant, et mentiebantur.

Queritur, quomodo hi Novantes dixerint « resurrectionem esse factam ? » Respondet *primo* Theophylactus, eos per resurrectionem intellexisse renovationem omnium rerum, quæ quotannis fit in vere circa pascha ; omnium enim rerum quæ sunt sub sole, est circulus, ut in hieme quasi moriantur, in æstate quasi resurgant cum Christo.

Secundo, Epiphanius, *hæresi* 40, quæ est Archonticorum, Ambrosius et Theodoretus putant per « resurrectionem » eos accepisse generationem et propagationem, qua pater filium generans, in eo quasi vivit et resurgit. Cum enim res quælibet semper esse cupiat et eternitatem quamdam ambiat, nec eam per se in suo individuo consequi possit ; hinc seipsam communicat per propagationem, ut in suo semine et sobole permaneat, et semper, si fieri possit, perduret.

Tertio et viciniis, S. Thomas putat eos resurrectionem corporum negasse, non animarum, sed eam asseruisse, scilicet per « resurrectionem » intellexisse animæ glorificationem et beatitudinem, quæ jam facta est et indes fit cum quis fidelis et pius moritur. Unde Tertullianus, lib. De *Resurrect. carnis*, vocat eos Partiaros, quia partem tantum hominis resurgere dicebant.

Quarto et verisimilius, idem D. Thomas putat eos docuisse resurrectionem esse factam, scilicet litteraliter in Christo a mortuis resurgente, in nobis vero non litteraliter, sed mystice eandem fieri, cum baptizamur, et a peccatis resurgimus, vitamque sanctam et Christianam inimus : ut resurrectio sit idem quod justificatio, in qua resurgimus a morte peccati ad vitam gratiæ, sitque vitæ et morum mutatio, ait Anselmus : ita ut resurrectio hæc sit ipse christianismus et christiana vita, in qua a peccatis et servitute legis veteris liberi, in deliciis et suavitate vitæ Christianæ vitam beatam degimus. Sic enim Cerinthus utpote judaizans docuit delicias carnales hujus vitæ esse resurrectionem et beatitudinem, nec aliam esse expectandam. Idem etiamnum docent nonnulli Naturalistæ in Hollandia. Christianismus ergo et Christianæ vitæ libertas ac jucunditas, quam induxit et sanxit Christus, est resurrectio secundum Hymenæum et Philetum ; nam illa jam facta est a Christo : reliquæ enim resurrectiones ab aliis allatæ, non tam factæ sunt, quam indes adhuc fiunt.

Vers. 17 et 18.

Quomodo Philetus et Hymenæus dicebant resurrectionem factam ?

Hæresis Archonticorum.

Hæresis Partiariorum.

Resurrectio mystica.

Cerinthi judicantis falsum dogma de resurrectione.

Pessima
hæresis
negan-
tium re-
surrectio-
nem.

Moraliter notat Chrysostomus recte dixisse Apostolum : « Multum proficiunt ad impietatem ; » nullus enim error est nocentior magisque homines incitans ad carnis concupiscentias omnemque impietatem perficiendam, quam qui negat resurrectionem : sublata enim resurrectione et gloria cœlesti, pariter tollitur infernus et pœna æterna, ac consequenter animæ immortalitas et æternitas : inde sequitur illud Epicuri, *Ede, bibe, lude, post mortem nulla voluptas*. Quis enim gratis sine spe præmii hic studeat ab continentie, mortificationi vitiorum ? quis corpus lanandum offerat morti et martyrio, si non est resurrecturum in gloria ? quis hic gula, libidine omnique voluptate se non expleat, si infernum non timeat, nec cœlum speret ? Vere et præclare Tertullianus : « Spes Christianorum est resurrectio mortuorum. »

ET SUBVERTERUNT QUORUNDAM FIDEM. — Pro subvertunt græce est ἀνατρέφουσιν, id est subvertunt, quo significat Paulus eos in sua perversitate, aliosque pervertendi studio, persistere.

Vers. 10. 19. SED FIRNUM FUNDAMENTUM DEI STAT, HABENS SIGNACULUM HOC : COGNOVIT DOMINUS QUI SUNT EJUS; ET DISCEDAT AB INIQUITATE OMNIS QUI NOMINAT NOMEN DOMINI. — Opponit hoc « fundamentum » Apostolus fidei quorundam subversæ, uti præcessit, occurritque timori et tacitæ quorundam objectioni. Timidiores enim quidam dicere poterant : Si, incipiente Ecclesia et in paucis fidelibus consistente, subversa est aliquorum fides ab hæreticis, quorum sermo ut cancer serpit, fiet tandem serpente et gliscente hæresi, ut brevi tota fides et Ecclesia subvertatur. Hisce respondet hic Apostolus, id non esse metuendum, quia « firmum fundamentum Dei stat. »

Ubi nota : Vocem stat opponit voci subvertunt. Quereres, quodnam sit hoc « firmum Dei fundamentum. » Respondet Ambrosius esse Dei promissa, quibus per Prophetas promisit redimere et salvare homines, q. d. Apostolus : Firma stant hæc Dei promissa quæ habent signaculum hoc, scilicet fidem, qua credendo Deo obsignamus et confirmamus verba et promissa Dei.

Secundo, Theodoretus per « fundamentum » hoc accipit fidem : fides enim est basis et fundamentum veritatis; fidei autem signaculum est spes resurrectionis, quam negat Philetus.

Tertio et optime, « firmum hoc fundamentum Dei » est Dei consilium, decretum et prædestinatio, qua statuit vocare fideles primo ad fidem, deinde ad gratiam et perseverantiam, ac demum ad gloriam : hæc enim prædestinatio in Deo firma, imobilis et immutabilis consistit : ac vice versa consequenter et magis apposite, ut recte docet S. Chrysostomus, Theophylactus, D. Thomas et S. Augustinus mox citandus, « firmum fundamentum Dei, » non tanquam subjecti, sed tanquam agentis et jacentis hoc fundamentum, sunt ipsi fideles a Deo prædestinati ad fidem, gratiam et

gloriam. Ili enim non erunt instabiles in fide, nec ab ea excident, ut exciderunt Hymenæus, Philetus et alii ab eis quasi arundines agitati et subversi; sed in fide fundati stant stabuntque immoti, quasi firma Dei fundamenta. Potius enim ipsos fideles prædestinatos, quam prædestinationem ipsam Dei dici « fundamentum, » patet primo, quia hoc fundamentum opponit iis, qui subversi sunt ab Hymenæo : ergo constantes in fide vocat « fundamentum; » hos enim opponit inconstantibus et subversis.

Secundo, quia passim alibi in Scriptura ipsa Ecclesia, id est populus et fideles qui sunt in Ecclesia, vocantur « fundamentum, » vel domus aut templum Dei bene fundatum, ut *Psal. LXXXVI* : « Fundamenta ejus (scilicet Sionis spiritualis, puta Ecclesiæ) in montibus sanctis, » quo alludit hic Apostolus; *Isaia II, 2* : « Erit præparatus, » id est fundatus, firmatus (hoc enim significat Hebræum נֶחֱלֶן nachon) « mons domus Domini (id est Ecclesiæ) in vertice montium. » Hinc Christus, *Matth. cap. XVI, vers. 18*, dicit, se super Petrum, quasi petram firmam, fundaturum et ædificaturum Ecclesiam suam, et *Ephes. II, 20*, Paulus Apostolos et Prophetas vocavit fundamentum domus Dei, scilicet Ecclesiæ. Sic *Matth. VII, 24*, virum in fide et virtute constantem comparat domui, de qua dicit : « Quod venerunt flumina, et flaverunt venti, et irruerunt in domum illam, et non cecidit : fundata enim erat super petram. » Eodem ergo prorsus modo hic viros in fide constantes vocat « firmum fundamentum. » Sive ergo per hoc « fundamentum » ipsam Dei prædestinationem, sive potius ipsos fideles prædestinatos accipias, eodem redit sensus : firmitas enim hujus fundamenti partim in nobis, partim in Deo est. Ideo enim in Deo firma est prædestinatio, quia firmi erunt prædestinati in fide et gratia : hi enim sunt firmæ prædestinationis obiectum. Et vicissim firmi erunt prædestinati, quia firma est Dei prædestinatio : nam, ut docet D. Thomas, firmitas hæc fidelium partim pendet a Dei prædestinatione et gratia, partim ab ipso fidelem libero arbitrio, quod libere et constanter fidem et gratiam retinebit. Quod ut melius intelligatur, notandum est efficaciam et certitudinem prædestinationis et gratiæ pendere et petendam esse ex præscientia (quasi ex signaculo, ut mox dicam), sive ex præviso futuro eventu, puta ex futura nostra cooperatione, qua fidem libere amplectemur, et constanter in ea perseverabimus.

Unde ex S. Augustino Theologi definiunt, « prædestinationem esse præscientiam et præparationem gratiarum, quibus certissime salvantur quicumque salvantur. » Dicitur enim Deus prædestinare, v. g. Petrum, cum ex infinitis gratiarum modis, speciebus, ordinibus, quos Petro dare poterat, hunc unum gratiarum ordinem et seriem illi dare decrevit, cum qua prævidebat Petrum cooperaturum et in fide ac gratia perseveraturum, itaque

Prædestinati, non prædestinationem, est firma Dei fundamentum.

Et in Hebræo vocantur fundamentum.

Firmitas hujus fundamenti partim in nobis, partim in Deo.

Efficacia prædestinationis petenda ex præscientia.

Prædestinatio quid ?

Quod hic firmum fundamentum Dei ?

salvandum : gratia ergo prædestinationis certo salvat hominem prædestinatum, quia certo præscit Deus quod cum illa liberum hominis arbitrium libere bene operabitur in finem usque vitæ. Unde sequitur gratiam prædestinationis quoad effectum pendere ex nostra cooperatione futura, quasi ex proprio tam suo, quam præscientiæ divinæ objecto, nostramque cooperationem perficere et complere Dei prædestinationem et gratiam. Et hoc significat Apostolus, cum firmi hujus fundamenti duo hæc illud firmitas et obsignantia signacula, quasi sibi invicem respondentia subjungit dicens : « Novit Dominus qui sunt ejus : » en Dei præscientia ; « Et discedat ab iniquitate omnis qui nominat nomen Domini : » en nostri liberi arbitrii cooperatio, quæ est præscientiæ objectum. Ideo enim certa et firma est Dei præscientia, qua præscit, v. g. Petrum fore suum, id est fidelem, justum, discessurum ab iniquitate, quia re ipsa Petrus gratiæ Dei sua libera voluntate cooperans erit fidelis, justus, et discedet ab iniquitate.

Gratia prædestinationis pendet ex nostra cooperatione.

Pro signacula, id præscientiæ, et liberi arbitrii cooperatio.

Quid hic Apostolus primario intendat ?

Nota secundo, Apostolum primario loqui de fundamento fidei et fidelium, sive de prædestinatione et prædestinatis ad fidem fortem et constantem : hos enim fideles quasi firma Dei fundamenta opponit Hymenæo et Phileto, hæreticis, aliisque ab eis in fide subversis. Unde Theodoretus, Chrysostomus, Theophylactus, Anselmus per « firmum fundamentum » intelligunt fidem : fides enim proprie est fundamentum domus spiritualis, quæ construitur ex aggregatione cæterarum virtutum, q. d. Apostolus : Esto arundines et stipites aliqui in Ecclesia convellantur, esto aliqui ab Hymenæo et Phileto seducti a fide in hæresim delabantur ; stat tamen stabitque semper firmum Ecclesiæ et fidelium fundamentum, contra omnes hæreticos et hostes invictum, imo per eos quasi antiperistasi quadam fortius et purius evadet. Nam, ut docet Tertullianus, lib. *De Præscript.*, cap. III, per hæreses purgatur Ecclesia. « Cognoscit, inquit, Dominus qui sunt ejus, et plantam quam non plantavit pater, eradicat ; et de primis novissimos ostendit, et palam in manu sua portat ad purgandam aream suam : avolent quantum volent paleæ levis fidei quocumque afflatu tentationum, eo purior massa in horrea Domini reponetur. »

Secundarium Apostoli intentum.

Secundario tamen hoc fundamentum extendit Apostolus ad gratiam et alias virtutes, adeoque ad omnes prædestinationis effectus : hoc enim significat, cum hujus fundamenti signaculum secundum recenset dicens : « Discedat ab iniquitate omnis qui nominat nomen Domini. » Hic enim solus plene et perfecte fidelis est, qui scilicet juxta fidem pie et sancte vivit, in eoque constanter perseverat usque ad mortem. Ita S. Augustinus, Anselmus, Beda. Unde S. Augustinus, lib. *X De Civit.*, VII, et alibi, hæc refert ad Ecclesiam sanctorum, sive ad electos ad gloriam : hos enim

vocari hic censet ab Apostolo « firmum Dei fundamentum. »

HABENS SIGNACULUM HOC : COGNOVIT DOMINUS QUI SUNT EJUS. — Ponit hic Apostolus fundamenti jam dicti bina signacula. Prius est præscientia Dei, posterius fuga peccati, q. d. Deus suum hoc prædestinationis et fidelium in fide constantium et prædestinatorum fundamentum, duobus sigillis notavit, munivit, obsignavit. Prius est hoc : « Cognovit Dominus qui sunt ejus, » q. d. Prius hoc fidelium in fide fundatorum signaculum est, quod sint præsciti et præcogniti, tanquam qui sint ejus, scilicet Dei ; quia scilicet prævidet Deus quod permansuri sint in fide et gratia, ac consequenter perventuri ad gloriam, quasi Dei amici et electi. Ita Chrysostomus, Theophylactus, Anselmus et S. Augustinus, tract. 12 in Joann. : « Novit, inquit, Dominus qui permaneant ad coronam, qui permaneant ad flammam ; novit in area sua triticum, novit paleam ; novit segetem, novit zizania. »

Præscientia Dei et fuga peccati duo signacula sunt prædestinationis

Alludit Apostolus ad Numer. XVI, 5 et 26, ubi in schismate Core, Dathan et Abiron, pro sacerdotio cum Aarone contententibus, dixit Moses : « Mane notum faciet Dominus qui ad se pertineant, » hebraice מִן אֲשֶׁר לוֹ et *ascer lo*, id est qui sunt sui, « et sanctos applicabit sibi : et quos elegerit, appropinquabunt ei ; » scilicet hiati terræ absorbendo Core, Dathan et Abiron, ostendet Deus illos esse rebelles et factiosos ; Aaronem vero esse legitimum sacerdotem, a se electum, sanctificatum et consecratum. Unde hic *cognovit* similiter accipi potest in *hiphil*, pro notum fecit, id est faciet, q. d. Deus ita fideles suos novit, ut eosdem aliis hominibus et toti mundo cognitos, imo celebres sit effecturus, cum scilicet eorum fidem in hac vita per eorum constantiam, pietatem aliaque fidei et gratiæ opera ; tum in futuro judicio per publicam sententiam, laudem et gloriam declarabit. Hoc enim plane respondet illi, quod ait Moses, Numer. XVI : « Notum faciet Dominus. » Sic Christus, Joann. X, 27, ait se cognoscere oves suas, illasque vocem suam audire et sequi.

Locus Num. XVI illustratus, ad quem alludit Apostolus.

Nota : Dei præscientia, quæ omnia tempora et ea quæ quolibet tempore sunt aut fiunt, antevertit, prævidendo quasi signat omnes qui toto temporis futuri decursu ipsius Dei futuri sunt ; puta futuri sunt in fide constantes pieque ac sancte victuri : hos enim quasi conscribit et consignat Deus in suo libro vitæ, id est catalogo electorum, quos ad vitam æternam destinavit et elegit, quem in mente et memoria sua quasi conscribit et consignat, indeque electi ex singulis 12 tribubus vocantur signati, Apoc. VII. Unde hic et Joann. XVII, vers. 6 et 20, Christus illos qui credituri erant postea, vocat suos, non quia re ipsa tales tunc erant, sed quia certissime tales erant futuri, talesque erant non in seipsis, sed in sua et Dei Patris præscientia. Hinc et S. Augustinus, in Psalm. XLV : « Secundum istam, inquit, Dei præscientiam et prædestinationem, quam multæ

Electi in Dei præscientia signati.

oves foris sunt nunc, et quam multi lupi intus; et quam multæ oves intus, et quam multi lupi foris! »

Prædestinatio quomodo differat a communi gratiæ præparatione? Hinc nota *secundo*: Prædestinatio, a communi gratiæ præparatione, quam etiam reprobis ab æterno decrevit dare Deus, in hoc differt, quod gratia prædestinationis signata sit per Dei præscientiam, id est, prævisa sit a Deo fore efficax, et habitura effectum: quod videlicet illi consentiet liberum arbitrium, cum libere operabitur, convertetur, sanctam vitam instituet, in eaque perseverabit, idque Deus intendit. Unde non ait Apostolus: Prædefinit, vel prædeterminat, sed:

Gratia quæ datur reprobis et prædestinatis, physice sæpe est æqualis. « Cognovit Dominus qui sunt ejus. » Gratia vero reprobis vel potius reprobandis danda prævisa sit fore inefficax, quia scilicet reprobi nolent gratiæ consentire, illique cooperari; cum alioqui gratia quæ datur reprobis, gratiæ quæ datur prædestinatis, physice æqualis, imo illa major esse possit, et non raro de facto major sit; ita ut reprobi tam facile, imo facilius quam prædestinati possint se convertere et salvare: de facto tamen non se convertent, quia nolent converti, aut certe nolent in sua conversione et gratia perseverare. Hoc autem ab æterno prescivit Deus, unde etiam eos reprobavit, et inferno addixit; quia scilicet prævidit eorum malitiam, qua nolent converti, sed volent in infidelitate, aut in peccatis suis perseverare; alios vero, quos prævidit fidem amplexuros, in eaque gratia perseveraturos, elegit et destinavit ad gloriam.

Gratia prædestinatorum est signata sigillo præscientiæ Dei. Unde sequitur gratiam prædestinatorum signatam esse, uti dicebam, per Dei præscientiam, quia præscit Deus quod illa suum consequetur effectum per liberum arbitrii consensum; reproborum vero non esse signatam. Atque hinc S. Augustinus sæpe gratiam et vocationem electorum et prædestinatorum vocat altam et secretam, quia scilicet signata est secreto et arcano præscientiæ Dei sigillo.

Præscientiæ Dei conjunctus est amor. Ubi nota, hanc præscientiam et cognitionem Dei conjunctam esse cum ejusdem amore et electione: quos enim Deus præscit fore fideles, constantes et sanctos, hos tales facere intendit, hos amat, destinat et eligit ad suam amicitiam, hæreditatem et gloriam. Hinc *Psal.* i dicitur: « Novit, » id est, noscens amat et approbat, « Dominus viam justorum. » Ita pariter hic dicitur: « Cognovit Dominus qui sunt ejus: » *cognovit*, id est, cognoscens eligit et diligit quasi suos, eosque, quia in fide perseveraturos videt, eligit et destinat ad suum regnum. Ita S. Augustinus. Hinc patet Christiano cuique assidue et summis votis pro hac gratia orandum esse, ut Deus scilicet det nobis gratiam congruam, cum qua prævidet nos re ipsa perventuros ad salutem. In hac enim re salutis nostræ cardo vertitur.

Præsentia Dei signaculum. Aliter S. Anselmus: « Signaculum, » inquit, hoc est præsentia Dei, vel potius jugis cogitatio præsentis Dei, *g. d.* Apostolus: Hi fideles firmi *stant*

in fide et gratia, nil simulate agunt aut perverse; sed omnia agunt quasi in præsentia Dei, cogitantes Deum omnia omnesque suos cognoscere et videre: illum ergo se et sua omnia videntem timent et reverentur, illi se et sua probare salagunt, quia hoc sigillum præsentis Dei menti suæ quasi incisum gerunt. Verum hic sensus non est litteralis, sed tropologicus.

ET DISCEDAT AB INIQUITATE OMNIS QUI NOMINAT NOMEN DOMINI. — Hoc est secundum firmi fundamenti signaculum; quod est in nobis, scilicet fuga iniquitatis; prius enim, scilicet Dei cognitiō et præscientia, non est in nobis, sed in Deo. Pro *iniquitate* græce est *ἀδικία*, id est *injustitia*. Potest antonomastice hic injustitia sive iniquitas accipi pro hæresi et infidelitate: hæc enim maxima est iniquitas et injuria Dei. Unde hoc sensu dixit Apostolus, *Rom.* i, vers. 18, de Philosophis, qui cum Deum agnoscerent, non tamen Deum, sed idola coluerunt: « Revelatur, inquit, ira Dei super omnium impietatem et injustitiam hominum eorum qui veritatem Dei in injustitia detinent. » Hæresim enim opponit hic Apostolus fundamento fidei, *g. d.* Si quis firmum fidei suæ fundamentum stabilire et obsignare velit, « discedat ab iniquitate, » id est, ab hæresi Hymenæi, Phileti et aliorum Novantium. Alludit rursum ad Core, Dathan et Abiron, *Num.* xvi, de quibus ait Moses, vers. 26: « Recedite a tabernaculis hominum impiorum, et nolite tangere quæ ad eos pertinent, ne involvamini in peccatis eorum. » Eodem enim modo jubet Apostolus hic fideles fugere consortia hæreticorum.

Secundo tamen planius et plenius, « iniquitas » hic proprie et generatim sumi potest. Fuga enim omnis iniquitatis est signaculum firmi fundamenti, id est, fidei: qui enim fugit iniquitatem nunquam incidit in hæresim: impossibile enim est virum justum et sanctum, quamdiu sanctus manet, fieri hæreticum. Nam hæresis nunquam primum est peccatum, sed semper necesse est præcedat vel ambitio, vel libido, vel alia iniquitas, antequam homo ad tantam impietatem, quanta est hæresis, corruat.

Rursum fuga iniquitatis est signaculum firmi fundamenti, scilicet prædestinationis, gratiæ, constantiæ et perseverantiæ fidelium et electorum, adeoque complet et perficit prædestinationis Dei fundamentum, estque causa electionis ad gloriam (ad hanc enim assurgit et extendit se Apostolus, ut dixi): qui enim fugiunt libidinem et iniquitatem, pure et sancte vivunt, in eoque perseverant; hi sunt firma Dei fundamenta eligenda et collocanda a Deo in cœlesti Jerusalem, ut fulgeant in omnem æternitatem. Notat hic Apostolus non sufficere ad salutem profiteri et invocare nomen Domini, ut docebant Simoniani, et docent nostri hæretici; sed insuper requiri, ut quis declinet a malo, et faciat bonum. Ita Chrysostomus, Theophylactus et alii.

lum pro bonum.

Hæresis maxima iniquitas.

Quibus gradibus pervenitur ad hæresim?

Hæresis nunquam est primum peccatum.

Fuga iniquitatis complet prædestinationem.

Error Simonianorum.

Quomodo prædestinatio et electio sit in nostra potestate? **Hinc sequitur primo**, quod, licet Dei prædestinatio hoc sensu non sit in nostra potestate, quod scilicet in mea potestate non sit efficere ut Deus me prædestinet, id est dare decernat, præparet ab æterno, et in tempore re ipsa det mihi gratiam prædestinationis, talem scilicet cum qua me re ipsa libere cooperaturum, perseveraturum et salvandum prævidet, non autem decernat dare, nec det aliam gratiam cum qua prævidet me non cooperaturum, ideoque damnandum: salus tamen æterna et electio ad gloriam est in nostra potestate. Firmum enim prædestinationis Dei fundamentum nihil omnino impedit quin in cuiusque adulti potestate sit discedere ab iniquitate, et emundare se a peccatis: vel adhærere iniquitati, et inquinare se peccatis; ac consequenter, quin in cuiusque potestate sit salvari vel damnari, eligi vel reprobari. Id magis patebit vers. 21. Ita Chrysostomus et Theophylactus.

Refutatur aliorum phantasia dicens: Si sim reprobatus, non possum salvari. **Hæc consideratione dispellenda est ista phantasia** qua se nonnulli cruciant et in desperationem adigunt: Si prædestinatus sum ad gloriam, non possum ab ea excludere; si non sum prædestinatus, quidquid agam, non possum prædestinari: frustra ergo laboro circa me et meam æternitatem. Actum jam est, omnia definita sunt a Deo; alterutrum quod de me a Deo definitum est, immutabile est, nec a me inverti, aut in aliam partem inflecti potest. Hæc enim est falsa argumentatio, cum utraque ejus propositio in antecedente sit falsa: statuit enim fatum quoddam inevitabile. Potius sic argumententur: Si discesero ab iniquitate, et bene vixero, eligar et prædestinabor ad gloriam; si male vixero, reprobabor et prædestinabor ad gehennam: bene ergo vivam, ne reprober, sed prædestiner ad gloriam et salver. A bona enim vita pendet electio ad gloriam, sicut a mala vita pendet reprobatio et damnatio; adeoque bona vita electionis, sicut mala reprobationis est causa. Atqui bona et mala vita est in arbitrio et potestate cuiusque: quisque enim per gratiam Dei potest bene vivere, potest et male, si velit; ergo electio quoque ad gloriam, et reprobatio est in arbitrio et potestate cuiusque. In cuius enim arbitrio et potestate est causa, in ejusdem arbitrio et potestate est et effectus illius causæ.

Quanto studio peccata vitanda? **Hinc secundo**, moraliter discimus, quanto studio peccata fugere debeamus, nimirum tanto, quanto æternam nostram salutem prosequimur. Nam certissimum non tantum signum, sed et causa efficacissima nostræ prædestinationis et electionis ad gloriam est, si peccata quam studiosissime evitemus, et superemus per virtutum contrariorum exercitia et sancta opera. Unde S. Petrus, *epist.* II, cap. 1, 10: « Satagite, inquit, ut per bona opera certam vestram vocationem et electionem faciatis: hæc enim facientes, non peccabitis aliquando. » Et Paulus, I *Corinth.* IX, 27: « Castigo, inquit, corpus meum, et in servitutum

redigo, ne forte, cum aliis prædicavero, ipse reprobus efficiar. »

20. IN MAGNA AUTEM DOMO NON SOLUM SUNT VASA **Ver. 20.**
AUREA ET ARGENTEA, SED ET LIGNEA ET PICTILIA. — Putat Adamus et alii, hic esse secundam responsionem ad tacitam objectionem vers. præcedentis, cur scilicet Deus in tanta fidelium paucitate permiserit quosdam ab Hymenæo subversos a fide excludere, *q. d.* Id mirandum non est. Sicut enim mirum non est, imo ordinarium est, in una et eadem domo varia reperiri vasa, quædam aurea et argentea, alia lignea et testacea: ita mirum non est, in una et eadem Ecclesia alios esse bonos, alios esse malos; alios salvandos, alios damnandos. Verum ex hac applicatione sequitur non tantum malos, sed et hæreticos esse in Ecclesia. Sic enim in eadem domo sunt vasa quædam aurea, quædam vero testacea, per quæ significantur hic hæretici ab Hymenæo in hæresim pertracti, ut ipsi volunt. Adde, hanc occupationem nimis remotam, et longius petitam videri; præsertim cum nil tale significant verba Apostoli, sed plana sint, planeque præcedentibus connexa.

Dico ergo, hæc vasa cum proxime præcedentibus coherere; dixerat enim Apostolus: « Discedat ab iniquitate omnis qui invocatur nomen Domini; » jam ne quis miretur et objiciat: Si ita est, et esse debet, uti dicis, quomodo ergo inter Christianos qui invocant nomen Domini, nonnulli sunt improbi, qui non discedunt, sed sequuntur iniquitatem? Respondet Apostolus, id nemini mirum debere videri: si enim nemo miratur in magna domo reperiri tam vasa fictilia quam aurea, tam vilia quam honorifica, tam pollubra et matulas quam lances et cyathos: pari modo nec mirari quis debet, si in eadem Ecclesia quæ Deum colit, adoratur et invocatur, alii sint boni qui discedant ab iniquitate, alii sint mali qui sectentur iniquitatem. Quod ut melius intelligatur,

Quæritur, quid significet hæc « magna domus? » Respondet *primo*, Chrysostomus cum suis, et Theodoretus, per « domum » intelligi mundum totum, non autem Ecclesiam, quia in Ecclesia, ait, non sunt vasa lignea et fictilia, id est mali; sed tantum aurea et argentea, id est, soli boni et justi: in mundo autem sunt utrique. Idem fuit sensus et expositio Novati olim hæresiarchæ, quem hic rejicit Ambrosius. Ne quis vero Chrysostomum hic cum Novato sentire putet, quod soli justi sint in Ecclesia, sciatur eundem Chrysostomum contrarium docere in *Psal.* XXXIX, asserereque contra Novatum et Calvinum, non solos bonos et electos, sed et malos ac reprobos esse in Ecclesia. Quod ergo hic dicit, solos bonos ad Ecclesiam pertinere, intellige per se quasi partes et membra viva. Mali enim sunt membra Ecclesiæ, sed semimortua, quia carent anima et vita primaria Ecclesiæ, quæ est charitas. Ecclesia enim est quasi una persona politica, cujus corpus est exterior fidei pro-

Cur in Ecclesia mali et boni?

Magna domus hic est Ecclesia.

Error Novati et Calvinii.

Pulchra Ecclesia

descri-
ptio.Anima
Ecclesie
et fides
et chari-
tas est.

fessio, et communio cum aliis fidelibus in Sacramentis et sacrificiis sub uno capite Romano Pontifice: anima vero Ecclesiæ generalis et imperfecta, est fides; specialis vero et perfecta, est charitas. Sicut enim hominis forma est anima tum vegetativa et sensitiva, tum rationalis; et rationali proprie vivit homo, qua homo est, adeoque solum caput vivit proprie anima rationali: sic et charitate vivunt soli just; cæteri, mali licet, vivunt tamen fide et spe; sicut in homine cætera membra licet non ratiocinentur, ut caput, sentiunt tamen et vegetantur, videnturque solum vivere anima vegetativa et sensitiva. Vide dicta *Ephes.* cap. iv, vers. 16. Huc referri potest expositio S. Basili homil. *Quod Deus non est auctor malorum*: « Vas aureum, inquit, est is, qui mente moribusque simplex ac sine dolo est. Argenteum, qui illo paulo est inferior, dignitatis ac pretii æstimatione. Testaceum est, qui terrestria sapit, et frangi contrarieque est aptus. Ligneum, qui per peccatum facile sordet, et igni æterno materiam præbet. »

Verum secundo, multo aptius per domum hanc non mundum, sed Ecclesiam intelligimus. Hæc enim est domus eorum qui invocant nomen Domini, uti præcessit; et sic sæpe alibi Apostolus « domum Dei » vocat Ecclesiam, ut I *Tim.* cap. iii, vers. 15: « Ut scias, inquit, quomodo oporteat te in domo Dei conversari, quæ est Ecclesia. » Ad *Hebr.* iii, 5: « Moses fidelis erat in domo ejus, » id est in Ecclesia et populo fidei Judæorum. Hinc fideles quasi in eadem domo, scilicet Ecclesia, versantes vocat Apostolus « domesticos fidei, » *Galat.* cap. vi, vers. 10. Ita S. Augustinus, lib. IV *De Baptism. contra Donat.*, cap. xii, et alii passim.

Hæretici
enim et
quomodo
sint in
Ecclesia?

Quæres secundo, quænam in hac domo, scilicet Ecclesia, sint vasa aurea et argentea, et quænam lignea et fictilia? Respondet primo, S. Augustinus loco citato, vasa aurea et argentea esse fideles, lignea vero et fictilia esse hæreticos.

Dices: Ergo S. Augustinus sentit hæreticos esse in domo, id est in Ecclesia. Respondeo: Sentit eos esse in Ecclesia non proprie, sed secundum aliquid, scilicet, quia retinent characterem baptismi, veraque Ecclesiæ Sacramenta administrant, et ab Ecclesia quasi aliquo modo subditi puniri possunt. Denique antequam per publicam separationem et obstinationem ab Ecclesia se segregent, cum fidelibus in Ecclesia vivant, dignitatemque et jurisdictionem quam in Ecclesia habuerunt, servant. Agit enim S. Augustinus contra Donatistas, qui volebant baptismum ab hæreticis, tanquam ab Ecclesia extorribus collatum, esse invalidum et iterandum. Sic et S. Cyprianus, epist. ad *Antonianum*, censet Hymenæum et Philetum necdum publice exiisse ex Ecclesia, nec Ecclesiæ judicio hucusque damnatos et ejectos fuisse, sed in ea adhuc quasi vasa fictiliadelituisse.

quid in-
telligat
Paulus
per vasa

Verum secundo et aptius, hæc ita explices: « domus » est Ecclesia; « vasa » sunt fideles; « aurea et argentea » sunt firmi et illustres in fide

et justitia; « lignea » vero et « fictilia, » vel, ut græco est, *ὀσπείρια*, id est testacea, sunt vulgares, fragiles, infirmi in fide et charitate: nam hæretici nec vasa aurea, nec fictilia sunt, sed potius vasa fracta et ex domo, projecta et ejecta.

ET QUEDAM QUIDEM IN HONOREM, QUEDAM AUTEM IN CONTUMELIAM. — In Græco est paronomasia, *τιμὴν καὶ ἀτιμίαν*, q. d. Quædam in decus, quædam in dedecus. Rursum nota hebraismum: « vas in honorem, » id est vas honorificum; « vas in contumeliam, » id est vas vile et inglorium, uti sunt ollæ et matulæ. *Tertio*, alludit Paulus ad factum Jeremiæ, qui, cap. xviii, jussu Domini fecit vas testaceum fragile, quod lapsu contractum, fuit in contumeliam, sed a Jeremia reparatum factum fuit in honorem, ut significaret idem futurum Judæis, si a peccatis se expurgarent. Vide dicta *Rom.* ix, vers. 21. Jam quarto, quoad sensum putavit aliquando S. Augustinus secutus S. Cyprianum, omnia et sola vasa aurea et argentea esse in honorem, ac vicissim omnia et sola lignea et fictilia esse in contumeliam: verum accuratius rem expendens id retractat secutus Tichonium, lib. II *Retract.*, cap. xvi, et merito. Græca enim sic habent, καὶ ἡ μὲν εἰς τιμὴν, ἡ δὲ εἰς ἀτιμίαν, id est hæc quidem in honorem, hæc vero in contumeliam, q. d. Ex vasis tam aureis et argenteis, quam ligneis et fictilibus, alia sunt in honorem, videlicet fideles ii qui in fide et justitia persistunt, et re ipsa constantes sunt, sive illustres sint, sive vulgares et fragiles; cætera vero tam aurea quam fictilia, puta peccatores omnes qui sunt in peccatum mortale prolapsi, sive illustres, sive vulgares fuerint, sunt vasa in contumeliam. Idem clare patet ex exemplo Jeremiæ et Pauli ad *Rom.* ix, jam citato.

Hi enim ex eodem luto vas testaceum faciunt unum in honorem, alterum in contumeliam. Et sic in magna domo etiam nobilium et principum, videmus matulas sæpe et pollubra fieri ex argento; ac vice versa quædam testacea servire principum mensis, ut ex eis faciant lances et orbes. Unde olim vasa Samia, nunc porcellana et Chinensia, quia tersa et polita, licet lutea sint, habentur in pretio. Hinc Ausonius sic canit de Agathocle:

Fictilibus cenasse ferunt Agathoclea regem,
Atque abacum Samio sæpe onerasse luto;

ut scilicet perpetuo meminisset, se esse figuli filium. Idem hic ex iis quæ Paulus præmisit colligi potest: hisce enim verbis explicat illud versus præcedentis: « Discedat ab iniquitate omnis qui invocatur nomen Domini, » ut constet qui sint firma Dei fundamenta, quos Deus quasi suos signavit; jam autem discedere ab iniquitate jubet tam eos qui sunt vasa testacea, quam qui sunt aurea. Hinc quinto, clarissime convincitur in magna domo, id est Ecclesia, non tantum esse bonos, sanctos, et, ut Calvinus vult, prædestinatos; sed etiam malos, peccatores et reprobos: contra

aurea, et
fictilia?Non omnia vasa
aurea
sunt in
honorem,
nec omnia ficti-
lia in
contumelia.Vasa an-
rea in
contume-
liam, et
testacea
in hono-
rem.Agathocle
rex,
ut recordetur
se esse
figuli g
nuli, id
figulicis
vasis cu-
nabatur.In Eccle-
sia sunt
electi et
reprobi.
contra

Calvi- sicut in arca Noe animalia erant tam immunda, quam munda, sic in Christi domo et familia vas aureum fuit Judas, sed factus est vas in contumeliam, cum fur esse cœpit, et tandem fidem Christumque prodidit; Thomas vero de Christi resurrectione dubitans, fuit vas fictile, sed a Christo confirmatus, factus fuit vas in honorem. Unde sequitur;

Vers 21 24. SI QUIS ERGO SE EMUNDAVERIT AB ISTIS, ERIT VAS IN HONOREM, SANCTIFICATUM ET UTILE DOMINO, AD OMNE BONUM OPUS PARATUM. — « Ab istis, » scilicet hæreticis, Hymenæo et Phileto, eorumque asseclis. Ita aliqui. Verum vox hæreticis hic remotius et inconcinnius repetitur et revocatur: nec enim proprie quis dicitur se ab hæretico, sed ab hæresi emundare. « Ab istis » ergo, supple vasis contumeliæ, quod immediate præcessit, ut scilicet discedat ab omni iniquitate: eo enim hæc omnia pertinent, ut dixi.

Necessa se: non enim sufficit purgare aut tollere ex anima unum alterumve peccatum, sed omnia omnino everrenda et expurganda sunt, ut anima tota sit munda et pura: perinde ut nonnulli, præsertim Hollandi, suas domos et suam suppellectilem ita emundant et expurgant, ut nihil sordium, sed omnis nitor et decor in ea appareat, imo resplendeat. Ita se emundavit S. Magdalena, cui dimissa sunt peccata multa, quoniam dilexit multum. De qua canit Ecclesia: « Post fluxæ carnis scandala, fit ex lebetes phiala, in vas translata gloriæ de vase contumeliæ. »

Nota secundo, se emundaverit se. Hinc enim contra Novantes patet esse liberum arbitrium, hominemque per illud gratia Dei instructum et roboratum posse non tantum moraliter bene vivere, sed et a peccatis se emundare et sanctificare.

Refuta- Nec satisfacit responsio Bezæ dicentis, hominem se emundare non per liberum arbitrium, sed per efficacem impressionem Dei, qua Deus ipse solus efficaciter et potenter efficit in homine ut ipse se emundet: solum enim Deum in homine efficere bonam et efficacem voluntatem emundandi seipsum, hancque in solidum uni Deo debere. Nam si Deus totam hanc emundationem solus peragit, ita ut nihil agat liberum hominis arbitrium, frustra homines hic adhortatur Apostolus, ut discedant ab omni iniquitate, et ab ea se emundent. Siouti frustra diceretur mari: Emunda te a cadaveribus; et cerevisiæ: Emunda te a fœcibus: utrumque enim necessario et naturaliter peragit et mare et cerevisia. Ita S. Ambrosius et Chrysostomus, qui ait: « Vides, inquit, ut non naturæ, carnalisve necessitatis sit, aureum esse vel fictile, sed nostræ tantummodo voluntatis. » Sic Christus Matth. xii, 33; « Aut facite, ait, arborem bonam, et fructum ejus bonus; aut facite arborem malam, et fructum ejus malum. » Quod explicans S. Augustinus, lib. De Actis cum Felice Manichæo, cap. iv: « Nemo, inquit, nisi Dominus

arborem facere potest: sed habet unusquisque in voluntate sua, aut eligere quæ bona sunt, et esse arbor bona, aut quæ mala, et esse arbor mala. »

Nota tertio, justos qui se a peccatis emundant, vocari vasa in honorem sanctificata, et utilia Domino: quia scilicet apta et præparata sunt ad omne opus bonum, v. g. ad pietate, caste, sobrie vivendum, ad patientiæ, humilitatis, charitatis, aliarumque virtutum omnium actus exercendos. Hic enim est fructus justitiæ et amicitiae Dei, quod scilicet Deus ipsos quasi amicos suos gratia sua instruat, roboret, excitet, præveniat ad quævis virtutum opera peragenda; et quo homo magis se justificat et sanctificat, eo ad majora et magis heroica bona opera hominem excitat et corroborat Deus, adeoque subinde ad miracula facienda. E contrario injusti, qui sunt in peccato mortali, sunt vasa in contumeliam, polluta, inutilia, prona et comparata ad omne malum. Vide ergo quam peccatum fugere, et, si in peccatum inciderimus; quam sollicitè et cito a peccatis nos expurgare debeamus, ne illa nos suo pondere in alia et alia, ac tandem in barathrum detrahant.

Nota quarto: Per vasa fictilia et vasa in contumeliam, non intelligit Hymenæum; Philetum aliosque hæreticos, sed quosvis malos et peccatores, uti dixi. Hinc tamen remote colligendum relinquit Apostolus non mirum videri debere, si inter tam varios, aliqui maxime fragiles et inconstantes, uti a justitia et sanctitate, ita tandem a fide et Ecclesia deficiant, puta Hymenæus, Philetus eorumque gregales ab eis subversi: sicut mirum non est, in magna domo, ubi multa sunt vasa aurea et fictilia, partim ad decora, partim ad vilia et dedecorosa hominis obsequia comparata, ex eis nonnulla, præsertim testacea, frangere et domo abjici; quæ non ab alio quam a Deo reparari et restaurari possint.

Vers 22. 22. JUVENILIA DESIDERIA FUGE: SECTARE VERO JUSTITIAM, FIDEM, CHARITATEM ET PACEM. — « Juvenilia desideria, » vel, ut græce est, ἐπιθυμίας, id est cupiditates, vocat levitatem, gulam, libidinem, præcipientiam animi, impetus et omnia adolescentiæ vitia, ad quæ juvenes (qualis erat Timotheus cum Episcopus crearetur) propensi sunt: hisce enim opponit justitiam, fidem, charitatem. Ita Chrysostomus, Ambrosius et alii. Verum magis proprie et directe respexit Apostolus ad curiositatem, ambitionem et inanem gloriam, quam juvenes ambiunt, præsertim docti, ut velint videri subtiles, sapientes cæterisque doctiores; ideoque quærent et proponunt novas, curiosas, sed stultas et indisciplinatas quæstiones, ex quibus oriuntur lites et pugnæ, ut sequitur: quibus opponit Apostolus charitatem et pacem, omnemque justitiam, id est vitæ integritatem, q. d. Noli, ut juvenis, ambire sapientis et doctoris nomen, sed ambi vitæ integritatem, ac præsertim charitatem et pacem, ut in iis exceilas. Redit enim Apostolus ad vers. 15

Locus moralis de fuga peccati.

Per vasa in contumeliam quos intelligat Apostolus?

Vers 22.

Vitia adolescentium.

et 16, ubi monuit Timotheum, ut se exhibeat operarium inconfusibilem, qui recte tractet verbum veritatis, et ut profanas ac inanes vocum novitates devitet, quales sectati sunt Hymenæus et Philetus : ad quos ea occasione hucusque digressus, jam ad interruptum sermonem et propositum suum redit; scilicet, ut doceat Timotheum Episcopum, quid et quomodo, qua scilicet æquitate, gravitate, modestia, charitate populum docere et errantes corrigere ac revocare debeat.

Vers. 23. 23. STULTAS ET SINE DISCIPLINA QUESTIONES DEVITA : SCIENS QUIA GENERANT LITES. — Pro *sine disciplina* græce est ἀπειθεύτους, id est, ut Ambrosius, incruditas, insensatas, quæ scilicet nihil habent sensus, nihil ad veram disciplinam et sapientiam conferunt, quales sunt quæstiones futes Judæorum; de suis genealogiis; et Gentilium, de suis deorum fabulis, uti dixit *epist. I, cap. I, vers. 4.*

Secundo, pro *devita* græce est παραιτού, id est rejice et respue. *Tertio*, pro *lites* græce est μάχας, id est pugnas : lites enim non sunt aliud quam pugnae non verbum, sed verborum.

Vers. 24. 24. SERVUM DOMINI NON OPORTET LITIGARE. — Græce μάχεσθαι, id est pugnare et digladiari, scilicet verbis, id est litigare. Ita S. Ephrem moriens in suo testamento gloriatur, quod nunquam cum ullo Christiano verbis contenderit aut litigarit. Ita de Christo prædixit Isaias, ut habet Matthæus, cap. XII, vers. 19 : « Non contendet; neque clamabit, neque audiet aliquis in plateis vocem ejus. »

Vers. 24 et 25. 24. SED MANSUETUM ESSE AD OMNES, DOCIBILEM, PATIENTEM, 25. CUM MODESTIA CORRIPIENTEM EOS QUI RESISTUNT VERITATI. — Nota hic quatuor dotes necessarias bono pastori et doctore. *Primo* enim decet eum esse « mansuetum. » *Secundo*, esse « docibilem, » id est qui non litiget, sed docilis sit et doceri se sinat, inquit Anselmus et Cyprianus, *epist. ad Stephanum pontificem*. Verum hæc non tam doctoris quam discipuli est virtus; sed respondet Cyprianus : « Oportet, inquit, episcopum non tantum docere, sed etiam discere, quia et ille melius docet, qui quotidie proficit et crescit discendo meliora. » Verum ut hoc ita sit, hic sensus non respondet Græco. Nam græce est διδασκαλόν, id est aptum et paratum ad docendum. Ita Syrus et Theophylactus.

Tertio, « patientem, » intellige non morborum, aut adversitatum, sed morum et infirmitatum proximi : ut scilicet toleret hujus sive auditoris, sive obrectatoris proterviam, illius duritiam, alterius scommata, uti medicus tolerat ægotantis phrenetici convicia et ineptias; nec desperet, sed patienter et longanimiter eorum conversionem et assiduæ suæ doctrinæ exhortationisque fructum expectet, uti piscatores toto die piscantur, et piscium capturam vel ipsa vespera expectant; et sicut agricolæ post tot labores et menses patienter messem expectant, inquit Chrysostomus, et hoc recum: ἀνεξίκατον.

Quarto, pro *modestia* græce est πραΰτης, id est mansuetudine et lenitate. Vide Chrysostomum, hom. *De Mansuetudine*, tom. V, et S. Dionysium, *epist. 8 ad Demophilum*, ubi ait : « Hebræorum tradit historia, Moſen eximie mansuetudinis merito, divina amicitia et familiaritate dignatum; ac si quando ipsum divino aspectu excidisse commemorat, non id ei, priusquam a mansuetudine defecerit, contigisse describit. Erat enim, inquit, mansuetus valde, atque ideo Dei famulus dicitur, digniorque Prophetis omnibus, cui Deus visionis suæ gratiam largiretur. » Et infra : « Noverat enim oportere eum qui Deo bono familiariter jungitur, quam maxime conari ei pro viribus simillimum fieri. » Deinde tales quoque fuisse docet Job, Joseph, Abel et David, de quo dixit Deus : « Inveni virum secundum cor meum. » Hinc canit ipsemet David : « Memento, Domine, David, et omnis mansuetudinis ejus. » Talem denique fuisse docet Christum, qui circumdatus fuit infirmitate, fratribusque per omnia assimilari voluit, ut disceret compati et condolare iis qui ignorant et errant. « Atque hoc (inquit S. Dionysius) eximie in se dilectionis argumentum capit (Christus), si oves ejus modestissima gubernatione pascamus; et nequam appellat eum, qui conservo non dimiserat debitum. » Denique sub finem Epistolæ, miram hac de re visionem refert, quæ S. Carpo ostensa fuit.

Quinto, pro *qui resistunt veritati*, græce est tantum τοῖς ἀντιταθῆναι, id est, τοῖς ἐναντία προεσθῆναι, id est, qui contraria, et, ut legit Ambrosius, diversa sentiunt, qui alterius sunt sententiæ. Non agit hic de formatis et obstinatis hæreticis (hos enim vitari jubet), sed de iis, qui vel ex mala instructione, vel ex malorum consortio, aut aliunde pravas imbiberunt opiniones : hos enim leni correptione, quasi medicina, sanandos esse docet. Hinc patet, τὴν veritati non esse in Græco, sed recte noster Interpres illud, utpote subintellectum, expressit; uti et S. Augustinus, lib. *De Correptione et Gratia*, cap. v. Syrus pro *veritati* habet לקובלה *Iecubele*, id est sibi, vel contra se, q. d. Episcopus et doctor leniter corripiat eos qui sibi docendi contradicunt. Pulchre et pie S. Chrysostomus : « An non vides, ait, parentes quomodo filiis suis, licet de vita desperatis, assideant lacrymantes, lamentantes, exosculantes; omnia quæ possunt admonentes ad supremum usque halitum; hæc tu quoque facito pro fratribus. Et tamen illi non possunt lacrymis ac lamentis morbum depellere, aut mortem imminentem abigere : tu vero frequenter poteris animam deploratam, assiduitate instantiaque per lamenta revocare ac suscitare. »

NEQUANDO DEUS DET ILLIS POENITENTIAM, AD COGNOSCENDAM VERITATEM. — « Nequando, » id est si forte, si quando : Græcum enim πότε, tam si quando, quam nequando significat. Mñ enim non semper negantis, sed etiam dubitantis est. Ita Theophylactus. Subaudi, ut experiatur, q. d. Epi-

Locus
moralis
de virtute
mansuetudinis.

Quomodo
doctor et
Episcopus
agere debeat
cum iis
qui sibi
contradici-
cant?

scopus patienter toleret et leniter corripiat eos qui fidei contrariantur, ut *experiat*, si forte, vel num forte, aliquando « det illis Deus pœnitentiam, » id est sua gratia commoveat, compungat et convertat eos.

Quomodo Deus dicatur dare pœnitentiam, ceterasque virtutes? Nota : Deus non dat pœnitentiam, fidem et charitatem eo modo quo puero datur pomum, aut militi equus; pœnitentia enim non est instar pomi aut equi, sed est actus liber voluntatis, qui ab alio proprie dari non potest, sed ab ipsa voluntate libere elici debet. Dicitur ergo Deus dare pœnitentiam et alias virtutes, quia sua gratia excitat et impellit liberum arbitrium, ut ipsum sponte sua ex seipso, cooperante gratia Dei, pœnitentiæ aliarumque virtutum actus eliciat. Vide dicta I *Corinth.* VII, 7.

Hinc nota *secundo*, neminem a peccatis posse resurgere et agere pœnitentiam, nisi Deus id illi dederit et sua gratia ad hoc eum excitarit. Unde S. Augustinus, *Enchirid.*, cap. LXXXII : « Non solum, inquit, cum agitur pœnitentia, verum etiam ut agatur, Dei misericordia necessaria est; alioqui non diceret Apostolus de quibusdam : Ne forte det illis Deus pœnitentiam. »

Non desperandum, nec cessandum in errantium correctione. Aliter hunc locum explicat Anselmus, q. d. Apostolus : Non debemus despondere animum, nec cessare ab errantium correctione, etsi illi se corrigere nolint : ne forte aliquando nobis cessantibus, et curam eorum abjicientibus, Deus curam eorumdem suscipiat, detque illis pœnitentiam, itaque Deus sua charitate nostram tepiditatem confundat et pudefaciat. Hic sensus magis pius et moralis est, quam litteralis et genuinus.

Vers. 26. 26. ET RESIPISCANT A DIABOLI LAQUEIS, A QUO CAPTIVI TENENTUR AD IPSIUS VOLUNTATEM. — Pro *resipiscant* græce est ἀναστρέψαντες, quod duo significat : *Primo*, redeant ad sobrietatem; *secundo*, evigilent, vel expergiscantur : *vigile* enim tam evigilare, quam sobrium esse significat. Hinc sequitur peccatores et maxime illos qui a fide aberrant, esse ebrios et dormientes, esseque quasi emotæ mentis, ut veritatem veramque ad beatitudinem viam videre et intueri non possint.

Laquei diaboli quales? Nota : Pro *diaboli laqueis*, Theophylactus vertit, a *diaboli reti*, quia, inquit, diabolus multas habet artes et insidias quasi tendiculas, quales habet rete, quibus mentes hominum præsertim peccatorum irretit et illaqueat.

Tertio, pro a quo captivi teneantur, græce est

ἐλωρημέναι, quod proprie dicitur de iis, qui vivi capiuntur; uti milites bello victi, aut sicuti feræ reti captæ. Hinc patet peccatorem esse diaboli captivum, quia peccatum quasi funem, quo trahatur, sponte sua diabolo tradidit. Idque *primo*, quia a peccati et diaboli potestate nulla sua naturali vi aut virtute, sed sola gratia Dei eximi potest. *Secundo*, quia diabolus peccatorem quasi suum servum agitat et impellit quo vult, ad alia et alia peccata; sed ita ut peccator vivus, id est liber remaneat : quia tentari, vexari, impelli a diabolo, non autem in consensum et peccatum novum adigi aut compelli potest, nisi libere tentanti et tentationi cedat et consentiat, uti sepe fit in tanta hominum maxime peccatorum infirmitate.

Peccator est diaboli captivus.

Quarto, τὸ ad illius voluntatem Beza sic intelligit, ad *illius*, scilicet Dei, voluntatem præstandam. Verum hoc nimis remotum est, ut ex vers. præced. nomen *Deus* hic revocetur; præsertim cum proxime præcedat nomen diaboli, ad quod longe commodius referri potest pronomen *illius*. Nec obstat diversitas relativorum in Græco αὐτοῦ et ἐκείνου, quasi illud ad diabolum, hoc ad Deum pertineat. Apostolus enim copię gratia noluit repetere τὸ αὐτοῦ, sed pro eo substituit ἐκείνου, etiamsi de eadem persona, puta diabolo, loqueretur; eritque tunc sensus efficacior et penetrantior, qui peccatores a peccato deterreat, et ad pœnitentiam celerem incitet; nimirum si cogitent se quandiu in statu peccati consistunt, ita a diabolo captivos teneri, ut ad ejus voluntatem et libitum huc illuc ad quævis vitia impellantur. Perinde enim ut navis, fracto gubernaculo, illuc ducitur quo tempestas voluerit : sic et homo, divinæ gratiæ auxilio perduto per peccatum, non quod vult ipse, sed quod diabolus vult, agit et operatur, inquit Chrysostomus. Idipsum pulchra similitudine pueri qui aviculam filo ligatam retinet, et huc illuc avolare sinit, sed mox filo retrahit, declarat S. Anselmus, lib. *De Similitud.*, cap. CLXXXIX : « Instar hujus pueri, inquit, jocatur diabolus cum peccatoribus, quos irretitos suis laqueis, pro sua voluntate in diversa vitiorum impedimenta pertrahit. Sunt enim multi avari, ebriosi, luxuriosi, qui proponunt avaritiam, gulam, libidinem deserere, et putant instar avis se libere avoluturos : sed quia pravo usu irretiti ab hoste tenentur, nolentes in eadem vitia dejiciuntur, sitque hoc sæpius, nec omnimodis liberantur, nisi magno conatu et gratia Dei funis rumpatur pravi consuetudinis. »

Periculosus peccatorum status.

Peccator aviculam filo diaboli ligatus.

CAPUT TERTIUM.

SYNOPSIS CAPITIS,

Describit mores impios hæreticorum, a vers. 1 usque ad vers. 10, inde hortatur Timotheum ad constantiam, patientiam et martyrium, usque ad vers. 14.

A vers. 14 ad finem usque, eundem incitat ad studium sacræ Scripturæ, tanquam quæ utilis sit, ut perfectus sit homo Dei, et ad omne opus bonum instructus.

1. Hoc autem scito, quod in novissimis diebus instabunt tempora periculosa : 2. et erunt homines seipsos amantes, cupidi, elati, superbi, blasphemi, parentibus non obedientes, ingrati, scelesti, 3. sine affectione, sine pace, criminatores, incontinentes, immites, sine benignitate, 4. proditores, protervi, tumidi, et voluptatum amatores magis quam Dei : 5. habentes speciem quidem pietatis, virtutem autem ejus abnegantes. Et hos devita : 6. ex his enim sunt, qui penetrant domos, et captivas ducunt mulierculas oneratas peccatis, quæ ducuntur variis desideriis : 7. semper discentes, et nunquam ad scientiam veritatis pervenientes. 8. Quemadmodum autem Jannes et Mambres restiterunt Mosi : ita et hi resistunt veritati, homines corrupti mente, reprobi circa fidem ; 9. sed ultra non proficient : insipientia enim eorum manifesta erit omnibus, sicut et illorum fuit. 10. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, 11. persecutiones, passiones, qualia mihi facta sunt Antiochiæ, Iconii et Lystris : quales persecutiones sustinui, et ex omnibus eripuit me Dominus. 12. Et omnes, qui pie volunt vivere in Christo Jesu, persecutionem patientur. 13. Mali autem homines, et seductores proficient in pejus, errantes, et in errorem mittentes. 14. Tu vero permane in iis quæ didicistis, et credita sunt tibi : sciens a quo didiceris. 15. Et quia ab infantia sacras litteras nosti, quæ te possunt instruere ad salutem, per fidem, quæ est in Christo Jesu. 16. Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia : 17. ut perfectus sit homo Dei, ad omne opus bonum instructus.

Vers. 1. 1. HOC AUTEM SCITO, QUOD IN NOVISSIMIS DIEBUS INSTABUNT TEMPORA PERICULOSA. — Pergit Apostolus præmonere et confirmare Timotheum ne miretur cum viderit subnasci in Ecclesia hæreticos, qui fidem et virtutem Christianam eliminant; quales fuerunt Simon, Menander, Carpocrates, Cerinthus et Gnostici: de quibus hunc locum Apostoli intelligit S. Epiphanius, *hæresi* 26. Hi enim sceleratissimi fuerunt, planeque addicti carnis deliciis et libidinibus; hique speciem pietatis præ se ferebant, sed ejus virtutem abnegabant. Nam de hæreticis loqui Apostolum patebit vers. 6, 8 et sequentibus. Nota: *Tempora novissima* nonnulli intelligunt tempora Antichristi; tunc enim sceleratissimi erunt tam hæretici, quam homines, ac præsertim ipse Antichristus hæresiarcha. Verum non ea solum, sed etiam proxime Paulum sequentia tempora vocari hic *novissima*, patet ex eo quod Timotheo jubet, vers 5, dicens: « Et hos devita; » et ex eo quod sequitur vers. 6: « Ex his enim sunt qui penetrant domos, » etc.

Simon, Menander, Carpocrates, Cerinthus et Gnostici quales?

Quæ hic vocat Paulus tempora novissima?

quibus verbis præsentia vel jam incipientia tempora denotat.

Quæres, quomodo ergo illa hic vocat *novissima*? Respondeo, per hebraismum; Hebræum enim אַחֲרֵי *achare*, quod noster Interpres veteres solet *novissimum*, significat id quod sequens et posterius est, sive proxime sequatur, sive remote, q. d. Apostolus: « In novissimis, » id est in sequentibus, atque adeo jam incipientibus temporibus, erunt periculosi dies. Novissima ergo tempora hic vocat ea, quæ a suo tempore decursura et secutura erant usque ad finem mundi. Adde, Prophetas Messiae, sive Christi tempus vocare novissimum, quia est ultima mundi ætas, ultimaque lex, religio et Ecclesia Christi, cui nulla alia succedet. Sic dicitur ex Joële, *Act. 11*: « Et erit in novissimis diebus, effundam de Spiritu meo super omnem carnem. » Et I *Joan. 11*, 18: « Filioli, hora novissima est, » id est novissimum tempus, novissimus status Ecclesiæ ac mundi jam est.

Nota secundo: Pro *tempora periculosa*, græce est

Hebræum *achare*, novissimum, sequens.

καὶ ἐπὶ χαλεπαί, id est tempora difficilia et molesta; quia scilicet homines illis temporibus futuri, erunt difficiles et molesti, imo pessimi, ut sequitur. Ita Chrysostomus.

Vers. 2. 2. ET ERUNT HOMINES SEIPSOS AMANTES. — Nota: Copula et non tam copulativa, quam causalis hic est, idemque significat quod quia: dat enim causam cur futura sint tempora periculosa, quia scilicet erunt homines sui amantes. Sic Hebraei saepe *vau* copulativum sumunt pro *כי* *ki*, id est quia. Romana Biblia non habent τὸ et (1).

Philautia quam-
terum
malorum
origo?

Nota secundo: Pro *seipsos amantes*, græce est φιλαυτοί, id est sui amantes, suæ gloriæ, lueris, commodis studentes. Philautia hæc sive amor sui omnium malorum est origo. «Philautus enim qui se amat, inquit Plato, lib. V *De Legibus*, cum seipsum magis quam veritatem honorandam putet, quid justum, bonum, pulchrum sit, male iudicat.» Additque Plato: «Decet sane eum qui magnus vir futurus est, neque seipsum, neque sua diligere; sed iusta semper, sive ab ipso, sive ab alio gerantur.» Hinc S. Augustinus, initio lib. I *De Civit.*, duas civitates constituit, unam Dei, alteram diaboli. «Civitas, inquit, Dei incipit et construitur ex amore Dei, et crescit ad odium sui ipsius: civitas vero diaboli incipit ab amore sui, et crescit usque ad odium Dei per contemptum proximorum. Qui enim proximum odit et contemnit, mox etiam Deum odio habebit et contemnet.» Nam hæc duo maxime sibi contrariantur, scilicet charitas et philautia, sive amor sui. Charitas enim se dilatat et diffundit in Deum et proximum, amor vero sui omnia sua in arcum contrahit et reflectit in se ipsum, ut notat Theophylactus. Unde S. Anselmus ex S. Augustino singula quæ hic sequuntur vitia, pastoribus Ecclesiæ applicans et explicans, omnia ostendit manare ex philautia, sive ex amore sui. Vide eum, si lubet. Quare recte concludit S. Augustinus, tract. 123 in Joannem, amorem sui non esse amorem, sed odium sui. «Nescio, ait, quo inexplicabili modo, quisquis seipsum, non Deum amat, non se amat; et quisquis Deum, non seipsum amat, ipse se amat. Qui enim non potest vivere de se, moritur utique amando se: cum vero ille diligitur de quo vivitur, non se diligendo magis diligit, qui propterea se non diligit, ut eum diligat de quo vivit.»

Amor sui non est amor, sed odium sui.

CUPIDI. — Græce φιλόχρηστοι, id est amatores pecuniarum, avari.

Nota mo-
res hære-
ticorum
de quibus
hic agit
Iulius.
Vers. 3.

ELATI. — Græce ἀλαζονες, id est fastuosi, arrogant, jactabundi, ut suam eruditionem, eloquentiam et virtutes etiam supra veritatem extollant et jactent.

3. SINE AFFECTIONE. — Græce ἀσπονδοί, id est, ut Primasius, sine pietate, inhumani, impii in parentes, uxores, famulos, cognatos, benefactores,

ut naturalem affectum et compassionem, quæ Græcis σπονὴ dicitur, exuisse, et insensibiles ac barbari effecti, brutorum aut saxorum duritiam et stuporem induisse videantur. Ita Theophylactus. Unde ex S. Augustino Anselmus vertit, *sine visceribus compassionis*.

SINE PACE. — Græce ἀσπονδοί, id est sine fœdere, puta fœdifragi, ut, sicut cum suis pietatem non servant, ita cum externis amicitia et fœderum jura non ineant, vel inita non colant, sed violent. S. Augustinus, tract. 123 in Joan., intelligit inquietos, qui alios quiescere non sinunt, sed ubique pacem turbant.

INCONTINENTES. — Græce ἀκρατεῖς, id est intemperantes, scilicet, gulosi et luxuriosi. Chrysostomus tamen generalius intelligit eos qui quasvis immodicas voluptates et animi cupiditates moderari et frænare nesciunt; sed eas proni, quasi pecora sequuntur. Hæc enim cohibendis generalis virtus, continentia scilicet, ponitur ab Aristotele.

SINE BENIGNITATE. — Græce ἀφ' ἡμετέρου, id est non amantes bonos, puta bonorum osores, ut vertit Vatablus. Hæc enim vitia privativa, per miosin, positivum vitium virtutis, qua privant, oppositum significant, uti jam exposui in singulis.

4. PROTERVI. — Græce προπετεῖς, id est, ut vertit Vers. 4. Vatablus, præcipites et temerarii; Theophylactus vertit, *leves et instabiles*.

TUMIDI. — τρυφώμενοι, id est qui typho superbiæ turgent, inflantur et tument.

VOLUPTATUM AMATORES MAGIS QUAM DEI. — Id venustius et significantius una voce exprimunt Græci, φιλόδοτοι μᾶλλον ἢ φιλόθεοι. Epiphanius, hæresi 36, putat hic Apostolum perstringere spurcissimas Simonis et Gnosticorum voluptates ac libidines. Eisdem taxat Judas in sua epistola, quod «Domini nostri gratiam transferant in luxuriam.» Ita passim hæresiarchæ et hæretici voluptuarii fuerunt, eaque de causa plurimos habuerunt assecclas, sicut et Epicurus plures discipulos habuit, quam alii Philosophi. «Epicuri, inquit Lactantius, lib. III *Div. Instit.*, cap. XVI, disciplina multo celebrior semper fuit, non quia veri aliquid afferat, sed quia multos ad populare nomen voluptatis invitat: nemo enim non in vitia pronus est, eaque vincere difficillimum est. Nam, ut ait Cyprianus, lib. *De Bono pudicitiae*, voluptatem vicisse voluptas est maxima: nec ulla major est victoria, quam ea, quæ a cupiditatibus refertur. Qui enim hostem vicit, fortior fuit, sed altero; qui vero libidinem repressit, seipso fortior fuit.»

Hæretici et hæresiarchæ passim voluptuarii.

Voluptatem vincere voluptas maxima est.

Notat Theophylactus eos qui amant corporis voluptates, non posse affici Deo et rebus divinis; voluptates enim spirituales quæ animum erigunt ad cœlestia, contrariæ sunt carnalibus quæ animum deprimunt et effeminant. Hinc nobilis ille Gentilis, cum a suis ad carnis illecebras pelliceretur: «Absit, inquit, ut eo animum nobilem dejiciam, meque corporis mei mancipium efficiam.»

(1) *Homines*, professione quidem Christiani, sed in fide errantes, et, ut ait Allioli, hæresim docentes.

Et alter: «Magna; inquit, corporis cura, magna virtutis incuria est.»

Vers. 5. 5. HABENTES SPECIEM QUIDEM PIETATIS, VIRTUTEM AUTEM EJUS ABNEGANTES. — Pro speciem pietatis, S. Cyprianus, lib. *De Unit. Eccles.*, legit, *deformationem religionis*, hoc est formam et speciem religionis, ut videantur ejus velle inducere reformationem, seque vocent reformatæ religionis, cum revera ejusdem deformationem inducant, sintque deformantes. Nam, ut sequitur, «virtutem,» græce *δύναμιν*, id est vim et rem, puta pietatem ipsam, quam simulant, non habent, nec operibus ostendunt, sed «abnegant,» q. d. Hypocritæ sunt, qui latentem impietatem specie virtutis tegunt.

«Profitentur, inquit Ambrosius, se Christianos, cum sint et nequissimi opere, et sensu perversi.» De quibus Christus, *Matth.* cap. VII, vers. 15: «Attendite, inquit, a falsis prophetis, qui veniunt ad vos in vestimentis ovium, intrinsecus autem sunt lupi rapaces.» Nam, ut ait Cyprianus ad *Jubaianum*: «Hæretici imitantur Catholicos, sicut simiæ imitantur homines, et sicut lupi imitantur canes, quibus similes sunt.» Hinc S. Augustinus, serm. 11 super *Matth.*, docet hæreticos formam quidem pietatis habere, sed sine virtute et fructu, nisi Ecclesiæ reconcilientur. «Sicut, ait, potest esse visibilis forma palmitis etiam extra vitem, sed tamen invisibilis radices vitam habere non potest, nisi in vite.» Taxat ergo Apostolus hic proprie hæreticos, qui sua adulatione, blandiloquentia, hypoerisi, habitu et specie externa videntur pii et religiosi, pieque ac sancte loqui, sed interim impia sua dogmata, sensim sine sensu instillant, ac simul ad sua vitia et concupiscentias explendas alios, ac præsertim mulieres oneratas peccatis, ut sequitur, pertrahunt. «Nam sanctimoniam, ait Ambrosius, defendunt, et lege sua favente turpiter vivunt; misericordiam laudant, cum inter se injusti deprehendantur; mundum spernendum asserunt, et semper accurate procedunt; jejuniis se insistere jactanter prædicant, cum omnes saginati videantur, tantum quod arte quadam pallidi cernantur, ut fallant.»

ET HOS DEVITA, — ἀποτρέψας, id est aversare. Episcopo enim non satis est vitare hæreticos, sed eos aversari, imo iis adversari debet.

Vers. 6. 6. EX HIS ENIM SUNT QUI PENETRANT (græce ἐνδύονται, id est subeunt, et, ut Ambrosius, *irrepunt*) DOMOS, ET CAPTIVAS DUCUNT (S. Cyprianus legit, *prædantur*) MULIERCULAS ONERATAS PECCATIS; QUÆ DUCUNTUR VARIIS DESIDERIIS. — Pro oneratas græce est *συναρπασμένα*, id est accumulatas et cumulo peccatorum obrutas; quæ quasi bruta aguntur variis desideriis curiositatis, novitatis, gloriæ, deliciarum, ornatus, luxuriæ. «Mirum negotium, ait Cyprianus, lib. *De Bono pudicitiae*, mulieres ad omnia delicatæ, ad vitiarum sarcinas fortiores sunt viris.» Has quasi dignum tali patella operculum, in suas hæreses post se captivas facile abducunt hæretici; tum quia mulier animal est

Mulieres
in vitiis
fortiores
sunt
viris.

molle, flexile et inconstans; tum quia earum desideriis indulgent, iisque se accommodant; tum quia carnis licentiam docent, et pœnarum ac gehennæ metum avertunt. Hinc docet Theophylactus et Oecumenius quod vir qui ab hæretico seduci se sinit, non vir, sed mulier haberi debet.

Notat S. Hieronymus, epist. ad *Ctesiphontem*, tom. II, omnes hæreses per mulieres propagari cœpisse: «Simon Magus, inquit, hæresin condidit adjutus auxilio Helenæ meretricis. Nicolaus Antiochenus, omnium immunditiarum conditor, choros duxit femineos. Marcion quoque Romam præmisit mulierem ad majorem lasciviam. Apelles Philomenem comitem habuit. Montanus Priscam et Maximillam primum auro corruptit, deinde hæresi polluit. Arius, ut orbem deciperet, sororem principis ante decepit. Donatus Lucillæ opibus adjutus est. Elpidium cæcum Agape cæca duxit. Priscilliano juncta fuit Galla non gente, sed nomine.»

Hæreses
per
mulieres
propaga-
ta.

7. SEMPER DISCENTES, ET NUNQUAM AD SCIENTIAM VERITATIS PERVENIENTES, — id est pervenire valentes: hoc enim est Græcum *δυνάμενα*, idque tum doctorum, tum suo vitio. Hæretici enim præsertim qui se Gnosticos quasi sapientes et scientes nuncupabant, nihil veri veræque pietatis docere possunt. Rursum, mulierculæ hæ oneratæ peccatis et plenæ cupidinibus, veritatis et pietatis incapaces sunt, tum quia parum habent critici et inconstantes sunt, ut ab una quæstione, antequam ejus solutionem percipiant, ad aliam dilabantur; tum quia curiosa scire tantum et intelligere volunt, non autem practice sapere et agere; tum quia suis desideriis aguntur et excæcantur. «Quomodo enim poterunt oneratæ peccatis mentes per viam rectam incedere, nedum progredi, quæ excæcat ipsam viam videre et inire non valent?» ait ex Augustino Anselmus.

Vers. 7.

Hæretici
nihil ve-
ræ scien-
tiæ ha-
bent.

8. QUEMADMODUM JANNES ET MAMBRES RESTITERUNT MOSI, ITA ET HI RESISTUNT VERITATI, HOMINES CORRUPTI MENTE, REPROBI CIRCA FIDEM. — Ita, scilicet «Jannes et Mambres,» legunt Romana, Plantiniana, Anselmus et alii. Verum Regia, Græca, Syra et Numenius apud Eusebium, lib. IX *De Præpar. Evang.*, legunt *Jannes et Iambres*.

Vers. 8.

Jannes et
Mambres
qui, et
quales, et
unde hæc
nomina
sumpse-
rit
Paulus?

Nota: Hæc sunt nomina duorum magorum Pharaonis, qui in Exodo narrantur Mosi restitisse et cum eo in miraculis et portentis edendis certasse; et licet Moses eorum nomina non exprimat, Paulus tamen aliunde ea didicit, et hic expressit.

Quæres, unde ea didicerit Paulus? Respondet Ambrosius et Origenes, hom. 35 in *Matth.*: ex libro apocrypho hac de re edito, qui inscribitur *Jannes et Mambres*. Hunc enim Gelasius, *dist.* 15, refert inter apocryphos. Sed hoc dici nequit; nec enim ex libro incertæ fidei certo hæc nomina asserere potuit Paulus. Dico ergo, hæc nomina Paulum didicisse traditione, vel certe inspiratione Spiritus Sancti, qui hæc ei dictabat. Ita Chrysos-

tomus, Theophylactus et alii. Vere enim ita vocatos fuisse hos magos docet quoque Numenius Pythagoricus, apud Eusebium loco citato.

Corrupti mente sunt cupidinaril. Nota: Vocat eos *corruptos mente*, quia mentis integritatem variis cupiditatibus et vitiis corruperunt, indeque facti sunt reprobi circa fidem, ut nimirum fidem pariter abjicerent, reprobarent, corrumpere, fierentque hæretici, imo hæresiarchæ. Ubi adverte: Sicut bona et incorrupta mens facile fidem et sanam doctrinam haurit, ita mala et corrupta facile hæresin, magiam aliosque errores hauriet; adeoque hæresis non alia est causa, quam mala vita et corrupti mores, qua de re vide Alfonso a Castro in proemio libri *Contra Hæreses*.

Vers. 9. 9. SED ULTRA NON PROFICIENT. — Ut scilicet præter mulierculas oneratas peccatis et similes homines leves et inconstantes, quos seduxerunt et seducunt (de qualibus dicit, vers. 13: « Errantes et in errorem mittentes »), pergant seducere alios, qui sanæ et solidæ mentis sunt.

Secundo, ut Theophylactus, « non proficient », in sua videlicet hypocrisi et ficta pietatis specie ac larva, quin ea detegatur, deprehendatur et prodatur eorum fraus et falsitas. Unde sequitur,

INSIPIENTIA (ἀνοητία, id est amentia) **EORUM MANIFESTA ERIT OMNIBUS, SICUT ET ILLORUM FUIT.** — Sicut Jannes et Mambres resistentes Mosi, in tertio cyniphum portento succubuerunt et dicere coacti sunt: « Digitus Dei est hic, » *Exodi* VIII, 19; ita omnis error non diu consistit, quin tandem ejus fallacia et falsitas pateat, et instar fumi evanescat. Hinc Hebræorum proverbium est, « Veritatem stabiles, mendacium debiles habere pedes: » quia illa semper, hæc parvo tempore durat. Idemque significant litteræ Hebraicæ *קַשְׁשׁוּר* *seeker*, id est mendacii, quæ acuminatos, ideoque debiles, et *אֱמֶת* *emet*, id est veritatis, quæ quadratos, ideoque solidos et constantes habent pedes. Apostolus, inquit Primasius, agit de Simone et Gnosticis, hæreticis scilicet sui temporis, quorum hæresis et impuritas vitæ patefacta mox evanuit. Sed pari modo videmus Photini, Nestorii, Sabellii, Manetis, Pelagii et aliorum omnium hæreses alias aliis citius evanuisse. Idem nostro tempore sensim fieri videmus, et brevi magis videbimus, lutheranismum et calvinismum consensere et emori apud multos, apud alios in atheismum abire, eorumque assecclas fieri plane Politicos et Libertinos. Atque ut alios omittam, clarum exemplum est Manes ipse, Manichæorum parens, qui cum filium regis Persarum a morbo se curatum promississet, ac vice versa occidisset, deprehensus est et morte mulctatus est. « Comprehenditur, inquit Cyrillus Hierosolymitanus, *catech.* 6, Manes, et abducitur ad regem: cui rex exprobravit mendacium et fugam, irrisit servitutem ejus, accusavit filii cædem, damnavit propter eum factam custodum necem. Itaque excoriari lege Persica Manetem mandavit, et corpus qui-

dem reliquum bestiis devorandum tradidit, eum vero qua tanta illius improbitas continebatur, tanquam utrem ante portas suspendi curavit. »

10. TU AUTEM ASSECUTUS ES MEAM DOCTRINAM, Vers. 10. INSTITUTIONEM, PROPOSITUM, FIDEM, LONGANIMITATEM, DILECTIONEM. — Erasmus, Vatablus et alii vertunt, *tu autem assecutus es meam doctrinam*, id est, a principio usque ad finem mihi evangelizanti affuisti, individuus meus comes fuisti. Verum hoc non videtur verum, nec huic loco congruum: nam Timotheus non affuit Paulo ab initio prædicationis; imo persecutiones ille, quas Antiochæ, Iconii et Lystris sustinuit Paulus, de quibus *Actor.* XIII et XIV, contigerunt antequam Timotheus adhereret, imo antequam innotesceret Paulo. Innotuit enim illi primum *Actor.* XVI, vers. 1. Rursum incongrue dicitur quis assecutari alterius persecutiones, passiones, longanimitatem, devotionem, pro eo quod diceremus aliquem esse comitem alteri, et præsentem in ejus persecutione, passione, devotione. Dico ergo proprie, « tu autem assecutus es », id est, cognovisti et intellexisti sive præsens intuendo, sive a fide dignis audiendo, meam doctrinam: hoc enim quoque significat Græcum παρακολουθεῖν, scilicet mente aliquid sequi et assequi, id est intelligere, v. g. cum discipulus sententiam et mentem magistri assequitur et intelligit, ut recte annotavit Budæus. Unde δυσπαρακολουθεῖν vocantur, quæ difficulter cognosci et intelligi possunt.

Nota: Pro *institutionem* græce est ἀγωγή, id est mores, et vitæ ductum, et, ut interpretes Theophylactus vertit, conversationem meam.

Secundo, « propositum, » id est, alacritatem et promptitudinem animi, inquit Theophylactus; sed melius Theodoretus; « propositum, » inquit, id est, finem et scopum quem mihi meæque evangelizationi proposui, scilicet ut Christi fidem et gloriam toto orbe per omnes gentes propagarem, *q. d.* Sequere ergo, o fili, o discipule Timothee, hoc meum, qui tuus sum magister, propositum, ut strenue Evangelio Christi propagando mecum incumbas.

Tertio, « fidem, » id est, in fide constantiam, inquit Theophylactus. Rursum « fidem, » id est, firmam confidentiam, qua Deo nixus et sisus tot labores, pericula et ærumnas fortiter adii et superavi.

Quarto, « longanimitatem, » scilicet in tolerandis tum fratrum infirmitatibus et peccatis, inquit Theodoretus; tum fidei hostibus, puta Judæis, Gentilibus et hæreticis. Cum enim mihi resisterent, « non tumultuabar, neque ciebam turbas, sed omnes et quemvis cum mansuetudine excipiebam, » inquit Chrysostomus.

Quinto, « dilectionem, » qua videlicet omnes tam inimicos, quam amicos; tam malos, quam bonos; tam Gentiles, quam Judæos, quasi fratres et filios meos adamavi, omnesque juvare,

Hebræi dicunt veritatem stabiles, mendacium debiles habere pedes.

hæreses tandem evanescent, aut abeunt in atheismum.

Manetis exitus et suppli-cium.

Timotheus quando incepit adherere Paulo?

Virtutes heroicæ Pauli in cursu Evangelii.

Christo adjungere, et ad salutem perducere conatus sum.

Vers. 11. 11. QUALIA MIHI FACTA SUNT ANTIOCHIAE, ICONII, ET LYSTRIS : QUALES PERSECUTIONES SUSTINUI, ET EX OMNIBUS ERIPUIT ME DOMINUS. — Erasmus per interrogationem legit, quasi admirans exclamet Paulus : Bone Deus! qualia et quanta sustinui? Verum Biblia Romana, Græca, Syra ac Latina passim legunt sine interrogatione. « Qualia » ergo, id est, quales persecutiones et passiones. Unde planius Vatablus pro *qualia*, vertit *quæ*, scilicet passiones, mihi acciderunt. Græcum enim *ὅσα μοι*, ponitur pro *ἅμα*.

Paulus Antiochiæ lapidatus et pene occisus. Nota : Antiochia hæc non est Syriæ, sed Pisi- diæ, vicina Iconio et Lystris, ubi Judæis concitantibus seditioem lapidatus et pene occisus fuit Paulus, *Act. xiii et xiv*.

Addit Paulus : « Et ex omnibus eripuit me Dominus, » ut Timotheum ad similia animet, illi tacite innuendo, Deum illi in persecutionibus pariter affore, sicut sibi affuit; et inde eum erepturum, vel martyrio coronatum ad cælum translaturum. Ita Chrysostomus.

Vers. 12. 12. OMNES QUI PIE VOLUNT VIVERE IN CHRISTO JESU, PERSECUTIONEM PATIUNTUR. — Quæres, quomodo hoc universaliter sit verum? Multi enim pii inter Christianos pie vivunt et quiete sine persecutione. Respondet Chrysostomus, per « persecutionem » hic intelligi omnes difficultates, labores, dolores et angores, quos patiuntur ii qui student pietati, dum concupiscentias frenare, continentiae, humilitati, temperantiae studere, et piis laboribus insistere conantur. « Et ideo nunquam deest tribulatio persecutionis, si nunquam desit observantia pietatis. Sicut ergo totius est temporis pie vivere, ita totius est temporis crucem ferre, » inquit S. Leo, *serm. 9 de Quadragesima*.

Quomodo verum sit omnes pios persecutionem pati?

Secundo, S. Augustinus, *serm. 24 de Verbis Apostoli*, in hæc eadem Apostoli verba dicit, pios persecutionem pati, dum de mala vita impiorum a quibus odio habentur, dolent et cruciantur, ut cum Davide dicant *Psal. cxviii* : « Vidi prævaricantes, et tabescebam. » Quomodo S. Petrus, *epist. II, cap. II, vers. 8*, dicit de Sodomitis, quod « justam animam (Lot) iniquis operibus cruciabant. » « Lot ergo, inquit Augustinus, persecutionem patiebatur non vapulando, sed malos videndo. » « Magnus enim bonorum labor est mores tolerare contrarios, » inquit S. Prosper in *Sententiis*.

Tertio, idem Augustinus in *Psal. LV*, per « persecutiones » accipit quasvis presentis vite tribulationes, de quibus ipse Augustinus dicit : « Si putas te non habere tribulationes, nondum cœpisti esse Christianus. »

Quarto, et magis proprie, idem Augustinus, in *Psal. cxxvii*, per « persecutiones » accipit tentationes diaboli. « Non enim, inquit, quia diabolus modo per reges non sevit, ideo non Christiani

persecutionem patiuntur. Si mortuus est diabolus, mortuæ sunt persecutiones. Si autem ille adversarius noster vivit, unde non tentationes suggerit? unde non sevit? unde non minas et scandala procurat? » Nimirum sciat Christianus se non vocari ad otium, delicias, pacem et gaudia, sed semper sibi ob oculos ponat illud Sapientis, *Ecclesi. viii, 1* : « Fili, accedens ad servitutem Dei, sta in iustitia et timore, et præpara animam tuam ad tentationem. »

Quinto, et maxime ad litteram, « omnes, » id est plerique, « omnes qui pie volunt vivere, » proprie « persecutionem patiuntur » ab hominibus, sive Christianis cognatis et amicis, sive ab infidelibus et hæreticis, sive ab invidis, aliisque perversis et improbis : a talibus enim talem proprie dictam persecutionem passus erat Paulus Antiochiæ et Lystris. Et hoc proprie significat Græcum *διωθόμενος*. Hæc sententia verissima et clarissima erat tempore S. Pauli, cum illi qui a gentilismo convertebantur ad Christum, statim tam a suis, quam ab externis, maxime præsidibus, bonis, patria, libertate et sæpe vita muletabantur. Idem etiamnum hodie est videre, cum quis a vita mundana et licentiore ad Christianam, modestam et sanctam, ac præsertim perfectam et religiosam se convertit. Talis enim et a suis, et a sociis, et ab externis vexatur, ridetur, tentatur, injuriis et contumeliis proscinditur, ac bonis non raro vel in solidum, vel magna in parte privatur : quibus cum Apostolo insigni patientia et constantia est opus, ut, cum undique et assidue impetuntur, dicant illud Tertulliani, *lib. de Patientia* : « Patientia tua improbitas fatigetur aliena. »

Christianis semper inest tentatio.

Qui Christianus, vel religionem sequuntur, persecutiones patiuntur.

Et illud Chrysostomi hic : « Impossibile est, ut qui malis bellum indixerit, pressuris careat; nefas est pugilem Dei vacare deliciis, non licet epulari luctantem : luctamen enim sunt præsentia omnia, certamen, bellum, pressura, angustia, stadium; aliud est quietis tempus, hoc ærumnis deputatum est atque sudoribus; nullus ubi ad certamen se exiit, unctusque est, requiem quaerit : si enim quaeris, cur te exuisti, cur libidinibus et naturæ (mundo ac hominibus) bellum indixisti? » Hinc infert S. Gregorius, *lib. VI, epist. 191 ad Narsam* : « Qua in re ego, ait, fidenter dico, quia minus pie vivis, si minus persecutionem pertuleris. » Nam, ut ipse subdit, « studium bonæ operationis ipsa adversitas augeat. Sic semina messium gelu cooperta, fertilius germinant. Sic ignis flatu premitur ut crescat. »

Patientia virtus quæ necessaria.

Ubi nota, hanc Apostoli sententiam esse quasi paræmiam, sive proverbium significans non quod omnibus omnino piis et semper, sed quod plerisque, et sæpe accidit : quales sententiæ multæ sunt in Proverbiis, ut cum dicitur : « Omnes quæ sua sunt, quaerunt; » omnes, id est, plerique : non enim Paulus et Apostoli sua quærebant. Sic *Proverb. xviii, 16*, dicitur : « Divinatio in labiis regis, in judicio non errabit os ejus. » Sensus est,

Aliquot loca Proverbia bene explicata.

g. d. Judicia et præcepta justi regis accipienda sunt ut oracula Dei, cujus loco præest, quique ei in Deum et justitiam intento et defixo quasi vicario suo assistit, ne in judicando vel mandando erret; et tamen scimus reges etiam justos subinde in judiciis et mandatis a vero et justo aberrasse et aberrare. Sic cap. xvii, vers. 14, dicitur: « In facie prudentis lucet sapientia, oculi stultorum in finibus terræ, » **d. g.** Stultorum uti mens, ita et oculi vagi sunt, hinc inde gyranes, usque ad fines terræ circumspiciendum: oculi vero et vultus sapientis graves sunt, constantes, et ad sapientiam compositi, scilicet ut plurimum. Nam subinde videmus et stultos oculos et vultum ad sapientiam et gravitatem componere; et e contra sapientes oculos et vultum ad jocos et hilaritatem solvere et relaxare. Similia multa sunt in Proverbiis, ut ibi dixi.

Vers. 13. **13. MALI HOMINES ET SEDUCTORES PROFICIENT IN PEJUS, ERRANTES, ET IN ERROREM MITTENTES.**—Græce *πλανήντες καὶ πλανήσαντες*, id est, in errorem seducen-tes et errore seducti, **g. d.** Pii persecutionem patiuntur, impii vero, inquit Chrysostomus, in otio sunt et quiete, libereque indulgent suæ imple-
Impii et heretici quomodo et quorum respectu, et in quo proficiant?
tati, adeo ut quotidie in impietate crescant, ne-
Maximi Sancti a puero caeperunt.
mine his reluctante: hæc est enim mali ac præser-
tim erroris vis, ut nova semper comminiscatur, et ex uno principio falso alias et alias conclusio-
Exempla,
nes falsas deducat.

Dices: hic locus adversatur versui 9 hujus capituli ubi dixit: « Non ultra proficient. » Respon-
Vers. 14 et 15.
dendi eo loco, dici, « non proficient ultra, » ut nimirum viros cordatos seducant: illis enim mox patebit eorum fraus et impietas; hic vero dicitur, quod ipsi in se et sua impietate proficient, atque in suos errores, homines leves, inconstan-
Duos stimulos ad permanendum in doctrina, quam edoctus est, Timotheo admovet Paulus. Prior est, quod eam acceperit a maximo doctore, scilicet Paulo, qui a Deo constitutus erat magister Gentium et orbis doctor. Seipsum enim hic intelligit Paulus, sed modestiæ causa nomen suum subicit; nimirum doctrinæ fidem quam maxime apud discipulos conciliat doctoris auctoritas. Ita Pythagoras a suis celebra-
tes et suis cupiditatibus addictos, pellicient.

14 et 15. TU PERMANE IN HIS QUÆ DIDICISTI, ET CREDITA SUNT TIBI: SCIENS A QUO DIDICERIS, ET QUIA AB INFANTIA SACRAS LITTERAS NOSTI.—« Credita, » id est, commissa sunt tibi quasi episcopo conser-
**Sola Christi doctrina salutife-
ra.**
vanda et promulganda. Aliter Chrysostomus, « quæ credita sunt tibi, » sive a te, id est, quæ credidisti, quæ fide percepisti, **g. d.** Credidisti inter alia, quod pii persecutionem patientur; per-
Maximi Sancti a puero caeperunt.
mane ergo in hac fide tua, et juxta eam pro pie-
tate persecutionem patere. Sed prior sensus planior est et germanior: græce enim non est *ἐπιστάς*, id est, quæ credidisti, sed *ἐπιστάς*, id est quæ creditus es, hoc est, ut clare verit noster Interpres, quæ credita et commissa sunt tibi tuæ-
Exempla,
que fidei. Porro duos stimulos ad permanen-
Duos stimulos ad permanendum in doctrina, quam edoctus est, Timotheo admovet Paulus. Prior est, quod eam acceperit a maximo doctore, scilicet Paulo, qui a Deo constitutus erat magister Gentium et orbis doctor. Seipsum enim hic intelligit Paulus, sed modestiæ causa nomen suum subicit; nimirum doctrinæ fidem quam maxime apud discipulos conciliat doctoris auctoritas. Ita Pythagoras a suis celebra-
dum in doctrina, quam edoctus est, Timotheo admovet Paulus. Prior est, quod eam acceperit a maximo doctore, scilicet Paulo, qui a Deo constitutus erat magister Gentium et orbis doctor. Seipsum enim hic intelligit Paulus, sed modestiæ causa nomen suum subicit; nimirum doctrinæ fidem quam maxime apud discipulos conciliat doctoris auctoritas. Ita Pythagoras a suis celebra-

tur, ut discipuli doctrinæ ejus rationem poseenti-
Maximi Sancti a puero caeperunt.
bus, non aliud redderent, quam *ἀπὸ τοῦ ἐξ ἐμοῦ*, ipse, scilicet Pythagoras ita dicit, ita censet. Posterior stimulus est, quod ab infantia sacras Litteras, puta vetus Testamentum, legem scilicet et Prophetas, quæ de Christo Christique vita et mysteriis clare prophetarunt, didicerit Timotheus, **g. d.** Permane in iis, quæ quasi cum lacte suxisti. Ita Chrysos-
Maximi Sancti a puero caeperunt.
tomus, Ambrosius, Theophylactus. Ita Plato, lib. VI de Legibus: « Assero, inquit, eos qui præstantes viri in aliquo evasuri sunt, ab ineunte statim pueritia oportere ad ipsum tam ludendo, quam studendo in singulis ei negotio convenientibus meditari. »

Atque hinc est quod ait Jeremias, *Threnor.* III, 27: « Bonum est viro cum portaverit jugum ab adolescentia sua: sedebit solitarius, et tacebit: quia levavit (se?) super se. » Ita maximi Sancti a teneris inchoarunt sanctam, austeram, religiosam et perfectam vitam; uti S. Joannes Baptista, de quo canimus:

Antra deserti teneris sub annis
Civium turmas fugiens petisti:
Ne levi saltem maculare vitam
Famine posses.

Sic Samson et Samuel a puero consecrati sunt Na-
Exempla,
zaræi. Sic Joannes Evangelista juvenis, et a sæculi corruptione adhuc immunis, Christum secutus est, ideoque fuit « discipulus ille quem diligebat Jesus, » cui et maxima mysteria revelavit. Sic et Paulus primus Eremita, et S. Antonius, et S. Hilarion, anno 15 ætatis, venditis omnibus et in pauperes distributis, in deserto se totos Domino mancipa-
Exempla,
runt. S. Benedictus valde juvenis erat, quando omnia dereliquit, nempe 10 vel 12 annorum. S. Maurus erat annorum 12. S. Placidus et multi alii S. Benedicto pueri traditi sunt. S. Joannes Calybita cum esset annorum circiter 14, relictis ædi-
Exempla,
bus et opibus paternis, insciis parentibus in lon-
ginquum monasterium se abdidit, orationi et jejunio vacaturus. S. Romualdus incepit vitam monasticam anno 20, S. Thomas 14, S. Francis-
Exempla,
cus a Paula 13, S. Antonius 13 appulit animum, 14 receptus est, S. Vincentius Ferrerius 18, S. Lau-
Exempla,
rentius Justinianus 19, S. Bonaventura 22, Vene-
rabilis Beda ab anno 7 in Religione educatus est. Plura Sanctorum qui a puero cœperunt exempla, vide in *Speculo juventutis*, quod nuper edidit Bernardus Dorhoff, totumque est de ea re.

QUÆ (sacrae Litteræ) TE POSSUNT INSTRUERE (*επι-
στασι*, id est sapientem reddere) AD SALUTEM, PER
FIDEM, QUÆ EST IN CHRISTO JESU,—id est in Chris-
**Sola Christi doctrina salutife-
ra.**
tum Jesum, **g. d.** Sacrae Litteræ instruunt te ad salutem hoc ipso, quod docent credendum esse in Christum, et per fidem Christi, ejusque Sacramenta et præcepta a Christo ad id instituta, nos justitiam et salutem consequi debere. « Nec enim aliud nomen est sub cælo, in quo oporteat nos salvos fieri, » *Actor.* IV, 27. Quapropter finis legis et

Prophetarum est Christus, quem quia rejiciunt Judæi, hinc legem et Prophetas non intelligunt, nec fidem Christi, ac consequenter nec salutem assequuntur, *q. d.* Paulus : Ego jam morior, et ad martyrium tendo, non amplius me doctorem audies, o Timothee; dolebis me sublato, perinde ut doluit Elizæus, sublato in cælum Elia magistro : sed age, animos resume, vice mei sacras Scripturas tibi relinquo, quasi doctorem et consultorem, ut in eis Deum loquentem et docentem audias, utque ex iis, neque in tristibus animum contrahere, neque in lætis inflari discas. Ita S. Chrysostomus. Nam, ut ait S. Augustinus, *serm. 112 De Temp.*, tom. X : « Cum oramus, cum Deo loquimur : quando vero legimus divinas Scripturas, Deus loquitur nobiscum. »

Vers. 16. 16. OMNIS SCRIPTURA DIVINITUS INSPIRATA, UTILIS EST AD DOCENDUM, AD ARGUENDUM, AD CORRIPIENDUM, AD ERUDIENDUM IN JUSTITIA. — Græca interserunt *xxi*, id est *et*, ut sit sensus : Omnis Scriptura, scilicet sacra, est divinitus inspirata, est et utilis ad docendum : elegantius græce dicitur sacra Scriptura *θεόπνευστος*, id est a Deo inspirata, *q. d.* Non suo instinctu, iudicio, ductu, uti profani historici et philosophi sua conscripserunt, sed « Spiritu Sancto inspirati locuti sunt, » et scripserunt « sancti Dei homines, » II *Petri* I, 21.

Nota : Hinc sacra Scriptura dicitur verbum Dei et Spiritus Sancti ; Prophetæ vero et alii Scriptores hagiographi vocantur calami et instrumenta Spiritus Sancti, quasi scribæ velociter scribentis, inspirantis et dictantis sacras Litteras.

Nota *secundo*, Spiritum Sanctum non eodem modo dictasse omnes sacras Litteras : nam legem et prophetias ad verbum revelavit et dictavit Mosis et Prophetis ; historias vero et morales exhortationes, quas antea vel visu, vel auditu, vel lectione, vel meditatione didicerant ipsi scriptores hagiographi, non fuit necesse inspirari, aut dictari a Spiritu Sancto, utpote cum eas jam scirent et callerent ipsi scriptores. Sic S. Joannes, *cap. xix*, *vers. 35*, dicit se scribere quæ vidit ; S. Lucas vero, *cap. i*, *vers. 2*, dicit se scribere Evangelium, quod audivit et traditione accepit ab Apostolis. Dicitur tamen Spiritus Sanctus eam quoque illis dictasse, *primo*, quia scribentibus astitit, ne vel in puncto a veritate aberrarent. *Secundo*, quia eos excitavit et suggessit ut hæc potius scriberent quam illa. Conceptum ergo et memoriam eorum quæ sciebant, non eis ingressit Spiritus Sanctus, sed inspiravit ut hunc potius conceptum quam illum scriberent. *Tertio*, quia omnes eorum conceptus et sententias ordinavit, digessit et direxit Spiritus Sanctus, v. g. ut hanc sententiam primo, illam secundo, aliam tertio loco, et ita consequenter collocarent, et scripto consignarent. Hoc enim proprie est librum aliquem concinnare et conscribere ; et hæc ratione proprie sacrorum librorum auctor dicitur esse Spiritus Sanctus. Et hoc est quod S. Gregorius in *præfat. in Job*, *cap. ii*,

docet, ipsum Job sua gesta non sua, sed altiore Spiritus Sancti manu, sensu et ductu scripsisse, ideoque de iis non quasi de suis, sed quasi de alienis gestis loqui : « Scriptores, inquit, sacri eloquii, quia repleti sunt Spiritu Sancto super se trahuntur, quasi extra semetipsos fiunt, et sic Dei sententias quasi de aliis proferunt. »

Nota *tertio* : Ex eo quod a Deo inspiratæ sunt sacre Litteræ, colligit S. Chrysostomus eas profundos et divinos habere sensus, ac proinde eas non cuivis esse obvias et claras ; sed arcana multa continere instar fluvii, cujus extima aquarum superficies tantum patet, sub qua interior ac longe major aquarum copia recondita latet, « in qua et agnus (humilis) natet, et elephas (superbus) mergatur, » inquit S. Gregorius, *epist. ad Leandrum*, quæ præfigitur *præfat. in Job*.

Nota *quarto* : Sacra Scriptura « utilis » est : *primo*, « ad docendum, » scilicet sanam doctrinam ; *secundo*, « ad arguendum, » scilicet Simonianos aliosque hæreticos ; *tertio*, « ad corripiendum, » græce *πρός ἐπιτιμήσιν*, id est ad correctionem ; Ambrosius vertit, *ad redintegrationem*, qua scilicet Catholicos a vita bona et Christiana aberrantes corrigas, vitæque integritati restituas ; *quarto*, « ad erudiendum in justitia, » qua scilicet erudiamus alios ad omnem justitiam, id est ad omnem morum honestatem, sanctimoniam et perfectionem.

Vers. 17. 17. UT PERFECTUS SIT HOMO DEI, AD OMNE OPUS BONUM INSTRUCTUS. — « Hominem Dei » vocat doctorem et Episcopum, ut dixi *epist. I*, *cap. vi*, *vers. 11*.

Secundo, pro *instructus* græce est *ἐξπαισμένος*, id est adornatus, compositus, apparatus, instructus. Verum Syrus, Ambrosius et Theophylactus legunt *ἐξπαισμένος*, id est consummatus et perfectus ; et ita videtur legisse noster Interpres, *q. d.* Sacre Scripturæ utiles sunt ad hoc, ut faciant te perfectum doctorem, o Episcopo, ut ad omne opus bonum, præsertim docendi, arguendi, corripiendi et erudiendi jam dictum, quod proprium est Episcopo, atque ad martyrium pro eo subeundum, sis instructus et comparatus. Prævidebat enim Paulus tam sibi, quam Timotheo martyrium pro Evangelio instare.

Nota : Non dicit Apostolus solam Scripturam reddere hominem perfectum : sic enim excluderet Sacramenta, gratiam, doctores et traditiones, quas tamen requirit II *Thessal.* II, 14. Neque rursum ait Apostolus, sacra Scriptura sufficiens est, sed « utilis est ut homo sit perfectus. » Sicut ergo si dicas : Sol utilis est, ut omne vivens producat et perficiatur ; non negas ad hoc opus esse pariter concursu causæ secundæ generantis : ita similiter cum dicit Apostolus, Scripturam utilem esse ad hoc, ut homo sit perfectus ; non negat ad perfectionem tum doctrinæ, tum vitæ Christianæ, requiri traditiones, Sacramenta, actus virtutum aliaque a Christo alibi præscripta. Adde, cum hæc scri-

Sacra Scripturæ sensus profundi non cuivis scrutandi.

Ad quid utilis sit sacra Scriptura ?

Illius conceptus sententiasque ordinavit.

Non sola Scriptura reddit hominem perfectum.

beret Apostolus, necdum scripta erat Apocalypsis et nonnullæ Apostolorum epistolæ, quas proinde Timotheus legere non poterat, quæ tamen uti ad perfectam Scripturam, ita ad hoc, ut ex ea perfectus evadat homo, requiruntur.

Innuat tamen Apostolus, ut recte notavit Chrysostomus, neminem sine Scriptura posse esse perfectum in fide et vita Christiana ac divina. Ad hanc enim utilitatem et usum a Deo data est Scriptura.

Sacra
Scriptura
pharmacum
est ad
omnes
morbos
depellendos.

Hæc S.

Hinc S. Basilius, epist. I ad Gregorium Nazian., S. Scripturam comparat officinæ apothecariæ, quæ omnibus pharmacis ad quoslibet morbos depellendos instructa est. « Si quis, inquit, laborat concupiscentia; et castitatis est cupidus, historiam Joseph assidue legat, ex ea discet et hauriet pudicitie amorem et spiritum. Si quis impatiens, patientiam desiderat, legat gesta S. Job. Si quis fortitudinem cupit, legat acta Davidis. Si quis mansuetudinem appetit, Moſen volvat et imitetur. » Ita S. Paula in omni re et tentatione, sacra Scriptura se armabat, et ad perfectionem instruebat, teste S. Hieronymo in ejus epitaphio, ut videretur esse arca testamenti et armentarium Scripturæ. « In periculis, inquit Hieronymus, loque-

batur Paula : Qui vult venire post me, abneget semetipsum, et tollat crucem suam, et sequatur me. Cum eversio totius patrimonii nuntiaretur, aiebat : Nudus exivi de utero matris. In crebra infirmitate : Habemus thesaurum istum in vasis fictilibus, donec mortale hoc induat immortalitatem. In mœnore cantabat : Quare tristis es, anima mea? spera in Deo. Cum nimio fervore virtutum nonnullis videretur insana : Theatrum, ait, facti sumus mundo, angelis et hominibus; nos stulti propter Christum, » etc. Apposite ergo Origenes, hom. 7 in Exod., S. Scripturam cum manna comparat : « Si tu, inquit, verbum Dei tota fide et devotione susceperis, fiet tibi ipsum verbum quæcumque desideras, v. g. si tribularis, consolatur te, dicens : Cor contritum et humiliatum, Deus, non spernes. Si lætaris, pro spe futura cumulat tibi gaudium, dicens : Lætamini in Domino et exultate, justi. Si iracundus es, mitigat te, dicens : Desine ab ira et derelinque furorem. Si in doloribus es, sanat te, dicens : Dominus sanat omnes languores tuos. Si paupertate consumeris, consolatur te, dicens : Dominus allevat de terra inopem. Sic ergo manna verbi Dei reddit in ore tuo saporem quemcumque volueris. »

Paula
fuit cly-
pens con-
tra om-
nes ten-
tationes.

Est velut
manna.

CAPUT QUARTUM.

SYNOPSIS CAPITIS.

Obtestatur Timotheum ut instanter prædicet, moneat, arguat suos, idque propter instantes hæreticos et eos enim id amplius facere non posse.

Unde, vers. 6, docet sibi instare mortem et martyrium, ac prædicationis laborumque coronam.

Secundo, vers. 9, jubet ut ad se ab omnibus pene derelictum, cum penula et libris veniat.

Tertio, vers. 16, recenset quomodo a Nerone et primis vinculis a Deo sit liberatus, speratque eadem Dei ope e secundis vinculis non liberari, sed per martyrium evolare ad regnum cælestis.

Quarto, vers. 19, suos salutatur, et gratiam apprecatur.

1. Testificor coram Deo et Jesu Christo, qui judicaturus est vivos et mortuos, per adventum ipsius et regnum ejus : 2. prædica verbum, insta opportune, importune; argue, obsecra, increpa in omni patientia et doctrina. 3. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurientes auribus : 4. et a veritate quidem auditum avertent, ad fabulas autem convertentur. 5. Tu vero vigila, in omnibus labora, opus fac Evangelistæ, ministerium tuum imple. Sobrius esto. 6. Ego enim jam delibor, et tempus resolutionis meæ instat. 7. Bonum certamen certavi, cursum consummavi, fidem servavi. 8. In reliquo reposita est mihi corona justitiæ, quam reddet mihi Dominus in illa die justus iudex : non solum autem mihi, sed et iis qui diligunt adventum ejus. Festina ad me venire cito. 9. Demas enim me reliquit, diligens hoc sæculum, et abiit Thessalonicam : 10. Crescens in Galatiam, Titus in Dalmatiam. 11. Lucas est mecum solus. Marcum assume, et adduc tecum : est enim mihi utilis in ministerium. 12. Tychicum autem misi Ephesum. 13. Penulam, quam reliqui Troade apud Carpum, veniens affer tecum, et libros, maxime autem membranas. 14. Alexander ærarius multa

mala mihi ostendit : reddet illi Dominus secundum opera ejus : 15. quem et tu devota : valde enim restitit verbis nostris. 16. In prima mea defensione nemo mihi affuit, sed omnes me dereliquerunt : non illis imputetur. 17. Dominus autem mihi astitit, et confortavit me, ut per me prædicatio impleatur, et audiant omnes Gentes : et liberatus sum de ore leonis. 18. Liberavit me Dominus ab omni opere malo : et salvum faciet in regnum suum cœleste, cui gloria in sæcula sæculorum. Amen. 19. Saluta Priscam, et Aquilam, et Onesiphori domum. 20. Erastus remansit Corinthi. Trophimum autem reliqui infirmum Mileti. 21. Festina ante hiemem venire. Salutant te Eubulus, et Pudens, et Linus, et Claudia, et fratres omnes. 22. Dominus Jesus Christus cum spiritu tuo. Gratia vobiscum. Amen.

1. TESTIFICOR CORAM DEO ET JESU CHRISTO; QUI JUDICATURUS EST VIVOS ET MORTUOS, PER ADVENTUM IPSIUS ET REGNUM EJUS, PRÆDICA VERBUM. — Pro *testificor* græce est διαμαρτυρομαι, id est obtestor, et, ut Theophylactus et Anselmus, adjuro te, o Timothee, coram Deo et per Deum, perque Jesum Christum, quos invoco quasi testes (hoc enim significat Hebræum *heid*) et vindices hujus meæ obtestationis, ut instanter Evangelium prædices, opportune et importune, cogilans te hujus prædicationis factæ vel neglectæ exactam in die judicii, Christo judici redditurum esse rationem.

Nota : Apostolus hic jam moriturus quasi ultimis verbis alloquitur Timotheum : ultima enim ei dat monita et quasi testamentum condidit, in quo ante omnia commendat ei quasi Episcopo munus prædicandi. Est enim hoc primum et maximum Episcopi officium, ad quod Επισκοπος jure divino obligatur, ut docet Concilium Tridentinum, sess. XXIV, cap. iv. Terreantur ergo hic Episcopi et pastores qui non prædicant, inquit Theophylactus.

Nota, « coram Deo, » scilicet Patre : sequitur enim, « et Jesu Christo. » Deus ergo hic distinguitur a Jesu Christo, ac consequenter non essentiam, sed personam Patris denotat.

Secundo, dicitur « Christus judicaturus vivos et mortuos, » id est justos et peccatores, inquit Chrysostomus; sed hoc mysticum est. « Vivos » ergo intelligit ad litteram homines, scilicet qui in die judicii invenientur vivi; « mortuos, » qui ante illum diem erunt defuncti. Vide dicta I *Thessal.* cap. iv, vers. 16.

Tertio, τὸ per adventum ipsius, non est adjurantis, vel obtestantis (sic enim græce deberet esse δια, non κατά), sed tantum designat tempus et modum quo Christus judicaturus est vivos et mortuos, scilicet per adventum suum, vel in adventu suo illustri (hoc enim est græcum ἐπιφανεία), cum scilicet Christus non pauper et humilis, ut olim, sed gloriosus veniet ad judicium, in quo regnum suum beatum et æternum cum omnibus Sanctis gloriose inibit, et quasi coram toto mundo inaugurabitur. Ita Chrysostomus.

Expergefiat et horreat sub tali testificatione Episcopus, Parochus, concionator, confessarius.

« Quis hæc audiens, ait S. Augustinus, lib. I *Contra Crescon.*, cap. vi, si Deo fideliter servit, si dolosus operarius non est, ab hac diligentia et instantia conquiescat? quis sub tanta testificatione segnissimus esse audeat?» Jure queritur S. Gregorius, hom. 17 in *Evangel.* : « Ecce, inquit, mundus totus sacerdotibus plenus est, sed tamen in messe Dei rarus valde invenitur operator : quia officium quidem sacerdotale suscipimus, sed opus officii non implemus. »

2. INSTA (prædicationi) OPPORTUNE, IMPORTUNE. Vers. 9.

— Græce εύκαιρος ἀκκαιρος, id est tempestive et intempestive. Est proverbium idem significans quod assidue et instanter, quamvis Primasius ex Augustino proprie hæc accipiat : « Verbum, inquit, opportunum est libenter audienti, importunum invito. » Et S. Cæsarius Episcopus Arelatensis, hom. 26 : « Quid est, ait, opportune, importune, nisi opportune volentibus, importune nolentibus? Volentibus audire verbum Dei, offerendum est; fastidientibus, ingerendum, ne forte contra nos ante tribunal Christi stantes dicant, se a nobis admonitos non fuisse, et animarum illorum sanguis de manibus nostris requiratur. » Quod enim invitatus nunc audit, postea ruminans capiet, libens accipiet, convertetur et gratias agat. Uti æger, cui ligato calculus aut ulcus secatur, dolet, clamat, quin et medicum subinde abigere vult : sectus tamen et curatus gratias agit. Vide Augustinum, lib. *De Pastoribus*, cap. vii. Audi S. Gregorium, part. II *Pastor.*, cap. iv : « Dicturus, inquit, importune, præmisit opportune : quia scilicet apud auditoris mentem, ipsa sua vilitate se destruit, si habere importunitas opportunitatem nescit. »

ARGUE, OBSECRÂ, INCREPA IN OMNI PATIENTIA ET DOCTRINA. — Pro *argue* græce est ἀγίζω, id est argumentis convince. « Nam si absque argumentis aliquem increpes, temerarius esse videberis, nullusque te perferet, » inquit Chrysostomus, et ille quem increpas, fiet impudens et durus, ac obstinatus.

Secundo, pro *obsecra*, *increpa*, in Græco alius est ordo, nam præcedit ἐπιτίμωσον, id est increpa; sequitur vero παρακάλωσον, id est obsecra vel adhortare. Interpres ergo Noster hæc verba transposuit, ut melius significaret alternationem affec-

tuum, quam hic præcipit Paulus, scilicet Episcopum nunc debere errantes et peccantes arguere, nunc obsecrare, mox rursum increpare acrius. Nam, ut ait B. Innocentius, dist. LXXXIII, cap. *Error* : « Error cui non resistitur, approbatur; et veritas, cum non defenditur, opprimitur: negligere quippe, cum possis deturbare, perversos, nihil est aliud quam fovere; nec caret scrupulo societatis occultæ, qui manifesto facinori, cum potest, desinit obviare. » Dicit ergo Apostolus : « Argue, obsecra, increpa, » *q. d.* Increpatio est idem quod in chirurgia sectio : obsecratio vero est pharmacum leniens. Hoc ergo adhibe increpationi, ne, si sola sit increpatio, quasi sectio, hominem nimio dolore excruciet et ad pusillanimitatem, indignationem, aut etiam desperationem adigat. Ita Chrysostomus, Theophylactus et alii. Sicut enim medici nunc lenibus pharmacis, nunc acerbis utuntur : sic Episcopus et quivis spiritualis medicus nunc blanditiis, nunc asperioribus verbis cum suis agere debet, uti fecit Abraam monachus et Episcopus Carrharum, inquit Theodoretus in *Philotheo*, cap. XVII.

Quantum peccatum non increpare peccata.

Quinam arguendi obsecrandi, increpandi?

Due dotes necessariae monitori.

Documentum pro iis qui alios volunt corripere.

Verum S. Prosper, lib. II *De Vita contemplat.*, cap. V, hæc ad diversos refert : « Argue, inquit, comquales, obsecra seniores, increpa juniores; sed propterea addit : In omni patientia; quia leniter castigatus exhibet reverentiam castiganti; asperitate autem nimia et increpatione offensus, neque increpationem recipit, neque salutem. »

Nota : Jubet Apostolus increpationem faciendam *primo, in*, id est cum, *omni patientia*; et ut græce est μακροθυμία, id est longanimitate. *Secundo, in*, id est cum, *doctrina*, qua scilicet solide alium errasse doceas, eique viam veritatis ostendas. Ratione enim convinci et duci volunt homines. Dute hæ dotes necessariae sunt doctori, prædicatori et monitori, doctrina scilicet et patientia, ne tarditati et duritie ejus quem docet et monet, irascatur; sed toleret, compatiatur, et de lapsu ejus doleat magis, quam ille qui lapsus est. Ita Chrysostomus. Unde pulchrum documentum iis qui alios monere aut corripere volunt, dat S. Augustinus, in epist. ad Galat., in illud cap. VI, vers. 1 : « Hujusmodi instruite in spiritu lenitatis, » ut scilicet qui alium sunt correpturi, ante correptionem examinent conscientiam, an amore ad eam moveantur; nec ad eam descendant, nisi examinata conscientia deprehendant se proximi amore ad eum corripiendum impelli. « Quidquid enim, inquit, lacerato animo dixeris, punientis est impetus, non charitas corrigentis : dilige, et dic quod voles. » Hinc recte advertit Theophylactus non dici simpliciter : « Increpa in patientia, » sed : « In omni patientia, » id est, inquit, quæ omnibus modis demonstratur, operibus nimirum, verbis et pecuniis; ut quaquaversum constans et perfecta sit doctoris et monitoris patientia; ut nunquam suam bilem et iram ostendat, quantumcumque auditor aut peccator illi difficilis sit, mo-

lestus et rebellis. Ita nimirum imitabitur Deum, qui peccatores monet, docet, exspectat in multa patientia. Unde Deus ab Hebræis dicitur lentos habere pedes, longas aures, fortes manus, et latus nares; ipseque Deus licet ob adorationem vituli populo suo maxime infensus, jussit voluitque a Mose hisce nominibus compelli et invocari, *Exodi xxxiv, 6* : « Dominator Domine Deus, misericors et elemens, patiens, et multe miserationis. » Ubi pro *patiens* in Hebræo est ארך אפים *erech appaim*, id est, *longus naribus*, hoc est *iris*, *q. d.* longus ad iras, tardus ad irascendum; quia enim ira maxime vultu et naribus se prodit, unde irati dicuntur corrugare et suspendere nasum, quodque iras naribus efflant, hinc Hebræi per *appaim*, id est nares, significant iram. Rursum, *longus naribus*, id est *latus naribus*, per enallagen quantitatis, qua longitudo pro latitudine ponitur. Jam latus naribus idem est quod μακροθυμία, id est longanimitas et tardus ad iram : qui enim angustis sunt naribus, cito irascuntur, eo quod fumos et vapores biliosos ex stomacho ascendentes citius concipiunt, et tardius ob meatuum in naribus angustias efflant : unde hebraice cholericus qui cito irascitur, vocatur קצר אפים *ketsar appaim*, id est *arctus vel strictus naribus*. Talis enim, ut dixi, celer est in bilem. E contrario qui latis sunt naribus, tarde irascuntur : tales enim et bilem facilius efflant, et insuper multum aeris frigidi admittunt, qui bilis æstus temperetur : unde placidiores sunt, et hac de causa lentus ad iram hebraice dicitur *erech appaim*, id est longus sive latus naribus, itaque Deus, utpote patientissimus et clementissimus, anthropopathos vocatur.

Dens apud Hebræos dicitur habere lentos pedes, longas aures, fortes manus, et latus nares.

Latus naribus idem quod longanimitas; arctus naribus, iracundus.

Dens anthropopathos vocatur longus naribus.

3. ERIT TEMPUS, CUM SANAM DOCTRINAM NON SUS-
TINEBUNT : SED AD SUA DESIDERIA COACERVABUNT SIBI
MAGISTROS, PRURIENTES AURIBUS. — Dat causam cur dixerit : « Prædica verbum, insta, argue, obsecra, » quia scilicet multi homines voluptuarii et libertini similes sibi magistros, puta hæreticos, quærent, qui hominum curiositati et cupiditatibus indulgentes, eos a sana fide et severitate vitæ Christianæ ad suos errores et vitæ morumque licentiam abducent.

Vers.

Nota vocem *coacervabunt*, id est temere, sine judicio et delectu, prout agit eos libido, et novitatis ac cupiditatis desideria, aggregabunt sibi doctores, non ab Episcopis ordinatos et approbatos, sed quos plebs ipsa sibi depoposcerit, perinde ut lapides tumultuarie a multis coacervantur, et in unum acervum et cumulum colliguntur. Unde S. Chrysostomus : « Vox *coacervabunt*, inquit, significat confusam doctorum turbam ac multitudinem. » Pulchre et vere Tertullianus, lib. *De Præscript.*, cap. XLI : « Ordinationes eorum (hæreticorum) temerariæ, leves, inconstantes : nunc enim neophytos collocant, nunc sæculo obstructos, nunc apostatas nostros. » Adde, quod hoc sæculo vidimus et videmus nunc quoque, cerdo-

Quales hæreticorum ministri et magistri?

nes, cauponarios, sartores et pollinctores, et hisce viliores.

Quid sit
pruritus
aurium
in im-
pulis?

Nota secundo, τὸ prurientes auribus non ad magistros, sed ad auditores qui sibi magistros coacervant, referendum esse. Græce enim est, κνηθόμενοι τὴν ἀκοήν, in nominativo. Adde, magistros non auribus, sed lingua, discipulos vero auribus prurire. Sensus ergo est, ii qui pruriunt auribus, coacervant sibi magistros ad suos pruritus et desideria accommodatos, q. d. Hi homines desiderant vanis et carnalibus pleni, eo quod pruriant auribus, id est eo quod ament audire nova, curiosa, mollia, voluptuaria, hinc quaerunt sibi magistros non qui verbo mordeant et abradant vitia, sed qui sibi et vitiis suis abblandiantur, quique aures scalpent, et omni cubito pulvillum assuant, dum mellita et vulgo plausibilia prædicant. Unde S. Cyprianus, lib. III, *Testimon.* 67 ad *Quirinum*, legit, « coacervabant sibi magistros, prurientes in audiendo, scalpentes aures. » Sic pruriebant auribus Judæi, cum eloquentia Prophetarum, quasi cithara delectarentur, sed mandata eorum negligerent, imo riderent; quia, ut ait Dominus ad *Ezech.* xxxiii, 31 : « In canticum oris sui vertunt sermones tuos, et tu es eis quasi carmen musicum, quod suavi dulcique sono canitur : et audiunt verba tua, et non faciunt ea. » Talis erat et prurigo illorum, qui dicebant Prophetis : « Nolite aspicere nobis ea quæ recta sunt, loquimini nobis placencia (hebraice חלקות *chalakot*, id est lenia, mollia, blanda, suavia), videte nobis errores, » *Isaia* cap. xxx, vers. 10.

Voluptuarii
laborant
morbo
pruriginis.

Nota : apposite voluptuarii dicuntur laborare morbo pruriginis, qui brevi voluptate longum dolorem affert. Nam, ut ait Plato in *Philebo* : « Sicut jucundum et volupe est scabiem scabere, at postea tetros ciet odores et dolores : ita vitiorum voluptas gustu grata est, postea vero multum habet fellis et aloes. »

Vers. 5. TU VERO VIGILA, IN OMNIBUS LABORA, OPUS FAC EVANGELISTÆ, MINISTERIUM TUUM IMPLE. SOBRIUS ESTO. — Quia, ut dixit, instant pravi magistri et hæretici, qui a sana fide populum ad fabulas erroneas avertent, hinc Episcopo Timotheo acrem hic contra eos indicit vigilantiam, ut quasi Argus centum oculis eos observet, et quasi lupos a suo grege avertat.

Secundo, pro labora græce est κωπιάσθαι, id est mala sustine, perfer et obdura pro Evangelio.

Opus
Evangelistæ
quod et
quale?

Tertio, « opus evangelistæ » vocat non scriptiorem, sed prædicationem Evangelii : Evangelistæ enim est evangelizare, verbum Dei, tum voce, tum vita sancta, inquit Anselmus.

Quarto, pro ministerium tuum imple græce est τὴν διακονίαν σου πληροφόρῃς, quod Erasmus, Vatablus et alii vertunt, facito plenam fidem tui ministerii, id est, tuæ prædicationis; ut scilicet eam ad plenum probatam reddas. Sed simplicius, ut

dixi *Rom.* xiv, 5, Noster hic et alibi Græcum πληροφόρῃς vertit, imple, id est, plene perfice tuum ministerium, ut scilicet perfecte expleas et perfungaris tuo docendi, prædicandi et regendi officio : hoc enim tibi tanquam Episcopo incumbit. Id fiet si assidue prædices, sique vita doctrinæ respondeat, ut tui videant te non venari tua comoda, sed pro Evangelio dura et dira quæque alacriter pati amore Christi : omnium enim oculi in te sunt confecti. Ita Episcopus, Pastor, doctor et quisque videat ut spartam, quam nactus est, hanc adornet. Sic S. Cyprianus quotidie populum suum docebat et exhortabatur, ut ipse initio lib. de *Disciplina et bono pudicitiae* fatetur, dum ait : « Semper enitor vel maxime quotidianis Evangeliorum tractatibus vobis fidei et scientiæ per Dominum incrementa præstare. Quid enim aliud in Ecclesia Domini utilius geri, quid accommodatius officio Episcopi potest inveniri, quam ut doctrina divinorum per ipsum insinuata collataque verborum, possint credentes ad repositum regnum pervenire cælorum? Hoc certe mei et muneris et operis quotidianum votivum negotium, absens licet obtinere conitor. » Hæc ipse exul per litteras docens populum, quem præsens quotidie per concionem viva voce docebat. Unde de eo Pontius in ejus Vita : « Tanta illi, inquit, fuit sacri cupido sermonis, ut optaret sic sibi passionis vota contingere, ut, dum de Deo loquitur, in ipso opere necaretur. Et hi erant quotidiani actus destinati ad placentem Deo hostiam. »

Officium
Episcopi
evangelizare
opere et
verbo.

S. Cyprianus
exemplum
boni
Episcopi

Quinto, « sobrius esto » νηπιε est in Græco, nec in Syro, nec apud Ambrosium, Primasium, Haymonem et alios veteres. Unde videtur irrepsisse, præsertim cum post illa quæ longe perfectiora sunt, scilicet post « in omnibus labora, opus fac Evangelistæ, ministerium imple, » satis frigide videatur subungi, « Sobrius esto; » suspicio ergo est, ut notat Franciscus Lucas in suis *Notis*, illud hic irrepsisse, ex ambiguae Græcanicæ vocis alia translatione. Græcum enim νηπιε, quod Noster cum Syro vertit, tu vero vigila, verti potest, tu vero sobrius esto : et ita eo loco ubi nos habemus, tu vero vigila, Ambrosius legit, sobrius esto, nec postea agnoscit sive vigila, sive sobrius esto. Idemque Ambrosius τὸ sobrius esto explicat per vigila : Admonet, inquit, et hortatur ut vigilet.

Tò sobrius
esto,
irreptitium est.

6. EGO JAM DELIBOR, ET TEMPUS RESOLUTIONIS MEÆ INSTAT. — Nota : Conjunctio enim dat causam cur tam impense Timotheum hortatus sit ad vigiliam et prædicationem, utque ministerium suum adimpleat, quia scilicet mors illi instabat, q. d. Hæc monita mea acria sunt, quia ultima : viva voce deinceps te non alloquar. Vide ergo, o Timothee, ut ultima hæc monita penitus tibi imprimas, atque in omnem vitam ob oculos ponas, quasi in iis me monentem tanquam præsentem semper intuearis.

Nota : Pro delibor græce est ἀνιδύμαι, id est pro

Libamen
in sacri-
ficiis
quid
fuerit,
ad quod
alludit
Paulus.

libamento offeror et immolor, sanguinem meum quasi libamen Deo profundo, consecro etifico per martirium. Scitum est ex Levitico sacrificia, sive victimas, suum habuisse libamen vini et olei: erant enim sacrificia quasi convivium Dei; in quo quasi cibus Dei erant victimae, potus vero erat libamen. Victimae ergo hic Paulus vocat gentes a se conversas, Christoque oblatas; libamen vero vocat suum sanguinem, quo hanc victimam sanxit Deoque consecravit. Vide dicta Rom. xv, 16, et Philip. ii, 17.

Paulus
praescivit
mortem
suam.

Advertit hic Chrysostomus et Theophylactus, Paulum hic non vocare se victimam, sed libamen. Hoc enim dignius est: nam victima saepe non tota, libamen vero totum semper Deo offerebatur. Adde, potius et clarius sanguinis effusionem et martirium significari per libamen, quam per victimam. Ex Dei ergo revelatione et instinctu praescivit Paulus mortem, adeoque martirium sibi instare. Idem praescivit S. Petrus; ut patet epist. ii, cap. i, 14: « Certus sum, inquit, quia velox est depositio tabernaculi mei (1).

Mors
quomodo
resolutio?

Hinc nota secundo: « Tempus resolutionis » vocat tempus mortis. Mors enim non est interitus, sed resolutio hominis, qua scilicet corpus terrae quasi matri, anima Deo quasi patri redditur, qui in resurrectione illa conjunget, et in aeternum colligabit ac glorificabit. Unde Tertullianus, in *Scorpiaco*, cap. xiii, legit, *tempus diversionis*; id est, reversionis et regressionis meae, ad Deum scilicet, instat; et S. Cyprianus, epist. 9 ad *Martyres*, legit, *tempus assumptionis meae instat*. Sunt haec verba Pauli, inquit Augustinus in *Psal. xxxi*, « exultantis magis ad mortis praesentiam, et ad coronam anhelantis, quam timentis, et seipsum cruciantis. » Ita martyres audito mortis nuntio exultarunt et jubilarunt. Sic S. Cyprianus audita Valeriani Imperatoris contra se sententia, « Thascium Cyprianum gladio animadverti placet, » respondit: « Deo gratias, qui me a vinculis hujus corporis dignatur absolvere. »

Paulus
hanc
epistolam
scripsit
secundis
vinculis.

Nota tertio, verbum *instat*, quod Baronius et alii explicant per *appropinquat*, quia scilicet sub hoc eodem Caesare Nerone post novem annos ego Paulus capite plectar. Putant enim illum haec scripsisse non e secundis, sed e primis vinculis, q. d. Paulus: Mea senectus, mei labores, mea praedicatio, aeternae, persecutiones mihi praesagiunt, imo certo praenuntiant, me non diu victurum, sed brevi moriturum, puta post paucos annos, scilicet octo. Huic sententiae primo favet, quod ait vers. 17: « Ut per me praedicatio impleatur: » quo significat sibi adhuc aliquandiu esse praedicandum. Secundo, id quod ait vers. 11: « Adduc Marcum: est enim mihi utilis in ministerium, » scilicet meae praedicationis. Tertio,

quod vers. 8 ex Graecia evocat ad se Timotheum; nam hic evocatus ab eo primo anno primorum vinculorum venit ad eum anno secundo eorumdem, ut patet *Philip. i*, 1, ubi Paulus e vinculis cum Timotheo salutatur Philippenses. Quarto, quod ait vers. 11: « Lucas est mecum solus; » nam post prima vincula Lucas Paulum reliquit, praedicavitque in Africa et Aegypto: nisi dicas eum inde sub mortem Pauli ad illum rediisse, ut martirio ejus interesset, uti re ipsa interfuisse testantur acta Lini, quae extant apud Mombritium in martirio S. Pauli, sed dubiae fidei. Idem dici posset de Timotheo et Marco. Hisce et aliis pluribus conjecturis Baronius, et ex eo moderni nonnulli viri eruditi valde probabiliter censent hanc epistolam scriptam esse e primis vinculis. Verum auctoritas veterum in contrarium trahit. Nam e secundis vinculis scriptam esse, censent Eusebius lib. ii *Hist.*, cap. xxii; Hieronymus, lib. de *Script. Eccles.*, in *Paulo*, S. Chrysostomus, Theodoretus, Theophylactus, Anselmus et alii hic, ac Syrus, qui in fine epistolae ait: « Scripta est a Roma, cum iterum Paulus sisteretur Neroni. » Favet, quod Demas in primis vinculis Paulo adhæserit, ut ait Paulus ad *Philem.*, vers. 24, hic autem vers. 9 ait quod Demas se reliquerit, scilicet in secundis vinculis, ut videtur. Rursum favet id quod dicam de Trophimo, vers. 20. Denique urget *et ego enim jam delibor*; q. d. Ego jam immolor, instat mihi mors: et ita veteres omnes jam citati intellexerunt. Hoc enim plane significant haec verba: « Tempus resolutionis meae instat, » et: « Cursum consummavi. »

Idem Christianis faciendum est, cum et Gentiles idem fecerint. Socrates enim, inquit Nazianzenus ad *Philagrium*, « ab Atheniensibus ad mortem damnatus, atque in carcere agens, de corpore quasi de alio ergastulo cum discipulis discesserat; cumque fugere posset, recusavit; postquam autem cicuta ei oblata est, perlibenter accepit, perinde ac si non lethale poculum acciperet, sed propinando amicos ad potandum invitaret. » Unde et Cicero, lib. i *De Orat.*, ait; viros bonos et sapientes, qualis erat Socrates, quasi cynos cum laude et voluptate mori, quia scilicet praevident et quodammodo divinant, quid in morte boni sit; atque ut ex Platone et Seneca ad *Marciam*, cap. xxiii: « Sapientis animus totus in mortem prominet, hoc vult, hoc meditat, hac semper cupidine fertur in exteriora tendens. »

7. BONUM CERTAMEN CERTAVI. — Graece, τὸν ἀγῶνα. Vers. 7. τὸν καλὸν ἀγῶνα, id est agonizavi agonem illum pulchrum, scilicet strenuum et egregium, ideoque decorum et gloriosum, quo pro fide Christi divulganda plurimos labores, aeternas, persecutiones et afflictiones generose superavi; ac instans martirium facile me cum Dei gratia superaturum certissima spe confido, ut scilicet martirium quasi coronidem agoni meo imponam. Ita ex Augustino Beda. Alludit Paulus hic, uti alias saepe, ad Olym-

Probis
non est
timenda
mors.

Vita
Apostoli

(1) *T* delibor a ritu vini infusi victimis jam mactandis desumptum est; sensus est: morti sum proximus, ut victima cui jam vinum infunditur.

et nostra
stadium:
quid Inc-
ta? quid
corona?

picos agones, in quibus luctando pugnandoque; et ad stadium, in quo currendo certabant: ubi victor bravio et corona donabatur a brabeuta, id est a præside certaminis, cuius erat bravium dare illi, qui alios in agone aut cursu superaverat. Sic hic tam agon quam stadium Pauli est vita, status et munus evangelizandi; lucta et cursus sunt labores et passionēs; victoria agonis est ea, qua certans contra carnem, dæmonem, mundum, hæreticos, Ethnicos, Gentesque quaslibet, omnes devicit et Christo subiecit; victoria stadii ejus est tum illa jam dicta, tum hæc, quod scilicet in propagatione Evangelii viros sanctos aliosque Apostolos prævertit et superavit; corona est ingens gradus et cumulus gloriæ cœlestis, quem mox illi daturus erat brabeuta Deus.

Ad instar S. Pauli B. Agatha fortiter decurso agone suo, jam moriens: « Vidisti, inquit, Domine, et spectasti agonem meum, quomodo pugnavi in stadio; sed quia nolui obedire mandatis principum, jussa sum in mamilla torqueri. Domine, qui me custodisti ab infantia, qui abstulisti a me amorem sæculi, qui me carnificum tormentis superiorem fecisti, accipe animam meam. »

CURSUM CONSUMMAVI. — Putant aliqui cursum idem esse cum certamine et agone, qui præcessit; quasi Paulus quod generatim dixerat: « Bonum certamen certavi, » hic particulatim explicet dicens: « Cursum consummavi, » *q. d.* Certando cursu vici, et victor metam attingi. Verum melius alii agonem a cursu distinguunt: agon enim erat pugilum et athletarum luctantium, certantium et pugnantium; cursus vero erat currentium et stadiodromorum. Unde hæc distinguit Apostolus I Cor. cap. ix, vers. 26: « Ego, inquit, sic curro, non quasi incertum; sic pugno, non quasi aërem verberans. » Hinc et Theodoretus explicans illud: « Bonum certamen certavi, » id est, inquit, adversus universam diaboli catervam dimicans, fuis ac profligatis hostibus trophæum erexi. Suos ergo labores et certamina ad propagationem Evangelii comparat Paulus partim agoni, partim cursui, quia hic cursus ejus erat agon. In hoc enim Evangelii cursu et stadio certandum illi erat contra dæmones, Judæos, magistratus aliosque Ethnicos et impios, qui in hoc cursu Paulum impedire, eumque sistere et Evangelii propagationem inhibere conabantur. Sunt hæc Pauli verba, non se jactantis, sed consolantis et exhortantis Timotheum, ad se in hoc cursu sequendum, *q. d.* Ego a carceribus ad metam decucurri, victor ex stadio abeo ad coronam, lætare ergo et me præeuntem assectare, o Timothee, tibi lampada trado. Sic Chrysostomus qui ait: « Ita cucurrit Paulus quasi volueris, imo volueri omni perniciis, quasi igneas alas haberet, quibus mundum, mortes, insidias, ærumnas, delicias, illecebras et omnia Evangelii impedimenta pervolaret. » Cursus ergo hic Pauli progressum ejusdem, tum in virtutibus, tum potius in laboribus et prædicatione Evangelii, tum

denique cursum et peregrinationes Pauli per terras et maria ad Evangelium toto orbe propagandum, significat.

Ubi nota: Hic fuit ordo et cursus peregrinationis S. Pauli. *Primo*, Damasco in Arabiam profectus est, *ad Galat. i, 17*; ex Arabia post triennium Damascum reversus est, inde abiit Hierosolymam ut videret Petrum, *ad Galat. i, 18*; Hierosolymis, per Cæsaream, venit Tarsum; inde cum Barnaba Antiochiam, unde ab Ecclesia Hierosolymam missus est, ut pauperibus Hierosolymitanis eleemosynam perferret; inde Antiochiam rediens missu Spiritus Sancti abiit Seleuciam, mox in Cyprum. Ab hac per Pamphyliam, Pisidiam, Lycaoniam, Hierosolymam rursum pervenit, interfuitque primo Concilio Hierosolymitano, *Act. xv*; unde rursum ab Apostolis missus cum Sila et Barnaba peragravit Syriam et Ciliciam; deinde Phrygiam, Galatiam et Mysiam. Inde venit Troadem, ubi per visionem vocatus in Macedoniam, Europam ingressus pertransiit Bœotiam, Achaïam, Epirum. Sicque ab Hierosolymis usque ad Illyricum omnes in circuitu regiones Evangelii predicatione replevit, *Rom. xv, 19*. Ac tandem rediens Hierosolymam, inde Romam victus missus est; sed liber dimissus, Italiam, Hispaniam, aliaque loca peragravit; donec secundo Romam veniens, cum Petro, Simonem Magum superavit ac dejecit, tandemque jussu Neronis capite plexus martyrii lauream obtinuit. Quare merito Chrysostomus, *hom. 73 ad Pop., tom. V*: « Quantum, inquit, sol terræ percurrit proprios emittens radios, tantum et hic beatus (Paulus) sollicitudinem et curam habuit Ecclesiarum omnium, quæ erant (aut potius quæ per ipsum futuræ et erigendæ erant) per totum orbem terrarum. Vidisti latitudinem animæ, vidisti mentis magnitudinem. » Vespasianus Imperator, teste Xiphilino, lethali morbo laborans, cum nihilominus æque ac valens rei publicæ negotia tractaret, monitus a medicis, ut iis sepositis requiesceret, respondit: « Imperatorem decet stantem mori. » At Paulus non tantum stans, sed et currens occubuit: non enim currere destitit in hoc suo agone, donec eum vita deseruit, itaque cursum suum in morte consummavit.

FIDEM SERVAVI. — « Fidem, » scilicet Christianam, vel potius fidem, id est fidelitatem: hæc enim requiritur in pugile et stadiodromo. Nemo enim coronabitur in agone et stadio, nisi qui fideliter et legitime in finem usque certarit. Unde Primasius per *fidem* intelligit perseverantiam, *q. d.* Fidelis fui athleta, perseveravi alacris in contenta hac pugna et cursu ad finem usque vitæ. Nemo mihi constantiā, nemo animos, nemo fidelitatem infregit aut imminuit, non Judæi, non Gentiles, non reges, non Philosophi, non demones, non vincula, non plagæ, non deliciæ, non tentationes, non terrores: quin potius hæc omnia certanti et currenti vires animosque addiderunt.

Ordo et
cursus
peregrina-
tionis
Evangelice
D. Pauli.

Agon et
cursus
quomodo
disting-
uantur?

Corona
Pauli
qualis et
quantus?

O quam suave et jucundum erit morituro, si cum Paulo in hora mortis, teste conscientia, possit sibi dicere : « Bonum certamen certavi, cursum consummavi, fidem servavi ! » Certemus ergo genere, curramus strenue, dum vivimus et vigemus; ut in illo ultimo vitæ articulo et puncto, in horizonte, inquam, æternitatis, qui separabit et determinabit nos in perpetuum a vita hac temporanea, et in alteram, quæ totius est æternitatis, transcribet, de vita transacta gaudere, de futura quam optime sperare possimus, ac dicere : « Cursum consummavi, fidem servavi. »

Constantia et perseverantia quam suavis Paulo et cuilibet morituro.

Vers. 8. 8. IN RELIQUO REPOSITA EST MIHI CORONA JUSTITIÆ, QUAM REDDET MIHI DOMINUS IN ILLA DIE JUSTUS JUDEX.— Pro *in reliquo* græce est λοιπόν, id est quod *superest*, ut vertit Ambrosius, quod vulgo dicimus, *de cætero*.

Secundo, ex eo quod Paulus constanter asserat, hanc coronam in cælis sibi repositam esse, putat Anselmus Paulum accepisse revelationem suæ prædestinationis et electionis ad gloriam. Sed hoc non evincit nec exigit hic locus. Tantum enim Paulus id asserit ex fiducia bonæ suæ conscientie, sicuti ex eadem non autem ex revelatione divina dixit : « Bonum certamen certavi, cursum consummavi, fidem servavi. » Conscientia enim sibi bene conscia, uti dicere potest : « Bonum certamen certavi, » etc., non quod habeat hujusce rei certitudinem fidei, aut revelationis divinæ, sed tantum moralem quamdam securitatem, certamque opinionem et confidentiam ex memoria vitæ præteritæ bene actæ, et ex testimonio suæ conscientie manantem : ita consequenter pari confidentia dicere potest : « Reposita est mihi corona justitiæ. » Simili spe et constantia tum alii, tum S. Ambrosius moriens dixit : « Nec mori timeo, nec vivere recuso; bonum enim habemus Dominum. » Addit S. Augustinus, lib. II *De Peccatorum meritis*, cap. XVI : « Ideo, inquit, talibus verbis certus securusque gaudebat Paulus, quia de victoria (mortis et martyrii) certum eum securumque jam fecerat, qui eandem passionem jam illi revelaverat, non re plenissima, sed spe firmissima. » Nam non omnino certum fuisse Paulum, sed dubitasse de sua gloria et salute, patet I *Cor.* cap. IX, vers. 27 : « Castigo, inquit, corpus meum, et in servitutem redigo, ne forte, cum aliis prædicaverim, ipse reprobos efficiar. »

Confidentia et æternitatis bonæ conscientie in morte.

Nota *tertio*, « coronam justitiæ » vocari eam quæ justitiæ, id est cuius virtuti, debita est. Ita Chrysostomus cum suis.

Secundo, ut Anselmus, « corona justitiæ, » id est justa, quam juste merui, quæque justa iudicis sententia mihi adjudicabitur.

Hinc patet nos bonis operibus mereri beatitudinem et gloriam æternam ex condigno. Hoc enim significat corona justitiæ, quam non dat, sed reddit pro merito, non donator, sed justus iudex Christus. Sua ergo cuique virtuti erit corona, eaque pro meritis varia. Nam, ut ait S. Au-

Beatitudinem bonis operibus meremur ex condigno.

gustinus, serm. 37 *De Sanctis* : « Floribus ejus (Ecclesiæ cælestis) nec rosæ, nec lilia desunt. Certent nunc, charissimi, singuli ad utrosque honores, amplissimas accipere dignitatum coronas, vel de virginitate candidas, vel de passione purpureas, vel de doctrina laureas; » illudque *Dan.* cap. XII, vers. 13, spectent et expectent : « Qui docti fuerint, fulgebunt quasi splendor firmamenti; et qui ad justitiam erudiunt multos, quasi stellæ in perpetuas æternitates. » Idem S. Augustinus, lib. II *Quæst. Evangel.*, Quæst. XXXIX : « Omnia, inquit, dici possunt de illa ineffabili fruitione veritatis, et tanto magis omnia dici possunt, quanto minus aliquid digne dici potest; nam et lux est illuminatorum, requies exercitatorum, et patria redeuntium, et esca indigentium, et corona vincentium; et quæcumque bona temporalia transeuntia per creaturarum partes error appetit infidelium, veriora et in æternum manentia in creatore omnium simul inventura est pietas filiorum. »

Varia in cælo pro merito varietate coronæ.

Adverte, hanc coronam dandam esse in « illa die, » scilicet celebri et publica, puta in die iudicii generalis; non quod ante non detur, scilicet statim a morte in iudicio particulari, uti censuerunt Græci et Armeni, quos damnat Concilium Florentinum, sed quod in iudicio universali plena et consummata, scilicet corporis et animæ, et publica coram toto mundo dabitur corona.

Error Græcorum et Armenorum, non dari coronam justitiæ ante ultimum iudicii diem.

Quæritur hic, an Deus hanc coronam justis ex justitia debeat, ita ut debito justitiæ obligetur eis ad dandam hanc coronam; adeoque quæ et qualis justitia sit in Deo? Videtur enim indignum in Deo ponere aliquod debitum, Deumque debitorem facere homini. Ex altera tamen parte Scriptura hic dicit, Deum hanc coronam redditurum Sanctis, tanquam coronam justitiæ, id est ex justitia eis debitam. Sic et *Matth.* XX, jubet operariis dari stipendium, quod diurno eorum labori promisit et pepigit. Rursum Scriptura sæpe dicit Deum redditurum cuique secundum opera, id est pro meritis operum, sive pœnam, sive præmium, prout commereuit; quodque impios juste vindicabit et puniet igne inferni. Ergo in Deo est justitia tam vindicativa, quam distributiva et commutativa, qua idipsum facit. Clarius vero idem significat Paulus *ad Hebræos*, VI, 10 : « Non enim injustus, inquit, est Deus, ut obliviscatur operis vestri et dilectionis, » q. d. Ne injustus videatur esse Deus, ipse omnino non obliviscetur vestri laboris, sed illi debitam mercedem rependet. Unde sequitur quod Deus mercedem hanc labori eorum debebat ex justitia. Ut hæc et plures aliæ similes S. Pauli, et sacræ Scripturæ sententiæ intelligantur,

An in Deo sit justitia commutativa, distributiva, vindicativa?

Dico *primo*, in Deo est justitia vindicativa, seu punitiva. Patet, quia hæc Deus punit damnatos et peccatores. Est etiam in Deo justitia distributiva et commutativa. Patet id ex hoc loco in corona et mercede quam Beatis Deus distribuit, pro cuiusque meritis, eamque cum eis quasi pretium pro re vel opere præstito commutat.

In Deo justitia est vindicativa, commutativa et distributiva.

In Deo
nullum
est justitiae
absolutum
debitum.

Fuse ostenditur
in Deo
nullum
posse esse
verum
debitum
respectu
creaturarum.

Dico *secundo*, in Deo nullum est debitum justitiae vindicativae, quo scilicet teneatur Deus punire peccatores, nec etiam in Deo est debitum justitiae distributivae, et multo minus commutativae. Intelligo debitum formale, perfectum et absolutum, quale est inter homines et aequales: quo scilicet astringatur absolute ex justitia Deus ad dandam justis mercedem, sicut homo astringitur dare operario; quem conduxit, pretium, quod stipulatus est. Patet id *primo*, quia, ut passim docet Scriptura, Deus absolutissimum omnium rerum et creaturarum suarum habet dominium, quod a se abalienare, et ligare atque astringere non potest maxime tali vinculo, scilicet debito justitiae tam arcto et rigido.

Secundo, quia creatura omnis est sub potestate Dei, quasi serva sub domino, idque plenissima servitutis jure, quoad omnia et singula quae possidet. Sicut ergo dominus potest servo rem, puta vestem promissam negare, imo donatam auferre, et promissionem rescindere atque irritare sine injustitia, quia quidquid servus possidet ut servus, id totum domini sui est: ita multo magis potest idipsum cum hominibus et angelis suis Deus. Unde si herus servo, et per impossibile Deus justis negaret praeium quod promisit, esset quidem mutabilis et infidelis, non tamen esset proprie injustus.

Tertio, quia opera nostra non tantum sunt praecpta et debita Deo, sed et ipsa tota sunt Dei, et omne eorum meritum, omneque jus ad mercedem, in solidum est Dei, totumque a Deo pendet in esse et conservari, perinde ut reliquae res et creaturae omnes; imo a Dei gratia opus meritum omnem suum valorem et meritum accipit, ac proinde haec omnia intime pendent a libera voluntate Dei, in cujus manu est absolute ut sint vel non sint in rerum natura: nullo ergo modo iis astringi aut obligari potest Deus, cum quolibet momento ea possit abrogare, imo annihilare. Adde, quod voluntas divina a nullo extrinseco ligari vel determinari potest, sed tantum a seipsa.

Quarto, quia obligatio et debitum sonant imperfectionem, scilicet exigentiam et reale debitum, adeoque significant jus, eminentiam et imperium creditoris in debitorem, quodque jure eum cogere possit ad solvendum. Quod Deo competere nequit: Deus enim, ut ait S. Augustinus, lib. II *Confess.*, cap. IV, «reddit debita nulli debens.» Ita Anselmus, in *Proslog.*, cap. X et XI; D. Thomas, Ludovicus Molina et Gabriel Vasquez, I *part.*, *Quaest.* XXI, art. 1.

Deus
reddit debita
nulli debens.

Cur merces bonorum operum vocetur corona justitiae?

Dico *tertio*, dicitur tamen hoc bonorum operum meritum esse debitum, eorumque merces vocatur corona justitiae: *Primo*, quia opus ipsum, et actus ipse bonus, ex se tali praemio, scilicet vita aeterna, dignus est, illique proportionatus: tum quia gratia, et actus ex gratia procedens est semen gloriae; tum quia hanc merendi facultatem nobis meruit Christus, maxime accedente Dei pro-

missione, qua tam Christo, quam nobis, promisit se bonis operibus nostris mercedem daturum. Intercedit ergo hic justitia si non ex parte Dei, certe ex parte rei.

Secundo, etiam Deus justis est debitor ex fidelitate, seu veracitate, quae pars est praestativa justitiae. Fidelis enim est Deus, et fidem suam liberat, cum justis praemium quod promisit, dat et praestat.

Tertio, insuper debitor hic est Deus ex justitia quadam commutativa, supposita tamen et manente promissione sua, qua tali operi mercedem promisit. Ex justitia, inquam, non regida, sed tali, qualis inter patrem et filium, servum et herum, creaturam et creatorem esse potest: quia Deus mera liberalitate sua promisit bonis operibus hanc mercedem, ac consequenter, ait S. Augustinus, serm. 16 *De Verbis Apostoli*: «Debitorem se fecit non tantum sibi, sed et Christo et nobis, ut illi dicere possimus: Redde quod promisti, quia fecimus quod jussisti.» Sic et Chrysostomus, hom. 3 in *Matth.*; Cyprianus, tract. *De Orat. et Eleemosyna*; Fulgentius, praef. ad *Monimum*, dicunt Deum debitorem nobis fieri dum bona operamur. Sicut ergo, licet filius sit aliquid patris, et ex pietate teneatur patri obedire, tamen est jus et justum quoddam paternum, quo pater tenetur ex justitia quadam filiis morigeris, laborantibus, certantibus, vincentibus dare praemium, quod promisit: ita et Deus nobis licet filiis et servis suis, laborantibus tamen et certantibus, tenetur ex simili quadam justitia dare mercedem quam promisit. Et ratio est, quia Deus praemium hoc promisit non gratis, sed sub conditione operum, tanquam mercedem pro eorum merito. Ergo praestito a nobis opere, eoque impleto, hanc mercedem debet nobis Deus tanquam mercedem: ergo ex justitia. Qui enim promisit mercedem pro opere praestito, tenetur solvere eam ex justitia, non autem ex fidelitate tantum. Ex fidelitate enim quis debet solvere quod promisit, etiam sine ulla conditione aut merito operum, ut sit fidelis et verax. Et hoc significat hic corona justitiae, quam Deus bonis reddit quasi justus iudex, ex eaque, *Matth. XX*, Deus solvit operariis denarium promissum, quasi pretium diurni laboris: unde patet consequenter operarios habere jus justitiae ad hunc denarium. Idipsum significat Paulus, cum ait *Hebr. VI*, 10: «Non enim injustus est Deus,» etc.; *q. d.* Injustus esset Deus, si oblivisceretur vestri operis et laboris.

Dices, quomodo ergo Deus retinet altum suum et absolutum jus et dominium omnium, si omnino ex justitia obligatur nobis dare praemium?

Respondeo: Jus hoc altum et transcendens semper retinet Deus, quia citra injuriam posset et potest promissionem hanc suam vel obligationem rescindere et irritare. Si tamen velit eam manere ratam, uti vult, quia est immutabilis et fidelis in promissis, tunc consequenter vult ut

Debitum in Deo oritur ex veracitate.

Possunt boni dicere Deo: Redde quod promisti, quia fecimus quod jussisti. Similia.

Promissio Dei nobis onerosa, non gratuita, ac proinde in Deo est debitum justitiae.

Quomodo supremum dominium et jus in Deo sit cum debito?

maneant hæc obligatio et debitum justitiæ, quo sponte Deus ex infinita sua benignitate se nobis obligare dignatus est, vultque manere obligatus.

Dices secundo : Omnia opera nostra sunt Dei, ergo nihil possumus dare Deo, quod Deus recompenset.

Opera nostra quomodo sunt Dei, et nostra : et quomodo inducant debitum justitiæ commutativæ ? Respondeo : Licet sint Dei, sunt tamen etiam nostra, quia libere ea facimus, et Deus nos eorum dominos fecit. Si ergo ad Dei gloriam et cultum ea facimus et referimus, quoddam bonum, scilicet cultum, Deo damus, quem ipse acceptat. Pro quo ipse vicissim nobis mercedem promittit et solvit. Est ergo inter nos et Deum commutatio quædam et pactum, ac consequenter debitum quoddam justitiæ commutativæ, licet non tantum, nec tam rigidum quam inter homines.

Quomodo non sit indignum Dico esse debitum hominis ? Dices tertio : Indignum est Deo, quod debitor sit homini.

Respondeo : Indignum esset si ex necessitate aut utilitate sua esset debitor ; non autem indignum est hoc rerum statu, quo hoc debitum oritur ex infinita Dei benignitate, quæ tam familiariter agit cum sua creatura, quasi ipsa non esset naturaliter serva, sed libera, et cum illa velut cum pari init fœdus, seque illi obligat per suam justitiam. Unde S. Augustinus, serm. 3 *De Verbis Domini* : « O magna, ait, bonitas Dei ! cui cum pro conditione reddere debeamus obsequia, utpote servi Domino, mancipia Redemptori, amicitiarum nobis præmia repromittit, ut a nobis obsequia debitæ servitutis obtineat. » Hac de re qui plura volet, legat Franciscum Suarez in opusculis, relectione II *De Libertate divina*, et relectione *De Justitia*.

Quinam diligant adventum judicis ? NON SOLUM AUTEM MIHI, SED ET HIS QUI DILIGUNT ADVENTUM EJUS. — Græce τοῖς ὑπακούουσιν, id est, qui dilexerunt a adventum, » græce ἀπαγγέλλουσιν, id est apparitionem et illustrationem ejus, cum scilicet illustris apparebit veniens ad judicium, q. d. Christus iudex dabit coronam justitiæ iis, qui sibi bene consilii desiderant, et in vita sæpe desiderarunt ejus adventum, ad eamque bene vivendo se compararunt et indies comparant, uti tu facis, o Timothee, utque ardentius facias, tacite hic te adhortor. « Adventum enim judicis, inquit Anselmus, non diligunt, nisi qui in causa sua habere se justitiæ meritum sciunt ; » et, ut ait S. Gregorius, « nisi qui se habere causam in judicio bonam norunt ; » « quique, ut ait S. Augustinus, epistola 80, eundem sinceritate fidei, firmitate spei et ardore charitatis expectant. » Rursum Theodoretus : « Amat, inquit, Domini adventum, qui illius leges sequitur ; et ex illis vitam instituit. » Pulcherrime vero hic Chrysostomus in morali hom. 9, querit quomodo diligere possimus secundum adventum Christi, ad eumque nos comparare ; ac respondet, id nos assecuturos, si primum Christi adventum diligamus, eumque nobis procuremus, faciendo id quod ipse ait Joan. cap. IV, 23 : « Si quis diligit me, sermonem

meum servabit, et ad eum veniemus ; et mansionem apud eum faciemus ; » ac consequenter, si omnia terrena æstimemus esse cœnum ac lutum ; si cum Christo injurias et adversa quæque patienter et fortiter perferamus ; si in omni tentatione constanter Deo adhæreamus, in eumque omnem spem et amorem defigamus ; si denique hanc coronam justitiæ nobis semper ob oculos ponamus.

Narrat S. Basiliius ; hom. 20 *De xl Martyribus*, cum illi in stagnum gelidum injecti essent, cœlitus luce circumfusus fuisse, angelosque cœlestes coronas 39 singulis suam adornasse et ostentasse : quas videns custos eorum ita accensus fuit, ut ad Christum conversus, detractis vestibus, alacer in gelidum hoc stagnum insilierit, aliisque triginta novem se adjunxerit, ut quadragesimi, qui deficiens ex stagno exilierat, palmam et coronam obtineret.

FESTINA AD ME VENIRE CITO, — ut in vinculis ab omnibus pene desertus et jam moriturus tibi uni publica Ecclesiarum negotia commendem, aliaque quæ scriptis mandare nec possum, nec audeo : utque fideles Romani nullam in morte mea turbationem patiantur, sed a te consolationem, robor animosque accipiant. Ita Chrysostomus.

9. DEMAS ENIM ME RELIQUIT, DILIGENS HOC SÆCULUM, Vers. 9. — id est, malens otiosi, molliter quiescere et delicias in sæculo, quam cum Paulo periclitari pro Christo. Ita Chrysostomus cum suis, et Primasius : « Necesse, inquit, erat ut diligens sæculi voluptates dereliqueret eum (Paulum) qui eas non amabat. » Putant aliqui Demam pœnitentem postea ad Paulum rediisse. Nam ejus quasi adjutoris sui meminit in epistola ad Philemonem, vers. 24. Sed hoc incertum est, cum incertum sit, an epistola ad Philemonem post hanc sit scripta : multi enim hanc omnium ultimam esse volunt. Si Dorotheo in *Synopsi* credimus, Demas desciscens a Paulo factus est idolorum sacerdos. Vide quoruant apostatæ.

Demas qualis, et an postea pœnituerit ?

10. CRESCENS IN GALATIAM, — supple, abiit missus a me, ad prædicandum ibi Evangelium. Per Galatiam Theodoretus et alii accipiunt Galliam : hanc enim Galatiam esse dictam, æque ut Gallos a Græcis vocatos esse Galatas, docet Ammianus Marcellinus, lib. XV. Certe Crescentem hunc in Galliam amandatum, Viennensem rexisse Ecclesiam, constat tum ex Eusebio, lib. III *Hist.*, cap. IV ; tum ex Romano *Martyrologio*, 27 junii ; nisi dicas ex Galatia illum in Galliam abiisse (1).

Vers. 10. Galatia an Galia ?

11. LUCAS EST MECUM SOLUS. — Tradunt Romani, teste Baronio, anno Christi 69, Petrum cum Paulo Romæ per novem menses in eodem carcere Mamertino conclusos fuisse, indeque eductos ad martyrium. Quod ergo dicit eecum solum esse

Vers. 11. Petrus cum Paulo fuit in eodem carcere.

(1) Fuit hic Crescens unus ex Cæsaris domo, *Phil.* IV, 22 ; forte et is ipse Neronis libertus, cujus meminit Tacitus, lib. I *Historiarum*.

Lucam, intelligit solum, scilicet, qui liber sit, qui libere se adjuvare, suaque negotia paragere possit. Adde, Petrum in eodem quidem carcere, sed in alia carceris parte fuisse.

MARCUM ASSUME, ET ADDUC TECUM : EST ENIM MIHI UTILIS IN MINISTERIUM, — Evangelium scilicet, ut hic alibive prædicet. Marcus hic, non est idem cum Marco Evangelista, sed proprio nomine dictus est Joannes, cognomento Marcus, consobrinus Barnabæ, ut patet *Coloss. iv, 10*. Hic Marcus timore periculorum et laborum deseruerat Paulum peregrinantem; unde a Paulo rejectus fuit, ut patet *Act. xv, 37*; postea vero pœnitentem eum et strenue laborantem in gratiam et contubernium recepit Paulus: unde et studiose eundem Colossensibus commendat.

Vers. 12. 11. TYCHICUM AUTEM NISI EPHESUM, — ut scilicet vices Timothei Ephesini Episcopi, Romam a me evocati, Ephesi suppleat.

Sollicitudo Ecclesiæ in Paulo. Nota Pauli in vinculis sollicitudinem Ecclesiæ, satagentem ut quas per se non poterat, per discipulos instrueret et confirmaret. Hinc Crescentem in Galatiam, Titum in Dalmatiam, Tychicum Ephesum, Marcum et alios alio amandavit.

Vers. 13. 13. PENULAM QUAM RELIQUI TROADE APUD CARPUM, VENIENS APPER TECUM, ET LIBROS, MAXIME AUTEM MEMBRANAS. — Per penulam Ambrosius, Haymo et Anselmus intelligunt vestem senatoriam Paulo a patre relictam, qua cives Romani et externi civitate donati, cum Romam veniebant, utebantur. Senatores enim penulati incedebant, et Romani penulati curiam intrabant. Paulus autem, utpote Tarsensis, civis erat Romanus, et quia nobilis, erat senatorii ordinis. Sed quid captivo et jamjam morituro veste senatoria erat opus?

Secundo, Syrus vertit כַּתָּבִי בֵּיתִי ketabe, id est thecam librorum. Unde et Baronius putat fuisse volumen legis. Sed hoc videtur intelligere non per penulam, sed per libros quos subjungit Apostolus.

Tertio, alii, quibus favet Tertullianus, lib. De Orat., cap. xii, putant « penulam » esse vestem sacram quam nos Casulam vel Planetam vocamus, quæ dicta sit penula, ἀπὸ τοῦ φαίνεσθαι εἶναι, quia scilicet tota videtur, et totum corpus oberat. Unde et Planeta dicitur ἀπὸ τοῦ πλανᾶν, id est ab oberrando.

Quarto, melius communiter alii, ut Chrysostomus, Theophylactus, Hieronymus, dialog. III Contra Pelagianos, « penulam » capiunt pro pallio aut veste simili extima ad frigus et pluviam arcendam. Sic enim de penula scribit Juvenalis, Satyra 5 :

Et multo stillaret penula nimbo.

Et Lampridius in Severo : « Penula, inquit, intra urbem frigoris causa ut senes uterentur permisit, cum id vestimenti genus semper itinerarium aut pluvie fuisset. » Ita Lazarus Baysius, lib. *De Re vestiaria*, cap. xvi. Hoc ergo pallium petit sibi af-

ferri Paulus, tum quia ei commodius erat, utpote quod illi jam assuevisset; tum ne cui in carcere gravis sit, sed ut ipse se vestiatur, et contra aeris hyemisque injurias corpus suum communiatur. Hyems enim instabat, ut patet vers. 21.

Nota : Carpus cujus hic meminit Paulus, videtur esse is, quem laudat, et cujus visionem miram Christi apparentis dicentisque sibi indignanti, et de infidelibus hostibus suis vindictam expetenti : « Carpe, percutere adversum me, nam paratus sum pro hominibus salvandis iterum pati, » recenset S. Dionysius, epist. 8 ad Demophylum; tantum interest, quod Carpus, de quo Paulus hic, Troade : Carpus vero, de quo Dionysius, Cretæ habitavit; unde Baronius duos putat fuisse Carpos. Alii tamen cum Anselmo, unum eundemque faciunt Carpum, qui prius Laodicæ, quæ est juxta Troadem, deinde Cretæ fuerit Episcopus.

Nota secundo : Petit Apostolus in carcere et morti vicinus afferri sibi libros et membranas, in quibus scilicet scripta erat sacra Scriptura, sive libri veteris Testamenti. « Libros » vocat vetustiores, ab aliis scriptos; « membranas » vero recentiores a se conscriptos. Ubi adverte quam otium fugerit Paulus, quamque studio sacræ Scripturæ fuerit deditus, ut illi immori vellet : nimirum « tamdiu discendum nobis est, quamdiu vivitur » inquit ab Solon. Vide dicta epist. I, cap. iv, 13.

14. ALEXANDER ÆRARIUS MULTA MALA MIHI OSTENDIT : REDDET ILLI DOMINUS SECUNDUM OPERA EJUS :

15. QUEM ET TU DEVITA ; VALDE ENIM RESTITIT VERBIS NOSTRIS. — Alexander hic primo credidit Christo, sedavitque tumultum contra Paulum Ephesi excitatum, *Act. xix, 33*. Ex quo loco patet eum Judæum fuisse, sed Ephesi habitasse. Vocatur hic « ærarius, » non quia ærarii fuerit custos aut receptor, ut vult Anselmus, sed quod faber esset æris et vasorum æreorum. Hoc enim significat Græcum χαλκῆς. Hic postea a fide defecit, ut patet epist. I, cap. i, vers. ult., valdeque Paulo et Evangelio restitit, multaque mala ei ostendit, id est exhibuit, fecit, intulit. Hoc enim significat Hebræum אָהַרָה hera, id est ostendit, ut dixi I Cor. iv, 9. Aptè vero dicitur, ostendit, potius quam intulit, quia improbi probos lædunt, non tam re ipsa, quam impia sua voluntate, voto, desiderio : probi enim sui patientia communiter re ipsa nullis malis lædi aut affligi possunt, sed omnia superant, ac mente in cælis positi transcendunt.

Nota : Pro reddet, Noster in græco legit ἀποδώσει, jam legunt ἀποδοῖν, id est reddat, quasi optet Paulus non affectu vindictæ, sed zelo justitiæ impium Alexandrum puniri a Deo.

16. IN PRIMA MEA DEFENSIONE NEMO MIHI AFFUIT, SED OMNES ME DERELIQUERUNT. — Hinc Baronius putat hanc epistolam scriptam esse e primis vinculis, cum jam dimittendus, et pene liber esset Paulus. Nam, ut sequitur, postea statim toto orbe perrexit Paulus evangelizare, q. d. Cum primo

Quis hic Carpus fuerit?

Semper studendum et discendum.

Vers. 14 et 15.

Qualis hic Alexander, et quare vocetur ærarius?

Quomodo improbi lædant probos?

Paulus quando in Hispania prædicationem fecit? causam meam coram Nerone egi, ita eam egi, ut Dei ope ejus animum flexerim, meque censeret dimittendum. Idque factum est Dei consilio, ut per 9 annos adhuc superstes essem, pergeremque per Hispaniam aliasque provincias complere prædicationem meam. Verum verior et communior sententia non minoribus quam prior, imo majoribus conjecturis subnixa est, e secundis vinculis hanc epistolam esse scriptam, uti dixi vers. 6, et iterum dicam vers. 20.

Unde secundo, alii primam defensionem hic intelligunt eam quam primo fecit Paulus, cum secundo carceri inclusus fuit, paulo ante martyrium, q. d. Cum primo in secundis vinculis me stiti Neroni, sociis me derelinentibus, Deus mihi astitit, ut coram eo plene auderem prædicare, omnesque gentes audirent hanc meam liberam coram Nerone prædicationem, itaque in fide confirmarentur; maxime quia tum liberatus sum a morte, quam putabatur Nero statim mihi illaturus; sed Deus eum mitigavit, dum post novem menses rursus Nero sævius et furens in Paulum, eundem occidit. Unde Theophylactus illud quod sequitur: « Ut per me prædicationem impleatur, » id est, inquit, stabiliretur, « et audiant omnes gentes, » scilicet gloriam meæ liberæ confessionis et prædicationis. Rursus, audiant curam quam de me gerit Deus. Verum cum absolute dicat Apostolus hic se liberatum de ore leonis, id est Neronis, ut posset complere prædicationem suam, videtur absolute e vinculis dimissus fuisse, et novem non mensibus, sed annis pluribus supervixisse ad complendam prædicationem suam.

Unde tertio, optime Eusebius, lib. II Hist., cap. XXII, Beda, Anselmus et alii, primam defensionem hic intelligunt eam quam fecit Paulus in primis vinculis, cum scilicet secundo anno Neronis Hierosolymis captus, ad eundem Romam missus est, ibique per biennium mansit. Tunc enim a suis, Neronis fastum et furorem metuentibus, desertus, Deum habuit adiutorem, qui Neronem ei benevolum reddidit, ut e carcere liberatus sit, et per novem annos Hispaniam aliasque provincias evangelizando obiverit, donec secundo captus secundam suam defensionem coram Nerone peregit: sed dispari eventu. Nero enim jam tot crudelibus suis facinoribus efferatus, et in Paulum ac Petrum furens, quod novum Deum Christum inducerent, quodque Simonem Magum, quem in deliciis habebat, volantem precibus suis deiecissent; nominatim vero in Paulum frendens, quod pincernam suam ad Christum convertisset, inquit Chrysostomus, quodque concubinas suas a se ad fidem et castitatem traduxisset, ut ex Ambrosio et Chrysostomo docet Baronius; hisce, inquam, de causis furens Nero Paulum gladio et morti adjudicavit. Scribit ergo hic Paulus e secundis vinculis illud, quod sibi in primis contigerat.

Dices, hoc mirum videri, quod scilicet tanto

tempore, scilicet novem annorum, elapso, hæc demum scribat ad Timotheum, qui jam pridem illa intellexerat. Respondeo: Licet aliunde id intellexerat Timotheus, non tamen ex litteris Pauli, qui in Hispaniam aliasque oras abiens, longissime aberat a Timotheo, nullasque interim ad Timotheum litteras dederat. Rediens ergo Romam ad secunda vincula Paulus, apte refricat ea quæ in primis contigerunt, tum ut Timotheum eorum memoria animet et excitet, tum potius quia futuris sæculis hæc scribere et consignare volebat.

Moraliter, S. Ambrosius per defensionem hic intelligit passionem et persecutionem Pauli: « Nam passio, inquit, Christianis vita est, et persecutio defensio: pressura enim illata pro justitia defendet illos in die iudicii, reos constituens perfidos. »

17. DOMINUS AUTEM MIHI ASTITIT, ET CONFORTAVIT ME. — « Necesse est enim adesse divinum, ubi humanum cessat auxilium, » inquit Philo, lib. II De Vita Mosis. Et, ut ait Origenes, hom. 9 in Num.: « Tum maxime gratia Dei adest, cum hominum sævitia concitatur; » « ibique, teste Ambrosio, lib. De Joseph, plus est auxilii, ubi plus est periculi. »

Expertus idipsum est S. Gregorius Thaumaturgus, qui in persecutione Decii fugiens, et latitans cum diacono suo in colle, cum proditus esset, et persecutores collem undique cinxissent et scrutarentur, « hortatus est conarum suum, ait Nyssenius in ejus Vita, ut firma erga Deum fiducia consisteret, eique salutem committeret, similiter atque ipse faceret, manus ad orationem extendens, ac ne, si prope quidem persecutores accessissent, metu fidem excussam projiceret. Exemplum ejus rei quam præcipiebat diacono, seipsum præbebat, cum et immotis oculis, et passis manibus, et habitu arduo atque erecto cælum intueretur. Ita factum est ut scrutatores præter duas arbores paululum inter se distantes (Gregorius scilicet orans cum socio eis videbantur esse duæ arbores) neminem se vidisse affirmarent: quibus digressis, proditor videns non esse arbores, sed homines, procumbit S. Gregorio ad pedes, creditque sermoni, et qui paulo ante persecutor fuerat, unus ex profugis factus est. » Idem Gregorius cum pro suo populo in eadem persecutione afflicto oraret, « repente angore repletus sonum visus est audire, ad quem aures admovit; mox erectus et immotus permansit, deinde quasi de victoria lætus pronuntiavit illud Psalm. CXXIII: Benedictus Deus qui non dedit nos in prædam dentibus eorum. Rogantibus quid vidisset, dixit magnam se in illa hora vidisse ruinam, diabolo ab adolescente quodam in tormentis et martyrio devicto. Adjecit ejus nomen, Troadium eum nominans. Submissi deinde in urbem, ita revera contigisse renuntiaverunt. » Hæc Nyssenius.

UT PER ME PRÆDICATIO IMPLEATUR, ET AUDIANT OMNES GENTES; ET LIBERATUS SUM DE ORE LEONIS. — Putant aliqui Paulum e primis vinculis familiaritate et opera Senecæ philosophi, qui præceptor

Loens moralis de persecutione.

Vers. 17.

S. Gregorius Thaumaturgus mire a Deo liberatur.

An Paulus opera

Seneca fuerit liberatus e vinculis Neronianis? fuit Neronis, liberatum esse. Unde extant Senecae ad Paulum, et Pauli ad Senecam epistolae, sed dubiae, imo suspectae fidei. Verum Paulus hic contrarium docet, scilicet se ab hominibus desertum, unius Dei ope hoc periculum evasisse.

Paulus servatus e primis vinculis ut prae-dicaret in Hispaniis.

Nota : Causa quae Deum movit, ut Paulum vinculis eriperet, fuit, ut per illum praedicatio Evangelii impleteretur, graece *πληροφρονῆθῃ*, quod Vatablus et alii vertunt, *ad plenum persuaderetur*, vel, ut plena fides fieret Evangelio. Verum Noster simplicius vertit, *impleteretur*, id est, compleretur et absolveretur, ut dixi Rom. xiv, 5, idque hoc loco est aptius; jam enim plenam fidem Evangelio fecerat Paulus, ubicumque praedicaverat : unde ad hoc non erat necesse ei vitam prorogari. Servatus ergo fuit a Deo in vita, ut in Hispaniis et alibi praedicaret, propagaret et compleret Evangelii praedicationem, eamque omnes Gentes audirent.

Notat secundo Chrysostomus modestiam Pauli; non enim dicit: Ut ego implem; sed, «ut per me impleteretur praedicatio,» q. d. Haec praedicatio mihi commissa me a vinculis eripuit et servavit, «perinde ac si quis purpuram et regium insigne ferens per ipsum servetur,» inquit Chrysostomus.

Nota tertio : «Liberatus sum de ore leonis,» id est diaboli, inquit Ambrosius; aut Festi Praesidis Judaeae, inquit Primasius. Verum optime Chrysostomus, Theodoretus, Theophylactus, Oecumenius, S. Thomas et Eusebius, lib. II *Hist.*, cap. xxii, per *leonem* intelligunt Neronem, qui crudelis erat ut leo : de quo verissime dici poterat illud *Prov.* cap. xix, 12 : «Sicut fremitus leonis, ita et regis ira.» Nero ergo fuit leo, quia supra quam dici potest superbus et ferox, aequae ac luxuriosus fuit, opera Simonis Magi familiariter uti solitus : unde primus (nam ante eum Tiberius ex iis quae ferebantur Christum admiratur, periculum etiam comminatus est accusatoribus Christianorum) immanem in Christianos persecutionem movit. Audi Tacitum, lib. XV : «Pereuntibus, ait, addita ludibria, ut ferarum tergis contacti laniatu canum interirent. Multi crucibus suffixi, aut flamma usti; plerique in id reservati, ut, cum defecisset dies, in usum nocturni luminis servarentur. Hortos suos Nero spectaculo huic obtulerat, et Circense ludicrum edebat, habitu aurigae permixtus plebi, vel circulo insistens.» Annon leo, qui principes Apostolorum, Petrum cruce, Paulum gladio tandem peremit? Annon leo, qui matrem et praepotorem suum Senecam e medio sustulit? Annon leo, qui sua saevitia totius populi in se seditionem concitavit? quam dum conatur effugere, tertio ab Urbe lapide propria se manu interemit, dicens : «Dedecore vixi, turpius peream.» Vide Severum Sulpitium, lib. II *Hist.*

Vers 18. 18. LIBERAVIT ME DOMINUS AB OMNI OPERE MALO, ET SALVUM FACIET IN REGNUM SUUM COELESTE. — «Ab omni opere malo,» id est ab omni periculo et in-

curso hostili, qualia sunt quae recenset II *Corinth.* xi, 23.

Secundo et potius, «ab omni opere malo,» id est ab omni peccato, q. d. Non tantum a leone corporali mortem minante, puta a Nerone, liberavit me Dominus, sed etiam a peccato, qui spiritalis et saevior est leo animam occidens, ut scilicet in quavis tentatione, tribulatione et terrore, roboratus a Deo, nec verbo, nec opere, aliove indicio etiam minimo Deum aut fidem negarim; sed potius tam verbo, quam vita nomen et gloriam Dei ubique professus sim et celebrarim.

Nota : Pro *liberavit*, Graeca, Syrus, Chrysostomus, Ambrosius et veteres passim legunt *ῥύσεται*, id est liberabit. Idque aptius respondet tam praecedentibus, quam sequentibus, q. d. Sicut liberavit me Dominus de ore leonis corporalis, scilicet Neronis : ita plane confido quod deinceps liberabit me a leone spiritali, id est ab omni opere malo, puta ab omni peccato, itaque me «salvum faciet,» graece *σώσει*, id est servabit, «in regnum suum coeleste,» ut scilicet servatus a peccato, ab eoque innocens et illaesus, pro hac innocentia tuenda martyrium obeam, itaque merear ingredi regnum coelorum. Praepositio ergo *in*, cum ait, *in regnum*, non locum, ut idem sit, quod *in regno* coelorum; sed causam finalem significat, q. d. Salvabit me hoc fine, ut scilicet regnum coelorum assequar. Ita Theophylactus, Anselmus, Beda et alii.

20. TROPHIMUM AUTEM RELIQUI INFIRMUM MILETI. — Miletus urbs est Asiae, non longe ab Epheso, optima lana et stragulis, quae inde Milesia dicuntur, celebris. Hinc rursum patet hanc epistolam scriptam e secundis vinculis, non autem e primis. Nam in primis vinculis (quae occasione Trophimi Paulo a Judaeis Hierosolymis injecta sunt, eo quod putarent Paulum induxisse Trophimum incircumcisum et Gentilem in templum, *Act.* xxi, 29), cum Hierosolymis vinctus Paulus missus est Romam, Miletum non transiit, ut patet ex *Act.* xxvii. Sed cum e primis vinculis dimissus fuit, uti varia loca peragravit, ita Miletum revisit Paulus, ibique Trophimum aegrum reliquit, ac veniens Romam secundo captus est : nec enim verisimile est duos fuisse Trophimos, aut pro Miletu hic legendum esse *Melitae*; quasi non Miletu, sed Melitae, id est Maltae (quam, cum Hierosolymis Romam primo vinctus mitteretur Paulus, pertransiit, ut patet *Actor.* xxviii, 1), Trophimum aegrum reliquerit, ut vult Baronius; tam enim Graeca, quam Syra et Latina constanter legunt *Mileti*, non *Melitae*.

Ex hoc loco patet, Paulum post prima vincula non tantum Hispanias aliasque provincias novas adiisse; sed et Asiam aliasque veteres provincias et Ecclesias revisisse, ut eas in fide et moribus perficeret, confirmaret, et si quid pravi succrevisset, corrigeret atque succideret. Id ita esse patet ex eo, quod Paulus e vinculis praevidens sui liberationem mox futuram, idipsum Syris et Asia-

Pauli constantia in tentationibus et persecutionibus.

Vers. 20. Miletus urbs Asiae.

Quando Paulus fuerit Mileti?

Paulus post prima vincula visitavit etiam Ecclesias Asiae.

nis scripserit et promiserit non semel, sed secundo et tertio. Nam *ad Hebr.*, ult. cap., in fine: « Cognoscite, inquit, fratrem nostrum Timotheum dimissum; cum quo, si celerius venerit, videbo vos. » Et *ad Philipp.* II, 24: « Confido in Domino, quoniam et ipse veniam ad vos cito. » Et *ad Philem.* vers. 22: « Para mihi hospitium: nam spero per orationes vestras donari me vobis. » Ex quibus locis noster Salmeron, tom. XV, tract. 59, recte colligit, Paulum a vinculis liberum, non tantum invisisse Hispaniam, sed et revisisse Syriam, Asiam, Macedoniam et Græciam.

Vers. 21. 21. SALUTANT TE EUBULUS ET PUDENS ET LINUS.—

Pudens Pudens hic fuit Senator Romanus, vir nobilissimus et clarissimus, pater scilicet Novati et Timothei, S. Praxedis et S. Pudentianæ, sive Potentianæ, in cujus domo fiebant synaxæ, quæ postea conversa in ecclesiam, dicta est titulus, id est ecclesia Pastoris. Hic ergo Pudens, Senator Romanus, fuit hospes SS. Petri et Pauli. Ostensus est mihi locus in ejus olim domo, nunc ecclesia, in quo S. Petrus celebrasse dicitur. In eadem vidi puteum, in quem S. Pudens cum S. Praxede sorore sua, sanguinem quem e vulneribus Martyrum spongia exprimebant, aliasque eorum reliquias recondebant. Sic enim habet inscriptio, la-

pidi uncialibus litteris incisa in ipso ecclesiæ ingressu:

IN HAC SANCTA ANTIQUISSIMA ECCLESIA, TITULO S. PASTORIS A S. PIO PAPA DEDICATA, OLIM DOMO S. PUDENTIS SENATORIS, ET HOSPITIO SANCTORUM APOSTOLORUM: TRIA MILLIA BEATORUM MARTYRUM CORPORA REQUIESCUNT, QUÆ SANCTÆ CHRISTI VIRGINES PUDENTIANA ET PRAXEDIS SUI MANIBUS SEPELIEBANT.

Linus vero hic primo fuit Pauli socius. Unde S. Ignatius, epist. *ad Trallianos*, de eo sic ait: « S. Stephanus B. Jacobo, Timotheus et Linus Paulo, Anacletus et Clemens B. Petro ministrarunt. » Postea tamen Linus adhæsit B. Petro, eoque absente ab Urbe, in ea vices illius obibat. Unde et proxime S. Petro in pontificatu successit. Ita Baronius et alii.

22. GRATIA VOBISCUM, AMEN. — Gratiam Dei intelligit, qua Deo grati sint; grataque illi virtutum opera potenter operentur. Vide Chrysostomum hic in *moralibus homiliis* 10, et Theophylactum, quam et quomodo gratiam non hominum, sed Dei aucupari debeamus.

Libera nos, o Christe, ab omni opere malo, et salvos fac in regnum tuum cœleste: da ut lux perpetua luceat nobis, et ÆTERNITAS temporum. Amen.

COMMENTARIUS

IN EPISTOLAM

AD TITUM.

ARGUMENTUM.

Titus Titus utroque parente Gentilis et Græcus, adeoque, si credimus Chrysostomo hic, *homil. 1*, Corintho oriundus fuit. Unde et identidem Titum nominat Apostolus scribens secundo ad Corinthios; eoque apud eos quasi populares suos administro usus fuit, ad colligendas eleemosynas aliasque res Ecclesiasticas. Hic Titus, a Paulo conversus ad Christum et baptizatus, eidem adhæsit, ac in prædicatione fuit insignis adiutor et interpres. Unde *II Cor. II, 13*, Paulus Titum fratrem suum vocat. Fuit enim Titus insigni morum innocentia ac sanctimonia præditus, adeoque tota vita virginitatem coluit et servavit, ut docet S. Ignatius, *epist. ad Philadelph.* Hinc a Paulo creatus est Archiepiscopus Cretæ, aliarumque vicinarum insularum: quin et in Dalmatiam a Paulo missus, ibidem prædicavit, ut patet *II Tim. IV, 10*; ac tandem multis Ecclesiis erectis et fundatis, in Cretam reversus, sancte mortuus est anno ætatis 94, ibidemque sepultus, ut docet ex S. Hieronymo et aliis Baronius in *Martyrol.* Dies ejus natalis in Ecclesia colitur 4 januarii. Apostolus ergo cum anno præcedente in Creta prædicasset, inde in Græciam discedens, Cretæ reliquit Titum, eumque creavit Archiepiscopum, ut cœptam prædicationem et Ecclesiæ Cretensis foundationem perficeret, ut patet cap. I, vers. 5. Itaque sicut Timotheum duabus Epistolis, ita Titum hac una instruit docetque quæ sint Episcopi et Pastoris munia: hæ enim tres Epistolæ pontificales sunt ejusdem argumenti, sibi que persimiles, adeoque videtur hæc Epistola esse compendium utriusque Epistolæ ad Timotheum. Unde S. Augustinus, lib. IV *De Doctrina Christ.*, cap. XVI, cum meminisset Epistolæ ad Titum, et utriusque ad Timotheum, ait: « Quas tres Epistolas ante oculos habere debet, cui est in Ecclesia doctoris persona imposita. »

Trium *Primo* ergo, cap. I, commendata Christi gratia

et Evangelio monet Titum, ut presbyteros, id est Episcopos et Pastores, per civitates constituat et ordinet; docetque quales et quanti illi esse debeant, utpote qui hæreticis et Judaizantibus obistere, et sanam fidem tueri ac propagare teneantur.

Secundo, cap. II, docet quæ monita debeat dare senibus, conjugatis, juvenibus, servis, ad hoc, ut juxta Christi gratiam ac legem, sobrie, juste et pie vivant omnes in hoc sæculo, expectantes beatam spem.

Tertio, cap. III, jubet ut doceat Christianos obedire magistratibus, etiam Ethnicis, utque modeste et honeste se gerant, scientes se pristina concupiscentiæ et vitiis mortuos, ac per Christi gratiam et baptismum renatos esse ad novam vitam, sanctam et Christianam. Mox Judaizantes et hæreticos, eorumque fabulas et lites vitari jubet; ac tandem Titum ac Zenam Nicopolim ad se evocat.

Scriptam esse Nicopoli in Epiro docent Græca, Syra, et S. Hieronymus hic, Athanasius in *Synopsi*, et Theodoretus, Chrysostomus, Oecumenius et alii. Nicopoli, inquam, id est in urbe, aut loco propinquo et subjecto Nicopoli, cum scilicet eo pergeret Apostolus et vicinus esset Nicopoli. Hoc enim significat, cum ait cap. III: « Festina ad me venire Nicopolim; ibi enim (non dicit, hic, sed ibi, scilicet quo jam proxime tendo) statui hibernare. » Scriptam esse anno Christi 58, ac consequenter ante prima vincula docet Baronius et alii passim (1).

(1) Præplacet sententia Hug et Sepp, juxta quos Paulus ad Titum scripsit ann. 51, postquam scilicet mense martii Corintho profectus, naufragio autem vel tempestate pulsus in Cretam insulam, relicto ibi Tito, Ephesum tandem attigisset. Cf. Sepp, op. cit. tom. II, p. 273; Glaire, op. cit. tom. VI, p. 169 seqq.

capitulum
hujus
Epistolæ
argumentum.

Quando
et ubi
scripta
hæc
Epistola.

CAPUT PRIMUM

SYNOPSIS CAPITIS.

Assertit primo, se esse Apostolum Christi ad hoc, ut doceat veram fidem et spem vitæ æternæ, quam ab æterno promisit Deus, nunc autem per Pauli prædicationem manifestavit.

Secundo, vers. 5, docet Titum, quales oppidatim ordinare debeat presbyteros et episcopos.

Tertio, vers. 10, docet Judaizantes et hæreticos acriter reprimendos esse.

Quarto, vers. 14, monet cavendas esse eorum fabulas et observantias in ciborum delectu. Omnia enim munda sunt mundis : coinquinatis autem et infidelibus nihil est mundum.

1. Paulus servus Dei, Apostolus autem Jesu Christi secundum fidem electorum Dei, et agnitionem veritatis, quæ secundum pietatem est 2. in spem vitæ æternæ, quam promisit qui non mentitur, Deus, ante tempora sæcularia : 3. manifestavit autem temporibus suis verbum suum in prædicatione, quæ credita est mihi secundum præceptum Salvatoris nostri Dei : 4. Tito dilecto filio secundum communem fidem, gratia, et pax a Deo Patre et Christo Jesu Salvatore nostro. 5. Hujus rei gratia reliqui te Cretæ, ut ea quæ desunt, corrigas, et constituas per civitates presbyteros, sicut et ego disposui tibi. 6. Si quis sine crimine est, unius uxoris vir, filios habens fideles, non in accusatione luxuriæ, aut non subditos. 7. Oportet enim Episcopum sine crimine esse, sicut Dei dispensatorem : non superbum, non iracundum, non vinolentum, non percussorem, non turpis lucri cupidum : 8. sed hospitalem, benignum, sobrium, justum, sanctum, continentem, 9. amplectentem eum, qui secundum doctrinam est, fidelem sermonem : ut potens sit exhortari in doctrina sana, et eos, qui contradicunt, arguere. 10. Sunt enim multi etiam inobedientes, vaniloqui, et seductores, maxime qui de circumcisione sunt, 11. quos oportet redargui : qui universas domos subvertunt, docentes quæ non oportet, turpis lucri gratia. 12. Dixit quidam ex illis, proprius ipsorum propheta : Cretenses semper mendaces, mala bestiarum, ventres pigri. 13. Testimonium hoc verum est. Quam ob causam increpa illos dure, ut sani sint in fide, 14. non intendentes Judaicis fabulis, et mandatis hominum, aversantium se a veritate. 15. Omnia munda mundis : coinquinatis autem et infidelibus nihil est mundum, sed inquinatæ sunt eorum et mens, et conscientia. 16. Confitentur se nosse Deum, factis autem negant : cum sint abominati, et incredibiles, et ad omne opus bonum reprobi.

Vers. 1. 1. PAULUS SERVUS DEI, APOSTOLUS AUTEM JESU
et 2. CHRISTI, SECUNDUM FIDEM ELECTORUM DEI, ET AGNI-

Apostoli
speciali-
ter servi
Dei.
TIONEM VERITATIS, QUÆ SECUNDUM PIETATEM EST IN
SPEM VITÆ ÆTERNÆ. — Nota : Novo honoris titulo
Paulus se hic indigitat « servum Dei, » non tantum
per creationem, per quam omnis creatura est
serva Dei ; nec tantum per fidem, per quam om-
nes fideles sunt servi Dei : sed per legationem et
apostolatam, per quem sicut legati dicuntur
servi regis, ita Apostoli vocantur servi Dei. Vide
dicta ad Philip. 1, 1. Sic B. Virgo se vocat humili
quidem, sed glorioso titulo « ancillam Domini, »
cum fieret mater Dei, eo quod Deo in mysterio in-
carnationis quasi ancilla subservierit : « Ecce, in-

quit, ancilla Domini, fiat mihi secundum verbum
tuum. »

Nota secundo : Præpositio secundum hic sig-
nificat materiam vel objectum circa quod servus
hic Dei et Apostolus, scilicet Paulus ipse, occu-
pabatur, Deoque et Christo deservebat. « Secun-
dum » ergo idem est quod circa, q. d. Ego sum
Dei servus et Apostolus circa fidem electorum
Dei, qui videlicet versor circa fidem, ut scilicet
omnes fideles maxime sanctos et electos doceam
veram, sinceram et sanctam fidem, qua cognos-
cant veritatem non speculativam, aridam et phi-
losophicam, sed illam, quæ « secundum, » id est
circa pietatem versatur, quæ scilicet docet et per-

Objec-
tum sec-
vitutis
Pauli.

suadet, ut sancte et pie vivamus « in, » id est *ad*, « spem vitæ æternæ » in nobis excitandam, ut scilicet spem quam optimam concipiamus, quod assequemur per piam vitam in hoc mundo, vitam æternam in futuro, *q. d.* Sum Dei servus et Apostolus, ut prædicem veram fidem quæ nutrit pietatem, in qua habemus spem vitæ æternæ, quæque hanc spem in nobis exacuit et accendit.

Quid per
fidem hic
intelligat
Paulus?

Nota *tertio* : « Fides » hic non significat commissionem Paulo creditam, ut vult Chrysostomus; quasi dicere velit Paulus : Sum servus et Apostolus circa electos, quos Deus meæ fidei, id est meæ curæ, credidit, quosque mihi commisit; sed significat fidem qua credimus Deo et Christo, qua scilicet agnoscimus veritatem veramque pietatem, ut subdit hic Apostolus. Porro « agnitio et scientia pietatis, inquit Hieronymus, est nosse legem, intelligere Prophetas, Evangelio credere, Apostolos non ignorare, ut scilicet inde Dei cultum addiscas, » ut nimirum per fidem assequaris spem vitæ æternæ, ipsamque tandem vitam æternam.

Quatuor
causæ
servitutis
seu
apostolatus
D.
Pauli.

Nota *quarto* : Hic Apostolus designat quatuor causas suæ servitutis et apostolatus. *Primo*, materiale, cum ait illum versari « secundum, » id est circa, fidem et agnitionem veritatis. *Secundo*, finale, cum dicit : « In spem vitæ æternæ. » *Tertio*, efficientem, cum addit : « Dei, et Jesu Christi, » *q. d.* A Deo et Jesu Christo creatus sum Apostolus et servus. *Quarto*, formalem, cum subdit : « In prædicatione quæ credita est mihi. » Servitus enim Apostolorum, qua Deo et Christo serviebant, non erat alia, quam prædicationis et propagatio Evangelii.

Paulus et
Apostoli
compara-
ti cum
Mose et
Propheta.

Nota *quinto* : Tacite hic Paulus se et Apostolos opponit Mose et Prophetis : Moses enim, *Deuter.* cap. xxxiv et alibi, vocatur servus et famulus Dei, *q. d.* Moses fuit servus Dei, sed secundum, id est circa, legem et ceremonias ac umbras, quas docuit et tradidit populo Judæorum, ut eas observando vitam commodam et bonis terrenis affluentem hic agerent : ego vero et Apostoli sumus servi Dei circa fidem et pietatem, ut homines adducamus ad vitam æternam. Ita Theophylactus. Hæc enim est veritas secundum pietatem et scientiam Sanctorum; sunt enim multæ veritates et scientiæ, quæ ad pietatem non faciunt, uti est Arithmetica, Grammatica, Rhetorica et aliæ plurimæ.

Vers. 2. 2. QUAM (vitam æternam) PROMISIT QUI NON MENTITUR, DEUS, ANTE TEMPORA SECULARIA. — Pro *promisit* græce est *ἐπαγγέλλω*, id est gratuita sua liberalitate, sua sponte, gratis et ultro promisit.

Quibus
promisit
Deus
vitam
æternam?

Quæres, cui Deus promiserit ab æterno hanc vitam? Respondet S. Hieronymus, promisisse Filio suo, vel, ut alii, suæ sapientiæ et bonitati. Verum melius Chrysostomus : « Promisit, inquit, id est dare decrevit, proposuit, prædestinavit apud se in sua mente divina, dare fidelibus suis vitam æternam. » Idem enim dicit hic, quod II *Timoth.*

cap. I, vers. 9, ubi ait : « Quæ (scilicet gratia) data est nobis in Christo Jesu ante tempora secularia. » *Data est*, id est dari decreta, sive prædestinata est : quod enim nobis dari decretum est, idipsum nobis quasi promissum est, promissione non personali, sed reali, sive quantum est ex parte rei quæ danda decernitur.

Quæres *secundo*, quæ vocentur hic *tempora secularia*? Respondeo, græce est *αιωνίαν*, quod S. Hieronymus hic et Augustinus loco mox citando, vertunt, *æterna tempora* : nec Latini, inquit S. Augustinus, ausi fuerunt vertere *secularia*, quia sæculare subinde significat id quod cito transit. Per *tempora* vero *æterna* S. Hieronymus intelligit sæcula et æternitates, quæ mundi creationem præcesserunt, in quibus angeli vixerunt Deumque laudarunt. « Sex millia, inquit, nondum nostri temporis implentur annorum, et quantas prius æternitates, quantas sæculorum origines fuisse cogitandum est, in quibus angeli, Throni, Dominationes cæteræque Virtutes servierunt Deo, et absque temporum vicibus atque mensuris Deo jubente substituerunt? » Insinuat hic Hieronymus angelos fuisse creatos ante mundum, suamque ante mundum habuisse æternitatem, id est ævum. Verum hoc Hieronymus non tam ex sua quam ex Origenis, ut solet, dicit sententia. Origenes enim ita sensit, et post eum multi Patres Græci et Latini. Verum contrarium, scilicet angelos, non ante, sed simul cum mundo corporeo creatos esse, ac consequenter nullum angelorum fuisse ævum vel sæculum ante hunc mundum, certum est. Ita enim definit Concilium Lateranense, sub Innocentio III, cap. I : « Creator, inquit, omnium invisibilium spiritualium et corporalium, sua omnipotenti virtute simul ab initio temporis utramque de nihilo condidit creaturam, spiritualement et corporalem, angelicam videlicet et mundanam. » Ubi nota : Licet mens Concilii fuerit hisce verbis damnare sententiam Origenis, qui primo creatos a Deo dicebat angelos et animas, deinde ob peccata eorum creata esse corpora, quibus quasi carceribus includerentur : tamen simul docet angelos simul cum mundo corporeo esse creatos; nec enim clarioribus verbis id dici aut doceri posset. Nam hoc dogma plane evertit fundamentum sententiæ Origenis, et ad eam evertendam statuitur et proponitur a Concilio. Quare quod nonnulli ex S. Thoma, I *part.*, *Quæst.* LXI, art. 3, respondent, hujus Concilii non verba, sed mentem jam explicatam spectandam esse, quasi æque post Concilium atque ante, liceat sine erroris nota opinari, angelos creatos esse ante mundum, non video quomodo sane et tuto dici possit.

Quæ
vocentur
tempora
secularia?

Angelos
multis
sæculis
ante
mundum
creatos
fuisse,
error est
Origenis.

Alius
Origenis
error.

Hinc *secundo*, melius S. Augustinus, lib. XVI *De Civit.*, cap. XVII, Anselmus et alii *tempora æterna* intelligunt illa quæ præcesserunt mundi et angelorum creationem, quæ tamen non fuerint Deo coæterna.

Dices : Nulla talia sunt aut fuerunt tempora, Tempus

imagina- quia ante mundum nullum fuit tempus, adeoque
rium an- nihil fuit nisi Deus Deique æternitas.

Respondeo, a parte rei, sive re ipsa nihil fuit
præter Deum; fuit tamen tempus imaginarium
quod mente concipimus et fingimus ante mundum
Deo coexistisse, in quo Deus poterat et hunc mun-
dum, et alios infinitos longe citius creare, quam
de facto creavit. Instabis: Non tempus concipi-
mus quasi Deo coæternum; id autem negat S. Au-
gustinus et Apostolus hic, qui dicit Deum vitam
æternam promisisse, ante hæc tempora æterna;
si ante, ergo non sunt coæterna Deo. Respondeo:

Hæc tempora imaginaria, quæ concipimus ante
mundum Deo coexistisse, confuse quidem concipi-
mus quasi Deo coæterna, non autem distincte
et particulatim, quia sic concipimus illa quasi
Deo posteriora: distincte enim concipimus par-
tes hujus temporis definitas, ita ut illarum una
pars aliam habeat se priorem, et hæc rursum al-
teram et alteram se priorem, idque in infinitum;
nec enim mente nostra et conceptu possumus
devenire per hasce partes temporis gradatim sem-
per ascendendo ad initium, vel ad ipsa primor-
dia æternitatis, cum illa uti in fine, ita et in sui
principio sit infinita, adeoque uti in fine, ita et prin-
cipio careat: et hoc modo ante tempora hæc
æterna partialia, quæ mente divisim et distincte
concipimus, antecedit semper ipsa Dei æternitas,
q. d. Apostolus: Ante omne tempus, ante quam-
libet temporis partem, quam definite concipere
possumus in æternitate Deo coexistisse, Deus
« promisit, » id est decrevit suis fidelibus vitam
æternam, puta ab omni æternitate. Hic sensus
videtur esse ex mente et sensu Apostoli, ut mox
dicam; sed non est plenus et adæquatus.

Tertio, alii « tempora æterna » intelligunt anti-
qua, quomodo Actor. xv, 7, dicitur, « ab antiquis
diebus, » et ita legisse hic aliquos « tempora an-
tiqua, » pro æterna, vel secularia, docet S. Tho-
mas; scilicet hi legerunt in Græco ἀρχαία pro αἰώ-
νια. Verum noster Interpres optime vertit ante
tempora secularia, ut dixi II Timoth. i, 9. Per sæ-
culum autem non intelligit spatium centum aut
mille annorum (quomodo vocamus ludos sæcu-
lares), sed proprie dictum sæculum, sive ævum
et tempus, tam illud quod revera cum mundo
cœpit et fluxit hucusque, quam illud quod, ut
dixi, imaginamur ante mundum Deo coexistisse.
Unde Syrus vertit, קדם זכרונא דעלמא kedam
zabnahî dealma, id est ante tempus sæculi, q. d.
Ante omnem sæculorum seriem, ante omnem
mundi et temporis, sive veri, sive imaginarii ori-
ginem, Deus promisit se nobis per Christum da-
turum esse vitam æternam.

Notat S. Hieronymus, « tempora dici sæcula-
ria, » quia omne tempus in fluxu est, et per suum
quodque sæculum decurrit in curriculo hoc et rota
mundi. « Unde et quidam Philosophorum, inquit
Hieronymus, censent non esse tempus præsens,
sed aut præteritum, aut futurum; quia scilicet

omne quod loquimur, agimus, cogitamus, aut
dum fit, præterit; aut, si nondum factum est,
futurum expectamus. » Alii e contrario dixe-
runt tempus non existere, sed tantum nunc,
sive instans temporis, adeoque falso dici: Hoc
tempore studeo, curro, comedo, quia ex tem-
pore nihil existit, nihil est præsens, sive nunc,
sive instans; quidquid reliquum est de tempore,
non existit; sed aut præteritum est, aut futurum,
id est extitit, aut existet. Ecce hoc est punctum
quod hic vivimus.

3. MANIFESTAVIT AUTEM TEMPORIBUS SUIS VERBUM Vers. 7.
SUUM IN PRÆDICATIONE (id est per prædicationem),
QUÆ CREDITA EST MIHI SECUNDUM PRÆCEPTUM SALVA-
TORIS NOSTRI DEI. — Nota: « Verbum suum, » puta
Dei, hic vocat Dei promissionem jam dictam de
vita æterna. Unde clarius Græca, τὸν λόγον αὐτοῦ ver-
tas, verbum illud suum, vel promissionem illam
suam, olim scilicet in Deo occultam et recondi-
tam, jam per prædicationem meam manifestavit.
Articulus enim τὸν vim habet revocandi et repe-
tendi id quod antecessit; idque exigit conjunc-
tio adversativa autem, quæ hæc præcedentibus
connectit. Sic Lucæ i, 72, dicitur: « Memorari (ut
memoraretur) testamenti (id est pacti) sui sancti,
jusjurandum quod juravit ad Abraham, » q. d.
Testamentum, sive pactum, hoc Dei est jusjuran-
dum illud magnum quod juravit patri nostro
Abrahæ: licet enim in Græco jusjurandum sit ac-
cusativi casus, tamen Græci eum pro nominativo
usurpant, cum scilicet relativo accusativi casus
præponitur. Sic enim loquuntur ὅρκον ἐν, pro ὅρκου
ἐν ὅμοιαι.

Nota secundo: Hieronymus per « verbum » in-
telligit Filium. Sic enim Filius dicitur λόγος, Joan.
cap. i, vers. 1, id est Verbum, quo Deus omnia
dixit, et dicendo fecit ac produxit; rursum quo
jam incarnato, et in carne manifestato, gratiam
et gloriam, omniaque bona nobis promisit. Ve-
rum simplicius cum Chrysostomo per « verbum »
intelligemus Evangelium, vel clarius promissio-
nem vitæ æternæ in Evangelio propositam, uti
dixi.

Nota tertio: Deus hoc « verbum, » id est pro-
missionem, manifestavit suis temporibus, græce
καιρὸς ἰδίαις, id est opportunis, congruis et pro-
priis temporibus: quod ad Galat. iv, 4, aliis verbis
dicit: « Ubi venit plenitudo temporis, » cum scilicet
præcessisset lex naturæ et Mosis, quasi præpa-
ratio et pædagogus ducens homines ad Christum,
cumque tempora a Mose et Prophetis præscripta
essent evoluta, post quatuor scilicet annorum
millia, quibus languens et gemens mundus sub
peccatis, vitiis, morte et inferno, suspirabat ad
Christum redemptorem et salvatorem.

Nota quarto: « Secundum, » id est per, « præ-
ceptum, » et, ut Vatablus vertit, delegationem.
Hinc recte colligit Chrysostomus Apostolorum
prædicationem non fuisse consilii, sed præcepti,
scilicet Paulum et Apostolos præcepto divino,

sub pœna peccati mortalis et inferni, a Deo obligatos et astrictos fuisse ad prædicandum Evangelium. Unde Paulus, I *Cor.* ix, 16 : « Væ; inquit, mihi est, si non evangelizavero. »

Nota quinto : Tam longum exordium quasi salutationem præmittit hic Apostolus, tum quia naturaliter fœcundo, ubere et deserto erat ingenio, tum quia in gratia Christi et apostolatu ejus deprædicando solet se effundere; tum denique quia hic in exordio quasi thema et argumentum totius epistolæ proponit, scilicet suum et Titi, adeoque omnium Episcoporum et Pastorum munus esse prædicare, non legis cæremonias, sed Christi gratiam, ac docere non Judæorum, Gentilium aut hæreticorum fabulas, sed mores Christianos et sanctos, in quibus sita est vera pietas Deique cultus.

Vers. 4. 4. TITO DILECTO (γνώσιμ, id est germano, genuino) FILIO SECUNDUM COMMUNEM FIDEM, GRATIA (Græca addunt ἔλεος, id est misericordia) ET PAX (supple sit) A DEO PATRE ET CHRISTO JESU SALVATORE NOSTRO, — q. d. Saluto te, o Tite, qui non degener, sed germanus es filius meus; non secundum carnem, sed secundum communem fidem et spiritum, quo ego te in Christo genui. Filius ergo meus es a me genitus secundum fidem, id est in fide.

Nota : « Communem fidem » vocat fidem Catholicam, ut vult Chrysostomus; vel potius et significantius, ut Hieronymus, quæ Tito cum Paulo communis erat. Ubi adverte modestiam Pauli, qui ita se patrem Titi vocat, ut se ejusdem fratrem agnoscat, q. d. In fide tibi, o Tite, sum pater, quia te genui; et frater, quia eandem mecum habes fidem : fides mea, fides tua est, tibi que communis, eamque non adulteras, uti hæretici, sed genuinam tenes et tueris, æque ut ego, tanquam germanus mihi in fide filius, imo frater. Ita Theophylactus.

Nota secundo : Hic apposite petit gratiam et pacem a Deo Patre et Christo Jesu. Si enim Deus est a quo omne bonum, quasi a fonte uberrimo manat, cujusque proprium est se et sua bona communicare et effundere : hanc is se orantibus et petentibus gratiam et pacem, non negabit. Si pater est amantissimus, ecquid filiis suis utile aut commodum deesse patietur? Si Christus, id est, unctus est oleo gratiæ et misericordiæ, sane eandem in nos effundet. « Oleum enim effusum nomen tuum, » inquit sponsa *Cantic.* i, 2. Si Jesus est, id est salvator, utique gratiam largietur qua salvi effici possimus.

Vers. 5. 5. HUIUS REI GRATIA RELIQUI TE CRETÆ (ἐν Κρήτῃ, id est, in Creta, scilicet insula), UT EA QUÆ DESUNT, CORRIGAS. — Græce ἵνα τὰ λείποντα ἐπιδιορθώσῃ, id est, ut quæ reliqua sunt, scilicet quæ adhuc corrigenda restant, nec a me tam cito corrigi poterunt, pergas corrigere.

Notat Chrysostomus animum Pauli labori et Evangelio plane intentum, ab ambitione alienum,

non suum honorem, sed publicum animarum commodum ubique spectare. Hinc labores sibi deposcit, ut duritiem Ethnicorum quasi glaciem primus ipse perfringat; deinde via facta aliis laborem cedit cum honore, adeoque quæ magis honorifica sunt, ut constituere ubique Episcopos, commendat Tito : interim ipse alia quærit novalia, per se ingenti labore Evangelio subigenda. Hoc vere Apostolicum est. Discant Prælati non tantum laboriosa, sed et honorifica munia cum subditis partiiri; non honores, sed labores ambire et usurpare, et Apostoli spiritum imitentur, suisque eundem imprimant.

ET CONSTITUAS PER CIVITATES (κατὰ πόλιν, id est oppidatim) PRESBYTEROS, — id est Episcopos et proprie dictos presbyteros, sive sacerdotes et pastores. Presbyter enim nomen commune erat tam Episcopis, quam communibus sacerdotibus, ut dixi ad *Philip.* i, 1. Jubet ergo Paulus, ut in singulis oppidis Titus constituat presbyteros, puta in majoribus Episcopos, in minoribus sacerdotes, sive pastores : ita enim explicat et sancit Leo I, epist. 87 ad *Episcopos Africanæ*, cap. ii, et Concilium Sardicense, *can.* 6, ubi dicitur : « Licentia non sit Episcopi passim ordinandi, aut in vico aut in civitate modica, cui satis esse possit unus presbyter; nec enim necesse est ibi Episcopum fieri, ne Episcopi vilescat nomen et honoris summi auctoritas. »

Nota primo : Jubet Apostolus Tito, ut plures in Creta constituat Episcopos. Erat enim Creta, licet insula, populis et urbibus ad stuporem frequens; habebat enim centum urbes. Unde Poeta de Creta ita canit :

Urbes centum habitat magnas, ditissima regna

Ideoque ab Homero, *Iliados* II, Creta dicta est *Hecatompolis*.

Nota secundo, caute legendum esse hic S. Hieronymum; ait enim : « Olim idem erat presbyter qui Episcopus, et propter schismata consuetudine potius, quam Dominica institutione factum est ut presbyteris præessent Episcopi. » Similia habent Sedulius et Anselmus. Unde Acrius et Wiclef docuerunt presbyteros pares esse Episcopis. Verum S. Hieronymus et eum secutus Anselmus et Sedulius volunt dicere, olim communi consensu, spiritu et zelo magis, quam hierarchico ordine et imperio presbyteros rexisse Ecclesiam, conniventibus Episcopis; sed paulo post illo ipso tempore, scilicet Apostolorum, cum orirentur dissensiones, ut patet I ad *Corinth.* i, 12, et I ad *Timoth.* v, 19, mox ob superbiam et schismata presbyterorum, Episcopos suum primatum resumpsisse. Certum enim est, non tantum consuetudine, sed et jure divino Episcopos presbyteris esse majores, tum potestate ordinis, tum potestate jurisdictionis. Quod ipsum docet S. Hieronymus epist. ad *Heliodorum*, et ad *Marcellam* : « Apud nos, inquit, Apostolorum locum Episcopi tenent. » Atqui Apostoli

Ubi Episcopi, ubi presbyteri constituend?

Creta frequens urbibus et populis.

Episcopus major presbytero.

Error contrarius Acrii et Wiclef.

A Deo et Christo omne donum.

Locus moralis

Cante
hac de
re legen-
dus Hie-
ronymus
et com-
mode in-
telligen-
dus.

maiores erant ex Christi vocatione et institutione 70 discipulis : ergo pariter et Episcopi presbyteris ex Christi institutione maiores sunt. Quod ergo hic dicit Hieronymus : « Magis consuetudine quam divina institutione Episcopos presbyteris esse majores, » intellige non de ipsa Episcoporum potestate et auctoritate, sed de usu et exercitio potestatis. Christus enim non instituit de facto distinctionem hierarchici ordinis et jurisdictionis, ita ut illam in actum et exercitium deduceret; sed permisit ut, quamdiu duraret primus ille zelus, communi omnium labore et spiritu regerentur Ecclesiae; illo vero refrigesciente, voluit ut Apostoli distinctionem hanc et jurisdictionem a se Episcopis datam, in praxim et usum redigerent. Confirmat hanc expositionem id quod subdit Hieronymus : « Imitantes, inquit, Mosen, qui cum posset solus praesse populo Israel, septuaginta elegit, cum quibus populum judicaret. » Atqui certum est Mosen majorem fuisse hisce 70; ergo certum est Episcopum majorem esse presbytero : qui tamen, si Mosen imitari velit, ambizioso eis non imperet, sed mansuete eos in communionem suae potestatis et jurisdictionis admittat. Vide dicta *Philipp. I, 1*.

SICUT ET EGO DISPOSUI TIBI. — Graece διατάξων, id est ordinavi, constitui, disposui : inde διατάξεις vocantur canones, constitutiones et ordinationes Apostolorum et Pontificum. q. d. Tales tam probatos et selectos, tali numero, modo, serie, subordinatione constitue presbyteros, sicut ego viva voce tibi praescripsi et ordinavi.

Unde patet Christum non omnia ordinasse, sed multa circa Ecclesiae regimen, pro ratione temporum futurorum ordinanda commisisse Apostolis eorumque successoribus. Hoc enim exigit cuiusvis reipublicae prudens institutio. Sic quod vers. seq. praecipit Apostolus, ut Episcopus sit unius uxoris vir, ut filios habeat fideles, ut sit hospitalis et benignus, nusquam legitur instituisse aut praecipisse Christum. Sed, ut ait Apostolus, haec « ego disposui tibi, » haec mea sunt praeccepta, meae ordinationes. Sic deinceps per novos canones toto orbe receptos multa sancita sunt a Patribus Concilii Niceni, Ephesini, Chalcedonensis, Constantinopolitani et aliorum conciliorum, de quibus nec Christus, nec Apostoli quidquam sanxerunt aut ordinauerunt. Hinc patet hosce canones omnibus fidelibus venerandos et servandos esse : ita enim de suis hic praecipit Apostolus.

Vers. 6. 6. SI QUIS SINE CRIMINE EST, UNIUS UXORIS VIR, FILIOS HABENS FIDELES, NON IN ACCUSATIONE LUXURIAE, AUT NON SUBDITOS. — Hic qualem velit esse presbyterum et Episcopum, praescribit Apostolus. *Primo*, ut sit « sine crimine, » non quasi veliteum tantum eligi Episcopum, qui a baptismo non peccarit mortaliter, sed qui crimine infami aut accusatione digno non notetur, ut ait D. Thomas. « Multi, inquit Augustinus, lib. I *Contra duas epistolae Pelagianorum*, cap. XIV, sine crimine sunt, et

Episco-
pus de-
bet esse
sine cri-
mine in-
fami.

sine querela vivunt, sed nemo sine peccato. » Idem enim hic requirit Apostolus, quod I *Tim. cap. III*, cum ait : « Oportet Episcopum irreprehensibilem esse. » Hanc et sequentes Episcopi doctes explicui I *Timoth. III*.

Nota : Tertia dos Episcopi hic requisita ab Apostolo est, ut, si sit pater « habeatque filios, » ii sint « fideles. » Si enim suos filios non potuit facere fideles, quomodo Episcopus factus infideles alios et externos ad fidem adducet?

Tertia
dos Epi-
scopi.

Secundo, ut filii « non sint in accusatione luxuriae, » id est non accusentur de luxu in comensationibus et computationibus, id est non sint comessatores et compotores. Hi enim a parente facto Episcopo extorquerent bona Ecclesiae et pauperum, eaque aequae ut sua dilapidarent, cum sinthe lluones et gurgites opum. « Luxuria » ergo hic pro luxu sumitur : hunc enim significat Graecum ἀσώτια, de qua dixi *Ephes. v, 18*. Posset rursum cum Lyrano luxuria pro libidine accipi : hanc enim significat quoque Graecum ἀσώτια, ut dixi loco jam citato : luxus enim gulae, et « venter mero aestuans despumat in libidinem, » ut ait hic ad vers. 7 S. Hieronymus. Vult ergo Paulus Episcopum ita caste suos educasse filios, ut de luxuria notari aut accusari non possint, sicut filii Heli pontificis notati sunt, ideoque tam ipsi, quam pater Heli et pontificatu et vita privati sunt, I *Reg. II*. Simili modo I *Tim. III*, scribit Episcopum esse eligendum, qui « filios » habeat « subditos in omni castitate. » Cretenses enim in venerem profusi fuerunt, adeoque, ut tradit Strabo, lib. X, Cretae moris erat, ut in pueros insanirent, quos etiam quantumvis nobiles licebat ibi rapere, et apud se duos menses retinere, et sic donatos muneribus domum remittere. Nimirum hoc docuit eos eorum rex Jupiter, cum suum Ganimedem rapuit : et tamen (o infanda caecitas!) uterque inter deos relatus est ab eorum sapientibus. Atque hac de causa, ut ibidem docet Strabo, priscis Cretensium legibus decretum erat, ut Cretenses omnes statim a pubertate conjugium inirent ad infamem hanc pederastiam, cujus eos tandem pudere coepit, adulteria, aliasque vagas libidines restinguendas.

Ασώτια
luxuriam
et luxum
signifi-
cat.

Creten-
sium lu-
xuria et
pederas-
tia.

Tertio, requirit Apostolus, ut futurus Episcopus filios habeat subditos : si enim eos regere et disciplinam suam subdere non potuit pater, quomodo factus Episcopus fideles omnes regere, sibi quae et Ecclesiae obediens efficere poterit?

7. OPORTET ENIM EPISCOPUM SINE CRIMINE ESSE, Sicut DEI DISPENSATOREM, NON SUPERBUM. — Pro dispensatore Graece est διακονέων, q. d. Oportet Episcopum esse sine crimine, id est sine graviori sceleris, quia est non dominus, sed oeconomicus et administrator domus Dei, quae est Ecclesia : ipse ergo totae Ecclesiae vitae integritate, quasi sol praelucere debet ; in illum enim omnium intenti sunt oculi.

Vers. 7.

Secundo, pro superbum Graece est αἰσῶν, id est sui sensus tenacem, et, ut Syrus, qui sua ducatur propria voluntate, id est praefractus, durus, asper,

Virtutes
episcopales,
et
vitia con-
traria.

inflexibilis, qui sibi ipsi ita placet, ut cæteri displiceant. Ita Chrysostomus et Theophylactus. S. Hieronymus vertit, *protervum*; alii, *contumacem*. Antigonus rex videns filium suum ferocius tractantem subditos : « An ignoras, inquit, fili, regnum nostrum esse splendidam servitutem ? » Idem sibi dicant Episcopi et Prælati.

AVARITIA debet abesse a statu episcopali et clericali. **NON TURPIS LUCRI CUPIDUM**, — qui scilicet se et proles ditare non satagat ex mulctis, quas canonum transgressoribus imponit; quique avare frumentum et decimas non recondat, expectans annonæ caritatem, ut pluris divendat; denique qui ex mercium aliarumque rerum indecentium et sordidarum commutatione aut negotiatione lucrum non aucupetur. Ita Patres Concilii Antiocheni apud Eusebium, lib. VII *Histor.*, cap. XXIII et XXIV, graviter accusant Paulum Samosatenum, Antiochiæ Episcopum, quod, cum antea vilis esset et pauper, a litigantibus per fraudes et dolos pecunias extorserit, iisque se ditavit. Quam turpe sit hoc lucrum in clericis, docent sacri Canones 3, *Quæst.* II, cap. *Si quis*, et 17, *Quæst.* IV, cap. *Alias*.

Vers. 8. **8. BENIGNUM.** — Græce *φιλάνθρωπος*, id est ad verbum, bonos amantem, vel bonorum amatorem. Ita Hieronymus; potest tamen quoque verti, *benignum*.

Sobrietas et ejus laus. **SOBRIUM.** — Græcum *σωφρονία* verti etiam potest cum Hieronymo, *castum vel pudicum*, et cum Ambrosio *prudentem*: nimirum anima sicca (id est sobria) est sapientissima et prudentissima, atque, ut aiunt Græci, *ρόμη ψυχῆς σωφροσύνη*, id est robur animæ est sobrietas.

SANCTUM, — *δαίμων*, quod cum Vatablo et aliis verti potest, *pium erga Deum*; nam, ut ait S. Hieronymus, quem nos *sanctum* vocamus, Græci *δαίμων* vocant; quem autem ipsi *δαίμων*, nos *pium* in Deum possumus appellare.

CONTINENTEM, — tum a gula et luxuria, tum ab omnibus animi vitiis. « Sit Episcopus, inquit Hieronymus, abstinentes non tantum, ut quidam putant, a libidine et ab uxoris amplexu, sed ab omnibus animi perturbationibus, ne ad iracundiam concitetur, ne illum tristitia dejiciat, ne terror exagitet, ne lætitia immoderata sustollat.

S. Martini consantia, hilaritas, pietas, patientia. Talis fuit S. Martinus, Turon. Episcopus, de quo audi Severum Sulpitium, *dial.* 1 : « Nemo unquam Martinum vidit iratum, nemo moerentem, nemo ridentem : unus idemque semper, cœlestem quodammodo lætitiā vultu præferens, extra naturam hominis videbatur. Tantam adversus omnes injurias patientiam assumpserat, ut cum esset summus sacerdos, impune etiam ab infimis clericis læderetur, nec propter id eos aut loco unquam amoverit, aut a sua charitate repulerit. Nunquam in illius ore, nisi Christus; nunquam in illius corde, nisi pietas, nisi pax, nisi misericordia inerat. Plerumque etiam pro eorum, qui obtractores illius videbantur, solebat flere peccatis. » Hinc non tantum vivens, sed et moriens invictum ab oratione spiritum non relaxabat. Cumque

pro morte celeri oraret, discipuli ad eum : « Cur nos, inquit, pater deseris? cui nos desolatos relinquis? Tum ille : Domine, si adhuc populo tuo sum necessarius, non recuso laborem, fiat voluntas tua. Ardenti vero febre æstuans cum supinus oraret, rogarunt discipuli ut pronus conquiesceret. Quibus ille : Sinite me cœlum potius quam terram aspicere, ut suo itinere jam iturus ad Dominum spiritus dirigatur. Instante jam morte, viso humani generis hoste : Quid, inquit, adstas cruenta bestia? nihil in me funeste reperies. Ea in voce animam Deo reddidit, quam angelorum chorus excepit, eosque divinas canentes laudes multi, imprimisque Severinus Coloniensis Episcopus audivit. »

9. AMPECTENTEM EUM, QUI SECUNDUM DOCTRINAM *Vers. 9.* **EST, FIDELIEM SERMONEM**, — pro *amplectentem* græce est *ἀντρεχόμενον*, id est, ut Ambrosius, tenacem et mordicus retinentem, « fidelem, » id est veracem et indubitatum (ut dixi I *Timoth.* 1, 15) « sermonem, qui secundum doctrinam est, » id est qui sanæ doctrinæ et fidei consentaneus est, sive, quem decet sana doctrina. « Non statuit, inquit Theodoretus, ut Episcopus sit disertus, sed ut sit divinum eloquiorum peritus. »

10. SUNT ENIM MULTI ETIAM INOBEDIENTES, VANILOQUI ET SEDUCTORES (græce *φωροπισταί*, id est, mentium deceptores), **MAXIME QUI DE CIRCUMCISIONE SUNT.** — Pro *etiam* græce est *καί*, id est et; pendet hæc copula a sequentibus, eaque cum præcedentibus connectit, *q. d.* « Sunt multi et inobedientes, et vaniloqui, et seductores. » Unde Vatablus et alii *etiam* in sua versione omittunt, tumque sensus idem est, sed planior et clarior. Pro *redargui* græce est *ἐπισκοπεῖν*, id est obturare illis os, et quasi epistomio illud ocludere, indicto scilicet eis silentio, ut vertit Hieronymus. Notat Judaizantes, qui docebant cum christianismo jungendam esse circumcisionem et legis cæremonias, fabulasque Judaicas, indeque lucrum aucupabantur.

12. DIXIT QUIDAM EX ILLIS, PROPRIUS IPSORUM *Vers. 12.* **PROPHETA : CRETENSES SEMPER MENDACES, MALÆ BESTIÆ, VENTRES PIGRI.** — **13. TESTIMONIUM HOC VERUM EST.** — S. Hieronymus hæc verba partim refert ad vers. 3, ubi dixit : « Hujus rei gratia reliqui te Cretæ, ut ea quæ desunt corrigas, » nimirum ut corrigas mores Cretensium in mendacia, ventris ingluviem et pigritiam proclives; partim ad proxime præcedentia, scilicet ut notet hos Judaizantes pseudodoctores, ut eorum indolem perspicat Titus, sciaturque quomodo et de quibus eos arguere debeat.

Nota : « Proprius ipsorum propheta » est Callimachus, vel potius Epimenides poeta Cretensium et Philosophus, ac templi Mitræ, id est solis, sacerdos. Ita Hieronymus. Sed cur poeta hic vocatur « propheta ? » Respondeo : *Primo*, quia a suis habitus est propheta, teste Laertio et Cicerone, lib. I *De Divin.* *Callimachus et Epimenides Cretensium propheta.*

Poeta
quemodo
propheta?

Secundo, quia poetæ sunt dicti vates, id est prophetae, ob furorem poeticum, et Sibyllæ ac Apollo sua oracula reddebant carmine; unde iidem, uti et alii multi, simul erant poetæ et prophetae. Atque hac de causa Plato, lib. II *De Republica*, poetæ deorum filios vocat, illorumque nonnullos prophetas fuisse asserit. Hinc poetæ ipsi spiritum sibi de cœlo communicatum jactabant, dicentes:

Est Deus in nobis, sunt et commercia cœli,
Sedibus æthereis spiritus iste venit.

Tertio, quia Epimenides hic scripsit librum περὶ τῶν χρησµῶν, id est *de Oraculis*.

Quarto, « propheta, » id est doctor et ethicus, qui vitia gentis nativa describit, quod perinde est atque mores posterorum prædicere, quia vitia nativa parentum fere in posteris derivantur. Vide dicta I *Cor. xiv*, initio capituli.

Carmen
Epimeni-
dis cita-
tum ab
Apostolo.

Nota *secundo*: Epimenidis sententia et carmen quod hic citat Apostolus, ita græce sonat:

Κρήτες ἀνὶ ψεύσαι, κακὰ θηρία, γαστέρες ἀργαί.

Quod pari carmine Latino reddidit Faber Stapulensis:

Gnossius usque loquax, mala bestia, viscera pigra.

Verum, ut recte advertit Erasmus, « loquax » non est idem quod *mendax*; nec « viscera » idem sunt quod *ventres*, id est gulosi, uni ventri dediti. Melius ergo et brevius ita carmen carmine red-
das:

Cres semper mendax, mala bestia, venter iners est.

Nota *tertio*: Tria hic Cretensium vitia suggillat. Primum, quod sint mendaces, unde in proverbium abierunt, ut vulgo dicatur, *Cretizare cum Cretensi*, id est mentienti mentiri, fallentem fallere, decipientem decipere. Et, *Cretensis est*, cretizat, id est mendax est, mentitur.

Creten-
ses men-
daces.

Quare
tales
dicti et
habiti?

Ubi adverte ex S. Hieronymo et Chrysostomo occasionem, quæ Epimenidem et Callimachum movit, ad vocandum Cretenses mendaces, fuisse, quod Cretenses Jovem non in cœlo vivere, sed in Creta ubi rex fuerat, mortuum et sepultum crederent, ejusque sepulcro inscripsissent: *Hic jacet Jupiter*. Hinc eos arguit Epimenides et Callimachus quod deos et divina non sentiant: « Sepulcrum, inquit, tuum, o Jupiter, fabricati sunt Cretenses, sed mentiuntur: tu enim minime obisti, sed in cœlo quasi Deus immortalis semper vivis. »

Dices, hi poetæ errant et mentiuntur, quomodo ergo de eorum dicto ait Apostolus: « Testimonium hoc verum est? » Respondent S. Hieronymus et Chrysostomus, Apostolum non probare illam opinionem de Jovis divinitate, cujus occasione hoc dixit Epimenides; sed tantum rem ipsam, scilicet quod Cretenses sint mendaces, scilicet ob ingenitum mentiendi et fallendi proclivitatem:

hoc autem verum est. Unde Erasmus initio *Chilidum* ita cuilibet genti sua vitia proverbio assignans ait: « Pæno perfidior, Scythia asperior, Scythotauris inhospitalior, Parthis vanior, Thracibus bibacior, Sybarita fastuosior, Milesiis effeminatior, Arabe ditior, Arcade stolidior, Care vilior, Cretensi mendacior. »

Vario-
rum gen-
tium
vitia.

Secundo, vocat Cretenses *malas bestias*, græce θηρία, id est feras, quales sunt lupi, apri, tigrides; quia ferinis erant moribus, et ferarum ritu sanguinem sitiebant deceptorum, inquit Hieronymus et Anselmus; multoque magis quasi in animas grassabantur, dum eas ob lucrum falsa docebant et persuadebant, itaque in ruinam et perditionem pertrahebant, ut patet vers. 11. Hinc illud Græcorum adagium τρία κάππα κάκιστα, id est, tria pessima cappa, scilicet tres gentes a cappa incipientes pessimæ, puta Cilices, Cretenses, Cappadoces. Cappadoces enim, quod a Gabaonitis prognati sint, mendaces et perversos esse docet Isidorus Pelusiota, *epist.* 282.

Alla
Creten-
sium
vitia.

Cilices,
Creten-
ses, Cap-
padoces
tria
pessima
cappa.

Tertio, Cretenses vocat *ventres pigros*, id est qui nonnisi ventri saburrando, et pingui aquilulo infarciendo student instar suum, et quasi porcorum pigra propago, de quibus Lucilius:

Vivite lurcones, comedones, vivite ventres.

Plato, lib. IV *De Legibus*, solenter advertit et notat urbes et regiones maritimas (qualis est Creta insula) solere male esse moratas, causamque dat: « Nam cum mercibus, inquit, et pecuniis cauponando talis civitas repleatur, dolosos animos, instabiles et infidos mores parit: unde parum ipsa ad seipsam, et minus ad alias gentes fidem et amicitiam stabilem colit. » Unde illud vulgo jactatum: « Omnes insulani mali, S. autem pessimi. » Verum per Christum gratia corrigente naturam, eamque acrem edomante, efformante et dirigente, ut sibi sit eos virtutis ad heroica virtutum opera, impletum videmus illud *Isaiæ*, cap. LX, vers. 9, oraculum: « Me insulæ exspectant, et naves maris in principio, ut adducam filios tuos de longe: argentum eorum et aurum eorum cum eis, nomini Domini Dei tui, et sancto Israel, quia glorificavit te. » Et cap. XXIV, 15: « In doctrina glorificate Dominum: in insulis maris nomen Domini Dei Israel. » Et illud *Psal.* LXXI, 10: « Reges Tharsis et insulæ munera offerent. » Sane quot quantosque Ecclesiæ doctores, quot fidei athletas, quot Sanctos omni virtute illustres Christo dedit Creta, Cyprus aliæque insulæ?

13. QUAM OB CAUSAM INCREPA ILLOS DURE. — Græce Vers. 13. ἀποτόμως, id est præcise, ad vivum, severe, rigide. Rursum ἀποτόμως, hoc est abscindendo et ejiciendo eos ex Ecclesia, si moniti nolint vitia corrigere, ait Turrianus, in lib. II *Clementis Constit. Apost.*, cap. XLII, in indice.

14. UT SANI SINT IN FIDE, NON INTENDENTES JUDAI- Vers. 14. CIS FABULIS, ET MANDATIS HOMINUM, AVERSANTIAM SE

A VERITATE. — Græce ἀπορροπήσαντες τὴν ἀλήθειαν, id est aversantium veritatem.

Nota : Apostolus hic taxat mandata hominum, non omnium (sic enim mandata omnium regum et principum elideret), sed eorum qui aversantur veritatem, et pro veritate fabulas substituunt, maxime judaicas, puta de servandis legis cæremoniis, ac præsertim de servando ciborum delectu, ne quis carne suilla, leporina, aliave, quam lex *Levit. xi*, quasi immundam vetat, vescatur. Hoc enim verbis sequentibus innuit Apostolus, cum subdit : « Omnia munda mundis. » Ita S. Hieronymus, Chrysostomus et alii.

Ubi nota secundo, non mirum esse, quod in Creta vigerint hæc Judaicæ fabulæ et observantiæ ciborum, ac judaismus, quia magna per maris viciniam communio erat Judæorum cum Cretensibus; adeoque Judæos nobiles in Creta habitare solitos testis est Josephus in sua *Vita*, ubi hæc de causa se uxorem ex Creta accepisse narrat. Immo inde falsus est Cornelius Tacitus, lib. XXI, cum Judæos e Creta descendisse, dictosque Judæos quasi Idæos ab Ida monte, qui est in Creta, asseverat.

15. OMNIA MUNDA MUNDIS. — Infert Lutherus : Ergo fornicatio quoque munda est mundis, puta fidelibus. Sicut enim, inquit, nihil justificat nisi fides, ita nihil coinquinat nisi infidelitas. Sed apage monstrum : tibi munda sit fornicatio, furtum, sacrilegium, homicidium omnisque iniquitas, perinde ut porco munda ac in deliciis sunt fæces, sordes omnisque immunditia.

Dico ergo Apostolum loqui de delectu ciborum, quem Judaizantes inducebant. De iis enim eorumque fabulis hic agi patet ex vers. 10, 11 et 14; nam Judaizantium nonnulli dicebant cibos aliquos esse natura sua immundos, uti postea eos secuti docuerunt Manichæi et Marcionitæ : alii vero censebant cibos quosdam esse immundos et Christianis vitandos, non in se, sed propter legem Mosis, *Levit. xi*, eos vetantem. Hos refutat hic Apostolus dicens : « Omnia munda mundis, » q. d. Christianis, qui sanguine Christi in baptismo mundati sunt, nullus cibis, nullum animal, nulla res, vel natura sua, vel propter legem Mosis, habenda est immunda; sed omnia eis sunt munda, ut omnibus vesci et uti sine scrupulo possint. Hunc esse sensum patet primo, quia, ut dixi, agit contra Judaizantes; secundo, quia ita se explicat I *Timoth. iv*, 3, cujus hæc epistola ad Titum est quasi compendium; tertio, quia ita interpretantur Chrysostomus, Hieronymus, Theodoretus, Ambrosius, Vatablus, Erasmus et alii passim. Unde S. Augustinus, lib. XXXI *Contra Faust.*, cap. iv : « Omnia, inquit, munda mundis, quia servi Dei in eo quod carnibus et vino abstinent, non tanquam res immundas refugiunt, sed mundioris vitæ instituta sectantur. »

Sensus Apostoli verus, Omnia munda mundis.

Jejunia Ecclesia-

Hic ergo locus Apostoli nihil facit contra jejunia ab Ecclesia indicta, quæ non ob ciborum im-

munditiam, sed ad temperantiam, carnis castigationem et obedientiam exercendam; ad Deum placandam, ad melius vacandum orationi, et ad alios sanctos fines indicuntur. Sic enim Apostoli *Actor. xv*, præceperunt abstinentiam a sanguine et suffocato. Et Paulus I *Corinth. x*, 21, vetat esum idolothytorum. Sic Deus vetuit Adam esum pomi, non aliam ob causam, quam ad probandam et exercendam ejus obedientiam. Hanc Apostoli sententiam magnus ille Spiridion, Trimitantis in Cypro Episcopus, vir admodum hospitalis et benignus, apposite adaptavit cuidam hospiti suo, ut narrat Sozomenes, lib. I *Histor.*, cap. xi : « Cum jam, inquit, instaret Quadragesima, ex itinere forte quidam venit ad eum (Spiridionem) illis ipsis diebus, in quibus una cum suis jejunia peragere consueverat, et ad statutum diem cibum degustare, cum diebus interpositis sine cibo omnino remansisset; cumque Spiridion videret hospitem valde de via fessum, nec haberet in domo sua panem, aut quidquam aliud, petita a Deo venia, carnes suillas quas solas domi habebat, coqui jussit, hospitique apponi ac de carnibus ipse primo comedere cepit, hortando hospitem ut se imitaretur; qui cum illud facere recusaret, diceretque se esse Christianum : Hanc ob causam, inquit Spiridion, minus recusare deberes. Nam omnia munda mundis, sacræ litteræ pronuntiant. » Ubi adverte, hoc exemplum non facere contra jejunia Ecclesiæ, quasi hospite adventante, ea solvere et violare liceat. Nam imprimis non erat tum jejunium ab Ecclesia præceptum; non enim dicit : Cum esset, sed : Cum instaret Quadragesima; ergo non præceptum, sed voluntarium erat hoc jejunium. Idem insinuat, cum ait fuisse dies in quibus ipse cum suis jejunare consueverat, et ad certum usque diem nihil omnino degustare. Erat ergo hoc jejunium non præcepti, sed suæ consuetudinis : nec enim Ecclesiasticum jejunium præcipit talem abstinentiam, in qua nihil omnino gustare licet.

Dices : Cur ergo comesturus carnes a Deo veniam petiit, et cur hospes carnes detrectavit, dicens se Christianum esse? Respondeo : Quia tum consuetudo videtur fuisse apud Christianos, ut ante Quadragesimam, a Dominica Quinquagesimæ carnibus abstinerent. Ita enim constituit Tclesphorus Pontifex, ut scilicet a Dominica Quinquagesimæ jejunium inchoaretur; verum ejus constitutio pro lege recepta non fuit, sed tamen a multis in consuetudinem deducta : perinde ut etiamnum multi Religiosi ab illa Dominica vel jejunium, vel abstinentiam a carnibus inchoant; hanc piam consuetudinem noluit hospes ille infringere, nec etiam Spiridion nisi petita a Deo venia.

Adde secundo, etiamsi hæc consuetudo vim aliquam obligandi habuisset, fuissetque pro lege recepta, tamen hospes ille valde fessus erat, nec Spiridion aliud habebat quam carnes; quas illi

stici quare instituta, et eorum auctoritas.

Quædam contra jejunia objectiones refelluntur.

Jejunium a Dominica Quinquagesimæ an sit præceptum?

Quo titulo liceat aliquid a viris perfectis jejunia Ecclesiastica omittere ex Hosii sententia?

apponeret. Putavit ergo Spiridion totus in charitatem et hospites effusus, tali necessitate consuetudinem illam non obligare, satiusque esse, si pro jejuniis, charitati et hospitalitati satisfaceret, carnesque hospiti apponeret, utque eum alliceret, ipse eas prægustavit, putans ex charitate id sibi licere tali casu, uti putavit et Hosius Cardinalis in *Confessione Polonica*, cap. xci, pag. 188. Forte etiam sensit id quod sensit Cassianus, *collat.* 21, cap. xxix, scilicet viros perfectos, et eos qui toties sponte sua jejunant, non teneri ita rigide ad jejunia ab Ecclesia indicta, quia alias abunde ea supplent. Denique exempla Sanctorum admiranda sunt, at non semper imitanda. Nam certum est jejunia præcepta præferenda esse voluntariis, præque illis observanda esse.

Humili omnia sunt munda.

Mystice et spiritualiter abbas Pimenius per mundos accipit humiles. Cum enim quidam eum rogaret: « Quid est, pater, quod Apostolus dicit, Omnia munda mundis? » Respondit: « Si quis ad hunc sermonem pervenire potuerit, ut cum intelligat, videbit se minorem esse totius creaturæ. Cui frater: Et quomodo me possum videre minorem ab eo qui homicida est? Respondit senex: Si potuerit homo ad sermonem hunc Apostoli pervenire, et viderit hominem qui forte alium occiderit, dicit in semetipso: Ille quidem hoc solum peccatum fecit, ego autem omni hora homicidium committo, meipsum interficiens. » Et cum frater requireret, quomodo hoc posset fieri, respondit senex: « Hæc sola hominis justitia est, ut semper semetipsum reprehendat: et tunc justificabitur, cum sua peccata condemnat. » Ita habetur in *Vitis Patr.*, lib. VII, cap. xv.

Non omnia infidelium opera sunt peccata.

COINQUINATIS AUTEM ET INFIDELIBUS NIHIL EST MUNDUM, SED INQUINATÆ SUNT EORUM ET MENS ET CONSCIENTIA. — Aliqui hinc inferunt omnia infidelium opera esse peccata; sed hic est error, nec hoc velle Apostolum mox patebit.

Secundo, S. Thomas et Cajetanus explicant hæc verba in sensu formali, hoc modo: infidelibus, qua talibus, seu quatenus comedunt, aut faciunt quippiam ex infidelitate, nihil est mundum. Sed hic sensus nisi ulterius explicetur et applicetur, nihil facit ad rem et mentem Apostoli.

Genuinus sensus Apostoli.

Dico ergo tertio, sensus genuinus est hic: sicut mundis, id est Christianis, omnia, id est omnes cibi lege vetiti sunt mundi: ita e contrario Judaizantibus et infidelibus nihil, id est nullus cibus est mundus; quia hi superstitiose et Judaica vel hæretica mente et conscientia, cibis omnibus vel abstinent, vel vescuntur. Putant enim superstitiose legem veterem adhuc obligare etiam Christianos, et secundum illam discernendos esse cibos, ut lege vetitis abstinere teneantur, lege vero permissis vesci possint. Ita Patres omnes citati, et S. Augustinus, lib. XXXI *Contra Faustum*, cap. iv: « Infidelis, inquit, sive comedat, sive abstineat, non sancte vel juste comedit vel abstinet, quia prava opinione utrumque facit. »

Posset quarto, esse hebraismus, ut verbum neutrum in *cal* capiatur pro activo in *hiphil*, *q. d.* Infidelibus nihil est mundum, id est, nullus cibus eos mundat a sua infidelitate et sceleribus; uti e contrario alios mundos, qui bonæ sunt conscientie, nihil, id est, nullus cibus aut natura sua, aut lege veteri immundus est, qui eos sordidet aut contaminet; nullus est, qui eis immunditiam aliquam sive corporalem sive legalem aspergat, uti olim cibi lege Mosis vetiti immunditiam quamdam legalem Judæis aspergebant. Huic expositioni favet antithesis, quam subdit Apostolus dicens: « Sed inquinatæ sunt eorum et mens et conscientia, » *q. d.* Ideo nullus cibus eis est mundus, id est eos emundare potest, quia inquinata est et manet eorum mens et conscientia, ad quam cibus corporalis penetrare, eamque expiare non potest. Licet et juxta priorem sensum commode exponi possit hæc antithesis, quasi det causam cur infidelibus nullus cibus sit mundus, sed potius omnis eis sit immundus: quia scilicet omni cibo utuntur vel abstinent ex infideli et perversa conscientia, qua volunt legi Mosis, æque ac Christi se subdere, et utramque amplecti: itaque faciunt contra legem Christi, et contra libertatem Evangelicam, quæ docet legem Mosis esse abolitam, nullogue modo miscendam esse Christianismo; ac consequenter quamdiu in hac mente perseverant, ex eaque cibos comedunt, vel non comedunt, semper et in omni actu peccant, seque contaminant infidelitate et judaismo.

16. CONFITENTUR (id est profitentur) SE NOËSE DEUM, FACTIS AUTEM NEGANT: CUM SINT ABOMINATI, ET INCREDIBILES, ET AD OMNE OPUS BONUM REPROBI. — Pro *abominati* græce est βδαιουχοί, id est abominabiles, et, ut Hieronymus vertit, *execrabiles*, scilicet vita et moribus.

Secundo, pro *incredibiles* græce est ἀπιστοί, id est increduli; Hieronymus vertit, *inobedientes*; alii, *intractabiles*; Syrus, *impersuasibiles*, quibus scilicet nulla ratione veritas, puritas et libertas christianismi persuaderi potest. Hoc enim proprie significat ἀπιστοί, ut dixi *Ephes.* II, 2.

Tertio, « reprobi, » id est improbi, aversi, inepti ad opus bonum, idque ob suam malitiam, qua sua libera et improba voluntate in sua infidelitate et impia vita obstinati repudiant et reprobant omne opus bonum, id est pleraque bona opera. Est hyperbole, *q. d.* Hi Judaizantes projecti sunt in omnia scelera. Hæc enim secum affert hæresis, judaismus et infidelitas: hinc tamen non sequitur, quin hæretici et infideles quædam saltem opera moraliter bona facere possint, et subinde faciant: nam confitentur Deum: hoc autem est opus bonum; est enim opus fidei ejusque professionis.

Nota: Alludit Apostolus ad *Job* xv, 16, ubi dicitur: « Quanto magis abominabilis et inutilis homo, qui bibit quasi aquam iniquitatem? » Pro *inutilis* hebraice est נעלם *neelach*, id est repro-

Sensus alius ex Hebræa lingua expressus.

Cur infidelibus nullus cibus mundus.

Vers. 16.

Infideles quomodo reprobi, et an nihil boni facere possint?

Reprobus, he-

hebraice
neelach
id est
inutilis.

bus. Et ad Psalm. xiii, 3, qui sic habet : « Omnes declinaverunt, simul inutiles facti sunt : non est qui faciat bonum, non est usque ad unum. » Ubi rursum, pro « inutiles facti sunt, » hebraice est נאלחו *neelachu*, id est, reprobi facti sunt, id est, infirmi et inutiles facti sunt ad omne bonum : hoc enim illud ipsum est, quod hic dicit Apostolus. Unde patet reprobum idem esse quod infirmum, ineptum, inutilem ad opus bonum.

Moraliter S. Hieronymus docet hic quovis peccato Deum negari, non verbo, sed facto : « Christus, inquit, est sapientia, justitia, veritas, sanctitas. Negatur per insipientiam sapientia, per iniquitatem justitia, per mendacium veritas, per turpitudinem sanctitas, per imbecillitatem animi fortitudo; et quoties vitiis vincimur, Deum negamus; e contrario quoties boni quid agimus, non ore, sed re ipsa Deum confitemur.

Quovis
peccato
Deus ne
gatur.

CAPUT SECUNDUM.

SYNOPSIS CAPITIS.

Instruit Titum, quid senes, anus, adolescentulas, juvenes, servos, verbo et exemplo docere debeat.

Hinc secundo, vers. 11, omnibus proponit gratiam Christi, qui ad hoc natus est, ut nos erudiret, abnegatis sæcularibus desideriis, sobrie, juste et pie vivere, expectareque beatam spem immortalis vitæ et gloriæ.

1. Tu autem loquere quæ decent sanam doctrinam : 2. senes ut sobrii sint, pudici, prudentes, sani in fide, in dilectione, in patientia : 3. anus similiter in habitu sancto, non criminatrices, non multo vino servientes, bene docentes : 4. ut prudentiam doceant adolescentulas, ut viros suos ament, filios suos diligant, 5. prudentes, castas, sobrias, domus curam habentes, benignas, subditas viris suis, ut non blasphemetur verbum Dei. 6. Juvenes similiter hortare ut sobrii sint. 7. In omnibus teipsum præbe exemplum bonorum operum in doctrina, in integritate, in gravitate, 8. verbum sanum, irreprehensibile : ut is, qui ex adverso est, vereatur, nihil habens malum dicere de nobis. 9. Servos dominis suis subditos esse, in omnibus placentes, non contradicentes, 10. non fraudantes, sed in omnibus fidem bonam ostendentes : ut doctrinam Salvatoris nostri Dei ornent in omnibus. 11. Apparuit enim gratia Dei Salvatoris nostri omnibus hominibus, 12. erudiens nos, ut abnegantes impietatem et sæcularia desideria, sobrie, et juste, et pie vivamus in hoc sæculo, 13. expectantes beatam spem et adventum gloriæ magni Dei, et Salvatoris nostri Jesu Christi : 14. qui dedit semetipsum pro nobis, ut nos redimeret ab omni iniquitate, et mundaret sibi populum acceptabilem, sectatorem bonorum operum. 15. Hæc loquere, et exhortare, et argue cum omni imperio. Nemo te contemnat.

Vers. 1. 1. TU AUTEM LOQUERE QUÆ DECENT SANAM DOCTRINAM : 2. SENES UT SOBRII SINT, PUDICI, PRUDENTES, SANI IN FIDE, IN DILECTIONE, IN PATIENTIA, — q. d. Noli intendere fabulis Judaicis, uti faciunt Judaizantes, sed sanæ doctrinæ Christi, nimirum docendo senes primo, ut « sobrii sint. » Græcum νηφάλιοι tam vigilantes quam sobrios significat : ex sobrietate enim vigilia et alacritas, perinde atque ex crapula somnus et torpor consequitur; nam senes somnulosi, tardi et torpidi esse solent, ob caloris defectum et phlegmatis copiam. Intemperantia autem sicut calorem obruit et phlegma adauget, ita consequenter et somnum, desidia torporemque majorem inducit. Apostolus ergo vult senes esse sobrios, ut vigilantes sint ad domestica et publica negotia sibi commissa sedulo peragenda, ad quæ ebrietas ineptos reddit. Exempla sunt in

Noe sene, qui ebrius nudatus, et a filio illusus est; et in Lot, qui senex inebriatus incestum commisit. E contrario laudatur illa vox Berzellai, qui ad familiam et mensam Davidis invitatus : « Octogenarius, inquit, sum, numquid me delectare potest cibus et potus? »

Secundo, vult ut senes sint « pudici. » Græcum σπουδοι proprie maturos et moribus graves, uti vertit Noster vers. 7, ac consequenter honestos et pudicos significat. Senes enim valde dedecet levitas, et multo magis libido, quæ signum est magnæ incontinentiæ. Nam, ut Poeta canit,

Turpe senex miles, turpe senilis amor.

« Optandum sane est, inquit Hieronymus, ut ætatis gravitatem morum gravitas decoret, ne jam frigido ad libidinem sanguine, exemplo sint ado-

Senectus
pudica

lescentibus ad ruinam. » Notum est in quantam infamiam inciderint duo illi senes impudici Susannæ insidiantes, *Daniel. xiii.*

Prudens. Tercio, ut sint prudentes, græce σώφρονες, quod, ut dixi I *Timoth. iii, 2*, varia significat. Vatablus et Erasmus vertunt, ut sint moderati, vel modesti. Chrysostomus quoque intelligit de animi moderatione, quod senectus ob virium et animi imbecillitatem immoderatus et impotentius soleat excandescere. Verum hanc moderationem animi aliis verbis significat Apostolus, cum subdit : « Ut sint sani in patientia. » Melius ergo Noster « prudentes » vertit : solent enim senes cum deficiunt, repuerascere, desipere et delirare ; aliqui senectus vegeta ob experientiam, frigus et passionum temperiem consilii est aptissima, estque ætas prudentiæ, unde Poeta :

ἔργ' ἀνδρῶν, πολέμοιτε νέων, βουλαίτε γερόντων,

id est, opera sunt virorum, bella juvenum, consilia senum sunt.

Alia virtutes senectutis congruæ. Quarto, « ut sint sani in fide, in dilectione, in patientia. » Sani, id est integri, firmi et robusti. Sanitas hæc sive firmitas opponitur languori, ait Anselmus; hunc enim afferre solet tam menti quam corpori senectus, q. d. Senes non sint languidi, sed firmi in fide, dilectione et patientia, ne scilicet levi occasione ad hæreticorum susurros, in fide nutent, eamque mutant; ne leviter offensi odium concipiant; ne levi verbulo, scommate, aliave injuria appetiti aut læsi, murmurent, stomachentur, maledicant, vindictam expetant. Solent enim senes esse morosi, tetrici, pusillanimes, suspiciosi et in bilem tam atram, quam flavam proclives; atque alia ex parte senectus ipsa magnam ærumnarum et patientiæ materiam affert. Vere enim dixit Aristoteles, lib. V *De Gener. anim.*, cap. iv : « Morbum esse adventitiam senectutem, senectutem vero esse morbum naturalem. » Præsertim vero senes male habent, cum vident se uti viribus, prudentia, animo, ita et auctoritate deficere, ac honore graduque suo pristino destitui, atque a juvenibus superari, negligi, contemni. Senes enim vivunt et gloriantur in memoria honorum, virtutum et rerum præteritarum; juvenes vero gloriantur in spe honorum, facinorum et rerum futurarum.

Senum etiam virtus mulierum consuetudine frangitur. Unde pulchre S. Hieronymus sanitatem sive integritatem charitatis docet esse illam, quam præscribit Apostolus I *Corinth. xiii*, dicens : « Charitas patiens est, benigna est, non æmulatur, » etc. S. Thomas, per « sanitatem in dilectione, » intelligit benignitatem et suavitatem in conversatione : solent enim senes junioribus, ob ætatis morositatem, tristitiam et tenacitatem sive avaritiam, esse ingrati, molesti et onerosi. Jubet ergo Apostolus, ut hoc superent et evincant per suavem et liberalem convictum. Rursum, sicut pomum sanum contactu mollescit ac putrescit, ita sana charitas virorum quoque spiritualium, et confes-

sariorum etiam senum, cum nimis familiariter, blande et crebro agunt cum mulieribus, mollescit, pallescit, infirmatur et putrescit, ut charitas in sensualitatem, ac tandem in carnalitatem degeneret. Præcipit ergo Apostolus, ut charitas hæc sana in sua integritate et vigore conservetur. « Caveant, inquit Hieronymus, tam juvenes quam senes, tam adolescentes quam vetulæ, et omni diligentia custodiant cor suum, ne per sanitatem dilectionis morbus charitatis introeat, et per amorem sanctum fiat non sancta dilectio, quæ illos pertrahat ad gehennam. »

3. ANUS SIMILITER. — scilicet æque ac senes sint sobriæ, pudicæ, prudentes, ut paulo post sequitur. Theophylactus Græcum πρεσβυτάς interpretatur presbyteras, id est uxores presbyterorum. Verum alii passim communius hæc accipiunt, ut per πρεσβυτάς quilibet senes, per πρεσβυτάδας quælibet anus intelligantur; jubet ergo eas esse

IN HABITU SANCTO. — Græcum κατάχημα non vestimenta tantum, sed etiam incessum, motum omnemque gestum significat, q. d. Anus sint in statu vel compositione corporis sancta.

Secundo, pro sancto græce est ιεροπρεπείς, id est qui deceat sanctas matronas et Deo dicatas, utpote Christianas. Unde S. Ambrosius vertit, in statu religione digno; et Syrus, בסכנא דינא לדחלת, besechima deiæ ledechalat elaha, id est in habitu qui deceat reverentiam Dei, « ut scilicet ipse earum motus, incessus, vultus, sermo, silentium quamdam decoris sacri dignitatem præferant, » ait S. Hieronymus. Lepide Protagoras cum vidisset anum bene comptam, conversus ad eam ridensque dixit : « Si ad vivos, falleris; si vero ad sepulcrum, satis compta es, » ut narrat Antonius monachus, p. II *Melissæ*, cap. xxxiv, tom. I *Biblioth. SS. Patrum*.

NON CRIMINATRICES. — Græce μὴ διαβόλους, quod S. Hieronymus vertit, non incentrices, scilicet libidinis, uti aliqui exponunt. Sunt enim pessimæ anus proxenetæ et nefariæ copulæ conciliatrices, quæ a juvenibus amasiis pretio inductæ, juvenulas castas mille artibus et fraudibus sollicitant, ut pudicitiam suam iis vendant et prostituant. Verum hanc explicationem elidit, quod S. Hieronymus *incentrices* has mox exponit et vocat accusatrices; et Græcum διαβόλους, proprie significat criminatrices et calumniatrices, quæ lites serunt, omnesque ad rixas et pugnas accendunt. Unde quoque suspicio mihi injicitur, corruptum esse hunc locum Hieronymi, ut pro *incentrices* legendum sit *criminatrices*.

NON MULTO VINO SERVIENTES. — Nota vocem « servientes : » ebrii enim et temulenti servi fiunt vini et crapulæ. « Quod in adolescentibus, inquit Hieronymus, est libido, hoc in senibus est ebrietas, ut non sint sui, sed vini. » **Secundo,** nota τὸ non multo, quia, ut inquit Chrysostomus, ætas senilis vino habet opus, cum maxime sit infirma, sed modico et temperato. « Vino, inquit Rhodiginus,

Vers. 3.

Habitus vetularum qualis esse debeat.

Pax et castitas vetularum.

Vinum quatenus fugiendum?

lib. XXVIII, cap. XXIX, senum frigus recalescit, spirituum exhilaratur tristitia, bilis atræ vis redundans reprimitur, somni conciliatur appetentia, præfracti meatus recluduntur, siccitas mitigatur, universa denique senectæ lassitudo renidet.»

BENE DOCENTES. — Græce καλεῖσθαι διδασκαλούς, id est honesta docentes, q. d. Anus doceant juvenculas non levia, anilia aut turpia, sed bona et honesta, scilicet prudentiam, charitatem, castitatem, etc., ut sequitur.

Ita Socrates (teste Maximo, *serm.* 41) suos discipulos docebat, ut hæc tria sibi compararent : *primo*, in animo prudentiam; *secundo*, in lingua silentium; *tertio*, in vultu verecundiam. Et Demetrius Phalereus (teste Laertio) monebat adolescentes, ut domi parentes, in via obvios, in solitudine seipsos revererentur : pudor enim teneram ætatem optime et efficacissime deterret a peccato.

Pulchre S. Hieronymus, epist. ad *Lætiam*, viduam nobilissimam, eandem docet quid parvulam filiam suam docere debeat. Idem exemplo sanctæ cujusdam femine Christianæ docet S. Augustinus, lib. IX *Confess.*, cap. VIII.

Anus ergo doceant non in ecclesia, aut in cœtu virorum : hoc enim Apostolus vetuit I *Timoth.* cap. II, vers. 12. Sed domi privatim doceant adolescentulas, puta filias, neptes, ancillas suas prudentiam, et ut, si conjugatæ sint, viros suos ament pariter et filios, non carnali, sed Christiano amore : uti S. Monica dilexit Augustinum ; cum eum sua cura, precibus et lacrymis ab hæresi ad Christianam fidem et vitam convertit, teste ipso Augustino, lib. III *Confess.*, cap. XI, et lib. IX, cap. V.

VERS. 5. DOMUS CURAM HABENTES. — Significantias id dicitur græce, scilicet οἰκουρίαι, id est, ut Vatablus vertit, domus custodes. Vult ergo adolescentulas conjugatas per domos non vagari : hoc enim reprehendit I *Timoth.* v, 13; sed assidue domi manere, domum custodire, ejusque curam gerere : viri enim est foras prodire, victum sibi et suis quærere, negotia tam privata quam publica tractare; uxoris vero est domum, proles, cæteraque quæ demum spectant curare. Intellexit hoc nobilis illa matrona, quæ Theano percunctanti qua ratione celebris esset evasura, respondit : « Contextens telam, et meum curans conjugium. » Sensit mulier illustris tum demum claram se fore si maritum amaret, prolem educaret et rem domesticam curaret. Et Lacæna illa captiva, quæ cum interrogaretur, quid sciret? respondit : Probe gerere domum, ut refert Plutarchus in *Lacon*. Hinc veteres insignis matrisfamilias imaginem et symbolum dixerunt esse testudinem, ut docet Plutarchus : testudo enim est domiporta, suæque domus et cochleæ perpetua silensque custos. Sic Phidias Eliensibus Venerem sculpsit, quæ pedibus testudinem calcaret, hieroglyphicum scilicet οἰκουρίαις hujus et silentii. Pulchre quoque Plutarchus in *Præceptis connubialibus* docet mulieres

non debere imitari lunam, quæ quo a sole remotior, eo et clarior est; quo vicinior, eo obscurior et minor : contrarium enim facere debere sapientem mulierem, scilicet ut præsentem viro tantum se conspici patiatur; eo vero absente, domi se contineat et abscondat.

Denique jubet Apostolus conjugatas « subditas esse viris, ut non blasphemetur verbum Dei; » quia, ut ait S. Hieronymus, « cum caput mulieris vir sit, caput autem viri Christus, quæcumque uxor non subjecit viro suo, id est capiti suo, ejusdem criminis rea est, cujus et vir, si non subjiatur Christo capiti suo. Verbum autem Domini blasphematur, dum contemnitur Dei prima sententia, et pro nihilo ducitur; vel Christi infamatur Evangelium, dum contra legem fidemque naturæ, ea quæ Christiana est, et ex Dei lege subjecta viro, imperare desiderat; cum et Gentiles feminae viris suis serviant communi lege naturæ. » Hic secundus sensus magis genuinus est. Sic enim proprie blasphematur verbum Dei.

6. JUVENES SIMILITER HORTARE, UT SOBRII SINT. — « Sobrietas enim, inquit Theodoretus, adolescentiæ summo est ornamento, quia cupiditatis vitium cum ea acrius bellum gerit. » Tum enim maxime calor corporis ex æstu sanguinis fervescit, ideoque adolescentes in voluptatem proni sunt. Hinc Plato, lib. II *De Legibus*, adolescentibus usque ad decimum octavum ætatis annum vino interdixit. Nam, ut ait Hieronymus ad *Eustochium* : « Vinum et adolescentia duplex est voluptatis incendium. Quid oleum flammæ adjicimus? quid ardenti corpuseulo ignium fomenta ministramus? » Quin et Plutarchus juvenes hortabatur ad hæc tria, scilicet temperantiam in animo, in lingua silentium, in ore pudorem.

7. IN OMNIBUS TEIPSUM PRÆBE EXEMPLUM BONORUM OPERUM, IN DOCTRINA, IN INTEGRITATE, IN GRAVITATE, VERBUM SANUM, IRREPREHENSIBILE : 8 UT IS, QUI EX ADVERSO EST, VEREATUR, NIHIL HABENS MALUM DICERE DE NOBIS. — Nota primo : Pro exemplum græce est τύπον, id est typum, sive exemplar, q. d. Tu, o Tite Archiepiscopo, esto exemplar virtutum et bonorum operum, quod omnes tui imitentur. « Sit, inquit Chrysostomus, doctrina et exemplar virtutis tuæ speculum vitæ, quod omnibus proponitur ad imitandum, veluti archetypus et primitiva quædam imago, omnia in se habens quæ bona et honesta sunt. » Nam, ut ait Seneca : « Longum est iter per præcepta, efficax et breve per exempla. » Doctor ergo debet esse forma et speculum vitæ suis discipulis instar Christi, qui ait, *Joannis* XII, 15 : « Exemplum dedi vobis; » et Pauli, qui I *Corinth.* XI, 1 : « Imitatores, inquit, mei estote, sicut et ego Christi. » Idem graviter et pie docet et monet S. Gregorius Agnellum, Fundensem Episcopum, epistola ad eum scripta : « In tuis actibus, inquit, plebi exempla bene vivendi existant. » Operibus exerce quod subjectos doces et prædicas; actus tui in aliorum correptione

Femina viro subiecta esse debet.

Vers. 6. A quibus abstinendum juvenibus.

Vers. 7 et 8.

Episcopus debet esse exemplar bonorum operum.

Testudo symbolum matrisfamilias.

tionem proficiant, in adiutorium sibi vitæ tuæ imitationem assumant. Sicque te in cunctis operibus exhibere festina, ut scripturam instructionemque in te habeat, quicumque aut negligit, aut non potest lectione formari.

Doctor
sit con-
ta. non
canalis.

Hinc pulchre S. Bernardus, serm. 48 in Cant., docet doctorem esse debere instar conchæ, quæ prius ipsa impletur, quam in alios redundet: « Si sapis, inquit, concham te exhibebis, et non canalem: hic quidem pene simul et recipit et refundit; illa vero donec impleatur exspectat, et sic quod superabundat, sine suo damno communicat. Verum canales multos hodie habemus in Ecclesia, conchas vero perpauca. Dicit David Psalm. LXII: Sicut adipe et pinguedine repleatur anima mea, et labiis exultationis laudabit os meum; infundi nimirum prius volens, et sic effundere: nec solum infundi prius, sed et impleri; quatenus de plenitudine eruclaret, non oscitaret de inanitate, caste imitans illum de cuius plenitudine omnes accepimus. Disce et tu non nisi de pleno effundere, nec Deo largior esse velis: concha imitetur fontem. Non manat ille in rivum, nec in lacum extenditur, donec suis satiatur aquis. Denique ipse fons vitæ plenus in seipso, primum ebulliens, et saliens in proximo, secreta cælorum omnia implevit bonitate, et tunc demum erupit ad terras, ac de superfluo homines et iumenta salvavit, visitavit terram, et inebriavit eam. Ergo et tu fac similiter: implere prius, et sic curato effundere. »

Qualis
debeat
esse doc-
trina
Episcopi?

Secundo, hæc bona opera sunt « doctrina, » qua alios docet et erudit ad finem et pietatem, integritas vitæ, et gravitas morum. Persimili enim modo Paulus scribit Timotheo, epist. I, cap. IV, vers. 12: « Exemplum, inquit, esto fidelium in verbo, in conversatione, in charitate, in fide, in castitate. Verum Græca clarius et aptius alio casu hæc efferunt et connectunt, παρεχόμενοι ἐν τῇ διδασκαλίᾳ ἀδιαφθορίαν, σεμνότητα, λόγον ὑγιῆ ἀκατάγνωστον, id est, præbe in doctrina incorruptionem, sive integritatem, gravitatem, verbum sanum, irreprehensibile. Hæc enim omnia pendent et reguntur a verbo præbe. Unde aptius hæc omnia referuntur ad doctrinam et munus docendi, quod primum est et proprium Episcopo, q. d. Ea quæ doces, o Tite, sint incorrupta et integra, non vitiata, corrupta et falsa. Sint rursum gravia, non levia et futilia; itaque erunt sana et irreprehensibilia, ut a nemine carpi aut reprehendi possint. Hoc notent et observent doctores et concionatores. Ita Theophylactus et Græci. S. Chrysostomus pro ἀδιαφθορίαν legit ἀφθονίαν, id est copiam.

Tertio, pro integritate græce est σεμνότητα, quod S. Hieronymus vertit, castitatem, quæ maxime decet Episcopum: et sic Noster vertit σεμνός, pudicos, vers. 2. S. Hilarius, lib. IX De Trinitate, vertit, venerationem, quasi jubeat hic Apostolus Tito, ut doceat cum veneratione verbum sanum. Noster optime vertit, gravitatem, qua scilicet au-

ditores excitet, tam ad sui, quam ad Evangelii quod docet, venerationem et reverentiam.

Quarto, « ut is, qui ex adverso est, » id est, ut adversarius, puta Gentilis, Judeus vel hereticus, vereatur, græce ἐντραπή, id est pudeat, confundatur, et, ut Hieronymus, reveatur; « nihil habens malum dicere de nobis, » græce μὴδὲν ἔχων λέγειν, id est, nihil potens dicere, vel nihil habens mali quod dicat de nobis; ἔχων enim cum infinitivo significat posse, ut hic vertit Erasmus.

9 et 10. SERVOS (supple, hortare: hoc enim repetendum est ex vers. 6) DOMINIS SUIS SUBDITOS ESSE, IN OMNIBUS PLACENTES, NON CONTRADICENTES, NON FRAUDANTES. — Notat S. Hieronymus τὸ ἐν omnibus posse primo, referri ad subditos esse; secundo et melius, ad placentes.

Vers. 9
et 10.

Nota secundo: Pro placentes græce est εὐαρέσους, quod S. Hieronymus interpretatur, qui placeant non dominis, sed sibi ipsi, qui scilicet sua sorte et servitute sint contenti, in eaque sibi placeant: sic enim e contrario δυσάρεστοι vocantur, qui sibi displicent, quibus nihil placet, nihil satisfacit. Verum melius Græci ad τὸ dominis hoc referunt; ad dominos enim cætera omnia hic referuntur: vult enim Apostolus ut servi in omnibus studeant dominis suis obsequi, placere, et fideles esse. S. Ambrosius pro εὐαρέσους, legit ἀρέσους, id est optimos, sed multile et corrupte.

Præcepta
Apostoli
pro scr-
vis.

Tertio, pro non contradicentes, Ambrosius legit, non responsatores, qui scilicet moniti, reprehensi aut jussi aliquid facere, non obloquantur, non respondeant, non obmurmurent, nolint cedere et tacere, sed velint ultimum verbum occupare: hoc enim servorum et servarum vitium est. Sicut e contrario eorum virtus et laus est, si reprehensi etiam immerito, taceant et cedant, aut humili lenique responsione, præsertim culpam suam agnoscendo, veniamque precando mitigent animos et iras herorum et herarum.

Quarto, pro non fraudantes græce est μὴ νοστιζόμενους, quod Vatablus et Erasmus vertunt, non suffragantes; alii, non intervertentes. Est enim νοστιζέσθαι, decerpere aliquid furtim, cum totum non ausis tollere, ut faciunt pueri et servi. Porro hoc non tantum ad res et bona heri, sed etiam ad ministerium et operas pertinet, q. d. Servus nihil ex rebus heri, nihil etiam ex tempore et labore ac ministerio, quod præstare debet hero, sibi suffuretur; sed in omnibus fidem, id est, fidelitatem bonam ostendat, id est, exhibeat et præstet; ut ita sua obedientia et vitæ innocentia ornet Christianam fidem et religionem. S. Hieronymus in commentario vertit, non furantes, atque explicans subdit: « Si autem hoc prohibetur in servo, quanto magis in libero, ne aut judex rapiat, aut miles non contentus stipendiis suis aliena devastet! Pulchre quidam vir apprime gravis, cum ei ejusdam judicis laudaretur integritas et diceret de eo ille qui laudabat: Non est fur; respondit: Optimum servum faceret, si nec fugitivus esset:

Servis
cavenda
furta,
amanda
fidelitas.

in tantum furti suspicio ab omni libero debet esse aliena. » Ultimis hisce verbis causam innuit Apostolus cur tam studiose servis invigilare velit Episcopum. Solent enim servi illiberali, duro et difficili esse ingenio, quod corrigit gratia et fides Christiana, servosque efficit ingenuos, tractabiles, obsequentes. Itaque servi Christiani, si moribus honestis et commodis a Gentilibus se distare ostendant, apud Ethnicos valde commendabunt et ornabunt legem Christi : et hoc est quod hic intendit Apostolus. Ita Chrysostomus.

Secundo, hac ratione servi amolientur a Christianismo calumniam tunc pervulgatam, scilicet Christianos jactare per Christum se effectos esse liberos, adeoque servos, si fiant Christiani, servitute et dominio herorum suorum eximi; hoc refellent servi, si se magis jam, quam ante baptismum dominis suis obnoxios agnoscant, et morigeros exhibeant.

Tertio, moraliter monet Chrysostomus Episcopum etiam pauperum et vilium personarum curam suscipere debere, quales sunt servi et mancipia, quorum mores, educatio et instructio fere ab heris negliguntur, quippe ab eis non raro perinde ut bruta tractantur.

VERS. 11, 12 et 13. 11. APPARUIT ENIM GRATIA DEI SALVATORIS NOSTRI OMNIBUS HOMINIBUS, 12. ERUDIENS NOS, UT ABNEGANTES IMPIETATEM ET SÆCULARIA DESIDERIA, SOBRIE, ET JUSTE, ET PIE VIVAMUS IN HOC SÆCULO, 13. RESPECTANTES BEATAM SPEM, ET ADVENTUM GLORIÆ MAGNI DEI, ET SALVATORIS NOSTRI JESU CHRISTI. — Vox enim dat causam præcedentium, cur scilicet præscripserit Tito quid senes, quid anus, quid adolescentulas, quid juvenes, quid servos docere debeat. Causa est hæc, quod pro iis omnibus, adeoque pro vilissimis servis natus sit Christus, ut quemlibet erudiret pro suo statu pie et sancte vivere. Ita S. Hieronymus, Chrysostomus et alii.

Nota *primo* : Pro *apparuit* græce est *ἐπεφάνη*, id est, ut Hieronymus vertit, *illuxit*, scilicet subito, ex improvise et insperato, quasi sol radians et salutaris; cum scilicet homines sedentes in tenebris et umbra mortis nullam talem gratiam et salutem sperarent, imo de ea desperarent, repente illa illuxit, non solis Judæis, sed « omnibus hominibus, » tam viris quam feminis, tam juvenibus quam senibus, tam Græcis quam Indis et Barbaris, tam dominis quam servis, ut omnes omnino sciant se ad Christi gratiam et regnum vocatos esse, ac consequenter sua sancta et Christiana vita Christi legem ornare debere, uti præcessit. Ita Theophylactus. Quomodo Deus sit lux et sol, quantum est ex se, omnes illuminans, nisi quis ostium et fenestras cordis sui claudat, docet S. Dionysius, *De Divinis Nom.*, part. IV, cap. IV, et Hilarius, in *Psal.* cxviii, litt. *Caph.*

Gratia Salvatoris quæ? *Secundo*, pro *Salvatoris Nostri*, noster Interpres in Græco legisse videtur σωτήρας, jam legunt σωτῆρες, id est, illa salutaris gratia, quæ omnibus salutem affert, apparuit. Gratia hæc est remissio

peccatorum, inquit Theophylactus. *Secundo*, est gratia baptismi, inquit Anselmus. Sed hæc arciora sunt. Gratia ergo hæc est misericordia et benevolentia Dei omnibus hominibus exhibita in incarnatione Christi; sive gratia hæc est ipsa incarnatio Verbi gratuita, aut ipse Deus Salvator gratuite incarnatus, afferens nobis reconciliationem, remissionem peccatorum, omnemque gratiam, sapientiam, doctrinam et salutem. Ita Hieronymus.

Tertio, pro *erudiens* græce est παιδεύουσα, id est, tanquam pueros rudes erudiens, corrigens, formans, omnique disciplina instituens et imbuens, perinde ut pædagogus puerum sibi commissum, tam in litteris quam in moribus efformat et instituit : hoc enim est παιδεύειν, inquit Gellius, lib. XIII, cap. xiii.

Quarto, hæc gratia Christi, id est Christus ipse, erudit nos abnegare, *primo*, « impietatem, » id est, incredulitatem, qua Deum nec credebamus, nec colebamus, inquit S. Bernardus, *sermone* 11 inter parvos. *Secundo*, docet nos abnegare « sæcularia desideria, » græce κοσμικὰς ἐπιθυμίας, id est, mundanas concupiscentias, hoc est, cupiditates omnes carnis, opum, honoris et gloriæ; sive, ut ait Bernardus loco citato, concupiscentiam carnis, concupiscentiam oculorum et superbiam vitæ, quæ trahunt et inclinant ad amorem sæculi, quæ mundus hic offert, quasque mundani homines concupiscunt et avidissime consecretantur. Has abnegamus, cum eis consensum negamus, cum delectationem quam suggerunt, et actum ad quem sollicitant, abnuimus, imo ex mente et animo radicitus evellimus et extirpamus. « Toties, inquit Hieronymus, negamus nos, quoties priora vitia calcantes, desinimus esse quod fuimus, et incipimus esse quod ante non fuimus; » ut qui prius superbus, ebriosus, obscenus, iracundus, furax fuit, abnegat se, si incipiat esse humilis, sobrius, castus, mansuetus, suaque sorte contentus. « Vivendum est ita, inquit Ambrosius, lib. II *De Pœnit.*, cap. xix, ut huic mortali moriamur usui, seipsum sibi homo abneget et totus mutetur : sicut quemdam adolescentem fabulæ ferunt, post amores meretricios peregre profectum, abolito amore regressum, veteri occurrisset dilectæ; quæ se non interpellatam mirata, et se non cognitam rata, rursus occurrens dixerit : Ego sum; responderit ille : Sed ego non sum; » significans se non esse eundem qui fuerat, sed in alium esse mutatum.

Quare S. Laurentius Justinianus, primus Patriarcha Venetorum, lib. *De Interiori conflictu*, cap. viii : « Omnis, inquit, disciplina Christianæ professionis, non in miraculis faciendis, non in futura prædicendo, non in eloquio composito, Scripturarum explanatione; sed in resecandis concupiscentiis commendatur, » ut scilicet abnegemus sæcularia desideria.

Usus vero et fructus hujus abnegationis egre-

Quanam doceat nos Christi gratia?

In quo consistat abnegatio sæcularium.

gregie docuit B. Ægidius hisce suis paradoxis : « Si vis, inquit, bene videre, erue oculos tuos, et esto cæcus; si vis bene audire, esto surdus; si bene loqui, esto mutus; si bene ambulare, abscinde tibi pedes; si bene operari, mutila tibi manus; si bene amare, habebas te odio; si vis bene vivere, te mortifica; si bene lucrari, disce perdere; si vis esse dives, esto pauper; si vis esse in deliciis, afflige te; si vis esse securus, esto semper in timore; si vis exaltari, humilia; te si vis honorari, despicie te, et honora te despicientes; si vis habere bonum, sustine malum; si vis esse in quiete, labora; si vis benedici, desidera maledici. O quam magna sapientia, scire hæc facere! et quia magna sunt, non omnibus data sunt. »

Advertit Chrysostomus multos esse qui se et sua vitia negare incipiunt; sed paucos esse qui abnegent, id est, negare pergant et negando extirpent. Seneca, *epist.* 72, optando dicebat : « Quando continget omnibus oppressis affectibus, et sub arbitrium adductis, hanc vocem emitte : Vici? » O beatum, qui sub jugum ductis cupiditatibus, triumphans dicere poterit : « Vici! »

Unde sequitur quinto : « Ut sobrie, et juste; et pie vivamus. » *Sobrie* scilicet erga nos, *juste* erga proximum, *pie* erga Deum, inquit S. Bernardus, loco citato. Unde Syrus vertit, *ut vivamus cum castitate, justitia et reverentia Dei*. Græcum enim σωφρόνως, tam *pudice et caste* cum S. Hieronymo et Syro, quam *sobrie*, verti potest.

Sexto, finem, scopum et præmium hujus abnegationis, sobriæque, piæ ac justæ vitæ addit Apostolus dicens : « Expectantes beatam (Syrus *bericha*, id est benedictam) spem et adventum (ἐπιφάνειαν, id est illustrationem sive illustrem adventum et apparitionem) gloriæ (id est gloriosum, splendidum, augustum) magni Dei et Salvatoris nostri Jesu Christi. » Ubi adverte, « beatam spem » per hypallagen significare speratam beatitudinem : spes enim ponitur pro re sperata. « Beata » vero dicitur, non passive, sed active, id est, quæ nos beat et beatos facit, quæ est ipsa beatitudo nostra. Pulchre S. Hieronymus : « Sicut impietas, inquit, magni Dei reformidat adventum, ita secunda de opere suo pietas illum præstolatur. »

Septimo, Erasmus pro Arianis more suo pugnans, per « magnum Deum » intelligit Patrem; per « Salvatorem » vero Filium. Verum non Patrem, sed Filium utrobique hic intelligi patet ex eo, quod non Pater, sed Filius cum magna luce et majestate venturus sit ad judicium, ut fideles suos præmii et remuneretur. Ita S. Hieronymus, Theodoretus, Chrysostomus, Theophylactus et alii. Secundo, idem patet ex eo, quod unus idemque Græcus articulus utrumque nomen, scilicet, tam « magni Dei, » quam « Salvatoris » respiciat et copulet per copulam et : dicit enim Apostolus sic, τοῦ μεγάλου Θεοῦ καὶ Σωτῆρος. Quod si alium intellexisset Salvatorem quam magnum Deum, addidisset

sane alium articulum dicens; καὶ τοῦ Σωτῆρος. Hinc ergo patet contra Arianos veteres et novos, puta Transylvanos, Filium Dei Jesum Christum esse verum magnumque Deum.

14. QUI DEDIT SEMETIPSUM PRO NOBIS, UT NOS REDIMERET AB OMNI INIQUITATE, ET MUNDARET SIBI POPULUM ACCEPTABLEM, SECTATOREM BONORUM OPERUM. — Explicat hisce verbis Apostolus quomodo et quare Christus sit Salvator noster, quia scilicet cum esset magnus Deus, dignatus est fieri parvus in humanitate, in eaque seipsum dare pro nobis.

Nota : Christus a Patre dicitur traditus, quia Pater Christum objecit Judæis; dicitur et a Juda traditus, id est, proditus Judæis, qui rursus eum tradiderunt damnandum Pilato, ac vicissim Pilatus tradidit eum occidendum et crucifigendum militibus et tortoribus. Hic vero dicitur Christus seipsum tradidisse, sive dedisse pro nobis, quia sponte sua obtulit se Judæis et morti, et quia se suamque vitam, crucem et mortem Patri obtulit in pretium redemptionis nostræ, ut scilicet nos e captivitate diaboli, mortis et inferni, persoluto pro nobis lytro, dando scilicet sanguinem suum et vitam pro sanguine et vita nostra, eriperet. Hoc enim significat Græcum λυτρώσθαι.

Nota secundo : « Populum acceptabilem » vocat peculiariter electum et dilectum a Deo : alludit enim Paulus ad *Exodi* xix, 5, ubi Dominus iniens fœdus cum Judæis, eosque sibi in populum, in Ecclesiam, imo in filios adsciscens et adoptans ait : « Eritis mihi in peculium de cunctis populis. » Ubi pro *peculium* hebraice est כֶּנֶז *segulla*, quod significat peculium selectum, et thesauros pretiosiores, magisque charos ac dilectos, inquit Hieronymus, quales sunt torques, gemmæ et bullæ e collo pendentes. Unde Chaldaeus vertit, חֲבִיבִין *chabibin*, id est charissima; et Symmachus vertit, ἱεραιότερον, id est selectum, egregium, eximium; Syrus vertit חֲדָתָא *chadta*, id est novum populum; alii vertunt, *populum proprietatis*, id est, proprium et peculiarem; Aquila, Quinta editio, et Septuaginta quos sequitur hic Paulus, vertunt περιεσπαστον, quasi dicant, id quod ex opibus et substantia eminent et reconditur instar rari, singularis et pretiosi thesauri : περὶ enim subinde eminentiam et excellentiam, ὁδία vero essentiam et substantiam significat, q. d. Christus nos redemit, mundavit sibi que adscivit in populum selectum, eximium, pretiosum, proprium, rarum et charum, ut scilicet simus hæreditas et peculium, imo cimelia et thesaurus pretiosissimus et charissimus Christo. Vide quanti apud Christum sit Ecclesia, omnesque Christiani, quantumque vicissim Christum redamare et colere debeamus.

Nota tertio : Pro *sectatorem* græce est ζηλωτήν, id est zelatorem, et, ut Hieronymus vetit, *æmulatorem*, « bonorum operum, » ut scilicet, inquit Chrysostomus, non tantum faciamus bona opera, sed ea zelemur, ac fervide et alacriter ad ea procuramus, perinde ut rivalet, qui unam eandemque

Vers. 14.

Quomodo et a quibus Christus traditus, et quo fine?

Illustratus hic Paulus ex variis editionibus, Hebræa, Chaldaea, Syra, Græca, etc.

Amor Christi erga nos.

Præmium vitæ justæ ac sobriæ.

Erasmus hic arianizans refutatur.

sponsam ambiunt, ingenti amore et zelo ad eam assidue feruntur et procurrant.

VERS. 15. HÆC LOQUERE, ET EXHORTARE, ET ARGUE CUM OMNI IMPERIO. — « Hæc, » scilicet, quæ dixi de Christi adventu et redemptione loquere. Rursum « hæc, » quæ dixi de redemptionis Christi fine et scopo, ut scilicet sectemur bona opera sobrie, juste et pie vivendo, hæc, inquam, exhortare : et si qui hortationi suavi non pareant, uti sunt tui duri Cretenses, « argue » eos « cum omni imperio, » plena potestate et auctoritate, tanquam Archiepiscopus, cui demandata est auctoritas, jus et munus regendi docendique populum tibi subditum. Sic Christus dicitur *Matth. vii, 29*, docuisse tanquam potestatem, id est auctoritatem, habens. Non ergo vult Titum imperiose agere, sed imperio et potestate sua uti in arguendo et compescendo eos, qui rebelles aut cervicosi sunt : tales enim non ignave, remisse ac timide, sed cum libertate, gravitate ac acrimonia increpandi sint ; atque, ut aiebat Melania apud Palladium in *Lausiaca*, cap. cxvii : « Oportet adversus stolidos tanquam cane et accipitre uti animi elatione, eamque tempore superbiæ eorum in ipsos immittere. »

Quomodo arguendi ab Episcopis cervicosis?

Cur Paulus moneat Titum, ut cum imperio arguat, et non Timotheum?

Notat S. Thomas hic, et Gregorius, hom. 41 in *Ezechielem*, Paulum monere Titum, ut cum imperio arguat, eo quod Titus natura sua esset mitior ; hac vero de re non monuisse Timotheum, eo quod ipse satis acrimoniæ et bilis haberet a natura. Verum melius, et verius forte, causam hujus rei conferemus in ipsos auditores et subditos, qui dispari erant ingenio. Cretenses enim naturaliter erant duri, perveraces et perversi ; unde de eis dicit Apostolus, cap. i, vers. 12 : « Cretenses semper mendaces, malæ bestię, ventres pigri. » Hisce præerat Titus, unde jubet illi Apostolus, ut eos arguat cum imperio. Timotheus vero præerat Ephesiis, qui docili et facili erant ingenio, ut colligitur ex *Actor. xx, 37*, et ex Ignatio, epist. ad *Ephesios*, in qua Ephesiorum Ecclesiam vocat castissimam, celebrem, laudabilem, seque valde optare dicit, ut in sorte Ephesiorum Christianorum inveniatur, qui cum apostolis Paulo,

Joanne et Timotheo fidelissimo versati sunt : hisce ergo imperio non erat opus.

NEMO TE CONTEMNAT. — Græce *μηδεις σου περιφρονειτω*, quod Chrysostomus cum suis ita exponit : Ita te gere, ita sancte vive, o Tite, ut nemo te contemnere audeat. « Auctoritatem enim doctrinæ vita facit, » inquit Primasius. Verum magis apte et connexe S. Hieronymus vertit, *nemo te despiciat*, quasi infra se positum, q. d. Tuere auctoritatem tuam, argue cum omni imperio, ostende potestatem tuam, ne quis te deprimere et quasi se inferiorem despiciere audeat. Narrat Spartianus, quod, cum milites Bassianum, Severi Imperatoris filium Augustum consalutassent, Severus in duces omnes facti auctores animadverti jussit ; qui cum prostrati veniam rogarent, Severus manu caput contingens : « Tandem, inquit, sentitis caput imperare, non pedes. » Pari modo contemni se non patiatur Prælati ; hoc enim significat *περι* in *περιφρονειτω*. Sic enim subinde nobiles, præsertim si præsent et regant, præ se despiciunt Episcopos, suasque leges eorum legibus anteponunt. Nam ad Timotheum scribens epist. I, cap. iv, vers. 12, cum ait : « Nemo adolescentiam tuam contemnat, » græce non est *περιφρονειτω*, sed *καταφρονειτω*, quod in genere contemnere significat. Vult enim Timotheum, ne ob adolescentiam apud suos perdat auctoritatem, eandem sibi morum gravitate et sanctitate conciliare, ut nemo eum licet juvenem, docentem et monentem contemnere audeat ; hic vero Titum grandævum, satis gravem et maturum monet, ne sinat se a thrasonibus despici, eosque super se attolli : hoc enim significat *περιφρονειτω*. Pulchre et sapienter S. Bernardus Eugenium Pontificem monet, in fine lib. IV *De Consider.*, dicens : « Ubi malitiæ juncta potentia est, aliquid tibi supra hominem præsumendum, vultus tuus super facientes mala. Timeat spiritum iræ tuæ, qui hominem non veretur, gladium non formidat ; timeat orationem, qui admonitionem contempsit. Cui irascaris tu, Deum sibi iratum, non hominem putet ; qui te non audierit, auditurum Deum contra se paveat. »

Episcopos! non debent se pati despici a nobilibus.

CAPUT TERTIUM.

SYNOPSIS CAPITIS.

docet Christianos magistratibus etiam Ethnicis debere esse obediētes, modestos item et mansuetos.

Hinc secundo, vers. 4, inculcat gratiam Christi, qui per baptismum nos regeneravit, ut bonis operibus studeamus, imo præsimum.

Tertio, vers. 10, jubet vitari hæreticos.

Denique, vers. 12, Titum, Zenam et Apollo ad se vocat, suosque salutat.

1. Admone illos principibus et potestatibus subditos esse, dicto obedire, ad omne opus bonum paratos esse, 2. neminem blasphemare, non litigiosos esse, sed modestos, omnem ostendentes mansuetudinem ad omnes homines. 3. Eramus enim aliquando et nos insipientes, increduli, errantes; servientes desideriis et voluptatibus variis, in malitia et invidia agentes, odibiles, odientes invicem. 4. Cum autem benignitas et humanitas apparuit Salvatoris nostri Dei, 5. non ex operibus justitiæ, quæ fecimus nos, sed secundum suam misericordiam salvos nos fecit, per lavacrum regenerationis et renovationis Spiritus Sancti, 6. quem effudit in nos abunde per Jesum Christum Salvatorem nostrum : 7. ut justificati gratia ipsius, hæredes simus secundum spem vitæ æternæ. 8: Fidelis sermo est, et de his volo te confirmare : ut curent bonis operibus præesse qui credunt Deo. Hæc sunt bona et utilia hominibus. 9. Stultas autem quæstiones, et genealogias, et contentiones, et pugnas legis devita. Sunt enim inutiles et vanæ. 10. Hæreticum hominem post unam et secundam correptionem devita : 11. sciens quia subversus est, qui ejusmodi est, et delinquit, cum sit proprio judicio condemnatus. 12. Cum misero ad te Artemam, aut Tychicum, festina ad me venire Nicopolim : ibi enim statui hiemare. 13. Zenam legisperitum, et Apollo sollicitè præmitte, ut nihil illis desit. 14. Discant autem et nostri bonis operibus præesse ad usus necessarios, ut non sint infructuosi. 15. Salutant te qui mecum sunt omnes : saluta eos, qui nos amant in fide. Gratia Dei cum omnibus vobis Amen.

Vers. 1. 1. ADMONE ILLOS PRINCIPIBUS ET POTESTATIBUS. — Græce ἀρχαῖς καὶ ἐξουσίαις, id est principatibus et potestatibus, hoc est, principibus et magistratibus potestatem habentibus : ponuntur enim abstracta pro concretis, ut dixi *Coloss. 1, 16*.

Car Subditos ESSE. — Postquam singulis hominum Apostolus cap. præced. leges et monita dedit, hic communia omnibus dat; ac imprimis ut obediant principibus et magistratibus laicis, etiam Ethnicis, tum ne eos contra Christianam religionem irritent, sed potius sua obedientia eos ad Christum pelliceant; tum ne pacem turbent. Causa cur sæpius Paulus, Petrus, imo et Christus hanc obedientiam præcipiant, est ea quam dixi *Rom. XIII, 1*, scilicet ut ostendant se non esse sectæ Galilæorum, quæ populum fidelem soli Deo, non autem Ethnicis subijci debere docebat : de hac enim suspecti fuerunt Apostoli, utpote Galilæi. Et hæc secta apud Judæos ita invaluit, ut nec morte quidem proposita induci potuerint Judæi, ut Cæsarem Dominum appellarent; imo multi

illorum, duce Eleazaro, a præside Syriæ Cyrino se censeri et describi non paterentur, ne Cæsari se subjectos esse profiterentur, ut refert Josephus, lib. VII *Bellic.* XXVIII et XXIX; sed illi et Romanis tandem publica et communi omnium conspiratione rebellantes, ad extremum usque Hierosolymæ excidium pertinacissime in sua sententia et rebellione perstiterint; ideoque a Tito funditus deleti sunt.

DICTO OBEDIRE. — Græce πειθαρχεῖν, id est prompte, libenter et ex animo obedire.

AD OMNE OPUS BONUM PARATOS ESSE. — Loquitur de opere non sponte suscepto, sed a principe aut magistratu, de quo præcessit, præscripto, ut quidquid boni ille faciendum jussit, ad id se promptos exhibeant Christiani. Si enim quippiam mali operis juberet, Christianus illi parere non potest, sed dicere debet : « Obedire oportet Deo magis quam hominibus. » Unde S. Augustinus in *Psalm. CXXIV*, loquens de Christianis militibus, qui servierunt Imperatori Juliano apostatæ et idololatæ : « Ubi, inquit, veniebatur ad causam

Obedien-
dum
principi
si Deo
contraria
non præ-
cipiat.

Christi, non agnoscebant nisi illum qui in cœlo erat. Quando volebat ut idola colerent, ut thurificarent, præponebant illi Deum; quando autem dicebat: Producite aciem, ite contra illam gentem, statim obtemperabatur. Distinguebant Dominum æternum a domino temporali, et tamen subditi erant propter Dominum æternum etiam domino temporali. »

Vers. 2. 2. NEMINEM BLASPHEMARE, — id est, nemini maledicere, aut mala imprecari, neminem conviciari. Hoc enim est βλασφημεῖν. Sic I *Corinth.* iv, 13, dicitur, *blasphemamur*, id est maledicimur, et obsecramus. Alioqui Latinis blasphemia proprie convicium est, quod in Deum et Sanctos evomitur.

Non maledicendum principibus, nec privatis.

Vetat Apostolus ut nemini etiam privato, sed maxime ne ulli principum aut magistratum maledicant Christiani, ut multi faciunt cum ab eis vecigalibus aliisque oneribus gravantur sive juste, sive injuste; jubetque ut tam imperata, quam imperantes patienter ferant. Ita Paulus fecit, et hoc suum dogma suo exemplo sancivit *Actor.* xxiii, 3, ubi jussus ab Anania pontifice iniquo cædi: « Percutiet te, inquit, Deus, paries dealbate. » Cumque astantes dicerent: « Summum sacerdotem Dei maledicis? » respondit: « Nesciebam, fratres, quia princeps est sacerdotum. Scriptum est enim: Principem populi tui non maledices. »

Non litigiosos, — ἀμάχατος, id est non pugnaces non tam verberibus, quam verbis, ne scilicet verbererentur, et in lites ac rixas prœni sint adversus superiores et magistratus, et etiam quosvis alios. Sensim enim Apostolus se et sua sensa dilatat ad omnes. Unde subdit: « Omnem ostendentes mansuetudinem ad omnes homines. »

Vers. 3. 3. ERAMUS ENIM ET NOS ALIQUANDO INSPIENTES, INCREDULI, ERRANTES. — Vox enim dat causam cur Christiani debeant esse mansueti ad omnes, etiam Ethnicos incredulos, perversos et scelestos, tam magistratus, quam privatos quosque. Estque hic tacita occupatio, q. d. Dicetis mihi, o Christiani, Ethnicos esse impios et sceleratos, vobisque esse duros, molestos et intolerabiles: quomodo ergo cum iis lites vitare et mansueti esse poterimus? Respondet Apostolus, id pacem et mansuetudinem Christianorum non retardare, sed potius accendere debere: illos enim tam miseros omni compassione esse dignos; oportere Christianos cogitare illa esse vitia gentilismi et ignorantie Dei, se quoque tales fuisse cum inter eos gentiliter viverent: proinde agnoscant discrimen et disparitatem vitæ præsentis Christianæ, et prioris quam egerunt in paganismo; admirentur Dei gratiam sibi præstitam, pro eaque gratias agant, ac misereantur eorum qui adhuc in tenebris et salebris gentilismi degunt; ferant eorum passiones et vitia, Deumque orent, ut et ipsi ad Christum Christianamque modestiam, mansuetudinem et sanctitatem secum aliquando convertantur (1).

Christiani debent exemplo præluere infidelibus.

Advertit S. Hieronymus vocem *nos*, q. d. Ego Paulus quoque ante conversionem vixi incredulus in judaismo, secutus sum carnis concupiscentias, nec eas cohibere valui, utpote gratia Christi destitutus; sed ea imbutus post conversionem factus sum vas electionis et virtutum.

Nota: Pro *insipientes* græce est ἀνόητοι, quod S. Hieronymus, *stulti*; S. Ambrosius, *inconsulti*, vertit.

Secundo, pro *increduli* græce est ἀπιστοί, id est impersuasibiles. Potest *secundo* cum Hieronymo verti, *inobedientes*, et cum Cypriano, *contumaces*.

Tertio, *malitia* idem est quod improbitas, perversitas, nequitia et nocendi cupido. Inde enim homines mali vocantur perversi, qui alios verbis et factis lacessunt, omnibusque sunt molesti et maligni. Ita Theophylactus. « Per peccatum, inquit Prosper, lib. *De Gratia Dei*, contra Collatorem, perdidit homo boni scientiam: justitiam enim iniquitas depulit, humilitatem superbia destruxit, continentiam concupiscentia elisit, infidelitas rapuit fidem, captivitas abstulit libertatem, nec potuit illic ulla portio residere virtutum, ubi tanta irrupit turba vitiorum. »

Malitia est nocendi cupido

4. CUM AUTEM BENIGNITAS ET HUMANITAS APPARUIT SALVATORIS NOSTRI DEI, NON EX OPERIBUS JUSTITIÆ QUÆ FECIMUS NOS. — Pro *benignitas* græce est χρηστότης, id est bonitas, benevolentia et beneficentia.

Vers. 4 et 5.

« Humanitas » non est idem quod humanæ naturæ assumptio, ut explicat D. Thomas. Nam græce est φιλανθρωπία, id est singularis ille Dei Patris erga homines amor, studium et dilectio, et, ut S. Hieronymus vertit, clementia: qua scilicet Deus Pater, quasi salvator, volens nos ad salutem perducere, Filium suum salvatorem nobis dedit, fratrem hominemque nobis congenerem, qui assumpta humana natura, baptismum merito et pretio sanguinis sui instituit, quo nos a pristinis vitiis et concupiscentiis ablueret et salvaret; itaque novos homines efficeret, ut ex insipientibus fieremus sapientes, ex incredulis credentes, servientes non carnis, sed spiritus desideriiis.

Eleganter et pie S. Bernardus, *serm. 1 In festo Nativit. Domini*: « Apparuerat, ait, ante potentia in rerum creatione, apparebat sapientia in earum gubernatione; sed benignitas misericordie nunc maxime apparuit in humanitate. » Et mox: « Appareat, Domine, bonitas, cui possit homo (qui ad imaginem tuam creatus est) conformari: nam majestatem, potestatem, sapientiam nec imitari possumus, nec expedit æmulari. Quousque angustata est misericordia tua in sola angelorum parte, reliquam occupat iudicium cum toto humano genere? Dilatet misericordia terminos suos, extendat funes, expandat sinus, attingat a fine usque ad finem fortiter, disponens omnia suaviter. »

nimis rigide tractaret: « Cogita illum, inquit, puerum esse, et te fuisse. »

(1) Plinius, amicum juniorem monens, de filium suum

Multa admiranda in Dei philanthropia. Trimum. Nota: In hac philanthropia, sive singulari illo Dei amore in nos multa sunt admiranda.

Primo, quod ab æterno nos amarit ille qui est Deus, id est, qui est summa majestas et felicitas, qui in se omne bonum habet, ita ut nobis, aliave re non indigeat.

Secundo. **Secundo**, quod non necessario nos amet, uti necessario amat Filium et Spiritum Sanctum, sed plane libere et liberaliter.

Tertium. **Tertio**, quod nos amet sine sua utilitate aut commodo proprio. Nam, ut ait Cyrillus, lib. I *Thesauri*, cap. VI, superflua est Deo productio creaturarum, quantum ad Dei perfectionem attinet. Hoc enim erat Deus antequam nos creati essemus, quod nunc etiam est: nihil ei attulimus a nihilo ad esse producti, et si ad nihilum redigeremur, nihil ei detraheremus.

Quarto. **Quarto**, quia Deus hominem amat in quo nulla præcessit ratio, nullum meritum, nulla dignitas, ob quam diligendus esset, sed potius demerita multa et magna, ob quæ omni odio erat dignus. « Commendat, inquit Paulus *ad Rom.* v, 8, Deus charitatem suam in nobis, quoniam cum adhuc peccatores essemus, Christus pro nobis mortuus est. »

Quinto. **Quinto**, quia dilexit eos quos præscivit fore ingratos, imo hostes suos.

Sextum. **Sexto**, quia amor hic Dei in homines non ex ignorantia, nec ex passione proficiscitur, uti homines stulte amant sæpe amicas suas ex insano amore, vel quia persuadent sibi eas esse gratiosissimas; sed omnis Dei amor cum summa æquitate et sapientia conjunctus est.

Quæ sit Dei ratio amandi homines? Dices: Quænam in Deo est sapientia diligere homines peccatores et miseros? hoc enim obiectum in se non est diligibile.

Respondeo: Ratio amandi in Deo non petitur ab obiecto diligibili, uti fit apud homines, sed ab ipso Deo. Deus enim diligit nos propter se, quia summe bonus est, adeoque bonitate abundat, ut bonitatem et liberalitatem suam in nos omni dilectione indignos effundere velit. Infinita ergo Dei bonitas radix est et ratio amandi homines, eisque se et sua bona communicandi. Hunc amorem mire inculcat S. Joannes cum ait, cap. III, vers. 16: « Sic Deus dilexit mundum, ut Filium suum unigenitum daret, ut omnis qui credit in eum, non pereat, sed habeat vitam æternam. »

Amoris Dei magnitudo exaggeratur. Ubi nota singula verba habere emphasim, et emphatice exaggerare amorem Dei. **Primo** enim ait, « sic, » id est tanta amoris vehementia, conatu, excessu. **Secundo**, non rex, non Cæsar, non angelus, sed « Deus. » **Tertio**, « dilexit, » scilicet prior et gratis, sine merito; imo sine desiderio nostro. **Quarto**, « mundum » sibi contrarium, hostem et reum damnationis. **Quinto**, « ut » non hominem, non angelum, non mundum alterum, sed « Filium, » non alienum, non adoptivum, sed « suum, » proprium ac naturalem, eumque non unum e multis, sed « unigenitum » et unicum.

Sexto, non venderet pretio, non mutuaret, sed gratis « daret, » non ad regnum et triumphos, sed ad mortem et crucem. **Septimo**, id fecit non sibi, non Christo fructum aliquem quærens, sed ut ipse nos, id est creator creaturas suas, sua morte vivificaret, sua humilitate exaltaret, sua exinanitione, æterna gloria, opibus et bonis immensis cumlaret.

SALVATORIS NOSTRI DEI. — Nota: *Salvator* hic vocatur Deus Pater; hunc enim distinguit a Salvatore quem subdit vers. 6, dicens: « Per Jesum Christum Salvatorem nostrum. » Unde S. Hieronymus docet hic notari SS. Trinitatem: tertia enim persona Spiritus Sancti nominatur, cum dicit: « Per lavacrum regenerationis et renovationis Spiritus Sancti salvos nos fecit. » Loquitur de salute inchoata, quæ est ipsa justificatio, qua a peccatis et reatu mortis et inferni liberamur et salvamur, tendimusque ad plenam et completam salutem, quam in celo omnibus ærumnis, concupiscentiis et peccandi periculis liberati adipiscemur. Ita S. Augustinus, lib. III *Contra duas Epist. Pelagian.*, cap. III.

5. NON EX OPERIBUS JUSTITIÆ (id est non merito operum justorum, cum nulla talia præcesserint fidem et justitiam), **SED SECUNDUM** (id est propter, vide *Can.* 25) **SUAM MISERICORDIAM**, — id est gratis, ex mera Dei misericordia. Vers. 5.

PER LAVACRUM REGENERATIONIS. — Asserit hic Apostolus nos salutem jam dictam consequi in baptismo: baptismus enim est lavacrum regenerationis, quo scilicet regeneramur et renascimur in Christo.

ET RENOVATIONIS SPIRITUS SANCTI, — quo scilicet per gratiam Spiritus Sancti renovamur, et novi homines, puta sancti, justi, Dei amici et filii effici-mur. Unde Tertullianus, lib. *De Resurrectione carnis*, vim baptismi explicans: « Caro, inquit, abluitur ut anima emaculetur, caro ungitur ut anima consecratur, caro saginatur ut anima muniat, caro manus impositione adumbratur ut et anima spiritu illuminetur, caro corpore et sanguine Christi vescitur ut anima de Deo saginetur. » In baptismo enim mel et lac, atque Eucharistia recens baptizatis gustanda dabantur, ut alibi dixi, et baptizato statim impendebatur sacramentum Confirmationis per manus impositionem, ut innuit hic Tertullianus.

Nota hic emphasim: baptismus enim dicitur renovatio, græce *παλιγγενεσία*, id est iterata generatio, quia quasi de novo secundum carnem genitos, regenerat secundum spiritum et virtutes. Unde merito exclamat hic Theophylactus: « O rem arduam, inquit, et admirabilem! Adeo vitiiis eramus immersi, ut nulla ratione purgari possemus, sed opus fuit regeneratione; nam regeneratio et renevatio secundam nativitatem novamque formationem significant. Ut enim domum ruinosam et plane veterem non suffulcimus, verum ad fundamenta usque diruimus ac demolimur, no-

Notatur hic Paulo SS. Trinitas.

Vers. 5.

Vis baptismi et ejus ritus.

vamque ædificamus : consimilem ad rationem Deus non reconcinnavit quod corruptum erat sciendo, sed denuo condidit. Quomodo? per Spiritum Sanctum; ne enim queras modum, Spiritus, inquit, totum transegit. Unde hoc perspicuum? quem effudit, inquit, abunde in nos : nos enim tantummodo per hunc refinxit nos, sed large ipsum etiam nobis impertiit, ut et illud per hoc monstretur. Ac merito : postquam enim munda- vit nos, tum et Spiritu suo Sancto abunde nos implevit; hoc est quod ait : Effudit. In impuros mundus ille purusque Spiritus non ingrediebatur. »

Rursum D. Thomas hic : « Illo, inquit, in statu perditionis duobus indigebat, scilicet participatione divinitatis et depositione vetustatis. Christus utrumque præstitit nobis : prius, dum nos per suam gratiam effecit divinæ consortes naturæ; posterius, dum per baptismum nos in novam creaturam regeneravit. » Et rursum : « In justificatione, inquit D. Thomas, impii duo sunt termini : a quo, culpæ remissio, et hæc est renovatio; ad quem, gratiæ infusio, et hæc est regeneratio. » Verum hoc non satis solidum videtur : nam sicut regeneratio, ita et renovatio suum habet terminum, tam ad quem, quam a quo : novitas enim gratiæ et vitæ est terminus ad quem renovationis. D. Thomas ergo accommodatitè tantum loquitur, et per renovationem præcise intelligit vetustatis depositionem : vult enim distinguere in justificatione, terminum a quo, a termino ad quem; et sicut hunc assignat regenerationi, ita illum attribuit renovationi.

Denique nota, hanc renovationem a peccatis plene, sed a vitiis et concupiscentiis inchoate tantum fieri in baptismo, in qua quotidie proficiendum est, mortificando scilicet concupiscentias, ut ab eis plenam sanitatem et renovationem consequamur in cælo. Ita S. Augustinus, lib. xiv De Trinit., cap. xvi.

Vers. 6 et 7. 6. QUEM (scilicet Spiritum Sanctum, id est Spiritus Sancti gratiam et dona) EFFUDIT IN NOS ABUNDE PER JESUM CHRISTUM SALVATOREM NOSTRUM, 7. UT JUSTIFICATI GRATIA IPSIUS, HÆRES SIMUS SECUNDUM SPEN VITÆ ÆTERNÆ. — Nota : Non dicit, dedit, sed « effudit, » idque non parce, sed « abunde, » græce πλουσιως, id est opulenter, ait Hieronymus, large, copiose; idque hoc fine, ut « justificati, » id est a peccatis expurgati et iustitia donati; non nostro merito, sed « gratia ipsius, hæredes simus secundum spem vitæ æternæ, » id est hæredes nos fore speremus in cælo vitæ æternæ.

Nota : Sicut filius qui scriptus est hæres a patre, patris est hæres, non re ipsa, sed tantum secundum spem suam et secundum destinationem patris, qua fiet ut, mortuo patre, re ipsa futurus sit patris hæres : ita in baptismo dum justificamur, destinamur et scribimur hæredes vitæ æternæ, sed tantum secundum spem nostram et destinationem Dei. Nam re ipsa hæredes erimus post mortem, et nimirum in iustitia accepta, quæ

nobis ad vitam æternam dat jus, perseveremus et moriamur.

8. FIDELIS SERMO EST; ET DE HIS VOLO TE CONFIRMARE : UT CURENT BONIS OPERIBUS PRÆESSE QUI CREDUNT DEO, — q. d. Ea quæ dixi de Dei in nos benignitate et humanitate, de renovatione, de salute, de spe vitæ æternæ, non sunt fabulosa, non incerta, non dubia; uti Judæorum et Philosophorum doctrinæ et spes; sed fidelia, id est certa et indubitata (ut dixi I Timoth. cap. i, vers. 13); ac proinde volo, ut de his tu confirmes non tam teipsum (utpote qui in his satis firmus es) quam alios, ut vertit Syrus, ut scilicet ipsi hac fide et spe excitati et confirmati, curent bonis operibus præesse. Ita S. Chrysostomus et S. Hieronymus.

Unde nota primo : Pro confirmare græce est διαβεβαιῶσαι, quod clarius et aptius veritas, affirmare, asseverare, asserere et prædicare, ut rem certam et indubitatam; vult enim Apostolus ut Titus hæc aliis affirmet et proponat tanquam certissima et verissima, ut iis incitentur ad bona opera.

Nota secundo : Pro ut curent bonis operibus præesse, græce est ἵνα προεργάζωνται καλῶν ἔργων προεργάζωνται, quod Ambrosius vertit, ut solliciti sint ad affectum bonorum operum; Beza vero, ut studeant bona opera tueri. Nam non potest, inquit, verti præesse; sic enim in Græco dicendum esset in dativo καλοῖς ἔργοις, jam autem in genitivo dicitur καλῶν ἔργων. Sed respondeo cum Hieronymo et Budæo, imo Vatablo et Erasmo, προεργάζωνται proprie significat præesse, regitque genitivum : hunc enim poscit præpositio πρό. Nam hinc προεργάζωνται et προεργάζωνται τοῦ ἔργου vocatur præfectus operis. Vult ergo Apostolus Christianos ita studere et incumbere bonis operibus, præsertim eleemosynæ et beneficentiæ, ut iis quasi duces et præfecti præsent, perinde ut in castris quis dicitur præesse annonæ, frumento tormentis. Sicut enim hujus est curare ne quid iis in rebus desit, ita Christianorum est curare ne quid alicui desit, ut pauperum petitionem non expectent, sed requirant, et sua eleemosyna præveniant. Ita Theophylactus. Quomodo Cato, teste Plutarcho, dicere solebat, « præclaras actiones occupandas, » id est, ambiendas et accersendas esse, ut semper benefacta priora posterioribus cumulemus. Sicut enim homines vani et mundani ambiunt honores, magistratus et præfecturas, de iisque certant, ut eos aliis præripiant : ita Christiani certare debent de bonis operibus, ut in eleemosynis, omnibus præeant easque aliis præripiant. Unde Chrysostomus explicans quid sit bonis operibus præesse : « Hoc est, inquit, oppressis injuria opem ferre, non pecuniis tantum, sed etiam exhortatione salubrique doctrina; viduis item ac pupillis auxilium ferre, omnibusque qui in afflictione aut angustia sunt prospicere, miserationis affectu. »

Ad hoc divitiis stimulum suggerit idem Chrysostomus hic in morali homil. 6, nimirum ut co-

Vers. 2. Certitudo doctrinæ Christianæ.

n justificatione impii duo termini.

Beza in hunc locum castigatio castigatur.

Quid præesse bonis operibus?

Hæreditas nostra qualis?

Stimulus bonorum operum.

Benefi-
centia
laus.

gent sibi que persuadeant, eos qui dant eleemosynam plus a pauperibus recipere, quam eis dent, puta plus bonarum precum et orationum, plus virtutis, plus meriti, plus gratiæ, plus mercedis tam presentis quam æternæ: atque hac de causa Christus cum posset sibi aliis modis prospicere de victu, a Magdalena tamen aliisque piis mulieribus ali voluit, scilicet non ut acciperet, sed ut conferret eis beneficium. Additque Chrysostomus: « Beneficentia, inquit, Deo similes facit. Hæc est charitatis mater, proprium Christianæ virtutis insigne, per quam discipuli Christi noscuntur: hæc nostrorum scelerum est medicina, hæc animæ nostræ sordes emundat, hæc scala, quæ in celum usque porrigitur, hæc Christi connectit corpus, omniaque Christi membra complectitur. »

Aliqui sic exponunt, *curent qui creantur*, id est Christiani, *ut bonis operibus præsent*, id est præstent et præcellant infidelibus, lisque palmam, non in gloria aut opibus, sed in studio bonorum operum præripiant: Græcum enim *πρὸς ἄνθρωπον* idem est, quod stare ante, id est præstare aliis, sive primum esse quem alii sequantur, non autem qui alios sequatur. Verum sic græce dicendum potius fuisse *καλῶς ἔργου*, quam *καλῶν ἔργων*, addendumque *ἀπιστῶν*, id est infidelibus.

Vers. 9. 9. STULTAS AUTEM QUESTIONES, ET GENEALOGIAS, ET CONTENTIONES, ET PUGNAS LEGIS DEVITA. — « Genealogias » intelligit Judæorum et Judaizantium, qui a puero ita hisce student, ut ab exordio Adam, usque ad Zorobabel omnium generationes ita memoriter velociterque percurrant, ut eos suum putes nomen referre, inquit Hieronymus (1). Rursum, « pugnas legis » intelligit fuitiles quæstiones et rixas, quæ circa legem moventur, ut quoto anno Salomon duxerit uxorem, an anno undecimo genuerit Roboam; et his similia, inquit Hieronymus.

Vers. 10 et 11. 10 et 11. HÆRETICUM HOMINEM POST UNAM ET SECUNDAM CORREPTIONEM DEVITA, SCIENS QUIA SUBVERSUS EST QUI EJUSMODI EST, ET DELINQUIT, CUM SIT PROPRIO JUDICIO CONDEMNATUS. — Pro *correctionem* græce est *νουθεσίαν*, id est, ut Hieronymus vertit, *commonitionem*, quæ scilicet leniter fit; docendo et monendo suaviter absque graviore increpatione. Loquitur enim Apostolus de hæretico non pertinaci et formato, sed eo, qui ex ignorantia aut mala instructione errat, et sectam errantium sequitur; vel de quo dubium est, sitne pertinax, necne. Hic enim corripitur et instrui debet, primo lenius, secundo durius et fortius; quod si sic monitus contemnit, ostenditque se pertinacem, vitandus est, et non corripiendus: correctionis enim nullus erit fructus. Imo talis si corripiatur, magis resistit, fitque obstinatus, inquit Ambrosius, quia « talis, » ut subdit Apostolus, « subversus

est, » græce *ἐκτρέπεται*, id est, aversus est, scilicet fide, spe et bonis omnibus, utpote plane in hæresi et sua obstinatione perversus et immersus. Unde Tertullianus, lib. *De Præscript.*, cap. xvi. docet, in hæreticis non habere locum præceptum Domini, *Matth. xviii*, de ordine in correptione servando. Hinc etiam idem Tertullianus et Ambrosius ita hic legunt, *hæreticum hominem post primam correptionem devita*; et sic, inquit Erasmus, hæreticos, si post primam correptionem relabantur, non devitamus, sed incendimus. Verum passim Latina, Græca et Syra legunt, *hæreticum hominem post unam et secundam correptionem devita*. Loquitur enim Apostolus de hæretico non pertinaci, sed errante, ut dixi.

Nota primo: Pro *devita* græce est *παραισῶ*, id est, rejice, aversare, refuta.

Suggillat hic more suo mordaciter Erasmus theologos, quod ex hoc Apostoli loco probent hæreticos esse puniendos et plectendos, putantes scilicet *devita* idem esse quod *de vita tolle*, sicuti *decapita* idem est quod caput illi deme. Nec hoc sarcasmo contentus, similem, sed acriorem non tam ignorantiam, quam injustitiam impingit Jureconsultis, dum subdit: « Sic Jureconsulti furem suspendunt, quod lex latronem plecti capite jubet, et Galli furem vocant latronem (*larron*); sic medici inscitia vocabulorum subinde venenum dant pro remedio. » Erras, Erasme, non hæc Jureconsultorum Gallorum fuit stoliditas, sed Principum et magistratuum justa lex et sanctio, quæ ubique fures cruci, ut latrones rotis, adjudicat. Multo minus Theologorum inscitia, sed Regum et Imperatorum decreta, hæreticos ad rogam condempnant. Quis, oro, Interpretum vel Patrum Latinorum tam vecors, tam insulsus fuit, ut « *devita* » diceret idem esse quod « *tolle de vita* »? Fuit aliquis mateologus, qui ita, ut ais, vel joco, vel serio explicarit: cui concilio, regi, vel principi idipsum ad pœnam hanc hoc nomine hæreticis irrogandam persuasit? Sunt aliæ Scripturæ certæ et claræ, quæ hæreticos puniendos doceant, quas vide, si lubet, apud Bellarminum. Præclare Tertullianus, *Scorpiaci* cap. II: « Ad officium, inquit, hæreticos compelli, non illici dignum est. Dunitia vincenda est, non suadenda. »

Nota secundo: « Delinquit, » græce *ἀμαρτάνει*, id est errat, vel delinquit et peccat, supple sciens, prudens et obstinatus in sua hæresi, malitia et delicto. Hæresis ergo antonomastice hic vocatur delictum, peccatum et scelus.

Nota tertio: « Cum sit proprio judicio condemnatus, » græce *ὅν αὐτοκατάκριτος*, id est, cum sit per se, et, ut legit Cyprianus, *a semetipso condemnatus*, quia scilicet sponte et pertinaciter se ab omnibus fidelibus, et a tota Ecclesia separat, extra quam non est salus, sed certa damnatio. Ita Hieronymus, Anselmus et alii. Unde sanctus Maximus, *serm.* 50, apte comparat hæreticum Judæ, qui non a Christo ejectus, sed sponte sua ab Apostolorum

Erasmii
indocta
impostu-
ra.Quare
hæretici
plecten-
di?Quomodo
agendum
cum hæ-
retico?Hæresis
quantum
peccatum?Hæreti-
cus Judæ
similis.

(1) « Genealogias, » id est, ait Allioli, quæstiones circa varios ordines, hierarchiam et generationes angelorum.

collegio se separavit, dum vellet prodere Christum : « Tali, inquit, hæreticus, quali et Judas poena damnatur, ut idem sui et reus sit sceleris, et iudex sit ultionis, quia Dominum quem Judas vendidit, hæreticus blasphematur. » Rursum, ut Vatablus ait, cum hæreticus iudicet æterna damnatione esse dignos eos qui veritati et fidei resistunt, hoc ipso seipsum condemnat, utpote qui et veritati et fidei totius Ecclesiæ resistat.

Tertio, alii sic explicant, hæreticus nimis credit suo iudicio : in hoc enim consistit hæresis peccatum : sui ergo iudicii præfidentia peccat hæreticus, ac consequenter eodem se condemnat, id est, condemnationis reum; illique obnoxium se facit. Sed hoc est præter mentem Apostoli (1).

Vers. 12. 12. CUM MISERO AD TE ARTEMAM, AUT TYCHICUM, — ut scilicet tui absentiam Crætæ suppleant, et pro te Crætenses instruant et pascant.

FESTINA AD ME VENIRE NICOPOLIM. — Chrysostomus Nicopolim Thraciæ intelligit; S. Hieronymus vero melius Nicopolim Epiri accipit. Dicta est *Nicopolis*, id est, urbs victoriæ, ab Augusto, qui ibi, scilicet juxta Actium Epiri promontorium, Antonium et Cleopatram navali bello devicit.

Vers. 13 13. ZENAM LEGISPERITUM ET APOLLO SOLLICITE PRÆMITTE, UT NIHIL ILLIS DESIT. — Hos ad se mitti jubet Apostolus, ut in prædicatione Evangelii eos habeat socios et adjuutores. Apollo enim erat eloquens et potens in Scripturis, *Actor. xviii, 24*. Zenas vero non fuit juris Cæsarei peritus, sed legis, puta Mosaicæ doctor, ideoque magnæ auctoritatis et opinionis. Unde jam conversus ad Christum poterat ex lege et Prophetis revincere Judæos, docereque Jesum esse Messiam. Hos

Apollo et Zenas quales?

(1) Rosenmullerus vers. 11 e græco sic vertit : Intelliges enim, talem totum se immutasse, et peccare ita, ut se ipse condemnet.

ergo Tito committit, ut eos ad se distinct, ac sollicitè curet, ne quid in viatico aliisque in rebus ad iter opportunis illis desit.

14. DISCANT AUTEM ET NOSTRI BONIS OPERIBUS **Vers. 14.** PRÆESSE, AD USUS NECESSARIOS. — Repetit hanc sententiam Apostolus occasione viatici, quod jussit dari Zenæ et Apollo : estque occupatio, *q. d.* Dices mihi, o Tite, te pauperem esse, nec posse eis providere de omnibus necessariis ad iter. Respondeo, adi nostros fideles, doce illos charitatem hanc in Dei ministros et Apostolos exercere, ut discant ipsi non tantum per doctrinam, sed etiam per experientiam et praxim, bonis operibus et eleemosynis tam necessariis, tam dignis et sanctis præesse, et in suos magistros esse liberales et munifici. Ita Hieronymus, Theodoretus et alii. Idem S. Joannes, *epist. 3*, commendat Caio : « Charissime, inquit, fideliter facis quidquid operaris in fratres, et hoc in peregrinos, etc., quos benefaciens deduces digne Deo : pro nomine enim ejus profecti sunt. Nos ergo debemus suscipere hujusmodi, ut cooperatores simus veritatis. » Hinc inter primos Christianos arctum et magnum fuit jus hospitalitatis : adeo ut Peregrinus impostor (teste Luciano in ejus Vita) hac de causa se Christianum et prædicatorem esse finxerit, quia sciebat in Christianorum hospitalitate satis se habere viatici, ita ut non tantum ab illis aleretur, sed etiam in via deduceretur, atque sic (ut ait Lucianus) quaquaversum stipatus incederet. De hospitalitate hac plura dicam *ad Hebræos, xiii, 2*.

Commendatur liberalitas in operarios Evangelicos.

Hospitalitas Christianorum.

Concede, Domine, nos præesse bonis operibus, ut modicum hoc vitæ spatium fructuose transigamus, ut hæredes flamus secundum spem vitæ æternæ.

ÆTERNA cogitans temporalem omnem laborem et dolorem, æque ~~et~~ voluptatem despicit.

COMMENTARIUS

IN EPISTOLAM

AD PHILEMONEM.

ARGUMENTUM.

Phile- Philemon, non Judæus, sed Gentilis, civis erat
mon qua- Colossensis, inter suos nobilis, vita ac moribus
lis? æque ac fide et professione Christiana conspicuus; cujus domum Colossis ad sua tempora integram permansisse tradit Theodoretus hic: utpote quæ tempore Pauli cœpit esse ecclesia, ut in ea Paulus ageret synaxes fidelium, ideoque in ea habitaret Archippus, Colossensium Episcopus, ut satis insinuat Paulus vers. 2. Hinc hæc domus jam Deo in ecclesiam dicata permansit in multa sæcula. Rursum fideles in domum Philemonis convenire soliti ejusdem fovebantur auxilio: erat enim ipse eleemosynis addictus, et Sanctorum necessitatibus succurrebat. Hoc enim est quod ait Apostolus vers. 7: «Viscera sanctorum per te requieverunt, frater.» Hic ergo Philemon habuit servum nomine Onesimum, qui non tam S. Pauli studio, ut volunt aliqui, quam ob furtum, compilatis scilicet quibusdam heri sui rebus, ut ex vers. 18 colligit S. Hieronymus, Theodoretus et Theophylactus, Colossis Romam transfugerat, ubi in Paulum incidit, qui eum ad Christum convertit, instituit et baptizavit, et jam fidelem tam Christo quam hero suo effectum cum hac epistola commendatitia ad herum, Philemonem scilicet, remittit, qua rogat illum, ut eum in gratiam recipiat. Scripsit hanc Epistolam Paulus Romæ e vinculis prioribus anno Christi 60 (1), cum jam speraret se brevi iis liberandum, ut patet vers. 22; misit eandem cum Epistola ad Colossenses, per ipsum Onesimum.

Ejus pie- Notant S. Chrysostomus et Theophylactus, hanc
tas et Epistolam in tanta brevitate et simplicitate, plura
hospita- perutilia continere documenta. Inter quæ *primum*
litæ. est, nulli homini, ac ne servo quidem fugitivo, aditum ad gratiam et vitam æternam esse præclusum, neque de ullius, quantumvis duri, fraudulenti et perditii, salute esse desperandum: talis enim erat Onesimus, utpote servus, fur, Phryx. Phryges enim illiberali servilique erant

Onesi-
mus, ser-
vus Phi-
lemonis.

Occasio
hujus
Epistolæ
scriben-
dæ.

Quatuor
docu-
menta
hujus
Epistolæ.

indole. Unde apud eos ingens erat mancipiorum proventus, ut in proverbium abierit, teste Cicerone, orat. *pro Flacco*, Phrygem plagis meliorem fieri.

Secundum est, etiam vilium hominum, servorum et profugorum Christianis curam esse habendam.

Tertium, pietatis prætextu servos non esse avelendos a dominis. Unde hic Paulus servum Onesimum domino Philemoni remittit.

Quartum, servos præstantes virtute non esse contemnendos, sed amandos et promovendos. Hic enim Onesimus poenitens facti, in gratiam cum hero suo Philemone rediit, factusque est vir et doctor egregius, atque post Timotheum creatus est secundus Episcopus Ephesi: quem valde laudat S. Ignatius, epist. *ad Ephesios*. Unde et hic idem Onesimus postea Romæ sub Trajano martyrio consummatus et laureatus est.

Discite hic Christiani, discite Pastores, pauperes, servos et ancillas non negligere, sed singularem curam eis impendere: sunt enim ipsi oves vestræ, atque animas tam nobiles habent quam divites, eodemque pretio sanguinis Christi redemptas. Unde a vobis easdem reposcet Deus in die judicii. Nam propter eas e cœlo descendit Christus, cujus hoc est elogium ab Isaia prædictum et celebratum: «Pauperes evangelizantur.» Tales Deus eligit: sunt enim ipsi magis humiles, dociles, ductiles, ideoque gratiæ et salutis capaciores quam divites. «Nonne Deus, inquit S. Jacobus, cap. II, 5, elegit pauperes in hoc mundo, divites in fide, et hæredes regni, quod repromisit Deus diligentibus se (2)?»

(2) De eloquio et leporibus hujus Epistolæ hæc apposite Erasmus: «Quid festivius dici poterat vel ab ipso Tullio in ejusmodi argumento? Nisi quod quidam nomine duntaxat Christiani, animo infestissimi Christo, nihil eruditum putant, nihil elegans, nisi quod idem sit ethnicum, et universum florem simul periisse existimant, si quid de Christo fuerit admixtum, quod illius sapuit doctrinam, cum ea sit prima eloquentiæ pars, sermonem rebus accommodasse.» Cf. *Bible de Vence*, tom. XVI, p. 172 sq.

(1) Ann. 57, juxta Sepp, quem cf. op. cit., tom. II, pag. 367.

1. Paulus vinctus Christi Jesu, et Timotheus frater : Philemoni dilecto et adjutori nostro, 2. et Appiæ sorori charissimæ, et Archippo commilitoni nostro, et Ecclesiæ, quæ in domo tua est. 3. Gratia vobis, et pax a Deo Patre nostro et Domino Jesu Christo. 4. Gratias ago Deo meo, semper memoriam tui faciens in orationibus meis, 5. audiens charitatem tuam, et fidem, quam habes in Domino Jesu, et in omnes sanctos : 6. ut communicatio fidei tuæ evidens fiat in agnitione omnis operis boni, quod est in vobis in Christo Jesu. 7. Gaudium enim magnum habui, et consolationem in charitate tua : quia viscera sanctorum requieverunt per te, frater. 8. Propter quod multam fiduciam habens in Christo Jesu imperandi tibi quod ad rem pertinet : 9. propter charitatem magis obsecro, cum sis talis, ut Paulus senex, nunc autem et vinctus Jesu Christi : 10. obsecro te pro meo filio, quem genui in vinculis, Onesimo, 11. qui tibi aliquando inutilis fuit, nunc autem et mihi, et tibi utilis, 12. quem remisi tibi. Tu autem illum, ut mea viscera, suscipe : 13. quem ego volueram mecum detinere, ut pro te mihi ministraret in vinculis Evangelii; 14. sine consilio autem tuo nihil volui facere, uti ne velut ex necessitate bonum tuum esset, sed voluntarium. 15. Forsitan enim ideo discessit ad horam a te, ut æternum illum reciperes, 16. jam non ut servum, sed pro servo charissimum fratrem; maxime mihi; quanto autem magis tibi et in carne, et in Domino? 17. Si ergo habes me socium, suscipe illum sicut me. 18. Si autem aliquid nocuit tibi, aut debet : hoc mihi imputa. 19. Ego Paulus scripsi mea manu : ego reddam, ut non dicam tibi, quod et te ipsum mihi debes. 20. Ita frater, ego te fruar in Domino : refice viscera mea in Domino. 21. Confidens in obedientia tua scripsi tibi : sciens quoniam et super id, quod dico, facies. 22. Simul autem et para mihi hospitium : nam spero per orationes vestras donari me vobis. 23. Salutat te Epaphras concaptivus meus in Christo Jesu, 24. Marcus, Aristarchus, Demas et Lucas, adjutores mei. 25. Gratia Domini nostri Jesu Christi cum spiritu vestro. Amen.

Vers. 1 et 2. 1. PAULUS VINCTUS CHRISTI JESU, ET TIMOTHEUS FRATER : PHILEMONI DILECTO, ET ADJUTORI NOSTRO, 2. ET APPIÆ SORORI CHARISSIMÆ, ET ARCHIPPO COMMILITONI NOSTRO, ET ECCLESIE, QUÆ IN DOMO TUA EST. — Vide quot titulis et nominibus pulset hic Apostolus mentem Philemonis, ut Onesimum in gratiam recipiat.

Quatuor motiva, quibus Paulus Philemonem inducit ad commiserationem servi fugitivi. *Primo*, ego « vinctus Christi, » inquit, hoc a te posco; da ergo hoc solatium et gaudium mihi vincto, imo da hoc Christo, pro quo ego vinctus sum, factusque quasi servus similis servo tuo Onesimo.

Secundo, idem poscit « Timotheus frater » tam tuus, quam meus, in Christo, id est Christianus.

Tertio, tu es mihi « dilectus et adjutor; » da hoc ergo dilectioni nostræ. Rursum, soles non tantum quosvis miseros et pauperes; sed etiam me tuis opibus et opera in Evangelio adjuvare; juva ergo et suscipe hunc misellum servum tuum per me conversum.

Quarto, salutando Appiam et Archippum, tacite eosdem, inquit Theophylactus, deprecatores secum pro Onesimo adsciscit, tanta erat charitas et sollicitudo Apostoli, ut unum homuncionem fugitivum domino suo reconciliaret.

Nota secundo : Hæc Appia uxor erat Philemonis, ut docet Chrysostomus, Theodoretus, Theo-

phylactus. Hanc « sororem » suam vocat, scilicet in Christo. Omnes enim Christiani in symbolum eximie charitatis mutue, omnes viros Christianos vocabant fratres, omnes feminas sorores, tanquam ex eodem patre, scilicet Christo; et matre, scilicet Ecclesia, genitos et genitas.

Nota tertio : Hic Archippus Episcopus et prædicator erat Colossensium, inquit Ambrosius et Hieronymus; unde eum hic Paulus vocat *commilitonem* suum, et *ad Coloss. iv, 17*; de eo scribit : « Dicite Archippo : Vide ministerium, quod accepisti a Domino, ut illud impleas. » Licet Primasius velit Archippum tantum fuisse diaconum, Epaphram vero fuisse Episcopum Colossensium : de quo vers. 23. Videtur autem hic Archippus habitasse Colossis, in domo Philemonis. Hac enim de causa eum cum Philemone salutatur; hinc etiam addit salutem apprecans, « et Ecclesiæ (id est cogregationi fidelium) quæ in domo tua est, » scilicet, o Philemon (ad eum scribit, eumque alloquitur, non autem Archippum), utpote in qua multi sunt fideles, cum in ea habitet Archippus Episcopus, ideoque ad eam quasi communem Episcopi et fidelium ecclesiam Christiani sacrorum causa convenient.

Vers. 4 et 5. 4. GRATIAS AGO DEO MEO, SEMPER MEMORIAM TUI FACIENS IN ORATIONIBUS MEIS, 5. AUDIENS CHARITATEM TUAM, ET FIDEM, QUAM HABES IN DOMINO JESU, ET

IN OMNES SANCTOS. — Græce non est *ἐν*, sed *ἐκ*, id est *ἐν*, vel *erga* Dominum Jesum et omnes sanctos. Ita Chrysostomus et Ambrosius.

Fides in Jesum et Sanctos eadem. Nota : Fidem quam habemus in Dominum Jesum, eandem habemus et in omnes Sanctos : sicut enim credimus Jesum esse Messiam et Salvatorem, caputque Ecclesiæ Dei, ita pariter credimus Sanctos Jesu veros esse sanctos, veramque Dei Ecclesiam; et amando ac adhærendo Sanctis, amamus ac adhæremus Christo, ac consequenter benefaciendo Sanctis, benefacimus Christo. Apostolus enim loquitur de fide non nuda et interna, sed de ea, quæ per opera sese exerit et communicat, uti mox ipse subiungit.

Per Sanctorum cultum nihil demitur Christo. Hinc sequitur, eum qui honorat et invocat Sanctos, nihil detrahare Christo, imo hoc ipso honorare et invocare Christum. Unde *Exodi* xiv, 31, dicitur : « Crediderunt Domino, et Mosi servo ejus. » « Hoc autem, inquit Hieronymus, non solum in Mose, sed in omnibus Sanctis ejus est, ut quicumque credit Deo, aliter ejus fidem recipere nequeat, nisi credat et in Sanctos ejus : non enim est in Deum perfecta dilectio et fides, quæ in ministros ejus odio et infidelitate tenuatur. »

Vers. 6. 6. UT COMMUNICATIO FIDEI TUE EVIDENS FIAT, IN AGNITIONE OMNIS OPERIS BONI, QUOD EST IN VOBIS IN CHRISTO JESU. — *Communicationem fidei* vocat fidei communionem; sive quod tu, o Philemon, nobiscum in fide communices, habeasque communem et eandem nobiscum fidem, æque ac spem.

Secundo et plenius, *communicationem fidei* vocat eleemosynas et officia charitatis in Sanctos, ex fide viva et ardenti manantia.

Nota *primo* : Hæc verba referenda esse ad superiora, scilicet ad illa, « semper memoriam tui faciens in orationibus meis, » *q. d.* Oro instantè et assidue pro te, ut communicationem hanc bonorum operum, ad quam fides te incitat, ostendere et perficere pergas; ut liberalitas tua nunquam cesset, sed potius, ut quæcumque potes effundas in egentes, maxime Christianos. Ita Theophylactus.

Nota *secundo* : Pro *evidens*, græce legit noster Interpres *ἐνφανής*; per *α*; jam cum Hieronymo, Chrysostomo, Theophylacto per *α* legunt *ἐνφανής*, id est, efficax, operatrix, et operibus florens, scilicet fiat fides et communicatio fidei tuæ. Adverte, Apostolum poscere fidem non otiosam et nudam, sed efficacem, quæ flores et fructus pariat eleemosynæ et bonorum operum. Verum melius Noster legit *ἐνφανής*, id est, evidens : sequitur enim, « In agnitione omnis operis boni, » *q. d.* Ut omnibus evidens fiat fides tua, dum agnoscunt et vident eleemosynas et opera tua bona, quæ per fidem hanc incitatus operaris, « idque in Christo Jesu, » id est per legem, doctrinam et gratiam Christi Jesu, *q. d.* Cum sis tantæ in omnes charitatis, eam in tuum Unicum quoque ostende, eumque in gratiam recipe. Ita Theophylactus.

Apostolus requirit fidem non otiosam, sed eam cum ea bona opera.

Aliter Anselmus, « in agnitione, » inquit, id est, ut tu cognoscas practice, id est, ames et peragas omne bonum. Sed prior sensus planus et genuinus. Denique vox *operis* non est apud Hieronymum, Chrysostomum, Ambrosium; est tamen in Syro et Bibliis Regiis (1).

7. GAUDIUM ENIM MAGNUM HABUI ET CONSOLATIONEM IN CHARITATE TUA, QUIA VISCERA SANCTORUM REQUIEVERUNT PER TE, FRATER. — Nota *primo* : Pro *gaudium* græce est *χαρῶν*, id est gratiam; sed Apostolus *χαρῶν* accipit pro *χαρὰν*, id est gaudium, tam hic quam *II Corinth.* i, 13, ut docent Chrysostomus et Theophylactus, quin et Erasmus, Vatablus et Beza.

Nota *secundo* : « Requierunt, » id est, recreata et refocillata sunt. Sicut enim venter inanis, fame latrans et exæstuans, ita et tormina viscerum, ipsaque viscera sedantur et quiescunt, dum implentur et saturantur.

Nota *tertio* : Per viscera Vatablus intelligit ventres, quos satiavit Philemon; sed plus significat « viscera, » scilicet tam intimas necessitates, quam consolationem ad intima corporis et animi penetrantia pertinentem, ac quasi cor ipsum reficientem et recreantem, *q. d.* Intima consolatione affecisti Sanctos, id est, Christianos, dum eis in summa necessitate, tanta charitate succurristi, o Philemon. Ita Theophylactus. Sic enim e converso Hebræi *רחמים rachamim*, id est viscera misericordiæ, dant eis qui profusi sunt in opera misericordiæ, quod videlicet intime aliorum miseria tangantur, et ex intimis visceribus miserationum misereantur; adeoque ex hac miseratione viscera ipsa, quæ sedes sunt compassionis et condolentiæ, in iis commoveri et contorqueri videantur. Viscera ergo misericordiæ significant visceralem, intimam, et ex imo corde et affectu manantem misericordiam. Sic Zacharias canit, Deum nos ex alto visitasse « per viscera misericordiæ; » quia cum dedit nobis Christum Filium suum, quasi sua viscera in nos effudit.

Notat S. Hieronymus artificium et rhetoricam Christianam Pauli, qua ita impense in procemio laudat Philemonem, ut ille id, quod postea petetur, negare non audeat, ne suis laudibus videatur indignus.

8. PROPTER QUOD MULTAM FIDUCIAM (παρρησίαν, id est libertatem) HABENS IN CHRISTO JESU (per Christum Jesum) IMPERANDI TIBI QUOD AD REM PERTINET, — τὸ ἀντικεινόν, id est, quod decens, conveniens et officii tui est, ut scilicet solitam tuam charitatem in servum tuum poenitentem ostendas.

9. (Tamen) PROPTER CHARITATEM MAGIS OBSECO, CUM SIS TALIS, UT PAULUS SENEX, NUNC AUTEM ET VINCTUS JESU CHRISTI, — *q. d.* Cum mihi quasi patri spirituali tuo liberum sit propter Christum

(1) Rosenmullerus græcum sic vertit : Optans, ut fides, quam nobiscum habes communem, magis magisque se manifestet (per opera bona), tuque cognoscas magnitudinem beneficiorum quæ debemus Christo.

Quid intelligatur per illud, Viscera sanctorum requieverunt?

Hebræi misericordiæ dant visceram misericordiæ.

tibi imperare, ut Onesimum in gratiam recipias : malo tamen non auctoritate uti, sed precibus, et per charitatem te obsecrare, ut idipsum facias cum sis senex æque ut ego. Senes enim non increpandi, sed rogandi sunt, inquit Anselmus, Hieronymus, Theophylactus.

Nota : Pro *cum sis senex* græce est τοιοῦτος ὢν, quod Hieronymus, Vatablus et alii vertunt, *cum sim talis*, scilicet *Paulus senex*. Nam vocula *ut* interjecta sæpe non est nota similitudinis, sed veritatis, significans *scilicet* : atque hoc modo hæc verba Græca syntaxi recte cohererent cum παρακαλῶ, id est, obsecro, *q. d.* Obsecro te cum sim talis, scilicet *Paulus senex* : senum enim, cum sint debiles et infirmi, est orare et obsecrare. Verum per hebraismum Noster cum Ambrosio melius vertit, *cum sis senex*, scilicet tu, o Philemon. Hebræi enim כִּי *ki*, id est, *quia*, *cum*, aliasque similes conjunctiones causales et rationales sæpe subaudiunt, et participium sumunt pro præsentii indicativo vel conjunctivo quo carent, scilicet ὢν pro εἶ vel ἦ, nam, ut dixi, senum potius est rogari, quam rogare et obsecrare.

Nota secundo : Τὸ νunc autem et vincitus Jesu Christi referendum est tantum ad *Paulus senex*, non autem ad *cum sis talis*. Nec enim Philemon similis erat Paulo in vinculis, sed tantum in senio : addit enim Paulus senio sua vincula, ut efficacior sit obsecratio, *q. d.* Da hoc senio meo ; si non, da saltem hoc vinculis meis.

Vers. 10, 11 et 12. 10, 11 et 12. OBSECO (inquam) TE PRO MEO FILIO, QUEM GENUI IN VINCULIS ONESIMO, QUI TIBI ALIQUANDO INUTILIS FUIT, NUNC AUTEM ET MIHI ET TIBI UTILIS, QUEM REMISI TIBI. — Post longas insinuationes quasi parata jam via, tandem hic proponit suam petitionem, nomenque servi Philemoni inveni, illudque illi amabile et suave efficit, dum vocat eum filium vinculorum suorum, sibi que et illi utilem. Admiratur hic S. Hieronymus magnanimitatem Pauli, mente in Christum ferventis : « Tenetur, inquit, in carcere, vinculis stringitur ; squalore corporis, charorum separatione, pœnalibus tenebris coarctatur : et non sentit injuriam, non dolore cruciatur, non novit aliud nisi de Christi Evangelio cogitare ; sciebat servum, sciebat fugitivum, sciebat raptorem, » et hunc tamen in carcere docet, catechizat, convertit, baptizat, et quasi filii loco habet.

Locus Pauli illustratus ex textu Græco. Nota primo : In Græco pulchra est anthesis, τὸν ποτὶ σοι ἀχρεστὸν, νυνὶ δὲ σοι καὶ ἐμοὶ εὐχρηστὸν. Olim, inquit, hic servus fuit tibi *achrestus*, id est inutilis, incommodus, noxius : nunc tibi et mihi erit *chrestus* et *euchrestus*, id est utilis, commodus, beneficus. Sic olim dicebantur *chrestī* homines commodi et benefici. « Pauci, inquit Lucianus in *Philopatros*, *chrestī*, id est frugi, sunt, quemadmodum ubique video. »

Onesimus Græco. Nota secundo : Alludit Paulus ad nomen Onesimi, ὄνισμος, enim idem est quod εὐχρηστὸς, id est *chrestus* et utilis, *q. d.* Olim erat *anonesimus*, id

est inutilis, imo noxius et damnosus ; jam est *onesimus*, id est utilis ; olim Paganus, jam Christianus ; olim fur, jam fidelis servus ; olim profugus, jam redux, ut tibi sit assecla fidus et perennis.

Nota tertio, cum S. Hieronymo, spiritum et efficaciam Pauli, qua ita cito Onesimum convertit, et ex tam inutili et perverso, tam utilem et eximium effecit, ut eum optet sibi ministrum in vinculis : cum enim dicit eum sibi esse utilem, tacite postulat, inquit Theophylactus, ut sibi remittatur ; remittit tamen eum ad herum, tum ut ejus iracundiam placet, tum ut ostendat servos fugitivos jure justitiæ heris suis esse restituendos. Hinc eundem Onesimum recens a se conversum vocat charissimum et fidelem fratrem, *Coloss. iv, 9.*

12. TU AUTEM ILLUM, UT MEA VISCERA, SUSCIPE. Vers. 12. — Significantius idipsum habent Græca, αὐτόν, τοῦτέστι τὰ ἐμὰ σπλάγχνα, id est, ipsum, hoc est mea viscera, suscipe ; « viscera » sua vocat filium suum, quem genuit in Christo. Videntur enim filii esse quasi pars viscerum matris ; quod in se transfert Paulus, ut maternum et tenerrimum affectum suum in Onesimum exprimat : hunc enim magis significat vox *viscera*, quam vox *filius* (1).

13 et 14. QUEM EGO VOLUERAM NECUM DETINERE, UT PRO TE MIHI MINISTRARET ; SINE CONSILIO AUTEM TUO NIHIL VOLUI FACERE, UTI NE VELUT EX NECESSITATE BONUM TUUM ESSET, SED VOLUNTARIUM. — « Bonum, » id est beneficium, « tuum. » Hoc enim significat Hebræum טוֹב *tob*, id est *bonum*, Pungit novo stimulo Philemonem, *q. d.* Tu mihi in vinculis servire debueras, idipsum pro te præstitit servus tuus Onesimus, ergo illi a te ad me profugo potius gratias agere debes, quam irasci.

15 et 16. FORSITAN ENIM IDEO DISCESSIT AD HORAM (id est, ad breve tempus) A TE, UT ÆTERNUM ILLUM RECIPERES, JAM NON UT SERVUM, SED PRO SERVO CHARISSIMUM FRATREM, MAXIME MIHI : QUANTO AUTEM MAGIS TIBI, ET IN CARNE ET IN DOMINO ? — « Æternum » vocat eum qui jam conversus fideliter, spiritu Christiano, hero suo erat adhæsurus, tum in hac vita, tum in futura. Ita Anselmus.

Secundo, noster Interpres vertit, *pro servo*, quia in Græco legit, uti et Syrus, ὑπὲρ δούλου. Jam autem legunt, ὑπὲρ δούλου, id est, supra servum, majorem et præstantiorem servo, puta fratrem, utpote fidelem et Christianum jam effectum recipies.

Tertio, « in carne, » id est, in rebus carnalibus, hoc est temporalibus.

Quarto, « in Domino, » id est, in rebus divinis, spiritualibus et æternis. Vide *Can. 23, q. d.* Onesimus jam tibi charior esse debet, quam ante ; quia jam tibi magis conjunctus et devinctus est, magisque melius et fidelius tibi serviet, quam ante : ante enim metu servili quasi manci-

(1) Ita Esther ad Assuerum : « Dona mihi animam meam, » id est populares meos, quos ut animam diligo.

pium ad oculum tibi serviebat, jam vero tibi serviet, tibi que adhærebit fidelissime, quasi frater, ex amore et spiritu Christiano, tam in rebus temporalibus quam divinis. Ita S. Hieronymus et Theophylactus.

Dens bona elicit et malis.

Denique notat Hieronymus rursus artificium Pauli: ut fugam enim servi eleve et excuset, dicit Dei providentia eam factam esse, ad majus tam ipsius quam heri bonum. « Nonnunquam, inquit Hieronymus, malum occasio fit bonorum; et hominum prava consilia Deus vertit ad rectum. Quod dico, manifestius exemplo fiet. Joseph, fratres zeli stimulis incitati, Ismaelitis viginti argenteis vendiderunt: hoc initium et patri et fratribus et omni Egypto bonorum omnium fuit. Denique ipse postea ad fratres: Vos, inquit, cogitastis de me mala, et Deus cogitavit de me bona. Simile quid et in Onesimo possumus intelligere, quod mala principia occasiones fuerint rei bonæ. Si enim dominum non fugisset, nunquam venisset Romam, ubi erat Paulus vincetus in carcere. Si Paulum in vinculis non vidisset, non recepisset fidem in Christum. Si Christi non habuisset fidem, nunquam Pauli effectus filius in opus Evangelii mitteretur. Ex quo paulatim et per gradus suos reciprocante sententia, ideo minister Evangelii est factus Onesimus, quia fugit a Domino. »

Locus moralis de Christiana humilitate.

Est hic locus moralis de Christiana humilitate: apud Christianos enim servi sunt fratres suorum dominorum in Christo. Vide Chrysostomum in morali hom. 3, ubi simul docet de ipsamet humilitate sua neminem gloriari aut sese extollere, sed magis unumquemque humiliari debere.

SI ERGO HABES ME SOCIUM, — id est amicum, si inter amicos me numeras.

Vers. 17.

17. SUSCIPE ILLUM SICUT ME. — Amicorum enim omnia sunt communia. Hæc est ratiocinatio Apostoli. Ego sum Onesimo *κοινωνός*, id est tanta est mihi cum illo communio, ut ille sit alter ego: recipe ergo illum sicut meipsum. « Consideremus hic, ait Hieronymus, quantum laudetur Onesimus, quantumque tam parvo tempore profecerit sub Paulo, cum ita recipiendus sit, ut Apostolus; et sic ejus, ut Pauli, dominus debeat desiderare consortium. »

Vers. 18.

18. SI AUTEM ALIQUID NOCUIT TIBI, AUT DEBET, HOC MIHI IMPUTA, — q. d. Furtum et debitum ejus in me transcribe.

Vers. 19.

19. EGO PAULUS SCRIPSI MANU MEA, EGO REDDAM. — Græce *ἀπορίστω*, id est, dependam, resolvam: est enim hic fidejussio, qua se Paulus pro Onesimi debito Philemoni obstringit, q. d. Quod Onesimus sublegit et rapuit, ego Paulus spondeo me redditurum: cujus sponsionis hoc tibi chirographum do, hanc scilicet epistolam mea manu perscriptam. Ita S. Hieronymus, Chrysostomus, Theodoretus.

UT NON DICAM TIBI, QUOD TE IPSUM MIHI DEBES, — q. d. Ut omittam et taceam, quod te, id est

tuam conversionem ad Christum et salutem, mihi debes; itaque si tu et tua mea sunt, ergo et Onesimus, qui tuus est, meus est. Ita Hieronymus et Anselmus.

20. ITA, FRATER. — Pro ita græce est interjectio *Vers. 20.* asseverantis et confirmantis, q. d. Certe, ne dubites, ego omnino rependam Onesimi debitum.

Secundo et melius, S. Hieronymus *καὶ* accipit quasi respondens Hebræo *אָנָּה* *ana*, quæ est interjectio blandientis, q. d. Quæso, obsecro te, frater, preces meas pro Onesimo exaudi: ita enim illi veniam eblanditur. Unde subdit:

EGO TE FRUAR IN DOMINO, — q. d. Ego voluptatem miram capiam ex te, cum hanc rem tamen et justam in Domino, id est, in re dominica et Christiana, mihi concesseris. Unde Syrus vertit *אֶתְּנִיחַ* *etteniach*, id est, ego rofocillabor, vel suaviter requiescam in te. Græcum *δωαιμην*, id est fruar, alludit rursus ad nomen Onesimi, q. d. Ego ex te fructum consolationis capiam, si Onesimum, id est fructuosum et utilem, in gratiam recipias.

Notat S. Augustinus, Anselmus, Beda, et ex iis Magister in I, dist. 11, frui tantum licere Deo quasi fine ultimo, uti vero nos creaturis, quasi mediis ad illum finem assequendum. *Frui* enim idem esse quod finem, sive complementum lætitiæ, ac consequenter beatitudinem et felicitatem in aliqua re ponere: quod non aliter fit, quam cum ultimo fini nostro suavissime et perenniter inhaeremus. Volunt ergo Patres citati, *frui* hic ab Apostolo abusive sumi, ut sit idem, quod cum delectatione uti; vel certe secundo, ut idem Augustinus, lib 1 *De Doct. Christiana*, cap. xxxiii, et ex eo Anselmus, q. d. Fruar te, non in te, sed in Domino, id est Domino fruar, et in eo ac per eum te et omnibus aliis, quos meæ fruitionis ac visionis divinæ socios habeo in celo; aut tertio, ut Hieronymus, q. d. Imprecor tibi, o Philemon, clementiam, charitatem aliasque virtutes Dominicas, ut te illis repleto fruar, id est gaudeam, in Domino. Verum uti hi sensus, præter mentem et scopum Apostoli sunt, ita et hæc acceptio vocis *frui* recentior est. Cœpit enim a S. Augustino, a quo cæteri Patres et Theologi eam mutuati sunt: nam Ciceroni et priscis Latinis *frui* proprie est fructum, utilitatem et voluptatem ex aliqua re capere. Sic enim dicimur frui vita, bonis, amicis, quibus nihil est dulcius; et hoc proprie significat Græcum *δωίμασθαι*. Unde Theophylactus sic exponit, q. d. Paulus: « Fac me, o Philemon, tuo hoc beneficio quod peto, perfui, non in rebus mundanis, sed in Domino, » id est in divinis. Et Vatablus sic, q. d. Si hoc feceris, adjutus ero (hoc enim quoque significat *δωίμασθαι*) per te in Domino, id est, in re, quæ grata est Domino; vel, utinam ego de te fructum et voluptatem capiam in hac re justa!

Frui solo Deo licet, nisi creaturis, secundum Augustinum.

Frui mur re, ex qua fructum capimus.

accidet jucundius. Si hoc mihi præsiteris; cor meum mulcebis, et miro gaudio delinies. Vide dicta vers. 7 et 12.

Vers. 22. 22. PARA MIHI HOSPITIUM. — Audi S. Hieronymum: « Non puto tam divitem fuisse Apostolum, et tantis sarcinis occupatum, ut præparato egeret hospitio, et non una contentus cellula, breves corporis sui spatio ædes amplissimas existimaret: sed ut, dum eum exspectat Philemon ad se esse venturum, magis faciat quod rogatus est. » Et mox: « Apostolo magis quam Paulo hospitium præparandum est. Venturus ad novam civitatem, prædicaturus crucifixum, et inaudita dogmata delaturus, sciebat ad se plurimos concursuros. Et necesse erat primum, ut domus celebri esset urbis loco, ad quam facile conveniretur. Deinde ut ab omni importunitate vacua, ut ampla, quæ plurimos caperet audientium: ne proxima spectaculorum locis, ne turpi vicinia detestabilis. Postremo ut in plano potius esset sita, quam in cœnaculo. Quam ob causam existimo eum Romæ in conducto mansisse biennium. Nec parva, ut reor, erat mansio, ad quam Judæorum turbæ quotidie confluebant. » *Actor.* xxviii, 30. Lustravi ego conductum hoc S. Pauli hospitium, adeoque juxta illud habito: conversum est in ecclesiam, vocaturque Diaconia S. Mariæ in Via lata. Sane per-

amplum fuit et in celeberrimo urbis loco. Nemo ergo miretur, si Religiosi qui proximorum salutem addixerunt, similia quærant in urbibus loca: non enim sibi et suis commodis, sed civium consulunt.

NAM SPERO PER ORATIONES VESTRAS DONARI ME VOBIS, — ut scilicet liberatus e vinculis, vobis restituar. Duo hic discimus, ait Theophylactus: *Primo*, quod sit ingens orationum virtus, si quidem Paulus talis tantusque illarum ope indigeat; et si ille, quis non? *Secundo*, quod oporteat nos humili esse spiritu, quandoquidem Paulus discipulorum precibus indigebat; quodque utilissimum sit aliorum, præsertim Sanctorum, preces exposcere.

Virtus
oratio-
num.

22. SALUTAT TE EPAPHRAS CONCAPTIVUS MEUS IN CHRISTO JESU, — id est propter Christum Jesum. Vers. 22.
Sic enim sæpe accipitur Hebræum *bet*, id est *in*. Ita Theophylactus. Hic Epaphras Episcopus fuit Colossensium, simulque curam gerebat Ecclesiæ Laodicensis et Hierapolitanæ, ut docet Paulus *Coloss.* iv, 12. Sed cum Romæ in vincula conjectus est, suffectus ei videtur Archippus, ut docet Ambrosius, et insinuat Paulus, ut dixi vers. 2.

24. DEMAS. — Hic est, ait Theophylactus, qui postea a Paulo defecit. De quo dixi II *Tym.* cap. iv, 9. Vers. 24.

Fruere ÆTERNITATE, Fruere Deo.

COMMENTARIUS

IN EPISTOLAM

AD HEBRÆOS.

ARGUMENTUM.

Pauca hic præmittenda sunt. *Primo*, de auctoritate hujus Epistolæ. *Secundo*, de ejus auctore. *Tertio*, de idiomate et stylo. *Quarto*, de argumento et scopo ejusdem.

Ostenditur Epistolam hanc esse Scripturam canonicam. Quæritur ergo *primo*, an Epistola hæc sit Scriptura canonica? Negavit id olim Marcion et Arius, et nuper Lutherus, Brentius, Kemnitius, Magdeburgenses et Anabaptistæ; imo vero e Catholicis Cajetanus, scribens in hanc Epistolam, hac de re dubitat.

Sed respondeo, et dico: De fide est, Epistolam ad Hebræos esse Scripturam canonicam. Ita definit Concilium Florentinum in *Instructione Armenorum*, et Tridentinum, *sess. IV*. Estque hic Patrum et priscae Ecclesiæ sensus et consensus: ita enim censuit olim Innocentius I, *epist. ad Exuperium*, et Concilium Carthaginense tertium, *can. 47*, et Laodicense, *can. 59*, Canones quoque Apostolorum, *can. ultim.* Idem docet Athanasius in *Synopsi*; Augustinus, *lib. II De Doctrina Christiana*, *cap. viii*; Hieronymus, *epist. ad Dardanum*; Origenes et Clemens Alexandrinus apud Eusebium, *lib. VI Historiæ Ecclesiasticæ*, *cap. xi et xviii*. Imo idem asseverat Calvinus, Beza et eorum asseclæ.

Argumenta octo, quæ contra auctoritatem hujus Epistolæ ab Erasmo et aliis obijciuntur, suis quæque locis dissolvam. Interim vide ea simul congesta et discussa apud Bellarminum, *lib. I De Verbo Dei*, *cap. xvii*, et Medinam, *lib. VI De Recta fide*, *cap. xxv (1)*.

D. Paulus auctor hujus Epistolæ. Quæritur *secundo*, quis hujus epistolæ sit auctor? Erasmus et Calvinus negant esse S. Paulum; et olim Tertullianus, *lib. De Pudicitia*, censuit esse Barnabam. Sed respondeo et dico: Certum est hanc Epistolam esse S. Pauli. Ita Patres Græci et Latini passim, quos citat Bellarminus supra, et Galenus hic. Imo idipsum docet S. Petrus,

(1) De hujus Epistolæ canonicitate a nonnullis veterum, præsertim in Ecclesia Latina, dubitatum est imprimis ob loca quædam perperam intellecta, v. g. *vi, 4-9*, ubi legitur: « *Impossibile est eos qui semel sunt illuminati... et prolapsi sunt, rursus renovari ad penitentiam*; » quibus verbis abutebantur Novatiani ad denegandam lapsi penitentiam, ut suo loco dicitur. Cf. D. Glaire, *Introduction*, etc., tom. VI, pag. 203; Haneberg, *Einleitung*, etc., VIII part., cap. iii, § 30.

epist. II, cap. iii, vers. 15: « Sicut, inquit, charissimus frater noster Paulus scripsit vobis, » scilicet Hebræis Christianis, ex Judæa, ob Judæorum persecutionem, profugis et dispersis per Pontum, Galatiam, Cappadociam. Hisce enim tam secundam, quam primam suam epistolam scribit S. Petrus, ut patet *epist. I, cap. i, vers. 1*; nam hosce Hebræos profugos, et in Græcia alibive peregrinantes significat ibi Græcum *παρειδμενα*, ut recte advertit Ribera hic.

Dices: Cur ergo Paulus in aliis epistolis nomen suum præfigit suos salutando, hic autem illud tacet?

Cur nomen D. Pauli huic Epistolæ non præfixum?

Respondent aliqui, Paulum nomen suum in hac Epistola quoque posuisse; sed interpretem illud omisisse, sive quod mancum nactus sit exemplar, ex quo hæc transtulit, sive oblivione, aliave de causa.

Verum probabilius respondent S. Hieronymus in *Catalogo Scriptorum Ecclesiasticorum*, in *Paulo*; Clemens Alexandrinus apud Eusebium, loco citato, et alii passim, Paulum nomen suum in hac Epistola tacuisse, eo quod Pauli nomen apud Judæos etiam Christianos male audiret. Habebatur enim Paulus hostis legis Mosaicæ, et Gentilium (qui Judæis invisibiles erant) patronus. Adde, si se vocasset Paulum, cum illud Gentile et Romanum sit nomen, displicuisset Judæis, quasi ex Saulo Paulus, ex Judæo factus esset Gentilis et Romanus; sin Saulum se vocasset, Gentilibus visus fuisset a Gentibus ad Judæos, et a christianismo ad judaismum velle redire. Prudenter ergo nomen suum subiecit, ne hos illosve nomine suo offenderet.

Prima causa.

Addunt nonnulli, videri Paulum eadem de causa hanc Epistolam tradidisse Barnabæ, ut ipse eam quasi nomine suo vulgaret, ideoque a Tertulliano Barnabæ eam adscribi. Verum Paulus seipsum et nomen suum Hebræis satis indicat, *cap. ult. vers. 23*.

Secundam causam cur Paulus nomen suum hic sileat, affert Theodoretus et Clemens loco jam citato, videlicet modestiam Pauli, quia scilicet ipse in hac Epistola prædicat et celebrat Christum, primum Hebræorum Apostolum. Rursam, quia

Secunda causa.

Hebræi curæ Petri et Jacobi erant commissi : Paulus vero non Judæorum, sed Gentium erat doctor et Apostolus. Hac de causa noluisse se nominare, quia simul se de more vocare debuisset eorum Apostolum; quod noluit, sed hunc titulum tum Christo, tum S. Petro et Jacobo concessit : unde Paulus Hebræis hic scribit, non quasi doctor et Apostolus, sed quasi eorum socius et amicus, ut patet cap. ult. vers. 3.

Addunt aliqui tertiam causam, scilicet hanc fuisse Hebræorum consuetudinem, ut in epistolis nomina sua non præfigerent. Quæ consuetudo colligi videtur ex IV Reg. x, 2. Sed hæc causa non satis certa aut solida videtur (1).

Quæritur *tertio*, qua lingua conscripta sit hæc Epistola? Aliqui, cum Origene et Clemente Alexandrino loco citato, respondent græce esse scriptam, ita ut sententia et res sit Pauli, phrasis vero et stylus S. Lucæ aut Clementis, ideoque sit elegantior aliis Pauli epistolis. Verum sic non tam Paulus quam Lucas aut Clemens hujus Epistolæ esset auctor et scriptor hagiographus, utpote scribens et concinnans singulas hujus Epistolæ sententias, non ex se, sed ex instinctu Dei et dicante Spiritu Sancto.

Dico ergo cum S. Hieronymo in *Catalogo Scripturarum Ecclesiast.*, in Clemente, cum Theodoro et Œcumenio hic, cum Clemente Alexandrino supra, Paulum scripsisse hanc Epistolam, hebraice, utpote Hebræum Hebræis : hebraice inquam, non pure, sed corrupte, puta syriace, uti locuti sunt Judæi post reditum e Babylone et tempore Christi. Scripsit itaque Paulus hanc Epistolam Hebræo, id est suo vernaculo eloquio disertissime, et pari eloquentia versa est in Græcum a Luca, uti censuit Clemens Alexandrinus apud Eusebium,

lib VI *Hist.*, cap. xi; vel potius, ut Eusebius, Hieronymus, Theodoretus et Œcumenius, a Clemente Romano, cujus epistola ad Corinthios cum hac ad Hebræos et stylo et sensu valde consentit. Et hæc est causa cur inter hanc ad Hebræos et alias Pauli ad alios epistolas, magna sit styli dissimilitudo.

Dices : Si scripsit hebraice, cur ergo citans scripturam veteris Testamenti, non eam citat juxta textum Hebræum, sed juxta versionem Septuaginta.

Respondeo : Paulum in autographo Hebræo citasse scripturam juxta textum Hebræum, sed Græcum interpretem substituisse versionem Septuaginta, utpote Græcis notiozem. Ita textum Hebræum citavit Paulus in Syra, id est Antiochena, synagoga, *Actor. xiii*, 33 et 41, ubi tamen Lucas Græcis græce scribens, versionem Septuaginta substituit : idipsum fecit quoque interpres S. Matthæi, cap. xiii, vers. 14, et alibi, ut ibidem Jansenius et alii annotarunt. Nisi malis dicere cum Ribera, Galeno et Baronio, tom. I, pag. 677, illo tempore versionem Septuaginta fuisse vulgatam apud omnes, tam Judæos, quam Græcos, et e Græco in Syrum idioma fuisse conversam, illudque citasse Paulum : unde et Josephus et Philo, Hebræi licet, Septuaginta tamen sequuntur et citant potius quam Hebræa ipsa autographa.

Dices *secundo* : Si hebraice scripsit hæc Paulus, cur ergo Hebræum nomen unum per aliud interpretatur, dicens cap. vii, vers. 1 et 2 : « Melchisedec, qui interpretatur rex justitiæ; » et : « Rex Salem, id est pacis. »

Respondent aliqui, non Paulum hæc Hebræa nomina interpretatum esse, sed interpretem Græcum hasce interpretationes Paulo addidisse. Verum id dici nequit : ipse enim contextus arguit eas esse Pauli; nam in hisce interpretationibus magnam argumentationis suæ vim ponit ipsemet Paulus. Dico ergo, ipsummet Paulum Hebræas hasce voces interpretatum esse per alias similes, vel per easdem, sed divulsas et separatas, ut eas magis inculcaret, et sensum in iis latentem explicaret et perurgeret, dicendo vers. 2 : « Melchisedec » idem est quod *melech*, id est rex, *sedec*, id est justitiæ; sicut latine quis recte interpretatur, dicens, frugifer idem est quod frugem ferens, corniger idem est quod cornu gerens. Adde, Apostolum Hebræas voces non interpretari per Hebræas, sed per Syras quibus tunc loquebantur Judæi : sicuti jam Syrus interpres (quem nonnulli putant non esse interpretem, sed ipsum autographum Pauli, quod mox examinabo) interpretatur eadem nomina dicens, *Melchisedec*, id est, *malca dekinuta* (2).

Quæres hic, an textus Syriacus qui extat in Bibliis Regiis, sit ipsum Pauli autographum; multis id suadere conatur Albertus Widmanstadius, sit ipsum Ferdinandi Imperatoris nuper Cancellarius, qui

An textus Syriacus sit ipsum Pauli

(1) Contra *authenticam* multi cum Origene urgent styli discrepantiam, quod nempe hujus Epistolæ stylus sit multo cultior et elaboratior eo, quem in aliis Pauli epistolis deprehendimus. Sed respondet *primo* Macknigh, *Pref. to the Epist. to the Hebrews*, vol. IV, pag. 7, hanc Epistolam Epistolis ad Ephesios, ad Colossenses, ad Philemonem affectibus et elocutione (*in respect of sentiment and language*) vix antecellere. *Secundo*, juxta Glaire, op. cit. pag. 218, hujus, si adsit, discrepantiæ plures sunt causæ : Prima est, quod Paulinum hoc opus *tractatus* potius, seu *dissertationis*, quam *familiaris epistolæ* formam induat ; secunda est, quia impensiori cura, diligentiorique adhibito tenore, ad Palæstinenses Judæo-Christianos sibi abalienatos, scribere debuit ; tertia est ipsa rerum tractandarum subtilitas, cui illaborata atque incuriosa oratio repugnabat.

Hic quæri potest, an negantibus Epistolam ad Hebræos a D. Paulo fuisse scriptam, merito inureretur hæreseos nota. Negant contra quosdam Melchior Canus et Estius, quia hujus Epistolæ *canonicitatem* tantum, non vero *authenticam*, concilia definierunt ; ita et D. Glaire, *ibid.*, pag. 222 : recte, ut videtur. Hinc Erasmus asserentem, de Epistolâ ad Hebræos auctore *semper fuisse dubitatum, seque adhuc dubitare*, sic damnat Parisiensis theologiæ facultas : « Hæ duæ propositiones *arroganter* et *schismaticæ* (non dicit *hæreticæ*) effleruntur, contra usum et determinationem Ecclesiæ in multis conciliis, » etc.

(2) Cf. D. Glaire, op. cit., pag. 192, qui Paulum Græce scripsisse hanc Epistolam evincere satagit.

Ona lingua scripta sit a D. Paulo Epistola hæc?

Hebraice non tamen pura.

antogra- primus novum Testamentum syriace in Europa
plum? imprimi curavit, et Guido Fabricius, qui illud in
Latinum convertit, atque Matthæus Galenus, Dua-
censis Cancellarius, qui in hanc epistolam com-
mentans Syrum præ Græco sequitur et explicat.

Verum hoc valde incertum est et parum pro-
babile. Viris enim doctis textus hic Syriacus re-
centior et ex Græco tractatus videtur, præsertim
cum idem, suique per omnia similis extet in
omnes Pauli et aliorum Apostolorum epistolas,
omniaque Evangelia, quæ non dubium est pri-
mitus conscripta esse græce, non syriace, atque
in Syriacum a Syro quodam interprete esse con-
versa. Quem licet Syri putent fuisse S. Marcum
Evangelistam, tamen verius est non Marcum, sed
aliud Marco longe posteriorem fuisse: nam
S. Cyrillus, Clemens, Athanasius, Theodoretus,
Damascenus et alii, qui in Syria, vel Ægypto vixe-
runt et scripserunt, hujus versionis Syriacæ non
meminerunt. Rursum hunc Syrum textum non
esse Pauli, nec Marci, nec primi illius ævi Chris-
tiani, patet ex eo, quod hæc Syriaca versio phrasi
et idiotismo discrepet a Syra lingua, qua loque-
bantur Judæi tempore Christi, Pauli et Marci. Nam
Matth. xxvii, 8, pro *haceldema*, uti dicebant Judæi
tempore Christi, Syra jam versio habet אגורסא
אגורסא *aguresa dadema*, ubi græcizat. Nam ex ἀγρος,
id est ager, format *aguresa*. Sic *Matth. xxvii, 46*,
pro *Eli Eli*, uti dixit Christus, Syrus jam habet
אלי אלי *Il. Il.* Sic pro *Jerusalem*, Syrus vertit
Ourschlem; pro *Kephas*, *Kipho*; pro *Pascha*, *Pezcho*;
pro *Golgota*, *Golgoulto*; pro *Joseph*, *Jauseph*; pro
Jacob, *Jaacoub*; pro *Messia*, *Meschicho*; pro *Mose*,
Mousche; pro *Esau*, *Isou*; pro *Isaac*, *Ischok*; pro
Israel, *Isroiel*; pro *abel*, *Hobel*; pro *Cain*, *Koin*.
Ex quibus aliisque patet, alio idiomate locutum
esse Christum et Judæos, alio vero Syriacam hanc
novi Testamenti versionem esse conscriptam.

Textus
Hebræus
hic spe-
rius. Extat quoque hæc Epistola pure hebraice im-
pressa. Verum hoc non esse autographum S. Pauli,
quin potius illud a quopiam Hebræo ex Latino
vel Græco in Hebræum esse tractatum, facile qui-
vis doctus deprehendet.

Tale est et Evangelium S. Matthæi Hebraicum;
quod Sebastianus Munsterus, et post eum Quin-
quarboricus edidit, asserens se illud a Judæis ex-
torsisse. Quasi vero soli Judæi hostes Christi in-
fensissimi, illud Christianis negligentibus per tot
annorum centurias tam studiose custodierint.
Adde hoc opus spurium et supposititium esse,
satis colligi ex eo, quod in margine sæpe alias et
plane diversas ab iis quæ sunt in textu voces sy-
nonymas pro textu substituat, quodque verbo-
tenus Latinum textum referat, et sæpe nimis pue-
riliter hebraismos consecetur.

Talis est et Tobias Hebraicus, quem Paulus Fa-
gius, vir æque ac Munsterus suspectæ fidei, Con-
stantinopoli, ut ipse ait, acceptum edidit, et pro
autographo supposuit. Testatur enim S. Hiero-
nymus in prologo qui Tobiae præfigitur, Tobiam

non Hebræo, sed chaldæo sermone, utpote in As-
syriaca captivitate, esse conscriptum. Adde, phra-
sin Hebræam hujus Tobiae videri mimi alicujus
Rabbini aut Hebræi, utpote quæ ita pueriliter
sæpe Græco textui respondet ad verbum, ut plane
ex eo traducta et expressa videatur, resectis ta-
men quibusdam quæ traductori displicebant. In-
super fingit hic auctor Tobiam cum curari non
posset, ivisse in Alemanniam. Nimirum hos om-
nes libros Alemanni alicujus Lutherani aut Judæi,
et forte ejusdem a quo primo editi sunt, fœtus
supposititios esse, suspicari licet.

Quæritur quarto, quodnam sit hujus Epistolæ
argumentum? Respondeo: Scripta est hæc Epis-
tola quasi circularis ad Hebræos omnes toto orbe
dispersos, sed maxime ad Hebræos in Judæa de-
gentes, ut per omnes eorum Ecclesias legeretur.
Id patet cap. ult., vers. 23, ubi se cum Timotheo
propediem ad eos, scilicet in Judæam, venturum
significat. Cur dicti sint Hebræi, dixi *II Cor. xi, 22*.

Hebræis itaque scribit Paulus hoc fine et scopo,
ut nimirum eis ostendat et demonstret dignita-
tem Christi et Evangelii, cui cedere debeat Moses
et lex vetus, ut scilicet eos a judaismo omnino,
integre et perfecte transferat ad christianismum,
in eoque confirmet. Ita Scholiastes Græcus, Pri-
masius, Sedulius et alii.

Hac de causa Paulus Hebræis hic proponit, et
probat primo, divinitatem et dignitatem Christi.
Secundo, ejusdem sacerdotium, scilicet unicum
Christi in cruce sacrificium, omnibus veteribus
adumbratum, solum fuisse sufficiens ad nostram
omnium redemptionem perficiendam. Tertio, de-
monstrat Christi officium esse, ut per suum sau-
guinem sit peccatorum omnium expiator, re-
demptor, mediator, et pontifex noster ac cœli
reserator. Quarto, affert differentiam et excellen-
tiam Testamenti novi præ veteri. Quinto, conso-
latur eos qui a Magistratibus Judaicis, permitten-
tibus Romanis præsidibus, propter Christi fidem,
et a lege Mosis defectionem, quasi apostatæ bonis
suis spoliabantur, variisque modis divexabantur.
Imo, si credimus S. Chrysostomum, consolatio
hæc et confirmatio eorumdem, scopus est totius
Epistolæ. Demum morum instructione et præ-
ceptis ethicis hanc Epistolam Paulus more suo
concludit.

Scripsit hanc Epistolam, ut ait cap. ult., vers.
ult., ex Italia, scilicet Roma, non anno Neronis 14,
cum Romam ex Hispania secundo rediit martyrio
coronandus, ut volunt aliqui; sed cum in primis
vinculis causam suam feliciter apud Neronem pe-
rorasset, ejusque liberandi spes optima affulge-
ret, ut colligitur cap. ult., vers. 23, anno scilicet
Neronis quarto, qui fuit Christi sexagesimus (1).
Ita cum Chrysostomo, Galeno et aliis Baronius.

(1) Hanc Epistolam Sepp ait scriptam fuisse Romæ,
anno Christi 58. Vide Chronicon *Actis Apostolorum præ-*
fixum.

Quodnam
hujus
Epistolæ
argu-
mentum?

Roma
scripta
hæc
Epistola.

CAPUT PRIMUM.

SYNOPSIS CAPITIS.

Demonstrat Christum Mōsi, Prophetis et angelis, ac consequenter legem Christi legi Mōsi per angelos datæ præstare.

Hinc primo, vers. 2, docet Christum esse Deum, Dei Patris Filium, hærcdem et imaginem, conditorem et gubernatorem sæculorum.

Secundo, vers. 3, docet Christum, qua homo est, esse redemptorem peccatorum, eumque sedere a dextris Dei.

Tertio, vers. 4, ad finem, ex psalmis probat Christum hominem angelis præcellere divina origine et filiatione, honore et cultu patriæ, potentia, æternitate, dominio et imperio, scilicet Christum omnium esse dominum, angelos vero Dei et Christi esse ministros.

1. Multifariam, multisque modis olim Deus loquens patribus in Prophetis : novissime 2. diebus istis locutus est nobis in Filio, quem constituit hærcdem universorum, per quem fecit et sæcula : 3. qui cum sit splendor gloriæ, et figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram majestatis in excelsis : 4. tanto melior angelis effectus, quanto differentius præ illis nomen hærcditavit. 5. Cui enim dixit aliquando angelorum : Filius meus es tu, ego hodie genui te? Et rursum : Ego erō illi in patrem, et ipse erit mihi in Filium. 6. Et cum iterum introducit Primogenitum in orbem terræ, dicit : Et adorent eum omnes angeli Dei. 7. Et ad angelos quidem dicit : Qui facit angelos suos spiritus, et ministros suos flammam ignis. 8. Ad Filium autem : Thronus tuus, Deus, in sæculum sæculi : virga æquitatis, virga regni tui. 9. Dilexisti justitiam, et odisti iniquitatem : propterea unxit te Deus, Deus tuus, oleo exultationis præ participibus tuis. 10. Et : Tu in principio, Domine, terram fundasti : et opera manuum tuarum sunt cœli. 11. Ipsi peribunt, tu autem permanebis, et omnes ut vestimentum veterascent, 12. et velut amictum mutabis eos, et mutabuntur : tu autem idem ipse es, et anni tui non deficient. 13. Ad quem autem angelorum dixit aliquando : Sede a dextris meis, quoadusque ponam inimicos tuos scabellum pedum tuorum? 14. Nonne omnes sunt administratorii spiritus, in ministerium missi propter eos, qui hærcditatem capient salutis.

Vers. 1. 1. MULTIFARIAM, MULTISQUE MODIS OLIM DEUS LO-
Vers. 2. QUENS (græce λαλῶν, id est locutus) PATRIBUS IN
PROPHETIS, NOVISSIME DIEBUS ISTIS LOCUTUS EST
NOBIS IN FILIO, — id est per Filium. Vide Can. 25.
Per tres antitheses Apostolus hic præfert Evangelium,
id est doctrinam Christi, doctrinæ Mōsi et Prophetarum.

Doctrina Christi per tres antitheses præfertur Mosaicæ. Prima antithesis est, quod hæc doctrina Prophetarum tradita sit, « multifariam multisque modis, » id est, per varias multiplicesque figuras, visiones et oracula ; illa vero Christi data sit tota simul et semel per unum Christum, dum legem Evangelicam nobis tradidit. Undo pro multifariam græce est πολυμῆδης, id est, multipartile, per multas partes et vices, quia scilicet Deus

non omnia uni Prophetæ, verbi gratia Jeremiæ, sed partem suæ veritatis, salutis et mysteriorum Christi, Jeremiæ, partem Isaïæ, partem aliam aliis Prophetis revelavit. Rursum, pro « multisque modis » græce est πολυτρόπως, id est, multiformiter, quasi vertens se in varias formas, modos, similitudines. Sic enim Homerus Ulysem vocat πολυτροπον, quia versatili erat ingenio, noveratque se omni loco, tempori et personis accommodare. Sic Deus apud Prophetas vertit se in omnes formas et figuras, ut populum Judæorum durum et rudem doceret, molliret et flecteret, quando Ezechieli apparuit in curru Cherubim, Jeremiæ in virga vigilante et olla succensa, Isaïæ in throno excelso Seraphim, Danieli in specie antiqui dierum, cui

Lex vs-
tus a
Deo per
partes,
et varias
visiones

ministrabant millia millium, et decies millies centena millia assistebant ei; Osee, Joeli, Zachariae et cæteris, aliis symbolis et formis sese ostendit. Et hoc est quod Dominus per Oseam dicit, cap. xii : « Visionem multiplicavi, et in manu Prophetarum assimilatus sum, » id est, per Prophetarum visa, dicta et facta, variis tum personis, tum rebus me assimilavi. Ita S. Hieronymus ibi. Prophetæ ergo per varias tum partes et vices, tum formas et similitudines cognoverunt et alios docuerunt id, quod Christus qui est in sinu Patris, totum simul in Verbo vidit, nosque edocuit : nam partem quasi sui Prophetis, Christo vero totum se clare spectandum et promulgandum exhibuit Deus.

Lex vetus **antiqua** **et rudis,** **doctrina Christi ultima,** **perfectissima,** **universalis.** *Secunda antithesis est, quod Prophetæ docuerint olim, locutique sint priscis Patribus, Judæis scilicet, iisque solis; Christus vero jam novissime diebus istis locutus sit nobis, omnibus, inquam, hominibus totius mundi, q. d. Prophetæ prisco et rudi incultoque sæculo rudes et incultos patres nostros docuerunt; Christus vero nos tot legis præceptis, tot caeremoniarum ritibus, tot Prophetarum oraculis instructos et expolitos docuit ipsum apicem veritatis, salutis, sapientiæ et perfectionis.*

Unde nota : *Pro novissime diebus istis, græce est ἐν ἡμέραις (1) τῶν ἡμερῶν τούτων, id est novissimis vel ultimis diebus; id est temporibus istis, q. d. Olim unus Propheta alteri, una lex alteri successit, jam vero omnibus prophetis ultimus Christus, et omnibus legibus ultima lex Christi successit, cui nulla alia succedet. Unde sequitur nec plenas, nec perfectas fuisse leges et doctrinas Prophetarum : Christi vero legem et doctrinam plenam et perfectam esse, adeo ut nihil illi sit adjiciendum. Secundo, hisce verbis, ait Chrysostomus, excitat Paulus Hebræos ad spem et constantiam in persecutionibus pro fide tolerandis, q. d. Agite, modicum adhuc tolerate, en hi sunt ultimi dies, post quos mox sequetur finis laborum et passionum, atque initium præmiorum et gaudiorum; en aspirat jam dies æternitatis, en imminet vita illa gloriosa et beata, regnum, inquam, Christi, cujus non erit finis.*

Lex vetus **antiqua** **et rudis,** **doctrina Christi ultima,** **perfectissima,** **universalis.** *Tertia antithesis est, quod Prophetæ docuerint quasi Prophetæ, id est quasi homines, futura de Christo et Ecclesia Christi obscure prævidentes et prænuntiantes; jam vero in lege nova doceat nos Christus Filius Dei, qui clare videt et penetrat omnem Dei Patris sapientiam : sicut ergo umbra corpori, ita Prophetæ Christo cedere eoque presente tacere debent, q. d. Paulus : Videte ergo, o Hebræi, et agnoscite vestram felicitatem; gratias immortales agite Deo optimo maximo, quod vos in hoc legis novæ sæculum reservavit, quo non Prophetas imperfecte, membratim par partes, et*

obscuræ docentes et prophetantes, sed ipsummet Dei Filium omnium arcanorum Patris conscium videre, eumque clarissime et plenissime docentem, atque abscondita a constitutione mundi eructantem audire licet. Ac consequenter advertite quam Christo præ Mose et Prophetis credere, in ejusque fide vos corroborare debeatis, ut scilicet bonorum rapinam, malaque omnia, adeoque mortem et martyrium pro ea libenter et constanter subeatis : utrumque enim intendit Apostolus, ut dixi in præmio.

QUEM CONSTITUIT HÆREMDEM UNIVERSORUM, — non tantum hominum, sed omnium omnino rerum quæ creatæ sunt; πάντων enim, id est universorum, in neutro genere hic capitur, ut patet ex seqq. Nota vocem *constituit*, scilicet Deus Pater, Christum qua homo est. Christus enim qua Deus est, natus est hæres, dominus et opifex omnium; qua vero homo est, non natus, sed constitutus est a Deo hæres, id est Dominus, et ex æquo cum Deo Patre consors ac possessor (hoc enim est κληρονόμος) omnium scilicet creaturarum, et hominum, ac totius orbis. Et hoc est quod *Psal.* ii, 8, dicitur : « Postula a me, et dabo tibi gentes hæreditatem tuam, et possessionem tuam terminos terræ. » Et *Joan.* xiii, 3 : « Sciens Jesus quia omnia dedit ei Pater in manus. »

Nota secundo : Vocat Apostolus Christum hæredem ex asse omnium bonorum Patris, ut significet *primo*, Christum, qua homo est, esse filium Dei naturalem, propter gratiam unionis qua Verbo Filioque Dei unitur. Christus ergo, qua homo est, jus habet ad hæreditatem Dei Patris, ut scilicet sit particeps et consors divinæ beatitudinis et gloriæ, ac dominus omnium. *Secundo*, hisce verbis significat Christum *primarium* et *necessarium* esse hæredem Dei Patris, adeoque neminem posse in consortium hæreditatis, beatitudinis et gloriæ Dei admitti, nisi per Christum in filium adoptetur; ideoque quemque satagere debere ut huic hæreditati Christi in Ecclesia per fidem et baptismum adscribatur, in eaque perseveret, q. d. Sine Christo nemo salvus hæresque Dei esse, nemo hæreditatem vitæ æternæ cernere potest. Persistite ergo, o Hebræi, in fide, gratia et Ecclesia Christi, nullaue persecutio ab eo vos separet : siquidem non potestis esse Dei hæredes, si Christi non sitis : Christus enim plenus et adæquatus Patris est hæres. Quare quem Christum in hanc hæreditatem suam non admittit, is eam adire Patrisque hæres ac beatus esse nequit.

PER QUEM FECIT ET SÆCULA. — Præpositio *per* causam, non instrumentalem, nec ministerialem, uti volunt Ariani, sed principalem significat, ut patet ex vers. 10 et vers. 3, q. d. Deus Pater per Filium suum, qui est Verbum suum æternum, quasi per ideam omnes rerum gradus et species continentem, et quasi per sapientiam architectonicam increatam, omnisciam et omnipotentem, in qua sunt et vivunt sempiternæ rerum omnium

Quomodo, quæ titulo, et quorum Christus sit hæres?

Nemo potest esse co-hæres nisi per Christum.

Quomodo per verbum Pater creaverit omnia?

(1) Griesbachius, Lachmannus et Scholzius legunt ἐν ἡμέραις, scilicet μέγας, itaque legendum videtur.

rationes, «fecit,» id est creavit et produxit, «sæcula,» id est tempora et temporaria omnia, scilicet mundum et omnia quæ in mundo sunt. Ubi nota: Græcum *αἰών* respondet Hebræo *עולם* *olam*, et proprie significat sæculum, ævum et tempus decurrens, sibi succedens, quod in Scripturis subinde vocatur *generatio*, ut cum dicit *Ecclesiastes*, cap. I, vers. 4: «Generatio præterit, generatio advenit.» Et *Gen.* xv, 16: «Quarta generatione (id est quarto sæculo vel ævo) revertentur huc.» Sic vocamus sæculum sive ævum Noe, Abrahæ, Mosis, id est tempus quo vixit Noe, Abraham, Moses. Verum metonymice *αἰών*, id est sæculum, significat res quæ illo sæculo et tempore existunt, ut sæcula sint idem quod sæcularia, æviterna, temporaria: puta mundus, et omnes res mundanæ quæ aliquo sæculo aut tempore creatæ aut factæ sunt et subsistunt. Itaque *עולמין* *olamin*, id est *אֵלֶּיךָ* *alei*, id est sæcula, ponitur pro *הַנְּכִרְאִים וְהַנְּעִשִׂים* *hannibrahim vehannasim*, id est pro rebus creatis et factis in sæculo. Sic cap. xi, Apostolus dicit, *aptata esse sæcula*, id est creata mundana omnia, verbo *Dei*, quod hic totidem pene verbis dicit: «Per quem fecit et sæcula,» *q. d.* Christus est super et ante sæcula, ab æterno est creator, non creatura: est opifex sæculorum et rerum omnium.

Ubi nota: Inculcat hic Apostolus Hebræis utramque Christi naturam: humanam, cum dicit: «Quem constituit hæredem universorum;» divinam, cum dicit: «Per quem fecit et sæcula.» Atque ne putes fecisse ea per Filium quasi per instrumentum; subdit illico:

3. QUI CUM SIT SPENDOR GLORIÆ, ET FIGURA SUBSTANTIÆ EJUS, — *q. d.* Filius est splendor gloriæ, id est gloriøsæ majestatis ejus, scilicet Patris. Pro splendor græce est *ἀπαύρασμα*, quod Syrus vertit, *צֶמַח* *tsemcha*, id est *germen*. Sed non satis vim Græcæ vocis expressit: *ἀπαύρασμα* enim proprie idem est quod Hebræum *זֹהַר* *zohar*, id est claritas, splendor, fulgor, refulgentia, seu id in quo resplendet paterna gloria, id est gloriosa majestas. Sicut enim radius a sole, ita Filius a Patre procedit; et sicut sol suam lucem, decorem et gloriam ostendit in suis radiis ita splendentibus, in iisque quasi refulget et relucet: ita Pater suam gloriam ostendit in generatione sui Filii tam fulgidi et gloriosi. Alludit Apostolus, vel potius citat *Sap.* vii, 26, ubi dicitur de Sapientia æterna, id est de Filio: «Candor est lucis æternæ, et speculum sine macula.» Ibi enim pro *candor*, græce est eadem vox quæ hic, scilicet *ἀπαύρασμα*, id est splendor. S. Augustinus, lib. IV *De Trinit.*, cap. ii, interpretatur: «lux est lucis æternæ.» Sed vox *candor* clarius significat fulgorem lucis æternæ. «Candor» ergo idem est quod candidus, lucidissimus, purissimus splendor et fulgor. Addit Sapiens Filium esse Patris «speculum sine macula,» quia in Filio quasi in speculo limpidissimo relucet Patris gloria et majestas.

Nota hic, Deum Patrem optime comparari Soli et luci, idque ob magnas et multas analogias, quas recenset S. Dionysius, lib. *De Divin. Nomin.*, cap. iv; ac consequenter generatio Filii optime comparatur emanationi radii a sole. Hac enim similitudine, ut notat S. Ambrosius, lib. I *De Fide ad Gratianum*, cap. iv, et Patres Græci, tria significantur, primo generationem Filii esse naturalem, Filiumque a Patre non libere, sed naturaliter, perinde ut radium a Sole procedere. Unde Cyrillus, lib. X *Thesauri*, cap. viii, hinc probat Filium Dei non præcedente voluntate et electione, sed secundum naturam a Patre generatum esse.

Secundo, hac radii et Solis similitudine significatur immutabilitas generationis Filii: sic enim sine mutatione et immutabiliter radius a Sole profluit.

Tertio, significatur generationis hujus æternitas: radius enim sive splendor Soli cœvus est. Ubi ergo, inquit Chrysostomus, sunt Ariani qui dicunt: «Erat quando non erat?» id est erat tempus quando non erat Filius.

Rursum quarto, significatur generationis ejusdem puritas, quia lux a Sole promanat sine ulla fæce aut commixtione quasi spiritualis et purissimæ qualitas.

Quinto, hinc colligit Damascenus, lib. I *De Fide*, cap. ix, Filium a Patre esse inseparabilem: sic enim lux et radius a Sole inseparabilis est. Rursum nunquam posse Filium deficere, quia lux Solis durante Sole deficere nequit. Denique sicut a Sole et splendore calor, ita a Patre et Filio Spiritus Sanctus procedit.

Perperam ergo Beza hunc locum Apostoli explicat de humanitate Christi: passim enim Patres explicant de divinitate, illudque satis evincit id quod sequitur: «Et figura substantiæ ejus.» Hoc enim humanitati competere nequit. Ac rursum illud *Sapient.* vii, 26: «Candor est lucis æternæ,» quod de Sapientia increata dicitur. Quem locum hic citat Apostolus. Fateor tamen hæc posse secundario ad humanitatem Christi derivari et accommodari: humanitas enim est splendor gloriæ, id est gloriøsæ divinitatis; quia in ipsa humanitate Christi, utpote tam pulchra, gloriosa et augusta, resplendet ipsa substantiæ ejusdem deitas.

ET FIGURA SUBSTANTIÆ EJUS. — Pro *figura* græce est *χαρακτήρ*, id est expressa et quasi exsculpta imago, signum et similitudo, ex qua archetypum, sive exemplar, id est Deum Patrem, agnoscamus et intueamur, sicut ex imagine in cera expressa agnoscimus et intuemur sigillum quod illam expressit: Græcum enim *χάρασσω* idem est quod insculpo, notam aut formam imprimo; inde *χαρακτήρ* idem est quod insculpta et impressa imago. Character ergo hic significat Filium esse Patris imaginem, non inanem, umbraticam, fugacem et evanidam; sed constantem, expressam, insculptam, quæ ad vivum, Patrem Patrisque vultum

Cur Pater comparatur Soli et luci?

Generatio Filii naturalis, non libera.

Immutabilis.

Æterna.

Pura.

Filius a Patre inseparabilis est.

Male hunc locum Beza de humanitate Christi intelligit.

Quid hic significetur per figuram?

Sæculum quibus nominibus a Scriptura nuncupetur, et quid significet?

Probatur et inculcatur ab Apostolo natura divina et humana Christi.

Quomodo Filius splendor gloriæ Patris?

repræsentet. « Hunc enim Pater signavit (σφράγι-
σεν, id est sigillavit, et quasi sigillo expressit)
Deus, » inquit ipse Filius, *Joan. vi, 27*. Filius est
figura substantiæ Patris, quia per se subsistit, et
in se paternos ostendit characteres, ait Theodo-
retus; ut omnimodam similitudinem et propriam
exemplaris imaginem ostendat, » ait S. Chrysos-
tomus.

Filius
figura
est perso-
næ, non
essentiæ
Patris.

Nota : Pro substantiæ græce est *ουσιαν* : *ου-
σιας* autem, inquit S. Hieronymus *ad Damasum*,
idem est quod *ουσία*, id est, essentia et substantia.
Et sic S. Hieronymus in Deo agnoscit unam hy-
postasim, sicut et unam essentiam, nec audet
dicere in Deo esse tres hypostases, ne videatur di-
cere in Deo esse tres substantias. Ita quoque Epi-
phanius, *hæresi 69*, per *hypostasim* hic essentiam
accipit, quasi Filius hic dicatur *figura hypostaseos*,
id est, figura essentiæ Patris. Additque Filium
dici *figuram*, non quod veritate substantiæ Patris
careat, sed quia per suam substantiam Patrem
repræsentat. Verum hoc dici nequit : nam essen-
tia Patris non generat essentiam Filii. Nec Filius
essentiæ Patris habet imaginem, figuram et cha-
racterem, sed identitatem. Melius ergo S. Basilius,
epist. 43 *ad Greg. Nyss.*, Chrysostomus, Theodo-
retus, Theophylactus et alii hic « hypostasim »
sumunt pro persona Patris, cujus imago est Fi-
lius, ut videlicet subsistat tanquam hypostasis
similis hypostasi et substantiæ Patris, eo modo
quo dixi II *Corinth. iv, 4*; *ουσιαν* enim idem est
quod subsistentia : subsistentia autem non est
aliud quam persona. Unde liquet nomen « figu-
ræ, » sive imaginis, competere soli Filio proprie
et personaliter, non Patri, nec Spiritui Sancto,
quia solus Filius procedit ut Verbum a Patre.
Verbum autem est « figura » et imago intelligen-
tis et rei intellectæ, quod scilicet ejus conceptum
et intellectionem plane et plene intelligenti repræ-
sentat, sicut speculum repræsentat speciem rei
sibi objectæ. Quare « figura » et imago sunt no-
mina relativa, ac significant relationem Filii ad
Patrem : figura enim est figurati figura, et imago
est exemplaris imago, sicut Filius est Patris filius.
Atque hæc est causa, cur Filius distinguatur a
Spiritu Sancto, quia scilicet Filius, vi processio-
nis suæ, procedit a Patre ut Verbum, id est ut
imago Patris, ideoque ei in natura simillimus et
consubstantialis, atque idcirco dicitur generari a
Patre, et processio ejus est generatio; Spiritus
Sanctus vero procedit, non ut Verbum, sed ut
amor Patris et Filii. Amor autem non est imago,
nec amantem amato assimilatur, sed est impulsus,
qui amantem ad amatum quasi extra se aman-
dum impellit et rapit; quia vero hic amor est in
ipso Deo, hinc Spiritus Sanctus est Deus : quia
quidquid est in Deo, hoc est immensum, infinitum,
æternum, ideoque Deus. Ita S. Augustinus,
lib. VII *De Trinit.*, cap. 1; S. Thomas, I *part.*,
Quæst. XXXV, art. 2, et ibi Suarez et Vasquez.

Figula. Notant secundo, Theodoretus et Theophylactus,

XIX.

« hypostasim » hic opponi hæresi Photini, qui
docebat Filium per se non subsistere; cum enim
dixisset Apostolus : « Qui cum sit splendor glo-
riæ, » ne quis putaret Filium esse splendorem ta-
lem, qualis apud nos est, qui scilicet sit accidens,
mox hoc excludens subiecit, dicens : « Et figura
substantiæ ejus, » *q. d.* Filius est splendor, sed
splendor subsistens, quasi hypostasis et persona
similis hypostasi et personæ Patris. Hinc rursum
excluditur hæresis Sabellii, docentis eandem esse
hypostasim sive personam Patris et Filii : nec
enim hypostasis expressa et producta potest
eadem esse cum hypostasi exprimente et produ-
cente, sed ab ea distingui debet, perinde ut si-
gillum a figura sua, quam ceræ imprimit, distin-
guitur.

PORTANSQUE OMNIA VERBO VIRTUTIS SUÆ, — *q. d.*
Filius suo verbo et jussu potenti omnia portat,
id est sua subsistentia, nutu et potentia sustentat
et bajulat totum pondus creaturarum, inquit
Theophylactus, quasi Atlas mundi. Hoc enim sig-
nificat Græcum *φέρων*, quod Syrus vertit *ἑρμῆς*
achid, id est complectens, continens, coercens
omnia quasi omnipotens. Est enim *achid* apud
Syros epithetum Dei, notatque omnipotentiam.
Secundo, *φέρων* cum Erasmo verti potest, agens,
movens, moderans, gubernans omnia, uti eadem
creavit : nam *φέρόμενα*, inquit Erasmus, dicuntur,
quæ impetu quodam aguntur; unde et *φορῶν* im-
petum vocant. Rursum, non dicit Paulus *gubernat*,
sed *portat*; imo in Græco non dicit *portat*,
sed *φέρων*, id est *fert*. Nam, ut ait Chrysostomus,
qui gubernat et *portat*, id facit cum negotio et
labore; fert vero qui sine negotio facillime rem-
movet, quo libet. Et S. Anselmus : « Portat om-
nia, hoc est, inquit, sursum tenet, ne decident,
et in nihilum revertantur, unde creata ab ipso
fuerunt; et sustentat ea non labore et difficultate,
sed imperio suæ potentiae. »

Utraque hæc expositio congrua est et connexa.
Deus enim, Deique Filius, qui est splendor et vir-
tus gloriæ Dei, quasi summus rex et moderator
omnium, tam portat et sustentat, quam agit et
movet totum hoc universum : hinc ejus gloriosa
providentia, sustentatio et gubernatio significata
fuit Ezechieli, cap. 1, per currum Cherubim, qui,
ut ait Ezechiel, symbolum erat gloriæ Dei. Sicut
enim Eliseus Eliæ, cum raperetur in cælum, accla-
mabat : « Pater mi, currus Israel et auriga ejus. »
Quasi diceret : Tu, o Elia, eras quasi currus por-
tans Israelem, et simul eras quasi auriga ejus-
dem, regens et agitans eum ad omne bonum.
Princeps enim, Propheta et Prælatas est quasi
currus et auriga populi et reipublicæ; sustinet
enim quasi currus onera populi, et quasi auriga
populum regit, aurigatur et præsidet, et simul
bajulat et portat instar matris quæ portat et regit
infantem. Hinc de Christo principe dicitur : « Cu-
jus principatus super humerum ejus, » *Isaia ix, 6*.
Hac etiam de causa princeps hebraice dicitur

tur
hæresis
Photini
et Sabellii.

Provi-
dentia,
sustenta-
tio et
guberna-
tio Filii
Dei erga
omnia
fusa os-
tenditur.

Φέρων
quid ?

Quid per
verbum
portare
in Scrip-
turis si-
gnifico-
mus ?

Princeps

hebraice
nasi, id
est
portitor

נָשִׂי *nasi*, quasi dicas portitor sive bajulus, qui scilicet populi onera levat et portat: a radice נָסָא *nasa*, id est levavit, tulit, portavit. Unde *nasi* dicitur portitor, et *nose* portans: quo nomine hebraice scribens hic usus videtur Apostolus. Hinc Moses, *Num. xi, 12*, Domino conqueritur: « Cur, inquit, imposuisti pondus universi populi hujus super me; numquid ego concepi omnem hanc multitudinem, vel genui eam, ut dicas mihi: Porta eos in sinu tuo, sicut portare solet nutrix infantulum? » Sicut ergo Elias fuit currus Israel et auriga ejus, ita Deus est quasi currus portans totum mundum, et sustentans omnes mundi creaturas, quæ alioqui in nihilum ex quo venerunt, reciderent. Est et Deus simul quasi auriga currui insidens et præsidens, currumque hunc totius mundi agens, movens et gubernans. *Secundo*, hunc currum, teste Ezechiele, undique stipant angeli Cherubini, quasi Dei administri; unde et « spiritus vitæ erat in rotis » ejus, id est halitus vitalis et spiritus animalis a Deo in rotas permeabat et diffundebatur, juxta illud Virgilii;

Spiritus intus alit, totamque infusa per artus
Mens agitat molem, et magno se corpore miscet.

q. d. Hic currus, hoc Dei vehiculum per se cur-
rebat animalibus Cherubim præeuntibus, et rotis
per se motis, ex vi et impulsu iis a Deo per an-
gelos impresso. Hac enim phrasi symbolice non
aliud significatur, quam quod cæli et mundus
sint quasi Dei præsentis currus, sponte sub eo
currens, quodque Deus illi dominans per angelos
gyret cælos, tempora resque omnes fortissime et
suavissime regat, moveat ac gubernet. Itaque vide-
tur hic Paulus ad currum hunc Cherubim Ezechiel
ostensum alludere, ut ibidem annotavit Hieronymus
Prado. Unde et sedens et præsidens in curru
hoc similis erat Filio hominis, inquit Ezechiel:
quod idem est cum eo quod hic dicit Paulus,
Filium portare omnia verbo virtutis suæ.

Potest tertio, Græcum φέρων verti proferens,
alens, fovens omnia quasi pia mater, ut φέρων sit
idem quod Hebræum מְכַלְכֵּל *mecalkel*; sed, ut
dixi, Apostolus potius usus videtur verbo נוֹשֵׂא
nose: hoc enim proprie significat eum qui aliquid
fert aut portat. « Verbo virtutis suæ, » id est nutu
potentiæ suæ (virtus enim idem est quod poten-
tia, hanc enim significat Græcum δύναμις), sive
potenti suo jussu et imperio, quasi potentissimus
princeps, cui satis sit os aperuisse, ut fiat quid-
quid voluerit, dixit enim et facta sunt, *q. d.* Sicut
per Filium Deus fecit sæcula, id est mundum, et
mundana omnia: ita per eundem eadem quæ
facta et condita sunt, non sua sollicitudine, cura
et industria, ut faciunt homines dum suos re-
gunt, sed sua virtute, verbo et nutu potenter regit
et administrat.

Hanc Dei potentiam significat Isaias, cap. xl,
vers. 12, ubi dicit, Deum tribus digitis appendere
molem terræ; « Quis, inquit, mensus est pugillo

aquas, et cælos palmo ponderavit? quis appendit
tribus digitis molem terræ, et libravit in pon-
dere montes, et colles in statera? » Quis? nisi
solus Deus, Deique Filius? Et Sapiens, *Sapient.*
xi, 12: « Virtuti, inquit, brachii tui quis resistet?
quoniam tanquam momentum statera, sic est
ante te orbis terrarum, et tanquam gutta roris
antelucani, quæ descendit in terram. » Ubi « mo-
mentum » idem est quod minima inclinatio aut
motus. Græce enim est ῥοπή ἐξ πλασίγγων, id est
vergentia vel inclinatio ex lancibus libræ, quæ
scilicet quoniam semper agitantur, hinc semper
una pars alia magis minusve pendula inclinat, id
est attollitur, vel deprimitur, *q. d.* Sicut hæc pro-
pensio lancis minima est, et minimi momenti, sic
etiam mundus minimus est respectu Dei. *Secundo*,
sicut hæc propensio minimo motu illius qui bi-
lancem manu fert, in aliam partem inclinari po-
test: sic et mundus totus est in manu Dei quasi
libritenentis, ut eum ad libitum quo vult vertat
et verset, adeoque coram Deo est « tanquam gutta
roris antelucani. » Sicut enim hæc orta luce et
sole statim ab eo siccatur et sorbetur, sic mun-
dus a Deo quovis instanti inverti, imo absorberi
potest.

Moraliter et pie S. Bernardus labores et auste-
ritates suorum Religiosorum hisce Apostoli verbis
solatur, præfatione in Psalm. *Qui habitat*: « Mor-
tificamini, inquit, tota die in jejuniis multis, in
laboribus frequentes, in vigiliis supra modum,
præter ea quæ intrinsecus sunt, contritio cordium
et multitudo tentationum. Mortificamini, sed pro-
pter eum qui mortuus est pro vobis. Quod si abun-
dat tribulatio vestra pro eo, abundabit conso-
latio vestra per eum, ut in eo delectetur anima,
quæ in his renuit consolari. Apud ipsum namque
ipsa quoque tribulatio magna quædam consolatio
poterit inveniri. Nonne enim certum est supra
vires humanas, ultra naturam, contra consuetu-
dinem esse quæ sustinetis? Alius ergo portat ista,
ille sine dubio qui secundum Apostolum portat
omnia verbo virtutis suæ. Quid enim timendum
nobis, si adest qui portat omnia? Dominus pro-
tector vitæ meæ, a quo trepidabo. »

PURGATIONEM PECCATORUM FACIENS, SEDET AD DEX-
TERAM MAJESTATIS IN EXCELSIS. — Græce est in
aoristo καθάρισεν ποιήσας, id est postquam fecit
purgationem peccatorum, seu postquam peccata
sua morte expiavit: solet enim sæpe Interpres
noster aoristos Græcos per præsens vertere. Prius
ergo Christus purgavit peccata, deinde posterius
hujus expiationis merito consedit ad dexteram
Dei. Ita Chrysostomus, Theodoretus, Theophylac-
tus, Oecumenius. Nota: In Græco additur δι' ἑαυτοῦ,
id est per seipsum: quo mira insinuat charitas
Christi, quod scilicet non tantum expiarit, sed
etiam quod per seipsum et suum sanguinem eadem
expiarit. Ita Chrysostomus. Rediit hic Paulus a
divinitate ad humanitatem Christi.

Notat hic Apostolus quatuor formas et quasi

titia
elucida-
tus.

Quomodo
omnia a
Deo pen-
deant?

Locus
Ezechie-
lis cap. i,
illustra-
tus, ad
quem
alludit
Apostolus,
de
currui
Cheru-
bim.

Christus
per seip-
sum
expiavit
peccata
nostra.

Quatuor

facies **Cheru-** **bim** **Ezech. 1.** **signant** **quatuor** **Christi** **formas.** **Christus** **homo** **Deus,** **sacerdos** **et hostia,** **rex et** **trium-** **phator.**

facies Christi, quas Ezechiel, cap. 1, designavit per quatuor facies Cherubim. Prima enim facies Cherubim est hominis. Hæc signat humanam Christi naturam. Hanc notat hic Apostolus cum ait: « Quem constituit heredem universorum. » Secunda facies est aquilæ. Hæc signat Christi divinam naturam. Hanc notat hic Apostolus cum ait: « Qui cum sit splendor gloriæ. » Tertia facies est vituli. Hæc notat Christi sacerdotium et sacrificium. Hanc notat hic Apostolus cum ait: « Purgationem peccatorum faciens. » Quarta facies est leonis. Hæc signat Christi regnum et triumphum, quo victor a morte resurrexit et ascendit in cælum. Hanc notat hic Apostolus cum subdit: « Sedet ad dexteram majestatis in excelsis. » Easdem quatuor Christi formas et facies descripsit Apostolus, *Philipp. II, 6*, ut ibi dixi. Quaternas enim facies quatuor Cherubim unus in se ostendit Christus: ipse enim est aquila, quia Verbum Dei; ipse verus est homo; ipse est leo, quia rex; ipse denique est vitulus, quia sacrificium et sacerdos. Ipse ergo quadriformis est Cherub, in quo latet multiformis sapientia Dei.

SEDET AD DEXTERAM MAJESTATIS IN EXCELSIS. — Tum quia hic locus eminentissimus eminentissimo homini Christo mortis et peccati expiatori et victori debetur; tum ut Patri assidens illi perpetuo sua stigmata, vulnera, crucem et mortem exhibeat et offerat pro quotidianis hominum peccatis expiandis.

Nota: Pro majestatis græce est μεγαλωσύνη, id est magnitudinis, magnificentiæ, majestatis, scilicet divinæ et paternæ. Unde ut hoc exprimant aliqui, pro in excelsis, subintelligentes in Græco articulum τῆς, q. d. μεγαλωσύνης τῆς ἐν ὑψηλοῖς, vertunt, majestatis excelsissimæ, sive majestatis illius quæ excelsissimo loco et throno considet, quæ non est alia quam Dei Patris.

Explica- **tur** **quomodo** **Christus** **sedeat ad** **dexte-** **ram** **Patris.**

Cur **dicatur** **sedere?**

Quæres, quomodo Christus sedeat ad dexteram Dei Patris? Respondeo: Sedere ad dexteram Dei symbolice significat summam Christi dignitatem, excellentiam et gloriam: nec enim proprie Deus habet dexteram aut sinistram; nec Christus qua Deus, nec forte etiam qua homo, in cælo sedet tantum, sed tam stat, quam sedet. Sicut enim sedere situs est hominis quiescentis, regnantis et judicantis: ita stare situs est hominis valentis, robusti, vegeti et beati, qualis est Christus. Dicitur ergo Christus sedere ad dexteram Dei: primo, quia Christus qua Deus est, Deo Patri uti essentia, ita et dignitate et gloria æqualis est; secundo et melius, quia Christus qua homo est, evectus est ad æqualitatem Dei, sive ad participationem et communicationem divinæ, uti hypostasis, ita et gloriæ. Unde Gabriel Vasquez: Sedere, inquit, ad dexteram Dei qui est in excelsis, per metaphoram denotat maximum honorem quem habuit humanitas Christi, imo et consortium ejusdem dignitatis in eadem sede: et sic ratione unionis hypostaticæ cum Verbo, humanitas Christi ab

initio conceptionis suæ sedit ad dexteram Patris. Verum quia hic et in Symbolo Christus post mortem, resurrectionem et ascensionem in cælum, dicitur sedere ad dexteram Dei, hinc tertio, et optime, humanitas Christi postquam ad cælos ascendit, dicitur sedere ad dexteram Dei, quia super omnes creaturas tam loco, quam beatitudine et gloria exaltata est, ut longe transcendat angelos, Cherubim et Seraphim; sitque Deo proxima tanquam dominans omnibus angelis, hominibus et creaturis aliis, et tanquam judex constituta, ut judicet omnes electos et reprobos: hanc enim electionem meruit Christus per purgationem peccatorum, redemptionem et mortem suam. Plura de hac Christi sessione dixi *Coloss. III, 1*. Accumulat Apostolus hæc Christi epitheta tam magnifica, inquit Chrysostomus, ut Hebræi et nos discamus Christum præ Mose et angelis magni facere, magna ab eo sperare, magna pro ipso facere et pati.

4. TANTO MELIOR ANGELIS EFFECTUS, QUANTO DIFFERENTIUS PRÆ ILLIS NOMEN HEREDITAVIT. — Vox « melior » hic non ad mores, sed ad præstantiam, dignitatem et potentiam pertinet. « Melior » ergo, græce ἀριστερον, idem est quod potior, præstantior, dignior. Ita Syrus.

Secundo, pro differentius græce est διαφορώτερον, quod tam excellentius, sive præstantius, quam differentius, verti potest. Ita Syrus.

Tertio, vox « effectus » non significat Christum antea fuisse minorem angelis, ut deinde postea iis major sit effectus, ut vult Erasmus; sed significat Christum hoc ipso quo homo factus est, incarnatus et natus, majorem factum esse angelis: nascendo enim factus est Dei Filius, cujus angeli tantum ministri sunt. Itaque Christus semper major fuit, semper honore prælatus fuit angelis. Unde etiam minus recte alii sic exponunt, « major effectus, » id est, major declaratus est: nec enim de Christi declaratione, sed reali præstantia et præeminentia loquitur Apostolus.

Quarto, pro hereditavit græce est κληρονόμηκεν, id est sortitus est, sorte accepit. Sorte, id est, hereditate: hæreditas enim per sortes, sive sortito inter hæredes dividebatur, indeque vocatur sors hæreditaria. Itaque « sortitus est » idem est quod « hereditavit. » Nimirum Christus qua homo hoc ipso quo natus est, unitusque Verbo Dei, uti hæres factus est omnium honorum, ita et nominis Dei, ut scilicet Filius Dei diceretur, celebraretur, invocaretur.

Nota: Ex professo Apostolus Christum comparat præfertque angelis, ut ostendat quantum christianismus a Christo institutus præstet judaismo et lege veteri, utpote quæ tantum per angelos data est.

5. CUI ENIM DIXIT ALIQUANDO ANGELORUM: FILIUS MEUS ES TU, EGO HODIE GENUI TE? — Nota, angelos dici filios Dei, sed metaphorice, *Job XXXVIII, 7*: « Cum me laudarent astra matutina, et iubilarent

Vers. 4

Error
Erasmii
circa
hunc
locum.Sors hæ-
reditaria
Christi
quæ et
quanta?

omnes filii Dei. » Sic enim ab eodem Job Deus dicitur esse pluviae pater, maris, astrorum, adeoque omnium creaturarum pater, id est creator, productor, effector. Hic vero Paulus nomen « filii » proprie accipit pro filio naturali et genuino; subdit enim: « Ego hodie genui te; » et sic non angeli, sed solus Christus est Filius Dei. Ita Chrysostomus.

De qua generatione humana, hic locus intelligendus? EGO HODIE GENUI TE. — Citat *Psalm. II, 7*, quem Theodoretus, Hilarius, Origenes et Cyrillus, in *Psalm. II*; Ambrosius, lib. III *De Sacrament.*, cap. II, et Athanasius apud Oecumenium, intelligunt de humana Christi generatione, q. d. « Ego hodie, » id est, in presenti tempore et vita, « te, » o Christe, « genui » hominem ex Beata Virgine, teque hominem univi personae Verbi, ut sis mihi Filius naturalis, perinde ut Verbum est. Favent antecedentia in psalmo, cum ait: « Ego autem constitutus sum rex ab eo super Sion montem sanctum ejus, prædicans præceptum ejus. » Christus enim, non ut Deus, sed ut homo; constitutus est rex Sionis; et « hodie, » id est, hoc eodem die, quo constitutus est rex, scilicet in die incarnationis, genuit eum Pater, ut esset homo, et homo Deus; idque ut prædicaret præceptum Dei de hominum redemptione et reconciliatione sibi credentibus præparata et promissa. Verum melius et aptius S. Augustinus, in *Psalm. II*, et Chrysostomus, Theophylactus, Anselmus, D. Thomas, hic hunc locum accipiunt de æterna et divina generatione Filii Dei. Unde « hodie » significat præsentem durationem, quæ semper præsens est, indivisibilis et immobilis, amplectiturque omne tempus, præteritum, præsens et futurum, qualis est æternitas. Unde non dicit: Ego hodie gigno te, quasi jam incipiat gignere, sed « genui te, » quasi jam perfecta sit generatio, et perfectus Filius, utpote jam ante ab omni æternitate genitus, q. d., ait D. Thomas: Perfectus es; o Fili, et tamen generatio tua æterna est, et semper a me generaris, sicut lumen in aere perfectum est, et tamen semper a sole quasi gignitur et emanat. « Hodie » ergo, id est in, et ab æternitate, in qua unum est Hodie, unum instans, unum nunc, scilicet unum stabile et perenne præsens, ego gigno, et genui, et semper gignam te, quasi Verbum et Filium meum.

Hodie æternitatis. Hinc sequitur primo, generationem hanc non transire, fluere et præterire, sed semper eandem numero in Deo permanere; ut semper gignat Filium. Eadem est ratio de spiratione Spiritus Sancti: Pater enim et Filius semper spirant Spiritum Sanctum, perinde ac sol semper spargit ex se et producit lumen; et perinde ac Deus semper creat quasi mundum, hoc ipso, quo suo continuo influxu eundem a se creatum in suo esse conservat: conservatio enim hæc non est aliud quam continuatio creationis, et continua creatio. Quæ omnia in Deo proveniunt ex immensitate simplicitatis, immutabilitatis, fecunditatis et perfectionis divinæ essentiae: ex hac enim Pater ha-

bet vim et actum semper generandi Filium, et spirandi semper cum Filio Spiritum Sanctum.

Sequitur secundo, in divinis idem esse gignere et genuisse, spirare et spirasse, ac vicissim generari et generatum esse, spirari et spiratum esse: actiones enim divinæ in instanti perficiuntur, et æternitas in uno « hodie, » imo in uno instanti perficitur; unde in æternitate idem est præsens, præteritum et futurum.

Sequitur tertio, actiones immanentes, scilicet generationem et spirationem, earumque terminos, scilicet Filium et Spiritum Sanctum; esse Deo Patri coæternos, quia cum Hodie æternitatis incipiunt.

Sequitur quarto, in Deo vere esse generationem, scilicet per intellectum. Intellectio enim, conceptio et dictio in Patre, qua intelligit, concipit et dicit, id est, in se loquitur et producit conceptum sive verbum mentis suæ sibi adæquatum, id est infinitum et divinum, est generatio. Verbum enim hoc divinum Patri adæquatum, non potest esse aliud quam Filius.

Sequitur quinto, *Psalm. II* ad litteram non loqui de Davide in se, ut volunt Rabbinii; nec etiam de Davide quatenus fuit typus Christi, ut vult Jansenius; sed proprie, per se, et primo de Christo dictatum et scriptum esse: soli enim Christo convenit « Filius meus es tu, ego hodie genui te. Et: « Postula a me, et dabo tibi Gentes hereditatem tuam, et possessionem tuam terminos terræ; » aliaque plura, quæ illo psalmo dicuntur.

Denique Ambrosius, Hilarius, Chrysostomus, Jansenius illud, « ego hodie genui te, » non tantum de generatione Christi humana et divina, sed etiam de resurrectione Christi interpretantur, q. d. « Ego hodie, » id est, hoc die resurrectionis sive paschatis, « genui, » id est regeneravi et resuscitavi, « te. » Ita enim videtur interpretari S. Paulus, *Act. XIII, 33*. Sed alia ibi est mens et argumentatio S. Pauli, ut eo loco ostendam.

ET RURSUM: EGO ERO ILLI IN PATREM, ET IPSE ERIT MIHI IN FILIUM. — Citat Apostolus II *Reg. VII, 14*, quem Lactantius, lib. IV, cap. XIII; Rupertus, lib. II *in lib. Regum*, cap. XXX; Catharinus et Adamus hic censent ad litteram loqui non de Salomone, sed de Christo. Sed hoc refellit clarissime tum Salomon ipse III *Reg. V, 3*, ubi verba quæ versum hunc immediate præcedunt, II *Reg. VII*, pertinentia ad fabricam templi, de se interpretatur; tum David, I *Paralip. XXII, 10*, ubi moriens commendat Salomoni filio in regnum sibi successorum Dei cultum et fabricam templi, eo quod Deus ad hoc elegerit Salomonem, de eoque dixerit: « Ego ero illi in patrem, et ipse erit mihi in filium. » Quid clarius dici potuit (1)?

Secundo, Lyranus Burgensis et Abulensis in

(1) « In patrem, » id est vere pater. Nam particula *h. l.* non similitudinem notat, sed rei veritatem; quemadmodum, *fuit ei in uxorem*, id est, uxor revera.

In Deo idem est præteritum, præsens, et futurum

In Deo est vera generatio.

Psalmus secundus loquitur ad litteram de Christo.

Tertius sensus hujus loci, Hodie genui te, de Christi resurrectione.

Sensus litteralis hujus loci II *Regum*, est de Salomone.

II Reg. cap. vii, volunt hunc locum ad litteram accipi tam de Christo, quam de Salomone. Sed et hoc incongrue dicitur, quia Salomon tantum fuit typus Christi : ergo si ad litteram hæc Salomoni conveniunt, Christo non ad litteram, sed typice tantum conveniunt.

Sensus
allegori-
cus de
Christo.

Dico ergo, cum Eucherio et Angelomo in II Reg. cap. vii, versum hunc ad litteram loqui de Salomone, allegorice vero de Christo. Patet ex ipso loco II Reg. vii, et I Paral. xii. Ibi enim datur causa, cur David non permissus sit secundum suum desiderium ædificare templum; sed illud a Deo commissum sit Salomoni, quem ad hoc in regem suscitavit et evexit, quia scilicet David in bellis multum sanguinem hostium fuderat : Salomon vero in regno pacificus erat futurus, Deoque percharus et electus. Unde de eodem mox subjicit David loquens : « Ego ero illi in patrem, et ipse erit mihi in filium. » Ipse scilicet Salomon, quem post te, o David, regem suscitabo, cui fabricam templi decerno et committo, de quo hactenus locutus sum. Quis non videt ad Salomonem hæc omnia litteraliter pertinere? Dices, paulo ante hæc verba dicit Deus Davidi : « Cum dormieris cum patribus tuis, suscitabo semen tuum post te, quod egredietur de utero tuo. » Atqui Salomon non est natus post, sed ante mortem Davidis : ergo hæc non competunt Salomoni. Respondeo, *suscitabo*, non ad vitam, sed ad regnum. Nec enim ex mortuo suscitari potest semen ad vitam. Instabis, etiam ad regnum fuit evectus Salomon, non post, sed ante mortem Davidis : David enim jussit Salomonem coronari regem. Respondeo : Jussit eum coronari tantum ad hoc, ut post se regnaret; voluit enim illi assecurare regnum. Nam David usque ad mortem mansit rex et regnavit : post eum vero regnavit Salomon. Adde, pro *suscitabo* hebr. est *הקמתו* *hakimoti*, id est erigam, extollam. Salomon autem non ante, sed post mortem Davidis ad illam regni sui magnificentiam et splendorem erectus et evectus est.

Regnum
Salomo-
nis pro-
pagatum
ad qua-
tuor an-
norum
centu-
rias.

Æter-
num,

Quod vero saltem allegorice hæc competant Christo, nemo negat, aut negare potest : nam quædam sunt quæ magis competunt Christo, quam Salomoni; ut quod hic dicitur : « Ego ero illi in patrem. » Et : « Misericordiam meam non auferam ab eo. » Et : « Fidelis erit domus tua, » id est, stabilis erit familia et progenies tua regalis. Et : « Stabiliam thronum regni ejus usque in sempiternum. » Quæ verba licet quodammodo tenuiter, et quasi per hyperbolem convenient Salomoni, eo quod Deus eum regno non dejecerit, sicut dejecit Saulem, sed regnum ejus per posteros continuavit et perpetuavit ad quatuor annorum centurias, scilicet usque ad captivitatem Babyloniam, in qua status Israelis concidit, fuitque populus Judæorum plane eversus, quæ æternitas quædam est. Hebræi enim *עולם* *olam*, id est æternum, vocant longum tempus, cujus finis nec-

dum pervidetur, sed latet, tegitur et absconditur. Radix enim *עלם* *alam*, significat abscondere. Rursum æternum vocant non absolute, sed respective, quod scilicet semper durat respectu hujus vel illius gentis aut nationis; id est, quod tamdiu durat, quandiu durat illa gens seu natio, cui res ipsa promittitur. Sic dicitur lex vetus fore æterna, et testamentum vetus fore æternum; quia videlicet durabit semper, id est, toto illo tempore quo durabit populus Judaicus et Ecclesia Judaica; eodem modo dicitur regnum Salomonis fore æternum, quia sceptrum regni mansit in stirpe Salomonis toto eo tempore, quo mansit ipsum Judææ regnum, ipseque Judæorum populus; qui si deficiat, aut pereat, aut dispergatur, quid mirum si regnum et rex ejusdem pariter concidat et pereat?

hebraice
olam, id
est, abs-
condi-
tum,
varie
accipitur
in Scrip-
turis.

Verum allegorice hæc plenius et integrius conveniunt Christo; de Christo enim propriissime dicitur : « Ego ero illi in patrem, et ipse erit mihi in filium. » Rursum, Christi regnum, id est Ecclesia, absolute et simpliciter est æterna. Unde patet hæc de Salomone quidem ad litteram dici, sed ita ut allegorice magis convenient Christo, adeoque propter Christum hæc de Salomone esse dicta, ut nimirum Salomon in hisce typum gereret regni Christi. Dices : Si hic locus allegorice tantum competit Christo, ergo Apostolus infirmo utitur argumento, utpote quod petitur ex sensu mystico et allegorico.

Christi
regnum,
id est
Ecclesia,
est
æternum
absolute.

Respondeo : Argumentum ex sensu allegorico petitum æque firmum est, atque petitum ex sensu litterali, si constet illum talis loci esse sensum allegoricum, sicuti hic constat; nam allegoria æque, imo magis, intenta fuit a Spiritu Sancto, quam sensus litteralis Scripturæ. Allegoria enim continet mysteria Christi et Ecclesiæ, quæ longe excellentiora et augustiora sunt gestis Davidis, Salomonis aliorumque Judæorum. Quæ gesta ad litteram significantur et enarrantur in historiis librorum Regum, et aliorum veteris Testamenti, idque sciebant Judæi, maxime ii qui ad Christum erant conversi. Sciebant enim Salomonem fuisse typum Christi, et hæc de Salomone dicta esse non propter se, sed propter Christum, adeoque regnum Salomonis quietum, pacificum, dives et opulentum, figuram tantum fuisse spiritualis opulentiae, et æternæ felicitatis Christianis dandæ in regno Christi.

Sensus
allegori-
cus,
æque et
magis in-
tentus a
Spiritu
Sancto,
quam
litteralis
Scriptu-
ræ.

Congrue autem Apostolus Hebræis ob fidem Christi divexatis et dispoliatis proponit hic typum et exemplum Salomonis, q. d. Persistite, o Hebræi, in fide Christi, sufferte exilia, bonorum rapinam, plagas et verbera; mementote quomodo olim post cruentum Davidis regnum, successerit quietum, dives, et bonis omnibus florens Salomonis regnum; scitote post hæc tribulationes tale successurum Christi regnum, regno Salomonis adumbratum : quod cumulate non tantum bona vobis adempta restituet, sed immensis cœ-

Regnum
paci-
ficum et
opulen-
tum Sa-
lomonis,
typus
regni
Christi.

lestis gloriæ et opum thesauris vos locupletabit, et æternis gaudiis, bonorumque omnium copia donabit atque beabit.

Valida
est argu-
mentatio
ex sensu
allegori-
co Scrip-
turarum.

Eodem modo ex sensu allegorico illius loci *Deut. xxv, 4* : « Non alligabis os bovi trituranti, » probat Apostolus Apostolis et prædicatoribus non esse negandam alimoniam, *I Cor. ix, 9*; et Joannes, cap. *xix*, vers. *36*, probat ossa Christi in cruce non debuisse confringi, quia de agno paschali, qui typus erat Christi, scriptum est *Exodi xii, 46* : « Os non comminuetis ex eo. » Et S. Matthæus, cap. *ii*, vers. *13*, probat oportuisse Christum ire et redire in Ægyptum, quia *Osee xi, 2*, de populo Hebræorum, qui typus erat Christi, dicitur : « Ex Ægypto vocavi Filium meum. » Itaque non novum, neque mirum est, si Apostolus hic ex sensu allegorico argumentetur.

Vers. 6.

6. ET CUM ITERUM INTRODUCIT PRIMOGENITUM IN ORBEM TERRÆ, DICIT : ET ADORENT EUM OMNES ANGELI DEI. — Syrus, Erasmus, Vatablus et Adamus putant esse metathesis et trajectionem in voce *iterum*; sic enim vertunt, et *iterum*, cum introducit primo genitum, quasi *iterum* tantum significet novam citationem et novum testimonium Scripturæ. Sed hoc est invertere ordinem verborum sine necessitate. estque hæc trajectio satis dura et violenta.

Angeli
in sua
creatione
an Chri-
stum
jussi
adorare?

Hinc *secundo*, alii sic exponunt, *q. d.* Christus futurus homo, et in carne nasciturus, primo angelis in eorum creatione præpositus fuit, jussique sunt angeli a Deo Christum hominem futurum adorare per fidem. « Et iterum, » id est *secundo*, jussi sunt eundem adorare, cum re ipsa fuit incarnatus et inductus in orbem. Verum in creatione angelorum Christus homo non fuit inductus in orbem terræ, quod hic dicit Apostolus; sed tantum Angelorum menti objectus, quomodo Antichristus menti nostræ obicitur, dum eum futurum cogitamus, de quo tamen neeum dici potest, quod sit inductus in orbem.

Tertio, S. Chrysostomus, Ambrosius, Theophylactus, Œcumenius hic, et Cyrillus, lib. *De Fide ad reginas*, sic explicant, ut Christus qua Deus dicatur primo inductus in orbem per æternam generationem : cum enim genitus fuit a Patre, statim omnia implevit spatia hæc, in quibus postea orbis hic, id est, cælum et terra creata sunt; « iterum » vero, sive *secundo*, dicatur hic Christus inductus in orbem, per incarnationem, cum eum peperit B. Virgo. Hæc expositio cæteris jam dictis aptior, non tamen aptissima est : loquitur enim Apostolus toto hoc discursu de Christo, non Deo, sed homine, eumque ut hominem tam primo, quam secundo in orbem inductum significat.

Primo
Christus
per in-
carnatio-
nem in-
ductus

Quarto ergo et aptissime, primo inductus est Christus homo in orbem per incarnationem passibilis et mortalis; iterum vero, sive *secundo*, per resurrectionem a morte gloriosus et impassibilis inductus fuit. Vel potius iterum inducit, id est

inducet, Deus Pater Christum in die judicii tanquam judicem, ut judicet orbem : tuncque angeli omnes, qui primo eum adoraverunt in natiuitate, iterum sive *secundo* eundem publice adorabunt in gloria. Tunc enim Pater quasi inaugurat Filium, eumque mittit re ipsa in possessionem totius orbis terrarum : nam hic versiculus, ut mox dicam, sumptus est ex *Psalm. xcvi*, qui agit de extremo judicio, et majestate Christi judicis.

DICIT : ET ADORENT EUM OMNES ANGELI DEI. — Putant aliqui citare Paulum hic *Deut. xxxii, 43*, juxta versionem Septuaginta. Ita Theodoretus, Euthymius et Procopius in *canticum Moysis*, quod habetur *Deut. xxxii*. Verum nihil tale ibi habent Hebræa et Latina. Unde forte in Septuaginta hic versiculus ibidem aliunde irrepsit. Melius ergo alii passim censent hanc sententiam sumptam esse ex *Psalm. xcvi*, ubi in Hebræo est וְשִׁתְּחוּ לֵאלֹהִים *vehistachau lo col elohim*, quod S. Hieronymus vertit, et *adorate eum omnes dii*; clarius veritas, et *adorent eum omnes angeli. Elohim* enim non tantum Deum, aut deos, sed et angelos significat, ut patebit cap. *ii*, vers. *7*. Verum potius in Hebræo videtur excidisse vox מַלְאכֵי *malache*, id est angeli. Sic enim legendum videtur, וְשִׁתְּחוּ לֵאלֹהִים *vehistachau lo col malache elohim*, id est, et *adorate eum omnes angeli Dei*. Sic enim vertunt Septuaginta, et ex iis Paulus hic : nam illo versu ludit Psalter in voce אֱלִילִים *elitim*, id est dii, sive idola et simulacra; et *elohim*, id est Deus verus : opponit enim gloriantes in *elitim*, id est, idolis et simulacris (quos in die judicii a Christo iudice confundi et pudevleri exoptat); hos, inquam, opponit angelis, qui adorant et gloriantur in *elohim*, id est Deo vivo et vero.

Elitim
hebraice
idola,
elohim
Deum
signifi-
cat.

Nota *Psalm. xcvi*, quem hic citat Apostolus, describi, et quasi ad vivum depingi, tam judicium extremum, quam regnum et majestatem Christi venientis ad iudicium cum nubibus, igne, terræmotu et fulminibus eum præcedentibus; unde sic orditur : « Dominus regnavit, » id est Messias sive Christus, olim in terra humilis, pauper, abjectus mortique adjudicatus, jam vero post resurrectionem et ascensionem in cælo delitescens, in die judicii toti mundo conspicuus et gloriosus apparebit, atque quasi rex in throno judicii sedens regnabit : qua de causa « exultet terra, lætentur insulæ multæ, » omnes fideles et electi, totaque Ecclesia lætetur et exultet. « Nubes et caligo in circuitu ejus, » id est, Christus cum nube, et in nube fulgida et gloriosa considens peraget iudicium. « Justitia et iudicium correctio sedis ejus. » Pro *correctio* hebraice est מִכּוֹן *mechon*, id est, relictudo et firmitas, sive, ut S. Hieronymus vertit, *firmamentum throni ejus* est *justitia et æquitas*. « Ignis (conflagrationis mundi) ante ipsum præcedet, illuxerunt fulgura ejus (cum tonitruis, quasi tubis, iudicis majes-

Judicii
extremi
descrip-
tio ex
Psalm.
xcvi.

tatem praeuntia) orbi terræ: montes sicut cera fluxerunt a facie Domini, a facie Domini omnis terra, » scilicet concuti et fluere videbitur in hac commotione terræ, sive validissimo terræ motu, quæ ad tantam iudicis maiestatem quasi contremiscens tota moveri et e centro suo convelli videbitur. « Confundantur (a Christo iudice condemnentur) omnes qui adorant sculptilia, et qui gloriantur in simulacris (hebraice in *elilim*) suis. Adorate eum omnes angeli ejus, audivit et lætata est Sion, » id est, Ecclesia sanctorum et electorum.

Ex adoratione ergo angelorum colligit Paulus Christum angelis esse præstantiorem, esseque Deum ac Dei Filium. Hinc patet Christum, quæ homo (specificative non reduplicative) et iudex est, patria adorandum esse, æque atque Christus qua Deus est, ac consequenter in Eucharistia pari ratione Christum hominem præsentem patria colendum et adorandum esse; uti ex perpetuo Ecclesiæ usu definit Concilium Tridentinum, sess. XIII, cap. v, et can. 6. Hoc ergo loco, aliisque hoc cap. plane hæreseos convincuntur Ariani. David enim illo *Psalm.* xcvi, loquitur de vero Deo Israel, aitque eum ab angelis adorari; atqui hic est Filius, puta Christus, uti hic explicat Paulus: ergo Christus est verus Deus Israel ab angelis adorandus.

7. ET AD ANGELOS (id est angelis: hoc enim sæpe significat Hebræum *אל* *el*, id est *ad*; capitur enim *אל* *el*, pro *על* *al*, id est *super*, *de*) QUIDEM DICIT: QUI FACIT ANGELOS SUOS SPIRITUS, ET MINISTROS SUOS FLAMMAM IGNIS. — Pro ministris Tertullianus, lib. II *Contra Marcionem*, cap. viii, legit, *apparitores*. Citat Apostolus *Psal.* ciii, 4, ubi Hebræi et Calvinus, imo Vatablus et Janse-
Per spiritus non intelliguntur venti, sed angeli.
Articulus indicat subiectum, quo prædicatum caret in Græcis.
ninus, per *spiritus* intelligunt ventos; per *flam-
mam ignis*, fulgura; sicque explicat: qui « spi-
ritus, » id est ventos, et « flammam ignis, » id
est fulgura, « facit suos angelos, » id est, nun-
tios et ministros iræ, id est, vindictæ suæ. De
ventis enim immediate ante locutus fuerat Psal-
tes, dicens: « Qui ambulas super pennas vento-
rum. » Sed hic sensus repugnat versioni Septua-
ginta et S. Paulo hic, ipsaque verba invertit,
quia prædicatum, scilicet « spiritus; » facit sub-
jectum; et subiectum, scilicet « angelos, » facit
esse prædicatum. Nam *ἄγγελος* esse subiectum
patet, tum ex ordine verborum, tum ex versione
Septuaginta, qui illi quasi subiecto præfigunt
articulum dum vertunt, ὁ ποιῶν τοὺς ἁγγέλους αὐτοῦ
πνεύματα, id est, qui facit angelos suos spiritus. Ubi
articulus τοὺς designat ἁγγέλους esse subiectum, et
πνεύματα quod caret articulo, esse prædicatum.
Sic vers. seq. ubi dicitur, « virga æquitatis, virga
regni tui, » ex articulo Græco τῆς βασιλείας patet,
τὴν virga regni esse subiectum, huncque esse sen-
sum: Virga, sive sceptrum, regni tui, id est virga
sive sceptrum æquitatis. Sic *Joan.* i, 1, ubi dici-
tur, « Deus erat Verbum, » Verbum est subiec-

tum, quia habet articulum; Deus est prædi-
catum, quia caret articulo: sic enim græce est,
Θεὸς ἦν ὁ λόγος, q. d. Ipsum Verbum erat Deus. Sic
passim alibi subiectum denotatur articulo, quo
prædicatum caret. Cum ergo angelis hic addatur
articulus, patet angelos hic esse subiectum, non
autem prædicatum. Repugnat quoque hic sensus
S. Pauli: nam ipse hunc versum *psalmi* intelli-
git non de ventis, sed de angelis: si enim de
ventis intelligendus esset, nullo modo, neque lit-
teraliter, neque allegorice posset intelligi de an-
gelis. Venti enim ad litteram non sunt angeli;
neque allegorice significant angelos, ut patet.
Nec mirum est Psalterem a ventis salire ad ange-
los, quia illo *Psalm.* ciii, omnes creaturas ad Dei
laudem et encomium, in medium adducit. Et
venti similitudinem quamdam habent cum ange-
lis, ac symbolice angelos representant.

Melius ergo secundo, alii cum S. Gregorio,
homil. 34 in *Evang.*, de angelis hunc versum ex-
plicat hoc modo: qui, scilicet Deus, eos qui
natura sunt spiritus, facit angelos, id est, nun-
tios suos; sed hi quoque invertunt ordinem ver-
borum, et ipsum subiectum faciunt prædicatum.

Dico ergo tertio: Sensus planus et genuinus
est hic: « Qui, » scilicet Deus, « facit angelos
suos » veloces et subtiles, quasi spiritus, id est,
quasi ventos. Rursum eosdem angelos, qui sunt
ministri sui, Deus facit esse quasi « flammam
ignis, » id est, efficacissimæ et quasi igneæ na-
turæ. Unde Chaldaeus vertit, qui facit nuntios suos
veloces sicut spiritus, et ministros suos fortes sicut
ignis. Per hebraismum enim usitatum intelli-
gitur nota similitudinis sicut: « spiritus » enim,
id est sicuti spiritus, et « flammam ignis, » id est
sicut flammam ignis. Denique Maldonatus in *No-
tis manuscr.*, sic explicat: « Qui facit angelos
suos spiritus, » etc., id est, qui utitur angelorum
suorum ministerio ad excitandos ventos et emit-
tenda fulmina.

Nota primo: Per *spiritus* potest accipi spiritua-
lis natura: sic enim Deus, anima et angeli dicun-
tur esse *spiritus*, id est spiritualis naturæ; aptius
tamen Hebræum רוחות *ruchot*, id est spiritus,
hic significat ventos. Sicut enim Psalter angelos
comparat flammæ, ita et ventis.

Nota secundo: Pro *flamam ignis* hebraice est
אש לוהט *es lohet*, id est, ignem flamman-tem et
flagrantem, quomodo legit S. Augustinus, et, ut
noster Interpres vertit *Psalm.* ciii, urentem; Sep-
tuaginta ex editione Caraffæ vertunt, πῦρ φλέγον,
id est ignem ardentem; vel, ut alia, puta Regia,
exemplaria habent, πῦρ φλόγα, id est, flammam
ignis; Aquila vertit, πῦρ λάβρον, id est ignem im-
petuosum, vehementem, voracem; Symmachus,
πῦρ φλόγα, id est igneam flammam; Romanum
Psalterium, ignem lucentem. Quæ omnia significant
angelos parem, imo longe majorem habere agi-
litate, ignitionem, fervorem, vim penetrandi,
activitatem, et acumen circa divinum deside-

Genni-
nus sen-
sus il-
lius,
loci, qui
facit
angelos
sicut
spiritus,
etc.

Paulus
hic ex
Hebræis
illustra-
tus.

Angelo-
rum vis,
agilitas,
activitas,
subtili-
tas.

rium et ministerium; rursum maiorem, magisque sursum ferentem ab omni materiali substantia puritatem quam habeat ignis et flamma, inquit Damascenus, lib. II *De Fide*, cap. III. Sic et Theodoretus et Euthymius. Vide S. Dionysium, *De Cœlesti Hierarchia*, cap. XV.

Apostoli sunt angeli, et spiritus, et ignis urens. Tropologice S. Augustinus et Arnobius in *Psalm.* CII, « Angeli, » id est, legati et nuntii Dei, sunt Apostoli et viri Apostolici: hos fecit Christus esse « spiritus, » cum dixit: « Accipite Spiritum Sanctum. Euntes in mundum universum prædicate Evangelium omni creaturæ. » Eisdem fecit esse ignem urentem, cum in Pentecoste misit in eos Spiritum Sanctum in specie linguarum ignearum, qui cor et linguam eorum igniret. « Nisi enim ardeat minister prædicans, non accendit eum cui prædicat, » inquit S. Augustinus, tuncque simul, ut habet Psaltes, « fundavit terram, » id est, terras hominum mentes, « in stabilitate » suæ gratiæ et charitatis. Hinc, ut inquit S. Hieronymus ibidem, ideo Deus fecit angelos suos proprie dictos spiritus, ut scilicet inspirent tum Apostolis, tum aliis hominibus facere Dei voluntatem, in eaque perficienda esse agiles et expeditos. Sic eosdem angelos fecit esse quasi ignem urentem, ut omnes homines amore divino succendant et inflamment.

Vers. 8. 8. AD FILIUM (de Filio et simul ad ipsum Filium) AUTEM (supple, dicit Deus, *Psalm.* XLIV): THRONUS TUUS DEUS IN SÆCULUM SÆCULI: VIRGA ÆQUITATIS, VIRGA REGNI TUI. — Est antithesis, q. d. Deus de angelis loquitur quasi de ministris et nuntiis suis, de Filio vero loquitur quasi de Deo et domino angelorum rerumque omnium: ergo Christus longe angelos transcendit.

Insulsa Erasmii dubitatio circa hunc locum, sedes tua Deus in sæculum sæculi. Nota: Dubitat hic Erasmus, an *Deus* sit nominativi casus, an vocativi. « Incertum est, inquit, an hic sit sensus, O Deus, sedes tua est in sæculum sæculi; an hic: Ipse Deus est tibi thronus in sæculum sæculi. » Verum certum est *Deus* esse vocativi casus: nam Aquila et Symmachus vertunt *ὁ Θεός*. Rursum ineptus et insulsus esset sensus, si caperetur in nominativo; quis enim erit sensus, si quis sic interpretetur: Sedes tua, o Christe, est ipse Deus? Deus enim non est sedes, sed sedens in sede sive throno, et Christus non sedet in Patre, sed ad dexteram Patris. Rursum deitas non est sedes humanitatis, sed potius e contrario, humanitas est sedes, imo scabellum deitatis. Certum ergo est hunc esse sensum: O Deus, id est o Fili, qui es verus Deus, thronus tuus regius et divinus æternus est, rex es æternus, regnum et solium habes æternum.

Psalmus XLIV non est epithalamium Salomonis et filii Pharaonis. Nota secundo: Aliqui Rabbini cum Vatablo putant *Psalm.* XLIV, quem hic citat Paulus, esse epithalamium Salomonis et filii Pharaonis, adeoque de Salomone dici: « Thronus tuus Deus in sæculum sæculi, » id est, ait Vatablus, tu, o Salomon, es Deus (hebraice *elohim*), id est, princeps et gubernator populi Israelitici. tuusque thronus,

principatus, et regnum erit æternum, quia per posteros semper propagabitur. Sed hoc omnes alii, etiam doctiores Rabbini, refellunt: certum enim est ex ipsis psalmi verbis tam augustis, non esse epithalamium Salomonis, sed Christi et Ecclesiæ: nam regnum Salomonis absolute non fuit æternum, quod tamen de regno Christi hic asseritur. Licet enim « sæculum » non semper absolutam æternitatem significet, eam tamen semper significat cum geminatur, id est, cum dicitur: « In sæculum sæculi; » vel, « in sæcula sæculorum; » vel, ut hic in Hebraico dicitur amplificationis causa, *לעולם לעולם* *leolam vaed*, id est in æternum, et ultra. Rursum licet Hebraicum *elohim* subinde principem et iudicem significat, tamen Græcum *θεός* in singulari tantum dicitur de Deo uno et vero. Unde sequitur hæc non posse Salomoni convenire, sed tantum Christo, eumque vere esse Deum.

VIRGA ÆQUITATIS, VIRGA REGNI TUI. — « Virga, » id est sceptrum; hebraice enim est *שֵׁטַל* *seebet*: sceptrum enim regis olim erat virga seu baculus pastoralis. Sicut enim pastores sua virga regunt et dirigunt oves, ita rex suo scepro et potestate regia subditos quasi oves dirigere debet. Unde Homerus regem Agamemnonem vocat *ποιμήνα λαῶν*, id est pastorem populorum.

Secundo, pro æquitatis hebraice est *מִשְׁכָּל* *mischor*, id est rectitudinis, justitiæ, æquitatis.

Tertio, virga regni tui hic est subjectum: habet enim in Græco duplicem articulum *ἡ βάσις τῆς βασιλείας σου*; prædicatum vero est *virga æquitatis*, quod caret articulo, q. d. Virga, id est, sceptrum regni tui, o Christe, æquissimum est, id est, regnum tuum rectitudine, justitia, æquitate et sanctitate plenissimum est, rectissime et æquissime iudicas, justos promovens et præmians, impios vero puniens et condemnans; quod maxime patet in die iudicii. Ita Eusebius, Cyrillus, Basilii in *Catena Græcorum*, et *Psalm.* XLIV.

9. DILEXISTI JUSTITIAM, ET ODISTI INIQUITATEM. — **Vers. 9.** Explicat hic verbis clarioribus, quomodo « virga regni Christi sit virga æquitatis, » quia scilicet Christus in regimine suo diligit justitiam et justos, odit vero punitque iniquitatem et iniquos.

PROPTEREA UNXIT TE DEUS, DEUS TUUS, OLEO EXULTATIONIS PRÆ PARTICIPIBUS TUIS. — Nota: Repetit tamen « Deus » ad auxesim, dicens: « Deus, Deus tuus, » scilicet Deus Pater. Videtur enim utrobique Deus esse nominativi casus, et ad Patrem pertinere. Potest tamen cum Eusebio, lib. IV *Demonstr.*, cap. XV, et D. Hieronymus, *ad Principiam*, « Deus » priore loco accipi in vocativo casu, posteriore in nominativo, q. d. Unxit te, o Deus, id est, o Fili, Deus Pater. Sed prior sensus est planior. Christus enim qua homo, non qua Deus, unctus est.

Quæres, quodnam sit hoc « oleum exultationis, » quo unctus est Christus? Respondeo primo, esse oleum gratiæ, quæ lætificat animam.

nis, sed Christi et Ecclesiæ.

Sæculum cum geminatur, absolutam æternitatem significat.

Virga sceptrum significat, et pastor principem.

Nomen Deus repetitur per auxesim.

Oleum exultationis, oleum gratiae, et utriusque affectus. Pro quo nota, ungi a Deo oleo est participem fieri virtutis Dei omnia valentis, omnia bona præstantis, omnia penetrantis instar olei. Oleum enim lumen auget, fessos subleuat, labores lenit, hilares facit, nitidos et splendidos; idemque præstat gratia et virtus divina, inquit Eusebius loco citato. Hinc reges, Prophetæ et sacerdotes oleo ungebantur, ut significaretur eos Dei virtute imbui, hoc fine, ut eandem in populum diffunderent, sicut oleum se diffundit, omniaque penetrat et imbuat, indeque Christi, id est uncti, sunt dicti, *Psalm. civ, 13*: « Nolite tangere Christos meos, et in Prophetis meis nolite malignari. » Et significat id est: de more enim Psaltes posteriore hemistichio explicat prius; « tangere » enim « Christos » Dei non est aliud quam « in Prophetis malignari. » Inde per excellentiam Redemptor noster dictus est hebraice משיח Maschiach, sive Messias, græce Χριστός, latine Unctus: unde et punice messe (ab Hebræo מִשָּׁח maschah) significat ungere, ait S. Augustinus, tract. 13 in Joan. Prophetæ itaque sunt Christi Dei, id est, uncti et imbuti a Deo dono prophetiæ. Nomen ergo Jesu est proprium hujus hominis qui dicitur Jesus Christus, sicut meum nomen proprium est Cornelius: nomen vero Christi non est proprium, sed appellativum, estque nomen dignitatis et officii. Quare S. Petrus hoc oleum quo unctus est Christus, explicans *Act. x, 38*, ait: « Unxit eum Deus Spiritu Sancto et virtute. » Oleum ergo hoc exultationis est Spiritus Sanctus, et virtus divina quæ animam mire lætificat, per quam Christus homo unctus est in summum regem, prophetam, sacerdotem, et iudicem omnium hominum, idque in primo incarnationis suæ instanti.

Christus unctus, quando et quomodo et in quales titulos?

Hujus olei, unctionis et nominis Christi symbolum et portentum, quod contigit sub Christi nativitate, narrat Paulus Orosius, lib. VI, cap. xvii et xix: « In diebus, inquit, illis (Augusti Cæsaris) fons olei largissimus de taberna meritoria per totum diem fluxit. Quo signo quid evidentius quam in diebus Cæsaris toto orbe regnantis futura Christi nativitas declarata est? Christus enim lingua gentis, in qua et ex qua natus est, Unctus interpretatur. »

In hoc sensu jam allato vox propterea non causam meritoriam, sed finalem significat; unde hebraice est כֵּן al ken, id est, ut Aquila vertit, super hoc, q. d. Ad hunc finem unxit te, o Christe, Deus Pater oleo hoc exultationis, ut scilicet diligeres justitiam, odires iniquitatem, itaque haberes virgam et regnum æquitatis ac thronum perpetuum. Ita D. Thomas et alii.

Oleum exultationis est oleum gratiæ. Respondeo secundo, aptius et melius « oleum exultationis » hic vocari oleum, id est copiam et præstantiam, non gratiæ, sed gloriæ, quam per suam justitiam et sanctitatem meritis et adeptus est Christus, q. d. Gloriam corporis et famæ, nominisque tui celebritatem, ut ab omnibus agnoscaris et colaris, quasi salvator mundi, meruisti,

o Christe, ex eo, quia scilicet dilexisti justitiam; utque justitiæ divinæ satisfaceres, humiliasti te obediens factus usque ad mortem crucis. Ita S. Hieronymus supra, et Jansenius in *Psal. xlv*. Hunc sensum esse aptiorem et simpliciorum, patet primo, quia agit tam Psaltes, quam Paulus de throno regni: hunc enim adeptus est Christus, non in incarnatione, quando unctus est oleo gratiæ, sed in resurrectione, quando unctus est oleo gloriæ.

Secundo, quia oleum gloriæ proprie est « oleum exultationis, » quod accepit Christus propter meritum justitiæ suæ. Hoc enim proprie significat vox propterea.

PRÆ PARTICIPIBUS TUIS. — Hebraice מְחַבְּרָה me-
chabrecha, id est præ sociis; et, ut Aquila vertit, amicis tuis. Socios et amicos Christi vocat Apostolos, omnesque sanctos, qui uti filiationem et gratiam, ita et regnum et gloriam Christi a Christo ipso participant, dum ab eo in filios, imo in fratres adoptantur, ac regni sui cœlestis heredes efficiuntur. Alludit David ad suam unctionem, qua præ fratribus suis omnibus, licet natu majoribus, et secundum speciem et apparentiam magis idoneis, ipse licet omnium minimus, et in speciem abjectissimus, a Samuele electus et unctus fuit in regem, I *Regum. xvi, 7* et seq. Pari enim modo Christus pauper, ignobilis, et in speciem abjectus, omnibus Prophetis, Patriarchis, Apostolus prælatu fuit, et præ omnibus ita unctus oleo gratiæ et gloriæ, ut omnes ab eo oleum hoc accipere et participare debeant. Hinc a Christo vocamur Christiani, id est, ab uncto uncti. Hinc quoque gratia Christi nobis infusa vocatur unctio, I *Joan. cap. ii, vers. 27*. Hac de causa dixit S. Joannes, cap. iii, vers. 34, quod Christus non accepit « spiritum ad mensuram, » ut scilicet omnibus hominibus tanquam sociis, consortibus et participibus suis, etiamsi illi infiniti forent, partem aliquam et mensuram immensi sui spiritus communicaret: fuit enim hic spiritus et gratia Christo quasi conaturalis, et quodammodo infinita. Unde S. Basiliius in *Catena Græcorum*, in *Psal. xlv*, hunc versum sic explicat: « Dilexisti justitiam præ participibus tuis. Cæteri, inquit, homines labore et exercitio bona faciunt, et a malo se avertunt, tibi vero, o Christe, insita est a natura (ex vi unionis humanæ cum Verbo) ad bonum propensio, et a malo se junctio atque aversio. »

Socii, participes et amici Christi.

Gratia infusa vocatur unctio.

Hos omnes versus tam fuse ex *Psal. xlv* citat Apostolus, ut animet Hebræos ad constantiam in fide Christi et ad tolerantiam persecutionum, q. d. Tolerate viriliter adversa quæque, o Hebræi, quia Christus iudex æquissimus brevi vos gloriæ suæ, regni et lætitiæ consortes efficiet; persecutores vero vestros æternis ignibus addicet. Nam, ut dixi, verius est Apostolum loqui de unctione gloriæ, non gratiæ, licet illa hanc præsupponat.

10. ET: TU IN PRINCIPIO, DOMINE, TERRAM FUNDASTI. Vers. 10. — Citat *Psal. ci*, quo sicuti ad litteram orat

Psalmes, ut Sion et templum a Chaldæis exusta reædificentur : ita allegorice et magis obsecrat, Ecclesiam veterem labantem peccatis et miseriis obrutam, a Christo liberatore instaurari, et in novam, puta Christianam ædificari et transformari, ut patet vers. 14, 16, 23. Dicit ergo, « tu, » scilicet o Messia, in « principio » hebr. לִפְנֵי lephanim, id est jam ante, jam pridem, scilicet, a mundi et temporis exordio, « terram fundasti, » græce, θεμελίωσας, id est, terræ fundamenta posuisti, hoc est, a primis fundamentis terram fecisti, et simul eam firmam et stabilem fundasti.

Littera-
lis sensus
psalmi
ci.

Vers. 11. 11. OPERA MANUUM TUARUM (id est potentie tuæ, quam homo solet per manus ostendere, dum iis agit et operatur) SUNT COELI : IPSI PERIBUNT, — non quoad essentiam et formam externam et accidentalem, quia nimirum quasi vestimentum immutabuntur, ut sequitur.

TU AUTEM PERMANEBIS — idem, æternus et immutabilis. Noster legit διαμείνεις, per accentum circumflexum, id est permanebis : hebraice enim est futurum תָּמִיד taamod, jam legunt per accentum acutum διαμείνεις, id est permanes.

ET OMNES (cœli) UT VESTIMENTUM VETERASCENT, — suo motu et continua agitatione ac mutatione, quasi consenscent; ut videantur veterascere, sicut vestimentum novum quod deteritur et veterascit.

Vers. 12. 12. ET VELUT AMICIUM MUTABIS EOS, ET MUTABUNTUR. — Hebraice תַּחֲלִיפֶם tachaliphem, id est, mutabis eos. Unde in Græco legendum est ἀλλάξαις; Chrysostomus tamen et alii legunt ἀλλάξεις, id est, involves vel invertes eos. Sed eodem redit sensus; vult enim dicere, quod Christus salvator Sionis in die iudicii, ut homines beatos, ita et cœlos a priori vanitate et servitute alterationis et mutationis, cui post originale hominis peccatum subjecti fuerunt, liberabit (ut ait Apostolus, Rom. cap. viii, vers. 21), eosque invertet et immutabit in novam lucem, stabilitatem et gloriam, sicut solet vestis inverti et immutari, dum exterior ejus facies detrita invertitur fitque interior, et interior facies fit exterior, ita ut vestis inversa nova esse videatur. Ita Chrysostomus, Theophylactus et alii, q. d. Apostolus : Ita pariter, o Hebræi, Christus vos vestraque corpora, quæ jam pro fide Christi fame, siti, exilio vexantur, consumuntur et veterascunt, invertet, facietque corpora splendida, gloriosa, immortalia in resurrectione.

Cœli
quomodo
muta-
buntur
et inno-
vabuntur
post
iudicii
diem?

Vers. 13. 13. AD QUEM AUTEM ANGELORUM DIXIT ALIQUANDO : SEDE A DEXTRIS MEIS. — Citat Paulus Psalm. cix, quo Psalmes canit non Abraham, nec Davidis, nec Ezechie, ut Judæi volunt, sed Christi ante luciferum geniti regnum, quod per resurrectionem et ascensionem in cœlo et in terra obtinuit, quoque ex Sion, id est ex Ecclesia, quæ in Sione et in Jerusalem cœpit, regnare et regnum Ecclesiæ suæ propagare in omnes gentes perrexit, et pergit, donec suos hostes, scilicet omnes impios, contrahat in die iudicii. Dicit ergo David : « Dixit Do-

minus, » scilicet Deus Pater, « Domino meo, » hebraice לַאֲדֹנָי ladonai, in singulari, Christo scilicet, non tam Deo (sic enim in plurali dicendum fuisset לַאֲדֹנָי ladonai) quam homini, qui titulo tam unionis hypostaticæ, quam redemptionis et salvationis, omnium hominum, ac consequenter meus, id est Davidis, est Dominus : dixit inquam Christo, cum triumpho ascendenti in cœlum : « Sede a dextris meis, » id est, sede mihi proximus, consors esto honoris et regni mei, in summa mea gloria mecum regna. Vide de hac sessione dicta Coloss. iii, 1.

Christus
est om-
nium do-
minus, et
quibus
titulis?

QUOADUSQUE PONAM INIMICOS TUOS SCABELLUM PEDUM TUORUM. — Id est, usque ad finem sæculi et iudicium generale : in quo omnes tam demones quam tyrannos et homines impios, qui te, Christe, tuosque Christianos vexant hic et lacesunt, plane tibi subijciam. Addit hoc Apostolus, ut meminerint Hebræi, si in fide Christi persistant, se in die iudicii cum Christo suos persecutores judicatueros et quasi scabellum calcatueros et condemnatueros.

Nota : Vox donec, nec significat Christum eousque, scilicet ad diem iudicii tantum, sessurum ad dexteram Dei, quasi postea non sit sessurus : imo vero potius contrarium innuit, scilicet quod tunc Christus, utpote plane de hostibus suis triumphans, plenissime et pacatissime sedere et regnare incipiet. Sic Matth. i, 23, dicitur, quod Joseph non cognovit Mariam, donec peperit Christum, ubi donec significat, quid factum sit ante partum, non autem quid factum sit post partum : tantum enim voluit Matthæus asserere rem miram et naturaliter incredibilem, scilicet, Christi conceptionem sine patre, eo quod mater ejus virum non cognoverit, donec, id est, usque ad partum. Ita S. Hieronymus et alii contra Helvidium.

Particula
donec
quid ante
factum
sit indi-
cat, non
quid
postea.

14. NONNE OMNES (angeli) SUNT ADMINISTRATO-
RII SPIRITUS, IN MINISTERIUM MISSI PROPTER EOS QUI
HEREDITATEM CAPIENT SALUTIS? — Vox nonne non
tam interrogat, quam plane asserit : interrogatio-
ne enim : « untur Hebræi, quando rem magis
stabilire et conservare volunt, q. d. Angeli non
sedent ad dexteram Christi, uti Christus, quia
ipsorum est ministrare Deo, et mitti ad salu-
tem hominum procurandam, itaque subservire
Christo.

Vers. 14.

Nota : Angeli non dicuntur hic, nec dicendi sunt ministri hominum, sed ministri et nuntii Dei ad homines et propter hominum salutem. Vocat ergo hic Paulus angelos Dei administratores, id est officiales, qui aulam Dei, id est mundum hunc, et res humanas pro Deo administrant; ita tamen ut in quavis sua administratione et missione a Deo nunquam recedant, sed semper ejus visione fruuntur, sintque beati. « Angeli eorum, inquit Christus, Matth. xviii, 10, semper vident faciem Patris. »

Angeli
ministri
Dei.

Nota secundo : Pro missi græce est ἀπεστέλλομαι,

Id est qui mittuntur, scilicet etiamnum et quotidie, non quasi omnes actu mittantur, cum sint innumerabiles, sed quod destinati et preesto sint ad Dei nutum, ut mittantur et eant, quandocumque et quocumque Deo placuerit.

Angeli etiam mittuntur ad reprobos.

Nota *tertio*, angelos mitti « propter eos qui hæreditatem capient salutis, » id est, propter eos qui salvandi sunt, non quasi reprobi angelorum auxilio destituti sint, aut angeli non mittantur ad omnes omnino homines, etiam eos qui ob peccata sua damnandi sunt: contrarium enim constat ex communi Ecclesiæ sensu, quod sentit et docet ad omnes omnino homines, adeoque ad quemlibet reprobum, dum nascitur, a Deo destinari angelum Custodem. Sed quod fructus ministerii angelorum maxime pateat et appareat in iis qui salvi fiunt, et quos angeli de facto ad salutem perducunt; quodque ministerium angelorum efficax non sit, et suum effectum, id est salutem, non sortiatur, nisi in iis qui angelos audiendo, iisque obediendo salvi fiunt: in reprobis enim inefficax est omne angelorum ministerium, omnisque eorum labor et cura perditur. Rursum hisce verbis significatur finis et terminus ministerii angelorum esse hic, ut scilicet homines perducant ad salutem. Ultimum enim angelorum officium est, animas sanctas ducere in cælum.

Angeli ducunt animas in cælum.

Ita anima Lazari ab angelis deportata est in cælum, *Lucæ xvi*. Ita S. Antonius, teste S. Hieronymo, vidit animam S. Pauli, primi eremitæ, ab angelis ferri in cælum. Sic animam S. Martini angeli tulerunt in cælum, uti vidit S. Severinus, episcopus Coloniensis. Sic apud S. Gregorium, lib. IV *Dialog.*, xiv, S. Servulus in morte audivit melodiam angelorum se ad cælum invitantium. Et S. Romula moriente, ante ostium ejus auditi sunt duo cælestes psallentium chori. Sic et S. Benedictus vidit animam Germani, episcopi Capuani, in sphaera ignea ab angelis ferri in cælum. Sic S. Magdalena quotidie septies ab angelis elevabatur in cælum, audiebatque eorum cælestem musicam: non dubium quin et in morte ab eisdem elevata eandem audierit. Sic et S. Catherinæ corpus ab angelis in Sina, anima in cælum translata est. Sic angeli S. Agathæ non tantum animam, sed et corpus curarunt: post martyrium enim hoc ei epitaphium posuerunt: « Mentem sanctam et spontaneam, Deo honorem et patriæ liberationem. »

Quid debemus angelis Custodibus?

Quare merito S. Bernardus, *serm. 11* in Psalm. *Qui habitat*: « Angelo, inquit, nostro debemus reverentiam pro præsentia, devotionem pro benevolentia, fiduciam pro custodia. Caute ambula, ut scilicet, cui adsunt angeli (sicut eis mandatum est) in omnibus viis tuis, in quovis diversorio, in quovis angulo, angelo tuo reverentiam habe: tunc audeas illo præsentem, quod vidente me non aures? » Idem *serm. 2* in *Vigilia Nativ. Domini*: « Quantum putatis desiderant cives cælestes instaurari civitatis suæ ruinas? Quomodo

discurrunt medii inter nos et Deum, fidelissime portantes ad eum gemitus nostros, et ipsius nobis gratiam devotissime reportantes? Plane non dedignabuntur ut simus eorum socii, quorum facti sunt jam ministri. Nonne enim omnes administratorii sunt spiritus? etc. Festinemus, obsecro, dilectissimi, festinemus, tota nos multitudo curiæ cælestis exspectat. Exultare angelos fecimus, quando conversi sumus ad poenitentiam: proficiamus et festinemus complere de nobis eorum lætitiā. Væ tibi quicumque es qui deliberas redire ad lutum, reverti ad vomitum. Putasne placatos habebis in iudicio, quos tanto et tam sperato privare vis gaudio? »

Quæritur hic, an omnes omnino angeli mittantur a Deo in ministerium? Negat S. Dionysius, *Cælestis Hierarch.* cap. viii et xiii, et ex eo Gregorius, *hom. 14 in Evang.*; Anselmus hic, D. Thomas, I *part.*, *Quæst. CXII*, art. 4. Hi enim docent angelos alios esse assistentes, qui scilicet semper Deo assistant et nunquam mittuntur, et tales esse quatuor supremos ordines, scilicet Seraphim, Cherubim, Thronos et Dominationes. Alios esse ministrantes, qui scilicet mittuntur ad omne ministerium, et tales esse reliquos quinque ordines inferiores. Probat hoc S. Dionysius, ex *Daniel. vii*, 10, ubi dicitur: « Millia millium ministrabant ei, et decies millies centena millia assistebant ei. » Ecce hic distinguit Daniel angelos assistentes a ministrantibus, dicitque illos his longe esse plures; scilicet ministrantes esse aliquot milliones, mille enim millia est millio; assistentes vero esse decies millies centena millia, quæ efficiunt mille milliones: millio enim sunt decies centena millia.

Secundo, quia hoc exigit rectus ordo naturæ et gratiæ, ut angeli superiores illuminent inferiores, inferiores vero exequantur id quod per superiorum illuminationem Deum velle fieri didicerunt.

Verum probabilior est contraria sententia, scilicet omnes omnino angelos a Deo mitti: id enim clare hic dicit Apostolus. Respondet D. Thomas dupliciter, *primo*, Apostolum non loqui de omnibus omnino angelis, sed de iis tantum qui Hebræis legem dederant; iis enim præfert Christum, ut probet legem Christi præstantiorem esse lege veteri. Sed hoc non satisfacit. Dubium enim est ex quo ordine fuerit angelus, qui dedit legem Hebræis: imo multi etiam Catholici censent eum non fuisse ex ordine Angelorum, sed fuisse ex ordine Seraphim, scilicet fuisse Michaellem: hic enim est Hebræorum princeps, ut dicitur *Daniel. cap. x*, vers. ult. Si Michael, qui summus est ex assistantibus, mittitur, ergo omnes alii eo inferiores mittuntur.

Secundo, Apostolus probat hic Christum esse Deum, ex eo quod omnibus omnino angelis sit superior, quodque ab omnibus angelis adorandus sit: ergo angelos omnes, etiam Cherubim et Seraphim, hoc loco intelligit.

Tertio, quia pari modo Apostolus, *Ephes. i*,

Angeli assistentes non mitti censet S. Dionysius.

Angeli ministrantes mittuntur.

Omnes angelos mitti verius est.

21, et *Coloss. i*, 16, Christum præfert omnibus omnino angelis, etiam Thronis et Dominationibus.

Omnes angeli non tantum interius, sed etiam exterius mittuntur. Respondet *secundo*, S. Thomas, omnes omnino angelos mitti, sed assistentes interius tantum, ut scilicet illuminent inferiores; ministrantes vero mitti exterius, ut iussa exequantur. Sed et hoc subtilius, quam solidius dicitur: nam mitti in ministerium, absolute est mitti exterius ad exequendam Dei voluntatem.

Seraphim missus est Isaia vi. *Secundo*, quia *Isaia vi*, 6, dicitur unus de Seraphim, qui supremus est ordo, missus ad Isaia. Respondet S. Dionysius, illum ex inferiori angelorum ordine fuisse, dici tamen Seraphim, vel quia ab aliquo Seraphim erat missus, vel ratione officii, quia scilicet mittebatur ut ignito calculo ureret labia Isaia ejusque peccata consumeret. Sed cum nihil cogat nos recedere a proprietate verborum, videtur hic verus Seraphim accipiendus æque ut alibi accipiuntur veri Angeli, veri Throni et Dominationes, præsertim cum nusquam alibi in Scriptura reperiantur et nominentur Seraphim. Si enim nullus Seraph volavit ad Isaia, sed alium inferiorem misit qui volaret: quomodo ipsemet Seraph manens in cælo, volasse ad Isaia dici potuit? Quare proprie per Seraphim intelligunt angelum ordinis Seraphini S. Cyrillus, Basilii, Hieronymus, Chrysostomus; Procopius et alii in *Isaia cap. vi*.

Genes. i. *Tertio*, *Gen. iii*, 24, missus est Cherubim, qui secundi est ordinis ad custodiendum paradisum.

Genes. i. *Quarto*, quia *Daniel. i*, 13 et 21, missus fuit Michael, quem multi docent esse primum angelorum et custodem Ecclesie, uti olim fuit Synagoga: unde Ecclesia vocat eum primatem celestis exercitus.

Daniel. i. *Quinto*, quia *Matth. xxv*, 31, omnes angeli venturi dicuntur cum Filio hominis ad iudicium, videlicet ministerii causa, sicut et valde probabile est Christo in cælum ascendenti omnes angelos honoris causa occurrisse. Denique si ipse Dei Filius non per angelos, sed per se a Patre missus est legatus ad homines: quidni per se mittantur et Seraphini?

Idem sunt angeli assistentes et ministrantes. Ad S. Dionysium respondeo, eum non asserere suam sententiam, sed tantum, ut probabilem proponere (idem facit S. Gregorius, qui fatetur hac in re nihil certo dici posse), fundamentum vero illius non urget. Nam multi negant, *Daniel. vii*, distingui angelos assistentes a ministrantibus, dicentes eosdem esse ministrantes et assistentes; sed copiae causa a Daniele eosdem nunc assistentes, mox ministrantes vocari. Nam, *Apocal. vii*,

11, et *III Reg. cap. ult.*, vers. 19, omnes omnino angeli stare sive assistere dicuntur coram Deo: unde et Ecclesia orat dicens: « Da, Domine, ut a quibus tibi ministrantibus in cælo semper assistitur, ab his in terra vita nostra muniatur. » Quod sumptum videtur ex *Matth. xviii*, ubi dicitur: « Angeli eorum semper vident faciem Patris mei, qui in cælis est. » Sed esto, distinguat eos Daniel, inde tamen non sequitur assistentes nunquam mitti: dicuntur enim assistentes quod rarius mittantur, et fere semper Deo assistant. Id patet: nam eodem cap. Daniel ait se accessisse ad unum ex assistentibus, et ab eo edoctum esse interpretationem sermonum. Raphael quoque, qui missus fuit ad Tobiam, dicit se esse « unum ex septem qui astant ante Deum, » *Tobiae xii*, 15. Sic et Gabriel missus ad Zachariam: « Ego, inquit, sum Gabriel qui asto ante Deum, et missus sum loqui ad te, » *Luc. xix*.

Ad secundam objectionem respondeo, illum esse communem divinæ providentiæ ordinem, ut sua decreta revelet superioribus angelis, qui ea significant inferioribus, ut ipsi illa exequantur. Cujus rei exempla sunt *Zachariae ii*, 3; *Daniel. viii*, 16; *Apoc. vii*, 2.

Verum hoc non obstat, quin Deus justas ob causas sibi notas, subinde hunc ordinem mutet, et aliquem e superioribus mittat, qui per se iussa Dei exequatur, uti jam vidimus Seraphim missum esse ad Isaia, Cherubim ad paradisum. Michaellem ad Daniele, et ad Judæos. Superiores ergo, sive assistentes angeli, rarius quidem, sed aliquando tamen mittuntur. « Omnes enim sunt administratorii spiritus in ministerium missi. » Ubi nota est omnes non significare quod omnes omnino aliquando mittantur, sed quod de singulis ordinibus (esto de supremis raro) aliqui subinde mittantur. Est enim hic in voce omnes distributio, non pro singulis generum seu ordinum, sed pro generibus singulorum, *q. d.* Omnes angeli sunt administri Dei, ejusque Missi, id est Legati, quia assistant Deo parati ad omne ministerium: reipsa vero omnes sunt in ministerium missi. Omnes, id est ex omnibus ordinibus aliqui. Ita Molina, *I part., Quæst. CXII*.

Moraliter S. Chrysostomus hic ex hoc angelorum ministerio, docet zelum animarum et studium convertendi et salvandi homines, esse opus non humanum, sed angelicum: « Hoc, inquit, est angelicæ functionis officium, ad salutem hominum ministerium Deo persolvere. Proinde hoc est opus angelicum omnia facere pro salute proximorum; magis autem hoc est opus Christi. »

Assistentes rarius mittuntur.

Raphael et Gabriel missi.

Deus illuminat inferiores angelos per superiores.

Loens moralis de zelo animarum.

CAPUT SECUNDUM

SYNOPSIS CAPITIS.

Hortatur Hebræos, ut Christum Christique legem studiose observent.

Primo, ex eo, ne, si tantam negligant salutem, graviter a Deo puniantur

Secundo, quod lex Christi confirmata sit multis miraculis et donis Spiritus Sancti.

Tertio, quod non angelis, sed Christo subjecerit orbem terræ futurum.

Deinde, vers. 10, ad finem, multis docet, decuisse Christum pati et mori, itaque fratribus per omnia assimilari et compati, idque hoc fine, ut ab Hebræorum mentibus tollat scandalum crucis Christi.

1. Propterea abundantius oportet observare nos ea, quæ audivimus, ne forte pereffluamus. 2. Si enim qui per angelos dictus est sermo, factus est firmus, et omnis prævaricatio et inobedientia accepit justam mercedis retributionem : 3. quomodo nos effugiemus, si tantam neglexerimus salutem ? Quæ cum initium accepisset enarrari per Dominum ab eis, qui audierunt, in nos confirmata est, 4. contestante Deo signis et portentis, et variis virtutibus, et Spiritus Sancti distributionibus secundum suam voluntatem. 5. Non enim angelis subjecit Deus orbem terræ futurum, de quo loquimur. 6. Testatus est autem in quodam loco quis, dicens : Quid est homo quod memor es ejus, aut filius hominis quoniam visitas eum ? 7. Minuisti eum paulo minus ab angelis : gloria et honore coronasti eum ; et constituisti eum super opera manuum tuarum. 8. Omnia subjecisti sub pedibus ejus. In eo enim quod omnia ei subjecit, nihil dimisit non subjectum ei. Nunc autem necdum videmus omnia subjecta ei. 9. Eum autem, qui modico quam angeli minoratus est, videmus Jesum propter passionem mortis, gloria et honore coronatum : ut gratia Dei, pro omnibus gustaret mortem. 10. Decebat enim eum, propter quem omnia, et per quem omnia, qui multos filios in gloriam adduxerat, auctorem salutis eorum per passionem consummare. 11. Qui enim sanctificat, et qui sanctificantur, ex uno omnes. Propter quam causam non confunditur fratres eos vocare, dicens : 12. Nuntiabo nomen tuum fratribus meis : in medio Ecclesiæ laudabo te. 13. Et iterum : Ego ero fidens in eum. Et iterum : Ecce ego, et pueri mei, quos dedit mihi Deus. 14. Quia ergo pueri communicaverunt carni et sanguini, et ipse similiter participavit eisdem : ut per mortem destrueret eum, qui habebat mortis imperium, id est diabolus : 15. et liberaret eos, qui timore mortis per totam vitam obnoxii erant servituti. 16. Nusquam enim angelos apprehendit, sed semen Abrahæ apprehendit. 17. Unde debuit per omnia fratribus similari, ut misericors fieret, et fidelis pontifex ad Deum, ut repropitiaret delicta populi. 18. In eo enim, in quo passus est ipse et tentatus, potens est et eis, qui tentantur, auxiliari.

Vers. 1. 1. PROPTEREA ABUNDANTIUS (id est magis, diligentius et vehementius) OPORTET OBSERVARE (græce προσέχειν, id est attendere, et mentem applicare) NOS EA QUÆ AUDIVIMUS, NE FORTE PEREFFLUAMUS. — Ostensa dignitate et præcellentia Christi, nunc hortatur et urget Apostolus Hebræos, ut Christi doctrinam et legem attentius quam ante tota mente excipiant. Quasi dicat, Hactenus, ô Hebræi, Christiani quidem fuistis, sed Mosis adhuc plus æquo addicti, Christum non tanti uti par erat, fecistis, et ægre a lege

Intentio
Apostoli
hoc capi-
te abdu-
cere He-
bræos a
Mose ad
Chris-
tam.

Mosis vos abduci permisistis; idque quia non satis considerastis quis sit Moses, famulus scilicet; et quis sit Christus, scilicet Deus et Dominus omnium hominum et angelorum : jam vero postquam divinitatem et præminentiam Christi capite 1, vobis clare probavi et representavi, agite, advertite, quis et quantus sit Christus, magisque et studiosius quam ante iis quæ audivistis a Christo et Apostolis Christi, intendite, ut Mosis et legis veteris memoriam et amorem plane ex animo vestro evellatis, totosque vos applicetis

legi Christi cognoscendæ et perficiendæ, ac pro ea bonorum spoliationem, omnemque persecutionem læto et constanti animo perferatis.

NE FORTE PEREFFLUAMUS. — Hoc est, ne instar perfluentis chartæ, quæ non retinet characteres, auditam doctrinam non retineamus, sed eam diffuere sinamus. *Secundo* et melius, *q. d.* Ne velut vasa rimarum plena, sermonem Christi auditum quasi divini verbi suavissimum balsamum, memoria et mente non contineamus, sed irrecuperabiliter eum effluere sinamus. Est metaphora a vasis, quæ cum rimosa sunt, aquam aut liquorem alium non retinent, sed effluere sinunt, ita ut amplius colligi non possit juxta illud *Eccli.* *xxi*, 17 : « Cor fatui quasi vas confractum, et omnem sapientiam non tenebit. » Sic Terentianus ille Parmeno : « Plenus, inquit, rimarum sum, hac illacque perfluo. » Unde nonnulli putant hic legendum non *perestruamus*, sed *perfluamus*. Verum *perestruamus* habent omnia exemplaria, idque significantius est quam *perfluamus*. Duo enim significat : *primum*, aquam e vase, et sermonem e mente perfluere et elabi; *secundo*, aquam e vase, sermonem e mente lapsum dilabi, diffuere et perire, ut amplius recipi non possit. Unde S. Chrysostomus, Theophylactus, Oecumenius et Syrus sic explicant : *ne effluamus vel perestruamus*, id est, inquit, ne excidamus a via salutis, et pereamus. Notat Chrysostomus hanc phrasim sumptam esse ex *Proverb.* *iii*, 21, ubi Septuaginta habent, *ὅτι, μὴ παραβῆης*, id est, fili, ne effluas, pro quo Hebræa et noster Interpres legunt : « Fili, ne effluant hæc (sapientiæ monita) ab oculis tuis. »

Tertio, Barradius, tom. III, lib. I, cap. *xxiii*, sic explicat : « ne forte perestruamus, » hoc est, ne forte negligentes, et minime attentis mente, in alia negotia, vel in cupiditates effluamus et distrahamur, ne forte attentionem in res alias, non in verba Dei, negligenter effundamus. Sicut enim vas perestruit, cum aquam quam continet effundit : sic auditor perestruit, cum attentionem ex mente effundit, auditque negligenter. Verum secundus sensus uti simplicior, ita germanior est.

Vers. 2. Si ENIM QUI PER ANGELOS DICTUS EST SERMO (id est, quæper angelos dictata est lex *Exodi* *xix* et *xx*), FACTUS EST FIRMUS, etc. 3. QUOMODO NOS EFFUGIEMUS, SI TANTAM NEGLEGERIMUS SALUTEM? — *q. d.* Si lex vetus per angelos data in Sina facta est firma; id est, confirmata a Deo fuit fulguribus, terræmotu, fumo, tonitruis, *Exodi* *xix*, 16, et maxime terribili prævaricantium vindicta : si, inquam, legis prævaricatores tantopere puniti sunt, v. g. cum adorarunt vitulum, *Exodi* *xxxii*, 28; cum fornicati sunt cum filiabus Moab, *Num.* *xxv*, 4 et 9; cum sabbatum violarunt, *Num.* *xv*, 35, et alias sæpe cum contra Dominum, Mosem et Aaronem murmurarunt : quomodo et quanto gravius nos Christiani puniemur, si negligamus salutem, id est Evangelium, quod animæ salutem affert,

quod non angeli, sed ipse Christus Dei Filius enarravit et sanxit, quodque Apostoli tot signis et miraculis confirmarunt, ut sequitur.

3. QUÆ (scilicet salus, id est, salutis Evangelium et annuntiatio) CUM INITIUM ACCERPISSSET ENARRARI PER DOMINUM (Christum), AB EIS QUI AUDIERUNT (id est, ab Apostolis) IN NOS (id est, usque ad nostra hæc tempora) CONFIRMATA EST, 4. CONTESTANTE DEO SIGNIS ET PORTENTIS, ET VARIIS VIRTUTIBUS (id est, potentibus miraculis), ET SPIRITUS SANCTI DISTRIBUTIONIBUS (id est, donis linguarum, prophetiæ et aliis, quæ Spiritus Sanctus cuicque distribuit) SECUNDUM SUAM VOLUNTATEM. — Hinc Calvinus, Beza, imo et Cajetanus probare conantur hanc epistolam non esse S. Pauli, quia, inquit, Paulus *Galat.* *i*, ait se a nullo homine didicisse fidem et Evangelium, sed a solo Deo; hic autem significat se ab Apostolis in fide edoctum aut certe confirmatum esse.

Respondeo : Non dicit hic Apostolus, se ab Apostolis in fide confirmatum esse, sed ipsum Evangelium, id est, legem et dogmata Christi a Deo confirmata esse multis miraculis, idque sæpius et continue ad sua usque tempora. Non ergo aliud dicit hic Apostolus quam quod Marcus cap. ultim., 20, cum ait : « Illi (Apostoli) autem profecti prædicaverunt ubique Domino cooperante, et sermonem confirmante sequentibus signis. » Hæc autem signa paulo ante explicavit ibidem Christus dicens : « Signa autem eos qui crediderint, hæc sequentur : in nomine meo dæmonia ejicient, linguis loquentur novis, serpentes tollent, et si mortiferum quid biberint, non eis nocebit : super ægros manus imponent, et bene habebunt (1). »

Nota : *Signa, portenta et virtutes* re ipsa idem sunt, sed tantum connotato distinguuntur. Miracula enim dicuntur *signa*, quia indicia sunt veritatis et doctrinæ, varique Prophetæ et doctoris; eadem dicuntur *portenta*, id est, prodigia, quia tam naturæ vim, usum et cursum, quam hominum scientiam et opinionem superant : unde ea respiciunt et admirantur homines, quasi nova, insolita, transcendens et divina. Eadem denique dicuntur *virtutes*, quia sunt opera virtutis et omnipotentiae Dei.

5. NON ENIM ANGELIS SUBJECIT DEUS ORBEM TERRE FUTURUM. — *q. d.* Christo est auscultandum et parendum, non angelis; quia non angeli, sed Christus orbis est dominus et iudex.

Quæres, quis hic vocetur « orbis terræ futurus? » Respondet primo S. Chrysostomus, esse mundum hunc, qui tunc erat futurus, cum Filius Dei erat in sua æternitate, destinatusque et decretus erat a Patre mundi dominus.

Secundo : Franciscus Ribera intelligit Ecclesiam

(4) Rosenmullerus : « Paulus, si est hujus Epistolæ auctor, hic, ut solet, communicative loquitur, cum dicit : nos accepimus doctrinam ab iis qui a Domino eam audiverunt. Intelligit Hebræos, ad quos scribit. Sic omni

Metaphora sumpta a vasis rimosis.

Error Calvini, Beze et Cajetani.

Miracula, signa, portenta, virtutes, quomodo differant?

Orbis

terra
futurus
est
Ecclesia
Christia-
norum,
ait
Ribera.

Christi, quæ erat futura cum Filius ageret apud Patrem, decernereturque parens et caput Ecclesiæ per suam incarnationem futuræ et nascituræ. Hanc enim dici putat orbem futurum, quia in ea futuri erant novi homines, nova respublica, nova lex, novus rex, nova Sacramenta, novum regnum Christi, non temporale, sed spirituale per fidem et gratiam, quibus inchoamus regnum cœleste, beatum et æternum, *q. d.* Apostolus: Vos, o Hebræi, estis initium hujus orbis futuri, et hujus novi sæculi Christiani, quod non angelis, sed Christo subiecit Deus: quare non Mosi, non legi veteri, sed Christo ejusque novæ legi parere, eamque constanter retinere debetis, cum non Mosi, imo nec angelis, sed Christo Deus vos atque omnes homines subjecerit. Sed valde improprie et obscure Ecclesia vocatur orbis terræ futurus, nec usquam in Scriptura ita nominatur (1).

Orbis
futurus
post
generale
judicium
erit in
gloria
cœlesti.

Itaque tertio, planissime et aptissime, Theodoretus, S. Thomas et Lyranus accipiunt orbem futurum post resurrectionem et judicium generale, quem Deus Pater in suo dec. 10. et prædestinatione subiecit, et actu re ipsa subiecit Christo in fine mundi: tunc enim Christus, victis plane omnibus suis hostibus, plenissimo triumpho, imperio et dominio, cum suis Sanctis in hoc orbe regnabit. Id patet ex vers. 8, ubi cum Paulus citasset illud psalmi: « Omnia subiecisti sub pedibus ejus, » subdit: « Nunc autem necdum videmus omnia subjecta ei, » *q. d.* Sed videbimus omnia Christo subjecta in orbe futuro, post resurrectionem: passim enim Hebræos ad constantiam in fide et tolerantiam persecutionum excitat hic Paulus, per spem beatitudinis et gloriæ cœlestis, futuræque resurrectionis, et innovationis mundi rerumque omnium. Hinc *Isaia IX, 6*, Christus vocatur *pater futuri sæculi*, id est, Dominus Beatorum et totius mundi in resurrectione renovandi. Hinc etiam *Isaia LXV, 17*, in futuro hoc orbe et sæculo dicitur creandus esse novus mundus, novi cœli, nova terra.

Dices: Quomodo de hoc orbe addit Apostolus dicens: « De quo loquimur? » Hactenus enim non egit de resurrectione et futuro post eam orbe.

Respondeo, Apostolum de resurrectione et novo orbe in ea futuro egisse, cap. I, vers. 12, cum ait: « Et velut amictum mutabis eos, » scilicet cœlos in resurrectione; et vers. 6, ubi ait: « Et cum iterum (puta in resurrectione) introducit primogenitum in orbem terræ, dicit: Et adorent eum omnes angeli Dei. » Ecce ad hæc verba alludit Apostolus hic, et hic est orbis terræ futurus.

tollitur difficultas, quam alii in hoc loco vident, quo Paulum Epistolæ hujus auctorem negari arbitrantur. »

(1) Allioli, cum Ribera, per orbem terræ futurum intelligit tempora Christiana, seu regnum Messias, tum in hoc mundo, tum post judicium generale in cœlo. His, ait, temporibus, non jam angeli, sed Filius et Spiritus Sanctus, primo loco ut mediatores apparebunt.

Felix, qui hunc orbem futurum semper mente versat, ad eumque se componit!

6. TESTATUS EST AUTEM IN QUODAM LOCO QUIS, Vers. 6 DICENS. — Ex testimonio Davidis, *Psal. VIII*, probat id, quod dixit, scilicet orbem terræ futurum, Christo esse subjectum.

Nota: De Davide dicit, « quis, » id est quidam, non per contemptum, sed quia loquitur Hebræis, ait Chrysostomus, qui in Scripturis et in Psalmis erant versatissimi et peritissimi, *q. d.* Ille quem nostis, et quotidie legitis ac teritis, scilicet David, dicit:

QUID EST HOMO QUOD MEMOR ES EJUS. — Nota, *Psal. VIII* celebrat Dei creatoris magnitudinem et beneficentiam, ex tot et tam miris ejus creaturis, ac præsertim ex homine, quem omnium quasi regem et dominum constituit. Id ita docet Nazianzenus, Theodoretus, Eusebius, Apollinarius in *Catena Græcorum*, in *Psal. VIII*, et patet ex ipsis psalmi verbis: « Quoniam, inquit, videbo cœlos, opera digitorum tuorum, lunam et stellas, quæ tu fundasti; quid est homo quod memor es ejus? Gloria et honore coronasti eum, et constituisti eum super opera manuum tuarum: omnia subiecisti sub pedibus ejus, oves et boves universas, insuper et pecora campi, volucres cœli, et pisces maris. » Quis non videt hic describi dominium hominis in pecora et alia animalia, datum homini a Deo in prima sui creatione? quis non videt hisce verbis alludere *Psaltem*; imo citare verba Dei *Genes. I, 26*, quibus ait: « Faciamus hominem ad imaginem et similitudinem nostram; et præsit piscibus maris et volatilibus cœli, et bestiis, universæque terræ, omnique reptili quod movetur in terra (1)? »

Psal. VIII
domi-
nium in
cæteras
creatu-
ras.

Dices: Si hic psalmus canit excellentiam creaturarum, ac præsertim hominis ejuslibet, ergo male Paulus illum appropriat Christo homini.

Respondeo, nego consequentiam. Pro quo nota, Scripturam admittere plures sensus litterales,

Una
Scripturæ

(1) Non statim apparet, quomodo hoc, et quod sequitur, cum præcedentibus cohæreat. Videtur autem Paulus occurrere objectioni eorum, qui dicere poterant, angelos tamen longe superiores esse hominibus, Christum autem, quia homo, inferiorem fuisse angelis. His respondetur, hominem in se non multo inferiorem esse angelis; Christum vero omnes reliquos homines dignitate superare longissime, nec ærumnas quas passus est, ei esse dedecori, sed potius honori. Homo hic non describitur ut humilis, sed ut excellens, quoniam ei, in persona Christi, imperium totius orbis concessum est. Hæc autem Bernardinus a Piconio: « Hanc tacitam assumptionem de Christi dominio probat ex *Psal. VIII*. Circa quam probationem duo notanda sunt..., secundo, quod cum Hebræis ex sensu mystico argumentatur, utpote eis noto et apud eos recepto; hæc enim Psalmistæ verba ad litteram sunt de Adamo et semine ejus, in sensu autem mystico sunt de Messia, Filio hominis, et cujus figura erat Adamus. Judæis autem notum erat quod Adam et seminis ejus dominium in hunc inferiorem mundum, erat figura domini supreni quod Messias, Christus Dominus, habet in cœlis, et post generale judicium habiturus est in totum orbem. » Cf. Bible de Vence, *Préf. sur l'Épître aux Hébreux*, art. v, 4.

ra admit-
tit plures
sensus.

praesertim cum unus alteri subordinatus est, cum-
que unus in altero quasi species in suo genere,
aut individuum in sua specie continetur et emi-
net. Tunc enim non tam duo, quam unus e duo-
bus conflatus perfectusque est sensus. Psaltes
ergo *Psal.* viii, celebrat Dei magnificentiam, ex
tot tantisque Dei creaturis, maxime hominibus;
sed quia inter has creaturas et homines nobilis-
simus est et eminet Christus, hinc Christo præ-
cæteris non tantum allegorice, sed et litteraliter
appropriatur hic psalmus, ut patet ex hoc loco
Pauli, et ex *Matth.* xxi, 16, et ex *I Cor.* cap. xv,
vers. 26. Simile est *Deuter.* xviii, 15, ubi dicitur :
« Prophetam de Gente tua suscitabit tibi Dominus :
ipsum audies, ut petisti a Domino Deo tuo in
Horeb. » Primo enim per Prophetam hunc intel-
ligit quoslibet veros Prophetas, puta Isaiam, Je-
remiam, Oseam et alios. Secundo, per « Prophe-
tam » proprie intelligit Christum, ut patet *Act.*
cap. iiii, vers. 22, et cap. vii, vers. 37. Vide dicta
Deuter. xviii, 15.

Locus
Deut.
xviii
explica-
tus.

Christus
est Pro-
pheta
singula-
ris.

Christus
omnium
admiran-
dorum
compen-
dium, ac
omnium
Dominus.

Psal.
viii
hebraice
inscribi-
tur
Christo.

Christi
domi-
nium in
omnia
animalia.

Sic et hoc *Psal.* viii, canit Psaltes magnificen-
tiam Dei in genere ex creatione omnium rerum
et hominum, sed maxime Christi, qui caput et
vertex est omnium creaturarum et hominum,
quique omnium admirandorum et creatorum
nodus est, compendium et speculum; unde he-
braice hic psalmus inscribitur לַמְנַתְּשֵׁחַ *lamnatse-
hach*, id est, ut vertit Aquila, Theodotion et Quinta
Editio, victori, scilicet mortis et diaboli Christo.
Septuaginta vertunt, in finem, id est in Christum,
qui finis est peccati et mortis, regnumque Satanæ
finit et abolevit. Rursum plenum dominium in
piscis, volucres et feras, de quo agit Psaltes
vers. 8 et 9, soli Christo jam competit : homo
enim Deo rebellis, et in peccatum lapsus perdidit
hoc perfectum dominium in bestias. Celebrat
ergo Psaltes hoc *Psal.* viii, exaltationem hominis
et humanitatis nostræ factam in Christo, et per
Christum, tanquam naturæ nostræ ducem; prin-
cipem et reparatorem. Ita S. Chrysostomus, Theo-
doretus, Hieronymus, Theophylactus et alii, vel
hic, vel in *Psal.* viii. In Christo enim maxime res-
plendet Dei gloria et magnificentia, tum quia
Christus unus inter omnes homines innocentiam
et integritatem primævæ creationis humanæ, ac
consequenter dominium plenum in omnia ani-
malia retinuit; tum quia in Christo et per Chri-
stum, inquit Chrysostomus, « Mors victa est, dæ-
mones vincti, cæli aperti sunt, Spiritus Sanctus
missus est, servi liberi facti sunt, inimici filii, et
homines angeli effecti sunt, imo Deus homo fac-
tus est, et homo factus est Deus. »

Quid est homo quod memor es ejus? — Pendet
hic versus a præced. in *Psal.* viii, qui sic habet :
« Quoniam videbo celos tuos, opera digitorum
tuorum, lunam et stellas quæ tu fundasti. »
Deinde mox sequitur : « Quid est homo quod me-
mor es ejus? » quasi dicat : Cum tuorum cælorum
ac stellarum, o Domine, amplitudinem, motum,

pulchritudinem, ac multitudinem et ordinem
contemplor, hæcque omnia servire homini, esse-
que locum ejus beatitudini præparatum cogito
et meditor, admirabundus exclamo : Quid est,
quantula res est homo, quod ita visitas eum?
quanta est tua, o Domine, dignatio, qua homi-
nionis ita es memor, ita eum curas et prævenis
tua benevolentia totque beneficiis? præsertim
quod in Christo, et per Christum ipsum ita eve-
xeris, et evehas indies in cælum usque.

Dei erga
nos cura
et bene-
ficientia
magnifi-
ca.

Nota : Pro homo hebraice אָנוֹשׁ *enos*, id est mi-
ser, fragilis, infirmus, ærumnosus : sicut enim
homo dicitur *adam*, ratione materiæ, quia ex
adama, id est terra, formatus est Adam, quasi
homo ab humo; et sicuti idem homo ratione
animæ dicitur אִישׁ *isch*, id est quasi אִשׁ, id est
ignis; nam, ut ait Poeta, « igneus est illis (anima-
bus) vigor et cælestis origo : » ita homo post
lapsum in peccatum et ærumnas, dicitur « enos, »
quasi אָנוֹשׁ *anus*, id est, desperatæ salutis, et
certæ morti destinatus. Secundo, *enos* hic alludit
ad radicem נָשָׁה *nasa*, id est oblivisci, ut littera
N in *enos*, non sit radicalis, sed heemantica : sic-
que *enos* idem est, quod obliiviosus, vel oblivioni
tradendus, q. d. Quis est ille « enos, » id est, obli-
viscens homo et stupidus, qui tam tui, o Domine,
quam suæ salutis obliiviscitur, ut ejus recorderis?
Quis est « enos, » id est, ille ærumnosus, despe-
ratus, memoria indignus, imo morti et oblivioni
brevi tradendus, ut tu, Domine, ejus recordari di-
gneris, itaque recordari, ut eum lapsum erigere,
adeoque Christo Deo unire, et per Christum sal-
vare et glorificare cogites et destines? ita Orige-
nes et Hesychius in *Psal.* viii.

Homo
hebraice
dicitur
enos, id
est, mi-
ser, obli-
viosus et
despera-
tus.

Enos ergo dicitur homo infirmus et incurabilis,
ac si solus homo sit inter omnes creaturas incur-
rabilis : qui a nemine, nisi a solo Deo curari pos-
sit, quique salutem et bona sua omnia, ab uno
Deo expectare debeat, ac proinde qui, si sapit,
in Deo bona se spe sustineat, in eoque totus se-
cure sine sui suarumque rerum cura recumbat,
oportet, inquit Philo, lib. *De Abrahamo*.

7. MINUISTI EUM PAULO MINUS AB ANGELIS. — He-
bræum הֶחֱסִיר *hechesir*, et Græcum ἀττωσθαι, si-
gnificat ita quempiam minui, ut ex majori gradu,
honore, aut opulentia et statu ad minorem des-
cendat. Sic enim Christus, cum esset Deus sum-
mus et ditissimus, propter nos factus est puer
parvulus et pauperrimus; itaque a summo deita-
tis ad imum humanitatis nostræ descendit, et
capite quasi minutus est.

Vers. 7.

Secundo, pro paulo minus græce est παρὰ τι,
quod respondet Hebræo מֵעַט *meat*, id est parum,
et denotat parvitatem tam temporis quam quan-
titalis. Unde aliqui cum Syro vertunt, paulisper
vel parvo tempore; alii et potius vertunt, parva
quantitate, distantia et intervallo, sive parva in re.
Uterque sensus huic loco congruit : homo enim
parvo intervallo, scilicet corpore mortali et pas-
sibili, distat ab angelo; detrahe homini corpus,

Deus pro
nobis im-
minutus.

Homo in
quibus
minor
angelo?

Christus
quomodo
et quan-
do minor
angelis?

homo erit angelus. Rursum *paulisper*, scilicet tempore hujus brevis et mortalis vitæ, homo minor est angelis: nam in resurrectione Beati omnes in gloria pares et similes erunt angelis Dei, *Luc. xx, 36*. Hæc veriora sunt in homine Christo. Nam natura humana in Christo in parva re, et parvo tempore minor fuit angelis, quia in hac vita, ac præsertim in morte et cruce, ut notat Apostolus, vers. 9, habuit corpus mortale et passibile, cum angeli sint immortales et gloriosi. Hinc in passione humiliatus fuit, afflictus et tortus valde, adeo ut diceret: «Ego sum vermis et non homo;» sed ita, ut in omni passione tam animi constantiam, quam personæ dignitatem retinuerit, eamque per terræ motum, eclipsis solis, tenebras aliaque miracula ostenderit. Rursum Christus mortuus quidem et sepultus est, sed ita ut caro ejus quasi sancta et inviolabilis non viderit corruptionem, in altera vero vita, scilicet statim post resurrectionem, Christus accepit corpus immortale et gloriosum, ac consequenter angelis par, imo loco et honore superior effectus est: collocatus enim est ad dexteram Patris.

Secundo, anima Christi quoad naturam minor est angelis; sed quoad sapientiam, gratiam et gloriam, et quoad unionem cum verbo, longe major est et semper fuit angelis.

Homo
imago
Dei, et
Deus
terres-
tris.

Nota: Pro *ab angelis* hebraice est *meelohim*, quod S. Hieronymus, Theodotus et Quinta Editio vertunt, *a Deo*, idque suo modo verum est: homo enim est Dei imago, et terrestris quidam Deus, ac dominus omnium; unde præ reliquis creaturis homo ad Deum accedit quam maxime, Deoque paulo est minor, si cum aliis rebus creatis conferratur, quæ longius a Deo distant. Hoc autem multo verius est in Christo homine. Natura enim humana in Christo, licet creata sit, subsistit tamen in eadem subsistentia et persona, in qua Deus, Deique Filius subsistit: hinc quoque sedet ad dexteram Patris quasi loco et honore Patri proximo; ergo paulo minor est Deo. Verum melius Septuaginta, et ex iis S. Paulus, Chaldaeus quoque et Syrus vertunt, *minuisti eum paulo minus ab angelis*. Hebræum enim *אֱלֹהִים* *elohim*, non tantum Deum, sed et angelos, imo et principes ac iudices, qui Dei imperium, dominium et gubernationem participant, significat, ut *Psal. lxxxi, vers. 1*: «Deus stetit in synagoga deorum (hebraice *elohim*, id est iudicum); in medio autem deos (id est iudices) dijudicat.» *Psal. cxxxvii, 1*: «In conspectu angelorum (hebraice *elohim*) psallam tibi.» *Psal. xcvi, 7*: «Adorate eum omnes angeli (hebraice *elohim*) ejus.» Omnes enim homines, etiam Christus, proprie loquendo ab angelis parum, a Deo vero multum, imo infinitum, minorati sunt distantes et disjuncti. Unde *Philip. ii, 5*, dicitur, quod Christus, «cum in forma Dei esset, semetipsum exinanivit, dum in similitudinem hominum factus est, et habitu inventus ut homo.»

xlx.

Gloria
triplex
hominis,
et Christi.

GLORIA ET HONORE CORONASTI EUM (hominem, maxime Christum), ET CONSTITUISTI EUM SUPER OPERA MANUUM TUARUM.—«Gloria,» scilicet triplici: *Primo*, quia hominem ad tuam imaginem creasti et formasti, eique mentem rationis, libertatis, beatitudinis et Dei capacem dedisti. *Secundo*, quia hominem «constituisti super opera tua.» Hebraice *תַּמְסִילֶהוּ* *tamscilehu*, id est *dominari fecisti*, vel dominum eum constituisti operum tuorum, id est totius mundi, ac præsertim omnium animalium, non tantum cicurum, sed et pecorum campi, id est ferarum: hisce enim plene dominabatur Adam in paradiso; jam vero post lapsum homo imperfecte et semiplene eis dominatur, inquit Chrysostomus, quia scilicet animalia quævis homo capere, subicere et cicurare potest: Christus autem æque ut Adam plene iis dominatur; unde Christo soli hic versus convenit.

Tertio et maxime, gloria resurrectionis, ascensionis, celebritatis famæ et nominis; judicariæ potestatis et perfecti domini in omnia, coronasti hominem et humanam naturam in Christo, cum Christum hominem omni hac gloria dotasti et coronasti, ut patet vers. 9.

Nota: «Coronasti» dupliciter accipi potest: *Primo*, «coronasti,» id est, copiose et quasi undique cinxisti et circumvallasti eum gloria, instar coronæ. Corona enim Hebræis copiam et affluentiam significat, ut *Ps. lxi, 12*: «Benedices coronæ anni benignitatis tuæ.» Ubi «coronam anni» vocat copiam florum, herbarum, segetum, fructuum, quibus quasi coronis coronatur annus benignitatis, id est, annus quem Deus sua benignitate fertilem facit. Unde Hebræi aliter jam distinguentes, et pro *עֹרֶת עֵטָר* *ateret*, id est *corona*, punctantes *עֹרֶת אֲתָרָא* *atarata*, id est *coronasti*, vertunt, coronasti annum bonitate vel beneficentia tua, id est, cummulasti annum proventu abundanti quem largitur bonitas tua. Hinc *coronam* hanc explicans *Psalm. subdit*: «Et campi tui replebuntur ubertate.» Sic et *Psal. v, vers. 13*: «Domine, ut scuto bonæ voluntatis tuæ coronasti nos;» id est, Domine, tua benevolentia, quasi scuto, undique nos communis, protegis et circumvallas. *Psal. cii, 4*: «Qui coronat te in misericordia et miserationibus,» *q. d.* Deus erga te, o anima, adeo misericors est, ut suis miserationibus quasi corona circumcingat te.

Corona
apud
Hebræos
abundantiam
et cumulum
omnium
bonorum
significat.
Variis
coronis
coronatus
Deus.

Secundo, «Coronasti,» id est, coronam gloriæ pro meritis dedisti, *q. d.* Christus luctatus cum morte et dæmone vicit, meruit, obtinuit coronam gloriæ, tum corporis sui, tum famæ et nominis sui, tum pleni domini in omnia, qua tu, o Domine, eum quasi triumphatorem coronasti. Patet vers. 9.

8. NUNC AUTEM NECDUM VIDEMUS OMNIA SUBJECTA *Vers. 8.*
EI.—*q. d.* Ne turbemini, o Hebræi, si dicam Christum regnare, omniaque illi subjecta esse, eo quod videatis hostes Christi vobis dominari, vosque mulctare bonorum jactura, exilio aliis-

24

Omnia
Christo
subji-
cientur
in fine
mundi.

que pœnis : necdum enim imperator noster Christus cuncta obtinuit, adhuc hostes ei rebellant, necdum futurus orbis (de quo dixi) ad quem suspiramus, apparuit; sed modicum expectate, donec impii impleant mensuram peccatorum suorum, donec finiatur hæc generatio, hoc sæculum, nimirum in fine mundi cuncta Christus obtinebit, eruntque omnia ei subjecta, ac tunc vos cum illo triumphabitis, et dominabimini hostibus vestris, imo rebus omnibus. Ita S. Chrysostomus (1).

Vers. 9.

9. EUM AUTEM, QUI MODICO QUAM ANGELI MINORATUS EST, VIDEMUS JESUM PROPTER PASSIONEM MORTIS, GLORIA ET HONORE CORONATUM, UT GRATIA DEI PRO OMNIBUS GUSTARET MORTEM. — Est hic hyperbaton, sive perturbatus verborum ordo, qui sic clare ordinandus est : « Jesum autem eum videmus gloria et honore coronatum, qui modico, id est paulo minus, quam angeli minoratus est, propter (id est ad, scilicet subeundam) passionem mortis, ut gratia Dei pro omnibus gustaret mortem. » Sic enim omnia clare et apte cohererent. Est enim hic antithesis versus præcedentis, q. d. Licet hoc tempore necdum videamus omnia subiecta Christo, videmus tamen ipsum Christum gloria et honore jam coronatum, uti de eo præcinit Psaltes; quia scilicet Christi nomen, fides, fama et gloria ubique propagatur: omnes enim gentes, relictis suis idolis, agnoscunt et colunt Christum crucifixum, tanquam suum salvatorem. Unde non dubitamus, sed certissimo speramus et credimus, quod sicut unum Psaltis versiculum in Christo impletum videmus, ita et brevi alterum explendum visuri simus, scilicet in resurrectione Christo plane omnia subjecta fore. Jam ergo Christus gloria et honore coronatus vestra; o Hebræi, pro fide certamina ex alto spectat, ut fortiter certantes et vincentes post modicum laborem et tempus coronet corona gloriæ, imo coronæ suæ participes efficiat in omnem æternitatem. Præclare Tertullianus ad *Martyres*, cap. III: « Vos, inquit, benedicti, bonum agonem subituri estis, in quo agonothetes Deus vivus est, xystarches Spiritus Sanctus, corona æternitatis bravium, angelicæ substantiæ politia in cœlis, gloria in sæcula sæculorum. Itaque epistates vester Jesus Christus, qui vos Spiritu unxit, et ad hoc scamma produxit, voluit vos ante diem agonis ad duriorem tractationem a liberiore conditione seponere, ut vires corroborarentur in vobis. Nempe enim et athlete segregantur ad strictiorem disciplinam, coguntur, cruciantur, fatigantur; quanto plus in exercitationibus laboraverint, tanto plus de victoria sperant. Et illi ut

Hebræi
animan-
tur ad
certami-
na et
labores.

(1) Vers. 8, *subjecit, dimisit*, scilicet Psalmi auctor. De poetis sæpe dicitur, eos fecisse, quod de aliis prædicant: ita Allioli. Sic Horatius, *Satyr.* 1: Poeta jugulat Meinnem, id est, canit eum jugulatum esse. — Locus Psalmi, qui litteraliter de homine agit, hoc commate ad Jesum transfertur.

coronam corruptibilem consequantur, nos æternam consecuturi: quia virtus duritia extruitur, mollitia vero destruitur. »

Nota: Tò *propter passionem* non significat Christum per passionem, vel in passione minoratum esse. Sic enim græce dicendum fuisset, διὰ τοῦ παθῆναι; jam autem dicitur διὰ τὸ παθῆναι, il est, propter passionem, ut scilicet pati et mori posset, ideo minoratus est Christus in sua incarnatione et nativitate humana. Δὲ ergo, id est propter, hic non materiam, vel subjectum, sed causam finalem significat; hanc enim clare explicat, dum subdit:

Causa
finalis
minorati-
onis
Christi.

Ut GRATIA DEI PRO OMNIBUS GUSTARET MORTEM. — « Gratia Dei, » id est, gratuita Dei misericordia, q. d. Minoratus est Christus in nativitate, qua natus est homo passibilis, morti et cruci destinatus, non ex necessitate; non ex merito hominum, vel angelorum, multo minus ex culpa sua: sed ex pura Dei misericordia et gratia, qua voluit Deus Pater eum talem nasci, ut pro omnibus mori, omnesque sua morte redimere possit.

Nota: Pro χάριτι, id est, gratia Dei, Theodoretus, Theophylactus, Oecumenius, legunt χάρις Θεοῦ, id est sine Deo, vel excepto Deo, adduntque ita corruptum esse hunc locum à Nestorianis; hinc enim illi probant in Christo duas fuisse personas, et Deum ab homine fuisse separatam. Verum ante Nestorium Ambrosius, lib. *de Fide*, cap. IV, legit quoque τὸ *sine Deo*, sicque explicat, Christus pro omnibus *sine Deo*, id est excepto Deo, mortem gustavit, q. d. Christus pro omnibus omnino, etiam angelis, non autem pro Deo ipso (Deum enim excipio) mortuus est, non quasi angelos redemerit Christus, sed quod angelos hominibus reconciliavit, eorumque lætitiā et gloriam auxerit, dum sedes eorum ex quibus collapsi erant dæmones, per homines restauravit et replevit. Ita S. Ambrosius, Theodoretus, Theophylactus, Oecumenius.

Error
Nestorii.

Christus
pro
angelis
etiam
mortuus
est, quo-
modo?

Verum legendum est cum nostro Interprete, Syro, Chrysostomo et aliis, χάριτι, id est gratia, dono et beneficio Dei; hoc enim verbo tollit ab Hebræis scandalum crucis. Dicebant enim Judæi: Si Christus est tantus et tam gloriosus, cur crucifixus est et mortuus? Respondet Apostolus, id immensæ fuisse gratiæ et clementiæ Dei, ut ejus morte nos redimeremur. Licet enim Deus alio modo nos redimere potuisset, tamen noluit, quia hic modus, ut scilicet per Christi mortem redimeremur, maxime decebat Dei infinitam bonitatem et misericordiam.

Opus
gratiæ
nostræ re-
demptio.

Secundo, quod Noster vertit, *pro omnibus*, græce est ὑπὲρ πάντων, id est, pro omni, pro quolibet: quod ponitur pro ὑπὲρ πάντων (et ita forte in Græco hic legendum est), id est pro omnibus.

Tertio, *pro gustaret*, Ribera vult legendum, In Apostolo hic

admit-
tendum
hyperla-
ton.

plicat : Propter passionem mortis, inquit, gloria et honore coronatus est Christus : ex quo sequitur, quod mortem gustarit Christus, non fuisse suæ culpæ, aut peccati alicujus, quod fecerit Christus, quoque mortem sit meritus; sed hoc fuisse puræ Dei gratiæ et misericordiæ. Nam vocula *ut*, inquit Ribera hic, ut et alibi, sæpe non finem, sed sequelam, sive id quod consecutum est, significat. Verum omnia exemplaria Latina et Græca habent, γέσται, id est *gustaret*: et hæc ejus expositio, licet ingeniosa, satis implexa et jejuna videtur; ergo admittendum est hyperbaton, quod jam dixi, illudque admittit S. Augustinus, lib. III *contra Maximinum*, cap. xxv; S. Thomas, Adamus et alii: tunc enim omnia sunt plana, et hyperbata Apostolus, utpote spiritu turgidus, habet familiaria, ut dixi *Can.* 38.

Hæc ergo sententia pendet et cohæret cum *minoratus est*, q. d. Christus minoratus est, dum factus est homo passibilis, hac de causa, ut scilicet ex magna Dei misericordia, pro hominibus patiens et moriens, eosdem morte et inferno liberaret, uti dixi.

Quarto, dicit Apostolus Christum non comedis, sed gustasse mortem, quia non mansit Christus, imo vix hæsit in morte: nam statim resurrexit, ita ut videatur mortem non hausisse, nec epotasse, sed degustasse tantum, quomodo infra cap. vi, vers. 4, dicuntur nonnulli donum Dei gustare, quod mox evomunt. Ita S. Chrysostomus. Verum simpliciori et communiori hebraismo, *gustare mortem* idem est, quod mori, sive mox resurgas, sive in morte perdures, ut patet *Joan.* viii, 52, *Matth.* xvi, 28, et alibi. « Sicut medicus, inquit Theophylactus, cum videt ægrotum fastidire cibos et pharmaca, prior ipse ea sumit, ut ægrotum ad eadem sumendum inducat: ita Christus prior gustavit mortem, ut eam gustare non horreat Christianus. »

Christus
gustavit
mortem,
ut eam
non hor-
reat
Christia-
nus.

Vers. 10.

10. DECEBAT ENIM EUM, PROPTER QUEM OMNIA, ET PER QUEM OMNIA, QUI MULTOS FILIOS IN GLORIAM ADDUXERAT, AUCTOREM SALUTIS EORUM PER PASSIONEM CONSUMMARE. — Id est, decebat Deum Patrem, Christum passioni tradere. Deus enim Pater est is, propter quem et per quem sunt omnia.

Error
Ariano-
rum et
Nestorii.

Ubi nota præpositionem διὰ, id est *per*, tribui quoque Patri: male ergo ex ea, quod alibi tribui soleat Filio, colligunt Ariani, Filium Patre esse minorem. Rursum male Nestorius illum *propter quem omnia*, dicebat esse Patrem, illum vero *per quem omnia*, esse Filium; quasi hi duo Jesum a se persona distinctum passione consummarint: utrumque enim soli Patri hic tribuitur, idque eo fine, q. d. Apostolus: Quia Deus Pater omnia facit perfectissime propter se et suam gloriam, hinc decebat, ut et Christum passione consummaret, ut scilicet in Christo justitiam, bonitatem, sapientiam omnemque gloriam ostenderet.

Secundo, « adduxerat, » id est, adducere de-

creverat et prædestinaverat; sive adduxerat, non actu et re ipsa, sed in æterno suo decreto et prædestinatione. Vide *Can.* 36. Jam per *filios* intelligit justos et sanctos. Loquitur autem Apostolus maxime de Sanctis, qui ante Christum vixerunt, jamque defuncti erant in statu salutis, et certa spe gloriæ; tantum enim expectabant Christum, qui morte sua cælum et aditum ad gloriam aperiret: hi enim jam quasi adducti ad gloriam, unumque pedem in cælo habere videbantur. Rursum, pro *auctorem* græce est ἀρχηγός, il est, principem et ducem, q. d. Decebat Deum Patrem, qui multos homines per Christum decreverat adducere ad cælestem suam gloriam, ut Christum ipsum, quasi auctorem et ducem omnium, passione et morte consummaret; cur id decuerit, subindicat voce *consummare*, et clarius id ipsum explicat vers. sequenti, quia scilicet decebat Christum fratribus assimilari, eis-que præire; fratres autem Christi, id est, Sancti omnes, per multas passiones a Deo ad gloriam provecti et perducti sunt, et indies perdu-
cuntur.

Filii Dei
justi et
sancti.

Sancti
per pas-
siones
assimi-
lantur
Deo.

Tertio, aliqui hic legunt; *consummari* passive, sed legendum est active *consummare*. Ita Romana et Græca. Ubi nota, Græcum τελειώσειν, quod noster vertit *consummare*, multa significare, et varie verti posse, scilicet *primo*, immolare; *secundo*, gloriosum facere; *tertio*, consummare, vel, ut Syrus, perfectum facere; ut hæc perfectio opponatur et rependatur quasi præmium Christi minutioni, de qua dixit: « Minuisti eum paulo minus ab angelis. » Consummare ergo idem est, quod gloria et honore coronare, sive facere ut Christus resurgens gloriosus sit in cælo; sedens ad dexteram Patris, et in terra ab hominibus colatur et adoretur, quasi mundi salvator et Dominus. Ita Theophylactus, Œcumenius et alii. Quarto, τελειώσειν idem est, quod consecrare. Unde S. Dionysius, lib. *De Eccles. Hierar.*, passim Sacramenta vocat τελειώσεις, q. d. Consecrationes, quia verbis sacris quasi formis conficiuntur et quasi consecrantur. Hinc et τελειοθῆναι dicebantur Martyres, quia scilicet per martyrium Martyr non tantum perficitur, sed et immolatur atque consecratur Deo. Unde et Christus, *Joan.* xvii, 19, ait: « Ego, inquit, pro eis sanctifico meipsum, id est, offero, consecro et immolo meipsum Patri tanquam sanctam victimam, ac pretium redemptionis et sanctificationis hominum. Hoc ergo verbo τελειώσειν, significat Paulus, Christi passiones et dolores non fuisse signa infirmitatis et vilitatis Christi, sed fuisse augusta quædam sacrificia, quibus Christus in pontificem et redemptorem quasi consecratus et sanctificatus est; ideoque decuisse Christum hæc passiones obire, iisque perfici et consecrari.

Consum-
mare est
glorio-
sum
facere.

Consum-
mare si-
gnificat
etiam
consecra-
re.

Marty-
rio
Martyr
perficitur
et
consecra-
tur Deo.

Moraliter, vide hic quid sint passiones et afflictiones, quamque utiles sint et nobiles, ideoque non fugiendæ, sed cum Christo et Sanctis om-

Locus
moralis
de pas-

gione et afflictione. nibus ambiendæ: passionibus enim fimus perfecti, gloriosi, sancti, imo victimæ et sacrificia Dei optimi maximi, adeoque hac de causa permisit Deus hominem labi in peccatum et tot ærumnas, ut in tot passionibus magnitudinem suæ gratiæ, virtutis et patientiæ ostenderet; utque iis nos expoliret, perficeret et ad magnam sanctitatem et gloriam perduceret. Hinc illa pia fidelium est consuetudo, ut, cum quis eorum moritur, dicant, *Consummatus est*, quia scilicet, qui pie mortuus est, omnium suorum laborum et dolorum, omnis patientiæ et virtutis, omnisque meriti, ac consequenter et præmii et gloriæ perfectionem, finem et terminum adeptus est.

Vers. 11. 11. QUI ENIM SANCTIFICAT, ET QUI SANCTIFICANTUR, EX UNO OMNES. — Supple *sunt*, et solentesse, *q. d.* Christus qui homines in peccatum et mortem lapsos sanctificat, et homines qui a Christo sanctificantur, ex uno, scilicet Adamo, orti et prognati sunt omnes. Vel, « ex uno, » in genere neutro, id est, ex una stirpe, ex una et eadem natura, scilicet humana, sunt et constant. Loquitur Apostolus non de Deo, qui quasi Dominus nos sanctificat, nec de Angelis, qui suis monitis et precibus nos sanctificant, sed de Christo, qui nos sanctificat, quasi pontifex, mediator et redemptor noster: hunc enim decet esse ejusdem naturæ cum iis, quos redimit et sanctificat, et hoc est quod ait cap. v, vers. 1: « Omnis namque pontifex ex hominibus assumptus, pro hominibus constituitur. »

yllogismus Pauli. Probat hic Apostolus id quod præcessit, scilicet decuisse Christum, qui quasi salutis auctor multos in gloriam adduxit, et indies adducit, pati, et per passionem consummari. Id probat hoc argumento: Decet pontificem qui sanctificat, qualis est Christus, et eos qui sanctificantur ab eo, esse ex uno omnes, id est, esse ejusdem naturæ omnes; atqui homines qui sanctificantur sunt naturæ passibilis, miseræ et ærumnosæ, multaque patiuntur, ac tandem moriuntur, ut experientia notissimum est: ergo et Christum decuit esse naturæ passibilis, multaque pati ac mori. Quare hoc explicans Apostolus deinceps usque ad finem capituli, inter alia sic ait, vers. 17: « Unde debuit per omnia fratribus similari, ut misericors fieret; et fidelis pontifex ad Deum, ut repropitiaret delicta populi: in eo enim in quo passus est ipse et tentatus, potens est et eis qui tentantur auxiliari, » *q. d.* Ne scandalizemini, o Hebræi, Christi passione, cruce et morte: hæc enim non indecens et indigna, sed maxime congrua et digna fuit, decensque Christum. Decebat enim Christum pati et mori, hac de causa, ut scilicet fratribus hominibus assimilaretur, idque

Christus ob tres causas pati debuit.

primo, ut eis tum patientiæ et charitatis exemplo præiret, dando pro eis vitam suam in pretium. *Secundo*, ut sanciret justitiam, illique satisfaceret, ne scilicet dedecus peccati maneret sine decere justitiæ, et justæ vindictæ ac pænæ. Ilac

de causa pœnam omnem et vindictam hominibus debitam in se homine suscepit Christus, itaque peccatum patiendo expiavit, dum pro peccato, sua passione et morte satisfacit parti læsæ, scilicet Deo offenso.

Tertio, quia decebat ut non angelus, sed homo pro homine satisfaceret, non agendo, sed patiendo: hæc enim est satisfactio, quam postulat reatus et culpa.

Nota: Loquitur Apostolus de Christo, qui sanctificat tanquam pontifex et redemptor, et iis qui sanctificantur a peccato, ita ut expiatione et victima indigeant, quales sunt homines in peccatum lapsi. Hos enim decet esse ejusdem naturæ: tales autem non sunt angeli qui nunquam peccarunt. Hi enim a Christo homine, etiamsi alterius sit naturæ, sanctificari potuerunt, et, ut multi opinantur, de facto sanctificati sunt in primo instanti suæ creationis: quando, ut ait S. Augustinus, in eis Deus fuit simul condens naturam et largiens gratiam. Unde hic locus non obstat sententiæ eorum, qui opinantur Christum non tantum homines, sed et angelos sanctificasse, id est propter merita Christi non tantum hominibus, sed et angelis a Deo collatam esse gratiam, ut dixi *Ephes. i, 22*.

Secundo, alii *ad ex uno* sic explicant: *Ex uno*, scilicet Deo conditore, tam factus est Christus sanctificans, quam omnes homines qui sanctificantur. Ita Ambrosius, Anselmus, Chrysostomus, Theodoretus, S. Thomas, Theophylactus, *q. d.* Apostolus: Omnes fratres sumus ex Deo Patre geniti, decuit ergo omnes nos quasi filios Deo Patri nostro reconciliari, idque per Christum, utpote fratrem nobilissimum, qui Sanctus sanctorum est, omnesque sanctificat; non autem per alios, qui sanctificantur et sanctificatione indigent. Decuit itaque Christum nos reconciliare, nos redimere et pro nobis satisfacere: decuit ergo Christum pati. Verum hic sensus generalior est et difficilior, nec ita stringit et urget, uti prior, qui proinde genuinus est, eumque confirmant omnia sequentia, ac præsertim illud, quod dicitur vers. 16: « Nunquam enim angelos apprehendit, sed semen Abraham apprehendit: unde debuit per omnia fratribus similari. » Quibus verbis satis significat Apostolus Christum esse fratrem nostrum, non quia ex Deo factus est uti et nos, sed quia ex Adamo et Abrahamo natus est, eandemque nobiscum naturam humanam accepit.

Tertio, S. Dionysius, *De Eccles. Hierarch.*, p. 4, sub finem, et Cyrillus, lib. *De Fide ad reginas*, cap. Quod unus sit Filius Dei et Dominus Jesus Christus, sic legunt, *qui sanctificat et sanctificatur*, et intelligunt Christum. Christus enim ita sanctificat, ut simul sanctificetur a Deo, *q. d.* Apostolus: Christus qui sanctificatur et simul sanctificat, atque omnes nos ex uno, scilicet Deo, patre sumus geniti. Sed hoc videtur nonnihil contortum; Apostolus enim non dicit: « Qui sanctifi-

Angeli a Christo sanctificari potuerunt.

Christus Sanctus sanctorum, omnes sanctificans.

Christus frater noster.

cat et sanctificatur, et omnes ex uno; » sed dicit : « Qui sanctificat, et qui sanctificantur, ex uno omnes. » Adde, omnia exemplaria Græca, Latina et Syra habere, qui sanctificantur; non autem, qui sanctificatur.

PROPTER QUAM CAUSAM NON CONFUNDITUR (non erubescit Christus) **FRATRES EOS** (homines ex uno patre Adamo secum natos) **VOCARE Dicens : NUNTIA- BO NOMEN TUUM** (o Pater), **12. FRATRIBUS MEIS** (Apostolis, aliisque quos fideles ac Christianos prædicando efficiam), **IN MEDIO ECCLESIE** (Christianæ a me congregandæ) **LAUDABO TE.** — Citat vers. 23 *Psalm.* **XXI**, quem clarissimum est scriptum esse de Christi passione, prædicatione, morte et resurrectione. Probat ergo Apostolus Christum et nos omnes esse ex uno, scilicet patre, genitos, ex eo quod Christus et nos omnes sumus fratres, scilicet secundum communem tam naturam quam spiritum, quodque Christus, *Psalm.* **XXI**, nos vocat fratres suos : si enim sumus fratres Christi, ergo ex uno et eodem patre geniti sumus; tam Christus, quam nos omnes. Simul innuit Apostolus modum, quo Christus nos sanctificat et ad gloriam adducit, scilicet nuntiando et prædicando nomen et cultum Dei veri et vivi, qui se a passione; cruce et morte liberavit, et resuscitavit ad vitam immortalem : patet enim ex præced. versiculis et seq. *Psalm.* **XXI**, *τὸ νυντιαβο* pertinere ad resurrectionem Christi, *q. d.* Christus : Post meam a morte et cruce liberationem et resurrectionem, nuntiabo et celebrabo coram Apostolis meisque discipulis Dei liberatoris et resuscitatoris nomen et gloriam. Magna dignatio et consolatio nostra esse debet, quod Christus etiam post resurrectionem immortalis jam et gloriosus, nos dignetur vocare fratres suos, et quasi fratribus hereditatem suam in cælis nobis præparet.

Psalmi
XXI
scopus et
sensus.

Christus
gloriosus
se vocat
fratrem
nostrum.

Vers. 13.
Psalmus
XVII
illustra-
tus et
explica-
tus.

Communi-
nis
Christo
et nobis
pater et
natura.

Citat hic
Paulus
cap.

13. ET ITERUM : EGO ERO FIDENS IN EUM. — Citat *Psalm.* **XVII**, vers. 3, quo psalmo (ut habet titulus *II Reg.* cap. ult.) David ad litteram gratias agit Deo, quod toties a Saule, Philistæis aliisque hostibus et periculis se liberarit. Allegorice competit Christo, qui Deo gratias agit, quod a Judæis, demonibus, passione, cruce, morte omnique malo se liberarit; unde ait vers. 3 : « Ego ero fidens in eum, » *q. d.* Ego Christus instar aliorum hominum, morti et miseriis obnoxius, in persecutione, passione et tribulatione, perinde ut David, constitutus, in communi Deo Patre sperabo, eumque fidens invocabo, ut liberet me. Probat Apostolus alio testimonio Christum et omnes nos esse ex uno Adamo progenitos, sive Christum ejusdem nobiscum esse naturæ passibilis, miseriis et morti obnoxie, ex eo quod Christus sperans et invocans Patrem, hoc ipso testetur, se in afflictione et passione esse positum.

Verum verius videtur, Apostolum non citare hic *Psalm.* **XVII**, vers. 3. Ibi enim in Græco est *ἐπίστω*, sed *Isaiæ VIII*, 17, ubi dicit Isaias in persona

Christi : « Et expectabo Dominum, qui abscondit faciem suam a domo Jacob, et præstolabor eum; » ubi pro *præstolabor eum*, Septuaginta vertunt, *πιστεύω*; *ἐσποιμὶ ἐν αὐτῷ*, id est, fidens ero in eo, uti ad verbum citat hic Paulus. Nota : Dixerat Isaias illo cap. nasciturum filium, cui nomen erit : *Accelera spolia detrahare, festina prædari*, id est Christum, quia spoliaturus erat infernum et dæmonem; unde vers. 8, vocat eum Emmanuel; mox vers. 14, dicit, quod Christus Judæis sit futurus « in lapidem offensionis et in petram scandali, » ita ut multi ex eis ad illum offendant, cadant et conterantur. Quod quia triste erat, videbaturque Christi Salvatoris fortitudini et spoliationi adversari, hinc statim seipsum in persona Christi consolans Isaias subdit, dicens : « Et expectabo Dominum, et præstolabor eum, » *q. d.* Videtur Deus populi sui oblitus, eumque abjecisse, quia nolunt Judæi mihi credere : ego tamen animo non cadam, spem non abjiciam, sed præstolabor eum, confidens aliquos saltem me conversurum ex Judæis, puta Apostolos, qui deinde omnes gentes convertant, itaque prædentur et spolient totum diaboli regnum.

Ex quibus patet Apostolum hac citatione et testimonio, non tam probare Christum esse ejusdem nobiscum naturæ passibilis (uti probavit testimonio præcedenti), quam quod omnes gentes per Christum sanctificentur, itaque in filios et fratres adoptentur, et ad gloriam adducantur.

ET ITERUM : ECCE EGO ET PUERI MEI, QUOS DEDIT MIHI DEUS. — Pergit citare Apostolus sequentia *Isaiæ* verba, quorum hæc plena est sententia : « Ecce ego et pueri mei, quos dedit mihi Dominus in signum et portentum Israel. » Loquitur Isaias in persona Christi, sive quasi typus Christi, ut dixi, *q. d.* Sicut ego Isaias et mei discipuli, puta alii Prophetæ, me sequentes, ut *Ezechiel*, cap. **XXIV**, vers. 24, *Zacharias*, cap. **III**, vers. 8, alii, hoc ipso quo divitias et honores contemnimus, ac tam mira prædicamus et vaticinamur, a Scribis et Judæis quasi stulti irridemur, habemurque quasi portenta et ostenta Israelis : ita et Christus, cujus ego Isaias sum præcursor et typus, cum suis Apostolis ac discipulis, ob novitatem vitæ, doctrinæ, paupertatis, humilitatis, passionis, superbis Judæis et Philosophis erit quasi portentum, spectaculum et ludibrium. Ita Origenes, Basilii, Cyrillus et alii in *Isaiæ* cap. **VIII**; et hoc est quod ait Apostolus, *I Cor.* **I**, 23 : « Nos autem prædicamus Christum crucifixum, Judæis quidem scandalum, Gentibus autem stultitiam. »

Hoc ergo *Isaiæ* testimonio Apostolus probat utrumque, scilicet *primo*, Christum cum hominibus ejusdem esse naturæ passibilis, multaque esse passum : hoc enim significatur, cum ait : « Ecce ego et pueri, » id est filii, quos scilicet naturæ meæ passibilis et mortalis consortes, tanquam pontifex spiritualiter gigno, facioque Chris-

Isaiæ
VIII, non
Psalm.
XVII

Isaiæ
caput
octavum
illustra-
tum.

Christus
et Pro-
pheta,
eorum-
que præ-
dicatio
seculo
hinc con-
tempta.

tianos, cum quibus factus sum ludibrium et portentum Israel, ut patet ex vers. sequenti.

Secundo, hoc eodem testimonio probat Apostolus Christum omnes sanctificare : hoc enim ipso quo Christus filios gignit, eosdem sanctificat.

Nota : Pro *pueri* hebraice est ילדים *jeladim*, id est nati, sive filii ac pueri. Vide Clementem Alexandrinum, lib. I *Pædagog.*, toto cap. v, ubi pulchre docet omnes Christianos dici et esse debere pueros, per morum et animi innocentiam, simplicitatem, facilitatem et teneritudinem, idque ut se conforment suo exemplari, scilicet Christo puero, de quo dixit *Isaias*, cap. ix, vers. 6 : « Parvulus natus est nobis, et filius datus est nobis. »

Christiani debent ut pueri Christo puero assimilari.

Vers. 14. 14. QUIA ERGO PUERI COMMUNICARUNT CARNI ET SANGUINI, ET IPSE SIMILITER PARTICIPAVIT EISDEM. — « Communicare carni et sanguini » est esse participem carnis et sanguinis, id est humanæ naturæ, quæ carne et sanguine constat, *q. d.* Quia homines, quos Christus suos pueros et filios vocare dignatur, constant carne et sanguine, id est, natura humana fragili et passibili, hinc eandem induit quoque Christus, factusque est homo fragilis et passibilis. Pulchre S. Augustinus, in *Sententiis*, num. 262 : « Sicut, ait, lac non transit nisi per carnem, ut parvulum pascat, qui panem edere non potest : sic nisi sapientia Dei, quæ panis est angelorum, ad homines dignaretur venire per carnem, nemo ad Verbi divinitatem contemplandam posset accedere. Quia ergo lux a tenebris non poterat comprehendere, ipsa lux mortalitatem subiit tenebrarum, et per similitudinem carnis peccati, participationem dedit luminis veri.

Ex hoc loco, ut recte docet S. Cyrillus, epist. 8 ad *Nestorium*, patet Christum uti carnem, ita et sanguinem humanum assumpsisse, eumque, non mediante carne et venis, sed immediate, ut *verior* habet Theologorum sententia, Verbo univisse : cujus ratio est, quod sanguis, esto non sit animatus, uti caro animata est, proprie pertineat ad veritatem humanæ naturæ, et in Christo fuerit pretium redemptionis nostræ : unde et in consecratione calicis Eucharistiæ, cum sanguine Christi concomitanter ponitur totum suppositum Christi. Idipsum hic satis insinuat Apostolus, cum Christum tam sanguini, quam carni, id est utrique, æque et immediate communicasse significat. Denique tradunt graves auctores, Clementem VI, hanc sententiam ejusdem dicentis sanguinem Christi in triduo mortis ejus non fuisse Verbo unitum, utpote separatum a carne, ideoque nec latraria adorandum fuisse, damnasce, ut erroream in fide.

Idem censent Theologi de reliquis humoribus et spiritibus tum vitalibus, tum animalibus in Christo, scilicet hæc omnia a Christi persona immediate fuisse assumpta et terminata. Secus est de accidentibus corporis et animæ : hæc enim suscepit Christus non immediate, sed mediante

corpore cui inhaerent. Hac de re plura qui volet, videat apud Scholasticos, et inter alios apud Franciscum Suarez, III *part.*, disp. 15, sect. 6.

Ut per mortem destrueret eum qui habebat mortis imperium, — *q. d.* Christus communicavit nostræ carni et sanguini, id est, factus est homo, ut mori posset (quatenus enim Deus est, mori non poterat), idque hoc fine, ut scilicet per mortem suam destrueret diabolus, qui per peccatum nos trahebat in mortem corporis et animæ, tam præsentem quam æternam. Unde *mortis* posteriori loco latius capitur, quam priori : priori enim tantum mortem corporis præsentem et temporariam significat : hanc enim solum obivit Christus ; posteriori vero significat mortem tam corporis, quam animæ, eamque tam præsentem, quam æternam : ad hanc enim pertrahit diabolus, illique præest.

Christus factus homo, ut mori posset.

Nota, diabolus habuisse mortis imperium non eo modo, quo rex et princeps dicitur in suos habere imperium, sed eo modo quo tyrannus ; aut potius eo modo quo carnifex habet imperium in eos qui morti adjudicati, et suæ potestati ac manibus traditi sunt : diabolus enim in homines nullum unquam habuit jus aut legitimum dominium et imperium, sed tantum homines peccantes a justo iudice Deo suæ potestati traditos, quasi carnifex, exagitat et morte mulctat. Dicitur ergo diabolus habere imperium mortis, quia homines impellit in peccatum, et consequenter in mortem. Quod ipse unice cupit, optat et gaudet, eosque qui mortui sunt et damnati, in morte et damnatione perpetua tenet, eisque præsidet et imperat.

Diabolus habet imperium mortis ut tyrannus.

Hinc *secundo*, dicitur Christus destruxisse diabolus, non quod personam aut substantiam diaboli destruxerit et annihilavit, sed quia ejus regnum et imperium destruxit, dum sua morte homines a morte præsentis et æternæ, ac consequenter a potestate dæmonis liberavit, effecitque ut homines a morte ad vitam resurgerent immortalem et æternam : sic enim rex aut tyrannus dicitur destrui, cum ejus regnum aut tyrannis destruitur, puta cum ipse suo regno et potestate tyrannica privatur et despoliatur.

Christus destruxit diabolus.

15. ET LIBERARET EOS QUI TIMORE MORTIS PER TOTAM VITAM OBNOXII ERANT SERVITUTI. — *Servitutem* vocat metum et horrorem mortis, quotidie oculis et menti obversantis : hic enim metus et horror omnes homines quasi servos opprimebat, et quasi vinctos sub se detinebat, mirisque angoribus cruciabat, idque partim ex eo quod mors in se sit horribilis, et, ut ait Aristoteles : « Omnium terribilium hujus vitæ terribilissimum ; » partim et magis ex eo, quod homines nescirent, quo post mortem essent deventuri, quid futurum esset de anima sua separata a corpore : an illa in cælum, an in infernum, an in aliquem alium locum foret releganda ; an beata, an misera esset futura. Imo cum ante Christum plerique essent

Mors est horribilis, unde ?

Dubietas
et anxie-
tas de
statu
futuro
animæ
post
mortem.

impil, et putarent, vel certe suspicarentur animam esse immortalem, nihil aliud post hanc vitam quam æternam mortem, et tormenta gehennæ expectare poterant; sicut reus homicidii cum deducitur in carcerem, ita eum ingreditur, ut non speret se inde nisi ad mortem exiturum.

Ita Adrianus Imperator moriturus, inquit Spartianus in ejus Vita, animæ suæ hoc carmine occinuit: «Animula, vagula, blandula, hospes comesque corporis, quæ nunc abibis in loca, pallidula, rigida, nudula? nec, ut soles, dabis jocos.» Ita Aristoteles moriturus, anxius dixisse fertur: «Nudus in hunc mundum veni, miser vixi, dubius morior, quo venturus sim nescio, altamen tu, Ens entium, Causa causarum, miserere mei,» q. d. Apostolus: Christus liberavit homines ab horrore et angore mortis, effecitque ut homines, qui antea mortem horrebant, quasi æternæ mortis exordium, et sub timore mortis, utpote cum ira et vindicta Dei conjunctæ, ob peccata sua anxii, quasi serviebant, et quasi servi captivi in mortis metu et horrore tenebantur, nunc per Christum a peccato et morte liberati, fidentes et alacres accedant ad mortem, tanquam ad ærumnarum terminum, et melioris vitæ exordium, ut dicant: Vita mihi est in tædio, mors in desiderio: cupio dissolvi et esse cum Christo; mihi vivere Christus est, et mori lucrum. Ita Theophylactus, OEcumenius et alii.

Mors
ærumna-
rum ter-
minus.

Locus
moralis
de morte
non me-
tuenda
Christia-
nis.

Est hic locus moralis, quod Christiani mortem horrere et timere non debeant. Vide Chrysostomum in morali hom. 4, ubi docet Christianos suo tempore pro defunctis orare, psallere, et justa funebria, eo modo quo jam facimus, peragere solitos; insuper ex ritu gentilitio consuevisse adhibere lamentatrices, quæ omnibus fletum et complorationem moverent: sed idipsum, ne scilicet, hæc amplius adhibeant; vetat Chrysostomus sub pœna excommunicationis; eo quod Christiani mortuos suos lugere non debeant, quasi mortuos, sed credere et sperare eos transire per mortem ad vitam meliorem. «Dic mihi, inquit, quid sibi volunt lampades istæ (in funere) tam splendidæ? nonne sicut athletas, mortuos comitamur? Quid etiam hymni? nonne ut Deum glorificemus, et ei gratias agamus, quod jam coronavit discedentem, quod a laboribus liberavit, quod a timore liberatum apud se habet? Nonne propter hoc hymni? nonne propter hoc psalmodia? Omnia ista gaudentium sunt:» Et infra: «Si quis ergo lamentatrices istas conduxerit, per multum tempus eum ab Ecclesia arcebo quasi idololatram.» Et in morali hom. 5: «Si, inquit, tuba pietatis vocaverit, confestim procede et contemne animam, ingredi cum multa alacritate in agonem, rumpe faciem adversario- rum, concide faciem diaboli, statue trophæum. Sanguinis oportet esse plenam Christi vitam: cum tanta ergo alacritate proprium sanguinem effundamus pro Christo, cum quanta aquam quis

effundit; et cum tanta facilitate carnem exuere debemus, cum quanta vestimentum exuimus.»

Scriptis et S. Cyprianus (quem secutus est S. Ambrosius, lib. De Bona mortis) tractatum De Mortalitate, in quo docet Christianis mortem non esse timendam, sed appetendam. Accipe pauca e multis: «Quid, ait, est in mundo et vita hæc nisi pugna cum ira, gula, libidine? Hinc gratulatur Sapiens raptum esse justum, ne malitia mutaret intellectum ejus; ita et Simeon: Nunc dimittis, inquit, servum tuum, Domine, secundum verbum tuum in pace. Fidem resurrectionis non habet, qui ad meliora non festinat. Hinc angelus quemdam mori timentem alloquens et increpans ait: Pati timetis, exire non vultis, quid faciam vobis? Si domus minaretur ruinam, nonne ex ea migraretis? si navis in procella periclitaretur, nonne ad portum confugeretis: mundus hic senescit, et ruinam minatur, quin migras ad Patrem? ubi te charorum turba expectat de sua salute secunda, de tua sollicita.» Quod multis sub finem libri prosequitur. Quare idem Cyprianus, lib. De Laude martyrii: «Quid est, ait, martyrium? delictorum finis, periculi terminus, dux salutis, iter patientiæ, magister domus vitæ, quo profecto etiam ea occidunt quæ in futuro discrimine potuissent tormenta reputari.» Vide dicta Philip. cap. I, vers. 23.

Bona
mortalis.

Ita Conradus Teutonicus, discipulus S. Dominici, vir miræ humilitatis, charitatis et patientiæ, in morbis acerbis semper habebat illud sponsæ in Canticis in ore: «Dilectus meus mihi, et ego illi, donec aspiet dies, et inclinentur umbræ;» prædixit se moriturum in die Nativitatis B. Virginis anno Christi 1239, cui valde erat devotus. Moriturus ergo fratribus circumstantibus dixit: «Scitote, fratres, me mori fideliter, amanter, confidenter et hilariter. Fideliter, quia morior in fide Jesu Christi Domini mei et matris Ecclesiæ. Amanter, quia a die quo indui hunc sanctum habitum, studui me conservare semper in gratia Dei, eique in omnibus quoad poteram placere. Confidenter, quia scio quod post mortem ibo ad domum Domini mei. Hilariter, quia istud punctum mortis in quo me videtis, tantum est transitus a planctu ad risum, a labore ad quietem.» Alius eodem nomine et eodem anno fixe intuens Christum crucifixum cancellatis in crucis formam manibus, facie læta et ridenti dicens: «Educe de carcere animam meam, ut confiteatur nomini tuo, Domine;» terque hunc versiculum repetens oculos cum vita clausit, et in cælum evolavit, uti refert Ferdinandus Castiglius in historia Ordinis S. Dominici, part. I, lib. II, cap. XIX. Idem cap. LXV, narrat F. Romæum ejusdem Ordinis, magnum sui et mundi contemptorem, perpetuo habuisse in ore illum versum Psal. cxxvi: «Cum dederit dilectis suis somnum, ecce hæreditas Domini,» eoque se in omni labore et ærumna exhilare solitum. Cumque moriturus esset anno Christi 1261, Frater qui-

dam absens nesciens eum versari in agone mortis, audit angelos eundem versiculum canentes : unde ad Romæum accurrens, eum agonizantem sancteque morientem reperit. Ibidem narrat F. Bernardum Canzium Tolosanum, insignem prædicatorum, cum moreretur, apparuisse socio cuidam existenti Lugduni in veste candida et lucida, ac cantasse : « Edent pauperes et saturabuntur, et laudabunt Dominum qui requirunt eum, vivent corda eorum in sæculum sæculi. » Ibidem, lib. III, cap. I, narrat F. Munium, qui creatus fuit Episcopus Palentinus, magnæ patientiæ virum; in morte dixisse : « In pace in idipsum dormiam et requiescam, » itaque sancte obdormivisse in Domino. Narrat S. Gregorius, lib. IV *Dialogorum*, cap. XLVII, Merulum spiritu ferventem, vidisse delabi sibi e cælo in caput candidam coronam. Nec mora, ait, morbo correptus abiit ad Dominum hilaris; ejusque e sepulcro post annos quatuordecim, cum circumfoderetur, tanta odoris fragrantia manavit, ac si omnis illic florum aromatumque copia collecta esset.

VERS. 16. 16. NUSQUAM ENIM ANGELOS APPREHENDIT, SED SEMEN ABRAHÆ APPREHENDIT, — id est, Christus non assumpsit angelicam naturam, ut eam repararet, sed humanam ex posteris Abrahæ. Ita passim Patres et Interpretes. Ac S. Bernardus, tract. *De Gradibus humilitatis* : « De Verbo, inquit, Dei dictum est, quod non angelos apprehendit, hoc est non in unam sibi personam assumpsit, sed semen Abrahæ. Neque enim legitur : Verbum angelus factum est, sed, Verbum caro factum est, et caro de carne Abrahæ, juxta promissionem quæ illi primum facta est. » Verum, quia Græcum ἐπιλαμβάνεται est præsentis temporis, non autem præteriti, q. d. Assumit, non autem Assumpsit; falsum autem in præsentis est dicere, quod Christus assummat humanam naturam. Rursum, quia minus congrue et apte dicitur Christum assumere angelos aut semen Abrahæ, pro eo quod diceretur Christum assumere angelicam aut humanam naturam ex posteris Abrahæ, hinc melius noster Interpres vertit, non *assumit*, sed *apprehendit*. » Cujus vim explicans Chrysostomus : Verbum, inquit, ἐπιλαμβάνεται, id est apprehendit, metaphoram habet sumptam ab eo qui magno studio sequitur aliquem, omniaque facit ut fugientem occupet et apprehendat : nos fugiebamur a Deo, ipse nos insecutus est, et velut injecta manu apprehendit nos, nec passus est perire. « Apprehendit » ergo idem est, quod insequitur, et insequendo apprehendit, q. d. Quod hactenus dixi Christum factum esse hominem, ut homines liberaret, id patet ex eo quod Christus angelos lapsos non sit insecutus, nec insequatur, ut eos ad Dei gratiam et salutem revocet et reducat; sed quod insecutus sit homines, dum humanam naturam assumpsit, hominesque ad se vocavit et traxit, et indes insequatur homines lapsos, iisque manus injiciat, uti fecit Saulo, eosque apprehendat, ut eos ad

salutem perducatur. Hinc apte ait Christum apprehendisse semen non Adæ, sed Abrahæ, tum quia scribit Hebræis, qui expectabant Messiam Abrahæ patri suo promissum; tum quia Christus solos eos apprehendit et salvat, qui sunt semen Abrahæ, non secundum carnem, sed secundum spiritum, id est, qui sunt fideles, quique fidem et obedientiam Abrahæ imitantur.

Sic Græcum ἐπιλαμβάνεται alibi sæpe Paulus sumit pro *insequi, assequi, manum injicere et apprehendere*. Ut I *Timoth.* VI, 12, ἐπιλαβοῦ τῆς αἰώνιου ζωῆς, id est, persequere et apprehendere vitam æternam. *Hebr.* VIII, 9, ἐν ἡμέρᾳ ἐπιλαβεμένου μου τῆς χειρὸς αὐτῶν, id est, in die qua apprehendi manum eorum, ut educerem illos de terra Ægypti (1).

17. UNDE DEBUIT PER OMNIA FRATRIBUS SIMILARI, **VERS. 17.** UT MISERICORS FIERET, ET FIDELIS PONTIFEX, — q. d. Quia Christus homines apprehendit, voluitque homo fieri, ut posset esse hominum pontifex, redemptor et salvator, hinc decuit eum per omnia similem fieri aliis hominibus, tanquam fratribus suis : incongruum enim est et indecens, si frater fratri præcellere et dissimilis esse velit. Nota, τὸ per omnia accommodate accipiendum est; non enim Christus peccatum et concupiscentias assumpsit, aut habuit, sicut habent alii homines : « omnia » ergo, scilicet, non quæ culpæ, sed quæ naturæ humanæ sunt communia, puta naturæ humanæ communes dotes et passiones omnes, suscepit Christus. « Nam et nutrimenti, inquit Theodoretus, fuit particeps, sicut et nos, et laborem sustinuit, et anxio fuit animo, et flevit, et mortem subiit sicut et nos. » Hæc enim sola pontificem nostrum et redemptorem assumere decebat. Cum ergo dicit « omnia, » excipe peccatum et concupiscentiam, quæ ad peccatum vergit et trahit : hæc enim excipit Apostolus, capite IV, vers. 15. Rursum excipe naturæ vitia, puta cæcitatem, surditatem, febres aliosque morbos, qui non tam naturæ totius, quam privatorum et certorum hominum sunt defectus et vitia, quæ proinde non decuit Christum suscipere. Morbi enim oriuntur, vel ex imperfecta corporis formatione et vitio seminis, vel ex intemperantia, vel ex inscientia et imprudentia, qua res noxias valetudini ignoramus, vel non advertimus. Horum autem nihil fuit in Christo: Christi enim corpus perfectissimum fuit, utpote formatum a Spiritu Sancto. Rursum Christus temperantissimus erat, omniumque rerum etiam medicarum peritissimus, et longe peritior Adamo, qui in statu innocentiae nulli morbo obnoxius fuit. Christus ergo corpus suum optime temperatum sua temperantia, sapientia et providentia conservabat a noxiis, quæ valetudinem lædere poterant, in perpetua temperie et sanitate. Adde, ubi nulla erat concupiscentia,

Christus omnia naturæ humanæ assumpsit præter culpam et vitia naturæ.

Morborum origo.

Adamus in statu innocentiae et Christus nulli morbo obnoxius.

(1) Græcum ἐπιλαμβάνεσθαι τινος non potest indicare assumere alicujus naturam; sed proprie est *prehendere aliquem*, deinde etiam sæpe *prehendere aliquem opis ferendæ causa, opem ferre*, ut h. l.

nullum decuisse esse morbum, præsertim cum morbus impedimento fuisset laboribus, peregrinationi et prædicationi Christi. Ita ex Damasceno D. Thomas, III *part.*, *Quæst.* XIV, art. 4, et ibidem Suarez et alii. Sensus ergo Apostoli est, *q. d.* Christus non habuit corpus cœleste et impassibile, uti voluerunt Valentiniani; sed terrestre, mortale, passibile, simile nostro, ut fami, frigori, algori, plagis et verberibus esset obnoxium, æque ac nostrum, idque eo fine, ut scilicet « misericors fieret, et fidelis pontifex ad Deum; » id est, ut misereri nostri disceret Christus per experientiam miseriæ nostræ, ejusque sensu tangeretur. Licet enim illam, uti et alia omnia per scientiam infusam optime nosset, tamen non noverat illam per scientiam experimentalem: longe enim aliter ærumnas et miseras cognoscimus, dum eas ipsi experimur, quam dum eas speculamur, vel in aliis intuemur. Rursum passiones nostras suscepit Christus hoc fine, ut « fieret fidelis pontifex, » id est, ut vere et fideliter obiret munus pontificis, quod est, Deum placare et homines Deo reconciliare; illud autem facere non potuit Christus, nisi patiendi et moriendo: nec enim aliter divinæ justitiæ et voluntati satisfieri poterat.

Posset secundo, « fidelis » accipi passive, *q. d.* « fidelis, » id est, talis ob experientiam et condolentiam miseriæ nostræ, cui merito fidere-mus et crederemus nos omniaque nostra. Unde S. Bernardus, tractatu *de Gradibus humilitatis*, sic explicat: « Christus, inquit, humanis voluit communicare miseriis (quod est per omnia fratribus assimilari) ut similiter passis ac tentatis misereri ac compati ipso disceret experimento. Quo quidem experimento non dico ut sapientior efficeretur, sed propinquior videretur, quatenus infirmi filii Adam (quos suos fieri et appellari fratres non designatus est) suas illi infirmitates committere non dubitarent, qui sanare illas et posset ut Deus, et vellet ut proximus, et cognosceret ut easdem passus. »

AD DEUM. — Græce τὰ πρὸς τὸν Θεόν; intelligitur κατὰ, *q. d.* κατὰ τὰ πρὸς τὸν Θεόν, id est, secundum ea quæ spectant ad Deum, quæque apud Deum erant agenda, ut scilicet fidelis esset pontifex iis in rebus, quæ spectant Dei reconciliationem cum hominibus: unde explicans subdit: « Ut repropitiaret peccata populi, id est, ut vertit Vatablus et Erasmus, *ad expiandum peccata populi.*

VERS. 18. 18. IN EO ENIM, IN QUO PASSUS EST IPSE ET TENTATUS, POTENS EST ET EIS QUI TENTANTUR AUXILIARI. — Nota græcismum: In eo in quo passus est, id est, ideo quod passus est, vel quia passus est. Secundo, « tentatus » idem est quod vexatus et afflicus. Unde in Græco deest copula *et*, ita ut τὸ tentatus cohereat cum passus, illudque explicet et inculcet: habent enim Græca sic, ἐν ᾧ γὰρ πεινοῦντο αὐτοὶ παρὰ αὐτοῦ, id est, in eo enim quod ipse passus est cum tentaretur, id est, affligeretur et vexaretur: hoc ipso ergo quo passus est, ten-

tatus est Christus. Sic dicimus nos tentari fame, frigore, feбри, id est, iis affligi, cruciari. Tentatio itaque hic vocatur quævis afflictio et dolor, quia hisce tentatur, id est, probatur et exploratur, cujusque virtus et patientia. Hoc ergo sensu ait S. Jacobus, cap. 1, 2: « Omne gaudium existimate, fratres, cum in tentationes varias incideritis, scientes quod probatio fidei vestræ patientiam operatur. » Alii non improbabiler tentationem a passione distinguunt, eo quod noster interpret ea videtur distinguere dicens: « Passus et tentatus. » Itaque tentationem hanc interpretantur sollicitationem ad malum, qua diabolus Christum et Christianos tentat, et ad peccatum impellit: Christus enim tentatione sua meruit nobis opem et auxilium in omni tentatione. Ubi nota, Christum exterius tantum a diabolo tentationem proponente tentari potuisse; non vero interius a concupiscentia aut motu aliquo phantasie inordinato: hic enim in Christo esse non potuit. Rursum hunc versum OEcumenius, Vatablus et Erasmus ita vertunt, *nam ex hoc quod contigit ipsi tentatum esse, potest et iis qui tentantur auxiliari.* Sic enim Græcum πεινοῦντο, æque ac Latinum « passus est, » subinde capitur pro *contigit*, ut cum dicimus: Quid passus es ut ita rideas et exultes? id est, quid tibi contigit tam lætum ac faustum, ut ita exultes? Verum nostra versio, ac consequenter primus sensus jam datus plenior est, certior et solidior.

POTENS EST ET EIS QUI TENTANTUR AUXILIARI. — Tò potens idem est, quod aptus et idoneus; sic enim hanc Christi potentiam explicat Apostolus, cap. v, vers. 2, cum ait: « Qui condolere possit (id est, idoneus, aptus et facilis sit ad condolendum) iis qui ignorant et errant. » Hunc sensum exigit vox enim, quæ dat causam cur vers. præcedent. dixerit Christum esse misericordem pontificem, quia scilicet potens, id est, aptus et facilis, et proclivis est, ut tentatorum misereatur, iisque auxilietur. Unde Theophylactus, *potens*, inquit, id est pronus, promptus et paratus est ad auxiliandum: qui enim proclives et propensi sunt ad misericordiam, hi maxime apti et idonei, maximeque potentes et efficaces sunt ad auxiliandum. Secundo tamen, S. Chrysostomus τὸ potens proprie capit, datque hunc sensum bene congruum et appositum. Dixerat Apostolus Christum esse pontificem misericordem et fidelem: requireretur tertia conditio pontificis, ut sit potens auxiliari, ne quis putaret hanc in Christo desiderari, ideoque a se omissam esse; hinc Apostolus quasi præoccupans hanc objectionem siddit, de hac conditione non posse esse dubium, *q. d.* Dixi Christum habere omnes conditiones veri pontificis, scilicet misericordiam et fidelitatem; nam quod ad tertiam, scilicet potentiam, attinet, certum est illam Christo non deesse, quia Christus sua tentatione et passione injusta sibi utpote innocenti inflicta meruit dominari

Tentatio et probatio nostræ per afflictiones fit

Christus exterius a diabolo tentari potuit.

Christi ad miserendum et auxiliandum propensio.

Tertia conditio pontificis.

omnibus tam tentationibus et passionibus, quam dæmonibus et hominibus eas infligentibus, ac consequenter meruit, ut possit iis qui tentantur et patiuntur, auxiliari, eosque victores et triumphatores efficere.

Qui tentationes in se vincunt, ut aliis eadem tentatione pulsatis auxilientur, eamque in iis evincant. Ita qui spiritum superbiæ, gulæ, iræ in se domuerint, facile eundem in aliis edomabunt. Ita qui scrupulos in se superarunt, scrupulosos facile sanabunt. Imo sanctorum anachoretarum hic fuit sensus et sententia, ut, quem quisque dæmonem se tentantem superaret, eundem ab aliorum non tantum mentibus, sed et corporibus ab eo obsessis et possessis expulsurum dictitarent. Ut alios taceam, abbas Pityrion, discipulus S. Antonii, ejusque spiritus heres, atque in expellendis dæmonibus potens et efficax, suos idipsum docuit, cum apud Palladium in *Lausiaca*, cap. LXXIV, ita loquitur: « Quisquis, o filii, vult exigere dæmones, prius in servitutem redigat affectiones animi: qualem enim quis superarit affectionem, ejus quoque expellit dæmonem; oportet autem vos paulatim vincere affectiones, ut earum expellatis dæmones. Si quis ergo gulam superaverit, expellit ejus dæmonem. »

Hinc rursum Sancti in cælo beati, qui in hac vita multa passi sunt, invocantur a nobis, ut in eo quod passi sunt, nobis idem patientibus auxiliantur apud Deum. Ita a sanctis virginibus, quæ pro castitate ad mortem usque certarunt, petimus opem in tentatione libidinis. Ita a SS. Martyribus petimus, ut nobis impetrent robur in tentationibus fidei et persecutionibus hæreticorum et infidelium. Ita a S. Job, Eustachio et similibus petimus in infortuniis et adversis patientiam. Quinimo particulatim, in dolore dentium invocamus S. Apolloniam, cui pro Christo excussi sunt dentes. In peste invocamus S. Rochum, cujus insignis charitas in iis qui peste laborabant curandis tota Italia celebratur. In maris tempestate invocamus S. Nicolaum, qui vivens eam miraculose sedavit. In vinculis invocamus S. Leonardum, qui vivens multos vinculis liberavit. In morbo comitali invocamus S. Valentinum; in infamia et ignominia S. Suzzannam: hanc enim ipsa pro castitate subiit, et suis precibus depulit. In aliis morbis et ærumnis alios invocamus Sanctos, qui easdem perpessi sunt. Hæc enim congrua eorum passioni et patientiæ merces a Deo tributa est, ut ad eorum preces Deus simili passione laborantibus opitularetur et succurrere, itaque Sanctos suos glorificare velit et destinaret.

Diversi Sancti, pro diversitate tentationum invocantur.

CAPUT TERTIUM.

SYNOPSIS CAPITIS.

Præfert Christum Moysi, tanquam dominum famulo.

Deinde, vers. 7, ad finem, exemplo patrum qui ob incredulitatem terra promissa exclusi sunt, deterret Hebræos ab apostasia a fide Christi, ne et ipsi cælo excludantur. « Hodie, inquit, si vocem ejus audieritis, nolite obdurare corda vestra, » etc., urgetque hodie.

1. Unde, fratres sancti, vocationis cœlestis participes, considerate Apostolum et Pontificem confessionis nostræ Jesum: 2. qui fidelis est ei, qui fecit illum, sicut et Moyses in omni domo ejus. 3. Amplioris enim gloriæ iste præ Moyse dignus est habitus, quanto ampliorem honorem habet domus, qui fabricavit illam. 4. Omnis namque domus fabricatur ab aliquo: qui autem omnia creavit, Deus est. 5. Et Moyses quidem fidelis erat in tota domo ejus tanquam famulus, in testimonium eorum, quæ dicenda erant: 6. Christus vero tanquam filius in domo sua: quæ domus sumus nos, si fiduciam, et gloriam spei usque ad finem, firmam retineamus. 7. Quapropter sicut dicit Spiritus Sanctus: Hodie si vocem ejus audieritis, 8. nolite obdurare corda vestra, sicut in exacerbatione secundum diem tentationis in deserto, 9. ubi tentaverunt me patres vestri; probaverunt, et viderunt opera mea 10. quadraginta annis. Propter quod infensus fui generationi huic, et dixi: Semper errant corde. Ipsi autem non cognoverunt vias meas, 11. sicut juravi in ira mea: Si introibunt in requiem meam. 12. Videte, fratres, ne forte sit in aliquo vestrum cor malum incredulitatis, discedendi a Deo vivo; 13. sed adhortamini vosmetipsos per sin-

gulos dies, donec Hodie cognominatur, ut non obduretur quis ex vobis fallacia peccati. 14. Participes enim Christi effecti sumus : si tamen initium substantiæ ejus usque ad finem firmum relineamus. 15. Dum dicitur : Hodie si vocem ejus audieritis, nolite obdurare corda vestra, quemadmodum in illa exacerbatione. 16. Quidam enim audientes exacerbaverunt, sed non universi qui profecti sunt ex Ægypto per Moysen. 17. Quibus autem infensus est quadraginta annis? Nonne illis, qui peccaverunt, quorum cadavera prostrata sunt in deserto? 18. Quibus autem juravit non introire in requiem ipsius, nisi illis, qui increduli fuerunt? 19. Et videmus, quia non potuerunt introire propter incredulitatem.

Vers. 1.

Christiani vocati fratres et sancti.

1. UNDE, FRATRES SANCTI, Vocationis COELESTIS PARTICIPES, CONSIDERATE APOSTOLUM ET PONTIFICEM CONFSSIONIS NOSTRÆ JESUM. — Christiani olim vocabantur *fratres*, ob mutuam charitatem et communionem in Christo. Vocabantur et *sancti*, ob sanctitatem baptismo acceptam, et vitæ morumque innocentiam, q. d. Vos, o Hebræi Christiani, vocati estis, non ad bona terrena, quæ in judaismo vobis olim promittebantur, sed ad bona cœlestia possidenda. Considerate ergo non Moysen, non Aaronem olim pontificem vestrum; sed Jesum, qui hujus vocationis est auctor et pontifex. Nota: Vocat Paulus Christum Apostolum, id est, legatum Dei, quem scilicet Deus legavit ad homines, maxime Hebræos, ut eos doceret et Deo reconciliaret. *Apostolus* ergo idem est, quod *Propheta*, doctor et legislator missus a Deo; *Pontifex* autem idem est, quod summus sacerdos, qui Deum placet, oretque pro populo.

Fides et religio est confessio.

Nota secundo : « Confessionem » vocat Apostolus fidem et religionem, quam confitemur et profiteamur : confessio enim hæc non est aliud quam professio fidei et legis Evangelicæ, quam docuit nos Christus tanquam Apostolus, id est Propheta, doctor et legislator, et tanquam Pontifex noster. Ita Theodoretus, Theophylactus, Œcumenius. Aliter S. Thomas et Anselmus : Apostolus, inquit, et Pontifex nostræ confessionis est Christus, quem scilicet omnes Christiani confitemur et agnoscimus esse Apostolum, Pontificem et Salvatorem nostrum (1). Sed prior sensus magis est genuinus : sic enim Apostolus « confessionem » solet sumere pro fide et doctrina, quam confessi sumus in baptismo, ut dixi *Rom. x*, 10.

Christus præstantior omnibus legislatoribus Hebræorum.

Nota tertio : Apostolus, cap. i et ii; ostendit Christum angelis esse majorem, tanquam Deum et Dominum omnium; hoc cap. et seq. descendit ad Moysen et Aaronem, ostenditque eodem argumento Christum iis longe esse præstantiorem : tota enim difficultas Hebræorum, quam habebant in Christo et christianismo, erat, quod a Mose, primo suo legislatore, apostolo et propheta avelli non possent. Hinc illa vox Judæorum ad cæcum a Christo illuminatum, *Joan. ix*, 28 : « Tu discipulus illius sis, nos autem Moysi disci-

puli sumus : nos scimus quia Moysi locutus es Deus, hunc autem nescimus unde sit. »

Paulus ergo hoc cap. et seq. comparat et præfert Christum Moysi, tanquam Apostolum Apostolo; cap. vero vi et seq. comparat et præfert Christum Aaroni, tanquam pontificem pontifici. Licet enim Moses eminenter quoque fuerit pontifex, utpote qui Aaronem in pontificem consecravit, et Deo sæpius sacrificavit, illumque populo reconciliavit, tamen postquam Aaronem creavit pontificem, illi pontificis munia reliquit, ipse vero Apostoli vices primo sibi a Deo delegatas obivit, ut videlicet esset legislator, propheta, doctor et dux populi; donec veniret Christus, novus et summus legislator, propheta, doctor et dux populi, non tantum Hebræi, sed et Gentilis.

Urget ergo hic Apostolus Hebræos, ut a Mose ad Christum, qui jam advenit, transeant quasi a typo ad autotypum, ab umbra ad veritatem : tota enim hac epistola deinceps Apostolus Hebræis, ex allegoria Mosis, Aaronis et legis veteris, probat Christi et christianismi per illa adumbrati veritatem et præcellentiam.

2. QUI (JESUS CHRISTUS) FIDELIS EST EI, QUI FE- Vers. 2.

CIT ILLUM. — « Fecit illum, » scilicet Apostolum et Pontificem : hoc enim repetendum est ex vers. præced. Unde Vatablus vertit, *qui constituit illum*. Christus ergo fidelis Deo fuit Apostolus, qui fideliter nuntiavit hominibus Dei voluntatem et leges; fuit et fidelis Pontifex, quia fideliter redemptionem et expiationem nostrorum peccatorum, etiam cum vitæ suæ dispendio, peregit.

Christus fidelis in apostolatu et pontificatu.

SICUT ET MOYSES IN OMNI DOMO EJUS; — id est, in populo Judaico, qui est domus, id est Ecclesia, in qua habitat et colitur Deus creator, patet vers. 6. In hac ergo Ecclesia veteri fidelis Deo fuit apostolus et legatus Moses : fidelis, inquam, in legislatione, in jussis et oraculis Dei populo annuntiandis, in cura et regimine populi juxta mentem et voluntatem Dei. Citat Apostolus *Numer. xii*, 7. Pulchre Theophylactus : « Quod est, inquit, fidelis procurator vel œconomus in domo, hoc erat Moses in populo Hebræo (2). »

3. AMPLIORIS ENIM GLORIÆ ISTE PRÆ MOYSE DIG- Vers. 3.

(2) οἶκος, domus, et Græcis et aliis gentibus frequenter est familia. Familia autem illa, cui Moses fideliter præfuit, est populus Israeliticus, domus (ἐκκλ.) Israel, ut vocatur *Act. ii*, 36

(1) Ita Rosenmullerus et Allioli.

NUS EST HABITUS, QUANTO AMPLIOREM HONOREM HABET DOMUS, QUI FABRICAVIT ILLAM. — Vox enim dat causam cur dixerit, vers. 4 : « Considerate » non Mosem, sed Jesum; nam licet Moses fidelis fuerit Dei apostolus, uti et Christus fuit; Christus tamen tanto majorem Mose gloriam a Deo adeptus est, quanto major est domo, qui fabricavit illam, id est, quanto architectus domo est præstantior et honoratior, utpote domus opifex. Christus enim est fabricator domus, id est Ecclesiæ Dei; Moses autem in ea tantum fuit famulus et minister Dei, adeoque Moses pars fuit hujus domus, id est Ecclesiæ, fuitque unus e populo Dei: patet ex sequentibus. Nota græcismum, « amplio-rem domus, » id est, amplio-rem domo, vel amplio-rem quam domus ipsa. Ita Chrysostomus, Theodoretus, Theophylactus; hoc enim significat Græcum *πλείονα τοῦ οἴκου*. Male ergo quidam *τὸ domus* explicant *in domo*, vel *ex domo*.

Christus
fabrica-
tor do-
mus
Ecclesiæ.

Vers. 4. 4. QUI AUTEM OMNIA CREAVIT, DEUS EST. — q. d. Christus, qui, ut dixi vers. præced. et cap. 1, vers. 10, domum hanc Dei, id est Ecclesiam, adeoque omnia quæ sunt in rerum natura fabricavit et creavit, Deus est; ac proinde Christus quasi creator et Deus, longe nobilior est Mose, qui cum aliis est Christi creatura. Ita Theophylactus.

Vers. 5. 5. ET MOYSES QUIDEM FIDELIS ERAT IN TOTA DOMO EJUS TANQUAM FAMULUS, IN TESTIMONIUM EORUM QUÆ DICENDA ERANT, — ut scilicet testificaretur et exponeret Judæis, qui erant tunc populus, domus et Ecclesia Dei, ipsius Dei voluntatem. Sicut ergo de S. Joanne dicitur *Apocal. 1, 2*, quod testimonium perhibuerit Verbo, id est, quod vere exposuerit, tanquam verus testis, ea quæ audierat de Christo: ita et Moses testimonium perhibuit verbis Dei, sive iis quæ ex parte Dei dicenda erant populo, quæque Deus Mosen populo dicere et denuntiare volebat. Ita Theophylactus.

Vers. 6. 6. CHRISTUS VERO TANQUAM FILIUS IN DOMO SUA. — Græce *ἐν τῷ οἴκῳ αὐτοῦ*. Quod magis significat super domum, quam in domo sua; unde clarius verti potest: Christus tanquam Filius præest domui ejus, scilicet Dei Patris, eamque ut dominus administrat, cum Moses in ea tantum fuerit famulus.

QUÆ DOMUS SUMUS NOS. — Græca et Græci, Chrysostomus, Theodoretus, Oecumenius legunt, *ὁ οἶκος*, id est, cujus, scilicet Christi, domus sumus nos. Sed concinnius ac rectius, ut fatetur et Beza, noster Interpres legit, *ὁ οἶκος*, id est, *quæ domus*, puta Ecclesia Dei, *sumus nos*.

SI FIDUCIAM ET GLORIAM SPEI USQUE AD FINEM, FIRMAM RETINEAMUS. — Nota primo: Pro *fiduciam* græce est *παρρησίαν*, id est *libertatem*, per quam intelligit liberam et intrepidam fidei professionem, ut nec minis, nec pœnis a fide Christi avel- lamur; sed eam libere, audacter et aperta facie, ut vertit Syrus, coram tyrannis et persecutoribus proficemur, etiamsi ea de causa vincula, rapi-

Fiducia
Christia-
norum
est liber-
tas in
professio-
ne fidei.

nas bonorum, exilia, verbera, adeoque mortem subire debeamus.

Nota secundo: Pro *gloriam* græce est *καύχουσα*, id est, *gloriationem*; « gloriationem spei » per hypallagen vocat spem gloriationis, id est, spem de qua gloriamur. Unde Vatablus vertit, *spem gloriosam*. Vel proprie « gloriationem » spei vocat gloriationem qua in spe nostra firmi et animosi de eadem gloriamur, inquit Chrysostomus, ac si jam obtenta a nobis esset, ita ut fidem et spem nostram de futura beatitudine et gloria palam tam vita, quam verbo deprædicemus, de eaque gloriemur etiam in tribunalibus persecutorum et tyrannorum. Sic *Rom. v, 2*, dicit Apostolus: « Gloriamur in spe gloriæ filiorum Dei. » Spes enim futuræ mercedis facit nos constantes in fide et vita Christiana, adeoque facit nos gloriari in mediis ærumnis et tormentis: hac enim spe multi Martyres in acerbissimis pœnis exultarunt et gloriati sunt.

Gloria
spei
Christia-
næ.

Omnia hæc dicuntur ab Apostolo hoc fine, ut iis Hebræos in fide et vita Christiana confirmet et corroboret, ne ob tentationes et Judæorum persecutiones animo frangantur, langueant et a fide deficient: nihil enim ita corroborat hominem in persecutione et afflictione sicuti spes firma et certa, constansque persuasio et expectatio quod brevi illa afflictione liberabitur, et recipiet mercedem immensam in cælo.

Spes est
robur in
afflictio-
ne.

Ubi nota, Apostolum non qualem qualem spem requirere a Christianis, sed vegetam, fortem, exultantem et gloriantem: hæc enim facit, ut Christianus in quantavis tentatione et tribulatione non nutet, non cedat, sed constans persistat, fortiterque et genere omnia adversa superet et evincat, adeoque in iis lætetur et gloriatur. Unde Chrysostomus hic in *moralium* *hom. 5*: « Cum tanta, ait, animi alacritate proprium sanguinem pro Christo effundere debemus, cum quanta quis aquam effundit: etenim aqua est sanguis irrigans corpus. »

Veræ et
Christia-
næ spei
conditio-
nes.

7. QUAPROPTER SICUT DICIT SPIRITUS SANCTUS: HODIE SI VOCEM EJUS AUDIERITIS, 8. NOLITE OB DURARE CORDA VESTRA. — « Ejus, » scilicet Christi: hic enim præcessit. Citat Apostolus *Psal. xciv*, quo David generatim invitat omnes ad Dei creatoris et gubernatoris cultum, id est laudem, obedientiam, ut illum quasi pastorem suum, se vero quasi oves ipsius, ab eo pasci, ali et regi agnoscant, colant, ad eumque toto corde transeant, inquit Hieronymus ibidem. Videtur autem conscriptus hic psalmus ad festum aliquod solemne, in quo frequens conveniret populus, ut hoc psalmo ad Dei laudem excitaretur. Imo Theodoretus vult hunc psalmum esse propheticum, videlicet a Davide compositum esse in persona Josiæ, post trecentos annos nascituri, ut eo uteretur Josias cum, sublatis idolis, populum Deo reconciliaturus erat, *IV Reg. xxii et xxiii*. Unde ait: « Venite, exultemus et jubilemus, » quasi victores et triumphatores de abolita impietate et ido-

Vers. 7
et 8.

Scopus et
sensus
psalmi
xciv.

Invitato-
rium
officii
Eccle-
siastici
unde
desump-
tum.

lis. Sed quidquid nac de re sit, videtur ad hoc composuisse eum David, ut quovis festo et conventu populi, praesertim solemniori, praecinere-
tur ad devotionem tum Levitarum, tum populi in psalmodia, precibus et sacrificiis excitandam. Unde etiamnum a clericis in officio divino quasi invitorium ad psallendum et orandum praeci-
nitur. Nam psalmi a Davide compositi sunt pro omnibus tam Christianis, quam Judæis. Voluit enim David, ut iis quasi sacris carminibus om-
nes psallerent, Deumque laudarent et invocarent; unde generatim saepe et indefinite loquitur David, ut patet hoc *Psalm. xciv*.

Quæres: Quomodo ergo Paulus hic eum appropriat Christo, et quomodo per vocem ejus intelligit vocem Christi, cum David intelligat vocem Dei loquentis ad suos Judæos?

Respondeo: Paulus ex dictis cap. I, praesupponit Christum esse Deum, adeoque fuisse opificem et legislatorem veteris Synagogæ, ita ut legem dederit Judæis per Mosem tanquam per famulum suum, uti paulo ante hic præmisit, *q. d.* Christus est, o Hebræi, Deus, et Dei Filius, qui locutus est per Mosem, quique per Davidem dixit: «Hodie si vocem ejus audieritis,» sive vos qui jam vivitis Judæi, sive vos qui tempore Christi incarnati futuri estis Christiani, «nolite obdurare corda vestra,» sed molli corde excipite dicta illius, illi obedite, nec ullo pacto ab eo desciscite. Ad Christum enim et Christianos quoque, non autem ad solos Judæos hunc psalmum pertinere, patet ex eo quod ait: «Jubilemus Deo salutare,» id est salvatori, sive Jesu, «nostro. Præoccupemus faciem ejus,» id est, maturemus mane ante lucem venire ad Deum, qui tantam salutem nobis attulit; «in confessione,» hebraice כְּתוּדָה *betoda*, id est, in laude, et ut, Hieronymus vertit, in gratiarum actione. Licet enim Deus in veteri Testamento salvator Judæorum dici possit, quod eos a Philisteis aliisque hostibus saepe liberarit; tamen longe perfectius Christus dicitur Salvator, qui in novo Testamento Christianos a peccato, morte et inferno salvat, salutemque et beatitudinem æternam eis confert.

Vers. 8.

Judæo-
rum re-
belliones
et mur-
muratio-
nes.

8. SICUT IN EXACERBATIONE, SECUNDUM DIEM TENTATIONIS IN DESERTO, — *q. d.* Nolite obdurare corda vestra, itaque me exacerbare, sicut patres vestri obdurantes corda sua me exacerbarunt. «Secundum diem,» id est in die, «tentationis in deserto,» per quadraginta annos murmurantes et rebellantes tam contra Mosem, quam contra me; praesertim vero in Raphidim, cum ob defectum aquæ pene lapidarunt Mosem, unde Moses ex petra aquam eis impetrare debuit. Alludit enim Apostolus ad *Exodi xvii, 7*, ubi hac historia narrata additur: Et vocavit nomen loci ejus מַסָּה *massa*, id est tentatio, וּמִרִיבָה *umeriba*, id est, et jurgium, sive contentio, qua Judæi jurgantes contra Mosem, Deum exacerbarunt.

9 et 10. UBI TENTAVERUNT ME PATRES VESTRI, PROBAVERUNT ET VIDERUNT OPERA MEA QUADRAGINTA ANNIS. — Nota τὸ *quadraginta annis* tam posse referri ad præcedentia, scilicet ad τὸ *probaverunt et viderunt opera mea*, uti refert Paulus hic, quam ad sequentia, hoc modo: *Quadraginta annis proximus, vel infensus fui generationi huic*, uti legunt Aquila, Symmachus et noster Interpres, *Psalm. xciv, 10*, quin et Paulus infra vers. 17. Unum enim ex alio sequitur: quia enim Judæi 40 annis, quibus peregrinati sunt per desertum, tentaverunt Deum, hinc totidem 40 annis offensus fuit illis Deus, adeoque omnes in deserto morte consumpsit, et solos eorum filios cum Josue et Caleb, in terram promissam induxit.

Nota: Ad τὸ *probaverunt* Græci addunt *μή*, id est *me*; sed idem est sensus: *me enim idem est quod opera mea*.

Secundo, Adamus sic exponit: «Probaverunt,» id est, cum probassent; sed hoc non coheret cum quadraginta annis: nec etiam postquam probassent et experti essent Hebræi mira Dei opera quadraginta annis in deserto, tentaverunt eum in Raphidim; illa enim tentatio contigit primo aut secundo anno post egressum eorum ex Ægypto.

Planus ergo est sensus, *q. d.* In deserto tentaverunt me patres vestri; probaverunt, id est exploraverunt, opera mea, videruntque ea esse irreprehensibilia, potentia, fidelia et divina, ut ex iis facile agnoscere possent me esse eorum fidelem et omnipotentem Dominum, ducem et protectorem, cui obedire, cui credere, in quem sperare deberent: sed idipsum non fecerunt, unde eis semper offensus fui et mansi (1).

10. PROPTER QUOD INFENSUS FUI GENERATIONI HUIC. Vers. 10

— Ita legendum, *infensus* scilicet, non *proximus*: ita enim legit Paulus hic, et Interpres noster *Psal. xciv*, et hoc exigit Hebræum אָקוּט *acut*, id est *nauseari*, ultra eos ferre non sustinens, stomachatus, offensus sum eis; hinc S. Hieronymus vertit, *displicet mihi generatio ista*; Aquila et Symmachus, *displicet mihi in generatione ista*; Syrus, *tædium mihi fuit generatio hæc*.

Dices: Quomodo ergo in officio divino canimus: «Quadraginta annis proximus fui generationi huic,» sensu, ut videtur, contrario; qui enim infensus est alicui, non solet illi esse proximus. Respondeo: Hæc varia lectio accidit ex eo quod Græcum προσῶντα sit ambiguum: significat enim irasci et offendi, significat etiam approximare, vel ad littus appellere: ἔλθω enim significat vel ripam, vel littus. Hic vertendum esse *offensus fui*, non autem *proximus*, patet ex Hebræo, Aquila, Symmacho, Hieronymo, uti jam dixi. «Proxi-
mus» ergo sic exponendum est, *q. d.* Proximus

(1) Vers. 9. Ubi tentaverunt me (de mea aut potentia, aut bonitate dubitando) majores vestri. Dubitarunt de potentia mea, quanquam per 40 annos opera mea perspiciebant. Ita multi.

Vers. 9
et 10

Varietas
lectionis
in psal-
mo xciv.

fui, scilicet ut hostis ad ulciscendum et puniendum duos et rebelles Judæos; hoc enim idem est quod *offensus fui*. Ita passim recentiores.

ET DIXI: SEMPER ERRANT CORDE, — *πλανῶνται τῇ καρδίᾳ*, id est, vecordes sunt et dementes, et insaniant, ut non cognoscant vias meas, id est, mandata mea, quibus quasi viis ad me et ad salutem suam insistant et contendunt.

Vers. 11. 11. QUIBUS JURAVI IN IRA MEA. — Pro quibus, legit Interpres in Græco *ἐν*, jam legunt *ἐν*, id est sicut. Sed nostra lectio magis congrua est, et proprie respondet Hebræo *וַיִּשְׁבַּע* *ascendit*, id est quibus (1).

SI INTROIBUNT IN REQUIEM MEAM. — «Si» apud Hebræos particula est jurantis, eratque apud priscos Judæos nota juramenti execratorii, in qua subaudiendum est: Si hoc fiat, non *sim Deus*, non *sim verax*, aut quid simile. Hoc enim per euphemismum subticent Hebræi. Inde «si» translatum est ad quodvis juramentum, valetque idem, quod *non*. Ut I Reg. xiv, 45: «Vivit Dominus, si ceciderit capillus de capite ejus:» hic enim nil subauditur, sed sensus est, Juramus per vitam Dei, quod non cadet capillus de capite ejus, id est, quod non permittemus occidi aut tangi Jonatham.

Nota: Per *requiem* intelligit terram promissam, scilicet Chanaan, in qua a labore peregrinandi, quem subierant in deserto, quieverunt Hebræi, ut eo quasi fine et bravio extimulet Hebræos ad constantiam in fide, q. d. Finis et præmium laborum quos subierunt Hebræi peregrinantes in deserto, fuit requies in Chanaan, in quam induxit eos Josue: finis vero laborum et dolorum quos subeunt Christiani in hac vita, est requies æterna in cœlis, adumbrata per Chanaan, in quam inducit nos Jesus; ac proinde videte, o Hebræi, ne discedatis, græce *ἀποστήναι*, id est, apostatetis a Deo, apostatando scilicet a fide et lege Christi, qui est Deus noster verus, vivus et efficax ad vindicandam hanc sui injuriam.

Vers. 13. 13. SED ADHORTAMINI VOSMETIPROS PER SINGULOS DIES, — ad perseverandum in fide, in spe et in persecutionum tolerantia, quasi generosi milites et athletæ Christi.

DONEC HODIE COGNOMINATUR, — id est, donec vivitis: alludit ad versiculum citatum *Psal. xciv*: «Hodie si vocem ejus audieritis,» urgetque *hodie*. Nota: *Hodie* significat tempus præsens vitæ, gratiæ et pœnitentiæ, quod cuique datur: illo enim *hodie* illud ipsum quod *Psal. 94* olim Judæis locutus est Deus, nunc et quibusvis sæculis cuilibet homini loquitur, scilicet: «Hodie si vocem audieritis, nolite obdurare corda vestra.» Quamdiu enim spiramus et vivimus, est *hodie*; quamdiu licet audire, credere et converti, est *hodie*. Qui ante centum, ducentos, trecentos, mille annos vixerunt, habuerunt suum *hodie*, id est suum tempus audiendi Christum, suum tempus procurandæ suæ salutis: illis hoc jam transiit

videturque tantum *hodie*, id est una dies, fuisse. Nobis adhuc superest *hodie*, si non totum, certe aliqua ejus pars; utamur nostro *hodie*, crastinum nunquam habituri. «Sera dies nimis est crastina, vive hodie.» Ita Chrysostomus et Oecumenius. Eodem modo S. Antonius morituros fratres hortabatur et excitabat ad studium virtutis dicens: «Hodie vos religiosum institutum inchoasse quotidie cogitate.» Sic et Barlaam ad Josaphat apud Damascenum: «Cogita, inquit, hodie te cœpisse Deo servire, hodie te idipsum finitum;» cogita hodie primum et ultimum fore diem quo Deo servis et servies: ita fiet ut semper alacer omne tedium vincas, et alacriter in Dei obsequio progrediaris.

Subdole Calvinus et Beza, «hodie,» inquit, adest, quamdiu nos vocat Deus: tamdiu enim durat dies hic et non amplius; quasi usque ad certum vitæ tempus tantum vocet nos Deus, quo exacto frustra speretur Dei gratia et vocatio; cum tamen Patres passim dicant, in hac vita semper nobis nostrum esse *Hodie*, semper tempus esse pœnitendi et convertendi se ad Deum. Adde, quod «hodie» a vocatione Dei distinguat Apostolus et Psalter, ut patet ex eo quod ait: «Hodie si vocem ejus audieritis.» Quibus verbis aperte subindicat et præsupponit, posse esse *Hodie*, in quo non audiat Dei vox et vocatio, illud enim exigit conditionalis conjunctio *si*.

UT NON OBDURETUR QUIS EX VOBIS FALLACIA PECCATI. — Id est, ne illecebris peccatorum fallacibus capti obdurescat ad vocem Dei, ne scilicet bonorum temporalium amore desciscatis a fide Christi, dum illa timetis perdere, cum Judæisus a Mose ad Christum conversos iis dispolient.

14. PARTICIPES ENIM CHRISTI EFFECTI SUMUS, — q. d. Christo tanquam corpori et capiti nos quasi partes et membra insiti sumus per fidem, baptismum et gratiam; unde Syrus vertit *אֶתְחַלְלָתָן*, *etichallatan*, id est, commixti sumus cum Christo, Christo concorporati, ac consequenter vitæ, gratiæ, gloriæ et hæreditatis Christi participes facti sumus. Videamus ergo ne res tantilla, puta bona caduca, a Christo, a tanta dignitate, a tantis bonis nos separent et avellant.

SI TAMEN INITIUM SUBSTANTIÆ EJUS USQUE AD FINEM FIRNUM RETINEAMUS. — Pro substantiæ græce est *οὐσιώσας*, id est substantiæ. «Initium substantiæ,» vel subsistentiæ, vocat fidem, per quam primo cœpimus quasi subsistere in substantia spiritali et divina, factique sumus divinæ consortes naturæ. Per fidem enim regenerati sumus in baptismo, cœpimusque esse nova Christi creatura. Fides ergo est initium substantiæ nostræ, sive subsistentiæ spiritalis, id est, nostræ justificationis, qua facti sumus novi homines, scilicet Christiani, spirituales et divini. Ita S. Chrysostomus, Theodoretus, Theophylactus, Oecumenius, q. d. Participes quidem facti sumus Christi, Christoque insiti; sed id nobis non proderit, nec Christi

Non est differentia bona vita in crastinum.

Error subdole Calvini et Beza.

Requies Judæorum terra promissionis; requies Christianorum æterna.

Hodie significat tempus præsens vitæ, gratiæ et pœnitentiæ.

Fides initium substantiæ nostræ spiritalis.

(1) Rectius: *ἐν* vertendum itaque, ut Hebræum *אֲשֶׁר*.

gloriam et hæreditatem æternam participabimus, nisi in fide Christi persistamus. Sub fide spem, gratiam, charitatem, omnesque fidei proles et fructus intellige, ut dixi *Can. 3 et 4*. Rursum, « initium, » græce ἀρχή, vocat fundamentum fidei: quia cujusque rei fundamentum, in ea primum est, estque rei initium; ὑπόστασις autem, id est substantiam, vocat ipsam fidem cap. *xī, 1*. Ita Maldonatus in *Notis manuscript.*

Alii putant fidem vocari « initium substantiæ, » quia per fidem constanter in christianismo subsistimus et persistimus: fides enim proponens nobis spem futuræ mercedis et gloriæ nos sustentat, et quasi facit subsistere in adversis et persecutionibus fortes et immobiles a Christo. Sic enim cap. *xī*, dicit Apostolus: « Fides est substantia rerum sperandarum. » Verum, quia hic non additur τὸ *sperandarum*, et quia substantia simpliciter naturam et essentiam, non autem constantiam significat, hinc prior sensus germanior est.

Vers. 15. 15. DUM DICITUR: HODIE SI VOCEM EJUS AUDIERITIS. — Pendet hæc sententia a *vers. præced.*; explicat enim quid sit τὸ *usque ad finem*, scilicet, idem esse, quod *dum dicitur, Hodie*, id est, dum præsens agitur tempus vitæ nostræ, dum vivimus et vocem Dei audimus, ne obduremus cor et exacerbemus Deum, itaque requie cœli excludamur, sicut olim Judæi sua obduratione exacerbarunt Deum, ideoque mortui sunt in deserto, et a requie terræ promissæ exclusi sunt.

16. QUIDAM ENIM EXACERBAVERUNT, SED NON UNIVERSI. — Quia non Josue, non Caleb, non parvuli, non mulieres, non Levitæ. Ili enim non murmurarunt contra Mosem, nec exacerbarunt Deum, ideoque uti culpæ, ita et pænæ expertes fuerunt, salvique et incolumes ingressi sunt terram promissam Chanaan. Vide dicta *Num. xiv, vers. 29*. Innuit Apostolus hic aliquos Hebræos a fide Christi, metu persecutionis defecisse, sed non omnes: illos ergo qui adhuc in fide persistebant hortatur, ne illos timidos a fide deficientes imitentur, nisi cœlo excludi velint: sed potius alios constantes in fide intueantur et æmulentur.

PER MOYSEN, — duce Mose.

17 et 18. QUIBUS AUTEM INFENSUS EST, NISI ILLIS QUI INCREDULI FUERUNT? — Id est, qui non credentes Mosi et diffidentes de Dei promissis, desperabant se posse obtinere terram Chanaan, ideoque reverti volebant in Ægyptum: qua de causa morte a Deo puniti sunt, et corpora eorum prostrata sunt in deserto. Incrudulitatem tantopere inculcat et perstringit Apostolus, ut ab ea Hebræos avertat, et in fide Christi tot persecutionibus tentatos et vacillantes confirmet.

19. ET VIDEMUS, QUIA NON POTUERUNT INTROIRE, — *q. d.* Uti juravit et comminatus est Deus, ita re ipsa executus est: scimus enim, et re ipsa videmus illos incredulos et murmurantes non potuisse ingredi in Chanaan, *q. d.* Idem nobis eveniet, ut, nisi Deo minanti obtemperemus, ipsique credamus et fidamus, re ipsa excludamur cœlo.

CAPUT QUARTUM.

SYNOPSIS CAPITIS.

Hortatur Hebræos ad constantiam in fide Christi, ut per Christum, in requiem æternam admittantur. Hanc enim docet, vers. 7, promissam esse Christianis, sicut Judæis promissa et data fuit requies sabati, et requies in Chanaan.

Hinc secundo, vers. 11, deficientibus a fide Christi minatur exclusionem a requie cœlesti: vivus est enim sermo Dei et efficax, vindicæque apostasiæ.

Tertio, vers. 14, rursum hortatur ut Christum, æque ac ipsos tentatum per omnia, ipsisque compatiens fidenter adeant et invocent.

1. Timeamus ergo ne forte, relicta pollicitatione introeundi in requiem ejus, existimetur aliquis ex vobis deesse. 2. Etenim et nobis nuntiatum est, quemadmodum et aliis: sed non profuit illis sermo auditus, non admixtus fidei ex iis quæ audierunt. 3. Ingrediemur enim in requiem, qui credidimus, quemadmodum dixit: Sicut juravi in ira mea: Si introibunt in requiem meam: et quidem operibus ab institutione mundi perfectis. 4. Dixit enim in quodam loco de die septima sic: Et requievit Deus die septima ab omnibus operibus suis. 5. Et in isto rursum: Si introibunt in requiem meam. 6. Quoniam ergo superest introire quosdam in illam, et ii, quibus prioribus annuntiatum est, non introierunt propter incredulitatem: 7. iterum terminat diem quemdam, Hodie, in David dicendo, post tan-

tum temporis, sicut supra dictum est : Hodie si vocem ejus audieritis, nolite obdurare corda vestra. 8. Nam si eis Jesus requiem præstitisset, nunquam de alia loqueretur, posthac, die. 9. Itaque relinquitur sabbatismus populo Dei. 10. Qui enim ingressus est in requiem ejus, etiam ipse requievit ab operibus suis, sicut a suis Deus. 11. Festinemus ergo ingredi in illam requiem, ut ne in idipsum quis incidat incredulitatis exemplum. 12. Vivus est enim sermo Dei, et efficax, et penetrabilior omni gladio ancipiti : et pertinens usque ad divisionem animæ ac spiritus, compagum quoque ac medullarum, et discretor cogitationum et intentionum cordis. 13. Et non est ulla creatura invisibilis in conspectu ejus : omnia autem nuda et aperta sunt oculis ejus, ad quem nobis sermo. 14. Habentes ergo pontificem magnum, qui penetravit cœlos, Jesum Filium Dei, teneamus confessionem. 15. Non enim habemus pontificem, qui non possit compati infirmitatibus nostris; tentatum autem per omnia pro similitudine absque peccato. 16. Adeamus ergo cum fiducia ad thronum gratiæ, ut misericordiam consequamur, et gratiam inveniamus in auxilio opportuno.

Vers. 1. 1. TIMEAMUS ERGO NE FORTE, RELICTA POLLICITATIONE INTROUNDI IN REQUIEM EJUS, EXISTIMETUR ALIQUIS EX VOBIS DEESSE. — Est metalepsis in verbo *timeamus*, *q. d.* Timeamus, et timendo caveamus ignaviam et inconstantiam, ne vel metu malorum, vel amore bonorum temporalium desciscendo ad judaismum, relinquamus fidem et spem quietis et gloriæ æternæ, a Christo fidelibus suis promissæ; ita ut « existimetur aliquis ex vobis deesse, » id est, ita ut videatur aliquis jam ab itinere et introitu in requiem illam, puta in cœlum, jam defecisse, alioque mentem et iter reflexisse, ideoque requie illa esse privatus et exclusus. Sicut in hujus rei typum multi Judæi requie Chanaan et terra promissa, lacte et melle manante, dum murmurant et redire volunt in Ægyptum, exclusi sunt, mortui sunt in deserto (1).

Nota : Græcum *ὑποσπναι*, quod noster Interpres vertit *desse*, tam deficere et desciscere, ut vertit Syrus, quam privari significat.

Nota *secundo* : Molliendo dicit « existimetur, » pro *inveniat*, aut *sit* (2). Ita Theophylactus. Græce *δοκῆν*, id est, *ne videatur*, hoc est, ne videri possit : sumitur enim potentialiter. Maldonatus in *Notis manuscript.* vertit, *ne contingat aliquem deficere*.

Nota *tertio* : Assurgit Apostolus a typo ad antitypum, id est, a Judæis requie Chanaan, de quibus egit cap. præced.; ad Christianos requie cœli ob apostasiam exclusis, vel potius excludendis.

Vers. 2. 2. ETENIM ET NOBIS NUNTIATUM EST, QUEMADMODUM ET ILLIS. — Græce *καὶ γὰρ ἔσμεν εὐαγγελισμένοι*, id est, etenim sumus evangelizati, id est, Evangelium, sive lætum nuntium accepimus æque

(1) « Relicta, » id est *neglecta*. Alii : Cum promissio et spes introeundi in requiem ejus *adhuc reliqua*, seu *residua sit*.

(2) Verba *δοκῆν* et *φαίνεσθαι*, ut latinum *videri*, sæpe redundant. Sic Cicero in fine periodorum ponit *esse videatur*, pro *sit*.

ut illi, scilicet Hebræi. Hebræi enim acceperunt Evangelium de possidenda terra Chanaan; nos vero Christiani accepimus Evangelium de possidendo regno cœlorum. Quod ergo David *Psal.* xciv, vocat Dei vocem, dicens : « Hodie si vocem ejus audieritis, nolite obdurare corda vestra » (hoc enim citavit Apostolus cap. præced., vers. 7, atque hic perurget), Paulus hic explicat et vocat Evangelium; ex quo rursus liquet Evangelium non tantum promissa læta, uti ejus etymon sonat, sed et minas poenasque complecti. Talis enim est illa quæ sequitur, vers. 3 : « Sicut juravi, » incredulis et obedientibus, « in ira mea : Si introibunt in requiem meam. » Qua de causa Noster non vertit, *evangelizatum est*, sed « nuntiatum est, » quod tam tristia quam læta, tam supplicia quam præmia comprehendit.

SED NON PROFUIT ILLIS SERMO AUDITUS, NON ADMIXTUS FIDEI (id est, non receptus fide, nec creditus a Judæis) EX IIS (id est, secundum ea) QUÆ AUDIERUNT, — *q. d.* Non profuit Hebræis hocce suum Evangelium, hocce suum lætum nuntium, quia quæ a Deo per Mozen audierunt, scilicet quod Dei ope Chananæos essent superaturi, et in eorum terram tam fertilem quiete ingressuri, non crediderunt, unde desperantes reverti voluerunt in Ægyptum.

Urget Apostolus non mores impios, sed infidelitatem Judæorum; quia hoc tantum proposito ejus serviebat, ut nimirum ex ea, ejusque punitione, Hebræos Christianos ab apostasia deterreat, et in fide Christi confirmet, ne ob persecutiones ab ea deficiant.

Nota : Pro *admixtus* græce est *συμμεσπόμενος*, quod significat vinum, aliunde potum, aqua, aliove liquore mixtum, dilutum et temperatum, *q. d.* Sermo hic, sive Evangelium, et promissio Dei, de re tam ardua et difficili, scilicet Chananæis fortissimis subjugandis, fuit Hebræis instar vini meri et potentis, quia superavit eorum opinionem et æstimationem, visusque fuit eis incredibili-

Infidelitas Judæorum.

Objectionum fides est instar vini meri et potentis.

lis, quia illud quasi merum hauserunt, id est, quasi rem nimis arduam, nimis potentem, impossibilem acceperunt, nec aqua fidei miscuerunt et temperarunt, uti legit S. Augustinus in *Psal. LXXVII*. Si enim credidissent Deum esse fidelissimum æque ac potentissimum, credidissent sane Deum promissis saturum, seque inducturum in Chanaan, itaque Deum ducem secuti, illique credentes et fidentes penetrassent in Chanaan : jam quia res tantas, metientes eas viribus suis, non crediderunt, hinc diffidentes et reverti volentes, promissione hac exciderunt, nec Chanaan ingressi sunt, itaque omne hoc Evangelium eis non profuit.

Varietas
lectionum
hujus
loci, et
geminas
lecturas.

Nota secundo : Pro συγκατάμενος Græca jam legunt in accusativo, μὴ συγκαταμένους τῇ πίσει τῶν ἀκούσασιν, id est sermo auditus non profuit, non admixtis vel commixtis fide iis qui audierunt; verbum enim ὡφέλησον poscit apud Græcos accusativum, uti profuit apud nos poscit dativum, *d. q.* Sermo hic quo Deus promisit Hebræis terram Chanaan, non profuit Hebræis qui per fidem non sunt commixti cum Josue et Caleb, qui duo soli audierunt, id est crediderunt. Ita Chrysostomus et Theophylactus. Unde aliqui cum Cajetano hic legunt, non profuit sermo non admixtis fidei iis qui audierunt, id est, non profuit sermo audientibus, quia non erant admixti fidei, id est quia non crediderunt. Verum, ut recte advertit Ribera, vera lectio hujus loci esse videtur hæc : « Sed non profuit illis sermo auditus, non admixtus fidei, iis (id est, in iis) qui audierunt. » Sic enim habent Græca, Græci et Syrus, *q. d.* Non profuit hic sermo, hoc Evangelium, sive lætum nuntium de requie et possessione Chanaan Hebræis, qui illud a Deo per Mosem audierunt : quia licet initio, cum hac spe egressi sunt ex Ægypto, Deo id promittenti crederent, postea tamen auditis exploratoribus dicentibus, Chananæos esse viros fortissimos, habereque urbes inexpugnabiles, a fide hac defecerunt : ita pariter vobis Christianis, o Hebræi, non proderit hocce Christi Evangelium, quo promittit regnum cælorum, audisse et credidisse, si metu persecutionum a Christi fide deficiatis; quare persistite in fide Christi, ut prosit vobis Evangelium, ac re ipsa promissam in eo hereditatem regni cælestis cernatis et adeatis.

Nunquam
a
hæc de-
ficiendum.

Vers. 3. 3. INGREDIEMUR ENIM IN REQUIEM, QUI CREDIDIMUS : QUEMADMODUM DIXIT : SICUT JURAVI IN IRA MEA : SI INTROIBUNT IN REQUIEM MEAM : ET QUIDEM OPERIBUS AB INSTITUTIONE MUNDI PERFECTIS. — Græce εἰσέλθωμεν, ingredimur, id est, ingredi incipimus et pergitur, tendimusque ut in eam re ipsa ingrediamur : significatur enim actus ingrediendi non completus, sed inchoatus et continuatus, juxta *Can. 32*.

Nota : Vox enim dat causam, cur vers. 1 dixerit : « Timeamus ne forte, relicta pollicitatione, existimetur aliquis ex vobis deesse, » *q. d.* Timeandum est vobis, ne frustremini spe cælesti, si

relinquatis fidem Christi, in qua vobis eam promisit Deus : nam si fidem hanc constanter retineatis, nihil vobis est timendum ; certo enim requiem illam ingrediemini. Id probat ex citato vers. *Psal. xciv* : « Sicut juravi in ira mea, si introibunt in requiem meam. » Estque argumentum a contrario, *q. d.* Soli increduli Hebræi non sunt ingressi terram Chanaan; omnes autem credentes eam ingressi sunt : ergo sicut sola incredulitas illos ab ea exclusit, ita fides hos in eam induxit. Atqui Hebræi credentes et increduli Mosi, significabant allegorice homines credentes et incredulos Christo; rursum requies Chanaan significabat requiem cæli. Ergo pariter soli illi requie cæli excludentur, qui Christo credere et obedire noluerunt : omnes vero qui credunt et obediunt Christo, in eoque perseverant, hanc cæli requiem ingredientur.

Soli per-
severan-
tes digni
requie.

Nota secundo : Pro sicut, legit Interpres in Græco ὥς, cum supra vers. 11, cap. III, legerit ὡς, id est quibus, ut ibi dixi. Hic versus Hebræis acrem dat stimulum, quo pariter S. Cyprianus, tract. *De Laude martyris*, Christianos in persecutione Decii ad martyrium exstimulat : « Meminisse, inquit, debes velut quadam te fœderis pactione constrictum, ex qua aut capessendæ salutis sit justa conditio, aut pœnæ merita formido. Stas inter adversa pariter ac prospera, arma inter et tela, hincque te sæcularis ambitio, inde cælestis admonet magnitudo. Ante oculos tibi, quæso, concurrant oblata et præmia, et parata discrimina. Cælo Martyres gaudent, veritatis inimicos ignis absorbit. Paradisus Dei testibus floret, negatores gehenna complexa æternus ignis inardescit. » *Inardescit*, id est comburit, scilicet ipsa gehenna, quæ non est aliud quam æternus ignis; est enim appositio. Sic Virgilius, *Georg. IV*, dicit : « Ardebat Sirius Indos. »

ET QUIDEM OPERIBUS AB INSTITUTIONE MUNDI PERFECTIS. — Est occupatio, per quam ascendit Apostolus ad explicandam anagogem sabbati, ut ex ea, et ex requie in Chanaan, evincat per verba citata *Psal. xciv* : « Hodie si vocem ejus audieritis, nolite obdurare corda vestra, sicut exacerbarunt me patres vestri in deserto; quibus juravi in ira mea : Si introibunt in requiem meam : » hinc, inquam, evincat restare Christianis tertiam requiem in cælo, *q. d.* Duplex requies olim promissa fuit a Deo patribus nostris. Prima requies fuit sabbati, qua Deus *Genes. II, 3*, in honorem et memoriam suæ creationis et quietis jussit homines quiescere ab operibus die septimo. Secunda requies fuit in Chanaan : atqui David, cum *Psal. xciv* loquitur de requie, eamque tacite credentibus promittit, non loquitur de requie diei septimi sive sabbati, quia in illam jam pridem inducti erant homines, scilicet ab initio mundi, cum Deus, operibus suæ creationis perfectis, sanctificavit diem sabbati, jussitque homines illo die quiescere et suam requiem imitari. David etiam

Duplex
olim
Judæis
promissa
requie

Tertia
requies
adum-
brata per
duas
prioras.
Cultus et
requies
sabbati
in usu
fuit ante
legem
Mosis, ab
origine
mundi.

non loquitur de requie in Chanaan, ut patebit vers. 6 et 7. Ergo fatendum est quod David loquatur de tertia requie in cœlo, eamque promittat fidelibus et Christianis, si in fide Christi persistent. Hæc omnia magis patebunt vers. 7.

Hinc satis clare elicitur et evincitur, sabbati cultum et requiem in usu fuisse apud homines ante legem Mosis ab origine mundi (licet id negat Abulensis in cap. xxiii *Levit.*, Quæst. III), ut scilicet diem septimum homines colerent, eoque a laboribus quiescerent in memoriam et gratiarum actionem creationis tam sui, quam totius mundi, quam Deus complevit die septimo: alioqui enim vim non haberet discursus et argumentum Pauli, ut patet ex dictis, et ex dicendis mox patebit magis.

Paulus
non
loquitur
hic de
requie
Dei in
die sep-
timo.

Rursum, Paulus hic non loquitur de requie Dei in die septimo, sed de ejus effectu et imagine, scilicet requie hominum in sabbato, in quam ait nos ingredi, vel potius ingressos ab institutione mundi: ergo ex tunc homines sabbatum colere cœperunt.

Tertio, idipsum significatur *Genes. II, 3*, ubi dicitur, Deum jam tum sanctificasse, id est festum et sanctum decrevisse ac sanxisse diem septimum, ut scilicet recens hoc creationis beneficium solemniter hoc die jugiter recolerent homines, Deoque gratias agerent (1).

Vers. 4.

4. DIXIT ENIM IN QUODAM LOCO (*Genes. II*, ut nostis vos Hebræi) DE DIE SEPTIMA SIC: ET REQUIEVIT DEUS DIE SEPTIMA AB OMNIBUS OPERIBUS SUIS. 5. ET IN ISTO (*Psal. xciv*, jam citato) RURSUM: SI INTROIBUNT IN REQUIEM MEAM. — En hic requies Dei duplex: prior in sabbato et sabbatismo, secunda in Chanaan, ut jam dixi.

Vers. 5.

Quies
Dei in
die sep-
tima a
produc-
tione no-
varum
specie-
rum, non
indivi-
duorum.
Quievit
Deus
exempla-
riter et
efficienter
in
sabbato.

Nota: Deus quievit in die septima a creatione novarum rerum et specierum, non autem a productione et propagatione novorum individuorum in quaque specie.

Nota secundo: Requies sabbati dicitur Dei, tum formaliter, quia in die septimo quievit Deus a creatione; tum exemplariter et efficienter, quia quies hominum in sabbato, et cultus sabbati institutus est a Deo ad exemplar quietis Dei in sabbato: ideo enim jussit Deus homines quiescere in sabbato, quia ipse eodem die quievit ab operibus suis.

Nota tertio et rursum, q. d. Præter requiem sabbati, habet Deus aliam requiem, quam hominibus præparavit, et a qua incredulos exclusit, dicens: «Si introibunt in requiem meam,» de qua mox subdit:

Vers. 6.

6. QUONIAM ERGO SUPEREST INTROIRE QUOSDAM IN REQUIEM ILLAM, ET II QUIBUS PRIORIBUS ANNUNTIATUM EST (græce *ὡς ἀγγέλισθαι*, id est, quibus evangelizatum est, de quo dixi vers. 2), NON INTROIBUNT

(1) «Et quidem,» etc., id est, hic agitur de æterna apud Deum quiete, quam Christiani post hujus vitæ labores ingredientur, sicut Deus ab operibus septima die quievit: ita Allioli. Cf. vers. 10.

PROPTER INCREDULITATEM: 7. ITERUM TERMINAT DIEM QUEMDAM, HODIE, IN DAVID DICENDO. — Hic est discursus Apostoli: Deus suam requiem promissit et præparavit hominibus aliquibus, ad eamque invitavit Judæos, ut scilicet sub Deo, primo in hac vita quiescerent, et quiete viverent in Chanaan, deinde in altera vita quietissime et felicissime viverent in cœlo. Verum Judæi increduli fuerunt Deo, ideoque exclusi sunt hac Dei quiete, id est, tam terra Chanaan, quam cœlo. Hinc ergo Deus, ne requies sua maneat vacua, tertio per Davidem, fideles et Christianos ad suam requiem invitat dicens: «Hodie si vocem ejus audieritis, nolite obdurare corda vestra.»

Objicere quis posset, Josue et Caleb cum filiis incredulorum, ingressos esse in quietem Chanaan, ac proinde illam non esse vacuum, sed plenam. Verum hanc objectionem excludet inferius vers. 8.

7. ITERUM TERMINAT DIEM QUEMDAM, HODIE, IN DAVID DICENDO, POST TANTUM TEMPORIS, SICUT SUPRA DICTUM EST: HODIE SI VOCEM EJUS AUDIERITIS, NOLITE OB DURARE CORDA VESTRA. — Pro terminat græce est *ἐξῆλθε*, id est, præfinit et determinat, hoc est, signat quoddam spatium temporis, scilicet hodie, puta tempus vitæ nostræ, quo possumus intrare in hanc Dei requiem, post quod nulla sit facultas introeundi, q. d. David implicite nobis insinuat quamdam Dei requiem, quando adhortatur nos *Psal. xciv*, ne obduremus voci Dei cor nostrum, uti fecerunt patres, cum eos Deus ex Ægypto evocans in Chanaan ducere volebat: quos ideo Deus requie sua exclusit; sed potius ut auscultemus Deo ducenti nos in requiem suam. Atqui David non loquitur de requie sabbati: hæc enim facta est et peracta est in genesi et creatione mundi. Nec secundo, loquitur de requie, quam Deus Hebræis dedit in terra promissa per Jesum, sive Josue, utpote quæ jam tanto tempore præterierat, quamque jam possidebant cum David dixit: «Hodie si vocem ejus audieritis,» etc. Ergo necesse est dicere, quod David aliam et tertiam quamdam requiem intellexerit, puta in cœlo æternam, quæ nobis fidelibus et Christianis quavis ætate hoc «hodie» proponitur; tertiam inquam requiem, quæ per duas præcedentes, scilicet per requiem sabbati et requiem in Chanaan, anagogice fuerit significata, quam nobis præstat Jesus Christus per Josue adumbratus.

8. NAM SI EIS JESUS (Josue) REQUIEM PRÆSTITISSET, NUNQUAM DE ALIA LOQUERETUR, POSTHAC, DIE. — Est occupatio. Rationi Pauli objicere poterant Hebræi: Tu, Paule, dicis patres nostros requie Dei in Chanaan exclusos ob incredulitatem, ideoque alios, puta Christianos, in requiem Dei admittendos esse: nos excipimus, dicimusque filios patrum nostrorum Deo credentes cum Josue in requiem Chanaan esse ingressos, ac consequenter non quærendos esse alios, qui requiem Dei in-

Requies
Dei qui-
busnam
sit præ-
parata?

Vers. 7.

Requie-
tis
cœlestis
anagogi-
ca prae-
sentificatio
duplex.

Vers. 8.

Ostendi-
tur post
omnem
requiem
veteris

Testa- grediantur. Hoc elidit hic Paulus per verba Da-
menti, vidis dicentis *hodie*. Per *hodie* enim insinuat etiam-
restare num restare requiem in quam ingrediamur, ac
in celo. consequenter sequitur eam non esse exhibitam
per Josue, qui jampridem mortuus est. Itaque
Paulus significat Davidem illis verbis: «Si introi-
bunt in requiem meam,» per requiem intellexisse
quidem ad litteram requiem in Chanaan; sed al-
legorice, et multo magis significasse requiem in
celo Christianis promissam, figuratam per Cha-
naan: ad hanc enim quemlibet invitat etiamnum
David dicens: «Hodie si vocem ejus audieritis,
nolite obdurare corda vestra.»

Innuit ergo David, quod Deus vocans et promit-
tens Hebræis requiem in Chanaan, hoc ipso tacite
et allegorice eosdem vocarit, eisque promiserit
requiem in celo, quodque tam ab hac, quam
ab illa Hebræi ob incredulitatem fuerint exclusi.
Unde colligit Paulus: reliquum ergo est, ut
Christiani hanc Dei requiem in celo, ad quam
maxime Deus Hebræos vocaverat, occupent: hoc
est enim quod subdit dicens:

Vers. 9. 9. ITAQUE RELINQUITUR SABBATISMUS POPOLO DEI.
— Id est, ex dictis sequitur, aliud sabbatum, id
est; aliam requiem, relinqui et restare populo
fidei et Christiano; puta requiem, gaudium et
solemnitatem cœlestem, figuratam per quietem
et festum sabbati veteris et Judaici. שבת *scabat*
enim hebraice significat quiescere, inde שבת *scabbat*,
vel *sabbatum*, dicitur quies: unde dies
septima, in qua indicta erat omnibus quies, vo-
catur sabbatum; sabbatismus ergo idem est,
quod requies.

Vers. 10. 10. QUI ENIM INGRESSUS EST IN REQUIEM EJUS,
ETIAM IPSE REQUIEVIT AB OPERIBUS SUIS, SICUT A SUIS
DEUS. — Vox enim dat causam, cur hanc requiem
Christianorum vocarit sabbatismum. Causa hæc
est analogia et allegoria sabbatismi: sabbatis-
mus enim vetus aliud non erat, quam quies ab
operibus in die septimo, ut hac quiete homines
recolerent et repræsentarent requiem Dei, qua
die septimo ab operibus creationis quievit. Hæc
autem omnia allegorice, vel potius anagogice, si-
gnificabant, fideles et Christianos in æterna illa Dei
requie in celo, pari modo, et multo felicius quie-
turos ob omnibus operibus molestis et difficilibus
virtutum, ab omni labore et lucta contra vitia et
tentationes, ab omni mortificatione activa et pas-
siva, quibus laborabant et affligebantur in hac
vita. Significat ergo Sanctos in Ecclesia, non mi-
litante, ut vult Beza, sed triumphante, cessare ab
omni labore hujus miseræ vitæ, quæ tota in ne-
gotio consistit. Vult enim probare veram illam
requiem non solum non fuisse in terra Chanaan,
sed ne esse quidem posse in hac vita, quæ, ut
docet Job, cap. vii, vers. 1, non est aliud quam
millitia et laborum ac miseriarum omnium thea-
trum (1).

(1) «Totum hunc locum esse allegoricum, facile in-

Quam suavis sit hæc requies Beatorum in celo
pulchre docet S. Chrysostomus in morali hom. 6:
«Revera, inquit, illa est requies, ubi fugit dolor,
tristitia, gemitus, et ubi neque sollicitudines,
neque labores, neque agones; non est illic: In
sudore vultus tui comedes panem tuum; non
est illic: In tristitiis generabis filios; sed omnia
pax, gaudium, jucunditas, voluptas, bonitas,
mansuetudo; non est illic invidia, neque zelus,
neque morbus, neque mors; non ibi tenebræ, ne-
que nox, semper diei claritas; non est fatigari,
non fastidium accipere, semper in desiderio bo-
norum perseverabimus.» Et quæ sequuntur.

11. FESTINEMUS ERGO INGRESSE IN ILLAM REQUIEM. Vers. 11.
q. d. Dum in vitæ hujus deserto, instar Hebræo-
rum, peregrinamur et tendimus ad requiem, et
terram promissam in cœlis, non consistamus,
non respectemus, non lassemur, non cadamus
animo ob labores, et hostium incursus ac perse-
cutiones, sed forti et constanti animo pergamus,
imo festinamus ingredi in illam requiem.

«Cursu, inquit S. Chrysostomus hic in morali
homil. 7, opus est, et vehementi cursu: qui currit,
non ad prata adjacentia, non ad amicos, non ad
spectatores, sed ad palmam attendit, non consistit,
metæ vicinus non languet, sed cursum intendit:
sic quo seniores et cœlo viciniorem sumus, eo magis
et concitatus currere debemus.» «Festinandum
nobis est, ait D. Thomas, in hac peregrinatione,
quia via longa est, vita brevis, vocatio Dei urget
et in mora est periculum.»

Quo
vicinior
quis est
palmæ,
eo concitatus
currere
debet.

UT NE IN IDIPSUM QUIS INCIDAT INCREDULITATIS
EXEMPLUM. — Id est, ne quis fiat simile increduli-
tatis exemplum, quale scilicet fuerunt Hebræi;
ut, sicuti Hebræi ob incredulitatem Chanaan ex-
clusi sunt, ita nos, ob eandem, cœlo excluda-
mur. Vatablus et Erasmus vertunt, *ne quis eodem
concidat incredulitatis exemplo; vel, ne quis ob in-
credulitatem corruat, ut illi corruerunt et prostrati
sunt in deserto.*

Nota: Hebræi maxima parte itineris ex Ægypto
in Chanaan confecta, cum jam Chananæ vicini
essent, ob exploratorum tristitia et timida nuntia,

telligitur; nam historia transfertur ad rem similem,
diversam quidem in multis, sed in quibusdam tamen
apte respondentem rei, cum qua comparatur. Sensus,
allegorice expressus, hic erit: Deus quiescit; populo ejus
promissa est quies: Israelitæ non pervenerunt ad quietem
ob incredulitatem; credentes autem fruuntur ista quiete.
Hujus allegoriæ sensus propriis verbis expressus erit:
Deus est beatissimus; etiam homines Deus beatos reddere
vult; Israelitæ propter incredulitatem non facti sunt
participes felicitatis; credentes autem certissime fruun-
tur ista felicitate. Cæterum non est, cur offendamur hæc
allegoria. Accommodatæ est enim hæc ratio illustrandi
doctrinas ingenio Judæorum, qui omnia allegoriis de-
monstrare conabantur, ut dilucide apparet e libris Rab-
binicis, maxime vero e Philone. Quæ igitur argumenta
nobis videntur parum idonea esse, eadem ad persuaden-
dos Judæos vim haud exiguum habere poterant. » Hæc
Rosenmullerus, satis apposita ad h. l., sed nimis generalia,
rationalistamque paulisper redolentia.

Minas et Deo diffidere cœperunt, volueruntque reverti in Ægyptum; unde Deus iratus eos per quadraginta annos circumduxit in deserto, ut omnes morte consumeret. Idem hic minatur et intentat Apostolus Hebræis, ad Christum jam conversis; scilicet eos, nisi in fide Christi persistent, omnesque tentationes, terrores et persecutiones superent, cœlo excludendos esse, si videlicet persecutionum metu a Christo ad judaismum descendant.

et a vocatione ad perfectionis statum.

Moraliter illud ipsum exemplum applicet sibi quisque illorum, qui Dei vocationi ad fidem et pœnitentiam, vel etiam ad virginitatem, Religionem et perfectionem resistunt, eamque negligunt et spernunt, contra quos tonat Dominus *Prov. 1, 24*.

Vers. 12.

12. VIVUS EST ENIM SERMO DEI, ET EFFICAX. — Vox enim dat causam, cur timere debeant Hebræi, si a fide Christi recedant, ne incidant in idem cum priscis Judæis, incredulitatis exemplum. Causa hæc est, quia sermo Dei vivus est et efficax, qui hoc exemplum de eis statuere vult et potest.

Vivus sermo hic est Filius Dei.

Quæres, quis sit hic sermo. Aliqui intelligunt Dei miracula et minas, quæ intentavit incredulis. Verum longe aptius et melius alii passim intelligunt Dei Filium: hic enim *Joan. 1, 4*, æque ut hic dicitur λόγος, id est, verbum vel sermo, scilicet mentis et conceptus paterni. Idem patet ex sequentibus. Nulli enim verbo aut sermoni nisi Filio competit id quod sequitur, quod scilicet sit discretor cogitationum, et quod omnia nuda et aperta sint oculis ejus.

Ob tres causas Paulus hic Filium Dei vocat sermonem

Dices: Cur ergo Paulus clare non nominat Filium, sed vocat eum λόγος, id est, sermonem vel verbum?

Respondetur primo, quia proprium nomen Filii est λόγος: sicut enim nos cogitando, vel intelligendo formamus nobis conceptum rei cogitatæ vel intellectæ, qui dicitur verbum vel sermo mentis: ita Pater æternus intelligendo et comprehendendo suam essentiam, et omnia quæ in ea sunt, formavit et produxit hoc Verbum æternum: hoc tamen discrimine, quod nostrum verbum, utpote imperfectum, menti nostræ non sit adæquatum, sed accidens sit et actus vitalis intellectus, quo rem concipimus et intelligimus; Dei vero Verbum perfectissimum, Deoque adæquatum, sit persona subsistens et producta (scilicet Filius Dei), qua, et per quam Pater dixit, et facta sunt omnia, *Joan. 1, 3*; unde S. Joannes 1, propriam Filii Dei rationem et naturam describens et definiens: « In principio, inquit, erat Verbum, et Verbum erat apud Deum, et Deus erat Verbum. » Quod pulchre suo carmine transtulit Nonnus, cum ita canit:

Ἀχρόνος ἦν, ἀλόγιστος ἐν ἀρχῇ λόγος ἀρχῇ,
Ἰσοφύης, γενετήριος ἀμύλακος, υἱὸς ἀμήτωρ.

Id est,

Sine tempore erat, incomprehensibile in ineffabili Verbum principio,
Æqualis naturæ, Patri cœvum, Filius sine matre.

Hinc etiam Gentiles philosophi et Theologi, ut Trismegistus, Orpheus, Plato, alique Græci, Chaldæi et Ægyptii Deum Patrem vocarunt *νῦν*, id est mentem; Filium vero λόγος, quasi mentis prolem et verbum, ut testatur Theodoretus, lib. II *De Curandis Græcorum affectionibus*, et S. Augustinus, lib. VII *Confess.*, cap. IX.

Gentiles philosophi Patrem vocant νῦν, Filium λόγος.

Secunda causa, cur Paulus Filium Dei potius vocet sermonem, quam filium, est, quia alludit ad sermonem fidei, de quo dixi vers. 2; hoc enim Verbum mentale ab æterno factum est vocale in tempore, cum locutum est per os Mosis et Prophetarum, et maxime cum ipsummet Verbum induit carnem, os et vocem hominis, fidemque ac voluntatem Dei Patris suo sermone nobis enarravit et evangelizavit.

Verbum mentale factum est vocale.

Tertia causa est, quia Filius Dei suo sermone, id est sententia, decreto et jussu puniet eos, qui increduli suum sermonem fidei repulerunt; credentes vero, illique dicto audientes præmiabit. Hoc enim proprie hic intendit Apostolus.

Filius suo sermone puniet infideles.

Sensus ergo est, *q. d.* Quidquid Dei Filius promisit et comminatus est incredulis per os et sermonem Davidis, Prophetarum et Apostolorum, id certo et efficaciter præstabit suo sermone, decreto et jussu. Est enim ipse sermo omnipotens, vivus et efficax, ut incredulos et rebelles occidat; damnet et cruciet pœna vivaci in æternum; fideles vero præmiet et salvet, ut regnent et vivant in æternum. Ita Theodoretus, Oecumenius, S. Thomas, Lyranus, Cajetanus et alii.

Nota: λόγος tam sermonem, quam verbum significat; unde sicut illud *Joan. 1, 1*: « In principio erat Verbum, » verti potest, *in principio erat sermo*, inde enim Tertullianus, Cyprianus, Ambrosius, Hieronymus et alii veteres Filium sæpe vocant *Sermonem*: ita hic vicissim verti potest, *vivum est enim verbum Dei et efficax*, et ita legit S. Ambrosius, lib. IV *De Fide*, cap. III. Sicut enim Verbum, utpote unum et simplex, simplicitatem: ita sermo integritatem et perfectionem Filii Dei significat. Sermo enim ex multis verbis constans, integram perfectamque effert et enuntiat sententiam, non unam tantum, sed et plures sæpe. Unus enim sermo sæpe multis propositionibus et sententiis coalescit et conflatur, quod huic loco congruit. Paulus enim inducit hic Christum quasi sermonem multivarium, qui scilicet singulorum cogitationes examinet et discernat; atque hos puniat, illos præmiet.

Sermoni et verbi convenientia, et differentia.

ET PENETRABILIOR OMNI GLADIO ANCIPIITI. — Pro penetrabilior græce est *τεμνότερος*, id est acutior, magis incidens; *τέμνω* enim idem est quod seco, incido. Secundo, pro *incipiti* græce est *δίσκος*, hoc est, habentem duo ora, il est, duas acies, scilicet utrimque acutum et incidentem. Sicut enim Hebræi, ita et Græci, aciem gladii vocant *os*, quod instar oris homines mordeat et devoret. Unde illud in Scriptura tritum: *Percussit illos in ore gladii*, id est in acie, vel per aciem

Acies gladii apud Hebræos et Græcos vocantur os.

Gladus
anceps
novi et
veteris
Testa-
menti.

gladii. Jam sensus hujus loci est, *q. d.* Sermo Dei omnia penetrat, estque quasi anceps gladius habens duplicem aciem, puta aciem duorum testamentorum, novi scilicet et veteris, ait S. Augustinus, lib. XX *de Civit.*, cap. XII. Sed hoc mysticum est. *Secundo*, S. Thomas : Sermo Dei, inquit, est anceps, quia paratus et expeditus est, tam ad sciendum, quam ad agendum; tam ad bona promovenda, quam ad mala divertenda. Sed hoc mysticum et tropologicum est.

Dico ergo *tertio* et genuine : « Sermo Dei, » id est Filius Dei, est « penetrabilior gladio ancipiti, » id est, acutissimus est, profundissime et undique penetrat, sicuti maxime secat et penetrat gladius anceps, qui utrimque secat. Porro hæc vis penetrandi sermonis, id est Filii Dei, consistit partim in cognitione, partim in activitate. Sicut enim gladius anceps, secans et penetrans hominem, non tantum maxime activus est, maximamque secandi vim ostendit, sed etiam hoc ipso quo hominem secat et penetrat, hominis intima denudat, eaque omnibus cognoscenda et intuenda proponit : ita et Filius *primo*, penetrat et pervidet omnia corda et cogitationes, ut nulla incredulitas aut iniquitas, quantumvis in corde abscondita, eum latere possit; unde explicans idipsum Apostolus subdit : « Discretor est cogitationum, et omnia nuda et aperta sunt oculis ejus. *Secundo*, idem Filius sua præsentia et activitate penetrat omnia, ut quosvis peccatores, et quævis peccata quantumvis recondita, punire, damnare, occidere et dissecare possit : sicut enim oculos, ita et manus habet acutissimas, maximeque efficaces et penetrantes.

Moraliter Hugo Victor in *Joelis* cap. III. « Vivus, ait, est sermo Dei, ut credas; efficax, ut speres; penetrabilis, ut timeas. Vivus est in præceptis et prohibitionibus; efficax in promissis et comminationibus; penetrabilis in judiciis et damnationibus. Quia igitur vivus est sermo Dei, credendum est eum vera promittere; quia efficax, credendum est eum promissa perficere; quia penetrabilis est, et falli non potest, eum offendisse lugendum est, et de cætero offendere cavendum est. »

ET PERTINGENS USQUE AD DIVISIONEM ANIMÆ AC SPIRITUS, COMPAGUM QUOQUE AC MEDULLARUM. — *Anima* est inferior pars hominis, in qua resident cupiditates et affectus partim naturæ, partim concupiscentiæ, a quibus homines Animales vocantur. *Spiritus* vero est superior pars hominis, fide et gratia Dei illustrata, a qua homines Spirituales dicuntur, *q. d.* Verbum hoc, sive sermo Dei, puta Filius, examinat et discernit motus et cogitationes tam animales quam spirituales, « compages quoque et medullas, » id est intimas hominum partes : compages enim sunt cartilagine, muscoli et nervi, quibus in homine os unum alteri colligatur; medulla vero est succus et pinguedo ossibus inclusa. Discernit, inquam,

Christus

hæc Filius, ita scilicet, ut pervideat qui motus ab anima, qui a spiritu proveniant, an scilicet hæc illave cogitatio, affectus et desiderium permanet a natura aut concupiscentia, an vero a Dei gratia, *q. d.* Omnia omnino, etiam abditissima et intima, videt, penetrat, examinat, judicat et vindicat Christus Dei Filius; nihil est tam absconditum, quo non penetrent et oculi et manus Christi.

S. Gregorius, homil. 11 in *Ezech.*, per compages intelligit cogitationes sibi invicem instar compagum connexas; per medullas vero intelligit intentiones, ut seipsum explicans subdit Apostolus.

DISCRETOR EST COGITATIONUM ET INTENTIONUM CORDIS. — Pro *discretor* græce est κριτικός, id est, criticus est Christus, judex et censor cogitationum et intentionum cordis; scit et pervidet quid quisque cogitet et velit, et quo fine; perspicit fundum animæ nostræ, uti nos perspicimus lapillos in fundo limpidiſsimæ aquæ jacentes : perspicit, inquam, Christus intima nostra desideria, hoc fine ut ea judicet et præmiet, aut puniat et vindicet, v. g. ut vos, o Hebræi, si in fide sua persistatis, glorificet; sin metu persecutionum ab ea deficiatis, etiam per latentem vel occultam tantum diffidentiam, apostasiam, vel incredulitatem, damnet et reprobet.

Moraliter nota hunc locum pro præsentia et omniscientia Dei, quæ cuique magno debet esse stimulo, ut se compescat ab occultis et mentalibus peccatis et desideriis pravis, utque bonis et sanctis cogitationibus et studiis semper insistant. « Oculis Dei simul universa cernentis, inquit S. Augustinus, serm. 2 *De Tempore*, non abdita locorum, non parietum septa secludunt; nec solum ei acta et cogitata, verum et agenda et cogitanda sunt cognita. Ista vera scientia summi judicis, iste est tremendus aspectus, cui pervium est omne solidum, et apertum omne secretum, cui obscura clara, muta respondent, silentium confitetur, et sine voce mens loquitur. » Pulchre et affectuose idipsum pertractat auctor *Soliloquiorum*, cap. XIV, qui exstat tom. IX operum S. Augustini. Gentiles idipsum agnoverunt. Ita Thales, septem Græciæ sapientium sapientissimus, dicebat, « homines sibi persuadere debere, deos omnia cernere, deorumque omnia esse plena, ut coram iis caste et sancte vivant. » Idem rogatus, num facta iniqua deos laterent; respondit : « Ne cogitata quidem : secretis enim cogitationibus cœleste numen adest et interest. » Homerus, quis sit Deus, ita definit :

Ἦ ὁμοῦ δὲ πᾶν' ἑορᾶν, καὶ πᾶν' ἰσχυροῖαι.
Est sol qui omnia videt, et omnia audit.

Deus et
sol om-
nia lus
trans.

Nimirum, ut ait Sapiens, « in omni loco oculi Domini contemplantur bonos et malos, » *Prov.* xv, vers. 3; et cap. xvi, 2 : « Omnes viæ hominis patent oculis ejus; spirituum ponderator est Domi-

nus. » Hinc Egyptii pingebant Deum, quasi oculum baculo innixum, ut significarent Dei omniscientiam et providentiam, pervigilemque curam quasi pastorem. Sic Osirim deum suum pingebant, quasi sceptrum habens in se oculum insculptum, ait Macrobius, lib. I, cap. xxi. Sceptrum significat dominium et potestatem regiam, oculum omniscientiam. Unde et Græci θεὸν ἀπὸ τοῦ θεῶσθαι, id est a videndo, nominant. Hinc et Jeremias, cap. i, vidit Deum quasi virgam vigilan-tem (1).

Vers. 13. 13. ET NON EST ULLA CREATURA INVISIBILIS IN CONSPPECTU EJUS. — Pro invisibilis, græce est ἀφανής, id est, non apparens, occulta, et consequenter invisibilis.

OMNIA AUTEM NUDA ET APERTA SUNT OCLIS EJUS.

**Τετρα-
λίκεν
τρία
significat.** — Pro aperta græce est τετραχλιμένη, quod a τετραχλος, id est a collo, deducitur, ac primo verti potest cum Theophylacto jugulata aut decollata, et cum Chrysostomo excoriata, ut sit metaphora ab ovibus jugulatis et excoriatis, q. d. Sicut oves pelle sua excoriatae a collo ad caudam usque nudæ sunt, et omnia earum extima et intima revelantur: sic Christo Dei Filio omnia sunt nuda et aperta. Secundo Gagnelius, τετραλίκεν, inquit, est a collo ad caudam medium secare, sive per medium dorsi findere, ita ut intestina animalis fissi denudentur et pateant intuenti; sic Christo omnia patent, perinde ac si diffissa essent. Tertio, Erasmus, Ribera et Scapula in Lexico, τετραλίκα, inquit, est, in collum sive cervicem reclino et resupino hominem aut animal, ita ut facies resupinata omnibus aperta et conspicua proponatur. Quo sensu poeta ait: « Aulam resupinat amici: » resupinat, id est aperit, patentem et conspicuam facit, ut eam perscrutetur, sic Christus omnia quasi resupinata in facie nude et clare intuetur. Omnes hæ etymologiæ huic loco percommode sunt: secunda tamen Gagneii nervosior et significantior est.

Oculis Christi omnia patent intima et extima. AD QUEM NOBIS EST SERMO. — Id est, de quo nobis est sermo, de quo loquor. Est hebraismus, ὃν et ponitur pro ἡμῖν min, πρὸς δὲ pro περὶ δὲ, id est, ad quem, pro de quo.

Aliter Chrysostomus, Theophylactus, Oecumenius et Adamus, q. d. Cum quo nobis est ratio, causa, negotium, cui omnium actuum nostrorum rationem reddemus. Græcum enim λόγος non tantum sermonem, sed et rationem significat.

Vers. 14. 14. HABENTES ERGO PONTIFICEM MAGNUM, QUI PENETRAVIT COELOS, JESUM FILIUM DEI, TENEAMUS CONFESSIONEM. — A vers. 11 hucusque egit con-

tra incredulos, et ab incredulitate Hebræos metu vindictæ per Verbum et Filium Dei exercendæ deterruit; jam credentes alloquitur, blandeque eos hortatur, ut in fide Christi persistent, itaque requiem cœli ad quam vers. 11 et præcedentibus eos hortatus est, ingrediantur, q. d. Agite, Hebræi, persistite in fide Christi, ad requiem in cœlis properate: esto, cœli longe a nobis absint, facile eos conscendamus et penetrabimus, ducæ Christo qui eos penetravit eosque nobis pervios fecit, dummodo confessionem scilicet fidei et spel nostræ (uti addunt et expriment nonnulla Biblia Latina, licet in Græcis et Romanis nihil tale habeatur) constanter retineamus. Vide dicta cap. III, vers. 1.

Nota, cap. III hucusque Apostolus Christum opposuit Mosi, tanquam Apostolum novum Apostolo veteri: jam et deinceps opponit et anteposit Christum Aaroni, tanquam pontificem novum pontifici veteri: qui non sancta sanctorum ut Aaron, sed cœlos ipsos penetravit, ut Deo assistat, tanquam pontifex pro nobis interpellans, et peccata nostra expians, cœlosque nobis reserans.

13. NON ENIM HABEMUS PONTIFICEM, QUI NON POSSIT CONDOLERE INFIRMITATIBUS NOSTRIS, TENTATUM AUTEM PER OMNIA PRO SIMILITUDINE ABSQUE PECCATO. — Est occupatio. Dicere enim potuissent Hebræi: Tu, Paule, recte dicis Christum penetrasse cœlos, ibique esse pontificem nostrum; sed exigua hæc nobis est consolatio: Christus enim in cœlis beatus et gloriosus non sentit, non experitur, ac consequenter non multum condolet et æstimat, nec multum juvare et amoliri nititur nostras infirmitates, id est, persecutiones et ærumnas tot et tantas, ut videantur pene intolerabiles, quæ nos hic extreme affligunt, et languidos infirmosque ac pene desperatos efficiunt: qui enim sentit et experitur alterius dolores, longe facilius eis compatitur et succurrit. « Non ignara mali miseris succurrere disco, » aiebat Dido. Huic objectioni respondet hic Apostolus, negando illud assumptum: Christus enim omnes nostras infirmitates expertus est, et per omnia tentatus et afflictus est « pro similitudine, » id est, omnino similiter atque nos, ac proinde expertus omnia scit et potest, id est, proclivis et pronus est, ut compatiatur et succurrat omnibus tentationibus, ærumnis et infirmitatibus nostris.

Nota: « Infirmitates » per Hebraicam metonymiam et matalepsim vocat dolores: dolores enim sunt causa infirmitatis et languoris tam corporis, quam animi. Vide dicta I Corinth. XII, vers. 3 Apostoli et 10.

Secundo, pro condolare græce est συμπάσκει, id est sensu alieni mali tangi et affici, cum alio patiente pati.

Tertio, pro similitudine græce est καὶ ὁμοίωμα, id est ὁμοίως, hoc est similiter, supple nobis, vel nostris infirmitatibus. Τὸ enim ἡμῶν, id est nostris,

Hortati
ad fideles.

Christus
et Aaron
compara-
ti.

Vers. 13.

Christus
proclivis
ad compa-
ssione-
lem et
misericordiam.

Quinque
notabilia
circa hæc
Apostoli
verba.

Christus
nobis si-
milis.

quod præcessit, hic subauditur et repetendum est; quod Hebræi dicunt כִּדְמוּתֵנוּ *kidmutenu*, id est, secundum similitudinem nostram, hoc est, omnino similiter atque nos: solent enim Hebræi cum perfectam et omnimodam similitudinem significare volunt, congeminare notas similitudinis, uti כָּפֹח *caph*, et דְּמוּת *demut*, quod Græci imitantur, dicentes καθ' ὁμοιότητα, vel παραπλησίως, ut dixit Apostolus, cap. II, vers. 14.

Quarto, pro *tentatum* autem, clarius Vatablus et alii vertunt, *sed tentatum*. Est enim antithesis ejus quod præcessit, «qui non possit condolare,» quia scilicet non est tentatus, tentationes nostras non est expertus. Rursum, «per omnia,» id est, per omnes infirmitates nostras.

Quinto, «absque peccato,» id est, excepto peccato, græce χωρὶς ἁμαρτίας, id est, extra peccatum, q. d. Christus licet per omnia tentatus sit, immunem tamen et semotum se servavit a peccato; ita et vos, o Hebræi, licet tentemini, tamen tentationi non cedite, nec peccato consentite: hoc enim in vestra est manu et potestate, sicut fuit in potestate Christi.

Christus
fuit ex-
pers con-
cupiscen-
tiæ ra-
tionem præ-
veniens.

Queritur hic, an Christus proprie tentatus fuerit, et an omni modo et omni infirmitate qua nos tentamur? Respondeo: Proprie Christus tantum exterius a diabolo tentatus fuit, interius vero a carne, phantasia aut concupiscentia tentari non potuit: cujus ratio est, quia interior tentatio est inordinata delectatio partis inferioris, sive est ipse motus concupiscentiæ rationem præveniens et alliciens ad peccatum. Sicut ergo Christus, utpote peccatum expiaturus et aboliturus, expertus plane fuit peccati, ita et expertus fuit concupiscentiæ et tentationis internæ: concupiscentia enim ex peccato orta, peccati est initium et inchoatio, ac proinde esse non potest nisi in natura per peccatum vulnerata et saucia, qualis esse non potuit in Christo.

In Chri-
sto fuisse
passio-
nes, non
tamen
propas-
siones.

Hinc sequitur, licet passiones fuerint in Christo, non fuisse tamen propassiones; explico: fuit in Christo ira, audacia, timor; sed ita ut rationem et voluntatem Christi prævenire, ipsoque invito, vel in scio exoriri, concitari et exurgere non possent; hoc enim est propassionum: omnis enim motus iræ, audaciæ, tristitiæ in Christo, ab eo libere fuit assumptus, et a ratione et voluntate Christi elicitus et imperatus, ita ut irasci aut tristari Christus non posset, nisi irasci aut tristari vellet et eligeret. Erant enim passiones omnes Christo, utpote in natura integra et perfecta (qualis fuit in Adamo ante peccatum) constituto, subditæ prorsus et subjectæ: talis enim natura decebat Salvatorem et Dei Filium. Verum de hujusmodi tentatione, qua diabolus Christum, aut concupiscentia nos ad peccatum sollicitat, proprie non loquitur hic Apostolus, ut mox patebit.

Omnes
necesse
Christo
libere as-
sumpti.

Secundo, cum dicit Apostolus Christum tentatum fuisse per omnia, id est per omnes infirmitates nostras, non intelligit, nec amplectitur ignoran-

tiam et defectum scientiæ aut gratiæ: hæc enim non sunt infirmitates, id est dolores et afflictiones; neque decebat hæc esse in Christo, utpote qui ad hoc in mundum venerat, ut homines ab hisce defectibus sanaret, ut ignorantes doceret, instrueret, Deoque gratos redderet. Perperam ergo ex hac Apostoli sententia Lutherus, Bucerus et Calvinus inferunt: Ergo in Christo fuit ignorantia: faciunt ergo ipsi ex hoc loco Christum Agnoitam. Respondeo, nego consequentiam. Nam ignorantia est filia et appendix necessaria peccati, æque ac concupiscentia. Pari enim modo inferre liceret: Ergo concupiscentia fuit in Christo. Itaque sicut in Christo non fuit peccatum, ita nec fuit concupiscentia, aut ignorantia: hæ enim sunt propriæ et individue comites peccati, et ejusdem cum peccato rationis, ordinis et indecentiæ esse censentur. Quocirca hæc in Christo non instrumenta (uti fuerunt cruciatus et pœnæ), sed impedimenta satisfactionis et redemptionis nostræ fuissent: ergo in eo esse non potuerunt. Vide Bellarminum lib. IV *De Christo*, cap. I.

In Chri-
sto non
fuit igno-
rantia,
vel de-
fectus
gratiæ.

Tertio, per «infirmitates» Apostolus non intelligit morbos et ægritudines: hæc enim non sunt naturæ, id est, omnibus hominibus communes, sed particularium sunt personarum, ex particulari parentum, vel ipsorum ægrotantium intemperantia, aliove excessu, defectu aut vitio ortæ: Christus autem tantum assumpsit naturales et innoxias passiones, communes toti generi humano, non autem proprias certarum personarum, uti sunt hi illive morbi: hoc enim Christum decebat, nimirum ut totus esset sanus, qui naturam nostram plane sanaturus advenerat. De quo plura dixi cap. II, vers. 17. Quare licet verbera et dolores admisit et suscepit Christus, non tamen ita temperem sui corporis ita distemperari, ut in morbum incidiret; sed tantum eorum vi et acerbitate animam a corpore excludi, mortemque violentam, qua nos redimeret, sibi inferri permisit.

In Chri-
sto non
fuerunt
morbi.

Morbo-
rum
origo.

Christus
admisit
verbera
et vulne-
ra, et
quare?

Quæres: Quæ sunt ergo «infirmitates nostræ,» quas Christus in se suscepit, quibusque compatitur?

Respondeo primo, est carnis et animæ fragilitas; secundo, sitis, fames, fatigatio et similes hominum ærumnæ; tertio, naturalis horror mortis, ignominia, verberum, spoliationis; quarto, ipsa mors, verbera, irrisiones, contumeliæ, spoliatio honorum omnium. Hæc duo ultima nomine infirmitatum propriæ hic intelligit Apostolus: hæc enim erant infirmitates Hebræorum, nimirum persecutiones, spoliationes aliæque pœnæ eis ob fidem Christi a Judæis magistratibus inflictæ. Unde ad eas fortiter tolerandas exemplo Christi, ejusque gratiæ et auxilii spe et promissione, eos hic et sæpe alibi hac epistola adhortatur Apostolus: hisce enim «tentatus,» id est afflictus, vel «tentatus,» id est, probatus et exploratus, fuit Christus; ejusque fides et constantia, et hæc su-

Quatuor
genera
infirmita-
tum
suscepit
Christus.

perans ac vincens Christus meruit tam hasce, quam alias quaslibet tentationes, etiam a dæmone et concupiscentia excitatas in nobis, per suam gratiam vincere et superare.

Vers. 16. 16. ADEAMUS ERGO CUM FIDUCIA AD THRONUM GRATIÆ. — *q. d.* Cum habeamus Christum pontificem, qui ita condoleat et compatiatur omnibus infirmitatibus nostris, non timidi, non diffidentes, sed audacter et fidenter, eum in cælesti throno ad dextram Patris consistentem et regnantem adeamus et invocemus in omni tentatione, tribulatione et persecutione: jam enim placabilis sedet in throno gratiæ, postea terribilis sessurus est in throno iudicii, inquit Theophylactus.

Fiducia in Deo quid sit? Nota: Pro fiducia græce est *παρρησία*, quæ (quasi *πᾶν ῥησία*) est libertas et licentia loquendi, qua omnia dicuntur, sive oratio libera nihil reticens; inde vero per catachresin *παρρησία* significat fiduciam sive confidentiam, ex qua oritur hæc

loquendi libertas, et sic sæpe hoc nomen accipit Paulus. Jam confidentia, sive fidentia, ait Cicero, est, per quam magnis et honestis in rebus multum ipse animus in se fiduciæ certa cum spe collocavit, nimirum si fidentia sit humana: nam si sit divina uti hic est, non in se, sed in Deo spem suam collocat.

UT MISERICORDIAM CONSEQUAMUR, ET GRATIAM INVENIAMUS IN AUXILIO OPPORTUNO. — *q. d.* Ut, si in peccatum lapsi simus, illius veniam misericorditer a Christo consequamur. Rursum, ut gratiam inveniamus, id est, ut Christi gratiam, favorem et benevolentiam nobis conciliemus, « in auxilio opportuno, » græce *εὐκαιρὸν βοήθειαν*, id est in auxilium opportunum, ut scilicet opportuno tempore, puta tempore tentationis et persecutionis, cum Christi auxilio indigebimus, illud ipse nobis conferat ad omnes difficultates fortiter superandas.

CAPUT QUINTUM.

SYNOPSIS CAPITIS.

Docet, quod Christus pontifex noster non a se, sed a Deo constitutus, nobis similis et condolens, oransque exauditus sit pro sua reverentia et obedientia, pontifex, inquam, secundum ordinem Melchisedech; unde vers. 11, sternit ad Melchisedech viam sibi et transitum, increpando Hebræorum tarditatem et crudelitatem, utpote quibus adhuc opus sit lacte, non solido cibo.

1. Omnis namque pontifex ex hominibus assumptus, pro hominibus constituitur in iis, quæ sunt ad Deum, ut offerat dona et sacrificia pro peccatis: 2. qui condolere possit iis, qui ignorant et errant: quoniam et ipse circumdatus est infirmitate; 3. et propterea debet, quemadmodum pro populo, ita etiam et pro semetipso offerre pro peccatis. 4. Nec quisquam sumit sibi honorem, sed qui vocatur a Deo, tanquam Aaron. 5. Sic et Christus non semetipsum clarificavit ut pontifex fieret: sed qui locutus est ad eum: Filius meus es tu, ego hodie genui te. 6. Quemadmodum et in alio loco dicit: Tu es sacerdos in æternum, secundum ordinem Melchisedech. 7. Qui in diebus carnis suæ, preces supplicationesque ad eum, qui possit illum salvum facere a morte, cum clamore valido et lacrymis offerens, exauditus est pro sua reverentia. 8. Et quidem cum esset Filius Dei, didicit ex iis, quæ passus est, obedientiam: 9. et consummatus, factus est omnibus obtemperantibus sibi, causa salutis æternæ, 10. appellatus a Deo pontifex juxta ordinem Melchisedech. 11. De quo nobis grandis sermo, et ininterpretabilis ad dicendum: quoniam imbecilles facti estis ad audiendum. 12. Etenim cum deberetis magistri esse propter tempus, rursum indigetis ut vos doceamini quæ sint elementa exordii sermonum Dei: et facti estis quibus lacte opus sit, non solido cibo. 13. Omnis enim, qui lactis est particeps, expers est sermonis iustitiæ: parvulus enim est. 14. Perfectorum autem est solidus cibus; eorum, qui pro consuetudine exercitatos habent sensus ad discretionem boni ac mali.

Vers. 1. 1. OMNIS NAMQUE PONTIFEX, EX HOMINIBUS ASSUMPTUS, PRO HOMINIBUS CONSTITUITUR IN HIS QUÆ SUNT AD DEUM, UT OFFERAT DONA ET SACRIFICIA PRO PECCATIS. — Vox namque dat causam, cur dixerit in

fine cap. præced.: « Adeamus cum fiducia ad thronum gratiæ » ejus. Causa hæc est, quia Christus est pontifex noster, habetque in se omnes pontificis optimi dotes, officia et munia: itaque

commode transit hic Apostolus a comparatione et præcellentia Christi cum Mose, in ducatu et legislatione Ecclesiæ, ad sacerdotium et pontificatum Christi, eumque digniorem esse sacerdotio Aaronis multis demonstrat.

Tres do-
tas pon-
tificis.
Nota hic insignem descriptionem pontificis ex tribus ejus dotibus, officiis et notis, quas Christo convenire demonstrat. *Prima* est, ut pontifex ex hominibus assumatur, quasi selectus, cæterisque dignior, aptior, eminentior, prudentia et virtute præstantior; qui aliis hominibus tanquam suæ naturæ consortibus, suisque fratribus compati, condolare et succurrere possit, eoque pronius et ardentius, quo magis eorum uti naturæ, ita et miseriæ particeps est et conscius, utpote eandem sæpe in se expertus.

Pontifex
est me-
diator
inter
Deum et
homines,
et sacri-
ficius.
Secunda pontificis nota et officium est, ut pro hominibus constituitur in iis quæ sunt ad Deum, id est, ut hominum causam agat apud Deum, tanquam eorum mediator, pro eisque oret et interpellat; rursum, ut vice populi fungatur sacerdotio apud Deum, et sacra eaque quæ cultum Dei spectant, administret. Cum enim populus teneatur publico cultu, ritu et cæremoniis colere Deum, illique tanquam suo, omniumque rerum creatori ac domino summum exhibere honorem et cultum, id vero decenter fieri non possit per singulos homines, qui sæpe rudes et plebei sunt, hac de causa unus ex omnibus magis peritus et idoneus eligitur, qui pro cæteris hominibus rite id præstet, et per quem cæteri debitum Deo cultum certis ritibus ac cæremoniis publice exhibeant. Hinc enim omnes gentes ex dictamine rectæ rationis et naturæ, semper constituerunt aliquos sacerdotes, qui pro se Deo publicum hunc latriæ cultum offerrent et peragerent. Unde sequitur Christianos quoque, ex jure tam naturæ, quam gentium, suos debere habere sacerdotes, sua pariter et sacra et sacrificia, scilicet Eucharistiæ, quibus Deum publice et solemniter colant: alioqui enim respublica et Ecclesia mutila esset et manca, atque imperfectior quam fuerit Judæorum aliarumque quarumlibet gentium.

Pontifex
est recon-
ciliator
homi-
num
apud
Deum.
Differen-
tia inter
dona et
sacrificia.
Tertia pontificis dos et officium est, ut « offerat dona et sacrificia pro peccatis, » ut scilicet Deum peccatis et peccatoribus iratum placet et reconciliet, per dona et sacrificia. « Dona » vocat oblationes primitiarum aliarumque rerum, ut panis, vini, frumenti, quæ non adolebantur aut consumebantur, sed integra Deo dabantur ad usum sacerdotum et templi; « sacrificia » vero vocat victimas tam animalium quæ Deo mactabantur vel libabantur, quam farris et vini, quæ Deo vel incensebantur, effundebantur et consumebantur. Ita Theophylactus. Græce enim θυσία, id est victima vel sacrificium, dicitur ἀπὸ τοῦ θύειν, id est mactare, sacrificare et suffitum edere, ut ex parte idem sit quod θυμιατῶσαι, id est adolere, suffumigare.

Alludit Paulus ad *Levit.*, cap. vii; vers. 12 et

13, ubi Moses agens de victima pacifica, quæ pro gratiarum actione offertur, vocat eam *tsabeck*, id est, ut Septuaginta, θυσία, id est, sacrificium vel hostiam quæ immolatur; panes vero, lagana et collyrides; quæ cum illa offerebantur, vocat *corban*, id est, ut Septuaginta vertunt, δῶρον, id est, donum vel munus: quamquam alibi sæpe hæc nomina confunduntur, et dona vel munera vocantur ipsæ victimæ cruentæ, quæ Deo adolentur.

2. QUI CONDOLERE POSSIT IIS QUI IGNORANT ET ERRANT. — « Possit, » id est aptus, pronus, facilis sit ad condolendum. Vide dicta cap. ii, vers. 18. Pro *condolare* græce est μετριοπαθεῖν, id est moderate, modeste, leniter se gerere, ut scilicet peccantes non aspernetur, non iis irascatur, non excandescat; sed ad eorum miseriam se demittat, iis se humanum et benignum exhibeat, eorum ignorantiam, ruditati, lapsibus et vitiis condeat, sciens fieri posse ut et ipse labatur et peccet. Unde Theophylactus μετριοπαθεῖν accipit pro συμπαθεῖν, id est compati. Hinc et noster Interpres vertit *condolare*.

Nota: Apostolus hic quosvis peccatores, sive ex infirmitate, sive ex ignorantia, sive ex malitia, vocat ignorantes et errantes: semper enim peccato conjuncta est ignorantia aliqua et error, saltem practicus. Nam qui peccat, hic et nunc implicite judicat hoc bonum et hanc voluptatem, v. g. gulæ, libidinis, vindictæ sibi esse capessendam, et hoc ipso eandem tacite judicat præferendam esse legi Dei ipsique Deo, qui illam vetuit et prohibuit: qui sane error gravissimus est, de quo plura alibi jam dixi.

QUONIAM ET IPSE CIRCUMDATUS EST INFIRMITATE. — Duplicem hic infirmitatem intelligit Apostolus, priorem naturæ, secundam concupiscentiæ et culpæ. Utraque est et fuit in omnibus pontificibus, qui meri fuerunt homines: in Christo autem sola prior fuit, quæ quasi essentialis est pontificis, ut scilicet ejusdem cum aliis hominibus sit naturæ, eorumque miseriæ et ærumnarum particeps et consors. Secunda non fuit in Christo, utpote quæ non est essentialis pontifici, imo potius pontificis est vitium et impedimentum: hoc enim ipso quo quis peccato subjacet, ineptior redditur ad expiandum peccata, Deumque peccatoribus reconciliandum: quod est proprium munus pontificis. Hac ergo parte Christus præcellit omnibus aliis pontificibus, utpote qui solus plane immunis fuerit a peccato, ita ut nec infirmitatem et concupiscentiam ad peccatum proclivem senserit: satis tamen eam quanta sit in homine metiri potuit Christus ex priori infirmitate naturæ suæ, itaque in simili eandem sensit et expertus est, ac proinde facile eandem laborantibus compatitur et condolet.

4. NEC QUISQUAM SUMIT SIBI HONOREM, SED QUI VOCATUR A DEO, TANQUAM AARON. — Resumit et explicat primam pontificis conditionem, scilicet quod debeat non se ingerere et intrudere, sed

Victime:
pacificæ,
hostiæ,
dona,
lagana,
collyridia.

Vers. 2.

Quomodo
pontifex
et sacer-
dos se
gerere
debeat
cum pec-
cantibus?

Peccan-
tes vo-
cantur
ignorantes.

Duplex
infirmitas
pon-
tificis,
quarum
una tan-
tum in
Christo.

Vers. 4.

Pontifex
non de-
bet intru-
di, sed

assumi
et eligi.

assumi et eligi a Deo ad sacerdotium, sicut electus est Aaron ejusque posteris; idque hoc fine ut eandem Christo applicet, probetque Christo convenire, ut patet ex iis quæ statim subdit.

Vers. 5.

5. SIC ET CHRISTUS NON SEMETIPSUM CLARIFICAVIT. — Græce ἐδόξασεν, id est glorificavit, claritatem et dignitatem non ambivit, non usurpavit, sed ad eam evectus et electus est a Deo Patre, qui dixit ad Christum, *Psalm. II*: « Filius meus es tu, ego hodie genui te, » *q. d.* Non mirari debetis, o Hebræi, Christum a Patre constitutum esse pontificem, et prælatum esse Aaroni, quia Christus est Filius Dei Patris; si Filius, quid mirum si pontificia dignitas ei detur, præsertim cum jure gentium receptum fuerit etiam ante Moysen et Aaronem, ut filii primogeniti essent sacerdotes et pontifices. Qua de re ita scribit S. Hieronymus, *epist. 126 ad Evagrium*: « Tradunt, inquit, Hebræi, quod usque ad sacerdotium Aaron, omnes primogeniti ex stirpe Noe, cujus series et ordo describitur, fuerint sacerdotes, et Deo victimas immolarint: et hæc esse primogenita quæ Esau fratri suo vendiderit Jacob. »

Jure gentium filiorum primogenitorum est pontificatus et sacerdotium.

Primogenita sua Esau vendidit fratri suo Jacob, et quamvis illa?

Hoc ergo communi gentium jure Christo, tantquam unigenito et primogenito Patris, imo primogenito omnis creaturæ, debebatur sacerdotium et pontificatus.

Vers. 6.

6. QUEMADMODUM ET IN ALIO LOCO (*Psalm. CIX*) DICIT: TU ES SACERDOS IN ÆTERNUM, SECUNDUM ORDINEM MELCHISEDECH. — « Dicit, » scilicet Deus Pater ad Deum Filium hominem factum, cum eum elegit et constituit sacerdotem: Dei Patris enim ad Filium hæc esse verba patet ex *vers. 4*, *Psalm. CIX*, ubi ait: « Dixit Dominus (scilicet Deus Pater) Domino meo » (scilicet Christo Filio suo).

Melchisedech dignior Aaron.

Nota: Cum dicit Christum esse « sacerdotem secundum ordinem, » id est ritum, « Melchisedech, » hoc ipso præfert Christum Aaroni; Melchisedech enim dignior fuit Aaroni, ut multis demonstrat Apostolus *cap. VII*, ubi hunc ordinem Melchisedech explicabo.

Vers. 7.

7. QUI IN DIEBUS CARNIS SUÆ, — qui dum in carne hac mortali et fragili inter homines viveret. Ita S. Thomas; hanc enim carnem exiit Christus in morte, et in resurrectione induit carnem immortalem et impassibilem. Assert hæc Apostolus, ut probet Christum pontificem nostrum circumdatum esse infirmitate nostra, ideoque facile nobis condolare et compati: hanc enim Christi infirmitatem probat *primo*, caro Christi similis nostræ carni. *Secundo*, quod in agonia mortis constitutus in summo angore et mœrore petierit a morte liberari. *Tertio*, quod ex hoc angore lacrymatus sit et valide clamaret, et, ut Syrus habet, mugierit (hoc enim significat מְגַעַת *geata*) ad Patrem, postulans opem et liberationem.

Tria probant Christi infirmitates.

Nota: Videtur Apostolus loqui de oratione Christi in horto, ubi proditus est a Juda, et captus a Judæis. Ita Theodoretus, Oecumenius, D. Thomas. Rursum videtur loqui de oratione

Christi in cruce; ibi enim clamore valido clamavit Christus: « Deus meus; Deus meus, ut quid dereliquisti me? Pater, in manus tuas commendo spiritum meum. » Ita Ambrosius. Hinc ergo patet Christum in illa oratione et forte alias sæpe lacrymas fudisse, licet id non narrent Evangelistæ; nec id mirum, cum in eadem oratione Christus ex angore sudaverit sanguinem, ut habet Lucas, *cap. XXII, vers. 44*; nam, ut ait S. Bernardus, *serm. 3 in Dominica Palm.*: « Christus non contentus fuit lacrymis oculorum, sed totius corporis sanguineis lacrymis peccata nostra flere et lavare voluit. »

Christus frequenter oravit et cum lacrymis.

Unde nota *secundo*, hunc Christi angorem, lacrymas et sudorem sanguineum testem infirmitatis a Christo assumptæ, provenisse ex vivaci imaginatione flagellationis, coronationis, mortis dolorumque omnium, quos mox subiturus erat: inde enim naturaliter manabat eorumdem horroret angor, cum quo dum luctatur Christus, ut eum superet, summamque ab hoc sibi vim infert, factus in agonia sudavit sanguinem.

Lacryma Christi orantis.

Nota *tertio*, in illa oratione non tantum petiisse Christum a morte liberari, sed etiam et magis petiisse nos a peccato et morte liberari, ideoque tandem mortem voluntate absoluta et efficaci accepit, Patrisque de ea voluntatem fieri postulavit, dicens: « Verumtamen non mea, sed tua voluntas fiat, » in eoque exauditus est, ut subdit Apostolus.

EXAUDITUS EST, — non in sua petitione priori et voluntate quasi naturali, qua petebat conditionate et inefficaciter, si fieri posset, mortem evadere: illam enim Christus ipse correxit, illamque impleri absolute noluit; sed in sua petitione posteriori et voluntate absoluta atque efficaci, qua oravit non pro fuga crucis et mortis, sed pro implenda Patris voluntate circa passionem suam; ejusque fructum, scilicet ut sua passione et morte mereretur sibi resurrectionem a morte, nobis salutem tam corporis quam animæ.

In quo et quomodo Christus exauditus?

Addit hæc Paulus, ut ostendat Christi pontificis nostri preces esse efficaces, et a Patre exaudiri, ideoque nobis omnem spem et fiduciam in Christo esse collocandam.

PRO SUA REVERENTIA. — Græce ἀπὸ τῆς εὐλαβείας, quod *primo*, Calvinus et Beza vertunt ex metu, scilicet æternæ damnationis, *q. d.* Paulus: Exauditus est Christus et liberatus ex metu damnationis, in quo versabatur, dum in agonia positus totus animo percussus, consternatus et obrutus pondere iræ Dei, videret Deum sibi ob peccata hominum maxime esse infensum; ita ut se iræ divinæ pondus sustinere non posse, deque se jam actum esse putaret, unde exclamavit: « Deus, Deus meus, ut quid dereliquisti me? » Quæ verba, ait Beza, sunt hominis in ipso jam gurgite sese peritisse vociferantis. Putant enim Calvinus et Beza, non plenam futuram fuisse redemptionem et satisfactionem Christi, nisi Christus om-

Calvinus et Beza blasphemiam, et hæresin circa orationes et clamores Christi.

nem Dei iram excepisset, et sensisset Deum sibi infensissimum, adcoque sensisset damnationem peccatis nostris debitam, et cruciatus hominis damnati; non enim alium infernum vel damnationem agnoscit Calvinus, quam hunc apprehensionis et imaginationis, qua scilicet animæ damnatæ perpetuo apprehendunt Deum sibi esse iratum, qua apprehensione seipsas cruciant. Sed hæc est blasphemia tam absona, quam horrenda et sæculis omnibus inaudita. Si enim Christus in agonia ita desperavit, et damnationem nostram sensit ac passus est, ergo non tantum gravissime peccavit, sed et pro illo tempore damnatus fuit, perinde ac jam Judas damnatus est; ac consequenter illo ipso actu adeo pro nobis satisfacere non potuit; ut potius longe magis Deum irritarit, gravissimamque illi injuriam irrogarit. Quare Christus tum redemptor noster esse non potuit, imo vero alio longe potentiori eguit redemptore.

Infernus
Calvini
tantum
consistit
in apprehensione.

Refutatur
Calvinus
et Beza.

In quibus
Christus
fecit a
Deo derelictus?

In parte
et appetitu
inferiori
Christi
non potuisse
esse motus
desperationis,
ostenditur
contra
Bezam sex
rationibus.
Prima.
Secunda.
Tertia.

Quarta.

Omnis

Cujus Christiani aures ferant has voces: Christus desperavit, Christus iræ Dei succubuit, Christus damnatus est? Scimus Christum morti succubuisse, sed sponte sua, ideoque exclamavit: «Deus, Deus meus, ut quid dereliquisti me?» nimirum in crucis et mortis sensu, ut hoc suo sensu Martyribus, nobisque omnibus mortis sensum vel adimeret, vel minueret. Sed Christum desperationi, damnationi et gehennæ succubuisse, quis dicere, imo audire non perhorrescat? Respondet Beza, hos desperationis motus in Christo non fuisse deliberatos, nec fuisse in voluntate et ratione superiori, sed tantum in parte et appetitu inferiori. Verum hoc perperam et insulse dicitur, primo, quia in Christo æque ut in Adamo, nullus erat concupiscentiæ aut passionis alicujus motus rationem præveniens, sed omnes ejus actus ratio prævidebat, elicebat, dirigebat, ut essent actus hominis perfecti, puta rationales et deliberati. Secundo, quia appetitus sensitivus vel inferior non potest apprehendere Deum sibi iratum: hoc enim objectum, utpote spirituale et sublime, est rationis et partis superioris. Tercio, quia etiamsi concedamus hos motus Christi fuisse tantum in parte inferiori, tamen fuisse eos aliquo modo Christo voluntarios negari non potest: Christus enim hos motus in se advertit et permisit; cum eos quasi pœnam peccatis nostris debitam acceptavit: omnis enim pœnitentiæ et satisfactionis acceptatio libera esse debet, fierique per rationem et voluntatem. Sic ergo homo quivis sentiens et advertens in se motus blasphemiarum, vindictæ, libidinis, etiam in solo appetitu sensitivo, nec eos repellens, censetur eis consentire et peccare: ita secundum Bezam, Christus hos motus desperationis in se advertens, et permitteus, imo acceptans, censeri debet iis consensisse. Sic enim fit in quovis alio homine, qui desperationi cedit et succumbit. Denique non potuit Christus concipere Deum ita sibi infensum, atque iræ Dei succumbere, ideoque non potuit ita

animo percelli et in barathrum hoc desperationis corrui: sciebat enim Christus se Patrem summe amare, seque vicissim Patri esse charissimum; sciebat se ex summa erga Patrem charitate, reverentia et obedientia, nostra peccata in se luenda suscepisse; sciebat se a Patre deseri non posse; sciebat in omni hac passione Patrem sibi affore, ut constanter mortem omniaque tormenta adiret et superaret; sciebat passionem suam, redemptionem nostram omniaque ex voto sibi successura, omniumque se victorem fore ac dominum: quomodo ergo animo caderet, percelleretur, obrueretur, desperaret? præsertim, cum sciret Deum proprie non irasci nisi culpæ, ipse vero nosset se ab omni culpa immunem, utpote qui hominum non culpas, sed pœnas tantum culpis eorum debitas in se suscepisset. Sciebat ergo Deum metaphorice tantum et metonymice sibi irasci, quia nimirum iræ suæ, quæ hominum peccatis irascebatur, effectum, scilicet pœnam mortis et crucis, sibi infligebat, quam libens fortis et fidenti animo ipse excepit. Verè ergo et proprie Deum sibi iratum esse Christus concipere et cogitare non potuit, multo minus se iræ Dei succumbere in animum inducere potuit.

scientia
in Christo
excluit
omnem
desperationem.

Dens
tantum
metaphorice
Christo
fuit
iratus.

Adde, ex sententiâ Calvini omnes fideles esse prædestinatos, atque ex fidē speciali quam habent, certos esse de sua salute, de sua prædestinatione et æterno Dei in ipsos favore, ac scire se nullis peccatis posse a salute excidere: unde nec metuunt damnari qui Calvinum sequuntur: ergo multo minus Christus, qui est exemplar et parens fidelium et prædestinatorum, iram et damnationem Dei metuere potuit. Vide ergo hic impietatem Calvinī, qui in notitia et certitudine salutis et favoris divini, se suosque longe Christo præfert.

Quinta.

Paulum vero nihil tale significare patet ex verbo εὐλαβία, quod in Scriptura non talem metum et horrorem (1), qualem vult Calvinus, sed reverentiam vel timorem reverentiæ, quo parentes vel Superiores aut Sanctos timemus et reveremur, significat. Itaque hic εὐλαβία accipiunt S. Chrysostomus, Theophylactus, Theodoretus, Ambrosius, Œcumenius, Anselmus omnesque orthodoxi.

Setta.

Dices: Græce est προpositio φόβος, quæ significat a, ex, de; hæc autem recte convenit cum metu, non autem reverentia: recte enim dicitur: Exauditus est Christus ex metu; non autem recte dicitur: Exauditus est ex sua reverentia. Respondet, φόβος sæpe sumi pro πρό, id est propter, vel pro: respondet enim ἵνα μιν, quod tam significat propter vel pro, quam a, ex, de, ut Actor. xii, 14, φόβος τῆς χάριτος, id est, præ gaudio, non aperuit januam; Luc. xii, 42: Invenit eos dormientes φόβος τῆς λύπης, id est præ tristitia, vel propter tristi-

Alia ob-
jectio ex
textu re-
fellit.

(1) Rosenmullerus vertit, et ex sollicitudine, seu anxietate ereptus est.

tiam. Similia sunt *Luc. xxiv, 41*; *Matth. xiii, 44* et alibi.

Calvini
alsona
explica-
tio.

Adde, multo incommodius Calvinum hanc ipsam vocem explicare, hoc modo, exauditus est Christus ex metu, id est, inquit, exauditus est Christus, ut liberaretur a metu; non enim subaudiri potest vox *orans*, q. d. Exauditus est orans ex metu: hoc enim paulo ante expressit Paulus dicens: «Preces supplicationesque offerens.» Hæc de prima Calvini expositione dicta sint.

Secundo, Photius apud Oecumenium, *ἐλλείπειν* vertit *φιλανθρωπίαν*, id est, *eximiam charitatem*, q. d. Paulus: Exauditus est Christus pro tanta erga nos charitate, vel, ut Erasmus vertit, pietate.

Tertio et optime, omnes alii cum nostro Interprete *ἐλλείπειν* vertunt, *reverentiam*: inde enim passim *ἐλλείπειν* vocantur viri pii, religiosi, timorati et reverentes Deum; Noster, *Sapientiae* cap. xvii, vers. 8, et alibi subinde *ἐλλείπειν* vertit, *timorem*, scilicet divinum, seu ex Dei majestate et reverentia incussum.

Reverentia et timoris natura et conditiones.

Unde nota: Reverentia hæc sive timor hic reverentiae, vel admirationis, uti vocat eum S. Gregorius, lib. xvii *Moral.*, cap. xiv et xv, et S. Dionysius, xiii *Cœlest. Hierarch.*, est habitus vel actus iudicii et voluntatis, quo creatura rationalis in conspectu divinæ excellentiæ et eminentiæ ita se gerit, et tanti eam æstimat, ut quasi non audeat ad illam accedere, et omnino cavet vel in minimo usurpare ejus excellentiam; imo plane pudibunda, timens et reverens fugit ab ea, ideoque formidat et fugit investigare ejus magnalia, consilia et arcana; ex quo sequitur timor castus, ut pro nulla re velit tantam majestatem offendere: unde reverentia hebraice vocatur *ירא* *ira*, id est timor, et chaldaice *אִמְרָא* *ema*, id est terror, et arabice *הִכָּחַ* *hiba*, id est formido.

Timor castus.

Reverentia quomodo distinguatur ab humilitate, obedientia, religione?

Hinc sequitur *secundo*, hanc reverentiam distinguere ab actu humilitatis, quo quis vult se Deo subdere; et ab actu obedientiæ, quo quis vult illi parere, ut supremo Domino; et ab actu religionis, quo quis vult eum colere, ut supremum rerum omnium principium, illiusque honorem suo in omnibus præferre: actus enim reverentiæ est summe revereri et timere summam Dei majestatem, uti paulo ante dixi.

Reverentia activa et passiva.

Nota *tertio*: Reverentia hic activa intelligitur, qua scilicet homo Deum reveretur, q. d. Apostolus: Exauditus est Christus a Patre, quia reveritus est Patrem, quia reverenter et obedienter erga Patrem se per omnia gessit. Potest tamen *secundo*, passive quoque capi hic *reverentia*, qua scilicet Christum tam erga se reverentem vicissim reveritus est Pater, utpote filium suum, qui cum precibus offerebat pretium, puta sanguinem divinum, qui erat res infiniti valoris, idque ex summa erga Patrem reverentia, et ex mera ac purissima in homines charitate, ut ait Anselmus, q. d. Paulus: Quod exauditus a Patre fuerit Christus, non tam gratiæ fuit, quam dignitatis Christi: tanta

Christus pro di-

enim erat ejus reverentia tam activa quam passiva, ut eum etiam revereretur Deus Pater, nec sustineret; aut posset ei quidquam negare: dignus enim erat omnino planeque merebatur a Patre exaudiri. Ita Chrysostomus, Theophylactus, Oecumenius, Anselmus. Estque hic sensus plenior et dignior; *ἐλλείπειν* enim juncta sic personæ pontificis, quæ per se est veneranda; significat ejus dignitatem et venerationem. Sensus ergo est, q. d. Christus exauditus est propter sui reverentiam, id est, Pater exaudivit eum considerata persona venerabili pontificis, quam gerebat. Equum enim erat sanctum, innocentem venerandumque pontificem orantem exaudiri. At, quomodo exauditus est, cum non fuerit a morte liberatus? quia ita mortuus est, ut statim fuerit a Patre resuscitatus, qui non reliquit animam ejus in inferno, nec dedit sanctum ejus videre corruptionem; utque nos a peccato et morte suscitaret.

gnitate
sua exau-
ditus.

8. ET QUIDEM CUM ESSET FILIUS DEI, DIDICIT EX HIS QUÆ PASSUS EST OBEDIENTIAM. — Dixerat Apostolus, quod Christus «preces cum lacrymis offerens exauditus sit pro sua reverentia;» hic id explicat et exaggerat, docetque reverentiam Christi testatam et probatam fuisse ejusdem obedientia: exauditum vero esse Christum, cum «consummatus factus est nobis causa salutis æternæ,» q. d. «Et quidem cum,» græce *καίπερ*, id est quamvis, Christus esset Filius Dei, pati tamen voluit, itaque discere, id est experiri, obedientiam tam arduam et difficilem, ut scilicet demitteret se, et obediret usque ad mortem crucis.

Vers. 8.

Nota: «Christus ex his quæ passus est, didicit obedientiam,» non quasi in passione demum virtutem obedientiæ didicerit, aut acquisierit, quam ante ignorabat; illam enim optime cognoscebat et callebat, tum per scientiam infusam in primo conceptionis suæ instanti, tum per experientiam triginta quatuor annorum et totius vitæ suæ; sed quia obedientiam hanc novo et exactiore modo expertus est in passione, magis quam in tota reliqua vita sua: quid scilicet sit obedire, quam difficile et arduum sit in omnibus se submittere, quanta sit virtus et labor, inquit S. Anselmus et Photius, obedientia, quæ quævis dura, acerba, ignominiosa, horrenda prompto animo excipit, tolerat et exequitur, idque unius Dei cui obedit, causa et reverentia. En, quod dixi, Christi reverentiam demonstrat ex Christi obedientia.

Quomodo
Christus
didicerit
obedien-
tiam?

Hinc nota *secundo*: Christus patiendo «didicit obedientiam,» ut ostenderet obedientiam, patientiam et cæteras virtutes longe melius, plenius et efficacius ab hominibus disci patiendo et exercendo, quam speculando et contemplando, nimirum *τὰ παθήματα* *μαθήματα*, passionem sunt optimæ doctrinæ et disciplinæ. Et, ut ait S. Bernardus, *epist. 88*: «Humiliatio via est ad humilitatem, sicut patientia ad pacem, sicut lectio ad scientiam. Si virtutem appetis humilitatis, viam non refugas humiliationis. Nam si non pateris humi-

Virtutes
melius
discuntur
exercendo
quam
speculando.
παθήματα
μαθήματα

liari, non poteris ad humilitatem provehi. » Obedientiam hic præ cæteris Apostolus Hebræis inculcat, ut eandem imitentur, discantque Deo et Christo obedire constanter, etiamsi ea de causa spoliationem, exilium adeoque mortem ipsam subire et pati debeant. Unde subdit, quod Christus ita « consummatus factus sit sibi obtemperantibus causa salutis æternæ. »

Nota *tertio* : Christus non tantum per experientiam « didicit obedientiam, » id est, laborem arduum et difficultatem obedientiæ, sed etiam didicit obedientiam, id est, quanta sit obedientiæ magnitudo, excellentia, meritum et præmium; utpote cujus merito paulo post se evectum vidit ad summum gloriæ gradum, ut consummatus fieret nobis obedientiæ dux et præco, adeoque causa salutis æternæ. Hoc enim subjicit Apostolus. Ita Chrysostomus et Theophylactus.

Descriptio obedientiæ. Egregie Climacus obedientiam ita definit : « Obedientia est spontanea mors, sepulcrum voluntatis, vita curiositate carens, securum periculum, immediata ad Deum excusatio, tuta navigatio, confectum dormiendo iter, discretionis depositio, quæ sarcinas in alium transfert, proprii desiderii omnimoda renuntiatio. »

Vers. 9. 9. ET CONSUMMATUS.— Græce τελεωθεὶς, id est *imolatus, vel consecratus, vel, ut Syrus, perfectus* est Christus hac sua passione et obedientia, adeoque corporis beatitudine et gloria immortalis donatus est. Christus enim in cruce consummatus fuit in patientia, in charitate, omnique virtute, itaque consummatus fuit in gratia, et mox in gloria. Hinc S. Anselmus : « Consummatus, inquit, est Christus cum, consummatis omnibus obedientiæ, patientiæ et sanctitatis actionibus, clamavit in cruce, *Consummatus est*, » q. d. Apostolus : Consummatio hominis Christiani fit per afflictiones; quomodo ergo vos, o Hebræi, ægro estis animo in persecutionibus, quæ vos consummatos reddunt? ait Chrysostomus et Theophylactus.

Vers. 10. 10. APPELLATUS A DEO PONTIFEX SECUNDUM ORDINEM MELCHISEDECH.— q. d. Christus nobis est causa salutis, quia a Deo constitutus et appellatus est pontifex noster, cum scilicet dixit ad eum Deus *Psal. cix* : « Tu es sacerdos in æternum, secundum ordinem Melchisedech (1). »

Vers. 11. 11. DE QUO NOBIS GRANDIS SERMO ET ININTERPRETABILIS AD DICENDUM, QUONIAM IMBECILLES FACTI ESTIS AD AUDIENDUM. — Pro *grandis* græce est πῶς; id est multus sermo; « et ininterpretabilis (ita legendum cum Romanis et Græcis, non autem *interpretabilis*), id est explicatu difficillimus : hoc enim est Græcum δυσερμήνευτος. Quare perperam commentarius S. Thomæ ascriptus legit *interpre-*

tabilis, illudque bifariam exponit : *Primo*, ut indicet negationem, et *interpretabilis* sit idem quod qui non potest interpretari. *Secundo*, ut *interpretabilis* affirmative idem sit, quod indigens interpretatione. Verum hæc repugnant ipsi etymologiæ : juxta eam enim *interpretabile* dicitur id, quod facile est interpretatu. Secus est de hac voce *investigabile*; illa enim sumi potest pro *non investigabile*. Sensus ergo Apostoli est, q. d. De Melchisedech multa et magna dicenda forent, sed vobis, o Hebræi, explicatu difficilia, quia ad hæc rudes et imbecilles estis : magis enim capitis Aaronem vestrum, quam Melchisedech. Hæc mysteria Melchisedech ex parte explicat Apostolus cap. vii, ut Hebræorum mentem ad res Christianas et divinas sublevet et doceat, quantum capere poterant : ex parte ea quæ difficiliora sunt tacet, ne vel eos, vel alios legentes iis intellectu tam difficilibus a fide avertat vel obruat, inquit Chrysostomus. Tale est, quomodo panis et vinum oblata a Melchisedech, *Gen. xiv*, fuerint typus sacrificii Eucharistiæ. Unde veteres Græci, teste S. Hieronymo *ad Evagrium*, epist. 126, dicere solent, Paulum cap. vii, ubi agit de Melchisedech, quoddam ejus sacramentum et arcanum omisisse; illudque hic vocare sermonem ininterpretabilem, maxime infidelibus : licet enim hanc epistolam Paulus primario scribat fidelibus, secundario tamen eandem scribit infidelibus, puta Judaizantibus, quos a judaismo ad christianismum convertere satagit. Adde, et fidelibus non nisi bene instructis traditam fuisse doctrinam de mysteriis Eucharistiæ. Est enim hoc Sacramentum maxime sublime, arcanum et divinum : unde Patres illud vocant arcanum Sacramentum, mysterium, mysteria quæ fideles norunt, etc.

— QUONIAM IMBECILLES FACTI ESTIS AD AUDIENDUM.

— Pro *imbecilles* græce est ὡροί, id est segnes, ignavi, negligentes facti estis ad audiendum et cognoscendum res Christianas et divinas : quales multi hodie sunt inter Christianos, qui suis lucris et negotiis ita intenti sunt et absorpti, ut vix Sacrum et concionem audire, vix de Deo, deque animæ suæ salute cogitare possint, aut velint. Hujus negligentiae et ignaviæ causam fuisse persecutiones censet Oecumenius. Tentationes, inquit, et afflictiones reddiderunt vos segnes, neque potestis perfectos audire sermones : tentatio enim, cum illi ceditur vel auscultatur, emollit animum, segnemque, tepidum et imbecillum facit ad bonum. Tales hodie multi sunt in Anglia, qui ne bonis suis spolientur, omne Christiani hominis officium et disciplinam negligunt, nec respiciunt domestica Martyrum aliorumque plurimorum in fide et pietate constantissimorum et ferventissimorum exempla.

12. ETENIM CUM DEBERETIS MAGISTRI ESSE PROPTER TEMPUS, — id est pro longitudine temporis, quo tam in lege Mosis, quam in christianismo estis eruditi.

mae cons
recta.

Quare
Paulus
omiserit
dicere,
sacri-
cium
Melchi-
sedech es-
se typum
Ven. Eu-
charis-
tiæ?

Negli-
gentia in
operibus
quæ
spectant
ad animæ
salutem,
est per-
niciosus.

(1) Redierat Paulus ad præcipuum hujus Epistolæ argumentum, videlicet summum sacerdotium Christi. Sed rursum hic abreptus ab eo excurrit, quæ digressio continet increpationem, adhortationem ac solatium ad finem usque capitis sequentis. Tum demum, cap. vii et viii, rem suam plene tractat et absolvit.

RURSUM INDIGETIS UT DOCEAMINI, QUÆ SINT ELEMENTA EXORDII SERMONUM DEI, — id est quæ sint rudimenta doctrinæ Christianæ et divinæ, quæ catechumeni docentur et discunt.

ET FACTI ESTIS QUIBUS LACTE OPUS SIT, — id est, qui indigetis instructione infirmæ, simplicis et puerilis doctrinæ de Christi humanitate, de baptismo, de resurrectione, de iudicio, ut se explicat Apostolus cap. seq., vers. 1 et 2.

NON SOLIDO CIBO, — id est non altiori et perfectiori eruditione de Christi divinitate, de Melchisedech, de perfectione christiana. Nota : Hæc dicit Apostolus, excitando et exstimulando, ut scilicet Hebræorum animos acuat et subleuet ad audienda et capienda mysteria Melchisedech, aliaque quæ cap. vii et seqq. eis proponere statuit. Sic præceptor discipulos suos alias bene doctos, cum torpescunt et thema non satis accuratum exhibent, increpat et exstimulat, dicens, hoc thema non esse rhetoris, sed grammatici aut syntaxiste,

eosque ad syntaxim remitti debere. Hic sensus patebit initio capitis sequent.

13. OMNIS ENIM QUI LACTIS EST PARTICEPS, — id est, qui puerili institutione et doctrina est erudiendus et fovendus. De hoc lacte dixi I Corinth. iii, 2. Vers. 13.

EXPERTS (græce ἀπειρος, id est inexpertus, rudis, imperitus) **EST SERMONIS JUSTITIÆ**, — id est, sermonis qui fit de perfecta iustitia et sanctitate : hic enim solis perfectis convenit. Ita Theophylactus et Anselmus.

Alii sic explicant, « experts est sermonis iustitiæ, » id est, non est capax justificationis, quæ a Christi deitate expectanda est. Sed priorem sensum esse genuinum patet ex eo quod subdit Apostolus :

14. PARVULUS (græce νήπιος, id est infans, scilicet in Christo et christianismo) **ENIM EST : PERFECTORUM AUTEM EST SOLIDUS CIBUS**, — id est solida et perfecta doctrina et institutio, uti jam dixi. Vers. 14.

CAPUT SEXTUM

SYNOPSIS CAPITIS.

Docet, se nolle rursum Hebræis tradere rudimenta fidei et pœnitentiæ, eo quod eos, qui tot Dei dona receperunt, quanta ipsi in christianismo, impossibile sit renovari ad pœnitentiam : itaque Hebræos avertit a lapsu et apostasia.

Unde secundo, vers. 9, ad constantiam, spem, patientiam, longanimitatem eos animat.

Hinc tertio, vers. 13, proponit eis exemplum Abrahæ, qui patienter expectans ea, quæ sibi promiserat et juraverat Deus, tandem ea adeptus est.

1. Quapropter intermittentes inchoationis Christi sermonem, ad perfectiora feramur, non rursum jacentes fundamentum pœnitentiæ ab operibus mortuis, et fidei ad Deum, 2. baptismatum doctrinæ, impositionis quoque manuum, ac resurrectionis mortuorum, et iudicii æterni. 3. Et hoc faciemus, si quidem permiserit Deus. 4. Impossibile est enim eos, qui semel sunt illuminati, gustaverunt etiam donum cœleste, et participes facti sunt Spiritus Sancti, 5. gustaverunt nihilominus bonum Dei verbum, virtutesque sæculi venturi, 6. et prolapsi sunt, rursus renovari ad pœnitentiam, rursum crucifigentes sibimetipsis Filium Dei, et ostentui habentes. 7. Terra enim sæpe venientem super se bibens imbrem, et generans herbam opportunam illis, a quibus colitur, accipit benedictionem a Deo. 8. Proferens autem spinas ac tribulos, reprobata est, et maledicto proxima : cujus consummatio in combustionem. 9. Confidimus autem de vobis, dilectissimi, meliora, et viciniore salutem : tametsi ita loquimur. 10. Non enim injustus Deus, ut obliviscatur operis vestri, et dilectionis quam ostendistis in nomine ipsius, qui ministrastis sanctis, et ministratis. 11. Cupimus autem unumquemque vestrum eandem ostentare sollicitudinem ad expletionem spei usque in finem : 12. ut non segnes efficiamini, verum imitatores eorum, qui fide et patientia hæreditabunt promissiones. 13. Abrahæ namque promittens Deus, quoniam neminem habuit, per quem juraret, maiorem, juravit per semetipsum, 14. dicens : Nisi benedicens benedicam te, et multiplicans multiplicabo te. 15. Et sic longanimitate ferens, adeptus est repromissionem. 16. Homines enim per maiorem sui jurant : et omnis contro-

versæ eorum finis, ad confirmationem, est juramentum. 17. In quo abundantius volens Deus ostendere pollicitationis hæredibus immobilitatem consilii sui, interposuit iusjurandum: 18. ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem, 19. quam sicut anchoram habemus animæ tutam ac firmam, et incedentem usque ad interiora velaminis, 20. ubi præcursor pro nobis introivit Jesus, secundum ordinem Melchisedech pontifex factus in æternum.

Vers. 1. 1. QUAPROPTER INTERMITTENTES INCHOATIONIS CHRISTI SERMONEM, AD PERFECTIORA FERAMUR. — Quæres, unde Apostolus inferat τὸ *quapropter*, cum potius contrarium inferre debuisset; dixit enim eos esse imbecilles, et lacte potius indigere quam solido cibo.

Respondeo, τὸ *quapropter* respicit vers. 11 et 12 cap. præced., ubi dixit: «De quo (Melchisedech) grandis nobis est sermo,» et: «Deberetis esse magistri,» q. d. Quamvis hactenus, o Hebræi, imbecilles et segnes fueritis in doctrina Christi et christianismo, tamen quia audistis jam pridem rudimenta fidei, ut pudor sit, in iis adhuc tam me quam vos hærerē: hinc decet vos industriam vestram excitare et intelligentiam acuere, ut quasi perfecti solido cibo vesci incipiatis: «quapropter intermittentes,» postea si opus sit resumpturi, «inchoationis Christi sermonem,» id est, rudimenta christianismi, puta ea quæ in catechismo docentur pueri alique rudes, «ad perfectiora feramur,» ut scilicet perfecta dogmata proponamus, nominatim de Melchisedech ejusque sacerdotio, tanquam antitypo sacerdotii Christi: de hoc enim dixit cap. præcedent.: «Grandis nobis est sermo et ininterpretabilis;» non quod vellet eum præterire, sed ut ad eum audiendum et capiendum exstimularet Hebræos segnes et torpentes, hinc eos ita pupugit arguitque ignorantie et ignavia; unde mox cap. VII, eundem sermonem resumit et expromit. Ita ex Chrysostomo Theophylactus et Anselmus.

Vers. 2. NON RURSUS JACIENTES FUNDAMENTUM POENITENTIE AB OPERIBUS MORTUIS, ET FIDEI AD DEUM, 2. BAPTISMATUM DOCTRINÆ, IMPOSITIONIS QUOQUE MANUUM, AC RESURRECTIONIS MORTUORUM, ET JUDICII ÆTERNI, — q. d. Non est, quod jam rursus vos doceam «fundamentum poenitentiae,» ut scilicet de primo innovanda per poenitentiam vita jam vos instrum et moneam; non quoque est, quod jaciam «fundamentum fidei:» hoc enim jam pridem feci; aut «baptismi,» ut ejus doctrinam vobis tradam; aut «impositionis manuum,» id est, sacramenti Confirmationis; aut «resurrectionis et judicii:» horum enim veritatem et doctrinam jam satis audistis in prima vestra catechesi, cum Christiani facti estis. Ita Theophylactus et Anselmus. Nota hic quinque catechismi et doctrinæ Christianæ capita, catechumenis et recens conversis ante omnia proponenda, quæ Hebræis ab initio christianismi proposita fuisse docet hic Apostolus.

Primum est, «poenitentiae,» et conversionis «ab operibus mortuis,» id est a peccatis, quibus anima gratia Dei privatur, Deoque moritur: nec enim vitam bonam et Christianam quis inire potest, nisi per poenitentiam a morte peccati resurgat.

Secundum caput est, «fidei ad Deum,» vel in Deum; utrumque enim significat Græcum *πίστις*, puta symbolum Apostolorum, fidesque de Deo trino et uno, deque incarnatione, passione, morte et redemptione Jesu Christi.

Tertium caput est, «baptismatum;» dicitur *baptismatum*, non *baptismi*, quia catechumeni docebantur triplicem esse baptismum, scilicet fluminis, flaminis et sanguinis. Vel potius baptismata vocat non ex sua, sed Hebræorum mente et phrasi, qui lustrationibus et baptismatibus legis creberrimis assueti ad se crebro expiandum, putabant jam recens conversi et rudes adhuc, in christianismo quoque sæpe debere hominem baptizari, ut cum sæpe peccet, sæpe quoque remissionem peccatorum accipiat, indeque hoc Sacramentum non baptismum, sed baptismata nuncupabant, inquit Oecumenius et Theophylactus, q. d. Non jam tradam vobis doctrinam de baptismo, ac præsertim, quod apud Christianos non multa, uti apud Judæos, sint baptismata, sed unum tantum (1).

Quartum caput est, «impositionis manuum,» id est sacramenti Confirmationis, quod initio Ecclesiæ omnes baptizati, ut in persecutionibus tunc furentibus firmi essent in fide, mox a baptismo suscipiebant, ut colligitur Act. VIII, vers. 14, 15, 17. Ita S. Augustinus lib. I *De Fide et oper.*, cap. XI, et Ambrosius.

Quintum est, mysterium «resurrectionis et judicii æterni:» spes enim resurrectionis omnes excitat ad constantiam Christianam sanctamque vitam; judicii vero metus deterret omnes ab apostasia, aliisque peccatis: dicitur «judicium æternum» metonymice, quia in judicio feretur sententia de tota æternitate vel beata vel misera

(1) De baptismis in plurali numero loquitur Apostolus, quia Judæis multæ erant rituales lotiones, lege mandatæ, non modo ad sordium purgationem, sed ad peccatorum etiam abstersionem; et sequiori ætate baptismus qui ad regenerationem *prosytytarum* pertinebat. Accessit denique baptismus tum Joannis Baptiste, tum Christianus. Nosse autem Hebræi discrimen debebant inter hunc et illos; nam hæc doctrina erat *fundamentum* religionis Christianæ. Ita Allioli.

cujusque sententia, inquam, fixa et irrevocabilis in æternum. Quam sapit qui hoc iudicium æternum et annos æternos semper in mente habet!

Vers. 3. 3. ET HOC FACIEMUS, SI QUIDEM PERMISERIT DEUS. «Hoc,» scilicet ut, omissis fidei rudimentis et fundamentis, «ad perfectiora,» id est perfecta christianismi dogmata, «feramur,» inquit Theophylactus, Anselmus et alii. Aliter alii, sic enim explicant, q. d. Paulus : De rudimentis fidei jam dictis, quæ jam transibo, postea rursum agam Deo dante, cum opportunum erit; nam de baptismo et poenitentia agit inferius cap. x, de fide cap. xi, de iudicio cap. x et xii, de resurrectione mortuorum cap. xi et xii.

Sed si hoc Apostolus voluisset, dixisset potius per exceptivam particulam sic : «Quamquam hoc quoque faciemus.» Itaque prior expositio planior est, magisque cohæret præcedentibus. Tò enim hoc respicit τὸ intermittentes, et, non rursum jacientes.

Vers. 4. 4-6. IMPOSSIBILE EST ENIM EOS, QUI SEMEL SUNT ILLUMINATI, GUSTAVERUNT ETIAM DONUM COELESTE, etc., RURSUM RENOVARI AD POENITENTIAM. — Vox enim dat causam cur dixerit vers. 1, non esse rursum jaciendum fundamentum poenitentiae, quia scilicet hæc impossibilis est iis, qui «illuminati,» id est baptizati sunt, ut vertit Syrus. Nota : S. Dionysius cap. iii Eccles. Hierarchy, p. 1, aliique Patres, baptismum vocant φωτισμόν, id est illuminationem, quia in baptismo homo fide Christi illustratur, «accipitque primi et increati luminis consortium, omniumque divinarum illustrationum principium,» ait S. Dionysius, cujus rei symbolo in baptismo facies accendi solent (1).

Vers. 4. 4. GUSTAVERUNT ETIAM DONUM COELESTE. — Græce ἐντοπρίσιον, quod verti potest, *supercæleste* donum, hoc est remissio peccatorum, inquit Chrysostomus, gratia, virtutes et charismata Spiritus Sancti, ac præsertim lætitia, pax et serenitas puræ et sanctæ conscientiae, atque dulcedo et suavis vitæ novæ et Christianæ, quam experiuntur tam recens baptizati, quam qui seriam peccatorum confessionem fecerunt, vitamque in melius commutarunt. Hunc enim dulcem saponem significat verbum *gustaverunt*.

(1) Conimata 4-6 inter se connexa sunt, et bene coherent cum præcedentibus. Dicit nempe Apostolus, rem sibi non esse cum Apostatis, quales tum essent apud Hebræos, nec se istorum in gratiam prima elementa religionis repetere velle, frustraneum hoc arbitratus : si quidem fieri non posse ut ejusmodi homines corrigantur; similes enim eos esse terræ improbæ, in quam, quod semen conjeceris, periret omne. Hic locus maxima in causa fuit, ut jam animadvertimus in *argumento* hujus Epistolæ, cur diu Romana Ecclesia cunctata sit hunc librum in canonem recipere, ut liquet ex Tertulliano *De Pudicitia*. Nam in illa controversia an lapsi in persecutionibus in gremium Ecclesiæ recipi possent, illi qui severiores erant in lapsos, Novatiani scilicet, hunc locum urgebant. Quia autem Romana Ecclesia in disciplina erga lapsos mitior erat, hanc epistolam Paulinam esse vix admittebat. Sed ἀδύνατον, *impossibile*, h. l. non est metaphysice impossibile, sed potius res admodum difficilis.

5. GUSTAVERUNT NIHILOMINUS BONUM DEI VERBUM. — Vers. 5. Id est, gustarunt quam suavis et consolatoria sit doctrina Evangelica, quæ tanta tamque jucunda bona promittit nobis, tam hic, quam in cælo capessenda. Nota : «Bonum» Hebræis sæpe idem est, quod lætum, jucundum, felix, delectabile. Inde «verbum bonum» vocat promissionem Dei Judæis jucundissimam, de liberatione a captivitate Babylonica. Sic Psalm XLIV : «Eructavit, inquit, cor meum verbum bonum,» id est, epithalamium jucundissimum de nuptiis Christi et Ecclesiæ. Sic et Poeta canit :

Nunc dicenda bono sunt bona verba die.

VIRTUTESQUE SÆCULI VENTURI. — «Virtutes» hic non opponuntur vititiis : græce enim est δυνάμεις, et syriace כּוּכָל *chaila*, id est robur, potentiam, energiam, q. d. Qui gustarunt per fidei cognitionem, amorem, spem, gaudium et desiderium, «virtutes,» id est potentias sæculi futuri, quid scilicet possit et valeat futurum sæculum, quam potens in eo futura sit redemptio et liberatio ab omni malo et miseria, quanta felicitas et beatitudo, quantam potentiam Deus ostendet in Beatis, scilicet in tam mira et augusta illorum gloria, immortalitate, vita æterna, visione et fruitione Dei, omniumque gaudiorum et bonorum, tam corporis quam animi copia et affluentia. Illum prægustum futuræ vitæ habebat S. Augustinus ejusque mater S. Monica, uti ipse affectuose narrat lib. IX *Confess.*, cap. x. Sanctus item Franciscus cum dicit : «Tanta est gloria quam exspecto, ut omnis me pœna delectet.»

Latius accipit hæc «virtutes,» sive potentias, Œcumenius, scilicet ut tam potentes damnatorum pœnas et tormenta in inferno, quam potentia, augusta et divina præmia Beatorum in cælo complectantur.

6. ET PROLAPSI SUNT. — Post tanta dona, lumen, suavitates et dulcedines, in apostasiam, aliave peccata prolapsi sunt.

RURSUM RENOVARI AD POENITENTIAM. — Græce ἀνακαινίσκειν, id est renovare, ut scilicet sacerdotes per sacramentum poenitentiae Prolapsos renovent. Sed corrigendus est textus Græcus modernus ex Chrysostomo, Œcumenio, Theophylacto, qui legunt ἀνακαινισθῆναι, id est renovari, ut vertit Noster.

Nota, «ad poenitentiam,» id est, *per* poenitentiam. Ita Chrysostomus, Theophylactus, Œcumenius. Græcum enim αἰ; vel ἐν respondet Hebræo בּ *bet*, quod significat, *in*, *ad*, *per*, *propter* : sic vulgo dicimus, ad primum (id est *per* primum) delictum occubuit Petrus : ad contactum (id est, *per* contactum) Christi sanata est hæmorrhœissa : ad (id est, *per*) ignis præsentiam inflammatur stupa.

Quæres, quis hujus loci sit sensus, et quomodo sit impossibile lapsos renovari ad poenitentiam? Ex hoc loco male intellecto orta est hæresis Novati et Novatianorum tempore S. Cypriani, qui

Bonum
Hebræis
idem
quod læ-
tum.

Potes
felicitas
et beati-
tudo
sæculi
futuri.

Pœna
damnato-
rum.

Vers. 6.

Hæresis
Novati et

Novatiani docebant lapsis non esse dandam pœnitentiam, nec veniam : indeque Catharos, id est puros et mundos, se nuncuparunt.

Error Tertulliani. Hinc quoque deliravit Tertullianus, cum lib. I *De Pudicitia* docuit, lapsos semel tantum ad pœnitentiam esse recipiendos. Sed hæc hæresis jam pridem explosa et damnata est, et manifeste repugnat ipsi S. Paulo, qui I *Cor.* v, et II *Cor.* vii, et alibi multis suadet tam fornicario illi Corinthio, quam aliis quibusvis lapsis pœnitentiam.

Petri Lombardi et Hugonis Victoris explicatio. Rursum Petrus Lombardus et Hugo Victor, *Quæst.* LXI in epistolam hanc, putant Apostolum loqui de pœnitentia peragenda post hanc vitam : hæc enim est impossibilis. Sed nihil tale suggerit vel innuit hic Apostolus.

Prior explicatio hujus loci, loqui Apostolum de pœnitentia baptismi, qui iterari non potest. Dico ergo, duæ sunt maxime probabiles hujus loci expositiones. Prior est omnium pene veterum, Chrysostomi, Theodoreti, Theophylacti, Oecumenii, Haymonis, Sedulii, Primasii, Ambrosii, lib. II *De Pœnit.* cap. ii; Hieronymi, lib. II *Contra Jovin.*; Augustini, in inchoatione epist. ad *Rom.*, et aliorum : hi censent Apostolum loqui de pœnitentia baptismi, seu quæ præit baptismum, tantumque damnare hoc loco iterationem baptismi : unde veteres passim ex hoc loco docent et probant Baptismum æque ac Confirmationem non posse iterari. Hebræi enim in judaismo sæpe se baptizabant, indeque facti Christiani putabant pari modo se posse iterum, tertio et quarto baptizari, et baptismum iterato identidem peccata, in quæ sæpius incidebant, expiare. Probatur hæc explicatio primo, quia Apostolus hic respicit ad pœnitentiam, de qua egit vers. 1; ibi autem pœnitentiam jungit baptismum, eamque intelligit quæ præit baptismum.

Prior hæc explicatio probatur quadrupliciter. Secundo, id indicat vox « renovari, » quæ fere baptismum datur : unde Apostolus, *Tit.* iii, 5, baptismum vocat « lavacrum regenerationis et renovationis. »

Tertio, id ipsum innuit vox « impossibile : » proprie enim sola baptismi, non autem pœnitentiae, iteratio est simpliciter impossibilis.

Quarto, quia subdit Apostolus, « rursum crucifigentes sibimetipsis Filium Dei, » *q. d.* Baptismus est figura et repræsentatio crucis; et qui baptizatur, symbolice cum Christo crucifigitur, ut dixi *Rom.* vi, 3. Unde sicut Christus secundo crucifigi non potest, sic nec baptismus repeti; et qui secundo baptizantur, hi Christum in seipsis iterum symbolice crucifigunt : hoc enim ipso significant et protestantur crucem a Christo semel susceptam, et priore unicoque baptismum a se suscepto adumbratam, non sufficere; sed opus esse ut iterum Christus crucifigatur, itaque secundum baptismum ad eluenda peccata instituat. Ita Chrysostomus et Damascenus, lib. IV *De Fide*, cap. x.

Posterior apostasi et ingratis Secunda magis plana ac genuina hujus loci expositio est Anselmi, Lyræ, Hugonis, Dionysii, Titelmanni, Vasquezii, Ribere et aliorum recentiorum : hi censent Apostolum proprie loqui de

pœnitentia, eamque dicere impossibilem, id est valde difficilem, esse peccatoribus, non quibusvis, sed gravissimis et ingratis, puta apostatis, qui post tot insignia lumina et dona cœlestia a Deo accepta, post tot gratias et consolationes Spiritus Sancti, postquam gustarunt delicias Dei et futuræ vitæ, a Deo, a fide et agnita veritate, atque a Christo ad judaismum et infidelitatem desciscunt, uti aliqui Hebræi faciebant.

Probatur hæc expositio primo, quia vers. sequenti vocat terram maledictam, quæ rore cœlestis gratiæ et fidei recepto, profert tamen spinas apostasiæ, ideoque reproba est et igni comburenda : apostata enim fere omnes pœnitentia expiari non possunt, sed obdurati et reprobati sunt, ideoque in gehennam relegantur; ubi clare vides non baptismi, sed pœnitentiæ vim et fructum eis adimi.

Secundo, quia verba ipsa plane id significant : pœnitentia enim non baptismum, sed pœnitentiam significat eorum, qui in peccatum prolapsi sunt, post illuminationem, id est, post baptismum.

Tertio, quia cap. x, vers. 26, omnino similiter de his apostatis ait : « Voluntarie peccantibus jam non relinquitur pro peccato hostia, » *q. d.* Eorum qui voluntarie peccant et a Christo desciscunt; peccatum et apostasia nullo, non dico baptismum, sed sacrificio pro peccato, nulla pœnitentia expiari potest, id est, difficillime et vix expiari potest : quia tales vix unquam serio pœnitent, uti videmus nostros apostatas sacerdotes et monachos, cum a religione nostra et ab Ordine suo ad hæreticos transfugiunt, difficillime et rarissime converti et pœnitere. Sic *Matth.* cap. xii, vers. 32, dicit Christus, quod blasphemia in Spiritum Sanctum non (id est ægre, vix) remittetur in hoc sæculo, nec in futuro. Sic I *Joan.* v, 16, dicitur : « Est peccatum ad mortem, non pro illo dico ut roget quis, » *q. d.* Si quis peccet, dummodo non peccet peccatum ad mortem, oret quis pro peccante, et certo speret se exaudiendum, et veniam ei impetraturum : sin autem quis peccet peccatum ad mortem, non ausim spondere, nec certo sperare, quod orans pro eo veniam ei impetrabit, non tamen omnino orationem pro eo fieri veto. Ubi peccatum ad mortem idem fere videtur esse cum eo, de quo hic agit Apostolus cum ait : « Impossibile est eos, qui semel illuminati et prolapsi sunt, renovari ad pœnitentiam. » Peccatum enim ad mortem, ut docet S. Hieronymus, lib. II *Contra Jovinian.*, est quodvis gravissimum peccatum, maxime quod ex malitia et obfirmato animo fit, v. g. cum quis fidem agnitam ex malitia improbat, deserit, et tanquam dæmoniacam calumniatur; quod peccatum ordinarie vix remittitur, estque tale ac tantum, ut ex eo ad vitam spiritualem gratiæ vix ullus resurgat; sed in eo, ac consequenter in morte animæ maneat is qui peccat, ac proinde puniendus sit morte æterna.

peccatoribus difficilem esse pœnitentiam.

Posterior hæc expositio probatur tripliciter.

Apostata nostri, sacerdotes et monachi obdurati. Peccatum in Spiritum Sanctum, et peccatum ad mortem vix remittuntur.

Peccatum ad mortem quod et quale?

Respon- Ad *primum* argumentum pro priori expositione de baptismo allatum respondeo, Apostolum vers. 1, pœnitentiam generatim accipere, omnemque intelligere, tamque eam quæ baptismum antecedit, quam eam quæ baptismum sequitur : utraque enim rudes et catechumenos docere solet, ut sciant quomodo ad baptismum se præparare, et quomodo post lapsum, si lapsi sint in peccatum, per pœnitentiam se reparare, et baptismali puritati restituere possint : mox enim a baptismo catechumeni usurpare et frequentare solent pœnitentiæ Sacramentum.

Ad Pri- Ad *secundum* respondeo, vocem *renovari* tam
um. tribui pœnitentiæ, quam baptismi; unde Aposto-
Ad se- lus tam Ephesios quam Romanos et Colossenses
cundum. jam pridem baptizatos hortatur dicens : « Renovamini spiritu mentis vestræ, » *Ephes. iv, 23*. Sic Concilium Tridentinum, *sess. XIV, cap. II*, docet per pœnitentiæ Sacramentum nos renovari, et ad novitatem baptismi acceptam reparari.

Ad ter- Ad *tertium* respondeo, *impossibile* hic, non phy-
tium. sice, sed moraliter accipi; significareque id, quod communiter et ordinarie non fit, et secundum consuetudinem et legem ordinariam fieri non potest. Sic enim Jurisperiti vocant impossibile, id quod valde est difficile, et raro aut nunquam fit. Sic Christus, *Matth. xix, 26*, dicit impossibile esse divitem salvum : quod mox explicat dicens, id apud homines esse impossibile, apud Deum autem omnia esse possibilia. Eodem modo impossibile est peccantes hoc peccato apostasiæ renovari ad pœnitentiam, si spectes communem cursum, tum naturæ, tum gratiæ, quam Deus ordinarie dat, juxta quem videmus tales rarissime et vix unquam converti; ut moraliter et vulgari-ter loquendo dicamus impossibile esse tales converti.

Ex hære- Sic ex hæresiarchis, qui principes sunt
siarchis apostatarum a Christo, hucusque neminem vidimus qui resipuerit, excepto uno Berengario. Apud Deum autem possibile est eos converti, si videlicet quis valde sanctus vir Deum exoret, aut si Deus sponte sua raram quamdam et extraordinariam gratiam eis largiatur, qua cor eorum durum flectat et emolliat ad veram et seriam pœnitentiam, uti subinde fieri videmus.

Ad quar- Ad *quartum* respondeo paragrapho proximo.
tum. RURSUS CRUCIFIGENTES SIBI METIPSIS FILIUM DEI, ET OSTENTUI HABENTES. — Nota hæc verba non referri ad *renovari*, *q. d.* eos in ipsa renovatione et iteratione baptismi crucifigere Christum; sed ad *prolapsi*. Patet ex Græco, in quo pari casu, scilicet accusativo, hæc efferuntur, scilicet ἀναστα-
Ministris *ἐκείνας* et παρατίθεντας, *q. d.* Prolapsi sunt, quia
huius rursus crucifigunt et ostentui habent Christum; ideoque impossibile est eos ad pœnitentiam re-
loci novari : omnis enim qui in pristina peccata, ac
status præsertim qui a fide in judaismum et hæresim aut infidelitatem relabatur, iterum quasi crucifigit
Rursus Christum, quia novo peccato novam dat causam
crucifi- crucis et mortis Christi : facit enim rursus id
gentes
sibi
Filius Dei.

propter quod Christus crucifixus est; quare nisi Christi mors tam efficax fuisset, ut ad omnia omnino peccata post quantavis sæcula futura et iteranda se extendisset, oporteret Christum toties mori et crucifigi, quoties peccant homines, sicut Aaronica sacrificia et victimæ, toties mactari et offerri debebant, quoties peccabant Judæi.

OSTENTUI HABENTES. — Græce παραδειγματίζοντες, id est, paradigma, sive exemplum statuentes, quod ab omnibus videatur et rideatur; hoc est, infamantes, irrisione et ludibrio exponentes. Unde Syrus habet נצערק *netsaaron*, id est contemnunt, despiciunt, contumelia et ignominia afficiunt. Qui enim apostatat et in peccata relabatur, hoc ipso contemnit, vilipendit et ridet Christum, Christique crucem et redemptionem, atque hoc ipso causa est, ut Christus in exemplum ludibrii Gentilibus omnibusque hominibus proponatur, utque Gentiles dicaces et malevoli irrideant Christum, Christique legem et Ecclesiæ, sicut Judæi irriserunt Christum in cruce suspensum : sic Julianus Apostata irrisit, et irridendum proposuit Christum et christianismum.

7. TERRA ENIM SÆPE VENIENTEM SUPER SE BIBENS **Vers. 7.**
IMBREM, ET GENERANS HERBAM OPPORTUNAM (ἐσθίων, id est, utilem et accommodam) **ILLIS A QUIBUS COLITUR, ACCIPIT BENEDICTIONEM A DEO.** — « Benedictionem » vocat continuam fertilitatem : dum enim terra labori et agriculturæ respondet, generatque herbam, facit Deus ut homines eam diligentius colant, et subinde hordeum, triticum aliasque segetes in ea serant; ipseque Deus illi novas pluvias, et novas solis cœlique influentias immittit : quo fit ut terra ita exulta novos, plures et meliores fructus ferat : quæ est terræ quasi benedictio et felicitas, sicut felicitas et benedictio matris est multas et pulchras generare proles. Hac terræ similitudine et analogia significat Apostolus, homines, qui imbrem gratiæ divinæ excipiunt, eique cooperantes, fructus bonorum operum producunt, a Deo benedici, id est, majori gratiæ et consolationis cœlestis influxu, virtutum et meritorum copia cumulari.

8. PROFERENS SPINAS AC TRIBULOS, REPROBA EST, ET **Vers. 8.**
MALEDICTO PROXIMA; CUJUS CONSUMMATIO IN COMBUSTIONEM. — Pro *proferens* græce est ἐκφέρων, id est efferens, emittens, ejiciens, quasi præter naturam, « spinas, » tanquam aborsum, cum per se generare deberet herbam utilem. Ita Œcumenius. *Secundo*, pro *reproba* græce est ἀδόκιμος, id est improbanda; deserenda, rejicienda, et inculca relinquenda, ut fiat horridum vepricetum et senticetum. Hinc *tertio*, eandem vocat « maledicto proximam, » ut, nisi meliora ferat germina, maledictioni, id est sterilitati et squalori, perpetuo subjaceat. *Quarto*, « consummatio, » id est, finis et exitus ejus est, ut sit in « combustionem, » ut cum suis spinis ac tribulis comburatur.

Ex parabola terræ frugiferæ et sterilis, probat Apostolus id quod dixerat, scilicet peccatum

Apostata contemptores et irrisores Christi et christianismi.

Terræ et animæ fertilis similitudo.

Terræ et animæ sterilis comparatio.

apostasie post accepta tanta dona gratie, quasi pluvie celestis, commissum, esse gravissimum et quasi irremissibile; eo quod apostata hanc pluviam neglexerit, illique non responderit, sed manserit sterilis bonorum operum, ideoque maledicto sit proximus, ut nisi plane se emendet, a Deo auditurus sit: «Ite, maledicti, in ignem æternum, qui paratus est diabolo et angelis ejus.»

Vers. 9. 9. CONFIDIMUS AUTEM DE VOBIS, DILECTISSIMI, MELIORA ET VICINIORA SALUTI, TAMETSI ITA LOQUIMUR (1). — Pro *confidimus* græce est *πιστεύω*, id est persuasimus, credimus, persuasimus nobis, vos scilicet non esse instar terræ, quæ germinat spinas et tribulos, ideoque maledicta est: tamen hæc loqui et submonere volumus, quia vidimus quosdam inter vos a primo fervore descivisse et flaccescere indies, qui, si ita pergant, tandem fient terra maledicta, et damnabuntur: hos hac parabola terremus et monemus, ut resumant primum fervorem, et divinæ gratiæ respondeant, ferantque fructus virtutum instar terræ fertilis et benedictæ. Ita Theophylactus.

Vers. 10. 10. NON ENIM INJUSTUS EST DEUS, UT OBLIVISCATUR OPERIS VESTRI, ET DILECTIONIS QUAM OSTENDISTIS IN NOMINE IPSIUS. — Putant nonnulli Doctores moderni, Apostolum hic loqui Hebræis lapsis in apostasiam et peccatum mortale, eosque erigere in spem veniæ, eis proponendo partim suam pœnitentiam, et pœnitentiæ ac charitatis opera, quibus jam pœnitentes ministrarunt sanctis; partim Dei justitiam, id est, fidelitatem, qui sicut peccatoribus pœnitentibus veniam promisit, ita eandem re ipsa præstabit, q. d. Estote bono animo, o Hebræi: licet enim lapsi sitis, tamen quia pœnitet vos, eamque pœnitentiam testamini, dum tanta charitate ministratis sanctis, certi estote quod Deus in gratiam vos recipiet; «non enim injustus» est, sed justus et fidelis, ut misericordiam et remissionem peccatorum promissam pœnitentibus vobis præstet et exhibeat. Si objicias Concilium Tridentinum, sess. VI, cap. XVI, dicere, hæc verba Apostoli non peccatoribus, sed justificatis esse proponenda, respondent, hæc verba justificatis esse proponenda, non quasi per se ad eos pertineant, sed tanquam argumentum a minori, q. d. Si Deus non obliviscitur veniæ, quam promisit impiis si pœniteant, multo minus obliviscetur præmii, quod justorum operibus promissit. Verum Concilium videtur proponere hæc Apostoli verba justificatis, non ut argumentum a minori, sed ut iis ipsis præmium operum justorum explicet et demonstret: nam alioqui, hoc loco omisso, alia clara et expressa Scripturæ sanctæ testimonia, quæ id ipsum diserte significant, protulisset. Adde, quod Apostolus non peccatoribus, sed justificatis loquatur, patere ex ipso Apostolo, ut mox ostendam.

Ex Concilio Tridentino ostenditur verba hæc justificatis conveni-

erudito illo opusculo *De Reditu operum mortificationum*, putant Apostolum loqui Hebræis tam in gratia stantibus, quam in peccatum jam ante lapsis, sed jam rursum reparatis et justificatis, quibus bona opera ante lapsum facta, jam per pœnitentiam restituta sint a Deo. Unde ex hoc Apostoli loco probant opera et merita bona per peccatum sequens mortificata, iterum post pœnitentiam redire et reviviscere, et restitui pœnitenti. Videntur enim hi Hebræi peccasse, et esse prolapsi, ut innuit Apostolus vers. 6; quare docent iidem hæc merita redire et restitui pœnitenti ex justitia, præsupposita tamen liberali Dei ordinatione et promissione, qua hunc reditum et restitutionem promisit, ideoque dicere Apostolum: «Non enim injustus est Deus, ut obliviscatur operis vestri.»

Reditus et revivificatio operum mortificationum probatur ex hoc loco secundum aliquos.

Hæc sententia in se vera est, non tamen videtur esse plane genuina, et ex mente Apostoli hoc loco. Licet enim subinde innuat aliquos Hebræos esse prolapsos, et licet aliis nonnullis, utpote segnis, eundem lapsum timeat, tamen eos, ad quos scribit, quosque hic alloquitur et compellat, necdum esse lapsos satis significat vers. preced., ubi ait: «Confidimus de vobis meliora et vicina salutis: tametsi ita loquimur,» et vers. 11 et 12, itemque x, 34, ubi cum laudans Hebræos dixisset, eos vincis esse compassos, et rapinam honorum aliaque dura cum gaudio suscepisse, subdit: «Nolite itaque amittere confidentiam vestram: patientia enim vobis necessaria est, adhuc enim modicum aliquantulum, qui venturus est, veniet.» Rursum, cum dixisset hoc loco, non esse injustum Deum, ut obliviscatur eorum operis et dilectionis, subjicit: «Cupimus autem unumquemque vestrum eandem ostentare sollicitudinem, ad expletionem spei, usque in finem.» Quibus verbis aliisque tota epistola sparsis hortatur Hebræos, non ad resipiscentiam, sed ad constantiam in fide, ne tentationibus et persecutionibus pressi et fatigati, ab ea resiliant et deserant collectionem Christianam.

Apostolus non intendit hanc reviviscen-

Probatur primo.

Secundo, de pœnitentibus hic non agere, adeoque pœnitentiam hic non commendare Apostolum, patet ex eo, quod tam hic, quam vers. 6, dicit esse «impossibile eos qui prolapsi sunt, renovari ad pœnitentiam,» eosque non misericordiam, sed terribile tantum Dei judicium manere. Rursum id patet ex eo, quod ait vers. 1: «Intermittentes inchoationis Christi sermonem, ad perfectiora feramur, non rursum jacentes fundamentum pœnitentiæ.»

Probatur secundo.

Tertio, ita videtur exponere Concilium Tridentinum, sess. VI, cap. XVI, ubi docet justificatis a peccato hæc Apostoli verba esse proponenda, ut iis excitentur ad studium bonorum operum ex spe mercedis, quam recipient a Deo justo iudice.

Probatur tertio.

Secundo, S. Thomas et Franciscus Suarez in

(1) Vers. 9. Vos autem non esse ex Apostatarum numero

confido, imo salutis esse proximos, licet vos supra, v, 12, imbecilles et parvos dixerim.

Cooperandum gratia divina.

Hæc ergo est mens et sententia Apostoli : dixerat paulo ante : « Confidimus de vobis meliora et viciniore salutem, » scilicet quod non sitis similes terræ sterili, reprobæ, maledictæ et comburendæ; sed potius, quod sitis terræ fertili et benedictæ similes, quodque rectis itineribus tendatis ad salutem, illique vicini sitis : id probat dicens : « Non enim injustus est Deus, » etc., q. d. Deus cum sit justus retributor operum, oblivisci non potest, sed semper est memor vestræ dilectionis et misericordiæ, ut illam præmii, dando vobis gratiam et stimulos, quibus facile in hac dilectione æque ac fide, spe, patientia aliisque bonis operibus perseverare et crescere possitis, atque per ea tendere et assequi tandem salutem et coronam gloriæ, quam bonis operibus promisit; si tamen vos ipsi huic gratiæ cooperari pergatis, sitisque in fide constantes : quod unice cupio, ad idque plane vos exhortor. Unde subdit : « Cupimus autem unumquemque vestrum eandem ostentare sollicitudinem, ad expletionem spei, usque in finem. » Hinc sequitur, bona opera mereri stabilitatem et perseverantiam in fide, gratia et bonis operibus : sicut vice versa mala opera merentur et disponunt ad vagandum per cupiditates et scelera, ac tandem ad vacillandum in fide et ad ipsam fidem perdendam.

Deus ex justitia remunerabit opera.

Nota quod dicit : « Non enim injustus est Deus. » Hisce enim verbis significat injustum fore Deum, si mercedem quam bonis operibus promisit negaret et subtraheret, aut si minorem mercedem daret, quam opera mereantur. Deus enim ad justam et condignam operum mercedem promissione sua se obstrinxit : hinc quia justissimus est, quod justum est, quodque promisit, justissime præstabit. Vide dicta II *Timoth.* iv, 8.

ET DILECTIONIS. — Ita legendum cum Syro, Chrysostomo, Theophylacto; Œcumenio; jam enim nescio a quo, in Græco additum est τοῦ λόγου τῆς ἀγάπης, id est, laboris charitatis, vel dilectionis, id est laboriosæ charitatis, vel laboris ex charitate suscepti.

Paulus hic ex Hebræo illustratus.

QUAM OSTENDISTIS (id est, præstitistis et exhibuistis) IN NOMINE IPSIUS, — id est nomini, vel erga nomen ipsius, scilicet Christi Dei et Domini vestri, ut sit *bet* contactus; vel « in nomine, » id est, propter nomen ipsius, ut sit *bet* causæ, vel pretii, q. d. Propter Christum benefecistis Christianis, et magnum laborem subistis in adjuvandis Christi pauperibus. Rursum, dum hoc fecistis et facitis, ostenditis quantum ametis Christum Christique nomen, qui scilicet Christi amore omnibus qui Christi nomine insigniuntur, ministratis et succurritis eleemosynis vestris.

Nota : *Ministrare* significat tam succurrere et eleemosynam dare, quam eleemosynam ad pauperes et ægrotos deferre, eisque inservire : quæ plena et perfecta est misericordia et charitas Christianorum.

Eleemo- Moraliter, vide hic Chrysostomum in morali

hom. 10 et 11, docentem quam non debeamus curiose scrutari pauperes, an sint boni et sancti, sed simpliciter dare eleemosynam in nomine Christi, non tantum christianis, sed et paganis.

syna quibus et qualibus danda?

Vers. 11.

11. CUPIMUS AUTEM UNUMQUEMQUE VESTRUM EANDEM OSTENTARE (ἐνδείκνυσθαι, id est ostendere) SOLLICITUDINEM, AD EXPLETIONEM SPEI, USQUE IN FINEM. — « Ad expletionem spei, » il est, ut spes vestra plena sit, indesque augeatur et plenior fiat per perseverantiam et studium bonorum operum, tandemque re ipsa expleatur, cum spes ipsa vertetur in rem, cumque præmium cœlestis quod sperastis et pro quo laborastis, re ipsa consequamini (1).

Ubi nota, spem et fiduciam salutis nasci et corroborari exercitio et studio bonorum operum : quare qui gehennam anxie formidat et damnari metuit, exerceat se assidue in bonis operibus, itaque crescat fiducia salutis, quæ omnem hunc metum aut excludet, aut valde imminuet.

Spes corroboratur exercitio bonorum operum.

Nota : Pro *expletionem* græce est πληροφάν, quod Vatablus, Erasmus et alii vertunt, *plenam probationem*, persuasionem et certitudinem, ut scilicet spes vestra per bona opera fiat certa, usque in finem certitudinis spei, id est, usquequo plene persuasi sitis, planeque et certo (quantum licet in hac vita) confidatis vos speratam gloriam in cœlis adepturos; itaque non timide, scrupulose et anxie, sed libere, lætissime et fidentissime Deo serviatis, ut idem sit cum eo quod monet S. Petrus, cum ait *epist.* II, cap. I, vers. 10 : « Satagite ut per bona opera certam vestram vocationem et electionem faciatis. » Ita et Vasquez. Πληροφάν, ait, est certa et plena fides, sive persuasio, ex qua oritur certa et plena spes : tunc enim plena est spes, cum plena est fides de eo quod speratur. Verum πληροφάν proprie expletionem significat, sicuti vertit Noster. Uti ostendi *Rom.* xiv, 5.

Nota secundo, τὸ in finem referendum esse ad « ostentare sollicitudinem, » q. d. Cupio ut ostendatis hanc bonorum operum sollicitudinem in finem usque vitæ vestræ. Potest tamen referri quoque ad « expletionem spei, » q. d. Ut spes vestra expleatur in finem usque, ut scilicet illa indes ita crescat, donec tandem ipsa plene finiatur, absolvetur et consummetur : crescente enim sancta vita, crescit et spes, et quantum illa, tantum et hæc perficitur et consummatur.

Sollicitudo continua bonorum operum necessaria.

12. ET NON SEGNES EFFICIAMINI, — in retinendo et proseguendo Evangelio et vita Christiana, in persecutionibus et afflictionibus pro ea sufferendis.

Vers. 12.

VERUM IMITATORES EORUM, QUI FIDE ET PATIENTIA HEREDITABUNT PROMISSIONES. — « Fide, » scilicet qua credunt, si Deo fideles sint, se ab eo bona æterna accepturos : hæc enim fides est quæ spem excitat et sustentat ad quævis ardua suscipienda et perferenda; de qua agit toto cap. XI, ut He-

Commentatur

(1) *Sollicitudinem*, par scilicet studium in fide retinenda.

ides et bræos ad constantiam in persecutione præstan-
patien-
tia. dam, per hanc fidem animet et corroboret.

Pro *patientia* græce est *μακροθυμία*, id est longanimitas, qua duramus in malis, nec iis frangimur, etiamsi longo tempore nos premant, sed longanimiter expectamus, ut tandem aliquando iis liberemur, et bona promissa ac sperata cer-
namus et hæreditemus in cœlis: hæ enim sunt « promissiones » in Scripturis celebres, ideoque Hebræis notæ, quas hic Paulus intelligit, scilicet bona in cœlis nobis promissa. Per metonymiam enim *promissio* ponitur pro re promissa. « Patientia » ergo, sive longanimitas, hic idem est quod perseverantia. Simile est vers. 15.

Vers. 13. 13. ABRAHÆ NAMQUE PROMITTENS DEUS. — *q. d.* Quod jam dixi: « Imitatores estote eorum qui fide et patientia hæreditabunt promissiones, » id ipsum exemplo Abrahæ confirmo, ipsumque Abraham patrem vestrum omniumque credentium et patienter expectantium, vobis imitandum propono; ut, sicut ipse fide et patientia promissionem sibi a Deo factam et juratam tandem consecutus est, ita et vos eamdem longa fide, spe et patientia consequamini. Promissio enim Abrahæ facta, vobis quoque, omnibusque fidelibus facta est, ut mox patebit. Simili modo Abraham in exemplum proposuit Apostolus Romanis, cap. iv, 16.

QUONIAM NENINEM HABUIT PER QUEM JURARET, MAJOREM, JURAVIT PER SEMETIPSUM. — Ostendit promissionem Dei esse certam et firmam, nec quemquam de ea posse dubitare, quia Deus eam juramento confirmavit jurans per semetipsum, cum non haberet majorem se, per quem juraret.

Vers. 14. 14. DICENS: NISI BENEDICENS BENEDICAM TE, ET MULTIPLICANS MULTIPLICABO TE. — « Nisi » Hebræis nota est juramenti execratorii, in qua est aposiopesis, *q. d.* Nisi te benedicens benedixero, id est, nisi beneficiis meis cumulate tibi benefecero, iisque abunde te cumulavero (hoc enim significat illa geminatio, « Benedicens benedicam; » et benedicere Dei, cum sit reale et efficax, idem est quod benefacere), supple et subaudi, « non habear Deus, » verax, fidelis. Jurat enim hic Deus, ut ait Apostolus, per semetipsum, seque quasi devovet.

Nota: Pro *nisi* græce est *ἢ μὴ*, quod Noster, Vatablus, Erasmus et alii vertunt *nisi*, ut sit idem quod *ἢ μὴ*; Theophylactus tamen et Œcumenius vertunt *vere*, vel *certe*.

Apo-
lus nou
semper
verba,
sed
sensum
Scriptu-
ræ cita. Hinc secundo, patet Apostolum hic, uti et alias, non verba Dei et Scripturæ, sed sensum citare, adeoque multa verba Dei paucis complecti. Sic enim dicit Deus, Gen. xxii, 16: « Per memetipsum juravi (id est juro), dicit Dominus: quia fecisti hanc rem, et non pepercisti filio tuo unigenito propter me, benedicam tibi, et multiplicabo semen tuum sicut stellas cœli, et velut arenam quæ est in littore maris; possidebit semen tuum portas inimicorum suorum, et benedicentur in semine tuo omnes gentes terræ, quia obedisti

voci meæ. » Quæ omnia summatim hisce paucis verbis complexus est Paulus dicens: « Nisi benedicens benedicam te, et multiplicans multipli-
cabo te. »

Hinc *tertio*, patet hanc benedictionem et promissionem Abrahæ et posteris Abrahæ factam, impletam esse inchoate in Isaac et Judæis ex Isaac prognatis, quando scilicet Deus illos temporalium bonorum abundantia cumulavit; perfectæ vero impletam esse in Christo et Christianis, quos Deus spiritualis gratiæ copia omnique benedictione cœlesti benedixit: hanc enim spiritua-
lem Christianorum benedictionem, temporalis illa Isaaci et Judæorum, quasi typus et figura adumbravit. Ad Christum enim et Christianos, quasi ad veros et genuinos ex mente Dei et Scripture Abrahæ filios, hanc ejus benedictionem vel maxime pertinere, patet ex ipsis verbis quibus ait: « Benedicentur in semine tuo omnes gentes terræ: » per Isaac enim soli Judæi, per Christum vero omnes gentes benedictæ sunt, ut patet Galat. iii, 16; unde Apostolus, Rom. ix, 6: « Non omnes, inquit, qui ex Israel sunt, ii sunt Israelitæ; neque qui semen sunt Abrahæ, omnes filii: sed in Isaac vocabitur tibi semen, id est, non qui filii carnis, hi filii Dei; sed qui filii sunt promissionis, æstimantur in semine, » *q. d.* Non Judæi qui secundum carnem ex Abraham et Israele, id est Jacobo, sunt nati, sed fideles et Christiani, qui secundum spiritum ex Abraham et Jacob sunt prognati, quia fidem et spiritum Abrahæ patris quasi genuini filii imbibierunt et imitantur, censentur a Deo esse semen, id est posteri et filii Abrahæ a Deo in filios adoptati; ac consequenter hi soli censentur et sunt Abrahæ, et promissionis ac benedictionis illi factæ hæredes. Ita ex S. Chrysostomo Theophylactus, Anselmus et alii.

15. ET SIC LONGANIMITER FERENS (expectans) ADEPTUS EST REPROMISSIONEM. — In senio enim suo Abraham, et prole et opibus fuit cumulatus Genes. xxv, 1 et seq.

Secundo, in posteris suis secundum carnem, post quadringentos annos a promissione sibi facta benedictus est Abraham, quando duce Josue Hebræi, posteri Abrahæ, obtinuerunt portas inimicorum suorum, id est, terram et urbes Chanaan.

Tertio, spiritualiter et maxime Abraham fuit benedictus, quando post mortem in limbum, et inde tempore Christi in cœlum deductus est: similiter in posteris suis secundum spiritum benedictus est, et indies adhuc benedicitur, quando fideles et Sancti in cœlum, cujus typus erat Chanaan, ingrediuntur; et de hac tertia benedictione loquitur Apostolus, cum ait cap. xi, vers. 13, Abraham et patriarchas esse defunctos non acceptis promissionibus, sed eas a longe aspexisse et salutasse.

16. HOMINES ENIM PER MAJOREM SUI JURANT. — Vers 16. Docet exemplo hominum, apud quos omnis lex et omne dubium terminatur et firmatur jura-

Promissio facta Abrahæ inchoata impleta in veteribus Judæis, perfecta in Christianis.

Abraham mitica promissiones multis modis impletæ.

mento, Deum suam promissionem voluisse firmare juramento, idque jurando per seipsum, cum non haberet majorem se, per quem juraret.

Nota græcismum, « majorem sui, » id est majorem se.

Vers. 17 et 18. 17. IN QUO (in qua re, scilicet promissione sua; vel « in quo, » id est, *propter quod*; ita Syrus: Hebræum enim *bet*, id est *in*, sæpe idem est quod *propter*) VOLENS DEUS OSTENDERE POLLICITATIONIS HÆREDIBUS (filiis Abrahæ, puta fidelibus) IMMOBILITATEM (firmitatem et immutabilitatem) CONSILII SUI (repromissionis suæ), INTERPOSUIT JUSJURANDUM : 18. UT PER DUAS RES IMMOBILES (per promissionem et jusjurandum, inquit Theophylactus et Anselmus, quæ « immobiles, » id est immutabiles et irrevocabiles sunt, tum apud homines, tum maxime apud Deum; unde subdit :) QUIBUS IMPOSSIBILE EST MENTIRI DEUM (id est revocare, retractare id quod hominibus promisit et juravit, itaque homines ludificare et fallere), FORTISSIMUM SOLATIUM HABEAMUS. — Græce *ισχυράν παράκλησιν*, id est, ut Vatablus, *validam consolationem*; vel, ut Theodoretus et Theophylactus, *validam exhortationem* habeamus : scilicet, ut respicientes in promissa Dei tanta tamque certa, in persecutionibus et tribulationibus, animo non frangamur, sed tantorum honorum spe excitati, alacres ad res arduas accedamus, labores quosvis et pericula pro Deo et pietate fortiter subeamus, rapinas, exilia, tormenta mortemque ipsam generose sustineamus.

Ita fecit S. Lucius, qui ob Christi fidem damnatus ad mortem, cum ad supplicium duceretur : « Gratias ago, inquit, quod me nequissimis dominis absolutum, ad summum cœli terræque regem remittis. » Testis Eusebius, lib. IV *Histor.*, cap. XVII.

Victor, Proconsul Carthaginis, ad arianismum a ministris regiis sollicitatus : « Dicite, inquit, regi vestro, ut subjiciat me ignibus, adigat bestis, excruciet omni genere tormentorum : si consensio, frustra sum in Ecclesia baptizatus. » Testis est Victor, lib. III *Persecut. Wandal.*

Dionysia, ad sanguinem flagellata ab Hunerico, dixit : « Ministri diaboli, quod ad opprobrium meum facitis, ipsa est laus mea. » Victor, ibidem.

Elogius dicenti sibi præfecto Valentis Imperatoris Ariani : « Communica possidenti regnum; » respondit : « Et mihi regni quoque ac sacerdotii consortium est. » *Tripart. histor.* lib. VII, cap. XXXIII.

Dionysius, Alexandrinus Episcopus, pressus a persecutoribus : « Quid, ait, insectando laboratis? caput meum, pro quo ita fatigamini, avulsum a cervicibus sumite, et donum magnum ad tyrannum referte. » Eusebius, lib. VI *Histor.*, cap. XXX.

S. Laurentius assatus in craticula ad Decium : « Assatum, inquit, satis est, versa, et manduca. » Idem dixerunt Tatianus, Macedonius et Theodulus martyres.

Mares, Episcopus Chalcedonensis, Juliano Apostatæ exprobranti sibi cæcitatem : « Gratias, inquit, ago Deo, qui mihi oculos ademit, ne te impium et blasphemum viderem. » Sozomenes, lib. VI, cap. v.

S. Polycarpus Herodi Proconsuli ignem minitanti, respondit : « Ignem minaris hunc qui ad momentum incenditur, et paulo post exstinguitur. Verum ignoras ignem gehennæ, qui ad perpetuas pœnas præparatus est impiis. » Et rursum : « Octoginta et sex annis servivi Christo, et nihil me læsit unquam : quomodo ei maledicam? » Eusebius, lib. IV, cap. XV.

QUI CONFUGIMUS AD TENENDAM PROPOSITAM SPEM. — « Confugimus, » est præteritum, non præsens. Patet ex Græco *ἐκ καταφυγόντες*. Perperam Beza vertit, *qui currimus*. Plus enim est fugere, quam currere. Nam omnis qui fugit, currit; non contra : est enim fugere, currere, ut a periculo te eripias et ad locum tutum pervenias. Sic hoc loco significat nos fugere a morte, ut ad æternam vitam perveniamus.

Secundo, pro *ad tenendam* græce *κρῆτῆται*, id est ut apprehenderemus ac firmissime amplecteremur, nobisque astringeremus hanc spei anchoram, ne sæculi turbines nos abriperent. Ita ex Theophylacto Ribera.

19. QUAM (spem) SICUT ANCHORAM HABEMUS ANIMAE TUTAM AC FIRMAM. — Notat Chrysostomus, fidem esse quasi columnam vel fundamentum in terra jactum, quia fides inter omnes res est solidissima, certissima et firmissima; spes vero, quæ fide quidem est incertior, certior est tamen omnibus humanis auxiliis et spebus, esse quasi anchoram non quamvis, sed tutam et firmam, quia sicut firma anchora in mari navim inter fluctus et ventos firmam, illæsam et inconcussam retinet et conservat : ita spes inter tentationes omnesque hujus sæculi agitationes, quibus in hac vita quasi navigantes jactamur, animam firmat et corroborat, ut solida, immobilis, constans in fide studioque virtutis consistat. Unde Syrus vertit, *quæ (spes) nobis est velut anchora, quæ retinet animam nostram, ne commoveatur*.

Unde Syri et Arabes, spem vocant *נקמה vataca*, quasi dicant firmitatem, robur, soliditatem : *נקמה vatac* enim significat vincere, firmare, roburare, indeque confidere et sperare.

Ubi adverte : Spes est quasi anchora, sed hoc discrimine, quod anchora in profundo jacitur, spes vero in summo, scilicet in cælo Deoque ipso defigitur. Hoc est quod subdit Apostolus dicens :

ET INCEDENTEM USQUE AD INTERIORA VELAMINIS. — Nota : Alludit Paulus ad templum Salomonis, cujus extima pars dicebatur Sanctum, intima Sanctum sanctorum, quæ distincta erat a Sancto per velum, sive velamen.

Secundo, Sanctum allegorice significabat Ecclesiam militantem in terris; Sanctum sancto-

Persecutionum et laborum condimenta sunt promissa Dei.

Exempla spei et fortitudinis.

Vers. 19. Fides columna, spes anchora.

Spes syriace et arabice dicitur firmitas.

Typus Ecclesie

rum significabat Ecclesiam triumphantem in caelis; velamen significabat vel cœlum interjectum inter nos et Beatos, ut vult Theophylactus, vel obscuritatem, obvelationem et arcanum gaudiorum cœli, quæ hic quasi per ænigma, et velamen fidei obscure tantum et eminens spectamus. Interiora sunt ipsa Dei visio, omnisque gloria et opes Beatorum, de quibus plura cap. ix. Potuisset clare dicere Apostolus: Spes nostra penetrat et pervadit ipsum cœlum ipsamque cœlestem gloriam; maluit tamen per periphrasin dicere, « usque ad interiora velaminis, » ut suaviter et concinne rediret ad Christum pontificem, a quo digressus erat, ut Hebræos afflictos roboraret et excitaret, qui in hæc interiora, sive in Sancta sanctorum, id est, in cœlum ipsum, ingressus est, quasi pontifex secundum ordinem Melchisedech, uti dicere cœperat cap. v, vers. 6 et 10.

Vers. 20. 20. UBI PRÆCURSOR PRO NOBIS INTROIVIT JESUS,

SECUNDUM ORDINEM MELCHISEDECH PONTIFEX FACTUS IN ÆTERNUM. — Rursum acuit spem, docetque eam esse certam; quia Jesus præcursor noster cœlum ipsum, ad quod per spem tendimus, ingressus est, idque non tam pro se et sua gloria, quam pro nobis et nostra gloria: in cœlum enim Christus præcucurrit, ut nobis eodem viam sterneret et pararet, utque eum præcurrentem brevi subsequeremur et consequeremur: qui enim alteri præcucurrit ut portas aperiat, aut apertas servet, parvo intervallo eum qui sequitur præcucurrit. Ita Theophylactus. Denique spem nostram plane confirmat et perficit epithetum pontificis æterni, quod Christo hic addit Apostolus, *q. d.* Certo, Hebræi, sperate cœlum, quia Christus in cœlum est ingressus, ut ibi quasi Pontifex æternus Patri assistat, illique suam crucem et mortem repræsentet, offerat, atque fidelibus suis omnem gratiam omniaque media, quibus in cœlum contendant, impetret.

Christus ascendit in cœlum, ut nobis viam et locum pararet.

CAPUT SEPTIMUM.

SYNOPSIS CAPITIS.

Hæ typo Melchisedech septem rationibus docet, Christi sacerdotium Aaronico, quasi præstantius et perfectius, successisse.

Prima est, vers. 4, quia Abraham, qui fuit pater Levi et Aaronis, decimas dedit Melchisedech, quasi suo pontifici et typo Christi.

Secunda, vers. 6, quia Melchisedech benedixit Abraham, et consequenter Aaroni.

Tertia, vers. 5, quia Melchisedech sine patre et matre, quasi æternus inducitur, cum Aaronici sint temporanei.

Quarta, vers. 11, quia sacerdotium Christi quasi perfectius successit Aaronico, ut expleret ea quæ illi deerant.

Quinta, vers. 20, non Aaronis, sed Christi sacerdotium promissum est a Deo cum jurejurando, psal. cix.

Sexta, vers. 23, Christus est immortalis, Aaronici sunt mortales.

Septima, vers. 27, Christus uno sacrificio omnia expiavit peccata, Aaronici multis sacrificiis ne unum quidem peccatum expiant.

Nota: Hæ omnes rationes fundantur in illo versu psal. cix: Juravit Dominus, tu es sacerdos in æternum, secundum ordinem Melchisedech. Hunc enim versum hic urget et perurget Apostolus.

Ob septem rationes sacerdotium Christi præstat Aaronico.

1. Hic enim Melchisedech, rex Salem, sacerdos Dei summi, qui obviavit Abraham regresso a cæde regum, et benedixit ei: 2. cui et decimas omnium divisit Abraham: primum quidem qui interpretatur rex justitiæ, deinde autem et rex Salem, quod est rex pacis, 3. sine patre, sine matre, sine genealogia, neque initium dierum, neque finem vitæ habens, assimilatus autem Filio Dei, manet sacerdos in perpetuum. 4. Intuemini autem quantus sit hic, cui et decimas dedit de præcipuis Abraham patriarcha. 5. Et quidem de filiis Levi sacerdotium accipientes, mandatum habent decimas sumere a populo secundum legem, id est, a fratribus suis: quanquam et ipsi exierint de lumbis Abraham. 6. Cujus autem generatio non annumeratur in eis, decimas sumpsit ab Abraham, et hunc, qui habebat repromissiones, benedixit. 7. Sine ulla autem contradictione, quod minus est, a meliore benedicatur. 8. Et hic quidem decimas morientes homines accipiunt: ibi autem

contestatur, quia vivit. 9. Et (ut ita dictum sit) per Abraham, et Levi, qui decimas accepit, decimatus est: 10. adhuc enim in lumbis patris erat, quando obviavit ei Melchisedech. 11. Si ergo consummatio per sacerdotium Leviticum erat (populus enim sub ipso legem accepit), quid adhuc necessarium fuit, secundum ordinem Melchisedech alium surgere sacerdotem, et non secundum ordinem Aaron dici? 12. Translato enim sacerdotio, necesse est ut et legis translatio fiat. 13. In quo enim hæc dicuntur, de alia tribu est, de qua nullus altari præsto fuit. 14. Manifestum est enim quod ex Juda ortus sit Dominus noster: in qua tribu nihil de sacerdotibus Moses locutus est. 15. Et amplius adhuc manifestum est, si secundum similitudinem Melchisedech exurgat alius sacerdos, 16. qui non secundum legem mandati carnalis factus est, sed secundum virtutem vitæ insolubilis. 17. Contestatur enim: Quoniam tu es sacerdos in æternum, secundum ordinem Melchisedech. 18. Reprobatio quidem fit præcedentis mandati, propter infirmitatem ejus, et inutilitatem: 19. nihil enim ad perfectum adduxit lex: introductio vero melioris spei, per quam proximamus ad Deum. 20. Et quantum est non sine jurejurando (alii quidem sine jurejurando sacerdotes facti sunt; 21. hic autem cum jurejurando, per eum qui dixit ad illum: Juravit Dominus, et non pœnitebit eum: Tu es sacerdos in æternum), 22. in tantum melioris testamenti sponsor factus est Jesus. 23. Et alii quidem plures facti sunt sacerdotes, idcirco quod morte prohiberentur permanere: 24. hic autem eo quod maneat in æternum, sempiternum habet sacerdotium. 25. Unde et salvare in perpetuum potest accedentes per semetipsum ad Deum: semper vivens ad interpellandum pro nobis. 26. Talis enim decebat ut nobis esset pontifex, sanctus, innocens, impollutus, segregatus a peccatoribus, et excelsior cœlis factus: 27. qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel, seipsum offerendo. 28. Lex enim homines constituit sacerdotes infirmitatem habentes: sermo autem jurisjurandi, qui post legem est, Filium in æternum perfectum.

Vers. 1.

1. HIC ENIM MELCHISEDECH. — Commode in fine præced. cap. Apostolus injectit mentionem Melchisedech, ut ad illum transiret et ejus sacerdotium Christi antitypum explicaret: de illo enim dixerat cap. v, 11: «De quo nobis grandis est sermo.» Illum ergo grandem, subtilem et allegoricum de Melchisedech sermonem hic proponere et enucleare aggreditur, ut ostendat, quibus in rebus Melchisedech gesserit typum Christi, indeque Christi et sacerdotii Christi dignitatem et præcellentiam præ sacerdotio legali et Aaronico demonstret (1).

SALEM contra Hieronymum eadem qua Jerusalem, unde sit dicta? **REX SALEM**, — «Salem,» inquit S. Hieronymus, epist. 126 ad Evagrium, non est Jerusalem, sed oppidum juxta Scythopolim (quod alio nomine dicitur Sichem, vel Sichima, ubi Jacob pavit greges, et Dina rapta ac vitiata est, ut idem Hieronymus ait in *Locis Hebraicis*), in quo ostenditur palatium Melchisedech, ex magnitudine ruinarum veteris operis ostendens magnificentiam. Juxta hanc Salem baptizavit quoque S. Joannes Baptista in Ænnon, *Joan.* cap. iii, 23. Verum Irenæus, Hippolytus, Eusebius, Apollinarius, Eustathius, quos ibidem citat S. Hieronymus, Josephus quo-

que, lib. VII *Belli*, cap. XVIII, et passim Hebræi, ac veteres Patres recentiores etiam permulti, ut Abulensis, Pererius, Ribera, ac in primis Andreas Masius exactus urbium et terræ sanctæ perscrutator, in cap. x *Josue*, docent Salem hanc esse Jerusalem. Unde et Chaldæus *Gen.* cap. xiv, vers. 18, vertit, et *Melchisedech, rex Jerusalem*. Imo Jerusalem conditam esse a Melchisedech tradit Josephus loco citato, a quo vocata est *Salem* (2), deinde ab aliis *Jebus*, ac denique ex **שָׁלֵם** *Salem* et **יְרוּשָׁלַם** *ire*, dicta est *Jerusalem*, ut dixi *Galat.* iv, 26. Quare palatium illud Melchisedech, quod in Sichem ostendi ait Hieronymus, non a Melchisedech conditum, sed ejus nomine insignitum esse, vel a Jeroboam, vel ab aliquo alio posterorum regum, verisimile est. Idque, ut videtur, hac de causa, ut scilicet sibi vindicarent Melchisedech, quasi ipse non fuisset in Salem, sed in Sichem, ubi ipsi regnabant. Sic enim de Homeri patria

(2) «*Salem* videtur fuisse tota regio a Jebusæis, Chitæorum affluibus, occupata, vel etiam hujus regionis sedes regia, haud procul a planitie, quæ antea Siddimiorum vallis, deinde mare Salsum dicebatur, ubi Sodoma ac Gomorrha, Adamo et Seboim erant sitæ; quæ urbs sequenti forte tempore deleta desiit esse, aut aliud adepta est nomen. Nisi plane Salemorum terra, a Saulo asinam quærente peragrata, I *Samuel.* ix, 4, et a Græcis dicta Σαλμῆ, intelligatur.» Hæc Resenmullerus ad h. l.

(1) Hic Melchisedech refertur ad phrasim vers. 8 ultimam, manet sacerdos, etc.

certant septem Græciæ urbes, et quæque eum sibi vindicat, suumque civem esse contendit.

Melchisedech, nti et Christus, rex et sacerdos fuit in Jerusalem. Hæc secunda sententia magis respondet allegoriæ Christi. Congrue enim in Jerusalem rex et sacerdos fuit Melchisedech, ut adumbraret Christum in eadem urbe regnaturum a ligno, et sacrificaturum seipsum in ara crucis pro redemptione totius mundi.

Dices : Abraham suos hostes persecutus est usque Dan, quæ postea dicta est Cæsarea : hæc autem vicina est Sichimis, non autem Hierosolymæ.

Respondeo : Abraham revertens a cæde regum redibat ad convallem Mambre, ubi habitabat ; inde autem non longe aberat a Jerusalem, ad quam, licet paulo remotiorem, ire voluit, tum ut gratias Deo ageret pro victoria adepta, idque Hierosolymæ, ubi colebatur verus Deus, cum in reliqua Chanaan colerentur idola ; tum excitus fama Melchisedech, qui erat rex et sacerdos Dei altissimi, illo tempore celeberrimus. Melchisedech autem audiens adventare Abraham, ei benevolentiae et honoris causa occurrit. Rursum in Salem, puta in Jerusalem, regnavit Salomon, qui fuit typus Christi, et a Salem vel Salom, id est pax, dictus est Salomon, id est pacificus. Unde et Arabes ac Turcæ suos Imperatores a Salomone vocant *Solymannos* vel *Selymos*, atque a Salem vel Salom ipsos Turcas vocant *Musulman*, quasi dicant, salvati, quibus est pax et salus. Cum enim Mahomet suum dogma propagaret, gladio iussit occidi omnes nolentes amplecti hoc ejus symbolum : *Alla illa Alla, Mehammed rassul Alla*, (quod etiamnum Mahometani magnis vocibus inclamant), id est, *Non est Deus nisi Deus, et Mahomet Apostolus ejus*. Quicumque ergo id amplectebatur, dicebatur *musulman*, id est, liberatus a gladio et periculo mortis, quam reluctantibus intendebat Mahomet.

SACERDOS DEI SUMMI, — *ὑψίστος*, id est, altissimi. Citat verba *Genes. xiv*, vers. 18, ubi licet Calvinus et Novatiani *cohen* vertant, *princeps*, *q. d.* Erat Melchisedech princeps Dei altissimi ; tamen vertendum esse, « sacerdos, » non princeps, patet ex Paulo hic, et est *ἱερεὺς Dei altissimi*, id est, Deo dicatus et consecratus, quod sacerdoti non principi convenit. Rursum, ex eo quod obtulit panem et vinum in sacrificium, in quo typus fuit Christi. Inde enim *Psalms. cix*, dicit Pater ad Christum : « Tu es (non princeps, sed) sacerdos in æternum, secundum ordinem Melchisedech. »

2. CUI ET DECIMAS OMNIUM (spoliorum, quæ cæsis quinque regibus ceperat) **DIVISIT ABRAHAM.** — Abraham, licet esset sacerdos, et sæpe sacrificasset, agnovit tamen Melchisedech esse sacerdotem et pontificem suum, unde illi tanquam se superiori et pontifici decimas dedit.

QUI INTERPRETATUR REX JUSTITIÆ. — Melchisedech enim hebraice componitur ex *מלך melech*, id est rex : unde addito *יוד* non affixo, sed paragogico,

fit *melchi*, ut concinnior fiat compositio, et *דן sedec*, id est, justitiæ, *q. d.* Rex justus vel justissimus. Unde de eo sic scribit Josephus : « Primus Hierosolymæ conditor fuit Chananæorum dynasta, qui patria lingua Justus appellatus est, erat quippe talis. » Unde patet Melchisedech proprium fuisse illi regi nomen, non autem commune regum illius urbis : quomodo commune regum Palestinæ tempore Abraham nomen erat Abimelech, regum Ægypti Pharao, et postea Ptolomæus.

3. SINE PATRE, SINE MATRE, SINE GENEALOGIA. — Ex eo quod Melchisedech hic dicitur *ἀπαύρων καὶ ἀπαύρων*, id est, sine patre et sine matre, nonnulli putarunt Melchisedech esse Spiritum Sanctum : hic enim productus est non per generationem, sed per spirationem, ideoque non est filius habens patrem, sed est Spiritus Sanctus procedens a Patre et Filio. Ita sensit Auctor *Quæstionum novi et veteris Testamenti*, Quæst. CIX, qui extat tom. IV operum S. Augustini. Verum ex hoc dogmate et aliis similibus patet hunc librum non esse S. Augustini, sed auctoris suspecti de hæresi. Idem fere senserunt Melchisedechiani, qui docuerunt Melchisedech esse virtutem quamdam Dei, Christo majorem, ex eo quod Christus dicitur « sacerdos secundum ordinem Melchisedech, » quasi Christus hominum, Melchisedech vero angelorum sit advocatus apud Patrem. Ita refert Epiphanius, lib. II, hæres. 55.

Secundo, Origenes et Didymus, teste S. Hieronymo, citata epist. ad *Evagrium*, putarunt Melchisedech esse angelum. Sed utraque hæc sententia erronea est. Nam ex iis quæ hic, et *Gen. xiv*, narrantur de Melchisedech, clarum est eum fuisse verum hominem.

Tertio, Samaritæ, teste Epiphanio, et quidam Hebræi, teste S. Hieronymo supra, quos sequitur Lyranus, Abulensis et alii, opinati sunt Melchisedech esse Sem, filium Noe : Sem enim, imo et ipsum Noe, vixisse et pertigisse usque ad tempora Abrahami certum est : Abraham enim natus est anno post diluvium 292, Noe autem 350 annis post diluvium vixit ; nam sexcentesimo Noe anno factum est diluvium : Noe autem vixit 950 annos, ergo diluvio supervixit 350 annos, ac consequenter 58 vixit cum Abrahamo. Similiter Sem post diluvium vixit 502 annis ; nam tempore diluvii erat pene 100 annorum ; vixit autem universim 600 annos, ergo 33 annis supervixit Abrahamo. Mortuus est enim Abraham agens annum 175, post diluvium anno 467. Si dicas, falso de Sem dici, quod sit sine patre et matre ; patrem enim habuit Noe, eumque expressum in Scripturis : respondent : Sem sub nomine Sem dici in Scriptura habere patrem, scilicet Noe, non autem sub nomine Melchisedech : quia in Genesi, ubi ejus genealogia textitur, non Melchisedech vocatur, sed Sem. Sed hoc nimis exile, subtile et frigidum est : nec enim nomen, sed hominem et personam intelligit et curat S. Scriptura. Adde, non Sem,

Hebræis compositio et significatio.

Vers. 3.

Error Melchisedechianorum et Auctoris quæstionum novi et veteris Testamenti, Melchisedech esse Spiritum Sanctum.

Et Origenis, Melchisedech esse angelum.

Et Samaritarum esse Sem

sed Cham possedisse Jerusalem, totamque Chanaan. Hæc enim dicta est a Chananæis incolis, qui orti sunt a Chanaan, filio Cham : Sem autem ejusque posterii habitaverunt trans Euphratem, in Oriente, ut docet Josephus, lib. I *Antiq.*, cap. vii.

Et recentioris esse Henoch. Quarto, recentior quidam censet Melchisedech esse Henoch, qui raptus est in paradysum, ideoque de eo hic dici, quod non habeat finem dierum : Henoch enim non est mortuus, sed vivit adhuc in paradiso. Verum hæc plane nova et inaudita est sententia, omnibus Patribus et Interpretibus incognita, ac sanctæ Scripturæ repugnans, quæ Henoch raptum narrat in paradysum, ut sub finem mundi redeat decertaturus contra Antichristum, et det gentibus pœnitentiam. Vide Nostrum Salianum in Præfatione tom. V *Annalium*, ubi hanc opinionem multis et validis argumentis confutat.

Respondeo ergo, et dico cum Josepho, S. Dionysio, *Cœlest. Hierarch.*, cap. ix; Epiphanio, *hæres. 51*; Theodoro, in *Gen.*, Quæst. LXIII, aliisque Patribus citatis vers. 1, Melchisedech fuisse aliquem ex regulis Chananæorum, scilicet regem Salem, sive Jerusalem, ex eisque fuisse oriundum; dici tamen sine patre et matre, non quasi iis caruerit, sed quia ejus pater, mater et genealogia non describitur in Scripturis; et quia *Gen.* cap. xiv, repente eum inducit Scriptura, non præmissa ejus stirpe et genealogia, nec nativitate aut morte ejus indicata, imo nulla uspiam alibi, vel ante, vel post ejus facta mentione, ut ex ipsa ejus historia, de Olympo lapsus, et in Olympum receptus videatur Melchisedech. Hoc enim significat Græcum ἀγενεαλόγητος, scilicet, eum cujus genealogia non recensetur, non autem eum qui stirpe et genere caret : γενεαλογεῖν enim idem est, quod recensere et describere genealogiam. Unde aperte hoc explicans Apostolus, vers. vi, ait : « Cujus autem generatio non annumeratur. » Hinc et Syrus clare hic vertit, *cujus nec pater, nec mater scribuntur in generationibus, neque initium dierum ejus, neque finis vitæ ipsius*. Sic terræ filium dicimus eum, qui ignotus est, obscuri generis et incognitæ prosapiæ. Cum enim Scriptura in veteri Testamento soleat aliorum, præsertim virorum illustrium, genus, patrem et matrem recensere, id ipsum non fecit Melchisedech; idque non sine causa et mysterio, quod hic explicat Apostolus.

Pater ejus fuit Heraclæus. Epiphanius, *hæres. 53* et 67, ex traditione, sed incerta, ut videtur, patrem Melchisedech Heraclæum, matrem Astaroth vel Asteriam nominatam scribit.

Denique per genealogiam accipe prosapiam non tam parentum quam filiorum Melchisedech : nam de patre et matre ejus jam dixerat.

Quæres, quo mysterio, vel qua de causa nomen patris et matris Melchisedech subicit Scriptura? Respondent Judæi, id fieri honestatis causa, quia, inquit, Melchisedech ex fornicatione et meretrice natus erat. Sed hoc est commentum eorum incredibile. Quomodo enim talis evectus

fuisset ad regnum et pontificatum? Respondeo ergo, ad litteram hæc causa dari potest, quod Scriptura fere tantum Judæorum historiam et genus pertextat usque ad Christum, ut constet eum ex Abraham, Juda et Davide esse natum, sicuti iisdem promiserat Deus. Unde nec omnium Judæorum natales percenset Scriptura : nec enim Eliæ, Danielis, trium puerorum et aliorum parentes nominat : Gentium autem genealogiam negligit, et vix curat Scriptura. Melchisedech autem erat Gentilis, non Judæus. Pari modo Job, i *Jobi*, licet famosissimus esset vir, imo rex, pater, mater et genealogia non recensentur. Secundo, dicitur Melchisedech esse sine genealogia, non absolute, sed respectu sacerdotii : quia non jure hæreditario, nec per carnis successionem, sacerdotium inivit Melchisedech (uti nec Christus), imo forte nec ex parentum doctrina, aut exemplo; quia ex Gentilibus, scilicet Chananæis, prognatus est, qui illo tempore corruptissimis erant moribus, et in Deum impiissimi, nec Dei, sed idolorum cultores; præsertim vero suum illud sacerdotium, in quo panem et vinum offerens typus fuit Christi, Melchisedech non a patre aut matre, sed a Deo solo accepit, ut hujus sacerdotii respectu recte dici possit esse sine patre, matre et genealogia, quia primus ipse illud inivit, et orsus est.

Causa vero allegorica, et potissima hujus silentii est, ut hac ratione Melchisedech esset typus Christi, idque dupliciter. Primo, ut, dum tacetur ejus pater et mater, hoc ipso significaret Christum, qui in terris qua homo est ἀπάτωρ, id est sine patre, in cœlis qua Deus et Dei Filius, ἀμήτωρ, id est sine matre. Ita Chrysostomus et Theophylactus hic, Nazianzenus, *orat.* 38 initio, et Ambrosius, *epist.* 82. Secundo, ut, dum tacetur ejus pater et mater, videatur ex suo genere et stirpe non esse mortalis, sed immortalis et æternus : non quod revera talis fuerit Melchisedech, sed quod ut talis introducatur et appareat in Scriptura non propter se, sed ut sit typus æternitatis Christi. Unde sequitur : « Neque initium, neque finem dierum habens; » ut *τὸ sine patre et matre* eodem pertineat, omniaque hæc non aliud significant et inculcent quam Christi æternitatem. Hanc enim sæpe in seqq. inculcat Apostolus, ut per eam Christum præferat sacerdotibus Aaronicis, qui mortales erant, et vicissim emoriebantur.

Talem ergo Melchisedech proponit nobis Scriptura, ac si repente de cœlo delapsus in terris apparisset, et mox in cœlum ac solum suum se recepisset, nulla scilicet parentum ejus, nativitatis, aut mortis facta mentione : ut hac ratione typus esset Christi, cœlestis et æterni pontificis nostri.

NEQUE INITIUM DIERUM, NEQUE FINEM VITÆ HABENS, —scilicet in Scriptura, q. d. Scriptura non meminit quando natus et mortuus sit Melchisedech, sicuti meminit nativitatis et mortis Aaronis; idque hoc

Veræ rationes ob quas Scriptura non pertextat genealogiam Melchisedech.

Sacerdotium habuit Melchisedech non successionem hæreditariam.

Causa allegorica bimestris silentii genealogiæ Melchisedech.

Cur in Scriptura nulla mentio

mortis fine, ut Melchisedech, cui tenuiter et exiliter tantum hæc verba competunt, adumbraret Christum, qui vere et realiter non habet initium nec finem dierum, sed est æternus. Unde explicans subdit Apostolus : « Manet sacerdos in perpetuum, » scilicet Melchisedech, antitypus Christi ; quia nimirum in Scriptura nulla sit mentio mortis, ac consequenter finis sacerdotii Melchisedech. Ita Chrysostomus, Theophylactus, Œcumenius. *Secundo*, quia nullum legitur sacerdotii sui habuisse successorem, uti Aaron habuit Eleazarum. Ita Theodoretus.

ASSIMILATUS AUTEM FILIO DEI, MANET SACERDOS IN PERPETUUM. — Syrus vertit, *sed in similitudinem Filii Dei permanet* כומרותה *kumerute*, id est, pontificatus ejus, in æternum, q. d. Cum Melchisedech in Scriptura inducitur tanquam neque initium, neque finem dierum habens, sed quasi constans et perpetuus sacerdos, hoc ipso similitudinem et typum gerit Christi, qui re ipsa neque initium, neque finem dierum habet, sed manet sacerdos in perpetuum, uti explicui versu præcedent. Ita Chrysostomus cum suis.

Ut hæc omnia in unum colligantur,

Propter typum Christi? Respondeo : *Primo*, in nomine et nominis etymo. Melchisedech enim idem est quod rex justitiæ, id est, iustissimus. Solus enim Christus est verus justitiæ rex : Christus enim qua Deus, per essentiam est rex justitiæ, imo justitia ipsa ; Christus vero qua homo, justitiæ est dominus et præses, utpote qui ex perfecta justitia pro omnibus hominum peccatis Deo satisfecerit, quique constitutus sit justitiæ vindex, ut quasi iudex æquissimus, sapientissimus et potentissimus mundum judicet in omni justitia.

Secundo, in officio et statu. Melchisedech enim fuit rex Salem, id est pacis : sic Christus est rex pacificus, qui pacem fecit inter Deum et homines, quique in Salem sive Jerusalem regnavit a ligno, et in cælesti Jerusalem, ubi verissima est pax, cum suis est regnaturus in æternum.

Tertio, in generatione. Sicut enim Melchisedech inducitur, ita Christus revera est sine patre in terris, sine matre in cælis. Addit S. Ignatius, epistola ad Philadelph., Melchisedech sine uxore, semper virginem mansisse : sic virgo, imo virginum sponsus est Christus.

Quarto, in ætate et duratione. Sicut enim Melchisedech proponitur, ita Christus re ipsa est omni prorsus initio et fine temporis carens.

Quinto, in sacerdotio et pontificatu. Sicut enim Melchisedech fuit rex et sacerdos sive pontifex, ita et Christus. Rursum, sicut Melchisedech non legitur oleo consecratus, uti Aaron, et principaliter sacerdos fuit Gentilium, comitanter vero Hebræorum : nam pro Abrahamo, parente Hebræorum, sacrificium obtulit ; ita et Christus, ut notat Chrysostomus, Photius, Theophylactus.

Sexto, sicut Melchisedech inducitur ut primus sui generis sacerdos, idemque ultimus ; nec enim legitur aliquis ei successisse : sic et Christus novum et æternum habet sacerdotium, tum quia alius ei non succedit, tum quia passionis sacrificium pro nobis Patri continuo offert in cælo, per æternam illius commemorationem, laudem et gratiarum actionem : itaque illius fructus et meritum semper durat et operatur ; tum denique propriissime, quia in Ecclesia sua Christus per ministros suos, scilicet per sacerdotes a se institutos, perpetuo offert et offeret in æternum, id est usque ad finem mundi (sic enim sumitur *æternum*, Levit. xxv, 46 ; Exodi xv, 18, et alibi), Missæ sacrificium, uti explicat Concilium Tridentinum, sess. XXII, cap. i et ii ; nam secundum priores rationes etiam conceptio, nativitas, tentatio, fuga, fames, sitis aliæque ærumnæ Christi dicerentur æternæ, quia ea Christus Patri in cælo offert in æternum : quo modo tamen nemo loquitur. Rursum, sic sacrificium Noe diceretur æternum, quia fructus ejus, scilicet prohibitio diluvii, durat in æternum. Quare recte Concilium Tridentinum loco citato, ex hoc Apostoli loco probat Missam esse sacrificium. Probat autem sic : Sacerdotium Christi ejus morte extinctum non fuit, sed semper durat, ut hic dicit Apostolus ; ergo et sacrificium Christi semper durat et durabit : atqui illud non potest esse sacrificium crucis, quia hoc jam pridem transiit et desiit : ergo hoc sacrificium Christi semper durans est Eucharistiæ, et Missæ : nec enim aliud hic dari aut fingi potest. Rursum, tam Christus sacerdos, quam Christi Ecclesia et respublica non potest esse sine publico Dei cultu et sacrificio proprie dicto, quod statis diebus Deo offerat. Talem enim cultum et sacrificium habuit semper omnis Ecclesia et respublica, tam ante diluvium, quam post illud, tam Judæorum, quam Gentium etiam Deum verum ignorantium ; atqui in Ecclesia Christiana aliud sacrificium inveniri non potest, quam Eucharistiæ : ergo Eucharistia est sacrificium, quod Christus semper offert et offeret usque ad finem mundi.

Notandum est enim, quod Christus in Missa sit principalis offerens, tum quia Missæ sacrificium instituit, tum quia in cælo Patri suo nostras Missas quas celebramus, actu et re ipsa offert. Est enim mediator et advocatus noster, qui nostram causam apud Deum agit, et pro nobis interpellat ; tum quia sua omnipotentia in singulis Missis transsubstantiationem panis et vini in corpus et sanguinem suum, in qua consistit essentia sacrificii nostri, operatur et perficit.

Septimo, Melchisedech fuit typus Christi in benedictione et decimatione Abrahæ, quia sicut Melchisedech pontifex major fuit Abrahamo, qui tamen sacerdos quoque erat et pontifex (Melchisedech enim quasi dignior Abrahamo benedixit, et ab eo decimas accepit) : ita Christus major est Aarone, qui in patris sui Abrahami lumbis la-

Sexto, Melchisedech et Christus primus et ultimus sacerdos.

Probat ex hoc loco Missam esse sacrificium.

Christus in Missa principalis offerens.

Septimo, Melchisedech typus Christi in benedictione et decimatione.

mutacione
Abraham.

tens, tacite et virtualiter a Melchisedech, dum ipse benedixit Abrahamo, benedictus est, illique quasi majori decimas dedit, ut significaretur a Christo, cujus typus erat Melchisedech, vere et efficaciter benedicendus. Et hoc est, quod præcipue hic spectat Apostolus, nimirum ut demonstret Christi sacerdotium et sacrificium longe præstantius esse sacerdotio et sacrificio Levitico sive Aaronico, in quo innutriti erant Hebræi, ideoque ab illo vix avelli poterant.

Octavo,
in obla-
tione
panis et
vini.

Octavo denique, maxime et perfectissime Melchisedech fuit typus Christi in hostia, quia scilicet obtulit panem et vinum, sicut eadem obtulit et offert Christus in Eucharistia : hic enim est ritus sive ordo sacrificii Melchisedech, juxta quem dicitur Christus sacerdos secundum ordinem Melchisedech. Nam ordo, ritus et species sacerdotii et sacrificii proprie et essentialiter pendet et desumitur ex ipsa re oblata, sive ex victima, quæ certo modo et ratione Deo offertur et immolatur, qualis hic est panis et vinum, uti docent Patres omnes, totaque Ecclesia, communi sæculorum omnium consensu. De quo plura vers. 27.

Vers. 4.

4. INTUEMINI AUTEM QUANTUS SIT HIC, CUI ET DECIMAS DEDIT DE PRÆCIPUIS ABRAHAM PATRIARCHA. — Pro *intuemini* græce est θεωρεῖτε, id est contemplantini, allegoriam speculamini, contemplative et allegorice exponite mysteria, quæ latent in cortice historiæ et personæ Melchisedech. Hactenus enim Apostolus proposuit ipsam externam litteram et historicam narrationem de Melchisedech : nunc ea proposita volens allegoriam ejus exponere, hortatur Hebræos, ut intimos et sublimes allegoricos in eo latentes sensus de Christo Christianique ministris, sublimibus mentis oculis secum intueantur et contemplantur. Ita Chrysostomus.

Decima
non sunt
munera.

Nota 2^o *decimas* : non ergo Abraham dedit munera, ut voluit Cajetanus (munera enim non tantum laicis, sed et paribus, imo et inferioribus dantur), sed decimas sacerdotales dedit Melchisedecho tanquam sacerdoti et pontifici.

Ἀρχιε-
πιά
πρωτο-
πρεσβυ-
τερον.

Secundo, pro *de præcipuis* græce est τῶν ἀρχιεπιάων; ἀρχιεπία, inquit Theophylactus, sunt spolia præcipua et optima; inde primitiæ spoliiorum quæ diis offerebantur, ab Herodoto et aliis vocantur ἀρχιεπία, quasi τὰ ἀρχα θιώς, id est summitates acervi, quod primitiæ ex summitate acervi excerpti soleant; vel, ut Erasmus, spolia egregia ducibus detracta dicta sunt ἀρχιεπία, quasi a tangendis summis : ἀρχιεπία enim, teste Hesychio, idem est quod summam partem attingo.

ABRAHAM PATRIARCHA. — Emphasim habet vox « patriarcha. » Patriarcha enim idem est quod princeps patrum, sive a quo multi patres cum suis familiis descendunt. Sic Abraham, Isaac, Jacob ejusque duodecim filii vocantur duodecim patriarchæ, quia hi capita fuerunt et parentes 12 tribuum Israel : inde patriarchæ nomen attributum est cuivis, qui magnæ familiæ parens est et caput. Sic David, Act. II, 29, vocatur patriar-

cha. Hinc in Ecclesia vocantur Patriarchæ primi et amplissimi Antistites, quibus subjecti sunt Episcopi, Archiepiscopi et Metropolitæ; tales Patriarchæ sunt Pontifex Romanus, Alexandrinus, Antiochenus et Constantinopolitanus. Hac voce Apostolus occurrit tacitæ objectioni. Dixissent enim Hebræi : Esto Abraham dederit decimas Melchisedech tanquam majori se, quid hoc ad Aaronem? anne idcirco Aaron, ejusque sacerdotium minus est quam Melchisedech? licet enim filius Abraham fuerit Aaron, tamen singulari modo a Deo electus fuit et evectus ad pontificatum novum totius populi, ac consequenter Aaron pontifex major videtur fuisse Abrahamo patre suo : sicuti filius alicujus Christiani, dum creatur Episcopus aut Pontifex, hoc ipso major fit parente suo. Hoc elidit hic Apostolus per vocem « patriarcha, » q. d. Abraham, primus et magnus patriarcha, adeoque parens omnium patriarcharum et sacerdotum, ac consequenter ipsius Aaronis et posterorum, decimas dando Melchisedech, hoc ipso agnovit se minorem esse Melchisedech; ergo multo magis idipsum agnoscere debet Aaron, omnesque alii Abrahamæ filii : Abraham enim longe dignior fuit Aarone et omnibus posteris. Fuit enim patriarcha per excellentiam, patriarcha, inquam, non tantum quoad naturalem generationem, sed etiam quoad sacerdotium. Sicut enim Abraham totius suæ familiæ, omniumque duodecim tribuum fuit pater et patriarcha : ita et eorundem summus fuit sacerdos et pontifex; nam capita familiarum, earundem erant sacerdotes. Jus enim sacerdotii illo tempore per generationem carnalem devolvebatur in posteros, scilicet in primogenitos et in capita familiarum; ac consequenter omne sacerdotium Hebræorum descendit ab Abrahamo ejusque sacerdotio, poterantque singuli filii Jacob suarum tribuum esse sacerdotes; verum ut ex omnibus unus conflaretur populus, unaque Ecclesia, statuit Deus, ut una familia, scilicet Levi et Aaronis, pro reliquis omnibus hoc sacerdotio fungeretur. Idem ergo fuit sacerdotium Abrahamæ et Aaronis : adeoque Aaronis sacerdotium (quod valde notandum est) descendit a sacerdotio Abrahamæ, sicut Aaron descendit ab Abraham, ac consequenter eo fuit minor. Fuit enim Aaron pontifex in familia Abrahamæ, adeoque unius tantum Abrahamæ familiæ, scilicet Jacobi, sive duodecim tribuum, fuit pontifex. Abraham enim et Isaac alios habuerunt filios præter Jacobum (a quo descenderunt duodecim tribus), quorum pontifex non fuit Aaron, sed ipsemet Abraham. Secus se res habet in sacerdotio Christi, et Christianorum : illud enim non descendit a parentibus per carnalem generationem, sed spirituale est, et immediate ab ipso Christo promanat. Unde si cujuscumque filius fiat Pontifex, hoc ipso a Christo constituitur caput, Antistes et princeps, non tantum suæ familiæ et parentum, sed omnium omnino fidelium.

Nomen
Patriar-
chæ qua-
le, et
quibus
conve-
niat?

Abraham
major
Aaronis,
minor
Melchi-
sedech.

Jus sa-
cerdotale
erat pri-
mogeni-
torum fa-
miliæ.

Idem
sacerdo-
tium
Abraham
et Aaronis.

Jus sa-
cerdotale
apud
Christia-
nos
quale?

Vers. 5. 5. ET QUIDEN DE FILIIS LEVI SACERDOTIUM ACCIPIENTES. — Non enim omnes filii Levi sacerdotium accipiebant, sed solus Aaron ejusque posterii: reliqui filii Levi fiebant Levitæ, serviebantque sacerdotibus, uti jam eisdem serviunt diaconi nostri.

MANDATUM HABENT DECIMAS SUMERE A POPULO, ID EST, A FRATRIBUS SUIS: QUANQUAM ET IPSI (scilicet fratres, ut patet ex Græco) EXIERINT DE LUMBIS ABRAHÆ. — Probat eum qui dat decimas minorem esse illo qui eas accipit, scilicet Abraham esse minorem Melchisedech; probat, inquam, exemplo sacerdotum Aaronicorum, q. d. Deus jussit omnibus Judæis etiam Levitis, Num. XVIII, 26, ut decimas darent sacerdotibus Aaronicis, volens hac ratione honorare et præferre sacerdotes, ac reliquos Judæos illis subicere, cum tamen Judæi sacerdotum essent fratres; utpote ex eodem Abraham et Jacob geniti. Si ergo Judæi, licet fratres, fratribus suis, scilicet sacerdotibus, sunt subjecti, hoc ipso quo eis ex lege tenentur dare decimas: ergo pariter Abraham dans decimas Melchisedech, hoc ipso confessus est se illo esse minorem, et hoc ipso se illi subjecit.

Nota hebraismum: *Exire de lumbis* alicujus, est idem quod gigni ab eo. In lumbis enim est origo seminis: ex lumbis enim duæ arteriæ descendunt, per quas materia seminis defertur ad partes generationi destinatas, ut ibi formetur, percoquatur, fiatque semen prolificum; hinc lumbi sunt origo et sedes concupiscentiæ, ideoque in Scriptura jubemur lumbos restringere, id est concupiscentiam edomare, ut docet S. Gregorius, homil. 13 in Evangelia.

Vers. 6. 6. CUJUS AUTEM GENERATIO NON ANNUNTIATUR IN EIS, DECIMAS SUMPSIT AB ABRAHAM. — Id est, Melchisedech, cujus genus et genealogia non attingitur Hebræis, filiis Abrahæ, id est, qui ex Hebræis non fuit oriundus, hic decimas sumpsit ab Abraham. Ita Syrus, Anselmus et Græci. Addit hoc Apostolus, ut significet Melchisedech, sicut diversum habuit genus ab Aarone et Abrahamo, ita et diversum habuisse sacerdotium, illudque majus Aaronico, utpote cui Abraham, in cujus lumbis continebatur Aaron, decimas tanquam pontifici se digniori dederit. Incipit Apostolus hic congerere septem argumenta, quibus probat Melchisedech, qui typus fuit Christi, ac consequenter Christum ipsum majorem fuisse sacerdotibus Aaronicis.

Primum est hoc vers. tale: Qui decimas accipit, major est illas dante; atqui Melchisedech accepit, Abraham illi dedit decimas: ergo Melchisedech major est Abrahamo.

Nota, quod Abraham ita honorarit Melchisedech, eique decimas dederit, cum tamen ad eum ejusque jurisdictionem non pertineret, causa videtur fuisse, magna dignitas, auctoritas, fama, et virtus Melchisedech; utpote qui solus inter impios Chananaeos publicus Dei veri esset sacerdos, idemque rex justissimus.

Secunda et potior causa fuit, quod Melchisedech typus esset Christi; movit ergo Spiritus Sanctus Abrahamum ad honorandum Melchisedech, ut Judæi, Abrahæ posterii, scirent sibi præ Aaron honorandum esse Christum, cujus typum fuisse Melchisedech sciebant ex Davide, Psalm. cix, ubi ait: «Tu es sacerdos in æternum, secundum ordinem Melchisedech.» Videtur autem Abraham idipsum cognovisse, utpote cum esset propheta et Deo familiaris, atque hac de causa videtur ita reverenter et impense coluisse Melchisedech, quod spiritu prophetico prævideret illum esse typum Christi, ut non tam Melchisedech, quam Christum in Melchisedech representatum honorare et colere voluisse videatur.

ET HUNC QUI HABEBAT REPROMISSIONES, BENEDIXIT. — q. d. Melchisedech benedixit Abrahamum, quasi se minorem, cui tamen Deus promiserat tanta bona, adeoque in ipso benedicendas esse omnes gentes, Genes. cap. XII.

Vers. 7. 7. SINE ULLA AUTEM CONTRADICTIONE, QUOD MINUS EST, A MELIORE (græce *ὑπεριον*), id est majore, digniore, præstantiore) BENEDICITUR. — Est secundum argumentum quo probat Melchisedech majorem fuisse Abrahamo, et consequenter Aarone, q. d. Melchisedech, qui fuit Christi typus, benedixit Abrahamo et toti ejus progeniei, ac consequenter etiam Levitis et sacerdotibus Aaronicis: ergo tam ipse, quam Christus, quem representabat, iisdem fuit dignior et præstantior. Probatur consequentia, quia omnium confessione major est qui benedicit, illo qui benedicitur.

Objicies: Episcopus Ostiensis consecrat Papam, quo tamen est minor; Suffraganei consecrant Archiepiscopum, quo tamen sunt minores: ergo non semper qui benedicit, major est; nec qui benedicitur, minor. Respondet S. Thomas dupliciter: *Primo*, Episcopum et suffraganeos non consecrare Papam, vel Archiepiscopum; sed hunc hominem, puta Petrum, vel Paulum, ut sit Papa, vel Archiepiscopus: dum enim eum consecrant, necdum est Papa, vel Archiepiscopus; ac consequenter necdum est consecrantibus major, sed potius minor, utpote a quibus accipiat consecrationem papalem, vel archiepiscopalem.

Secundo, respondet, Episcopum Ostiensem et Suffraganeos ita consecrare et benedicere non sua virtute, dignitate et auctoritate, sed Dei: in hac enim benedictione quisque eorum gerit vices Dei, qui hasce benedictiones tali modo et per tales (nec enim aliter commode fieri possunt) fieri instituit, seseque habet ut minister et vicarius Dei, qui major est eo qui benedicitur, quisquis et quantus quantus ille sit.

Objicies *secundo*: Sacerdos in Missa sæpe signo crucis benedicit corpus Christi, cum tamen longe illo sit minor. Respondeo, hasce benedictiones non esse aliud, quam effusionem signi crucis super corpore Christi, quæ non adhibentur ad hoc, ut Christo ipsi benedicamus, sed ut his quasi

Secundum argumentum quo probatur præcelsentia Christi præ Aaronem.

Quomodo Episcopus Ostiensis consecrat Papam, et Suffraganei Archiepiscopum benedicant?

Sacerdos quomodo benedicat corpus Christi in Missa?

cæramoniis representemus crucem Christi, per eamque, ac Christum ipsum crucifixum, quasi victimam nostram, a Deo tacite petamus et postulemus, ut ipse nobis benedicat. Sic ergo benedicimus Christo non in se, sed prout est victima nostra. Poscimus enim per has benedictiones, ut Christus in se benedictus fiat nobis victima salutaris et benedicta. Adde, sacerdotem, quatenus gerit personam Christi sacrificantis, quodammodo maiorem esse Christo ipso sacrificio: in omni enim sacrificio sacerdos major est sua victima quam offert.

Vers. 8. 8. ET HIC QUIDEM DECIMAS MORIENTES HOMINES ACCIPIUNT: IBI AUTEM CONTESTATUR, QUIA VIVIT. — «Hic,» scilicet in iudaismo, apud nostros Levitas, de quibus dixi vers. 5, decimas accipiunt sacerdotes Aaronici, qui mortales sunt et moriuntur. «Ibi» autem, scilicet in historia et facto Melchisedech, de quo dixi vers. 6, «contestatur,» scilicet Scriptura, quod vivat, scilicet is qui decimas accipit, puta Melchisedech; vivat, inquam, semper, non re ipsa, sed symbolice et allegorice, quia scilicet ejus mors non narratur in Scriptura, ut hoc ipso representet Christum, qui re ipsa est sacerdos in æternum.

Melchisedech hic semper vivit symbolice.

Lectio communis hic correctæ.

Nota: Pro *contestatur* græce est *μαρτυροῦμαι*, quod quia est vocis mediæ, tam verti potest passive *contestatus*, quam active *contestans*. Hic autem aptius cum Syro et Græcis veritas *contestatus*, itaque nostrum Interpretem vertisse valde est verisimile, ut ex *contestatus* depravatum sit *contestatur*. Nam si legas *contestatus*, tunc antithesis æque ac sententia erit brevissima et explicatissima, nullo indigens supplemento; hoc modo: «Et hic (in lege) quidem decimas morientes homines (sacerdotes Aaronici) accipiunt, ibi autem (in decimatione Abrahamæ, supple decimas accepit) contestatus (id est, is de quo testatur Scriptura) quia (quod) vivit,» puta Melchisedech, qui in Scriptura inducitur quasi semper vivens, ad hoc ut significet Christum pontificem semper viventem.

Tertium argumentum quo Christus Aaronem majorem ostenditur. Est hoc tertium argumentum, quo probat Apostolus, Melchisedech ac consequenter Christum maiorem esse Abrahamo et Aarone, *q. d.* Sacerdotes Aaronici sunt mortales, sed Melchisedech proponitur ut immortalis, quia scilicet typus est Christi, qui est sacerdos æternus: ergo tam Christus quam Melchisedech dignior est sacerdotibus Aaronicis.

ET, UT ITA DICTUM SIT, — *ὁς ἔπος αἰνῶν*, id est, ut ita loquar, ut scilicet uno verbo novo et subtili rei nodum tangam et complectar. Poterat enim videri insolens et absurdum, id quod hic dicit et subjicit, scilicet Levitas nondum natos, decimatos esse in Abrahamo; præmolliit ergo hac phrasi suam sententiam Apostolus, quo modo præmolliire solemus sermonem nostrum, cum aliquid novi, acuti, insolentis et inauditi dicere volumus. Ita Theophylactus.

9. PER ABRAHAM, ET LEVI (Leviticus quilibet sacerdos), QUI DECIMAS ACCIPIT (accipere solitus est in veteri Testamento), DECIMATUS EST, — id est, decimas solvit. Sicut enim vers. 6 et 7 *δεδεῖται*, id est, *decimare*, Apostolus posuit pro *decimas accipere*: ita hic *δεδεῖται* ponit pro *decimas pendere*, vel *solvere*, *q. d.* Cum Abraham, et in ipso Abraham latens adhuc Levi et quilibet Leviticus sacerdos (ad quem tamen pertinet jus decimarum in lege veteri) solvit decimas ipsi Melchisedech, quia ipse erat typus Christi, quasi confitens se suumque sacerdotium minus esse sacerdotio Melchisedech et Christi, imo se eorum respectu non tam sacerdotem esse, utpote cujus est decimas accipere, quam laicum, cujus est decimas dare.

Aaron et Levita respectu Melchisedech et Christi non sacerdotes, sed laici.

10. ADHUC ENIM IN LUMBIS PATRIS (Abrahæ) ERAT (Levi) QUANDO OBVIavit EI (Abrahæ) MELCHISEDECH. — Vox enim causam dat illius præmolitionis, qua dixit, «ut ita dictum sit,» inquit Erasmus, *q. d.* Apostolus: Dixi quodammodo Levi decimatum esse in Abrahamo, nam necdum natus erat, ut proprie et per se decimari posset, sed adhuc latebat in lumbis Abrahæ; et sic non proprie, sed quodammodo in eo decimatus est.

Vers. 10.

Verum potius videtur vox enim dare causam cur dixerit in ipso Abraham decimatum esse Levi, *q. d.* Abraham agnoscens Melchisedech esse se maiorem, et typum Christi, illi decimas dedit et ab eo benedictionem accepit, ut profiteretur se omnesque suos posteros, ac consequenter et Levitas, ac sacerdotes Aaronicos ex se nascituros, minores esse Melchisedech, Christoque subiectos: perinde enim Abraham se gessit cum Melchisedech, atque princeps, qui pro se et pro tota sua posteritate obedientiam regi præstat et offert. Erat enim Abraham princeps populi et totius gentis Judaicæ auctor, parens et patriarcha, ut dixit vers. 4, totaque gens censebatur virtute latere in lumbis ejus, ac per eum subijcere se Melchisedech, ipsique Christo, ac consequenter Levitici sacerdotes censebantur pariter se subijcere tam Melchisedech quam Christo, eorumque respectu non se sacerdotes, sed laicos esse profitebantur. Adeo inculcat hanc sacerdotii Christi præcellentiam Apostolus, ut Hebræos Aaronicis sacrificiis assuetos et confidentes, transferat ad Christum pontificem; doceatque eos in Christo omnem spem defigere, et pro eo adversa quævis pati, utpote qui majora suis promittat et præstet bona, quam Aaron, quique bona fide agat causam nostram apud Deum, atque non tantum lapsis, sed et tentatis ac persecutionem patientibus norit compati, succurrere, victoriam et coronam æternam in cælis adornare.

Levi decimatus antequam natus.

Abraham cum tota sua posteritate se subijcit Christo.

Nota: Esse in lumbis Abrahæ, idem est quod esse in virtute seminali, seu generativa Abrahæ, quæ originaliter residet in lumbis, in quibus; ut dixi, est prima seminis origo. Abraham enim per hanc virtutem genuit Isaac, Isaac genuit Jacob.

Jacob genuit Levi, a quo Aaron et sacerdotes regales progeniti sunt.

Quomodo
Christus
in lumbis
Abrahæ
latens
non de-
derit de-
decimas
Melchisedech?

Objicies : Christus etiam hoc modo fuit in lumbis Abrahæ, quia ab eo descendit et progenitus est; ergo Christus quoque in Abrahamo decimas dedit ipsi Melchisedech. Respondeo, negando antecedens. Nam ii soli in lumbis Abrahæ esse et decimari dicuntur, qui per potentiam generandi, naturali generatione maris et feminæ, ab eo procreati et procreati sunt, sive (quod hinc sequitur) qui, ut ait S. Augustinus, ab Abrahamo non tantum secundum substantiam corporalem, sed etiam secundum concupiscentiam carnalem descendunt, quomodo descendit Levi, Aaron et cæteri : Christus autem non ita procreatus est, ac consequenter non fuit in lumbis Abrahæ secundum potentiam generativam, et carnalem concupiscentiam, sed tantum secundum corpoream substantiam, vel materiam, quam ab Abrahamo traxit : quia Christi conceptio et generatio non humana fuit, sed longe altior, puta divina, ex Spiritu Sancto. Pari modo, si quispiam nunc ex Adamo non per naturalem maris et feminæ generationem, sed per divinam operationem descenderet, puta qui a Deo formaretur ex carne,

Origo et
radix
peccati
originalis
quæ,
et quod
ea non
tuerit in
Christo.

sanguine, aut costa hominis alicujus descenditis ab Adamo, quomodo formata est Eva, talis non contraheret peccatum originale. Qua ratione Christus ex vi conceptionis suæ, quæ facta est ex Spiritu Sancto, non contraxit peccatum originale; quia tradux peccati originalis tantum complectitur eos qui naturaliter, sive naturali generatione descendunt ab Adamo. Hi enim soli censentur proprii et naturales esse Adæ filii, ac consequenter Adæ voluntas censetur eorum fuisse voluntas : unde lex peccati originalis hæc est : Omnes et soli illi qui ab Adamo per naturalem generationem tanquam filii naturales descendunt, peccatum originale contrahunt. Eodem ergo modo hic Christus, et quicumque alius qui ex Abrahamo descenderet, non per naturalem generationem, sed per miraculosam efformationem, v. g. ex virgine, per virtutem Spiritus Sancti, non conseretur filius Abrahami, ab eo proprie et naturaliter genitus; ac consequenter non censeretur Abraham pro eo aut voluisse, aut potuisse solvere decimas. Ita S. Augustinus, lib. X *De Genes. ad lit.*, cap. xx, et ex eo S. Thomas, III *part. Quest. XXXI*, art. 8, et Scholastici ibidem.

Error
Tertul-
liani de
animæ
traduce.

Nota secundo, ex eo quod ait Apostolus Levi fuisse in lumbis Abrahæ, Tertullianus, lib. *De Anima*, cap. xxvii et seqq., opinatus est animam Levi fuisse in lumbis Abrahæ, ac consequenter animam cujusque hominis non immediate creari a Deo, sed esse ex traduce, id est traduci, egredi et propagari ab anima parentis per virtutem ejus seminalem, qua generat filium, sicuti lumen aeris traducitur et propagatur a lumine solis. Sed falso fundamento nititur Tertullianus : putavit animam animam hominis esse corpoream, imo suum

habere sexum, ita ut anima viri ab anima feminæ sexu distinguatur, æque ac corpus. Ejus ergo ratio hæc erat : Anima hominis est corporea, et homo ab homine generatur, sicut equus ab equo, bos a bove; atqui anima bovis et equi traducitur et propagatur ab anima bovis et equi generantis, adeoque educitur e potentia materiæ, puta seminis equini et bovini : ergo et anima hominis traducitur ab anima parentis.

Verum major propositio est falsa. Nam anima hominis est spiritualis et immaterialis, anima vero equi est materialis, et educitur e potentia materiæ, ab eaque ita pendet, ut corpore equino pereunte pereat et anima. S. Augustinus quoque, licet non dubitaret animam humanam esse incorpoream et immaterialem, tamen dubitavit, et in hoc dubio permansit usque ad finem vitæ, an hominis anima esset ex traduce parentis, an vero a Deo crearetur. Id patet ex libro I et II, quem scripsit *De Origine animæ*, et lib. II. *Retractat.*, cap. xlv et lvi. Ratio quæ S. Augustinum in hanc dubitationem compulit, hæc fuit, quia non videbat S. Augustinus, quomodo anima filii a parente contrahere posset peccatum originale, si non a parente descenderet et traduceretur.

Unde hic erat Achilles Pelagianorum : anima non est ex traduce, sed creatur a Deo; ergo non potest a parente contrahere peccatum originale. Verum hanc consequentiam damnavit Zosimus Papa, totaque Ecclesia : ad hoc enim ut anima contrahat hoc peccatum, sufficit ut sit anima hominis, qui per naturalem generationem et virtutem seminalem descendit ab Adamo. Hoc enim ipso censetur filius Adæ, ac consequenter censetur fuisse in Adamo, voluisse et fecisse, quod voluit et fecit Adam, dum pomum vetitum comedit. Unde hanc sententiam de traduce animæ insectatur et damnat S. Hieronymus, alique posteriores : adeoque jam certum est ex consensu totius Ecclesiæ, animam humanam non traduci a parente, sed immediate ex nihilo creari a Deo, qui eandem infundendo creat, et creando infundit corpori humano.

Secundo, Magister sententiarum, lib. II, dist. 30, ex eo quod Levi dicatur fuisse in lumbis Abrahæ, similibusque sentiis et phrasibus, putavit singulos filios Abrahæ ex ipso Abrahamo, ac pari ratione singulos homines ex ipso Adamo, utpote primo omnium parente, trahere particulam carnis, quæ vere, proprie, eademque numero fuerit in Adamo. Putat enim alioqui non fore filios Adæ, nisi aliquam substantiæ Adami particulam plane eandem et individuum in sese habeant; imo putat hanc solam particulam esse de substantia hominis geniti : ita ut hæc particula alimentis non augeatur; sed in seipsa multiplicetur et crescat in magnum corpus humanum. Unde censet cibos non verti in substantiam hominis, sed eam tantum fovere, ac mox ab homine ipso defluere, vel excerni, ita ut nihil ali-

Anima
hominis
immaterialis.

Dubitavit D. Augustinus an anima hominis crearetur a Deo, an vero esset ex traduce.

Error et Achilles erroris Pelagianorum, qui negabant peccatum originale.

Putavit Magister Sent. unam particulam carnis in singulis hominibus derivatam ab Adamo.

menti in homine remaneat quod resurgere possit; ac consequenter putat illud carnis tantummodo resurrecturum, quod fuit in Adamo, quodque ex Adamo singuli homines traxerunt. Sed hæc portentosa est opinio, adeoque in omni Philosophia et Theologia est instar monstri, quam vel sola experientia clarissime refellit et falsitatis coarguit. Experimur enim corpora hominum, æque ac aliorum animalium, nutrirī et augeri sump-tione alimentorum, et vice versa, alimentis sub-tractis, nutritionem quoque et augmentationem continuo cessare.

Dico ergo, Levi fuisse in lumbis Abrahæ et quemlibet hominem fuisse in lumbis patris sui, non secundum animam, sed secundum corpus, quia scilicet virtute seminis Abrahæ corpus Levi formatum est et organizatum, atque sic per vim seminis organizato corpori infusa fuit ex naturali exigentia a Deo anima. Corpus enim hominis dum sic organizatur, hoc ipso fit corpus humanum, poscitque animam humanam quasi suam formam: quam quia dare non potest parens per semen, aut aliam causam et virtutem naturalem, hinc Deus parentis et naturæ defectum hic de more suo supplens, tanquam prima et universalis causa, producit animam talem, qualem poscit tale corpus; illamque producendo infundit et unit corpori: quo fit ut non tantum corpus, sed totus homo ita genitus censeatur filius esse non Dei, sed sui patris, utpote a quo factum est, ut filius non tantum corpus proprie a se tanquam a patre, sed et animam a Deo per naturalem hanc, quam dixi, corporis a semine paterno formati et organizati exigentiam, acciperet. Et hoc sensu Gen. XLVI, vers. 26 et 27, dicuntur septuaginta animæ (id est animatæ proles) egressæ de femore Jacob. De hac questione plura videre est apud Physicos in libris *De Generatione*, et in libris *De Anima*.

Quomodo anima rationalis, et quando creatur, infunditur et unitur corpori?

Vers. 11.

Christi sacerdotium sanctificat hominem, non Aaronis.

11. SI ERGO CONSUMMATIO PER SACERDOTIUM LEVITICUM ERAT (POPULUS ENIM SUB IPSO LEGEM ACCIPITUM), QUID ADHUC NECESSARIUM FUIT SECUNDUM ORDINEM MELCHISEDECH ALIUM SURGERE SACERDOTEM, ET NON SECUNDUM ORDINEM AARON DICI? — Pro consummatio græce est τελείωσις, id est perfectio, q. d. Si vetus sacerdotium Aaronicum habebat vim perficiendi, id est justificandi homines, salvandi et ad vitam æternam perducendi, qui est ultimus finis et summa perfectio hominis; si hominem perfectum, justum et beatum facere poterat sacerdotium Leviticum, maxime accedente lege Mosis, quæ cum illo data est, quamque maxime jactant Judæi, quasi ex ea ejusque observatione justificentur: quid opus fuit, surgere alium sacerdotem, scilicet Christum, cujus sacerdotium non est secundum ordinem Aaron, sed Melchisedec? Cum enim Deus Christum promisit *Psal.* CIX, dicens: « Tu es sacerdos in æternum secundum ordinem Melchisedech, » et jam re ipsa eundem exhibuit: ut succederet Aaronicis sacerdoti-

bus, hoc ipso declaravit illis aliquid deesse, quod supplendum esse per Christum, scilicet illos non posse hominem perficere et sanctificare, sed hoc a Christo expectandum esse.

Nota primo: Mentionem legis interjicit Apostolus dicens: « Populus enim sub ipso legem accepit, » tum quia ordo, ritus, victimæ, ministri omnisque perfectio sacerdotii petenda et præscripta erat a lege; tum quia Judæi in lege æque ac in sacerdotio confidebant; tum denique quia necessario connexa sunt lex et sacerdotium; et qualis est lex, tale debet esse sacerdotium; et quale est sacerdotium, talis debet esse lex, scilicet tali populo et tali tempori conveniens. Et hoc est, quod hic ait Apostolus: « Populus enim sub ipso (ἐν αὐτῷ, id est, in ipso, hoc est, ipsius sacerdotii tempore) legem accepit, » quia cum populus in Sina legem per Mosem accepit, ibidem pariter accepit et sacerdotium. In Sina enim a Deo sacerdos constitutus est Aaron, ejusque filii, qui legem Deique cultum, sacrificia et expiationes lege præscriptas docerent populum. Unde ex hac connexione legis et sacerdotii, tacite hic contendit Apostolus, tam legis, quam sacerdotii veteris mutationem fieri debuisse, et factam esse per Christum et legem novam, puta Evangelicam. Hinc clare subdit dicens: « Translato enim sacerdotio, necesse est ut et legis translatio fiat. »

Legis et sacerdotii veteris mutatio facta per Christum.

Est hic quartum argumentum, quo probat Apostolus, sacerdotium Melchisedech et Christi nobilius et dignius fuisse Aaronico. Probat autem sic: Post Aaronicum sacerdotium, Christus a Deo datus surrexit sacerdos secundum ordinem Melchisedech; ergo prius sacerdotium, puta Aaronicum, imperfectum fuit et insufficiens, ideoque cedere debuit sibi succedenti sacerdotio Christi, utpote longe perfectiori. Aaronicum enim carnale et temporarium erat, Christi vero spirituale et æternum. Ita Theophylactus et alii.

Quantum argumentum, quo probatur præcelsa Christi præ Aaron.

12. TRANSLATO ENIM SACERDOTIO, NECESSE EST UT ET LEGIS TRANSLATIO FIAT. — Per legem hic, non naturalem (decalogum): hæc enim æque Christianos ac Judæos obligat; sed positivam et Mosaicam, scilicet cæremonialem et judicalem, accipe. Est occupatio. Dixisset enim Hebræi: Esto Christus novum induxerit sacerdotium secundum ordinem Melchisedech, uti promisit Deus *Psal.* CIX, non tamen novam debuit inducere legem, abrogando legem Mosi datam a Deo. Respondet Apostolus, hoc posterius ex priori consequi: mutato enim sacerdotio necesse est mutari et legem, ideoque Christum, cum vetus sacerdotium mutavit in novum, pariter legem veterem debuisse mutare in novam. Causa hujus dicti est ea, quam jam attuli vers. præcedenti, quia scilicet sacerdotium legi proportionatum, et cum ea indissolubiliter connexum est: non enim potest esse sacerdotium sine certis et congruentibus sibi legibus, præceptis, cæremoniis, promissis, poenis

Vers. 12.

Mutato sacerdotio, mutari debuit lex, ob duas causas.

lege præscriptis. Ita Chrysostomus, Theodoretus, Theophylactus.

Aliam causam affert D. Thomas : mutato, inquit, sacerdotio, necesse est et legem mutari, quia, mutato fine, necesse est mutari et media : lex autem Mosis, utpote divina, ordinatur quasi medium ad regimen divinum, tanquam ad finem suum : hoc autem regimen divinum fit et designatur per sacerdotium : ergo, mutato sacerdotio ac regimine divino, necesse est et legem mutari. Hinc illud *Jerem. xxxi* : « Feriam vobiscum pactum novum. »

Vers. 13. 13. IN QUO (ἐν ᾧ, id est de quo, vel ad quem) ENIM

Christus alius sacerdos ab Aaron. HÆC DICUNTUR, DE ALIA TRIBU EST, DE QUA NULLUS ALTARI PRÆSTO FUT. — Pro præsto fuit græce est *πρεσβύτερος*, id est, astitit, præfuit. Itaque « præsto fuit » idem est, quod constanter astitit more ministrantium, ut patet cap. x; vers. 11. Probat id quod dixit vers 11, Christum fuisse alium sacerdotem ab Aaron et Aaronicis. Id probat sic : omnes Aaronici sacerdotes debebant esse oriundi ex tribu Levi :

Christus autem non fuit ex Levi, sed ex Juda prognatus : ergo Christus non potuit esse sacerdos Leviticus, sive secundum ordinem et ritum Aaron; sed prorsus ab eo diversus, imo adversus fuit, ac consequenter per novum suum sacerdotium exclusit vetus Aaronicum, pariterque per suam legem novam exclusit veterem, quæ sacerdotium statuerat in Levi, tribum autem Juda arcuerat a sacerdotio. Christus enim cum non esset ex Levi, sed ex Juda, sacerdotium iniit, illudque in posteris successione non hæreditaria, sed electiva propagavit.

Vers. 14. 14. MANIFESTUM EST ENIM, QUOD EX JUDA ORTUS SIT DOMINUS NOSTER, — scilicet Jesus Christus.

Hinc patet Judaicum esse figmentum et insulsum delirium, id quod narrat Suidas, verbo *Jesus Christus*, ex Theodosio Judæo : scilicet Christum, eo quod ex stirpe materna esset oriundus ex tribu Levi, quodque sine patre, ex sola matre Virgine natus esset, ascitum esse a Judæis et allectum inter sacerdotes Aaronicos. Quam historiam nuper hic in Belgio edidit et sparsit quidam imprudens et imperitus. Hoc enim hic directe convellit Apostolus, qui hic docet, Christum non potuisse esse sacerdotem Leviticum, ex eo quod oriundus esset ex Juda. Quare Beata Virgo mater Christi orta fuit ex tribu Juda, quia pater ejus Joachim fuit ex tribu Juda.

Dices : Mater B. Virginis fuit ex tribu Levi, nam fuit cognata Elisabethæ, quæ fuit uxor Zachariæ sacerdotis; ergo per aviam suam potuit Christus censi de tribu Levi, fierique Leviticus sacerdos. Respondeo : Antecedens incertum est, caretque fundamento, imo a Ribera et multis aliis negatur : potuit enim Elisabetha esse cognata B. Virginis ex eo, quod Elisabethæ mater esset oriunda ex tribu Juda, essetque cognata B. Virginis, uti docet S. Ambrosius, lib. III in *Luceam*, sub initium; non autem ex eo quod mater

Virginis esset oriunda ex stirpe Levi et ex familia Elisabethæ. Sacerdotes enim poterant ex tribu Juda, utpote regali, ducere uxorem : sicuti Aaron duxit uxorem Aminadab, sororem Naasson (qui fuit dux tribus Juda); ex qua omnes sacerdotes prognati sunt. *Secundo*, etiamsi antecedens esset verum, consequentia tamen falsa est : nec enim poterant esse sacerdotes qui ex genere materno, sed tantum qui ex paterno descendebant ex Levi. Per mares enim, non per feminas familiæ, præsertim Leviticæ, censebantur et constituebantur : nec enim femina capax erat sacerdotii, uti erat hæreditatis vel regni. Licet ergo in Machabæis oriundis ex Levi posset consistere et conservari sceptrum Davidis et Juda, eo quod Machabæi per matrem descenderent ex Juda et Davide, tamen id in sacerdotio fieri non poterat. Cum enim mater non esset capax sacerdotii, non poterat per eam jus sacerdotii ad filium derivari.

Femina olim incapax sacerdotii, non autem regni.

Nota tamen manifestum est. Christum enim natum esse ex tribu Juda, constabat apud Judæos, primo, ex tabulis genealogiarum, quas ipsi accuratissime conscribebant et conservabant. *Secundo*, ex genealogia Christi, quam textit S. Matthæus, cap. i, et S. Lucas, cap. iii. *Tertio*, idipsum tacite prædixerat Jacob, *xliv*, 10; licet enim ibi expresse tantum prædicat Jacob, quod non deficiet sceptrum de Juda, donec veniat Christus, tamen quia hanc benedictionem Christi ex se nascituri assignat soli Judæ, hinc eo ipso implicite præsignificat, ex solo Juda nasciturum esse Christum. Itaque hanc prophetiam Jacobi intellexerunt semper Judæi, quorum hæc communis fuit vox : Ex Juda nascetur Christus. Denique Christum nasciturum, et natum esse ex Juda, patet ex eo, quod Christus natus sit ex Davide : David enim fuit ex genere et tribu Juda. Jam apud omnes constabat, Davidi promissum esse Christum, Christumque ex Davide nasciturum esse ex II *Reg. cap. vii*, vers. 12 et 13.

IN QUA TRIBU (id est, de qua tribu) NIHIL DE SACERDOTIBUS MOSES LOCUTUS EST, — q. d. Moses instituens jussu Dei sacerdotium, Levi delegit, non Judam, et hoc ipso Judam exclusit a suo sacerdotio.

15. ET AMPLIUS ADHUC MANIFESTUM EST, SI SECUNDUM SIMILITUDINEM MELCHISEDECH EXURGAT ALIUS SACERDOS. — Probavit Christum esse alium sacerdotem ab Aaronicis, eisque successisse, ac consequenter eos abolevisse, ex eo quod Christus ortus sit ex Juda, non ex Levi, ex quo debebant descendere omnes Aaronici. Hic *secundo*, idem probat, ex eo quod Christus, *Psal. cix*, dicatur sacerdos non secundum ordinem Aaron, sed Melchisedech (1).

Vers. 15.

(1) Vers. 15, 16. Et hoc (quod dixi de legis et sacerdotii mutatione) amplius etiam inde liquet, quod talis promittitur sacerdos alius, Melchisedecho similis, qui non ita constitutus vi legis, quæ ad homines mortales, sed

Vers. 16. 16. QUI NON SECUNDUM LEGEM MANDATI CARNALIS FACTUS, SED SECUNDUM VIRTUTEM VITÆ INSOLUBILIS.

Manda-
tum car-
nale lex
Mosaica,
de carne
circum-
cidenda.

— *Mandatum carnale* vocat legem Mosaicam, de carne circumcidenda et lustranda, eo quod non animam, sed carnem tantum a quadam immunitate et irregularitate legali et politica in hominum opinione consistenti, purgaret et sanctificaret; idque per carnales caeremonias, scilicet lotiones, sacrificia, suffitus et cætera quæ carnem tantum, non autem animi fibras attingant, ut notat Theodoretus. Ac consequenter carnalem vocat legem, id est, temporariam, quia cum carne moriebatur: carnalis enim legis caeremoniæ et lustrationes circa carnem occupabantur, eaque subtracta et moriente, cessabant, fiebantur, et cum homine desinebant. Huic opponit mandatum, id est, legem Christi, quæ est « secundum virtutem vitæ insolubilis, » id est, quæ dat et tribuit vitam æternam tum gratiæ, tum gloriæ. Et hoc est, quod subdit vers. 25: « Unde et salvare in perpetuum potest, » q. d. Sacerdotes Aaronici carnales erant, temporales et mortales: Christus autem per potentiam et virtutem Patris factus est sacerdos semper vivens, æternus, immortalis, quique vitam spiritalem gratiæ, et per eam vitam æternam gloriæ nobis elargitur: ergo longe præstat Christus Aaronicis.

Objicies: *Levit. vi, 18 et 20*, et alibi sæpe dicuntur sacrificia Levitico præscripta offerenda ritu sempiterno: ergo tam æterna sunt illa, quam æternum est sacrificium Christi.

Respondeo: Nego consequentiam, nam in Leviticis non absoluta significatur æternitas, sed tantum respectiva, scilicet ea duratura semper, id est, toto tempore legis, sive quamdiu durabit lex vetus, donec veniat Messias, qui novum et æternum simpliciter sacerdotium inducat. Id patet tum ex aliis, tum ex eo quod post hæc Levitica sacrificia ritu sempiterno offerenda, promissit Dominus Davidi aliud sacerdotium Christi absolute æternum, dicens *Psalm. cix*: « Tu es sacerdos in æternum secundum ordinem Melchisedech. » Quo satis significat sacerdotium Aaronicum æternum fore tantum usque ad Christum, et per Christum abolendum esse; Christi vero sacrificium duraturum esse usque ad finem mundi.

Vers. 17. 17. TU ES SACERDOS IN ÆTERNUM SECUNDUM ORDINEM MELCHISEDECH. — Non quasi Christus habuerit sacerdotium formaliter ejusdem rationis, vel institutum a Melchisedech. Patet enim sacerdotium Christi multo fuisse excellentius, altioris ordinis et originis, quam fuerit Melchisedech.

Unde nota: Pro *secundum ordinem* hebraice est על דברת al dibrat, id est, secundum negotium, morem, ritum, typum, analogiam, similitudinem (uti vertit Paulus, vers. 15) Melchisedech,

quæ ad vitam immortalem pertineat: ita Rosenmüllerus. Alioli vero: qui non sit constitutus ex omnis carnis lege, ut eo mortuo succedat alter, sed qui æterno sacerdotio fungatur.

q. d. Christus est sacerdos excellentissimo quodam genere sacerdotii æterni, cujus singularis typus et similitudo fuit Melchisedech. Patet hic sensus ex hoc versu et præced.

Nota, Christum dici sacerdotem secundum ordinem et typum Melchisedech multis de causis, ut dixi vers. 3; sed potissima et propria causa et similitudo est in victima, quia, sicut Melchisedech prius panem et vinum Deo obtulit in gratiarum actionem pro victoria Abraham, deinde illa Deo oblata in milites Abraham libanda, id est, participanda et comedenda distribuit: ita et Christus, in ultima cæna, obtulit panem et vinum consecrando illa et transsubstantiando in sacrificium Eucharisticum, eaque deinde Apostolis libanda distribuit, et similiter offerenda et libanda præcepit. Ritus enim, ratio et similitudo sacerdotii proprie spectandus est, propriæque consistit in ipsa functione sacerdotii, id est, in ipsa oblatione victimæ et sacrificii, qualia hic sunt panis et vinum: reliqua enim circumstantiæ sunt, nec pertinent ad rationem et speciem propriam, ordinemque sacrificii et sacerdotii.

Hinc demonstratur evidenter Missam esse sacrificium, quia nullo alio loco declaravit Christus se esse sacerdotem secundum ordinem Melchisedech (qualem eum fore prædixit et promissit David, *Psalm. cix*) nisi in cæna, in qua se obtulit sub specie panis et vini, nobisque eadem in Missa pari modo offerenda præcepit: sacrificium enim crucis, utpote oruentum, non fuit secundum ordinem Melchisedech, sed potius Aaron, qui boves et oves Deo jugulando immolabat. Nam quod Melchisedech non aliud obtulerit, quam panem et vinum, æque ac Christus in cæna, patet, tum *Genes. xiv, 18*, tum quia nusquam alibi ipsum boves, oves, aut quid aliud immolasse meminit Scriptura: ut, nisi ordinem sacerdotii Melchisedech ejusque sacrificii et victimæ oblationem, ritum et speciem colligas ex *Genes. xiv, 18*, nusquam illa colligere possis. Quod si quis temerarius hoc admittat, et nusquam illa colligi posse asserat, inferam: Ergo frustra a Davide dicitur, nobisque proponitur Christus sacerdos secundum ordinem Melchisedech, cum hunc ordinem nusquam invenire, divinare aut intelligere possimus. Qua de re plura dicenda sunt *Genes. xiv*. Hæc est communis sententia et expositio Patrum et totius antiquitatis, quin et veterum Rabbiorum. De qua vide Bellarminum, lib. I *De Missa*, cap. vi.

Objicies: Cur ergo hanc præcipuam in hostia similitudinem sacrificii Melchisedech et Christi silet et omittit hic Paulus. Respondeo: Quia hoc erat extra scopum Apostoli. Apostolus enim illud *Psalm. cix*: « Tu es sacerdos in æternum secundum ordinem Melchisedech, » tantum citat ad hoc, ut inde probet et demonstret Hebræis Christi sacerdotium diversum esse, successisse et aboluisse sacerdotium Aaronicum. Probat autem

Potissima similitudo sacerdotii Christi cum sacerdotio Melchisedech est in hostia panis et vini.

Sacrificium primum panis et vini.

Demonstratur Missam esse sacrificium, et quidem secundum ordinem Melchisedech.

sacrificia legis quomodo vocentur sempiterna?

Cur Apostolus non explicet hunc ordinem?

Sacerdotium Aaronicum promittitur a Davide abolendum per sacerdotium Christi.

sic : David post 400 annos ab instituto sacerdotio Aaronico, promittit alium sacerdotem, scilicet Christum, qui sit futurus perpetuus sacerdos secundum ordinem Melchisedech, qui Melchisedech 400 annis legem et sacerdotium Aaronis antecessit : ergo hoc ipso significat David prius sacerdotium Aaronicum, utpote temporaneum, carnale et infirmum, abolendum esse per posterius sacerdotium Christi, utpote æternum, spirituale et efficacissimum ad peccata abolenda, ad gratiam, gloriam et vitam æternam nobis impetrandam. Ad hoc autem non necesse erat Apostolum explicare quæ fuisset hostia Melchisedech, quam Hebræis ex Genesi satis notam et manifestam sciebat. Adde, Apostolus hic tantum urget ea, quibus Melchisedech, et per consequens Christus præcellit sacerdotibus Aaronicis, qualis maxime est æternitas symbolica in Melchisedech, vera et propria in Christo : ad hæc autem plane impertinens et inutilis erat mentio hostiæ Melchisedech, quia hæc parte Melchisedech non erat nobilior, sed potius minor sacerdotibus Aaronicis. Hi enim animalia viva, puta boves et oves, ille vero solum panem aridum obtulit; animalia autem longe præstantiora sunt pane. Denique id tacuit Apostolus, quia multi Hebræi rudes et infirmi, tanti mysterii et arcani Eucharistiæ necdum erant capaces, uti ex Paulo ostendi cap. v, vers. 11 et 12.

Vers. 18. 18. REPROBATIO QUIDEM FIT PRÆCEDENTIS MANDATI PROPTER INFIRMITATEM EJUS ET INUTILITATEM. — Versu 12 probavit Apostolus abolitam esse legem veterem, ex eo quod sacerdotium vetus per novum Christi abolitum sit; lex autem cum sacerdotio connexa est : ergo, abolito et mutato sacerdotio veteri, necesse fuit aboleri simul et mutari legem veterem in novam Christi. Jam ne quis miretur, dicatque : Quid causæ fuit, cur Deus legem olim a se institutam abrogavit? respondet hic Paulus, q. d. Vis scire causam abolitiæ legis et sacerdotii? cur facta « sit reprobatio præcedentis mandati, » id est, abrogatio veteris legis? Causa est legis illius infirmitas et inutilitas, quia lex illa non poterat peccata expiare, salvare et beare homines (1).

Vers. 19. 19. NIHIL ENIM AD PERFECTUM ADDUXIT LEX. — Id est, lex neminem potuit perficere, id est, justificare et ad beatitudinem, quæ summa est hominis perfectio, perducere. Lex enim tantum in rebus externis occupabatur, circa justitiam carnis et munditiem exteriorem, quæ coram hominibus, non autem coram Deo nos puros et sanctos efficiebat. Si quis mortuum aut immundum attigisset, jubebat eum lex lavari; si quis homicidium et verum crimen admisisset, jubebat eum lex occidi : ipsum vero peccatum, ipsamque animam non purgabat et expiabat lex.

Nota : οὐδὲν ponitur pro εὐδαιμονία, id est, nihil po-

(1) Vers. 18. Reprobatio, etc., id est, itaque (vi ver-

nitur pro nemine : pro masculino enim utitur neutro, quia genus neutrum plenius significat omnimodam universalitatem, inquit Theophylactus. Sic Joan. vi, 37, dicitur : « Omne (id est omnis homo) quod dat mihi Pater, ad me veniet. » Sic Matth. cap. ultim., Christus jubet prædicari Evangelium omni creaturæ, id est, omni homini.

INTRODUCTIO VERO MELIORIS SPEI (supple, sit, vel facta est per Christum) PER QUAM APPROXIMAMUS AD DEUM, — q. d. Per Christum intravit, et, ut Syrus vertit; ὑψάλ, id est ascendit, « melior, » id est, major et præstantior spes justitiæ et salutis, quia Christus induxit nova sacrificia, Sacramenta, leges et promissiones novi Testamenti, quibus Dei gratiam hic et in futuro gloriam ac beatitudinem consequi, itaque Deo quam maxime approxinare, atque ad ipsum in Sancta sanctorum, id est in cælum ipsum, conscendere speramus. Spem Evangelicam toties inculcat Apostolus, ut Hebræi in rebus afflictis pene despondentes animum, eundem erigant per considerationem tot et tantorum bonorum, quæ Evangelium promittit, quæque per Christum adipisci speramus.

20. ET QUANTUM EST NON SINE JUREJURANDO. — Vers. 20. Pendet hæc sententia a vers. 22, ubi eam explet Apostolus dicens : « In tantum melioris testamenti sponsor factus est Jesus, » q. d. In quantum res hæc, scilicet ut Christus fieret sacerdos, non parata est sine jurejurando, in tantum præstantior sacerdos, legislator et mediator est Jesus, quam fuerit Moses et Aaron (2).

Est quantum argumentum probans præcellentiam Christi præ Mose et Aarone, estque tale : Lex, testamentum et sacerdotium Christi, non autem vetus Mosis et Aaronis, promissum fuit a Deo cum jurejurando, idque ut certius et firmitus esset tam sacerdotium Christi, quam reconciliatio nostra, omniaque bona per Christum promissa et præstanda; ergo in quantum juramento firmatum est Christi sacerdotium dicente Davide : « Juravit Dominus, et non pœnitebit eum : Tu es sacerdos, » etc., in tantum excellentius est Christi sacerdotium Aaronico.

21. ALII QUIDEM SINE JUREJURANDO, — q. d. Aaroni et posteris Deus dedit sacerdotium sine juramento, quasi rem minoris momenti et temporaneam, quam firmare juramento Deus non est dignatus. Hæc verba explicant antithesin et vim argumenti latentem in eo quod præcessit : « Et quantum est non sine jurejurando. » Idipsum clarius Græca indicant, quæ habent, et μὴ γάρ, id est, nam illi (Aaronici) quidem sacerdotes facti sunt sine jurejurando : Christus autem cum jurejurando, quasi res et negotium Christi pontificis, scilicet hominum reconciliatio et salus, magni esset momenti, et licet difficilis, certissimo

horum illorum) lex illa prior aboletur, etc. Vers 19. Introductio, inducitur, vel promittitur, etc.

(2) In quantum h. l. valet ut, uti; et in tantum, ita, vel illud quatenus, et hoc eatenus.

Erigit Hebræos Apostolis ad spem Evangelicam.

Quantum argumentum, quo Christi præ Aaron præstantia probatur.

tamen credenda et speranda ab hominibus; hac enim de causa iuravit Dominus dicens: « Tu es sacerdos in æternum. » Ita Theophylactus.

Hinc patet, hæc verba et sequentia usque ad vers. 22, intercipienda et includenda esse parenthesis.

Vers. 22. 22. IN TANTUM MELIORIS TESTAMENTI SPONSOR FACTUS EST JESUS. — « Testamentum » et Græcum διαθήκη idem sunt, quod Hebræum ברית *berit*, id est fœdus et pactum, scilicet inter Deum et homines initum per Christum, ut dixi I Cor. cap. XI, vers. 25.

Christus noster fidejussor. **Arrham fidejussionis suæ** **Christus nobis dedit in resurrectione et ascensione.** **Vers. 23.** Sextum argumentum pro excellentia Christi præ Aaron. *Secundo*, « sponsor, » sive fidejussor, hic idem est, quod mediator, qui fidem suam interponit, promittit et spondet bona, quæ in novo hoc Dei cum hominibus fœdere promittuntur, rata fore certeque præstanda. Cum enim Christus et novum Testamentum promittat hominibus ex parte Dei, resurrectionem et præmia celestia, divina, et quæ nondum videmus, et longe a nobis remota sunt, ideoque difficulter ab hominibus creduntur et sperantur: hac de causa pro illis fidejussit Christus, quasi dixerit: Vanum me haberi volo, nisi quod Patris mei nomine fidejubeo, de cælo et celesti gloria fidelibus meis danda, sit ratum, certum et firmum; arrham autem hujus suæ sponsonis, qua nostram spem mire confirmavit Christus, nobis dedit cum re ipsa resurrexit et ascendit in cælum, hoc ipso quasi viam in cælum nobis aperiens et ostendens, seque cæli claves habere, ac cæli dominum esse demonstrans. Ita Anselmus.

Vers. 23. 23. ET ALII QUIDEM PLURES FACTI SUNT SACERDOTES. — Est sextum argumentum demonstrans Christum præstare Aaronicis, estque tale: Aaronici erant mortales, et alter alteri post mortem in sacerdotio succedebat: Christus autem est immortalis, licet enim sit mortuus, mox tamen quasi victor mortis resurrexit ad vitam gloriosam et immortalem: ergo Christus præstat Aaronicis. Ita ex Chrysostomo Theophylactus, unde subdit Apostolus:

Vers. 24. 24. HIC (CHRISTUS) AUTEM EO QUOD PERMANEAT IN ÆTERNUM, SEMPITERNUM (ἀπαράβατον, id est, quod præterire, vel in alium successive transire non potest) HABET SACERDOTIUM, — *q. d.* Christus non habet successorem, sicut habuit Aaron, quia ipse semper vivit ut sacerdos et mediator noster usque in æternum.

S. Petrus successit Christo, non ut par, sed ut vicarius. Dices: S. Petrus in pontificatu successit Christo, sicut Eleazarus successit Aaroni.

Respondeo, hoc esse falsum, nam Eleazarus Aaroni successit in pari, imo eodem gradu et dignitate pontificatus: æqualis enim dignitatis fuit Eleazarus pontifex cum Aaron pontifice. S. Petrus autem successit Christo, non ut par, sed ut vicarius et minister: sicuti in bello, absente capitaneo, succedit ei in acie locum tenens. Christus ergo solus summus est et æternus pontifex noster, qui in terris pontificatum hunc suum

administrat per Romanos Pontifices, tanquam vicarios et œconomos suos: nil ergo gloriæ et honoris Pontifices Romani demunt Christo pontifici, imo ejus pontificatum illustant et promovent, cum se ipsius tantum administratos, famulos et vicarios esse profiteantur, ad hoc ut Christi gloriam ubique propagent.

Vers. 25. UNDE ET SALVARE IN PERPETUUM POTEST ACCEDENTES. — Græce, εἰς τὸ πάντεως, quod Vatablus et Erasmus vertunt, *ad perfectum*, perfecte, plene; verum Noster, Syrus et Græci Patres melius vertunt, *in perpetuum*. Vult enim docere Paulus, Christum, utpote sacerdotem æternum, non tantum in hac vita, sed et in futura salvare suos fideles, illisque conferre æternam salutem, cum Aaronici temporalem tantum hujus vitæ suis impetrarent.

Christus æternam salutem dat, Aaronici tantum temporalem. Nota: « Accedentes » (ita enim legendum est cum Romanis, Græco et Syro, non autem *accedens*) vocat fideles, qui per fidem et obedientiam quam Christo præstant, accedunt ad Deum Patrem, ejusque gratiam et amicitiam.

Semper vivens ad interpellandum pro nobis. — Hinc patet, Christum in cælo interpellare et orare pro nobis, idque proprium esse Christo, ut tanquam pontifex oret pro nobis: alii enim Sancti, etiam ii, qui in hac vita sacerdotes fuerunt, orant pro nobis in cælo, non tanquam sacerdotes, sed tanquam privati Sancti et amici Dei: non enim amplius funguntur sacerdotio in cælis. Vide dicta Rom. VIII, 34.

Pro-prium est Christi, orare pro nobis tanquam pontificem, quod aliis Sanctis non convenit. 26. TALIS ENIM DECEBAT UT NOBIS ESSET PONTIFEX, — scilicet, qui semper vivens, semper interpellaret pro nobis, ac proinde, qui sanctus esset, innocens, etc., ut ita in perpetuum salvaret nos.

Vers. 26. Nota τὸ *decebat*, *q. d.* inquit Primasius: Non eramus digni, nec promerebamur talem habere pontificem, sed necesse erat nobis ut talem haberemus qui esset sanctus, etc.

Christi pontificis dotes. SANCTUS. — ὁσιος, id est, purus et omnis labis expers, hoc est sanctus: puritas enim est sanctitas, ut dixi in I Corinth. VII, 24. Unde Theophylactus: ὁσιος, inquit, est qui nihil eorum quæ facere debet omittit, puta moribus integer, et in actibus omnibus perfectus.

Secundo et melius, ὁσιος idem est quod pius erga Deum, Deum timens et colens, Deo devotus, sacer et sanctus, ipsaque pietate et sanctimonia reverendus et venerandus.

Innocens. — ἄκακος, id est, carens malitia et noxa, id est, innocens, qui nemini noceat, nemini male velit, sed omnibus prodesse et benefacere studeat. Hinc Chrysostomus et Oecumenius ἀκακος vertunt, expers doli, qui nescit fallere, nescit decipere. Fraus enim ac dolus æque ac animus nocendi avidus, proprie vocantur malitia, græce κακία; et ἀκακος, qui eo caret. Ita Cicero, *Tusculan.* IV, et lib. III *De Finibus*: « Virtutis, inquit, contraria est vitiositas: sic enim malo, quam malitiam appellare, quam Græci κακίαν ap-

pellant. Nam malitia certi cujusdam vitii nomen est, vitiositas omnium. »

IMPOLLUTUS. — Nota hic, pontificem debere esse per omnia sanctum et integrum, scilicet; ut sit « sanctus, » id est pius erga Deum, « innocens » erga proximum, « impollutus » erga seipsum. Pro « impollutus » græce est ἀπαιστος, id est incorruptus, immaculatus, illæsus, inviolabilis. Inde enim lapis dicitur amiantus (ad quem hic videtur Paulus alludere), quod igne non lædatur, quodque ex eo utpote flexili telas velaque texant, quæ igni injecta ardent quidem, sed ex eo splendiora exeunt, ut docet Dioscorus, lib. V, cap. LXIII, et Plinius, lib. XXXVI, cap. XIX. Talis est puritas; ac præsertim castitas, quæ nec igne concupiscentiæ, nec igne corporali corrumpi potest; sed tam mente, quam corpore illæsa et incorrupta inter quosvis ignes perdurat. Unde *Isaiæ* cap. XLIII, vers. 2, per Christum Deus idipsum promittit cuilibet Christiano puro et sancto, dicens: « Cum ambulaveris in igne, non combureris, et flamma non ardebit in te, quia ego Dominus Deus tuus sanctus Israel, salvator tuus. » Ubi Leo Castrius ex S. Athanasio: « Sicut, inquit, ex amianto lapide telæ fiunt igne inviolabiles, ita B. Virgo Agnum peperit, cujus glorioso vellere facta est nobis vestis immortalitatis, qua tecti nec igne comburi possumus, nec aquis concludi, aut ulla alia re, quin per omnia cruciamenta illæsi ad incorruptionem et immortalitatem transeamus. » Imo sic ad litteram angelus sua quasi veste amiantina tutatus est ab igne Babylonio tres puros et castos pueros Hebræos, angelus, inquam; similis Filio Dei, Christique typus, *Daniel*, III, 92. Sic S. Joannes, S. Vincentius, S. Cæcilia, Lucia, Agnes aliæque plurimæ in flammis Christo protegente manserunt illæse, et non minore miraculo undique licet tentatæ libidinis igne, non arserunt, imo a sponso suo Christo, angelum virginitatis suæ custodem et vindicem perpetuum adeptæ sunt; adeoque, quod notandum est et memorabile, cum ex sanctis virginibus multas a tyrannis et præsidibus Ethnicis damnatas legamus ad lupanar, nullam tamen ex eis violatam, sed omnes Dei ope miraculose lenorum manus evasisse, atque inviolatas virginesque permansisse legimus. Tales etiamnum sunt permulti sacerdotes, Religiosi, alique qui in carne vivunt angelice, et inter ignes concupiscentiæ et tentationum carnis, quasi amanti perdurant, et fulgidius resplendent. Pontifex ergo noster Christus amiantus est, suosque præsertim sacerdotes amiantos esse vult, atque angelicam puritatem et castitatem ab eis exigit, quia incorruptio proximum facit esse Deo: sacerdotes autem pro populo Deo approximare debent.

SEGREGATUS (non tantum a peccatis, sed et) **A PECCATORIBUS**, (quin) **ET EXCELSIOR CÆLIS FACTUS**, — ut longissime non tantum a peccatoribus, sed et ab hominibus omnibus distet superetque omnes

angelos et Beatos, tam loco, quam gratia et gloria, « ascendit enim super omnes cælos, » *Ephes.* IV, 10. *Secundo*, S. Anselmus hæc omnia sic quoque explicat: « Sanctus » interior, « innocens » manibus, « impollutus » corpore, « segregatus a peccatoribus, » id est ab omni peccato immunis, et seorsum factus est a grege peccatorum, et consequenter a grege cæterorum sacerdotum separatus, inter quos nullus est sine peccato; « et excelsior cælis factus, » ut ibi ministret in superno altari. Vel, « excelsior cælis factus, » id est, super omnes cælestes creaturas evectus, ita ut ejus magnitudo vel sublimitas magnitudinem primorum sic transcendat angelorum, ut inter ipsum et angelos nulla possit fieri comparatio secundum magnitudinem et excellentiam. Hucusque Anselmus.

27. QUI NON HABET NECESSITATEM QUOTIDIE QUEN- ADMODUM SACERDOTES (Leviti) PRIUS PRO SUI DELICTIS HOSTIAS OFFERRE, DEINDE PRO POPULI: HOC (scilicet offerre non pro suis, sed pro populi delictis) ENIM FECIT SEMEL, SEIPSUM OFFERENDO. — Est septimum argumentum probans Christum præcellere Aaronicis sacerdotibus, estque tale: Aaronici pro peccatis tam suis, quam populi, hostias offerunt, idque sæpius, imo quotidie: Christus autem non pro suis, sed alienis, scilicet totius mundi, peccatis offert, idque semel tantum; unaque oblatione omnia omnium hominum peccata expiavit: ergo Christus nobilior et efficacior est Aaronicis.

Infer hinc et nobis objicit Beza: Ergo unicum est Christi sacrificium: ergo quotidianum Missæ sacrificium abolendum est, utpote repugnans unico Christi sacrificio. Respondeo, unicum esse Christi sacrificium expiatorium, redemptorium et satisfactorium omnium peccatorum, scilicet sacrificium crucis: illo enim Christus obtulit pretium sufficiens pro culpis et debitis peccatorum omnium, quæ unquam commissa sunt; vel deinceps committentur. Missa autem sacrificium est non redemptorium et satisfactorium, sed applicatorium redemptionis et satisfactionis Christi in cruce peractæ. In Missa enim non novum offerimus pro peccatis pretium, sed primævum crucis pretium et lytrum nobis applicamus: sicut illud ipsum nobis applicamus per baptismum, aliaque Sacramenta, et per bona opera.

Respondeo *secundo*: Missæ sacrificium idem est cum sacrificio crucis, *primo*, representative, sicut imago eadem est cum re cujus est imago: Missa enim representat sacrificium crucis. *Secundo*, realiter: tam enim in Missa, quam in cruce idem est sacerdos primarius offerens, scilicet Christus; eadem etiam utrobique est victima et hostia, scilicet corpus Christi, eadem inquam in re, licet quoad modum sit diversa: in Missa enim est incruenta, cum in cruce fuerit cruenta; sed incruenta in Missa significat et representat cruentam in cruce. Ita Concilium Tridentinum, sess. XXII, cap. I.

Vers. 27.

Septimum argumentum probans præcellentiam sacerdotii Christi præ Aaronicis.

Objectio Beza contra sacrificium Missæ solvitur.

Missa, sacrificium non expiatorium, sed applicatorium redemptionis.

Sacrificium Missæ idem cum sacrificio crucis re et representatione.

Lapis amiantus igne non læditur, estque pontificis hieroglyphicon.

Vestis amiantina castitatis inviolabilis.

Sancti multi in flammis manserunt illæsi.

Item sanctæ virgines in igne libidinis.

Vers. 28. 28. **LEX ENIM HOMINES CONSTITUIT SACERDOTES** (græce ἱερεῖς; id est, pontifices sacrorum et sacerdotum principes) **INFIRMITATEM HABENTES**, — id est mortales, miseros et peccatores, quique non valeant suis sacrificiis peccata expiare.

SERMO AUTEM JURISJURANDI, QUI POST LEGEM EST, FILIUM IN ÆTERNUM PERFECTUM, — scilicet sacerdotem per pontificem constituit; hoc enim repetendum est ex antithesi præcedentis sententiæ.

Nota : « Sermo jurisjurandi » est juramentum, quo *Psalm. cix*, « juravit Dominus » Christo : « Tu es sacerdos in æternum ; » patet ex *vers. 17*.

Secundo, hoc juramentum datum est per Davidem, post datam legem Mosi et Aaroni, ut significaretur vetus sacerdotium cessurum novo Christi, qui perficeret ea quæ veteri deerant.

Tertio, pro *perfectum* græce est τετελειωμένον, id est consummatum (ut vertit Noster, cap. *ii*, *vers. 10*), idque in æternum, ut scilicet in æternum Christus consummatus sit, tum in gratia et

sanctitate, ut peccare non possit unquam : ita S. Chrysostomus, Theophylactus, Œcumenius; tum in vita et gloria, ut sit immortalis, impassibilis et gloriosus; tum in sacerdotio et sacrificio, ut non indigeat plures offerre hostias, sed unica hostia et sacrificio expiarit omnes homines, pretiumque solverit pro omnibus omnium hominum peccatis. Opponit enim Apostolus has Christi perfectiones et consummationes infirmitati sacerdotum veterum.

Nota : Singula verba Apostoli hic efficacem continent antithesim Christi et Aaronicorum. Christus factus est pontifex cum jurejurando Dei, Aaronici sine jurejurando; Christus post legem, quasi illi successurus, eamque adimpleturus, sacerdotium iniit, Aaronici cum lege; Christus est filius, illi servi; Christus permanet in æternum, illi temporanei sunt, sibi succedunt; Christus in gratia, gloria et beatitudine est consummatus, illi infirmitati mortis, ærumnarum et peccati subiacent. Ita S. Chrysostomus.

Antithesis efficacis Christi et Aaronicorum.

CAPUT OCTAVUM.

SYNOPSIS CAPITIS.

Per anacephalæosin ostendit Christi sacerdotium præstare Aaronico tanquam corpus umbra; inde, vers. 6, a sacerdotio transit ad testamentum, docetque vetus testamentum æque ac sacerdotium abolitum esse per novum Christi, utpote quod leges Dei non scribat in tabulis lapideis, sed in corde et mente.

1. Capitulum autem super ea quæ dicuntur : Talem habemus pontificem, qui consedit in dextera sedis magnitudinis in cœlis, 2. sanctorum minister et tabernaculi veri, quod fixit Dominus, et non homo. 3. Omnis enim pontifex ad offerendum munera et hostias constituitur : unde necesse est et hunc habere aliquid, quod offerat; 4. si ergo esset super terram, nec esset sacerdos : cum essent qui offerrent secundum legem munera, 5. qui exemplari et umbræ deserviunt cœlestium. Sicut responsum est Moysi cum consummaret tabernaculum : Vide (inquit), omnia facito secundum exemplar, quod tibi ostensum est in monte. 6. Nunc autem melius sortitus est ministerium, quanto et melioris testamenti mediator est, quod in melioribus repromissionibus sancitum est. 7. Nam si illud prius culpa vacasset, non utique secundi locus inquireretur. 8. Vituperans enim eos dicit : Ecce dies venient, dicit Dominus : et consummabo super domum Israel, et super domum Juda, testamentum novum; 9. non secundum testamentum quod feci patribus eorum in die qua apprehendi manum eorum, ut educerem illos de terra Ægypti : quoniam ipsi non manserunt in testamento meo, et ego neglexi eos, dicit Dominus. 10. Quia hoc est testamentum, quod disponam domui Israel post dies illos, dicit Dominus : Dando leges meas in mentem eorum, et in corde eorum superscribam eas : et ero eis in Deum, et ipsi erunt mihi in populum; 11. et non docebit unusquisque proximum suum, et unusquisque fratrem suum, dicens : Cognosce Dominum : quoniam omnes scient me a minore usque ad majorem eorum; 12. quia propitius ero iniquitatibus eorum, et peccatorum eorum jam non memorabor. 13. Dicendo autem novum, veteravit prius. Quod autem antiquatur et senescit, prope interitum est.

Vers. 1. 1. CAPITULUM AUTEM SUPER EA QUÆ DICUNTUR. — *q. d.* Caput, summa et compendium eorum quæ dixi et dico, de præstantia sacerdotii Christi, est id quod sequitur. Ita Syrus; vel, ut Chrysostomus, *capitulum* sive *caput*, id est, præcipuum et maximum, ad quod quasi ad scopum referuntur cætera quæ dixi de Christo pontifice, est id quod jam exponam. Verum prior sensus planior est, tum quia græce non est κεφαλή, id est *caput*, sed diminutive κεφάλαιον, id est *capitulum*, scilicet quia breve est et quasi compendium dictorum; tum quia revera Paulus hoc capite facit anaphalæosin, eaque quæ tota epistola disputat de præstantia novi pontificis Christi et infirmitate veterum, deque illorum abrogatione, hoc capite summam complectitur et nervose confirmat (1).

Nota hebraismum, « super ea, » id est eorum. Sic enim Hebræi regimen genitivi subinde explicant per *bet*, id est *in*, vel per *laval*, id est *super*.

TALEM HABEMUS PONTIFICEM, QUI CONSEDIT IN DEXTERA SÆDIS MAGNITUDINIS IN EXCELSIS. — Hoc est capitulum, summa et compendium dictorum; scilicet Christum non tantum Aaronicis sacerdotibus, sed et angelis longe præstare, et talem tantumque esse, ut supra omnes sedeat ad dexteram Dei.

Sedes magnitudinis quid sit? Nota: « Sedes magnitudinis, » id est thronus majestatis, in quo scilicet sedet majestas Dei Patris, ita ut Deus Pater dicatur magnitudo, vel majestas; quomodo reges solemus vocare Majestatem regiam, et principes vocamus Celsitudinem. Vel secundo, « sedes magnitudinis, » sive majestatis, est sedes maxima et maxime augusta, summæque majestatis et gloriæ. Uterque sensus est Theophylacti, et uterque est ex phrasi Hebraica.

Porro Christus non tantum qua Deus, sed etiam qua homo sedet a dextris Patris: nam qua homo est pontifex. Audi S. Cyrillum in Concilio Ephesino, epist. ad Anastasium, etc.: « Quod autem incarnatum Verbum Deo consideat, et æqualis gloriæ sit cum Deo et Patre, etiam in carne, tanquam unus existens Filius, etiam quando factus est homo, manifestat sapientissimus Paulus scribens: Talem habemus pontificem, qui sedet in dextera throni magnitudinis in sublimibus. » In Christo enim idem est hic homo, et hic Deus, propter eandem hypostasim. Unde subdit Cyrillus: « Igitur etiam incarnatum Filium in divinitatis solio sanctorum Prophetarum chorus contemplatus est. »

IN EXCELSIS. — Græce ἐν ὑψηλοῖς, id est, *in cælis*.

Vers. 2. 2. SANCTORUM MINISTER. — Quia Christus sanctos facit, estque auctor veræ sanctitatis, inquit Chrysostomus et alii, quia inter sanctos in cælo transiens ministrabit eis. Verum vox *sanctorum* hic

non est masculini generis, sed neutrius; neque homines, sed sanctuarium significat. « Sanctorum » ergo, id est, Sancti et Sancti sanctorum minister sacrorum publicus (hoc enim est λειτουργός), puta sacerdos et pontifex, est Christus. Id patet ex seq.; nam explicans τὸ *sanctorum*, subdit, « et (id est) tabernaculi (sanctuarii) quod fixit Dominus, et non homo, » *q. d.* Christus est pontifex non veteris sanctuarii facti ab homine, scilicet Mose, quod constabat Sancto et Sancto sanctorum; sed novi, puta Ecclesiæ adumbratæ per vetus Sanctum et Sanctum sanctorum, quam fabricatus non Moses, sed Deus; nam *Sanctum* significabat Ecclesiam Christi ex terris ambulantiem et tendentem in *Sanctum sanctorum*, id est, in cælum, ad Ecclesiam triumphantem, *q. d.* Paulus: Christus tam Ecclesiæ militantis quam triumphantis est sacerdos, quia in militanti per sacerdotes quotidie offert sacrificium Eucharistiæ, quod ipse primus in ea, dum viveret, constituit et instituit; in triumphanti vero est pontifex, quia ipse primus aperuit viam in cælum, cum per suum sanguinem ingressus est in Sancta, æterna redemptione inventa, ut ait Apostolus, cap. ix, ibique interpellat pro nobis.

QUOD FIXIT. — Ergo cælum neque movetur, neque rotundum est, sed fixum, fixeque in sua quadratura consistens, inquit S. Chrysostomus. Prius verum est, scilicet cælum empyreum, in quo sunt Beati, non moveri, sed esse fixum et immobile. Posterius, scilicet quod sit quadratum, non sphericum, saltem quoad superficiem convexam, docet quoque Ludovicus Molina, in tractatu *De Opere sex dierum*, et Conimbricenses, lib. II *De Cælo*, cap. v, Quæst. I, art. 2. Innuit quoque S. Joannes, *Apocal. xxi*, ubi de cælo loquens: « Civitas, inquit, in quadro posita est; » quod ad litteram, uti sonat, accipi potest. Verum melius hoc quadratum, uti et lapides, plateas, muros aliaque cælestis illius civitatis ornamenta, quæ illo capite describit S. Joannes, accipies non ad litteram, sed symbolice: ut nimirum partim ad ornatum, partim ad firmitatem, partim et maxime ad amplitudinem et commoditatem, qua ad omnes mundi plagas obversa est, quadrata dicatur et proponatur: urbes enim quadratæ firmissimæ, ornatissimæ et commodissimæ sunt intrantibus et exeuntibus, utpote quæ quatuor quadraturæ suæ lateribus quatuor mundi plagas respiciant, ut per portas singulorum laterum ex qualibet plaga homines directe in eam ingredi et egredi possint. Et hoc est, quod per hanc quadraturam cæli vult significare Joannes, scilicet a quatuor partibus eam respicere quatuor mundi plagas, in iisque singulis tres, id est multas et copiosas habere portas, quibus ab omnibus mundi plagis Sancti et electi in cælum intrent. Respicit enim et explicat illud, quod dixerat vers. 13, civitatem hanc ab Oriente habere portas tres, tres ab Aquilone, totidem ab Austro et ab

Christus publicus sacrorum minister.

Sanctum et Sanctum sanctorum typus fuit Ecclesiæ.

Cælum empyreum non movetur, et est quadratum secundum aliquos.

(1) Rosenmullerus vertit, *sed præter jam dicta, caput rei est*, scilicet, etc. Κεφάλαιον, ait, sæpe est id, quod in aliqua re excellit. Chrysostomus: Κεφάλαιον αὐτὸ τὸ μέγιστον λέγεται.

Verus
est esse
sphæri-
cum.

Occasu. Quare nihil est quod cogat nos dicere cœlum empyreum esse difforme aliis cœlis, esseque quadratum : adeoque quod Aristoteles et Philosophi, lib. II *De Cœlo*, cap. IV, docent cœlum esse sphæricum, quia figura sphærica perfectissima est et capacissima, cœlo empyreo quoque attribui potest.

Vers. 3.

3. OMNIS ENIM PONTIFEX AD OFFERENDUM MUNERA ET HOSTIAS CONSTITUITUR : UNDE NECESSE EST ET HUNC HABERE ALIQUID QUOD OFFERAT. — « Hostiæ » sunt victimæ cruentæ; « munera, » incruentæ, ut dixi cap. V, vers. 1. Probat Apostolus id, quod dixit vers. 2, scilicet Christum, licet sedeat a dextris Dei in cœlo, esse tamen ibidem « Sanctorum, » id est sanctuarii, « ministrum » et sacerdotem, qui scilicet sacrificando, et sacras hostias ac munera offerendo, Deo ministret; id probat sic : Christus, licet sedeat in cœlo, est tamen pontifex; atqui omnis pontifex offert munera et hostias : ergo et Christus in cœlo suas hostias et munera offert, scilicet suum in cruce sacrificium, quod olim in monte Calvariæ obtulit, nunc quoque idipsum per continuum commemorationem Patri in cœlo offert, cap. IX, vers. 12.

Ostendi-
tur
Christum
pro nobis
offerre in
cœlo sa-
crifi-
cium.

Secundo et proprie, Christus in cœlo offert sacrificia Missæ, quæ toto orbe quotidie celebrantur; in his enim primus et primarius sacerdos qui consecrat, offert et transsubstantiationem peragit, est Christus.

Vers. 4.

4. SI ERGO ESSET SUPER TERRAM, NEC ESSET SACERDOS : CUM ESSENT QUI OFFERRENT SECUNDUM LEGEM MUNERA (1). — *g. d.* Si tale esset sacerdotium Christi, quale vos, o Judæi, requiritis; ut scilicet Messias vester degat semper apud vos in templo Salomonis, ibique sacrificet et faciat ea, quæ fecerunt sacerdotes Levitici et Aaronici : « nec esset sacerdos; » græce οὐδ' ἂν ἦ ἱερεὺς, id est, ne quidem esset sacerdos et pontifex Christus : tum quia ad hoc terrestre sacerdotium, et terrestria ejus bona procuranda et impetranda sufficerent sacerdotes legales et Levitici, nec alio esset opus sacerdote secundum ordinem Melchisedech, scilicet Christo; tum quia Christus, si terrenus tantum esset sacerdos, non obtulisset hostiam Christo, id est Redemptorem et Salvatorem, dignam, quæ scilicet sufficeret ad nostram salutem. Nulla enim digna fuit hostia et sufficiens ad reserandum cœlum, et cœlestia bona salutemque nobis afferendam, præter ipsummet Christum in cruce immolatum, occisum ac terrestri vita defunctum. Ita *Œcumenius*.

Messias
Judæo-
rum non
debeuit
esse pon-
tifex ter-
renus in
templo
Salomo-
nis.

Ex hisce colligit Apostolus Christum non tantum in terra, sed et in cœlo esse pontificem et Sanctorum ministrum, uti præcessit.

Impium

Ex hoc loco perperam intellecto, nuper qui-

(1) Dixerat Apostolus vers. 1 et 2, *habemus Pontificem Maximum, qui... Sanctorum minister*. Utramque inde notionem evolvit. Nam vers. 3 illustrat vocabulum *minister*, ejusque ait esse munus *offerre*. Vers. 4 vocem *Sanctorum*, id est *cœlestis*, explicat, et quidam ab indi-

dam Faustus Socinus Senensis impium dogma confinxit, illudque in Polonia et Hollandia sparsit, nimirum Christum sacerdotem non fuisse in terra, sed tantum in cœlo, adeoque in cruce nullum obtulisse sacrificium aut lytrum redemptionis nostræ; ac consequenter Christum non fuisse Redemptorem et Salvatorem, sed tantum Doctorem hominum, qui sua sancta vita meritis sit; ut post mortem fieret sacerdos et pontifex in cœlo. Unde ante crucem et resurrectionem eum fuisse quidem Prophetam, sed hominem tantum, qui proinde non aliter vocandus sit quam Jesus a Nazareth; post resurrectionem vero eum factum esse Christum, itaque jam appellandum esse. Quod dogma blasphemum non tantum veterem arianismum, nestorianismum et pelagianismum renovat et superat, sed et Christum christianismumque totum evertit. Fundamentum vero ipsius ex hoc loco, et ex capite IX, vers. 11 et 24, ubi Apostolus ait, quod « Christus assistens pontifex futurorum bonorum introivit in cœlum, ut appareret vultui Dei pro nobis, » petatum, nullum est: hisce enim et similibus locis tantum docet Apostolus Christum non solum in terra, uti fuit Aaron, sed etiam in cœlo, esse pontificem nostrum, adeoque esse pontificem æternum, uti promiserat David, *Psalm.* cix, eo sensu, quo explicui cap. VII, vers. 3 et 21.

dogma
Fausti
Socini
Senensis,
negantis
Christum
hic in
terris
fuisse sa-
cerdo-
tem.

Nam Apostolum velle et docere, quod Christus in terra, et in cruce fuerit pontifex, quodque proprie sacrificium suum expiatorium peccatorum totius mundi obtulerit in terra, non in cœlo, ubi locus non est sacrificii, sed præmii, patet tum ex aliis; tum ex eo quod cap. IX, vers. 14, ait : « Sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram; » ideoque subdit, sanguine Christi sancitum fuisse novum testamentum et fœdus, quo Deus nobis per Christi merita, et sacrificium in cruce peractum remittit peccata, gratiam confert et promittit cœleste regnum. Et vers. 26 et 28 : « Christus, inquit, semel oblatus est (ubi, nisi in cruce?) ad multorum exhaurienda peccata. » Rursum, cap. X, vers. 14 : « Una, inquit, oblatione (cruis) consummavit (Christus) in sempiternum sanctificatos. » Et passim ad Romanos, Galatas, Corinthios aliosque clamat Apostolus, Christum mortuum esse propter delicta nostra, et ab iis nos per opera legis non posse justificari, sed tantum per fidem et merita Christi : adeoque totus in eo est, ut doceat nullam esse aliam viam aut spem justitiæ et salutis, quam per sanguinem et mortem Christi, Chris-

Christus
in terris
vero fuit
pontifex.

recto. Sensus est : Quodsi enim (Christus) esset (Pontifex Max.) in his terris, plane non esset Sacerdos Maximus (nempe non esset ejusmodi sacerdos, qualis in Psalmo describitur), quum ii tantum (in terra) habeantur Sacerdotes, qui ex præscripto legis sacrificia offerunt, qui inserviunt figuræ et umbræ cœli. Ita Allioli cum multis.

tumque in cruce immolatum, « qui factus est nobis iustitia, sanctificatio et redemptio. »

Vers. 5. 5. QUI EXEMPLARI ET UMBRÆ DESERVUNT CŒLESTIUM. — *q. d.* Sacerdotes Levitici « deserviunt » (græce λατρεύουσιν, id est, latría et magna reverentia serviunt) tabernaculo, id est, Sancto et Sancto sanctorum; quod tantum est exemplar, græce ὑποδείγμα, id est subostensio, obscura pictura, representatio, typus et umbra rerum cœlestium, quæ in Ecclesia tum terrena et militante, tum maxime cœlesti ac triumphante a Christo peraguntur. Nam *primo*, sacrificia et victimæ, quas in altari holocaustorum quotidie offerebant sacerdotes Levitici, significabant sacrificium Missæ, quod quotidie per sacerdotes suos in Ecclesia offert Christus.

Unde pulchre et vere Chrysostomus et Theophylactus, notant sacerdotium Leviticum fuisse tantum ὑπόδειγμα, id est obscuram et tenuem representationem sacerdotii nostri, nostrumque hic ab Apostolo vocari cœlestē, quia cœlestem habet hostiam, scilicet Christi corpus, ideoque angelos habet præsentes; et quia cœlestia bona impetrat, cœlumque nobis reserat, et consequenter quia cœlestem vitam a suis ministris requirit. « Hic, inquit, in nostris mysteriis nihil terrestre est, sed omnia cœlestia et spiritalia; ubi hymni angelici, ubi claves regni cœlorum, ubi peccatorum remissio, et rursus nexus et ligatio, ubi nostra conversatio in cœlis est, quomodo non cœlestia sunt quæ apud nos sunt? »

Secundo, quod pontifex immolatis hostiis cum sanguine semel in anno intrabat in Sanctum sanctorum, significabat Christum per immolationem sui sanguinis et vitæ, ingressurum in cœlum, ut ibi apud Deum noster sit pontifex, pro nobis interpellans nobisque cœlum reserans, de quo dicitur cap. ix, ubi hæc ipsa cœlestia vocat ipsum cœlum, cujus exempla erant Sancta sanctorum Judaica et terrestria.

Nota hunc locum pro veneratione sanctarum imaginum. Apostolus enim hic dicit Judæos tabernaculo, tanquam ὑποδείγματι, id est imagini et picturæ rerum cœlestium, invisibilium et divinarum, latrām, summumque illius sæculi cultum impendisse: hoc enim significat verbum λατρεύουσιν. Judæi adorantes propitiatorium arcæ, Deum per illud representatum, et in illo quasi throno suo residentem adorabant. Sicut enim in imagine sua coluntur Sancti, ita et Deus.

SICUT RESPONSUM EST (κεχρημάτισται, id est, divino oraculo dictum est) MOSI, CUM CONSUMMARET TABERNACULUM. — « Consummaret, » id est consummare vellet, vel cogitaret, græce enim est μέλλων ἐπιτελεῖν, id est, cum consummaturus esset tabernaculum.

VIDE, INQUIT, OMNIA FACITO SECUNDUM EXEMPLAR, QUOD TIBI OSTENSUM EST IN MONTE. — Citat *Exodi* cap. xxv, vers. ult., cujus sensus litteralis hic est: Vide, o Moses, ut tabernaculum, candelabrum,

arcam cæteraque quæ ad tabernaculum spectant, fabrices secundum exemplar quod tibi hisce quadraginta diebus, quibus mecum in Sina versaris, viva voce descripsi, et idea aliqua sensibili intuendum proposui. Hunc esse sensum litteralem patet ex antecedentibus, maxime cap. ix, ubi hanc ideam tabernaculi Mosi promittit Deus.

Secundo, allegorice, hæc idea tabernaculi, uti et idipsum tabernaculum, idea erat Christi et Ecclesiæ: adeoque significat hoc loco Apostolus tum etiam ostensam fuisse Mosi ideam, seu exemplar allegoricum et anagogicum, res videlicet cœlestes, puta tabernaculum spirituale, scilicet Christi Ecclesiam tam militantem, quam triumphantem, quæ hoc materiali Mosaico tabernaculo significabatur; ita ut secundum hoc Ecclesiæ exemplar, Moses jussus sit fabricare suum materiale tabernaculum, eo modo et forma, ut Ecclesiæ quasi typo et exemplari suo responderet, illamque apte referret et representaret: ita ut Moses videret, saltem in genere et confuse, tabernaculum quod constructurus erat, ejusque altaria, vestes, victimas cæteraque vasa, esse typos, umbras et picturas, quibus Messias cum Ecclesia, bonaque ejus cœlestia, ac præsertim sacerdotium et sacrificium Christi depingebantur. Ita docent Anselmus hic, et Beda, in cap. xxv *Exodi*.

Tropologiam vide *Exodi* xxv, vers. ult.

6. NUNC AUTEM MELIUS SORTITUS EST MINISTERIUM, QUANTO ET MELIORIS TESTAMENTI MEDIATOR EST, QUOD IN MELIORIBUS REPROMISSIONIBUS SANCITUM EST. — *q. d.* Christus melius et præstantius accepit sacerdotium, quam Levitici et legales sacerdotes: præstantius, inquam, tanto, quanto novum testamentum, cujus Christus mediator est, antecellit veteri, majoraque bona suis promittit: vetus enim testamentum terrena, novum vero cœlestia bona spondet, promittit et præstat.

7. NAM SI ILLUD PRIUS CULPA VACASSET, NON UTI- QUE SECUNDI LOCUS INQUIRERETUR. — Pro culpa vacasset græce est ἡν ἀμικτος, id est, fuisset irreprehensibile: culpam ergo legis vocat, non peccatum, quasi lex illa vetus aliquid mali contineret, uti voluerunt Manichæi. Fuit enim lex illa sancta, ut ait Apostolus, *Rom. vii*, vers. 12; sed per epitasim et auxesim, culpam vocat infirmitatem et defectum legis, quia scilicet non poterat homines justificare et salvare: et hac parte lex fuit quasi reprehensibilis et corrigenda. Lex enim Christi tacite reprehendit legem veterem, eamque infirmitatis arguit, dum eam sustulit et abolevit, *q. d.* Si lex et testamentum vetus culpas et peccata tollere potuisset, si nullus in ea defectus fuisset supplendus et corrigendus, non quæreretur locus secundi, id est non fuisset secundum, novum scilicet, testamentum in ejus locum introductum et surrogatum.

Nota hypallagen: « locus secundi, » id est secundum in loco, vel locatum et positum loco primi.

rum cita-
torum
hic ex
xxv
Exod.

Sensus
allegori-
cus ta-
bernaculi
Mosaici.

Vers. 6.

Vers. 7.

Error
Mani-
chaorum
putan-
tium le-
gem vo-
terem
aliquid
mali con-
tinere.

Infirmi-
tas Iggis
Mosaica.

Alii sic explicant, « si culpa vacasset, » id est, si lex culpæ non fuisset occasio : sic enim ad Romanos cap. vii, vers. 5 et 11, dicit Apostolus, quod lex mortem operetur. Sic dicitur frigus pigrum melonymice, quia facit homines torpidos et pignos. Sed hic sensus videtur esse præter mentem et scopum Apostoli. Hanc enim occasionem peccati non urget hic Apostolus, sed tantum legis infirmitatem et impotentiam justificandi. Hic tamen sensus sequitur ex priori : quia enim lex jubebat vitari peccata, nec tamen ad ea vitandum gratiam dabat, hinc majoris peccati erat occasio : sine gratia enim lex impleri et peccata vitari non possunt. Alii rursus in culpa vacasset referunt non ad vetus testamentum, sed ad homines qui sub eo vivebant, qui virtute ipsius non potuerunt vacare culpa. Verum non de hominibus, sed de testamento loqui hic Paulum, patet ex ipsis verbis, et ex vocula *nam*. Primus ergo sensus genuinus est.

Vers. 8. 8. VITUPERANS ENIM EOS DICIT. — Probat vetus testamentum et legem culpa non vacasse, ideoque a Deo inductum esse aliud, scilicet novum testamentum, ex eo quod Jeremias vituperet Judæos, dicens cap. xxxi : « Quoniam ipsi non permanserunt in testamento meo, et ego neglexi eos, dicit Dominus. »

Nota : Circumspecte dicit Apostolus, « vituperans eos, » scilicet Judæos ; non autem vituperans eam, scilicet legem ad testamentum ; hoc enim odiosum fuisset apud Judæos quibus lex vetus in mira erat veneratione : tacite tamen cum Judæos vituperat, legem eorum vituperat, quasi infirmam et imbecillam, quæ scilicet Judæos sibi obsequentes bonosque efficere non potuerit ; sic discipulorum vitia solent adscribi pædagogis : lex enim Judæorum fuit pædagogus. Unde mox subdit Jeremias, et ex eo Paulus, quod Deus loco veteris inducet novum testamentum, quod gratiam copiosam conferet Christianis, ut sponte legem Christi servant, fiantque boni et sancti, q. d. Paulus : Jeremias vituperat Judæos, qui sub veteri erant testamento, quod peccarent in legem, et quia hoc eorum testamentum et lex peccata hæc cavere, tollere et amoliri non poterat, ideo promittit novum testamentum et legem gratiæ, quæ peccata tollet et amolietur, atque pro Judæis rebellibus inducet Christianos legi et voluntati Dei per omnia obsequentes. Ita Chrysostomus et Theophylactus.

ECCE DIES VENIENT, DICIT DOMINUS : ET CONSUMMABO SUPER DOMUM ISRAEL, ET SUPER DOMUM JUDA TESTAMENTUM NOVUM. — Pro consummabo hebraice est כריתי *kariti*, id est, percutiam et feriam testamentum, id est, fœdus novum. Vide de hac phrasi dicta I Cor. xi, 23.

Quinam
intelligatur
hic pater
dominus

Secundo, « domum Israel » vocat decem tribus quæ sub Jeroboam schisma fecerunt a domo Juda, id est, a duabus tribubus Juda et Benjamin, q. d. Christus novo suo fœdere et testamento duodecim

tribus jam dissecatas et divisas rursus conjunget in unum populum, in unum regnum, in unam Ecclesiam suam.

Nota : Symbolice Apostolus, uti et Propheta, per domum Juda intelligit quoslibet Judæos, per domum Israel vero Gentiles ; quia sicut domus Juda sola verum Dei templum et cultum retinuit, ita domus Israel ad vitulos aureos, ac deinde ad Gentilium Assyriorum ritus et idololatriam deflexit, IV. Reg. xvii, vers. 22 et seqq. Itaque Israelitæ quasi gentiles effecti sunt. Significat ergo Propheta et Apostolus tam Gentiles, quam Judæos, adeoque omnes fideles, omnesque populos hujus novi testamenti et gratiæ Christi participes fore.

9. NON SECUNDUM TESTAMENTUM QUOD FECI PATRIBUS EORUM. — q. d. Novum hoc testamentum non erit tale, quale fuit vetus cum patribus initum ; sed longe præstantius illo quod pepigi cum Mose.

Præclare S. Augustinus, sent. 384 : « Ut ars, inquit, medicinæ, cum eadem maneat, neque ullo modo ipsa mutetur, mutat tamen præcepta languentibus, quia mutabilis est nostra valetudo : ita divina providentia, cum sit ipsa omnino incommutabilis, mutabili tamen creature varie subvenit, et pro diversitate morborum aliis alia jubet aut vetat, ut a vitio unde mors incipit, et ab ipsa morte ad naturam suam et essentiam ea quæ deficiunt, id est ad nihilum tendunt, reducat et firmet. »

IN DIE QUÆ APPREHENDI MANUM EORUM, UT EDUCEREM ILLOS DE TERRA ÆGYPTI. — « In die, » id est in tempore : non enim eodem die quo Deus eduxit Hebræos ex Ægypto, sed quinquagesimo demum post exitum die dedit eis legem in Sina.

Nota vocem « apprehendi, » q. d. Ego Deus ita dilexi populum Israel, ut quasi pater eum non quasi servum, sed quasi filium et puerum meum manu apprehenderim et eduxerim ex Ægypto, et quinquagesimo deinde die dedi ei legem, et fœdus cum eo inii, ut ipse memor tantæ liberationis exacte illud servaret ; quod tamen ipse non præstitit.

QUONIAM IPSI NON PERMANERUNT IN TESTAMENTO MEO, ET EGO NEGLEXI EOS, DICIT DOMINUS. — Pro neglexi hebraice est באלתי *baulti bam*, id est, dominatus sum eorum, vel in eos, dominatus, inquam, non tanquam sponsus aut maritus, ut vertit Vatablus et recentiores, sed tanquam hostis, eos a me meaque Ecclesia repellendo, negligendo, reprobando et disperdendo. Unde Septuaginta, quos sequitur Paulus hic, aperte vertunt, ἀπέλασα αὐτῶν, id est neglexi, contempsi, reprobavi eos. Sic et R. Joseph Kimchi vertit, *fastidivi, abominatus sum eos*, q. d. Jeremias : Quia Judæi non servarunt fœderis mei condiciones, scilicet leges meas ; hinc ego rejeci eos, fœdusque irritavi, ac novum mihi populum condere, novumque cum eis fœdus inire decrevi. Hac sen-

Israel et
Juda?

Vers. 9.

Dilectio
Dei erga
Judæos.

R. probatio
veteris populi,
lexis
et testamenti.

liberum
arb.
trium.

tentia repellitur et vetus populus, et vetus lex, et vetus testamentum: populus, quia non perstitit in pacto; lex autem, quia non effecit populum suum morigerum; testamentum vero et pactum, quia pacti conditiones, et consequenter pactum ipsum infregit populus. Ideoque vicissim hoc pactum suum fregit et rescidit Deus.

VERA. 10. 10. QUIA HEC EST TESTAMENTUM QUOD DISPONAM (pangam et sanciam) DOMUI ISRAEL. — Vox quia non est hic causalis, sed expletiva, vel potius adversativa, more Hebræo, q. d. Hoc autem est testamentum et fœdus, scilicet novum, quod pro veteri inducam et statuam.

POST DIES ILLOS. — Id est, postquam neglexero et rejecero a me meaque Ecclesia Judæos incredulos.

**Pactum seu testa-
mentum
vetus et
novum
quomodo
popigerit
Deus?**

**Moses
facialis
testa-
menti
veteris,
Christus
novi.**

Nota: Sicut pactum et fœdus vetus Deus inivit in Sina cum Hebræis, *Exodi* xix et xxiv, quo obligavit se fore Hebræorum Deum et protectorem, et daturum eis terram Chanaan, sub hac conditione, si populus sibi obediret et suas leges servaret, illudque fœdus confirmatum fuit, *Exodi* cap. xxiv, victimarum sanguine, et epulo communi paciscentium. Nam Moses et Aaron vice Dei cum populo ex victima fœderali comederunt: Moses enim erat hic quasi facialis et mediator Dei et populi. Simili ratione et modo fœdus novum Deus inivit cum Christianis, cujus facialis et pater patratus est Christus, quo fœdere Deus toto Evangelio obligat se daturum Christianis suam gratiam, remissionem peccatorum, amicitiam, adoptionem in filios, omnem opem et præsidia ad bene operandum et vivendum, et tandem hæreditatem ipsam vitæ æternæ, sub hac conditione, si sibi obediant, si Christi fidem, legem, quæ brevis et facilis est, scilicet fidei et sacramentorum, recipiant et observent: hinc dicitur novum, quia nova affert promissa, præcepta, Sacramenta, novam gratiam, novam vitam, novum hominem.

**Lex
Evan-
gelica,
quare
vocetur
testa-
mentum
novum?**

Nota secundo: Illo fœdus novum Christus confirmavit sanguine suo, faciens se victimam in cruce; secundo, epulo Eucharistiæ, quod omnibus ad finem usque mundi communicat. Non ergo in monte tantum, longo illo sermone, quem habet *Matth.* cap. v, vi, vii, ut vult Theodoretus, sed tota vita sua, toto Evangelio hoc fœdus instituit Christus, ubi paciscentes sunt Deus et Apostoli, aliique Christiani, facialis est Christus.

**Vetus testa-
mentum
et novum
quando
promul-
gatum,
et utrius-
que pul-
chra an-
tithesis.**

**Error
Calvini
circa**

Nota tertio: Sicut vetus fœdus in monte Sina in Pentecoste, ita novum in Sion in Pentecoste promulgatum est; et sicut in veteri data est lex in tabulis lapideis, quasi conditio fœderis, ita in novo data est lex, sed in tabulis cordis: illa penicillo, hæc spiritu Dei vivi scripta, quia per Christum gratia et charitas diffusa est in cordibus nostris, id est, in libera voluntate nostra, per gratiam prævenientem, comitantem et sanctificantem. Non ergo tollitur hic liberum arbitrium, ut vult Calvinus, sed omnino præsupponitur in voce libera, et quia, ut dixi, fœdus hoc.

uti et aliud quodvis requirit conditionem ex parte nostra, scilicet ut obodiamus Deo vocanti et gratiæ ejus cooperemur, justitiam sectemur, et in ea perseveremus, si hæreditatem cœlestem adipisci velimus. Sicut ergo Moses de Sina descendit ad populum tabulas legis portans, sic Apostoli de Sion Spiritum Sanctum, ejusque dogmata et dona mente portantes descenderunt ad omnes gentes, eaque illis proposuerunt et communicarunt.

DANDO LEGES MEAS IN MENTEM EORUM, ET IN CORDE EORUM SUPERSCRIBAM EAS. — Pro dando hebraice est נתתי *natatti*, id est, dabo, idque clarius est: sunt enim verba novi testamenti et pacti. Septuaginta tamen, quos sequitur hic Paulus, vertunt δίδωμι, id est dans, vel dando. Quod eodem redit.

DANDO. — Nota: Res quam novo suo fœdere et testamento promisit nobis Deus, est Spiritus Sanctus, sive lex gratiæ et charitatis menti aspirata et inscripta. Unde S. Augustinus lib. *De Spiritu et Littera*, cap. xxi: « Quæ, ait, sunt aliæ leges a Deo scriptæ in cordibus, nisi ipsa præsentia Spiritus Sancti? » Contra in fœdere veteri, lex scripta in tabulis non erat res promissa, sed conditio fœderis.

Ubi tamen adverte: Deus non se solo scribit Spiritum Sanctum in corde et mente, sicut scripsit solus legem veterem in tabulis lapideis; sed requirit consensum et cooperationem liberi arbitrii: et hæc est conditio fœderis tam novi quam veteris. Deus ergo jam legem et consilia sua inscribit, non libris, aut tabulis, aut fimbriis, uti olim apud Judæos, sed ipsi menti et intellectui Christianorum, quando illi imprimit fidem et prudentiam agendorum, crebrasque illuminationes et illustrationes, quibus ostendit menti, quam pulchra sit lex Christi, quam utilis, divina, suavis; quam turpe sit peccatum, quam facilis poenitentia, quam jucunda sit vita pia et Christiana. Secundo, inscribit hæc memoriæ, cum horum memoriam homini imprimit, eamque subinde renovat et reficit. Tertio, inscribit hæc cordi et voluntati, cum illi pias erga legem Dei affectiones, complacentias, impulsus, promptitudinem et tandem charitatem infundit, ut dicat: « Domine, da quod jubes, et jube quod vis. » *lib. S. Augustinus, lib. De Spiritu et Littera*, cap. xvii et seqq.

ET ERO EIS IN DEUM, ET IPSI ERUNT MIHI IN POPULUM. — Est hebraismus, q. d. Ero eis Deus, et ipsi erunt mihi populus, scilicet selectus, singularis et peculiaris: licet enim sim omnium hominum Deus, et omnes sint meus populus, tamen Christianos me diligentes habeo quasi peculium meum, quasi Ecclesiam meam, quasi populum meum, ut eorum respectu reliquos negligere, nec pro populo meo habere videar.

Nota emphasim in voce *Deus*: « ero eis Deus, » id est, ero eis clementissimus pater. provisor, pro-

Spiritus
Sanctus
est res
novo tes-
tamento
promis-
saSpiritus
Sancti
gratia
liberi
arbitrii
coopera-
tionem
requirit.Christia-
norum
populus
peculia-
riter Deo
cura est.

tector, largitor gratiæ, gloriæ, beatitudinis et bonorum omnium; vice versa ipsi erunt mihi populus, quia me agnoscent, credent, servient, colent et obedient, sperabunt et diligent tanquam Deum, dominum et patrem amantissimum. Alludit ad illud *Exodi* xix, 5: « Eritis mihi in peculum de cunctis populis, et in regnum sacerdotale, et gens sancta. »

Vers. 11. 11. ET NON DOCEBIT UNUSQUISQUE PROXIMUM SUUM, DICENS: COGNOSCE DOMINUM. — *Primo*, S. Augustinus, lib. *De Spiritu et Littera*, cap. xxiv, Anselmus et Cajetanus, putant hoc dici de Beatis, *q. d.* Cum per novum testamentum evademus in cælum, erimusque beati, tum nemo amplius alium docebit, quia omnes sat superque docebit Dei clara et beata visio.

Gratia et cognitio quam adfert lex nova, qualis? Prima sententia.

Verum hoc est præter mentem tam Jeremiæ, quam Pauli. Uterque enim loquitur de cognitione et gratia, quam affert fidelibus novum testamentum in hac vita, cum vetus testamentum Judæis parum attulerit lucis, sapientiæ et gratiæ.

Secunda. *Secundo*, S. Thomas et Ambrosius putant hæc dici de Apostolis qui docti erant a Spiritu Sancto, nec egebant alio doctore. Sed et hoc nimis arctum est: loquitur enim tam Propheta, quam Apostolus de quibusvis filiis novi testamenti, eisque hoc lumen et hanc gratiam promittit.

Tertia. *Tertio*, S. Hieronymus in *Jeremiæ* xxxi, sic explicat, *q. d.* Tempore novi Testamenti, non quærent fideles Judæos aut philosophos magistros, uti ante fecerunt, non quærent Judaicas traditiones, nec philosophicas rationes, ut ad veri Dei fidem et cognitionem perveniant. Sed nec hoc explicat mentem Prophetæ, qui non tantum Judæos aut Gentiles, sed et Christianos doctores hic videtur excludere.

Quarta. *Quarto* et melius, Theodoretus, Theophylactus, Oecumenius et S. Augustinus, lib. *De Gratia Christi*, cap. xii, sic explicant, *q. d.* In nova lege, non opus erit Christianis magno labore ad discendum necessaria ad salutem; sed facile id facient, ita ut pueri quoque (uti fieri videmus) statim ea addiscant et capiant; tum quia præcepta legis novæ pauca sunt, scilicet decalogi, fidei et Sacramentorum; tum quia dat eis Deus magnas illuminationes, ut Deo interius docente statim hæc percipiant. Verum nec hic sensus exhaurit mentem et fundum Prophetæ, uti mox patebit.

Quinta et genuina. Dico ergo, hunc esse genuinum hujus loci sensum, *q. d.* Omnes per catechesim et baptismum effecti Christiani (de fidelibus enim loquitur, non de infidelibus), tum in primitiva Ecclesia, tum deinceps, habebunt unius veri Dei cognitionem, amorem, cultum et timorem, contemnentque omnino pristinam suam idololatriam: Deus enim ita interius sua gratia mentem illorum illuminabit, et cor voluntatemque accendit; ut sponte abjectis idolis omnique superstitione, Deum verum agnoscant, colant et ament.

Cognitio Ubi nota *primo*: Cognitio hæc Domini, de qua

hic loquitur Jeremias, non est nuda et speculativa, sed affectuosa et practica, *q. d.* « Cognosce Dominum, » et cognitum cole, time et redama. Est metalepsis. Unde Jonathas Chaldæus sic vertit, *non docebit ultra vir proximum suum, dicendo: Scito timere Dominum, quia omnes discent ut sciant timorem mei.* Idem Jonathas, *Osee* iv; pro eo quod Noster vertit, *non est scientia Dei in terra*, sic habet, *non est qui ambulet in timore Domini in terra.* Non ergo loquitur Jeremias et Paulus de cognitione omnium mysteriorum et articulorum fidei, sed tantum de cognitione et cultu veri Dei: hoc enim est « cognosce Dominum. » Id patet ex ratione, quam subdit: « Quia propitius ero iniquitatibus eorum, et peccatorum eorum non memorabor, » *q. d.* Cum Christiani videbunt se a Deo per Christum erutos ex miserrimo peccati et damnationis æternæ statu, statim agnoscent Deum liberatorem suum, illi gratias agent, totique rapiuntur in ejus amorem et obsequium, ut scilicet Dei legibus et voluntati per omnia parere satagent.

Dei non nuda, sed affectuosa, non tantum speculativa, sed et practica.

Hinc nota *secundo*: Non excludit hic Jeremias ministerium et doctrinam Apostolorum, aliorumque doctorum et præconum Evangelii: hos enim, ut ait Apostolus *Ephes.* iv, 11, posuit Deus in Ecclesia ut eam doceant, ædificent; perficiant. Sed eos hic præsupponit. Loquitur enim Christianis, qui ab Apostolis aliisque doctoribus catechizati et baptizati sunt. Tantum ergo vult docere Jeremias in lege nova tam facilem fore, audita Evangelii prædicatione, Dei cognitionem, cultum, amorem et obedientiam, ut sponte sua eo procurrant homines: cum Judæi in veteri Testamento vix minis et pœnis cogi possent ad relinquendum idola, et ad Deum verum cognoscendum, colendum, amandum illique obediendum; idque proventurum ex eo quod Deus hanc sui cognitionem, cultum et legem non inscribet tabulis lapideis, uti fecit Judæis, sed menti et cordi Christianorum: tanta scilicet luce mentem illustrando, tantaque efficacia et suavitate voluntatem impellendo, ut homines rapiantur ad sui cognitionem et amorem. Hoc tamen non excludit, quin ad hæc inchoanda, augenda et promovenda, aliaque addenda, quæ ad particularium fidei mysteriorum et legum Christi institutionem et cognitionem pertinent, alius alium docere, hortari et excitare debeat: ad hoc enim, ut dixi, posuit Deus in Ecclesia Apostolos, doctores et Pastores.

Doctrina præconum Evangelii in Ecclesia necessaria.

Perperam ergo Anabaptistæ alique Novantes hinc probare conantur spiritum privatum cujusque hominis esse judicem controversiarum fidei et sacræ Scripturæ interpretem, esseque regulam tam credendorum quam agendorum. Hic enim spiritus privatus et secretus est, qui ab aliis, imo ab ipso qui eum habet, videri et sciri nequit an ater sit an albus: et quisque dicet se hunc habere spiritum, uti privatos hosce spiritus inter se maxime contrarios et pugnales experimur,

Error Anabaptistarum et Novantium. Privatus spiritus cujusque non est iudex controversiarum

itaque in Ecclesia summa erit confusio et dissidium.

Nam Jeremias et Apostolus hic, non de privato hoc spiritu, sed de publico et communi omnium Christianorum agunt; eumque dicunt, non Scripturas interpretari, sed quemque interius docere et excitare ad Dei veri cognitionem et amorem, et ad hoc esse necessarium; adeo, « ut nisi hic Spiritus cordi audientis adsit, otiosus sit sermo doctoris, » ait S. Gregorius, hom. 30 in Evangel. Sic S. Joannes, epist. I, cap. II, vers. 27, dicit: « Unctio ejus docet vos de omnibus, » q. d. Non est necesse ut pseudoapostoli vos doceant fidem (de iis enim agi patet ex vers. 22), jam enim eam didicistis, et discitis per me et Apostolos, cooperante unctione Spiritus Sancti, quam tum alias, tum maxime in sacramento Confirmationis accepistis. Necesse est enim ut quod Apostoli foris, hoc Spiritus Sanctus intus vos doceat. « Nisi enim hic intus vos doceat, inanis est omnis strepitus vocis humanæ, » ut in eum locum ait S. Augustinus. Sic ex Isaia, cap. LIV, ait S. Joannes in Evangel. cap. VI, vers. 45: « Et erunt omnes docibiles Dei. » Hebraice *למד* *lemude*, græce *διδάκτοι*, id est, docti a Deo, qui scilicet potissimus erit doctor Christianorum, ut interius eorum mentem doceat, illuminet, inflammet ad vocem externam Christi et discipulorum ejus: cum olim per Prophetas, per sacerdotes, per Scripturam et legem in veteri Testamento magis exterius quam interius

doceret Judæos, qui idcirco indocti, rudes, frigidi et torpidi in Dei amore et cultu remanebant.

Nota: Quo quis magis cor suum purificat, Deoque per orationem conjungit, eo magis a Deo interius docetur. Hinc S. Antonius, teste S. Athanasio, creber et quasi continuus in oratione, hoc donum a Deo acceperat, ut, si cujus rei sedens in monte ignarus fuisset, et ejus secum inquireret notionem, ea ei oranti mox a Deo revelaretur. Similes theodidacti fuerunt S. Joannes Evangelista, Simeon Stylites, S. Paulus primus Eremita, S. Dominicus, S. Franciscus et alii.

S. Antonius theodidactus.

13. DICENDO AUTEM NOVUM VETERAVIT PRIUS. — Vers. 13.

Pro *veteravit* græce est *πεπαλαιώκα*, id est antiquavit, antiquum et vetus esse declaravit, q. d. Cum Deus per Jeremiam dicit: « Consummabo testamentum novum, » aperte significat, prius testamentum Mosaicum, hoc ipso tempore Jeremiæ, paulatim antiquari, consenescere et decidere, ac proinde non duraturum, sed sensim magis et magis veterascere et interire, donec paulo post corruiat prorsus et aboleatur per novum testamentum a Christo inducendum. Hæc omnia ideo dicit Paulus, ut Hebræos a Mose ad Christum abducat, doceatque eos non mirari debere, quod Deus vetus testamentum a se datum abrogaverit (utpote infirmum et insufficiens ad justitiam et salutem) per novum novi Messiae Salvatoris, cum id promissum et prædictum sit ante tot sæcula a Jeremia

Testamentum vetus tempore Jeremiæ inceptum antiquari.

Christiani docibiles Dei.

CAPUT NONUM

SYNOPSIS CAPITIS.

Hactenus ex pontifice, sacerdotio et testamento veteri demonstravit Apostolus legem veterem cessare debuisse, et cedere Christo ejusque legi; nunc idem probat ex fabrica et significatione tabernaculi, quod erat figura Ecclesiæ Christi.

Primo ergo describens Sanctum, et Sanctum sanctorum, eorumque vasa, docet pontificem veterem semel in anno cum sanguine hircorum introeuntem in Sancta sanctorum significasse Christum, qui per sanguinem suum ingressus in cælum, illud reseravit, et æternam redemptionem nobis comparavit.

Secundo, vers. 15, docet Christum esse mediatorem novi testamenti, quia illud suo sanguine et morte sanxit et confirmavit, sicut sanguine hircorum sancitum et confirmatum est vetus testamentum.

Tertio, vers. 24, docet Christum per sanguinem suum ingressum esse in cælum, ut appareat vultui Dei pro nobis, et expectantibus se sit in salutem.

1. Habuit quidem et prius justificationes culturæ, et Sanctum sæculare. 2. Tabernaculum enim factum est primum, in quo erant candelabra, et mensa, et propositio panum, quæ dicitur Sancta. 3. Post velamentum autem secundum, tabernaculum, quod dicitur Sancta sanctorum: 4. aureum habens thuribulum, et arcam testamenti circumtectam ex omni parte auro, in qua urna aurea habens manna, et virga Aaron, quæ fronderat, et tabulæ testamenti; 5. superque eam erant Cherubim gloriæ obumbrantia propitiatorium: de quibus non est modo dicendum per singula. 6. His vero ita compositis, in priori quidem tabernaculo semper introibant sacerdotes, sacrificiorum officia consummantes: 7. in

secundo autem semel in anno solus pontifex, non sine sanguine, quem offert pro sua et populi ignorantia : 8. hoc significante Spiritu Sancto, nondum propalatam esse sanctorum viam, adhuc priore tabernaculo habente statum. 9. Quæ parabola est temporis instantis : juxta quam munera et hostiæ offeruntur, quæ non possunt juxta conscientiam perfectum facere servientem, solummodo in cibis, et in potibus, 10. et variis baptismatibus, et justitiis carnis usque ad tempus correctionis impositis. 11. Christus autem assistens pontifex futurorum bonorum, per amplius et perfectius tabernaculum non manufactum, id est, non hujus creationis ; 12. neque per sanguinem hircorum aut vitulorum, sed per proprium sanguinem, introivit semel in Sancta, æterna redemptione inventa. 13. Si enim sanguis hircorum et taurorum, et cinis vitulæ aspersus, inquinatos sanctificat ad emundationem carnis : 14. quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi ? 15. Et ideo novi testamenti mediator est, ut morte intercedente, in redemptionem earum prævaricationum, quæ erant sub priori testamento, repromissionem accipiant, qui vocati sunt æternæ hæreditatis. 16. Ubi enim testamentum est, mors necesse est intercedat testatoris. 17. Testamentum enim in mortuis confirmatum est : alioquin nondum valet, dum vivit, qui testatus est. 18. Unde nec primum quidem sine sanguine dedicatum est. 19. Lecto enim omni mandato legis a Moyse universo populo, accipiens sanguinem vitulorum et hircorum, cum aqua, et lana coccinea, et hyssopo, ipsum quoque librum, et omnem populum aspersit, 20. dicens : Hic sanguis testamenti, quod mandavit ad vos Deus. 21. Etiam tabernaculum et omnia vasa ministerii sanguine similiter aspersit. 22. Et omnia pene in sanguine secundum legem mundantur : et sine sanguinis effusione non fit remissio. 23. Necesse est ergo exemplaria quidem cœlestium his mundari : ipsa autem cœlestia melioribus hostiis quam istis. 24. Non enim in manufacta Sancta Jesus introivit, exemplaria verorum : sed in ipsum cœlum, ut appareat nunc vultui Dei pro nobis. 25. Neque ut sæpe offerat semetipsum, quemadmodum pontifex intrat in Sancta per singulos annos in sanguine alieno : 26. alioquin oportebat eum frequenter pati ab origine mundi : nunc autem semel in consummatione sæculorum, ad destitutionem peccati, per hostiam suam apparuit. 27. Et quemadmodum statutum est hominibus semel mori, post hoc autem judicium : 28. sic et Christus semel oblatus est ad multorum exhaurienda peccata ; secundo sine peccato apparebit expectantibus se, in salutem.

Vers. 1. 1. HABUIT QUIDEM ET PRIUS JUSTIFICATIONES CULTURÆ, ET SANCTUM SÆCULARE. — « Prius, » scilicet tabernaculum, inquit Erasmus : sic enim habent Græca Regia, ἡ πρώτη σκηνή, id est, prius tabernaculum, sed mendose. Nam S. Chrysostomus, Theophylactus, Photius et Syrus non legunt τὴν πρώτην, sed tantum τὴν πρώτην, et subaudiunt διαθήκη, id est, testamentum. De Testamento enim veteri egit hactenus cap. præced., maxime vers. ult., non autem de tabernaculo.

JUSTIFICATIONES CULTURÆ, — δικαιώματα λατρείας, id est, justificationes cultus sive latriæ, id est, mandata a Mose lata ad rite colendum Deum, puta cæremonias et ritus lege præscriptos, quibus Judæi juxta et sancto colerent Deum, quibusque sanctificarentur, tum coram hominibus, tum etiam coram Deo, si illos obirent ex fide in Christum et ex devotione et charitate in Deum : quod tamen facere non poterant ex vi legis, sed ex vi spiritus et gratiæ. Hæ enim leges cæremoniales,

hebraice dicuntur **חוקים** *chuckim*, id est statuta, decreta, sanctiones : quod Noster, ob causas jam dictas, vertere solet *justitias*, vel *justificationes*, ut patet *Psalm.* cxviii, vers. 5, 8, 48, 68 et aliis. Ita S. Chrysostomus, Theophylactus et Syrus.

ET SANCTUM SÆCULARE, — τὸ ἅγιον κοσμικόν, id est, Sanctum vel sanctuarium mundanum, sive, ut Syrus vertit, *bet kudesca olmaiæna*, id est, ædes sancta sæcularis, vel mundana.

Quæres, quodnam sit hoc « Sanctum mundanum et sæculare ? » Respondet primo S. Thomas et Cajetanus esse sanctitatem et sanctificationem veteris Testamenti, quæ tantum corporalis erat, sæcularis et externa, coram mundo, non autem spiritualis et interna coram Deo, veraque sanctitas : hæc enim propria est novo Testamento. Verum dure et distorte sanctitas veteris Testamenti dicitur et vocatur *sanctum mundanum*. Adde, quod Græcus articulus cum ait τὸ ἅγιον, certum aliquod Sanctum demonstret, uti mox patebit.

cæremoniales
cur vo-
centur
justifica-
tiones?

Quid
Apostolus
intellicat
per
Sanctum
sæculare?
Prima
sententia.

Leges

Secunda. *Secundo*, S. Chrysostomus, Theophylactus, Haymo, per hoc « Sanctum » intelligunt atrium tabernaculi, quod Gentibus et omnibus mundi nationibus patebat, indeque *mundanum* est dictum. Sed hoc non videtur verum: Gentes enim utpote infideles et profanæ arcebantur atrio Judæorum: hoc enim atrium erat populi fidelis « sanctum, » id est, sanctuarium et templum. Et licet Herodes atrio Judæorum addiderit aliud atrium extimum pro Gentibus et immundis, tamen illud non potest dici « Sanctum. » Adde, quorsum hujus atrii præ reliquis meminisset hic Paulus?

Tertia. *Tertio*, alii « Sanctum sæculare » intelligunt tabernaculum vel templum Judæorum, dicitque « sæculare, » quia multis sæculis erat duraturum; sed quid hoc facit ad Græcum *κοινωνία*, id est mundanum? Cur Apostolus, qui totus est in deprimendo veteri tabernaculo et sacerdotio, hic illud a duratione commendat?

Quarta. *Quarto* melius et aptius, Theodoretus, Ambrosius, Oecumenius, dicunt « Sanctum » esse tabernaculum; dicitque *mundanum*, quia figuram mundi gerebat. *Sanctum* enim typus erat terræ, et vitæ quæ agitur in terra; *Sanctum sanctorum* erat typus cæli empyrei, et vitæ ac gloriæ Beatorum; *velum* dividens Sanctum a Sancto sanctorum typus erat firmamenti dividens aquas superas ab inferis, et cælos ab elementis; *candelabrum septiceps* typus erat septem planetarum; *purpura, coccus, byssus et hyacinthus*, ex quibus factæ erant cortinæ tabernaculi, significabant quatuor elementa. Simili phrasi Sapiens vestem pontificis vocat mundanam, *Sapientiæ* xviii, 24, cum ait: « In veste poderis, quam habebat (pontifex) totus erat orbis terrarum; » quia scilicet sua veste representabat totum mundum, pro quo Deum interpellabat. Hæc bona est, sed non plana, planæque litteralis expositio.

Quinta. *Quinto*, Franciscus Ribera; « Sanctum sæculare » putat esse idem quod paulo post Apostolus vocat *tabernaculum primum*, id est, pars tabernaculi anterior, quæ dicebatur *Sanctum*, cum atrio, in quo erat altare holocaustorum, et labrum æneum, in quibus fiebant sacrificia et lustrationes. Hinc dici « sæculare, » quia representabat vitam hujus sæculi, seu cultum, quem Deo Sancti exhibebant in hoc sæculo, antequam per Christum ingredi possent Sanctum sanctorum, id est cælum: nam Sanctum erat typus legis veteris: hæc enim in Sancto quotidie sua sacrificia offerebat; et Sanctum sanctorum typus erat cæli, quod nondum erat apertum, sed velo obductum dum *lex* vetus stabat. Unde in Sanctum sanctorum non nisi semel in anno intrabat pontifex, isque solus: atque ita Sanctum temporis et sæculi, Sanctum sanctorum æternitatis figuram gerebat; sic enim videtur se explicare Apostolus, vers. 8. Hæc quoque apta, sed partialis tantum et symbolica est expositio, uti mox patebit.

Dico ergo *sæcto*, optime et maxime genuine per « Sanctum » hoc « sæculare » accipias totum vetus tabernaculum sive sanctuarium, quod dicitur « sæculare, » id est temporaneum, caducum et evanidum. Dicitur etiam *mundanum*, id est terrenum, et ex auro; argento, bysso aliisque rebus terrenis factum, ait Anselmus, habensque terrenas et typicas caeremonias, hostias et cultus. Probatur hæc expositio *primo*, quia sic se explicat Apostolus vers. seq. et deinceps. *Secundo*, quia cap. præced., vers. 5, et hic vers. 10, 11, 24, 25, « Sanctum » hoc « sæculare, » sive mundanum, vocat *manufactum*, ad hostias carnis offerendas. Rursum vocat illud *exemplar* (id est typum et figuram) *cælestium*: opponit namque hoc Sanctum sæculare et mundanum sanctuario sive tabernaculo cælesti, id est, Ecclesiæ Christi, quæ a cælo descendit, et cælesti doctrina, vita et Sacramentis nos in cælum ducit, *q. d.* In Sancto, id est sanctuario et tabernaculo veteri, omnia erant mundana, terrena, typica, umbratica, temporanea et evanida: in Christi vero Ecclesia omnia sunt cælestia, vera, solida et æterna. Unde partes hujus Sancti sive Sanctuarii secularis explicans Apostolus mox subdit: « Tabernaculum enim factum est primum, » etc., *q. d.* Hoc Sanctum sæculare duas habuit partes, scilicet Sanctum et Sanctum sanctorum, ut mox explicabo.

2. TABERNACULUM ENIM FACTUM EST PRIMUM. — Vers. 4. Hic explicat « Sanctum sæculare, » ejusque partes. « Tabernaculum primum » vocat primam partem tabernaculi, quæ hebraice dicta est *היכל* *hechal*, vel *שדך* *codes*, id est, *sanctum* vel *sanctitas*. Continebat enim candelabrum aureum, mensam panum propositionis et altare thymiamatis. Indeque locus hic sacer erat et venerandus, diciturque *sanctitas*, id est, res sancta, sive sanctum sanctuarium. Secunda vero sive posterior pars tabernaculi dicta est *Sancta sanctorum*: de qua vers. seq.

Nota: Tabernaculum, ut inquit Josephus, lib. III *Antiq.*, cap. iv, erat quasi templum mobile seu portatile Hebræorum peregrinantium per desertum et tendentium in Chanaan, eratque quasi domus Dei in qua Hebræi Deum colebant, et vicissim a Deo inter eos quasi habitante regebantur et protegabantur; adeoque per hoc suum tabernaculum significat Deus se Hebræorum esse umbraculum et protectorem. Unde David de templo, quod tabernaculo successit, loquens *Psal.* xxvi, vers. 4: « Ut visitem, inquit, templum ejus, quoniam abscondit me in tabernaculo suo, in die malorum protexit me in abscondito tabernaculi sui. »

Nota: Symbolice tabernaculum representabat totum mundum, qui est quasi domus et palatium Dei, ut significaretur pontificem esse ministrum Dei creatoris, qui creatorem in tabernaculo hoc suo pro omni creatura, totoque mundo oret et interpellat. Unde tabernaculum ex bysso, purpura, hyacintho et cocco quasi ex quatuor

Sexta et genuina. Sanctum sæculare est totum vetus tabernaculum temporaneum et caducum.

Christi Ecclesia solida, æterna, cælestis.

Primi tabernaculi descriptio.

Tabernaculo significabat Deus se Hebræorum esse umbraculum.

Materia et orna-

elementis contextum et constructum erat. Bys-
sus enim significat terram, quia ex terra gignitur.
Hyacinthus aerem, quia aerei est coloris. Pur-
pura mare, quia sanguine conchylii, sive piscis
marini, qui purpura dicitur, pannus purpureus
tingitur et purpuratur. Coccus, quia ignei est co-
loris, repræsentat ignem et ætherem. Ita ex Phi-
lone, Josepho et aliis, S. Hieronymus ad Fabio-
lam, *De Vestibus sacerdotum*.

Nota *tertio* : Tabernaculum hoc et templum
allegorice significabat corpus Christi, ut patet
Joan. II, 19 : « Solvite, inquit, templum hoc, et
in tribus diebus excitabo illud. » Quod explicans
vers. 21, ait : « Ille autem (Christus) dicebat de
templo corporis sui. » Unde Cyrillus, lib. IV *in*
Joan., cap. xxviii, tam tabernaculum, quam omnia
vasa tabernaculi pulchre Christo adaptat :

« Christus, inquit, licet unus sit, multifariam tamen
a nobis intelligitur. Ipse est tabernaculum propter
carnis tegumentum; ipse est arca habens legem
Dei reconditam, quia est Verbum Patris; ipse
est mensa, quia noster cibus est et vita; ipse
est candelabrum, quia est lux spiritualis; ipse
est altare incensi, quia est odor suavitatis in sanc-
tificatione; ipse est altare holocausti, quia est
hostia pro totius mundi vita in cruce oblata. » Et
quæ sequuntur.

Rursum tabernaculum allegorice significabat
Ecclesiam, quæ corpus Christi est mysticum, id-
que aptissime : nam pars prima sive anterior quæ
dicebatur Sanctum, significabat Ecclesiam mili-
tantem, quæ est tabernaculum et domus Dei, *I Timoth. III, 15* : hæc per velum, id est, per fi-
dem et obscure, Deum in terris contemplatur :
in hac Aaron, id est summus pontifex, est Chris-
tus. Ex hac itur in partem secundam tabernaculi,
quæ dicitur Sancta sanctorum, id est, in cælum,
quod est gloriæ Dei et Beatorum domus æterna.

Quarto, tropologice tabernaculum significabat
animam, quæ per pœnitentiam, charitatem alias-
que virtutes fit tabernaculum et templum Dei, ut
dixi *I Cor. III, 16*.

In quo (tabernaculo primo, id est Sancto) ERANT
CANDELABRA, ET MENSA, ET PROPOSITIO PANUM, QUÆ
DICITUR SANCTA.—*q. d.* In Sancto, ad dextrum la-
tus erat candelabrum, ad sinistrum mensa pa-
num propositionis, in medio altare thymiamatis.

Dices : In tabernaculo unum tantum erat can-
delabrum, quomodo ergo Apostolus in eo ponit
hic plura candelabra?

Respondent Primasius et Haymo, Apostolum
loqui non de tabernaculo Mosis, sed de templo
Salomonis, in quo plura, decem scilicet, erant
candelabra. Verum Apostolum loqui de taberna-
culo, patet ex ipsis ejus verbis tam hoc cap.,
quam præcedentibus, quibus semper tabernacu-
lum, nunquam templum nominavit. Comparat
enim Christum non cum Salomone et Sadoc, sed
cum Mose et Aarone. Dico ergo, unum quidem
fuisse candelabrum in tabernaculo, dici tamen

candelabra, quia septiceps erat : nam compositum
erat ex septem ramis et lucernis, quæ hic vocan-
tur candelabra. Unde in Græco est ἡ λυγρία : quo
nomine candelabrum hoc Mosaicum vocant Sep-
tuaginta, *Exodi cap. xxv, 31* ; sic et Syrus habet
מנרתא *menareta*, id est candelabrum in singu-
lari.

Nota : Candelabrum hoc erat ad meridionale
sive dextrum latus tabernaculi, quia solem me-
ridianum quasi mundi lucem et oculum repræ-
sentabat; aut potius, ut docet Philo, lib. III *De*
Vita Mosis, et Josephus, lib. III *Antiq.*, cap. viii,
candelabrum, utpote septifidum, imago erat cœ-
lestis sphaeræ septilustris, sive septem planeta-
rum, inter quos medius sol, cæteris fulgidior
resplendet.

Tropologice, candelabrum significat Christum
aut potius Christi Ecclesiam, quatenus lux est
doctrinæque veritatis, id est, ut proprie loquar,
significabat ipsam fidem et doctrinam Ecclesiæ.
Sic enim exponitur a S. Joanne, *Apocal. cap. I*,
vers. ult. : « Candelabra septem, inquit, septem
Ecclesiæ sunt, » quatenus scilicet sua fide et doc-
trina toti Asiæ prælucent.

ET MENSA, ET PROPOSITIO PANUM.—Id est, panes
propositi in mensa, sive mensa panum proposi-
torum. Est hendiadys et hebraismus, quo abs-
tractum ponitur pro concreto.

Nota : Panes propositionis vocantur panes qui
singulis sabbatis recentes proponebantur, sive
ponebantur in mensa ante Dominum, id est co-
ram arca Domini, in qua præsentem se Deus
exhibebat. Unde hebraice vocantur לחמי פנים
lachme panim, id est, panes faciei; Septuaginta
vertunt, ἄρτοι ὑπομνηστικῶν, id est, panes faciales,
quia ante faciem Dei proponebantur. Secundo,
panes hi erant duodecim, juxta duodecim tribus
Israel, ut quæque quasi suum panem daret Deo.
Qua cæremonia testabantur duodecim tribus, se a
Deo continuo ali, segetesque et fruges, ex qui-
bus panes conficerent, accipere; et hac grati-
tudine oblationis Hebræorum Deus vicissim eo-
rum se meminisse, eosque quasi memoriale sem-
per ante se habere, frugesque ac panes eis sem-
per se largiturum significabat.

Hinc *tertio*, thus hisce panibus imponebant, ut
dicitur *Levit. xxiii, 7*, quo significabant se omnia
bona et fruges Deo debere, omniaque in ipsum
referre ipsique reddere. Thus enim significabat
panes hos esse Dei, Deoque oblatos et consecratos.
Addit Chaldæus et Septuaginta, *Exodi xxv, 30*,
et Philo, lib. III *de Vita Mosis*, Hebræos hisce pa-
nibus imposuisse salem. Sal enim in mensa om-
nes cibos condit et sapidiore facit, estque quasi
panis opsonium, si aliud non adsit. Nam *Levit. II, 13*, ita præcipitur : « In omni oblatione tua offeres
sal. » Erat enim hæc mensa Dei, in qua Deus quasi
convivabatur cum Hebræis.

Allegorice, mensa panum propositionis signi-
ficabat mensam corporis et sanguinis Christi, ut

Candela-
brum
septiceps
sunt
septem
planeta-
rum.

Christus
est can-
dela-
brum.

Pro osi-
tionis
panes vo-
cabantur
hebraice
panes
faciei, et
quare?

In pani-
bus pro-
positio-
nis thus
et sal.

Sensus
allegori-

en et tropologice mensæ propositiois. docet Cyrillus, catechesi 4 *Mystag.*, et Hieronymus in 1 *Malachiæ*, et Damascenus, lib. IV *De Fide*, cap. XIV.

Tropologice vero mensa hæc panum representat opera misericordiæ, inquit Beda, quibus ad Sanctum sanctorum, id est ad cælum, accedimus. Unde hi panes sunt coram Domino, et thus eis imponitur, ut significetur hæc opera fieri debere, non nominis aut gloriæ vanæ aucupatione, sed solius Dei intuitu, eo scilicet fine, ut Deo soli placeamus, eique hoc eleemosynæ et charitatis sacrificium offeramus.

QUÆ DICITUR SANCTA. — Græce ἁγία λέγεται ἄγια. Ubi ἁγία, id est *quæ*, refert non mensam, nec propositionem panum, sed ἁγνότης, id est tabernaculum, q. d. Quod, scilicet tabernaculum primum, dicitur Sanctum, et, ut Syrus vertit, *ædes sancta*, sicut tabernaculum secundum, sive secunda tabernaculi pars, vocatur Sancta sanctorum. Ubi nota, hic esse græcismum et hebraismum; græcizat enim noster Interpres, dum imitatur genus femininum; quod erat in Græco, dicens *quæ*, non *quod*: quia Græcum ἁγνή, id est tabernaculum, est femininum, sicut et ejus relativum ἁγία, id est *quæ*. Sic græcizat noster Interpres *Apoc. xi, 4*, cum sic vertit: *Hi* (duo testes, scilicet Elias et Henoch) *sunt duæ olivæ, et duo candelabra in conspectu Domini terræ stantes*, id est *stantia*: græce enim est *λυγία ἱστάσαι*, q. d. *Lucernæ stantes*. Sic et græcizat *Psal. lxxiv, 9*, et alibi. Hebraismus est, dum sanctum vocat « sancta » in plurali numero: Hebræi enim plurali utuntur ad auxesim. « Sancta » ergo, id est eminent et insigniter sanctum. Tò *sancta* hic esse plurale patet ex Græco: græce enim non est ἄγια cum accentu in penultima, id est sancta in singulari numero, sed ἄγια cum accentu in antepenultima, id est, sancta pluraliter. Hisce enim opponit ἁγία ἁγίων, id est, Sancta sanctorum, q. d. Loca sanctissima. Ita Chrysostomus et Theodoretus.

Vers. 3. 3. POST VELAMENTUM AUTEM SECUNDUM, TABERNACULUM QUOD DICITUR SANCTA SANCTORUM. — Nota, τὸ *secundum* non referri ad « tabernaculum, » sed ad « velamentum. » Græcum enim δεύτερον, utpote neutrum, respicit *καταπέτασμα*, id est velum, non autem femininum ἁγνή, id est tabernaculum.

Unde nota *secundo*: In tabernaculo duplex erat velum: primum ante fores Sancti, secundum ante fores Sancti sanctorum, separans Sanctum a Sancto sanctorum. Utrumque velum contextum erat opere plumario ex hyacintho, purpura, bysso retorta et cocco bis tincto, *Exodi* cap. xxvi, vers. 31 et 36.

Nota *tertio*: Secunda tabernaculi pars dicebatur « Sancta sanctorum, » hebraice קדש הקדשים *codes haccadascim*, id est, sanctitas sanctitatum, id est sanctissimum; sic hebraice dicitur *canticum canticorum*, id est pulcherrimum canticum; *vanitas vanitatum*, id est maxima et merissima vani-

tas; *virgo virginum*, id est virgo præsanctissima et purissima. Secunda enim sive interior tabernaculi pars erat quasi chorus templi continens arcam, propitiatorium et Cherubim, quasi thronum Dei, ex quo Deus dabat responsa et oracula: hac de causa dicitur sanctitas sanctitatum, vel *Sancta sanctorum*, vel *Sanctum sanctorum*, id est sanctissimum vel sacerrimum templum, aut tabernaculum.

4. AUREUM HABENS THURIBULUM. — Quæres, quodnam sit hoc thuribulum Sancti sanctorum? Lyranus, S. Thomas, Anselmus, Galenus hic, Viegas, in *Apoc. viii*, pag. 383, et Villalpando in fabrica templi, proprie dictum thuribulum accipiunt. Verum ex cap. xxv *Exodi*, et *Lev. xvi*, ac *III Reg. cap. vi*, quibus locis exacte describitur tota fabrica templi et tabernaculi, patet in Sancto sanctorum, sive templi, sive tabernaculi, nullum fuisse thuribulum; sed tantum arcam, propitiatorium et Cherubim. Respondent aliqui, thuribulum hoc fuisse illud, cum quo pontifex suffumigans ingrediebatur Sanctum sanctorum semel in anno, in die expiationis, *Levit. xvi*. Licet enim hoc thuribulum acciperet pontifex extra Sanctum sanctorum, tamen ingrediens Sanctum sanctorum, videtur illud ibi reliquisse toto anno; et post annum, cum rursum in die expiationis ingrederetur cum alio thuribulo Sanctum sanctorum, videtur prius thuribulum inde extulisse, et posterius, cum quo intrabat, ibi rursum reliquisse. Verum hoc videtur gratis et sine fundamento dici: nihil enim tale habet Scriptura, imo satis significat pontificem, sicut ingrediebatur cum thuribulo Sanctum sanctorum, ita cum eodem egressum fuisse. Tantum enim hac de causa jubebatur pontifex cum thuribulo et suffitu ingredi Sanctum sanctorum, ut nimirum vapor hujus suffitus operiret arcam, et propitiatorium, quod erat quasi thronus Dei, ne a pontifice conspici posset Deus, id est, angelus vice Dei per corpus assumptum in hoc throno condens, et reddens oracula. Hanc enim sui reverentiam a pontifice sub pœna mortis exigebat Deus, ut patet *Lev. xvi, 13*. Ad hoc autem non erat necesse pontificem, cum Sancto sanctorum egrediebatur, in eo per totum annum relinquere suum thuribulum. Adde, indecens et sordidum fuisset, relinquere in sanctissima parte templi coram Deo per totum annum thuribulum evaporatum, cum cinere et sordibus.

Dico ergo cum Origene, homil. 9 in *Exod.*, Abulensi in xxv *Exodi*, Ribera et aliis, thuribulum hoc esse altare thymiamatis. Nam hoc altare erat quasi magnum quoddam thuribulum: erat enim concavum, solumque ignem continebat, quo aromata incenderentur et adolerentur Domino, perinde ut fit in thuribulo. Probatur hæc sententia primo, quia S. Paulus hic non meminit altaris thymiamatis, cum tamen meminerit mensæ et candelabri, inter quæ positum erat hoc altare; ergo illud intellexit per hoc thuribulum. Quor-

describitur secunda et interior tabernaculi pars.

Vers. 4.

In tabernaculo Sancti sanctorum nullum fuit thuribulum.

Pontifex ingrediebatur, et egrediebatur Sanctum sanctorum cum eodem thuribulo.

Angelus ex propitiatorio reddebatur oracula.

Thuribulum hoc, est altare thymiamatis.

sum enim unum hoc altare tam præstans præteriret, cum cætera omnia vasa tam Sancti quam Sancti sanctorum hic exprimat?

Secundo, pro thuribulo græce est θυμιατήριον, id est suffumigatorium, sive altare hoc sit, sive thuribulum; unde altare hoc thymiamatis a Josepho, lib. III *Antiq.*, cap. VII, vocatur θυμιατήριον, id est, ara suffumigatoria. Dices: Si Sanctum sanctorum habuit hoc altare thymiamatis, ergo hoc altare fuit non in Sancto, sed in Sancto sanctorum. Admittunt sequelam, itaque sentiunt Œcumenius et S. Augustinus, *Quæst. CXIII in Exodum*. Verum contrarium, scilicet altare hoc fuisse in Sancto, non autem in Sancto sanctorum, patet *Exodi* cap. XI, vers. 24, ut ibidem demonstravi.

Respondeo ergo, negando consequentiam, varii enim sunt modi habendi. Sicut enim caput dicitur habere collum, domus habere atrium, civitas habere fossas, templum habere cœmeterium, non in se, sed ante se: ita et Sanctum sanctorum habuit hoc altare, non in se, sed ante se. Erat enim hoc altare proximum planeque obversum Sancto sanctorum, ita ut ex hoc altari fumus per spatium vacuum superne ad hoc relictum penetraret et ingrederetur ipsum Sanctum sanctorum. Cum enim Hebræi Deum in Sancto sanctorum quasi residentem ibidem vel maxime colere et honorare deberent, nec tamen id possent facere in ipso Sancto sanctorum, utpote cum illud præ reverentia non nisi pontifex, idque semel in anno ingredi posset: hac de causa sanxit Deus, jussitque fieri hoc altare thymiamatis extra Sanctum sanctorum in Sancto, quod plane obverteretur Sancto sanctorum, ut in eo quotidie adolentes thymiamata, illius suffitu Deum in Sancto sanctorum residentem assidue honorarent et venerarentur. Indeque altare hoc dictum est oraculi vel Sancti sanctorum, quia videlicet obversum erat oraculo, ejusque usus non erat alius, quam Deo in oraculo residenti thus adolere. Subtiliter ergo hic Paulus dicit, Sanctum sanctorum habuisse hoc altare thymiamatis, ob rationem et sensum jam dictum (1).

Denique nota, hoc altare fuisse compactum ex lignis Setim, quæ imputribilia et incorruptibilia sunt; dici tamen aureum, quia auro undique erat vestitum et obtectum.

ET ARCAM TESTAMENTI. — Dicitur *arca testamenti*, sive fœderis, quia continebat tabulas legis, quæ erat conditio fœderis inter Deum et Hebræos: hinc dicitur quoque *arca testimonii*, id est legis, quæ testis est voluntatis divinæ, sive quid Deus velit a nobis fieri.

IN QUA URNA AUREA HABENS MANNA, ET VIRGA AARON QUÆ FRONDUEBAT, ET TABULÆ TESTAMENTI. — « Testamenti, » id est legis. Lex enim metonymice dicitur testamentum, quia, uti jam dixi, conditio

erat testamenti, id est fœderis inter Deum et populum initii.

Dices, III *Reg. vii*, 9, dicitur, quod in arca tantum fuerint tabulæ duæ lapideæ Mosis: quomodo ergo hic S. Paulus ait, præter tabulas in arca fuisse quoque virgam Aaron, et urnam cum manna? Ob hanc antilogiam nonnullis, ut initio epistolæ dixi, fides et auctoritas hujus epistolæ suspecta fuit.

Respondent *primo*, Chrysostomus et Theophylactus, tempore Mosis in arca solas fuisse tabulas legis, sed postea a Jeremia urnam quoque cum manna, et virgam Aaron in arca fuisse reposita: ut scilicet in ea melius servarentur, idque Paulum traditione accepisse a Gamaliele. Verum Paulus hic loquitur non de tempore Jeremiæ, sed Mosis, ejusque tabernaculo; asseritque hæc omnia tempore tabernaculi Mosis in arca fuisse.

Secundo, respondet Catharinus, tempore Mosis hæc omnia fuisse in arca, sed tempore Salomonis solas tabulas lapideas (2). Sed et hoc confictum videtur; imo Scriptura sacra innuit, et clare significat Josephus, lib. III, cap. VI, et Philo, lib. III *De Vita Mosis*, tempore Mosis solas tabulas legis fuisse in arca.

Tertio, Ribera sic explicat, « in qua, » scilicet non arca, sed σκηνή, id est tabernaculo, ut sit græcismus similis illi, de quo dixi vers. 2; numerat enim hic Apostolus omnia vasa quæ erant in Sancto sanctorum; sicut vers. 2, numerat omnia quæ erant in Sancto. Sed obstat id quod sequitur: « Superque eam erant Cherubim: » ubi pronomen eam plane videtur referre arcam. Super arcam enim erant Cherubim, ac consequenter pronomen *qua* hic eandem arcam referre censi debet, *q. d.* In arca erant tabulæ, urna et virga, sed super arcam erant Cherubim.

Dico ergo præpositionem *in* hic more Hebræo ample sumi et complecti tam ea quæ proprie in arca erant, uti erant tabulæ legis, quam ea quæ juxta arcam erant, uti erant urna et virga. Sicut enim sunt varii modi habendi, ut dixi supra, ita sunt et inexistenti: sic dicunt Hebræi, nos habere calceamenta in pedibus, id est juxta vel circa pedes. Sic Christus dicitur passus in Jerusalem, cum juxta eam sit passus. Sic vulgo dicimus Romæ, Antuerpiæ, Venetiis contigisse, quod juxta illas urbes contigit. Idem ergo hic de urna et virga vult dicere Paulus, quod de libro Deuteronomii dicit Moses, *Deuter. xxxi*, 26: « Tollite, inquit, librum istum, et ponite eum in latere arcæ fœderis. » Sicut ergo liber Deuteronomii positus fuit non in arca, sed in latere arcæ, ita quoque ibidem posita sunt urna et virga, recteque dici potest hæc omnia fuisse posita in arca, id est in latere arcæ. Unde verisimile est hæc omnia non in pavimento (hoc enim indecens fuisset), sed in tabula vel capsula aliqua arcæ adjuncta fuisse re-

(2) Ita Rosenmullerus, et innuit Allioli.

Altare
thymia-
matis
fuit in
Sancto.

Unde id
dictum,
altare
oraculi?

Quomodo
Paulus
dicat
fuisse in
arca ali-
quid præ-
ter duas
tabulas
lapideas
contra
III
Reg. vii?
Prima
responsio
Chry-
sostomi
et Theo-
phylacti.

Secunda
Cathari-
ni.

Tertia
Ribera.

Vera res-
ponsio.

posita, uti censent Lyranus, Cajetanus, Canus, lib. II *De Locis*, cap. XI; Bellarminus, tom. I, lib. I, cap. XVII. Dicit ergo Paulus hæc omnia (puta urnam, virgam et tabulas legis) fuisse in arca, id est, humi fuisse reposita in arca, vel juxta arcam, cum supra arcam in aere eminent Cherubim. Et hoc est quod jusserat Dominus Mosi, et Moses Aaroni, de manna dicens *Exodi* XVI, 33: « Repone illud coram Domino. » Non dicit, in arca, sed coram Domino, id est, coram arca et propitiatorio, in quo quasi throno suo residet Dominus.

Vers. 5. 5. SUPERQUE EAM (arcam) ERANT CHERUBIM GLORIE OBUMBRANTIA PROPITIATORIUM. — Nota: Vocantur « Cherubim gloriæ, » id est, gloriosi et augusti. Erant enim Cherubim effigies aureæ, specie alati et imberbis juvenis; ut scilicet hac specie repræsentarent vigorem, vivacitatem et æternitatem angelorum, qui sunt quasi principes semper stipantes et adstantes Deo: sicut eadem de causa imperatores olim pingebantur imberbes, quasi dii quidam terrestres, qui nunquam senescerent. Hinc dicuntur « Cherubim, » non a Chaldæo *rub*, vel *rabio*, id est puer, quasi Cherub idem sit quod כרוב *kerub*, id est, tanquam puer, ut vult R. Kimchi. Constat enim « Cherubim » non chaldæum, sed hebræum esse nomen. Sed dicuntur « Cherubim » a multitudine roboris, gloriæ, scientiæ et sapientiæ, uti docet S. Dionysius, cap. VII *Cælest. Hierarch.*, et ex eo S. Hieronymus, et passim alii, a radice נכר *nachar*, et רב *rab*, id est scivit, vel cognovit multum: vel potius et simplicius a כרב *ke et rab*, id est, sicut rabbi; sapiens, potens, honoratus et gloriosus; רב *rab* enim sive רבב *rabbi* significat virum magnum, qui pollet opibus, viribus, scientia et gloria. Unde de rege Tyri dicitur *Ezechiel* XXVIII, 14: « Tu, Cherub extentus, » q. d. Tu, o rex Tyri, qui es rab gloriosus, ut Cherubim, quique alis potentia et ditionis tuæ extensis plurimos populos subditos protegis, sicut Cherubim protegunt arcam et propitiatorium. Alludit quoque nomen Cherub per metathesin ad radicem כביר *cabbir*, id est multiplex, scilicet scientia, robore, forma et figura. Habebant enim Cherubim quatuor facies, ut dixi *Ezechiel* I.

OBUMBRANTIA PROPITIATORIUM. — « Obumbrantia, » id est obumbrantes: Cherubim enim hebraice est masculinum; Apostolus tamen ait in neutro « obumbrantia, » quia intelligit ipsa simulacra vel effigies Angelorum. Addunt alii Græcos omnia Hebræa quasi barbara, licet masculina sint, usurpare tamen in neutro genere. Sic *Isaia* VI, 6, unus Seraphim a Septuaginta vocatur ὁ ἄγγελος, ἰδ, id est ἰδ. Sic in Canone Missæ vocantur beata Seraphim, beata, id est beati. Verum valde verisimile est Cherubim et Seraphim usurpari genere neutro, quasi animalia quædam, ut ait Iosephus, quia Cherubim habebant speciem quatuor animalium, scilicet alas aquilæ, jubar leonis, ungulam vituli, et cætera membra hominis, ut dixi *Ezech.* I, quibus præter alia quæ attuli *Exod.*

cap. 23, et *Ezech.* I, significabatur angelos carere sexu, non esse feminas aut masculos, sed neutros, eorumque speciem et naturam nobis esse incognitam.

Nota primo: Arca testamenti erat instar parvæ cistæ quadratæ, factaque erat ex lignis Setim, auro oblectis; propitiatorium vero erat ipsum arcæ operculum, alte super arcam elevatum, factum non ex lignis Setim, sed ex solido auro. Dictum est propitiatorium, ex eo quod Deus exoratus inibi se placatum et propitium exhibebat. Nam ex propitiatorio vocaliter Angelus gerebat personam Dei, Mosi et populo percunctanti respondebat dabatque oracula. Unde et propitiatorium ipsum oraculum est nuncupatum. Hoc propitiatorium duo Cherubim ex ipso prodeuntes suis alis quasi manibus super arcam sustentabant, ita alte, ut operculum hoc sive propitiatorium esset quasi sedes Dei, et arca esset scabellum pedum ejus. Unde *Psal.* XCIII, dicitur: « Adorate scabellum pedum ejus, » id est adorate arcam, procidite coram arca, et consequenter coram Deo, eo scilicet modo, quo Christiani procidunt ante imagines, in iisque Deum et Sanctos, quos imagines repræsentant, colunt et venerantur. Rursum Cherubini hi alis expansis obumbrabant, id est velabant, propitiatorium, itaque speciem quamdam currus exhibebant. Id clarius apparet in simili specie ostensa *Ezech.* cap. I, qua vidit currum gloriæ Dei, quem stipabant et agebant quatuor Cherubini, qui idcirco vocatur currus et quadriga Cherubim. Hinc nomen cherub, per metathesin, alludit ad Hebræum רוכב *rocheb*, id est equitans, hoc est, princeps, moderator et gubernator. Hi enim olim equis vehebantur; et sicut equum habenis regimus, sic hi populum suum legibus gubernant: tales sunt Angeli, utpote rectores mundi. Rursum cherub alludit ad Hebræum רכב *recheb*, id est currus: princeps enim quasi currus reipublicæ onera portat. Sic Elias dicitur « currus Israel; » et auriga ejus, » IV *Reg.* cap. II, vers. 12.

Hinc nota secundo: Alludit hic Paulus ad currum hunc Cherubim, et gloriæ Dei, ostensum *Ezechiel* cap. I. Angeli enim sunt quasi currus regalis, bellicus, gloriosus et triumphalis, quo vehitur Deus, quoque regit, imperat, sustinet et moderatur totum mundum. Hac de causa tempore Mosis, quo Deus habitavit in tabernaculo, quasi proficiscens et armata manu ducens populum suum per medios hostes in Chanaan, dicebatur Deus vehi et equitare super Cherubim; postquam vero Deus populum collocavit in Chanaan, cum eoque pacifice habitavit in templo, dictus est Deus sedere super Cherubim, quia, uti jam dixi, Cherubim sustinentes propitiatorium, quasi sedem Dei, speciem quamdam throni curulis exhibebant.

Unde nota tertio: Hac phrasi, qua Deus dicitur vehi et sedere super Cherubim, significatur primo,

Describitur arca testamenti, et propitiatorium.

Cherub, id est equitans, auriga, princeps, currus.

Deus subinde dicitur equitare, et subinde sedere, et quare?

Deum sapientissimos spiritus angelicos longe scientia transcendere, eosque quasi pedibus suis premere. Solet enim Scriptura Dei potentiam et sapientiam maxime commendare, ex eo quod sit Deus exercituum, puta Angelicorum, quod ei millia millium ministrent, quod faciat Angelos suos spiritus, etc. Rursum, duo Cherubim in Sancto sanctorum, qui versis ad se mutuo vultibus invicem semper respiciebant, significabant Deum beatis tam Angelis, quam hominibus summa inter se charitate flagrantibus (quod binario, et faciebus ad se invicem versis significatur) videndum se exhibere, hacque gloriosa sui visione eos beare.

Mense, candelabri, altaris, brevis et pulchra tropologia, allegoria, anagogia. Denique, ut horum omnium brevem allegoriam, tropologiam et anagogiam assignem, Sanctum allegorice est ipsa Ecclesia Christi in terris militans. In Sancto sunt hæc tria : *primo*, candelabrum, id est, fides et doctrina Christiana; *secundo*, mensa panum, id est, spes et exhibitio alimonie Eucharistie, gratie et beatitudinis; *tertio*, altare thymiamatis, id est, ardor charitatis. Rursum, per hæc tria accipi possunt tria bona opera. Nam altare est oratio, mensa est eleemosyna, candelabrum est jejunium, quod mentem purificat et illuminat. Denique nonnulli satis apte hæc tria votis religiosis accommodant, ut altare sit obedientia, mensa sit paupertas, quæ Deo se et sua quasi in mensa offert, ac vicissim a Deo, non hominis, sed Dei ipsius quasi mensa, cura et sumptu alitur; candelabrum sit castitas, de qua dicitur : « O quam pulchra est casta generatio cum claritate ! » Anagogice, Sanctum sanctorum est cælum, in quo est arca testamenti, id est, Ecclesie Beatorum, et propitiatorium aureum, id est, humanitas Christi gloriosa, denique Cherubim, id est, Angeli sancti : his Deus gloriosus et SS. Trinitas, quæ nobis hic invisibilis est, eminet et insidet, atque beatis omnibus tam Angelis quam hominibus in cælo clare videndam se exhibet, itaque, ut dixi, eos beat. Ita Venerabilis Beda in cap. xxv *Exod.*, et alii.

Vers. 6. 6. HIS VERO ITA COMPOSITIS (id est, his ita paratis, fabricatis et ordinatis : hoc enim est Græcum κατασκευασμένων), IN PRIORI QUIDEM TABERNACULO SEMPER (id est quotidie) INTROIBANT SACERDOTES SACRIFICIORUM OFFICIA CONSUMMANTES.

Dices : Sacrificia immolabantur extra et ante tabernaculum in atrio sub dio, ut fumus et nidor victimarum combustarum in aerem spargeretur; alioquin enim fuisset fœtor intolerabilis, si omnes hæc victimæ crematæ fuissent in Sancto, sive in tabernaculo undique concluso : quomodo ergo Paulus hic dicit sacrificia hæc peracta esse in ipso tabernaculo? Respondet Ribera, Paulum per tabernaculum accipere quoque atrium vicinum, in quo erat altare holocaustorum. Verum quia nec atrii, nec altaris holocaustorum meminit Paulus, sed tantum Sancti et Sancti sanctorum, commodius responderi potest, pro *sacrificiorum officia*,

græce esse λειτουργίας, id est cæremonias, culturas et ritus sacros : unde Syrus vertit תַּשְׁמִיטָהוּ *tes-mestehun*, id est, ministerium suum. Jam constat cæremonias et ritus sacros in Sancto peragi solitos, eosque triplices juxta tria Sancti vasa et instrumenta. *Primo* enim quotidie candelabrum adornare debebant sacerdotes, lucernas ejus accendendo, extinguendo, purgando et componendo. *Secundo*, singulis sabbatis in mensa novos panes propositionis apponere debebant. *Tertio*, in altari thymiamatis tam mane, quam vespere post peractum jube sacrificium adolebant thymiamata, quæ incensio et oblatio thymiamatis proprie vocatur et est sacrificium, æque ac mincha, sive sacrificium panis aut farris, quod Deo adolebatur et cremabatur, *Levit. II*. Hanc ergo thymiamatis oblationem (quam proprie hic respicit Paulus, hæc enim consummatio et conclusio erat omnium sacrificiorum totius diei) noster Interpres vocat hic sacrificium, vel potius sacrificiorum consummationem. Sic Moses ait *Numer. XVI* : « Ne respicias sacrificia eorum, » id est, ne respicias thurificationem, quam suis thuribulis offerunt et adolent Core, Dañan et Abiron. Adde, licet victimæ sacrificiorum immolarentur extra Sanctum in atrio, tamen victimarum immolatarum sanguis subinde inferebatur in Sanctum, ut fiebat in victima vituli pro peccato populi immolati, de quo sic habet *Levit. IV*, 16 : « Immolatoque vitulo in conspectu Domini, inferet sacerdos qui unctus est, de sanguine ejus in tabernaculum testimonii, tincto digito aspergens septies contra velum (Sancti sanctorum, in quo residet Deus, ut significetur Domino hunc sanguinem aspergi et offerri pro peccato), ponetque de eodem in cornibus altaris, quod est coram Domino in tabernaculo testimonii. »

Vers. 7. 7. IN SECUNDO (tabernaculo scilicet, puta in Sancto sanctorum) AUTEM SEMEL IN ANNO SOLUS PONTIFEX (introit) NON SINE SANGUINE, QUEM OFFERT PRO SUA ET POPULI IGNORANTIA. — Nota : Sanctum sanctorum, quia typus erat throni Dei in cælis, ita Hebræis sanctum et venerandum erat, ut nemo in illud ingredi possit, nisi solus summus pontifex, idque non nisi cum multis cæremoniis, et semel tantum in anno, scilicet in die expiationis, qua nimirum peccata totius populi toto anno commissa per sanguinem victimarum expiabat.

Nota *secundo* : Ex eo quod dicit Paulus, « pro sua et populi ignorantia, » putat Œcumenius in die expiationis, pontifice ingrediente Sancta sanctorum, solum expiata et condonata fuisse peccata populi per ignorantiam admissa. Verum hoc repugnat *Levit. XVI*, 30 : « In hac die, inquit, expiatio erit vestri, atque mundatio ab omnibus peccatis vestris. » Unde et eodem die accipiebat pontifex hircum, illiusque capiti manus imponens imprecabatur ei peccata totius populi, ac deinde per certum hominem emittebat eum in desertum,

Sacrificiorum officia ubi fuerint consummata, in tabernaculo, an in atrio?

Oblatio thymiamatis matutina, et vespertina.

Magna veneratio Sancti sanctorum.

Per expiationem annuam pontificis omnia populi peccata condonabantur.

ibidem devorandum a bestiis. Hinc hircus hic vel caper, Emissarius est appellatus. Melius ergo S. Thomas, Anselmus et alii per « ignorantiam » intelligunt quodvis peccatum. Nam, ut ait Sapiens, *Proverb. xiv, 22* : « Errant qui operantur malum ; » et Aristoteles, lib. III *Ethic.* : « Omnis malus est ignorans ; » semper enim ignorantia quædam non speculativa, sed practica, id est inconsideratio vel imprudentia aliqua, cuncta est cum peccato. Hinc sæpe Scriptura peccatum vocat « ignorantiam, » ut *Psal. xxiv, 7* : « Ignorantias meas ne memineris. » Sic *Sapient. v, 7*, dicunt impii : « Viam autem Domini ignoravimus. » Et in hac *epistola* cap. v, vers. 2, de Christo ait Paulus : « Qui condolere possit iis qui ignorant et errant. »

Vers. 8. 8. HOC SIGNIFICANTE SPIRITU SANCTO, NONDUM PROPALATAM ESSE SANCTORUM VIAM, ADHUC PRIORE TABERNACULO HABENTE STATUM. — « Sanctorum viam » vocat viam, aditum et ingressum in Sancta sanctorum, *q. d.* Non poterant Judæi ingredi in Sancta sanctorum, nisi solus pontifex, idque semel in anno, in die scilicet expiationis ; ut per hoc significaret Spiritus Sanctus nondum patefactam esse viam et aditum in cælum, quod representabatur per Judaica Sancta sanctorum, illamque patefaciendam esse per Christum. *Primo* ergo sicut Sanctum sanctorum typus erat cæli vitæque cælestis et beatæ, ita Sanctum typus erat vitæ præsentis per quam tendimus ad cælum. *Secundo*, sacerdotes Aaronici, qui arcebantur Sancto sanctorum, et tamen ministrabant in Sancto, significabant se suis sacrificiis non posse viam in Sanctum sanctorum, id est in cælum, aperire, adeoque viam cæli non fore reserandam, quamdiu prius hoc tabernaculum, puta Sanctum, ejusque lex et cærimonie starent et durarent. *Tertio*, pontifex semel cum sanguine ingrediens Sanctum sanctorum, significabat Christum per proprium sanguinem ingressurum et aperturum nobis cælum. Unde Christo in cruce moriente velum templi scissum est, *Matth. xxvii, 51*, qua re indicabatur cælum antea nobis velatum, clausum et impervium, per mortem Christi pandi et aperiri. Ita Chrysostomus, Theophylactus, Anselmus, Primasius et Oecumenius.

Vers. 9. 9. QUÆ PARABOLA EST TEMPORIS INSTANTIS. — Græcum *ἡντις*, id est *quæ*, Theophylactus refert ad *σκιάν*, id est tabernaculum, *q. d.* Quod scilicet tabernaculum fuit parabola et typus temporis instantis. Sed sive veritas *quæ*, sive *quod*, eadem est apud Latinos tam syntaxis, quam sententia et sensus. Pronomen enim *quæ* Latina syntaxi consentire potest cum voce sequenti *parabola*, etsi tabernaculum, quod præcessit, referat et respiciat. *Secundo*, per *parabolam* intelligit Apostolus hic typum et exemplar ; alioqui proprie parabola est verborum et sententiarum, typus vero et exemplar est rerum. Res ergo veteris tabernaculi, quæ typus erant rerum, non tam futurarum, quam

præsentium, sub lege Mosis, vocat hic parabolam.

Tertio, pro *est*, clarius veritas, erat vel fuit. Rursum, per *tempus instans* nonnulli cum Glossa interlineali accipiunt tempus præsens gratiæ, Christi et christianismi. Verum longe rectius cum Chrysostomo et aliis, accipias per *tempus instans*, tempus legis veteris, quod, dum fabricaretur a Mose tabernaculum, instabat et incipiebat, adeoque inchoate præsens erat. Unde Chrysostomus et Syrus per *tempus instans* intelligunt tempus præsens non Ecclesiæ et Christo, sed tabernaculo et Mose. Sic I *Cor. vii, 26*, *instantem necessitatem* vocavit Apostolus præsentem necessitatem, *q. d.* Fabrica illa et depositio veteris tabernaculi primi, id est Sancti, atque sacerdotum in illud ingressus, ministerium et occupatio, erant *parabola*, id est typus et representatio, eorum quæ toto tempore legis veteris, quod tum instabat et imminebat ; adeoque incipiebat, futura erant : scilicet, significabat quod toto tempore legis in Sancto sacerdotes Aaronici forent occupandi circa victimas bestiarum, thus, panes et lucernas, nec unquam viam in Sanctum sanctorum, id est in cælum, essent patefacturi, illudve ingressuri. Unde idipsum explicans subdit Apostolus :

JUXTA QUAM MUNERA ET HOSTIÆ OFFERUNTUR, QUÆ NON POSSUNT JUXTA CONSCIENTIAM PERFECTUM FACERE SERVIENTEM. — Pro *juxta quam* græce est *κατὰ ἣν*, id est, *juxta quod*, scilicet tempus instans legis veteris. Jam *κατὰ ἣν* idem est quod *ἐν ᾧ*, id est *juxta quod*, quod idem est quod *ἐν quo*, scilicet tempore legis veteris. Noster tamen Interpres videtur legisse *κατὰ ἣν*, id est, *juxta quam*, scilicet parabolam, *q. d.* Parabola hæc sive typus tabernaculi similis est, et quasi ex æquo respondet muneribus et hostiis, quæ in isto tabernaculo offerebantur. Nam sicuti ex priori tabernaculo non poterat iri ad secundum, id est, ex Sancto non poterat aliquis laicus vel etiam sacerdos ingredi Sanctum sanctorum : ita hostiæ illius temporis non poterant conscientiam expiare, hominemque in cælum deducere (1).

Nota, « *juxta conscientiam*, » id est, in conscientia, *q. d.* Hostiæ legales corpus purgare poterant, animam vero et conscientiam expiare et sanctificare non poterant. *Secundo*, pro *servientem* græce est *λατρεύοντα*, id est colentem, qui scilicet illas hostias Deo offerens, iis Deum colebat, Deoque serviebat.

9. SOLUMMODO IN CIBIS, ET IN POTIBUS, 10. ET VARIIS BAPTISMATIBUS, ET JUSTITIIS CARNIS, USQUE AD TEMPUS CORRECTIONIS IMPOSITIS. — Pendet senten-

(1) Vers. 9 et 10 : Quod (tabernaculum) usque ad hoc præsens tempus umbra tantum et imago est ; quo (tempore, a Moyse scilicet usque nunc) varii generis sacrificia offeruntur, quæ non possunt conscientiam expiare et sanctificare : quæ omnia una cum legibus ad cibos, potus et varii generis lotiones, id est, ad corpus vitamque præsentem pertinentibus, tantum usque ad tempus correctionis (melioris religionis introducendæ) constituta erant.

Omne peccatum est ignorantia.

Sacrificia et sacerdotes Aaronici non poterant quod Christi, nempe reserare cælum.

Hostiæ veteris Testamenti non expiabant conscientiam.

Vers. 9 et 10.

Typus figura rerum, parabola verborum.

tia, estque incompleta in nostro textu; in Græco vero est completa et perfecta: græce enim pro *impositis* est ἐπιτιθέμενα, id est imposita, scilicet munera sive dona et hostiæ, q. d. Hæ hostiæ, hæc munera non expiabant conscientiam, sed tantum erant imposita ad carnem purificandam, donec veniret Christus, qui sacrificia et sacramenta animam expiantia institueret. Ita Chrysostomus. Verum Latini constanter legunt «impositis,» quod ad munera referri non potest. Unde Franciscus Ribera præpositionem *in* accipit pro *cum*, ut *in cibis* idem sit quod *cum cibis*, totumque hunc versum referendum putat ad præcedentem, ut sit sensus: Munera et hostiæ non possunt perfectum hominem facere solummodo cum cibis, potibus, etc. q. d. Ipsa munera per se infirma sunt, neque habent aliud unde virtutem accipiant, quia cetera quæ in lege præcipiuntur, magna ex parte ad usus ciborum, potuum et oblationum variarum pertinent, quæ cum corporea sint, animam purgare non possunt.

Sed planius et aptius, hic versiculus referetur ad τὸ *servientem*, q. d. Munera et sacrificia legalia non possunt expiare et perfectum facere *servientem*, id est, eum qui Deo servit, Deumque colit, non spiritu et interna pietate mentis, sed tantum *in cibis, potibus, et aliis justitiis carnis*, id est, sacramentis et sacrificiis, quæ non conscientiam et mentem, sed tantum corpus et carnem justificant, id est, emundant ab immunditia corporali, et irregularitate legali et politica, quæ homines sic immundos arcebat a templo et convietu hominum.

Dices: Judæi non tantum serviebant Deo in cibis, potibus et baptismatibus, sed etiam in observatione decalogi, et præceptorum tam moralium quam judicialium.

Dei servitus et cultus apud Judæos consistebat in observatione præceptorum non moralium, sed ceremonialium.

Respondeo: Id verum est, sed Apostolus hic per *servientem* intelligit Deum colentem. Servitus ergo hæc non sita est in observatione præceptorum moralium et judicialium, sed tantum ceremonialium. In hisce enim consistebat Dei servitus, cultus, et, ut græce est, latria.

Dices secundo: Judæi non tantum serviebant Deo cibis et potibus, aliisque ceremoniis externis, sed etiam interna fide; spe et charitate.

Respondeo, fuisse aliquos, ut Davidem, Samuellem aliosque Prophetas, qui hoc facerent; sed hi id non fecerunt virtute legis et judaismi, sed virtute et gratia Christi, sive Messiae venturi, in quem credebant et sperabant, eaque ratione pertinebant ad novum Testamentum, adeoque filii non tam veteris, quam novi Testamenti erant, uti fuse docet S. Augustinus, lib. III *Contra duas epist. Pelag.*, cap. IV. Judaismus enim, uti purus judaismus est, legemque naturæ (quæ internam Dei directionem et cultum dictat) secludit, tantum præscribebat Judæis, eosque dirigebat et cogebat ad cultum Dei externum, ut ceremoniis externis lege Dei præscriptis rite Deum colerent: internam

vero pietatem et spiritum non eis dictabat, multo minus afflabat judaismus, sed tantum fides et gratia Christi.

IN CIBIS ET IN POTIBUS. — Cibi immundi et vetiti erant sues, omniaque animalia quæ non ruminant, aut ungulam non findunt, ut dixi Lev. XI. Sed potus per se et communiter omnibus immundi et vetiti nulli erant, uti notat Chrysostomus, per accidens tamen, et certis personis, v. g. Nazaræis prohibitum erat vinum et siccera, uti et sacerdotibus tabernaculum ingressuris prohibitum erat vinum. Rursus, si aliquid immundi, puta cadaveris, vas quodpiam mundum contigisset, vas et liquor omnis vase contentus immundus et abjiciendus erat, uti præscribitur Levit. XI, 32 et 33.

USQUE AD TEMPUS CORRECTIONIS, — id est, usque ad tempus adventus Christi, qui correcturus erat illos ritus legales et carnales, iisque abolitis, eorum loco spiritualem Dei cultum erat induciturus, ut adoraremus Deum in spiritu et veritate, itaque revera in conscientia justificaremur et salvaremur. Sic dicuntur corrigi mores juveniles, non ut permaneant, sed ut tollantur, et in meliores ac graviiores commutentur. Ita Theophylactus.

Ubique hic pungit legem veterem Apostolus, eamque infirmitatis et defectus arguit, ut illa Hebræis vilescat, utque non mirentur Deum legem a se datam sustulisse, utpote cum eam tantum usque ad tempus Christi stare et durare voluerit.

11. CHRISTUS AUTEM ASSISTENS PONTIFEX FUTURORUM DONORUM, PER AMPLIUS ET PERFECTIUS TABERNACULUM. — Hactenus explicavit Apostolus tabernaculi fabricam, pontificem, victimas et ceremonias, quasi umbras et typos Christi; nunc eorum allegoriam, per collationem explicat, docetque Christum hisce omnibus adumbratum fuisse, longeque nobiliter et excellentius hæc omnia exhibuisse, cum semel ipse Sanctum sanctorum, id est cælum, per proprium suum sanguinem ingressus est, in eoque residet, quasi noster æternus pontifex.

CHRISTUS AUTEM ASSISTENS, — scilicet Patri in cælo; Christus enim post ascensionem in cælum, semper Patri assistit, quasi advocatus noster, ad interpellandum pro nobis, ut futura bona nobis impetret, inquit Anselmus; toto enim hoc loco urget Apostolus ingressum pontificis in Sanctum sanctorum, ut ex hoc typo evineat Christum, pontifice veteri adumbratum, ingressum cælum, assistere Patri tanquam pontificem nostrum, ut semper «appareat vultui Dei pro nobis,» uti ipse ait vers. 24.

Verum quia græce non est τὸ *Patri*, sed simpliciter παρὰ τὸν Θεόν, id est, factus vel veniens, hinc *assistens* idem videtur esse quod *accedens*, vel potius, postquam venit et accessit factusque est pontifex: παρὰ τὸν Θεόν enim est aoristus, quem

Quinam cibi immundi, et potus apud Judæos.

Vers. 10.

Vers. 11.

Christi allegorica applicatio ad pontificem et sacra Judæorum.

ut latine, quantum licet, exprimeret noster Interpres, apte vertit *assistens*, id est existens, jam consistens, et tabernaculo, id est Ecclesiae, adstans et ministrans pontifex: et hoc apte coheret cum eo quod sequitur, *introivit in Sancta*. Nam alioqui proprie introire non potest Sancta, qui jam in iis assistit. Significat ergo hic Apostolus, quod Christus accedens et veniens in mundum et carnem, factus et natus sit pontifex, ad hoc ut per sanguinem intraret in Sancta, nobisque eternam redemptionem inveniret, q. d. Christus cum venisset in suum tabernaculum, id est Ecclesiam, in eaque assisteret quasi pontifex futurorum bonorum, non ibi restitit, uti fecerunt pontifices Aaronici, qui toto anno fere tantum in Sancto ministrabant: Christus enim ex Sancto penetravit in Sancta sanctorum, illaque nobis omnibus reseravit.

Christus pontifex, non tantum in cruce, sed statim in incarnatione et nativitate. Unde S. Chrysostomus docet Christum fuisse pontificem, non solum in cruce, sed statim ab incarnatione et nativitate sua. Et Theophylactus: « Non dixit, inquit, Factus et electus, sed, Accedens pontifex, hoc est, in hoc ipsum eveniens. Non prius accessit, et deinde casu ita veniente factus est pontifex; sed scopus cur in terram deveniret, pontificatus erat. »

Male ergo aliqui ex hoc loco imaginati sunt, Paulum velle, quod Christus in hac vita fuerit tantum simplex sacerdos; ob humilem ejus statum ad vitam: in cœlo vero, utpote jam ingressus in Sancta sanctorum, factus sit pontifex. Christum enim in terris etiam fuisse pontificem, patet. *Primo*, quia Christus in terris fuit summus sacerdos legis novæ, ergo fuit pontifex.

Secundo, quia Christus in cruce quasi pontifex totius mundi, obtulit se pro toto mundo in sacrificium, omniumque hominum peccata luit et expiavit.

Tertio, quia Christus instituit nova Sacramenta, novum sacrificium Eucharisticum, novos sacerdotes et pontifices legis novæ. Hæc autem facere nemo potest, nisi pontifex, imo plusquam pontifex.

Quarto, quia Paulus passim in hac epistola et nominatim toto cap. v, Christum in hac vita vocat sacerdotem, id est pontificem, ut ipse explicat, secundum ordinem Melchisedech: nam et Melchisedech fuit pontifex æque ac Aaron, cui opposit Christum pontificem.

Dices, pontificis veteris proprium erat ingredi in Sancta sanctorum: ergo Christi pontificis proprium est per se, suaeque virtute ac merito ingredi in cœlum; hujus enim ille erat typus.

Respondeo: Hæc vera sunt; inde tamen non sequitur Christum non fuisse pontificem in terra, sed in cœlo: imo potius contrarium sequitur. Nam sicut pontifex vetus erat pontifex antequam ingrederetur in Sancta sanctorum, adeoque in ea ingredi non potuisset, nisi jam ante fuisset pontifex: ita et Christus non potuisset per se in-

gredi in cœlum, nisi jam ante fuisset pontifex in terris. Adde, alia esse munia pontificis novæ legis, qualis est Christus, alia pontificis legis veteris. Licet ergo pontifex vetus proprium aliud munus non habuerit (dempta consecratione sacerdotum, hæc enim spectabat ad pontificem) quam semel in anno ingredi in Sancta sanctorum, Christus tamen alia habet munia, ut jam dixi. Verum tamen est, Christum illud munus typicum pontificis veteris, munus, inquam, ingrediendi in Sancta sanctorum, non implisse nisi dum ingressus est in cœlum; et hoc tantum vult docere hic S. Paulus, atque hoc tantum forte voluerunt Doctores illi, qui negarunt Christum in hac vita fuisse pontificem.

PONTIFEX FUTURORUM BONORUM,—ut futura bona sua oratione et sacrificio nobis mereretur et impetraret.

Nota *primo*: *Futura bona* opponit Apostolus temporis instanti vel præsentis, legis v. g.; *futura* ergo vocat respectu legis, q. d. Lex habuit Aaronem, suosque pontifices, qui præsentia et terrena bona nobis impetrarent, spiritualia vero et cœlestia bona nobis impetrare non potuerunt; sed hæc bona quasi futura a Christo pontifice expectanda demonstrarunt.

Hinc *secundo*, *futura bona* vocat remissionem peccatorum, gratiam, virtutes, ac denique gloriam eternam omnesque doles et bona tam animæ, quam corporis, quæ in cœlo expectamus: hæc enim proprie *futura* sunt et vocantur.

PER AMPLIUS ET PERFECTIUS TABERNACULUM.—q. d. Pontifex ingressurus Sancta sanctorum transibat per prius tabernaculum, id est per Sanctum: Christus vero per *amplius*, græce *μετ' ἄλλο*, id est majus, perfectius et angustius tabernaculum, sive Sanctum transivit, ut ingrederetur Sanctum sanctorum, id est cœlum.

Quæres, quodnam sit hoc perfectius et excellentius tabernaculum, per quod transivit Christus?

Respondent *primo* S. Thomas et Anselmus, esse cœlos inferiores, per quos transitur ad cœlum empyreum.

Secundo, Catharinus respondet esse Beatam Virginem, per quam in hunc mundum transivit Christus.

Tertio, Theodoretus, Primasius et Haymo respondent esse humanam naturam Christi, per quam Deitas Verbi in hoc mundo quasi transivit.

Quarto, Chrysostomus, Theophylactus, Oecumenius et Ribera respondent esse corpus et carnem Christi. Hæc enim est « *amplius tabernaculum*, » quia in ea est et habitat Deus, Verbum et omnis Spiritus Sancti plenitudo; est et « *perfectius*, » quia majora facit, quam vetus Mosaicum tabernaculum, et accedentes ad se sanctificat et salvat. Hoc tabernaculum « non est manu factum, neque hujus creationis, » quia caro Christi concepta et formata fuit non opera virili, sed virtute

Futura bona quænam hic vocet Apostolus?

Varia expositiones, quid per *amplius et perfectius tabernaculum* intelligat Apostolus. *Prima*. *Secunda*. *Tertia*.

Quarta.

Spiritus Sancti. Et sicuti pontifex primum tabernaculum calcabat, ut in secundum ingrederetur, ita Christus carnem suam quasi calcavit, cum eam manibus impiorum excarnificandam tradidit; itaque per hoc tabernaculum, puta corpus suum, id est per oblationem corporis sui, et, ut explicans Apostolus subdit; « per sanguinem suum, » ingressus est in Sancta.

Taberna-
culum
hoc non
est cor-
pus
Christi.

Hæc expositio satis verisimilis videtur; sed illi obstat, quod Apostolus sanguinem et carnem Christi non opponat tabernaculo illi veteri umbratico, sed sanguini et carni hircorum et vitulorum, quæ in veteri tabernaculo immolabantur; ait enim: « Neque per sanguinem hircorum et vitulorum, sed per proprium sanguinem semel introivit in Sancta. » Idque sane exigit ipsa rerum natura, juxta quam caro et sanguis Christi non recte per tabernaculum, sed recte per sanguinem et carnem victimarum representatur, cum eaque confertur, eique opponitur quasi antitypus suo typo. Querendum ergo est aliud tabernaculum, in quo Christus se suamque hostiam obtulit, perinde uti Aaronici in suo tabernaculo offerebant suos hircos et vitulos. *Secundo*, non satis apte dici potest, Christum per suum corpus, quasi per tabernaculum transisse in cælum, cum per corpus non transierit, sed in eo manserit, adeoque illud secum in cælos invexerit: ubique enim corpus cum Christo, et Christus cum corpore suo transivit. Rursum tabernaculum quod dicebatur Sanctum, inferri et ingredi non poterat in ipsum Sanctum sanctorum; atqui Christi caro ingressa fuit Sanctum sanctorum, id est cælum: ergo caro Christi per tabernaculum quod dicitur Sanctum, representari non potuit in presenti figura et typo, quo dicitur quod pontifex transiens per Sanctum, et ingrediens Sancta sanctorum, representabat Christum per suum tabernaculum transeuntem in cælum: in eo enim ponit et fundat hic Apostolus similitudinem et allegoriam suam; ac proinde singula quæ typo huic inexistunt, antitypo apte applicari, et congrua quadam analogia et proportionem respondere debent: illud enim requiritur ad hoc, ut allegoria sit apta et solida.

Quinta et
genuina:
taberna-
culum
amplius
est
Ecclesia
militans
hic in
terra
collecta.

Dico ergo; tabernaculum hoc esse Ecclesiam Christi hic in terris collectam, peregrinantem et militantem, quam fundavit ipsemet Christus: de qua dixit cap. viii, vers. 2: « Tabernaculum, quod fixit Dominus et non homo: » hoc enim idem est cum eo quod hic dicit, « tabernaculum non manufactum, id est, non hujus creationis, » puta non humani artificii et fabricationis, uti erat prius tabernaculum fabricatum a Beseleel: apte enim tabernaculum representat Ecclesiam, ut dixi vers. 3, in qua Christus moriens in cruce se Patri obtulit, quasi victimam pro peccatis hominum; et sicut a Sancto et per Sanctum ibat pontifex in Sancta sanctorum, ita Christus (et nos cum Christo) transivit ab Ecclesia sua hic mili-

tante ad Ecclesiam cœlestem et triumphantem. Nam cum constet Sanctum sanctorum significare Ecclesiam cœlestem; ut consequenter et apposite loquamur, necessario dicendum videtur ipsum Sanctum representasse Ecclesiam terrestrem et militantem. Ita Cajetanus.

12. NEQUE PER SANGUINEM HIRCORUM AUT VITULORUM, — uti faciebat pontifex Aaronicus, qui ingressurus in Sancta sanctorum, hircum pro peccatis populi, vitulum pro suis peccatis immolabat, eorumque sanguinem inferens in Sancta sanctorum, illo Sancta aspergebat et expiabat, ut patet *Levit. xvi*. Christus vero non hircorum; sed proprio sanguine Ecclesiam expians, ingressus est in Sancta.

Vers. 12.

SED PER PROPRIUM SANGUINEM INTROIVIT SEMEL IN SANCTA, ÆTERNA REDEMPTIONE INVENTA. — Nota *1^o* *inventa*, hæc enim vox significat hanc redemptionem fuisse inexpectatam nobis, et a Christo magno studio, dolore et labore partam, quasi gemmam in fundo maris perditam, quæsitam et inventam. *Secundo*, addit « æterna, » *q. d.* Levitici sacerdotes singulis annis ingredi debebant Sancta, eaque cum populo expiare, quia eorum expiatio tantum erat temporanea, puta annua; Christus vero semel in cruce expians peccata omnia totius mundi, ingressus est cælum, ibique gloriosus residet et residebit semper, quia unica oblatione crucis, utpote pretiosissima et efficacissima, meruit nobis et obtinuit redemptionem æternam, id est; quæ nullo tempore deficiet, aut minuetur; sed durabit in æternum, vimque suam exeret in omnia sæcula, ut peccata omnium sæculorum expiet et expurget.

Redemp-
tio
Christo
fuit pre-
tiosa.

13. SI ENIM SANGUIS HIRCORUM ET TAURORUM, ET CINIS VITULÆ ASPERSUS INQUINATOS SANCTIFICAT AD EMUNDATIONEM CARNIS. — Nota: Jusserat Dominus *Numer. xix*, vitulam, sive vaccam rufam comburi, et combustæ cineres asservari ad expiationem immundorum. Hoc autem ritu fiebat hæc expiatio: cineres hos injiciebant in hydriam, vel vas aliud plenum aqua viva, *v. g.* fontana; deinde alius quispiam mundus hac aqua aspergebat immundum, itaque expiabatur: sed ita, ut usque ad solis occasum adhuc immundus censeretur.

Vers. 13.

Unde *secundo*, hic « cinis » non « sanctificabat inquinatos ad emundationem » conscientiæ, sed tantum « carnis, » quia non expiabat peccatum, sed tantum tollebat immunditiam legalem contractam ex contactu cadaveris aut alterius rei immundæ: ideoque ab Apostolo hic vocatur carnis vel carnalis immunditia, quia videlicet non conscientiam, sed carnem et hominem externum tantum afficiebat, ut censeretur immundus, ideoque arceretur officiis divinis et templo.

Allegorice, hæc aqua cineris et lustralis typus fuit sanguinis Christi, ut hic insinuat Apostolus; rursum typus fuit aquæ lustralis sive benedictæ, qua utimur in Ecclesia ad expiationem peccatorum venialium. Nam, ut recte argumen-

Ceremo-
nia et
ritus ex-
piandi
immun-
dum ci-
nere vi-
tula ru-
fa.

Aqua
cineris
typus
fuit san-
guinis
Christi

et arguatur benedictus. tatur Alexander I Pontifex, qui fuit sextus a S. Petro, epist. I *Ad omnes Orthodoxos* : « Si cinis vitulæ aspersus populum sanctificabat atque mundabat, quanto magis aqua, quæ sale aspersa, divinisque precibus sacrata est, populum sanctificat atque emundat? »

Vers. 14. 14. QUANTO MAGIS SANGUIS CHRISTI, QUI PER SPIRITUM SANCTUM SEMETIPSUM OBTULIT IMMACULATUM DEO? — « Per Spiritum Sanctum; » id est, Spiritu Sancto eum movente et incitante, ad se sponte sua offerendum Patri pro peccatis nostris. Nonnulli codices Græci habent διὰ πνεύματος αἰωνίου, id est, per Spiritum æternum : et ita legit Theodoretus et Syrus. Verum Chrysostomus et alii legunt uti Noster legit, per Spiritum Sanctum. Notat Ribera hæc accipi posse de Spiritu tam creato, quam creatore, eo quod desit in Græco articulus, qui addi solet Spiritui creatori, q. d. « Per Spiritum Sanctum, » id est per sanctitatem spiritus sui, qua omnium hominum salutem sitiebat Christus, obtulit se pro eis Deo Patri. Verum melius hic accipias Spiritum creatorem. Ille enim in Græco sæpe non habet articulum, illeque proprie intelligitur, cum dicitur Spiritus Sanctus; ac denique ille est, cui uti Christi conceptio, ita et oblatio ac redemptio, omnisque sanctificatio nostra, tanquam primo omnis gratiæ et sanctitatis fonti tribuenda est.

Servo Dei fingenda peccata quasi cadavera. AB OPERIBUS MORTUIS. — Id est a peccatis, quæ foetida sunt coram Deo, uti cadavera; quæque inquinant animam se tangentis, sicut cadavera in lege veteri tangentis se corpus inquinabant : quæ de re vide Chrysostomum hic in morali homil. 15.

AD SERVIENDUM DEO VIVENTI. — q. d. Christus emundat nos a peccatis, quæ sunt opera mortua, non tantum ut simus mundi, sed etiam ut simus vivi, ac vivaci spiritu Deo viventi serviamus. Insinuat Apostolus eum qui Deo viventi servire cupit, plane fugere debere peccata, quasi opera mortua, quæ Deo viventi ex diametro repugnant.

Vers. 15. 15. ET IDEO NOVI TESTAMENTI MEDIATOR EST. — Nota *ideo*; dat enim causam cur Christus mediator sit, quia scilicet, uti præcessit, ingressus in Sancta, æternam redemptionem nobis invenit et peperit, dum sanguine suo emundavit conscientiam nostram ab operibus mortuis.

Christus ob causas duas mediator novi testamenti. Nota : Christus est mediator novi Testamenti sive fœderis et pacti inter Deum et homines Christianos initi. Primo, quia Christus novum hoc fœdus inter Deum et homines conciliavit, et utramque partem, scilicet tam Deum, quam homines, in hoc fœdus deduxit et adunavit. Sic fere et Moses dicitur mediator veteris Testamenti, Deut. v, 5, quia internuntius fuit, interpret et quasi conciliator fœderis inter Deum et Hebræos.

Secundo, quia Christus sua vita, passione et morte meruit a Deo hoc novum fœdus, omniaque bona, quæ Deus hominibus hoc fœdere promittit, scilicet remissionem peccatorum, gratiam,

gloriam et hæreditatem æternam; horum ergo omnium mediator est Christus, quia hæc omnia nobis a Deo impetravit et conciliavit. Unde hoc mediatoris opus et officium explicans Apostolus subdit : « Ut morte intercedente, in redemptionem earum prævaricationum, quæ erant sub priori testamento, repromissionem accipiant, qui vocati sunt, æternæ hæreditatis. »

Dices : Christus est novi Testamenti institutor, conditor, et, ut Apostolus ait vers. 16, testator : ergo non est illius mediator.

Respondeo, negando sequelam; utrumque enim verum est. Nam Christus ob causas jam dictas est mediator novi Testamenti, quatenus scilicet tanquam medius intercessit, ut tam Deum quam homines in novum hoc fœdus redigeret et colligaret. Est etiam Christus novi Testamenti conditor et testator, quia vice Dei et tanquam legatus a Deo missus novum hoc Testamentum condidit et instituit; omnia enim illi in manus dedit Pater, ut quidquid Christus circa hoc fœdus statueret et sanciret, ipse ratum haberet. Christus enim in hoc fœdere peregit omnia, egitque tam partes Dei quam hominum : quatenus partes Dei egit, fuit hujus fœderis conditor et testator; quatenus partes hominum egit, fuit hominum advocatus, interpret et legatus; quatenus vero inter Deum et homines medius et conciliator intervenit, eatenus fuit mediator.

Unde Syrus pro mediator vertit, מִשְׁפָּטָא met-saia, id est, dimidiatus factus tum natura, quia scilicet Christus media sui parte fuit homo, media Deus; tum officio, quia scilicet Christus partim Dei, partim hominum in hoc fœdere partes egit, seque medium constituit inter culpam et pœnam nostram, et inter Patris offensam læsamque justitiam. Christus enim ita egit hominum clientum suorum causam, ut tamen Dei Patris justitiam tueretur, ut scilicet hominum peccata inulta non sineret, sed illa suo sanguine et morte lueret, itaque Patris justitiæ læsæ satisfaceret.

UT MORTE INTERCEDENTE, IN REDEMPTIONEM EARUM PRÆVARICATIONUM, QUÆ ERANT SUB PRIORI TESTAMENTO. — Offendebantur Hebræi passione et morte Messiae tam probrosa, putabantque quod Messias semper vivere secumque manere deberet. Unde Judæi ad Christum, Joan. xii, 34 : « Nos, inquam, audivimus ex lege, quia Christus manet in æternum, et quomodo tu dicis : Oportet exaltari Filium hominis? » (legem vocant sacram Scripturam) puta Psal. cix, 4 : « Tu es sacerdos in æternum. » Hinc eis hic demonstrat Apostolus, mortem hanc non fuisse probrum Christo, sed gloriam, utpote quæ Christum fecerit mediatorem et redemptorem, quæque peccata nostra sua virtute expiarit, atque vitam et hæreditatem æternam nobis conciliarit; idque ita exigente et flagitante Patris justitia, quasi Pater Filio dixerit : Si vis me hominibus parcere, o Fili, qui tam graviter in me peccarunt, necesse

Christus etiam institutor, testator et conditor novi Testamenti.

Christus dimidiatus est hominum et Dei natura, et officio.

Judæi perperam scandalizati in morte et passione probrosa Messiae.

est ut tu pro eis moriaris, sanguinemque tuum profundas : quia justitiæ meæ legique et decreto meo æterno de puniendo peccato satisfieri voleo. Filius vero idipsum accepit, et summo jure ad teruncium usque cuncta nostra debita Patri persolvit; fecitque ut sine metu et nudo (quod aiunt) capite, coram Deo et angelis ambularemus, atque animos spesque nostras in Deum erigeremus.

IN REDEMPTIONEM PRÆVARICATIONUM, QUÆ ERANT SUB PRIORI TESTAMENTO. — Ostendit Hebræis veteris Testamenti infirmitatem et necessitatem novi, ac consequenter et mortis Christi, q. d. Christus non tantum redemit et expiavit peccata sui populi et testamenti, sed et veteris vestrique, o Hebræi, populi et testamenti. Nec enim vestrum testamentum et sacrificia expiare poterant vestra peccata, sed tantum signa erant et figuræ sacrificii et testamenti Christi, qui sua morte et sanguine redempturus erat et expiaturus omnia omnium hominum peccata, tam novi Testamenti quam veteris, ac consequenter et legis naturæ; quæ utroque Testamento infirmior et imperfectior erat.

REPROMISSIONEM ACCIPIANT, QUI VOCATI SUNT, ÆTERNÆ HEREDITATIS. — Hic est finis mortis, redemptionis et mediationis Christi, totiusque novi Testamenti a Christo instituti, ut scilicet adipiscamur æternam hereditatem per Christum promissam. Pro *repromissionem* græce est *ἀπαγγελίαν*, id est promissionem : primam enim promissionem æternæ hereditatis meruit, impetravit et conciliavit nobis Christus, tum quia meruit sua sanctitate, obedientia et morte a Deo Patre, ut ipse nobis propter Christum promitteret æternam hereditatem; tum quia eadem ratione meruit nobis hujus promissionis executionem et donationem, ut scilicet re ipsa cernamus et nanciscamur hanc æternam hereditatem nobis propter Christum promissam.

Nota : Vocatos vocat tam eos qui sub veteri erant, quam qui sub novo sunt Testamento. Rursum *vocati* potest coherere cum *æternæ hereditatis* : nam, ut dixi Rom. I, 1, « vocati » est substantivum, q. d. Vocatitii æternæ hereditatis, id est, ut Syrus vertit, *אתקרו לירשתא דלעלם*, *etherif leiretula dalalam*, id est, vocati et pertinentes ad hereditatem sæcularem, vel æternam. Simplicius tamen referas *æternæ hereditatis* ad repromissionem, q. d. Ut qui vocati sunt, accipiant repromissionem æternæ hereditatis, id est, ut vocati accipiant æternam hereditatem sibi promissam, ad quam vocati sunt.

Vers. 16. 16. UBI ENIM TESTAMENTUM EST, MORS NECESSE EST INTERCEDAT TESTATORIS. — Hoc est argumentum Apostoli, quo probat Hebræos non debere offendi morte et cruce Christi, utpote necessaria nobis nostræque saluti : ubicumque est testamentum, ibi ut testamentum vim suam sortiatur, necesse est ut morte testatoris confirmetur et san-

ciatur, adeoque necesse est ut moriatur testator; ateni Christus novum testamentum nobis condidit, estque novi Testamenti mediator et conditor : ergo necesse fuit Christum mori, ut morte sua sanciret et confirmaret novum hoc suum testamentum (1).

17. TESTAMENTUM ENIM IN MORTUIS CONFIRMATUM EST. — « In mortuis, » id est, mortuis testatoribus, vel post mortem testatorum tum demum ratum et confirmatum est testamentum. Nam in vivis, seu quamdiu vivunt testatores, possunt semper testamentum suum mutare et revocare; cum alia pacta et donationes inter vivos facta, mox ut facta et inita sunt, hoc ipso rata et firma sint, nec rescindi aut revocari possint. Nam « testamentum (ut dicitur lib. I, ff. De Testamentis) est voluntatis nostræ justæ sententia, de eo quod quis post mortem suam fieri vult. »

18. UDE NEE PRIMUM QUIDEM SINE SANGUINE (victimarum, Exodi XXIV) DEDICATUM EST, — q. d. Ut « primum, » id est vetus Testamentum, significaret secundum, id est, novum Testamentum, quod scilicet morte testatoris Christi confirmatum est, hac de causa debuit primum hoc Testamentum, instar testamenti proprie dicti, morte et sanguine victimarum sanciri, ut significaret morte Christi sancendum esse secundum sive novum Testamentum. Verum sicut primum, sive vetus hoc Testamentum, typicum erat, ita typicam habuit mortem testatoris, scilicet mortem et sanguinem victimarum, quæ representabat mortem testatoris tum Dei, tum Christi, ut pluribus dicam vers. 20.

Nota : Pro *dedicatum est* Syrus vertit, *אתקדש*, *estarrat*, id est, confirmatum fuit, robur suum accepit. Ita et Chrysostomus cum suis. Græce est *ἐγκαινίσθη*, id est initiatum est, initium sumpsit, sui novitatem et exordium accepit. Verum quia in rebus sacris hoc initium sumebatur a sacro aliquo et solemnī sacrificio, ritu et cæremoniis, quibus res quasi sacrabatur, Deoque et sanctis usibus dedicabatur, hinc *ἐγκαινίσθη* in sacris significabat consecrare et dedicare : unde encænīa vocantur festa dedicationis et consecrationis templi. Ita et hic Paulus vetus Testamentum quasi sacrum sanguine victimarum, non tantum inchoatum et quasi inauguratum, sed et dedicatum, id est consecratum, esse dicit.

19. LECTO ENIM OMNI MANDATO LEGIS A MOYSE UNIVERSO POPULO, ACCIPIENS SANGUINEM VITULORUM ET HIRCORUM CUM AQUA ET LANA COCCINEA ET HYSSOPO, IPSUM QUOQUE LIBRUM ET OMNEM POPULUM ASPERSIT. — Nota : Moses vice Dei fœdus cum populo initurus, prælegit populo leges Dei sibi datas, quæ recensentur a cap. xx Exodi usque ad cap. xxiv. Hæ enim leges erant conditiones fœderis, quod Deus cum Hebræis sancire volebat : populus suo

Christi mors necessaria ad novi testamenti confirmationem. Vers. 17.

Vers. 18.

Utrumque testamentum sanguine sancitum, confirmatum, consecratum.

Consecrare, initiare, inaugurare, dedicare eodem sunt.

Vers. 19.

(1) Græca vox *διαθήκη* fœdus et testamentum significat. Quia autem in superioribus hereditatem Paulus commemoraverat, delabitur ad notionem *testamenti*.

silentio acceptans et annuens hisce legibus fœdus cum Deo iniit, illudque victimarum sanguine sancitum est.

Sanguis victimarum spargebatur in altare et populum, idque ob tres causas. Nota secundo : Hunc sanguinem victimarum partim in altare, partim in populum sparsit Moyses, primo, ut significaretur eum qui fœdus hoc violaret, simili modo sanguine suo et morte violentam fœderis fidem luiturum ; altare enim Deum representabat. De hoc fœderum ritu plura dixi I Cor. xi, 25. Secundo, quia fœdus hoc, ut dicam vers. 20, simul quasi testamentum erat Dei, typusque erat novi Testamenti, quod Christus in ultima cœna et in cruce condidit. Hinc sanguis hic in altari aspersus representabat symbolice quasi sanguinem et mortem testatoris Dei : morte enim sancitur testamentum et ultima voluntas testatoris. Rursum sanguis in populum aspersus significabat sanguinem Christi in nos aspersum, cujus aspersione a peccatis omnibus eluimur. Hoc enim sanguine suo et morte sanxit Christus suum novum Testamentum, omniaque bona illo promissa nobis meruit et impetravit.

CUM AQUA ET LANA COCCINEA ET HYSOPO. — Hæc omnia, uti et hircorum immolationem omisit Moyses Exodi xxiv, quia succincte hæc narrat ; Apostolus vero partim instinctu Spiritus Sancti, partim ex consuetudine ritus legalis, quam in lustrationibus ejusmodi usurpari solitam tum ex sancta Scriptura, tum ex ipsa praxi didicerat, hæc ipsa supplavit et expressit. Nam aquam sanguine misceri solitam in sacris aspersioibus, patet Exodi xii, 22. Idem patet de cocco, sive lana coccinea atque hyssopo, Num. xix, 6 et 18.

Hircus Rursum, cum vitulis oblatos quoque fuisset hircos, patet, quia hircus, utpote suo fœtore apte peccatum representans, offerri solet pro peccato, ut patet Levit. ix, 3 et 15. Hirci ergo hi in fœdere et testamento Mosaico pro peccatis populi immolati significabant Christum in cruce pro peccatis totius mundi immolandum. Qua immolatione sancitum est novum Christi Testamentum.

Nota : In priscis Hebræorum lustrationibus aqua sanguini adhibebatur, ne sanguis concreveret, sed fieret liquidior et sparsilis, adeoque aspersioni in tantum populum idoneus. Rursum allegorice hæc aqua et sanguis victimarum figura erant et typus sanguinis et aquæ ex latere Christi effluentis, ac consequenter typus erant Baptismi et Eucharistiæ. Aqua enim Baptismum, sanguis Eucharistiam representat.

Secundo, in lustrationibus adhibebatur lana coccinea et hyssopus, ut ex eis fieret aspergillum : ad hoc enim peridonea sunt, tum ob suam densitatem, tum ob vim retentivam, quam habent : sunt enim humoris bibula, æque ut spongia. Rursum allegorice lana significat candorem et innocentiam Christi, sive carnem Christi per se candidam, sed ob peccata nostra coccineam, id est, sanguine passionis rubricatam.

Hyssopus Hyssopus vero typus erat charitatis et gratiæ

Christi ; est enim hyssopus natura sua calidus, unde servit mysterio, suoque calore et fervore Spiritus Sancti ardentissimos æstus, quibus ignescunt piorum mentes, denotat.

Secundo, hyssopus typus erat humilitatis et humanitatis Christi, per quem Deus nostram superbiam aliaque peccata sanavit. Est enim hyssopus herba humilis, et, ut docet Dioscorides, lib. III, cap. xxviii, medetur pulmonis tumori, qui superbiæ est symbolum, ut annotavit Rupertus.

IPSUM QUOQUE LIBRUM ET OMNEM POPULUM ASPERSIT. — Nec hoc habet Moyses, sed supplet Paulus. Hebræi per hunc librum intelligunt Genesim. Sed an Genesis tunc a Mose conscripta fuerit, valde incertum est. Illud certum est, hunc librum non fuisse Genesim, sed Exodum, id est, leges Mosi et populo a Deo datas, a cap. xx Exodi usque ad cap. xxiv, quas Moyses in libro conscripsit, indeque populo prælegit. Hæ enim leges erant conditio fœderis inter Deum et populum ineundi. Patent hæc omnia Exodi xxiv.

Quæres : Cur librum ipsum sanguine victimarum aspersit Moyses ?

Respondeo : **Primo**, ut significaret uti fœdus hoc, ita et leges fœderis hoc libro contentas esse sanctas et inviolabiles, adeoque hoc sanguine tam leges, quam fœdus ipsum sanciri. **Secundo**, ut significaret eum qui leges hæc violaret, hanc violationem sanguine suo et morte luiturum. **Tertio**, ut significaret legem per se infirmam esse ad expianda peccata contra legem admissa, adeoque ad hoc faciendum indigere sanguine non tam victimarum, quam Christi, quem sanguis hic victimarum representabat. Sanguine enim et gratia Christi aspersi, non tantum a peccatis omnibus contra legem admissis expiamur, sed et deinceps ad totam legem servandam et perficiendam corroboramur et accendimur.

20. DICENS (scilicet Moyses) : HIC SANGUIS TESTAMENTI, QUOD MANDAVIT AD VOS DEUS. — Citat Apostolus Exodi xxiv, 8.

Objicies : Ibi dicitur : Hic est sanguis בְּרִית berit, id est fœderis : ergo male Paulus hoc loco vertit dicens, « hic est sanguis testamenti, » quod scilicet morte testatoris confirmatur : nam alia pacta et fœdera non confirmantur morte paciscentium, uti vetus pactum Dei cum Hebræis, de quo loquitur Moyses, cap. illo xxiv Exodi, vers. 8, non fuit confirmatum morte Dei aut Hebræorum paciscentium ; quomodo ergo Paulus hic ad valorem testamenti hujus adeo urget mortem testatoris ?

Ob hoc argumentum Erasmus et Cajetanus censent hanc epistolam non esse canonicam, sed incertæ et dubiæ fidei et auctoritatis : Calvinus vero censet eam non esse S. Pauli ; Beza denique asserit non hebraice, sed græce esse scriptam, eo quod Hebræum בְּרִית berit non nisi fœdus significet, Græcum autem διαθήκη tam testamentum, quam fœdus significet : hoc autem loco cum

Liber aspersus erat non Genesis, sed Exodus.

Ob tres causas Liber sanguine aspersus.

Vers. 20.

Erasm., Calvin., Beza sententia de auctoritate et auctore hujus epistolæ.

juxta Hebræum vertendum esset, *fœdus*, auctor hujus epistolæ verterit, *testamentum*.

Imo Catholici nonnulli putant Paulum hic rethorū more ludere in voce *διαθήκη*, ut, cum sciret illam *Exodi* xxiv, 8, significare pactum, utpote cum ibi respondeat Hebræo *ברית* *berit*, id est pactum, hic tamen eandem accipiat pro testamento. Verum sic Paulus ex amphibologia vocis *διαθήκη*; sophisticum argumentum neceret falleretque, dum fœderi et pacto cuilibet tribuit id quod erat testamenti, scilicet ut morte testatoris confirmetur.

Pro responsione, nota *primo*, Septuaginta Hebræum *berit* passim vertere *διαθήκη*, quod proprie testamentum significat, uti vertit noster Interpres; hinc in Scripturis hæc tria, scilicet Hebræum *berit*, Græcum *διαθήκη*, et Latinum *testamentum* idem significant.

Rursum hæc tria dupliciter accipiuntur, *primo* generatim, pro quovis fœdere, pacto et promissione, uti docet S. Hieronymus in cap. iii *ad Galat.*, et S. Augustinus in *Genesim*, locutione 94. Sic capitulū passim cum dicitur novum vel vetus Testamentum, id est, nova vel vetus Dei ordinatio, dispositio, promissio (quæ alibi dicitur Dei misericordia et veritas), novum vel vetus pactum et fœdus inter Deum et homines initum cum conditione servandæ legis Dei. Hoc enim est Dei cum hominibus pactum: Ego Deus stipulor et promitto quod ero vobis, o homines, Deus et pater, vosque mihi eritis filii et hæredes, si legem meam servetis. Sic *testamentum* pro fœdere accipitur, *Genes.* ix, 13; *Psal.* liv, 21; *Psal.* lxxxviii, 4 et 29; *Psal.* cv, 45 et alibi sæpe. *Secundo*, hæc tria specificè accipiuntur pro fœdere testamentario, vel promissione testamentaria, quæ maxime firma et certissima est, id est, pro testamento et ultima voluntate, sive dispositione testatoris. Hanc enim proprie significat Græcum *διαθήκη*, et Latinum *testamentum*; Hebræorum quoque *ברית* *berit*, cum pactum quodlibet significet, recte etiam testamentum sive pactum testamentarium, quod extremum et firmissimum est, significat per synecdochen, qua genus pro specie, præsertim perfectissima et nobilissima, accipi solet.

Nota *secundo*, tam vetus Mosis, quam novum Christi testamentum, utraque significatione et utroque modo jam dicto fuisse testamentum. De novo patet: *primo* enim novum testamentum fuit novum fœdus Dei cum hominibus per Christum initum; *secundo* quoque novum testamentum fuit proprie dictum testamentum sive fœdus testamentarium et mortuarium: tum quia voluit Deus ad peccata nostra justa satisfactione expedienda, ut promissiones novi Testamenti de peccatorum remissione, gratia et gloria, sive hæreditate cœlesti nobis danda, sancirentur morte Christi testatoris; tum quia, ut hæc nobis darentur, fuit ultima, summa, certissima et firmissima voluntas et promissio Christi, ut hic satis signifi-

cat Apostolus. Hoc est ergo Christi novum pactum et testamentum: Ego Christus vice et nomine Dei Patris promitto tibi, o Christiane, peccatorum veniam, Dei gratiam et amicitiam, ac tandem regnum cœlorum, sub hac conditione, si mihi credas, obedias, et mandata mea usque in finem vitæ serves et impleas. Quæ conditio exprimitur a Christo, *Matth.* xix, 17; *Joan.* xvii, 20 et 24.

Nota *tertio*: Hoc fuit vetus Mosaicum pactum et testamentum, ut satis colligitur ex *Exod.* cap. xxiv, vers. 8: Ego Deus vobis, o Hebræi, promitto meam opem, benevolentiam et protectionem; legoque vobis regnum et hæreditatem quietam et fertilem in terra Chanaan, si leges meas, cæremonias et judicialia præcepta servaveritis.

Unde patet, etiam hoc vetus fœdus et testamentum utraque significatione et utroque modo jam dicto fuisse *διαθήκη* et testamentum. De priore patet: est enim pactum cum conditione, ut patet ex formula pacti jam data. De posteriori significatione et modo probatur, quia vetus hoc Mosis fœdus fuit testamentum typicum, sive typus Testamenti novi, et hæreditas sive regnum Chanaan veteri Testamento promissum, typus fuit regni cœlorum, quod in novo Testamento promittitur. Rursum, mors victimarum, quibus sancitum fuit vetus Testamentum, *Exod.* xxiv, typus fuit mortis Christi testatoris, qui sua morte et sanguine sancivit novum Testamentum et ultimam voluntatem suam, uti hic explicat Apostolus.

Respondeo ergo et dico, Mosem, cum dixit *Exod.* cap. xxiv: «Hic est sanguis fœderis,» intellexisse fœdus testamentarium, sive testamentum typicum jam dictum: ideoque recte Apostolum fœdus illud Mosaicum interpretari hic per testamentum, quia vere fuit testamentum, scilicet typicum. Totum enim vetus Testamentum, omniaque quæ in illo facta sunt, erant umbra et typus Christi rerumque futurarum in novo Testamento, adeoque totus scopus et finis veteris Testamenti erat adumbrare et præfigurare Christum, ejusque novum Testamentum: ita ut totius veteris Testamenti ratio, conditio, natura et institutio non fuerit alia, quam hæc, ut scilicet esset figura et representatio Christi et novi Testamenti. Cum ergo novum Christi Testamentum fuerit proprie dictum testamentum, quod morte testatoris, puta Christi, confirmatum est; sequitur et vetus Testamentum fuisse typum novi Testamenti proprie dicti, ac consequenter ipsum quoque vetus fuisse typicum testamentum, mortuarium et proprie dictum. Qualis enim est res in se, talis est et typus ejus in representatione. Cum itaque novum Testamentum in se sit testamentum proprie dictum, sequitur et vetus Testamentum, quod novi fuit typus, in representatione, sive typicè, fuisse testamentum proprie dictum.

Fuit ergo vetus Testamentum mortuarium et proprie dictum, *primo*, ob generalem rationem

Formula pacti et testamenti Christi.

Formula antiqui testamenti et fœderis.

Vetus fœdus fuit pactum conditionatum et testamentum typicum.

Respondeo ad argumentum Erasmi, Calvini et Beza contra auctoritatem hujus epistolæ.

Vetus Testamentum fuit testamentum mortuarium proprie dictum, idque ob tres rationes.

Prima.

quam affert S. Augustinus, in cap. III *ad Galat.* vers. 17, ubi sic ait : « Omnis Dei promissio et fœdus etiam ad dandum bona terrena, » v. g. terram Chanaan Hebræis, « dici potest testamentum, quia quod mors testatoris valet ad confirmandum testamentum, hoc incommutabilitas promissionis Dei valet ad sanciendo sua fœdera et promissa. »

Secunda. *Secundo*, ob propriam et specialem rationem, quia scilicet hoc Dei pactum cum priscis Hebræis erat apud Hebræos illos maxima, summa et ultima Dei voluntas, ac sanciebatur morte victimarum, quas Deus, quia mori non potest, pro se quasi morti addicebat, ut earum morte ultimam suam voluntatem quasi testator sanciret. Sic enim hoc vetus Dei testamentum speciem quamdam habebat testamenti proprie dicti et ultimæ voluntatis, quæ sancitur morte testatoris, dum pro Deo testatore moriuntur victimæ Deo consecratæ, quibus hoc testamentum sancitur. Quod ut significaret Moses, partem sanguinis victimarum fudit super altare, *Exod. xxiv*, altare enim hic Deum repræsentat. Deus ergo hic suo quasi sanguine aspersus, itaque suo quasi sanguine testamentum hoc obsignare et confirmare videbatur. Et hoc est quod hic significat Apostolus, cum ait : « Unde nec primum (Mosaicum) quidem sine sanguine dedicatum est. »

Tertia. *Tertio*, maxime proprie et genuine ad mentem Apostoli, vetus Testamentum fuit mortuarium, sed umbraticum et typicum, uti jam cœperam dicere, quia vetus Testamentum umbra, typus et representatio fuit novi Testamenti Christi, proprie dicti. Unde sicut novum testamentum Christi testatoris morte, ita vetus victimarum Dei mactatione, quasi typica Dei et Christi morte sancitum fuit : ut hoc ipso vetus Testamentum significaret novum Testamentum reali Christi morte sanciendo esse. Hanc esse genuinam mentem Apostoli, patet ex vers. 23, ubi concludens ait : « Necesse est ergo exemplaria quidem cœlestium his (morte et sanguine victimarum) mundari : ipsa autem cœlestia melioribus hostiis (puta morte et sanguine Christi) mundari quam istis, »

q. d. Vetus Testamentum, quia typus erat novi et cœlestis Testamenti, quo animæ a peccatis expiantur, hinc typicis hostiis, morte scilicet et sanguine animalium, sancitum fuit : novum vero Christi testamentum, utpote solidum, sublimis et cœlestis, quodque animas ipsas a peccatis expiat et expurgat, non nisi nobilissimo Christi sanguine et morte sanciri potuit. Et hoc est quod dixit vers. 12, « Christum non per sanguinem hircorum aut vitulorum, sed per proprium sanguinem, introisse semel in sancta, æterna redemptione inventa. » Rursum, quod « sanguis hircorum et cinis vitulæ sanctificet carnem, Christi vero sanguis emundet conscientiam ab operibus mortuis. » Hæc enim mundatio et remissio peccatorum est præcipuum quoddam bonum, quod

Christus suo testamento nobis legavit, suaque morte et sanguine obsignavit et tradidit. Denique hunc esse Apostoli sensum patet ex eo, quod ipse toto hoc capite, adeoque tota epistola urget et explicat ea, quæ facta sunt in veteri Testamento, fuisse umbras et typos Christi et rerum quæ sunt in novo Testamento : ergo multo magis urgere debuit ipsum vetus Testamentum, ejusque institutionem et sanctionem fuisse typum novi Testamenti proprie dicti, ac consequenter ostendere vetus quoque Testamentum typice et repræsentative fuisse testamentum proprie dictum.

Atque hæc est causa, cur Septuaginta, *Exod.* cap. xxiv, vers. 8, et alibi, Hebræum *berit* non vertant *fœdus* vel *pactum*, sed *διαθήκη*, id est testamentum, ut scilicet, innuant fœdus hoc Mosaicum fuisse testamentum typicum et figurativum testamenti novi, quod Christus testator sua morte obsignavit.

Hac eadem de causa novum et vetus instrumentum, communiter non novum aut vetus fœdus vel pactum, sed testamentum nuncupare solemus. Idem faciunt Græci; quin et Syrus in textu Syriaco S. Scripturæ relinuit vocem Græcam *διαθήκη*, id est testamentum. Habet enim *דייתיקי diiatiki*: nam apud Judæos et Syros post Alexandri et aliorum Græcorum imperia, Græca lingua ita usitata et trita fuit, ut multa vocabula ex Græco in Syrum transierint, ut *ἀγρός* in *אגורס aguresa*, *Matth. xxvii*, 8; *βουλεύτης* in *בולותי buleuti*, *Marc. xv*, 43. Sic *Evangelium*, *kephalaion*, *namusa*, *αἰώνος*, id est lex, aliaque multa a Græcis ad Syros traducta sunt. Idem patet ex Philone, Josepho et S. Justino Martyre, qui licet Hebræi essent, græce tamen peritissimi fuerunt, citantque Scripturam non Hebræam, sed Græcam Septuaginta interpretum, quasi tunc vulgatissimam et celeberrimam. Addit Matthæus Galenus, Paulum syriace scripsisse hic *diatiki*, qua voce Hebræum *berit* reddunt et vertunt Septuaginta, *Exod. xxiv*, 8. Putat enim ipse textum Syriacum, qui extat in Biblii Regiis, esse autographum Pauli. Sed id mihi non est verisimile, ob rationes quas attuli initio hujus epistolæ.

Quarto, aliam explicationem et causam, cur pro *τὸ hic est sanguis fœderis*, ut habet Moses, *Exod. xxiv*, Paulus verterit, *Hic est sanguis testamenti*, adeoque cur vetus fœdus Paulus vocet et interpretetur testamentum mortuarium, et proprie dictum, dat hic num. 82 et seqq. Franciscus Ribera : Quia, inquit, vetus Testamentum licet explicite promitteret Judæis bona terrena, tamen implicite sub eis promittebat bona cœlestia et cœlestem hæreditatem, si eatenus non tantum novum, sed et vetus Testamentum sancitum fuit morte testatoris Christi : nec enim bona cœlestia cuiquam Sancto veteris Testamenti obtigerunt, nisi post et per mortem Christi, quam figurabat sanguis victimarum effusus in institutione veteris Testamenti, *Exod. xxiv*. Sicut enim in illo veteri

In Scripturis multa vocabula Græca in Syrum transiere textum.

Paulus syriace scripsit *diatiki* secundum aliquos.

Vetus Testamentum implicite promittens bona cœlestia, quomodo Christi morte confirmatum?

Testamento per terram promissam filiis Abrahæ, promittebatur cœlestis hæreditas, ita sanguine victimarum promittebatur sanguis Christi, per quem illa danda erat. Verum hoc sensu Christus mediator et testator esset veteris Testamenti, cum tamen Apostolus asserat tantum novi Testamenti Christum esse mediatorem. Rursum, Apostolus hic docet morte et sanguine Christi tantum novum Testamentum esse sancitum, morte vero victimarum sancitum esse vetus, utpote terrestre, imperfectum, infirmum, et explicite temporalia tantum bona promittens et largiens; ergo satis insinuat morte Christi non esse sancitum vetus Testamentum. Perpetuo enim hac epistola opponit et anteponit novum Testamentum veteri, hocque ab illo elisum et exclusum esse docet. Tacite tamen hunc sensum et causam innuit Apostolus, cum ait Christum esse mortuum « in redemptionem earum prævaricationum, quæ erant sub priori Testamento, ut repromissionem accipiant æternæ hæreditatis. » Ubi satis insinuat non tantum novi Testamenti filios, sed et patres veteris Testamenti, vocatos esse ad æternam hæreditatem eamque illis promissam, sed ita, ut non per Moysen, sed per Christum, nec per vetus, sed per novum Testamentum esset danda et exhibenda. Atque hac ratione Christus explicite quidem novi Testamenti, implicite tamen veteris quoque fuit mediator et testator, ut docet Lactantius, lib. IV, cap. xx. Hanc ergo quartam expositionem implicite insinuat Apostolus; verum quia tertiam non tantum implicite, sed et explicite tradit et perurget, hinc tertia jam data maxime videtur genuina et ex mente Apostoli, ut dixi.

QUOD MANDAVIT. — Id est quod ordinavit, disposuit, et, ut hebraice est, כָּרַת *carat*, id est, pepigit vobiscum Deus. Sic enim Hebræi omnem Dei ordinationem et dispositionem vocant Dei mandatum et præceptum; ut cum David dicit, II Reg. xvi, vers. 10: « Dominus præcepit ei (Semei) ut malediceret David: » præcepit, id est, ordinavit et statuit permittere Semei, ut suam virulentiam et maledicentiam in me evomat, eamque disponit et ordinat, ad mei meorumque peccatorum punitionem. Sic Deus dicit Eliæ, III Reg. xvii, 4: « Præcepi corvis ut pascant te: » præcepi, id est ordinavi, et ordinatione mea efficiam ut corvi pascant te. Rursum proprie, « quod mandavit, » id est, cujus fœderis scilicet condiciones et leges a vobis, o Hebræi, servari mandat et jubet Deus.

Vers. 21. 21. ETIAM TABERNACULUM ET OMNIA VASA MINISTERII SANGUINE SIMILITER ASPERSIT. — Hoc ipsum rursum omisit Moyses, supplet tamen Paulus, itaque factum esse docet Joseph, lib. III *Antiq.*, ix.

Nota: Aspersio facta est non eo tempore, quo Deus cum Hebræis fœdus iniit: tunc enim necdum fabricatum erat tabernaculum, sed postea facto, erecto et dedicato tabernaculo.

Secundo ministerium hic sacrum intelligit, quo

ministrabant Deo in victimis et oblationibus; hoc enim significat Græcum λειτουργία.

Tertio, hac aspersione sanguinis expiatum et quasi sacratum est tabernaculum, ut significaretur sanguine Christi expiandam, sanctificandam et quasi consecrandam esse Ecclesiam, quæ verum est Dei tabernaculum.

22. ET SINE SANGUINIS EFFUSIONE NON FIT REMISSIO. Vers. 22. — Jusserat Moyses, Levit. iv, ut si quis peccasset, immolaret victimam pro peccato: quod si fecerit, « propitius, inquit, erit ei Dominus, » id est, non inferet Deus illi pœnam ejus vitæ, quam alioqui illi inflixisset (1). Sic ergo per sanguinem victimarum fiebat remissio non culpæ et reatus coram Deo, sed remissio legalis, tollens culpam et immunditiam legalem; pœnamque temporalem. Nam quoad culpam et pœnam alterius vitæ, hæc non tollebatur sacrificio aut prece sacerdotis, cum ne in novo quidem Testamento culpa tollatur sacrificio, sed Sacramento pœnitentiæ. Culpæ ergo tollebatur olim contritioe eorum qui peccarant, juncta cum fide et spe Christi venturi, ac pro peccatis morituri: cujus fidei et contritionis signum et protestatio erat sacrificium, quod pro se peccantes offerebant. Sed de hac re plura dicam cap. x, vers. 4.

Remissio peccatorum quomodo fiebat, et quotuplex erat in veteri Testamento?

23. NECESSE EST ERGO EXEMPLARIA QUIDEM COELESTIUM HIS MUNDARI: IPSA AUTEM COELESTIA MELIORIBUS HOSTIIS QUAM ISTIS. Vers. 23. — Per exemplaria cœlestium intelligit Apostolus Mosaicum tabernaculum et testamentum, ac populum ipsum, id est Judæos, omniaque quæ in ipso tabernaculo et testamento erant. Id patet ex voce illativa ergo, q. d. Dixi vetus Testamentum et tabernaculum sanguine victimarum fuisse expiatum et dedicatum, legemque veterem præscribere ut omnia sanguine expiantur, et sine sanguine non fiat ulla remissio: ergo ex hoc legis veteris præscripto necesse fuit ut omnia, quæ erant in veteri Testamento, tanquam typi et exemplaria rerum cœlestium, talibus bestiarum hostiis et sanguine emundarentur.

Sed dubium est, quid intelligat Apostolus per cœlestia. D. Thomas, Lyranus et Ribera intelligunt ipsum cœlum. Sic enim videtur exponere Apostolus vers seq. cum ait: « Non in manufacta sancta Jesus introivit exemplaria verorum, sed in ipsum cœlum. » Si objicias: Cœlum nulla mundatione indiget: Apostolus autem hic asserit cœlestia melioribus hostiis mundari, ergo per cœlestia non intelligit ipsum cœlum; respondent, licet cœlum in se sit mundissimum, ut expiatione non egeat, metaphorice tamen dici cœlum inquinari per peccata, quia peccata nostra cum in cœlum per

Per cœlestia hic Apostolus non intelligit cœlum.

(1) Hanc veniæ conditionem sapientissimis ex causis tulerat Deus, quarum una haud dubia est, ut ad spectabili modo declararetur, peccantem morte miseriaque dignum esse, utque presens animis hæc sententia maneret, nocivum esse peccatum, peccantem egere veniæ, hanc veniam tribui cum conditione, et, ubi veniæ agit, cum conditione mortis intervenientis.

notitiam ascendunt, sua fama, quasi tetro quodam odore, cœlum ipsum quodammodo contaminant et polluunt; ac consequenter cum peccata ipsa expiantur, cœlum ipsum peccatis ita ut dixi pollutum, expiari dicitur. Sic enim dicebatur pollui tabernaculum Mosaicum per peccata Judæorum, ab eisque expiari et emundari sanguine hircorum pro peccato oblatorum. Per peccata enim fiebat injuria tum Deo, tum ipsi tabernaculo, in quo Deus habitabat: sicuti polluitur Ecclesia, dum sanguine aut semine humano, aliove peccato in Ecclesia commisso contaminatur.

Verum hoc satis durum, remotum et coactum videtur. Nemo enim ita loquitur, et nusquam alibi in Scripturis dicitur cœlum ipsum et locus Beatorum, utpote purissimus, expiari aut emundari (1).

Secundo, hæc expositio est præter mentem et phrasim Apostoli, uti mox patebit.

Dico ergo, per *cœlestia* intelligi Ecclesiam, id est, fideles et filios Christi, ex quibus Ecclesia, id est fidelium congregatio, coalescit et consurgit. Dicitur Ecclesia cœlestis, vel *cœlestia*, quia Ecclesia Christi est quasi cœleste tabernaculum habens cœlestem victimam; scilicet corpus Christi, cœlestem doctrinam, populum denique cœlestis et angelicæ vitæ, cui cœlum ipsum pro mansionem et retributione æterna promittitur, proponitur et præparatur. Ita Chrysostomus, Theodoretus, Theophylactus, Oecumenius, Primasius, Anselmus, Haymo et Vasquez, qui sic explicant: «cœlestia» sunt conscientie nostræ, quarum emundatio pertinet ad templum non vetus, sed cœleste, puta ad cœlum ipsum. Hanc esse mentem S. Pauli, probatur *primo*, quia plane hic idem dicit, idque iisdem verbis tam Græcis, quam Latinis cum eo quod dixit cap. viii, 5, ubi ait: «Qui exemplari et umbræ deservit cœlestium;» atqui ibi per «cœlestia» intellexit Ecclesiam Christi, ut patet, et omnes fatentur: ergo et hic.

Secundo, quia concludens hunc discursum cap. seq., vers. 1, sic ait: «Umbra enim habens lex futurorum bonorum, non ipsam imaginem rerum,» ubi *umbra* vocat, quod hic *exemplar*; *futura vero bona et imaginem rerum* vocat id, quod hic vocat *cœlestia*; atqui ibi per *futura bona et imaginem rerum* intelligit remissionem peccatorum, aliaque dona et gratias Ecclesiæ a Christo collatas, ut ipse in seq. se explicat: ergo et hic *cœlestia* intelligit, non ea quæ in cœlo, sed ea quæ in Ecclesia sunt.

Tertio, quia omnibus hisce capitibus opponit, confert et anteponit Apostolus Christum Mosi,

(1) Illud tamen καθάρεισθαι, mundari, facile per inonymiam explicatur, qualem sæpe usurpari necesse est, ubi inter se comparantur res partim similes, partim dissimiles. Nam quia per legalem καθάρσιον aditus dabatur in sanctuarium, ideo effectum sumendo pro causa, καθάρσει dixit Paulus cœlum summum, pro eo, quod est aditum per ista in illud dari.

Evangelium legi, tabernaculum Ecclesiæ, non cœlo, q. d. Ex dictis de lustratione veteris tabernaculi et testamenti per sanguinem victimarum, novi vero tabernaculi et testamenti per sanguinem Christi, clarum est, necessarium fuisse ut illa quæ sunt veteris tabernaculi et testamenti, tanquam «exemplaria,» græce ἐνδειγματῶν, id est obscuræ quædam picturæ (uti dixi cap. viii, vers. 5) cœlestium, id est rerum et fidelium Ecclesiæ, mundarentur sanguine victimarum: ipsa vero cœlestia, id est fideles, resque Ecclesiæ mundarentur melioribus hostiis, puta sanguine et sacrificio Christi, tam in cruce peracto, quam Eucharistico, quod indies in Ecclesia peragitur et repetitur: hæc enim indies repetita Eucharistiæ mysteria, uti plura dicuntur Sacramenta et sacrificia, ita non una, sed plures dicuntur hostiæ, ut annotavit Ribera.

24. NON ENIM IN MANUFACTA SANCTA JESUS INTRO-
VIT, EXEMPLARIA VERORUM. — Nota: «Exemplaria» hic non vocat Apostolus ipsum vetus tabernaculum et testamentum, eaque quæ in ipso erant, uti vocavit ea vers. præced.; sed «exemplaria» hic limitat et arctat ad Sancta sanctorum: dicitque Jesum non introisse in Sancta sanctorum vetera et typica, uti faciebant pontifices Aaronici, sed in ipsum cœlum, quod adumbrabatur per vetera illa Sancta sanctorum.

Nota *secundo*: Vetera illa Sancta sanctorum vocat Apostolus «exemplaria,» græce ἀντίτυπα, «verorum,» scilicet cœlestium, sive ipsius cœli empyrei, quod est habitaculum Beatorum: hoc enim est verissimum Sanctum sanctorum, cujus antitypum fuit vetus Sanctum sanctorum Mosaicum, quia ex illo hoc expressum fuit, ut illud referret et representaret, uti dixi cap. viii, vers. 5.

Nota *tertio*, ut hæc connectantur cum vers. præced., vox enim dat causam, cur Ecclesiam vers. præced. vocarit cœlestem sive «cœlestia,» q. d. Ideo vocavi Ecclesiam «cœlestia,» quia Christus in cœlum ingressus, illud Ecclesiæ, id est fidelibus suis, reseravit, ibique quasi pontifex noster semper apparet vultui Dei pro nobis, ut gratiam, virtutes gloriam omniaque bona cœlestia nobis impetret. Hoc enim est quod identidem hisce capitibus urget Apostolus, scilicet Christum, sive Messiam nostrum pontificem non debuisse hic in terris manere, et in templo Salomonis semper fungi pontificatu suo, uti putabant et sperabant Judæi; sed peracta hic in cruce redemptione nostra, debuisse cœlum ingredi et reserare, ut ibi ad dextram Dei residens interpellet pro nobis, locumque in cœlis nobis paret. Hoc enim est quod dixit cap. viii, vers. 1: «Talem, inquit, habemus pontificem, qui consedit in dextera sedis magnitudinis in cœlis, sanctorum minister et tabernaculi veri, quod fixit Deus, et non homo,» id quod in sequentibus clarius explicat. Rursum idem dixit hoc cap., vers. 12, cum ait: «Christum per proprium sanguinem introisse

Eucharistia qua quo-
tidie offertur, est plura sacramenta, sacrificia et hostiæ.

Vers. 24.

Cur Ecclesiam vocaverit Apostolus cœlestia?

semel in Sancta, æterna redemptione inventa. » Et vers. ult. : « Christus semel oblatum est ad multorum exhaurienda peccata; secundo sine peccato apparebit expectantibus se, in salutem. » Rursum cap. x, vers. 12 : « Hic, inquit, unam pro peccatis offerens hostiam, in sempiternum sedet in dextera Dei. » Et concludens vers. 19, sic ait : « Habentes itaque, fratres, fiduciam in introitu Sanctorum (id est cœli) in sanguine Christi, quam initiavit nobis viam novam et viventem, per velamen, id est, carnem suam, et sacerdotem magnum super domum Dei, accedamus cum vero corde, » etc.

UT APPAREAT NUNC VULTUI DEI PRO NOBIS. — « Ut scilicet, sicut ait S. Cyprianus serm. *De Baptismo Christi*, semper reservatæ in corpore Christi plagæ, salutis humanæ exigant pretium, et obedientiæ donativum requirant. » Secundo, « ut appareat, » id est, apparendo oret et interpellat pro nobis. Est enim catachresis.

25. NEQUE UT SÆPE OFFERAT SEMETIPSUM, QUEM ADMODUM PONTIFEX INTRAT IN SANCTA PER SINGULOS ANNOS IN SANGUINE ALIENO. — Est hic triplex collatio et antithesis Christi cum pontificibus Aaronicis. *Prima*, Aaronici ingrediebantur in Sancta sanctorum, Christus vero ingressus est in cœlum. Jam ne Hebræi putent Christum cœlum esse ingressum, hac de causa, ut ibi rursum et sæpius seipsum offerat et immolet Patri, itaque æquent Christum Aaronicis sæpe suas hostias immolantibus, addit Apostolus *secundam* antithesim : Aaronici, inquit, quotannis repetebant oblationem, quia infirma et insufficiens erat; Christus vero semel tantum se offerens, peccata omnia abolevit, tum præteritorum, tum futurorum sæculorum, nobisque omnibus æternam redemptionem invenit. *Tertia*, Aaronici in, id est cum, sanguine alieno, puta hircorum et vitulorum, ingrediebantur Sancta : Christus vero per sanguinem proprium ingressus est in cœlum (1).

26. ALIOQUIN OPORTEBAT EUM FREQUENTER PATI AB ORIGINE MUNDI. — Probat Christum non sæpe se obtulisse et immolasse, sed unica oblatione æternam nobis invenisse redemptionem : quia cum peccata non nisi Christi redemptoris sanguine expiari possint, si unica ejus mors et sanguinis effusio ad omnia omnium ætatum peccata expianda non sufficeret, sed tantum expiaret peccata sui sæculi, ergo debuisset Christus frequenter pati, singulis nimirum sæculis, ut singulorum sæculorum peccata, sua morte et sanguine aboleret : hoc autem est absurdum.

Objicies : *Apoc. XIII*, 8, dicitur Christus esse « agnus occisus ab origine mundi. »

Respondent Aretas, Ticonius et alii in illum locum, τὸ ab origine mundi referunt non ad τὸ

(1) Igitur particula *neque* non pendet a vers. antecedente 24, sed a 23; atque duæ diversæ partes sunt, sibi eadem negatione contra subordinatæ, non enim vers. 24, et hoc *neque*.

agnus, sed ad τὸ quorum non sunt scripta nomina in libro vitæ, q. d. Ab origine mundi, imo ab æterno, nomina eorum qui adorabunt bestiam, non sunt scripta in libro vitæ, sed mortis; id est, reprobi sunt et dammandi.

Simplicius tamen et planius, referes hæc verba ad τὸ agnus : dicitur ergo Christus *agnus occisus ab origine mundi*, id est jam olim ab initio et ante omnia quæ in mundo et cum mundo creata sunt, quia ab æterno Christus occisus est, id est occidi decretus, præscitus et prædestinatus. Mors enim Christi ab æterno decreta fuit, hominibusque omnibus sæculis proposita, ut eam credendo, sperando, et per eam poscendo peccatorum remissionem, eandem impetrarent. Simili phrasi dixit Apostolus, Deum nobis dedisse, id est, dare decrevisse et prædestinasse suam gratiam ante tempora sæcularia, II *Timoth. I*, 9, et *Tit. I*, 2. Vide *Can. 36*.

NUNC AUTEM SEMEL IN CONSUMMATIONE SÆCULORUM. — Aliqui legunt, *in consummationem sæculorum*, et per *consummationem* intelligunt perfectionem, q. d. Mortuus est Christus ut omnia sæcula suo sanguine expiaret et perficeret. Verum Græcum συντελέειν passim in Scripturis non perfectionem, sed consummationem et finem significat.

Quæres, quomodo in consummatione, id est, fine sæculorum passus dicitur Christus, cum ab ejus passione jam fluxerint 1600 anni, et multi adhuc fluent usque ad finem mundi?

Respondent Chrysostomus et Theophylactus, « consummationem sæculorum » vocari illud tempus mundi, quo peccata prorsus invaluerant et quasi ad summum pervenerant, quod fuit tempore Christi. Unde Nyssenus, serm. *De Natali Christi*, docet quod Christus imitatus sit medicum excellentissimum, qui febricitanti non succurrit, dum febris adhuc increscit et succenditur, sed dum ea totam suam vim exseruit, omniaque sua evomuit et ad summum pervenit : tunc enim illa viribus suis exhaustis defervescere et subsidere incipit : ita enim et Christus tanquam peritissimus animarum medicus expectavit tempus opportunum, ut manum nostro morbo ante non adhiberet, quam universa malitiæ ægritudo se proderet et exsereret, ne ullum mali virus abditum et incuratum relinqueret. Verum hoc sensu, potius dixisset Apostolus, quod Christus apparuit in consummatione non sæculorum, sed peccatorum.

Secundo, Ribera sæcula hæc limitat, intelligitque sæcula non quelibet, sed a Deo Patre Christi incarnationi præstituta, q. d. Cum consummata essent tempora et sæcula, quæ Pater Christi natiuitati et passioni præfinierat, tunc natus et passus est Christus. Unde hanc consummationem sæculorum Apostolus vocat *Galat. IV*, 4, *plenitudinem temporis* : in hac enim ait venisse Christum. Verum quia Apostolus hæc sæcula non limitat, hinc

Tertio, planius accipias ea generatim : ita scilicet, ut omnia sæcula, sive totum sæculum divi-

agni ab
origine
mundi
elucida-
tas.

Varie
exposi-
tiones
quid
Paulus
intelli-
gat per
consum-
matio-
nem sæ-
culorum.
Prima.

Secunda.

Tertia et
genera-

Varia sæ-
culorum
mundi
divisio.

das in sæculum, quod fuit ante diluvium; *secundo*, in sæculum, quod a diluvio fuit usque ad Abrahamum; *tertio*, in sæculum, quod fuit ab Abrahamo ad Moysen; *quarto*, in sæculum, quod fuit a Mose ad Davidem; *quinto*, in sæculum, quod fuit a David ad captivitatem Babylonicam; *sexto*, in sæculum, quod fuit a captivitate usque ad Christum. Vel brevius et nervosius, sæculum primum est sæculum ante diluvium; sæculum secundum est post diluvium durante adhuc lege naturæ; tertium sæculum est legis Mosaicæ et Judæorum; quartum et ultimum est Christi. Sic Oecumenius, qui totum tempus ab Adam ad finem mundi dividit in primum, medium et novissimum, et primum esse ait sæculum legis naturæ, medium esse sæculum legis Mosaicæ, novissimum esse sæculum legis Evangelicæ. Voluit enim Deus ut hæc sæcula Christum præcurrerent, ut ostenderetur infirmitas legis tum naturæ, tum Mosaicæ; itaque anhelarent homines ad Christum et legem Evangelicam. Horum ergo respectu, Christi sæculum est ultimum et consummatio sæculorum omnium præcedentium: quia Christi sæculo nullum aliud succedet, usque ad iudicium, sed durabit illud usque ad beatum æternitatis et immortalitatis sæculum. Sic hanc consummationem sæculorum Apostolus, I Cor. x, 11, vocat *finem sæculorum*; S. Joannes, *epist.* I, cap. II, 18, vocat *novissimam horam*; *horam*, id est tempus, sive sæculum, et hoc sensu Prophetæ tempus Christi vocant *novissimum*, quia ultimus hic est mundi status, ultima ætas. Ita vocat illud Isaias, cap. II, vers. 2; Michæas, cap. IV, 1, et alii sæpe.

Christi
sæculum
ultimum
consum-
mat
omnia
sæcula,
quia
nullum
aliud
succedit
illi.

Peccati
destitutio.

AD DESTITUTIONEM PECCATI. — Aliqui hic legunt, « ad destructionem peccati. » Sed melius Biblia Romana et alii passim legunt, *destitutionem*. Nam græce est εἰς ἀθέτησιν, id est, ad rejectionem, reprobationem et profligationem (ut vertit Vatablus) peccati; ut scilicet peccatum ab omnibus destituatur, rejiciatur, reprobetur et profligetur. Apte ergo vertit Noster « destitutionem: » opponitur enim ἀθέτησις τῷ τιθέναι, quod significat ponere, statuere; idem ergo est quod deponere, destituere. Anselmus « destituere » exponit, ita ut idem sit quod deorsum statuere. « Christus, inquit, se obtulit ut deorsum statueret peccatum, ne supra nos, sed subter nos esset. » Quæ expositio vera est, sed proprietatem vocis Græcæ non assequitur. Syrus vertit דַּבְּתֵלְכָה *danbattelcha*, id est, ut conculceret, enervaret et aboleret peccatum; כַּטֵּל enim significat ita hominem quassare et enervare, ut vix membrum ullum movere possit.

Ubi Chri-
stus per
hostiam
suam ap-
paruit.

PER HOSTIAM SUAM APPARUIT, — non in terra: ibi enim ante hostiam suam in cruce oblatam natus et vivens per triginta tres annos apparuit; sed in cælo post mortem et ascensionem apparuit Deo Patri, offerens sanguinem suum, sicut pontifex ingrediens Sancta sanctorum apparebat coram Deo residente in propitiatorio, cum san-

guine hircorum et vitulorum. Respicit enim ad illud, quod dixit vers. 24, scilicet Christum introisse in cælum, ut *apparet vultui Dei pro nobis*, hoc scilicet fine, ut per sua merita et preces, quas offert et representat, gratiam impetret, qua Deus destituat et profliget ab humano genere peccatum, quaque homines gratia hac Dei et tanta Christi pro se passi et morientis charitate præventi et accensi, sponte sua peccatum destituant, repellant et profligent.

27. ET QUEMADMODUM STATUTUM EST HOMINIBUS SEMEL MORI, POST HOC AUTEM JUDICIUM (suppl. perest): SIC ET CHRISTUS, etc. — Eximit Hebræus scrupulum et scandalum crucis; dicebant enim: Si hic est Christus et Messias noster, quomodo mortuus est et crucifixus? Respondet Apostolus, hanc communem esse naturæ legem, ut omnes homines morti subjaceant; ergo non mirum si Christus mortuus sit, cum hanc legem nobiscum et pro nobis homo factus subire voluerit.

Christus
communi
mortis
legi sub-
jectus.

Nota: Tò quemadmodum comparisonem exigit, q. d. Sicut omnes homines tendunt ad mortem, ad iudicium: ita et Christus accessit ad mortem, accedetque ad iudicium, non ut iudicetur sicut cæteri homines, sed ut eos iudicet, et fideles suos se expectantes salvet et beet.

Nota secundo τὸ statutum est, nimirum fixo, immobili et indispensabili decreto Dei. Nam, ut ait Eccles. cap. XIV, vers. 12: « Testamentum hujus mundi est, morte morietur. » Ita singulis patrēbus, qui 900 annos vixerunt, additur: « Et mortuus est, » Gen. cap. V. Pinxit Apelles, inquit Plinius, Alexandrum Magnum tenentem fulgur manu, quasi qui celerrime suo imperio penetrarit ab ortu ad occasum, sed rursus celerrime disparuerit; nimirum, ut de eo canit Juvenalis,

Unus Pellæo juveni non sufficit orbis,
Sarcophago contentus erit. Mors soli faletur
Quantula sint hominum corporacula.

Refert Petrus Alfonsus, mortuo Alexandro, paucis convenisse philosophos, e quibus unus dixit: « Heri totius terræ spatiositas Alexandro non suffecit, nunc trium quatuorve ulnarum spatium ipsi sufficit. » Aiebat alius: « Heri potuit Alexander a morte multos liberare, hodie seipsum non potest. » Alius cum aureum ejus loculum videret: « Heri Alexander ex auro fecit thesaurum, hodie aurum fecit ex ipso thesaurum. » Alius: « Heri Alexander terram oppressit, hodie a terra opprimitur. »

Alexan-
ari mori
et vici-
situdo.

Quid est ergo homo? fortunæ lusus, inconsistentiæ imago, corruptionis speculum, temporis spoliū, viator transiens, mancipium mortis, mundi ludicrum. Quisquis ergo mortalis es et moriturus, disce mori.

28. SIC ET CHRISTUS SEMEL OBLATUS EST AD MUL-
TORUM EXHAURIENDA PECCATA. — « Multorum, » id est, omnium hominum; qui multi sunt, inquit Theophylactus. *Secundo*, pro *exhaurienda* græce est ἀναρπάζειν, quod offerre, perferre et sufferre

Christus
peccata

nostra
sustulit
et exhaus-
cit.

significat, *q. d.* Christus in se sustulit et pertulit peccata hominum, dum se quasi victimam pro peccato, et quasi hominum peccatis onustum Patri obtulit in cruce. Ita Chrysostomus et Theodoretus. Unde Syrus vertit, *et in seipso דבא debach*, id est, *immolavit vel sacrificavit peccatum multorum*, ita scilicet, ut sacrificando illud omnino removeret et aboleret. Rursum, ἀναγεῖν significat sursum tollere, et consequenter exhaurire : sicut aqua e puteo dum sursum tollitur, exhauritur ; aut sicut poculum vini dum sursum ad os tollitur et bibitur, exhauritur : sic Christus calicem passionis et penarum nobis debitarum ad os suum sustulit, ebibit et exhausit, itaque culpam omnem absumpsit et abolevit. Hanc significationem secutus est noster Interpres, dum vertit *exhaurienda*. Disce hic, Christiane, per Christi gratiam peccata tibi non esse radenda, non secanda, non carpenda ; sed plane *exhaurienda*, eradicanda et extirpanda.

SECUNDO SINE PECCATO APPAREBIT EXPECTANTIBUS

SE, IN SALUTEM. — « Sine peccato, » id est, abolito peccato. *Secundo* et melius, « sine peccato, » id est, non ut iterum se offerat quasi victimam pro peccato, ut sit metonymia, qua peccatum idem est quod *victima* pro peccato. Et hoc apte consentit cum verbis præcedentibus, quibus dixit Christum oblatum esse ad multorum peccata exhaurienda, græce ἀναγεῖν, id est perferenda, luenda et expianda, tanquam victimam pro peccato, uti explicuit Chrysostomus et Theodoretus. « In iudicio, ait Anselmus, Christus apparebit non ut hostia, sed ut iustitia in remunerando, » puta in puniendo et damnando infideles et improbos ; et in præmiando, salvando ac glorificando fideles et probos. Quare, o Hebræi, in Christum mortuum et crucifixum credite, constanter in fide Christi persistite, omniaque dura pro ea tolerate, quia brevi veniet Christus ad iudicium, ut hostibus vestris perniciem, vobis autem omnibusque se expectantibus, salutem æternam afferat.

Peccatum idem quod *victima* pro peccato.

CAPUT DECIMUM.

SYNOPSIS CAPITIS.

Docet non hostias Aaronicas, licet permultas, sed unam Christi in cruce hostiam expiare peccata omnia. Proinde, vers. 19, a dogmatibus ad mores transiens, infert et urget Hebræos, ut in fide Christi constantes sint, tum ob terrorem vindictæ Dei, vers. 26, tum ob pristinam eorum in persecutione constantiam, vers. 32, tum quia post modicum veniet Christus iudex et liberator noster, vers. 37.

1. Umbram enim habens lex futurorum bonorum, non ipsam imaginem rerum, per singulos annos eisdem ipsis hostiis, quas offerunt indesinenter, nunquam potest accedentes perfectos facere : 2. alioquin cessassent offerri, ideo quod nullam haberent ultra conscientiam peccati, cultores semel mundati : 3. sed in ipsis commemoratio peccatorum per singulos annos fit. 4. Impossibile enim est sanguine taurorum et hircorum auferri peccata. 5. Ideo ingrediens mundum dicit : Hostiam et oblationem noluisti : corpus autem aptasti mihi : 6. holocaustomata pro peccato non tibi placuerunt. 7. Tunc dixi : Ecce venio : in capite libri scriptum est de me : Ut faciam, Deus, voluntatem tuam. 8. Superius dicens : Quia hostias, et oblationes et holocaustomata pro peccato noluisti, nec placita sunt tibi, quæ secundum legem offeruntur, 9. tunc dixi : Ecce venio, ut faciam, Deus, voluntatem tuam : aufert primum, ut sequens statuatur. 10. In qua voluntate sanctificati sumus per oblationem corporis Jesu Christi semel. 11. Et omnis quidem sacerdos præsto est quotidie ministrans, et easdem sæpe offerens hostias, quæ nunquam possunt auferre peccata : 12. hic autem unam pro peccatis offerens hostiam, in sempiternum sedet in dextera Dei, 13. de cætero exspectans donec ponantur inimici ejus scabellum pedum ejus. 14. Una enim oblatione, consummavit in sempiternum sanctificatos. 15. Contestatur autem nos et Spiritus Sanctus. Postquam enim dixit : 16. Hoc autem testamentum, quod testabor ad illos post dies illos, dicit Dominus, dando leges meas in cordibus eorum, et in mentibus eorum superscribam eas : 17. et peccatorum, et iniquitatum eorum jam non recordabor amplius. 18. Ubi autem horum remissio, jam non est oblatio pro peccato. 19. Habentes itaque, fratres, fiduciam in

introitu sanctorum in sanguine Christi, 20. quam initiavit nobis viam novam, et viventem per velamen, id est, carnem suam, 21. et sacerdotem magnum super domum Dei : 22. accedamus cum vero corde in plenitudine fidei, aspersi corda a conscientia mala, et abluti corpus aqua munda; 23. teneamus spei nostræ confessionem indeclinabilem (fidelis enim est qui repromisit), 24. et consideremus invicem in provocationem charitatis, et bonorum operum : 25. non deserentes collectionem nostram, sicut consuetudinis est quibusdam, sed consolantes, et tanto magis quanto videritis appropinquantem diem. 26. Voluntarie enim peccantibus nobis post acceptam notitiam veritatis, jam non relinquitur pro peccatis hostia, 27. terribilis autem quædam expectatio iudicii, et ignis æmulatio, quæ consumptura est adversarios. 28. Irritam quis faciens legem Moysi, sine ulla miseratione duobus vel tribus testibus moritur : 29. quanto magis putatis deteriora mereri supplicia qui Filium Dei conculcaverit, et sanguinem testamenti pollutum duxerit, in quo sanctificatus est, et spiritui gratiæ contumeliam fecerit? 30. Scimus enim qui dixit : Mihi vindicta, et ego retribuam. Et iterum : Quia iudicabit Dominus populum suum. 31. Horrendum est incidere in manus Dei viventis. 32. Rememoramini autem pristinos dies, in quibus illuminati, magnum certamen sustinuistis passionum : 33. et in altero quidem opprobriis et tribulationibus spectaculum facti, in altero autem socii taliter conversantium effecti. 34. Nam et vinctis compassi estis, et rapinam bonorum vestrorum cum gaudio suscepistis, cognoscentes vos habere meliorem et manentem substantiam. 35. Nolite itaque amittere confidentiam vestram, quæ magnam habet remunerationem. 36. Patientia enim vobis necessaria est, ut voluntatem Dei facientes, reportetis promissionem. 37. Adhuc enim modicum aliquantulum, qui venturus est, veniet, et non tardabit. 38. Justus autem meus ex fide vivit : quod si subtraxerit se, non placebit animæ meæ. 39. Nos autem non sumus subtractionis filii in perditionem, sed fidei in acquisitionem animæ.

Vers. 1.

Cur lex
vetus,
legisque
sacrificia
non po-
tuerint
peccata
expiare?

Lex
vetus
umbra,
Evan-
gelium
imago,
cælum
veritas.

Secundo
et ge-
nuit;
lex vetus
umbra
est,
Evan-
gelium
imago
veritas.

1. UMBRAM ENIM HABENS LEX FUTURORUM BONORUM, NON IPSAM IMAGINEM RERUM. — Vox enim probat et dat causam, cur lex legisque sacrificia non potuerint peccata expiare et homines sanctificare, sed id expectandum sit a Christo. Christique sacrificio, uti docuit cap. præced. Causa hæc est, quod lex tantum fuerit umbra bonorum futurorum in novo Testamento, scilicet iustitiæ, gratiæ et salutis dandæ per Christum : umbra autem non est res ipsa, sed tantum umbra rei.

Notat Theodoretus, et ex Nazianzeno Theophylactus, legi hic tribui *σκιά*, Evangelio *εἰκὼν*, cælo *ἀρχέτυπον καὶ τὸ πρῶτον*, id est veteri Testamento tribui umbram, novo imaginem, quia futura bona, quasi imago clare et expresse representat, rem vero ipsam et veritatem tribui cælo. Verum quia Apostolus tantum comparat legem cum Evangelio, non autem cum cælo; et quia vult docere Evangelium exhibuisse re ipsa remissionem peccatorum et gratiam, quam lex vetus per sua sacrificia et lustrationes adumbrabat : hinc melius Chrysostomus per *imaginem* intelligit veritatem rerum, sive res ipsas. Est enim hic metaphora ducta a pictoribus, qui primo carbone, aut penicillo, rudi modo rem delineant et adumbrant. Unde primam hanc et rudem picturam vocant umbram, quia prima est, rudis et umbratilis tantum delineatio rei, quam postea suis colori-

bus et pigmentis implent et exornant. ut fiat pulchra et perfecta imago : nec enim pictorum ars habet, quo tendat ulterius, cum in pictura hæc sit ultima eorum manus et perfectio. Sic Deus in veteri lege tantum delineavit rudem quamdam picturam et umbram reconciliationis et iustitiæ per tot victimarum sanguinem et expiationem : in nova vero lege hanc reconciliationem et sanctitatem re ipsa expressit, expolivit, et quasi perfectam imaginem nobis depinxit et exhibuit. Unde Syrus pro *imaginem* vertit, *קנומה* *kenuma*, id est, substantiam rerum, quasi umbra fuerit in lege, res vero et corpus quod umbram efficit, sit in Evangelio. Quæ licet alia sit metaphora ab ea pictorum, quam innuit hic Paulus, idem tamen cum illa refert et significat.

NUNQUAM POTEST ACCEDENTES PERFECTOS FACERE. — « Perfectos, » id est, perfecte expiatis et a peccatis purgatos, justos et sanctos efficere suis hostiis non potest lex.

2. ALIOQUIN CESSASSENT OFFERRI; IDEO QUOD NUL- Vers. 2.
LAM HABERENT ULTRA CONSCIENTIAM PECCATI, CULTORES SEMEL MUNDATI. — « Cultores » vocat Judæos, qui suis victimis, lustrationibus et cæremoniis colebant Deum : hos enim significat Græcum *λατρείουτας*.

Dices : Quæ est hæc consequentia? si vetera sacrificia potuissent expiare peccata, ergo jam ces-

Quomodo
in sacri

ficio sit vis expiatrix peccati tam præsentis, quam præteriti et futuri? sare debuissent. Excipiet enim aliquis et dicet expiasset peccata præterita, sed pro peccatis præsentibus et futuris repeti debuisset; alioqui enim pari modo inferam: Sacrificium Missæ expiat peccata præterita, ergo pro futuris repeti non debet.

Respondeo *primo*, Apostolum directe loqui de expiatione peccatorum præteritorum, indirecte tamen et consequenter etiam de expiatione futurorum, *q. d.* Si in priscis sacrificiis fuisset vis et virtus expiatrix peccatorum præteritorum, ergo jam pro iis offerri cessassent, utpote pro quibus semel sacrificatum erat, quæque hoc sacrificio expiata et expurgata erant: atqui pro iis offerri non cessant. Nam quotannis in festo expiationis sacrificatur pro omnibus peccatis populi, non tantum præsentibus, sed et præteritis, uti docet Apostolus, vers. seq.; ergo patet quod in iis nulla fuerit vis peccatorum expiatrix; erant ergo hæc sacrificia tantum umbræ et typi sacrificii crucis, quo Christus peccata omnia expiavit.

Respondeo *secundo*: Indirecte, ut dixi, loquitur Apostolus de expiatione peccatorum futurorum, *q. d.* Si in priscis victimis fuisset vis expiatrix peccati præteriti, ergo et futuri, et consequenter si cessassent offerri pro peccatis præteritis, ergo et pro futuris, si in ea relabi aliquem contigisset. Ratio est, quia tota difficultas, quæ est in expiatione peccati, non consistit in præterito vel futuro. Tempus enim parum ad rem facit, sed consistit in gravitate et malitia peccati. Peccatum enim malum quoddam est immensum et infinitum, quia est offensæ Dei immensi; ac consequenter virtus expiatrix peccati debet esse immensa et infinita; quod si ergo sacrificium aliquod per se et vi sua sit expiativum peccati præteriti, facile poterit esse et futuri. Virtus enim ejus peccati expiatrix cum sit infinita, tam facile tollet peccatum futurum, quam præteritum.

Pro quo nota: Loquitur Apostolus de sacrificio non applicatorio, sed per se expiatorio peccati, quo scilicet Deo persolvitur lytrum et pretium injuriæ illi per peccatum illatæ, ut scilicet illo sacrificio et victima satisfiat majestati divinæ per peccatum læsæ, et reparatur illius injuria, honosque per peccatum ablatus restituatur. Opponit enim et anteponit Apostolus sacrificium crucis et victimam Christi sacrificiis Mosaicis et victimis bonum, in eo quod non hæc, sed illud unum fuerit propitiatorium, expiatorium, satisfactorium et redemptorium peccati: ideoque colligit et concludit illa hujus tantum fuisse umbram et typum, eoque adveniente cessare debuisse, utpote in quibus nulla inesset vis ad expiandum peccatum. «Impossibile est enim, ut subdit Apostolus, sanguine taurorum et hircorum auferri peccata.»

Hinc sequitur *primo*, Apostolum non comparare sacrificium crucis cum Aaronicis, in eo quod sacrificium crucis fuerit redemptorium et expiatorium; Aaronicum vero fuerit applicatorium:

nec enim hac de re erat quæstio inter Hebræos sive Judæos; sed quæstio erat de paritate, sive pari dignitate Aaronis et Christi, sacrificiorum legalium et sacrificii crucis. Judæi enim volebant componere, imo anteponere Mosem et Aaronem Christo, suæque sacrificia tanquam expiatoria peccati, justificatoria et sanctificatoria, sacrificio Christi, idque ex eo quod Deus jubens *Levit. iv*, offerri hostiam pro peccato, subdat vers. 20, 26, 31, 35: «Et dimittetur ei,» scilicet peccatum, pro quo hostiam obtulit. Illud ergo hic et tota epistola convellere nititur Apostolus, docetque non Aaronis, sed Christi sacrificium fuisse redemptorium et expiatorium peccati: de ejus vero applicatione non agit hic Apostolus. Cum ergo ait: «Alioquin cessassent offerri,» intellige qua pretia, non qua applicationes pretii; qua redemptoria et satisfactoria, non qua applicatoria. Hac enim de causa cessavit, nec iteratum est sacrificium crucis, quia, ut ait vers. 14, Christus «una oblatione (crucis) consummavit in æternum sanctificatos.» De quo plura vers. 14.

Hinc sequitur *secundo*, Apostolum non conferre hic sacrificium crucis cum sacrificio Missæ, quod non est redemptorium, sed tantum commemoratorium et applicatorium sacrificii crucis: si enim applicationem sacrificii crucis, quæ fit per sacrificium Eucharistiæ, excludere vellet Apostolus, pari modo excluderet baptismum, penitentiam, fidem, aliaque quibus applicatur nobis fructus sacrificii crucis; tam enim per baptismum et fidem, quam per Missam applicatur nobis meritum et pretium crucis Christi. Hinc patet solutio objectionis propositæ: sacrificium enim quo comparatur pretium et lytrum peccatorum, quale tantum fuit sacrificium crucis, iterari non debet; Missa vero et sacrificia, quæ hoc pretium applicant, repetitis peccatis repeti debent.

Dices: Instare potuissent Judæi ac dicere: Tua ratio, o Paule, bene concludit, cessare debuissent vetera sacrificia, quia non erant per se expiatoria peccati; sed cur non manserunt saltem ad hoc, ut essent applicationes sacrificii crucis.

Respondeo: Hoc non urgebant tum temporis Judæi, sed si ursissent, respondisset Apostolus, potuisse Christum, si ei libuisset, retinere vetera sacrificia, ut essent applicationes sacrificii crucis; verum noluisse, nec decuisse eum, ut hoc faceret. *Primo*, quia vetera sacrificia carnalia et rudia erant, pro rudi et carnali populo Judaico, nec convenientia spirituali populo Christianorum. *Secundo*, quia umbræ erant et figuræ crucis, ergo cruce exhibita cessare debebant et evanescere. *Tertio*, quia decebat ut Christus novus pontifex novum induceret sacrificium, idem scilicet quoad victimam cum sacrificio crucis, ut nimirum in Missa, corporis Christi pro nobis in cruce oblatis, ac consequenter expiationis illius, redemptionis et gratiæ re ipsa participes efficere-mur.

tate cum sacrificio crucis, non in modo expiandi peccata.

Apostolus non comparat hic sacrificium Missæ cum sacrificio crucis.

Missæ sacrificium cur iterari debeat, non vero sacrificium crucis?

Quare vetera sacrificia non retinuerit Christus in sua Ecclesia?

Triplex differentia sacrificiorum veterum et Christi. Denique ut rem totam paucis complectar, triplicem differentiam sacrificiorum veterum et Christi significat hic Apostolus. *Primo*, quod vetera uti pontifices honore et officio pares, ita et victimas succedaneas haberent ejusdem pretii et dignitatis: agnus enim par et similis succedebat agno, bos bovi; hircus hircu. Ratio erat, quia nulla erat victima condigna quæ peccatum expiaret; quod si talis aliqua fuisset, illius victimæ participatio et applicatio facta fuisset per alias victimas minoris pretii: sicut victima crucis redemptionis et expiatoria, nobis applicatur per sacrificium Missæ et per Sacramenta a Christo ad hoc instituta. *Secunda* differentia est, quod vetera sacrificia non expiarent peccata præterita. *Tertia*, quod nec futura expiarent, ideoque semper repetebantur; Christus vero sacrificio suo unico pro omnibus omnino peccatis præteritis et futuris expiavit, et pretium condignum obtulit, scilicet corporis sui victimam unam cruentam, quam proinde iterum offerre non est necesse; sed tantum applicare oportet, non sola fide speciali, ut volunt Novantes, sed timore, contritione, dilectione, Sacramentis, et eadem victima incruenta in sacrificio Missæ oblata, prout Christus sanxit, et Ecclesia ante Lutherum et Calvinum a Christo hucusque docuit et observavit. Ita Chrysostomus, Theophylactus, Œcumenius, Anselmus.

3. SED IN IPSIS COMMEMORATIO PECCATORUM PER SINGULOS ANNOS FIT. — *q. d.* Quod non fuerit in illis veteribus sacrificiis virtus aliqua peccatorum expiatrix, ex eo patet, quod singulis annis in die expiationis non tantum præsentia, sed et vetusta peccata totius anni, pro quibus jam ante sacrificium erat, repetebantur. Pontifex enim semel in anno in die expiationis peccata toto anno a populo admissa expiabat, cum sanguine hircorum ingrediens et aspergens Sancta sanctorum, ut patet *Levit. xvi.* Ergo sacrificia hæc vetera tantum erant protestationes quædam, quibus protestabantur Judæi se aliud requirere sacrificium, puta Christi, per quod fieret peccatorum remissio: ac consequenter ipsa erant non tam peccatorum remissio, quam accusatio et commemoratio; sive, ut græce est, ἀνύμνησις, id est, in memoriam revocatio, ut scilicet homines recordarentur suorum peccatorum, scirentque ea sibi per sacrificia quæ obtulerant non esse remissa, sed ad Christi crucem et sacrificium per fidem et spem recurrerent.

5. IDEO INGREDIENS MUNDUM DICIT: HOSTIAM ET OBLATIONEM NOLUISTI. — Probat novo argumento, testimonio scilicet *Psalmi xxxix*, vetera sacrificia non expiassent peccata, non reconciliassent nos Deo; quia *Psal. xxxix* dicit Deus, se nolle, non delectari, non placari veteribus hostiis et oblationibus. Licet enim placeret Deo pietas, obedientia, devotio offerentium has victimas, ipsæ tamen victimæ, puta oves et boves, in se Deo non placebant, nec eum placebant, ut placet et placat Deum Christus in cruce immolatus.

Nota igitur *ideo*, *q. d.* « Quia impossibile est sanguine hircorum et taurorum auferri peccata, ideo Christus, ut peccata auferret, veniens et ingrediens mundum per suam incarnationem et nativitatem, dicit Deo Patri: *Hostiam*, scilicet cruentam hircorum et taurorum, atque *oblationem*, scilicet incruentam similem vini, panis, olei, etc., *noluisti*, o Pater; sed *corpus mihi aptasti*, quod tibi in sacrificium pro peccato offeram: quare dixi, et dico: *Ecce venio*, ecce ego, en adsum, præsto sum, ut faciam voluntatem tuam, Deus, ut scilicet me pro peccatis victimam offeram, qua homines tibi reconciliem.

CORPUS AUTEM APTASTI MIHI. — Ita legunt Septuaginta emendati per Cardinalem Caraffam, et ex Septuaginta Paulus, et Syrus hic. Ita legunt quoque Ambrosius, Chrysostomus, Theodoretus et Augustinus in *Psal. xxxix*, vers. 7.

Dices: Quomodo ergo *Psal. xxxix* in Hebræo habetur *אָזְנַי כְּרִיתָ לִי* *oznaim krita li*, id est, aures fodisti aut perforasti mihi: unde et in *Psal. xxxix*, ex alia editione Septuaginta legimus in Latina nostra versione, *aures autem perfecisti mihi*. Et ita legunt ibidem Arnobius, Cyrillus, Eusebius et Hieronymus, scilicet *ᾠτίς*, id est aures pro *σῶμα*, id est corpus. Respondeo, idem est sensus, sive legas aures, sive corpus perforasti, vel perfecisti mihi. Sensus enim est: *Fecisti, o Pater, me Christum servum tuum docilem, obediens et perpetuum* (talibus enim servus, *Exodi xxi*, 6, solebat aurium perfossione notari), hoc ipso quo formasti humanitatem meam, cum gratia unionis et habituali, cumque auribus perforatis, id est, cum servitute et obedientia perpetua et difficillima in re durissima, scilicet morte crucis obunda, quæ obedientia aures magis terebrat quam subula. Hinc enim servis perforabatur auris, ut scirent se molesta herorum imperia excepturos, quæ quasi subula aurem perforarent. Unde Chaldaeus *Psal. xxxix* vertit, *aures autem ad auscultanda tua præcepta perforasti mihi*.

Secundo et melius, Genebrardus in *Psal. xxxix*, et Ribera ac Galenus hic, censent per synecdochen aures in Hebræo poni pro toto corpore. Agit enim Psalter eo loco de incarnatione Christi, deque formatione illius corporis, quod quasi victima loco holocaustorum veterum boum et ovium, quæ Deo non placuerunt, Deo pro peccatis immolandum erat, uti patet ex præced. et seq. Continet enim *Psal. xxxix* hac de re quasi dialogismum Dei Patris et ipsius obedientissimi Filii Christi Domini. Unde et Syrus vertit *פָּנָא דִּין אֲלֵבֶשְׁתִּי* *pagra den albestani*, id est, corpore autem vestivisti me. Per « aures » ergo corpus intelligitur; nominantur autem aures præ aliis corporis membris, quia agebatur de servitute et obedientia Filii, usque ad immolationem et mortem crucis. Obedientiæ autem et servitutis symbolum sunt aures.

Aliqui pro corpus, legunt aures, et est metaphora ducta a servis quibus aures perforabantur.

Aures per synecdochen hic ponuntur in Hebræo pro toto corpore.

Locum
hic ab
Apostolo
ex psal-
mo cita-
tus illus-
tratur ex
Hebræis
fontibus.

APTASTI. — Hebraice כרית *carita*, quod *primo*, verti potest, *fodisti*, id est, *perforasti*. Ut alludat ad servum cui aures perforabantur, uti dixi. *Secundo*, Genebrardus et Ribera vertunt, aures et corpus mihi *fodisti*, id est fodicasti, uti figulus solet argillam fodicare et subigere, ut vas suum efformet: pari modo tu, o Pater, quasi plastes fodiendo subigendoque corpus meum, illud plasmasti et aptasti mihi. *Tertio*, alii vertunt *fodisti*, id est emisti, sive acquisivisti mihi corpus, illud scilicet aptando et formando. Simili enim hebraismo dicit *Osee* cap. III, vers. 2, se uxorem *fodisse*, id est emisse, et emendo sibi desponsasse eam in uxorem quindecim argenteis. *Quarto* et optime, *carita*, id est, excidisti mihi corpus, sicut solent statuae ex petra, marmore, aliove lapide excindi; Hebræum enim כרה *cara*, uti et כרת *carat*, proprie significat, non tam fodere, quam excindere. Inde enim dicitur מכרה *michra*, id est fovea, fodina, vel caverna excisa: cujus ad instar dicunt Hebræi filios excindi ex corpore parentum. Unde *Isaias*, cap. LI, vers. 1: «Attendite, inquit, ad petram unde excisi estis, et ad cavernam laci, de qua præcisi estis.» Quod explicans subdit: «Attendite ad Abraham patrem vestrum, et ad Saram quæ peperit vos.» Ubi, ut interpretatur S. Hieronymus, Abraham vocat *petram*, ob fidei firmitatem; *cavernam* vero laci vocat Saræ uterum, ex qua excisi sunt Judæi. Hebræi enim familias vocant בתים *battim*, id est, domos: inde בנים *banim*, id est filii, vocantur quasi אבנים *abanim*, id est lapides, ex patre quasi petra, et ex matre quasi fodina excisi et effossi. Sic Christus *Daniel*. II, 34, visus est Nabuchodonosori quasi lapis abscissus de monte, qui statuum quadriformem, quatuor monarchias significansem, prostravit et evertit. Sicut enim lapideæ ex petra excindunt statuas, illasque circumcidunt et concinnant, ut lapidei homines esse videantur, ita Deus ex B. Virgine quasi petra fortissima excidit, composuit et concinnavit tam aures, quam totum corpus Christi. Unde Septuaginta *pro carita*, id est fodisti, vel potius excidisti, vertunt ἀναρτίσω, id est, apte et congruenter coagmentasti, aptasti, concinnasti et perfecisti corpus meum, ita scilicet ut corporis mei partes et membra inter se, et cum toto corpore apte congruant, planeque aptata et composita sint ad suum usum et finem, scilicet ut in corpore hoc ego Christus Patris mei voluntatem audire, explere, obedire, laborare, prædicare, pati, crucifigi, immolari possim. Unde Chrysostomus sic explicat: *Corpus autem perfecisti mihi*, id est, perfectum sacrificium fieri decrevisti, et ad illud concinnasti.

Hebræ-
um cara
quid?

Hebræi
familias
vocant
domos,
filios
lapides,
generari
excindi.

quomodo
Christi
corpus
forma-
tum
fuerit?

Vers. 6.

6. HOLOCAUTOMATA (hostiæ) **PRO PECCATO NON TIBI PLACUERUNT.** — *Psalm*. XXXIX, legitur *non postulasti*. Licet enim ea Judæis præceperis, tamen non ea præcepisti, nec postulasti, quasi ea per se tibi placerent, teque peccatis hominum offan- sum placarent.

7. TUNC DIXI: ECCE VENIO. — Cum scilicet incarna- tus cognovi holocausta boum hircosque pro pec- cato tibi non placere, «tunc dixi: Ecce venio,» ut scilicet, pro priscis hircis, bobus et agnis, quæ te placare non poterant, corpus meum, sangui- nem et vitam tibi in sacrificium pro peccatis et redemptionem hominum offeram.

Nota: In ipso Christi adventu et ingressu in mundum, id est, ut explicat D. Thomas et Ansel- mus, in ipso puncto incarnationis, habuit Chris- tus actum, uti rationis, quo Deum omniaque jam dicta cognovit, ita et voluntatis, obedientiæ et oblationis, quo se et mortem suam, suos la- bores et ærumnas, omniaque sua Deo in pretium pro nostris peccatis nostraque salute obtulit: eaque voluntate sanctificati sumus, ut ait Apos- tolus, vers. 10. Meruit ergo ex tunc Christus sibi famam nominis sui, et corporis gloriam, nobis autem gratiam et salutem: atque hunc oblationis actum deinceps usque ad mortem continuando, idem hocce meritum suum continuavit; ita ut idem continuo per totam vitam meritis sit Chris- tus, adeoque Christi hæc continuata oblatio et tota vita fuerit quasi unicum continuatum meri- tum, quod in morte ipsius, ita volente et sta- tuente Patre, perfectum est. Ita D. Thomas et Doc- tores, III part., Quæst. XXXIV, art. 3.

IN CAPITE LIBRI SCRIPTUM EST DE ME: UT FACIAM, DEUS, VOLUNTATEM TUAM. — *Psalm*. XXXIX, pro in capite libri, Hebræi habent כפר במגלת *bingillat sepher*, quod S. Hieronymus et Vatablus vertunt, in volumine libri, id est totius sacræ Scripturæ, scriptum est de Christo, uti explicat Theophy- lactus et Photius. Verum Aquila et Symmachus transferunt, in involucrio, in convolutione libri: quod Septuaginta et ex iis Paulus vertunt, ἐν ἀρχῇ τοῦ βιβλίου, id est, in capite, vel in capitulo libri. Veteres enim loco librorum utebantur longis membranarum, quas in cylindrum convolvebant ad caput vel initium libri, id est, membranæ, eas- que cum legere vellent; revolvebant et explica- bant instar chartarum, sive tabularum geogra- phicarum, quas mappas mundi vocant. Unde He- bræum מגלת *megillat* (a radice גלל *galal*, id est, volvere, evolvere) tam voluminis, sive libri ca- put et initium, circa quod totus liber convolve- batur, quam ipsum librum, sive volumen, quod ita convolvebatur, significat. Addunt aliqui כפרת *megillat*, pro כפרת גולגולת *gulgolet*, quod proprie caput hominis significat, et ab eadem radice גלל *galal* descendit, accipi. Sed nusquam alibi ita accipi- tur: semper enim *gulgolet* caput hominis ob sui convolutionem et rotunditatem, *megilla* vero vo- lumen, sive librum convolvilem significat.

Quæres, in cujus libri capite hæc de Christo scripta sint? Aliqui librum divinæ præscientiæ et prædestinationis accipiunt, in cujus libri initio de Christo scriptum est: Christus enim est prin- cipium omnium Dei operum, estque primus om- nium prædestinatorum. Unde Symmachus ver-

Vers. 7.

Christus
in primo
puncto
incarna-
tionis
habuit
actum
merito-
rum
oblation-
is sui
quem
continua-
vit usque
ad mortem.

Varietas
lectio-
num hic
discuti-
tur.

Libri ve-
terum
convolv-
iles in
cylindrum.

tit, in volumine definitionis suæ scriptum est de me.

Per librum hic colligitur S. Scripturam. Diversæ Patrum sententia, de quo libro Scripturæ hic agatur. Prima. Secunda.

Verum alii passim per librum accipiunt Sanctam Scripturam. Hæc enim absolute et antonomastice Hebræis dicebatur liber.

Primo ergo S. Augustinus in *Psalm. xxxix*, per caput libri accipit initium psalmorum, sive psalmum primum, qui sic incipit: « Beatus vir, qui non abiit in consilio impiorum, sed in lege Domini voluntas ejus, et in lege ejus meditabitur die ac nocte. » Quod licet omnibus justis, Christo tamen vel maxime convenit.

Secundo, S. Hieronymus, initio *Traditionum Hebraicarum in Genesin*, per caput libri accipit initium Geneseos, ubi dicitur: « In principio, » id est, in Filio, ut ipse explicat, « creavit Deus cælum et terram. »

Tertia. Tertio, S. Chrysostomus accipit initium Evangelii S. Joannis; ibi enim clare dicitur: « In principio erat Verbum, etc., et Verbum caro factum est. » Verum tempore Davidis necdum scriptum erat hoc Evangelium. Hæc autem sunt verba Davidis, *Psalm. xxxix*.

Quarta. Quarto, Franciscus Ribera, per caput libri accipit cap. II Geneseos, ubi scriptum est de Christo et Ecclesia in sensu allegorico: « Hoc nunc os ex ossibus meis, et caro de carne mea, » etc. Nam uti ex latere dormientis Adæ ædificata est Eva, ita postea ex latere Christi dormientis in cruce ædificata est Ecclesia, cum sanguis et aqua ex eo fluxerunt, in quibus duo maxima Sacramenta, scilicet Baptismus et Eucharistia, figurata sunt. Unde Paulus hæc Geneseos verba citans ad *Ephes. v*, et allegorice explicans, ait: « Sacramentum hoc magnum est; ego autem dico in Christo et in Ecclesia. » Verum hæc arcta, exilia et obscura videntur.

Quinta et genitina, caput libri idem est quod summa S. Scripturæ.

Dico ergo, caput vel capitulum hic idem esse, quod *summam, q. d.* In summa legis, id est, in ipsa lege totoque Pentateucho, totaque sacra Scriptura scriptum est de me. Sic enim cap. VIII, vers. 1, summam dictorum vocat Apostolus κεφάλαιον, id est capitulum. Unde Hebræum במגילת bim-gillat verti potest, in volumine libri scriptum est de me, id est, in tota sacra Scriptura, ut dixi ex Theophylacto, et ita explicant Eusebius, Didymus, Theodoretus, Cyrillus in *Catena Græcorum*, in psalmo xxxix.

Vel aptius Græco et Syro, quod tamen eodem reddit, caput libri est ipsum argumentum et index libri. Hunc enim indicem significat Græcum κεφάλαιον. Sic et Hebræum במגילת megilla significat convolutionem circa initium et argumentum libri, ac consequenter ipsum argumentum indicemque libri significat. Ita Matthæus Galenus hic, q. d. « In capite libri, » id est, in argumento et indice totius Scripturæ, scriptum est de me: non quod vere tale argumentum et indicem habuerint Hebræi, qui ex religione et veneratione sacre Scripturæ nec argumentum, nec quidquam aliud addere voluerunt ipsi textui sacre Scripturæ, sed

ut sit catachresis et metonymia, qua res dicitur vocari et scribi, cum in se talis est, ut jure et vere ita vocari et inscribi possit. Sic dicitur *Isaia cap. ix*, quod Christus « vocabitur Emmanuel, admirabilis, consiliarius, fortis, pater futuri sæculi; » vocabitur, id est, erit: nusquam enim hisce nominibus vocatus legitur Christus, cum in circumcisione tantum vocatus sit Jesus. Eodem modo ait hic *Psalmes*, in capite vel argumento libri scriptum esse de Christo: quia sicut argumentum libri in ejus capite et indice scribitur, ita in capite et indice sacre Scripturæ est Christus, id est ipsa sacra Scriptura tota pro argumento suo habet Christum, tota circa Christum versatur. Dicit ergo Christus: « In capite libri scriptum est de me, » id est, totus index legis me respicit, tota lex me spectat, suaque sacrificia et omnia quæ habet, dirigit ad meum sacrificium, meamque redemptionem significandam et representandam; adeoque quidquid hisce de rebus scribit et præscribit, propter me scribit et præscribit; ut scilicet ego veniam in mundum per incarnationem, hoc fine, ut tuæ, o Pater, voluntati, hebraice רצונך retsonecha, græce εὐδοκίᾳ, id est, desiderio et beneplacito tuo satisfaciam, quod est, ut morte mea redimam et expiem hominum peccata, quæ nullis legalibus aliisque victimis explari potuerunt. Ita Eusebius, Didymus, Theodoretus, Cyrillus et Genebrardus in *Ps. xxxix*. Sic *Ephes. cap. i*, vers. 10, dicit Apostolus placuisse Deo instaurare omnia Christo: ubi pro instaurare, græce est ἀνακατασκευάζειν, id est, ad caput revocare: quasi Christus sit summa et caput, ad quod Deus Pater omnia redigere et revocare voluerit, uti ibi dixi.

Hinc patet *Psalm. xxxix*, non de Davide, aut quovis justo, ut volunt Vatablus, Jansenius et Judæi, sed de Christo ad litteram scriptum esse. Christi enim verba sunt hæc: « In capite libri scriptum est de me, » ut explicat S. Paulus hic, et passim Patres.

Tropologice, tota Scriptura inculcat nobis obedientiam: hæc est summa, hoc argumentum totius Scripturæ, sapientiæ et virtutis, ut cum Christo dicamus Deo: « Ecce venio, in capite libri scriptum est de me, ut faciam, Deus, voluntatem tuam. »

UT FACIAM, DEUS, VOLUNTATEM TUAM.—Refer hæc verba, non ad volui, quod in *Psalm. xxxix* sequitur, cum dicitur: « Ut facerem voluntatem tuam, Deus meus, volui, et legem tuam in medio cordis mei. » Sed refer ea ad ecce venio, scilicet ad hoc, « ut faciam, o Deus, voluntatem tuam. » Patet id ex Græco et Hebræo. Quod ergo interseitur: « In capite libri scriptum est de me, » quasi per parentheses interjicitur, et ad utrumque, scilicet tam ad ecce venio, quam ad ut faciam voluntatem tuam, referendum est. Scriptum enim est, Christum in carnem venturum, ad hoc, ut faciat et impleat Dei voluntatem circa hominum

sacra Scripturæ apud Judæos.

Omnia veteris testamenti spectant et tendunt ad Christum.

Psalm. xxxix non de Davide, sed de Christo ad litteram scriptus.

redemptionem. Quod deinde sequitur in *Psalm*o: « Volui, et legem tuam in medio cordis mei, » a præcedentibus per hypocolon distinguendum est, q. d. Volui venire in mundum, ad hoc, ut facerem voluntatem tuam, o Pater; volui, et prompta voluntate acceptavi decretum et voluntatem tuam de mea incarnatione et morte pro salute hominum: hancque tuam legem et statutum in medio cordis mei impressi et infixi.

Singula-
ris et
prompta
Christi
obedien-
tia.

Vers. 8
et 9.

8 et 9. SUPERIUS DICENS (id est, cum dixisset, scilicet David in persona Christi, *Psalm*. XXXIX): QUIA HOSTIAS, ET OBLATIONES, ET HOLOCAUSTOMATA (et victimas) PRO PECCATO NOLUISTI; TUNC DIXI (scilicet ego Christus, in cujus persona hæc scripsit et dixit David): ECCE VENIO (hoc clarius significant Syra et Græca, quæ habent *τότε ἔρχην*, id est, tunc dixit; ut sint verba non Christi, sed Pauli, de Christo, q. d. Christus qui paulo ante dixerat: Hostias et oblationes noluisti, quia videbat Deo non placere, nec eum placare, tunc dixit: Ecce venio, ut faciam tuam, Deus, voluntatem: quibus verbis) AUERT PRIMUM, UT SEQUENS STATUAT, — id est, aufert prius vetus, scilicet sacerdotium et sacrificium, per hoc, quod ait: « Hostias noluisti, ut sequens, » græce τὸ δεύτερον, id est secundum, scilicet Christi obedientiam et sacrificium, « statuatur, » dum subdit: « Tunc dixi: Ecce venio, » ut me tibi in cruce immolando, « faciam voluntatem tuam, » o Pater.

Vers. 10.

10. IN QUA VOLUNTATE SANCTIFICATI SUMUS PER OBLATIONEM CORPORIS JESU CHRISTI SEMEL. — Id est, per hanc voluntatem Patris, quam suscepit et adimplevit Christus offerens se pro nobis in cruce, puta, per victimam non legalem boum et ovium, sed Christi ipsius, justificati et sanctificati sumus.

Vers. 11.

11. ET OMNIS QUIDEM SACERDOS (veteris legis) PRÆSTO EST QUOTIDIE MINISTRANS, ET EASDEM SÆPE OFFERENS HOSTIAS, QUÆ NUNQUAM POSSUNT AUFERRE PECCATA. — Ne mirentur Hebræi, tot tamque variis assueti sacrificiis et mactationibus, hæc omnia esse abolita per unam Christi immolationem in cruce, illud ipsum inculcat et sæpe repetit, docens causam hujus rei esse, quod legalia sacrificia peccata expiare non poterant, ideoque semper repetebantur: Christus autem unica sui oblatione in cruce, omnia hominum peccata expiavit.

Nota: Pro præsto est græce est *ἑστηκε*, id est, adstat continue et constanter, scilicet altari et Deo Deique sacrificiis et ministeriis, sicut famuli adstant domino aut regi dum ei ministrant. Hinc Hebræi *עמד* *amad*, id est stare, sumunt pro *λατρεύειν*, id est, sacrificare et sacris operari. Stare enim coram Domino idem est, quod agere sacerdotem aut Levitam, Deoque sacrificare, aut ministrare in aliis sacris functionibus, ut patet *Num.* IV, 3; *Num.* XVI, 16; II *Paralip.* XXIX, 11; II *Esdræ.* VII, 63.

Stare
coram
Domino,
idem est
quod
agere
sacerdo-
tem.

12. HIC AUTEM UNAM PRO PECCATIS OFFERENS (προσφέρων, id est, postquam obtulit) HOSTIAM, IN SEMPERNITERNUM SEDET IN DEXTERA DEI, — a. d. Christo

non est opus pluribus hostiis. Unica enim hostia omnia expiavit, cælumque sibi et nobis reseravit, ut in eo jam gloriosus sedeat a dextris Dei.

Nota: Opponit sedere Christi τῷ stare vel astare sacerdotum legalium. Stare enim signum est servitutis et ministerii: sedere autem dominatus, cui ministerium exhibeatur, inquit Theophylactus.

13. DE CÆTERO EXSPECTANS, DONEC PONANTUR INIMICI EJUS SCABELLUM PEDUM EJUS, — q. d. Deinceps amplius non ministrabit, non immolabit, non offeret se Christus; sed tantum exspectat diem judicii, ut tunc omnes infideles sibi que rebelles subiciat, conterat, condemnet: itaque plena victoria de hostibus parta in æternum regnet et triumphet. Injicit Apostolus de more hisce verbis aculeum constantiæ et patientiæ Hebræis, ut pro Christi fide spoliationem et exilium fortiter et generose ferant, cogitantes, certoque sperantes brevi hosce suos et Christi spoliatores et inimicos, tam Christi, quam suis pedibus subjiciendos et conculcandos esse.

Aculeus
constan-
tiæ
terror
judicii.

14. UNA ENIM OBLATIONE, CONSUMMAVIT IN SEMPERNITERNUM SANCTIFICATOS. — Dat causam, cur Chris-

Vers. 14.

tus jam sedeat a dextris Dei, tantumque exspectet, ut inimici suis pedibus subjiciantur. Causa hæc est, quia una sui oblatione Christus omnia consummavit, ut nihil jam ei offerendum, laborandum, perficiendum restet, q. d. Christus unica sui oblatione in cruce « consummavit, » id est, dedit consummatam oblationem, consummatum et perfectum pretium redemptionis nostræ, quo quasi fonte immenso et inexhausto, semper et usque ad finem mundi, imo in omnem æternitatem valituro, « sanctificatos, » græce τὸς ἀγιάζωμεν, id est, eos qui sanctificantur, consummet et perficiat, id est, perfecte sanctificet et quasi Deo consecret. Hoc enim significat Græcum *τετελειώκεν*. Ita nimirum, ut, licet infiniti homines nascerentur, et infinita peccata committerent, ad eos sanctificandos non opus esset alia oblatione, sed ad hoc unica hæc Christi in cruce oblatio sufficeret, per cujus applicationem omnes illi ab omnibus suis peccatis perfecte justificarentur et sanctificarentur. Ita Patres, et Concilium Tridentinum, sess. XXII, cap. I. Christus ergo in cruce sanctificatos « consummavit, » quantum est in se, et ex parte sua; id est, consummavit in actu primo. Nam in actu secundo, et re ipsa consummat et perficit nos per baptismum, poenitentiam, Eucharistiam, aliaque Sacramenta et bona opera, quibus applicat nobis generale et consummatum sacrificium, pretium et meritum suæ crucis. Clarum enim est, quod per solam Christi in cruce oblationem, non omnes infideles, Pagani et peccatores sint justificati; sed requiri, ut hæc Christi oblatio iis applicetur, non per solam fidem, uti volunt Novantes, sed etiam per bona opera, et Sacramenta ad id a Christo instituta, ut omnibus sæculis docuit Ecclesia.

Christi
merita
infinitis
peccatis
delectis
sufficiunt.

Bona
opera et
Sacramenta
applicando
nobis
meritum
crucis
Christi.
nos ju-
stificant.

Vers. 15. 15. **CONTESTATUR AUTEM NOS ET SPIRITUS SANCTUS.** — Græce *μαρτυρεῖ*, id est testificatur, testimonium perhibet hujusce rei, scilicet quod remissio peccatorum non a Mose, sed a Christo; non a veteri Testamento, sed a novo; non a sacrificiis hircorum et vitulorum, sed ab unica Christi in cruce oblatione, per quam Christus in sempiternum consummavit sanctificatos, sit petenda.

Remissio
peccato-
rum a
solo
Christo
petenda.

Idipsum probavit jam testimonio ipsius Filii Dei, vers. 6 et 7, et testimonio Patris, vers. 13. Pater enim excludens veterem legem et sacrificia Aaronica, dixit Filio, *Psalm. cix*: «Tu es sacerdos in æternum secundum ordinem Melchisedech.» Et post peractum in cruce sacrificium ascensumque Christi in cælum, dixit ei: «Sede a dextris meis, donec ponam inimicos tuos scabellum pedum tuorum.» Hic illud ipsum probat testimonio Spiritus Sancti, qui per Prophetas, ac præsertim per Jeremiam locutus, hanc remissionem peccatorum per Christum, in novo Testamento dandam prædixit et promisit. Hoc Jeremiæ testimonium citavit jam ante Apostolus, cap. viii, vers. 10, ubi illud explicui.

Vers. 18. 18. **UBI AUTEM HORUM (peccatorum est) REMISSIO: JAM NON EST OBLATIO PRO PECCATO.** — «Oblatio,» scilicet qua satisfiat pro peccato, quaque lytrum peccatorum condignum persolvatur, pretiumque comparetur, cujus applicatione omnes re ipsa a servitute peccati et diaboli liberemur, justificemur et sanctificemur. De tali enim oblatione loquitur Paulus, uti docent Patres, et fatetur Calvinus et Beza. Non ergo excludit hic Paulus oblationem Missæ, quæ æque ut fides, baptismus et poenitentia, hoc oblationis in cruce peractæ lytrum et pretium nobis iterum et iterum applicat, dum iterum et iterum in peccata relabimur.

Sacrifi-
cium
Missæ
pretium
redemp-
tionis
nostræ
nobis
applicat.

Perperam ergo et insulse ex hoc Apostoli loco, et ex cap. vii, probare conatur Lutherus, Missam esse abominationem magnam, idque se didicisse asserit ab angelo tenebrarum, puta a diabolo, quando cum eo hac de re disputans, ab eo se convictum fuisse fatetur lib. de Missa privata et unctione sacerdotum, quem edidit anno 1534. Argumenta Lutheri et sequacium ejus sunt quatuor, quæ hic breviter repetam et dissolvam.

Primum, Apostolus hac epistola solum Christum statuit pontificem et sacerdotem: ergo non sunt ponendi in Ecclesia alii sacerdotes, ergo nec sacrificium Missæ.

Primum Respondeo ad antecedens, Christum esse solum pontificem, talem scilicet, qui sua victima crucis pro peccatis omnibus satisfecerit, quique peccatorum sit redemptor. Qua in re nullus Christo succedit honore et officio par, sicut Aaroni successit Eleazarus, Aaroni in pontificatu par et æqualis. Neganda est ergo utraque consequentia argumenti: nostri enim sacerdotes non sunt pares Christo, sed Christi vicarii et ministri, qui crucis sacrificium identidem nobis per Missæ sacrificium representant et applicant.

Sacrifi-
cium
Missæ
non est
abomina-
tio, ut
ex hoc
loco
insulse
conatur
probare
Luther-
us.
Lutheri
argumen-
ta sol-
vuntur.

Secundum, Apostolus hac epistola inculcat unicum Christi in cruce sacrificium: ergo nullum est illud, puta Missæ sacrificium; adeoque Missa injuria est cruci Christi.

Secun-
dum.
solvitur.

Respondeo ad antecedens, Apostolum loqui de universali et omnipotenti sacrificio: illud enim est unicum in cruce peractum, ex quo vim habent nostra sacrificia. Illud enim unicum fuit quasi materia, fons et pretium nostrorum; nos- traque illius sunt quasi rivulus, applicatio et re- præsentatio continua. Unde patet, Missam non esse injuriam cruci, cum sit crucis assidua com- memoratio et commendatio: sacrificium enim crucis nobis pretium comparavit, Missa vero confert nobis hujus pretii applicationem. Alio- quin enim Ecclesia, quæ Christi respublica est, et lex perfectissima, careret quotidie sacrificio et cultu Dei patriæ solemnem et publico. Cum nulla gens, nulla religio, nulla Ecclesia fuerit unquam sine sacrificio et sacerdotio, quis credat hoc unum a Christo neglectum, cum institueret formaretque suam Ecclesiam, quasi rempublicam divinam et omnibus numeris absolutam?

Tertium, Apostolus docet ideo vetera sacrificia cessasse, quia quotidie quasi infirma et inefficacia repetebantur; atqui talis quoque est Missa.

Tertium
refelli-
tur.

Respondeto, Missam non esse talem: illa enim vetera repetebantur, eo quod nullam haberent vim expiandi culpam veram, sed tantum legalem et umbraticam. Hæc enim est eorum infirmitas. Repetebantur quoque ut adumbrarent sacrificium Christi, et ut excitarent offerentes ad Christi fidem et dilectionem, ut per eam, remissionem obtine- rent. Nostra vero Missæ sacrificia repetuntur, quia in nova recidimus peccata, quæ nova expiatione sacrificii, quo nobis applicetur meritum et satis- factio sacrificii crucis, indigent. Tantum enim opo- nit Apostolus Aaronica sacrificia, Christi in cruce sacrificio, in virtute merendi, expiandi et satisfaciendi, in qua illa fuerunt infirma et inefficacia, Christi vero fuit potens et efficacissimum: non autem opponit aut confert sacrificium expiatorium, quale fuit crucis, cum applicatorio, qualis est Missa, immo hoc sub illo tacite subin- telligit; est enim hoc illi subordinatum, adeoque idem cum illo, quoad victimam. Hanc enim eadem habet, scilicet corpus et sanguinem Christi, quam tamen in sacrificio Missæ Christus voluit esse certæ et limitatæ virtutis et efficacæ quoad vim impetrandi et satisfaciendi, cum in cruce fuerit illimitatæ et immensæ.

Sacrifi-
cium
applicatio-
num
subordi-
natum
expiatio-
rio.

Quartum est Calvini: Satis, inquit, meritum et pretium sacrificii crucis nobis applicant verbum Dei, fides et Sacramenta; ergo ad hanc applica- tionem non est opus Missa.

Quartum
Calvini
contra
Missam
argu-
mentum
enerva-
tur.

Respondeto, negando antecedens. Licet enim fides et Sacramenta applicant nobis meritum quoad justificationem, non tamen applicant illud quoad propitiationem; quia sola Missa est sacri- ficiū propitiatorium, quod ex opere operato

impetrat gratiam prævenientem, qua excitemur ad fidem, penitentiam, et Sacramenta, quibus justificemur, suscipienda. Atque hac de causa toties repetit et inculcat hic Apostolus, quod Christus assistat Deo, ejusque vultui pro nobis appareat, quod sit sacerdos æternus, quod interpellat pro nobis, quod offerat sua dona et hostias, quæ sane jam alia non sunt, quam sacrificia Missæ, quæ ipse quotidie per sacerdotes a se institutos offert, ut docent Patres omnes, et Concilium Tridentinum loco citato.

Ubi adverte: Sacramentorum est justificare, sacrificii vero est propitiare, sive Deum propitium reddere; ut scilicet peccatorum incipiat misereri, eisque gratiam prævenientem et excitantem largiatur. Eucharistia ergo sive Missa, qua sacrificium est, impetrat nobis gratiam hanc prævenientem, atque simul impetrat remissionem pœnæ peccatis debitæ, insuperque culpæ venialis: culpam autem mortalem per se non tollit aut abolet, nisi in eo, qui bona fide nesciens se esse in culpa mortali Missam celebraret, huic enim Eucharistia culpam mortalem remittit, primamque gratiam et justitiam confert; sed id facit non qua sacrificium, sed qua Sacramentum est. Unde peccator laicus peccatum suum ignorans, et bona fide Eucharistiam sumens, pari modo ex ea peccati remissionem primamque gratiam et justitiam consequitur.

Vers. 19. 19. HABENTES ITAQUE, FRATRES, FIDUCIAM IN INTROITU SANCTORUM, IN SANGUINE CHRISTI, — id est per sanguinem Christi, non autem per sanguinem hircorum et vitulorum legis veteris. Incipit hic secunda epistolæ pars, qua Apostolus more suo a dogmatibus transit ad mores Hebræorum efformandos. Hactenus enim docuit eos, veram fidem, justitiam et salutem petendam esse a Christo, non a lege: jam hortatur eos ad constantiam in eadem fide et pietate Christiana, ne scilicet ob Judæorum persecutiones, odia et honorum expilationes, ab ea desciscant. Ita Theophylactus.

Nota: «Fiduciam in introitu,» vel, ut græce est, εἰς τὴν εἰσόδον, id est, in introitum, «sanctorum,» vocat Apostolus spem introeundi in Sancta sanctorum, id est, in cælum. Ita Theophylactus.

Posset secundo, sic explicari cum nonnullis, q. d. In ipso Christi introitu in Sancta sanctorum, id est in cælum, habemus spem nos etiam in illud introituros.

Vers. 20. 20. QUAM INITIAVIT NOBIS VIAM NOVAM, ET VIVENTEM PER VELAMEN, ID EST CARNEM SUAM. — Pronomen *quam* coheret cum *viam novam*, refertque *introitum sanctorum*. Unde aliqui ex Græco clarius hic vertunt et legunt *quem*, scilicet *introitum*; sed Latina syntaxi eadem est sententia et sensus, sive veritas *quam*, sive *quem*. Ille enim introitus non est aliud, quam via in cælum. Via enim in cælum est initium introitus in cælum

et introitus in cælum est complementum viæ in cælum.

Secundo, Vatablus in voce ὁδῶν, id est *viam*, subaudiens *κρά*, paulo clarius ita vertit, cum habemus libertatem introeundi in Sancta per sanguinem Jesu, ea via, quam dedicavit nobis.

Tertio, Syrus hæc ita trajicit: *Habemus fiduciam in introitu ædis sanctæ, et viam vitæ* (id est, ad vitam et salutem æternam) *per sanguinem Jescua, quam initiavit nobis*. Sed hæ versiones licet in se claræ sint, verba tamen Græca invertunt et distorquent: unde Latina nostra versio planissima est, et ad verbum Græco respondet, juxta explicationem jam datam.

INITIAVIT, — ἐνεκρίναεν, id est innovavit, primus calcavit et inivit, vel etiam dedicavit aliisque communem fecit, ut vertit Vatablus; inde enim Encœnia vocantur dies dedicationis. Primus ergo Christus viam in cælum initiavit, quia primus illam ingressus est, itaque ex invio viam fecit, eamque nobis stravit et complanavit. Alludit enim Paulus ad eos, qui primo vias ob nivem aut similem causam invias ineunt, calcant, easque secuturis pervias efficiunt, uti faciunt in Alpibus incolæ: quod gallice dicimus, *Il nous a frayé le chemin*; et flandrice, *Hy heeft ons den wegh ghebaent*. Hoc enim est viam initiare, et initiando complanare, aliisque communem et perviam efficere.

VIAM NOVAM. — Pro *novam* græce est πρόσκαιρον, id est recentem, novam, nullius pede hactenus calcatam.

ET VIVENTEM, — id est permanentem, seu perpetuæ efficacæ, vigentem semper et florentem.

Secundo, «viventem,» id est, quæ ad vitam æternam ducit. Unde Syrus vertit, *אורך דחיה*, *urecha dechate*, id est viam vitæ.

Tertio et optime, «viventem,» quia hæc via vivens et animata est caro Christi, et Christus ipse, qui dicit: «Ego sum via, veritas et vita.» Per velamen enim erat via in Sancta sanctorum; velamen autem hoc significabat carnem Christi, ut subdit Apostolus. Sicut ergo per velamen discissum vel divisum, quasi per viam apertam et patefactam ibatur in Sancta sanctorum: ita per carnem Christi in cruce discissam, quasi per viam imus in cælum. Itaque sicut via Alpium vocatur via per Alpes, ita via velaminis vocatur via per velamen, id est per carnem Christi. Quare via in cælum est caro Christi passa, sive Christus ipse passus, quam fide et spe, quasi duodus pedibus incedimus et calcamus, dum credimus et speramus per Christi passionem nos perventuros ad remissionem peccatorum, justitiam, sanctitatem et salutem; itaque hac via recta pergimus et tendimus ad cælum. Præclare S. Ambrosius in *Psal. cxviii*, serm. 5: «Creatus, inquit, Christus secundum susceptionem carnis, ut redimeret creaturas. Creatus, ut vias mihi demonstraret æternas, quibus homo redire possit ad Dei regnum. Ergo

Via
vivens
quæ?

Caro
Christi,
et Christi
ipse est nobis
via
vivens.

gula principium est viarum Dei, hoc principium sequamur. Prius viam novi ingressus est Testamenti, ut eam sterneret nobis. Si jejunamus, ante nos ille jejunavit. Si pro nomine ejus sustinemus injurias, prius ille sustinuit pro nostra redemptione, cervices suas posuit in flagella, maxillas suas in palmas; ascendit crucem, ut doceret mortem non esse metuendam. Denique quasi præcedens ait Petro: Tu me sequere; et ideo Petrus cursum consummavit, quia secutus est Christum, » etc.

PER VELAMEN, ID EST CARNEM SUAM. — Hinc patet velum, quod erat ante Sanctum sanctorum, eaque velabat, significasse allegorice carnem Christi, idque apposite. *Primo*, quia carne Christi velabatur divinitas illius, sicut velo hoc velabatur Deus sedens super Cherubim in Sancto sanctorum. Ita Anselmus et alii Patres.

Secundo, quia per carnem Christi patefactum est cælum, sicut per velum in altum sublatum patefiebat Sancta sanctorum: cujus rei typo velum hoc in passione Christi scissum patefecit Sancta sanctorum, ut significaretur per carnem Christi in passione discissam, viam et aditum nobis esse reseratum in cælum; uti jam dixi. Ita Chrysostomus.

Vers. 21. 21. ET SACERDOTE M MAGNUM SUPER DOMUM DEI. — Repete et supple habentes. « Domum Dei » vocat cælum, ut vult Theophylactus, vel potius Ecclesiam, tam militantem, quam triumphantem. Utrique enim præsidet et imperat Christus.

Notat hic Paulus tria bona Christianis per Christum data: *primum* est fiducia accedendi ad Deum; *secundum*, via strata in cælum; *tertium*, pontifex et advocatus ipse Christus. Ne quis enim timidiior diceret: Fateor iter esse stratum, sed quomodo terribilem irati Patris, in quem peccavi, conspectum subibo? occurrit Paulus: Ne timeas, inquit, habes Christum pontificem, qui te inducet, et propitiū tibi Patrem efficit. Unde infert, dicens: « Accedamus cum vero corde, » etc.

Vers. 22. 22. ACCEDAMUS CUM VERO CORDE, IN PLENITUDINE FIDEI, ASPERSI CORDA A CONSCIENTIA MALA, ET ABLUTI CORPUS AQUA MUNDA. — Nota: *Cor verum* vocat cor sincerum, non fucatum, quod Hebræi vocant נֶעֱמָן *neeman*, id est fidele, verum, sincerum.

IN PLENITUDINE FIDEI. — Id est, cum plena fide, græce, ἐν πληροφροῦν πίστει. Quod *secundo*, cum Vatablo verbi potest, cum plena persuasione, certitudine et firmitate fidei, uti dixi Rom. xiv, 5. *Tertio*, Syrus vertit, בְּתוֹכֵלָנָה דְּהַיִּמְנוּתָה *betuchelana dehaimanuta*, id est cum fiducia fidei, id est cum fiducia fideli, sive quam parit recta, plena et certa fides.

ASPERSI CORDA (id est in cordibus et mentibus nostris lustrati sanguine Christi, eoque emundati) **A CONSCIENTIA MALA.** — Id est a peccatis, quæ conscientiam malam et vitiosam efficiunt. *q. d.* Puris cordibus accedamus ad Deum. Metonymice enim ponitur *aspersio* pro purgatione et puritate,

quæ per aspersionem efficitur. Alludit ad aspersionem sanguinis, qua fiebat legalis expiatio, ut dixi cap. ix, vers. 13. Pari enim modo interna animæ expiatio fit per aspersionem, id est, applicationem sanguinis Christi in baptismo. De baptismi enim aspersione et emundatione loquitur Apostolum, patet ex sequentibus.

ET ABLUTI CORPUS AQUA MUNDA. — Aquam baptismi vocat *mundam*, id est purgantem et mundantem. Ita Chrysostomus, Theodoretus, Theophylactus, Anselmus. Non bene ergo id nonnulli negant: nam aqua quæ jam corpus emundat, non est alia, quam aqua baptismi. Alludit ad aquam expiationis, ex cineribus vitulæ rufæ confectam: Judæi enim immundi, si ea corpus abluerent, legaliter mundabantur, mundique censebantur, *q. d.* Sicut Judæi immundi aspersi aqua expiationis, eaque emundati, munde, religiose et fidenter accedebant ad Deum in suo tabernaculo et templo habitantem: ita multo magis nos, qui per baptismum non solum in corpore, sed etiam in anima abluti sumus, idque per applicationem sanguinis Christi, quam facit baptismus puro jam corde et corpore, sancte et alacriter ad Deum accedamus.

23. TENEMUS SPEI NOSTRÆ CONFESIONEM INDECLINABLEM. — « Confessionem spei » vocat fidem, fideique professionem, qua baptismum accepturi Hebræi recitantes Symbolum de more, professi sunt se credere in Christum, et per Christum credere et sperare carnis resurrectionem, et vitam æternam in cælo. Vide dicta cap. iii, vers. 1. Evangelium ergo est confessio nostra. Pari modo Mahomet suam fidem et legem vocavit arabico אִלְקֹרָא *alcoran*, id est confessio, a radice קָרָר *karrar*, id est confessus est: eo quod in Alcorano descripserit fidem et legem, quam omnes Mahometani confiteri et profiteri debeant.

Hanc ergo fidem fideique confessionem quam spem jam dictam excitat et acuit, vult Apostolus servari « indeclinabilem, » id est firmam et inconcussam; quæ non vacillet, non nutet huc illuc, nec declinet a recto rectaque fide, etiam urgentibus et impellentibus persecutionibus.

Secundo, ut Anselmus, « indeclinabilem, » id est quæ deorsum non inclinetur, ut deprimatur et divergat ad cupiditatem opum rerumque terrenarum; sed semper quasi ignis more suo sursum acclinet et assurgat, tendatque ad desiderium et prosecutionem bonorum celestium et æternorum, quæ sunt objectum hujus fidei, confessionis et spei. Unde subdit Apostolus:

FIDELIS ENIM EST, QUI REPROMISIT. — Deus scilicet, qui hæc bona cælestia, uti promisit, ita fideliter ea vobis conferet et præstabit, si et vos vicissim illi fideles et in fide Christi constantes perseveretis, pro eaque bona terrena contemnatis, et, si opus sit, perdati et profundatis.

24. ET CONSIDEREMUS INVICEM IN PROVOCATIONEM CHARITATIS ET BONORUM OPERUM. — Pro *in provo-*

Aqua baptismi est aqua purgans et emundans.

Vers. 23.

Alcoranus quid?

Confessio fidei nostræ debet esse firma et contemptrix cupiditatum.

Vers. 24.

cationem, græce est εἰς παρακλυσιν, id est ad exstimulationem, q. d. Homines vitiosi considerant vitiosa aliorum exempla, ut ea imitentur; vos vero, o Hebræi Christiani, considerate mutua Christianorum exempla charitatis, aliorumque bonorum operum, quæ vos provocent et incitent non ad invidiam, sed ad imitationem, ut scilicet pro omnibus vestris tam negotiosis, corporeis et inanibus legalibus observantiis, observetis et exerceatis tantum officia et actus charitatis, aliarumque virtutum, sicut alios Christianos videtis facere. Quemadmodum enim ferrum ferro acuitur, et lapis lapidi allisus ignem elicit : sic anima animæ commorans, ad eadem ipsam incitat, ut charitate ardeat, sicut et ipsa ardet, ut notat Chrysostomus et Theophylactus : tanta vis est exempli. Et quis dubitet in illo nascentis Ecclesiæ fervore Christiano, virtutum fuisse ferventissimam contentionem ?

vers. 25. 25. NON DESERENTES COLLECTIONEM NOSTRAM, SICUT CONSUETUDINIS EST QUIBUSDAM. — Pro *collectionem* græce est ἰκοινωνιᾶν, id est aggregationem, ut vertit Vatablus et Erasmus. Per *aggregationem* et *collectionem* hanc, Apostolus *primo*, intelligit Ecclesiam, q. d. Ne deseratis, o Hebræi, per apostasiam aut hæresim Ecclesiam Christianam, cui aggregati estis, et in qua collecti et compaeti estis, quasi in unum idemque corpus Christi mysticum. Timebat enim Apostolus, ne Hebræi metu et persecutione Judæorum, ab Ecclesia ad Synagogam et Judaismum deficerent : hinc ad eos in fide et Ecclesia Christi confirmandos identidem eos ad constantiam adhortatur, hincque, uti dixi initio epistolæ, finis et scopus est totius epistolæ. Unde et subdit : « Voluntarie enim peccantibus (apostatantibus) nobis post acceptam notitiam veritatis, jam non relinquitur pro peccato hostia. »

Secundo, per *aggregationem* et *collectionem* hanc intelligit Apostolus cœtus Ecclesiæ et conventus fidelium ad sacram synaxim, et ad verbum Dei precesque publicas : hos ergo conventus vult Apostolus a Christianis diligenter frequentari, tum ut publice fidem suam profiteantur, Deumque colant, et publicas ei laudes et gratiarum actiones persolvant; tum ut in iis invicem excitent et provocent ad charitatem et bona opera, ac præsertim ad constantiam in fide, instante persecutione. Illi enim publici et mutui congressus mire fovent fidem et charitatem, quæ in secessu et separatione diuturniori languescit. Sic enim S. Ignatius, in suis epistolis assecla et sectator S. Pauli, paulo post Pauli tempora, Ephesios et Smyrnæos cohortatur, ut frequentent hos cœtus Ecclesiasticos, et causam reddit : « Quia, inquit, confirmabunt vos; » ac minatur, si ab iis se subtrahant, fore ut excidant a fide et charitate. Ita quoque explicant S. Chrysostomus, Theodoretus, Theophylactus, OEcumenius. Ille sensus connexus est et subordinatus priori : qui enim

Ecclesiæ cœtus negligunt et deserunt, facile quoque urgente persecutione, Ecclesiam ipsam fidemque Christi deserunt et abnegant.

Male ergo novantes hunc locum torquent contra vitam eremiticam. Apostolus enim loquitur de iis, qui Ecclesiam, vel ob metum, vel ob desidiâ negligunt aut deserunt; non autem loquitur de iis, qui turbam sæculi et sæcularium conversationem, pietatis, puritatis et contemplationis studio fugiunt. Adde, Eremitas omni sæculo solere diebus Dominicis et festis ad sacras synaxes, preces et collectiones spirituales in Ecclesiam convenire, eaque quæ ibi audierant, in eremum redeuntes per hebdomadam meditari et exercere.

SICUT CONSUETUDINIS EST QUIBUSDAM. — Insinuat Apostolus aliquos tepidiores et torpidiores, a fide et Ecclesia Christi metu Judæorum defecisse, ut notat Theodoretus, ideoque reliquis eandem apostasiam metuens, eos tota epistola ad constantiam animat et corroborat.

SED CONSOLANTES. — Græce παρακαλοῦντες, id est consolantes, vel etiam exhortantes, scilicet singuli, non tantum seipsos, sed alios, ut scilicet alter alterum in persecutione soletur, exhortetur et instiget tum ad constantiam in fide et Ecclesia Christi, tum ad conventus Ecclesiasticos et cœtus fidelium frequentendos : quibus in fide et Ecclesia Christi fovemur et confirmamur; nam illo tempore, prout persecutio fervebat, aut sedabatur, hic illicve fiebant conventus et synaxes. Vult ergo Apostolus ut quisque proximo horam et locum conventus indicet et admoneat, ad eumque cohortetur et excitet. Id exigit filum orationis Paulinæ, et colligitur ex S. Ignatio et Chrysostomo jam citatis. Id fecisse Martyres primis trecentis Ecclesiæ annis patet passim ex eorum Actis. Vult autem Apostolus ut alter alterum ad hoc excitet, proponendo tum alia, tum vel maxime spem gloriæ et retributionis æternæ brevi consequendæ. Hoc enim est quod subdit :

ET TANTO MAGIS, QUANTO VIDERITIS APPROPINQUANTEM DIEM. — Græce τὴν ἡμέραν, id est, illum diem, scilicet iudicii et excidii tum orbis, tum urbis Hierosolymæ sub Tito et Vespasiano : quæ antonomastice dicitur *dies*, in qua hostes vestros Judæos extrema ultio, vos vero plena laborum et afflictionum omnium manet merces et retributio. Nam ex acrimonia persecutionum, bellorum, tumultuum, ac præsertim ex abominatione desolationis, quam brevi visuri estis, aliisque signis prædictis a Christo, *Matth. xxiv*, facile videre potestis, o Hebræi, sensim magis appropinquare, imo instare hanc diem excidii urbis Hierosolymæ. Agile ergo, durate modicum in persecutione, quoniam appropinquat redemptio vestra.

Nota : Alludit Paulus ad verba Christi, *Matthæi cap. xxiv*, vers. 33, et *Luce* *xxi*, 28; ideoque æque ac Christus confuse et mixtim loquitur de die iudicii et excidii tam orbis quam urbis, eo quod Apostoli, et post eos alii Christiani putarent eo-

Novantes male reposita vitia eremiticam.

Ad conventus se mutuo debent exhortari et incitare Catholici exemplo Martyrum et Sanctorum.

Dies excidii urbis Hierosolymæ sub Tito et Vespasiano.

Putabant Apostoli eodem

tempore
tore ex-
cidium
orbis,
quo ur-
bis He-
rosoly-
mae.

dem tempore fore excidium urbis et orbis. Putabant enim Jerusalem cum templo diruendam esse in glorioso Christi adventu et regno, quod erit in fine mundi et excidio orbis. Id sibi colligere videbantur ex dictis Christi, *Matth.* xxii, 7 et 8, et *Matth.* cap. xxiii, vers. ult. et penult., sed non recte, ut ibi dixi. Christus tamen et Paulus, ut eos in metu et spe contineant, eos in hoc errore relinquant.

Vers. 26. 26. VOLUNTARIE ENIM PECCANTIBUS NOBIS POST ACCEPTAM NOTITIAM VERITATIS, JAM NON RELINQUITUR PRO PECCATIS HOSTIA. — Galenus ex Clemente Alexandrino, lib. II *Stromat.*, putat Apostolum loqui de quolibet peccato, quod voluntarie et ex certa scientia committitur, atque asserere quod omne tale ægre remittatur. Verum ex circumstantiis patet Apostolum tantum loqui de peccato apostasiæ: dat enim hic causam cur dixerit versu præcedenti non esse deserendam collectionem nostram, quia scilicet, si id faciamus, non relinquetur nobis hostia peccati hujus expiatrix: ergo per voluntarie peccantes intelligit deserentes collectionem, id est, cœtus Ecclesiæ, ipsamque Ecclesiam. Unde pro peccantibus, græce est ἀμαρτανόντων, quod cum Ribera verti potest, deficientibus vel descendentibus, scilicet ab Ecclesia et fide, quam sponte capessiverunt. Peccatum enim Hebræi vocant subinde *חטא* *ascam*, id est desitionem vel defectionem.

Secundo, id patet ex eo, quod ait: «Peccantibus post acceptam notitiam veritatis,» *q. d.* Peccant hi, quia fidem agnitam deserunt. Sicut enim in veteri Testamento apostasia ad idola, ita in novo Testamento apostasia a fide ad judaismum vel infidelitatem antonomastice est et dicitur peccatum.

Tertio, id patet ex vers. 29, ubi ait, hos peccantes Filium Dei conculcare, et sanguinem testamenti pollutum ducere, et spiritui gratiæ contumeliam facere; quia videlicet Christi redemptionem Christumque negant, itaque tam Christo quam Spiritui Sancto ingrati et contumeliosi sunt.

Quarto, quia vers. 32 et seq. hortatur eos ad constantiam in fide et Ecclesia Christiana. Sensus ergo Apostoli est, *q. d.* «Voluntarie peccantibus,» peccato scilicet apostasiæ, sive descendentibus voluntarie a Christo et collectione nostra, id est Ecclesia, «non relinquitur» id est ægre et vix relinquitur, «hostia pro peccato,» quæ peccatum illud expient, tum quia tales apostatæ plane indigni sunt venia, tum quia sua certa malitia et infidelitate claudunt fontes divinæ misericordiæ.

Adde, proprie et rigide apostatis Hebræis a Christo ad judaismum deficientibus nulla relinquebatur hostia aut veniæ spes: quia talibus in tali statu manentibus, nec Christus, utpote quem abnegant, nec alius Messias venturus, utpote qui nullus est, nec legis sacrificia, utpote infirma et jam abolita, prodesse poterant. Tales ergo Hebræos (qualibus hic loquitur Apostolus) non hos-

tia, non venia, sed terribilis tantum Dei ultio manet.

Nota: Chrysostomus, Ambrosius, Anselmus et Theophylactus, per hostiam pro peccato, intelligunt baptismum; quia baptismus est figura mortis Christi, qui fuit hostia pro peccato, *q. d.* Voluntarie peccantes post baptismum, nullo amplius baptismo expiari possunt. Sed hoc durius et coactius est, estque præter mentem Apostoli. Apostolus enim sic peccantibus ait nullam relinqui hostiam, sed tantum terribilem Dei vindictam. Jam si per hostiam baptismum intellexisset, excipere potuisset aliquis dicendo, sic peccantibus non relinqui quidem baptismum, non tamen ideo Dei judicio et vindictæ eos reservari, quia medium quid eis relinquatur, videlicet pœnitentiæ Sacramentum, quod est quasi secunda post naufragium tabula.

Hinc patet, perperam hoc loco abusum esse Novatum, cum docuit lapsis negandam esse pœnitentiam et veniam; maxime cum ipse non tam negaret pœnitentiam coram Deo, lapsosque, si pœniterent, Deo reconciliari posse, quam contenderet ab Ecclesia non admittendos esse lapsos, etiamsi pœniterent, ad communionem communemque Ecclesiæ societatem.

27. TERRIBILIS AUTEM QUEDAM EXPECTATIO JUDICII (repete, «relinquitur voluntarie peccantibus,» et apostatantibus), ET IGNIS ÆMULATIO, QUÆ CONSUMPTURA EST ADVERSARIOS. — Græce est πῦρ ζήλῳς, id est, ignis zelus et æmulatio.

Ubi nota prosopopœiam: quasi enim ignis tam conflagrationis mundi, quam inferni, esset animatus, essetque quasi bellua, puta læna quædam irritata et exacerbata, furensque ad sui vindictam, ita tribuit illi Paulus sensum et zelum vindicandi peccata in communem Deum admissa. Zelum ergo ignis vocat ignis vehementiam et impetum ulciscendi, quo ignis hæc quasi naturali quodam zelo gloriæ Dei accensus, ulciscetur et puniet acerrime peccata et injurias in Deum dominum et creatorem suum admissas. Ita Chrysostomus et Theophylactus. Simili prosopopœia Sapiens, *Sap.* v, 21: «Pugnabit, inquit, cum illo orbis terrarum contra insensatos. Ibunt directe emissiones fulgurum, et tanquam a bene curvato arcu nubium exterminabuntur (id est, emittentur et ejicientur, scilicet hæc jacula fulgurum in impios), et ad certum locum insilient, et a petrosa ira (græce ἐκ πετρῶδ' οὐρανόθεν, id est, ex ira lapidatrice, vel saxorum jaculatrice) plenæ grandines mittentur (id est, vibrabuntur. Alludit ad catapultam veterum, qua saxa vel in mœnia, vel in hostes conjici solent): excandescet in illos aqua maris (vide hic zelum maris) et flumina concurrent duriter: contra illos stabit spiritus virtutis (ventus validissimus), et tanquam turbo venti dividet (ἐκλεμψέει, id est, eventilabit) illos: et ad eremum perducet (ἐρημώσει, id est, desolabit, desolatam faciet) omnem terram iniquitas illorum.»

Error
Novati,
de non
admit-
tendis
Lapsis ad
pœnitentiam.

Prosopopœia
ignis
contra
reprobos.

Omnes
creatura
et ele-

menta Ubi nota, hæc quæ hic impiis comminatur Sapiens, eis obventura, *primo*, paulo ante iudicium universale : tum enim omnes creaturæ affligent impios Antichristi assecclas et præcursores, ut patet toto cap. viii et xvi *Apocal.*, et cap. ix, 4.

Secundo, statim post iudicium. De hoc enim tempore proprie loquitur Sapiens, vers. 16 et 17, qui proxima præcedunt, et vers. 1. Videtur ergo dicere hic Sapiens quod data et lata a Christo sententia damnationis in reprobos, mox omnia elementa in eorum vindictam assurgent, quasi lictores et administri Christi domini et creatoris sui, scilicet cælum, ignis et aer, vibrando in eos ignem, fulgura, ventos, grandines, mare, effervescendo et exundando, ut eos cum terra absorbeat et obruat; terra, sub pedibus eorum hiando, ut corpora et animas eorum deglutiat et deturbet in infernum. Vide quantus hic sit zelus ignis et creaturarum omnium pro Deo creatore ac domino suo pugnantium, ejusque offensas et injurias vindicantium.

Vers. 28. 28. IRRITAM QUIS FACIENS (*ἀνεργάζεσθαι*, id est, cum quis contempserit, violaverit, et, ut Syrus, *דעבר* *daabar*, id est, qui transgressus fuerit) LEGEM MOYSI, SINE ULLA MISERATIONE DUOBUS VEL TRIBUS TESTIBUS (convictus) MORITUR. — Probat argumento a minori ad majus, scilicet ex pœna mortis proposita iis qui unum præceptum Mosis repudiassent et transgressi essent, gravissime puniendos eos qui totam Christi legem abjecerint, ab eaque apostataverint.

Vers. 29. 29. QUANTO MAGIS PUTATIS DETERIORA MERERI SUPPLICIA, QUI FILIUM DEI CONCULCAVERIT, ET SANGUINEM TESTAMENTI POLLUTUM DUXERIT, IN QUO SANCTIFICATUS EST. — Ambrosius et Theophylactus putant hæc dici de iis, qui indigne suscipiunt Sacramenta.

Secundo, Galenus et alii putant hæc dici de quovis peccato mortali, quod fideles admittunt : per hoc enim implicite et interpretative contemnunt et quasi conculcant gratiam, redemptionem, mortem et sanguinem Christi. Verum, ut probavi vers. 26, loquitur Apostolus proprie de apostatis a Christo, *Christique* fide et collectione, id est Ecclesia. Hi enim proprie Christum Dei Filium, ejusque sanguinem, quo novum fœdus et testamentum inter Deum et homines de æterna hæreditate eis danda sancitum est, quoque in baptismo abluti et sanctificati sunt, conculcant et pollutum ducunt, dum eum, quasi res inutilis, profana, nulliusque momenti, imo falsa et ficta foret, contemnunt, abnegant, abjiciunt : et hoc ipso *Spiritui gratiæ*, id est, Spiritui Sancto, qui est auctor gratiæ in Christi baptismo acceptæ, quæ eos Deo gratos, sanctos, Deique amicos et filios effecit, *contumeliam faciunt*.

Nota : Pro *pollutum* græce est *κοινόν*, id est commune. Jam « commune » phrasi Hebræa idem est, quod immundum et pollutum. Nam talia erant illa, quæ communia erant Gentibus, sive

quibus Gentes incircumcisæ et immundæ communiter utebantur, ut dixi *Rom. xiv, 14*. Ita Chrysostomus.

Secundo tamen, *communem* hic proprie accipi potest, *q. d.* Tales apostatæ æstimant Christi sanguinem quasi communem sanguinem, qui non differat a sanguine hircorum, taurorum, vel aliorum hominum. Unde Syrus vertit, *et æstimaverit sanguinem testamenti* *אֵין דְּכֻלָּשׁ* *ach deculhas*, id est, tanquam cujuslibet alterius, scilicet hominis.

30. SCINUS ENIM QUI DIXIT : MIHI VINDICTA, ET Vers. 30. EGO RETRIBUAM, — *q. d.* Ut sciatis tales apostatas gravissime puniendos, scitote et cogitate Deum esse terribilem ; utpote qui dixit *Deuter. xxxii* : « Mihi vindicta, » scilicet competit. Vide dicta *Rom. cap. xii, vers. 19*.

QUIA JUDICABIT. — Beza vertit, *gubernabit* ; sed perperam : agitur enim hic de ultione, non de gubernatione. « Judicabit » ergo, id est punit et plectet : sic et alibi sæpe sumitur per metonymiam.

31. HORRENDUM EST INCIDERE IN MANUS DEI VIVENTIS. Vers. 31. — Est emphasis in epitheto « viventis, » *q. d.* Deus noster non est saxum, non idolum, uti sunt dii Gentium, qui oculos, aures, manus habent, sed lapideas, quibus nihil sentiunt : Deus enim noster est *vivens*, ac consequenter tangitur, et sentit apostasiam a se, et apostatarum in se injurias, iisque irascitur, easque vindicat et punit.

Secundo, *vivens* est Deus, quia immortalis et æternus, in perpetuum vivit et viget, ut nunquam ipsius oculos, memoriam aut manus effugere possis. Ita Theophylactus.

32. REMEMORAMINI PRISTINOS DIES, IN QUIBUS ILLUMINATI, MAGNUM CERTAMEN SUSTINUISTIS PASSIONUM. Vers. 32. — Hactenus excitavit Apostolus Hebræos ad constantiam in fide, terrore judicii et gehennæ; nunc quasi sapiens orator, ut notat Theophylactus, terrorem hunc lenit; et quo suavius in eorum animos influat et persuadeat, urget eos alio argumento, petito a laudibus Hebræorum, et prima illorum in fide constantia, *q. d.* Hactenus fortes in persecutione perstitistis; pergit, non alios, sed vosipsum imitamini, aspice primam vestram constantiam : cucurristis bene, ad medium stadii pertigistis, exiguum agonis restat; palma vobis est ante oculos, est pene in manibus, nolite eam apostatando abjicere, aut prodigere. Hoc enim non tantum pudendum, sed et stultum ac stolidum foret.

ILLUMINATI, — id est baptizati : baptismi enim effectus est, mentem illuminare Christi fide, cognitione et gratia. Unde S. Dionysius et Græci patres baptismum vocant *φωτισμός*, id est illuminationem. Vide dicta cap. vi, vers. 4, *q. d.* Paulus : Initio baptismi et conversionis vestræ, o Hebræi Christiani, generose a Judæis vexationes, irrisiones, spoliationes et exilia pertulistis : tirones tanta præstitistis, quid ergo decet vos jam viros et mi-

ne est
Genti-
bus.

Vers. 31.

Vers. 32.

Terro-
rem lenit
Paulus
commem-
oratio-
ne forti-
tudinis
Hebræo-
rum.

Baptis-
mus est
illumi-
natio.

lites, tot annos in Christi militia exercitatos, facere et præstare?

Vers. 33. 33. ET IN ALTERO QUIDEM OPPROBRIIS ET TRIBULATIONIBUS SPECTACULUM FACTI. — « In altero, » id est, in altera parte, hoc est, partim. Græcum τούτο respondet Hebræo הַזֶּה, quod sæpe ponitur pro הַזֶּה, id est, in hoc, hoc est, hac parte.

Possent secundo, τὸ τοῦτο referri ad πάθημα, quod præcessit, ut intelligatur τὸ κατὰ, q. d. κατὰ τοῦτο πάθημα, id est, secundum hanc passionem, hoc est, secundum hoc genus passionis, nunc opprobria pertulistis; secundum aliud vero genus passionis, alias talia patientibus compassi estis.

TRIBULATIONES HEBRÆORUM FIDELIUM. SPECTACULUM FACTI. — Id est, publice infamati, et quasi rei plectendi per theatrum traducti estis, publice ab omnibus quasi in theatro irrisi estis: hoc enim significat Græcum θεωρεῖσθαι. Idem enim est, quod θεωρεῖν ἐν τῷ θέατρῳ, id est theatrum, sive spectaculum facti estis, uti rei ad leones, bestias, ignes aliaque supplicia damnati publico theatro spectantur. Hæc enim significatione I Cor. iv, 9, ait Apostolus *spectaculum*, græce θεωρεῖν, id est theatrum, facti sumus.

HEBRÆORUM COMPASSIO. IN ALTERO (id est partim) AUTEM SOCII TALITER CONVERSANTIIUM (taliter opprobria et tribulationes patientium) EFFECTI, — q. d. Vos, o Hebræi Christiani, multa a Judæis ob fidem Christi passi estis, et simul quasi socii animo favistis et compassi estis, *reque* ipsa, consilio et opera iuvistis alios Christianos, tam Judæos, quam Gentiles, qui ob eandem Christi fidem, sive in Palæstina, sive extra eam, tam a Gentilibus, quam a Judæis, opprobria, tribulationes et vincula passi sunt: adeoque in illis vos passi estis, quia ipsorum ærumnas et passiones per compassionem vestras fecistis, itaque eas sensistis, ac si vos ipsos tetigissent. Agite ergo, pergite et persistite in hac vestra patientia, fortitudine et constantia.

Vers. 34. 34. NAM ET VINCTIS COMPASSI ESTIS. — Noster cum Syro legit δεσφύας, id est *vinctis*. Jam legunt δεσφύας, id est vinculis meis, quibus scilicet ego Paulus Romæ a Nerone vinculus fui, compassi estis. Ita Chrysostomus, Theophylactus et Œcumenius. Compassio hæc non verbalis nec mentalis tantum, sed realis fuit. Sic enim misericordes divites pauperibus compatiuntur, cum eorum miseriam data stipe levant.

Mira fuit Christianorum charitas et beneficentia in martyres Christi causa vinctos, ut patet non tantum ex Tertulliano et Cypriano, sed etiam ex ipso Luciano in *Peregrino*, ubi narrat, quod Peregrinus hic, licet infidelis esset et hypocrita, hæc tamen de causa Christianum se finxerit, et carceri pro fide Christi se obtulerit, ut eleemosynis fidelium tam largis potiretur.

Ita Clemens, lib. V *Constit. Apost.*, cap. i, jubet ut fideles martyribus et vinctis pro Christo subveniant suis opibus. « Sin vero, inquit, aliquis non habet, jejundet, et cibum ejus diei partitus destinet sanctis. Si vero potest, rebus suis omnibus diven-

ditis, ex custodia eripere, beatus et amicus Christi erit. » Et mox: « Quod si isti (vincti pro Christo) tales sunt, et eis Christus testimonium eorum Patre tribuat, non debet pudere vos ire ad eorum carceres: hoc enim si feceritis, vobis vice martyrii habebitur; quod illi quidem reipsa martyrium subierunt experiendo, vos vero aliter, nempe voluntate prompta, tanquam facti socii certaminis illorum. Talibus enim ait Dominus: Venite, benedicti Patris mei, possidete paratum vobis regnum, etc. Esurivi enim, et dedistis mihi manducare; in carcere eram, et venistis ad me. »

ET RAPINAM BONORUM VESTRORUM CUM GAUDIO SUSCEPISTIS. — Cum scilicet bona vestra publico magistratus Judaici edicto, eo quod Christiani essetis, fisco addicta sunt.

Ita Wandali duo sub Genserico rege Ariano sæpius confessores, comitante matre, contemptis omnibus divitiis, cum Clericis ad exilium perrexerunt, ad quod eos mittebat Hunericus.

Ita Murilla Diaconus, et quingenti Clerici Carthaginensis Ecclesiæ ab Hunerico bonis spoliati et in exilium trusi, cum, Episcopis Arianis suggerentibus, ductores sive tortores auferrent eis id quod Christiani ad victum largiebantur, quisque eorum alacer cantabat: « Nudus exivi de utero matris meæ, nudum oportet me ad exilium pergere: quia Dominus novit esurientibus cibum porrigere, et in deserto vestire. » Ita Victor Ulicensis, lib. III *Wandal.*

Ibidem alios memorat, qui bonis spoliati et in exilium acti, cum gaudio canebant: « Hæc est gloria omnibus Sanctis ejus. » Sic itur ad astra. Festinemus ad coronas nobis a Deo in cælo paratas.

Inter alios memorabilis fuit Satorus, cui cum Hunericus post promissa multa minaretur, ni flecteret Arianus, se domum ejus, substantiam, filios et familiam distracturum, atque uxorem ipso presente camelario in conjugium traditurum; cumque uxor hæc audiens conscissis vestibus, soluto crine, cum filiis et infantula quam lactabat, ad mariti genua accideret, diceretque: « Miserere mei simul et tui, miserere communium liberorum, dulcissime conjux. Non subiaceant conditioni servili, quos claros reddidit prosapia generis nostri. Non subdar camelario, quæ mihi inter comævas semper plaudebam de Satoro meo. » Respondit Satorus quasi alter Job: « Tanquam una ex insipientibus mulieribus loqueris. Formidarem, mulier, si sola esset hujus vitæ amara dulcedo. Si diligeres maritum, nunquam ad secundam mortem attraheres proprium virum. Distrabant filios, separent uxorem, auferant substantiam, mei Domini ego securus de promissis verba tenebo: Si quis non dimiserit uxorem, filios, agros, aut domum, meus non poterit esse discipulus. » Quid ultra? discedente muliere cum filiis rejecta, confortatur Satorus ad coronam, discutitur, expoliatur, pœnis conteritur, mendicus dimittitur. Inter-

dicatur ei prodeundi accessus, totum ei tulerunt, stolam tamen baptismatis auferre non potuerunt, inquit Victor, lib. I *Wandal*.

Hæ veterum coronæ; audi pares hujus ævi : anno 1613, in Japonia gravis in Christianos exarsit regis et principum ira ac persecutio. Christiani permulti etiam e prima nobilitate bonis omnibus privati in exilium expulsi sunt. Hanc mulctam adeo ipsi non defugere, ut exultantes bonis cederent, quin et ultro Gubernatori nomina sua deferrent, seque Christianos esse profiterentur. Rex, licet eis indignans ob fidem Christi, constantiam tamen admirans laudavit : quinimo quemdam capitaneum qui bonis metuens regi cesserat et fidem abdicarat, torve intuitus, ejusque vilem et abjectum animum increpans, officio et militari cingulo spoliavit, bonisque privavit. Christiani ut se magis obarmarent, sodalitatem Martyrum instituerunt, ad quam mox tria capitum millia sese aggregarunt. Hujus prima lex est : « Si pro fide Christi bona adimantur, hoc spoliū forti et libenti animo tolerato. » Secunda : « Pari constantia et animo exilium et mortem pro christianismo excipito. » Quocirca plures eorum quod verbis professi erant, re ipsa præstiterunt. Arimæ regulus cædi Christianorum tribunal erexit, diem dixerat : mox ad viginti Christianorum millia ultro se Arimæ stiterunt, ut se Christianos profiterentur, et martyria tum spectarent, tum obirent. Territus tyrannus cessit, et paucorum nece suum furorem satiavit. Ex illis octo vivos cremari jussit, inter eos erat pater et mater cum filio et filia. Filia Magdalena nomine, virgo viginti annorum, exultans in mediis flammis, carbonēs ardentes capiti imposuit (quod apud Japones magnæ reverentiæ est signum) ut se prunis illis quasi purpureis rosis, aut candentibus carbunculis coronaret; frater ejus Jacobus, duodennis solutis igne vinculis, prunas quas vicerat festinus calcans, ad matrem pariter ardentem gratulabundus occurrit, terque sanctissima Jesu et Mariæ nomina contentiori voce inclamans, beatæ matris gaudia cumulans, ad ejus latus extinctus concidit.

Anglorum exempla. Audi Anglicana, quæ partim ex Didaco de Yepes, Episcopo Tarraconensi, lib. II *Histor. de Persecut. Anglic.*, partim a viris fide dignis testibus oculatis accepi.

Primum. Duas e tribus bonorum partes viduæ nobilis, quod hæreticorum templa frequentare nolle, fisco hæretici addixerunt : cumque ipsa ab amicis adjuncta, a fisco his terque propriam domum agrosque conducere, et paulatim ditesceret, his terque duabus bonorum partibus rursum spoliata est, quod ipsa miro cum gaudio lætitiæque tulit.

Secundum. Alius magnam pecuniarum summam, quæ ad vitam sustentandam sola restabat, apud amicum Catholicum deposuerat, quam repertam abstulere satellites (*Poursuivantes* vocant Angli). Ipse

certior de rapina factus, sublatis in cælum manibus, gratias maximas Deo egit, quod ex illa hora eum in suum patrocinium, curam et providentiam suscepisset, solumque dolebat quod pecuniæ quantitas amissa major non fuisset.

Alia femina primaria uxor Gulielmi Lacey, gloriosi postmodum martyris; qui bona omnia, præcipuaque munia, eo quod hæreticorum templa non adiret, gaudens amiserat, post direptionem bonorum perpauperem et inopem vitam ducebat, tanta cum lætitia, ut Deo pro tanto beneficio dignas gratias se agere non posse affirmaret, eo quod una cum bonis superfluas curas, sollicitudines et mundanas obligationes ei abstulerat, vacuumque tempus ad æternam animi salutem comparandam hac ratione concesserat; et quamvis ob assiduas persecutiones domicilia terrasque mutare crebro cogeretur, tanto tamen gaudio et consolatione fruebatur, ut a Deo instantè peteret, ne exiguas suas ærumnas in hac vita remuneraretur, sed dolorem aut infirmitatem aliquam corporalem ad magnum animi gaudium temperandum, et peccata sua dum viveret, purganda, dignaretur immittere, quod divinitus ei præstitum est : sex enim vel septem ante obitum annos continuis gravissimisque doloribus et infirmitatibus exercita fuit, quas ipsa summa animi æquitas et alacritas sustinuit.

D. Franciscus Tregianus, antiquæ et nobilissimæ familie, quod R. D. Cuthbertum Maynum seminarii Duaceni sacerdotem, et seminaristarum omnium protomartyrem hospitio excepisset, amplissimo patrimonio spoliatus est, et viginti quinque annos captivus vixit. Ferunt eum, cum sententia de amissione bonorum, et perpetuis carceribus ferenda esset, bysso candida vestitum comparuisse, et post latam sententiam dixisse : « Pereant bona quæ, si non periissent, fortassis dominum perdidissent suum. »

Excellentissimus Arondeliæ Comes, Philippus Houardus, Norfolciensis Ducis filius et hæres, religionis Catholicæ ergo dum in Galliam fugam parat, captus, in turrim Londinensem coniectus, et demum ad tribunal ductus et condemnatus est : post duodecim aut circiter captivitatis annos in vinculis gloriosus confessor, imo martyr obiit. Hic supremus in Anglia Comes et familiæ nobilissimæ, mirum dictu et quanta amisit, et qua animi æquitate novercantis fortunæ fluctus sustinuit; in carcere enim captivus Catholicis omnibus non exemplo modo, sed etiam singulari solatio fuit; nullus unquam de bonorum rapina conquerentem, nullus de carceris incommodis, de negata libertate dolentem audivit; imo conquerentes et dolentes alios ipse nunc verbis erigere, nunc mira qua pollebat comitate consolari solebat. Illi præter Deum, et cælestium rerum contemplationem sapiebat nihil; pecunias quas pro sustentatione Regina illi (nam juxta dignitatis gradum plus minusve in turri captivis assignatur) con-

cessit, tenui et parco ipse contentus cibo, inter pauperes distribuit, alia multa dixit, fecit, sustinuit illustrissimus Comes, quæ antiquorum primitivæ Ecclesiæ heroum factum vel æquent vel superent, et dignissima sunt quæ æternitati consceantur. Hæc pauca e multis.

Macte animo, Angli Orthodoxi, æmuli primo- rum Christianorum et Martyrum. Hæc est felicitas vestra, quod hoc sæculo persecutionibus procelloso, in Anglia nati, soli pene speretis, soli ambiatis martyrium, sive breve illud detur, sive longum et lentum per assiduas rapinas et vexationes. Ita constantes pergite. Hæc est gloria Anglicanæ Ecclesiæ, quam nulla ætas, nulla sæcula obliterabunt. Rapinam ergo honorum vestrorum cum gaudio suscipite. Ecce cœlestes opes et immensas ex æthere vobis exhibent angeli. Sustinete animose ad modicum carceres, verbera, opprobria, furcas, ignes, cruces pro Christo vestri amore crucifixo. Ecce æternas laureas, ecce divinas coronas e cœlo vobis ostentat et adornat Christus, amor vester et noster. Invident vobis gloriosum sanguinis martyrium pseudoepiscopi: at eo gloriosius in fortunis exhibent, quo durius et lentius. Certi estote, in hac rapina nobilem vobis dari martyrii lauream. Hæc enim rapina vitam non qualem qualem, sed nobilem et gradu vestro dignam, non vobis solis, sed toti familiæ et posteritati eripit, itaque non unum hoc et simplex, nec unius, sed multiplex et multorum est martyrium.

COGNOSCENTES VOS HABERE MELIOREM ET MANENTEM SUBSTANTIAM. — Pro « vos, » græce est *ὑμεῖς*, id est vobis; sed corrigendum videtur *ὑμεῖς*, id est vos, uti nonnulla exemplaria habent, itaque legit noster Interpres; illudque sententia ipsa exposcit. Rursum, ad τὸ *substantiam*, Græca addunt, ἐν οὐρανόις, id est in cœlis. Certum enim est de cœlesti substantia et opibus loqui Apostolum; q. d. Cum bonis vestris pro fide Christi spoliaremini, gaudebatis, quia cogitabatis, quod, licet in terris ad paupertatem redigeremini, per hoc tamen divites efficeremini in cœlis apud Deum, qui bona vobis erepta cum fœnore centuplicata reddet.

Vers. 35. 35. NOLITE ITAQUE AMITTERE (μὴ ἀποβάλητε, id est, ne abjeceritis) CONFIDENTIAM VESTRAM. — Græce *παρρησίαν*, id est *libertatem*. Est metalepsis. Per *libertatem* enim intelligit fiduciam, quæ parit libertatem, ut scilicet Christianus in fide constans, qui bonorum expilationem gaudens subiit, eo quod cogitaret et speraret meliorem substantiam et opes a Deo in cœlis se adepturum; per hanc spem et fiduciam libere et fidenter audeat a Deo, pro quo bonorum jacturam fecit, sperare et petere hanc meliorem substantiam, et opes cœlestes.

Rursum secundo, et consequenter per fiduciam sive *confidentiam*, intelligit substantiam et opes, quas Christianus ita expilatus, a Deo in cœlis se recepturum sperat et confidit. Est enim metony-

mia, qua ponitur actus pro objecto, scilicet confidentia pro opibus, quas quis se adepturum confidit, q. d. Magnas spes; magnas opes habetis repositas apud Deum in cœlis: nolite eas abjicere et profundere per pusillanimitatem, impatientiam et apostasiam; sed in vestra fide, spe et patientia persistite. Ita fiet ut harum opum, et horum meritorum magnam remunerationem et magna præmia sitis percepturi

36. PATIENTIA ENIM VOBIS NECESSARIA EST. — Pro Vers. 36.

patientia græce est *ὑπομονή*, id est sustinentia, longanimitas et patiens expectatio liberationis et præmii, qua duramus in persecutionibus, ærumnis et rebus adversis, atque meliorem sortem longanimitate expectamus. Unde subdit: *Adhuc modicum sustinete*, nam *qui venturus est veniet, et non tardabit*, ut vos hac persecutione liberet. Hæc sustinentia necessaria est ad hoc, ut retineatur confidentia jam dicta: qui enim amittit hanc sustinentiam, amittit et confidentiam, ac consequenter et repositiones melioremque substantiam, quam se adepturum confidebat in cœlis, q. d. Paulus, uti explicat Chrysostomus: « Unum tantum vobis deest, o Hebræi, ut scilicet perseveretis et expectetis futura, non ut iterum certetis: ad ipsam jam coronam proximi facti estis: certamina cuncta sustinuistis, vincula, tribulationes; substantiæ vestræ direptæ sunt. Quid ergo restat? state ut coronemini: hoc solum agite, ut expectetis adventum coronæ. » Simili modo ad patientiam; id est, patientem expectationem liberationis et præmii fideles hortatur S. Jacobus, cap. v, vers. 27: « Patientes, inquit, estote, fratres, usque ad adventum Domini. Ecce agricola expectat pretiosum fructum terræ, patienter ferens donec accipiat temporaneum et serotinum (imbrem): patientes estote et vos, et confirmate corda vestra, quoniam adventus Domini appropinquavit. » Ubi pro *patienter ferens*, græce est *μακροθυμῶν*, id est, longanimitate expectans; et pro *patientes estote*, græce est *μακροθυμήσατε*, id est, longanimitate expectate et sustinete, adventum scilicet Domini, qui brevi iudex aderit, ut vos pios et justos coronet, vestros vero persecutores impios et injustos condemnet. Hinc rursum S. Chrysostomus, homil. 35 in epist. I ad Corinth. : « Patientes, inquit, vocatur longanimis, quia longum et ingentem habet animum. » Et Gregorius, homil. 35 in *Evang.* : « Patientia, ait, est martyrium in occulta cogitatione. » Quocirca S. Hieronymus, in *Epitaphio Paulæ ad Eustochium*: « Mater, ait, tua longo martyrio coronata est. Non solum enim effusio sanguinis in confessione reputatur, sed devotæ quoque mentis servitus immaculata quotidianum martyrium est. » Huc pertinet illud S. Bernardi in *Octava Paschæ*, serm. 1: « Est, inquit, martyrii genus, est quædam effusio sanguinis in quotidiana corporis afflictione. Est et baptismus aliquis in compunctione cordis et lacrymarum assiduitate. Sic quippe infirmis et pusillis

Locus moralis de patientia et longanimitate expectatione solatii divini in tribulatione.

corde necesse est, ut quem semel pro Christo ponere non sufficiunt, saltem mitiori quodam, sed diuturniori martyrio sanguinem fundant. »

Gnomas de patientia. Patientiam homini necessariam esse docuerunt pariter Gentiles. Bion aiebat, « magnum malum esse, non posse ferre malum : absque hoc enim nulli potest esse vita suavis. » Testis Laetius, lib. IV, cap. VII.

Antisthenes dicebat, « virtutem sibi sufficere ad felicitatem, nec ulla re opus habere nisi robore Socratico. »

Socrates autem ad omnium rerum patientiam obdurerat. Testis Laetius ; lib. VI, cap. I.

Agesilaus cum arderet podagræ doloribus, eumque Carneades invisisset, atque exiisset tristis : « Mane, inquit, Carneades, nihil enim illinc (ostendens pedes podagricos et pectus) huc pervenit : » significans pedes quidem dolere, sed animum dolore vacuum esse. Testis Plutarchus in *Lacon*.

Zeno percunctanti, quo pacto esset affectus erga convicia : « Perinde, inquit, atque si legatus absque responso dimittatur. » Quid jam faciat Christianus, cui tanta patientiæ præmia et coronæ e cælo ostentantur?

Patientia actus et officia. Notat Tertullianus, lib. *De Patientia*, cap. XV, patientiam Christiano ita necessariam esse, ut omnibus hominis actibus et Dei mandatis intervenire et intermisceri debeat. « Patientia, inquit, fidem munit, pacem gubernat, dilectionem adjuvat, humilitatem instruit, poenitentiam exspectat, exomologesin adsignat; carnem regit, spiritum servat, linguam frenat, manum continet, tentationes inculcat, scandala pellit, martyria consummat; pauperem consolatur, divitem temperat; infirmum non extendit, valentem non consumit; fidem delectat, Gentilem invitat; servum domino, dominum Deo commendat; feminam exornat, virum approbat; amatur in puero, laudatur in juvene, suspicitur in sene; in omni sexu, in omni ætate formosa est. » Deinde patientiæ effigiem et habitum ita depingit : « Vultus, ait, illi tranquillus et placidus, frons pura, nulla mœroris aut iræ rugositate contracta : remissa æque in lætum modum supercilia : oculis humilitate, non infelicitate dejectis : os taciturnitatis honore signatum : color qualis securis et innoxii : metus frequens capitis in diabolum, et minax risus : amictus circum pectora candidus et corpori impressus, ut qui nec inflatur, nec inquietatur. Sedet enim in throno spiritus ejus mitissimi, qui non turbine glomeratur, non nubilo livet, sed est terrenæ serenitatis, apertus et simplex, quem tertio vidit Elias. Fatigetur ergo improbitas patientia tua : quod si patientiæ incubabo, non dolebo; quod si non dolebo, ulcisci non desiderabo. »

Patientia effigies. Ut VOLUNTATEM DEI FACIENTES, REPORTETIS PROMISSIONEM. — Pro *facientes* græce est *ποιεῖσθαι*, id est, ut, cum feceritis et compleveritis usque ad

finem voluntatem Dei, quæ est ut perseveretis et crescatis in fide, patientia et charitate Christi, tunc reportetis promissam vobis substantiam et opes in cælis.

37. ADHUC ENIM MODICUM ALIQUANTULUM, QUI VEN- **Vers. 37.**
TURUS EST, VENIET, ET NON TARDABIT. — Græce *μικρὸν ὅσον ὅσον*, id est, parum tantum tantum, id est tantillum, perpusillum, modicum et aliquantulum. Hebræi enim per geminationem significant superlativum, ut cum dicunt ficus bonas bonas valde, intelligunt ficus optimas : sic parum parum, id est minimum; tantum tantum, id est tantillum.

Nota : Citat Paulus Habacuc prophetam, qui cum cap. I graviter questus esset, quod impii Chaldæi piis Judæis dominarentur, Deusque eos et res humanas negligere videretur : respondet ei Deus cap. II, Cyrum esse venturum, qui Judæos Babylone liberet, et allegorice Christum esse venturum, qui impios judicet, et pios ab eis afflictos consoletur. Id cœpit facere Christus primo suo in carnem et mundum adventu : tunc enim pauperes, humiles et lugentes in Sion, ut ait Isaias cap. LXI, consolatus est; superbos autem et incredulos Phariseos et Judæos a fide, gratia et Ecclesia sua repulit. Perfecte autem idipsum faciet Christus in secundo suo ad iudicium adventu, cum regnum peccati evertet, et impios gehennæ, pios cælo addicet, *q. d.* Brevi veniet Christus ut liberet nos tum inchoate a peccato et dæmone primo suo in mundum adventu, tum complete ab omni malo et miseria in secundo suo adventu ad iudicium, quo venturus est tanquam iudex, ut tyrannos et impios condemnet, patientes, pios et fideles præmii et coronet.

De utroque ergo Christi adventu loquitur Habacuc, cap. II, magis tamen de secundo, de eoque illum hic explicat Paulus, ut hisce ejus verbis et promissis Hebræos excitet ad spem, patientiam, constantiam et fortitudinem, in tolerandis persecutionibus pro fide Christi.

Nota : Paulus non tam verba, quam sensum Habacuc citat. Habacuc enim non habet hæc verba : « Adhuc modicum aliquantulum; » sed : « Expecta illum, quia veniens veniet, et non tardabit, » id est, post modicum tempus, brevi et cito veniet.

Dices : Quomodo ergo paulo ante ait Habacuc, hanc visionem esse procul, id est longe remotam et post multa tempora futuram. Respondeo : Remota erat in se tempore Habacuc, præsertim quatenus Messiam, sive Christum, ejusque tempora spectabat; quatenus vero cum Deo Deique æternitate, in qua hæc videbat Propheta, comparatur, eatenus prope erat, et post modicum tempus futura. « Mille » enim « anni ante oculos tuos tanquam dies hesternæ quæ præterit, » *Psalm. LXXXIX, vers. 4.* Et sic omnis præsens vita, voluptas æque et afflictio momentum est, si cum æternitate conferatur. « Momentaneum, inquit

Locus Habacuc. r illustratus.

Christus venit consolari humiles, pauperes, & lugentes in Sion.

Omnia tempora in Dei æternitate sunt modicum.

Apostolus, et leve tribulationis nostræ æternum gloriæ pondus operatur in nobis. » Utinam hoc modicum pervideamus et dispiciamus!

QUI VENTURUS EST. — Id est Christus: Christi enim nomen est *ὁ ἐρχόμενος*, id est veniens, ut patet *Matth. XI, 3; Apocal. I, 4.*

ET NON TARDABIT. — Quin scilicet tempore a se præfinito et promisso veniat, ut suos pios afflictos, atque vos imprimis, o Hebræi, liberet et salvet. Tardare enim dicitur non is qui ultra desiderium et votum expectantium, sed is qui ultra promissionem et pactum suum adventum differt.

38. JUSTUS AUTEM MEUS EX FIDE VIVIT. — *q. d.* Interea temporis, donec Christus liberator veniat, justus fide in Deum et Christum sustinebit se in mediis malis, ut non abiciat spem et confidentiam; sed in sua justitia et patientia, uti cœpit, ita perget per fidem vivere, crescere et proficere.

Nota: Loquitur, ut dixi, Habacuc ad litteram de fide, qua credebant et sperabant Judæi, Deum juxta promissa missurum Cyrum, qui eos Babylone liberaret; allegorice vero, uti hic explicat Paulus, loquitur de fide in Christum redemptorem: hac enim fide proprie justus vivit. Vide dicta *Rom. I, 17.*

Nota secundo: Loquitur tam Habacuc, quam Paulus non solum de inchoatione vitæ justæ et sanctæ, sive de prima justificatione, sed etiam de ejus incremento et profectu, quibus enim rebus res primo producit, iisdem conservatur et crescit. Sicuti ergo dicimus nos per halitum, per animam, per calorem naturalem vivere, id est vitam inchoare, conservare et continuare: ita hic dicitur: « Justus ex fide vivit, » *q. d.* Qui fidem primo acceptat, Deoque et Christo credere incipit, hic hoc ipso inchoat viam ad justitiam et ad amicitiam cum Deo ineundam. Pari modo qui jam justificatus est, quique fidem Christi retinet, et bona opesque quas Christus suis fidelibus in cœlo promisit, firma fide et spe spectat: hic permanebit in gratia, amicitia et justitia accepta, pro eaque fortiter persecutiones feret, itaque promissas a Christo opes et præmia in cœlis consequetur; qui autem increduli esse aut diffidere Christo cœperint, hi peccabunt, vitamque gratiæ, justitiæ et amicitiae, consequenter et gloriæ hæreditatisque Dei amittent. Justus ergo, licet sit in captivitate et persecutione (uti erant Judæi tempore Cyri, et Hebræi tempore Christi), licet undique exagitetur, tamen interius in anima sua silens, quietus et lætus vivit in fide et spe sua, qua fidelissimo suo domino, amico et patri innixus, certo credit et sperat se illi curæ esse, ab eo regi, protegi, roborari, ac tandem fidei et constantiæ suæ coronam æternam accepturum in cœlis; qui autem incredulus est et diffidit, quia timidus et pusillanimus, ideoque a Deo et Christo impie deficit in tentatione et persecutione, ac consequenter injustus est, hujus « anima, ut habet Haba-

cuc, non erit recta in semetipso, » sed distorta, turbata, agitata inter spem et metum, inter tot humana consilia et præsidia, ad quæ assidue respectat, ac consequenter non placebit Deo, uti vertunt Septuaginta et ex iis Paulus. Est ergo sententia hæc, « Justus ex fide vivit, » generalis et vera, tam in Judæis, quam Christianis, tam in peccatoribus qui primo justificantur, quam in justis qui in justitia permanent et proficiunt: omnes enim hi fide vivunt, id est, vitam animæ, qua vivit anima per gratiam et justitiam, inchoant, conservant et promovent per fidem.

QUOD SI SUBTRAXERIT SE (scilicet per incredulitatem, diffidentiam, pusillanimitatem, id est, si incredulus fuerit, ut habent Hebræa et noster Interpres, *Habacuc II*), NON PLACEBIT ANIMÆ MEÆ. Hebræa et Noster, *Habacuc II*: « Non erit anima ejus recta in semetipso. » Anima enim quæ non est recta, non placet Deo, *q. d.* Si quis tædio victus aut animo in persecutione, aliave adversitate fractus patientiam abrumpat, collum et humeros oneri subtrahat; si pressus malis, moraque victus animum despondeat, excidat a fide, et abiciat fidem, spem, justitiam: hic non placebit animæ meæ. Loquitur Deus humano more, ut notat Galenus, *q. d.* Non complectar apostatam, nec deosculabor beneplacito meo; uti complecti soleo eos, qui mihi amica et fideli necessitudine conjunguntur. Deus enim quasi injectis brachiis de collo propendit hominum fortiter pro Christo agentium; ubi autem grati esse desinunt, et remissa contentione laborem *ἀποστάντες, ἀποστάντες* ipse quoque complexum: sicque desertor *ἀποστάντες* citatem, obstinationem, omniaque *ἀποστάντες* collabitur. Rursum talis apostata non placebit, id est displicebit (est enim miosis) animæ meæ, meamque iram et indignationem incurret.

Deus deserventes se prius, etiam describit.

39. NOS AUTEM NON SUMUS SUBTRACTIONIS FILII IN PERDITIONEM, SED FIDEI IN ACQUISITIONEM ANIMÆ. — « Filii subtractionis, » id est incredulitatis, et, ut Anselmus, apostasiæ. Hanc enim vocat hic Paulus, secutus Septuaginta *Habacuc II*, « subtractionem. » Nam opponit eam « fidei, » dicens: « Non sumus subtractionis filii, sed fidei, » *q. d.* Non sumus homines nos subtrahentes, qui scilicet subtrahamus nos et deficiamus a fide et obedientia Christi per infidelitatem. Hinc Erasmus vertit, non sumus substractores et detractantes obedire. Opponit enim Apostolus *ὑποκόλην*, id est subtractionem, *τῇ ὑπομονῇ*, id est tolerantiae et perseverantiae in jugo et obedientia Christi. « Filii » ergo « subtractionis » sunt filii Belial, id est, sine jugo, qui a jugo fidei et obedientiæ se subtrahunt et subducunt.

Filii subtractionis sunt filii Belial sine jugo

IN PERDITIONEM. — Quasi dicat: Si subtrahamus nos a fide Christi, imus in perditionem et gehennam.

SED FIDEI. — Supple, filii sumus, id est, fideles sumus, credentes et sperantes in Christum.

IN ACQUISITIONEM ANIMÆ, — ut scilicet hac fide

Justitia inchoatur, conservatur et promovetur fide.

animam liberemus a perditione et morte, tum præsentem et spirituali peccati, tum æterna in inferno; ne ibidem fiat acquisitio, id est possessio dæmonum; sed ut eam lucremur et acquiramus tum Christo, tum nobis, ut scilicet anima nos-

tra fiat possessio et peculium Christi, utque nos ipsi animam nostram in hac vita inchoate per patientiam, sed in futura plenissime et felicissime possideamus eam per gloriam in æterna beatitudine. Ita Anselmus.

CAPUT UNDECIMUM.

SYNOPSIS CAPITIS.

Ut Hebræos in fide Christi corroboret ad persecutionum tolerantiam, describit quid sit fides, quanta bona certissime promittat, quamque magna et heroica vel effecerint, vel passi sint veteres patres et heroes, per fidem et spem cælestis gloriæ excitati et animati.

1. Est autem fides sperandarum substantia rerum, argumentum non apparentium. 2. In hac enim testimonium consecuti sunt senes. 3. Fide intelligimus aptata esse sæcula verbo Dei, ut ex invisibilibus visibilia fierent. 4. Fide plurimam hostiam Abel quam Cain obtulit Deo, per quam testimonium consecutus est esse justus, testimonium perhibente muneribus ejus Deo; et per illam defunctus adhuc loquitur. 5. Fide Henoch translatus est ne videret mortem, et non inveniebatur, quia transtulit illum Deus: ante translationem enim testimonium habuit placuisse Deo. 6. Sine fide autem impossibile est placere Deo: credere enim oportet accedentem ad Deum, quia est, et inquirentibus se remunerator sit. 7. Fide Noe responso accepto de iis quæ adhuc non videbantur, metuens aptavit arcam in salutem domus suæ, per quam damnavit mundum: et justitiæ, quæ per fidem est, hæres est institutus. 8. Fide qui vocatur Abraham obedivit in locum exire, quem accepturus erat in hæreditatem: et exiit, nesciens quo iret. 9. Fide demoratus est in terra repromissionis, tanquam in aliena, in casulis habitando cum Isaac et Jacob cohæredibus repromissionis ejusdem. 10. Expectabat enim fundamenta habentem civitatem, cujus artifex et conditor Deus. 11. Fide et ipsa Sara sterilis virtutem in conceptionem seminis accepit, etiam præter tempus ætatis: quoniam fidelem credidit esse eum qui repromiserat. 12. Propter quod et ab uno orti sunt (et hoc emortuo), tanquam sidera cœli in multitudinem, et sicut arena, quæ est ad oram maris innumerabilis. 13. Juxta fidem defuncti sunt omnes isti, non acceptis repromissionibus, sed a longe eas aspicientes, et salutantes, et confitentes quia peregrini et hospites sunt super terram. 14. Qui enim hæc dicunt, significant se patriam inquirere. 15. Et si quidem ipsius meminissent de qua exierunt, habebant utique tempus revertendi: 16. nunc autem meliorem appetunt, id est cœlestem. Ideo non confunditur Deus vocari Deus eorum: paravit enim illis civitatem. 17. Fide obtulit Abraham Isaac, cum tentaretur, et unigenitum offerebat, qui susceperat repromissiones; 18. ad quem dictum est: Quia in Isaac vocabitur tibi semen: 19. arbitrans quia et a mortuis suscitare potens est Deus: unde eum et in parabolam accepit. 20. Fide et de futuris benedixit Isaac, Jacob et Esau. 21. Fide Jacob, moriens, singulos filiorum Joseph benedixit, et adoravit fastigium virgæ ejus. 22. Fide Joseph, moriens de protectione filiorum Israel memoratus est, et de ossibus suis mandavit. 23. Fide Moyses, natus, occultatus est mensibus tribus a parentibus suis, eo quod vidissent elegantem infantem, et non timuerunt regis edictum. 24. Fide Moyses grandis factus negavit se esse filium filiæ Pharaonis, 25. magis eligens affligi cum populo Dei, quam temporalis peccati habere jucunditatem, 26. majores divitias æstimans thesauro Ægyptiorum, improprium Christi: aspiciebat enim in remunerationem. 27. Fide reliquit Ægyptum, non veritus animositatem regis: invisibilem enim tanquam videns susti-

nuit. 28. Fide celebravit pascha, et sanguinis effusionem, ne qui vastabat primitiva tangeret eos. 29. Fide transierunt mare Rubrum tanquam per aridam terram : quod experti Ægypti, devorati sunt. 30. Fide muri Jericho corruerunt, circuitu dierum septem. 31. Fide Rahab meretrix non periit cum incredulis, excipiens exploratores cum pace. 32. Et quid adhuc dicam? deficiet enim me tempus enarrantem de Gedeon, Barac, Samson, Jephthe, David, Samuel et Prophetis : 33. qui per fidem vicerunt regna, operati sunt justitiam, adepti sunt repromissiones, obturaverunt ora leonum, 34. extinxerunt impetum ignis, effugerunt aciem gladii, convaluerunt de infirmitate, fortes facti sunt in bello, castra verterunt exterorum : 35. acceperunt mulieres de resurrectione mortuos suos : alii autem distenti sunt, non suscipientes redemptionem, ut meliorem invenirent resurrectionem. 36. Alii vero ludibria et verbera experti, insuper et vincula et carceres : 37. lapidati sunt, secti sunt, tentati sunt, in occisione gladii mortui sunt : circuierunt in melotis, in pellibus caprinis, egentes, angustii, afflictii : 38. quibus dignus non erat mundus : in solitudinibus errantes, in montibus, et speluncis, et in cavernis terræ. 39. Et hi omnes testimonio fidei probati, non acceperunt repromissionem, 40. Deo pro nobis melius aliquid providente, ut non sine nobis consummarentur.

Vers. 1. 1. EST AUTEM FIDES SPERANDARUM SUBSTANTIA RERUM, ARGUMENTUM NON APPARENTIUM. — Dixit Apostolus in fine cap. præcedentis justum ex fide vivere, et nos esse filios Dei, atque Hebræos pro fide Christi rapinam honorum et opprobria perulisse, eo quod per fidem cognoscere et sperarent meliorem substantiam et remunerationem in caelis. Hic idem fuse prosequitur, ut Hebræos in fide Christi confirmet, ne ab ea vexationibus Judæorum fracti desciscant. *Primo* ergo definit vel describit quid sit fides; *secundo*, ostendit quanti illa apud Deum sit meriti; *tertio*, narrat quam magna et heroica opera prisci et Sancti per fidem effecerint.

Ubi nota, Apostolum non agere hic directe et ex professo de fide justificante, uti voluit Albertus Pighius (qui hinc probare contendit ad justificationem non requiri fidem mediatoris, eo quod illam, vers. 6, non requirat hic Apostolus); sed agit Apostolus de fide sustentante spem in tribulatione et persecutione, ut patet tum ex fine cap. præced. et initio sequentis XII, tum ex toto decursu hujus cap. XI. Hæc tamen fides sustentans spem, est etiam justificans, quia gratiæ et justitiæ augmentum meretur et impetrat, ut docuit Apostolus, cap. X, vers. 38 (1). Quare perperam hæretici distinguunt tripliciter fidem, *primo*, historicam; *secundo*, miraculorum; *tertio*, justificantem. Una enim eademque est fides, quæ hæc tria facit et operatur, ut solide docet Bellarminus, lib. I *De Justificat.*, cap. V et XI.

(1) Fides hic intelligitur latissimo sensu, ait Allioli, ea scilicet qua Dei dictis creditur et fiditur. Neque enim Apostolus, quum veterum exempla profert, de fide in Christum proprie agit, sed de fide in Deum, cujus species excellentissima est fides illa Evangelica, quæ ita est fides in Christum, ut simul sit fides in Deum, quia quæ Christus dixit, ea dixit Dei nomine.

SUBSTANTIA, — id est opes, inquiunt nonnulli, præsertim hæretici, quasi Apostolus respiciat ad id quod dixit cap. X, vers. 34 : «Cognoscetes vos habere meliorem et manentem substantiam,» id est fidem, inquiunt, qua credimus et speramus opes et bona cælestia. Sed ibi pro *substantia* græce est ὑπαρξις, id est opes : hic autem est ὑπόστασις, quæ vox non opes, sed substantiam significat.

Secundo, alii per *substantiam* intelligunt initium et exordium. Substantia enim cæterarum rerum, proprietatum et accidentium sibi inhærentium est initium.

Tertio, Kemnitiuss, «substantia,» inquit, id est, certa expectatio promissæ misericordiæ. Putat enim ipse, uti et alii Novantes, hic definiri fidem suam specialem, qua certo quis credit propter Christum sibi in particulari remissa esse peccata. Verum quod Apostolus non loquatur de hac fide speciali, neque per res non apparentes et sperandas, quarum fides est substantia, intelligat remissionem peccatorum, sed gloriam et opes cælestes fortiter pro fide et pietate agentibus et certantibus, non autem nude credentibus tantum, promissas, patet ex exemplis quæ subdit, maxime vers. 10, 13, 26, 35.

Nota : Ergo pro *substantia*, græce est ὑπόστασις, id est substantia, quæ substat accidentibus, eaque sustinet, q. d. Sicut substantia sustentat accidentia, ita fides sustentat spem nostram, adeo ut nulla in nobis sit futura spes, si non sit fides; quæ eam fulciat ac sustineat : sicut nulla erunt accidentia, si tollatur substantia, quæ accidentia illa sustentat. Fides ergo est «substantia,» id est basis et fundamentum, «rerum sperandarum.» Sic enim S. Dionysius, cap. VII. *De Divinis Nominibus*, ait, «divinam fidem esse stabile fixumque fundamentum eorum qui crediderunt, eos in veritate defigens, ac veritatem in ipsis.» Ita «sub-

Hæretici perperam per substantiam opes intelligunt.

Kemnitiuss falsa et hæretica interpretatio.

Fides basis et fundamentum rerum sperandarum.

Substan-
tia
Hebræis
vocatur
os.

Argu-
menta et
demon-
strationes
ab
Hebræis
vocantur
ossa.

Substan-
tia idem
est quod
subsist-
entia et
existen-
tia.

Substan-
tia ab
Hebræis
vocatur
status
vel sta-
tio.

stantiam gloriæ » vocat Apostolus materiam ipsam, objectum et fundamentum gloriæ, II *Corinth.* XI, 17. Hac enim de causa substantia subinde ab Hebræis vocatur **עצם** *etsem*, id est os, quia instar ossis rem fulcit et sustentat. Sic *Genes.* VII, 13, dicitur **עצמות** *beetsem*, id est in osse, hoc est in substantia (noster Interpres vertit, in articulo) « diei illius ingressus est Noë in arcam; » et *Exodi* XXIV, 10, pro eo quod nos habemus : « Et quasi cælum cum serenum est, » Hebræa habent **עצמות** *keetsem*, id est, sicut os (substantia) cœli cum purum est. Hinc ossa Hebræis vocantur argumenta et demonstrationes, quibus rei veritas corroboratur, confirmatur et fulcitur. Patet hoc *Isaiæ* XLI, 21, ubi Deus provocans idola ad iudicium, ut secum de divinitate concertent, proferantque suæ divinitatis argumentum, puta divinationem futurorum, sic ait : « Prope facite iudicium vestrum, afferite si quid sorte habetis; » pro sorte, hebræum est **עצמותיכם** *atsumotechem*, id est, ossa vestra, puta ossea et fortia argumenta proferte, quibus corroboretis et confirmetis causam vestram, probetisque vos esse deos. Tale os et ossea substantia, sive stabilimentum, corroboratio et confirmatio rerum sperandæ iam est fides.

Secundo et melius, *πίστις* hic, uti et cap. III, vers. 14, idem est quod substantia et existentia, q. d. Fides facit ut bona futura quæ nondum existunt certa habeantur, certoque futura credamus et speremus, prout ac si iam subsisterent, eaque coram nobis cerneremus : fides enim illa ipsa quasi præsentia et certissima oculis mentis subjicit, sicque per suam certitudinem, quamdam subsistentiam dat rebus speratis et futuris in intellectu et mente fidelium. Unde explicans subdit Apostolus : « Fides est argumentum non apparentium, » et vers. 27 : « Hac fide, inquit, Moyses invisibilem tanquam videns sustinuit. » Ita Chrysostomus, Theophylactus, Theodoretus et Syrus, qui ita vertit, *fides*, inquit, est **πίστις** *peiasa*, id est, persuasio et certitudo de iis rebus quæ sunt in spe, perinde ac si iam existerent actu. Hebræum enim **אמנה** *amana*, id est fides, derivatur a radice **אמן** *aman*, id est firmavit, fulcivit, stabilivit, fecit rem firme subsistere. Inde dicitur **אמינה** *amiana*, id est fides, veritas, certitudo, constantia, stabilitas, qua res solide, certo firmiterque subsistit. Rursum, hac de causa substantia ab Hebræis vocatur quandoque **מעמד** *maomad*, id est status vel statio, quia spem stare et subsistere facit. Unde Chrysostomus : « Quoniam, inquit, ea quæ sunt in spe, sine substantia esse putantur, fides eis tribuit substantiam. Resurrectio necdum facta est, et necdum est in substantia, sed fides facit eam subsistere in anima nostra. » Et D. Thomas clarius allata etiam similitudine rem oculis subjicit : Res sperandæ, inquit, sunt sicut arbor in semine virtute latens, ac per fidem quodammodo iam existunt in nobis, sicut arborem modo quodam tenemus in semine. »

Dicit ergo Paulus : Cum vos, o Hebræi, ad fidem in adversis constantem hortor, nolo vos respicere ad bona præsentia, sed futura; quia fidei officium est, ut futura bona, quasi certissima menti offerat et exhibeat, atque per ea sustentet spem, patientiam omnesque virtutes in rebus afflictis : mercedem enim futuram, eamque immensam ita certo oculis mentis objicit, ac si iam cerneretur, et adepta esset : per fidem enim ita a mente apprehenditur, ac si iam subsisteret; v. g. dicitur Christiano : Patere fortiter exilia, spolia, verba et verbera pro Christo; eme spem pretio, da omnia tua pauperibus, et habebis thesaurum in cælo. Dicitur Martyri : Sustine generose ad momentum temporis equuleos, ignes, leones, furcas et cruces; manet te resurrectio, et caro gloriosa, manet te felicitas, opulencia, deliciæ immortales et æternæ. Hæc promissa nusquam adhuc cernuntur, nusquam subsistunt, non videt ea Christianus aut Martyr : accurrit fides, suaque certitudine, miraque virtute et efficacia efficit in credentis animo illa videri; proculque adhuc posita non secus lactare, fovere et roborare in adversis animum, ac si coram conspicerentur, et manibus tenerentur. Imo facit, ut sperans certius illa licet futura credat et speret, quam ea quæ præsentia coram se esse et existere actu videt.

Quocirca præclare S. Leo, serm. 2 *De Ascensione* : « Hanc, ait, fidem ascensione Domini auctam, et Spiritus Sancti munere roboratam non vincula, non carceres, non exilia, non fames, non ignis, non laniatus ferarum, non exquisita persequentium crudelitibus supplicia terruerunt. Pro hac fide per universum mundum non solum viri, sed etiam feminæ; nec tantum impubes pueri, sed etiam teneræ virgines usque ad effusionem sanguinis decertarunt. Hæc fides dæmonia eiecit, ægrotudines depulit, mortuos suscitavit. »

SPERANDARUM. — Græcum *ἐπιζήμιον* verti potest; et *sperandarum*, scilicet rerum quæ sperantur; et *sperantium*, scilicet hominum qui sperant. Posteriori modo vertit et intelligit passim S. Augustinus, q. d. Paulus : Fides in anima iusti credentis et sperantis, est quasi basis, quæ eum sustentat ut quasi despiciat bona terrena, speret atque expectet cælestia. Sed eodem redit sensus, sive veritas *sperandarum*, sive *sperantium*. « Merito, inquit S. Bernardus, serm. 1 in *Psal.* xc : « Apostolus fidem sperandarum rerum substantiam esse definit, quod videlicet non credita nemo sperare plus quam super inane pingere possit. Dicit ergo fides : Parata sunt magna et inexcogitabilia bona a Deo fidelibus suis. Dicit spes : Mihi illa servantur. Nam tertia quidem charitas : Curro, mihi ait, ad illa. » Hinc acute Clemens Alexandrinus, lib. I *Pædagog.* cap. vi : « Revera, ait, sanguis (id est anima et vita : veteres enim putarunt sanguinem esse substantiam animæ, ut ait ibidem Clemens), sanguis, inquam, fidei est spes, in qua continetur, sicut fides ab anima. Cum autem spes ex-

Fides
procul
posita
et futura
facit præ-
sentia.

Christiani cogitationes debent esse sublimiores.

piraverit, perinde ac si sanguis effluerit, vitalis fidei facultas dissolvitur. » Disce hic quam cogitationes fidelis et Christiani debeant esse sublimiores; quam non terrena, praesentia et caduca, sed coelestia, futura et aeterna cogitare, sperare, prosequi, de iis loqui et ad ea anhelare debeat.

ARGUMENTUM, — id est, assensus, inquit D. Thomas, quo adhærescimus veritati. Verum græce est, *ᾠλησις*, id est elenchus, demonstratio, convictio, uti vertit et legit S. Augustinus, lib. XIII *De Trinit.*, cap. 1, et Chrysostomus hic. Sic Aristoteles scripsit librum *De Sophisticis elenchis*, id est, de argumentis sophisticis, quibus sophistæ alios convincere nituntur. Hinc Syrus vertit, *revelatio earum rerum quæ non videntur*, q. d. Apostolus: Fide convincimur ad credenda ea, quæ non videmus, quæ non apparent, perinde ac si in clara luce illa cerneremus; tam certo enim illa nobis fides ostendit et demonstrat; ac si in meridie viderentur. Efficit enim fides, ut nihilo magis de futuris atque a sensu remotis mysteriis obscurissimis dubitemus, quam si vel oculis conspecta, vel ratione a nobis comprehensa forent, imo multo magis certiusque sint nobis persuasa, quam ea quæ sensu, ratione, vel demonstratione persuadentur; ut v. g. malimus in Venerab. Sacramento negare id, quod oculi et manus nobis dictant, scilicet Eucharistiam esse panem, quam quod Christi Verbum et fides nobis proponit et persuadet, scilicet Eucharistiam esse corpus Christi; pari modo in mysterio SS. Trinitatis, incarnationis, passionis, resurrectionis, malimus fidei, quam rationi naturali assentiri. « Papæ! inquit Chrysostomus, quale istud est (fides) quod talem facit rerum evidentiam, qualis est, dum res ipsæ palam proponuntur! » *ᾠλησις* enim, id est demonstratio, non est nisi in rebus admodum manifestis.

Evidentia fidei non in rebus, sed in Deo attestante.

Fides schematizata dioptra comparata.

Ubi advertit, demonstrationem hanc et evidentiam non esse in rebus ipsis, sed in Deo attestante. Quia enim Deus dicit et revelat nos resurrecturos et celo potituros, ideo id credo, quasi certissimum et evidentissimum non in se, sed in Deo, qui id revelat et attestatur. Evidens enim est verum esse et certissimum quicquid Deus dicit et revelat. Talis ergo est demonstratio ipsa fides, qualem rhetores schema nuncupant; aut potius qualis est dioptra nautica, sive speculum oculare, quo naves et turres remotissimæ aliis non apparentes, apparent et cernuntur: hoc enim speculum oculum confortat, et species visivas ita cogit, roborat et condensat, ut longissime se spargant, remque remotissimam alias invisibilem clare videri efficiant. Quid enim Martyres, dum tot sibi apparari supplicia conspicerent, aliud opponebant, quam fidem, fideique dioptram et demonstrationem, quæ futura et immortalis vitæ immensa bona eminens menti eorum ita certo et vive representabat, ut eorum fide et spe roborati et accensi, in ignes, enses et necesse se darent et ruerent? Unde S. Augustinus, tract. 27 et 40 in

Joan., tom. IX: « Fides, inquit, est credere quod non vides, cuius veritas et merces est videre quod credidisti. » Et S. Gregorius, hom. 26 in *Evang.*: « Fides, inquit, non habet meritum, cui humana ratio præbet experimentum. »

Hinc patet primo, fidem non esse fiduciam vel spem, ut volunt hæretici. Fiducia enim est in appetitu et voluntate; fides vero est in intellectu: illum enim convincit, illique rem creditam et speratam exhibet et demonstrat.

Patet secundo, hac clausula, fides est elenchus et demonstratio rerum non apparentium, fidem distingui tum a scientia, quæ est rerum apparentium et evidentium in seipsis; tum ab opinione, suspitione et dubitatione: hi enim incerti et dubii sunt assensus, fides autem est assensus certus, qui intellectum plane subigit et convincit.

Patet tertio, licet S. Hieronymus in cap. v ad *Galat.*, Theodoretus et Theophylactus hic, Damasceus, lib. IV *De Fide*, cap. xi, et alii vocent hanc (quam hic affert Apostolus) fidei definitionem; e contrario Erasmus velit tantum esse encomium fidei, perinde ac litterarum esset encomium tantum, si dicerem: Litteræ sunt in rebus adversis solatium, in secundis ornamentum; verius tamen est proprie hanc esse fidei descriptionem, per duplicem fidei proprietatem, eamque præcipuam: quarum prior est, quod fides sit basis et fundamentum spei, faciatque in animo subsistere ea quæ sunt futura; posterior, quod intellectum faciat iis assentiri, quæ non intelligit, quæque suo lumine et ratione non comprehendit.

Ubi nota: Non negat hic Apostolus fidem alias adhuc habere proprietates, aut eam se extendere quoque ad apparentia et existentia, itemque ad res non speratas; imo pari modo fidem sic describere potuisset: Fides est substantia rerum tam sperandarum, quam timendarum; estque argumentum tum apparentium, tum non apparentium. Fide enim credimus infernum, quem timeamus, non speramus, et mortem quæ indies nobis apparet et cernitur. Potest enim eadem res, puta Deus, angeli, mors cognosci variis modis: nimirum primo, demonstratione; secundo, sensu et experientia; tertio, fide, quia scilicet Deus ea revelavit. Fides ergo infernum, mortem et iudicium, quæ non speramus, sed timeamus, utpote certo futura, menti quasi praesentia objicit et representat, quia Deus qui est prima veritas, quæ fallere nequit, hæc tria fide cernenda nobis proposuit. Sed hæc omisit Apostolus, quia non erant ad propositum ipsius: tantum enim gloriam coelestem futuram, et necdum apparentem, Hebræis afflictis proponere intendebat, ut ejus fide, spe et contemplatione eos animaret ad constantiam.

2. IN HAC ENIM TESTIMONIUM CONSEQUITUR SUNT SENES. — Probat suam fidei descriptionem ab exemplo sanctorum Patrum, quorum fides a Deo et hominibus probata et celebrata, talis fuit fides qualem hic descripsit. « In hac » ergo, id est per

Fides est credere quod non vides.

Fides non est fiducia: nam hæc est in voluntate, illa in intellectu.

Hæc est descriptio fidei per duplicem proprietatem.

Fides etiam versatur circa res timendas, et apparentes ac evidentes.

Vers. 2. Confirmatur fidei descriptio

exemplis hanc fidem, Patres « testimonium consecuti sunt, »
SS. quod scilicet placuerint Deo. Deus enim ad eorum
Patrum. fidem mira et stupenda fecit; itaque facto ipso
quasi testimonio suo, Deus tam ipsos, quam ipsorum
fidem approbavit. Hunc esse sensum patet, quia ita se explicat Apostolus, dum subdit
vers. 4 : « Fide plurimam hostiam obtulit Abel, per
quam testimonium consecutus est esse justus, testimonium
perhibente muneribus ejus Deo. » Et vers. 5 : « Fide
Henoch translatus est : ante translationem enim testimonium habuit placuisse Deo. »

Secundo, « testimonium consecuti sunt, » id est, publico Dei et hominum testimonio et commendatione ornati et laudati sunt. Sic enim « testimonium » per catachresin sæpe pro laude sumitur, quæ ex testimonio bono consequitur. Unde concludens hæc fidei testimonia et testes Apostolus
vers. 39 : « Et hi, inquit, omnes testimonio fidei probati, » id est, commendati et laudati sunt.

SENES. — Prisci patres nostri, a quibus prognati sumus, quorum auctoritate et exemplo nos plurimum commoveri par est : est enim nobis quasi hæreditaria eorum fides, virtus et gloria.

Vers. 3. 3. FIDE INTELLIGIMUS APTATA ESSE SÆCULA VERBO DEI. — Probare incipit, fidem esse « argumentum non apparentium, » argumento ducto a prima rerum creatione. Creationem enim nec sensus, nec ratio, sed sola fides nos docet. Philosophi enim illud axioma, quasi primum physices principium : « Ex nihilo nihil fit, » statuantes, creationem negaverunt. Hinc Aristoteles docuit mundum fuisse Deo coæternum. Plato censuit mundum productum quidem esse a Deo, sed ex materia, quæ Deo coexistit, fueritque æterna et increata.

APTATA ESSE. — Græce κατηρησμένα, id est, omnibus suis partibus quasi artubus et membris apte esse coagmentata, concinnata, coaptata et perfecta, ut quæque mundi pars tum sibi, tum aliis, tum ipsi toti mundo apte compaginetur et congruat; itaque ex singulis ita recte compositis mundus ipse integer, omnibusque suis numeris perfectus et absolutus consurgat et consistat. Unde Ludovicus Molina, *De Opere sex dierum*, disput. iv, notat nomine aptationis sæculorum, non intelligi creationem ex nihilo, sed digestionem, coordinationem et compositionem sæculorum (puta mundi et omnium mundanorum) ex materia terræ et aquæ, quam a principio Deus una cum cælo empyreo creaverat. Syrus vertit דאָטאָקאָן *dettakam*. Quod tripliciter verti potest, primo, *ordinata esse*; secundo, *colligata esse*; tertio, *stabilita et fixa esse sæcula verbo Dei*, scilicet, ne quis inani formidine cælum ruiturum, aut terram in aere pendulam deorsum aliquando prolapsuram vereatur.

SÆCULA. — Id est, tempora et omnia temporaria, puta mundum, et omnia quæ in mundo sunt. Est metonymia, ut dixi cap. i, vers. 2.

VERBO DEI, — id est, per Filium Dei. Secundo et simplicius, per jussum Dei, quo dixit Gen. i : Fiat lux, fiat firmamentum, fiat cælum et terra, et omnia quæ in eis sunt.

UT EX INVISIBILIBUS VISIBILIA FIERENT. — id est, ut ex non entibus et non existentibus fierent entia et existentia. Est metalepsis : quæ enim non sunt, nec existunt, sunt invisibilia. Ita Theophylactus. In Græco est verborum metathesis, μή ἐκ φαινομένων, pro ἐκ μή φαινομένων. Secundo, Ludovicus Molina et Ribera hic, « ex invisibilibus, » id est, inquit, ex rationibus æternis ideisque rerum, quæ fuerunt ab æterno invisibiles et reconditæ in mente et Verbo Dei, tanquam in arte et exemplari suo, creata sunt omnia, ut existerent fierentque visibilia, utque suæ ideæ et similitudini, quam habent in mente divina, apte responderent. Ita D. Thomas, qui ad hoc citat illud Boetii, lib. III *De Consolatione*.

Pulchrum pulcherrimus ipse
Mundum mente gerens, similique in imagine formans.

Sic Aristoteles, lib. VII *Metaphys.*, cap. vii, ait, ex domo sine materia (id est, ex idea domus, quæ est in mente architecti) fieri domum quæ habet materiam.

Tertio, Cajetanus, « ex invisibilibus, » inquit, id est informi, indigesta, inornata, inani mole et chao, quod primo die mundi creavit Deus, cum scilicet præter cælum et terram nihil fecit aliud quam abyssum aquarum quæ terram operiret, seseque ad cælum empyreum porrigeret. Ex hoc ergo chao et abysso, Deus sequentibus mundi diebus formavit cælos, elementa, astra, aves, pisces, jumenta reliquaque omnia, ut existerent fierentque visibilia, id est spectabilia, pulchreque composita, digesta et ornata. Videtur enim Paulus de more alludere ad Septuaginta qui, Gen. i, pro eo quod nos habemus : « Terra erat inanis et vacua, » vertunt, *terra erat invisibilis et incomposita*. Unde et Sapiens, Sap. xi, 18, dicit Deum fecisse « orbem ex materia invisa. » Hic sensus est valde appositus, tum quia optime explicat aptata, tum quia prepositio ex proprie causam non exemplarem, sed materialem aut quasi materialem significat.

4. FIDE PLURIMAM HOSTIAM ABEL, QUAM CAIN, Vers. 4. OBTULIT DEO. — Pro plurimam græce est πλείονα, id est plurem, ampliorem, præstantiorem, pluris et majoris pretii. Ita Syrus, Chrysostomus, Theophylactus. Noster interpres ne diceret plurimam, quod latine non dicitur, dixit « plurimam, » quasi dicat : Fides, quæ longe major et ardentior erat in Abel quam in Cain, excitavit Abelem, ut majores et præstantiores hostias Deo offerret quam Cain : nam Cain obtulit tantum fructus terræ; Abel vero obtulit primogenita gregis sui et adipēs eorum, Gen. iv, 4.

Nota : Fides Abelis, qua ipse Deo placuit, quamque hic Apostolus commendat, non fuit Abel et

Invisibilia primo, sunt non entia;

Secundo, æternæ rationes, et ideæ rerum in mente Dei;

Tertio, materia prima, et aquarum abyssus.

Errores philosophorum de mundi creatione.

Aptatio sæculorum est eorum ordinatio, non

aliorum nuda et otiosa, qualis est Novantium; sed fuit viva, efficax et operans per actus latriæ, sacrificii, devotionis et charitatis. Sic fides Noe, Abrahæ, Mosis et aliorum operosa fuit, protulitque actus obedientiæ, peregrinationis, patientiæ, fortitudinis et tolerantiae multorum laborum, dolorum et malorum, uti subiicit Apostolus.

PER QUAM TESTIMONIUM CONSEQUITUR EST ESSE JUSTUS.—Testimonium hoc habetur *Gen. iv*, vers. 4, ubi dicitur: «Respexit Dominus ad Abel, et ad munera ejus: ad Cain vero, et ad munera illius non respexit.» In quem locum S. Hieronymus in *Question. hebraicis*: «Unde, inquit, scire poterat Cain, quod fratris ejus munera suscepisset Deus, et sua repudiasset, nisi illa interpretatio vera esset quam Theodotion posuit? Et inflammavit Dominus super Abel et super sacrificium ejus; super Cain vero et sacrificium ejus non inflammavit.» Per ignem ergo a se missum, quo combussit Deus hostias Abelis, non Caini, ostendit Abelem, ejusque munera sibi placere, non Caini, ut tradunt Hebræi, Chrysostomus, Theophylactus et alii. Sic enim Deus per ignem a se missum ostendit sibi placere sacrificium Mosis et Aaronis, *Levit. ix*, 24; itemque Eliæ, non autem sacerdotum Baal, *III Reg. xviii*; et Gedeonis, *Judicum vi*, 21; et Manue, *Judicum xiii*, 20; et Davidis, *I Paralip. xxi*, 26; et Salomonis, *II Paral. vii*, 1; pari modo Nehemiæ sacrificium igne probavit et commendavit Deus, *II Mach. i*, 32.

ET PER ILLAM DEFUNCTUS ADHUC LOQUITUR,—quia Abelis licet olim occisi fides, innocentia, pietas, martyrium et memoria adhuc recens est et celebratur apud omnes fideles, eosque ad sui imitationem exhortatur melius quam si Abel mille linguis eos exhortaretur, tanta est vis exempli, q. d. Cain sustulit quidem Abelem, sed non sustulit ejus gloriam et memoriam, qua vivit et vivet semper in mente et ore fidelium. Ita Chrysostomus, Theodoretus, Theophylactus, Oecumenius (1).

Aliter Galenus et Ribera, loquitur, inquiunt, adhuc Abel, quia adhuc vindictam petit a Deo, ut in extremo judicio plene puniatur resurgens Cain, et quotquot ejus scelus secuti sunt: quasi Paulus alludat, imo citet illud *Gen. iv*: «Vox sanguinis fratris tui clamat ad me de terra.» Sed prior sensus germanior videtur et planior, agit enim de fide Abelis, quæ testimonium et laudem a Deo consecuta est; hancque ait adhuc loqui, id est, suo testimonio et laude divina provocare omnes ad sui imitationem.

5. FIDE HENOC HENOC TRANSLATUS EST NE VIDERET MORTEM.—Nota: Communis Patrum sententia est, Henoch et Eliam translatus esse in paradysum, ut tempore Antichristi redeant, et contra eum pro

(1) Mortuo Abeli loquelam Paulus eodem sensu tribuit, quo apud Virgilium Phlegyæ pœna

....magna testatur voce per umbras:
Discite justitiam moniti, et non temnere Divos.

Christo decertent; ideoque ab Antichristo occidentur in Jerusalem, sed tertio die publice resurgent et ascendent in cœlum, ut dicitur *Apo. cap. xi*, vers. 3 et 12. Idipsum docet Ecclesiasticus, *xlii*, 16: «Henoch, inquit, placuit Deo, et translatus est in paradysum, ut det Gentibus pœnitentiam.» Licet enim *in paradysum* non sit in Græco, est tamen in omnibus codicibus Latinis.

Quare perperam Judæi nonnulli putant Henoch esse mortuum *Gen. v*, 24; nam pro eo, quod nos habemus, non apparuit, hebraice est *וְהֵנוֹךְ וְהָיָה* *veenennu*, id est, et non ipse, id est, ut ipsi intelligant, ipse non exstitit, non vixit, sed mortuus est. Verum hoc insulse dicitur, nam *et non ipse* significat, ipsum amplius non apparuisse in terra, non esse visum hominibus, non autem esse mortuum, alioquin enim de Henoch æque ut de Adam, Set, Noe et reliquis omnibus dixisset Moses: «Et mortuus est.» Jam autem hoc de eo non dicit, sed dicit *וְהָיָה וְהָיָה* *veenennu*, et non ipse, scilicet apparuit amplius in terra. Ita enim vertit noster Interpres, Chaldæus, Septuaginta et ex iis Paulus hic: nam sequitur: «Quia tulit eum Dominus,» vel, ut Septuaginta et ex iis Paulus, *παρέλαβεν*, id est, transpositus est (scilicet a terra in paradysum) a Domino. Syrus vertit *אֶשְׁרֵי עֲמָתִי* *estamti*, quod partim translatus, partim mutatus in meliorem sortem et statum significat; *שָׁנָה* *seana* enim tam Syris quam Hebræis mutare significat. Non ergo probabile tantum est, ut quidam temere dixerunt, sed plane certum ex communi S. Scripturæ, Patrum et Ecclesiæ sensu, Eliam et Henoch non esse mortuos, seu vivos raptos esse in paradysum, rediturosque sub finem mundi. Unde Tertullianus, lib. *De Resurrectione carnis*, «eos nondum resurrectione dispunctos; quia necdum morte junctos, sed tamen eternitatis candidatos» vocat.

Quæres, quomodo «fide,» id est per fidem, ob fidem dicatur «translatus Henoch?» Respondeo: Henoch translatus est ob insignem vitæ innocentiam, qua non tam humanam, quam cœlestem in terris vitam agebat, ut potius Deo et angelis, quam hominibus jungendus esse videretur. Hanc causam insinuat Moses, *Genes. v*, 24, cum ait: «Ambulavitque (Henoch) cum Deo, et non inveniebatur, quia tulit eum Dominus.» Ubi satis significat quod Deus tulerit Henoch, quia Henoch «ambulavit cum Deo,» id est, Deo per omnia consensit, obsecundavit et cohæsit tanquam amicus cum amico, aut potius tanquam servus cum domino, jugiter et decenter versans et ambulans: hoc enim significat hæc phrasis; unde Amos, cap. *iii*, vers. 3, sic ait: «Numquid ambulabunt duo pariter, nisi convenerit eis?» Ambulare ergo cum Deo est virorum magnorum et insigniter sanctorum, qui Deo perchari, conjuncti et familiares sunt, qualis fuit Noe, de quo dicitur *Gen. cap. vi*: «Noe vir justus atque perfectus cum Deo ambulavit,» ubi Chaldæus vertit, *ambulavit*

hunc certant cum Antichristi

Certum est Eliam et Henoch non esse mortuos contra aliquorum Judæorum errorem et dubium.

Insignis Henoch innocentia, et unio cum Deo causa fuit raptus ejusdem.

Quid sit ambulare cum Deo?

Noe in timore Dei; Septuaginta et ex iis Paulus vertunt, placuit Deo, scilicet, uti solent aulici nonnulli regi placere, cum illi in deliciis sunt. Unde et apposite Henoch hebraice dedicatum vel consecratum Deo significat.

Dicit tamen Paulus, Henoch translatus esse « fide, » sive per fidem, quia fides futuræ retributionis excitabat Henoch ad præclara fidei opera exercenda, quibus ambulavit cum Deo, Deoque placuit, ob quæ meruit a Deo rapi et transferri in paradisum. Potuisset pari modo dicere Apostolus: Spe vel charitate, vel pietate sua insigni translatus est Henoch; sed maluit hoc fidei tribuere, tum quia de fide agebat, eamque Hebræis inculcabat; tum quia fides prima est et dux atque incentrix spei, charitatis, pietatis aliarumque virtutum.

Vers. 6.

6. SINE FIDE AUTEM IMPOSSIBILE EST PLACERE DEO. — Probat Henoch translatus esse per fidem, vel propter fidem, hac ratione: Henoch translatus est, quia placuit Deo; atqui non potuit placere Deo, nisi per fidem: ergo per fidem translatus est.

CREDERE ENIM OPORTET ACCEDENTEM AD DEUM, QUIA EST, ET INQUIRENTIBUS SE REMUNERATOR SIT. — Probat minorem syllogismi jam positi, scilicet Henoch non potuisse placere Deo, nisi per fidem, probat autem sic: ut quis ad Deum accedat uti oportet, eumque rite colat, itaque ei placeat, debet credere, « quia, » id est quod, « est, » Deus, et quod « se inquirentibus sit remunerator. » Si enim quis atheus aut politicus putet Deum non curare res humanas, non punire malos, nec præmiare bonos et remunerari, hic negliget Deum, nec curabit ad Deum accedere eumque colere: ergo ut Henoch et quivis alius accedat ad Deum eique placeat, necesse est ut fidem habeat, qua in Deum judicem, vindicem et remuneratorem credat.

Atheismus et politicus Deum tollit.

Non sufficit naturalis Dei cognitio sine fide ad salutem.

Dices: Ut quis accedat ad Deum, eumque colat, sufficit naturalis Dei cognitio, qua philosophi cognoverunt Deum esse et esse vindicem bonorum et malorum: ergo non opus est fide. Respondeo, negando antecedens. Naturalis enim Dei cognitio tantum docet colendum et amandum esse Deum tanquam auctorem naturæ et bonorum naturalium, illaque tantum ab illo esse speranda et petenda. Deus autem vult amari et coli ab hominibus, non tantum ut auctor bonorum naturalium, sed etiam supernaturalium et æternorum post hanc vitam; nec alia ratione ad illum illiusque favorem et amicitiam accedere, illique placere, et grati esse possumus. Unde sæpe bona naturalia Deus in hac vita negat justis et amicis suis, eaque confert improbis et inimicis suis, ut nimirum doceat homines non illa præsentia, utpote vilia, caduca et exilia, sed spiritualia et æterna, utpote Deo digna, a Deo esse petenda, Deumque velle hæc, non autem illa primario et præcipue a se peti. Ad hoc autem opus est fide. Sole enim fides dicat nobis Deum

esse auctorem non tantum naturæ, sed et gratiæ gloriæque æternæ, hæc enim sunt bona supernaturalia, sive res sperandæ et non apparentes, quarum argumentum est fides, uti vers. 1 docuit Apostolus.

Adde, verius est (quidquid aliqui dicant) Deum esse, esse vindicem bonorum et malorum, aliaque attributa Dei naturalia Christiano, præsertim pœnitenti et justificando; credenda esse cognitione et fide, non tantum naturali, sed etiam supernaturali, uti docent doctiores et solidiores Theologi.

Hinc ergo recte concludit Paulus ad justificationem, ut scilicet simus amici Dei, Deoque placeamus, requiri fidem, sive cognitionem supernaturalem et divinam.

Cognitio supernaturalis requiritur ad justificationem.

Loquitur Paulus de adultis, qualis erat Henoch: licet enim probabile sit, Henoch in infantia fuisse purgatum a peccato originali, et justificationem placuisse Deo per Sacramentum, vel sacrificium legis naturæ, ad id a Deo illo ævo institutum, ac consequenter infusam fuisse illi cum gratia fidem habitualement, non tamen potuit ob infantiam habere fidem et cognitionem actualem, qua actu crederet Deum esse et esse remuneratorem; illam ergo habuit adultus ex instructione Adæ, Set aliorumque patrum suorum. Igitur adultus actu credidit Deum esse et esse remuneratorem, atque per hunc fidei actum et considerationem remunerationis excitavit se ad heroicis charitatis, castitatis, patientiæ, religionis actus, quibus magis placuit Deo, meruitque justificationem secundam (de qua hic loquitur Paulus, uti et sæpe alibi, uti superius monui), puta justitiæ augmentum, atque in iis quotidie crescens meruit tandem transferri a Deo; ergo manet probata conclusio Pauli: « Fide translatus est Henoch. » Clarum est enim Henoch non meruisse transferri per fidem habitualement, quam habuit in infantia. Hanc enim habuere cæteri infantes illius ævi, qui tamen non meruere transferri. Ergo loquitur Apostolus de fide actuali, quam adultus habuit Henoch, ejus impulsu heroica opera patravit, ob quæ meruit præ cæteris transferri.

Nota: Ad justificationem, Deique amicitiam, qua illi placeamus, non tantum hæc duo, scilicet quod Deus sit et quod remunerator, sed plura alia credenda sunt, ut, Deum esse trinum et unum, Christum incarnatum et crucifixum esse mediatorem Dei et hominum, Christum esse peccati tum originalis, tum ejusvis actualis expiatorem, animam esse immortalem: Apostolus tamen tantum hæc duo jam dicta recenset, non quasi hæc sola sufficiant, sed quia hæc duo requiruntur vel maxime ad spem excitandam, ut Hebræi, et quilibet alius fortiter virtutis labores et agones obeat et sustineat, inquit Theodoretus.

Plura credenda quam duo que hic recensentur Paulus.

Nota secundo: remunerator: inde enim contra Novantes recte colligimus merita bonorum operum, quibus mercedem Deus sit daturus. Hoc

Meritum valor stabilis.

tur con-
tra No-
vautes.

enim significat ῥεμunerator, et clarius Græcum μετὰποδοτής, id est, mercedis retributor. Merces enim ad merita essentialem ordinem et relationem includit, ut scilicet omnis merces meritorum sit merces, et omnia merita mercedis sint merita.

Vers. 7.

7. FIDE NOE RESPONSO ACCEPTO (græce χρηματισθεῖς, id est, oraculo Dei admonitus) DE HIS QUÆ ADHUC NON VIDEBANTUR (de futuro orbis diluvio), METUENS APTAVIT ARCAM IN SALUTEM DOMUS SUÆ. — Pro metuens, in Græco legitur εὐλαβηθεῖς, id est, reveritus Deum: cum enim alii homines reverentiam, metum et fidem numinis abjecissent, riderentque minas Dei de futuro diluvio, et solus Noe timuit, et reveritus est Deum iudicem et vindicem, certoque credidit Deo prædicenti diluvium, ideoque ad illud evadendum arcam construxit.

Posset secundo, εὐλαβηθεῖς, id est reveritus, passive accipi (4): quem scilicet Deus reverebatur. Sic enim Christus dicitur a Patre exauditus pro sua reverentia cap. v, vers. 6, q. d. Noe ob suam iustitiam in honore et in pretio fuit apud Deum, ita ut Deus quasi ipsum revereretur, ideoque ipsum a diluvio servare vellet, indicans ei et præscribens effugium per arcam. Ecce quanti Sanctos faciat Deus.

PER QUAM (arcam) DAMNAVIT (Noe) MUNDUM, — q. d. Noe ipso facto et rerum eventu damnavit incredulitatis homines sui ævi, qui nolebant credere futurum diluvium et agere penitentiam, ideoque fabricam arcæ ejus irridebant: hosce, inquam, damnavit Noe, dum iis diluvio mersis ipse solus cum suis in arca diluvium evasit. Sic regina Austri dicitur Matth. xii, 42, condemnatura Judæos, scilicet ipso facto et studio suo, quo tam studiose a finibus terræ venit ad Salomonem, cum Judæi Christum, quem domi habebant, neglexerint et spreverint.

Vides hic, quod fides Noe ipsi fuerit substantia rerum non tantum sperandarum, sed etiam timendarum, scilicet diluvii, quod ut evaderet, tam operose per centum annos, omnibus irridentibus, fabricavit arcam, q. d. Sicut Noe per fidem sustinuit se in metu, spe, constantia ac labore fabricandi arcam per centum annos: ita vos, o Hebræi, per fidem vos sustinete, ut in persecutione sitis fortes, constantes et longanimes. Sicut enim quod credidit Noe, hoc re ipsa evenit, ut scilicet ipse per arcam evadens videret reliquos omnes diluvio mergi: ita vobis, o Hebræi, re ipsa eveniet id quod creditis, scilicet ut infideles persecutores vestros videatis diluvio ignis gehennæ absorberi; vos vero per fidem et Ecclesiam, quasi arcam, ab eo liberari et enavigare, atque ad portum cæli salutisque æternæ appellere.

ET JUSTITIÆ, QUÆ PER FIDEM EST, HERES EST INSTITUTUS, — q. d. Atque ita in Noe ejusque familia mansit justitia Adami, Henochi, Abel et alio-

rum veterum patrum, quam ipsi pariter per fidem acquisiverant, factusque est Noe ex asse hæres justitiæ et sanctitatis patrum: cum vitia et vitiosi homines omnes mersi essent diluvio. Noe enim licet esset justus, per fidem tamen qua Deo credidit et obedivit in arcæ fabrica, promeruit sibi justitiæ augmentum; familiæ vero suæ promeruit ut in ea sola quasi hæreditario jure et successione permaneret vera Dei fides, cultus, religio, justitia et amicitia, utque ex se quasi novi mundi totius hærede, et novi sæculi parente tandem Christus, justificator mundi, Adæ patri suo promissus, Genes. iii, 15, nasceretur. Ita Theophylactus, Anselmus, Galenus et alii.

8. FIDE QUI VOCATUR ABRAHAM, OBEDIVIT IN LOCUM (in terram Chanaan) EXIRE, QUEM ACCEPTURUS ERAT IN HEREDITATEM. — Pro qui vocatur græce est καλούμενος, quod Syrus vertit, cum vocaretur, scilicet a Deo. Melius noster Interpres et Theodoretus vertunt, qui vocatur, q. d. Patriarcha ille admirabilis, cujus nomen apud vos, o Hebræi, est celeberrimum, qui prius אַבְרָם Abram, id est pater excelsus, sed postea merito fidei et obedientiæ vocatus et factus est אַבְרָהָם Abraham; quasi אֲבִי רַב הָמוֹן ab rab hamon, id est, pater magnæ multitudinis, sive multarum gentium, Genes. cap. xvii, vers. 8, Rom. cap. iv, vers. 17, hic, inquam, Abraham «fide,» id est per fidem, obedivit Deo, primo, ex Ur Chaldæorum; secundo, ex Haran se evocanti in terram Chanaan, ubi cum Deus tam miro favore, benevolentia et familiaritate dignatus et persecutus est, q. d. Fides est, quæ Abrahamum ad Dei amicitiam provexit; fides est, quæ illum tantum, quantus evasit, effecit; fides Abrahamum (quantum virum!) finxit et efformavit.

Quæstio hic est, an Abraham cum vocaretur a Deo, ut egrediretur ex Ur et Haran, sciverit sibi eundum esse in Chanaan; et an Deus Chanaan illi nominarit, an vero tantum confuse et in genere dixerit: Vade in terram quam tibi (postea) ostendam et demonstrabo. Putant Pererius, in Genes. xii, 5, et Vasquez hic, Abraham distincte non audisse, nec scivisse de Chanaan, quod eo sibi esset eundum. Id enim Apostolus hic videtur significare, et Deus Genes. xii, 1: «Veni, inquit, in terram quam monstrabo tibi;» itaque magis commendatur fides et obedientia Abrahæ. Hec sententia est probabilis, prior tamen videtur contraria, quam sequitur ibidem Abulensis, Oleaster et Ribera hic, scilicet Deum evocasse Abraham ex Ur et Haran in Chanaan, eamque illi nominasse et indicasse. Probatur, quia id diserte dicitur Genes. xi, 31: «Tulit, inquit, Thare Abram filium suum, et Lot, et Sarai, et eduxit eos d Ur Chaldæorum, ut irent in terram Chanaan.» Ac rursum Genes. xii, 5: «Egressi, inquit, sunt ut irent in terram Chanaan.» Respondet Pererius, Chanaan hic per anticipationem, brevitatis et perspicuitatis causa nominari, sensumque esse,

Henoch;
Abel et
novi
mundi.

Vers. 8.

Abram
nomen
auctum
propter
fidem.

An Deus
evocans
Abraham
ex Ur et
Haran,
illi no-
minave-
rit ter-
ram Cha-
naan?

Sententia
adfirmans
proba-
tur.

Noe
fides,
finitu-
do, con-
stantia.

Noe her-
es justiti-
æ
Adami,

(4) Minus recte.

q. d. Exierunt in terram, tunc quidem sibi incognitam, quam tamen postea, Deo indicante et demonstrante, cognoverunt esse Chanaan. Re ipsa ergo exiverunt versus Chanaan, sed postea deum cognoverunt se tendere in Chanaan, ibique sedem fixuros esse.

Verum cum Moses historice hunc exitum narret, et secundo dicat eos exisse in Chanaan, plane id ut sonat accipiendum videtur. Adde secundo, Thare (de quo incertum est et dubium, an tunc fuerit fidelis et veri Dei cultor) non videtur fuisse tantæ fidei, tantique animi, ut ex Ur patria et sede sua, cum Lot et Sara, totaque sua stirpe exiret, ut sequeretur Abrahamum filium suum a Deo evocatum, nisi scivisset determinate quo evocaretur, quoque omnes essent ituri, ut se lem figerent. *Tertio*, quia nisi Deus distincte evocasset Abraham in Chanaan, nescisset Abraham versus quam partem egredi, quo tendere deberet. Jam autem constat Abraham cum Thare, primo ex Ur ivisse in Haran. Sciebant ergo sibi eundum esse versus Haran, ac consequenter sciebant sibi eundum esse in Chanaan. Nam Haran recta erat via euntibus ex Ur in Chanaan: nolebat enim Deus eos morari in Haran, sed ex Haran pergere in Chanaan.

Dices: Quomodo ergo Apostolus ait, quod Abraham exierit *nesciens quo iret*. Respondeo, quo, id est, in quam determinatam regionem, agrum vel urbem. Licet enim sciret se a Deo evocari in Chanaan, tamen nesciebat in quam partem Chanaan vocaretur: regio enim Chanaan ampla erat et in multos reges partita. Unde voluit Deus Abrahamum, quasi cæcum educere ex Ur et Haran, ut per medias provincias, perque Chanaan, peregrinaretur pendulus semper a Deo, et juxta Dei nutum stationes identidem mutaret. Id patet Gen. cap. XII, et sequentibus. Ex quo liquet magna fides et obedientia Abraham: perinde enim fecit atque si Belga aliquis Dux aut comes ex Belgio in Hispaniam evocaretur a Rege dicente: Relinque Belgium et omnia quæ habes in Belgio: veni cum tuis in Hispaniam, ad illam provinciam et urbem, quam, cum eris hic, ostendam et dabo tibi. Magna foret fides Belgæ illius in Regem, si ad ejus vocem certa pro incertis dimitteret: licet enim sciret in genere se in Hispaniam evocari, tamen nesciret, an regio vel urbs quam in Hispania accepturus est, sit major, melior, commodior, salubrior, opulentior suis fundis, quos possidet in Belgio. Ita fecit Abraham. Adde, quod vaga et incerta peregrinatio soleat liberorum procreationi et educationi officere, opes deterere, famam maculare, amicitias dissolvere.

Eodem modo respondetur ad illud Genes. XII: «Vade in terram (id est, in illam terræ Chanaan portionem) quam monstravero tibi,» hebraice ארצה *arecha*, id est, quam videre te faciam, quam oculis tuis ostendam.

Vers. 9. 9. FIDE DEMORATUS EST IN TERRA REPROMISSIONIS,

TANQUAM IN ALIENA, IN CASULIS HABITANDO. — Pro demoratus est græce est παρώκην, id est habitavit, non tanquam civis et incola, sed tanquam παροικῶς, id est, advena et peregrinus: quod Noster recte vertit, demoratus est; non bene Erasmus vertit, commigravit. Sic enim græce dicendum fuisset, μετόικησας.

TANQUAM IN ALIENA. — Quia, ut sequitur, domum in ea ædificare noluit, nec agros in ea possedit, sed semper in casulis, græce ἐν σκηναῖς, id est tabernaculis et tentoriis, habitavit, idque ut significaret se tendere alio, scilicet ad patriam et habitationem cœlestem. Magna fuit et heroica fides Abraham, primo, quod patriam, cognatos, parentes, familiam, domum opesque deseruerit, Deumque vocantem secutus sit. Secundo, quod ex indigena peregrinus factus sit. Tertio, quod in incertum vagatus sit nesciens quo iret, ubi consisteret. Quarto, quod, licet esset in terra promissionis, id est, promissa sibi a Deo, tamen usque ad mortem nihil in ea a Deo datum, ne quidem passum pedis, ut ait S. Stephanus, Actor. VII, 5, possederit, sed crediderit et sperarit certo sibi, id est posteris suis, eam esse dandam. Quinto, quod tota vita voluerit peregrinari, credens et sperans domum æternam in cœlis.

CUM ISAAC ET JACOB COHEREDIBUS REPROMISSIONIS EJUSDEM, — q. d. Abraham fides in eo rursum magis elucet, quod non tantum se, sed et Isaac, Jacob, aliosque deinceps posteros suos, qui erant hæredes promissionis sibi factæ a Deo de terra Chanaan possidenda, voluerit et jusserit habitare in eadem Chanaan, quasi peregrinos in casulis et tentoriis, donec Deus post 400 annos promissionem suam expleret, terramque illam ipsis possidendam traderet.

10. EXSPECTABAT ENIM FUNDAMENTA HABENTEM CIVITATEM, CUJUS ARTIFEX ET CONDITOR DEUS, — q. d. Abraham cum suis civilis erat non Chanaan, sed cœli: hinc in Chanaan domum habere noluit, sed in mobili semper habitavit tabernaculo, quia tendebat, et oculos jugiter conjiciebat in cœlestem civitatem, quasi patriam suam, immobilem, firmam et æternam. Ita Anselmus et alii.

Nota: Cœlestem civitatem opponit Apostolus et præponit tabernaculis et casulis Abraham, quæ non habent fundamenta, sed baculis et fulcris nituntur, cum quibus ab uno loco in alium transferuntur: cœlestis vero civitas Beatorum, puta cœlum empyreum, sua habet fundamenta firmissima æque ac pretiosissima, puta crystallina et gemmea, quæ describit S. Joannes, Apocal. XI, 19.

Secundo, cœlestis civitas artificem et conditorem habet non Mosen, non Abraham, sed Deum ipsum, ut ex hoc solo colligere et metiri liceat, quanta sit civitatis illius pulchritudo, magnificentia, gloria, opes et felicitas, tanta nimirum, quanta decet talem artificem, scilicet Deum: Deus enim in hac sua civitate, quasi regia suam majestatem, divitias, potentiam omnemque gloriam

Chanaan
scivit
Abraham,
nescivit
tamen
determinatum
agrum
vel locum
sibi
a Deo
destinatum.
Illustratur
fides
Abraham
simili.

Vers. 10.

Cœlestis
civitas
bene fundata.

Ejus
opes et
felicitas
ipse
Deus.

suam beatis exhibet; perinde ac rex in suo palatio suis principibus regalem pompam, gloriam, delicias et opes omnes explicat et ostentat.

Adde: Deum non tantum hujus civitatis conditorem, sed et materiam sive objectum et spectaculum, atque delicias et opes esse; adeoque ibi beatitudo Dei, omniaque ejus bona nostra beatitudo et bona erunt: erimus enim beati ipsa visione et beatitudine Dei. Deliciæ ergo nostræ, divitiæ et gloria, non erunt humanæ vel angelicæ, sed divinæ; adeoque erunt ipsissimæ deliciæ, divitiæ et gloria, quibus fruitur, ditatur et beatur Deus. Denique hæc est civitas, « ubi rex est veritas, lex charitas, modus æternitas, » ait S. Augustinus, epist. 5 ad Marcellinum.

Vers. 11. 11. FIDE ET IPSA SARA STERILIS VIRTUTEM IN CONCEPTIONE SEMINIS ACCEPIT, ETIAM PRÆTER TEMPUS ÆTATIS, QUONIAM FIDELIEM CREDIDIT ESSE EUM QUI REPROMISIT. — Hactenus virilia exempla fidei adduxit Apostolus, nunc, ut magis incitet animos Hebræorum, muliebri subjungit; sed matris omnium credentium, Saræ scilicet, ut pudeat Hebræos in fide vinci a femina, eaque magis esse pusillanimes et timidos. Ita Chrysostomus.

Notat Paulus duo impedimenta conceptionis in Sara: prius in natura, quod esset sterilis, posterius in ætate, quod jam esset plane senex et vetula. Utramque superavit fides, qua credidit Deo supra naturam promittenti conceptionem et partum Isaac.

Dices: Sara, Genes. xviii, 12, ad Dei promissionem de Isaac ex ea nascituro risit, quasi promissio hæc ridicula foret et impossibilis; ergo incredula fuit Sara: quomodo ergo eam a fide hic commendat Apostolus? Respondet Lyranus, Apostolum hanc conceptionem Sara tribuere fidei, non Saræ, sed Abraham. Sed hoc repugnat verbis Apostoli, qui dicit: quod « Sara per fidem conceptionem accepit, quoniam Deo credidit, » scilicet ipsa Sara quæ conceptionem accepit.

Dico ergo, initio Sara mox ut audivit promissionem tantam, quæ naturaliter erat impossibilis et incredibilis, risit, quasi incredula: sed posteaquam cognovit angelos promittentes conceptionem legatos esse Dei, Deumque representare, adeoque Deum omnipotentem, qui fallere non potest, per angelos hanc conceptionem sibi promittere, tunc credidit, ut satis colligitur Genes. xviii, 14 et 15. Ita Theodoretus.

IN CONCEPTIONE SEMINIS. — Græce εις καταβολήν σπέρματος, id est, in conceptionem seminis, q. d. Ad recipiendum, retinendum, formandum semen prolificum, virtutem a Deo accepit per fidem Sara, quæ per naturam, utpote sterilis et anus, inepta erat ad hanc conceptionem. Ita Chrysostomus. Secundo, Græcum καταβολήν Theophylactus vertit, ad dejectionem seminis, ut scilicet ipsa Sara suum quoque decideret et subministraret semen ad conceptionem Isaaci. Unde Erasmus vertit, ad seminandum. Tradunt enim medici in conceptione

non solum virum, sed et feminam suum decidere dareque semen proli efformandæ. Tertio, ex Hieronymo Ribera, καταβολήν σπέρματος, id est, inquit, ad jacienda fundamenta, sive exordium seminis, id est, posteritatis suæ. Primus sensus est planissimus, eumque noster Interpres clare expressit.

12. PROPTER QUOD ET AB UNO ORTI SUNT (ET HOC EMORTUO), TANQUAM SIDERA COELI, ET SICUT ARENA, QUÆ EST AD ORAM MARIS, INNUMERABILIS. — q. d. Propter hanc fidem factum est ut Sara ex Abraham conciperet, et ex uno viro, eoque emortuo orirentur proles et posterii innumerabiles. Abraham vocat emortuum, quia corpus ipsius ob senium erat emortuum, et emortua in eo erat vis generandi. Sub fide Saræ intelligit et præsupponit Apostolus fidem Abraham, quasi mariti et patris credentium: Abraham enim magis quam Sara sua fide meruit hanc seminis posteritatem, ut patet Genes. xv, 6.

Nota hyperbolem, qua posterii Abraham comparantur arenæ maris, quæ est innumerabilis: certum enim est eos certo et definito esse numero, qui et numerari possit, et arenæ numerum non exæquet. Tantum ergo hac hyperbole significatur eos fore plurimos et maximo numero. Hinc Isaac, per quem omnes hi ex Abrahamo prognati sunt, hebraice risum et gaudium significat. Syriace vero dicitur ܡܢܝܚܐ isehok, id est, abundantia et redundantia (Syri enim Hebræum tsade mutant in samech), quæ maxime patet in hac posterorum copia.

13. JUXTA FIDEM DEFUNCTI SUNT OMNES ISTI, — Vers. 13 id est, per fidem, cum fide, retinentes fidem, et fideles usque ad mortem, defuncti sunt, quia, sicut in fide vixerunt, ita et in fide mortui sunt: bona enim a Deo promissa non viderunt, dum viverent, sed post mortem illa se accepturos crediderunt.

Dices: Si omnes isti defuncti sunt, ergo et Henoch defunctus et mortuus est, non autem translatus, ut dixit vers. 5.

Respondet S. Chrysostomus, Theophylactus, Oecumenius, et ex eis Ribera, « omnes » vocari pene omnes: excipitur enim unus Henoch, quem ex dictis constat non esse defunctum, sed translatum. Sic Genes. xlii, 7, dicitur Jacob venisse in Ægyptum cum omni sua progenie, omni, id est, pene omni, constat enim excipi Joseph, qui jam erat et præsidebat in Ægypto. Sic enim solemus loqui universaliter, etiam unus vel alter excipitur, præsertim si constet illum excipi: tunc enim cuncti sciunt intelligi, omnes scilicet, hoc illove excepto. Secundo, præcisè « omnes isti, » scilicet Abraham, Isaac et Jacob, qui post diluvium vixerunt et promissiones acceperunt tum de terra Chanaan, tum de vita æterna in cælis possidenda, defuncti sunt: de hisce enim proprie loqui Apostolum, patet vers. 15 et 16, cum ait: « Et si quidem ipsius meminissent de qua exierunt, » sci-

femina
quomodo
concepit.

Vers. 12.

Multitudo posterorum Abraham.

Quomodo omnes defuncti, si Henoch translatus?

licet Chaldaee (quæ fuit patria Abrahami, ex qua exivit Deo iubente in Chanaan), « habebant utique tempus revertendi, » q. d. Si penituisset Abraham exitus e patria sua, si de ea repetenda cogitasset, poterant facile ad illam redire, ne perpetuo in Chanaan peregrinari cogeretur; jam autem cum de reditu non cogitarit, patet illum aliam cogitasse et exquisiisse patriam, scilicet cœlestem. Ideo non confunditur Deus vocari Deus eorum, dicendo: « Ego sum Deus Abraham, Deus Isaac, Deus Jacob. » Perinde ac si hi tres omnibus, quorum Deus est Dominus, sint æquiparandi, ait Theophylactus. Ita scilicet Deus hos tres viros sanctissimos in pretio et amore, cordi et curæ habuit. Videtur ergo Apostolus a vers. 8, ponere distinctum et secundum statum, ætatemque mundi, quæ scilicet fuit post diluvium, quando cepit quasi novum sæculum fidei et Ecclesiæ in Abrahamo, qui fuit typus, exemplar et pater omnium credentium et fidelium, quique tota vita sua cum Isaac et Jacob peregrinatus est in Chanaan, quia spectabat civitatem cœlestem. Merito ergo uti Levitis sortem non habentibus in Chanaan, ita et Abrahæ pars et sors fuit Deus ipse: ac consequenter, cum ait Paulus omnes defunctos, non intelligit Abel, Henoch et Noe, qui fuerunt in priori sæculo et altero quasi mundo, qui fuit ante diluvium; sed tantum intelligit Abraham, Isaac, Jacob, qui fuerunt in novo hoc et secundo sæculo post diluvium. Ita S. Thomas, Lyranus et Cajetanus.

NON ACCEPTIS REPROMISSIONIBUS, — tum de terra Chanaan possidenda: hanc enim non adepti sunt, nisi sub Josue, post quadringentos annos; tum potius de cœlesti regno et gloria possidenda: hanc enim non sunt adepti, nisi per et post mortem Christi Jesu. De promissione enim cœli loqui Apostolum patet ex seq., cum ait: « Nunc autem meliorem appetunt, » id est, cœlestem. Ex hoc loco Patres et Theologi colligunt, ante Christum Christique mortem, nullam animam quantumvis sanctam et puram cœlum introisse, aut Dei visionem et beatitudinem adeptam esse. Unde cap. ix, docuit Apostolus ante Christum nondum propalam fuisse Sanctorum viam, id est, cœlum mortalibus fuisse inaccessible, uti ait ibidem Ambrosius, Chrysostomus, Theophylactus et alii. Et cap. x, idipsum diserte asseruit Paulus dicens: « Habentes itaque, fratres, fiduciam in introitu Sanctorum in sanguine Christi, quam initiavit nobis viam novam et viventem per velamen, id est, carnem suam. »

SED A LONGE EAS ASPICIENTES ET SALUTANTES. — Est metaphora a navigantibus, inquit Chrysostomus, qui dum portum eminens aspiciunt, læto clamore quasi celeusmate, eum appellant et salutant. Sic apud Virgilium:

Italiam, Italiam primus conciamat Achates.

Ita hi patres cum per fidem obscure viderent, id

est crederent, patriam cœlestem, eam crebro cum desiderio appellabant et salutabant.

ET CONFITENTES, QUIA PEREGRINI ET HOSPITES SUNT SUPER TERRAM. — Hinc patet hunc sensum et hanc vocem, *Peregrini sumus in hac vita*, fuisse priscis illis patribus familiarem, quæ mire eos mundanarum opum et rerum contemptum, ac cœlestium desiderium et studium incitabat. Ita Jacob, Genes. xlvii, 9: « Dies, inquit, peregrinationis vitæ meæ centum triginta annorum sunt, parvi et mali, et non pervenerunt usque ad dies patrum meorum quibus peregrinati sunt. » Et David, Psalm. xxxviii, 13: « Advena ego sum apud te et peregrinus, sicut omnes patres mei. » Et Salomon, I Paralipom. xlix, 15: « Peregrini sumus coram te et advenæ, sicut omnes patres nostri. » Jeremias quoque de Christo loquens, cap. xiv, vers. 8: « Quare, inquit, quasi colonus futurus es in terra, et quasi viator declinans ad manendum? » Erras ergo, Christiane, si hic te domum habere putas, si te hic ad quietem, quasi in patria componis: peregrinus hic es, peregrinaris in terra aliena; patria et requies tua est in cœlo; illuc propera, illuc festina. Ita Apostoli quasi peregrini toto orbe « euntes ibant et flebant mittentes semina sua. »

S. Olympius Abbas, uti narrat Sophronius in *Prato spirituali*, cap. xii, rogatus a quodam, quam ratione recte vitam suam institueret, respondit: « Ubique æstima te peregrinum, et ubicumque sederis, dic: Peregrinus sum. » Quare recte monet S. Petrus, *epist. I*, cap. ii, vers. 11, dicens: « Charissimi, obsecro vos, tanquam advenas et peregrinos, abstinere vos a carnalibus desideriis, quæ militant adversus animam. » Nam qui civis est cœli et terræ advena, terrena præterire et contemnere, cœlestia appetere et prosequi debet, uti pulchre docet hic Chrysostomus in *moralibus homil.* 25. Insigne hac de re exemplum S. Basilii narrat Nazianzenus, in *Orat. funebri de laudibus S. Basilii*: cum enim præfectus Valentis Imperatoris Basilio minaretur exilium et ejectionem ab Episcopatu, respondit Basilus: « Nihil horum quæ dixisti curo, melior sum his qui publicant et proscribunt. Ipse me ob spem regni cœlestis proscribens, nihil vero possidens, ab exilii metu liber sum; unam omnium cognoscens esse patriam, paradisum (terram enim quasi commune omnium aspicimus naturæ exilium), propria vero carens terra nullo loco circumscribor; Domini enim est terra et plenitudo ejus, incola ego sum in terra sicut omnes patres mei. Cumque ab Episcopatu pelleretur in exilium, dixit illico socio suo: Libellum hunc accipe, et veni mecum; cum prius libellos pauculos et pannosam vestem qua indutus erat, præfecto obtulisset, quæ sola ipsius erant suppellectilia; additque dicens: Exilium nihil ad me spectat, cum domus quam inhabito aliena sit. »

Pari modo se peregrinum in hoc mundo pro-

Loquitur
tantum
Apostolus
de
mortuis.

Nulla
anima
ante
Christum
beatificata
fuit
in cœlo.

Peregrini
sunt
omnes
homines
in terra.

Pulchra
apoph-
thegmata
SS.
Olympii
et Basilii
profertur
de peregrino.

grius Thaumaturgus, qui, ut inquit Nyssenus in ejus Vita, « moriens obtestatus est suos, ne peculiarem sibi locum sepulture compararent. Nam si vivus, ait, nullius loci dominus vocari volui, sed in alienis tanquam inquilinus et peregrinus habitans vitam transegi, ne post mortem quidem inquilinatus mihi dedecori erit : sed in sequenti sæculo fama prodatur, quod Gregorius nec vivens ab aliquo loco cognominatus sit, et post mortem alienorum locorum fuerit inquilinus, cum ab omni terrena possessione sese abstinuerit, adeo ut ne sepeliri quidem in proprio loco sustinuerit : solam enim illam possessionem pretiosam et expetendam putavit, quæ fraudis et avaritiæ vestigium sese non admittit. » Audi et Ethnium. Cum Anaxagoras Lampiaci moreretur, quaerentibus amicis, velletne Clazomenas in patriam, si quid ei accidisset, deferri : « Nihil necesse est, inquit ; undique enim ad inferos (fidei et sancto ad superos) tantumdem est viæ. » Ita Cicero, I *Tuscul.*

Versum 15 explicui vers. 13, ejusque sensus satis patebit ex vers. 16.

Vers. 16. 16. NUNC AUTEM MELIOREM APPETUNT, ID EST COELESTEM. — « Nunc » non significat hic tempus præsens, sed adversativa et illativa est particula, q. d. Poterat Abraham in patriam, Chaldaeam scilicet, redire, si voluisset : « nunc autem, » id est, cum autem videamus eum noluisse redire, hinc sequitur quod aliam civitatem meliorem, scilicet coelestem, appetierit et prosecutus sit peregrinando in Chanaan tota vita sua.

Vers. 17. 17. FIDE OBTULIT ABRAHAM ISAAC, CUM TENTARETUR. — q. d. Cum Deus tentavit obedientiam et pietatem Abraham, dicens *Genes. xii, 2* : « Tolle filium tuum unigenitum, quem diligis, Isaac, et vade in terram visionis (in montem Moria, ut habent Hebræi, in quo postea Salomon ædificavit templum), atque ibi offeres eum in holocaustum. » Abraham mox Deo jubenti per fidem obedivit, et « obtulit, » id est, offerre cepit et tentavit suum Isaac; sed ne re ipsa offerret impeditus fuit ab angelo : « obtulit » ergo significat hic actum inchoatum, non consummatum, juxta *Canon. 32*.

In rebus etiam desperatissimis filendum promissioni Dei.

Nota : Hanc oblationem Abraham tribuit Apostolus fidei illius, quia fides ipsum animavit et excitavit ad eam faciendam : aliqui enim dixisset Abraham : Impossibilia mihi promittis et præcipis, Domine ; promittis enim mihi stirpem innumerabilem per Isaac, et jam præcipis eundem offerri et occidi : quomodo ergo per eum, si occiderum, sperare potero stirpem quam promittis ? Verum fides hic ei succurrit et hoc duellum dirimit ; credidit enim Abraham Deo tam promittenti, quam præcipienti, certoque sibi persuasit Deum effecturum, ut præceptum hoc promissionem non elideret ; quia, ut subdit Apostolus, « arbitratur quia et a mortuis suscitare potens est Deus, » quod scilicet Deus Isaacum, *א* occideretur, a

morte suscitaret, itaque Isaac suscitatus stirpem Abraham propagaret. « Cum ergo Deus aliquid promittit, inquit Chrysostomus, lib. I *De Providentia Dei*, etiamsi millia sint quæ promissionem ejusmodi obtundant atque intercipient, turbari minime convenit, aut de fine dubitare. Deus enim promissa sua, licet desperatissima videantur, ad certum finem atque exitum perducet. »

CUM TENTARETUR. — Tradunt Hebræi apparuisse Abraham dæmonem specie angelica, eumque gravissimis verbis ab immolando filio deterruisse, tanquam a re impia et inaudite crudelitatis, ac Dei voluntati contraria. Credibile est, si unquam, tunc maxime a dæmone tentatum esse Abraham ; sed an dæmon ei visibiliter apparuerit, incertum est. Certius ergo hæc referemus ad tentationem Dei : alludit enim Paulus ad verba Mosis, *Genes. cap. xii, vers. 1* : « Tentavit Deus Abraham. »

ET UNIGENITUM OFFEREBAT. — Licet enim Ismael quoque natus esset Abraham, tamen Isaac vocatur unigenitus, quia solus ipse erat filius promissionis, unice dilectus hæresque Abraham designatus. Ismael ergo quasi ex hæres, et domo Abraham cum matre Agar jam ejectus, filius Abraham non reputatur.

QUI SUSCEPERAT PROMISSIONES. — « Qui » refert non Isaac, sed Abraham, ut patet ex articulo Græco et ex sequentibus ; cum ait : « Ad quem (scilicet Abraham) dictum est, » q. d. Abraham qui a Deo acceperat promissiones maximæ stirpis per Isaac propagandæ, hic eundem Isaac Dei jussu, non moratus hæc promissiones, fidenter et generose Deo obtulit, quia fide credebat Deum modum inventurum, puta resurrectionem Isaaci, quo per eum promissam stirpem daret et compleret.

18. AD QUEM (ABRAHAM) DICTUM EST : QUIA IN ISAAC VOCABITUR TIBI SEMEN. — « Quia » non est causale hic, sed expletivum ; et Latina phrasi redundat, uti et alibi sæpe : sic enim Hebræi passim sermonem suum ordiuntur a *כי* *ki*, id est *quia*. Dixit Apostolus Abraham per Isaac accepisse promissionem stirpis, jam idipsum hic probat et explicat, ex eo quod Deus dixit et promisit Abraham, *Genes. xxi, 12* : « In Isaac vocabitur tibi semen, » id est, ex Isaac, non autem ex Ismael, excitabitur tibi posteritas quæ censenda et vocanda sit posteritas tua, ut scilicet sit hæres promissionum mearum, quas tibi et semini tuo pollicitus sum.

19. ARBITRANS QUIA ET A MORTUIS SUSCITARE POTENS EST DEUS. — Nota *et a mortuis*, pro quo perperam Beza vertit, *vel a mortuis* : refertur enim illud *καὶ*, id est *et*, ad generationem Isaac, q. d. Arbitrans Deum, qui illum ex sterilibus parentibus generare potuit, posse eundem et a mortuis suscitare. Pro *arbitrans* græce est *λογισάμενος*, id est, cum secum perpendisset, considerasset, ratiocinatus esset suaque ratione conclusisset. Sic enim ratiocinabatur Abraham : Jubet Deus filium Isaac a me offerri et immolari, et tamen per eundem mihi stirpem promittit : ergo vel curabit, ut

Mira fides Abraham, qua credebat Deum posse suscitare filium immolatum.

Vers. 18.

In Isaac, non Ismaele, ducenda posteritas Abraham.

Vers. 19.

quidquid ego effecero ad eum offerendum, ipse tamen non occidatur; vel si occidatur, efficiet ut resurgat: hac fide et spe animatus, Deo quidlibet præcipienti alacris parebo.

Isaac **fuit parabola,** id est **figura Christi.** **Unde eum et in parabolam accepit.** — « In parabolam, » id est, in figuram Christi, inquit Chrysostomus, Galenus, Vatablus (1). Sicut enim Isaac a morte salvo surrogatus est aries, quem obtulit Abraham, ita salva deitate Christi in cruce immolata est ejus humanitas. Unde huc videtur alludere Christus, *Joan. viii, 56*: « Abraham pater vester exultavit ut videret diem meum, vidit, et gavisus est: » vidit, in typo, scilicet, in immolatione Isaac.

Secundo, id est **exemplum.** **Secundo,** Theophylactus et Oecumenius, « in parabolam, » inquit, id est, in exemplum; quasi dixerit Deus: Si Abraham obtulit filium suum, et ego unigenitum meum, Christum scilicet, offerre debeo.

Tertio, fuit parabola, id est, typus resurrectionis Christi. **Tertio,** « in parabolam, » id est, in typum, mortis scilicet et resurrectionis Christi et Christianorum. De resurrectione enim hic agi innuit vox *unde*, cum ait: « Arbitrans quia et a mortuis suscitare potens est Deus: unde eum et in parabolam accepit, » ut scilicet Isaac esset parabola et typus resurrectionis, sicut phoenix qui moriendo renasci dicitur, typus est et hieroglyphicum resurrectionis. Videbatur enim Isaac quasi a morte resurrexisse, cum certæ morti destinatus, patre vibrante in cervicem ejus gladium, angelus gladium continuit, et Isaac a morte liberavit. Ita Theodoretus.

Quarto, et optime: **Quarto** et optime, « in parabolam, » id est, ut Isaac esset parabola, fabula, proverbium, exemplum memorabile et prodigium omnium sæculorum, quod omnibus sæculis homines memorent et celebrarent, ut, cum de re mira, memorabili, paradoxa et prodigiosa volent loqui, narrent hoc fidei, spei, pietatis et obedientiæ exemplum Isaac, *q. d.* Per fidem Abraham obtulit Isaac, credens quod Deus illum a morte vel liberaret, vel suscitaret; atque hujus tantæ fidei merito incolumem et a morte miraculose servatum, salvumque illum recepit « in parabolam, » id est, in exemplum rarum et admirabile, quod quavis ætate posteri narrent, proponant et imitentur: ut, cum Deus per se aut suos nobis aliquid juserit, licet arduum et difficile, exemplum Isaac ob oculos habentes, fidenter et generose nos offeramus, remque jussam capessamus, certi Deum affore, implexa explicaturum, ardua superaturum, ignominiam, infirmitates, ærumnas, mortes omniaque mala, quæ timemus, in bonum nostrum, laudem et gloriam conversurum, uti fecit Isaaco. Ita jam videmus hoc Abraham et Isaac fidei et obedientiæ exemplum et præmium, ab

omnibus celebrari, omnibusque proponi, quasi cuivis fideli et obedienti dicatur: Crede, obedi, instar Isaaci, ne dubita, bene res cadet, tibi eveniet quod evenit Isaaco. Hinc imago hujus facti olim passim omnibus proposita fuit. Testis est Gregorius Nyssenus citatus in Concilio Nicen. II, action. iv, *can. 1*: « Vidi, inquit, sæpius descriptionis ejus (immolationis Isaac) imaginem, et sine lacrymis transire non potui, cum tam efficaciter et ad vivum ob oculos historiam ejus rei poneret. »

Sic Isaias, Ezechiel, Daniel, Oseas aliique prophetæ et viri sancti admirandæ et portentosæ vitæ, qualis fuit Simeon Stylites, Antonius, Athanasius et alii plurimi dati sunt in parabolam et exemplum toti orbi: adeoque cum eis potuisset dicere Abraham illud *Isaïæ viii, 18*: « Ecce ego et puer meus, quem dedit mihi Dominus, in signum et portentum Israel. »

Sic Christus patiens dicit *Psal. lxxviii, 12*, se Judæis (non in bonum, sed in malum) factum in « parabolam, » id est, in fabulam et publicam irrisorem. Sic Prophetæ dicunt Jerusalem, aliasque urbes vastandas, tradi in parabolam, id est, in fabulam et exemplum omnium.

Posset quoque parabola hic accipi pro ænigmate, *q. d.* Abraham offerens filium, ex quo sperabat posteros, accepit illum in parabolam, id est, in ænigma et ænigmaticam comparisonem. Comparando enim Dei promissionem de Isaac posteris, cum ejus nece et immolatione, ænigma erat: « homo moriens et generans, » puta Isaac. Sicut ænigma phœnicis est: « avis moriens et renascens; » vel, ut Poeta canit:

Nec sum, nec non sum, morior simul atque renascor,
Sumque mihi lethi, et redeuntis originis auctor.

Hebræum enim *מסל* *mascal*, quod Septuaginta et Noster vertunt *parabolam*, significat quamvis sententiam et rem illustrem et excellentem, sive proprie parabolica illa sit, sive proverbialis, sive ænigmatica. Sic dicitur *Ezech. xvii, 2*: « Fili hominis, propone ænigma, et narra parabolam: aquila grandis, » etc. Ubi ænigma vel parabola vocatur aquila vastans Libanum, per quam intelligit Nabuchodonosorem vastantem Jerusalem. Et cap. *xxiv, vers. 3*: « Dices, inquit, per proverbium ad domum irritatricem parabolam, » ut scilicet sub ænigmate et parabola ollæ carniū appositæ igni, prædicas obsidionem Jerusalem. Sic *Numer. xxiv, 13*, Balaam dicitur « sumpsisse parabolam, » cum per stellam ænigmaticè Christum præsignificavit, dicens: « Orietur stella ex Jacob. » Sic et Christus parabolas suas, quasi ænigmata obscure proponebat turbis, quas postea discipulis suis explicabat: « Vobis, inquit ipse, *Lucæ cap. viii, vers. 10*, datum est nosse mysterium regni Dei, cæteris autem in parabolis, ut videntes non videant, et audientes non intelligant. »

20. FIDE ET DE FUTURIS BENEDIXIT ISAAC JACOB Vers. 20.

(1) Ita Allioli. Rosenmullerus vero: Unde eum etiam per imaginem quamdam resuscitationis ex mortuis recepit.

ET ESAU. — Ab Abraham transit ad Isaac, qui ex Dei revelatione praevidens futura bona, filiis suis Jacob et Esau obventura, eadem illis moriens imprecatus est; itaque per fidem eis benedixit, dicens *Genes. xxvii, 28*: « Det tibi Deus de rore cœli, et de pinguedine terræ, abundantiam frumenti et vini, et serviant tibi populi, et adorent te tribus, » etc. Unde patet hanc benedictionem, non tam precationem, quam prædictionem fuisse de futuris, quæ ex Deo revelante per fidem præscivit Isaac. Illa enim post multa sæcula non ipsi Jacobo, sed posteris ejus obtigerunt in Chanaan. Vide hic, ut fides sit argumentum rerum sperandarum et futurarum.

Jacobi benedictio fuit simul prædictio.

Vers. 21. 21. FIDE JACOB MORIENS SINGULOS FILIORUM JOSEPH BENEDIXIT. — Cum scilicet *Gen. xlviii*, transpositis decussatim et cancellatis manibus in modum crucis, dextram imposuit Ephraim juniore, qui erat ad sinistram suam, sinistram vero suam imposuit Manasse seniori filio Joseph, qui erat ad dextram suam, itaque juniorem prætulit seniori dicens: « Iste quidem (Manasse) erit in populos, et multiplicabitur; sed frater ejus minor (Ephraim) major erit illo, et semen illius crescet in gentes, » quia videlicet fide prævidebat Jacob futurum, ut ex Ephraim non tantum Josue dux populi, sed et omnes reges Israelis, id est decem tribuum, nascerentur; itaque tribum Ephraim non tantum tribum Manasse, sed et cæteras omnes, et numero et gloria et regno atque imperio superaturam.

Tribus Ephraim major reliquis tribubus.

ET ADORAVIT (JACOB) FASTIGIUM VIRGÆ EJUS. — Scilicet Joseph filii sui dominantis in Ægypto. Dices: Quomodo ergo *Gen. xlvii, 31*, quem hic citat Apostolus, dicitur adorasse Jacob non virgam Josephi, sed « conversus ad lectuli caput. » Respondet: Diversitas hæc versionis provenit ex nomine Hebræo מטה *matte*, cui si substituas *chiric* et *camets*, legasque מטה *mitta*, significabit lectulum; sin substituas *patach* et *segol*, legasque מטה *matte*, significabit virgam. Hebrei enim omnes ante tempora Christi, imo usque ad tempora S. Hieronymi, scribebant solas consonantes verborum et nomen sine ulla punctis aut vocalibus, ita ut hoc nomen מטה hebraice scriptum, tam *mitta* quam *matte* legi posset. Nimirum usus est Spiritus Sanctus hac linguæ Hebrææ amplitudine, ut plura iisdem verbis significaret. Inde enim provenit diversitas versionum Aquilæ, Symmachi, Theodotionis, Hieronymi et aliorum. Voluit ergo Spiritus Sanctus legi hic tam *mitta*, id est lectulum, quomodo legit et vertit Noster in *Genesi*, cum Aquila et Symmacho; quam *matte*, id est virgam, quomodo legerunt Septuaginta et ex iis S. Paulus hic.

Matte Hebraicum virgam et lectulum significat mutatis punctis.

Franciscus Ribera opinatur vocem מטה *mitta* cum iisdem punctis sive vocalibus olim significasse tam lectulum quam baculum. Radix enim נטה *nata* significat reclinare: inde *mitta* est reclinatorium, sive id sit lectus, sive baculus cui innititur inclinando. Censet ergo Ribera eam-

dem vocem *mitta* utrolibet modo hic verti potuisse; posteriores enim Hebræos punctorum inventores in hoc nomine pro varietate significationis, alia et alia puncta substituere, cum antea essent eadem, ut scilicet ex *mitta* fecerint *matte*, cum *virgam* significat. Verum hoc non videtur admodum probabile: contrarium enim docent omnes Hebræi omniaque lexica, scilicet *mitta* significare lectulum, non virgam; *matte* vero significare virgam, non lectulum. Neque vero Hebræi posteriores, licet puncta adinvenerint, quæ subscripta vocibus Hebræis, imperitis lectionem planiorem redderent, idcirco vocales et pronuntiationem nominum mutaverunt, ut ex *mitta* facerent *matte*: hoc enim eos fecisse in ulla aliis nominibus demonstrari non potest. Adde, quod S. Hieronymus in *Tradition. in Gen.* notans Septuaginta, qui legerunt *matte*, et verterunt virgam, ait in Hebræo multo aliter legi, scilicet, et *adoravit Jacob conversus ad lectuli caput*. Ubi nota: dicit Hieronymus nomen Hebræum aliter verti posse, sed in Hebræo aliter legi: ergo censet Septuaginta legisse *matte*, aliter vero debere legi, scilicet *mitta*; sic cap. xii, vers. 6, Apostolus citans *Proverb. iii, 11*, legit cum Septuaginta כנה *kib*, id est castigat, cum S. Hieronymus et alii legant כנה *keab*, id est sicut pater, de quo plura ibidem. Denique tam ambiguum et amphibologicum est, quod unum idemque quoad omnia nomen, v. g. *matte*, duo hoc loco significet, quam quod duobus modis secundum diversa puncta, scilicet *mitta* et *matte*, legi possit. Unde si prius non est absurdum, sed admittitur, ergo nec posterius absurdum aut mirum videri et censeri debet. Idem ergo nomen מטרה quoad consonantes, duplex est quoad vocales et in duo nomina dividitur, scilicet *mitta* et *matte*; et utroque modo hic legi posse docet utraque lectio et versio, scilicet tam Septuaginta quam S. Hieronymi ab Ecclesia probata jam et recepta. Septuaginta ergo et ex iis S. Paulus sic vertunt, προσκύνῃς ἐπὶ τὸ ἄκρον τῆς ῥάβδου αὐτοῦ. Quod S. Augustinus, *Quæst. CLXII in Gen.*, Diodorus et Gennadius, in *Gen. xlvii*, vertunt, *adoravit Jacob super caput*, vel *summitatem virgæ suæ*, subaudi innixus, q. d. Jacob summitati virgæ vel scipionis sui præ senio incumbens et innixus adoravit, non Joseph, sed Dominum.

Verum noster Interpres cum Chrysostomo, Procopio, Eucherio in *Gen. xlvii*, melius vertunt sic, *adoravit (Jacob) fastigium virgæ ejus*: hoc enim plane et absolute verba Græca significant, cum prior S. Augustini versio subaudire et supplere debeat, τὸ *innixus*, vel *incumbens*.

Nec obstat Græcum ἐπὶ et Hebræum על *al*, quod proprie *super* significat, q. d. Adoravit Jacob super caput virgæ suæ, scilicet incumbens. Nam Hebræum *al* et Græcum ἐπὶ subinde tantum denotant rem adorandam in accusativo, cujus sunt notæ, ut I *Reg. i, 10*: « Anna oravit ad (hebraice על *al*) Dominum, » id est, oravit Dominum; *Isai.*

Genuina versio et lectio.

cap. XLV, vers. 14 : « Te adorabunt, » hebraice אֱלֹהֵי יִשְׂרָאֵל *elaich iistachavu*, id est, ad te adorabunt. Sic sæpe in Scriptura dicuntur Sancti orare ad Dominum, id est, orare Dominum : præpositioni enim *ad* respondet Hebræum אֶל *al*, vel אֵל *el*, quæ duo sæpe pro eodem sumuntur. Ita ergo et hic adoravit Jacob *al*, sive *eti*, id est ad virgam, hoc est, adoravit virgam Josephi.

Adde, Hebræum *al* et Græcum *ἐν*, proprie verti posse, *versus* vel *contra*, q. d. Adoravit Jacob versus, vel contra summitatem virgæ ejus, quia scilicet illi *ex* adverso se inclinabat et incurvabat. Sic *Psalm.* v, vers. 8, dicitur : « Adorabo ad templum, » id est, versus templum, ubi in Hebræo pro *ad* est *el*, pro quo hic est *al*.

Sensus ergo est, quod Jacob adoraverit, id est, reverentiam exhibuerit, et curvando se honoravit virgam, id est sceptrum et potestatem ac principatum Josephi. Hebræum enim אֲשַׁתְּחָוָהוּ *histachava*, proprie significat se inclinare et curvare deorsum, aut prosternere se alicui, reverentiæ causa, quod Latini, ut Suetonius in *Augusto*, vocant *supplicare*.

Quæres, cur Jacob adoraverit fastigium virgæ, in est sceptri, Josephi?

Respondeo : Litteralis causa fuit, quod Jacob non in Ægypto, sed in Chanaan sibi et suis promissa, sepeliri optabat, et a Josepho ut id ipsum curaret, postulabat : annuit Josephus promissumque patri, se id curaturum. Jacob ergo voti compos, lætus gratias egit Josepho filio suo dilectissimo, et curvando se, veneratus est sceptrum, id est, regiam potestatem Josephi, a Deo illi datam, ac consequenter Deum datorem potestatis hujus vel maxime veneratus est et adoravit : erat enim Josephus secundus a Pharaone, et quasi alter Ægypti rex.

Secundo, prophetice id fecit Jacob. Quia enim prævidebat ex Joseph nascituros reges, qui gererent sceptrum Israel, sive decem tribuum in Samaria, hinc adoravit sceptrum Joseph, quasi innuens et vaticinans ex Joseph nascituros reges; quos subditi quasi reges colerent et adorarent. Ita Chrysostomus et Theodoretus.

Tertio, allegorice id fecit Jacob fide credens Christum ex virga Jesse et Israelitica, puta beata Virgine, ac consequenter ex seipso nasciturum : hujus ergo virgæ caput, id est, Christum Samaritanum nostrum, cujus typus erat Joseph, veneratus est Jacob. Ita Sedulius hic et Procopius in *Gen.* XLVII, atque hæc fuit potissima causa, cur Jacob Josephum adjuravit, ut se sepeliret in Chanaan : quia nimirum in spiritu prævidebat Jacob Christum in Chanaan nasciturum et resurrecturum, seque cum Christo in die Paschatis cum aliis sanctis Prophetis et Patriarchis ibidem resurrecturum credebat et sperabat, juxta id quod contigit *Matth.* XXVII, 52. Unde Abulensis, in cap. XLVII *Genes.* : « Ab omnibus, inquit, Catholicis creditur, quod inter alios qui cum Christo resur-

rexerunt, etiam Jacob patriarcha resurrexerit. »

Recte ergo *ex* hac adoratione sceptri Josephi Patres Concilii Niceni II (in epist. Hadriani Papæ ad *Constant.* et *Irenem*, et in lib. *Leontii*) probant adorationem et cultum imaginum, eumque non in imagine hæere, sed ad prototypum suum referri et transire docent. Sicut enim Jacob incurvans se sceptro Josephi, non ipsum sceptrum, sed Josephum principem (cujus symbolum et imago erat sceptrum) adoravit : ita cum veneramur imagines ; non imagines, sed Sanctos, quorum sunt imagines, veneramur. Si enim hoc impium esset aut superstitiosum, impius et superstitiosus fuisset Jacob, qui sceptrum Josephi adoravit ; quod absit. Sicut enim veneratio sceptri erat veneratio Josephi : ita veneratio imaginis, est veneratio Sancti, cujus ea est imago. Adde quod Jacob, ut dixi, in sceptro hoc, non tantum præsentem Josephum, sed et Christum longe absentem et post multa sæcula nasciturum, quasi in imagine sua representatum adoravit.

22. FIDE JOSEPH, MORIENS, DE PROFECTIONE FILIORUM ISRAEL MEMORATUS EST, ET DE OSSIBUS SUIS MANDAVIT. — q. d. Per fidem Joseph moriturus revocavit in memoriam exitum et liberationem Hebræorum fratrum et filiorum suorum ex Ægypto, eorumque introductionem in terram Chanaan, ad eam possidendam ; prout Abraham revelaverat et promiserat Deo : et quia hoc ipsum fide tam vivens, quam moriens credidit, certoque eventurum sibi persuasit, hac de causa jussit, ut Hebræi ex Ægypto exeuntes in Chanaan ossa sua secum efferrent, ut inter suos in Chanaan, æque ut Jacob, sepeliri et cum Christo resurgere possent.

Nota hic, veteres Sanctos et Patriarchas in morte singulari numine afflatos, mira vaticinatos esse, et quasi cyneas voces edidisse.

Secundo, magnam illis funeris et sepulcri curam fuisse : quam licet spernant Novantes, tamen naturæ ipsius instinctus eandem ipsos sæpe non cogitantes docet, cum in morte suorum non tantum funus celebrant, sed et mortuo bene precantur, imo suorum pro eo preces exposcunt. Sentiunt ergo pias esse pro defunctis preces, pium esse animas vita functas precibus juvare, ac consequenter animabus illis periculum aliquod pœnæ alicujus impendere, esseque Purgatorium. Nemo enim orat pro animabus ad cælum, vel infernum, in quo nulla est redemptio, euntibus.

23. FIDE MOYSES, NATUS, OCCULTATUS EST MENSIBUS TRIBUS A PARENTIBUS SUIS, EO QUOD VIDISSENT ELEGANTEM INFANTEM, ET NON TIMUERUNT REGIS (Pharaonis, qui infantes Hebræorum mergi jusserrat) EDICTUM. — Quæres, quomodo per fidem, et non potius per amorem naturalem parentum occultatus sit Moses.

Respondeo, fidem hanc plane innuere revelationem aliquam fuisse factam de Mose, cui fides adhibentes parentes Mosis, eum occultarunt,

Cultus imaginum probatus in II Concilio Niceno ex adoratione sceptri Josephi.

Vers. 22.

Cur patres sceptri voluerint in Chanaan.

Ostenditur contra Novantes esse Purgatorium.

Vers. 23.

Fides parentum Mosis re-

relati-
onem
nisi
posuit.

non dubitantes hac ratione infantem certo sal-
vum fore. Revelationem hanc factam esse per
solam elegantiam Mosis, censent Chrysostomus,
Theophylactus, Oecumenius; per hanc enim ex
peculiari Spiritus Sancti instinctu parentes ali-
quid divinum de Mose præsenserunt. Verum
aliā eamque peculiarem de Mose revelationem
tradit Josephus, lib. II *Antiq.*, cap. v, ubi narrat
Amram, patrem Mosis, de Mose nascituro anxium,
ob Pharaonis infanticidæ edictum, Deum instan-
ter pro puero orasse, et astitisse illi Deum, pro-
missequē Mosen nasciturum, qui non tantum a
submersione liberaretur, sed et totius populi ex
Ægypto liberator existeret. Unde hujusce rei fama
inter Hebræos illius temporis percrebuit, ut indi-
cat S. Stephanus, *Act.* vii, 23, cum ait: « Existi-
mabat (Moses) intelligere fratres, quoniam Deus
per manum ipsius daret salutem illis, » quia
scilicet putabat Moses, illos Hebræos, qui vide-
bant a se occidi Ægyptium, oraculi et famæ jam
de se liberatore futuro pervulgatæ conscios esse;
hic fidenter coram eis Ægyptium occidit.

Dices : Quomodo ergo Paulus hic dicit, Mosen
occultatum esse a parentibus, « eo quod vidis-
sent elegantem infantem. »

Mosis
elegantia
significat
bat eum
Deo
placere.

Respondeo : Id dicit, quia parentes in sua re-
velatione et fide de Mose infante jam nato con-
firmati sunt, cum viderunt illi elegantiam plus
quam naturalem a Deo inditam esse. Erat, inquit
Josephus, infans hic tum formosus, ut aspicien-
tium leviter mox oculos in se raperet, defixos-
que teneret. Patet id ex S. Stephano, *Act.* vii, ubi
per hanc elegantiam Mosen Deo charum fuisse,
adeoque Mosen, non tam hominibus, quam Deo,
elegantem, speciosum et placentem fuisse signifi-
cat, cum ait vers. 2 : « Eodem tempore natus est
Moyses, et fuit gratus Deo. » Ubi pro « gratus, »
eadem est vox Græca, scilicet *ἀγαπᾶς*, quam hic in-
terpres Latinus *elegantem* vertit; Syrus, *Act.* vii,
ܡܘܨܝܐ ܪܥܝܢ *rechim*, id est dilectum; hic *ܡܘܨܝܐ ܫܥܝܪ* *scappir*,
id est pulchrum placentemque vertit. Hæc ergo
elegantia plusquam naturalis Mose a Deo indita si-
gnificabat Mosen Deo placere, illique cordi et curæ
esse, ut non tantum ab aquis servaretur, sed et
populi servator fieret : itaque per hanc elegan-
tiam Mosis, non tam humanam quam divinam,
in fide sua confirmati sunt parentes, et animati
ad eum occultandum; nec dubitarunt hac ratione
eum ab aquis Deo tutore incolentem evasurum,
uti et factum est. Ita Chrysostomus, Theophylac-
tus, Oecumenius.

Vers. 21.

24. FIDE MOYSES GRANDIS FACTUS NEGAVIT SE ESSE
FILIUM FILIÆ PHARAONIS. — Filiam hanc Pharaonis
omnes ex Josepho Thermut nominant : addit
Philo in Vita Mosis eam unicam fuisse Pharaonis
hæredem, et licet diu nupta fuisset, prole tamen
caruisse. Hæc ergo Mosen infantem tam elegan-
tem expositum conspiciens rapuit, educavit, adop-
tavit sibi in filium; imo, ut ait Philo, muliebri
arte finxit se gravidam, peperissequē Mosen, ut

passim Moses illius filius natus, non ascititius
putaretur, ideoque ut suis Hebræis hanc opinio-
nem eximeret Moses, jam futurus eorum dux et
liberator, negavit se esse filium filiæ Pharaonis,
ut hic ait Apostolus. Id ipsum confirmat S. Step-
hanus, *Act.* vii, 22, ubi docet Mosen regio more
educatum fuisse, « in omni sapientia Ægyptio-
rum; » et clarius Philo, qui ait magnis præmiis
Mosi accitos fuisse præceptores e Græcia, qui
liberales artes, et e Chaldaea astrologos, qui si-
deralem scientiam, Assyrios quoque, qui suas
litteras eum docerent, utpote spe omnium desti-
natum successorem aviti solii, et regem juniorem
appellatum : Mosen vero edomandis animi affec-
tibus plurimum studuisse, secutumque fuisse
non Ægyptiorum, sed majorum suorum patria
institutā.

NEGAVIT. — Græce *ἡρῶνιστο λέγουσι*, id est, renuit
dici et vocari filius filiæ Pharaonis; renuit, in-
quam, tum verbis, tum factis : cum scilicet ex
aula Pharaonis ad suos Hebræos se contulit, iis
se junxit, eos vindicavit cæso Ægyptio, ac tan-
dem Hebræorum se ducem contra Pharaonem et
Egyptios professus est.

Nota : « Fide negavit » hoc Moses : quia fides
qua credebat oraculo Dei jam dicto, de futura He-
bræorum per se liberatione ex Ægypto, rursum
fides regni cælorum et remunerationis æternæ,
impulit eum relinquere aulam et regnum Ægypti,
ut cum Hebræis omnem Pharaonis tyrannidem
et fortunæ aleam subiret. Mosen imitentur qui
avitæ fidei causa, suis prædiis, dominiis, imo re-
gnis spoliuntur.

Magna
fides in
Mose.

25. MAGIS ELIGENS AFFLIGI CUM POPULO DEI, QUAM

Vers. 25.

TEMPORALIS PECCATI HABERE JUCUNDITATEM. — Græce
est *πρότινον ἀπολαύειν*, id est temporalem, sive
modici temporis fruitionem (1). Nota : peccati
peccasset enim Moses, non cogitans de libera-
tione Hebræorum, cum ad id a Deo se electum
sciret ex oraculo jam dicto. Addit Theodoretus
vitam quæ cum impiis transigitur, peccato non
carere, præsertim cum impii pios affligant, et in
hoc laudem, consensum et auxilium ab aliis que-
rant, uti Ægyptii affligentes Hebræos, hac in re
quærebant favorem et opem a Mose, quasi fu-
turo hærede et successore regni, q. d. Maluit Mo-
ses cum Hebræis affligi, quam vivere in deliciis
regiis impii Pharaonis, ibique peccatis frena
laxare, ejusque ambitioni et tyrannidi applau-
dere. Cum Mose ergo exeat aula, qui voluit esse
pius.

Vita cum
impiis
non caret
peccato.

26. MAJORES DIVITIAS ESTIMANS THESAURO ÆGYP-

Vers. 26.

TIORUM IMPROPERIUM CHRISTI. — Pro *maiores divitias*
S. Ambrosius, lib. *De Cain et Abel*, cap. iv, legit,
majus patrimonium : Moses enim in filium et hæ-
redem regni adoptatus hoc regni patrimonium
cum improperio Christi commutavit.

(1) Alii intelligunt aulicæ vitæ licentiam et occasio-
nem (*πρότινον*) ad omne genus peccati.

Quæres, quodnam hic vocetur «improperium Christi?» Respondent Græci, hoc «improperium Christi» esse opprobria, quæ Hebræi conjecerunt in Moſen. Hæc enim dicuntur «Christi» typice, sive analogice, quia sicut Christus a suis Hebræis, quos liberare veniebat, impropria passus est : ita eadem ab eisdem passus est Moſes. Ita Theodoretus, Chrysostomus, Theophylactus.

Improprium Christi sunt opprobria et tribulationes. Secundo, Galenus putat «improperium Christi» dici quodvis improprium, quod fideles vel Ecclesia, ab infidelibus vel impiis sustinet; dicitur «Christi,» quia Christus dux fuit passionis et caput Ecclesiæ patientis; et quia, ut ait Vasquez, Christus postea docuit causa justitiæ et religionis hoc improprium esse sustinendum; quod Galat. v, vocatur *crux Christi*. Hinc quando Ismael Isaacum, Esau Jacobum, Cain Abelum, Ægyptii Moſen, civitas diaboli civitatem Dei, mali bonos persequuntur, semper est et dicitur «improperium Christi,» quasi capitis in suis membris irrisi, vexati et afflicti. Sic enim æterna Dei lege decretum est, ut in hoc sæculo mali triumphum agant, pii crucem gestent post Christum, et semper cum adversitatibus luctentur, quibus Deus illos quasi milites suos vult exercere ad cælestem coronam promerendam.

Æterna lege decreta est Sanctis sua crux. Tertio et aptissime, Ribera proprie hæc verba accipit et explicat, quod scilicet Moſes, partim ex fide et traditione Abrahamæ aliorumque patrum cognoscens Christum pro genere humano passurum, partim spiritu prophetico prævidens speciatim injurias et opprobria illi a Judæis inferenda, ut Christo patienti similis fieret, maluerit pati, affligi et opprobriis affici cum Hebræis, quam honoribus et opibus abundare in aula Pharaonis : hoc enim proprie est et dicitur «improperium Christi.» Si enim Jeremias hæc opprobria Christi prævidit, et in suis opprobriis adumbravit, quidni et Moſes? Si Isaias, Ezechiel, Osee, David alique Prophetæ ad hoc a Deo missi sunt, ut essent typus Christi prædicantis et patientis, atque idipsum sciverunt, scilicet suas passiones et opprobria typice esse passiones et opprobria Christi, quia illa representabant, quidni idipsum sciverit, fecerit et representavit Moſes legislator et princeps Prophetarum? Moſes enim per tot opprobria et persecutiones liberans populum a Pharaone et Ægypto, expressus fuit typus Christi, per sua opprobria et crucem nos a diaboli et inferni tyrannide liberantis. «Improperium ergo Christi» dicitur, non quod Ægyptii Mosi intulerunt, in odium Christi, utpote qui de Christo nihil scient; sed quod Moſes Christi amore, reverentia, imitatione, similitudine, et ut representaret opprobria Christi, forti et læto animo sustinuit. Sic enim comædus, qui in scena representat Christum patientem, dicitur agere Christum, Christique opprobria et passionem. Tales autem quasi comædi fuerunt Moſes et Prophetæ.

Amare Ubi Nota : Hæc summa est hominis fidelis per-

fectio, nimirum ut exemplo et imitatione Christi adamet, siliat, quærat opprobria, irrisiones, persecutiones, calumnias, infamias; illaque cuivis honori, famæ, nomini et gloriæ etiam regiæ præferat, adeoque etiamsi par Dei gloria et par virtus esset in honore et opprobrio, malit tamen opprobrio, quam honore affici, ut hac ratione assimiletur Christo injuriis, sannis et calumniis onerato, portetque improprium Christi, dicens cum Paulo : «Mihi absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo.»

ASPICIEBAT ENIM IN REMUNERATIONEM — æternæ gloriæ in cælis, q. d. Ideo Moſes opes Ægypti posthabuit gentis suæ miseriis, quia sic secum ratiocinabatur : Si ego Ægyptiis deliciis et honoribus me dedam, iis tantum fruar ad viginti vel triginta annos, et mox ab irato Deo damnabor ad æterna inferorum tormenta; sin autem iis abdicatis populo Dei afflicto me jungam, cum eo premar latere et luto, affligar tantum ad viginti vel triginta annos, et mox a Deo omnis et maxime heroicæ virtutis remuneratore liberalissimo; donabor æternis gaudiis, opibus et honoribus. Satiatus autem est hic ad modicum tempus esse miserum, quam in æternum esse miserum; satius est modica miseria emere æternam felicitatem, quam modica felicitate et voluptate presenti emere æternam miseriam. Ergo statuo et decerno amplecti sortem miseram Hebræorum præ felicitate Ægyptiorum, ut remunerationem æternæ gloriæ et felicitatis a Deo nanciscar. Atque hæc conclusio et spes Moſen ad omnia dura et ardua fortiter subeunda impulit.

Ita pariter secum ratiocinabatur B. Thomas Morus Martyr, Angliæ olim Cancellarius, cum Aloisia uxor ab Henrico VIII, rege Angliæ, submissa in carcerem ejus animum tentaret, ut regis libidini assentiretur : ejulabat illa, suamque, mariti et familiæ miseram sortem commemorabat, aliaque ex parte ostendebat magnas opes et honores a rege promitti, si ei subscriberet, cui Morus : Quamdiu, inquit, o Aloisia, hisce opibus fruemur? Respondit illa : Facile adhuc ad viginti annos, marite mi. Mox increpans et indignans Morus : Vade, inquit, o stulta mercatrix, egone pro viginti annis modicæ felicitatis vendam annos æternos felicitatis cælestis? non ita desipio; quin vero malo carcerem hunc tota vita, bonorum confiscationem, opprobria, mortemque ipsam pati, quam æternitatem meam beatam prodigere.

Hinc patet, pium et sanctum esse bona opera operari intuitu et spe æternæ mercedis. Ita enim operatus est hic Moſes, et David, Psal. cxviii : «Inclinavi, inquit; cor meum ad faciendas justificationes tuas in æternum, propter retributionem.» Est enim hic actus virtutis spei. Sicut ergo pium est operari bona ex virtute et instinctu charitatis, ut scilicet per illa placeamus Deo, nostrumque erga Deum amorem testemur : ita quoque

opprobria et persecutiones summa perfectio hominis Christiani.

Spes remunerationis quantum calcar ad fortiter patientium.

Magna Thomas Mori constantia et contemptus terrenorum.

Facere bona opera intuitu mercedis æternæ, bonum est.

pium est operari bona ex instinctu spei, ut scilicet per illa adipiscamur eternam mercedem. Ita docet concilium Tridentinum, *sess. VI, cap. XI.*

**Novan-
tium
error ju-
gulatur
de meri-
torum
nullitate.
Vers. 27.**

Hinc *secundo*, patent merita bonorum operum, utpote quibus Deus quasi remunerator eternam mercedem retribuatur. Vides hic quam Moses et Paulus a sensu, fide et factis Novantium discrepent.

27. FIDE RELIQUIT ÆGYPTUM NON VERITUS ANIMOSITATEM REGIS, — cum scilicet Moses, cæso Ægyptio, metuens Pharaonis iram, fugit in Madian, inde postea rediturus ad suorum liberationem, uti de facto rediit in Ægyptum, non veritus Pharaonem. Ita Chrysostomus, Theodoretus, Theophylactus. Verum, quia tunc Moses non tam fide, quam metu Pharaonis fugit in Madian, ut dicitur *Exodi II, 15*, et Apostolus non ait: Fide rediit, nec etiam: Fide fugit, sed: Fide reliquit Ægyptum;

**Fide Aic-
ses fugit
ex ÆGYP-
to cum
populo
Israeliti-
co.**

Hinc *secundo* melius, cum Lyrano, Tostato et Pererio in *Exodi* cap. II, dicemus, Mosen per fidem reliquisse Ægyptum, cum ex ea Hebræos Deo iubente eduxit. Tunc enim fide credidit se cum populo per Dei opem evasurum manus Pharaonis insequentis, populumque feliciter penetraturum in Chanaan, uti Deus promiserat: nisi enim hac fide armatus fuisset Moses, nunquam tantum facinus aggressus fuisset, quo se totamque gentem Pharaonis iræ et indignationi obieciat.

INVISIBILEM ENIM TANQUAM VIDENS SUSTINUIT. — Pro *sustinuit* græce est *ἐκπερίσσει*, id est, perseveravit, perduravit in afflictionibus, constanter adversa omnia toleravit. Unde Vatablus vertit, *perinde enim quasi vidisset eum, qui est invisibilis, ita obduravit et perseveravit in duris quibusque tolerandis.* Noster eodem sensu vertit *sustinuit*, *q. d.* Moses certa fide, patienter, longanimiter et perseveranter in tot adversis exspectavit Dei invisibilis tum opem in educendis Hebræis in Ægypto, tum mercedem promissam in cælis, perinde ac si ea præsentia oculis suis conspexisset, ideoque dura quæque forti et constanti animo sustinuit et toleravit.

Nota *tanquam* habere emphasim: respondet enim Hebræo *caph*, quod non tantum est nota similitudinis, sed etiam mensuræ, sive æqualitatis, *q. d.* Æque æquali certitudine, spe, patientia et tranquillitate sustinuit Moses Dei, quem non videbat, opem et mercedem, ac si eum coram oculis suis vidisset. Vides hic, ut «fides est substantia rerum sperandarum, argumentum non apparentium.»

Vers. 28.

28. FIDE CELEBRAT PASCHA ET SANGUINIS EFFUSIONEM: NE QUI VAI FAVIT PRIMITIVA, TANGERET EOS. — Quia scilicet fide credidit Moses, se cum toto populo sanguine agni paschalis liberandum a morte et angelo percutiente primogenita Ægyptiorum: hinc hac fide incitatus immolavit agnum paschalem ejusque sanguine postes aspersit, ut

sanguinem agni videns angelus percussit, domos Hebræorum transiliret, et insiliret in domos Ægyptiorum, *Exodi* cap. XII, vers. 12 et 23; a quo transitu, vel potius transultu angeli, tam agnus, quam festum ipsum dictum est hebraice *פסח* *pesach*, chaldaice, græce et latine *pascha*, ut dixi I *Corinth.* v, 7. Tacite hic fidem Christi immolati Hebræis objicit Paulus, utpote cujus sanguine ab angelo percutiente, id est a diabolo et inferno, liberati sumus: hoc enim allegorice hic significatur.

Pascha
unde
dictum,
et quid
signifi-
cet?

29. FIDE TRANSIERUNT MARE RUBRUM TANQUAM PER ARIDAM TERRAM: QUOD EXPERTI ÆGYPTII DEVORATI SUNT. — Fide enim qua credebant Hebræi Mosi; Dei nomine promittenti miraculosum et felicem maris sicco pede transitum, hac, inquam, fide excitati Hebræi, ipsum mare Rubrum fidenter et secure ingressi, quasi aridam terram calcarunt et transgressi sunt. «Quod experti,» græce *ἐκπειραζόμενοι*, id est, cujus experientiam cum cepissent, cum scilicet periculum fecissent, mareque sicco pede transgredi tentassent, Hebræos insequentibus «Ægyptii devorati sunt.» Græce *καταποθήσαν*, id est demersi, absorpti sunt.

Hactenus patriarchas Mosen, Abrahamum, Noe et alios quasi heroes fidei Hebræis objicit Apostolus, nunc eis objicit vulgum et plebem, *q. d.* Si heroes illos non potestis imitari, o Hebræi, imitami saltem rudem populum, qui per fidem superavit mare Rubrum. Si enim pari cum eo sitis fide, parem fidei fructum percipietis, ut scilicet fide Christi et spe æternæ retributionis animati fortiter exilia, bonorum rapinam et acerba quæque pro fide Christi toleretis; itaque non per mare Rubrum in Chanaan, sed per Christi baptismum, fidem et patientiam in cælum penetretis, ibique æternas opes et præmia nanciscamini.

30. FIDE MURI JERICHO CORRUERUNT CIRCUITU DIERUM SEPTEM. — *q. d.* Non suffossione, non arietibus, non balistis; sed fide, qua Josue et Hebræi crediderunt; et obdixerunt Deo promittenti, quod circumeundo urbem Jericho septem diebus cum arca; clangore tubarum et clamore populi, muri ejus licet altissimi et solidissimi funditus corruerent; muri hi re ipsa corruerunt, itaque per fidem, non per aciem gladii ab Hebræis expugnata est Jericho. Vide *Josue* cap. VI.

31. FIDE RAHAB MERETRIX NON PERIIT CUM INCRE- DULIS, EXCIPIENS EXPLORATORES CUM PACE. — «Fide,» qua scilicet Rahab credidit Jerichuntem et reliquas urbes Chanaan a Deo, uti promiserat, tradendas esse Hebræis: hac enim fide animata, exploratores Hebræorum excepit «cum pace,» id est pacifice, amice et benevole, eosque abscondit, et tuto ad Hebræos remisit, ne a civibus Jerichuntinis caperentur et necarentur: ideoque ipsa sola cum suis servata est in excidio Jerichuntis, cum reliqui omnes increduli nolentes se dedere Hebræis, occisi sunt, *q. d.* Si popularibus exemplis non movemini, o Hebræi, saltem præ-

Vers. 30.

Vers. 31.

state in vera educati religione, fidem, quam olim præstitit Gentilis Chanaanæa, imo vile propudium et meretrix.

Hinc patet adventantibus Hebræis, præsertim visis eorum exploratoribus, et audita fama transitus Hebræorum per mare Rubrum sicco pede, submersis Ægyptiis, miraculorum et victoriarum, quas Hebræi contra Amalec, Og et Seon reges adepti sunt, Rahab credidisse in Deum verum Hebræorum, Deumque tetigisse cor illius, fidemque non humanam, sed divinam, poenitentiam et timorem suum illi inspirasse: nam hac fide, fideique operibus justificata est Rahab, ut ait S. Jacobus, cap. II. vers. 23.

Nota: Rahab vocatur « meretrix, » hebraice **הַזֹּנָה** *hatzona*, quod licet Chaldaus, Joseph, Hebræi et Lyranus *cauponam* vertant, tamen S. Hieronymus et Septuaginta, et ex iis Paulus, hic *πόρνη*, id est meretricem, interpretantur: utrumque enim significat Hebræum *zona*, et utrumque convenit Rahab huic. Verisimile enim est Rahab *cauponam* meritoriam fuisse. Raro enim fit ut feminae quæ publica erigunt hospitium, iisque præsumt et lucrum captant, incontinentiæ et stupri superent periculum, aut certe suspicionem. Unde *cauponæ* hæ meritoria tam apud Gentiles, quam apud Hebræos illiberales et impudicæ sunt habitæ, et ab iis meretricium nomen desumptum est; *zona* enim hebraice dicitur **זֶן** *zun*, id est mereri, vendere, prostituere se, vel sua; et græce *πόρνη*, id est meretrix, dicitur **ἀπὸ τοῦ πόρνην**, id est a divendendo; et Latinum meretrix a merendo et mercede deductum est.

Dices quomodo Hebræi exploratores fideles et religiosi ad meretricem in lupanar divertere voluerunt.

Respondet, domum Rahab non fuisse publicum lupanar, sed hospitium, in quo tamen tum ipsa, tum aliæ amasiæ hospitibus non deessent, uti non raro etiamnum in hospitibus fit. Prudenti vero consilio Hebræi hanc unius feminae tabernam iniverunt, ut in ea quasi hospites, non quasi exploratores ingressi, ibidem occultissime latitarent. Adde, quod domus Rahab vicina erat mœnibus, itaque semotior a populo et occultior, atque ad effugiendum, si res posceret, opportunior. Ita Abulensis, Vatablus et Arias Montanus, in *Josue* cap. II.

Vers 32. 32. ET QUID ADHUC DICAM? DEFICIET ENIM ME TEMPUS ENARRANTEM DE GEDEON, BARAC, SAMSON, JEPHTE, DAVID, SAMUEL ET PROPHETIS. — Gedeon enim fide qua credidit Deo sibi et suis promittenti victoriam de Madianitis, eandem obtinuit, *Judic.* VII; Barac fide qua credidit Deborah, nomine Dei mandanti ut pugnaret contra Sisaram, eundem instar fulminis (unde apposite Barac hebraice significat *fulmen*) profligavit, *Judic.* IV; sic Samson, Jephthe, David et alii fide qua credebant Deo se excitanti ad prælium contra Philisthæos, Ammonitas aliosque hostes populi Dei,

eosdem prostraverunt. Unde de Jephthe et Samson sæpe dicitur, factus esse vel irruisse in eum spiritus Domini, cum prælium, vel aliud opus arduum aggressus esset.

Nota: Combinat hic Apostolus heroes fidei, scilicet binos et binos, qui eodem fere sæculo vixerunt, ita ut præponat priorem non tempore, sed dignitate et celebritate. Gedeon enim gloriosior fuit Barac, qui tamen tempore Gedeone fuit prior. Sic et Samson Jephthe; et David, utpote rex in bellis fortissimus et felicissimus, Samuelem non tempore, sed gloria antecelluit.

Nota secundo, Apostolum hic proprie et primario non texere catalogum Sanctorum veteris Testamenti, sed tantum præferre et laudare heroes fidei, qui per fidem heroica opera ediderunt et confecerunt: nam alioqui constat Jephthe latrocinio, Samsonem et Rahab fornicatione, alios aliter peccasse. Ita Chrysostomus et Theophylactus hic, et Abulensis, in cap. XI *Judicium*. Secundario tamen satis subindicat Apostolus omnes fuisse sanctos, et consequenter per fidem poenituisse de peccatis, itaque in gratia et spe salutis, ac beatæ resurrectionis e vita excessisse. Nam vers. 33 ait, « eos per fidem operatos esse justitiam, » etc.; et vers. 39: « Et hi omnes, inquit, testimonio fidei probati non acceperunt repromissionem, Deo pro nobis melius aliquid providente, ut non sine nobis consummarentur. » Ubi satis indicat, omnes a se nominatos non accepisse quidem consummatam felicitatem, fidelibus repromissam ante Christum et Christianos: eandem tamen cum illis accepturos esse in beata resurrectione. Scopus enim Apostoli est, Hebræos exemplo patrum, quos hic citat, tam in sanctitate quam in fide Christiana confirmare. Unde S. Thomas, Anselmus et Ribera asserunt Apostolum hic texere catalogum Sanctorum veteris Testamenti, non omnium, sed magis illustrium, nimirum eorum qui apud Hebræos et sanctitatis famam et nominis gloriam obtinebant.

33. QUI PER FIDEM VICERUNT REGNA (Chanaanæorum, Philisthinorum, Ammonitarum et aliorum), OPERATI SUNT JUSTITIAM, — id est justam vindictam populi sui, contra injustos Chanaanæos, Philisthinos et alios hostes.

Secundo, « justitiam, » id est, misericordiam et humanitatem, v. g. quam David et Samuel Sauli iniquo regi et hosti suo (illi cum nocere possent) parcendo, imo serviendo exhibuerunt. Ita Chrysostomus et Oecumenius.

Tertio, alii proprie « justitiam » accipiunt, *q. d.* Hi Sancti justitiam tutati sunt, jus suum cuique reddiderunt, fuerunt justiiudices et justitiæ vindices.

Quarto et optime, operati sunt « justitiam, » id est, justa et sancta opera, quibus, ut dixi vers. 3, placuerunt Deo. Unde Syrus vertit, **פָּלְחוּ כְאֵנוּתָא** *pelachu kinuta*, id est, coluerunt justitiam, *q. d.* Sancti per fidem, qua credebant virtuti tanta esse in cælis reposita præmia, totam vitam impende-

Omnes hi, quos hic Apostolus enumerat, fuerunt salvati, fide illos ad finalem poenitentiam ducente.

Vers. 33

runt ejus studio et exercitio, unamque virtutem coluerunt et exercuerunt.

Promissiones varias Dei ad Prophetas impletæ. ADEPTI SUNT REPROMISSIONES. — v. g. cum Josue, Caleb alique Hebræi ingressi sunt possederuntque terram Chanaan sibi promissam; cum Abrahamo natus est Isaac; Davidi Salomon, filius et hæres a Deo promissus; cum Gedeon, Samson, Jephthe victorias a Deo promissas adepti sunt; et ita alius quilibet promissionem sibi a Deo specialiter factam, quam fide credidit, re ipsa consecutus est.

Dices : Quomodo ergo vers. 39, ait eos nondum accepisse repromissiones?

Patres antiqui Testamenti non adepti sunt primariam repromissionem æternæ beatitudinis. Respondeo : Græce est τῶν ἐπαγγελιῶν, id est illam (scilicet eminentem) repromissionem, quæ finis, caput et summa est omnium repromissionum, quæque omnibus communiter repromittitur, scilicet felicitas æterna, et consummata beatitudo tam animæ, quam corporis : hanc enim nemo patrum illorum ante Christum adeptus est.

Obtulerunt ora leonum. — Non omnes, sed aliqui ex heroibus jam dictis, puta Samson, qui catulum leonis nuda manu discepsit, *Judic. xiv, 6*; et David, qui leonem gregem invadentem arrepto mento suffocavit, *I Reg. xvii, 34*; et Daniel, qui sua præsentia et sanctitate clausit ora leonum fame rabidorum, ut eum contingere non auderent, *Daniel. vi, 22*.

Vers. 34. Extinxerunt impetum ignis. — Scilicet tres socii Danielis, Sidrach, Misach et Abdenago in fornace Babylonia, ubi ignem ardentissimum, ligna, picem omniaque alia validissime comburentem ipsi quasi stiterunt et retuderunt, ut vim suam et impetum in corpora eorum, quasi amiantina essent, exercere non posset, *Daniel. iii, 49*.

Effugaverunt aciem gladii. — Corrige cum Romanis, Syro et Græcis, ἐφευγον, id est, effugerunt. Fugatur enim hostis, acies vero gladii non fugatur, sed fugitur. Sic Elias effugit gladium Jezebelis, David Saulis, Moses Pharaonis.

Ezechias, Tobias, Job ex infirmitate convalescunt. CONVALUERUNT DE INFIRMITATE. — Id est a morbo, uti Ezechias, *IV Reg. xx, 6*, et Tobias a cecitate, *Tobiæ xi, 13*, et Job a sua plaga, *Job ult.*

Secundo, « de, » id est ab, « infirmitate, » ut ex infirmis, debilibus et timidis fierent fortes, validi et audaces : uti factus est Gedeon, Barac, Moses, Josue, Josue cap. viii et ix, Judith alique, cum ad ducatum aut regimen populi a Deo evocati sunt. Utrumque sensum afferunt et sequuntur Theodoretus, Theophylactus et Chrysostomus, qui hoc refert ad Judeos cum Babylonica captivitate quasi tabidi et moribundi, in Judæam hilares, alacres et vegeti redierunt.

Tertio, Vatablus vertit, validi facti sunt ex infirmitate; et Hugo Cardinalis ex S. Chrysostomo, imbecillitate facti sunt fortes; fortitudo enim fidelium est agnitio et confessio propriæ infirmitatis : per hanc enim virtus Dei in infirmitate nostra perficitur. Vide dicta II Corin. xii, 9.

CASTRA VERTERUNT EXTERORUM. — Pro verterunt

græce est ἐκλιναν, id est inclinarunt, hoc est, in fugam compulerunt; dicitur enim acies inclinata, cum hosti cedit et parat fugam. Pro castra græce est παρεμβολάς, quod licet Erasmus vertat, *incursiones*, tamen rectius noster Interpres, imo Vatablus et Beza vertunt, *castra*, vel exercitus. Syrus vertit מַשְׂרֵתָא *masreiata*, id est, munitiones everterunt hostium, uti fecit David, cum Sionem arcem munitissimam expugnavit; et Machabæi, cum muros hostium ferreos penetrarunt, et in ipsas hostium arces non tam conscenderunt, quam involarunt. Verum, ut dixi, Græcum παρεμβολάς proprie non arces aut munitiones, sed castra significat.

35. ACCEPERUNT MULIERES DE RESURRECTIONE MORTUOS SUOS. — « De, » id est ex, « resurrectione, » puta per resuscitationem, quia ex morte resurrexerunt. Ita Sunamitis filium resuscitatum ab Eliseo recepit, quasi e gremio resurrectionis regeneratum et redivivum, *IV Reg. iv*. Pari modo vidua Sareptana filium suum ab Elia ad vitam revocatum recepit, *III Reg. xvii*.

ALII AUTEM DISTENTI SUNT. — Græce ἐτυμpanίσθησαν, quod Suidas vertit, *fustuati*, sive *fustibus contusi, excoriati et suspensi sunt*; Chrysostomus et Theophylactus vertunt, *decollati sunt*. Verum Græcum ἐτυμpanίσθησαν ad verbum significat *tympanizati sunt*.

Ubi nota, *tympanum* genus fuisse tormenti, quo homines fortiter et rigide distendebantur, quasi in equuleo, et pulsabantur uti pelles distentæ in tympano.

Notat Eleazarum et Machabæos, qui ab Antiocho Epiphane dire cruciati sunt. De Eleazaro enim dicitur II Machab. vi, 49 et 28 : « Volontarie præibat ad supplicium, » græce ἐπὶ τὸ τέμνειν, id est ad tympanum; et de septem fratribus Machabæis cap. vii, 1, dicitur eos *flagris et taureis* (græce νεύροις, id est, nervis et loris taurorum) cruciatus fuisse : in tympano enim et flagris lorisque credebantur, et fustibus pulsabantur, et baculis, saxis malleisque tundebantur, et quasi tympanum omnium verberibus cruciatibusque obiciebantur. Anaxarchus philosophus, teste Laertio, dum a Nicocreonte tyranno, quasi in mortario, pila contunderetur : « Tunde, inquit, tunde follem, Anaxarchum non tundis, » follem vocans corpus suum, Anaxarchum vero animam, vel potius animos, quos gerebat excelsos. Hoc re ipsa dixit Eleazarus Antiocho. Tympanum, Antioche, pulsas et tundis, Eleazarum non pulsas et tundis. Hinc ista Machabæorum vox : « E caelo (corporis) ista (membra) possideo; sed propter Dei leges nunc hæc ipsa despicio, quoniam ab ipso me ea recepturum spero. »

NON SUSCIPIENTES REDEMPTIONEM, UT MELIOREM INVENIRENT RESURRECTIONEM, q. d. Eleazarus, Machabæi et similes voluntarie hæc tormenta subierunt. Poterant enim, si vel verbulo Antiocho cessissent, omnibus pœnis redimi et liberari : jam autem

fide roborati, cruciari et mori maluerunt, ut per illam mortem invenirent resurrectionem et vitam meliorem vita præsentī, quam pro Deo amittebant et prodigebant.

Secundo, Theophylactus et Œcumenius « resurrectionem meliorem » interpretantur *gloriosiorem*, qua scilicet Machabæi, quasi fortissimi Martyres, in majori gloria præ aliis Sanctis resurgent.

Tertio, Chrysostomus « resurrectionem » hanc « meliorem » dici putat, respectu resurrectionis ad præsentem vitam, de qua dixit ante : « Acceperunt mulieres de resurrectione mortuos suos. » Sed primus sensus simplicior est et solidior. Non dubium est, inquit Beza, quin eam designet persecutionem quam Antiochus exercuit. Allegat ergo Apostolus Machabæorum libros : cur ergo eos respuis et de canone dispungis ?

Vers. 36. 36. ALII VERO LUDIBRIA ET VERBERA EXPERTI, IN-
Jeremiæ SUPER ET VINULA ET CARCERES. — Talis fuit Jeremi-
et Mi- chæa, qui cum rebellibus Judæis minaretur exci-
pissio. dium Hierosolymæ, ab eis dirissima est passus, scilicet probra, alapas, verbera, famem, carcerem, sæpe a toto populo reus mortis est proclamatus, ac tandem lapidatus martyr occubuit : itaque Jeremias Christi a Judæis afflictus expressissimus fuit typus, ac merito ab Isidoro Pelusiota, lib. I, *epist.* 298, *πολυπαθίστατος*, id est, calamitosissimus, nuncupatur. Talis quoque fuit Michæas, qui quod cladem prædiceret Achab regi, ab eo in vincula conjectus, et a pseudopropheta irrisus et verberatus est, III *Reg.* vers. ult. Tales fuerunt alii Prophetæ, *Luc.* xx, 41. « Parit talia certamina superna peregrinatio : magnorum enim revera est, pati a suis ludibria, » ait Climacus.

Vers. 37. 37. LAPIDATI SUNT. — Ut Nabot procurante Jeza-
Jeremias, bele, III *Reg.* xxi, et Zacharias, filius Joiadæ pon-
et Nabot, tificis, II *Paralip.* xxiv, alique multi, de quibus
et Zacha- ait Christus *Matth.* xxiii, 37 : « Jerusalem, Jerusa-
rias lapi- lem, quæ occidis Prophetas et lapidas eos qui
dati. ad te missi sunt, » quorum princeps fuit Jeremias, de quo Tertullianus, *Scorpiaci* viii : « Jeremias, inquit, lapidatur, Isaias serratur, Zacharias inter ædem et altare occiditur, perennes cruoris sui maculas silicibus assignans. »

Macha- SECTI SUNT. — Ut Machabæi, quibus manus et
bæi secti. pedes resecti et præcisi sunt, II *Machab.* vii, 4. S. Hieronymus in *xxvi Matth.* legit, *serrati sunt* (hoc enim quoque significat Græcum *ἐπιθρόνον*), refertque ad Isaiam, quem tradunt Hebræi serra dissectum esse a Manasse, quod ejus et principum vitia acrius et sæpius carpsisset. Idem tradit Epiphanius in *Vita Isaie*, S. Thomas et Tertullianus in carmine, ubi sic de eo canit :

Quem populus sectum ligno sine labe repertum,
Immeritum demens crudeli morte peremit.

Serra Quibus verbis docet serram, qua sectus est Isaias,
lignea fuisse ligneam ; nimirum ut Isaias, qui nomine
sectus suo Jesu Salvatoris nomen et adventum figura-

bat, morte quoque sua materiam et formam crucis in lignea serra figuraret.

TENTATI SUNT. — Ita Græca et Latina omnia legunt cum Chrysostomo, Theodoro, Theophylacto, Œcumenio, licet Syrus et alii aliqui hoc expungant. Itaque « tentati sunt, » scilicet alii gravibus et diuturnis calamitatibus, ut Job ; alii persecutionibus, exiliis, fame et penuria, ut Prophetæ sub Jezabel ; alii per arduam obedientiam a Deo tentati sunt, ut Abraham ; alii omni pœnarum genere tentati sunt, ut Machabæi alique Martyres sub Antiocho, et de talibus proprie loquitur hic Paulus, ut patet ex antecedentibus et sequentibus : sed fide et spe cœlestis gloriæ, hasce omnes tentationes vicerunt.

IN OCCISIONE GLADI MORTUI SUNT. — Tales fuerunt Israelitæ illi in persecutione Antiochi, de quibus dicitur II *Mach.* v, 13 : « Fiebant ergo cædes juvenum ac seniorum, et mulierum et natorum exterminia, virginumque et parvulorum neces ; erant autem toto triduo octoginta millia interfecti. »

Vide hic fidem, fortitudinem et martyria Sanctorum veteris Testamenti ; quid jam faciant Christiani ? Audi quid fecerint in primitiva Ecclesia Tertullianum describentem lib. *ad Scapulam Præsidentem*, cap. v : « Crudelitas, inquit, vestra, gloria est nostra. Vide tantum ne hoc ipso, quod talia sustinemus, ad hoc solum videamur erumpere, ut hoc ipsum probemus, nos hæc non timere, sed ultro vocare. Arrius Antoninus in Asia cum persequeretur instanter, omnes illius civitatis Christiani ante tribunalia se manu facta obtulerunt : tum ille paucis duci jussis, reliquis ait : O miseri, si cupitis perire, præcipitia aut restes habetis. Hoc si placuerit et hic fieri, quid facies de tantis millibus hominum, tot viris ac feminis, omnis sexus, omnis ætatis, omnis dignitatis, offerentibus se tibi ? quantis ignibus, quantis gladiis opus erit ! » Idem in *Apologetico*, cap. ult. : « Cruciate, inquit, torquete, dammate, atterite nos. Probatio est innocentiae nostræ iniquitas vestra. Ideo nos hæc pati Deus patitur : nam et proxime ad leonem damnando Christianam potius quam ad leonem, confessi estis, labem pudicitiae apud nos atrocior omni pœna et omni morte reputari. »

Primus in Christianos persecutionem movit Nero, qui Christianos, alios crucibus, alios flammis, alios canibus laniandos objecit, ut dixi II *Timoth.* iv, 17. *Secundus* Domitianus plurimos Romæ nobiles Christianos virosque illustres nullo jure, nulla ratione trucidavit, innumeros in exilium expulsi, bonorum direptione mulctatos. Nec mirum ; cum ipse cæco tumore in tantam superbiam elatus sit, ut Dominum sese ac Deum vocari, scribi colique voluerit, teste Orosio, Sexto Aurelio Victore, Sulpitio et aliis. *Tertius* Trajanus sæviens, et immensas quotidie Martyrum jugulans catervas, inter alios S. Ignatium Romæ in amphitheatro (locus adhuc extat signatus altari et

Varia
tentatio-
num
genera.

Christi-
na ad
leonem
damnata
potius
quam ad
leonem,
cur ?

sacello, quem sæpe magno animi sensu veneratus sum) Ieonibus obicit. *Quartus* persecutor fuit M. Antoninus Verus, cuius quam acris fuerit persecutio, testantur litteræ quæ a Gallis Lugdunensibus ac Viennensibus ad Asianos Phrygiosque fratres conscriptæ extant apud Eusebium, lib. V *Histor.*, cap. i. *Quintus* fuit Severus; *sextus* Maximinus, qui maxime in Clericos et sacerdotes, quasi fidelium magistros sæviit, teste Eusebio, lib. VI, cap. xx. *Septimus* fuit Decius, ejusque collega Valerianus, sub quo S. Laurentius in craticula triumphavit. De his audi S. Hieronymum, initio Vitæ S. Pauli primi Eremitæ, qui hanc persecutionem fugiens secessit in eremum: « Sub Decio, ait, et Valeriano, quo tempore Cornelius Romæ, et Cyprianus Carthagine felici cruore damnati sunt, multas apud Ægyptum et Thebaidem Ecclesias tempestas sæva populata est. Voti tunc Christianis erat pro Christi nomine gladio percuti: verum hostis callidus tarda ad mortem supplicia conquirens, animas cupiebat jugulare, non corpora. Et ut ipse qui ab eo passus est Cyprianus ait: Volentibus mori, non permittebatur occidi. » Addit exempla: perseverantem in fide Martyrem, et inter equuleos laminasque victorem jussit judex melle perungi, et sub ardentissimo sole ligatis manibus post tergum resupinari, scilicet ut muscarum aculeis cederet, qui ignitas sartagine antea superasset. In alium meretricem immisit, qui ut voluptatem cruciatu superaret, linguam præmordens in eam expuit. Quid autem crudelius, quam ut Catanæ in Sicilia tenellæ virgini Agathæ non modo in equuleo laminæ candentes admoverentur, sed et mamilla amputaretur? Unde judex Quintianus merito ab ea audit: « Crudelis tyranne, non te pudet amputare in femina, quod ipse in matre suxisti? » Justo ergo Dei judicio Decius in solo barbarico inter confusas turbas gurgite paludis submersus est, ut nec ejus potuerit cadaver inveniri; Valerianus vero, a Sapore Persarum rege captus, ignominiosissima apud Persas servitute consequit, teste Eusebio, lib. VII, cap. ix. *Octavus* fuit Aurelianus, qui acerbam contra Christianos persecutionem impio decreto suscitavit: nec multo post subita morte mulctatus est. *Nonus* fuit Diocletianus. *Decimus*, Maximianus Hercules, sub quibus tanta fuit rabies infidelium, ut intra triginta dierum spatium octodecim millia hominum promiscui sexus, variis modis et horrendis perempta sint. Nos ipsi, ait Eusebius, lib. VIII, cap. ix, per Ægypti solitudines cum iter ageremus, oculis nostris inspeximus, ut sedenti pro tribunalibus sævissimo Præsidi offerrentur innumeri populi fidelium, quos ille singulos per ordinem confessos se Christianos capite plecti jubebat. Sponte omnes, imo et alter alterum prævenientes cervices cædentibus objectabant: defecerunt carnificum manus, et succedentes sibi invicem fatigati sunt, hebetata est acies gladii. Videbam,

ait, fessos residere carnifices, vires resumere, animos reparare, mutare gladios, diem quoque non sufficere ad pœnam. Hisce subservierunt Maximinus et Maxentius, Maximiani filius, atque Licinius, qui Christianos jussit tradi Ianionibus, et eos porcorum more suspensos publice, postea superpositos truncis ligneis per frusta concidi, et in partes dividi, itaque ad piscium pabulum in mare projici imperavit. Plura vide apud Joannem Lensæum Belliol., Doctorem Lovaniensem, egregio illo libello, quem de variis generibus persecutionum edidit. Hoc sæculo quam varia et horrenda ab Huguenottis supplicia passi sint Orthodoxi et Martyres in Anglia, Francia et Belgio, videre est in *Theatro hæreticæ crudelitatis*. Spectate hæc, Christiani, et similia ambite: pudeat non posse ferre verbera, imo verba asperiora. Patres vestri generose tulerunt ignes, furcas, equuleos, leones, et quidquid sævitia excogitare potuit, tulerunt et irriserunt, et vos morsum culicis exhorrescitis? Absit, absit, quin potius cum eis de patientia, de fortitudine concertate. Huc vos eadem fides speratæ æternitatis vocat, et classicum canit.

CIRCUIERUNT IN MELOTIS, IN PELLIBUS CAPRINIS.

— « Melota, inquit D. Thomas, est vestis facta de pilis camelorum, vel melius: taxus habet pellem hirsutam, de qua fit vestis hirsuta, quæ dicitur Melota. » Merum *μῆλον* græce vocatur ovis, inde *μῆλωτι*, *melota*, dicitur ovina pellis, aut potius exuvium, hoc est pellis corpori ovis detracta una cum lana. Inde enim homines pauperes et rusticanos, quos necessitas cogit extra urbes sub dio degere, vestes facere solere tradit Philo, initio lib. *De Victim.* Adde, melotem per catachresin cujusvis quadrupedis pellem significare.

Notat Paulus Eliam, qui IV *Reg.* i, 8, « vir pilosus » dicitur, non tam a barba et coma, quam a melote et veste pilosa et hirsuta; notat et Eliseum Elias et Eliseus cur usi melotis? aliosque Prophetas, quorum insigne fuit melotes, sive cilicium ex pelle hirsuta. Porro usi sunt Prophetæ melote, quasi vili et aspero amictu, tum quia Achab, Antiochus et alii ad extremam paupertatem eos adigebant, ut homines et hominum solatia fugere, atque in montibus et speluncis instar ferarum oberrare et latere cogerentur; tum quia hoc suo vili habitu volebant docere homines luxum vestium esse spernendum, de quo multa hic habet Chrysostomus, *hom.* 28, in morali; tum denique, ut hoc quasi cilicio et habitu pœnitentiæ, circumeuntes agros et oppida, docerent populum, et ad pœnitentiam sanctamque vitam excitarent et compungerent. Ita S. Joannes Baptista prædicans vestitus erat cilicio et pilis camelorum confecto, et zona pellicea cinctus: hinc et sancti Eremitæ olim melote sunt usi. Vide Casianum, lib. I *De Institut. monast.*, cap. viii.

Citans hæc verba S. Bernardus, tract. *De Vita solitaria*: « Idcirco, inquit, patres nostri in Ægypto et Thebaide, sanctæ hujus vitæ ardentissimi æmu-

Descriptio melotis.

Elias et Eliseus cur usi melotis?

S. Joannes Baptista.

latores, in solitudinibus degentes, angustiiati, afflictii, quibus dignus non erat mundus: ipsi sibi cellas ædificabant, in quibus tecti tantummodo et circumsepti, a turbine et a pluvia tutabantur: in quibus eremiticæ frugalitatis deliciis affluentes, locupletabant multos, ipsi egentes, quos quo nomine dignius appellem nescio, homines cælestes, an angelos terrestres, degentes in terris, sed conversationem habentes in cælis. Laborabant manibus suis, et de labore suo pauperes pascebant, esurientes ipsi; de vastitate eremi urbium carceres alebant; et infirmos, in quibuslibet necessitatibus positos sustentabant, viventes de labore suo, et habitantes in labore manuum suarum. Quid ad hæc dicemus nos, non animales, sed animalia terrena: adhærentes terræ et sensibus carnis nostræ, in sensu carnis nostræ ambulantes, et ex alienis manibus pendentes?»

EAGENTES, — ἐξαρρέμενοι, id est destituti rebus necessariis. Syrus verlit סְנִיכִין *senikin*, id est, indigentes pane quotidiano. Talis fuit Elias fugiens Jezabelem, quem Deus pane per corvum submisso alere debuit. Tales quoque fuerunt Judæi fugientes et latitantes in persecutione Antiochi, I *Mach.* cap. i et ii.

ANGUSTIATI. — Hujus rei exemplum fuit Elias, præ angustia persecutionis Jezabelis mortem exoptans, III *Reg.* xix, 4. Talis fuit et David in persecutione Saulis, et Machabæi in persecutione Antiochi.

AFFLICTI, — κακιστάμενοι, id est, male habiti, male tractati et mulctati.

VERS. 38. 38. QUIBUS DIGNUS NON ERAT MUNDUS. — *q. d.* Ii sancti tantæ dignitatis erant, ut mundus eos habere non mereretur. Ipsi enim suis apud Deum precibus urbes et provincias, imo mundum totum, ne a Deo diluvio rursus ob peccata obrueretur, conservabant. Unde Eliæ cum raperetur succellamavit Eliseus: «Pater mi, (tu es) currus Israel, et auriga ejus.» Quare recte Ruffinus prologo in *Vitis Patrum* ait: «Vere mundum quis dubitet meritis stare sanctorum?» Et tamen mundus (quæ ejus est cæcitas!) iis cupit privari, ut vel ista ratione declaret sese indignum esse qui diutius talibus fruatur, uti scribit S. Dionysius ad S. Joannem Evangelistam.

**Quantum sit Sancti-
tatum
pretium
et meri-
tuum.** *Secundo*, «dignus,» id est æqualis pretii cum hisce Sanctis non erat mundus, *q. d.* Si non solum terra, cælum omniaque inanima, sed etiam homines mali, totusque mundus conflaretur in unum pondus et pretium, ne sic quidem justum esset pretium cujusvis ex isto agmine Sanctorum et heroum. Ita Theophylactus, Galenus et Ribera. Vide quanti pretii et meriti sint Sancti, ac consequenter quantum valeant eorum apud Deum preces et merita, quæ proinde implorare consultissimum est. Sed prior sensus uti simplicior, ita planior est et germanior.

IN SOLITUDINIBUS ERRANTES, IN MONTIBUS, ET SPELUNCIS, ET IN CAVERNIS TERRÆ. — Ita David fugit

Saulem, latuitque in spelunca Odollam, inde in Ziph, inde in deserto Engaddi, I *Reg.* xxii, et seq. Ita centum Prophete occultati sunt, et gladio Jezabelis subducti per Abdiam, III *Reg.* xviii, 13. Ita in montes et speluncas Antiochum fugiens abdidit se Mathathias aliique Judæi, I *Machab.* i, et II *Machab.* vi.

Nota, Eliam, Eliseum et filios Prophetarum communiter in montibus versatos esse, ac præsertim Carmelum adamasse. Versabantur enim ut animo in cælestibus, ita corpore in sublimibus, infima fastidientes, quod etiam in Christo licet observare: unde Carmelitæ suum institutum in Carmelo cœpisse, ac rudi quodam modo ab Elia delineatum esse contendunt, quæ de re librum scripsit Joannes XLIV Episcopus Hierosolymorum (quisquis ille sit), qui extat tom. IX *Bibliothecæ SS. Patrum*.

Ita et multo magis, post S. Paulum Christiani Romæ in persecutione Imperatorum Ethnicorum, habitabant in cavernis et speluncis, imo in sepulcris. Sane miratus sum, et sacro horrore æque ac commiseratione et devotione perfusus, cum juxta Romam in S. Sebastiano vidi catacumbas, in quibus corpora SS. Petri et Pauli Apostolorum ad ducentos et amplius annos delituerunt: ubi Pontifices celebrabant, concionabantur, faciebant ordinationes in cathedra lapidea quam ibidem vidi. Item cum ibidem subterraneos specus longo spatio partim eundo, partim rependo, nunc ascendendo, nunc descendendo, nunc gyrando præeunte candela transgressus sum. Specus hi ad multa milliaria a Christianis excavati usque ad mare procurrunt: plateas et diverticula quaquaversum habent infinita instar labyrinthi (in quibus plures et se perdididerunt et perierunt: unde jam jussu Pontificis obstructa sunt), ut videatur esse subterranea civitas, imo provincia. Conspexi ibi passim in lateribus viarum loculamenta et sepulcra Martyrum, vel in terra, vel in rupe ita ordine gradatim excisa, ut singula caperent singula tantum corpora, magna pro magnis, parva pro parvis. Vocatur hoc cœmeterium S. Calisti, in quo centum et septuaginta quatuor millia Martyrum et Virginum sepulta sunt. Virgines figura columbæ, Martyres figura palmæ sepulcro incisa denotantur. Nunquam credidissem tantum fuisse laborem, afflictionem, constantiam et zelum priorum Christianorum hæc latibula effodientium, adaptantium, sustentantium, ibique instar talparum et ferarum habitantium, nisi oculis lustrassem. Porro hæc non tantum fuisse mortuorum sepulcra, sed et vivorum perfugia ac domicilia, patet ex actis SS. Martyrum, uti S. Cæcilie, in quibus legimus Valerianum ejus sponsum, missum ab ea ad S. Urbanum Pontificem ut ab eo baptizaretur, ipsum inter sepulcra SS. Martyrum latitantem invenisse. Idem passim de aliis legitur. Ita Sancti et summi viri ac Præsules Ecclesiæ, quibus dignus non erat mundus, ipsa solis luce

In spe-
luncis
latere
David,
centum
Proph-
etæ, Ma-
thathias.

Elias et
Eliseus
versati
in monti-
bus.

Carmel-
itarum
prens
Elias.

brutis quoque animantibus concessa privabantur, atque in antris, cavernis et terræ penetralibus inter mortuos degebant : nec tamen ibi erant tuti. Nam et in ipsis fuerunt subinde necati, ut de SS. Stephano et Sixto Pontificibus in eorum Actis legimus, quod in hoc ipso Calisti cœmeterio gladio percussi et preempti sint. Ite nunc, Christiani, marmorea tecta in cœlum attollite, habitate inter aulea purpurea et aurea : malim ego in humili tugurio, imo in cryptis cum sanctis Martyribus habitare, ibique ob spem beate resurrectionis delitescere ad modicum, ut cum eis cœlestia et æterna Beatorum tabernacula ingredi et possidere merear.

Vers. 39. 39. ET HI OMNES TESTIMONIO FIDEI PROBATI (etiāsi heroes fuerint, et heroica fidei et sanctitatis opera ediderint) NON ACCEPERUNT REPROMISSIONEM, — τῆς ἐπαγγελίας, illam scilicet quæ antonomastice dicitur repromissio, nimirum honorum cœlestium et consummatæ beatitudinis.

Vers. 40. 40. DEO PRO NOBIS MELIUS ALIQUID PROVIDENTE. — « Melius, » id est, præstantius aliquid nobis quam prisci patribus providit Deus, hoc ipso quo disposuit, ut tempus beatitudinis et resurrectionis non foret apud illos in veteri, sed apud nos in novo Testamento. Voluit enim Deus ut cœlum nemini pateret, nisi Christus satisfaciens pro peccatis nostris, illud sua morte et ascensione reseraret; ac consequenter voluit, ut cœli aditus et beatitudo reservaretur temporis Christi et Christianorum, ideoque Sanctos illos priscos per tot annorum millia ab hac beatitudine suspendit.

Addit hoc Apostolus ut aculeos novos injiciat Hebræis, eosque a Mose et Prophetis ad Christum, a veteri Testamento ad novum, quasi longe præstantius et felicius, utpote, in quo per Christum consummatam gratiam et gloriam nanciscamur, traducat et transferat. Perverse ergo Beza hoc loco censet, Sanctos ante Christum defunctos fuisse in cœlo beatos antequam eo Christus ascenderet; Christum vero venientem tantum aliquem gradum beatitudini illorum addidisse. Nam hic disertè rejicit id Apostolus, atque de iis vers. 49 : « Non acceperunt repromissionem. » Et cap. ix, vers. 8, ubi asserit ante Christum « nondum pro-palatam, » et, ut Beza vertit, *patefactam* « fuisse viam sanctorum, » id est in Sancta sanctorum, puta in cœlum.

Error Tertuliani, Lactantii et Victorini, quod animæ Sanctorum non viderent Deum ante diem judicii, et hæresis UT NON SINE NOBIS CONSUMMARENTUR. — Ex hoc loco et ex *Apocal. vi, 9*, ubi jubentur animæ Martyrum quiescere sub altari, donec compleantur conservi eorum et fratres, qui interficiendi sunt, censuit Tertullianus, lib. *De Anima*, cap. ult., Lactantius, lib. VII, cap. xxi, et Victorinus in cap. vi *Apocal.*, et nonnulli veteres, animas Sanctorum defunctorum non videre Deum, nec esse beatas ante diem judicii. Sed hæc sententia jam est erronea, estque hæresis Vigilantii et Calvinii damnata a Benedicto XI, extravag. *Benedictus Deus*. Vide Bellarminum, tom. I, *Controvers. vii*, in princip.

Quod ergo ad præsentem locum attinet, per *consummationem* aliqui intelligunt beatitudinem animæ, quæ consistit in Dei visione et fruitione : hanc enim patres prisci non sunt adepti ante nos, id est, ante tempus nostrum, puta christianismi et Christi, qui pretio persoluto cœli januam reseravit, ut statim a morte eo avolare possit anima sancta. Hæc enim beatitudo, animæ est consummatio, id est, perfecta et consummata beatitudo. Unde Apostolus, cap. xii, vers. 23, « spiritus justorum perfectorum » vocat animas beatas, quasi in sua beatitudine perfectas et consummatas.

Alii per *consummationem* intelligunt beatitudinem corporis; quam prisci patres non adipiscuntur ante nos, id est, ante communem nostram resurrectionem, in die judicii universalis : hæc enim proprie est consummatio, id est, consummata beatitudo hominis, tam in anima, quam in corpore. Ita S. Augustinus, epist. 99 *ad Evodium*; quasi respiciat Apostolus ad id quod dixit vers. 34 : « Non suscipientes redemptionem (scilicet corporis sui a morte et tormentis), ut meliorem invenirent resurrectionem; » et quasi resurrectionem illam hic vocet *consummationem*.

Nec aliud vult Chrysostomus cum suis hic, cum ait : « Ne aliquid præ nobis plus habere viderentur (prisci Sancti), si primi ante nos coronarentur, unum definivit tempus omnium coronarum, et qui ante tantos annos vixit, tecum accipiet coronam. » Et infra : « Prævenere nos in certaminibus, sed non præveniunt in coronis; non injuriam illis fecit, sed nos honoravit : nam et ipsi fratres nos libenter expectant. Si enim unum corpus sumus, major ex hoc efficitur corporis jucunditas, cum simul et communiter coronatur, et non per partes. » Ubi manifeste loquitur Chrysostomus non de beatitudine animæ, quæ cuique in particulari ejus judicio tribuitur, sed de beatitudine corporis, publicæque Sanctorum coram toto mundo gloria et corona, quam omnes simul accipiant in die judicii : hæc enim erit corona sollemnis et perfecta, eritque corona beatitudinis et æternitatis.

Verum mihi verius videtur Apostolum per *consummationem* distincte et proprie non intelligere beatitudinem animæ, nec beatitudinem corporis, neque *et sine nobis* significare, ante communem nostram resurrectionem in die judicii; sed Apostolum per *consummationem* intelligere beatitudinem in genere, non determinando hanc illamve beatitudinis speciem et partem (hæc enim beatitudo ipsa absolute hominem perficit et consummat, primo in anima, deinde quoque in corpore), et *et sine nobis* idem esse quod ante nos, sive ante tempus novi Testamenti : hoc enim nostrum tempus opponit Apostolus temporis illorum patrum, quod fuit veteris Testamenti, *q. d.* Ante tempus novi Testamenti, quod est nostrum, nemini veterum Sanctorum contigit *consummatio*, id est beatitudo sive animæ, sive corporis; sed

Vigilantii et Calvinii. Per consummationem intelligit beatitudinem animæ vel corporis, secundum aliquos.

Chrysostomus quid senserit in hac re?

Per consummationem intelligit beatitudinem in genere.

omnis beatitudo tam animæ, quam corporis cui libet illorum obvenit in novo Testamento, in quo et nobis eadem obvenit, atque ita simul nos cum illis consummatur, id est, beatur et glorificatur. Hunc esse sensum, patet, quia totius epistolæ scopus est, docere salutem et beatitudinem nemini per legem et vetus Testamentum; sed omnibus per Evangelium et novum Testamentum, puta per Christum, obtingere. Hinc dixit superior, legem neminem ad perfectum adduxisse, per legem non fieri consummationem; sed eam fieri per Christum, qui salutis beatitudinis nobis est auctor: ideoque cap. ix, fuse docuit Christum, cælum antea clausum suo sanguine nobis reserasse. Ergo per « consummationem » hic intelligit absolute æternam salutem et beatitudinem, ingressumque in cælum.

Secundo, Apostolus quam hic vocat *consummationem*, vers. præced. vocavit « repromissionem; » atqui ibi per eam intellexit promissionem salutis et beatitudinis absolute, non autem gloriæ corporis tantum; hæc enim minima est pars promissionis et beatitudinis: ergo et eandem hic intelligit per *consummationem*.

Tertio, si per *consummationem* intelligas gloriam corporis dandam in die iudicii universalis, falsum erit, quod omnes illi prisci patres, quos toto cap. recensuit, sine nobis non sint consummati aut consummandi; quod tamen asserit hic Apostolus: nam certum est multa corpora Sanctorum (utique illustrium veteris Testamenti, ac consequenter illorum, quos hic recensuit Apostolus)

cum Christo resurrexisse, *Matth. xxvii, 52*, idque, ut valde probabile est, ad vitam immortalem et gloriam tam corporis quam animæ: nos autem ad gloriam corporis resurgemus demum in die iudicii. Ergo plerique patres prisci hic nominati « sine nobis, » id est ante nos, jam consummati sunt, id est, resurrexerunt in corpore glorioso. Cum enim Matthæus dicat multos resurrexisse, plane videtur consequi, plerosque ex iis, quos hic recenset Apostolus, resurrexisse; ut hoc non tam paucorum privilegium, quam commune principis Christi beneficium patribus hisce plerisque collatum censi debeat. Cum ergo de resurrectione corporum hæc sententia Apostoli non videatur vera, sequitur eam intelligendam in genere de beatitudine, quæ nemini ante nos, id est ante Christum et Christianos, qui sunt filii novi Testamenti, obtigit, *q. d.* Voluit Deus tempus consummationis, id est beatitudinis tam animæ quam corporis, non esse veteris, sed novi Testamenti; non per Mosen Judæis, sed per Christum dari Christianis, iisque qui olim in Christum venturum crediderunt et sperarunt. Quare eorum exemplo, vos, o Hebræi, in Christum præsentem jam credite, in ejusque fide, spe et amore constanter perseverate, itaque cum priscis patribus « consummationem, » id est salutem et beatitudinem, adipiscimini.

Nota: Pro *consummarentur* græce est *τελειωθῶσι*, quod *secundo*, verti potest, *consecrarentur, dedicarentur et quasi inaugurarentur*, scilicet cælo et cælesti regno. Vide dicta cap. ii, vers. 10.

Testamenti resurrexerunt ad vitam immortalem in Christo

Beatitudo non in veteri, sed novo Testamento.

Multi Sanctorum veteris

CAPUT DUODECIMUM.

SYNOPSIS CAPITIS.

Allatis capite præcedenti fidei exemplis, hoc capite insistit Apostolus, et per ea urget Hebræos, ut in fide constantes sint, utque persecutiones, quasi disciplinam Dei paternam, libenter excipiant.

Secundo, vers. 16, exemplo Esau, qui vili esca vendidit suam primogenitam, et reprobatus est, urget Hebræos, ne ob lucra temporalia vendant fidem et gratiam Christi, ideoque reprobandur.

Tertio, vers. 18, ostendit, quantum lex nova data in Sion præstet veteri datæ in Sina, ac consequenter, quanto gravius puniendi sint Christiani, legem novam, quam Judæi, veterem violantes.

Quarto, vers. 26, pergit eos urgere metu et minis, docens quod Deus, cum daret legem in Sina et Sion, cælum et terram commoverit, ut ostenderet se terribilem fore legis suæ vindicem, esseque ignem consummentem.

1. Ideoque et nos tantam habentes impositam nubem testium, deponentes omne pondus, et circumstans nos peccatum, per patientiam curramus ad propositum nobis certamen: 2. aspicientes in auctorem fidei, et consummatorem Jesum, qui proposito sibi gaudio sustinuit crucem, confusione contempta, atque in dextra sedis Dei sedet. 3. Recogitate enim eum, qui talem sustinuit a peccatoribus adversum semetipsum contradictionem, ut ne fatigemini, animis vestris deficientes. 4. Nondum enim usque ad sanguinem restitistis, adversus peccatum repugnantes: 5. et obliti estis consolationis, quæ vobis tanquam filiis loqui-

tur, dicens : Fili mi, noli negligere disciplinam Domini : neque fatigeris, dum ab eo argueris. 6. Quem enim diligit Dominus, castigat : flagellat autem omnem filium, quem recipit. 7. In disciplina perseverate ; tanquam filiis vobis offert se Deus : quis enim filius, quem non corripit pater ? 8. Quod si extra disciplinam estis, cujus participes facti sunt omnes : ergo adulteri, et non filii estis. 9. Deinde patres quidem carnis nostræ, eruditores habuimus, et verebamur eos : non multo magis obtemperabimus Patri spirituum, et vivemus ? 10. Et illi quidem in tempore paucorum dierum, secundum voluntatem suam erudiebant nos : hic autem ad id, quod utile est in recipiendo sanctificationem ejus. 11. Omnis autem disciplina in præsentem quidem videtur non esse gaudii, sed mœroris : postea autem fructum pacatissimum exercitatis per eam reddet justitiæ. 12. Propter quod remissas manus, et soluta genua erigite, 13. et gressus rectos facite pedibus vestris, ut non claudicans quis erret, magis autem sanetur. 14. Pacem sequimini cum omnibus, et sanctimoniam, sine qua nemo videbit Deum : 15. contemplantes ne quis desit gratiæ Dei, ne qua radix amaritudinis sursum germinans impediatur, et per illam inquinentur multi. 16. Ne quis fornicator, aut profanus ut Esau, qui propter unam escam vendidit primitiva sua : 17. scitote enim quoniam et postea cupiens hæreditare benedictionem, reprobatus est : non enim invenit pœnitentiæ locum, quamquam cum lacrymis inquisisset eam. 18. Non enim accessistis ad tractabilem montem, et accensibilem ignem, et turbinem, et calignem, et procellam, 19. et tubæ sonum, et vocem verborum, quam qui audierunt, excusaverunt se, ne eis fieret verbum. 20. Non enim portabant quod dicebatur : Et si bestia tetigerit montem, lapidabitur. 21. Et ita terribile erat quod videbatur. Moses dixit : Exterritus sum, et tremebundus. 22. Sed accessistis ad Sion montem, et civitatem Dei viventis, Jerusalem cœlestem, et multorum millium angelorum frequentiam, 23. et Ecclesiam primitivorum, qui conscripti sunt in cœlis, et judicem omnium Deum, et spiritus justorum perfectorum, 24. et Testamenti novi mediatorem Jesum, et sanguinis aspersionem melius loquentem quam Abel. 25. Videte ne recusetis loquentem. Si enim illi non effugerunt, recusantes eum, qui super terram loquebatur : multo magis nos, qui de cœlis loquentem nobis avertimus. 26. Cujus vox movit terram tunc : nunc autem repromittit, dicens : Adhuc semel, et ego movebo non solum terram, sed et cœlum. 27. Quod autem, Adhuc semel, dicit, declarat mobilium translationem tanquam factorum, ut maneant ea, quæ sunt immobilia. 28. Itaque regnum immobile suscipientes, habemus gratiam : per quam serviamus placentes Deo, cum metu et reverentia. 29. Etenim Deus noster ignis consumens est.

Vers. 1.

1. IDEOQUE ET NOS TANTAM HABENTES IMPOSITAM NUBEM TESTIUM, — *q. d.* Cum prisci patres quos cap. præced. recensui, per fidem tam obscuram, tanta fecerint, tam inaudita sint perpassi, vitam denique profuderint, neque tamen repromissum in cœlis præmium illo statu adepti sint : multo magis nos, tot et tantis eorum exemplis excitati, per fidem, jam longe majorem et clariorem debemus in fide et pietate Christiana constantes persistere et proficere, pro eaque bona et vitam, si opus sit, expendere, utpote qui statim post mortem bona cœlestia et vitam beatam in cœlo consequemur.

IMPOSITAM. — Legit Interpres *ἐπιτιθέμενον*, idque apte respondet nubi. Jam Græca habent, *περιτιθέμενον*, id est circumpositam, id est, undique nos continentem et circumdantem. Itaque legit Syrus, Chrysostomus et Theophylactus.

NUBEM TESTIUM. — Græce est *νέφος μαρτύρων*, id est, nubem martyrum, sive testium. *Martyr* enim græce idem est, quod latine *testis*. Testes ergo fidei vocat martyres et patres jam nominatos, qui per fidem et pro fide, vel dura sunt perpassi, vel heroica opera perfecerunt. Illi enim suis operibus et passionibus testati sunt, quanta sit fidei certitudo et efficacia, quanta bona fides promittat, quamque pro ea ardua omnia facere et pati debeamus. Rursum *testes* vocat hosce patres, *q. d.* Sedent jam in cœlis, veluti Christi assessores, testesque fortiter agentium, ut pro eorum suffragiis palma donentur, quotquot ab eis palma digni judicabuntur, inquit Galenus. Prior tamen sensus magis est ex mente Apostoli. Respicit enim patrum testimonia, scilicet insignia fidei opera, de quibus dixit cap. præced.

Nota : « Nubem » vocat copiam testium, quæ

Testes
duplici-
ter
dicuntur
anti qui
patres

instar densæ nubis in tentatione et afflictionis æstu, suo testimonio nos undique circumstat, cingit, fovet, animat, corroborat et recreat. Ita Chrysostomus et Theophylactus.

Secundo, quia illorum doctrina et exemplo, quasi nube et imbre cœlesti irrigati sumus. De quo Chrysostomus hic *homil.* 28.

Addit *tertio*, Œcumenius et S. Athanasius (quantum hoc opus non videatur esse S. Athanasii, sed ex eo aliisque collectum esse, ut satis patet intuenti *Quæst.* XXIII), *ad Antiochum*, *Quæst.* CLXII, quia Sanctorum illorum precibus, quasi nube e cœlo tegimur et juvamus, quasi vox *nubes* notet patrocinium et intercessionem Sanctorum pro nobis; sed priores duo sensus magis sunt ex mente et scopo Apostoli.

Vis exemplum quanta. Moraliter nota hic, quanta sit vis exempli ad acuendam virtutem. Philo, libro *Quod omnis probus est liber*, scribit, quod Miltiades, Atheniensium dux, contra Persas plurimos pugnaturus, socios convocavit, eisque gallos gallinaceos pertinacissime de more inter se pugnantes ostenderit, ratus hoc spectaculum plus eos permoturum ad strenue pugnandum, quam exhortationem. Ita factum est. Socii enim cernentes gallos ad necem usque pugnantes, alacriter et genere correatis armis bellum hoc susceperunt, inque vulnera et mortes se coniecerunt. Si brutorum exempla id præstiterunt in Gentilibus, quid facient Sanctorum certamina in Christianis.

S. Gregorius, in præfat. *Moralium*, *cap.* 1, *et* stellæ, inquit, noctem, ita Sancti nos illuminant, et virtutum decorem ostendunt. «Ad ostendendam innocentiam venit Abel; ad docendam actionis munditiam venit Henoch; ad insinuandam longanimitatem spei et operis venit Noe; ad manifestandam obedientiam venit Abraham; ad insinuandam laboris tolerantiam venit Jacob; ad ostendendam mansuetudinem venit Moses; ad ostendendam inter flagella patientiam venit Job. Ecce quam fulgentes in cœlo stellæ cernimus, ut inoffenso pede operis, iter nostræ noctis ambulemus. Quot Deus justos exhibuit, tot quasi astra super peccantium tenebras cœlum misit.»

Qui vult evadere poeta, legit Virgilium; qui orator, Ciceronem; qui medicus, Galenum; qui philosophus, Aristotelem; qui vult esse sanctus, legat vitas et exempla Sanctorum: his astris mentem illuminet et accendat.

DEPONENTES OMNE PONDUS. — «Pondus» vocat sollicitudinem conservandi et augendi suas opes; omnemque sarcinam terrestrium negotiorum et curarum, inquit Theophylactus, quæ nos in hoc cursu et agone Christiano (de quo sequitur) remorari, præggravare, sistere et inhibere potest. Est enim metaphora ab agonizantibus et stadiodromis, qui omni vestium rerumque suarum pondere deposito leves, expediti et agiles inibant agonem, et in stadio decurrebant.

ET CIRCUMSTANS NOS PECCATUM. — Græce est τὸ

ἐπιπείσας (male enim in Regiis Bibliis legitur ἀπείσας, prorsus contrario sensu) ἀμαρτίαν, id est, facile vel bene circumstans et circumeingens nos peccatum. Multi per peccatum intelligunt concupiscentiam, quæ quasi sepes et murus nos cingit, nosque a cursu et agone fidei et virtutis remoratur, ac viam obstruit: cum enim aliquid boni operis præsertim ardui facere cogitamus, mox exurgit et circumstans nos concupiscentia, ut reluctetur, opusque impedit. Persistit apposite Apostolus in cœpta cursorum metaphora, *q. d.* Ut recte in stadio curras, non satis est pondera et sarcinas abjicere, sed necesse quoque est viam esse planam et expeditam. Si enim sepes aut murus interpositus sit, viam intercludet, et cursum inhibebit. Sepes nostra nos vallans et circumstans est concupiscentia, eaque multiplex. Hæc ergo prosternenda et abjicienda est; conandumque ut concupiscentias non foveamus, sed succidamus, minuamus et mortificemus: ita via ad omnem virtutem nobis erit plana et expedita.

Secundo, S. Chrysostomus et Theophylactus aiunt peccatum nos circumstare, id est, dejicere et vincere, quia facile ab illo vincimur. E contrario S. Athanasius (sive auctor) *ad Antiochum*, *Quæst.* CLXIII, ait peccatum dici ἐπιπείσας, quia non habet locum ubi consistat, sed facile per penitentiam dissolvitur et evanescit.

Tertio, Œcumenius, Erasmus, Vatablus et alii pro *circumstans* vertunt, tenaciter adhærescens peccatum, quasi Apostolus ollæ comparet nos et corpora nostra, peccatum vero adustioni (quæ hebraice dicitur חֵלֶט *chelata*), seu sordibus quæ corpori nostro pertinaciter adhærescunt, ut defricari nequeant, quin remaneant reliquiæ. Quasi alludat Apostolus ad illud *Ezech.* xxiv, 6: «Væ civitati sanguinum (Ierosolymæ), ollæ, ejus rubigo in ea est, et rubigo ejus non exivit de ea.»

Quarto, Syrus vertit מְטִילָה *metaileba*, id est peccatum quod omni tempore nos demergit et deprimit, quasi persistat Apostolus in metaphora ponderis: hoc enim degravat et demergit. Iluc pertinet expositio Maldonati in *Notis manuscr.*, «circumstans,» ait, sicut vestis quam induimus nos ambiens. Voce induendi in Scriptura significatur intima conjunctio, *q. d.* Peccatum nos in stadio hujus vite ad cœlum currentes ita præpedit, sicut vestis iis qui in agone decurrunt circumvoluta, impedimento esse solet.

Quinto, Theodoretus et Galenus: Peccata, inquit, nos circumstant et cingunt instar gladiatorum, qui plures unum adorti facile eum dejiciunt. Per peccata autem hæc Galenus intelligit non concupiscentias, sed extrinsecas tentationes, occasiones et pericula peccati, v. g. malos socios: peccata ergo hic sunt peccatores, infideles et Judei, qui Hebræos a fide Christi moliebantur abstrahere ad judaismum. Ii enim proprie dicuntur circumstare; et de his, similibus verbis dicit *vers.* 4: «Nondum usque ad sanguinem restitutus

Concupiscentia impedit bona opera.

Quintuplex sensus circumstantis nos peccati.

Duo
cavenda
curren-
tibus in
stadio.

adversus peccatum (id est, peccatores Judæos, qui vos quasi antagoniste circumstant, et ad peccatum apostasie sollicitant) repugnantes. » Hic sensus valde appositus et litteralis est. Duo currentibus in stadio cavenda sunt : primum, ne quonere graventur ; secundum, ne quo obstaculo in cursu impediatur. Obstacula autem peccatorum, quæ nos a cursu in cœlum remorantur, sunt socii alique extrinsecæ tentationes, quas Apostolus hic apte opponit nubi testium nobis circumpositæ pariter et circumstanti, *q. d.* Aspicite ad exempla Sanctorum, quæ undique vos instar nubis circumdant, ut prava Judæorum exempla et hortamenta, quæ vos a cursu vestro impediunt, desentiat.

Certa-
men nos-
trum in
cursu
consistit.

PER PATIENTIAM CURRAMUS AD PROPOSITUM NOBIS CERTAMEN. — Præpositionem *ad* legunt Romana : eam tamen omittunt Græca, Græci, Syrus et multa Latina Biblia manuscripta, eaque lectio videtur melior et verior. Sic enim habent Græca, δι' ὑπομονῆς τρέχοντες τὸν προκείμενον ἔργον ἀγωνία, id est, *per patientiam curramus propositum nobis agonein* sive certamen, *q. d.* Agon noster, certamen nostrum, non in digladiatione, non in diverberatione, non in collutatione, sed in re levi et facili, inquit Chrysostomus, puta cursu, consistit, ut nimirum cursu certemus, et agonem nostrum decurramus. Unde et Vatablus vertit, *per tolerantiam curramus in proposito nobis certamine.*

Nota « curramus, » id est, currere pergamus. Cœperant enim Hebræi jampridem currere hunc agonem. « Curramus » ergo significat actum non inchoatum, sed continuatum, juxta *Can. 32.* Unde ad eum requirit Apostolus non fervorem, sed patientiam et tolerantiam : hæc enim est quæ facit nos pergere et perseverare in hoc agone. Ita Theophylactus.

Secundo, « agonem vocat, vel metonymice ipsum stadium, in quo agonizantes cursu certabant, *q. d.* Decurramus stadium nostrum. Vel proprie ipsum certamen cursus in stadio. Sicut enim dicimur certare certamen, ita dicimur et currere certamen, id est, currendo certare, ut bravium assequamur, sic enim eleganter et significanter dicimur agonem nostrum decurrere, cum eum rite currendo peragimus, *q. d.* Vos, o Hebræi, estis agonizantes et stadiodromi ; stadium vestrum, agon vester est certamen pro fide Christi ; bene in hoc stadio decurrere cœpistis, pergite patienter, et fortiter perseverate in hoc agone et cursu, licet aspero et difficili : currendum enim vobis est per exilia, per bonorum rapinam, per medios hostes ; ita fiet ut cœleste præmium rite currentibus propositum assequamini. Induite ergo patientiam, hoc vobis erit thorax impenetrabilis, quo omnia hostium tela elidatis : hac armati alacres et inviolabiles in media persecutionum omnium certamina irruetis. Si quis tamen cum nonnullis legat præpositionem *ad*, hoc modo, « per patientiam curramus ad propositum nobis certamen, » com-

Patientia
thorax
impenetrabilis.

mo le sic exponet, « per patientiam, » id est patienter et constanter « curramus, » id est currere pergamus ad stadium et agonem hanc fidei, quocum Judæis decertamus et decurrimus ad bravium cœlestis coronæ. Subinde enim hic agon intermissus repetendus erat Hebræis. Cessante enim persecutione cessabat agon, recrudescente persecutione recrudescerebat agon, ad quem more suo fortiter et constanter obeundum pergere et procurrare identidem debebant Hebræi.

2. ASPICIENTES IN AUCTOREM FIDEI ET CONSUMMATOREM JESUM, — tanquam certaminis et cursus vestri metam, terminum et præmium ; vel potius tanquam ad absolutissimum exemplar certaminis et cursus vestri. Alludit enim Paulus, ut notat Chrysostomus, ad pictores, qui ut ex prototypo paragogum, ex exemplari imaginem exprimant, prototypum ipsum sive exemplar sepe intuentur et respiciunt, *q. d.* Proposui vobis, o Hebræi, cap. præced., tot Sanctorum exempla, nunc ipsum exemplar fidei et patientiæ, scilicet Christum crucifixum, vobis propono, ut in illud assidue intuentes, ejus patientiam et constantiam in vobis exprimere et imitari studeatis. Pulchre et pathetice S. Augustinus, *De Cathec. rud.* : « Omnia bona terrena contempsit Christus, ut contemnenda esse monstraret ; omnia terrena mala sustinuit toto vite mortalis tempore, quæ sustinenda præcipiebat, ut neque in illis quaereretur felicitas, neque in istis infelicitas timeretur. Natus enim de matre quæ semper virgo permansit, fabro tamen desponsata, omnem typhum carnalis nobilitatis exlinxit. Natus in Bethlehem, quæ inter omnes Judææ civitates exigua erat, noluit quemquam de cujusquam terrenæ civitatis sublimitate gloriari. Pauper etiam factus est, cujus sunt omnia, ne quisquam cum in eum crederet, de terrenis divitiis auderet extolli. Noluit rex ab hominibus fieri, quia humilitate ostendebat viam miseris, quos ab eo superbia separaverat, quamvis sempiternum ejus regnum universa creatura testetur. Esurivit, qui omnes pascit ; sitiivit sitiensium fons ; fatigatus est itinere terrestri, qui seipsum nobis viam fecit in cœlum : velut obmutuit, et obscuruit coram convitiantibus, vinetus est, flagellatus est, crucifixus est, mortuus est : sed et resurrexit nunquam moriturus, ne ab illo quisquam sic disceret mortem contemnere quasi nunquam futurus, » etc.

Nota : Pro *auctorem* græce est ἀρχηγόν, quod non tantum inceptorem, sed et duce auctoremque significat. Pro *consummatorem* græce est τελειωτήν, quod tum finitorem, tum perfectorem et coronatorem significat, *q. d.* Christus est principium et finis, dux et coronator fidei.

Nota *secundo* : Christus non dicitur *inceptor et auctor fidei*, quasi in Christo fuerit fides sive habitus vel actus fidei : hic enim est obscurus, cumque elidebat in Christo clara visio beatifica et scientia infusa. Christus ergo non habuit fidem,

Vers. 1

Prototy-
pus pa-
tientie
Christi.

In Cl.
to
fidei
sic.

sed qua viator habuit scientiam infusam, qua comprehensor habuit visionem Dei, quæ omnes Christi actiones beatificas, sicut scientia infusa omnes alias Christi actiones tam naturales, quam supernaturales et meritorias dirigebat. Quare non recte Vatablus « Christum auctorem et consummatorem fidei » dici putat, quod Christus multa sit passus et vitam æternam sit consecutus, eo quod credidit Deum esse veracem et promissorum servantem. Hoc enim fide non credidit, sed sua scientia et visione clare vidit Christus. Rursum vitam æternam, id est beatitudinem animæ, non meruit Christus, sed ante omne meritum eam adeptus est primo instanti conceptionis suæ, tanquam debitam unioni hypostaticæ qua Verbo copulabatur. Hæc tamen expositio verum habere potest sensum. Pro quo

Christus non meruit beatitudinem, sed ante meritum eam adeptus est.

Est auctor fidei in se et nobis,

et consummator fidei.

Est inceptor et consummator fidei in nobis.

Nota *tertio* : Christus est *inceptor* sive *auctor* et *consummator fidei*, tum in se, tum in nobis. In se, quia Christus per scientiam infusam, tanquam per fidem suam credidit futura bona, certoque sibi persuasit res sperandas et non apparentes, quarum fides est substantia et argumentum, easque ipse primus in mundo clare tum verbo, tum exemplo suo docuit, utpote qui pro hac fide, tota vita sua laboravit, prædicavit, et tandem acerbissimam crucem constanter sit passus. Sic Abraham dicitur pater fidei et fidelium, quia ipse insigni sua fide aliis omnibus illustre credendi exemplum dedit. Rursum, Christus est *consummator fidei*, quia primus cursum fidei feliciter consummavit, resque speratas perfecte et consummate adeptus est, puta gloriam corporis et nominis sui famam, hominumque salutem, quæ sibi promiserat Deus, quæque Christus credidit infallibiliter per hanc passionem suam sibi obventura. Hoc enim sensu Christus, quasi fidei dux, victor et triumphator nobis prævit. Hicque videtur esse genuinus hujus loci intellectus, tum quia Christus hic nobis fidei quasi belli fidei causa suscepti dux et confector victorque proponitur; tum quia ita se explicat Apostolus, dum subdit : « Qui proposito sibi gaudio sustinuit crucem : » in Christum auctorem fidei; « atque in dextera sedis Dei sedet : » in Christum consummatorem et triumphatorem.

Secundo, Christus non tantum in se, sed etiam in nobis est *auctor* et *consummator fidei*, pro quo adverte, id quod annotavit Ribera : fides hic tam objectum fidei, sive id quod fide credimus, quam actum et habitum fidei, quo credimus, significat. Christus ergo est *fidei auctor*, tum quia primus ipse objectum, sive articulos fidei, quos credere debemus, nos docuit; tum quia sua gratia in nobis actum et habitum fidei inchoat et producit, est enim fides gratia et donum Christi. Rursum Christus est *consummator fidei*, tum quia ea quæ hic credenda docuit, postea in cælo videnda exhibebit; tum quia actum fidei mutat in visionem : visio enim fidei est perfectio et consummatio.

Addit *tertio* Vasquez, quia tribuit opportunitatem, ut bonum quod per fidem et gratiam ejus animo concepimus, opere exequamur.

QUI PROPOSITO SIBI GAUDIO SUSTINUIT CRUCEM, CONFUSIONE CONTEMPTA. — Est hic triplex lectio. Prima, *proposito sibi gaudio* : ita legunt Romana. Secunda, *pro posito sibi gaudio* : ita legunt Biblia Regia. Tertia, *pro proposito sibi gaudio* : ita legendum vult Ribera, q. d. Paulus : Christus, *pro gaudio*, id est præ gaudio, loco et vice gaudii sibi propositi maluit et elegit crucem. Cum enim liberum esset Christo manere in propria gloria et divinitate, maluit tamen pro nobis fieri homo et crucifigi. Rursum Christus homo factus, et assumens corpus, cum posset statim gloriam et beatitudinem animæ suæ in corpus derivare, illudque immortalitate et gaudio implere, noluit tamen id facere, sed maluit crucem corpore suo excipere. Ita Chrysostomus, Theodoretus, Theophylactus, Œcumenius.

Addit Rupertus, Patrem æternum Christo in primo incarnationis suæ instanti proposuisse optionem gaudii et crucis, ita ut, si vellet Christus, posset gaudens, delicias et triumphans, salutem affere mundo; Christum vero præ gaudio hoc sibi proposito amplexum esse crucem. Per eam enim voluit ex justitia satisfacere Deo Patri pro peccatis nostris; atque mereri, non autem gratis habere, tum gloriam nominis et corporis sui, tum salutem nostram. Sed hæc non satis consentiunt cum æterno decreto, quo Deus decrevit Christum pati et crucifigi; nisi dicas decretum illud præsupposuisse liberam Christi electionem a Deo prævisam, non absolute, sed conditionate. Prævidebat enim Deus, quod si Christo homini incarnato optionem gaudii et crucis proponeret, indicans gratius sibi fore, si Christus eligeret crucem potius quam gaudium, et ad hanc electionem congrua et efficaci gratia eum incitaret et impelleret, Christum libere electurum fore crucem præ gaudio. Hæc præscientia posita absolute decrevit Deus ab æterno, Christum pati et crucifigi, et in tempore gratiam congruam jam dictam Christo exhibere, qua Christus decreto Dei sponte se subderet libereque eligeret crucem præ gaudio. Sic enim nihil dedit auctoritatis et certitudini decreti divini, et alia ex parte multum accedit laudis, meriti et virtutis Christo; denique ita commendatur suavitas simul et efficacia divinæ providentiæ.

Verum quia Romana, et omnia alia passim exemplaria Latina habent « proposito sibi gaudio sustinuit crucem, » et *proposito* videtur significare gaudium hoc Christo fuisse propositum, quasi præmium crucis, illudque significat Græcum ἀντί, ut patet inferius, vers. 16, ubi ait Esau, ἀντί βροσίου, id est, propter escam vendidisse sua primogenita. Primogenitorum ergo pretium instar præmii apud Esau erat esca. Simili enim modo potuisset ibi vertere Interpres dicendo : Esau

Triplex lectio.

Christus præ gaudio et gloria elegerit crucem.

Christus proposita sibi esca, vendidit sua primogenita. Sic vulgo dicimus : Miles, proposita sibi victoria, id est, propter victoriam quam sibi quasi præmium proponit, acerrime dimicat; agricola, proposita sibi diurna mercede, id est, propter diurnam mercedem quam sibi proponit, strenue laborat. Ita et hic de Christo ait Paulus, quod « proposito sibi gaudio, » id est, propter gaudium sibi propositum, sustinuit crucem, *q. d.* Christus sustinuit crucem, ut mereretur et assequeretur gaudium, quod Pater ipsi proposuit, tum per se, tum per angelum, qui Christum in agonia constitutum in horto confortavit, *Luc. xxii, 43* (eo enim alludit hic Paulus). Hic namque angelus Christo in parte inferiori, quæ a parte superiori derelicta erat, et exposita dolori et passioni, non interius in phantasia, sed exterius voce corporali proponebat gaudium ex cruce secuturum, puta resurrectionem et gloriam corporis, æque ac nominis sui, ac salutem hominum, qui Christum quasi redemptorem agnoscerent, colerent et adorarent, illi templa erigerent, sacerdotes instituerent, Christique nomen toto orbe prædicarent et celebrarent; ideoque Christus, propter hoc gaudium sibi propositum, amplexus est ignominiam et confusionem crucis. Perperam ergo Melchior Canus, lib. XII *De Locis*, xiv, hoc gaudium interpretatur delectationem manantem ex visione Dei, quam ipse in passione Christi a Deo suspensam fuisse, et a Christo promeritam putat, de quo alibi dicendum est. Melius Theodoretus : « Christus, ait, gaudium suum vocat animarum salutem; » hoc enim verum, sed parziale fuit Christi gaudium, non formale, sed objectivum.

Hic sensus uti simplicior est et planior, ita germanior quoque est et significantior priori. Sic Christi exemplo omnes sancti Apostoli, Martyres, Virgines, proposita sibi gaudio, sustinuerunt crucem. Audi S. Vincentium tyrannum Dacianum ejusque tormenta irridentem : « Ilas epulas (tormenta quæ mihi infligis) ego semper desideravi : nunquam aliquis adeo bene servivit mihi, sicut tu. » Nemo enim patientem lædit, sed ditat et coronat; quidquid enim quis illi aufert boni, vel mali infert, hoc eidem centupliciter in cœlestibus thesauris reponit. Hæc est ergo sapientia patientium et gloria, ut dicat : Amore Dei et cœli, siti potor, fame pascor, paupertate locupleto, mortem calco, ubique dives sum et inclyta, ubique abundans.

ATQUE IN DEXTERA SEDIS (thrōni) DEI SEDET. — Syra et Græca habent *καθήμενος*, id est sedit, sive consedit in præterito; sed, ut fatetur ipse Erasmus, præteritum hic, uti et alibi sæpe, pro præsentis capitur, *q. d.* Vide, o Hebræi, quam Christus, fidei dux, per suam patientiam et constantiam, qua pro fide confusionem et crucem sustinuit, jam sit exaltatus, ut ad dexteram Dei in omni gloria et honore sedeat. Idem vobis eveniet, si in hoc fidei et patientiæ stadio ad finem usque con-

stanter decurreritis : sedebitis enim cum Christo duce et capite vestro, atque quasi Christi assessores et iudices orbis, judicabitis non tantum duodecim tribus Israel, sed etiam omnes tribus terræ.

3. RECOGITATE ENIM EUM, QUI TALEM SUSTINUIT A Vers. 3. PECCATORIBUS ADVERSUM SEMETIPSUM CONTRADICTIONEM. — Pro enim, in Græco aliqui legunt γάρ, alii cum Syro legunt ὅτι, id est, itaque.

Secundo, pro cogitate græce est ἀναλογίζασθε, id est, serio cogitate, considerate, expendite.

Tertio, per contradictionem synecdochice et metonymice intelligit non tantum omnia probra, irrisiones, contumelias, sed etiam plagas, verbera, tormenta et mortem Christo a peccatoribus, id est impiis Judæis, illata. Judæi enim non tantum verbis, sed et factis atque verberibus contradixerunt Christo, eumque impugnaverunt et persecuti sunt. Ita Chrysostomus.

Quarto, emphasis habet vox talem, id est tam acrem, tam hostilem, tam infamem, tam horrendam, scilicet, usque ad mortem crucis, ut quasi latro cum latronibus suspenderetur et clavis affigeretur in cruce. Quem ergo militum fidelium ad se sequendum non moveat Christus Imperator? « Qui, ut ait S. Chrysostomus, serm. *De feria 3 Passion.*, tom III, sub finem, non equidem gloriosus, indutus purpura, diademate decorus, aspersus auro, solio sublimis; sed in campum egrediens, connivens vultu et honore ultimus, periculis primus, onustus ferro, gravis armis, pro patria, pro civibus, pro liberis, pro vita omnium premit hostem, discrimina despicit, contemnit vulnera, ipsam libens mortem suorum suscipit ad salutem? Sic enim Christus de sinu Patris ad nostram venit servitutem, ut nos suæ redderet libertati; mortem nostram suscepit, ut nos ejus morte viveremus, » etc. Lucanus, lib. IX, Catonem, militibus per Africæ deserta armis verisque præeuntem, ita describit :

Primus arenas

Ingrediar, primusque gradus in pulvere ponam.
Me calor æthereus feriat, mihi plena veneno
Occurrat serpens, fatioque pericula vestra
Prætentate meo, etc., nullo discrimine notam,
Dux an miles eam.

Longe verius hæc a Christo duce sibi dici censeat miles fidelis; nec tam dici, quam re ipsa agi : nisi quod Christus ita eat ut miles, ut et præeat per omnia aspera quasi dux, idque omnibus notum.

UT NE FATIGEMINI ANIMIS VESTRIS DEFICIENTES. — Id est, ne fatigueatione victi cadatis, et in medio cursu desistatis et fatiscatis, « animis vestris deficientes, » græce ἐκλυόμενοι, id est dissoluti, uti scilicet solvatur vigor et fortitudo animorum vestrorum, fiatque languidi, enerves, pusillanimes, itaque cedatis Judæis et ad judaismum redeatis, *q. d.* Hucusque constantes in fide perstitistis, magno labore magna præmia vobis comparastis,

Potestas
judicia-
ria com-
munican-
da pa-
tientibus.

Contra-
dictio in
verbis
et factis.

Frequen- nolite præteriti laboris jacturam facere; quin
ter vic- potius durate in malis, et propter superatos ago-
tores vic- potius pollicemini vobis futurorum victoriam. Sic
promp- legimus de Clemente Ancyrano; Athanasio, et
tiores ad legimus de Clemente Ancyrano; Athanasio, et
nova cer- aliis, quod frequentium victoriarum sibi consilii,
tamina. promptiores ad nova semper redibant certamina.

Vers. 4. 4. NONDUM ENIM USQUE AD SANGUINEM RESTITISTIS, ADVERSUS PECCATUM REPUGNANTES. — Vox « enim » non est in Græco, sed intelligitur, magnamque habet emphasim et efficaciam, q. d. Recogitate Christi crucem et mortem: ita fiet, ut usque ad crucem et mortem Judæis et peccato apostasiæ, ad quod ipsi vos sollicitant, resistatis. Licet enim resisteritis usque ad amissionem honorum vestrorum, ut dixi cap. x, vers. 34, tamen nondum usque ad sanguinem restitistis. Cogitate sanguinem, quem Christus in cruce pro vobis effudit, itaque roborate vos, ut pariter pro Christo, non tantum bona, sed et sanguinem vitamque profundere cupiatis, dicatisque cum Herminio, « Malo mori quam inquinari peccato. »

Peccato, ut anta- Nota: Pro repugnantes græce est ἀνταγωνίζεσθαι, id est, decertantes instar athletæ, qui cum suo antagonistâ in agone omnibus nervis et viribus concertat, ut eum superet et supplantet. Ita nos peccato, quasi antagonistæ nostro resistere oportet, ut quasi generosi Christi athletæ et milites certi simus et resoluti in hoc agone fortiter aut vincere, aut mori. Nam hæc ipsa mors atque martyrium est victoria nostra.

Nota hæc, Christiane, qui ob socios, ob irrisiones, ob voluptatem, ob lucellum aliquod, consentis peccato. Vide, quam longe absis a virtute et constantia Christi et Sanctorum: illi ad sanguinem peccato restiterunt; pudeat te si non sud verbera, certe ad verba, scommata, contumelias saltem non obdurescere et resistere peccato. Audi Sanctorum ἀσπενδον πόλεμον, irreconciliabile scilicet bellum contra peccatum, audi et imitare. Eudoxia, Arcadii uxor, dira minabatur S. Chrysostomo: responsum est ei a suis: « Frustra illum terres, Chrysostomus nil nisi peccatum timet. » Theodosio Imperatori adulabatur Ruffinus, dicebatque se curaturum ut Ambrosius vincula ei injecta sponte laxaret. Cui Theodosius: « Novi ego constantiam Ambrosii, et quod nullo regiæ majestatis terrore legem divinam transgrediatur. » S. Ludovicus edoctus a matre Blanca prorsus infixum gerchat in pectore, malle se mori quam peccare. S. Edmundus, Cantuariensis Archiepiscopus, ait: « Malo insilire in rogam ardentem, quam peccatum ulum sciens admittere in Deum meum. » S. Anselmus: « Si hinc, ait, peccati horrorem, inde inferni dolorem corporaliter cernerem, et necessario unum eorum immergi deberem, prius infernum quam peccatum appeterem. » Et lib. *De Beatit.*, cap. xix: « Mallet, inquit, purus a peccato gehennam intrare, quam peccati sorde pollutus celorum regna tenere. » Eleazarus, II Machab. vi, ait malle se præmitti in infernum, quam legem Dei transgredi.

Vide quid dixerint et egerint septem fratres Machabæi, II Machab. vii. Denique Apostolus Rom. cap. viii, 35: « Quis, ait, nos separabit a charitate Christi? certus sum, quia neque mors, neque vita, » etc.

Viderunt eminus illud idem Gentiles. Unde Seneca: « Licet, inquit, scirem homines ignoraturos, et Deum ignosciturum, tamen peccare nollem, ob peccati turpitudinem. » Est enim peccatum summum naturæ mundique malum, adeo ut nec homo, nec dæmon, nec Deus ipse, tantum mali inferre possit homini, quantum homo sibi ipsi infert, dum peccat. Illi enim tantum inferre possunt malum pœnæ, quod malo culpæ, sive peccato, longe minus est. Recte ergo Chrysostomus: « Quid est, ait, peccatum? Est voluntarius dæmon et spontanea insania. »

Vers. 5. 5. ET OBLITI ESTIS CONSOLATIONIS, QUÆ VOBIS TANQUAM FILIIS LOQUITUR, Dicens: FILII MI, NOLI NEGLIGERE DISCIPLINAM DOMINI. — Carpit modeste Hebræorum desidiam, q. d. Non restitistis peccato usque ad sanguinem, imo obliti estis exhortationis et consolationis (utrumque enim significat Græcum παρακλήσις), qua Deus (ut ait Scriptura) nos quasi filios suos afflictionum disciplina castigat et erudit.

Nota: Remittit tacite Hebræos Apostolus in persecutione ad Scripturas, ut per patientiam et consolationem Scripturarum spem habeant, animosque acuant, uti fecerunt Machabæi, I Machabæorum cap. xii, vers. 9. Ex neglectu enim lectionis sacræ Scripturæ et prædicationis verbi Dei suegreditur in homine tepor et torpor, ut langueat in fide et pietate, facileque exorta tentatione fidem abneget.

Nota secundo: Citat Apostolus Proverb. iii, 11, juxta Septuaginta, ubi sic habent: « Fili mi, noli negligere (græce μὴ ἀλιγῶμαι, id est ne parvi æstimes, quasi parvum, cum revera magnum sit donum Dei) disciplinam Domini. » Disciplinam vocat castigationem; unde explicans subdit vers. 6: « Quem enim diligit Dominus, castigat. » Pro disciplina hebraice est מוסר musar, id est disciplina, correctio, increpatio, castigatio, qua homines, præsertim pueri primis annis, per doctrinam, minas, virgas aliasque pœnas, per disciplinam et leges, quibus coercentur et constringuntur, arcantur a peccatis et assuefiunt bonæ et honestæ vitæ; estque severior institutio primæ ætatis, ad levitatem et lasciviam ejus edomandam, quæ Græcis παιδεία dicitur. Unde Xenophon primam institutionem Cyri, *Pædiam Cyri* inscripsit. Talis est omnis castigatio et disciplina, quam Deus hominibus immittit, aut immitti permittit: Deus enim castigat ad hoc tantum, ut doceat nos recta virtutis via incedere, qua terrena contemnebat quæramus spiritualia et cœlestia.

Hinc nota tertio: Omnes afflictiones, v. g. expilationes bonorum, ab Hebræis fidei causa susceptæ, omniaque tormenta Martyrum sunt musar, id est castigatio et disciplina Dei, non immit-

Peccatum est spontanea insania.

Vers. 5.

Lectione sacræ Scripturæ nihil Christiano.

Instituto primæ ætatis cur debet esse superior?

tentis, sed permittentis ea, partim ad hoc, ut per ea puniantur peccata, etiamsi levia, quæ fideles et martyres quandoque admiserunt. Ita Machabæi omnem illam Antiochi persecutionem, omniaque tormenta, quibus ab eo cruciabantur, suis peccatis ascribunt, II Machab. vi, 13, et vii, 32. Est enim, ut ait Cyprianus ad Martyres, valde consultum et pium malis meritis tribuere, quod pateris, etiamsi causa fidei idipsum patiaris. Partim ad hoc, ut per ea discant fideles patientiam, charitatem, continentiam, martyrium aliasque virtutes. Omnem enim concupiscentiam elidit et absumit afflictio, docetque omnem virtutem.

Afflictio
concupis-
centiæ
domitrix,
magistra
virtu-
tum.

NEQUE FATIGERIS (μηδὲ ἐκλύου, id est, ne dissolvaris, deficias, fatiscas animo) CUM AB EO ARGUERIS, — id est, cum corrigeris sive verbis, sive verberibus; cum affligeris et flagellaris. Nam hebraice est בְּתוֹכַחְתּוֹ *betochachto*, id est, in correptione, objurgatione et castigatione ejus; patet ex seq. Sic Psalm. vi, dicitur: « Domine, ne in furore tuo arguas, id est, punias et affligas, me, » et II Reg. cap. vii, vers. 14: « Si inique aliquid gesserit, arguam eum in virga virorum, et in plagis filiorum hominum. » Fere persuadent sibi homines rebus adversis nihil aliud fieri, quam se torqueri, vexari et affligi; at Scriptura docet nos iis fingi, erudiri et perfici, ut non solum evadamus filii Dei, sed et sancti, illustres et perfecti, adeoque Martyres. Cujus rei ratio mox in Apostolo patebit.

Rebus
adversis
Deus
nos arguit
et erudit.

Vers. 6.

6. QUEM ENIM DILIGIT DOMINUS, CASTIGAT, — perinde ut pater castigat et corripit mores inconditos filii sui: si enim eos non castiget, signum est desperatam esse filii emendationem, filiumque a patre negligi et contemni.

FLAGELLAT AUTEM OMNEM FILIUM QUEM RECIPIT. — Citat Proverb. iii, 12, ubi in Hebræo sic habetur אֵת בֶּן כָּאֵב *keab et ben tirtse*, quod noster Interpres ibidem vertit, et quasi pater in filio complacet sibi; Septuaginta vero, quos sequitur Paulus hic, vertunt, « flagellat autem omnem filium quem recipit. » Diversitas hæc versionum orta est ex verbo Hebræo כָּאֵב, quod si legatur cum *sceva* et *camets*, *keab*, significabit, et tanquam pater. Ita legit Noster Proverb. iii, 12. Sin vero legatur cum *chiric* et *tsere*, *kieb*, in *Piel*, significabit, *delere facit*, *affligit*, *flagellat*. Ita legerunt Septuaginta, et ex iis Paulus. Unde patet rursus, hic non tantum duplicem esse versionem canonicam ab Ecclesia probatam, sed etiam duplicem esse lectionem in Hebræo, scilicet *keab* et *kieb*. Utroque enim modo legi potest כָּאֵב, si sine punctis scribatur. Simile exemplum vidimus cap. xi, vers. 21.

Nota: Sicut pater flagellat filium, non ut cruciet, ejusque cruciatu se pascat, sed ut erudiat, et lascivos mores ipsius castiget et emendet: ita pariter flagellat Deus suos filios, ut castiget eorum vitia, eosque ad omnem virtutem instruat, non autem quod eorum castigatione et plagis delectetur.

Deus nos
castigat,
ut pater
filiæ.

Nota secundo, « filium quem recipit, » id est, quem in filium admittit, quem in suam disciplinam et paternam curam suscipit, quem suæ familiæ ascribit, et, ut Noster vertit Prov. iii, 12, in quo sibi complacet, sive quem unice diligit, et cui optime vult. Hoc enim significat Hebræum *tirtse*, q. d. Castigatio, qua Deus suos, v. g. vos, o Hebræi, per Judæos affligit et castigat, index est et argumentum paterni et singularis Dei amoris in vos, utpote, qui hac afflictione vos perinde, ut pater filium, pædagogus discipulum, efformat et erudit ad omnem patientiam, contemptum opum terrenarum et amorem celestium. Ita B. Virginem, Paulum, Apostolos omnesque Sanctos præcellentes et sibi maxime charos, multis afflictionibus castigavit, erudit, expoliavit, atque in omni gratia et gloria perfecit Deus.

Pulchre S. Bernardus, serm. 10 De Cæna Domini: « Vinitor, inquit, circa vineam fodit, et usque ad ejus inferiorem radicem terram acuto ligone perfodit; et si radículas aliquas etiam emiserit, cultello putationis abscindit. Et quanto magis hujusmodi vana, et minus utilia vitis amittit, frugiferior et uberior ad fructificandum assurgit. Sic quem diligit, flagellat et percutit: flagellat enim omnem filium quem recipit. Illorum est enim hic flagella percipere, quibus datur de æternitate gaudere. Sed qui de passione murmurat, ad ipsum qui super ipsum est non appropinquat; imo hæreditatem supernæ felicitatis amittit, si flagellum Dei Patris patienter et cum amore non suscipit. Et si de flagello Domini murmurat, certus sit quia murmurantium penam incurrit. »

7. IN DISCIPLINA PERSEVERATE, — qua scilicet Deus vos per Judæos contribules vestros exercet et exagitat exiliis et proscriptionibus, uti jam dixi.

Nota: Noster Interpres legit ἐν παιδείᾳ, id est, « in disciplina; » ita quoque legit Syrus et Chrysostomus, ut patet ex ejus explicatione. Jam vero Græca habent, ἐκ παιδείας, id est, si disciplinam sustinetis, tanquam filiis vobis offert se Deus. Et ita legit Theophylactus et Oecumenius.

Refert Laertius Diogenem Cynicum profectum Athenas ad Antisthenem, ut ab eo doceretur, se contulisse, cumque ab eo sæpe repelleretur, non destitisse tamen ei adhærere: adeo ut, cum aliquando baculum ei intentaret Antisthenes, ultro baculo caput subjecerit, dicens: « Cæde si vis, at nullum invenies baculum tam durum, quo me abs te abigas, dum aliquid docueris. » Si Diogenes ita Antisthenis, quomodo Christianus Christi disciplinam ambire et persequi debet.

Audiat ergo virtutis et perfectionis, non Cynicæ, sed Christianæ et religiosæ avidus insignem ejus magistrum B. Joannem Climacum: « Si vis virtutis apicem conscendere, ducem ac magistrum quære, cujus natura asperior et superior, sub quo perseverans, jugiter objurgationes et irrisiones quotidie ut mel et lac bibe. Is qui ad placidissimam animi quietem, et ad Deum currit omni

Discipli-
na du-
cens ad
perfec-
tionem

die quo maledicta non sustinet, ingens detrimentum se sustinuisse arbitretur. Sicut enim arbores quæ a ventis agitantur, altioribus semper radicibus nituntur : ita et qui in obedientia degunt ea quæ varie exercentur, validas et inconcussas animas possident. Beatus, qui propter Deum quotidie maledictis et conviciis lacessitus, sibi vim fecerit ! Hic enim cum Martyribus triumphabit, angelisque par erit in gloria. Beatus asceta, qui se omni ignominia omnique abjectione dignum horis singulis existimat ! » Hactenus Climacus. Talem ducem ac magistrum delegit sibi S. Joannes Damascenus, et sub ejus disciplina mire exercitus ad tantam sanctitatem pervenit.

TANQUAM FILIIS VOBIS OFFERT SE DEUS, — q. d. Per hanc disciplinam, castigationem et persecutionem Deus se vobis exhibet tanquam patrem ; pater enim filium quem diligit, castigat. Suscipite ergo hanc disciplinam grato et hilari animo, æstimate vos beatos hac tribulatione, eaque gloriamini, quia ipsa signum est vos esse filios Dei, et quasi filios a Deo regi et tractari.

Idipsum senserunt Gentiles philosophi. Seneca, lib. *De Providentia* : « Deus, inquit, bonos ut veri patres, durius educat, vultque eos doloribus ac damnis colligere robur. » Et inferius : « Hanc, inquit, rationem, dii sequuntur in bonis viris, quam in discipulis suis præceptores, qui plus laboris ab his exigunt, in quibus certior est spes. Dicant ergo ipsi : Digni visi sumus Deo, in quibus experiretur, quantum humana natura posset pati : optimi milites ad durissima mittuntur. »

Bonos
Deus
durius
educet.

Vers. 8.

8. QUOD SI EXTRA DISCIPLINAM (χωρίς παιδείας, id est, absque castigatione) ESTIS, CUJUS PARTICIPES FACTI SUNT OMNES (genuini et dilecti filii), ERGO ADULTERI, ET NON FILII ESTIS. — Pro *adulteri* legendum videtur *adulterini*, id est spurii : hoc enim significat Græcum *νόθος*, q. d. Si semper voluptuamini et ex libidine traducitis vitam in deliciis, expertes paternæ castigationis Dei, ergo non estis germani Dei filii, sed spurii et supposititii. Castigatio enim et disciplina prompte humiliterque suscepta, germanos Dei filios probat, eosque a spuriis secernit. Perinde enim atque aquila pullos soli exponendo, ut adversis et irretortis oculis solem intueantur, genuinos probat, et a spuriis (quos ad solem conniventes ungue demittens præcipitat) distinguit et separat : ita Deus suos afflictioni exponendo, explorat et secernit.

Castigatio Dei
bonos
secernit
a malis.

Vers. 9.

9. DEINDE PATRES QUIDEM CARNIS NOSTRÆ ERUDITORES HABUIMUS, ET REVEREBAMUR EOS : NON (nonne) MULTO MAGIS OBTEMPERABIMUS PATRI SPIRITUUM, ET VIVEMUS ? — Est alterum argumentum, a minori ad majus ; « patres carnis » vocat parentes, qui nos secundum carnem genuerunt. Significat Apostolus animam nos non habere a parentibus, sed eam a Deo creari, et creando infundi carni humanæ. Hæc enim de causa parentes vocat « patres carnis. » Deum vero vocat *Patrem spirituum*, id est animarum.

Animam
habemus
a Deo solo
quasi
a patre
spirituum.

Secundo, pro eruditores græce est *παιδευτές*, id est institutores, correctores, castigatores, q. d. Parentes carnales nos in pueritia corripiebant et castigabant, nosque hanc eorum castigationem cum reverentia, patientia et obedientia excipiebamus : quanto magis patienter excipere debemus hanc disciplinam et castigationem Dei, qui pater est, non tantum carnis, sed et animæ nostræ, præsertim cum id jubeat Deus, cui obtemperandum est, quique obtemperantibus sibi in hac disciplina promittit vitam sempiternam ? Obtemperare enim Deo hic idem est, quod acquiescere et patienter ferre afflictiones ab ipso immisas, vel permissas, quasi is qui impatienter eas tolerat, Deo quodammodo renitatur. Ita Theophylactus.

Nota : Pro patri Syrus habet *לאבין דררחא* *labahin deruchata*, id est, patribus spirituum. Per « patres spirituum » Galenus intelligit Episcopos et pastores, quorum est animas regere et instituere. Verum toto hoc discursu Apostolus non agit de hisce patribus, sed de Deo, qui nos quasi pater sua disciplina et afflictione castigat. Unde omnes Græci et Latini legunt, non *patribus*, sed « Patri spirituum ; » ideoque ex hoc loco et similibus Syriaca versio a nonnullis non satis probatur.

Pastores
patres
spirituum.

Versio
Syriaca
non est
fidelis.

Rursum, *spiritus* hos tripliciter explicat Theophylactus. Deus, inquit, est *pater spirituum*, id est angelorum.

Secundo, *spirituum*, id est, donorum spiritualium.

Tertio et optime, *spirituum*, id est animarum. Alludit Paulus ad Num. xvi, 22, ubi Moses ait : « Fortissime Deus spirituum universæ carnis. » Ubi adverte, Deum non tantum hac ratione dici patrem animarum, quod eas creet, sed etiam quod eas instituat, castiget, efformet, sanctificet, perficiat tanquam præceptor et pædagogus : hic enim sub voce patris hoc loco intelligitur ; nam boni patris officium est instar pædagogi erudire filium, q. d. Apostolus : Sicut patres carnales sunt pædagogi filiorum secundum carnem et corpus, ut in eis exteriores corporis mores componant secundum honestatem et decentiam (nam « carnis nostræ » tam ad « eruditores, » quam ad « patres, » referendum est) : ita Deus, qui pater est animarum, easdem erudit et efformat tanquam pædagogus ad vitam internam, sanctam et spirituales ; atque hac de causa Apostolus Deum nominavit *patrem* non animarum, sed *spirituum*. Ita se explicat ipse vers. seq.

Deus
pater
animarum,
quia eas
creat,
format,
sanctificat,
perficit.

Nota : Sicuti Deus ab Hebræis vocatur *אֱלֹהִים* *Adonai* vel *Eloha*, et ab Arabibus *الله* *Alla*, vel *Ille*, ut Pœni pronuntiant ; et a Græcis *ὁ κύριος*, id est Dominus, per excellentiam. Rursum, sicut Deus ab Hebræis vocatur *מֶלֶךְ הָעוֹלָם* *melech haolam*, et a Græcis *βασιλεὺς τοῦ αἰῶνος*, et a Latinis Rex sæculi, vel Rex sæculorum : unde et Æthiopes (quorum, uti et Arabum, Persarum, Pœnorum, Ar-

Nomen
patris
animarum
est
a voce
gentilis
attributum.

menorum aliorumque Orientalium lingua affinis est, et quasi filia linguæ Hebrææ) Deum vocant **אֱלֹהִים** *emlac*, id est regem : **מֶלֶךְ** *melech* enim Hebræis regem significat. Ita pariter Deus ab Hebræis, Græcis, Latinis vocatur Pater, et maxime pater spirituum vel animarum, quia harum nec homo, nec angelus potest esse pater vel creator, sed solus Deus. Unde et Æthiopes Deum vocant **אֱלֹהֵינוּ** *eghziabher*, id est, Dominus pater bonus. *Eghzia* enim Dominum, *ab* patrem, *her* bonum significat. Paternitas enim æque ac bonitas Dei maxime elucet in creatione et gubernatione animarum : hisce enim Deus se et omnia sua bona communicat, dum eas ad suam imaginem et similitudinem creat, dumque eas implet sua sapientia, gratia et gloria.

Vers 10. 10. ET ILLI QUIDEM IN TEMPORE PAUCORUM DIERUM (**ὅλιγας ἡμέρας**, id est, paucos dies, scilicet præsentis vitæ) SECUNDUM VOLUNTATEM SUAM ERUDIEBANT NOS : HIC AUTEM AD ID, QUOD UTILE EST IN RECIPIENDO SANCTIFICATIONEM EJUS. — Duplici antithesi vim et pondus suo argumento addit Apostolus : prior est, quod patres carnales erudiebant nos præsentī sæculo, tempori et vitæ, quæ brevis est et evanida, ut scilicet nossemus vivere et agere cum hominibus, atque curare et providere opes et bona hujus vitæ : Deus vero erudit nos æternitati.

Secundo, illi, « secundum voluntatem suam, » græce **κατὰ τὸ θεῶν αὐτοῦ**, id est, sicut ipsis videbatur, pro suo arbitratu, conceptu et phantasia docebant nos ea quæ nobis putabant fore utilia, cum revera sæpe utilia non essent, sed noxia ; imo sæpe docebant ea quæ non nobis, sed sibi et familiæ suæ putabant fore utilia et splendida : Deus vero semper erudit nos ad id, quod utile est, non sibi, sed nobis, « in recipiendo, » id est ad recipiendum (hoc enim significat Græcum **ἐν τῷ μακάριον**) « sanctificationem ejus, » ut scilicet efficiamur participes sanctitatis divinæ, hic per gratiam, in cælo per gloriam beatam et æternam.

Vers 11. 11. OMNIS AUTEM DISCIPLINA IN PRÆSENTI QUIDEM VIDETUR NON ESSE GAUDII, SED MOERORIS. — Nota : Non dicit Apostolus, *est*, sed « videtur » esse moeroris, quia revera per se disciplina est causa et procreatrix non moeroris, sed omnis lætitiæ et gaudii, adeoque vitæ æternæ, inquit Chrysostomus ; nobis tamen in momento castigationis et afflictionis videtur esse moeroris, non gaudii, quia disciplina suo doloris sensu ita nos afficit et perstringit, ut fructum pacatissimum inde securum non cogitemus : nam quando transiit dolor, tunc fere melius judicamus, fructumque discipline agnoscimus et persentiscimus, ideoque gaudemus. Pari modo dum jejunas, vino abstinens, corpus castigas, laborat corpus, dolet caro ; dum patienter fers injuriam, eamque condonas, animus dolorem persentiscit ; dum tibi admis cibos aut nummos, ut pauperi des, cruciatur

cupiditas ; dum oras assidue, et bonam noctis partem cum Domino vigilando et orando consumis, dum humi cubas, dorsum, genua et caput affliguntur, præsertim in incipientibus : sed postea exercitatis fructum pacatissimum afferent justitiæ et sanctimonie. Rursum gloria quæ hoc labore temporali comparatur, sempiterna erit : « quod enim momentaneum est et leve tribulationis nostræ, supra modum in sublimitate æterni gloriæ pondus operatur in nobis. »

POSTEA AUTEM FRUCTUM PACATISSIMUM EXERCITATIS PER EAM REDDET JUSTITIÆ. — Pro *exercitatis* græce est **γυμνασιεύων**, quod denotat palæstritas, quales erant olim illi, qui nudi luctati et exercitati erant in palæstra, quæ inde dicta est gymnasia : indeque gymnasium vocatur schola, in qua, quasi in palæstra mentis, crebra et magna est exercitatio ingenii, memorie, animi et virtutis.

Notat Theophylactus *disciplinam* vocari gymnasiam, quod Christianos quasi athletas exerceat, formet, roboret et perficiat : cur ergo eam horretis et fugitis, o Hebræi, o Christiani ? Disciplina enim docet vos patientiam, patientia autem docet omnem virtutem, et, ut ait S. Jacobus, cap. 1, « opus perfectum habet. » Rursum, sicut athletæ bene prius exercitati, cum serio certandum est, et fortiter res agenda, tunc viros se præbent, et per exercitationem vincere docti, in agone vincunt, et bravium assequuntur : ita vos, o Hebræi, per hasce persecutiones exercitati, cum martyrium aut aliqua gravior lucta ingruet, facile eam superabitis et triumphabitis. Suscipite ergo disciplinam hanc persecutionum, ut per eam ad martyrium et triumphos eximios vos comparetis. Ita videmus vix martyres effici, nisi eos qui se ante affecerint martyrio, aut qui a Deo multis prius ærumnis sunt exerciti, et quasi preparati atque eruditi ad martyrium, illudque meriti.

Nota : « Fructum justitiæ » vocat ipsam justitiam et sanctitatem, quæ fructus est discipline. Simili hebraismo virtus humilitatis vocatur ipsa virtus, quæ dicitur humilitas, et peccatum superbiæ vocatur ipsa superbia : per hanc autem « justitiam » intelligit patientiam solidam et perfectam. Ilæc enim est fructus discipline et castigationis, tanquam causa ; hæc est sanctitas et justitia, scilicet per excellentiam illustris et eximia ; quia nihil animum ita purgat, mansuefacit, perficit et sanctificat atque patientia ; hæc denique est pacatissima, quia patientia affert pacem et tranquillitatem conscientie, silentium et gaudium animæ. Homo enim patiens in omnem comparatus est fortunam, et nullum ab externis rebus et vexationibus, quantumcumque duris et molestis, accipit incommodum, sed altissima semper animi pace fruitur ; hæc autem justitia et pax patientiæ perficietur in cælo et futura beatitudine.

Unde secundo, per *fructum justitiæ* accipere possumus ipsam beatitudinem, gloriam et præmium æternum, quod patientiæ ex justitia debe-

Per patientiam et adversa disponit Deus Sanctos ad martyria.

Patientiæ fructus est boni.

tur. Ita Theophylactus et Anselmus. Est hoc tertium argumentum Apostoli, quo Hebræis suadet, ut placide suscipiant Judæorum persecutiones, tanquam disciplinam Dei, estque petium ex fructu disciplinæ, qui est perfecta justitia, sanctitas, pax et gaudium conscientie. Viderunt enim et hoc Gentiles. Quidam Zenonis discipulus a patre rogatus, quidnam tanto tempore didicisset? Ostendam, inquit. Cum nihil aliud diceret, pater iracundus, existimans impendium periisse, cepit flagris cædere filium. Eam parentis sævitiam adolescens æquissime tulit, dixitque: « Hos e philosophia fructus retuli, ut patris iram possim commode perpeti. »

Præclare S. Bernardus, serm. 10 De Cæna Domini, citans hæc verba Apostoli: « Flagellis, inquit, Domini pinguedo carnalis voluptatis atteritur, et virtutes animæ roborantur: lasciva caro restringitur, et anima pennis virtutum ad cælestia sublevatur; caro quod superfluum habebat, amittit, et spiritus virtutes quas non habebat, acquirit. Si ergo per flagella Domini virtutes augentur, vitia resecantur, spernuntur terrena; amantur cælestia, nos æternitatis præmia præstolantes, si nobis aliqua gravis infirmitas, vel tentatio fortis, vel etiam damnum temporalium rerum irreperit; ex his omnibus vires sumere debemus: quia crescente pugna, gloriosorem non ambigemus nobis manere victoriam. In hoc namque ostendimus, quanta ad Deum cupiditate flagramus, si non solum ad eum per tranquilla et mollia, sed etiam per aspera et dura transimus. Ad æterna gaudia jam redire non possumus, nisi per temporalia detrimenta: et ideo spe manentis lætitiæ, omnia adversa prosperitatem non modicam debemus reputare. »

Vers. 12. 12. PROPTER QUOD REMISSAS MANUS ET SOLUTA GENUA ERIGITE. — Descriptio est hominis inertis, imbecillis et despondentis animum (uti innuit hic Apostolus aliquos ex Hebræis fuisse). Hic enim deficit manibus ad laborandum, et genibus ad ambulandum atque currendum in stadio, quia in genu est omne robur cruris. Contra qui strenuus est, manus habet paratas ad opus, genua agilia et fortia ad cursum. Alludit, vel potius citat Apostolus *Isaiæ* xxxv, 3, ubi ait: « Confortate manus dissolutas, et genua debilia roborate, » id est, excitate alios ad audacter, animose, viriliter agendum. Sicut enim audacia ex bile fervente promans roborat vires et membra confirmat: sic timor per frigus quod secum adducit, debilitat et enervat corporis et animi facultates: ergo occupante pavore animos, frigescenteque et languesciente corde, unde in membra omnia derivatur sensus et motus, necesse est artus omnes tremere, viresque deficere. Quæ omnia restaurat et confirmat audacia.

Vers. 13. 13. ET GRESSUS RECTOS FACITE PEDIBUS VESTRIS, UT NON CLAUDICANS QUIS ERRET. — « Gressus rectos » opponit claudicationi: qui enim claudicat,

non recta graditur, sed nunc in hanc, nunc in illam partem se inclinat, facileque a semita recta deflectit, *q. d.* Nolite, o Hebræi, miscere Evangelium cum judaismo, ut claudicetis, inclinantes nunc in judaismum, nunc in christianismum, sed rectam unamque christianismi fidem et vitam constanter retinete et prosequimini. Citat Apostolus *Prov. iv*, 23, ubi pro gressus hebraice est *מַגָּל magal*, græce *τροχίς*, quod tam semitam et orbitam cursum, ut vertit Syrus et Theophylactus, quam gressum per eam significat, usitata et vulgari metonymia. Secundo, pro rectos facite hebraice est *פָּלֶס palles*, id est libra, hoc est, velut in balance et statera sapientiæ et justitiæ appende et expende gressus, id est, actiones tuas, vide quomodo ambules, vide ut recte incedas et opereris.

UT NON CLAUDICANS QUIS ERRET. — Græce *ὅτι μὴ* Non est *τοὺς πόδας ἐκτραπή*, id est, ut vertit Vatablus et Erasmus, ne in quod claudum est, aberret, scilicet, ne claudicatio abducatur a via, præsertim cum sit angusta (1), *q. d.* Certis et non vacillantibus passibus opus est in hac via fidei et religionis Christianæ. Caveat ergo quisque, ne nutet et claudicet, itaque urgentibus persecutoribus a fide in apostasiam deflectat. Quod si quis nutare et claudicare coeperit, hic curet statim ut sanetur, et pristino robori, rectitudini ac constantiæ Christianæ restituatur.

14. PACEM SEQUIMINI CUM OMNIBUS. — Græce *διότι* Vers. 14. *ἵνα*, id est persequimini, ut scilicet pacem etiam remotam, vel fugientem instar leporis insequamini et comprehendatis. Alludit ad *Psal. xxxiii*, 15: « Inquire pacem, et persequere eam. » Pacis meminit Apostolus, ne Hebræi Judæos persecutores suos odio prosequantur, sed eos sua charitate, mansuetudine, patientia et pace emollire et flectere, sibi et fidei Christianæ conciliare student. Recte S. Augustinus ad Bonifacium Comitem: « Pacem, inquit, debet habere voluntas, bellum necessitas, » ut, nisi necessitas cogat, pax cum bello non sit commutanda. Et S. Bernardus, serm. 5 De Dedicatione Ecclesiæ: « Pacem, ait, sectamini cum omnibus. Hæc est quæ facit unius moris habitare fratres in unum, novam utique regi nostro vero pacifico ædificans civitatem, quæ et ipsa Jerusalem nominetur, quod est visio pacis. Ubi enim sine fœdere pacis, sine observantia legis, sine disciplina et regimine acephala multitudo congregata fuerit, non populus, sed turba vocatur: non est civitas, sed confusio: Babylonem exhibet, de Jerusalem habet nihil. »

ET SANCTIMONIAM, SINE QUA NEMO VIDEBIT DEUM. — Sunt qui pacem sequuntur, sed ita ut negligant sanctimoniam: dum enim cupiunt sceleratis placere, scelera eorum probant et laudant. Prudenter ergo Paulus monet, ita pacem colendam esse,

(1) Rectius alii: *ἐκτραπή*, id est, loco suo excidat, seu luxetur, scil. membrum debile.

Langnor
et socer-
dia in
membris
et nervis
unde
oriatur?

Sanctimoniam est castitas et puritas. ut tamen sanctimonia illibata servetur. Per « sanctimoniam » Chrysostomus, Theodoretus, Theophylactus, Œcumenius, Hieronymus, in cap. xlvii *Ezech.*, et Augustinus, *epist.* 112, cap. v, intelligunt castitatem. Castitas enim est sanctitas corporis et mentis, ut docet Apostolus I *Corinth.* vii, 34, et I *Thessal.* iv, 4. Castitas autem hæc non est in sola virginitate, sed etiam in matrimonio. Nam, ut aiebat Paphnutius in Concilio Niceno, etiam nuptiæ suam habent castitatem, ubi conjuges fidem mutuam et leges Sacramenti integre et illibate servant.

Secundo et plenius, per « sanctimoniam » accipias puritatem animi, ut animus sit sanctus, id est purus ab omni peccato. Alludit enim Apostolus ad illud *Matth.* v: « Beati mundo corde, quoniam ipsi Deum videbunt. » Nam visio Dei, non solis, nec omnibus castis, sed omnibus iis, qui a peccato puri sunt, promittitur.

Vers. 15. 15. CONTEMPLANTES NE QUIS DESIT GRATIÆ DEI. — Græce *ἐπισκοπεῖτε*, id est, invigilantes et intendentes aliis, « ne quis desit, » græce *ὕστερᾶν*, id est, deficiat et destituatur (per peccatum et pusillanimitatem) a gratia Dei. Sicut in exercitu debiles et fessi cum eum proficiscentem assequi non possunt, in via deficiunt et subsistunt; ad quos colligendos providi duces solent constituere curatores, quasi episcopos qui invigilent, ne quis deficiat: ita Paulus docet non satis esse nobis nostram fidem et salutem, sed et alios præsertim debiles et vacillantes in eadem confirmare nos debere, ne quis torpidior, infirmior aut timidior deficiat ad hostes Judæos, Paganos, vel hæreticos, et fidelitesseram prodant.

Radix amaritudinis peccatum. NE QUA RADIX AMARITUDINIS SURSUM GERMINANS IMPEDIAT, ET PER ILLAM INQUINENTUR MULTI. — « Radix amaritudinis, » id est amara, est peccatum, quod amaricat conscientiam per remorsum et reatum pœnæ, inquit Chrysostomus, quodque proximos exacerbat, scandalizat, ad peccandum invitat. Peccator enim suam amaritum et virus peccati aliis affricat et instillat. Loquitur Apostolus in genere de quolibet peccato, nam subdit: « Ne quis fornicator, aut profanus. » Omnia enim peccata a Deo, ac consequenter sensim a fide, præsertim si urgeat persecutio, abducunt. Ita Chrysostomus, Theophylactus, Œcumenius. Maxime tamen loquitur Apostolus de peccato hæresis et apostasiæ. Alludit enim ad *Deut.* xxxi, 18, ubi Moses radicem amaritudinis vocat apostatas, qui alios sollicitant ad idololatriam, *q. d.* Paulus: Videte, et providete, ne quis inter vos ducem se præbeat apostasiæ, qui alios excitet, pelliciat, vel etiam sollicitet ad judaismum.

Vers. 16. 16. NE QUIS FORNICATOR, AUT PROFANUS, UT ESAU. — Explicat radicem amaritudinis per exempla et species frequentiores, *q. d.* Per radicem amaritudinis maxime scortatores et profanos denoto; hi enim contrariantur sanctitati, id est castimoniam, quam paulo ante commendavit. Tò ut Esau re-

tert ad profanus, non ad fornicator, ut aliqui ex nexu verborum opinantur. Patet primo, quia sequentia omnia explicant tò profanus; secundo, quia nusquam legimus Esau fuisse fornicatorem; tertio, quia Romani ponunt comma post fornicator, quasi illud disjungant ab Esau. Igitur Apostolus præ cæteris vitiis inculcat fornicationis fugam, eo quod in illam homines sint propensissimi, quodque illo ævo Gentiles putarent simplicem fornicationem non esse peccatum. Eadem de causa illam præ cæteris vetuerunt Apostoli, *Act.* xv, 29. Judæi enim Gentilibus circumsessi, imo immixti, ab eis hunc errorem facile et libenter hauriebant. Ita S. Chrysostomus, Theophylactus et alii. Licet Theodoretus putet Esau vocari fornicatorem, vel ob ingluviem et gulam, ob quam vendidit primogenita, vel ob nefarium matrimonium et contra leges contractum: duxit enim uxores alienigenas.

« Profanus » est qui nihil habet sacri, qui sacra negligit, violat, conculcat. Dicitur « profanus, » quasi procul a fano eliminandus. Unde Virgilius, VI *Æneidos*: « Procul hinc, procul este profani. » Et Plato in dialogo *De Sanctitate*: « Quod diis, inquit, amicum, id sanctum est: quod vero non amicum, profanum est. » Idem Plato in *Minoe*: « Sacratissimum omnium, inquit, est vir bonus, profanissimum contra vir malus. » Sic græce *βέβηλας*, id est profana, dicuntur, quæ omnibus ad conculcandum proposita sunt. Ducta est vox *ἐπὶ τοῦ βηλαῦ*, id est, a pavimento, quod a quovis calcatur, inquit Elias Cretensis in *Apologet.* primam Nazianzeni. Sic Apostolus Esau vocat profanum, quod pro vili lentis edulio vendiderit, et vendendo conculcarit profanarique jus primogenituræ, quod sanctum erat, qua parte includebat jus sacerdotii. In lege enim naturæ primogeniti erant sacerdotes, et patri succedebant in sacerdotio, *q. d.* Paulus: Videte, o Hebræi, ne adinstar Esau, jus sanctum, quod per fidem Christi habetis ad hæreditatem cœlestem; vendatis pro terrenis opibus, ut malitis eas retinere, cum jactura fidei et regni cœlorum, quam retinendo fidem, easdem perdere, quando Judæi vos persequuntur, urgentque ut vel bonorum, vel fidei Christi jacturam faciatis.

Queritur hic, an et quomodo peccarit Esau vendendo, Jacob emendo primogenita?

Nota: Jus primogenituræ illo tempore partim temporale erat, partim spirituale. Temporale erat, quatenus dabat primogenito jus ad duplicem portionem hæreditatis paternæ, cum alii fratres tantum haberent simplicem; rursum quatenus primogenitum efficiebat successorem patris et principem fratrum. Hoc enim est quod dicitur *Gen.* xlix, 3: « Ruben primogenitus meus, prior in donis, major in imperio; » et *Deut.* xxi, 17: « Dabitque ei (primogenito) de his quæ habuerit, cuncta duplicia. » Spirituale erat, quatenus annexum habebat tum jus sacerdotii, antequam id Levi et Leviticæ tribui deferretur, tum jus ad benedictionem paternam; hanc enim pater mo-

Quis dicendus profanus?

Jus primogenituræ sanctum, includens sacerdotium.

Jus primogenituræ duplex, temporale et spirituale.

riens conferebat primogenito, orans et impetrans illi, ut Deus illum suo favore, gratia et beneficentia cumaret: quæ benedictio efficax erat, ideoque magni fiebat, ut patet in Jacob, qui hanc benedictionem surripuit Esau frementi et frendenti.

Esau vendens primogenituram peccavit primo simonia et gula. Dico ergo: Esau vendens totum jus primogenituræ, scilicet tam spirituale, quam temporale, peccavit primo simonia, perinde atque illi, qui jam sua sacerdotia et Beneficia vendunt, simoniaci sunt, quia vendunt jus spirituale pretio temporali. Hac enim de causa vocatur Esau hic ab Apostolo « profanus, » quod venationibus, conviviis, deliciis assuetus, neglexerit et parvipenderit sacerdotium et benedictionem paternam, eaque vendiderit et profanarit. Ad benedictionem enim paternam respicere hic Apostolum, patet vers. seq. cum ait: « Postea cupiens hæreditare benedictionem, reprobatus est. » Secundo, peccavit gula, quia rem tantam atque erat primogenitura, tam vili esca vendidit.

Esau non ex necessitate, sed ex intemperantia vendidit jus primogenituri. Dices: *Genes. xxv, 22*, videtur dici, quod Esau extrema famis necessitate coactus, vendiderit primogenita; ait enim: « En morior; » ergo non peccavit gula. Respondeo: Cum ait, « en morior, » necessitatem suæ gulæ prætexit; nam non est dubium in tam divite Isaaci domo panes aliosque cibos facile habere potuisse, quibus famem exsatiaret. Fragrantia ergo et cupiditas lentis, quam coxerat Jacob, eum rapuit, itaque dementavit, ut, nisi illa frueretur, moriturum se diceret, ut recte ibidem annotavit Cajetanus et Pererius. Idipsum confirmat, quod ait Moses *Genes. xxv, vers. ult.* dicens de Esau: « Et sic accepto panis et lentis edulio comedit, et bibit, et abiit, parvipendens quod primogenita vendidisset. » Quæ verba significant eum non necessitate, sed contemptu vendidisse sua primogenita, quod ea parvipenderet. **Gula.** Moraliter, de gulæ damnis vide S. Gregorium, lib. XXX *Moral.*, cap. xxvii.

Jacob non peccavit emendo jus primogenituræ, peccato simonia. Dico secundo, Jacob emendo primogenita Esau non peccavit. Primo, quia tantum intendit emere jus primogenituræ, quatenus per se tantum temporale est, et temporalia bona spectat: eatenus enim vendi et emi poterat hoc jus temporale pretio temporali. Licet enim annexum haberet jus spirituale, scilicet sacerdotii et benedictionis paternæ, tamen hoc secundarium et accessorium erat apud alias gentes; imo apud Christianos et Judæos jus primogenituræ non habuit annexum jus sacerdotii. Poterat ergo jus illud secundum se vendi in lege naturæ, licet annexum haberet jus sacerdotii: illud enim censebatur non vendi, sed sequi tanquam accessorium suum principale, præsertim cum quis hæc ita mente secerneret, et eo modo illa vendere aut emere intenderet, intendens scilicet emere principale jus primogenituræ, non accessorium, licet sciret illud annexum esse et sequi suum jus principale, cum eoque transire ad emptorem: sicut vendi et emi potest

etiamnum ager, cui annexum est jus patronatus ad hoc illudve Beneficium Ecclesiasticum: tum enim non venditur jus patronatus, sed ager cui hoc jus annexum est; ita scilicet, ut agro per venditionem transeunte, necessario etiam hoc jus agro annexum transeat ad emptorem. Ita de Jacob et Esau sentit et docet inter alios Aloisius Lippomanus in *Genes. xxv, 33*.

Dices: Videtur Jacob peccasse, si non simonia, saltem injustitia, quod rem tanti pretii, utque est primogenitura, tam vili esca emerit. Respondeo, volenti et scienti, remque suam prodigenti, non fieri injuriam: Esau autem sciens et volens tam vili primogenita sua vendidit et prodegit, quia ea contempsit et parvi aestimavit.

Secundo, non peccavit Jacob emendo jus primogenituræ, quia sciebat (indicante id illi matre Rebecca, ut satis colligitur *Genes. xxvii, 13 et 14*) jus hoc ex Dei decreto et dono ad se pertinere: unde et mox vers. 17, matri se ad benedictionem fratri Esau præripiendam instiganti, securus et lætus obedivit. Non ergo emit Jacob hoc jus, sed illud tanquam suum, sibi que debitum astu ab injusto possessore specie venditionis extorsit. Vide Cajetanum, II II, *Quæst. C, art. 4*.

17. SCITOTE QUONIAM ET POSTEA CUPIENS HÆREDITARE BENEDITIONEM, REPROBATUS EST, — id est, rejectus est a sua petitione et benedictione paterna, quam cupiebat et petebat a patre Isaac, cum scilicet ipse dixit Esau: « Benedixique ei (Jacob), et erit benedictus: et tibi post hæc, fili mi, ultra quid faciam? » Ita Anselmus et Theophylactus, qui tamen secundo, addunt proprie a Deo per patrem Isaac fuisse Esau reprobatum, ideoque damnatum. Sed nil tale innuit Scriptura *Genes. xxvii*, tantum enim significat Esau « reprobatum, » id est, rejectum fuisse a benedictione paterna. Pro *scitote* græce est *ᾔδειτε*, quod tam, scitis, uti vertit Erasmus, quam *scitote*, verti potest.

NON ENIM INVENIT PŒNITENTIÆ LOCUM. — Pœnitentia hic non significat dolorem ob peccatum commissum et Deum offensum, hunc enim non habuit Esau: nam superbia tumens et indignans voluit fratrem occidere et peccatum peccato addere, ut notant Theodoretus, Theophylactus, Anselmus et alii. Recte enim dixit Isaias Abbas: « Sicut terra sine aqua et semine ferre nequit fruges, ita nec pœnitere quis potest sine humilitate et carnis afflictione. » Perperam ergo ex hoc loco Novatiani tollere voluerunt pœnitentiam, qua Ecclesiæ Deoque reconciliamur. Pœnitentia enim quam quæsit Esau, nec invenit, humana fuit, qua scilicet quis pœnitens facti, v. g. venditionis factæ, eam rescindere et retractare cupit. Itaque *μετανοία*, id est pœnitentia, hic improprie sumitur pro *μετάνοια*, id est, pœnitentia non peccati, sed damni, quod quis fecit, vel incurrit, qua scilicet Esau postea re melius considerata, cum non futuram, sed præsentem jam benedictionem et primogenituram cerneret, magni illam aestimans.

Licet emere aliquid temporale. cui annexum sit spirituale.

Jacob emendo tam vili jus primogenituri non peccavit peccato injustitiæ.

Vers. 17.

Esau non reprobatus a salute paterna, sed a benedictione paterna.

Ex hoc loco nullo Lutherus et Novatiani inferunt aliam a Deo peccatoribus pœnitentiam.

pœnituit et doluit, quod sua culpa et profana stultaque venditione, rem tantam amisisset, desiderans eandem recuperare, sed frustra.

Alii, ut Gabriel Vasquez, subtiliter et probabiliter pœnitentiam Isaac, non Esau accipiunt, *q. d.* Paulus : Esau suis lacrymis efficere non potuit, ut patrem Isaac facti pœniteret, scilicet, ut benedictionem datam Jacobo, revocaret ad Esau primogenitum. Dat enim Paulus hanc causam, cur Esau postea (id est post venditionem primogenituræ) cupiens hæreditare benedictionem, reprobatus sit, quia scilicet pater Isaac nolens pœnitere, id est, retractare benedictionem suam datam Jacobo, ab ea reprobavit et repulit Esau. Imperite ergo Lutherus hanc epistolam ad Hebræos a canone sacrorum librorum expunxit et proscripsit, hoc argumento, quod ipsa hoc loco pœnitentiam peccatis et peccatoribus, puta Esau, adimeret.

Nota : Hisce verbis Paulus tangit Hebræos, *q. d.* Nolite profanare et abjicere Dei fidem et gratiam, ne forte eam, ut Esau, recuperare non possitis, fiatque reprobi. Ubi adverte, non per omnia similem esse causam Esau et Hebræorum. Nam Esau absolute non potuit, utpote Deo nolente, recipere benedictionem paternam amissam; nos vero in hac vita, fidem et gratiam Dei deperditam, absolute possumus semper recipere : dicimur tamen subinde non posse, quia vix et ægre eam recipere possumus, v. g. cum fidem ipsam, quæ omnis boni fundamentum est, abjicimus, et agnitam veritatem sponte deserimus, contemnimus et impugnamus. Tunc enim sponte cor nostrum in malo obduramus, omnemque Dei influxum et gratiam averlimus atque excludimus.

QUANQUAM CUM LACRYMIS INQUISISSET EAM. — « Eam, » supple non pœnitentiam, sed benedictionem : quanquam, etiamsi cum Syro pœnitentiam suppleas, non favebis Novatianis. Pœnitentia enim hæc Esau non fuit peccati et gratiæ Dei deperditæ, sed benedictionis paternæ et primogenituræ amissæ, ut dixi. Adde, si pœnitentiam non Esau, sed Isaaci hic accipias, simpliciter verum est, quod Esau hanc patris pœnitentiam et benedictionis retractationem cum lacrymis inquisierit, sed frustra.

Vers. 18. 18. NON ENIM ACCESSISTIS AD TRACTABILEM MONTEM. — Pergit Hebræos hortari et stimulare novo aculeo et argumento, ut fidem et gratiam Christi non abjiciant, sed in ea constanter persistent et pergant. Argumentum hoc petit a Mose et lege veteri, quam nemo impune abjicere et violare potuit : inde enim infert : Quis ergo impune abjiciet Christum, Christique gratiam et legem, quæ Mosaica lege præstantior est (1) ?

Nota : « Tractabilem montem » vocat Sina, qui tangi, tractari et palpari poterat; in quo legem vete-

(1) Quanto enim doctrina Evangelica cum suis promissis præstat legi Mosis, tanto damnabilior est ejus con-

tractabilem montem, sed ad Ecclesiam Christi, quæ mons est spiritualis et cœlestis. Alii per antiphrasin Sina putant dici « tractabilem, » id est intractabilem, quia jusserat Deus *Exodi* xix, 12, ut Hebræi ad radices montis Sina consisterent, ipsum vero montem non tangerent, nec conscenderent. Sed prior sensus proprius est et genuinus (2).

ACCENSIBILEM (ita legendum cum Romanis et Græcis, non autem *accessibilem*, uti aliqui legunt) IGNEM. — « Accensibilem, » id est accensum, vel incensum vocat ignem corporeum, quo ardebat Sina, cum in eo data fuit lex vetus, qui accendi et extinguere poterat. Ignis hic ingens et terribilis erat, adeo ut Moses, *Deuter.* iv, 11, dicat montem Sina arsisse usque ad cælum. Huic opponit Paulus ignem spiritualem charitatis et gratiæ Spiritus Sancti, qui datus fuit Apostolis in Pentecoste, quique datur Christianis in baptismo aliisque Sacramentis.

ET TURBINEM, ET CALIGINEM, ET PROCELLAM. — « Turbinem » vocat ventum vehementem et impetuosum; « caliginem » vocat nubem densissimam, quæ Sina operiebat; « procellam » vocat tonitrua, fulgura, et undique circummicantes lampades, itidem et pluvias. Has enim extitisse cum terræmotu in Sina, cum ibi data est lex vetus, docet Josephus, et *Psal.* lxxvii, 9 : « Terra, inquit, mota est, cœli distillaverunt, » licet id non exprimat Moses in historia datæ legis, *Exodi* xix. Addit Moses *Exodi* xix, 18, de Sina quasi de fornace accensa fumum ascendisse terribilem : unde videtur quod, sicut in fornace partim flamma et ignis ardens, partim fumus necdum accensus conspicitur : ita quoque angelus vice Dei ignem et fumum in Sina produxerit, sive ex aere vicino, sive ex fumosa quapiam materia (v. g. sulphure) quæ ignem facile concipit.

19. ET TUBÆ SONUM, ET VOCEM VERBORUM. — Vers. 19. Est hendiadys : tubæ enim sonus non erat aliud quam vox verborum. Voce enim tubali sua verba, id est, præcepta decalogi per angelum proclamabat ex Sina coram Hebræis Deus optimus maximus. Tantus erat fragor clangentis hujus tubæ, sive buccinæ, ut humanæ vix ferrent aures. Omnia hæc eo spectabant, ut metum et religionem Dei, divinæque legis Hebræis incuterent, utque

temptus. Quod ut ostendat Paulus, modum primo enarrat datæ ac promulgatæ legis; postea, ut affectus fuit quum populus, tum Moses.

Potest etiam locus hic cum præcedenti connecti sic : Cavete vobis ne deficiatis a fide Christiana; qui enim deficiunt, ii amittunt bona multo præstantiora iis quæ amisit Esau cum posteris, exclusus a populo Dei. Nobis Christianis patet aditus ad Deum et cælum; veteri illi populo Dei non licebat propius accedere ad Deum. Lex Mosis est severa, terrorem incutiens; religio Christiana est mitis, animum tranquillans.

(2) Alii φηλαγωμίνω vertunt, non *tractabilem*, sed *tactam*, igne sciucet, ut Latini sæpe dicunt, *fulmine tactum*.

tractabilem montem, sed ad Ecclesiam Christi, quæ mons est spiritualis et cœlestis.

Lex Mosaica data cum fulgore, tonitru et procella.

hoc Dei et divinæ vindictæ terrore eos ad legis custodiam adigerent.

Polehris Allegorice, promulgatio hæc veteris significabat promulgationem legis novæ in Pentecoste. « Utraque enim facta est quinquagesimo die a paschate, illa in Sina, hæc in Sion : ibi terræ motu contremuit mons, hic domus Apostolorum : ibi inter flammas ignium et micantia fulgura turbo ventorum et fragor tonitruorum personuit, hic cum ignearum visione linguarum sonitus pariter de cælo tanquam spiritus vehementis advenit : ibi clangor buccinæ legis verba perstrepuunt, hic tuba Evangelica Apostolorum ore insonuit. » Ita S. Hieronymus *ad Fabiolam*, et ex eo Ven. Beda in *Hom. vigiliæ Pentecostes*. Idem insinuat Apostolus hic, vers. 22.

QUAM (VOCEM TUBÆ) QUI AUDIERUNT, EXCUSAVÉRUNT SE, NE EIS FIERET VERBUM. — Timore enim mortis percussus Judæi dixerunt Moysi : « Loquere tu nobis, et audiemus : non loquatur nobis Dominus, ne forte moriamur. » *Exodi* xx, 19.

Vers. 20. 20. NON ENIM PORTABANT QUOD DICEBATUR. — Græce τὸ διακείμενον, id est, quod distinguebatur, hoc est, quod distincte præcipiebatur. Sic *Psalm.* cv, 33, dicitur : « Distinxit (id est distincte dixit) in labiis suis. » Hoc autem quod dicebatur, est id quod subdit Apostolus :

ET SI BESTIA TETIGERIT MONTEM, LAPIDABITUR, — q. d. Non ferebant Hebræi terrorem et terribilia signa Dei jam dicta, quæ eis dans legem exhibuit in Sina, maxime cum auditum et contactum montis Sina, quasi si foret tribunal Dei terribilis, sub pœna mortis eis, imo bestiis, inhîbuit, dicens : « Etsi, » græce *καὶ*, id est etiamsi, « bestia sit, quæ tetigerit montem, lapidetur, » q. d. Non tantum homo tangens Sina montem, sed et jumentum tangens Sina, lapidetur. Citat verba Dei *Exodi* xix, 12, quæ sic se habent : « Cavete ne ascendatis in montem, aut tangatis fines illius : omnis qui tetigerit montem, morte moriatur ; manus non tanget eum (quasi scelus, catharma et piaculum), sed lapidibus opprimetur, aut confodietur jaculis, sive jumentum fuerit, sive homo, non vivet. »

Sensus Tropologicæ, S. Gregorius, lib. VI *Moral.*, xxvii : « Bestia, inquit, montem tangit, cum mens irrationabilibus desideriis subdita, ad contemplationis alta se erigit ; sed lapidibus percutitur, quia summa non sustinens, ipsis superni ponderis ictibus necatur. »

Vers. 21. 21. ET ITA TERRIBILE ERAT QUOD VIDEBATUR. MOYSES DIXIT : EXTERRITUS SUM ET TREMBUNDUS. — Chrysostomus cum suis hæc omnia in unam sententiam connectit, q. d. Ita terribilis erat Deus in prodigiis Sina, ut Moses ipse constantissimus et assuetus divinis prodigiis dixerit : « Exterritus sum. » Verum tunc dicendum erat, ut Moses diceret vel dixerit ; non autem, « Moses dixit. » Melius ergo Romana hæc, puncto posito inter τὸ videbatur et τὸ Moses, disjungunt, q. d. Atque ita cum populus et jumenta Dei jussu arcerentur

monte Sina, admodum terribile erat omne id, quod in hoc monte a Deo gerebatur et videbatur populo. Hinc Moses, licet Deo familiaris, percussus tamen dixit : « Exterritus sum. »

Pro « quod videbatur, » græce est τὸ φανταζόμενον. Erasmus vertit, quod apparebat ; Valabius, visum, quod videri videbatur. Verum hoc sensu hæc prodigia Sina non fuissent vera et realia, sed tantum apparentia et phantastica, qualia sunt quæ sunt per præstigias magorum.

Melius ergo Theodoretus τὸ φανταζόμενον intelligit id quod revera erat, apparebat et videbatur exterius, cum interius auctor et opifex eorum Deus legislator non appareret nec videretur. Deus enim revera præsens hisce prodigiis aderat, non tamen in iis apparebat, sed suæ majestatis umbram, speciem et apparentiam quamdam per hæc signa et prodigia tam terribilia exterius oculis Hebræorum exhibebat. Sic φαινόμενα apud Philosophos vocantur cometæ, halones aliaque meteora, quæ revera quidem sunt et apparent, sed ita ut occulta eorum generatio, natura et ratio vulgo sit incognita.

MOSES DIXIT : EXTERRITUS SUM ET TREMBUNDUS. — Moses id dixit, non cum data est lex, sed cum videret rubum ardentem, *Exodi* iii, inquit S. Thomas et Lyranus. Sed hoc impertinens est huic loco : nec enim loquitur Apostolus de signis rubi ardentis, sed datæ legis, *Exodi* xix. Licet enim ibi hoc se dixisse non expresserit nec scripserit Moses, supplet tamen id hic Paulus, vel ex traditione, vel ex instinctu et revelatione Spiritus Sancti. Pari enim modo turbines, terræ motum et pluvias subicit ibidem Moses, quæ supplet hic Paulus, ut dixi vers. 18. Ita Chrysostomus cum suis.

22. SED ACCESSISTIS AD SION MONTEM, ET CIVITATEM DEI VIVENTIS, JERUSALEM COELEM. — Opponit hic Apostolus Christianos Judæis, Sion Sina monti, Jerusalem coelestem terrestri, id est, Ecclesiam Synagogæ ; docetque quanto Christiana lex, fides et spes altior sit et sublimior Judaica et Mosaica lege, ut videant Hebræi quam in ea firmi et constantes esse debeant : ita scilicet, ut malint omnia dura perpeti, quam ejus jacturam facere. Si enim Judæi legem in Sina datam violantes puniti sunt, multo gravius punientur Christiani, qui fidem et gratiam Christi abiciunt. Ita enim hoc argumentum deducit Apostolus vers. 23.

Nota : Per Sion intelligit Ecclesiam Christi, quia in Sion, puta in templo, quod erat in Sion, docuit Christus. Rursum, in Sion promulgata est lex nova, descenditque in Apostolos Spiritus Sanctus specie linguarum ignearum in Pentecoste. Ecclesia ergo dicitur Sion, quia cœpit in Sion : hinc ab Isaia, Davide et prophetis sepe vocatur Sion.

Nota secundo : Per Sion intelligit Ecclesiam, tum terrestrem et militantem, tum potius coelestem et triumphantem, q. d. Accessistis per fidem et spem ad Ecclesiam coelestem et triumphantem : nam

Vera et realia fuere prodigia in monte Sina, non apparentia tantum.

Supplet hic aliqua Paulus, quæ in Exodo Moses omiserat.

Vers. 22.

Ecclesia vocatur Sion, et variis rationibus.

Sion Ecclesia triumphantis.

Ecclesia hæc in terris tendit, rectaque nos ducit ad triumphantem, adeoque una et eadem est Ecclesia et societas fidelium hic in terris militantium, et in cœlis triumphantium. Quod enim potius loquatur Apostolus de Ecclesia triumphante, quam militante, patet ex eo, quod dicat « nos accessisse ad multorum millium angelorum frequentiam, et Ecclesiam primitivorum, qui conscripti sunt in cœlis, et spiritus justorum perfectorum. » Hi enim angeli et spiritus sunt in Ecclesia non militante, sed triumphante.

Rursum, quia triumphans Ecclesia, utpote invisibilis, opponitur melius Sina monti tractabili et visibili, quam militans: nam militans Ecclesia tractabilis quoque est et visibilis.

Tertio, quia hanc Ecclesiam vocat civitatem Dei viventis, in qua scilicet regnat Deus vivens et æternus, suosque cives beata immortalitate donat et glorificat. Eandem vocat Jerusalem cœlestem, quam scilicet præfiguravit Jerusalem terrestrem, in qua Deus regnabat per Davidem in populo, et per pontifices in templo: hæc enim aliaque plura melius competunt Ecclesiæ triumphanti, quam militanti. Unde Theophylactus et Œcumenius per Sion cœlum accipiunt.

Hanc Jerusalem spectabant duodecim Martyres, dum cum Pamphilo presbytero martyrio coronarentur. Unde unus ex iis rogatus, cujas esset, respondit: « Jerusalem est mea patria. » Firmilianus præfectus eum torquens, rogavit, quænam et ubinam esset illa civitas? Martyr respondit, « eam piorum solum esse patriam, neque alios, præter hos solos, ejus fore participes; illamque ad Orientem, ubi sol primo mane radios suos fundit, sitam esse. » Nihil aliud a constanti juvene Præfectus obtinuit: unde eum securi percuti jussit. Ita Eusebius, lib. VIII *Histor.*, cap. XXI.

ET MULTORUM MILLIUM ANGELORUM FREQUENTIAM.

— *Pro frequentiam* græce est *πανηγύριον*, id est solemnem conventum et celebritatem, qualis est in festis, in ludis publicis, in triumphis, ubi omnia plena sunt pompa, decore, gaudio, magnificentia, *q. d.* Non accessistis ad Sina, ut ibi fulgetris et tonitruis percellamini; sed ad Sion et Jerusalem cœlestem, ut ibi cum myriadibus angelorum lætos dies ac festos agatis in omni felicitate, gloria, gaudio, jubilo et triumpho. Agite ergo, modicum, o Hebræi, tolerate, modicum certate, brevi ad festa hæc et triumphos cum angelis transiuri. Prædate hic inter hostes pugnantes, mox in cœlo cum Deo cenaturi triumphantes (1).

Vers 23. 23. ET ECCLESIAM PRIMITIVORUM, QUI CONSCRIPTI

(1) Hodiernorum plerique, veterum codicum et versionum auctoritate ducti, aliter legunt et interpungunt, scilicet *μυριάδων ἀγγέλων, πανηγύριον καὶ ἐκκλησίαν πρωτοτόκων*, ut verba *πανηγύριον* et quæ sequuntur, in appositione posita sint, declarandi causa, sive descriptionis instar adjecta. Hahnus vero sic legit, *καὶ μυριάδων ἀγγέλων πανηγύριον*, ut *ἀγγέλων πανηγύριον*, non omne quod præcedit, sed vocem tantum *μυριάδων* declarat,

SUNT IN CŒLIS. — « Ecclesiæ primitivos, » et, ut græce est, *πρωτοτόκους*, id est primogenitos, vocat Apostolos, primosque fideles et martyres, jam vita functos, qui non tantum per Dei prædestinationem, sed actu et re ipsa jam conscripti sunt, effectique cives cœlestis Jerusalem, *q. d.* Videte Stephanum, videte Jacobum, videte Apostolos et Martyres, qui pro Christi fide usque ad mortem decertarunt, sanguinemque et vitam profunderunt: modo in cœlis coronantur, et palmas pulcherrimas accipiunt. Hosce intuemini; hosce vidistis, novistis, spectastis. Hi jam vos invitant ex alto, ut pro fide pariter generose decertetis, itaque brevi in cœlis cum eis coronemini et regnetis in æternum. Audi S. Bernardum, serm. *De Triplici genere operum*: « Jam, inquit, hinc transendum est ad Sanctorum animas, quæ de hujus mortalitatis carcere ad cœlorum gaudia volaverunt. His profecto debemus imitationem: quia similes fuere nobis passibiles, et notas nobis fecerunt vias vitæ, quas tam infatigabiliter, quam interminabiliter tenuerunt. » Et inferius: « Ita ergo et sanitatem corpori, puritatem cordi, pacem fratri, imitationem sanctis, compassionem mortuis debemus: auxilium ab angelo, pietatem a Deo postulemus. »

ET JUDICEM OMNIUM DEUM. — *q. d.* Per fidem accessistis ad Deum, qui est judex omnium, qui per Christum judicaturus est vivos et mortuos, quique vestræ fidei et patientiæ præmia ingentia, persecutoribus vestris supplicia horrenda retribuet. Exuite ergo sedidiam et oscitantiam, strenue agite: judex adest.

ET SPIRITUS JUSTORUM PERFECTORUM. — Græce *τελειωμένων*, quod Maldonatus in *Notis manuscr.* vertit, *defunctorum*. Mors enim est *τέλος*, id est finis viventium, et *τελειώσις* est perfectio et consummatio cursus Sanctorum. Intelligit animas Patriarcharum, Prophetarum et Sanctorum veteris Testamenti, quos cap. XI per fidem mira gessisse et tolerasse docuit, sed ante Christum et nos non fuisse consummatos, id est, non accepisse beatitudinem et gloriam: hic vero jam post Christum eosdem perfectos sive consummatos in gloria esse dicit, *q. d.* Cum sanctis purissimis et beatissimis Angelis, Patriarchis, Apostolis, Martyribus et justis omnibus ante nos et Christum vita functis, jam perfectis, id est, beata Dei visione fruentibus, nobis est societas, quia ejusdem omnes Ecclesiæ Dei sumus membra, cujus caput est Christus, tum qua Deus, tum qua homo, ut dixi *ad Ephes. I, 22*. Ad illos ergo illorumque felicitatem et gloriam vocamur: illi e cœlo suas, quas jam possident, et nostras quasi paratas laureas nobis ostentant. Quis hic hæreat? quis trepidet? quis certamen detrectet? quis ab his apostatet? imo vero quis non his jungi, hosce sequi, cum hisce modica pati exoptet? cum sciat se brevi cum eis pariter coronandum et beandum.

24. ET TESTAMENTI NOVI MEDIATOREM JESUM. — Vers. 24.

Publica
et festiva
cœlitum
lætitia et
pompa.

Post
Christum
justi et
sancti
consecuti
consummati et
perfecti
in gloria.

Est occupatio, *q. d.* Ne dicatis, o Hebræi: Ampla promittis, o Paule, sed quis nos in cælum ad gloriam angelorum et Sanctorum deducet? quis viam docebit? quis cælum aperiet? quis bona nobis elargietur? Ne, inquam, hæc dicatis:

Christus,
non Mo-
ses, per
ge nobis
promissa
præstat.

accessistis enim non ad Mosem, qui bona terræ Chanaan, quæ veteri suo Testamento promisit, per se præstare non potuit; sed ad Christum, qui bona cælestia, quæ ipse novo suo Testamento promisit, re ipsa præstat, conciliat et exhibet. Ideo enim dicitur novi Testamenti mediator, ut docuit Apostolus cap. ix, 15.

ET SANGUINIS ASPERSIONEM. — Id est, sanguinem Christi super nos effusum et aspersum. Unde Syrus et Græca jam habent, καὶ αἵματι πάντας, id est, et sanguinem aspersionis, qui scilicet aspergitur, ad hoc, ut a peccatis abluamur et emundemur, *q. d.* Ne titubetis, ne dicatis: In cælum quidem via per Christum patet, sed peccatores sumus, ideoque cælo excludemur; nam Christus, uti cælum aperuit, ita et sanguine suo peccata nostra expiat, nosque sanctificat. Si ergo peccastis, ad Christum accedite, Christi sacramenta suscipite, ipse iis vos abluet in sanguine suo, planeque puros et sanctos efficiet, ut recta in cælum tendatis.

MELIUS LOQUENTEM QUAM ABEL. — Pro melius græce est καίτερον; sed Vatablus, Erasmus et alii legunt καίτερον, id est meliora, utiliora, præstantiora.

Nota: Pro *quam Abel*, in Græco duplex est lectio: quidam enim legunt παρὰ τὸ Ἄβελ, et subaudiunt αἷμα, quod præcessit, id est sanguis; ut τὸ *quam Abel*, idem sit, quod *quam Abelis*, scilicet sanguis, *q. d.* Melius vel meliora loquitur sanguis Christi, quam sanguis Abelis: quia sanguis Abelis clamat vindictam, *Genes. iv, 10*, sanguis vero Christi clamat misericordiam, gratiam et remissionem peccatorum. Ita ex Cyrillo et Chrysostomo Theophylactus et Oecumenius.

Sanguis
Abel
clamat
vindictam;
sanguis
Christi
misericordiam.

Secundo, alii codices, ut Regii, legunt παρὰ τὸν Ἄβελ, id est, *quam ipse Abel*, *q. d.* Sanguis Christi melius loquitur, quam ipse Abel loquatur (dixit enim Apostolus cap. xi, vers. 4, ipsum Abel defunctum adhuc loqui), quia scilicet sanguinis Christi memoria magis nos excitat ad imitationem suæ fidei et constantiæ, quam ipse occisus Abel nos excitet. Vide dicta cap. xi, 4.

Utraque lectio et sensus commodus est et appositus, prior tamen communior est, sapidior, sapientior et germanior; plane enim videtur respicere Apostolus ad illud *Genes. iv*: «Vox sanguinis fratris tui clamat ad me de terra,» atque comparare sanguinem Christi cum sanguine Abelis; ait enim: «Sanguinis (Christi) aspersionem melius loquentem, quam Abel,» id est Abelis, scilicet sanguis. Nec enim recte sanguis Christi cum persona Abelis comparatur.

Vers. 25.

25. VIDETE NE RECUSETIS LOQUENTEM. — Non «sanguinem Christi melius loquentem quam Abel,» ut dixit vers. 24: λαλῶντα enim, id est lo-

quentem, est masculinum, cum αἷμα, id est sanguinem, sit neutrum; sed «loquentem,» scilicet Christum ipsum, qui, ut sequitur, e cælis loquitur nobis.

SI ENIM ILLI (Judæi) NON EFFUGERUNT (supplicium) RECUSANTES EUM QUI SUPER TERRAM LOQUEBATUR. — Mosem scilicet, cum *Exodi xxxii, 1*, dixerunt ad Aaron: «Fac nobis deos, qui præcedant nos: Moysi enim huic viro, qui nos eduxit de terra Ægypti, ignoramus quid acciderit;» qua de causa Dei jussu cæsa sunt viginti tria millia Judæorum, *Exodi xxxii, 28*.

MULTO MAGIS NOS (non effugiemus supplicium), QUI DE COELIS LOQUENTEM NOBIS AVERTIMUS; — qui scilicet aversamur et repellimus Deum et hominem, qui e cælo locutus est nobis, cum post ascensionem suam, legem Evangelicam promulgavit in Sion in Pentecoste, et e cælo misit Spiritum Sanctum, specie flaguarum ignearum in Apostolos; quique indies e cælo loquitur nobis, tum exterius per Paulum aliosque prædicatores a se missos, edoctos et illuminatos; tum interius per sanctas inspirationes.

Christus
duplici-
ter nobis
loquitur,
interius
et exte-
rius.

Græca jam non habent τὸ loquentem, sed tantum τὸν ἀπὸ τοῦ οὐρανοῦ, id est, eum qui e cælis est, et e cælis descendit in terram, ut vos doceret. Verum Syrus, Chrysostomus, Theophylactus et Oecumenius vel legunt, vel subintelligunt τὸ loquentem; habetque emphasim: magna enim energia dicitur: Videte ne a Christo ad Mosem, a christiano ad judaismum redeatis, quia Moses in terra, puta e Sina, dedit suam legem, Christus vero legem Evangelicam eloquitur et docet e cælo; Moses terrestris, Christus cælestis est legislator et doctor.

26. CUJUS VOX MOVIT TERRAM TUNC. — «Cujus,» *Vers. 26*, scilicet Christi, qua Deus est, «vox tunc,» cum scilicet voce tubali legem dedit in Sina, «movit terram,» per terræmotum, quo Sina montem concussit, *Psalm. lxxvii, q. d.* Videte ne recusetis Christum loquentem, quia Christus potentissimus est legislator, judex et vindex: Christus enim per suos angelos dans legem in Sina, eundem ingenti fragore concussit; jam vero in lege nova, non tantum Sina, aut globum terræ, sed et cælos ipsos commoturus se repromittit: timete ergo Christi loquentis, legemque suam promulgantis potentiam et vindictam.

Potentia
et vin-
dicta
Christi
legisla-
tis ti-
menda.

NUNC AUTEM REPROMITTIT Dicens: ADHUC SEMEL, ET EGO MOVEBO NON SOLUM TERRAM, SED ET COELUM, — «Nunc,» scilicet tempore Aggæi prophetæ, per ipsummet Aggæum Christus repromittit, quod adhuc semel, non solum Sina et terram, sed et cælum commovebit, puta per seipsum, cum carnem humanam assumeret, fietque homo. Verba Aggæi cap. ii, sunt ista: «Adhuc unum modicum est, et ego commovebo cælum, et terram, et mare, et aridam; et movebo omnes gentes, et veniet desideratus cunctis gentibus.»

In quibus nota primo, Aggæum loqui de primo Aggæus

loquitur de primo adventu Christi in carnem. Messiae adventu in carnem et mundum, non autem de secundo ejus adventu ad judicium. Ita S. Hieronymus ibidem, Cyrillus, lib. V in *Genes.*, et Augustinus, lib. XVIII *De Civit.*, cap. xxxv, imo Apostolus hic.

Secundo, « modicum » tempus vocat quingentos annos, qui ab hac Aggae prophetia fluxerunt usque ad Christum, quia Prophetis lumine divino illustratis, et ad Deum Deique aeternitatem elevatis, omne tempus illi comparatum breve videtur et exile. Sic S. Joannes, *epist.* I, cap. II, vers. 18, tempus legis novae vocat « horam novissimam. »

Tertio, pro *modicum* Septuaginta et ex iis Paulus vertunt, ἀπαξ, id est semel; utrumque enim significat Hebræum אחת *achath*, et utrumque huic Prophetæ loco convenit: cum enim ait, « adhuc semel, » significat hanc commotionem faciendam a Christo in lege nova fore secundam et ultimam, *q. d.* Prima commotio terræ facta est in prima lege veteri, data in Sina; secunda et ultima fiet in secunda et ultima lege Christi, quæ immobilis erit et æterna, cuique nulla lex alia succedet.

Quarto, pro *commovebo* hebraice est מריש *marisch*, quod non solum commovere, sed et tremefacere, pavorem et trepidationem inducere significat. Septuaginta et ex iis Paulus vertunt, concutio, id est concutio, scilicet partim terram et cælum, partim ipsas gentes.

Quinto, « desideratus cunctis gentibus, » vel, ut hebraice est, חמדתי כל הגוים *chemdati col haggoim*, id est, desiderium omnium gentium, est Christus: licet enim gentes, quamdiu Gentes et infideles erant, Christum non desiderarent, tamen Christus in se eis desiderabilis erat, utpote eorum salvator et redemptor, omnesque gentes, mox ut de Christi vita et miraculis per Apostolos inaudierunt, Christum desiderare cœperunt. Qua de causa Christus a Jacob patriarcha, *Genes.* XLIX, 10 et 26, vocatur « expectatio gentium et desiderium collum æternorum, » id est desiderium Patriarcharum et Prophetarum priorum et antiquorum sæculorum, qui cæteris hominibus, quasi colles in terra eminuerunt et præcellerunt sua sapientia et sanctitate.

Quæres, quando et quomodo commoverit et concusserit Deus cælum, elementa et gentes tempore Christi? Respondeo, « cælum » commovit, quando angeli Christo nato cecinerunt: *Gloria in excelsis Deo*; et quando novam stellam dedit Magis, quæ eos duceret ad Christum. Aliis item pluribus prodigiis cælum commovit, quæ circa natiuitatem Christi contigisse narrat Paulus Orosius, lib. VI *Histor.*, cap. xx, et Julius Obsequens, lib. *De Prodigis*, cap. cxxviii et seq. Sic in passione Christi cælum commovit Deus, quando eclipsim solarem, et tenebras, luctumque toti orbi miraculose induxit.

Secundo, tempore Christi Deus commovit « mare

et terram, » tum per prælia Augusti Cæsaris cum Antonio, Lepido et gentibus exteris, terra marique gesta; tum in descriptione totius orbis, qua terra marique omnes ad suas urbes remeare sunt coacti, seque præsidibus Romanis sistere, ut describerentur, eique tributum penderent; tum denique in passione Christi, quando terra mota est, petra scissæ sunt, et monumentis apertis mortui resurrexerunt.

Tertio, omnes « gentes » commotæ et tremefactæ sunt tempore Christi, quia ad prædicationem Christi et Apostolorum, salutari metu concussæ, converterunt se ad Christi fidem, pœnitentiam, mutationem morum, gratiam et salutem.

Hunc Aggae et Pauli locum enarrans, partim litteraliter, partim mystice et anagogice Nazianzenus, orat. 3 *De Theolog.*, cap. III, ait in Scripturis triplicem audiri terræmotum. *Primus* fuit ille, quo Hebræi in Sina Deo terrefacti et inducti sunt ad servandam legem. *Serundus* terræmotus factus est terrenis Judæis et Gentilibus, cum hi ab idolis, illi a lege concussi et conversi sunt ad Evangelium. *Tertius* terræmotus est, cum ab Ecclesia præsentī commovemur et transimus ad triumphantem, cumque a terra conscendimus in cælum (1).

27. QUOD AUTEM ADHUC SEMEL DICIT, DECLARAT MOBILITATEM TRANSLATIONEM, TANQUAM FACTORUM, UT MANEANT EA QUÆ SUNT IMMOBILIA. — Per « mobilia, » Theophylactus intelligit cælum, terram, mare et gentes, de quibus vers. præced. dixit: « Ego movebo cælum et terram, » etc. Hæc enim, utpote creata, « mobilia sunt, » id est, mutationi et corruptioni obnoxia, græce σαλευόμενα, id est instabilia, quæ fluctuant, agitantur et concutuntur. Horum « mobilium » in die iudicii et adventus Christi « fiet translatio, » id est immutatio « tanquam factorum, » id est tanquam rerum factiliarum et conditarum ad tempus, quæ natura et conditione sua intereunt, ut mutantur in res incorruptibiles, immobiles et æternas, puta in cælum novum et terram novam, quæ maneant in æternum.

Verum melius et germanius per *mobilia* accipias tabernaculum Mosaicum, manufactum, arcam, Cherubim cæteraque tam vasa, quam sacra, sacrificia et ritus veteris legis; hæc sunt *mobilia*, quia amota sunt per legem Christi quam Apostolus hic vocat *immobilia*: hoc enim est, quod paulo ante, imo tota pene epistola probat et inculcat Apostolus, *q. d.* Vox *semel*, qua ulitur Ag-

(1) Vers. 26: « Magnas, inquit, antehac feci mutationes; sed restat longe major. Illa verba: commovebo cælum, terram, maria omnesque nationes, indicant: efficiam maximam orbis terrarum conversionem et revolutionem, sic ut omnes nationes ad Messiam veniant. Hæc orbis terrarum conversio et revolutio effecta est per religionem Christianam, ejusque in toto orbe propagationem. » Ita Rosenmullerus ad h. l.

tus data
cum mo-
tu, quia
mobilis.

gæus, cum dicit : « Adhuc semel, et ego movebo non solum terram, sed et cælum, » declarat vetus Testamentum cum suis vasis et cæremoniis mobile et transferendum esse, et ad hoc significandum, datum esse cum terræmotu. Hic enim terræmotus legis cum eo data motum et mutationem significabat. Hæc est ergo « mobilium » rituum veterum translatio et abrogatio, « tanquam factorum, » id est, tanquam rerum et figurarum, quæ vere factæ et impletæ sunt per Christi passionem et legem novam, quæ illi successit, quasi regnum immobile et æternum. Agite ergo, o Hebræi, mobiles cæremonias legis veteris jam abrogatas relinquitte, immobiliter adhærete Christo ejusque legi immobili.

Lex
Christi
dupli-
citer im-
mobilis.

Nota : Lex Christi dicitur *immobilis*, primo, quia nunquam mutanda est vel abroganda, sed semper manebit, nec alia lex ei succedet. *Secundo*, quia ducit nos ad immobilia bona, regnum et gaudia futuri sæculi. Res enim Christi et Christianorum maxime fine suo æstimantur.

Vers. 28. **ITAQUE REGNUM IMMOBILE SUSCIPIENTES, HABEMUS GRATIAM : PER QUAM SERVIAMUS PLACENTES DEO.** — « Regnum immobile » vocat legem Evangelicam, per quam Christus regnat in nobis, nosque in ea reges facit, hic per gratiam, et in futuro per gloriam, qua regnum Dei, sive regnum cælorum possidebimus.

Secundo, pro *habemus* Syrus et Græca jam legunt *ἔχομεν*, id est habeamus, hoc est, retineamus gratiam. Sed hoc obscurius est; magis ergo videtur legendum esse *ἔχομεν*, id est *habemus*; vice versa, pro *serviamus* græce legitur *λατρεύομεν*, id est *servimus*, per *ο*, cum legendum sit per *ω*, *λατρεύομεν*, id est *serviamus*.

Tertio, pro *serviamus placentes Deo*, græce est *λατρεύομεν ὑπαρίστας τῷ Θεῷ*, id est *latritia colamus Deum beneplacenter*, hoc est, ita ut illi bene multumque placeamus. Syrus pro *placeamus* vertit *נשפּר* *nespar*, quod habet emphasim, *q. d.* Ut Deo pulchrescamus, ut Deus servitio nostro quasi re quapiam pulcherrima delectetur, ut fide et pietate nostra oblectet se, ut pulchri, speciosi et gratiosi simus in oculis ejus.

Est hic novus stimulus, quo Hebræos tacite excitat ad pergendum fortiter in fide et lege Christi, *q. d.* Cum Ecclesia Christi sit regnum immobile, in quo per Christum datur nobis gratia, qua ipsimet Deo jugiter serviamus et placeamus, agite, o Hebræi, retinete hanc gratiam, hoc regnum Christi immobile et æternum.

Mystice Clemens Romanus, lib. II *Constit.* xxvii, per « gratiam » accipit Eucharistiam : « Ut omnes, ait, accedant ad mysticum cultum cum metu et reverentia, quasi ad regis corpus accedentes. » Eucharistia enim est *gratia gratiarum* : unde a Cyrillo Hierosolymitano vocatur « *gratia cœlestis*; » ab aliis, « *divina et vivifica gratia*. »

CUM METU ET REVERENTIA. — Pro *metu* græce est *αἰδώς*, id est *pudore*, sive *verecundia*, quæ non est

aliud, quam timor, sive metus dedecoris et probri, ut docet Aristoteles IV *Ethic.*, cap. ix; quare noster Interpres recte vertit, *metu*. Sic Homerus, *Iliados* α, ait *αἰδισθαί λεπῆς*; id est *revereri sacerdotem*, scilicet Chrysem, ubi *αἰδώς*, id est pudor, capitur pro *δλασθῆς*, id est metu religioso, sive reverentia. Vult ergo Apostolus nos Deo *servire* cum « pudore et metu, » quo scilicet pudeat nos primo, quod tam frigide et negligenter tantæ majestati servimus. *Secundo*, quod peccata etiam si venialia duntaxat, coram Deo nostro committimus. Peccatum est res turpis et probrosa, quæ menti piæ ingentem pudorem injicit, uti multis Sanctis injecisse legimus. Ita enim David, Ps. XLIII, vers. 16 : « Confusio faciei meæ cooperuit me. » Et Baruch I, 15 : Domino, inquit, Deo nostro justitia, nobis autem confusio faciei nostræ. » Et Daniel. ix, 7 : « Tibi, inquit, Domine, justitia, nobis autem confusio faciei, quia recessimus a te, » etc. *Tertio*, pudore hoc timemus confundi a Christo in die judicii, ideoque studiose cavemus et fugimus peccata omnia. Unde Theophylactus sic explicat, « Cum metu, inquit (vel potius cum pudore : hunc enim significat proprie Græcum *αἰδώς*), hoc est, nihil impudens loquamur, nihil inverecundum, quin etiam exterior facies verecundiam habeat erga homines. » Quanquam Apostolus magis de verecundia erga Deum, quam erga homines loquatur : de reverentia dixi cap. v, 7, in fine.

Vers. 29. **ETENIM DEUS NOSTER IGNIS CONSUMENS EST.** — *Vers. 29.* Vox *etenim* dat causam, cur Deo cum metu et reverentia servire debeamus; causa hæc est, quod Deus noster instar ignis punit, urit et consumit eos, qui carent hoc suo metu et reverentia.

Secundo, vox *noster* emphasim habet, *q. d.* Non solum apud Judæos Deus fuit ignis puniens et consumens idololatrias aliosque legis violatores, ut dicitur Deut. iv, 24, sed etiamnum apud nos Christianos Deus pariter est ignis vindicans et consumens peccatores et apostatas a Christo Christique lege.

Nota : In Scripturis passim Deus se per ignem exhibuit et ostendit hominibus, ut merito vocet se ignem consumentem Deut. iv. Ita Mosi apparuit Deus in rubo ardenti, Exod. cap. iii, vers. 4; et Hebræis in columna ignis et nubis, Exod. cap. xiii, vers. 21; Danieli quoque cap. vii, vers. 9 : « Thronus ejus, inquit, flamma ignis, rotæ ejus ignis accensus : fluvius igneus egrediebatur a facie ejus; » S. Joanni etiam Apoc. cap. i, 15 : « Oculi, inquit, ejus tanquam flamma ignis, et pedes ejus similes aurichalco, sicut in camino ardenti. » Sic Apostollis in Pentecoste apparuit Spiritus Sanctus in linguis igneis. Sic in Sina Deus daturus legem Hebræis, per ignem se ostendit. Unde dicitur Deut. iv, 15 : « Locutus est vobis Dominus in Horeb, de medio ignis. » Idem fecit iniens fœdus cum Hebræis, Exod. xxiv, 17 : « Erat, inquit, species gloriæ Domini quasi ignis ardens, » quia Deus instar ignis acerrime cruciaturus et

Deo ser-
viendum
cum pu-
dore et
metu ob-
tres ra-
tiones.

Vers. 29.

Deus in
Scriptu-
ris pas-
sim se
exhibuit
per
ignem.

vindicaturus erat fœderis hujus et legis suæ transgressores. Ita de Deo puniente Sennacherib, et occidente 185 millia Assyriorum, dicit *Isaias* x, vers. 17: «Et erit lumen Israel in igne, et Sanctus ejus in flamma, et succendetur et devorabitur spina ejus, et vepres ejus in die una, et gloria saltus ejus, et carmeli ejus, ab anima usque ad carnem consumetur, et erit terrore profugus» Sennacherib.

Locus Ubi nota: Per *lumen Israel et Sanctum ejus* intelligit *Isaias* Deum, vel certe angelum Dei, qui cecidit castra Sennacherib igne, id est clade velocissima, vehementissima et quasi ignita. Rursum *igne*, quia, ut docet S. Hieronymus ibidem, tradunt Hebræi corpora Assyriorum, feriente angelo, illæsis vestibus et armis, occulto igne esse consumpta. Hinc *silvam* vocat *Isaias* constipationem armorum militum Sennacherib, qui cristis, galeis et hastis densissimam silvam referebant. *Carmelum* vocat copiosum commeatum, et omnium rerum abundantiam: ob fertilitatem enim loci abiit Carmelus in proverbium. Unde ait: «Et devorabitur spina ejus et vepres,» id est, milites tam majores, quam minores occiduntur. «Et gloria saltus et Carmeli,» id est, duces et principes exercitus, «ab anima usque ad carnem,» id est omnino, sive toti «consumuntur,» tum morte præsentis, tum æterna. Hoc enim significant hæc proverbialia Hebraica. Alludit *Isaias*, ut recte notavit Forerius, ad ignem cœlo delapsus, qui in templo perennis ad sacrificia comburenda alebatur; quasi hic ignis cultus Dei et avitæ religionis vindex (instar columnæ ignis, quæ Hebræis consolationem et lucem, Ægyptiis terrorem et tenebras attulit) Judæis sanotificationem et liberationem, Assyriis vastitatem attulerit, e templo in eos insiliens. Unde clarius eodem alludens *Isaias*, xxxi, 9, ita ait: «Dixit Dominus, ejus ignis est in Sion, et caminus ejus in Jerusalem,» q. d. Hanc cladem Sennacherib et Assyriorum prædixit Dominus Deus, qui colitur sacrificiis et igne perpetuo (parato ad sacrificia hæc inflammanda) in Sion et in templo, ut hostes suos Assyrios instar stipulæ et lignorum egrediens de Jerusalem, quasi flamma consumat, inquit

S. Hieronymus ibidem, de quo plura in *Isaia* dixi. Gentiles quoque Deum per ignem repræsentarunt et definiverunt. Zoroastres et Platonici ita Deum describunt: «Deus, inquiunt, est ignis primus, vitifer, sive vitam cunctis afferens, ex quo ignes siderei, id est stellæ et astra, omniaque alia sunt genita.» Quo alludens Horatius de Julio Cæsare, quasi inter deos relato, ita canit:

Micat inter omnes
Jolium sidus, velut inter ignes
Luna minores.

Et Virgilius ita stellas tanquam ignes animatos et divinos, id est, tanquam deos, invocat et contestatur:

Vos æterni ignes, et non violabile nomen,
Testor.

Apollo quoque rogatus, quis esset, et quid omnino esset Deus? respondit: «Per se natus, non doctus, sine matre, immotus, neque in rationem, neque in sermonem cadens, in igne habitans, hic est Deus: parva vero Dei portio sumus angeli nos.» Denique Persæ coluerunt Deum specie igni, et igni templum exerexerunt, ut patet II *Machab.* i, 34. Causa cur Deus potius igne quam aliis rebus se ostenderit, est *primo*, ne si alia quam ignis specie apparuisset, v. g. specie hominis, aut animalis alicujus, Judæi in idola proclives illius idolum facerent et colerent: hanc causam dat Moses, *Deut.* cap. iv, 16. *Secundo*, quia ignis est primum et nobilissimum elementum, purissimum, subtilissimum, efficacissimum, sublimissimum, celerrimum, lucidissimum, calidissimum, simplicissimum, omnino impassibile, omnia penetrans, omnia consumens, interminum, omnia igniens et sibi assimilans. Talis est et Deus, Deique gratia et charitas. Ita docet S. Dionysius, *De Cælesti Hierarch.*, cap. xv, et S. Thomas in x *Isaiæ*: quanquam Apostolus hic Mosem secutus non de gratia, sed de ultione Dei loquitur, ab eaque utpote terribili et efficacissima, Deum vocat ignem consumentem, ut dixi initio hujus versus.

Gentiles
Deum
per
ignem
repræ-
sentarunt.

Persæ
templum
igni ex-
erexerunt.
Ob duas
rationes
Deus
potius in
igne,
quam
alia figu-
ra se
exhibet.

CAPUT DECIMUM TERTIUM.

SYNOPSIS CAPITIS.

Hortatur Hebræos ad charitatem fraternam, hospitalitatem, misericordiam, castitatem conjugalem, fugam avaritiæ, imitationem præpositorum.

Secundo, vers. 9, monet ne doctrinis novis et variis sinant se abduci, sed gratia stabiliant cor, sumendo scilicet Eucharistiam ex altari, quod Christus non Judæis, sed Christianis dedit.

Hinc tertio, vers. 11, ex typo vetri hostiæ publicæ pro peccato, quæ cremanda erat extra castra, allegorice concludit: Exeamus igitur ad eum (Christum) extra castra, improprium ejus portantes.

Quarto, vers. 17, jubet ut obediant suis præpositis, utque pro se orent.

Denique, vers. 20, bene eis precatus salutationibus de more claudit epistolam.

1. Charitas fraternitatis maneat in vobis. 2. Et hospitalitatem nolite oblivisci, per hanc enim latuerunt quidam, angelis hospitio receptis. 3. Mementote victorum, tanquam simul vincti; et laborantium, tanquam et ipsi in corpore morantes. 4. Honorabile connubium in omnibus, et thorus immaculatus. Fornicatores enim et adulteros judicabit Deus. 5. Sint mores sine avaritia, contenti præsentibus: ipse enim dixit: Non te deseram, neque derelinquam. 6. Ita ut confidenter dicamus: Dominus mihi adjutor: non timebo quid faciat mihi homo. 7. Mementote præpositorum vestrorum, qui vobis locuti sunt verbum Dei: quorum intuentes exitum conversationis, imitamini fidem. 8. Jesus Christus heri, et hodie, ipse et in sæcula. 9. Doctrinis variis et peregrinis nolite abduci. Optimum est enim gratia stabilire cor, non escis: quæ non profuerunt ambulanti in eis. 10. Habemus altare, de quo edere non habent potestatem, qui tabernaculo deserviunt. 11. Quorum enim animalium infertur sanguis pro peccato in Sancta per pontificem, horum corpora cremantur extra castra. 12. Propter quod et Jesus, ut sanctificaret per sanguinem populum, extra portam passus est. 13. Exeamus igitur ad eum extra castra, improprium ejus portantes. 14. Non enim habemus hic manentem civitatem, sed futuram inquirimus. 15. Per ipsum ergo offeramus hostiam laudis semper Deo, id est, fructum laborum confitentium nomini ejus. 16. Beneficiæ autem et communionis nolite oblivisci: talibus enim hostiis promeretur Deus. 17. Obedite præpositis vestris, et subjacete eis. Ipsi enim pervigilant quasi rationem pro animabus vestris reddituri, ut cum gaudio hoc faciant, et non gementes: hoc enim non expedit vobis. 18. Orate pro nobis: confidimus enim quia bonam conscientiam habemus in omnibus bene volentes conversari. 19. Amplius autem deprecor vos hoc facere, quo celerius restituar vobis. 20. Deus autem pacis, qui eduxit de mortuis pastorem magnum ovium, in sanguine testamenti æterni, Dominum nostrum Jesum Christum, 21. aptet vos in omni bono, ut faciatis ejus voluntatem: faciens in vobis quod placeat coram se per Jesum Christum: cui est gloria in sæcula sæculorum. Amen. 22. Rogo autem vos, fratres, ut sufferatis verbum solatii. Etenim per paucis scripsi vobis. 23. Cognoscite fratrem nostrum Timotheum dimissum: cum quo (si celerius venerit) videbo vos. 24. Salutate omnes præpositos vestros, et omnes sanctos. Salutant vos de Italia fratres. 25. Gratia cum omnibus vobis. Amen.

Vers. 1. 1. CHARITAS FRATERNITATIS MANEAT IN VOBIS. — Græce est φιλadelphia, id est charitas fraterna, vel fratrum, qua Christiani se invicem diligunt, tanquam fratres, ex eadem matre Ecclesia, et ex

eodem patre Christo geniti, de qua dixi Roman. XII, 10.

Nota: Non dicit *sit*, quia jam erat in eis, ut patet cap. x, vers. 34; sed « maneat, » q. d. Pergite,

uti coepistis, invicem juvare et fovere, nec permittite ut ob persecutiones, exilia et expilationes, hæc charitatis officia intepescant, neve dicatis: Alios juvare non possumus, quia nos ipsi a Judæis bonis spoliati et ad paupertatem redacti, aut propediem redigendi sumus.

VERS. 2. 2. ET HOSPITALITATEM NOLITE OBLIVISCI. — Loquitur, ut recte notat Galenus, de susceptione non Gentilium, sed fratrum, sive Christianorum, quibus olim erat nefas ad Gentilium ædes et hospitium divertere: sed in Episcoporum domos suscipiebantur, et a viduis tractabantur, adeoque pedes eorum lavabantur, ut satis insinuat Apostolus I *Timoth.* v, 10.

Nefas olim erat Christianos divertere ad Gentiles. Hospitalitas in veteri et novo Testamento commendata.

Nota: Hospitalitas tum in veteri, tum maxime in novo Testamento commendata fuit. In veteri commendavit eam Abraham, Lot et Rahab Jerichuntina, quæ hospitio excipiens exploratores Hebræorum, per hoc salutem suam et suorum meruit, *Josue* II. Sic et Sunamitis hospitium dans Eliseo, ab eo filium filiique mortui suscitationem impetravit, IV *Reg.* IV. In novo Testamento hospites Christi fuerunt Matthæus, Zachæus, Martha et Magdalena; quem inde fructum adepti sint nemo ignorat. Hinc in primitiva Ecclesia mire viguit hospitalitas inter Christianos, adeo ut Tertullianus, lib. *de Præscript.*, cap. XX, hæc tria numeret Catholicæ fidei et communicationis symbola, scilicet communicationem pacis, appellationem fraternitatis et contessionationem hospitalitatis: « Quæ jura, inquit, non alia ratio regit quam ejusdem sacramenti una traditio. » Ubi per contessionationem hospitalitatis, Tertullianus intelligit certum aliquod signum, quasi tesseram christianismi, quod qui afferret, ubilibet a Christianis, quasi Christianus amicus et frater hospitio perbenevole excipiebatur. Hoc signum cum adulterassent hæretici, a Catholicis sæpe mutatum est, ac tandem commissum litteris quas Patres in concilio Niceno sanxerunt, et nominaverunt *Formatas*, quibus subscribi decreverunt has quatuor Græcas litteras, quasi tesseram et professionem christianismi, scilicet Π. Ρ. Α. Ι. Ι., id est, Πατήρ, Υἱός, Ἅγιον Πνεῦμα, hoc est Pater, Filius, et Spiritus Sanctus. Hinc Peregrinus impostor (teste Luciano in ejus Vita) Christianum se finxit, quia satis sibi viatici esse dicebat in Christianorum hospitalitate: ita ut non tantum ab illis aleretur, sed etiam in via deduceretur, atque sic quaquaversum stipatus incederet. Nam non recipere, nec conjungere oblatam tesseram, idem erat, quod a Catholica communione sejungere; perinde ut apud Gentiles confringere hospitalalem tesseram, erat amicitiam dissolvere. Hac de causa magnus ille Pachomius (ut habetur in ejus Vita), cum adhuc Ethnæus militaret in castris Licinii Imperatoris, Thebasque cum castris venisset, visa Christianorum Thebanorum in commilitones suos hospitalitate et charitate, ad Christum conversus fuit, tantusque evasit, quantum

jam omnes miramur. Neque solum primi Christiani hospitalitatem coluerunt, sed etiam ante quingentos annos fuit illa in pretio, imo in præcepto. Nam D. Buchardus, Episcopus Wormatiensis, qui floruit sub annum Domini 1020, lib. I *Decretorum*, XCIV, interrogat. 71, docet Episcopos in solemnī parochiarum visitatione, in qua de gravibus criminibus inquirunt, ex officio quasi de crimine interrogare debere, num in parœcia essent, qui ad se venientibus peregrinis aut viatoribus hospitium negarent. De laudibus hospitalitatis vide S. Ambrosium, lib. II *Officiorum*, cap. XXI, et lib. III, cap. VII; Chrysostomum, concion. 2 *de Lazaro*; Augustinum, serm. 70 *de Tempore*.

Fructus et laudes hospitalitatis.

Quam vero hospitalitas clericos deceat; docet cap. *Hospitalem*, dist. 42, et Concilium Tridentinum, sess. XXV, cap. VIII.

PER HANC ENIM LATUERUNT QUIDAM, ANGELIS HOSPITIO RECEPTIS. — Multi legunt *placuerunt*, sed legendum est *latuerunt*. Ita enim legunt Romana et Syrus, idque significat Græcum *κατέκρυπτοντο*. Jam Faber, Catharinus et Vasquez sic explicant, q. d. Lot ejusque filiæ et generi suscipientes hospitio angelos, « latuerunt, » id est, non sunt visi a Sodomitis, cum illi in domum Lot irruentes cæcitate percussi sunt. Verum id non patitur phrasis Græca; nam, ut erudite docet Ribera, verbum *κατέκρυπτοντο*, id est lateo, quando participio jungitur, significat actionem, quæ participio illo significatur, latere, vel ipsosmet agentes, vel alios. Sic Aristophanes in *Vespis* ait, *serviens latuisti*, id est servire te ignoras. Sic Plutarchus librum inscripsit, hoc titulo *Αἰὶς Γνώσις*, id est, Late cum vixeris, latenter vive, ut nemo te vixisse sentiat: felix enim est qui latuit. Est ergo hypallage: *latuerunt angelis receptis*, id est, latenter, vel nescientes angelos receperunt; latuit illos, quod hospites essent angeli; non senserunt esse angelos; sed putabant esse homines. Itaque in hac actione Abraham et Lot latuerunt seipsos, id est, non senserunt id, quod ipsimet agebant: putabant enim se recipere homines, cum non homines, sed angelos recipere. Ita Chrysostomus, Theophylactus, Œcumenius, Theodoretus et Syrus, qui ita vertit, *hoc enim quidam meruerunt, ut ἄγγελοι ἡμῶν ἡμῶν*, id est, cum minime sentirent, angelos exciperent, q. d. Hospitalitas tanti est meriti, ut angeli eis qui hospitales erant, se hospites obtulerint, quasi homines essent, ut contigit Abrahamo *Genes.* XVIII, 2 et seqq.; et Lot, *Genes.* XIX, 1. Idem contigit S. Gregorio Magno pontifici, idque sæpius, ut patet lib. I *Vitæ* ejus, cap. X, et lib. II, cap. XXII et XXIII. Hospitalitas ergo tanta est virtus, ut interdum mereatur pro hospitibus angelos habere, velut si piscator pro pisce gemmam hamo suo attrahat.

Latuerunt, id est, latenter angelos inscii receperunt.

Plures Sancti hospitales angelos receperunt.

Audi et S. Ambrosium, lib. I *de Abraham*, cap. V: « Qui scis, ait, an Deum suscipias, cum hospitem putas? Abraham dum peregrinantibus deferret hos.

pitium, Deum atque angelos ejus suscepit hospitio; quamvis et cum hospitum suscipis, Deum suscipis. Sic enim scriptum in Evangelio legis, dicente Domino Jesu: Hospes eram, et collegistis me; quod enim uni horum minimorum fecistis, mihi fecistis. Unius horæ hospitio, vidua illa quæ suscepit Eliam, et exiguo cibo pavit, perpetuum toto tempore famis invenit alimentum, et mercedem accepit mirabilem, ut nunquam farina de hydria deficeret. Eliseus quoque defuncti pignoris resurrectione donata, hospitii resolvit pensionem. » Hæc et plura Ambrosius.

Nota: Licet nonnulli velint Abraham et Lot agnovisse statim hospites suos esse angelos, tamen longe verius est contrarium; scilicet initio eos id non scivisse: angeli enim formam humanam assumpserant, et meri homines esse videbantur. Unde Abraham ait eis: « Ponamque buccellam panis, et confortetur cor vestrum. » Si angelos esse scivisset, non dixisset, « confortetur cor vestrum; » sciebat enim angelos cibo nostro non confortari. Paulo post tamen cum angelus Saræ filium, et Lot excidium Sodomæ prædixit et promisit, agnitus est ab Abrahamo et a Lot, non esse homo, sed angelus.

Nota secundo: Chrysostomus putat hic laudari Abrahamum, quod latenter et inscius receperit angelos, ejusque tantam exhibuerit humanitatem, cum putaret esse homines. Nihil enim magni erat hoc præstare angelis cognitis. Verum Apostolus non tam de laudibus Abrahæ, quam de laudibus hospitalitatis hic agit. Magna enim hospitalitatis laus est, quod angelos ad suum hospitium pellegerit, et ex hac laude Apostolus Hebræos ad hospitalitatem incitat et impellit.

Vers. 3. 3. MEMENTO VINCITORUM TANQUAM SIMUL VINCTI. — Ab hospitibus transit ad confessores, ob fidem Christi in vincula coniectos, q. d. Ita vincitorum Christi miseremini, ac si vos ipsi vincti essetis; putatote vos simul cum eis teneri in vinculis, completos situ, pædore et aliis innumeris ærumnis, ac tum quod vobis ab aliis exhiberi cuperetis, ipsi præstare: qui enim alienam miseriam experitur, aut illam sibi vivaciter in seipso repræsentat, hic facile alteri, non quasi alteri, sed quasi sibi ipsi compatitur et succurrit. Aliter Ribera explicat: « Mementote vincitorum, tanquam simul vincti, » id est, inquit, quia vos quoque vincti estis in corpore, quasi in carcere; ut ergo ex hoc carcere Deus vos in plenam libertatem et felicitatem educat, hac de causa vos ipsi aliis vinctis condoleta et benefacite: beati enim misericordes, quoniam ipsi misericordiam consequentur; et qualem te exhibes proximo maxime afflicto, talem se tibi exhibebit Deus. Hic sensus bene respondet sequentibus: videtur enim Apostolus explicare τὸ tanquam simul vincti, per id quod sequitur, « tanquam et ipsi in corpore morantes, » qui si non ægrotatis aut non affligimini, ægrotare tamen affligique potestis. Ita et Maldonatus in *Notis manuscr.* quæ

Quando Abraham et Lot agnovissent angelos a se receptos?

in Collegio Romano exstant. Prior tamen sensus planior est.

ET LABORANTIUM. — Græce *καταπορευμένων*, id est, eorum qui affliguntur et male tractantur a Judæis aut Gentibus, propter fidem Christi.

TANQUAM ET IPSI IN CORPORE MORANTES. — Nonnulli sic explicant, q. d. Putatote vos esse in eorum corporibus, fingite vos esse ipsos, illorum personam induite. Verum simplicius hæc accipimus de corpore proprio cuique, q. d. Mementote afflictorum, cogitantes vos circumgestare corpus iisdem malis obnoxium, in quo possitis similia pati, et cui propediem idem possit contingere. Si ergo vides aliquem afflictum et gementem, ideoque murmurantem, impatientem et pene desperantem, compatere et consolare illum, considerans idem tibi posse accidere; et si tu illius loco fores, te similiter facturum, ni Deus te præservaret. Vere S. Augustinus in *Sentent.*, n. 73: « Corpus, ait, carnis nostræ ornamento nobis fuit: peccavimus, et compedes inde accepimus, ut vinculis mortalitatis omnis humanarum actionum cursus præpediretur. »

Motivum compassionis.

4. HONORABILE CONNUBIUM IN OMNIBUS, ET THORUS IMMACULATUS. — « In omnibus, » supple personis, ac consequenter etiam in sacerdotibus et monachis, honorabile connubium est, inquit Lutherus et Beza. Verum si sic exponas τὸ in omnibus, scilicet personis, sequetur etiam inter fratres et sorores, matres et filios, patres et filias, honorabile esse conjugium, quod horrendum est etiam ipsis hæreticis.

Lutheri et Beza putida et falsa de sacerdotum conjugio doctrina.

Catholici ergo cupiunt hunc locum explicant. Primo assertive, ut intelligatur verbum est; idque prime, q. d. Connubium honorabile est in omnibus quæ connubii sunt, sive sacramentum, sive fidem, sive prolem consideres. Ita Œcumenius. Secundo, « in omnibus, » id est apud omnes, q. d. Nemo debet conjugium reprehendere, etiamsi virginitatem ipse profiteatur. Ita Fulgentius, lib. *De fide ad Petrum*, cap. III. Tercio, « in omnibus, » supple legitime conjunctis, quicumque illi sint, sive senes, sive juvenes, sive divites, sive pauperes, sive Græci, sive Judæi, honorabile est conjugium. Ita Theophylactus.

Secundo, alii, et magis apposite ac genuine, hæc verba accipiunt imperative, intelliguntque verbum non est, sed sit. Est enim præceptum quod datur conjugibus, q. d. « In omnibus, » id est omni in re, servate honestatem, decus et honorem conjugii vestri, ut fidem mutuo datam præstetis, atque amice, pacifice honesteque cum conjugibus vestris vivatis, nullaque in re jus matrimonii violetis, conjugemque et vos ipsos dehonestetis et dedecore afficiatis; præsertim vero vel maxime curetis, ut thorus vester sit immaculatus, ut scilicet nec adulterio, nec mollitie; nec etiam in ipsa conjugio alia libidine, quam natura et pudor conjugalis refugiant, maculetur, sed tantum utamini copula maritali, quam natura generationi

Verus sensus hujus loci.

destinavit. Hoc enim præceptum hic dari conjugibus patet ex eo quod subdit: « Fornicatores enim et adulteros judicabit (id est condemnabit et puniet) Deus. » Hisce enim verbis dat causam, cur matrimonium honorari, thorumque immaculatum servari jusserit, quia scilicet si secus fecerint, ipsumque conjugium et thorum dehonestent et commaculent adulterio, fornicatione aliave libidine, sentient Deum ultorem et vindicem. Ita Chrysostomus, Theophylactus et alii. Hæc enim est secunda epistolæ pars ethica, in qua de more Apostolus, non dogmata, sed morum præcepta congerit et transcribit; alioqui quorsum, quæso, hic ex abrupto suis de eleemosyna præceptis intexeret dogma de honestate conjugii? Quis enim hoc ignorat? quis Judæorum id negavit? sane sicubi, apud Judæos in honore erat conjugium.

Nota: Pro honorabile græce est τίμος, quod Syrus recte vertit מיקר *meikaru*, id est pretiosum, ut scilicet connubium quasi res magna et sancta in magno pretio et honore habeatur: nam, ut ait Apostolus, *Ephes.* cap. v, vers. 32: « Sacramentum hoc magnum est; ego autem dico in Christo et in Ecclesia. »

Fornicatio illicita; ejus remedium matrimonium.

FORNICATORES ENIM ET ADULTEROS JUDICABIT DEUS. — Licet violatio conjugii sit adulterium, non fornicatio, meminit tamen Apostolus fornicationis quoque, quia illa crebra erat inter Gentes, imo putabant Gentes illam esse licitam: unde ab Apostolis expresse prohiberi debuit, *Act.* cap. xv, vers. 20. Jam sensus est, *q. d.* Ne quis adulteretur aut fornicetur, Deus in remedium concupiscentiæ instituit honorabile conjugium: illud cuius amplexu licet, ut, si eo relicto fornicetur, inexcusabilis sit, ideoque a Deo judicandus et damnandus.

Vers. 5.

Judæi dediti avaritiæ.

5. SINT MORES SINE AVARITIA. — Innatum enim videtur Hebræis avaritiæ vitium et terrenorum cupido. Unde etiamnum Judæi nonnisi usuris et lucris student, eaque ex rebus sordidis et vilissimis captant. Cajetanus Græcum τρέπος vertit, *modus vel moderatio, q. d.* Sit modus sine avaritia, id est, inquit ipse, avaritia non imponat modum actionibus vestris, sed potius ipsa æquitas animi et moderatio modum ponat avaritiæ cæterisque vitiis. Sed sinistra et hiulca est hæc interpretatio: τρέπος enim non tantum modum, sed etiam mores significat, et mores dicuntur esse avari, sordidi, illiberales, non autem modus vel moderatio dicitur esse avara.

CONTENTI PRÆSENTIBUS, — q. d. Vestra sorte et opibus quas habetis contenti, nolite studere augendis semper et accumulandis divitiis: hoc enim est avari, solliciti nimis, inquieti et insatiabilis animi, hoc præsertim tempore, quo pro fide opes prodigie oportet.

Gnomæ in odium avaritiæ.

Quam avaritia sit sordida et homine indigna, audi philosophos id docentes. Bion de divite avaro dixit: « Hic facultates suas non possidet, sed ipsum possident facultates. » Ita Laetius, lib. IV,

cap. vii. Idem aiebat avaritiæ esse omnis improbitatis metropolim.

Anacharsis: « Avari, inquit, qui lucri cupiditate pernavigant maria, incerti de reditu, quatuor digitis absunt a morte: » hæc enim est spissitudo navium quibus vehuntur. Ita Laetius, lib. I, cap. ix.

Curius Romanus rapas comedens, repudiavit aurum Samnitium, dicens, « malle se pecuniam eamque habentes regere, quam ab ea regi. » Divitiæ enim non saturant. Ita Valerius Maximus, lib. IV, cap. iii et iv.

Crates Thebanus, ut melius philosopharetur, opes omnes in mare projecit: « Malo, inquit, te perdere, quam tu me perdas. » Ita Laetius in ejus Vita.

Democritus avaritiæ judicabat miseriorem extrema paupertate. Majores enim cupiditates indigentias quoque majores faciunt.

Diogenes avaros comparabat hydropicis: illos enim argento plenos, hos autem refertos aqua, amplius desiderare, idque utrosque in magnam sui perniciem, dicebat. Idem de Anaximene: « An non pudet, inquit, eum tam multa habere, cum non habeat seipsum? » indicans avarum esse extra seipsum.

Socrates aiebat, « nec a mortuo petendum colloquium, nec ab avaro beneficium. » Idem cum in pompa magnam vim auri et argenti ferri videret: « Quam multa, inquit, non desidero! »

Plato ad avarum: « O improbe, dixit, ne possessioni augendæ studeas, sed minuendæ cupiditati. »

Timon censuit duo esse elementa malorum, avaritiæ et ambitionem.

Aristoteles dixit avaros ita agere, ac si nunquam essent morituri: nihil enim dant, et omnia retinent.

Lycurgus opes et avaritiæ Sparta expulit. Unde Sparta sexcentis annis in Græcia primas tenuit et legum æquitate et gloria. Deinde oraculum Theopompo regi prædixit: « Pecuniarum amor Spartam perdet: » itaque evenit.

Jugurtha de Roma dixit: « O urbem venalem, et mox perituram, si emptorem invenerit! »

Alfonsus rex ministros suos avaros vocabat Harpyias aulæ suæ.

Denique S. Hieronymus dicere solebat, « avaro tam illa quæ habet, quam quæ non habet, deesse. » Quin et hoc Stoicorum fuit dogma, virum bonum esse divitem, et sapientis esse omnia. Unde et Chilon dicebat, « hominum bonitatem probari auro, perinde ac aurum probatur Lydio lapide. » Avari enim ob aurum omnia jura pervertunt.

Eo ergo magis eris dominus rerum tuarum, imo totius mundi, quo minus es cupidus: « avarus enim terrena esurit ut mendicis, fidelis contemnit ut dominus, » ait S. Bernardus.

IPSE (Deus, qui præcessit vers. 4) ENIM DIXIT: NON TE DESERAM, NEQUE DERELINQUAM. — Sunt verba

Dei ad Josue, cap. 1, 5: « Sicut fui, inquit, cum Mose, ita ero tecum: non dimittam, nec derelinquam te, » q. d. Nolite esse solliciti de congregandis opibus ad vitam tuendam necessariis, fideite Deo, ipse de necessariis vobis providebit. Ipse enim dixit Josue, et in Josue omnibus suis fidelibus servis et amicis promisit et dixit: « Non te deseram, nec derelinquam. » Vatablus, Erasmus et Cajetanus Græca ἀνὼ et ἡκαταλίπω putant esse præsentis temporis, vertuntque, *non te desero, nec derelinquo*. Sed falluntur: sunt enim aoristi, qui vim habent futuri, significantque, *non te deseram, nec derelinquam*, uti vertunt Græci et Syrus, quin et Beza. Si enim ἡκαταλίπω esset præsentis temporis, scribendum esset per α, non per simplex ι. Pari modo dixit Deus Abraham, *Genes. xv, 1*: « Ego protector tuus, » hebraice אֲנִי מִגֵּן אֲנוּכִי *anochi magen lach*, id est, ego sum scutum tuum.

Deus
noster
protector
et scu-
tum.

Notum est Alciati emblemata de milite, qui scutum quo omnium hostium tela exceperat, cymbalum fecit, qua fluvium pedibus impermeabilem trajecit, indeque clypeum osculatus: Hic, inquit, verus et solus amicus mihi fuit, cum premererque solo, cum premererque salo. Tale scutum ubique et in omnibus Abraham aliisque sanctis fuit et est Deus, præsertim in tentatione et persecutione. Hinc Philo cum aliis Judæis apud C. Caligulam Cæsarem accusatus ab Apione, quod Cæsari divinos honores non tribueret, ejectus ex aula, sociis Judæis respondit: « Bono animo nos esse oportet, quibus iratus est Caius: quia necesse est adesse divinum, ubi humanum cessat auxilium. » Testis est Eusebius, lib. II *Histor.*, cap. v.

Hac spe in Deum obfirmatus S. Joannes, qui eo quod mire coleret silentium, Silentarius est dictus, cum relicto episcopatu in monasterium clanculum sese recepisset, et in disciplinam S. Sabæ tradidisset, atque Alamundarus cum suis Sarcenis Palestinam ejusque monasteria vastaret, et multa hominum millia in servitutem abduceret: cæteris fugientibus, solus Joannes Silentarius in monasterio remansit, ponens Altissimum refugium suum. Urserunt eum monachi, ut et ipse fuga sibi consuleret; quibus ille: « Si Deus, inquit, mei curam non gerit, ut quid vivo? » nec eum spes aut Deus fefellit. Misit enim illico ingentem et horribilem leonem, qui Joannem custodiret die et nocte, eumque semper comitaretur, ac a Sarracenorum insidiis et injuriis tutaretur. Ita refert oculatus testis Cyrillus in ejus Vita.

Vers. 6.

6. ITA UT CONFIDENTER (θαρήρουντες, id est audentes, fidentes, securi, animosi) DICAMUS: DOMINUS MIHI ADJUTOR, NON TIMEBO QUID FACIAT MIHI HOMO. — Citat *Psalm. cxvii, 6*. Probat Apostolus argumento a majori ad minus, nos debere contentos esse præsentibus, sperando in Deum, quod ipse futuræ necessitati nostræ providebit, q. d. Deo adjutore nullus timendus est homo quantumvis potens et inimicus; ergo multo minus Deo adjutore timenda

est paupertas: nec enim paupertas tam potens est quam homo. Ita Ribera.

Mihi adhuc profundius magisque connexum videtur argumentum Apostoli, nimirum ut velit succidere causam avaritiæ et diffidentiae Hebræorum, q. d. Vos, o Hebræi, solliciti estis, ut congeratis novas opes, quia vestris vos privant Judæi. Hæc ergo prima est radix vestræ paupertatis, pariter et avaritiæ atque nimie sollicitudinis, nimirum hominum, puta Judæorum persecutio. Huic ergo oppono spem et adjutorium Dei: Deo enim adjutore non est quod timeatis Judæos aliosve homines: vel enim Deus iis vos liberabit; vel vires roburque dabit ad expilationes, paupertatem omnemque persecutionem fortiter toleranda; vel aliorum beneficentia, aliisque mille modis vestræ necessitati providebit. Dicite ergo cum Davide rege vestro: « Dominus mihi adjutor, non timebo quid faciat mihi homo. »

Excitat
Hebræos
ad adu-
ciam in
Deo col-
locan-
dam.

7. MEMENTOTE PRÆPOSITORUM VESTRORUM, QUI VO- Vers. 7.

BIS LOCUTI SUNT VERBUM DEI; QUORUM INTUENTES EXITUM CONVERSATIONIS, IMITAMINI FIDEM. — Loquitur de fidei doctoribus, Apostolis, Episcopis, sacerdotibus; sed an de vivis, an de defunctis loquatur, dubitant nonnulli. Theophylactus censet loqui de vivis, q. d. Mementote vestrorum doctorum, qui pro vobis laborant, ut eis necessaria vitæ subministrent. Verum certum est Apostolum loqui non de vivis, sed de defunctis; patet ex eo, quod ait: « Quorum intuentes exitum conversationis, » id est, finem vitæ honestissimum. Ita Chrysostomus et Syrus, q. d. Recogitate quales fuerint primi vestri doctores, Stephanus, Jacobus et alii, quam fuerint in fide constantes, et rerum periturarum contemptores, quam fortiter martyrium pro fide obierint, quam pulcher et gloriosus fuerint eorum exitus, quam pulchra et gloriosa mors, imo triumphus; imitamini eorum fidem, constantiam, perseverantiam animique fortitudinem, ut æque ac illi pro fidei confessione quidvis perpeti cupiatis. « Fidem » enim hic, uti et cap. xi, proprie accipio cum Theophylacto, licet aliqui per fidem intelligant fidelitatem, quam Deo professi sumus in baptismo nullis minis, promissis, pœnis, vel præmiis nos violaturos. Loquitur Apostolus de commemoratione, tum privata fidelis cujusque, tum solemni et publica totius Ecclesiæ. « De mortuis loquitur, ait Theodoretus, ut Jacobo fratre Domini, et Jacobo fratre Joannis, » qui jam erant interfecti. Jubet ergo hic Paulus, eorum memoriam celebrari tum in canone Missæ a sacerdote, ait Eustratius Constantinopolitanus, et ex eo noster Turrianus, in lib. VIII *Constit. Apost.*, apud S. Clementem, cap. xxxiii; tum anniversario festo diei, quo mortui, vel pro Christo occisi sunt, a toto populo. Hoc enim sanxerunt Apostoli Petrus et Paulus apud Clementem loco citato, quorum verba simillima sunt hisce Paulinis. Aiunt enim: « In diebus Apostolorum fideles vacent (ut memoriam eorum cele-

Loquitur
Apostolus
de præposi-
tis non
vivis,
sed de-
functis.

brent) : magistri enim vestri fuerunt ad docendum vos de Christo, vobisque Spiritum Sanctum dederunt. In die Stephani Protomartyris item vacent; ac reliquis diebus SS. Martyrum qui Christum vitæ suæ anteposuerunt. »

Nota : Pro *intuentes* græce est ἀναθεωροῦντες, id est, ut Chrysostomus, recogitantes, sæpius contemplantes, iterum iterumque considerantes et speculantes.

VERA. 8. 8. JESUS CHRISTUS HERI ET HODIE, IPSE ET IN SÆCULA. — B. Cyrillus, lib. *De Fide ad reginas* : « Heri, inquit, significat æternitatem divinæ naturæ in Christo, « hodie » significat novitatem incarnationis. Et S. Ambrosius, lib. V *De Fide*, cap. II : « Heri, » inquit, pertinet ad æternam, « hodie » ad carnalem generationem Christi, q. d. Christus est « heri, » id est fuit ab æterno; est « hodie, » id est tempore præsentī; est « et in sæcula, » id est, omni tempore futuro : quod S. Joannes ait *Apoc. I* : « Qui est, qui erat, et qui venturus est; » quanquam Theodoretus ex Nazianzeno, hæc duo conjungat : « Heri et hodie, inquit, appellat humanam et temporariam Christi naturam; æternam autem, cum ait : Ipse et in sæcula, vocat divinitatem Christi. » In eo ergo conveniunt Cyrillus, Ambrosius, Gregorius Nazianzenus, Theodoretus, imo et Chrysostomus, Theophylactus, Anselmus et alii, quod significetur hic æternitas et divinitas Christi, quam contra Arianos ipsi ex hoc loco probant, q. d., ait Cajetanus : Hæc est fides quam sequi debetis, o Hebræi, ut videlicet credatis Christum æternum esse, atque adeo Deum. Hic enim articulus est totius fidei Christianæ fundamentum. Verum « heri » nec in Scriptura, nec apud profanos significat æternitatem. Imo « heri et hodie » in Scriptura significat idem quod « paulo ante et nunc, » ut bene advertit Ribera. Sic *Eccli. xxxviii*, 23, dicitur : « Memor esto judicii mei, sic enim erit et tuum : mihi heri, et tibi hodie. » Et *I Machab. ix*, 44 : « Non est hodie, sicut heri. » Et *Exod. v*, 14 : « Quare non impletis mensuram laterum, sicut prius, nec heri, nec hodie? »

Secundo, Œcumenius sic explicat, q. d. Paulus : « Ne expectetis, o Hebræi, alium Messiam, sicuti Judæi expectant Antichristum. Christus enim non est sicuti Aaron, qui paucō tempore fuit Pontifex, et mortuus est, sed omni tempore vivit Christus; manetque pontifex et liberator noster. »

Tertio, Vatablus : Christus, inquit, id est Christi doctrina et fides, « est heri, et hodie, et in sæcula, » id est, manet omni tempore, estque invariabilis. Huic expositioni favet id quod sequitur : « Doctrinis variis nolite abduci. »

Quarto et optime, Cyrillus supra notat Apostolum non tam loqui de divinitate Christi, quam de humanitate. Loquitur enim de Jesu Christo ut redemptore, liberatore et salvatore nostro : hic autem est Deus homo; hominis enim hujus proprium nomen, illi in circumcissione inditum, est

Jesus. Hic ergo homo, qui dicitur « Jesus, » fuit « heri, » id est, paulo ante vos, o Hebræi, vixit in terris, idem est « et hodie, » quia hoc tempore præsentī Christus resurgens a mortuis etiamnum vivit; « idem est et in sæcula, » quia vivet et regnabit gloriosus in omnem æternitatem. Ita ut Christus omnem differentiam temporis amplectatur : fuit enim Christus « heri, » id est, in tempore præterito; idem est « hodie, » id est, in tempore præsentī; idem erit « et in sæcula, » id est, omni tempore futuro.

Nota : Occurrit Apostolus tacitæ objectioni Hebræorum, q. d. Ne mihi objiciatis, o Hebræi : Tu, Paule, vis nos imitari fidem Apostolorum, nimis magna exigis a nobis. Apostoli enim præsentem habuerunt, viderunt et audiverunt Christum, fidei non tantum ducem, sed et objectum : nos vero Christum non vidimus, nec audivimus : Christus enim jampridem hac vita defunctus est; ne, inquam, hæc dicatis, nam Christus qui paulo ante vixit, etiamnum vivit, et vivet in sæcula. Sicut ergo Christus vivens Apostolis affuit, ita etiamnum suis adest, vobisque, o Hebræi, et deinceps aliis omnibus fidelibus Christi fidem securis aderit, eritque vester omniumque fidelium redemptor, protector et salvator, ut sua doctrina et gratia eos in fide sua confirmet, et contra omnes persecutiones corroboret, ac tandem æterna gloria, quam fide sua nobis proponit et pollicetur, eosdem, si in fide perseverent, remuneret et coronet. Sic fere D. Thomas, Anselmus, Galenus et Ribera (1). Hanc enim Christi resurrectionem et æternitatem sæpe hac epistola Hebræis inculcat Apostolus, eamque opponit pontificatui temporaneo Aaronis. Unde tantopere cap. vii et seqq. urgit illud *Psal. cix* : « Tu (o Christe) es sacerdos in æternum secundum ordinem Melchisedech. »

Nota hebraismum : intelligitur enim *caph* similitudinis, id est *sicut*; deinde copula *et* idem est quod *sic*. Hebræum enim *vau* copulativum, cum duo similia copulat, sæpe, uti videre est in Proverbiis, accipitur pro *sic*. Sensus ergo est : Jesus Christus, sicuti fuit heri, sic est hodie, sic erit et in sæcula.

9. DOCTRINIS VARIIS ET PEREGRINIS NOLITE ABDUCI. **VERA. 9.** — Notat hæreses Simonis Magi, Ebionis et Judæizantium jam tum suborientes. Ad Judaizantes enim spectat id quod sequitur de escis, cum ait : « Optimum est enim gratia stabilire cor, non escis, » scilicet Judaicis, ut mox dicam.

Nota hic tria epitheta et proprietates hæreseos. *Prima* est, quod sit varia, quia non tantum a veritate, sed et a seipsa evariat, et in multas sectas abit : nam, ut ait D. Thomas, veritas consistit in medio, quasi in centro, unde ad circumferentiam multis viis et lineis abitur : quam ergo sunt variae lineæ a centro ad circumferentiam, tam variis

Christus homo omnem tempora differentiam amplectitur.

Christi æternitas et invariabilitas arguitur.

Hæresis Simonis Magi et Ebionis de escis.

Tres proprietates hæreseos : Varia.

(1) Juxta alios, hanc sententiam præmittit Paulus exhortationi ad constantiam in nova religione Christiana.

modis a veritate ad errores et hæreses abitur et deviat.

Peregrina.

Secunda proprietas hæreseos est, quod sit peregrina, quia extranea et abhorens est a schola veritatis et doctrina Ecclesiæ, quia aliunde importata est, et a philosophis aliisque curiosis hominibus, diabolo suggerente, conficta.

Demens et avia.

Tertia proprietas est, quod suos abducat, ut omni vento doctrinæ circumferantur. Noster Interpres in Græco legit, uti etiamnum nonnulli legunt, *παρρησιάζομαι*, id est *abduci*. Jam multi cum Chrysostomo legunt *περιφέρω*, *circumferri*, de quo dixi *Ephes. iv, 14*. Hoc verbo notat maniam et vertiginem hæreticorum, quibus familiare est rotari perpetuo, nova dogmata indies fingere et refingere, atque ex una hæresi in alias corrucere, omnique vanitatis et errorum vento circumferri. Exempla hujus rei quotidie nimis multa et funesta videmus.

OPTIMUM EST ENIM GRATIA STABILIRE COR, NON ESCIS, QUÆ NON PROFUERUNT AMBULANTIBUS IN EIS. — Pro *optimum* græce est *καλόν*, id est bonum, scilicet per excellentiam, hoc est optimum, *q. d.* Ne abducamur et circumferamur variis doctrinis, optimum remedium est, ut « gratia, » id est sanctitate et probitate, stabiliamus in fide cor nostrum (si enim deficiis a sanctitate, facile quoque deficiis a fide; sin sanctitatem conserves, conservabis etiam fidem) « non escis, » quæ ad tempus quidem cor et vitam stabiliant, « sed non profuerunt, nec prosunt ambulanti in eis, » id est iis, qui vitam ducunt inter contubernia, convivias et symposia. Nam quantumcumque escis cor stabiliant, tandem tamen deficient et moriuntur. Ita Ribera.

Per escas intellige observantias certarum escarum.

Verum quia de intemperantia escarum hic non agit Apostolus, et quia escas has opponit gratiæ et fidei, quasi escæ hæ fuerint occasio vel obiectum doctrinæ variæ et peregrinæ, quæ fidei opponitur, hinc melius Chrysostomus, Theodoretus, Theophylactus, Anselmus, per *escas* intelligunt observantias certarum escarum et ciborum lege Mosaica præscriptas, *Levit. cap. xi*; hæ enim « non profuerunt, » id est, non justificarunt comedentes, nec mentibus eorum robur gratiæ addiderunt, sed potius post Christum eis occasionem peregrinæ doctrinæ, judaismi et Judaizantium dederunt. Unde his opponit gratiam, id est legem gratiæ, inquit Anselmus, ipsamque gratiam Christi.

Dices : Si hoc voluisset Apostolus, non dixisset « escis, » sed, abstinencia, vel delectu escarum. Respondeo : Nego consequentiam, nam putabant Judæi escis lege permissis quasi sanctis stabiliri cor, purgari et sanctificari. Delectum autem escarum Judaicarum satis significat Apostolus, cum ait : « Ambulantibus in eis, » id est inter eas, his scilicet quæ lege permissæ sunt, utendo; illis quæ lege vetitæ sunt, abstinendo. Hic sensus apertus est et commodus : sed aptior evadet et plane

genuinus, si cum Galeno et Vasquez dicamus, Apostolum perstringere Merinthianos et Cerinthianos, qui christianismo judaismum agglutinare volebant, magnamque partem religionis in epulis et cibis sacrificialibus, qui Deo in sacrificio oblati erant, collocabant, quasi tales cibi sanctificarent homines; eosque Deo gratos redderent. Erant enim hi hæretici ex schola Phariseorum, qui in sacrificiis consenuerant. Apostolus ergo escas non communes, sed sacras, sive Deo in sacrificio oblatas intelligit : pars enim victimæ sacrificatæ cedebat Deo, pars sacerdoti, pars offerentibus laicis, ut patet *Levit. cap. iii*. Hisce enim sacris escis mentem purgari, sanctificari et fulciri putabant Judaizantes, sed falso : nam id Apostolus ex Christi doctrina tribuit fidei, spei, charitati et gratiæ Christi. Quod enim de escis sacrificialibus loquatur Apostolus, patet ex eo; quod hisce opponens escas Christianorum spirituales, subdit : « Habemus altare, de quo edere non habent potestatem, qui tabernaculo deserviunt, » *q. d.* Sacerdotes, Levitæ et plebs magnam vim et sanctitatem ponit in suis sacrificiis et victimis : nam offerens suas victimas in tabernaculo Mosaico, ex eis deinde escas capit, iisque se sanctificari putat, sed falso. Nos vero Christiani habemus altare et victimas longe nobiliores, quæ vere nos sanctificent, quibus vesci non possunt Judæi, Levitæ et sacerdotes Aaronici.

10. HABEMUS ALTARE, DE QUO EDERE NON HABENT POTESTATEM (*ἐξουσίαν*, id est facultatem, licentiam) QUI TABERNACULO DESERVUNT. — « Altare, » scilicet in quo offerimus sacrificium corporis et sanguinis Christi, olim in cruce immolati; quod edunt et participant non Levitæ Judæi, sed sacerdotes et fideles Christiani, dum sumunt S. Eucharistiam, hoc fine, ut gratiam cor stabilientem, de qua dixit Apostolus *vers. præced.*, consequantur, cibumque sumant corpus Christi, qui eos vivificet in æternum. Ita Chrysostomus, Theodoretus, Theophylactus, Anselmus, Sedulius, Primasius, Haymo. Quod enim Apostolus non loquatur de altari crucis, ut volunt hæretici, sed Eucharistiæ et Missæ, patet ex verbo *habemus* : altare enim crucis non habemus, sed habuimus a 1600 annis. Rursum ex verbo *edere*; ex altari enim crucis non edimus, sed ex altari Eucharistiæ. *Tertio*, quia tabernaculo; id est altari tabernaculi veteris, ex quo sacerdotes et offerentes Judæi victimas comedebant tanquam escas sanctas, opponit *altare* hoc Ecclesiæ novum, ex quo sacerdotes et fideles non escas carnales boum et ovium, sed escam divinam et cœlestem comedunt, scilicet corpus Christi. Proponit Apostolus Hebræis hoc altare Eucharistiæ, ut in persecutione hac esca Eucharistiæ Christi cor suum stabiliant. Nam nihil ita mentem pascit et confortat, atque sacra communio : hæc enim facit, « ut tanquam leones ignem spirantes ab hac mensa recedamus facti diabolo terribiles, » sicut ait S. Chrysostomus, *hom. 61*

Cerinthianismo judaismum volebant agglutinare.

Tres partes victimæ sacrificatæ tribus diversis dabantur, Deo, sacerdoti, offerenti laico.

Verb. 10.

Loquitur hic Paulus de altari Eucharistiæ, non crucis.

Merinthianus et

Sacræ communionis fructus et effectus. *ad Popul.* Hac de causa primi Christiani tempore persecutionis crebro communicabant, imo Eucharistiam domum deferebant, ut urgente periculo communicarent, quoties vellent, ut docent Tertullianus, Cyprianus et alii. Atque ego sane puto tantam constantiam Martyrum, quantam ubique illo sæculo legimus, tot eorum victorias et triumphos, sacræ communioni vel maxime tribuenda esse.

Missa est sacrificium. Nota metonymiam, qua continens ponitur pro contento, scilicet « altare » pro cibo et sacrificio altari contento et oblato. Hinc patet Eucharistiam et Missam esse sacrificium: habet enim Eucharistia suum altare; ubi autem est altare, ibi necesse est ut sit sacerdos pariter et sacrificium: hæc enim tria sunt correlativa.

Unde pro *altare*, in Græco est *θυσιαστήριον*, q. d. « sacrificatorium, » in quo scilicet sacrificatur et sacrificium offertur. Respondet Beza, « altare » metonymice hic sumi, non pro sacrificio, sed pro oblationibus fidelium, quæ fiunt ad altare, cum scilicet panes, oleum, ova, pecuniam, aliaque ministris Ecclesiæ offerunt. Sed hoc insulse dicitur:

Per altare non intelliguntur oblationes (ut vult Beza), quas fideles offerunt sacerdotibus, idque obsequio rationes. *Primo*, quia æque sacerdotes Aaronici suas habebant oblationes, quas edere poterant: Apostolus autem hic altare tribuit Christianis tale, quale non habent Aaronici, quo longe superant Aaronicos: ergo per *altare* non intelligit oblationem.

Secundo, nusquam alibi « altare » significat oblationes, sed sacrificia: nec enim pro oblationibus requiritur altare, sed pro sacrificiis. Oblationes enim in gazophylacium, aream, abacum, aut in manus sacerdotis deponi solent. Imo *Canon 3* Apostolorum diserte vetat ne quidquam in altari offeratur, præter ea quæ Dominus instituit, scilicet corpus et sanguinem suum.

Tertio, has oblationes non comedunt offerentes, sed sacerdotes: Apostolus autem significat ex hoc altari comedere fideles quoslibet Hebræos, ut gratiam consequantur, qua cor in persecutione stabiliant: ergo per *altare* non intelligit oblationes quas fideles offerant sacerdotibus.

Quarto, quorsum hic meminisset oblationum Apostolus? quid oblationes faciunt ad rem et scopum Apostoli? quam gratiam et sanctitatem afferunt? quomodo cor stabiliunt?

Quinto, Apostolus huic altari hoc vers. et seq. opponit altare tabernaculi proprie dictum, in quo sacrificabantur animalia; ergo hic quoque proprie dictum *altare* intelligit, scilicet sacrificii Eucharistiæ, quod antitypum est, et directe opponitur altari tabernaculi.

Sexto, quia simili plane modo dixit Apostolus I Cor. x, 18 et 21: « Videte Israel secundum carnem: nonne qui edunt hostias, participes sunt altaris? Non potestis mensæ Domini participes esse et mensæ demoniorum. » Atqui ibi per mensam intelligit altare Eucharistiæ, ex quo sacram *synaxim* sumunt fideles, perinde ac Gentiles et

Judæi ex suis altaribus comedebant carnes ibidem immolatas, ut participes essent sacrificii. Vide dicta I Cor. x, vers. 18 et 21; ergo et hic per « altare » intelligit mensam et altare Eucharistiæ. Denique, hinc in Ecclesia, omni sæculo fuerunt altaria, eorumque Patres omnes meminerunt. Citat eos Galenus hic; erantque non tantum Catholicis, sed et hæreticis magnæ venerationi, adeo ut Donatistæ, qui sacra et Sacramenta Catholicorum profanabant, altaria tamen eorum lignea deicere non sint ausi; sed tantum propter inunctionem, qua in consecratione ab Episcopo sacro chrismate delibuta erant, eadem deraserint, ne quid cum Catholicis viderentur habere commune: testis est Optatus Milevitanus, lib. VI *Contra Parmenianum* et alibi. Quanto sanctiores fuerunt Donatistæ Calvinianis, qui altaria omnia suffodiunt et demoluntur? Nimirum altaria, quæ ante Lutherum et Calvinum ubique extiterunt, et multis in locis adhuc extant antiquissima, a mille et amplius annis erecta, novatores istos novæ doctrinæ et hæresis convincunt: testes enim sunt majores nostros non habuisse sensum et spiritum Lutheri et Calvini; testes sunt majores nostros Eucharistiam habuisse pro sacrificio, eamque tanquam sacrificium in altaribus hisce Deo obtulisse; testes sunt ipsos habuisse et coluisse sacerdotes proprie dictos, quales jam habent Catholici, qui Missas in altaribus celebrarent.

11, 12, 13, 14. QUORUM ENIM ANIMALIUM INFERTUR SANGUIS PRO PECCATO IN SANCTA PER PONTIFICEM, HORUM CORPORA CREMANTUR EXTRA CASTRA. — Probat id quod præcessit (hoc enim significat *vox enim*), scilicet non licere iis, qui tabernaculo serviunt, puta Levitis et Judæis, edere de nostro altari, scilicet de victima corporis Christi in Eucharistia. Probat autem hoc ex typo veteri sic: Levitæ non poterant edere eas victimas, quarum sanguis peccatorum expiatorius inferrebat in Sancta sanctorum; hæ autem victimæ erant typus, et representabant nostram victimam corporis Christi in Eucharistia; ergo nec hanc fas est eis edere. Ita Theophylactus.

Rursum, hasce victimas adeo non comedebant Levitæ, ut eas extra castra in deserto et extra civitatem in Judæa omnino concremarent. Hoc autem non significabat aliud, quam extra castra veteris tabernaculi et sacerdotii egrediendum esse ei, qui Christi in cruce, nostri amore, pro peccatis nostris tot poenis et tormentis quasi tostii et cremati, in altari Eucharistico particeps esse velit: ergo Levitæ et Judæi, quamdiu in suis judaismi castris et tabernaculis manent, de nostro altari Eucharistiam sumere et comedere non possunt.

Nota: Quoad litteram hæc animalia immolata pro peccato, quæ non comedebantur a sacerdotibus, sed cremabantur extra castra, erant hircus et vitulus, qui offerebantur pro peccatis pontificis et totius populi, maxime in festo expiationis. Horum enim sanguine expiabantur Sancta sanc-

In ecclesia semper fuerunt altaria quæ Novantes hæretici demoluntur.

Calviniani peiores Donatistis.

Altaria antiquissima testantur Missam esse sacrificium.

Vers. 11, 12, 13 et 14. Argumentum quo Paulus probat Judæos non posse edere de corpore Christi.

Hircus et vitulus immolati extra castra non comedebantur.

torum, ideoque eorum cadavera cremanda erant extra castra, ut patet *Levit. iv, 44, et xvi, 27.*

**Hujus
cæremo-
niæ
quatuor
causæ.
Littera-
lis.**

Nota secundo : Hujus cæremoniæ quatuor erant causæ, scilicet litteralis, allegorica, tropologica et anagogica. Tres hæc ultimas ordine hic persequitur Apostolus. Litteralis ergo causa hujus cæremoniæ, cur scilicet animalia cremarentur extra castra, erat, ut hac crematione excitarent in Judæis peccati horrorem et detestationem. Tacite enim significabat, quod, sicut victima pro peccato extra castra cremabatur, ita multo magis peccatum ipsum, et peccatores extra mundum cremabuntur in inferno. Rursum hæc cæremonia tacita erat oratio, qua pontifex rogabat Deum, ut peccata ista totius populi, id est, pænæ peccatis eorum debitæ, ipsum populum non tangerent, nec læderent, sed cum victima hirci et vituli, quasi extra castra populi efferrentur, cremarentur et abolerentur.

**Pecca-
tum
Episcopi
et sacer-
dotis
totum
populum
inquinat.**

Ubi nota, peccata pontificis, utpote personæ communis et principis, totius populi æquari peccatis. Nam tam victima pro peccato pontificis, quam victima pro peccato populi oblata, cremanda erat extra castra, ut significaret peccatum pontificis, quasi principis, tota populi castra contaminare : alia enim peccata privatorum hominum expiabantur victima immolata in ipsis castris et in ipso tabernaculo, neque censebantur tota castra contaminare, maculare aut polluere.

**Causa
allegori-
ca.**

Causam allegoricam hujus cæremoniæ dat Apostolus vers seq., qui est 12, scilicet hac cæremonia significatum fuisse, quod « Christus extra castra, » id est extra portam urbis Jerusalem (castra enim suas habebant portas, erantque quasi urbs cum suo tabernaculo et templo ambulans, et mobilis per desertum) torrendus erat in cruce, et abolito castrorum Judaicorum tabernaculo, et templo, Ecclesiam Gentium per totum orbem diffundendam morte sua erat instituturus; ut « crux Christi non templi esset ara, sed mundi, » ait S. Leo, *serm. 9 De Passione.*

**Crux
Christi
non tem-
pli ara,
sed
mundi.**

Denique sanguis victimarum expians Sancta sanctorum, significabat Christum sanguine suo expiaturum cælum ipsum : non quasi cælum in se immundum sit, sed quod legaliter et symbolice censeretur immundum, et quasi aspergine quadam peccati (peccatum enim morali quadam æstimatione censetur et in Scriptura dicitur contaminare ipsam terram, cælum totumque mundum) maculatum, ideoque clausum, perinde ac templum pollutum clauditur. Christus ergo suo sanguine peccata nostra expians, etiam cælum ipsum peccatis nostris quasi contaminatum, quodammodo expiasset et reconciliasset censetur, dum illud nobis aperuit et reseravit. Ita Radulphus in *Levit. cap. xvi.*

**Pecca-
tum
cælum et
terram
inquinat.**

**Causa
tropolo-
gica.**

Tropologicam causam hujus cæremoniæ dat Apostolus, vers. 13, scilicet hanc cæremoniam significasse omnes, qui ad Christum et altare Eucharisticum accedere cupimus, exire debere « ex-

tra castra » pompæ, voluptatum, luxus et regum tabernaculi, id est, mundi hujus caduci et mobilis, ut portemus improprium crucis Christi, imitando scilicet et voluntarie amplectendo Christi paupertatem, abstinentiam, humilitatem, contemptum, persecutiones, tormenta et martyrium. Hisce enim verbis Apostolus excitat Hebræos, ut Judæorum persecutiones, contumelias, rapinas et dira quæque, pro Christi fide fortiter sustineant, et in iis glorientur, tanquam qui cum Christo extra castra judaismi et mundanæ felicitatis egrediantur, portantes improprium crucis ipsius. Sic « Apostoli ibant gaudentes a conspectu concilii, quoniam digni habiti sunt pro nomine Jesu contumeliam pati. » Exeamus ergo et nos cumulati opprobriis, consputi milleque probris oppleti, portantes crucem nostram cum Christo; exeamus, inquam, læti, fidentes et animosi, tanto duce Christo nobis præeunte. Ita Theodoretus, S. Thomas, Anselmus, Theophylactus.

**Causa
anagogi-
ca.**

Anagogicam causam dat vers. 14, scilicet hac cæremonia adumbratum fuisse, quod in hac vita et mundo non habeamus manentem civitatem, sed quod in eo degamus, quasi in castris et tabernaculis; ut sciamus nos hic esse peregrinos et milites, qui futuram civitatem æternam in cælis inquirere, et pro ea generose contra carnem, mundum et dæmonem dimicare, ad eamque omnibus viribus tendere et conniti debeamus (1).

13. PER IPSUM ERGO OFFERAMUS HOSTIAM LAUDIS **Vers. 13.**
SEMPER DEO, ID EST, FRUCTUM LABIORUM CONFITENTIUM NOMINI EJUS. — Vox ergo illativa hanc sententiam infert ex vers. præced., ibi enim dixit Apostolus : « Non habemus hic manentem civitatem, sed futuram inquirimus; » inde hic infert : « Offeramus ergo hostiam laudis, » q. d. Quia nos manet futura illa beata et gloriosa civitas in cælis, hac de causa alacres portemus improprium Christi, Deoque in persecutione læti et constantes serviamus, illum laudando, illique gratias agendo. « Per ipsum ergo, » Christum scilicet tanquam pontificem et mediatorem nostrum, qui hæc omnia bona nobis conciliavit, quique nostra vota Deo offert, « offeramus hostiam laudis, » id est sacrificium Missæ, quæ recte dicitur « hostia laudis, » quia a Christo Domino Deo Patri primum fuit oblata in gratiarum actionem et laudem, idemque Christus nobis, ut imitemur, præscripsit et instituit : indeque dicta est Eucharistia, id est gratiarum actio. Videtur enim Apostolus persistere in altari Eucharistico, quod nobis commendavit vers. 10.

**Eucha-
ristia
hostia
laudis,
sive gra-
tiarum
actio.**

Verum arctior videtur hæc interpretatio, præsertim cum Apostolus « hostiam hanc laudis » explicans subjungat : « Id est, fructum labiorum confitentium nomini ejus, » q. d. Hymnos, psalmos, gratiarum actiones labiis nostris Deo offeramus,

(1) Vers. 14. Breves enim post tribulationes, nobis moriendum est, cælumque ingrediendum.

quibus confiteamur Dei nomen, id est, quibus celebremus Dei bonitatem, sapientiam, justitiam. Hæc enim Dei attributa sunt Dei nomen, iis enim nominatur, celebratur et glorificatur Deus tanquam titulis suæ majestatis, honoris, famæ, celebritatis et gloriæ. Hisce ergo hymnis et laudibus semper Deum celebrare debemus, tum privatim, tum publice, præsertim in Missa, quæ, ut recte advertit Galenus, proprie est sacrificium laudis et gratiarum actionis.

Vers. 16.

Vox communio denotat beneficentiam dantis et accipientis.

Mirabilis vis et virtus eleemosynæ in S. Joanne Eleemosynario.

Gnomæ de beneficentia.

16. BENEFICENTIÆ AUTEM ET COMMUNIONIS NOLITE OBLIVISCI. — « Communio » hic idem est, quod beneficentia. Unde Theophylactus et Syrus legit *communicationis*, scilicet in pauperes et egentes. Notat vox *communio* beneficentiam bona divitum facere communia cum pauperibus. Addunt alii, eam utrimque bona tam dantis, quam accipientis facere communia; quia scilicet dans dat sua terrena, et ab accipiente recipit preces et benedictionem, aliaque bona spiritualia, q. d. Paulus: Licet a Judæis, bonis sitis spoliati, nolite specie paupertatis vos excusare a beneficentia et eleemosyna, sed liberali animo magnaue spe in Deum vestra erogate, nec dubitate Deum in vos vicissim liberalem fore, pluraque semper daturum, ut nunquam dandi et erogandi vobis materia desit. Ita Theophylactus. Sic S. Joannes Eleemosynarius, Archiepiscopus Alexandrinus, quo plus pauperibus dabat, eo plus aliunde recipiebat: hinc ipse Deo dicere solebat: « Videbo, Domine, quis citius deficiet, an tu mihi dando, an ego aliis distribuendo, » q. d. Paulus: Dum volo vos hostiam laudis semper offerre, nolo vos eleemosynæ oblivisci, volo vos ita agere Magdalenam, ut non negligatis Martham. Dixi quidem fructus laborum esse Deo dandos, nolo autem vos ita orationi incumbere, ut misericordiam in proximis omittatis; de hac enim dicit Dominus Osee vi, 6: « Misericordiam volui, et non sacrificium. »

Audi quid Gentiles de beneficentia senserint. Pythagoras rogatus, « qua ratione homines diis similes haberi possent? » respondit: « Si veritatem amplecterentur, et cunctis beneficerent. » Testis Ælianus, lib. XII.

Theophrastus interrogatus, « quidnam vitam conservaret humanam? » respondit: « Beneficentia. »

Anaxilaus rex interrogatus, « quid esset in regno beatissimum? » respondit: « Nunquam vinci beneficiis. »

Vespasianus Imperator, licet avarissimus, dicebat tamen, « non licere quempiam a vultu Imperatoris tristem discedere. »

Titus in cœna recordatus, quod eo die nemini quidquam præstitisset: « Amici, inquit, diem perdididi. »

Alexander Severus Imperator rogatus, « quis esset rex optimus? Qui, inquit, amicos muneribus retinet, et inimicos beneficiis ambit et reconciliat. »

Alfonsus, Aragonum rex, audiens quosdam beneficiis acceptis ingratos esse, dixit, « ingratos nequaquam effecturos, quo minus ipse et humanus et beneficus perstaret. » Quidni ergo Christianus sequatur beneficentiam Christi, qui, ut ait S. Petrus Act. x, 38, « pertransiit beneficiando et sanando omnes oppressos a diabolo? »

TALIBUS ENIM HOSTIIS PROMERETUR DEUS. — « Hostias » vocat communionem et beneficentiam, tum quia omnis actus bonus cujuslibet virtutis relatus ad Dei honorem, est actus religionis, itaque fit quasi hostia Dei; tum proprie quia eleemosyna est quasi hostia non immolata, sed oblata Deo, per manus pauperum qui ex ea vivunt. Grattissima autem est Deo, magisque ei placet, quam sacrificium: adeo ut Deus sibi dari et offerri æstimet id, quod datur pauperi. Nam, ut Christus ait Matth. xxv, 40: « Quamdiu fecistis uni ex his fratribus meis minimis, mihi fecistis. » Sic eleemosynam Apostolus græce vocat *liturgiam*, II Cor. cap. ix, vers. 12. Simili modo Philip. iv, 18, eleemosynas Philippensium ad se missas vocat « odorem suavitatis, hostiam acceptam, placentem Domino. »

Vide Chrysostomum in Psal. xcvi, ubi decem genera talium sacrificiorum enumerat. *Primum*, inquit, sacrificium est martyrii; *secundum*, deprecationis; *tertium*, jubilationis; *quartum*, justitiæ; *quintum*, eleemosynæ; *sextum*, laudis; *septimum*, compunctionis; *octavum*, humilitatis; *nonum*, prædicationis; *decimum*, beneficentiæ in Sanctos.

PROMERETUR. — Barbare et male vertisse hic Interpretem nostrum calumniatur Calvinus et Beza, quod nomen meriti inducat, cum illud non sit in Græco. Sed Respondeo, græce est *ἀνταποδοῦναι*, id est, ut Chrysostomus, Theophylactus, Œcumenius et Erasmus vertunt, conciliatur et placatur, ac consequenter provocatur et inducitur Deus ad beneficiendum iis, qui in alios sunt beneficii: quod quid aliud est, quam quod promereamur, sive conciliemus nobis Deum active; vel passive, quod Deus hisce *promereatur*, id est demereatur et concilietur, ut annotavit Erasmus? Est enim *promereor* verbum deponens, ac proinde tam passive quam active capi potest. Sicut ergo muneribus promeremur et conciliamus nobis principes, ut nobis sint amici, propitii, benefici: ita eleemosyna et bonis operibus conciliamus et promeremur Deum, ut nobis magis fiat amicus, propitius et beneficus. Bona enim opera nostra Deus habet loco beneficiorum, ut quot bona opera facimus, tot Deus sibi a nobis collata æstimet beneficia, quæ ipse, uti liberalissimus est, remunerari, suæque gratia et gloria compensare, iisque tanquam meritis mercedem amplissimam retribuere statuit et decrevit. Syrus vertit *שָׂפָא* *scaphar*, id est pulchrescit Deus, q. d. Eleemosyna nostra Deo miræ est voluptati, illa se pascit, oblectat, pulchrescit, hilarescit et gloriatur; quod vulgo Flandrice dicimus, *hy is daer moy mede*.

Omnis actus virtutis relatus ad Dei honorem est actus religionis.

Calvinus et Beza Interpretem reprehendentium refutatio.

Bona opera quantum Deo placeant.

Vers 17. 17. OBEDITE PRÆPOSITIS VESTRIS, ET SUBJACETE
 Obedien-
 dum Su-
 periori-
 bus Ec-
 clesiasti-
 cis.
IS. — « Præpositos » vocat pastores et Episcopos; hisco, etiamsi dyscoli sint et scelerati, inquit Theophylactus, obedientiam humilem, submissam et supplicem (hanc enim significat *ὕμνησις*, id est *subjacets*) exhiberi jubet, *q. d.* Quidquid vobis pastores præcipiunt, quod sanctum et sanum est, facite; jejunium, orationes, festa, supplicationes et similia indicit Episcopus; popinas et symposia vetat: obtemperate.

ONUS ET CURA PASTORUM.
IPSI PERVIGILANT QUASI RATIONEM PRO ANIMABUS VESTRIS REDDITURI. — « Pervigilant, » id est, pervigilare debent, et vero cum boni sunt, uti jam sunt, re ipsa pervigilant, *q. d.* Quantumvis honoris, reverentiæ et obedientiæ deferat præposito, nunquam onus et periculum, quod ipse pro te suscepit, adæquabis. Ipse enim onus et curam animæ tuæ, omniumque et singulorum subditorum suorum gerere debet, pro eisque æternæ mortis periculo se exponit: singulorum enim probitas et salus ab eo exigetur in die judicii.

Secundo, cum tantum sit onus præpositi, prompte illi obedi, ne, si sis dyscolus et inobediens, onus ejus aggravat, sub quo ipse gemat, dum cogitat, quod pro tua inobedientia et malitia Deo rationem reddere debebit. Vide quantum sit onus pastorum et rectorum, ut non sine causa dixerit Chrysostomus hic, *homil. 14*: « Miror si potest aliquis rectorum salvari. » Quis jam hunc honorem, imo onus et periculum appetat vel ambiat? Probat Apostolus tribus rationibus obediendum esse præpositis. *Prima* est jam exposita, quia ipsi pervigilant quasi pro animabus subditorum Deo rationem reddituri. *Secunda* est quæ sequitur: « Ut cum gaudio hoc faciant, et non gementes. » *Tertia* est: « Hoc enim non expedit vobis. » Singulas hasce rationes prudenter ponderat, et pathetice pertractat noster Alfonsus Rodriguez, tract. V *De Obedientia*, cap. x.

UT CUM GAUDIO HOC FACIANT, ET NON GEMENTES.
 — Obediens leve onus facit præposito, ut scilicet gaudeat in ejus obedientia et profectu, inquit Theophylactus; inobediens vero onus præposito aggravat, facitque eum gemere. « Gemunt » enim Prælati sub onere regiminis, dum suos labores irritos et frustraneos esse vident, dum satagunt subditos promovere in virtute et disciplina, et subditi id subterfugiant, imo reluctantur; dum iis reluctantibus invigilant, rationesque et modos omnes excogitant et ineunt, quibus eos ad sanam mentem reducant, omnibusque excogitatis et factis, nihil se proficere, imo duriores fieri subditos vident: tunc enim rectorum onus hæc inobedientia et rebellione subditorum mire aggravatur et pene deprimitur, ut sub eo gemant et suspirant. Insinuat Paulus Prælatos debere inobedientes subditos corrigere, non ulciscendo, sed gemendo et orando, ita tamen ut paternam correctionem et punitionem, prout res, tempus et personæ exigunt, non omittant.

HOC ENIM NON EXPEDIT VOBIS. — Græce *ἀνευταλὲς ὑμῖν τούτο*, incommodum enim hoc vobis. Hoc incommodum sive detrimentum est pœna debita culpæ inobedientiæ, ait S. Basilius in *Constit. xxi*, idque primo, quia, ut ait Chrysostomus, gemitus Prælati ob inobedientiam subditi invocatur Dominum, ut ipse eam graviter ulciscatur.

Secundo, quia gemitus hic et inobedientia subditi stringit præpositum, ut non audeat præcipere, quod subdito est utilius, sed quod illi est gratius et jucundius; itaque subditus non tantum obedientiæ merito privatur, sed et periculo æternæ salutis exponitur.

Tertio, quia, ut ait Chrysostomus, quod chorus est sine coryphæo, exercitus sine duce, navis sine navarcho, grex sine pastore, hoc est subditus sine præposito. Sicut ergo expedit chorum prompte obedire et sequi præcentorem, ut harmonia sit congrua et concinna; et sicut expedit ad victoriam, exercitum sequi ducem; denique gregi ut a lupo salvus sit et bene pascatur, expedit sequi suum pastorem: ita plane subdito, ut proficiat et salvetur, expedit prompte obedire præposito suo.

18. ORATE PRO NOBIS; CONFIDIMUS ENIM QUIA (quod) BONAM CONSCIENTIAM HABEMUS IN OMNIBUS (rebus et actionibus) BENE VOLENTES CONVERSARI. — Vox enim dat causam non tam positivam, quam amovenient impeditum orationis, *q. d.* Orate pro me: non enim sum apostata legis, non sum simulator, non sum impostor, ac consequenter non sum indignus oratione fidelium, uti aliqui mihi apud vos, o Hebræi, detrahunt. Conscientia enim mihi testis est, mihiq; dictat, me sincere prædicasse verbum Dei, non ex odio legi Mosaicæ detraxisse, non honores, non lucra sectatum fuisse; sed pure veritatem Evangelicam annuntiasse, tantumque Dei gloriam et vestram salutem quæsisse. Ita Chrysostomus et Theophylactus.

19. AMPLIUS AUTEM DEPRECOR VOS HOC FACERE QUO CELERIUS RESTITUAR VOBIS. — Vox restituar innuit Paulum in carcere detentum et vinculum, sed jamjam liberandum, ut colligitur ex vers. 23, hæc scripsisse. Ita Anselmus.

Notat S. Thomas, Paulum in omnibus recurrere solitum ad Deum per orationem, itaque omnes ejus actiones fuisse a Deo directas et fortunatas extitisse, habuisseque fellicem et fructuosum exitum. Idem faciant omnes Christiani, præsertim præcones Evangelii, et qui animarum lucra capiant.

20 et 21. DEUS AUTEM PACIS, QUI EDUXIT DE MORTUIS PASTOREM MAGNUM OVIVM, IN SANGUINE TESTAMENTI ÆTERNI, DOMINUM NOSTRUM JESUM CHRISTUM, APET VOS IN OMNI BONO. — « Deum pacis, » scilicet auctorem et amatorem vocat, tum quia Deus per Christum pacem cum hominibus iniit, eisq; reconciliatus est; tum quia vult, jubet, et per Christi gratiam efficit Deus, ut omnes quasi oves in Ecclesia tanquam in ovili unius pastoris Christi,

Mala inobedientie tam in subditum quam superiorem manantia.

Vers. 18. Paulus se excusat a simulatione et hypocrisi.

Vers. 19.

Vers. 20 et 21.

Ad pacifice et amice vivamus. Voce *pacis* Paulus optat tolli schismata, rursum ut secum pacem et amicitiam colant. Paulo enim cum Judæis perpetuum fuit bellum. Unde et Hebræi ad Christum conversi, Paulum quasi legis Mosaicæ hostem, non æquis animis et oculis videbant et audiebant. Ita Theophylactus.

Sanguis
Eucharistie
dicitur
sanguis
testamenti.

IN SANGUINE TESTAMENTI. — Hæc verba Anselmus et Ribera referunt, non ad τὸ *eduxit*, sed ad τὸ *pastorem magnum*, et per « sanguinem testamenti » accipiunt sanguinem Christi in Eucharistia, de quo dixit Christus : « Hic est sanguis meus novi et æterni testamenti, » q. d. Quam magnus pastor sit Christus, patet ex sanguine Eucharistiæ, quia Christus non tantum doctrina, sed etiam sanguine suo in Eucharistia nos potat et pascit, non semel, sed semper et in æternum, quamdiu scilicet durabit Ecclesia, et fides et fideles, qui hoc sanguine indigent.

Ubi nota : Sanguis Eucharistiæ dicitur « sanguis testamenti æterni, » quia hoc sanguine sancivit nobis Christus novum suum Testamentum, quod in æternum durabit, quo ipse nos æternæ suæ hereditatis hæredes instituit, q. d. Cum ergo hoc Christi sanguine omnes potemur, et per illum eandem hereditatem cælestem adepturi simus, plane oportet, ut quasi fratres, commensales et filii Christi in summa pace et concordia vivamus. Hic sensus appositus est, pius et elegans. Verum magis plane et genuine τὸ *in sanguine* referas tam ad τὸ *eduxit*, quam ad τὸ *pastorem magnum*, q. d. Deus Christum eduxit a morte et resuscitavit, eductumque et resuscitatum effecit pastorem magnum, « in sanguine, » id est, merito mortis et sanguinis, quem Christus in cruce effudit, quo sanguine firmatum est novum testamentum, et nostra cum Deo reconciliatio ; Christusque magnus ovium pastor, nosque Christi oves effecti sumus. Hinc Christus, *Joannis x*, se nuncupat « pastorem bonum, qui animam ponit pro ovibus. » Ita Cajetanus, Galenus et alii : τὸ enim *in sanguine* hebraismo idem est, quod per sanguinem, merito et pretio sanguinis, significatque sanguinem Christi in cruce pro nobis fusum. Nam simili modo

Zacharias, cap. ix, vers. 11, ait : « Tu quoque in sanguine testamenti tui emisisti vinctos tuos de lacu, in quo non est aqua. » Id est, tu, o Christe, merito sanguinis et mortis tuæ, qua fœdus novum inter Deum et homines sanxisti de æterna hereditate filiis tuis danda, eduxisti patres in te sperantes ex limbo, eosque tecum in cælum ascenden-
tes deduxisti. Ita S. Hieronymus et Cyrillus in *Zachar. ix*. Sicuti ergo merito sanguinis et mortis suæ patres e limbo ad cælum, ita eodem merito seipsum a morte ad vitam reduxit.

Notat Theophylactus identidem Apostolum Testamentum Christi tanquam æternum et nunquam dissolvendum opponere Testamento veteri et Mosaico, quod temporaneum fuit, caducum et abolitum per Christum.

21. APTET VOS IN OMNI BONO. — Græce est *ἁπλῶς* Vers. 21. *ἁπλῶς*, quod *primo*, cum Galeno verti potest, restauret, vosque tanquam artus et membra in persecutione luxata et titubantia, corpori et compagi Christi, puta Ecclesiæ, firmiter innectat et uniat. Posset quoque τὸ *ἁπλῶς* ad læsæ et luxatæ charitatis fraternæ restorationem referri, q. d. Deus vos quasi artus schismate aut divulsos aut luxatos, mutæ paci et charitati, in uno Ecclesiæ corpore restituat, colliget et vinciat. Sic enim I Cor. i, 10, jussit Apostolus Corinthiis, ut sint in eodem sensu perfecti, id est plane concordēs et unanimes, ubi idem est verbum *ἁπλῶς*. Varil sensus hujus lo- cl.

Secundo et melius, cum aliis passim *ἁπλῶς* veritas, perficiat, absolvat, omnibus suis numeris et partibus, quasi artubus compleat, ut scilicet in omni bono, gratia et virtute adaptati, efformati, perfecti et consummati sitis. Unde sequitur : « Ut faciatis ejus voluntatem, » etc.

FACIENS IN VOBIS QUOD PLACEAT CORAM SE PER JESUM CHRISTUM. — Aliis aliisque verbis idem dicit : est hæc vis et copia spiritus Paulini. Hæc ergo tria re ipsa idem sunt : *primum*, « aptet, vel perficiat vos in omni bono ; » *secundum*, « ut faciatis ejus voluntatem ; » *tertium*, « faciat in vobis quod placeat coram se. » Nam non alia re placeamus Deo, quam opere bono, quo facimus ejus voluntatem.

Nota : Magna laus operis boni est : *primo*, quod per illud faciamus et impleamus Dei voluntatem ; *secundo*, quod per illud placeamus Deo, Deumque oblectemus : estque hic purissimus charitatis actus viris sanctis familiaris, ut scilicet omnia sua opera hoc modo et fine faciant, ut Deo placere, illi grata esse, illum pascere et delectare possint ; perinde ut amicus amico, sponsus sponsæ, filius patri per omnia placere, pulchrescere, in deliciis esse, illumque modis omnibus delectare studet.

Nota *secundo* : Deus « per Jesum Christum, » id est, per gratiam, quam per merita Christi nobis tribuit, facit nos operari bona, quibus placeamus ipsi, ne quis cum Pelagio idipsum sibi suisque meritis aut naturæ viribus tribuat.

Nota *tertio*, τὸ « quod placeat coram se, » tam ad actiones, quam ad passionēs posse referri, q. d. Deus vos, o Hebræi, ita aptet et perficiat in omni bono, virtute et fortitudine, ut faciatis ejus voluntatem, utque vobis ita aptatis et perfectis, persecutiones, proscriptiones et quævis adversa, quæ ei placent, quibusque vestram virtutem, patientiam, coronam et gloriam adaugere ipsi lubet, objiciat, decernat, immittat aut permittat.

22. ROGO AUTEM VOS, FRATRES, UT SUPPERATIS VERBUM SOLATI. — q. d. Ego Paulus, licet non sim vester proprie, o Hebræi, sed Gentium Apostolus, non impero, sed rogo vos, ut æquo animo suscipiatis hanc meam consolatoriam et exhortatoriam (ulrumque enim significat Græcum *καρπ-*

Magna
laus
operis
boni.

Error
Pelagii
merita
tribuen-
tis natu-
ræ viri-
bus.

Vers. 22.

ἀποτί) ad majora pro fide Christi certamina ob-
eunda, epistolam. Hisce verbis se Hebræis insinuat
Paulus. Erat enim eis tanquam judaismi hostis
suspectus, aut invisus; atque alia ex parte He-
bræi persecutionibus et tentationibus oppressi,
ægre ejus exhortationem admissuri videri pote-
rant.

ETENIM PERPAUCIS SCRIPSI VOBIS.—«Perpaucis,»
si videlicet spectetis rei argumentum et dignita-
tem, meumque erga vos, o Hebræi, zelum et af-
fectum. Hoc dicit Paulus, ait Chrysostomus et
Theophylactus, quod Hebræi pusillo essent ani-
mo in suis tribulationibus: nam talium est non
ferre sermonem longum.

Notat D. Thomas et Anselmus sermones breves
passim gratiores esse: si enim grati sunt et pla-
cent, avidius hauriuntur; sin molesti sunt et dis-
plicent, parum afferunt molestiæ, quia breves
sunt, et hoc est quod ait hic Paulus: «Sufferte
verbum solatii; etenim perpaucis scripsi vobis.»
Hinc monet Sapiens *Eccles. v, 1*: «Pauci sint ser-
mones tui.» Et Poeta:

Quidquid præcipies, esto brevis, ut cito dicta
Percipiant animi dociles, teneantque fideles.

Notent et servent hoc concionatores. Ita pluribus
placebunt, plusque fructus facient.

Vers. 23. 23. COGNOSCITE FRATREM NOSTRUM TIMOTHEUM DI-
MISSUM.—Græcum *γινώσκετε* tam *cognoscitis*, quam
cognoscite, verti potest. Vox *dimissum* significat
Timotheum fuisse alicubi in vinculis, licet id
alibi non narretur. Ita Chrysostomus, Theophy-
lactus, Œcumenius, Primasius, Anselmus, D. Tho-
mas. Qui tamen omnes secundum addunt sensum,
ut scilicet dimissus dici possit ab amicis, v. g.
ab Atheniensibus, qui eum importunis precibus
penes se detinebant.

Verum prior sensus planior est: unde et Sy-
rus vertit, *דאשתרי* *desteri*, id est, *vinculis solutum*.
Non fuisse Romæ, unde hæc scripsit Paulus, sed
alibi vinctum Timotheum significat id, quod se-
quitur: «Cum quo, si celerius venerit, videbo
vos.»

24. VIDEBO VOS.—Ergo Paulus carcere jam pro- **Vers. 24**
pediem se liberandum sciebat.

SALUTATE OMNES PRÆPOSITOS VESTROS.—Signi-
ficat Paulus, ait Theodoretus, se scribere ad ple-
bem: præpositos enim hac sua doctrina et exhor-
tatione non indigere.

ET OMNES SANCTOS,—id est Christianos, qui vo-
catione, professione, officio et debito sancti sunt,
id est, esse debent, ut dixi *Rom. i, 7*.

SALUTANT VOS DE ITALIA FRATRES.—Roma, ut
dixi initio epistolæ, scribit hæc Paulus. Negat id
Beza: nam Paulus, inquit, hic non Romanos, sed
Italos salutatores commemorat. Sed respondeo, id
inde factum esse, quod Paulus Italiam uti et alias
provincias prædicando pervaserat: nomen quo-
que Pauli ubique celebre multos Christianos ex
tota Italia Romam ad eum visendum acciverat.
Non ergo mirum, si Itali hi Romæ Paulo præsentem
Hebræos per Paulum salutent. Pari enim modo
Paulus, si hæc Bononiæ, vel in alia Italiæ urbe
scripsisset, dicere poterat: Salutant vos de Italia
fratres. Adde, per Italos antonomastice accipi
posse Romanos: Roma enim erat caput et metro-
polis Italiæ. Sic Lucas, *Act. xviii, 2*, Priscillam et
Aquilam ait venisse ab Italia, id est, ut mox ip-
semet explicat, ab urbe Roma, a qua edicto
Claudii cum cæteris Judæis pulsi fuerant. Non
enim tota Italia, sed tantum urbe Roma Judæos
excedere jusserrat Claudius.

Atque hæc in epistolas hasce dicta sint, nunc
eo omnia unde.

Peroratio Accipe ergo, S. Paule, uti principium, ita et finem hujus operis. Tuum est enim totum,
ad S. non meum. Quis enim ego? et quid commentatio epistolarum tuarum? Opus hoc non est
Paulum. virium mearum, non valetudinis meæ debilis et infirmæ, non mei ingenii, non meæ
sapientiæ. Vere enim et in conscientia mea *stultissimus virorum ego sum, et sapientia
hominum non est mecum*. Tuum ergo est, tuo semine et origine, tua ope, intercessione,
suggestu; tuum est meo voto, debito, scopo, dono; tuum est argumento, fine, laude. Tibi
proinde illud, uti tot nominibus debitum offero, imo refero, non mihi, sed tibi, et Deo
Domino nostro illud tribuo, consecro, dicoque: *Non nobis, Domine, non nobis, sed nomini
tuo da gloriam*. Statuit te Deus Doctorem Gentium, doctorem sæculorum omnium. Tuo
sæculo viva voce universum mundum tua prædicatione docuisti; nunc in cælis regnans
eumdem doces, docebisque ad finem usque sæculi per tua monumenta, per epistolas hasce
igneas et divinas. Da ut huic rei commentarius hic subserviat, da ut quod hic exterius scripsi,
interius Spiritus Sanctus suggerat et doceat quam plurimos, ut plurimi ex earum lec-
tione tam in vera fide et sapientia, quam in virtute et spiritu Christiano, imo Apostolico,

proficiant, atque ego in primis, qui sum puer parvulus nesciens introitum et exitum meum.

Veritatem, veramque tuam mentem ubique fixis oculis spectavi et consecratus sum. Veritas enim mihi vita ipsa est charior. Sicubi ab ea aberravi, ut homo aberravi, errorem hunc mihi et aliis demonstra, ne quis in eum impingat. Omnes enim veritatis, nullum erroris mei hæredem relinquere percipio.

Offer quoque hæc ipsa S. Virgini Deiparæ, quæ æternæ Sapientiæ mater est, et communis omnium nostrum parens, cui me meaque omnia debeo, utpote quæ me immerentem et indignum ad Religionem et sanctam hanc Societatem filii sui vocavit, atque in ipsa Societate mire semper, ac præsertim in hoc opere direxit, juvit, instruxit, effecitque ut tarda et impolita mens et manus mea fierent calamus scribæ velociter scribentis: ut ipsa hæc eadem offerat benedicto Filio suo Jesu Christo, ad ejus perennem voluptatem, laudem et gloriam, quam unam in vita et in morte, in tempore et in æternitate celebrare et promovere omnibus votis et studiis, omnibusque corporis et animæ viribus intendo et satago. *Hæc est enim vita æterna, ut omnes cognoscant Deum verum, et quem ipse misit Jesum Christum, qui est salus nostra, amor noster, gaudium nostrum, spes et beatitudo nostra, Deus noster et omnia. Da denique, ut ipso tecum post brevem hanc vitam in cælo perfruamur, ubi ejus laudes non humana, sed angelica lingua in æternum celebremus, cantemusque jugiter: Gloria Patri, et Filio, et Spiritui Sancto. Amen.*

O Jesu Christe, amor noster, per sanguinem testamenti tui æterni, apta nos in omni bono, ut semper et ubique faciamus tuam voluntatem, et quæ placita sunt tibi. O Pater futuri sæculi, duc nos recto tramite ad felicem ÆTERNITATEM, ut in sæcula sæculorum SS. Trinitati canamus: Redemisti nos, Domine Deus, et fecisti nos regnum et sacerdotes, et regnabimus in æternum. O intermina, o gloriosa, o nimis longa, alta, lata et profunda ÆTERNITAS!

Locus D. Pauli II ad Timoth. III, 8, illustratus.

A D. Francisco Lenormant, in Dissertatione cui titulus : *Les livres chez les Egyptiens*, nuper illustratus est insignis ille Pauli locus. Nempe ex Egyptiacis codicibus *hieraticis*, ut vocant, collectis a DD. Sallier et d'Anastasi, in Musæo autem Britannico asservatis, D^r Heath, egregio libro *The Exodi papyrus* inscripto, ea imprimis loca excerpsit et in Anglicam linguam vertit, quorum testimonio Mosaicæ narrationes probarentur. Cujus libri postquam in Dissert. supradicta multa laudavit, et de Moyse dicta fuisse demonstravit, sic pergit D. Franciscus Lenormant :

On ne peut se refuser à reconnaître que c'est de Moïse qu'il est question..... Cependant, si quelques esprits voulaient encore se refuser à l'évidence, il leur sera bien difficile de récuser le témoignage du dernier morceau. C'est un rapport fait par un fonctionnaire d'un ordre élevé, sur une mission diplomatique remplie par un de ses subordonnés. Nous n'en possédons qu'une copie dans le papyrus Anastasi n° 5 :

« Lorsque j'envoyai le capitaine des archers, IANNI, capitaine des archers, le capitaine des archers prit la parole, et le chef nous répondit : Qu'il soit permis à chacun de ceux qui appartiennent à tout le peuple qui est avec nous, de prononcer notre prière avec les différences dictées par l'autorité qui lui plaît. Qu'il nous soit permis de déclarer mauvaise la prière que nous répudions..... Donnez des ordres pour que nous ne soyons pas forcés d'abandonner les écrits de vérité en conformité à ce qui existe. L'envoyé répliqua : Oh ! rejetez nos prières, à votre volonté. Vous êtes les maîtres de rejeter ce que vous voulez. Repoussez ce que votre oppresseur vous dit de repousser. Le précepte qu'il lui plaît de vous prescrire dans sa loi, vous le répéterez..... N'es-tu pas Mosou, c'est-à-dire celui qui a entraîné ces maudits enfants de Sem ? N'es-tu pas le maître ? Tu as su atteindre un asile où tu peux librement repousser la loi. Il t'appartient de proclamer leurs institutions de prières avec les changements qui te conviennent. Oh ! je vous permets de rejeter ce que vous voulez. Certes..... (ici le papyrus offre une lacune d'autant plus regrettable, que rien ne nous indique désormais la cause du brusque changement opéré dans le ton du négociateur Egyptien)..... leur langue au lieu de la langue d'Egypte. N'es-tu pas de la race maudite des Madianites, pour répudier notre langage ? Je rejette donc vos propositions avec tout le reste. Tu peux faire tout ce qui nous est contraire. Malheur à ceux qui déclarent supportable et bon ton pouvoir ! »

Quelques mots maintenant sur le personnage envoyé par le roi d'Egypte vers Moïse. Son nom, que nous retrouvons dans d'autres pièces des recueils épistolaires du Musée Britannique, est toujours écrit *Anni* et *Ianni*. La mention et la lecture de ce nom n'est pas une des moins précieuses conquêtes qu'ait produites le déchiffrement des papyrus hiératiques de Londres ; nous trouvons là un renseignement des plus importants et une précieuse confirmation pour une tradition juive conservée dans le Nouveau-Testament et dont nous devons l'explication aux écrivains chrétiens des premiers siècles. Saint Paul, dans sa deuxième épître à Timothée, parlant des adversaires de la vérité, rappelle comment *Iannès* et *Iambres* ont résisté à Moïse. Il est impossible de ne pas rapprocher l'*Iannès* de l'Apôtre de l'*Ianni* de nos papyrus, et de ne pas être frappé de la coïncidence de ces deux témoignages si différents d'époque, de pays et d'esprit. Numénius,

philosophe pythagoricien, cité par Eusèbe dans sa *Préparation Évangélique*, parlait aussi d'Iannès et d'Iambres dans son livre sur les Juifs; mais il en faisait deux hiéroglyphes, chargés par Pharaon d'opposer les prodiges de leur magie aux miracles de Moïse. La pièce égyptienne dont nous nous occupons, donnant à Ianni un titre militaire, semble contredire sous ce rapport le récit de Numénus. Je sais bien qu'un même personnage pouvait réunir à la fois les qualités de scribe et de guerrier; que, par exemple, dans l'Histoire de Josèphe, ces deux caractères sont attribués à Moïse à l'époque où il figurait à la cour du roi d'Égypte; mais c'est là un cas fort rare, et nous pouvons rester d'accord avec saint Paul, en considérant Iannès ou Ianni comme ayant été simplement un chef militaire égyptien qui s'était trouvé en rapport et en antagonisme avec Moïse. Notre papyrus nous le montre déjà finissant par injurier le prophète d'Israël et par repousser ses propositions de paix et d'accommodement. Il faudrait même aller plus loin, si l'on voulait admettre l'identification, qui me paraît assez probable, entre ce personnage et le Bar-Hanès, mentionné dans les fragments des papyrus araméens de M. le duc de Blacas. En effet, nous y voyons ce Bar-Hanès présenté comme l'instigateur des Cananéens dans leur lutte avec les Israélites, lorsque ceux-ci, combattant contre l'avis de Moïse, furent défaites et mis en fuite, et comme rapportant au roi d'Égypte la nouvelle de cette victoire.

(Vid. le *Correspondant*, mensibus januario et februario 1858).

INDEX LOCORUM SACRÆ SCRIPTURÆ

QUÆ IN D. PAULI EPISTOLIS EXPLICANTUR.

Prior numerus paginam, secundus columnam indicat : ubi unus tantum est numerus, signum est eum ad priorem referri. Astericus totum XIX indicat : ubi deest, tom. XVIII adeundum esse signum esto Lectori.

GENESIS.

- Cap. i, vers. 2. Juxta Septuag.* Terra erat invisibilis et incompressa, *472, 2.
 — 2. Dixitque Deus: Fiat lux, 439, 2.
 II, 23. Hoc nunc os, ex ossibus meis, et caro de carne mea; hæc vocabitur virago, quia de viro sumpta est, 664, 1.
 — 24. Quamobrem relinquet homo patrem suum et matrem suam, et adheret uxori suæ, et erunt duo in carne una, 665, 1.
 — 7. Factus est homo in animam viventem, 411, 1.
 V, 22. Ambulavit Henoch cum Deo, *127, 1.
 — 24. Ambulavitque Henoch cum Deo, et non invertebatur : quia tulit eum Dominus, *473, 1.
 VI, 9. Noe vir justus atque perfectus cum Deo ambulavit, *473, 2.
 XII, 1. Veni in terram quam monstrabo tibi, *475, 2.
 — 5. Egressi sunt ut irent in terram Chanaan, *ibid.*
 XV, 16. Necdum enim completæ sunt iniquitates Amorrhæorum, *122, 2.
 — 1. Ego protector tuus, *516, 1.
 — 16. Generatione quarta revertentur huc, *352, 1.
 XVII, 7. Ero Deus tuus, et seminis tui post te, 159, 1.
 — 1. Ambula coram me, et esto perfectus, *419, 1.
 XVIII, 10. Secundum hoc tempus veniam, et erit Saræ filius, 160, 2.
 XIX, 24. Dominus pluit super Sodomam sulphur a Domino, *281, 1.
 XXI, 9. Cumque vidisset Sara filium Agar Ægyptiæ ludentem cum Isaac filio suo, dixit ad Abraham : Ejice ancillam hanc, et filium ejus : non enim erit hæres filius ancillæ cum filio meo Isaac, 559, 2.
 — 12. In Isaac vocabitur tibi semen, *479, 2.
 XXII, 2. Tolle filium tuum unigenitum, quem diligis, Isaac, et vade in terram visionis, atque ibi offeres eum in holocaustum, 422, 2.
 — 18. In semine tuo benedicentur, id est, justitiam, gratiam et gloriam assequentur, omnes gentes, 159, 1, 2.
 XXV, 23. Major serviet minori, 161, 2.
 — ult. Accepto pane et lentis edulio, comedit, et bibit Esau, et abiit, parvipendens quod primogenita sua vendidisset, *504, 1.
 XXXII, 28. Nequaquam Jacob appellabitur nomen tuum, sed Israel, 581, 1.
 XXXVII, 30. Puer non comparet, et ego quo ibo? *12, 1.
 XLVII, 9. Dies peregrinationis vitæ meæ centum triginta annorum sunt, parvi et mali, *675, 2.
 — 31. Adoravit Israel Dominum, conversus ad lectuli caput, *481, 1 et seqq.
 XLVIII, 19. Iste quidem (Manasse) erit in populos, et mul-

- tiplicabitur; sed frater ejus minor (Ephraim) major erit illo, 481, 1 et seqq.
 XLIX, 26. (Christus vocatur) desiderium collium æternorum; quorum? *509, 1.
 — 18. Salutare tuum expectabo, Domine, *30, 2.
 — 17. Fiat Dan coluber in via, cerastes in semita, *161, 2.
 — 25. Benedicet tibi Deus benedictionibus cæli, 476, 1.

EXODUS.

- Cap. II, vers. 2.* Videns eum elegantem, abscondit mensibus tribus, *482, 2.
 IX, 16. In hoc ipsum excitavi te, ut ostendam in te virtutem meam, 166, 1.
 XII, 11. Calceamenta habebitis in pedibus, 680, 1.
 — 46. Os non comminuetis ex eo, *388, 1.
 XVI, 18. Et mensi sunt ad mensuram gomor : nec qui plus collegerat, habuit amplius; nec qui minus paraverat, reperit minus, 472, 2.
 XIX, 5. Eritis mihi in peculium, *165, 2.
 — 12. Qui tetigerit montem, lapidibus opprimitur, sive jumentum fuerit, sive homo, *506, 1.
 XX, 12. Honora patrem tuum et matrem tuam, ut sis longævus super terram, 669, 1; *121, 1.
 XXIV, 17. Erat species gloriæ Domini quasi ignis ardens, *510, 2.
 XXV, ult. Inspice, et fac secundum exemplar quod tibi in monte monstratum est, *425, 2.
 XXXII, 31. Aut dimitte eis hanc noxam, aut, si non facis, dele me de libro quem scripsisti, 157, 2.
 XXXIII, 19. Miserebor ejus misereor, 412, 2.
 XXXIV, 6. Dominator Domine Deus, misericors et clemens, patiens et multe miserationis, *283, 1.

LEVITICUS.

- Cap. VI, vers. 30.* Hostia quæ cæditur pro peccato, cujus sanguis inferitur in tabernaculum, non comedetur, sed cremabitur, *519, 2.
 XVI, 27. Vitulum et hircum, qui pro peccato fuerant immolati, et quorum sanguis illatus est in sanctuarium, asportabunt foras castra, et comburent igni tam pelles, quam carnes eorum, *520, 1.
 XVIII, 5. Custodite leges meas atque judicia, quæ faciens homo, vivet in eis, 476, 1.
 XIX, 18. Diliges amicum tuum sicut teipsum, 222, 1.
 — 23. Quando plantaveritis ligna pomifera, auferetis præputia eorum : poma, quæ germinant, immunda erunt vobis, nec edetis ex eis; quarto autem anno omnis fructus eorum sanctificabitur laudabilis Domino, *88, 2.
 XXV, 23. Terra quoque non vendetur in perpetuum, quia mea est, et vos advenæ et coloni mei estis : unda

cuncta regio possessionis vestræ sub redemptionis conditione vendetur, 314, 2.
xxvi, 12. Ambulabo inter vos, et ero Deus vester, 462, 1.

NUMERI.

Cap. xvi, vers. 5. Et mane notum faciet Dominus qui ad se pertineant, et sanctos applicabit sibi, *291, 2.
— 33. Descenderunt vivi in infernum aperti humo, *156, 2.
xxiii, 22. Cujus fortitudo similis est rhinocerotis, 593, 2.

DEUTERONOMIUM.

Cap. iv, vers. 2. Non addetis ad verbum quod loquor vobis, nec auferetis ex eo, 520, 1.
— 15. Locutus est vobis Dominus in Horeb de medio ignis, 510, 2.
xviii, 15. Prophetam de gente tua suscitabit tibi Dominus : ipsum audies, ut petisti a Domino Deo tuo in Horeb, *368, 1.
xix, 15. In ore duorum aut trium testium stabit omne verbum, 509, 2.
xxi, 23. Maledictus a Deo est, qui pendet in ligno, 541, 1.
xxv, 4. Non alligabis os bovi trituranti, *247, 1; 329, 1. *357, 2.
xxix, 2. Abscondita Domino Deo nostro, quæ manifesta nobis et filiis nostris, *251, 1.
xxx, 11. Mandatum hoc quod ego præcipio tibi hodie, non super te est, neque procul positum, nec in cælo situm, ut possis dicere : Quis nostrum valet ad cælum ascendere, ut deferat illud ad nos? 177, 1; 179, 1.
xxxii, 21. Ego ad æmulationem vos adducam in non gentem : in gentem insipientem, in iram vos mittam, 183, 1.
— 35. Mihi vindicta, ego retribuam, 215, 1.
xxxiii, 9. Pars Domini populus ejus, Jacob funicularis hereditatis ejus, *165, 2.

JOSUE.

Cap. i, vers. 5. Non te deseram, nec derelinquam, *516, 1.
xv, 19. Da mihi benedictionem : terram Australem et arentem dedisti mihi, Junge et irriguam, 478, 1.

LIBER JUDICUM.

Cap. xiii, vers. 6. Vir Dei venit ad me, habens vultum angelicum, *260, 2.

RUTH.

Cap. i, vers. 13. Vetula eritis antequam nubalis, 304, 1.

LIBRI REGUM.

Lib. I, cap. iv, vers. 21. Translata est gloria de Israel, 156, 1.
x, 12. Num et Saul inter Prophetas? 387, 1.
xviii, 10. Invasit spiritus Dei malus Saul, et prophetabat in medio domus suæ, *ibid.*
xxi, 5. Fuerunt vasa puerorum sancta : porro via polluta est, sed sanctificabitur in vasis, *128, 2.
xxv, 27. Suscipe benedictionem hanc, 476, 1.
II Reg. ii, 14. Surgant pueri et ludant (id est *duellent*) coram nobis, 559, 2.
— 12. Cum dormieris cum patribus tuis, suscitabo semen tuum post te, quod egredietur de utero tuo, *357, 1.
vii, 14. Ego ero illi in patrem, et ipse erit mihi in filium, *856, 2 et seqq.
— Arguam eum in virga virorum, *499, 1.
III Reg. iv, 29. Dedit Deus Salomoni latitudinem cordis, quasi arenam quæ est in littore maris, 460, 1.
vii, 21. Et statuit duas columnas in porticu templi, dexteram vocavit Jachin, sinistram Booz, *218, 2.
ix, 10. Altaria tua destruxerunt, et prophetas tuos occiderunt gladio, et derelictus sum ego solus, et quærunt animam meam, 185, 2.
— 18. Relinquam mihi in Israel septem millia virorum, quorum genua non sunt incurvata ante Baal, 186, 1.

IV Reg. i, 12. Si homo Dei ego sum, descendat ignis de cælo, *260, 2.
ii, 9. Obsecro ut fiat in me duplex spiritus tuus, *247, 1.
— 12. Pater mi, currus Israel et auriga ejus, *853, 2.

LIB. I PARALIPOMENON.

Cap. xxv, vers. 1. Separaverunt filios Asaph, qui prophetarent in citharis et psalteriis, 887, 1.

JOB.

Cap. xvi, vers. 13. Posuit me sibi quasi in signum, *125, 2.
xviii, 13. Consumat brachia illius (impii) primogenita mors (quæ peccati est filia primogenita), 99, 1.
xxii, 31. Si non dixerunt viri tabernaculi mei : Quis det ut de carnibus ejus saturemur? *121, 2.
xxxviii, 28. Quis est pluvie pater? 595, 1.
xxxix, 1 et 3. Numquid parturientes cervas considerasti? incurvantur ad fætum, et pariunt, et rugitus emittunt, 554, 2.
xxxix, 9. Numquid volet rhinoceros servire tibi? *187, 1.
xli, 2. Quis ante dedit mihi, ut reddam ei? 197, 2.

PSALMI.

Psal. ii, vers. 7. Filius meus es tu, ego hodie genui te, *355, 2.
iv, 4. Mirificavit Dominus sanctum suum, *146, 1.
— 5. Inscimini, et nolite peccare : quæ dicitis in cordibus vestris, in cubilibus vestris compungimini, 643, 1.
v, 13. Domine, ut scuto bonæ voluntatis tuæ coronasti nos, *369, 2.
vi, 1. Domine, ne in furore tuo arguas me, *499, 1.
vii, 15. Concepit dolorem, et peperit iniquitatem, *260, 1.
Psalms viii explicatur, *367, 2 et seqq.
xv, 3. Sanctis, qui in terra sunt ejus, mirificavit omnes voluntates meas in eis, *146, 1.
xvii, 3. Ego ero fidens in eum, *378, 1.
xviii, 5. In omnem terram exivit sonus eorum, et in fines orbis terræ verba eorum, 182, 1.
xli, 23. Nuntiabo nomen tuum fratribus meis ; in medio Ecclesiæ laudabo te, *372, 2.
xliii, 2. Ipse super flumina præparavit eum, 680, 1.
xxviii, 6. Dilectus quemadmodum filius unicornium, 590, 1.
xxx, 16. In manibus tuis sortes meæ, *hebraice*, tempora mea, *74, 1.
— 23. Ego dixi in excessu mentis meæ : Projectus sum, etc., 68, 1.
xxxix, 7. Hostiam et oblationem noluisti, corpus autem aptasti mihi, *453, 1, 2.
— 8 et 9. Holocantomata et pro peccato noluisti, tunc dixi : Ecce venio : in capite libri scriptum est de me, ut faciam, Deus, voluntatem tuam, *455, 2; *456, 1.
xliii, 22. Propter te mortificamur tota die : æstimati sumus sicut oves occisionis, 151, 2.
xliiv, 7. Sedes tua, Deus, in sæculum sæculi, virga æquitatis virga regni tui, *360, 1 et seqq.
— 8. Dilexisti justitiam, et odisti iniquitatem ; propterea unxit te Deus, Deus tuus, oleo exultationis præ participibus tuis, *360, 2.
— 10. Astitit regina a dextris tuis, *102, 1.
xlii, 8. Psallite sapienter, 390, 2.
l, 6. Ut justificeris in sermonibus tuis, et vincas cum judicaris, 69, 1.
lviii, 10. Fortitudinem meam ad te custodiam, 432, 2.
lix, 10. In Idumæam extendam calceamentum (possessionem) meum, 680, 1.
lxiv, 12. Benedices coronæ anni benignitatis tuæ, *370, 1.
lxvii, 9. Terra mota est, cæli distillaverunt, *505, 2.
— 18. Currus Dei decem millibus multiplex, millia lætantium : Dominus in eis, in Sina, in Sancto, 625, 2.
— 19. Ascendisti in altum, cepisti captivitatem, accepisti dona in hominibus, 626, 2.

- LXVII, 36. Mirabilis Deus in sanctis suis, *146, 1.
 LXVIII, 10. Improperia improperantium tibi, ceciderunt super me, 480, 2.
 — 12. Factus sum illis in parabolam, *480, 2.
 — 23. Fiat mensa eorum coram ipsis in laqueum, et in retributiones, et in scandalum, 190, 2.
 — 24. Et dorsum eorum semper incurva, 191, 1.
 LXXI, 1. Deus stetit in synagoga deorum, in medio autem deos dijudicat, *369, 2.
 LXXXIII, 8. Ibunt de virtute in virtutem, *127, 1.
 LXXXVIII, 6. Confitebuntur cœli mirabilia tua, etenim veritatem tuam in Ecclesia sanctorum, *146, 1, 2.
 LXXXIX, 4. Mille anni ante oculos tuos tanquam dies hesternæ, quæ præterit, 316, 1.
 — 6. Mane sicut herba transeat, vespere decadat, induret et arescat, *ibid.*
 XCIV, 1. Venite, exultemus Domino, *pene totus explicatur*, *380, 2 et seqq.
 XCV, 7. Afferte Domino, patriæ Gentium, 615, 2.
 XCVI, 1. Dominus regnavit, exultet terra, *pene totus explicatur*, *388, 2 et seqq.
 CI, 26. Tu in principio, Domine, terram fundasti; opera autem manuum tuarum sunt cœli: ipsi peribunt, tu autem permanebis, et omnes sicut vestimentum veterascent, *362, 1 et seqq.
 CII, 4. Qui coronat te in misericordia et miserationibus, *368, 2.
 CIII, 4. Qui facit angelos suos spiritus, et ministros suos flammam ignis, *659, 1.
 CIV, 15. Nolite tangere christos meos, et in prophetis meis nolite malignari, *361, 1.
 CV, 33. Distinxit in labiis suis, *506, 2.
 CIX, 1. Sede a dextris meis, *362, 2.
 — 8. Tecum principium in die virtutis tuæ, *77, 1.
 — 4. Tu es sacerdos in æternum secundum ordinem Melchisedech, *394, 1.
 CXI, 9. Dispersit, dedit pauperibus: justitia ejus manet in sæculum sæculi, 477, 2.
 — — Cornu ejus exaltabitur in gloria, *ibid.*
 CXV, 1. Credidi, propter quod locutus sum, *totus pene psalmus explicatur*, 442, 1.
 — 2. Ego dixi in excessu meo: Omnis homo mendax, etc., 68, 1.
 CXVII, 22. Lapidem, quem reprobaverunt ædificantes, hic factus est in caput anguli, 511, 2; 608, 2.
 CXVIII, 32. Viam mandatorum tuorum cucurri, cum dilatasti cor meum, 460, 1.
 CXIX, 4. Sagittæ potentis acutæ, cum carbonibus desolatoriis, 216, 2.
 CXXIII, 1. Sæpe expugnaverunt me a juventute mea; etenim non potuerunt mihi, 521, 2.
 CXL, 2. Dirigatur oratio mea sicut incensum in conspectu tuo: elevatio manuum mearum sacrificium vespertinum, *202, 1.

PROVERBIA.

- Cap. III, vers. 4. Juxta Septuag. Provide bona coram Domino et hominibus, 214, 1.
 — 11. Filii mi, noli negligere disciplinam Domini, *498, 2.
 — 12. Et quasi pater in filio complacet sibi, *499, 1.
 — — Neque fatigeris, cum ab eo argueris, *ibid.*
 IV, 26. Dirige semitam pedibus tuis, *502, 2.
 V, 15. Bibe aquam de cisterna tua, *128, 1.
 XIV, 22. Errant qui operantur malum, *437, 1.
 XV, 11. Infernus et perditio coram Domino, quanto magis corda filiorum hominum? *149, 2.
 XVI, 10. Divinatio in labiis regis, in iudicio non errabit os ejus, *302, 2.
 XVII, 24. In facie prudentis lucet sapientia: oculi stultorum in finibus terræ, 803, 1.
 XXII, 9. Juxta Sept. Hilem datorem diligit Deus, 476, 2.

- XXV, 21. Si esurierit inimicus tuus, ciba illum: hoc enim faciens, carbonem ignis congeres, 216, 1.
 XXX, 2. Stultissimus sum virorum, *183, 2.
 XXXI, 18. Quassavit lanam et linum, et operata est consilio manuum suarum, etc., *170, 2.
 — 21. Omnes domestici ejus vestiti sunt duplicibus, 247, 1.

ECCLESIASTES.

- Cap. XI, vers. 1. Mitte panem tuum super transeuntes aquas, quia post multa tempora invenies illum, 496, 1.
 — 2. Da partem septem, necnon et octo, 186, 2; 476, 1.
 — 3. Si repletæ fuerint nubes, imbrem super terram effundent, *ibid.*

CANTICUM CANTICORUM.

- Cap. VI, vers. 1. Dilectus meus descendit in hortum suum ad areolam aromatum, 429, 1.

SAPIENTIA.

- Cap. I, vers. 7. Spiritus Domini replevit orbem, et hoc (hic Spiritus) quod continet omnia, scientiam habet vocis, *76, 1.
 V, 21. Pugnabit cum illo orbis terrarum contra insensatos: ibunt directe emissiones fulgurum, et tanquam a bene curvato arcu nubium exterminabuntur, et ad certum locum insilient, et a petrosa ira plenæ grandines mittentur, etc., *461, 1.
 VII, 26. Candor est lucis æternæ, speculum sine macula, *374, 2.
 XI, 18. Fecit orbem terrarum ex materia invisa, *472, 2.
 — 21. Omnia in mensura, et numero, et pondere disposuisti, *84, 2.
 — 23. Tanquam momentum stateræ, sic est ante te orbis terrarum, et tanquam gutta roris antelucani, *364, 1.
 XVIII, 24. In veste poderis totus erat orbis terrarum, *195, 1; *431, 1.

ECCLESIASTICUS.

- Cap. XIV, vers. 12. Testamentum hujus mundi (est), morte morietur, *449, 2.
 XXIV, 32 et 33. Hæc omnia liber vitæ, et testamentum Altissimi, et agnitio veritatis. Legem mandavit Moyses in præceptis justitiarum, et hereditatem domui Jacob, et Israel promissiones, *59, 2.
 — 45. Inspiciam omnes dormientes, et illuminabo omnes sperantes in Domino, *277, 2.
 XLVIII, 14. Mortuum prophetavit corpus ejus, 387, 1.
 XLIX, 18. Ossa ipsius (Joseph) visitata sunt, et post mortem prophetaverunt, *ibid.*

ISAIAI.

- Cap. I, vers. 9. Nisi Dominus sabaoth reliquisset nobis semen, sicut Sodoma facti essemus, et sicut Gomorrha similes fuisset, 173, 1.
 II, 2. Erit præparatus (id est *fundatus*) mons domus Domini in vertice montium, 680, 2.
 III, 24. Erit pro zona funiculus, et pro fascia pectorali cilicium, 677, 2.
 V, 22. Væ vobis, qui potentes estis ad bibendum vinum, 567, 2 et seqq.
 VI, 5. Væ mihi, quia vir pollutus labiis ego sum, et in medio populi polluta labia habentis ego habito, 523, 2.
 VIII, 3. Accelera spolia detrahare, festina prædari, 616, 1; *373, 2.
 — 13. Ipse sit pavor vester, et ipse terror vester: et erit vobis in sanctificationem, 174, 1.
 — 17. Expectabo Dominum, qui abscondit faciem suam a domo Jacob, et præstolabor eum, *373, 1.
 — 18. Ecce ego et pueri mei, quos dedit mihi Domine, in signum et portentum Israel, *281, 1; *373, 2; *480, 2.
 IX, 6. Cujus principatus super humerum ejus, *353, 2.
 — — Pater futuri sæculi, 580, 2; *267, 1.

- x, 22. Si fuerit numerus filiorum Israel tanquam arena maris, reliquiae convertentur ad Dominum : consummatio abbreviata inundabit iustitiam, 172, 2.
- xi, 4. Percutiet terram virga oris sui, et spiritu labiorum suorum interficiet impium, *156, 1.
- 5. Et erit fides cinctorium renum ejus, 678, 2.
- 10. Erit radix Jesse, et qui exurget regere Gentes, 237, 1.
- — Qui stat in signum populorum, 238, 1.
- xiii, 13. Comedamus et bibamus, cras enim moriemur, 408, 1.
- xviii, 10. Manda, remanda; exspecta, reexspecta: modicum ibi, modicum ibi: in loquela enim labii, et lingua altera loquetur ad populum istum, 393, 2.
- 16. Ecce ego mittam in fundamentis Sion lapidem angularem, 174, 1.
- — Qui crediderit (in ipsum), non festinet, 174, 2.
- xxix, 10. Miscuit vobis Dominus spiritum soporis, claudet oculos vestros, prophetas et principes vestros, qui vident visiones, operiet, 192, 1.
- 14. Peribit sapientia a sapientibus ejus, et intellectus prudentium ejus abscondetur, 253, 1.
- xxxi, 9. Dixit Dominus, cujus ignis est in Sion, et carnis ejus in Jerusalem, *511, 1.
- xxxiii, 18. Ubi est litteratus? ubi legis verba ponderans? ubi doctor parvulorum? 253, 2.
- xxiv, 3. Confortate manus dissolutas, et genua debilia roborate, *502, 1.
- xl, 2. Suscepit duplicia de manu Domini, *247, 1.
- 13. Quis adjuvit spiritum Domini? aut quis consiliarius ejus fuit? 197, 1.
- xlvi, 1. Hæc dicit Dominus christo meo Cyro, *27, 2.
- 8. Rorate cæli desuper, et nubes pluant justum, *ibid.*
- 15. Tantum in te est Deus: vere tu es Deus absconditus, Deus Israel salvator, 28, 1.
- 23. In memetipso juravi, quia mihi curvabitur omne genu, et jurabit omnis lingua, 232, 1.
- 26. In Domino justificabitur, et laudabitur omne semina Israel, *28, 1.
- xlvi, 1. Servus meus es tu Israel, quia in te gloriabor, *3, 1.
- 8. In tempore placito exaudivi te, et in die salutis auxiliatus sum tui, 456, 2 et seqq.
- li, 1. Attendite ad petram unde excisi estis, et ad cavernam laci de qua præcisi estis, *454, 1.
- lii, 7. Quam speciosi pedes evangelizantium pacem, evangelizantium bona! 180, 2.
- 11. Recedite, exite inde, pollutum nolite tangere, 462, 2.
- liii, 1. Domine, quis credidit auditui nostro? 181, 2; *122, 2.
- liv, 1. Lætare, sterilis, quæ non paris: decanta laudem, et hinni, quæ non pariebas, quoniam multi filii desertæ, magis quam ejus quæ habet virum, 558, 2.
- 13. Brunt omnes docibiles Dei, *429, 1.
- lv, 17. Et indutus est (Deus) iustitia ut lorica, et galea salutis in capite ejus: indutus est vestimentis ultionis, et opertus est quasi pallio zeli, 682, 2.
- 20. Veniet ex Sion qui eripiat et avertat impietatem a Jacob, 194, 2.
- lvi, 2. Ut prædicarem annum placibilem Domino, et diem ultionis Deo nostro, ut consolaretur lugentes in Sion, 457, 1.
- lvii, 4. A sæculo non audierunt, neque auribus percepérunt, oculus non vidit, Deus, absque te, quæ præparasti expectantibus te, 262, 1.
- lviii, 1. Inventus sum a non quærentibus me, palam apparui iis qui me non interrogabant, 183, 2.
- 2. Tota die expandi manus meas ad populum non credentem et contradicentem mihi, *ibid.*

JEREMIAS.

Cap. ix, vers. 23 et 24. Non gloriatur sapiens in sapientia

- sua, sed in hoc gloriatur, qui gloriatur, scire et nosse me, 258, 2.
- xi, 16. Olivam uberem, pulchram, fructiferam, speciosam vocavit Dominus nomen tuum, 193, 1.
- xiii, 11. Sicut adhæret lumbare ad lumbos viri, sic agglutinavi mihi domum Israel, 677, 1.
- xvii, 16. Diem hominis non desideravi, Domine, tu scis: 277, 2.
- 18. Duplici contritione contere eos, *247, 1.
- xviii, 6. Sicut lutum in manu figuli, ita et vos in manu mea, 170, 2.
- xxi, 31. Ecce dies veniunt, dicit Dominus, et consummabo super domum Israel et super domum Juda testamentum novum, *426, 1.
- 33. Hoc est testamentum, quod disponam domui Israel: dabo legem meam in mente eorum, et in corde eorum scribam eam, *427, 1.
- — Et ero eis in Deum, et ipsi erunt mihi in populum, 2.
- 34. Et non docebit ultra vir proximum suum, dicens: Cognosce Dominum, 428, 1.
- li, 26. Non tollent de te lapidem in angulum, 608, 2.
- Threnor. iii, 12. Posuit me quasi signum ad sagittam, misit in renibus meis filias pharetræ suæ, *126, 1, 2.

BARUCH.

Cap. vi, vers. 42. Mulieres circumdatæ funibus in viis sedent, etc., 430, 2.

EZECHIEL.

- Cap. i, vers. 20. Et spiritus vitæ erat in rotis, *353, 2.
- iv, 3. Sume tibi sartagine ferream, 498, 1.
- xvi, 10. Cuius te bysso, 677, 1.
- — Calceavi te ianthino, 680, 1.
- xvii, 2. Fili hominis, propone ænigma, et narra parabolas: aquila grandis, etc., *480, 2.
- xxiv, 17. Corona tua circumligata sit tibi, et calceamenta tua erunt in pedibus tuis, 680, 1.
- xxix, 3. Meus est fluvius (Nilus), et ego (Pharao) feci memetipsum, 433, 1.
- xxxvii, 27. Et erit tabernaculum meum in eis, et ero eis Deus, 463, 1.
- xxxviii, 22. Et judicabo eum (Gog) peste, et sanguine, et imbre vehementi, et lapidibus immensis, ignem et sulphur pluam super exercitum ejus, *165, 1.
- xxxix, 9. Succedent ea (arma Gog et Magog) igni septem annis, *135, 1.

DANIEL.

- Cap. vii, vers. 10. Fluvius igneus rapidusque egrediatur a facie ejus, *145, 2.
- 25. Putabit quod possit mutare leges et tempora, *163, 1.
- xii, 11. A tempore cum ablatum fuerit iuge sacrificium, et posita fuerit abominatio in desolationem, dies mille ducenti nonaginta: beatus qui pervenit usque ad dies mille trecentos triginta quinque, *135, 1.

OSEAS.

- Cap. i, vers. 10. Et erit in loco ubi dictum est eis: Non plebs mea vos, ibi vocabuntur filii Dei, 172, 2.
- ii, 24. Vocabo non plebem, plebem meam; et non misericordiam consecutam, misericordiam consecutam, *ibid.*
- xi, 1. Ex Ægypto vocavi filium meum, *388, 1.
- xii, 10. Visionem multiplicavi, et in manu Prophetarum assimilatus sum, *351, 1.
- xiii, 14. Ero mors tua, o mors, morsus tuus ero, inferas, 444, 1.

JOEL.

Cap. ii, vers. 32. Omnis quicumque invocaverit nomen Domini, salvus erit, 179, 2.

AMOS.

Cap. III, vers. 3. Numquid ambulant duo pariter, nisi convenerit eis? *473, 2.

IIABACUC.

Cap. II, vers. 3. Quia adhuc visus procul, et apparebit in finem, et non mentietur. Si moram fecerit, expecta illum, quia veniens veniet, et non tardabit, *466, 1 et seqq.

— 4. Justus autem in fide sua vivet, *47, 1.

— Ecce qui incredulus est, non erit recta anima ejus in semetipso, *ibid.*, 2.

III, 4. Cornua in manibus ejus, 235, 2.

AGGÆUS.

Cap. II, vers. 7. Adhuc unum modicum est, et ego commovebo cælum et terram, et mare, et aridam, et movebo omnes gentes, et veniet desideratus cunctis gentibus, *508, 2.

ZACHARIAS.

Cap. V, vers. ult. Ut ædificetur ei domus in terra Sennaar, et stabiliatur, et ponatur ibi super sedem suam, *159, 2.

IX, 11. Tu quoque in sanguine testamenti tui emisisti vinclos tuos de lacu, in quo non est aqua, *523, 1.

X, 4. Ex ipso angulus, 608, 1.

MALACHIAS.

Cap. I, vers. 2. Jacob dilexi, Esau autem odio habui, 162, 2.

MACHABÆI.

Lib. II, cap. VI, vers. 19. Voluntarie præibat (Elenzarus) ad supplicium, *487, 2.

Lib. II, cap. VII, vers. 1. Flagris et taureis cruciatus, *ibid.*

MATTHÆUS.

Cap. V, vers. 10. Beati qui persecutionem patientur propter iustitiam, 441, 1.

XI, 19. Justificata est sapientia a filiis suis, *221, 1, 2.

XIX, 12. Sunt eunuchi, qui seipso castraverunt propter regnum cælorum; qui potest capere, capiat, 311, 2.

XXIII, 32 et 35. Et vos implete mensuram patrum vestrorum, ut veniat super vos omnis sanguis justus, *122, 2.

XXIV, 31. Mittet angelos suos cum tuba et voce magna, *132, 2.

XXV, 6. Media nocte clamor factus est: Ecce sponsus venit, exite obviam ei, *136, 1.

XXVI, 28. Accipite et comedite, hoc est corpus meum, 339, 1.

LUCAS.

Cap. I, vers. 72. Memorari testamenti sui sancti, iussurandum quod juravit ad Abraham, *321, 2.

II, 38. Loquebatur de illo (Anna de Christo) omnibus qui expectabant redemptionem Israel, 896, 2.

XII, 35. Sint lumbi vestri præcincti, 679, 1.

XIX, 26. Omni habenti (id est talento suo utenti) dabitur: ab eo autem qui non habet, et quod habet auferetur ab eo, 300, 2.

XXI, 25. Erit pressura gentium, arescentibus hominibus præ timore, et expectatione, quæ supervenient universo orbi, *136, 2.

JOANNES.

Cap. I, vers. 1. Deus erat Verbum, *359, 2; *388, 1.

IV, 23. Venit hora, et nunc est, quando veri adoratores adorabunt Patrem in spiritu et veritate, 435, 1.

VI, 27. Hunc enim Pater signavit Deus, *351, 2.

VIII, 25. Tu quis es? Principium, qui et loquor vobis *77, 1.

VIII, 44. Ille homicida erat ab initio, et in veritate non stetit, quia non est veritas in eo, quia mendax est, et pater ejus, 635, 1.

XVII, 19. Pro eis sanctifico (id est sacrifico) meipsum, 238, 2; *371, 2.

ACTUS APOSTOLORUM.

Cap. VII, vers. 20. Eodem tempore natus est Moses, et fuit gratus Deo, *483, 1.

— 25. Existimabat (Moses) intelligere fratres, quoniam Deus per manum ipsius daret salutem illis, *ibid.*

XIII, 34. Dabo sancta David fidelia, *185, 1.

EPISTOLA CANONICA S. JACOBI.

Cap. IV, vers. 11. Qui detrahit fratri, detrahit legi, *263, 1, 2.

EPISTOLA I S. PETRI.

Cap. III, vers. 3 et 4. Quorum non sit extrinsecus capilatura, aut circumdatio auri, etc., sed qui absconditus est cordis homo in incorruptibilitate quieti et modesti spiritus, qui est in conspectu Dei locuples, *204, 1.

EPISTOLA I S. JOANNIS.

Cap. II, vers. 27. Unctio ejus docet vos de omnibus, *429, 1.

V, 16. Est peccatum ad mortem, non pro illo dico ut roget quis, *401, 2.

APOCALYPSIS S. JOANNIS.

Cap. I, vers. 20. Septem stellæ, angeli (hoc est Doctores et Episcopi) sunt septem Ecclesiarum, 409, 1.

II, 26. Qui vicerit, dabo ei stellam matutinam, *ibid.*

IX, 16. Et numerus equestriis exercitus vicies millies dena millia, *164, 2.

XI, 4. Hi sunt duæ olivæ, et duo candelabra in conspectu Domini terræ stantes, *433, 1.

— 8. Et occidet eos (Eliam et Henoch), et corpora eorum jacebunt in plateis civitatis magnæ, quæ spiritualiter vocatur Sodoma et Ægyptus, ubi et Dominus eorum crucifixus est, *276, 2.

XII, 1. Mulier amicta sole, et in capite ejus corona stellarum duodecim, 409, 1.

XIII, 18. Dicitur Christus esse agnus occisus ab origine mundi, quo sensu? *448, 1.

XVII, 10. Reges septem: quinque ceciderunt; unus est, et alius nondum venit; et cum venerit, oportet illum breve tempus manere, *154, 2.

— 14. Hi cum Agno pugnant, et Agnus vincet eos, quoniam Dominus dominorum est, *ibid.*

— 18. Babylon meretrix magna sedens super montes septem, ebria sanguine Sanctorum, etc., *153, 1.

XX, 7. Solvetur Satanas, et seducet Gentes, quæ sunt super quatuor angulos terræ, Gog et Magog, *164, 2.

— 8. Et ascenderunt (Gog et Magog) super latitudinem terræ, et circumierunt castra sanctorum, et civitatem dilectam, *ibid.*

— 9. Et descendit ignis a Deo de cælo, et devoravit eos, *165, 1.

INDEX RERUM ET VERBORUM

MEMORABILIMUM

QUÆ HIS COMMENTARIIS CONTINENTUR.

A.

- Aaron et Christus inter se collati,** *390, 2.
Aaron et Levitæ, respectu Melchisedech et Christi, non sacerdotes, sed laici erant, *414, 2. Aaron uxorem duxit e tribu Juda, *417, 1. fuit pontifex in una familia Abrahæ, *412, 2. eum minorem esse Christo, septem argumentis ostenditur, 413, 1 et seqq. ejus sacerdotium promittitur a Davide abolendum per sacerdotium Christi, *419, 1.
Aaronici sacerdotes et sacrificia non poterant cælum reserare, *437, 1. Aaronici et Christus in quo differant, *422, 2.
Abba pater quid sit, 134, 1.
Abbreviatum Verbum quod sit, 173, 1.
Abdalla Saracenis fidem de fide Christiana suscipienda frangens, a Deo morbo percussus est, 308, 2.
Abel quam Cain præstantiorem Deo victimam obtulit, *473, 1. quomodo defunctus adhuc loquatur, 2. ejus sacrificium per ignem cælitus demissum placuisse sibi ostendit Deus, *ibid.* ejus sanguis clamat vindictam, Christi misericordiam, *508, 1.
Abibi diaconi constantia in tormentis, 137, 2.
Abigei jumenta aliena diripiunt, *182, 1.
Abnegatione (in) concupiscentiarum sita perfectio, *332, 2. ejus usus et fructus, *ibid.* abnegatio sæcularium in quo consistat, *ibid.*
Abortivum cur se Paulus vocet, 400, 1. abortivi senatores quinam essent, *ibid.*
Abram nominis etymon et significatio, 559, 1. est id auctum, et dictus Abraham propter fidem, *475, 2. quomodo se cum tota posteritate subjiat Christo, *414, 2. licet signum promissionis sibi factæ a Deo petierit, tamen non dubitavit, sed firmiter ei credidit, 88, 1. quomodo id signum petierit, 2. jussus immolare Isaacum, credidit quod Deus eum immolatum a morte suscitaret, 86, 2; *479, 2 et seqq. dicitur pater spei et fidei, 79, 1; 86, 2. quare dicatur Propheta, 886, 2. circumcisionem accepit post justitiam, in signum justitiæ per fidem acceptæ, 83, 1. adhuc præputiatus justificatus est non ex operibus legis, *ibid.* quomodo dicatur pater omnium fidelium, 2. et auctor fidei et consummator, *496, 1. quomodo crediderit sibi seni nascituram prolem, 86, 2. ei seni reddita vis generativa, 88, 1. ideoque emortuus genuisse dicitur, *477, 2. cum Noe vixit 58 annis, *409, 2. est pater credentium et patienter expectantium, *450, 1. justificatus est ex fide Christi venturi, 536, 2. quare dederit decimas et honoravit Melchisedech, *413, 1. in eo honoravit Christum, *ibid.* sua obedientia meruit Christum nasci ex suo semine, 548, 1. quomodo in ejus semine omnes gentes fuerint benedictæ, 539, 1. quale ejus fœdus cum Deo, 866, 1. in Chanaan habitavit quasi advena, non incola, *476, 1, 2. ideoque semper in mobili tabernaculo, *ibid.* major fuit Aaron, sed minor Melchisedeco, *412, 1, 2. sua fide Deum glorificavit, sibi persuadendo, eum promissa sua et posse et velle implere, 88, 1, 2. multis modis ea impleta sunt, *403, 1, 2. hæres est mundi per filios et per Christum, 84, 2. si ei justitia obtigisset ex fide, jam promissio ejus esset abrogata, *ibid.* decimas dans, præcognovit Christi sacerdotium fore dignius Aaronico. *414, 2. est pater omnium nostrum non propagatione carnis, sed spiritus et fidei, 85, 1, 2. justitiam et gloriam apud Deum adeptus est, non ex operibus legis, sed ex fide, 79, 1. qualis ejus fides fuerit, 79, 2. per fidem adhuc magis justificatus est, 79, 1. est exemplar justificationis tum impii, tum justi, 2, 2. in prima justificatione credidit in Christum, *ibid.* duas ob rationes est spiritualis pater Gentilium credentium, 83, 2. promissam posteris a Deo benedictionem eorum nomine primus acceptavit, *ibid.* dicitur pater, id est, auctor circumcisionis, *ibid.* quomodo dicatur tentatus, et an a dæmone visibiliter, *479, 2. ejus posteritas ex Isaac, non ex Ismaele ducenda, *555, 1; 479, 2. hujus posteritatis multitudo, gloria, fama, æternitas est instar stellarum et arenæ maris, 88, 1; *463, 1. benedictio ei promissa, fuit justitia et salus per Christum, 159, 1. fuit ea duplex, 2. quomodo in ejus lumbis dicatur Levi fuisse, *413, 2. ejus fides in Chanaan abeuntis, quinque in rebus eluxit, *476, 2. an eam illi Deus expresse nominarit, *475, 2. non omnes qui ex semine ejus carnaliter sunt progeniti, eo ipso censentur filii ejus, ut ad eos pertinent ejus benedictio, 159, 2. septem benedictiones ei a Deo promissæ, 539, 2. symbolice representant Deum, Sara Ecclesiam, 539, 1. Abraham et Isaac sunt exemplum memorabile omnium sæculorum, *480, 1. quando Abraham et Lot agnoverint angelos a se receptos, *514, 1.
Abramius eremita dæmonem mire contempsit, 675, 2. eum blandientem a se constanter repulit, 494, 1.
Abraxas vocavit Basilides Deum, *268, 1.
Arenuntiant Christiani in baptismo Satanæ et peccato, 107, 1.
Arenuntiatio est crucis ac mortificationis indicium, 579, 1. per eam homo mundo crucifigitur, 580, 2.
Absentes et præsentis Deo et corpori qui sumus, 449, 2.
Absentia magistri causa est lapsus discipulorum, 534, 2.
Absolvendi potestas non laicis, sed Prælati Ecclesiæ competit, 427, 1.
Absolutionem ab excommunicatione, et plenariam indulgentiam donavit S. Paulus incestuoso, 427, 1.
Abstinentia, humilitatis et cæterarum virtutum mater

- est, 337, 2. moderanda est, sicut chorda in cithara, *250, 1. abstinencia veterum Eremitarum, *225, 1, 2. abstinencia Judæorum erat duplex, perpetua et temporaria, 229, 2. abstinencia a conjugio suadet tempore orationis, 301, 2. abstinencia Ecclesiastica et monastica non damnatur ab Apostolo, *225, 1.
- Abstractio** a sensibus fieri potest, vi morbi, vel virtute dæmonum, 500, 1.
- Abundare in suo sensu** quid sit, 230, 1.
- Abusus rerum** quid sit, 315, 1.
- Abuti pro uti et plene uti** capitur interdum, 231, 2.
- Abyssini Christiani** utuntur novo testamento Syriaco, 20, eorum ritus sacri ab Apostolis accepti, *ibid.*
- Academia Theologorum, Philosophorum**, etsi sententiis differentium, non carpuntur ab Apostolo, 252, 1.
- Academiam** cur Plato loco pestilenti elegerit, 336, 1.
- Acceptio personarum** apud Deum proprie non est, 59, 2; 527, 2; 518, 1, 2. non esset in eo vitium, sed minus congrua ejus liberalitati, 528, 1. ipsa vitium est contrarium justitiæ distributiæ, 59, 2.
- Accidentia sola panis in Eucharistia** manent sine subiecto, 363, 2.
- Accipere** interdum pro dare hebraice capitur, 627, 1.
- Acedia** non fugiendo, sed resistendo impugnanda, *172, 1.
- Acestus miles** a Paulo ad necem ducto conversus, 12, 1.
- Achab** quomodo excelsa everterit, et in eo peccarit, 185, 2. quomodo venundatus sit ut faceret malum, 123, 2.
- Achaia olim celebres** habuit urbes, 246, 1.
- Achaz** quomodo noluerit tentare Dominum, 63, 1, 2.
- Acies gladii** apud Hebræos et Græcos vocatur os, *388, 2.
- Acquisitionis redemptio** quæ dicatur, 594, 2.
- Acrochiristæ** summis inter se manibus depugnabant, 361, 1, 2.
- Actio honesta fructus** est cognitionis Dei, 51, 2. actio omnis ab oratione inchoanda, *194, 2. actiones immanentes Deo Patri sunt cœternæ, *356, 1, 2. actiones præclaræ sunt occupandæ, *338, 2. omnes initio offerendæ Deo, *108, 1. earum finis sit Dei gloria, 231, 1. veritas actionum et vitæ quid sit, 635, 1. actio gratiarum in cibi sumpt. usurpata Judæis, 231, 1; 350, 1. qua formula eam veteres usurperant, *226, 1.
- Actus humani** nec ex gratia, nec ex Domini cooperatione merentur justificationem, nec ad illam dant jus, sed sunt nudæ dispositiones ad justificationem, 188, 2. actus fidei a gratia habet, quod sit supernaturalis et meritorius; a libero arbitrio, quod sit liber, 281, 1. actus humani ut tales non habent meritum justificandi, 188, 1. actus interior peccati æque ac externus est volutus, 119, 2. actus inobedientiæ in Adamo fuit partim personalis, partim communis, 100, 1. actus omnis virtutis, relatus ad Dei honorem, est actus religionis, *521, 2. actus unus peccati perfectus peccatores cœlo excludet, 293, 2. actus conjugii et fornicationis secundum speciem naturæ idem sunt, at in genere moris specie, imo genere different, 295, 1. actus voluntatis ad fidem necessarius est, 178, 1.
- Ad accipitur** interdum pro de, 183, 2.
- Adam primaria** fuit causa uti generationis, ita et peccati originalis, ejusque propagationis, 97, 2. fuit primus vates qui prophetavit de Christo et de cruce ejus, 667, 1. ante costam sublatam non fuit monstrosus, nec post ablatam mutilus, 661, 1. an sit sepultus in monte Calvarie, 655, 2. peccando Dei imaginem non amisit, 641, 2. factus est anima vivens, 411, 1. quadrupliciter terrenus dicitur, 2. nisi peccasset, Christus non erat nasciturus, 597, 2. in statu innocentie nulli fuit morbo obnoxius, *376, 2. fuit forma, typus et figura Christi venturi, 101, 2. invexit regnum mortis, Christus regnum vitæ, in quo nos reges fecit, 103, 2. quomodo dicatur animalis, 265, 1. quomodo dicatur non seductus, *206, 1. etiam serpenti credidit, *ibid.* est in gratia creatus, *ibid.*
- primus insipiens fuit, 71, 1. ejus animam in Paulo fuisse somniantur hæretici, *186, 1. aliud est in Adamo peccare, aliud est peccatum Adami in omnes pertransire, 100, 1, 2. in eo homines omnes contenti et censi peccarunt, 99, 2 et seq. ex eo peccatores nascimur, non proprio actu, sed ipsius Adæ, 97, 2. ab eo traditi sumus peccato, 123, 1. Judæi fingunt ei duas a Deo datas uxores, *178, 1. Deus ei costam et carnem adhaerentem sustulit, 664, 1. ei esus ligni scientiæ boni et mali vetitus fuit, cætera concessa, 233, 1. Adami, Christi et angelorum contra dependentia, 598, 1. Adami et Christi mira inter se dependentia, 101, 2. hi sunt velut duo reges: ille regnavit in regno mortis, Christus in regno vitæ, 105, 2. utriusque aliæ antitheses, 103, 2 et seq.
- Adimpleantur** quomodo quæ desunt passioni Christi pro Ecclesia, *97, 1, 2.
- Aditus ad gratiam** nulli homini, ac ne quidem servo fugitivo, præcluditur, *341, 1.
- Admiratio** quid sit et quorum, *145, 2. vix cadit in magnanimum et sapientem, *ibid.*
- Adolescens Paulus** quomodo dicatur, dum Stephanus lapidaretur, 12, 2. adolescentes vino abstineant, 330, 2. eorum quæ sint vitia, *295, 2.
- Adolescentularum vota** non damnantur, *246, 1.
- Adoptio nostra** in filios Dei et hæredes, contigit nobis in ipsa justificatione, 140, 1; 550, 2. in quo hæc sita, 134, 1. cur approprietur Spiritui Sancto, *ibid.* alia est inchoata, alia consummata, 140, 1. adoptionis et filiationis nostræ causa, 551, 1.
- Adorare in spiritu et veritate**, quid sit, 435, 2.
- S. Adrianus** ad fidem est conversus, quod audiret Martyres post tormenta bona sperare æterna, 262, 2.
- Adrianus Imp.** quantum debitum populo remiserit, *90, 1. quomodo moriens suam sit animam allocutus, *375, 1.
- Adulatio** est melleus laqueus, *120, 1, 2.
- Adulatores meretrici et corvo** assimilantur: animalium mitum maxime sunt noxium, *ibid.* purpuram magis colunt quam Deum, *ibid.* sunt sorices palatii, *120, 2.
- Adulter** Deum experietur vindicem, *515, 1.
- Adulterantium et cauponantium varia genera**, 439, 1.
- Adulterare verbum Dei** quid sit, *287, 2.
- Adulterium thorum**, non vinculum solvere, Patres et Concilia docent, 305, 2. adulterium Davidis allegorice amorem Christi erga Ecclesiam indicat, 101, 2. adulterium est supergressio et circumventio, *128, 2.
- Adustio pro senectate** capitur, 304, 1.
- Adventum judicis Christi** quinam diligant, *313, 1. is Christianis debet esse non terrori, sed in votis, *137, 1; *263, 2.
- Adversa non sunt molesta** patientibus, sed pati nolentibus, 441, 2. per adversa Deus Sanctos suos disponit ad martyria, *501, 2. iis nos erudit et fingit, *499, 1. iis crescit virtus, 505, 2.
- Ædificare proximum** quid sit, *138, 2.
- Ædificatorius sermo** quid sit, 645, 2.
- Ædificium spirituale** quomodo simus, 608, 2.
- Ægritudines corporis** an fuerint Paulo stimulus carnis, 503, 1, 2.
- Ægrorum cura** habenda hilariter, 208, 1, 2.
- Ægyptiorum ridicula numina**, 52, 1, 2. quomodo Deum pingerent, *389, 2. verisimile est plagas iis fuisse inflictas per angelos bonos, 342, 2. iis circumcisio magno in honore fuit, 604, 1.
- Æmilie familie Romæ** unde adhæserit nomen Pauli, 37, 2.
- Æmuli Pauli** fuerintne Catholici, an hæretici, *10, 1.
- Æneas** instituit ut diis velato capite sacrificaretur, 354, 2.
- Ænigma** est quæstio quæ cum involucris verborum proponitur, 384, 2. ænigmata in Scriptura vocantur *parabola*, *480, 2.
- Æones Valentini** qui fuerint, 616, 2; *178, 2. portenta

- magis fuere quam numina, 397, 1. an fuerint animalia; quot sæculorum numeros ediderint, 517, 1. eos est Valentinus a Platonis mutatus, *86, 1.
- Æquales arguendi, senes obsecrandi sunt,* *307, 1.
- Æqualitas in bonorum communione colenda est,* 472, 2.
- Æqualitas habenda inter filios,* *110, 1. quæ æqualitas et inæqualitas sit futura in cœlesti beatitudine, 473, 1.
- Æquitas in iudicando servanda est,* *248, 1.
- Æquus quis dicatur,* *214, 2.
- Ær in Scriptura dicitur cœlum,* 500, 2. usque ad diem iudicii plenus est dæmonibus, 600, 2; 674, 2. aerem verberare est frustra laborare, 335, 1. quis sit princeps aeris, 600, 2.
- Aerius episcopatu frustratus, factus est hæreticus, et docuit presbyteros pares esse Episcopis,* *192, 2; *320, 2.
- Ærumnæ corporis et animæ cogunt nos ad mortem anhelare,* *14, 2.
- Æs Corinthiacum olim nobile,* 246, 1.
- Ætas D. Pauli, *12, 1. ætas maturior aut junior, in morum severitate aut levitate sita,* *246, 1. ætas Timothei ad episcopatum erecti, *231, 2. quæ ætate omnes resurgunt, 633, 1. quo magis ætate crescimus, eo beatitudini sumus propiores, 234, 2. qui ætatibus mundi singulis fideles affligerint, *154, 2.
- Æternitas Christi, *517, 1. æternitas quid sit, ejusque longinquitas, 115, 2. pendet a momento, 577, 2. ambit omnia tempora instar circuli, *276, 1. æternitas et æternitas quomodo et in quibus differant, *189, 1. an æternitatem suam ante mundum habuerint angeli, *320, 2. quod sit æternitas hodie,* *356, 1.
- Æternum varie accipitur in Scripturis, *357, 1, 2. quomodo dicantur sacrificia Levitica æterna,* *418, 1.
- Æthiopes quomodo Deum vocent,* *500, 2.
- Actiani aliquot epistolæ Pauli e sacro catalogo sustulerunt,* 4, 1, 2.
- Affabilitas necessaria ægrorum curatoribus,* 208, 1, 2.
- Affectu sincero omnia nostra opera fiant, 417, 1. affectus erga parentes superandus vocante Christo, 533, 1. affectus vehemens verba incidit, *13, 1. affectus interior quo sancti viri pro aliis orant, major est omni externo sermone, 142, 2. affectus quatuor amicitie, 464, 2. affectus sunt pedes mentis,* *7, 2.
- Affirmantes propositiones quomodo in Paulo intelligende,* 22, 1.
- Afflictio propter Christum gloriosa est, *160, 1. est castigatio et disciplina Dei eam permittentis, *498, 2. est concupiscentiæ domitrix, magistra virtutum, *ibid.* est indicium et causa salutis, 628, 2. afflictionibus nostris angeli boni compatiuntur, mali congaudent, 282, 2. quam sint ambiendæ, *373, 2. — *Vide* Tribulatio.*
- Affricationes malorum dogmatum et morum sequuntur ex logomachia hæreticorum,* *255, 1.
- Agape quid sit, quo tempore fieret, 358, 1. cum in ea abusus secutus, tunc ab Ecclesia vetita fieri, *ibid.* ea Christianorum conventus olim claudebat, 393, 2. in ea olim musica adhibebatur,* 659, 2.
- Agar testamentum vetus et servile significat, 558, 1; 556, 1. Ismaelem Isaaco illudentem non repressit, 559, 2. an sit idem qui mons Sina, *556, 1. Agar symbolice Synagoga est,* 559, 1.
- S. Agathæ morientis oratio, *310, 2. ejus corpus et animam curarunt angeli, *363, 1. amputata mamilla, constanter Quintianum præsidem est allocuta, *489, 1. ex amore Christi ambit tormenta,* 153, 2.
- Agathangeli martyris in tormentis constantia,* 444, 1.
- Agathocles rex ut recordaretur se esse filium figuli, in figulinis vasis cœnabat,* *214, 2.
- Agésilæus rex cum filio repuerascebat, 555, 1. ejus munificentia, 602, 1. ejus generosa vox in polagræ doloribus,* *466, 1.
- Agimus et agimus, non agimur nisi agamus,* 433, 2.
- S. Agnes baptismi sui vestem magni facit, 547, 2. in igne illæsa mansit, *421, 1. ejus fortitudo,* 257, 2.
- Agnitio et cognitio qui differant,* 72, 2.
- Agnus cereus olim recens baptizatis dabatur loco vestis candidæ quam deponebant,* 288, 1.
- Agnus paschalis quo ritu ederetur a Judæis, 365, 2. allegorice denotat Christum, 288, 2. est figura Eucharistiæ, quæ si nudus sit panis, agnus multo fuit dignior, 359, 2; 367, 2. quomodo is Judæis factus sit in laqueum, 190, 2.*
- Agon et cursus quomodo distinguantur, *310, 1. qualis sit agon militis Christiani, *261, 2. agones Pauli, *243, 2.*
- Agricolæ ante dominos sunt fructuum participes, *283, 2 et seqq.*
- Agrippina coloniam ad Ubios duxit,* 606, 2.
- Alacritas animi necessaria ad Evangelium retinendum et defendendum, 681, 2. ea necessaria ægros curantibus,* 208, 1, 2.
- Alamundarus Saracenus Palæstinæ monasteria vastavit, *516, 1.*
- Alberti Pigii error circa peccatum originale,* 99, 2.
- Albertus Widmanstadius Testamentum novum syriacæ primus in Europa imprimi curavit,* *348, 2.
- Alcoranus quid significet, et unde dictus,* *459, 2.
- S. Aldegondis S. Amandum vidit in cœlos abeuntem, animabus variis cinctum,* *58, 1.
- Aleatio pro versuta accipitur interdum,* 634, 1.
- Aleatores hæreticorum sunt typus,* *ibid.*
- Alexander Ærarius, qualis, et unde ita dicatur, *314, 2. erat Judæus Ephesi habitans; credidit primo Christo, postea fide defecit, *ibid.* fuit in Paulum injurius, *191, 2.*
- Alexander Carbonarius divino iudicio vocatus est ad episcopatum,* *190, 1.
- Alexander Episc. Alexandrinus moriens, divinitus inspiratus Athanasium successorem denominavit, *190, 1.*
- Alexander Magnus an fuerit Gog, *163, 2. amicum Hephestionem dixit esse Alexandrum, ob magnam cum eo necessitudinem, *129, 1. quod iræ domandæ remedium acceperit ab Aristotele, 644, 2. eum cum fulmine pinxit Apelles, *449, 2. de eo mortuo quid dixerint philosophi,* *ibid.*
- Alexander IV Pont. suis oculis insepexit stigmata in corpore S. Francisci mortui,* 583, 1.
- S. Alexius latuit diu incognitus in domo patris, *102, 2.*
- Alfonsus, Aragonum rex, adulatores assimilabat avibus holo inhiantibus, *120, 2. abstinet a cibo, jejuno exercitu, *52, 2. ministros suos avaros harpyias aulæ vocabat, *515, 2. ejus beneficentia,* *521, 2.
- Alfonsus II, Asturum rex, continentiam cum conjuge servans, castus dictus est,* 301, 2.
- Alimonia an debeatur ex bonis Christianorum prædicatori Evangelico, 330, 1. a quibus eam Apostolus evangelizans acceperit,* 331, 2.
- Allegoria quæ figura rhetoricæ sit, 153, 2. allegoria Agar et Saræ explicatur, *ibid.* allegorici utitur Scriptura in contrarium sensum, 101, 2. quis sit allegoricus Scripturæ sensus, 22, 1. non est sensus litteralis, 329, 2. subinde is æque, et magis, intentus a Spiritu Sancto, quam litteralis,* *357, 2.
- Alleluia canticum Beatorum, 661, 1. hoc olim monachi ad Deum laudandum vocabantur in templum, *ibid.* et martyres ad certamina animabantur, *ibid.* cœnobium Alleluia in ditione Torretana, *ibid.* id pueri olim balbutientes primum sonare docebantur,* 660, 1.
- Almaricus sensit Beatos in ipsam essentiam divinam transformari,* 436, 2.
- B. Aloisius Gonzaga ita de morte sua loquebatur, quasi tantum de una domo in aliam migraret,* 447, 2.
- Aloisius 12 annorum puer in Japone in crucem actus, 533, 1.*
- Altare est quasi mensa Dei, 347, 2. altare et ignis hostiæ Christianæ, 201, 2. altare thymiamatis orationem alle-*

gorice designat, 463, 2; *436, 1. ab Apostolo thuribulum dicitur, *436, 1. fuit hoc in Sancto, et Sancto sanctorum obversum et vicinum, *ibid.* unde dictum altare oraculi, *ibid.* erat ligneum, sed auro obductum, *ibid.* de altari Eucharistico edere non habent potestatem, qui tabernaculo deserviunt, *518, 2. altaria semper in Ecclesia fuerunt, quæ hæretici demoliantur, *519, 2. altaria Judæis Excelsa dicta : ea non licebat evertere, 185, 2. Altitudines terræ spiritualiter quid sint, *55, 2. altitudo et profunditas sæpe idem significant, 196, 1. altitudo et profundum, a quibus se Paulus ait a cruce non separandum, quid sint symbolice, 153, 1. Amabilitas Christiano necessaria est erga Ethnicos, *64, 1. hanc Apostoli et Christus sectabantur, *64, 2. S. Amandus stipatus animabus quas Deo peperit, cælos ascendit, *58, 1. Amantium furor optimus, 452, 1. animæ amantis Deum proprietates, affectus et oscula, 293, 1. ea abnuet regnum cælorum, si id cum amoris sui detrimento fiat, 153, 2. ipsa similis cælo est, 382, 2. Amare opprobria et persecutiones summa est perfectio, *484, 2. Amaritudo contraria dulcedini, tam in saporibus quam in moribus, 647, 1. Amasii omnia habent communia, vitam et mortem, 464, 1. Ambitio suscitât rixas, 560, 2. quid non agat, *10, 2. ambitio est fons hæreseos, *192, 1. S. Ambrosius sacræ Scripturæ commentationi immortuus, *232, 2. nondum baptizatus est electus et consecratus Episcopus, *190, 1; *215, 2. quosdam ordinare noluit, quod dissolute incederent, *212, 2. iudex fuit causarum, et iniusta Imperatorum judicia irritavit, 292, 1. ejus morientis vox, *14, 1. quam intrepide Theodosium coarguerit, Justinæ restiterit, Valentinianum conarguerit, *274, 2; *498, 1. ejus verene sit Commentarius in Paulum ei adscriptus, 31, 1; 305, 2. græce ipse optime calluit, hinc ex Basilio et Origene est multa mutuatus, 31, 1. Ambrosius Catharinus, asserens e Revelationibus S. Brigittæ colligi Paulum conjugatum fuisse, frustra est, *59, 1. ejus error de peccato originali, 99, 1. Ambulare cum Deo, quid sit : sic cum eo ambulavit Henoch, *127, 1; *471, 1, 2. Ambulatio significat Hebræis agendi consuetudinem, 600, 2; 622, 1. Amen quid significet, et unde dictum : non est participantis, 802, 2. cum orationi postponitur, est asserentis, concedentis vel optantis, et signaculum orationis : est triplex, pupillum, subreptitium et sectile, *ibid.* id olim in Missa post consecrationem populus acclamabat, 390, 2. id jam vice plebis sacerdoti respondet minister Sacri, 391, 1. est Hebræis vox confirmantis, 423, 2. dum adverbium est, significat vere, stabiliter; dum nomen, idem est quod veritas, stabilitas, *ibid.* Amiantus lapis igne non læditur, estque Pontificis et castitatis hieroglyphicum, *421, 1. Amicitia quatuor affectus, 464, 2. Amici quales diligendi, *38, 2. amici secreta invicem communicant, 459, 2. amico extincto alter amicus mortem sibi ultro consciscit apud Peruanos et Japonenses, 464, 1. non est amico succurrendum serius, 210, 1. Amictus Sacerdotum non impedit quominus aperto sint capite, 354, 1. quid is significet, *ibid.* Amor mutus est lex Christi, 574, 2. quantus hic esse debeat, 209, 2. amor amare facit, *19, 2. ubi amor, ibi est dolor, *15, 1. solvit fastum, sicut ignis ceram, 563, 1. amor Christi in Ecclesiam, 226, 2. et Dei erga nos, 96, 1. is magnus est : quanta in homine operetur, 283, 2; 295, 2; *276, 2; *336, 2 et seq. ejus delicia, 535, 2. ejus extasis ipsum in hominem transformavit, 533, 2. amor conjugal is animæ erga Christum, 678, 2. exigit

is a Christiano contemptum mortis, constantiam et puritatem virginem, *ibid.* ejus proprietates quatuor, 533, 1, 2. ejus passionum descriptio, 152, 2; 385, 2. animam et corpus liquefacit, *250, 1. amor et humilitas duo sunt brachia quibus Deus tenetur, 204, 2. amor sui est odium sui, *299, 1. amoris Paulini erga Christum delicia, *44, 1. amoris et reverentiæ maritalis exempla, 667, 2. — *Vide Charitas, Dilectio.* Amram pater Moysi revelationem habuit a Deo de co nascituro, *483, 1. Anabaptistæ volunt spiritum privatum cujusque e-se iudicem controversiarum fidei, *428, 2. magistratibus omnem potestatem judicariam auferunt, 215, 2; 221, 2; 292, 2. contemunt Prælatos omnes, 251, 2. aiunt Christum corpus suum e cælo detulisse, 553, 1. Anacharsis dictum de sua barbarie, 399, 1, 2. Anachoretarum priscorum abinentia, *225, 1, 2. Anacletus Pontifex Paulo templum mox a martyrio erexit, quod in persecutionibus perduravit, 17, 1. Anagogicus Scripturæ sensus quis, 92, 1. Anastasius Imp. Eutychianus in Macedonium Catholicum Constantinopoleos Episcopum injurius, *220, 2. Anathema est res quæ cum execratione separatur, et destinatur ad extremum exitum, 417, 2. Paulus anathema pro Judæis fieri optat, 9, 1; 156, 2. quinam dicerent anathemata Gentibus, 284, 1. Anaxagoræ dogma de animalium creatione, *86, 1. peregrinum se esse in terra credidit, *479, 1. Anaxarchi constantia in tormentis, *283, 2; *487, 2. Ancilla quasi filia tractandæ ab hera, *491, 1. S. Andrea ad crucem affectus et desiderium, 534, 1. quale pascha quotidie celebravit, 289, 2. Andreas Carolstadius primus hoc sæculo hæresin Berengarii secutus, et qui illum secuti, 360, 1. ei concionanti apparuit dæmon, procera statura, *223, 1. Andronicus Comnenus Imper. auream S. Paulo erexit imaginem, quæ flevit, illo neci proximo, 15, 1. Andronicus et Junia Judæi a Paulo conversi, 242, 2. Angelus qualis Lutherum docuerit, 518, 1. quis angelus Hebræos in deserto afflixerit, 342, 2. angelus ex propitiatorio reddebat oracula, *433, 2. angelus qui Abraham, Isaac, etc., apparuit, typus fuit Christi, 590, 1. Angelus Christum in horto confortans quale ei gaudium proposuerit, *496, 2. angelus Prætextatam corripit : rinem virginis Deo sacratæ cultus peccentem, *140, 2. angelus decalogum immediate toti populo promulgavit, at leges ceremoniales et alias Moysi tradidit, ut is eas populo promulgaret, 544, 2. angelus S. Theophilam a procacia juvenum defendit, 320, 2. angelus adest Paulo naufraganti, 13, 2. cur vocetur stimulus carnis angelus Satanæ, 503, 2. angelus custos quomodo postulet pro nobis, 141, 2. in quibus homo minor sit angelo, *368, 2. Angeli assistentes, an ministrantes, mittantur, *336, 2. assistentes rarius mittuntur, *364, 2. omnes non tantum interius, sed et exterius mittuntur, *363, 2. quid sit eos mitti, *362, 2. mittuntur etiam ad reprobos, *ibid.* animas ducunt ad cælum, *363, 1 et seq. quomodo judicandi sint tam boni, quam mali, 291, 2. sunt per merita Christi justificati, 103, 2. an in sua creatione jussi sint adorare Christum, *388, 1. non redemerunt, nec creaverunt mundum, sed Christus, *76, 1. quid in die judicii facturi sint, *132, 2. non sunt mediatores hominum, *69, 1; *93, 1. non sunt creati multis sæculis ante mundi creationem, sed una cum mundo, *320, 2. quomodo loquantur, 378, 1. an quisque linguam propriam habeat : an invicem loquantur : mentiri sua natura possunt, *ibid.* cum Deum vident, non rapiuntur, 500, 1. sunt paredri virginum, unde eas a vi et petulantia tyrannorum defendunt, 320, 2 et seq. ob quos angelos se debeant velare mulieres, 355, 1. quomodo dicantur mali, 343, 2. an ab extremo in

extremum transire possint non transeundo medium, 416, 2. a Christo sanctificari potuerunt, *373, 2. sunt subjecti Christo homini, 597, 1. eorum gratiam potuit Deus propter Christum intendere, 597, 2. quomodo appareant fidelibus, 494, 1. non incitantur ad libidinem, 855, 1. an præcedent Christum ad iudicium, *144, 2. quomodo dicantur spiritus, *388, 2 et seq. sunt latenter ab hospitalibus hospitio recepti, *513, 2. dicuntur Dei milites, *190, 2. item Dei ministri, *362, 2. nos juvant contra demones, 675, 2. venerandi sunt ut æternæ salutis administri, *94, 1, 2. in templo singulorum habitum, gestus et vota explorant, et intersunt sacrificio Missæ, 355, 1, 2. quomodo ab hominibus et Ecclesia illuminentur, 613, 1. quomodo Gentium vocationem ignorarint, 2. cur discalceati pingantur, 680, 2. aliqui eorum ceciderunt etiam ex Principatibus et Potestatibus, 404, 1. inferiores illuminat Deus per superiores, *363, 2 et seqq. invicem nihil naturale celare possunt, sed tantum quod liberum est, 378, 1. sunt quasi currus triumphalis Dei, 635, 2; *435, 2. an iis Christus meruerit gratiam, 597, 2. prædicantibus Apostolis, innotuerunt iis multæ mysteriorum circumstantiæ, causæ, species, effectus, modi, 613, 2. quomodo iis spectaculum flammis, 282, 2. de iis mira in raptu suo audivit Apostolus, 502, 1. an pro iis etiam mortuus sit Christus, *491, 1. angelis nostris quid debeamus, *363, 1. quam angelorum religionem damnet Apostolus, *93, 2 et seqq. eorum vinum sunt lacrymæ penitentium, 468, 2. eorum nomina quædam, gradus et distinctiones hic incognitæ, nobis in cælo revelantur, 597, 1. mirus eorum ibi est ordo, *84, 2. eorum vis, agilitas, activitas, subtilitas, *359, 2. eos adorari voluit Simon Magus, 613, 2. eorum, Adami et Christi contradependentia, 598, 1. angelos lapsos Christus non reparavit, *379, 1. angeli tres apparentes Abraham representabant tres SS. Trinitatis personas, *265, 1. Angelici hæretici ponebant angelos mediatores, *95, 1. unde illorum origo, *ibid.* fuere hæretici particulares, *96, 1.

Anglicanorum Martyrum, et exulium, in bonorum spoliatione lætitia, *464, 1 et seqq.

Angulis (in) exerceri solita angelorum religio, *94, 1. angulus symbolum regni et principis est, 608, 1.

Angulum morsibus medetur saliva natorum in festo Conversionis S. Pauli, 14, 1.

Angustias (per) et latitudinem intelligunt Hebræi cor lætum et triste, 459, 2 et seqq.

Anima peccando diabolo venditur vili, 123, 2. per tabernaculum vetus tropologice denotatur, *432, 1. in homine una tantum est anima, quæ simul est rationalis, et sensitiva et vegetativa: invicemque contraria, 123, 1. 565, 2. quando anima adulteretur, 490, 1. quomodo in homine corporaliter habitare dicatur, *87, 1. colligatur corpori quasi cadaveri, *18, 1. anima sancta et casta sponsa Dei est, 295, 2; 489, 2. hoc ejus connubium non impedit ejus disparitas, 491, 2. ejus sponsalia in hac vita aguntur, thalamus in futura, 490, 1. est templum et tabernaculum Dei, 461, 2 et seq. ejus pax quantæ, 568, 2. anima non est corporea, nec membra habet, 443, 2; *415, 2. quomodo dicatur spiritus, *359, 2. quomodo a spiritu differat, *142, 1; *389, 1. habet in se radicem sensus et sensationis, 443, 2. quomodo et quando creetur, infundatur et uniat corpori, *416, 1. non est ex traduce parentis, 100, 1; *415, 1. sed sua singulis hominibus infunditur, et solum a Deo patre spirituum, 100, 1, 2; *501, 1. non est corporis sepulcrum, 448, 2. ipsa sola vitales et animales actiones elicit, et consequenter sola quaque eas recipit, 28, 2. est in ea duplex et contrarium regnum, peccati et justitiæ, 112, 1. ejus suspirantis prosopopœia, 126, 2. ejus dimensiones spirituales, 619, 2. ejus carcer est corpus, 622, 1. ejus

somnus est excutiendus, 224, 1. in quibus sita ejus perfecta oblatio, 302, 1. portio animæ superior gratia illustrata quomodo pro nobis postulet, 142, 1. ejus vita Deus est, *237, 1. ejus salus procuranda hoc brevi tempore vitæ, 813, 2. Spiritus Sanctus imprimit ei sanctitatem, 594, 1. anima Christi quoad naturam minor est angelis, non quoad gratiam, *369, 1. anima sicca est sapientissima, 659, 1; *324, 1. anima Pauli an corpori manserit unita in raptu, 490, 2.

Animæ puræ an ignem transeant in cælum euntes, 270, 2. mox ut corpore excesserint, vident Deum, 447, 1; 449, 2; *14, 1. quæ Purgatorio detentæ sunt, juvandæ precibus fidelium, 376, 1. omnes simul cum corpore ad vitam immortalem resurgent, 402, 1; *131, 1. non exstiteri ante corpora in cælo, 368, 1. quomodo ignem inferni sentiant, 443, 2. sunt membra Christi, 294, 1. earum conversio solatur Sanctos in hac vita, alioquin ad Deum anhelantes, *15, 2. earum transmigrationem docebant Pharisei, *43, 1. quomodo illas purgari per angelos velit Simon Magus, *95, 1.

Animale quod corpus seminari dicatur, 409, 2 et seq. animalis homo tripliciter dicitur: ejus descriptio, 265, 1.

Animalia Ezechielis quadriformia quatuor Christi denotant formas, *26, 2. animalia Judæi cremabant extra castra quatuor de causis, *519, 2. quæ animalia Judæis essent immunda, *438, 2. animalium omnium curam gerit Deus, 3:9, 1.

Animatis abstinere multi hæretici, *224, 2.

Animus Deo adherens tyrannos et omnes persecutiones nihili facit, 150, 2. animus intrepidus ad evangelizandum designatur per calceos, 680, 2.

Anna mater Samuelis prima omnium legitur Deum compellasse nomine Sabaoth, *145, 1.

Annæ prophetissæ locutio nihil facit pro mulierum loquela in templo, 896, 2. fuit illustris vidua, *237, 2.

Annulus dabatur olim virginibus Deo consecrandis in signum nuptiarum, 491, 2. annulis obsignabant veteres quæ fideliter servata volebant, 241, 1.

Annus Jubilei quid sit, 515, 1. annus raptus Pauli, 490, 1. anni corona vocatur copia frugum, 869, 2. qui anni sacri Judæis, 553, 1. anni septem dabuntur lapsis ad penitentiam post mortem Antichristi, *135, 1. anni quadringenti triginta, post quos lata est lex, sunt computandi ab anno 75 Abraham, quo evocatus est a Deo e patria, 543, 2. quomodo quis perfectus fieri possit anno uno, *50, 2. unde computandi sunt anni quatuordecim post quos Paulus Hierosolymam ascendit, 526, 1.

Anselmus Cantuariensis an scripserit in Paulum, 32, 1. quomodo Cantuariensibus exhibitum sibi ab iis honorem rependerit, 479, 2. vidit per murum quæ post eum gerebantur, 500, 1. quantum horruerit peccatum, *498, 1.

Anselmus Laudunensis auctor Glossæ interlinearis, 32, 1.

Anthropomorphitæ Christum corporaliter ad Dei corporei dexteram sedere docebant, *100, 2.

*Ἀνθρωποειδὲς quæ figura; ea usus sæpe Apostolus, 23, 2.

Antichristus verum et iuge sacrificium tollet, 367, 2; *160, 2. post ejus mortem plures erunt dies, imo menses usque ad diem iudicii, *135, 1; *156, 1, 2. est futurus homo peccati, filius perditionis, *149, 2. erit unus homo singularis, 150, 1; *160, 1. ejus nomen non convenit Romano Pontifici, *149, 2 et seq. non significat vicarium Christi, sed contrarium Christo, *ibid.* cupiet haberi Deus ex superbia, *150, 2 et seq. erit atheus, occulte tamen colet deum Maozim, *ibid.* quomodo in templo Dei sedere dicatur, 151, 1. haberi volet Messias, *152, 1. ideo adorabitur a Judæis, *ibid.* erit omni Deo adversarius, *ibid.*; *151, 2; *160, 3. suos habebit præcursores, *153, 3. et unum primum, *161, 2. occidetur ante diem iudicii, *156, 1. vivus ad infernum descendet,

2. ejus ortus, educatio et vita satanica, *ibid.* eum putant aliqui fore diabolum incarnatum, vel in carne apparentem, alii e virgine opera dæmonis concipiendum, *157, 1. aptissimum diaboli erit ad mala omnia instrumentum, cur, *ibid.* ejus miracula cur sint mendacia, et qualla patraturs sit, 2. et seqq. faciet prodigia, quæ de Christo scripta sunt, *ibid.* quibus artibus utetur ad homines decipiendos, *158, 1. maxime veniet ut Judæos decipiat, *ibid.* duplici de causa tanta dabitur ei potestas, *156, 1. quando juxta hæreticos inceperit, *ibid.* necdum hodie venit, sed venturus est, 2. quare eum missurus sit Deus, *158, 2. non veniet nisi everso Romano imperio, *160, 2. erit Christo ex diametro contrarius, *ibid.* quamdiu regnabit, *162, 2. ejus imperium erit ultimum, *161, 1. occidet Eliam et Henoch, *ibid.*; *162, 1. non Romæ regnabit, sed Hierosolymæ, *152, 1; *161, 1; *162, 1. erit Judæus e tribu Dan, *161, 2. hinc ei Danitæ adhærebunt, 194, 2. humili nascetur loco, et ubi nasciturus sit, *161, 2. nomen ejus est ignotum, *ibid.* Judæos primum sibi conciliabit, et eorum opera fiet rex, *ibid.* regnare incipiet in Babylone, *ibid.* regnum suum per totum orbem propagans, fiet orbis monarcha, 162, 1. in templo Jerusalem instaurato adorabitur ut Deus, et quamdiu, *ibid.* quando ejus mors continget, *ibid.* ejus mores et vita, *ibid.* 2. erit magus, *ibid.* ejus doctrina, *163, 1. licentiam dabit omni libidini: se curabit coli ut numen: characterem suum suis imprimet, et quis hic sit character futurus, *ibid.* habebit dæmonem Maozim familiarem, *162, 2. in eo futura recapitulatio universæ iniquitatis, *ibid.* ejus persecutio quanta futura, quia tunc solvetur Satanas, *ibid.* ejus persecutio erit duplex: coget omnes ferre suum characterem, *ibid.* ejus ministri qui futuri, 2. ejus exercituum magnitudo, *164, 2.

Antiocheni Christiani ad Apostolos legatos miserunt, dubii de servandis legalibus, 324, 1. libere idolothyta comederunt proposita a Juliano, *ibid.*, 349, 1.

Antiochiæ Pisdie lapidatus fuit Apostolus, *302, 1.

Antiochus Epiphanes typus fuit Antichristi, *153, 2.

Antipater Herodi patri susurris suis fratres suspectos fecit, 508, 3.

Antiquitas fidei examinanda, 518, 2. antiquitatis doctrinæ telo jugulantur omnes hæretici, *144, 1, 2. quam mordicus Antistheni Diogenes Cynicus adhæserit, *499, 2. adulatores meretricibus comparabat, *120, 1.

S. Antoninus a parva statura sic dictus, 37, 2. anno 14 ætatis monasterium adiit, *303, 2.

M. Antoninus Verus Imp. quam graviter in Christianos sævierit, *489, 1.

S. Antonius diaboli technas detegebat, modumque eas dissipandi suggerere discipulis solebat, 428, 1; 673, 1. monebat suos ut semper cogitarent, se hodie incepisse Deo servire, *382, 2. iram deponendam suadebat, 644, 1. theodidactus fuit, *429, 2. rei, quam ignorabat, per orationem gnarus fiebat, *ibid.* mire Arianos detestabatur, *289, 1. studuit in mundi libro, 51, 1. lætitiâ spirituales semper suavit, *60, 1. moribundus ad spiritus renovationem suos animabat, 203, 1. quoto ætatis anno in cremum concesserit, *303, 2. cœlii jubetur aut orare, aut laborare, *171, 1. in quoque fratrum virtutem, in qua eminebat, contemplans, eandem imitari satagebat, *21, 1. ejus lætitiâ mentis etiam in vultu redundabat, 211, 1. ejus conversio, 225, 2. eum invocantes peste liberantur, 377, 1.

Annum quæ sint virtutes, 329, 2. pessimæ sunt amorum conciliatrices, *ibid.*

Apathiam plenam adipisci in hac vita impossibile est, *231, 1. qualis optanda, *ibid.*

Apellæ vocantur Judæi, cur, 809, 2.

Apelles semper quotidie aliquid pingebat, *229, 1.

Apelles hæreticus ab angelo malo fuit eruditus, 518, 1.

Aper advocatus celebris monasticum professus est, 254, 1.

Apion grammaticus dictus est orbis cymbalum, 378, 2.

Apocalypsis S. Pauli, liber apocryphus, confectus a Cainanis hæreticis, 502, 1. Apocalypsis S. Joannis auctorem nonnulli putarunt Cerinthum, ideoque rejecerunt eam, 401, 2. ejus duæ partes et earum objecta, *164, 2.

Apollinaris Christo ademit mentem et animam rationalem, *25, 2.

Apollo abbas excitabat suos ad perennem lætitiâ spiritus, 210, 2; *60, 2.

Apollo post Paulum Corinthum venit, 246, 2; 268, 2. potens et eloquens erat in Scriptura, 377, 1; *378, 2.

Apollo Pythius quid dixerit esse Deum, *511, 2.

S. Apolloniam invocantes dolore dentium liberantur, 377, 1; *378, 2.

Apollonius Tyaneus magus ab Apostolo perstringitur, *85, 2. statua donatus, inter divos relatus fuit, 233, 2.

Aporia est inopia mentis et corporis, 440, 2.

Apostasiæ peccatum gravissimum, *402, 1, 2. quam difficilem habeat veniam, *461, 1.

Apostatæ a fide quantopere displiceant Deo, *467, 2. eorum puniitio, *385, 2. difficulter ad penitentiam revertuntur, quia obdurati, *401, 2. dicuntur filii vel viri Belial, 461, 2. apostatæ sacerdotes et monachi obdurati sunt, *401, 2. sunt irrisores Christi et Christianismi, 402, 2.

Apostolatus nomen est summæ dignitatis in Ecclesia, non modo legationis et missionis, 42, 2. ejus duo sunt genuina signa, 507, 1, 2. Apostolatus S. Pauli officium et efficacia, 612, 1. ubi eum Deus Pater ei demandavit, *177, 1. ejus quatuor causæ, *320, 1.

Apostolici viri sint comes, *121, 1. sunt Christo in judicio futuri proximi, 2. quibus in rebus gloriantur, 184, 2. tales nostra ætate non desunt, *ibid.*

Apostolica perfectio sita in potenti operatione Spiritus Sancti, 284, 2. Apostolicæ vitæ descriptio, 283, 2.

Apostoli legati erant Christi, et hoc ipso obtinebant summam auctoritatem in Ecclesia, et erant primi a Christo, 42, 2. quomodo essent subditi Petro, tamen parem cum eo potestatem habebant, *ibid.* in ostensione spiritus et virtutis duo ostendebant, 260, 2. specialiter servi sunt Dei, *819, 1. trahent post se coronam fidelium in die judicii, *124, 1. dubitarunt aliquando an Gentibus liceret prædicare verbum Dei, 182, 1. dubitare moraliter non poterant, quin haberent Dei gratiam, 264, 2. sunt angeli, spiritus et ignis urens, *360, 1. spiritum copiosum et vehementem in Pentecoste acceperunt, 565, 2. in suspicionem vocati sunt, quasi Cæsaris dominum abnuerent, 219, 1. quomodo vocentur fundamenta Ecclesiæ, 269, 2; 607, 1. in sua agape sunt uti musica, 659, 2. cur toties inculcent principibus obediendum etiam Ethnicis, *335, 1. cur relictis Judæis ad Gentes suam prædicationem transtulerint, 191, 1. putabant eodem tempore fore excidium orbis et urbis Hierosolymæ, *461, 1. in die judicii etiam judicabuntur, sed simul etiam alios judicabunt, 450, 2. ubi et quando sint sacerdotes ordinati, 367, 1. sunt primi et caput Ecclesiæ, 376, 2. quomodo nihil habentes omnia possideant, 459, 1. sunt paranympbi Christi, 489, 2. Ecclesiæ ut stellæ præfulserunt, 409, 1. sunt a Spiritu Sancto confirmati ut non peccarent mortaliter, potuerunt tamen peccare venialiter, 530, 1. gratis et sine alimonia evangelizare potuissent, si inde majorem gloriam apud Deum et animarum fructum sperassent 331, 2. cur permiserint Judæis servare legem Moysi cum Evangelio ad tempus, 230, 2. quales ante conversionem fuerint, 527, 2. opponuntur Mosi, *320, 1. instar Elisei viderunt absentia, *84, 1. fuerunt morbis etiam afflicti, *249, 2. quales Deo servi fuerint, *3, 1. cur primo adierint urbes primarias, 593, 1. fuit iis præcepta prædicatio, *321, 2. idque sub peccato mortali, 331, 1. fuit iis pecu-

- liariter et clarius revelatum mysterium vocationis Gentium, 610, 2. quid eis datæ virgæ denotent, *248, 2. orbem terrarum convertendum iis Deus est partitus, 466, 1. eorum loco sunt jam Episcopi, *322, 2. eorum vita fuit religiosa, *21, 1. eorum conciones erant fere tantum catecheses, 576, 2. statuerunt ut in Missa pro defunctis oretur, 273, 2. non fuerunt uxorati, præter Petrum, ante apostolatam, 328, 2. eorum fama est bonus odor, 429, 1. eorum pedes a quatuor rebus possunt laudari, 180, 2. debellarunt mundum, 151, 2. et quibus armis, 255, 1; 483, 1. cur eorum novissimum se dicat Paulus, 282, 1. alii etiam præter duodecim a Christo vocatos, fuere vocati Apostoli, 39, 2; 242, 2; 630, 1.
- Apparitio Christi in mundo cur dicatur illustratio et illuminatio, *276, 2. apparitio Christi Jacobo facta apocrypha est, 400, 1.
- Appetitu in rationali etiam residet concupiscentia, 565, 2. appetitum naturalem visionis Dei homo non habet, 263, 2.
- Appia uxor erat Philemonis, Colossensis civis, *343, 2.
- Aptatio sæculorum est eorum ordinatio, non creatio, *472, 1.
- Aqua secundum Thaletem initium est universorum, 573, 1. aqua cineris typus fuit sanguinis Christi et aquæ lustralis, *440, 2. cur aqua cum sanguine e Christi latere in cruce effluerit, 652, 1. aqua baptismi est aqua purgans et emundans, *470, 1. aqua vino ut miscetur in Missa, traditio est, 369, 2. aqua petreæ Mosaicæ erat typus sanguinis Christi, 339, 1. hanc longo tempore secutam Hebræos quidam putant, 2. aqua ad purificationem manuum olim ponebatur ante fores Ecclesiarum, *201, 2. ejus loco jam est aqua lustralis, *ibid.*
- Aquila et Priscilla scenopegi, Roma a Claudio ejecti, eodem dein redierunt, 242, 1.
- Aquila Sanctorum est typus, *55, 2.
- Arabes suos reges vocant Solymannos vel Selymos, *409, 1. sunt servituti assueti, 556, 1. Arabissæ feminæ totam faciem tegebant, 356, 1.
- Arbitrii libertatem tollit Calvinus, 125, 1. ipsum asseritur, 401, 1. id habet homo, etiam in supernaturalibus, 321, 2.
- Arbores quomodo Deo circumciderentur, *88, 2. arborum fructus benedicuntur in die Assumptionis B. Virginis, *228, 2. arbores fidelium et Ecclesie sunt typus, 193, 1.
- Arca testamenti describitur, *435, 1. unde ita dicatur, *434, 1. an præter tabulas legis aliquid contineret, *ibid.* erat Dei scabellum, *435, 2. erat Iudeorum gloria, quia Dei gloriam et potentiam referebat, 158, 1.
- Arcana Dei consilia de privata vocatione hominum et Gentium, 593, 1. arcana cordis et intentiones novit Deus, 279, 1. quænam arcana in cælo Paulus audierit, 502, 1, 2.
- Archangelus in iudicio tubam inflans, quis futurus sit, *132, 2. ejus vox mortuos non tantum colliget, sed et excitabit, *131, 1. eadem est cum tuba Dei, *ibid.*
- Archidiaconi veteres præerant diaconis, 208, 1.
- Archidiaconi hodierni veterum diaconorum munus retinent, *216, 1.
- Archiepiscopum quomodo benedicant Suffraganei qui minores sunt, *413, 2.
- Archilochi scripta impudica Lacedæmone proscripta sunt, *239, 1, 2.
- Archippus fuit doctor Colossensium, *343, 1, 2. Colossis habitavit in domo Philemonis, *ibid.* factus est deinde ibi Episcopus, *114, 2.
- Archipresbyteri nostri veterum presbyterorum munus exercent, *216, 1.
- Archonticorum hæresis erat circa resurrectionem, *289, 2. opus conjugale diabolicum esse dixere, *225, 1.
- Ardere quomodo dicantur opera, 271, 2. ardere pro comburere capitur subinde, *385, 2.
- Aretas, Arabiæ rex, Herodi genero intulit bellum, et quam ob causam, 498, 2.
- Argumentatio ex sensu allegorico Scripturæ valida est, *357, 2.
- Argumenta Hebræi vocant ossa, *470, 1.
- Ariani aliquot epistolas Pauli denegarunt, 4, 1, 2. jubebant orthodoxos rebaptizari, 624, 2. eorum libros vetuit legi Conc. Nicænum, *289, 1. Filium Dei asserunt Patre minorem, 5, 2; *23, 1. confutantur, 198, 2.
- Arianus Episcopus templum S. Pauli invadens ab eo excacatur, 14, 3.
- Aristippus regibus adulans vocatus *canis regius*, *120, 1.
- Aristotelis morituri vox, *374, 2. Hermiæ concubinæ sacrificavit, 53, 2.
- Arius quia initio non oppressus, orbem incendit, *283, 2. ei hæresin diabolus inspiravit, *222, 3.
- Arma vox pro instrumenta usurpatur subinde, 112, 1. arma lucis quæ sint, 225, 1. quæ sint arma carnalia, 482, 1. arma Apostolorum qualia fuerint, *ibid.* quam fuerint efficacia ad omnium conversionem, 2. arma dexteræ et sinistræ, sunt prospera et adversa, 458, 2. quænam sint arma adversus dæmonis insidias, 673, 1.
- Armeni negant dari coronam meritorum ante ultimum iudicii diem, *311, 2.
- Arreptitii dicuntur Prophetæ, cur, 387, 1.
- Arrha et pignus differunt, 594, 2. arrham fideiussionis suæ Christus nobis dedit in resurrectione et ascensione, *420, 1.
- Ars artium est ars regendi homines, *212, 1.
- Artibus quibus sit imbutus Moses in Ægypto, *483, 1, 2.
- Articulus apud Græcos indicat subjectum, non prædicatum, *359, 1, 2.
- Articulum unum fidei pertinaciter negans, veram fidem evertit, 623, 2.
- Ascensus spiritalis in cælum, *100, 2.
- Ascetæ cur eremitæ sint dicti, *34, 1. eorum exercitia quænam fuerint, *500, 1.
- Asiani Judæi in Paulum turbas concitarunt, 584, 1. an Asiani omnes fuerint ab eo aversi, *280, 1. ii scilicet qui Romæ agebant, *ibid.* et a quibus instigati, *ibid.*
- Asiani dum quem honorare volunt, in terram se prosternunt, *276, 1.
- Assiduitas in oratione necessaria, 684, 1, 2.
- Assyrii an in clade Sennacherib sint, illæsis vestitus et armis, occulto igne consumpti, *511, 1.
- Mater Melchisedeci an vocata sit Astaroth, *410, 2.
- Astarte, dea Tyriorum, an fuerit femina, 487, 1.
- Astra coluere Judæi et Plato, 52, 1; *94, 2.
- S. Athanasius pene solus contra orbem Arianum per 46 annos depugnavit, *190, 2. divinitus declaratus fuit B. Alexandro Archiepisc. Alexandrino successor, *190, 1. an sit auctor libri *Questionum ad Antiochum*, 294, 1. ejus elogium et benignitas, 458, 1. ejus fortitudo in Constantio Imp. coarguendo, *374, 2.
- Atheismus summum est peccatum, 71, 1. in eum desinunt hæreses, aut evanescent, 359, 2; *301, 1. tollit Deum, *474, 1.
- Athenodorus quod adversus iram remedium Augusto Imper. dederit, 647, 2.
- Athletarum victus dimeasus erat: abstinebant Venere, 333, 2.
- Atrium feminarum distinctum fuit ab atrio virorum in templo Judaico, 396, 2. atrium Gentium non potest dici Sanctum, *431, 1.
- Attributa divinitatis et humanitatis quomodo S. Scriptura attribuat Christo, 40, 2. attributa Dei naturalia naturali cursu cognoscuntur, *278, 1. quænam sint attributa Dei spiritualia, 50, 1.
- Auctoris ad D. Paulum oratio, 18, 2; *524. ejus in Deiparam affectus, veritatem in omnibus spectat, *524, 2 et seqq. auctor *Questionum novi et veteris Testamenti* errat dum ait Melchisedech esse Spiritum Sanctum,

*409, 2. fuit is de hæresi suspectus, *ibid.* an auctor sit
 Commentarii Ambrosio ascripti, 31, 2.
 Auctoritas vita paranda magis quam verbo, *232, 1. et
 pastoribus non pompa, sed laboribus, 496, 1.
 S. Audifax cum sociis e Perside Romam venit, ut sacra
 SS. Petri et Pauli sepulcra veneraretur, 161, 1.
 Audire verba Hebræis est videre res, 502, 1.
 Auditorum lacrymæ laudes sunt concinatoris, 261, 1.
 S. Augustinus fugit episcopatum, *209, 1. nullam femi-
 nam, ne cognatam quidem, in domum admisit, *212, 2;
 *235, 1. quæ tria optarit, 10, 1; 553, 2. ejus conversio a
 libidine debetur Pauli lectioni, 4, 1; 10, 1 223, 1; 2. non
 disputando convertendus erat, sed orando et lacrymis ma-
 tris, *253, 2. alimenta ut medicamenta sumpsit, *228, 1.
 interdum liberum arbitrium prædicat, et contra inter-
 dum ipsum deprimit, et gratiam extollit, 21, 1. delecta-
 tur novis sensibus et piis, *274, 2. quomodo dicat
 Semei inclinatum a Deo ad peccatum, 26, 1, 2. impro-
 peria non curat, modo tuta sit conscientia, 422, 2. ut
 Platonius, dixit charitatem nostram esse Deum, 94, 1.
 in tribus ab Hieronymo dissensit, 529, 1. dubitavit an
 anima hominis crearetur a Deo, an vero esset ex tra-
 duce, *415, 2. inchoavit commentarium in epistolam ad
 Romanos, sed difficultate Apostoli deteritus destitit,
 6, 2; 32, 1. non faret hæreticis, dicentibus Pontificem
 Rom. esse Antichristum, *149, 2 et seqq. quomodo sit
 exemplo infirmorum confirmatus, 505, 1. a puero fuit
 devotus nomini Jesu, *24, 3. an sit auctor libri *De Con-
 tinentia*, 126, 1. ejus tria monita saluberrima, 814, 1, 2.
 ejus linguam in concione flexit Deus ad conversionem
 cujusdam Manichæi, 394, 2. ejus frugalitas et paupertas,
 459, 1. ejus lucta contra concupiscentiam, 125, 2 et seq.
 Augustus Imper. in Cinnam necem sibi machinantem be-
 nignus fuit, 217, 2. ejus mors, 282, 2.
 Aurelianus Imp. acriter est Christianos persecutus, *489, 1.
 Aures per synecdochen Hebræi ponunt pro toto corpore,
 *453, 2. aures servis apud Judæos perforabantur, *ibid.*
 Aurum et argentum quam vana sint, *257, 1.
 Austeritates sunt recta ad salutem via, 369, 2.
 Autem interdum ponitur pro *inquam*, 146, 1.
 Auxiliis divinis utendum, 82, 2. auxilium sufficiens quis-
 que habet ad vincendas tentationes, saltem mediate,
 843, 2.
 Avaritia radix est omnium malorum, *259, 1. et malitiæ
 metropolis, 2. cur præ aliis vitiis dicatur idolorum ser-
 vitus, 552, 1, 2. sæpe præcedit superbiam tum intentione,
 tum executione, *259, 1. ejus proprietates, *ibid.* ei
 dediti fuerunt Judæi, 515, 1. quam ea sit sordida, 2.
 etiam capitur pro avara cupiditate libidinis et volup-
 tatum, 638, 2; 652, 2; 3, 2. interdum justitiæ repugnat,
 638, 2. est insatiabilis, 652, 2. hæc uti et opum ex-
 cludit a regno cælorum, *ibid.*
 Avarus quis proprie dicatur, 290, 1. est insatiabilis, 477, 1.
 ei desunt omnia, *516, 1. similis hydropicis est, *ibid.*
 vere est idololatra, 562, 2. infelicem agit vitam, *260, 1.
 qui avari ab Apostolo regno cælorum excludantur,
 290, 1; 293, 2; 653, 1.
 Aversio voluntaria a fide est causa malitiæ, *168, 1.
 Aves Gentibus pro numinibus erant, 52, 1.
 Axiomata sex Philosophorum fidei vere repugnantia,
 *86, 1.
 Azyma sinceritatis et veritatis quæ sint, 289, 2. quid sit
 azymis vesci spiritualiter, *ibid.* 1. panes azymi quid de-
 notent, 288, 1.

B.

Baal quis Deus: Hebræis generale deorum nomen erat,
 187, 1.
 S. Babylos post fidei confessionem in vinculis vitam finiens
 jussit discipulos catenas suas secum sepelire, 610, 1.

Babylon an futurus Antichristi locus natalis, *161, 2. ea
 per Cyrum subacta Judæi liberati sunt, 47, 1.
 Babylonii Christiani utuntur Bibliis Syriacis, 20. Baby-
 loniæ virgines ante idola se prostituebant, 54, 1; 677, 2.
 Baccus nocturnus et comus quis fuerit deus, 225, 1;
 567, 2.
 Balaam in quo fuerit filii Israel scandalum, 324, 1.
 Balbi videntur labiis pene solis loqui, 394, 1.
 Balteus dictus quasi bullateus, a bullis aureis, 678, 1.
 balteus quinque significat, 677, 1 et seqq.
 Baptismus est triplex, *399, 2. ejus formam aut materiam
 varians, baptisma evertit, 624, 1. quomodo ejus typus
 fuit transitus maris Rubri, 338, 2 et seq. in eo incorpora-
 mur Christo, *ibid.* et per eum velut iterum creamur, 603,
 1. ejus forma non est deprecatoria, sed consecratoria, et
 sacramentalis, 662, 1. baptismi dies, dies est redemp-
 tionis, 647, 1. ejus efficacia, 107, 1; 292, 2; 547, 2. est
 figura mortis Christi, 107, 1; *461, 2. et figura crucis, hinc
 baptizandus cum Christo crucifigatur, 109, 2; *401, 1.
 unicus est tantum baptismus, 624, 2. est infantibus fide-
 lium non minus necessarius quam aliis, 192, 2. non est
 tantum justitiæ signum contra Novantes, 547, 2; 662, 2.
 non indiget penitentia satisfactoria, 195, 2. non opera-
 tur ex opere operantis, sed operato, 252, 1. est professio
 legis novæ, 501, 2. cur vocetur illuminatio, *75, 1,
 *400, 1; 462, 2. est renovatio et lavacrum regenerationis,
 *337, 2. ejus vis et ritus, *ibid.* plane per eum
 peccata remittuntur, 82, 1. quomodo in eo signati simus,
 424, 2. an collatus in solo Christi nomine valeat, 106, 1.
 baptismus sollemnis celebrari solet in sabbato sancto,
ibid. hinc representat sepulturam Christi et pecca-
 toris, *ibid.*; *87, 2.
 Baptizandi majores dolere debent de peccatis admissis,
 195, 2. olim recitabant symbolum fidei ob spem æter-
 nitatis et resurrectionis, 406, 2.
 Baptizari in nomine Christi quid sit, 252, 1. quid bapti-
 zari pro mortuis, 406, 2. in Christo dupliciter bapti-
 zamur, 106, 2.
 Baptizati Christum mortuum et sepultum representant, 107,
 1. quare oleo ungantur, 333, 2. plane justificantur, sine
 ulla peccati reliquia, 130, 1. baptizati omnes, sive boni,
 sive mali, sunt in Ecclesia, 874, 2. cur recens baptizatis
 olim daretur vinum, lac et mel, 268, 1. iis sacerdos
 dat vestem candidam, 107, 2.
 Barathrum teter fuit carcer Athenis, 496, 2.
 S. Barbaram invocantes a subitanea morte præservantur,
 877, 1.
 Barbarus vox Græca est, et a Græcis per onomatopœiam
 facta, 45, 1; 389, 2. sic dictus omnis, qui aliam quam
 Græca et Romana lingua loqueretur, *ibid.*
 S. Barlaam Josaphato discipulo suasit ut semper cogitaret
 se hodie cœpisse Deo servire, et hodie finitum, 203, 1;
 382, 2.
 S. Barnabas non minus fuit Apostolus quam alii, 38, 2.
 cur Evangelium S. Matthæi secum sepeliri voluit, 46, 1.
 fuit S. Pauli socius, 473, 1, 2. judicæ se gessit, 530, 2.
 Barnabas abbas spinam infixit pedi, nec eam tolli voluit,
 licet putruisset pes, 444, 2.
 S. Bartholomæus Apost. cruci affixus, et capite truncatus
 est, 534, 2.
 Basilica S. Pauli Romæ, in quam ejus corpus illatum,
 magno in honore fuit, 17, 1. eadem magnis donis or-
 nata a S. Gregorio et Sergio Pontif. *ibid.* 2. basilicæ aliæ
 S. Paulo ædificate, *ibid.* — Vide Templum.
 Basilides omnipotentem Deum portentoso nomine *Abraxas*
 vocavit, *268, 1. per angelos mundum hominesque fabri-
 catos asseruit, *94, 2. et Christum tempore passionis
 in Sinonem Cyrenæum mutatum, *53, 1; *78, 2. fuit
 magister luxuriæ, 336, 2. ejus dogmata refutat passim
 Apostolus, 19.
 S. Basilissa cum Juliano conjugē castitatem servavit, 301, 2.

- S. Basilii** præfecto necem minitanti constanter respondit, mortemque in votis habere se ait, 151, 1. peregrinum in hoc mundo se credidit, *478, 2.
- Beatis** nova indetur lingua, et omnibus linguis loquuntur, 383, 1. soli attributa Dei cognoscunt, 2. quomodo in cælo futuri ut angeli Dei, 632, 1. Deum videntes, non rapiuntur: vident eum per essentiam, non per speciem mediam, 449, 2; 500, 1. sunt stellæ, 409, 1. an ab extremo in extremum transire possint, non transiendo medium, 410, 2. habebunt corpus cæleste, 448, 1. in cælo non comprehendunt divinam essentiam, *64, 2. eorum præmium essentiale, 115, 2. eorum musica, eorum gloria et voluptas describitur, 416, 2; 446, 1, 2. cur eorum præmium vocetur vita æterna, non opes et honores, aut deliciae, 115, 2. eorum publica et festiva lætitia, *507, 1. quam suavis eorum requies in cælo, *387, 1. — *Vide* Sancti.
- Beatitude** æterna effectus est prædestinationis, 448, 1. non obtingit sola fide, sed ex bonis operibus, laboribus et passionibus, *50, 1. non in veteri, sed in novo Testamento reperitur, *492, 2. eam bonis operibus meremur ex condigno, 313, 1. ejus suavitas et voluptas, 262, 2. ejus dimensiones, 619, 2. qualis in ea futura æqualitas, et inæqualitas, 473, 1. beatitudo Judæorum et Mahometanorum in quo sita sit, 412, 2. — *Vide* Cælum.
- Beatitudines**, quas Christus enumerat, patientiam includunt, 380, 2.
- Behianus** consul manibus in cælum sublatis orans moritur, *202, 2.
- Beda** Ven. ab anno ætatis septimo in Religione educatus est, *303, 2. sacræ Scripturæ immortuus est, *232, 2.
- Beelphegor** quis fuerit deus, 341, 2.
- Begardi** et **Reguinæ** solis naturæ viribus ac lumine, Deum ab homine videri posse docebant, 115, 1, 2.
- Behai** quid significet, 461, 1, 2.
- Bellorum** tria genera, et quomodo sedentur, *196, 1. quæ mala belli tempore committantur, *ibid.* bellum perpetuum Paulo cum Judæis fuit, *523, 1. bellum spiritus adversus carnem, 566, 4.
- Benedictio** terræ quæ appellatur, *402, 2. benedictio mensæ erat apud veteres in usu, 350, 1. vocatur hæc gratiarum actio, verbum Dei et oratio, *227, 2 et seqq. per eam frangitur dæmonis potestas in cibos, *228, 2. quali utantur Hebræi, *226, 2 et seq. benedictio in Eucharistia prævia, non est consecratio, sed nuda petitio, 344, 2. benedictio Christi est multiplex, et qualis, 586, 1. benedictio non tantum beneficentiam, bonum et donum significat, sed et largitatem et abundantiam bonorum, *ibid.*; 475, 1, 2. benedictio Abrahæ promissa, non per legem, sed fidem nobis datur, 542, 2. benedictio quam Paulus se Romanis ait allaturum, erat quintuplex, 241, 1. benedictiones septem Abrahæ promissæ sunt, 538, 2. eæ fuere duplicis generis, 158, 2. benedictiones spirituales ei ejusque posteris promissæ, non carnales ejus filios, sed spirituales spectant, 156, 1; 159, 1.
- S. Benedictus** ætatis ann. 12 Deo servire cœpit, *303, 2. vidit animam S. Germani in cælos subvehi, *363, 1.
- Benedixit** Christus in Eucharistiæ institutione panem et calicem, non patrem, 344, 2.
- Beneficentia** vocatur gratia, 470, 1. est quasi ager elemosynariis perennes germinans fruges ex semine elemosynæ, 480, 1. variæ de ea gnomæ, *521, 1. beneficentiæ laus, *339, 1.
- Beneficia** pulveri, maleficia marmoribus inscribuntur, 217, 1. sed illa marmoribus, hæc pulveri inscribenda, 648, 2.
- Beneplacitum**, propositum et consilium Dei idem sunt, 589, 2. beneplacitum Dei quid sit, *ibid.*; 522, 1.
- Benigni** corpus et anima sana sunt, *105, 2.
- Benignitas** Pauli in egentes, 240, 2. benignitas etiam in benefaciendo servanda, 568, 2. est indicium sanctitatis, *ibid.* qualis benignitas Christiano conveniat, 648, 1, 2.
- Berengarius** primus publice docuit non esse verum Christi corpus in Eucharistia: cui varii se objecere: sæpe hæresin abjuravit: ejus professio Catholica circa veritatem Eucharisticam, 357, 2; 365, 1. huic adstantem cæcodemonem vidit S. Fulbertus Carnotensis, *222, 2. solus ex omnibus hæresiarchis respicit, *402, 1.
- Cernardinus** Ochinus est ex ambitione factus hæreticus, *192, 2.
- S. Bernardus**, vocatus *Abbas Claravallis* dici ex humilitate voluit, 38, 2. studuit in libro mundi, 51, 1. ejus gratia et modestia, *61, 2. stomacho laborabat, *249, 2.
- S. Bernardus** Canizius Dominicanus moriens apparuit absenti in veste candida, *376, 1.
- Bertramus** est primus Sacramentarius, sed obscurus fuit, 360, 1.
- Berzellai** senex delicias quam heroice spreverit, *329, 1.
- Bestia** montem Sina tangere non poterat, *506, 1. quid hoc tropologicè sit, *ibid.* vere cum bestiis pugnavit Paulus, 407, 2.
- Beza** est in S. Franciscum injurius et blasphemus, 583, 1. negat epistolam ad Hebræos Romæ scriptam, *524, 2. negat Christum ad inferos descendisse, 627, 1. Calvinum semper doctissimum interpretem vocat, *240, 1. ejus circa curiositatem incuria, 628, 1; *340, 1, 2. ejus blasphemia circa clamorem Christi, *394, 2. et circa invocationem Sanctorum, 187, 1. ejus argutie et stupor, 603, 1. ejus sententia de auctoritate epistolæ ad Hebræos rejicitur, *444, 1, 2.
- Bibere** licet de puteo qui in idoli fano est, 323, 2.
- Bigamia** ante baptismum est impedimentum sacerdotii, *212, 1. — *Vide* Bigami.
- Bion** Philosophus dictus corruptor juvenum, 53, 2.
- Blasilla** Romæ illustris fuit vidua Christiana, *237, 2.
- Blandiloquentia** hæreticorum errorum est pallium, 634, 2.
- Blasphemare** quid sit, 284, 1; *336, 1.
- Blasphemiæ** hæreticorum, 187, 1; *354, 2; *394, 2.
- Boleslaus** V Polonorum princeps unde *Pudicit* nomen habuerit, 301, 2.
- S. Bonaventura** quoto ætatis anno sit factus Religiosus, *303, 2. cruce Christi maximam sapientiam hausit, 256, 1.
- Bonifacii** diaconi pro fide Catholica constantia, 624, 1.
- Bonifacius** III Pontif. primus *Œcumenici* nomen accepit, *160, 1.
- Bonitatis** definitio, 568, 2. bonitatis divinæ dimensiones, 612, 1. idem est subinde quod beneficentia, 95, 2.
- Bonum** Hebræis idem est quod beneficium, *344, 2. item quod lætum, *400, 1. triplex bonum animæ justi donat Spiritus Sanctus, 134, 2. bonum quod Christus nobis præstitit, majus est quam malum quod intulit Adam, 102, 1.
- Bona** spiritualia a Judæis in Gentes collata, 240, 2. bona invisibilia nobis a Deo præparata pro malis præsentibus, 140, 1. hæc omne desiderium superant, 262, 2. bona Deus proprie providet, intendit et coronat; mala tantum statuit permittere, impedire posset si vellet, 25, 1. bona Christi et animæ illi desponsatæ fiunt communia, 490, 1. quæ bona nobis impetravit pontifex Christus, *439, 2. tria bona Christianis data per Christum, *459, 1. bonis præsentibus tantum utimur, æternis fruimur, *266, 1.
- Booz** et **Jachin** columnæ quid significanter litteraliter, quid allegorice, quid tropologicè, *218, 2 et seqq.
- Boves** in Palæstina et Canariis insulis triturant, 320, 1. quem bovem sibi fingant Judæi ali in tempus Messæ, *178, 1.
- Brabeuta** quis esset, et unde dicatur, *106, 2.
- Bravium** quod sit stadii spiritualis, 384, 1. quomodo bravium accipiat unus et plures, 382, 2. in bravium jugiter intendere incitat ad cursum, *50, 2.
- Brevitas** vitæ suadet opum contemptum, *257, 1. brevis

tribulationum humanarum, 186, 2; 444, 2. brevis sermonum sectanda, *524, 1.
S. Brigida fuit in viduitate constantissima, *237, 2.
Byssus tabernaculi terram significat, *432, 1.
Bythum inter æones suos statuunt Valentiniani, *86, 1.
Bythus qui puteus fuerit, in quo Paulus latuit, 496, 2.

C.

Cabala vetus fuit traditio, qua a patribus accepta mysteria ore ad os per successionem tradebantur, velus indubitata fuit, sed recentiorum Judæorum est fictitia, *185, 1.
Cacoethia quod vitium Aristoteli, 55, 1.
Cadaveris contactus olim reddebat immundum, 406, 2. cadavera peccati sunt typus, *441, 1.
S. Cæcilia in igne illæsa mansit, *421, 1. Evangelium semper gerebat in pectore, 46, 1; *107, 1, 2. Valerianum sponsum Christo lucrata est per fragrantissimum castitatis odorem quem sensit in conclavi sponsæ, eumque una cum fratre fecit martyrem, 301, 1; 307, 1; 318, 1; 429, 2; *205, 1. cum eo in castitate vixit, 301, 2. ejus corpus diu post mortem integrum repperit, *ibid.*
Cæcitas mentis non tantum est simplex carentia lucis, sed et affectus pravus, quo quis illustrationes divinas libere repellit: est ea magnum peccatum, 25, 2. est signum obstinatæ mentis, 190, 2. cæcitas Judæorum, 175, 2.
Cælibatus fructus et commoda, 314, 2. cælibatus in cuiusque est potestate, si Dei gratiæ cooperari velit, 303, 2; 312, 1. est aptus ad omnem scientiam acquirendam, 320, 2. non damnatur ab Apostolo, *225, 1.
Cælibes dicti quasi cælestes, 320, 1. Cælibes Apostolus ad conjugium non hortatur, 300, 2. magna cælibum in Ecclesia multitudo est, 225, 2.
Cæremoniæ legales cur non statim a morte Christi abrogatæ sint, 230, 2. umbræ sunt futurorum per Christum, *92, 1. eæ desiere, non lex moralis, aut naturalis decalogi, 532, 1.
Cæremonialia quædam in fœdere legali sanciendo habet Paulus, quæ Moses omisit in Exodo, *443, 1.
Cæsara, regina Persarum, ad maritum redire noluit, nisi is converteretur ad fidem Christianam, 308, 2.
Cæsaris Baronii elogium, 20. quotidie SS. Apostolorum sepulcra visitabat, 16, 2.
Cæsarius, Nazianzeni frater, a matre ad pietatem institutus est, *273, 1.
Caiani hæretici asseruere homines ab angelis creatos, *294, 2. et seqq. confinxerunt librum qui inscribitur *Pauli Revelatio*, 503, 1.
Cain prima mundi ætate cum suis pios afflixit, *154, 2.
Caius hospes Apostoli, et convenientium Christianorum, commendatur ab hospitalitate et misericordia, 244, 1, 2.
Card. Cajetani error de cælo empyreo, 500, 2.
Calceus quatuor rerum est symbolum, 679, 2 et seqq. calcæus hyacinthinus Ecclesiæ, symbolum est triplicium ornamentorum et virtutum ejus, 681, 1. cur ei datus talis, *35, 1. calcæi militares sunt ocreæ, 682, 2. calcæi militis Christiani qui sint, *ibid* et seqq.
Calix benedictionis quis sit, 344, 1. quis calix demoniorum, 347, 1, 2. calix sanguinis non est typus sanguinis Christi, ut dicunt hæretici, 345, 1. tropologicè martyrium dicitur calix, 442, 2.
Callimachus fuit propheta Cretensium, id est, poeta, *324, 2.
S. Calliopius adolescens in crucem actus est, 534, 2.
Calor subitus longum vincit teporem, 401, 1.
Calvariæ monte an sepultus Adam sit, 653, 2.
Calvinus censet motus rationem prævenientes esse peccaminosos, 119, 2. se suosque omnes Christo præfert, *895, 2. negat Christum ad inferos descendisse, 627, 1.

censet animas Sanctorum non videre Deum ante diem iudicii, 491, 1. negat infantibus fidelium necessarium esse baptismum, 192, 2; 307, 2. et Dei mandata posse servari, 211, 2. originem et continuationem fidei suæ ostendere non potest, 186, 2. obsecrationem et oblationem hominis Deo ascribit, 25, 2; 168, 1. negat meritum pii operis, 58, 1, 2. et Ecclesiam esse firmamentum veritatis, atque eam errare posse, *219, 1. Quomodo nesciens imagines veneretur, 378, 1. ait decalogi observationem minime esse necessariam, 532, 2. Manichæos impietate superat et blasphemis, dum Deum auctorem facit peccati, 167, 1. docuit in Ecclesia nullos esse malos, *293, 2. ait licere promittere continentiam Ecclesiæ, saltem tacite et indirecte, ergo et directe, *243, 1, 2. unde dogma suum de prædestinatione et reprobatione hauserit, 166, 2. ejus fatum, *ibid.* dæmonem paredrum se habere fateatur, *223, 1. fuit stigmaticus, 2. Paulo et Augustino est maligne abusus, 5, 1. ejus argumentum contra Missam enervatur, *457, 2. ejus blasphemia circa clamores et orationes Christi, *394, 2. ejus sententia de epistola ad Hebræos rejicitur, *347, 1; *443, 2; *444, 2. duplicem comminiscitur hominem, 124, 2. ejus error circa liberum arbitrium, *ibid.*; *427, 2. item circa efficacem Dei vocationem, 250, 1. ejus tria axiomata blasphema, 61, 1.
Calvinistæ hæc verba, *Hoc est corpus meum*, ad figuram significandam detorqueunt, 5, 2. et quæ hinc inconvenientia sequantur, *ibid.* simiæ sunt pseudo-apostolorum Corinthiorum, 494, 1. Donatistæ deteriores sunt, quod altaria sacra deiciant, *519, 2.
Calyptarum muliebrum commendatio, 356, 2.
Camelum per foramen acus ducere potest Deus, 363, 1.
Camos idolum Moab, idem qui Bacchus, 225, 1. unde nomen habeat, *ibid.*
Canarii ungulis boum grana excutiant, 329, 1.
Candela ardens in baptismo quid significet, 283, 1.
Candelabrum septiceps erat in tabernaculo Moysi, in templo Salomonis erant decem candelabra, *432, 1, 2. illo designantur septem planetæ: id Christum denotat, *ibid.*
Candor lucis æternæ quomodo sit Dei Filius, *352, 1.
Canendum distincte ut intelligatur, 390, 2. canere possunt mulieres hymnos in cœtu mulierum, sed non in ecclesia, 396, 2.
Canibus comparantur hæretici, *41, 1.
Canon est regula mensoria geometrarum, 486, 1, 2.
Canones prohibere criminis probam ferro candente, 272, 2. canones Conciliorum quanta in auctoritate habendi, *323, 1. canones Pontificii adstruuntur, 397, 1. ut non edantur plures canones ad clericorum vitam spectantes, Episcopi provideant, 564, 2. canones rerum pro epistolarum Paulinarum intelligentia, 21, 1. item verborum, 26, 1.
Cantica sacra olim Christiani canebant, non amatoria, 660, 1.
Cantores Prophetæ dicuntur, 353, 1; 388, 1.
Caper emissarius erat Hebræis piacularis victima, 284, 2, 453, 2; *436, 2.
Capere captivitatem Hebræis est captivos facere, 626, 2.
Capharnaitæ carnem Christi edere volebant, 362, 2.
Capitalia vitia dupliciter dividuntur a Theologis, 296, 1.
Cappadoces iidem sunt cum Mosoch, *164, 1. sunt mendaces et perversi, quod a Gabaoitis prognati, *325, 1.
Captivitatem duplicem, activam et passivam, Christus in triumphum duxit, 626, 1.
Caput sedes est sensuum et mentis, 216, 2. caput significat quod in quaque re primum ac summum est, 608, 1. caput velari, quid denotet, 355, 1. caput Ecclesiæ militantis et triumphantis est Christus qua homo, 352, 2; 597, 1; 635, 2. quod sit caput libri, in quo de Christo scriptum sit, *454, 2 et seq. an perpetuus capitis dolor fuerit Paulo stimulus carnis, 503, 1, 2.

- Carbones ignis super inimici caput quomodo et cur congerendi,** 216, 1.
- Carceris Melitensis S. Pauli lapides magna vi pollut, 14,** 1. et carcer ejus Romanus est in honore, 15, 1.
- Carmelitarum institutum an a Prophetis cœperit,** *490, 1.
- Carmelus domicilium Prophetarum, 2. ob fertilitatem Judæis abiit in proverbium,** *511, 1.
- Carnales proprie quoniam sint, 268, 1. eorum et spirituum diversa studia, 431, 1. carnalis et carnalia desideria quæ sint,** 431, 2.
- Caro in Script. aliquando carnis corruptionem, aliquando concupiscentiam, aliquando homines carnales significat, 28, 1; 412, 2; 565, 2; 369, 1. item externam speciem et gratiam, 28, 2. Caro Christi in Eucharistia virtutem vivificantem habet non a seipsa, sed a spiritu et divinitate Verbi, 362, 1. hæc est nobis via vivens, *458, 2. designatur velo quod erat ante Sanctum Sanctorum, *ibid.* an ea sit tabernaculum perfectius, per quod Christus transivit, *439, 2. fuit vestis Verbi, *26, 1. caro et sanguis significant tentationes carnis, et homines carne et sanguine constantes, 523, 1; 673, 2. quomodo hæc regnum Dei non possidebunt, 412, 2. caro gravissimus noster hostis est, 335, 2. est figulina animæ, 29, 1. motus concupiscentiæ juvat et fovet, *ibid.* cum per spiritum ad alta contemplanda super se assurgit, attenuatur, *250, 1. quomodo ea non prosit quidquam, 362, 1. echineidi assimilatur, 124, 2. bonum est ut ei resistatur, 127, 2. fructus ejus est dolor et tristitia, 568, 2. ejus tentatio viros pios maxime humiliat, 504, 1. carnis prudentia est sapere carnalia, 131, 2. bellum carnis adversus spiritum, 566, 1. quid ei rebelli opponendum, 2. carnis infirmitas triplex in Paulo fuit, 553, 2. an carnis particulam unam habeant homines singuli ex Adamo, *415, 2. quomodo in carnis interitum tradantur excommunicanti, 287, 1. qui secundum carnem ambulent, 482, 2 et seq. quæ sit carnis tribulatio conjugatorum, 314, 1. carnes idololatræ mittebantur ad macellum, 348, 2. carnes creatæ sunt non pro gulonibus, sed pro sanctis, *226, 1.**
- Carolus Magnus suos filios artem mechanicam discere voluit, filias lanificium,** *169, 1.
- Carpocratiani cauteriati in aure erant: aversabantur procreationem liberorum,** *223, 2.
- Carpus vidit Christum dicentem sibi, iterum se paratum pro hominibus salvandis pati, 571, 2; *314, 2. an fuerint duo Carpi,** *314, 2.
- Carthusiano, ut vitam tueatur, an carnibus vesci liceat, 348, 1.**
- Carpii senes canibus devorandos objiciebant,** 653, 1.
- Cassiani error dicentis licitum esse aliquando mentiri, 529, 2. censuit vitis singulis suos præesse demones, 673, 2.**
- Castigatio Dei bonos secernit a malis, germanos Dei filios probat, *500, 1. idque ut pater filios castigat, 499, 1. quomodo castigatio corporis fiat, 335, 1.**
- Castitas nec igne concupiscentiæ lædi potest, nec igne corporali, *421, 1, 2. cur dicatur sanctitas, *575, 1. est nota veræ Ecclesiæ, unde non invenitur apud hæreticos, 458, 1. etiam in matrimonio habet locum, *503, 1. corpus roborat, 333, 2. ejus dignitatem omnes quidem capere possunt, sed nolunt, 312, 1. est præmium humilitatis, 54, 2. impossibilis est apud hæreticos, *ibid.*; 319, 2. Catonis pro ea dictum, 320, 1. ejus voto stricti olim validum contrahebant matrimonium, licet contrahendo peccarent, 305, 1. qui a continentia differat, 569, 1. castitas S. Pauli, 7, 2. — *Vide* Virginitas.**
- Casti Deo familiares sunt, et pædri et assessores divinæ sapientiæ, 320, 1, 2. comparantur angelis, *ibid.***
- Castra Judaica suas habebant portas,** *520, 1.
- Casus Adæ et reparatio Christi, inter se comparantur, 101, 2 et seqq.**
- Calacumbæ quis Romæ locus sit,** *490, 2 et seqq.
- Cataphrygæ mulieres ordinabant diaconas et Episcopas, *417, 1.**
- Catathema censura erat eorum qui se damnatis conjungerent,** 442, 1.
- S. Catharinæ corpus ab angelis in Sina translatum est, *424, 2.**
- S. Catharina Senensis nares occludebat cum libidini obnoxius illi occurreret, 429, 2. Christus ei dedit corpus suum, 533, 2. habuit etiam quinque in corpore stigmata, 583, 2.**
- Catechismi origo et antiquitas, 575, 2. catechismi quinque capita catechumenis proponenda, *350, 1, 2.**
- Catechista, catechumenus, catechismus quid sint, 575, 2. Catechumenus sua bona cum catechista communicet, *ibid.***
- Catenæ, qua vincit Paulus, segmenta misit S. Gregorius ad Augustam Constantiam, 17, 1. catenæ SS. Petri et Pauli quanto in honore sint, 15, 1. quæ sit catena peccatorum, 52, 2 et seqq.**
- Catholici cum hæretica matrimonium an et quibus in locis liceat, 322, 1. Catholici veritatem Christi in Eucharistia credentis securitas in die judicii, 361, 1. quomodo et quando Catholici pietatem pro quæstu habeant, *255, 2.**
- Cato Major de tribus rebus indoluit, 9, 2.**
- Cauponæ meritoria, habitæ semper impudicæ sunt, *486, 1.**
- Cauponari verbum Dei quid sit, 430, 1.**
- Causa ad peccatum impellens, peccat, 168, 1. causæ duæ ad idem opus meritorium concurrunt, naturalis et supernaturalis, 432, 2. causæ sæculares a presbyteris olim judicatæ, 292, 1.**
- Causales notæ apud Apostolum sæpe non causam, sed eventum et consecutionem significant, 26, 1, 2.**
- Causones serpentes unde dicti, et qui sint, 342, 2.**
- Cauteriatam conscientiam habent hæretici, cur, *223, 2.**
- Cavernæ primorum Christianorum Romæ sub terra, *490, 2 et seqq.**
- Celeusma quid sit apud nautas, *131, 1.**
- Celtichius catechumenus somnio territus, quam rapuerat feminam remisit, *238, 2.**
- Cenchri erat portus et pagus Corinthi, 242, 1, 2.**
- Centuriatorum Magdeburgensium angustia et deliria in Ecclesiæ suæ continuatione ostendenda, 486, 2.**
- Cephas idem est qui Petrus Apostolus, 528, 2.**
- Cerebri vulnera memoriæ officiant, 189, 2.**
- Cerinthus erga angelos mirifice fuit affectus, *95, 2. ponebat illos velut minores deos, et Christo nobiliores, *94, 2. tamen angelum Judæorum dicebat esse malum, 95, 2. quæ de Ecclesiæ felicitate prædicta erant, ad terrenam et delicias corporis referebat, 401, 2. fuit pater Chiliasitarum: an sit auctor Apocalypseos, *ibid.* resurrectionem negavit, *ibid.*; *289, 2. adversarius Pauli erat: judaizans quæstionem movit de servandis legalibus Mosis simul cum christianismo, 19; 482, 1. pervenit ad annum Christi CLXVI, 12. Christum et Deum a Jesu dividebat, *38, 2; *53, 1; *95, 1, 2. erat hostis crucis Christi, et Epicureus, *53, 2.**
- Cernere hæreditatem, est eam possidere, 140, 1.**
- Certamen nostrum in cursu consistit, *495, 1. ejus tempus breve est, 112, 1. præsiebat Paulus certamen suum quod habuit Hierosolymis, 241, 2. certaminum varia genera erant apud Græcos, 333, 2. — *Vide* Agon.**
- Certandum Christianis post baptismum assidue, 338, 1.**
- Certitudo conjecturalis justitiæ et sanctitatis cur nobis sufficere debeat, 136, 1. certitudo promissorum Dei, *485, 1. fidei Catholica, 518, 2. unde hæc oriatur, *122, 1. certitudo divinæ spei, 92, 2. certitudo mercedis expectanda pro laboribus, *286, 1, 2. qualem certitudinem in hac vita habere possimus prædestinationis nostræ, 593, 2. certitudinem gratiæ Novantes sibi pro-**

mittunt, 195, 2. certitudinem tantum conjecturalem habent perfectiores de sua salute, 134, 2.
 Cervicosi et duri quomodo arguendi sint, *334, 1.
 Cervis comparantur conjuges, 667, 2. eorum partus difficilis est, 554, 2. eorum in traiciendis annibus industria in sustinendo cornuum pondere, 573, 1.
 Chaldaeorum lingua utuntur Christiani Thomæ in sacræ, 254, 2. Chaldæi rarius duali, et plerumque duali etiam pro plurali utuntur, *160, 2.
 Chanaan (in) Christus natus est et mortuus, et hinc veteres in ea sepelire voluere, *482, 2.
 Chaos primo mundi die creavit Deus, *472, 2.
 Character Antichristi quis futurus, *163, 1. character dicendi in epistolis Pauli mirus, 6, 2. character Confirmationis et Baptismi, 424, 2; 425, 1. est indelebilis, 647, 1.
 Charisma (per) quam gratiam significet Apostolus, *273, 2. quæ vocet charismata meliora, 377, 1. charismata Spiritus Sancti varia sunt, 205, 2.
 Charitas in quo distinguatur a charismatibus, 377, 1. quæ charitas Dei diffundi dicitur, 93, 2. et quando, 94, 2. nihil nos a) ea debet divellere, 149, 2 et seqq. hominem impellit ut legem perfecte adimpleat, 223, 1. est primus et nobilissimus fructus Spiritus Sancti, ac parens cæterorum, 569, 2. potest ea amitti, 152, 1. per eam possunt pœnitenti bona opera prodesse, etiam ante reconciliationem, 379, 1. tribuit tria singularia fidei et cæteris virtutibus, 562, 2. nullus sine ea esse potest amicus Dei, 378, 2 et seqq. huic Deus annexit iustitiam, amicitiam et filiationem Dei, 589, 1. est via excellentior ad Deum, 377, 1. quomodo sit vinculum perfectionis, *105, 2. est tunica Christi inconsutilis, 106, 1. esse debet laboriosa, *116, 1; *179, 2. est centrum, anima, regina omnium virtutum, 223, 2; 378, 1; 385, 2; *105, 2. ejus dimensiones spirituales, 619, 1. quanta ea est in homine, tanta est ejus iustitia, 379, 2; 636, 2. ejus radices tres, *179, 2. non agit perperam, 381, 1, 2. nihil putat vile vel indecorum, 381, 2. cum videt proximos recte vivere, non invidet, sed quasi de augmento proprii profectus gaudet, *ibid.* omnia suffert et credit, *ibid.* sola manet in patria, 383, 1; 384, 2. facit cuncta speranda sperare, et patienter expectare, 382, 1. animam Deo maritat, 490, 2. est Prælati necessaria, *180, 1, 2; *275, 1. est unio membrorum Ecclesiæ, 636, 1. est spiritus et anima Ecclesiæ, 2 et seqq. est patiens, quia patientiam parit, 381, 1. quatuor virtutibus constat ejus quadriga, 382, 1. ejus bona, fructus, officia, 2. si est sincera, magnete potentior est, 9, 1. quomodo nunquam excidat, 382, 2. non respicit meum et tuum, sed quæ Dei sunt, 381, 1. charitas proximi charitatem Dei includit, 221, 2; 565, 1. qualis illa esse debeat, 209, 1. ea reddit sui cultores servos ob obsequia, 565, 1. ejus debitum est perpetuum et indissolubile, 221, 2. quæ dicatur charitas Christi, 149, 2. charitas Christi erga nos est incomprehensibilis, 620, 1. superat omnem charitatem, 96, 1. charitas ordinata exigit ut quisque magis se ac sua commoda quærat, quam aliena, *21, 2. quæ sit charitas veritatis, *158, 1, 2. charitatis humilis novem actus, 212, 2. charitas primorum Christianorum, *200, 1. et Pauli, 8, 2; 152, 1, 2. charitas nostra an sit ipse Deus, 94, 1. quomodo charitas a philautia differat, *299, 1. — *Vide Amor, Dilectio.*
 Charites quomodo ab Ethnicis pingerentur, quæve earum nomina et significatio, 475, 2; *107, 2.
 Cherem volum vocatur anathema, quo res Deo consecrata in æternum separatur a domino suo et usibus profanis, 157, 1. *cherem* quid significet, *ibid.*
 Cherub idem est quod equitans, auriga, princeps, currus, *435, 2.
 Cherubim vocantur currus Dei, 625, 2; *435, 2. Cherubim quadriformes repræsentant quatuor Christi stemmata, *26, 2; *355, 1. pinguntur imberbes, ut perpe-

tua juvenus eorum significetur et æternitas, *435, 1. derivatio nominis Hebraica, *ibid.* sunt generis neutri, carent enim sexu, *435, 1. etiam mittuntur ut alii angeli, *364, 1. cherubim duo ex propitiatorio prodeuntes ipsum obumbrabant, *435, 2. hinc currus speciem dabant, *ibid.*
 Chiliastræ fingeant Sanctos mille annos felicitatis post diem judicii in terra acturos, 558, 2. an eorum parens Cerinthus fuerit, 401, 2.
 Chirographum decreti quod Christus delevit, quodnam fuerit, *89, 1 et seqq.
 Chloe nomen familiæ vel femine fuit, 251, 1.
 Chrestii olim dicebantur homines benefici, 243, 2; *344, 2.
 Chrestologi sunt qui bene dicunt, sed male agunt, 243, 2.
 Christianismus nihil prodest se circumcidentibus, 564, 1. ipse est lex et schola pacis, *106, 2. est professio vite cœlestis et sanctitatis, *72, 1; *181, 1, item castitatis, detestatio libidinis, *129, 1.
 Christiana libertas a quibus nos eximat, 25, 2. Christiana lex docet amare non copiam, sed sufficientiam, *256, 1. cur Christiana ad lenonem damnata potius, quam ad leonem, *488, 2.
 Christianum esse, quantum sit beneficium, 371, 1. Christiani nomen gloriosum est Emplum, 297, 1. is semper ad bellum se parat, *302, 1, 2. miles est Christi ducis sul, *190, 1. quod iudicii materiam et causas habet, *60, 1, 2. quomodo inter tot ærumnas semper gaudere possit, *ibid.* non lætetur nisi cum viderit fratrem in charitate, 651, 2. virtutum odorem spargat, 429, 1. qua ratione mortuus esse debeat, *100, 2 et seqq. in victoria nunquam sit securus, 676, 2. frequenter agat Deo gratias etiam in adversis, 248, 2; *139, 2. sit infans in malo, 393, 1. non sibi sapiat, 213, 2. vita sua debet retegere tenebras impietatis et alios illuminare, 654, 2. ejus est optare adventum Christi, *187, 1. exquirat quid de se exigit Deus, et qua in re Deo maxime placere possit, 655, 2. qualis ei benignitas conveniat, 648, 1, 2. eum decet pallores et macies, 336, 1, 2. sit alter quasi Christus, 226, 1. quæ vitia ei potissimum cavenda, *ibid.*
 Christiani stellæ instar refulgeant, *87, 1. non sunt sub lege veteri, sed lege tenentur, 118, 2; 567, 1. sunt peregrini in hac vita, *478, 2. esse debent sancti vocatione, baptismo, debito, officio, professione et obligatione, 609, 1; *3, 1; *72, 1; *379, 1. debent ut pueri, puero Christo assimilari, *374, 1. suos habere debent sacerdotes et sacrificia, *393, 1. subditi regibus, etiam Ethnicis, eorum robur sunt, 219, 2. sunt præ Judæis electi ex libera Dei dignatione et electione, 164, 1, 2. sunt a potestate tenebrarum per Christum erepti, *75, 1. dum timore poenæ legem servant, sunt filii veteris Testamenti, 556, 1, 2. quomodo Christo debeant concrucifigi, 579, 2. miseri sunt, si Christus non resurrexerit, 401, 2. adorant Deum in spiritu et veritate, 435, 2. se invicem diligant ut fratres, *129, 1. sunt gens nova et aurea, 580, 2. pædagogus, id est lege, non egent, 547, 1. dicuntur docibiles Dei, *429, 1. operibus bonis certare debent, *338, 2. Christo sunt concorporati, *382, 2. credendo in Christum, benedictionem Abrahæ, id est iustitiam, sunt adepti, 168, 2. metent pro ratione seminis, 576, 2. exemplo debent præluere Ethnicis, *356, 1. quomodo vocentur a Paulo electi ad gratiam et sanctitatem, 24, 1. non sunt liberi ab omni lege positiva Superiorum, 564, 1. sunt veri filii promissionis, et Abrahæ et Isaaci, 159, 1; 168, 1, 2. in baptismo Satanæ et operibus ejus renuntiant, 107, 2; 678, 2. vocatione sunt sancti, 43, 1. ad cruces se animare debent cogitando vincula Pauli, *112, 2. esse debent peccato mortui, 106, 2. caveant peccata pristina, 110, 2. omnes vocantur ad crucem, *126, 2. sunt metonymice regnum Dei, 233, 1. item populus ejus et peculium, *168, 2.

peculiariter et curæ sunt, *427, 2. iis semper incumbunt tentationes, *302, 2. iis vivendum non secundum carnem, sed spiritum, 133, 1. an iis vetitus sit usus matrimonii, utpote sanctis, 299, 1. deos Gentium ne nominare quidem debent, 826, 2. nec caeremonias et ritus legis servare, sub pœna mortis, 433, 2. eorum est non stare, sed semper progredi in via virtutis, *127, 2. cur certare debeant, 151, 2. quæ eorum esse debeat sanctitas, 651, 1. per Sacramenta invicem connectuntur, 206, 1. eorum fiducia et libertas in professione fidei, *380, 1. quanta eorum mutuo debeat esse unio et amor, 209, 2; 623, 2. licet multi sint, charitate sunt unus, 94, 2. eorum constantia contra Julianum Imp., 823, 2. — *Vide Fideles.*

Christiani primogenii in subterraneis cavernis habitant, *490, 2. speculum vitarunt, 356, 1. quotidie in Missa communicabant, 347, 2. maxime tempore persecutionis, *518, 2 et seqq. unde Eucharistiam domum deferabant, *ibid.*; 347, 2. una cum iustitia acceperunt primitias spiritus, 139, 2; 371, 1. iubeantur ante præsidem maledicere Christo, 372, 1. eorum in fide constantia, *483, 2. mira eorum in Martyres, Christi causa victos, charitas, *463, 1. eorum in communicando ritus, 369, 2. urgente persecutione ex Oriente et Occidente adibant sepulcra Apostolorum, 16, 1. ordinandorum nomina publice proponebant, *216, 1. oscula iis olim usitata, maxime ante sacram communionem, 512, 2. osculabantur et januas templorum, *ibid.* iis aspersa labes quod principibus inobedientes essent, 219, 1. solabant canere hymnos antelucanos Christo, 393, 1. item per diem, 660, 1. caneant eosdem in suis agapis, 659, 2. quas instituebant ante sacram Synaxim, 357, 2. lavabant manus ante orationem, *201, 2. initio operis se cruce signabant, 850, 1. pro regibus infidelibus in mysteriis orabant, *194, 2. damnati magis gaudebant quam absoluti, *180, 1. mori malebant quam mentiri vel semel, 643, 1. hospitalitas iis erat in usu, *512, 1. hospitabantur apud Episcopos, non vero apud Gentiles, *ibid.* Christiani viri olim fratres vocabantur, feminæ sorores, 200, 1; 209, 2; 242, 1; *342, 1; *379, 1. Christiani Judæi bonis sunt spoliati, 416, 1; 469, 2. suos semper contribules infensos habuere, *ibid.* Christiani Thomæ in India suos Prælatos vocant *mar*, id est dominos, 417, 2. utuntur lingua Chaldaea in sacris, 255, 1.

8. Christina Mirabilis quam austere vixerit, 112, 2.

Christi prædestinatio, incarnatio, dignitas, divinitas.

Christus Jesus nascitur ex habitatoribus Sion, 193, 1. quomodo sit minister circumcisionis, 237, 1. materialiter prædestinatus est Filius Dei, 40, 2. ejus etiam persona dici potest prædestinata, *ibid.* idque ut resurgeret, 41, 1. ejus prædestinatio est exemplar, medium, finis nostræ, *ibid.* est radix Jesse ob quatuor causas, 237, 1, 2. ut homo, est omnium creaturarum finis, 276, 1. quomodo dicatur Dei, *ibid.* ut homo defert Deo Patri et Spiritui Sancto honorem; ut Deus, recipit honorem, 245, 1. ut Deus, fuit radix David; ut homo, ex radice David, 238, 1. est progenitus ex Judæis, 158, 2. et ex tribu Juda, non Levi, *417, 1. hinc iis semper benefecit, 183, 2. fuit iis tamen petra scandali, 174, 2. est ex Noe continua serie natus, *474, 1. tunc venit, cum ad summum malorum et peccatorum venerat mundus in statu legis, 105, quantopere angelis præcellat, *388, 2 et seqq. est principium omnium Dei operum, et primus omnium prædestinatorum, *455, 1. de peccato peccatum damnavit in carne, 130, 2. inductus est in orbem primo per incarnationem, secundo per resurrectionem vel extremum iudicium, *388, 1, 2. omnia naturæ humanæ assumpsit, præter culpam et vitia naturæ, *376, 2; *391, 2. quomodo in eo corporaliter inhabitavit divinitas, *86, 2.

non est supra Spiritum Sanctum; est super omnia quæ sunt extra Deum, 158, 2. quomodo in Abraham lumbis latens non dederit decimas Melchisedecho, *414, 2. vere tamen in ejus lumbis non fuit, *415, 1. fuit semen benedictum Abraham promissum, 100, 1; 543, 1. ut homo omnem temporis differentiam complectitur, *517, 2. est exauditus a Patre pro sua dignitate, *396, 1. in quo et quomodo exauditus, *394, 2. in primo puncto incarnationis habuit actum meritorium oblationis sui, quem continuavit usque ad mortem, *454, 2. ut homo, est hominum, angelorum et cæli rex, item caput Ecclesiæ militantis et triumphantis, 597, 1, 2. sua incarnatione magnam rebus omnibus attulit dignitatem, 592, 1. est auctor et filius Ecclesiæ, 559, 1. quomodo fuerit minoratus, *368, 2. ex omni factus est nihil, *24, 2. quibus titulis sit omnium dominus, *862, 2. est factus homo ut mori posset, *374, 1, 2. ut homo, est et servus, et Filius Dei, *25, 1. non tamen vere servus, *ibid.* viam novam et viventem nobis initiavit per carnem suam, *458, 1. quomodo sit desideratus cunctis gentibus, *509, 1. est principium creaturæ, 580, 2. et principium, exemplar et finis omnium Dei operum, 101, 2. non intulit humanum corpus e cælo in Virginem, sed in ea factum, sine viri semine, virtute Spiritus Sancti, factum accepit, 40, 1; 550, 2. quomodo in similitudinem hominum factus sit, *23, 2. dimidiatus est hominum et Dei, natura et officio, *441, 3. quomodo dicatur primogenitus omnis creaturæ, *78, 1. quomodo non nosset peccatum, 455, 1. in quantum homo, vere est Filius Dei, ob gratiam unionis, 148, 1. quomodo ut homo major factus sit angelis, *355, 2. quomodo et quando iis sit minor, *368, 2 et seqq. novum hominem et novum mundum fecit, 580, 2; 640, 2. venit consolari pauperes, humiles, et lugentes in Sion, *466, 2. non potest dici mediator ut Deus, sed ut Deus homo factus, 545, 1. fuit graciosus et dilectus ut unicornis, 590, 1. præstantior est omnibus legislatoribus Hebræorum, *379, 1. tria ejus infirmitatem probant, *394, 1. ejus æternitas et invariabilitas, *517, 2. quod ejus schema et habitus sit, *26, 1. ejus nomen est, Veniens, 49, 1. *467, 1. quomodo eum secundum carnem non noverimus, 453, 2. est legi subjectus, facto, non obligatione, 550, 2.

Christi sapientia, gratia, potentia, virtutes.

In Christo conveniunt majestas et amor, *220, 2. est utriusque Testamenti testator et mediator, *446, 1. in quo honorem Deo Patri detulerit, 245, 1. ejus erga homines amor, 96, 1; 881, 2; 453, 2; *121, 2; *363, 2. amoris hujus dimensiones, 617, 1. fuit doctor Judæorum, 237, 1. est Ecclesiæ et animæ fidelis fundamentum, 269, 2. est finis legis ob quatuor causas, 431, 2. cur in ultima cœna Apostolis pedes laverit, 180, 2. candelabrum est, *432, 2. est exemplar nobis sanctitatis et virtutis, 147, 1. quando, quomodo, et in quales titulos unctus sit, *361, 1. est inceptor et consummator fidei in se et in nobis, *496, 1. ob tres rationes filiorum Dei primogenitus est, 147, 2. virginis anal, 818, 2. est omnium admirandorum compendium ac omnium caput, *368, 1. est Propheta singularis, *ibid.* quomodo nobis sit præscriptus, 537, 1. est homo cælestis duadupliciter, 411, 2. in justis est omnia tripliciter, *105, 1. est similis grano sinapis, 363, 1. est nobis speculum humilitatis, *22, 1, 2. quomodo dicatur Apostolus, *379, 1. potest esse duobus in locis, 400, 2. fuit expers concupiscentiæ rationem prævenientis, *391, 1. fuit per omnia novus homo, 641, 1. nonnisi honoris causa dicitur servus Dei, *3, 1. non eo quod laverit pedes Apostolorum, *25, 2. tripliciter est vita nostra, *103, 1. est stella matutina, 409, 1. etiamsi omnia acceperit a Deo, tamen ab eo dependet qua creatura,

149, 2. an dicere liceat, *Christe, ora pro nobis, ibid.* est dux et vexillifer Gentium, 288, 1. fuit recapitulatio omnium Dei operum visibilium et invisibilium, 599, 2. non est peccati minister, 581, 2. quatuor ejus formæ comparantur faciebz quatuor Cherubim Eschielis, *26, 2; *355, 1. ejus corpus localiter non implet cælum et terram, 874, 2. est caput et corpus Ecclesiæ, 875, 1. ejus in illam amor, 598, 1. ejus beneficentia, 568, 2. ejus clementia in persequendis peccatoribus, *186, 1. ut Martyr inter omnia mundi tormenta triumphat, 151, 1. ejus vita tota est speculum morum, 436, 2. ejus propensio ad miserendum et auxiliandum, 377, 2; *390, 2. ejus verba vita sunt, 362, 2. in ipso crescimus, et ipse in nobis, 108, 2 et seqq; 598, 2; ejus lenitas, *296, 2. in ipso non fuit fides, *496, 1. nec ignorantia, vel defectus gratiæ, nec morbi, *376, 2; *391, 2 et seq. sed omnis sapientia, *83, 1, 2. peccato mortuus est effective, nos subjective, 111, 1. habuit experimentalem scientiam miseræ nostræ, *377, 1. ei mixtim tribuit Scriptura attributa divinitatis et humanitatis, 46, 2. quomodo ei consanguinei sumus, 346, 2.

CHRISTI passio, mors, crux et meritum.

Christi confessio coram Pilato, *262, 2. quando mortem in mortalibus destruxerit, *277, 2. ipse crucifixus idea viri religiosi est, 579, 1. quomodo ei con crucifigi possumus, 579, 2. etiam sæculares, *ibid.* quod qui faciunt, conglorificabuntur, 109, 1. cur admisit verbera et vulnera, *391, 2. gustavit mortem ut eam non horreat Christianus, *371, 1. in quibus a Deo fuerit derelictus, *394, 1. in cruce perfectus est in patientia, gratia et gloria, *397, 1. quomodo pro angelis etiam mortuus sit, *370, 2. laboribus suis nobis via est ad omnem quietem et beatitudinem, 471, 1. quomodo pro nobis factus sit maledictus et peccatum, 485, 1 et seqq; 541, 1. cur ante vesperam ea die qua crucifixus, de cruce depositus, 542, 1. quomodo passus in fine sæculorum, *448, 2. exterius a diabolo tentari potuit, *377, 2. subjectus erat Patri non qua Deus, sed qua homo, 404, 2. ob tres causas pati debuit, *372, 1. crucifixus quid nos doceat, 256, 1. patitur in membris suis, 421, 1. morsus momordit infernum, 414, 2. passionem suam calicem vocat, 442, 2. ejus injuria nostra est gloria, 542, 1. nobis plura prestitit, quam Adam abstulit, 102, 1. quo magis tormentis pressus, eo suaviorem virtutis odorem sparsit, 429, 1. quas infirmitates in se suscepit, *391, 2. communi legi mortis subjectus fuit, *455, 2. meruit sibi et nobis, *37, 1. quam famam sibi meruit moriendo, *28, 1. suo sanguine novum fœdus sancivit, 366, 1. quare maxime jubeat annuntiari mortem suam, 368, 1. est patientiæ prototypus, *404, 2. proposito sibi gaudio elegit crucem, 496, 2. eam sustinuit præ gaudio ac gloria ut mercede, *ibid.* sæculo huic fuit contemptus, *373, 2. quomodo et a quibus traditus, et quo fine, *335, 2. in carne patiens et moriens, damnavit peccatum, 181, 1. etsi videretur habere peccati venenum, non habuit, 130, 2. humiliatus non deposuit, sed occultavit naturam Dei, *24, 2. non in phantastico, sed carneo corpore passus est, *79, 2. commoda et vitam suam pro nostra salute exposuit, 236, 1, 2. quomodo dicatur agnus occisus ab origine mundi, *448, 1, 2. quomodo didicerit obedientiam, *396, 2. ejus passio fuit consummatio abbreviata, 173, 1. ejus crux quam potens sit, 255, 2. quæ in ea virtutes eluceant, *ibid.* morte sua peccatum occidit, 181, 1. ejus merita infinitis peccatis delendis sufficiunt, *458, 1. quomodo ejus passionibus aliquid desit, *79, 1. ejus mors in Missa verbo et facto representatur, 367, 2. ejus sanguis elamat misericordiam, *508, 1. ejus paupertas et mendicitas, 470, 2. qualis ejus cursus fuerit, 333, 1. fuit ei datum a Patre præ-

ceptum in cruce moriendi, *26, 2. in ipso fuere passionem, non tamen propassiones, *391, 1. afflixerunt eum peccata in Deum commissa, 286, 2. frequenter oravit cum lacrymis, *394, 2.

CHRISTI redemptio et sanctificatio.

Christus est nobis omnia, 226, 2. ejus benedictio multiplex est, 586, 1. athletas suos consolatur et roborat, 334, 2. vitam mundo suscitavit, *277, 1. fuit expiator et redemptor non tantum novi Testamenti, sed et veteris ac legis naturæ, *442, 1. an etiam angelis fuerit causa gratiæ et gloriæ, 507, 2. hominem a se fugientem insecutus apprehendit, *376, 1. diversimode factus est nobis justitia, 258, 1 et seqq. dat copiam gratiarum et virtutum, 104, 1. quomodo in omnibus compleatur, 598, 2. in Christianis proficit et perficitur, *ibid.* 108, 2 et seq. quomodo omnia implevit, 598, 2. influit salutem in Ecclesiam, 662, 1. quomodo spes nostra vocetur, *177, 1. peccata nostra sustulit et exhausit, *449, 2. est mediator, non angeli, *69, 1. idque non qua Deus, nec qua homo, sed qua Deus-homo, *199, 1; *200, 1. dupliciter nobis est mediator, *198, 1. an solus, *197, 1. vult omnes salvos fieri, *ibid.* est vera petra ex qua fluxit sanguis sitim concupiscientiæ nostræ restinguens, 339, 1 et seqq. est noster fidejussor, *420, 1. a Patre datus est ut pro peccato ex justitia satisfaceret, 75, 2. triplex nobis est vita, *11, 1. ob duas causas mediator est novi Testamenti, *441, 1. ejusque institutor, conditor, testator, 2. Sanctus sanctorum est omnes sanctificans, *873, 2. est noster propitiator veteri propitiatorio designatus, 74, 2; 149, 1. ruinas dæmonum hominum redemptione instauravit, *591, 2. orat pro nobis apud Patrem exhibendo ei se et cicatrices suas, 149, 1. qua homo modo pro nobis orat, *ibid.* oblatione sua nobis cælos reseravit, *437, 1. quomodo omnia sibi reconciliavit, *78, 1. per seipsum explavit peccata nostra, *354, 2. duplicem attulit salutem, 178, 1. nos sanctificat ut pontifex, ideoque ut homo, *373, 1. homines omnes vocat, *332, 1. sine ejus gratia nemo potest bonum facere, 73, 1. ejus reparatio, et casus Adæ, inter se comparantur, 103, 1. in eo fuit vera obedientia, et habuit præceptum sic nos redimendi, 103, 2. ab ipso solo petenda est remissio peccatorum, *456, 2.

CHRISTI sacerdotium, Ven. Sacramenti institutio, hostia, pontificatus.

Christus in Eucharistia est pascha, 288, 2; et ipsa ejus est testamentum, 866, 2. eam instituit ut Sacramentum et sacrificium, 365, 1. unum accepit panem, inter consecrandum eum fregit in 12 partes, et singulis Apostolis unam distribuit, 346, 1; 859, 2. iisdem consecravit verbis quibus nos, 364, 2. iisque clarissimis, 859, 1. sacrificium Eucharistiæ ejusdem epulo et distributione conclusit, 347, 1, 2. in eo et in cruce est principalis sacerdos, 22, 1; *411, 2. quomodo sit assistens pontifex futurorum bonorum, *438, 2. fuit pontifex non solum in cruce, sed statim in incarnatione et natiuitate; non tantum in cælo, sed etiam in hac vita, *ibid.*; *424, 2. ejus dotes, ut pontificis, *420, 2. in suo pontificatu est fidelis, *379, 2. est pontifex æternus in gratia, gloria et sacrificio, *422, 1. gratiarum actione benedictionem mensæ inchoare solebat, *227, 2. sacerdotes castos et puros habere cupit, *421, 1. publicus sacrorum minister est, *423, 2. est primus et ultimus sacerdos, *411, 1, 2. item sacerdos perfectus et immortalis, 367, 1, 2; *420, 1. ubi per hostiam suam apparuit, *449, 1. æternam salutem dat, Aaronici tantum temporalem, *420, 2. non pro suis peccatis, sed alienis semel victimam obtulit, *421, 2. unica sui oblatione dedit consummatam oblationem, *456, 2. tripliciter ab Aaro-

niciis sacerdotibus differt, *448, 1. est specialis Testamenti novi, *427, 1. induxit nova sacrificia, sacramenta, leges et promissiones novi Testamenti, *419, 2. habet in se omnes pontificis optimi dotes et munia, *393, 1, 2 et seqq. est alius sacerdos ab Aarone, et maior, *379, 1; *413, 1, 2; *417, 1. quare vetera sacrificia in Ecclesia sua non retinuerit, *452, 2. quare post cœnam hymnum cecinerit, 659, 2. ante consecrationem gratias egit Deo Patri, 344, 2. panem et vinum benedixit, non Patrem, *ibid.* cur ante Eucharistiæ institutionem cœnaverit, 365, 2. pro nobis in cœlo offert sacrificium, *424, 1. quomodo ejus sanguis sit novum testamentum, 366, 1. orat pro nobis tanquam pontifex, *420, 2. ejus allegorica applicatio ad pontificem et sacra Judæorum, *438, 1. ejus sacerdotum sanctificat hominem, non Aaronis, *416, 1. totus in parva hostia esse potest, 362, 2. ei jure gentium, tanquam Patris sui unigenito et primogenito, debebatur sacerdotum et pontificatus, *394, 1. — *Vide Eucharistia.*

CHRISTI resurrectio, victoria, gloria et triumphus.

Christus in resurrectione officium et meritum passionis absolvit, 90, 1. an per eam meruerit nostram justificationem, *ibid.* nisi per eam mortem vicisset, non potuisset debellare omnino peccatum, 2. resurrexit, ut mitteret Apostolos et Spiritum Sanctum, qui nos justificarent, *ibid.* semel resuscitatus amplius mori non potest, 110, 2. resurrexit, ut gloriosam et divinitati suæ convenientem vitam ageret, 108, 1. est in resurrectione a Patre genitus, *354, 1. meruit sibi gloriam corporis et celebritatem nominis, *27, 1. destruxit diabolum, *374, 2. ante mortem quatuor dotes gloriosas assumpsit obiter, 412, 1. omnibus est causa resurgendi, 403, 1. vere ad inferos descendit, 627, 2. cur eo descendit, *ibid.* an etiam ad inferos damnatorum, *ibid.* fuit omnium ad vitam immortalem resurgentium primus et primitiæ, 402, 2. et quasi primæ terræ fructus Deo oblatus, *ibid.* primo inter viros apparuit Petro, 399, 1. apparuit item undecim discipulis, 2. an D. Matthiæ post ascensionem apparuerit, *ibid.* ejus dominium in omnia animalia, *370, 2. ejus sepultura et baptismus quomodo inter se differant, 107, 2. ejus resurrectio fuit mortis abolitio, 401, 2. si non resurrexit, cur adhuc in peccatis simus, *ibid.* ejus resurrectio causa fuit, cur simus resuscitati a morte peccati, 399, 1. eum resurrexisse sex rationibus probatur, 403, 1.

CHRISTI regnum, Ecclesia, ascensio et potestas judiciaria.

Christi regnum quam amplum, 253, 1. ejus judicantis ad peccatorem exprobratio, 58, 1. ejus triumphantis et in cœlum ascendentis typus fuit Israel, victor Pharaonis, 626, 1. hic triumphus describitur, *ibid.* quare et quomodo super omnes cœlos ascenderit, 628, 2. ascendendo super omnia ostendit se omnium dominum, 629, 2. circa Ecclesiæ regimen non omnia constituit, sed multa successoribus reliquit, *323, 1. ei excommunicandi potestatem dedit, 286, 2. est spes objectiva gloriæ nostræ, *81, 2. quomodo sit ejus summus et imus lapis fundamentalis, 607, 1. est ejus caput quatuor modis, 352, 2. quid in ejus membra operetur, 635, 8. quæ ei dona reliquerit in cœlum ascendens, 630, 1. eum sibi velut sponsam univit, 667, 1. eam fabricavit, *380, 1. quomodo ejus sit principium, *77, 1. nunquam eam deseruit, 519, 2. ejus in eam amor, 101, 2. quomodo dicatur judex vivorum et mortuorum, *133, 2. ascendit in cœlum, ut nobis viam et locum pararet, *160, 1. cur coram Deo pro nobis appareat, *447, 1. quomodo cœlorum vacuum impleat et omnia dispiciat, 628, 2 et seqq. post ascensionem discipulis publice non apparuit, 400, 1. quingentis fratribus apparuit ante ascensionem in Galilæa, *ibid.* quomodo ad dexteram Patris

sedens, eo non sit dignior, *400, 2; *101, 2; *353, 1. an revera in cœlo sedent, et non potius stet, *100, 2. in nobis adolescit, et plenam acquirit staturam, donec Ecclesia ad justam perfectionem perveniat, 632, 2. utroque suo adventu pios ab injuria vindicabit, et impios condemnabit, *466, 2. est omnium cogitationum censor et judex, *389, 1. quomodo, quo titulo, et quorum sit hæres, *351, 2. etsi gloriosus, se vocat fratrem nostrum, *373, 1. non meruit beatitudinem, sed ante meritum eam adeptus est, *496, 1. ejus ad judicium venientis majestas, *156, 1; 388, 2. ad judicium veniens suo jussu occidet Antichristum, *156, 1. qua de causa vivis et mortuis dominetur, 231, 2. post mortem obtinuit exercitium domini sui, *ibid.* sibi corporis gloriam et potestatem judiciariam meruit, *ibid.* cum judicabit, duas ob causas erit omnibus admirationi, *446, 1. ejus oculus omnia videt, *390, 1.

Mixta et varia de CHRISTO.

Christus ponitur a Paulo interdum pro christianismo, 29, 2; 492, 2. item pro ei adjunctis, 638, 2. Christus nobis est omnia, 226, 2. quomodo dicatur Israel, *3, 1. quomodo in eo omnia sint instaurata, 591, 1. Christus et Adam in contrarium sibi comparati, 101, 1, 2; 103, 2. secundus est Adam et magis noster pater, quam hic, 96, 2. Christus quomodo vivat Deo, 111, 1. Paulum Troade in Macedoniam evocavit: ei familiariter appareret et monet, 13, 2. eum convertens, apparuit ei in aere corporaliter, 400, 2. item Romæ D. Petro, eumque ad martyrium vocavit, *ibid.* est justitia et pax nostra non formalis, sed causalis, *605, 1. est præcipuum objectum fidei Abraham, 80, 1. ipse solus lucrum est, *44, 2. dupliciter nobis loquitur, interius et exterius, *496, 1. ipse per se, non Moses nobis promissa facit, *ibid.* a nobis amatus, in nos transformatur, et nos in ipsum, 533, 1. quomodo nobis sit scriptus et depictus, 537, 2. non complevit omnia per se, sed etiam per Apostolos, 598, 2. cur vivens mulieres circumdlexerit, 328, 2. quomodo apprehenderit semen Abraham, *376, 1. ei obstricti, tanquam capiti spirituali, spiritualiter ei vivere debemus, 133, 1. et ei vivere jure servitutis ei debito, 453, 1. in tribulatione ei conformamur, 441, 2. ei subjiciuntur omnia in fine mundi, *370, 1. ei insiti sumus ut rami arbori, 108, 2. varii eum induendi modi, 226, 1. quomodo eum secundum carnem se nosse Apostolus neget, 453, 1, 2. post Christum sunt sancti cuncti consummati et perfecti in gloria, *507, 2. quæ de Christo, vel ejus corpore dicuntur in Scripturis, aliquando de solo corpore, id est Ecclesia, aliquando de solo capite accipienda, 22, 1. Cibus certus per se indifferens, accedente præcepto necessarius fit, 233, 1. cibus idolo immolatus non afflatur divinitate, nec fit deterior, 324, 1. eum rudiores putabant esse sanctum, 323, 1. cibus sanctificatur per verbum Dei, *227, 1. in cibis demonis potestas ante Christum, *228, 2. cibi creati sunt in usum sanctorum, *226, 2. cibus in se mundus, fuit immundus, quia erat lege velitus, 232, 2. et qui, *438, 2. ob cibos lege velitos dissensio erat inter neophytos Ethnicos et Judæos, 227, 2 et seqq. in delectu ciborum non debent fideles se invicem judicare, 229, 1; 231, 1. de ciborum delectu error Judæorum, Manichæorum et Marcionitarum, *224, 2; *326, 1. Cicatrices dicuntur etiam stigmata, 581, 2. M. Cicero naturam accusavit quasi in homines crudelem, 98, 1. idola colenda docet ob metum legum politicarum, 52, 1. conjugium ad philosophandum ineptum esse dixit, 320, 1. Cilices græce, sed corruptius quam alii Græci loquebantur, 30, 1. Cilices pessima natio erant, *325, 2. Cinere vitulæ aspersus immundus expiatur, *440, 2.

Cinguli symbolum est quintuplex, et ejus usus, 677, 1 et seqq. cingulum est nota amoris militaris et conjugalis, animæ erga Christum, 678, 2. — *Vide Zona.*

Circumcelliones carpebant salutationem Deo gratias, * 139, 2.

Circumcisio si baptismo jungatur, christianismus nihil proderit, 561, 1. licuit Judæo-Christianis, non Gentibus conversis, *ibid.* est veteris legis professio, 2. non prodest, nec obest Christiano ad salutem, 310, 1. cur Judæi circumcisio dicebantur, 604, 1. in quanto honore fuerit Judæis et Ægyptiis, *ibid.* ejus rei fuerit signum, 83, 1. idque non solis Judæis, sed etiam Gentibus sectantibus vestigia fidei Abrahæ, 2. per hanc intelligit Apostolus omnem legem veterem, 84, 1. cur in membro quod absconditum est, instituta, 67, 1. quæ sit circumcisio cordis, 65, 2. ejus rei illa Judæos commoneret, et quid designaret, 64, 1. ea jam est illicita, 527, 2. quomodo Christus minister sit circumcisionis, 237, 1.

Circumcisorum quomodo S. Petrus sit Apostolus, 528, 1.

Civitas cælestis bene fundata est, * 476, 2. ejus opes et beatitudo, *ibid.* Civitates maritimæ plerumque male moratæ, * 325, 2.

Clamor noster filialis ad Deum testatur nos esse filios ejus, 135, 1. quis sit clamor mentis, 551, 1.

Claudia Vestalis cur adducta in suspicionem stupri, * 204, 1.

Claudicandum non est in angusta salutis via, * 503, 2.

Clementis Alexandrini error docentis Paulum fuisse conjugatum, 329, 1.

S. Clementis Ancyranus in tormentis 28 annorum constantia, 444, 1. hinc erat semper ad nova pro fide certamina promptior, * 498, 1.

S. Clemens Romanus an scripserit epistolam ad Hebræos, * 348, 1. an vero ejus sit interpres in Græcum, 373, 2. elegantissime eam vertit, * 348, 1. ejus epistola ad Corinthios cum hac quadrat et style, et sensu, *ibid.*

Clementia mira Christi quod persequatur Paulum aliosque peccatores, * 186, 1; * 188, 1.

Clericus turpe lucrum non sectetur, * 216, 2; * 824, 1. quibus in rebus ei gloriam, 497, 1. clericos decet hospitalitas, * 513, 1. 2. quam fugere debeant feminas, * 212, 2; * 235, 1. — *Vide Ecclesiastici.*

Clinici sunt qui in lecto baptizantur jam morituri, 407, 1.

Clodoveus, Francorum rex, quomodo dictus Sicamber, 514, 1. S. Petro Parisiis basilicam erexit, * 238, 1.

Clotildis Clodoveum virum suum Christo peperit, 306, 2; * 205, 1, 2. vidua in sanctitate vixit, * 238, 1.

Coccus in tabernaculi cortinis, ignem significat, * 432, 1.

Cælestia quomodo sapiamus, * 100, 1 et seqq. cælestia gaudia describuntur, * 500, 1. *Vide Beatitudo, Cælum.* quadrupliciter dicitur Christus homo cælestis, 411, 2.

Cælum tertium, ad quod Paulus raptus, quod fuerit, et quot sint cæli, 500, 1. cælum nostra resp. est, cives ejus sumus, * 15, 2; * 507, 1. quomodo in eo mente conversari debeamus, * 54, 1 et seqq. est typus animæ ardentis charitate, 382, 2. ibi non erit doctrina, nec discentia, 383, 2. ejus immensa felicitas, 127, 1. ejus aditus reservatus tempori Christi, * 491, 1. id negabit Antichristus, * 163, 1. est Sanctum sanctorum, cui et reliquæ hujus partes adaptantur anagogice, * 436, 1. quomodo id Deus commoverit in nativitate et passione Christi, * 509, 1. id docet nos amorem Dei, 51, 2. cæli quomodo peribunt, cum sint æterni, * 362, 1. quomodo post diem judicii mutabuntur et innovabuntur, *ibid.* quomodo enarrent gloriam Dei, 182, 2. allegorice denotant Apostolos et præcones Evangelii, *ibid.* quomodo dicantur Dei milites, * 190, 2. cælum empyreum non movetur, et an sit quadratum, an vero sphaericum * 423, 2. quomodo et insistat Christus, 500, 1, 2. Scriptura aerem vocat cælum, 154, 2.

Cæmeterium S. Callisti quis locus Romæ esset, * 490, 2.

Cæna communis olim Eucharisticæ præmittabatur, 358, 1.

Cogitando te non esse perfectum, ad perfectionem tendis, * 48, 2.

Cogitatio omnis quomodo obediat Evangelio Christi, 484, 1. cogitationes dirigere debet Deus, 438, 1. testes sunt in proprii cordis tribunali, 63, 1. hinc tribuuntur cordi, 263, 1. cogitationes debent esse cælestes, * 54, 2. et sublimes, * 471, 1. cogitationes hominum vanæ sunt, 275, 1. earum judex et censor est Christus, * 380, 2.

Cognitio est dux actionis, 54, 2. cognitio nostra de Deo qualis sit in hac vita, et qualis in cælo futura, 384, 1. non est ea nuda et speculativa, sed affectuosa et practica, * 428, 2. cognitio Dei, Christi et gratiæ est lumen, * 74, 2. ejus fructus actio honesta est, 51, 2. cognitio Dei naturalis, sine supernaturali, et fide, ad salutem et justificationem non sufficit, 62, 1; * 471, 2. cognitio et agnitio quomodo differant, 72, 2.

Cognoscere mulierem Hebræis est exercere actum venereum, 299, 2.

Cohæres Dei nemo esse potest nisi per Christum, * 351, 2.

Coliphium panis erat athletarum, 333, 2.

Collationes Religiosorum de rebus piis succedere priscæ expositioni Scripturæ, 395, 2.

Collecta fieri solebat in die Dominica, 416, 1. collectam pro Hierosolymitanis Christianis Paulus sedulo fecit, et quamdiu illa durarit, *ibid.*

Colloquia in abditis stuprorum sunt causa, * 213, 2. colloquium S. Fursei cum angelo in visione habitum, 273, 1.

Colonia quæ Romanis diceretur, et qui coloni, 606, 2.

Color hebraice oculus dicitur, 28, 2. color ianthinus quid denotet, 681, 1. colores morum qui, 429, 1.

Colossæ civitas Phrygiæ terræ motu concidit: hodie Chonæ dicitur, * 69, 1. ibi viguit hæresis angelorum, quæ correctæ transit in rectum et purum cultum angelorum, *ibid.*; * 95, 2. Colossenses non sunt Rhodii, * 69, 1. iis scribit Paulus non visis, *ibid.*; * 83, 1.

Columnæ duæ Booz et Jachin ante templum Salomonis collocatæ quid significarent litteraliter, allegorice, tropologice, * 218, 2 et seqq. iisdem comparantur SS. Petrus et Paulus, 17; 2. columnæ Trajani et Antonini adhuc supersunt Romæ, *ibid.*

Comam alere effeminatum in viro, 357, 1. eam aliquæ gentes aluerunt, *ibid.*

Comessiones sunt convivia, quæ gulæ causa sunt, 225, 1; 567, 2.

Comessari unde dictum, *ibid.*

Comitas mire ornat doctorem, * 121, 1.

Commemoratio Sanctorum adstruit, 211, 1; * 516, 2. maxime jam mortuorum, * 516, 2. eaque tam privata a quoque fidelis, quam publica a tota Ecclesia, *ibid.*

Commentarius Hieronymi in Paulum suspectus, quia est Pelagiani cujusdam, 377, 1, 2; * 266, 2. Commentaria D. Chrysostomi in Paulum ejus ad populum homiliæ fuere 4, 1. Commentarius Ambrosio adscriptus in Paulum, cujus sit; errores graves continet, quando scriptus, 31, 1. variis hic adscribitur, 2.

Commorari et habitare quomodo differant, * 86, 2.

Commune Hebræis idem quod immundum, 232, 2; * 91, 2. hinc commune facere idem est quod profanare, *ibid.* quam vocet Apostolus communem fidem, * 322, 2.

Communicare sua quomodo divites dicantur, * 266, 1, 2. communicare omnes Missam audientes deberent, 358, 2. cur olim Martyres sub specie vini communicarent, 370, 2. quo affectu communicandum sit, 367, 2.

Communicans maxime linguam custodiat, 369, 1. communicantes indigne sugillantur, 367, 2. quam penam incurrant, 369, 1. communicanturi toto die olim jejunabant, 369, 2. luxum sæculi repudient, * 519, 2 et seqq. olim Eucharistiam non ore, sed manibus excipiebant, ideoque eas abluebant, * 201, 2.

- Communicatio fidei quæ sit, * 348, 1. communicatio idiomatum est inter Christum et Ecclesiam, 638, 1. communicatio Spiritus Sancti activa et passiva est, 618, 1. communicatio alia creata, alia increata est, 2.
- Communio etiam beneficentiam tam dantis, quam accipientis denotat, * 531, 1. communio fidelium cum infidelibus vetatur, 460, 1.
- Communio Eucharisticæ effectus, 348, 2; * 519, 1. ejus ritus antiquus, 369, 2. quare olim daretur infantibus post baptismum, 348, 2. per eam Deus quotidie nobiscum habitat, 462, 2. — *Vide Eucharistia.*
- Comœdia unde dicta, et a quibus initiis orta, 225, 1.
- Compages in homine proprie quid sint, * 889, 2.
- Compassio infirmitatum proximi signum est perfectionis Christianæ, 574, 1. ejus motivum, * 514, 2.
- Complantari resurrectioni Christi, est in novitate vitæ ambulare, 409, 1.
- Compunctionis spiritus quis sit, 189, 1. compunctio de nocte exercenda est, 644, 1. compunctio Judæorum est eorum execratio et pertinacia in sua perfidia, quæ ipsos penetravit, 189, 2.
- Conciliis Generalibus semper præsent Pontifices Romani, vel per se, vel per legatos, 527, 4; * 160, 1. illorum decreta non sunt anathema, 519, 2 et seqq. Concilium Hierosolymitanum quo Christi anno celebratum, 526, 1, 2. idque causa quæstionis motæ a Cerintho de servandis legalibus una cum christianismo, 19. Concilium Milevitanum probatum fuit ab Innocentio I, 97, 2.
- Concionator legat S. Paulum et Chrysostomum, 10, 2. ejus munus est, jam fugam vitiorum, jam celestes proponere coronas, 110, 1. ejus peccata et officia quæ sint, * 287, 2. ei fugienda levitas, 428, 2. primo se, deinde alios doceat, * 234, 1. magis sæpe meretur, ubi nullus apparet fructus, vel exiguus, 269, 1. ejus dignitas, *ibid.* a thesi ad hypothesin debet descendere, 642, 2. est veluti propheta, 894, 2. et cervis persimilis, 554, 2. pro motione interiori Deum sedulo precetur, 268, 2. idque ante concionem, 394, 2. quo studio suo munere fungi debeat, 239, 1. peccatores a somno vitiorum excitet, 655, 1. item illuminet, purget, perficiat, 612, 2. — *Vide Predicator.*
- Conclonandi apostolica ratio efficacissima est, omnibus concionatoribus imitanda, 261, 1.
- Concionis fructus oratione impetrandus, *ibid.* conciones Apostolorum erant fere tantum catecheses, 578, 2.
- Concionem vocat Paulus circumcisionem, * 41, 1.
- Concordia Christianis commendatur, 237, 2. ejus præmium, 512, 1, 2. munimen est omni muro firmius, * 20, 1. exempla ejus et apophthegmata, *ibid.*
- Concupiscentia non est in homine substantia mala, 601, 2. pœna est peccati, et causa peccati, et peccatum, 128, 1; * 391, 1. nec tantum residet in appetitu sensitivo, sed etiam rationali, 565, 2; 601, 1. est manubrium demonis, 566, 1. impedit bona opera, * 404, 2. quibus nominibus a Paulo significatur, 29, 1. et quasi tyranno traditi sumus, etiam justi, 123, 2. quomodo in justis transeat reatu, maneat actu, 130, 1. quomodo impediat virtutum opera, 566, 2. ejus curandæ ratio, 130, 1. ejus et spiritus lucta, 123, 2. quia nobis vitaliter intueret, sine magno animæ dolore evelli nequit, 133, 2. eam trahimus ex Adamo, sed per Christum illa facta est materia luctæ et victoriæ, 103, 2. per luctam contra eam in mundo, meremur liberari ab ea in cælo, 120, 2. ab ea tentari Christus non potuit, * 377, 2. — *Vide Cupiditas, Voluptas.*
- Concupiscat caro adversus spiritum quomodo, 29, 1. quidquid concupiscimus, hoc proximo invidemus, 384, 1.
- Concrucifigi Christo quomodo possumus, 579, 2.
- Concursus Dei non prædeterminat, 373, 1.
- Condignitas passionum et meritorum nostrorum ad gloriam qualis sit, 445, 2.
- Condimenta laborum sunt promissa Dei, * 406, 1.
- Conditio cum est impossibilis, etiam est impossibile id quod hanc conditionem requirit, 61, 2.
- Conducto (in) Romæ Paulus habitavit hospitio, quod in ecclesiam transiit, * 340, 1.
- Confessarii indignos absolventes eorum peccata in se transcribunt, * 248, 2. cur imponant manus penitenti in absolutione, *ibid.* adolescentulis potius menstrea quam perpetua concedant vota, * 246, 1. iis aperiendæ omnes cogitationes et animi motus, ad dolos Satanae relegendos, 428, 1; 494, 1.
- Confessio est communioni præmittenda, 368, 1. confessio fidei debet esse firma et contemptrix cupiditatum, * 459, 2. fides et religio vocatur confessio, * 379, 1. quare confessio publica jam sublata sit, 363, 2. qualem confessionem Timotheus fecerit, * 262, 1. Confessorum et Martyrum confessio quomodo differat, 2.
- Confidentia in Deo est habenda, * 275, 2. ea oritur ex mentis pace, * 64, 1. ejus signum est calceus, 680, 1. confidentia et spes Christianorum qualis, * 465, 1.
- Confidere in carne quid sit, * 42, 1.
- Confirmationis sacramentum initio Ecclesiæ dabatur mox a baptismo, 94, 2 et seqq.; * 337, 2; * 399, 1. iterari non potest, * 401, 1. in eo datur robor et plenitudo Spiritus Sancti, 94, 2. id dicitur perfectio et consummatio, 261, 1. ejus effectus et fructus, 424, 2.
- Confiteri et profiteri fidem, quid sit, 232, 2.
- Confusionis ignis quis sit juxta hæreticos, 270, 2.
- Conjugalis amoris exempla, 667, 8.
- Conjugati quam difficulter Deo serviant, 317, 1.
- Conjugium quomodo honorabile in omnibus, * 514, 2. ejus bona caduca sunt et cito peritura, 313, 1. est id cuique liberum, 320, 1. conjugii actus quando peccatum veniale includat, 301, 1. ejus voluptas fellæ et epileptica est, 814, 1. eo potior est virginitas, 313, 2. conjugium dispar, ingens est onus, 461, 1. conjugium olim interdictum militibus, * 283, 2. conjugia Catholicorum cum hæreticis dissuadenda, 322, 1. conjugium spirituale virginum cum Christo, 318, 1. conjugium Dei cum anima, 295, 2. ejus proles, 490, 2. — *Vide Matrimonium.*
- Conjux propter conjugem parentes deserat, 295, 1. conjux fidelis an possit cohabitare infideli, 306, 1. infideli ab infideli discedere ob rixas suadet Apostolus, 309, 1. conjugi infideli non est assentiendum, 461, 1. — *Vide Fidelis.* Conjuges in quo pares sint, et invicem obstricti, suique corporis potestatem non habeant, 300, 2. cur cingulo cingantur, 677, 1. cur se invicem diligere debeant, 665, 1; 667, 2. quomodo sint duo in carne una, 295, 1. se invicem in conjugio opus habent, 356, 2. statu suo contenti sint, 302, 2. olim creabantur Episcopi, sed deinceps conjugio abstinebant, * 211, 2. conjuges duo Arvernenses in conjugio virgines, 301, 2.
- Conradus et Mathildis in conjugio castimoniam servarunt, 301, 2.
- Conradus Teutonicus, discipulus D. Dominici, et alius Conradus, quam quiete obdormierint in Domino, * 375, 2.
- Conscientia est actor in tribunal cordis, 63, 1. accusabit hominem in die judicii, *ibid.* est testis et judex malorum et bonorum operum, *ibid.*; 282, 2. ejus remorsum tollit peccandi consuetudo, 638, 2. cur ejus dictamen vocetur fides, 234, 2. eam debemus Deo, 214, 1. conscientia cauteriata significat infamem, corruptam, immutabilem et ardentem libidine, * 224, 1. talem habent hæretici, *ibid.* conscientia bona et cor purum idem sunt, * 180, 1. conscientia proximi non lædenda, 349, 2. conscientia bona fidei anchora, * 191, 1. ejus gaudium, 568, 2; * 278, 2. ejus vis et quies, 422, 2; * 180, 1. ejus confidentia et securitas in morte, 311, 1. unde ea oriatur, 90, 1. conscientia etiam erronea obligat, deponenda tamen est, 234, 2. conscientia mala est fons hæreseos, * 191, 2.

- Consecrare, initiare, inaugurare, dedicare idem sunt,** *442, 2.
- Consecratio Eucharistiæ dupliciter est enuntiatio practica,** 364, 1. non significat primario terminum a quo, sed positionem termini ad quem, secundario tamen terminum a quo, *ibid.* quomodo ejus verba sacerdos proferat, 365, 1. tropice non sunt intelligenda, 359, 1. consecrationes variæ variarum frugum et ciborum, *228, 2.
- Conservatio divina non est aliud quam primæ creationis vel actionis continuatio,** 268, 2; *357, 2.
- Consiliarius Dei quis dupliciter fieri potest,** 197, 1, 2.
- Consilia tria Augustini in primis salubria,** 319, 2. consilia Dei omnibus ignota, 197, 1. consilium propositum et beneplacitum Dei, idem sunt, 589, 2.
- Consolationis oceanus est Deus,** 237, 1. consolationes divinæ semper majores sunt passionibus, 421, 2.
- Consortium cur infidelium fidelibus vetet Paulus,** 461, 1.
- Conspersio quid sit in re pistoria,** 287, 2.
- Constantia Augusta mitti sibi petit reliquias Pauli,** 16, 2.
- Constantia, Constantini filia, marito fidem et continentiam persuasit,** *237, 2.
- Constantia in tribulatione parit coronam vitæ æternæ,** *17, 2. ea decet Christianos, *278, 1. Constantia et perseverantia cuilibet morituro suavis est, *310, 2. constantia fidei Abrahæ imitanda in rebus fidei, 109, 2. constantia aculeus terror iudicii est, *456, 2. ejus symbolum est cingulum, 677, 2. item calceus, *28, 1. eam exigit amor animæ erga Deum, 679, 1.
- Constantinus Imp. basilicam S. Paulo crexit, eamque muneribus exornavit,** 17, 1. corpora Apostolorum electo inclusit, *ibid.* hi ei apparentes curationem a lepra promittunt, 14, 1. sanxit, ne quis Judæus Christianum servum habeat, 310, 2. quantopere adulatores detestaretur, *120, 2. quomodo suam efformari voluerit imaginem, *202, 1. plecti jussit capite eos qui libros Arii occultassent, *289, 1. ei contra Maxentium pugnaturo crux ostensa e cælo, 255, 2.
- Constantinus quidam Manichæus jactans se esse Silvanum, saxo perimitur a quodam suorum,** *115, 2.
- Constantium Imp. impium quam audacter coarguerint SS. Hilarius et Athanasius,** *274, 2.
- Constitutiones monasticæ et pontificiæ non sunt ficta religio,** *98, 1, 2.
- Consubstantialitas SS. Trinitatis asseritur,** 513, 1.
- Consummare in Scriptura aliquando est gloriosum facere; item consecrare,** *971, 2. Christus unica oblatione consummavit sanctificatos in æternum, *456, 2.
- Consummati dicuntur pie defuncti,** *373, 1. quomodo Christus sit consummatus, *397, 1.
- Consummatio significat animæ corporisque beatitudinem,** *491, 2. quomodo sit in consummatione sæculorum Christus passus, *448, 2. ipse est consummatio legis, 176, 1.
- Contactus cadaveris debebat aqua lustrali expurgari,** 406, 2.
- Contemptum sui ubi ferre debeat sacerdos, ubi non,** *232, 1. contemptus Dei et hominum signum est obstinata mentis, 190, 2.
- Contentioni semper socia est æmulatio,** 225, 2. contentiones sequuntur ex logomachia hæreticorum, *354, 2.
- Contentus quisque sit proprio dono,** 302, 2 et seqq. contentus sua sorte, habet summum bonum, 477, 1. et dives est, *255, 2. est Deo et angelis similis, *85, 2 et seqq.; *256, 2.
- Contestificari quid sit apud Paulum,** 134, 2.
- Continentia non contra libidinem modo, sed et quoslibet alios concupiscentiæ motus luctatur,** 128, 1; *249, 1. omnes complectitur virtutes, 569, 1. quomodo a modestia, *ibid.* continentiam perpetuam ex mutuo consensu vovere conjuges possunt, 361, 1. eam videntes sunt sponsæ Christi, *244, 2. ejus votum olim non irritabat matrimonium, *ibid.* ejus donum omnes habent, si velint, et oratione consequi possunt, 312, 1.
- Continere omnes non possunt potentia propinqua, sed remota,** 287, 2. continere se inter delicias, magnum est, *66, 2.
- Contradictionem qualem sustinuerit a peccatoribus Christus,** *497, 2.
- Contritio est tristitia secundum Deum,** 465, 1, 2. ejus effectus, 466, 1.
- Conventus publicos Christianorum commendat Apostolus,** *460, 1. quis in iis olim ritus esset et ordo, 395, 1.
- Conversatio irreprehensibilis Prælati necessaria,** *180, 1, 2. assidua conversatio Pauli cum Christo, 8, 1. conversatio probabilis suadet, 214, 1. quæ conversatio nostra in cælis esse possit et debeat, *54, 2 et seqq.
- Conversio Judæorum quanti sit gaudii occasio,** 192, 1, 2. conversio S. Augustini ex lectione S. Pauli, 4, 1; 10, 1. quando S. Pauli conversio facta sit, 12, 2. in hominum conversione elucet Dei virtus, 596, 1. conversio non tribuenda eloquentiæ concionatoris, 261, 1.
- Conversores animarum quomodo sint sacrificatores,** 238, 2. iis strenue laborandum, 554, 2. hi perficiunt corpus Christi, 598, 2.
- Convicium convicio repellere muliebres est,** 644, 2.
- Convivia Christianorum, qualia esse debeant,** 659, 2. conviviorum hodiernorum luxuriam reprehenditur, 660, 1.
- Cooperatio mutua in Evangelio esse debet,** 269, 1. cooperatio nostra ad Dei donum requiritur, *168, 2. nostra cooperatio ad opus bonum manat a gratia Dei excitante, 25, 1. cooperatio liberi arbitrii requiritur ad Spiritus Sancti gratiam, *427, 2.
- Copia causa inopiæ,** 440, 2. copiæ auxiliares militi Christiano oratione evocandæ, 684, 1.
- Cor voluntatem, mentem, intellectum significat,** 178, 1; 223, 1. hinc ei tribuuntur cogitationes, *ibid.* id elemosynarii debent dare Deo primum, 470, 1. cordis duri pulchra hypotyposis, 57, 2. in corde Deus tribunal constituit, 63, 1. id ei nequit mentiri, 2. ex eo vita procedit, 47, 1.
- Corinthiorum sapientia,** 246, 1; 266, 2. et superbia, 246, 2. erant vita et moribus corrupti, 510, 2. diu post tempora Apostolorum virgines suas velarunt, 356, 1. erant in venerem et gulam et idola proclives, 297, 2; 341, 2; 352, 2. erant in Paulum ingrati, 460, 1. et tenaciores, 331, 2; 493, 1. eorum schismata maxime ex baptismo orta sunt, 251, 2; 277, 1. jactabant se de donis Spiritus Sancti, 371, 1. hinc ironice irridenter ab Apostolo, 280, 1; 281, 2. eorum elatio ob sapientiam spiritualem, 282, 1. eorum schismata in cæna Eucharistica, 357, 2. Paulus fuit iis ceu pater, 281, 2. illorum mutatio ex ejus prædicatione, 431, 1. hic eos sibi adsciscit iudices ad excommunicandum fornicarium, 286, 2.
- Corinthus duos habuit portus: a quo condita: dicta bimaræ,** 240, 1. ejus potentia, divitiæ, splendor, luxuriam, fastus, *ibid.* multos hic Apostolus convertit, 2. fuit emporium celeberrimum totius Græciæ, *ibid.* 392, 2; 469, 2. Pauli tempore nondum Episcopum habebat, 292, 2.
- Cornelia, Gracchorum mater, filios suum esse dixit ornamentum,** *207, 1.
- S. Cornelius Pontifex strenuum se confessionis ducem suis præbuit,** *374, 1, 2. per omnia sacerdotii officia est ad pontificatum evehctus, *217, 2.
- Cornelii Taciti error circa Judæorum originem,** *326, 1.
- Cornu unicornis medicum est,** 500, 1. cornu parvulum Danieli est Antichristus, *154, 2. cornua et splendor Mosis qualia fuerint, et unde ei afflata, 434, 1. cornuum quatuor crucis, altitudinis, profundi, longitudinis, latitudinis analogiæ, 618, 1.

- Corona** apud Hebræos abundantiam et cumulum omnium bonorum significat, *369, 2. coronis variis nos Deus coronat, *ibid.* corona Apostolorum, Episcoporum et concionatorum sunt fideles conversi, et populus commissus, *57, 1; *123, 2. coronæ paratæ Martyribus visæ sæpe ab eorum custodibus, *313, 1, 2. coronæ variæ in cælo pro meritorum varietate, *311, 2. corona sacerdotalis quid significet, 354, 1.
- Corpus** est labora exercendum, *230, 2. castitate roboratur, 297, 1; 334, 1. an recipiat sensationes in se, 28, 2. est dure habendum, 334, 1; 335, 2. dum sepelitur velut seminatur, 409, 2. ejus cura immoderata fugienda, 226, 2. est templum Dei, 297, 1. in resurrectione reformabitur, *56, 1. cur ejus vinculis Sancti optent dissolvi, *14, 2. obsequio Dei mancipetur, 297, 2. si impollutum, est hostia sancta et vivens, 200, 2; 201, 1. adeo mortis necessitati et ærumnis obnoxium est, ut videatur mortuum cadaver, 98, 8; *13, 2. est tunica gravis, 448, 2. est vas, domus et officina animæ, 447, 1; *8, 1. item animæ carcer, 622, 1; *13, 2. quod dicatur corpus peccati, 109, 2. quod corpus mortis hujus, 126, 2. quod corpus carnis, *87, 2. quod corpus claritatis et humilitatis, *56, 1. corpus fidei suis membris perficitur, 686, 1. quod corpus animale dicatur, 409, 2. quod spiritale, *ibid.* corpus animale non erit in cælo, 412, 2. sed gloriosum consimile animæ gloriøsæ, 409, 1. corpus Christi non est ubique contra Ubiquitarios, 374, 2; 629, 2. id vere in Eucharistia est, 345, 1; 690, 1 et seqq.; 366, 2. nihil in ea patitur, 363, 1. est ibi totum in tota, et qualibet hostiæ parte, 2. quomodo id in Missa benedicatur, *413, 2. illud qui indigne sumit, ei vim infert, 368, 1. id nos sibi unit, facitque similes, 346, 1. quomodo id fuerit in B. Virgine formatum, *454, 1. est Deo Patri victimæ gratissima, 453, 2. eo quod sit in spatiis imaginariis, non est infinitum, 628, 1. an id perfectius tabernaculum sit per quod transivit, *440, 1. est representatum in veteri tabernaculo, *439, 1. corporis gloriosi dotes quatuor, 410, 1, 2. corporis propria in hac vita sunt etiam propria animæ, 450, 2.
- Corpora** Eliæ et Henoch, cum triduo inseputa jacuerint Hierolymsis, resurgent, *162, 2. cur corpora suspensionum ante vesperam sepeliri voluerit Deus, 541, 2. corpora Christo velut capiti servire debent, 294, 2. sunt membra Christi, *ibid.* et ideo sunt magni facienda, 297, 1. corpora putrida resurgent ad majorem gloriam, 408, 2. corporum translatio in die resurrectionis non fiet in instanti, 413, 1.
- Correctio** errantis accipit efficaciam ab humilitate, 238, 2. in ea non desperandum, nec cessandum, *297, 1.
- Correptionis** fraternæ modus ex Augustino, 571, 2. item regulæ tres, 572, 2. præceptum Christi de ordine in correptione servando, non habet in hæretico locum, *839, 2.
- Corripiens** alios examinet se ante correptionem, an id ex amore faciat, *307, 1.
- Corrupti** mente, sunt cupedinarii, *801, 1.
- Corruptio** naturæ per gratiam Christi non sanatur, 70, 1, 2.
- Cosmæ** Medices Ducis in pauperes effusio, *68, 1.
- Costa** Adæ sublata, fuit ei privato superflua, tamen necessaria quatenus erat omnium hominum seminarium, 664, 1.
- Colhys** dæmon erat Corinthi præses impudicorum, 207, 2.
- Crapulam** sectans non potest servire Deo, 321, 1. eam sequitur somnus et torpor, *827, 2.
- Crates** Thebanus in domos alienas irrumpebat, et quæ displicerent reprehendebat, *129, 2. cur opes omnes in mare projecit, *515, 2.
- Creata** sunt omnia in Christo tripliciter, *76, 1.
- Creatura** in opere aliquo instrumentum est, Deus principale agens, 268, 2. creatura omnis quia Domini est, munda et bona est, 849, 1; *226, 2. creari nulla potest cui sit connaturale Deum videre, *265, 1, 2. quælibet amat suum esse et conservari, 189, 1. finem malorum expectat, 2. ejus nomen proprium est, *non sum*, *24, 2. creaturas adorarunt Gentiles, 49, 1. ex iis tamen Deum potuerunt agnoscere, 2. speculum sunt per quas Deum videmus, 384, 1. quomodo omnes laborent, *170, 2. omnes, etiam nondum existentes, quasi exercitus Deo famulantes, ab eo evocantur, 86, 2. hæ pugnabunt in judicio contra impios, *461, 2. corpori et animæ nostræ serviunt, 275, 2. earum finis est Christus ut homo, 276, 1. avidè expectant tempus, quo filii Dei gloria donabuntur, 139, 1. gemunt dum corumpuntur et mutantur, 2. in resurrectione non redibunt ad suum esse ideale, quod ab æterno habuere in Deo, 405, 1. creatura mundi quid sit Paulo, 50, 2. quomodo vocetur homo omnis creatura, 138, 2; *80, 1.
- Crederè** in Scriptura sæpe significat obedire, 601, 1. *credere in Deum* et *Deo* quomodo differant, 81, 2; 531, 1. phrasi Hebræorum idem sunt, 31, 2.
- Crescens** in Gallias amandatus a Paulo, Viennensi Ecclesiæ præfuit, *318, 2.
- Creta** Judæis abundabat, *326, 1. erat frequens urbibus et populis, *322, 2.
- Cretenses** mendaces, *325, 1. idque ob ingentiam mentendi et fallendi proclivitatem, *ibid.* erant natura duri, pervicaces et perversi, *334, 1. eorum luxuria et paedærastra, *323, 2. eorum Archiepiscopus fuit Titus, *318, 1.
- Crimen** duobus tribusve testibus probari satis est, 509, 1.
- Crucifixorum** mente et corpore exempla, 534, 1 et seqq.
- Crux** Judæis est scandalum, Gentibus stultitia, 253, 1; 254, 2. lingua Chaldaica significat Dei sapientiam et virtutem, 255, 1. crucis Christi virtus et sapientia in se, et prædicatione sui in sex admirandis eluxit, *ibid.* item in aliis quatuor, 2. est signum victoriæ et triumphi, *ibid.*; *91, 1. est fons sapientiæ, 2. ea est non templi ara, sed mundi, *520, 1. cur ei calvaria appingatur, 653, 2. ejus gloria et encomium, 256, 1; 578, 2. imo parit gloriam, non infamiam, 255, 1, 2. qui hæretici eam negarint, *53, 1. est omnium inimicitiarum exactrix, 606, 1, 2. ejus dimensiones, 617, 2 et seq. nobis in ea gloriandum est, 283, 1. quid crucis liber contineat, quis ejus titulus, 538, 1. est crux passim efformanda, maxime in operis initio, ut eam efformabant, primi Christiani, 350, 2; *58, 1, 2. erigebatur titulus crucis in nova ecclesia, *ibid.* crucis sacrificium et Missæ quomodo idem sint, 22, 1. crucis signo frangitur dæmonis potestas in cibis, *228, 1.
- Cruces** nobis sunt ambiendæ, 421, 2; *99, 2. per eas Christo crucifixo conformamur, 446, 2. eas sunt sanctis ab æterno decretæ, 613, 2. quomodo eas Christus elegerit præ gaudii et deliciis, *496, 2. cruces majores melioribus imponit Deus, *125, 1, 2. omnes propter Dei regnum animose tolerandæ, *75, 1. — *Vide* Afflictio, Tribulatio.
- Culpas** hominum non assumpsit Christus homo, *376, 2.
- Cultus** disparitatis est impedimentum dirimens matrimonium, 308, 2. qualis cultus Rom. Pontifici deferri solitus, *151, 1. quem cultum angelorum damnet Apostolus, *94, 1. hic Colossis viguit, sed ei purus successit cultus, *96, 1.
- Cunegundis** Imperatrix fuit in matrimonio virgo, et ferro candenti suam virginitatem probavit, 272, 1; 301, 2. facta vidua, sancte in monasterio vixit, ejus sepultura, *238, 2.
- Cupiditas** quænam sit radix omnium malorum, *259, 1. nimia cupiditas opum et rerum delectabilium, est causæ malorum, 638, 2; *258, 1. dedecet ea Episcopos, 214, 2. cupiditas inextinguibilis est omnis tristitiæ causa, *260, 2.
- Cura** quanta habenda temporis, 636, 1. ac salutis omnium hominum, etiam servorum, *341, 1. cura immoderata corporis fugienda, 226, 2.

Curiositas et otium plerumque conjuncta, et quæ inde mala sequantur, *129, 1, 2.
Curiosorum vanitas, *171, 2.
Currentibus in stadio duo cavenda, *495, 1.
Cursus Dei, sunt angelorum millia, 625, 2. item Cherubini, *435, 2. item cæli et mundus, *354, 1.
Cursor Christianus alius currit viribus naturæ, alius gratiæ, 166, 1. quomodo se extendat ad anteriora, *48, 1.
Cursus Pauli qualis et quantus, *310, 1. quæ in cursu ad bravium requirantur, 333, 1. cursus Christi qualis fuerit, *ibid.*
Custodem angelum quisque accipit dum nascitur, *363, 1.
D. Cyprianus Cæcilii nomen accepit a Cæcilio presbytero, a quo baptizatus, 37, 2. ejus post baptismum mutatio, 298, 2. suos quotidie docebat, et absens per epistolas, *308, 2. quanta illi fuerit cupido sacri sermonis, *ibid.* audita mortis sententia gavisus est, 309, 1. quantopere hæreticos odisset, *289, 1. qua de causa tractatum *De Mortalitate* scripserit, *15, 2. putavit hæreticorum baptismum non valere, 623, 2.
Cyrillus Hierosolymitanus catechista fuit, *576, 1.
Cyrus rex Babylonios evertit, Judæos liberavit, 47, 1. Christi fuit imago, *ibid.*, *28, 1. non cœnabat nisi corpus exercendo ante sudasset, *330, 2.

D.

Dæmon unde sit dictus, 324, 1. eum quasi animam idoli pro deo Gentiles coluerunt, 52, 1; 348, 1, 2. multis illudit specie boni, *98, 1. an visibiliter apparuerit Abrahæ immolaturum filium, *479, 2. est invisibiliter in Christi cruce crucifixus, *91, 1. ejus potestas in cibos ante Christum, *228, 2. dæmonem quem vicisti, ab aliorum mente et corpore facile pelles, *378, 1.
Dæmones accusabant nos in die judicii, 63, 2. aurum et gemmas invenerunt, *204, 1. quales nos reperiunt, tales se nobis præstant, 673, 1. sunt principes hujus sæculi, 261, 2. quid de Messie redemptione sciverint, *ibid.* an aliquando salvandi sint, 196, 1. hinc per Christum mediatorem juvari non possunt, 545, 2. quomodo eos Christus victor in triumphum duxerit, *90, 1. ad invocationem nominis Jesu pelli solebant, *31, 1. flagellantur per opera bona, 679, 2. familiares sunt hæresiarchis, 320, 1. inter eos alii potestates, alii sunt Principes: eum servant, quem in cælis habuere ordinem hierarchicum, 600, 2; 674, 1. cur dicantur mundi rectores, sed cum restrictione, *ibid.* iis aer plenus est: nebulones nequissimi sunt, *ibid.* quomodo Sancti eos judicabunt, 291, 2. an singulis vitii sui præsideant dæmones, 673, 2. dæmones et mundus per sensus nostros nocent nobis, 335, 1. quis sit calix dæmoniorum, 347, 1, 2— *Vide* Diabolus.
Dagon est Deus venter; quis fuerit et unde dictus, *54, 1.
Dalmatis Titus evangelizavit, *318, 1.
Daminda Philippum Macedonem expolit, 151, 1.
Damnati an aliquando salvandi, 196, 1. licet corpus habituri, erunt tamen sine veste, 448, 1.
Damnatio quomodo homini et Deo tribuatur, 25, 1. Damnationem æternam optare licet pro salute reprobatorum, 157, 2. sic eam optavit Paulus, *ibid.*
Daniel clausit ora leonum esurentium, *487, 1.
Danitæ nulli in fine mundi ad Christum convertendi: adhærebunt Antichristo suo contribuli, 194, 2; *161, 2.
Darius de clementia cum Alexandro contendit, 217, 2.
Dativus interdum pro genitivo usurpatur, *90, 1.
David fratrum abjectissimus a Deo electus est, *361, 2. quare non permissus Deo templum ædificare, *357, 1. fuit radix Christi quoad humanitatem, Christus radix Davidis quoad sanctificationem; et ideo fuit exaltatus, 239, 1. quomodo dicatur patriarcha, *412, 1, 2. ejus adulterium allegorice Christi erga Ecclesiam amorem

indicat, 101, 2. ejus in adversis spes, inde se educendum et regno donandum, 68, 1; 442, 1, 2. ei promissus fuit Christus, *417, 2.
De particula in compositis significationem minuit, 638, 1.
Debiles pœnitentiis multis caput et corpus non frangant, *250, 1. debiles in fide sunt a fortioribus confirmandi, *503, 1.
Debitum charitatis perpetuum est et insolubile, 221, 2. debitum nullum verum est in Deo respectu creaturarum, *312, 1. debitum in Deo oritur ex veracitate, *ibid.* debitum conjugale honeste Apostolus circumscribit: in eo reddendo petendoque conjuges pares sunt, 300, 2.
Deceptio a Christiano exulare debet, 612, 2.
Decimas quomodo Abraham dederit Melchisedech, *413, 2. eas dans minor est accipiente easdem, *ibid.*
Decimatione (in) Abrahæ Melchisedech typus est Christi, *411, 2.
Decius Imp. septimam in Christianos persecutionem invenit: quam infami perierit morte, *489, 1.
Dedicatione templi (in) quinque fiunt, 274, 1, 2.
Dedolentes et indolentes qui sint, 638, 1.
Defectio magna a Rom. Pontifice et Imperio erit ante diem judicii, *152, 1, 2.
Defendere pro vindicare subinde capitur, 214, 1.
Defensionem Evangelii quam fecerit Paulus, *9, 1.
Defunctis (pro) ut in Missa oretur, Apostolorum est institutum, 273, 2. quomodo lugendi, *130, 1. est pro iis orandum et sacrificandum, *ibid.*, *12, 1.
Delectatio hujus mundi falsa est, 315, 2.
Delibatio vocantur Apostoli et primi Christiani, 192, 2.
Delicati et gulosi cælo excluduntur, 233, 2.
Deliciæ immodicæ rationem obruunt, *237, 1. iis detrachere optima est ratio augendæ virtutis, *67, 1.
Delicti et peccati discrimen, 600, 1. cur delictum Adæ ab Apostolo dicatur pene ruina et offensio, 102, 1.
Demas Paulum reliquit, et an postea pœnituerit, *313, 2.
Demersio hominis in aquam baptismalem, significat Christi demersionem in mortem, *99, 1.
Demetrius Phalereus quid adolescentes doceret, *330, 1.
Demostheni, coco Valentis Imp. sacra tractanti, quid responderit S. Basilus, *206, 2.
Denarius numerus cur Hebræis venerabilis, 187, 1.
Depositum quod Timotheo custodiendum præcipiat Apostolus, *260, 1. cur hoc nomine vocetur sana doctrina, 2 hujus custos est Episcopus, 2. quod depositum Deus Apostolo servabit, *278, 2. est ejus Apostolus et Evangelii prædicatio, *ibid.*
Desideria sæcularia quæ sint, *332, 2. desiderium proficiendi animum dilatat, *48, 1. desiderium insatiabile perfectionis mire incitat ad cursum, *51, 2. desiderium cæli et Christi cogit sanctos ad mortem anhelare, *15, 2.
Desidia parit indigentiam, *129, 2.
Desolatio Romani Imperii et Pontificatus præbit adventum Antichristi, *152, 1.
Desperatio omnis in Christo tempore mortis, est exclusa ab ejus omniscientia, *395, 2.
Desponsatio animæ perfectissime fit per virginitatem et vota Religionis, 491, 1. item per charitatem, 490, 1, 2.
Delestari peccatum in se et aliis, est signum status gratiæ, 135, 2.
Deus quo decreto velit peccata, 26, 1, 2. quodnam decreti chirographum Christus deleverit, *89, 1. decreta Pontificum non sunt anathema, 519, 2.
Deus vox an derivetur ab Hebræo *Dai*, *65, 1. Deus cuique, id est, a quo vitam et vitæ necessaria expectat, 652, 1, 2. dicuntur Dei, quæ sunt maxima, *6, 1. *Deus sæculi* hujus quis dicatur et sit, 439, 1. *Deo gratia* salutatio erat veterum Christianorum, 631, 2; *139, 2.

DEI OPT. MAX. nomina, epitheta et attributa.

Deus est verax, fidelis, solus immortalis et immutabilis, 67, 2; 195, 2; 545, 2; *189, 1; *264, 1; *286, 2. Deum esse, non est per se notum, sed opus est discursu, 50, 2. ipse est sphaera et circulus, 617, 1. quomodo dicatur rex saeculorum, *188, 2. ejus nomen est, ipsemet Deus, *27, 2. Deus Pater est rex, Christus princeps, ductor Spiritus Sanctus, 606, 2. est pater animarum, quia eas creat, format, sanctificat, perficit, *494, 2. Dei vocare est creare et facere, 86, 2. Deus sabaoth unde dictus, *ibid.* est primum ens perfectissimum, a quo omnia dependent, item finis ultimus omnium rerum et operum, 50, 1. quomodo eum videre nemo possit, *265, 1. est in eo vera generatio, *356, 1. est sibi sufficiens, 477, 1. est adamas mundi, *76, 2. est anima mundi metaphorice, 641, 2. cur dicatur Pater misericordiarum, et non judiciorum, 421, 1. quomodo dicatur pater gloriae, 595, 1. ejus longitudo, latitudo, sublimitas et profundum, 617, 1, 2. in eo non est inopia, nec sufficientia, sed redundantia, *63, 2. cur vocetur vivus, *266, 1. est unus et idem, non duo, 546, 1; *266, 1. cur dicatur Sadaï, id est abundans, *63, 2; *128, 2. non tantum Christi, sed omnium est pater, 616, 1. in eo generatio et spiratio sempiterna, vera et invariabilis est, *356, 1. Deus Pater quomodo genuerit Filium, *ibid.* Dei invisibilia quæ sint, 50, 1.

Dei potentia, justitia, præsentia, omniscientia.

Dei divitiæ, sapientia et scientia in Judæis rejiciendis, et Gentibus assumendis eluxere, 196, 2. hoc faciendo iniquus non fuit, 164, 2. ejus absolutum dominium: contra hoc superbi non possunt queri, 170, 1. est justus in promissis, 75, 2. peccatores eum latere non possunt, 438, 1. ejus sumus per creationem et fidem, 276, 2. potest angelum in puncto existentem dilatare, et corpus per spatium expansum contrahere in punctum, 363, 1. idem facit et in corporibus, *ibid.* in opere bono est principale agens, creatura instrumentum, 368, 2. ejus scientia omnem creatam transcendit, 198, 2. valde peccatum odit, 75, 2. ejus immensitas, 617, 1. ejus sapientia obscura est, varia, prudens, stulta, 614, 1. non est acceptor personarum, 59, 2; 179, 1; 528, 1. sol est omnia lustrans, *389, 2. ejus justitia tripliciter accipitur, 46, 1. ei ulcisci proprium est, 215, 1. ejus præsentiæ claritas et distinctio, 86, 1. huic conjunctus est amor, *286, 1. in persecutione hostium, et conscientie anxietate, suis auxilium et scutum est, 148, 2; *516, 1. omnium voluntates omnipotentia suæ manu tenet, 26, 1. quomodo super omnes, per omnia, et in omnibus, 625, 1. ejus potentia maxime se ostendit, ubi maxima est infirmitas: ibi succurrit maxime, ubi maxima est necessitas, 506, 2. ejus dicere, idem est quod facere, 539, 1. estque id simplex et sincerum, 586, 1. solus miracula facere potest, *157, 1. est omnibus excelsior, profundior, latior, longior, 616, 2. est cardiognostes, 279, 1; *389, 2. ejus præsentia et omniscientia indicatur, *ibid.* est rerum omnium dominus, 623, 2. per eum omnia conservantur, consistunt et gubernantur, 624, 1. ejus est discernere et judicare, 280, 1. quomodo operatur cogitare, velle et perficere, *33, 1 et seqq.; *34, 2. in eo idem est præteritum, præsens et futurum, *356, 1, 2. ex justitia impiis poenam, piis gloriam dat, *144, 2; *404, 1. ejus scire est practicum quid, 115, 1. ejus omnipotentia locum habet in Eucharistia, 362, 2. in eo est justitia vindictiva, commutativa et distributiva, *311, 2. in eo nullius est justitiæ absolutum debitum, *ibid.* ejus justitiæ repugnat injustum aliquem pro justo habere, 60, 2. in eo non sunt peccata, 198, 1. omnia agit intra se, *76, 1. quomodo verbo virtutis suæ ferat omnia, *354, 1. currus est portans

totum mundum, *ibid.* aliter operatur in homine, aliter in bruto, *35, 1. operatur in homine politice, non despote, *ibid.* est solus sapiens per se et per essentiam suam, *189, 1. habet æquale imperium in ea quæ non sunt, atque in ea quæ sunt, 86, 2. solus per essentiam sapiens est, 245, 2. ejus solius judicia timenda, 278, 1. ejus potentia et sapientia exprimitur per sessionem super Cherubim, *435, 2. dat ad salutem necessaria, 303, 1; 2. est solus potens et dynasia, *262, 2. est acerrimus vindex hæresum, 563, 1.

Dei providentia et prævio salutis.

Deus ex massa hominum peccatis respersa non destinat alios ad gloriam, alios ad damnationem; sed omnes intendit salvare, 170, 2. nullum ob prævisum peccatum originale decrevit reprobare, *ibid.* dum indurat peccatorem, ejus non miseretur, eumque in peccato relinquit, 167, 2. permissive et negative se habuit in induratione Pharaonis et aliorum, 168, 1. induravit hunc subtrahendo flagella, 25, 2; 168, 1, 2. cum excecet, non tantum se habet negative, sed et positive, 25, 2; 167, 2; *158, 2. non est auctor peccati, juxta Calvinum, 167, 1; 343, 2. ejus decretum, consilium, prædestinatio et propositum quid sit, 144, 1; 589, 2; 591, 1. in electione ad salutem figulo comparatur, homo luto, 170, 1; 171, 1. neminem reprobant ante prævisum peccatum finale, 171, 1. ejus electio versatur circa paria et æque digna vel indigna, 161, 2. ejus voluntate libera rejecti Judæi, adsciti Christiani, *ibid.* fato non agit, nec agitur, 374, 1. potestatem omnem ordinavit, 220, 1. sapientia sua ordinat peccata ad bonum misericordiæ vel justitiæ, 69, 2. concurrente libero arbitrio nostro, complet in nobis opus fidei, *147, 2. aliquem non elegit ad gratiam, quia dignus et fidelis est, sed eligendo facit eum fidelem, *183, 1. quomodo ejus providentia circa bona et mala differat, 25, 1. ejus decretum, firmum fundamentum est, *290, 1. ejus cura et providentia circa nos transcendit omnem cogitationem et spem nostram, 87, 2. quomodo se habebit in permissione imposturarum et prestigiarum Antichristi, *158, 2 et seq. ejus ordinatio, dispositio, permissio apud Hebræos vocatur mandatum, *446, 1. permittit tentari nos, sed facit ut tentatio bene eveniat, 343, 2. omnibus necessaria providet pro mensura suæ providentiæ, 472, 2. operatur omnia naturalia, concurrente effective cum omnibus causis secundis, 373, 1. item supernaturalia, præsertim gratis data, *ibid.* ejus concursus non prædeterminat, *ibid.* impossibilia non jubet, 61, 2; 343, 1. in homine vere reputat quod in eo est, non quod in eo non est, 81, 1. quomodo alicui justitiam imputet, *ibid.* duplici de causa permissive se habet erga peccantes, 171, 2. quomodo cuius vult misereatur, et quem vult induret, 167, 1. quibus dare gloriam decrevit ante prævisa merita, hos prædestinavit, ut merita ei promerenda acciperent, 145, 1. aliter permittit malum, aliter homo, 26, 1, 2. dat gratiam propriam cuilibet statui, 303, 1. et eam admittitur sæpe pro nostra dispositione, 625, 2.

Dei cognitio, amor erga homines, et salvatio.

Deus non repulit plebem totam Judæorum, sed eos vocavit ad Ecclesiam quos prævidit fore dignos, 185, 1. item quos prævidit Christi fidem et gratiam sponte sua complexuros, *ibid.* in his ejus promissa non exciderunt, 160, 2 et seq. est ideo factus homo ut homo fieret Deus, 550, 2. fideles a peccatis et intentata dæmonis actione liberat, justosque pronuntiat, 148, 2. quomodo præstet omnia ad fruendum, *206, 1. ejus erga nos cura et beneficentia, *368, 2. est pro nobis imminutus, *ibid.* cuique suum dedit charisma, 206, 2. ejus erga nos misericordia est ex intinis visceribus profecta, 196, 1. est salvator in veteri, sed magis in novo Testamento, *381, 1.

est liberalis in remunerando, 84, 2. ejus cum anima connubium, 295, 2. quadrupliciter in ea ambulat, 462, 1. quomodo Judæos dilexit, *426, 2. quales elegerit ad fundandam Ecclesiam suam, 257, 1. quem diligit castigat, *499, 1. plura præstat quam promittat, 586, 1. quomodo animam nostram dilectam fecerit, 589, 2. est salvator omnium, maxime fidelium, *231, 2. ejus in nos amor quantus sit, *337, 1. quam habeat rationem nos amandi, *ibid.* est viduarum protector, 237, 1. ejus proprium est nos adjuvare, 141, 1. quomodo velit omnes salvos fieri, *196, 1 et seqq. ex parte sua serio cupit omnium salutem, ad eamque cuique sufficientia dat media, *197, 1. quotupliciter suos vocet, 147, 2. præparanti se ad justitiam atque penitenti, gratis infundit justitiam, 61, 1. ei est cura de bobus cæterisque animantibus, 329, 2. Sanctos tuetur, qui in ipso omnia adversa contemunt, 148, 1. quomodo sit timor noster, 451, 1. est pater tam Judæorum quam Gentium, 134, 2; 179, 1.

Dei majestas et gloria.

Dei triumphus et currus triumphalis, 625, 2 et seqq. ejus scabellum erat arca, et sedes propitiatorium, 153, 1; *435, 2. est ignis consumens, *510, 2. passim in Scripturis se exhibuit per ignem, *ibid.* cur per ignem potius quam in alia figura, 511, 2. subinde dicitur sedere, subinde equitare, et quare, *435, 2. e thesauris potentie suæ vocat plagas hominum, 86, 2. quomodo in cælo erit omnia in omnibus, 405, 1. videtur a Beatis se solo per essentiam, non per speciem mediam, 449, 2. est futurus beatitudo nostra in cælo, *477, 1. per spem inchoate nos consedere fecit in cælestibus, 602, 2.

Dei misericordia et bonitas.

Deus quomodo Judæos salvare voluerit, 196, 2; 521, 1. nulli est debitor, 197, 2. est totus consolatio, 237, 1. Deus-homo magnum pietatis est sacramentum, *220, 1. bona elicit et malle, *845, 1. tegit peccata cum ea condonando abolet, 81, 2. sera ejus vindicta et tolerantia peccantium, 57, 1. justificans, gratuito remittit peccata, et infundit homini inhaerentem justitiam, 80, 2. est fidelis in promissis, licet homo sit incredulus, 67, 2. ad eum in rebus difficilibus et arduis est confugiendum, 88, 2; 472, 1. amicos in se sperantes non confundit, 93, 2. non deserit hominem nisi prius ab eo desertus, 250, 2; *467, 2. quanti sit gratia Dei, ejus vis, 244, 1, 2. quomodo eo non sit indignum esse hominis debitorem, *313, 1. quomodo virtutes dare dicatur, *297, 1.

VARIA de Deo.

Deus quomodo vocet ea quæ non sunt, tanquam ea quæ sunt, 86, 1, 2. ad ejus gloria et obsequium omnia nostra fiant oportet, 231, 2. et an id sit præcepti, 350, 1. eum minus, quam homines, in peccando formidamus, 278, 1. diem septimum ab initio creationis mundi sanctificavit, *386, 1. ejus cognitio naturalis ad salutem sine fide non sufficit, *474, 1. de eo semper optime sentiendum et sperandum, 87, 1. ejus invocatio cum debita fide, spe, contritione et charitate fieri debet, 179, 1, 2. mirabilis est in Sanctis suis, *146, 1. non cognovit eum mundus practice, nec speculative, in mundi fabrica, 254, 2. ejus servitus et cultus apud Judæos consistebat in observatione præceptorum non moralium, sed ceremonialium, *438, 1. tabernaculo se significabat esse umbraculum Hebræorum, *431, 2. per angelum decalogum aliasque leges tulit, 544, 2. nunquam eum offendere quanti sit, *15, 2. solet tempus vite abbreviare propter peccata, 656, 1, 2. ejus panoplia in hostes, 682, 2. ejus imago est in viro, angelo et femina, 641, 1. sita est in hominis mente, *ibid.* peccantibus mensuram statuit, ut ea repleta, regna et resp. puniat, *122, 2. an cum hominem crearet, iuduerit formam humanam,

641, 1. quo virtutum odore delectetur, 650, 2. per Abraham symbolice denotatur eligendo Ecclesiam liberam, et rejiciendo Synagagam servam, 559, 1. cur omnes nostras voluntates posuit in Adamo, 101, 2. decrevit nos non justificare nisi post et per Christi resurrectionem, 90, 2. quovis peccato negatur, *328, 1, 2. eum esse Deum, Dominum vel Regem gloriæ, aliud est quam esse Patrem gloriæ, 595, 1. elegit Jacob, cum nondum aliquid boni egisset; et Esau repulit ante demerita, 161, 2. die septimo quievit exemplariter et formaliter, *386, 1. præter requiem sabbati, aliam habet requiem quam hominibus præparavit, *ibid.* in Christo omnem suam sapientiam et gloriam ostendere voluit, 101, 2. quomodo erat in eo, 453, 1. cur aliqua loca, templa, imagines, Sanctos eligat, in quibus miracula patret, præ aliis, 377, 1. ad omnium gentium salutem, misit præcones suos, 180, 1. ubi inveniri queat, 593, 1. cur hos, et non illos vocet, et unam nationem ante aliam, 593, 1. quomodo dicatur habere lentos pedes, longas aures, fortes manus et latas naves, *307, 1, 2. decrevit ab æterno Christum pati et crucifigi, *496, 2. ideo tam Judæos quam Gentes tenebris infidelitatis concludi permisit, ut eos ad fidem vocaret, 196, 1. utrosque vult salvos fieri, et Christum fecit amborum mediatorem, 546, 1. quomodo comprehendat sapientes in astutia sua, 275, 1. promittendo bona temporalia, si ea non præstet, dat cælestia, 669, 2. si jungamur ei, vincemus, 566, 2.

S. Deusdedit quidquid tota hebdomada labore manuum comparabat, erogabat in pauperes die sabbati, 479, 1. Deuteroseos Judaizantium quid essent, *178, 1; *181, 1. *Devitare* an significet aliquem de vita tollere, *339, 2. Dextera symbolum potentie, constantie, fidei, *101, 1. quomodo ad dexteram Patris dicatur Christus sedere *335, 1. Diabolus noster est adversarius, 334, 1. ejus potentia conteritur, cum conteritur potentia principum Gentilium, 244, 1. habet imperium mortis, ut tyrannus, *374, 2. quomodo eum destruxerit Christus, *ibid.* quæ ejus tela ignea sint, 682, 1. ejus artes in tentando, 672, 1. quare sit timendus, 671, 1. ejus peculiaris conditio, potentia, vis et robor explicatur, 674, 2. maxime se insinuat iracundis cogitationibus, 645, 1. et in iis ei datur locus, *ibid.* quomodo fornicario Corinthio nocuerit per primores concitatos, 428, 1. dicitur calumniator et malus antonomastice, 645, 1; *168, 1. quam abominanda sui cultoribus et hæreticis persuadent, 494, 1. dicitur Belial, et princeps est omnis apostasie et inobedientie, 461, 2. an sit Deus sæculi, 439, 1. Paulum vexavit ut stimulus, 503, 1, 2. an eum colaphizavit, *ibid.* fur est, *137, 2. hæreses proculdit et adinvenit, *222, 2. ipso est primogenita mors, 99, 1. ejus apparitiones in specie Christi et angelorum, 494, 1. quomodo opera Sanctorum impediatur, *129, 1. ejus laquei varii, *297, 2. ejus in excommunicatis potestas, 287, 1. an Antichristus futurus diabolus incarnatus, *157, 1. — *Vide* Dæmon.

Diaconia externis occupatur, ejus triplex functio, 207, 2; 208, 1.

Diaconissæ laicæ erant, et quales eæ esse debeant, 208, 1; *217, 1. earum tria erant officia, *240, 1. diu fuere in Ecclesia Græca, Latini eas statim abolere, *ibid.* Diaconus quomodo pro populo postulet, 144, 2. quæ diaconorum dotes, *216 et seqq.; *217, 2. erant alii elemosynarii, alii hospitalarii, alii præfecti, 207, 1. iis commiserunt Apostoli externa munia, *ibid.* Episcoporum et sacerdotum ministri et oculi sunt, *ibid.*; *216, 1. eorum officia, 376, 2; 473, 2; 630, 1; *216, 1. cum sacerdote offerebant sacrificium, *216, 2. quibus in rebus Apostolls subservirent, 630, 1. quidam lascive mulieres aspicientes in causa fuere, cur celebrantes divina visione caruerint, 355, 2.

Dialogi Sev. Sulpitii titulo Postumiani et Galli sunt inter libros apocryphos relati, *152, 1.

- Diana unde semper virgo manserit, *471, 2. Dianæ Solvionis templum erat Athenis, 677, 2. Dianæ Multimæ templum Ephesi celeberrimum, 583, 1.
- Dicere Dei simplex et efficax est, 586, 1. id idem est quod facere, 539, 1.
- Dies Domini quomodo in igne revelabitur, 270, 2. capitur dies pro iudicio phrasi Tarsensi, 30, 1; 278, 1. *dies hominis* quis sit, *ibid.* quis dies redemptionis vocetur, 647, 1. dies est tempus præsens Evangelii, quo sol Christus suæ gratiæ radios toto orbe diffudit, 224, 2. dies mortis aut iudicii, dies malus est, 675, 2. diem omnem iudicat Deus, 229, 2. dies unus præ alio festus et sanctor est, *ibid.* vitæ dies mali sunt, et tristes, et ærumnosi, 657, 2; 675, 2. dies antonomastice vocatur dies excidii urbis Hierosolymæ sub Tito, 460, 2. idem septimum jam inde ab initio Deus sanctificavit, *386, 1. Judaica dierum observatio egena sunt elementa, 552, 2; 553, 1.
- S. Diethelmus vidit per imaginationem pœnas Purgatorii, 112, 1; 501, 1.
- Difficile sæpe impossibile dicitur, 312, 2.
- Difficultates oriri solent in conversione hominum, *277, 2. in iis gaudere nos oportet, 278, 1.
- Diffidentia aliquando capitur pro incredulitate, 88, 2. ejus duo jacula elidit Paulus, 148, 2.
- Digami a sacerdotio arceantur, *211, 1, 2.
- Digamia in Episcopo est turpis et culpanda, *211, 1. *Vide Bigamia.*
- Digne Deo ambulare, est Deo per omnia placere, *73, 2.
- Dilectio proximi includit dilectionem Dei ut sui causam et fontem, 221, 2. quanti illa sit momenti, *ibid.* et seqq. in ea lex omnis impletur et instauratur, *ibid.*; 222, 1; 223, 1. illa sola movere nos debet ad proximum corripiendum, 571, 2. est regina virtutum omnium, 208, 2. sit sincera, *ibid.* ejus conditiones septem, *ibid.* ejus signa duo, 375, 2. ejus lex impletur portando proximi onera, 574, 2. dilectionis qua Deum diligimus proprietates quatuor, 533, 2. ea includit et dilectionem proximi, 325, 1. dilectio Dei erga nos exaggeratur, 650, 1. *dilectio in spiritu tria significat, *73, 1. — Vide Amor, Caritas.*
- Diligentibus Deum, et vicissim dilectis a Deo, omnia cooperantur in bonum, 143, 2.
- Diligentia commendatur ministris Ecclesiæ, 330, 2.
- Dimensiones tantum sunt tres, 616, 2. dimensiones Christo ab Elxai afflicte sugillantur, *ibid.*
- Diocletianus quomodo Christianos persecutus sit, *489, 1.
- Diogenes Cynicus erat adulatorum hostis, *130, 1. Platonem de ideis genericis et specificis disputantem ridebat, *229, 1. quam mordicus Antistheni adhæserit, *499, 2. avaros hydropicis aiebat similes, *515, 2.
- Dionysia Martyr quam intrepide tortoribus responderit, *406, 1.
- Dionysii Alexandr. Episcopi in persecutione libertas in respondendo, *ibid.*
- S. Dionysius Areopagita gloriatur se a S. Paulo accepisse altissima Sacramenta, et utramque hierarchiam suam, 3, 2; 502, 1. in crucem primo actus, deinde ei caput amputatum, 534, 2. librum suum de *Divinis Nominibus* Timotheo dedicat, *283, 1. diu vixit, 19.
- Dioptra est fidei symbolum, *470, 2 et seqq.
- Discalceatio signum est cessionis juris sui, ac luctus, 680, 1.
- Disceptatio maxime orationi repugnat, *203, 1.
- Discere Christum est discere omnes virtutes, 638, 2. discere prius est quam facere, *166, 2.
- Disciplina sapientiæ Christianæ in humilitate sita, *26, 2. disciplina magnum Dei donum est, *498, 2. quæ sit disciplina ducens ad perfectionem, *500, 1. disciplina in præsentia est gravis, sed postea dulcescit, *501, 1. vocatur exercitatio, 2. ejus fructus, *ibid.* disciplinæ Dei erga nos, et parentum carnalium, duplex antithesis, *501, 1.
- Discipuli Lxx Apostolis qua in re servient, *480, 1.
- Discordiae castigatio, 512, 1, 2.
- Discretio spirituum quid sit, 373, 2. qui Sancti ea excellerint : est confessariis et animarum rectoribus a Deo petenda, *ibid.* discretionis commendatio, 202, 1.
- Discretor cogitationum Christus est, *389, 2.
- Discursu opus ad Deum ex creaturis noscendum, 50, 2.
- Dispensatoris munia : ejus præcipua virtus fidelitas et prudentia, 277, 1, 2. dispensator in Ecclesia est Pontifex Romanus, *ibid.* dispensator fidelis quis sit, *ibid.*
- Dispositio prævia ad justificationem non excluditur a gratia, 74, 1. dispositio fidei, spei, pœnitentiæ, prout actus humanus, uti et dispositio ad justitiam, nec habent meritum, nec efficaciam justificandi, 166, 1; 188, 1 et seqq. ea est ex meritis Christi, 586, 1. dispositio qua dispositio, frustra est, nisi sequatur forma, 379, 1.
- Disputandum sit cum quibus, et qua modestia, *286, 2.
- Disputatione (in) quæ Catholicis servanda, *254, 2.
- Dissensionis inter Judæos et Gentes conversas causa, 228, 1.
- Dissolvi cupit Paulus, non resolvi, *13, 2.
- Divinitas una numero est, *23, 2. tota et plena in Christo inhabitavit, *86, 2. idque corporaliter, id est realiter, et in corpore Christi per essentiam, gratiam et unionem hypostaticam, *ibid.* et seqq. divinitatis Christi dimensiones, 617, 1.
- Divites in primitiva Ecclesia post communionem, cœnam omnibus instruebant in charitatis symbolum, 358, 1. horum abusus carpit Apostolus, 358, 2. divites alii sunt hujus sæculi, alii futuri, *265, 2. qui valde divites sunt, non sunt viri boni, *239, 1. eorum stultitia, *ibid.* divites imperiti auri sunt pecudes, *ibid.* iis septem præcepta dat Apostolus, *266, 1, 2. sua communent, *ibid.* eos non posse salvari docuit Pelagius, *ibid.*
- Divitiæ sunt laqueus diaboli, *258, 2. earum cupiditas morbus insanabilis, *260, 2. ad quid habeantur, *257, 2. earum vermis superbia est, *265, 2. earum incertitudo, *ibid.* dolores sunt et spinæ, *260, 1. divitias sumit Paulus pro copia per catachresin, 57, 1; 196, 2. item pro immensa Dei misericordia, *ibid.* — *Vide Ope.*
- Divortium matrimonii, non tantum thori, facere cum infideli conjuge certo casu licet, 306, 2. divortium etiam licitum non solvit matrimonium, 305, 1, 2. id quæri non debet e desiderio mutandi statum, 309, 2.
- Doctoris Evangelici quæ imago sit, 457, 2. quomodo agere debeat cum iis qui sibi contradicunt, *296, 2. debet esse forma et speculum suis discipulis, *330, 2. sit concha, non canalis, *ibid.* ejus patientia capiuntur homines, 457, 2. doctores sunt linguæ Ecclesiæ, 376, 2. Prophetæ dicuntur, 386, 2. fulgebunt quasi stellæ, 409, 1. in quo lucem imitentur, 612, 2. iis necessaria humilitas, ne sua doctrina insolescant, 631, 1. item comitæ, *121, 2. doctores falsi aleatoribus similes sunt, 634, 1. — *Vide Concionator, Prædicator.*
- Doctrina D. Pauli Romana et Catholica est, 6, 1. doctrina præconum Evangelii in Ecclesia necessaria, *428, 2. doctrina Episcopi qualis esse debeat, *331, 1. doctrina bonis operibus destituta damnabilis est, 64, 2. doctrina sana est cana et prisca, *268, 2. doctrina Evangelica moribus exprimenda est, 113, 2. doctrina Christiana est bonum depositum, *260, 1; *279, 2. est certa et infallibilis, *338, 1. candelabro templi denotatur, *432, 2; *436, 1. est sola salutifera, *304, 1. triplici ratione Moisaicæ præfertur, *350, 1. doctrina incerta, curiosa, pomposa vani doctoris, est velut fœnum, stipula, 270, 1. simplex doctrina de Christo dicitur lac, 267, 1, 2. doctrina Apostolorum fundamentum est Ecclesiæ, 607, 1. qualis futura doctrina Antichristi, *162, 2. doctrina nova examinanda est, an concordet cum antiqua Ecclesiæ fide, 518, 2.

Dolores vocantur ab Apostolo infirmitates, *390, 2. dolores avaritiam sequi soliti, *260, 1. dolorum Christi dimensiones, 618, 1.
 Domestici imprimis docendi et curandi, *239, 1.
 Dominationes ordo est angelorum, 596, 2; 674, 1.
 Domini vocabantur Imperatores Romani, *264, 1. Domino suo quisque stabit aut cadet, 229, 1. Domino adhærens unus est spiritus cum eo, 295, 1. dominorum fastum refundit Apostolus, 671, 2.
 Dominici diei præstantia, 416, 1. olim Dominica Quinquagesimæ Jejunium sacrum inchoabatur, *326, 2. Dominica in albis unde dicatur, 288, 1.
 Dominicam orationem quisque discere et intelligere debet, 392, 1.
 Dominicale quid fuerit, 370, 1; *201, 2.
 Dominicani primi quos libros legerent ad prædicandum, 10, 1.
 S. Dominicus S. Pauli epistolas memoria tenebat: hic ei apparuit suum illi offerens librum ad concionandum, 10, 1. adhuc puer visus est stellam in fronte gerere, 409, 1. fuit theodidactus, *429, 2. ejus raptus et ekstases, 534, 1.
 S. Dominicus Loricatus pœnitentias quotidie duriores exercebat, *34, 1.
 Dominium nostrum in res, nonnisi temporale est, 276, 2. dominium viri in mulierem, 365, 1. hominis in cæteris creaturas, *367, 2. dominium plenum in animalia soli Christo competi, 368, 1. dominium supremum et jus in Deo quomodo sit cum debito, *312, 2.
 Domitianus ex Davidis stirpe progenitos exagitare desit eo quod mechanici essent, *170, 1. quomodo in Christianos severit, *488, 2.
 Domus Philemonis Colossis in templum mutata, *341, 1. Ecclesia domus magna est, *218, 1; *293, 2; *459, 1. domus Israel et Juda quosnam symbolice denotet, *426, 1. qui domum suam rite moderatur, bene reget Ecclesiam, *214, 2. domos duas habet homo, terrestrem et cœlestem, 450, 1.
 Dona et sacrificia quomodo differant, *393, 1. dona quæ Christus in cœlum ascendens hominibus dedit, sunt dona Spiritus Sancti, 627, 1. quamdiu et quando hæc ejus dona visibilia collata fuerint in baptismo, 594, 1. dona Dei, sunt duplicia, 303, 2. dona fidelium varia sunt, 206, 1. quomodo donum proprium a Deo quisque habeat, 302, 2. id habet partim a Deo, partim a se, *ibid.* omne donum tam naturale, quam supernaturale a Deo et Christo est, 280, 1; *322, 1.
 Donatio gratiæ ab æterno in Deo est absoluta, *276, 1.
 Donatistæ volebant baptismum ab hæreticis collatum esse invalidum, *294, 1. putabant a sacerdote pendere gratiam Sacramenti, *199, 1. altaria Catholicorum lignea dejicere non sunt ausi, etsi alioquin in illorum sacra injuri, *519, 1, 2.
 Donativum est donum ab Imper. militi datum, 115, 1.
 Donec significat quid antea, non quid postea sit factum, 404, 1; *362, 2.
 Dormientes dicuntur, qui voluptatibus indulgent, *138, 1. quomodo Christus sit dormientium primitiæ, 402, 2.
 Dormire pro mori usurpatur subinde, 321, 2; 369, 1.
 Dorsum incurvare, quid sit, 191, 1.
 Dosithei ab animatis abstinebant: supersticiosi sabbati cultores erant, *42, 2.
 Dotem quisque a Deo accipit, in qua alios præcedat, *20, 1. dotes variæ D. Pauli, 1, 1; *183, 1. dotes corporis gloriosi quatuor, 410, 2. earum numerus duplici e causa deducitur, *ibid.* — *Vide* Donum.
 Doxologia SS. Trinitatis quando in usu in Ecclesia esse cœperit, 199, 1.
 Dubia Corinthiorum quæ ubi resolvat Apostolus, 246, 2.
 And. Dudecimus statum altiorembiens, et repulsam passus, factus est hæreticus, *192, 2.

Dulia non impedit, sed includit latrariam, 45, 1.
 Duo corpora tota possunt esse in eodem loco, 362, 2.
 Duodecim Apostoli capiuntur pro undecim, 399, 2.
 Duplex in quo differat a simplex, 307, 2 et seqq.
 Duritia cordis grave peccatum, 25, 2. duritia frangenda est et vincenda, non suadenda, 571, 1.
 Dux belli prudens sit potius quam fortis, 428, 1; 672, 1. iracundia vacet, 648, 1, 2.
 Dynastæ inter principes sunt minimi, minores regibus, *264, 1.

E.

Ebion hebraice inopem significat, 4, 1, 2. Paulum legis suæ hostem, Apostatam et Græcum per contumeliam vocabat, *ibid.*; 482, 1. asseruit Virginem Deiparam e viri copula concepisse, 40, 1. ab animalis et carne abstinent, nuptias damnavit, *225, 1.
 Ebrietas una perfecta peccatum mortale est, 293, 2. ejus mala, *ibid.*; 659, 1. eam sequitur libido, *ibid.* an semper sit culpa mortalis, 567, 2. quando ab ea excusetur, 293, 2. dedecet diaconos, *216, 2. ebrietas animi quæ sit, *138, 1.
 Ebrui, servi sunt vini, *329, 2. quare in corpus suum peccant, 296, 2. nunquam casti sunt, 658, 2.
 Ecclesia quid sit, 248, 1. est visibilis, *ibid.*; 157, 1. est eadem ubique, 248, 1. Ecclesiæ membra mystica quæ sint, 376, 1, 2; 636, 2. eorum junctura unde et qualis, 636, 1. ejus corpus suo ordine est compactum, *ibid.*; 630, 2 et seqq. ei conveniunt sex proprietates corporis et membrorum, 376, 1; 206, 1. Ecclesiæ pulchra descriptio, *293, 2. quomodo formata de carne et ossibus Christi, 663, 2 et seqq. ejus locales et spirituales dimensiones, 619, 1. non potest errare in fide, *215, 1. nec omnino deficere, nec deficere, 186, 2; 519, 2. vestis est, cujus pars detrita est Synagoga, pars integrrior, Ecclesia nova Christi, 518, 1. ejus triplex augmentum, 635, 1. est regnum fidelium, in quo rex Christus, pater Abraham, 84, 2. sunt in Ecclesia etiam hæretici et schismatici, 290, 2. item tam electi quam reprobi, secus ac Calvinus docet, *293, 2. cur stellifera Joanni apparuerit, 409, 1; *37, 1. non judicat paganos, et cur, 290, 1. ab ea in dubiis fidei petenda stabilis resolutio, *219, 1, 2. ejus lapis fundamentalis est Christus, 269, 2; 607, 2. est templum Dei, 461, 2. allegorice per Jerusalem designatur, 22, 1; 558, 1. est complementum Christi tanquam sui capitis, 598, 1. est plenitudo, nam Dei donis impletur, *78, 1. amor Christi erga eam adulterio Davidis designatur, 101, 2. eam Apostolus exponit per cælestia, *447, 1, 2. ejus continuatio et duratio, 187, 1. didicit multa per traditiones, *277, 2. est columna et firmamentum veritatis active et passive, *217, 2 et seqq. antonomastice est Christi corpus, 374, 2; 662, 1. ipse ejus caput, 352, 2; 597, 1. et sponsus, 667, 1. quam multos pepererit Deo, 558, 2. est virgo virtutibus, mater prolibus, *ibid.* quomodo dicatur sancta et sine ruga, 663, 1. non evertit regna mundi, 219, 1. arcæ Noe comparatur, *191, 1. vocatur Sion ob varias rationes, 558, 2; *506, 2. an sit orbis terræ futurus, *366, 2. est velut magna familia et domus, *214, 2 et seqq. cur ei datus a Deo calceus ianthinus, *55, 1. sub Antichristo non deficit, *163, 1. ejus anima est fides et caritas, *293, 2. quos ritus priscæ Ecclesiæ adhuc observet et retineat, 395, 2. eam ornant varii Religiosi Ordines, 252, 1. olivæ comparatur, 193, 1. denotatur per candelabrum templi Judaici, *432, 1. ejus vita est martyrum mors, 442, 1. tabernaculo fœderis et Sancto sanctorum denotatur, 462, 1; *423, 2; *432, 1. non omnia ad ejus regimen spectantia Christus constituit, sed multa reliquit successoribus, *323, 2. vetat carnes, causa sancti tatis, *226, 2. quomodo desursum esse dicatur, 558, 1. cur libera, 2. et mater sœcunda, 558, 2. quam pacem

- habeat, 558, 1. quam libertatem, 2. est solida, æterna et celestis, *357, 1; *431, 2. ejus paries alter in angelis collapsus est, 591, 2. ejus anima et vita est Christus, 633, 1. ad eam est in dubiis confugiendum, 5, 2. an in solis Elia, Eliseo et paucis sacerdotibus, Eliæ tempore constitit, 186, 2. ejus instaurationem et reformationem petit Psalter psalmo ci, *362, 1. ejus epithalamium canit psalmo xlv, *360, 1. ipsa est amplius et perfectius tabernaculum per quod Christus transiit, *440, 1. toleravit initio in Judæis recens conversis aliquos errores, 230, 2. quibus in locis possit statuere ut conjux fidelis infidelem deserat, 308, 2. cur vetuit matrimonium Christiani cum hæretica, et irritavit Christiani cum Pagana, 322, 1. quando, et quare præcepit Eucharistiam a jejuniis sumi, 358, 1, 2. Ecclesia primitiva divinis consolationibus abundabat, 139, 2. Ecclesiæ militantis et triumphantis typus, *406, 2. cur Ecclesia triumphans dicatur Sion, *506, 2. Ecclesiæ præsentis et futuræ successus Paulo in suo raptu revelatus, 502, 2. Ecclesiæ communis oratio a tota Ecclesia approbata, examinari non debet, 891, 1. Ecclesiæ olim regerantur non jurisdictione distincta, sed communi presbyterorum consilio, labore et spiritu, *3, 2. Ecclesiarum cura et sollicitudo suavis est, 498, 1. Ecclesiæ Abyssinæ etiamnum servant ritus Apostolicos, 20, 1. Ecclesia Lutherana ante Lutherum fuit; ubi erat Lutherus antequam nasceretur, 186, 2. Ecclesia a Romana veritas fidei et Apostolicæ traditionis petenda, 6, 1; 44, 2. Ecclesiastica potestas est immediate a Deo, 220, 1. Ecclesiasticæ hierarchiæ præsentant angeli extremi ordinis, 355, 2. Ecclesiastici quomodo mensæ benedicant, *227, 2. eorum duo munia, doctrina et ministratio, 206, 2. quibus in rebus iis gloriantur, et quid in die iudicii ab iis Christus exigit, 497, 1. fugiant mulieres, *285, 1. Ecclesiasticis Superioribus obediendum, *521, 2. — *Vide Clerici.* Ecdiciam Augustinus taxat, quod inscio marito laicam vestem deposuisset, *236, 1. Echineis qua virtute naves detineat, 2, 1. Edmundus Campianus, Martyr Anglus, in loco supplicii proclamavit, *Spectaculum facti sumus*, etc. 282, 2. S. Edmundus Cantuariensis Archiepiscopus quantum horruerit peccatum, *498, 1. Eduardus III rex et Egitha in conjugio virgines, 301, 2. Educatio bona maximus est thesaurus, 670, 2. est quasi plena generatio et completa filiorum formatio, *206, 2. Egestas animo patienti quietem, imo copiam parit, 440, 2. Eleazarus Judæus coryphæus sectæ Galilæorum, *385, 2. Eleazarus Judæus senex simulare noluit in suilla edenda, 179, 1. ab Antiocho Epiphane in tympano extensus est, *487, 2. Electi sunt filii Dei, 42, 1. omnes veri Christiani sunt electi complete ad gratiam, inchoate vero ad gloriam, 24, 1; 148, 2. sunt signati in præsentia Dei, *291, 2. an electi efficaciter ad gloriam, dici possint vasa misericordiæ, 172, 1. eorum spes est inconfusibilis, 96, 1, 2. considerant ea in quibus ab aliis superentur, 21, 1. — *Vide Boni, Sancti, Pii.* Electionem matrimonii vel cœlibatus cujusque arbitrio plerumque relinquit Deus, 802, 2. electio ad gloriam quomodo sit in nostra potestate, *293, 1. electio Dei prima non pendet ab hominis dispositione, 588, 1. electio gratiæ, opponitur electioni ex operibus legis vel naturæ, 187, 2. electio unius præ alio esse nequit, nisi sit distinctio in ipsis electis, 161, 1. electio Isaaci et Jacobi non fuit ex meritis præviis, nec Ismael et Esau repulsa ex demeritis, 169, 1, 2. electio est duplex, una ad gratiam, ad gloriam altera, 24, 1. hæc quoque duplex: una inchoata, altera completa, *ibid.* electio Christi facta est ex solo Dei beneplacito, hominum vero ex meritis Christi, 587, 1. circa electionis divinæ negotium tria notanda, 250, 2. Electri pretiositas, 17, 1. Eleemosyna quibus et qualibus danda, *404, 1, 2. est sacrificium odoratum Deo et Sanctis, 240, 2; 480, 2. cur dicatur fructus, 241, 2. eam dans plus a pauperibus accipit, quam det, *ibid.*; *38, 2. eam erogabant olim diaconi, 207, 2. est ars omnium quæstuosissima, 479, 1. ejus triplex fructus, *ibid.* eam seminans bis metet, 2. Deo est gravior quam sacrificium, *521, 1, 2. est immortalis, 477, 2. cur vocetur actus justitiæ, *ibid.* ea quasi ultimum remedium suadenda in peccato obdormitis, *ibid.* opes confluant ad eos qui erogant illas, 478, 2. heroicus actus est eam dare supra vires, imo dare omnia, 472, 1. liberalis eleemosyna vocatur benedictio, 475, 1, 2. idque triplici de causa, *ibid.* ejus perfectio et meritum consistit in promptitudine voluntatis, 471, 2. unde eleemosynarum collectio pro Hierosolymitanis cæperit, et quamdiu duravit, 469, 1. Eleemosynarius qualis esse debeat, 208, 1. sit in dando hilaris, 2; 476, 2. cum ditat assidue Deus, ut habeat semper quod eroget, 470, 1 et seqq. est colonus Dei, 480, 1. obedit Evangelio et consiliis Christi, 2. Elementa quomodo tempore iudicii et post in impiis sævitura sint, *461, 1. iis animam dedit Origenes, 139, 1. ad quæ elementa redirent Galatæ, 552, 1. hæc erant principia sapientiæ legalis et muvandæ, 549, 2; *86, 1. ea docuit lex vetus, *ibid.* Elevatio manuum quomodo vocetur incensum et sacrificium vespertinum, *202, 1. Elias cur curru igneo raptus sit ad cælum, 320, 1. ejus pusillanimitas, 185, 2. ei Paulus confertur, 11, 4. est a corvo sustentatus, *490, 1. est angustiatas a Jesabele, *ibid.* est parens Carmelitarum, 2. dicitur vir pilosus a melote, 1. ipse et Henoch sunt in paradysum translati, *473, 1. eorum mors quando continget, et quomodo, *162, 2. quamdiu prædicabunt in fine sæculi, *ibid.* contra Antichristum certabunt, *452, 1; *473, 1. Elias et Eliseus cur usi melotis, *489, 2. in montibus versati sunt, 490, 1, 2. Eliæ Abbatis victoria de tentatione carnis, 128, 2. Elisabethæ, S. Joannis matris, an mater oriunda ex tribu Juda, *417, 2. S. Elisabetha Hungarica quam illustris fuerit vidua, *237, 2. Eliseus in quo sit typus Christi, *25, 1. fuit et S. Pauli typus, 11, 1. petiit Eliæ spiritum duplicem, id est multiplicem, *ibid.*; *247, 1. Ellipsi sæpe utitur Apostolus, etiam sententiæ, 30, 1. S. Elogii liberum responsum ad tyrannum, *406, 1. Eloquentia mundana cur abstinuerit Paulus, 261, 2. 493, 1. vana ea est, et hæreticorum propria, 253, 1. Eloquia Dei quæ sint credita Judæis, 67, 1. Elpidophorus apostata a Muritta diacono sugillatur, 108, 1. Elxai quas Christo dimensiones affluerit, 616, 2. Elymas Magus confutatur a Paulo, 14, 1. S. Elzearius in vulnere lateris Christi inveniri se posse dixit, rogatus ubinam hæreret, *103, 1. Emersio hominis jam baptizati ex aqua, significat Christi emersionem e morte et sepulcro, *99, 1. Emptus est gloriosum Christiani nomen, 297, 1. Empyreum cælum an sit quadratum, an sphericum, *423, 2. id intelligitur per tertium Pauli, 500, 1. Enallage frequens apud Apostolum est, 26, 2; 401, 1. Encænæ unde dicantur, *458, 2. Encratitæ tres Pauli Epistolas sustulere, 4, 1, 2. foris vivebant castissime, domi turpissime, ideoque damnabant nuptias, *223, 2; *224, 1. eorum parens Tatianus est, et unde dicti, *ibid.* Enim pro igitur capit interdum Apostolus, 76, 1. interdum pro autem, 37, 1.

Enneas Valentini perstringit sæpe Apostolus, *76, 1.
 Epaninonda gloriosum certamen et mors, 273, 1.
 Epaphras a Colossensibus ad Paulum missus, ut ei in vinculis serviret, *69, 1; *72, 2 et seqq. hinc dicitur servus Ecclesiae Colossensis, *73, 1. factus dein Episcopus Colossensis, simul curam gerebat Ecclesiae Laodicensis et Hierapolitanae, *346, 2.
 Epaphroditus Philippensium Episcopus a suis Romam ad Paulum vinctum missus, ibi in morbum incidit, sed convalescens rediit ad suos cum epistola Pauli, *3, 1; 39, 1, 2; eum a quinque Paulus commendat, *89, 1. quomodo Philippensium dicitur Apostolus, *ibid.* quo ardore ad suos consolandos redire optarit, *ibid.* Paulo vincto cum vitæ periculo servivit, 2.
 Ephesii docili et facili erant ingenio, *334, 1. eorum in fide suscepta constantia, 2; 584, 2.
 Ephesus philosophis abundavit: fuit Asiæ Minoris metropolis, dedita idololatriæ et magicis artibus: erat ibi celeberrimum Dianæ templum, ibique residebat Asiæ Proconsul, 416, 2; 583, 1. cur ibi Apostolus diutius manere statuerit, 417, 1. ibi biennio mansit, hinc tota Asia notus, *83, 1, 2.
 Ephod pontificis typus erat cœli sideri, *105, 2.
 Ephraim tribus erat major reliquis tribubus, *479, 2.
 Ephraimitæ blasi erant, 394, 1.
 S. Ephrem in sua paupertate fuit sufficiens, *256, 1. nunquam cum aliquo Christiano contendit, *287, 1; *296, 1.
 Epictetus philosophus, initio nascentis Ecclesiae, fidei Christi falsa pietate obesse voluit, 235, 2. ejus documentum de patientia, 457, 2.
 Epicuream vitam agebant Cerinthiani, *53, 2.
 Epicurus cur plures quam alii philosophi habuerit sectatores, *299, 2. tollit Dei providentiam, voluptatem deam facit, 133, 1; *85, 2. de futuro non fuit sollicitus, 408, 1.
 Epimenides Cretensium propheta: sacerdos fuit Solis, scripsit librum de oraculis, *324, 2 et seqq. ejus curmen citat Apostolus, *ibid.*
 Epiphaniæ festum unde dicatur, *276, 2.
 Epiphanius Episcopus quam pacificus esset, 643, 2.
 Episcopatus nomen est operis, non dignitatis, *208, 1. non bene appetitur, nisi quis a Deo ad eum vocetur, 2. est opus arduum, *ibid.* erat olim gradus ad martirium, *ibid.* eum petere est ambitio, *ibid.* est onus angelicis humeris formidabile, *ibid.* qui Sancti eum fugerint, *209, 1. non tantum est functio, sed etiam dignitas episcopalis, 42, 2.
 Episcopus unde dicatur, *48, 2; *208, 1. magis prosit quam præsint, 2. quot testibus accusari debeat, *247, 2. ad prædicandum jure divino tenetur, *306, 1. ejus potissimum munus est prædicare, *179, 2. idque verbo et opere, resistere pseudoapostolis, et sanam doctrinam tueri, 253, 1; 331, 1; *189, 2; *270, 1; *285, 1; *308, 1. esse debet instar Solis et angeli, *209, 2. sedecim in eo dotes exigit Apostolus, *ibid.* sit moribus compositis, *212, 2. sit hospitalis, *213, 2. et comis, *121, 1; esse debet sine crimine infami, *323, 1. quare filios debeat habere fideles, et non luxuriosos, *ibid.* non sit avarus, 2. debet esse exemplar bonorum operum, *330, 2. ab omnibus animi perturbationibus sit alienus, *324, 1. quasi pugil pro Christo decertet, *284, 1. aversetur hæreticos, *301, 1. qualis ejus debeat esse doctrina, *331, 1. ei necessaria fortitudo, charitas, sobrietas, prudentia et continentia, *212, 1; *274, 2. pauperum et vilium personarum curam suscipere debet, *332, 2. ejus prima dos scientia, *214, 1. esse debet Licentianus in Theologia vel Jure canonico, *ibid.* non sit percursor, *ibid.* animata lex sit populo, *234, 1. in quo ei sit sacerdos par, in quo dispar, *3, 2. sacerdos ei suberat tempore Pauli, *ibid.* quantus et qualis esse debeat, *210, 1; *214, 1 et seqq. sæviente

persecutione apud suos maneat, *16, 2. ejus gloria est crux Christi, *275, 1, 2. ut monogamus sit oportere ostenditur contra novantes, *210, 1, 2 et seqq.; *210, 2. ab aliis Episcopis ordinatur, qui ordinando manus imponunt, *233, 1.
 Episcopus quidam Arianus templum S. Pauli invadens ab eo exæcatur, 14, 2.
 Episcopus Ostiensis quomodo Papam benedicat, *413, 2.
 Episcopus Pergami et Thyatiræ in Apoc. redarguuntur quod permiserint idololatria, 324, 1.
 Episcopi quando et quare a presbyteris distingui cæperint, 251, 2; *3, 2; *322, 2. sunt in celebrioribus oppidis constituendi, *322, 2. olim creabantur per designationem Dei, *190, 1. in paraciarum visitatione debent inquirere num hospitalitas rite exerceatur, *513, 1, 2. non debent se pati despici a nobilibus, *334, 2. iis olim commissum Judicium causarum sæcularium, 292, 1; *247, 2. sed eas ad judices sæculares rejecerunt, 292, 1. eorum munus est orare pro se et suis, *193, 1. per eos significantur subinde Parochi et Presbyteri, 206, 2. sunt custodes doctrinæ per manus traditæ, *267, 1, 2. esse debent perfecti antequam ad statum episcopalem assumantur, *210, 1. non aspernentur, sed doceant, servos obediētes heris etiam infidelibus, *252, 1, 2. olim viduas curabant, *236, 1. olim fuere conjugati, sed postea sanctissimi et doctissimi quique fuere cælibes, *211, 2. eorum corona papulus est, *57, 1, 2. quæ sit eorum militia et agon, *190, 2; *284, 2. doceant suos catechismum, 576, 1. novos canones condere possunt, 397, 1. sunt duces ad bellum cum hæreticis, vitii, tyrannis et dæmonibus ineundum, *190, 2; *274, 1.
 Epistolis (in) non est necesse, imo non potest, sæpe unum caput alteri connecti, 228, 1. quomodo Corinthios Apostolus suam vocet epistolam, 431, 1. epistola D. Hieronymi ad Damasum videtur confecta, 199, 1.
 Epistolæ Paulinæ continent medullam fidei et religionis Christianæ, 3, 1. earum subjectum, *ibid.* earum objectum est dogmaticum et ethicum: tria mysteria maxime inculcant: quibus epistolis Judæi et hæretici impugnentur, quibus fides et mores doceantur, 19. omnes hæretici consentiunt has epistolas esse Pauli, non alterius, 4, 2. eas memoriter tenebat D. Dominicus, 10, 1. sunt velut hortus virtutum auctoris sui, 7, 1. quo ordine, loco et tempore scriptæ, 20. ad eas intelligendas investigandus est scopus scribentis, 21, 1. ejus vincti epistolæ sunt præ aliis ferventiores, 583, 2. quod epistolarum ejus sit signum, *172, 2.
 Epistolæ ad Romanos duæ partes, 34, 1. ejus distributio quintuplex, *ibid.* quando scripta, et cur primo loco ponatur, 2. non latine, sed græce scripta, grecismis abundat, *ibid.* ad litteram a Tertio ex Græco in Latinum translata, *ibid.*; 35, 1. hinc hiula est et obscura, *ibid.* scripta anno Christi 58, Corinthi, missa per Phœben, 2. cur in ea D. Petrum non salulet, *ibid.*
 Epistolæ primæ ad Corinthios argumentum, 246, 2. est scripta Ephesi, missa per Timotheum, 217, 1.
 Epistolæ secundæ ad Corinthios argumentum et objectum, 419, 1. ubi scripta et per quem lata, *ibid.*
 Epistola ad Galatas est quasi compendium ejus ad Romanos, 514, 1; *571, 1. ejus argumentum, 514, 2. ubinam scripta, 2.
 Epistolæ ad Ephesios argumentum, 583, 1. ubi scripta et quando: ejus stylus, 2. qua occasione sit scripta, *ibid.*
 Epistolæ ad Philippenses argumentum, *1, 1. quando et ubi scripta, 2.
 Epistolæ ad Colossenses argumentum, *69, 1. est affinis epistolæ ad Ephesios, cur, 2. quando, ubi et unde scripta, per quos missa, *ibid.*
 Epistolæ primæ ad Thessalonicenses argumentum, et ejus scribendæ occasio, *114, 1. ubi et quando scripta, 2. est prima omnium Pauli epistolarum, *ibid.*

- Epistolæ secundæ ad Thessalonicenses argumentum, *143, 1. ubi et quando scripta, 2.
- Epistolæ primæ ad Timotheum argumentum, *174, 2. ubi scripta et quando, *ibid.* qui in eam scripserint, *175, 2.
- Epistola secunda ad Timotheum an scripta e secundis vinculis, *270, 2; *309, 1.
- Epistolæ ad Titum argumentum, *318, 2. ubi et quando scripta, *ibid.* est compendium duarum epistolarum ad Timotheum missarum, 1.
- Epistolæ ad Philemonem argumentum et occasio, *341, 1. scripta non dictante Spiritu Sancto, secundum hæreticos, 4, 2.
- Epistola ad Hebræos an canonica, dubitarunt nonnulli, 4, 2. esse canonicam probatur contra hæreticos veteres et novos, *347, 1. ejus auctor D. Paulus: adscripta olim S. Barnabæ, *ibid.* cur nomen ei suum Apostolus initio non præfixerit, 2. qua lingua ab eo scripta, 348, 1. scripta Hebraica, non tamen pura, *ibid.* cur in ea citentur Scripturæ juxta Septuaginta, *348, 1. an Syriacus textus ejus sit autographum, *ibid.* textus Hebræus purus, hic spurius est, *349, 1. ejus argumentum, *ibid.* scripta Romæ, et quando, 2.
- Epistola Pauli ad Laodicenses apocrypha est: est brevis, frigida, exilis: hinc supposititia esse colligitur, *112, 2 et seqq. quænam illa cujus ipse meminit, *ibid.*
- Epitafi figura utitur sæpe Apostolus, 29, 2.
- Epithalamium Christi cum Ecclesia est psalmus xlv, *360, 1.
- Epulo solemnii festa celebrabantur, 288, 2; 347, 2. id in templis instruebatur, 326, 1, 2. quia erat pars sacrificii, 324, 1; 347, 2; 365, 2. epulum jure spiritale Christianorum, 289, 2.
- Erasmus asserit scriptores sacros interdum memoria lapsos, 4, 2. de variis fidei articulis dubie loquens ova posuit, quæ postea Lutherus et novi Ariani excluserunt, 3, 2; *23, 1. dicit se velle discerpi pro veritate Eucharistiæ, 359, 2; 363, 1. ejus efficax pro ea argumentum, 360, 2. apostolatus dignitatem carpit, 42, 2. Concilium Milevitanum sugillat, 97, 2. ejus insulsa dubitatio in loco lucidissimo, *360, 1. ejus in Theologos sarcasmus, *339, 2. viam stravit Pelagianis et Zuinglianis, 99, 2; 97, 3. omnia Scripturæ loca de Christi divinitate agentia aut enervat, aut detorquet, *220, 1. ejus sententia de epistola ad Hebræos rejicitur, *443, 2; *444, 2. ejus impudentia sugillatur, 304, 2. ejus inducta impostura, *839, 2.
- Erastus quæstor Corinthius quis, 244, 1, 2.
- Eremitæ die Dominica ad sacras synaxes et preces in ecclesiam conveniebant, *460, 2. eremitæ varii a dæmone decepti sunt, 494, 1. eorum abstinencia, et in corpore edomando studium, 337, 2; *225, 2.
- Eremitica vita ab Apostolo non damnatur, *93, 2; *225, 1. eam male reprehendunt Novantes, *460, 1, 2.
- Error omnis non diu subsistit, *301, 1. error hominum circa Deum ante Christum, 49, 1, 2. errorem in cognitione sequitur error in actione, 54, 2. error Judæorum circa SS. Trinitatem, 435, 1, 2. errores aliquos in Judæis recens conversis toleravit Ecclesia primitiva, 230, 2.
- Esau non reprobatus a salute æterna, sed benedictione paterna, *504, 2. verisimiliter salvatus est, et aliquot ejus posteri, 163, 1. in posteris, Jacobo serviit, 161, 2. quomodo secundum litteram odio habitus, et cur ejus Deus misereri noluerit, 166, 1. hoc odium de posteris ejus intelligitur, 163, 1. idque eorum peccata, 161, 1. quomodo vocetur profanus, *182, 1; *503, 2. an recte vocetur fornicator, *503, 2. ipse vendens fratri primogenita peccavit peccato simoniæ et gulæ, *ibid.* item intemperantiæ, *204, 1. quæ fuerint illa primogenita, quæ vendidit Jacobo, *394, 1. ipse auctor reductionis præputii, an ideo a Deo odio habitus, 309, 2.
- Esca quomodo non commendat Deo, 326, 1. ob eam non est frater scandalizandus, 324, 1; 326, 1. metaphorice solidam doctrinam denotat, 267, 1, 2.
- Esdras auctor est Cabalæ bonæ, sed non Judaicæ, *185, 1.
- Esseni ante cibum precabantur, *228, 1. vitam sanctiorem profitebantur, *42, 2.
- Essentia an divina intelligatur per *invisibilia Dei*, 9, 2. an eam in raptu viderit Paulus, 502, 1.
- Est in consecrationis verbis significat instantaneam mutationem, eamque constantem, 364, 2. non videtur esse de essentia consecrationis, omitti tamen non potest sine peccato gravi, *ibid.* Est assertivum tripliciter exponitur, 423, 2.
- Esus carniū polluit hominem per inobedientiam, *471, 2.
- Et interdum causam vel auxesin significat, 146, 1. ipsum etiam pro *id est* sumit Paulus, 27, 1.
- Ethelreda, Anglorum regina, bis nupta semper virgo permansit, 801, 2.
- Ethnici ab Ecclesia non judicantur, 290, 2. velato capite diis suis sacrificabant, 354, 2. iis fideiores sunt principibus suis Christiani, 219, 2. — *Vide Gentes.*
- Eucharistia unde dicatur, 344, 2. vere Christi corpus continet, 345, 1 et seqq.; 339, 1 et seqq. cum manna confertur, 2. non mutatur in nos, sed mutamur in illam, et Christo incorporamur, 346, 2; 665, 1. ejus sacrificium publice durabit usque ad finem sæculi et Antichristum, 367, 2. dicitur panis per hebraismum, 346, 1; 361, 2. dat sanguinem Christi nobis ut arrham pacti de æterna hæreditate nobiscum initi, 367, 1. quo affectu sumenda sit, 2. olim baptizatis dabatur, 346, 2; 548, 1. olim ad amicos absentes mittebatur, 348, 1. initio in manus data Christianis, postea in os, 359, 1; *201, 2. cur tempore persecutionis sub specie vini perciperetur, 370, 2. ipsa sola sacrificium est proprie dictum, 239, 1; 347, 1, 2; 367, 1. ejus sumptioni olim cæna præmittebatur, 357, 2. vita est bonis, mors malis, 429, 2. quare dicatur mysterium fidei, *216, 2 et seqq. est omnium Sacramentorum complementum, 664, 2. a jejuniis est sumenda, 358, 2. est commemoratio sacrificii crucis, 367, 1. quid nobis impetret, *458, 1. est hostia laudis, sive gratiarum actio, *520, 2. est vinculum charitatis: unde vocatur *synaxis*, 346, 2. qua quotidie offertur, est plura Sacramenta, sacrificia et hostiæ, *447, 1, 2. est gratia gratiarum, *510, 1. in ea Christus ejusque corpus nihil patitur, sed tantum species, 863, 1. panis in ea non manet panis, sed transsubstantiatur, 2. Christus est ibi instar angeli, 361, 2. ejus caro in pane, et sanguis in vino solum ponitur, reliqua utrobique per concomitantiam, 365, 1. ejus charitas in Eucharistia elucet, 361, 2. quinque ejus in ea actiones, 359, 1. non est in ea figurate, 362, 1. qua animi præparatione ad eam accedendum, 368, 1, 2. eam sumentes fiunt participes sacrificii Eucharistici, 347, 1, 2. — *Vide Christi sacerdotium.*
- Eucharum error de obligatione semper orandi, 684, 2.
- Eugubinus docuit hominem mori naturæ necessitate, 132, 1, 2.
- Eunice, mater Timothei, Judæa erat; quid vox latine sonet, *278, 2. Christiana fuit, *174, 1.
- Eunomius asserit solis naturæ viribus Deum videri a nobis posse, 115, 2. ejus hæresin inspiravit diabolus, *222, 2.
- Eunuchi spirituales qui, idque propter regnum celorum promerendum, 311, 2. eunuchi sunt in venerem promiores, 564, 1.
- Euphrasia illustris vidua Romana in solitudinem Thebæam concessit, *237, 1.
- S. Eurosiam invocantes in quacumque tempestate, a Christo exaudiuntur, 308, 2.
- S. Eustachius invocatur in infortuniis, *378, 2.
- Eutrapelia quæ sit virtus, quænam ei adversentur, 651, 1.
- Eutropius ad imum lapsus e summo bonorum gradu, *266, 1.
- Eutyches in Christo unam divinam naturam ac personam

ponebat, 454, 1. docuit Verbum in carnem transformatum fuisse, *26, 1.
 Eutychius, Patriarcha Constant., asseruit corpus in spiritum vertendum, sed errorem revocavit, 410, 1.
 Eutychius a Paulo a morte resuscitatus fuit, 43, 2.
 Eva est a Deo separata in loco ab Adam formata, et ad eum deducta, 664, 2. ejus formatio est proprie, non metaphorice intelligenda, 1. an, si ipsa sola peccasset, omnes homines peccatum contraxissent, 97, 1. quo sensu dicatur seducta, non Adam, *206, 1.
 Evagari non est virginum castarum, 356, 2.
 Evagrius apprensus a morte testatus est centuplum se in cælo pro data elemosyna recepisse, 479, 1.
 Evagrius diaconum dæmonem voluit decipere, 676, 1.
 Evangelistæ qui sint, 630, 1. Evangelistæ opus quod et quale, *308, 1. Evangelistæ græce scribentes aliquibus vocibus Latinis usi sunt, 348, 2.
 Evangelium prædicandum prædicitur quibusvis Gentibus, 180, 1. quomodo, quando id fiet vel factum sit, 182, 2. est legis compendium, 173, 1. plenam docet justitiam et perfectionem hominis, nec ei alia lex successit, *ibid.* ejus mysteria sunt Paulo in suo raptu revelata, 502, 2. id fuit ab æterno in secreto divinitatis consilio, 244, 2. operatur salutem animæ et corporis, 46, 1. norma est sanæ doctrinæ, *182, 1. quomodo dicatur prædicatum omni creaturæ, *78, 2. orbem pervasit quasi fulgur, *79, 1. ejus prædicatio non est unicum in Ecclesia sacrificium, *ibid.* quasi gemma ornat mentes hominum, 2. ejus auditus non confert vitam, ut volunt Novantes, 662, 1. est id veritas, lex vetus umbra, *451, 1. cur id cum Apostolis contulerit Paulus, 526, 2. quomodo id ipse confirmavit, *6, 2. docet fidei et pietatis perfectionem, 549, 2. est confirmatio et obsignatio legis et Prophetarum, 78, 2. in eo revelatur vera justitia, quæ est et proficit ex fide in fidem, 46, 2; 49, 1. ejus preparatio est calceus militis Christiani, 651, 1. ejus tempus dici assimilatur, 224, 2. evangelii libertas duabus in rebus sita est, 558, 1. evangelii tempus est gratiæ, 456, 2. evangelium de Christo etiam tempore Abraham notum, 538, 2. evangelium gloriæ, id est gloriosum, quinque ob causas dicitur, *182, 1. quid sit evangelium implere et sanctificare, 238, 2 et seqq. evangelium pacis quod sit, 681, 2.
 Evangelii scriptus codex ægrotis applicatus, sæpe morbos eorum sanat, 46, 1. evangelium S. Joannis gestare et legere unde inductum, *ibid.* evangelium S. Matthæi Hebraicum a Sebast. Munstero editum, spurium est, *349, 1. Evangelium S. Marci Romæ conscriptum est, 134, 2. Evangelium secundum Hebræos apocryphum est, 400, 1.
 Evangelizantes æquum est ex evangelio vivere, 329, 1. evangelizantium, id est, Apostolorum, pedes laudantur, 180, 2.
 Evangelizare gratis consilium est evangelicum, 330, 2.
 Evirantes se Romæ gravissime puniebantur, 373, 2.
 Evodia rem Christianam Philippis promovit, *38, 2.
 Ex præpositio competit Deo Patri, ut primo principio, 197, 2; 323, 2.
 Examen sui particulare quantum conducat, 365, 1. quomodo et quando instituendum, *ibid.* Dei particulare examen tribuit Apostolus igni Purgatorii, 273, 1. an id per ignem in fine mundi revelandum exponi queat, 271, 1.
 Examine quisque suum opus, non vero alterius, 575, 1.
 Exauditus quomodo sit Christus orans, *394, 2.
 Deus quatuor modis excæcat hominem, 23, 2.
 Excellentias sex sibi meruit Christus, *27, 1.
 Excelsa altaria sunt dicta, an ea licuerit evertere, 185, 2.
 Excessus mentis quid sit, et quorum, 452, 1.
 Excidere a gratia possumus, 193, 2.
 Excommunicandi potestas non est laicis data, 286, 1. sed Ecclesiæ, 2.

Excommunicati quare dicantur tradi Satanæ, 286, 2. dicuntur absolvi, non vero iis dicitur condonari, 427, 1. 2. dicuntur possideri a dæmone, *119, 2. hinc olim ab eo corporaliter vexabantur, 287, 1.
 Excommunicationis finis, 287, 2. ea est sobrie exercenda, 484, 2. et non ad perditionem, sed ad emendationem peccatoris, *191, 2.
 Excusationes mendaces conscientiæ Deus dispellit ac revelat, 63, 2.
 Exemplaria cælestium quid sint Apostolo, *446, 2 et seqq.
 Exemplum conformantis se voluntati divinæ, 204, 1. exempla subitæ oblivionis, 189, 2. et oblivionis injuriarum, 217, 1. penitentium, 417, 1. 2. conjugum in conjugio continentium, 301, 1. 2. eorum qui non depauperati, sed ditati sunt per elemosynas, 478, 2 et seqq. punitionis indigne communicantium, 369, 2. fortitudinis Martyrum, *407, 1. 2. exempla patrum defunctorum sunt calcei spirituales, 680, 2. Exemplum Christi excitat ad elemosynam, 470, 2. exempli bonorum operum magna vis, *460, 1; *494, 1. cur exemplo docendi alii, 7, 1.
 Exercitatio corporis ante cibum confert ad valetudinem, *230, 2.
 Exercitia olim octo erant conventuum Ecclesiæ, 395, 1. exercitio virtus omnis addiscitur, magis quam studio, *229, 1.
 Exercitus Antichristi erunt Gog et Magog, *161, 2. venient ad eum in Jerusalem, *165, 1.
 Exhortatio et consolatio species est prophetiæ, 207, 2.
 Exinanivit seipsum Christus quomodo, *24, 1.
 Existimatio sui dissuadetur, 208, 2.
 Experientia generat fidem humanam, non divinam, 264, 1.
 Expiatione annua pontificis Judaici omnia populi peccata condonabantur; ejus ritus, *436, 2.
 Exprobratio ad peccatorem Christi judicantis, 58, 1.
 Expectatio gloriæ qualis in creaturis sit, 138, 1.
 Expectare cur Apostolus jubeat invicem Corinthios, dum ad manducandum conveniunt, 369, 2 et seqq.
 Extasis, summa et maxima amoris proprietas, 533, 2.
 Exterior homo quis sit, et quibus ab Apostolo nominibus vocetur: ejus proprietates, 123, 1.
 Exterminator angelus an fuerit S. Michael, 342, 2.
 Exuperii Episcopi Tolosani paupertas, 459, 2.
 Ezechias, rex Juda, pie everit excelsa, 183, 2.

F.

Jac. Faber Stapulensis docuit non peccatum, sed tantum poenam peccati, transire in omnes homines, 97, 1. item Christi corpus localiter replere cælum et terram, 374, 1.
 Nestorio favet, 110, 2.
 S. Fabianus columbæ submissione creatus Pontif. *190, 1.
 Fabrica patris dicitur Hebræis filius, 632, 2. fabrica virtutum et animæ, 609, 1.
 Fabulæ Simonianorum, *229, 1. Judæorum quæ et quales, *178, 1, 2. eas vitis Sanctorum immiscere ingens est temeritas, 179, 1.
 Facere omnia ad Dei gloriam partim est præceptum, partim consilium, *106, 2. quid sit facere justitiam legalem, 176, 2.
 Faces in portibus accendi solite ut navigantibus præluceant, *37, 2. cur in baptismo accendantur, *400, 1.
 Facie ad faciem in cælo videbimus tam humanam, quam divinam Christi naturam, 384, 2. Facies Christi judicis justis erit lumen, impiis supplicium, *145, 2. facies quatuor Cherubim quatuor Christi designant formas, *353, 1.
 Facta facilius a mendacio excusantur, quam verba, 530, 1.
 Facultas de divinis disserendi studio parata, non prophetia est, sed scientia, 387, 1.
 Fallacia hæreticis est usitata, 634, 1.
 Falsitas angulos quærit, *252, 2.

Fama cur alata pingatur, *117, 2. qui famam negligit, in proximi salutem crudelis est: ea ei debetur, 314, 1; 474, 1. fama et gloria S. Pauli, 15, 1.
 Fames labore paratur, *230, 2.
 Familiarum capita, earumdem erant sacerdotes, *412, 2. familiae Hebraeis sunt domus, *454, 1.
 Familiaritas infidelium cavenda, 460, 1.
 Fanis (in) Ethnici ex sacrificio olim epulabantur, 326, 2.
 Fascia pectoralis sponsae cujus rei eam moneat, 677, 1.
 Fascinum quid et quomodo fiat, 537, 1.
 Fata Dei viam inveniunt, *479, 1. Deum fato subjicere est eum spoliare sua divinitate, 374, 1. tribuebant ei omnia Pharisei, *43, 1. fatum Calvinii est violentius fato Stoicorum: refutatur, 167, 1. hominem in desperationem adigit, *ibid.*
 Faustus Socinus negavit Christum hic in terra fuisse sacerdotem et redemptorem, 258, 1; *424, 2. quæ hinc absurda sequantur, *424, 2.
 Fel in victimis Junoni pronubæ immolatis cur eximeretur, 667, 2. fel iræ sedes, 178, 1.
 Felicem Præsidem vi verborum percellit Paulus, 9, 2.
 Felicitas vitæ æternæ, 116, 1; *400, 2; *476, 2. felicitas in Beato causa est misericordiæ, *182, 2. felicitates sæculi somnia sunt dormientium, 655, 1.
 Femina cum feminis fœde commiscebantur apud Gentes, 53, 2. hinc possunt committere peccatum mollietiei, 54, 1. multis penitentis caput et corpus non frangant, *250, 1. ornatus et cultus sunt studiosæ, *203, 1. in templo Judaico habebant atrium distinctum, 396, 2. apud priscos Christianos etiam fores et locum distinctum, *240, 1. per feminas propagatæ sunt hæreses, *300, 2. eas aliud esse hominum genus aiebat Plato, *245, 1. et mares occasionatos, sed negatur, 631, 2. mundo linteo olim Eucharistiam excipiebant, itaque ori admovebant, 370, 1; *201, 2. earum loquacitas, 396, 2. in conceptione quoque seminant, *473, 1. cur virum naturaliter appetant, *213, 2. apud Judæos incapaces erant sacerdotii, sed non regni, *417, 2. non resurrecturæ in sexu virili, sed suo, 631, 2. sunt necessariæ ad prolis propagationem, *ibid.* earum consortium sacerdoti vitandum, *212, 2 et seqq. — *Vide* Mulier, Uxor. — Quam feminam viduam dicat Sibylla regnaturam mortuo Antichristo, 165, 1.
 Femoralia Pontificis linea quid significarent, *193, 2.
 Feriæ in Ecclesia unde dicantur, 289, 2.
 Ferro candenti olim proba criminis fiebat, 272, 1.
 Fervens natura apta sublimi virtuti, 521, 2. ferventis spiritu descriptio, 210, 2.
 Fervor spiritus quomodo excitandus, *273, 1. fervor ad omne opus bonum in tribus consistit, 210, 1. primus fervor Ecclesiæ refrigit, 393, 2.
 Festinare, signum trepidationis est, 174, 2.
 Festi pars in hac vita est, in cælo totum festum, *91, 2. festa non sunt inventa Rom. Pontificum, 20. festa celebrata epulis solemnibus, 289, 1. festa Christiana Pauli tempore nondum erant instituta, 230, 1. hinc ipse ea damnare nequit, 553, 1; *91, 2. festa Judaica vocantur elementa, 550, 1. festa anni quatuor erant apud Judæos, 553, 1.
 Fidelis quisque suam habet mensuram fidei ac gratiæ, et charisma a Deo acceptum, et eo utatur, 205, 2; 206, 1. fidei non licet hoc ipso, quo infidelis conjux nolit converti, aliud inire matrimonium, 305, 1. nec infidelem conjugem pacificam potest dimittere, 306, 2. an ei liceat divertere ab illo, quando non vult debito modo cohabitare, 308, 2. maneat in statu quem ei Deus dedit, 309, 2. fidei totus mundus divitiarum est, 275, 2. fidelis pœnitens cur justificetur præ infidei pœnitente, 187, 2. gratiæ obediens est filius gratiæ, *ibid.* est templum Dei, 461, 1, 2. fideles peculiariter populus et peculium Dei sunt, *165, 2. cur dicantur fundamentum, *290, 2. contra spem naturæ credant in spem divinæ omnipoten-

tentiæ, 87, 1. cur dicantur Christiani fideles, *72, 1. sunt filii promissionis, 160, 2. erant corona et gloria Pauli, *123, 2. membra sunt unius corporis, id est Ecclesiæ, 206, 2 et seqq.; 636, 2. sibi et aliis operari debent, 206, 1. cum tremore salutem operentur, 424, 2. omnes corpori Christi realiter uniuntur, cum eoque fiunt unum in Eucharistia, 346, 1, 2. quæ eorum unio esse debeat, 376, 1. fidelium excommunicatio, 375, 2 et seqq. lapsus eorum sub Antichristo, *163, 2. — *Vide* Christiani.
Fidelis sermo Apostolo tantum valet, quantum Christo, Amen, amen, dico vobis, *286, 1; *308, 2 et seqq. quomodo sit Deus fidelis, *286, 2.
 Fidelitatis descriptio, 671, 1. hæc præcipua dos est dispensatoris, 277, 2. item servi, 671, 2. veritatis est soror, 678, 2. ejus signum est cingulum, 677, 1. mire ornat Christianos, *679, 1.
 Fidendum Dei promissis in rebus etiam desperatissimis, *479, 1.

Fidei essentia, objectum, certitudo, evidentia.

Fides est ex auditu et prædicatione, 181, 2. quis fidei agon dicatur, *261, 2. ejus arcana quibus communicanda, ipsa fundamentum est domus spiritualis, *283, 1. fides sustentat spem, *469, 1. quomodo non sit omnium, *167, 2 et seqq. quomodo sit donum Dei, et tamen in nostra sit potestate, *ibid.* cur ei tribuatur salus, 22, 1. non est fiducia in voluntate, sed assensus intellectus, 88, 2; 362, 2; *471, 2. eadem semper est quoad objecta generica et formalia, diversa secundum materialia et specifica, 48, 1. fides inchoans justitiam, proprie est fides in Christum redemptorem, *ibid.* nemo sine fide Deo acceptus est, nulla vita recta, 59, 2. ejus salutisque initium non est ex libero arbitrio, 432, 1. fides nostra est subjective, Dei objective, 47, 2. fides una vera est, non plures, 623, 2. fides est credere, quod non vides, 362, 2; *254, 1; *471, 2. interdum accipitur pro intelligentia rerum divinarum, et aliis, 207, 1. fidei Christianæ inconfusibilis certitudo, 174, 2; 518, 2. recta est instar amussis, *52, 1. fidei initium, sive velle credere, donum Dei est, indeque incipit initium salutis in adulto, *17, 2; *168, 1. item fidei custodia, *280, 1. navi comparatur, *191, 1.

Fides sit operatrix.

Fides sola non justificat, est tamen principium justificationis, 5, 1; 45, 2; 47, 1; 75, 1; 76, 1; 140, 2; 166, 1; 334, 2; 379, 1; 562, 1 et seqq. acceptatur ad justitiam, 79, 4. quia est justitia inchoata, *ibid.* fides operationis Dei quid sit, 80, 1. sub fide Paulus non solam fidem, sed spem, charitatem et opera comprehendit, 21, 2; 603, 1; *343, 1. fides est in suo genere adæquata causa justitiæ, 23, 1; 178, 1. hæc in fide est fundata, 176, 2. fides implicita Christi, et observatio legis charitatis fuit necessaria semper ad salutem, 62, 2. ad fidem nemo pertingit, nisi suas concupiscentias generosè superet, *168, 1. ipsa a charitate separatur: sine ea esse potest, nec prodesse, 379, 1. fides justificans non est illa specialis, qua credam mihi in particulari remissa esse peccata, 178, 1. quia hæc stulta est præsumptio hæreticorum, 264, 1; 652, 2. fides charitate formata, non speculativa mere est, sed practica, 73, 1; *116, 1; *146, 2. non separatur a charitate ingens fides, 379, 2. fides jam requisita ad justitiam, est fides in Christum, 80, 1. fides viva includit opera, 47, 1. es radix vitæ spiritualis gratiæ, *ibid.* exigit etiam fidei professionem, 178, 1; 179, 1. ejus sanguis est substantia est spes, *469, 2. est stabilis, 532, 1. est initium subalternitæ nostræ spiritualis, *882, 2. fides præca patrum veteris Testamenti non fuit nuda, sed operosa, *473, 1. fides operum quæ, 234, 2.

Fidei fructus.

Fides est tantum inchoatio salutis, complenda per bona

opera, *147, 2. fundamentum virtutum aliarum est, *ibid.* per fidem ad veritatem venit, *200, 1. quomodo perducatur ad spem, poenitentiam et gratiam, 362, 1. ejus actus a gratia habet quod sit supernaturalis et meritorius, a libero arbitrio quod sit liber, 281, 1. procul posita et futura, facit praesentia, *470, 2. est anima Ecclesiae, 637, 1. actus fidei est meritorius in homine iustificato, 80, 2. sine fide impossibile est placere Deo, *474, 1. fides columna est, spes anchora, *406, 2. fidei corpus suis membris perficitur, *126, 1. fides corrigit naturam et conditionem servilem, 674, 1. est in anima iusti credentis et sperantis quasi basis, quae eum sustentat, *470, 2. est fundamentum rerum sperandarum, *469, 2. quibus discursibus et rationibus fidei mysteria probavit Apostolus, 264, 2. superaedificat ei aurum et argentum qui bona opera superaedificat, 270, 1.

Varia de fide.

Fides vox tria denotat, 373, 1, 2; 369, 1. saepe idem sonat quod conscientia, 333, 2 et seq. saepe capitur pro charitate et gratia, 206, 1. confitenda est semper, non autem semper profitenda, 233, 2; 637, 1. fides Abraham celebratur, 86, 1. qualis ea fuerit, 79, 2. fides propria fuit ei imputata, 81, 1. ejus fides exeuntis in Chanaan illustratur simili, *476, 1. ea in quinque punctis illuxit, 2. fides ejus in filio offerendo, *479, 1. fides etiam versatur circa res timendas et apparentes, *471, 2. fides et spes cessabunt in caelo, 282, 2 et seqq. *fides in Christo* tripliciter accipitur, fides in Jesum et Sanctos eadem est, *184, 2. paulatim per Europam diffusa est, 343, 1. quomodo non sit triplex, sed unica, *469, 1. olim ejus mysteria viva voce, non scripto tradebantur, 575, 2. schemati et dioptræ comparatur, *471, 1. ab ea nunquam deficiendum, *385, 1. qui fide veteris Testamenti ad finalem poenitentiam pervenerint, *486, 2. fides Apostolorum et Prophetarum fundamentum est Ecclesiae, 607, 1. sine fide Christi omnes sunt sub maledicto, 540, 1. ipsa suis articulis integratur et componitur, 623, 2. fidei contrarium doceri nihil potest, 519, 2 et seqq. Fiducia qualis sit sanctorum ad patranda miracula, 431, 2. fiducia haereticorum de peccatis remissis est fallax fides, 385, 1, 2; 424, 1. fiducia in Deo quid sit, *393, 2. fiducia in Deum concipienda est, 87, 1. ejus fructus, 47, 2. fiducia pro libertate capitur aliquando, *217, 2. fiducia Christianorum est libertas in professione fidei, *380, 1. Figulus est typus Dei, 170, 1, 2; 171, 1, 2. Figura saeculo tribuitur, quia transitoria, 202, 2. quomodo sit Filius figura substantiae Patris, *340, 2. Filiarum quae cura habenda matribus, *207, 2. Filiatio Dei bonis operibus stabienda, 186, 1. in quo sita haec sit, 134, 1. Filius dicitur Hebraeis fabrica patris, 632, 2. filius parentes honorans dignus est longa vita, 609, 1. non est nimis asper tractandus, 670, 2. filius Dei est honorificus titulus Christianorum, *37, 1. filii promissionis sunt haeredes fidei Abraham et Jacob, 159, 2. hi praefigurati in Jacob, sunt Christiani; filii carnis Judaei, quorum typus Esau, 161, 2. quales filios Abraham Deus elegerit et adoptavit, 165, 1, 2; 162, 2. filii quomodo in parentibus sanctificati dicantur, 193, 2. filii immundi et sancti qui sint, 307, 2. filii fidelium an sine baptismo salventur, *ibid.* filii primogeniti apud veteres erant sacerdotes et pontifices, *894, 1; *412, 2. filii parentum peccata imitantes, non gravius puniuntur, quam propria peccata mereantur, *122, 2. filii multi scelesti bono patre fuere oriundi, 814, 1. filios male educatos praestat esse pauperes quam divites, *207, 2. qui filii prophetarum dicantur, 353, 1; 387, 1. quomodo filii irae natura simus, et olim fuerimus, 601, 2. quoniam *filii diffidentiae* sint, 1. filii Christianorum a Turcis olim empti, Mamluchi vocabantur, 197, 1. *filii dilectionis* est filius dilectus,

*75, 2. *Alius* in Script. cum genitivo vitii aut virtutis, est deditus vitio aut virtuti; cum genitivo poenae vel praemii, idem est quod iis dignus, 601, 1, 2; 632, 1; *149, 2. Filius Dei est sermo vivus, 388, 1. idque ob tres causas, *ibid.* et seqq. suo sermone punit infideles, 2. quomodo pro nobis interpellat, 142, 2. quomodo Patri sit subiectus, 30, 1. et imago Patris, 147, 1. et quidem constans et expressa, *353, 1. est ab eo inseparabilis, *ibid.* est splendor gloriae Patris, 352, 1. figura est personae, non essentiae Patris, *353, 1. ei soli convenit nomen figurae propriae et personaliter, *ibid.* quomodo in eo omnia creata sint, *77, 1. est consors imperii, potentiae et essentiae paternae, *ibid.* ejus divinitas astruitur, 158, 2; 197, 2 et seqq. ejus generatio est naturalis, non libera, *352, 2. est legatus noster apud Patrem, et Patris apud homines, 550, 2. ejus vis penetrandi in duobus consistit, *378, 1. an recte vocetur Patris instrumentum, 194, 2. per eum venit in homines gratia, 513, 1. — *Vide Christus.* Fimbriae Pharisaeorum longiores erant in veste, 43, 1. Fines saeculorum qui dicantur, 343, 1. finis legis est Christus, 176, 1. item totius universi, 404, 1. finis Evangelii est charitas, *179, 2. finis mortis et mediationis Christi, *442, 1. finis legis triplex, respectu triplicium hominum, 404, 2. Flammeum virginum erat sacrum velum, 350, 2. Flavia Domitilla maritum Clementem Christo lucrata est, *205, 2. Flos, vitae est typus et symbolum, 316, 1. Fodere aures quid sit, *454, 1. Foedus vox unde dictum, 366, 1. foedus apud veteres sanguine feriebatur, *ibid.* aliquando voce *testamentum* exprimitur, 366, 2. foedus Dei cum Abraham, *ibid.* hujus signum fuit circumcisio, 83, 2. foedus novum Christus suo sanguine sanxit, 366, 1; *427, 1. Foetus abortivi graciliores sunt: caeci saepe nascuntur, 400, 1. Fomes peccati, ceu sopitus, occasione legis sibi adversae excitatus, exarsit in omnigenos pravos motus, 120, 2. Fontes tres elicit cervix Pauli recisa et saltans, 12, 1. Forma Dei est natura Dei, non tantum specimen Dei, *23, 1. tribuitur novitati mentis, qua significatur rerum spiritualium permanentia, 202, 2. forma baptismi, ejusque significatio et vis, 662, 2. non est deprecatoria, sed consecratoria et sacramentalis, *ibid.* forma baptismi Graecorum, 252, 1. forma poenitentiae, 465, 2. Formatae litterae quanam dicerentur, *513, 1. Formula foederis feriendi apud Romanos, 366, 1. formula stipulationis Dei cum Christianis, *444, 1. antiqui testamenti formula, 2. Fornicaria Osea uxor notat Judaeorum idololatriam, 101, 2. fornicarius Corinthius fuit potens et dux factionis inter cives: an habuerit patris vivi uxorem, 285, 2. Fornicatio ab initio mundi vetita: est contra legem naturae: quae mala secum includat: ejus punitio, 293, 1. licitam eam putabant Ethnici, sed revera illicita est, *503, 2; *515, 1. ejus actus idem physice cum actu conjugii, 299, 1. ab ea sex argumentis dehortatur Apostolus, 297, 2. Fornicator cur in corpus suum peccet, 296, 2. is violat templum Spiritus Sancti, 297, 1. veram retinens fidem, membrum est Christi et Ecclesiae, 294, 2. quomodo unum cum meretrice corpus efficiatur, *ibid.* Fortitudinis definitio, 380, 2. ejus symbolum est cingulum, 677, 1. fortitudo vera consistit in patientia, *73, 2. Fractio corporis Dominici in Sacramento significatio est passionis, 365, 2. fractio panis significat in Script. quodvis convivium, in novo Testamento appropriatur cœnae Eucharisticae, 346, 1. Fragrantia vitae Apostolorum bonis aspirabat vitam, improbis mortem, 429, 2.

Franci an e Germania oriundi, 514, 1.
S. Franciscus in latrones incidens dixit se esse præconem magni Dei, *199, 2. in crucis opprobrio perfectionem posuit, 256, 1. diaboli technas Fratribus patefecit, itaque multos ejus tentatione liberavit, 428, 1. ejus raptus mentis apparente sibi Seraph: tum quinque Christi retulit stigmata, 534, 1. qualia illa fuerint, 582, 1. fuit theodidactus, *430, 1. suos ad spiritus fervorem et vite renovationem exhortabatur, 203, 1. dicebat se maximum esse peccatorem, *186, 2. studuit in libro mundi ut Deum cognosceret, 51, 1. ejus de passionum tolerantia apophthegma, 137, 2. vocavit se fatuellum Christi, 283, 1. in morte laudes Dei cecinit, 415, 1.
S. Franciscus de Paula ann. 13 ætatis Deo famulari cœpit, *303, 2.
Franciscus Tregianus bonis spoliatus 25 annis in carcere in Anglia vixit captivus, *464, 2.
Francisci Vatabili error circa ordinationem presbyterorum, quasi manuum impositio a laicis fieri posset, *233, 1. Catholicus fuit, ejus scripta ab hæreticis corrupta sunt: ejus elogium, *ibid.*; 33, 1, 2.
S. Franciscus Xaverius quotidie pro cruce orabat, nec ulla liberari volebat, nisi graviore immissa, 421, 2. spe in Deum concepta magna suscepit, 87, 2.
Frangere panem in Script. quid significet, 346, 1. quomodo dicatur corpus Christi in verbis consecrationis frangi, 365, 1.
Frater Christus quomodo noster sit, *372, 2. fratres se Christiani vocabant in primitiva Ecclesia, 242, 1; *72, 1; *379, 1. quoniam fratres de Italia intelligantur salutare Hebræos per Paulum, *524, 2. fratres Domini dicuntur ejus cognati, 329, 1.
Fraternæ correctionis modus qualis esse debeat, 571, 1. ejus regulæ tres, 572, 2.
Fraternitas cum Christo ex patientia nascitur, 446, 2. fraternitas spiritualis Christianorum, 209, 1, 2.
Fraus a Christiano exulare debet, 642, 2.
Fructus arborei quomodo præputia vocarentur, *88, 2. primi sunt insalubres magis posterioribus, 89, 1. quos fructus populus ex Missa percipiat, licet eam non intelligat, 390, 1. fructus dilectionis proximi, 223, 1. fructus Spiritus sunt habitus vel actus virtutum, 568, 2. quos vocet Apostolus fructus justitiæ, *8, 1. fructus hæreseos, 357, 2. pœnitentiæ, 465, 2. bonorum operum, 653, 2.
Fruges bonorum temporalium et spiritualium Deus elemosynariis rependit, 479, 2.
Fru solo Deo licet, uti creaturis, 240, 2; *345, 2. frui in re ex qua fructum capimus, *345, 2.
Fruento cocto vesci Catholicis suasit **S. Theodorus Martyr** potius, quam idolothytis, 323, 1.
Fuga iniquitatis est signaculum prædestinationis, *291, 2. complet eam, *292, 2.
Fugiendo libido sola vincitur, 296, 1.
Fulbertus Carnotensis vidit dæmonem Berengario hæretico adstantem, *222, 2.
Fundamentum quod bonum divitibus comparandum, *267, 1. fundamentum ædificii spiritualis, 609, 1. quid sit fundamentum firum Dei stans, *290, 1, 2. et quæ ejus signacula, 291, 1. fundamentum Ecclesiæ Christus, et Apostoli, alio sensu, 269, 2; 607, 1. id in cælo ponit **S. Augustinus**, 608, 1.
Furari rem barbari, est contra legem charitatis, 221, 2. Furor est quadruplex, 452, 1.
S. Furseus in via ad cælum vidit maximos ignes, 270, 2. ejus pœnitentia, 401, 2; 137, 1, 2.
Futurorum bonorum quorum pontifex sit Christus, *439, 2.

G.

Gabriel angelus assistens, etiam missus legitur, *364, 2.

Galatæ a Gallis oriundi sunt, et an Galli Senonenses, 514, 1. locuti lingua Trevirensi, an orti e Germanis, *ibid.* a christianismo ad judaismum devoluti sunt, 517, 1. hoc carpit in iis Apostolus, 231, 1; 514, 1. erant indociles, vecordes et tardi, 536, 2.
Galatia sectarum prodigiosarum ferax, 536, 2. ejus termini, 514, 1.
Galea militis Christiani est salus allata a Christo, vel potius spes salutis, 689, 1. item spes, at caput est finis, seu intentio, *ibid.*; *138, 2.
Galilæi Romanis tributum negabant persolvendum, 219, 1. docebant Judæos Ethnicis parere non debere, *335, 1.
Galla Placidia, Theodosii Imp. uxor, Romam properavit ut sacra Apostolorum limina visitaret, 16, 1.
Galla, Symmachi Consulis Romani filia, vidua juvenis quam generose secunda nuptias respuerit, *238, 1. monasterium ingressa est, amica fuit luminis, 2. apparet illi **B. Petrus**, a quo dimissa peccata sua audivit: quam pie defuncta, *ibid.*
Galli antiquitus a corporis candore Galatæ nuncupabantur, 517, 2. quando dicti indociles, 536, 1. an olim germanice locuti, 514, 1.
Gallia dicta Galatia, *313, 2. Gallia Comata unde dicta, 357, 1.
Gallicanus ab uxore ad fidem conversus, operibus misericordiæ totum se addixit, et martyr occubuit, *237, 2.
Gallicus morbus castigatio libidinis est, *54, 1.
Gamaliel fuit doctor **D. Pauli** in sacris, 1, 2. suis præscripsit ut una cum sacris Litteris opificium manuale discerent, *169, 1.
Gaudere in sæculo, et gaudere in Domino quid, *59, 2. gaudere in tribulatione admirabile est, *117, 1.
Gaudii quæ vera causa, *59, 2. quod gaudium sit fructus Spiritus Sancti, 568, 2. gaudii Beatorum et ponderis gloriæ graphica descriptio, 116, 1; 446, 1. quod gaudium Christus propositum contempserit, *509, 1. gaudium sanctorum et impiorum qui differant, quoad durationem et præmium, 497, 1. gaudium mundi breve est, 315, 2.
Gedeonis fides, *486, 1.
Gelasii Cæsariensis nomine circumferebantur olim commentaria in Paulum Ambrosio adscripta, 31, 2.
Gemitus inenarrabiles qui sint, 142, 2. gemitus Apostoli Pauli, *ibid.* gemitus pœnitentiæ sunt carbones igniti, 216, 2. gemitus Prælatorum sub onere regiminis, dum suos labores irritos esse vident, *522, 1.
Gemmæ Rationalis vocantur lapides plenitudinum, 239, 2. quid denotent symbolice, *195, 3.
Genealogiam Melchisedechi et aliorum Dei amicorum cur non recenseat Scriptura, *410, 2. genealogiæ Judæorum ab Apostolo sugillantur, *178, 1. cur eas ipsi tam opereose pertexerent, *ibid.* quam bene eas callerent, *330, 1. genealogia peccati, 98, 2.
Generationem in congressu vitabant Manichæi, *221, 2. generatio et spiratio in Deo sempiterna et invariabilis est, *356, 1. generatio vera in Deo est, 2. generatio Filii Dei est naturalis, non libera; est immutabilis, pura, *352, 2. generatio naturalis non facit ad veram Abrahæ posteritatem, 159, 2. quid ad spirituales generationem requiratur, 134, 1. in generatione Christus et Melchisedech conveniunt, *411, 1.
Generandi vis emorua, divinitus Abrahæ in senio reddita est, 88, 1.
Generositas ad heroica opera et profectum, incitat ad cursum in vita Christiana, *49, 1.
Generosus iram domat, et injuriam parvi facit, 644, 2.
Genimen vitis a Christo vocatur non id quod erat in calice Eucharistico, sed agni paschalis, 361, 2.
Genios suos colebant Ethnicis, *94, 1.
Gentiles a Judæis contemptim vocabantur canes, 182, 2. item peccatores, 531, 1. item præputium, 604, 1. item gentes in cæcitate, *ibid.* item immundi et scelerati, *58, 2.

- omnibus vivendum, 605, 2. cibum sumpturi consecrabant diis primitias, *229, 1. an naturali Dei cognitione et naturaliter recta vita vitare damnationem possint, 59, 2. an sine fide, qui inter eos probi fuere, salvati sint, 61, 2. et seq. possunt aliqua legis præcepta implere sine fide, at non omnia, 62, 2. an opera moraliter bona possint facere, 224, 1. non fuit indignum eos præferri in Christianismo Judæis, 159, 1. sunt idem iustificati, quia fidem et gratiam Christi amplexi, 34, 1; 155, 1, 2; 173, 2. iis præcellabant Judæi in possessione Scripturarum et eloquiorum Dei, 67, 1. quomodo si legem non habeant, contra eam peccent, 61, 2. habent legem naturalem, quam faciunt, et contra quam peccant, *ibid.* facti sunt hæredes salutis Abrahæ, inserti radici et fidei sanctorum patriarcharum, et Judæis prælati, 161, 2; 173, 2 et seq.; 193, 1; 611, 2. at videant ne superbiant, 195, 1. et tunc cum Judæis unum quid facti sunt, 606, 1; 611, 1. vivebant in tenebris, 224, 1. veritatem Dei in injustitia detinebant seris iniquæ voluntatis, 49, 1. eorum vocatio revelata primum Paulo, 4, 1. iis communia, erant Judæis immunda, 232, 2. ex non plebe facti sunt plebs Dei, 172, 2. sunt vocati ad fidem, ut Judæi excitarentur ad suæ salutis desiderium, 191, 1. arcebantur ab atrio templi Judaici, *431, 1. cur non potuerint circumcidi, Christiani jam effecti, 561, 1. scandalizabantur viso Christianos inter se delectu ciborum contendere, 221, 1. eorum conversio est sacrificium et oblatio Deo, 259, 1. iis etiam prædicavit S. Petrus, 528, 1. oleastro comparantur, 193, 1. avidissime omnem immunditiam sectabantur, 638, 2. redemptore indignare, non obstantibus operibus moralibus, 34, 1. iis prædicandum Evangelium, est a Prophetis prædictum, 182, 2; 237, 1. quomodo Deum in simulacris coluerint, 52, 1. Deum e creaturis agnoscere potuerit et debuerit, 50, 1. item eum cuncta intueri, *389, 2. Scriptura eorum genealogiam non curat, *410, 2. eorum cæcitas in iis quæ repugnant naturæ, 653, 1. post sacrificia ludus agebant, 341, 2. lotis et extensis manibus orabant, *201, 2 et seq. victimas inter domesticos et absentes amicos distribuebant, 847, 2.
- Gentium variarum vitia, *325, 2. gentes pleræque deficiunt a Romano Pontifice et Imperio ante diem iudicii, *149, 2. gentes omnes sunt commotæ tempore Christi, *265, 1.
- Georgius, Saxonie Dux, quid de Lutherana fide sentiret, 635, 2.
- S. Gerardus mortuus est ridendo, 415, 2.
- S. Germani Capuani Episcopi anima ad cælos subvecta in specie sphaeræ igneæ, *363, 1.
- Gis-hala non fuit locus natalis S. Pauli, 1, 1.
- Gladius quis anceps novi et veteris Testamenti, *389, 1. gladius summæ potestatis indicium est, 220, 2. gladius excommunicationis sobrie exercendus est, 484, 2.
- Globum (in) corpus nostrum in resurrectione non est transformandum, *56, 2.
- Gloria cingulo representatur, 678, 1. *Gloria Patri*, etc. quando primo dicti ceptum, 199, 1. et explicatur, *ibid.* gloria vera nonnisi apud Deum, quia immensa, interna, solida, fidelis, sincera est, 486, 2 et seq.; 560, 2. gloria viri quomodo mulier sit, 354, 2. gloriæ cælestis beatitudo et complementum, 115, 2 et seq. eam a principio conceptionis habuit Christus in anima: in corpore vero in actu primo, 411, 2. ipsa est ut vestis, qua induimur, 448, 1. gloria, triplex, hominis, et Christi, *369, 2. quanta sit gloria crucis et crucifixi, 369, 1, 2. gloria sanctorum est incomprehensibilis, *146, 1. quenam gloria soli Deo tribuatur, *189, 1. *Deus gloria* idem est, quod divina majestas, vel divinitas gloriosa, 593, 1. gloria Dei fluit actionum nostrarum sit, 231, 2; 258, 2. gloria hominum est parva, exilis, externa, infida, fucata, instabilis, 486, 2 et seq. gloria spei Christianæ, *380, 2. qualis expectatio gloriæ sit in creaturis, 188, 1. gloria et salus qua re differant, *285, 2.
- Gloriari licet, modo id gratiæ ascribatur, 281, 1. quid sit gloriari in Domino, 486, 2. ubi, quando et qua in re gloriandum, *ibid.*
- Gloriatio ea tantum quæ ex aliorum contemptu oritur, ab Apostolo sugillatur, 281, 1.
- Glossa per se non potest jus condere, aut legem novam, 308, 1. Glossæ ordinariæ auctor est Strabo, interlinealis Anselmus Laodunensis, 83, 1, 2.
- Gnostici docebant Christum corpus e cælo attulisse, et negabant revera eum carnem assumpsisse, 411, 2; *285, 1. erant cauteriati in aure, *223, 2. quæ a quibus Philosophis sint dogmata mutuati, *86, 1. se iactabant de scientia, *83, 2; *269, 1, 2. sæpe eorum hæresis impugnat ab Apostolo, 19, 1.
- S. Goar Trevirensen episcopatum recusavit, *209, 1, 2.
- Godefridus Bullonius non fuit Magog, *164, 1.
- Goenses viduæ alteri non nubunt, *238, 2.
- Gog videtur esse ipse Antichristus, vel ejus primarius dux, *164, 1. dicitur a Magog, *ibid.* Gog et Magog unde venturi, *ibid.* sunt exercitus Antichristi, quinam illi, *163, 1. sunt futuri tempore Antichristi, *164, 1. pugnabunt contra Ecclesiam, *ibid.*
- S. Gordii Martyris ad rogum damnati, et simulare in fidei rebus nolentis, ad suos responsio, 178, 2.
- Gorgias sophista ridicula percontantem, et ad illa absurde respondentem risit, *229, 1.
- S. Gorgonizæ silentium, *205, 2.
- Gothi an sint Gog, *164, 1. Gothi Roma expugnata ad basilicam S. Pauli confugientibus pepercerunt, 17, 1. ab Arianis ad fidem Christianam sunt perducti, licet antea Catholici essent et orthodoxi, 485, 2.
- Gradu suo quisque contentus sit, 377, 1.
- Græci inter Gentiles celeberrimi et notissimi erant Judæis, hinc universaliter pro Ethnicis capiebantur, 46, 1; 527, 1. a Latinis aliqua verba mutuati sunt vulgo trita, 30, 2; 348, 2. ethicam tradunt per breves gnomas, 19, 1.
- Græci Christiani qua forma baptizent, 252, 1. negant dari coronam justitiæ ante ultimum iudicii diem, 311, 2. Purgatorium concedunt, ignem tamen in eo esse negant, 271, 2. eorum sacerdotibus uxores permittit Ecclesia, *212, 1. a quo tempore hi conjugio uti cœperint, *ibid.* conjugio suo Pauli exemplum prætexentes, ejus nomen inseruere apud S. Ignatium, 329, 1.
- Græca lingua Judæis script per familiaris, *445, 2. ea omnes epistolæ S. Pauli scriptæ præter unam ad Hebræos, 20; 35, 1. vocabula multa Græca in Syra detorta sunt, *445, 2.
- Grammatici olim qui dicti, 253, 2.
- Gratia quibus nominibus a Paulo vocetur, 29, 1. est gloria inchoata, 73, 2; 233, 1. et vestis animæ, 82, 1. finaliter est vita æterna, quia coronidem habet vitam æternam, 115, 1. ejus sigillum, 593, 2; 647, 1. an eam Christus angelis meruerit, 597, 2. ea omnibus Deum rite invocantibus promittitur, 343, 2. ipsa non tantum imputative, sed intrinsece est nostra justitia, 80, 2. alia est præveniens, alia justificans: dantur ambæ gratis, 73, 2. gratia non prædeterminat actum liberum, *33, 2; *273, 2. ejus vis in opere bono potior est liberi arbitrii concursu, 186, 1. discernit justum a non justo, 269, 1. ea nisi legem adjuvet, et concupiscentiam reprimat, lex ad prævaricationem pertrahet, 85, 1. est ei cooperandum, *443, 2. ea quantis sit, 244, 2. liberi arbitrii cooperationem requirit, *291, 1; *427, 2. est duplex, alia creata, alia increata, 513, 2. non a lege, sed a Christo datur, 540, 1. et ex ejus meritis, 586, 1. gratia prius est mera gratia, 145, 1. gratiam justificantem ubique urget Apostolus, 156, 1. gratia egemus non tantum ut bona faciamus, sed etiam ut mala vitemus, 511, 1. sunt ei omnia tribuenda, 269, 2.

ex natura non meretur vitam æternam, 113, 1. quomodo nobis data sit ab æterno in Christo, *276, 1 et seqq. semen est gloriæ, dispositio ad gloriam, et gloriæ connaturalis, 58, 2; 137, 1. ab ea non est redeundum ad peccatum, 111, 2. non tantum est favor Dei, sed et omne quod ex eo sequitur, quo ad salutem homo dirigitur, 43, 1. gratia prædestinatorum est signata sigillo præscientiæ Dei, *291, 2. gratia quæ datur reprobis et prædestinatis, physice sæpe est æqualis, *ibid.* prævenientis et excitantis gratiæ necessitas, 635, 1. gratia efficax, propria prædestinatorum est, si semper efficax maneat, 281, 2. cui gratiæ tribuatur quod hi convertantur, non illi, 188, 1. mensura gratiæ aliquando proportionatur mensuræ nostræ dispositionis, 625, 2. an ejus fuerit effectus, quod Paulus non peccavit ex malitia, sed tantum ex ignorantia, *184, 1. gratia Salvatoris quæ sit, *332, 1. quænam illa nos doceat, *ibid.* 2. gratiæ gratis datæ plures sunt quam novem, 374, 2. sunt eæ divisæ in Ecclesia, prout Deus dividere voluerit, 372, 2; 377, 2. gratiam propriam cuilibet statui dat Deus, 303, 1. gratia infusa vocatur unctio, *361, 2. qualissit gratia et cognitio quam adfert lex nova, *428, 1. gratia Christi est uberior et potentior peccato Adæ, 103, 2. quæ se etiam ad angelos extendit, qui per ejus merita sunt justificati, *ibid.* ea superabundavit, ut per eum regnum justitiæ instauraretur, regno peccati destructo, 105, 2. **Gratiæ** Deo agendæ etiam in adversis, 661, 2. et pro dono gratiæ, 422, 2. et pro christianismo, 371, 2. et in rebus omnibus, *139, 2. non tamen pro re futura, sed præterita, 128, 2. eæ frequentes esse debent Christiano, 248, 2. gratiarum actio in cibi sumpione usurpata Judæis, 231, 1; 350, 1. et priscis Christianis, *226, 1, 2. Christus gratias ante consecrationem egit Deo Patri, 344, 2. eæ etiam in Missa usurpantur, *193, 1. **Gratis** evangelizare consilium est Evangelicum, 331, 1. **Gratuita** est electio Gentium, et rejectio Judæorum, 164, 2 et seqq.

G. Gregorius e stomacho laboravit, *249, 2. columnæ igneæ indicio declaratus est Pontifex, *190, 1; *209, 1. quomodo Gregorium Augustæ cubiculariam petentem sibi dari plenam de remissis peccatis certitudinem monent, 186, 1. hæreticis est primus Antichristus, 187, 1; *159, 2. Luthero ultimus est Pontifex, *159, 2. Christum in specie pauperis excepit mensæ, *214, 1. et angelos, *513, 2.

G. Gregorii Nazianzeni modestia et lenitas, 215, 1. quomodo se ob nimium silentium purgarit, *172, 1. vidit sapientiam et castitatem sibi apparentes secundum quietem, 320, 2. sæpe conqueritur de malo carnis suæ, 504, 2.

G. Gregorius Thaumaturgus in fuga mire a Deo liberatur, *315, 2. est functus officio judicis, 292, 1. fide montem suo loco movit, 379, 1. peregrinum se hic credidit, nihilque proprium possidere voluit, *479, 1.

Gubernatio Filii Dei erga omnia ostenditur, *553, 2.

Guido Fabricius e Syriaco novum Testamentum vertit Latine, id ipse censet esse D. Marci, 19; *348, 2.

Gula domanda principio Christianis, 336, 1; *53, 2. an gula in comedendo, sit culpa mortalis, 567, 2. communiter tantum mala, *ibid.*; *504, 1. est mater libidinis, 294, 1; 296, 2.

Guillelmi Lacæ Martyris uxor quam læto animo bonorum jacturam passa sit, *464, 2.

Gulosus quare in corpus suum peccet, 296, 2. non vivit, sed cadaver est potius, *237, 1, 2. ejus venter est vitæ charybdis, *54, 1.

Guttur impiorum abominationem exhalat, 72, 1.

H.

Habendi modi varii, *434, 1. habere significat actum con-

tinuum, 300, 2. habere aliquam in corde, est ejus recordari, et eum amare, *6, 2.

Habitare Hebræis est firmiter inhærere, *278, 2.

Habitus, est externa species, *23, 2. quis habitus ornatus in muliere, *303, 1, 2. habitus vetularum qualis esse debeat, *329, 2.

Hæreses quomodo oporteat esse, 357, 1, 2. omnes tandem evanescent aut abeunt in atheismum, *301, 1. sunt per mulieres propagatæ, *300, 2. hærescos pena est libido infamis, 54, 1, 2. oritur e superbia, *ibid.* dissuadet virginitatem, 318, 2. quantum sit peccatum, *339, 2. ejus fructus, 357, 2. est doctrina male sana, *279, 1. est varia, peregrina, demens et avia, *518, 1. quæ vitia ex ea nascantur, 55, 1. serpit ut cancer, et ad quæ, et quare, *288, 1. est maxima iniquitas, *292, 2. quibus ad eam gradibus descendatur: nam nunquam est primum peccatum, *ibid.* hæresis omnis est blasphemia in Deum, *491, 2. oritur a mala conscientia, *ibid.* est ex diabolo, 222, 2. hæreses primæ versatæ pene omnes circa humanitatem vel divinitatem Verbi incarnati, *219, 2; *225, 1.

Hæresiarchæ demones habent suggestores et familiares, 320, 1; *222, 2. nulli eorum resipere, *402, 1. qua ratione aliquando convertantur, *ibid.*

Hæretici matrimonium cum Catholica, in locis quibus permixti habitant, quomodo liceat, 322, 1. hæretici negantis veritatem Christi in Eucharistia confusio in die judicii, 361, 1.

Hæretici a Christo non vocantur, sed per se vel laicos intruduntur, 39, 2. non aguntur Spiritu Sancto, ut jactant, 135, 1. sunt symmiste Antichristi, *161, 1. quales eorum magistri, *307, 2. contra eos non tam argumentis quam vitæ puritate agendum, *192, 1. cur non possint esse virgines, 54, 1, 2; 318, 2; 458, 1. eorum patriarchæ sunt philosophi, *85, 2. quare sint plectendi, *339, 2. sunt Judæi similes, *ibid.* quomodo agendum cum illis, 1. etsi Ethnicos convertant ad Christum, nihil ipsis prosunt, nocent potius, *10, 2. prædones sunt, *85, 2. ebrii sunt et emotæ mentis, *297, 1. Ecclesiæ et Evangelio credere detrectant, *254, 1. orando sunt potius quam disputando convertendi, *ibid.* dicunt nova, mira, falsa, *288, 1. quomodo, et in quo, et quorum respectu proficiant, *303, 1. sunt volifragi, *193, 2. quomodo sunt in Ecclesia, 290, 2; *294, 1. eorum impudentia, *41, 1. sunt lenones Satanae, 489, 2. legem Christi magis evertunt, quam Judaizantes, 517, 2. eorum fallacia et inconstantia in fidei dogmatibus, 684, 1, 2. eorum blandiloquentia, 2. eorum superbia, *93, 2. hypocrisis, *300, 1. ut pro suis escis pugnent, Ecclesiastica jejunia impugnant, 233, 1. habent conscientiam cauteriatam, *223, 2. nihil sciunt, quia nihil vere credunt, *254, 1; *300, 2. de omnibus quæstiones morant, *254, 1. omnia judicio suo et naturali ratione volunt metiri, *ibid.* an eorum libros legi velit Apostolus, *141, 2. imo vetat, ut et Concilium Nicænum, *ibid.*; *289, 1. molles sunt, *53, 2; *299, 2. eorum vanitas in sectandis asseclis, 578, 2. nunquam pro sua fide miracula fecere, 507, 2. tenebras sectantur, *282, 2. pietatem habent pro quæstu, *255, 1. sunt cupidi, elati, inhumani, incontinentes, sine benignitate, protervi, tumidi, *299, 1 et seqq.

Hæretici veteres jactabant visiones angelorum, *96, 1, 2. damnantes carnem, hoc ipso damnant incarnationem Christi, *225, 1. Pauli epistolas rejecerunt, 4, 1, 2.

Hæretici nostri temporis e Pauli epistolis errores suos confirmant, 4, 2. sed vane, 6, 1. sunt pæderastia infames, 54, 2. credunt temere sibi esse remissa peccata per fidem, 85, 1, 2; 195, 2; 385, 1. fidei suæ continuationem nequeunt ostendere, 186, 2. potestatem sæcularem evertunt prætextu libertatis evangelicæ, 219, 1. dicunt nos meritis Christi justificari, 79, 1. eorum fu-

- cata oratio, *88, 2. virginitatem averantur, *119, 2. dicunt Papam esse Antichristum, *161, 1. docent omnes non posse credere, *167, 2. semper docent nova et inaudita, *268, 1. merita Christi omnibus applicant, *458, 1. astruunt Purgatorium etiam nescientes, *482, 2. eorum in Societate Jesu nomen cavillatio, 251, 1. eorum argumenta contra Missam solvantur, *457, 1 et seqq. volunt Antichristum incepisse sub annum DC, *159, 2. spermologi sunt, unde et se ministros verbi dicunt, 253, 1; *83, 2; *254, 1, 2; *288, 2. eorum aliquot paralogismi, 5, 1. etsophismata, *225, 1, 2. tandem fiunt athei, 359, 2. inepte errant circa veritatem Eucharistiæ, 360, 2. eorum pertinacia, 361, 1. horrent poenitentiam, 466, 2. Scripturam ad sua sensa trahunt, 454, 1; 627, 2. sua dogmata semper mutant, 634, 5. *518, 1. ab iis baptizati, non sunt rebaptizandi, 624, 1, 2. oderunt dialecticam, *269, 1. fugiendi sunt exemplo Sanctorum ut pestis, *289, 1.
- Halleluia. — *Vide* Alleluia.
- Hattionis Episc. Moguntini a muribus comesti historia fabulosa, *214, 2.
- Heber cum suis cum vera fide, religione, pietate, linguam primævam retinuit in confusione Babel, 496, 1.
- Hebræi nominis radix et significatio, 495, 2. an Hebrææ lingvæ usus in cælo futurus, 880, 1; 883, 1.
- Hebræi tradebant ethicam per breves gnomas, 19. erant populus Dei peculiaris, *165, 2. usque ad tempora S. Hieronymi sine punctis sua scribebant, *481, 1. mare Rubrum fide transierunt, *485, 2. pro defunctis suffragia faciebant, 406, 1. erat eorum salutatio, *pax tecum*, 43, 1; 681, 2; 685, 2. cur quadraginta annis in deserto errarint, *388, 1. invicem obvii facti, osculari mutuo solebant, 512, 2. musicam conviviis adhibebant, 659, 2. cibo sumpto gratias agebant Deo, 478, 2. de oblati sacrificiis comedebant, 326, 1, 2; 347, 2. eorum erat duplex abstinencia a cibis, 229, 2. orabant manibus lotis, *201, 2. lætitiæ vituli aurei clausurunt epulo et ludo, 341, 2. menses et dies habebant lunares, 289, 1. baptismatibus frequentibus erant assueti, 406, 1; *399, 2; *401, 1. Scripturæ nihil addere volebant, *455, 2. epistolis suum non præfigunt nomen, *848, 1. eorum de hostibus victis triumphus erat typus triumphi Christi, 626, 1. — *Vide* Israelitæ, Judæi.
- Hebræorum verba activa sæpe passionem vel permissionem significant, 26, 1, 2. et subinde actum inchoatum, subinde perfectum, continuatum subinde, 28, 1. et sæpe non actum, sed debitum vel officium, 80, 2. indicant futura per præterita, 27, 2; 147, 2. gerundia et nomina usurpant tam active quam passive, 27, 2. *in* usurpant pro instrumento, 676, 2. carent indicativo, pro eo utentes participio, et præterito, 27, 2; 206, 1. infinitivos sumunt pro nominibus et verbis quorumlibet temporum et modorum, *ibid.* gaudent metaphoris, 269, 2. adverbia similitudinis usurpant pro rei assertionem, *26, 1. verba activa realia pro mentalibus usurpant, 29, 1. verba contactus cum *in* construunt, 80, 2.
- Hebræis Christianis profugis et dispersis per Asiam scribit S. Petrus duas epistolas, et Paulus unam, *347, 1, 2. curæ Petri et Jacobi erant commissi, 348, 1. eorum mutua in calamitate compassio, *463, 1. animantur a Paulo ad certamina et labores, *369, 2. item ad perfectionem cognitionem Evangelicæ doctrinæ, *399, 1. cur iis Paulus suspectus esset, *528, 2.
- Helcheseitæ Ebionem secuti in Paulum debacchabantur, 4, 1, 2.
- Heliodorus est auctor commentariorum in Paulum Hieronymo ascriptorum, 82, 1.
- Helvidius B. Virginis castitatem post partum negat, 404, 1.
- Hemerobaptistæ dicti quod quotidie baptizabantur, *42, 2.
- Henoch quomodo translatus per fidem, *473, 1, 2. ejus innocentia insignis, et unio cum Deo, causa fuit hujus rap-
- tus, *ibid.* quomodo ambulavit cum Deo, *ibid.*; *127, 1. eo prædicante in fine sæculi convertentur Judæi, 195, 1, quamdiu tunc prædicabit, *169, 1, 2. quando morietur, et quomodo, *ibid.* certabit cum Antichristo, *152, 1; *473, 1. certum est, contra Judæorum dubium, eum non esse mortuum, 2. nonnisi adultus Deum potuit cognoscere, *474, 2. et ex hac cognitione editis actibus heroicis virtutum, a Deo transferri meruit, *ibid.*
- Henrici Stephani error circa vocem *idolum*, 325, 1.
- Henrici Walpoli Angli martyris ardens votum, *15, 1.
- Herbarum nihil Judæis vetitum lege erat, 228, 2.
- Hæreditas nostra qualis, *338, 1. quanta sit hæreditas Christi, *355, 2. cur hæreditas Sanctorum vocetur aors, *74, 1, 2. sita est in lumine Evangelii, *ibid.* hæreditas optima filiis relinquenda, est eleemosyna, 478, 2. juv hæreditatis cælestis bonis operibus stabiliendum est, 136, 1. hæreditas sorte dividebatur, 592, 2; *74, 1, 2; *355, 2.
- Hæres benedictionis Abraham quis, 156, 1. quomodo, quo titulo et quorum hæres sit Christus, *351, 2.
- Hæri divinitatis Christi, *hodie* humanitatis, *517, 1. quomodo ei adaptentur, *ibid.* hæri nec in sacra Scriptura, nec apud profanos significat æternitatem, *ibid.*
- Heris fidelibus melius serviendum quam infidelibus, *252, 1, 2 et seqq. — *Vide* Dominus, Servus.
- Hermas auctor est libri qui inscribitur *Pastor*, 243, 1.
- Hermogenes negabat resurrectionem, is Paulo est adversatus, *280, 1.
- Hermogenes Rhetor in adolescentia doctissimus; senex factus, omnium est oblitus, 189, 2.
- Herodes Magnus addidit atrio Judæorum in templo atrium Gentium, *431, 1. 2. filium necavit, 508, 2. libros genealogiarum Judaicarum combussit, *179, 2.
- Herodes Antipas, gener Arctæ regis, ejus filiam repudiavit: bello cum illo decertans succubuit, 498, 2.
- Herodiani dicebant Herodem Ascalonitam esse Christum, et quare, *43, 1.
- Hervæi monachi an sint commentaria ascripta Anselmo in Paulum, 32, 1.
- Hierapolis in Phrygia terræ motu concidit, *69, 1.
- Hierarchiarum angelicarum ordo, 596, 2. ex omnibus hierarchiis aliqui angeli cecidere, 674, 1.
- Hiero monachus quam turpiter a dæmone deceptus, 494, 1.
- S. Hieronymus est auctor Vulgatæ versionis, 23, 1. fuit parvo corpore, 37, 1, 2. scripsit in epist. ad Galatas, Ephesios, Titum et Philemonem, 83, 1, 2. in commentariis sæpe aliorum errores transcribit, nec refutat, *ibid.*; 596, 1. ut sæpe Origenis, *ibid.* de brevibus in epist. omnes Commentariis ei ascriptis judicium, 83, 1, 2. in Deo agnoscit unam hypostasim, et unam essentiam, nec audet dicere in eo esse tres hypostases, *353, 1. cur tantopere ad Bethlehem anhelaret, *201, 1, 2. ibi latuit, *103, 1. quomodo dixerit magis consuetudine, quam divina institutione Episcopos esse presbyteris majores, *822, 2. e stomacho laboravit, *249, 2. immerito sugillatur a Ruffino, 491, 1, 2. tres ejus et Augustini dissertationes, 529, 1 et seqq.
- Hierosolymam Paulus an venerit statim a conversione, 523, 1, 2. ipsa erit regia Antichristi, *152, 1. quomodo ei conjunctus mons Sina, 556, 1, 2.
- S. Hilarion donum habuit discretionis spirituum, 373, 2. moriens quam fuerit pauper, *257, 2. anno ætatis xv in eremum concessit, *303, 2. laudem ubique fugiebat, ubique tamen ejus sanctitas prodebat per miracula, 213, 1. ejus timor in morte, *39, 1; *180, 1. mundo obscurus fuit, *103, 1.
- Hilaritas in eleemosyna requiritur, 476, 2. ea quæ tractandis miseris necessaria, est in tribus sita, 208, 2. ejus commendatio, *ibid.*
- Hilarius Diaconus Rom. auctor commentarii Ambrosiani,

- vocatus orbis Deucalion : quomodo vocetur ab Augustino sanctus, 81, 2.
- S. Hilarius Constantinum Imp. audacter corripuit, *274, 2.
- Hippolytus Phædræ novercæ commisceri noluit, 359, 2.
- Hircus olim pro peccato offerebatur, *443, 1. hircus et vitulus immolati extra castra, a Levitis non comedebantur olim, *519, 2.
- Hirundines typus sunt garrulorum, *172, 1.
- Hispani quos vocent Maranos, 418, 2. iis Paulum evangelizasse multi tradunt, 210, 1.
- Historias sacras quomodo dictarit Spiritus Sanctus, *304, 1.
- Histriones ad Sacramenta non admittebat Cyprianus, 810, 1.
- Hoc in verbis consecrationis est adjectivum, idem, sed confuse significat, quod distincte significat *corpus meum*, 363, 2.
- Hodie significat tempus præsens vitæ, gratiæ et penitentiae, *382, 1. hodie amplectitur omne tempus, *356, 1.
- Holocausta vetera erant umbra sacrificii Missæ, *423, 1.
- Homo creatus est immortalis, 98, 1. nascitur insipiens, quomodo, 71, 1. quomodo a Deo diligatur, *368, 1. a fide et gratia excludere potest, 193, 2. est miser, fragilis et desperatus, *368, 2. est imago SS. Trinitatis, 641, 2. est mundi creati finis et compendium, *ibid.* dicitur omnis creatura, est vinculum omnis creaturæ, mundi miraculum et microcosmus, 138, 2; *78, 2. an duas habeat animas, bonam et malam, item sensitivam, ac rationalem, 563, 2. tribulationibus sit flexibilis et obediens Deo, 92, 1. non ex natura, sed peccati necessitate, morti est obnoxius, 132, 1, 2. tribus constat, spiritu, anima et corpore, *142, 1. est fortunæ lusus, inconstantiae imago, 197, 1; *449, 2. item nihil, vanitas, mendacium, 68, 1. ejus fragilitas in hac vita, 69, 2; *32, 1. duas habet domos, terrestrem et celestem, 450, 1. ejus triplex gloria est, *369, 1, 2. est imago Dei et Deus terrestris, *ibid.*: 50, 1. solo naturæ lumine et viribus, Deum videre nequit, vel beari, 115, 2. nec in hac vita Dei essentiam videre, 501, 2. luto comparatur, Deus figulo, 170, 1, 2. hinc ei sæpe descendendum ad domum figuli, 171, 2. in quibus minor sit angelo, *368, 2. ejus dominium in cæteras creaturas, *367, 2. ex iis potest Deum cognoscere, 50, 2. hominis octo proprietates, quatuor ejus status inter se comparati, 104, 2. homo vetus et novus quis dicatur, 109, 2; 639, 2 et seq.; *104, 2. ille est dupliciter cum Christo crucifixus, 109, 2. et dupliciter corrumpitur, 639, 2. quis dicatur homo interior et exterior, 443, 1; 616, 2. utriusque septem incrementa et ætates, 633, 2. unus homo ratione diversorum statuum vocatur exterior vel interior, 123, 1. omnis homo alteri communi creatione amicus est, 222, 2. unus homo sunt vir et uxor, 663, 1.
- Homines rerum suarum non sunt possessores aut domini, sed solum usufructuarii, 315, 1. eorum laus et iudicia condemnanda sunt, 278, 1. quasi aleam jaciunt de sua salute, 592, 2. non sunt consulendi in Dei vocatione, 522, 2. iis, non angelis, Christus gratiam et gloriam meruit, 597, 2. eorum cogitationes vanæ, 273, 2. an homines singuli in Adam fuerint, 99, 1, 2. an ex eo habeant aliquam carnis particulam, *415, 2.
- Honestas muliebris velamen exigit, 353, 1. honestatis omnis hostis est avara cupiditas, 638, 2.
- Honor est onus, *121, 1. honor duplex presbyteris debitus, quis sit *246, 2. quomodo ad honorem Dei in particulari omnia faciendi sint, 350, 2. honor parentibus debitus in quatuor rebus consistit, 669, 1.
- Hora et dies Evangelii quæ dicantur, *224, 1.
- Hosti Cordubensis libertas in corripiendo Constantio, *274, 2.
- Hospite adventante an liceat solvere Jejunium, *326, 2. iis olim pedes abluebantur, *241, 1; *513, 1. qui hospites Christi viventis fuerint, *511, 2.
- Hospitalitas in veteri et novo Testamento commendata, *513, 1. ejus tesseram frangere, signum Ethnicis erat amicitiae dissolutæ, *ibid.* viguit in primitiva Ecclesia, *ibid.* et seqq.; *340, 2. quam deceat Episcopum et clericos, *213, 2; *513, 1, 2.
- Hospitium quomodo et quare parari sibi voluerit Paulus, *346, 1. ejus hospitium Romæ in templum transiit, *ibid.*; 17, 1.
- Hostes nostri spirituales qui sint, 127, 2; 201, 1. hi nos semper esse in timore jubent, *32, 1. hostes Christi tres, diabolus, peccatum et mors, 403, 2.
- Hostiæ etymon, 201, 1. hostia spiritualis triplex est, *ibid.* quomodo Christiani sint hostia vivens, 196, 1. hostiæ veteres non exiabant conscientiam, *437, 2.
- Hugo Victorinus an sit auctor libri *De Spiritu et Anima*, 446, 1.
- Humana omnia vanitas sunt, 315, 2 et seqq.
- Humanitas Christi quomodo ad dexteram Dei sedeat, *355, 1. an ea post diem judicii in divinitatem convertenda, 403, 1. hæc, ejusque resurrectio, est instrumentum morale divinitatis, efficiens nostram justificationem, 90, 1. est speculum et splendor ejus divinitatis, 384, 1; *352, 2.
- Humiliatio via est ad humilitatem, *397, 1.
- Humiliari pro pauperem esse, capitur subinde, *66, 1.
- Humilis dicitur quasi humi altus, 622, 2. quomodo se humiliet ob ea quæ habet, *187, 1. recogitat peccata præterita licet condonata, 2. cogitat alios sese digniores et majores, *20, 2 et seqq. ei omnia munda sunt, *327, 1. non est spernendus, 213, 2.
- Humilitas aliis virtutibus juncta, evidens est testimonium quod quis sit Filius Dei, 135, 1, 2. facit honoratos, *22, 1. ejus septem gradus et definitio, 213, 1. ejus proprietates quinque, *ibid.* fructus sex, *ibid.* tria ejus comparandæ media, et actus ejus sex, *ibid.* alii novem ejus actus, et indicia decem, 212, 2. est primum medium et ultimum in schola Christi, *26, 2. ipse est ejus speculum, *22, 1. est remedium ad castitatem, 54, 2. ejus motiva, 622, 1. ejus filia est mansuetudo, 2. pastoribus necessaria est, ne sua doctrina insolescant, 631, 1. gratiam Dei ad se provocat, *31, 1, 2. in honore exercita, est honor honoris, *27, 2. est signum prædestinationis, *22, 2. humilitas superstitiosa quæ sit, *94, 2.
- Humores reliqui præter sanguinem a Verbo immediate assumpti sunt, *374, 1, 2.
- Hyacinthinus Ecclesiæ calceus cur sit, 631, 1; *53, 1. hyacinthinus color cælestis et regius est, *ibid.*; *431, 2.
- Hydropici avarorum typus sunt, *515, 2.
- Hymæus resurrectionem negavit, 401, 2; *289, 2.
- Hymnus a psalmo quomodo differat, 659, 1. hymnos antelucanos Christiani primi Christo canebant, 395, 1. an hymnorum cælestium harmoniam in raptu suo audierit Apostolus, 502, 2.
- Hypallage Scripture frequens est, 30, 2.
- Hyperbatis cur abundet Paulus, 30, 1; *371, 1.
- Hypotyposis quæ sit figura, *279, 1.
- Hyssopus in lustrationibus Hebraicis adhiberi solita, typus charitatis et humilitatis est, *443, 2.

I.

- Iachin et Booz columnæ, quid litteraliter, allegorice, tropologice significarint, *217, 2 et seqq.
- Iconomachi hæresim suam e Scriptura confirmarunt, 453, 1.
- Idea hominis an communicetur cuivis homini in particulari, eique communicet esse hominis, 640, 2.
- Idiomatum communicatio inter Christum et Ecclesiam est, 633, 1.
- Idiomate vulgari cur non dicantur divina officia, 392, 1.
- Idiota Paulo quissit, 391, 1. proprie est quivise plebe, *ibid.*

Idololatria causa libidinis et obscenitatis, 54, 1. quæ vitia ex ea nascuntur, 55, 1.
Idolothya mittebantur ad macellum, 348, 2. ea vetuere Apostoli, 323, 1. iis abstinendum ubi est scandalum, 2. et præsertim in idoliis, *ibid.*; 326, 1, 2. ea comedentes, accedentes deinde ad Eucharistiam, a Deo puniti, 317, 2. illa qui comedunt, sunt participes sacrificii idololatriæ, 1; 348, 1. eis quomodo vesci illicitum, quomodo licitum, 349, 1; 323, 1 et seqq. quid sint idolothya, et unde dicantur, 323, 1. eis Catholicos vesci iussit Julianus, 323, 1, 2. iis licet vesci materialiter, per accidens tamen non licet, 348, 1.
Idolum quid proprie sit, 53, 1; 325, 1. hebraice vocatur vanitas, 325, 1. falso sic vocatur omne simulacrum numen aliquod representans, *ibid.* sed proprie est imago Dei, qui quidem habetur Deus, et non est revera, *ibid.* cum imagine non est confundendum, *ibid.* idolis spiritus immundi assident, 348, 1, 2. quomodo angeli dici quant idolata, *94, 1. ea omnes Ethnici coluere, etiam philosophi, *49, 1; 52, 1.
Idumæa tota montosa est, 556, 1, 2.
Idumæi posteri Esau servierunt Judæis, 161, 1. in captivitatem a Chalkæis abducti Deo permittente, in patriam non sunt reversi, 163, 1. præ Jacobæis, etiam ante peccata, neglecti a Deo fuerunt, post ea tamen proprie sunt derelicti, 162, 2.
S. Ignatius ad mortem anhelabat, *12, 1. amorem suum ait esse crucifixum, 533, 1; 579, 1. ordo decorus in ecclesia ei cordi fuit, 397, 2; *84, 2. fuit Romæ in amphitheatro leoni obiectus, *488, 2. ejus exemplaria a Græcis clericis fuisse corrupta, 829, 1.
S. Ignatius de Loyola multas dæmonis in studiis passus est illusiones, 676, 1. quid senserit de spe in Deum, 87, 2. cur suos Ignatianos dici noluerit, 250, 2. fuit effluax in concitandis hominum voluntatibus, 218, 2. ejus erga pecuniæ suæ compilatorem amor, *ibid.*
Ignis inferni quomodo in animam agat, 443, 2. quis ignis assistat Christo in iudicio particulari, 273, 1. quomodo hic sæviet tam in mundi conflagratione, quam in inferno contra reprobos, 271, 1; *461, 2. quinam hoc igne interituri sint, *145, 1. quis ignis in die Domini revelandus, 270, 2. an ignis tribulationum, ut hæretici fingunt, *ibid.* ignis inferni et Purgatorii quomodo differant, 274, 1. ignem de cælo faciet descendere Antichristus, *157, 2. ignis nobilitas, et proprietates, *311, 1, 2. igne et cælis misso probavit Deus sacrificium Abel, non Caini, *473, 1. item aliorum sacrificia, *ibid.* quomodo per ignem salvus quis erit, 272, 2. ignis perennis et cælo delapsus ad sacrificia comburenda in templo aiebatur, *511, 1. per ignem se exhibuit Deus in Scripturis, 510, 2. per eum Gentes Deum repræsentantur, 511, 1. quomodo uniuscujusque opus probare ignis dicitur, 272, 2. quam ignis montis Sina esset terribilis, 505, 2.
Igniti unde serpentes dicti a quibus Hebræi in deserto vexati, 342, 2.
Ignorantia et neglectus Dei magnum est malum, 54, 2. est orta ex peccato, 141, 1. ea non fuit in Christo, *391, 2. est filia et necessaria appendix peccati, *ibid.* per eam peccatum omne denotatur, *437, 1. ignorantia peccatum Pauli imminuit, non excusavit, *186, 2. ignorantia sui Sanctos reddit semper pavidos, *32, 1.
Illyricus asserit peccatum originale esse substantiam, 801, 2.
Imago quid sit, 325, 2. ex ab initio Ecclesiæ fuisse, *160, 1. eas cum veneramus, Sanctos veneramus, quorum imagines sunt, *482, 1. earum cultus adstruitur, *423, 1. aliter eas veneramus ac Gentes, 52, 1. quomodo eas hæretici tacite venerentur, 368, 1. imago Dei in quo in homine sita, 641, 1. ea est tam in viro, quam angelo et femina, *ibid.* imago et similitudo Dei,

ad quam homo creatus, non distinguitur, 643, 2. Imago Dei in homine tum naturalis est, tum supernaturalis, *105, 1. imago hæc sita est in justificatione, gratia, sanctitate, visione Dei, 641, 2. ab ejus voluntate dependet, et peccando amittitur, *ibid.* in baptismo accipitur, *ibid.* sed naturalis peccato amitti non potuit, *ibid.* quomodo et quando portemus imaginem Christi, 412, 1.
Imago viri mulier est, 354, 2.
Imitari qua in re possimus Deum, 649, 1 et seqq. Imitari semper oportet primos, 490, 2.
Imitatione Dei simus filii Dei, 135, 1.
Immersione in aquam baptismi configuramur Christo morienti, emersione resurgenti, 109, 1.
Immortalitas animæ docet resurrectionem, 407, 2.
Immunditiam vocat Paulus mollitiem, qua se molles polluant contra naturam, 508, 2; 567, 1.
Immundi essent Judæorum cibi quomodo, 232, 2. immundus quomodo cinere vitule russæ expiaretur, *440, 2.
Immutabilitas fidei examinanda, 518, 2. immutabilitas est ratio incorruptionis et immortalitatis, *264, 1.
Imperator Romanus an sit Gog, *163, 2. cur imperatores imberbes pingerentur, *435, 1. Petri et Pauli sepulcra venerantur, 16, 1.
Imperfectiones propriæ agnoscendæ, 505, 2. proximi tolerandæ, 573, 2.
Imperium a Deo descendit, 220, 1. imperia omnia tandem cedere debent regno Christi, *154, 2. imperium Romanum desolabitur ante Antichristum, *152, 1. id quando destruendum, *154, 1; *155, 1. adhuc stat, 2. sed sensim deficit, *156, 1.
Impii a Deo tolerantur ut salventur, 166, 2. imperium Dei vellent excutere si posset, 170, 1. eorum prosperitas, 47, 1. sunt obnoxii vindictæ Dei, 49, 1. eorum in iudicio stupor et confusio, *146, 1.—*Vide* Peccator, Reprobi.
Implere peccata quid sit, *122, 2. implere verbum Dei, est plene illud prædicare, *81, 1. quid sit implere Evangelium, 239, 2. legem implere non est impossibile, 61, 2.
Imponere manus idem est quod ordinare, 473, 2.
Impositio manuum super ordinandos quid significet, *233, 2.
Impossibile sæpe vocatur quod est difficile, 312, 1. item id quod raro aut nunquam fit, *402, 1. impossibilia non præcipit Deus, 343, 2.
Impossibilitas resipiscendi annexa stupori mentis, 190, 2.
Impostores, Evangelii causa, se in pericula non coniungunt, *119, 2.
Imperium Christi quod respexit Moses, sunt opprobrium et tribulationes, *483, 2.
Impudentia socia est incorrigibilitatis, 190, 2.
Impudica levitatem involvunt, *64, 1.
Impudicitia quam libidinem includat, 567, 1.
Impunitas infelicitatem adfert, 215, 1.
Imputentur nobis Christi opera quomodo, 21, 2. imputare fidem ad justitiam, vel pro justitia, aliud est quam imputare justitiam, 81, 1. Deum non imputare alicui peccatum, est alicui peccato carere, 82, 1, 2.—*Vide* Fides, Justitia.
In cum accusativo significat augmentum, 616, 2. *in* præpositio Spiritui Sancto appropriatur, 198, 1; 325, 2. *in Domino*, *in Christo*, quid Apostolo denotet, 27, 1. *in faciem resistere*, quid significet, 528, 2.
Inæqualitas cavenda in familiis, *110, 1.
Incarnationis in primo puncto habuit Christus actum meritum oblationis sui, quem continuavit usque ad mortem, *454, 2. fuit hæc vestitio Verbi, sed substantialis, *26, 1. in ea Verbum divinum naturam humanam, et consequenter homines et Ecclesiam sibi univit, 667, 1. ejus latitudo, longitudo, profundum et sublimi-

tas, 617, 1. est magnum pietatis Dei sacramentum, *219, 2. ejus finis est, ut peccatum aboleret, et peccatores salvaret, *185, 2. eam negabant Simoniani, *285, 1.
Incensum quomodo elevatio manuum vocetur, *202, 1.
Incertitudo gratiæ et perseverantiæ, *45, 2. hæc semper pios timere cogit, 843, 1; *82, 1, 2. incertitudo gratiæ et prædestinationis in Paulo, 888, 2. incertitudo diei mortis, *135, 2 et seqq.
Incipienda sunt a Deo omnia, 43, 2.
Incipientium tentatio est putare se esse perfectos, *46, 1. eorum status animalis est, 265, 1.
Inclementia in alios signum est animi imperfecti, 574, 1.
Inclinationes vitiosas sentire coguntur et justi, 126, 1. eas noscendæ ad perfectionem aspirantibus, *50, 4, 2.
Inconstantia mulieribus est familiaris, *208, 1. item hæreticis suis in dogmatibus, 684, 1, 2.
Incontinentes cur velit Paulus nubere, 804, 2.
Incorrigibilitas signum est obstinatæ mentis, 190, 2.
Incorruptio est causa æternitatis, *188, 2.
Incredulitas magnum peccatum, *883, 2. oritur ex vitio, 652, 2. incredulitas Judæorum, 181, 2. ob eam sunt repulsi a benedictione, 160, 1.
Incredulus vindictæ obnoxius est, 49, 1. incredulus et injustus Deo displicet, veraque caret vita, 47, 2.
Incrementa quæ frugum elemosynariis rependenda et multiplicanda Deus promittit, 479, 2.
Incurvare dorsum quid sit, 190, 2.
Indi pagani vere dici non possunt peccatum Adami imitati, 97, 1. lapides et lingua pro diis colunt, 52, 1.
Indi Thomæ a Chaldeis Episcopum petunt, 254, 2.
Indifferentibus (in) cuique liberum suam opinionem sequi, *280, 1.
Indignum ordinans, ejus peccatorum fit particeps, *248, 2.
Indiscretus cur dici possit sacrilegus, 203, 2.
Indolentia oritur ex consuetudine peccandi, 638, 1.
Induere Hebræis significat copiose aliqua re perfundi et imbul, 97, 2; 547, 3. induere novum hominem et veterem, Christum et Adamum, quid sit, 236, 1; 640, 1.
Indumentum Christiani est externa virtus, 226, 1.
Indulgentiæ Ecclesiasticæ adstruuntur, 427, 2. non dabantur olim, nisi bona pars penitentiae esset expleta, *ibid.* dantur e thesauro Ecclesiæ, *80, 2.
Induret Deus quomodo peccatorem, 25, 2; 167, 2.
Inexistendi varii sunt modi, *484, 2.
Infallibilitas fidei orthodoxæ, 518, 2.
Infans dicitur qui fari non potest, 898, 1. infantes ob peccatum originale obnoxii pœnæ damni, 102, 2. in Adamo peccarunt, etsi non actualiter, 97, 1. ejus peccatum actuale ipsis est proprium, 450, 2. in judicio circa opera non examinantur, 451, 1. infantibus fidelium baptismus non minus est necessarius quam aliis, 192, 2. infantibus proprie nocet fascinum, 537, 1.
Inferi qui flectant genua Jesu, *81, 1.
Inferiora terræ ad quæ Christus descendit, sunt infernus, non sepulcrum, 627, 1, 2. quæ hæc sint spiritualiter, *56, 2.
Inferni pœnarum gravitas, *143, 1. inferni nomine dicitur limbus, Purgatorium et infernus proprie dictus, 627, 2. Infernus Calvini in sola apprehensione consistit, *395, 1. infernus et mors apud Oseam significant statum mortuorum, 414, 2.
Infidelis cum fidei conjugio juxta legem Ecclesiæ habitare molens, censetur hoc ipso velle desedere, 308, 2. quando infidelem conjugem liceat dimittere, 807, 2. infideles solo concursu generali possunt de Jesu habere cogitationem bonam, sed non prout ad remissionem peccatorum, gratiam et finem supernaturalem necesse est, 373, 1. infidelium commercia vitanda, 460, 1. an eorum opera omnia sint peccatum, 235, 1; 350, 1, 2; 327, 1. an nihil boni facere possint, *327, 2. pro his orandum, *195, 1. *cur* hic multas cibis mundus, 327, 2. — *Vide* Gentiles.

Infidelitas hominum Dei fidem non evacuat, 68, 1. infidelitatis pœna libidinum monstra, 54, 1, 2. impedit jam et dirimit matrimonium, 806, 2.
Infirmi tatem phrasi Hebraica pro omni dolore sumit Paulus, 508, 2; 506, 2. non est molesta patienti, sed pati nolenti, 441, 2. infirmitates novem ortæ ex peccato, 441, 1. infirmitates quomodo placere debeant, 506, 2. earum utilitas, 506, 1. infirmitates proximi portare debemus, 573, 1. infirmitatum quatuor genera suscepit Christus, *391, 1. unde id colligatur, *394, 1, 2. infirmitatis propria agnitio est fortitudo mentis, 505, 2 et seqq.
Infirma mundi elegit Deus ut confundat fortia, 257, 1. quomodo infirmus corporaliter spiritus sit firmus, et cælestibus se totum addicat, 506, 1. infirmi vocantur quorum conscientia erronea, 227, 2. eorum exemplo virtus accenditur, 505, 2. infirmiores quomodo regendi, 555, 1.
Inflari quomodo dicatur superbus, 280, 1.
Ingenium hominis in ira, calice, crumena agnoscitur, 648, 1, 2.
Ingratitudo nostra in non respondendo Christi erga nos charitati, *199, 2.
Inurgitatio non semper est peccatum mortale, 567, 2.
Inhæsio mutua est ex amoris proprietatibus, 533, 1.
Inimici quomodo sint cibandi, 215, 2. vincendi sunt patientia, 216, 1, 2. non sunt odio habendi, 222, 2. in gratiam redeuntibus oculo se excipiunt, 513, 1. inimici crucis Christi sunt Cerinthi et Simonis assectæ, qui crucem negarunt, *53, 1.
Inimicitia mutua Judæorum et Gentium, 605, 2.
Interpretabilis quid sit contra D. Thomam, *397, 2.
Injuriam oblivio est actus magnanimi, 217, 1; 644, 2. ex condonandæ sunt, 648, 1.
Innocentes cur potentes sint et vocentur, 512, 1.
Innocentia lacte denotatur, 288, 1. ei securitate torpenti præfertur ardens penitentia, 401, 1.
Innotescere quid sit, 618, 1.
Inobedientia oritur e vitio, 652, 2. ejus mala tam in subditum quam Superiorem manantia, *522, 2.
Inopia Christi nos ditavit, 471, 1.
Insatiabilis opum tristitiæ omnis causa, *260, 1.
Inspiciens quis sit et dicatur in Scripturis, 71, 1.
Inspicientia naturæ humanæ peccato vitiatæ, *ibid.*
Insitio Gentium in Judæos duo continet mira, 191, 1.
Instans necessitas quid sit, 312, 2.
Institutio cur debeat esse severior, *498, 2.
Instrumenta musica nisi sonum dent ut intelligantur, nemini prosunt, 389, 1. horum in sacris usus, 392, 2.
Insufflatio qua Episcopus ordinatos insufflat, gratia quædam est, quæ per traditionem infunditur ordinatis, *233, 1.
Integer spiritus quis sit, *129, 1.
Intellectus corde significatur, 178, 1. intellectus erroris fons vanitatis Gentium, 637, 2.
Imtemperantia phlegma adauget, et torporem inducit *328, 1, 2.
Intentio pia est continua oratio, 684, 2. intentiones secretas hominis novit Deus, 279, 2.
Inferior homo quis sit, quibus ab Apostolo nominibus vocetur, 125, 1. ejus anima et operatio, *ibid.*
Interpretum officium in primitiva Ecclesia quadruplex, 373, 2; 630, 1. interpretes epistolarum S. Pauli, 81, 1.
Interrogare Latinis est verbum forense, 328, 2.
Invariabilitas Christi ostenditur, *517, 2.
Inveniri pro esse accipitur, *45, 1.
Invidia innascitur virtuti, *8, 2. sola Paulum occidit, 9, 1. ejus malum, 565, 1; *10, 2. ejus remedium est unius Dei gloriam querere, *10, 1. invidia Judæorum propter Gentium conversionem, 183, 1. item in Christum, 190, 1. sequitur ex logomachia hæreticorum, *254, 2. hominem reddit daemonem, *10, 2. similis est ophthalmiæ, *ibid.* in rebus alienis acutum cernit, *ibid.* eam causat miseria, *306, 1.

Invisibilia bona per patientiam expectanda sunt et speranda, 140, 1. invisibilia dicuntur Paulo, non entia, æternæ rationes et idea rerum in mente Dei, et materia prima, et aquarum abyssus, *472, 2. invisibilia Dei quæ dicantur, 50, 1. et an Dei attributa spiritualia, *ibid.* Deus est invisibilis, *188, 2.

Invitorium Ecclesiastici officii unde desumptum, *381, 1.

Invocare Deum nemo potest, in quem non credit, 179, 2.

Invocatio Dei opponitur fidei, *ibid.* invocatio Sanctorum et Dei quomodo distinguatur, *ibid.* illos invocare fas esse ostenditur, 241, 2.

S. Iphigenia hortatu S. Matthæi virginitatem coluit, 819, 1.

Ira differt ab indignatione, 59, 1. vultu et naribus maxime se prodit, 622, 2; *307, 2. qui ejus sint gradus, 647, 1. ab insania tantum differt mora, 2. ejus remedia, *ibid.* et seq. rationi caliginem offundit, *ibid.* maxime orationi repugnat, *203, 1. quare non dicatur vitium corporale, 298, 1. significat metonymice pœnam, 221, 1. quando mortalis sit et quando venialis, 567, 1, 2. ejus origo ex anima, sed mox descendit in corpus, 28, 2. si ratione regatur, cos est virtutis, 643, 2. ejus demandæ gradus et exempla, 648, 2. comparatur api, 644, 2. iræ locum dare quid sit, 165, 1.

Iracundia vocatur ipse iræ excessus, 644, 1.

Irasci quibus et quomodo liceat, 643, 1.

Iratus dicitur corrugare nasum et suspendere, *307, 2. dæmon est incarnatus, 645, 1. ejus deformitas, 647, 1, 2.

S. Irenæus græce scripsit, utpote Græcus, sed mox in Latinum conversum suadet styli Latini gravitas, 85, 2.

Irregularitas Ecclesiastica duplex est, *211, 2.

Isaac fuit figura Christi a Patre in mortem traditi, et immolati, ac tertia die resuscitati, 899, 1; *480, 1. quomodo fuerit in parabolam, *480, 1. ex eo, non ex Ismaele, ducenda erat Abrahæ posteritas, *ibid.* fide filii benedixit, 481, 1. erat ænigma, scilicet, homo moriens et generans, *ibid.* ipse solus cum posteris hæres fuit promissionis factæ Abraham, 160, 1. et bonorum ejus, 560, 1. cur cum Ismael irriserit, 559, 2. cum posteris secutus est fidem patris, 160, 1. fuit ejus filius promissus temporalis et spiritualis, 159, 2 et seqq.

Isalas lignea serra serratus fuit, 183, 1; *488, 1, 2. in eo Christi crucifixi imago, *ibid.* cur et quamdiu nudipes ambularit, 680, 1. ipse et alii Prophetæ velut Apostoli a Deo ad Judæos missi sunt, 282, 2.

Ismael cur verus Abrahæ hæres non fuit, 160, 1; *479, 2.

Isaacum deridens fuit typus persecutorum Ecclesiæ, 560, 1. ejus expulsio e domo Abrahæ typus reprobationis Judæorum, 2. quomodo secundum carnem natus, 555, 1. quid hebraice significet, 556, 1.

Israel totus periisset, nisi tempore Christi pauci boni superfuissent, 173, 1. Israelis triumphus, 626, 1. hebraice denotat videns Deum, 581, 1.

Israelitæ sub pœna mortis arcebantur a monte Sina, *506, 1. quando in Ægypto habitare cœperint, 542, 2. in captivitate Assyriaca ad Gentilium ritus deflexere, *426, 1. idolothytis pellecti sunt ad cultum Beelphegor, 324, 1. sunt lumbare Dei, 677, 1. Ægypto egredientes calceati fuere, *ibid.* eorum cædes sub Antiocho pro patris legibus, *488, 2. eorum rebelliones, *381, 1. Israelitæ veri sunt qui Abrahæ fidem et spiritum imitantur, 333, 2; 593, 1; *406, 1. — *Vide* Hebræi, Judæi.

Isthuius in certaminibus victor pinea corona donabatur, 333, 2.

Itali primi quare ad fidem ante alios Europæos conversi, 593, 1. antonomastico significare possunt Romanos, *524, 2.

Iter (ad) parati symbolum est zona, 678, 1.

J.

Jacob quia a Deo dilectus fuit, hinc fuit prælatus fratri, et factus hæres patris Isaac, 160, 2. sed id de posteris ejus intelligitur, 163, 1. Idque ex gratuita Dei dignatione, 2. cum benedixit filiis, fuit simul propheta, *481, 1. quomodo adoravit ad lecti caput conversus, vel fastigium virgæ Joseph, 23, 1; *481, 1. scilicet ut honoraret potestatem illi a Deo datam, *482, 1. in ea adoravit Christum, *ibid.* et in eo typus fuit adorationis imaginum, *ibid.* prævidit Christum in Chanaan nasciturum et resurrecturum: et una cum eo resurrexit, *ibid.* unde dictus sit Israel, 581, 1; *3, 1. ejus lucta exponitur de anima Deum amante, 153, 1. non peccavit emendo primogenita, peccato simoniæ, *504, 1, 2. quomodo Deum viderit facie ad faciem, *265, 1.

S. Jacob Alphæi an visus sit Christus, 400, 1 et seqq. cur frater Domini vocetur: an fuerit unus e duodecim Apostolis, 524, 1. an tres Jacobi fuerint, *ibid.* scripsit epistolam suam pro operibus, ne quis ex epistolis Pauli erraret, quasi omnia fidei tribuentis, 76, 2. Paulo quoad hoc opponitur, *ibid.*

B. Jacoponus ex cruce Christi mundo didicit stultescere: ejus cum Christo jocus familiaris, 256, 1.

Jaculatoriæ orationes in usu erant apud monachos Ægyptios, *200, 2.

Jannes et Mambres qui et quales, et unde hæc nomina sumpserit Apostolus, *300, 2.

Japonii principes cur subditis Christianismi suscipiendi faciant copiam, 219, 2. Japonii S. Xaverii ejusque socii patientia ad fidem amplectendam sunt permoti, 457, 2. Japoniorum neophytorum in persecutione constantia, et in bonorum jactura et exilio generositas, *464, 1.

Jason Thessalonica pro Paulo elabente ad tribunal protractus fuit, *116, 1.

Jejunia ab Ecclesia cum indicuntur, pariunt justitiam et gaudium Spiritus Sancti, 233, 1. quare ea sint instituta, et eorum auctoritas, *336, 1. non sunt inventa Pontificum Rom. 20. quo titulo hæc omittre aliquando liceat viris perfectis, *326, 2. an ea liceat solvere adventante hospite, *ibid.* jejunii elogium, *229, 2. est id præparatio ad pugnam spirituales, 335, 1. jejunium quadragesimale quando inchoandum sit, *326, 2. jejunia priscorum Anachoretarum, *225, 2.

Jejunis (a) Eucharistia sumenda, 358, 2. idque ex traditione, 369, 2.

Jeremias, obstrepentibus Judæis a concionando cessans, pergere jubetur, *177, 2. fuit a suis afflictus, 277, 2. et lapidatus, 488, 1. in quo fuerit typus Pauli, 284, 1; 522, 1. fuit typus Christi opprobria patientis *484, 1; *488, 1.

Jerusalem vox unde derivetur, 557, 1; *408, 2. an scribendum cum aspiratione, 557, 2. quid litteraliter, allegorice, tropologice et anagogice significet, 22, 2. erit regia Antichristi, *161, 1; *162, 1. eam condidit Melchisedech, *408, 2.

Jesus idem est quod Salvator, *28, 2. includit, sed non est, Jehova nomen, *ibid.*, 29, 1. Jesu nomen singulis prope periodis Paulus repetit, 7, 2; 592, 1. dupliciter id coli potest, *30, 1. nemo Jesum invocare et profiteri potest, uti oportet, nisi per Spiritum Sanctum, 372, 1, 2. — *Vide* Christus, Nomen.

Jethro Gentilis salvatus est in lege natural, 62, 1.

S. Joannes Baptista ab abstinencia laudatur, *325, 2. nullum edidit miraculum, 285, 1, 2. cum Deipara salutans, Spiritu Sancto replevit, 48, 2. a teneris Deo servire cepit, *303, 2. cilicio e pills camelli contexto indutus fuit, *489, 2.

S. Joannes Calybita lucem hominum fugit, *108, 1. ætatis anno 14 domo patris profugit in monasterium, *308, 2.

8. Joannes Chrysostomus oratorie sua amplificat, non tamen supra veritatem rei, 345, 2. anhelabat ad limina Apostolorum, 16, 1; *201, 1, 2. quam parum carcerem, exilium et Eudoxiæ curarit minas, 151, 1; 444, 2; 498*, 1. in vocatione ad primam gratiam non favet Pelagianis, 592, 2. suos ad collectam eleemosynæ faciendam cohortatus est, 416, 1. Purgatorium asserit, 270, 2. quin et orari jubet pro defunctis, *12, 1. fugit episcopatum ob curam viduarum, *209, 1; *236, 1. docuit peccatum originale inherere cuique homini, 97, 2. Pauli lectione summus evasit ecclesiastes, 10, 1. suadet ejusdem lectionem concionatori futuro, et auctor lectionem Chrysostomi, *ibid.* 4, 1. hinc ei dux in hisce commentariis, 6, 2. commentanti adstare visus Paulus, et scribenda dictare: et ejus imaginem in musæo habuit, *ibid.* ejus error dicentis D. Virgineum deliquisse in passione, 71, 2.
8. Joanni Damasceno manus amputata restituta a B. Virgine, 144, 1.
8. Joannes Eleemosynarius mire in pauperes fuit effusus, 478, 2; *257, 2. et sæpe cum miraculo, 478, 2. deflebat diem quo non dedisset eleemosynam, *ibid.* quo plus dabat, eo plus aliunde recipiebat, *ibid.*; *521, 1. ejus exemplum de ira moderanda, 644, 1.
8. Joannes eremita vidit dæmones, et confudit, 494, 2.
8. Joannes Evangelista dixit viuit, 19. fuit theodidactus, *429, 2. Asiam Christo subiecit, 486, 1. in singulis collectis charitatem fraternam suadebat, 221, 2; 577, 2. in igne illæsus mansit, *421, 1. juvenis secutus est Christum, *303, 2. in eodem cum Cerintho balneo lavari noluit, *289, 1.
- Joannis Fernandi Societas. Jesu in Japonia patientiæ exemplum, 457, 2.
- Joan. Gerson quem errorem Ruisbrochio impingat, 405, 1. docuit pueros catechismum, 576, 1.
- Joan. Huartus docuit animam esse membratam, 443, 2.
- Joannes cognomento Marcus adhaesit primo Paulo, deinde ab eo descendit, tandem rursus admissus ab eo, *312, 2.
- Joannes Nannus eremita quomodo operari didicerit, *170, 1.
- Joannes Ruisbrochius an docnerit creata omnia reditura ad situm esse ideale et divinum, 405, 1.
- Joan. Vendevilius Episc. Tornacensis quid de vita in captivitate acta censeret, *65, 2.
- Joannes Wiclef. — *Vide* Wiclef.
- Jobi genus Scriptura non recenset, *419, 1. Spiritu Sancto inspirante sua gesta scripsit, *304, 1. salvatus cum posteris in lege naturæ per fidem Dei, 63, 1; 163, 1. quam charus esset domesticis, *421, 2.
- Joci Christianorum quales esse debeant, 651, 1, 2.
- Jonas in ventre ceti fuit allegoria resurrectionis Christi, 400, 1.
- Josaphat vallis quomodo omnes homines capiet in die iudicii, *134, 2.
- S. Joseph quomodo non cognovit Mariam, donec ipsa Christum peperit, *362, 2.
- Joseph patriarcha servorum est exemplar, 671, 2. quomodo ejus ossa dicantur prophetasse, 887, 2. per fidem voluit in Chanaan transferri, *482, 2.
- Josephus Judæis putabat non vetari concupiscentias internas, 119, 2. uxorem e Creta duxit, *326, 1. a familia Flavia, Titi Flavii nomen assumpsit, 37, 2.
- Josias rex pie everit altaria, 185, 2.
- Josue idem est cum Jesu, *29, 1, 2. a Deo est missus, 516, 1, 2. non murmurans adversus Moysen terram Chanaan ingressus est, *383, 2.
- Jubilei annus quare apud Judæos institutus, 314, 2. sic vocari potest tempus prædicationis Christi, 457, 1.
- Judæa an contermina Arabiæ, 556, 1, 2. eam Judæis panes coctos, et vestes sericas cuique accommodatas, prolatum comminiscuntur Rabbinii, *178, 1.
- S. Judas hæreticos sui temporis vivis depingit coloribus, 19, 2.
- Judas proditor cur diabolus vocetur, *223, 1. primo vas aureum, factus est vas in contumeliam, *294, 2.
- Judas Galilæus profitebatur visiones angelorum, *96, 1, 2.
- Judæ patriarchæ promissus Messias ut nepos, 65, 2.
- Judæus significat hebraice confitens et laudans Deum, 65, 2. quis sit spiritualis Judæus, *ibid.* non fiat Judæus, ad Christum volens converti, 809, 2.
- Judæi dicti a Juda patriarcha, non Juda Machabæo, 65, 2. nec ab Ida, monte Cretæ, *326, 1. credita iis sunt divina eloquia, 67, 1. eorum patres sunt etiam parentes Christi, 158, 2. mira illorum dignitas, quod ex eis sit natus Christus, *ibid.* alia eorum gloria et prærogative, 158, 1. quæ eorum nox, 224, 2. sectantes legem sua opinione justificantem, in legem vere justificantem non pervenerunt, 178, 2. erant eisdem vitii implicati quibus Gentes, 57, 1. coluerunt stellas, *94, 2. at tempore Christi non habuere publice idola, *ibid.* habent concisionem, Christiani veram concisionem, *41, 1. in quo differrent a Samaritanis, 435, 2. erant probrum omnium gentium, 543, 1. eorum studium omne erat in sacris Litteris, nec alias fere norant, 253, 2. quod quærebant per opera legis, non sunt assecuti, 189, 1. eorum bona spiritualia ad Gentes sunt translata, 240, 2. ex eorum incredulitate per accidens Deus Gentium elicit conversionem, 191, 2. illorum conversio maximi erit occasio gaudii, 192, 1. cur tam pauci ad Christum conversi sint, 172, 2. in texendis genealogiis majorum erant exacti, et quare, *179, 1; *339, 1. iis potissimum et primum annuntiatum est Evangelium a Christo et Apostolis, 46, 1; 593, 1. quomodo iis mensa sua facta sit in laqueum, 190, 2. perperam scandalizati sunt in morte et passione probrosi Messie, *441, 2. si articulum resurrectionis crederent, omnia de Christo credenda crederent, 178, 1. eum nec intelligunt, nec vident, 435, 1. quia operibus legis superbe præfisi, fidem Christi respuerunt, postpositi sunt, 34, 2; 78, 2; 155, 1; 161, 2; 168, 2; 173, 2; *426, 2. per hæc non meruere benedictionem, 166, 1. quam eorum fides, spes et charitas olim fuerit rara, *438, 1. eorum testamentum et lex fuit servilis, 557, 1, 2. aqua expiationis legaliter mundantur, *450, 1, 2. censebant immunda, quæ erant Gentibus communia, 232, 2. se solos vocandos a Messia putabant, 172, 1; 182, 1. cur Paulum apud Aretam accusarint, 498, 2. fuit duplex ipsis olim requies promissa, *385, 2. in iis incredulis promissa Dei non excederunt, 161, 1. quod increduli præ Christianis credentibus repulsi sint, fuit ex voluntate Dei, 169, 2. Gentes e contemptu vocabant præputium et peccatores; se vero circumcisos, concisionem, 65, 1; 531, 1; 604, 1; 605, 2; *88, 2. non sunt subjecti justitiæ Dei, 176, 1. Christus iis fuit lapis offensionis, 174, 1, 2. eorum fabulæ et commenta, *178, 1; *325, 2. error eorum de inimicis odio habendis rejicitur, 222, 2. ob peccata in captivitatem abducti sunt, Deo tamen miserante reducti in patriam, 163, 1. putabant non vetari concupiscentias mere internas, sed tantum conatum ad eas explendas, 119, 2. ex fide in Christum venturum justificati sunt, 76, 2. sed veniente Christo hanc amisere, *ibid.* non omnes tamen ab eo sunt repulsi, 185, 1. eorum reprobationis typus fuit ejectio Ismaelis e domo, 559, 2. et seq. per legem Moysi rursus agnovere peccatum, quod ante obscure lumine naturæ cognoverunt, 72, 2. quare non possint edere de corpore Christi, *519, 2. eorum consumptio per Titum a Prophetis prædicitur, et tunc occupati fuere ab ira Dei, 173, 1; *123, 1. sunt ab eo excisi quod nolent tributum Romanis pendere, vel Cæsarem dominum vocare, 219, 1; *335, 2. eorum cum Cretensibus communio, *326, 1. a lege apostatantes præputium reducebant, 809, 2. e captivitate Babylonica reduces locuti sunt hebræo-

- syriaca, et ita tempore Christi locuti, *348, 1. — *Vide* Hebraei, Israelitæ.
- Judæi moderni non possunt habere servum Christianum, 810, 2. in suis synagogis dicunt anathema Christo et Christianis, 371, 2. eorum stupor et cæcitas, 164, 1; 189, 2. non possunt cum Christianis matrimonium contrahere, 308, 1, 2. non agnoscunt SS. Trinitatem, 433, 2. dediti sunt lucris et avaritiæ, *515, 1. in fine mundi adhærebunt Antichristo, 194, 2; *161, 2; *159, 1, 2. iis maxime propter eos veniet, *158, 2. prædicantibus Elia et Henoch convertentur, 194, 2; 193, 1, 2. an omnes, 194, 2. ipsis conversis, omnia erunt consummata, 193, 2. tunc Christum e Script. asserent et prædicabunt, 191, 2.
- Judæorum simul et Gentium pater Deus est, 184, 2. Judæi et Gentes peccarunt, et egent gratia Dei, 74, 1.
- Judæo-Christianis, assumere circumcisionem licuit, non Gentibus, 561; 1. cur sæpe cum Gentibus altercarentur, 227, 2. erant superbi et ambitiosi, *180, 2.
- Judæi Asiatici in Paulum turbas concitabant, 534, 1.
- Judæo-christianismus vitandus ad hæresis, 514, 2.
- Judaismus gentilismo cur æquet Apostolus, 562, 1. et onus vocet, 573, 1. quid is Judæis præscriberet, *438, 2. an ita dici queat religio angelorum, *94, 2.
- Judaizantes fuere Christiani e Judæis oriundi, 433, 2; *41, 2. suam querebant gloriam etiam Pauli morte, *147, 1. turbas adversus eum concitabant, *167, 1. eorum communionem Corinthiis vetat, quia erant Christianis magis cavendi quam Ethnicis, 460, 2. præter Evangelium inducebant judaismum, 520, 2. maxime circumcisionem, 562, 2. cur eos acriter insectetur Apostolus, 435, 2; 482, 1. hi quosdam vetabant cibos, *326, 1. excidunt a Christo et christianismo, 561, 1.
- Judaizare cogentes procis sunt similes, 554, 1.
- Judex caret præjudicio, *248, 1. judex Ecclesiasticus adiri potest post litem contestatam in sæculari judicio, 290, 2. an judex controversiarum fidei sit cujusque spiritus privatus et Scriptura, 3, 2. judicis Christi adventum qui diligant, *313, 1. judices aliorum constituti non sumus, 232, 1. judices reos mulctantes sunt irregulares, et ad sacerdotium inhabiles, *211, 2.
- Judicandi quomodo dicantur vivi et mortui, *133, 2. *300, 1. judicare seipsum homo ante communionem tripliciter debet, 369, 1, 2. *judicare inter diem et diem*, quid sit, 229, 2. *judicari pro judicio contendere* capitur subinde, 279, 1.
- Judicii extremi descriptio ex psalmo xcvi, *388, 2. cur id instare Apostolus semper inculcet, 343, 1. cur aliquando non instare, *149, 1. duo ejus signa prævia, 2. id semper ante oculos habendum, *6, 2; *132, 1. ejus horror, et quomodo id peragetur, *131, 1 et seqq. ibi erunt omnes vivi, nulli mortui, *133, 2. ibi omnia cujusque opera revelabuntur, 81, 2. ibi quisque onus suum portabit, 575, 1. an id mane an noctu fiet, incertum est, *136, 1. non statim sequetur post Antichristi interitum, *135, 1; *156, 1; 163, 1. judicii universalis et particularis dies dicitur dies Domini, 270, 2; *63, 1. erit dies iræ, 57, 2. erit subitus et improvisus, *63, 1. judicii utriusque dies an sciri poterit, et cur nobis incertus sit, *135, 1, 2. judicium unde dicatur æternum, *399, 2.
- Judicia Dei alia, alia hominum, *32, 1. hominum sunt contemnenda, 278, 1. judicia Dei sternunt quancumque superbiam, 197, 1. judicium casuarum civilium commissum olim fuit presbyteris, 292, 1. judicium temerarium cavendum quatuor ob rationes, 228, 2 et seqq.
- Judith quam illustris vidua fuerit, *237, 2.
- Jugum Christi quam suave sit, 444, 1.
- S. Julia ancilla in crucem acta est, 535, 1.
- Julianus Apostata coegit Catholicos vesci idolothytiis, 323, 1; 349, 2.
- SS. Julianus et Basilissa in conjugio caste vixere, 301, 2.
- Julianus Pelagianus putabat concupiscentiam non esse a natura corrupta, 123, 1.
- Julius Cæsar jus civitatis Rom. dedit Tarsensibus, 1, 4. hostes optabat validissimos, 504, 2. suis semper præibat exemplo, *52, 2. oblivisci injurias solebat, 217, 1.
- S. Juniperi de tribulationibus gnomo, 136, 2.
- Jupiter Cretenses pæderastiam docuit, *323, 2.
- Juramentum vera Dei professio est, 232, 1. et actus reiigionis, *120, 2. id facientes per medium ignem ibant, ferrum manibus ferentes, 366, 1.
- Jurare pro confiteri subinde ponitur, 232, 1. jurare Christiano licet, 424, 1. jurabant veteres per dexteram, *101, 1.
- Jurisconsultis Gallis quam stoliditatem affingat nugax Erasmus, *339, 2.
- Jus suum cuique administrandum, *248, 1. jus sacerdotale olim erat primogenitorum familiæ, *412, 1. id quale apud Christianos, *ibid.* jus primogenituræ sanctum erat, *503, 2. erat id duplex, temporale et spirituale, *ibid.* quando jure suo utens peccet, 331, 2. jure partim scripto, partim non scripto usæ sunt omnes politicæ gentes, *166, 2. quale sit jus civium in Ecclesia Dei, 605, 2.
- Justi sunt templum Dei, 297, 1. ipsi soli sunt viva membra Ecclesiæ, *293, 2. merito operum mercedem a Deo possunt reposcere, *312, 2. eos Deus exercet durius, *500, 1. quomodo ex fide vivant, *467, 1. non sunt sub lege, sed supra legem, *181, 2. non certo sciunt se esse justos, 279, 1. per fidem fiunt justiores, 79, 1. eorum proprie est vivere, 48, 1. sunt electi, complete ad gratiam et justitiam, inchoate ad gloriam, 24, 1. justi veteris Testamenti sunt filii novi Testamenti, 556, 1, 2. justis non est lex posita, *181, 2. sunt quasi cubus, *58, 1. quomodo sint filii adoptionis, et servi, 551, 1. justus et bonus quomodo distinguantur, 93, 2. pro justo quomodo quis moriatur, pro bono fors-an mori audeat, 93, 1.
- Justificari tripliciter in Scriptura sumitur, 60, 1. post lapsum nemo justificari potuit sine fide in Christum, 79, 2. quomodo gratis justificemur, 74, 1. quod sit magnum pietatis sacramentum justificatum in spiritu, *220, 2.
- Justificati suam justitiam, licet libertate a se acceptatam, gratiæ tribuere debent, 188, 1.
- Justificatio est duplex, 80, 1. utraque est gratuita, *ibid.* alia capitur formaliter, alia dispositive, et quæ utraque, 188, 2. est communis Judæis et Gentibus non a lege, sed a gratia, 82, 2. ejus quadruplex causa, 75, 2. effectus est prædestinationis, 148, 1. justificatio per fidem, non est ex operibus, sed gratuita, 80, 1, 2; 166, 1. in primo justificationis instanti infunditur homini charitas et gratia, per quam fit particeps divinæ naturæ, 140, 1. justificatio impii quam sit difficilis, 596, 1. cur dicatur creatio, 603, 1. est mystica resurrectio, *288, 2. in ea sunt duo termini, a quo, et ad quem, *338, 1.
- Justiani Institutiones vocantur elementa Juris, 549, 2.
- Justinianus Imp. junior Manichæos multos flammis tradidit, *115, 2.
- S. Justinus conversus per constantiam Martyrum, *231, 2.
- Justitia est salus inchoata, 173, 2; 187, 2. vera per Evangelium Christi revelatur, 49, 2. hæc est a Prophetis prædicta, 172, 2 et seqq. et tribuitur fidei, 76, 1. ea que ex lege adversa est et opposita justitiæ Dei, 169, 1. illa evacuat redemptionem Christi, 561, 2. justitiæ potissimus effectus est Deo placere, 80, 2. obtingit ea non per legem aut circumcisionem, sed per fidem, 84, 1. est qualitas nobis inhærens, 81, 1; 94, 2; 104, 1. ejus sex fructus et excellentiæ, 91, 2. datur ea non ex nuda fide, sed ex operibus legis, 60, 2. ejus regnum in anima quod sit, 112, 1. justitia Christi nobis non nude imputatur, 100, 1. nec hæc externa imputativa Christi, sed propria et inhærens, justo competit, 81, 1, 2, 258, 1.

589, 2. ipse factus est nobis justitia meritorie et satisfactorie, 258, 1. item exemplariter, efficienter et finaliter, 258, 2. justitia inchoatur, conservatur et promovetur fide, *467, 1. vera justitia consistit in reconciliatione hominis cum Deo, 175, 2. est in nobis causa moralis resurrectionis, 132, 2. per Christum intravit non imitatione, sed per se, perque communicationem Christi, 97, 1. quomodo querenda est ex lege fidei, non factorum, 76, 1. justitia Dei quomodo sumus, *56, 2. ipsa tria significat, 46, 1; 175, 2. est ea non tantum pro Judæis, sed et pro Gentibus, 82, 2. lex justitiæ est lex gratiæ, 173, 2. benedictio et hæreditas Abrahæ est justitia, 162, 2. justitia commutativa, distributiva et vindicativa est in Deo, *311, 2. quid sit vivere justitiæ, 106, 1. justitia depingitur cæca cum balance æqua, *248, 1, 2. Juvenculus viduas cur nubere velit Apostolus, *246, 2. Juvenes sæpe præstant senibus, *232, 2. iis a quibus abstinendum, *330, 2. abstineant vino, *249, 2. ambiunt docti nomen, *293, 2. Juventutis æstus et calor, *249, 1, 2; *343, 1.

R.

Kappa tria pessima quid sit, *325, 2. Kemnitius Concil. Tridentinum reprehendit, quod Pontificem doceat in voto et legibus dispensare posse, 377, 1.

L.

Labores Pauli pro Evangelio, 2, 2. per labores ad præmia magna pervenitur, 446, 1, 2. labor charitatis quis sit, *116, 1. Laborans (non) non manducet, *170, 1. laborans pro alio, ab eo alendus est, 332, 1. Lac manavit e Pauli cervice præcisa, 11, 2. lac est innocentie symbolum et insanie, 368, 1. hinc dabatur olim recens baptizatis, *ibid.* quid lacte designat Apostolus, 267, 1, 2. Lacæne virgines aperta facie, nuptæ velata prodibant, 356, 1. Lacedæmonii crinem alebant, 337, 1. meretricibus solis ornatum vestium concedebant, *204, 1. Archilochi scripta impudica urbe exegere, *389, 1, 2. furtum laudabant, 658, 1. per nimias opes et luxum periere, *256, 2; *515, 2. Lacrymæ auditorum laudes sunt concionatorum, 261, 1. lacrymæ penitentium, vinum sunt angelorum, 468, 2. lacrymæ orantis Christi, *394, 2. Lactantius censuit animas Sanctorum non videre Deum ante diem judicii, *481, 2. Lætitie symbolum est calceus, 680, 1. lætitia Christiana quam utilis sit et facilis, *60, 1. lætitia spiritualis in quo sita est, 660, 2. Laici initio Ecclesiæ miracula faciebant, 510, 2. tamen non debent prædicare, 238, 2. nec Episcopis aut presbyteris manus imponere, *233, 1. nec excommunicare, 286, 1. nec ab excommunicatione absolvere, 427, 1. nec judicare de doctrina religionis, 396, 1. Lamentatrices in morte Christiani non adhibeant, *375, 1. Lana coccinea in lustrationibus adhiberi solita quid allegorice denotaret, *443, 2. Languor in membris et nervis unde oriatur, *502, 1. Laodicensibus Paulus non prædicavit, *83, 1. quæ ejus ad eos fuerit epistola, *412, 1. Colossensibus vicini erant, *69, 1. Laodicea synodus vetuit fieri agapes, 358, 2. et idololatricum angelorum cultum, *94, 1. Lapidem aliquem verum an rejecerint Judæi ab ædificatione templi, qui factus sit post in caput anguli, 608, 1, 2. lapis summus et imus fundamentalis Ecclesiæ quomodo sit Christus, 607, 2. lapis offensionis fuit Christus

Judæis, 174, 2. lapis offensionis et petra scandali quomodo differant, *ibid.* Lapsis indulgentiam præstari jubet Concil. Nicænum, 427, 2. id vetabat Novatus, *461, 2. lapsus magnorum exempla, *32, 2. Laquei diaboli quales, *297, 2. laqueus divitiarum quis sit, *258, 1. Lassi cur manus ad lumbos convertant, 677, 1. Latere quid significet, *513, 2. qui latuit, felix, *ibid.* latere Deum non possumus, 438, 1. Latina lingua Missa cur celebraretur, 300, 1, 2. quas Latinas voces usurpet Apostolus græce scribens, 30, 2. Latria soli Deo debita, 31, 2. continetur sub dulia, *ibid.* latria adorandus est Christus homo, *30, 1. Latus naribus idem quod longanimitas, *307, 2. Laureia doctrinalis requiritur in Episcopo, *314, 1. S. Laurentius fuit vir misericors, 477, 2. quomodo commissam sibi dicat Dominici sanguinis dispensationem, *216, 2. ejus in morte animositas, *406, 1. S. Laurentius Justinianus quoto ætatis anno sit factus Religiosus, *303, 2. Laus magna in bono opere sita, *373, 2. quam ad laudes suas invitus descendat Apostolus, 489, 1. eas enarrant stulti, 494, 2. laus hominum fœnum est, 278, 2; 560, 2. laus Dei perpetua est, stabilis, constans, integra, perfecta, verissima, 486, 2. — *Vide Gloria.* Lazaro pio pictori manus adustus, sed a Deo integrati sunt restituti, 144, 1. Lectio sacræ Scripturæ Christiano utilis, *498, 2. erat ea in usu olim in sacris conventibus, 395, 1. est lectione sacra excitandus fervor spiritus, *278, 2. Lectarli dicuntur qui in lecto ægri baptizantur, 407, 1. Legio fulminatrix sua prece impetravit Antonio Imper. pluviam, *194, 2. Lenitas quantopere Deo placeat, *296, 2. quantum in ea quis proficit, tantum in cordis puritate proficit, *105, 2. est donum Spiritus Sancti, 571, 1. est ea alium corripienti necessaria, 578, 1. Leo, a quo Paulus liberatus, fuit Nero, *316, 1. Leonis Hebræi Tigurina versio a Vatablo usurpata, 55, 1, 2. S. Leo Magnus a D. Petro audivit, ne temere ulli manum imponeret, *249, 1. hæreticos docet cavendos quasi serpentes, *289, 1. in Concilio Chalcedonensi vocatus est Pontifex universalis Ecclesiæ, *160, 1. Leo IX Pontif. in leprosi specie Christum in lecto suo collocavit, *214, 1. S. Leonardus a vinctis invocatur, *378, 2. Leonidas, Lacedæmonum rex, pro patria occubuit, 95, 2. Levare manus habitus est orantis, *301, 2. Levi decimatus est antequam natus, *414, 2. quomodo fuerit in lumbis Abrahæ, *415, 2. Levitæ in tabernaculo quasi milites in castris excubabant, *190, 2. non murmurarunt contra Moysen, *388, 2. nullam terræ portionem possidentes, typus sunt clericorum negotiis sæcularibus abstinentium, *284, 1. in Abrahamo se subjecere Christo, *414, 2. Leviticus an esse potuerit Christus per aviam, *417, 2. Legem per naturalem an sint salvati Gentiles probi, 84, 2. ea sensim obscurata, per legem Moysi declarata est, 79, 2. Lex Mosæica cur vocetur littera, sive scriptura, 65, 1. est data ut dissolutos hominum mores restringeret, illos ad Christum duceret, indirecte ut abundaret delictum, 104, 1. ejus justitias et excellentias Paulus parvi facit, *44, 2. data est cum fulgure, tonitru et procella, *505, 2. cur data sit cum motu, *509, 2. non potuit irritare pactum Dei cum Abrahamo initum, 543, 1. metonymice dicitur testamentum, *ibid.*; *434, 1. quomodo lata post annos cccxxx post Abraham, 543, 2. et tertio mense post exitum ex Ægypto, 544, 1. ejus dominium, 118, 1. id amisit veniente Christo 119, 2. ex ea non potest accidere nobis vivificatio, hæreditas et justitia Abrahæ, 88,

- 1; 546, 2. non justitiam, sed iram, vindictam, peccatum et mortem operatur, 84, 2; 95, 2; 104, 2; 118, 2; 121, 1; *433, 2; 425, 2. hominem maledicit, 539, 2. triplex ejus finis respectu triplicium hominum, 104, 2. Christianis non est lata, sed Judeis, *181, 2. est quasi maritus: hoc per Christum mortificato, ad alium transire licet, 118, 2. Judæos deduxit ad Christum, 65, 1; 104, 1; 544, 1; 547, 1; *181, 1. quia ipse ejus est finis, 176, 1. hebraice dicitur doctrina, 72, 2. concupiscentiam magis acuebat, 65, 1; 119, 1. peccatum sine ea erat mortuum, 121, 1. non affert fidem et gratiam qua justificemur, 546, 2. ex ea justitiam quærentes irritam faciunt Christi redemptionem, 561, 2. est rudimenta doctrinæ Christianæ, 549, 2. et ejus sacramenta egena elementa, 552, 2. in quo Gentiles hanc riderent, 594, 2. dupliciter ea quis utitur legitime, *181, 1. politica tantum et exteriora attingebat, non animam, *419, 2. eam Spiritus Sanctus ad verbum dictavit, *304, 1. ejus et Evangelii Christi variæ antitheses, *351, 1 et seqq.; *451, 1. quomodo dicatur æterna, *357, 2. per angelos est lata, et ejus prævaricatores puniti, *366, 1. est gravior lege nova ob quatuor rationes, 564, 2. eam impleri non posse, docere blasphemum est, 61, 2. quia id possibile est, 540, 1. impletur operibus et gratia Christi, non sola fide, 59, 2; 176, 2; 223, 1; 438, 2. eam ante Christum Gentiles totam implere non poterant, 62, 2. sancta fuit propter præcepta cæremonialia, justa propter judicialia, bona propter moralia, 121, 2. cur spiritualis dicatur, 122, 1. suo ordine, tempore, loco, modo ordinata et disposita fuit, 544, 1 et seqq. propter transgressionem posita est, 546, 2. non est contra promissa Dei vitam spiritalem per Christum dandam promittentia, *ibid.* ejus abolendæ causa, *419, 1. lex cæremonialis abrogata est in Pentecoste, 230, 2; 529, 2. at non moralis et naturalis, 532, 2; 542, 1. cur leges cæremoniales vocentur justificationes, *430, 1, leges quædam divinæ obligabant tantum sub veniali, 540, 2.
- Lex Evangelica est lex gratiæ, 178, 2. est lex obedientiæ, ac reddit subditos flexiles, 113, 1, 2. docet parere magistratibus, 219, 2. arcta est, *ibid.* ejus gloria unde pateat, 433, 2. est sufficiens ad salutem, nec indiget Mosaica, 68, 1; 517, 2. est lux et dogma, 606, 1. sola ejus notitia ad justificationem non sufficit, sed ipsa servanda est, 60, 1. quintuplici modo fuit ordinata, 544, 2. dupliciter est immobilis, *510, 1. quare vocetur Testamentum novum, *427, 1. ejus et veteris promulgatio typice opponitur, *506, 1.**
- Lex mentis, lex Dei, idem est quod gratia et spiritus, 29, 1. lex peccati quid sit, *ibid.*; 130, 1. lex peccati, et membrorum, eadem est, 126, 2. aliud est lege teneri, aliud esse sub lege, 118, 1. lex est objectum charitatis, quia charitas inclinat hominem ut legem intueatur, 223, 2. etiam dicuntur Prophetæ et totum vetus Testamentum lex, 393, 1. lex traditi æque obligat ac scripta, 352, 2. lex fidei et lex factorum in quo differant, 75, 2. leges Gentilium an in conscientia obligarent, 221, 1. lex decalogi non desit per Christum, sed est æterna, 532, 2.**
- Libamen in omni sacrificio Judaico adhibebatur, 445, 1. quid fuerit, *309, 2. libamen victimis dignius, quia Deo semper totum offerebatur, *ibid.***
- Liber de Duabus Naturis est Gelasii Cæsariensis, 81, 2. liber de Continentia Augustini est, non Hugonis Victorini, 127, 1. libri de Anima et Spiritu quis sit auctor, 445, 2. liber de Infantia Salvatoris fabulosus et mendax, *170, 1. librum computuum cum Deo quisque habet, *67, 2. liber vitæ est catalogus prædestinatorum ad vitam æternam, 24, 1; *59, 1. in eo dupliciter quis scribi dicitur, *59, 1, 2. quis sit liber mortis Deo, *59, 1. libros antequam edantur examinari voluit Plato, *289, 1, 2. liber Hebræis absolute Scriptura dicitur, *455, 1. libri veterum convolviles erant in cylindrum, *ibid.* libri hæreticorum non sunt legendi vetante Apostolo et Conciliis, *441, 2; *289, 1. eos legentes incurunt censuram Ecclesiasticam, *ibid.* cur libros genealogiarum Judaicarum Herodes combusserit, *178, 2. quos libros sibi mitti petat Paulus, *314, 2. in cujus libri capite de Christo sit scriptum, *454, 2. liber in lustrationibus Mosis cur sanguine aspergeretur, *443, 2.**
- Liber amplexus gratiæ est quædam gratia, 188, 1. cur dicatur Ecclesia libera, 558, 2. liberum arbitrium, ex se quidem insufficiens est, aliquas tamen habet vires, si a gratia præveniente roboretur et adjuvetur; et vires naturales ad bonum, 432, 1, 2. per ipsum fit ut non agamur ut bruta, 24, 2. per hoc homini licent omnia quæ expediunt, 293, 2. id tollit Calvinus, 125, 1; 432, 1. sed contra eum adstruitur, 401, 1; *285, 2. ejus cooperationem requirit Spiritus Sancti gratia, *427, 2.**
- Liberalior quis sit inter æque divites et inter inæquales, 471, 2.**
- Liberalitas quomodo est simplicitas, 207, 2. liberalitas in operarios Evangelicos commendatur, *340, 1. liberalitatem Dei nemo vincet, *68, 1.**
- Libertatem a lege Christianis quam dent Novantes, 539, 2. libertate utendum servo, si fieri possit liber, 310, 1. libertas a lege, est occasio peccati, 564, 2. libertas Christiana a quibus nos eximat, 25, 2. hæc in duabus rebus est sita, 558, 1. libertas est quadruplex, 2. item naturæ, gratiæ, gloriæ, 114, 1.**
- Libertinorum nimia licentia refutatur, 231, 1. confutatur circa peccati conscientiam, 336, 1. falluntur, in alia fide quam Romana salutem spondendo, 628, 2.**
- Libido pathica quæ sit, 53, 1. libido est pœna superbiæ, 54, 1, 2. oritur ab idololatria, *ibid.* est fons hæreseos, *192, 1. mentem absorbet, 297, 1. corpus subjugat et corrumpit, *ibid.*; 333, 2. sola fugiendo vincitur, 296, 1. post se scintillas sui relinquit, 2. ejus tentatio in Paulo fuit stimulus carnis, 503, 2 et seqq. an sit eo indignus, 504, 2. qui sunt in eam proclives, nubant, 312, 1. — Vide Fornicatio.**
- Licentia omni vitio dabitur ab Antichristo, *163, 1. Licere dicitur quod nulla lege prohibuitur, 293, 2. Licinii Imp. in Christianos feritas, *489, 1. Lictores Consulibus cum securibus præbant, 220, 2. Ligna serra dissectus Isaïas ob libertatem in prophetando, 183, 1. est hæc crucis lignæ Christi typus, *486, 1.**
- Lingua nostra sit lingua Christi, si in docendo et monendo Christi imitemur mansuetudinem, 571, 2. ea sacerdoti quare maxime custodienda, 369, 1.**
- Lingua nulla sine voce, 389, 1. est imago mentis, *ibid.* linguæ nihil prosunt, si nihil proximum doceant, 388, 2. earum donum maxime mirabantur Corinthii, 378, 2. eo cœlitus donatus Paulus, 13, 1. earum varietas in cœlo cessabit, lingua tamen sensibili Deus laudabitur, 383, 1. lingua angelorum vocatur lingua elegantissima, 378, 2. linguæ Orientales sunt prope omnes filii Hebrææ, *501, 1. cur lingua vulgari non dicantur divina officia, 390, 1. lingua quam non intelligis, orare licitum, 391, 2. lingua una erit Beatorum, eaque an Hebræa, 380, 1; 383, 1. forsitan nova iis infunderetur nobilior quavis terrena, 383, 1.**
- Lintea Christi manserunt in sepulcro, 400, 1. Linus primo fuit S. Pauli, deinde S. Petri socius; huic in pontificatu proxime successit, *317, 1, 2.**
- Litigla Episcopum dedecent, *214, 2.**
- Litis etiam justæ incommoda: quando lis juste suscipiatur et sine peccato, 293, 1.**
- Litteralis scripturæ sensus quis sit, 22, 1. littera quomodo occidere dicatur, 433, 1, 2.**
- Litteræ serviles supplent Hebræis notas similitudinis, 26, 2.**
- Liturgiæ veteres, genuinæ sunt, *193, 2 et seqq.**
- Livia quomodo Augustum maritum subjecerit sibi, *108, 2.**
- Locum dare diabolo, quid sit, 644, 2. quid, locum iræ**

dare, 214, 2. in loco omni orare possumus per orationes jaculatorias, *200, 2. locus martyrii S. Pauli quomodo sit nobilitatus, 12, 2.
 Logomachia hereticorum, *254, 2.
 Lois avia S. Timothei: quid Latine sonet illa vox, *278, 2.
 Longævitate piis promissam, bonis spiritualibus compensat Deus, *231, 1.
 Longinus a Paulo ad nerem ducto conversus est, 12, 1.
 Longi sermones sunt tædiosi pusillanimis, *524, 1.
 Loquacia sunt omnia quæ in mundo, 389, 1.
 Loquacitas mulierum, 396, 2.
 Lorica justitiæ quæ sit, 679, 2. lorica spiritualis est fides et charitas, *138, 2.
 Lot quando agnovit se angelos hospitio recepisse, *514, 1.
 D. Lucas etiam Apostolus fuit, 39, 2. est ejus laus in Evangelio, 473, 1, 2. quomodo solus cum Paulo Romæ victo, *313, 2. in quo finit Acta Apostolorum et D. Pauli, 340, 1. multa in iis omittit, 496, 2. ut ejus perfectionem in Arabiam, 523, 2. an scripserit epistolam ad Hebræos, *348, 1. eam elegantissime græce vertit ex aliquorum opinione, *ibid.*
 S. Lucia in igne illæsa mansit, *421, 1.
 Lucianus Paulo fuit corvus, sed hostis ejus et Christianorum, 11, 1. eum ridet quasi recalvastrum, 484, 2.
 S. Lucianus Martyr multos solo aspectu ad Christum convertit, *62, 1.
 Luciferi peccatum quale fuerit, 597, 2. ejus et Christi antithesis, *22, 2.
 Lucifer Calaritanus vocatur Elias sui ævi: quam animose Constantium Imp. compellat, *274, 2. fuit postea schismaticus, 31, 2.
 Lucii Martyris in morte fortitudo, *406, 1.
 Lucrum quomodo sit inori, *11, 2. lucris student etiam sordidissimis Judei, *515, 1.
 Lucta vitæ activæ et contemplativæ, 122, 2. concupiscentiæ et spiritus, 125, 2; 127, 1. hujus luctæ utilitas, 126, 1. hanc non sentiunt qui carni non resistunt, 127, 1. illa describitur, 565, 2. sita est in carni resistendo, 333, 2.
 Luctus extinxit multos, 465, 1.
 S. Ludovicus rex maluit mori quam peccare, *498, 1.
 Lumbare Dei quomodo fuerit Israel, 677, 1.
 Lumbi sedes concupiscentiæ, *413, 1. quid sit eos præcingere spiritualiter, 679, 1. sunt symbolum amoris, 677, 1. cur tangant eos defatigati, 2. quid sit esse in lumbis patris, *414, 2. quid exire de lumbis, *413, 1.
 Lumen est gloriæ divinæ symbolum, 595, 1. duplex habemus, fidei et gloriæ, *74, 2. lumen Evangelii est maximum Dei donum, *ibid.*
 Lunam qua in re imitari non debeant matres familias, *330, 2.
 Lustrali aqua peccata venialia expiantur, *440, 2.
 Lustrationum Hebraicarum sensus allegoricus quis sit, *443, 2.
 Lusus capitur subinde pro duello, 559, 2.
 Lutherus docet castitatem esse impossibilem, 54, 1, 2; 225, 2; 438, 1. est alter Lucifer, 76, 1. S. Scripturam falsificavit, 433, 1. quomodo omnia munda mundis esse dicat, *326, 1. asserit nos a lege omni decalogi liberos esse, 532, 2. nemo ante eum eandem secum per omnia fidem docuit, 180, 2 et seqq. inaniter gloriabatur hæresim suam parvo tempore per tot provincias dispersam esse, *288, 2. fidem solam ait ad salutem sufficere, 45, 2 et omne opus hominis justum esse peccatum, 68, 2. et motus rationem prævenientes esse peccaminosos, 119, 2. ejus humeris insidentem dæmonem vidit Imperat. Maximilianus I, *223, 1. testatur dæmonem mire sibi familiarem fuisse, *ibid.*; 518, 1. Melanchthonius commenta in Paulum laudat, 5, 1. SS. Patrum commentaria sibi adversantia explodit, *ibid.* ejus argumenta contra Missæ sacrificium refutantur, *457, 1 et seqq. ejus contradic-

tiones, 438, 2. ejus de genuino verborum consecrationis sensu testimonium, 859, 1.
 Lux inaccessibilis est ipsa gloriosa Dei majestas, *264, 2. hæc est nobis inaccessa, ideo nobis non lux, sed caligo est, *ibid.* quomodo luci comparetur Deus Pater, *352, 2. quæ sint lucis arma, 225, 1.
 Luxuria non tantum rem veneream, sed et luxum conviviorum significat, 658, 2.
 Luxuriari in Christo quid sit, *242, 1.
 Luxus vestium inventum diaboli est, *204, 1. luxus Corinthiorum, 246, 1. et Corinthiarum, 352, 2.
 Lycurgus opes et luxum Sparta expulit, *515, 2. ejus quedam leges inhumanæ et turpes, 633, 1. vindictam de hoste sumere noluit, 217, 2.
 Lydiæ puellæ ante idola se prostituebant, 54, 1.

M.

Macedonii martyris in morte animositas, *406, 1, 2.
 Macelonius hæreticus asseruit Christum duas habere personas et naturas, 220, 2. quare ab episcopatu Constantinopolitano pulsus, *ibid.* asseribat Spiritum Sanctum esse minorem Patre, 142, 1; 158, 2.
 Machabæi unde dicti sint, 148, 1. per matrem descendebant e tribu Juda, *417, 2. Scripturæ sacræ lectione se animarunt, *498, 2. Machabæorum martyrum constantia in tormentis, *487, 1; *484, 2. idque intuitu vitæ æternæ, *262, 1. quantopere peccatum horruerint, *498, 2.
 Macies decet pugilem Christi, 836, 1, 2.
 Macula ex actu peccati relicta dicitur homo vetus, 110, 1.
 S. Magdalena quotidie septies in cælos evecta est, *363, 1.
 Magdeburgensium Centuriatorum deliria, 186, 2.
 Magi vocabantur sapientes Chaldæorum, 253, 1, 2. magi tres facti insipientes, ut fierent sapientes, 274, 2. magi angelos se invocare proflentur, *94, 1. dæmones habent in annulis, 319, 2 et seqq. magus erit Antichristus, *162, 2. magus vocatus Paulus a Juliano Imp. 41, 1.
 Magister sententiarum scripsit in omnes epistolas S. Pauli, sed quid in eo desideretur, 83, 1. fugit in Adamo qualitatem morbidam, quam transfundat ad posterum, 99, 2. et ab eo derivari unam particulam carnis in singulis hominibus, *417, 1. et charitatem quæ in nobis est, non esse creatam, 94, 1.
 Magistri est officium, suo exemplo docere quæ præcipit, 326, 2. magistri hæreticorum quales, *307, 2.
 Magistratus est viva lex, 220, 2. est institutus ut pacem publicam conservet, 1. ejus est punire delinquentes, 215, 2. ejus non est mittere prædicatores, 180, 1. non est judex controversiarum fidei, 527, 1. ei obediendum propter conscientiam, 221, 1; 564, 2.
 Magnanimus vere quis sit, 292, 2. magnanimi est oblivisci injurias, 217, 1; *188, 1.
 Magnetis vis, 9, 2. magnes amoris est amor, *19, 2.
 Magni futuri in re aliqua, a pueris incipiunt, *303, 2.
 Magnus dominus vocatur Turcarum rex, *264, 1.
 Magog exercitus Antichristi dicitur, *164, 1.
 Mahometani qua voce suum Mahometem compellent, *409, 1. qualem sperent beatitudinem, 412, 2.
 Mahometes a Spiritu Sancto legem suam se accepisse jactabat, *97, 1. eum putarunt aliqui esse Antichristum, *161, 2.
 Majestas in Deo est origo gloriæ, 595, 1.
 S. Machabias nullum membrum sine ratione movebat, *61, 2.
 Maledicendum nemini, *336, 1. olim maledicere Christo Christiani jubebantur ante Præsides, 373, 1.
 Maledictus quomodo sit pendens in ligno, 541, 1. quomodo sit Christus pro nobis factus maledictum, *ibid.*
 Malefacta benefactis superanda sunt, 217, 1; *139, 1.
 Multa varia significat, *336, 2.

- Mala** Deus tantum permittit, et impedire posset si vellet, et jam facta ad bonum finem et justam pœnam qua ea punit, ordinat, 25, 1. malum omne est ex nobis, *ibid.* infans in malo debet esse Christianus, 393, 1. mali sunt etiam membrum Ecclesiæ, *293, 2; *294, 1.
- Mamluchi** unde dicti, regem e suo corpore crearunt, quando et a quo extirpati, 297, 1.
- Mamertinus** carcer Romæ erat, jam sacellum, 15, 1.
- Mancia** si possint, libertatem amplectantur; si non, consolentur se fide Christiana, 310, 1. hæc sola olim musicam tractabant, 556, 1.
- Mandatum** quomodo factum homini peccatum, et mors, 121, 2. mandatum carnale vocatur lex Mosis de carne circumcidenda, *417, 2. ei opponitur Christi lex spiritualis, æterna temporario, *ibid.* mandata legis sancta sunt, et bona, et justa, 121, 2. sunt objecta justitiæ legalis, 176, 2. ea impleri posse negat Calvinus, 211, 2. — *Vide* Præceptum.
- Manducans** quilibet Gentilis Judæum certos cibos lege vetitos non manducantem non spernat, uti nec Judæus non manducans, Gentilem manducantem, 228, 2. ad Dei gloriam quomodo quis posset manducare, 350, 2.
- Mane** an Christus ad judicium venturus, *186, 1. mane orandum, *193, 1.
- Manetis** exitus et supplicium, *301, 1.
- Manichæi** aliquot Pauli epistolas negabant, 4, 1, 2. mundum orporeum malum esse contendebant, 517, 1. cur carne et animatis abstinere, *234, 2; *326, 1. cur vino, *224, 2. quomodo mensæ benedicerent, *ibid.* cur nuptias vetarent, *ibid.* putarunt legem veterem aliquid mali continere, *425, 2. negant magistratibus licere ulcisci injurias reip., 215, 2. docent diabolum esse opificem sæculi, rerumque corporalium, 439, 1. interiorem et exteriorem hominem, et duas naturas et animas in eo fingeant, 124, 2; 563, 2. et Christum phantasticam carnem assumpsisse, 5, 2; 130, 2. duos finxerunt Deos, unum Abrahæ, alterum Christianorum, 546, 1; *288, 2. item dæmonem creasse visibilia, *223, 1. domi viventes turpissime, foris simulabant castimoniam, *ibid.*
- Mannæ** mensuram omnes æqualem domi habebant, licet inæqualem foris collegissent, 472, 2. est figura sufficientiæ opum, *256, 2. quomodo dicatur esca spiritualis, 339, 1. quid allegorice significet, *ibid.* optime repræsentat corpus Christi, *ibid.* idque variis analogiis, *ibid.* et seqq. erat panis angelicus, *ibid.*
- Mansuetudo** Dei nobis imitanda, 649, 1. quam ea præclara sit virtus, *296, 2. parit tranquillitatem animi, *261, 1. Episcopo necessaria est, *ibid.* est hæc in correptione adhibenda, 571, 1.
- Mansuetus** quis dicatur, 569, 1.
- Manus** quodvis instrumentum significat, 545, 1. manus cur hostiæ imponeret sacerdos, 455, 1. quia per eas actiones significantur, et peccata, *ibid.* manus ante orationem olim lavabant Christiani, 201, 2. manuum impositio quid vocetur, 473, 2; *233, 1. est de essentia Ordinis, *ibid.* quid ea significet, 2. olim manus in crucis formam componebant viri communicaturi, et eas ante lavabant, 370, 1. quia eis in manus dabatur Eucharistia, *ibid.*; 359, 2; *201, 2. manibus elevatis orabant olim, *ibid.* cur manus pœnitentibus imponantur, *248, 2. manus expansæ exhibent figuram crucifixi, *202, 2. cur manuum elevatio vocetur sacrificium vespertinum, 1.
- Maozim** quis sit Deus, *151, 2. est futurus familiaris Antichristo, *ibid.*; *162, 2.
- Maranatha** quid sit, unde derivetur: Erasmi derivatio refellitur, 417, 2. cur *Maranatha* Paulus utatur quasi indebito loco, *ibid.* est vox execrantis et condemnantis, 418, 2.
- Maranus** quis, et unde dictus sit, 418, 2.
- S. Marcella** Romana vidua juvenula quanta constantia nuptias Cerealis Consulis rejecerit, *237, 2. est cum filia Principia ad templum S. Pauli deducta a Gothis, ut intactæ custodirentur, 17, 1.
- Marcellus** Ancyranus damnatus, quod libros suæ hæreseos flammis tradere nolisset, *289, 1.
- S. Marcianus** Deum venabatur in eremo, *50, 1.
- Marcionis** hæresis circa Christi humanitatem jugulatur, 130, 2. cur sit factus hæreticus, *193, 2. Deum suum meliorem a Stoicis hausit, *85, 2. negavit Christum vere fuisse hominem, *26, 1. textum Biblicum depravavit, 411, 2. aiebat hominem a diabolo creatum, 74, 2. damnavit nuptias et cibos quasi in se malos, *224, 2. epistolas Pauli mutilare est ausus, 4, 1, 2. duos faciebat deos, unum justum, alterum bonum, 95, 1; *281, 1. vetus Testamentum oppugnabat, 223, 2.
- D. Marcus** Romæ latine Evangelium suum scripsit, et Aquileiæ in Græcum transtulit, 313, 2. fuit etiam Apostolus, 89, 1. an auctor versionis Syriacæ novi Testamenti, *349, 1.
- Marcus** consobrinus Barnabæ primo deseruit Paulum, mox eum Paulus pœnitentem iterum assumpsit, *813, 2.
- Mare Rubrum** transierunt Hebræi fide, *483, 2. ejus transitus fuit figura baptismi, 338, 2.
- Mares** Episcopus quam animose Juliano apostatæ exprobranti sibi cæcitatem responderit, *406, 1.
- Maria** hebraice est domina, 417, 2.
- S. Maria** Virgo Deipara sua salutatione Elisabetham et Joannem Baptistam replevit Spiritu Sancto, 43, 2. non est passa in passione fidei deliquium, 71, 2. peccavit in Adamo, et contrahendi peccatum originale necessitate incurrit, sed id de facto non contraxit, 98, 4; 100, 2; 453, 1. habet plus gratiæ quam omnes homines simul, 103, 2. nunquam peccavit ne quidem venialiter, 72, 1. ipsa cum suo Josepho castitatis vexillum prætulit non virginibus solum, sed conjugatis, 301, 1, 2. merito post Deum a Christianis invocatur, *123, 2. est spes nostra mediate, *477, 1. fuit oriunda a tribu Juda, *417, 2. apparet S. Vincentio Ferrerio eum est ad virginitatem adhortata, 676, 1.
- S. Maria** Ægyptiaca 17 annis quibus veneri servierat, stimulos libidinis pœnitens passa est, 296, 2. iis neminem vidit mortalium, *103, 1.
- S. Maria** Oigniacensis quomodo libidinis motus superavit, 300, 1. Sanctis et angelis fuit familiaris, *54, 2.
- Maritimæ** urbes cur male moratæ, *325, 2.
- Marito** subjectionem debet mulier, 663, 1. mariti mores sint ei lex, *108, 1.
- Marius** et Martha Romam e Perside venire, ut sepulcra Apostolorum viserent, 16, 1. ille ab hac conversus, *205, 2.
- S. Martinus** quomodo Neronem prædixerit cum Antichristo venturum, *153, 1. licet Episcopus, monachi tamen officium non deseruit, 459, 1. ejus constantia, hilaritas, pietas, patientia et mors, *324, 1. ejus animam angeli in cælum duxere, *363, 1.
- Martyr** an possit esse sine charitate et damnari, 380, 1.
- Martyres** sunt propter Deum mortificati, 151, 2. sunt fidei professione salutem et gloriam æternam adepti, 178, 2. se mutuo ad constantiam in fide excitabant, *460, 2. olim in carcere detenti lapos mittebant ad Episcopos, orantes ut pœnam iis relaxarent, 427, 2. eorum passio est triumphus Dei, 428, 2. sunt testes Christi, *263, 1. eorum vincula sunt gloriosa, *110, 2. martyrio perficiuntur et consecrantur, *371, 2. auditio nuntio mortis exultarunt, *309, 1. eorum insigne est palma, *490, 2. martyres vix fient, nisi qui ante se affecerint martyrio, *501, 2. a sacra communione ad martyrium obeundum animabantur, *519, 1. fiunt afflictione fortiores, 152, 1, 2; 444, 1. eorum passio et mors vita est Ecclesiæ, 443, 1. eorum festa in usu tempore D. Hieronymi, 553, 1. Martyrum Japoniorum

- medeo in igne animositas et constantia, *464, 1. Martires illustres erunt sub Antichristo, *463, 2.
- Martyrium quid sit, et cuius virtutis actus, 380, 1. confert gratiam iustificantiem, etiam primam quasi ex opere operato, *ibid.* materiale potest esse sine charitate, et cum peccato mortali, *ibid.* antecesser, quatenus est opus operantis, potest esse sine charitate, *ibid.* consequenter ex opere operato semper eam adducit, 380, 1. quare id calix dicatur, 418, 1. martyrii etymon, *231, 2.
- Massam (ad) perditionis qui proprie pertineant, 470, 2.
- Massilienses pestis tempore immolabant pauperem omnibus malis civitatis onustum, 284, 2.
- Matresfamilias domi semper maneant, *330, 1. sedulo filios educant et pie, *207, 1, 2. mater Nazianzeni maritum Christo peperit, eumque et filium ad episcopatum evehi vidit, *273, 1. mater virginis Deo consecratae est socrus Dei, 491, 1, 2. — *Vide Uxor.*
- Mathildis cum conjuge Conrado rege in matrimonio continentiam servavit, 301, 2.
- Matrimonium esse debet liberum, 321, 1. parentes tamen id possunt consulere, *ibid.* non solvitur divortio etiam licito, 305, 1, 2. matrimonium fidelis cum infideli Ecclesia irritavit, 308, 1. et matrimonium Catholici cum haeretica vetuit, 322, 1. matrimonii incommoda, 312, 2. matrimonium inire in Domino quid sit, 321, 2. quam ejus vinculum sit aeternum, 665, 1. est vere et proprie dictum Sacramentum, 666, 1. in quo ejus magnitudo praecipue consistat, *ibid.* quatenus representat Christum et Ecclesiam, eatenus magnum est, *ibid.* ejus recte contrahendi ritus, 322, 2. — *Vide Conjugium, Connubium.*
- S. Matthaei Evangelium apud S. Barnabam repertum est in sepulcro, 46, 1.
- S. Matthaeo post ascensionem Christi an apparuerit, 399, 2.
- S. Maurus 12 anno aetatis monasterium est ingressus, *203, 2.
- Maximianus tyrannus maxime in clericos et sacerdotes persecutionem movit, *488, 2.
- Mechanicam exercuit Paulus et alii Sancti *169, 4.
- Mediator vox duo significat, *197, 2. latius patet quam conciliator, 545, 1. mediator, cujus auctoritate lex vetus tradita, fuit Moses, non Christus, *ibid.* quomodo mediator non sit unus, 2. mediator noster est Christus, 449, 1; *441, 1. mediator noster apud Deum sit sacerdos, *393, 1.
- Medius quis sit paries quem Christus dissolvit, quique Judaeos a Gentibus separaret, 605, 1.
- Megistus a Paulo ad mortem raptus conversus, 12, 1.
- Mel dabatur olim recens baptizatis, 268, 1.
- Phil. Melanchthon vitam eremiticam damnari ab Apostolo perperam asseruit, *93, 2. ejus de proprio verborum consecrationis sensu testimonium, 359, 2.
- Melchisedech est salvatus in lege naturae, 62, 1, 2. condidit Jerusalem, ejusque rex fuit, *408, 1, 2. ejus nominis compositio et significatio, *408, 2; *411, 1. id fuit proprium illi, *409, 2. an fuerit Spiritus Sanctus, *ibid.* an angelus, *ibid.* non fuit Sem aut Noe, *ibid.* nec Enoch, *ibid.* fuit unus e regulis Chanaanorum, *410, 1. cur dicatur sine patre et matre, *ibid.* ejus parentes juxta Epiphanium, *ibid.* cur ejus genealogiam non pertextat Scriptura, *ibid.* causa allegorica rei ejus, 2. sacerdotium non habuit successionem hereditariam, *ibid.* quomodo aeternum dicatur, *ibid.* typus fuit Christi octo rationibus, *ibid.* et seqq. multis. virgo mansit sine uxore, *411, 1. non fuit Hebraeus oriundus, *413, 1. ejus auctoritas, fama et virtus, *ibid.* solus inter Chanaanos veri Dei erat cultor, *ibid.* benedixit Abrahamo tanquam major, 2. semper vivit symbolice, *ibid.* in quo inferior sacerdotibus Aaronicis, *419, 1. dignior tamen Aarone est, *304, 2.
- Melchisedeciani dicebant Melchisedech esse Spiritum Sanctum, *409, 2.
- Melech Sala Sultanus Aegypti Christianorum filios a Tartaris emit, et in militia exerceri curavit, 297, 1.
- Melita venenatis caret animalibus, idque munere S. Pauli, quin aliunde importata venenum ibi ponunt, 14, 1.
- Melote quae sit vestis, unde dicta, *489, 2.
- Membranas quas sibi mitti petierit Paulus, *314, 2.
- Membrorum functiones, juncturae et proprietates, 376, 1; 636, 1, 2. iis ad creatoris obsequium utendum est, *44, 2. haec nulli resecare licet, 564, 1. membra veteris hominis sunt motus concupiscentiae, *104, 1. membra infirmiora sunt venter, et intestina, 375, 1. ignobiliora, pedes; inhonesta, verenda, *ibid.* quae sint membra honesta corporis, 2. membrum unum laedens aliud, seipsum laedit, 376, 2. membra omnes sumus unius corporis, id est Ecclesiae, 206, 1; 636, 1. quomodo simus omnes membra capitis Christi, 275, 2; 374, 2. membra non habet anima, 443, 2.
- Memoria mortis est calceus Christiani militis, 680, 2. quomodo quis memoriae Sanctorum communicet, 211, 1. memoria inferni remedium est in tentatione, *145, 1.
- Menandri haeresin quibus epist. convellat Apostolus, 19. ponebat hic angelos quasi minores deos, *94, 2.
- Mendaces cur dicantur Cretenses, *325, 1.
- Mendacium Plato regibus ait esse licitum, 529, 2; *207, 1. est duplex, in verbis et factis, et quando mendacium facti sit licitum, 530, 1. debiles habet pedes, veritas stabiles, *301, 1.
- Mendicandi ars optima laudare dantis liberalitatem, 475, 1. Christus mendicavit, 470, 2.
- Mendici utiles sunt Ecclesiae, 375, 2.
- Mens aliquando idem quod sensus, 389, 2. et intelligentia passiva, qua scilicet loquens intelligitur ab audientibus, *ibid.* interdum scopus et intentio, *ibid.* ejus character et imago est lingua, 1. est in homine princeps, 390, 1. mens otiosa esse nequit, ergo bona agat, *171, 1.
- Mensa designatur temporalium copia, 491, 1. mensa panis propositionis Eucharistiam significat, *432, 2; *436, 1. quomodo mensa Judaeorum iis facta in scandalum, 490, 1. mensa animae Scripturae et lex Dei est, *ibid.* qualis mensa Christianorum esse debeat, 659, 2; 660, 1. quomodo Manichaei mensae benedicerent, *224, 2. cur mensae benedicamus, *227, 2. mensa est viva beneficentiae Dei concio, *ibid.* ejus benedictio cur dicatur verbum Dei et ratio, *227, 2.
- Menses aliquos Judaei sacros habebant, 553, 1.
- Mensura quatuor habet significationes, 485, 1, 2. mensura peccantibus a Deo statuta, ut ea repleta regna et republicas puniat, *122, 2. quae sit mensura fidei, 205, 2. mensura, pondus et numerus in omni re quid sit, *84, 2. mensura gratiae non datur ex meritis, 625, 1.
- Mentiri nunquam licet, 529, 2; 642, 2.
- Mercantur infernum multi eo labore, cujus vel dimidio lucrati essent caelum, *205, 1. mercari tempus quid sit, 650, 1.
- Mercedis aeternae spe operari bonum est et meritum, 330, 1. mercedem in dando spectans, male dat, *208, 1. magna est merces elemosynae etiam ingrato datae, 476, 1. cur merces bonorum operum dicatur corona justitiae, *312, 1. merces debetur merito, et operi heroico, meritorio magnae mercedis, 58, 2; 331, 1, 2. merces et meritum sunt correlativa, 58, 2.
- Mercurius Trismegistus a Mose didicit SS. Trinitatem, 52, 1. quare daemones coli jusserit, 2.
- Meretricaria an licitum ante legem Mosis, 293, 1.
- Meretricium quam fedum sit, 296, 2.
- Merinthus christianismo judaismum agglutinare volebat, *518, 1, 2.
- Merita nostra non sunt condigna vita aeterna, nisi ex gratia, 115, 1. quomodo tribuantur electioni Dei, 24, 2.

- merita patrum filios degeneres non juvant, 193, 2. merita aliena non juvant in iudicio, 450, 2. merita bonorum operum asserunt, 58, 1, 2; 269, 1; 445, 1; *475, 1; *484, 2. merita sunt et vocantur gratia, 113, 1. merita Christi quomodo nobis imputentur, 21, 2. an ab his sit facta independenter nostra electio, 586, 2. eorum valor longe excedit demerita Adæ, 102, 1. ea infinitis peccatis delendis sufficiunt, *456, 2. merita Pelagius tribuebat naturæ viribus, *523, 2. quod pro merito operum datur, merces est, non gratia, 80, 2.
- S. Meruli sepulcro (e) mira odoris fragrantia exhalavit, 376, 1.
- Messias non debuit esse pontifex terrenus, degens in templo Salomonis, *424, 1. non soli Judæi ab eo vocandi erant, 172, 1. est maxima promissionum veteris Testamenti, 158, 2. adimplevit omnia in veteri lege prædicta, 78, 2. tum ex Deo, tum ex Juda et Judæis natus est, 65, 2. iis primo promissus et revelatus est, 64, 2. ejus tempus vocatur tempus novissimum, 343, 1; *222, 1; *299, 1. qualem Judæi expectent, 174, 1, 2. Messiam se dicet Antichristus, *462, 2. — *Vide* Christus.
- Metaphoris gaudent Hebræi et Syri, 269, 2.
- Metus ab hæreticis pro diligentia perperam capitur, *31, 2. metus salutis excludit fidem specialem hæreticorum, *ibid.*; 424, 2. metus reverentialis quis sit, 220, 2.
- Michæas dura ab Achab rege passus est, *488, 1.
- S. Michael præses est Ecclesiæ, *182, 2. ejus templum celebre Chonis, *96, 1. an fuerit angelus exterminator, 342, 2. est princeps angelorum, etiam missus legitur, *864, 1. tulit legem Hebræis, *ibid.*
- Miletus urbs Asiæ, stragulis nobilis, *316, 2. quando ibi fuerit Apostolus, *ibid.*
- Mileviani Concilii quanta sit auctoritas, 97, 2.
- Militia Hebræis omnem famulatum significat, *190, 2. militia Episcoporum et Pastorum quæ, *ibid.* et seqq. militia contra dæmones discenda ex omni hominum genere, 675, 1.
- Militibus olim interdictum conjugium, *296, 2. quare iis detur cingulum, 677, 1. milites Christiani quibus in rebus Juliano Apostatæ parent, et in quibus jussa detractarent, *336, 1. quis miles spiritualis et Christianus, *190, 1. ejus officia, *ibid.* ejus calcæ, 679, 2; 681, 2. ejus cingulum est veritas, eaque quadruplex, 678, 1. quæ ejus lorica, 679, 2. quis ejus agor, *261, 2.
- Miltiades quo exemplo suos ad pugnandum contra Persas excitavit, *494, 1.
- Mincha farreum sacrificium, siccum et incruentum, 22, 1.
- Minimum sanctorum quomodo se dicat Apostolus, 612, 1.
- Ministri Ecclesiæ sunt duplices, Episcopi et diaconi, 206, 2. his a suis accipere sumptum licet: et quo titulo is iis debeat, 330, 1. an minister peccati sit Christus, 531, 2. quomodo sit minister circumcisionis, 237, 1. quis minister oret in Ecclesia pro toto populo, 141, 2.
- Ministeria sacra varie distributa sunt per Ecclesiam, 372, 2. quomodo ministerium honorificetur, 191, 2.
- Mira duo quæ contigerunt in insitione Gentium in Judæos, 194, 1. tria mirabilia mundi a Deo neglecta in vocatione hominum, 256, 1.
- Miracula qui faciunt, sunt velut manus Ecclesiæ, 376, 2. ea nemo præter Deum facere potest, *157, 2. ea soli edunt Sancti qui vitæ fuere austeræ et exagitate, 337, 2. cur initio Ecclesiæ essent quam modo frequentiora, 387, 2. ea facere, idem est quod prophetare, *ibid.* ea etiam laici credentes, in primitiva Ecclesia faciebant, 514, 2. est iis fides probanda, 507, 2. eorum gratia fuit in Christo per Dei assistentiam, 410, 1, 2. iis Apostoli suam confirmabant doctrinam, 261, 1. miracula illustriora dicuntur virtutes, 373, 2. miracula S. Pauli, 13, 1. et ad ejus reliquias et vincula, 610, 1. miracula, signa, portenta, virtutes quomodo differant, *366, 2.
- miracula Antichristi mendacia quatuor ob causas, *157, 2. et qualia ea erunt, *ibid.*
- Miser nemo est qui miseria sua contentus est, 441, 2. nec sensu alieno, sed suo, *ibid.*
- Misereri Deum alicujus, est ei dare gratiam congruam cum qua videt illum salvandum, 163, 1.
- Misericordiam Pater cur dicatur Deus, non vero iudiciorum, 421, 1. misericordia gratissimum Deo sacrificium, 480, 2. misericordiæ Dei est constituere in fide justitiam, 169, 1, 2.
- Misericordes habent viscera misericordiæ, *343, 2.
- Missa sacrificium est secundum ordinem Melchisedech, *130, 1; *418, 2; *519, 1, 2; *520, 2. est propitiatorium, pro vivis et defunctis, *12, 1. non est expiatorium, sed applicatorium redemptionis, *421, 2; 457, 2. continet orationes, postulationes, obsecrationes et gratiarum actiones, *193, 2 et seqq. in usu fuit tempore S. Augustini, *ibid.* item ab initio Ecclesiæ, *160, 1. eam abrogabit Antichristus, 2. quid nobis impetret, *458, 1. repræsentat sacrificium crucis, *421, 2. hæc inter se conferuntur, 22, 1. cur dicatur latine, 399, 1. quos ex ea fructus populus percipiat, licet eam non intelligat, *ibid.* cur iterari debeat, non vero sacrificium crucis, *452, 2. eam pro vivis et defunctis offerri, et tali ritu et ornato, traditio est, 369, 2. in ea ut pro defunctis oretur, Apostolorum est institutum, 273, 2. ejus essentia in ipsa consecratione consistit, 367, 1. non est abominatio, ut conatur evincere Lutherus, *457, 1. quam temere Missas privatas hæretici calumniantur, 358, 2.
- Missio est quadruplex, 316, 1, 2.
- Mitem et benignum esse, Christianum et divinum est, 458, 1, 2.
- Mobilia erant sacra et ritus veteris Testamenti, *509, 2.
- Modestia in cultu maxime mulierem decet, *203, 1. modestiæ proprietates, 569, 1. ejus et temperantiæ actus, *62, 1. modestia Christiana qua in re sita, *61, 1 et seqq. modestia Apostoli in commonefaciendo et corripiendo, 238, 2; 482, 1.
- Modimperator quis dicatur, *287, 2.
- Modum justificandi Judæos qualem Deus elegerit, 174, 1. mille habuit ad hoc modos, 196, 2.
- Mœchiæ nomine omnis libido vetatur, 293, 1.
- Monachus operans ab uno, otiosus a plurimis vexatur spiritibus, *172, 1. monachus tentatus, tentationem seniori aperiens quietem sentiet, 676, 1. ejus prima virtus contemnere hominum judicia, 278, 2. olim manibus laborarunt, *170, 1. eorum jejunia, *225, 1. monachorum quorundam Afrorum martyria, 624, 1. monachi apostatæ sunt infames, 243, 1. etiam his dat Deus sufficientem gratiam ad vivendum caste, 303, 2.
- Monarchiæ quatuor orbis sunt per bestias designatæ, *154, 2. monarchiæ Antichristi tres anni cum dimidio, *160, 2.
- Monasticæ constitutiones non sunt ficta religio, *98, 1, 2.
- Moniales quomodo orent lingua, quam non intelligant, 391, 2. earum cantus in suo choro non sugillatur ab Apostolo, 396, 2. uti nec earum vota, *246, 1.
- S. Monica habuit donum discretionis spirituum, 373, 2. salvata est per educationem filii Augustini, *206, 2. omnes piæ viduæ partes implevit, *237, 1. filium quam carum habuerit, *330, 1. maritum Christo lucrifecit, *305, 1. ejus erga eum amor et reverentia, 667, 2.
- Monitori sunt necessaria doctrina, humilitas, patientia, dilectio, 238, 2 et seqq.; *307, 1.
- Moralis Scripturæ sensus quis sit, 23, 1.
- Morbi non fuere in Christo, *376, 2; *391, 2. eorum origo a peccato, *ibid.*; 141, 1. sunt patientiæ exercitium et humilitatis, *240, 2. in causa sunt ut mortem optent Sancti, *14, 2. morbos varios per invocationem vario-

- rum Sanctorum curat Deus, 377, 1. morbus est adventitia senectus, *329, 1.
- Mores** mali commercio malorum addiscuntur, *255, 1. quos colores et odores habeant, 429, 1. morum veritas quid sit, 678, 1. morum modestia, 569, 1. quam morum mutationem fides adducat, 596, 1.
- Moria** mors unde dictus, 557, 2. in eo obtulit Abraham filium suum, *479, 1.
- Morituri** an sint, qui in fine mundi vivi obviam rapiunt Christo, 412, 2. nec certum est omnes morituros, 413, 1. an qui tunc inveniuntur, sint morituri, 448, 2; *139, 1. non sola moriendi necessitas, sed et ipsa mors actualis in omnes homines pertransiit, 98, 1. amantes simul mori gaudent, 464, 1. mori omnibus statutum, *449, 2. mori peccato quid sit, 106, 1; 111, 1. mori mundo et peccato diversimode possumus, 580, 1.
- Mors** Christi omnibus sæculis hominibus fuit proposita, *448, 1. est necessaria ad novi Testamenti confirmationem, *442, 1, 2. in Missa verbo et facto representatur, 367, 2. ejus nos memores esse ipse jubet, 454, 1. Judæi scandalizabantur, quia eum æternum fore vitalem putabant, *441, 2. mors nobis instat, 313, 1. ejus bona, *375, 2. Christianis per Christum jucunda reddita, *ibid.* non est metuenda, *ibid.*; *309, 2. eam probatus quotidie expectat, sanctus semper desiderat, *14, 1, 2; *15, 2. ejus contemptum docet amor Christi, 678, 2. cur vocetur resolutio, *399, 1. mors iustorum finis laborum, 321, 2; *15, 1; *309, 1; *375, 1. mortis lucrum est Christus, Christique fruitio, *11, 2. mortem adfert nimia tristitia, 465, 1. stimulus mortis est peccatum, 415, 2. est homini poena, non natura, 98, 1. eam gerimus in visceribus nostris, 2. est peccati comes, filia et stipendium, 98, 1, 2; 100, 2; 114, 2. mortis cogitatio, præsentissimum concupiscentiæ antidotum, 130, 1. regnat etiam in eos, qui actu non peccarunt, puta infantes, 101, 1. est contra naturam, ideo et Sancti eam horrent, 447, 2; *374, 2. mors Sanctorum Deo curæ est, 442, 1, 2. est peccatoris mater, 601, 2. mors primogenita quæ sit, 99, 1. mors Hebræis morbum, pericula et quamlibet afflictionem gravem significat, 126, 2; 422, 2. item statum mortuorum, 414, 2. mors novissima destruetur in resurrectione, 404, 1. mortis et somni affinitas, 321, 2; *130, 1.
- Mortale** peccatum quam grave sit malum, 99, 1. mortalia peccata sunt ut æs et plumbum, 270, 1.
- Mortificanda** carnalia desideria et passiones, 133, 1, 2; *103, 2.
- Mortificatio** Jesu, est passio similis passioni Jesu Christi, 441, 1. mortificatio sensim et continuo facienda, *104, 1. est calceus Christiani militis, 680, 1. per hanc corpus fit hostia vivens, 200, 2. ejus officium et partes, *ibid.*
- Mortuus** spiritualiter describitur, *102, 2. mortui Christianis non sunt lugendi, *19, 1; *375, 1. mortui quomodo audient vocem Dei et tubæ sonum, *132, 1. cur dormire dicantur, *131, 1. si mortui non resurgunt, Christiani sunt hominum miserrimi, 402, 1. mortuis olim oleum infundebatur, 333, 2. quomodo mortuos vivificet Deus, et qui sint hi mortui, 86, 1.
- Moses** vere oplavit deleri de libro vitæ, 457, 2. quomodo se negarit filium filix Pharaonis, *483, 2. ejus fides, *ibid.* non nisi servus est, respectu Dei, *25, 2. per fidem parentum occultatus est, *482, 2. erat eleganti facie, *ibid.* maluit affligi cum populo Dei, quam abundare deliciis, 278, 1; *484, 1. fuit primus synagogæ filius et institutor, 559, 1. an Dei essentiam viderit, et eum facie ad faciem sit allocutus, 502, 1; *265, 1. ex gloria Dei fuit ejus facies cornuta visa, 434, 1; 503, 1. cur velata facie populum alloqueretur, 434, 2. fuit typus Christi patientis opprobria et persecutiones, *484, 1. fuit mediator Dei et hominum, et eo mediante lex lata, 545, 1; *198, 2. sua mansuetudine meruit colloquium Dei, 571, 2; *296, 1, 2.
- eminenter fuit pontifex, *379, 1. sed Aaron pontifice constituto, apostoli tantum vices obtinuit, *ibid.* facialis est Testamenti veteris, Christus novi, *427, 1. educatus est in regem Ægypti, *483, 1, 2, quibus disciplinis imbutus, et a quibus, *ibid.* studuit edomandis affectibus, *ibid.* fide fugit ex Ægypto cum populo Israelitico, *484, 2. opponitur Apostolis, *320, 1.
- R. Moses** Ægyptius excusat fornicationem Judæ cum Thamare a peccato, quod lex lata nondum esset, 293, 1.
- Motus** rationem prævenientes non sunt peccaminosi, 119, 2. motus mali quare mortificandi, 128, 2. motus desperationis in parte et appetitu inferiori Christi non poterant esse, *395, 1. motus omnes ab eo sunt libere assumpti, *391, 1.
- Mulier** rixosa quomodo tractanda, 667, 2. illius insignis descriptio, *213, 1. eam esse caput Ecclesiæ quam sit indecens, 396, 2; *205, 2. mulier, tanquam posterior et inferior facta est ex costa viri, illicque similis creata est, 354, 2; 664, 1. et cur, et quomodo, 296, 2; 664, 1. quomodo salvabitur per filiorum generationem, *206, 2. ejus caput vir est quatuor modis, 1; 352, 2; *108, 1; *330, 2. in Ecclesia taceat, 353, 1; 396, 1; *205, 1. in quibus viro sit imperfectior, 396, 2. quomodo viro sit gloria, 354, 2. an ex præcepto comam alere teneatur, 357, 1. ei non licet nudo incedere capite, sed debet velari, 352, 2; 353, 1, 2; 356, 1. mulieris cujusdam generosæ martyrium sub Dunaan tyranno, 492, 1. mulieres sunt loquaces, 396, 2. cultus sunt studiosæ, *203, 1. moderate comantur et ornentur, *ibid.* adeuntur minori fructu, et majori periculo, *213, 1. semper occupari debent, *245, 1. eas decet aut murus, aut maritus, 2. iis Ethnici dabant præfectos ne vagarentur, 1. communicaturæ olim dominicali Eucharistiam excipiebant, 370, 1; *201, 2. in vitiis fortiores sunt viris, *300, 1. quid et quos et ubi docere debeant, *330, 1. interne potius ornatae sint quam externe, *204, 1. quid eas deceat, *330, 1. se nimis ornantes opus Dei velle corrigere videntur, ac sunt in Deum contumeliosæ, *204, 2. quam severe in has Dominus in judicio inquiret; per eas hæreses sunt propagatae, *300, 1. — *Vide* Femina, Uxor.
- Mulierem** tangere vel cognoscere, Hebræis est exercere actum conjugii, 299, 1.
- Munda** quomodo omnia mundis, *326, 1. munda omnia sunt humili, 827, 1.
- Mundus** stat meritis Sanctorum, quibus tamen non est dignus, *490, 1. mundus corporeus non est malus, ut aiunt Manichæi, 517, 1. an eum alia tempora præcesserint, *320, 2. eum ait Plato factum ex cubo ternarii, 597, 1; *84, 2. non est factus ab angelis, 613, 1. eum e materia subjecta conditum docuere Valentiniani, *86, 1. cur mundi rectores dicantur dæmones, *674, 1. quot annis stabit, *135, 2. est quasi templum Dei, in quo, et pro quo orat Episcopus, *195, 1. liber est divinitatis, et speculum divinorum, in quo seipsum depinxit Deus: et Dei templum, 51, 1. item currus Dei, *354, 1. quomodo sit in Deo, et Deus in mundo, *76, 2.
- Mundus** quomodo homini pio crucifigatur, quomodo is mundo, 579, 1 et seqq. ejus larvata persona, 316, 1. sapientia ejus a Deo est reprobata: vicissim ei odiosa Dei sapientia, 254, 1. quis mundi spiritus sit, 263, 2. ejus gaudium breve et fallax, 316, 1. piis crux est, 579, 1.
- Munificentia** cur vocetur gratia, 470, 1.
- Muri** Jericho fide corruerunt, quomodo, 485, 2.
- Muritta** Diaconus Elpidophorum apostatam sugillat, 58, 2. in exilium actus cum clericis quingentis Carthaginensibus, lætus Domino cecinit, *463, 2.
- Murmurare** proprie servorum et ancillarum est, *331, 2.
- Murmuratio** Deo maxime displicet, 342, 2. murmuratio-nes Judæorum in deserto, *381, 1. ob eas sunt terra promissa exclusi, *383, 1.

Musici usui in templis commendatur, 392, 1. eam olim soli servi tractabant, 432, 1. eam Hebræi mensæ adhibebant, 659, 2.
Musulmanni unde dicantur Turcæ, *409, 1.
Mutatio peccatoris qualis in Justificatione, *276, 1. qualis mutatio in Corinthiis e prædicatione Pauli, 371, 2.
Mutius Scaevola manum errantem flammis injectit, 380, 1.
Myrogenes monachus hydropicus, de exteriori hydropo non laboravit, de interiori sollicitus, 444, 1.
Mystæ unde dicti, 262, 1.
Mysterium proprie quid sit, 262, 1. mysterium iniquitatis quid sit, *152, 2; *154, 1. est figura Antichristi, *154, 1. quod mysterium habere debeant diaconi, *216, 2. mysterium vocationis Gentium Prophetis paucis obscure revelatum, 611, 1. id passim miratur Apostolus, *ibid.* id ei primum innotuit, *ibid.*; 4, 1. hinc et mysterium vocat iudicium Dei de secutura Judæorum conversione, 194, 1. mysteria fidei olim nefas erat scripto committere, 575, 2.

N.

Naaman Syrus salvatus extra judaismum, 62, 1. cur Nabuchodonosoris sit Deus misertus, non Pharaonis, Narcissi domus Romæ cur a Paulo salutata, 243, 1.
Nariibus (in) maxime ira se prodit, *307, 1, 2.
Nascimur aversi a Deo et peccatores, 100, 1.
S. Natalia Adrianum conjugem non modo ad fidem, sed et ad martyrium obeundum provexit, 306, 2; *203, 1.
Nationes diversissimæ quomodo in unam convenient Ecclesiam, 627, 2; *103, 2. nationes omnes semper sacerdotes habuere et sacrificia, *393, 1.
Natura fervida ad magna se extollit, 2, 2; 521, 2. natura humana in Christo et B. Virgine exaltata est super omnes angelos, 103, 2. ejus per peccatum corruptio, 71, 1. ejus viribus ad Dei cognitionem pertinere possumus, 49, 2. non tamen leges supernaturales implere, 62, 2. nec Deum homo videre, vel beari, 115, 2. nec ullum motum et conatum in actum supernaturalem fidei facere, 281, 1. ei impossibilia, Deo possibilia sunt, 254, 1. ejus viribus non flet resurrectio, 409, 2. ex corrupta quatuor pullulant in homine propensiones ad malum, 68, 2. ejus viribus tribuit Pelagius merita, *523, 2. ejus vitia non assumpsit Christus, *376, 2. natura Christo et nobis est communis, *373, 1. natura divina et humana Christi ab Apostolo probatur, *23, 2; *352, 1. naturæ bona Deus sæpe in hac vita justis negat, improbis et inimicis suis confert, *475, 1.
Natus ex Deo quomodo peccare non possit, 266, 1.
Nazaræus votum quomodo implevit Paulus, 7, 2. eo obstricti, uvis et vino abstinabant, 229, 2; *438, 2.
Nazaræi sectarii sacrificia rejiciebant, et animalis abstinabant, *42, 2.
Necessitas instans quid a Paulo dicatur, 560, 1, 2. necessitas Hebræis est quidquid angustiat, *ibid.* necessitas peccandi in omnes homines pertransiit, 98, 1.
Nectarius Patriarcha quare publicam sustulerit confessionem, 353, 2.
Neglectus Dei quantum malum, 31, 2.
Negligentia in operibus spectantibus ad animæ salutem, est pernicio, *397, 2.
Negotiatio clericis prohibita, *216, 2.
Negotia sæcularia quænam dicantur, *283, 1. quinam ea fugere debeant, *ibid.* et quare, *494, 1.
Nemrod fidei secunda mundi ætate afflixit, *135, 1.
Neophytus cur sacerdotio arceatur, *215, 1, 2. et quæ sit turpe talem ordinari, *ibid.*
Nequam quomodo dicatur sæculum, 517, 1.
Nero S. Petrum et Paulum exagitat et necat, 11, 2. an viderit Paulum mortuum, 12, 2. mysterium fuit iniquitatis, an typus Antichristi, *153, 2. primam in Christianos persecutionem movit, *316, 1; *488, 2. cum aliqui putarunt necdum mortuum, et fore Antichristum, *152, 2. quam Parthis favorabile nomen ejus fuerit, *ibid.* an futurus collega Antichristi in Occidente, *ibid.* vere occisus est, nec venturus, *153, 1. ejus mitissima vox initio imperii, 508, 2. cur dicatur leo, *316, 1.
Nestorius duas in Christo posuit personas, 110, 2; *23, 2; *87, 1; *220, 2; *370, 2. duos confinxit Deos, 545, 2.
Neutrum genus plenius masculino significat omnimodam universalitatem, *419, 2. cur usurpetur à *Cherubim* et *Seraphim* in neutro genere, *435, 2.
Nicænum Concilium addidit doxologiæ SS. Trinitatis hæc verba, *sicut erat*, 199, 1.
Nicobulus ob parvitatem uxorem despiciens reprehenditur, 37, 2.
S. Nicolaus divino judicio ordinatus Episcopus, *190, 1. tempestatem patientibus invocatur, *378, 2.
Nicolaus diaconus quare factus hæreticus, *192, 2.
Nicomolis duplex erat civitas, unde dicta, *340, 1.
Nihil agendo male discis agere, *172, 1, 2.
Nilamon monachus episcopatum fugit, *209, 1, 2.
Nisi interdum capitur pro *sed*, 532, 1. *nisi* Hebræis nota est juramenti execratorii, *405, 1.
Nobiles et sapientes pauci sunt ad fidem vocati, 257, 1. soliti olim artem mechanicam discere, *169, 1.
Noctu an Christus ad judicium venturus sit, *436, 1.
Noe tempore Abraham vixit, *409, 2. fide arcam compegit, *475, 1. fuit Deo charus, *ibid.* ejus fortitudo, spes, constantia, *ibid.* fuit hæres justitiæ Adami, Abel, et novi mundi, *ibid.*
Nomen Dei est nostra spes, 683, 1. id invocare, ad salutem sufficere, credunt Simoniani et moderni hæretici, *292, 2. nomen sæpe pro re nomine significata capitur, 660, 2. nomen Jesu est nomen super omne nomen, *6, 2. in quo conveniunt majestas et amor, *ibid.* cur venerabilius tetragrammato, *ibid.* et seqq. id meruit Christus moriendo, *28, 1. id in cruce actu accepit, licet ante in circumcisione datum, *ibid.* non est Græcum, sed Hebræum, nec idem cum tetragrammato, *28, 2. est proprium Verbi incarnati, hinc alia omnia ejus nomina includit, *29, 2. id in vanum accipere majus est peccatum quam nomen Deus, *ibid.* cur sit oleum effusum: est lux mundi, cibus animæ et medicina, *ibid.* semper id in ore habendum, *ibid.* id prædictum a Prophetis et Sibyllis, *30, 2. id Paulo semper in ore et calamo, 7, 2; 592, 1. est proprium nomen Christi, Christi vero nomen appellativum est dignitatis, *361, 1. Christi nomen est omnium numinum nominibus excellentius, 597, 1. Christus meruit sibi nomen super omne nomen, *27, 1, 2. et quale hoc nomen, *ibid.* nomen Antichristi est ignotum, *161, 2. nomina Apostolorum quomodo in fundamentis civitatis sanctæ, 607, 2. nova nomina quæ res fidei clarius explicant, non damnat Apostolus, velut profanas vocum novitates, *268, 2. cur nomina ordinandorum olim publice proponerentur, *216, 1.
Nominari Hebræis idem est quod *esse*, 616, 1.
B. Nonna maritum et filios omnes ad pietatem efformavit, *273, 1.
Notitia sola legis non sufficit ad justificationem, 60, 1.
Novatus lapsos ad poenitentiam non admittebat, *400, 2; *461, 2; *504, 2. aiebat in Ecclesia non esse malos, *293, 2.
Novercæ cum privigio nuptias omnes aversati sunt, 285, 1.
Novissimos Apostolorum quos vocet Paulus, 282, 1. quæ novissima tempora intelligat, *222, 1; *298, 1.
Novitas in doctrina est explodenda, 518, 2. profana est, *268, 1. ea signum est hæresis, *ibid.* novitas vocum quæ sit, *ibid.*; *288, 1. novitate vitæ Christo resurgenti similes efficiamur, 109, 1. quænam illa novitas vitæ sit, 202, 2.

Novus homo quis sit Paulo, 640, 1. ejus partes et membra opposita partibus et membris veteris hominis, 642, 2. nova creatura in Christo quæ sit, 454, 1.

Nox vocatur tempus ante Christum, 224, 1, 2.

Noxium sua sequitur poena, 455, 1; *251, 1.

Nubentes olim velabantur, 353, 1; 491, 1, 2. præstat nubere quam uri, 304, 1. *nubere in Domino* quid sit, 322, 1.

Nubi insidebit Christus et Sancti ad judicium venientes, *134, 2. quid sit nubes, sub qua patres fuerunt, 838, 2. nubes vocatur in Scriptura, Dei lux, *265, 1.

Nudi mundum ingressi, nudi eodem exibimus, *257, 1.

nudi pedes signum sunt captivitatis, 680, 1.

Numerus denarius et septenarius Hebræis familiaris, 487, 1.

Nuptias esse spernendas docuerunt olim pseudoapostoli, 209, 1; *224, 1. nuptiarum spiritualium prandium et cæna, 490, 1. nuptiæ mundanæ et religiøsæ quomodo differant, 492, 1. nuptiæ Religiosorum permanens sacrilegium sunt, vel adulterium, 304, 1. nuptiæ non erunt in cælo, erunt tamen mulieres, 632, 1. nuptiæ secundæ licitæ sunt, 322, 1, 2. — *Vide Matrimonium.*

Nympha et domestici ejus fideles erant Colossis, *111, 2.

O.

Obduratio quomodo homini, quomodo Deo tribuatur, 25, 1. obduratio Judæorum, 435, 1.

Obduratis eleemosyna suadenda quasi ultimum remedium, 477, 2.

Obediendum regibus, si Deo contraria non præcipiant, *335, 2. quidnam obedientes consoletur, *26, 2.

Obedientiæ descriptio, *397, 1. eam tota Scriptura nobis inculcat, *455, 2. obedientiæ Christi fructus, 103, 2. fuit ea singularis et promptissima, *455, 2. quomodo eam didicerit, *396, 2. obedientiæ Abraham merces, 84, 2. obedientiæ promptæ exemplum fuisse Abraham et Isaac, *480, 1. obedientia Prælati, regibus et magistratibus debetur, 218, 2; *335, 1. ab ea nos non eximit Christiana libertas, 25, 2. obedientia et fides in Christum, causa est quod Gentes sint electæ ad justitiam, 173, 1.

Obedire parentibus in Domino quid sit, 669, 1.

Objectum servitutis Pauli erga Deum, *319, 1, 2. objectum duplex epistolarum ejus, dogmaticum et ethicum, 19.

objectum formale fidei est revelatio Dei, *122, 4.

Oblationes quas fideles offerunt sacerdotibus, non intelligit Apostolus per altare, ut vult Beza, *519, 1. perfecta animæ oblatio in quibus sita sit, 202, 1.

Oblivionis subitæ exempla, 189, 2. oblivisci injuriæ est heroicum, 217, 1.

Observatio quid sit proprie, 684, 1; *193, 2.

Obsequium rationabile quid proprie sit, 201, 2.

Observantias quas damnet Apostolus, *97, 1. quousque duravit observantia legis Mosaicæ, 230, 2.

Obstinatæ mentis quinque signa, 190, 1, 2. obstinati in malo dure increpandi sunt, 571, 1; *334, 1.

Obtrectationis mala, 565, 1.

Occasioni serviendum, 228, 2. occasionis descriptio, 577, 2. occasiones peccandi ponit Deus pio fine, 52, 2.

Oculta etiam peccata cavenda, 438, 1.

Oculus Dei omnia videt, *339, 2. oculus Ægyptiis Dei est hieroglyphicum, *ibid.* inter membra corporis nobiliora computatur, 375, 1. oculus capitur pro colore subinde, 28, 1.

Odio habere Esau significat negligere, minus diligere 163, 2. odium proximi est charitatis dissolutio, 223, 1. odium peccati inculcat, 209, 2. est id efficax testimonium quod quis sit Filius Dei, 135, 2.

Odor quietis suavissimus est odor, 650, 2. quomodo dicatur Deus odorari sacrificia, *68, 1. odor morum quis, 429, 1.

Oeconomus sunt velut pedes Ecclesiæ, 376, 2 et seqq.

Oeconomia duo significat, 612, 2.

Offendiculum quid proprie sit, 232, 1, an idem cum scandalo, *ibid.*

Offensa condonanda Dei imitatione, 649, 1.

Officia duo pastorum prædicatio, et Sacramentorum administratio, 252, 2. quæ officia tria angelis, Apostolis et doctoribus communia, 612, 2. cur officia divina latine dicantur, 890, 1.

Oleo olim baptizandi, athletæ, et mortui ungebantur, 333, 2. oleum exultationis est oleum gloriæ, *361, 1. oleum est typus nominis Jesu, *254, 2.

Olivæ assimilatur Ecclesia, oleastro gentilitas, 193, 2.

Olus manducare, quid sit Paulo, 228, 1, 2.

Olympias illustris vidua magna constantia nuptias Elpidii rejecit, *237, 2. ejus virtutum rara exempla, *241, 2.

S. Olympius abbas credidit se peregrinum in terra, *478, 2.

Omnia omnibus fuit Paulus, 8, 2; 332, 1. in cælo nobis erit Deus omnia in omnibus, 405, 1. *omnes pro singuli* capitur subinde, 301, 2.

Omnipotens Deus quomodo sit, et tamen mentiri non possit, *286, 2. ejus omnipotentiam hæretici negant, 374, 1. omnipotentes fiunt qui in Deo sperant, *67, 1.

Omniscientia in Christo omnem tempore mortis exclusit in ipso desperationem, *395, 2.

Onera proximi quæ portanda sint, 572, 2. onera pastorum et Superiorum, *522, 1.

Onesimus fuit secundus Episcopus Ephesinus post Timotheum 584, 2; *174, 1; *344, 1. Romæ sub Trajano martyrio coronatus, *344, 1. Philemonis heri rebus quibusdam compitatis, Romam fugit, ibique a Paulo conversus, ab eo ad herum cum epistola mittitur, *343, 2. Phryx erat, *344, 1. in gratiam rediens cum hero, vir doctus et egregius factus est, *ibid.* quid nomen sonet, 2.

Onesiphorus tria charitatis officia Paulo exhibuit, *280, 2.

Onychini duo ephod pontificis quid mystice designarent, *195, 2.

Operarius evangelicus comparatur militi, pugili, agricolæ, *284, 2. operarius inconfusibilis quis, *287, 1.

Operatio virtutum quæ dicatur, 373, 2. operationes sunt miracula, quæ distinguuntur a gratia, 372, 2.

Opes Plutonis sunt compedes, *258, 2. sunt dolores et spinæ tripliciter, *260, 1. earum mala et epitheta, 2. iis in hac vita non est inhiandum, *256, 2. earum contemptum suadet brevis vita qua iis utimur, earum vilitas, et mors, *ibid.* eas non sectetur Episcopus, *214, 2. — *Vide Divitiæ.*

Opifices quomodo multum meriti ex operibus suis colligere possint, 684, 2; *108, 1. opifices pii qui, 645, 1.

Opificia mechanica olim sancti exercuere, *182, 1.

Obsonion quid sit proprie, 114, 2.

Optare æternam damnationem licet pro multorum salute, 157, 2.

Operis supernaturalis dignitas tota est a gratia, 25, 1. quomodo opus Dei simus, 233, 2. omne opus hominis justi non est peccatum, 68, 2. opus modicum in se, factum ex gratia meretur vitam æternam, 137, 1, 2. quam opus bonum proportionem habeat cum æterna gloria, *ibid.* cur opus ex voto factum sit melius eo quod sit sponte, *244, 1. operis initio formanda crux, *53, 2. opus conjugale quam verecunde peragendum : quando in eo mortalis et venialis sit libido, 567, 1.

Opera debent fidei jungi, 60, 2, et ei esse conformia, *147, 2. solis naturæ viribus facta a justificatione Paulus excludit, 59, 2. sunt ea impertinentia ad salutem et sanctitatem, 280, 2. opera fidei, timoris, spei, quæ fiunt ex legis præscripto, peccatorem disponunt ad justitiam : si ex charitate fiunt, de condigno merentur justitiæ augmentum, 60, 1. declarant operantem esse justum, *ibid.* quomodo dicantur ardere, 271, 2. quæ in iis consideranda, 294, 1. quam ea perfecte facere debeamus, 588, 2. eorum bonitas Deo est ascribenda, 432, 2. sunt

sarcina viatorum pergendum ad tribunal Christi, 575, 2. opera etiam fabrilla Deo offerenda, 684, 2. quomodo opera bona tribuantur gratiæ, vocationi et electioni Dei, et non libero arbitrio, 25, 1. homini tamen sunt libera, et a libera voluntate pendent, 280, 2; 303, 2; 603, 1. habent cum gloria proportionem, 58, 2. per hæc illustratur gratia Christi, 76, 2. sunt dona Dei, 303, 2. non omnia sunt præcepti, sed aliqua consilii, 331, 2. non prosunt sine charitate, 379, 1. prosunt tamen penitenti ante reconciliationem, *ibid.* quomodo Deus nobis ea præparet, 578, 2. vocantur lux, 633, 2. eorum necessitas, merita et merces, 58, 1, 2; 59, 1; 178, 2; 269, 1, 484, 1. sunt nostra lorica, 679, 2. iis nititur nostra spes, 92, 2. sunt fundamentum futuri ædificii in cælo, *267, 1. iustificat nos, *456, 2. mire placent Deo, *521, 2. cur ea dicantur corona justitiæ, *311, 1. opera nostra quomodo sint Dei et nostra, et inducant debitum justitiæ commutativæ, *313, 1. opera omnia infidelium non sunt peccata, 235, 1; *827, 1. quid sit operibus bonis præesse, *343, 1. opera ad extra toti SS. Trinitati sunt communia, 373, 1. opera Sanctorum quomodo impediatur Satan, *123, 1. Paulus esto per gratiam salvatos nos dicat, opera tamen requirit, 76, 2; 79, 2. peccata dicuntur opera carnis, 565, 2. opera indifferentia ad Dei laudem etiam sunt facienda, *550, 2. opera misericordiebant sunt opera Dei, *32, 1. opera legalia non conferre debent ad delenda peccata, 72, 2. hæc Paulus sugillat, non alia, 19. Judæi jactabant ea, quasi ob ea ad salutem eligendi, 165, 2 et seqq.

Orare licitum lingua quam non intelligis, 391, 2. est orandum pro Superioribus, etiam Ethnicis, *194, 1. orare omni loco possumus per orationes jaculatorias, *200, 2. cur id Paulus jubeat, *ibid.* orare ad Dominum, pro Dominum, *482, 1. sex modis in orando peccatur, 141, 1. orare debent ad perfectiorem statum aspirantes, *147, 1. quid orandum potissimum a Deo, *168, 2. orandum semper : et quomodo hoc intelligendum, 684, 2; *139, 2. quomodo Christus oret pro nobis, 149, 1, 2. cur orantes manus levant, sex causæ, *202, 1.

Orationem Dominicam discere quisque et intelligere debet, 392, 1. oratio Christi sæpe fuit cum lacrymis, *394, 2. oratio optima quæ sit, 141, 2; 143, 1; *168, 2; *194, 1. etiam non intellecta vinum suam habet, 639, 1. est facienda in spiritu, 684, 2. tam ea est animæ necessaria, quam cibus corpori, *201, 1. humiles ac mites efficit, *ibid.* fistula cælestis est, *110, 1. ejus vis, *346, 2. ea invocandum auxilium Dei et Sanctorum, 683, 2. ad eam in omnibus recurrendum, *522, 2. an distinguatur ab obsecratione, *193, 2. ejus elogia et incitamenta, *139, 1. est optimum remedium temptationis, 343, 2. in templo melius fit quam domi, *201, 1. ei repugnat ira et disceptatio, *203, 1. erat in conviviis primorum Christianorum usitata, 660, 1. oratio piorum multum valet ad conversionem fidelium, 684, 1; *196, 1. orationes pro defunctis ab initio Ecclesiæ fuere, *160, 1. oratio consecratoria, etiam practica est, 363, 2 et seqq.; 364, 2.

Oratoris boni quæ sint partes, 646, 1.

Oratoria S. Michaeli sacra plurima Colossis erant, *96, 1.

Orbis terræ futurus quis sit, *366, 2.

Ordinandos examinari tum quoad vitam, tum quoad doctrinam jubet Concil. Tridentinum, *249, 1. et eorum nomina publice proponi, *216, 1. quam probari debeant, exemplo S. Leonis ostenditur, *249, 1.

Ordinatio in Sacramento Ordinis manuum impositione suscipitur, 39, 1, 2. hinc eam Græci vocant manus impositionem, 473, 2; *233, 1.

Ordo dæmonum : sed ille desinet finita Ecclesia militante, 674, 1. ordo angelicarum hierarchiarum, 596, 2. quis ordo resurgentium sit futurus, 403, 1. ordo Melchise-

dech qui sit, *418, 2. ordo quantum sit bonum in omni re, *84, 1. est totius universi vinculum et salus, *ibid.* ordo decorus in Ecclesia Paulo valde fuit cordi, 597, 2; *84, 2.

Ordo Sacramentum est, *233, 1; *278, 2. passim vocatur manus impositio, *ibid.* ejus forma et materia, *278, 2. ad ordines altiores surt promovendi qui in minoribus bene se gesserunt, *317, 2.

Ordines Mendicantes non manducant panem otiose, *170, 1. eorum institutores non retractant in morte monachismum, ut volunt hæretici, 270, 1.

Organorum et musicæ usus in templis commendatur, 392, 1. organa theatra olim e templis ejecta, *ibid.*

Orientales dum quem honorare volunt, in terram se prosternunt, *398, 1. Orientis linguæ pleræque filiæ sunt Hebraicæ, *501, 1.

Originalis commentario (de) in Epist. ad Rom. censura, 31, 1, 2. semina jecit pelagianismi, 61, 2. censuit vitii singulis suos præesse dæmones, 673, 2. et animas quasi in carcerem detrusas, 448, 2. et corpus hominum in resurrectione in globum mutandum, *56, 1. et gentes salvari posse sua recta vita, 59, 2. et peccata, quæ anima antequam corpori jungeretur, in cælo commisisset, mortis hominis causam esse, 98, 1; 588, 1; *820, 2. et diabolus fuisse Christo dominatum, 110, 2. et solem, lunam et elementa esse animata, 139, 1. dæmones aliquando salvandos, 196, 1; *78, 1. et angelos multis sæculis ante mundum esse creatos, *321, 1. se castrando peccavit, 564, 1. quomodo ejus errores S. Hieronymus transcribat, 81, 2; 596, 1.

Originalis peccati radix : ea non fuit in Christo, *415, 1. est id duplex, actuale et habituale, 99, 2. est nobis voluntarium voluntate aliena, 100, 1. quomodo id in Adamo omnis anima contraxerit, *415, 2. non est substantia mala, 443, 1, 2. — *Vide* Peccatum.

Ornatus mulieris juxta S. Petrum, *204, 1. ornatus studiosæ mulieres sunt, 203, 1. ornatus nimis non caret impudiciæ suspitione, 204, 1. dedecet is maxime illas in templo, 2.

Orphanis prospicit Christus ille relictus tutor, 479, 1.

Os gladii quid sit, *388, 2. os bovi trituranti non occidendum : quomodo id tropologice intelligatur, 829, 1; *247, 1. os est a turpibus custodiendum, 512, 2; 646, 2 et seqq. ad oris regimen servandum stimulus, 646, 2. oris veritas quæ sit, 634, 2. ore fit confessio ad salutem, 178, 2.

Osculum reconciliationis est symbolum, 512, 2. osculo invicem salutabant Gentiles et Hebræi, *ibid.* item Christiani ante communionem, et cur : sed is mos jam sublati est, *ibid.* est id jam in usu in quibusdam Ecclesiis, *ibid.* quatuor de causis honeste datur, *ibid.*

Osculabantur primi Christiani prono corpore limina et januam templi Apostolorum, 16, 1.

Oseas quomodo foderit uxorem quindecim argenteis, *454, 1. jussus fornicariam uxorem accipere, quid repræsentet, 401, 2.

Osiris pingebatur ab Ægyptiis quasi sceptrum habens in se oculum insculptum, *389, 2 et seqq.

Ossa Elisei quomodo prophetarint : item ossa Josephi post mortem per castra deducta, 387, 1.

Ostendere subinde facere significat, 282, 2; *17, 2.

Ostium sermonis, quid sit, *110, 1.

Otiosus ab ordine suo et creatione deficit, *169, 1. ejus inertia et turpitudine, *171, 1. otiosi sibi, aliis sunt curiosi, *168, 1. curiosi sunt, garruli, dicaces : non agunt, sed satagunt, *185, 1. hirundinibus sunt similes, *ibid.*

Otium fugiendum monet Apostolus, *129, 2; *169, 1; *170, 2 et seqq. vivi hominis sepultura est, *170, 2. ejus effectus, 171, 1. otium et curiositas plerumque sunt conjuncta, *129, 1. quod otium agat virgo, 317, 1.

P.

- S. Pachomius diabolum specie Christi sibi apparentem facto crucis signo a se repulit, 494, 2. qua occasione conversus sit ad fidem, *513, 1.
- Pactum subiinde testamentum dicitur, 158, 2; 366, 2.
- Pædagogus quis Græcis esset, 547, 1.
- Pæderastia infames fuere philosophi veteres, 53, 1. pæderastia Cretensium, *323, 2.
- Pallor decet pugilem Christi, 336, 1.
- Pancratiastæ toto corpore certabant, 333, 2.
- Panes azymi cujus rei typus sint, 288, 1. panes Orientalium erant lati, 346, 1. panes propositionis vocantur nebraice panes faciei: erant duodecim, et quare: sal et thus eis imponebatur, *432, 2. quid denotent allegorice et tropologice, *ibid.* panem frangere significat in Script. convivari, 346, 1. quomodo Eucharistia panis dicitur, *ibid.* panis omnem cibum significat, *ibid.*; 361, 2. non manet panis in Eucharistia, sed transsubstantiatur, 363, 2.
- Panoplia militis Christiani, 685, 1; *138, 2. panoplia Dei, 682, 2.
- Parabola figura verborum, typus rerum est, *437, 2. quomodo Isaac fuerit parabola, *480, 1. parabolis utilis Paulus et Hebræi, 28, 1.
- Paradisus est locus Beatorum separatus in cælo, 501, 2. vox paradisi est Hebræa vel Persica, *ibid.*
- Paralogismi aliquot hæreticorum, 5, 1; *84, 2. paralogismus quid sit, et quando committatur, *83, 2.
- Paranymphi tria sunt munia, 490, 1. quantum parentum pietas prosit filiis, *273, 1. illis filios Deo dantibus, alios is reponit, 319, 1. quomodo in iis filii sanctificentur, 192, 2. debent iis instructionem et castigationem, 670, 2. ne sint in eos assidue duri, *108, 2. non acquiescendum iis vocante Deo, 523, 1. honor iis debitus quatuor comprehendit, 669, 1. qui iis immorigeri, in prolibus infelices sunt, 670, 1.
- Paritate animorum (in) est amicitie perfectio sita, *38, 2.
- Parochis incumbit administratio Sacramentorum, 253, 1. suos catechismum docere debent, 576, 1.
- Partem diei festi quid vocet Apostolus, *91, 2.
- Partiariorum quæ esset hæresis, *289, 2.
- Particula exclusiva in divinis non tangit personas, si attributa sint essentialia, non notionalia 263, 2; *264, 2.
- Parvuli peccatum originale contrahunt, 98, 1; *415, 2. cur parvulis Christus manus imposuerit, *234, 1.
- Pascha unde dictum, et quid significet, 288, 1; *485, 1. dies paschæ et passionis inchoatus erat, cum verba consecrationis Christus pronuntiavit, 365, 1.
- Pascua benedicuntur in die S. Stephani, *228, 2.
- Passio an a tentatione distinguatur, *377, 2. in omni passione habemus opem Spiritus Sancti, 140, 2. passionem tam remuneratur Deus quam opera, 58, 2. quam proportionem habeant cum æterna gloria, 137, 2. sunt optime doctrinæ et disciplinæ, *396, 2. sanctis cooperantur in bonum, 143, 1. eas præcivit Deus iis ab æterno, 146, 2. quatenus humanæ sunt, non sunt condignæ ad futuram gloriam, sed quatenus Christi meritis innixæ, 137, 1. quam sint ambiendæ, *371, 2. semper iis majores sunt consolationes divinæ, 421, 2. passionem mundi fel sunt sine melle, *ibid.* passioni Christi ascribitur satisfactio, 90, 2. ea fuit plena, et sufficiens, sed deest illi in nobis communicatio, *79, 2. est consummatio abbreviata, 173, 1. passio Christi et Martyrum omniumque fidelium una est, *79, 2. Martyrum passio est triumphus Dei, 428, 2.
- Passiones Christi tripliciter dicuntur, 421, 1. eas adimplemus prædicando Evangelium, et patiendū, *602, 1. quomodo eas implet Apostolus, *79, 1, 2.
- Passionum sedes, 178, 1. quid eas irriter, 644, 2.
- Pastores (per) quos intelligat Paulus, 630, 2.
- Pastoris et Episcopi officia, *234, 1; *270, 1. ejus quatuor doles, *296, 1. vigilet et sobrius sit, *212, 1. dum est avarus, nequit suo muneri satisfacere, *258, 1. ejus est recta docere, et sancte vivere, 331, 1; 630, 2; *191, 1. accipiat sustentationem a populo, mercedem expectet a Deo, *247, 1. ab eo requiritur cura, non curatio ovium, *215, 1. eorum sollicitudo est suavis, 498, 1. alacritate calcari debent in præparatione Evangelii, 681, 2. sunt milites Dei, *190, 1, 2. auctoritas iis concilianda non pompa, sed laboribus, 496, 1. sunt patres spirituum, *500, 2. eorum munus, prædicatio et Sacramentorum administratio, 253, 1. pastor magnus est Christus, *523, 1. — *Vide* Episcopus.
- Pastoris titulus quis fuerit locus Romæ, *317, 1. libri cui nomen *Pastor*, auctor est Hermas, 132, 1.
- Pater Hebræis significat auctorem et causam efficientem, 595, 1.
- Pater Deus omnia dat Filio, et nihil ei negat, 149, 2. tamen seipsum dominio non exuit, 404, 2. metaphorice ei in passione tantum iratus fuit, *395, 2. in ejus resurrectione valde glorificatus est, 108, 1. quomodo per verbum omnia creavit, *351, 2. est principium ex quo omnia promanant et facta sunt, 197, 2. comparatur soli et luci, *352, 2.
- Patris nomen quomodo possit esse commune toti SS. Trinitati, 625, 1. cur Deus dicatur pater gloriæ, 595, 1. cur pater misericordiarum, et non iudiciorum, 421, 1. cur item pater animarum, *300, 2. pater nobis et Christo communis est, *373, 1. quomodo Christus sit pater noster, 97, 1. cur dicatur pater futuri sæculi, 640, 2. pater cum filio unum censetur, *122, 2. apud Hebræos convivis cibos et panem frangebatur, 345, 2. in patris potestate non est filiam servare virginem, aut matrimonio jungere, si ipsa nolit, 321, 1.
- Patres antiqui testamenti non sunt adepti primariam re-promissionem æternæ beatitudinis, *487, 1. cur in Chanaan sepeliri voluerint, *482, 2. ad patriam cælestem sæpe adspirabant, *478, 2. sunt fide probati, *471, 2.
- SS. Patres quomodo negent in cælo sexuum diversitatem, 682, 1. cur semper Eucharistiam, mysterium arcanum vocent, *217, 1.
- Paternitas a Deo descendit, 615, 1.
- Pathica libido quæ sit, 53, 1; *104, 1.
- Pati interdum capitur pro contingere, *377, 2. pati Christianum est, *283, 1. pati pro Christo, duplici de causa dicitur donum Dei, *18, 1. plus est quam suscitare mortuos, est item donum Dei, *ibid.*
- Patiens scopus est et signum, in quem sua tela inimici conciant, *125, 1. in omnem comparatus est fortunam, *501, 2. eum nemo lædit, sed coronat, *498, 2. est prædestinatus ad gloriam, 197, 1.
- Patientia optime inimicum vincit, 217, 1. ejus tria incitamenta, 146, 2. sex gradus, 215, 2. duodecim argumenta ad eam incitantia, 136, 2 et seqq. ejus illustra exempla, *283, 1. quam sit Christiano necessaria, *302, 2. est sublimis philosophia, 457, 2. thorax est impenetrabilis, *494, 2. a spe roboratur, *116, 1. ea opus est ut pacem habeas, et cum aliis serves, 568, 2. est virtus regia, 622, 2. eam qui amittit, amittit confidentiam, *465, 2. est actus non elicitus, sed imperatus a charitate, 380, 2. dupliciter operatur probationem, 92, 1. et patientiam tribulatio, *ibid.* pro perseverantia sumitur interdum, *405, 1. ejus actus, officia, effigies, *466, 1. ejus fructus et bona, *501, 2. qui sint secundum patientiam boni operis, 58, 2.
- Patriarcha vox unde derivetur, ut quis sit, 615, 2. qui hoc nomine dici queant, *414, 2. cur ita dicantur Abraham et Isaac et Jacob, *ibid.* in morte mira sunt vaticinati, *482, 2. Patriarchis sanctis Deus promisit posterorum conversionem, 196, 1, 2.
- S. Paula Romana ita in pauperes profusa fuit, ut aliena

veste et sumptu sepeliri debuerit, 472, 1. ei Scriptura fuit clypeus adversus omnes tentationes, *805, 1. quanta penitentia parva delicta expiarit, 467, 2. luxum levem vestium, austeritate punivit, *205, 1. quod ejus Theatrum fuerit, 282, 2.
S. Paulinus Nolanus seipsum pro viduæ filio in servitutem Wandalis tradidit, 472, 1. sua in serviendo fidelitate civibus suis libertatem impetavit, 671, 2. ejus sufficientia, *256, 2.

S. PAULI Apostoli nomen, genus et indoles.

Pauli nomen an Græcū, Hebræū, an Hebræo-græcū, 37, 1. an in baptismo nomen Paull assumpserit loco Saulis; cur et quando dictus sit Paulus, *ibid.* quid latine id sonet, 3. hujus etymologia, *ibid.* scientia ipsius naturalis et Græcæ, 3, 1. Platoni comparatur, *ibid.* Tarsi in Cilicia est natus, 1, 1. et nobili prosapia ortus, *ibid.*; *42, 1. erat ibi senatorii ordinis, *314, 1. quomodo sine lege aliquando viveret, 421, 1. an uxorem habuerit, 242, 1. scenofactoriam exercuit, *169, 2. fuit civis Romanus, 1, 1. et corpore parvus, at animo magnus, 37, 2; 484, 2. quomodo a progenitoribus servierit Deo, cum fuerit persecutor, *278, 1. Græcorum est disciplinis excultus, 1, 2. fuit secta Phariseus, *ibid.*; *42, 1, 2. ducem se præbet Judæis ad extirpandos Christianos, putans se obsequium præstare Deo, 4, 2. ejus zelus pro judaismo, *ibid.*; 521, 2; 322, 1. quomodo se Hebræum vocet, 496, 1; *42, 1, 2. fœcundo et uberi erat ingenio, 521, 2; *322, 1. quomodo sit segregatus ex utero matris, 522, 1.

Pauli vocatio et gratia.

An in eo fuerit anima Adæ, *186, 1. an dotes ejus naturales respexerit Deus in ejus vocatione, *183, 1. quomodo illum Christus persequeretur, *186, 1. orante Stephano conversus, *196, 1. qualem gratiam a Deo acceperit, et quomodo ei cooperatus, 2, 2. ejus peccatum ignorantia non excusabat, sed minuebat, *186, 2. quantum id fuerit, *ibid.* Dei in ipsum longanimitas, *187, 2. in illo mystice impletum vaticinium Jacobi de Benjamin, 1, 2. in judaismo erat plane separatus a Christo, 456, 2. vocatus a Christo jam glorioso e cœlis, 2, 1. est Apostolus vocatione et munere, non tantum nomine, 38, 1. est vocatus ad docendas gentes, et fundandas Ecclesias, 39, 1. Apostoli titulo non minus gaudet quam duodecim illi a Christo vocati, *ibid.* vocatus est a Deo, non ab hominibus missus, nec intrusus, *ibid.*; 516, 1, 2. quoto ætatis anno conversus sit, 12, 1; 504, 2. tunc Christus ei corporaliter apparuit, 400, 2. quomodo ab eo fuerit comprehensus, *46, 2. peccans ex ignorantia minus indignus fuit venia, minusque impedit Dei vocationem, quam si peccasset ex malitia, *184, 1. quomodo carnalem se dicat et sub peccato venundatum, 122, 1 et seqq. a gratia Dei quasi a remora detentus est, 3, 1. ejus cum eo duellum, *ibid.* suam ipse vocationem miratur et describit, *ibid.* non ita in gratia fuit confirmatus, quin ab ea excidere potuisset, 335, 2. fuit ante conversionem persecutor Ecclesiæ, 521, 2. ejus triplex gratia ad evangelizandum, 612, 2. incertus de sua salute fuit, 335, 2; 424, 3; *311, 1. quomodo gratia Dei in illo vacua non fuerit, 401, 1. sed ei est cooperatus, *ibid.* et seqq.

Pauli sapientia.

Est abyssus sapientiæ, 3, 2. oceanus est sapientiæ, zeli et spiritus divini, 6, 1. cum balista comparatur, *ibid.* cur eloquentia et sapientia humana abstinuerit, 264, 2. nemo eo magis novit medullas Scripturarum, 1, 2. linguæ et prophetiæ donum habuit, 43, 1. ejus sapientia in epistolis elucet, 3, 1. ejus de sua doctrina testimonium, 6, 2. Platonicos Corinthi confutat, 448, 2. quo-

modo omnium Corinthiorum linguis loqueretur, cum una tantum ibi esset lingua, 392, 2. legatus fuit ad promissionem vite, *271, 1, 2. ejus sublimitas et profunditas, 6, 2; 583, 2. quomodo imperitus fuerit sermone Græco, 492, 2. imperitus in grammatica, sed non in rhetorica, 493, 1; *343, 2. an præter obscuram fidem habuerit claram scientiam articulorum fidei, *278, 1.

Pauli virtutes.

Ejus continentia: nam ne quem gravaret, suis manibus operatus est ad victum comparandum, 497, 1. suam liberalitatem modeste extenuat, 427, 2. ejus prudentia in tollendis animæ morbis, 468, 2. ejus magnanimitas, *344, 1. jurans non jurat per conscientiam, sed per Christum, 456, 1, 2. ejus ardens in Deum amor, 452, 1, 2. castitas, 7, 2. temperantia, *ibid.* penitentia, *ibid.* in pauperes benignitas, 240, 2. humilitas, 7, 1; 238, 2; 312, 1; 332, 2; 612, 1. hinc Apostolorum se dicit minimum et novissimum, 282, 1; 400, 2. virgo fuit, 7, 2; 328, 2. quomodo ejus nomen apud S. Ignatium irrepserit inter conjugatos: cur mulierem non circumdaxerit, *ibid.* ejus mortificatio et pugna, 334, 1. ejus constantia in laboribus et persecutionibus, 497, 2; *316, 2. fuit virtutum omnium arca et speculum, et eas vita magis quam sermone docuit, 7, 1. ejus humanitas in salutandis Christianis, 241, 2. ejus modestia, 238, 2; 239, 1; 482, 1; 504, 2; *115, 2; *303, 2; *314, 2; *322, 1. quomodo a se laudando iterum iterumque resiliat, 489, 1. in omnibus actionibus semper ad orationem recurrebat, *522, 2. ejus religiosa sinceritas, 508, 1. ejus comitas erga omnes, *121, 1. ejus in fide dilatanda studium, 486, 1, 2. cum libero arbitrio cooperatus est, 401, 1. quam fuerit ab ambitione alienus, *322, 1, 2. ejus vita fuit cœnobitica, 459, 1. cur se perfectum esse neget, *51, 1. quomodo se primum peccatorum dicat, *186, 1; *187, 1.

Pauli charitas et zelus animarum.

Animarum salutem et lucrum quanti fecerit, *13, 1. optat diutius vivere ad salutem proximorum, quam esse cum Christo, *16, 2. affectus et amor ejus erga suos filios, 9, 1; 431, 1; 459, 2; 507, 1; 554, 2; 555, 1; *121, 2; *125, 2. tristitia ejus ob Judæorum reprobationem, 9, 1; 156. suum erga eos affectum testatur, *ibid.*; 192, 1. ejus gemitus, 142, 2; *16, 2. ejus charitas æstuantissima, 152, 2; *44, 1. sollicitudo ejus pro omnibus Ecclesiis, 9, 1; 497, 2; 314, 1; *322, 2. Jesu nomen semper in ore et corde habebat, 7, 2; 41, 2; 593, 1. optat sibi æternam damnationem exemplo Moysi, 457, 2. hæc ejus optatio non fuit absoluta, utpote Dei ordinationi repugnans, *ibid.* Judæis factus Judæus, Gentibus exlex, et omnibus omnia, 9, 1; 332, 1. mundum contempsit, et crucem dilexit, 7, 2. assidue cum Christo conversatur, 8, 1. ejus cœlestes cogitationes, gratitudo et oratio, *ibid.* ejus zelus pro judaismo, 1, 2. ejus in Timotheum amor, *272, 1. cur justitias legis pro Christo arbitretur ut stercora, *44, 1. gratis evangelizavit, 331, 2; 332, 1; 493, 2.

Pauli potestas Apostolica et auctoritas.

Corinthium incestuosum excommunicavit, 286, 1. alimoniam accepit a nonnullis dum evangelizat, 331, 2. quam difficile ei fuerit cedere jure sustentationis apud Corinthios, et quare jure illo cesserit, 332, 1. pro pauperibus Judæis collectam passim fieri jubet, 416, 1. commissæ ei dispensatio Evangelii, 331, 1. excusat se a simulatione et hypocrisi, *522, 2. quomodo Apostolum se esse probet, 330, 2; 507, 1, 2; *277, 2. quomodo se a pseudoapostolis distinguat, 282, 1; 328, 2; 457, 2; 485, 2. schismatis Corinthii auctores arguit, 279, 2. Petrum

Judaizantem arguit et in viam revocavit, 4, 1. an vere eum reprehenderit, 529, 1. cur Timotheum circumciderit, non Titum, 527, 1. ordinat quomodo collationes spirituales in Ecclesia fieri debeant, 388, 1. modeste ceteros Apostolos deprimit, ut suam auctoritatem erigat, 527, 2. quomodo ei Apostolatam Deus Pater demandarit, *176, 1, 2. cur Evangelium cum Petro et aliis Apostolis contulerit, 523, 1; 526, 2. in ejus potestate erat vita et mors propria, *13, 1.

Pauli efficacia in prædicando.

Quomodo ob eam dici queat magus animarum, 11, 1. ejus salutaciones, non tantum signa benevolentiae, sed et causae benedictionis, 43, 1. in Hispania prædicasse eum multi tradunt, 240, 1. quos ibi Christo pepererit, *ibid.* quibus rationibus et discursibus fidei mysteria probavit, 264, 2. benedictio ejus multiplex, 241, 1. efficacia ejus in dicendo admirabilis, 9, 1, 2. hinc magneti confertur, *ibid.* et Deus habetur, *ibid.* haec efficacia unde colligatur, 10, 2. haereticorum omnium errores sua sapientia configit, 4, 1. quomodo usus dono linguarum, 392, 2. ejus conciones erant catecheses, 575, 2. ejus in annuntiando Evangelio libertas et alacritas, 685, 1. Corinthiis novam philosophiam novo dicendi et agendi modo persuadere debebat, 260, 2. fuit paranympus in animabus Deo per fidei desponsandis, 489, 2.

Pauli labores, pœnæ, carcer et martyrium.

Moriens carnifices convertit, 12, 1. qui ejus timores interni fuerint, 463, 1. Judæi adversus eum Thessalonicae seditionem concitarunt, *114, 1. an fuerit podagricus, et perpetuos dolores capitis habuerit, 503, 1, 2. ejus stimulus carnis fuit tentatio carnis, *ibid.* hunc a se tolli petens, non fuit exauditus, 505, 1. an in carcere colaphis a dæmone cæsus sit, 503, 2. mortem præscivit, *309, 1. ætatis anno LXVIII moritur, 12, 1. an opera Senecæ liberatus fuerit a vinculis Neronis, *315, 2. passiones, mortificationes et mortem Christo velut calicem libat, 442, 2. Antiochia lapidatus est et pene occisus, *302, 1. laborum ejus cursus qualis et quantus, *310, 1. cervix ejus præcisa subsultans tres fontes elicit, 12, 1. quæ ejus tribulatio in Asia fuerit, 421, 2. qualia passus sit Corinth. 260, 1, 2. hostes suos parum est moratus, *10, 2. gloriatur in sola cruce, 578, 2. et in infirmitatibus, 498, 2. ejus labores pro Evangelio, 2, 2. passus Romæ, cum Petro, sub Nerone, 11, 2. Mortis ejus causa fuit, quod Simonem Magum sublimi deiecerit, et pellicem Neroni detractam Christo pepererit, *ibid.* et seqq. 492, 1; *315, 1. quomodo adimpleret ea quæ deerant passioni Christi pro Ecclesia, *79, 1. bestiis fuit obiectus, 407, 2. in carcere petit sibi offerri libros et membranas, *314, 2. vinctus in cœlis animo habitabat, 602, 2; *55, 1, 2. seipsum quotidie immolabat, 8, 2. ejus vincula sunt gloriæ insignia,

Pauli miracula.

An noctem et diem sub aquis fuerit, et inde miraculo eductus, 496, 2. umbra ejus et sudaria morbos sanant, mortuos ad vitam revocant, 13, 1. viperam illeus manu excutit, 14, 1. Episcopum Arianum excecavit, 2. apparuit Neroni tertio a martyrio die, 12, 2. Chrysostomo commentanti visus adstare, et scribenda dictare, 6, 2. in ejus gratiam Melita venenatis caret animalibus, 14, 1. in festo conversionis ejus nati venenatis morsibus medetur, *ibid.* Constantino Imper. apparens sanitatem promittit, *ibid.* illo basilicam ei erigit, *ibid.*; 17, 1. apparuit S. Thomæ Aquinati, eum docet, et in cælum sustollit, 10, 1. S. Dominicum prædicatorem et prædicatorem magistrum consecravit, *ibid.* corpus ejus ad Catacumbas fulmine retentum, 12, 2. ejus imago lacrymata in cæde Andronici Comneni

Imp., 15, 1. mortuos ad vitam revocat, ut Eutychum, 13, 2.

Pauli fama et gloria.

Ejus reliquiarum cultus, 16, 1. ejus sepulcrum videre desiderat Chrysostomus, *ibid.* ipsum reges et principes venerabundi adeunt, *ibid.* item Christiani veteres, *ibid.* miracula multa ad ejus reliquias facta, 2. corpus ejus electro includitur a Constantino Imp., *ibid.* templum ei erectum a Constantino auget Valentinianus Junior, quod Gothi in urbis expugnatione venerati sunt, *ibid.* habitus a Lycaoniis Mercurius, 9, 2. novissimus fuit in ordine, primus in meritis, 401, 1. cur Petro a dextris pingatur, 15, 2. est una cum eo princeps Ecclesiæ, *ibid.* varia ejus elogia, 8, 2 et seq. cur dictus vas electionis, 1, 2. Eusebii de illo testimonium, 6, 2. et Luciani, 14, 1. vocatur Christi promptuarium, et a Juliano Apostata magus, *ibid.* rerum gestarum gloria universos Apostolos, Patriarchas, Prophetas Sanctosque omnes veteres excelluit, 17, 2. tituli ei et Christo communes, ipse orbis doctor, Christus redemptor, 2, 2. ejus vincula Neronis purpuræ præferuntur, *285, 2. creditus a nonnullis spiritus veritatis a Patre missus, a Christo promissus, 3, 2. est habitus legislator Gentium, 15, 2. merito Corinthiacus, Achaicus, Macedonicus, Thracicus, et Asiaticus dici potest, 485, 2. rhinoceroti confertur, *188, 1. quomodo Asia tota innouerit, *83, 1, 2. quomodo sit Propheta, 387, 1. est singulari Apostoli nomine honoratus, 10, 2. ejus sepulcrum celebratur, 12, 1. Elisco comparatur, 11, 1.

Pauli raptus et revelationes.

Revelationem de sua salute non habuit, 835, 2; *4, 2; *311, 1. didicit Evangelium non ab homine, sed Dei revelatione, 3, 1, 2; 524, 2. quando ejus raptus contigerit, 499, 1. non fuit tunc ejus anima a corpore separata, *ibid.* vere cum corpore et anima raptus fuit, 501, 1. an vere nesciret modum sui raptus, *ibid.* semel tantum est raptus, *ibid.* in raptu non vidit divinam essentiam, 502, 1. quæ ibi audierit arcana, 3, 2; 502, 1. ei Dominus Corinthi apparet, 246, 2. sapientiam et gloriam Dei scivit revelatione divina, 263, 1. in qua prima defensione affuerit ei Deus, *315, 1. quanto tempore post primam hanc defensionem occisus sit, *ibid.* multas habuit revelationes, 13, 2; 502, 1. a Christo in Macedoniam vocatur, 18, 1; 4*, 1. angelum illi Dominus naufraganti submittit: illi adfuit cum sisteretur Neroni, 13, 2.

Pauli gesta et itinera.

Duplici de causa Jerusalem ablit post conversionem, 526, 2. an statim a conversione eo sit profectus, 523, 1, 2. cur Petrum ibi adierit, 523, 2 et seq. Onesimum Romæ in vinculis convertit, et cum epistola Colossas mittit ad herum, a quo fugerat, *341, 1. ejus persecutiones in Macedonia, 428, 2. cur tam diu Ephesi voluerit morari, 429, 1. quando contigerit ejus fuga per sportam, et qua occasione, 498, 2. cur ad urbes primarias primo Evangelium detulerit, 593, 1. Corinthi sequiannum conversatus multos convertit, 246, 2. Alexander ærarius ei valde restitit, *314, 2. cur iter suum ad Corinthios distulerit, 428, 2. ejus iter et peregrinatio causa Evangelii relegitur, 10, 2; 239, 2; 419, 2; 423, 1; *311, 2. quando in Hispaniis prædicaverit, *315, 1. Colossis non prædicavit, *83, 1. cæteris Apostolis amplius laboravit, 332, 2. Thessalonicae matronas nobiles convertit plurimas, *114, 1. hinc eo Timotheum mittit, ut conversos in fide confirmaret, *ibid.* Hierosolymam juvenis abire, ut Gentilium scientia imbutus, sacris disciplinis erudiret, 1, 2. Ephesi biennio mansit disputans, *83, 1. cur Corinthiis suadeat ut fornicarium in gratiam admittant,

428, 1. omnes ejus moras, cursus et recursus non narrat S. Lucas, 419, 2; 423, 1.

Vita de Paulo.

Ejus martyrio interfuit S. Stephanus, 12, 1. vixit caelebs, 7, 2; 328, 2; *38, 2. ostendit S. Ambrosio corpora SS. Gervasii et Protasii, 14, 2. S. Alberto Magno exposuit loca quaedam difficilia in S. Dionysio Areopagita, 15, 1. Christo appingitur cum Petro, 2. Theclam virginem Deo despondit, 492, 1. scribit e secundis vinculis, quod sibi in primis venerat, 315, 1. Felicem praesidem perterret de iudicio futuro loquens, item Festum et regem Agrippam, 9, 2. discipulos sibi aequat in scribendis epistolis, *115, 2. cur Timotheum sanare noluerit, *249, 2. quod ejus videndi habuerit desiderium, *278, 2. carnis splendores et excellentias credit detrimenta, *43, 2. conscientia ejus pura et simplex, *278, 1, 2. preces Romanorum efflagitat, 241, 2. post prima vincula visitavit etiam Asiam Ecclesias, *317, 1. eum dicentem audire optavit Augustinus, 9, 2 et seq; 553, 2. non habuit stigmata in manibus et pedibus, 583, 2. cur abortivum se vocet, 400, 1. ejus hospitium in templum transiit, 17, 1; *346, 1. Petro semper primatum cedit, 492, 2; 507, 1, 2. amolitur a se avaritiæ suspicionem, 241, 1; 473, 2; *67, 2. Cerinthus adversus eum seditionem movet quod praepitulos in templum duxisset, 19, 1. cur Petrum non salutet in epistola ad Romanos, 243, 1. a pseudoapostolis suggillatur, 484, 2. apostata ab Ebione vocatur, 4, 1, 2. cur fuerit Judæo-christianis et Judæis odio, 241, 2; 563, 2. an electus ad apostolatam, quia fidelis, *183, 1. pellicem Neronis Christo lucrifecit, 11, 2; 492, 1.

S. Paulus primus eremita fuit theodidactus, *429, 2. latuit mundum, *103, 1. ab anno ætatis xv in desertum concessit, *303, 2. ejus animam angeli ad cælum duxere, *363, 1.

Pauli Fagii Tobias supposititius est, *349, 1, 2.

Pauli Kostikæ elogium, 45, 2.

Paulus Samosatenus Antiochenus Episcopus cum vilis esset et pauper, litigantium pecunia se ditabat, *324, 1.

Pauper, ara Christi est, 480, 2. quomodo rex esse queat, 204, 2. quod ei datur, datur Christo, 208, 2. pauperibus Deus de victu prospicit, 473, 1. quam remunerationem dent ditioribus, a quibus eleemosynam accipiunt, 472, 2. orant pro eleemosynariis, 480, 1. pauperes Hierosolymæ erant plurimi in primitiva Ecclesia, 528, 2.

Pax reddit nos dæmonibus terribiles, *64, 1. pacis effectus, *ibid.* est scutum quo omnia hostium tela elidimus, 63, 2. animos sibi invicem connectit, 623, 1. pacis spiritualis elogia, *106, 2. eam e cælo attulit Christus, **ibid.* quantum ea sit bonum, 91, 1; 568, 2. est ea bello paranda, *106, 2. omnium esse debet moderatrix, *ibid.* pax nostra est Christus, non formalis, sed causalis, 605, 1. *Pax hominibus bonæ voluntatis*, quid sit, 145, 1. *pax* Hebræis omne bonum significat, et eam salutantes apprecabantur, 43, 1; 681, 2.

Peccare semel satius, quam esse in statu continuo peccati, 304, 1. peccat mortaliter resistens potestati civili, 220, 2. peccandi consuetudo tollit remorsum conscientiae, 638, 1. peccandi pericula assidua cogunt Sanctos ad mortem anhelare, *15, 1. peccandi necessitas hominem semper pavidum reddit, *32, 1.

Peccantes publice, publice arguendi sunt, *247, 2. peccantes ex infirmitate tolerandi, non qui ex pertinacia, 571, 1. peccans veniam rogando violationem legis sarcit, 574, 2. omnis peccans peccati sui litteras scribit, *89, 2.

Peccator quomodo a Deo induretur, 167, 2. ejus mater est mors, 601, 2. est diaboli captivus, *297, 2. dormit in tenebris, 654, 2. cur ejus mors dicatur primigenita,

99, 1. Spiritum Sanctum contristat, 646, 2. est embryoni similis, 687, 1. ei suadendum ut minus peccet, *184, 1. per fidem incipit justificari, 79, 1. qualis ejus mutatio in justificatione fiat, *376, 1. hæc difficilior est quam mundi creatio, 596, 1, 2. quomodo non intelligit, quæ operetur, 128, 2.

Peccatores omnes sumus, 78, 2. cremandi sunt extra mundum in inferno, *520, 1. infirmi sunt ex morbo peccati, 95, 1. delicti sui in vita veniam sperent, *188, 1. peccatores graves ægre convertuntur, *401, 2. tam occulti quam publici peccatores sunt in Ecclesia Dei, 287, 2; 637, 1.

Peccatum nullum vel minimum ordinatur ad illustrandam Dei misericordiam, 69, 2. nec est medium eligibile ut gravissima peccata evitentur, 70, 1. peccatum, dum peccamus, nobis intrinsecum est, 81, 1. quomodo peccatum alicui non imputetur, *ibid.* quanta mala homini attulerit, 98, 2; 99, 1. est causa mortis, 2. nisi deleatur, in nova peccata hominem pertrahit, 121, 1. eo charitas amittitur, alioquin non recessura, 382, 2 et seq. terram cælumque inquinat, *520, 1. ante legem erat quidem peccatum actuale in mundo, sed non imputabatur ad pœnam mortis, 101, 1. per legem magis auctum, 104, 2. ejus odium inculcatur, 209, 2. est velut carcer, 196, 1. id non propagatione, sed imitatione tantum in posteris transisse, hæreticum est, 97, 1. amat tenebras, 221, 2; 653, 2. est chisticidium et deicidium, 538, 1. non remittitur per solam justitiæ imputationem, sed per ejus infusionem, 454, 2. est ei fortiter resistendum, *498, 1. quia est summum malum, spontanea insaniam et voluntarius dæmon, 2. maxima ignorantia est, *393, 2; *439, 1. est quasi somnus, et mors animæ, 654, 2. item ejus morbus et corruptio, 685, 2. ex natura mortem meretur, 115, 1. est grave onus animam deprimens, 573, 1. in nos dominari nequit, nisi nos sponte ei adicamus, 111, 2; 113, 1. quomodo nos circumstet, *494, 2. peccatum sequens est pœna præcedentis, 53, 2. quomodo peccatum omne, præter fornicationem, extra corpus sit, 296, 1; 463, 1. si voluntarium non sit, non est peccatum, 120, 1. non est animæ substantia, 455, 1. est cibus durus, nec ullo stomacho digestibilis, *ibid.* ejus Deus non est auctor, 167, 1. nec ad ei impellit, 343, 1. habet regnum in anima nostra, 106, 2; 112, 1. ejus tota genealogia, et gradus consanguinitatis et affinitatis, 98, 2. peccatum actuale duplex est, 99, 2. peccatum S. Petri in simulando judaismo veniale tantum fuit, 530, 1. peccatum Adæ, et omnia ex illo secuta vocantur vetustas, 202, 2. peccatum Episcopi et Pontificis totum populum inquinat, *520, 1. peccatum sæpe capitur pro hostia expiando peccato destinata, 28, 1; 130, 2; 455, 1; *450, 2. aliud est, esse peccatum, aliud vincere peccatum, 110, 2. peccatum in justo non manet, sed latet, 81, 2. per pœnitentiam remittitur, sed per bona opera tegitur, *ibid.* quomodo peccato Christus mortuus et nos, 111, 1. peccatum in Spiritum Sanctum, et peccatum ad mortem, quid sit: hæc vix remittuntur, *401, 2. peccati et delicti discrimen triplex: sæpe pro eodem accipiuntur, 600, 1. quomodo Christus peccatum pro nobis factus, 541, 1.

Peccatum originale omnes necessario trahunt ab Adamo, nisi præveniantur, 100, 2. non consistit in ipsa concupiscentia, sed morali aversione a Deo, 130, 1. ejus radix quæ: ea non fuit in Christo, *415, 1. est duplex, actuale et habituale, 99, 2. non oritur ex traduce animæ, 100, 1. id contrahunt infantes innoxii, 101, 1. et quidem omnes, 98, 1. estque eis proprium et inhærens, 450, 2. per generationem in posteris transfunditur, 32, 1; 64, 2. non est substantia mala, 443, 2.

Peccata implere quid sit, *122, 2. quantum peccatum ea non arguere, *307, 1. ea plane eradicanda, non ratienda, *450, 1. sunt fugienda, *293, 1; *441, 1. a

- peccatis nemo resurgere potest, nisi excitante Deo, *297, 1, 2. ea prædestinatis cooperantur in bonum, 143, 1. peccata venialia sunt stipulæ, 270, 1.
- Peculatores qui sint, *182, 1.
- Peculium Dei sunt fideles peculiariter *165, 2.
- Pedes evangelizantium, sunt Apostoli discurrentes per totum orbem, 180, 2. unde et quare sint speciosi eorum pedes, *ibid.* pedes ignobiles honestius vestiuntur, 375, 1. pedes olim hospitibus lavabantur, *241, 1. pedes veritatis sunt stabiles, mendacii debiles, *301, 1.
- Pelagius peccatum originale negabat, 82, 1; 97, 1; 450, 2; *427, 2. ei non favebat Chrysostomus, 468, 1. docebat hominem etiam ante lapsum moriturum, et mori ex naturæ necessitate, 132, 1, 2. et charitatem esse donum nostrum, non Dei, 377, 1, 2. et Christianos omnes debere esse pauperes, *266, 2. merita tribuebat naturæ viribus, *523, 2. oderat dialecticam, *269, 1, 2. ejus error circa vocationem, 248, 1. erat hostis gratiæ, hinc cum oppugnans Augustinus liberum arbitrium deprimit, 21, 1; *36, 1. docebat, Deum operari velle per legem minando et pollicendo, **ibid.* et posse esse a Deo, sed velle et agere a nobis, *ibid.*
- Pendent a Deo omnia, *354, 2.
- Penulam quam sibi per Timotheum adferri jubeat Paulus, quid esset, *314, 1. est pallium ad frigus et pluviam arcendum, *ibid.*
- Per præpositio Deo Filio convenit, 197, 2; 325, 2; 625, 1.
- Pereffluere Paulo duo significat, *366, 1.
- Peregrinamur a Domino quandiu in hoc corpore sumus, 449, 1.
- Peregrinatio nostra duplex est, 450, 1. peregrinationis vagæ et incertæ incommoda, *476, 1. peregrinationes Pauli, *319, 2. aliquot a S. Luca omisæ sunt, 419, 2; 425, 1.
- Peregrini sunt omnes homines in terra, 314, 2; *478, 2.
- Peregrinus impostor ob nomen immortale in rogum se conjecit, 380, 1. Christianum se finxit, et carceri se pro fide Christi obtulit, ut eleemosynis fidelium potiretur, *840, 2; *463, 1; *513, 1.
- Perfectio Christiana in quo sita, 58, 2; 204, 2; 284, 2; 654, 1; *51, 2. quantum charitatem exigit, *172, 2. nostra meta est, *48, 2. ejus signum est proximi infirmitatibus compati, 574, 1. eam insequi debemus, ut venator leporem, *50, 1. ad eam currendum, et obliviscenda ea quæ retro sunt, *48, 2. quæ ejus rei praxis, *50, 1. ad perfectionem acer stimulus, *Hodie capi, hodie finiam*, *51, 1. ei inhians mundo carnique mori debet, 580, 1.
- Perfectus quis sit, *102, 1, 2. sola Scriptura perfectum hominem non reddit, *304, 2. perfectum quomodo se esse dicat et neget Paulus, *51, 1. perfectus viator quis, perfectum se non cogitare, incitat ad perfectionem, *48, 2. perfecti quam certitudinem habeant de sua salute, 135, 1. eorum status spiritualis est, 265, 1. qui sint Apostolo perfecti, et quæ illis sapientia proponenda, 261, 1.
- Periculis in injuriis tolerantia, 217, 2.
- Pericula ingentia Hebræi vocant mortem, 422, 2.
- Peripsema proprie quid sit, 284, 1, 2.
- Perperam agere quis sit, 381, 1.
- Persecutionem pati pios omnes quomodo sit verum, *302, 1. persecutio Antichristi tempore futura, est extrema, *163, 1. erit corporalis et spiritualis, *ibid.* persecutio non est molesta patienti, sed pati detrectanti, 441, 2. qui eam patiuntur vincunt, quia præcurrunt, 1. in ea maxime elucet Sanctorum in currendo vigor, 1. eam patiuntur, qui Christum vel religionem sequuntur, *302, 2. ea Martyribus in bonum cessit, et aliis in stimulum, 143, 2. ejus condimenta sunt Dei promissa *406, 1. — *Vide* Tribulatio.
- Perseverantes soli digni requie cælesti sunt, *385, 2.
- Perseverantia est in oratione necessaria, 685, 1. est sanvis cuilibet morituro, *310, 2. est certum signum electionis, 194, 1. ad eam requiritur gratia Dei, et cooperatio liberi arbitrii, *5, 2. ejus incertitudo, *32, 2. ejus donum est duplex, potentiale et actuale, *5, 2. est ex Deo, non a nobis; nemo se illam habere certus est, sed illam a Deo sperare debet, *ibid.* distincta est a gratia, justificante, *ibid.* datur humilibus et sollicitis, *ibid.* medium ad ipsam assequendam, *6, 1.
- Perseverare omnes possunt, si velint 312, 1.
- Personarum acceptio non habet locum in gratuitis, 59, 2. in Deum cadere nequit, *ibid.*; 527, 2. personarum SS. Trinitatis proprietates, 513, 1.
- Petra scandali quid sit, 199, 1, 2.
- Peruani famuli et uxores cariores, domino et viro defuncto, in rogum vivi se cum eo injiciunt, 464, 2.
- S. Petrus Apostolus cur in epistola Pauli ad Romanos non salutetur, 243, 1. regiones ab eo perlustratæ cum Roma pulsus esset, *ibid.* an vere a Paulo sit reprehensus, 529, 1. judaismum simulans peccavit scandalum dando Gentibus, 2. quale et quantum ejus peccatum fuerit, *ibid.* est capite inverso in crucem actus, 534, 1. cur ei Paulus a dextris pingatur, 15, 2. an Phigellum constituerit Episcopum Ephesinum, 584, 1. licet correctus a Paulo fuit tamen eo major, 530, 2. sed ei Paulus primatum ubique cedit, 402, 2; 507, 1. Romæ fuisse assertur, 247, 1; *111, 2. cur cum eo Paulus Evangelium contulerit, 523, 1; 524, 1, 2. quasi præses præfuit Conc. Hierosolymitano, 527, 1. secundarium est Ecclesiæ fundamentum, 269, 2. Christo successit non ut par, sed ut vicarius, *420, 1. Romam sedem transtulit, 44, 1. Judæorum simul et Gentium fuit Apostolus, 528, 1; 530, 1. mortem suam præcivit, *309, 1. Constantino Imp. curationem a lepra promittit, ei dormienti apparens, 14, 1. ei inter viros primus apparuit Christus, 399, 1. item Romæ postea, 400, 2. tonso vertice fuit, 354, 1. caput est Ecclesiæ, et vicarius Christi, 15, 2; 42, 2; 530, 2. ipse cum Paulo operas est Ecclesiæ partitus, 528, 1. fuit Romæ in eodem cum eo carcere, *313, 2.
- Phenissæ mulieres ante idola prostituiebantur, 54, 1.
- S. Pharaïdis cum marito Pipino castitatem in conjugio coluit, 301, 2.
- Pharao flagellis induruit, 168, 2. a seipso proprie et directe obduratus est, 167, 2. et seqq. quomodo eum obduravit Deus, 26, 2. quomodo et cur eum Deus excitavit, 166, 2. ejus filia se finxit Mosem peperisse, *483, 1, 2.
- Pharisæi unde dicti sint, *43, 1. animarum docebat μετὰ φόβου, *ibid.* illorum continentia et pietas, jejunia, vestis, legis observantia, rigor, **ibid.* illorum auctoritas, *ibid.* eorum secta apud Judæos nobilissima erat, 1, 2; *43, 1. censebant astra esse animata, *94, 2.
- Phigellus an S. Petro creatus Episcopus Ephesinus, 584, 1. amicitiam cum Paulo finxit, *280, 2.
- S. Philanthropia Dei multa admiranda continet, *337, 1.
- Philautia quam sit noxia, 574, 2. est multorum malorum causa, *299, 1.
- Philemon civis erat Colossensis, apud suos nobilis; ejus domus ecclesia fuit, et diu mansit; ejus pietas et hospitalitas, *343, 2.
- Philetus resurrectionem negavit, 401, 2; *289, 2.
- Philippenses misere Epaphroditum suum Apostolum cum muneribus ad Paulum, *1, 1. erant in eum liberales, *67, 2. pro Evangelio multa sunt passi, *6, 1.
- Philippi urbs Macedoniæ describitur, *1, 1.
- S. Philippus Apostolus in crucem Hierapoli actus est, 534, 1. an genuerit filias ante Apostolatam, 319, 1.
- Philippus diaconus quatuor filias habuit virgines, spiritu prophetico donatas, 319, 1.
- Philippus Hovardus, Comes Arondele, patienter bonorum est passus jacturam, et sancte in carcere vixit, *464, 2.
- Philippus Melanchthon sine Pauli epistolis nec cubabat,

- nec cœnabat, 5, 1. ejus commenta in eadem, *ibid.*
ejus de veritate Eucharistica assertio, 361, 1.
- Philo Judæus** quid responderit aula Caligulae ejectionis, 516, 1.
- Philosophiam** qualem Paulus deprimat, *19, 1; *85, 2. philosophiæ fructus, 502, 1.
- Philosophica** sex axiomata fidei repugnantia, *86, 1. vir philosophus periculis obduratus *278, 1. quidam lapide in cerebro percussus litteras est oblitus, 189, 2.
- Philosophi** ex creaturis non cognoverunt SS. Trinitatem, 50, 1. Patrem etiam vocant mentem, et filium Verbum, *388, 2. etiam idola coluere, 49, 1. sunt patriarchæ hæreticorum, *85, 2. mortem contempserunt, 151, 1. eam docebat homini esse naturalem, 98, 1. eorum vanitas in Deo non agnoscendo, 51, 2. fuere pæderastia infames, 53, 1. eorum errores circa mundi creationem, *472, 1. plerique fuere frugales, *256, 2. pollutionem non censebant esse vitandam, 651, 1. multi eorum tempore Apostolorum orbem circuibant, specie pietatis et eloquentiæ populos a Christo ad se traducere conantes, 253, 2. nonnulli tamen Christo se subdidere, 484, 1.
- Philtrum** puellarum Babyloniarum, 677, 2.
- Philumena** Apellis fuit ab angelo malo imbuta, 518, 1.
- Phocion** amix iniqua petenti morem gerere noluit, *120, 1. eum uxor mundum suum vocabat, 667, 2; *204, 1. oblitus est injuriæ irrogatæ, 217, 1.
- Phœbe** quomodo dicatur soror Pauli, 242, 1. fuit latræx epistolæ ad Romanos, *ibid.* ejus elogium, *ibid.*
- Phoenix** typus resurrectionis est, 90, 2; *480, 1.
- Photinus** docebat Filium per se non subsistere, *353, 1. item non formam, sed energiam Patris esse, *23, 2.
- Photius** Patriarcha Constantinop. censet Spiritum Sanctum a solo Patre procedere, 31, 1.
- Phryges** erant cultui angelorum addicti, *93, 2; *95, 2. erant illiberales et servili ingenio, *341, 2.
- Piacularis** victima Hebr. erat hircus emissarius, 284, 2.
- Pietas** quadrupliciter accipitur, *229, 2; *220, 1. quomodo ejus simulacrum a Romanis pingeretur, *202, 1. est proprie cultus Dei et timor, *229, 2. pietas cum sufficientia magnus est quæstus, *255, 2. adfert victus sufficientiam, *256, 1. pietas pro beneficiis in proximum aliquando capitur, *220, 1; *229, 1, 2. pietatem simulat heretici, *299, 2. eam pro quæstu habent, *255, 1. quantum pietas parentum filiis prosit, *273, 1.
- Pignus** et arrha quomodo differant, 594, 2.
- Pii** non timent mortem, *309, 2. an ante impios resurgant, *133, 1. quomodo verum sit pios omnes persecutionem pati, *302, 1. — *Vide Justi.*
- Pileus** libertinæ conditionis insigne est, 355, 1.
- Pittaci** philosophi clementia, 217, 2.
- Placet** diverse quis hominibus ac Deo, 521, 2.
- S. Placidus** puer S. Benedicto in disciplinam traditus, *303, 2.
- Placilla** Imperatrix quam sedulo filios educavit, *207, 1.
- Placitum** Deo quomodo dicatur tempus Evangelii, 456, 2.
- Plagæ** Egypti an ab angelo malo inflictæ, 342, 2. plagarum numerus apud Judæos quadragenarius non excedebat, 496, 2.
- Plagiarii** sunt raptores hominum, *182, 2.
- Planeta** vestis sacra unde dicatur, *314, 1.
- Plato** cedit S. Paulo, 3, 1. miram habuit gratiam sermonis, *111, 1. hinc dictus est Moses Atticus, 50, 1. quia coluit astra et idola, hinc ejus salus desperata, 52, 1. mundum per cubum ternarii factum esse ait, *84, 2. cujus lex de vino juvenibus interdicens, *250, 1. infamis fuit pæderastia, 53, 1. quam impia in politicis doceat, 653, 1. in iis docet in rep. bona colendam opum modicritatem, *256, 2. regibus serviens irrisus est a Diogene, *120, 1. docet aliquando licitum esse mentiri, 529, 2; 643, 2. prodiit e schola Ionica, 583, 1.
- quare academiam suam rep. loco pestilenti elegerit, 336, 1. iram suam est moderatus, 648, 1, 2.
- Platonici** confinxerunt deos medios animarum purgatores, *95, 1, 2; *96, 2. dicunt corpus esse animæ sepulcrum, 448, 2. docuere mundum ab angelis conditum, *86, 1. Deum esse animam mundi, *76, 1. obscure SS. Trinitatem cognovere, 50, 1. asserunt Deum mundum creasse ex materia sibi cœterna et increata, 588, 1. item animas ante corpora extitisse in cœlo, *ibid.*
- Plebs** tota olim in sacris respondebat, Amen, 391, 2.
- Plenitudo** divinitatis in Christo quænam inhabitavit, *86, 2. quadruplex plenitudo in eo inhabitavit, *78, 1. plenitudo legis est dilectio, 223, 1.
- Pluviæ** extitere in latrone legis Mosaicæ, licet id taceat Moses, *505, 1. pluviam sua prece M. Antonio Imper. impetravit legio fulminatrix, *194, 2.
- Poderis** veste (in) qua ratione totus orbis terrarum esset, *195, 1.
- Pœna** hæresiarcharum indies augetur, *250, 2. pœnarum Christi viventis magnitudo et multitudo, 618, 2. pœna damnatorum ingens est, *400, 2. pœna est vilis, ubi est pura conscientia, *63, 2.
- Pœnitentes** tantum Christum insequuntur, quantum peccantes eum fugerunt, *46, 2. eorum lacrymæ sunt vinum angelorum, 468, 2. eorum olim in Ecclesia mores et exempla, 467, 1. an iis opera bona ante pœnitentiam prosint, 379, 1.
- Pœnitentia** dicitur quasi pœnæ tenentia, 466, 2. est post hanc vitam impossibilis, *401, 1. non in nuda vitæ mutatione, sed in castigatione et satisfactione consistit, 465, 2. pœnitentia Lutheri et Calvini qualis, 466, 2. pœnitentia quid includat, et ejus partes, 465, 2. ejus effectus varii, 466, 1. ejus forma a Patribus præscripta, 467, 1. pœnitentia Esau ob vendita primogenita frustra fuit, *505, 1. pœnitentia Pauli, 7, 1. quid sit baptismus pœnitentiæ, 406, 1.
- Pœnitentiarii** Romæ cur virgas gestent, *248, 2.
- Pœtæ** quare Prophætæ dicantur, 387, 1; *325, 1.
- Politicismus** tollit Deum, *474, 1.
- Politicorum** principia, 638, 1. negant fornicationem esse peccatum, 293, 1. fallunt dum salutem spondent extra fidem Romanam, 623, 2. omnibus se in fide accommodant, 332, 1.
- Pollutionem** esse peccatum dicitur conscientia, 63, 1. id negarunt philosophi, 651, 1. voluntaria semper est peccatum mortale, 567, 2; 568, 1.
- Pollutum** idem est quod commune et immundum, *462, 1.
- S. Polycarpus** diu vixit, 49. hæreticum Marcionem noluit agnoscere, *288, 2. interitus respondit Herodi præcon-suli, *406, 1.
- Polygamia** erat apud Romanos etiam infamis, et apud Ethnicos tempore Christi etiam abrogata, *210, 2.
- Pomorum** quæ præputia vetita comedi *Levit.* xix, *88, 2.
- Pomponius** Atticus nunquam matrem offendit, *107, 1.
- Pontificatus** Melchisedech Christi pontificatum representabat, *413, 2.
- Pontificii** Canones adstruuntur, 397, 1.
- Pontifex** judæus cur tecto capite et nudipes victimas immolaret, 354, 1. orbem universum veste sua repræsentabat, *193, 1. semel in anno populi peccata expiabat, *453, 1. Sanctum sanctorum cum eodem thuribulo ingrediebatur, et egrediebatur, et quidem fumigando, *433, 2.
- Pontifex** non debet intrudi, sed eligi et assumi, *394, 1. ejus tres dotes, quæ etiam Christo competunt, *393, 1. ex hominibus assumi debet, *ibid.* et pro hominibus constitui, *ibid.* offerre debet pro hominibus peccatis, *ibid.* quomodo cum peccantibus agere debeat, 2. pro populo orare debet, 149, 1.
- Pontifex** Romanus potest dispensare in votis et legibus, 277, 1. honor qui ei exhibetur, merito exhibetur, ut-

- pote Christo vicario, *150, 2 et seq. eum non esse Antichristum, plurimum probatur, *150, 2 et seq.; *155, 2. et seq.; *159, 2. non est Deus, *151, 1. ejus decreta non sunt anathema, 519, 2. Apostolicam benedictionem in suis litteris præmittit, 43, 1. Episcopos vocat fratres, 421, 1. est iudex controversiarum fidei, 527, 1. semper Concilii generalibus præest tanquam caput totius Ecclesie, *ibid.*; *160, 1. quomodo ab Ostiensi Episcopo benedicatur, *413, 2.
- Popielus princeps Poloniæ a muribus comestus, *214, 2.
- Populus corona fuit Episcopi est, *57, 2. clerum is ordine naturæ præcedit, ut grex pastorem, *4, 1. populus Romanus vocatus populus orbis, 44, 2.
- Porcus in fœdere olim mactabatur, 366, 1.
- Portare quid in Scriptura significet, *353, 2.
- Possibilia omnia cum nondum actu sint, sunt tamen et latent in omnipotentia Dei, quasi in semine, 86, 1.
- Possessor ob dubium superveniens possessione justa depelli non potest, 808, 1, 2.
- Posteritatis Abrahæ multitudo, gloria, fama, æternitas unde colligatur, 88, 1.
- Postulare quid Jurisconsultis significet, 142, 1.
- Postulationes quomodo differant ab oratione et obsecratione, *193, 2.
- Potentia divina in rebus difficilibus humanæ infirmitati præponenda est, 88, 2. potentia Dei et mundi quomodo differat, 505, 2. potentia et actus ab Hebræis sæpe usurpatur pro objecto, et contra, 28, 1.
- Potestas secularis est a Deo mediate, *220, 1. cur etiam Gentilium ab eo sit instituta, 2. subordinata est a Deo et sub Deo, *ibid.* quomodo a Deo ordinata omnis potestas, *ibid.* ei resistens peccat mortaliter, *ibid.* potestas judiciaria cum Christo communicanda patientibus, *497, 1. potestas puniendi est in Ecclesia, ejusque prælati, 283, 1, 2. potestas viri in mulierem, 355, 1. potestatem suam retinere angeli apostatæ, 404, 1. potestates sublimiores quæ sint, 219, 1.
- Præcepti an sit omnia ad Dei gloriam facere: sed est præcepti aliquando omnia sua in genere referre ad eam, 350, 1. præceptum quartum decalogi promissionem habet longævæ vitæ, 669, 1, 2. id habet promissionem specialem, primum generalem, *ibid.* præceptum de non concupiscendo, an hac in vita queat adimpleri, 120, 2.
- Præcincti esse solent ad agendum expeditiores, 678, 1.
- Præcursor Antichristi erit insignis impostor, *161, 2.
- Prædestinavit nos Deus ut illi similes in gloria, 147, 1.
- Prædestinatio quid sit, 589, 1; *290, 2. ejus duo signacula, *270, 1; *291, 1. est liberale Dei decretum: est duplex, completa et incompleta, 589, 1. ejus sex causæ et effectus sunt, 2. an prædestinatio et reprobatio, saltem quoad primum effectum, sit ante omnem prævisionem operis, et peccati etiam originalis, 163, 1. est duplex, una est ad gratiam, alia ad gloriam: alia inchoata, alia completa est, hæcque distinctio est antiqua, 24, 1. prædestinatio singulorum non est ex operum prævisione, sed ex sola Dei voluntate, 25, 1; 164, 2; 165, 1; 592, 2. ejus tres alii effectus, 148, 1. quomodo differat a communi gratiæ præparatione, *289, 2. quomodo ea dicatur liber, *59, 1. ejus non datur causa, sed conditio sine qua non, *183, 2. quomodo sit in nostra potestate, *293, 1. an sit facta independentem a meritis Christi, 586, 3. licet una sit, multa tamen involvit, 589, 1. prædestinatio Christi est medium, finis et exemplar nostræ, 41, 1. quam prædestinationem Dei prædicet Ephesius Apostolus, 583, 1.
- Prædestinati sunt firmum Dei fundamentum, *290, 2. ejus fundamenti firmitas partim in nobis, partim in Deo, *ibid.* prædestinatis quomodo omnia, etiam peccata, coopeantur in bonum, 143, 1. dicentes: Si *sim prædestinatus ad gloriam, non possum ab ea excidere*, refutantur, *305, 2. completo prædestinati semper manent prædestinati, 238, 1.
- Prædicandum Evangelium quibusvis Gentibus, *179, 2.
- Prædicationis Pauli effecta, 11, 1, 2. qualis ea fuerit, 61, 1. prædicatio est mystica liturgia, *30, 1. non est laicorum munus, 238, 2. est præcipuum munus Episcoporum, 252, 2; *182, 1. triumphat in Apostolis, 428, 2. ipsa non est unicum in Ecclesia sacrificium, 128, 1. prædicatio Apostolorum an exiverit in omnem terram et in omnes gentes, et quidem ante excidium Jerusalem, 182, 1. fuit iis præcepta, *321, 2. prædicatio Christi et Apostolorum fuit sæculo huic contempta, *373, 2. quomodo de prædicatione hypocritarum gaudeat Apostolus, *9, 2.
- Prædicator auditori se attemperat, 434, 2. per bovem triturantem designatur, 329, 1. item per cervas, 554, 2. sperare potest alimoniam ex sua prædicatione, 1. non suam, sed Dei gloriam quærat, 277, 2. ut exultat maxime in suorum profectu, alia maxime meret in eorum defectu, 508, 2. habeat bonam virtutum famam, 429, 1. complet opus a Christo cæptum, *81, 1. non debent mitti a magistratu civili, sed a Deo immediate vel mediate, 180, 1. eos qui alunt, magnam a Deo mercedem accipient, *4, 2. — *Vide Concionator.*
- Præesse bonis operibus quid sit, *338, 2.
- Præfidentia nimia est causa ruinæ spiritualis, *32, 2.
- Prægnantium dolori confertur dolor diei iudicii, *136, 2.
- Prælati quomodo se in reprehensione vitiorum gerere debeant, 425, 1, 2. scandala de Ecclesia tollere satagent 286, 1. subditis se non tam patres quam matres exhibeant, 554, 2. iis, non laicis, negotium absolutionis fornicarii committitur a D. Paulo, 427, 1. suis exemplo præeant, *52, 2. eorum tres virtutes ex S. Bernardo, *180, 1, 2. eorum est excommunicare, 286, 1, 2. eorum cura et onera, *522, 1. iis est obediendum, *ibid.* quomodo immorigeros subditos corrigere debeant, *ibid.* non tantum laboriosa, sed et honorifica munia cum subditis partiiri debent, *322, 2. cur dicantur homines Dei, *261, 1. Prælatorum juvenum nimia severitas subditos offendit, *177, 2. — *Vide Episcopi.*
- Præmium cælestium est disparitas, 409, 1.
- Præparare in Scriptura tantumdem est ac roborare, 680, 2.
- Præparatio Evangelii est calceus militis Christiani: in quo illa sita sit, 671, 1. præparatio operum bonorum nostrorum a Deo fit tripliciter, 603, 2.
- Præponere se nulli est basis omnis virtutis, *21, 2.
- Præputium capitur pro circumcisione, et pro præputiatio, 65, 1. ita vocabant Gentes Judæi, 604, 1; *88, 2. item id quod quavis in re immundum est, *ibid.* id Judæis circumcisionis reduci potest, 309, 2. *præputium carnis* quodnam sit Apostolo, *88, 2. per hoc gentilismus denotatur, *ibid.* 83, 1. præputia pomorum quæ comedi vetita, *88, 2.
- Præscientia Dei conditionata quid sit, 145, 1. præscientia ejus est signaculum prædestinationis, *30, 2 et seq.; *291, 2. ei conjunctus est amor, *292, 1. ejus claritas et distinctio, 86, 1. est posterior prædestinatione, tanquam effectus sua causa, 146, 1.
- Præscriptio quid sit in Jure, 537, 1.
- Præsentem Deo, sumus absentes a corpore, et contra, 449, 2.
- Præsentia Dei est stimulus ad bene agendum, *116, 2. est signaculum proborum, *292, 1. præsentia vera et realis corporis Christi in Eucharistia in octo Conciliis definita est, 360, 2.
- Præsteres serpentes qui dicantur, 342, 2.
- Præsumere cenam quid sit, 358, 1.
- Præterita ponunt Prophetæ pro futuris ob rei certitudinem, 85, 2.
- Prætextata Eustochii crinem et cultum incultum cum mutaret, coelitus correpta et castigata fuit, 84, 2.

Prandium nuptiarum spiritualium, 490, 1.
S. Praxedes, filia Pudentis senatoris Rom., sanguinem Martirum cum sorore domi colligebat, 319, 1; 317, 1.
Preces pro mortuis non sunt inventa Rom. Pontificum, 20. preces monialium Deo placent, etiamsi eas non intelligant, 391, 2. preces fuere S. Pauli arma, *167, 1. preces privatæ lingua vulgari componendæ, 390, 1; 391, 1. preces nostras cognoscunt Sancti, cum a nobis invocantur, 384, 2. — *Vide Oratio*.
Presbyteri in minoribus oppidis constituendi, Episcopi in majoribus, *322, 2. sic olim sunt vocati Episcopi, *3, 2. quis sit honor duplex debitus presbyteris, 596, 2 et seq. an eorum in primitiva Ecclesia eadem cum Episcopis auctoritas, *3, 2. iis olim commissum iudicium causarum sæcularium, 279, 2. — *Vide Sacerdos*.
Primum fidem irritam facere quid sit, *243, 1; *244, 1.
Primasius Uticensis scriptum in Paulum S. Hieronymo adscriptum limavit, 32, 1.
Primatus penes Ecclesiam Romanam est, 44, 1. quomodo Christus teneat primatum in omnibus, *77, 2.
Primitiæ dormientium quomodo Christus sit, 402, 2.
Primogenitorum olim prærogativæ, *394, 1; *412, 2; *503, 2. eorum jus sacrum erat, *182, 1; *503, 2. primogeniti pauperum vocantur pauperrimi, 99, 1. quare et quomodo dicatur Christus primogenitus ex mortuis, *77, 2. ipse est primogenitus omnis creaturæ, quæ homo et quæ Deus, *75, 2. primogenita mors quæ dicatur, 99, 1. quæ primogenita vendiderit Esau, *394, 1.
Princeps tenebrarum diabolus dicitur, *75, 1. cur principes dicantur homines Dei, *261, 1. sunt baculi suorum, *353, 2. cur vocentur anguli, 608, 1. debent servire reip. ob tributa quæ ab ea accipiunt, 221, 1. longanimes sunt, 622, 2. sunt quasi gemmæ lucentes, *209, 2. suum mendicatio a Deo imperium et potestatem possident, *263, 2. iis obedire oportet, nisi Deo contraria jubeant, 219, 1; *336, 1. iis non est maledicendum, *ibid.* de eorum vitis tacite agendum, *154, 1. principes sæculares non sunt caput Ecclesiæ, 375, 2. qui vocentur *principes hujus sæculi*, 261, 2. — *Vide Rex*.
Principatus est quædam paternitas, 615, 2. principatus cum de angelis bonis dicitur, absolute ponitur; cum de malis, aliquid restringens additur, 613, 1.
Principia Romæ in basilicam S. Pauli a Gothis est deducta, ut intacta custodiretur, 17, 1.
Principium resurgentium est Christus, *77, 1. principium bonæ vitæ et salutis supernaturale est, et a Dei gratia oritur, 432, 1.
Prisca et Aquila scenopegi, Roma a Claudio Imp. ejecti eodem redierant, 242, 1, 2.
Priscilla maritum suum Apollo domi fidem docuit, 641, 1.
Privatorum oratio propria vulgari lingua proferenda, 390, 1; 391, 1, 2.
Privigni cum noverca concubitus aversabantur Gentes, 285, 1.
Probare se homo debet ante sacram communionem, 368, 1. probamur per afflictiones, *377, 2.
Probationem operatur patientia dupliciter, 92, 1.
Probus in Hispania Paulum hospitio suscepit, 240, 2.
Procurum zelotypia, 554, 1.
Procula illustris vidua tempore S. Chrysostomi, *241, 1.
Prodigia quæ in navitate Dominica contigerunt, *509, 1. prodigia in monte Sina vera et realia fuere, non apparentia tantum, 506, 2. prodigia Antichristi erunt fallacia, *157, 2.
Profanus quis dicendus, *503, 2. profani a sacris arceantur, *182, 1.
Professio fidei ad salutem necessaria est, 178, 2. professio fidei quæ fit ore, valet ad justitiam conservandam et auferendam, 1. est exterior forma corporis Ecclesiæ, 637, 1. eam debebant qui adulti ad eam convertebantur,

*262, 1. professio in baptismo facta semper ante oculos nobis habenda est, 167, 2. quid differat professio fidei et confessio, 233, 2.
Professores linguæ Hebrææ successerunt interpretibus primitivæ Ecclesiæ, 373, 2.
Proficere (non), a virtute deficere est, 333, 2. proficentium status rationalis est, 265, 1.
Profundum et altum sæpe idem sunt, 196, 1. quod sit profundum Dei, 617, 2. quod Christo profundum affingat Elxai, 1. in quo profundo fuerit Paulus, 496, 2. quæ profunda Dei scrutanda, 263, 2.
Prohibent nuptias et cibos, qui illa a diabolo esse docent, *224, 1.
Proles in fornicatione recte nequit educari, 293, 2. quantas parentibus pariat molestias, 214, 1. est thesaurus matrum, *207, 1. proles connubii spiritualis, 318, 1; 490, 1. et connubii cum diabolo, *ibid.*
Promissa Dei sunt condimenta laborum et persecutionum, *406, 1. sunt cum patientia expectanda, *169, 1. promissio amicitiae Dei et regni cælestis facta est Christianis, 611, 2.
Promissio Abraham an facta est ante circumcisionem, 48, 1. ea nobis obvenit ex fide in Christum, 2. ea multis modis est impleta, *405, 2. sed maxime in spiritualibus ejus filiis, id est Christianis, 159, 1; 162, 2. ea tamen primario spectat ad Judæos, 158, 2. facta ea Abraham et semini ejus, 543, 1. eaque fuit vera, quia juramento confirmata, *405, 1. promissio mercedis pro opere bono est nobis onerosa, non gratuita, ac proinde in Deo debitum justitiæ, *312, 2. promissio filiationis Dei non excludit, sed includit liberum arbitrium, 162, 1. promissiones Prophetis factas Deus adimplevit, *497, 1.
Promptitudo voluntatis est necessaria ad omnium virtutum perfectionem, 471, 2. ea cingulo designatur, 679, 2. item calceo, 681, 1.
Pronitas ad peccandum non sola in posteros transit, 97, 2.
Propassiones non fuere in Christo, sed passiones, *391, 1.
Propensio Christi ad miserendum et auxiliandum, *377, 2; *390, 2.
Propheta quis sit, et nominis ejus etymon, 386, 1. dicitur et Propheta qui arcana cordis, aut alia secreta revelat, item qui divinæ voluntatis arcana perspicit, *ibid.* sextuplices sunt Prophetæ, *ibid.* et seqq.; 207, 1; 388, 1; 630, 1. sunt oculi Ecclesiæ, 376, 2. quomodo in conventu invicem cedere et tacere debeant, et spiritum cohibere, 396, 1. Prophetæ prisci non tantum futura prædicunt, sed et docent et concionantur, 304, 2. de nomine Jesu prophetarunt, *30, 2. de futuris loquuntur in præterito ob eorum certitudinem, 27, 2; 602, 2. sunt Christi Dei, *361, 1. iis omne tempus, etiam longissimum, videtur breve, *509, 1. futuram redemptionem, et felicitatem temporalem Judæorum, miscent cum spirituali, 159, 1, 2. an mysterium vocationis Gentium cognoverint, 611, 1. sunt ad Judæos missi velut Apostoli, 315, 1. habent frequentes raptus in prophetando, 262, 1.
Prophetare quid significet, 387, 1; 388, 2.
Prophetia vox Paulo multa significat, 387, 2. proprie est facultas Dei consilia plenius ac certius cognoscendi et enarrandi, 386, 2. prophetia est duplex, *ibid.* ejus spiritus fuit in Paulo, 13, 1. vera jam magna ex parte cessavit, 387, 2. prophetia etiam vocatur quælibet oratio, doctrina et sermo sacer, 206, 2; *233, 1. prophetias ad, verbum prophetis dictavit Spiritus Sanctus, *304, 1. eas signum sunt fidelibus benedictionis, 394, 2.
Propitiatorii descriptio, *435, 1. vocatur oraculum, quia ex eo respondebat Deus vocaliter, *ibid.* erat thronus clementiæ Dei, 74, 2.
Propositiones generales negantes et affirmantes sunt absolute intelligendæ 22, 1.

Propositum præcedentium delictorum in Deo, quid sit, 75, 2. propositum quid, et quinam vocati secundum propositum, 144, 1. significat æternum Dei beneplacitum, et liberale decretum, 2. propositum, consilium et beneplacitum Dei idem sunt, 589, 2.
Propter significat quadruplicem causam, 90, 1.
 Proselyti quinam dicerentur, 606, 2.
 Protagoræ athei libri Athenis sunt exusti, *289, 1, 2. ejus scomma in anum comptam, *329, 2.
 Protogenes fuit nimis morosus in sua arte, *111, 1.
 Providentia Filii Dei erga omnia declaratur, *353, 2. quomodo providentiam Dei circa omnia bona et mala Scriptura significet, 25, 1. quomodo differat utraque, *ibid.*
 Provincia quæque suas habet proprietates, 536, 1.
 Proximus quis sit, 221, 2. diligendus is propter Deum, *ibid.* vera hic charitate diligi nequit, nisi simul diligatur Deus, *ibid.* quomodo fuerit Deus Hebræis peccantibus proximus, *381, 2.
 Prudens nemo simul et audax, 672, 1.
 Prudentia est auriga virtutum omnium: est Episcopo necessaria, *812, 1, 2. prudentia carnis est sapere carnalia, 131, 2. hæc mortem, ac prudentia spiritus vitam operatur, *ibid.* illius descriptio, *ibid.* cur illa inimica sit Deo, *ibid.* prudentia spiritualis in rebus dubiis recurrit ad iudicium Ecclesiæ Romanæ, 266, 1. prudentia humana nihil est, 213, 2.
 Pruriginis morbo laborant voluptuarii, et cur, *308, 1.
 Pruritus aurium in impiis quis sit, *307, 2.
 Psallendi usus apud veteres Christianos, 660, 1. *psallere sapienter* quid sit, 390, 2. psallere item prophetare vocatur, 387, 1.
 Psalmodia in primitivæ Ecclesiæ conventibus fiebat, 395, 1. ejus fructus, *107, 2.
 Psalmus, hymnus et canticum quomodo differant, 659, 1.
 Psalmus II ad litteram de Christo loquitur, *356, 2. uti et Psalmus VIII, *368, 1. qui et ei inscribitur, *ibid.* nec non psalm. XXI, *373, 1. et psalmus XXXIX, *455, 2. psalmus XLIV est epithalamium Christi et Ecclesiæ, non Salomonis et filiæ Pharaonis, *360, 1. psalmus L pœnitenti assidue legendus est, 467, 1. psalmus xciv compositus ut eo populus ad devotionem excitaretur, etiam ad Christianos refertur, *380, 2 et seq.
 Psalterii Anglicani quanta sit auctoritas, 70, 2.
 Pseudoapostoli adversus quos Paulus insurgit, fuere judaizantes, 482, 1. eorum in ipsum calumniæ, 2. eorum mores, 495, 1. lenones sunt Satanæ, 492, 2. illorum fastus, *ibid.* lucris student, et evangelium adulterant, 430, 2. semper dulcia profitentur, 336, 2.
 Ptolemæus commune erat nomen regum Ægypti, *409, 2.
 Publicum crimen est triplex, *248, 1.
 Pudens Senator Romanus quos habuerit liberos, *817, 1. fuit hospes Apostolorum Romæ, ejus domus fuit Ecclesia, *ibid.* inscriptio quæ in ingressu Ecclesiæ illius hodie legitur, *ibid.*, 2.
 Pudentiana virginitatis fecit votum, 819, 1. sanguinem et reliquias Martyrum domi suæ colligebat, *317, 1.
 Pudica gravia sunt, impudica levitatem amant, *64, 1.
 Pudicitia decet mulieres, *203, 1. etiam in vestium simplicitate consistit, *204, 1. pudicitiae laus, 317, 2.
 Pueri egent pædagogo, 547, 1. et tutoribus, 549, 1. quomodo regendi, 555, 1. puerorum institutio quam utilis et necessaria, quam nobilis et sancta, 576, 1 et seqq. tres pueri Hebræi ignem Babylon superarunt, *487, 1.
 Pugna animæ unde oriatur, 125, 1.
 Pulcheria Marciano nupta virgo in conjugio mansit, 301, 2.
 Pulla vestis olim viduarum erat, *236, 1.
 Punitio malorum a magistratu facta, laus est bonorum, 220, 2.
 Purgamenta hujus mundi cur se vocet Apostolus, 284, 1.

Purgatorii pœnas per imaginationem videre multi, 501, 1. in eo existentes sunt membrum Ecclesiæ, 575, 2. id astruit Apostolus, 271, 1 et seqq.; 272, 1. non in solo igne consistit, 271, 2. ejus ignis quomodo Christo in particulari iudicio assistet, 273, 1. id Novantes etiam nescientes esse ostendunt, *482, 2.
 Puritas cordis Prælato necessaria est, *180, 1, 2. puritas conscientiæ quantum sit bonum, 278, 2. vitæ puritas veræ Ecclesiæ et religionis est signum, 119, 2. puritas, virginea exigitur ab amore animæ erga Christum, 679, 1. in quo ea maxime spectetur et consistat, *ibid.*
 Purpura est sanguis ostrei, *257, 1. purpura tabernaculi aquam repræsentat, *432, 1.
 Puteus, in quo S. Praxedes et Pudentiana Martyrum reliquias condebant Romæ, etiamnum superest, *317, 1. e puteo qui est in idolio, bibere licet, 323, 2.
 Pythagoras asserebat assentantes esse hostibus deteriores. *120, 1. censuit peccata, quæ anima antequam corpori jungeretur, in cælo commississet, mortis et ærumnarum hominis causam esse, 98, 1. Epheso prodiit, 583, 1. quo apud discipulos in honore esset, *301, 2. ejus vox ad effeminatum, *54, 2. censebat astra esse animata, *94, 2.

Q.

Quadragesima quinque dies pœnitentiæ dabuntur lapsis, post mortem Antichristi, *156, 1.
 Quadringenti triginta anni post Abraham, post quos lata est lex, quomodo sint computandi, 563, 2.
 Quærunt omnes quæ sua sunt, *38, 2.
 Quæstiones subtiles a Scholasticis moveri solitæ, fabularum nomine ab Apostolo non vetantur, *179, 1; *254, 1. quæstiones hæresiarcharum, *254, 1. eas de re omni movent hæretici, *ibid.* quæstiones ineptæ quæ sint, *230, 1.
 Qualitas morbida ex Adam non transfunditur ad posteros, 99, 2.
 Quasi sæpe signum est veritatis, non similitudinis, 273, 2.
 Quatuor novissima quatuor sunt dimensiones, 619, 1.
 Quies Dei in die septima fuit a productione novarum specierum, non individuum, *386, 1. quietis æternæ bona, *387, 1. quid vocetur quietis odor, 650, 2.
 Quinquagesimus annus jubilæi cur apud Judæos institutus sit, 314, 2.
 Quintiliani hæretici mulieres ad episcopatum promovebant, *205, 2.
 Quirina S. Laurentii Justiniani mater, vidua quam sancte in viduitate vixerit, *238, 1.
 Quotidie in via Dei incipiendum, *48, 2.

R.

Rabbi quid hebraice significet, *435, 1.
 Rabbini et nobiles soliti artem mechanicam discere, *169, 2.
 Radii cur appingantur viris sanctis, 595, 1.
 Radix Jesse quare dicatur Christus, 238, 1.
 Rahab per fidem pervenit ad pœnitentiam et justificationem, 80, 1; *486, 1. cur sola servata in excidio Jerichuntis, *485, 2. cur vocetur meretrix, *ibid.* exercuit cauponam meritorum, *ibid.* ejus domus non fuit publicum lupanar, *ibid.* per hospitalitatem sibi suisque salutem meruit, *513, 1.
 Rapere est tollere per vim, *291, 1.
 Raphael Angelus assistens etiam missus legitur, *364, 1.
 Rapinam quomodo Christus non est arbitratus, esse se æqualem Deo: capitur rapina pro arrogancia, *23, 2.
 Raptus quid sit, et quibus competat, 499, 2. raptus B. Pauli quando contigerit, *ibid.* an verus fuerit vel tantum imaginarius, 500, 2. raptus est, ne minor esset

- aliis Apostolis, qui Christum in carne viderant, 502, 1.
Nationale pontificis Judaici inscriptum habebat *urim et tummim*, *200, 1.
Rationabile obsequium quomodo exhibeatur Deo, 202, 1.
Rebecca Jacobo indicavit primogenituræ jus ad ipsum spectare, *504, 2. duos ex uno concubitu concepit, 160, 2.
Rebellio Hebræorum Deo mire displicuit, 342, 2; *381, 1.
Rebellis Deo, ipse sibi est bellum, 566, 2.
Reconciliari quid significet, 305, 2.
Reconciliatione (in) hominis cum Deo consistit vera justitia, 175, 2. hæc obtingit homini non ex operibus justitiæ, sed gratis per Dei gratiam, 163, 2. reconciliationis lex pia in nonnullis Religionibus, 643, 2.
Recutiti cur dicti Judæi, 309, 2.
Reddit Deus unicuique secundum opera sua, 58, 2.
Redemptio hominum fuit Christo pretiosa, *440, 2. est opus gratiæ, *370, 2. hanc irritam faciunt quærentes justitiam ex lege, 564, 2. ejus mysterium innotuit angelis, per revelationem Dei, 613, 1. redemptio nostra est duplex, inchoata in terra, et completa in cælo, 594, 2. illa aliud non est quam peccatorum remissio, *75, 2.
Redimere tempus quid sit, 656, 1; *110, 2.
Reditus operum mortificatorum probatur, *403, 1.
Reductionis præputii auctor fuit Esau, ideoque a Deo odio habitus, 309, 2.
Reformationem jactant hæretici, et deformationem inducunt, *299, 2. reformationi quotidianæ studendum 202, 2. ejus fructus, 203, 2.
Regere animas, scientia scientiarum est, *212, 1.
Regina cæli hymni origo, 661, 1.
B. Reginaldi Dominicani in morte júbilus, 415, 1.
Regiones a Paulo Evangelii luce illustratæ, 10, 2; 239, 2.
Regnare est, servire Deo, 404, 2.
Regnum est splendida servitus, *209, 1. regnum Salomonis absolute non fuit æternum, sed Christi, id est Ecclesie, æternum est, *357, 1; *360, 2. id omnium regum et populorum regna superat, 255, 1. duo regna sunt, mortis et vitæ, inter quæ lex voluit facere interregnum, 105, 2. item Dei et peccati: utriusque arma, servi, stipendium, 115, 1. in anima duplex et contrarium non sunt regnum, 112, 1. regnum Dei tripliciter sumitur, 233, 1. quomodo id non sit esca et potus, 2. regnorum potestatem non evertit Ecclesia, 219, 1.
Reguli quidam Indici ob continuos labores ante cibum, fiunt longævi, *230, 2.
Relabens in peccata iterum quasi Christum crucifigit, *462, 1.
Religio angelorum superstitiosa erat, *98, 1. vera quæ sit, *ibid.* græce dicitur *θρησκεία*, *93, 2. omnis actus virtutis relatus ad Dei honorem, ejus est actus, *521, 1, 2. religionis veræ signum est virginitas, *119, 2. Religio vocatur status perfectionis, 429, 1.
Religiones variæ Ecclesiam ornant, 252, 1. religiones perfectissimæ apicem perfectionis ponunt in opprobrio crucis et stultitia Christi, 256, 1.
Religiosæ vitæ descriptio, 459, 1.
Religiosas non est turpe tonderi, 853, 2.
Religiosus unus per charitatem omnium est Ordinum, 252, 2. Religiosus non debet scandalizari, videns aliquos ad sæculum reverti, *46, 1. Religiosorum vita mundo abscondita est, *103, 1. sunt colendi et fovendi, cur sancti dicantur, *241, 1. mortui debent esse mundo, 106, 2. abdicantes se bonis, fiunt divites, *256, 1.
Reliquiæ S. Pauli fuere olim magno in honore, 15, 1. reliquias Martyrum Romæ in puteo collegere S. Prædes et Pudentiana, *317, 1. earum cultus non est superstitio, *98, 2. eum negat Calvinus, 454, 1.
Remigius Antisiodorensis an sit auctor Commentarii Ambrosiani in Paulum, 81, 2.
Remissio peccatorum est donum cæleste, ex ea sequitur pax conscientiæ, *400, 1. est a solo Christo petenda, *456, 2. hæc promissa est per Prophetas, *ibid.* quomodo ea in veteri Testamento ferebat, *446, 2.
Remitti peccata et tegi quomodo differant, 82, 1.
Remora qua virtute naves detineat, 2, 1, 2.
Remunerationis spes calcar ad fortiter patiendum, *484, 2.
Renovationem mentis commendant Sancti, *484, 2 et seqq. ejus necessitas, 640, 2. in quo hæc sita, *104, 2.
Renum infirmitate an Paulus laboravit, 503, 1, 2.
Reprehendere quomodo suos Prælati debeant, 425, 1, 2.
Reprobatio quomodo homini et Deo tribuatur: opus est justitiæ vindicativæ, quæ ex natura sua sequitur peccatum, 25, 1. est duplex, negativa et positiva, 163, 1. item æterna et temporalis, 335, 2. reprobatio Judæorum unde facta sit, *426, 2.
Reprobis virtutes cooperantur in malum, 143, 1. an per Christum resurgent, 403, 1. eorum gratia non est signata a Deo, *292, 1. reprobis sæpe idem est Apostolo quod vilis, abjectus, inutilis, 511, 2; *827, 2.
Reprobam per sensum quid Paulus intelligat, 54, 2.
Repuerascere quomodo debeat Christianus, 893, 1.
Reputari, imputari, et accepto ferre justitiam idem sunt, 80, 2. reputari dicitur pro tali, quod in se tale non est, *ibid.*
Requies Judæorum terra promissionis, requies Christianorum æterna, *382, 1. duplex requies olim Judæis promissa fuit, *385, 2. requies sabbati in usu fuit ab origine mundi ante legem Moysi, 386, 1. requies Dei quibus præparata sit, *ibid.* requies cælestis dupliciter præsignata est, 2. hæc restat post omnem requiem in terra, *ibid.* quanta ejus sit suavitas, 887, 1.
Responsum mortis quid Apostolus vocet, 422, 2.
Respublica sine ordine consistere non potest, *84, 1. rempublicam evertunt divitiæ immodicæ et discordia, *30, 1.
Resupinare quid sit, *385, 1.
Resurrectionem quomodo factam jam esse docerent Hymæus et Philetus, 401, 2; *289, 2. fiet in instanti, 418, 1. quoad substantiam est naturalis, quoad executionem supernaturalis, 402, 2. dicitur regeneratio, *77, 2. ejus fides et spes quid in nobis operetur, 90, 1; *285, 1. semina resurrectionis in corpore non sunt, 409, 1, 2. eam negantes quo fundamento nitantur, 408, 2. eam negantium pessima est hæresis, *290, 1. ejus typus est phoenix, 90, 2; *480, 1, 2. ejus ordo et series, *133, 1 et seqq. resurrectionis spiritualis quod sit signum, *400, 1.
Resurrectio Christi est terminus passionis et meritum ejus, 90, 2. ipsa et passio censentur unum opus redemptionis, *ibid.* fides ejus maxime est necessaria, 89, 1. ipsam Judæi non credebant, et est difficilis credita, 178, 1. eam negabant Gnostici, 101, 2. in causa fuit, cur simul resuscitati a morte peccati, 399, 1. est exemplar nostræ, 232, 2. fuit abolitio mortis, 401, 2. est causa nostræ justificationis, *ibid.* ejus typus fuit Jonas, 399, 1.
Resurgent in qua ætate et mensura corporis et virtutum omnes, 688, 1. quid in homine resurrecturum existimet Magister Sententiarum, *415, 2. resurrecturos nos dictat communis fidelium sensus, 407, 1. resurrexisse neminem ad vitam immortalem ante Christum de fide est, 402, 2. an omnes simul resurgent, *133, 1.
Retrospectiendum non est in via perfectionis, *47, 2.
Revelationes sibi factas Paulus silentio pressit, 3, 2; 18, 2. non habuit revelationem sæ salutis, *45, 2. videtur aliqua revelatio facta de Mose nascituro, *482, 2. revelatio, scientia, prophetia et doctrina quomodo differant, 388, 2.
Reverentia angelorum in sacrificio Missæ, 355, 1, 2. reverentia capitur aliquando pro pudore, 408, 1. pro timore, *346, 2. quomodo differat ab humilitate, religione, obedientia, *ibid.* alia est activa, alia passiva, *396, 1.

Revificatio operum mortificationum probatur, *403, 1.
 Regis ad exemplum orbis componitur, *194, 1. pro regibus maxime orandum, *ibid.* septem reges tyranni qui septem mundi ætatibus Ecclesiam persecuti, *154, 2. reges decem Romam evertent, Romanum Imperium dividunt, 153, 1. hi ab Antichristo domabuntur, *ibid.* reges tres, peccatum, lex, gratia: sive Adam, Moses et Christus, 106, 1. regum non est, mittere concionatores, 179, 2. eorum est, nihil admirari, *145, 2. regibus in civilibus obediendum est, 219, 1. rex sæculorum vocatur Deus, *188, 2. imo gentes variae eum regem vocarunt, *501, 1. — *Vide Princeps.*
 Rhinoceros quomodo capitur: est typus S. Pauli, *188, 1.
 Rhodii non sunt Colossenses, a colosso solis sic dicti, *69, 1.
 Rica unde dicta sit, 354, 2.
 Richardis regina in conjugio mansit virgo, 302, 1.
 Rigor nimius in proximum, signum imperfectionis est, 574, 1.
 Risus Saræ unde contigerit, *477, 1.
 Ritus octo Ecclesiæ antiquæ, 395, 1. iis succedere octo ritus Ecclesiæ modernæ, *ibid.* ritus communicandi vetus, 369, 2. ritus baptismatis, trina ejus mersio significat sepulturam Christi triduanam, 107, 2. ritus Judæorum in sacrificio agni paschalis, 863, 2.
 S. Rochus a peste laborantibus invocari solet, *378, 2.
 Roma ad fidem conversa, cæteræ gentes facile converti poterant, 593, 1. Romam triumphantem videre optavit D. Augustinus, 9, 2 et seqq.; 553, 2. Romam nunquam occupavit hæresis, 43, 2. ibi viget fides et pietas, *ibid.* eo transtulit Petrus episcopatum et primum, ipsamque petram fidei constituit, *ibid.* ejus elogium et laus, 44, 1, 2. est Chrysostomo amata et æstimata propter Paulum, 15, 2. sub finem mundi redibit ad ethnicismum, *155, 1. excidium ejus erit ante adventum Antichristi, *ibid.*
 Fr. Romæus Dominican. pie in Domino quievit, *375, 2.
 Romani idem erant olim quod Catholici, 43, 2. sunt a Paulo laudati a fide, *ibid.* hæc laus etiam ad posteros ipsos pertinet, *ibid.* et forte prophetice ab eo laudati, *ibid.*
 Romani olim se evirantes gravissime puniebant, 375, 2. a Græcis habebantur barbari, 43, 2. olim comam alebant, quando primum cœperint tunderi, 357, 1. penulati veniebant in curiam, *326, 1. libros exussere religioni adversantes, *289, 2. quo ritu fœdus percuterent, 366, 1. ob opum abundantiam degenerarunt, *260, 1. Græca lingua iis erat familiaris, 35, 1. eorum feminae sacra obibant velate, 354, 2. cur præ cæteris Occidentalibus primi ad fidem vocati, 593, 1. Romani Christiani primi in specubus subterraneis habitaverunt, *490, 2.
 Romana ab Ecclesia veritas petenda fidei et traditionis Apostolicæ, 44, 2. ejus præ eminentia, 35, 1. eam fundarunt Petrus et Paulus, *ibid.*; 10, 2. et ibi sunt passi, 11, 2. ea maxime sequenda, *219, 1. Romana fides sola ad salutem ducit, 623, 2.
 Romanum Imperium deficiet antequam veniat Antichristus, *152, 1. ad finem mundi durabit, *155, 1. quando destruendum, *ibid.*; *154, 1. nondum desiit, *155, 5.
 S. Romualdus incepit vitam monasticam anno 30 ætatis, *303, 2.
 S. Romula moriente auditi sunt chori angelorum, 863, 1.
 Rufinus quare D. Hieronymum sugillet, 491, 1, 2.
 Ruisbrochius. — *Vide Joannes.*
 Rustici subdiaconi pro fide Catholica constantia, 624, 1.
 Rustici etiam hymnos olim Deo canebant, 660, 1. rustici a Luthero in Germania ad rebellionem excitati rebellionis poenas dederunt, 670, 2.

S.

Sabaoth unum e Dei nominibus, *190, 2. unde is ita dictus sit, 86, 2

Sabbati derivatio et significatio, *387, 1. significat requiem cœli, *ibid.* cur id institutum, 550, 1. est ab Apostolis in Dominicum diem mutatum, 416, 1. ejus cultus in usu fuit ab origine mundi, *886, 1. sabbatum in albis unde dicitur, 288, 1. sabbato sancto solemnibus baptismis celebrari solet, 107, 1.
 Sabellii hæresis circa Dei Filium, 5, 2; *23, 2; *75, 2; 353, 1.
 Sacerdotis Levitici officia, 330, 2. omnes debebant esse posterius Aaron ex parte patris, *412, 2; *417, 2. poterant ducere uxores et tribu Juda, *ibid.* eorum functiones in Sancto, *436, 1, 2. sacerdotes Romani non poterant esse digami, *311, 1.
 Sacerdos non minus accipere mercedem potest pro intrinseco labore, quam extrinseco, *247, 2. quomodo cum peccantibus agere debeat, *393, 2. cur absolvens penitenti manum imponat, *248, 2. cur inire ei matrimonium non liceat, 302, 1. in Missa promiscue orat, obsecrat, postulat, gratias agit, *194, 1. quomodo benedicat Christi corpus in Missa, *413, 1. sit instar crystalli, *52, 2. ejus est docere fidem et veritatem, *200, 1. quid ejus corona significet, 354, 1. sacerdotes vocantur angeli, 44, 1; 355, 1. eis ordinandis Episcopus et sacerdotes omnes manus imponunt, *233, 1. hinc Deo sacrati sunt, 2. sunt a Christo in ultima cena instituti, 367, 1. eorum hieroglyphicum amiantus, *421, 1. cur in sacris cingulo utantur, 678, 1; 679, 1. quod despiciantur, eorum levitati ascribendum, *312, 2. quamdiu sacerdotes hæretici membra sint Ecclesiæ, 637, 1.
 Sacerdotii jus erat primogenitorum familiæ, *412, 2. sacerdotii ordo et ritus maxime pendet e victima, *ibid.*, 4. sacerdotium Aaronicum promittit David abolendum per sacerdotium Christi, *419, 1. fuit tenens representatio sacerdotii nostri, *425, 1. carnale et temporarium erat, Christi vero spirituale et æternum, *416, 2. fuit item cum sacerdotio Abrahæ, *400, 2. sacerdotium non habuit Melchisedech successione hereditaria, *410, 2. sacerdotio mutato, necessario debuit mutari lex, *416, 2.
 Sacerdotium Christi in quo fuerit simile Melchisedechiano, *418, 2. jurejurando promissum fuit a Deo, *419, 2. est æternum, 420, 2. id sanctificat hominem, non Aaronis, *416, 2.
 Sacra Gentilium erant impura, 54, 1. Sacra cohors que diceretur Thebis, 464, 1.
 Sacramentum proprie quid sit, 362, 1; *373, 2. Sacramentum etiam idem est quod significatio, *153, 1. Sacramenta non operantur ex opere operantis, 252, 1. nexus sunt Christianorum, 206, 1. id significant quod continent et efficiant, 362, 1. sunt signa rei veræ et præsentis, non falsæ et absentis, *ibid.* pertinent ad spiritum, 435, 2. ipsa nos justificant applicando nobis merita Christi, *456, 2; *458, 1. Sacramenta nova præstant priscis, 339, 1. Sacramenta prisca quare essent infirma et egena, 552, 2. effectus sacramentorum Baptismi, Confirmationis, Ordinis, *274, 1. Sacramentorum institutio angelis patuit, Christo revelante, et ex iis quæ post fieri in Ecclesia viderunt, 612, 2. grano sinapis comparantur, 363, 1. ex Christi latere manarunt, 664, 2.
 Sacrificia et dona quomodo differant, *393, 2. quomodo sacrificia legis vocentur sempiterna, *418, 1. non poterant reserare cælum, *437, 1. quare ea Christus non retinuerit in Ecclesia, *452, 2. comparantur cum sacrificio crucis, in dignitate, non in modo expiandi peccata, 1. olim epulo claudabantur, 347, 2. ea odorabatur Deus, 650, 2. tantum erant protestationes, quibus Judæi testabantur se aliud expectare sacrificium, *453, 1. peragebantur ea in Sancto, *486, 2. eorum et Christi triplex differentia, *452, 2 et seqq. decem sunt sacrificia spiritualia, *321, 2. triplicia erant apud Judæos, 442, 2. cur sacrificium Melchisedech Paulus non dixerit esse typum Ven. Eucharistiæ, *397, 2. sacrificium primum fuit

panis et vini, *418, 2. sacrificium vespertinum erat honoratus matutino, *202, 1.
 Sacrificium Missæ bene offertur pro defunctis, *480, 1. est idem cum sacrificio crucis re et representatione, 22, 1; *421, 2. est applicatorium redemptionis, *ibid.* est cœleste, quia habet hostiam cœlestem, *425, 1. id adversus hæreticorum argumenta probatur, *457, 1 et seq. Eucharistia sacrificium est, 347, 2. sacrificium applicatorium subordinatum est expiatorio, *457, 2. in sacrificio quomodo sit vis expiatrix peccati, tam præsentis, quam præteriti et futuri, 452, 1. — *Vide* Missa.
 Sacrilegium et sacrilegus quid sint, 64, 2.
 Sadducæi negabant resurrectionem et angelos, *42, 2.
 Sæculare subinde significat id quod cito transit, *820, 2. sæcularia negotia quæ sint, *283, 1. Quinam ea fugere debeant, *ibid.* sæculares in divitiis ultimum finem suum constituunt, 439, 1.
 Sæculum cur vocetur nequam, 517, 1. ejus felicitates sunt somnia dormientium, 653, 1. cur dicantur divites sæculi bujus, *265, 2. sæculi futuri felicitas potens, *400, 2. sæculum Christi ultimum omnia priora consummat, *ibid.* sæculum cum geminatur, absolutam æternitatem denotat, *360, 2. quid proprie in Script. sæculum vocetur, *351, 2. quomodo sæcula præfinierit Deus, 614, 1. eorum varia divisio, *449, 1.
 Sal est symbolum sapientiæ, 301, 2. addebatur victimis Aaronicis, *ibid.* item panibus propositionis, *492, 2.
 Saladinus moriens interulam suam per castra de lancea suspensam circumferri jussit, *257, 1.
 Salem eadem est quæ Jerusalem, et unde dicta, *408, 1.
 Saliva natorum in festo conversionis S. Pauli anguium morsibus medetur, 14, 1.
 Salomon juvenis regnare cepit, *232, 1. unde dictus: typus fuit Christi, *409, 1; *357, 2. quare Deo templum ædificavit, non David pater, 1. ejus regnum propagatum ad quatuor annorum centurias, *358, 1. quo sensu dixerit se esse stultissimum virorum, *187, 1. an impenitens mortuus, *ibid.*
 Salvare Deus vult omnes, 170, 2. quid sit proprie salvare, *55, 2. salvare magis est quam creare, *29, 1.
 Salvator proprie quomodo dicatur Christus, *35, 2. et quare, *323, 2.
 Salus est justitia completa, 178, 2. obtingit non ex sola fide, sed operibus, 1. quomodo tamen fidei eam Paulus tribuat, 21, 2; 22, 1. salus duplex a Christo nobis allata, 178, 1. cur de ea in hac vita certi esse non possimus, 136, 1. est ea duplex, una inchoata per gratiam, altera completa per gloriam, 24, 2. quam sint de sua salute certi viri perfectiores, 134, 2. nemo salutem suam ordini potest solis naturæ viribus, 280, 2.
 Operatur in nobis tolerantiam in genere causæ finalis, 421, 2. salus proximi præferenda est martyrio, *16, 2. est procuranda nobis hoc brevi tempore vitæ, 313, 2. spes salutis, galea est militis Christiani, 682, 1. salutem corporis et animæ operatur Evangelium, 46, 1. salus et gloria quomodo differant, *283, 2.
 Salutandi modus religiosus, 45, 1.
 Salutatio veterum Christianorum erat *Deo gratias*, 651, 2; *139, 2. salutatio Christi et Hebræorum, *Pax tecum*, 43, 1; 677, 1. Salutationes Pauli non tantum signa erant benivolentiæ, sed et causæ benedictionis et gratiæ, 43, 1. Sanctorum salutationes ambiendæ: sunt tacite preces, *ibid.*
 Salvum esse in Scriptura semper denotat incolumem et felicem esse, 270, 2.
 Samaritani Deum verum una cum idolis adorabant, 435, 2. cur hi post Judæos ad fidem sint vocati, 593, 1.
 Samson a puero consecratus nazaræus, *303, 2. leonem domuit, *487, 1. in eum irruit spiritus Domini, cum prælium esset aggressurus, 133, 2; *486, 2.
 Samuel a puero consecratus nazaræus, *303, 2.

Sana verba et sermones qui sint, *258, 2; *270, 1.
 Sancta sanctis olim ante communionem præco inclamabat, 369, 2. quomodo dicatur tota Ecclesia sancta, 663, 1.
 Sancti habent charitatem violentam, 153, 2. quo magis adversis pressi sunt, eo suaviorem virtutis odorem sparsere, 429, 1. sunt acerra Christi, 2. insultant morti, 414, 2. imo eam optant, *14, 1. et cur, *ibid.* et seqq. subinde tamen eam horrent, 447, 2. carnem suam quintupliciter crucifigunt, 560, 1. cur de salute semper timeant, *81, 2 et seqq. tribulationes iis cooperantur in bonum, 148, 1. quam habeant fiduciam ad patranda miracula, 431, 2. etiam experiuntur bellum spiritus adversus carnem, 566, 2. in tentationibus et angustiis omnes usi sunt gladio verbi Dei, 683, 1. dantur mundo in exemplum et portentum, *480, 2. mundus iis non est dignus, quantum eorum sit pretium et meritum, *490, 1. quam acriter resisterint peccato, *498, 1. per passiones fiunt Deo similes, *371, 2. in quavis afflictione gaudent, *60, 2. eorum salutationes sunt ambiendæ, 43, 1. eorum fervor sensim tepescit, *174, 1. quam tentationes iis sint utiles, et in iis hi gloriantur, 504, 2. sunt segregati a rebus terrenis, patre et matre, 523, 1. latere cupiunt, *102, 2. quam eorum conversatio sit utilis aliis, *52, 2. in Scriptura vocantur homines et viri Dei, *260, 2. stellæ sunt, 409, 1. olim exercuerunt opificia, *170, 1. Sancti maximi in crucis opprobrio summam perfectionem ponunt, 256, 1. et semper a puero cœpere, *303, 2. Sancti multi in flammis manserunt illæsi, *421, 1. Sancti qui episcopatus fugerunt, *209, 1. Sancti exstatici, 534, 1. Sancti diversi pro tentationum diversitate invocantur, *378, 1. Sancti plures hospitales, angelos receperunt, *513, 2. Soli qui vitæ austerioris fuere, claruere miraculis, 837, 2. quo fine aliqui se laudarint, 487, 2. Sancti charitate pollentes sunt perfectissima Ecclesiæ membra, 687, 2. Sancti vet. Testamenti quod certamen habuerint, *261, 2. multi eorum una cum Christo resurgente surrexerunt, *492, 2.
 Sanctis (in) Deus honoratur, 45, 1. et in iis est mirabilis, *146, 1. eorum cultus nihil demit Christo, *843, 1. perfectius res nostras in celo intelligunt, quam in terra intellexerint, 884, 2. dici possunt nostri mediatores, 545, 2; *198, 1. cur iis appingantur radii, 593, 1. judicabunt mundum, 291, 2. eos in canone Missæ commemorari, vetus est institutum, 211, 1. quomodo hi soli dicantur corpus Christi, 663, 1. quomodo Deo sint futuri similes, 632, 1. occurrent Christo ad judicium venienti in aera, et sedebunt cum illo in splendidis nubibus diversos per ordines, *134, 1, 2. in celo non funguntur sacerdotio, *420, 2. habitant ibi quasi aquilæ, *55, 1, 2. in resurrectione etiam gloria corporis donabuntur, *133, 1. eorum exempla nos excitare debent, *494, 1. eorum invocatio est licita, 241, 2. quomodo hæc a Dei invocatione differat, 179, 2. non damnatur ab Apostolo in prohibitione religionis Angelorum, *93, 2. suis orationibus nos juvant, 376, 1. sunt spes nostra mediate, *177, 1.
 Sanctificans et sanctificatus esse debet ejusdem naturæ, *372, 1. quid sit sanctificare Evangelium, 238, 2.
 Sanctitatis etymon et proprietates, 642, 2; *127, 2. capitur et pro castitate et puritate, *ibid.*; *502, 2. sanctitatem fingunt hæretici, et turpiter in sua lege vivunt, *300, 1. apud solos Christianos reperitur, 3, 1. sanctitas Ecclesiæ in celo perficietur, 663, 1. opponitur cuivis peccato, *2, 2.
 Sanctum Sæculare quid sit, *430, 2. Sanctum fuit typus sæculi, *431, 1. item Ecclesiæ, *406, 2; *423, 1; *436, 1. quæ in eo sacerdotes agerent, *436, 1. Sanctum Sæculorum typus cœli, *406, 2; *423, 2; *431, 1; *436, 1; *447, 2. magna ejus erat veneratio, *436, 2.

- Sanctus** nemo est nisi Christianus, *3, 1, 2. sanctus aliquando idem est quod castus, *127, 2. hinc aliquando opponitur impuro, aliquando profano, 201, 1. omnes Christiani olim vocati sancti, 248, 1. omnes Ecclesiae ministri etiam sancti dicebantur, 31, 2. quomodo se minimum sanctorum dicat Paulus, 612, 1.
- Sandalia** cur Apostolos habere Christus jussit, 681, 1.
- Sanguis** victimarum immolatarum subinde inferebatur in Sanctum, *436, 2. sanguine et victimis fœdera apud veteres sanciebantur, 366, 1; *443, 1. et iis dividebatur, 366, 1. sanguis victimarum spargebatur in altare et populum, *442, 2. quid hæc aspersio denotaret, *ibid.* sanguinis Christi sumptione ad sanguinis pro Christo effusionem Martyres animabantur, 370, 2. quo sensu is novum Testamentum sit, 366, 1. antonomastice dicitur pretium, 810, 2. et sanguis testamenti æterni, *523, 1. in triduo passionis mansit unius Verbo, *374, 1. fuit is ei immediate unius, *ibid.* ejus typus erat aqua petreæ, 339, 1. quomodo melius clamet quam Abelis, *508, 1. est velut coagulum quo in unum fideles conjunguntur, 665, 1. in calice vere fuit sanguis quo redempti sumus, 360, 1.
- Sapere** et desipere opponuntur, 451, 2. sapere subinde idem est quod discernere, 231, 1. hinc sapere est tam intellectus quam voluntas, *49, 2. non oportet sapere plus quam oporteat, 203, 1. sapere celestia est signum resurrectionis spiritualis, *100, 1. Christianus sibi non sapiat, 213, 2. qui sapiant terrena, *100, 2.
- Sapidus** sermo quis sit, *111, 1.
- Sapientes** quomodo in astutia sua comprehendantur a Deo, 275, 1. sapientes Ægyptii circumcidebantur, 604, 1. sapientes pauci a Christo vocati, 257, 1. sapientes hujus mundi fiant stulti apud Deum, 274, 2. eorum vanitas et stultitia, 51, 2.
- Sapientia** quomodo a scientia differat, 873, 1. sale denotatur, 201, 2. solius Dei est, 245, 1, 2. sapientiam humanam habuit Paulus, sed ea uti noluit, 260, 1. quomodo et in quibus hanc stultam Deus ostenderit, 254, 1. ea inferior est spirituali, 265, 2. hæreticorum et paganorum est propria, 252, 2 et seq. veræ sapientiæ intendere nequit conjugatus, 320, 1. ejus parens castitas, *ibid.* sapientia Dei obscura, varia, prudens, stulta, 614, 1. hanc scrivit Paulus revelatione divina, 263, 1. hæc ab humana multum differt, 265, 1. sapientia omnis et scientia in Christo fuit abscondita, *83, 2. sapientia vera, est fides et doctrina Christiana, 275, 1. sapientiæ arrogantis periculum, 194, 2.
- Sara** quod Agar domo ejici petierit, Deo fuit gratum, 560, 1. Ecclesiam repræsentat, 538, 1. duo impedimenta conceptionis fide superavit, *477, 1. et tamen risit, *ibid.*
- Sarcina** peccatorum quam sit gravis, 573, 1.
- Sarmentitii** cur primi Christiani dicti sint, *180, 1.
- Sartago** ab Ezechiele visa, quid denotaret, 498, 1.
- Satellites** Antichristi quoniam sint, *163, 2.
- Satiari** et esurire quomodo quis possit, *66, 1.
- Satanas** quomodo conteratur, 243, 2. ejus molimina eludantur dum confessorio aperiuntur, 494, 1. ei Christiani in baptismo renuntiant, 107, 2. Satanæ tradere quid sit, 286, 2. ejus astus et fraudes, 428, 1. — *Vide* Dæmon, Diabolus.
- Satisfactiones** suas Sancti aliis possunt applicare, *80, 2.
- Saturninus** tempore Apostolorum vixit, *224, 1. animalis abstinuit, *ibid.* ponebat angelos quasi minores deos, *94, 2. ejus hæresin impugnât Apostolus epist. ad Ephes., ad Coloss., ad Timotheum, 19.
- Saturus nobilis Afer** generose paupertatem et exilium pertulit, *468, 2.
- Saul** quomodo dictus Propheta, 353, 1; 387, 1.
- Saulus**. — *Vide* Paulus.
- Scabellum** Dei, *435, 2.
- Scala cœli** quis locus Romæ, et unde dictus, 18, 1.
- Scandalizans** alium in Christum peccat, 326, 1. est causa blasphemiae in Deum, 233, 1.
- Scandalum** quid proprie sit, 232, 1. quomodo crescat, 326, 2. id cavendum, 232, 2; 328, 1. maxime in commestione idolothytorum, 323, 1; 349, 2. scandala et scandalosos de Ecclesia tollere conentur Ecclesiae Prælati, 286, 1.
- Sceleratum** frigus quid Virgilius vocarit, 30, 1.
- Scenofactorium** artem exercuit Paulus, *169, 2.
- Sceptrum** denotatur virga, *360, 2. quomodo et quare adoravit Jacob patriarcha sceptrum Joseph, *481, 2.
- Schismatici** quomodo dici possint esse in Ecclesia, 290, 2.
- Schismatis** peccatum ne martyrio quidem potest expiari, 623, 1. schismata Corinthiorum ob magistros fidei, 251, 2.
- Scholæ** Tarsenses olim erant celebres, 1, 2.
- Scholasticorum** Doctorum quæstiones non taxat Paulus sub nomine fabularum, *172, 1; *254, 1.
- Scientiæ** quis finis, usus et modus, 324, 2. scientia illa est vera quæ vitam componit, et mores emendat, 64, 1. scientia græcanica Pauli, 3, 1. qualis scientia rationalis in vita beata, 116, 2. scientia vana cavenda est, 328, 2. fuit scientia experimentalis in Christo miseriæ nostræ, *377, 1. scientia nostra respectu Dei, est scientia parvuli, 383, 2. scientia quæ inflat, 324, 1. hæc contraria est charitati, 2. comparatur cum cibo indigesto, *ibid.* veram scientiam non habent hæretici, sed eam jactant, *269, 1, 2. scientia utuntur homines quinque modis, partim bene, partim male, 324, 2. ea primum in Episcopo requiritur, *214, 1. item in eo qui monet, 238, 2. scientia sanctorum quid sit Paulo, 590, 2. in quo Dei scientia creatam transcendat, 196, 2 et seqq.
- Scilurus** quo facto filios concordiam docuerit, *20, 1.
- Scire** Dei connotat favorem et affectum, 145, 2.
- Scribæ** quales et unde dicti, 253, 2. illorum officium, *ibid.*
- Scribi** in libro vitæ quid sit, 24, 1; *59, 1. scribimur in eo dupliciter, inchoate et complete, *59, 1. scribi omnia non potuerunt, *166, 1.
- Scriptores** sancti calami sunt Spiritus Sancti, *304, 1.
- Scriptura** sacra nequit esse iudex controversiarum fidei, 5, 2. quomodo divinitatis et humanitatis attributa tribuat Christo, 40, 2. allegoriis utitur in contrarium sensum, 101, 2. tribuit Christo, quæ sunt Ecclesiae ejus, et Ecclesiae quæ sunt Christi, 633, 1. quomodo reprobationem et electionem tribuat Deo, 25, 1. potest habere varias versiones, lectiones et sensus, 23, 1; 617, 1; 625, 2; *367, 2. omnis sensum habet litteralem, non semper alios, 22, 1. est mensa animæ, 191, 1. et velut manna, *267, 2. primi Christiani de ea in mensa conferebant, 660, 1. est hæreticis nasus cereus, 454, 1. humano more loqui solet, *102, 1. quomodo eam Lutherus falsificavit, 438, 1. non est privato cujusque spiritu interpretanda, 873, 2. est contra omnes morbos medicina, 683, 1, 2; *267, 2. est liber sacerdotalis, *232, 2. et liber vitæ, *59, 2. olim ad mensam legebatur, *228, 1. est inspirata a Spiritu Sancto, *304, 1. dicitur verbum Dei, *ibid.* non est eodem modo omnis a Spiritu Sancto dictata, *ibid.* ejus sensus non sunt cuius scrutandi, *ibid.* ad quid sit utilis, *ibid.* S. Paulus fuit clypeus contra omnes tentationes, *267, 2. quatuor habet sensus, 22, 1; 555, 2. gratia eam explicandi est species prophetiæ, 207, 1. in ea non sunt scripta omnia, quæ spectant ad fidem et mores, 352, 1; *166, 1. quomodo ei nihil addi possit, 520, 1. quomodo nos consoletur, 237, 1. non semper ejus verba, sed sensum citat Apostolus, *405, 1. Scriptura Hebræis absolute dicitur liber, *455, 1. summæ fuit eis venerationi, 2. ipsa sola hominem perfectum non reddit, *304, 2. nec sola est norma credendorum et agendorum, *64, 2.

Scurrilitas in verbis dedecens est, 651, 1.
 Scythæ sunt maxime barbari, *105, 2. humanis carnibus
 vescabantur, 653, 1. sunt Magog venturus tempore An-
 tichristi, *163, 2; *164, 1.
 Sebastianus Munsterus edidit Evangelium S. Matthæi
 Hebræum, sed supposititium, *349, 1.
 S. Sebastianus Marcus et Marcellianum Martyres ad con-
 stantiam hortatus est, 137, 2.
 Secare verbum veritatis quid sit, *287, 1, 2.
 Sectæ quædam apud Judæos principibus inobedientes oc-
 casionem præbuerunt eandem labem Christianis asper-
 gendi, 219, 1. sectæ Judeorum erant tempore Christi
 septem, *42, 2. cur sint inter hæreticos multæ sectæ,
 *254, 2. quænam sectæ excludant a regno Dei, 567, 2.
 Secundum varie Paulus accipit, 27, 1.
 Securitas nimia non est tuta victori in militia Christiana,
 676, 2.
 Sedentarii et studiosi potissimum e stomacho laborant: et
 quæ rei hujus ratio, *249, 2 et seqq.
 Sedere et stare qui dicatur Christus ad Patris dexteram,
 *102, 1 et seqq.; *355, 1.
 Sedes quid sit magnitudinis Christi, *423, 1.
 Sedulitas cuique suo in officio necessaria, 208, 1; 210, 1.
 Sedulius Scotus idem penitus cum Heliodoro commenta-
 tore Pauli est, resectis plerisque pelagianizantibus, 32, 1.
 Segetes benedicuntur in festo S. Marci, *228, 2.
 Selene fuit uxor Simonis Magi, quam vocavit ennaem,
 *86, 2.
 Seleucus rex filio suo Antiocho uxoris usum concessit,
 285, 1.
 Selymus Ægyptum occupans Mamluchos delevit, 297, 1.
 Sem an idem sit cum Melchisedech, cum Abrahamo vixit,
 *409, 2.
 Semei quomodo Deus ad peccatum inclinarit, 26, 1, 2.
 Semen moriens et repullulans est typus resurrectionis,
 409, 2. humanum semen in lumbis oritur, *413, 1. semen
 quoque ad conceptionem prolis subministrat femina,
 *477, 1. quomodo semini Abrahamæ sint factæ promissio-
 nes, 85, 2; 543, 1. semen subinde est nomen collectivum,
 subinde certam personam significat, *ibid.*
 Semipelagianorum error de gratia confutatur, 588, 1.
 S. Sempronius Martyr statuam Martis contrivit, 244, 1.
 Senatores abortivi qui Romæ dicerentur, 400, 1. voca-
 bantur Patres, 615, 2.
 Seneca quomodo sacrificia prisca laudet, 52, 1. dicebat
 mortem esse homini naturalem, 98, 1. fortunam in se
 provocabat, 150, 2. an Paulum e vinculis Neronis libe-
 rarit, 315, 2. illius ad hunc epistolæ sunt suspectæ fi-
 dei, *ibid.*
 Senectus cur vino modico indigeat, *329, 2. vera sita est
 in probitate, non in ætate, *232, 1. ærumnas magnas
 affert, *329, 1. ejus vitia, *328, 1, 2; *329, 1.
 Senes sobrii sunt, *328, 1, 2. pudici, *ibid.* prudentes, *ibid.* et
 aliis virtutibus præditi, *329, 1. tardi, torpidi et somni-
 culosi esse solent, *ibid.* sunt obsecrandi, juniores incre-
 pandi, *307, 1. eorum etiam virtus mulierum consue-
 tudine frangitur, *329, 2. senibus quomodo vivendum
 sit cum juvenibus, *ibid.* sunt obsecrandi, *307, 1. imo
 ipsi orare debent, *344, 1.
 Sensatio tota est in anima, 28, 2; 443, 2.
 Sensus est tam intelligentia passiva, quam activa, 393, 1.
 accipitur alias pro mente, iudicio, ratione, *ibid.* sensus
 Scripturæ quatuor, 22, 1; 553, 2. hi intelliguntur per
 doctrinam, revelationem, scientiam et prophetiam, 383,
 1. ea sensus duos litterales sæpe habet, 625, 2; *367, 2.
 sensus litteralis et allegoricus quomodo differant, 329,
 2. subinde sensus allegoricus æque, et magis, intentus
 a Spiritu Sancto, quam litteralis, *357, 2. — *Vide Scrip-
 tura.* Ejus sensus profundi non sunt cuivis scrutandi,
 *304, 2. ejus sensum subinde citat Paulus, non verba,
 *405, 1. sensus communis non in cerebro est, sed in corde,

263, 1. per sensus oppugnamur, 335, 1. quis sit sensus
 Christi, 266, 2; *22, 1.
 Sententia Christi iudicis quam sit terribilis futura, *145, 2.
 Sentire idipsum invicem quid sit, 212, 1.
 Septenarius numerus significat in Scriptura multitudinem,
 est Hebræis familiaris propter sabbatum, 187, 1, 2.
 Septimum diem Deus jam inde ab initio sanctificavit,
 *386, 1.
 Septimi monachi pro fide Catholica constantia, 624, 1.
 Septuaginta discipuli dici quoque Evangelistæ possent,
 630, 1. iis successerunt sacerdotes minores, *322, 2.
 Septuaginta interpretum versione fuit Ecclesia 400 annis
 usa, 23, 1. erat Gentibus notior Hebræo textu, 27, 2.
 ea usi etiam Judæi, ut Philo, quasi vulgata, *348, 2.
 ipsi Hebræum *chet* finale in *a* vertunt in dissyllabis,
 288, 1. — *Vide Versio.*
 Sepulcrum S. Petri et Pauli erat peregrinationibus fre-
 quens, 12, 2. fuit item in honore regibus et Imperatoribus,
 16, 1. sepulcra plurima Martyrum et Virginum sunt
 Romæ in subterraneis specubus, *490, 2. Sepulcra concu-
 piscientia quis locus in deserto fuerit, unde dictus,
 341, 2. quid significet in Script. sepulcrum patens, 72,
 1. sepulcri curam veteres magnam habebant, *482, 2.
 Sepultura Christi et peccatoris denotatur immersione
 baptismi, 107, 2.
 Sequi aliquando capitur pro persequi, *46, 1.
 Seraph missus ad S. Franciscum impressit ei sacra stig-
 mata, 583, 1. is qui ad Isaïam missus, an ex ordine
 Seraphim fuerit, an tantum ita dictus ratione officii,
 *364, 1.
 S. Seraphia virgo et Martyr est contra lascivos a Deo
 protecta, 297, 1.
 Sergius Paulus, Cypri proconsul, a S. Paulo est conver-
 sus, 37, 1; 240, 1.
 Sermo fidelis vocatur certus et indubitatus, 183, 1. quis
 sit sermo sapiens, *411, 1. sermo sapientiæ Christianæ
 qualis esse debeat, 265, 1. sermo brevis placet præ
 prolixo, *524, 1. sermo Dei est vivus et efficax, *388, 1,
 quomodo sit gladius anceps, 2 et seq. per hunc etiam Dei
 Filius intelligi potest, 1. sermonis convenientia et dif-
 ferentia, 2. sermo malus putridus dicitur, 645, 2. cor-
 dis mali indicium est, *ibid.* sermo quis sit sale in gratia
 conditus, *411, 1. talis sit sermo præconum Evangelii,
ibid.
 Serpentes erant Ethnicis numina, 52, 1. unde serpentes
 qui Hebræos in deserto afflixerunt, dicti sint igniti, 342,
 2. serpens æneus Mosis fuit typus Christi, 130, 2.
 Serra lignea Isaïæ, typus est crucis Christi, 183, 1; *488, 1.
 Servare mandatum sine macula quid sit, *263, 1.
 Servire Deo, regnare est, 404, 2. serviendum ei cum pu-
 dore et metu, *510, 2.
 Servi emblema, 671, 2. ei cavenda furta, amanda fidelitas,
 *331, 2. dominis sincere obediat propter Deum, 670, 2;
 *108, 2; *331, 2. servi Judæorum Christianis principi-
 bus parentium, si fieri velint Christiani, liberi sunt,
 311, 1. alioqui non solvuntur dominorum jure per li-
 bertatem Christianam, 309, 2; 314, 1; 670, 2. servi
 Romæ in necessitate militiæ ascribendi, ad pileum vo-
 cabantur, 355, 1. et tunc candida veste donabantur,
 288, 1. quin et manus iis imponebantur, *233, 2. caput
 quoque virga tangebatur, *248, 2. Hebræi iis aures
 perforabant, *453, 2. eorum erant olim tria genera,
 *3, 1. nudipedes incedebant, 679, 2. arcebantur a pæ-
 derastia, 53, 1. cur iis notæ inurantur, 582, 1. in quo
 dominis sint pares, in quo impares, *253, 1; *345, 1.
 sunt ut filii tractandi, 672, 1; *246, 2. si boni sint, non
 sunt contemnendi, *341, 2. imo legi et Evangelio auc-
 toritatem conciliant, *332, 1.
 Servitus quam sit turpis, 671, 1. servitus Gentilitia man-
 cipiorum apud Christianos jam exolevit, *ibid.* servitus
 non est conditio Christiano indigna, 310, 1. servitus

- creaturæ in quo sita, *25, 1. servitus veteris Testamenti consistebat in duobus, 558, 1. servitus matrimonii, 360, 2.
- S. Servulus in morte audit melodium angelorum, *363, 1.
- Servus Paulo est nomen honoris, *8, 1.
- Servi subdiaconi pro fide constantia, 624, 1.
- Sessio Christi. — *Vide Sedere.*
- Severiani aliquot Pauli epistolas e sacro catalogo abaserunt, 4, 1. docuere vitæ ex diabolo ortam, et mulierem opus esse Satanæ, *225, 1.
- Severinus Episcopus Coloniensis vidit animam S. Martini ad cælos abeuntem, *324, 2; *363, 1.
- Severitas moderata Episcoporum solet esse odiosa subditis, 493, 1. offendit eos quoque severitas juvenum Prælatorum, *177, 2.
- Severi Sulpitii dialogi duo apocryphi, *153, 1.
- Sexu carent angeli, *433, 1. sexus feminei imperfectio, 631, 2.
- Si Hebræis est particula Jurantis, *382, 1. sæpe negantis, 70, 2.
- Sibyllarum oracula quantæ sint auctoritatis, 3, 1; *30, 2.
- hæ ob virginitatem meruere donum prophetiæ, 320, 2.
- de nomine Jesu vaticinatae sunt, *30, 2.
- Sicambri sunt qui Geldrii, 512, 2.
- Sicæa anima sapientissima est, *324, 1.
- Sichem an eadem civitas cum Salem, *408, 1 et seqq.
- Sigilla septem Apocalyp. sunt septem Ecclesiæ persecutiones, *164, 2. sigillum gratiæ, 593, 2; 647, 1.
- Signa duo prævia iudicio extremo, *149, 2. signa Antichristi. — *Vide Antichristus.*
- Signati a Deo qui dicuntur, 426, 1.
- Silas etiam Apostolus fuit, 38, 2. fuit S. Pauli socius, 473, 1, 2; *115, 1.
- Silentium est ornamentum mulieris, *205, 2.
- Silvanus est Silas, hoc Hebræa terminatione, illud Latina, *115, 1.
- Simeon Episcopus Hierosolym. dñu vixit, 19.
- Simeon quidam Manichæus S. Titum se fingens, dedit penas, *115, 2.
- Simeon Salus in stultitia perfectionem posuit, 256, 1.
- Simeon Stylites fuit theodidactus, *429, 2. quam prope a dæmone deceptus fuerit, 494, 1. Lxxx annos perpetuo noctu diuque sub dio stetit in columna, 337, 2.
- Similitudo prævaricationis Adæ in quo sita sit, 104, 1. similitudo cum Christo nascitur ex patientia, 146, 2.
- Simon Magnus sua dogmata consarcinavit ex erroribus poetarum et Philosophorum, 19. vocatur ab Apostolo mysterium iniquitatis, *153, 2. factus hæreticus ex ambitione, *192, 1. habuit dæmonem familiarem, *222, 2. finxit se Deum quemdam, et genuisse uxorem suam Solenem, *86, 2. libidines suas referebat in honorem Dei, 652, 1. negabat Christi Incarnationem et resurrectionem, *285, 1. angelos ut minores deos adorari volebat, 613, 2; *83, 2; *94, 2. per eos purgari voluit animas, idque per sacrificia et jejunia iis, et per eos Deo, oblata, *95, 1. Christum negavit vere esse crucifixum, *53, 1. ejus error de Deo patre incognito, 595, 2. ejus casus et mors orantibus Apostolis, 11, 2. docuit mundum ab angelis factum, 613, 1.
- Simonia Esau in vendendis primogenitis, *501, 1.
- Simplicitas bona quæ sit, 243, 2; *36, 2. ea requiritur in danda elemosyna, 206, 2; 470, 1.
- Simulare an liceat aliquando, 529, 1. judaismum simulare non licuit Apostolis, 530, 1. simulare norunt hæretici, *300, 1.
- Sina quid hebraice significet, 556, 1. quomodo sit conjunctus Jerusalem, *ibid.* in quo ambo conveniant, 2. ardebat cum in eo lex ferretur, *505, 2. in quo opponatur Ecclesiæ, *ibid.*
- Sinapi typus est Christi et Sacramentorum, 363, 1.
- Sinceritas est veritas, 289, 2; 678, 1.
- Sinenses laudant viduas univiras, *339, 1. puellas domi continent, *245, 1.
- Sinister locus non videtur dextro honoratior, *101, 2.
- Sion est typus Ecclesiæ tum militantis, tum triumphantis, 558, 2; *506, 2.
- Sisinii est a Theodora conjuge Christo assertus, 306, 2.
- Sistere in via virtutis, est deficere, 833, 2.
- S. Sixtus Papa I in crucem actus est, 534, 2.
- Sobrietas est sectanda carnem domare volenti, 336, 1.
- sobrietas adolescentibus summo est ornamento, *330, 2. sobrietas et continentia Episcopo quam sit necessaria, *275, 1. sobrietatem sequitur vigilia et alacritas, *328, 1, 2. sæpe capitur pro animi sanitate, *275, 1.
- Sobrius et vigilans græce idem sonat, *328, 1, 2.
- Societas Jesu qua occasione hoc nomen acceperit, 250, 2.
- ejus instituti brevium et summa, 459, 2.
- Socordia et languor in nervis unde oriatur, *502, 1.
- Socrates e loquela de moribus alicujus judicabat, 389, 1; 645, 2. uxorem morosam patienter toleravit, 608, 1, 2. non tulit curiosos, *129, 2. ejus in morte constantia, *309, 2. ejus modestia et continentia in cibo, *67, 1. dicebat se hoc unum scire quod nihil sciret, *185, 2. fuit natura fur, et incontinens, sed naturam correxit, *187, 2. inter vincula est philosophatus, *278, 1. injurias patienter tulit, 217, 2. Deum e mundi fabrica discere studuit, 51, 1. juvenes corrupti, 58, 1. habuit genium familiarem, 319, 2. ejus salus desperata, quia coluit idola, 52, 1. quid suos doceret, *330, 1.
- Sodalitas Martyrum in Japonia instituta in nupera persecutione Christianorum, *464, 1.
- Sol typus est Christi, 224, 1. et S. Pauli, *810, 2. Dei Patris, *352, 1, 2. solem et lunam colebant Galatæ ante Christi notitiam, 552, 1.
- Solatia qualia Deus det suis, 237, 1. ipsum in tribulatione expectandum longanimiter, *465, 1.
- Solduriorum quæ fuerit in Gallia societas, 464, 1.
- Sollicitudo pastorum pro Ecclesia est suavis, 498, 1. talem habuit Paulus, *314, 1. sollicitudo continua bonorum operum est necessaria, *404, 2.
- Solymanos vel Selymos, vocant Turcæ suos Imperatores, *417, 2.
- Somnus animæ excutiendus, 224, 1. somnus est mors brevis, *430, 1.
- Sophistæ dicti sunt oratores, forenses maxime, 355, 1.
- Sorores in primitiva Ecclesia vocabantur feminae Christianæ, 242, 1.
- Sors significat casum, et hæreditatem, 592, 2; *74, 1. sorte dividebantur hæreditates, *385, 2. quomodo sortes nostræ sint in manibus Dei, *74, 1. sorte vocati sumus ad christianismum, 592, 2. sorte sua quisque debet esse contentus, 171, 2. ea qui contentus est, dives est, *255, 2.
- Stothenes Corinthius pro fide Christi verberatus fuit, 248, 1.
- Sparta cur careret mœnibus, *146, 1.
- Species panis consecrati sunt species corporis Christi, non panis, 365, 1. sub una specie olim sæpe communicabant, 259, 1, 2.
- Spectacula cur vetita essent Christianis, 341, 2.
- Spectaculum mundo factus est Paulus et nos, 282, 2.
- Specubus in subterraneis habitaverunt Christiani primi Romæ, *490, 2.
- Speculum non imaginem rei, sed rem ipsam representat, 384, 1. speculum olim Christiani vitarunt, 336, 1. speculum multiplex est, per quod hic Deum videmus, 384, 1. vita Christi speculum morum est, 437, 1, 2.
- Sperandæ res sunt velut arbor latens in semine, *470, 2. speranda sunt cœlestia, *55, 1.
- Spes est calcar ad fortiter patiendum, *484, 2. esse debet patiens, *116, 1. est ad salutem necessaria, 140, 1. est ovo similis, 2. est gaudium ante gaudium, 210, 2.

- debet sibi esse bene conscia, *179, 2. habet adjunctam formidinem de opposito, 135, 1; 383, 2. est robur in afflictione, *380, 2. et velut anchora, *406, 2. sed cum aliquo discrimine, *ibid.* non confundit, 92, 2. et cur, *ibid.* cur spem Evangelicam toties Hebræis inculcet Apostolus, *419, 2. spes futurorum est mater gaudii, 210, 2. spei divinæ certitudo, 92, 2. spem salutis causat bona conscientia, *181, 1. cur ea dicatur galea, 682, 1, 2. bonis operibus roboratur et nititur, 92, 2; *404, 2. eam tria roborant, 92, 2. ejus et fidei defectus quantum malorum causa sit, 87, 1. spes mortalium est velut somnium vigilantium, 92, 2. spes electorum esse debet inconfusibilis propter charitatem et potestatem Christi, 96, 2; 174, 2 et seqq. *spes promissionis* est Paulo spes resurrectionis, 606, 1. spei veræ et Christianæ conditiones, *380, 2. spes in homine collocata est vana, 92, 2. spes præmii animat ad laborem, 330, 1.
- Spiratio in Deo est æterna et invariabilis, *356, 1.
- Spiritus Episcopus Trinitatis in Ecclesiasticum jejunium adveniente hospite violat, *326, 2.
- Spiritualis tripliciter dicitur, 265, 1, 2. spiritualis quatenus errare et non errare possit, 142, 1. quomodo possit a nemine judicari, *ibid.* suam, non alterius imbecillitatem considerare debet, 575, 2. quod spirituale corpus dicatur resurrecturum, 410, 1. non licet spiritualia administrare pro mercede temporali, *247, 1. spiritualium et carnalium hominum diversa studia, 131, 1.
- Spiritus privatus cujusque non est iudex controversiarum fidei, 265, 2; *428, 2. spiritus prophetiæ non est habitus permanens, sed vis quædam divina movens ad prophetandum, 396, 1. is in Apostolis permanens non fuit, *84, 1. quis sit spiritus a Prophetis promissus, 594, 1. quis sit spiritus timoris, hic impellit Judæos ad legem implendam, 133, 2. quis sit spiritus oris Christi quo Antichristus interficiendus est, *156, 1. prudentia spiritus quæ sit, 131, 2. spiritu ambulandum est et ei obsequendum, 565, 2. quid sit spiritum extinguere, *140, 2. qui eum extinguant, *ibid.* quomodo is extinguatur, *ibid.* eum qui sequitur, dominatur concupiscentiæ, 567, 1. spiritus aliquando doctrinam Christi denotat, 538, 1. hic docet interior, *428, 2 et seqq. quomodo spiritus ab anima distinguatur, *142, 1. est homini intimus, 263, 2. spiritus est anima orationis, 684, 2 et seqq. spiritus et concupiscentiæ lucta, 125, 2. quomodo concupiscat adversus carnem, 29, 1; 563, 2 et seqq. quomodo postulet pro nobis gemitibus inenarrabilibus, 141, 2. quis sit spiritus compunctionis, 189, 1. spiritus Dei, diaboli et mundi sunt sibi contrarii, 132, 2; 263, 2. qui spiritus vitales Ecclesiæ sint, 636, 2. quid sit discretio spirituum, et quibus ea sit necessaria, 373, 2.
- Spiritus Sanctus quomodo stylum et scriptorem hagiographum dirigat, 26, 1. deducit nos ad primum fidem, et eam custodit, *280, 1. perpendiculo comparatur in fabrica spirituali constituenda, 608, 2. æstium concupiscentiæ refrigerat, nosque illuminat, 337, 2. qui ejus sint fructus, 568, 2. est auctor prophetiæ, 387, 1. operatur in nobis gemitum, robur, auxilium, scientiam bene orandi, 140, 2. ei Christi incarnatio, conceptio, ac redemptio et sanctificatio nostra tribuenda, 41, 2; 42, 1; *441, 1. est artha salutis nostræ, 594, 2. tripliciter vivificat, 433, 2. eum non credunt Judei, 435, 2. res est novo Testamento promissa, *427, 2. ut nos adoptet, se nobis communicat, 134, 1. adoptat nos dupliciter, *ibid.* cur ei adoptio tribuatur, *ibid.* dat animæ justi triplex bonum, 2. ipsemet nobis in justificatione infunditur, 96, 2. a Patre et Filio procedit, 132, 1. alius est a charitate quæ nobis infunditur, 94, 1. adjuvat infirmitatem nostram, et docet nos quid orare debeamus, 142, 1. quomodo pro nobis postulet, *ibid.* facit nos postulare, *ibid.* desideria clientum suorum SS.
- Trinitati exponit, *ibid.* dirigit et corrigit orationes nostras, 143, 1. quomodo et per quos contristetur, 646, 1. est inspirator sacræ Scripturæ, *304, 1. eam omnem non eodem modo dictavit, *ibid.* ejus gratia stillabitur in ordinandum dum ei manus imponuntur, *233, 2. ejus robur datur in Confirmatione, 94, 2. est amor notionalis Patris et Filii, 198, 1. quatuor modis in nobis est, *ibid.* ejus divinitas probatur contra Macedonianos, 158, 2; 263, 2; 374, 1; 487, 2; 594, 1. olim in Ecclesia multos afflabat, 389, 1. Apostolos confirmavit ne mortaliter peccare possint, 530, 1. plus in re dubia suos docet, quam omnes doctores docere possint, 440, 2. nihil eum latere potest, *76, 2.
- Splendor vultus Mosis quid denotaret, 485, 1. quis splendor Christi ad judicium venientis, *156, 1.
- Sponsa Christi, est arca testamenti, 491, 2. ejus electio, dignitas et gloria, 490, 1. ejus obligatio ad amorem et gratiarum actionem, *ibid.*
- Sponsalia animæ fidelis sunt in hac vita, thalamus in futura, 489, 2.
- Sponsi cur sponsis dare soleant cingulum byssinum, 677, 1.
- Stabulum olim dicebatur hospitium, 314, 2.
- Stadiodromi cursu certabant, 333, 2. iis comparantur Christiani in via virtutis currentes, 332, 2. coronam inter currendum manibus apprehendebant, 333, 1. tantum anteriora spectant, *47, 2.
- Stadium spirituale quod sit, quis antagonista, quæ pugna, 333, 2 et seqq.
- Stanislaus Hosius quomodo putavit viros perfectos posse omittere jejunia Ecclesiastica, *327, 1.
- Stare coram Domino est agere sacerdotem, *456, 1. stare potius in cælo videtur Christus quam sedere, *100, 2. stare capitur subinde pro absolvi, 229, 1.
- Statura et mensura in qua resurrecturi simus, 633, 1. statura S. Pauli, 497, 1.
- Status quatuor hominis inter se comparati, 104, 2. status gratiæ signum est, quod quis peccatum in se et aliis detestetur, 135, 2. status cujusque stadium ejus est, 336, 2. statui cuilibet gratiam propriam dat Deus, 303, 1. suo statu quisque sit contentus, 2; 310, 1.
- Stellæ sunt milites Dei, 86, 2. erant priscis ut dei, *180, 2.
- Stephanas erat nobilis Corinthius, 252, 2.
- S. Stephanus interfuit S. Pauli martyrio, 12, 1. hic ejus precibus suam conversionem debet, *106, 1.
- Stigmata Christi qui portent moraliter, 582, 1. quid sit stigma, *ibid.* quæ stigmata Christi vocet Paulus, *ibid.*
- Stimulus carnis quare Paulo datus, 503, 1. quis fuerit, *ibid.* cur eum vocet angelum Satana, 2. fuit tentatio carnis, *ibid.* non ortus est ei e familiaritate Theclæ, 504, 1. non fuit illo indignus, *ibid.*
- Stoici posuere beatitudinem in virtute morali, 133, 1; 558, 2. virum bonum existimabant divitem, *515, 2.
- Stomacho (e) laborant addicti studio et meditationibus, cur, *249, 2.
- Studendum semper et discendum est, *314, 2.
- Studium indefessum proficiendi, profectus est, *49, 2. studia diversorum Ordinum et scholarum non carpuntur ab Apostolo, sed Novantium, 26, 1.
- Stultitia Dei orbem et Satanam subegit, 255, 2.
- Stupor est signum obstinatæ mentis, 190, 2.
- Styx inferni palus, unde dicta, 55, 1.
- Subditi inobedientia sua augment onera præpositorum, *522, 1. subditi sine præposito quibus expositus sit malis, *ibid.*, 2.
- Subjici Deo quid sit, 405, 1.
- Sublimitas Dei mystica quæ sit, 617, 2 et seqq.
- Submitti invicem debent Christiani, 210, 1.
- Substantia rerum sperandarum quomodo sit fides, *469, 2. eam Hebræi vocant os, *470, 1. statum vel stationem, *ibid.* substantia est idem quod subsistentia, et existentia, *ibid.*

Subtilitatis dos non est qualitas, sed assistentia omnipotentiae Dei ad penetrandum alia corpora, 410, 2.
Subtractionis filii, sunt filii Belial sine jugo, 467, 2.
 Sudaria Pauli aegros curabant, 13, 1.
 Sufficiens sibi et sua sorte contentus, divinus est, 66, 2.
 Sufficientia eleemosynarium, 476, 1.
 Suffraganei quomodo Archiepiscopum benedicant, 413, 2.
 Suggestiones repentinae examinandae an a diabolo, an a Christo proveniant, 428, 1. hæ sunt tela diaboli, 682, 1. sunt oratione elidendae, 672, 2.
 Sugillare antagonistam in certamine quid sit, 335, 1.
 Superbia est mater hæresis, 92, 2; 180, 2. et apostasiae initium, 514, 1. ejus gradus, 209, 1. fecit ex angelis dæmones, 213, 2. ejus poena est libido, 54, 2. est divitiarum vermis, 265, 2. signum est reprobationis, 22, 2. viles facit et abjectos, 1. est primogenita mors, 99, 1. quomodo sit radix omnis peccati, 259, 1. superbia humana quomodo retundatur, 74, 1.
 Superbus metaphorice dicitur inflatus, 280, 1. superbum facit ventosa scientia, 324, 1. superbi considerant ea quibus ipsi alios superant, 21, 1.
 Superflua eroganda in egenos, 472, 1.
 Superiores durius cum subditis aliquo vitio tentatis agentibus, ab eodem post vexati fuere, 572, 1. iis non superbe, sed humiliter imperent, 238, 2. ab inferioribus corrigi possunt, 530, 2. in corripiendo subditos quomodo se gerant, 571, 2. cum se submitunt, insignem actum humilitatis exercent, 210, 1. caveant ne de se diffident subditi, 464, 2. iis pareant subditi ex amore Christi, non timore poenae, 661, 2. — *Vide Prælati*.
 Supernaturalia Dei attributa cognosci nequeunt naturali discursu, 278, 1. supernaturalis Dei imago in homine peccando amittitur, 642, 1. hoc in baptismo accipitur, *ibid.*
 Supplantare adversarium quid sit, 335, 1.
 Supplicare quid proprie significet, 482, 1.
 Supplicium gravior debetur peccanti contra legem scriptam, quam naturalem, 60, 1. supplendi tarditatem compensat Deus gravitate, 57, 2.
 Surditas voluntaria signum est obstinatae mentis, 190, 2.
 Surgendum e somno peccatorum, 654, 2.
 S. Susanna invocatur in infamia et ignominia, 378, 2.
 Suscipere in Scriptura quid significet, 237, 2.
 Suspensi in cruce olim erant execrabiles, 541, 2. eadem die de cruce deponebantur, *ibid.* at jam in ea computrescunt, 542, 1.
 Suspiciones malæ sequuntur ex logomachia hæreticorum, 255, 1.
 Sustentatio debetur verbi ministro et Ecclesiae, non quasi pretium rei, sed quasi stipendium, 330, 1. ea vocatur merces, cur? 247, 2.
 Sustinentia spei est patientia ex spe præmii, 116, 1.
 Susurrationses sunt occultæ obrektiones, 508, 2.
 Symbola tria erant olim Catholicae communicationis, 513, 1.
 Symmachus interpret S. Scripturæ bis fuit circumciscus, 309, 2.
 Sympathia corporis et animæ, 28, 2.
 Synagoga Judaica quis ordo in consessu, 396, 1. ipsa sterilis est, 558, 2. per Agarem denotatur, 559, 1.
 Synaxis post cenam vulgarem sumebatur olim in multis Ecclesiis, 353, 1. — *Vide Eucharistia*.
 Syntyche mulier rem Christianam Philippis promovebat, 58, 1, 2.
 Syneus fuit iudex causarum sæcularium, licet Episcopus, 294, 2.
 Syri patres non meminere unquam versionis Syriacæ, 19; 349, 1. Syri metaphoris gaudent, 289, 2. eorum virgines ante idola se prostituiebant, 54, 1.
 Syriaca versione totius novi Testamenti utuntur Christiani Thomei, Babylonii, Abyssini, 19. quis ejus auctor, quælate formata, cujus auctoritatis sit, *ibid.*; 949, 1. Sy-

riacus textus epistolæ ad Hebræos non est autographum Pauli, 348, 2.

T.

Tabella pacis, osculo in Ecclesia successit, 512, 2. tabellæ olim communicaturis apponebantur, 369, 2.
 Tabennesiotæ virgines crimem tondebant, 353, 2.
 Tabernaculum sacratum est sanguinis aspersione, 446, 2. allegorice significat corpus Christi, 432, 1. item mundum, 431, 1. item animam sanctam, 461, 2. item Ecclesiam, *ibid.*; 425, 2; 432, 1; 440, 1. erat quasi mobile templum et domus Dei habitantis cum Hebræis per desertum, 461, 2; 431, 2. denotabat suis velis Deum esse Hebræorum umbraculum, 431, 2. habebat duplex velum, 433, 1. tabernaculi primi descriptio, 431, 2; 433, 2. ejus materia et ornatus, eorumque significatio, 431, 2 et seqq.
 Tabulæ legis an solæ in arca essent, 434, 1, 2.
 Tactus mulieris quam noxius, 299, 2. tactus inhonestos philosophi veteres permisere, 651, 1.
 Tædium vitæ fuit in aliquibus Sanctis, 421, 2.
 Taicosama, Japoniæ regulus, multos Martyres in crucem egit, 535, 1.
 Tamen pro imo sumit interdum Apostolus, 27, 1.
 Tarditatem supplicii Deus gravitate compensat, 57, 2.
 Tarsenses jus civitatis Rom. adepti sunt a Julio Cæsare et Augusto, 1, 1. et quare; erant litteris dediti, 2.
 Tatianus auctor Encratitarum fuit, 224, 1.
 Tauri symbolum sunt tyrannorum, 407, 2.
 Tegum quomodo dicantur peccata, 82, 2 et seqq.
 Tela ignea diaboli quæ sint, 682, 1.
 Temperantiæ diffinitio, 205, 1.
 Templum vocabulum unde derivetur, 462, 1. in templo oratio melius fit quam domi, cur, 201, 1. in eo sancte se et reverenter gerant fideles, 318, 1. templum Dei mysticum quibus peccatis violetur potissimum, *ibid.* templorum januas osculabantur olim Christiani, 512, 2. tempore S. Pauli fuere templa in usu, 357, 2. templi Salomonici magnificentia, 461, 2. in eo sedebat Antichristus, quia illud instaurabit, 151, 1 et seqq.
 Temporalia quæ Deus promittit, si non det, dat æterna, 669, 2. licet emere aliquod temporale cui sit spirituale annexum, 504, 1.
 Tempus imaginarium an ante mundi constitutionem, 321, 1. quomodo id stet cum æternitate, *ibid.* tempus nullum est præsens, *ibid.* tempus Messiae a Prophetis dicitur novissimum, 343, 1; 322, 1; 299, 1. tempus ante Christum nox est, 224, 1. tempus ab occupationibus vacuum orationi dandum, 684, 2. tempus non fuit ab æterno, 244, 2. quæ dicantur tempora æterna, *ibid.* tempus præsens est laboris, futurum erit quietis, 446, 2. tempus certaminis est breve, victoriæ et gloriæ æternum, 112, 1; 471, 1. tempus omne in fluxu est, 321, 1. tempus breve sedulo est impendendum, 577, 2; 656, 1; 657, 1; 50, 2.
 Tempus redimere quid sit, 656, 1; 657, 1; 410, 2. cum id bene impendimus, id nobis proprium facimus, 658, 1. quid sit tempori servire, 210, 2. tempus præsens est occasio præsens, quæ apprehendenda est, 658, 1. totum tempus prædicationis Christi est velut annus jubilei et misericordiæ, 457, 1. item tempus gratiæ, *ibid.* et dies ultionis hostibus, *ibid.* Danieli tempus est annus, 160, 2. semper est tempus se convertendi, 382, 2. quæ dicantur tempora sæcularia, 320, 2. quæ æterna, 244, 2.
 Tenebræ sunt typus peccatorum, 653, 2; 187, 1. ea etiam amant tenebras, 224, 2. tenebrarum nomine vocatur ignorantia, infidelitas, etc., diabolus, infernus, 75, 1.
 Tentari tam graviter possumus, ut succumbamus, nisi nos Dei gratia juvaret, 348, 2. tentamur per afflictiones 377, 2. quomodo Abraham a Deo fuerit tentatus, 479, 2.

- entatio humana quid sit, 348, 1. tentatio omnis per Dei gratiam potest vinci, *ibid.* eam non sentire est angelicum, vincere humanum, *ibid.* cedet vincenti in virtutis progressum, 344, 1. est iustus stimulus virtutum, 504, 2. in ea imitari oportet constantiam fidei Abrahamæ, 87, 1. superatur virtute Eucharistiæ, 340, 1. tentatio incipientium est se perfectos putare, *46, 1. varia sunt tentationum quibus Sancti tentantur, genera, *488, 1. tentationes carnis eos non lædunt, sed colaphizant, 504, 1. vincuntur hæc fuga, *ibid.* conducunt hæc illis ad humilitatis exercitium, *ibid.* tentationes semper habent Christiani, *302, 2. qui eas in se vincunt, apti sunt ut auxilientur tentatis similiter, et dæmonem tentantem pellant, *340, 2.
- Tepidi hominis descriptio, 210, 2.
- Tepor mentis excutiendus est, 114, 1; 210, 2.
- Ternarius numerus significat omnia, et est rei summum, 500, 1.
- Terra quomodo sceleribus polluat, gemat, clamat, etc., 541, 2. quando terram et mare Deus commoverit ob Christum, *509, 1, 2. terræ et animæ analogia quoad sterilitatem et fertilitatem, *402, 2. terræ motus triplex in Script. legitur, *509, 1.
- Tertium cælum quid sit ad quod raptus est Paulus, 500, 1.
- Tertius scriba exaravit epist. Pauli ad Romanos, 35, 1, 2; 244, 1. quæ ipse huic epistolæ addidit de suo, verba sunt sacræ Script.; factus est Episcopus Iconii, 244, 1. ejus imperitia in excipiendis Apostoli sententiis, *ibid.*
- Tertullianus putavit animam cujusque esse ex traduce, *415, 1. item peccatum, 100, 1. in luxum vestium acriter est invectus, *204, 1. cur factus sit Montanista, *192, 1. putavit animas Sanctorum non videre Deum ante diem judicii, *491, 1. lapsos semel ad pœnitentiam admittere noluit, *400, 2.
- Tessera hospitalitatis quæ et qualis esset apud Christianos, *513, 1.
- Testamentum quid sit, *442, 1. duo denotat, 366, 1. in eo est semper mutua obligatio, 2. quomodo testamentum vetus dicatur æternum, *357, 2. cur Paulus ad id toties alludat, 23, 2. implicite promittens bona cælestia per Christi mortem est confirmatum, *445, 2. omnia quæ illo continentur, tendunt ad Christum, *455, 2. ob tres causas fuit mortuarium proprie dictum, *444, 2. tempore Jeremiæ cœpit antiquari, *430, 1. id generavit in servitutem, 556, 1. quomodo id Judæis velatum fuisse dicatur, 435, 1. non omnia ejus sunt figura novi, 342, 2. testamentum est duplex initum a Deo, unum cum Mose, alterum cum Christo, 555, 2; *427, 1. utriusque magna concordia et similitudo, *445, 1. et utrumque vere testamentum est, *444, 1. quomodo utrumque fuerit promulgatum, et utriusque antithesis, *427, 1, 2. utrumque fuit sanguine sancitum, confirmatum, consecratum, *442, 2. cur testamenti nomine vetus et novum instrumentum dicatur, *445, 2. cur hebraice dicatur pactum, *420, 1. id, ut et Græcum δεικνύειν, et *testamentum* latine, dupliciter accipiuntur, *444, 1. testamentum et pactum sæpe in Scriptura pro eodem accipiuntur, 158, 2. Testamentum novum vix habet sensus allegoricum, 22, 1.
- Testatoris voluntas cur dicatur testamentum, 366, 1, 2.
- Testibus duobus est reus condemnandus, 509, 1, 2. quot testes requirantur in accusatione presbyteri et Episcopi, *247, 2. antiqui patres dupliciter dicuntur testes, *493, 1.
- Testimonium sæpe pro laude sumitur, *472, 1. testimonia quatuor efficacia quod quis sit filius Dei, 135, 1. et alia tria, 2. præcones verbi opus habent testimonio hominum, 526, 2. testimonium Spiritus Sancti quod simus filii Dei, non adfert certitudinem fidei, sed conjunctam habet incertitudinem et timorem, 134, 3 et seqq. id quintuplex est, 135, 1. quomodo testimonia e veteri Testamento petita citent Evangelistæ, 27, 2.
- Testudo symbolum est matrisfamilias, *330, 1.
- Tetragrammaton nomen Dei non est idem cum *Jesus*. *28, 2 et seqq.
- Thales ad astra dum suspicit, in foveam incidit, *129, 1.
- Theatrum vitæ et martyrii, 285, 1, 2 et seqq. sunt duo theatra in mundo, Dei et hominum, 282, 2.
- Thebani cujusdam de Romanis sensus, 254, 2.
- S. Thecla per Paulum a conjugio avocata et Christo desponsata est, 319, 1; 492, 1. an hic eam circumduxerit, et hæc illi fuerit occasio tentationis, 504, 1. superavit ignes, serpentes, leones, 492, 1.
- Themistoclis responsum ad uxorem ardentius quid pro filio petentem, *215, 1.
- Theodali Martyris intrepidum responsum ad tyrannum, *406, 1.
- Theodelinda regina Agilulphum maritum fidem docuit, *205, 1.
- Theodora Sisinnium maritum Christo lucrificavit, 306, 2.
- Theodoretus in omnes epistolas Pauli scripsit, 31, 1. quid sentiat de visione Beatorum, 384, 1. angelorum cultum idololatricum tantum taxat, *93, 2.
- Theodorus philosophus quid responderit Lysimacho mortem minitanti, 151, 1.
- B. Theodorus Studita gloriabatur in flagellis pro Christo susceptis, 582, 1.
- Theodosius Imp. sententias mortis ad xxx dies voluit differri, 648, 1, 2. quas mulieres vetuerit tonderi, 353, 2. moriens filiis pietatem commendavit, *230, 1.
- Theodosius II Imp. habuit quatuor sorores virgines, 320, 1. ejus benignitas et clementia, 217, 2.
- Theodosii Abb. sententia de pugna contra dæmones, 675, 2.
- Theologia nostra etsi certa, est tamen obscura, 383, 2. ejus erit alia species in cælo, nostræ habitus ibi cessabunt, *ibid.*
- S. Theophanes Martyr generose Leoni Imper. respondit, 506, 1.
- S. Theophilam defendit angelus a lascivo adolescente, 320, 2.
- Theophilus Imp. precibus suorum ab interitu servatus est, 307, 1.
- Theophylactus Archiepisc. scripsit in S. Paulum, habet tamen quosdam graves errores, 31, 1.
- Theresia regi Saraceno nubere noluit nisi Christiano, 308, 2.
- Thesaurus ingens repertus ab Imp. Tiberio elemosinario, 478, 1. quis thesaurus Ecclesiæ, ex quo indulgentias dispensat, *80, 2. omnes thesauri sapientiæ erant absconditi in Christo, *83, 2. thesauros varios Antichristo dæmon dabit, et occultos revelabit, *161, 2.
- Thessalonice urbis Macedoniæ elogium, *114, 1.
- Thomæ Christiani utuntur versione Syriaca novi Testamenti, 19. et lingua Chaldaea in sacris suis, 255, 2.
- S. Thomam utraque in India prædicasse est probabile, 182, 1; 486, 1.
- S. Thomas Aquinas a S. Paulo docetur, 10, 1. ab eodem visus est a schola educi, 2. in omnes ejus epistolas scripsit, 32, 1. quoto ætatis anno monasterio se adixerit, *303, 2.
- Thomas Morus quid de uxore parva censeret, 320, 1. quid prædixit laboriose se ornanti, *205, 1. generose terrena omnia contempsit, *454, 2.
- Thorax corporis in duas partes distinguitur, 679, 2.
- Thorus immaculatus in omnibus quid sit, *514, 2.
- Thuribulum nullum fuit in Sancto sanctorum, *433, 2.
- Thus apud omnes gentes in sacris in usu erat, et id sacrificiis imponebatur, *68, 1. et panibus propositionis, *432, 2.
- Thymiana mane et vesperi offerebatur, *436, 2.
- Tiara pontificis Hebræi quid mystice designaret, *195, 2.
- Tiberius Imp. osculum occurrentium invicem frustra impedire voluit, 54, 1. fuit fabularum studiosus usque

- ad ineptias, *178, 1. fuit benignus in Christianos, *316, 1.
- Tiberius II Imp. fuit in egenos effusus, 478, 1.
- S. Tiburtius fuit a S. Cæcilia factus Christianus et martyr, 318, 1. ejus in tormentis constantia, 152, 2.
- Agurinum Versionem Leonis Hebræi F. Vatablus secutus est, 38, 1, 2.
- Timere Deum, est eum colere, *229, 2.
- Timor optimum est medium ad perseverandum, *32, 2. quomodo is sit comparandus, 33, 1. timorem de gratia Dei perdenda semper habere debemus, 193, 2. quantum is crescit, tantum crescit sanctitas, 464, 1. timoris filialis conditiones, *396, 1. quid sit timor castus, *ibid.* timor Domini est duplex, et diversimode in Script. accipitur, 450, 2. timor capitur subinde pro reverentia, 221, 1.
- S. Timotheus fuit a S. Paulo circumciscus, 332, 1. et cur ipse, non Titus, 527, 1. quam sincere Paulo servierit et adfuerit, *39, 1; *177, 1. ei dedicat S. Dionysius librum *de Divinis Nomin.*, *283, 1. eum Paulus vinculis desideravit videre, *278, 2. abstemius fuit, sed jussus medico vino uti propter stomachum, *249, 1, 2. ex longa abstinentia morbos contraxit, *ibid.* cur eos Paulus non sanavit, *ibid.* ejus in morbis zelus et mortificatio, *249, 2. qua ætate factus sit Episcopus, *231, 2. per quadruplicem prophetiam ordinatus est, *189, 2. cur vocetur homo Dei, *261, 1. erat natura acrior, *334, 1. Fuit Archiepiscopus Ephesinus, *174, 1. fuit probe a matre Christiana in fide enutritus; fuit martyr et virgo, *ibid.* fuit angelus Ephesi cui S. Joannes scribit, *ibid.* quot annis præfuerit: ei Onesimus successit: laudatur a Christo in Apocalypsi, *ibid.* erat in vitiis castigandis æquo severior, *177, 2. fervorem primum reliquit, quod videret se corripiendo parum proficere: hinc a Christo corripitur, et a Paulo monetur, *ibid.*; *174, 2. fervorem postea resumpsit, *174, 2. videtur aliquando in vinculis fuisse, *524, 1. quando Paulo cœperit adhærere, *301, 2.
- Titulus Ecclesiæ est titulus crucis, *53, 1.
- S. Titus natura erat mitis, *334, 1. missus fuit Corinthum ad colligendas elemosynas, 474, 1. cur eum Paulus non circumciderit, 527, 1. eum semper penes se habuit utpote interpretem græce doctum, 428, 2; 493, 1. retulit ad Paulum in Macedonia agentem statum Corinthiorum, 428, 2. fuit oriundus Corintho, et utroque parente Gentili: vitæ ejus sanctimonia et conversio a Paulo: creatus est ab eo Archiepiscopus Crætæ et vicinarum insularum, *318, 1. quoto ætatis anno et quo loco mortuus: quando dies ejus natalis celebretur: scribit ad eum Paulus, et quid, *ibid.*
- Titi Imp. erga fratrem Domitianum benignitas, 217, 2. ejus beneficentia, *521, 1.
- Tobias senex an in Alemanniam iverit curandus a cæcitate, *343, 1, 2. Tobiz liber scriptus chaldaice in captivitate Assyriaca, *ibid.*
- Togorma sunt Phryges, *164, 1.
- Tolerans peccantem, supplet ejus defectum, 574, 2.
- Tomi vocantur a Græcis tractatus et libri, *288, 1.
- Tonderetur Religiosæ, *288, 2 et seq. quas mulieres vetet tonderi Concil. Gangrense, *ibid.* solemne fuit in Ecclesia Religionem ingredientibus tonderi, *ibid.*
- Tonsores quando primum Romam inducti, 357, 1.
- Tormentorum martyrii brevitates, 444, 2.
- Torpor quomodo animi pellatur, *273, 1.
- Torta azyma erat panis in esu agni paschalis, 363, 2.
- Tortores fabricant Martyribus coronas in cælo, 92, 1.
- Tractare recte verbum veritatis quid sit, *287, 1, 2.
- Tractatus vocant Latini suos libros, *288, 1.
- Traditio quid sit, *169, 1, 2. traditiones Apostolorum propugnantur, 352, 1; 358, 2; 371, 2; *166, 1; *279, 2; *282, 2. sunt servandæ, 416, 2. traditione accepimus cruce frontem signandam, *53, 1, 2.
- Traducem animæ insectantur SS. Patres, *415, 2.
- Tragœdia unde dicta, et ubi inventa, 225, 1.
- Trajani Imp. clementia, 217, 2. acriter in Christianos sævit, *488, 2.
- Tranquillitatem animi dat christianismus, 580, 2. tranquillitas conscientia. — *Vide Conscientia*, Pax.
- Transitoria sunt mundana omnia, 316, 1.
- Transformamur per Evangelium et gratiam Christi, 436, 2.
- Transitus maris Rubri fuit typus baptismi, 388, 2.
- Transmigrationem animarum docebat Pbarisæi, *43, 1.
- Transpunctio Judæorum quænam sit, 189, 2 et seqq.
- Transylvania novos produxit Arianos, *333, 1.
- Transsubstantiatio Eucharistica astruitur, 364, 1.
- Trepidantes festini hic illucque discurrunt, 174, 2.
- Trevirensis lingua an fuerit Galatis in usu, 514, 1.
- Tria sunt omnia* quomodo intelligatur, 500, 1.
- Tribadum mulierum libido preposterata, 54, 1.
- Tribulatio Pauli in Asia quæ fuerit, 421, 2. cur tribulatio dicatur mors et mortificatio Christi, 441, 1. hæc interiorum hominem confortat, 443, 1. patientem semper sequitur, non antevertit, 441, 1. tribulationes Sanctis cooperantur in bonum, 143, 1. earum utilitas, 506, 1. alacri animo sunt expiendæ, 92, 1. dantur a Deo ad concupiscentiam coercendam et puniendam, *ibid.* sunt velut lapides pretiosi quibus Sancti lapidantur, 136, 2. per eas conformamur Christo, 91, 2; 441, 2; in iis imitari oportet constantiam Abraham, 87, 1. sunt breves, sed perennem afferunt gloriam, 444, 1. in iis gaudere vere magnum est, *117, 1.
- Tribus Benjamin dignitas, *42, 1, 2, tribus Ephraim major erat reliquis, *479, 2.
- Tributum quid sit, et unde dicatur, 221, 1. cur id regibus præstetur, *ibid.*
- Trinitarii hæretici magistratum, judices, judicia, quibus civilis justitiæ debita repetantur, abrogant, 222, 2.
- SS. Trinitas fuit philosophis incognita: sine fide ac lumine supernaturali cognosci naquit, 50, 1. ipsa tota est in nobis, 148, 2. ejus æqualitas in una essentia probatur, 198, 2. ei per Christum omnis honor deferretur, 245, 1. est prima virgo, 320, 1. opera ad extra sunt toti Trinitati communia, 873, 1. singularum ejus personarum propria, 513, 1. ejus consubstantialitas, *ibid.* eam S. Paulus sæpe inuit, *337, 2.
- Tristitiæ secundum Deum septem effectus, 468, 1. quomodo hæc differat a tristitia sæculi, 465, 1. unde ambæ nascantur, *ibid.* et seqq. earum descriptio, 2. usus et fructus utriusque, *ibid.* tristitia sanctorum et impiorum qua re differant, 459, 1. quam tristitiam in morte amicorum vetet Apostolus, *130, 1. Pauli tristitia ob Judæorum reprobationem, 107, 1.
- Triumphus Dei passio Martyrum est, 428, 2. triumphus Christi et Ecclesiæ, 626, 1. quomodo Christus de dæmone triumphavit, *90, 1.
- Troadius adolescens martyrio dæmonem vicit, *315, 2.
- Trozeniæ virgines ante nuptias Palladi zonam dedicabant, 677, 2.
- Trophimus a S. Paulo æger Mileti relictus est, *316, 2.
- Trullana Synodus non est legitima, *212, 1.
- Tuba in extremo judicio sonitura cur vocetur Dei, *131, 2. erit sensibilis clangor formatus ab angelo, ex qua materia futura sit incertum: ad quid canet, *ibid.* erit novissima: cur vocetur vox Filii Dei, **ibid.* quam ejus clangor futurus terribilis, *ibid.* hanc in omni opere representari jubet S. Hieronymus, *ibid.* cur vocetur novissima, 413, 2. quis fuerit clangor tubæ in monte Sina dum lex ferretur, *505, 2.
- Tullianum carcer Romæ fuit, 496, 2.
- Tunicam suam cur sacerdotes Judaici cingulo stringerent, 677, 1. tunica hyacinthina pontificis aerem denotabat, *193, 1.

Turcae an sint Gog et Magog, *164, 1. ante cibum precantur, *228, 1. suos Imperatores vocant Selymos vel Solymanos, *409, 1.
 Turpitudine amat latebras, 324, 2; 438, 1.
 Tutorum potestas quamdiu duret, 549, 1.
 Tympanum quale tormenti genus sit : quomodo eo homines torquerentur, 487, 2.
 Typhus est signum hæresis, *253, 2.
 Typicus Scripturæ sensus non potest esse litteralis, sed tantum eo adumbratus, 329, 2.
 Typus est figura rerum, parabola verborum, *487, 1.
 Tyrannis etiam parere tenentur Christiani, 220, 1. hi sunt figura Antichristi, *153, 2.

U.

Ubiquetariorum error de corporis Christi ubiquitate refellitur, 629, 2. unde is ortus sit, 374, 1, 2.
 Ulcisci Deo propriam, 215, 1. se ulcisci est imbellis, 216, 2 et seqq.
 Ulphilas, Apostolus Gothorum Arianus, suos Arianismo imbuat, 485, 2.
 Umbra Pauli mortuos ad vitam revocavit, 43, 1.
 Una sabbati est prima dies hebdomadæ, 446, 1.
 Unctio significat dationem alicujus virtutis, *860, 2 et seqq. item gratiam Christi, 861, 2.
 Ungulis boum grana excutuntur in tritura, 329, 1.
 Unio fidelium multum confert religioni, 287, 2. ea tanta esse debet, quanta est membrorum in corpore, 376, 2; 623, 2. stimulus ad eam est una spes vocationis, 623, 2. homines etiam debilissimos conservat, *ibid.* unio animorum in amore requiritur, 533, 1. unionis cum Deo excellentia et utilitas, 295, 2. in unione hypotatica declaratur Patris et Spiritus Sancti potentia, et per hanc ipse Deus et Spiritus Sanctus resurrectionem mortuorum induxit, fecitque ut Christus ad vitam resurgeret, 44, 2.
 Unitas spiritus cum Deo, et similitudo Dei, 296, 1.
 Uni rei salutem cum tribuit Paulus, non excludit res alias, 178, 1. quomodo unus bravium accipere dicatur, 332, 2. unus Deus est Judæorum et Christianorum, 545, 2 et seqq. unius viri uxor quæ dicatur, *210, 1.
 Episcopus sit unius uxoris vir, *210, 1. uno cadente alius substituitur, 191, 1.
 Urbanitas qualis Christiano usurpanda, 631, 1. immoderata non est virtus, *ibid.*
 Urbanus Pontifex inter sepulcra Martyrum repertus est, dum a Valeriano quæreretur, *490, 2.
 Urbes maritimæ undenam male moratæ, *325, 2. urbes quadratæ firmissimæ, ornatissimæ, *423, 2. cur urbes primarias primo adierint Apostoli, 593, 1.
 Uri populi in Peru fugientes hominum, 55, 1.
 Urim et thummim, id est, doctrina et veritas, in Rationali pontificis moraliter inscripta, *200, 1.
 Urna manna non fuit in arca, sed ad illius latus, *434, 2.
 S. Ursinus jam moribundus uxorem a se abesse jussit, 300, 1.
 Usucapio calceo denotatur, 680, 1.
 Usus immodicus rerum a Paulo vetatur, 202, 1; 314, 2.
 Ut sæpe non causam, sed consequentiam significat, 104, 1; 193, 1.
 Uxore caste utendum, *128, 1. quando eam liceat dimittere, 305, 2. quomodo colere et timere debeat virum, 661, 2; 667, 1. voto astricta, debitum reddere potest, non exigere, 304, 2. marito mortuo, soluta est vinculo maritali, 418, 1. sui corporis non habet potestatem, et quomodo, 300, 2. est vas viri, *128, 1. an sit malum necessarium, 320, 1. domi maneat, *880, 1. virum interroget si quid discere velit, 336, 2. ut viro imperet, pareat, *108, 2. ejus vitium tolerandum aut tollendum, 668, 1, 2. ei et viro par jus in matrimonio, et

divortio, 305, 2. ei dantur varia præcepta, 662, 1. quomodo cum rixosa uxore agendum, 668, 1, 2. quibus uxorem Paulus permittat, 800, 1. uxores diaconorum quas debeant habere dotes, *217, 1.

V.

Valens Imp. Gothis ad fidem transire volentibus Arianos doctores submisit, 485, 2.
 Valens monachus misere a dæmone deceptus est, 494, 2.
 Valentinianus Imp. junior S. Pauli basilicam Romæ adauxit, 17, 1.
 S. Valentinus in morbo comitali invocatur, *378, 2.
 Valentinus hæreticus docuit Christum humanam naturam e cælo detulisse, 40, 1; 441, 2; 550, 2; *877, 1. ejus error de duplici baptismate, 624, 2. ejus triginta zænes, 597, 1; 616, 2; *178, 2. quæ dogmata a quibus philosophis sit mutuatus, *85, 2.
 S. Valerianus a Cæcilia ad fidem Christi et castitatem conjugalem adductus est, 301, 1, 2; 306, 2; 318, 1.
 Valerianus Imp. quod Christianos afflisset, a Persis captus ignominiosus fuit, *489, 1.
 Valetudo quæ sit athletica, 333, 2. valetudo summe bona sæpe fallax est, 336, 1.
 Vallis Josaphat futura locus judicii, *132, 2. quomodo ea omnes homines capiet, *134, 2.
 Vanitas est a creaturæ inclinatione aliena, 139, 1. vanitas rerum mundanarum, 315, 2 et seqq. vanitas Gentium orta est ex errore intellectus, 637, 2.
 Vas uxor typice vocatur, *128, 1. item corpus, 2. vas vocant Hebræi quodcumque instrumentum, 1. quæ sint vasa in honorem et contumeliam, allegorice, 171, 1; *293, 2 et seqq.; *294, 2. vasa quædam aurea sunt in contumeliam, et testacea in honorem, *294, 2. vasa misericordiæ et vasa iræ, sunt eadem quæ vasa in honorem et in contumeliam, 172, 1 et seqq. vasa iræ propria culpa aptantur in interitum, *ibid.*
 Vectigal quid sit, unde dicatur, cur solvatur et unde, 221, 1.
 Velamen mulieris est signum eam viro esse subjectam, quia velamen gestant qui potestatem in alio venerantur, 355, 1. mulieres tenui velamine se velantes carpuntur, 356, 1. quid denotet velamen vultus Moysi, 435, 1. mysticum velamen cordis Judæorum est eorum pertinax adhesio ad legem veterem, 2. velamen decet virgines, 356, 1. olim velabantur sponsæ et virgines Deo sacrandæ, 478, 2. velamen virginum olim benedicebatur, 356, 2.
 Velum Sancti sanctorum allegorice carnem Christi denotabat, *459, 1.
 Veneti asservant autographum Evangelium S. Marci, 35, 1, 2.
 Venialia peccata velut stipulæ sunt, 270, 1.
 Venter est vilissima pars hominis, 294, 1. est in morte destruendus, *ibid.* gulones eum habent ut Deum, *53, 2. et hic iis est vitæ charybdis, *ibid.* quin et ipsi dicuntur ventres, *325, 2. venter est nutrix totius corporis, 375, 1. venter mero æstuans despumat in libidinem, 658, 2.
 Venus quomodo a Babylonis virginibus coleretur, 677, 2. ejus cultus etiam Corinthi viguit, 297, 2; 341, 2; 357, 2.
 Ver est symbolum adventus Christi et Apostolorum, 220, 1.
 Veracitatis descriptio, 67, 1.
 Verbum cur Dei Filius dicatur, *321, 2 et seqq.; *ibid.* in Incarnatione non est in carnem transformatum, *26, 1. caro ejus fuit vestis, *ibid.* ipsum in Christo duas habet formas, sive naturas, *23, 2. vocat id Apostolus magnum pietatis sacramentum, *220, 1. in incarnatione ex mentali factum est vocale, *388, 2. tunc quoque factum Verbum abbreviatum, 173, 1. Pater

- per ipsum creavit omnia, *351, 2. et omnia sæcula aptavit, *472, 1, 2. quomodo differat a verbo nostro, *888, 1.
- Verbo Dei scripto omnia non sunt statuta, 397, 1, 2. quoniam id adulterentur, 430, 1. est gladius in tentationibus, 683, 1. id non est plena credendum forma, *466, 1. id auditum vitam non confert, 622, 1. id et ejus præcones opus habent testimonio hominum, 526, 2. est liberum, et non alligatum, *285, 2. non est minus efficax quam reliquiæ Sanctorum, 46, 1. quid sit *verbum auditus*, *122, 1. quid verbum consummatum in justitia, 172, 2 et seqq.
- Verba consecrationis non significant figuram, 341, 1. sunt intelligenda, vere ut sonant, non tropice, 359, 1 et seqq. etsi sint sacramentalia, non tamen sunt typica, *297, 1. verba Christi vita sunt, 362, 2. verba sunt indicia mentis et cogitationis, 645, 1, 2. verbis turpibus contristatur Spiritus Sanctus, 646, 2. verba bona quæ sint, *400, 1, 2. quid sit verbis contendere, *286, 2.
- Verecundia metus est dedecoris et probri, *510, 1, 2.
- Veritas quadruplex est, mentis, oris, objecti, operum, 383, 1; 511, 2; 634, 2 et seqq. quadruplici item veritate miles Christianus cingi debet, 678, 1. est sita in indivisibili, *52, 1. non fugit lucem, *282, 2. eam Gentiles incarcerationum, 49, 1. nimium altercando amittitur, *253, 1. veritatem oblatam repudiantis puniuntur poena infidelitatis et errorum, *159, 1. stabiles habet pedes, *301, 1. ipsa et fidelitas Hebræis sunt sorores, 678, 2. veritatem auctor in hoc commentario ubique spectavit, *524 et seqq.
- Versio duplex alicujus loci est in nonnullis ab Ecclesia probata, *499, 1. versio Syriaca cujus sit auctoritatis, 20. versionis Vulgatæ auctor S. Hieronymus, 23, 1.
- Vespera xiv paschæ proprie festum non fuit, 289, 1.
- Vestales fornicantes vivæ in terram defodiebantur, 120, 1.
- Vestis symbolum est Ecclesiæ, 518, 1. vestis candida dabatur recens baptizatis, 107, 2. quid per eam denotetur, 258, 1. vestis viduarum olim erat distincta, *256, 1. quæ olim esset vestis virginum, quæ viri Christiani, 354, 2. vestis pauperum erat melote, *489, 2.
- Veternus gravissimus Judæorum, 189, 2.
- Vetulæ pacem colant, castitatem foveant, *329, 2.
- Vetus homo quid sit, 109, 2; 639, 2; 640, 1; *104, 2. is dupliciter est cum Christo crucifixus, 109, 2. et dupliciter corrumpitur, 639, 2.
- Via excellentior ad Deum est charitas, 377, 1, 2. viam in cælum stravit nobis Christus, *458, 2. viæ particulares quibus quis in cælum pertingat, sunt ei sæpe incognitæ, 142, 2.
- Viator Christianus fame pressus an idolothya edere possit nemine conscio, 348, 1.
- Vicarius Antichristus non est, sed oppositus Christo, *150, 2.
- Vicesimus quintus annus ætatis est finis tutelæ, 549, 1.
- Vicinior quo quis est palmæ, eo currat citatius, *387, 2.
- Victima unde dicatur, 201, 1. quas habere debeat conditiones, 2. victima Abelis erat dignior quam Caini, *473, 1. victima piacularis sæpe in Scriptura dicitur peccatum, 455, 1. cur victimis olim manus imponerentur, *233, 2. habebant suum libamen ex oleo et vino, *37, 2; *309, 1. eorum sanguine federe sanciebantur, 366, 1. et is in federe dividebatur, *ibid.* an iis peccata dimitterentur, *446, 2. in se non placebant, nec placabant Deum, *453, 1, 2. earum partes quibus cederent, *518, 2. qui sunt Paulo mysticæ victimæ, *309, 1.
- Victores frequentes, promptiores sunt ad nova certamina, *498, 1.
- Victoria Martyrum in quo sita sit, 151, 2. quæ sit victoria Christiani, *310, 1.
- Victorinus Rhetor ad fidem adultus conversus, ejus professionem edidit, *262, 2.
- Victoris Proconsulis Carthaginiensis in morte constantia, *407, 1, 2.
- Victus athleticus quis sit, 383, 2.
- Videre pro quibus sentire ponitur aliquando, 140, 2. item pro cavere, *41, 1. nemo videre Deum potest naturæ suæ viribus, *265, 1. quid sit videre hic eum per speculum, 384, 1.
- Vidua quomodo parentibus vicem reddat, *236, 2 et seqq. sit temperans a vino, *ibid.* cur pro viduis oret Ecclesia, *236, 1. eas tutatur Deus, *237, 1. cur ægre in monasteria admittantur, *246, 1. quæ viduæ ab omni præsidio et subsidio destitutæ sint, *235, 2. viduæ Ecclesiasticæ quæ et quales esse debeant, 236, 1 et seqq. quædam domi seorsim, quædam in collegiis vivebant, *ibid.* septem earum dotes requirit Apostolus, *237, 2 et seqq. viduæ univærſe honorabiles erant etiam Ethnicis, *240, 2. cur juniores a templi ministerio arceat Apostolus, *242, 1. has nubere suadet, non jubet, *245, 1.
- Viduitas melior et beatorum matrimonio, 322, 2.
- Viennensis Ecclesia agnoscit Crescentem fundatorem, *318, 2.
- Vigilant Superiores pro subditis, *522, 1. vigilandum Christiano, *137, 2.
- Vigilantius censuit animas Sanctorum non videre Deum ante diem judicii, *491, 1. se opposuit elemosynis, 469, 2.
- Vigilia spiritualis suadet, 224, 1. ejus remora, *138, 1. vigiliæ primorum Christianorum, *136, 1.
- Viginti tria millia quæ sint illa Hebræorum cæsa quorum Paulus meminit, 342, 1.
- S. Vincentius Martyr ad martyrium anhelavit, *497, 1. in igne illæsus mansit, *421, 1.
- S. Vincentius Ferrerius donatus fuit dono discretionis spirituum, *373, 2. quo anno sit monasticam vitam professus, *303, 2. dæmonis fraudes agnovit, 676, 1.
- Vinctis compati debemus, *514, 1.
- Vincula Pauli sunt insignia gloriæ, 610, 1. ea purpuræ Neronis præferuntur, *285, 2. per ea non impeditum, sed promotum est Evangelium, *8, 2. animare ea Christianos debent ad cruceſ tolerandas, *112, 2. quando ejus prima vincula contigerint, *1, 2. vincula Martyrum sunt gloriosa, *110, 2. vinculum matrimonii quam sit arctum, 295, 1; 665, 1.
- Vindicare se non est actus fortitudinis, sed abjectionis, 216, 2.
- Vindicta virga quæ sit, *248, 2.
- Vindicta Dei horrenda est, 215, 2. contra vindictam documenta, 1. ea a Deo non est roganda, *194, 2. vindicta Dei in Judæos rebellantes, *381, 1, 2. vindicta Christi legislatoris timenda est, *508, 2.
- Vino abstinnit Apostolus, 7, 2. id ipse modicum permittit, *250, 1. quatenus fugiendum, *330, 2. vinum adolescentibus usque ad xviii ætatis annum interdixit Plato, *ibid.* dabatur olim recens baptizatis, 268, 1. vinum Hebræis omnem denotat potum, 361, 2.
- Vipera manum Pauli non læsit, 14, 1.
- Vir qui ab hæretico seduci se patitur, mulier haberi debet, non vir, *300, 1. viri encomium, 354, 1. gloria viri quomodo sit mulier, *ibid.* viri non est alere comam, 357, 1. cur aperto sit capite, 353, 1. naturaliter appetit feminam, *213, 2. superat feminas judicio et ratione, 396, 2. est earum caput diversimode, 352, 2. est iis dignior, *205, 2. vir conjugatus sui corporis potestatem non habet, 300, 2. non magis ab uxore divertere potest, quam hæc ab illo, 31, 2. cur eam debeat diligere, 663, 2. ipse Christo, hæc Ecclesiæ comparatur, *ibid.* ei competit amor, uxori timor et reverentia, 667, 2. uxorem circumducit non alias, 328, 2. vir infidelis per uxorem fidelem sanctificari potest, 306, 2. quomodo viri Christiani olim vestirentur, 356, 2. et Eucharistiam manna exceptam ori inerebant, 370, 1. viri probi ad magistrat-

- tus capessendos compellendi sunt, *209, 1. quo sensu occurreremus omnes in virum perfectum, 632, 1, 2. per virum perfectum intelligenda tota Ecclesia, 632, 2. viri esse debent in divinis docti, ut uxorum questionibus satisfaciatur, 396, 2. cur dicantur viri sancti viri Dei, *260, 2. quid sit *vir dolorum*, 502, 2.
- Virga sceptrum significat, *360, 2. quomodo dicat Paulus in arca fuisse virgam Aaronis, *434, 1, 2.
- Virgo nomen a virtute derivatur, 317, 2. e virgine Antichristus non est nasciturus, *157, 1. virgo superba, est proxima lapsui, 54, 2 et seqq. virgo quædam ad aram confugiens cum ad nuptias cogeretur, quam intrepide responderit, *141, 1. virgo nunquam sine arbitro cum viro loquatur, *213, 2. corpore et spiritu sancta sit, 317, 1. an debeat manere ininnupta, 311, 1. sit tecto capite in publico, 356, 1. eam non facit abstinencia a conjugio, sed amor integritatis, *235, 1. sanctarum virginum parendus est Deus et angeli, 320, 2. hinc omnes ad lupanar ductæ semper indemnes inde exiere, *ibid.*; *421, 1. ipsæ dignitatem suam et nuptias suas religiose colere debent, 491, 2. olim erant cinctæ, 677, 2. et dabatur iis velum et annulus cum Deo sacraentur, 491, 1, 2. id velum dicebatur flammæum, 356, 2. olim pulla veste induebantur, *ibid.* sunt angelis similes, 318, 1. spirituales connubium ineunt cum Christo, *ibid.* earum proles, *ibid.* plus cæteris a Christo amantur, *ibid.* sunt nobilissima pars Ecclesiæ, *ibid.* in cælo eximium habent præmium, *ibid.* non debent Christo se dicare, nisi velint perseverare, 304, 2.
- Virginitas denotatur cingulo, 677, 2. est bona, 312, 1. est nota veræ Ecclesiæ, quæ non invenitur apud hæreticos, 54, 2; 318, 2; 458, 1; *119, 2. per eam anima perfectissime Deo desponsatur, 491, 1. conjugio præstat dupliciter, 313, 2; 317, 1, 2. non est præceptum, sed consilium, 306, 1; 312, 1. ejus votum non est laqueus, 319, 2. in se est virtus, 317, 1. virginitas inter tres in Ecclesia status præcellit, 2. ejus elogia, *ibid.* octo ejus excellentiæ, *ibid.* est imitatio vitæ angelicæ, *ibid.* est holocaustum, 318, 1. facit hominem Deo similem, *ibid.*, 2.
- Virtus Dei et potentia in eo quæ rerum omnium est causa, ea elucet maxime in creatione, 50, 2. virtutis suæ verbo Deus omnia fert, *354, 1. virtutem aliquam quilibet a Deo accepit, in qua alios præcellat, *20, 2. virtus in infirmitate perficitur, 505, 1, 2. virtutis cujuslibet dimensiones, 619, 1. virtus omnis est gloria digna, 281, 1. virtus omnis definienda per charitatem, 223, 2; 380, 2. seipsa contenta est, *255, 2. una alteram adescat, *34, 1. est quædam puritas et incorruptibilitas, 685, 2; *279, 1. est in nostra potestate, 24, 2. est secundum naturam, 62, 1. parit invidiam, *8, 2. sine patientia non est perfecta, 380, 2. crescit adversis, 505, 2. est in medio sita, sicut centrum in circulo, *180, 2. nulla per se consistit, sed indiget ope aliarum, *106, 1. virtutis capaces animæ cur sæpe vitia aliqua præmittant, 2, 1. virtus infidelium vana est et falsa, 235, 2. virtus externa est indumentum Christiani, 226, 1.
- Virtutes heroicæ Apostoli Pauli in cursu Evangelii, 6, 2; *301, 2. virtutes reprobis cooperantur in malum, 143, 2. earum perfectio consistit in promptitudine voluntatis, 471, 2. omnes sunt fructus Spiritus Sancti, 568, 2. et omnes in prudentia connexæ, *212, 2. earum conatus necessarius est ad perfectionem tendenti, *48, 1. lumina sunt veritatis, 678, 1. melius discuntur exercendo quam speculando, *396, 2. tanto iis conatu est studendum, quanto quis sectatus est vitia, 113, 2. earum progressus temptationibus comparatur, 344, 1. virtutes episcopales et vitia contraria, *323, 2. cur eas heroicæ et raras in Episcopo non requirat Apostolus, *217, 2.
- Viscera sanctorum quomodo requiescere et refocillare dicantur, *343, 2. quæ sint viscera charitatis, 648, 1, 2. viscera sunt symbolum misericordiæ, 200, 1; *7, 2; *19, 1; *343, 2. an viscerum dolor fuerit Paulo stimulus carnis, 503, 1, 2.
- Visio beatifica cur dicatur stella matutina, 421, 2. hæc promittitur omnibus qui a peccato sunt puri, *503, 1. quomodo visio supermundana dici possit tertium cælum, 500, 1. visio S. Gregorii Nazianzeni de sapientia et castitate, 320, 2. visio Fursei de igne futuro intelligenda, 270, 2. varias visiones habuit Paulus, 503, 1.
- Visum hominis quatenus extendere Deus possit, 443, 2. Sanctorum aliquorum visum mire confortavit, 501, 1.
- Vita æterna promissa est et datur certantibus, *262, 1. quibus eam promiserit Deus, *320, 2. quomodo dicatur gratia vita æterna, 80, 1; 115, 1 et seq. cur item præmium Beatorum, 115, 1, 2. datur Dei amicis, 132, 1. dicitur lux, *277, 1. in ea post resurrectionem amplius non moriemur, 110, 2.
- Vita nostra a corde procedit, 47, 2. momentanea est, 224, 2; *6, 2. ea decrescit dum ætas crescit, *257, 1. diffluit citius torrente, 316, 2. mercatus est, in quo omnes opes, puta virtutes, comparare possumus, 578, 1; 658, 1. licet eam postponere professionis suæ aut voti sanctitati, 348, 1. vigilia est, *137, 2. magis mors est quam vita, *103, 2. ejus brevitatis, 313, 1; 316, 2; *256, 2. ejus ærumnæ, *14, 2 et seqq. est militia, 225, 1. et stadium, *310, 1. et vanitas, *267, 1. vita longa promittitur filiis parentes honorantibus, 469, 1, 2. eam solet Deus ob peccata abbreviare, 656, 2. vita bona non est differenda in crastinum, *382, 1. ejus præmium, *333, 1. vita spiritualis et supernaturalis credentibus promittitur, 48, 1. bona conscientia est vita bona, *180, 1. vita cælestis et sancta agenda est, 654, 2; *54, 2. vitæ spiritualis causa formalis est justitia, 132, 2. vita mala desinit in hæresin quatuor ob causas, *192, 1. hanc castigat Deus per subtractionem sui luminis, veritatis et fidei, *ibid.* hæc est causa hæreseos, *301, 1. vita in deliciis est mors, *237, 1. vita carnalis non erit in cælo, 412, 2. vita cum impiis non caret peccato, *483, 2. vita docentis majus pondus habet gravitate dictionis, *232, 1. quomodo vita sanctorum abscondita sit in Deo, *102, 2. vita Christi est speculum morum, 437, 1. ipse quæque nobis triplex est vita, *11, 1; *103, 1. Deus est vita animæ, *237, 1. vitæ Apostolicæ descriptio, 283, 1, 2. et vitæ Religiosorum, 459, 1.
- Vitium partium hominis functiones, 263, 1.
- Vitium est contra naturam, 62, 1. est quoque obliquum et tortuosum, *37, 1. et mendacium, *64, 2. habet homo aliquod vitium capitale, atque hoc ei eradicandum est, *50, 1. quæ vitia ex hæresi nascantur, 55, 1. vitia sunt Deo immolanda, et per quæ animalia singula denotentur, 201, 1. sunt invicem subordinata, *192, 1. quomodo ea in aliis arguenda sint, *306, 2. — *Vide Peccatum.* — Vitia sensim et constanter eradicanda sunt, *106, 1, 2.
- Vituli aurei lætitiæ quomodo clauserint Hebræi, 341, 2.
- Vivere in fide est pergere in fide inchoata, 48, 1. quid sit vivere iustitiæ vel peccato, 106, 1; 111, 1, 2. quid vivere in lege, 176, 1, 2.
- Vivificet quomodo Deus mortuos, 86, 1.
- Vivus quomodo Antichristus mittendus in infernum, *156, 2. quosnam vivos Christus iudicaturus sit, *133, 2.
- Vocantes et vocati ad fidem, ignobiles, pauperes et rudes erant, 257, 1.
- Vocare Dei est efficax, 86, 2. *vocari* pro vera esse in Scriptura res aliqua dicitur, 172, 2; *455, 2. quid sit vocari semen alicujus super aliquem, 159, 2.
- Vocatio opus est gratiæ Dei, 24, 1; 257, 2. vocatio alia efficax, alia inefficax est, 195, 2. alia ad gratiam, alia ad gloriam, 24, 1. includit liberum arbitrium, 162, 1. ejus beneficium cum humilitate recensendum, 248, 1. sunt circa eam tria notanda, 250, 2. non pendet ab hominis dispositione, 145, 1. vocatio prima excludit opera

existentia et futura, 162, 1. vocatio prima ad fidem est a solo Deo, non a nostris meritis, 145, 1; 248, 1. est ea cum admiratione recolenda, 248, 1. ea est ex meritis Christi, 614, 2. vocationi ad statum perfectum non est resistendum, *388, 1. vocatio S. Pauli valde potens fuit, 2, 1.

Vocationis Gentium mysterium primus cognovit Paulus, 4, 1. quomodo id Prophetis ignotum fuerit, 611, 1. vocatio Gentium æque ac Judæorum fuit sacramentum voluntatis divinæ, 590, 2.

Vocati secundum propositum qui sint, 144, 1. et ii tam sub veteri Testamento, quam sub novo, *442, 1. *vocatus* est nomen dignitatis, 38, 1.

Voluntas corde denotatur, 178, 1. accipitur interdum pro appetitu, 601, 1. voluntas interior mala prohibetur præcepto *non concupisces*, 119, 2. voluntas ultima testatoris vocatur testamentum, 366, 1. voluntatis actus est ad fidem necessarius, 178, 1. omni operi pio adsit voluntas, *244, 1. voluntas Dei alia antecedens, alia consequens, *196, 2. ejus interpretes sunt concionatores, 470, 1, 2. illa significat quid velit nos facere, *127, 2. ex pura Dei voluntate Judæi a fide sunt rejecti, Gentiles electi ad eam, 155, 1, 2. ea est triplex, bona, beneplacens et perfecta; et quænam singulæ, *ibid.* quomodo ab Apostolo describatur, *ibid.* ei nemo obstrepere debet, 170, 1. voluntas nostra attemperanda divinæ, et ei conformanda; id exemplo pulchro confirmatur, 204, 1. voluntates omnium habet Deus in sua manu, 52, 2.

Voluptatibus non est immorandum, 314, 2. non sunt condignæ ad pœnas æternas, 137, 1, 2. juvenes in eas proni sunt, *330, 2. voluptas conjugii fellea, 314, 1. voluptas maxima vicisse voluptatem, 568, 2; *299, 2. voluptas spiritualis contraria est carnali, *299, 2.

Voluptuarii laborant morbo pruriginis, *308, 1.

Votum *cherem* quod esset, 157, 1. vota adolescentulis menstrua potius quam perpetua permittenda, *246, 1. vota Religiosa non sunt laqueus, 319, 2. ea allegorice per mensam, candelabrum et altare significantur, *436, 1. his anima perfectissime Deo desponsatur, 491, 1. voto castitatis adstrictis satius est uri et fornicari, quam nubere, 301, 1. votum continentie olim irritabat matrimonium: quando id cœperit irritare, *ibid.* fuit id in usu tempore Pauli, *244, 1. votum est pars quædam virtutis religionis, *ibid.*

Vovens, dat Deo arborem cum floribus, *244, 2.

Vox est nota interioris affectus animi, 389, 1. voces exclusivæ additæ nominibus essentialibus Dei, et attributæ uni personæ non excludunt alias, *189, 1. quænam vocum novitas damnetur a Paulo, *288, 1.

W.

S. Wernherus puer fuit a Judæis in parasceve cruci affixus, 535, 1.

Wiclef aiebat justos esse proprie rerum omnium dominos, 275, 2. docuit sacerdotes pares esse Episcopis, *822, 2.

X.

Xantippe, Probi in Hispania uxor, Pauli modestia est ad fidem conversa, 240, 2.

Xantippes Socraticæ procacitas, 668, 1, 2.

Xenocrates philosophus natura erat tetricus, *111, 1.

Xystus Pontifex in cœmeterio S. Callisti gladio est percussus, *490, 2.

Z.

Zacharias, Joiadæ filius, fuit lapidatus, *488, 1.

Zelotæ Judæi quam in sua opinione pervicaces fuerint, *335, 2.

Zelus est quasi pallium Dei, 682, 2. zelus Apostoli, 157, 2; 564, 1; *6, 2. zelus ejus pro judaismo, deinde pro Evangelio, 1, 2. zelus ignis quis sit, *466, 2. zelus animarum, et studium homines convertendi, est opus angelicum, *364, 1.

Zenas Pauli socius erat peritus legis Mosaicæ, et proinde ad Judæos revincendos aptus, *340, 1.

Zeno uxores communes in republica statuebat, 53, 2. etsi natura severus, in convivio exilarescebat, 659, 2. quid adolescenti curioso dixerit, *129, 2. ad convicia non movebatur, *466, 1.

Zona quinque significat, 677, 1. zona pontificis quid significet symbolice, *195, 2. — *Vide* Cingulum.

Zoroastres quomodo Deum definiat, *511, 2.

Zuinglius censet Gentiles Justos sine Christi fide salvatos, 61, 2. et non peccatum, sed tantum pœnam peccati, transisse in omnes homines, 97, 1. fuit eductus a dæmone, 518, 1; *333, 1.

INDEX

MATERIARUM MORALIUM

PRO CONCIONE

EVANGELIORUM DOMINICARUM TOTIUS ANNI,

ET FESTORUM PRINCIPALIU, QUÆ IN HISCE COMMENTARIIS LATIUS DEDUCUNTUR.

DOMINICA I ADVENTUS.

SURGENT PSEUDOCRISTI, ET PSEUDOPROPHETÆ, Matth. xxiv. De persecutione Antichristi, quæ extremum iudicii diem præcedet, itemque de defectione a Romano imperio, *142, 2 et seqq.

ERUNT SIGNA IN SOLE ET LUNA, Luc. xxi. Omnes creaturæ in die iudicii contra impios pro Christo iudice pugnabunt, *461, 2.

TUNC VIDEBUNT FILIUM HOMINIS, etc. De ordine et progressu diei iudicii, *138, 1 et seqq. Quare dies iudicii nobis sit incerta, *135, 1 et seqq. Quando iudicium fiet, *136, 1. Facies Christi iudicis erit electis lumen, reprobis poena, *145, 2. Christus iudex erit omnibus admirationi, *146, 1. — *Vide notata de Iudicio, Domin. VIII post Pentecost. et Domin. XXIV.*

DOMINICA II ADVENTUS.

CUM AUDISSET JOANNES IN VINCULIS OPERA CHRISTI, Matth. xi. Pro Christi gloria vinciri quam gloriosum, 610, 1. ubi multis agitur de laudibus vinculorum S. Pauli ex. D. Chrysost., etc., *275, 3; *285, 2. Vincula Pauli omnes Christianos ad crucem animant, *112, 2.

CÆCI VIDENT, etc. Nova fides miraculis debet confirmari, 507, 1, 2.

BEATUS QUI NON FUERIT SCANDALIZATUS IN ME, etc. Scandalum quid sit, et unde dicatur, 232, 2. Scandali peccatum quomodo Superiores incurrant, 328, 1.

ARUNDINEM VENTO AGITATAM. Dei fidei et morum inconsistentia in hæreticis, 634, 1.

HOMINEM MOLLIBUS VESTITUM. De vano mulierum ornatu in vestibus, *203, 1.

PROPHETAM. Prophetæ vox varie in Scripturis accipitur, 386, 1 et seqq. Prophetia qualis sit gratia, 207, 2.

DOMINICA III ADVENTUS.

TU QUIS ES? Joan. i. Omnia nostra quæ habemus, a Deo sunt, 280, 1. Scientia humana quomodo sit utendum, 324, 1. In quibus nobis gloriandum, 486, 2 et seqq.

PROPHETA ES TU, etc., ET DIXIT, NON SUM. Joannes vere erat Propheta, recte tamen hoc de se negat: possumus enim sine mendacio, etsi sancti et probi videamur, nos aliis omnibus inferiores æstimare, *42, 2.

EGO VOX CLAMANTIS. Mira S. Joannis humilitas contemptisque laudes et iudicia hominum. De contemnendis laudibus hominum, 284, 1. Item de parvi faciendis hominum iudiciis, 278, 1. De humilitate, ejus actibus, iudiciis, gradibus, ejusque definitione, et proprietate, et fructibus, 212, 2 et seqq.

DOMINICA IV ADVENTUS.

PRÆDICANS BAPTISMUM PŒNITENTIÆ, Marc. i. Pœnitentia

non consistit in sola vitæ mutatione, sed etiam in satisfactione per opera pœnalia, *466, 2. Pœnitentia hæreticorum quam sit vana, *ibid.* Pœnitentiæ ritus apud veteres, *ibid.* Exempla et mores pœnitentium, 467, 1.

OMNIS VALLIS ADIMPLEBITUR. *Hic poterunt esse usui quæ de humilitate notata sunt Dominica præced.*

IN FESTO NATIVITATIS.

VERBUM CARO FACTUM EST, Joan. i. Filii Dei divinitas multis probatur, *352, 1 et seqq. Filius Dei qua Verbum, est imago Patris, 439, 1. Est ipsi proprium esse imaginem, *ibid.* Christus omnia humanæ naturæ assumpsit, excepto peccato, et naturæ defectibus, *376, 2. Christi erga homines amor, *336, 2 et seqq. De æterna Filii Dei generatione, *356, 1. Secundum originem temporalem ortus est Christus ex tribu Juda, *417, 1. Secundum hunc ortum quomodo vocatur radix, 238, 1. Marcionis, Ebionis et Valentini hæreses de Christi ortu rejiciuntur, 40, 1. Rejicitur Arianorum obiectio, 198, 2; *23, 1; *75, 2. Attributa divinitatis et humanitatis quomodo Christo conveniant, 40, 2. De dimensionibus mysteriis incarnationis, 617, 1. Contra Simonem Magum docetur Christum esse creatorem omnium, et hominum redemptorem, non vero angelos, *75, 2 et seqq. Filius Dei quare vocetur a D. Paulo Sermo, *388, 1.

DOMINICA INFRA OCTAVAM NATIVITATIS.

POSITUS EST HIC IN RUINAM, ET IN RESURRECTIONEM MULTORUM IN ISRAEL, Luc. ii. Judæorum rejectio a justitia et salute docetur, 155, 1 et seqq. Neque tamen Deus injustus fuit permittendo hunc casum Judæorum, 164, 2. Directa et propria causa hujus rejectionis fuit, quod Judæi noluerint in Christum credere, 173, 2; 175, 2 et multis seqq. Et hæc vidua. Multa de viduis habentur, *235, 2 et seqq. Quales olim viduæ Ecclesiasticæ, 236, 1. Probarum viduarum exemplar S. Monica, *237, 1. Septem dotes probarum viduarum, *ibid.*, 2.

IN FESTO CIRCUMCISIONIS.

Circumcisio quadruplex erat signum, 64, 2. Circumcisio quibus de causis a Deo instituta, 83, 1. Cur eam Deus non instituerit in alia parte corporis, 64, 1, 2. Circumcisio in magno honore apud Gentiles fuit habita, 604, 1. De circumcissione spiritali, 64, 2.

VOCATUM EST NOMEN EJUS JESUS, Luc. ii. Etymologia nominis Jesu, *28, 2. Quomodo sit venerandum, *ibid.* est majus quam nomen Deus, *ibid.* eo abutentes quomodo peccent, 29, 1. est oleum effusum, 2. est prædictum a Prophetis et Sibyllis, 80, 2. Hoc nomen quoties Paulus in suis epistolis repetat, 592, 1. Quomodo omnia nostra in nomine Domini sint agenda, *107, 2.

IN FESTO EPIPHANIE.

ECCE MAGI AB ORIENTE VENERUNT, etc., *Matth. II.* Hic agi poterit de vocatione Gentium, de qua, 158, 1. et multis seqq. et *Ephes. II. toto cap.*

VIDIMUS STELLAM EJUS IN ORIENTE. Magna hæc Magorum fides, cui consimilis est fides Abrahamæ contra spem in spem credentis, 79, 1. Magna etiam Magorum obedientia, magna etiam Abrahamæ filium immolantis, 542, 2. Horum Magorum exemplo Dei vocationem sequamur, quam Abraham secutus, septem a Deo benedictiones accepit, 538, 2. In vocatione Dei caro et sanguis non sunt consulendi, 522, 2.

OBTULERUNT EI MUNERA. Quomodo corpora nostra instar hostiæ Deo debeamus offerre, 204, 1 et seqq. De victima spirituali, 202, 1. Quatuor conditiones victimarum corporalium, quæ debent convenire spiritualibus victimis, 201, 2.

AURUM, THUS ET MYRRHAM. Quia Doctores quidam mystice per hæc dona intelligunt charitatem, orationem et mortificationem, poterit de illis hic agi. De charitate, *I Cor. XIII. toto cap.* De oratione, *139, 1.— *Vide notata de oratione, Dom. V post Pascha.* De mortificatione hujus vitæ, *103, 2. De mortificatione concupiscentiæ, 565, 2; 569, 2. Quomodo mortificatio fiat quinque modis, 560, 1. De mortificatione corporis per opera pœnalia, 335, 1.

Thus odoriferum est. Quorum virtutum odore Deus delectetur, 650, 1. Virtutes etiam habent odorem, 429, 1.

DOMINICA I POST EPIPHANIAM.

SECUNDUM CONSUETUDINEM DIEI FESTI, Luc. II. Festa Judæorum jam abolita sunt, quæ rejicit Apostolus, non autem Christianorum, 553, 1. In hac vita est pars festi, in cœlo festum, *91, 2.

ERAT SUBDITUS ILLIS. De Christi singulari obedientia, *455, 2. De obedientia in genere, *397, 1; *480, 1. De modestia Christiana, *61, 2.

Sicuti Christus hic a teneris incipit in templo etiam inter Doctores versari, ita maximi Sancti a puero cœperunt, *303, 2. Puerorum instructio per catechismum, quam antiqua, 575, 2 et seqq. Quinque catechismi capita proponenda, *399, 1.

De filiorum officio erga parentes, 669, 1 et seqq.

DOMINICA II POST EPIPHANIAM.

NUPTIÆ FACTÆ SUNT IN CANA GALILÆÆ, Joan. II. De matrimonii institutione in paradiso, 664, 1. Matrimonium esse vere novæ legis Sacramentum, 665, 2 et seqq. Matrimonium non prohibet Ecclesia, *225, 2. Matrimonii incommoda, 312, 2 et seqq. Mulier in statu matrimonii per probam filiorum educationem salvabitur, *206, 2. Mulieres quomodo viris subdite debeant esse, 661, 2; *108, 1. De matrimonii jure, 300, 2. De ejus indissolubilitate, 305, 1, 2. De matrimonio fidelis cum infideli, 2 et seqq.

Ex opposito poterit hic agi de castitate. Matrimonio juncti etiam possunt servare castitatem, 301, 1. Virginitatis laus et commoda, 317, 1 et seqq.

DOMINICA III POST EPIPHANIAM.

CUM DESCENDISSET JESUS DE MONTE, Matth. VIII. Faciliorem doctrinam tradendo captui auditorum accommodatam, interdum doctor debet descendere, 267, 1, 2; *398, 1. Infirmi in fide quomodo suscipiendi, 227, 2 et seqq.; 236, 1; *139, 1. Infirmorum conscientis quomodo consulendum, 325, 2. Onera aliorum quomodo portanda, 372, 2 et seqq.

Si vis, POTES ME MUNDARE. Voluntatis nostræ ad divinam conformationis insigne exemplum, 204, 1.

VOLO. Quomodo Deus velit omnes homines salvos fieri, 232, 1.

Occasione hujus centurionis, tantam curam gerentis pro servo, poterit agi de officio dominorum erga servos, 671, 2 et seqq.

Quomodo servi debeant parere dominis, 670, 2 et seqq.; *252, 1, 2 et seqq.; *332, 1. In signum obedientiæ servorum aures solitæ perforari, *453, 2.

DOMINICA IV POST EPIPHANIAM.

ASCENDENTE JESU IN NAVICULAM, Matth. VIII. Quia Ecclesia est similis naviculæ, quæ multis persecutionum fluctibus concutitur, poterit de ea hic agi. Ecclesia licet passa sit multas tribulationes, nunquam tamen defecit, 186, 1. est mysticum corpus, 374, 1, 2; 636, 1 et seqq. Quæ sit ejus anima quæque exterior forma, quæ sit junctura et compago membrorum ejus, 636, 2. Quomodo in ea sint boni et mali, electi et reprobi, *293, 2. Ecclesia vocatur Sion, et quibus de causis, *506, 2 et seqq. Ejus quatuor notas tradit Apostolus, 558, 1. Quomodo sit sancta, 663, 1. Est infallibilis fidei magistra, *218, 1.

ECCE MOTUS FACTUS EST MAGNUS, etc., *IPSE VERO DOMINEBAT.* Quomodo etiam in afflictionibus et ærumnis Christiani possint gaudere, *59, 2. Pauli perseverantia in tribulatione, 440, 2. Tribulatio cur vocetur mors, et mortificatio Jesu, 441, 1, 2.

Licet Christus hic dormiat, est tamen excitator dormientium, 655, 1.

DOMINE, ADJUVA NOS. In rebus arduis semper ad Deum capiendum est refugium, 87, 1. In rebus etiam desperatis Deo est fidendum, *479, 1.

MODICÆ FIDEI, QUARE DUBITASTI? De fidei definitione, *469, 1 et seqq. De objecto formalis fidei, ejusque certitudine, *122, 1. Fides habet semper idem objectum formale, 48, 1. Fidei initium est a gratia Dei, 432, 1. Fides et cognitio supernaturalis, ad salutem est necessaria, *474, 2.

DOMINICA V POST EPIPHANIAM.

CUM AUTEM DORMIRENT HOMINES, Matth. XIII. Ad spirituales vigilantiam cohortatio, 224, 1. Vigilantiæ exempla, *ibid.* Somnus animæ excutiendus, *ibid.*

NONNE BONUM SEMEN SEMINASTI, QUOMODO HABET ZIZANIA? In Ecclesia esse bonos et malos, electos et reprobos, *294, 2.

ALLIGATE EA IN FASCICULOS AD COMBURENDUM. Memoria ignis inferni quam sit utilis, *145, 1. Pœnarum inferni gravitas, *ibid.*

DOMINICA VI POST EPIPHANIAM.

SIMILE EST REGNUM COELORUM GRANO SINAPIS, Matth. XIII. Quia per granum sinapis a quibusdam intelligitur fides, poterit hic de Fide agi: *de quo vide notata Dom. IV post Epiph.*; quia vero per granum hoc alii intelligunt Evangelium, ejusque prædicationem, poterit hic agi de Evangelio. De Evangelii vi et efficacia, 45, 2 et seqq. Evangelium est compendium legis, 473, 4. Est quasi gemma, 239, 2. Operatur salutem animæ et corporis, 46, 4. S. Barnabas et S. Cæcilia semper gestabant Evangelium in pectore, *ibid.* Est speculum gloriæ Dei, 436, 2. Quomodo in præparatione Evangelii calceati debeamus esse, 679, 2 et seqq. Quare Deus voluerit prædicari suum Evangelium primo per homines sæculo rudes, 256, 2 et seqq.

MULIER HABENS DRACHMAS. Quia per mulierem hanc quidam intelligunt Ecclesiam: *vide quæ de ea sunt notata Domn. IV post Epiph.*

DOMINICA SEPTUAGESIMÆ.

CONDUCERE OPERARIOS IN VINEAM SUAM, Matth. XX. Opera bona esse necessaria ad justificationem, 60, 2 et seqq.; 76, 1 et seqq. Opera bona non minuunt, sed illustant gratiam Christi, 2. Operum bonorum studium commendatur, 603, 2; *340, 1. Opera bona sunt lux, et qui-

bus de causis, 653, 2. Tempus vitæ est tempus operandi, 576, 2.

QUID HIC STATIS TOTA DIE OTIOSI? Christianorum non est stare, sed ambulare in via virtutis, *127, 1. Otium vitandum, *169, 1; *170, 2.

REDDE ILLIS MERCEDEM. Operari intuitu mercedis æternæ, bonum est et meritorium, 328, 1; *484, 2. De merito operum nostrorum, eorumque condignitate ad gloriam, 58, 2; 445, 1; *311, 1. An Deus ex iustitia debeat nobis mercedem operum nostrorum, *2 et seqq. De bonorum operum reviviscentia, *403, 1.

AN OCVLVS TVVS NEQVAM QVIA EGO BVNVS? *Vide quæ sunt notata de invidia Dom. XVIII post Pentecost.*

MULTI SUNT VOCATI, PAUCI VERO ELECTI. De prædeterminatione, quid sit, *290, 2 et seqq. De ejus firmitate et efficacia, *ibid.* Ejus executio etiam dependet ex nostra cooperatione, *ibid.* Prædeterminatio quoduplex sit, 589, 1. Prædeterminationis an detur causa, *183, 2. Prædeterminationis causæ sex, 589, 2. Prædeterminationis effectus quinam sint, 148, 1. Cur Deus unum præ alio vocet, 593, 1.

DOMINICA SEXAGESIMÆ.

SEMEN EST VERBUM DEI, *Luc. viii.* Sola legis notitia non sufficit, sed est adimplenda, 60, 1. Anima fructum non faciens imbre cœlesti, id est verbo Dei, similis est sterili terræ, *401, 2.

Quia Scriptura etiam est verbum Dei, poterit hic de ea agi: *de qua vide notata Feria secunda Paschæ.*

QUÆNAM EST HÆC PARABOLA? Scriptura non est facilis, et ab omnibus legenda, *304, 2. Parabola quomodo in Scripturis accipitur, *480, 1.

UT VIDENTES NON VIDEANT, ET AUDIENTES NON INTELLIGANT. Obduratio hominis quomodo Deo permittente fiat, 25, 2; 52, 2; 190, 2. Quomodo Deus dicatur hominem indurare, 167, 2. Cordis duri insignis descriptio, 57, 2. Obduratis et obstinatis consulendum, ut saltem minus peccent, *184, 1. quomodo sint arguendi, 26, 1.

Obduratæ mentis quinque signa, 190, 2. Deus deserentes se prius, postea etiam deserit eosdem, 250, 2; *467, 2.

DOMINICA QUINQUAGESIMÆ.

ECCE ASCENDIMVS HIEROSOLYMAN, etc., ET FILIVS HOMINIS TRADETUR, etc. *Luc. xviii.* Christus crucifixus exemplar nostrum est, nobis sæpe intuentum, *495, 2. Christus elegit crucem et passionem, 496, 2. Quare extra portam sit passus, *590, 1. Crucis Christi vis et efficacia in quatuor potissimum elucet, 255, 2. Crucis encomia ex D. Chrysost., 256, 1. Christus crucifixus est nobis liber scriptus, 587, 2.

CÆCVS SEDEBAT SECVS VIAM. Peccata esse opera tenebrarum, 654, 2. Sunt tenebris amica, 224, 2. Diabolus infideles excæcat, 439, 1. De cæcitate Gentilium, 687, 2. Philosophi eorum quam cæci fuerint in diversis rebus beatitudinem constituendo, 183, 1.

Quia hodie multi (proh dolor!) nomine tenues Christiani Bacchum colunt, poterit agi de iis quorum Deus est venter, *51, 2. Ebrietatis mala et incommoda, 659, 1. Excensus in comedendo an possit esse aliquando mortalis, 567, 2. Esau ex gula vendidit jus primogenituræ *504, 1. Crapulæ deditus Deo servire non potest, 294, 2. Convivia veterum Christianorum quam frugalia essent, 659, 2.

DOMINICA I QUADRAGESIMÆ.

CUM JEJUNASSET QUADRAGINTA DIEBUS, *Matth. iv.* Jejunii fructus et laus, *229, 2. Recte Ecclesia præcipit Jejunia certis diebus, 849, 1; 896, 1, et abstinentiam a certis cibis, *226, 2. Corporis cura immoderata est fugienda, 226, 2. Corpus est castigandum et spiritui subjiendum, *ibid.*; 335, 1.

UT TENTARETUR A DIABOLO. Christus non fuit tentatus sicuti nos, interiori suggestione, sed externa propositione, *391, 1. De tentatione *vide plurima documenta*, 343, 1. Tentationibus in hac vita sumus expositi, *ibid.*; *302, 1. Nulla est in hoc mundo tentatio quin gratia Dei, quæ non deest, superari possit: Tentationis optimum remedium est oratio: nemo tentatur ultra vires: Tentationes sunt occasio virtutum: Quisque habet vires sufficientes ad tentationes superandas, 343, 1 et seqq. Tentationes qui superant, apti sunt ut alios, qui tentationibus vexantur, juvent, *378, 1. Hinc varios Sanctos pro variis tentationibus superandis invocamus, *ibid.*

ACCEDENS TENTATOR. Diaboli calliditas in tentando homines, 672, 1, 2. Ejus tentationes et insidiæ quomodo sint superandæ, *ibid.*; 489, 1. De diaboli laqueis, *297, 1, 2.

Quia diabolus per concupiscentias nos tentat, poterit hic agi de lucta concupiscentiæ et spiritus, 123, 2. In hac vita perpetuam luctam cum carne habemus, *ibid.*; 127, 1; 566, 1. De militia Christiana, *190, 2. Militis Christiani qualis sit agôn, 264, 2.

DOMINVM DEVM TVVM ADORABIS. De gentium, etiam sapientium, idololatria, 51, 2 et seqq.

DOMINICA II QUADRAGESIMÆ.

TRANSFIGURATUS EST ANTE EOS, *Matth. xvii.* Quia transfiguratio Christi erat quasi præambulum gloriæ cœlestis, poterit hic agi de gloria regni cœlestis. De magnitudine gloriæ cœlestis, 116, 1; 262, 2; 446, 1, 2. Cœlum empyreum cujus sit figura, *423, 2. Cœlestis civitas quam bene sit fundata, ejusque felicitas, et opes, *355, 1. De Pauli raptu in paradysum, quid ibi viderit, 499, 1 et seqq. Quidquid hic agimus, aut patimur, parum est respectu gloriæ cœlestis, quam expectamus, 137, 1; 444, 1. Gloria cœlestis quare vocetur vita æterna, 115, 1. Æternitas quid sit, *ibid.* Variæ pro meritum varietate sunt coronæ, *311, 1. Animæ ad cœlum aspirantis descriptio, 126, 2. Spes remunerationis æternæ quantum sit calcar ad fortiter patiendum, *484, 2. Propter regnum Dei omnes cruces et mortes sunt æquo animo tolerandæ, *75, 1. Hæreditas sanctorum quare vocetur sors, 74, 1, 2.

ET APPARVERVNT ILLIS MOSES ET ELIAS. Moysi parentes de ejus nativitate oraculum accipiunt, *482, 2. Moysi pueri elegantia et educatio, *ibid.* et seqq. Prælegit opprobria et tribulationes, *483, 2. Moses in duobus Christo comparatur: primo, quod fuerit quasi mediator in Testamento veteri, sicut Christus in novo; secundo, quia fuit primus institutor Synagogæ, sicuti Christus Ecclesiæ, 545, 1; 559, 1. An viderit essentiam Dei? 502, 1. De splendore radorum Moysi, 434, 1.

DOMINICA III QUADRAGESIMÆ.

ERAT EJICIENS DÆMONIVM, *Luc. xi.* Diabolus cur vocetur rector mundi, 674, 1. Aer est plenus dæmonibus, *ibid.* Dæmones post lapsum servant ordinem aliquem, qui tamen post diem iudicii cessabit, *ibid.* Dæmonum vis et potentia, 674, 2.

IN BERLEBVS EJICIT DÆMONIA. Quia hæc calumnia ex mera invidia procedebat, poterit hic de ea agi. Invidia est virtutum comes, *8, 2. Invidiæ remedium est querere unius Dei gloriam, *10, 1. Invidia facit hominem dæmonem, ejus octo proprietates, 2. Est vipera et feræ animæ, *ibid.*

OMNE REGNUM IN SE DIVISVM DESOLABITVR. Ex opposito poterit agi de concordia. Concordiæ laudes, 227, 1, 2; 623, 1; *20, 1. Concordiæ præmium, 512, 1, 2. Unio inter fideles quanta debeat esse, 209, 2; 376, 2.

DOMINICA IV QUADRAGESIMÆ.

CUM GRATIAS AGISSET, *Joan. vi.* Gratiarum actio in cibi assumptione, etiam apud Judæos fuit in usu, 231, 1. Quo-

modo ea semper utendum, et plura alia de ea documenta, *ibid.* et seqq.

Occasione multiplicationis panum poterit hic agi de eleemosyna. Origo colligendarum eleemosynarum in primitiva Ecclesia, 469, 1. Christi exemplum nos excitat ad eleemosynam, 470, 2. Eleemosynæ perfectio in quo consistat, 471, 2. An sit aliquod præceptum dandi eleemosynam, et quomodo illud intelligatur, *ibid.* Exempla eorum qui in dandis eleemosynis excelluerunt, 472, 1. Vide item egregia documenta moralia de eleemosyna, 477, 2 et seqq. usque ad finem cap. Eleemosyna est sacrificium odoratum Deo et Sanctis, *521, 2.

DOMINICA PASSIONIS.

QUIS EX VOBIS ARGUET ME DE PECCATO? *Joan.* viii. In Christo non fuerunt passiones, *391, 1. Christus Dominus ita loquitur etiam sibi infensissimis, quia nullius peccati erat sibi conscius: ita nos neminem curemus, si bonæ conscientiæ simus. Poterit hic ergo agi de conscientia. De conscientia tranquillitate, 91, 1; *180, 1. Conscientiæ vis, 63, 1 et seqq.; 423, 2; *180, 1. Quis bonus finis, usus et modus conscientiæ sit, 422, 2. Confidentialitas bonæ conscientia in morte quantum sit bonum, *311, 1.

EGO DÆMONIUM NON HABEO. Christus hic calumniantibus valde mansuete respondit; poterit hic itaque agi de virtute mansuetudinis, *296, 2.

ABRAHAM PATER VESTER. Abrahæ septem benedictiones promissæ, 43, 1. Obedientia sua quantum sit meritis, 542, 2. De insigni ejus obedientia et fide, *475, 2 et seqq. Abraham major Aaron, minor Melchisedech, 412, 2. Quare dederit decimas Melchisedech, *ibid.*

DOMINICA PALMARUM.

BENEDICTUS QUI VENIT IN NOMINE DOMINI, *Matth.* xxi. Hæc eadem turba, quæ Christum jam cumulat tot benedictionibus, die Veneris clamat: *Crucifigatur.* Poterit ergo hic agi de fallacia et instabilitate gloriæ hujus mundi, 67, 1; 815, 2; 655, 1.

Quia Ecclesia hodie proponit fidelibus Christi passionem, poterit hic agi de Christo crucifixo, ejus passione et cruce. Quomodo Christus in cruce dicatur a Deo derelictus, ubi impia Calvini blasphemia dicentis Christum in cruce desperasse, rejicitur, *395, 1 et seqq. Quomodo semper a Deo Patre sit exauditus, *394, 2. Christi crucifixi summa gloria, 578, 2. Christus crucifixus, est idea veri religiosi, 579, 1. Ei con crucifigi debent et Religiosi, et laici, 2. Christo quomodo cooperandum, *79, 2. De chirographo decreti per crucem deleti, *89, 1. Virtus crucis in se, suique prædicatione enitit, 255, 1. Est signum victoriæ et triumphi, *ibid.*, 2. De dimensionibus crucis, 617, 2. Christiani omnes vocantur ad crucem, *125, 1. Quomodo debeant mundo crucifigi, 579, 2. Stigmata Christi quoniam moraliter in corpore portant, 582, 1. Inimici crucis qui sint, *53, 1. Quare Ecclesia crucem exaltet, *ibid.* Se cruce signare ad omnium operum initium quam sit antiquum, *ibid.*

IN FESTO PASCHÆ.

SURREXIT, NON EST HIC, *Marc.* xvi. De resurrectione Christi, 399, 1 et seqq. Quomodo Christus corpus nostrum configurabit corpori claritatis suæ, *56, 2. Per resurrectionem suam quid nobis meritis sit, 90, 1.

De resurrectione nostra futura, 401, 2 et seqq. De dotibus corporis gloriosi, 410, 1. Omnes quidem resurgemus, sed dispari modo, 412, 2. In resurrectione an sit futura sexuum diversitas, 631, 2. In qua ætate et statura omnes resurgemus, 633, 1.

De resurrectione spirituali, *100, 1. Hominis veteris et novi descriptio, *104, 1, 2; *639, 2. Quomodo renovandus, 640, 1. Vitæ renovationi quomodo incumbendum, 302, 2.

Occasione mulierum venientium ad sepulcrum poterit hic agi de mulieribus. Mulierum instructio, *108, 1. Mulierum decens et ornatus habitus quis, *208, 1. Vetularum habitus qualis debeat esse, *320, 2. Mulierum exempla quæ viros ad Christum converterunt, *205, 1. Mulieres per rectam prolium educationem salvantur, *206, 2.

FERIA II PASCHÆ.

TU SOLUS PEREGRINUS ES, *Luc.* xxiv. Peregrini sunt omnes homines in terris, *478, 2.

O STULTI ET TARDI CORDE AD CREDENDUM! Vitia quomodo corrigenda et increpanda, *306, 2. Superiores interdum duris verbis possunt subditos corrigere, 536, 2. Quomodo se gerent in reprehendis vitiis, 464, 2; 571, 2. Fraternalis correptionis modus, *ibid.*; *307, 1.

INTERPRETABATUR ILLIS IN OMNIBUS SCRIPTURIS, QUÆ DE IP SO ERANT. Scripturæ lectio est utilis, *498, 2. Scriptura est a Spiritu Sancto, *304, 1. Ejus sensus est profundus, nec debet a quolibet scrutari, *ibid.* Ad quid sit utilis, *ibid.* Sola non sufficit ut hominem reddat perfectum, *305, 2. Est pharmacum pro omnibus animi morbis, 1. Fuit S. Paulæ clypeus adversus omnes tentationes, *ibid.* Scriptura quanto fuerit in honore apud Judæos, *435, 2.

NONNE HÆC OPORTUIT PATI CHRISTUM? Christus tribus de causis debuit pati, *372, 1. Pii omnes hic patiuntur persecutionem, *302, 1.

FINIT SE LONGIUS IRE. An licitum sit aliquando simulare, 529, 2. Simulare et mentiri longe differunt, *ibid.* Omnis fraus et deceptio debet a Christiano exulare, 642, 2. Mentiri nunquam licet, 529, 2; 643, 1.

DOMINICA IN ALBIS.

PAX VOBIS, *Joan.* xx. Pax Dei est quadruplex, *68, 1. Pax est scutum Christianorum impenetrabile, 2. Pacis fortitudo et effectus, *ibid.* De pace vide multa, *94, 1 et seqq.

QUORUM REMISERITIS PECCATA, REMITTUNTUR HIS. Ordo est unum e septem novæ legis Sacramentis, *223, 1. Absolvendi potestas penes quos sit, 427, 1. De dignitate ministrorum novi Testamenti, 433, 1, 2.

BEATI QUI NON VIDERUNT ET CREDIDERUNT. Fidei evidentia non est in ipsis rebus, sed in Deo attestante, *471, 1. Fides est credere quod non vides, 2. Fidei certitudo, 518, 2. Unde hæc oriatur, *122, 1.

DOMINICA II POST PASCHA.

EGO SUM PASTOR BONUS, *Joan.* x. S. Paulus egregium et insigne exemplar Pontificum, Prælatorum et Pastorum Ecclesiæ, de eorum officio multa docet. Pontificis tres dotes, *393, 1. Pastorum duo officia, 253, 4. Pastor sit talis ut eum subditi possint imitari, *52, 2. Quæ Apostolus de Episcopis docet, etiam suo modo de Pastoribus dici possunt, *208, 1 et seqq.; *274, 2 et seqq.; *324, 1. Episcoporum primum munus est orare pro se ac suis, *187, 1. Quæ sit militia Episcoporum et Pastorum, *190, 2. Pastor alios docens se non negligat, *234, 1. Populus est corona sui Episcopi, *57, 1, 2; *124, 1. Quam sincere Paulus Evangelium prædicaverit, 438, 2 et seqq. Ejus exemplo qui prædicant, quam multis tribulationibus sint obnoxii, 440, 2 et seqq. Prædicatores etiam conferant Evangelium cum aliis exemplo Pauli, 522, 2; 526, 2.

Animas volentibus convertere strenue adlaborandum, 554, 2. Qua re Prælati debeant sibi conciliare auctoritatem, 496, 1. In quibus debeant gloriari, 497, 1. Quid ab eis in die judicii Christus exigit, *ibid.* Quæ officia Doctoribus cum angelis sint communia, 612, 2. Humilitas Doctoribus est necessaria, 631, 1. Doctoris qualis debeat esse, *431, 1.

Sicuti Pastorum est pascere subditos verbe ac doctrina, ita subditorum est Pastores suos alere temporaliibus subediis, *4, 2. Eorum qui hoc faciunt merces, *ibid.*

Quia apud sacros et profanos auctores etiam principes sæculares ac magistratus vocantur Pastores, hic poterit de eis etiam agi, et quæ de Episcopis et pastoribus dicuntur, eis accommodari. — Vide notata Dominica XXII post Pentecosten.

DOMINICA III POST PASCHA.

MODICUM, ET JAM NON VIDEBITIS ME, Joan. xvi. Apud Deum omnia tempora sunt quid modicum, *464, 1, 2.

TRISTITIA VESTRA CONVERTETUR IN GAUDIUM. Tristitia sæculi, et tristitia secundum Deum quomodo differant, 465, 2. Usus et fructus tristitiæ, *ibid.* Septem effectus tristitiæ, 466, 1. Consolationes divinæ semper sunt majores passionibus, 421, 2. Differentia gaudii Sanctorum et mundi, 459, 1. Quomodo semper in Domino debeamus gaudere, *60, 2.

QUIA NATUS EST HOMO IN MUNDO. Anima rationalis quomodo in homine creetur, et corpori uniatur, *415, 2.

DOMINICA IV POST PASCHA.

DE PECCATO, QUIA NON CREDIDERUNT IN ME, Joan. xvi. Peccatum hoc erat infidelitatis: quia Judæi Christo noluerunt credere, rejecti sunt. De rejectione Judæorum, *vide* 455, 1 et *toto cap.* Infidelitas quam magnum sit peccatum, *383, 2. Veritatem oblatam recusantes pœna infidelitatis et errorum puniri solent, 459, 1.

DE JUSTITIA. Paulus justitiæ, quam per Christum summus consecuti, sex fructus recenset, 91, 1 et *toto cap.* In quo consistat vera justitia, 175, 2. Justitia inchoatur, conservatur et promovetur fide, *467, 2. — *Vide in indice rerum verbo* Justitia.

DE JUDICIO. Peccaverant Judæi de Christo male judicando, quia eum dixerant non esse Prophetam, nec Deum. Judicium temerarium quantopere sit vitandum, 230, 1. Hominum judicia contemnenda, 278, 1.

MULTA HABEO VOBIS DICERE. De traditionibus ac decretis Pontificum, ea non esse contra Scripturas, 519, 2. Item de traditionibus, *166, 1; *279, 2; *282, 2.

DOMINICA V POST PASCHA.

SI QUID PETIERITIS PATREM IN NOMINE ME, Joan. xvi. Quænam conditiones in oratione sint requisitæ, 684, 1. Varia de oratione documenta, *ibid.* et seqq. De vi et efficacia orationis, *346, 2. Ab oratione omnis nostra actio est inchoanda, *194, 2. Priscus modus mane orandi, *ibid.* De loco orationis, *200, 2. Quare elevatis manibus oremus, 201, 2 et seqq.

IN FESTO ASCENSIONIS DOMINI.

EXPROBRAVIT INCREULITATEM, Marc. xvi. — Vide notata Feria II Paschæ.

PREDICATE EVANGELIUM OMNI CREATURÆ. — Vide notata Domin. VI post Epiphaniam. Quomodo hoc Christi mandatum impletum sit, *78, 2.

QUI CREDIDERIT. In unica fide tantum possumus salvari, 623, 2. Sola tamen non potest justificare, 562, 1. — *Vide notata Dominica XXIII post Pentecost.*

ET BAPTIZATUS FUERIT. — Vide notata de baptismo Dominica SS. Trinitatis.

ASSUMPTUS EST IN COELUM. De Christi ascensione, 625, 2. Ascendit Christus in cœlum ut nobis viam et locum prepararet, *407, 2. De ascensione spirituali in cœlum, *100, 2. Quomodo cœlestia debeamus sapere, 1; *54, 2; *471, 1. Ante Christi ascensionem nullus cœlum intravit, *478, 1. **ET SEDEAT A DEXTRIS DEI.** Quomodo Christus sedeat ad dexteram Patris, *100, 2 et seqq.; *355, 1.

SERMONEM CONFIRMANTE SEQUENTIBUS SIGNIS. Nova fides miraculis debet confirmari, 507, 2.

DOMINICA INFRA OCTAVAM.

SPIRITUM VERITATIS, Joan. xv. Veritas quadruplex est,

634, 2. Veritate expletur intellectus, uti stomachus cibo, 230, 1. Non est contra veritatem in rebus indifferentibus sequi diversas opiniones, *ibid.* Dei veracitas, *286, 2. Veritas habet stabiles pedes, *301, 1.

UT NON SCANDALIZEMINI. Scandalum quid sit, et unde dicatur, 232, 2. Scandalizantes proximum quomodo in Christum peccent, 326, 2.

ABSQUE SYNAGOGIS FACIENT VOS. Quam hoc Christi dictum verum sit, et quantas tribulationes S. Paulus passus sit, ipse multis docet, ac speciatim, 282, 2; 496, 2 et seqq. Qui Evangelium prædicant, quam multis tribulationibus sint obnoxii, 277, 2. Generaliter etiam omnes qui pie vivere volunt, persecutionem patientur, *303, 1. Virtus in adversis crescit, 616, 1; 506, 1. Accenditur exemplo infirmorum, 506, 1.

HÆC FACIENT QUIA NON NOVERUNT PATREM, NEQUE ME. Infideles privati cognitione veri Dei, in quam enormia peccata inciderint, 51, 2 et seqq. Fons erroris Gentilium est error intellectus, 637, 2. Scientia philosophorum destitutorum cognitione Dei vana fuit, *85, 2. Cognitioni supernaturalis requiritur ad justificationem, *474, 2.

IN FESTO PENTECOSTES.

SI QUIS DILIGIT ME, Joan. xiv. Amor Dei in hominibus quanta operetur, 283, 2. Charitas Christi omnibus malis est major, 150, 2.

MANSIONEM APUD EUM FACIEMUS. De unionem animæ cum Deo, 295, 1 et seqq.

PACEM MEAM DO VOBIS. — Vide notata Dominica in Albis, et Indicem rerum verbo. Spiritus Sanctus.

De Spiritu Sancto multa hic tractari possunt. Spiritus Sanctus est in nobis quatuor modis, 198, 1. et ejus divinitas docetur, 435, 2. Secundum spiritum Christiani debent vivere, 133, 1; 565, 2. Spiritum extinguere quid sit, *140, 2. S. Spiritus sigillum in anima est sanctitas, 594, 1. S. Spiritus est arrha hæreditatis cœlestis, *ibid.* Quodnam in nobis sit testimonium Sancti Spiritus, 134, 2. Quatuor efficacia testimonia quod quis habeat S. Spiritum, et sit filius Dei, 135, 1. Quomodo S. Spiritus gratias suas varie distribuat, 370, 1 et seqq.

Quia apud Judæos in festo Pentecostes celebrabatur memoria datæ legis Mosis, et hodie nova lex promulgari cœpit, poterit agi de veteri lege, quomodo ea jam sit abrogata, quo ordine et modo data fuerit, 542, 1; *505, 1 et seqq. De ejus abrogatione *multa passim in epist. ad Hebr.* De veteris Testamenti tabernaculo, arca, etc., *Hebr. ix toto cap.* Deque eorum allegorica significatione, *ibid.* Novæ legis præminetia et differentia a veteri, 433, 1 et seqq.; *427, 1, 2. Cognitionem qualem novum Testamentum adferat et requirat, *442, 2.

Descendit hodie S. Spiritus sub specie ignis: passim enim in Scripturis Deus se ostendit sub specie ignis, *510, 2.

Quia vero secundo descendit sub specie linguarum, agi poterit de linguæ moderatione, 615, 1 et seqq.; 651, 1.

Non esse necesse lingua vernacula celebrari divina officia, 391, 2.

Per Confirmationem datur gratia S. Spiritus. — *Vide de Sacramento Confirmationis,* 424, 2.

FERIA II.

SIC DEUS DILEXIT MUNDUM, Joan. iii. Ingens erga nos Dei dilectio, 93, 2 et seqq.; 650, 1; *336, 2. Charitas Dei est incomprehensibilis, 620, 1. Vehementia et deliciæ divini amoris, *411, 1 et seqq.

DOMINICA TRINITATIS.

BAPTIZANTES VOS, Matth. xxviii. Baptismi vis, 547, 2; *337, 2. De ejus caeremoniis, *337, 2. Recens baptizatis dabatur olim vinum, lac et mel, et quare, *ibid.*; 268, 1; 547, 2. Baptismus est illuminatio, *462, 2. Baptizatis quare detur candida vestis, 288, 1. Immersione in aquam Christo

morienti configuramur, 109, 1. Baptizati quare ungantur oleo, 333, 2. Quomodo in baptismo iterum creemur, 603, 1. Aqua baptismi est aqua purgans et emundans, *460, 1. Baptismus iterari non potest, *401, 1.

De peccato originali quod per baptismum deletur, 85, 2 et seqq.; 601, 2; *415, 2.

IN NOMINE PATRIS, ET FILII, ET SPIRITUS SANCTI. De formatione signi crucis ad omnium operum initium, *53, 1, 2.

De immensitate Dei, 617, 1. De scientia Dei, 197, 1. Undecim rationes quibus transcendit scientiam creatam, 196, 2. Consilia Dei omnibus ignota, 197, 1. Quid sit homo respectu Dei, *ibid.* De SS. Trinitate, 148, 1; 198, 2; 197, 2 et seqq.; 873, 1; 513, 1. Philosophi ex creaturis non potuerunt cognoscere mysterium SS. Trinitatis, 50, 1.

IN FESTO VENERABILIS SACRAMENTI.

CARO MEA VERE EST CIBUS, *Joan.* vi. De vera et reali Christi præsencia in Eucharistia, 344, 2 et seqq.; 359, 1 et seqq. In sacramento Eucharistiae in Missa offerri verum ac proprium sacrificium, 347, 2; 367, 1 et seqq. *414, 2; *421, 2; *457, 1; *519, 1. De Christi sacerdotio secundum ordinem Melchisedech, *418, 2. Melchisedech quis, et qualis fuerit, *409, 2 et seqq. Fuit octo de causis typus Christi, *411, 1. Missæ sacrificium cur iteretur, non autem crucis, *452, 2. Conferitur cum sacrificio crucis, *ibid.* Triplex differentia sacrificiorum veteris Testamenti, et sacrificii Christi, *ibid.*

QUI MANDUCAT ME, VIVET PROPTER ME. Caro Christi est nobis via vivens, *458, 2. Per Eucharistiam incorporamur Christo, 665, 1.

DOMINICA II POST PENTECOSTEN.

HOMO QUIDAM FECIT COENAM MAGNAM, *Luc.* xiv. Quia per hanc coenam quidam intelligunt gloriam coelestem, *vide de ea notata Dom. II Quadrag.* Quia vero secundo per illum qui villam emit, quidam intelligunt superbos et ambitiosos; per ementes boves, deditos colligendis opibus; per eum qui uxorem duxit, eos qui libidini dediti sunt, aut nimio affectu erga rem uxoriæ feruntur: hisce præmonitis poterit agi ad illa verba:

VILLAM EMI, de superbia, *vide in Indice rerum verbo Superbia, Superbus.* — *Vide etiam notata de humilitate Dom. IV Adventus.* Sui ipsius existimatio dissuadet, 205, 1. Christus est speculum humilitatis, *22, 1. Humilitatis motiva, 622, 1. De Christiana humilitate, *845, 1. Stimulus ad retundendam superbiam, 74, 1.

JUGA BOVM EMI. Avaritiæ detestatio, 638, 2; 652, 1. Divitiarum appetitus quot trahat secum incommoda, *258, 2 et seqq. Divites quomodo Apostolus instruat, *265, 2. De divitiarum incertitudine, *ibid.* Septem præcepta Apostoli pro divitibus, 266, 1.

UXOREM DUXI. — *Vide notata Dom. II post Epiph.* Mulierem tangere quam periculosum, 299, 1. *Vide ibi totum caput.* Carnalium hominum descriptio, 483, 1. Quænam sint arma carnalia, *ibid.* Fornicatio simplex est contra legem naturæ, 393, 1, 2. Dehortatio a fornicatione ob ejus incommoda, fœditatem, etc., 294, 2 et seqq.

Ex opposito agi poterit hic de virginitate, ejus laude et commodis, 307, 2 et seqq.

DOMINICA III POST PENTECOSTEN.

ERANT APPROPINQUANTES AD JESUM PUBLICANI ET PECCATORES, *Luc.* xv. De summa Dei clementia erga peccatores, *186, 1. Nos etiam, sicut hi peccatores, Christum accedere, imo ad ipsum debemus currere, *vide de cursore Christiano, quæ in eo requirantur*, *48, 2. Media excitantia ad cursum Christianum, *ibid.* Praxis currendi ad perfectionem, *50, 1. Pœnitentes tantum persequantur Christum, quantum ab eo fugerunt peccando, *46, 2. Conversi ad Christum non statim debent putare se esse perfectos, *ibid.*, 1.

POENITENTIAM AGENTES. — *Vide notata Dominica III Adventus.*

DOMINICA IV POST PENTECOSTEN.

ASCENDENS IN UNAM NAVIM QUÆ ERAT SIMONIS, DOCKRAT DE NAVICULA TURBAS, *Luc.* v. D. Ambrosius, *serm.* 11 in *Lucam*, quod Christus in navi Petri concionetur, refert ad ejus primatum, dicens: *Hanc solam Ecclesiæ navem ascendit Dominus, in qua Petrus magister est constitutus.* Et postea hic soli Petro dicitur: *Duc in altum*, etc. Poterit hic ergo agi de Ecclesiæ ac de fidei Christianæ certitudine, et de primatu S. Petri.

De Ecclesiæ *vide notata Dom. IV post Epiph.* Ecclesiæ vocatur Sion, et quare, *506, 2. Ecclesiæ nunquam defecit, 186, 1. Ecclesiæ antiqua doctrina omnibus novitatibus est præponenda, 518, 2. Christianæ doctrinæ, quæ in Ecclesiæ traditur, certitudo, *338, 1. Longe Mosaicam doctrinam antecellit, *350, 1 et seqq.

Navis est fides, anchora bona conscientia, *491, 1. Ecclesiæ Romanæ laus, 43, 2 et seqq., stabilitas et præminencia, *ibid.* et seqq. Ab ea fidei veritas est petenda, 44, 2. De Ecclesiastica hierarchia, 630, 2.

De Petri primatu, 523, 2; et ejus prærogativa, 42, 2. De auctoritate Pontificis Romani, ipsumque non esse Antichristum, *459, 2; *460, 2. Pontifex Romanus est judex controversiarum fidei, 527, 1. — *Vide plura notata in festo S. Petri.*

IN VERBO TUO LAXABO RETE. Omnia nostra ad obsequium Dei esse referenda, 229, 1. Christus nobis est omnia, 326, 2. Deo fidendum etiam in rebus desperatissimis, *479, 1. Homo ex se nihil potest, sed debet omnia Deo adscribere, 280, 1, 2.

RUMPERATUR RETE EORUM. Peccatum schismatis quam sit grave, 623, 1. Peccatum apostasiæ quam sit grave, *461, 1.

FACIAM VOS FIERI PISCATORES HOMINUM. Sicuti piscatores ut piscentur, multa debent pati ab aura, ventis, frigore, etc., ita qui capere volunt animas, multa debent pati. — *Vide de hoc notata Dom. II post Pascha.*

RELICTIS OMNIBUS SECUTI SUNT EUM. Omnia contemnenda ut Christum lucremur, *44, 2.

DOMINICA V POST PENTECOSTEN.

NISI ABUNDAVERIT JUSTITIA VESTRA, *Matth.* v. De justitiis *vide notata Dom. IV post Pascha.*

PLUSQUAM SCRIBARUM ET PHARISÆORUM. Sectæ apud Judæos erant septem, *42, 2. Pharisei quales fuerint, de eorum victu, continentia, etc., *ibid.*

AUDISTIS QUIA DICTUM EST ANTIQVIS. Christus hic perficit legem, ac potissimum quantum præceptum de non occidendo. Poterit ergo hic agi de infirmitate et abolitione legis veteris, 542, 1; *423, 1, 2 et seq. cap. — *Vide de hoc notata in festo Pentecostes.* Christus quatuor de causis est finis legis, 176, 1.

QUI IRASCITUR FRATRI SUO. De domanda ira, 643, 1. De iræ gradibus et remediis, 2. Iræ quomodo cedendum, 214, 2. Ultio non querenda, *ibid.*

DOMINICA VI POST PENTECOSTEN.

MISEREO SUPER TURBAM, *Marc.* viii. Dei in nos misericordia, 200, 1. Cur Deus vocetur specialiter pater misericordiarum, non judiciorum, 421, 1. Christi ad miserendum propensio, *377, 2.

JAM TRIDUO SUSTINENT ME. Quia sustinere in Scriptura interdum accipitur pro perseverare, poterit agi de perseverantia. De dono perseverantiæ, *5, 2. Qui perseverant digni sunt requie, *385, 2.

Quia hoc miraculum simile est illi quod refertur Dominica VI Quadragesimæ, *vide ibi notata.*

DOMINICA VII POST PENTECOSTEN.

ATTENDITE A FALSIIS PROPHETIIS, *Matth.* vii. Per falsos Pro-

phetas hic ordinarie intelliguntur hæretici; de iis ergo, ac de hæresi, hic poterit agi.

Hæretici sunt similes pseudoapostolis, 482, 1. Quomodo verbum Dei adulterent, 430, 2. Eorum vaniloquentia, 288, 2. Fugiendi sunt instar pestis, 289, 1. Eorum mores, 299, 1. Eorum hypocrisis, 300, 1. Nihil habent veræ scientiæ, 2; 254, 1. Eorum perversa conscientia, 223, 2. Quomodo cum iis sit agendum, 339, 1. An sint capite plectendi, 2. Sunt similes Judæ, *ibid.* Sunt semper superbi, 92, 2. Eorum ministri quales, 222, 2.

Hæresum fons et origo, 191, 2. Tandem evanescent, aut abeunt in atheismum, 301, 1. Hæresis quantum sit peccatum, 292, 2; 339, 2. Hæresis tres proprietates, 318, 1.

A FRUCTIBUS EORUM COGNOSCETIS EOS. De hæreticorum fructibus, 357, 2; 387, 1.

NON POTEST ARBOR MALA BONOS FRUCTUS FACERE. An omnia infidelium opera sint peccata, 335, 1.

DOMINICA VIII POST PENTECOSTEN.

DIFFAMATUS EST, *Luc. xvi.* Bonæ famæ etiam est habenda cura, 474, 1.

QUASI DISPENSASSET BONA SUA. Præcipua dos dispensatoris est fidelitas, 277, 2.

REDDE RATIONEM VILICATIONIS TUE. Diei iudicii semper habenda memoria, 226, 2. Is instat, 63, 1. In iudicio unusquisque onus suum portabit, 575, 1. Unusquisque habet librum computum et rationum cum Deo, 67, 2. Temporis quanta habenda cura, 577, 2; 656, 1.

SCRIBE. Liber vitæ quid sit, et quomodo in eo scribamur, 59, 1.

FILII HUIUS SÆCULI PRUDENTIORES FILIIS LUCIS IN GENERATIONE SUA SUNT. Sapientia huius mundi est stulta, 235, 1, 2; 274, 2. De prudentia carnis et spiritus, 131, 2 et seqq. Simplicitas vera quæ, 207, 2. Quare hoc sæculum vocetur nequam, 514, 1. Sæculum varie in Scriptura accipitur, 332, 1.

FAÇITE VOBIS AMICOS DE MAMMONA INIQUITATIS. — *Vide notata de elemosyna Domini. IV Quadrag.*

Divitiæ vocantur mammon iniquitatis, non quia per se sunt malæ, sed quia multorum malorum sæpe sunt causa et occasio. — *Vide de divitiis et avaritia notata Domini. infra Octavam Ven. Sacramenti.*

DOMINICA IX POST PENTECOSTEN.

VIDENS CIVITATEM, FLEVIT, *Luc. xix.* — *Vide notata de tristitia Dominica III post Pascha.*

CIRCUMDABUNT TE INIMICI TUI. De excidio urbis Jerusalem, 460, 2 et seqq. Sicut Deus suo tempore punivit civitatem hanc, ita peccatorum mensura impleta solet punire, 122, 2.

QUOD NON COGNOVERIS TEMPUS VISITATIONIS TUE. Vocatio ad perfectiorem statum precibus est impetranda, 147, 1. Dum ad talem statum vocamur, parentibus non est acquiescendum, 522, 2.

INGRESSUS IN TEMPLUM. Quomodo spiritualiter homo sit templum Dei vivi, 297, 1. De dimensionibus spiritualis ædificii, 618, 2. Anagogia dimensionum celestis civitatis 619, 2. Recte in Ecclesia esse usum instrumentorum musicorum, 392, 1. Quenam olim in publicis conventibus a Christianis fieri solita, 395, 1. Psalmodiæ fructus, 107, 2.

DOMINICA X POST PENTECOSTEN.

DEUS, GRATIAS AGO TIBI, *Luc. xviii.* Peccavit hic Phariseus contemnendo alium. Semper nos ipsos debemus considerare, non aliorum defectus, 575, 1; 186, 2.

PROPTIUS ESTO MIHI PECCATORI. Quomodo nos semper debeamus maximos peccatores existimare, et quo sensu hoc sit verum, 187, 2. Omnes debemus existimare nobis superiores, 21, 1, 2.

OMNIS QUI SE EXALTAT. — *Vide notata de humilitate et superbia Domini, III Advent. et Domini, infra Octav. Ven. Sacra-*

menti, et in Indice rerum verbo Humilitas, et verbo Superbia.

DOMINICA XI POST PENTECOSTEN.

ADDUCUNT EI SURDUM ET MUTUM, *Marc. vii.* Designat hic peccatorem, ejusque miserum statum. Peccatoris descriptio, 100, 2. Peccatoris reprehensio amittentis primam innocentiam, 108, 1. Peccatum cælum et terram inficit, 520, 1. Est radix amaritudinis, 503, 1. — *Vide plura in Indice rerum verb.* Peccator, Peccatum. Peccata sunt onera gravissima, 573, 1.

APPREHENDIT EUM DE TURBA SEORSUM. Christus hominem a se fugientem apprehendit, 376, 1.

EXPUENS TETIGIT LINGUAM EJUS. Sacramenta, quæ sunt externa signa, nobis merita Christi applicant, sicut Christus hic suo tactu corporali sanat, 456, 2.

ET LOQUERATUR RECTE. De lingua moderanda ac frænanda. — *Vide notata in festo Pentecostes.*

BENE OMNIA FECIT. Tria bona per Christum accepimus, 460, 1. Cælum et terra docent nos Dei amorem erga homines, 49, 2. Ex creaturis potuerunt Gentiles unum Deum agnoscere, *ibid.*

DOMINICA XIII POST PENTECOSTEN.

DILIGES DOMINUM DEUM TUUM, PROXIMUM AUTEM, etc., *Luc. x.* Præceptum hoc explicatur, 221, 2. De dilectione proximi, *ibid.* Lex dilectionis proximi impletur portando onera proximi, 111, 2. Proximi dilectio involvit Dei dilectionem, 221, 2 et seqq. ejus fructus, 223, 1. Dilectio quomodo sit summa legis, *ibid.* De charitate in genere, 378, 1. et *toto cap.* Sine charitate nihil boni esse potest, 380, 1. Sedecim conditiones charitatis in proximum, quas explicat ibi D. Chrysostomus, 382, 1, 2. Charitatis præeminentia præ aliis virtutibus, 379, 1. Charitas est vinculum perfectionis, 105, 2. est tunica inconsutilis Christi, *ibid.* est vinculum et unio membrorum Ecclesiæ, 635, 2 et seqq. ejus debitum est perpetuum, 231, 1.

INCIDIT IN LATRONES. Per hunc hominem mystice quidam intelligunt naturam humanam sauciata et per Christum reformatam, 70, 2 et seqq.

DOMINICA XIII POST PENTECOSTEN.

OCURRERUNT EI DECEM VIRI LEPROSI, *Luc. xvii.* Lepra est morbus contagiosus, sic etiam peccatum. De vitando malo consortio, 460, 1. Vita cum impiis non caret culpa, 483, 2. Peccati foeditas, 498, 1, 2. Peccatum est radix amaritudinis, 503, 1. Sicuti malum consortium hominem depravat, ita e contra magnam vim habet bonum exemplum ad virtutem, 459, 2 et seqq.

OSTENDITE VOS SACERDOTIBUS. De dignitate ministrorum novi Testamenti, 483, 1. De sacerdotii Christi præstantia præ Aaronico ob septem rationes, 408, 1, et *toto cap.*

GRATIAS AGENS. Deo semper debemus esse grati, 660, 2. Duo tituli quibus Deo debemus gratias, *ibid.* Gratiarum actio semper usurpanda, 248, 2.

DOMINICA XIV POST PENTECOSTEN.

NEXO POTEST DUOBUS DOMINIS SERVIRE, *Matth. vi.* De duplici et contrario regno, peccati scilicet et justitiæ, 112, 1. Item duplex regnum, Dei et peccati, 115, 1. Spiritus Dei et mundi sunt sibi contrarii, 263, 2.

NE SOLLICITI SITIS QUID MANDUCETIS. Egregia res est scire se moderate gerere in paupertate, et in divitiis, 66, 1, 2. Natura paucis est contenta, 65, 2. Angelis similes sunt qui paucis sunt contenti, *ibid.*

QUÆRITE PRIMUM REGNUM DEI, ET JUSTITIAM EJUS. Omnia nostra ad obsequium Dei esse facienda, 231, 2; 850, 1. Gratia Dei quanti sit facienda, 244, 2. Exemplo Pauli omnia contemnenda ut Christum lucremur, 43, 2. Deo servire debemus, quia est sibi et nobis sufficiens, nullæ autem divitiæ sufficere nobis possunt, 65, 1.

DOMINICA XV POST PENTECOSTEN.

DEFUNCTUS EFFEREBATUR, *Luc. vii.* De morte et mortificatione hujus vitæ, *103, 2. Quomodo mori sit lucrum, *11, 2. Sancti quomodo ad mortem aspiraverint, *12, 1; *14, 1. Quomodo mortem formident, quomodo non, 447, 2. Mors quare vocetur resolutio, *309, 1. Piis non est timenda, 2; *375, 1. Est per se horribilis, et unde, *374, 2. Mortis bona, *375, 2. Orandum pro mortuis, *130, 1.

Hic adolescens in adolescentia moritur. Quomodo semper sit vigilandum, 244, 1; *137, 2. Vigilantiæ exempla, 224, 1; *137, 2 et seqq.

NOLI FLERE. Mortuos moderate esse lugendos, *12, 1.

DOMINICA XVI POST PENTECOSTEN.

SABBATO. Sabbati cultus fuit etiam in lege naturæ, *386, 1. Sabbatum mystice significat quietem, *386, 2 et seqq.

De requie spirituali quam significat, *386, 1.

CUM INVITATUS FUERIS AD NUPTIAS. Convivia Christianorum sobria solebant esse, 659, 2 et seqq.

RECUMBE IN NOVISSIMO LOCO. — *Vide notata de humilitate Dom. III Advent. et Dom. X post Pentecost.*

DOMINICA XVII POST PENTECOSTEN.

De hoc præcepto charitatis *vide notata Dom. XII.*

DIXIT DOMINUS DOMINO MEO. De Christi divinitate *vide notata in festo Nativitatis Domini.*

DOMINICA XVIII POST PENTECOSTEN.

CONFIDE, FILI, *Matth. ix.* In Deo semper sperandum, *316, 2. Spei et fortitudinis exempla, *406, 1. De spei anchora, 2.

CUM VIDISSET COGITATIONES EORUM. Solus Deus novit occulta cordium, 279, 1. Christus videt omnes motus naturæ et gratiæ, ac cogitationes omnes, *389, 2.

QUID EST FACILIUS DICERE, etc. Remissio peccatorum quo sensu a solo Christo, *456, 2. Peccator per se non potest resurgere, et quomodo Deus in homine operetur velle, ac cooperetur libero arbitrio, *34, 2 et seqq. *ubi multa de libero arbitrio.* Peccatorum remissio est donum cælestis, *400, 1. In conversione peccatoris mira Dei potentia elucet, 596, 1.

TURBÆ TIMUERUNT. Una ex præcipuis causis quare debeamus timere, est incertitudo salutis nostræ. Debemus ergo salutem nostram operari cum metu et tremore, *31, 2. Hujus timoris justæ causæ sunt sex, 82, 1. Quomodo hic timor sit comparandus, *33, 1.

DOMINICA XIX POST PENTECOSTEN.

FECEIT NUPTIAS FILIO SUO, *Matth. xxii.* Quomodo Ecclesia, et quævis anima sit sponsa ac Christo desponsata, 489, 2 et seqq. Perfectissime anima desponsatur per votum virginitalis, 491, 1, *ubi multa egregia documenta de Virginitate.*

AMICE, QUOMODO HUC INTRASTI? Amicitiae quatuor effectus, 464, 9.

NON HABENS VESTEM NUPTIALEM. Quia per vestem nuptialem intelligitur charitas. — *Vide notata Dom. XII post Pentecost.* Externa virtus, est indumentum hominis Christiani, 226, 1. Quid sit Christum induere, *ibid.*

IN TENEBRAS EXTERIORES. Memoria ignis inferni est remedium contra omnes tentationes, *144, 1. Gravitas peccatorum inferni, 2.

DOMINICA XX POST PENTECOSTEN.

CUJUS FILIUS INFIRMABATUR, *Joan. iv.* Sicuti hic pater curam habet de corporali salute filii: ita parentes curam debent habere de salute animæ liberorum. De parentum officio erga liberos, 670, 2. Liberis quantum prosit parentum pietas, *372, 1.

RELIQUIT EUM FEBRIS. Morborum origo, *376, 2. Christus et Adamus in statu innocentie nullis morbis erant obnoxii, *ibid.* Febris spiritualis est avaritia. — *Vide de ea notata Dominica infra octavam Ven. Sacramenti.*

CREDIDIT IPSE. Quia tribulatio et morbus reguli ipsum ad fidem et Christum adduxit, poterit hic agi de tribulatione. Virtus in tribulationibus crescit, 505, 2. Virtus accenditur exemplo infirmorum, *ibid.* Disponunt tribulationes hominem ad omnes virtutes, 92, 1. De tribulatione *vide multa*, 283, 1 et seqq. — *Vide in Indice rerum verb. Tribulatio.*

DOMINICA XXI POST PENTECOSTEN.

PATIENTIAM HABE, *Matth. xviii.* De patientia *vide multa*, *463, 2 et seqq.; *495, 1 et seqq.; *501, 2. Patientiæ doctrina est sublimis, 457, 2. Patientiæ virtus quam sit necessaria, *302, 2. Vera fortitudo consistit in patientia, *73, 2.

SI NON REMISERITIS UNUSQUISQUE FRATRI SUO. De remittendis injuriis, 216, 2 et seqq.; 648, 1. De ultione non quaerenda, 214, 1, 2. Deum oportet imitari in condonandis offensis, 649, 1.

DOMINICA XXII POST PENTECOSTEN.

NON EST TIBI CURA DE ALIQUO, *Matth. xxii.* Acceptio personarum quid sit, et an in Deo reperiatur, 537, 2. Adulatio quam sit perniciosa, *120, 1.

CUJUS EST HÆC IMAGO. Homo est imago Dei, et quasi terrestris Deus, *369, 1. In quo sita sit imago Dei in homine, 641, 1. Imago veri Christiani ac militis armati, 675, 2 et seqq.

REDDITE QUÆ SUNT CÆSARIS, CÆSARI. Christiani non sunt liberi a legibus, 564, 1. Pro principibus orandum, et quare, *194, 1. Principibus quomodo obediendum, et quomodo eos debeamus revereri, *338, 2 et seqq. Justo quomodo lex non est posita, *181, 2. Principibus obedientia debita octo argumentis docetur, 219, 1, 2. Potestas civilis et Ecclesiastica quomodo se habeant inter se, 220, 1.

DOMINICA XXIII POST PENTECOSTEN.

FILIA MEA DEFUNCTA EST, *Matth. ix.* — *Vide quæ de morte notavimus Dom. XI.* Una ex causis cur quidam juvenes moriantur, est inobedientia erga parentes. Poterit ergo hic agi de quarto præcepto, 669, 1 et seqq.

NON EST MORTUA, SED DORMIT. Mors quare vocetur somnus, *129, 2 et seqq.

ANNIS DUODECIM. In fide et in rebus arduis quam constantes debeamus esse, 87, 1.

Corpus nostrum est vas fictile, 440, 1.

FIDES TUA TE SALVAM FECIT. Fidem solam non justificare, sed requiri bona opera, passim docet Apostolus, 60, 1; 562, 1. — *Vide in Indice rerum verb. Fides, Justificatio, Opus, Operari.*

DOMINICA XXIV POST PENTECOSTEN.

PROPTER ELECTOS, *Matth. xxiv.* — *vide notata de prædicatione Domini. Septuages.*

SURGENT PSEUDOCRISTI ET PSEUDOPROPHETÆ. — *Vide de falsis prophetis Domini. VII post Pentecost.*

De judicii die *vide notata Dom. I Adventus.* Judicii dies quam erit horrenda, 58, 1. Christi judicantis ad peccatorem reprobatio, *ibid.* Terror Judicii ad constantiam animat, *456, 2. Christus ob duas causas in die Judicii erit omnibus admirationi, *146, 1. — *Vide etiam cetera Rerum verb. Judicium.*

IN DEDICATIONE ECCLESIAE.

SUSCEPIT ILLUM GAUDENS, *Luc. xix.* Hospitalitatis laudes et fructus, *513, 1, 2.

Vide de templo notata Dom. IX post Pentecost. Christus est fabricator domus Ecclesie, *380, 1. Oratio quæ fit in ecclesia, melior est ea quæ fit domi, *204, 2.

Decorus ordo in ecclesia Paulo fuit curæ, 397, 2. Conventus publicos commendat Paulus, *460, 1.

IN FESTO APOSTOLORUM PETRI ET PAULI.

TU ES PETRUS, *Matth.* xvi. Quomodo Christus sit fundamentum Ecclesiæ, quomodo Apostoli, 607, 1. De Petri primatu, *item* de Pontifice Romano, *vide notata Dom. IV post Pentecost.* Petrus est Christi vicarius, *420, 1. Poterit hic etiam refelli impia calumnia hæreticorum falsissime asserentium Pontificem Romanum esse Antichristum, *450, 2 et seqq.

VOS AUTEM QUEM ME ESSE DICITIS? Christiani debent aliis præluere, *37, 1. Quomodo debeant spiritualiter esse mortui, *402, 1 et seqq.

CARO ET SANGUIS NON REVELAVIT TIBI. In vocatione Dei caro et sanguis non sunt consulendi, 522, 2.

QUODCUMQUE LIGAVERIS. Excommunicationis vis, finis, antiquitas et potestas excommunicandi penes quos sit, 286, 2. De indulgentiis, 427, 2; *80, 2. Petrus an vere a Paulo fuerit reprehensus, 529, 1.

De S. Pauli natura, vocatione, sapientia, virtutibus, etc. *vide prolegomena auctoris.*

IN FESTO S. MICHAELIS.

ANGELI EORUM, *Matth.* xviii. Christus an meruerit angelis gratiam, 597, 2. Angelorum venerationem non damnat Paulus, *94, 1. Angeli sunt ministri Dei, *362, 2. Mittuntur etiam ad reprobos, *ibid.* Quid debeamus angelis custodibus, *363, 1. An omnes mittantur, 2.—*Vide plura in Indice rerum verb.* Angelus.

IN FESTO OMNIUM SANCTORUM.

BEATI PAUPERES, *Matth.* v. Opum contemptum multa

nobis suadent, *257, 1. Christus venit consolari pauperes et humiles, *514, 2.

BEATI MITES. De virtute mansuetudinis, *296, 2.

BEATI QUI LUGENT. *Vide notata Domin. III post Pascha.*

BEATI QUI ESURIUNT ET SITIUNT JUSTITIAM.—*Vide de justitia notata Dom. IV post Pentecost.*

BEATI MISERICORDES.—*Vide notata de eleemosyna Dom. IV Quadrag.* In operibus misericordiæ requiritur maxime hilaritas, 208, 1, 2; 476, 2.

BEATI MUNDO CORDE. Mundo corde sunt, qui habent bonam conscientiam.—*Vide notata de bona conscientia Dom. Passionis.*

BEATI PACIFICI.—De pace *vide notata Dominica in Albis.* De concordia, *Domin. III Quadrag.*

BEATI QUI PERSECUTIONEM PATIUNTUR.—*Vide quæ sunt notata de tribulatione Domin. XX post Pentec.* Sanctis suæ tribulationes sunt decretæ, *484, 1. Eas amare est signum magnæ perfectionis, *ibid.* Quam sint utiles, *371, 2. Persecutionum et laborum condimenta sunt promissa Dei, *406, 1.

Sancti quomodo judicabunt in die judicii, 291, 2. Quomodo pro nobis intercedant, *198, 1. Sanctorum cultus non est Christo injurius, *343, 1. Sanctorum gloria est incomprehensibilis, *146, 1. Perveniant ad illam gloriam ante diem judicii, *491, 2. Sanctorum vita quomodo hic sit abscondita, *103, 1.

IN FESTO ANIMARUM.

MORTUI AUDIENT VOCEM FILII DEI, *Joan.* v.—De die judicii *vide notata Dom. I Adventus.* De resurrectione nostra *vide notata in festo Paschæ.*

Veritas et existentia Purgatorii, 271, 1 et seqq. Pro mortuis orandum, *130, 1.

FINIS.

MENDÆ : Pag. 49, 1 col., lin. 43, *lege* : מדרותא.

— *Ibid.* ib. — 44, — מרד.

— 312, 1 col., — 6, — est potestativa.

— 331, 2 — — 32, — *conjectio legendum* : velint cedere et tacere, sed nolint.

— 388, 1 — — 53, — Nonnus, cum ita.

— 389, 2 — — 54, — Ἡλίας.

— 424, 1 — — ult. — et quidem ab.





